


STYVA CONINACREIDT










БІБЛІОТЕКА  
ГР. КАТ. КАПІТУЛИ  
в Чернівцях  
658 *inb.*







M. D. LXXXVI.



SVMMMA  
DIVI THOMAE  
AQUINATIS  
CONTRA GENTILES  
T. I. P. 2.

FRANCISCI DE S. J. V. S. T. I. S.  
S. J. V. S. T. I. S.  
S. J. V. S. T. I. S.  
S. J. V. S. T. I. S.  
S. J. V. S. T. I. S.

*Handwritten notes in Latin script, likely a library or ownership mark.*



*Handwritten notes in Latin script, likely a library or ownership mark.*

SVMMMA  
DIVI THOMAE  
AQUINATIS  
CONTRA GENTILES  
T. I. P. 2.



# SANCTISSIMO PATRI, CLEMENTI VII. PONTIFICI MAXIMO.

*Frater Franciscus de Syluestris, Ferrariensis, ordinis  
Prædicatorum. S. P. D.*



**N** E o (sanctissime Pater) tam sapiens est, quin alienæ operæ, alienique laboris indigeat. Beatissimus quippe is dicendus esset, qui solus sibi ipsi sufficeret, suoque sibi ingenio omnem posset scientiam comparare: sed humanæ vitæ imbecillitas tantam felicitatem non capit. Quare, amplissimæ iis habendæ sunt gratiæ, qui nostræ institutionis causa sese in rerum investigatione exercuerunt, suæque inuēta in aliorum cōmodum litteris cōmendarunt. Nam dum sibi scribendi desumpserunt curam, reliquos bonarum artium studiosos, improbo quodam & admodum graui labore, magnaque animi anxietate, leuarunt. Fuere autē hi profecto quamplurimi. Sed vt Platonem, Aristotelem, Augustinum, Hieronymū, ceterosque antiquiores, qui famigeratissimi sunt, præteream, Thomas Aquinas diuino vir ingenio, atque (vt ita dixerim) omnium horarum homo, tantum olei in nostram vtilitatem consumpsit, vt parem illi in quouis scientiarum genere non facile alium reperias. Nam tam acutē de natura, tam diligenter de moribus, tam sapienter de rebus diuinis disseruit, vt si eius libros (qui ferme innumeri sunt) familiares habeas, nihil sit vltra quod scire desideres. Adde quod ea omnia quæ diuinē tractauit, mira quadam dicendi facilitate perscripsit, tamque videre animo, quam ea quæ oculis cernuntur, facit. Per eam si vnquam vel neglectam ab eo schedulam legerim, quæ non me in eius admirationem pertraxerit. Nunquam enim Thom. Aquinatem conueni, quin abierim doctior, eiusve amantior. At quanquam multa solertissime disputauit, quibus (absit inuidia verbo) ipsis etiam scientiarum authoribus præstat, in istis ipsis tamen libris quos aduersus Gentium errores inscripsit, se ipsum quoque visus est superasse. Proh Deum immortalem: quid Christianæ reipublicæ, quid nostræ fidei, quid humanæ, diuinæque philosophiæ, splendidius, luculentius, vt illiusve afferri potuit? Vt enim suis eos coloribus pingam, sunt eruditi, sunt ingeniosissime elaborati, & ita diuini, vt qui eos diligenti studio perlegerit, sibi ipsi constanter polliceri queat, se cum philosophorum, tum hæreticorum omnium, perditissimi præsertim hominis, ne dicam immanissimæ belluæ, Martini Lutheri (qui sub hanc nostram ætatem Christianæ fidei nitorem fœdus omnibus, qui vnquam ab orthodoxa republica desceuerunt, commaculauit) & maledicta extinguere, & argumenta refellere quam facillimè posset. Quo fit, vt in eam, quam plerique probant, opinionem adducar, tunc huiusce operis anxiam curam tenuisse Thomam, quam ab Ludouico Francorum rege conuiuio familiariter exceptus, quasi è profundo experrectus somno, esse contra Manichæos conclusum asseuerauit. Tanto nanque ardore animi in hostes fidei ferebatur ruebatque, vt in ea mentis cogitatione, qua pila, tela, ictus, quibus eos feriret, vestigabat, sibi ipsis sensus constare non possent. Hosce ego libros posteaquam sapissimè legi, legendoque prope detriui, quum succi admodum plenos offendissem, explicare in animum induxi meum. Nam quum cætera diui Thomæ opera plerique ætatis nostræ doctissimi viri, sed in primis Thomas Caietanus, omnium ingeniosissimus hominum, Cardineus confessus, nedum familiæ nostræ Prædicatoriæ insigne ornamētum, suis commentationibus illustrarit, vnus hic, qui contra Gentes inscribitur liber, iacebat, nullusque ad eum illustrandum apponebat manum. Quare ne solus neglectus, incultus, desertusque esset, quod mihi virium fuit, id omne in eo exornando profudi, non eo sane consilio, quod tam excelsò præclaroque operi parem me præstare diligentiam posse considerem, sed eo instituto, vt iis qui Thomæ doctrinam obseruant, & aliquo prosequi desiderant officio, præmonstrarem, quæ ille nobis inuigilauit, tam excocta esse quam succulenta, ac planè talia, vt in illis suum quisque possit ingenium exercere. Cæterum quum mecum ipse cogitatione conquirerem cui hosce meos Commentarios nuncuparem, hucque atque illuc traheretur animus, ipsa sese mihi tua Sanctitas obtulit, cui iure optimo deberi viderentur. Nam quum hunc ipsum librum ad expurgandam omni sorde Christianam fidem Diuus Thomas ediderit, cui honestius, quam Clementi septimo Pontifici Maximo, dicandi erant? Quum enim Pontificum Regumque omnium maximus sis, atque idcirco totius reipublicæ Christianæ moderator, tui munus est, quid Christianæ fidei conueniat, quidve illi repugnet, obsterque decernere: quo sane efficitur vt mihi persuadere possim, nulla me ex parte à Christiana fide in hoc opere concidisse, si abs te fuerit comprobatum. Hoc ipsum quoque mihi certo polliceri possum, si quid errauero, te mihi errata omnia facile condonaturum, quippe quod non solum Clemens, verum etiam clementissimus sis. Sed & illud me magnopere recreat, quod cum acerrimo omnibus in rebus sis iudicio, hæc meas enarrationes probabunt multi, dum eas sub tuo nomine publicatas viderint, qui alioqui fortasse damnassent. Nihil enim tanto Pontifici, qui rerum omnium experientissimus sit, dicandum fuisse existimabunt, quod non sit omni cura, studio, diligentia excultum atque perfectum, sicque ego de tua maiestate, deque excelsò ingenio tuo, maximam mihi laudem ac gloriam comparauero. Inuenietur fortè in hisce meis Commentariis quod non omnibus placeat (hæc est enim humani ingenij conditio, vt quod vnus probat, alteri displiceat) sed tamen sum mihi ipse testis, nihil à me in hoc opere enarratum esse, quod non ex Thomæ sententia fuisse crediderim. Quod sanè si assecutus fuero, nunquam me laboris mei poenitebit: sin minus, hoc mihi saltem consolationis loco ponam, quod hisce meis fortasse ineptiis, literarum studiofis conquirendæ veritatis occasionem præstiterim. Accipito itaque (Pontifex Maxime) hanc mearum vigiliarum partem, quosque nomini tuo Cōmentarios nuncupauit, eo animo suscipito, quo trado. Hoc enim mihi in maximis lucris posuerim, si eos sanctitati tuæ vel mediocriter fuisse gratos intellexero. Vale perpetuo felix.

Bononiæ, Calendis Sextilibus, M. D. XXIIII.

Contra Gent.

† 2

IOAN-





# IOANNIS BAPTISTÆ EGNATII

## DE DIVO THOMA AQUINATE

### ELOGIVM.

**I**ANTA semper Aquinatis Thoma in omni scriptorum genere authoritas fuit ijs tuenda augendaq; Christiana pietatis ardor, ea vita puritas ac sanctitas, ut à Divis Petro & Paulo, reliquisque nostrae religionis heroibus, aut primus, aut si quis non facile hoc concesserit ut non primum eum censeat, nulli saltem primi post Petrum ac Paulum, omnes cum Thoma secundi numerari debeant. Quo magis admirari saepe soleo quos hodie, seu arrogantia, seu potius mentis insania laborantes, qui Divo Thoma hanc palmam inuideant, quasi vero plus uni fraterculo terrae plane filio, quam nobilissimo Thoma credere par sit, aut eam ingenij felicitatem, eam indolem, id ab ineunte aetate studium, eam vitae integritatem, cum hominis hac infantia, cum ea ignavia, cum ea bonarum omnium artium imperitia, cum ea denique vitae impuritate conferre habeas, & quod plus doleas, non solum ille sibi insanus id persuasit, sed si dijs etiam placet, habet etiam è nostris amatores, qui hanc tantam contumeliam, hanc tam grauem iniustam notam viro sanctissimo aquo animo patiantur. Quanquam quid dico patiantur? immo potius approbent, Luthero arrideant, & velut è caelo demissum tragicum quendam colant Deum. Caterum, qui peruersitate ingenij transuersi abierint, & alias non desuere, & utinam hac nostra tempestate non multo plures reperias qui hoc vitio insaniant. Ille igitur Aquinas cum infinita alia ingenij fecundissimi ac felicissimi monumenta reliquit, quæ in usum Christiana pietatis elaborauit, tum hoc ipsum quod contra Gentes, seu manus contra Gentiles, inscripsit. Quod opus ad multorum veterum exemplum conscriptum, sic facile excellit, ut nec Græci, nec nostri quicunque in hoc curriculo desudarint, conferri cum Divo Thoma possint. Scripsit contra Gentiles egregium olim volumen Tatianus, scripsit Apollinaris Laodicensis, scripsit hoc penè argumento Septimius Florens Tertullianus Apologeticum, scripsit denique suas Firmianus institutiones, ut omitam innumeros alios: qui omnes si cum Divo Thoma comparentur, oleum & operam perdidisse videri possint. Caterum, seu quod obscurum hoc opus & arduum suo argumento erat, seu quod Christiana pietas intestinis magis vitijs quam externis laboret, ut non querenda sint amplius argumenta in fidei hostes, sed magis in nosipos remedia, vix unum aut alterum inuenisses qui legendo huic operi studium curamq; adhiberet. Alioqui præter alia deesse quoque videbantur multis lenocinia, quæ abhorrentes ab sacrarum literarum lectione doctos non paucos inuitarent, & si qua obscuriora essent, illustrarent: id ne desiderare amplius habeas, Franciscus Syluest. Ferr. ex Predicatoria familia post Caietanum Cardinalem facile princeps, cum doctrina, tum vita sanctimonia effecit, qui Commentarios in hoc opus tam cultos, tam eruditos, tam planos elucubrauit, ut nullus esse excusationi locus possit etiam à sacris literis alienissimo, si non post-hac & libenter hoc opus lectitarit, & in manibus frequenter habuerit. Tu igitur, lector, experiere facile legendo, & probabis non solum Christianam pietatem debere Paulo, Augustino, Hieronymo, Thoma, sed nostræ quoque ætati plurimum, quæ Ferrariensem in hac familia partum tam faustum ediderit, Bene vale.

INCIPIT



# INCIPIT TABVLA CAPITVM LIBRI CONTRA GENTILES.

*Diui Thomæ Aquinatis ordinis Predicatorum: & primò capitum primi libri, apposto  
numero questionum, & foliorum.*

## LIBER PRIMVS.

1.	Quod sit officium sapientis.	folio 1
2.	Quæ sit in hoc opere authoris intentio.	2
3.	Quod in his quæ de Deo confitemur, duplex est veritatis modus.	3
4.	Quod veritas diuinorum ad quam naturalis ratio perti- git, conuenienter hominibus credenda proponitur.	5
5.	Quod ea quæ ratione inuestigari non possunt, conuenien- ter fide tenenda hominibus proponuntur.	6
6.	Quod assentire his quæ sunt fidei, non est leuitatis, quam- uis suprà rationem sint.	8
7.	Quod veritati fidei Christianæ non contrariatur veritas rationis.	9
8.	Qualiter se habeat humana ratio ad veritatem fidei pri- mam.	10
9.	Ordo & modus procedendi sit in hoc opere.	ibid.
10.	De opinione dicentium quod Deum esse demonstrari non potest, cum sit per se notum.	11
11.	Reprobatio præmissæ opinionis, & solutio rationum præ- missarum.	ibid.
12.	De opinione dicentium quod Deum esse demonstrari non potest, sed sola fide tenetur.	13
13.	Rationes ad probandum Deum esse.	14
14.	Quod ad cognitionem Dei oportet uti via remotionis.	19
15.	Quod Deus sit æternus.	20
16.	Quod in Deo non est potentia passiva.	22
17.	Quod Deus non est materia.	23
18.	Quod in Deo nulla sit compositio.	24
19.	Quod in Deo nihil est violentum neque præter naturam.	26
20.	Quod Deus non est corpus.	ibid.
21.	Quod Deus est sua essentia.	32
22.	Quod in Deo idem est esse & essentia.	35
23.	Quod in Deo non est accidens.	36
24.	Quod diuinum esse non potest designari per additionem alicuius differentie substantialis.	38
25.	Quod Deus non sit in aliquo genere.	39
26.	Quod Deus non est esse formale omnium.	42
27.	Quod Deus non sit forma alicuius corporis.	44
28.	Quod Deus est vniuersaliter perfectus.	45
29.	Quomodo in rebus similitudo ad Deum inueniri potest.	46
30.	Quæ nomina in Deo possunt prædicari.	48
31.	Quod diuina perfectio & pluralitas nominum diuinorum diuinæ simplicitati non repugnant.	49
32.	Quod nihil de Deo & aliis rebus vniocè prædicatur.	50
33.	Quod ea quæ de Deo & aliis rebus prædicantur, nõ dicun- tur purè æquiuocè.	53
34.	Quod quæ dicuntur de Deo & creaturis, dicuntur analo- gicè.	54
35.	Quod plura nomina dicta de Deo non sunt synonyma.	57
36.	Quod propositiones quas intellectus noster de Deo for- mat, non sunt vanæ.	58
37.	Quod Deus est bonus.	ibid.
38.	Quod Deus est sua bonitas.	59
39.	Quod in Deo non potest esse malum.	60
40.	Quod Deus est omnis boni bonum.	61
41.	Quod Deus sit summum bonum.	ibid.
42.	Quod Deus est vnus.	62
43.	Quod Deus est infinitus.	65
44.	Quod Deus est intelligens.	68
45.	Quod intelligere Dei est sua essentia.	71
46.	Quod Deus per nihil aliud intelligit quàm per essentiam suam.	72
47.	Quod Deus perfecte intelligit seipsum.	73
48.	Quod Deus primò & per se solum seipsum cognoscit.	74
49.	Quod Deus cognoscit alia à se.	75
50.	Quod Deus habet propriam cognitionem de omnibus re- bus.	76
51.	Rationes ad inquirendum qualiter multitudo intellecto- rum sit in intellectu diuino.	78
52.	Rationes quod huiusmodi multitudo intelligibilium non est nisi in intellectu diuino.	79
53.	Quomodo multitudo intellectuum sit in Deo.	ibid.
54.	Quomodo diuina essentia vna existens sit propria similitu-	

do & ratio omnium intelligibilium.	81
55. Quod Deus omnia simul intelligit.	83
56. Quod in Deo non est habitualis cognitio.	85
57. Quod cognitio Dei non est discursiva.	86
58. Quod Deus non intelligit componendo & diuidendo.	87
59. Quod à Deo non excluditur veritas enunciabilem.	88
60. Quod Deus est veritas.	92
61. Quod Deus est purissima veritas.	ibid.
62. Quod diuina veritas sit prima & summa veritas.	93
63. Rationes volentium subtrahere à Deo cognitionem singu- larium.	94
64. Ordo dicendorum circa diuinam cognitionem.	ibid.
65. Quod Deus cognoscit singularia.	ead.
66. Quod Deus cognoscit ea quæ non sunt.	97
67. Quod Deus cognoscit singularia contingentia futura.	101
68. Quod Deus cognoscit motus voluntatis.	105
69. Quod Deus cognoscit infinita.	106
70. Quod Deus cognoscit vilia.	108
71. Quod Deus cognoscit mala.	109
72. Quod Deus sit volens.	111
73. Quod voluntas Dei sit eius essentia.	113
74. Quod principale volitum Dei est diuina essentia.	ead.
75. Quod Deus volendo se, vult etiam alia.	114
76. Quod Deus vno actu voluntatis se & alia velit.	115
77. Quod volitorum multitudo non repugnat simplicitati di- uinæ substantiæ.	116
78. Quod voluntas diuina ad singularia bonorū se extendit.	117
79. Quod Deus vult etiam ea quæ nondum sunt.	ead.
80. Quod Deus de necessitate vult suū esse & suā bonitatem.	118
81. Quod Deus non de necessitate vult alia à se.	119
82. Rationes contra præmissa, & earum solutiones.	121
83. Quod Deus vult aliquid aliud à se necessitate suppositio- nis.	122
84. Quod voluntas Dei nõ est impossibile secundum se.	123
85. Quod diuina voluntas nõ tollit contingentiam à rebus.	124
86. Quod diuinæ voluntatis potest ratio assignari.	125
87. Quod diuinæ voluntatis nihil potest esse causa.	126
88. Quod in Deo est liberum arbitrium.	ead.
89. Quod in Deo non sunt passionες affectuum.	127
90. Quod in Deo sit delectatio & gaudium.	129
91. Quod in Deo sit amor.	130
92. Quod in Deo ponantur esse virtutes.	133
93. Quod in Deo sunt virtutes quæ sunt circa actiones.	134
94. Quod in Deo sunt virtutes contemplatiuæ.	136
95. Quod Deus non potest velle malum.	137
96. Quod Deus nihil odit.	ead.
97. Quod Deus est viuens.	138
98. Quod Deus est sua vita.	139
99. Quod vita Dei est sempiterna.	ibid.
100. Quod Deus est beatus.	140
101. Quod Deus sit sua beatitudo.	141
102. Quod diuina beatitudo perfectissima est, omnemque aliam beatitudinem excedit.	ibid.

## LIBER SECVNDVS.

1. Continuatio sequentium ad præcedentia.	144
2. Quod consideratio creaturarum utilis est ad fidei instru- ctionem.	146
3. Quod cognitio creaturarum valet ad destructionem erro- rum, qui sunt contra Deum.	147
4. Quod aliter considerat de creaturis philosophus, & aliter Theologus.	148
5. Ordo dicendorum.	149
6. Quod Deo competit esse aliis principium essendi.	ibid.
7. Quod potentia actiua sit in Deo.	150
8. Quod Dei potentia sit eius substantia.	ibid.
9. Quod Dei potentia sit eius actio.	151
10. Qualiter potentia in Deo dicatur.	152
11. Quod de Deo dicatur aliquid relatiuè ad creaturas.	ead.
12. Quod relationes dictæ de Deo ad creaturas non sunt reali- ter in Deo.	154
13. Quod relationes quibus Deus ad res alias refertur, non sunt res extra Deum existentes.	155

Contra Gent.

† 3

Quod



# TABVLA CAPITVM

14	Quod multas relationes dici de Deo non derogat simplici- tati diuinæ.	156	nibus.	246	
15	Quod omnia quæ sunt à Deo sunt.	cod.	74	De opinione Auicennæ qui posuit formas intelligibiles non conferuari in intellectu possibili.	253
16	Quod Deus ex nihilo produxit res in esse.	158	75	Solutio rationū quibus videtur probari vnitas intellectus possibilis.	255
17	Quod creatio non est motus neque mutatio.	161	76	Quod intellectus agens non sit substantia separata, sed ali- quid animæ.	259
18	Quod creatio non potest impugnari per rationes sumptas ex natura motus vel mutationis.	162	77	Quod non est impossibile intellectum possibilem & agen- tem in vna substantia animæ conuenire.	264
19	Quod creatio est absque successione.	163	78	Quod non fuit sententia Aristotelis de intellectu agente quod sit substantia separata, sed magis quod sit aliquid animæ.	267
20	Quod nullum corpus potest creare.	164	79	Quod anima humana corrupto corpore nō corrūpitur.	270
21	Quod solius Dei est creare.	166	80	Rationes probantes animam humanam corrumpi corru- pto corpore.	274
22	Quod Deus sit omnipotens.	170	81	Solutio præcedentium rationum.	275
23	Quod Deus non agit per necessitatem naturæ.	172	82	Quod animæ brutorū animalium nō sunt immortales.	280
24	Quod Deus per suam sapientiam agit.	174	83	Quod anima humana non incipit cum corpore, sed fuerit ab æterno.	284
25	Qualiter Deus omnipotens dicatur quædam non posse.	175	84	Solutio rationum contra superiorem conclusionem.	290
26	Quod diuinus intellectus non coartatur ad determinatos effectus.	176	85	Quod anima non sit de substantia Dei.	292
27	Quod diuina volūtas ad determinatos effectus nō artat.	177	86	Quod anima humana non traducatur cum semine.	293
28	Qualiter in rerū productione debitū iustitiæ inuenitur. ibi.	179	87	Quod anima humana producat in esse à Deo per crea- tionem.	294
29	Qualiter in productione alicuius creaturæ potest debitū iu- stitiæ inueniri in cōparatione posterioris ad priorem.	179	88	Rationes contra determinatam veritatem.	295
30	Qualiter in rebus creatis esse potest necessitas absoluta. eo.	180	89	Responsiones ad prædicta.	296
31	Quod non est necessarium creaturas fuisse ab æterno.	182	90	Quod nulli alij corpori nisi humano vnitur substantia in- tellectualis vt forma.	301
32	Rationes probare volentium æternitatem mundi ex parte Dei acceptæ.	183	91	Quod sunt aliquæ substantiæ intellectuales corporibus non vnitæ.	303
33	Rationes ex parte creaturarum sumptæ.	184	92	De multitudine substantiarum separatarum.	307
34	Rationes sumptæ ex parte factionis.	cod.	93	Quod substantiæ separata nō sunt multæ vnus speciei.	310
35	Solutio rationum sumptarum ex parte Dei.	185	94	Quod substantia separata & anima nō sunt vnus speciei.	312
36	Solutio rationum sumptarum ex parte rerum factarum.	186	95	Quomodo accipiat genus & species in substantiis sepa- ratis.	313
37	Solutiones rationū semptarū ex parte factionis rerum.	187	96	Quod substantiæ separata non accipiunt cognitionem ex sensibilibus.	315
38	Rationes quibus conantur aliqui ostendere mundum non esse æternum, & solutiones earum.	188	97	Quod intellectus substantiæ separata semper intelligit actū.	319
39	Quod distinctio rerum non est casu.	190	98	Quomodo vna sua substantia separata intelligit aliam.	320
40	Quod materia non est prima causa distinctionis rerum.	191	99	Quod substantiæ separata cognoscunt materialia.	329
41	Quod distinctio rerum non est propter contrarietatem pri- morum agentium.	cod.	100	Quod substantiæ separata cognoscunt singularia.	330
42	Quod causa distinctionis rerum non est secundorum agen- tium ordo.	193	101	Vtrum substantiæ separata naturali cognitione cognoscant omnia simul.	332
43	Quod distinctio rerum non est per aliquem angelum in- ducentem in materiam diuersas formas.	194		LIBER TERTIVS.	
44	Quod distinctio rerum non processit ex meritorum vel de- meritorum diuersitate.	195	1	Proœmium.	335
45	Quæ sit prima causa distinctionis rerū secundū veritatē.	197	2	Quod omne agens agit propter finem.	336
46	Quod oportuit ad perfectionem vniuersi esse aliquas na- turas intellectuales.	198	3	Quod omne agens agit propter bonum.	338
47	Quod substantiæ intellectuales sunt volentes.	199	4	Quod malum est præter intentionem in rebus.	339
48	Quod substantiæ intellectuales sunt liberi arbitrij.	201	5	Rationes contra determinatam veritatem.	341
49	Quod substantia intellectualis non sit corpus.	202	6	Solutio rationum præmissarum.	ibid.
50	Quod substantiæ intellectuales sunt immateriales.	203	7	Quod malum non est aliqua natura.	344
51	Quod substantiæ intellectuales non sunt formæ materia- les, sed subsistentes.	204	8	Rationes contra præmissam conclusionem.	345
52	Quod in substantiis intellectualibus creatis differt esse & quod est.	205	9	Responsio ad prædictas obiectiones.	cod.
53	Quod in substantiis intellectualibus creatis est actus & po- tentia.	207	10	Quod causa mali est bonum.	347
54	Quod non est idem compositio, materia, & forma, & ex substantia & esse.	cod.	11	Quod malum fundatur in aliquo bono.	351
55	Quod substantiæ intellectuales sunt incorruptibiles.	208	12	Quod malum non totaliter consumit bonum.	352
56	Vtrum substantia intellectualis possit corpori vniri, & per quem modum.	213	13	Quod malum habet aliquo modo causam.	354
57	Positio Platonis de vnione animæ intellectualis ad corpus.	215	14	Quod malum est causa per accidens.	ibid.
58	Quod nutritiua & sensitiua & intellectiua non sunt in ho- mine tres animæ.	217	15	Quod non est summum malum, quod sit omnium malo- rum principium.	355
59	Quod intellectus possibilis hominis non est substantia sepa- rata.	220	16	Quod finis cuiuslibet rei est bonum.	ibid.
60	Quod homo non sortitur speciem per intellectum passiuum, sed intellectum possibilem.	224	17	Quod omnia ordinantur in vnum finem, qui est Deus.	356
61	Quod prædicta positio est contra sententiā Aristotelis.	228	18	Quomodo Deus sit finis omnium.	357
62	Contra opinionem Alexandri de intellectu possibili.	229	19	Quod omnia intendunt assimilari Deo.	358
63	Quod anima non sit complexio, vt posuit Galenus.	231	20	Quomodo res imitentur diuinam bonitatem.	359
64	Quod anima non sit armonia.	232	21	Quod res intendunt assimilari Deo in hoc, sunt causa.	362
65	Quod anima non sit corpus.	cod.	22	Quomodo diuersimodè res ordinantur ad suos fines.	363
66	Contra ponentes intellectum & sensum esse idem.	233	23	Quod cælū mouetur ex aliqua intellectuali substantia.	365
67	Contra ponentes intellectum possibilem esse imaginationem.	235	24	Quod oīa appetūt bonum, etiā quæ cognitione carent.	369
68	Qualiter substantia intellectualis possit esse forma corpo- ris.	cod.	25	Quod intelligere Deum, est finis omnis intellectualis sub- stantiæ.	370
69	Solutio rationum quibus supra probatur quod substantia intellectualis non potest vniri corpori vt forma.	239	26	Quod felicitas in actu voluntatis non consistit.	373
70	Quod secundum dicta Aristot. oportet ponere intellectum vniri corpori vt forma.	241	27	Quod felicitas humana non consistit in delectationibus corporalibus.	380
71	Quod anima immediatè vnitur corpori.	243	28	Quod felicitas hominis non consistit in honoribus.	382
72	Quod anima sit tota in tota, & tota in qualibet parte.	245	29	Quod felicitas hoīs non consistit in gloria mundana.	cod.
73	Quod intellectus possibilis non est vnus in omnibus homi- nibus.	246	30	Quod felicitas hominis non consistit in diuitiis.	383
			31	Quod felicitas humana nō cōsistit in potētia mūdāna.	cod.
			32	Quod felicitas non consistit in bonis corporis.	384
			33	Quod felicitas humana non cōsistit in parte sensitiua.	cod.
			34	Quod vltima hominis felicitas non consistit in actibus virtutum	



virentum moralium.	385	87	Quod motus celestis corporis non sunt causa electionum nostrarum ex virtute animæ mouentis.	485
35 Quod vltima felicitas non sit in actu prudentiæ.	386	88	Quod substantiæ separatae creatæ non possunt esse causa directe electionum & voluntatum nostrarum.	487
36 Quod felicitas non consistit in operatione artis.	cod.	89	Quod motus voluntatis causatur à Deo, & non solum à voluntate.	489
37 Quod vltima felicitas hominis consistit in contemplatione Dei.	ibid.	90	Quod electiones & voluntates humanæ subduntur diuinæ prouidentia.	490
38 Quod humana felicitas non consistit in cognitione Dei, quæ communiter habetur à pluribus.	387	91	Quomodo res humanæ ad superiores causas reducatur.	492
39 Quod felicitas humana non consistit in cognitione Dei quæ habetur per demonstrationem.	388	92	Quomodo dicitur aliquis bene fortunatus, & quomodo adiuuatur homo ex superioribus causis.	cod.
40 Quod felicitas humana non consistit in cognitione Dei quæ est per fidem.	390	93	De fato an sit, & quid sit.	496
41 Quod homo non potest in hac vita cognoscere substantias separatas per studium & inquisitionem scientiarum speculatiuarum, vt voluit Auempace.	392	94	De certitudine diuinæ prouidentia.	497
42 Quod non possumus in hac vita intelligere substantias separatas, sicut posuit Alexander.	394	95	Quod immobilitas diuinæ prouidentia vtilitatem orationis non excludit.	501
43 Quod non possumus intelligere in hac vita substantias separatas, sicut posuit Auerrois.	396	96	Quod petitiones orantium nō semper admittuntur à Deo.	502
44 Quod vltima felicitas hominis non consistit in cognitione substantiarum separatarum, qualem prædictæ opinionēs fingunt.	399	97	Quomodo dispositio diuinæ prouidentia habeat rationē.	504
45 Quod non possumus aliquo modo in hac vita intelligere substantias separatas.	400	98	Quomodo Deus possit, aut non possit facere præter ordinem suæ prouidentia.	507
46 Quod aīa in hac vita nō intelligit seipsam per seipsam.	403	99	Quod Deus potest operari præter ordinem rebus indicum producendo effectus absque causis propriis.	508
47 Quod nō possumus in hac vita videre Deū per essentia.	406	100	Quod ea quæ Deus facit præter naturæ ordinem, non sunt contra naturam.	511
48 Quod vltima felicitas hominis non sit in hac vita.	407	101	De miraculis.	512
49 Quod substantiæ separatae non vident Deū per essentiam, ex hoc quod cognoscunt eum per suas essentias.	409	102	Quod solus Deus potest miracula facere.	512
50 Quod in naturali cognitione quam habent substantiæ separatae de Deo, non quiescit eorū naturale desiderium.	412	103	Quod substantiæ spirituales aliqua miracula operantur, quæ tamen non sunt verè miracula.	518
51 Quomodo Deus per essentiam videatur.	413	104	Quod opera magorum non sunt solum ex impressione celestium corporum.	519
52 Quod nulla creata substantia potest sua naturali virtute peruenire ad videndum Deum per essentiam.	415	105	Vnde magorum operationes efficaciam habeant.	522
53 Quod intellectus creatus indiget aliqua influentia diuini luminis ad hoc quod Deum per essentiam videat.	417	106	Quod substantia intellectualis quæ præstat efficaciam magicis operibus, non est bona.	524
54 Rationes contra prædictam determinationem, & earum solutiones.	418	107	Quod substantia intellectualis cuius auxilio magicæ artes vtuntur, non est mala secundum suam naturam.	525
55 Quod intellectus creatus non comprehendit diuinam substantiam.	420	108	Rationes quod in demonibus nō possit esse peccatum.	527
56 Quod nullus intellectus creatus videndū Deum videt omnia quæ in ipso videri possunt.	422	109	Quod in demonibus possit esse peccatum, & qualiter.	528
57 Quod omnis intellectus cuiuscunque gradus particeps esse potest diuinæ visionis.	425	110	Solutio rationum præmissarum.	533
58 Quod vnus alio perfectius Deum videre potest.	cod.	111	Quod speciali quadam ratione creaturæ rationales diuinæ prouidentia subduntur.	536
59 Quod videntes diuinam substantiam, omnia videant aliquo modo.	426	112	Quod creaturæ rationales gubernantur propter seipsas, alia verò in ordine ad eas.	537
60 Quod videntes Deum, omnia simul vident in ipso.	428	113	Quod rationalis creatura dirigitur à Deo ad suos actus non solum secundum ordinem ad speciem, sed etiam secundum quod congruit indiuiduo.	539
61 Quod per visionē Dei aliquis sit particeps vitæ æternæ.	429	114	Quod diuinitus hominibus leges dantur.	541
62 Quod videntes Deum, in perpetuum eum videbunt.	430	115	Quod lex diuina principaliter ordinat hominē in Deū.	542
63 Qualiter in illa vltima felicitate omne desiderium hominis completur.	433	116	Quod finis legis diuinæ est dilectio Dei.	cod.
64 Quod Deus sua prouidentia gubernat vniuersa.	435	117	Quod lege diuina ordinatur ad dilectionem proximi.	543
65 Quod Deus conseruat res in esse.	437	118	Quod per diuinā legē homines ad rectā fidē obligantur.	544
66 Quod nihil dat esse nisi inquantū agit in virtute diuina.	440	119	Quod per quædā sensibilia mēs nostra dirigitur in Deū.	545
67 Quod Deus est causa operandi omnibus operantibus.	441	120	Quod patriæ cultus soli Deo est exhibendus.	546
68 Quod Deus est vbique, & in omnibus rebus.	443	121	Quod diuina lex ordinat hominem secundum rationem circa corporalia & sensibilia.	549
69 De opinione eorum qui rebus naturalibus proprias subtrahunt actiones.	447	122	Qua ratione fornicatio simplex secundum legem diuinam sit peccatum: & quod matrimonium sit naturale.	550
70 Quomodo idem effectus sit à Deo & à naturali agente.	451	123	Quod matrimonium debeat esse indiuisibile.	552
71 Quod diuina prouidentia non excludit totaliter malum à rebus.	453	124	Quod matrimonium debeat esse vnius ad vnam.	553
72 Quod diuina prouidentia non excludit contingentiam à rebus.	455	125	Quod matrimonium non debeat fieri inter propinquos.	555
73 Quod diuina prouidentia non excludit arbitrij libertatē.	456	126	Quod non omnis carnalis commixtio est peccatum.	556
74 Quod diuina prouidentia nō excludit casum & fortunā.	437	127	Quod nullus cibi vsus est peccatum secundum se.	cod.
75 Quod prouidentia diuina sit singulariū contingentium.	459	128	Quomodo fm legē Dei homo ordinatur ad proximum.	557
76 Quod prouidentia Dei sit singularium immediatē.	461	129	Quod in actibus humanis sunt aliqua recta secundum naturam, & non solum quasi lege posita.	559
77 Quod executio diuinæ prouidentia sit mediantibus causis secundis.	463	130	De consiliis quæ dantur in lege diuina.	560
78 Quod mediantibus creaturis intellectualibus alia creaturæ reguntur à Deo.	464	131	Rationes impugnantium voluntariam paupertatem.	561
79 Quod substantiæ intellectuales inferiores reguntur per superiores.	465	132	Rationes impugnantium particulares modos viuendi in paupertate.	cod.
80 De ordinatione angelorum ad inuicem.	466	133	Quomodo paupertas sit bona.	565
81 De ordinatione hominum ad inuicem & ad alia.	470	134	Solutio rationū supra inductarum contra paupertatem.	564
82 Quod corpora inferiora reguntur à Deo per superiora.	472	135	Solutiones obiectionum contra particulares modos viuendi in paupertate.	565
83 Epilogus prædictorum.	474	136	De errore eorū qui perpetuā continentiam impugnant.	568
84 Quod corpora celestia nō imprimāt intellectus nostros.	475	137	Contra eos qui matrimonium virginitati æquabant.	570
85 Quod corpora celestia non sunt causæ voluntatum & electionum nostrarum.	478	138	De errore eorum qui vota impugnant.	cod.
86 Quod corporales effectus in istis inferioribus non sequuntur ex necessitate à corporibus celestibus.	482	139	Quod merita & peccata non sunt paria.	572
		140	Quod actus hominis puniuntur vel præmiantur à Deo.	574
		141	De differentia & ordine poenarum.	575
		142	Quod non omnia præmia & poenæ sunt æquales.	577
		143	De poena quæ debetur peccato mortali & veniali per respectum ad vltimum finem.	cod.
		144	Quod per peccatum mortale vltimo fine aliquis in æternum priuatur.	178



# TABVLA CAPITVM ET FOLIORVM.

145	Quòd peccata puniuntur etiam per experientiam alicuius nociui.	580	37	Contra eos qui dixerunt ex anima & corpore non esse ali-	682
146	Quòd iudicibus licet pœnas inferre.	581	38	Contra eos qui ponunt duo supposita vel duas hypostasēs in vna persona Christi.	683
147	Quòd homo indiget diuino auxilio ad beatitudinem consequendam.	582	39	Quid fides catholica sentiat de incarnatione Christi.	685
148	Quòd per auxilium diuinæ gratiæ homo non cogitur ad virtutem.	583	40	Obiectiones contra fidem incarnationis.	686
149	Quòd prædictū diuinū auxiliū homo promereri nō pōt.	584	41	Quomodo oporteat intelligere incarnationē filij Dei. eod.	
150	Quòd prædictum diuinum auxilium gratia nominatur, & quid sit gratia gratum faciens.	585	42	Quòd assumptio humanæ naturæ maximè cōpetebat verbo Dei.	689
151	Quòd gratia gratū faciēs causat in nobis dilectionē Dei.	587	43	Quòd humana natura assumpta à verbo non præextitit assumptioni: sed in ipsa conceptione fuit assumpta. ibid.	
152	Quòd diuina gratia causat in nobis fidem.	588	44	Quòd natura humana assumpta à verbo, in ipsa conceptione fuit perfecta quantum ad animam & corpus.	690
153	Quòd diuina gratia causat in nobis spem futuræ beatitudinis.	589	45	Quòd Christum decuit nasci ex virgine.	691
154	De donis gratiæ gratis datæ, in quo & de diuinationibus demonum.	590	46	Quòd Christus natus est de spiritu sancto.	693
155	Quòd homo indiget auxilio gratiæ ad perseuerandum in bono.	595	47	Quòd Christus non sit filius spiritus sancti s̄m carnem.	694
156	Quòd ille qui decidit à gratia per peccatum, potest iterum per gratiam reparari.	596	48	Quòd non est dicendum, Christus est creatura. eod.	
157	Quòd homo à peccato liberari nō potest nisi per gratiā.	597	49	Solutio rationū cōtra incarnationē superius positarum.	695
158	Qualiter homo à peccato liberatur.	598	50	Quòd peccatum originale traducatur à primo parente in posteros.	697
159	Quòd rationabiliter homini imputatur si ad Deū non conuertatur, quamuis hoc sine gratia non possit.	599	51	Obiectiones contra peccatum originale.	699
160	Quòd homo in peccato existens, sine gratia peccatum vitare non potest.	601	52	Solutio obiectionum positarum.	eod.
161	Quòd Deus aliquos à peccato liberat: & aliquos in peccato relinquit.	602	53	Rationes quibus videtur probari quòd non fuit conueniens Deum incarnari.	704
162	Quòd Deus nemini est causa peccandi.	604	54	Quòd conueniens fuit Deum incarnari.	705
163	De prædestinatione, reprobatione, & electione diuina. eod.		55	Solutio rationum suprà positarum contra conuenientiam incarnationis.	708
LIBER QVARTVS.			56	De necessitate sacramentorum.	715
1	Proœmium.	606	57	De distinctione sacramentorum veteris & nouæ legis.	716
2	Quòd sit generatio, paternitas, & filiatio in diuinis.	608	58	De numero sacramentorum nouæ legis.	717
3	Quòd filius Dei sit Deus.	609	59	De baptismo.	718
4	Quid opinatus sit Photinus de filio Dei: & eius improbatio.	610	60	De confirmatione.	719
5	Opinio Sabellij de filio Dei: & eius improbatio.	611	61	De Eucharistia.	720
6	De opinione Arrij circa filium Dei.	613	62	De errore infidelium circa sacramentum Eucharistiæ. eod.	
7	Improbatio positionis Arrij.	614	63	Solutio præmissarum difficultatum: & primò quo ad conuersionem panis in corpus Christi.	721
8	Solutio ad authoritates quas Arrius pro se inducebat.	616	64	Solutio eorum quæ obieiebantur ex parte loci.	725
9	Solutio ad authoritates Photini & Sabellij.	620	65	Solutio eorū quæ obieiebantur ex parte accidentium.	726
10	Rationes contra generationē & processionē diuinam.	621	66	Solutio eorum quæ obieiebantur ex parte actionis & passionis.	728
11	Quomodo accipienda sit generatio in diuinis, & quæ de filio Dei in scripturis dicuntur.	623	67	Solutio eorum quæ obieiebantur ex parte fractionis.	730
12	Quomodo filius Dei, dicatur Dei sapientia.	632	68	Solutio authoritatis suprà inductæ.	731
13	Quòd non est nisi vnus filius in diuinis.	633	69	Ex quali pane & vino debet confici hoc sacramentum. ibid.	
14	Solutio ad rationes suprà inductas contra generationem diuinam.	637	70	De sacramento pœnitentiæ: & primò quòd homines post gratiam sacramentalem acceptam peccare possunt.	732
15	De spiritu sancto quòd sit in diuinis.	643	71	Quòd homo peccans post sacramentorum gratiam, potest conuerti per gratiam.	734
16	Rationes ex quibus aliqui spiritum sanctum æstimauerunt esse creaturam.	644	72	De necessitate pœnitentiæ & partium eius.	735
17	Quòd spiritus sanctus sit verus Deus.	645	73	De sacramento extremæ vnctionis.	740
18	Quòd spiritus sanctus sit subsistens persona.	647	74	De sacramento ordinis.	742
19	Quomodo intelligenda sint quæ de spiritu sancto dicuntur.	648	75	De distinctione ordinum.	743
20	De effectibus attributis spiritui sancto in scriptura respectu totius creaturæ.	651	76	De episcopali potestate, & quòd in ea vnus sit summus.	744
21	De effectibus attributis spiritui sancto in sacra scriptura respectu rationalis creaturæ quantum ad ea quæ Deus nobis largitur.	652	77	Quòd per malos ministros sacramenta dispensari possunt.	746
22	De effectibus attributis spiritui sancto secundum quod mouet creaturam in Deum.	653	78	De sacramento matrimonij.	747
23	Solutio rationum suprà inductarum cōtra diuinitatem spiritus sancti.	655	79	Quòd per Christum corporum resurrectio sit futura.	748
24	Quòd spiritus sanctus procedat à filio.	657	80	Obiectiones contra resurrectionem.	750
25	Rationes ostendere volentium quòd spiritus sanctus non procedat à filio, & solutio ipsarum.	662	81	Solutio præmissarum obiectionum.	751
26	Quòd nō sunt nisi tres personæ in diuinis, scilicet pater, filius, & spiritus sanctus.	664	82	Quòd homines resurgent immortales.	755
27	De incarnatione verbi s̄m traditionem sacre scripturæ.	668	83	Quòd in resurrectione non erit vsus ciborum neque venereorum.	757
28	De errore Photini circa incarnationem.	eod.	84	Quòd corpora resurgentium erunt eiusdem naturæ sicut prius.	760
29	De errore Manichæorum circa incarnationem.	669	85	Quòd corpora resurgentium erunt alterius dispositionis quàm antè.	762
30	De errore Valentini circa incarnationem.	670	86	De qualitate corporum glorificatorum.	762
31	De errore Apollinaris circa corpus Christi.	671	87	De loco corporum glorificatorum.	765
32	De errore Arrij & Apollinaris circa animam Christi.	672	88	De sexu & ætate resurgentium.	766
33	De errore Apollinaris dicentis animam rationalem non fuisse in Christo, & Origenis dicentis animam Christi ante mundum fuisse creatam.	673	89	De qualitate corporum resurgentium in damnatis.	767
34	De errore Theodori Mopsuestini circa vnionem verbi ad hominem.	674	90	Quomodo substantiæ incorporeæ patiantur ab igne.	768
35	Contra errorem Eutichetis.	678	91	Quòd animæ statim post separationem à corpore pœnam vel præmium consequuntur.	770
36	De errore Macharij Antiocheni ponentis vnā tantum voluntatem in Christo.	681	92	Quòd animæ sanctorum post mortem habent voluntatem immutabilem in bono.	771
			93	Quòd animæ malorum post mortem habent voluntatem immutabilem in malo.	773
			94	De immutabilitate voluntatis in animabus in purgatorio detentis.	eod.
			95	De causa immutabilitatis communiter in omnibus animabus post separationem à corpore.	ibid.
			96	De finali iudicio.	776
			97	De statu mundi post iudicium.	777



# CONTENTORVM IN COMMENTARIIS RE-

*uerendissimi patris, Fratris Francisci de Sylvestris, Ferrariensis, totius ordinis predicatorum Magistri Generalis, in libros contra Gentium errores D. Thomae*

*Aquinatis, alphabetica annotatio.*

## ABSOLVTVM.

**N**um absolutum quomodo sine alio esse possit. lib. 3. cap. 4. fol. 304. col. 2.

## ABSTRACTIO.

**Q**uæ abstractio à diuinæ essentiae visione requiratur. lib. 3. cap. 47. fol. 407. col. 1.

**Q**uare in visione diuinæ essentiae oportet fieri abstractionem à sensibus. ibidem.

## ACCIDENS.

**A**ccidens est quod adest, & abest præter subiecti corruptionem. lib. 2. cap. 81. fol. 277. col. 2.

**O**mne quod est de genere accidentis, oportet vt ex principiis alicuius substantiæ causetur, & sit illi naturale. libro 3. cap. 7. fol. 344. col. 2.

**A**ccidens quomodo diuiditur in proprium & commune. libro 3. cap. 7. fol. 345. col. 1.

**I**n Deo non potest esse aliquid per modum accidentis. lib. 2. cap. 9. fol. 151. col. 2.

**E**x diuersitate materialium & formarum sequitur diuersitas proprietatum & accidentium. lib. 3. cap. 97. fol. 506. col. 2.

**O**mnis forma accidentalis ex principiis substantiæ causatur. lib. 4. cap. 14. fol. 641. col. 1.

**A**ccidens non potest traduci nisi traducatur subiectum. libro 4. cap. 32. fol. 673. col. 1.

**A**ccidenti quomodo conueniat in herere subiecto ratione suæ quidditatis. lib. 4. cap. 65. fol. 727. col. 1.

**Q**uomodo accidentia Eucharistiæ possint agere ad generationem, aut corruptionem. lib. 4. cap. 66. fol. 729. col. 2.

## ACCIDENTALE.

**Q**uod aduenit alicui post esse completum, aduenit ei accidentale. lib. 4. cap. 49. fol. 696. col. 2.

## ACTIO.

**A**ctio transiens non est in agente, sed in patiente. lib. 2. cap. 1. fol. 145. col. 2.

**A**ctio transiens aliter est complementum potentiae, quam immanens. lib. 2. cap. 9. fol. 151. col. 2.

**A**ctio transiens quomodo ponitur in Deo. lib. 2. c. 16. fol. 160. col. 2.

**A**ctio voluntatis est perfectior actione naturæ. lib. 2. cap. 23. fol. 174. col. 1.

**A**ctione eadem aqua corrumpitur, & aer generatur. lib. 2. cap. 41. fol. 192. col. 2.

**A**b vno formali principio actionis est vna tantum actio. libro 2. cap. 73. fol. 250. col. 2.

**A**ctio immanens non est propter aliquod operatum tanquam propter finem. lib. 3. cap. 2. fol. 338. col. 1.

**A**ctio compositi ex materia & forma non est materia tantum, aut forma, sed compositi. lib. 2. cap. 50. fol. 204. col. 1.

**A**ctiones ludicæ quomodo sunt finis. lib. 3. cap. 2. fol. 338. col. 1. & 378. col. 2.

**D**ux actiones vnius agentis quomodo vnum effectum producere possint. lib. 2. cap. 89. fol. 301. col. 1.

**Q**uædam inter actionem immanentem & transeuntem differentia. lib. 1. cap. 79. fol. 118. col. 2.

**D**ifferentia inter actionem immanentem & transeuntem. lib. 1. cap. 100. fol. 140. col. 2.

**A**ctio transiens est aliquo modo perfectio facti, & aliquo modo perfectio facientis. lib. 2. cap. 1. fol. 144. col. 2.

**A**ctio est perfectio patientis, & perfectio facti, sed diuersimode. fol. 145. col. 1.

**Q**uomodo sequitur actionem immanentem esse priorem naturaliter transeunte, quia ipsa est perfectio agentis, illa vero perfectio facti. ibidem.

**A**ctio transiens secundum mentem sancti Thomæ est in patiente. ibidem. fol. 145. col. 2.

**Q**uod secundum mentem Aristotelis & Commentatoris actio transiens est in patiente. fol. 146. col. 1.

## ACTVS.

**A**ctus est simpliciter prior potentia. lib. 1. cap. 16. fol. 23. col. 1.

**Q**uomodo idem faciat seipsum in actu. lib. 1. cap. 23. fol. 37. col. 1.

**A**ctus exterior quomodo sit malus. lib. 3. cap. 10. fol. 350. col. 2.

**A**ctus alteri inhærens limitatur ex eo in quo est. libro 1. cap. 43. fol. 66. col. 2.

**I**n successione intellectuum intellectus angelici, succedit actus actui, non autem actus potentia. lib. 2. cap. 101. fol. 333. col. 2.

**Q**uomodo actus qui nobiliori obiecto coniungitur, est nobilior. lib. 3. cap. 26. fol. 380. col. 2.

**O**mne actuum est in actu & e converso. lib. 2. c. 6. fol. 150. col. 1.

**P**er actum in nobis existentem possumus in actionem immanentem & transeuntem. ibidem. col. 2.

**P**erfectius est in actu quod est ipse actus, quam habens actum. lib. 2. cap. 52. fol. 206. col. 2.

## ADAM.

**A**dám non potuit per actum suum, bonum naturæ redintegrare. lib. 4. cap. 52. fol. 703. col. 1.

**Q**ui dicantur ad imitationem Adæ peccare. lib. 4. cap. 50. fol. 698. col. 1.

## ADHÆSIO.

**Q**uomodo adhæsió per voluntatem est maior adhæsióne per intellectum. lib. 3. cap. 116. fol. 543. col. 1.

## ADMIRATIO.

**A**dmiratio sapientiæ diuinæ in nobis quomodo ex creaturarum confirmatione prouenit. lib. 2. cap. 2. fol. 147. col. 2.

**E**x admiratione virtutis diuinæ causatur timor & reuerentia ad Deum. lib. 2. ibidem.

**A**dmiratio dupliciter sumitur. lib. 3. cap. 62. fol. 432. col. 1.

## AER.

**A**eris pars non est per seipsam terminabilis. lib. 2. c. 90. fol. 303. col. 2.

**E**adem actione generatur & aqua corrumpitur. libro 2. cap. 41. fol. 192. col. 2.

**Æ**ternitas, vide in litera E.

## AFFECTIO.

**Q**uid affectionis nomine importetur. lib. 1. c. 89. fol. 128. col. 1.

## AGENS.

**A**gens naturale non potest idem numero reparare. lib. 4. cap. 81. fol. 453. col. 2.

**P**rimi agentis est prima actio. lib. 2. cap. 21. fol. 167. col. 1.

**A**gens primum est causa efficiendi simpliciter. ibidem.

**N**ullum agens particulare facit ens per se. lib. 2. c. 21. fol. 170. col. 1.

**V**numquodque agens hoc modo agit secundum quod similitudo facti est in agente. lib. 2. cap. 23. fol. 173. col. 2.

**A**gens voluntarium & naturale quomodo distinguantur. libro 2. cap. 35. fol. 186. col. 1.

**D**iuersorum agentium non est vna operatio, vt egreditur ab agente, sed bene ex parte operati. lib. 2. cap. 57. fol. 216. col. 2.

**D**ifferentia inter agens naturale & artificiale. lib. 2. cap. 75. folio 259. col. 1.

**A**gens per naturam non potest intèdere multa, vt distincta. lib. 1. cap. 50. fol. 77. col. 1.

**A**gens vniucum non est causa simpliciter speciei. libro 3. cap. 65. fol. 439. col. 2.

**D**ifferentia inter agens diuinum & alia agentia per intellectum. lib. 2. cap. 46. fol. 199. col. 1.

**D**e proportionem agentis ex omnino non ente ad agens ex aliquo ente. lib. 1. cap. 43. fol. 67. col. 2.

**F**inis agentis est eius bonum. lib. 3. cap. 16. fol. 355. col. 2.

**E**iufdem rationis est, quod effectus tendat in similitudinem agentis, & quod agens assimilet sibi passum. lib. 3. cap. 21. folio 363. col. 1.

**A**gens intendit assimilare sibi passum in causalitate. lib. 3. cap. 21. ibidem.

**A**gentis perfecti est producere sibi simile quantum potest. ibidem.

**A**gens vniucum in natura non est causa nisi generationis humani aut illius rei. lib. 3. cap. 65. fol. 439. col. 2.

**Q**uomodo agens vniucum se habeat ad esse effectus. lib. 3. c. 65. fol. 440. col. 1.

**Q**uomodo impressio agentis non remanet cessante motione agentis nisi vertatur in naturam. lib. 3. cap. 65. fol. eod. col. 2.

**S**ecundaria agentia determinant actionem primi agentis. lib. 3. cap. 66. fol. 441. col. 2.

**V**oluntarium agens in multiplices effectus potest. lib. 3. cap. 73. fol. 457. col. 1.

**T**antum se extendit causalitas primi agentis quantum se extendit ordinatio effectuum in finem. lib. 3. cap. 71. fol. 455. col. 1.

**S**uperius agens dat inferiori virtutem per quam agit. lib. 3. cap. 70. fol. 451. col. 2.

**A**gens per voluntatem statim sine medio potest producere effectum quemcunque, suam virtutem non excedentem. libro 3. cap. 99. fol. 509. col. 2.

Differentia



# T A B V L A

Differentia inter agens per necessitatem naturæ, & agēs per voluntatem. ibidem.

Quomodo factum quod est compositum, ab agente composito fieri intelligatur. lib. 3. cap. 103. fol. 519. col. 1.

Agens educere materiam de potentia ad actum suæ formæ dupliciter contingit. lib. 2. cap. 75. fol. 259. col. 1.

Idem non potest esse operatum à diuersis agentibus eodem modo. lib. 4. cap. 7. fol. 616. col. 2.

Quomodo omne agens agat sibi simile. lib. 4. cap. 19. fol. 649. col. 1.

Vtrum si agentia creata non haberent materiam sibi proportionatam, essent frustra. lib. 2. cap. 16. fol. 161. col. 1.

Ab agente voluntario non procedit aliquid necessario, nisi ratione alicuius debiti. lib. 2. cap. 31. fol. 182. col. 2.

## A G E R E.

Agere ad determinatam speciem dupliciter dicitur. lib. 2. cap. 16. fol. 159. col. 2.

Agere de necessitate naturæ dupliciter contingit. libro 2. cap. 23. fol. 173. col. 1.

Agere per se dupliciter contingit. lib. 1. cap. 72. fol. 113. col. 1.

Quomodo Deus agat mediate mediatione suppositi. lib. 3. c. 70. fol. 452. col. 1.

Quomodo Deus agat in omnibus immediate, immediatione virtutis. fol. 451. col. 2.

## A L B E D O.

Albedo si esset separata à subiecto, esset perfectior albedine in subiecto existente. lib. 1. cap. 28. fol. 46. col. 1.

Albedo est mensura omnium colorum. ibid. col. 2.

## A L T E R A T I O.

Alteratio secundum animæ passiones manet in homine quādiu anima passibili corpori vnitur. lib. 4. cap. 70. fol. 733. col. 2.

## A M A R E.

Quomodo res amata in amante esse dicatur. lib. 4. cap. 19. fol. 649. col. 2.

Vtrum Deus verè amet creaturas irracionales amore amicitiae, an tantum amore concupiscentiae. lib. 1. cap. 91. fol. 131. col. 2.

Amans ad amatum se habet sicut ad id quod est aliquo modo vnum cum ipso. ibid. fol. 132. col. 1.

Quanto id vnde amans est vnum cum amato, est maius, tanto est amor intensior. ibidem.

Amatur res magis quando habetur, quia fit nobis affiniore & intimior. ibid. col. 2.

Quomodo euenit contrarium iis, quæ Deus amat & approbat. ibid. fol. 133. col. 1.

Vnumquodq; cæteris paribus magis amat se, quàm aliud. lib. 1. cap. 102. fol. 142. col. 1.

## A M O R.

Quomodo amor est vis vnitiua. lib. 1. cap. 91. fol. 132. col. 1.

Amor est omnis affectionis principium. ibid. col. 2.

Solus amor in duo obiecta fertur. lib. 1. cap. 91. fol. 133. col. 1.

Amor in quantum huiusmodi non procedit secundum rationem similitudinis. lib. 4. cap. 19. fol. 649. col. 2.

Quomodo amor est omnium actuum voluntatis initium & radix. lib. 4. cap. 19. fol. 650. col. 1.

## A N A G O G E S.

Quid anagoges nomine significetur. lib. 3. cap. 80. fol. 469. col. 2.

## A N A L O G V M.

Quomodo significatum analogi sit in vno, aut pluribus, & quomodo inter analogata sit vnum primum. lib. 1. c. 34. fol. 55. col. 2.

De diuersis modis analogiæ. ibidem.

Multipliciter accipitur analogia vnius ad alterum. ibid.

Primum analogatorum in diffinitione aliorum ponitur. ibid. col. 2.

## A N G E L V S.

Quomodo erroneum sit dicere angelos ante mundum corporeum esse productos. lib. 2. cap. 83. fol. 291. col. 2.

Angelus Deum per suam substantiam cognoscit. libro 2. cap. 98. fol. 323. col. 1.

Differentia inter angelū & animam. lib. 2. c. 94. fol. 2. col. 2. & seq.

Angeli cognoscunt singularia per species vniuersalia. libro 2. cap. 96. fol. 317. col. 1. & 329. col. 1.

Angelus intelligit se & Deum per essentiam suam. lib. 2. cap. 98. fol. 323. col. 1.

Angeli sunt in loco per operationem. lib. 3. cap. 68. fol. 444. col. 2.

Vtrum vnus angelus alium intelligere possit. lib. 2. cap. 98. fol. 327. col. 1.

In successione intellectuum intellectus angelici succedit actus actui, non autem actus potentiae. lib. 2. cap. 101. fol. 333. col. 2.

Vtrum angelus necessario simul cōsideret omnia quæ per vnā speciem cognoscere potest. ibid.

Quomodo sit intelligendum q; natura vnius angeli non impedit aliorum angelorum cognitionem propter eorum affinitatem & propinquitatem. lib. 2. cap. 98. fol. 323. col. 1.

Angeli superiores per vniuersaliores species intelligunt. libro 2. cap. 98. fol. 325. col. 1.

Angelus alia à se per species superadditas intelligit. ibid. fol. 228. col. 1.

Angeli quomodo plura simul intelligant. lib. 1. cap. 55. & lib. 2. cap. 101. fol. 84. col. 1. & 333. col. 2.

Quomodo in angelis est intellectus agens & possibilis. lib. 2. cap. 96. fol. 318. col. 1.

Rationes quibus probatur vnum angelum nō cognoscere aliam per eius substantiam, sunt solubiles. lib. 2. cap. 98. fol. 327. col. 1.

Intellectus angeli totaliter per species intelligibiles est perfectus. ibid. fol. 326. col. 2.

Oportet in intellectu angelico plures species intellectuales esse. ibid. fol. 324. col. 2.

Nullus angelus per suam essentiam est sufficiens principium cognitionis omnium. ibid. fol. 323. col. 2.

Quomodo essentia angeli ad eius intellectum se habeat. ibidem. fol. 322. col. 2.

Quomodo angeli indiguerunt gratia ad hoc vt conuerterentur in Deum. lib. 3. cap. 51. fol. 414. col. 2.

Vtrum angeli inferiores singula ab ipsis exequenda in particulari per visionem diuinæ essentiae cognoscant. lib. 3. cap. 80. fol. 468. col. 2.

Quomodo inferiores angeli ex virtute superiorum possunt id quod ad superiores spectat. ibid. fol. 469. col. 2.

Quomodo diuersæ S. Thom. sententiæ de ordinatione angelorum conueniant quantum ad hierarchiarum ordinem. ibidem. fol. 470. col. 1.

Concordia S. Thom. circa distinctionem ordinum. ibid. col. 2.

Angelorum cognitio est indefectibilis. lib. 3. cap. 91. fol. 492. col. 2.

Angelorum cognitio est immobilis. ibid.

Angeli improprie localiter mouentur. libro 3. cap. 102. folio 515. col. 1.

Vtrum motus angeli possit esse continuus. ibidem.

Vtrum motus localis angeli tempore motum cœli mensurante mensuretur. ibid.

Vtrum motus discretus angeli sit in instanti. ibid. col. 2.

Angelus non recedit à termino à quo, in instanti, in quo est in termino ad quem. ibid. fol. 517. col. 1.

Vtrum vnus angelus possit simul in pluribus locis esse. lib. 3. cap. 68. fol. 445. col. 1.

Vtrum in vno & eodem loco possint plures angeli simul esse. ibidem.

De modis quibus angeli aliquos mirabiles effectus operantur. lib. 3. cap. 103. fol. 519. col. 2.

Quomodo non est angelis naturaliter inditum, vt suam perfectionem in alium finem ordinent. libro 3. cap. 109. folio 530. col. 1.

Vtrum angeli peccauerint, quia conuersi sunt in proprium bonum tanquam in vltimum finem. ibid. col. 2.

Quomodo angelus voluit omnia à se regulari, & suam voluntatem non regulari à superiori. ibid. fol. 531. col. 1.

Angelus non potuit æqualitatem Dei absolutam appetere. ibid.

Vtrum peccatum angeli fuerit superbia. ibid. fol. 532. col. 1.

Vtrum supremus angelus peccauerit. ibid. col. 2.

Differentia inter primum angelum peccantem & alios inferiores. ibidem.

Vtrum inferiores angeli appetierint æqualitatem Dei. folio 533. col. 1.

Quomodo in intellectu angeli cum peccauit fuit defectus. lib. 3. cap. 110. fol. 534. col. 1.

Quomodo inconsideratio ad peccatum angeli se habuit. ibid.

Quæ fuit causa considerationis in angelo. ibidem.

Quomodo ab angelis peccantibus prætermisum est medium rationis. ibid. col. 2.

Quomodo in angelo peccante fuit in iustitia. ibid.

Quot moræ circa angelorum casum sint ponendæ. fol. 535. col. 1.

Vtrum omnes angeli in primo instāti habuerint actum liberum & meritorium. ibid.

Aliter conuenit angelo mereri in primo instanti, & aliter in secundo. ibid. fol. 535. col. 2.

Angeli in secundo instanti non meruerunt. ibid.

Quomodo angelus habuit libertatem ad bonum, & malum. ibid. fol. 536. col. 1.

Via omnium angelorum fuit æqualis. ibidem.

Vtrum boni angeli simul fuerint viatores & comprehensores. ibidem.

Demeritum potest in eodem instanti cum damnatione in angelis, non autem meritum cum beatitudine. ibid.

Differentia inter instans præmiationis angelorū & instans mortis hominum. ibid. col. 2.

Differentia



# COMMENTARIORVM.

Differentia inter immobilitatem angelorum & hominum. lib. 4. cap. 95. fol. 775. col. 2.  
Prima electio angeli primaque apprehensio immobilis est. ibidem. fol. 776. col. 1.  
Quomodo prima apprehensio, & electio angeli fuerit libera. ibid.  
Quomodo intelligatur angelum post electionem habere liberum arbitrium inflexibile. ibidem.  
Quomodo inconsideratio ad peccatum Angeli se habuit. ibid. fol. 774. col. 1.

## A N I M A.

Anima intellectiva adueniente, omnes dispositiones praecedentes corrumpuntur. lib. 2. cap. 89. fol. 301. col. 1.  
Anima intellectiva quomodo per unionem ad materiam habeat esse. lib. 2. cap. 86. fol. 238. col. 1.  
Anima intellectiva coniuncta non intelligit se per essentiam suam, sed bene separata. lib. 2. cap. 98. fol. 327. col. 2.  
Anima intellectiva naturale est uniri corpori. lib. 2. cap. 68. fol. 239. col. 1. & fol. 288. col. 2.  
Anima intellectiva est incorruptibilis apud Arist. lib. 2. cap. 79. fol. 273. col. 2. & 279. col. 2.  
Anima intellectiva multiplicatur secundum commensurationem ad corpora. lib. 2. cap. 81. fol. 276. col. 2.  
Anima intellectiva indiuiduatur ex materia. lib. 2. cap. 75. fol. 258. col. 1.  
Anima intellectiva quomodo est perfectior coniuncta corpori, quam separata. lib. 2. cap. 68. fol. 238. col. 1.  
Anima intellectiva est forma naturalis aliquo modo. ibidem. fol. 237. col. 2.  
Anima intellectiva non educitur de potentia materiae. ibidem.  
Anima unius hominis est nobilior anima alterius hominis indiuidualiter, non autem specificè. lib. 1. cap. 3. fol. 4. col. 2.  
Anima definitio non dicitur æquiuocè secundum mentem Aristotelis de anima intellectiva & aliis animabus. lib. 2. cap. 71. fol. 229. col. 1.  
Anima est mouens non motum. lib. 2. cap. 65. fol. 233. col. 2.  
Anima est pars mouens in animalibus. ibidem.  
Anima quanto magis à corporeis sensibus retrahitur, tanto magis superiorum recipit impressionem. lib. 2. cap. 81. fol. 278. col. 2.  
Animas fuisse ante corpora productas, quomodo sit erroneum. lib. 2. cap. 83. fol. 290. col. 1.  
Anima intellectiva est subsistens. lib. 2. cap. 68. fol. 236. col. 2.  
Quomodo anima sit tota in qualibet parte. lib. 4. cap. 67. fol. 731. col. 1.  
Anima intellectiva quomodo ad alias formas materiales se habeat. ibidem.  
Anima intellectiva quomodo non est immersa materiae. lib. 2. cap. 68. fol. 238. col. 2.  
Quomodo anima mouet corpus per medium. lib. 2. c. 71. f. 244. col. 1.  
Quomodo anima habeat totalitatem essentiae. lib. 2. c. 72. f. 246. col. 1.  
Quomodo anima per habitudinem ad corpora indiuiduatur. lib. 2. cap. 75. fol. 258. col. 1.  
Anima intellectiva an perficiatur in unione ad corpus. lib. 2. cap. 83. fol. 287. col. 2.  
Quomodo anima quantum ad indiuidua ad uniuersam perfectionem pertinet. lib. 2. cap. 84. fol. 291. col. 2.  
Aliter comparatur anima coniuncta ad motum cœli, & aliter separata. lib. 4. cap. 82. fol. 757. col. 1.  
Anima intellectiva est pura potentia in genere intelligibilem. lib. 2. cap. 98. fol. 322. col. 2.  
Quomodo si anima videret se per seipsam, semper intelligeret de se quid est. lib. 3. cap. 46. fol. 404. col. 1.  
Quomodo anima intellectiva sit factiva intelligibilia in actu, cum ipsa sit pura potentia in genere intelligibilem. lib. 3. cap. 46. fol. eod. col. 2.  
Quomodo anima se esse per seipsam cognoscat. ibid. f. 405. col. 2.  
Quomodo anima humana ad æqualitatem superiorum possit peruenire. lib. 3. cap. 75. fol. 425. col. 2.  
Vtrum anima post hanc vitam ordine ad vltimum finem priuetur si cum mortali decedat. lib. 3. cap. 144. fol. 589. col. 2.  
De animæ passione ab igne cui alligatur, proueniente. lib. 4. cap. 90. fol. 769. col. 2.  
Duplex est animæ capacitas ad visionem diuinam. lib. 4. cap. 91. fol. 771. col. 1.  
Quomodo intelligatur animam beatam non posse mutari de bono in malum. lib. 4. cap. 92. fol. 773. col. 1.  
Dispositio animæ mouetur per accidens secundum aliquem motum corporis. lib. 4. cap. 95. fol. 775. col. 1.  
Anima in instanti separationis demereri non potest. lib. 4. cap. 95. fol. 775. col. 2.  
Immobilitas animæ separata in bono, & malo remanebit in ipsa corpori reunita. 776. col. 2.

## A N I M A L.

In animalibus brutis forma mouens quomodo est ab extrinseco, vel intrinseco. lib. 2. cap. 47. fol. 200. col. 2.  
Animalibus brutis quomodo conuenit ex seipsis moueri, & quomodo non. fol. 201. col. 1. & 69. col. 1.  
Animalia irrationabilia sunt libera actionis, non tamen mouentur libero arbitrio. lib. 2. cap. 48. fol. 201. col. 2.  
Animalia bruta voluntario communicant. lib. 2. cap. 66. fol. 234. col. 1.  
Animalia bruta non agunt se ad operationem. lib. 3. cap. 16. fol. 356. col. 1.  
Animal rationale posset accipi, vt proprium exemplar animalium irrationalium, nisi aliquas differentias adderent positiuas. lib. 1. cap. 54. fol. 82. col. 2.

## A N I M A T I O.

Omne corporeum quod sit ante animationem, est informe. lib. 4. cap. 44. fol. 91. col. 1.

## A N N I H I L A T I O.

Potest res annihilata eadem numero reparari. lib. 4. cap. 81. fol. 753. col. 2.  
Quomodo in rei corruptione, corporeitas annihilari dicatur. ibidem. fol. 754. col. 2.

## A P P E T I B I L E.

Appetibile quomodo moueat appetitum. lib. 1. cap. 44. fol. 69. col. 1. & lib. 4. cap. 19. fol. 649. col. 2.  
Non esse, quomodo est appetibile per accidens. lib. 3. cap. 19. fol. 358. col. 2.  
Appetibile mouet voluntatem. lib. 1. cap. 74. fol. 114. col. 1.

## A P P E T I T V S.

Appetitus quomodo ad motum animalis se habeat. lib. 2. cap. 82. fol. 283. col. 1.  
Appetitus scientiæ qualis sit. lib. 1. cap. 4. fol. 5. col. 2.  
Appetitus scientiæ quomodo possit esse frustratus. fol. 6. col. 2.  
Quomodo appetitus essendi sit naturalis. lib. 1. cap. 72. fol. 113. col. 1.  
Appetitus obiectum est bonum vel malum. lib. 1. cap. 90. fol. 129. col. 2.  
Appetitus non tendit ad infinitum. lib. 1. c. 101. fol. 141. col. 1.  
Quomodo in appetitu inferiori est peccatum, quia non regulatur per superiorem. lib. 3. cap. 109. fol. 531. col. 1.  
Appetitus cuiuslibet rei terminatur ad bonum. lib. 3. cap. 16. fol. 355. col. 2.

## A P V D.

Ista præpositio apud, substantiam importat & distinctionem. lib. 4. cap. 5. fol. 613. col. 1.

## A Q V A.

Aquæ quomodo frigiditas sit naturalis, & quomodo ab ea remoueri potest. lib. 1. cap. 7. fol. 10. col. 1.  
Vtrum motus naturalis aquæ sit tantum ad medium. lib. 3. cap. 100. fol. 512. col. 1.  
Aqua est materia sacramenti baptismi. lib. 4. cap. 59. fol. 718. col. 2.  
Non oportet aquam quæ est materia baptismi, esse omnino simplicem. ibidem. fol. 718. col. 2.  
Aqua fuit per verbum Dei baptizata à Ioanne, sanctificata. ibid.

## A R G V M E N T V M.

In diuinis quantum ad absoluta videlicet, ista sunt idem quod diuina essentia, ergo sunt idem inter se, non autem quantum ad relativa. lib. 4. cap. 19. fol. 649. col. 2.

## A R S.

Formæ artis non consequuntur artis actionem. lib. 2. cap. 76. folio 264. col. 1.  
Quomodo bonitas diuina arti comparatur. lib. 1. c. 81. fol. 120. col. 2.  
Quomodo ars sit virtus. lib. 1. cap. 93. fol. ibidem.

## A R T I C V L V S.

De articulis Parisiensibus. lib. 2. cap. 93. fol. 312. col. 1.

## A S S V M P T I O.

Vtrum sufficiens ratio sit quare Deus creaturam irrationalem in unitatem personæ non assumpsit, quia ipse non est per se agere. lib. 4. cap. 55. fol. 711. col. 2.  
Vtrum indistinctio naturæ à supposito sit sufficiens ratio quare non sit assumpta natura angelica à Deo. ibidem. fol. 712. col. 1.

## A V E R R O I S.

An apud Auerroem intellectus nobiscum uniatur secundum esse. lib. 2. cap. 59. fol. 221. col. 1.  
Quomodo apud Auerroem intellectus copulatur nobiscum per phantasmatum. ibidem. fol. eod. col. 2.  
Secundum Auerroem Deus de rebus non habet cognitionem nisi uniuersalem. lib. 1. cap. 50. fol. 78. col. 1.

## A V T H O R I T A S.

Quid propriè nomine authoritatis importetur. lib. 4. cap. 23. fol. 659. col. 2.

## A V X I.



# T A B V L A

## A V X I L I V M.

Necesse est dari homini auxiliū aliquod supernaturale ad finis  
supernaturalis consecutionem. lib. 3. cap. 147. fol. 593. col. 1.  
Quomodo homo diuino auxilio ad beatitudinem consequen-  
dam indigeat. ibidem.

## B A P T I S M V S.

Potest aliquando baptismus reiterari. lib. 4. cap. 59. fol. 719. col. 1.  
Per baptismum non liberatur quis pœna sibi debita in iudicio  
humano. ibidem.  
Baptismus aperit ianuam cœli. ibidem.  
Baptismus est spiritualis generatio. lib. 4. cap. 59. fol. 718. col. 2.  
Baptismus nō tollit fomitem, sed mitigat. lib. 4. cap. 52. fol. 703. col. 1.  
Differentia inter baptismum & pœnitentiam. lib. 4. cap. 72. fol.  
736. col. 2.  
Vtrum post baptismum remaneat concupiscentia cum carentia  
iustitiæ originalis. lib. 4. cap. 52. fol. 703. col. 1.  
Quis dicatur ad Baptismum fictus accedere. lib. 4. capitu. 72. fol.  
738. col. 1.  
Differentia baptismi & pœnitentiæ quantum ad exigentiam a-  
ctus humani. ibidem.  
Baptizatis imponendum est, vt læsis à se satisfaciant. licet eis re-  
mittatur pœna & culpa. lib. 4. cap. 59. fol. 719. col. 1.

## B E A T I T V D O.

Beatitudo vera differt à falsa ex parte intellectus. lib. 3. cap. 26.  
fol. 376. col. 1.  
Dupliciter accipi potest beatitudinis perfectio. lib. 3. cap. 26. fol.  
377. col. 2.  
Beatitudo quomodo est summum bonum. lib. 1. cap. 101. fol. 141.  
column. 1.  
Quomodo is qui ad beatitudinem à Deo dirigitur, continuè di-  
rigatur. lib. 3. cap. 150. fol. 596. col. 2.

## B E A T V S.

Beati de bono in malum mutari non possunt. lib. 4. capitu. 92. fol.  
773. col. 1.  
Beati quomodo cognoscunt de Deo quid est. lib. 3. capitu. 56. fol.  
424. col. 2.  
Beati quomodo omnia vident in Deo. lib. 3. cap. 59. fol. 428. col. 1.  
Beatorum desiderium quomodo totaliter quietatur. lib. 3. cap. 63.  
fol. 435. col. 1.  
An Beati singularia futura cognoscant. lib. 3. capitu. 59. fol. 428.  
column. 1.  
Vtrum beati, omnes rerum rationes cognoscant. ibidem. fol.  
eod. col. 2.  
Beato non potest deesse voluntas fruendi diuina visione. lib. 3.  
cap. 62. fol. 432. col. 1.  
Diuina substantia semper à beatis cum admiratione videtur, ibi-  
dem.  
Vtrum beatus possit velle diuina visione carere. ibidem. fol. eod.  
column. 2.  
Quomodo claritas animæ beatorum redundabit in corpus. lib.  
4. cap. 86. fol. 763. col. 2.  
De agilitate corporum beatorum. ibidem. col. 2.  
Motus non erit in beatis propter necessitatem. ibidem. col. 2.  
Corpus beati perfectum per animam proportionabiliter animæ  
immune erit ab omni malo. ibidem. col. 2.  
Quare in beatis inuenitur passio sensus, non autem passio natu-  
ræ. ibidem. fol. 764. col. 1.  
Vtrum beati sint vsuri sensibus propter delectationē. ibid. col. 1.  
De impassibilitate corporum beatorum. lib. 4. cap. 86. fol. 764.  
column. 1.  
Vtrum oporteat aliquam qualitatem in corpore glorioso pone-  
re quæ omnem passionem prohibeat. ibidem. col. 1.  
Duplex est causa impassibilitatis corporum beatorum, scilicet  
remota, & propinqua. ibidem. col. 2.  
Corpora beatorum erunt super omnes cœlos. lib. 4. cap. 87. fol.  
765. col. 2.  
Corpora beatorum non possunt simul esse cum alio corpore ni-  
si virtute diuina. ibidem.  
Quare beati à sensibilibus lædi non poterunt. lib. 4. cap. 89. fol.  
768. col. 1.

## B O N V M.

Bonum omne aut est finis, aut ordinatum ad finem. lib. 1. cap. 81.  
fol. 120. col. 2.  
Quid significet formaliter bonum. lib. 1. cap. 25. fol. 41. col. 1.  
Bonum est ratio mali. lib. 1. cap. 71. fol. 110. col. 1.  
Bonum, & malum sunt genera contrariorum. lib. 3. cap. 9. fol. 347.  
column. 1.  
Quomodo bonum & malum sunt opposita, & tamen vnum sit  
in alio. lib. 3. cap. 11. fol. 352. col. 2.  
Quanto magis creatura à bonitate diuina distat, tanto magis  
eius perfecta bonitas maiorem multipliciter requirit. lib. 3.

cap. 20. fol. 360. col. 2.

Bonum simpliciter, multipliciter dicitur. lib. 3. capitu. 20. fol. 360.  
per totum.  
Bonum est maioris ambitus quàm ens. ibidem. fol. 362. col. 1.  
Bonum honestum est vltima hominis felicitas. lib. 3. cap. 34. fol.  
385. col. 1.  
Bonum in decem prædicamenta diuiditur. lib. 1. cap. 25. fol. 41.  
column. 2.  
Bonum & ens conuertuntur secundum essentiam. ibidem.  
Nulli conuenit ratio boni nisi in quantum est in actu. lib. 1. cap.  
38. fol. 60. col. 1.  
Plura bona sunt vno bono meliora. lib. 2. cap. 45. fol. 198. col. 1.  
Bonum est suipsius diffusiuum. lib. 1. cap. 37. fol. 59. col. 2.  
Vtrum appetibile & finis sit essentialis ratio boni. ibidem. col. 1.  
Bonum & malum dicuntur secundum ordinem ad finem vel or-  
dinis priuationem. lib. 3. cap. 9. fol. 346. col. 1.  
Bonum est causa mali per accidens. libro 3. cap. 10. fol. 349. col. 2.  
Bonitas diuina est omnium finis, non autem communicatio bo-  
nitatis. lib. 3. cap. 17. fol. 357. col. 1.  
Quomodo res dicantur bonæ in ordine ad Deum. lib. 3. cap. 19.  
fol. 359. col. 2.  
Bonum particulare est appetibile in quantum est similitudo pri-  
mæ bonitatis. lib. 3. cap. 24. fol. 370. col. 1.  
Quomodo bonitas rerum ad simplicitatem se habeat. lib. 3. cap.  
20. fol. 360. col. 2.  
Dupliciter potest intelligi Deum velle bonitatem suam quan-  
tum possibile est multiplicari. lib. 1. cap. 75. fol. 114. col. 2.  
Bonitatis communicatio quomodo est diuinæ voluntatis fins.  
lib. 3. cap. 64. fol. 437. col. 2.  
Virtuosius est bonum in bonitate quàm malum in malitia. lib.  
3. cap. 71. fol. 454. col. 2.  
Diuina bonitas quomodo diuinæ voluntatis est causa. lib. 1. cap.  
87. fol. 126. col. 2.  
Vniuersali bono, nihil deperit ex bono particulari. lib. 1. cap. 89.  
fol. 128. col. 2.  
Bonum habet rationem finis. lib. 1. cap. 95. fol. 137. col. 2.  
Quomodo intelligitur Deum velle vt rebus similitudo suæ bo-  
nitatis imprimatur quantum possibile est. lib. 3. cap. 97. fol.  
506. col. 1.

De ordine per se bonorum. lib. 3. cap. 141. fol. 576. col. 1.  
Bonum in quantum bonum est finis. libro 3. capitulo 17. fol. 356.  
column. 2.  
Vnumquodque naturaliter vult suo modo proprium bonum.  
lib. 1. cap. 91. fol. 131. col. 2.  
Vnumquodque naturaliter vult proprium bonum. ibidem. fol.  
132. column. 1.

Bono vniuersali malū adiungi nō potest. lib. 3. c. 107. fol. 527. col. 1.

## B R V T V M.

Bruta aliqua similitudine prouidentiae participant. lib. 3. cap. 81.  
fol. 47. col. 2.  
Bruta non cognoscunt finem. lib. 3. cap. 16. fol. 356. col. 1.

## C A L O R.

Calores qui sunt in semine, non sunt vnus calor secundum spe-  
ciem. sed multi. lib. 2. cap. 73. fol. 250. col. 2.

## C A S V S.

Ea quæ ex causis per accidens eneniunt, sunt à casu vel à fortu-  
na. lib. 3. cap. 74. fol. 458. col. 2.  
Quomodo aliquid est fortuitum & casuale ex concursu plurium  
causarum. ibidem. & lib. 2. cap. 44. fol. 196. col. 2.  
Casus aliquorū indiuiduorum fortassis distinctius esse potest.  
lib. 2. cap. 39. fol. 190. col. 2.

## C A V S A.

Quod est maxime tale, est causa aliorū. lib. 1. cap. 13. fol. 19. col. 2.  
Vnumquodque nobilius inuenitur in causa quàm in effectu. lib.  
1. cap. 23. fol. 37. col. 2.  
Habens esse causatum secundum aliquam naturam, non potest  
esse simpliciter illius naturæ causa. libro 2. capitu. 21. fol. 169.  
column. 1.  
Causa per accidens reducitur ad causam per se. lib. 3. cap. 10. fol.  
349. col. 1.  
Defectus operationis quomodo in causam secundam reducitur.  
ibidem. fol. 351. col. 1.  
Quod est causa formæ alicuius secundum rationem ipsius, est,  
causa omnium illa ratione participantium. lib. 3. cap. 65. fol. 459.  
column. 2.  
Operationis creaturæ multipliciter Deus est causa. lib. 3. cap. 67.  
fol. 442. col. 2.  
Vnumquodque sicut se habet ad esse, ita ad hoc vt sit causa. lib. 3.  
cap. 7. fol. 345. col. 2.  
Dupliciter potest dici causa ex necessitate agens. lib. 3. cap. 72. fol.  
456. col. 1.

A causa



# COMMENTARIORVM.

A causa variabili effectus contingentes sequuntur. lib.1. cap. 85. fol.124.col.2.  
 Quid est esse per se & directe causam alicuius. lib.3. cap.84. folio 476.col.1.  
 Propria causa alicuius effectus & sufficiens potest impediri. lib.3. cap.86. fol.484.col.1.  
 Quomodo concursus causarum agentium particularium possit esse per se in ordine ad virtutem coelestem. ibidem. col.2.  
 Duo requiruntur ad hoc vt vna causa in effectum alterius causae possit. lib.3. cap.99. fol.510.col.1.  
 Quomodo oportet causam per accidens causae per se coniungi. lib.3. cap.107. fol.526.col.2.  
 Vtrum idem sit causa productionis rerum & conseruationis earum. lib.4. cap.13. fol.637.col.1.  
 Oportet esse aliquam causam altiore ea quae per motum agit. lib.2. cap.16. fol.160.col.1.  
 Si causatum secundum aliquam naturam esset causa prima illius naturae, esset causa sui ipsius. lib.2. cap.21. fol.167.col.2.  
 Causatum secundum aliquam naturam si sit causa illius naturae, est causa secunda & instrumentalis. fol.168.col.1.  
 Nullum creatum est causa per se necessaria. lib.2. cap.31. fol.183. colum.1.  
 Non est idem aliquam causam esse per se causam alicuius, & plures causas esse eius per se causas. lib.2. cap.38. fol.189.col.1.  
 C A E C V S.  
 In caeco quomodo aptitudo ad visum remaneat. lib.3. cap.12. folio 353.col.2.  
 C E L E B R A R E.  
 Ecclesia aliquando in azimis, aliquando in fermentato celebravit. lib.4. cap.69. fol.732.col.2.  
 Peccaret Latinus in fermentato celebrans, & Graecus in azimo. ibidem.  
 C O E L V M.  
 Caelum est causa electionum nostrarum indirecte. lib.3. cap. 85. fol.480.col.1.  
 Caelum habet virtutem vt sit semper. lib.1. cap.20. fol.30.col.2.  
 Caeli motus quomodo cessabit aut non cessabit naturaliter. ibid.  
 Caelum quomodo secundum mentem Aristotelis sit animatum. lib.2. cap.70. fol.242.col.1.  
 Non sunt plures caeli eiusdem speciei. lib.2. cap.92. fol.308.col.1.  
 Caelum quomodo habet materiam & tamen est incorruptibile. lib.3. cap.20. fol.361.col.2.  
 Motus caeli quid sit finis. lib.3. cap.22. fol.364.col.1. & lib.4. cap. 97. fol.778.col.1.  
 Caelum empyreum quomodo agit in inferiora. lib.2. cap.65. fol. 233.col.2.  
 Quomodo caelum se habeat ad vbi quae per motum acquirit, & perdit. lib.3. cap.22. fol.364.col.2.  
 Caelo non magis congruit vnum vbi, quam aliud. lib.3. capitu. 23. fol.367.col.2.  
 Coelestium corporum motus ratio assignari non potest ex necessitate naturae. lib.3. cap.64. fol.437.col.1.  
 Vtrum caelum diuersitatis effectuum in istis inferioribus sit causa. lib.3. cap.84. fol.477.col.1.  
 Diuersimode se habent intellectus & voluntas ad corporum caelestium impressionem. lib.3. cap.85. fol.482.col.1.  
 Quomodo effectus corporis caelestis impediri possit. lib.3. capitu. 86. fol.485.col.1.  
 Quomodo motus & actiones corporum coelestium necessitatem habent. ibidem. col.2.  
 Dupliciter dicitur aliquid secundum ordinem corporum coelestium euenire. lib.3. cap.92. fol.496.col.2.  
 Vtrum caelum aliquem effectum causarum inferiorum immediate operetur. lib.3. cap.99. fol.510.col.2.  
 Maxima assimilatio caeli ad Deum est cum ad generationem hominis operatur. lib.4. cap.97. fol.778.col.2.  
 C E R T I T V D O.  
 Alia est certitudo cognitionis, & alia certitudo ordinis. lib.3. cap. 94. fol.499.col.2.  
 C H R I S T V S.  
 In Christo sunt plura quod quidem. lib.4. cap.49. fol.696.col.2.  
 Christus nihil voluit humana voluntate nisi quod Deus disposuit. lib.4. cap.36. fol.682.col.2.  
 In Christo facta est vnio in persona non in natura. lib.4. cap.35. fol.679.col.2.  
 Voluntas humana in Christo non voluit, nisi secundum quod voluntas diuina disposuit. ibidem. cap.36. fol.682.col.2.  
 Quomodo natura humana in Christo per esse diuini suppositi existit. ibid. & cap.41. fol.688.col.2.  
 Comparatio animae Christi ad alios beatos. lib.3. cap.59. fol.428. colum.2.

Quomodo dicitur Christus venisse in mundum. lib.4. cap.34. fol. 677.col.2.  
 Vtrum diuinitatis essentia sit vnita animae Christi & corpori. lib. 4. cap.35. fol.680.col.2.  
 De merito Christi quo meruit sibi & aliis. lib.4. c.36. fol.682.col.1.  
 Christi operatio quomodo dicatur theandrica. ibid.  
 Qui Christi vestigia imitantur, cum Christo iudicabunt. lib.4. cap.96. fol.777.col.2.  
 Quare aliqui haeretici posuerunt vnam tantum operationem in Christo. lib.4. cap.36. fol.682.col.1.  
 Quomodo humanitas Christi ad rationem indumeti se habeat. lib.4. cap.37. fol.683.col.2.  
 Quare praedicata diuina & humana dicantur de Christo Deo, & eadem de Christo homine dicantur. lib.4. cap.38. fol.684.col.2.  
 Quomodo Christi concepcio fuit in instati. lib.4. c.44. f.691.col.1.  
 Quomodo Christus potest dici creatura secundum quod homo, si creari est proprium suppositi, diuinum vero suppositum non creatur. lib.4. cap.48. fol.695.col.1.  
 Quomodo licet humana natura in Christo sit creatura, non potest tamen Christus dici simpliciter creatura, sed tantum secundum quid. ibidem.  
 Solutio ad rationes Scoti quibus probatur quod Christus potest dici creatura. ibidem.  
 Christus non contraxit peccatum originale, quia corpus eius non fuit virtute seminis formatum. lib.4. cap.52. fol.702.col.2.  
 Vtrum Christus meruerit nobis primam gratiam. lib.4. capit. 55. fol.712.col.2.  
 Quomodo corpus Christi incipiat sub speciebus panis esse. lib. 4. cap.63. fol.722.col.2.  
 Conuenienter ex eo quod corpus Christi non incipit esse sub sacramento per motum localem, infertur hoc oportere esse per conuersionem substantiae panis in ipsum. ibidem. fol.723. col.1.  
 Quomodo intelligitur verbum Christi, Verba quae ego locutus sum, spiritus & vita sunt. lib.4. cap.68. fol.731.col.2.  
 Christi corpus post resurrectionem fuit simul cum aliorum corpore. lib.4. cap.87. fol.766.col.1.  
 De Christi maducatione post resurrectionem. lib.4. c.83. f.760.col.1.  
 Christo secundum quod homo conuenit iudicare. lib.4. cap.96. fol.777.col.2.  
 C L A V I S.  
 De clauibus ecclesiae. lib.4. cap.72. fol.737.col.2.  
 Quid essentialiter per clauis Ecclesiae importetur. lib.4. cap.72. fol.738.col.1.  
 Virtute clauium aliquid de poenis singulorum peccatorum remittitur. ibidem. col.1.  
 C O G I T A T I O.  
 Cogitationes cordium solus Deus cognoscere potest. lib.3. cap. 154. fol.603. col.1.  
 Quomodo sit intelligendum cogitationes cordis angelo esse incognitas in seipsis. ibidem. fol.604.col.1.  
 C O G N I T I O.  
 Cognitio speculatiua magis perficitur in vniuersali quam in particulari. lib.3. cap.75. fol.460.col.2.  
 Quomodo intus existens prohibet extranei cognitionem. lib.2. cap.98. fol.327.col.2.  
 Cognitio de Deo per demonstrationem quomodo habet incertitudinem. lib.3. cap.39. fol.389.col.2.  
 Cognitio beati est magis vnita ad Deum, quam amor. lib.3. cap. 26. fol.376.col.2.  
 Cognosci primo & per se, dupliciter intelligitur. lib.1. capit. 48. fol.74.col.1.  
 Cognitio de Deo quae naturaliter acquiri non potest, est intellectui possibili supernaturalis. lib.1. cap.3. fol.4.col.2.  
 Quae ad practicum cognitionem pertinent, perficiuntur in particulari: quae vero ad speculatiuum, in vniuersali. lib.3. cap.75. fol.460.col.2.  
 Cognitio intellectiua est certior sensitiua. lib.1. c.20. fol.28.col.2.  
 Cognoscentia sola nata sunt formas aliarum rerum in se recipere. lib.1. cap.44. fol.71.col.1.  
 Nemo potest rerum omnium habere cognitionem. lib.3. cap.44. fol.399.col.2.  
 Cognita causa cognoscitur effectus. lib.1. cap.50. fol.76.col.2.  
 Cognitio humana mediantibus angelis ordinatur a Deo. lib.3. cap.91. fol.492.col.2.  
 Plura quomodo simul cognosci possint. lib.1. cap.55. fol.84.col.1.  
 An plura successiue per vnam operationem cognosci possint. ibidem. fol.85.col.1.  
 Cognitio praeminet dilectioni simpliciter, licet secundum quid sit e conuerso. lib.3. cap.26. fol.379.col.2.  
 Quod cognoscitur in communitantum, imperfecte cognoscitur. lib.1. cap.50. fol.77.col.2.

Cognoscens



# T A B V L A

Cognoscens aliquam naturam perfecte, omnem modum eius, quo haberi potest, cognoscit. lib. 1. cap. 50. fol. 77. col. 2.  
 Quomodo cognitio an est, precedat cognitionem quid est, lib. 1. cap. 66. fol. 98. col. 2.  
 Cognitio incomplexa est perfectior cognitione complexa. lib. 1. cap. 59. fol. 92. col. 1.  
 Localis distantia non impedit cognitionem substantiæ separatæ. lib. 2. cap. 96. fol. 118. col. 1.  
 De cognitione intuitiua & abstractiua. libro 2. ibidem, fol. 119. colum. 1.  
 Cognoscere aliquid in causa, est illud vniuersaliter cognoscere. lib. 1. cap. 66. fol. 100. col. 2.  
 Magis & vicinius aliquid coniungitur Deo cognoscendo quam aliquam eius similitudinem participando, libro tertio. cap. 25. fol. 172. col. 1.  
 Cognitio quæ fit per aliquid nobis naturaliter inditum, est naturalis. lib. 3. cap. 46. fol. 104. col. 2.  
 Cognosci aliquid dupliciter potest, scilicet in seipso & in alio lib. 4. cap. 1. fol. 607. col. 2.  
 Ex sensibilibus in Dei cognitionem perfectam perueniri potest. ibidem.  
 Aliter ordinantur cognitiones quid & quia circa habitus quam circa animam. lib. 3. cap. 46. fol. 106. col. 1.  
 Cognitio quam habet mens de Deo ex seipsa, non excedit genus cognitionis ipsius ex sensibilibus. lib. 3. capitu. 47. fol. 107. colum. 2.  
 Omnis cognitio à diuina cognitione regulatur. lib. 3. cap. 64. fol. 136. col. 2.  
 Intellectus humanus potest ascendere in Dei cognitionem per processum creaturarum à Deo ordine quodam tamquam per quandam viam. lib. 4. cap. 1. fol. 607. col. 2.  
 Cognitio hominis de Deo in hac vita non est propriè intellectua- lis intuitus. ibidem, fol. 608. col. 1.  
 Perfecta rei cognitio haberi non potest nisi eius operatio cogno- scatur. lib. 2. cap. 1. fol. 144. col. 2.  
 Cognoscens perfecte aliquam naturam vniuersalem, cognoscit modum quo natura illa potest haberi. lib. 1. cap. 50. fol. 77. col. 2.  
 Qui cognoscit rem in vniuersali, tantum cognoscit eam in po- tentia. lib. 3. cap. 75. fol. 146. col. 1.  
**C O M P L E X V M.**  
 In complexo importatur comparatio incomplexi ad rem, lib. 1. cap. 59. fol. 89. col. 2.  
**C O M P O S I T I O.**  
 De compositione & ordine quomodo se habeant adinuicem. lib. 4. cap. 35. fol. 680. col. 1.  
 Compositioni & diuisioni intellectus oportet correspondere co- positionem ex parte rei. lib. 1. cap. 58. fol. 88. col. 1.  
 Intellectus diuinus compositionem & diuisionem dicit. lib. 1. ca. 59. fol. 89. col. 2.  
**C O N C I L I V M.**  
 De conciliis & additione ad concilia, lib. 4. cap. 25. fol. 663. col. 2.  
 Romani pontificis autoritas autoritate concilij superior est. ibidem.  
**C O N C V B I N A.**  
 Quid nomen concubinæ intelligitur in scriptura, quando plu- res habere concubinas permittebatur. lib. 3. capitu. 125. fol. 556. colum. 1.  
**C O N F E S S I O.**  
 De confessionis institutione & necessitate. lib. 4. cap. 72. fol. 737. colum. 2.  
 Quomodo Papa in confessione potest dispensare. ibid. fol. 738. colum. 1.  
 Per confessionem & baptismum aliquando confertur gratia se- cundum quod sunt in proposito tantum, aliquando secun- dum quod sunt in actu. ibidem.  
**C O N F I R M A T I O.**  
 Quare confirmatis fit signum crucis in fronte. lib. 4. cap. 60. fol. 719. colum. 2.  
 Apostoli in exhibitione sacramenti confirmationis quandoque Chrismate sunt vsi. ibid.  
 Sacramentum confirmationis à solis pontificibus ex officio con- fertur, licet etiam simplex sacerdos ex Papæ commissione hoc possit. ibidem.  
 Quis sit minister necessarius in sacramento confirmationis, ibid.  
 Per sacramentum confirmationis constituitur quis in quadam status existentia. lib. 4. cap. 73. fol. 742. col. 1.  
**C O N I V G A T V S.**  
 Quomodo aliqui coniugati sunt perfectiores aliquibus conti- nentibus, lib. 3. cap. 137. fol. 570. col. 2.  
**C O N I V N C T I O.**  
 Quæ coniunctio mentis ad Christum in spiritali sanatione re-

quiratur. lib. 4. cap. 71. fol. 737. col. 1.  
**C O N S C I E N T I A.**  
 Liberari à conscientia offensæ præteritæ dupliciter potest intel- ligi. lib. 4. cap. 54. fol. 707. col. 2.  
**C O N S I L I V M.**  
 Consilium est de meliori bono. lib. 3. cap. 139. fol. 573. col. 2.  
**C O N T I N G E N S.**  
 Contingens vt futurum cognosci, dupliciter potest intelligi. lib. 1. cap. 67. fol. 102. col. 1.  
**C O N T R A R I V M.**  
 Quæ secundum naturam sunt contraria, in intellectu desinunt contraria esse. lib. 2. cap. 55. fol. 211. col. 2.  
 Contrarias formas contrarietatem amittere in intellectu, est si- gnum quod natura intellectualis neque contrarium habet, neque est ex contrariis composita. ibidem.  
 Quomodo intelligatur contrarietas in intellectu. lib. 2. cap. 76. fol. 263. col. 1.  
 Rationes contrariorum simul cognoscuntur. lib. 1. c. 71. fol. 110. col. 1.  
 Quare species contrariorum in intellectu non sunt contrariæ. lib. 3. cap. 82. fol. 474. col. 1.  
 Vnum contrarium est causa cognoscendi alterum. lib. 2. cap. 50. fol. 204. col. 2.  
**C O N T R I T I O.**  
 Quomodo ex contritione potest omnis obligatio ad poenam re- mitti. lib. 3. cap. 158. fol. 599. col. 2.  
 Vehementia contritionis ex duobus attendi potest, lib. 4. cap. 72. fol. 737. col. 1.  
 Contritio non est pars integralis sacramenti poenitiæ nisi vt aliquo sensibili signo manifestetur. ibidem. fol. 739. col. 2.  
 Contritio est res & sacramentum poenitiæ exterioris secun- dum quod habet efficaciam sanandi peccatum. ibidem.  
**C O N V E R S I O.**  
 Conuersio panis in corpus Christi est successio substantiarum, non autem substantialis. lib. 4. cap. 63. fol. 724. col. 2.  
 Quomodo conuersio panis in corpus Christi, est causa, quod Christus sit in sacramento. lib. 4. cap. 63. fol. 723. col. 1.  
 Vtrum per solam conuersionem substantiæ in substantiâ absque motu locali possit corpus Christi in altari esse. ibidem.  
 Si substantia panis in conuersione resolveretur in materiam pri- mam, materia prima esset sine forma. ibidem. fol. 724. col. 1.  
 Quomodo aliquid ex vi conuersionis dicatur esse in sacramen- to, lib. 4. cap. 64. fol. 725. col. 2.  
 Quomodo anima Christi sit in Eucharistia ex vi conuersionis ibidem.  
 Vtrum in Eucharistia in die cene cõsecrata fuisset corpus Chri- sti constitutum per animam, si in triduo mortis fuisset confer- uata. ibidem.  
 Quomodo se habeat conuersio prædicta ad dimensiones corpo- ris Christi. ibidem.  
 Vtrum prius nos conuertamur ad Deum quam ipse ad nos. lib. 3. cap. 149. fol. 505. col. 2.  
**C O R P V S.**  
 De veritate & significatione huius locutionis, Hoc est corpus meum. lib. 4. cap. 63. fol. 724. col. 2.  
 Nullum corpus agit nisi moueatur. lib. 2. capitu. 20. & 65. fol. 165. colum. 1.  
 Corpora inferiora vt mota naturalibus motibus considerantur vt mota tantum, non autem vt mouentia. lib. 3. cap. 22. fol. 364. colum. 2.  
 Vtrum corpus possit agere in aliquod situaliter distans imme- diate. lib. 3. cap. 68. fol. 446. col. 2.  
 Corpus superius magis formale est quam inferius. lib. 3. cap. 82. fol. 472. col. 2.  
 Corpora inferiora cum contrarietate perficiuntur. ibidem.  
 Tripliciter corpora inferiora ad superiora comparari possunt. li- bro 3. cap. 86. fol. 483. col. 2.  
 Quomodo inferiora corpora aliquando propter indispositio- nem materiæ rectitudinem primæ regulæ non sequuntur. lib. 3. cap. 110. fol. 534. col. 2.  
 Corpus oportet animæ proportionatum esse. lib. 4. cap. 33. folio 674. col. 2.  
 Corpus Christi sub sacramento duplicem habet præsentialita- tem, quarum vna sibi conuenit mediante alia. libro 4. cap. 63. fol. 723. col. 1.  
 Corpus Christi potest dici esse sub dimensionibus panis & diui- sibiliter & indiuisibiliter. lib. 4. cap. 64. fol. 726. col. 1.  
 Corpus Christi quomodo incipiat sub speciebus panis esse. lib. 4. cap. 63. fol. 722. col. 2.  
 Virtute diuina duo corpora simul esse possunt. lib. 4. cap. 87. fo- lio 766. col. 1.  
 Duo corpora non possunt naturaliter simul esse in eodẽ loco. ibid.  
**C O R R V.**



# COMMENTARIORVM.

## CORRUPTIO.

Omnis corruptio fit per separationem formæ à materia. lib.2. cap.55.fol.209.col.2.  
Corruptibile secundum naturam quomodo potest incorruptibile fieri. lib.2. cap.89.fol.299.col.1.  
Quomodo corruptio fit vel non fit præter intentionem naturæ. lib.3. cap.6.fol.343.col.2.  
Quare virtute naturæ non potest corruptum reparari. lib.4. cap.81.fol.753.col.1.  
Per diuinam virtutem possunt corrupta in integrum reuocari. ibidem col.2.

## CREATIO.

Quomodo in creatione aliquid aliter se habet nunc & prius. lib.2. cap.16.fol.162.col.1.  
Creatio alia creatione non creatur. lib.2. cap.18.fol.162.col.2.  
Creare non est nisi potentia infinita. lib.2. cap.20.fol.165.col.2.  
Quomodo creatio & conseruatio distinguantur. lib.3. cap.65.fol.438.col.2.  
Ideo creatio est res aliqua, quia creatura realiter dependet à Deo. lib.2. cap.18.fol.163.col.1.  
Quomodo in creatione non est successio. lib.2. cap.19. fol.164.col.1.  
Quomodo ideo in creatione non est successio, quia inter esse & non esse medium non cadit. lib.2. cap.19. ibid.  
Quomodo in creatione sit terminus à quo & terminus ad quem. lib.2. cap.19. ibidem.

## CREATURA.

Creatura dicitur conuenienter similis Deo, non autem conuerfo. lib.1. cap.29.fol.47.col.1.  
Creatura non potest esse sine relatione ad Deum. lib.2. cap.18.fol.163.col.1.  
Creatura quanto magis à diuina bonitate distat, tanto eius perfecta bonitas maiorem multipliciter requirit. lib.3. cap.20.fol.360.col.2.  
Creatura participatione ipsius esse dicitur ens. ibid. fol.361.col.1.  
Vtrum creaturarum multiplicatio sit de perfectione diuina. lib.1. cap.75.fol.115.col.1.  
Processus creaturarum à Deo, à nobis imperfecte cognoscitur. lib.4. cap.1.fol.608.col.1.  
Processus creaturarum à Deo ipsum Deum non includit tanquam intrinsecum principium, licet eius extrinsecum principium sit. ibidem.  
Quomodo omnis creatura substantiam Dei representat. lib.4. cap.7.fol.616.col.1.  
Sola creatura rationalis est capax directionis ad suos actus, etiam secundum indiuiduum. lib.3. cap.113.fol.540.col.2.  
Creatura rationalis rationem prouidentia cognoscere potest. ibidem.col.2.  
CULPA.

Quomodo defectus naturæ possit dici habere rationem culpæ. lib.4. cap.52.fol.701.col.2.  
Quomodo defectus naturæ sint culpabiles, quamuis sint naturales. lib.4. cap.52.fol.702.col.2.  
Quomodo culpa originalis est in actu virtutis generatiue. ibid.  
Quomodo defectus naturæ in prolem transfundatur sub ratione culpæ, licet in parente rationem culpæ non habeat. lib.4. cap.52.fol.703.col.1.  
DAMNATIVS.

De damnatorum verme, scilicet de remorsu conscientia. lib.4. cap.90.fol.769.col.2.  
Defectus naturales in corporibus damnatorum non reparabuntur. lib.4. cap.89.fol.767.col.2.  
Quomodo corpora damnatorum à sensibilibus rebus lædi possint. ibid. fol.767.col.2.  
Quomodo dolor ex intentionali forma possit in damnatis causari. ibidem.col.2.  
Quomodo spiritus damnati igni corporeo alligentur. lib.4. cap.90.fol.769.col.1.  
Dolor spirituum damnatorum per alligationem, duplicem habet causam. ibidem.  
De fletu damnatorum. lib.4. cap.90.fol.769.col.2.  
Quomodo voluntas damnatorum est immutabilis in malo. lib.4. cap.93.fol.773.col.2.  
Quid sit illa dispositio qua aliquid ut ultimus finis à damnatis desideratur. lib.4. cap.95.fol.774.col.2.  
Vtrum ex dispositione acquisita in vita voluntas damnati immobilis fiat in malo. lib.4. cap.95.fol.775.col.1.  
Vtrum voluntas damnatorum possit velle bonum. ibidem.

## DELECTATIO.

Delectatio quomodo est appetibilis & bona per se. lib.3. cap.26.fol.377.col.1.

Delectatio quomodo se habeat ad ultimum finem. ibidem. folio 378.col.1.  
Delectationes cibi & venereorum non sunt propter se. lib.4. cap.83.fol.760.col.1.  
Delectatio est appetenda ex operationibus quas consequitur. lib.3. cap.26.fol.377.col.1.  
Quomodo in naturalibus delectatio est propter operationem. lib.3. cap.26. ibidem.  
Vtrum delectatio beati ordinetur ad aliquid aliud. lib.3. cap.26.folio 376.col.2.  
De spiritualibus delectationibus. libro 1. cap.5. fol.7.col.1.  
Delectationes spirituales sunt corporalibus potiores. lib.3. cap.63.fol.434.col.2.  
Vnum gaudium & delectatio sint operationes. lib.1. cap.90.fol.129.col.2.  
Quomodo delectatio rationem quietis habeat. lib.1. cap.90.fol.130.col.1.  
Quomodo inter se se habeant gaudium & delectatio. ibidem.  
De ordine delectationis ad operationem. lib.4. cap.83.fol.760.col.1.

## DÆMON.

Dæmones dum aliqua prænunciant, non illuminant mentem. lib.3. cap.154.fol.604.col.2.

## DESIDERIVM.

Desiderium dupliciter accipitur. lib.3. cap.62.fol.431.col.2.  
Omnia alia desideria à desiderio cognitionis in aliis rebus quiescere possunt. lib.3. cap.50.fol.413.col.1.  
Quomodo naturale desiderium fertur in cognitum. lib.1. cap.5.folio 7.col.1.  
Vtrum per diuinam visionem omne desiderium animæ separata impleatur. lib.3. cap.63.fol.434.col.2.  
Motus desiderij ad bonum non potest esse nisi à Deo. lib.3. cap.95.fol.502.col.1.  
Desiderans à desiderato spiritualiter mouetur. lib.3. cap.64.fol.436.col.2.  
Cuiusque sufficit id quod habet, non querit aliud extra ipsum. lib.4. cap.92.fol.772.col.2.

## DETERMINANS.

Quomodo determinans sibi aliquod genus, determinat sibi aliquam eius speciem. lib.3. cap.4.fol.341.col.1.

## DEVS.

Dei nomine quomodo significatur id quo maius cogitari non potest. lib.1. cap.11.fol.13.col.1.  
Deus est infinita potentia intensiue secundum Arist. lib.1. cap.20.fol.29.col.1.  
Quomodo de Deo sit aut non sit demonstratio. lib.1. cap.25.fol.42.col.1.  
Deus non potest facere præteritum non fuisse. lib.2. cap.25.fol.176.col.1.  
Deus quomodo ad creaturam refertur. lib.2. cap.11.fol.153.col.2.  
Deus statuit sibi determinatos effectus quos per suam sapientiam producat. lib.2. cap.26.fol.177.col.1.  
In Deo suum agere est suum intelligere & suum velle. lib.2. cap.35.fol.185.col.2.  
Deus alia intelligit in seipso. lib.1. cap.46.fol.72.col.2.  
Diuina essentia ad res se habet non sicut principium ad conclusiones, sed sicut species ad res cognititas. libro 1. cap.57. fol.87.col.2.  
Deus operatur propter finem. lib.3. cap.17.fol.357.col.2.  
Deum immediate mouet primum mobile. lib.3. cap.68. folio 443.col.2.  
Deus in remotissima agit. lib.3. cap.77.fol.464.col.1.  
Omnia sunt ab æterno realiter præsentia Deo. libro 1. cap.68.fol.106.col.1.  
Deus non aliter refertur ad ea quæ sunt actu, quam ad ea quæ sunt in potentia. lib.2. cap.12.fol.155.col.1.  
Deo nihil potest esse simplicius neque secundum rem neque secundum rationem. lib.1. cap.32.fol.52.col.2.  
Deum esse omnis boni bonum dupliciter potest intelligi. lib.1. cap.40.fol.61.col.1.  
Quomodo intelligitur quod intellectus Dei vilesceret, si intelligeret alia à se. lib.1. cap.49.fol.75.col.2.  
Deum intelligere aliquid extra se, dupliciter potest intelligi. ibidem.  
Deo conuenit secundum naturam ut sit aliorum causa. ibidem.  
Vtrum intellectus Dei à rebus intellectis dependeat. lib.1. cap.51.fol.79.col.1.  
Quid est Deum intelligere essentiam suam, ut propriam alicuius rationem. lib.1. cap.54.fol.83.col.1.  
Deus cognoscit alia in quantum est eis causa. lib.1. cap.65.fol.95.col.2.

Vtrum



Vtrum Adam & antichristus coexistant Deo. lib. 1. cap. 66. fol. 99. col. 2.  
 Quomodo res temporales dicuntur Deo coexistere. Ibidem.  
 Deus sua actione nihil sibi acquirit. lib. 3. cap. 18. fol. 358. col. 1.  
 Deus quomodo agit propter suum bonum. lib. 3. cap. 24. folio 370. col. 2.  
 Magis & vicinius aliquid coniungitur Deo cognoscendo quam aliquam eius similitudinem participando. lib. 3. cap. 25. folio 372. col. 1.  
 Quomodo videbimus Deum facie ad faciem. lib. 3. cap. 51. folio 413. col. 2.  
 Deus volendo se vult omnia quæ in ipso sunt. lib. 1. cap. 75. fol. 115. col. 1.  
 Quomodo quædam magis elongantur à Deo, & quædam minus. lib. 3. cap. 72. fol. 456. col. 1.  
 Deus est in omnibus rebus, quia omnibus dat esse, & illas conseruat. lib. 3. cap. 68. fol. 441. col. 1.  
 Quomodo intelligitur Deus esse vbique & in omnibus rebus. lib. 3. cap. 68. fol. 444. col. 2.  
 Quomodo se habeat Deus ad contingentia & necessaria. lib. 1. cap. 85. fol. 124. col. 2.  
 Quicquid Deus potuit potest. lib. 1. cap. 83. fol. 123. col. 1.  
 Deus non potest non velle quod voluit. Ibidem.  
 Quomodo Deus non vult alia ex necessitate, licet illa velit vt ad suam bonitatem ordinata tanquam ad finem. lib. 1. cap. 81. fol. 119. col. 1.  
 Vtrum possibile sit Deum nihil velle. lib. 1. cap. 80. Ibidem.  
 Dupliciter dicuntur res esse in Deo exemplariter. lib. 1. cap. 93. fol. 136. col. 1.  
 Deus vult alia à se in quantum volendo se & bonitatem suam vult eam in alia diffundi. lib. 1. cap. 96. fol. 138. col. 1.  
 Deus comparatur ad omnia sicut ad id quod est in potentia. lib. 3. cap. 100. fol. 511. col. 1.  
 Ex eo quod Deus noceat damnatis, non dicitur aliquo modo secundum suam naturam malus. lib. 3. cap. 107. fol. 527. col. 1.  
 Deus dispositionem naturalem in subiecto corporeo non requirit. lib. 3. cap. 156. fol. 607. col. 1.  
 Quomodo potest dici Deus nouiter vnitus humanæ naturæ. lib. 4. cap. 49. fol. 696. col. 1.  
 Quia Deus est totus actu, oportet vt totam substantiam rei producat. lib. 2. cap. 16. fol. 160. col. 2.  
**D I F F E R E N S.**  
 Differens quomodo est relatiuum. lib. 1. cap. 17. fol. 24. col. 1.  
 Quomodo distinguuntur differens & diuersum. Ibidem.  
 Quomodo differentia est extra essentiam generis. lib. 1. cap. 24. fol. 39. col. 1.  
 Quomodo differentia conducit ad esse. ibid. fol. 38. col. 1.  
 Differentia ex forma diuersitatem speciei inducit. libro 2. cap. 93. fol. 311. col. 1.  
**D I F F I N I T I O.**  
 Quomodo partes diffinitionis comparentur ad diffinitum, sicut formale ad materiale. lib. 2. cap. 58. fol. 218. col. 1.  
**D I L E C T I O.**  
 Dilectionis differentia ab aliis gratiæ donis. lib. 3. cap. 154. fol. 605. col. 1.  
 Dilectionis effectus est conformitas voluntatis. lib. 3. cap. 151. fol. 598. col. 1.  
 Vtrum dilectio Dei sit melior eius cognitione. libro 3. cap. 26. fol. 379. col. 2.  
 Quomodo dilectio secundum sanctum Thomam præminet eius cognitioni. ibidem col. 2.  
 Vtrum dilectio magis Deo coniungat quam cognitio. ibidem. folio 380. col. 2.  
**D I M E N S I O.**  
 De dimensionibus interminatis. libro 4. cap. 81. fol. 754. col. 1.  
**D I S P O S I T I O.**  
 Dispositiones materiæ ad formam quomodo sunt priores in essendo. lib. 2. cap. 71. fol. 244. col. 2.  
 Dispositiones ad formam quomodo sunt priores forma. libro 2. cap. 71. ibid.  
 Quomodo generans hominē causat dispositiones pro forma. lib. 2. cap. 89. fol. 300. col. 1.  
 Nihil est suscepiuum formæ sublimioris, nisi per aliquam dispositionem ad illam eleuetur. lib. 3. cap. 53. fol. 417. col. 2.  
 Deus per se & per suam sapientiam ordinem etiam rerum minimarum disponit. lib. 3. cap. 77. fol. 464. col. 1.  
**D I S T I N C T I O.**  
 Si diuersa agentia non ordinata, sint causa distinctionis rerum, erit à casu. lib. 2. cap. 41. fol. 192. col. 2.  
 Quomodo possint aliqua esse causa distinctionis realis, & tamen ipsa sola ratione distingui. lib. 4. cap. 24. fol. 662. col. 1.

Distinctio non inuenitur inter aliqua nisi per aliquam oppositionem. lib. 4. ibid. fol. 659. col. 2.  
 Per oppositionem affirmationis & negationis distinguuntur entia à non entibus. Ibidem. fol. 660. col. 1.  
 Quid ad formalem distinctionem positiuam aliquorum requiratur. lib. 4. ibid. fol. eod. col. 2.  
 Dupliciter potest intelligi in prima rerum productione distinctionem non fuisse. lib. 2. cap. 39. fol. 190. col. 2.  
 Diuisio formalis reducitur ad priuationem & formam. libro 2. cap. 44. fol. 196. col. 2.

**D I V I T I A.**

Quomodo liceat habere diuitias. lib. 3. cap. 127. fol. 557. col. 2.  
 Conueniens est vt religiosi tãtas in communi diuitias habeant quantæ ad eorum sustentationem conuenientem requiruntur. lib. 3. cap. 133. fol. 564. col. 2.

**D I V T V R N V M.**

Res tanto est diuturnior, quanto eius causa est efficacior. lib. 1. cap. 43. folio 68. col. 1.

**D O C E R E.**

Interius docere est proprium opus Dei libro 4. cap. 17. folio 646. col. 2.

**D O M I N I V M.**

Homini conuenit dominium per accidens, Deo vero per naturam. lib. 3. cap. 119. fol. 546. col. 1.

**D O N A T I O.**

Donatio qua pater donauit filiis, nullam eius indigentiam ostendit. lib. 4. cap. 8. fol. 620. col. 1.

Quis proprie dicatur habere aliquod donum per modum habitus. lib. 4. cap. 70. fol. 733. col. 2.

**D V R A T I O.**

Vtrum res creata necessario per aliquod tempus duret. libro 3. cap. 65. folio 439. col. 1.

**E A D E M.**

Quæ vni & eidem sunt eadem, inter se sunt eadem. libro 2. cap. 9. fol. 151. col. 1.

**E F F E C T V S.**

Effectus per accidens quomodo in calum referri possit. libro 3. cap. 86. fol. 484. col. 2.

Quid sit effectum esse adæquatum suæ causæ. libro 1. cap. 3. folio 4. col. 1.

Oportet effectus causis proportionari. libro 2. cap. 15. folio 158. col. 1.

Effectus vniuersalis causam vniuersalem requirit. lib. 2. cap. 21. folio 167. col. 2.

Vnus effectus non potest simul à plurius causis totalibus eiusdem generis esse. lib. 3. cap. 68. fol. 446. col. 2.

Effectus non potest esse immaterialior suæ causæ. libro 2. cap. 62. fol. 231. col. 1.

Effectus Dei quomodo in diuina essentia cognoscantur. libro 3. cap. 56. fol. 402. col. 2.

Non omnes effectus diuinæ virtutis cognosci possunt. lib. eod. folio 424. col. 1.

Diuersitas effectuum corporalium etiam in corpora caelestia refertur, & non tantum in causas particulares. libro 3. cap. 84. fol. 476. col. 1.

Effectus nobiliores in istis inferioribus requirunt agentia sui generis. lib. 2. cap. 76. fol. 263. col. 2.

Prima causa existente necessaria, potest effectus esse contingens. lib. 1. cap. 67. fol. 104. col. 1.

Quomodo prima causa existente necessaria, non potest effectus non euenire. ibid. fol. 103. col. 2.

De contingentia & necessitate effectus. ibid. fol. 102. col. 2.

Vtrum maius sit videre diuinam essentiam in se quam omnes eius effectus in ipsa. lib. 3. cap. 56. fol. 424. col. 1.

Vtrum omnes effectus à Deo producibiles cognosci possint, ibidem. col. 2.

Contingit malum in effectum esse propter defectum causæ secundæ, dato quod in prima causa nullus sit defectus. libro 3. cap. 71. fol. 454. col. 1.

Perfectio effectus determinat perfectionem causæ. lib. 3. cap. 69. fol. 449. col. 1.

Sapientis voluntas ex hoc quod est de causâ, est de effectum, qui ex causâ de necessitate sequitur. lib. 1. cap. 81. fol. 120. col. 1.

Effectus per accidens non habet causam per se. lib. 3. cap. 86. folio 484. col. 1.

Aliqui effectus per accidens sunt in ordine ad caelestia corpora. ibidem. col. 2.

Quomodo aliquis effectus per accidens possit in ordine ad virtutem caelestem esse per se. lib. 3. cap. 92. fol. 496. col. 1.

Quomodo



## C O M M E N T A R I O R V M.

Quomodo posita causa per se, qua posita necesse est effectus poni, non est necesse semper effectum euenire necessario absolute. lib. 3. cap. 94. fol. 500. col. 2.

Dupliciter inuenitur ordo alicuius effectus esse certus. ibidem.

Dupliciter contingit effectum esse suae causae proportionatum. lib. 3. cap. 99. fol. 509. col. 2.

Quod sit virtute corporum caelestium, est effectus naturalis. lib. 3. cap. 104. fol. 521. col. 1.

Dupliciter potest intelligi effectum perfecte à causa procedere. lib. 4. cap. 25. fol. 663. col. 2.

### E L E C T I O.

Vtrum electio semper per liberum arbitrium sit. libro 1. cap. 88. fol. 127. col. 1.

Optime infertur caelum non esse causam electionis nostrae, quia intelligentia est eius causa immediata. lib. 3. cap. 85. fol. 480. col. 1.

Virtutes & vitia sunt electionum principia propria. ibid. col. 2.

Quomodo electiones humanae aliquo modo ex impressione corporum caelestium occasionantur. lib. 3. cap. 85. fol. 482. col. 1.

Quomodo corpora caelestia in nobis sint causa electionis per modum passionis. lib. 3. cap. 92. fol. 495. col. 1.

Vtrum electio humana in volitionem angelicam tanquam in suam regulam sit reducenda. lib. 3. cap. 91. fol. 492. col. 2.

Substantiae intellectuales sunt secundum electionem mutabiles. lib. 3. cap. 112. fol. 539. col. 1.

### E L E M E N T V M.

Elementa manent virtute in mixto. lib. 2. cap. 56. fol. 212. col. 2.

Elementa sunt incorruptibilia secundum totum, corruptibilia autem secundum partem. lib. 2. cap. 90. fol. 303. col. 1.

### E M A N A T I O.

Quomodo emanatio sensibilis sit inter emanationes vitales connumeranda. lib. 4. cap. 11. fol. 626. col. 1.

### E N S.

Ens nominaliter sumptum est quod diuiditur in decem genera rerum. lib. 1. cap. 25. fol. 41. col. 1.

Quomodo ens fiat ex non ente simpliciter. lib. 2. cap. 16. fol. 160. col. 1.

Ens non ponitur in alicuius diffinitione. lib. 1. cap. 25. fol. 42. col. 1.

Si ens ponatur vniuocum, oportet poni ipsum esse genus. lib. 1. cap. 32. fol. 52. col. 1.

Vtrum ens & alia nomina analogice dicta de Deo & creatura, vnum conceptum dicant. lib. 1. cap. 34. fol. 56. col. 2.

Nobiliora in entibus oportet ignobiliora numero aut quantitate excedere. lib. 2. cap. 92. fol. 309. col. 2.

Nobiliora in entibus quantum possibile est multiplicatur. ibid. col. 2.

### E P I S C O P A T V S.

Episcopalis potestas est aliis ordinibus superior. lib. 4. ca. 76. fol. 745. col. 1.

Vtrum episcopatus sit ordo. ibidem. col. 2.

Quomodo episcopalis potestas sacerdotalem excellat. ibidem.

Potestas episcopalis & iurisdictionis & ordinis. ibidem.

### Æ Q V A L I T A S.

Æqualitas inter diuinas personas est relatio rationis. lib. 4. cap. 11. fol. 631. col. 2.

### E R R O R.

Error non est in principiis, sed tantum in conclusionibus. lib. 1. cap. 61. fol. 93. col. 1.

In simplicibus error circa essentialia totaliter rei cognitionem excludit. lib. 3. cap. 118. fol. 545. col. 1.

Quicumque errat circa Deum, ipsum non cognoscit. ibidem.

### E S S E.

Esse est primum causatum. lib. 2. cap. 21. fol. 167. col. 1.

Esse animae intellectus quomodo est variabile. lib. 4. cap. 82. fol. 756. col. 2.

Esse Dei est intelligere. lib. 1. cap. 50. fol. 77. col. 1.

Esse animae intellectus sibi primo conuenit. lib. 2. cap. 68. folio 237. col. 1.

Esse animae intellectus & hominis est idem. ibid. fol. 236. col. 2.

Esse per se consequitur formam. lib. 2. cap. 55. fol. 210. col. 2.

Esse non conuenit rei secundum essentiam. lib. 2. cap. 52. fol. 207. col. 1.

Quomodo accipiat esse cum dicimus quod cognoscimus Deum esse, & similiter in aliis. lib. 1. cap. 12. fol. 14. col. 1.

Quomodo inesse rei temporalis inueniatur successio. lib. 1. cap. 15. fol. 21. col. 2.

Esse substantiale quomodo per accidens attingitur à tempore. lib. 1. cap. 20. fol. 30. col. 2.

Esse diuinum limitari non potest. lib. 1. cap. 24. fol. 39. col. 2.

Esse diuinum non potest esse terminus generationis. lib. 1. cap. 26. fol. 43. col. 2.

Esse diuinum non potest esse actus rei à se distinctus. lib. 1. ca. 27. fol. 45. col. 2.

Esse simpliciter est proprius effectus Dei. libro 2. cap. 21. fol. 167. col. 1.

Esse est prius generatione effectibus aliarum causarum. ibidem. fol. 168. col. 1.

Esse subsistenti nihil conuenit, nisi quod est entis inquantum ens. lib. 2. cap. 52. fol. 206. col. 1.

Secundum esse intellectuale magis est aliquid multiplicabile, quam secundum esse naturale. lib. 2. cap. 92. fol. 310. col. 1.

Impossibile est aliquid esse actu nisi omnibus existentibus quibus esse substantiale designatur. lib. 1. cap. 24. fol. 38. col. 2.

Quod designat aliquid designatione essentiali, facit rem esse in actu, & est intrinsecum rei designatae. ibidem. fol. 39. col. 1.

Vnum esse vnam formam requirit. lib. 2. cap. 58. fol. 219. col. 1.

Comparatio esse diuini adesse commune. lib. 1. cap. 26. folio 44. col. 1.

Comparatio quidditatis ad esse. lib. 1. cap. 42. fol. 64. col. 2.

Duorum si substantia liter distinguantur, non est vnum esse. lib. 1. cap. 42. fol. eod. col. 1.

Esse est perfectius quam viuere. ibid. cap. 28. fol. 45. col. 2.

Esse imaginabile est medium inter esse formae omnino materiae & esse intelligibile. lib. 2. cap. 96. fol. 316. col. 1.

Vnumquodque secundum suam essentiam habet esse. lib. 3. ca. 7. fol. 344. col. 2.

Vtrum omnia naturaliter appetant esse. libro 3. cap. 19. folio 358. col. 2.

Substantia simplex participat esse secundum id quod est. libro 3. cap. 20. fol. 361. col. 1.

Creatura participatione ipsius esse dicitur ens. ibidem.

Quod potest esse, potest etiam non esse. libro 2. cap. 30. folio 181. col. 2.

Esse rerum intellectuum ad extra non est ipsum intelligi sicut accidit in intentione intellectus. lib. 4. cap. 11. fol. 627. col. 2.

Quomodo bene ostenditur quod idem est esse verbi diuini & diuini intellectus, quia intelligere est substantia diuini intellectus, intelligi vero est esse verbi intellectus. ibidem.

### E S S E N T I A.

Essentia quomodo significetur per modum partis. libro 1. cap. 21. fol. 33. col. 1.

Esse tale per essentiam vel participationem multipliciter dicitur. libro 1. cap. 22. folio 36. col. 1. & lib. 2. cap. 52. fol. 205. col. 2.

Essentia habet modum partis formalis, non autem materialis. lib. 1. cap. 21. fol. 33. col. 2.

Essentiam diuinam posse accipi ut propriam rationem, dupliciter potest intelligi. lib. 1. cap. 54. fol. 82. col. 2.

Vtrum essentia conueniat rei per causam. lib. 2. cap. 52. fol. 206. col. 2.

Quomodo intelligitur quod homo in hac vita diuinam essentiam videre non potest. lib. 3. cap. 47. fol. 406. col. 2.

Quomodo essentia diuina vnitur intellectui beatorum. lib. 3. cap. 51. fol. 415. col. 1.

Diuinam essentiam intellectus creatus secundum totum suum posse non capit. lib. 3. cap. 55. fol. 421. col. 2.

Diuina essentia non videtur à beatis perfecte sicut cognoscibilis est. ibidem.

Essentiam diuinam videntibus est quodammodo per se notum, quod hic per fidem tenemus. lib. 4. cap. 54. fol. 707. col. 1.

Per diuinam essentiam alia cognoscuntur sicut ex causa. libro 3. cap. 56. fol. 422. col. 2.

Si cognosceretur omnes effectus Dei in diuina essentia, ipsa infinite cognosceretur intensius. ibidem. fol. 423. col. 1.

Dici per essentiam tale dupliciter contingit. lib. 1. cap. 102. fol. 142. col. 1.

### Æ T E R N I T A S.

Aeternitatis ratio explicatur. lib. 1. cap. 15. fol. 21. col. 1.

Si agens & recipiens sunt aeterna, oportet recepta esse aeterna. lib. 2. cap. 73. fol. 251. col. 2.

Omnia sunt in aeternitate praesentia. libro primo, cap. 66. fol. 99. col. 2.

Dupliciter dicitur aliquid aeternitate participare. libro 3. cap. 61. fol. 430. col. 1.

Vtrum visio beata mensureretur aeternitate. libro tertio, ibidem.

### E V C H A R I S T I A.

In eucharistia alia accidentia panis sunt in quantitate. libro 4. cap. 63. fol. 723. col. 1.

Corpus Christi non diuiditur ad diuisionem dimensionum subsistentium in eucharistia. libro quarto, capitulo 67. folio 731. col. 1.

Quomodo accidentia eucharistiae ad formam substantialem agere possunt. libro quarto, capitulo sexagesimo sexto, folio 730. col. 2.

Quomodo dimensio sacramenti eucharistiae se habeat ad for-

Contra Gent.

††



# T A B V L A

mam substantialem quando ex ipsa aliqua substantia generatur. lib. 4. cap. 66. fol. 330. col. 2.  
 Quomodo in sacramento eucharistiae sint, anima ex vi conuersionis, & alia quaedam concomitantur. lib. 4. cap. 64. folio 725. col. 1.  
 Corpus Christi secundum esse quod habet in eucharistia, quomodo sit in loco. lib. 4. cap. 63. fol. 723. col. 1.  
 Corpus Christi incipit esse in eucharistia per conuersionem substantiae panis in ipsum. lib. 4. ibidem.  
 In consecratione corporis non annihilatur substantia panis. ibidem. fol. 724. col. 1.  
 Si maneret substantia panis in eucharistia, non vere diceretur, Hoc est corpus meum. ibidem.  
 De veritate & significatione huius locutionis, Hoc est corpus meum. ibidem. col. 2.  
 Quantitas corporis Christi est in eucharistia indiuisibiliter. libro quarto, cap. 64. fol. 726. col. 1.  
 Vtrum in eucharistia in die cenae consecrata, fuisset corpus Christi constitutum per animam, si in triduo mortis fuisset consecrata. lib. 4. cap. 64. fol. 725. col. 2.  
 Quomodo contingat fractionem eucharistiae fieri. lib. 4. cap. 67. fol. 731. col. 1.  
 Quomodo ex accidentibus eucharistiae possit aliquid generari. lib. 4. cap. 66. fol. 730. col. 1.  
 Vtrum qualitatibus eucharistiae in aliquam substantiam agentibus, simul agat & quantitas. ibidem.  
 Quid nomine panis triticeus ad eucharistiam requisiti, intelligatur. lib. 4. cap. 69. fol. 732. col. 1.

## F A L S I T A S.

Falsum est, quod non ita est, ut videtur. libro 4. cap. 29. fol. 670. col. 2.

## F A N T A S M A.

Fantasma quomodo sit actu intelligibile. lib. 2. cap. 73. fol. 251. col. 1.  
 Fantasmata indiuiduorum eiusdem speciei, quomodo in vno homine sint vnus vel diuersarum specierum. ibidem, folio 250. col. 1.  
 Fantasmata quomodo illuminantur ab intellectu agente. lib. 2. cap. 77. fol. 265. col. 2.  
 Fantasmata causant speciem in intellectu quae est similitudo tantum naturae. lib. 1. cap. 65. fol. 97. col. 1.  
 Fantasma solum intelligibile actu est altius in genere obiectorum cognoscibile. lib. 2. cap. 96. fol. 317. col. 1.

## F A S C I N A T I O.

De fascinatione & huiusmodi immutationibus. lib. 3. cap. 103. fol. 519. col. 1.

## F A T V M.

Quomodo fatum secundum Boetij diffinitionem sit dispositio. lib. 3. cap. 93. fol. 497. col. 1.  
 Quomodo fatum sit mobile, aut immobile. ibidem. col. 2.  
 Multiplex fati acceptio. ibidem. col. 2.

## F E L I C I T A S.

Felicitas humana quomodo à pluribus habetur. lib. 3. cap. 39. fol. 389. col. 1. & cap. 44. fol. 400. col. 1.  
 Quomodo secundum Aristotelem felicitas in cognitione diuinarum rerum per scientias speculatiuas consistit. lib. 3. cap. 44. fol. 400. col. 1.  
 Felicitas est secundum operationem intellectus per habitum perfecti. lib. 1. cap. 100. fol. 141. col. 1.  
 Duplex felicitas, scilicet contemplatiua & actiua. lib. 1. cap. 102. fol. 143. col. 1.

Quod à corporea influentia dependentiam habet, non est medium ad felicitatem proportionatum. lib. 3. ca. 85. fol. 481. col. 2.

## F I D E S.

Fides primorum quomodo est altior posteriorum fide. lib. 3. cap. 40. fol. 391. col. 1.  
 Quomodo actus fidei est imperfectus ex parte intellectus, ex parte vero obiecti est perfectus. lib. 3. cap. 40. fol. 390. col. 2.  
 De fidei certitudine. ibidem.  
 Fides habet cognitionem magis similem auditui quam visioni. fol. 391. col. 1.  
 Quomodo aliqua cognitio de Deo est altior cognitione fidei. ibidem.  
 Quomodo Apostoli cognitionem fidei acceperunt. ibidem. fol. 391. col. 2.  
 Quomodo fides ad gratiam gratis datam pertineat. lib. 3. cap. 154. fol. 604. col. 2.  
 Quod hic per fidem tenemus, videntibus diuinam essentiam, est quodammodo per se notum. lib. 4. cap. 54. fol. 707. col. 1.

## F I G V R A.

Figura nullius actionis aut passionis est principium. libro tertio,

cap. 105. fol. 523. col. 2.

Vtrum figurae quae in imaginibus necromanticis aut astrologicis fiunt, sint corporum caelestium effectus. lib. 3. cap. 105. folio 524. col. 1.

An constitutionem figure consequatur aliqua virtus ex influentia caelesti in quantum dat speciem imagini. libro 3. cap. 105. ibidem.

## F I L I V S.

Filius Dei à patre naturaliter producit. libro 4. cap. 11. fol. 628. col. 2.

Quomodo filius sit in patre, & e converso. libro 4. cap. 9. fol. 621. col. 1.

Improprie & secundum quid filius Dei potest dici creatus. lib. 4. cap. 8. fol. 620. col. 2.

Quomodo intelligitur filium Dei descendisse de caelo. libro 4. cap. 30. fol. 671. col. 2.

Quomodo non est necesse si filius Dei est incarnatus, quod aliae personae diuinae sint incarnatae. lib. 4. cap. 39. fol. 685. col. 2.

Filius de substantia patris generatur. lib. 4. cap. 47. fol. 694. col. 1.

## F I N I S.

Finis ad quem ordinatur humana natura, est supernaturalis. lib. 1. cap. 5. fol. 7. col. 2.

Quomodo habito sine cessat motus. lib. 1. cap. 20. fol. 32. col. 2.

Finis diuinae voluntatis in rerum productione est eius bonitas, in quantum per causata manifestatur. lib. 2. cap. 38. folio 189. col. 2.

Vltimus finis cuiuslibet agentis in quantum huiusmodi, est ipsemet. lib. 3. cap. 17. fol. 357. col. 1.

Finis est melior iis quae sunt ad finem. lib. 3. cap. 27. fol. 281. col. 2.

Vltimus finis vniuersi est veritas. lib. 1. cap. 1. fol. 2. col. 1.

Nec naturalia nec bruta praestituunt sibi finem. libro 1. cap. 44. fol. 71. col. 2.

Ordo finium proportionatur ordini agentium. lib. 3. cap. 17. folio 357. col. 1.

Quomodo Deus agit propter finem. ibidem.

Quomodo diuina assimilatio in causando est vltimus finis. lib. 3. cap. 22. fol. 365. col. 2.

Motus caeli, duplex est vltimus finis. ibidem.

Finis motus caeli est ut consequatur ubi, ad quod est in potentia. ibidem. fol. 65. col. 1.

Vltimus finis dupliciter accipi potest. lib. 3. cap. 26. fol. 377. col. 2.

Ea quae sunt vnus speciei perueniunt ad finem eius ut in pluribus. lib. 3. cap. 39. fol. 389. col. 1.

Repugnat aliquid esse finem naturae, & naturam ad illud peruenire non posse. lib. 3. cap. 44. fol. 399. col. 2.

Quae sit causalitas finis. lib. 1. cap. 75. fol. 115. col. 1.

Vltimus finis & perfectio rei est operatio vel operationis terminus. lib. 3. cap. 64. fol. 437. col. 2.

Finis est ratio volendi ea quae sunt ad finem. lib. 1. cap. 86. fol. 126. col. 1.

Quae sunt propinquiora fini, magis cadunt sub ordine qui est ad finem. lib. 3. cap. 90. fol. 491. col. 2.

Fini repugnat infinitum. lib. 1. cap. 38. fol. 60. col. 1.

Quomodo res ordinata ab agente ad finem ex eius motione finem consequatur. lib. 3. cap. 1. fol. 336. col. 1.

Dens est finis creaturae rationalis, & aliter aliarum creaturarum. lib. 3. cap. 111. fol. 537. col. 1.

Intelligibilia suum finem non consequuntur à fortuna in quantum huiusmodi. lib. 3. cap. 143. fol. 578. col. 2.

An aliquis praeter intentionem vltimum finem assequi possit. lib. 3. cap. 143. ibidem.

An frustra per aliquod medium finis quaeratur, si sine illo haberi potest. ibidem.

Necesse est dari homini aliquod auxilium supernaturale ad finis supernaturalis consequutionem. lib. 3. cap. 147. fol. 593. col. 1.

Dupliciter contingit rem in finem dirigi & ordinari. lib. 3. cap. 150. fol. 596. col. 2.

Vnus finis est alterius finis. lib. 3. cap. 17. fol. 357. col. 1.

Proportio inter prima principia in speculatiuis & finem in agibilibus. lib. 4. cap. 92. fol. 772. col. 2.

## F L A G E L L A.

Flagella quibus homo pro peccatis affligitur, quandoque ei in satisfactionem computantur. libro 4. cap. 73. fol. 741. col. 1.

## F O M E S.

Fomes per baptismum non tollitur, sed mitigatur. lib. 4. cap. 51. fol. 703. col. 1.

## F O R M A.

Formae rerum sensibilium perfectius esse habent in intellectu quam in rebus. lib. 2. cap. 50. fol. 204. col. 2.

Forma inferioris gradus non potest in gradum superiorem sui similitudinem producere. lib. 1. cap. 65. fol. 96. col. 2.

Forma







Homo multis modis naturalis dici potest. lib. 4. cap. 43. fol. 690. col. 1.

Nihil est altius homine secundum ordinem finis nisi Deus. lib. 4. cap. 54. fol. 707. col. 1.

Quomodo humanitas sola principia essentialia significet. lib. 4. cap. 81. fol. 754. col. 2.

In homine manent semper eadem partes secundum speciem, non secundum materiam. fol. 755. col. 1.

## H O N O R.

Vtrum honor sit bonum corporale an spirituale. lib. 1. cap. 92. fol. 134. col. 2.

Exhibitio honoris Deo per sensibilia, & etiam per interiorem venerationem conuenienter Dei cultus nominatur. lib. 3. cap. 119. fol. 546. col. 1.

## I D E M N U M E R O.

Quod non est continuum, idem numero non est. libro 4. cap. 81. fol. 754. col. 2.

Quomodo res annihilata possit eadem numero reparari, ibid. fol. 753. col. 2.

Quomodo virtute naturæ idem numero corruptum reparari non potest. ibid. fol. 753. col. 1.

Quomodo remaneat idem numero indiuiduum à principio vitæ vsque ad finem. ibid. fol. 755. col. 1.

## I G N I S.

Quomodo ignis cui noua sit appositio cōbustibilis maneat vnus numero. ibid.

De igne per quem purgandum est vniuersum. lib. 4. cap. 97. folio 779. col. 1.

## I M A G I N A B I L E.

Esse imaginabile quomodo est medium inter esse sensibile & intellectuale. lib. 2. cap. 96. fol. 316. col. 1.

## I M A G I N A T I O.

Ex imaginatione sequitur aliquando corporis immutatio ad sanitatem vel aegritudinem. lib. 3. cap. 99. fol. 510. col. 2.

## I M A G O.

Vtrum imaginibus astrologicis, aut etiam necromanticis aliqua virtus ex corporibus cælestibus inesse possit, lib. 3. cap. 104. fol. 521. col. 2.

Dupliciter potest accipi imago. libro 4. capitulo 26. folio 666. col. 1.

Quædam est imago perfecta, quædam imperfecta & quomodo in homine ponitur Dei imago. ibid.

Quomodo imago ad vestigium se habeat. ibidem.

## I M M A T E R I A L E.

Vnde sumatur genus & differentia in rebus immaterialibus. lib. 2. cap. 95. fol. 314. col. 2.

Res immateriales seipfis sunt indiuiduæ. libro primo, cap. 21. fol. 33. col. 1.

Multitudo rerum immaterialium, rerum materialium, multitudinem excedit. lib. 2. cap. 92. fol. 309. col. 2.

## I M M A T E R I A L I T A S.

Immaterialitas est ratio quod aliquid sit de ordine intelligibilium. lib. 1. cap. 44. fol. 71. col. 1.

Immaterialitas est ratio quod aliquid sit virtutis cognoscitiuæ. lib. 2. cap. 62. fol. 231. col. 1. cap. 82. fol. 281. col. 1.

## I M M O R T A L E.

Quomodo primus homo fuit institutus immortalis. lib. 4. cap. 81. fol. 752. col. 2.

## I M M V T A B I L E.

Vtrum ex immutabilitate diuina argui possit quod Deus necessario ex suppositione velit quæ modo vult. lib. 1. cap. 83. fol. 123. col. 1.

## I M P A S S I B I L I T A S.

Impassibilitas corporum resurgentium erit firmior impassibilitate corporum cælestium. lib. 4. cap. 86. fol. 765. col. 1.

De causa impassibilitatis corporum beatorum. ibid. fol. 764. col. 1.

Vtrum impassibilitas beatorum sit aliqua qualitas permanens. ibidem.

Duplex causa impassibilitatis, scilicet remota & propinqua. ibid. col. 2.

Quomodo corpora cum originali tantum decedentia, erunt impassibilia. lib. 4. cap. 89. fol. 768. col. 1.

## I M P O S S I B I L E.

Quæ sunt impossibilia, non cadunt in intellectum. lib. 1. cap. 84. fol. 124. col. 1.

## I N A L I Q V O.

Quod est in aliquo, est in eo per modum eius in quo est, & non per proprium modum. lib. 4. cap. 13. fol. 637. col. 1.

## I N C A R N A T I O.

Licet virtus incarnationis diuinæ sit ad omnium hominum salutem sufficiens, non omnes tamen salutem consequuntur.

lib. 4. cap. 55. fol. 712. col. 2.

Vtrum Christus per incarnationem meruerit nobis primam gratiam. ibidem.

Vtrum si homo non peccasset, filius Dei fuisset incarnatus. lib. 4. cap. 55. fol. 714. col. 1.

## I N C I P E R E.

Quod non incipit esse, non desinet. libro primo, cap. 15. folio 21. col. 2.

## I N C O M P L E X V M.

Quomodo incomplexum comparationem importat. lib. 1. cap. 59. fol. 89. col. 2.

Incomplexo importatur comparatio incomplexi ad rem. ibid.

## I N C O R R U P T I B I L E.

Est aliqua causa communis incorruptibilitatis in damnatis & in beatis, sed in beatis etiam aliqua particularis causa inuenitur. lib. 4. cap. 86. fol. 765. col. 1.

## I N D I V I D V A T I O.

Dupliciter potest in Deo assignari aliquid tanquam principium indiuiduationis. lib. 4. cap. 14. fol. 640. col. 1.

Quomodo intelligitur, indiuidua vnus speciei per solam materiam multiplicari. lib. 4. cap. 26. fol. 665. col. 1.

Vtrum multiplicatio indiuidualis fiat per materiam. ibidem.

## I N D I V I D V V M.

Quomodo accidentia indiuidui se habent ad essentiam. libro 1. cap. 21. fol. 33. col. 2.

Res materiales per materiam signatam indiuiduantur. ibidem.

Vtrum indiuiduum humanæ naturæ sit hypostasis vel persona. lib. 4. cap. 43. fol. 689. col. 2.

## I N F I N I T V M.

Non potest dari infinitum in actu. libro 2. capitulo 81. folio 276. col. 2.

Infinitas Dei multipliciter cognosci potest. lib. 3. cap. 56. fol. 423. col. 1.

De infinito negatiue & priuatiue dicto. libro 1. cap. 43. folio 66. col. 1.

Infinitum repugnat fini. libro 1. cap. 38. fol. 60. col. 1.

Quomodo Deus si potest finita plura simul cognoscere, potest etiam cognoscere infinita. libro primo, capitulo 69. folio 107. col. 2.

Quid est cognoscere infinitum per modum infiniti. ibid. fol. 108. col. 1.

Quomodo infinitum à Deo perfecte cognoscitur. ibidem.

Intellectus in diuina essentia videt aliquo modo infinita. libro 3. cap. 60. fol. 429. col. 1.

## I N F I R M I T A S.

Infirmetas corporalis aliquando ex peccato consequitur. libro 4. cap. 73. fol. 741. col. 1.

## I N N A S C I B I L I T A S.

Quid dicat innascibilitas in patre. libro 4. capitulo 24. folio 661. col. 2.

## I N S T R V M E N T V M.

Instrumentum non adhibetur ad aliquid causandum nisi per viam motus. lib. 2. cap. 21. fol. 168. col. 1.

Instrumentale agens exequitur actionem principalis agentis per aliquam actionem mediam, & habet proprium effectum. ibid. col. 2.

Instrumentum virtutis creatæ oportet vt propria virtute attingat passum, non autem instrumentum virtutis diuinæ. lib. 3. cap. 87. fol. 486. col. 2.

Quomodo omnia quæ sub Deo sunt, sunt tanquam eius instrumenta. lib. 3. cap. 100. fol. 511. col. 2.

Vtrum, quia corpora naturaliter operantur, non possint esse instrumenta substantiæ incorporeæ ad miracula facienda. lib. 3. cap. 102. fol. 517. col. 2.

Dupliciter potest corpus esse instrumentum agentis incorporei. ibidem.

Aliæ creaturæ sunt instrumenta Dei, & aliquo modo substantiarum intellectualium. lib. 3. cap. 112. fol. 538. col. 2.

Instrumentum non ex virtute suæ naturæ, sed ex virtute principalis agentis operatur. lib. 4. cap. 56. fol. 715. col. 2.

Duplex dispositio potest esse in instrumento. lib. 4. cap. 77. folio 747. col. 1.

## I N T E L L E C T I O.

Bene infertur corpus non posse intellectionem in alio causare ex eo quod ipsam in se causare non potest. lib. 3. cap. 84. fol. 477. col. 2.

## I N T E L L E C T V A L E.

Intellectualis natura secundum suam cognitionem est sui actus domina. lib. 3. cap. 112. fol. 538. col. 1.

Vnde sumuntur gradus intellectualis operationis. lib. 2. cap. 92. fol. 309. col. 1.

Quomodo



# COMMENTARIORVM.

Quomodo plures gradus intellectualis operationis vni possint, aut non possint conuenire. fol. 309. col. 1.  
Intellectuales substantiæ non dependent à mouendo. folio 308. col. 2.  
Aristoteles duos ordines substantiarum intellectualium posuit. ibid. fol. 308. col. 1.  
Cuiuslibet intellectuali naturæ creatæ, proprium est intelligere secundum modum suæ substantiæ. lib. 3. cap. 52. fol. 414. col. 2.  
Intellectuales substantiæ superiores habent virtutes non explicabiles per virtutē corpoream, sed bene inferiores. lib. 3. cap. 80. fol. 467. col. 2.  
Quomodo substantia intellectualis ab aliis naturis differt. lib. 3. cap. 112. fol. 538. col. 2.

## INTELLECTVS.

Intellectus agens intelligibilia in potentia, facit intelligibilia in actu, & similiter intellectus habitualis. lib. 2. cap. 77. folio 266. col. 1. lib. 3. cap. 42. fol. 395. col. 2.  
Intellectus diuinus est primus author & motor vniuersi. lib. 1. cap. 1. fol. 1. col. 2.  
Virtus intellectus est quodammodo infinita. lib. 2. cap. 55. fol. 213. col. 1.  
Intellectus in actu est intelligibilis in actu. lib. 1. cap. 44. fol. 70. col. 2.  
Quæ sit causa intellectui nostro, quod si naturam sensibilem determinatam haberet, prohiberetur ab aliarum naturarum receptione. lib. 2. cap. 98. fol. 327. col. 2.  
Intellectus perficitur sedatis animæ passionibus. lib. 2. cap. 55. fol. 212. col. 2.  
Ex intellectu & intelligibili magis sit vnum quàm ex materia & forma. lib. 1. cap. 44. fol. 72. col. 2.  
Intellectus inspicit immaterialia in aliquo materiali. lib. 2. cap. 72. fol. 252. col. 1.  
Intellectus cognoscit vniuersale per abstractionem à materia. ibidem.  
Intellectus intelligit secundum modum suæ naturæ. ibid. fol. 252. col. 2.  
Intellectus agens assimilatur arti. lib. 2. cap. 76. fol. 261. col. 2.  
Intellectus agens naturaliter operatur. fol. 264. col. 1.  
Intellectus noster est pura potentia in genere intelligibilium. lib. 2. cap. 82. fol. 281. col. 2.  
Intellectus noster non intelligit singularia. lib. 1. cap. 65. fol. 97. col. 1.  
Illud primo & per se ab intellectu cognoscitur cuius similitudine informatur. lib. 1. cap. 48. fol. 74. col. 2.  
Intellectus multa successine considerantis, impossibile est vnam operationem esse. lib. 1. cap. 55. fol. 85. col. 1.  
Intellectus noster cognoscit priuationem & potentiam per priuationem, & potentiam in ipso existentem. lib. 1. cap. 71. fol. 110. col. 2.  
Intellectus possibilis non est in angelis. libro 2. cap. 96. folio 318. col. 1.  
Intellectus aliquam operationē habet cuius solus Deus est causa tanquam agens quod. lib. 3. cap. 89. fol. 489. col. 2.  
Intellectus noster intelligit prima principia. lib. 4. cap. 11. fol. 629. col. 1.  
Intellectus quomodo est simplicior & abstractior anima intellectiua. lib. 2. cap. 69. fol. 240. col. 2.  
Quomodo proportionatur intellectus agens, intellectus possibilis, & species intelligibilis. lib. 2. cap. 76. fol. 262. col. 1.  
Si intellectus agens esset substantia separata, homo non se ageret ad intelligendum. lib. 2. cap. 76. fol. 264. col. 1.  
Intellectus agens illuminat phantasmata. lib. 2. cap. 77. folio 265. col. 2.  
Intellectus modum quo intelligit, rebus non attribuit. lib. 1. cap. 36. fol. 58. col. 1.  
Intellectus quomodo per diuersas conceptiones Deo aliquantulū assimilatur. lib. 1. cap. 35. fol. 57. col. 2.  
Intellectus quomodo se habeat ad conceptum suum. lib. 1. cap. 53. fol. 80. col. 1.  
Quæ sit necessitas ponendi conceptum in intellectu intelligente. ibid. fol. 80. col. 1.  
Quomodo intellectus intelligatur conuerti ad phantasmata. lib. 1. cap. 65. fol. 97. col. 2.  
Intellectus diuinus cōpositionem & diuisionem dicit. lib. 1. cap. 59. fol. 89. col. 2.  
Quomodo intellectus in ratione motui est simpliciter nobilior voluntate. lib. 3. cap. 26. fol. 379. col. 1.  
Intellectus agens & intellectus in habitu se habet sicut forma & materia. lib. 3. cap. 43. fol. 397. col. 2.  
De duplici facultate intellectus ad intelligendum. lib. 3. cap. 104. fol. 520. col. 2.

Intellectui in habitu secundum Auerroem conuenit facere intelligibilia in actu & intelligere. lib. 3. cap. 43. fol. 397. col. 2.  
Prima intellecta sunt initium intellectus in actu. fol. 398. col. 1.  
Intellectus possibilis secundum Auerroem est subiectum intellectus in habitu. ibid. fol. 398. col. 1.  
Secundum Auer. in perfecta copulatione intellectus agentis cum homine, homo erit sicut Deus. ibid. fol. 398. col. 1.  
Intellectus vidēs Deum non cognoscit quæ ex simplici eius voluntate dependent. lib. 3. cap. 56. fol. 424. col. 1.  
De intellectu qui est virtus intellectualis. libro 1. cap. 94. fol. 137. col. 1.  
Quomodo intellectus dicitur naturaliter intelligere. lib. 4. cap. 11. fol. 629. col. 1.  
Intellectus dupliciter fit in actu. lib. 4. cap. 19. fol. 649. col. 2.  
Dupliciter potest intellectus hominis ab angelo illuminari. lib. 3. cap. 92. fol. 494. col. 2.

## INTELLIGERE.

Cuiuslibet naturæ intellectualis propriū est vt intelligat secundum modum suæ substantiæ. lib. 3. cap. 52. fol. 416. col. 2.  
Intellectuales operationes quomodo specie diuersificantur. lib. 2. cap. 94. fol. 313. col. 1.  
Diuerfus modus intelligendi diuersitatem arguit naturarum. ibid. fol. 312. col. 2.  
Quæ vna specie cognosci possunt, simul possunt intelligi. libro 1. cap. 55. fol. 84. col. 1.  
Intelligere conuenit animæ intellectiue secundum quod materiam excedit. lib. 2. cap. 68. fol. 239. col. 1.  
P posse intelligere est posse pati. lib. 2. cap. 60. fol. 226. col. 1.  
Intelligere est nobilissimus effectus in istis inferioribus. libro 2. cap. 76. fol. 263. col. 1.  
Vtrum apud Aristotelem anima possit intelligere sine phantasmate. lib. 2. cap. 81. fol. 279. col. 1.  
In separatis à materia idem est intelligens & intellectum. lib. 2. cap. 81. fol. 276. col. 2.  
Intelligere distinguitur realiter à conceptu per ipsum productum. lib. 1. cap. 53. fol. 81. col. 2.  
Intelligere comparatur ad intellectum sicut eius esse. lib. 1. cap. 45. fol. 72. col. 1.  
Intelligere non ordinatur ad aliquod factum per ipsum. libro 3. cap. 2. fol. 339. col. 1.  
Quomodo intelligens & sentiens in quantum huiusmodi, habet habitudinem ad rem extra. lib. 1. cap. 72. fol. 112. col. 1.  
Vtrum intelligere nostrum sit successiuum. lib. 1. cap. 102. fol. 142. col. 2.  
Intelligere diuinum non est per aliquam virtutem passiuam, sed bene intelligere humanum. lib. 4. cap. 11. fol. 632. col. 1.  
INTELLIGIBILE.

Facere intelligibilia in actu conuenit intellectui agenti, & intellectui in habitu. lib. 3. cap. 42. fol. 395. col. 2.  
Facere intelligibilia in actu est prius quàm intelligere. lib. 3. cap. 43. fol. 398. col. 1.  
Facere intelligibilia in actu est in nostra potestate. ibid. fol. 398. col. 2.  
Quomodo res est actu intellecta. lib. 4. cap. 11. fol. 627. col. 1.  
Intelligibile non mouet nisi sub ratione boni. lib. 3. cap. 3. fol. 339. col. 1.  
INTENTIO.

Vis cognoscentia non cognoscit nisi adsit intentio. lib. 1. cap. 55. fol. 84. col. 2.  
Quæ oportet sub vna intentione cadere, oportet simul esse intellecta. ibid. fol. 84. col. 2.  
Intentio effectus demonstrat agentem. lib. 2. capit. 76. fol. 263. col. 2.  
Quomodo se habeat intellectus ad intentionem intellectam. lib. 1. cap. 53. fol. 80. col. 1.  
Intentio agentis per intellectum & æstimationē tēdit in id quod apprehenditur vt finis. lib. 3. cap. 4. fol. 341. col. 1.  
In idem fertur intentio principalis agentis & instrumenti. lib. 3. cap. 24. fol. 370. col. 1.  
Aliquis effectus est præter intentionem particularis agentis qui est secundum intentionem vniuersalis agentis. lib. 3. cap. 94. fol. 500. col. 1.  
Femina generatio est præter intentionem particularis agentis. ibid. fol. 500. col. 2.  
Vtrum sufficienter concludatur intentionem intellectam & intellectum esse idem in Deo, quia habent idem esse. lib. 4. cap. 11. fol. 627. col. 2.  
Esse intentionis intellectæ, in ipso intelligi consistit. ibid. fol. 626. col. 2.  
Intentio intellecta in angelis est omnino eis intrinseca. ibidem. fol. 626. col. 2.



# T A B V L A

## I N V I S I B I L E.

Vtrum si res aliqua naturalis quæ hominem reddere inuisibilem possit. lib. 3. cap. 104. fol. 521. col. 1.

## I V D I C I V M.

Per commune iudicium reddetur omnibus simul quod meruerunt. lib. 4. cap. 96. fol. 777. col. 1.

Post finale iudicium nõ erit amplius generationis & corruptionis status. lib. 4. cap. 97. fol. 778. col. 1.

## I V S T I T I A.

De iustitia quæ est condecencia diuinæ bonitatis. lib. 2. cap. 28. fol. 178. col. 2.

Vtrum iustitia commutatiua sit in Deo. lib. 1. cap. 93. folio 135. col. 2.

Iustitia aliter dicitur de Deo, & aliter de hominibus. ibid. fol. 136. col. 1.

Quomodo subtractio iustitiæ originalis fuit. voluntaria voluntate primi parentis. lib. 4. cap. 52. fol. 702. col. 1.

Quomodo iustitia originalis gratiam includebat. ibid. fol. 702. col. 1.

## I V S T V S.

Iusti ex seipis etiam sine lege cogente ad obseruandam iustitiam inclinantur. lib. 3. cap. 128. fol. 559. col. 1.

## L A T R I A.

De latræ nomine. lib. 3. cap. 119. fol. 646. col. 1.

Latræ foli Deo primo & per se debetur, secundario vero etiam quibusdam creaturis. lib. 3. cap. 120. fol. 548. col. 2.

Quomodo latræ cultus nulli alij à Deo est exhibendus. ibidem. fol. 548. col. 1.

## L E G A L I A.

De obseruatione legalium. lib. 4. cap. 57. fol. 717. col. 1.

## L E X.

Lex vetus grauior erat lege noua. libro quarto, cap. 55. folio 713. col. 1.

Lex diuina non inducit ad credendum aliquod falsum. lib. 3. cap. 118. fol. 545. col. 1.

Lex vetus & noua quomodo differant. libro 1. capit. 5. folio 7. col. 1.

Ad superiorem pertinet suas leges interpretari. lib. 3. cap. 76. fol. 463. col. 1.

Lex est ratio & regula operandi. libro tertio, cap. 114. folio 542. col. 1.

Illis danda est lex in quibus est agere & non agere. ibid.

Ad legem requiritur promulgatio. libro tertio, cap. 115. fol. ibid. col. 2.

Intentio legislatoris est eos quibus dat legem bonos efficere. ibidem.

Vtrum lex vetus debeat dici lex timoris, lex autem noua, lex amoris. lib. 3. cap. 116. fol. 543. col. 2.

Quomodo qui spiritu Dei aguntur, non sunt sub lege. lib. 4. cap. 22. fol. 654. col. 2.

## L I B E R A L I T A S.

Vtrum liberalitas & magnificentia sint in appetitu sensitui, an in voluntate. lib. 1. cap. 93. fol. 135. col. 1.

## L I B E R T A S.

Vtrum actus intellectus præueniens actum voluntatis sit liber. lib. 3. cap. 73. fol. 457. col. 1.

## L I B E R V M A R B I T R I V M.

Liberum arbitrium idem est quod voluntas. lib. 2. ca. 48. fol. 202. col. 1.

Sola habentia intellectum sunt liberi iudicij. ibidem. folio 201. col. 2.

Quid sit de ratione liberi arbitrij. lib. 1. cap. 88. fol. 127. col. 1.

Vtrum necessitas naturalis inclinationis stet cum arbitrij libertate. lib. 3. cap. 138. fol. 570. col. 2.

Dupliciter integritas liberi arbitrij consideratur. libro 3. cap. 160. fol. 600. col. 2.

Cum libertate arbitrij stat immutabilitas de bono in malum, & econuerso. lib. 4. cap. 95. fol. 775. col. 1.

## L O C V S.

Quomodo substantia immaterialis est in loco per operationem. lib. 3. cap. 68. fol. 444. col. 2.

Comparatio loci ad formam. lib. 3. cap. 82. fol. 472. col. 2.

## L V D V S.

Ludus ad animæ recreationem & quietem ordinatur. lib. 3. cap. 25. fol. 373. col. 1.

## L V M E N.

Lumen gloriæ propter quid requiratur. libro 3. cap. 54. folio 420. col. 1.

Lumen gloriæ nulli intellectui creato potest esse naturale. ibid. 419. col. 2.

Quomodo lumen gloriæ sit eiusdem ordinis cum diuina essen-

tia. ibidem. col. 2.

Quomodo in hac vita aliqui lumine gloriæ sunt illustrati. ibid. fol. 420. col. 2.

Quomodo lumen gloriæ sit diuinæ visionis principium. libro 3. cap. 58. fol. 426. col. 1.

Propter quid requiratur lumen ad videndum. libro 1. capit. 76. & lib. 2. cap. 77. fol. 116. col. 1.

Alia auxilia ad diuinorum cognitionem data sine interiori lumine non sufficiunt. lib. 3. cap. 154. fol. 602. col. 2.

Differentia inter lucem & splendorem, tam in spiritualibus quam in corporalibus. lib. 4. cap. 12. fol. 632. col. 2.

In vna parte aeris non possunt esse plura lumina simul. lib. 4. cap. 26. fol. 665. col. 1.

## M A G I S T E R.

Magister quomodo causat scientiam in discipulo. lib. 2. cap. 75. fol. 259. col. 2.

## M A G V S.

Quomodo per Magorum opera aliqui supra facultatem intellectus sui eleuantur. lib. 3. cap. 104. fol. 520. col. 2.

Per magicas artes non adipiscuntur homines profectum in bonis rationis. lib. 3. cap. 106. fol. 525. col. 1.

## M A L V M.

Malum in quantum est non ens, est aliquid. lib. 2. cap. 41. fol. 139. col. 1.

Malum quomodo habilitatem ad bonum diminuit. lib. 3. cap. 12. fol. 353. col. 2.

Quomodo malum est in bono. lib. 3. cap. 11. fol. 352. col. 1.

Malum quomodo est in pluribus aut paucioribus. libro 3. cap. 6. fol. 343. col. 2.

Malum potest per accidens dupliciter intendi. ibid. col. 2.

Bonum & malum dicuntur secundum ordinem ad finem vel priuationem ordinis. lib. 3. cap. 9. fol. 346. col. 1.

Quomodo à malo specificatur actus vel habitus. ibid. col. 1.

Malum habet causam deficientem, non autem efficientem. lib. 3. cap. 10. fol. 349. col. 2.

Quomodo aliquod malum est alicui violentum, & tamen est naturale. lib. 1. cap. 39. fol. 61. col. 1.

Quid dicat malum quod est differentia constitutiua in moralibus. lib. 3. cap. 9. fol. 346. col. 1.

Subiectum mali est in potentia ad ipsum & ad suum oppositum. lib. 3. cap. 13. fol. 354. col. 1.

Quomodo malum est causa per accidens. ibid. col. 2.

Nihil est primum principium mali per se. libro 3. cap. 15. fol. 355. col. 1.

In Deo est ratio qua malum cognoscitur. libro 1. cap. 71. fol. 110. col. 1.

Malum cognoscitur per bonum sicut per suam rationem. ibid. fol. 111. col. 1.

Vtrum de malo intellectus proprium conceptum formet. ibidem.

Vtrum Deus habeat propriam ideam mali. ibidem.

Vtrum malum culpæ sit à Deo. libro tertio, capitulo 71. fol. 455. col. 1.

Quod ex sua natura inclinatur ad malum, per se ad malum tendit. lib. 3. cap. 107. fol. 526. col. 2.

Nihil est simpliciter malum. lib. 3. cap. 107. ibidem.

Quomodo quod tendit in bonum vniuersale secundum naturam nullo modo in malum tendit. ibidem.

## M A R E.

Maris fluxus & refluxus causa. lib. 3. cap. 100. fol. 512. col. 1.

Vtrum diuisio maris rubri qualis fuit tempore egressionis populi Iudaici de Aegypto, possit virtute fieri angelica. lib. 3. cap. 101. fol. 513. col. 2.

## M A T E R.

Quomodo mater ad generationem concurrat tam actiue quam passiue. lib. 4. cap. 11. fol. 632. col. 1.

Quomodo beata virgo dicitur mater Christi hominis, mater filij Dei, & mater Dei. lib. 4. cap. 45. fol. 692. col. 2.

Vtrum ista sit propria, beata virgo est mater Dei. ibidem.

## M A T E R I A.

Quomodo materia prima ad formas se habeat. lib. 2. cap. 76. fol. 264. col. 1.

Materia non potest esse sine forma. lib. 3. cap. 4. fol. 340. col. 2.

Materia est bona in potentia. lib. 3. cap. 11. fol. 352. col. 2.

Materia est bona simpliciter. lib. 3. cap. 20. fol. 361. col. 2.

Materia signata est principium indiuiduationis. lib. 1. cap. 21. fol. 33. col. 2.

Quidditas materialis includit materiam in communi. folio 34. col. 2.

Materia non est in potentia naturali ad eadem numero formam quam amisit. lib. 2. cap. 60. fol. 227. col. 1.

Quomodo



# COMMENTARIORVM.

Quomodo se habeat potentia materie ad priuationem. lib. 3. cap. 4. fol. 340. col. 2.  
 Quomodo in eaq̃ est materia, & tamen, est incorruptibile. lib. 3. cap. 20. fol. 361. col. 1.  
 Materia elementorum non fit susceptiua formæ vnius elementi nisi per hoc quod subiicitur alteri parti contrarietatis. lib. 2. cap. 30. fol. 181. col. 2.  
 Materia sub forma contraria existens non est generationis subiectum. fol. 182. col. 1.  
 Res eiusdem naturæ requirunt eandem materiam qua generentur. lib. 4. cap. 45. fol. 692. col. 2.  
 Vtrum in materia remaneat potentia ad formam quam amisit. lib. 4. cap. 82. fol. 757. col. 1.  
 Ex materia nihil potest prouenire nisi casualiter. libro 2. cap. 40. fol. 191. col. 1.

## MATRIMONIUM.

Matrimonium gratiam confert. libro quarto, cap. 78. folio 748. col. 1.  
 Matrimonium aliquo modo per ministros ecclesiæ dispensatur. ibidem.  
 Quomodo aliquæ personæ à matrimonio repelluntur. libro 3. cap. 125. fol. 556. col. 1.  
 Alicui melius est matrimonio uti, quamuis absolute melius sit continere. lib. 3. cap. 136. fol. 576. col. 1.  
 In sacramento matrimonij sunt tria sicut in alijs sacramentis. lib. 4. cap. 78. fol. 748. col. 1.  
 Matrimonium vnionem Christi & ecclesiæ causat. ibid. col. 1.  
 Quomodo sacramentum inter bona matrimonij computatur. ibid. col. 2.

## MEDICVS.

Medicus consequitur efficaciam in sanando ex corporibus calestibus. lib. 3. cap. 92. fol. 495. col. 2.

## MEDIUM.

Duplex medium inter aliqua. lib. 2. cap. 96. fol. 316. col. 1.  
 Ab extremo ad extremum non peruenitur nisi per medium. ibidem.  
 Quomodo medium virtutem agentis adæquet ut instrumentum. lib. 3. cap. 68. fol. 443. col. 2.

## MEMORIA.

Memoria quomodo est in parte intellectiua. lib. 2. cap. 74. fol. 255. col. 1.

## MENS.

Quomodo Deus mentem hominis implere dicitur. lib. 4. cap. 18. fol. 648. col. 1.  
 Vtrum substantia spiritalis creata possit in mētibus sanctorum esse. ibid. col. 2.  
 Mens non potest debite cōuertere ad Christū sine charitate. lib. 4. cap. 72. fol. 736. col. 2.

## MERITVM.

Vtrum homo possit beatitudinem promereri. lib. 3. cap. 149. folio 594. col. 2.  
 Mercedem oportet merito proportionari. fol. 595. col. 1.

## METAPHYSICA.

Metaphysica quomodo est alijs scientijs prior. lib. 1. cap. 4. fol. 5. col. 2.  
 Metaphysica quomodo est post alias scientias addiscenda. ibid. fol. 6. col. 1.  
 Subiectum Metaphysicæ est ens reale.

## MIRACVLVM.

Miracula Christi & discipulorum eius sufficienter veritatem fidei Christianæ confirmant. lib. 4. cap. 55. fol. 713. col. 1.  
 Quæ sunt medijs corporibus naturaliter agentibus, non sunt miracula. lib. 3. cap. 102. fol. 514. col. 2.  
 Quæ ad miraculi rationem exigantur. libro 3. cap. 101. folio 512. col. 2.  
 Creatio vniuersi, animarum creatio, iustificatio quoque impij, miracula non sunt. ibid.  
 De gradibus miraculorum. fol. 513. col. 1.  
 De magnitudine miraculorum. ibidem.  
 Vtrum quæ à natura nullo modo fieri possunt, sed tantū à Deo, miracula dici debeant. ibidem.  
 Quæ sunt à virtute finita, simpliciter miracula non sunt. lib. 3. cap. 102. fol. 514. col. 2.  
 Sancti miracula faciunt autoritate & virtute diuina. libro 4. cap. 55. fol. 713. col. 1.  
 Duobus modis sancti miracula faciunt. libro 3. cap. 103. fol. 519. col. 1.

## MISSIO.

An de ratione missionis diuinæ personæ, sit quod persona missa à mittente procedat. libro quarto, capitulo 23. folio 656. columna secunda.

An mitti includat produci. ibidem.

Quomodo filius potest dici à spiritu sancto missus. lib. 4. cap. 24. fol. 659. col. 2.

Quomodo in mente intelligatur esse autoritas. ibidem.

## MIXTIO.

Quæ permiscetur, non manent integra, sed partim vtrunque corrumpitur. lib. 4. cap. 35. fol. 679. col. 2.  
 Miscibilia in mixto non saluantur. fol. 680. col. 1.  
 De forma mixti quæ est qualitas ad substantialem formam disponens. lib. 4. cap. 81. fol. 754. col. 1.

## MOBILE.

Primum mobile à Deo immediate mouetur. lib. 3. cap. 68. fol. 443. col. 1.  
 Duplex ordo propinquitatis mobilium ad primū mouens. lib. 3. cap. 87. fol. 486. col. 2.  
 Incarnatio est omnium miraculorum maximum. lib. 4. cap. 27. fol. 668. col. 2.  
 De miraculis à Christo factis. ibidem. col. 2.

## MORALIS.

Quomodo aliquis actus dicatur moralis. lib. 3. cap. 10. folio 359. col. 1.

## MORS.

Mors quomodo adueniat homini per se, & quomodo per accidens. lib. 4. cap. 81. fol. 753. col. 1.  
 Mors postquam ad felicitatem peruenitur, non naturaliter desideratur, licet naturaliter desideretur felicitas. libro 3. cap. 48. fol. 409. col. 1.  
 In homine inuenitur necessitas moriendi à sua natiuitate. lib. 4. cap. 50. fol. 697. col. 2.  
 Dupliciter potest intelligi homini conuenire necessitatem moriendi ex sua institutione. fol. 698. col. 1.  
 Quod necessitas moriendi est pœna peccati originalis, & quod ubi inuenitur hæc pœna, oportet inueniri peccatum, nec oppositum potest absque errore teneri. fol. 697. col. 2.  
 Quomodo mors eligibilis rationem habere possit. lib. 4. cap. 55. fol. 713. col. 2.  
 Quomodo mors Christi fuit sufficiens pro peccato originali satisfactio, ratione personæ patientis. fol. 714. col. 1.  
 Motores corporum celestium quomodo moueantur per accidens. lib. 1. cap. 13. fol. 18. col. 2.  
 Quomodo primus motor demonstratus duodecimo Metaphysicæ, est primus motus octauo Physicorum demonstratus. lib. 1. cap. 13. fol. 19. col. 1.  
 Vniuersalis motor per vniuersalem formam mouet. lib. 1. cap. 44. fol. 70. col. 2.  
 Intellectus est primus motor in homine. lib. 3. cap. 25. folio 373. col. 1.  
 Quid senserit Commentator de infinitate primi Motoris. lib. 1. cap. 20. fol. 31. col. 2.

## MOTVS.

Motus augmenti & decrementi est aliquo modo secundum locum. lib. 2. cap. 90. fol. 303. col. 1.  
 Motus perpetuitas quomodo arguit infinitatem mouentis. lib. 1. cap. 20. fol. 30. col. 2.  
 Motus qui est actus imperfecti, & qui est actus perfecti. libro 2. cap. 82. fol. 283. col. 1.  
 Motus grauium & leuium est à generante. lib. 3. cap. 23. fol. 367. col. 1.  
 Motus cæli quomodo est naturalis. fol. 368. col. 1.  
 Motus dupliciter potest ex parte formæ dici naturalis. libro 3. cap. 23. fol. 368. col. 2.  
 Motus continuus non ordinatur ad quietem. fol. 367. col. 2.  
 Motus naturalis velocior est in fine quàm in principio. lib. 3. cap. 50. fol. 413. col. 1.  
 Quomodo motus nutritionis & augmenti dicuntur naturales ut motus cordis. lib. 1. cap. 97. fol. 139. col. 1.  
 Vtrum motus corporis celestis habeat contrarium. lib. 3. cap. 82. fol. 472. col. 2.  
 Quomodo motus qui sunt in inferioribus ex impressione corporum superiorum non sunt violenti. lib. 3. cap. 100. folio 511. col. 2.  
 Motus localis est prior alijs perfectione. libro 3. cap. 82. folio 473. col. 2.  
 Motus localis est naturaliter prior alijs motibus. ibidem.  
 Quomodo motus circularis dicitur esse semper in fine. fol. 474. col. 2.  
 Alteratio est alijs motibus prior in istis inferioribus. ibidem.  
 Vtrum posita tantum intelligentia æterna finitæ virtutis, motus possit esse æternus. lib. 1. cap. 20. fol. 31. col. 1.

## MOVEN S.

Quæ seipsa mouent, habent in seipsis moueri & non moueri. Contra Gent. ↑↑ 4 lib. 1.



lib. 1. cap. 44. fol. 69. col. 1.  
 Nihil mouet seipsum primo. lib. 1. cap. 13. fol. 28. col. 2.  
 Nullum corpus mouet, nisi moueatur. libro 1. cap. 20. folio 28. col. 2.  
 Si virtus infinita esset in magnitudine, moueret in instanti. lib. 1. cap. 20. fol. 31. col. 2.  
 Mouens corporeum mouet attrahendo vel expellendo. folio 30. col. 2.  
 Vniuersale mouens mouet per vniuersalem formam. lib. 1. cap. 44. fol. 70. col. 2.  
 Mouens vt remouens prohibens magis vitur motu quam illum causet. lib. 3. cap. 88. fol. 489. col. 1.  
 Motio mouentis præcedit motum, mobilis ratione & causa. lib. 3. cap. 449. fol. 594. col. 2.

## M V L I E R.

Mulieri nulla lege permiffum est, vt vna plures habeat maritos. lib. 3. cap. 124. fol. 554. col. 2.

## M V T A R I.

Quomodo dicitur aliquid mutari per acceptionem forme. lib. 4. cap. 14. fol. 642. col. 1.  
 Mutatio duratione præcedit id quod fit. libro 2. cap. 17. folio 162. col. 1.

## N A T V R A.

Humana natura & diuina persona in vno esse vniuntur. libro 4. cap. 41. fol. 688. col. 2.  
 Quod conuenit alicui ex sua natura, & non ex aliqua communi causa, minoratum in eo & deficiens esse non potest. libro 2. cap. 15. fol. 157. col. 1.  
 Quod fit virtute supernaturali, non impeditur propter naturæ diuersitatem. lib. 3. cap. 57. fol. 425. col. 1.  
 Quomodo nihil factum à Deo in rebus est contra naturā. lib. 3. cap. 100. fol. 511. col. 2.  
 Quæ naturæ conueniunt, sunt ex seipsis bona. libro 3. cap. 129. fol. 559. col. 2.  
 Quomodo vnus naturæ est tantum vnus cōmunicationis modus. lib. 4. cap. 23. fol. 657. col. 1.  
 Aliud est; personam ex duabus naturis esse, & aliud; ipsam in duabus naturis subsistere. libro quarto, capitulo 35. folio 680. col. 2.  
 Quod est præter naturam, non potest esse semper. lib. 4. cap. 37. fol. 683. col. 1.  
 Quare virtute naturæ idem numero reparari non potest. lib. 4. cap. 81. fol. 753. col. 2.  
 Intentio naturæ semper est ad aliquod certum. libro 4. cap. 83. fol. 760. col. 1.

## N A T V R A L E.

Dicitur res naturalis ex hoc quod habet formam. lib. 4. cap. 35. fol. 679. col. 2.  
 Ea quorum forma est ordo vel compositio, non sunt res naturales. fol. 680. col. 1.  
 Duplitter potest dici aliquid naturale. libro 4. cap. 52. folio 702. col. 2.

## N E C E S S A R I V M.

Quomodo hoc antecedens, Deus sciuit hoc esse futurum, est necessarium absolute. libro primo, capitulo 67. folio 103. col. 1.  
 Si nihil eueniret in minori parte, omnia necessario euenirent. lib. 3. cap. 74. fol. 458. col. 1.  
 Non si Deus vult aliquid euenire, illud necessario eueniet. lib. 1. cap. 85. fol. 125. col. 1.  
 Necessitas ex suppositione non repugnat contingentie. ibid.  
 De necessario absolute & ex suppositione. libro 1. cap. 83. fol. 122. col. 2.  
 In id quod est necessarium vnicuique duplex est inclinatio. lib. 3. cap. 134. fol. 565. col. 2.  
 Si aliquid natum est non ab alio esse, est per seipsum necesse esse. lib. 2. cap. 15. fol. 158. col. 1.

## N E G A T I O.

Negatio quomodo per affirmationem cognoscitur. lib. 1. cap. 14. fol. 20. col. 2.  
 Prima quæ distinguuntur, negationem includunt. lib. 1. cap. 71. fol. 110. col. 2.

## N O M E N.

Nomine res exprimuntur eo modo quo à nobis intellectu concipiuntur. libro primo, capitulo 30. folio quadregesimo octauo. col. 2.  
 Nomen abstractum significat vt quo aliquid est. folio quadregesimo nono. col. 1.  
 Nomina quæ proprium modum creaturæ important, non dicuntur proprie de Deo. lib. primo, capitulo trigesimo primo. fol. 50. col. 1.

Quomodo beati vnicum nomen & proprium habebunt de Deo. fol. 50. col. 1.

Rerum distinctarum, sunt distincta nomina. ibidem.  
 Pluralitas nominis substantiui & adiectiui vnde sumatur. lib. 4. cap. 11. fol. 627. col. 2.

Nomen rei artificialis dicitur primò de materia, & secundo de aggregato. lib. 1. cap. 30. fol. 49. col. 2.

In nominibus dictis de Deo & creaturis consideratur ratio causæ & causari. lib. 1. cap. 33. fol. 53. col. 2.

Nomen vnum plura significat aliquando ratione affinitatis eorum. lib. 4. cap. 42. fol. 689. col. 1.

## N O N E N S.

Includere rationem non entis dupliciter contingit. lib. 2. cap. 22. fol. 171. col. 2.

Quomodo implicans contradictionem est non ens. ibidem.

Non esse quomodo fit appetibile. lib. 3. cap. 19. fol. 358. col. 2.

Quomodo non esse possit sub voluntate cadere. libro 1. cap. 81. fol. 120. col. 1.

## N V M E R V S.

Millenarius est numerus cubicus. libro quarto, cap. 83. folio 760. col. 2.

Numerus denarius solet perfectionem designare. ibidem.

## O B L I G A T I O.

Quomodo potest aliquis ad impossibile obligari. lib. 3. cap. 160. fol. 602. col. 2.

## O D I V M.

Quomodo Deus aliqua habere odio dicitur. lib. 1. cap. 96. fol. 138. col. 1.

Vtrum odium feratur in malum sub ratione mali. ibidem.

## O P E R A T I O.

Modus operationis correspondet modo naturæ operantis. lib. 2. cap. 96. fol. 252. col. 2.

Impossibile est vt diuersorum secundum esse, vna sit operatio. lib. 2. cap. 57. fol. 216. col. 2.

Operatio est motus qui est actus perfecti. lib. 2. cap. 82. folio 283. col. 1.

Vna operatio nō potest diuersis terminis primo & per se terminari. lib. 1. cap. 48. fol. 74. col. 2.

Quomodo operationes specificæ distinguuntur. libro 2. cap. 94. fol. 313. col. 1.

Quomodo operationes ludicæ sunt finis. lib. 3. cap. 2. folio 338. col. 1.

Operatio diuiditur in actionē & passionem. lib. 3. cap. 22. fol. 364. col. 1.

Operatio propria cuiuslibet rei est finis eius. lib. 3. cap. 25. fol. 372. col. 1.

Operationes ex obiectis speciem recipiunt. ibidem. col. 2.

A diuersis substantiis secundum esse non potest esse vna operatio. lib. 3. cap. 42. fol. 369. col. 1.

Perfectum in vnoquoque est eius perfectissima operatio. lib. 1. cap. 100. fol. 140. col. 2.

Nullius operatio est perfectior sua substantia. lib. 1. cap. 102. fol. 142. col. 2.

Quod subditur corpori secundum suam operationem, subditur etiam illi secundum principium suæ naturæ. lib. 3. cap. 84. fol. 476. col. 2.

Ex obiecto intellectus conuenienter arguitur, operationem intellectualem in tempore non esse. ibid. col. 2.

Operationes amentium non sunt propriæ humanæ. lib. 3. cap. 85. fol. 481. col. 2.

Ex modo & specie operationis mensura & qualitas eius pefatur. lib. 2. cap. 1. fol. 144. col. 2.

Operationem sumere speciem ab obiecto, & à forma agētis non opponuntur. ibidem.

Id quo aliquid operatur, est forma eius. libro 2. cap. 59. folio 222. col. 1.

De necessitate operationis manualis. lib. 3. cap. 135. fol. 568. col. 1.

## O P P O S I T I O.

Oppositio contradictoria quomodo est maxima. libro 4. cap. 14. fol. 643. col. 2.

Oppositio relatiua contradictionem non includit. ibid. col. 2.

Sola oppositio relatiua facit distinctionem realem inter relationes, & inter personas diuinas. lib. 4. cap. 24. fol. 661. col. 1.

## O R A T I O.

Quid sit oratio, & quomodo ad desiderium se habeat. lib. 3. cap. 95. fol. 502. col. 1.

Qui à Dei amicitia declinat, non est dignus vt eius oratio exaudiatur. lib. 3. cap. 96. fol. 503. col. 2.

Conditiones ad orationem requisitæ ad hoc vt exaudiatur. folio 504. col. 1.

Quomodo peccator quandoque pie oret. ibidem.



# COMMENTARIORVM.

## ORDO.

Omnes septem ordines possunt dici vnum sacramentum, & dici septem. lib. 4. cap. 75. fol. 747. col. 2.  
Inferiores ordines sunt proprie sacramentum. ibidem. col. 2.  
In ordinis sacramento & confertur gratia & præexigitur. lib. 4. cap. 74. fol. 745. col. 2.  
Episcopatus est ordo, non autem ordinis sacramentum. libro 4. cap. 76. fol. 745. col. 1.  
Ordo rerum est sicut melius esse potest. libro 1. capitu. 42. folio 63. colum. 2.  
Ordinis corporalium ad ordinem spiritualium comparatio. lib. 3. cap. 58. fol. 426. col. 2.  
Bonum ordinis diuersorum est melius quolibet ordinatorum. lib. 2. cap. 45. fol. 198. col. 1.  
De modo, specie, & ordine. lib. 3. cap. 97. fol. 506. col. 2.  
Quomodo ordo plurium effectuum sit vnus. libro 3. capitu. 98. folio 507. col. 2.  
Vnde ordo speciem & naturam accipiat. fol. 508. col. 1.  
Dupliciter intelligi potest, voluntatem diuinam ad hunc ordinem rerum determinatam non esse. libro 3. capitu. 99. fol. 509. colum. 2.  
Quomodo Deus aliquando absque prouidentia mutatione præter ordinem rerum operatur. ibidem. fol. 510. col. 2.  
Quod est sub aliquo ordine constitutum, non potest præter illum ordinem operari. lib. 3. cap. 102. fol. 514. col. 2.  
Diuisio ordinis sacramenti est diuisio totius potestatis. libro 4. cap. 75. fol. 744. col. 1.  
Ordo dupliciter potest dici sacer. ibidem.  
Inferiores ordines sunt sacramenta. ibidem. col. 2.

## ORIRI.

Vbi aliquid totaliter ab alio oritur, non est assignare recipiens & receptum. lib. 4. cap. 14. fol. 639. col. 2.  
Papa habet in ecclesia excellentiam potestatis & spiritualis & secularis, & est supra Conciliū. lib. 4. cap. 76. fol. 746. col. 1.  
An papa aliquid possit circa sacramenta statuere. libro 4. cap. 60. fol. 722. col. 1.

## PARTICIPATIO.

Quod dicitur per essentiam, verius dicitur quam quod dicitur per participationem. lib. 1. cap. 41. fol. 61. col. 2.  
Esse tale per participationem duobus modis contingit. lib. 1. cap. 39. fol. 60. col. 2.  
Nulla creatura est participabilis, sed participans. lib. 4. capitu. 17. fol. 647. col. 1.

## PASSIO.

Aliquæ passiones dicuntur de Deo Metaphorice. libro 1. cap. 91. fol. 133. col. 1.  
Passio ad aliquid vnum impetum habet, & regulari ratione potest. lib. 1. cap. 89. fol. 128. col. 1.  
Passio non est in appetitu intellectiuo. ibidem. col. 1.  
Alteratio secundum animæ passiones manet in homine quando anima passibili corpori vnitur, lib. 4. capitulo 70. folio 733. colum. 2.  
Quomodo passio multiplicatur non multiplicata actione. lib. 2. cap. 73. fol. 256. col. 2.  
Patiens quomodo extra suam essentialem dispositionem trahitur. lib. 1. cap. 89. fol. 128. col. 1.  
Quomodo passiones appetitus sensitiui sunt eiusdem speciei cum operationibus voluntatis. lib. 1. cap. 90. fol. 129. col. 2.  
Vtrum propria passio possit per diuinam potentiam a suo subiecto separari. lib. 4. cap. 65. fol. 727. col. 1.

## PATER.

Pater in diuinis non potest intelligi sine verbo & amore, & econuerso. lib. 4. cap. 23. folio 656. col. 2.

## PECCATOR.

Peccator non potest vitare peccatum potentia propinqua, sed bene potentia remota. lib. 3. cap. 160. fol. 601. col. 1.  
Peccator potest vitare omnia peccata diuisim, non autem coniunctim. ibidem.  
Vnde peccator prouenit impossibilitas omnia peccata vitandi. ibidem.  
Quomodo intelligitur quod, quando cunque peccatori aliquid occurrit conueniens, inordinato fini illud eligitur. ibidem. colum. 2.  
Quare peccator diuino auxilio potest singula peccata vitare, non autem omnia. fol. 602. col. 2.  
Peccator potest singula peccata contra præcepta iuris naturalis & Decalogi vitare, non autem contra præcepta iuris supernaturalis. ibidem.  
Dupliciter potest dici aliquis peccare. libro 4. cap. 52. folio 702. colum. 1.

Nulla creatura est impeccabilis per naturam. lib. 4. cap. 95. fol. 776. col. 1.

## PECCATVM.

Peccatum secundum ordinem diuinæ iustitiæ sine satisfactione non remittitur. lib. 4. cap. 54. fol. 707. col. 2.  
Quomodo Deus per peccatum offenditur. ibidem. col. 2.  
Quid peccatum originale tam formaliter quam materialiter dicatur. libro 4. cap. 52. fol. 703. col. 2.  
Peccatum inuenitur in iis quæ sunt propter finem. lib. 3. cap. 2. fol. 338. col. 1.  
Absolute loquendo Deus potest aliquos a peccato originali præseruare. lib. 4. cap. 50. fol. 698. col. 1.  
In spirituali saluatione non semper remittitur peccatum totaliter quantum ad penam. lib. 4. cap. 72. fol. 737. col. 1.  
Peccati originalis quid nominis. lib. 4. cap. 50. fol. 697. col. 2.  
Quomodo peccatum in causis naturalibus & voluntariis accidat. lib. 3. cap. 109. fol. 529. col. 2.  
In quo peccatum Angelorum fuerit. ibidem. col. 2.  
Duplex opinio de peccato angelorum. fol. 531. col. 1.  
Vtrum peccatum originale a corpore ad animam deriuetur. lib. 3. cap. 127. fol. 557. col. 2.  
Per peccatum mortale auertitur totaliter mens ab ordine ad Deum, non autem per veniale. lib. tertio, capitu. 143. folio 578. colum. 1.  
Differentia inter peccatum veniale & mortale. libro 3. cap. 139. fol. 574. col. 1.  
Stoici & Cicero existimauerunt virtutem in indiuisibili consistere, & omnia peccata esse paria. ibidem. col. 1.  
An absque gratia peccatum remitti possit. lib. 3. capitu. 157. folio 608. col. 1.  
Potest quis cauendo vnum peccatum, aliud committere. libro 3. cap. 160. fol. 602. col. 1.  
Vtrum Deus sit indirecte causa peccati. lib. 3. capitu. 162. fol. 604. colum. 1.  
Qui dicantur ad imitationem Adæ peccare. libro 4. capitu. 50. fol. 698. col. 1.  
Peccata actualia & personalia adimunt ordinem partium anime in peccante. lib. 4. cap. 52. fol. 701. col. 2.

## POENA.

Pœna quomodo rationem satisfactionis habeat. lib. 3. capitu. 158. fol. 599. col. 1.  
Pœna non inferitur nisi pro culpa. libro 3. capitulo 141. folio 577. colum. 1.  
Tribus modis ex rebus corporalibus & exterioribus pœna homini aduenit. fol. 576. col. 2.  
Quomodo pœna debet culpæ correspondere. fol. 590. col. 1.  
Non omnes pœnæ sunt purgatoria. ibidem. col. 2.  
Conuenienter auersioni ab ultimo fine respondet pro pœna carentia diuinæ visionis; conuersioni vero nocumētum ex creaturis. lib. 3. cap. 145. fol. 591. col. 1.  
De pœna malorum post mortem secundum Auicennam. ibid. colum. 1.  
Quomodo licitum sit per pœnas punire malos. lib. 3. capitu. 146. fol. 592. col. 1.  
Vtrum de ratione pœnæ sit ut voluntati contrarietur. lib. 3. capitu. 158. fol. 599. col. 1.  
De obligatione ad pœnam post peccati remissionem. ibidem. colum. 1.

## POENITENTIA.

Pœnitentia quomodo sit sacramentum. libro 4. cap. 72. fol. 739. colum. 1.  
Pœnitentia & baptismi differentia quantum ad remotionem reatus. 737. col. 2.  
Quomodo interior pœnitentia sit res & sacramentum. fol. 739. colum. 1.  
Vtrum præter internam pœnitentiam oporteat ponere aliquid aliud quod sit res & sacramentum in pœnitentiæ sacramento. ibidem.  
Differentia inter pœnitentiam & alia sacramenta ut sunt in proposito tantum. ibidem. col. 2.  
Quomodo differant pœnitentia & alia sacramenta quantum ad materiam. ibidem.  
Quomodo contritio, confessio, & satisfactio sint pœnitentiæ partes. fol. 740. col. 2.

## PER ACCIDENS.

Si aliqua duo sunt per accidens iuncta in aliquo, & vnum illorum inuenitur sine alio, probabile est quod alterum sine illo inueniri possit. lib. 1. cap. 13. fol. 18. col. 1.

## PERFECTIO.

Oportet perfectum & perfectibile esse vnus generis. lib. 2. cap. 55. fol. 212. col. 1.

Quicquid



# T A B V L A

Quicquid perfectionis est in natura inferiori, est etiam in superiori. lib. 2. cap. 96. fol. 319. col. 2.

Perfectiones quæ sunt in creaturis diuissimæ, in Deo sunt unitæ. lib. 1. cap. 32. fol. 51. col. 1.

Perfectionis creaturarum sunt in Deo eminenter. ibidem. col. 1.

Perfectiones in creaturis sunt particulariter, in Deo vero vniuersaliter. ibidem. col. 2.

Vnumquodque perfectum dicimus quando attingit propriam virtutem. lib. 1. cap. 37. fol. 59. col. 1.

Esse causam aliorum est perfectio nobilior rei. libro 3. cap. 21. folio 363. col. 1.

Deum velle alia à se, non dicit aliquam perfectionem in Deo inquantum huiusmodi. lib. 1. cap. 75. fol. 83. col. 1.

Summa rationalis creaturæ perfectio est diligere Deum. libro 1. cap. 80. fol. 119. col. 1.

Quomodo aliqua perfectio inexistens nunc diuinæ volitioni, potest absolute illi non inesse, libro 1. capitulo 76. folio 116. col. 1.

Duplex est ratio descensus perfectionum à Deo. libro 4. cap. 1. fol. 607. col. 2.

Multiplicantur processus perfectionum à Deo secundum rerum infinitarum multipliciter. ibidem. fol. 608. col. 1.

## P E R P E T V V M.

Quod ex se potest non esse, quomodo potest ab alio fieri perpetuum. lib. 1. cap. 20. fol. 30. col. 2.

In perperuis non differt esse & posse. libro 2. capitu. 91. folio 306. col. 1.

Substantiæ intellectuales naturaliter appetunt esse perpetuum, quia illud apprehendunt. lib. 2. cap. 55. fol. 213. col. 1.

In ultimo rerum statu remanebunt secundum substantiam quæ ad perpetuitatem aptitudinem habent, Deo supplente quod eis ex propria infirmitate deest. libro 4. capitu. 97. folio 778. col. 2.

## P E R S E.

Videntibus diuinam essentiam est quodammodo per se notum quod hic per fidem tenemus. libro 4. cap. 54. fol. 707. col. 1.

## P E R S E V E R A N T I A.

Vtrum perseverantia possit sub electione cadere. libro 3. cap. 155. folio 606. col. 1.

Tribus modis perseverantia accipi potest. ibidem. col. 2.

Vtrum per donum gratiæ aliquis perseverare possit in bono. ibidem.

## P E R S O N A.

Personæ diuinæ per relationes constituuntur & distinguuntur. libro 4. cap. 26. folio 666. col. 2.

Modus essendi vnius personæ diuinæ in alia, quomodo ad modos essendi in, ab Arist. positos reduci possit. libro 4. cap. 9. folio 621. col. 2.

In humanis non attenditur personarum distinctio secundum essentiam speciei. libro 4. cap. 14. fol. 640. col. 1.

Personæ diuinæ nullam imperfectionem habent, ex eo quod sunt relatiuæ. ibidem. folio 643. col. 1.

In diuinis personis oportet relationem inuestigare quibus ab invicem distinguantur. lib. 4. cap. 24. fol. 660. col. 2.

Personæ diuinæ per solam oppositionem relatiuam distingui habent. ibidem. col. 2.

Persona diuina non est proprie productionis terminus, licet sit vere producta. ibidem. fol. 661. col. 2.

Inter diuinas personas est solus ordo originis. ibidem. folio 662. col. 2.

Vtrum personæ diuinæ per relationes originis distinguantur. libro 4. cap. 26. folio 665. col. 2.

Personæ secundum quod sunt in seipsis, non distinguuntur nisi seipsis. ibidem.

Quomodo diuinarum personarum constitutio sit intelligenda. ibidem. fol. 666. col. 1.

Quomodo relationes constituunt personas inquantum sunt ipsæ personæ. ibidem. fol. 667. col. 1.

Quomodo relatio constituit personam inquantum est diuina essentia. ibidem. col. 2.

Relatio non est constitutiua personæ inquantum relatio. folio 667. col. 2.

Quomodo relatio personam diuinam constituat & distinguat. ibidem.

Persona non est omnino idem quod substantia particularis. lib. 4. cap. 39. fol. 685. col. 2.

## P H A N T A S M A.

Vide supra, fantasma.

## P L A T O.

Plato posuit ideas tantum specierum specialissimarum. libro 1. cap. 24. folio 38. col. 2.

## P O S S I B I L E.

Possibile æqualiter se habet ad esse & non esse. libro 1. capitu. 15. fol. 22. col. 1.

Omnes naturæ possibiles in rerum ordine inveniuntur. lib. 2. capitu. 91. fol. 305. col. 2.

Possibile duobus modis accipitur. lib. 3. capitulo 86. folio 484. col. 1.

## P O T E N T I A.

Quomodo potentia ad bonum supernaturale est naturalis, aut obedientialis. lib. 3. cap. 156. fol. 607. col. 2.

Idem non potest simul esse in potentia formali & in actu virtuali. lib. 1. cap. 13. fol. 17. col. 1.

Potentia non repugnantia quomodo Deo conueniat. lib. 1. cap. 20. fol. 29. col. 1.

Quomodo si diuideretur corpus quod poneretur causare primum motum, pars eius esset minoris potentia quam totum. ibidem. fol. 20. col. 1.

Duratio infinita requirit potentiam infinitam. folio 30. columna prima.

Potentia diuina habet vnum formale obiectum, sed aliter quam potentia creaturæ. lib. 2. cap. 22. fol. 171. col. 1.

Eadem est potentia contrariorum. lib. 2. capitulo 55. fol. 211. columna 2.

Potentia generandi quasi actiua, & potentia quasi passiua in diuinis sunt idem. lib. 4. cap. 13. fol. 635. col. 1.

Nulla est potentia passiua in natura cui non correspondeat aliqua potentia actiua naturalis. libro 2. capitu. 60. folio 227. col. 1.

Potentia rationales se habent ad opposita. libro 2. capitu. 66. folio 234. col. 1.

Potentia quomodo patitur ab obiecto. lib. 2. capitu. 82. fol. 282. col. 2.

Potentia realiter distinguuntur ex obiectorum distinctione. lib. 4. cap. 24. fol. 660. col. 1.

Potentia agentis primi non deest potentia quæ est in rebus ad perfectionem. lib. 1. cap. 42. fol. 63. col. 2.

Potentia ad actum dupliciter potest dici maior. lib. 1. capitu. 43. fol. 67. col. 2.

Potentia non potest actum excedere. libro primo, capitu. 43. fol. 66. col. 2.

Quomodo potentia est principium actionis in Deo. lib. 2. capitu. 10. fol. 152. col. 1.

Voluntas & intellectus in Deo non sunt ut potentia, sed ut actiones. ibidem. col. 2.

Potentia ad quam pertinet finis, habet omnes alias mouere. lib. 1. cap. 72. fol. 113. col. 1.

Quomodo potentia voluntatis respectu oppositorum sit in Deo. lib. 1. cap. 82. fol. 122. col. 1.

Quæ sit potentia passiua naturalis, & ad quæ se extendat. lib. 3. cap. 102. fol. 514. col. 2.

Quomodo omnis potentia quæ est in patre, est etiam in filio, & tamen potentia generandi quæ est in patre, non est in filio. lib. 4. cap. 13. fol. 635. col. 1.

## P O T E S T A S.

Potestas episcopalis quomodo est superior sacerdotali. lib. 4. cap. 76. fol. 745. col. 1.

De potestate clauium ecclesiæ. lib. 4. cap. 72. fol. 737. col. 1.

Quomodo sacerdos habet potestatem absoluendi à peccatis. ibid. fol. 738. col. 1.

## P R Æ C E P T V M.

Omnia præcepta ad præcepta decalogi ordinantur. libro 3. capitu. 128. fol. 558. col. 2.

De præcepto charitatis quomodo obliget in communi. lib. 3. cap. 160. fol. 602. col. 2.

## P R Æ D E S T I N A T I O.

Ea quæ in prædestinato sunt, aliter inter se ordinantur quam ea quæ sunt in reprobaro. lib. 3. cap. 161. fol. 603. col. 1.

Aliter reluctance misericordiae est prædestinationis ratio, & aliter reluctance iustitiæ est ratio reprobationis. ibidem. col. 1.

Merita non sunt causa prædestinationis. lib. 3. cap. 163. fol. 605. col. 1.

Vtrum aliquid sit causa totalis effectus prædestinationis. ibid. columna 2.

## P R Æ D I C A T I O.

Quæ distinguuntur secundum supposita, non possunt de se inuicem predicari. lib. 4. cap. 34. fol. 677. col. 2.

## P R Æ P O S I T I O.

De istis præpositionibus a, & per. libro quarto, cap. 8. folio 620. col. 1.

Ista præpositio apud, substantiam importat & distinctionem. lib. 4. cap. 5. fol. 612. col. 2.

Præsens



# COMMENTARIORVM.

## PRÆSENS.

Rem cognosci vt præsentem multipliciter intelligi potest. lib.1. cap.67. folio 102. col.2.  
Contingens vt præsens pro illo tempore non potest non esse. lib.1. cap.67. fol. 102. col.1.

## PRINCIPIVM.

Principium demonstrationis dupliciter cognosci potest. lib.1. cap.57. fol. 87. col.1.  
Quid intelligit Philosophus cū dicit principia eorum quæ sunt semper esse verissima. lib.1. cap.1. fol. 2. col.2.  
Principium est necessarium in speculatiuis & practicis differenter. lib.3. cap.97. fol. 506. col.2.  
Primorum principiorum cognitio ex sensibilibus causatur, & tamen est naturalis. lib.2. cap.83. fol. 289. col.2.  
Quomodo principia simul cum conclusione cognoscantur. lib.1. cap.57. fol. 87. col.1.

## PRIVATIO.

Idem est subiectum priuationis & habitus. lib.2. capit. 55. fol. 212. colum.1.  
Priuatio quomodo habet esse. lib.3. cap.9. fol. 347. col.2.  
Quomodo priuatio sit malum simpliciter. lib.3. capitu. 6. fol. 342. colum.2.  
Priuatio est principium per accidens in rebus mobilibus. lib.3. cap.14. fol. 354. col.2.  
Quomodo priuatio & forma possint esse simul. lib.3. cap.20. fol. 361. col.2.  
Priuatio quomodo est rerum naturalium principium. lib.3. cap.20. fol. ibidem. col.1.  
Priuatio cognoscitur ab intellectu per potentiam in ipso existentem. lib.1. cap.71. fol. 110. col.2.  
Quia potentia est de ratione priuationis, ideo intellectui competit priuationem cognoscere. ibidem.  
Priuari sensibilibus bonis est contra hominis voluntatem, aliquando verò secundum voluntatem. lib.3. cap.141. fol. 576. col.2.

## PRIUS.

Prius natura dupliciter dicitur. lib.2. cap.38. fol. 189. col.1.  
Prius in essendo dicitur multipliciter. libro 2. cap.71. folio 244. colum.2.  
Quomodo prius generatione est prius tempore. ibidem.  
Quomodo aliquando prius generatione est perfectius. lib.3. cap.26. fol. 378. col.1.  
Ad nouitatem posterioris non sequitur nouitas prioris. lib.4. cap.63. fol. 723. col.2.  
Dupliciter potest accipi aliquid non eodem modo se habere nūc & prius. lib.2. cap.37. fol. 188. col.1.

## PROCESSIO.

Processio verbi diuini est in similitudinem naturæ. libro 4. cap.11. fol. 629. col.2.  
An processio verbi diuini sit generatio. ibidem.  
Quomodo intelligitur processionem verbi esse secundum rationem similitudinis, non autem processionem Spiritus sancti. ibidem.  
Quomodo processionem verbi diuini conuenit, vt habeat esse naturale Dei intelligentis. lib.4. cap.11. fol. 631. col.1.

## PRODVCTIO.

Quomodo possint productiones diuinæ ex principiis aut terminis distingui. lib.4. cap.24. fol. 661. col.2.  
Quomodo, quia Deus est totus actus, oportet vt totam substantiam rei producat. lib.2. cap.16. fol. 160. col.2.

## PROPHETIA.

Prophetica cognitio est certa. lib.3. cap.154. fol. 603. col.1.  
Nihil prohibet prophetæ prænunciationem quandoque immutari. fol. 603. col.1.  
Maligni spiritus in futurorum prædictione non sunt vere propheta. fol. 604. col.2.

## PROPOSITIO.

Propositio per se nota quæ sit, & quomodo distinguatur. lib.1. cap.11. fol. 12. col.1.  
Ista propositio, Sortes est homo, quomodo sit per se. lib.2. cap.96. fol. 318. col.2.  
Perseitas & proprietates propositionis aliter accipitur à Philosopho, & aliter à Theologo considerante vnum esse suppositum duarum naturarum in Christo. lib.4. cap.45. fol. 692. col.2.  
Quomodo aliqua propositio dicatur propria & per se. 693. col.1.  
Quomodo ista propositio, Deus est homo, est propria & per se. ibidem.  
Vtrum ista propositio, Deus est homo, sit necessaria. ibidem. colum.2.

## PROPTER SE.

Quod propter se queritur, semper queritur. libro 3. cap.112. fol. 529. col.1.

Quod propter se est, semper est. ibidem.

## PROVIDENTIA.

Quomodo prouidentia & gubernatio distinguantur. lib.3. capit. 64. fol. 436. col.1.  
Quomodo se habeat prouidentia diuina ad ea quæ conferunt ad finem, aut ipsum impediunt. ibidem.  
Quomodo diuina dispositio à diuina prouidentia distinguatur. fol. 437. col.1.  
Opinio Commentatoris Auerrois de prouidentia. lib.3. capit. 7. fol. 344. col.2.  
Quomodo Deus de creaturis immediatam habeat prouidentiam. lib.3. cap.76. fol. 462. col.2.  
Substantiæ intellectuales aliter sub diuina prouidentia cadunt quam cæteræ creaturæ. lib.3. cap.90. fol. 491. col.2.  
Vtrum prouidentia euentum ordinis respiciat. lib.3. cap.94. fol. 499. colum.2.  
Quomodo diuinæ prouidentia ordo infallibilis est, & cassari non potest. lib.3. cap.94. fol. 499. col.2.  
Modus conueniens saluandi contingentiam & libertatem arbitrij cum diuinæ prouidentia certitudine. lib.3. capitu. 94. folio 500. col.2.  
Instantia contra modum saluandi contingentiam cum certitudine prouidentia, & eius solutio. fol. 501. col.1.  
De opinione Stoicorum circa immobilitatem diuinæ prouidentia. lib.3. cap.96. fol. 504. col.2.  
Quomodo diuina prouidentia habeat rationem. lib.3. cap.97. fol. 506. col.2.  
Dupliciter potest intelligi Deum præter ordinem suæ prouidentia agere. lib.3. cap.98. fol. 508. col.1.  
Quomodo Deus potest agere præter ea quæ eius prouidentia & actioni subduntur. ibidem.  
Quomodo in Deo sunt plures prouidentia rationes. lib.3. capit. 115. fol. 542. col.2.

## PURGATORIUM.

Quod purgatorium catholice ponendum sit. libro quarto, capit. 91. fol. 771. col.2.  
Animæ à premij consecutione retardantur, quousque pœnas purgatorias sustineant. ibidem. col.1.

## PVRVM.

Purum est nobilius permisso. lib.2. cap.92. fol. 310. col.1.

## QUALITAS.

Dupliciter dicitur aliqua qualitas actioni alterius repugnare. lib.4. cap.86. fol. 764. col.2.  
Vtrum quando qualitates sacramenti in aliquam substantiam agunt, simul agat quantitas. lib.4. cap.66. fol. 730. col.1.

## QUANTITAS.

Cuiuslibet naturæ est determinata quantitas. lib.4. cap.11. folio 630. colum.2.  
Quantitas corporis Christi est in sacramento modo indiuisibili. lib.4. cap.64. fol. 726. col.1.  
Quantitas discreta est prior formaliter quantitate continua. lib.1. cap.69. fol. 107. col.2.  
Quomodo situs ad quantitatem se habeat. lib.4. c.87. fol. 766. col.1.

## QUIDDITAS.

Quidditas materialis inducit materiam in communi. lib.1. capit. 21. fol. 34. col.2.  
Quomodo intelligitur quidditas in comparatione ad rem. lib.1. cap.9. fol. 90. col.1.  
Quidditas dicitur essentia substantia. lib.3. cap.41. fol. 394. col.1.  
Nulla scientia speculatiua potest nos ducere in cognitionem quidditarum abstractarum. ibidem. col.1.

## QUIESCENS.

Quod quiescit, similiter se habet nunc & prius. lib.3. cap.23. folio 367. colum.2.  
Aliud est quiescere sub vna forma & aliud esse aliquo tempore sub illa. ibidem.

## RATIO.

Vnumquodque intra terminos suæ rationis concluditur. libro 1. cap.39. fol. 60. col.2.  
Aliud est aliquid esse rationem diuinæ voluntatis, & aliud esse eius causam. lib.1. cap.87. fol. 126. col.1.  
Quid sit ratio voluntatis. ibidem.  
Differentia inter speculatiuam & operatiuam rationem quantum ad necessitatem principiorum. lib.3. capitu. 97. folio 506. colum.2.

## REACTVS.

De causa reatus remanentis post deletionem culpæ. lib.4. capit. 72. fol. 737. col.2.

## RECIPERE.

Recipiens debet esse denudatum à natura recepti. lib.2. cap.98. fol. 327. col.1.

Vnum.



# T A B V L A

Vnumquodque recipitur in aliquo per modum recipientis. lib. 4. cap. 13. fol. 636. col. 1.

## R E L A T I O.

Vtrum in termino relatiui oporteat relationem poni ad hoc vt terminetur. lib. 2. cap. 11. fol. 153. col. 1.

Relatio creaturæ ad Deum est accidens. lib. 2. capitulo 18. folio 163. col. 1.

In relatiuis tertij modi quomodo vterque terminus dicitur relatiue. lib. 2. cap. 11. fol. 154. col. 1.

Entis in actu ad ens in potentia non est relatio realis. lib. 2. cap. 12. fol. 154. col. 2.

Relatio vna quomodo vnum terminum requirat. ibidem. folio 155. col. 1.

A relatione extrinseca nihil denominatur relatiue. lib. 2. cap. 11. fol. 153. col. 1.

Relatiua sunt simul natura. lib. 1. cap. 79. fol. 100. col. 1.

Idem subiectum nõ potest in se habere oppositas relationes. lib. 4. cap. 14. fol. 640. col. 1.

Relatio verbi ad dicentem est realis, non autem scibilis ad scientiam, quamuis vtraque actum intelligendi consequatur. ibidem. col. 2.

Quomodo intelligitur relationem quæ propriam rei operationem consequitur, esse realem. ibidem.

Esse relationis dependet ab esse substantiæ & ab esse termini, sed diuersimode. ibidem. fol. 641. col. 1.

Relatio aliqua immediate fundatur in substantia. ibidem.

Relatio distinguitur à fundamento. ibidem.

Relatio tripliciter potest habere esse. fol. 642. col. 1.

Relatio secundum propriam rationem relationis non dicit aliquid in hærens. ibidem. col. 2.

Quomodo relatio diuina à suo correlatiuo dependeat. fol. 643. columna 1.

Aliquæ relationes super vnitatem fundatæ distinctionem præsupponunt. lib. 4. cap. 24. fol. 660. col. 1.

Differentia inter diuinas relationes & relationes creatas. lib. 4. cap. 26. fol. 660. col. 2.

## R E L I G I O.

Religio quomodo dicitur pietas. lib. 1. cap. 1. fol. 2. col. 2.

## R E L I G I O S V S.

Qui conuenienter religiosi dicantur. libro 3. cap. 130. folio 561. columna 1.

Quomodo religiosi in statu perfectionis sint. ibidem.

## R E M I N I S C E N T I A.

Non reminiscimur post mortem. lib. 2. cap. 81. fol. 279. col. 2.

## R E P R O B A T I O.

Reprobatio in communi est per se intenta. lib. 3. cap. 161. fol. 603. columna 1.

Quomodo se habeat reprobatio ad ea, quæ in reprobo sunt, & prædestinatio ad ea quæ sunt in prædestinato. ibid. col. 1.

Quomodo intelligitur solam diuinam voluntatem esse rationem reprobationis huius hominis in particulari. ibid. col. 2.

## R E S V R R E C T I O.

In resurrectione duplex erit dominium animæ super corpus. lib. 4. cap. 86. fol. 764. col. 1.

Omnes in ætate iuuenili resurgent. libro 4. capitulo 88. folio 766. columna 2.

Resurrectio Christi nostræ resurrectionis est causa. lib. 4. cap. 79. fol. 749. col. 2.

Ratio resurrectionis ex appetitu animæ ad vnionem corporis non est necessaria. ibidem. fol. 750. col. 1.

Nec ratio ex appetitu felicitatis. ibidem.

Nec ratio præmiationis & punitonis. ibidem.

Resurrectio erit naturalis quantum ad finem, supernaturalis vero ex parte agentis. lib. 4. cap. 81. fol. 755. col. 2.

Defectus naturæ in resurrectione reparabitur in omnibus. ibid.

Conuenienter datum est homini in resurrectione corpus incorruptibile, in creatione vero aliquo modo corruptibile. lib. 4. cap. 85. fol. 762. col. 1.

De incorruptibilitate corporum resurgentium. ibidem. columna secunda.

In resurrectione, corpora secundum exigentiam animæ disponuntur. lib. 4. cap. 86. fol. 765. col. 1.

## R E V E L A T I O.

Revelationis diuinæ gradus quidam & ordo. lib. 3. capitulo 154. fol. 602. col. 2.

Deus ex superabundanti bonitate quædam de seipso hominibus reuelauit. lib. 4. cap. 1. fol. 608. col. 1.

## S A C E R D O S.

De potestate sacerdotis. lib. 4. cap. 72. fol. 738. col. 1.

Simplex sacerdos potest ex commissione Papæ confirmationis sacramentum conferre. lib. 4. cap. 60. fol. 719. col. 2.

## S A C R A M E N T A.

Ea quæ populo per ministros Ecclesiæ dispensantur, sacramenta dicuntur. lib. 4. cap. 78. fol. 748. col. 1.

Sacramenti dispensatio non congruit angelis. lib. 4. cap. 74. fol. 743. col. 1.

In sacramentis solus Christus potest dispensare. lib. 4. cap. 72. fol. 738. col. 1.

Vtrum Papa possit aliquid circa sacramenta statuere tanquam necessarium sacramento. lib. 4. cap. 60. fol. 720. col. 1.

Quare quædam rei sacræ signa in noua lege non dicuntur sacramenta. lib. 4. cap. 58. fol. 718. col. 1.

Sacramenta sunt quorundam effectuum gratiæ causa. lib. 4. cap. 57. fol. 717. col. 1.

Quæ sint de ratione sacramenti. lib. 4. cap. 56. fol. 715. col. 2.

Sacramenta sunt remedia quædam. ibidem.

Sacramenta etiam per malos ministros collata gratiam conferunt. lib. 4. cap. 77. fol. 747. col. 1.

Sacramentum extreme unctionis remouet culpam, & liberat à pœnæ temporalis reatu. lib. 4. cap. 73. fol. 741. col. 2.

Sacramentum Eucharistiæ quomodo celebrari possit in azymo, & in fermentato pane. lib. 4. cap. 69. fol. 732. col. 2.

Distinctio sacramentorum veteris & nouæ legis. lib. 4. cap. 57. fol. 716. col. 2.

Mali ministri sunt idonei ad sacramentorum dispensationem. lib. 4. cap. 77. fol. 747. col. 1.

In sacramentis est virtus supernaturalis. lib. 4. capitulo 56. folio 715. col. 2.

Quomodo per sacramenta homo ab originali peccato munde- tur. lib. 4. cap. 52. fol. 702. col. 2.

Quomodo sacramenta nobis necessaria sint. lib. 4. cap. 56. folio 715. col. 2.

Quomodo sacramenta nouæ legis à sacramentis veteris legis differant, quantum ad causationem gratiæ. lib. 4. cap. 57. fol. 716. col. 2.

Quomodo sacramenta nouæ legis sint causa gratiæ. ibidem.

## S A P I E N T I A.

Sapientia in deo non est habitus, sed bene in nobis. libro 4. cap. 12. fol. 632. col. 2.

Quomodo per sapientiam homo ad Deum se habet. lib. 1. cap. 2. fol. 3. col. 1.

Per sapientiam ad immortalitatem peruenitur. ibid.

Sapientiæ studium est ceteris hominum studiis iucundius. ibid.

Quomodo donum sapientiæ ad donum fidei se habeat. lib. 3. cap. 154. fol. 604. col. 2.

## S A T I S F A C T I O.

Quomodo vnus homo pro alio Deo satisfacere possit. lib. 3. cap. 158. fol. 599. col. 2.

Purus homo non potuit pro peccato naturæ satisfacere, quia est aliquid minus generis humani vniuersitate. lib. 4. cap. 54. fol. 708. col. 1.

Flagella, quibus homo pro peccatis affligitur, quandoque ei in satisfactionem computantur. lib. 4. cap. 73. fol. 741. col. 1.

Secundum ordinem diuinæ iustitiæ peccatum sine satisfactione non remittitur à deo. lib. 4. cap. 54. fol. 707. col. 1.

## S C I E N T I A.

Scientia docentis scientiam discipuli continet. lib. 1. cap. 7. folio 9. columna 2.

Scientiæ distinguuntur secundum diuersa genera rerum. lib. 2. cap. 4. fol. 149. col. 1.

Scientia quomodo est habilitas aut collectio specierum. lib. 1. cap. 56. fol. 86. col. 1.

Scientia eadem numero ex parte sciti est in magistro & discipulo. lib. 2. cap. 75. fol. 259. col. 2.

Scientiæ speculatiuæ & practice distinctio. lib. 3. cap. 25. fol. 373. columna 1.

Scientiam Dei vt causam, esse necessariam, dupliciter potest intelligi. lib. 1. cap. 67. fol. 103. col. 2.

Quomodo scientia Dei in quantum scientia est necessaria. ibidem. col. 1.

De scientia simplicis intelligentiæ & visionis. lib. 1. cap. 66. folio 100. col. 2.

Quomodo ad rei variationem scientia Dei non variatur. lib. 1. cap. 67. fol. 104. col. 2.

Quomodo scientia visionis Deus infinita cognoscit. lib. 1. cap. 69. fol. 108. col. 1.

Quomodo eadem proprietas rei ad diuersas scientias pertinet. lib. 2. cap. 4. fol. 149. col. 1.

Quomodo scientiæ appetitus possit esse frustra. lib. 1. cap. 4. fol. 6. col. 2.

Diuersimode in nobis scientia causatur à Deo & ab homine. lib. 4. cap. 13. fol. 637. col. 1.



# COMMENTARIORVM.

## SECUNDVM QVOD IPSVM.

Quod conuenit alicui non secundum quod ipsum, conuenit ei  
• per aliquam causam. lib. 2. cap. 15. fol. 157. col. 1.  
Secundum quod ipsum dupliciter se habet ad per se. ibidem,  
columna 2.  
Quod de aliquo, secundum quod ipsum dicitur, ipsum non exce-  
dit. ibidem.

## S E M E N.

Semen quomodo sit in genere causæ materialis aut efficientis.  
libro secundo, capit. 57. fol. 217. columna 1. & lib. 4. cap. 45. folio  
692. colum. 1.  
Semen quomodo ad generationem hominis se habeat. lib. 2. cap.  
89. fol. 299. col. 1.  
Semen quomodo animam vegetabilem & sensibilem ex virtute  
feminis habet. ibidem. fol. 301. col. 1.  
Quomodo in semine est immunditia ex qua peccati immundi-  
tia peruenit in hominem. lib. 4. cap. 50. fol. 698. col. 2.  
Quomodo peccatum originale sit in semine virtualiter. ibidem.  
Immunditia quæ est in semine, non habet rationem culpæ. ibid.  
Quomodo potest dici anima à semine propagari. lib. 4. capit. 52.  
fol. 702. col. 1.  
Semen ex substantia corporis decidi non potest. lib. 4. cap. 83. fo-  
lio 759. col. 1.

## S E N S I B I L E.

Sensibile potest suam similitudinem causare in sensu, quamuis  
sit alterius gradus. lib. 1. cap. 65. fol. 96. col. 1.

## S E N S V S.

Sensus est potentia passiva, & sentire in moueri consistit. libro 2.  
cap. 57. fol. 216. col. 2.  
Sensus corrumpitur & ab excellenti sensibili, & ex corruptione  
subiecti. lib. 2. cap. 55. fol. 212. col. 1.  
Sensus est cognoscitiuus tantum singularium. libro 2. cap. 66. fo-  
lio 234. col. 1.  
Sensus non cognoscit se sentire. ibidem. fol. 234. col. 2.  
Cognitionem originaria sensu dupliciter intelligitur. lib. 1. cap.  
12. fol. 14. col. 2.  
Sensus cognoscit corporalia. lib. 2. cap. 66. fol. 234. col. 2.  
Sensus paritur à rebus, secundum quod sunt in materia non au-  
tem intellectus. lib. 2. cap. 82. fol. 282. col. 2.  
De sensu composito & diuiso. lib. 1. cap. 67. fol. 105. col. 1.

## S I M I L I T U D O.

Quomodo dicitur aliquid simile Deo secundum speciem. lib. 4.  
cap. 26. fol. 666. col. 1.  
Eiusdem rationis est, quod effectus tendat in similitudine agen-  
tis, & quod agens assimilet sibi passum. libro 3. capit. 21. folio  
363. colum. 1.  
Similitudo ad Deum in natura intellectuali omnes alias inclu-  
dit similitudines. lib. 3. cap. 25. fol. 372. col. 2.

## S I M P L E X.

Tanto aliquid est nobilius quanto est simplicius. lib. 1. capit. 18.  
fol. 25. col. 1.  
Quanto aliquid est simplicius, tanto est maioris virtutis & plu-  
rium principium contentiuum. lib. 2. cap. 14. fol. 156. col. 1.

## S I N G V L A R E.

Singulare quomodo cognoscatur. libro 1. capitulo 65. folio 95.  
columna 2.  
Singulare in causa vniuersali cognoscitur vniuersaliter. lib. 1. cap.  
66. fol. 100. col. 2.  
Singularia sunt magis entia quam vniuersalia. lib. 3. capit. 75. fol.  
461. col. 1.

## S O L V S.

Quod dicitur de patre in diuinis, intelligitur dictum de filio,  
etiam cum ista dictione solus, & econuerso. libro 4. cap. 8. fol.  
620. col. 2.

## S P E S.

Vtrum Deus aliquid speret creaturæ. libro 1. capit. 89. folio 128.  
colum. 2.  
Ex spe paratur via ad dilectionem charitatis. libro 3. cap. 153. fol.  
599. col. 2.  
Affici ad aliquem finem tanquam possibilem haberi, est effectus  
speci. lib. 3. cap. 153. fol. 599. col. 2.

## S P E C I E S.

Species est prædicabilis de pluribus. libro 4. capit. 35. folio 680.  
columna 2.  
Species intelligibilis est eiusdem rationis cum re representata,  
immo etiam eius ratio & quidditas. lib. 2. cap. 98. fol. 329. col.  
2. lib. 3. cap. 49. fol. 401. col. 1.  
Determinans sibi aliquod genus, determinat sibi aliquam eius  
speciem. lib. 3. cap. 4. fol. 341. col. 1.  
Species intelligibilis intellectus nostri non est similitudo singu-  
laris. lib. 1. cap. 65. fol. 96. col. 2.

Species rerum sunt sicut numeri. lib. 1. cap. 54. fol. 82. col. 1. lib. 2.  
cap. 44. fol. 197. col. 1.

Species intelligibilis quomodo est vniuersalis. lib. 2. cap. 49. fol.  
203. col. 1.

Plures species intelligibiles quomodo possunt simul esse in in-  
tellectu. lib. 1. cap. 55. fol. 84. col. 1.

Species intelligibilis est in potentia in phantasmate. lib. 2. cap.  
60. fol. 226. col. 1.

Species intelligibilis non est id quod intelligitur. lib. 2. capit. 75.  
fol. 258. col. 1.

Species intelligibilis fundatur in phantasmate. lib. 2. cap. 96. fol.  
317. col. 2.

Species intelligibilis intellectus angelici, vtrum repræsentet con-  
iunctionis contingentis durationem. lib. 2. capitulo 100. folio  
332. col. 1.

Species intelligibilis quomodo potest plures quidditates repræ-  
sentare. lib. 2. cap. 98. fol. 328. col. 2.

Vtrum conueniat speciei in quantum huiusmodi de pluribus præ-  
dicari. lib. 4. cap. 35. fol. 680. col. 2.

Duplex est integritas speciei. libro quarto, capitulo 41. folio 688.  
columna 1.

De rarefactione & condensatione specierum Eucharistiæ. lib. 4.  
cap. 65. fol. 728. col. 2.

## S P E C V L A T I O.

Omnis humana operatio ad speculationem ordinatur. lib. 3. cap.  
25. fol. 373. col. 1.

Speculationi esset semper insistendum per se loquendo. ibidem.

## S P I R I T V S S A N C T V S.

Quomodo formatio corporis Christi particulariter Spiritu san-  
cto attribuitur. lib. 4. cap. 46. fol. 694. col. 1.

Vtrum Spiritum sanctum tam pater quam filius perfecte produ-  
cat. lib. 4. cap. 24. fol. 661. col. 1.

Vtrum si Spiritus sanctus à filio non procederet, distingueretur  
personaliter ab ipso. lib. 4. cap. 24. fol. 660. col. 1.

Quomodo per Spiritum sanctum agitur ad mandata Dei im-  
plenda. lib. 4. cap. 22. fol. 654. col. 1.

Spiritus sanctus aliquando intelligitur nobis dari secundum suam  
similitudinem. lib. 4. cap. 21. fol. 653. col. 1.

Quomodo aliqui effectus Spiritu sancto attribuuntur. lib. 4. cap.  
20. fol. 652. col. 1.

An Spiritus sanctus sit ipse actus amandi, vel potius aliquid per  
actum amoris productum. libro quarto, capitulo 19. folio 650.  
colum. 2.

Quomodo sequitur Spiritum sanctum à filio procedere, quia per  
modum voluntatis procedit ut amor, filius autem per modum  
intellectus ut verbum. lib. 4. cap. 24. fol. 662. col. 1.

Vtrum vnitas essentiae in patre & filio sit sufficiens ratio, ut filius  
sit Spiritus sancti principium sicut & pater. lib. 4. cap. 25. folio  
663. col. 1.

Quomodo si Spiritus sanctus esset pater Christi, diceretur Chri-  
stus duo filij, non autem si beata Virgo mater eius dicatur. lib.  
4. cap. 47. fol. 694. col. 1.

Christus non potest dici finis Spiritus sancti nec naturalis, nec  
per gratiam aut creationem. ibidem. col. 2.

## S T E L L A.

Stellæ præter lucem, particulares etiam virtutes habent quibus  
in hæc inferiora agunt. lib. 3. cap. 84. fol. 478. col. 1.

## S T V D I V M.

De studio & exercitio ad rerum immaterialium cognitionem  
requisito. lib. 1. cap. 2. fol. 3. col. 1.

## S V B I E C T I O.

Duplex subiectio voluntatis ad Deum. libro 4. cap. 52. folio 702.  
colum. 1.

## S V B I E C T V M.

Proprium susceptiuum alicuius actus non est in potentia ad op-  
positum. lib. 2. cap. 55. fol. 211. col. 1.

Quomodo subiectum in potentia ad plures actus illos ordine  
quodam respicit. lib. 3. cap. 102. fol. 515. col. 1.

Quomodo inhaerere subiecto conuenit accidenti ratione suæ  
quidditatis. lib. 4. cap. 65. fol. 727. col. 1.

## S V B S T A N T I A.

Substantia est prior accidente tempore. lib. 2. cap. 18. & 91. folio  
163. col. 2. & fol. 305. col. 1.

Substantiæ intellectuales apprehendunt & appetunt esse perpe-  
tuum. lib. 2. cap. 55. fol. 213. col. 1.

Aristoteles duplicem ordinem substantiarum separatarum po-  
suit, scilicet agentium & finium. lib. 2. cap. 92. fol. 308. col. 1. &  
lib. 1. cap. 13. fol. 19. col. 1.

Substantiarum intellectualium gradus accipiendi sunt secun-  
dum gradum intellectualis operationis quæ est eis propria. li-  
bro 2. cap. 92. fol. 309. col. 1.

Substantiæ



Substantia separata non esset frustra, etiam si non intelligeretur a nobis. lib. 3. cap. 45. fol. 402. col. 2.

Quomodo habere esse diuersarum rationum, est differentia inter substantiam immaterialem & animam. libro 2. cap. 94. folio 312. col. 2.

Substantia immaterialis quomodo potest apprehendi ut vniuersalis. & ut particularis. lib. 2. cap. 93. fol. 312. col. 1.

An implicet contradictionem esse plures intelligentias in eadem specie. ibidem. fol. 311. col. 2.

Substantia simplex participat esse secundum id quod est. libro 3. cap. 20. fol. 361. col. 1.

Substantia separata semper sunt in virtute essendi. lib. 2. cap. 30. fol. 181. col. 2.

Substantia separatas differenter cognoscit intellectus separatus & coniunctus. lib. 3. cap. 45. fol. 402. col. 1.

Substantias separatas anima separata per lumen intellectus agentis cognoscit. ibidem. col. 2.

Vtrum per unionem ad corpus impediatur anima a cognitione substantiarum separatarum. ibidem. fol. 403. col. 1.

Modi quibus substantia separata naturaliter Deum cognoscit. libro 3. cap. 49. fol. 410. col. 2.

Substantia separata non intelligit Deum quidditative per speciem creatam. lib. 3. cap. 49. fol. 411. col. 2.

Quomodo substantia separata naturaliter desiderat essentiam Dei videre. lib. 3. cap. 51. fol. 414. col. 1.

Cuius omnia cognoscibilia cognosceci naturaliter possunt, eius quoque substantia potest comprehendi. libro 1. cap. 3. folio 4. colum. 1.

Substantia separata potest esse forma intellectus sui, non alieni. lib. 3. cap. 51. fol. 414. col. 1.

Ex duabus substantiis spiritualibus non potest fieri vnum in natura. lib. 4. cap. 84. fol. 761. col. 2.

#### S V B T I L I T A S.

De dote subtilitatis beatorum. lib. 4. cap. 86. fol. 765. col. 1.

Quomodo perpicuitas sensuum, & inferioris appetitus ordinatio ad subtilitatis dotem pertinet. ibidem.

#### S V P E R I V S.

Nobiliora in entibus debent ignobiliora excedere. lib. 2. cap. 92. fol. 309. col. 2.

Inferiora in superioribus aliquantulum continentur. libro 2. cap. 99. fol. 329. col. 2.

#### S V P E R L A T I V V M.

Superlatiue aliquid dicitur dupliciter. lib. 1. cap. 42. fol. 63. col. 1.

#### S V P P O S I T V M.

Quid dicat suppositi nomen & nomen hypostasis. libro 4. cap. 38. folio 684. col. 2.

Quid addat suppositum supra hanc humanitatem singularem. lib. 4. cap. 43. fol. 690. col. 1.

#### S Y L L O G I S M V S.

Non est inconueniens aliquando ex puris affirmatiuis in secunda figura syllogizare.

#### T E M P E R A N T I A.

Quomodo temperantia hominem secundum politicam vitam perficiat. lib. 1. cap. 92. fol. 133. col. 2.

#### T E M P V S.

Quomodo operationi intellectus adiacet tempus. lib. 2. ca. 96. folio 319. col. 2.

Quod est quandoque in potentia, quandoque in actu, mensuratur tempore. ibidem. cap. 97. fol. 320. col. 1.

Ratio temporis in numeratione consistit. libro 1. cap. 15. fol. 21. colum. 2.

#### T E R M I N V S.

Terminus relatiui quomodo requirit relationem in se ad hoc ut terminet. lib. 2. cap. 11. fol. 153. col. 1.

#### T H E S A V R V S.

Vtrum homini dari possit virtus ad inueniendum thesaurum. lib. 3. cap. 92. fol. 495. col. 2.

#### T I M O R.

Quomodo timor seruilis a Spiritu sancto fit. libro 4. cap. 22. fol. 654. col. 2.

#### T O T V M.

In toto homogeneo totum & pars sunt eiusdem speciei. lib. 2. ca. 90. fol. 303. col. 1.

Quando aliquid natum est conuenire parti & toti, non dicitur de toto ex eo quod conuenit parti. libro 4. cap. 48. folio 695. colum. 2.

De distinctione totius a suis partibus. libro 4. cap. 81. folio 754. colum. 2.

#### V E R B V M.

Verbum Dei mediante anima corpus assumpsit. lib. 4. cap. 44. fol. 690. colum. 2.

Verbum distinguitur realiter ab actu intelligendi. lib. 1. cap. 53. fol. 81. col. 2.

Verbum diuinum prius intelligitur produci quam res intelligantur. lib. 4. cap. 13. fol. 636. col. 1.

Vtrum beati videndo Deum forment verbum. lib. 1. cap. 53. fol. 81. col. 1.

Quomodo intelligere possit absque verbo esse. libro 1. ibidem. colum. 2.

Deus cognoscendo se producit verbum. ibidem. col. 1.

Angelus cognoscendo se format verbum. ibidem. fol. 80. col. 2.

Angelus cognoscendo alia a se verbum format. ibidem. fol. 81. col. 1.

Intellectus noster nihil intelligit naturaliter sine verbo. ibidem. fol. 80. col. 2.

Verbum diuinum dicitur vere genitum dupliciter. lib. 4. cap. 11. fol. 629. col. 2.

Quomodo verbum diuinum æquale Deo dicatur. ibidem. folio 630. col. 2.

Vtrum in diuinis sit tantum vnum verbum propter actus intelligendi unitatem. lib. 4. cap. 13. fol. 634. col. 1.

Vnum & idem in Deo est verbum sui & omnium rerum. ibidem. fol. 635. col. 2.

Verbum diuinum omnium quæ facta sunt, est perfecta ratio. ibidem.

Vtrum nomen verbi personaliter dicatur in diuinis. ibidem.

Verbum in diuinis dicitur habitudinem ad dicentem, & etiam ad creaturam. ibidem.

Verbum diuinum de scientia diuina essentia deque scientia quam habet Deus de creaturis procedit. ibidem. fol. 636. col. 1.

Verbum in diuinis dicitur absolutum cum respectu. ibidem.

Verbum diuinum quomodo semper respectum ad creaturam importet. ibidem. col. 2.

Vtrum productio verbi in intellectu sit mutatio. lib. 4. cap. 14. fol. 639. col. 1.

Quomodo verbum intellectus etiam nostri non exit proprie de potentia in actum. lib. 4. ibidem.

Licet in verbo diuino tota substantia patris contineatur, non tamen propter hoc definit esse in patre. ibidem. col. 2.

Quomodo verbum intellectus intelligibiliter eandem numero naturam contineat quam habet res intellecta. ibidem.

Verbum nostrum esse causam volitionis effectiue non potest haberi ex eo quod verbum diuinum est amoris principium quasi effectiui. lib. 4. cap. 19. fol. 649. col. 1.

Quomodo intelligitur, quod verbum caro factum est. lib. 4. cap. 31. fol. 672. col. 1.

Quomodo esset similitudo unionis verbi diuini ad humanam naturam si poneretur vnus omnium hominum intellectus. lib. 4. cap. 41. fol. 688. col. 1.

Verbum Dei toti naturæ humanæ mediante intellectu est coniunctum. ibidem. col. 2.

Verbum diuinum est humanæ naturæ unitum sicut instrumentum coniuncto. ibidem.

Per humanam naturam non datur verbo diuino quod sit simpliciter, sed quod sit hic homo. libro 4. capitulo 49. folio 696. colum. 2.

Quomodo humana natura dat verbo diuino esse substantiale. ibidem.

#### V E R E C V N D I A.

Quare de actu carnali est verecundia. libro 3. cap. 126. folio 556. colum. 2.

#### V E R I T A S.

Veritas est finis vltimus vniuersi. lib. 1. cap. 1. fol. 2. col. 1.

Multiplicitas veritatis diuinorum dupliciter accipitur. lib. 1. cap. 9. fol. 10. col. 2.

Vnum verum altero verius dicitur. lib. 1. cap. 13. fol. 19. col. 2.

Omnis veritas est aliquo modo æterna. lib. 2. cap. 84. folio 291. colum. 2.

Quid sit veritas. lib. 1. cap. 60. fol. 92. col. 2.

Quomodo veritas sit in intellectu. ibid.

Veritates intellectæ in prima veritate fundantur. libro 2. cap. 84. fol. 291. col. 2.

Veritas est adæquatio intellectus & rei. libro 1. cap. 59. fol. 89. colum. 1.

Cognitio est veritatis effectus. ibidem.

Veritas intellectus nostri mensuratur a re. lib. 1. cap. 62. folio 94. columna 1.

Veritas dicitur absolutum cum respectu. libro 1. capitulo 60. fol. 92. columna 2.

Vtrum veritas sit in intellectu incompleto. libro 1. capitulo 59. fol. 91. col. 1.

Non est concedendum contradictoria simul esse vera. lib. 1. cap. 66. fol. 100. col. 1.



VIOLENTIA.

Quomodo per violentiam aliquando agimus contra voluntatem. lib. 4. cap. 22. fol. 654. col. 1.

Quomodo aliquis motus dicatur violentus. libro 3. cap. 88. folio 488. col. 2.

Quomodo violentum & naturale diuersimode considerantur in motu & in operatione. ibidem.

De violentia voluntario mixta. lib. 4. cap. 22. fol. 654. col. 1.

VIRGINITAS.

Vtrum fuerit licitum tempore legis Moyfi virginatatem seruare. lib. 3. cap. 136. fol. 570. col. 1.

VIRTVS.

Vtrum virtutes aliquae sint in appetitu sensitiuo. libro 1. cap. 92. folio 134. col. 1.

Virtus infinita existens in magnitudine moueret in instanti. lib. 1. cap. 20. fol. 31. col. 2.

Virtus formatiua in semine quomodo remanet. libro 2. cap. 89. folio 299. col. 1.

Si virtus per media produceret, posset diuersitas provenire ex parte mediarum causarum. lib. 2. cap. 22. fol. 171. col. 1.

Virtus quae agit per voluntatem, est superior ea quae agit per naturam, & virtus ipsa sicut instrumento libro 2. cap. 23. folio 174. col. 1.

Virtus producendi non respicit praeteritum. libro 2. cap. 36. fol. 187. col. 1.

Virtus motiua in animalibus est appetitus & sensus. lib. 2. cap. 82. folio 181. col. 1.

Virtus ad essendum tempore infinito est infinita. libro 2. cap. 84. folio 292. col. 1.

Nulla virtus actiua agit ultra suum genus. libro 2. cap. 86. folio 294. col. 2.

Virtus superior potest in omnia in quae potest virtus inferior. lib. 1. cap. 65. fol. 96. col. 1. lib. 2. cap. 100. fol. 331. col. 1.

Omnis virtus ad suum obiectum secundum aequalitatem proportionatur. lib. 1. cap. 74. fol. 114. col. 1.

Virtus diuina ad remotissima se extendit. lib. 3. cap. 77. folio 464. col. 1.

Differentia inter virtutem operatiuam & intellectuam. libro 3. cap. 78. fol. 465. col. 1.

Quomodo in Deo sint virtutes. libro primo cap. 92. folio 133. columna 2.

Quomodo virtutes actiuae vitae sunt, quibus bonis corpora libus recte utimur. ibidem. fol. 134. col. 1.

Virtutes politicae & vitia non sunt nobis à natura. lib. 3. cap. 85. folio 480. col. 2.

Differentia inter virtutem coelestem & virtutem diuinam. lib. 3. cap. 94. fol. 499. col. 2.

Quomodo virtutes innaturales sint diuturnae. libro 3. cap. 104. folio 522. col. 1.

Vtrum virtus aliquid faciendi per disciplinam acquiri possit. lib. 3. cap. 105. fol. 523. col. 2.

Medium virtutis accipitur non secundum quantitatem, sed secundum regulam rationis. lib. 3. cap. 134. fol. 565. col. 2.

Vtrum possit quis in opere virtutis non delectari. libro 3. cap. 138. fol. 571. col. 1.

Diuina virtus potest producere effectus quarumcumque causarum. lib. 4. cap. 65. fol. 727. col. 1.

VITA.

Quomodo se habeant vita & viuere. libro primo cap. 98. folio 139. col. 2.

In quo perfectio Christianae vitae consistat. libro tertio, cap. 130. folio 560. col. 2.

Actiua vita diuinitis indiget etiam ad subueniendum aliis. lib. 3. cap. 133. fol. 564. col. 2.

Quare vita contemplatiua in vsu exteriorum rerum, est vita actiua perfectior. ibidem.

Vita contemplatiua incipit in hac vita, & consummatur in futura. lib. 3. cap. 63. fol. 434. col. 2.

Omne quod est in verbo diuino, est vita. libro 4. cap. 13. folio 637. col. 1.

Alternatio perpetua vitae & mortis non est intenta à Deo. lib. 4. cap. 82. fol. 756. col. 2.

VIVENS.

Viuens est nobilius non viuente. libro primo, cap. 20. folio 28. columna 2.

Viuentia quomodo componantur ex anima & corpore. libro 2. cap. 65. fol. 232. col. 2.

VNCTIO.

Extrema vnctio quomodo ad salutem corporis ordinatur. lib. 4. cap. 73. fol. 741. col. 2.

De effectibus extremae vnctionis. ibidem.

Quomodo per extremam vnctionem culpa remittatur. ibidem.

Quomodo per extremam vnctionem remittatur reatus. ibidem.

Extrema vnctio non est quibuscumque aegrotantibus exhibenda. ibidem.

Quare exhibeatur tantum appropinquantibus ad mortem ex infirmitate. ibidem. fol. 742. col. 1.

Quibus partibus sit extrema vnctio exhibenda. ibidem.

VNIVERSUM.

Si duorum vnitorum minus perfectum inuenitur per se, & maius per se inuenitur. lib. 2. cap. 91. fol. 306. col. 1.

VNIuersVM.

Primus author vniuersi est intellectus. libro primo, cap. 1. fol. 1. columna 2.

Quomodo vniuersum est perfectius si mala fiant aut imperfectius. lib. 3. cap. 71. fol. 454. col. 2.

In vniuerso sunt omnes gradus possibiles bonitatis. ibidem. fol. 454. col. 1.

Ad perfectionem vniuersi requiritur vt in ipso omnes gradus entis contineantur. libro primo, cap. 85. fol. 124. col. 2.

Ordo partium vniuersi & earum distinctio est finis productionis vniuersi. lib. 2. cap. 39. fol. 190. col. 2.

VNIuersVM.

De ratione vniuersorum ratio. lib. 1. cap. 32. fol. 52. col. 1.

Effectus qui non assimilatur secundum speciem formae agentis, vniuersam praedicationem nominis ab illa forma sumpti non recipit. ibidem. fol. 51. col. 2.

Vniuersum cuiuslibet inferiorum secundum participationem conuenit. ibidem. fol. 52. col. 2.

Quod dicitur secundum prius & posterius, non vniuersum praedicatur. ibidem. fol. 53. col. 1.

VNIVERSUM.

Ad hoc vt aliqua dicantur vnum tale essentialiter & in concreto, duo requiruntur. lib. 4. cap. 14. fol. 643. col. 1.

VOLITVM.

Primum volitum est vltimus finis. libro tertio, cap. 26. folio 375. columna 2.

Primum volitum non potest esse actus voluntatis. ibidem.

VOLUNTARIUM.

Dupliciter dicitur aliquid esse per accidens voluntarium. lib. 3. cap. 6. fol. 343. col. 2.

Quomodo in naturalibus & voluntariis malum sit in pluribus aut paucioribus. ibidem. col. 1.

VOLUNTAS.

Voluntas est inclinatio naturae intellectualis. libro 3. cap. 88. folio 488. col. 2.

Voluntas est finis. lib. 1. cap. 88. fol. 127. col. 1.

Voluntatis ordo ad diuinam essentiam ordini intellectus ad ipsam proportionatur. lib. 1. cap. 73. fol. 113. col. 2.

Quomodo voluntatis obiectum est bonum intellectum. libro 1. cap. 72. fol. 112. col. 1.

Defectus voluntatis est sibi ratio peccandi. libro 3. cap. 10. folio 351. col. 1.

Voluntas non intendit in sua volita omnino naturaliter. libro 3. cap. 56. fol. 424. col. 1.

Quod voluntas sit contingens ex eius perfectione provenit. lib. 3. cap. 73. fol. 457. col. 1.

Voluntas est libera in quocumque statu respectu cuiuscumque obiecti quo ad exercitium actus libro tertio, capitulo 62. fol. 433. columna 2.

Voluntas habet aliquem actum quem oportet in Deum tanquam in causam referre immediate. lib. 3. cap. 89. fol. 489. col. 2.

Voluntas quomodo se habet agendo aut patiendo ad volitionem finis. lib. 1. cap. 23. fol. 37. col. 2.

Quomodo voluntas ad intellectionem se habeat. lib. 2. cap. 101. fol. 333. col. 1.

Quomodo defectus voluntatis sit voluntarius. libro 3. cap. 10. folio 351. col. 1.

Quomodo defectus voluntatis sit malum morale. ibidem.

Quomodo voluntas est proprietas intellectualis naturae. libro 3. cap. 26. fol. 375. col. 2.

Quomodo voluntas formaliter fertur in vltimum finem, intellectus vero immediatius. ibidem. fol. 378. col. 1.

Repugnans enti non potest sub voluntate cadere libro 1. cap. 84. folio 124. col. 1.

Aliter dicitur voluntas nostra ad vtrumlibet, & aliter voluntas diuina lib. 1. cap. 82. fol. 121. col. 2.

Vtrum diuina voluntas ab aliquo determinetur. ibidem.

Voluntas diuina quomodo ad vtrumlibet se habet. ibidem.

Quomodo ad rationem voluntatis pertinet communicare bonum quod quis habet. libro primo, capitulo 81. folio 120. columna 2.



# TABVLA COMMENTARIO RVM.

Differentia inter voluntatem & intellectum. ibidem.

Ex hoc dicitur volens aliquid velle, quod voluntas sua refertur ad volitum. lib. 1. cap. 79. fol. 118. col. 1.

Voluntatis obiectum est bonum simpliciter, appetitus autem sensitiui bonum sensibile. lib. 1. cap. 90. fol. 129. col. 2.

Voluntatis immutatio potest intelligi vel ex parte voluntatis, vel ex parte voliti. lib. 3. cap. 88. fol. 487. col. 2.

Super ea quæ voluntati nostræ subduntur, dominamur. libro 3. cap. 1. fol. 335. col. 2.

Quomodo Deus voluntatem mouet. libro 3. cap. 140. folio. 575. colum. 2.

Voluntas est particularis potentia naturæ intellectualis. libro 4. cap. 19. fol. 649. col. 1.

Quomodo voluntas potest & libere & seruiliter operari. lib. 4. cap. 22. fol. 654. col. 2.

An secundum S. Tho. per actum voluntatis aliquid intrā voluntatem producat. lib. 4. cap. 19. fol. 650. col. 2.

Quomodo effectus diuinæ voluntatis non retardatur. lib. 2. cap. 35. folio 186. col. 1.

Impeccabilitas in homine sine immutabilitate voluntatis esse non potest. lib. 4. cap. 70. fol. 733. col. 2.

Deus rectitudinem voluntatis facit. libro 4. capitulo 92. folio 773. col. 1.

Quomodo mutari potest voluntas de volitione in nolitionem, & similiter intellectus de assensu in dissensum. libro 4. cap. 95.

folio. 774. col. 2.

Quæcunque bona aliquis vult in ordine ad bonum finem, bene vult. ibidem. col. 4. fol. 775. col. 1.

Velle humanum Christi quomodo fuit infinitum. lib. 4. cap. 55. folio 714. col. 1.

## V O T V M.

Vouere actus religionis est. lib. 3. cap. 138. fol. 571. col. 1.

Quomodo vouentes tria vota, in statu perfectionis sunt. lib. 3. cap. 130. fol. 561. col. 1.

Laudabilius est aliquid facere ex voto quàm sine voto. libro 3. cap. 138. fol. 572. col. 2.

Nobiliorem finem intendit qui aliquid agit ex voto, quàm qui agit absque voto. ibidem. col. 1.

Vouens non solum actum, sed etiam potentiam Deo offert. ibid. colum. 1.

De voti dispensatione & præceptis iuris naturalis. lib. 3. cap. 124. fol. 555. col. 1.

## V O X.

Vox in quantum significatiua nullam virtutem habet. libro 3. ca. 105. fol. 523. col. 2.

## V X O R.

Vtrum possit quis ex dispensatione aut quauis alia causa habere plures vxores. lib. 3. cap. 124. fol. 555. col. 1.

Vtrum Plato voluerit vxores esse communes. ibidem.

## F I N I S.



# FRATRIS FRANCISCI DE SYLVESTRIS FERRARIENSIS, AR- TIVM ET SACRAE THEOLOGIAE PROFESSORIS

celeberrimi, ordinis Prædicatorum quondam generalis magistri,  
in quatuor libros Diui Thomæ de Aquino  
contra Gentiles, Commentaria  
præclarissima,

INCIPIT LIBER PRIMVS DE  
veritate catholica fidei contra errores Gentilium,  
editus à sanctissimo Thoma de Aquino, de ordine  
fratrum Prædicatorum doctore excellentissimo.

## PROOEMIUM.

Quod sit officium sapientis. Cap. I.



VERITATEM meditabitur guttur  
meum, & labia mea detestabuntur im-  
pium: Prouerbior. 8. Multitudinis vsus  
quem in rebus nominandis sequendum  
Philosophus censet: † communiter obti-  
nuit vt sapientes dicantur, qui res directe  
ordinant, & eas bene gubernant. Vnde in-  
ter alia quæ homines de sapiente concii-  
piunt † à philosopho ponitur quoddam sapientis esse ordinare.  
Omnium autem ordinandorum ad finem gubernationis &  
ordinis regulam, ex fine sumi necesse est. Tunc enim vna-  
quæque res optime disponitur, cum ad suum finem conuenien-  
ter ordinatur. Finis enim vniuscuiusque, est bonum. Vnde vi-  
demus in artibus vnam alterius esse gubernatiuam, & quasi  
principem, ad quam pertinet eius finis. Sicut medicinalis  
ars, pigmentariæ principatur: & eam ordinat propter hoc quod  
sanitas circa quam medicinalis versatur, finis est omnium pi-  
gmentorum quæ arte pigmentaria consciuntur. Et simile  
apparet in arte gubernatoria respectu nauifactorum: & in mili-  
tari respectu equestris: & omnis bellici apparatus. Quæ qui-  
dem artes aliis principantes † architectonicæ nominantur,  
quasi principales artes: vnde & earum artifices, qui archite-  
ctores vocantur, nomen sibi vendicant sapientium. Quia verò  
predicti artifices singularium quarundam rerum fines per-  
tractantes, ad finem vniuersalem omnium non pertingunt: di-  
cuntur quidem sapientes huius vel illius rei secundum quem  
modum dicitur (1. ad Cor. 3. Vt sapiens architector fundamen-  
tum posui.) Nomen autem simpliciter sapientis, illi soli refer-  
uatur: cuius consideratio circa finem vniuersi versatur: qui  
etiā est vniuersitatis principium. † (Vnde secundum philoso-  
phum) sapientis est causas altissimas considerare. Finis autem  
vltimus vniuscuiusque rei, est qui intenditur à primo auctore  
vel motore ipsius. Primus autem author & motor vniuersi,  
est intellectus. (vt infra ostendetur.) Oportet ergo vltimum  
finem vniuersi esse bonum intellectus: hic autem est veritas.  
Oportet igitur veritatem esse vltimum finem totius vniuersi:  
& circa eius considerationem principaliter sapientiam insi-  
stere. Et ideo ad veritatis manifestationem, diuina sapietia  
carne induta, se venisse in mundum testatur dicens (Io. 18. Ego  
in hoc natus sum: & ad hoc veni in mundum vt testimonium  
perhibeam veritati.) Sed & primam philosophiam Philoso-  
phus determinat esse scientiam veritatis, non cuiuslibet, sed  
eius veritatis quæ est origo omnis veritatis, scilicet quæ per-  
tinet ad primum principium essendi omnibus: vnde & sua  
veritas, est omnis veritatis principium. Sic enim est disposi-  
tio rerum in veritate, sicut in esse. Eiusdem autem est vnum  
contrariorum prosequi, & aliud refutare: sicut medicina sa-  
nitatem operatur: aegritudinem verò excludit: vnde sicut sa-  
pientis est veritatem præcipue de primo principio medita-  
ri, & aliis differere, ita eius est falsitatem contrariam impu-  
gnare. Conuenienter ergo ex ore sapientis duplex sapien-  
tis officium in verbis propositiuis demonstratur, scilicet, ve-  
ritatem diuinam, quæ anthonomasticè est veritas, veritatem  
meditatum eloqui: quod tangit quum dicit, (Veritatem me-  
ditabitur guttur meum.) Et errorem contra veritatem im-  
pugnare: quod tangit cum dicit, (Et labia mea detestabun-  
tur impium.) per quod falsitas contra diuinam veritatem de-  
signatur quæ religioni contraria est, quæ pietas nominatur:  
vnde etiā falsitas contraria ei, impietatis sibi nomen assumit.

Super cap. I.



GITUR aduersus Gentes volens tradatum edere san-  
ctus Thomas præmittit Proemium nouem capitibus di-  
stinctum, in quo tria principaliter facit. Primum enim suum  
propositum manifestat. Secundum, modum manifestandæ  
veritatis quam intendit, ostendit cap. tertio. Tertio, ordi-  
nem procedendi in hoc opere tradit ca. nono. Circa pri-  
mum duo facit. Primum præmittit quale sit sapientis officium. Secundum quid  
in hoc libro intendat, deducit ex præmissis cap. secundo. Quantum igitur  
ad primum quinque ponit conclusiones: quarum prima est, Ad sapientem perti-  
net considerare finem. Probatur, sapientes dicuntur qui res recte ordinant, &  
eas bene gubernant, sed omnium ordinandorum ad finem gubernationis  
& ordinis regulam, ex fine sumi necesse est: ergo sapientis est considerare fi-  
nem. Maior probatur. Tum ex vsu multitudinis quem in rebus nominandis  
sequendum Philosophus censet 2. Top. cap. sexto: obtineat enim vt tales sa-  
pientes dicantur. Tum autoritate Aristotelis primo Metaph. ponentis q.  
sapientis est ordinare. Minor verò probatur dupliciter. Primum, Tunc vnaquæ-  
que res optime disponitur, cum ad finem suum conuenienter ordinatur, cum  
finis vniuscuiusque sit bonum, supple, Vnumquodque autem optime disponi-  
tur quum conuenienter ordinatur ad bonum, quod est sua vltima perfectio:  
ergo, &c. Secundo, in artibus videmus vnā esse alterius gubernatiuā, & quasi  
principalem, ad quam pertinet eius finis: patet in medicinali quæ arti pigmen-  
tariæ principatur: sanitas enim circa quam versatur, est finis omnium pigmen-  
torum, patet etiam in arte gubernatoria nauis respectu nauifactorum, & in mi-  
litari respectu equestris, & omnis bellici apparatus, quæ omnes archite-  
ctonicæ nominantur, quasi principales artes: & earum artifices, qui archite-  
ctores vocantur, nomen sibi vendicant sapientum. Circa primā probationem  
maioris, aduertendum quod sapiens proprie dicitur, qui de difficillimis, &  
altissimis causis per certitudinem considerat: vt patet ex Aristotele primo Me-  
taph. & 6. Ethic. Sicque philosophi vtuntur nomine sapientis. At quia ex hac  
ratione aliz conditiones sapientis consequuntur: de quibus primo metaph.  
Arist. facit mentionem, inter quas vna est recte ordinare, & bene gubernare,  
ideo hanc multitudinem intuita in sapiente esse, nomen transtulit sapientis ad  
vnumquodque recte res ordinantem, quem etiam prudentem dicere possu-  
mus iuxta illud Prouerb. 10. Sapientia est viro prudentia. Propter hoc dixit S.  
Thom. q. vsus multitudinis obtrinit, vt tales sapientes dicantur: quasi dicat,  
ista non est apud philosophos completa sapientis acceptio, sed apud multi-  
tudinem & vulgus. Secunda conclusio est, Ad sapientem simpliciter perti-  
net considerare finem vniuersi. Probatur dupliciter. Primum prædicti artifices  
singularium quarundam rerum fines pertractantes, quia ad finem vniuersa-  
lem non pertingunt, non dicuntur simpliciter sapientes, sed sapientes huius  
vel illius rei: iuxta illud prima Cor. 3. Vt sapiens architector fundamentum  
posui: ergo illi soli nomen simpliciter sapientis referuatur, cuius considera-  
tio circa finem vniuersi versatur. Secundum, sapientis simpliciter, secundum  
Philosophum 1. Metaph. & 6. Ethic. est altissimas causas considerare, sed finis  
vniuersi est causa altissima, quæ est etiā vniuersitatis principium, ergo, &c.  
Circa istā propositionem finis vniuersi est etiā vniuersitatis principium. Atten-  
dendum quod per hoc dictum, vult habere sanctus Thomas, quod primum  
agens & vltimus finis non sunt duo distincta, sed sunt vnum. Nam quæ alia  
agentia propter finem aliquem ab ipsis distinctum agunt, primum agens (vt in-  
ferius ostendetur) non propter aliquid aliud à se distinctum: sed propter se-  
ipsum tantum agit. Vnde primum agens & vltimus finis realiter sunt idem.  
Ex hoc autem haberi potest quomodo intelligenda sunt verba philoso-  
phi 2. Metaph. dum ait, q. principia eorum quæ sunt semper, necesse est esse  
verissima. Non enim sic accipienda sunt, quasi vellet plura esse principia rea-  
liter distincta eorum quæ semper sunt: sed quia plura sunt sempiternorum  
principia sola ratione distincta, primum efficiens, & vltimus finis, quas phi-  
losophus iuxta interpretationem S. Tho. hoc loco altissimas causas vocat.  
Tertia conclusio est, Ad sapientiam simpliciter pertinet circa considera-  
tionem veritatis principaliter insistere. Probatur, Ad sapientiam simpliciter  
pertinet consideratio finis vniuersi per præcedentem conclusionem: sed finis  
vniuersi est veritas, ergo, &c. Probatur minor, Finem vniuersi oportet esse  
bonum intellectus: sed hoc est veritas, ergo, &c. Probatur maior, Finis vni-  
uscuiusque rei est qui intenditur à primo auctore, vel motore ipsius, sed primus  
author & motor vniuersi est intellectus, vt infra ostendetur, scilicet libro se-  
cundo: ergo oportet vltimum finem vniuersi esse bonum intellectus. Confir-  
matur primum hoc signo, q. sapientia diuina ad veritatis manifestationem ve-  
nit in mundum, vt ipsa testatur cum ait Io. 18. Ego in hoc natus sum, vt testi-  
monium perhibeam veritati. Confirmatur secundum auctoritate Arist. dicen-  
tis 2. Met. primā Philosophiam esse scientiā veritatis. Circa illationem ratio-  
nis principalis, aduerte quod supponit ratio primum agens cuiusque rei inten-  
dere primum bonum suum: secundario autem bonum sui effectus, idcirco cum  
debeuerit inferre S. Thom. ergo finis vltimus vniuersi est quem intendit intel-  
lectus, intulit, ergo est bonum intellectus, vt daret intelligere idē esse quod  
intenditur primum à tali agente, & quod est eius bonum. Circa propositionem  
hanc assumptā in prima eadem ratione: intellectus est primus author,  
& motor vniuersi. Aduertendum est, quod dupliciter exponi potest. Primum,  
vt dicatur intellectus author & motor, tanquam virtus qua Deus produxit  
vniuersum, sicut diximus quod artifex produxit artificiat per intellectum,  
Contra Gent. a & sic

† 2. Top. cap. 6.

† In proemio met.

† Artes archi-  
tectonicæ.

† In proemio  
metaph. & 6.  
Ethic. c. 8

Intellectus est  
primus author  
& motor vni-  
uersi.



& sic artificia foris prima causa est intellectus artificis. Et hoc modo utique verum est, intellectum diuinum esse autorem & motorem vniuersi. Nam quum Deus sit agens per voluntatem, & voluntas ad agendum ex aliqua apprehensione moueatur: oportet vt primum principium agendi ex parte Dei sit eius intellectus: Et hac ratione videtur S. Thomas inferius lib. 1. cap. 23. ad ostendendum q. Deus suos effectus per suam sapientiam producit. Secundum, potest exponi q. intellectus est primus author & motor vniuersi, non solum sicut principium quo, sed etiam sicut suppositum agens. Pro quo attendendum est q. licet Deus sit substantia intellectualis, sicut & alie intelligentie & homo: est tamen differentia inter ipsum & alia intellectualia: quia intellectualia creata non sunt ipse intellectus: sed intellectus in ipsis est accidens additum eorum substantie, & propterea non dicuntur proprie intellectus, sed tantum substantie intellectuales sue habentes intellectum. Deus autem non solum habet intellectum: sed est suus intellectus, sicut & omnia alia que sunt in Deo, sunt ipsa diuina substantia. Et ideo sicut potest dici quod Deus agit, ita potest dici quod intellectus diuinus agit, & est author vniuersi sicut suppositum agens. Licet autem uterque sensus habeat veritatem: secundum tamen ex modo loquendi, litera magis videtur intentus. Circa istam propositionem in eadem ratione assumptam, finis vltimus vniuersi est veritas, considerandum est, quod agens aliquando agit propter finem aut producendum, aut acquirendum sibi, vt patet in fanate, aut in eo quod localiter mouetur. Aliquando vero agit propter finem preexistentem, multiplicandum, aut communicandum, vel manifestandum, sicut agens naturale agit propter suam formam communicandam. Non ergo veritas dicitur hic esse finis vniuersi, & bonum intellectus diuini quasi Deus producendo vniuersum, veritatem & intellectus perfectionem acquirit, aut producat in esse: sed quia in productione vniuersi intendit suam veritatem, & manifestare, & communicare. Cum enim intellectus diuini veritas, que est vniuersi finis, nihil aliud sit quam diuini intellectus conceptio, quam natus sunt res imitari, & adque dum producantur res in esse, communicatur eis veritas diuina, in quantum formas accipiunt conceptioni diuini intellectus similes ac conformes. Quarta conclusio est, Ad sapientiam pertinet considerare primam veritatem. Probatur auctoritate Aristotelis loco supra preallegato dicentis primam philosophiam esse scientiam eius veritatis, que est omnis veritatis origo, scilicet que pertinet ad primum principium essendi omnibus. Nam veritas talis principij est omnis veritatis principium, cum ita sit dispositio rerum in veritate sicut in esse. Aduerte ex doctrina sancti Thomae q. 21. art. 1. quod cum verum dicat ens perfectum alterius secundum rationem speciei, verum vt se tenet ex parte rei, & conuertitur cum ente in cludit in sua ratione ens, & addit illum respectum perfectum. Ideo bene ait philosophus, quod ita est dispositio rerum in veritate, sicut in esse: quia videlicet verum in ente fundatur, & ratio veri rationem entis conuenit. Confirmatur tertia & quarta conclusio simul auctoritate Prouerbiorum 8. vbi dicitur, Veritatem meditabitur guttur meum. Veritas enim diuina antonomastice dicitur. Circa predicta in 3. & quarta conclusione quo occurrunt dubia. Primum est, licet voluntate intellectus sit simpliciter prior, tamen voluntas in ratione motui prior est intellectu iuxta doctrinam sancti Thomae, prima q. 82. art. 4. Producere autem res est mouere quoddam, vel quasi mouere, ergo in rerum productione voluntas diuina primum locum tenet & non intellectus: male ergo dicitur quod primus author, & motor vniuersi est intellectus. Secundum dubium est, vltimus finis rerum omnium creaturarum inferius libro tertio ponitur diuina bonitas, ergo veritas non est vltimus finis vniuersi, vt hic dicitur. Ad has difficultates respondendum est incipiendo a secundo: quoniam ex ipsius solutione, manifestior erit ad primam solutionem. Sciendum itaque primum, quod sicut agentium inferiorum duplex est finis, vt dicitur secunda secundum q. 123. art. 7. scilicet proximus, & remotus, & proximus est vt similitudinem sue forme in alterum inducat, vltimus autem est quodcumque bonum ex hoc sequens si sit intentum: ita diuini intellectus duplex est finis: proximus quidem est, vt suam formam in creaturis inducat: vltimus vero est bonum, quod ex hoc vltimate in creaturis intenditur. Et quia forma diuini intellectus qua agit, est conceptio, ad cuius similitudinem res producantur, que conceptio est ipse intellectus veritas, ideo creatura, ex eo quod diuinam conceptionem imitatur, veritatem diuini intellectus pro fine proximo agens habet, quia vero in hoc quod suam veritatem Deus creaturæ communicat: intendit etiam vt ipsa diuinæ bonitatis particeps efficiatur, ideo & diuina etiam bonitas eius est vltimus finis. Sciendum secundo quod alicuius effectus finis, potest dupliciter dici. Vno modo, quia est vltimate a suis causis efficientibus secundum ordinem executionis intentus. Alio modo quia causa eius vltimate in via resolutionis & supremæ, est finis proprius. Et hoc modo, si ipsa causa vltima plures fines intendat quilibet illorum potest dici vltimus in ordine ad inferiorum causarum fines: in quantum videlicet, fines aliarum causarum in finem superioris causæ ordinantur. Finis autem supremæ causæ quicumque sit ille, non ordinatur in aliquem superioris causæ finem, cum ipsa, nulla superior causa sit. Ad dubium ergo dicitur q. veritas dicitur vltimus finis vniuersi, hoc secundo tantum modo, quia videlicet est proprius finis supremæ ipsius causæ, non autem primo modo, tanquam videlicet vltimate intentus. Vnde non dicit S. Thomas quod finis vltimus vniuersi cuiusque rei sit, qui vltimate ab eius primo autore intenditur, sed absolute & indistincte qui ab eius primo autore intenditur, vt daret intelligere, quod omnis finis causæ supremæ proprius, habet rationem vltimi finis in comparatione ad aliarum causarum fines, etiam si sit proximus eius finis. Bonitas autem diuina dicitur vltimus finis vniuersi, non tantum secundo modo, sed etiam primo, eo scilicet q. vltimate a supremæ causa sit intentus. Nam propter hoc diuinus intellectus, similitudinem sue veritatis in vniuersum inducit vt diuinam bonitatem assequatur. Attendendum autem quod licet veritas sit finis vltimus vniuersi secundo modo, tanquam videlicet a supremæ eius causæ intentus, conuenit tamen ipsi vt etiam sit vniuersi finis proximus, in quantum vniuersum nullam habet aliam causam efficientem præter supremam, sed ipse intellectus diuinus est eius, & prima, & proxima causa. Vnde veritas dicitur vltimus finis vniuersi, in quantum intellectus est eius prima & supremæ causa: in quantum vero idem intellectus eius, est etiam proxima causa, proximus quoque finis dici potest. Secundum etiam responderi ad hoc dubium potest, q. ex eo quod ponitur veritas esse vniuersi vltimus finis, non excluditur diuina bonitas, sed potius includitur. Bonitas enim diuina, vt dicitur secundo sententia q. 1. 2. tertium, secundum ordinem & modum quo est a Deo volita creaturarum est finis. Cum autem modus volitus diuinæ bonitatis sit secundum

modum conceptionis diuini intellectus, sequitur quod diuina bonitas subtili modo communicationis concepta, sit finis vltimus vniuersi. Sed bonitas vt sic concepta habet rationem veritatis. Ideo dum dicitur q. veritas est finis vniuersi, non excluditur bonitas: & dum dicitur quod bonitas est finis, non excluditur veritas, sed mutuo se includunt. Vnde in hac re nulla in doctrina sancti Thomæ est contradictio. Ex his facilliter.

Ad primum dubium respondetur. Dicitur enim q. per hoc quod dicitur intellectum esse primum autorem vniuersi, non excluditur diuina voluntas, sed includitur: quia diuina scientia non est causa rerum, nisi adiuncta voluntate, vt inferius ostendetur. Veruntamen quia forma quæ diuinus effectus proxime imitatur, est in intellectu, ideo diuinus intellectus dicitur primus vniuersi author, propter quod & in sacra scriptura ponitur sapientia rerum creatrix, huius exempli in artificialibus videri potest. Nam licet artifex per voluntatem operetur, dicitur tamen absolute agens per intellectum propter dictam rationem. Est etiam huius & alia ratio: licet enim intellectus moueat voluntatem, & voluntas intellectum: tamen cum non sit processus in infinitum, est status in intellectu, & ipse est simpliciter primum mouens in ordine ad voluntatem. Ipse enim aliquid apprehendere potest absque hoc quod a voluntate moueatur: sed voluntas nihil velle potest, nisi moueatur ab intellectu. Vnde falsum est q. voluntas in mouendo primum locum absolute teneat, cum non feratur in incognitum: patet hoc ex doctrina S. Thomae in multis locis, præsertim prima q. 82. art. 4. Et est doctrina Arist. 8. Ethic. Primus ergo author vniuersi, tanquam eius forma in se continens, est intellectus, sed voluntas huic adiungitur, tanquam hanc causam ad agendum applicans. Quinta conclusio est, Ad sapientiam pertinet falsitatem contrariam veritati de primo principio impugnare. Probatur primum. Eiusdem est vnum contrarium prosequi, & aliud refutare: patet exemplo medicinæ quæ sanitatem operatur, & ægritudinem expellit. Sed sapientia est veritatem præcipue de primo principio meditari, & aliis differere, ergo eius est & falsitatem contrariam impugnare. Secundum probatur auctor. Supradicta Prouerbiorum in qua dicitur, Et labia mea detestabuntur impium. Falsitas enim contra diuinam veritatem, impietas dicitur, quia religioni contraria, quæ pietas nominatur.

Circa id quod dictum est per impiam designari falsitatem contra diuinam veritatem, quia contrariatur religioni quæ dicitur pietas. Attendendum primum ex doctrina S. Thomae secunda secundum q. 101. art. 1. q. nomen pietatis proprie sumptum virtutem quandam importat, quæ honorem & cultum parentibus exhibet, ac patriæ: sed quia per quandam excellentiam dicitur Deus pater noster, ideo vt ibidem dicitur, art. 3. pietas etiam ad diuinum cultum extenditur & transfertur, propter quod vt dicitur tertio, d. 9. artic. 1. eadem virtus vocatur Græcè eusebia, vel theosebia, Latine verò pietas, latritia, religio. Dicitur ergo religio pietas, non secundum primum & proprium huius nominis significatum, sed secundum quandam nominis translationem. Attendendum secundum q. cum ad latritiam pertineat, reuerentiâ sacræ scripturæ, alisque diuinis rebus exhibere, vt habet S. Thomas 3. d. 34. art. 2. sit quæ religio eadē virtus quæ latritia vt dictum est: merito inquit S. Thomas, falsitatem, contra diuinam veritatem religioni contrariam esse: pertinet enim ad Dei irreuerentiam, diuinam veritatem impugnare, falsitatemque oppositam edocere, quod manifestè religioni aduersatur, quæ Deo cultum reuerentiâque exhibet.

Quomodo religio pietas dicitur.

### Quæ sit authoris intentio. Cap. 2.



Inter omnia verò studia hominum sapientiæ studium est perfectius, sublimius & vtilius & iucundius. Perfectius quidem, quia in quantum homo sapientiæ studio dat se instanti veræ beatitudinis iam aliquam partem habet. (Vnde sapiens dicit, Beatus vir qui in sapientiâ mor. Eccle. 1. 4.) Sublimius autem est, quia per ipsum homo ad diuinam similitudinem præcipue accedit, qui omnia in sapientiâ fecit: vnde quia similitudo causa est dilectionis, sapientiæ studiū præcipue Deo per amicitiam coniungit: propter quod (Sapient. 7. dicitur q. sapientia est infinitus thesaurus hominibus, quo qui vsi sunt, facti sunt participes amicitie Dei.) Vtilius autem est, quia per ipsam sapientiâ ad immortalitatis regnū peruenitur. (Cōcupiscentia autē sapientiæ deducet ad regnū perpetuum. Sapient. 6.) Iucundius autem est (quia non habet amaritudinē conuersatio illius: nec tedium conuictus illius, sed læticiam & gaudium. Sapient. 8.) Assumpta igitur ex diuina pietate fiducia, sapientis officij prosequendi, quamuis proprias vires excedat propositione nostræ intentionis est veritatem (quam fides catholica profitetur) pro nostro modulo manifestare, errores eliminando contrarios. (Vt enim verbis Hilarij vtar. Ego hoc vel præcipuum vitæ meæ officium debere me Deo conficiū sum, vt eum omnis sermo meus & sensus loquatur.) Contra singulorum autem errores difficile est procedere propter duo.

Primum, quia non ita sunt nobis nota singulorum errantium dicta sacrilega, vt ex his quæ dicunt, possimus rationes assumere ad eorum errores destruendos. Hoc enim modo vsi sunt antiqui doctores in destructione errorum Gentiliū, quorum positiones scire poterant: quia & ipsi Gentiles fuerant, vel saltem inter Gentiles cōuersati, & in eorū doctrinis eruditi.

Secundum, quia quidā eorum vt Macometicæ & Pagani non cōueniunt nobiscū in authoritate alicuius scripturæ per quā possint conuincī: sicut contra Iudæos disputare possumus per vetus testamentū, contra hereticos per nouū: hi verò neutrum recipiunt. Vnde necesse est ad naturalem rationem recurrere, cui omnes assentire coguntur, quæ tamen in rebus diuinis deficiens est. Simul autem veritatem aliquā inuestigare ostendemus, qui errores per eam excludantur, & quomodo demonstratiua veritas fidei Christianæ religionis concordet.

Super

Finis vltimus vniuersi est veritas.

Quomodo vltimus finis vniuersi est veritas.

Quomodo primus author vniuersi est intellectus.



## Super Cap. 2.



Vppositis his quæ in primo capite de sapiente sunt dicta, suum propositum S. Tho. exponit inquit, quod intentionis suæ est veritatem fidei Christianæ manifestare, errores contrarios eliminando. Ratio huius propositi est, quia confusus de diuina pietate, officium sapientis, quamvis proprias vires excedat, assumere intendit, cuius est veritatem docere, & excludere talia, ut superius patuit. Duplicem autem causam assignat, quare officium sapientis assumit. Prima est, quia inter omnia studia hominū, sapientia studium est perfectius, sublimius, vtilius, & iucundius. Perfectius quidem, quia per illud homo iam veræ beatitudinis aliquam partem habet, iuxta illud Eccle. 1.4. Beatus vir qui in sapientia morabitur. Sublimius autem, quia ex hoc homo ad diuinam similitudinē præcipue accedit, quæ omnia in sapientia fecit: & consequenter per amicitiam Deo coniungitur, cum similitudo sit causa dilectionis. Vnde Sapient. 7. dicitur quod sapientia est infinitus thesaurus, quo, &c. vtilius verò, quia per sapientiam ad immortalitatis regnum peruenitur, iuxta illud Sapient. 6. Concupiscit sapientia, &c. lucundius autem, quia Sap. 2. Non habet amaritudinem conuersatio eius, nec, &c. Ad euentiam horum notandum primum, quod cum beatitudo in contemplatione diuinæ veritatis, & diuinæ essentia, ut in seipsa est, consistat, cum aliquis sapientia studio incumbit, aliqua summe illius beatitudinis similitudine participat. Ideo bene hic dicitur, quod veræ beatitudinis aliquam iam partem habet. Notandum secundum doctrinam S. Thomæ secunda secunda. q. 1.9. art. 7. quod licet sapientia apud philosophos sit tantum cognitio aliorum causarum, & in sola speculatione absolute consistat, apud theologos tamen non solum est cognitio diuina, sed etiam directio humanæ vite, quæ non solum per humanas rationes, sed etiam per rationes & regulas diuinas, ut est apud Aug. 12. de Trin. dirigitur. Ideo qui studio huiusmodi sapientia dat operā, Deo dupliciter assimilatur: primum quantum ad cognitionem quam Deus de seipso habet: secundum, quantum ad operationem: sicut enim Deus seipsum cognoscit, omniaque in sapientia fecit: ita sapiens homo, & Deus cognoscit, & non tantum humanis, sed etiam diuinis regulis in suis dirigitur operibus, propterea bene hic dicitur, quod homo per sapientiam studium ad diuinam similitudinē accedit.

Quomodo per sapientiam homo ad Deum se habet.

Per sapientiam ad immortalitatem peruenitur.

Studium sapientia est ceteris hominum studiis iucundius.

Aduertendum tertio, quod eius quod inquit S. Thom. per sapientiam ad immortalitatis regnum perueniri, duplex potest esse ratio. Prima, quia ut dixit sapientia amicitia ad Deum causat, per quam ad æternam prouehimur beatitudinem. Secunda, quia sapiens per studium sapientia in rectis operibus dirigitur, quibus ad vitam æternam præparatur. Licet enim humanæ sapientia incumbentes sapientia ad virtutem descendant, qui tamen diuinæ sapientia de qua loquimur dant operā, in quantum huiusmodi ad immortalitatem disponuntur, eo quod in bonis operibus per sapientiam ex diuinis regulis dirigantur.

Attendendum quarto, quod duplex potest esse ratio eius quod dicitur studium sapientia esse ceteris hominibus studiis iucundius. Prima, quia ut habet Arist. 11. de animalibus. Amans in parua comprehensione amari magis delectatur, quam in magna aliorum comprehensione. Secunda, quia ut ibidem dicitur, parum quod de substantiis separatis intelligere possumus, plus delectat, quam quicquid de aliis rebus cognouerimus, multo ergo magis Dei, quam aliarum quarumcunque rerum cognitio iucunda & delectabilis est, quando præsertim ea cognitio in Dei amore trahat. Secunda causa, quare propositum sapientis assumat, est, quia iuxta sententiam Hilarij, id suum esse officium arbitrat, ut Deum omnis eius sermo, & sensus loquatur. Deinde se excusat, quare contra singulos errores non procedit: hoc enim se facere ait, tum quia non sunt omnino nota errata, ut ex his quæ dicuntur, possint rationes adumi ad eorum errores destruendos: tum quia eorum quidam, ut Mahumetista & Pagani auctoritate scripturæ non recipiunt: ideo ad rationem naturalem, cui omnes assentire coguntur, recurrendum est, quæ tamen in rebus diuinis est deficiens. Vbi aduertit quod quia lumen nostrum naturale, à diuinis rebus inferius quam maxime distat, non potest sua virtute ad diuinam perspicaciter eleuari: ideo non sunt quidam errores circa diuinam, quos efficaci ratione eliminari non possumus, propterea quando etiam diuinam scripturam talium errorum seminatores non recipiunt, magis prætermittendi sunt, quam in efficaci ratione impugnandi. Addit vltimo loco S. Thom. quod simul veritate aliquam inuestigamus, ostendit, qui errores per illam excludantur, & quomodo demonstratiua veritas Christianæ religioni concordet.

Quod in his quæ de Deo confitemur, duplex est veritatis modus. Cap. 3.



Via verò non omnis veritatis manifestanda modus est idem, (ut disciplinati autem hominis est tantum de vnoquoque fidem cupere, tentare, quantum ad naturam rei permittit, ut ait Philosophus) optimè dictum est: & Boetius introducit, necesse est prius ostendere quis modus possibilis sit ad veritatem pronosam manifestandam. Est autem in his quæ de Deo confitemur, duplex veritatis modus. Quædam namque vera sunt de Deo, quæ omnem facultatem humanæ rationis excedunt, ut Deum esse trinum & vnum. Quædam verò sunt ad ea quæ etiam ratio naturalis pertingere potest, sicut est Deum esse, Deum esse vnum, & alia huiusmodi: quæ etiam philosophi demonstratiue de Deo probauerunt, ducti naturalis lumine rationis. Quod autem sint aliqua intelligibilia diuinorum, quæ humanæ rationis penitus excedant ingenium, euidentissimè apparet. Cum enim principium totius scientiæ quam de aliqua re ratio percipit, sit intellectus substantia ipsius, eo quod secundum doctrinam philosophi demonstrationis principium est, quod quid est, oportet quod secundum modum quo substantia rei intelligitur, sit eorum modus, quæ de re illa cognoscitur: vnde si intellectus humanus alicuius rei substantiam comprehendit, puta lapidis vel trianguli: nullum intelligibile illius rei facultatem, humanæ rationis excedet.

Philosophus primo Ethic. c. 2. Boet. primo de Trin. cap. 2.

Conclusio.

Quod quidē nobis circa Deum non accidit, nam ad substantiam ipsius capiendā, intellectus humanus non potest naturali virtute perungere, cum intellectus nostri secundum modum præsentis vite cognitio a sensu incipiat. Et ideo ea quæ in sensu non cadunt, non potest humano intellectu capi, nisi quatenus ex sensibus earum cognitio colligitur. Sensibilia autem ad hoc ducere intellectum nostrum non possunt, ut in eis diuina substantia videatur quid sit, cum sint effectus causæ virtutem non æquantes. ducitur tamen ex sensibilibus intellectus noster in diuinam cognitionem, ut cognoscat de Deo, quia est, & alia huiusmodi, quæ oportet attribui primo principio.

Sunt igitur quædam intelligibilia diuinorum quæ humanæ rationi sunt præuia: quædam verò quæ omnino vim humanæ rationis excedunt.

Adhuc ex intelligibili gradibus, idem est facile videre. Duorum enim quorum vnus alio rem aliquam intellectus subtilius intuetur: illi cuius intellectus est eleuatiore, multa intelligit quæ alius omnino capere non potest, sicut patet in rustico, qui nullo modo philosophiæ subtiles considerationes capere potest: intellectus autem angeli plus excedit intellectum humanum, quam intellectus optimi philosophi intellectum rudissimū idiotæ, quia hæc distantia inter species humanæ limitis continetur, quos angelicus intellectus excedit. Cognoscit quidē angelus Deum ex nobiliori effectu quam homo, quātō ipsa substantia angeli, per quam in Dei cognitionē ducitur naturali cognitione, est dignior rebus sensibilibus, & etiā ipsa anima per quam intellectus humanus in Dei cognitionē ascendit, multo que amplius intellectus diuinus excedit angelicum, quam angelicus humanum. Ipse enim intellectus diuinus sua capacitate substantiam suam adæquat, & ideo perfecte de se intelligit quidē, & omnia cognoscit quæ de seipso intelligibilia sunt: non autem naturali cognitione angelus de Deo cognoscit quid est, quia & ipsa substantia angeli, per quam in Dei cognitionē ducitur, est effectus causæ virtutem non adæquans: vnde non omnia quæ in seipso Deus intelligit, angelus naturali cognitione capere potest, nec ad omnia quæ angelus naturali sua virtute intelligit, humana ratio non sufficit capiendā. Sicut igitur maximā amentia esset idiota, qui ea quæ a Philosopho proponuntur, falsa esse assereret, propter hoc quod ea capere non potest: ita & multo amplius nimia stultitia esset homo, si ea quæ diuinitus angelorum ministerio reuelantur: falsa esse suspicaretur, ex hoc quod ratione inuestigari non possunt.

Adhuc idem manifestè apparet ex defectu, quē in rebus cognoscendis quotidie experimur. Rerum enim sensibilibus plurimas proprietates ignoramus, earumque proprietatum quas sensu apprehendimus, ratione perfecte in pluribus inuenire non possumus: multo igitur amplius illius excellentissimæ substantiæ transcendētis, omnia intelligibilia humana ratio inuestigare non sufficit. Huic etiā consonat dictum Philosophi, qui in secundo Meta. asserit, quod intellectus noster sic se habet ad prima entium, quæ sunt manifestissima in natura, sicut oculus vespertilionis ad solem. Huic etiā veritati sacra scriptura testimonium perhibet. dicitur enim (Tob. 11. Forſitan vestigia Dei comprehendes, & omnipotentem vsque ad perfectum reperies.) Et 36. (Ecce Deus magnus vincens scientiam nostram.) Et 1. Cor. 13. (Ex parte cognoscimus.) Non igitur omne quod de Deo dicitur, quamvis ratione inuestigari non possit, statim quasi falsum est abiiciendum, ut Manichæi & plures infidelium putauerunt.

† Tex. com. 1.

† Authoritas sacre scripturæ.

## Super Cap. 3.



Ostendam suum in hoc opere propositum S. Thom. manifestauit, consequenter quis sit modus diuinæ veritatis manifestandæ ostendit. Circa hoc autem duo facit. Primum enim quæ manifestanda sint, enumerat. Secundum, de ipsorum manifestatione determinat capitulo sequenti.

Quantum ad primum. Supposito ex Arist. atque Boetij sententia disciplinati hominis esse de vnaquaque re tantum fidei quærere, quātum natura rei admittit, ponit hanc conclusionē. Eorum quæ de Deo confitemur quædam sunt, quæ naturali lumine rationis cognosci possunt, quædam verò omnem facultatem humanæ rationis excedunt. Primam partem notā relinquit, eo quod Philosophi qui naturali duntaxat ratione vsi sunt, plerumque de Deo demonstratiue probauerunt. Ut Deum esse, & Deum esse vnum. Secundam verò partē, primum tribus rationibus probat, ostendēdo esse aliqua intelligibilia de Deo, quæ humanum penitus excedunt ingenium, deinde cum auctoritatibus confirmat. Prima ratio est ista. De quo omnia cognoscibilia naturali lumine intellectus cognosci possunt, eius quoque substantia ab illo potest intellectu comprehendi, sed ab intellectu nostro Dei substantia comprehendi non potest, ergo intellectus noster non potest naturali suo lumine omnia de Deo cognoscibilia cognoscere. Maior probatur. Principium totius scientiæ rei, est intellectus substantia eius, quia secundum Philosophum demonstrationis principium est quod quid est, ergo secundum modum cognitionis substantiæ rei erit modus eorum, quæ de illa re cognoscuntur. Si igitur alicuius rei substantia,

Contra Gent.

2

puta.



puta lapidis vel trianguli comprehendatur ab intellectu humano, nullū intelligibile de eo facultate humanæ rationis excedit. Supple ergo econuerso, si nullū de Deo intelligibile, naturale lumen excedit, imo omnia de ipso naturaliter cognosci possunt, & eius substantia comprehendendi poterit. Minor verò probatur. Et tunc de his quæ sub sensu non cadunt, humano intellectu capi possunt: quorum cognitio ex sensibus colligi potest, eo quod intellectus noster secundum modum præsentis virtutis cognitionē a sensibus accipiat: sed ex sensibus non potest duci intellectus noster, ut diuinā substantiā videat, quia sensibilia sunt effectus, qui diuinā virtutē non adæquant, ergo, &c. Ad id tamen quod licet sensibilia non ducant in cognitionem substantiæ Dei: faciunt tamen cognoscere de ipso quia est, & alia huiusmodi, quæ oportet primo principio attribui. Pro declaratione maioris aduertendū est, quod intentio S. Thom. est loqui de cognoscibilibus, quæ per se conueniunt subiecto: ad talia enim se extendit scientia, non autē ad prædicata per accidens: huiusmodi enim quæ & proprietates dicuntur, virtualiter continentur in substantia rei, sicut effectus in sua causa vbi extra intellectū distinctionē habent: producantur enim iuxta doctrinā S. Thom. ad substantiā, per quādam naturā resistentiā, vbi autem non distinguuntur, sicut accidit de passionibus entis, quæ ab ente realiter non distinguuntur, ratio subiecti virtualiter continet rationes passionū, & vna est alterius causa & ratio, in esse tantū intelligibili, cū ergo in subiecto, tæquam in causa passionē continentur, siue quantum ad esse reale, siue quantum ad esse intelligibile, non possunt omnes passionē alicuius rei de ipsa cognosci, nisi totaliter rei quidditas cognoscatur, nec perfectē rei quidditas cognosci potest, nisi cognoscatur omnes eius proprietates, ab ea naturaliter resistentes, sicut non possunt omnes effectus causæ in causa cognosci, nisi per causæ comprehensionē, neque comprehendere causā, ut sic potest, nisi per omnium effectuum, in quos potest, inspectionē. Quantum ad minorē aduertendū, primū quod non dixit simpliciter S. Tho. ex sensibilibus non posse cognosci substantiā Dei, sed addidit, ut videatur in ipsis quid sit, quia sensibilia cognita faciunt quidem nos cognoscere Dei substantiā, eo quod omnia quæ in Deo sunt, substantia sint, sed ad hoc nos perducere non possunt, ut eum quidditatiuē cognoscamus, secundum quod in se est, quod est propriū Dei substantiam cognoscere.

Cuius omnia cognoscibilia cognosci possunt, eius quodque substantia potest comprehendendi.

Quomodo intelligatur effectus esse adæquatam causæ.

Aduertendum secundū, quod aliter obiectū dicitur adæquatam potentia, & aliter effectus causæ: obiectum enim dicitur potentia adæquatam secundum quandā communitatē extensionis, quia videlicet cuiusque conuenit ratio illius obiecti illud a tali potentia attingi potest, & econtrario quicquid a potentia potest attingi, illud sub eo continetur obiecto, quia verō de ratione effectus, inquantū huiusmodi est a sua causa depēdere, dicitur effectus causam adæquare, ut videtur velle S. Thom. tertio huius cap. 4. quando in ipso tota virtus causæ exprimitur: hoc autē esse puto, quando per virtutem causæ productur effectus tā perfectiōis, quantæ est causa: quādo verō in effectu tota non exprimitur virtus causæ, quia videlicet non est tantæ perfectiōis quāta est sua causa, quod sanē deprehēdi potest, quādo causa effectum illo nobiliore producere potest, ille est effectus in adæquatus, cū ergo nullus effectus diuinæ virtutis sit, quo nobiliore producere non possit, nullūque tantæ perfectiōis sit quāta est Deus, ideo nullus effectus illi est adæquatus.

Aduertendū tertio, quod quia virtus consequitur essentia rei, illique proportionatur, cū effectus virtutē adæquat causæ ipsius, etiā essentia videtur essentiam adæquare, sicut homo genius secundū suam essentia adæquat hominē generantē, propter hoc ex cognitione quidditatiuā effectus, potest quidditatiuā causa cognosci, vbi autē effectus virtutē non adæquat suæ causæ, sicut in effectibus diuinis accidit, neque utique causæ essentia adæquare potest, & per consequens ex ipsius effectus inspectione perfectē causa cognosci non potest, sed eam tantū de causa per tale effectū cognosci possunt, quæ ad hoc ut talis effectus, a tali causa producat, necesse est in causa reperiri, sicut ad hoc, ut aliquid ab aliquo, tæquam a prima causa producat, necesse est illā causam & esse, & intellectuale esse, & immateriale, ideo ex cognitione effectuum, quāuis inadæquatorū primæ causæ, possumus cognoscere ipsam esse, & quod intellectus est, & immaterialis, & similia. Sed circa hanc rationem occurrit dubiū, quia videtur S. Thom. in probatione maioris fallaciā figuræ dictionis committere: probat enim sic, secundum modum quo substantia rei cognoscitur, est modus eorū quæ cognoscuntur, ergo cuius substantia intellectus comprehendit, omnia de Deo intelligibilia cognosci possunt, hic autem fit transitus a modo ad multitudinē intellectū, & sic a qualitate ad quantitatem, vbi manifestē comittitur fallaciā figuræ dictionis. Respondetur quod siue vna essentia est vna causa omnium suarū passionū, ita omnes passionē eius in vna ratione conueniunt in hac inquit, quod sunt eius naturales proprietates, & modus cognitionis naturalis passionis, proportionatur modo cognitionis substantiæ: cuius enim essentia totaliter cognoscitur, eius naturalis passio totaliter cognoscitur necesse est: ad hoc autē quod est naturalis passio totaliter cognosci, & comprehendere, sequitur nullā esse naturā passionē quæ non cognoscatur, non comittitur ergo fallaciā, quia non fit transitus a modo ad quantitatem immediate, sed a modo essentia ad modum prædicati, quem modū cognitōis numeralis quantitas comittitur, quantitatem autem breuitati studens, tetigit S. Tho. explicitē, ut & modū qui immediate sequitur ex antecedente, daret intelligere, & quantitatem concomitantem. Erit ergo hæc explicita argumentatio, secundū modum cognitionis substantiæ rei, est modus cognitionis passionis naturalis cognitionis de re, ergo cuius essentia comprehenditur, & totaliter cognoscitur, eius naturalis passio comprehenditur, & totaliter cognoscitur, aut actū, scilicet aut virtutē, sed tunc totaliter cognoscitur naturalis passio rei, quando nulla est, quæ de ipsa non cognoscatur, ergo, &c. Secunda ratio sumitur ex gradibus intellectualiū, & arguitur sic, quāto intellectus est superior & magis eleuatus, tantū plura potest intelligere, quæ inferior intellectus capere non potest, sed intellectus diuinus maximē excedit humanum, ergo aliqua in seipso Deus cognoscere potest, quæ humanus omnino capere non potest. Maior propositio in hominibus videtur potest: intellectus enim rusticus & idiotæ omnino capere non potest subtilēs Philosophiarum rationes, quas Philosophus & homo magni ingenij capit: minor etiā patet: quia intellectus angelicus magis excedit intellectū humanū, quā intellectus optimi Philosophi, intellectū rudissimi idiotæ, cū distantia intellectus vnius hominis ab intellectu alterius intra limites humanæ speciei cōtineatur, intellectus autē angelicus sit superior secundū speciem. Hoc autē deprehēdi facile potest, quia ex nobiliori effectu, & abstractiori Deū cognoscit, per ipsam enim substantiā angeli, quæ & rebus sensibilibus & ipsa etiā

humana anima, per quæ humanus intellectus in Deū ascendit, nobilior est angelus: Deū naturali cognitione cognoscit, ut inferior ostendit intellectus vērō diuinus, magis excedit angelicū, quā angelicū humanū, quod manifestatur, quia intellectus diuinus diuinā substantiam adæquat, & ideo se perfectē intelligit: intellectus autē angelicus de Deo quid est non cognoscit, cū substantia sua per quam Deū cognoscit, sit effectus virtutem causæ non adæquas, & ideo non omnia quæ de seipso Deus cognoscit, angelus naturali cognitione potest cognoscere, ergo intellectus diuinus maximē humanū excedit.

Pro declaratione maioris cū sua probatione, sciendū primū quod dupliciter contingit aliquid a potentia cognosci non posse, ut inquit S. Th. aut inquam, quia non cadit sub obiecto potest, sicut sonus a visu capi non potest, aut quia licet sub obiecto contineatur, tamen potentia est improporionatum, sicut valde splendidū ab oculo vespertilionis videri non potest. Quod ergo aliquæ subtilitates philosophicæ ab intellectu vnius hominis comprehendantur, ab intellectu verō alterius capi non possunt: non hoc ideo est, quia sub comuni obiecto intellectus vnius comprehendatur, non autem sub obiecto intellectus alterius, sed quia intellectui vnius sunt proportionatæ, alterius autē intellectui sunt improporionatæ, dum vnius intellectus naturales quidditates potest penetrare, alterius verō intellectus sua hebetudine non potest.

Sciendū secundū ex doctrina S. Tho. 1. q. 8. art. 7. & 2. sent. dist. 32. q. 2. art. 3. q. sicut sunt vnius speciei omnia corpora humana: & tamē ista vnitas specifica latitudinē diuersorū gradū individualiū admittit, dū vnus est bene cōplexionatus & pulchra forma, decorūque aspectu, alter verō deformis est, & turpis, malę cōplexionatus, sic & cū vnitate specifica animarū stat diuersitas gradū individualiū ipsarū, ut sicut vnū corpus est alio substantialiter perfectius individualiter, nobiliorisq; cōplexionis: ita vna anima sit, altera indiuidualiter nobilior, ac p hoc sit vnū homo altero præstātorū ingenio. Formæ enim indiuiduali creatur, cōmēsuratæ substantialiter corporib; ita quod cōmēsuratōne ad hoc corpus, hæc anima ab illa indiuidualiter distinguitur: vnde sicut vnū corpus est altero nobilior cōplexionatum, ita vnam animam altera nobiliorē esse oportet. Nec tamen vnus homo propter hoc, est magis homo altero, licet sic perfectior homo, quoniam hoc vocabulo, magis non vitimur, nisi in formis in quibus accidit mutatio inter magis & minus, quod non accidit in anima intellectuā, quoniam vnaquæque eam perfectiōne substantialiter, quā a principio accepit immutabiliter, conseruat vnus, ergo altero melioris virtutis intelligendo esse potest: quia meliorem habet animam & nobiliorem, quamuis etiam hoc ex virium sensitiuorum meliori dispositione possit provenire, eo quod ipsi intellectus ad sui operationem indigeat.

Tertia ratio est a maiori, magis videtur, quod omnia cognoscibilia de rebus sensibilibus cognoscamus, quā omnia quæ de Deo cognosci possunt, cū illa nobis propinquiora sunt, magisque proportionata: sed rerū sensibiliū multas proprietates ignoramus, aut earū rationē perfectē inuenire non possumus. Ergo multo amplius non omnia cognoscibilia de Deo possumus naturaliter cognoscere. Cōfirmatur autoritate Philosophi 2. Metaph. pluribusq; scripturæ sacre autoritatibus: nā inquit Arist. intellectus non ferē se habet ad manifestissimā in natura, sicut oculus vespertilionis ad solē. Iob verō 11. dicitur, Fortis vestigia, &c. & 36. Ecce Deus magnus, &c. Itē 1. Cor. 13. dicitur, Ex parte cognoscimus, &c. Primū autoritate philosophi aduertendū, quod illa non infert omnimodā ignorantia rerū diuinarū, sed obscurā quandā notitiā, cognitionisq; difficultatē. Sicut enim vespertilio acie ad ipsū solis splendore figere non potest, ita nec noster intellectus diuinā essentia naturaliter ut in se est, potest intelligere eius quidditatem cōprehēdendo. Hic Manichæ error exploditur, plurimūque fidelium qui statim tanquā falsa abiicienda putauerūt, ea quæ de Deo diuinitus angelorū ministerio reuelantur, & humana ratione investigari non possunt, quibus non fecus accidit, quā idiotæ qui ea quæ a philosophis dicuntur, ideo falsa esse diceret, quia ea capere non possent.

Circa hæc cōclusionis partē quam S. Tho. probauit, aliqua ex parte idē sentit Scot. in 1. quæst. prologi primi sententiariū, aliqua verō ex parte dissentit. Tenet enim cū S. Tho. multas esse veritates de Deo cognoscibiles, quas nullus potest naturaliter inuenire, eo quod ab intellectu agente, & phantasmatis causari earum cognitio non possit. In hoc autē dissentit, quia ponit quod ista cognitio sit quidē supernaturalis cōparando intellectū possibile ad agens: sed tamen comparando ipsū ad actualē notitiā in se, sit ei naturalis, eo quod intellectus possibilis a quacunque cognitione naturaliter perficiatur, & ad quamcunque naturaliter inclinatur: huius oppositum accipiendo potentia naturalem propriam, non autē ut se etiam ad obiectalem extendit: tenet S. Thom. tertio sent. dist. 26. art. secundo, & de ver. 13. art. 2. vbi de mente cō. 9. Metaph. vult quod potentia passiva naturalis non se extendat, nisi ad illa ad quæ se extendit sua potentia naturalis actiua. Ex quo in q. de ver. concludit intellectum possibilem non esse naturaliter in potentia, nisi ad illas formas, quæ per intellectum agentē intelligibiles sunt. Confirmatur autem posito Sancti Tho. ex processu, & ratione Arist. 3. de anima, vbi probat intellectus agentis necessitatem text. 17. hanc enim ratione probat oportere in anima ponere intellectum agentem, quia in natura in qua est potentia passiva, oportet ponere potentiam actiuam: constat autem quod Aristoteles loquitur de potentia actiua proxima, & proportionata, alioquin ratio sua non ostenderet propositum, ergo si aliqua potentia passiva naturaliter inclinatur in aliquem actum, oportet ut ab aliquo naturali agente, & proportionato possit illum recipere, si autem instetur ut instat Scotus 4. sine distinct. 4. 9. quæst. 10. Ad secundum, quia in corpore est potentia receptiua ad animam intellectiuam, & tamen non potest ab aliquo agente naturali produci. Respondetur de mente sancti Thom. posit. quæst. 3. articulo 9. Quintum & sextum, quod non est necesse, ut omne agens naturale, producat essentiam formæ, sed sufficit ut sit causa dispositiua materiæ: & sit causa vnionis formæ cum materia. Nam si forma non sit subsistens, causa naturalis est causa ipsius formæ: si autem forma sit subsistens ut est anima rationalis, causa naturalis est causa dispositionis materiæ, & vnionis formæ ad materiam: non autem est causa formæ. Vnde negatur ista consequentia, Nullum agens creatum siue naturale potest producere animam intellectuā, ergo a nullo agente naturali potest materia reduci in actū respectu animæ intellectuæ: dicitur enim quod oppositum consequentis stat cum antecedente potest enim agens naturale reducere materiam in actum formæ causando dispositiones ad formam, & vnionem formæ ad materiam, & tamē non causare formam.

Alia vnius hominis est nobilior anima. Alterius hominis indiuidualiter, non autem specificē.

Vera cognitio de Deo quæ naturaliter acquiritur non potest, fit supernaturalis.



Quia diuina naturaliter cognita cōuenienter hominibus credenda proponuntur. Cap. 4.



Vpliciigitur veritate diuinorū intelligibilium existente: vna ad quā rationis inquisitioni pertinere pōt, altera quā omne ingenū humanā rationis excedit, vtraque cōuenienter diuinitus homini credēda proponitur. †Hoc autē de illa primò ostendendum est quā inquisitioni rationis peruia esse potest, ne fortē alicui videatur, ex quo ratione haberi potest frustra id supernaturālē inspiratione credendū traditū esse.

†Sequeretur tamē tria incōuenientia si huius veritas solū modo rationi inquirēda relinqueretur. Vnū est q̄ paucis hominibus Dei cognitio inesset. A fructu enim studiose inquisitionis qui est veritatis inuētiō, plurimi impediuntur tribus de causis. †Quidam siquidē propter cōplexionis indispositionē, ex qua multi naturaliter sunt indispositi ad sciendum: vnde nullo studio ad hoc pertinere possent vt summū gradum humanā cognitionis attingerēt, q̄ in cognoscendo Deū cōsistit. Quidā verò impediuntur necessitate rei familiaris: oportet enim esse inter homines aliquos qui tēporalibus administrandis infiltāt, qui tantū tempus in ocio cōtēplatiuā inquisitionis nō possent expēdere vt ad summū fastigiū humanā inquisitionis pertingerent. scilicet Dei cognitionem.

Quidā autē impediuntur pigritia. Ad cognitionē enim eorū quā de Deo ratio inuestigare pōt, multa prācognoscere oportet: cū ferē totius Philosophiā cōsideratio ad Dei cognitionē ordinetur, propter quod Metaph. quā circa diuina versatur, inter Philosophiā partes vltima remaneat addiscenda. Sic ergo nō nisi cū magno labore studiū ad prādictā veritatis inquisitionē perueniri potest: quem quidē laborē pauci subire volunt pro amore scientiā: cuius tamen mentibus hominum naturalem Deus inseruit appetitum.

2. †Secundū incōueniens est: q̄ illi qui ad prādictā veritatis cognitionē vel inuentionē peruenirent: vix post longum tēpus pertingerēt. tum propter huiusmodi veritatis profunditatem, ad quā capiendā per viam rationis, nō nisi prius post longū exercitiū intellectus humanus idoneus inuenitur: tū etiā propter multa quā prāexiguntur vt dictū est. tum propter hoc q̄ tēpore iuuetutis dum diuersis motibus passionū anima fluctuat: non est apta ad tam altā veritatis cognitionē: sed in quiescendo fit prudens & sciens (vt dicitur in 7. Physi- corum.) remaneret igitur humanum genus si sola rationis via ad Deum cognoscendum pateret in maximis ignorantia tenebris: cū Dei cognitio quā homines maxime perfectos & bonos facit, nō nisi quibūdam paucis & his paucis etiam post tēporis longitudinem proueniret.

3. †Tertiū incōueniens est q̄ inuestigationi rationis humanā plerunq̄ falsitas admiscetur propter debilitatem intellectus nostri in iudicando & phantasmātū permixtionem. Et ideo apud multos in dubitatione remaneret ea quā sunt verissimē etiā demonstrata: dum vim demonstrationis ignorant & prācipuē cū videāt a diuersis qui sapiētes dicūt, diuersa doceri. Inter multa etiā vera quā demonstrantur immisce- tur aliquādo aliquid falsum quod nō demonstratur: sed aliqua probabili vel sophistica ratione asseritur: quā interdum demonstratio reputatur. Et ideo oportuit per viam fidei fixa certitudine ipsam veritatē de rebus diuinis hominibus exhiberi. Salubriter ergo diuina prouidit clemētia, vt ea, etiā quā ratio inuestigare pōt, fide tenēda prāciperet: vt sic omnes de facili possent diuinā cognitionis participes esse, & absq̄ dubitatione & errore. Hoc est quod Ephe. 4. dicitur.

†Iam non ambuletis sicut & gentes ambulant in vanitate sensus sui tenebris obscuratum habentes intellectum. Et Isaiā 54. Ponam vniuersos filios tuos doctos a domino.

#### Super Cap. 4.



Ostquā ostēdit S. Tho. duplicē esse veritatē de Deo, nunc modū manifestationis vtriq̄; veritatis declarat. Circa hoc autē duo facit, primū de modo manifestationis huiusmodi absolute determinat: secūdō, cōparatiuē. cap. 7. Circa primū duo facit, primū determinat de modo huiusmodi quantum est ex parte docētis. Secūdō, de ipso quantum est ex parte ad- discētis. c. 6. Circa primū duo facit, primū agit de modo eorū quā natura- liter de Deo cognosci possunt, secūdō de modo eorū, quā naturālē rationē excedunt. Quantum ad primū ne fortē alicui (vt inquit) videatur, ex quo talis veritas ratione haberi potest, frustra supernaturālē inspiratione creden- dam, traditā esse, ponit hāc conclusionē. Veritas diuinorū quā inquisitioni rationis peruia esse potest, cōuenienter diuinitus homini credēda proponi- tur: probatur ex incōueniētiis quā sequerentur nisi ita fieret. primū est q̄ paucis hominibus Dei cognitio inesset. Plurimi enim a veritatis inquisitionē retrahuntur tribus de causis, aut scilicet propter corporis cōplexionem, ex qua multi naturaliter sunt indispositi ad scientiam, & summum gradum humanā cognitionis, qui in cognoscēdo Deum cōsistit, attingere non pos-

sunt: aut propter rei familiaris necessitatē, propter quā multi ocio cōtem- platiuā inquisitionis vacare nō possunt: aut propter pigritiā, ex qua pleriq̄ laborem acquirēda disciplinā effugiunt. Ad cognitionē enim quā de Deo haberi naturaliter potest, multa prācognoscere oportet, cū tota ferē Philof. ad eam ordinetur: quia ex causa Metaph. vltima remanet addiscenda: quare et si hominū mētibus naturālē Deus sciēdi ingenuerit appetitū, multi tamen sunt qui eum addiscēdi laborē subire renuunt. Aduertendū hīc primū ex doctrina S. Tho. in tertio d. 25. q. 2. art. 2. q̄ quantitas cognitionis dupliciter attēdi pōt: secundū obiecta, scilicet & secundū efficaciam actus circa obiecta: quod ergo inquit summū gradū humanā cognitionis esse Deū cognoscere, intelligendū est quantum ad obiectū: non autem quantum ad efficaciam actus.

Aduertendū secūdō vt habet S. Tho. super Boetii tri. q. 5. art. 1. q̄ Metaph. naturaliter quidē, scilicet secundū perfectionē, est aliis sciētiis prior: quo ad nos tamē aliis sciētiis est posterior, propter quod Auic. primo suā Metaph. lib. inquit ordinē huius sciētiā esse, vt post alias sciētiās addiscatur, id quod etiā loco inquit S. Tho. sed licet ita sit de ipsa sciētiā inquantū in ea proprie- tates entis, & substantiarū separatarū inuestigatur per demonstrationē, ter- minos tamē aliquos Metaph. necesse est terminis aliorū scientiarū prius quo ad nos secundū eorum cōceptus cognitos esse, cū in ipsos aliarū scientiarū termini resoluitur, propter quod licet illi termini dicātur Metaph. in- quantū proprietates suorū significatorū in Meta. quārun, quo tamē ad eorū cōceptus sunt omnibus sciētiis cōmunes. Si dicatur, quare ergo in quinto Met. de eorū rationibus determinatur: dicitur q̄ hoc idco est, quia si de ipsis omnibus simul edēdus sit tractatus, magis ad Meta. spectat, quā ad aliam artificē, eo q̄ etiā eorum proprietates inquirat: non tamen tollitur quin sint omnīū scientiarū cōmunes termini. Verū in hoc differentia est, quia de illis determinat Meta. vt de substantiis, aut partibus, aut passionibus subiectorum: alia autē sciētiā, vtuntur ipsis vt antecedētibus ad eorū subiecta, & per viam sensus cognitis. Aduertendū tertio q̄ nō dixit S. Thom. absolute totā Philo- sophiā ordinari ad Meta. sed addidit ferē: quia vt ipse inquit tri. q. 5. art. 1. conclusionū, sunt aliquae sciētiā, quā non sunt necessariē absolute ad Met. sed tantū ad bene esse ipsius, vt musica, & morales, & huiusmodi. Aduerte quārō q̄ appetitus naturalis vt habetur 1. q. 60. art. 1. dupliciter sumi potest, vno modo vt distinguitur cōtra appetitū sequentē cognitionē: alio modo vt distinguitur cōtra appetitū liberū. primo modo nominat solū ordinē natu- rā in aliquid, & nihil aliud importat quā rem formam cū habitudine natu- rali ad aliquid, sicut appetitus grauis ad locū deorsum nihil aliud est quā forma grauitatis cū habitudine ad locū deorsum, & se habet tāquā actus primus: hoc modo quālibet potentia naturaliter appetit sibi cōueniens, vt dicitur 1. q. 78. art. 1. 3. Secūdō modo nominat aq̄um elicitū sequentē cogni- tionē ita tamen ad vnū oppositorū determinatū, q̄ ad alterum fieri nō potest: sicut omnes naturaliter appetit beatitudinē actū elicitū ad voluntate se- quente beatitudinis apprehensionē. Appetitus ergo sciēdi, quē dicit S. Tho. & etiā Arist. 1. Met. naturālē esse: licet possit sic accipi primo modo: quia in- tellectus ex sua natura habet, & ordinē ad cognitionē, tāquā ad sibi cōueniens habet: tamē quia hoc nō cōuenit soli intellectui, sed omni potentia vt diximus, vt feratur in sibi cōueniens: videtur autē S. Thom. & Philof. velle aliquid particulare ponere circa appetitū cognitionis, quod in appetitu operationū aliarū potentiarū non inueniuntur: idēdē est iste appetitus esse naturalis quidā actus volūtatis, quo volūtas in propositū sibi cognitionem fertur, ita q̄ in oppositū ferri nō potest: id quod etiā videtur velle S. Tho. 1. 2. q. 10. art. 1. & 2. 2. q. 166. art. 2. dū ponit studēs virtutē esse istius naturalis desi- derij moderatricē. Secūdū incōueniens est: quia vix post longum tēporis spatiū eā cognitionē homines perueniret, tū propter profunditatem cogni- tionis ad quā non nisi post longū exercitiū hominis intellectus idoneus in- uenitur: tum propter multa quā prāexiguntur: propter passionū motus in iuētute abundātes, quibus efficitur vt nō sit apta anima ad tantā veritatis cognitionē. Aduertendū primū q̄ cū res abstractā a materia, nisi ex sensibi- libus rebus a nobis nō cognoscatur, ad hoc vt intellectus noster, cui con- naturales sunt res sensibiles, in tantū eleuetur, vt ex formis sensibilibus cog- nitionē de talibus eliciat substantiā, necesse est prius vt exerceatur in operibus intellectus a particularibus ad vniuersalia abstractā, cōmuniq̄ a propriis, vt ex tali exercitio abstractū fiat ad cognitionē rerū immaterialiū habi- lior, nō em̄ in nobilissimas operationes potētē intellectus nisi assiduare & exercitio in ignobilioribus viget, promptiorq̄ ad occulta inuestigāda fiat. Multo igitur magis ad eā substantiā quē maximē immaterialis est, a sen- sibusq̄ remotissima poterit extolli, nisi post longā exercitationē fuerit vigo- ratus: propterea inquit S. Th. nō posse nostrū intellectū eā cognitionis pfunditatem capere nisi post longū exercitiū. Causatur em̄ ex studio atq̄ exercitio in intellectu habilitas quēdā ad rerū difficultū inuentionē quā absque tali exercitio non inesset, similiter vires sensitiuā interiores, quibus vritur intel- lectus habiliores ex tali exercitio ad subtiliū rerū inquirēdam veritatē red- duntur in suo ordine. Aduertendū secūdō q̄ cum cognitio intellectualis per abstractionē a sensibilibus fiat, propter vehementiā verō passionū abstractā intētiō animā ab intelligibilibus ad sensibilia ex passionū vehemētia actus cōtēplationis quā maxime impeditur, ideo virtutes morales prāsertim castitas, vt inquit S. Th. 2. 2. q. 14. art. 3. maxime hominē ad perfectionē intel- lectualis operationis disponit. Vbi ergo multitudo passionum infurgit, sicut in iuuenibus pro maiori parte accidit, ibi nō est anima ad subtiles speculatiōes apta: sed in quiescēdo, & sedēdo, a passionum tumultibus, vt inquit Philo- sophus, fit prudēs. Tertiū incōueniens est, q̄ cū dubitatione errorisq̄ admix- tione, Dei cognitio haberec. Debilitas em̄ rationis, atque phantasmātū per- mixtio, facit vt ea etiam quā verissimē demonstrata sunt apud multos dubia remaneāt dū vim demonstrationis ignorant, & prāsertim cū videāt eos qui sa- piētes differunt diuersa docere: facit etiā, vt inter multa verba quā demon- strantur multa immisceatur falsa, quā sophistica, aut probabili quāpiam ra- tione, quā demonstratio reputatur, asseritur. Quare oportuit per fidem deter- minari quā de Deo a nobis tenēda sit. Cōcluditur ergo q̄ salubriter diuina prouidit clemētia, vt ea etiā quā ratio inuestigare pōt, fide tenēda prācipe- ret, vt omnes & de facili, & per consequens cito & absq̄ dubietate & errore diuinā cognitionis, participes esse possent. Notandū primū q̄ ista debili- tas intellectus nō exgritudine, aut aliquid prater naturā adueniēs intellectuī nostro, sed suū naturālē ordinē in genere intelligibiliū significat. Quia enim in tali genere infimū locū tenet, est quē imperfectissimū quidā sicut materia prima in genere rerū materialū, ideo suapte natura habet vt ad veritatē ca- pēscēdā imbecillissimē decipit, facillē possit. Notandū secūdō q̄ licet phan-

Quomodo Me- taph. sit aliis sciētiis prior.

Quomodo ap- petitus sciētiā sit naturalis.

De studio & exercitio requi- sito ad rerū immaterialiū cognitionem.



raminata intellectui nostro ad intelligendū deferuāt, ipsa tñ fantasmatū permixtio apud multos veri cognitionē de reb<sup>9</sup> immaterialib<sup>9</sup> ipedit. Nā cū sint rerū duntaxat materialīū, determinatarūq; adhuc & nūc similitudines, aliquid per huiusmodi phāsmata intelligētes, nō possunt intelligere aliquid in rerū natura esse: quod materiale nō sit, atq; ad aliqū locū determinatū: propter quod in multis incidit errorē circa immaterialia. Ipsa igitur fantasmatū permixtio in nostra intellectuione, licet sit nobis ad intelligendū necessaria, quia tamen debile instrumentū sunt & improporionatū respectu immaterialiū: ideo sunt sēp numero erroris causa in huiusmodi immaterialium rerū veritate inuestigāda. Cōfirmatur primō cōclusio auth. apo. Ep. 4. iam nō ambuletis, &c. Cōfirmatur secūdō auth. Esa. 44. Ponam vniuersos filios tuos doctos à domino &c. Sed circa ea quæ dicta sunt in primo incōueniēti dupliciter occurrat dubiū. Primū est circa illud q<sup>d</sup> Metaph. est vltimo loco addita scēda. Cōtra hoc enim arguitur sic. primo Metaph. probat aliatū scientiarū principia, vt inquit S. Tho. Trin. q. 5. art. 1. cōclusiō: ergo alias sciētias debet præcedere, patet cōsequētia: quia tota sciētia à principiorū cognitione dependet. secundo Metaph. largitur principia omnibus scientiis, vt est de mente S. Th. in pluribus locis præsertim tri. q. 2. art. 1. q. 3. ergo &c. probatur cōsequētia: quia ea quæ ad Metaph. pertinent, nō possunt nisi per met. sciri: si ergo aliz sciētiaz vtuntur principiis quæ sunt propria Metaphysicæ, ergo oportet in omnibus sciētis Metaph. includi veluti priorē, & per cōsequens oportet primō eā addiscere. tertio, A notioribus nobis semper est procedendū vt ostendit Philosoph. primo Postter. sed principia quæ sunt propria Metaphysicæ, sunt nobis notiora omnibus quæ traduntur in scientiis, ergo ab iis nostra debet incipere cognitio, ergo Metaphysicæ est primō addiscenda.

Secundum dubium est circa illud, quod plerique propter laborem & tristitiam retrahuntur ab inquisitione veritatis. Contra enim arguitur. Nō minor est inclinatio naturæ quā habitus, sed habitus facit in operibus suis facilitatem & delectationem, vt dicitur 2. Ethic. ergo & natura. Si igitur homines naturaliter in scientiam & cognitionem inclinantur, erit acquisitio scientiæ facilis & delectabilis, ergo nullus ab ea propter pigritiā aut laborem retrahitur. Ad euidentiam primi dubij. Considerandum est primō quod principia prima & vniuersalia omnium scientiarum dupliciter considerari possunt. Vno modo quantum ad eorum veritatem absolutē: alio modo quantum ad iudicium de ipsis & defensionem ab impugnantibus. Primo modo pertinent ad habitum vniū per se, qui dicitur intellectus. Quem Arist. 6. Ethic. condiuidit scientiæ & sapientiæ. secundo verō modo ad Metaphysicū, vt inquit S. Thom. prima secundæ q. 66. art. 3. ad quartum: Metaph. enim disputat contra negantes huiusmodi communia principia propterea quod cōstituantur ex terminis communibus qui sunt de Metaphysici cōsideratione. Considerandum secūdō q<sup>d</sup> licet ad intellectum qui est habitus principiorū, secundum suam veritatem absolutē cōsideratam pertineant: Ad Metaph. verō quantum ad eorum examinationem & defensionem: sunt tamē & omnibus scientiis communia in quantum eorum termini ad terminos aliarum scientiarū extenduntur, & in quantum ab intellectu qui est habitus istorum principiorum scientia dependentia habet, vt est de mente S. Thom. 12. q. 57. art. 2. ad secundū. Vnde potest dici q<sup>d</sup> ista principia vt absolute vera, omnes scientiæ accipiunt ab intellectu qui est istorum habitus: vt autem iam examinata & defensata ab impugnantibus accipiunt à Metaphysicæ, propterea vnde cōfirmatur Met. lect. prima inquit S. Thomas q<sup>d</sup> vna scientia (& intelligit de Metaph.) ista principia cōsiderat ad quam pertinet cōsideratio communium terminorum, & ab ea aliz scientiæ huiusmodi principia accipiunt. Considerandum tertio vt haberi potest ex doctrina S. Tho. super Boet. trinit. q. 6. artic. primo, quod de scientiis dupliciter loqui possumus: vno modo quantum ad omnium illarum acquisitionē ordinatam: alio modo secundū quod iam sunt acquisitæ & adinuentæ. Dicitur ergo primō q<sup>d</sup> quantum ad acquisitionem earū per inuentionē humanæ rationis Metaphysica est vltima. Quia omnes aliz scientiæ speculatiue ad ipsam ordinantur & earum inuentioni præexistit inuentioni Metaph. & secundum hanc rationem nihil ad Metaphysicam pertinet vt metaphysicæ est, oportet præintelligi, sed bene cognitio primorum principiorum vt habitus qui est intellectus sunt nota cuiuscunque scientiæ ad inuentionem præcedit cum nulla scientia habeat perfectē rationem scientiæ nisi secundum quod ab huiusmodi habitu dependet. Dicitur secūdō q<sup>d</sup> si loquamur de scientiis vt iam adinuentæ sunt, sic non inconueniunt alias scientiæ vt principia Metaphysicæ vt iam examinatis & ab impugnantibus per Metaphysicæ defensatis. Dicitur tertio q<sup>d</sup> non oportet propter hoc Metaph. prius aliis sciētis addisci. Tū quia habitus Metaph. primō & principaliter circa ens & passiones entis, atq; etiā circa substantias separatas versatur: nō autē circa huiusmodi principia cum nō sint cōmunes in Metaph. demonstratur quia aliz sciētiaz accipiūt illa principia mutuo à Metaph. & ideo nō oportet vt primus habeatur ille habitus: sed sufficit q<sup>d</sup> sit ad inuentionem & acquisitionem, aliquādo etiā post alias sciētias. Vnde aliz scientiæ credunt ista principia Metaphysicæ scilicet q<sup>d</sup> ab illa sunt examinata & defensata: quāuis illa videat vt ab intellectu istorū principiorū dependentiam habet.

Ad primū autē in oppositū dicitur q<sup>d</sup> nō sic dicitur Metaph. principia aliarum scientiarū probare, quasi per habitum Metaph. demonstratiue scientur: quemadmodū sciētia subalternas dicitur probare principia sciētiaz subalternarū: sed quia per ista cōmunia principia secundū aliquā cōsiderationem ad Metaph. pertinentia, manifesta sunt aliatū scientiarū principia, dū omnes sciētiaz ab habitu istorū principiorū qui dicitur intellectus, dependent & dū resoluntur in ista principia naturaliter nota, sed & à Metaph. secundū aliquam cōsiderationem mutata, vt oportet quæ sunt principia non alicui sciētiaz propria, sed omnibus communia, licet à Metaphysicæ principalius considerata.

Ad secundū dicitur q<sup>d</sup> Metaph. nō largitur sua principia aliis, dum cōsideratur in ipsis ordo adinuentionis & acquisitionis vt dictū est: sed largitur illa vt iā sciētiaz omnes adinuentæ intelliguntur in quantum omnes scientiæ nūc mutuo accipiūt à Metaph. ista principia vt ab ipsa cōfirmata & defensata, licet secundū se naturaliter nota. Vnde nō sequitur q<sup>d</sup> Metaph. sit ante alias scientias addiscēda. Ad tertium dicitur primō q<sup>d</sup> principia prima secundū eorum absolutam veritatem sunt prius nobis nota omnibus scientiis, sed quāto ad eorum examinationē & defensionem ab impugnantibus, sunt posterius nota. Dicitur secūdō, q<sup>d</sup> quia secundum eorū veritatem pertinent ad intellectum qui est eorū habitus, secundum verō examinationē & defensionem pertinent ad Metaph. Ideo nō sequitur q<sup>d</sup> Metaph. præcedat alias sciētias, sed tantū intellectus qui eorū est habitus nobis inditus à naturali lumine intellectus agentis. Ad secundū dubiū dicitur primō q<sup>d</sup> nō omnis inclinatio naturæ similis est inclinationi habitus: dupliciter etiā vt vult S. Th. ver. q. 24. 10. pri-

mum est inclinatio naturalis in aliquid. Vno modo quando habet in se sufficienti principium ex quo illud de necessitate consequitur: alio modo quando in se non habet sufficienti principium ex quo illud necessariō consequatur, quo modo naturale est mulieri concipere filiū & libero arbitrio tēdere in bonū. Prima ergo inclinatio naturalis facit facilitatem & delectationem in operatione in habetibus cognitionē: & assimilatur inclinationi habitus. Cum secunda verō fiat difficultas & labor in acquirendo id ad quod naturalis est inclinatio & propter laborem aliquis ab eius acquisitione potest retrahi. Et sic in appetitu accidit scientiæ. Dicitur secundo q<sup>d</sup> licet per se habitus faciat facilitatem in operatione, tamen ex aliquo impedimento extrinsecus adueniente, vt dicitur prima secundæ quæst. 95. art. 3. habens habitum difficultatē patitur in operando, & per cōsequens delectationem non sentit: similiter ergo ab acquisitione scientiæ potest retrahi homo: licet ad eam naturalem habeat inclinationē ex labore addiscendi aliatq; de causis, vt inquit S. T. 1. Met. Nam vt ipse etiā 5. Met. c. de necessario inquit, impetum naturalis inclinationis cōtingit impediri in prosecutionem iam incepti: & prohiberi ne motus incipiat. Sed contra. Naturale desiderium nō est frustra omnino: quia natura nihil frustra operatur, vt dicitur secundo cæli. ergo dato q<sup>d</sup> ad tēpus homo ab acquisitione scientiæ impediatur: aliquando tamen implebitur desiderium, cessabuntq; impedimenta. Respondetur q<sup>d</sup> licet naturale desiderium cōsequens totā naturam omnino frustrari nō possit quin in aliquo indiuiduo cōpleatur: non incōuenit tamē ipsum in aliquibus indiuiduis frustrari, præsertim quādo tale desiderium est actus elicitus volūtatis. Et maxime si non est in re cōpletum principium ad quod necessariō illud ad quod est naturalis inclinatio sequatur: sicut non est incōueniens mulierē perpetuo abiq; prole manere: quāuis ad id naturaliter sit inclinata. Postter. etiā dicit q<sup>d</sup> illud naturale desiderium implebitur anima à corpore separata sicut dixit Porphyrius eam tunc fore beatā, licet corpori cōiuncta beatitudinē non assequatur.

Quia ea quæ ratione inuestigari non possunt, conuenienter fide tenenda proponuntur. Cap. 5.



Idetur autem quibusdam fortasse non debere huiusmodi ad credendū proponi illa quæ ratione inuestigare non sufficit: cum diuina sapientia vnicuiq; secundum modum suæ naturæ provideat. Et ideo demonstrandum est q<sup>d</sup> necessariū sit homini diuinitus credenda proponi etiā illa quæ rationē excedunt. Nullus enim desirio & studio in aliquid tēdit nisi sit ei præcognitū. Quia igitur ad altius bonū quā experiri in præsentī vita possit humana fragilitas, homines per diuinā prouidentia ordinantur: vt in sequentibus inuestigabitur: oportuit mentē euocari in aliquid altius quam ratio nostra in præsentī possit pertingere, vt sic disceret aliquid desiderare & studio tēdere in aliquid quod totum statum præsentis vitæ excedit. Et hoc præcipue Christianæ religioni cōpetit quæ singulariter bona spiritalia & æterna promittit: vnde & in ea plurima humanum sensum excedentia proponuntur. Lex autem vetus quæ tēporalia promissa habebat: pauca proposuit quæ humanæ rationis inquisitionē excederent. Secundū etiā hunc modū Phil. cura fuit (vt patet 7. & 10. Ethic.) ad hoc vt homines à sensibiliū delectationibus ad honestatem perduceret: ostēderet esse alia bona his sensibilibus potiora: quorum gustu multo suauius qui vacant actiuis vel cōtemplatiuis virtutibus delectantur.

Est etiam necessariū huius veritatē ad credendū hominibus proponi ad Dei cognitionē veriorē habendā. Tunc enim solum verē Deum cognoscimus, quādo ipsum esse credimus supra omne id quod de Deo cogitari ab homine possibile est: eo q<sup>d</sup> naturalem hominis cognitionē diuina substantia excedit (vt supra ostēsum est). Per hoc ergo q<sup>d</sup> homini de Deo aliqua proponuntur quæ rationē excedunt: firmatur in homine opinio q<sup>d</sup> Deus sit aliquid supra id quod cogitari potest. Alia etiā vtilitas inde prouenit, scilicet præsumptionis repressio, quæ est mater erroris. Sunt enim quidam tantum de suo ingenio præsumentes, vt totam naturam diuinam se reputent suo intellectu posse metiri, estimātes scilicet totum esse verum quod eis videtur: & falsum quod eis non videtur. Vt ergo ab hac præsumptione humanus animus liberatus ad modestam inquisitionem veritatis perueniat, necessarium fuit homini proponi quædam diuinitus quæ omnino intellectum eius excederent.

Apparet etiam alia vtilitas ex dictis (Philos. in 1. Ethic.) Cum enim Simonides cuidam homini præmittendam diuinam cognitionem persuaderet: & humanis rebus ingenium applicandum oportere, inquires humana sapere hominem & mortalia mortalem: contra eum Philosophus dicit q<sup>d</sup> homo debet se ad immortalia & diuina trahere quantum potest. (Vnde in 1. de animalibus dicit) quod quāuis, parum sit quod de substantiis superioribus percipimus: tamen id modicum est magis amatum & desideratum omni cognitione quam de substantiis inferioribus habemus. Dicit etiam in secundo cæli & mundi, quod cum de corporibus cælestibus quæstiones possint solui parua & topica solutione: contingit auditori vt vehemens sit gaudium eius. Ex quibus omnibus apparet quod de rebus nobilissimis quantumcunque imperfecta cognitio maximam perfectionem animæ cōfert. Et ideo

Quomodo metaphysicæ est post alias scientias addiscenda.

Appetitus scientiæ quomodo possit esse frustratus.

Idem de veris q. 14. art. 10.

Conclusio.

Probatio.

cap. 2.

Text. cō. 34.

corr.

De naturali desiderio scientiæ.



Et ideo quamvis ea quæ supra rationem sunt, ratio humana plene capere non possit, tamen multum sibi perfectionis acquiritur si saltem ea qualitercunque teneat fide. (Et ideo dicitur Eccl. 3. Plurima supra sensum hominis ostensa sunt tibi. Et Cor. 1. Quæ sunt Dei nemo novit nisi Spiritus Dei. Nobis autem revelavit Deus per Spiritum suum.)

### Super Cap. 5.

**Q**uantum ad secundum ponitur hæc conclusio. Necessarium est homini divinitus credenda proponi quæ humanâ rationem excedunt. Secundo probetur, inducitur ratio ad oppositum quæ ab aliquibus induci posset. Divina enim sapientia videtur quæ providet secundum modum suæ naturæ. Ergo non videtur necessarium homini dari aliquid supra facultatem naturæ. Tum conclusio probatur quatuor rationibus. Sed advertendum pro conclusione quæ cum necessariis ad finem dupliciter dicatur secundum Arist. 5. Metaph. scilicet simpliciter & quantum ad bene esse: de utroque necessario intelligitur conclusio: unde prima ratio de necessario simpliciter probatur: alia vero quantum ad bene esse. Prima ergo ratio est ista. Homines per divinam providentiam ad altius bonum ordinantur, quæ experiri in præfenti vita humana fragilitas possit, ergo oportuit nos quocumque in aliquid altius quâ ratio nostra in præfenti vita possit attingere: antecessus inferius probatur in tertio lib. cōsequencia probatur, quia nullus desiderio & studio in aliquid tendit nisi sit ei præcognitum: cum ergo homo habeat studio, & desiderio tendere in id ad quod per divinam providentiam ordinatur, necesse est ut illud præcognoscat. Confirmatur primo hæc ratio ex cōparatione veteris & novæ legis: quia enim in Christiana religione bona spiritualia & æterna promittuntur, in ea plurima humanum sensum excedentia proponuntur: in veteri autem lege quia temporalia promittebantur, pauca proposita sunt quæ humanam excederent rationem.

Confirmatur secundo ex Philosoph. legibus. Volentes enim Philosophi homines, à sensibilibus delectationibus ad honestatē perducere: ostenderunt esse alia bona sensibilibus his potiora quorū gustu multo suavius delectantur, qui actibus, aut contemplatiuis virtutibus vacant. Pro ista ratione advertendum quod desiderium aliquid accipitur pro actu appetitus sensitivi vel rationalis tendentis in non habiti, aliquando vero pro appetitu, & inclinatione quæcunque ad aliquid: et si consuevit formam naturalem. Quod ergo dicitur nemini ferri desiderio nisi in præcognitū, intelligendum est de desiderio qui est actus elicitus appetitus: non autem de inclinatione consequente formam naturalem: quia et si etiam tale desiderium consequatur aliquam cognitionem, eo quod opus naturæ sit opus intelligentiæ, ut dicitur secundo Physic. non tamen consequitur cognitionem ipsius appetitus naturaliter. Sed videtur hæc ratio S. Tho. non concludere. Nam oppositum consequentis videtur stare cum antecedente: potest enim aliquid esse naturaliter, à nobis cognitum, & tamen illud consequi propria virtute non poterimus: sicut licet aliquis naturaliter cognoscat imperij naturam, tamen propriis viribus imperator esse non poterit.

Respondetur quod via rationis non stat in hoc quod ideo sit nobis necessaria cognitio supernaturalis, quia ad finem quem propria virtute adipisci non possumus, ordinemur: sed quia ordinamur ad finem, quem neque assequi nec cognoscere possumus naturali facultate: iuxta illud Isa. 64. Oculi non viderunt Deum absque te, quæ præparasti diligētibus te: sic autem non stat oppositum consequentis cum antecedente. Non enim stat simul quod non eleuetur intellectus ad id quod est supra naturam suam, & tamen ordinetur homo ad id quod naturaliter cognoscere non potest. Si enim statet simul, sic aliquid desiderio, & studio moveretur in incognitum: neque enim naturaliter vel supernaturaliter cognoscatur finis. Pro prima confirmatione advertendum primo ut habetur prima secunda q. 107. art. 1. q. lex vetus & nova non sic distinguuntur quasi ad diversos fines ordinentur, vetus ad temporalia, nova ad spiritualia bona: sed quia cum habeat eundem finem, scilicet ut homines subdantur Deo: nova propinquius ordinat ad hunc finem: vetus autem remotius & cōparatur ad invicem. Sicut imperfectum & perfectum. Vetus enim quia dabatur imperfectis, & nondum gratia consequentis, homines ad observantiam divinum præceptorum timore penarum, & promissione temporalium bonorum inducebat. Non vero, quæ perfectis, & iam gratia, & fidem per baptismum consecutus datur, inducit homines ad virtutem ex ipso bono virtutis, & præcipue charitatis. Quod vero dicitur Christiani à religione promittere spiritualia veterem autem legem temporalia non est intelligendum quasi homines veteris legis temporalia bona pro fine haberent, homines vero novæ legis spiritualia: sed quia per temporalia illi, utpote imperfecti inducebantur in Deum: & in spiritualia: nos autem perfectione gratiæ habentes, ex ipsa spiritualium rerum consideratione secundum se ad virtutem, & præcipue charitatem, movemur. Advertendum secundo: quod licet sit una fides modernorum & antiquorum, ut ponit S. Tho. veri. q. 14. art. 11.

Tamen plura tenentur homines tempore gratiæ explicitè credere, quam in tempore legis scriptæ, ut ibidem inquit art. 11. Quod ergo hic dicitur quia nobis plurima supra humanum sensum proponuntur, pauca autem hominibus veteris legis intelligendū est explicitè, quia implicitè antiqui omnia credebant quæ nos credimus, ut vult S. Tho. loco præallegato. Pro secunda confirmatione advertendum primo, ut habetur secunda secunda q. 179. & 181. q. virtutum quedam sunt contemplatiue virtutes, sicut virtutes intellectus speculatiue perfectiores, cuiusmodi est sapientia: habet enim pro fine vita cōtemplatiua veritatis cōtemplationem. Quædam autem sunt virtutes actiue cuiusmodi sunt morales virtutes, quæ ordinantur ad operandū. Nam virtutes actiue finis est exterior operatio. Advertendum secundo, quod licet spiritualibus delectationibus sensibiles sunt, quo ad nos vehementiores, quia sensibilia nobis magis nota sunt, & cum corporali transmutatione, huius delectationes sunt. Et quia contra corporales molestias appetuntur: spirituales tamen secundum se maiores sunt: ut dicitur prima secunda q. 31. art. 5. Non quia spiritualis perfectio corporali nobilior est. Et naturæ rationales melior, atque ob alias causas quas S. Th. illis in locis adducit: propter hoc ergo inquit hoc loco spiritualium rerum gustu eos qui actiue, vel contemplatiue vacant, delectari: quia delectationes quas cōtemplatiue virtutes deferunt, quæ in cōtemplatione veritatis consistunt: aut etiam actiue, quæ ad exercitiū virtutum moralium deputatur, experientur, longè meliores simpliciter, & secundum sui naturam sunt, quæ quæcunque corporales & sensibiles voluptates. Secunda ratio est. Veriorem de Deo cognitionem habemus ex eo quod veritatē habemus per fidem, ergo hoc nobis vile

est. Probatur antecessus. Tunc verè de Deo cognitionē habemus, cum ipsum esse credimus supra omne quod de ipso possumus cogitare, cum naturalem hominis facultatē natura divina excedat: sed per hoc quod homini aliqua divina humanā rationem excedentia proponuntur, firmatur in nobis opinio quod Deus sit aliquid supra omne quod possumus cogitare, ergo, &c. Attendendum, quod quia divinā essentia secundum quod in se est, videre non possumus, nec ipsum Deum quidditative cognoscimus, quæcūque prædicata illi attribuerimus ea à divina perfectione quā maximè deficiunt, eo quod Deus aliquid excellentius sit. Unde qui opinaretur esse in Deo eam duntaxat perfectionem, quæ naturaliter de ipso inuestigari potest: deciperetur volens divinam naturam creato intellectui adaptare. Quod si eum excellentiorem esse omnibus quæ de ipso naturali inuestigatione cognoscimus existimaverit, veriorē habet cognitionem, utpote ad eius naturam propius sua accedens cognitione. Ad hoc autem cognoscendum iuvat nos aliquorum divinarum revelationum, quæ nullus unquam suo ingenio potuit inuestigare. Tertia ratio. Reprimatur ob hoc humana præsumptio quæ erroris est mater, ergo, &c. probatur antecessus. quoniam sunt quidam tantum de suo ingenio præsumentes ut illud tantum de Deo verum esse putent quod eis videtur: falsum autem quod eis non videtur: reprimuntur autē hæc temeritas dum aliqua ab infallibili veritate præconantur: quæ intellectum eorum excedunt. Quarta ratio. Multum perfectionis humanæ rationi acquiritur ex talis quæcūque cognitione & fide, ergo, &c. Probatur antecessus ex autoritate Aristot. 10. Ethic. contra Simonidem dicentis, debere hominē se ad immortalia, & divinā quantum potest trahere. Et 12. de Animalibus: quod modicum de sublimitate superioribus perceptum est magis amatum & desideratum omni cognitione quam de sublimitate inferioribus habemus. Et secundo cæli, quod cum de corporibus celestibus quæstiones solui possint, parva & topica solutione contingit auditori, ut vehemens sit gaudium eius. Ex his enim habetur quod de rebus nobilissimis quantumcunque imperfecta cognitio maximā animæ perfectionē confert. Attendendum quod rationem ad oppositum in principio capituli factam S. Tho. non soluit, sed solutam relinquit ex dictis. Negatur enim consequentia, quia enim natura hominis per divinā providentiam est ad supernaturalem finem ordinata, ideo divina providentia providit sibi de supernaturali cognitione, sicut ad consequendum naturalem finem de principis naturalibus providit. Scotus prima quæstione prologi primi sententiā nobiscum convenit in duobus. primo quod necessarium est nobis aliquam naturam supernaturaliter tradi, secundum quod finis ad quem natura humana est ordinata, scilicet Deus per essentia visus à nobis pro statu isto non est naturaliter cognoscibilis. In hoc autē discordat quia ponit finem illum naturalem esse, licet supernaturaliter adipiscendum. S. Tho. autem in prima ratione huius capituli & alibi tenet ultimum finem hominis, qui est Deus: & supernaturalem esse: & supernaturaliter adipiscendum. Probat autem dictū suū Sco. primo autoritate Aug. primo libro de Prædestinatione sanctorum, cap. 4. ubi ait: proinde posse habere fidem, sicut posse charitatem naturæ est hominum: habere autē fidem, quemadmodum habere charitatem gratiæ est fidelium: igitur posse habere fidem & charitatem naturaliter cōvenit homini: ergo & posse habere finem ad quem fides charitatisque disponit, secundum. Homo naturaliter istum finem quem dicitur supernaturalem appetit: igitur ad istum naturaliter ordinatur: & per consequens est naturalis finis. Sed contra hanc positionem Scoti quantum ad id in quo discordat à S. Tho. arguitur sic: Si Deus esset finis naturaliter id est, in quem natura inclinat, sed supernaturaliter adipiscendus, sequeretur quod natura inclinat suum subiectū ad aliquid, ad quod esset impossibile ut perduceret: hoc autē in omnibus naturis videtur falsum, & etiā repugnat rationi. Tunc enim naturalis appetitus esset frustra in natura: quia nullo modo posset per naturam adimpleri, ergo, &c. Sed circa hoc dubium occurrit. Videtur enim S. Tho. sentire cum Sco. super Boet. tri. q. vltima. art. vltim. ad vltimū. Ibi enim ait quod quamvis homo inclinetur naturaliter in finem vltimum, non potest tamen naturaliter illum cōsequi, sed solum per gratiam.

Respondetur quod aliter accipit Sco. naturalem inclinationem, & finem naturalem: & aliter S. Tho. Ipse enim Sco. accipit naturalem inclinationem pro inclinatione merè naturali cōsequente naturam, & excludente cognitionem, quæ non est actus elicitus, ut patet per ipsum, 4. d. 49. q. 10. Item ipse loquitur de fine vltimo materialiter, scilicet de eo in quo inveniunt ratio vltimi finis. S. Tho. autem per naturalem inclinationem intelligit non inclinationem naturam, oppositam inclinationi quæ sequitur cognitionem secundum actum elicitū à voluntate qui est naturalis & determinatus quantum ad specificationem actus, non autem quantum ad exercitiū. Item loquitur de vltimo fine in generali, & sub communi ratione vltimi finis, & beatitudinis, ut inferius declarabitur. Et est sensus verborum eius, quod si proponatur voluntati vltimus finis & beatitudo in communi, voluntas quidē potest elicere & non elicere actum circa illud obiectū: sed si eliciat actum circa illud, ille actus erit prosecutio, & non potest voluntas tale obiectū refugere: licet homo non possit ad illud bonum, propria virtute pervenire. Non est autem inconueniens quod homo in aliquid inclinetur per actum voluntatis naturalem modo dicto: & tamen illud non possit virtute propria adipisci: quia licet ad illud virtus naturalis non sufficiat, proponitur tamen voluntati sub ratione appetibilis ex omni parte, & nullum habentis boni defectū ex quo habet voluntas ut non possit illud respuere: Sed bene est inconueniens ut aliquid appetatur naturaliter appetitu, qui est sola naturæ inclinatio, & tamen homo ad illud non possit aliqua virtute naturali pervenire, quia natura secundum se non habet inclinationem nisi infra naturæ limites. Argumenta autem Sco. non cogunt. Quod enim inquit Aug. posse habere fidem esse naturæ hominum, non ideo dicitur, quoniam in homine sit potentia naturalis ad fidem & charitatem finemque supernaturalem: sed quia in natura & substantia hominis est potentia obiectualis ad illa, potestque logica, quæ est non repugnancia: non enim repugnat naturæ hominis habere fidem & charitatem: sicut naturæ lapidis, imò hominis naturæ data est capacitas ad ea quibus homo possit ad finem supernaturalem pervenire: ut haberi potest ex his quæ dicitur veri. q. 14. art. 10. primi. Unde sensus Aug. est quod in natura hominū est capacitas, & aptitudo ad fidem & charitatem quæ in aliis naturis materialibus non inveniuntur. Ad secundum negatur antecessus si simpliciter accipitur homo quantum ad naturalia, non enim naturaliter appetit homo in sua natura consideratus visionem divinæ essentia: ut est summum bonum & vltimus finis ad quæ natura intellectualis est per divinam providentiam ordinata, sic enim nunc de visione divinæ essentia loquimur. Si autē accipitur homo ut informatus reue-

Vtrum finis ad quem natura humana ordinatur, sit supernaturalis.

Nullius desiderium fertur nisi in præcognitū.

Lex vetus & nova quomodo differant.

De spiritualibus delectationibus.



latione diuina, & fide quod vltimus eius finis, & summum eius bonum sit diuina essentia visio clara & perfecta, sic illam naturaliter appetit sicut & summum bonum in vniuersali, sed tunc negatur consequentia, scilicet ergo & naturalis ad modum quo loquimur hic de naturali, de eo, scilicet sine quoniam natura proportionatur & cuius est capacitas naturalis: atque in quem propriis viribus natura potest perueniri, sic enim dicitur aliquid naturale apud Philosophos nisi abuti vocabulis voluerimus.

Quod assentire his quæ sunt fidei non est leuitatis  
quanuis supra rationem sint. Cap. 6.

† Vt Porphyrius  
contra Christianos  
obicit &  
Auer. in accen-  
su ad tertium &  
ad 8. Phy. 2. Me-  
taphy. com. 14.



**H**uiusmodi autem veritati cui ratio humana experimentum non præbet: fidem adhibentes non leuiter credunt quali indoctas fabulas secuti. (vt 2. Pet. primo dicitur.) Hæc enim diuina sapientie secreta ipsa diuina sapientia quæ omnia plenissime nouit, dignata est hominibus reuelare quæ sui presentiam & doctrinæ & inspirationis veritatē conuenientibus argumētis ostendit, dum ad confirmandū ea quæ naturalem cognitionē excedunt opera visibiliter ostendit quæ totius naturæ superat facultatē: videlicet in mirabili curatione langorū: mortuorū suscitatione: celestium corporum mirabili immutatione. † Et quod est mirabilis humanarū mentium inspiratione: vt idiotæ & simplices dono Spiritus sancti repleti summā sapientiā & faciendā in instanti cōsequerentur.


† de hac ratione  
Aug. plenē  
12. de ci. cap. 5.

Quibus inspectis prædictæ probationis efficacia nō armorum violentia, nō voluptatū promissione: & quod est mirabilissimū inter persecutorū tyrannidē innumerabilis turba nō solū simpliciū sed etiā sapientissimorū hominū ad fidē Christianā conuocauit. † In qua omnē humanū intellectū excedit prædicatur voluptates carnis cohibentur: & omnia quæ in mūdo sunt contemptū docentur. Quibus animos mortaliū assentire, & maximū miraculū est: & manifestū diuinæ inspirationis opus, vt contemptis visibilibus sola inuisibilia cupiantur. Hoc autē non subito neq; casu sed diuina dispositione factū esse manifestū est ex hoc qd hoc se factū Deus multis antē Prophetarū prædixit oraculis: quorū lib. penes nos in veneratione habetur: vtpote nostræ fidei testimoniū adhibentes. Huius quidem cōfirmationis modus agitur: (Heb. 2. Quæ scilicet humana salus cū initiū accepisset enarrari per dominū ab eis qui audierūt, in nos cōfirmata est: cōstante Deo signis & portētis & variis Spiritus sancti distributionibus.) Hæc autē tam mirabilis mundi cōuersio ad fidem Christianā: indicium certissimū est præteritorum signorū, vt ea vltius iterari necesse non sit: cū in suo effectu appareat euidenter. Eset autē omnibus signis mirabilis, si ad credendum tam ardua & operandū tam difficilia: & ad sperandū tam alta: mundus absq; mirabilibus signis inductus fuisset a simplicibus & ignobilibus hominibus, quāuis nō cesset Deus etiam nostris teporibus cōfirmationē fidei per sanctos suos miracula operari. Hivero qui sectas errorū introduxerūt processerunt via cōtraria vt patet in Mahumethe, qui carnalium voluptatum promissis ad quorū desiderium carnalis concupiscentia instigat: populos illexit. Præcepta etiam tradidit promissis conformia, voluptati carnali habenas relaxans, quibus in promptu est a carnalibus hominibus obediri.

Documēta etiā veritatis nō attulit nisi quæ de facili a quolibet mediocriter sapiēte naturali ingenio cognosci possint: quin potius vera quæ docuit multis fabulis, & falsissimis doctrinis immiscuit. Signa etiā non adhibuit supernaturaliter facta, quibus solū diuinæ inspirationi cōueniens testimoniū adhibetur, dū operatio visibilis, quæ non potest esse nisi diuina ostendit doctorē veritatis inuisibiliter inspiratū, sed dixit se in armorū potētia missū, quæ signa etiā latronibus & tyrannis nō desunt. Et etiā non aliqui sapiētes in rebus diuinis, & de diuinis & humanis exercitati a principio crediderunt, sed homines bestiales in desertis morātes, omnis doctrinæ diuinæ prorsus ignari: per quorū multitudinē alios armorum violentia in suam legē coegit. † Nulla etiā diuina oracula præcedentiū prophetarū ei testimoniū perhibent: quin potius quasi omnia veteris & noui testamēti documēta fabulosa narratione deprauat: vt patet eius legē insipienti: vnde astuto consilio libros veteris & noui testamēti suis sequacibus non reliquit legendos: ne per eos falsitatis argueretur.

Et sic patet qd eius diuina fide adhibentes leuiter credunt.

Super cap. 6.



**P**ostquam determinauit sanct. Tho. de modo cognoscendæ veritatis diuinæ quantum est ex parte docentis, nunc de eodem quantum est ex parte addicentis determinat. Et ponit hanc conclusionem. Veritati cui ratio humana experimentum non præbet, fidem adhibentes non leuiter credunt. Primò simpliciter probatur: secundò comparatiuē ad Mahumeti legem. Prima ergo ratio est ista. Credere diuinæ sapientie reuelanti non est leuitatis, inō prudentiæ, sed hæc de quibus loquimur, diuina sapientia reuelant: ergo non est leuitatis ista credere. Maior est manifesta, eo quod diuina sapientia nec errare possit, nec nos decipere. Minor verò probatur. Reuelatio & manifestatio aliquorum per ea visibilia opera quæ naturæ superant facultatem confirmata, non est nisi ab eo qui supra naturam creatam est, sed sic ea quæ sunt fidei sunt cōfirmata, per ea scilicet quæ omnem superant naturæ facultatem, ergo, &c. Probatur minor discurrendo per miracula: primò enim ad fidei cōfirmationem facta sunt mirabiles langorū curationes, mortuorum suscitationes, celestium corporū mirabiles mutationes, & multa alia circa res corporales, de quibus tam in veteri quā in nouo testamento nobis est tradita notitia: secundò, facta est humanis mentibus supra naturam inspiratio, quum idiotæ & simplices, dono Spiritus sancti repleti, summam sapientiam & faciendā in instanti sunt cōsequuti: tertio, facta est mirabilis mundi cōuersio, atque supra naturā. Non enim armorum potētia, aut voluptatum promissione, sed ex diuinorum operum inspectione, etiam inter persecutorum tyrannidē innumerabilis turba, non tantum simplicium, sed etiam sapientissimorum hominū ad Christi fidem conuolauit, in qua humanum excedentia intellectum prædicantur: carnis cohibentur voluptates, & omnia quæ in mūdo sunt, habenda esse contemptū docentur. Hoc enim miraculorum maximum est, & diuinæ inspirationis opus, quod animi mortaliū iis assenserint: Quod si diceret quispiam hoc casu subitoque euenisse, instat sanctus Thomas ex eo qd hoc se factū Deus multis antea Prophetarum prædixit oraculis, quod est diuinæ dispositionis signum, non autem casus. Hunc cōfirmationis fidei modum tetigit Apostolus Hebræorum secundo dicens. Quæ scilicet humana salus quum initiū accepisset enarrari per dominū ab eis qui audierunt in nos cōfirmata est contestatē Deo signis & portētis, & variis Spiritus sancti distributionibus. Ex hoc deducitur hoc correlariū non esse, videlicet necesse vt vltius præterita signa reiterentur, quāuis & nunc non cesset Deus per suos sanctos miracula operari, probatur, quia hæc tam mirabilis mundi cōuersio ad Christianam fidem, præteritorum signorum effectus est, sicque in suo effectu ea videntur signa. si dicatur non esse factam mundi cōuersionem ex præcedentibus signis, hoc omnibus signis & miraculis mirabilibus erit, si ad credendum tam ardua, ad sperandum tam alta, ad operandum tam difficilia, mundus absque miraculis, a simplicibus & ignobilibus hominibus fuit inductus, atque ob hoc nō erunt amplius miracula necessaria. Secundò, probat per comparationem ad legem Mahumeti, nihil enim mirum est si illi legi quāplures adhæserunt, quia & voluptates promittebat, & præcepta illis conformia dabat ipsis relaxans habenas ad quæ animus hominis inclinatur. Item, non confirmauit Mahumetus sua dicta miraculis, sed se in armorum potētia missum aiebat, quod tyrannorū est. Adhuc illi non crediderunt a principio sapientes & docti viri, sed bestiales homines in desertis morantes, omnis scientiæ prorsus ignari. Postremò nulla Prophetarum oracula præcesserunt, quæ ei legi tanquam a Deo constituendæ testimoniū perhiberet. Ex quo sequitur leuitatis & insipientiæ esse illi credere: nostræ autem adhærent fidei maximæ esse sapientiæ. Circa hanc cōclusionis probationem dubium occurrit, Quia nulla opera quantumcunque mirabilia videntur de necessitate ac sufficienter probare nostram legem a Deo esse. Nulla enim adeo magna opera sunt, quæ non possit aliquis cauillando peruertere, aut ea a demonibus facta asserens aut præstigiis sic apparuisse, non tamen in veritate fuisse facta, aut ab aliqua naturali causa fuisse producta. Magi enim Pharaonis vniuersa ferè opera fecerunt quæ Moyses fecit. Similiter apud Gentiles multa miranda acciderunt miraculis nostræ fidei similia. Apud Mahumetanos quoque pleraque dicuntur contingere miracula.

Ad euidentiam huius difficultatis, in qua Christianorum plerique titubant. Id in primis considerare oportet, quod ea sola verè miracula sunt, vt inferius in tertio libro declaratur, quæ a solo Deo, aut quantum ad substantiam facti, aut quantum ad id in quo sunt, aut quantum ad modum faciendi specialiter præter communem modum gubernationis vniuersi fieri possunt. Ideo quum volumus inuestigare an aliquid verè miraculum sit, inspicendum est an quicquam in eo sit, quod a nulla fieri possit creatura virtute propria: quod si tale quid inueniatur, & sit in rei veritate factum, & non tantum secundum apparentiam, illud pro certo asseremus verum esse miraculum. Cauendum tamen nobis est ne creatoris, & præsertim substantiis immaterialibus plus virtutis attribuiamus, quā ipsi conueniat, aut plus ab earum virtute detrahamus quā oporteat: vt aut ea quæ a solo Deo fieri possunt virtute aliqua creata fieri possent existimemus, aut quæ virtus creata potest efficere sola diuina virtute possent fieri credamus: ex vtroque enim circa vera miracula error potest accidere. Considerandum quoque est quod licet in iis quæ corporaliter sunt, difficile sit indubitam habere veritatē, eo quod demones ex transmutatione locali aeris siue alterius corporis, aut etiam ex sensuum immutatione faciant multa apparere quæ in veritate non sunt, tamen etiam in huiusmodi, ex omnibus circumstantiis simul pensatis quod verum sit, poterit discerni, puta in mortui suscitatione, quāuis demon possit defuncti corpus intrare, atque in eo aliqua opera similia operibus vitæ exercere: aut etiam sic hominum sensus immutare vt appareat mortuus reuixisse qui non reuixit, tamen si viderimus, eo corpore vniuersa vitæ opera fieri, & eodem modo vt prius, ita qd omnibus indifferenter appareat, & per longum tempus dicemus in veritate mortuum reuixisse, & non tantum secundum apparentiam, & similiter de aliis. Aduertendum vltius, quod licet in aliquibus operatione demonis esse præstigiū: sunt tamen quædam miracula in quibus præstigiū locum non habet, sicut est immutatio intellectus & voluntatis quæ corporeis sensibus non peripiuntur. Fiant enim præstigia ad res corporeas, quæ aliquo percipiuntur sensu.

Dicitur ergo primò qd sunt aliqua verè simplicitérque miracula, quæ nullam admittunt calumniam. Ex quibus docentis veritas optimè & efficaciter confirmatur: sunt enim quædam, quæ si concedantur in veritate facta, sicut qd tempore Iosue sol steterit, aut solem pallum etiam luminis defectum in Christi passione luna existente in oppositione a solo Deo esse facta negari nō potest: similiter de mortui suscitatione, & similibus: sunt autem talium quædam, quæ nullus negare potest, quia in veritate sunt facta, sicut de illa solis permanentia, de quæ multis signis a Christo factis. Dicitur secundò, quod illa subita Apostolica mentis illuminatio per Spiritus sancti missionem facta, calumniam non recipit: neque enim secundum apparentiam tantum sed secundum veritatē hæc fuisse facta cognouerunt vniuersi Apostolos

Miracula Christi  
sufficienter  
veritatem fidei  
perficere con-  
firmant.

† quasi simili  
modo procedit  
Am. 12. de ci.  
ca. 6. & 7. contra  
Ciceronem  
de diuinitate.



Homines qui loquentes linguis & disputantes audierunt, neque à demonibus fieri potuerunt, eo quod hoc peruerit eorum voluntati repugnet, quia homines in malum pertrahere vellent, non ad bonum inuocare. Quod si ab Angelis eam illuminationem fieri potuisse quis dicat, eo etiam admissio dicemus, quod sicut alia miracula à Deo ministris Angelis sunt, ita & hominum illuminationes. Quod sanè & quædam veritatis prædicatæ ab idiotis hominibus confirmatio erit, eo quod boni Angeli non decipiant, sed instruant homines de diuinis. Simili modo hominum & idiotarum, & sapientum cōuersio ad fidem Christi, & voluptatum abiectio ad quas est hominum inclinatio naturalis in solum Deum auctorē refertur potest, qui humanas voluntates solus potest immutare. Dicitur tertio quod signa insolita, & miracula vera esse, & esse virtute diuina facta argumētum est, quando is qui ad sue doctrinæ confirmationem miracula operatur, bonos mores prædicat, atque secundum ipsos viuit, studetque homines in Deum reducere, non autem propriā querit utilitatem, neque superstitionibus vitur, & circa vilia, non circa vana mirabilia operatur: tunc enim certus quis esse potest quod diuino, non autem fallaci agatur spiritu. Ex hoc enim S. T. 2. sent. dist. 7. q. 3. art. 1. secundum, vera signa à falsis distinguunt. Et si ergo magi Pharaonis, aut infideles, aut etiam Mahumetus aliqua fecerunt, quæ miracula videbantur, non erant tamen vera miracula, utpote quæ omnem naturæ superarent facultatem ut inferius ostendetur.

Illud postremo aduertendum, quod miraculorū operatio non sic fidem confirmat Christianam, quasi particulariter videre faciunt ea quæ sunt fidei vera esse, hoc enim rationi fidei repugnat: sed mouent voluntatem ad hoc, ut videns ea velit credere. Ex illis enim iudicatur conueniens credere fidem prædicari, quia ostendunt in vniuersali vera esse quæ prædicantur, atque secundum diuinam sapientiam, utpote ea miraculis confirmantem.

### Quod veritate fidei Christianæ non contrariatur veritas rationis. Cap. 7.

**V**anuis autem prædicta veritas fidei Christianæ humanæ rationis capacitate excedat: hæc tamen quæ ratio naturaliter indita habet, huic veritati contraria esse non possunt. Ea enim quæ naturaliter rationi sunt insita, verissima esse constat. Inratum ut nec ea esse falsa sit possibile cogitare: nec id quod fide tenetur: cum tam euidenter diuinitus confirmatum sit, fas est credere esse falsum. Quia igitur solum falsum vero contrarium est, ut ex eorum definitionibus inspectis manifeste apparet, impossibile est illis principiis quæ ratio naturaliter cognoscit prædictam veritatem fidei contrariam esse.

Item illud quod inducitur in animam discipuli à doctore, doctoris scientia continet nisi doceat fidei, quod de Deo nefas est dicere. Principiorum autem naturaliter notorum, cognitio nobis diuinitus est indita, cum ipse Deus sit author nostræ naturæ. Hæc ergo principia etiam diuina sapientia continet: quicquid igitur principis huius contrarium est, est diuinæ sapientię contrarium: non igitur à Deo esse potest. Ea igitur quæ ex reuelatione diuina per fidem tenentur, non possunt naturaliter cognitioni esse contraria.

Adhuc contrariis rationibus intellectus noster ligatur ut ad veri cognitionem procedere nequeat: si igitur contrariæ cognitiones nobis à Deo immitterentur, ex hoc à veritatis cognitione intellectus noster impediretur, quod à Deo esse non potest.

Amplius ea quæ sunt naturalia mutari non possunt natura manente: contrariæ autem opiniones simul eidem inesse non possunt. non igitur cōtra cognitionem naturalem aliqua opinio vel fides homini à Deo immittitur. Et ideo Apostolus dicit Romanis. (Propè est verbum in corde tuo, & in ore tuo, hoc est verbum fidei quod predicamus) sed quia superat rationem à nonnullis reputatur quasi contrarium: quod esse non potest. Huic etiam auctoritas Augustini concordat, qui in secundo super Genes. ad litteram dicit sic: Illud quidem quod veritas patet, libris sanctis siue veteris testamenti siue noui nullo modo potest esse aduersum. Ex quo euidenter colligitur quæcunque argumenta contra fidei documenta ponantur, hoc ex principiis primis naturæ inditis per se notis non recte procedere. vnde nec demonstrationis vim habent, sed vel sunt rationes probabiles vel sophistice: & sic ad ea soluenda locus relinquitur.

#### Supercap. 7.

**P**ostquam determinauit S. Tho. de modo cognoscendæ veritatis diuinæ absolute, nunc de ipsa comparatiue ad rationem humanam determinat. Circa hoc autem duo facit. primo comparat veritatem creditæ veritati naturaliter cognite, secundo primam veritatem ipsi rationi naturaliter comparat cap. sequenti. Primò ergo veritatem veritati comparat & ponit hanc conclusionem. Veritas fidei veritati naturaliter nobis indita non contrariatur. Pro qua aduertendum quod prima principia indemonstrabilia nobis naturaliter nota omniū aliorum quæ naturali inuestigatione cognosci possunt notitiis virtualiter cōtinent, suntque talia in tantum vera in quantum prædictis principiis concordant. Ex eo ergo, quod ostenditur veritatem fidei notitiarum primorum principiorum non contrariari, constat etiam nulli alij veritati naturaliter notæ contrariam esse. Multipliciter autem hæc conclusio probatur. Primò quod contrariatur vero oportet esse falsum, cum verum non contrariatur vero sed tantum falsum, ut ex eorum rationibus

apparet, sed prima principia falsa esse non possunt: nec cogitari possunt esse falsa, id etiam quod fide tenetur tam euidenter diuinitus confirmatū falsum esse non est fas credere, ergo, &c. Pro declaratione maioris aduertendum, quod sicut ratio veri consistit in adæquatione intellectus & rei: ita ratio falsi in adæquatione, propter quod dicitur 4. Metaph. quod falsum est ex eo quod dicitur vel videtur aliquid esse quod non est, vel non esse quod est: cognitio ergo vera erit quia cognoscitur esse sicut est: alia autem, quia cognoscitur esse sicut non est: & quia apprehendere esse & non esse sunt contraria ut dicitur secundo perihemenias: ideo cognitio vera & falsa sunt contraria: bene ergo dicitur quod falsum contrariatur vero: non autem verum, ut ex eorum rationibus patet quia cognitio rei adæquata non contrariatur cognitioni adæquate rei: sed bene cognitio rei inadæquata, quia scilicet existimatur non esse quod est in quo cōstitit ratio falsi contrariatur cognitioni adæquate rei, quæ existimatur res esse sicut est in quo consistit ratio veri. Aduertendum etiam pro minoris declaratione, quod diuerso modo loquitur S. Tho. de principiis primis & de iis quæ sunt fidei ut ostendat ad horum cognitionem nos diuersimode habere.

Prima enim necesse est verissima esse, & videtur verissima: ita quod nec etiam cogitari potest illa esse falsa, sicut inquit Philosophus, de hoc primo principio impossibile est idem simul inesse & non inesse eidem. 4. Metaphysicis. Et si enim aliquis possit verius dicere hoc esse falsum: mente tamē cogitare non potest, eo quod tunc contraria eidem simul inessent ut Philosophus deducit: circa quæ sunt fidei licet in se sint verissima, non tamen ex propriis rationibus terminorum eorum nobis veritas apparet: sed tantum in communi indicantur vera esse eo quod diuinitus sint reuelata, ut miraculis est cōprobatum, ut in præcedenti diximus. Ad hunc ergo diuersum nos habendi modum circa ista cognoscenda inueniendum dicit S. T. de principiis quod illa verissima esse constat, de eo autem quod fide tenetur inquit quod non est fas credere esse falsum.

Ex ista ratione S. Tho. excluditur ratio Roberti Olchori in primo sententiarum, arguentis ea quæ sunt fidei contra rationem naturalem esse, quia ratio naturalis dicitur oppositum esse verū. Patet enim ex dictis quod hoc assumptum est falsum, patet etiam ex dictis falsum esse quod in alia ratione assumit, scilicet quod articuli fidei sunt cōtra rationem non solum rusticorum, sed etiam sapientum, puta quod mulier sine viri semine concipiat. Dicitur enim quod non sunt contra rationem verè sapientum. Isti enim si dicunt, quod impossibile est virginem concipere, dicunt hoc considerato ordine causarum secundarum: non autem considerato ordine diuinæ potentie. Et si aliqui hoc dixerunt Deo esse impossibile non fuerunt verè sapientes neque verè Philosophi. Vnde S. Tho. super Boetium trinitat. quest. 2. artic. 3. inquit: quod si quid in dictis Philosophorum inueniatur contrarium fidei, hoc non est Philosophiæ sed magis Philosophiæ abusus ex defectu rationis. Secundo, quod diuinæ sapientię contrariatur, à Deo esse non potest, sed quod primis principiis contrariatur, diuinæ cōtrariatur sapientiæ, ergo à Deo esse non potest: ergo quæ reuelatione diuina tenentur, naturali cognitioni cōtraria esse non possunt. Probatur minor: Quod inducitur à docente in animam discipuli scientia doctoris continet (nisi fidei doceat) sed principiorum naturaliter notorum cognitio nobis diuinitus est indita, cum Deus nostræ naturæ sit author, ergo hæc principia diuina sapientia continet, ergo quod de ipsis est contrarium, diuinæ sapientię est contrarium.

Circa hanc rationem aduertendum, quod continentia quæ hic dicitur scientiam doctoris discipuli scientiā continere, non est cōtinentia virtualis principij actiui. Quoniam, ut inquit S. Th. primo quæ 7. scientia non est qualitas actiua: sed se habet tantum per modum principij directiui in operando. Dicitur autem scientia doctoris, discipuli scientiam continere in quantum ad eadem scibilia, & ad easdem veritates se extendit, ad quas discipuli scientia: eadem enim veritas est quam discipulus nouit & magister, eo quod magister moueat discipulum ad eadem cognoscenda quæ ipse cognoscit. Vnde posset illa continentia dici perfectionalis & similitudinaria, eo modo quo tetragonum continet trigonum, & vnum album aliud album. Sed occurrit dubium circa vltimam consequentiā. Non enim videtur sequi, diuinæ sapientia principia continet, ergo quod contrariatur principiis, diuinæ sapientię cōtrariatur: non valet enim, diuina virtus, cōtineri album, quia potest album producere: ergo quod contrariatur albo, diuinæ virtuti contrariatur: dicitur quod sicut diuina virtus contrariorum esse causa potest, eo quod virtute virtualiter continetur diuina sapientia oppositarum cognitionum esse causa poterit, tanquam vtrique virtualiter supereminens: ergo continens, neque sequi oportet, quod si vna alteri contraria sit, diuinæ quoque sapientię contrariatur.

Ad euidentiam huius difficultatis considerandum est quod continentia, de qua hic loquimur, non est (ut iam diximus) continentia principij actiui, sed cuiusdam similitudinis & conuenientię: secundum quod duæ cognitiones in eadem veritate cognita cōueniunt, & quia vna cognitio alteri non cōtrariatur, nisi quia ad opposita enuntiabilia terminantur, sicut cognitio qua existimatur hominē esse risibilem contrariatur ei quæ existimatur hominem non esse risibilem: ideo si vna cognitio alteri cōtrariatur, erit etiam contraria ei quæ illi similis est, utpote cum obiecto cognito conueniens, illa enim quæ contrariatur huic humanæ cognitioni homo esse risibilis: omni alteri cognitioni siue angelicæ siue humanæ contrariatur, quia cognoscitur homo esse risibilis, bene ergo valet hæc consequentia: diuina sapientia principiorum cognitionem cōtinet: ergo cognitio qua cognitioni principiorum contraria diuinæ quoque sapientię contraria est, eo quod per hanc continentiam nihil aliud intelligatur nisi conuenientia in ea veritate cognita per diuinā sapientiam, & notitiarum principiorum. Ad instantiam autem dicitur quod non est simile, eo quod ibi arguatur in cōtinentia virtuali tantum principij actiui, secundum quam idem contraria eminenter continere potest: hic autem loquimur de continentia etiam propria scientię quæ est perfectionalis, & cuiusdam similitudinis ac vnitatis & conuenientię in eodem obiecto, secundum quam vna notitia oppositas notitias continere non potest, licet etiam diuina sapientia nostræ cognitionis naturalis causa sit: quod autem dicitur eandem esse scientiam oppositorum, intelligitur quantum ad incomplexa, quod ad eandem scientiam yriusque oppositorum cōsideratio spectat, sicut eadem est scientia sani & ægri: quantum verò ad complexa, quod eadem scientia cognoscitur vna contradictionis partē esse veram, alteram verò falsam. Tertio, si esset ista contrarietas, à veritatis cognitione intellectus noster impediretur, sed hoc à Deo esse non potest, ergo, &c. Probatur cōsequētia, cōtrariis rationibus impeditur intellectus à veri cognitione: ergo si contrariæ cognitiones nobis à Deo immitterentur, intellectus noster impediretur à veri cognitione. Pro cōsequentiæ probatione considerandum, quod cōtrarietas argumentationū ab oppositione cōtinentie

Scientia docentis, scientiam discipuli continet.

† Aug. script.

† August.

† Correllariū.



tionū sumitur ad quas terminatur eo qd argumentatio quidā rationis motus sit, motus autē cōtrarij ad cōtrarios terminos terminentur: idem est ergo rationes cōtrarias esse quod per ipsas cōtrarias cognitiones causari, & idē est per cōtrarias rationes impediri, cōfundi; intellectū, qd ipsum per cōtrarias cognitiones ab altero causari impeditur: pportione autē diuina sapiētia demonstratiōni quātū ad hoc qd cognitionē in nobis causat: ppter hoc sic cōtrariarū rationes impediūt intellectū, eo qd cōtrarias cognitiones causant, ita si diuina sapiētia cōtrarias in nobis causat cognitiones, ipsa à veri cognitione impedit intellectū, quod à Deo nō potest esse agēdo, nisi fortassis ppter mysteriū vel vilitatem, sed bene nō agēdo, id est, nō infundēdo lumen quo aliquid intelligatur, sicut neq; malū culpā est à Deo, nisi nō infundēdo grātiā.

Quartū autē istarū cognitiones simul erūt in intellectu, aut vna adueniēte altera recedit, nō primū, quia cōtrarias in eodē simul esse non possunt: nec secundū, quia cognitio naturalis semper manet, quā enim naturalia sunt, manente natura mutari nō possunt, ergo nō sunt cōtrariarū: cōfirmatur auctoritate Apostoli Augusti. Sed occurrit dubiū, quoniam aqua naturale est esse frigidū, & tamen ab ea manēt aqua remouetur frigiditas, cū, scalefit: ergo falsū est qd quā naturalia sunt, manēt natura mutari nō possunt, cōfirmatur, quia ipsemet S. Th. 2. 2. q. 57. art. 2. primū inquit qd naturalia semper in sunt in rebus immobilibus, nō autē in rebus mobilibus, cū ismodi est hominis natura, ergo quātū aliqua cognitio sit homini naturalis, potest tamē ab homine manētē separari. Ad hanc dubia simul respōdēdo dicitur. Primū qd naturale, vt habet S. Th. 4. d. 26. dupliciter dicitur, aut quod à principiis naturarū de necessitate causatur, aut ad quod natura inclinatur. Propositio ergo hanc, qd naturalia manēt natura mutari nō possunt, intelligenda est de naturalibus primo modo, & est vera tā in rebus mobilibus qd in rebus immobilibus: de naturalibus autē secundo modo vera est in immobilibus tantū, nō autē in mobilibus secundū naturā mutationē possunt & talia naturalia mutari, & impediri manētē substantia in sua perfectione essentiali, vnde nō contradicit S. Th. sibiipsum: hic enim de naturali primo modo loquitur, in loco autē allegato, de naturali secundo modo. Dicitur secundo qd naturale est aqua habere frigiditatem, cū aliqua tantē latitudine, quia, lex principii essentialibus aquarū sequitur aliquis gradus frigiditatis intra illam latitudinē, neq; potest aqua nō habere aliquē gradū illius frigiditatis, quinimo si remitteretur frigiditas ad gradum infra totā illā latitudinē, puta infra latitudinē quā est duorum ad sex, desinere natura aquarū: licet ergo aqua sibi derelicta, & nō impedita ad summū gradū illius latitudinis frigiditatis deducatur natura se inclināte, potest tamen à cōtratio per violentiā impediri, ne summū illū frigiditatis gradū habeat, nūquā tamen à quocūq; calefaciēte omnino ab ipsa omnis frigiditatis gradus remoueri potest natura manēt: vnde possumus dicere qd aliquis frigiditatis gradus est aqua naturalis, tanquā à naturā principii causatus absolutē, & hīc ab aqua remoueri non potest: aliquid verō frigiditatis gradus sunt aqua naturales tanquam ad quos natura aquarū deductis impediētiis perducit: & isti ab aqua per violentiam, & ad tempus remoueri possunt.

### Qualiter se habeat humana ratio ad veritatem fidei primam. Cap. 8.



Considerandum etiā videtur qd res quidē sensibiles ex quibus humana ratio cognitionis principii sumit aliquale vestigiū in se diuinā imitationis retinet: videlicet qd sunt, & bonarū sunt: ita tamen imperfectum quod ad declarandam ipsius Dei substantiā omnino insufficiens inuenitur. Habent enim effectus suarū causarū suo modo similitudinē: cū agens agat sibi simile: nō tamen effectus ad perfectā agentis similitudinē semper pertingit. Humana igitur ratio ad cognoscendum fidei veritatem quā solū videntibus diuinam substantiā, potest esse notissima, ita se habet qd ad eā potest aliquis veras similitudines colligere: quā tamē nō sufficiūt ad hoc qd prædicta veritas quasi demonstratiue vel per se intellecta cōprehēdatur. Vtile tamen est, vt in huiusmodi rationibus quātūcūq; debilibus se mēs humana exerceat, dummodo desit cōprehēdendi vel demonstrandi præsumptio, quia de rebus altissimis etiā parua & debili cōsideratione aliquid posse inspicere incunctissimum est. (vt ex dictis apparet.)

† Cui quidem sententiæ auctoritas Hilarij concordat quā sic dicit in libro de Trin. (loquens de huiusmodi veritate.) Hanc credendo incipe, percurrere, perficere: & si non peruenitur scientiam; gratulabor tamen perfecturum. Qui enim pie infinita prosequitur, & si non contingat aliquando, semper tamen perficiet procedendo. Sed ne te inferas in illud secretum: & in archanum interminabilis veritatis nō te immergas summam intelligentiā comprehendere præsumens: sed intellige comprehensibilia esse.

### Super cap. 8.

Secundū cōparat S. Th. veritatem primā ad rationē naturalem. Circa hoc autem duo facit: Primū, ostendit quid humana ratio possit circa ea quā sunt fidei: secundū, quid vtile sit. Primū ergo ait qd ad cognoscendam fidei veritatem, quā solū videntibus diuinam substantiā notissima esse potest humana ratio verisimiles, non autem demonstratiuas rationes colligere potest: probatur res sensibiles ex quibus humana ratio cognitionis principii sumit aliquale vestigiū in se diuinā imitationis tenet, sed nō adeo perfectū vt Dei substantiam declarant: ergo ad cognoscēdū ea quā de Deo credimus, & quā solū substantiā diuinā videntibus sunt notissima, verisimilitudines quidē habere ratio potest, nō autē demonstrationes, antecēdēs p prima parte patet, quia sunt effectus Dei: effectus autē aliquā similitudinē causā habet. Secunda etiā pars est manifesta ex supradictis, eo qd sunt effectus debiles & inadéquati, similiter nota est cōsequētia, quia effectus secundū cōditionē suā in cognitionē cau-

sa ducit. Aduertendū p cōclusionis declarationē: qd licet fides in se certitudinē habeat: ea tamē certitudo cū inuēdiētia est, eo qd ea quā fidei sunt neq; ex rationibus terminorū vera esse appareat, neq; ex eorū resolutione ad prima principia naturaliter nota sunt manifestata, cū supra humanā rationem sunt, sed tū credimus illa esse vera, quia à Deo reuelata sunt qui est infallibilis veritas, ppter hoc inquit S. Th. qd solū videntibus diuinā essentia notissima esse possunt. Vidētes enim substantiā diuinā, vidēt credita à nobis de diuinitate necessaria esse eō qd ex terminorū rationibus cognoscāt prædicatū subiecto necessariū inherere, quā habitudine nūc videre nō possumus: illud quoq; qd ratio humana verisimiles habere rationes potest, intelligēdū puto post reuelationē fidei factā, nō autē antē, cū mēs humana ad ea quā sunt fidei p se eleuari nō possit, vnde inquit S. Th. 1. q. 3. art. 1. secundū, qd ad manifestationem trinitatis induci ratio potest, quā trinitati iā posita congruat, nō autem per quā sufficiēter trinitas pbetur personarū. Aduertendum quoq; qd duplicem euidētiā modū S. Th. in his verbis ponit: qui tamen nō sufficiunt ad hoc qd prædicta veritas quasi demonstratiue, vel per se intellecta cōprehēdatur. Aliquid enim dupliciter sit euidens intellectui, aut scilicet per necessariā deductionem ex principiis per se notis; & hoc per demonstrationem videtur: aut ex rationibus terminorū, & hoc dicitur per se esse notum intellectui. Vtrūque tamen à sensibilibus originē trahit, quia vniuersales propositiones ex quibus demonstratio constituitur, nō nisi experimento cognoscuntur, vt dicitur 1. Met. similiter & terminorū rationes ex sensibilibus deducuntur, vt Philos. 2. Poster. tradit. Secundo ostendit qd quantumcūque huiusmodi rationes debiles sunt, vtile tamen est vt in his se mēs exerceat humana, si tamen demonstrandi aut cōprehēdendi præsumptio desit, probatur auctoritate Aristoteli, superius inducta, quia scilicet incunctissimū sit de rebus altissimis parua etiam, & debili ratione quicquā inspicere posse. Probatur etiā Hilarij auctoritate in lib. de Trinitate inquit, hanc credendo incipe, percurrere.

### Ordo & modus procedendi in hoc opere.

#### Cap. 9.

Ex præmissis igitur euidenter apparet sapientis intentionem circa duplicem veritatem diuinorū debere versari, & circa errores contrarios destruendos: ad quarum vnam inuestigatio rationis pertingere potest: alia verō omnem rationis excedit industriam. Dico autem duplicem veritatem diuinorū non ex parte ipsius Dei quā est vna & simplex veritas, sed ex parte cognitionis nostrarū quā ad diuinā cognitionē diuersimodē se habet. Ad primā igitur veritatis manifestationē per rationes demonstratiuas quibus aduersarius cōvinci possit, procedendū est. Sed quia tales rationes ad secundam veritatē haberi nō possunt, non debet esse ad hoc intentio, vt aduersarius rationibus cōvincatur: sed vt eius rationes quas contra veritatē habet, soluantur: cū veritati fidei ratio naturalis cōtraria esse non possit (vt ostensum est.)

† Singularis verō modus conuincendi aduersariū cōtra huiusmodi veritatē est, ex auctoritate scripturæ diuinitus confirmata miraculis. Quā enim supra rationē humanā sunt, non credimus nisi Deo reuelante. Sunt tamen ad huiusmodi veritatē manifestandam rationes aliquarū verisimiles inducendæ, ad fidelium quidem exercitiū & solatium, non autē ad aduersarios conuincendos: quia ipsa rationum insufficiētia eos magis in suo errore confirmaret, dum æstimarent nos propter tōm debiles rationes veritati fidei consentire.

† Modo ergo posito procedere intendentes: primū nitemur ad manifestationem illius veritatis, quam fides profiteatur, & ratio inuestigat: inducendos rationes demonstratiuas & probabiles: quarum † quasdam ex libris philosophorū sanctorū collegimus, per quas veritas confirmetur, & aduersarius conuincatur. † Deinde vt à manifestioribus nobis ad minus manifesta fiat processus: ad illius veritatis manifestationē procedemus, quā rationē excedit, soluentes rationes aduersariorū, & rationibus probabilibus & auctoritatibus, quantū Deus dederit veritatē fidei declarātes. Intendentes igitur nobis per viam rationis prosequi ea quā de Deo ratio humana inuestigare potest. † Primū occurrit cōsideratio de his quā Deo secundum seipsum conueniunt.

† Secundū verō de processu creaturarum ab ipso. † Tertiū autem de ordine creaturarum in ipsum sicut in finem. Inter ea verō quā de Deo secundum seipsum consideranda sunt: præmittendum est quasi totius operis necessarium fundamentum, cōsideratio quā demonstratur Deum esse. Quo non habito supposita omnis cōsideratio de rebus diuinis necessariū tollitur.

### Super cap. 9.



Limbo loco sanctus Thomas suo procēmio finem imponens, ex prædictis suam intentionem quantum ad modum procedendi declarat: præmittit autem cū duplex veritas diuinorū sit, eam dupliciter veritatis non ex parte ipsius Dei accipiendam esse, sed ex parte cognitionis nostrarū. Ad cuius intelligentiam considerandū est, quid cū veritas sit in intellectu ad æquato rei per suam intelligentiā, dum scilicet apprehendit rem sicut est, in hoc duo includuntur: vñ quod est reale, scilicet actus intelligēdi: aliud quod est rationis maxime in Deo, scilicet, habitudo ad æquationis ad re intellectam.

De multiplici-  
tate veritatis  
diuinorum.

Quomodo frigiditas sit aquæ naturalis, & ab ea remoueri possit.

Idē prima par. q. 22. artic. 1.

† Idem prima par. q. 32. artic. 1.

† In 5. c.

† cap. 3.

† Diffinitio operationis.

† tribuslib. p. mis.

† lib. 4.

† Diuino 3. p. lib.

† lib. 2.

† lib. 3.

† vsq; ad cap. 15. exclud.



Si loquamur de veritate quantum ad ipsum actum intelligendi, sic in Deo est una simplex veritas, imo ipse est veritas simplicissima eo quod una simplicissima intelligenda esse rerum omnium intelligat. Si autem de veritate loquamur quantum ad ipsam habitudinem rationis, sic non inveniunt in Deo esse multas veritates, secundum quod multis a se intellectis adequatur: verum quia ea multa in uno, scilicet in essentia sua intelligit: ideo absolute dicitur una simplex veritas. Intellectus autem noster diuersa complexa, diuersis intellectibus cognoscit. Ideo secundum multitudinem intellectuum non solum quantum ad habitudinem, sed etiam quantum ad fundamentum & actum intelligendi in eo, multae sunt veritates. Cum ergo dicimus duplicem esse diuinorum veritatem non bis traditam, non sic est intelligendum quasi duplicem de seipso Deus habeat cognitionem, eamque nobis tradiderit, sed quia de his quae Deus in seipso una cognitione cognoscens nobis reuelauit, duplicem nos cognitionem, duplicemque veritatem habemus. Secundo, sic possumus exponere. Veritas enim dupliciter accipi potest, aut inquam secundum quod est in re cognita, aut secundum quod est in intellectu. hic loquitur S. T. de veritate secundum quod est in re cognita, non autem secundum quod est in intellectu. Enuntiabilia enim de eadem re dupliciter multiplicari possunt, aut scilicet quia in ipsa re sunt diuersa ex quibus diuersa enuntiabilia constituitur: sicut de homine musico, & albo, intelligitur ipsum esse musicum, & ipsum esse album: aut quia res quidem in se simplicissima est, omnisque diuersitate carens: sed tamen quia intellectus ipsam comprehendere non potest, diuersos de ipsa conceptus imperfectos in adaequationem format ex quibus diuersa constituitur enuntiabilia vera: sensus ergo S. Th. est, quod ista duplex veritas, siue enuntiabilium verorum diuersitas, non est ex parte ipsius Dei accipienda quasi, scilicet in ipso sint diuersa: unde enuntiabilia diuersitas accipitur: imo ipse est una & simpliciter veritas ex parte rei, quia omnia praedicata quae diuinae essentiae attribuitur inter se idem sunt, atque etiam cum subiecto, sed est ex parte intellectus nostri diuersimode & diuersis conceptibus Dei intelligitis, aliquando de ipso naturaliter, aliqua vero per reuelationem cognoscitis. Hoc praemissum subiungit S. T. quod ad manifestationem veritatis naturaliter notae, & per rationes demonstratiuas, & per probabiles, cum ex Philosophorum, tum ex sanctorum libris intellectus procedendum est. Ex quo apparet non esse omnes rationes in hoc libro a S. T. positas demonstrationis defendendas, cum ipsemet dicat se velle aliquas probabiles inducere. Ad manifestationem vero veritatis supernaturaliter notae non esse debet intentio ad hoc ut aduersarius rationibus conuincatur, sed ut rationes aduersarii soluantur, & veritas ex auctoritate scripturae miraculis confirmata ostendatur. Non erit tamen inutile, rationes verisimiles inducere ad fidei exercitium & solatium, non autem ad aduersarios conuincendos.

De opinione dicentium quod Deum esse demonstrari non potest, cum sit per se notum. Cap. 10.

† Idem prima parte q. 2. art. 1.



AE C autem consideratio qua quis nititur ad demonstrandum Deum esse superflua, fortasse quibusdam videbitur, qui asserunt quod Deum esse per se notum est: ita quod eius contrarium cogitari non possit, & sic Deum esse demonstrari non potest. Quod quidem videtur ex his: illa enim per se esse nota dicuntur, quae statim notis terminis cognoscuntur, sicut cognito quid est totum & quid est pars, statim cognoscitur quod omne totum est maius sua parte: huiusmodi autem est hoc quod dicimus Deum esse. Nam nomine Dei intelligimus aliquid quo maius cogitari non potest: hoc autem in intellectu formatur ab eo qui audit & intelligit nomen Dei, ut sic saltem in intellectu iam Deum esse oporteat. Nec potest in intellectu solum esse, nam quod in intellectu & in re est, maius est eo quod in solo intellectu est. Deo autem nihil est maius, ut ipsa nominis ratio demonstrat. Unde restat quod Deum esse per se notum est, quasi ex ipsa significatione nominis manifestum sit.

2. Item cogitari quidem potest quod aliquid sit quod non possit cogitari non esse, quod maius est euidenter, eo quod potest cogitari non esse: sic ergo Deo aliquid maius cogitari posset, si ipse posset cogitari non esse, quod est contra rationem nominis. Relinquitur igitur quod Deum esse per se notum est.

3. Adhuc propositiones illas oportet esse notissimas per se, in quibus idem de seipso praedicatur, ut homo est homo, vel quarum praedicata in definitionibus subiectorum includuntur, ut homo est animal. In Deo autem hoc praeter aliis inuenitur (ut infra ostendetur), quod suum esse est sua essentia: ac si idem sit quod responderetur ad quaestionem quid est, & ad quaestionem an est. Si ergo cum dicitur Deus est praedicatum, vel est idem subiecto, vel saltem in definitione subiecti includitur, & ita Deum esse per se notum erit.

4. Amplius quae naturaliter sunt nota: per se cognoscuntur. non enim ad ea cognoscenda inquisitionis studio peruenitur, Deum autem esse naturaliter notum est. cum in Deum naturaliter desiderium hominis tendat sicut ad ultimum finem, ut infra patebit. est igitur per se notum Deum esse.

5. Item illud per se notum oportet esse, quo omnia alia cognoscuntur: Deus autem huiusmodi est. Sicut enim lux solis principium est omnis visibilis perceptionis: ita diuina lux omnis intelligibilis cognitionis principium est: cum sit in quo primum maxime lumen intelligibile inuenitur: oportet igitur quod Deum esse per se notum sit. Ex his igitur & similibus: aliqui opinantur Deum esse, sic per se notum existere ut contrarium mente cogitari non possit.

† cap. 12.

Super cap. 10.



RAEMISSO proemio accedit S. Th. ad manifestationem diuinorum rerum, de quibus in hoc opere pertractare intendit. Diuiditur autem liber hic in duas partes principales, secundum quod duo sunt quae de Deo cognoscuntur. Primo enim agit de his quae humana ratione investigari possunt. Secundo, de his quae reuelata sunt, humanumque excedunt intellectum. & hoc in quarto libro.

Quantum ad primum tria facit, ut ipse in praecedenti capitulo ostendit. In primo enim libro de his determinat quae Deo secundum seipsum conueniunt. In secundo, de processu creaturarum ab ipso. In tertio, de ordine creaturarum in ipsum sicut in finem. Circa primum tria facit, quia enim ad ea quae Deo secundum se conueniunt consideranda, necesse est veluti necessarium fundamentum, nosce quod sit: ideo primum eam considerationem praemittit, qua demonstratur Deum esse. Secundo de diuina simplicitate tractat, per quod aliquo modo cognoscere possumus quid sit Deus. cap. 14. Tertio qualis sit Deus ostendit. c. 28. Circa primum quia duplici ex causa diuersi arbitrantur vanam esse inquisitionem qua quaeritur an Deus sit, duo facit. Primo allatas causas remouet. Secundo demonstrat intentum. c. 13. Circa primum duo facit. Primo inquit de prima causa. Secundo de secunda c. 12. Circa primum duo facit. Primo ponit aduersariorum rationes. Secundo eas soluit. cap. sequenti. Quantum igitur ad primum. Fuerunt quidam, inquit S. Th. qui praedictam considerationem superfluum esse existimauerunt, eo quod Deum esse sit per se notum, ita quod eius contrarium cogitari non possit: idcirco demonstratione ad hanc re opus non esse dixerunt, videturque; haec esse Anselmi opinio, ut tradit S. Thom. veri. qu. 2. art. 12. hoc autem nonnullis rationibus confirmant. Quarum prima est. Deum esse cognoscitur statim cognitis terminis, ergo est per se notum: probatur antecedens, quia nomine Dei intelligimus id quo maius cogitari non potest, hoc autem non potest solum in intellectu esse: quia quod est in intellectu & in re maius est, eo quod in solo intellectu est. Secunda est, quia tunc aliquid Deo maius cogitari posset, si ipse cogitari posset non esse illud, scilicet quod non potest cogitari non esse. Tertia est, quia in Deo idem est esse & essentia, propositiones autem illas oportet notissimas esse, in quibus idem praedicatur de seipso. Quarta est, quia Deum esse est naturaliter notum, cum in ipsum naturaliter desiderium hominis tendat: ea autem quae sunt naturaliter nota, per se cognoscuntur. Quinta est, quia Deus est quod omnia alia cognoscuntur, cum diuina lux sit omnis intelligibilis cognitionis principium.

Reprobatio praemissae opinionis, & solutio rationum praemissarum. Cap. 11.



RAE DICTA autem opinio prouenit partim quidem ex consuetudine, qua a principio homines assueti sunt nomine Dei audire & inuocare. consuetudo autem, & praecipue quae est a principio vim naturae obtinet: ex quo contingit ut ea quibus a pueritia animus imbuitur, ita firmiter tenentur ac si essent naturaliter & per se nota. Partim vero contingit ex eo quod non distinguitur quod est notum per se simpliciter, & quod quo ad nos notum est. Nam simpliciter quidem Deum esse per se notum est. quum hoc ipsum quod Deus est sit suum esse. Sed quia hoc ipsum quod Deus est mente concipere non possumus, remanet ignotum quo ad nos. Sicut omne totum sua parte maius esse, per se notum est simpliciter. Ei autem qui rationem totius mente non conciperet, oportere esse ignotum. Et sic fit ut ad ea quae sunt notissima rerum, noster intellectus se habeat ut oculus noctuae ad solem (ut 2. Metaph. dicitur). Nec oportet ut statim cognita huius nominis Deus significatione, Deum esse sit notum. (ut prima ratio intendebat.) Primo quidem quia non omnibus notum est, etiam concedentibus Deum esse quod Deus sit, id quo maius cogitari non possit: cum multi antiquorum mundum istum dixerint Deum esse. Nec etiam ex interpretationibus huius nominis Deus (quas Damascenus ponit aliquid huius intelligi datur.) Deinde quia dato quod ab omnibus per hoc nomen Deus intelligatur aliquid quo maius cogitari non possit. non necesse erit aliquid esse quo maius cogitari non potest in rerum natura. Eodem enim modo necesse est poni rem & nominis rationem. Ex hoc autem quod mente concipitur, quod profertur hoc nomine Deus non sequitur Deum esse nisi in intellectu, unde nec oportebit id quo maius cogitari non potest esse in intellectu, & ex hoc non sequitur quod sit aliquid in rerum natura, quo maius cogitari non possit: & sic nullum inconueniens accidit ponentibus Deum non esse. Non enim inconueniens est quolibet dato vel in re, vel in intellectu aliquid maius cogitari posse, nisi ei qui concedit esse aliquid, quo maius cogitari non possit in rerum natura. † Nec etiam oportet ut secunda ratio proponeret, Deo posse aliquid maius cogitari si potest cogitari non esse. Nam quod possit cogitari, non esse, non ex imperfectione sui esse est, vel incertitudine: cum suum esse sit secundum se manifestissimum, sed ex debilitate nostri intellectus, qui eum intueri non potest per seipsum, sed ex effectibus eius. Et sic ad cognoscendum ipsum esse, ratiocinando perducitur. † Ex quo etiam tertia ratio soluitur. Nam sicut nobis per se notum est, quod totum sua parte sit maius, sic videntibus ipsam diuinam essentiam per se notissimum est Deum esse: ex hoc quod sua essentia est suum

† Idem de veri. q. 10. art. 12.

† Responso ad primam rationem.

† lib. 1. ca. 12.

† Solutio secundae rationis.

† Solutio tertiae rationis.



fuū esse, sed quia eius essentia videre nō possumus, ad eius esse cognoscendū, non per seipsum, sed per eius effectus peruenimus. † Ad quartā etiam patet solutio. Sic enim homo naturaliter Deum cognoscit, sicut naturaliter ipsum desiderat. Desiderat autem ipsum homo naturaliter, inquantum desiderat naturaliter beatitudinem, quæ est quædam similitudo diuinæ bonitatis. Sic igitur non oportet quod Deus ipse in se consideratus sit naturaliter notus homini, sed similitudo ipsius. vnde oportet quod per eius similitudines in effectibus repertas in cognitionem ipsius homo, ratiocinando perueniet. † Ad quintam etiam de facili patet solutio. Nam Deus est quidem id quo omnia cognoscuntur, non ita quod alia non cognoscantur, nisi eo cognito, sicut in principiis per se notis accidit, sed quia per eius influentiam omnis causatur in nobis cognitio.

### Super cap. II.

**R**emissas rationes doctissime soluit S. Thomas. Sed circa hoc duo facit. Primo enim ostendit vnde proveniat huius opinionis deceptio: secundo, ad argumenta respondet.

Quantum ad primum inquit quod duo sunt quæ homines in hanc inducere opinionem potuerunt, primum quidem est consuetudo, quia enim à principio homines consueverunt audire nomen Dei, & inuocare, consuetudo vero ea præfertim quæ est à principio, naturæ vim obtinet: ideo firmiter tenetur Deum esse, ac si esset naturaliter & per se notum. Ea enim quibus animus à pueritia imbuitur, ita firmiter tenetur, ac si essent naturaliter & per se nota. Alterum est, quia non distinguunt inter id quod est simpliciter per se notū: & quod est per se notū nobis. Deum enim esse simpliciter quidem est per se notum, eo quod Deus sit suum esse: quo ad nos autem non est per se notum, quoniam hoc ipsum quod est Deus, mente concipere non possumus: sicut omne totum esse maius sua parte simpliciter quidem per se notum est, ei autem qui rationem totius mente non concipiet, non est per se notum, imo est ignotum. Hæcque ratio fit, vt ad notissima rerum intellectus noster se habeat vt oculus nocturæ ad solem: quia videlicet ea vt sunt, concipere non possumus.

Pro declaratione huius distinctionis aduertendum est quod propositio aliqua per se nota dicitur, quia aliqua alia propositione prior: & notiori nō indiget ad sui manifestationem, per aliamque demonstrari nō potest: propter quod, inquit sanctus Thomas, prima parte. q. 17. art. 3. Secundū & est de mēte Aristotelis primo Posteriorum: & Boetij in lib. de Ebdomadibus, quod principia per se nota, sunt illa quæ statim cognitit terminis cognoscuntur. Sed quia res dupliciter habet esse, vno scilicet modo in seipsa extra intellectum, alio modo secundum quod ab intellectu nostro concipitur & intelligitur: ideo dupliciter de re aliqua loqui possumus: vno modo secundum id quod conuenit sibi secundum naturam suam: alio modo de eo quod conuenit sibi secundum quod à nobis concipitur & intelligitur: non inconuenit autem aliquod rei modo aliquo conuenire secundum naturam suam, quod sibi secundum modum quo à nobis concipitur non conuenit, & econuerso. Potest igitur euenire vt natura subiecti cuiuspiam ac prædicati talis sit, quod vnū sit idem alteri, vel vnum ad aliud habeat immediatū ordinem, & ideo si vnumquodque illorum conciperetur secundum quod in se est, statim apparet prædicatum inesse subiecto, sed quia non cōprehenditur subiecti prædicati que natura vt in se est, imo debilitate, imperfecteque concipitur: ideo ex ea subiecti prædicati, notitia, non statim cognoscitur subiecto inesse prædicatum, sed aliquo notiore nobis & priore, ad eius euidētia opus est. Tale tunc dicitur simpliciter quidem per se notum esse, & secundum naturam, quia in natura subiecti & prædicati est, si prout sunt cognoscerentur, vt statim apparet inesse prædicati subiecto, nec aliquo opus esset notiore ad eius habendam notitiam: non est tamen nobis per se notū, quia non perfectè eorum natura cognoscitur: & secundum eos conceptus quos de subiecto & prædicato formamus, non statim apparet cōnexio prædicati cum subiecto: propter quod nō cognoscitur tale quid cognitit terminis prout à nobis concipiuntur. Quod si aliquod complexum tale sit, vt & ex subiecti & prædicati natura, vt in seipsis sunt cognitit appareat vtriusque necessaria cōnexio & eorum naturæ propriis conceptibus & perfectis à nobis cognoscantur: erit tale quid & secundum naturam per se notum in quantum eorum naturæ habent vt ipsis perfectè inspectis appareat prædicatū cōuenire subiecto, & quo ad nos in quantum euidētia eius ex conceptibus terminorum de ipsis ab intellectu nostro formatis apparet, non autem ex aliqua propositione prius nota. Quia igitur si diuina essentia secundum quod in se est, videretur, statim apparet existentiam illi conuenire, vt pote quæ cum ipsa vnum idemque sit, merito dicimus quod Deum esse, est per se notum simpliciter, & secundum naturam. Quia vero Deo secundum quod à nobis concipitur existentiam sibi necessario conuenire non constat, nisi ex effectibus ostendatur, eo quod Deum secundum quod in se est, concipere nequeamus: idcirco non est illud per se notum quo ad nos.

Sed occurrit dubium in doctrina sancti Thomæ, quæ sint propositiones, quæ statim cognitit terminis cognoscuntur, quæ dicuntur per se notæ intellectui: de istis enim loquimur, non de iis quæ ad sensum sunt notæ, vt est niuem esse albam. Alii quibus enim Thomistarum videtur eas solum tales esse, in quibus prædicatum sit de diffinitione subiecti, & hoc ex quibusdam sancti Thomæ verbis verum esse apud ipsum existimant. Alii verò videtur, quod non solum illæ in quibus prædicatum in subiecti ratione clauditur: sed etiam multæ aliæ sint per se notæ, vt ex iis apparet, quæ per ipsum sanctum Thomam tanquam per se notæ adducuntur, vt omne totum est maius sua parte. Et si ab æqualibus æqualia demas, quæ remanent sunt æqualia, & incorporea in loco non esse, & similia. Et singulariter dicunt eam quoque esse simpliciter per se notā, in qua prima passio de subiecto prædicatur.

Possumus autem dicere, quod esse de ratione & diffinitione subiecti dupliciter accipi potest, vno modo formaliter tanquam, scilicet subiecti essentiam ingrediens, sicut animal est de ratione hominis: alio modo virtualiter & consecutiuè, tanquam scilicet inclusum virtualiter in quidditate rei, & ad rei essentiam immediatè consequens, sicut si diceremus de ratione ignis

esse quod sit calidus, eo quod essentiam ignis ita sequatur caliditas, vt ignis esse non possit quin sit statim calidus. Si primo modo accipiamus esse in ratione subiecti, tunc non oportet illam totam esse propositionem per se notam, in qua prædicatum est de ratione subiecti: nec sic intelligit sanctus Thomas. Licet enim apud ipsum omnis talis propositio, in qua prædicatum est de ratione subiecti in secundum se nota, non tamen e contrario omnis propositio per se nota est talis, vt prædicatū sit de ratione subiecti. Nam & ipsemet primo Posterior. l. c. 36. exponendo text. 38. inter principia indemonstrabilia locat propositionem, in qua significatur passio in se in se suo proprio, & immediato subiecto, similiter eam, in qua passio à tali subiecto negatur: id quod etiam videtur esse de mente Philosophi, ibidem. Si autem accipiat primo aut secundo modo sub diffinitione, sic verum est apud ipsum omnem propositionem secundum se, & simpliciter notam. Ille talem, quod prædicatum includitur in ratione subiecti: licet enim inter subiectum & diffinitionem nihil medium cadit, propter quod propositio in qua diffinitio de diffinito prædicatur, est immediata & indemonstrabilis, ita inter subiectum & primam eius passionem quantum est ex parte rei, nihil cadit medium, & subiectum ex se, non autem per aliquid aliud habet, vt sibi talis passio conueniat. Et ob hoc propositio in qua talis passio de subiecto prædicatur, est indemonstrabilis, & per se nota, statimque rei natura, diffinitioneque cognita, apparet illi talem passionem inesse, sicut statim totius natura ac diffinitione perspecta, apparet totum esse qualibet sua parte maius, & cognita natura ignis, statim videtur caliditatem ipsi inesse.

Sed in hoc faciunt difficultatem verba sancti Thomæ in q. 10. artic. 12. Ibi enim probat non posse dici quod aliquam creaturam esse sit per se notum, & secundum se, quia esse in nullius creaturæ ratione perfectè includatur, eo quod cuiuslibet creaturæ esse sit aliud ab eius quidditate. Ex quibus arguitur sic. Non minus prima passio secundum eius doctrinam est aliud à quidditate, quam esse: ergo si creaturam esse non est secundum se notum, quia est aliud ab eius quidditate, eadem ratione & illa non erit propositio secundum se nota, in qua passio de subiecto prædicatur. Dicerem ego quantum mihi pro nūc occurrit, quod alio modo esse est aliud à quidditate, & alio modo passio, aliud à subiecto: esse enim est omnino aliud à quidditate, & nullo modo includitur in ratione creaturæ, neque scilicet tanquā existens idem cū quidditate essentialiter, neque tanquam quidditatem necessariò concomitans immediatè, cū qualibet creatura omnino esse ab extrinseco habeat, & per cōsequens subiectum nō habeat ex se, quod sibi cōueniat esse, sed per aliud. Prima autē passio quauis rei essentia nō ingreditur, ipsam tamen essentiam necessariò immediatè cōsequitur, & ab ea per quandā naturalem resultantia producit, propter quod est de ratione subiecti secūdo modo dicto, ideo ipsam inesse subiecto, est secundū se notum, non autem quod esse creaturæ in se sit.

Sed contra duo dicta in hac determinatione, scilicet quod propositio per se nota est, in qua prædicatū est de ratione subiecti modo exposito: & quod aliud est propositio est per se simpliciter per se notā, & aliud propositio est nota, quo ad nos arguitur. Tene enim ipse primo sen. d. 2. q. 2. quod propositio per se nota est, quæ ex terminis propriis qui sunt aliquid eius vt sunt eius, habet veritatē euidētem, & quod si propositio in qua ponitur terminus diffinitus, vt sic importat. scilicet conceptum cōsum, sit euidens ex se, tunc est per se nota, si autē nō sit euidens ex terminis taliter acceptis, licet ex diffinitione cōceptu sit euidens, talis nō est per se nota. Cōtra primū itaque dictū à nobis ex dictis Scot. arguitur primò sic. Et supponitur ex 1. Posterior. quod quidem esse esse medium demonstrationis. Tunc sic in demonstratione præmissa, est principium per se notū: cōclusio autē non est per se nota, sed demonstrata, sed in præmissa ponitur termini diffinitio, in conclusione autē diffinitio, ergo dato quod prædicatum sit modo supra exposito de diffinitione subiecti, propositio nō erit per se nota, sed bene illa in qua prædicatum diffinitioni subiecti attribuitur. Confirmatur: quia si talis esset per se nota, in demonstratione in qua per diffinitionem subiecti propositio demonstratur ultra impositū, ostenditur, quia videlicet demonstraretur quod esset indemonstrabile: est petitio principij, quia demonstraretur idem per idem, & æque notum per æque notum.

Secundū propositio per se nota est, quæ ex terminis propriis habet euidētem veritatem, sed alij termini sunt conceptus distinctus quidditatis, vt importatur per diffinitionem, & conceptus quidditatis cōsum, vt importatur per nomen, ergo propositio non est per se nota quidditate cōfusa accepta, vt scilicet per nomen significatur, quæ non est nota nisi diffinitione nominis cognita. Tertiū tunc quælibet propositio esset per se nota in scientiis specialibus, quam Metaphysicus posset habere per se notam ex diffinitionibus extremorum, sed hoc non est, quia geometer non vtitur tanquam propositionibus per se notis, nisi quæ habent euidētem veritatem ex terminis cōfusa cognitit, ergo, &c.

Contra secundū arguitur, quia propositio dicitur per se nota, quia quantum est de natura terminorum nata est habere euidētem veritatē cōtentā in terminis, etiā si nullus intellectus concipiat terminos, quia quantum est ex terminis cuiusque intellectus est per se nota si termini cōcipiantur: nō ergo differt propositio per se nota secundum se, & simpliciter, & per se nota quo ad nos.

Potest etiam argui cōtra istud secundū ex dictis Aureoli. Intellectus concipiens propositio per se notā. Aut fert intuitum suum super conceptus, ex quibus oritur notitia propositionis, aut super alios. Si super eosdem, ergo erit sibi propositio per se nota, si super alios iam non erit eadem propositio, cū solæ voces nō faciant propositionē, sed magis cōceptus, & sic malè dicitur, quod eadem propositio est simpliciter per se nota, non autem quo ad nos.

Pro solutione horum sciendū est, cū dicimus propositionem esse per se notam, quæ ex propriis terminis & nō per alia propositioem nota est, illā dicimus esse ex propriis terminis notā, quæ ex diffinitionibus terminorum cognoscitur esse vera, sed diffinitio termini dupliciter accipi potest. Vno modo pro diffinitione se tenente ex parte rei secundum quod est in se, & est illa per quā diffinitur, & explicatur ipsa quidditas & essentia per nomen significata perfectè, & secundum quod est in seipsa. Alio modo per diffinitionem se tenente ex parte rei, secundum quod est in intellectu nostro, & est illa quam intellectus noster de re ab ipso cognita, vt ab ipso cognita est, format discernendo ipsam à quacunque alia re, licet aliquando imperfectè naturam & essentiam rei representet, sicut accidit in diffinitionibus, quas intellectus noster de Deo format, & quæ hoc nomine Deus à nobis significatur. Dicitur ergo propositio esse simpliciter per se nota, quando prædicatum est de ratione subiecti se tenente ex parte rei, secundum quod in se est, & quæ si eius termini cognoscantur quantum ad talem diffinitionem nata est ex se esse euidens intellectui.

† Solutio quartæ rationis.

† Solutio quintæ rationis.

Quæ sit propositio per se notā.



intellectui illa autē etiam quod ad nos nota dicitur, quā conceptus ille ex parte rei secundū q in se est se tenēs, etiā ab intellectu nostro format resq; perfectē cognoscitur ab intellectu nostro ut in se est. Aduertendū etiā q conceptus & definitio ex parte rei secundū q in se est se tenēs dupliciter considerari potest: vno modo materialiter, quantum, scilicet ad significatā, & representatā absolute & in se alio modo formaliter, quantum scilicet ad res, ut tali diffinitioni substat: primo modo definitio & diffinitū sunt idem. Nam eandē rem significat definitio, & diffinitū nōmē, secundo modo distinguuntur eo q definitio distinguit rem representat, nomen verō confusē, ut habetur 1. phys. text. 5.

Ex quo sequitur q inter diffinitū & primam passionē non mediat diffinitio, si & diffinitio & diffinitū materialiter sumatur: inter essentia enim rei & passionē immediatā nulla res est media, sed si formaliter sumatur inter subiectū & prædicatū, media est diffinitio subiecti: primū enim est res, ut confusē concepta: secundū res, ut distinctē concepta: tertium passio sequens. Sequitur secundo q prima & immediata passio per diffinitionē subiecti, tanquā per causam mediā, si materialiter sumatur, demonstrari non potest, cū ipsa diffinitio materialiter sumpta nō sit mediū inter diffinitū & passionē, sed sit idē quod diffinitū, & hunc sensum habet verba S. Th. cū inter principia in demonstrabilia ponit propositionē, in qua passio prædicatur de proprio & immediato subiecto. Si autē formaliter sumatur diffinitio, sic per ipsam a priori demonstratio: talis passio potest tanquā per causam cognitionis, & p causam aliquo modo in essendo eo modo quo prior ratio rei, est ratio quare sibi secunda inest. Ad primū ergo Scoti cōtra primū dictū respondetur q conclusio demonstratio talis est demonstrata, & nō est p se nota, si oīa formaliter sumant, & quod quid est se habet ut mediū, ut ostēdimus: si autē materialiter sumantur, sic conclusio est indemonstrabilis, & quod quid est, non est mediū: eadem ergo propositio non est per se nota ea ratione qua demonstratur, cū videlicet omnia formaliter sumantur, & est per se nota, & indemonstrabilis omnibus materialiter sumptis. Ad confirmationem dicitur q si formaliter sumantur omnia, non est ibi petitio principij, quia eadem res distinctē concepta, formaliter distinguuntur a seipsa confusē concepta. Si autem materialiter sumantur, sic est petitio principij, & sunt tantū ibi duo termini, quia mediū & subiectum conclusionis materialiter sunt idem: vnde S. Th. in tractatu fallaciarum ponit committi petitionem principij, cum probatur aliquid conuenire subiecto, quia conuenit diffinitioni: cognoscens enim eandem rem per diffinitionem & diffinitum significari, si negat aliquid conuenire diffinito, & diffinitioni negabit conuenire.

Ad secundum dicitur q non sunt alij termini diffinitio & diffinitū, si materialiter sumantur. Vnde S. Th. in questionibus de veritate, & in aliis locis per hoc probat esse in diffinitione Dei poni, quantum scilicet est ex parte Dei, quia prædicatum est idem subiecto, cū essentia & esse in Deo vnum sint.

Ad tertium negatur consequentia, quia stat q in metaphysica sunt noti proprii conceptus, qui ex parte rei se tenēs, ex quibus propositio redditur secundum se nota, & tamen in scientiis particularibus non sunt noti. Similiter falsum est quod geometer vtatur solum illis propositionibus tanquam per se notis, quod euidentem veritatem habent ex terminis confusē notis.

Ad argumentū cōtra secundū dictū negatur consequentia. Ex hoc enim q aliqua propositio dicatur per se nota, quia quantum est de natura terminorum nata est habere euidentē veritatē, & quantum est ex se sit nota si termini concipiuntur, nō sequitur q nobis sit nota, imo sequitur q quia est aliqua talis propositio secundum naturā suā per se nota, cuius conceptus se tenēs ex parte rei à nobis nō habetur, ideo est secundum se nota, nō à nobis: & aliqua vt inquit Boetius in lib. de Ebdomadibus, que sapientibus sunt per se nota, qui terminorum rationē intelligūt, vulgō nō sunt p se nota, vt incorporalia in loca nō esse.

Ad Aureolum dicitur quod cum dicimus eandem propositionē esse simpliciter notam per se, nobis autem non per se notam si referamus ad eos qui nullo modo terminorum significata intelligunt sicut vñ Græcus ad Latinum loquitur, tunc accipitur eadem propositio, & materialiter, & formaliter, quia ipsa secundum se nota est, sed ab istis non intelliguntur termini: si autem ad intelligentes aliquo modo terminos referatur, dicitur eadem propositio materialiter, scilicet quantum ad vocē & rem vltimatē significatā, non autē formaliter quantum ad conceptū importatū. Cū ergo intellectus concipit, & aliquo modo intelligit propositionē per se simpliciter notā, non autem sibi format alios conceptus à conceptibus, quibus est secundū se nota, & ideo alia est propositio formaliter ab ea quæ simpliciter est per se nota, sed materialiter est eadem tam ex parte rei significatā, quam ex parte vocis.

Istis premis. Ad primā rationē in præcedenti capite factā. Respondet dupliciter S. Th. Primū q non omnibus notū est etiam concedentibus Deum esse q Deus sit, quo maius cogitari non potest: nec hoc ex Damasceni interpretationibus intelligi datur. Secundo, quia etiā illo dato non est necesse aliquid esse, quo maius cogitari non possit in rerū natura. Eodē enim modo necesse est poni rem & nominis rationem, nec sequitur nisi q Deus sit in intellectu.

Ad huius autem improbationem dicitur q inconueniens non est quolibet dato, vel in re vel in intellectu aliquid maius cogitari posse, nisi ei qui concedit esse aliquid, quo maius cogitari possit in rerū natura.

CIRCA secundam responsionē, qua admittitur nomine Dei significari id quo maius cogitari non potest: negatur tamen tale quid oportere esse in rerū natura. Aduerte circa illam propositionem, eodem modo necesse est poni rem, & nominis rationem, q dupliciter est nominis ratio, formalis, scilicet & obiectiualis, formalis est conceptus, quem in seipso format, intellectus obiectiualis est, id quod ex parte rei conceptui intellectus correspondet. Ratio autem formalis dicitur poni in re, quādo in re sibi correspondet aliqua ratio obiectiualis, quæ est res per nomen significata. Propositio ergo hæc intelligenda est de ratione formali. Quia enim vt dictum est definitio & diffinitio materialiter ex parte rei sunt idē, si res significata per nomen ponitur, in re necesse est, & rationē nominis poni in re, id est, rationi nominis aliquid existēs in re correspondere, cū idē significetur ex parte rei per nomen & per nominis diffinitionē, licet per nomen significetur confusē, per rationē autem nominis diffinitionem significetur distinctē, eodē enim modo necesse est poni hominē, & animal rationale. Nam si homo sit in rerū natura, animal rationale in rerū natura erit: si autē in intellectu tantum fuerit homo, & animal rationale in intellectu erit. Ex hoc autem q mente concipitur quod hoc nomine Deus proferatur, non sequitur Deum esse, nisi in intellectu, sicut ex hoc quod concipitur quod proferatur hoc nomine vacuum, non sequitur vacuum esse, nisi in intellectu: vnde non oportet propter huiusmodi conceptionem esse, id quo maius cogitari non potest, nisi in intellectu.

Cū autem instatur. Quod est in intellectu & in rerū natura, maius est eo quod est in intellectu tantum, sed Deo nihil est maius, vt ex nominis ratione constat, ergo ex ipsa nominis ratione constat Deū esse, etiam in rerū natura, & nō solum in intellectu. Dicitur q minor propositio nō est vera, nisi supposito q in rerū natura sit Deus, aut aliquid quo maius cogitari non possit. Ille enim qui negaret Deū esse, siue esse aliquid in rerū natura, quo maius cogitari non possit, diceret q Deo aliquid maius esse potest, scilicet illud quod in rerū natura est. Et cum probatur ex nominis ratione, dicitur quod licet Dei nomine significetur, quo maius cogitari non potest, illud tamen in rerū natura non est.

S. Th. aduertendū quoniam inquit S. Th. q quolibet dato in re vel in intellectu maius aliquid posse cogitari, non est inconueniens, nisi ei qui concedit esse aliquid, quo maius cogitari nō possit in rerū natura: q si non concedatur significatū huius nominis Deus in rerū natura esse, illud est nihil entitiatū & realiter, licet sit aliquid in esse cogitato, sicut est de significato huius nominis vacuum: ideo non inconuenit ipso maius aliquid cogitari, quia quodcūque ens reale habēs in natura esse cogitur. Illud erit dignius & maius, sicut ens est non ente nobilius. Vnde illud ens reale, pura homo est nobilius cogitabile Deo, supposito q huius nominis Deus significatū nihil sit in natura, sed tantum in cogitatione: sed hoc intelligendum est simpliciter, & quantum ad esse naturæ, non autem quantum ad esse cogitatū, quia licet Deus non esset in natura, significatū tamen huius nominis, Deus est maius significato huius nominis homo, si vtique accipiat in esse cogitato tantū, licet huius nominis homo significatum sit simpliciter, & in esse naturæ maius, sicut ens non ente, vt diximus. Ad secundam S. Th. negat hanc consequentiam, Deus cogitari potest non esse, ergo Deo aliquid maius cogitari potest. Esset enim bona si q possit cogitari nō esse, ex imperfectione sui esse, aut incertitudine proveniret, quoniam tunc imperfectum ens esset: nō autem si proveniat ex debilitate intellectus nostri, qui cum intueri non potest.

ADVERTENDVM autem quod non est eadem ratio de istis duabus propositionibus, potest cogitari esse aliquid quod non potest cogitari non esse, & potest esse in rerū natura aliquid quod nō potest cogitari non esse. Prima quidem quam argumentum assumit, est vera. In esse enim cogitabili non inconuenit aliquid esse quod non possit cogitari non esse: sed secunda est falsa, quia nihil potest esse in rerū natura quod non possit cogitari non esse: cū etiam de non esse in humana cogitatione cadere possit, iuxta illud Psal. Dixit insipiens in corde suo, non est Deus.

ADVERTENDVM vltimū q consequens istud, Deo aliquid maius cogitari potest, est falsum si supponamus Deum esse, & nomine Dei significari id quo maius cogitari non potest: & quia argumentum videtur illo supposito procedere, ideo S. Th. consequentiam negat, non autem falsitatem consequentiz, vt videtur respondendo ad primam rationem negare, in qua non supponitur, imo negatur ex responsione ponentis Deum non esse in rerū natura esse aliquid, quo maius cogitari non possit. Vnde non est cōtradictio dum in responsione ad primum cōcedit Deo aliquid maius posse cogitari, hic autem illud esse falsum videtur admittere: ibi enim respondit non admissio esse aliquid in natura, quo maius cogitari non possit, hic verō respondit supposito per argumentum, quod aliquid tale sit in natura.

Ad tertium respondet, quod vtique videtur diuinam essentiam notum esse Deum esse per se non tamen est per se notum nobis, qui ad eum cognoscendum ex effectibus peruenimus.

Ad huius euidentiam sciendum, primū q licet propositio in qua idem de seipso prædicatur, sit simpliciter per se nota, cū prædicatum non solum sit de ratione subiecti, sed etiam sit idem subiecto totaliter, tamen quo ad nos potest nō esse per se nota, aut quia terminorum significata ignoramus, sicut accidit latino de ista: anthropos est anthropos: aut quia non nouimus euidenter prædicatum esse idem subiecto, & sic est de ista. Deus est, quia enim diuinam essentiam vt in se est, non videmus, ideo nec ipsam eius existentiam per se comprehendere possumus, vt videamus ex terminis, prout à nobis concipiuntur esse, ab eius essentia non distinguuntur: sed ad eam cognitionem ex eius effectibus peruenimus. Beatis autem illud est notissimum, eo quod ipsam diuinam essentiam intueantur.

Ad quartum inquit, quod homo desiderat Deum naturaliter in quantum desiderat beatitudinem, quæ est quædam Dei similitudo, & sic Deum in sua similitudine cognoscere, non quia desideret beatitudinem, secundum hanc rationem particularem, quod est visio diuinæ essentiz: sic enim neque naturaliter cognoscitur, neque naturaliter desideratur absolute loquendo, sed quia desiderat naturaliter beatitudinem in communi: vult enim vniuersique beatus esse: in quocunque autem beatitudinis ratio collocetur, illud quædam diuinæ bonitatis est similitudo.

Ad quintum inquit, quod Deo quidem omnia cognoscuntur, non tantum primo cognito sed quia per eius influentiam omnis in nobis causatur cognitio.

† De opinione dicentium quod Deum esse sola fide tenetur, & demonstrari non potest.

Cap. 12.



ST autem quædam aliorū opinio prædictæ positioni contraria, per quā etiā inutilis redderetur conatus probare intendentū Deū esse.

† Dicunt etiam quod Deum esse, nō potest per rationem inueniri, sed per solam viam fidei & reuelationis est acceptum.

† Ad hoc autem dicendum moti sunt quidam propter debilitatem rationum, quas aliqui inducebant ad probandum Deum esse. Posset tamen hic error fulcrum tum aliquod falsū sibi assumere: ex quorundā Philosophorū dictis, qui ostendunt in Deo per rationē idē esse essentiam &

† Hæc opinio fuit rabbi Moysi lib. 3. c. 6.

† Idem p. p. q. 8. art. 3. ad primū.

† Conclusio ex roris.

† Motiua ponuntur.



esse, scilicet id quod responderetur ad quid est, & ad questionem, an est. Via autem rationis perueniri non potest, ut sciat de Deo quid est: unde nec ratione videtur posse demonstrari an Deus sit.

2. Item si principium ad demonstrandum an est secundum artem philosophi, oportet accipere quid significet nomen: ratio verò significata per nomen est definitio secundum Philosophum in 4. Metaph. Nulla igitur remanebit via ad demonstrandum Deum esse, remota diuina essentia, vel quidditatis cognitione.

3. Item si demonstratio principia à sensu cognitionis originem sumit, ut in posterioribus ostenditur ea quæ omnem sensum & sensibilia excedunt, videntur in demonstrabilia esse: huiusmodi autem est Deum esse, est igitur in demonstrabile.

† Huiusmodi autem sententia falsitas nobis ostenditur. Tum ex demonstrationis arte, quæ ex effectibus causas concludere docet. Tum ex ipso scientiarum ordine. Nam si non sit aliqua scibilis substantia supra substantiam sensibilem, non erit aliqua scientia supra naturalem. (ut dicitur in 4. Metaph.) Tum ex philosophorum studio, qui Deum esse demonstrare conati sunt. Tum etiā apostolica veritate asserente Rom. 1. Inuisibilia Dei per ea quæ facta sunt, intellecta conspiciuntur. † Nec hoc debet mouere quod in Deo id est essentia & esse, ut prima ratio proponebat. Nā hoc intelligitur de esse, quo Deus in seipso subsistit, quod nobis quale sit ignotum est, sicut eius essentia: non autem intelligitur de esse, quod significat compositionem intellectus: sic enim esse Deum sub demonstratione cadit, dum ex rationibus demonstratio mens nostra inducitur huiusmodi propositionem de Deo formare, quæ exprimat Deum esse.

† In rationibus autem in quibus demonstratur Deum esse, non oportet assumi per medium diuinam essentiam, siue quidditatem, ut secunda ratio proponebat: sed loco quidditatis accipit per medium effectus, sicut accidit in demonstrationibus, quia & ex huiusmodi effectu sumitur ratio huius nominis Deus. Nā omnia diuina nomina imponuntur, vel ex remotione effectuum diuinorum ab ipso, vel ex aliqua habitudine Dei ad suos effectus.

† Patet etiā ex hoc quod si Deus sensibilia omnia & sensum excedat, eius tamē effectus ex quibus demonstratio sumitur ad probandum Deum esse, sensibiles sunt: & sic nostra cognitio- nis origo in sensu est, etiam de his quæ sensum excedunt.

#### Super cap. 12.

**E**xclusa prima causa propter quam aliqui putauerunt vanū esse inquirere an Deus sit: nunc secundam excludit S. Th. quæ prima videtur aduersari: fuerunt enim quidā, ut Rabbi Moyses narrat, qui dixerunt quod Deum esse, neque per se notum est, neque demonstrari potest, sed tantum fide tenetur, ad hoc moti propter debilitatem rationum, quæ aliquid ad probandum Deum esse inducebat.

Sunt autem tres: prima, esse in Deo est idem quod essentia: non potest autem via rationis perueniri ad cognitionem quid est Dei, ergo nec ad cognitionem an est. Secunda, principium ad demonstrandum an est, ratio nominis est, hæc autem est definitio secundum Aristot. 4. Metaphysicæ quæ de Deo haberi non potest, ergo, &c. Tertia est, ea quæ sensum & sensibilia excedunt, sunt in demonstrabilia, quia principia demonstrationis à sensu originem sumunt: huiusmodi autem est Deum esse, ergo, &c.

SE D hanc opinionem quadrupliciter refellit S. Th. Primò ex arte demonstrandi quæ docetur ex effectibus causas concludere. Ex eo enim quod aliquid in rebus effectum esse videmus, possumus demonstrando conclusionem, ut Arist. argumētatur oportere primā causam esse quam Deum dicimus. Secundo ex ordine scientiarum: si enim non sit aliqua scibilis substantia supra substantiam sensibilem, non erit aliqua scientia supra scientiam naturalem: constat autem esse diuinam scientiam supra scientiam naturalem, oportet ergo esse aliquā substantiam scibilem supra substantiam sensibilem. Sed videtur hæc ratio deficere propter duo. Primò quia dato quod esset substantia scibilis supra sensibiles, non tamen sequitur quod ipsam esse possit demonstrari. Postter enim supponi ipsam esse, & aliam prædicatā de ipsa per demonstrationem sciri.

Secundò, quia ad hoc quod aliqua scientia supra naturalem sit, sufficit aliquam substantiam immaterialem esse, de qua scientia esse possit: non autem oportet ut Deus sit, esseque de Deo per demonstrationem sciatur.

AD primum horum dicitur, quod cum de substantia alicuius scientiæ naturaliter inuēta supponitur esse, oportet illud aut per sensum cognitum esse, aut esse per se notum ex terminis, aut esse demonstratum in ipsa, aut in alia scientia. Cum ergo Deus de quo in Metaphysica tractatur esse, non sit ex sensu notum, neque ex terminis (ut prædicta opinio tenet) de necessitate oportet ut illud sit demonstratum. Non potest ergo metaphysicus quicquam de Deo demonstrare ex suppositione quod sit, nisi aut per ipsum, aut per aliud demonstretur. Ad secundum potest dupliciter responderi. Primò quod si non esset alia substantia scibilis præter illas immateriales quas philosophi inuestigauerunt ratione naturali esse corporum cælestium motrices non esset scientia diuina, quia illarum consideratio ad naturalem pertineret ad quæ pertinet considerare & seipsa moueri, & eorum partes. Secundò quod intendit S. Th. ad saluandum ordinem scientiarum oportere poni substantiam scibilem supra substantias sensibiles, id est genus substantiarum separatarum esse, sub quo & Deus continetur: utendo nomine generis in ampla significatione, quod cum demonstratur esse, & Deum esse demonstratur: sicut opinio ex philoso. studio, qui Deum esse conati sunt demonstrare. Quartò Apost. ad Rom. primo authoritatem iniquitatis: Inuisibilia Dei per ea quæ facta sunt intellecta conspiciuntur.

AD primam autem rationem in oppositum respondet S. Th. quod esse dupliciter accipi potest, vno modo ut significat actuale existentiam quæ

res existit: alio modo ut significat compositionem intellectus: si primo accipitur, sic verum est quod Deus est suum esse: sed hoc quale sit est nobis ignotum, sicut & eius essentia. Si autem secundo modo accipitur, sic esse Deum sub demonstratione cadit, sed supple hoc modo non accipitur esse quando dicitur in Deo idem est essentia & esse.

AD euidenciam huius responsionis aduertendum est, quod cum in omni propositione, ly est, significet compositionem propositionis eo quod sit copula quædam, & coniunctio prædicati cum subiecto aliquando in propositione præter compositionem propositionis: significat etiā actuale existentiam ut cum dicitur for. est. aliquid quando verò significat tantum veritatem propositionis, siue compositionem quam format intellectus de re, id est, quod intellectus dum talem compositionem format, est adæquatus rei, & ob hoc est verum, sicut cum dicimus hominem esse animal, significatur quod intellectus intelligens animal de homine apprehendit sicut est in re: similiter cum dicimus cæcitas est, quia cæcitas non est ens in rerum natura, sed sola negatio, significatur quod intellectus apprehendens aliquid abique visuā potentia, rei est adæquatus. Est enim, non significat actuale existentiam, etiam in propositione de secundo adiacente, nisi attribuitur enti reali, sed tantum compositionem propositionis significat.

Sciendum etiā quod aliter nos habemus dum cognoscimus Deum esse, & aliter dum cognoscimus for. esse. Nam cum esse in forte realiter distinguatur ab essentia, nihil aliud est quàm actualitas quæ for. existit. Ideo fortis esse tunc cōplet cognoscitur, quādo cognoscitur quod per ipsum fortes in rerum natura existit: quod sanè necesse est cognoscere dum cognoscitur fortis esse, cum for. sit verum ens reale. Esse autē diuinum non differt realiter ab essentia diuina, sed tantum ratione ex parte intellectus nostri dum apprehendimus diuinam essentiam sub ratione actualitatis essendi proportionaliter ad esse creatum, ideo diuinum esse non perfecte cōpleturque apprehenditur, cum cognoscitur ipsum esse actualitatem essendi quæ Deus existit in rerum natura, sed tantum quādo cognoscitur quid est diuina essentia quæ est ipsum esse. Bene ergo inquit S. Th. quod per demonstrationem quæ cognoscimus Deum esse, non cognoscimus esse quo Deus in seipso subsistit, id est, perfectā, & completa cognitionem quidditatis, sicut nec diuinā essentiam ut in se est cognoscimus: sed cognoscimus esse quod significat compositionem intellectus. i. cognoscimus esse Deo cōuenire ut actualitatem essendi, sed quia cognoscimus tantum compositionem quam facit intellectus rei esse adæquatā, & intellectus sic cōponit esse verum, sicut in re esse ut intellectus intelligit, hoc autem præsupponit cognitionem esse diuini ut est actualitas essendi, & veritatem propositionis fundat: non autem quantum ad ipsius quidditatem, ut in seipso esset.

PER hoc remouetur obiectio Scoti, primo sensu. dist. 3. q. r. dicentis non oportere distinguere de si est, ut est quomodo de veritate propositionis, vel ut est quomodo de esse Dei, quia ut inquit, si potest esse, quomodo de veritate propositionis in qua esse tanquā prædicatū quæritur de subiecto ad concipiendum veritatem illius questionis oportet præconcepere terminos, dicitur enim quod utique in tali questione præconcepitur esse Dei, non tamen perfectæ quidditati quæ conceptu sed solum ut est actualitas essendi.

AD secundam rationem respondet S. Th. negando, quod in rationibus quibus demonstratur Deum etiam oporteat assumi diuinam essentiam, & quidditatem, id est, ipsam definitionem de qua dicitur quarto Metaphysicæ, quod ratio quam significat nomen est definitio, sed loco quidditatis accipitur effectus ex quo sumitur ratio huius nominis Deus, sicut accidit in demonstrationibus quia. Pro notitia huius responsionis. Aduerte quod ratio quæ assumitur ad ostendendum an est de aliquo, est definitio quid nominis, non autem quidditatis quæ dicitur definitio quid rei, ut inquit S. Th. prima quæst. 2. artic. 2. & 2. Postter habetur: nam quomodo quid rei sequitur questionem an est ut patet secundo Postter. Huiusmodi autem quid nominis Deus ex diuinis effectibus sumitur, unde demonstrationes quibus Deum esse ostenditur ex parte quidem rei sunt à posteriori, ex parte autem nostri sunt à priori, eo quod effectus Dei, sint nobis ipso Deo notiores. Propterea inquit S. Th. quod non oportet pro medio ad probandum Deum esse uti quidditate Dei, sed tantum eius effectum, hoc est enim dicere quod non oportet uti pro medio quid rei Dei, sed quid nominis sumpto ab effectu.

AD tertiam rationem respondet S. Th. quod utique origo huius cognitionis est in sensu, quia effectus Dei ex quibus sumitur demonstratio ad probandum ipsum esse sensibiles sunt, licet Deus sensibilia omnia, & sensum excedat. Aduertendum quod ex ista responsione dat intelligere S. Th. dupliciter posse intelligi cognitionem alicuius rei originari à sensu. Vno modo quia oportet rem ipsam prius in seipso cognosci per sensum antequam de ipsa aliquid per intellectum cognoscatur, & in hoc sensu propositio est falsa: multa enim de Deo & intelligentiis cognoscimus, & tamen nec Deus nec intelligentiæ in seipsis sub sensu cadunt. Alio modo quia oportet vel ut res ipsa sub sensu cadat, vel ut intellectus manuducatur in eius cognitionem per aliquid sub sensu cadens, & tunc propositio vera est, ut etiā experientia docet. Experimur enim quod de substantiis immaterialibus nullam habemus cognitionem, nisi in quantum ex sensibilibus in eorum notitiam deuenimus.

#### Rationes ad probandum Deum esse.

##### Cap. 13.



Stenfo igitur quod non est vno modo niti ad demonstrandum Deum esse, procedamus ad ponendum rationes quibus tam Philosophi quam Doctores catholici Deum esse probauerunt.

Primò autem ponemus rationes quibus Aristot. procedit ad probandum Deum esse qui hoc probare tenet ex parte motus duabus viis.

† Quarum prima talis est: Omne quod mouetur, ab alio mouetur. patet autem sensu aliquid moueri ut puta solem, ergo alio mouente mouetur. Aut ergo illud mouens mouetur aut non. Si non mouetur, ergo habemus mouens quod necesse est ponere aliquid mouens immobile, & hoc dicimus Deum. Si autem mouetur, ergo ab alio mouente mouetur, aut ergo est procedere in infinitum, aut est deuenire ad aliquid mouens immobile, sed non est procedere in inf.

† Idem. p. p. q. 2. artic. 3.

† Aristot. prima via probat Deum esse hæc ratio habetur 8. Physic. text. com. 28. & infra. Cognitionem originariā sensu dupliciter intelligitur.

† Improbatio prædicti erroris.

† text. com.

† Solutio primæ rationis.

† Solutio secundæ rationis.

† Solutio tertiæ rationis.

Quomodo accipitur esse cum



in infinitum, ergo necesse est ponere aliquod primum mouens immobile.

In hac autem probatione sunt duæ propositiones probandæ, scilicet quod omne motum mouetur ab alio.

† Probatio prima propositionis.

† Hæc ratio habet 2. physic. in princip.

† Et quod in mouentibus & motis non sit procedere in infinitum. Quorum primum probat philosophus tribus modis. Primo sic. Si aliquid mouet seipsum oportet quod in se habeat principium motus sui aliter manifeste ab alio moueretur. † Oportet etiam quod sit primo motum scilicet quod moueatur ratione sui ipsius & non ratione sue partis, sicut mouetur animal per motum pedis: sic enim totum non moueretur à se sed à sua parte: & una pars ab alia.

Oportet etiam ipsum diuisibile esse & habere partes cum omne quod mouetur sit diuisibile: (vt probatur in 6. physico sum. His suppositis sic arguit).

† Text. cō. 5. v. q. ad 10.

† Hoc quod à seipso ponitur moueri est primo motum: ergo ad quietem vnius partis eius non sequitur quies totius. Si enim quiescente vna parte alia pars eius moueretur: tunc ipsum totum non esset primo motum: sed pars eius qui mouetur alia quiescente. nihil autem quod quiescit quiescente alio mouetur à seipso. Cuius enim quies ad quietem sequitur alterius: oportet quod motus ad motum alterius sequatur: & sic non mouetur à seipso: ergo hoc quod ponebatur à seipso moueri non mouetur à seipso: necesse est ergo omne quod mouetur ab alio moueri.

† Obiectum Ræ sponū.

† Auicenna.

† Nec obuiat huic rationi quod forte aliquis posset dicere quod eius quod ponitur mouere seipsum: par non potest quiescere. Et iterum quod partis non est quiescere vel moueri nisi per accidens: vt † Auicenna calūniatur: quia vis rationis in hoc confistit: quod si aliquid seipsum moueat primo & per se non ratione partium: oportet quod suum moueri non dependeat ab alio, moueri autem ipsius diuisibilis sicut & eius esse dependet à partibus: & sic non potest seipsum mouere primo & per se. Non requiritur ergo ad veritatem conditionalis inductæ, quod supponat partem mouentis seipsum quiescere, quasi quoddam verum absolute, sed oportet hanc conditionalem esse veram: quod si quiesceret pars quod quiesceret totum, quæ quidem potest esse vera, etiam si antecedens sit impossibile, sicut ista conditionalis est vera: si homo est asinus, est irrationalis.

† habetur 8. physic. text. cō. 27. & infra.

† Secundo probat per inductionem sic. Omne quod mouetur per accidens, non mouetur à seipso: mouetur enim ad motum alterius. Similiter neque quod mouetur per violentiam, vt manifestum est: neque quæ mouentur per naturam, vt ex se mota, sicut animalia quæ cōstat ab anima moueri. Nec iterum quæ mouentur per naturam, vt graua & leuia, quia hæc mouentur à genere & remouentur prohibens. Omne autem quod mouetur, aut mouetur per se, aut per accidens. Si per se, vel per violentiam, vel per naturam, & hoc vel motum ex se, vt animal, vel non motum ex se, vt graue & leue, ergo omne quod mouetur, ab alio mouetur. † Tertio probat sic. Nihil idem est simul in actu & in potentia respectu eiusdem, sed omne quod mouetur in quantum huiusmodi est in potentia, quia motus est actus existentis in potentia, secundum quod huiusmodi. omne autem quod mouetur, est in actu, in quantum huiusmodi, quia nihil agit, nisi secundum quod est in actu, ergo nihil est respectu eiusdem actu mouens & motum, & sic nihil mouet seipsum.

† hæc ratio habetur 8. physic. text. cō. 40.

† Textu cō. 28. hoc idem dicit commenta. in 8. physic. cō. 40. probatio secundæ propositionis prima ratio.

Sciendum autem quod Plato qui posuit omne mouens moueri cōmunius accepit nomē motus quā Arist. Aristot. enim proprie accipit motum, secundum quod est actus existentis in potentia secundum quod huiusmodi, qualiter non est nisi diuisibilem & corporum (vt probatur in 6. physico sum.) Secundum Platonem autem mouens seipsum non est corpus. Accipiebat enim motum pro qualibet operatione, ita quod intelligere & operari sit quoddam moueri, quem etiam modum loquendi † (Arist. tangit in tertio de anima.) Secundum hoc ergo dicebat primum mouens seipsum mouere, quod intelligit se, & vult vel amari se, quod in aliquo non repugnat rationibus Aristot. Nihil enim differt deuenire ad aliquod primum quod moueat se secundum Platonem, & deuenire ad aliquod primum, quod omnino sit immobile secundum Arist.

† Textu.

† Hæc ratio habetur in 8. physic. com. 34.

Aliam autem propositionem scilicet quod in mouentibus & motis non sit procedere in infinitum. Probat tribus rationibus. Quarum prima talis est. Si in motoribus & motis proceditur in infinitum, oportet omnia huiusmodi infinita corpora esse, quia omne quod mouetur, est diuisibile, & corpus, † (vt probatur in 6. physico.) omne autem corpus quod mouetur, motum simul dum mouetur: ergo omnia ista infinita simul mouentur, dum vnum eorum mouetur, sed vnum eorum cum sit finitum, mouetur tempore finito. † ergo omnia illa infinita mouentur tempore finito: hoc autem est impossibile, ergo impossibile est quod motoribus & motis procedatur in infinitum.

Quod autem sit impossibile quod infinita prædicta moueantur tempore finito, sic probat. Mouens & motum oportet esse simul, vt probat inducendo in singulis speciebus motus, sed corpora non possunt simul esse, nisi per continuitatem, vel contiguationem: cum ergo omnia prædicta mouentia & mota fiat corpora, vt probatum est, oportet quod sint quasi vnum mobile per contiguationem vel contiguationem, & sic vnum infinitum mouebitur tempore finito, quod est impossibile, vt probatur 6. physico sum.

† Secunda ratio.

† Secunda ratio ad idem probandum talis est. In mouentibus & motis ordinatis, quorum scilicet vnum per ordinem ab alio mouetur, hoc necesse est inueniri quod remoto primo mouente vel cessante à motione nullum aliorum mouebitur, neque mouebitur: quia primum est causa mouendi omnibus aliis: sed si sunt mouentia & mota per ordinem in infinitum, non erit aliquod primum mouens, sed omnia erunt quasi media mouentia, ergo nullum aliorum poterit moueri, & sic nihil mouebitur in mundo.

† Tertia ratio, hæc ratio habetur in 8. physico text. 35.

† Tertia probatio in idem redit, nisi quod est ordine transmutato incipiendo, scilicet à superiori, & est talis. Id quod mouet instrumentaliter, non potest mouere nisi sit aliquid quod principaliter moueat: sed si in infinitum procedatur in mouentibus & motis, omnia erunt quasi instrumentaliter mouentia, quia ponentur sicut mouentia mota: nihil autem erit sicut principale mouens, ergo nihil mouebitur. Et sic patet probatio vtriusque propositionis quæ supponebatur in prima demonstrationis via, quæ probat Aristot. esse primum motorem immobilem.

† Secunda via talis est, Si omne mouens mouetur, aut hæc propositio est vera per se, aut per accidens. Si per accidens, ergo non est necessaria. Quod enim est per accidens verum, non est necessarium contingens, est ergo nullum mouens moueri: sed si mouens non mouetur, non mouet, vt aduersarius dicit, ergo contingens est nihil moueri. nam si nihil mouet, nihil mouetur: hoc autem habet Arist. pro impossibili, quod scilicet aliquando nullus motus sit. ergo primum non fuit contingens: quia ex falso contingenti non sequitur falsum impossibile. & sic hæc propositio, Omne mouens mouetur, non fuit per accidens vera.

† Secunda via 8. physic. text. com. 35.

† Item si aliqua duo sunt iuncta per accidens in aliquo, & vnum illorum inuenitur sine altero, probabile est quod alterum absque illo inueniri possit, sicut si albus & musciculus inueniuntur in Sort. & in Plat. inuenitur musciculus absque albo, probabile est quod in aliquo alio possit inueniri albus absque muscico. Si igitur mouens & motum coniunguntur in aliquo per accidens: motum autem inuenitur in aliquo absque eo quod moueat, probabile est, quod mouens inueniatur absque eo quod moueatur.

† 8. physic. text. com. 3.

Nec contra hoc potest fieri instantia de duobus, quorum vnum ab altero dependet, sed non e contrario, vt patet de substantia & accidente. hæc enim coniunguntur per se, non per accidens. † Si autem prædicta propositio est vera per se, similiter sequitur impossibile vel inconueniens, quia vel oportet quod mouens moueatur eadem specie motus quæ mouet, vel alia. Si eadem, ergo oportebit quod alterans alteretur, & vltius quod sanas sanetur, & quod docens doceatur, etiam secundum eandem scientiam, hoc autem est impossibile. nam docentem necesse est habere scientiam, addiscentem vero necesse est non habere: & sic idem habebitur ab eodem, & non habebitur, quod est impossibile. Si autem secundum aliam speciem motus moueatur, ita scilicet quod alterans moueatur secundum locum, & mouens secundum locum augeatur, & sic de aliis cum sint finita genera & species motus, sequetur quod non sit abire in infinitum: & sic erit aliquod primum mouens quod non mouetur ab alio. Nisi forte aliquis dicat quod fiat reflexio hoc modo, quod completis omnibus generibus & speciebus motus, iterum oporteat redire ad primum, vt si mouens secundum locum alteretur, & alterans augeatur, iterum augeatur mouetur secundum locum. Sed ex hoc sequeretur idem, quod prius, scilicet quod id quod mouet secundum aliquam speciem motus, secundum eandem moueatur, non immediate sed mediate. Relinquitur ergo quod oportet ponere aliquod primum quod non mouetur ab aliquo exteriori. Quia verò hoc habito, scilicet quod sit primum mouens, quod non moueatur ab aliquo exteriori, non sequitur quod sit penitus immobile. Ideo vltius procedit Aristot. dicendo quod hoc potest esse dupliciter. Vno modo ita quod illud primum sit penitus immobile: quo posito habetur propositum, scilicet quod sit aliquod primum mouens immobile. Alio modo quod illud primum moueatur à se, & hoc videtur probabile, quia quod est per se, semper est prius, eo quod est per aliud. vnde & in motis primum motum rationabile est per seipsum moueri, non ab alio. † Sed hoc dato, iterum idem sequetur. Non enim potest dici quod mouens

† Text. 38. & infra 8. physic.

† In 8. physic. text. com. 40.



mouens seipsum, totum moueatur à toto, quia sic sequerentur prædicta inconuenientia, scilicet qd aliquis simul doceret & doceretur. Et similiter in aliis motibus. Et iterum quod aliquid simul esset in actu & in potentia. nam mouens in quantum huiusmodi est actu, motum verò in potentia.

Relinquitur ergo qd vna pars eius est mouēs tantū, & altera mota: & sic habetur idē quod prius, scilicet qd aliquid sit mouēs immobile. † Non autē potest dici qd vtraq; pars moueatur, ita qd vna ab alia, neq; quod vna pars moueat seipsam, & moueat alterā, neq; qd totū moueat partē, neq; qd pars moueat totū, quia sequerentur præmissa inconuenientia, scilicet qd aliquid simul moueret, & moueretur secundum eandem speciem motus, & quod simul esset in potētia & actu, & vterius quod totum nō esset primo mouēs se, sed ratione partis. Relinquitur ergo quod mouētis seipsum, oportet vnā partem esse immobilem, & mouentem aliam partem. † Sed quia in mouentibus se quā sunt apud nos, scilicet in animalibus pars mouens, scilicet anima, & si sit immobilis per se, mouetur tamen per accidens, ideo vterius ostendit quod primi mouentis seipsum, pars mouens non mouetur, neque per se neque per accidens: mouētia enim se quā sunt apud nos, scilicet animalia cū sint corruptibilia, pars mouēs in eis, mouetur per accidens: necesse est autem mouētia se corruptibilia reduci ad aliquod primum mouens se quod sit sempiternum: necesse ergo est aliquem motorem esse alicuius mouentis seipsum, qui neque per se neque per accidens moueatur.

† Quod autem necesse sit secundum suam positionem, aliquod mouens se, ipsum sempiternum esse patet. Si enim motus est sempiternus vt ipse supponit, oportet quod generatio mouentium seipsa quā sunt generabilia & corruptibilia sit perpetua: sed huius perpetuitatis non potest esse causa aliquod ipsorum mouentium se: quia non semper est, nec simul omnia, tum quia infinita essent, tum quia non sunt simul. Relinquitur ergo quod oportet esse aliquod mouens seipsum perpetuum, quod causat perpetuitatem generationis in his inferioribus mouentibus se, & sic motor eius non mouetur, neque per se, neque per accidens.

† Item in mouentibus se videmus quod aliqua incipiunt de nouo moueri propter aliquem motum, quo non mouentur à seipsis, sicut animal cū excitatur à somno, digestio cibō aut aere alterato: quo quidem motu ipse motor mouēs seipsum, mouetur per accidens.

Ex quo potest accipi quod nullum mouens seipsum mouetur semper, cuius motor mouetur per se vel per accidens: primum mouens seipsum mouetur semper, alius non posset esse motus sempiternus, cū omnis alius motus à motu primi mouentis seipsum causetur. Relinquitur igitur quod primum mouens seipsum, mouetur à motore qui non mouet, neque per se, neque per accidens.

† Nec est contra hanc rationē quod motores inferiorū orbium mouent motū sempiternum, & tamen dicuntur moueri per accidens, quia dicuntur moueri per accidens, nō ratione ipsi ipsorum, sed ratione suorum mobilium quā sequuntur motum superioris orbis. Sed quia Deus non est pars alicuius mouētis seipsum vterius † Arist. in sua Metaph. inuestigat ex hoc motore, qui est pars mouētis seipsum: aliū motorem separatū omnino qui est Deus. Cum enim omne mouēs seipsum, moueatur per appetitum: oportet quod motor qui est pars mouentis, seipsum moueat, propter appetitum alicuius appetibilis, quod est eo superius in mouendo. nam appetens est quodammodo mouens motum, appetibile autem est mouēs omnino, non motum: oportet igitur esse primum motorem separatū omnino immobilem, qui Deus est.

† Prædictos autē processus duo videntur infirmare. Quorum primum est quod procedunt ex suppositione æternitatis motus, quod apud catholicos supponitur esse falsum.

Et ad hoc dicendū qd via efficacissima ad probandū Deum esse, est ex suppositione nouitatis mūdi. non autē sic ex suppositione æternitatis mundi, quā posita minus videtur esse manifestum quod Deus sit. Nā si mundus & motus de nouo incipit, planum est qd oportet poni aliquam causam quā de nouo producat mundum & motum, quia omne quod de nouo fit ab aliquo in nouatore, oportet sumere originem, cū nihil educat se de potentia in actum, vel de non esse in esse.

† Secundum est quod supponitur in prædictis demonstrationibus primum motum, scilicet corpus cæleste esse motum ex se: ex quo sequitur ipsum esse animatum, quod à multis non conceditur.

Et ad hoc dicendū est, qd si primū mouēs nō ponitur motū ex se, oportet qd moueatur immediatē à penitus immobili. Vnde etiā Arist. sub diuisione hanc conclusionem inducit, qd

scilicet oporteat, vel statim deuenire ad primum mouēs immobile separatū, vel ad mouens seipsum: ex quo statim deuenitur ad mouens primum immobile separatū.

† Procedit autem Philosophus alia via in secūdo Metaph. ad ostendendum non posse procedi in infinitum in causis efficientibus, sed esse deueniendum ad vnā causam primā: & hanc dicimus Deum, & hæc via talis est. In omnibus causis efficientibus ordinatis: primum est causa mediā, & medium est causa vltimā: siue sit vnum, siue sint plura media, remota autem causa, remouetur id cuius est causa, ergo remoto primo medium causa esse nō poterit: sed si procedatur in causis efficiētib; in infinitū nulla causalū erit prima, ergo omnes aliæ tollentur, quæ sunt mediæ, hoc autē est manifestē falsum: ergo oportet ponere primā causam efficiētē esse, quæ De⁹ est.

Potest etiam & alia ratio colligi ex verbis (Aristo. in 2. li. 8. Metaph.) Ostendit enim ibi qd ea quæ sunt maximē vera, sunt & maximē entia. (In quarto etiam Metaph.) Ostendit esse aliquid maximē verum, ex hoc quod videmus duorum falsorum vnū altero esse magis falsum: vnde oportet vt alterum sit etiam altero verius: hoc autem est secundum approximationem ad id quod est simpliciter & maximē verum.

Ex quibus concludi potest vterius esse aliquid quod est maximē ens, & hoc dicimus Deum. Adhuc etiam inducitur à † (Damasc. alia ratio sumpta ex rerum gubernatione, quam etiam innuit Comment. in secundo Physicorum.) Et est talis: impossibile est aliqua contraria & dissonantia in vno ordine concordare semper, vel pluries, nisi alicuius gubernatione, ex qua omnibus & singulis tribuitur, vt ad certum finem tendant: sed in mundo videmus res diuersarum naturarum in vno ordine concordare, non vt raro & à casu, sed vt semper vel in maiori parte: oportet ergo esse aliquid, cuius providentia mundus gubernetur, & hoc dicimus Deum.

### Super cap. 13.

**R**emotis iis quibus existimabatur vanam esse inquisitionē quā quærebatur an Deus sit. S. Thom. tam philosophorū quā theologorum rationes adducit, quibus probatur Deum esse. Circa hoc autem duo principaliter facit: primum enim rationes ex 3. Physic. sumptas inducit, secundo rationes sumptas ex Metaphysica & Damasc. Quantum ad primum duo facit: primum ipsas rationes inducit: secundo ostendit quantum efficaciter habeant.

**Q**UANTVM ad primum arguitur, primum sic. Omne quod mouetur, ab alio mouetur, aut ergo illud mouens mouetur, aut non, si secundum habetur propositum, quia mouens immobile dicimus Deum. Si primum, ergo ab alio mouente mouetur, sed nō est processus in infinitum, ergo necesse est ponere aliquid primum mouens immobile. Assumptum primum probatur. Primum qd à seipso mouetur, est primo motum, ergo ad quietem vnus partis sequitur quies totius. Si enim quiescente vna parte, alia eius pars moueretur, tunc ipsum totum non esset primum motum. Sed cuius quies ad quietem sequitur alterius, oportet qd eius motus ad motū alterius sequatur, ergo tale nō mouetur à seipso: ergo quod ponebatur à seipso moueri, non mouetur à seipso. Nec obstat si dicatur, qd mouētis seipsum pars nō potest quiescere: item qd partis non est quiescere vel moueri, nisi per accidens, vt caluminiatur Aui-cen. quia vis rationis consistit in hoc: qd si aliquid seipsum moueat primo, suum moueri nō dependet ab aliquo, moueri autem diuisibilis dependet à partibus, sicut & esse: oportet autem hanc conditionem esse veram, si quiesceret pars, quiesceret totum, quæ potest esse vera, etiam antecedente existente impossibili. Secundo inductione probatur discurrendo per omnia quæ mouentur, aut per se aut per accidens, aut per violentiam aut per naturam.

Tertio, quia omne quod mouetur in quantum huiusmodi est in potentia, & omne quod mouet in quantum huiusmodi est in actu. Idem autem nō est simul in actu, & in potentia respectu eiusdem. Addit autem S. Thom. quod non est differentia inter Platonem ponentem quod est deuenire ad primum quod mouet se, & Arist. ponentem qd est deuenire ad primum omnino immobile, quia Aristotel. sumpsit motum, prout est actus existentis in potentia in quantum huiusmodi. Plato verò accipiebat motum pro qualibet operatione, ita quod intelligere sit quoddam moueri.

**Q**UIA autem non sit processus in infinitum in mouentibus & motis, quod secundo assumebatur in ratione principali probatur, tū quia cū oporteat omnia huiusmodi infinita esse corpora, & corpus quod mouet motum simul dum mouet moueatur, necesse est omnia moueri. Cum vnū mouetur: & cū vnū eorum moueatur tempore finito, quia est finitum, necesse est omnia illa moueri tempore finito: hoc autem est impossibile, quia cū sint quasi vnū mobile per continuationem, aut per contiguationem vnū infinitum mouebitur tempore finito. Tum quia non erit aliquid primum mouens, sed omnia erunt quasi media mouentia, & sic nihil mouebitur, quia remoto primo mouente, vel cessante à motione, nullum aliorum mouebit neque mouebitur. Tum quia omnia erunt quasi instrumentaliter mouentia, nihilque erit principale mouens, & sic etiam nihil mouebitur.

**C**IRCA primam rationem quā probatur omne quod mouetur ab alio moueri, cū supponitur, quod oportet si aliquid seipsum moueat vt illud sit primo motum. Aduerte quod hic loquitur S. Thom. ad mentem Arist. de eo scilicet quod seipsum primo mouet, non autem de eo quod se ipsum non primo mouet. Si enim aliquid seipsum primo moueat, oportet vt totum moueat secundum seipsum, & totum secundum seipsum moueatur, vt sic sit & primo mouens, & primo motū. Si enim pars tantum moueret, & nō totum, pars esset primo mouens, id est, non per aliquid aliud, totum autem non diceretur primo mouere, sed per aliud, hoc est per partem. Similiter si pars tantum moueretur per se illa esset primo mota, totum autem diceretur non primo moueri sed per partem.

**C**IRCA illam propositionem quod quiescit quiescente alio non mouetur

† In octauo Physicor. text. commen. 4.

† vbi supra text. com. 4.

† Textu. com. men. 4.  
† Damasc. lib. 1. cap. comment. commento 75. circa prin. com. ment.

† Vbi supra text. com. 41.

† Vbi supra text. c. 45.

† Vbi supra text. 40. & infra.

† Vbi supra text. 50. & infra.

† Vbi supra text. 52. & infra.

† Lib. 12. com. men. 36.

† Prima obiectio contra prædicta responsio.

† Secunda obiectio contra prædicta responsio.



uetur à seipso, occurrat dubium, quia aliquis posset dicere quod est vera de quiescente ad quietem alterius mouentis, non autem de quiescente ad quietem partis, pars enim est materia totius, non autem quod mouet totum, ideo quod totum quiescat ad quietem partis, non arguit ipsum ab alio moueri, sed quod motus totius non potest esse absque motibus partium sicut nihil potest esse absque sua natura quod inconueniens non est.

Ad euentum huius, præmittendum est secundum comment. 7. Physicorum commento secundo quod illa propositio est intelligenda de eo quod per se quiescit ad quietem alterius, non autem de eo quod per accidens quiescit. Posito enim quod lapis à seipso descenderet, posset nihilominus ad quietem lapidis molaris occurrentis sibi, & violenter detenti fursum quiescere, sed hoc per accidens esset. Ad dubium autem dicitur, quod non solum arguitur aliquid à seipso non moueri primo si ad quietem mouentis quiescat, sed etiam si quiescat ad quietem partis. Nam ut inquit Albertus s. primo Physicorum, si ponatur aliquid mouere seipsum primo, quiescente una parte eius posset reliqua pars motu totius moueri, alioquin mouere & moueri non conueniret toti primo, ideo si quiescente parte quiescat totum, illud arguit totum ab alio moueri.

SED quod ulterius assumit S. Thom. moueri rei diuisibilis à partibus dependere sicut & esse, habet difficultatem quoniam videtur magis contrarium se habere. Esse enim & motus non conuenit primo, & per se partibus, sed toti, eum non sint nisi per esse totius, neque moueantur, nisi motu totius: si quod localiter mouetur, sit continuus, ergo non dependet esse, & motus totius ab esse & motu partium, sed magis esse & motus partium ab esse, & motu totius.

RESPONDET VR quod licet partes formaliter sint per esse totius, & similiter formaliter vno motu moueantur, qui est motus totius continuus, secundum quod motus diuiditur ad diuisionem immobili, sunt tamen causa totius in genere cause materialis, & motus partium sunt materia motus totius, & sic partes in quantum huiusmodi sunt priores toto, unde esse & motus totius dependet à partibus in via generationis, & in genere cause materialis. Partes autem dependent à toto in genere cause formalis.

SED tunc insurgit maius dubium. Si ideo nihil seipsum mouet primo quia moueri ipsum dependet in genere cause materialis à moueri partium, sequitur quod nec etiam aliquid poterit ab alio primo moueri, quia in omni moto verum est quod moueri totius materialiter à moueri partium dependet.

DICIT VR primo quod licet aliquid moueatur primo primatate temporis, & primatate informationis, quia aliquid totum simul secundum omnes partes mouetur, & informatur motu, tamen verum est nihil moueri primo, etiam ab alio primatate causalitatis omnimodè, ita scilicet quod eius moueri à moueri alterius in nullo genere cause dependeat: sicut enim totum à partibus materialiter dependet, ita quod remotis partibus remouetur totum, ita motus totius à motibus partium dependet, ita quod remotis partium motibus remouetur motus totius.

DICIT VR secundo, quod si aliquid moueat seipsum primo, ita quod totum moueat totum secundum quod ipsum, & totum secundum quod ipsum moueatur, oportet ut totum à seipso primo moueatur primatate causalitatis, ita quod in nullo genere causalitatis motus totius ab alio dependeat: & item quod per remotionem motus à parte, non remoueatur à toto, ut enim patet primo poster. Quod alicui primo conuenit, non per aliud ipsi conuenit, imò aliis per ipsum, neque ab ipso remouetur, quia remoueatur ab alio, ut in 7. Physicorum contra Scotum ostendimus. Ibi enim materiam hanc diffusius pertractauimus. Et quia impossibile est alicuius motum à partium motibus non dependere, ideo & aliquid primo seipsum mouere est impossibile.

VLTERIUS in secunda ratione qua probatur nihil à seipso moueri per inductionem, ducitur quod illud quod mouetur per accidens, potest quidem à seipso aliquo modo moueri, dum scilicet aliquid mouet aliud, & ad eius motum mouetur, sicut eum anima mouetur ad motum corporis à se moti, & nauis ad motum nauis, sed à primo seipso moueri non potest. Nam si ad motum alterius mouetur, manifestè constat illud non primo, & secundum quod ipsum moueri.

CIRCA tertiam rationem ad idem dubitatur ex Scoto primo sententia. 3. quæst. 7. ad argumentum pro secunda opinione. Dicit enim quod licet nihil possit simul esse in actu formali, & in potentia formali respectu eiusdem, puta actu calidum & potentia calidum, potest tamen aliquid esse in actu virtuali, & in potentia formali simul, & sic tenet posse aliquid seipsum primo mouere, dum est in actu virtuali: quia scilicet habet virtutem ut possit mouere, & dum est in potentia formali, quia scilicet non habet formaliter formam quam per motum acquirit, sed potest habere, hoc autem latius declaratur 2. d. 2. q. 7. secundum.

Addit etiam quod ista propositio nihil agit in se, non est vera, nisi de aliquo agente vniuerso, quod sanè confirmari potest: quia Arist. 5. Physicorum. text. 40. ubi ipsam propositionem per rationem adductam probat, deducit quod idem esset calidum & non calidum, similiter autem & aliorum vnum quodque quorumcumque mouens necesse est habere vniuersum. In quibus verbis manifestè videtur velle, quod tantum in vniuersis intèdit verum esse, quod nihil mouet seipsum primo, non autem in æquiuocis.

SED contra hanc responsionem arguitur. Et primo quod primū dictum non sit ad mentem Aristotelis, arguitur sic. Vult Aristoteles ex illa propositione probare, scilicet quod idem non mouet seipsum primo habere quod mouens seipsum, diuiditur in duas partes, quarum una est mouens, & altera est mota, unde in fine textus 40. concludit. Hoc igitur mouet, illud autem mouetur eius quod seipsum mouet, sed si propositio assumpta, scilicet quod idem non potest simul esse in actu & in potentia, intelligeretur tantum de actu & potentia formali, non autem de actu virtuali & potentia formali, non probaretur hoc intantum. Diceretur enim quod mouens seipsum localiter, non est in actu formali, sed in actu virtuali, & potentia formali, & sic non oportet quod diuidatur in duas partes, quia esse in actu virtuali, & potentia formali simul, eadem conuenire simul possunt, & per consequens idem potest seipsum mouere primo, ergo, &c.

PRÆTEREA dicitur aliquid esse secundum naturam suam in actu virtuali alicuius forme, quia habet virtutem producendi illam formam, sed quod habet virtutem producendi formam aliquam in seipso non potest carere illa forma, ergo non potest simul aliquid esse in actu virtuali & in potentia formali ad illam formam producendam, quia posita causa naturali sufficienti ponitur eius effectus in re.

QVOD autem secundū dictum non sit verum probatur, & primò quod non sit ad mentem Arist. Cum enim Philosophus ex hoc quod non est processus in infinitum, deducit quod oportet deuenire ad vnum primum mouens seipsum, & quod oportet quod una pars eius sit mouens, & alia mota, eo quod nihil mouet seipsum primo. Aut ponit eælum mouens tanquam agens vniuersum, aut tanquam agens æquiuocum, non tanquam agens vniuersum. Tum quia Arist. ponit id secundū quod est mouens esse immobile & per consequens eælum in quantum se mouens non mouet se per motum ut sit mouens vniuersum. Tum quia mouens se localiter in seipso non causat motum per motum in seipso existentem quasi motus localis sit forma per quam agit, ergo mouet se tanquam mouens æquiuocū, ergo propositio assumpta non est vera tantum in agentibus vniuersis sed etiam in æquiuocis secundū Arist. sed oportet ut mouens se diuidatur in partem mouentem & partem motam.

SECUNDO Agens æquiuocum dicitur cui non conuenit habere in se formam sui effectus, sed aliquid eminentius in quo illa forma continetur, sed si aliquid excedens in actu virtuali esset simul secundum idem in potentia formali, haberet in se aliquando formaliter illam formam cuius esset causa, cum scilicet esset reductum de potentia ad actum, ergo tale non esset agens æquiuocum.

TERCIO Ratio quæ repugnat quod aliquid sit simul in actu formali, & in potentia formali, est, quædam ratio actus, & ratio potentie passivæ sunt oppositæ, eo quod vniuersa ratio consistat in perfectione, alterius vero in imperfectione, & priuatione, sed non minoris perfectionis est actus virtualis, quam actus formalis, imò excellentioris modum habet, ergo si repugnat quod aliquid sit simul in actu formali, & in potentia formali, in iis scilicet quæ vniuersis dicuntur, multò magis repugnabit quod aliquid sit simul in actu virtuali, & in potentia formali in æquiuocis videlicet.

Ad authoritatem autem Arist. omnia expositione com. ibidem dicitur, quod Arist. facit mentionem de vniuersis, quia in iis nobis manifestum est idem non posse esse in actu & in potentia, relinquens pro manifesto, quod si in illis illud non potest esse, multò minus poterit esse in æquiuocis in quibus actus est modo eminentiori.

SED remanet dubium circa hoc ex verbis sancti Tho. prima quæst. 77. art. 6. Ibi enim ait, quod subiectum in quantum est in potentia est susceptivum proprii accidentis: in quantum autem est actus, est eius productivum: ex quo concludit, quod non est inconueniens potentias animæ fluere ab essentia animæ, sicut à principio, & tamen aliquas earū esse in anima sola sicut in subiecto. Ex iis enim arguitur sic. Anima est in actu virtuali respectu suarū potentiarum, & in potentia formali respectu earundem cum sit productiva earum in quantum est in actu, susceptiva autem in quantum est in potentia, ergo, &c.

RESPONDET VR quod ex verbis sancti Thomæ non habetur quod anima sit in actu virtuali & in potentia formali. Sed solum quod habet aliquid actualitatis & aliquid potentialitatis secundum quorum vnum produxit: secundum alterum verò est subiectum potentiarum. Nam esse in potentia formali, est non habere formam, & posse habere illam, & sic esse in actu virtuali & in potentia formali, est posse in se per actionem mediam & transmutationem producere & recipere formam quæ non habetur. Hoc autem non inuenitur in anima respectu potentiarū, quia nunquā anima caret suis potentis, præsertim iis quæ sunt in sola anima ut sunt intellectus, sed semper illis est coniuncta cum non per actionem mediam producantur, sed per naturalem sequela. Non inconuenit autem quod idem causet aliquid in se per naturalem refulsionem, & quod sit principium illius in quantum habet aliquid actualitatis, subiectū verò in quantum non est simplex actus, sed habet aliquid potentialitatis sicut anima in ordine ad suum esse habet rationem potentie. Sed bene impossibile est quod aliquid causet in se aliquam formam, per actionem & transmutationem mediam, quia hoc supponit rem simul esse in actu, & in potentia remota ab actu.

Aduertendū tamen cum dicimus, idem non posse esse mouens & motum, agens & patiens respectu eiusdem, quod non intelligimus de identitate ipsi positi. Idem enim suppositum potest esse agens & patiens, sed loquimur de identitate formalis principij agendi & patiendi: Dicimus enim quod non potest vnum & idem esse principium agendi & patiendi respectu eiusdem.

CIRCA primam rationem qua probatur non esse in mouentibus & motis processum in infinitum dubitatur. Videtur enim inefficax esse, non enim sequitur si fiat vnum continuū ex infinitis numero mobilibus quod vnus numero motus sit infinitus in tempore finito, loquendo de motu infinito secundū quod totū corpus infinitum aliquid spatium pertransit, in quo sensu sexto Physicorum probatur mobile infinitum non posse moueri tempore finito: diceretur enim quod si sint infinita mouentia & mota separata, & distincta eodem tempore finito omnia mouebuntur, sed non pertransibunt eandem magnitudinem finitam, sed aliam & aliam: tantā enim magnitudinem pertransibit quod vltimo mouetur in tanto tempore, & æqualem illi in eodem tempore mouens proximum pertransibit, si mouens mobili applicatum illud moueat motu recto, sique eiusdem quantitatis cum illo, & ad eius extremitatē applicetur, sicut si baculus vnus cubiti baculū eiusdem quantitatis pelleret, eodem modo si imaginaremur ex illis vnum continuū fieri nō sequeretur ipsum totum finito tempore vnā pertransire magnitudinē, sed eius partes finitas secundum quantitatem magnitudines diuersas finitas quantitate, numero autē infinitas finito tempore pertransire, ita quod vnāquæque pars eius finita finitum aliquod spatium pertransiret. Quod quidē licet sit impossibile cum probetur ab Arist. tertio Physicorum & primo cæli, infinitum moueri non posse. Tamen hic non videtur ab Arist. intendi, cum in 6. Physicorum hunc sensum non habuerit, quando probauit infinitum in finito tempore moueri non posse.

Dicerem ego, saluo meliori iudicio, quod ista ratio Arist. habet locum in motu circulari tantum, quo vnum corpus circulare ab alio contentū circulariter mouetur ita quod omnia eodem motu diuino mouentur sicut accidit in sphaeris cælestibus. Considera uero in Arist. vniuersi ordinem in quo elementa ab orbe lunæ continentur, corporaque cælestia se cōtinent & omnia singulis diebus ab oriente in occidentem mouentur redeundo ad orientem, ita quod æquali tempore, & inferiora & superiora tali motu mouentur in illis: utpote habentibus essentialē ordinem in mouendo probauit non esse processum in infinitum. Beneque sequitur si ex infinitis corporibus taliter motis vnum continuum corpus fieret, quod infinitum tempore finito moueretur aliquod spatium pertransiendo. Cum enim omnes nunc sphaeræ spatium quod est ab oriente ad occidentē, redeundo ad orientē in die naturali pertranscant, nō obstante

Contra Gent.

b

quod

Nihil potest esse in potentia formali, & in actu virtuali respectu eiusdem.



quod vna sit maior alia, & superior sphaera maius spatium pertranseat. Si vnde decima sphaera esset, suum spatium pertranseat: eodem tempore, similiter si duodecima, si tertiadecima, & sic in infinitum ex illa suppositione: quod si omnia sunt mouentia ex eo quod mouentur, oportet vt simul omnia moueantur, sequitur ergo qd infinita illa corpore finito tempore aliquod spatium pertranseat sua reuolutione: si ergo imaginemur ex illis infinitis numero corporibus vnum corpus infinitum fieri, tunc illud spatium aliquod finito tempore pertranseat, quod est 6. Phisic. improbatum.

Circa secundam rationem ad idem dubitatur, quia ponentes esse processum in infinitum in mouentibus & motis, negarent illud assumptum. scilicet quod remoto primo mouente vel cessante a motione nullum aliorum moueretur: vbi enim non est primum causa posterior non dependet a prima in causando, nec complementum causalitatis habet dependentiam a prima: licet enim ascensus infinitus & descensus cum temporis successione in infinitum repugnet complemento: ascensus tamen & descensus causalitatis infinitus non repugnat complemento, talis autem est infinitas mouentium & mobilium infinitorum, quia supponitur omnia simul mouere & moueri.

Respondetur qd ratio Arist. efficax est si bene consideretur. Fundamentum enim rationis est, qd in mouentibus & motis essentialiter ordinariis, oportet aliquod primum esse, istud autem diligenter considerari patet, quia si sint plura mouentia & mota in quibus non sit primum aliquod, non motu, tota multitudo mouentium se habebit, vt vnum mouens motu: hoc autem est impossibile, quia tunc aliquod esset motum & a nullo moueretur: non enim esset illa multitudo a seipsa primo mota, cum nihil seipsam primo moueat: nec quia vna pars non mota, alias partes moueret, cum non ponatur ibi aliquod mouens non motum: nec quia vna pars mota aliam moueat, cum aggregatum ex illis habeat rationem motu, & sic aliquo alio indigeat a quo moueatur.

Si dicatur qd non oportet totam illam multitudinem mouentium & motorum se habere, vt vnum mouens ab alio extrinseco motum, sed eorum conditio saluatur, quia vnu mouetur ab alio, & illud ab alio, & sic in infinitum sicut in infinita multitudine numerorum, quilibet numerus est excedens, & excessus: nec tamen oportet totam multitudinem ab aliquo excedi, respondetur quod mouens omne oportet in actu esse, similiter omne localiter motum, ideo tota multitudo mouentium & motorum tanquam vnum accipi potest, praesertim quia nullum illorum habet quod moueat, nisi in quantum mouetur, & oportet si habeat rationem motu quod ab aliquo moueatur, multitudo autem numerorum infinita non ponitur in actu, sed in potentia: ideo non oportet vt tota multitudo ab aliquo excedatur. Cum ergo in essentialiter ordinatis, oporteat aliquod primum esse, & in infinito non sit primum, sequitur non posse esse infinita essentialiter ordinata. Vide de 3. cap. 1. Sent. dist. 3. quae 1. prima.

Secunda ratio principalis est. Si omne mouens mouetur, aut haec propositio est vera per se aut per accidens: si per accidens, ergo non est necessaria: ergo contingens est nullum mouens moueri, ergo contingens est nihil moueri, quia si mouens non mouetur, non mouet, vt aduersarius inquit: hoc autem habet Arist. pro impossibile, ergo, &c.

Item si mouens & motum coniunguntur in aliquo per accidens, probabile est quod mouens inueniatur absque eo qd moueatur, quia motum inueniatur absque eo quod moueat: si enim aliqua duo sunt iuncta per accidens, in aliquo & vnum illorum inueniatur sine altero: probabile est quod alterum absque illo inueniri possit: nec obstat de duobus, quorum vnum ab altero dependet, sed non e contrario vt de substantia & accidente: haec enim coniunguntur per se, non per accidens. Si autem est vera per se, aut mouens mouetur eadem specie motus quia mouet, aut alia, si eadem tunc oportet quod alterans alteretur, & docens doceatur, secundum eandem scientiam, quod est impossibile, si alia cum sint finita genera, & species motus non ibitur in infinitum, & sic erit primum mouens non motum ab alio, nisi forte dicatur fieri reflexionem per reductionem ad primum. Sed ex hoc sequeretur mouens secundum aliquam speciem motus, moueri secundum eandem non immediate sed mediate.

Si aliqua per accidens coniungantur in aliquo, & vnu sine altero inueniatur, probabile est qd alteru sine illo inueniri possit.

Circa illam propositionem, si aliqua duo sunt per accidens iuncta in aliquo, & vnum illorum inueniatur sine altero, probabile est, quod alterum sine illo inueniri possit: sciendum, secundum com. 8. Phisic. com. 37. quod intelligenda est in iis quorum vtrumque existit per se, id est, quorum neutrum necessarium est ad esse alterius. Nam si vnum indigeat altero ad esse suum illud quod altero indiget, non potest ab eo separari, sicut licet absque materia forma aliqua reperitur, non tamen inueniri potest materia sine forma. Et licet substantiam aliqua sine accidente sit, non tamen accidens sine substantia esse potest, quia & materia indiget forma ad esse suum, & accidens substantia.

In illis igitur solum contingit quod alterum per se reperitur, si alterum sine altero sit, quod omnino per accidens coniunguntur, quorum videlicet neutrum altero ad esse suum indiget.

Item aduertendum, qd ista possibilitas de qua hic loquimur, est logica, & non naturalis: ab accidentibus enim inseparabilibus, fortassis non potest aliqua species per naturalem potentiam separari, sicut cygnus ab albedine, non tamen repugnat cygnum non esse album. Vnde quod inquit commen. quoniam necesse in talibus vt alterum sit sine altero, intelligendum est, quod necessitas referatur ad logicam possibilitatem, vt sit sensus, necesse est vt & alterum separatum sit, id est, esse possit non repugnanter. Nam & Alb. & sanctus Thom. dicunt illud probabile esse, non autem necessarium id quod etiam tex. sancti Thom. habet, propter quod & ipsemet com. 12. Metaph. com. 37. eadem propositionem ponens inquit, quod omne compositum ex duobus, quorum alterum potest esse per se, possibile erit etiam alterum esse per se, nisi compositio sit substantiae & accidentis.

QVOD etiam inquit sanctus Thomas, quod substantia & accidens non coniunguntur per accidens, sed per se, licet in aliquibus libris vitiatis habeatur e contrario: intelligendum est eorum communibus rationibus consideratis. Non autem de hac aut illa substantia, & de hoc vel illo accidente, secundum eorum proprias rationes: partes enim & albedo si particulariter considerentur, per accidens coniunguntur, sed si paries consideretur vt substantia est, & albedo, vt est accidens, sic sunt per se coniunctae, & non omnino per accidens, eo quod substantia in ratione accidentis includatur, & apud Philosophos repugnet esse in rerum natura accidens sine subiecto.

QVANTVM ad secundum, quia huiusmodi rationes non ducunt ad ipsum esse Dei, sed tantum ad hoc quod sit aliquod primum mouens quod ab alio non mouetur, offendit S. Tho. qd ex hoc, venatur vltimus Arist.

Deum esse. Arguit enim sic, est deuenire ad primum mouens non motum ab alio exteriori, ergo aut illud est omnino immobile, aut mouetur a se, si primum habetur propositum. Si secundum quod est probabile, cum quod est per se sit prius eo quod est per aliud, non potest dici quod totum moueatur a toto: quia sequeretur praedicta inconuenientia, ergo vna pars eius est mouens tantum, altera vero mota. & sic etiam habetur, quod sit aliquid mouens impossibile.

Nec potest dici quod vtraque pars moueatur, ita quod vna ab alia, vel vna seipsam: & alteram, vel totam partem, aut pars totum moueat, quia eadem inconuenientia sequeretur. ergo &c.

Si diceretur, qd primi mouentis seipsam pars mouens mouetur per accidens, sicut in animalibus. Contra arguitur, primo quia animalia cum sint corruptibilia pars mouens in eis mouetur per accidens, corruptibilia autem mouentia, oportet reduci est aliquod mouens sempiternum, quia cum motus sit sempiternus apud Arist. oportet generatione mouentium seipsa corruptibilia sempiterna esse, huius autem perpetuitatis non potest esse causa aliquod ipsum, quia non semper est, nec omnia simul, quia infinita sunt, & etiam non sunt simul, ideo oportet vt sit aliquid mouens seipsam perpetuum.

Secundo quia nullum mouens seipsam, mouetur semper, cuius motor mouetur per se aut per accidens, primum autem mouens seipsam mouetur semper, alias motus non potest esse sempiternus. Nec obstat, quod motores inferiorum orbium mouentur per accidens, quia hoc est tantum ratione suorum mobilium sequentium motum superioris orbis.

Addit autem Sanctus Thomas, quod quia Deus non est pars alicuius mouentis seipsam vltimus ex hoc inuestigat alium motorem omnino separatum qui est Deus, ex eo quod mouens seipsam mouetur propter appetitum alicuius appetibilis quod est eo superius in mouendo.

Si dicatur primo quod procedunt dicti processus ex suppositione aeternitatis motus quod est falsum. Respondetur quod via efficacissima ad probandum Deum esse ex suppositione nouitatis mundi, non sic autem ex suppositione aeternitatis, quia si mundus de nouo incepit, planu est quod oportet positioni aliquam causam ipsum de nouo producentem: ex suppositione autem aeternitatis mundi illud videtur minus manifestum.

Si dicatur secundo quod videtur supponi calum esse animatum cum ponatur ex se moueri, hoc autem a multis non conceditur. Respondetur quod si non ponitur primum mouens ex se motum oportet quod moueatur immediate a penitus immobili propter quod Aristot. alterum illorum sub distinctione intulit.

Aduerte circa illam propositionem animalia cum sint corruptibilia pars mouens in eis mouetur per accidens, quod licet cum sint corruptibilia, non accipitur tanquam causa huius, qd in eis pars mouens moueatur per accidens, sed ad exprimendum conditionem animalium in ordine eorum quae seipsa mouent, ista enim cum sint in duplici differentia, quia, quaedam mouentia se sunt corruptibilia, quaedam autem incorruptibilia. In corruptibilibus pars mouens per accidens mouetur eo qd moto corpore de loco ad locum, mouetur omne quod in corpore est. In incorruptibilibus autem quae motu sempiterno mouentur non mouentur. Animalia igitur, quae sunt apud nos, sunt de genere mouentium seipsa quae corruptibilia sunt, vnde mouetur per accidens in eis pars mouens. Sed licet corruptibilia illius causa non sit, ab eadem tamen causa vtriusq; procedit, vt dicitur velle co. 8. Phisic. com. 31. scilicet & corruptibile esse, & partem mouentem per accidens moueri, ex eo inquam, qd pars mouens constituitur in esse suo per vnionem ac partem motu, & variabiliter ei conceditur. Vnde sequitur quod vbi vnum ponitur, & alterum poni necesse sit, quia vno posito causam eius poni oportet, quae posita necesse est & alium effectum poni.

Circa illam propositionem, quod nullum mouens seipsam mouetur semper cuius motor per se, aut per accidens mouetur: notandum quod duplex accidentalitas motus partis mouentis in animalibus inuenitur, vna ab extrinseco, secundum quod ab aliquo excitatur animal ad mouendum seipsam, altera enim corpore, & excitato ad motum per accidens excitatur anima, & mouetur: alia ab intrinseco ab ipsa videlicet parte mouente, dum mouendo corpus per accidens seipsam mouet, quia autem quod per accidens est contingit remoueri, ideo in ipsis potest cessare motus cessante parte mouente moueri, & per consequens totum non mouebitur semper.

Quantum ad motores orbium quomodo dicantur moueri per accidens non ratione sui, sed ratione corporum ab ipsis motorum. Aduertendum quod cum moueri per accidens sit ad motum alterius moueri, hoc dupliciter potest contingere: aut quia ipsum transmutatur de loco ad locum licet hoc conueniat sibi ad motu alterius, & hoc dicitur moueri per accidens ratione sui: aut quia ipsum quidem non mutat locum ad motu alterius, sed aliquid cui coniungitur, primo ergo modo motores orbium inferiorum non mouentur per accidens, sed secundo modo, quia scilicet orbis ab ipsis motu mouentur ad motum superioris sphaerae, non a proprio motore, sed per accidens.

Quomodo autem non moueantur ratione sui per accidens, considerandum est, vt inquit sanctus Thomas: primo quae 1. artic. 3. tertium. & primo sentent. dist. 37. quae 1. 4. artic. primo. quartum. & secundo sentent. dist. 8. artic. 4. ad quartum quae 1. qd nihil mouetur per accidens moto eo in quo est, nisi sit diffinitiuum in eo, ita qd non in alio, sed bene moto eo in quo est diffinitiuum, sicut anima non mouetur moto manu, sed bene moto toto corpore: aduertendum tamen vt in prima parte, & in secundo sententiarum innuit, quod illud in quo motor est diffinitiuum, aut mutat locum in quo est secundum se totu, aut manet semper in eodem loco realiter, licet partes mutant locum, sicut accidit in motu circulari. Si ergo aliquid indiuisibile vniatur corpori, vt motor sed in totum sicut anima corpori, & illud transmutetur de loco ad locum, oportet vt & illud per accidens mutetur, eo qd & ipsum mutat locum conuenientem sibi ratione corporis, si autem non mutetur de loco ad locum, illud indiuisibile non mouetur, & per accidens, eo quod vniatur corpori secundum totum, ipsum autem totum non mutat locum: sed si alicui parti determinatae illius corporis esset affixum, tunc moueretur per accidens, eo quod illa pars de loco ad locum mutaretur. Secundum ergo varias opiniones de motoribus corporum caelestium, diuersimode illis potest motus per accidens attribui. Si enim ponamus motore adesse orbem sicut figuris adesse rotas, semper alia & alia partem mobilis quae est in oriente succedit sua virtute contingendo, costat qd non oportet ipsum ad motu orbis rotari, sicut neque figuram ad motu rotae. Si autem ponamus ipsum vniu alicui determinatae orbis parti, oportebit ipsum rotari sicut & pars ipsa cui affigitur, rotatur. Sed si ponamus ipsum vniu toti orbi secundum totu, sicut anima intellectiua corpori

Quomodo motores orbium per accidens moueantur.



corpori, nec etiam per accidens mouetur, vt ponit sanctus Thomas in locis preallegatis, quum ipsum totum non mutet realiter locum, sed tantum ratione. Vtrum autem vniatur orbi secundum esse, inferius ostendetur.

**Arift. duplicem** VLTIVS est sciendum pro eo quod inquit sanctus Thomas Arift. inuestigare in Metaph. ex motore qui est pars mouentis seipsum, motorem alium omnino à materia separatum, q̄ duos ordines substantiarum immaterialium Arift. posuit, vt ipse sanctus Thomas videtur velle 12. Metaph. exponendo textu 48. expressius autem in questionibus de spiritualibus creaturis, artic. 6. cap. & 10. atque etiam in tractatu de Angelis tradit: sunt enim quedam apud ipsum, quæ sunt orbium celestium motrices, quæ etiam animæ celorum dicuntur. Quedam verò quæ sunt proximi fines illorum motuum: omnes autem isti ordines sub Deo, tanquam sub prima substantia separata continentur. Sic igitur Arift. postquā inuestigauit motorem cæli qui est eius anima & mouentis seipsum pars, inuestigat ex ipso alium motorem, qui nō sit pars mouentis seipsum, sed sit ab omni materia separatus, eo inquam quod pars mouentis seipsum moueat propter appetitum alius superioris in mouendo, vt scilicet illi assimiletur, expleatque in effectu, quod virtus in primo motore continetur.

**ADVERTENDVM** autem q̄ in responsione ad primā obiectionem quam sanctus Thomas inducit, aliqui text. mendosi sunt, vbi enim dicitur quod efficacissima via ad probandum Deum esse, est ex suppositione eternitatis mundi, qua posita videtur esse manifestum quod Deus sit, debet legi sic, vt correcti codices habent. Dicendum, quod via efficacissima ad probandum Deum esse est ex suppositione nouitatis mundi, non autem sic ex suppositione eternitatis mundi, qua posita minus videtur manifestum, &c. In quibus verbis datur intelligi quod efficax quidem ratio ad probandum Deum esse ex eternitate mundi sumitur, sed efficacior & manifestior est ratio quæ sumitur ex mundi nouitate.

**CIRCA** responsionem ad secundam obiectionem, aduertendum quod sensus responsionis est, non ob stare rationi Arift. quod multi non cōcedant cælum esse animatum, quia si negent primum quod mouet non moueri à se, neque esse animatum, oportet vt concedant illud esse penitus immobile, & sic concedant Deum esse. Et ideo Arift. alterum illorum sub disunctione in tulit, quod scilicet oportet mouens quod nō mouetur ab extrinseco, aut à se moueri, aut esse omnino immobile, quia siue vnum concedatur, siue aliud de necessitate sequitur oportere deuenire ad aliquod omnino immobile, qui est Deus. Sed duo hæc occurrunt dubia.

**PRIMUM**, quia conditiones quas attribuit Arift. 12. Metaph. motori separato, vt esse virtutis infinitæ, esse immaterialē, &c. attribuit in 8. Physic. illi primo motori quem ibi inuestigat per motum, non est ergo alius motor ille qui inuestigatur in Metaph. ab eo qui in Physicis inuestigatur.

Confirmatur ex verbis sancti Thomæ 12. Metaph. & Arift. inquestium quod de ipsa substantia de quo determinat in 12. Metaph. mouere vt finem desideratum & amatum ostensum est, scilicet 8. Physic. quod nullam habet magnitudinem, & eandem rationem reasumit.

**SECUNDVM** est, quia non videtur necessarium, si mouens cælum est appetens, & intelligens quod moueat propter appetitum alterius finis à se distincti: potest enim propter se mouere tanquam propter finem, sicut & Deus propter seipsum operatur, & sic non erit necesse ponere alium motorem altorem anima cæli.

**Quomodo pri-** **AD** primum dicendum q̄ antiqui Philosophi contra quos Arift. disputabat in Physic. motum duntaxat corporū considerabant: ideo omne quod apud ipsos moueri dicebatur, intelligebatur moueri motu aliquo eorū quibus mouentur corpora: vnde si demonstratur aliquid esse omnino tali motu immobile, ita vt neque per se, neque per accidens moueatur, illud oportet apud ipsos Deū esse: nomine enim Dei intelligimus primum motorem omnino immobilem cum igitur 8. Physicor. Arift. demonstrauit oportere deuenire ad aliquid, quod neque per se, neque per accidens motu corporum moueatur, licet ille motor, qui ibi inuestigatur, sit pars mouentis seipsum, & non sit primus motor simpliciter, de ipso tamen tanquam de primo motore simpliciter immobili est ibidem locutus, sibi que primi motoris simpliciter conditiones attribuit, sic opinione antiquorum requirente. At quia præter motum corporū est alius motus, qui & rebus quoque immaterialibus conuenit, secundum quod ab intelligibili mouetur, & appetibili. Deo ad hoc vt aliquid simpliciter immobile sit, oportet vt neque hoc spirituali motu moueatur: propter hoc Arift. in 12. Meta. cum probasset in Physic. esse aliquid mouens corporum motu immobile inuestigatum motore à quo moueatur, tanquam ab appetibili & intelligibili ille immobilis motor, qui est pars mouentis seipsum, sed ipse immobilis omnino sit, vt pote appetitum ab aliis, sed ipse à nullo appetibili & intelligibili motus.

**AD** dubium ergo dicitur, quod vtrique est alius motor ille qui inuestigatur 8. Physic. ab eo qui 12. Metaph. inuestigatur: quod autem aliquas conditiones primi motoris simpliciter illi attribuat, est quia ipso ibidem vsus est tanquam primo motore simpliciter antiquorū philosophorū alludens opinioni, vt diximus. Per idem ad confirmationem patet. De eadem enim inquirunt substantia se probasse, quia per eandem ibidem Arift. vsus est veritatem Philosophorū adaptans opinioni.

**AD** euidentiam secundi notandum, quod differt apud Arift. Prima intelligentia quæ est Deus, ab aliis intelligentiis, quoniam prima habet rationem primæ & principalis causæ: aliæ verò habent rationem secundariæ causæ & instrumenti, necesse est enim ad vnum primū in mouentibus deuenire, quod aliorum causa sit, vt 12. Metaph. probatur: instrumentum autem operatur ad hoc, vt explicetur in effectu, quod virtualiter in principali agente continetur. Non possunt ergo intelligentiæ aliæ à prima, propter seipsas agere, tanquam propter vltimum finem, eo quod instrumenti & secundarij agentis rationem habeant, nec etiam, sufficit quod vnaqueque propter suum finem proximum & proportionatum agat, quum oporteat omnium actionem in vnum cōmunem finem præter particulares fines reducere, sicut & est vnum primum, & vniuersale principium omnium motuum.

**AD** dubium igitur respondetur, quod non potest intelligentia secunda propter seipsam agere tanquam propter vltimum finem, licet prima hoc possit propter rationes dictas.

**QVA**NTVM ad secundum principale inducit S. Thomas rationes ex Metaph. quarum prima secundo Metaph. text. 6. talis est. In causis efficientibus non proceditur in infinitum: ergo est deuenire ad vnam primam, quam dicimus Deum: probatur antecedens, si catur in infinitū, nulla causarum erit

prima, ergo omnes aliæ tollentur quæ sunt mediæ: hoc est falsum ergo, &c. probatur cōsequencia, quia in causis efficientibus ordinatis, primū est causa mediæ, & medium vltimi: remota autem causa, remouetur id cuius est causa.

**SECUNDA**, Est aliquid maximè verum, ergo & aliquid maximè ens: & hoc dicimus Deum: patet cōsequencia ex secundo Metaph. text. 4. vbi habetur quod maximè vera, sunt maximè entia: antecedens verò ostenditur 4. Metaph. text. 8. ex hoc quod videmus duorum falsorum, vnum esse altero magis falsum: vnde oportet vt etiam alterum altero verius sit, quod est secundum approximationem ad id quod est maximè verum.

**AD** euidentiam huius rationis considerandum est, vt habetur à sancto Thoma, prima q. 49. 3. 3. Et prima secundæ q. 12. artic. 2. primum, quod aliter inuenitur magis & minus, in his quæ ad perfectionem pertinent, & aliter in iis quæ defectum important. Nam in iis quæ perfectionem dicunt, attenditur magis & minus, siue intensio & remissio per comparisonem, & accessum maiorem, vel minorem ad aliquod summum, sicut dicitur magis lucidum, quod magis appropinquat summæ lucido: & minus lucidum, quod minus appropinquat. In priuatione autem, & defectu, attenditur per recessum à summō & perfectō, eo quod priuatio quædam remotio sit. Quum ergo induxisset S. Thomas ex 4. Metaph. quod duorum falsorum vnum sit altero magis falsum, non concludit istud accidere, per accessum ad aliquid summæ falsum, quum falsum in priuatione consistat. Sed ingeniose subiunxit propter hoc oportere alterum altero verius esse, atque idcirco oportere esse aliquod verissimum per accessum, ad quod aliquid verius, aut minus verum dicatur, & per recessum à quo aliquid altero magis falsum sit.

**ADVERTENDVM** quoque, quod quum multæ sint proprietates, quæ soli Deo conueniunt, aliquando nomine Dei plures simul eius proprietates ab aliquibus pro eius ratione explicantur: aliquando verò vna, aliquando verò alia. Quum ergo esse omnium entium causam soli Deo conueniat, similiter summum & perfectissimum entium esse Arift. 12. Metaph. quia apud Philosophos nomine Dei, prima omnium causa intelligebatur, concludit oportere esse vnam primam causam omnium, ex eo q̄ oportet esse aliquid quod sit maximè ens, & per consequens oportere Deum esse. Sanctus Thomas autem videns quoniam & esse maximè ens soli Deo conuenit, eo probato non procedit vltius, quum illa sola conclusio constet probatum esse quod Deus sit. Aut etiam breuitatē studēs quum deduxit oportere aliquid esse, quod sit maximè ens, prætermittit tanquam ex nota conclusionem ab Aristotele deductam, scilicet q̄ necesse sit esse aliquid, quod sit omnium causa, cum quod est maximè tale, sit causa omnium aliorum.

**AD** circa dicta dupliciter dubitatur. Primum enim non videtur verū quod vnum altero verius sit. Nam veritas quædam adæquatio est, & per consequens æqualitas quædam. Aequalitas autem non suscipit magis & minus. Nec valet hæc cōsequencia, falsum dicitur vnum magis altero: ergo & verū, quoniam falsitas consistit in adæquatione, & recessu ab æqualitate, contingit autem à medio multipliciter distare.

Secundū, non videtur Aureolo vera Arift. propositio, pro fundamento rationis assumpta, quā tamen sanctus Thomas tacet, scilicet quod est maximè tale, est causa aliorum, nam albedo est perfectissimū quiddam in genere colorum, & tamen non est causa productiua aliorum colorum, vt de se patet.

**AD** primum dicitur quod veritas secundū quod est in re, fundatur in esse rei, vnde materiale quidem in ipsa est esse rei, formale autem est adæquatio ad intellectum. Dupliciter ergo possumus de veritate rei loqui, aut scilicet quantum ad materiale tantum, vel quantum ad esse, & sic non inconuenit vnum esse altero verius, sicut vnum est altero perfectius ens, propter quod perfectissima entium dicuntur verissima. At quantū ad formale, siue quantum ad materiale vt stat sub formali, & sic vnum non est altero verius: vnum quodque enim natum est adæquare sibi intellectū suo modo, & vnum quodque diuino intellectui pro sua entitate adæquatur, nec fieri potest vt vnum magis altero adæquetur, sicut & in quantitatibus, non magis adæquatur lignum viginti cubitorum, ligno viginti cubitorum, quam lignum vnus cubiti, ligno vnus cubiti. Obiectio ergo in secundo sensu procedit: verba autem sancti Thomæ prima habent sensum.

**AD** secundum dicitur quod non est mens Arift. quod prima & nobilior species alicuius generis sit causa productiua altarum specierum illius generis: alioquin homo, quæ est nobilissima species animalium, ceteras animalis species efficeret, sed quod vbi aliquid perfectissimū aliqua ratione participat vt secundum illam rationem dicatur maximè tale, illud est causa effectiua omnium aliorum, in quantum & ipsa illa ratione participant, & hoc in substantiis intelligitur, siue illa ratio secundū quam dicuntur maximè talia sit substantialis sibi, siue accidentalis. Quod enim maximè calidum est, omnium aliorum calidorum, in quantum calida sunt, est causa. Est enim aliqua calefactio lumine solis, aut ab aliquo alio quod non fit formaliter calidum, calefiunt tamen ab illo in quantum virtualiter ignem, quod est omnium corporum calidissimum, continet. Albedo autem neque substantia est, neque maximè color dicitur, licet sit perfectissima coloris species, sicut nec homo maximè animal dicitur quum ratio animalis æqualiter ab omnibus participet, quamuis perfectissimum animalium sit.

**VLTIMA** ratio sumpta ex Damasceno & Auerro secundum Physicorum comment. 75. talis est. In mundo videmus res diuersarum naturarum in vnum ordinem concordare vt semper, vel in maiori parte: ergo aliquid est, cuius providentia mundus gubernatur, ergo, &c. Probatur prima cōsequencia, quia talia in ordinem semper vel pluries concordare non possunt, nisi alicuius gubernatione, ex qua omnibus & singulis, tribuatur, vt ad certum finem tendant.

**SED** ad hanc dicit Aureolus, quod inefficax est. Diceretur enim inquit, quod ista diuersa in vnum ordinem conueniunt in vnumque finem ex propriis formis & naturalibus ordinantur, neque tamen ordo naturæ vniuersi à casu esse, necesse est, imò per se, cum ex rebus quidditatibus ortum habeat.

Sed quoniam hanc responsionem S. Thom. inferius in tertio libro refellit, ideo illuc vsque differatur.

### Quod ad cognitionem Dei oportet vt via remotionis. Cap. 14.

**STENSO** igitur quod est aliquid primum ens, quod Deum dicimus: oportet eius conditiones inuestigare.

Contra Gent.

b 1

Est

Vnum verū est  
verius altero.

Quod est maximè  
tale est  
causa aliorum.



Est autem via remotionis vtendum præcipue in consideratione diuinæ substantiæ. Nam diuina substantia omnem formam quam intellectus noster attingit sua immensitate excedit: & sic ipsam apprehendere non possumus cognoscendo quid est, sed aliqualem eius habemus notitiam cognoscendo quid non est. Tantò enim eius notitiæ magis appropinquamus, quantò plurima per intellectum nostrum ab eo poterimus remouere: tantò enim vnumquodque perfectius cognoscimus, quantò differentias eius ad alia plenius intuemur: habet enim res vnaquæque in seipsa esse proprium ab omnibus aliis distinctum. Vnde & in rebus quarum definitiones cognoscimus.

Primo eas in genere collocamus per quod scimus in communi quod est: & postmodum differentias addimus quibus à rebus aliis distinguatur & sic perficitur substantiæ rei completa notitia.

Distinctio differentiarum.

Sed quia in consideratione substantiæ diuinæ non possumus accipere quid quasi genus. Nec distinctionem eius ab aliis rebus per affirmatiuas differentias accipere possumus, oportet eam accipere per differentias negatiuas. Sicut autem in affirmatiuis differentiis vna aliam contrahit, & magis ad completam designationem rei appropinquant secundum quod à pluribus differre facit, ita vna differentia negatiua per aliam contrahitur, quæ à pluribus differre facit.

Sicut si dicamus Deum non esse accidens per hoc quod ab omnibus accidentibus distinguitur.

Deinde si addamus ipsum non esse corpus, distinguemus ipsum etiā ab aliquibus substantiis, & sic per ordinem ab omni eo quod est præter ipsum, per negationes huiusmodi distinguetur, & tunc de substantia eius erit propria consideratio cum cognoscetur vt ab omnibus distinctus: non tamen erit perfecta cognitio, quia non cognoscetur quid in se sit.

Auth. sac. scripturæ.

Ad procedendum igitur circa Dei cognitionem per viam remotionis accipiamus principium, id quod in superioribus iam monstratum est, scilicet quod Deus sit omnino immobilis, quod etiam autoritas sacre scripturæ confirmat. (Dicitur enim Malach. 3. Ego Deus, & non mutor. Iaco. 1. Apud quem non est transmutatio. Numeri 23. Non est Deus quasi homo vt mutetur.)

#### Super cap. 14.

**C**um sit ostensum aliquod primum ens esse, quem Deum esse dicimus, incipit sanctus Thomas de eius simplicitate, & quod quid est per modum nobis possibilem inuestigare, sed quia factum est simul quære scientiam & modum sciendi, vt secundo Metaphys. dicitur. Ideo in hoc capite declarat quo modo diuinam substantiam inuestigare debeamus, in aliis vero sequentibus, eius condiciones inquiri.

CONCLUSIO ergo huius cap. est. In consideratione diuinæ substantiæ, procedendum est præcipue via remotionis.

Pro qua conclusione aduertendum est quod quum superius quæsitum sit de esse Dei, demonstratumque sit hanc propositionem, quam de Deo formamus, dicendo, Deus est, veram esse, restabat consideratio quidditatis & substantiæ. Nam quæstio quid rei sequitur quæstionem an est, sed quia non eodem modo cognoscitur quidditas, & substantia Dei, sicut quidditates aliarum rerum præsertim naturalium, eo quod illæ perfecte cognosci possint, non autem Dei essentia, ideo post cognitionem an est, quæritur quid de quid Dei, sed non de quid est, sed de quid non est: sensus ergo conclusionis est, quod in cognoscendo diuinam substantiam, & quid Dei præcipuus modus cognitionis est, vt procedamus cognoscendo quid non est, non autem quid est.

AD DIT autem præcipue vt ostendat posse quidem, & aliis modis diuinam substantiam aliquo modo cognosci, scilicet, per viam causalitatis & eminentiæ, de quibus ipse ad mentem Dionysij super Boet. tri. q. 1. secundo pertra stat, & primo sentent. dist. 35. artic. primo verumtamen hunc convenientiorem nobis, facilioremque esse. Probat autem conclusionem supponendo (vt dat intelligere) intellectum nostrum ex speciebus intelligibilibus rerum naturas & substantias intelligere. Tunc arguit sic, Tantò magis appropinquamus notitiæ eius, cuius quod quid est cognoscere non possumus, quāto plura per intellectum ab eo possumus remouere, sed quod quid est Dei non possumus cognoscere, ergo, &c. maiorem probat. Tantò aliquid perfectius cognoscitur, quantò differentias eius ad plura intuemur, cum vnaquæque res suum in se ipsa proprium esse habeat ab omnibus distinctum. Tantò autem aliquid perfectius cognoscitur, quantò magis eius esse, id est, essentia cui debetur esse, comprehenditur, patet etiam ex modo diffiniendi, cum enim definitionem rei quærimus, illam primò in genere aliquo collocamus, tum differentias addimus, quibus ab aliis distinguatur. Sed quando non possumus quod quid est, affirmatiue cognoscere, per negationes, ac remotiones, differentias ad alia intuemur, ergo &c. Minorem principalem probat: Ea solum intellectus noster quidditatiue cognoscere potest, quorum quidditates per formas intellectuales, quas habet, representantur, sed formæ intellectus nostri diuinam substantiam & quidditatem representare non possunt, quum omnem intellectus nostri formam sua excedat immensitate, vt in sequentibus declarabitur, ergo, &c. Subiungit deinde modum procedendi in huiusmodi differentiis negatiuis inquiriens, quod sicut in affirmatiuis vna differentia aliam contrahit, magisque ad completam designationem diffinitionis rei appropinquant dum à pluribus differre facit, ita & in negatiuis: vnde tunc erit propria Dei consideratio, cum per huiusmodi negationes co-

gnoscetur, vt ab omnibus distinctus, quamvis nec sic ipse sit perfecta cognitio. Vltimò, concludit principium talis considerationis accipiedum esse, quod Deus sit omnino immobilis, quod licet superius sit monstratum, auctoritatibus tamen manifestat, scilicet Malach. 3. vbi dicitur: Ego Deus, & non mutor. Item Iaco. 1. Apud quem non est transmutatio. Numeri etiam 23. Non est Deus quasi homo vt mutetur.

AD huius rationis euidenciam sciendum quod licet negatio ad rei essentiam intrinsece non pertineat, atque per negationes de aliquo cognitæ, non sit rei substantia, vt in se est, cognita, modus tamen iste cognoscendi ad propriam naturæ cognitionem facit appropinquare, eo quod negatio restringat cogniti naturam. Si enim dixerò de aliquo quod sit substantia, hæc autem diuiditur per corpoream & incorpoream: cognitio quod illud non sit incorporea substantia, restringitur cognitum ad corpoream substantiam, quæ cum diuidatur per sensibilem & insensibilem, cognitio quod non sit insensibilis, illud ad sensibilem naturam est restrictum, & sic successiue, quare bene inquit Sancti. T. q. vna differentia negatiua per aliam contrahitur, quia scilicet quantò plurima negantur à re, tantò remanet res magis limitata.

SE D contra conclusionem & rationem argui potest ex dictis Scoti, secundum do Metaph. Primo. Negatio non potest nisi per affirmationem cognosci, quoniam vt dicitur 4. Meta. tex. 16. notior est dictio quàm opposita negatio, ergo si quid est cognoscere non possumus neque etiam quod non est, poterimus cognoscere. Secundo, ex Philosopho 2. Perihemenias: Bonum non est malum, quia hæc affirmatiua est vera, bonum est bonum, ergo si cognoscimus quid non est Deus, cognoscimus prius quid est. Non ergo via remotionis est procedendum.

Negatio per affirmationem cognoscitur.

Confirmatur, quia S. Th. potentia. q. 7. art. 5. ait quod quia omnis negatiua per affirmatiuam probatur, nisi intellectus humanus aliquid de Deo affirmatiue cognosceret, nihil de Deo possemus negare.

PR O horum solutione considerandum, quod licet non omnis negatio absolute loquendo super realem affirmationem sit fundata: quoniam, vt dicitur in prædicamentis, non sedere dicitur de eo quod est, & de eo quod non est: negatio tamē quæ de aliquo ente reali dicitur semper super aliquid in re existens fundatur, quod non compatitur secum id quod negatur, vt inquit S. Th. prima secundæ q. 72. artic. 6. & de potentia vbi supra: similiter primo sententiarum, dist. 33. primo, 2. Ideo enim homo non est alius, quia talis est eius natura, vt aini naturam non compatiatur. Et Aethiops non est albus, quia nigredinem habet, quæ albedinem secum non admittit. Quum ergo negatio de Deo, dicta sit de aliquo existente, oportet illam super aliquid in Deo existens fundari. Verum licet ita sit, non est tamen necesse vt cognoscens negationem de Deo, determinate distindere cognoscat in ipso affirmationem super quā fundatur: potest enim aliqua de ipso negatio cognosci, & tamen affirmatio quæ est illius fundamentum ignorari. Nam potest aliquis cognoscere, Deum non esse alium, & tamen non cognoscat in ipso naturam illam distindere quæ aini naturam non compatiatur, sicut & aliquis potest cognoscere pannum non esse album, qui tamen non cognoscat distindere quis sit ille color panni, qui secum albedinem non compatiatur. Licet etiam noster intellectus omnes affirmationes cognosceret, super quas negationes de Deo dictæ habent fundamentum, adhuc tamen quod quid est eius non cognosceretur, cum essentia diuina sit perfectionis infinitæ, quæ per illas affirmationes cognitæ sufficienter explicari nequeat. Dato quoque quod per illas Dei, quod quid est cognosceretur, adhuc tamen vtile esset via remotionis, vt quia ad ea essentialiter comprehendenda quæ excellentissima sunt, & quæ non nisi per effectus inadæquatos cognosci à nobis possunt ascendere non possumus tanta facilitate & securitate, quanta sit ab ipsis prius effectuum imperfectione remoueamus, cum ab eorum perfectione effectus lōge deficiant, sicque in aliqualem eorum cognitionem eleuentur.

AD primum itaque dicitur quod anteceditens esse falsum de affirmatione super quam fundatur negatio. Ad probationem dicitur quod vtiq; affirmatio secundum se in quantum affirmatio est notior quàm negatio, vt negatio non tamen quo ad nos.

AD confirmationem dicitur quod non est mens S. Tho. oportere nos prius cognoscere affirmationem super quam negatio dictate Deo fundatur, quàm ipsam negationem, sed quia negatiua per affirmatiuam probatur secundum se, oportet & illud ens de quo negatio formatur, tanquam de aliquo ente cognoscatur quantum ad aliquod prædicatum affirmatiuum, aliquoquin nesciremus talem negationem de ente dici: & sic si debemus aliquid de Deo negare tanquam de ente, necesse est vt aliquid de ipso affirmatiue cognoscamus, cum hoc tamen fiat, quod non oportet vt cognoscens aliquid de Deo negatiue, cognoscat prius affirmationem super quam dicta negatio fundatur: sufficit enim vt aliquid affirmatiue de ipso cognoscatur, ad hoc vt sciamus in ipso esse aliquod fundamentum negationis: non enim hoc cognosceretur, nisi cognosceremus ipsum esse aliquod ens in natura: & per consequens nisi aliquid prædicatum affirmatiuum de ipso cognosceremus: vbi enim rei essentia vt in se est comprehendere non potest sicut de diuina substantia inferius ostendetur, potest negatio quoad nos notior esse: & affirmatio per negationem cognosci.

AD secundum negatur consequentia, dato enim quod negatio in affirmatione fundatur, non tamen oportet vt prius vniuersaliter loquendo, affirmatio cognoscatur, sed e contrario nonnunquam ex negatione cognoscitur affirmatio, vt dictum est ad primum.

#### Quod Deus est æternus.

#### Cap. 15

**E**X hoc autem apparet vltèrius, Deum esse æternum. Nam omne quod incipit esse vel definit, per motum vel mutationem hoc patitur. Oportet autem esse Deum esse omnino immutabile: est igitur æternus carens principio & fine.

Idem patet per q. ar. 2. & 2. po. q. 3. ar. 13.

Text. co. 9. 8. Cap. 17.

Item illa sola tempore mensurantur quæ mouentur, eo quod tempus est numerus motus (vt patet in 4. Phy.) Deus autem est omnino absque motu (vt iam probatum est) tempore igitur non mēsuratur: igitur in ipso non est prius vel posterius accipere: non ergo habet esse post non esse, nec non esse post esse potest habere, nec aliqua successio in esse ipsius inueniri potest, quia hæc sine tempore intelligi non possunt: est igitur



igitur carens principio & sine totum esse suum simul habes, in quo ratio æternitatis consistit.

3. Adhuc si Deus aliquando non fuit, & postmodum fuit, ab aliquo eductus est de non esse in esse, non autem a seipso, quia quod non est, non potest aliquid agere. Si autem ab aliquo illud est prius eo, ostensum est autem Deum esse primam causam: non igitur esse incepit: unde nec esse desinet; quia quod semper fuit, habet virtutem semper essendi, est igitur æternus.

4. Amplius videmus in mundo quædam, quæ suntabilia esse & non esse, scilicet generabilia, & corruptibilia: omne autem quod est possibile, esse, causam habet, quia quum de se æqualiter se habeat ad duo, scilicet esse & non esse, oportet si ei approprietur esse, & hoc sit ex aliqua causa: sed in causis non est procedere in infinitum (ut supra probatum est per rationem Arist.) ergo oportet ponere aliquid quod sit necesse esse: omne autem necessarium vel habet causam suam necessitatis aliunde, vel non, sed est per se ipsum necessarium: non est autem procedere in infinitum in necessariis quæ habent causam suam necessitatis aliunde: ergo oportet ponere aliquid primum necessarium quod est per se ipsum necessarium. & hoc est Deus, quum sit prima causa, ut dictum est: igitur Deus æternus est, quum omne necessarium per se sit æternum.

5. Ostendit etiam Aristoteles ex sempiternitate temporis sempiternitatem motus, ex quo iterum ostendit sempiternitatem substantiæ mouentis: prima autem substantia mouens Deus est, igitur sempiternus: negata enim sempiternitate temporis & motus, adhuc remanet ratio ad sempiternitatem substantiæ: nam si motus incepit, oportet & ab aliquo mouente incepit: qui si incepit, ab aliquo agente incepit: & sic vel in infinitum ibitur: vel deuenietur ad aliquid quod non incepit.

† Huic autem veritati diuina autoritas testimoniū perhibet. (Vnde Psal. Tu autem domine in æternum permanes.) Et idem, (Tu autem idem ipse es, & anni tui non deficient.)

### Super cap. 15.

**P**ostquam sanctus Thomas ostendit modum perueniendi in diuinam cognitionem, nunc secundum modum traditum ad declarationem diuinorum accedit.

CIRCA hoc autem tria facit: primum enim remouet à Deo imperfectionem rei temporalis: secundò, imperfectionem potentie passivæ, cap. sequenti: tertio, imperfectionem compositionis, cap. 18. quantum ad primum ponit hanc conclusionem, Deus est æternus, probatur primò.

Quod incipit aut desinit esse, per motum aut mutationem hoc patitur, Deus omnino immutabilis est, ergo non incipit aut desinit esse.

AD VERTE hic quod motus aut mutatio dupliciter accipitur potest. Vno modo pro transitu qui est inter esse & non esse aliquo subiecto supposito, quæ dicitur mutatio Physicæ. Alio modo pro omni successione inter esse, & non esse, siue supponat subiectum siue non supponat, quo modo etiam id quod de nouo creatur, aut totaliter annihilatur, dici potest mutatio, quia illud accipit esse post non esse, hoc verò non esse post esse. Accipienda est ergo in maiore propositione mutatio secundo modo. Nam etiam secundum hanc Deus omnino immutabilis est, tam accidentaliter, quam substantialiter, non autem primo modo. Vniuersum enim incepit esse, & tamen non incepit per motum aut mutationem propriè dictam, sed per creationem.

Secundò, Deus habet esse totum simul, nec habet esse post non esse, nec non esse post esse: ergo est æternus. Probatur cōsequentiā, quia in illa ratio æternitatis consistit: antecedens verò probatur, Deus non mensuratur tempore, eo quod illa sola tempore mensurentur quæ mouentur, quum tempus sit numerus motus, igitur non est in ipso prius & posterius accipere: ergo neque esse post non esse, neque non esse post esse, neque in ipso esse est successio: probatur consequentiā, quia hæc sine tempore intelligi non possunt esse.

ADVERTENDUM primò quod omne prius, & posterius, siue omnis successio in duratione, ad rationem temporis pertinet, cum omnis alia duratio successione careat, propterea cōuertibilia sunt mensurari tempore & habere prius, & posterius duratione. ideo bene S. Thom. concludit non mensuratur tempore, igitur non est in ipso prius & posterius duratione. Considerandum secundò quod hoc loco tangit S. Thom. æternitatis rationem à Boetio. de cons. positam, ubi ait quod æternitas est interminabilis vita, tota simul, & perfectæ possessio. Hanc autem explicando S. Thom. 1. q. 10. art. primo dicit duo: primum est, quod cum in quolibet motu sit successio, & prius ac posterius, in eo autem quod caret motu, & semper eodem modo se habet non sit accipere prius & posterius, sicut ratio temporis consistit in numeratione prioris & posterioris in motu, ita in apprehensione vniuersitatis eius quod est omnino extra motum, ratio æternitatis consistit & hoc signanter cum dicitur quod æternitas est tota simul, alterum est quod ea differunt tempore mensurari qui principium & finem habent in tempore, ut habetur 4. Physic. quod autem est omnino immutabile, sicut nec successione, ita nec principium aut finem habere potest & hoc significatur cum dicitur esse interminabile id quod mensuratur æternitate.

SED in hac declaratione ceteris omnis dubium est quo modo intelligendum sit rationem æternitatis in apprehensione vniuersitatis rei omnino immutabilis consistere.

Aliqui enim interpretantur quod per apprehensionem intelligit S. Thom. conceptionem obiecti, & quod consistere in apprehensione vniuersitatis idem est, quod in ratione vniuersitatis consistere.

SED quia non videtur S. Thom. superflue apposuisse quod consistat, in apprehensione cum si habuisset illum sensum quem isti dicunt, potuisset

breuius & clarius dicere, quod ratio æternitatis consistit in ratione vniuersitatis, ideo saluo semper meliori iudicio, videtur mihi quod duobus aliis modis possit exponi.

PRIMO primo supponitur quod ratio quam format intellectus de re aliqua est conceptus, quo mediante rem intelligit, & apprehendit: dicitur ergo ratio æternitatis consistere in apprehensione vniuersitatis rei omnino immutabilis, quia videlicet tunc intellectus format conceptum, & ratione æternitatis quando rei omnino immutabilis vniuersitatem apprehendit.

Et ex hoc sequitur quod prima expositio intendere videtur, scilicet quod ratio æternitatis est esse vniuersitatem rei omnino immutabilis.

PRIMO secundo modo aduertendū quod quia S. Thom. vult ratione æternitatis ex ratione temporis notificare, & sicut dicit ratione temporis in numeratione consistere ita dicit ratione æternitatis consistere in apprehensione, ideo rationem æternitatis consistere in apprehensione proportionaliter exponendum est ad modum quo dicitur rationem temporis in numeratione consistere.

Vbi sciendum est, quod quum tempus sit aliquo modo continuum, & aliquo modo discretum, quia videlicet est numerus rerum continuarum, scilicet prioris & posterioris in motu, dupliciter possumus loqui de tempore, scilicet quantum ad eius continuitatem, & quantum ad eius discrecionem & separationem partium: primum conuenit sibi realiter secundum esse quod habet extra intellectum: est enim verè continuum, sicut & motus quem mensurat, & in quo est secundum autem sibi conuenit secundum quod apprehenditur ab anima, separante & distinguente ipsum in partes, puta in dies, menses, annos, & huiusmodi, & similiter separante primum modum in partes partibus temporis correspondentes: ista enim separatio non est in re, cum tam partes temporis quam partes motus extra intellectum sint continuæ: sed tantum est in apprehensione intellectus. Et est simile, ac si diceremus, quod denarius numerus quo intrinsecè decem vniuersi panis numerantur extra intellectum est quantitas continua, quia nihil aliud est quam ipsa quantitas panis quæ continua est, in intellectu autem est quantum ad ipsam separationem in decem vnitates, ex quibus talis numerus denarius integratur. Dicitur ergo ratio temporis consistere in numeratione prioris & posterioris in motu, quia cōplementum eius, quod est formale in tempore, scilicet ipsa discrecio & separatio partium temporis quæ includitur in ratione numeri conuenit tempore per opus animæ numerantis, id est, distinguentis, & separantis ipsum in plures partes, & plures vnitates. Vnde remoto opere animæ est quidē in re illa entitas, quæ est tempus, sed non habet cōpletè rationem temporis, quia non habet actuale diuisionem, & separationem, & consequenter non est actualiter numerus. Ista videtur esse intentio com. 4. Physic. comm. 131. ubi ait, quod tempus in actu non erit nisi anima sit, in potentia verò erit, licet anima non sit, videtur etiam esse opinio sancti Thomæ primo sententiarum, dist. 19. Nam ibidē q. 2. art. 1. & q. 5. art. 1. ait quod formale in tempore completur in operatione animæ numerantis, & cōparat tempus vniuersali, ut vniuersale dicit naturam sub intentione vniuersalitatis: idem etiam ponit 4. Physic. exponendo illum text. Arist. in quo ait, quod tempus non existente anima est vicinque.

PROPORTIONALITER ergo in æternitate duo considerare possumus: scilicet ipsam vnitatem diuinam esse omnino immutabilem, & mensurationem eius secundum quod ipsum diuinum esse mensurat, primum cōuenit sibi secundum quod est in re. Est enim diuinum esse realiter vnum extra intellectum. Secundum verò conuenit sibi per operationem animæ distinguentis vnitatem diuinam esse ab ipso esse, & apprehendentis ipsam ut mensuram quandam & durationem: Quia ergo ratio æternitatis dicit vnitatem mensurantem esse omnino immutabilem, & mensurare non conuenit sibi nisi per opus animæ distinguentis ipsam ab esse, & apprehendentis eam sub ratione mensuræ, ideo ratio æternitatis non cōpletur nisi per opus animæ. Vnde non considerante anima, est quidem in re illa entitas quæ est æternitas, sed non habet cōpletè rationem æternitatis, quia non est mensura secundum esse quod habet extra animam, sed tantum secundum quod est in animæ apprehensione. Dicitur ergo ratio æternitatis consistere completiue in apprehensione vniuersitatis eius quod est omnino immutabile, quia cōplementum rationis eius scilicet mensuram est tantum secundum animæ apprehensionem: sicut & ratio temporis completiue dicitur consistere in numeratione prioris & posterioris in motu, quia ipsa discrecio & distinctio partium quæ completet temporis rationem, est tantum secundum apprehensionem animæ numerantis & separantis tam tempus quam motum in partes: Istud videtur esse de mente S. Thom. prima q. 10. artic. 2. tertium, ubi ait quod non dicitur Deus æternus, quasi sit aliquo modo mensuratus, sed accipitur ibi ratio mensuræ secundum nostram apprehensionem tantum.

ADVERTENDUM vltius quoniam videtur S. Thom. inuenire in esse rei quod tempore mensuratur successione inueniri, dum concludit nullam successione in esse diuino inueniri, quia tempore non mensuratur, quod si loquimur de esse substantiali rei temporalis, illud dupliciter intelligi potest, vno modo quod illud non sit totum simul, sed per partem post partem acquiratur, & sic non est verum quod successione in se habeat, nec sic intelligit S. Thom. Alio modo quod licet totum simul sit, & indiuisibile, tamen a transmutationi subiicitur dum fit aliqua mutatio ad ipsius conseruationem, aut deficionē & ratione huius per accidens successione, & diuisibilitatē habeat, eo quod illa transmutatio non sit tota simul, & sic est verum ipsum habere successione, & hunc sensum S. Thom. intendit, ut ex primo Sen. dist. 19. q. 2. art. 4. quartum, & secunda secundæ q. 31. art. 2. cap. & potentia. q. 5. art. primo secundum & articulo 4. primum & ex tractatu de tempore accipi potest.

Tertio Deus non semper fuit, ergo est eductus de non esse ad esse ab alio: ergo Deus non est prima causa, hoc est effectus ergo & primus: consequentiā prima probatur, quia à seipso nihil educitur de non esse ad esse, cum quod non est non possit agere. Secunda quoque patet quod à quo aliquid in esse produci potest oportet esse prius illo, saltem prioritate naturæ: Tunc vltima non incepit esse, sed semper fuit: ergo nec desinet: patet consequentiā quia quod semper fuit habet virtutem semper essendi, ergo est æternus.

CIRCA istam consequentiā, non incepit esse, ergo nec esse desinet, Quod non indubietur quia supposita æternitate mundi quæ apud S. Thom. est possibilis capite esse quod intelligitur non incepit esse & tamen ab extrinseco secundum Theod. modo non deus logos possent non esse per annihilationem, ergo, &c. Nec probatio adducta finit. valere videtur, dici enim potest quod licet quod semper fuit habeat virtutem semper essendi, potest tamen per annihilationem illa virtus non esse.

RESPONDETUR quod aliquid non incipere esse ex duplici causa Contra Gent. 1. 3. potest

Ratio temporis in numeratione consistit.

Quomodo in esse substantiali inueniatur successio.

Auth. Sac. Scripturæ.

Æternitatis ratio explicatur.



potest contingere, vno modo quia sibi conuenit essentialiter esse ab eterno, & non produci ab aliquo, alio modo: quia ab eterno produci ab aliquo extrinseco agente, ex eo quod est non incipere esse primo modo sequitur non desinere esse nec ab intrinseco nec ab extrinseco, quia tale est ipsum esse & habet virtutem essentialiter vt sit semper & ad hunc sensum facit S. Th. illam consequentiam. Ex eo verò qd est non incipere esse secundo modo, non sequitur non posse desinere esse saltem ab extrinseco. Nec etiam oportet vt omne tale quod non incepit habere virtutem vt semper sit. Potuisset enim homo aut alius ab eterno produci, & tamen non haberet virtutem vt semper esset, quod oportet ponere in rebus aliquid quod sit necesse esse: aut ergo illud habet causam suam necessitatis, & illud alia causam & sic in infinitum, aut oportet ponere quod sit primum necesse esse, sed non potest poni processus in infinitum, ergo oportet esse aliquid per se necessarium, & hunc dicimus Deum, ergo & Deus est æternus, quia omne per se necessarium est æternum: antecedens probatur: omne possibile esse habet causam, quia quum æqualiter se habeat ad esse, & non esse quod determinetur ad esse, non potest esse nisi ex aliqua causa: sed non est processus in infinitum in causis, ergo oportet deuenire ad aliquid quod non sit possibile esse, ergo oportet esse aliquid necessarium per se.

Ad euidenciam huius propositionis, omne per se necessarium est æternum, considerandum, quod aliquid potest dici per se necessarium dupliciter, sicut & aliquid potest dici per aliud necessarium: dicitur enim aliquid per aliud necessarium, aut quia habet aliquam causam extrinsecam suam necessitatis productiuam, aut quia ab alia forma necessitate habet: per oppositum dicitur aliquid necessarium per se, aut quia à nulla extrinseca causa necessarium habet, aut quia ex propria forma & non aliam formam est necessarium. Quod ergo hic dicitur, intelligendum est de per se necessario primo modo: vt ex rationis processu patet, non autem secundo modo: illud enim per se necessarium non habet causam sui esse, quia cum necessitas essendi sit conditio cōcomitans esse, si haberet esse ab alio, & necessitatem quodque haberet ab alio, & sic non esset per se necessarium, vt nunc de per se necessario loquimur. Omne autem quod non habet causam sui esse, est ipsum esse subsistens, quia si esse ab eius essentia distingueretur, non conueniret illi ex se, quum nulla res sit causa sui esse effectiue: & sic oportet, vt ab alio esse acciperet. Ex hoc autem sequitur quod sit æternum, eo quod ipsum esse subsistens, omnem essendi perfectionem claudat, & deficere non possit.

Possibile equaliter se habet ad esse & non esse.

VLTERIUS est sciendum pro illa propositione, possibile æqualiter se habet ad esse & non esse: quod possibile, hic accipitur simpliciter & absolute. Cum enim essentia rei possibilis ab actuali existentia realiter distingueretur, & solitarie considerata ex se esse non habeat, absolute loquendo, non magis inclinatur ad esse quam ad non esse, sicut non magis inclinatur ad hoc quod agens illud producat, quam quod non producat: sed hoc ex agentis dispositione proueniat. Quod si de possibili loqueremur, vt iam materia disposita est per agens ad formam introductionem, tunc non æqualiter se haberet possibile ad esse & non esse, sed magis ad esse inclinaretur, quam ad non esse.

SED occurrit dubium. Nam secundum doctrinam San. Tho. natura rei possibilis ex se habet non esse, quia si sibi relinqueretur, est non ens: esse verò habet ab alio, ergo non æqualiter se habet possibile ad esse & non esse. Magis enim inclinatur vnumquodque ad id quod conuenit sibi ex se, quam ad id quod conuenit sibi ex alio. Responderetur, quod naturam rei possibilis ex se habere non esse, dupliciter potest intelligi: vno modo affirmatiue, id est, quia sibi ex natura sua determinat non esse, sicut ignis ex sui natura determinat sibi caliditatem. Alio modo negatiue, quia videlicet ex natura sua sibi non determinat esse sicut dicimus vniuersale esse ubique, quia non determinat sibi aliquem locum. Si accipitur primo modo, sic verum est quod vnumquodque magis inclinatur in id quod cōuenit sibi ex se, quam in id quod conuenit sibi ex alio tantum, sed tunc falsum est qd natura rei possibilis ex se habeat non esse secundum mentem S. Th. Si verò accipitur secundo modo, sic verum est naturam rei possibilis ex se habere non esse: & sic intelligit sanctus Thomas. Sed tunc negatur cōsequencia: & ad eius probationem negatur assumptum quia ergo res possibilis in quantum huiusmodi, ex se non habet esse, nec tamen sibi repugnat accipere esse, ideo æqualiter se habet ad esse & non esse, id est ita potest habere non esse sicut esse, & econtra.

Hanc rationem Aureolus apud philosophos inefficacem putat arbitratus eos non concessuros esse aliquid necessarium, quod causam habeat productiuam: sed de hoc inferius specialis inquisitio erit. Quinto, ratione Arist. arguitur S. Phys. Tempus est æternum, igitur motus æternus, ergo mouens æternus: sed prima substantia mouens, est Deus, ergo, &c. Quod si negetur antecedens, erit ex eius opposito sequitur intentus. Si nāque motus & tempus incipit, ergo ab aliquo mouente incepit, sed non est processus in infinitum, ergo deuenit ad aliquid quod non incepit, & per cōsequens æternum. Fauet potestem huius veritatis Scripturæ sacræ autoritas: dicitur enim in psal. 101. Tu autem Domine in æternum permanes. Item, Tu autem idem ipse es, & anni tui non deficient.

Ad euidenciam eorum quæ hic dicuntur, considerandum est, quod licet duratio videatur distinctione quandam, successionem, priusque & posterius habere, atque etiā realiter mensurare res, quæ sub duratione cadunt, eo quod hæc in duratione magis nota nobis, scilicet in tempore reperiantur: tamen inueniuntur aliquæ durationes, quæ extensionem successionemque non habent, sed in indiuisibili consistunt, sicut æternitas & ævum, quemadmodum & ea quæ sub ipsis durant, indiuisibilia sunt. Aeternitas etiā non realiter diuini esse mensurat, quasi videlicet sit aliquid à Deo realiter distinctum, ipso notius & manifestius, sed etiā mensura tantum, secundum modum nostrum intelligendi, vt superius est ostensum.

Quod in Deo non sit potentia passiva.

Cap. 16.



I autem Deus æternus est, necesse est ipsum non esse in potentia. Omne enim id, in cuius substantia admiscetur potentia secundum id quod habet de potentia potest non esse: quia quod potest esse, potest non esse: Deus autem secundum se non potest non esse, cum sit sem-

piternus. in Deo igitur non est potentia ad esse.

Adhuc quamuis id, quod quodque est in potentia, quandoque actu prius sit tempore in potentia, quam in actu, tamen simpliciter actus est prior potentia: quia potentia non educit se in actum, sed oportet quod educatur in actum per aliquid quod sit actu. Omne igitur quod est aliquo modo in potentia, habet aliquid prius se: Deus autem est primum ens, & prima causa (vt ex supradictis patet) non igitur habet in se aliquid potentie admixtum.

Item, id quod est per se necesse esse, nullo modo est possibile esse, quia quod est per se necesse esse, non habet causam. Omne autem quod est possibile esse, habet causam (vt supra ostensum est.) Deum autem per se est necesse esse, nullo igitur modo est possibile esse: nihil ergo potentie in sua substantia inuenitur.

Item, vnumquodque agit secundum quod est actu, quod igitur non est totus actus, non toto se agit, sed aliquo sui. Quod autem non toto se agit, non est primum agens: agit enim aliquis participatione, non per essentiam suam: primum igitur agens, quod est Deus, nullam habet potentiam admixtam, sed est actus purus.

Adhuc, vnumquodque sicut natum est agere in quantum est actu, ita natum est pati in quantum est potentia: nam motus est actus in potentia existens, sed Deus est omnino impassibilis, ac immutabilis, vt patet ex prædictis: nihil ergo habet de potentia, scilicet passiva.

Item, videmus aliquid esse in mundo, quod exit de potentia in actum: non autem educit se de potentia in actum: quia quod est potentia, nondum est. Vnde nec agere potest: ergo oportet esse aliquid aliud prius, quo educatur de potentia in actum. Et iterum, si hoc est extens de potentia in actum, oportet ante hoc aliquid aliud poni quo reducatur in actum: hoc autem in infinitum procedere non potest, ergo oportet deuenire ad aliquid quod est tantum actu, & nullo modo in potentia: & hoc dicimus Deum.

Super cap. 16.



Ostquam remouit sanctus Thomas à Deo imperfectiōnem rei temporalis, nunc potentie passiuæ remouet imperfectiōnem. Circa hoc autem duo facit: primo enim remouet potentiam passiuam: secundò, vnum correlarium deducit, quantum ad primum ponitur conclusio: Deus non est in potentia passiva. Ad cuius intelligentiam sciendum qd licet Deus nullam potentiam passiuam habeat, nullūque à se extranei sit receptiuus: hæc tamen non queritur nisi de potentia ad esse substantiale quæ ab actu separabilis est secundum se. Constat enim sanctum Thomam hæc loqui de ea potentia passiva quæ per sempiternitatem remouetur, quum eam remoueri à Deo ex eius sempiternitate deducit: hæc autem est potentia ab actu separabilis. Nam illa quæ est inseparabilis ab actu secundum se, vt potest cuius capacitas per vnum actum est completa, sempiternitati non repugnat, vt patet in corporibus celestibus. Quod si diceretur omnem potentiam passiuam repugnare sempiternitati, cum sempiternum propriè ab omni mutatione oporteat esse alienum tam intrinsece quam extrinsece, ubi autem est quæcunque potentia passiva illud transmutabile sit saltem ab extrinseco. Hoc ad mectem sancti Thomæ esse non potest, cum constet ipsum in præcedenti cap. probasse Deum æternum esse ad hunc solum sensum, qd non habet principium, & finem durationis quomodo & tempus, & motus, & corpora celestia æterna esse à Philosophis est positum, non autem vt omnis absolute excluditur transmutatio: sensus ergo conclusionis est, qd in Deo nulla est potentia ad esse substantiale ab actu quem habet separabilis: & est idem ac si diceretur, Deum non esse compositum ex materia & forma, eo modo quo corruptibilia quæ sempiterna non sunt, habent compositionem, & ad hunc sensum probatur.

Veruntamen licet hunc sensum principaliter intendat tamen aliquas etiā rationes inferri, quibus probatur non solum quod in potentia non sit, sed etiam quod in potentia nihil sit, quod rationem potentie habeat, quoniam si illud est, aperte constat ipsum in potentia esse non posse. Prima ergo ratio est hæc, Deus secundum se non potest non esse, ergo in eo non est potentia ad esse: antecedens patet, quia est æternus: probatur consequentia: quia in cuius substantia admiscetur potentia, secundum id quod habet de potentia potest non esse, quia quod potest esse, potest non esse.

ADVERTENDVM pro huius rationis intelligentia, qd assumptum ad consequentiam probationem non intelligitur de posse non esse per potentiam extrinsecam, quamuis ad hunc sensum vera sit, quia nec accipitur esse in potentia secundum potentiam extrinsecam, sed accipitur posse non esse ab intrinseco, quia videlicet habet in se vnde aliquando deficiat, vt in rebus corruptibilibus accidit: Manifestissime autem patet hoc ex probatione antecedentis: probatur enim quod Deus non potest non esse, quia est sempiternus: sempiterno autem sicut celo conuenit tamen posse non esse ab intrinseco, licet ab extrinseco possit non esse, vnde & dixit Deum non posse non esse secundum se, hoc est, per aliquod principium intrinsecum: patet etiam ex assumpto ad probationem consequentiam & est propositio vera si ad sensum conclusionis accipitur: in alio autem sensu esset falsa, nam in substantia alicuius potentiam admisceri, potest dupliciter intelligi: vno modo, quia habet in se plures partes, quarum vna ad aliam comparatur, sicut potentia ad actum, & sicut susceptiuum ad formam, licet ab actu separari non possit quantum est ex se. Alio modo, quia in se habet partem potentialem ab actu separabilem secundum se, eo quod alterius actus sit susceptiuus, cui primo modo

+Idem. pp. q. 3. art. 1. & 2. & 1. po. q. 1. art. 1. & q. 7. art. 1.



modo admiscetur potentia, non est necesse ut possit ab intrinseco non esse, ut in corporibus celestibus, secundum ponentes ea ex materia & forma composita, ut aperte constat: est enim in ipsis potentia, & tamen sunt incorruptibilia. Sed cui admiscetur potentia, secundo modo: in quo sensu intelligitur conclusio, potest aliquando non esse. Nam si illa potentia potest ab actu separari habentem potentiam potest non esse, sicut quia materia for, potest aliam formam recipere, & sic carere forma quam habet, potest non esse sortis.

AD DIT autem sanctus Thomas, secundum id quod habet de potentia potest non esse, tum quia si aliquid constet, ex potentia & actu, posse non esse, non conuenit sibi ratione actus quem habet, sed ratione potentie quæ est alterius forme receptiua. Tum quia si habet potentiam ad esse substantiale, potest non esse substantialiter: si autem habeat potentiam ad aliquid esse accidentaliter: puta album vel nigrum & similia, & vniuersaliter loquendo, potest non esse illud ad quod est in potentia. Secundo, Deus non habet aliquid prius se, ergo non est in potentia antecedens patet, quia est primum ens, & prima causa consequentia probatur, quia actus est simpliciter prior potentia, licet in vno & eodem potentia, sit tempore prior actu: quod enim est in potentia non educitur in actum nisi per aliquid ens actu: ergo si Deus fuerit in potentia erit aliquid ens actu prius eo, ergo, &c.

Actus est simpliciter prior potentia.

AD EVIDENTIAM huius rationis, notandum est, quod actum esse simpliciter priorem potentia, dupliciter potest intelligi. Vno modo prioritate nature & causalitatis. Alio modo prioritate durationis: & licet utroque modo verum sit, ut patet ex Arist. 9. Metaph. & ex doctrina sancti Thomæ ibidem, & lect. 7. & potentia. q. 7. art. 1. tamen aliter & aliter est verum. Nam si loquamur de prioritate nature & causalitatis, sic est verum absolute, & de eo inquam quod successiue producit, & de eo quod producit in instanti. Si vero loquamur de prioritate durationis, sic non est vniuersaliter verum, sed duabus opus est limitationibus. Prima est, ut illud quod est in potentia reducatur in actum per successiuam transmutationem. Secunda, ut illa potentia sit potentia proxima quæ in actum reduci possit per vnicam transmutationem, non autem potentia remota. patet hoc ex Aristot. 9. Metaph. text. 12. & sancto Thomæ lectione sexta declarant quomodo, aliquid dicitur in potentia ad actum.

PROPTER defectum primi, non est necesse ut illuminatiuum præcedat tempore illuminabile, quia illuminatio non est mutatio successiua, instantanea, sed propter defectum secundi, non est necesse ut ens in actu præcedat duratione materiam primam: quia licet sit potentia, non est tamen potentia proxima, sed remota. Sic ergo intellecta propositione, manifeste eius veritas apparet. Nam cum materia successiue & in tempore per actionem existentis in actu perducatur ad talem dispositionem, ut sit materia propinqua, quæ per vnicam actionem reduci possit in actum, constat quod ens in actu, non tantum præcedit duratione rem productam, sed etiam potentiam eius proximam, quum inter ipsum & talem potentiam mediet tempus, in quo deducta est per actionem agentis ad eam dispositionem, secundum quam est materia proxima.

PATE T veritas huius expositionis etiam ex ratione qua probatur dicta propositio, quia videlicet quod est in potentia non educitur in actum nisi per ens actu. Si intelligeretur de potentia remota, aut materiz nudæ, tunc ista consequentia nulla esset, quod est in potentia non educitur in actum nisi per aliquid ens actu: ergo actus est prior tempore potentia: sed bene sequeretur, ergo actus præcedit actum ab eo successiue productum. Sed si intelligatur modo exposito, bona esset. Si enim quod est in potentia ante omnem actionem agentis reducitur in actum successiue ab existente in actu, sequitur quod actus præcedat potentiam proximam eius quod educitur in actum, cum in tempore & successiue materia disponatur ab agente tali dispositione quæ est proxima & immediata dispositio ad formam.

Licet autem vera sit propositio tam de prioritate durationis quam de prioritate nature, accipit tamen eam hoc loco S. Thom. ut vera est, de prioritate nature, & causalitatis. Sic enim actus est prior eo, quod quandoque est potentia, & quandoque in actu. Quod cum Deo nihil sit prius causalitate eo quod sit prima causa: sequitur ipsum non esse quandoque in potentia, quandoque in actu. Tercio, Deus est per se necesse esse, ergo non est possibile esse, ergo nihil potentie in eius substantia inuenitur. probatur prima consequentia. Omne possibile esse habet causam, ut ostensum est præfati cap. per se autem necesse esse non habet causam, alioquin, non esset per se necesse esse, ergo, &c.

AD VERTE quod licet si accipitur possibile ut opponitur impossibili per se necesse esse sit possibile esse. Si tamen accipitur possibile ut idem est quod contingens, quod scilicet potest esse & non esse, quo modo opponitur necessario nullum per se necesse esse est possibile, sicut vnum oppositorum non est reliquum. Quarto, primum agens est actus purus, sed Deus est primum agens, ergo actus purus. Maior probatur quia oppositum prædicati infert oppositum subiecti: sequitur enim, non est actus purus: ergo non se toto agit, sed aliquo sui, quia intantum agit vnumquodque in quantum est in actu, ergo agit alicuius participatione, non per essentiam, ergo non est primum agens.

AD EVIDENTIAM huius rationis considerandum est quod omne quod in aliqua potentia recipitur ex tali receptione limitationem quandam accipit: sicut albedo in subiecto recepta ad aliquem albedinis gradum limitatur, quæ si esset à subiecto abstracta omnem perfectionem ubi possibilem haberet: Imperficetur enim actus ex eo quod esse receptum habet. Ex hoc sequitur, quod actus in potentia receptus est participatus eo quod non omnem perfectionem quæ sibi conuenire potest secundum rationem speciei habeat, bene ergo sequitur. Si aliquid non se toto agit, quod per essentiam suam non agit, ita scilicet quod essentia sua quæ nominat totum sit primo agens, sed participatione alicuius, id est, per partem suam actualem participatam ex eo quod in alia parte potentiæ est recepta, quod sanè repugnat rationi primi agentis. oportet enim ut primum simpliciter agens, etiam primo agat: & ex consequenti non per aliud quocunque modo, sicut & quod primo mouetur, oportet ut non per partem moueatur, ut dicitur 7. Physicorum.

Quinto, Deus est omnino impassibilis & immutabilis, ergo non habet potentiam passiuam: probatur consequentia, quia vnumquodque natum est pati ex eo quod est in potentia, quum motus sit actus existentis in potentia.

Sexto, aliquid est in mundo quod exit de potentia in actum, & illud non educitur à seipso de potentia in actum, quia quod est in potentia adhuc non

est, & consequenter agere non potest, ergo oportet deuenire ad aliquid quod sit tantum actu, & nullo modo in potentia, & hunc dicimus Deum: probatur consequentia, quia non est in ipsis procedere in infinitum.

CONTRA hanc rationem instari posset, quia ex eo quod non proceditur in infinitum, in ipsis quæ educuntur de potentia in actum, non videtur sequi quod oporteat deuenire ad actum purum qui est Deus, sed ad aliquid quod non educatur de potentia in actum. Si enim ponamus calum ab æterno esse productum, illud non erit de potentia passiuæ reductum in actum, & tamen habet potentiam.

SED instantia hæc tollitur, si intentum conclusionis consideretur. Non enim intendit sanctus Thomas in hoc capitulo probare, quod Deus sit actus purus, nihil in seipso habens quod rationem potentie habeat. Sed quod in Deo non est potentia ab actu separabilis, per quam dicitur esse in potentia passiuæ ad aliquid aliud. Sicut aer est in potentia ad hoc, ut ex ipso fiat ignis, & vniuersaliter omnia corruptibilia sunt in potentia ad hoc ut ex ipsis aliud generetur.

### Quod Deus non est materia. Cap. 17.

PARERET etiam ex hoc Deum non esse materiam. Quia materia id quod est in potentia est.

† Idem. p. p. q. 3. art. 2.

2. Item materia non est agendi principium: unde efficiens & materia in idem non incidunt secundum Philosophum, Deo autem conuenit esse primam causam effectiuam rerum ut supra dictum est: ipse igitur materia non est.

3. Amplius sequitur res naturales casu existere his qui in materia omnia reducebatur sicut in causam primam: contra quos agit in secundo Physicorum: si igitur Deus qui est prima causa, sit causa materialis rerum, sequitur omnia in casu existere.

† Tex. c. 6. 77.

4. Item materia non fit causa alicuius in actu, nisi secundum quod alteratur & mutatur: si igitur Deus est immobilis, ut probatum est, nullo modo potest esse rerum causa per modum materie. Hanc autem veritatem fides catholica confitetur, quæ Deus non de sua substantia, sed de nihilo asserit cuncta creasse. In hoc autem insania David de Diuino confunditur, qui ausus est dicere Deum esse idem quod prima materia: ex hoc quod si non esset idem, oporteret differre ea aliquibus differentiis, & sic non essent simplicia: nam in eo quod per differentiam ab alio differt, ipsa differentia compositionem facit. hoc autem processit ex ignorantia, qua nesciuit quid inter differentiam & diuersitatem inter sit. Differens enim (ut in 10. Metaph. determinatur) dicitur ad aliquid: nam omne differens aliquo est differens, diuersum autem aliquid absolute dicitur ex hoc quod non est idem. Differentia igitur in his quæ redita est, quæ in aliquo conueniunt: oportet enim aliquid in eis assignari, secundum quod differant, sicut duæ species conueniunt in genere: unde oportet quod differentiis distinguantur. In his autem quæ in nullo conueniunt, non est querendum quo differant, sed seipsas diuersa sunt: sic enim & oppositæ differentiæ ab inuicem distinguuntur: non enim participant genus quasi partem suæ essentia: & ideo non est querendum quibus differant: seipsas enim diuersa sunt. Sic etiam Deus & materia prima distinguuntur, quorum vnum est actus purus, aliud, potentia pura, in nullo conuenientiam habentes.

† Cap. 13.

† Secutus Alexandrum qui fecit librum de materia, ubi probare conatur omnia esse vnum in materia.

### Super cap. 17.

EX præfati cap. deducit sanctus Thomas hanc conclusionem, Deus non est materia. Circa hanc autem duo facit: primum enim conclusionem probat. Secundo, errorem quandam ex determinatis excludit. Prima ratio ad conclusionem est. In Deo nulla est potentia ad esse substantiale, ergo Deus non est materia: probatur consequentia, quia materia prima est id quod est in potentia.

AD VERTE quod aliter materia est in potentia, quam id quod ex materia fit. Nam materia non sic est potentia quasi produci possit, & in actu subsistere sicut ignis, quum sit ingenerabilis, & incorruptibilis, ut dicitur primo Physicorum, sed est potentia essentialiter, quæ est ipsa potentia, & est subiectum receptiuum actus. hoc autem modus loquendi sancti Thomæ innuit, cum inquit, materia id quod est in potentia, id est, secundum totam suam essentiam est potentia actus receptiuus, ita quod essentialitas potentie significatur quum dicitur, id quod est ordo ad actum, cum dicitur in potentia est. Id autem quod sit antequam sit, est in potentia, quia potest in actu esse per actionem agentis, & est aliqua potentia in materia de qua educi potest. Secunda, Deus est prima causa efficiens: ergo non est materia. tenet consequentia, quia agens & materia in idem non coincidunt apud Philosophum 2. Physic. & 5. Metaph.

Tertia, si esset materia, omnia essent à casu.

Quarta, Deus est immobilis, ergo non est materia: patet consequentia, quia materia non fit causa alicuius actu, nisi secundum quod alteratur & mutatur. NOTANDUM est, quod aliud est materiam esse partem alicuius, & aliud materiam fieri causam alicuius in actu. Ipsam enim esse partem alicuius, est ipsam essentiam rei compositæ constituere partialiter, quod esse potest absque alteratione & mutatione materie, sicut in corporibus celestibus videmus. Sed ipsam fieri causam in actu alicuius, est ipsam prius existentem non causare illud, postmodum vero actualiter illud in suo genere causare: hoc autem esse non potest nisi per alterationem & mutationem, qua & præfati forma spoliatur, & aliam induit. Non enim materia quæ est sub forma aeris, potest fieri actu causa forme ignis, nisi per alterationem forme à qua expolitur. Quum ergo ponamus Deum primam causam, & aliquid ab ipso nouiter causari, oporteret si esset materia, quod per aliquam mutationem fieret actu causa eius, cuius erat tantum causa in potentia.

Contra Gent.

b 4

QVAN



**Q**UANTVM ad secundum, refellit positionem fatuam David de Diuino nato, qui existimauit Deum esse materiam primam, hac deceptus ratione: quia si Deus & materia non essent in idem, differrent aliquibus differentiis, & sic non essent simplicia, quia differentia aliquam compositionem facit in eo quod differt. Sed respondet sanctus Thomas quod hic ignorauit, quid inter differens & diuersum interfit. Nam differens quidem ad aliquid dicitur, eo quod aliquo sit differens, vt patet 10. Metaph. Text. 12. diuersum autem absolute dicitur, ex eo quod non est idem. Nam differentia inter ea quatenus est quæ in aliquo conueniunt, ideo oportet vt differentiis differant sub illo communitatis autem quæ sunt diuersa non est aliquid commune in quo conueniant: ideo non oportet quærere quo differant: sed seipsos esse possumus diuersos: si namque oppositæ differentiæ distinguuntur: sunt enim seipsi, & non aliis differentiis diuersi, cum non participant genus tanquam partem suæ essentia: sic etiam Deus & materia prima seipsi sunt diuersi, tanquam in nullo conuenientia.

**P**RO declaratione eorum quæ hic dicuntur, reminisci oportet eius quod ex 5. & 10. Metaph. habentur, quod inquam diuersum identitati opponitur, & vniuersaliter non identitatem importat: unde quomodocunque aliqua non sint idem, diuersa dici possunt: differens autem, si vocabulo proprie uti voluerimus, dicitur de eo quod in aliquo conuenit cum altero, sed aliquibus differentiis illius communis ab illo distinguitur, sicut homo qui cum equo in genere animalis conuenit, ab eo per rationale differt, unde omne differens est diuersum, quia est aliquo modo non idem: non autem omne diuersum est differens, quia etiam quæ in nullo conueniunt, diuersa dici possunt, non autem differentia: sed tamen quandoque vno vocabulo indistincte pro altero vniuntur: quo fit, vt quæ quoque modo diuersa sunt, ea differre dicamus, quia non sunt idem: non autem quia sub aliquo communi aliquibus differentiis distinguuntur.

**C**ONSIDERANDVM etiam, pro eo quod inquit, differentias non participare genus, quasi partem suæ essentia, q. genus dupliciter considerari potest: vno modo materialiter, alio modo formaliter. Si materialiter consideretur, quantum videlicet ad entitatem suam tantum, sic non est pars neque speciei, neque differentia, sed dicit totam entitatem tam speciei quam differentia, sed si formaliter consideretur, secundum scilicet quod tanquam fundamentum conceptui correspondet omnibus eius speciebus communi, sic dicit partem essentia speciei, non autem differentia, si rei essentiam formaliter accipiamus, secundum scilicet quod natura conceptui intellectus distinctiuo responderet. Nam in definitione essentiali speciei includitur genus tanquam definitionis pars: ideo pars essentia speciei dicitur: non autem in definitione differentia ponitur genus tanquam eius pars, neque de ipsa genus formaliter prædicatur, vt dicitur 3. Metaph. alioquin in definitionibus esset nugatio. Idcirco genus non dicit partem essentia differentia, licet cum ipsa sit materialiter idem. Et propter hoc dicuntur primò diuersa, quia in nullo communi conceptui obiectuali conueniunt.

**S**ED occurrunt tria dubia. Primum est, Nam non dicitur aliquid relatiuum, quia aliquo sit tale, sed quia ad alterum sicut ad correlatiuum refertur, non enim album est relatiuum, licet albedine sit album, ergo licet differens aliquo differat, non propter hoc est relatiuum: cuius oppositum videtur sanctus Thomas hic tenere, dum inquit quod differens ad aliquid dicitur.

Secundum est, quia non videtur distingui diuersum à differenti, eo modo quo hoc ponitur. Nam sicut differens aliqua differentia differens est, ita & diuersum aliqua diuersitate est diuersum, & sic qua ratione vnum dicitur ad aliquid, eadem ratione & reliquum. Tertium est. Materia, & Deus in ente conueniunt, ergo sunt differentia, quia vt inquit Philosophus 5. Metaph. text. 15. differentia sunt quæcunque diuersa sunt idem aliquid entis aut numero, aut specie, aut genere, aut proportionem, & de vno proportionem dat ibidem S. Thom. exemplum de quantitate & qualitate in ente, ergo falsum est quod inquit sanctus Thomas, ea in nullo conuenientiam habere, & differentia non esse.

**A**D horum euidentiam considerandum est quod in eo quod relatiue dicitur præter terminum ad quem refertur, necesse est esse aliquid quo ad terminum referatur, aliquo modo ab ipso diuersum: in eo enim quod est simile oportet esse relationem per quam assimilatur alteri, & aliquam qualitatem quæ sit similitudinis fundamentum: simile enim aliqua similitudine simile est, & secundum aliquam qualitatem: quod autem negatiue dicitur, non indiget aliquo, quo negatiue dicatur, sed ex seipso potest ab altero negari. Si ergo differens relatiue sit, oportet in ipso esse aliquid quo à termino differt. Diuersum autem, quia absolutum est, non importans, videlicet ex se respectum ad alterum, non indiget aliquo quo sit diuersum, sed seipso toto negari potest: propter hoc volens assignare sanctus Thomas modum quo distinguatur, interposuit ex Aristotelis autoritate vnum esse relatiuum, aliud absolutum, ex quo sequitur in vno esse aliquid quo dicatur tale, in altero vero non. Ad aliquid ergo siue relatiuum ad duo dicitur, ad vnum videlicet tanquam ad terminum tantum, & correlatiuum: ad alterum vero, tanquam ad rationem referendi. Pater enim dicitur ad filium tanquam ad terminum: ad paternitatem autem, tanquam ad rationem referendi: pater enim paternitate est pater, formaliter, & potentia vel actu generandi fundamentaliter. Differens ergo est relatiuum, quia dicitur ad id quo differt tanquam ad rationem referendi, non tanquam ad terminum, diuersum autem non dicitur ad aliquid, tanquam ad rationem referendi.

Ad primum itaque potest primò responderi quod licet aliquid non sit relatiuum, quia aliquo sit tale quomodocunque: aliquid tamen ad aliquid dicitur, quia aliquo est tale, tanquam ratione referendi, quod albo non conuenit, licet enim album sit album albedine, nomine tamen albo non importatur albedo, tanquam ratio ad alterum referendi.

Potest secundo responderi, quod relatiuum & ad aliquid potest dupliciter accipi, sicut & absolutum: dicitur enim aliquid absolutum, aut quia absolute dicitur ad terminum sicut quantum non enim quantum vt sic ad aliud tanquam ad terminum dicitur, aut quia absolute dicitur à subiecto, vel à forma, vel quocunque alio modo, ab alio, si ut substantia est absoluta à subiecto, & accides à forma, qua sit tale. non enim accides aliqua forma sibi addita est accides, sed seipso. Similiter ergo ad aliquid dicitur aut tanquam ad terminum tantum, aut tanquam ad subiectum vel formam, aut quocunque alio modo quam ad terminum tantum, quum ergo dicitur differens esse ad aliquid, siue relatiuum, vt dicitur primo sententiarum, accipitur ad aliquid, non tanquam ad terminum, quod est proprie ad aliquid, sed tanquam ad formam, quod largo modo

dici potest ad aliquid. Differens enim aliquam formam importat per quam differens est: diuersum autem non importat formam per quam sit diuersum, sed potest seipso esse diuersum, ideo dicitur absolutum à forma. Hoc modo conceditur album ad aliquid dici tanquam ad formam: omne enim album, albedine est album, licet non sit ad aliquid tanquam ad terminum extrinsecum. Hanc distinctionem ex sancto Thoma 5. Metaphys. cap. de ad aliquid elicere possumus, vbi inquit, quod recte visus potest dici videns, non in quantum visus est, quia sic dicitur visibilis, sed in quantum accidens vel potentia videns: relatio enim respicit aliquid extra, non autem respicit subiectum, nisi in quantum est accidens. Sicut ergo visus, & ad visibile respectum habet, & ad videndum, licet in quantum proprie relatiuum dicatur ad visibile: in quantum autem accidens vel potentia ad subiectum, vt sic etiam largo modo dici possit relatiuum, quia ad alterum respectum importat, scilicet ad subiectum: ita differens importat respectum ad id quo differt, tanquam ad terminum extrinsecum, & vt sic proprie est relatiuum: importat etiam respectum ad differentiam tanquam ad formam per quam est differens: & sic largo modo potest dici ad aliquid prout omne quomodocunque ad alterum respectum importans potest ad aliquid dici. Videtur hæc responsio esse magis ad mentem S. T. Nam prima quæst. 3. artic. 8. ad 3. inquit: unde secundum Philosophum 10. Metaphys. diuersum absolute dicitur, sed omne differens aliquo differt: ex quo dat intelligere quod pro eodem accipit absolutum: & non importans formam à se distinctam qua sit tale, & similiter ad aliquid pro importante formam qua sit tale à se aliquo modo distinctam: primo etiam sententiarum, distinct. 3. quæst. prima, artic. 2. ad 3. declarans de mente Philosophi, quomodo diuersum sit absolutum, & differens relatiuum, assignat pro ratione, quia omne differens aliquo differt, sed non omne diuersum, aliquo est diuersum. Ad secundum dicitur quod diuersum & diuersitas negatiue dicuntur, sicut non idem, & non identitas: unde diuersum non est aliqua diuersitate diuersum, tanquam forma, sed tanquam negatione formæ.

**A**DVERTENDVM quoque, quod licet diuersum videatur relatiue, & ad aliquid dici: diuersum enim ab aliquo est diuersum, tamen illa præpositio ab, non importat terminum relationis, sed negationis: importat enim illud cui aliquid non est idem, sicut quum dicitur Socrates non existens, distinguitur à Platone non existente, non importatur ordo vnus ad alterum, sed negatio vnus ab altero: unde diuersum non est relatiuum, sed absolutum.

Ad tertium dicitur, quod differentia, si proprie sumatur, dicitur inter illa quæ genere aut specie distinguuntur, vt dicitur 10. Metaphys. text. 12. unde non sufficit ad differentiam proprie dictam, vt aliqua in vno communi analogo, & proportionali conueniant, sed requiritur vt vnumquodque illorum sit in genere aliquo, aut specie: unde inquit ibidem Philosophus decimo Metaphysica, quod oportet vt illud quo aliqua differunt, sit aliquid idem in illis quæ non sic differunt: hoc autem est genus, aut species. Quod verò inquit sanctus Thomas & Aristoteles, quod etiam quæ sunt vnum proportionem sunt differentia, intelligendum est supposito quod vnumquodque illorum sit in genere, & quod exemplificat de quantitate & qualitate, quæ vniuntur in ente, non accipit illa pro generibus generalissimis, sed pro speciebus generum, puta pro linea, & albedine: ista enim differunt genere in nullo conuenientia, præterquam in ente de ipsis proportionaliter dicto: dicitur ergo ad augmentum, quod licet Deus & materia in ente conueniant de ipsis proportionaliter dicto, non tamen conueniunt sicut aliqua diuersorum generum, aut diuersarum specierum, vt intelligit sanctus Thomas qui se ad Aristotelem refert decimo Metaphysica. Similiter de differentiis oppositis est dicendum. Quamuis enim in ente conueniant, non sunt tamen in genere aliquo, aut specie, quæ de ipsis formaliter prædicantur: ideo seipsi distinguuntur, non autem aliis differentiis.

#### Quod in Deo nulla sit compositio. Cap. 18.



**I**X præmissis autem concludi potest quod in Deo nulla sit compositio. Nam in omni composito oportet esse actum & potentiam: non enim plura possunt simpliciter fieri vnum nisi aliquid ibi sit actus & aliquid potentia. Quæ enim actus sunt non vniuntur nisi quasi colligata vel sicut congregata: quæ non sunt vnum simpliciter in quibus etiam ipsæ partes congregatæ sunt, sicut potentia respectu vnionis, sunt enim vnite in actu postquam fuerint in potentia vnibiles: in Deo autem nulla est potentia: non est igitur in eo aliqua compositio.

2 Item omne compositum posterius est suis componentibus: primum ergo ens quod Deus est ex nullis compositum est.

3 Adhuc, omne compositum est potentia dissolubile quantum est ex ratione compositionis: licet in quibusdam sit aliquid aliud dissolutioni repugnans, quod autem est dissolubile, est in potentia ad non esse: quod Deo non competit: cum sit per se necesse esse: non est ergo in eo aliqua compositio.

4 Amplius, omnis compositio indiget aliquo componente, si enim compositio est, ex pluribus est: quæ autem secundum se sunt plura in vno non conueniunt nisi ab aliquo componente vniantur: si igitur compositus esset Deus haberet componentem: non enim ipse seipsum componere posset: quia nihil est causa sui ipsius: esset enim prius seipso: quod est impossibile: componens autem est causa efficiens compositi: ergo Deus haberet causam efficientem: & sic non esset causa prima, quod supra habitum est.

5 Item in quolibet genere tantò aliquid est nobilius, quantum simplicius: sicut in genere calidi ignis, qui non habet aliquam permixtionem frigidi: quod igitur est in fine nobilitatis omnium entium, oportet esse in fine simplicitatis: hoc autem quod est in fine nobilitatis omnium entium dicimus Deum, cum sit prima causa: causa enim est nobilior effectu: nulla igitur

Differens quomodo est relatiuum.

+ Idem. p. p. 4. art. 7. & 8.



igitur compositio ei accedere potest.

6 Præterea in omni cōposito bonū non est huius vel illius partis, sed totius: & dico bonū secundū illam bonitatem, quæ est propria totius & perfectio eius: nam partes sunt imperfectæ respectu totius, sicut partes hominis non sunt homo: partes enim numeri senarij, non habent perfectionē senarij: & similiter partes lineæ non perueniunt ad perfectionē mensuræ quæ in tota linea inuenitur: si ergo Deus est cōpositus, perfectio & bonitas eius propria inuenitur in toto: nō autem in aliqua eius partium: & sic non erit in eo purē id bonū quod est propriū ei: nō est ergo ipse primum & summū bonum.

7 Item ante omnē multitudinē oportet inuenire unitatē: in omni autem cōposito est multitudo: igitur oportet id quod est ante omnia, scilicet Deū omni cōpositione carere.

### Super cap. 18.

**P**ostquam excludit Sanctus Th. ad Deū potentialitatem passivā, consequenter & compositionem excludit. Circa hoc autem duo facit: primum enim excludit cōpositionem vniuersaliter: secundo ad particulares cōpositiones descendit, cap. 20.

Circa primum duo facit: primum excludit à Deo omnem compositionem: secundò, quoddam deducit correlatiū cap. seq. Quantum ad primum, probat nullam esse in Deo cōpositionem, & arguit primò sic, in Deo nulla est potentia, ergo nulla cōpositio: probatur conseq. quia ubi est cōpositio, ibi est actus & potentia, non enim ex pluribus potest simpliciter vnum fieri, nisi vnum sit actus, & alterum potentia: esset enim vnum tantum colligatione, & congregatione, si vtrumque esset actus, & tamen etiam sic ipsæ partes essent potentia respectu vniōis. Fundamentum huius rationis inferius in 2. declarabitur, ubi de pluralitate formarum sermo erit. Secundo, Deus est primus ens, ergo non est cōpositus: probatur conseq. quia cōpositum est posterius suis componentibus.

ADVERTE quod cōpositum comparatur ad suas partes componententes aliquo modo, sicut actus ad potentiam: ideo in genere causæ formalis totum est suis partibus prius secundum naturam: in genere autem causæ materialis partes sunt priores toto, propter quod inquit S. Th. 3. sent. d. 2. q. 2. art. 1. quod partes sunt priores toto originaliter, sed completiue, e contrario: quod est dicere, quia via generationis & materiæ quæ procedit de potentia ad actum, partes sunt priores toto, ordine autem naturæ & formæ, à qua rei provenit complementum totum est partibus prius.

Tertio, si esset cōpositus, posset non esse, quod Deo non competit: probatur conseq. quia cōpositum omne, ut sic, est dissolubile, licet in quibusdam sit aliquid dissolutioni repugnans.

Sed videtur hæc ratio seipsam destruere. Dicitur enim quod licet ex eo quod Deus est cōpositus, sequatur ipsum posse non esse, tamen posse non esse sibi aliunde repugnat: & est ens necesse esse.

AD huius evidentiā sciendum quod omne cōpositum includit plura realiter distincta, ex quibus componatur: quæ autem sunt realiter distincta, ut realiter distincta sunt, non inveniunt posse ab invicē separari, licet aliquando ex particularibus suis rationibus repugnet ut separentur, ex eo quod vnum ad alterum necessariam habet dependentiā: bene ergo dicitur quod cōpositum ex ratione compositionis dissolubile est, quia cōpositio includit partium pluralitatem, quibus ut plures & distinctæ sunt, conveniunt ut ab vna altera possint separari, aut vtraque permanente, aut altera tantum aut neutra, & per consequens ut totum possit dissolui, & non esse. In Deo autem nihil tale inueniri potest, ex quo non esse possit, cum sit per se primò necesse esse ex quo habet ut nullo modo possit non esse, neque ab intrinseco, neque ab extrinseco.

Quartò, haberet causam efficientem: & sic nō esset prima causa: probatur conseq. quia omnis cōpositio indiget componente, eo quod plura in vnum non conveniunt, nisi ab aliquo vniantur, non componit autem se ipsum cōpositum, quia nihil est sui ipsius causa: ergo oportet esse aliquid aliud componens, tale autem est causa efficiens cōpositi, ergo, &c.

Quintò, Deus est nobilissimū entium, ergo non est cōpositus: antecedens patet, quia est prima causa: cōsequencia probatur, in quolibet genere tādē est aliquid nobilius, quāto est simplicius, sicut ignis qui nullam permixtionē frigidi habet in genere calidi est nobilissimus, quod ergo est in fine nobilitatis omnium entium, est in fine simplicitatis, & per cōsequens non est cōpositum.

ADVERTE circa illam propositionem, in quolibet genere quāto aliquid est nobilius, tādē est simplicius, quod habet veritatem in iis quæ per se & directē reponuntur in igne, non autem vniuersaliter de omnibus: non enim materia prima est nobilior homine, licet sit simplicior, aut homo simplicior materiæ quæ est perfectior: materiæ enim non est in genere tanquam aliquid completum in specie. Sed inter ipsas species, illa quæ nobilior est, simplicior etiam est.

ADVERTE etiam cum dicitur, ignis qui non habet aliquam permixtionem frigidi, quod dupliciter habere sensum potest, primus ut li, quod dicitur, qui nō habet, &c. sit limitatiū illius termini ignis, ut sit sensus: cum aliquis ignis habeat permixtionē frigidi, aliquis verò non, ille qui non habet, est perfectissimus: & tunc probabile est, ut suppositum istud vnum sit de igne in sua sphaera, quod scilicet nullum gradum frigiditatis habeat, sed habeat summum gradum caliditatis, saltem in suprema sui parte. Secundus sensus potest esse, ut sit declaratiū naturæ ignis, quasi de natura ignis, sit non habere aliquem gradum frigiditatis. Et tunc intelligendum est de igne in propria materia, non autem in aliena existente & de igne suæ relictæ naturæ: quia si loqueremur de ipso, secundum quod ab aliquo frigido alteratur, puta ab aqua, ut conuertat ipsum in aquam, non apparet quare caliditatis eius frigiditas permixti non possit, imò videtur necessarium illud ponere, quum non possit ignis in aquam transmutari, nisi prius aquæ dispositionibus disponatur.

SED occurrit dubium circa istam propositionem, in quolibet genere: quāto aliquid est nobilius, quāto est simplicius, non enim videtur vera, neque in generibus, neque in speciebus: in generibus quidem, quia quāto genus est superius, tādē est simplicius, utpote pauciora in sua includens ratione, non tamen est perfectius, imò imperfectius, quia potentialius est tan-

quam per plures differentias contrahibile, ut patet ordinem prædicamentis substantiæ consideranti. In speciebus quoque quoniam lapis simplicior est homine, eo quod per solam differentiam corporis constituitur, homo verò ex multis aliis differentiis, scilicet viventis, & animalis: & tamen homo longe nobilior est lapide: similiter elementa sunt simpliciora mixtis animalis, & tamen animata sunt elementis digniora.

Confirmatur ex verbis Sancti Th. 1. q. 2. art. 7. ad 2. Ibi enim conceditur quod apud nos composita, sunt meliora simplicibus. Posset ad ista breviter dici quod Sanctus Th. loquitur de simplicitate quæ opponitur mixtioni cum opposito, ut patet ex verbis literæ. Quod enim minus suo contrario permiscetur, est perfectius in sua natura, sicut albedo tantò perfectior est, quāto minus nigredini permiscetur: & calor tantò perfectior est, quāto minus habet admixtum de frigiditate: & sic accipitur simplicius, ut idem est quod purius, quum ergo Deus perfectissimus sit in genere entium, necesse est ut sit purissimus tanquam nihil habens de non ente, & potentialitate, & per consequens nullam habet compositionem.

VERVNTAMEN, ut alius consideremus ordinem simplicitatis & compositionis rerum, sciendum est primò quod dupliciter est simplicitas, scilicet simplicitas corporalis, & simplicitas formalis siue actualis. Illud dicitur simplex omnino simplicitate corporea quod est corpus non compositum ex alio corpore: & tantò aliquid est simplicius, quāto minus ex aliis corporibus est cōpositum, sicut elementa sunt simpliciora mixtis. Dicitur autem simplex omnino simplicitate formali, & actuali, quod est omnino forma, & actus, & tantò aliquid est simplicius, quāto est formalis, & actualius, & minus habens de potentialitate.

SCIENDVM secundò pro maiori evidentiā istius simplicitatis formalis, & compositionis illi oppositæ, quod fundamētum compositionis sit actus & potentia, quia ex multis non fit vnum simpliciter, nisi vnum eorum sit actus, aliud verò potentia, & ex potentia potissimum dependeat compositio, eo quod pura potentia per se esse non possit, quāto magis saluatur potentialitas & diuersitas potentiarum ab actu: sub vno tamen esse tantò magis saluatur ratio compositionis: importat enim compositio plurium actus, scilicet & potentiarum positionem ad esse vnius: ideo ubi magis saluatur potentialitas & distinctio cum vnitatem esse, ibi magis saluatur compositio. Saluatur autem in cōposito tantò magis distinctio potentiarum & actus, & potentialitas, quāto potentia minus actuatur à forma, & forma minus prædominatur materiæ: quia cum ex illis minus fit vnum dum vnum minus ad gradū alterius trahitur: sequitur ergo quod ubi forma minus dominatur materiæ, illud magis potentialiter est, magis quoque cōpositum. Ex hoc viterius sequitur, quod ubi forma fuerit perfectior, & magis materiæ prædicat, tādē ex illa forma & materiæ fiat aliquid minus cōpositum, & magis vnum, magis quoque simplex, quia forma quāto magis prædominatur, tādē perfectius actuatur materiæ, & minus relinquit in potentia. Quod sane patet si per gradus formarum materiæ eiusdem rationis informamur: discurremus: forma enim elementorum, quia totaliter sunt immerse materiæ parū ipsam actuant dum eam relinquant in potentia ad actum mixti & viui, & animalis, & rationalis: forma verò mixti materiam magis actuatur, eo quod dat sibi esse corporeū & esse mixti, minūque in potentia relinquit, quia non ad esse mixti sicut præcedens: forma autē viui adhuc magis actuatur, quia dat sibi esse proprium, & præcedentiū formatum & minus relinquit in potentia & sic successiue, quāto forma fuerit perfectior, tādē relinquit materiæ minus in potentia, & per consequens cōpositum est magis vnum, & minus habens de potentialitate in sua essentia, propter quod inquit S. Th. in secundo huius cap. 68. quod non minus vnum, sed fortè magis ex substantia intellectuali & materiæ corporali, quā ex forma ignis & eius materiæ: quia quāto forma magis vicit materiam, tādē ex ea & materiæ magis efficitur vnum.

SED tamen aduertendū quod licet quāto aliquid est perfectius, & nobilius, tādē minus habeat de potentialitate & diuersitate realium: magis tamen habet de pluralitate virtuali dum plures perfectiones continent vnitē, & simpliciter quæ in aliis sunt distinctæ. Propositio ergo S. Th. quod tantò aliquid est nobilius, quāto est simplicius, est intelligenda de ista simplicitate formali, non autem de corporali: quāto enim aliquid est actualius, & minus habens de potentialitate, tādē est nobilius, & sic quod est in summo gradu nobilitatis est etiam in summo gradu simplicitatis omnique à se diuersitate potentiarum, & actus excludit. Ad dubiū ergo dicitur primò quod hic non facit comparationem S. Th. inter superius, & inferius, sed inter ea quæ per se actu subsistunt. Dicitur secundò quod etiam genus quantum ad ipsam naturam generis formaliter sumptum per modum naturæ & formæ abstractæ à speciebus est nobilius & perfectius suis speciebus: utpote in se omnem perfectionem animalitatis includens vnitē & absque distinctione, sicut & albedo abstracta ab omni superficie continet ut sit omnem gradum albedinis. Tunc enim accipitur genus ut forma abstracta, nō autem ut materia illimitata. Si autem accipiat genus per modum vniuersalis veluti totum potentiale continens in potentia suas species, sic est imperfectius speciebus & est magis cōpositum compositione materiali, inquantū in ipso materialiter, & potentialiter omnes suæ species continentur. Dicitur secundò quod lapis non est homine simplicior neque elementum mixto simplicitate formali, imò minus simplicior eo quod magis habeant de possibilitate, cum in eis forma sit totaliter immersa materiæ, relinquitque materiæ magis in potentia. Cum probatur quia in sua ratione formali pauciores differentias includunt, dicitur quod consequentia non tenet. Ex eo enim quod pauciores includunt in sua ratione, arguitur quod pauciores perfectiones virtualiter contineant, non autē quod sint actualiores & formaliores simili modo: & pluralitas differentiā in ratione alicuius arguit pluralitatem perfectionum, virtualiter, & vnitē in ipso continentur: non autem maiorem potentialitatem. Ad cōfirmationem dicitur quod S. Th. in prima parte ubi allegatur, non loquitur de simplicitate formali, & compositione potētiā illi opposita de qua hoc loco intēdit, sed de compositione corporali. Apud nos enim corpora quæ ex aliis corporibus componuntur sunt illis meliora, quia magis habent de actu, & perfectione, eo quod per nobiliorem formā constituentur. Sexto. Non esset primum & summum bonum, probatur consequentia, in omni cōposito bonum & propria totius perfectio non est huius, aut illius partis: patet ratione, quia partes sunt imperfectæ respectu totius: patet etiam exemplo: partes enim hominis non sunt homo, & partes numeri senarij non habent perfectionē numeri senarij, & partes lineæ nō habent perfectionē mensuræ quam habet linea. Si ergo Deus esset cōpositus non esset purum illud bonum quod est propriū ei, quia in ipso esset aliquid cui non conueniret, & sic non esset primum & summum bonum.

Quāto aliquid est nobilius, tādē est simplicius.



**NOTANDVM** hic est q. primum & summum bonum oportet vt sit ipsa bonitatis essentia, quia si non esset ipsa bonitas, haberet bonitatem receptam in aliquo, & per consequens limitatam & participatam, & sic non esset primum & summum bonum: forma autem abstracta nihil extraneum ab ipsa secum admittit, vt ex Boet. in libro de ebdomad. constat, sicut humanitas dicitur tantum ea quibus homo est homo, & si esset ab omnibus indiuiduis separata vt nomine abstracta significatur, nihil haberet alium secum, alioquin non esset tantum id quo homo est homo, ideo bonitas ab omni receptio abstracta, nihil habet quod non sit ipsa bonitas, & si quid est, quod potest bonitatem suam & perfectionem aliquid habeat cui sua bonitas non conueniat, non est bonitas ipsa, sed bonitate participans, atque ideo non est primum, & summum bonum. Si itaque in Deo aliquid posuerimus cui diuina perfectio quae sibi propria est non conueniat, non erit Deus primum & summum bonum. Septimo. Omnem multitudinem praecedit unitas, ergo id quod omnia praecedat, multitudine, & ex consequenti compositione careat, necesse est.

**Quod in Deo nihil est violentum nihilque praeter naturam. Cap. 19.**

**E**X hoc autem concluditur q. in Deo nihil potest esse violentum neque extra naturam. Omne enim id in quo aliquid violentum & praeter naturam inuenitur, aliquid sibi additum habet. nam quod est de substantia rei non potest esse violentum nec praeter naturam.

2. Amplius, necessitas coactionis est necessitas ex alio vel ab alio. in Deo autem non est necessitas ex alio: sed est per seipsum necessarium & causa necessitatis alius: igitur in eo nihil est coactum.

3. Adhuc, ubicunque est aliquid violentum, potest esse aliquid praeter illud quod rei per se conuenit: nam violentum contrariatur ei quod est secundum naturam, sed in Deo non est possibile aliquid esse praeter id quod secundum se ei conuenit: cum secundum se sit necesse esse vt ostensum est: non potest igitur in eo esse aliquid violentum.

4. Item omne in quo est aliquid violentum: vel innaturale: natum est moueri ab alio (nam violentum est cuius principium est extra) nil conferente vim passio. Deus autem est omnino immobilis vt ostensum est, igitur non potest in eo esse aliquid violentum vel innaturale.

**Super cap. 19.**

**E**X praecedenti conclusione deducitur correlatiue q. in Deo nihil potest esse violentum nihilque extra naturam. Ad cuius euentiam considerandum, q. violentum dicitur quod ab extrinseco principio fit, nulla in passio, aut illud inclinatione existente, imo existente inclinatione ad oppositum.

Praeter naturam vero est, cum in natura non est ad illud neque inclinatio, neque repugnantia. Sensus ergo conclusionis est, q. in Deo nihil potest esse quod suae naturae repugnet, neque aliquid quod non sit secundum naturam inclinationem. Probatur autem primo, Deus nihil suae substantiae additum habere potest, vt ex praecedentibus patet: ergo nihil in ipso esse potest violentum, aut praeter naturam: probatur consequenter, quia nihil violentum, aut praeter naturam est de substantia rei, vt ex rationibus terminorum constat. Secundo, in Deo non est necessitas ab alio, imo ipse aliis est causa necessitatis, ergo &c. probatur consequenter, quia necessitas coactionis est ab alio.

Tertio, nihil potest esse in Deo, praeter illud quod secundum se ei conuenit, ergo nihil violentum potest in ipso esse: probatur consequenter, quia violentum contrariatur ei quod est secundum naturam: antecedens vero patet, quia Deus est secundum se necesse esse.

**ADVERTE** quod in eo quod est ex seipso necesse esse, nihil esse potest quod non necessario illi conueniat, cum ex eius substantia, necessitas in ipso sit, ideo nihil sibi conuenire potest quod ei secundum se non conueniat, alioquin in ipso aliquid potentialitatis esset. Haec autem ratio alia est, a prima, quia in prima arguebatur ex eo q. in ipso nihil sit substantiae eius additum: in ista vero, ex eo q. nihil in ipso esse potest, praeter illud quod secundum se illi conuenit, siue substantiale sit, siue non. Quarto, non potest Deus ab alio moueri, ergo nihil est in ipso violentum: patet consequenter ex violenti diffinitione.

**ADVERTE** quod huic diffinitioni supplendum est, quod in passio fit inclinatio ad oppositum. Non sufficit enim ad violenti rationem quod passum non habeat inclinationem ad id quod in ipso fit: istud enim est solum praeter naturam, sed requiritur inclinatio ad oppositum, quia violentum contra naturam est.

**Quod Deus non est corpus. Cap. 20.**

**E**X praedictis autem ostenditur quod Deus non est corpus. Omne enim corpus cum sit continuum compositum est & partes habens: Deus autem non est compositus vt ostensum est: igitur corpus non est.

2. Prob. omne quantum, est aliquo modo in potentia: nam continuum est potentia diuisibile in infinitum: numerus autem in infinitum est augmentabilis. omne autem corpus est quantum, ergo omne corpus est in potentia: Deus autem non est in potentia, sed actus purus, vt ostensum est, ergo Deus non est corpus.

3. Adhuc si Deus est corpus, oportet q. sit aliquid corpus naturale: nam corpus mathematicum non est per se existens, vt Philos. probat, eo quod dimensiones accidentia sunt, non autem est

corpus naturale, cum sit immobilis, vt ostensum est: omne autem corpus naturale mobile est: Deus igitur non est corpus.

4. Amplius, omne corpus finitum est, quod tam de corpore circulari quam de recto probatur in 1. ca. & m. quodlibet autem corpus finitum intellectu & imaginatione transcedere possumus: si igitur Deus est corpus, intellectus & imaginatio nostra aliquid maius Deo cogitare possunt: & sic Deus non est maior intellectu nostro, quod est inconueniens: non est igitur corpus.

5. Adhuc, cognitio intellectiva certior est quam sensitiua. inuenitur autem aliquid obiectum sensus in rerum natura, ergo & intellectus, sed secundum ordinem obiectorum est ordo potentiarum, sicut & distinctio. ergo super omnia sensibilia est aliquid intelligibile in rerum natura existens: omne autem corpus in rebus existens est sensibile: igitur super omnia corpora est aliquid accipere nobilius, si igitur Deus est corpus, non erit primum & maximum ens.

6. Praeterea quolibet corpore non viuentem res viuens est nobilior: quolibet autem corpore viuentem sua vita est nobilior, cum per hoc habeat supra alia corpora nobilitatem: id ergo quo nihil est nobilius, corpus non est: hoc autem est Deus, ergo non est corpus.

7. Item inueniuntur rationes Philosophorum ad idem ostendendum procedentes ex aeternitate motus in hunc modum.

In omni motu sempiterno oportet q. primum mouens non moueatur neque per se, neq. per acciden. sicut ex supradictis patet. Corpus autem caeli mouetur circulariter motu sempiterno, ergo primus motor eius non mouetur neque per se neque per acciden. nullum autem corpus mouet localiter nisi moueatur: eo quod oportet motum & mouens esse simul: & sic corpus mouens moueri oportet ad hoc quod sit simul cum corpore moto. Nulla etiam virtus in corpore mouet nisi per acciden. moueatur, quia moto corpore mouetur per acciden. virtus corporis, ergo primus motor caeli non est corpus, neque virtus in corpore: hoc autem ad quod vltimo, reducitur motus caeli, sicut & primum mouens immobile est Deus: Deus igitur non est corpus.

8. Adhuc, nulla potentia infinita est potentia in magnitudine: potentia primi motoris est potentia infinita, ergo non est in aliqua magnitudine: & sic Deus, qui est primus motor, neque est corpus, neque est virtus in corpore.

Prima sic probatur, Si potentia alicuius magnitudinis est infinita, aut ergo erit magnitudinis finitae aut infinitae, magnitudo infinita nulla est (vt probatur in 3. Phy. & in 1. ca. & m. di.) magnitudinis autem finitae, non est possibile esse potentiam infinitam: & sic in nulla magnitudine potest esse potentia infinita. Quod autem in magnitudine finita non possit esse potentia infinita, sic probatur. Aequalem effectum quem facit potentia minor tempore maiori, facit potentia maior tempore minori qualiscumq. sit ille effectus, siue sit secundum alterationem, siue secundum motum localem, siue secundum quemcumque alium motum, sed potentia infinita est maior omni potentia finita: ergo oportet q. in minori tempore perficiat effectum velocius mouendo, quam potentia quaecumq. finita. Nec potest esse q. minori quodam sit tempore. Relinquitur q. hoc erit indiuisibilis temporis. Et sic mouere & moueri & motus erunt in instanti, cuius contrarium demonstratum est in 6. Phys. Quod autem non possit potentia infinita magnitudinis finitae mouere in tempore, sic probatur. Sit potentia infinita, quae est, a, accipiat autem pars eius, quae est, b: pars igitur ista mouebit in tempore maiori, oportebit tamen esse aliquam proportionem huius temporis ad tempus in quo mouet tota potentia, cum vtrunque tempus sit finitum. Sint igitur haec duo tempora in decupla proportionem se adinuicem habentia: non enim quantum ad hanc rationem differt istam vel aliam proportionem dicere. Si autem addatur ad potentiam finitam praedictam diminiui oportebit de tempore secundum proportionem additionis ad potentiam finitam cum maior potentia in minori tempore moueat: si ergo addatur decuplum illa potentia mouebit in tempore, quod erit decima pars temporis in qua mouebat prima pars accepta infinitae potentiae, scilicet, a, b: & tamen haec potentia quae est decuplum eius, est proportio finita, cum habeat proportionem determinatam ad potentiam finitam. Relinquitur igitur q. in eodem tempore mouet, potentia finita & infinita, quod est impossibile: non igitur potentia infinita magnitudinis finitae potest mouere in tempore aliquo.

Quod autem potentia primi motoris sit infinita, sic probatur. Nulla potentia finita potest mouere tempore infinito, sed potentia primi motoris mouet tempore infinito, quia motus primus est sempiternus: ergo potentia primi motoris est infinita. Prima sic probatur, Si aliqua potentia finita alicuius corporis mouet tempore infinito, pars illius corporis

† Text. com.

† Cap. 13.

† 1. Physic. text. com. 40. 1. ca. 10. text. com. 35.

† Text. 6. 24.

† Idem. p. p. q. 3. art. 10. & infra lib. 4. cap. 11.

† Potentia motus primi est infinita, sic probatur.



corporis habens partē potentia mouebit in tempore minori, quia quāto aliquid est maioris potētiæ, tantō in maiori tempore motū continuare poterit, & sic pars prædicta mouebit tempore finito: maior autem pars in maiori tempore mouere poterit, & sic semper secundū q̄ addetur ad potētiā motoris, addetur ad tēpus secundū eandem proportionē, sed additio aliquotiens facta perueniet ad quantitātē totius, vel etiā excedet, ergo & additio ex parte tēporis perueniet ad quantitātē tēporis, in quo mouet totū: tēpus autē in quo totū mouebat, dicebatur esse infinitū, ergo tempus finitum metietur tēpus infinitum, quod est impossibile. Sed cōtra hūc processum plures sunt obiectiōes, quārum vna est, quia potest poni q̄ illud corpus quod mouet primum motum, non est diuisibile, sicut patet de corpore cælesti: prædicta autē probatio procedit ex diuisione eius. Sed ad hoc dicendum est, q̄ conditionalis potest esse vera, cuius antecedit esse impossibile: & si quid est quod destruat veritatē talis conditionalis, est impossibile, sicut si aliquis destrueret veritatē huius conditionalis, si homo volat, habet alas, esset impossibile. Et secundū hunc modū intelligēdus est processus probationis prædictæ, quia hæc condicionalis est vera, si corpus cæleste diuiditur, pars eius erit minoris potētiæ quā totū: huius autē conditionalis veritas tollitur, si ponatur primum mouēs esse corpus, propter impossibilia quæ sequuntur, vnde patet hoc esse impossibile. Et similiter potest responderi, si fiat obiectio de augmento potētiarū finitarū, quia nō est accipere in rerum natura potētiā, secundū omnē proportionē quā habet tēpus ad tēpus quodcumq̄: est tamē conditionalis vera, quia in prædicta probatione indiget. ¶ Secunda obiectio est, quia etsi corpus diuiditur, aliqua virtus potest esse alicuius corporis, quæ non diuiditur diuiso corpore, sicut anima rationalis non diuiditur diuiso corpore. Et ad hoc est dicendū q̄ per processum prædicatum non probatur q̄ non sit Deus cōiunctus corpori: sicut anima rationalis corpori humano: sed q̄ non est virtus in corpore sicut virtus materialis quæ diuiditur ad diuisionē corporis: vnde etiam dicitur de intellectu humano quod nō est corpus neq̄ virtus in corpore. Quod autē Deus nō sit vnitus corpori sicut anima, alterius rationis est. Tertia obiectio est: q̄ si cuiuslibet corpori potētia finita est: vt in prædicto processu ostenditur: per potētiā autem finitam non potest aliquid durare tempore infinito: sequitur quod nullum corpus possit durare tempore infinito: & sic corpus cæleste de necessitate corrumpetur. Ad hoc autem à quibusdam respondetur quod corpus cæleste secundum potētiā suā potest deficere: sed perpetuitatem durationis acquirit ab alio quod est potētiæ infinitæ. Et huic solutioni videtur attestari Plato, qui de corporibus cælestibus Deum loquentem inducit in hunc modum. (Natura vestra estis dissolubilia: voluntas autem mea indissolubilia: quia voluntas mea maior est nexu vestro.) Hanc autem solutionem improbat (comment. in 11. Metaphy.) Nam impossibile est secundum eum quod id quod est de se possibile non esse acquirat perpetuitatem efficiendi ab alio: sequitur enim quod corruptibile mutaretur in incorruptibile quod est impossibile secundum ipsum. Et ideo ipse in hunc modum respondet, quod in corpore cælesti omnis potētia quæ est, finita est: non tamen oportet quod habeat omnem potētiā, est enim in corpore cælesti secundum Aristot. in 8. Metaphysic. potētia ad vbi: sed non ad esse: & sic non oportet quod in sit ei potētia ad non esse. Sciendum tamen q̄ hæc responsio comment. non est sufficiens: quia si detur quod in corpore cælesti non sit potētia quasi passiva ad esse quæ est potētia materialis: est tamen in eo potētia quasi actiua quæ est virtus efficiendi cum expresse dicat (Aristot. in primo cæ. & mun.) quod cælum habet virtutem vt sit semper. Et ideo melius dicendum est: quod cum potētia dicatur ad actum oportet iudicare de potētia secundum modum actus. motus autem secundum sui rationem quantitatem habet & extensionem vnde duratio eius infinita requirit quod potētia mouens sit infinita: esse autem non habet aliquam extensionem, quantitatis præcipue in re cuius esse est inuariabile sicut cælum, & ideo nō oportet quod virtus efficiendi sit infinita in corpore finito licet in infinitum duret: quia nō differt quod per illam virtutē aliquid duret in vno instanti vel tēpore infinito: cum esse illud inuariabile non attingatur à tempore nisi per accidens. ¶ Quarta obiectio est de hoc non quod videtur esse necessarium quod illud quod mouet tēpore infinito habeat potētiā infinitam in illis mouentibus quæ mouendo non alterantur, quia talis motus nihil consumit de potētia eorum: vnde non minore tempore mouere possunt postquā aliquo tempore mouerūt quā antē: sicut solis virtus finita est

& quia in agendo eius virtus actiua non minuitur infinito tempore potest agere in hæc inferiora secundum naturam.

¶ Et ad hoc dicimus q̄ corpus non mouet nisi motū vt probatum est: & ideo si contingat corpus aliquod non moueri, sequitur ipsum non mouere. In omni autē quod mouetur est potētia ad opposita: quia termini motus sunt oppositi: & ideo quantum est de se omne corpus quod mouetur possibile est non moueri: & quod possibile est non moueri non habet de se vt perpetuo tempore moueatur: & sic nec q̄ in perpetuo tempore moueat. Procedit ergo prædicta demonstratio de potētia finita corporis finiti, quæ non potest de se mouere tempore infinito: sed corpus quod de se possibile est moueri & non moueri: mouere & non mouere: acquirere potest perpetuitatē motus ab aliquo quod oportet esse incorporeum, & ideo oportet primum mouens esse incorporeū: & sic nihil prohibet secundum naturam corpus finitum quod acquirit ab alio perpetuitatē in moueri, habere etiam perpetuitatem in mouere. Nam & ipsum primum corpus cæleste secundum naturā potest perpetuo motu inferiora corpora cælestia reuoluere secundum quod supra mouet sphaeram. Nec est inconueniens (secundum com.) quod illud quod de se est in potētia ad moueri & non moueri: acquirat ab alio perpetuitatem motus: sicut ponebatur esse impossibile de perpetuitate efficiendi, nam motus est quidam defluxus à mouente immobile: & ideo potest aliquid mobile acquirere ab alio perpetuitatem motus, quam non habet de se: esse autem est aliquid fixum & quietum in ente: & ideo quod de se est in potētia ad non esse, non potest vt ipse dicit secundum viam naturæ acquirere ab alio perpetuitatem efficiendi. ¶ Quinta obiectio est, quod per prædictum processum non videtur maior ratio, quare non sit potētia infinita in magnitudine quā extra magnitudinem: nam vtrobique sequitur quod moueat non in tempore. ¶ Et ad hoc dicendum, quod finitum & infinitum in magnitudine & tempore & motu inueniuntur secundum viam rationem, sicut probatur (in 3. & in 1. Physic.) & ideo infinitum in vno eorum aufert proportionem finitam in aliis. In his autem quæ carent magnitudine non est finitum & infinitum nisi æquiuocē: vnde prædictus modus demonstrandi in talibus potētiis locum non habet. ¶ Alio autem respondetur, & melius, quod cælum habet duos motores, vnum proximum, qui est finitæ virtutis: & ab hoc habet quod motus eius sit finitæ velocitatis: & alium remotum, qui est infinitæ virtutis, à quo habet quod motus eius possit esse infinitæ durationis: & sic patet quod potētia infinita quæ non est in magnitudine potest mouere corpus non immediatē in tempore, sed potētia quæ est in magnitudine, oportet quod moueat corpus immediatē, quum nullum corpus moueat, nisi motum, vnde si moueret sequeretur quod moueret non in tempore. ¶ Potest adhuc melius dici quod potētia quæ non est in magnitudine, est intellectus, & mouet per voluntatem: vnde mouet secundum exigentiam mobilis, & non secundum proprietatem suæ virtutis: potētia autem quæ est in magnitudine non potest mouere nisi per necessitatē naturæ, quia probatum est quod intellectus non est virtus in corpore, quia & sic mouet de necessitate secundum proprietatem suæ quantitatis: vnde sequitur: si mouet, quod moueat in instanti: secundum hoc ergo remotis prædictis obiectiōibus procedit demonstratio Arist. ¶ Amplius nullus motus qui est à mouente corporeo, potest esse continuus & regularis, eo q̄ mouens corporale in motu locali mouet attrahendo vel expellendo: id autem quod attrahitur vel expellitur, non in eadē dispositione se habet ad mouentem à principio motus vsque ad finem, cum quandoq̄ sit propinquius, quandoque remotius: & sic nullum corpus potest mouere motum continuum & regularem: motus autem primus est continuus & regularis, vt probatur (in 8. Physic.) igitur mouens primum motum non est corpus.

10 Item nullus motus qui est ad finem qui exit de potētia ad actum, potest esse perpetuus: quia cum perpetuum fuerit ad actum, motus quiescit: si ergo motus primus est perpetuus, oportet quod sit ad finem qui sit semper, & omnibus modis in actu. Tale autem non est aliquid corpus, neque aliqua virtus in corpore, cum omnia huiusmodi sint mobilia per se vel per accidens: igitur finis primi motus non est corpus neque virtus in corpore: finis autem primi motus est primum mouens quod mouet, sicut desideratum: hoc autem est Deus: Deus igitur neque est corpus, neque virtus in corpore. ¶ Quamuis autem falsum sit secundum fidem nostram quod motus cæli sit perpetuus, vt infra patebit, tamen verum est quod motus ille non deficit, neque propter impotentiam motoris, neque propter corruptionem sub

¶ Responsio.

¶ Quinta obiectio.

¶ Prima responsio, quæ est cō. 8. Physic. com. 29. in fine.

¶ Alia responsio propria & melior.

¶ 9. ad conel. præcedētis capi.

¶ Obiectio prima.

¶ Responsio.

¶ Obiectio.

¶ Responsio.

¶ Obiectio.

¶ Responsio aliquorum.

¶ In timeo.

¶ Improbatio com. 41. 8. Physic. comment. 29.

¶ Responsio cō.

¶ Text. com. 12.

¶ Improbatio com.

¶ Text. com. 20.

¶ Responsio bona. Quod ex se potest non esse ab alio perpetuitatem acquirere nō potest.

¶ Quarta obiectio.



nem substantiæ mobilis, cū nō videatur motus cæli per diurnitatem tēporis lentescere. unde demonstraciones prædictæ suā efficaciam nō perdunt. Huic autē veritati demonstratæ cōcordat diuina autoritas. Dicitur autem Ioan. 4. (Spiritus est Deus, & eos qui eum ado. in spi. & ver. ador. oportet.) Dicitur etiā Tim. 1. (Regi seculorū immor. inui. soli Deo. Et Rom. 1. (Inuisibilia Dei per ea quæ fa. sunt intel. cōspi.) Quæ enim nō visu, sed intellectu conspiciuntur, incorporea sunt.

† excler. anti-  
quorum natu-  
ralium.

† Per hoc autem destruitur error primorum philosophorum naturalium, qui non ponebant nisi causas materiales, ut ignem, vel aquam, vel aliquid huiusmodi: & sic prima rerum principia corpora dicebant, & eadem vocabant Deos. Inter quos etiam quidam fuerunt ponentes causas mouentes amicitiam & litem: qui etiam propter prædictas rationes confutantur: nam cum lis & amicitia sint in corporibus secundum eos, † sequitur prima principia mouentia esse virtutes in corpore. Ipsi etiam ponebant Deum esse compositum ex quatuor elementis & amicitia, per quod datur intelligi quod posuerunt Deum esse corpus cæleste. Inter antiquos autem solus Anaxag. ad veritatem accessit, ponens intellectum mouentem omnia separatim. † Hac etiam veritate redarguuntur Gentiles ponentes ipsa elementa mundi, & virtutes in eis existentes Deos esse, ut solem, lunam, terram, aquam, & huiusmodi, occasione habentes ex prædictis philosophorum erroribus. Prædictis etiam rationibus excluduntur deliramenta † Iudæorum simplicium, Tertuliani, Vadianorū, siue Antropomorphitarum, hæreticorum, qui Deum corporalibus liniamentis figurabant. † Necnon & Manichæorum, qui quandam infinitam lucis substantiam per infinitum spatium distentam Deum existimabant. Quorum omnium errorum fuit occasio, quod de diuinis cogitantes ad imaginationem deducebantur per quam nō potest accipi, nisi corporis similitudo: & ideo eam in corporeis meditando derelinquere oportet.

† Empedoclis.

† Iudæorum

† hæreticorū.

### Super cap. 20.

**I**ostquam sanctus Thomas à Deo vniuersaliter omnem compositionem exclusit, nunc ut manifestior, & certior habeatur cognitio, particulariter, vult diuersas compositiones excludere.

Circa hoc autem duo facit: primò excludit compositiones quibus aliquid dicitur compositum ex aliquibus: secundò compositionem, qua aliquid dicitur compositum cum alio, cap. 26. Circa primum quinque facit: primò excludit compositionem quantitativam: secundò, compositionem ex supposito ex natura, cap. 27. tertio, compositionem ex esse & essentia, cap. 28. quarto, compositionem ex subiecto & accidente, cap. 29. quinto, compositionem ex genere & differentia, cap. 24. Quantum ad primum, volens compositionem quantitativam à Deo excludere, ponit hanc conclusionem, Deus non est corpus. Circa hanc autem tria facit. Primò enim ad eas rationes communes inducit. Secundò, rationes Arist. Tertio, antiquorum excludit errores. Quantum ad primum arguit primò sic. Omne corpus est compositum, quia continuum, Deus non est cōpositus, ergo, &c.

Secundò, Deus non est in potentia, ergo non est corpus: antecedens supra est probatum: probatur consequentia, quia omne corpus est continuum, continuum autem est in potentia diuisibile in infinitum.

Sed videtur hæc ratio non concludere. Potentia enim quæ est in cōtinuo ad diuisionem, nō est potentia naturalis, ut patet in corporibus cælestibus, sed non repugnat: esse autem in Deo potentiam non repugnat: non videtur repugnare Deo. Respondetur quod potentia non repugnat: est dupliciter. Vna, quæ habet fundamentum in ratione potentie actiue. Alia quæ habet fundamentum in ratione potentie passiue: primam potentiam non repugnat: non inconuenit Deo attribuire, puta quod Deus sit in potentia ad productionem alterius mundi, quia potentia actiua perfectionem dicit, sed bene inconueniens est Deo attribuire secundam potentiam, eo quod potentia passiua in quantum huiusmodi dicit imperfectionem: potentia autem non repugnat: ad diuisionem in continuo fundatur super ratione potentie passiue, ideo hanc Deo attribuire est inconueniens. Cum enim sit per se ipsum necesse esse, non solum non habet in se naturalem potentiam ad patiendum diuisionem, verum etiam nihil in ipso esse potest, per quod in quantum illud habet, sit in potentia quomodocumque vt diuidatur. Tertio, aut est corpus mathematicum, aut naturale: non primum, quia illud non per se existit, cum sit accidens: non etiam secundum, cum omne tale sit mobile, eo quod natura principium motus sit, Deus autem sit immobilis, ergo non est corpus.

Quarto, tunc intellectus & cogitatio nostra aliquid maius Deo cogitare possit, & sic Deus non esset maior intellectu nostro: probatur consequentia, quod quolibet finito maius cogitari potest. Omne autem corpus tam rectū quam circulare, est finitum.

ADVERTENDVM quod est contradictio inter id quod hic dicitur, & quod dictum est superius, cap. 11. quia inquam hic pro inconuenienti habetur quod Deo aliquid maius possit cogitari, ibi verò pro inconuenienti non habetur. Nam vt ibidem diximus, non admissio esse in rerum natura aliquid quo maius cogitari non possit, non est inconueniens Deo maius aliquid posse cogitari, in quo sensu superius est locutus S. Tho. sed posito quod aliquid tale sit in natura, vt iam ex præcedentibus constare potest, maius aliquid Deo posse cogitari inconueniens est, & ex hac suppositione hic procedit. Quintò, sequitur Deum non esse primum ens, hoc est falsum, ergo &c. probatur cōsequenter, super omnia corpora est aliquid nobilior, & prius: ergo si Deus est corpus, ipso aliquid erit prius, & nobilior: probatur antecedit, secundum ordinem obiecti primum est ordo potentialium, sed intellectus est supra sensum, quia in-

tellectiua cognitio est certior sensitiua, ergo supra sensibile est aliquid intelligibile: sed omne corpus in rebus existens est sensibile, ergo &c.

CIRCA illam propositionem cognitio intellectiua est certior quam sensitiua: considerandum est quod certitudo, si proprie sumatur, vt inquit S. Th. 3. d. 25. q. 2. 4. est firmitas adhesionis potentie cognoscitiue ad suum cognoscibile. Dupliciter autem possumus cognitionem intellectiua & sensitiua comparare. Vno modo vtrique respectu proprii obiecti considerando: alio modo considerando vtrique in ordine ad substantias sensibiles, quæ & sub sensu & sub intellectu cadunt. Si primo modo loquamur. Dico primò, quod semotis omnibus impedimentis nō est maior certitudo ex parte potetie in intellectu, quam in sensitiua. Sicut enim intellectus semper est verus circa quod quid est, ita sensus circa proprium sensibile. Et ideo ita firmiter adheret sensus suo sensibili proprio, sicut intellectus intelligibili.

Dico secundò quod maior est certitudo cognitionis intellectiue quam sensitiue ex parte obiectorum, quia obiectum intellectus quod est quod quid est, perfectius & inuariabilius est obiecto sensus: ideo quantum est ex se, natum est facere maiorem certitudinem in intellectu, quam sensibile, quod est multipliciter variabile in sensu. Dico tertio, si absolute considerentur, adhuc certior est intellectiua cognitio. Sensitiua enim ex multis causis impeditur per accidens à certitudine potest, puta ab organi indispositione, & medijs, ac etiam ex indebita distantia, aut propinquitate. Intellectus autem quamuis ex interuentu compositionis decipi possit, vt dicitur 3. de anima, tamen non tot causis sicut sensus potest impedi. Si secundo modo contemplantur, certior etiam est intellectiua cognitio, quia sensus ipsam rei substantiam non penetrat, sed eius tantum extrinsecam percipit accidentia: intellectus autem ad rei intimam procedit, ex quo de re maior nascitur certitudo, quam ex sola sensus perceptione. Cum ergo pluribus modis intellectiua cognitio sit certior sensitiua, propositio S. Thom. absolute vera est, licet aliquam habeat exceptionem, vt ex primo dicto patet.

SED occurrit dubiū, licet nanque obiectum intellectus sit prius, & nobilior obiecto sensus, nō tamen videtur sequi quod aliquid sit prius corpore. Dicitur enim quod in corpore sensibili saluatur ratio obiecti sensus, & accidentia sensibilia, & ratio obiecti intellectus, quod quid est substantia. Et in ipso corpore id quod est obiectum intellectus, est nobilior eo quod est obiectum sensus, sicut substantia nobilior est accidente. Respondetur quod fundamentum rationis S. Th. videtur hoc esse, quod sicut intellectus est certior sensu, atque omnino supra sensum eleuatus, ita oportet esse intelligibile aliquid in rerum natura omnino supra sensibilia eleuatum, quod inquam neque per se, neque per accidens sensibile sit, propter coniunctionem cum sensibili per se: quidditas autem rei sensibilibus licet per se solo intellectu perceptibilis sit per accidens, tamen sub sensu cadit, vt dicitur 2. de anima: ideo supra ipsam oportet aliud intelligibile esse. Sextò, Deo nihil est nobilior, ergo non est corpus: probatur consequentia, quia cum corpore non viuente viuens sit nobilior, viuente autem vita sit nobilior, eo quod viuens per vitam habeat supra alia corpora nobilitatem, omne corpus habebit aliquid nobilior se.

ADVERTENDVM quod nomine vite, sancti Thom. hoc loco accipit animam qua accipit corpus, & corpus accipit absolute vt est corpus, vt scilicet habens esse corporeum, & vt ab anima distinguitur, vt anima est. Ideo hæc ratio probat Deum non esse corpus, vt contra animam distinguitur, non autem vt habens vitam etiam dicitur corpus.

Ad hunc sensum sequitur quod quolibet corpore siue viuente, siue non viuente, est aliquid prius, scilicet ipsa anima quæ ad corpus, vt præcendit ab anima, siue secundum rem, siue secundum rationem (hoc enim ad propositum nihil refert) sicut actus ad potentiam comparatur. Si autem acciperetur corpus viuens non pro parte duntaxat quæ ab anima viuificatur, sed pro composito ex anima & corpore, sic anima non esset viuens nobilior, cum pars non sit suo toto nobilior, imò imperfectior. Illud etiam quod inquit sanctus Thomas, rem viuentem esse nobiliorem corpore non viuente, intelligendum est simpliciter & absolute: secundum quid, tamen potest aliquid corpus non viuens esse nobilior viuente. Cum enim rei nobilitas à forma sumatur, & quæ anima ex propria ratione nobilior forma dante tantum esse corporeum, sequitur rem animatam simpliciter re inanimata nobiliorem esse, sed quia potest esse vt nobilior forma secundum substantiam, sit imperfectior secundum aliquam particularem rationem, puta secundum quod corpus informat, quia ignobiliore modo informat, sicut inquit sancti Thom. 1. par. q. 70. art. 1. 2. & potentia, q. 6. art. 6. 13. de anima intellectiua, quod est nobilior secundum se forma cæli, si cælum est inanimatum, non autem secundum quod corpus informat, cum ista deesse incorruptibile, anima autem corruptibile per comparisonem ad corpus: idcirco non inconuenit non viuens secundum aliquam particularem rationem esse nobilior viuente: si dicimus muscam esse simpliciter nobiliorem cælo, secundum quid autem cælum nobilior esse musca: nec obstat quod cælum est causa eius, quia non est causa principalis, sed instrumentum intelligentie mouentis. Quantum ad secundum ponit quatuor rationes philosophorum, quibus ex æternitate motus, probatur quod nec est corpus, neque virtus in corpore. Prima ratio est ista. Deus est primus motor cæli omnino immobilis per se, scilicet, & per accidens cum moueat motum sempiternum, ergo non est corpus neque virtus in corpore, probatur consequentia, quia nullum corpus mouet nisi moueatur, cum oportet mouens & motum esse simul: similiter nulla virtus in corpore mouet nisi per accidens moueatur: ista ratio sumitur partim ex 7. & partim ex 8. Physicorum.

AD euidentiā huius rationis considerandum primò, quod ista propositio, nullum corpus mouet localiter nisi moueatur, intelligenda est hoc loco de motu purè locali in quo vnum corpus mouetur ab alio, non per impressionem alicuius forme quæ sit principium formale motus, sed per solum mouentis impulsu. Cum enim oportet mouens, scilicet, immediatum, & motum esse simul, de quo 7. Physic. satis diximus, non potest mobile mutare locum, nisi & mouens locum mouet aut secundum totum, aut secundum partem. Si enim mobili transeunte de vno loco ad alium, mouens non mutaret locum, iam mouens non esset simul cum moto.

Secundum hanc gl. soluitur instantia generante graui, & leui, & de magne ferum trahente, & similibus, quoniam ista mouent imprimendo formam per quam mouentur mobilia, non autem per solum impulsu & ab extrinseco: mouet enim generans graui, dando illi grauitatem, qua descendunt, & magnes mouet ferum, imprimendo illi qualitatem qua ad ipsum mouetur.

Cognitio intel-  
lectiua est cer-  
tior quam sen-  
sitiua.

Quomodo vi-  
uens est nobi-  
lius non viu-  
ente.

Nullū corpus  
mouet nisi mo-  
ueatur.

Graui & leui  
mouentur à ge-  
nerante.



NOTANDUM secundum, quod per virtutem in corpore intelligit Philosophus & S. Th. virtutem materialem ad corporis extensionem extensam, talis enim motus corpore siue motu recto, siue circulari per accidens mouetur, non autem virtus quæ esset indiuisibiliter in corpore, per accidens moueretur si corpus circulare moueretur, vt superius de mente S. Th. est ostensum.

Secunda ratio, Deus est potentia infinita: ergo non est virtus in corpore, neque etiam est corpus: consequentia probatur, quia nulla virtus infinita est in magnitudine, quia non potest eam, nec in infinita magnitudine, eo quod illa non detur, vt 1. Phy. & primo cæl. probatur, nec in finita: ergo, &c. Quod autem non possit esse in magnitudine finita probatur, quia moueret in instanti, quod motui repugnat vt probatur 6. Physic. probatur consequenter, quia effectum quem facit potentia minor in maiori duratione facit maior in minori: potentia autem infinita est maior omni potentia finita, ergo in minori duratione mouebit, quam quæcunque potentia finita: non autem in minori tempore, quia tunc potentia infinita moueret in æquali tempore, cum potentia finita, vt per Arist. deductionem, facta potentia diuisione cõstauerit in instanti. Quod autem Deus sit infinita potentia: quod erat antecedens: probatur, quia mouet tempore infinito: nulla autem potentia finita potest mouere tempore infinito, quia si sic ponatur pars illius corporis habens partem potentia mouebit in minori tempore: quanto enim aliquid est maioris potentia, tanto maior tempore motum continuare poterit: & sic sequeretur quod tempus finitum mensuraret tempus infinitum, vt deducitur diuidendo corpus, & potentiam eius in partes. Ista ratio est manifeste Arist. 8. Physic.

CONTRA hunc Arist. processum multas inducit San. Tho. obiectiones & soluit. prima obiectio est Aui. vt à com. 8. Physic. commento 78. recitatur, quia Arist. in sua demonstratione supponit corpus quod primum motum causat diuisibile esse, hoc autem negari posset & dici quod illud corpus non est diuisibile sicut etiam de corpore cælesti patet. Respondet San. Th. & est Auerrois responsio, quod condicionalis potest esse vera, cuius antecedens est impossibile. Et si aliquid illius veritatem destruat, illud est impossibile. Sicut si aliquid destrueret hanc conditionalem, si homo volat habet alas, esset impossibile. Non virtus ergo Ari. hoc antecedente tanquam vero, scilicet quod tale corpus sit diuisibile: hac conditionem vera, si illud corpus diuidatur pars eius erit minoris potentia quam totum. Cuius quidem veritas, si ponatur primum mouens esse corpus tollitur, ideo illud est impossibile.

SED in hac responsione circa veritatem illius conditionalis dubitatur si eam vt Philosophus accipit intelligamus, comparando, scilicet partem potentia ad partem mobilis. Nam qualis est proportio totius ad totum, talis est proportio partis ad partem, & per consequens temporis ad tempus, vt patet 7. Physic. tex. 36. ergo quanto tempore tantum mouet totum, tanto pars mouebit, ergo non est maior potentia totius in comparatione ad totum motum, quam potentia partis in comparatione ad partem mobilis.

Ad hanc obiectionem quæ videtur & contra Arist. esse, & contra S. Th. ab aliquibus respondetur, quod illa propositio assumpta ab Ari. Nulla potentia finita potest mouere tempore infinito, sic est intelligenda, scilicet quod nulla potentia habens durationem finitam potest mouere mobile infinitum in duratione tempore infinito. Sic autem accepta propositio probanda patet quod pars potentia duratur, quæ, scilicet minus durat, mouet partem mobilis quantum ad eius durationem in minori tempore. Ex quibus habetur quod non potest tempus motus esse perpetuum, & mouens & motum corruptibilia. Quod ergo adducitur 6. Physic. non est ad propositum, quia ibi intelligitur quantum ad intentionem, in hac autem ratione loquimur quantum ad extensionem durationis.

SED ista responsio non sit ad mentem Arist. arguitur. Eo modo accipitur in propositione de qua est sermo potentia finita, quo modo accipitur potentia infinita in conclusione per ipsam probanda, scilicet potentia primi motoris est infinita, quia termini in præmissis & conclusionem sunt in eodem significato accipiendi: sed in dicta cõclusionem accipitur potentia infinita non tantum duratione, sed intensiue etiam, & secundum rigorem: ergo etiam in præmissis accipienda est potentia infinita secundum vigorem non tantum secundum durationem. Probatur minor ex processu Arist. Nam Arist. probat primum motorem non esse in magnitudine arguendo, quia potentia infinita non potest esse in magnitudine, Deus autem est potentia infinita: maior vero probatur quantum ad magnitudinem finitam, quia si virtus infinita esset in magnitudine finita, in non tempore moueretur: hoc autem non sequitur. Infinita duratione potentia, sed ex infinitate vigoris, ergo in illa propositione accipitur potentia infinita secundum vigorem, non autem secundum durationem tantum, nisi velimus Arist. equiuocasse in maiori accipiendo potentiam infinitam secundum vigorem, in minori autem infinitam secundum durationem.

SED contra hanc expositionem antequam ad dubium respondeamus ex Arist. processu 12. Metaph. oritur dubium. Nam cum primæ substantiæ perfectionem ostendisset, tex. 42. Inquit vtum ponendum sit vnam duntaxat huius substantiam esse an plures: text. verd. 43. concludit, oportere tot substantias esse huius quorundam rationes astrorum sunt propter prædictam causam: quod exponens S. Th. inquit, quia scilicet mouent motu sempiterno, & per consequens virtute infinita. Ex quibus dupliciter contra nostram interpretationem habetur ratio. Prima est, quia sunt plures substantiæ eiusdem conditionis cum prima, sed non possunt esse plures habentes potentiam infinitam secundum vigorem, ergo & prima non est infinita secundum vigorem, sed tantum secundum durationem, ergo male exponitur illa conclusio primus motor est infinita potentia secundum vigorem.

Secunda est, quia sunt tot quorundam rationes astrorum propter assignatam causam de primo motore secundum Philosophum, quia scilicet mouent motu sempiterno, & virtute per consequens infinita, sed non sunt plures infinitæ potentia secundum vigorem, sed tantum duratione infinitæ, ergo & causa assignata de primo motore quod non sit in magnitudine, quia scilicet est potentia infinita intelligenda est de infinitate durationis, non autem de vigoris infinitate.

AD huius euidentiā considerandum est quod cum Philosophus ostendisset 12. Metaph. oportere esse vnam substantiam, omnino separatam, & primam conditiones quæ primæ illi substantiæ attribuuntur in quantum prima est, aliis conuenire non possunt, cum plures non sint primæ, sicut quæ homini conueniunt in quantum est homo, non conueniunt non hominibus. Cum ergo habere potentiam infinitam intensiue conueniat primæ substantiæ in quantum est prima, sicut & esse optimum, & nobilissimum, vt inferius ostendetur, ideo aliis cælorum motoribus conuenire id ipsum non potest, cum primæ substantiæ rationem non habeant: aliz autem conditiones non conuenientes illi vt prima est, possunt & aliis habentibus secundum vniuersitatem conuenire.

Cum ergo Philosophus inquit, Vtrum sit vna talis substantia, an plures, non est sensus. Vtrum sit vna quæ habeat omnes condiciones superius de prima demonstratas, an sint plures tales, quia certum est vnam tantum esse primam. Sed cum immediate concluditur it esse primam substantiam sempiternam & immobilem separatam a sensibilibus non existentem in magnitudine, & impassibilem & inalterabilem, inquit an sit vna tantum talis, scilicet sempiterna, immobilis & impassibilis, id quod ex verbis S. Th. constare potest. In principio enim læt. inquit, Postquam Philosophus ostendit perfectionem substantiæ immaterialis, hic inquit de vnitatem vel multitudinem eius, intellige substantiæ immaterialis.

PER hoc patet ad primam rationem responsio. Dicitur enim quod apud Philosophum sunt plures substantiæ eiusdem conditionis, cum prima quantum ad immaterialitatem, sempiternitatem, & impassibilitatem, non autem quantum ad omnes condiciones.

Ad secundam dicitur, quod cum inquit Philosophus esse plures propter prædictam causam, non refert causam propter quam prima substantia non est in magnitudine, sed causam immediate dictam in text. 3. quia, scilicet motum sempiternum a sempiterna substantia esse necesse est, & secundum se immobilem, & vnum motum oportet ab vno motore esse. Vnde quod inquit S. Th. quod mouet virtute infinita, intelligendum est non secundum vigorem infinitam, quod solum primum cauere conuenit, sed secundum durationem: quia enim mouent infinito tempore, virtutem motuum earum necesse est esse infinitam durationis, siue esse sempiternam, quod idem est, ideo oportet & ipsas esse substantias duratione infinitas siue sempiternas.

Ad dubium ergo principale redeundo, iuxta doctrinam San. Th. 8. Physic. responderi potest. Primum, quod Arist. loquitur per comparationem ad aliquod signum in magnitudine. Sic enim maius tempus requiritur ad hoc, vt totum mobile signum aliquod magnitudinis pertransiret, quam vt illud pertransiret eius pars. Obiectio autem procedit de toto & parte absolute sumptis, non autem in comparatione ad signum magnitudinis.

SED contra istam responsionem instatur. Tum quia Ari. nullam mentionem de spatio facit, sed esse tantum tria inquit, scilicet mouens quod mouetur & tempus. Tum quia absque parte a toto velocitas auteretur penes punctum medium partis, & totius, non respectu puncti in spatio, sed totius spatij. Tum quia Arist. loquitur tam in motu circulari, quam in motu recto: in circulari autem motus non consideratur respectu determinati signi in spatio.

AD horum euidentiā considerandum est, quod cum tempus motus dupliciter diuidatur, secundum, scilicet partes magnitudinis, super quâ sit motus, secundum quod totum mobile prius pertransit vnam partem magnitudinis quam totam. Et secundum partes mobilis, secundum quod aliquid signum magnitudinis prius pertransit vna pars mobilis quam totum, & prius vna pars quâ alia, in 7. Physic. vt inquit S. Th. 8. eiusdem comparatur tota potentia ad partem potentia secundum quod tempus motus diuiditur ad diuisionem magnitudinis: est enim verum quod in quâto tempore totum mobile a tota potentia motum pertransit aliquam magnitudinem, in tanto pars mobilis a parte potentia mota eandem magnitudinem pertransibit. Qualis enim est proportio totius potentia ad totum mobile, talis est proportio partis mouentis ad partem mobilis, si partes mouentis & mobilis proportionaliter sumantur. In 8. autem Physic. accipit Philosophus tempus, secundum quod diuiditur ad diuisionem mobilis. Nam si potentia constituatur ex decem partibus, vt inquit Albert. ex quibus habet vt in decem horis totum mobile moueat, in vnaquaque hora, videlicet vnam partem mobilis, faciendo signum aliquod pertransire, certum est quod vna pars potentia existens in vna parte mouentis, faciat vnam partem mobilis in vna hora dictum signum pertransire, & vniuersaliter verum est hoc modo tempus diuidendo, quod maior potentia in maiori tempore mouebit, & minor in minori. Ad primam ergo instantiam respondetur, quod Philosophus enumerauit ea tantum, quorum diuisione ad suam rationem indigebat, scilicet mouens quod mouetur & tempus, magni udiis autem diuisione non indigebat, cum motus acciperetur per comparationem ad determinatum eius signum: ideo magnitudinem non enumerauit.

AD secundum diuiditur, quod licet parte absque a potest attendatur velocitas penes punctum medium partis, & totius respectu spatij, si tempus ad diuisionem spatij diuidatur, si tamen diuidatur tempus ad diuisionem mobilis velocitas attenditur respectu determinati signi in magnitudine.

Ad tertiam dicitur quod etiam in motu circulari pars in minori tempore pertransit aliquod signum magnitudinis, aut realis, aut imaginariæ quam totum. Nam in inferioribus sphaeris, aliqua pars orbis, puta corpus planæ pertransit aliquod signum superioris orbis in minori tempore quam totus orbis, & suprema sphaera pertransit prius secundum partem & in minori tempore aliquod signum superioris orbis imaginati, quam secundum totum.

Secundo ad principalem dubium responderi potest, quod sanct. Tho. hoc loco non accipit partem mouentis in ordine ad partem mobilis vt Arist. accepit, sed comparando tantum ad motus durationem. Quod enim virtus est maior, tanto magis potest suum motum, suamque oppositionem continuare, quod intelligendum est de virtute per se, non autem per accidens conueniente rei: quanto enim ignis fuerit maior virtute, tanto magis calefactionem cõtinuare potest, & sic de aliis, ideo pars illius virtutis, tanquam minor virtus minus poterit motum continuare. Ex quo apparet instantiam illam contra sanct. Tho. rationem nullo modo militare, cum illam propositionem non assumat quæ impugnatur.

SECVNDA obiectio quam sanct. Tho. contra rationem Arist. inducit, est ista. Posset enim aliquis dicere, quod quamuis corpus diuidatur, aliqua tamen virtus esse potest in corpore, quæ non diuiditur diuiso corpore sicut anima rationalis. Et sic ratio non concludit quæ probatur nullam potentiam finitam posse infinito tempore mouere, procedit enim ex hac suppositione quod in parte corporis prius etiam potentia sit. Respondetur, quod non per totum rationis principalis processum probatur Deus non esse coniunctum corpori, vt anima rationalis humano corpori iuncta est, hoc enim alterius rationis est, sed quod non est virtus in corpore sicut virtus materialis, quæ diuiditur ad corporis diuisionem. Sic enim constat quod omnis talis virtus minor est in parte corporis quam in toto. Considerandum autem ad huius maioris intelligentiam, quod formarum quibus aliquid operatur, aliqua secundum se indiuisibilis est & in subiecto indiuisibiliter recipitur, & hoc est quando tota est in toto tanquam in adequato susceptiuo, & tota etiam est in qualibet parte sui adequati susceptiuo, sicut anima intellectiua in humano corpore, & talis non diuiditur ad diuisionem susceptiuo: nam si in qualibet

Si corpus quod poneretur primum mouens diuideretur pars eius esset minoris quam potentia totum.

Deus est infinita potentia intensiue secundum Arist.

etiam ob hoc quod virtus est in parte corporis prius etiam potentia sit.



qualibet parte est tota non potest vna eius pars in vna parte susceptiui esse, & alia in alia parte. Aliqua verò licet secundum se quidam indiuisibilis sit in subiecto, tamen diuisione per accidens capit, & extensione, sicut albedo, sicut color, sicut frigus. Si enim ista ab omni subiecto separata essent omni quatuor diuisione carerent: in subiecto autem non sic sunt, quasi totum sit in toto, & totum in qualibet parte, sed totum est in toto, & pars in parte. Vnde & ad subiecti diuisionem & ipsa diuiduntur, tales differunt virtutes materiales. Et de numero talium virtutum materialium non esse Deum hac ratione probatur. Tertia obiectio est, quia si corporis cuiuslibet potentia finita est, & per potentiam finitam non potest aliquid infinito tempore durare, sequitur corpus celeste corruptibile esse. Ad hanc obiectionem primo sancti Thomae aliorum responsiones inducit, & eas reprobatur, secundum veram solutionem ponit. Respondet quidam scilicet Alexander, ut inducitur comm. 3. Physicorum. 41. de cuius opinione ibidem latius inquiratur a sancti Thomae. quod celeste corpus, secundum se quidem potest deficere: ab alio vero, quod infinitum est potentia suae durationis perpetuitatem acquirit. Cui responsioni Plato verba in thimo, quae etiam a Simplicio in primo celi adducuntur, fauere videntur. Sed contra eam arguitur ratione comm. 12. Metaphysicorum. 41. Nam impossibile est apud Auer. ut quod ex se potest non esse ab alio perpetuitatem acquirit, sequeretur enim quod corruptibile mutaretur in incorruptibile.

Ideo secunda est ipsius commentarii responsio inquit, quod in cælo non est potentia ad esse, sed tantum ad vbi, secundum Philosophum. 8. Metaphysicorum. 12. ideo non est etiam in eo potentia ad non esse, vnde ratio non concludit, quia supponit in cælo potentiam ad esse inueniri. Contra hanc responsionem arguit S. Th. quia admissio quod in corpore celesti non sit potentia passiva ad esse, est tamen in eo potentia quasi actiua, quae est virtus essendi. Vnde primo cælo inquit Aristoteles. 20. quod cælum habet virtutem ut sit semper.

ADVERTENDVM pro illa cō. propositione, quod ex se potest non esse ab alio perpetuitatem acquirere non potest, & corruptibile & incorruptibile opposita sunt, & genere distinguuntur, ut dic. 10. Metaphysicorum. quando ab intrinseco & essentiali principio proueniunt. Et quia vnum genus in alterum transmutari non potest, ideo quod est per naturam corruptibile siue potes non esse, non potest incorruptibile essentialiter fieri, sed & aliquid secundum naturam corruptibile perpetui per aliquid superadditum fiat, hoc inconueniens non est. Ut inquit S. Th. secundo sententiarum. dist. 19. 2. quantum & de maximo. q. 5. 10. semper enim remanet secundum naturam corruptibile. Propositio ergo com. si intelligatur ad hunc sensum, quod impossibile est ut quod ex se potest non esse ab alio perpetuitatem super essentialia principia fundatam acquirat, vera est. Si autem quod etiam per aliquid superadditum essentialiter perpetuitatem acquirere non possit, falsa est.

ADVERTENDVM etiam in ratione contra com. quod S. Th. non admittit, tanquam illud verum putet in cælo non esse potentiam ad esse, cum ipse teneat cælum ex materia & forma compositum esse, ut patet 8. Physicorum. lec. 21. & ut fortassis inferius declarabitur, sed tanquam in responsione comment. pro vero assumptum, cuius etiam veritas si concedatur, responsio difficultatem non euacuat.

CIRCA illud quod inquit S. Th. quod in corpore celesti est quasi potentia actiua, quae est virtus essendi. Notandum q. virtus essendi ad potentiam formae pertinet, non ad potentiam materiam, ut inquit S. Th. primo cælo. lec. 6. forma enim secundum sui conditionem dat esse materiam, & diuersae formae dant diuersa esse. Vnde aliqui dant esse corruptibile, aliqui vero incorruptibile: aliqui magis duratium, aliqui minus, loquendo de esse variabili. Huius autem aliam rationem querere non oportet, nisi ipsam formae naturam, licet & conditio materiam concurrat, quae tamen propter naturam & conditionem formae talis sit necesse est, non autem e contra. Materia enim propter formam est, non autem forma propter materiam. Quia ergo forma non est principium effectiui proprium, sed tamen ad actiui principii causalitatem appropinquat, cum videamus omne agens per aliquam formam operari, ideo inquit S. Th. virtutem essendi esse quasi actiuam potentiam, non autem simpliciter actiuam.

Secundum suam ponit responsionem, & dicit duo. Primo quod quia motus secundum sui rationem, quantitatem habet, & extensionem, ideo duratio eius infinita potentiam mouentem infinitam requirit. Secundum, quod licet corpus finitum in infinitum duret, non oportet tamen ut virtus essendi sit infinita infinito corpore, quia esse extensionem quantitatis non habet, praecipue in re cuius esse est inuariabile, sicut est cælum, & ideo non attingatur a tempore, nisi per accidens. Non differt enim quod per virtutem essendi aliquid duret per instans, aut infinito tempore.

AD huius responsionis evidentiam considerandum est, quod quantum virtus causae maior est & perfectior, tanto effectum sibi per se correspondentem maiorem, perfectioremque facit, & e contra, quantum effectus per se perfectior est, tanto causam perfectiorem, efficaciorēque requirit: oportet enim causas effectibus proportionatas esse. Cum ergo motus sit per se effectus motiue virtutis, cui per se conuenit extensio ac duratio successiua, atque iccirco quantum fuerit motus maior durationis, tanto secundum hanc durationis rationem perfectior existat, ideo maiorem virtutem in causa motiua motus qui fuerit maior durationis exposcit: & si fuerit duratio infinita, infinitam virtutem requirit, alioquin perfectioni effectus per se causae perfectio non responderet: iccirco bene inquit S. Th. durationem infinitam motus: potentiam mouentem infinitam requirit. Loquitur autem de potentia mouente, quae est prima, non autem de potentia mouente quae est proxima, & quasi instrumentum primae causae: ut 8. Physicorum. declarat.

SCIENDVM etiam quod cum tempus primo & per se sit mensura motus sub tempore cadit vnumquodque, in quantum subest mutationi & variationi, licet ergo nullum esse substantiale, ut sic ex se sub tempore cadat: si tamen motui aut variationi coniungatur, tempore mensuretur necesse est: si autem inuariabile sit, nullo modo sub tempore cadit: inde sequitur q. maior virtus requiritur ad hoc, ut aliquid maiori tempore in esse variabili duret, & si aliquid deceret in esse variabili infinito tempore durare, oporteret esse virtutem infinitam in qua haberet infinitam durationem, sicut & motus infinitus infinitam virtutem in mouente primo requirit. Ad hoc autem ut aliquid infinito tempore duret, in esse inuariabili non requiritur infinita potentia, cum illud esse non cadat sub tempore. Et ideo infinitas temporis nihil faciat ad magnitudinem potentiae. Illud enim esse inuariabile a forma rei dependet absolute ex eo q. inuariabiliter coniungitur potentiae, & non refert an per instans duntaxat, vel tempore infinito duret, cum nullo modo mensuretur tempore, sed mensura permanente & indiuisibili. Vnde quod inquit

Philosophus cælum habere virtutem ut sit semper, non est intelligendum quasi ipsa virtus essendi directè, & per se sit perpetuitatis causa, sed indirectè & consequentiè, in quantum videlicet dat esse inuariabile, & ex consequenti non cadens sub tempore, & corruptione, ex quo sequitur ut cælum semper sit, postquam eam virtutem essendi habuit: vnde habet virtutem ut sit semper negatiue, quia scilicet nullum sibi tempus determinat.

ADVERTENDVM quoque. Cum inquit S. Th. quod esse inuariabile, non attingitur a tempore, nisi per accidens, quod aliter conuenit esse substantiale variabile attingi a tempore per accidens, (nam & ipsum superius diximus sub tempore per accidens tantum cadere) & aliter esse inuariabile. Nam per accidens quod attribuitur esse variabili: accipitur ut opponitur ei quod est primo, & est idem, quod est per aliud: non conuenit enim sibi mensurari tempore, nisi quia variationi subest: variabilitas tamen sibi conuenit per se, licet non primo: per accidens autem quod esse inuariabili conuenit, accipitur ut opponitur ei quod est per se. Attingi enim dicitur a tempore, quia motui qui per se primo tempore mensuratur, est coniunctum, licet motus nullam faciat in seipso esse variationem, sicut dicimus musicum calefieri per accidens, quia coniungitur ei quod calefit, licet alteratio musicum non variat. Ad dubium ergo responsio S. Th. est quod potentiam finitam non potest per aliquid durare tempore infinito, si illud aut primo, aut non primo, sed tamen per se tempore mensuretur: cuiusmodi est motus & esse variabile, sed bene potest id, quod habet esse inuariabile, sicut est cælum per potentiam finitam infinito tempore consecutiue durare, eo quod omnino per accidens attingatur a tempore. Quarta obiectio est, quia non videtur inconueniens quod mouens qui non mouendo non alteratur, quamuis sit virtutis finitae, moueat infinito tempore. Nam cum motus nihil consumat de potentia eius poterit deinceps mouere sicut prius. Sicut virtus solis quae finita est, infinito tempore potest secundum naturam in hac inferiora agere, quia in agendo, eius virtus actiua non minuitur.

Ad hanc obiectionem respondet primo S. Th. secundum mouet quoddam dubium. Respondet ergo quod illa propositio, potentia finita non potest mouere tempore infinito, intelligenda est de potentia finita corporis finiti & quod talis non potest de se tempore infinito mouere, cuius ratio est, quia cum corpus non moueat nisi motum, si contingat ipsum non moueri, continget etiam non mouere, quantum autem est ex se omne corpus quod mouetur potest non moueri, eo quod inter terminos motus qui sunt oppositi mouetur, ideo ex se sibi non conuenit ut perpetuo tempore moueatur, & sic non conuenit sibi ex se ut perpetuo tempore moueat. Quod autem obicitur de cælo, dicitur quod corpus, quod potest de se moueri, & non moueri, mouere, & non mouere, potest motus perpetuitatem ab alio habere, sed illud oportet esse incorporeum propter quod oportet primum mouens incorporeum esse, & hoc modo sol potest perpetuo inferiora mouere non quidem ex se, sed virtute incorporeae substantiae.

SECUNDO remouet dubium quod fieri posset. Diceret enim aliquis: q. id quod ex se potest moueri, & non moueri, non potest ab alio acquirere motus perpetuitatem, sicut inquit com. Id quod potest esse & non esse, non possit ab alio perpetuitatem essendi acquirere. Respondet autem q. non est eadem ratio de motu & de essentia motus est quidam defluxus a mouente in id quod mouetur, id est, aliquid instabile, & successionem habet, ac in quodam fieri consistens. Esse autem est aliquid fixum, & quietum in re, id est, totum simul existens, & non consistens in fieri. Ideo potest aliquid mobile ab alio perpetuitatem motus acquirere quam ex se non habet secundum causam mouentis influxum: quod autem de se est in potentia ad non esse, non potest secundum viam naturae ab alio essendi perpetuitatem acquirere.

CIRCA hanc responsionem duplex occurrit dubium. primum est, quia motus celi secundum doctrinam S. Th. non cessabit naturaliter, sed tamen virtute diuina, & secundum Aristotelem naturaliter perpetuus, ergo quantum est ex se non potest non moueri. Quia si ex se, & ex natura sua posset non moueri, posset naturaliter quiescere, & sic cessare a motu, ergo falsa est illa propositio S. Th. q. corpus omne quod mouetur possibile est non moueri. Secundum est: Quia si corpus habens potentiam finitam potest ab aliquo acquirere perpetuitatem in moueri, & ut moueat tempore perpetuo, ergo ad hoc ut aliquid moueat tempore infinito non requiritur ut habeat potentiam infinitam, sed sufficit ut habeat finitam virtutem æternam, cuius oppositum assumit demonstratio Aristotelis. & sic ex perpetuitate motus non demonstrabit primum motorem esse virtutis infinitae.

AD euidentiam primi dubij considerandum quod motus celi, ut inquit S. Th. potentia q. 5. non sic est sibi naturalis, quasi aliquam virtutem naturalem ei inherenter consequatur, sed quia in ipso est aptitudo & principium passiuum ad talem motum. Ideo perpetuitas & permanetia motus celi non est consideranda per comparisonem ad aliquam eius virtutem, & formam naturalem, sed per comparisonem ad intelligentiam mouentem, quacunque sit illa. Ex quo sequitur quod quantum est ex ipso cælo in quo est aptitudo ad acquisitionem motus ab alio. In ipso etiam & est aptitudo ad hoc ut non moueatur, quia si moues extrinseci cesset a mouendo ipsum cælum non mouebitur, ut vniuersaliter omne quod mouetur, in quantum mouetur est in potentia ad moueri, & non moueri, in quantum si mouens moueat, ipsum mouetur: si autem non moueat, ipsum non mouetur. Cum enim termini motus sint oppositi & id quod mouetur sit ad utrumque terminum in potentia dum est sub vno termino, potest a mouente, ad alium terminum moueri, postmodum cessatur a motu si cessauerit mouens mouere. Ad argumentum ergo negatur consequentia, quia cum dicitur quod non cessabit naturaliter, intelligitur quod in ipso cælo non est aliqua naturalis virtus per quam ad quietem tendat, sic est in grauib. grauitas, quae ad quietem in loco deorsum inclinatur. Sed sicut ab extrinseca forma motui habet, ita ab illa quietem habebit si aliquando quiescet, ad probationem negatur consequentia: licet enim ex se, & ex natura, quae est materia, possit non moueri: non tamen sequitur, ut quiescat naturaliter modo quo hic loquimur de naturali quiete, quae scilicet ex inclinatione formae naturalis procedit. Quod autem inquit Aristoteles. motus celi naturaliter esse perpetuum, non hoc ideo dicit quasi putet celi motum a naturali eius forma procedere, sed quoniam existimauit intelligentiam mouentem necessariò mouere, huic autem non repugnat ipsum cælum quantum est ex se posse non moueri.

AD euidentiam secundi dubij notandum est ex doctrina S. Thomae octauo Physicorum. quod cum tempus motus dupliciter diuidi possit, scilicet secundum partes mobilis, & secundum partes magnitudinis aut spatij, dupliciter infinitas

sem habet virtutem ut sit semper.

Quomodo esse substantiale attingitur a tempore.

Verum motus celi naturaliter cessabit.

Duratio infinita potentia infinitam requirit.

Quomodo ca-

Quomodo motus perpetuitas arguit infinitatem mouentis.



Infinitas motui potest conuenire, scilicet secundum partes mobilis, & secundum partes magnitudinis, super quam fit motus. Primum esset quodam mobile secundum partes infinitas eiusdem quantitatis, non autem eiusdem proportionis aliquod determinatum, magnitudinis spatium pertransiret, quod sane esse non posset, nisi mobile esset corpus infinitum. Secundum esset, si vnum corpus finitum infinitas partes eiusdem quantitatis pertransiret, vel idem spatium finitum infinitis per replicationem: prima infinitas motui per se conuenit, utpote ex proprio subiecto: secunda vero per aliud, utpote ex extrinseco. Sicut autem est infinitas per se conueniens motui, & infinitas quæ sibi per aliud conuenit, ita dupliciter est mouens, quoddam scilicet quod ex se primo mouet, & ab alio non habet ut moueat, qualis est primus motor: quoddam vero quod non ex se primo mouet, sed ab alio habet ut moueat, scilicet secundario mouentia. Et sic dupliciter esse causa infinitatis motus potest, scilicet primaria, quæ per se primo & non per aliud motum infinitum causat, & secundaria, quæ motus infiniti, non per se primo, sed ex eo quod ab alio mouetur, est causa: Quia vero causæ per se debet effectus per se correspondere, ut ex 2. Physic. ab Aristotele docetur, quia non determinatur virtus causæ ex ordine ad effectum per accidens, sed in ordine ad effectum per se, ideo illa causa quæ est primo, & per se non in virtute alterius infiniti motum causans, debet esse tantæ virtutis ut possit motum per se finitum causare, quod est dictum, ut possit infinitum corpus mouere si daretur. Et quia hic virtutem requirit infinitam, ideo primam causam infinitatis motus, qui primo & per se ipsam causat, virtutem habere infinitam oportet: non autem causam secundariam, quæ non ex se primo, sed ab alio perpetuam mouendi habet. Motus ergo perpetuus, quæ est infinitas eius per accidens, non arguit infinitam virtutem secundarij agentis, quia infinitas per accidens tantum potest esse virtutis incorruptibili finitæ, ex eo quod ab alio motu mouetur conuenire, sicut dictum est, sed ab alio habet, ut perpetuo hæc inferiora, moueat. Quod autem istud sit secundum mentem Aristotelis, ex propositionibus ab eo sumptis apparet. Ad probandum enim finitam potentiam non posse finitum infinitum tempore mouere assumit, quod maius in maiori tempore mouet, & minus in minori, quod habet veritatem duntaxat, ubi tempus motus ad diuisionem mobilis diuiditur, ut superius ostendimus, ex qua propositione concluditur, quod potentia finita non potest mouere infinitum tempore, scilicet ex parte mobilis tempus infinitum accipiendo, si debet præmissis conclusio concordare: & ex consequenti, quod requiritur potentia infinita ad talem motum infinitum: & sic cum ad primam causam infinitatis per accidens motus requiritur, ut possit mouere mobile infinitum, ut ostendimus: sequitur oportere primam causam perpetuam motus infiniti virtutis esse. Ad dubium ergo negatur consequentia de eo, quod mouet talem primam, & per se causa infinitatis motus, sed bene sequitur, quod secundariam causam non oportet infinitam esse, quia virtutem perpetuam motum ab alio habet, & non ex se, quod concedimus.

SED contra istam determinationem occurrit dubium. Posito per impossibile, quod nulla esset causa virtutis infinitæ, sed esset aliqua intelligentia æterna finitæ virtutis, illa posset motum perpetuum continuare, quia ut inquit Sanctus Thomas 8. Physic. ad hoc quod aliquid sit causa motus infiniti per reiterationem non requiritur, ut habeat virtutem infinitam, sed sufficit, si habeat virtutem immobilem finitam, ergo motus æternus non arguit de necessitate potentiam infinitam in aliqua causa. Respondetur primo, quod illo casu posito, licet impossibile sit, illa intelligentia causaret quidem motum perpetuum ex eo quod virtus sua motum perpetuum esset, & immobilis, non tamen causaret illam tanquam per se prima causa talis perpetuitatis, quia non ex ratione propriæ virtutis, sed ex conditione ibi adiuncta, scilicet ex immobilitate & perpetuitate suæ virtutis, & tunc poneretur effectus absque sua prima & per se causa, quod est impossibile: non est autem mirum si ex vno impossibili posito, aliud sequitur impossibile. Si autem arguatur, illa esset prima causa, quia non haberet aliam priorem, ergo esset primo, & per se causa perpetuitatis, negatur consequentia: stat enim quod aliquid sit primum in aliquo ordine, ex aliqua suppositione facta, & tamen non sit primo, & per se causa alicuius effectus: sicut Adam est primus homo, & tamen non est primo, & per se causa hominis, in quantum homo.

Respondetur secundum potest, quod posito illo casu talis intelligentia non causaret motum perpetuum, cum illud non habeat causare, nisi ut ab intelligentia infinitæ virtutis mouetur. Quod autem inquit sanctus Thomas, quoniam ad æternitatem motus per reiterationem sufficit, ut habeat virtutem immobilem finitam, intelligitur supposito primo motore infinito, ideo illo remoto aut nullo modo moueret, aut certo, & determinato tempore: si autem inquit, quia illa substantia semper maneret eadem, idem autem manens idem, natum est semper facere idem. Dicitur eodem modo, quod loquendo de causa quæ ex sua natura mouet ut mota, idem manens, idem natum est semper facere idem, manente primæ causæ influentia, non autem illa remota. Quinta obiectio est, sicut ex infinita potentia si sit in magnitudine, sequitur quod moueat in non tempore, ita etiam si sit extra magnitudinem. Ergo ex hoc quod est impossibile potentiam in non tempore mouere, non sequitur tantum, quod infinita potentia non sit in magnitudine, sed quod nulla potentia est infinita absolute. Tripliciter ad hanc obiectio nem respondet sanctus Thomas, primo secundum commentum 8. Physic. commentum 79, quod potentia quæ est extra magnitudinem, non est finita aut infinita, nisi æquiuoce, ideo ex eius infinitate non sequitur remoueri finitam proportionem in aliis, in temporibus, scilicet & motibus: illa autem quæ est in magnitudine, est finita aut infinita secundum eandem rationem, quæ tempus & motus: quia eodem modo inuenitur finitum & infinitum in magnitudine motu & tempore, ut dicitur 3. Physic. & 5. Ideo infinitum in vno eorum aufert proportionem finitam in aliis.

AD VERTE, quod finitatem & infinitatem dicit commentum æquiuoce potentia separata, & quantitatibus conuenire, quia in ipsis non conuenit secundum vnam & eandem rationem: in quantitatibus enim dicitur finitum, & infinitum, secundum quandam extensionem, & secundum priuationem finis quantitatis: in forma autem separata dicitur secundum perfectionem, ideo secundum ipsum non sunt comparabilia potentia extra magnitudinem, & potentia in magnitudine. Hanc commentum responsionem Sanctus Thomas licet hic non reprobet, octauo tamen Physicorum reprobet, ut in secunda responsione adducemus.

Secundæ respondetur de mente, etiam commentum 12. Metaphysicæ commentum 41, quod cum duplicem motorem cælum habeat, proximum scilicet qui est finitæ virtutis, & remotum, qui est infinitæ: à proximo habet motus

finitam velocitatem, à remoto autem durationem infinitam. Propter hoc si potentia quæ est infinita sit extra magnitudinem, non sequitur quod moueat in instanti, quia potest mouere corpus mediatè: si autem esset infinita potentia in magnitudine, moueret de necessitate in instanti, quia oportet quod corpus moueat immediatè cum corpus non moueat, nisi ab alio motum.

Sensus huius responsionis est, quod cum virtus extra magnitudinem, moueat mediantè virtute quæ est in magnitudine, eius actio ex virtute in magnitudine existente limitatur: virtus enim potentia causæ secundum conditionem & naturam causæ secundæ operatur: videmus enim quod sol mediantè hominē generat hominem, & mediantè equo, equum: ideo si virtus quæ est in magnitudine est finita, & consequenter nata mouere velocitate finita, virtus infinita quæ est extra magnitudinem mediantè ipsa mouens, non mouebit velocitate infinita, sed finita, & determinata. Virtus autem quæ est in magnitudine, quia mouet immediatè ipsum corpus cælestē, alioquin illud corpora inferiora non mouent, cum corpus non moueat nisi motum, si fuerit infinita, necessariò mouebit in non tempore, quia non potest accipere limitationem ex causa secunda, cum non mediantè alia causa, sed per se ipsam immediatè moueat.

AD VERTENDVM autem quoniam sanctus Thomas hanc responsionem meliorem prima reputat, licet & ipsam in 8. Physic. insufficientem esse dicat, quod prima responsio contra Aristotē est, cum ipse ponat potentiam quæ infinito tempore mouet infinitam: am esse & extra magnitudinem, ex quo apparet infinitatem potentia temporis infiniti comparabilem esse secundum proportionem causæ & effectus, licet non secundum eandem rationem infinitum in illis inueniatur. Falsum quoque est, quod infinitas virtutis separata, non auferat proportionem durationis sui motus ad durationem motus existētis à virtute finita. Nam velocitas motus sequitur magnitudinem virtutis potentia motuæ, quæ sibi conuenit per se, quæ est magnitudo perfectionis: non autem quæ conuenit sibi per accidens, scilicet ad extensionem subiecti. Quanto enim perfectior est potentia, tanto est magis actiua, non autem quanto magis extensa: intensus enim calor in parua quantitate magis calefacit, quam remissus in magna. Secunda autem responsio, non tollit à potentia separata finitatem aut infinitatem comparabilem motui, & temporis secundum aliquam proportionem causæ & effectus, neque remouet à potentia infinita separata, quod possit mouere quantum est ex se in instanti: secundum enim hanc responsionem si moueret immediatè, moueret in instanti necessariò, sed quia mouet mediatè, potest in tempore mouere, motus autem cæli secundum commentum 12. à proximo mouente, habet finitæ velocitatis, quia est virtutis finitæ. Propter hoc ergo secunda melior est quam prima.

AD VERTENDVM etiam quod Sanctus Thomas videtur velle commentum aliter sensisse in 12. Metaphysicæ de infinitate primi motoris, quam sensisse 8. Physic. Nam 12. Metaphysicæ concedit ipsum esse infinitum: octauo autem Physicorum negat, sicut etiam negare videtur secundum commentum 38. 39. 63. & 71. & 3. cap. 8. de substantia orbis loquendo de infinitate vigoris. Si quis autem velle tenere quod non sentit, sed vbiq; tenuerit Deum non esse infiniti vigoris, posset dicere ad authoritatem 12. Metaphysicæ conformiter ad ea quæ 8. Physic. dicuntur, quod non concedit Deum habere infinitam virtutem in vigore, sed habere quandam infinitatem æquiuocè dictam, cum infinitate virtutis existētis in materia, quæ ad æternitatem motus agit: ideo si talis virtus extra magnitudinem ponatur infinita suo modo, id est non limitata neque finita ut ea quæ sunt de genere quantitatis, non oportet quod moueat in non tempore, quia illa non est comparabilis infiniti velocitatis motus, cum sit altius rationis à rebus quantis. Sed si esset infinita virtus in magnitudine, moueret in instanti, quia haberet infinitatem comparabilem infinitæ velocitati, eo quod esset quanta secundum eandem rationem cum tempore & motu. Secundum enim hanc virtutem scilicet quæ est in materia, consideranda est velocitas & tarditas motus, cuius signum est quod propter finitatem virtutis quæ est in orbe, veluti anima eius velocitas motus est finita. Siquis autem velle tenere de mente commentum, esse quod Deus sit infiniti vigoris, posset ad dictum 8. Physic. dicere quod neque est finitus, neque infinitus infinitate ad quam sequatur motus in instanti, quia illa infinitas vigoris quæ est extra magnitudinem, non est quantitatua, ut habeat comparari quantitatem intensiue motus, licet extensiue, scilicet æternæ eius durationi comparatur, eo quod ipsa æternitatem habeat & perpetuitatem: æternitas enim ad genus quantitatis non limitatur, cum in rebus non quantis inueniatur, intensio autem in rebus duntaxat quantis inueniatur, cum ex subiecti materialis participatione dependeat. Ad alia autem loca in quibus dicere videtur, quod nulla est virtus infinita, secundum vigorem, dici posset, quod loquitur de virtutibus coniunctis, quæ dicuntur animæ orbium, non autem de virtute à materia separata.

Tertio melius adhuc respondetur, & dicitur quod potentia quæ non est in magnitudine est intellectus, & per voluntatem mouens: quæ autem est in magnitudine non intellectus, quia intellectus non est virtus in corpore, unde mouet non per intellectum & voluntatem, sed per necessitatem naturæ, propter hoc illa quæ est extra magnitudinem mouet non secundum proprietatem suæ virtutis, sed secundum exigentiam mobilis, ideo non sequitur quod moueat in instanti: illa autem quæ est in magnitudine tanquam videlicet virtus materialis ad extensionem subiecti extensa ut superius exposuimus, mouet secundum proprietatem suæ naturæ & virtutis, sicut & corpus mouet secundum proprietatem conditionemque suæ quantitatis, ideo sequitur quod moueat in instanti. Huius responsionis explanationem habes 8. Physic. à Sancto Thoma.

VERVM Tamen ad maiorem intelligentiam eorum quæ hic & ibi dicuntur considerandum est, quod prima causa perpetuitatis motus, si infinita ponatur secundum virtutem suæ in magnitudine ponatur suæ extra magnitudinem quam vult ex conditione potentia potest mouere in instanti: sicut enim nulli potentia finitæ proportionatur in vigore, ita quantum ex se causare potest motum nulli motui finito in velocitate proportionatum, unde non differunt infinita potentia in magnitudine & extra magnitudinem, quantum ad hoc esse posse mouere in instanti quantum est ex sufficientia potentia, nec quantum ad hoc quod est non posse mouere in instanti propter repugnantiam mobilis: hoc enim vtrique potentia est commune, sed differt iure quantum ad exercitium huius potentia & quantum ad mouere actu, quia si ponatur extra magnitudinem non mouebit secundum totum suum posse, & secundum naturæ conditionem, sed secundum quod congruit naturæ mobilis, & fini à tali substantia preconcepto & quia natura mobilis non patitur, nec finis intentus exigit ut motus sit in instanti: ideo non mouebit in instanti, sed in tempore. Si autem ponatur in magnitudine mouebit secundum

Quid senserit Auer. de infinitate primi motoris.

Quomodo si virtus infinita esset in magnitudine moueret in instanti non autem si esset extra magnitudinem.

Utrum posita tantum intelligentia æterna finitæ virtutis motus posset esse æternus.



cundum conditionem suæ naturæ tanquam forma materialis, & secundum totum suum posse, ideo necessariò mouebit in instanti. Vnde philosophus non facit hanc conditionalem, si potentia infinita sit in magnitudine, poterit mouere in instanti. sed hanc si sit in magnitudine mouebit in instanti. Est autè melior hæc responsio quàm secunda, quia illa non saluabat, quare potentia infinita existente extra magnitudinem, non sequitur vt moueat in instanti. Quod enim dicebatur hoc esse quia velocitatè habet motus à mouente proximo, illud autem, est virtutis finitæ, nō satisfacit. Quia sicut proximum agens non mouet in infinito, sed vtique potest primum agens ex se. Quæretur enim cum mouere tempore perpetuo conueniat sibi per virtutē primi mouentis, quod sibi ex propria virtute conuenire nō potest, quare etiā non conuenit sibi in virtute primi agentis in instanti mouere, cum vtique in virtute primi mouentis cōtineatur. Et sic non assignatur ratio sufficienter, quare motus celi sit finitæ velocitatis existente potentia infinita extra magnitudinem, quia videlicet proximum mouens est finitæ virtutis, nam & eadem ratione deberet esse finitæ durationis. Tertia autem responsio sufficienter saluat, quare potentia infinita extra magnitudinem non moueat in instanti, sed bene potentia infinita in magnitudine vt apparuit.

Sed occurrit dubium, quia potentia & virtus materialis non semper agit secundum naturæ conditionem, & secundum totum suum posse absolute, sed secundum posse in comparatione ad subiecti dispositionem. Nam calor ignis non semper calefacit secundum quod absolute posset calefacere, sed secundum quod subiectum dispositum est ad hoc vt calefaciat. Ideo idem calor aliquid magis, aliquid minus calefacere, ergo quia potentia infinita sit in magnitudine & sit materialis non sequitur, qd moueat secundum totum suum posse, sed secundum mobilis dispositionem: nullum autem mobile est dispositum vt moueatur in instanti, ergo non sequitur quod in instanti moueat sed in tempore. Respondetur, qd aliter est de potentia materiali finitæ, & aliter de infinita, quia potentia finitæ potest aliquid resistere secundum aliquam proportionem, non autem infinita, cum nihil finitum habeat proportionem ad infinitum. inde fit vt potentia materialis finitæ aliquando impediatur ne agat secundum totum suum posse absolute propter indispotionem subiecti potentia resistet, infinita autem propter subiecti indispotionem impedi non potest, quin secundum totum suum posse agat, cum nulla resistentia finitæ ad finitam virtutem habeat proportionem. Si enim esset ignis infiniti caloris calefaceret secundum totum suum posse, & à nulla indispotione subiecti impedi posset. Ista ergo condicionalis est vera & necessaria. Si infinita potentia esset in magnitudine & per consequens materialis, moueret in instanti, dato quod mobile nō sit secundum se ad instantaneum motum dispositum respectu virtutis finitæ, nec illa propositio, virtus materialis non semper agit secundum totum suum posse, sed secundum dispositionem subiecti, est vera de virtute infinita, sed bene vera est de virtute finitæ, vt probatur.

Aduertendum autem quod præter responsonem hic datam, aliam tangit S. Th. 8. Phis. & prima q. 25. art. 1. tertiū. scilicet qd ratio diuersitatis inter potentiam infinitam immaterialem, & materialem, quo ad mouere in nō tempore, est quia mouens extra magnitudinem, non est vniuocum agens, sed superioris ordinis, ideo non oportet vt magnitudo sit totius effectus sui susceptiua, vnde cum sibi dupliciter effectus conueniat, quantum est ex virtutis efficacia, scilicet æternitas motus, & motus instantaneus, non oportet vt magnitudo vtriusq; effectus sit receptiua, ita quod tota eius virtus in motu corporis manifestetur, ideo quamuis corpus sit susceptiuum motus æterni à substantia immateriali infinita non oportet, tamen vt sit susceptiuum motus in nō tempore. Mouens autem corporeum mouendo aliud corpus localiter, est agens vniuocum in quantum non mouet, nisi localiter, & ipsum moueatur, ideo nihil prohibet in magnitudine effectum virtutis, in magnitudine existentem proportionatum recipi, & propterea si fuerit infinita, effectus sibi proportionatus, scilicet motus in nō tempore immobili recipitur, quod cum sit impossibile, sequitur vt impossibile sit virtutem infinitam in magnitudine esse. Tertia ratio ad principale propositum est ista. Motus primus est continuus & regularis, ergo mouens primum nō est corpus: probatur consequentia, quia motus continuus & regularis nō potest esse à mouente corporeo, eo quod moueat tale mouens attrahendo vel expellendo: in talibus autem motibus quod mouetur, non semper est in eadem dispositione ad mouens, sed quandoque propinquius, quandoque remotius. Ista ratio habet fundamentum ex 8. Phisic. vbi probatur primum motum esse continuum & regularem.

Aduertendum quod illa propositio nullus motus à mouente corporeo potest esse continuus & regularis, vera est si motus sit à mouente corporeo tanquam à primo, & principali mouente, nō autè si sit ab ipso tanquā ab instrumento. Motus enim quo inferiores orbes mouentur motu diurno, est cōtinuus & regularis, licet sit à primo mobili, quia non est ab ipso tanquam à principali mouente, sed tanquam ab instrumento intelligentiæ mouentis.

Sed occurrit dubium circa hanc rationem quia vt videtur falso fundamento. Non enim mouens locale mouet semper attrahendo vel expellendo, sed etiam impellendo. Vnde philosophus 7. Phisic. motus alios locales, quibus aliquid mouetur ab alio reducit, non ad attractionem & expulsionem, sed ad tractum & pulsū, quod est genus expulsionis & impulsionis. Nec etiam videtur verum in attractione quod mobile aliquando propinquius, aliquando remotius sit à mouente. Trahens enim nunquam separatur ab eo quod trahitur, vt dicitur 7. Phisicorum.

Respondet potest quantum mihi ad præsens ocecurrit, quod ista ratio supponit primum mouens suum locum, non mutare ad motum eius quod ab ipso mouetur, cum ostensum sit ipsum esse immobile. Cōstat autem nō mouere tale mouens aliud corpus, nisi per expulsionem aut attractionem dum quod mouetur, aut facit à se distare, aut facit distans ad se appropinquare, aut secundum totum, aut secundum partem. Vtroque autem modo continet quod mouetur, aliquando propinquius mouenti esse, aliquando remotius. Cum autem inflatur, quia trahens nunquam separatur à tracto: dicitur primò quod supposito quod trahens non moueatur: falsum est qd nunquam separatur à tracto, imò coniunguntur tantum in fine: vt patet cum magnes attrahit ferrum: non enim alio modo trahere potest corpus quod non mouetur, quàm magnes ferrum trahat, scilicet per impressionem alicuius forme, propter quam tractum mouetur ad trahens. Quod autem inquit Aristotel. quod trahens nunquam separatur à tracto, intelligitur de eo quod tra-

hit per motum localem tantum, non autem per impressionem alicuius forme. Vnde alio modo hic accipitur tractio, & alio modo 7. Phisic.

Dicitur secundò, quod licet trahens nunquam separatur à tracto omnino, quin scilicet ei quod trahitur sit coniunctum, aut secundum totum quod trahitur, aut secundum partem, non oportet tamen semper ipsum coniungi secundum totum, sed sufficit vt secundum partem coniungatur, & sic accideret. Si mouens extrinsecum corporis celestis esset corpus existens in determinato situ, puta in oriente. Nam expellendo à se vnam partem cui immediate coniungitur per hemisphærium superius, traheret ad se aliam partem, quæ ab occidente mouetur ad orientem per hemisphærium inferius, & sic coniungeretur ei quod trahitur, non secundum partem quæ trahitur, sed secundum partem quæ expellitur. Quarta ratio, finis primi motus, nō potest esse corpus aut virtus in corpore. Sed Deus est finis primi motus, ergo neque est corpus, neque virtus in corpore: maior probatur, quia finem motus perpetui oportet semper esse, & omnibus modis in actu, eo quod motus qui est ad finem exeuntem de potentia in actum, non sit perpetuus cum esset, quando ad actum peruenit fuerit, nullum autem corpus aut virtus in corpore est huiusmodi cum moueatur, aut per se, aut per accidens: minor verò probatur, quia finis primi motus est primum mouens quod mouet, sicut desideratum. Ista ratio etiam ex octauo Phisic. habet fundamentum, vbi ostenditur virtutem in corpore moueri, aut per se, aut per accidens.

Sed circa hanc rationem occurrit dubium, quia non videtur differentia inter finem qui de potentia in actum exit, & finem qui est semper in actu respectu motus. Est enim vniuersaliter verum quod habito fine cessat motus: habita enim sanitate quæ educitur de potentia in actum, cessat sanatio: & habito loco deorsum, qui est finis actus præexistens, cessat motus grauis deorsum, & sic sequetur, si est aliquis finis primi motus, quod nullo modo poterit esse perpetuus.

Respondetur, quod illa propositio, habito fine cessat motus, non est vera de omni fine, vt habetur 4. sent. dist. 48. q. 5. art. 2. ad penultimam rationem in oppositum: sed habet veritatem tantum de fine qui sequitur motum: talis enim comparatur ad motum, sicut terminus ad viam. De fine autè qui concomitatur motum, non habet veritatem. Finis autem motus celestis, est assimilatio ad Deum in causalitate, tanquam videlicet finis intrinsecus: finis enim extrinsecus, de quo in hac ratione est sermo, est ipse Deus. Hæc autem assimilatio ad Deum concomitatur ipsum motum. Ideo non cessat motus celi habito isto fine, imò perpetuo mouetur cælum propter hunc finem habitum manutenendum. Conferuatur autè motus vniuersalis perpetuus, propter immobilitatem ipsius Dei. Ex quo prouenit quod cælum per suum motum vniuersalem semper illi assimiletur in causando. Quia autem rationes suppositæ procedunt supposita motus æternitate, cuius oppositum fides tenet, possit aliquis credere ipsas rationes inefficaces esse. Ideo sanctus Thomas ostendit eas, propter hoc suam efficaciam non amittere. Etsi enim fides teneat motum celi aliquando cessaturum, nō tamen ponit futurum hoc: aut propter motoris impotentiam, aut propter mobilis corruptionem, quia vtro modo accideret motus ille per temporis diuturnitatem lentescere, vt in istis inferioribus apparet, sed ex voluntate Dei ipsum cessaturum creditur. Ideo Aristot. rationes fundantur super possibili in natura, quo posito efficacissimæ sunt, licet nos oppositum esse de facto teneamus.

Confirmatur postremò, conclusio sacræ scripturæ auctoritatibus, scilicet Ioan. 4. Spiritus est Deus. Item primæ Timoth. 1. Regi seculorum, &c. Item Roma. primo, Inuisibilia &c.

Quantum ad tertium triplex errorum genus excluditur, scilicet philosophorum, qui omnes excepto Anaxag. posuerunt Deum esse corpus, Gentilium potentium elementa mundi, & eorum virtutes esse Deos. Iudeorum atque aliorum hæreticorum videlicet Terulliani, & Vadianorum, siue Antropomorphitarum, & aliorum qui Deum corporalibus liniamentis figurabant, necnon Manichæorum potentium Deum esse quandam infinitam lucis substantiam. Quorum omnium errorum occasio fuit, quod de diuinis cogitantes, ad imaginationem, per quam non potest nisi corporis similitudo capi, recurrerant.

Notandum quod Antropomorphita vocabulum Græcum est compositum ab antropos, quod hominem significat, & morphæ, quod est figura: sic enim illi dicitur, quia Deum humana figura describebant.

### Quod Deus est sua essentia. Cap. 21.

**E**X præmissis autem haberi potest qd Deus est sua essentia quidditas seu natura. In omni enim eo quod nō est sua essentia, siue quidditas, oportet aliquam esse compositionem: cum enim in vnoquoque sit sua essentia: si nihil in aliquo esset præter eius essentiam, totum quod res esset, esset eius essentia, & sic ipsum esset sua essentia: si igitur aliquid non esset sua essentia, oportet aliquid in eo esse præter eius essentiam, & sic oportet in eo esse compositionem: vnde etiam essentia in compositis significatur per modum partis, vt humanitas in homine: ostensum est autem in Deo nullam esse compositionem, Deus igitur est sua essentia.

2. Adhuc solum illud videtur esse præter essentiam vel quidditatem rei: quod non intrat diffinitionem ipsius: diffinitio enim significat quid est res, sola autem accidentia rei, sunt quæ in diffinitione non cadunt: sola igitur accidentia sunt in re aliqua præter essentiam eius: in Deo autem nō sunt aliqua accidentia, (vt ostensum est): nihil igitur est in eo præter essentiam eius, est igitur ipse sua essentia.

3. Amplius, formæ quæ de rebus subsistentibus non prædicantur, siue in vniuersali, siue in singulari acceptis, sunt formæ quæ nō per se singulariter subsistunt in seipsis indiuiduatæ: non enim dicitur quod sortes aut homo aut animal sit albedo, quia albedo non est per se singulariter subsistens, sed indiuiduatur per subiectū subsistens. Similiter etiā formæ naturales

+ Idem p. p. q. 3. artic. 3.



naturales non subsistunt per se singulariter, sed indiuiduantur in propriis materiis: unde non dicimus, quod hic vel ille ignis aut ignis sit sua forma. Ipsa etiam essentia vel quidditates generum vel specierum indiuiduantur secundum materiam signatam huius vel illius indiuidui: licet etiam quidditas generis vel speciei formam includat, & materiam in communi: unde non dicitur quod for. vel homo sit humanitas: sed diuina essentia est per se singulariter existens, & in seipsa indiuiduata. (vt ostensum est) diuina igitur essentia predicatur de Deo vt dicitur, Deus est sua essentia.

4 Præterea essentia rei vel est res ipsa: vel se habet ad ipsam aliquo modo, vt causa: cum res per suam essentiam speciem fortitur, sed nullo modo potest esse aliquid causa Dei cum sit primum ens, vt ostensum est: Deus igitur est sua essentia. 5 Item quod non est sua essentia se habet secundum aliquid sui ad ipsam, vt potentia ad actum. unde & per modum formæ significatur essentia, vt puta humanitas: sed in Deo nulla est potentialitas, vt supra ostensum est: oportet igitur quod ipse sit sua essentia.

Super cap. 21.

**E**ssentiam exclusit sanctus Thomas à Deo compositionem quantitativam, nunc vult compositionem suppositi, & naturæ excludere, & ponit hanc conclusionem: Deus est sua essentia, seu quidditas aut natura.

Pro cuius declaratione sciendum quod hoc nomen Deus, aliter à Philosophis accipitur, & aliter à theologis: quia enim Philosophi Trinitatem diuinam personarum non cognouit, sed in diuina natura vnum duntaxat suppositum posuerunt, ideo nomine Dei significant, habens diuinam naturam, & vnum illud suppositum quod secundum ipsos in diuina natura subsistit. Sicut nomine solis significant quod naturam solis habet, & quod in natura solis subsistit. Apud theologos verò qui diuinarum personarum Trinitatem posuerunt, nomine Dei significant, habens naturam diuinam indistinctam: non autem significant determinatum suppositum illius naturæ, sicut & nomine hominis significant habens humanitatem indistinctam. Et quia nondum de Trinitate personarum determinauit sanctus Thomas: ideo Philosophorum admittit positionem ostendit suppositum illud deitatis ab ipsa deitate non differre, & arguit sic primo: Si Deus non esset sua essentia, esset in ipso aliqua compositio, sed huius oppositum ostensum est superius, ergo, & c. probatur consequentia dupliciter. Primo, quia ex opposito consequentis, infertur oppositum antecedentis. Nam si non est in ipso compositio, ergo non est in ipso aliquid ab essentia distinctum, ergo est sua essentia.

Confirmatur secundum, quia in compositis significatur essentia per modum partis, ergo signum est, quod ubi est aliquid præter essentiam, ibi est compositio, alioquin non significaretur per modum partis.

SED occurrit dubium circa istud significatum. Si enim quia essentia significatur per modum partis, arguitur quod ibi sit compositio, ergo & in Deo compositio erit, quia eius essentia per modum partis significatur. Est enim deitas qua Deus est Deus, sicut humanitas qua homo est homo. Ad huius euidentiam considerandum est doctrina sancti Thomæ quolibet. q. 1. art. 1. primum, q. cum tripliciter sit suppositum in entibus, scilicet increatum, quod primum, & cum tripliciter sit compositum ex materia & forma: tripliciter in eis se habet suppositum ad naturam. Nam suppositum creatum materiale tria includit in re, scilicet essentiam, principia indiuiduantia quæ essentiam limitant, vt sit hæc & distincta, sicut hanc quantitatem, hanc figuram, & c. & accidentia quæ nihil faciunt ad indiuiduationem naturæ, vt albedo, scientia, & huiusmodi. Suppositum verò immateriale duorum tantum includit, scilicet essentiam, & aliqua præter essentiam quæ nihil faciunt ad indiuiduationem naturæ, vt esse, & alia quædam accidentia ad suppositum pertinentia. Nam in illis non est necessitas ponere principium aliquid indiuiduatum, cum ipsa natura de se sit hæc & indiuidua. Suppositum autem diuinum nihil aliud in re dicitur quam essentiam, cum neque ibi sint principia indiuiduationis, eo quod deitas de se sit hæc & indiuidua, neque ibi alia accidentia sint extrinseca à natura indiuiduata, cum nihil sit accidens in Deo. Ex hoc sequitur quod quantum est ex parte rei, diuina essentia in supposito diuino nullo modo rationem partis habere potest, cum per rationem formalem suppositi diuini ex parte rei, nihil ab eius essentia realiter distinctum importetur, nec in re alicui coniungatur accidens. In supposito autem immateriali creato, aliquo modo habet partis rationem, in quantum suppositum in re, & ipsam, & accidentia in ipsa existentia includit, non tamen simpliciter est suppositi pars, quam illa accidentia ex eo quod naturam non indiuiduant, non sunt de intrinseca ratione formali suppositi. In materiali autem supposito simpliciter rationem partis habet, eo quod sit pars formalis rationis eius. Suppositum enim materiale in sua ratione formali intrinsecè, & ipsam essentiam & principia indiuiduantia includit, non quidem tanquam substantiam fortis constituentia cum substantia ex accidentibus non constituitur, sed tanquam essentiam limitantia ad hoc vt sit hæc, & indiuidua sicut per suppositum importatur. Ex hoc ulterius sequitur quod modus significandi per modum partis in essentia creata tam materiali quam immateriali habet aliquid fundamentum in re, & non se tenet tantum ex parte nominis significantis, sed etiam ex parte rei significantis. In essentia autem diuina nullum habet fundamentum in re, nec se tenet ex parte rei significantis, sed tantum ex parte nominis significantis. Nam quia in creaturis materialibus formæ non subsistunt sed tantum composita, ideo nomina quæ imponuntur ad significandum formas simplices tenent modum significandi per modum partis, licet res aliquæ significata nullo modo rationem partis habeant, sicut est de nomine deitatis.

SE D occurrit circa hoc dubium, quando enim vnum plurima includit quorum vnum se habet vt recipiens: alter vero vt receptum, id quod habet rationem recipientis, habet rationem materiæ, quod autem habet rationem recepti, habet rationem formæ. Materiæ enim est recipere, & formæ recipi. Sed si suppositum materiale intrinsecè includit essentiam, & accidentia & in-

diuiduantia, ipsa essentia est recipiens: accidentia verò recepta, ergo essentia se habet vt pars materialis, non autem vt pars formalis, cuius oppositum est dictum: probatur minor quia accidentia recipiuntur in substantia, non autem substantia in accidentibus.

Ad huius euidentiam considerandum quod non sic dicimus suppositum includere essentiam, & accidentia indiuiduantia quasi essentia prius constituitur in esse specifico adueniat accidentia ipsam indiuiduantia & trahentia ad esse suppositale, vt ratio videtur supponere, sed imaginamur prius materiam disponi & limitari per quantitatem, & alia accidentia ipsam indiuiduantia: deinde vnitri materiæ sic dispositæ formæ secundum ultimam suam perfectionem, ex quibus vnitri resultat essentia indiuiduata: unde accidentia indiuiduantia cum sint dispositiones se tenentes ex parte materiæ reducuntur ad genus causæ materialis, & per consequens essentia ad illa formaliter comparatur.

Ad argumentum ergo negatur minor, ad probationem negatur consequentia: licet enim accidentia ista accipiantur in substantia, non tamen vt materiæ dispositiones sint recipiuntur in hac substantia quæ est essentia speciei, sed cum forma materialis det esse corporeum, & esse hoc, puta equi, intelliguntur in materia recipi vt est actiua per formam secundum esse corporeum tantum, sed in potentia adhuc ad esse equi, ad quod esse per huiusmodi accidentia disponitur: ista enim accidentia præintelliguntur in materia secundum viam generationis ultimo gradu, quem dat forma substantialis. Sed de his latius erit sermo inferius capite 71. Ad argumentum ergo principale dicitur quod ex eo, quod in rebus compositis essentia significatur per modum partis modo se tenente ex parte rei significantis, & in ipsa fundamentum habente arguit S. Thom. in re compositionem esse: non autem ex modo significanti nullo habente fundamentum in re, sed se tenente tantum ex parte nominis significantis, sicut accidit in modo significandi diuinam essentiam, ideo non sequitur in Deo aliquam compositionem esse. Secundo. In Deo nulla sunt accidentia vt ostensum est superius, ubi ostensum est nihil in Deo esse præter naturam & nullam in ipso compositionem, nullaque potentia esse, ergo est sua essentia. probatur consequentia, quia si non esset sua essentia, in ipso aliquid esset præter quidditatem quæ per definitionem significatur, sola autem accidentia sunt quæ in definitione non cadunt. Aduertendum quod S. Tho. hic de definitione essentia, & naturæ specificæ loquitur, secundum quod principia tantum essentialia explicat, de hac enim verum est quod omne quod non cadit in tali definitione est accidens, & quod nihil extraneum ab essentia in tali definitione cadit, accidentia autem indiuiduantia diximus in præcedentia ratione in rei indiuiduæ, & subsistentis definitione cadere, non veluti essentialia principia, sed veluti determinationes quasdam, & limitationes essentia. Ideo sequitur, ubi res non est sua quidditas, quod est in ea aliquid præter essentiam quod pars essentia non est, & per eo sequens in ipso aliquid accidens est, quia quod in definitione tanquam pars essentia non cadit, accidens sit necesse est.

Tertio. Formæ quæ de subsistentibus aut in vniuersali, aut in particulari non prædicantur in seipsis indiuiduantur non subsistunt, sed diuina essentia per se singulariter existit in seipsa indiuidua, ergo de re prædicatur, ergo vera est ista, Deus est deitas. Nam de tali prædicatione hic est sermo in qua dicitur hoc est hoc. Antecedens per inductionem ostenditur. Albedo enim quia non subsistit, sed per subiectum indiuiduatur, ideo de sorte aut homine non prædicatur vt dicitur, sortes, aut homo est albedo: similiter formæ particulares, quia in propriis materiis indiuiduantur non prædicatur de re: non enim dicimus quod hic ignis sit sua forma Ipse quoque rei qui dicitur indiuiduantur secundum materiam signatam huius, vel illius indiuidui, licet formam, & materiam in communi includant, ideo non dicimus quia sort. aut homo sit humanitas. Forma ergo quæ de re non prædicatur, non per se subsistit, tanquam videlicet ex se indiuidua, quod dico propter animam intellectiuam: ipsa enim per se quidem subsistit, sed ex seipsa indiuidua non est.

NOTANDUM hic, quod in omni prædicatione importatur vnitatis prædicati cum subiecto, sed aliter cum prædicatur concretum, & aliter cum prædicatur abstractum. Cum enim concretum prædicatur quantum est ex concreti modo, significatur vnitatis simpliciter cum habente formam, cum forma autem, vnitatis secundum quid. Cum autem prædicatur abstractum, significatur simpliciter vnitatis inter subiectum & formam prædicati. Nam cum dico, sort. est albus, significatur sort. vnum simpliciter esse cum habente albedinem, cum albedine autem vnitatis per accidens, quæ est inter subiectum & accidens: sed cum dicitur, sort. est albedo, significatur vnitatis simpliciter inter sort. & albedinem, propter hoc ubi non sunt simpliciter idem suppositum, & natura nomine abstracto importata, non prædicatur essentia de supposito: ubi autem sunt simpliciter idem est vera prædicatio vnitatis de altero.

CIRCA illam propositionem essentia generum, & specierum, indiuiduantur secundum materiam signatam huius vel illius indiuidui: sciendum quod quidam Thomistæ per materiam signatam intelligunt ipsam materiam, ita huius quantitatis capacem quod non illius, capacitate autem istam dicunt non esse aliquid ab ipsa materia realiter distinctum. Unde materia signata nihil addit supra materiam quod sit ab ipsa realiter distinctum, sed capacitatem huius quantitatis, quæ capacitas ab ipsa tantum ratione distinguitur. Imaginantur enim isti quod agens particulare, appropriat materiam ad hanc formam particularem, ita quod in primo instanti generationis sort. primo ordine naturæ sit particulare compositum, deinde naturali ordine sequuntur omnia accidentia: in illo autem priori naturæ quo compositum particulare generationem primo & per se terminat materia, quæ est pars intrinseca sort. ita est appropriata ipsi sort. quod non est capax alterius quantitatis quam illius, quæ sibi sort. determinat: & materia sic appropriata, dicitur materia signata. Sed licet hæc opinio doctissimi viri sit, non tamen mihi videtur ad mentem S. Tho. accedere. Nam si materia signata nihil aliud est quam materia appropriata sort. & ita capax quantitatis sort. quod non alterius, quare in illo priori secundum naturam, in quo dicitur ipsam, sit appropriatam, aut est aliqua forma in materia, per quam ad hanc animam sort. approprietur, aut nulli: si est aliqua forma siue substantialis, siue accidentalis, ergo materia appropriata & signata non dicitur solum materiam primam, sed materiam cum forma, per quæ dicitur appropriata & signata. Si nulla, contra: nulla potentia accipit limitationem & appropriationem nisi per aliquod actum quem suscipit, vt habetur ex S. Tho. prima parte. quæst. 7. articulo primo, sed prima materia est simpliciter potentia, ergo non accipit determinationem & appropriationem nisi per aliquam formam, quia actus & forme est de terminare, & limitatur, si ergo debeat materia signata esse ad hoc, vt per ipsam forma ex tali

Contra Gent.

c

signatio

Essentia se habet vt pars formalis non autem vt pars materialis.

Quomodo accidentia indiuiduantur ad eius essentiam se habeant.

Quomodo materia signata sit indiuiduationis principium.

Cap. 13.

Cap. 16.

Essentia significatur per modum partis.

Res immateriales secundum seipsas sunt indiuiduæ.



signatione indiuiduetur, necesse est ut in ipsa sit aliquis actus à materia realiter distinctus: non ergo materia signata dicitur tantum ipsam materiam primam per exclusionem omnis rei ab ipsa realiter distinctæ, sed materiam cum aliqua forma limitante. Propter quod alia opinio mihi magis ad mentem San. Tho. esse videtur, quæ tenet per materiam signatam, intelligi materiam sub quantitate, ita quod ad indiuiduationem, & materiam & quantitas coeurrat, materia quidem in quantum indiuiduum est incommunicabile per exclusionem communicationis illius, qua vniuersale communicatur particulari: nam quia materia primus subiectum est in nullo receptum inferiori, ideo natura in materia recepta, ut sic nulli inferiori communicari potest. Quantitas autem conuenit in quantum indiuiduum distinctum est à quolibet alio indiuiduo eiusdem speciei distinctione quantitativa & materiali: unde sicut duo conueniunt indiuiduo, scilicet incommunicabilitas, & distinctio, ita materia signata quæ principium indiuiduationis est duo includit: ipsam scilicet materiam incommunicabilem & quantitatem, ad quam primo materialis distinctio pertinet, ita quæ nec materia sola indiuiduat, nec sola quantitas, sed materia quantitate significata & limitata, est illa quæ indiuiduat, ratione materiae dantis incommunicabilitatem: ratione vero determinationis suæ per quantitatem, numeraliter distinguens. Quod autem ista sit mens San. Th. Thomæ, apparet ex tertia parte. q. 77. artic. 2. l. om. ex 4. d. 12. q. 1. art. 1. ubi ponit. Cum duo sint de ratione indiuidui, scilicet incommunicabilitas, & distinctio materialis ab aliis, vnus horum principium esse materiam, alterius vero quantitatem, & sic totale indiuiduationis principium esse materiam signatam, id est materiam sub quantitate, quæ signum eius dicitur, eo quod per ipsam sensibilis fiat, & determinata ad huc & nunc, ut dicitur in tractatu de principio indiuiduationis.

Huic expositioni non obstant rationes primæ opinionis. Arguit enim sic primò. Idem est principium distinctionis indiuidui à specie, & ab altero indiuiduo eiusdem speciei: sicut vniuersaliter verum est quod quandoque aliquod commune diuiditur in plures partes subiectiue per idem differunt inferiora inter se, & à superiori, sicut de speciebus alicuius generis patet: sed materia non quanta, sed sic appropriata, ut diximus, est principium intrinsecæ distinctionis indiuiduationis à specie, ut vult San. Thom. in tractatu de principio indiuiduationis: ergo non materia quanta, sed materia sic appropriata est principium distinctionis vnus ab alio. Secundò, hoc modo vnum quodque habet unitatem, quo habet esse, ut dicitur 1. sent. q. 76. art. 2. secundum: sed non est fortis formaliter quantitate, sed sua substantia, ergo nec vnus numero, nec distinctus numero quantitate formaliter, ergo quantitas non est principium indiuiduationis quantum ad distinctionem.

Respondetur autem ad primum dupliciter. Primò quod maior est falsitas de distinctione materiali & indiuiduali, quicquid sit de formali, & specificæ: per materiam enim hanc distinguitur indiuiduum à specie, quia ab ipsa habet quod sit incommunicabile, natura autem communis est, sed per quantitatem materialiter ab alio indiuiduo distinguitur. Secundò, quod minor etiam est falsitas enim per solam materiam distinguitur indiuiduum à specie, sed per materiam significatam sub quantitate: per hanc enim habet indiuiduum quod sit ad huc & nunc determinatum, in quo à specie distinguitur, quæ ab huc & nunc abstracta. Nec oppositum huius, inquit San. Thom. in illo tractatu, imò id quod de mente eius hic dicitur ibi manifestum diligenter considerantibus erit. Ad secundum dicitur: primò quod si hæc ratio concluderet, probaretur per ipsam unitatem transcendentem esse idem, cum unitate numerali, ut voluit Auicenna. Quod ab Auer. & S. Th. 4. Metaphysicæ commento reprobat: sic enim argueretur, vnumquodque hoc modo habet unitatem numeralem quo habet esse, sed fort. entitate sua est ens, ergo est vnus numero sua entitate, ergo vnitas numeralis est idem quod eius essentia, & sic vnitas numeralis & transcendens erunt idem. Vnitas enim transcendens apud sanctum Thomam dicitur essentia rei cum indiuiduatione. Dicitur secundò quod dupliciter vnitas conuenit fort. vna scilicet transcendens, & alia de genere quantitatis, secundum quam aliis quantis connumeratur, & per quam est hoc significatum & demonstratum. Si ergo loquamur de esse rei absolute, quæ est vnitas transcendens. Sic enim verum est quod vnumquodque, quomodo habet esse, habet etiam unitatem transcendentem: quia sicut aliquid conuenit ad esse alicuius, ita & talem eius unitatem, & ad huc sensum loquutus est sanctus Thomas in loco allegato: ibi enim de anima intellectiua loquitur, quam constat esse vnā, non quantitatiue si præcisè sumatur, sed transcendenter tantum, cum vnitas quantitativa non conueniat, nisi in rebus materialibus, ut vult sanctus Thomas, potentia. q. 9. art. 7. unde vult quod quia anima non dependet à corpore secundum esse, licet habeat esse in corpore, ut in secundo huius declarabitur, ideo nec à corpore secundum suam unitatem dependet. Si verò loquamur de esse quanto, dicta propositio habet veritatem de vnitate sibi proportionata, quæ est vnitas de genere quantitatis, licet non sit à San. Tho. ad hunc sensum ibidem posita. Quomodo enim vnumquodque habet esse quantum, eodem modo habet unitatem de genere quantitatis: & quia nihil habet esse quantum, nisi per quantitatem formaliter, ideo vnumquodque per quantitatem est formaliter vnus unitate quantitativa. De hac autem unitate loquimur, cum dicimus naturam per quantitatem formaliter, & indiuiduari, & habere distinctionem materialem ab alia. Inquit enim sanctus Thomas quantitatem, ideo coeurrere ad indiuiduationem, quia per ipsam indiuiduum est hoc signatū, & demonstratum, ab omnibus aliis eiusdem speciei materialiter & numeraliter distinctum. Ad argumentum ergo dicitur quod si maior intelligatur, ut sanctus Thomas accipit de esse absolute, & de unitate transcendente conceditur totum argumentum, quia non dicimus quantitatem esse principium formale, quo fort. est vnus transcendens, licet sit causa sine qua non est distinctus à Platone transcendentis in eadem specie. Non enim humanitas fort. est hæc humanitas nisi per hanc materiam: materia autem non est hæc materia distincta ab illa, nisi sit sub quantitate hac. Si autem sumatur maior ut diximus, & procedatur ad unitatem numeralem, negatur argumentum: quia ut patet committitur fallacia æquiuocationis: in præmissis enim sumitur vnitas transcendens, & in conditione vnitas de genere quantitatis. Si autem sumatur illa maior in secundo sensu, negatur etiam argumentum, quia minor non rectè subsumitur: lebetur enim esse, sed fort. non est quantitas quantitate formaliter, quod constat falsum esse. Quamuis autem Scotus in 2. sentent. dist. 3. q. 6. à S. Tho. de principio indiuiduationis differat, quia tamen ab aliis hæc quomodo plenissime est discussa, ideo hæc satis sint. Vnum duntaxat dubium oc-

currit. Secundum enim doctri. San. Tho. forma substantialis aduenit in primo instanti sui esse materię nudæ, & prius secundum naturā forma aduāt materiā, quā illi accidentia insunt: in illo ergo priori in quo forma vnitur materiæ constituitur indiuiduū, & tamen ibi non est quantitas, sed sola materia, ergo sola materia est indiuiduationis principium, & ad eam quantitas non coeurrat. Dicitur ad hoc primò quod nullum instans est in re in quo forma materialis vnatur materiæ absque quantitate, eo quod hæc forma non vnatur nisi huic materiæ ab alia parte materiæ distinctæ: materia autem non sit hæc & distincta ab alia materiā nisi per quantitatem, ut inquit San. Thom. super Boet. trini. 4. artic. 2. & est de mente Aristot. 1. Physic. ideo nunquam est indiuiduum in natura, quod non sit incommunicabile, & distinctum determinatumque ad huc & nunc. Et sic habeat & materiam & quantitatem. Dicitur secundò quod licet ita sit in re, quia tamen intellectus ea quæ simul sunt natus est separatim intelligere & omnia accidentia præsupponit secundum naturam formam esse in materia in genere causæ formalis, licet in genere causæ materialis, & dispositiue de aliquibus sit e contrario in ordine ad aliquem gradum formæ. ut in secundo huius declarabitur, posset alicui videri quod prius intelligamus formam in materia esse constitutā que compositum quā illi insunt accidentia, & tunc in illo priori consideratione nostrā intelligatur esse indiuiduum quantum ad principalem indiuidui conditionem, scilicet incommunicabilitatem: non autem quantum ad distinctionem & signationem ad huc & nunc, sed fort. etiam hoc non est verum, quia non potest intelligi formam esse in materia constitutāque hoc suppositum nisi in materia quantitas præintelligatur per quam efficitur hæc & distincta ab alia materiæ parte: non enim sit forma hæc nisi quia in hac materia recipitur: materia autem non est hæc nisi ex aliquo actu ipsam limitante, & distinguente. Si ergo argumentum sumat in aliquo instanti extra intellectum formam esse in materia, in quo non sit etiam quantitas, assumptum illud falsum est. Si autem sit terminus de instanti priori secundum nostram considerationem falsum est quod in illo priori constitui intelligatur indiuiduum saltem quantum ad distinctionem numeralem ab alio indiuiduo.

CIRCA illam propositionem, quidditas generis vel speciei includit formam & materiam, in communi dubitatur, quia videtur illis aduersari quæ statim diximus. Si enim materia communis datur, quomodo indiuiduum à materia tanquam ab incommunicabili habet incommunicabilitatem? Ad huius euidentiam considerandum est quod materia dupliciter considerari potest. Vno modo secundum se absolute, hoc est secundum suam entitatem qua distinguitur à forma. Alio modo secundum quod ad formam ex qua eius ratio sumitur, habitudinem habet, primo modo, communis non est sed vna, & indiuisibilis, non quidem ad modum puncti, sed per negationem omnis actus distinctiui, & est vltimū subiectū in quod omnia materialia, resoluntur: & sic est incommunicabilis communicatione qua superius suo inferiori communicatur, secundo autem modo potest esse communis secundum rationem, secundum, scilicet quod cum habitudine ad formam in communi consideratam concipitur particularis verò secundum quod ad particularem formam habitudinem habet: ita quod communitas rationis eius non conuenit ei nisi ex forma ad quam habitudinem habet.

Dicitur ergo ad dubium quod datur materia communis secundum rationem in quantum ad communem formam comparatur, puta ossis aut carnis, & talis ponitur in diffinitione generum & specierum materialium tanquam pars essentia, licet com. 7. Metaphysicæ. com. 21. & 34. videatur velle quod non ponatur in diffinitione tanquam essentia pars, sed tamen essentiam deferens. Hoc autem non contrariatur ei quod diximus ipsam scilicet, esse incommunicabilem, quia ibi loquebamur de materia secundum se & secundum suam entitatem considerata, quæ rationem communis non habet sed vnus & indiuisibilis.

SE D adhuc remanet dubium. Non enim maior videtur cōmunitas esse secundum ea quæ hic dicuntur in genere aut specie, quā in natura. Nam entitas generis & differentia secundum esse quod extra intellectum in vno habet indiuiduo incommunicabilis & indiuisibilis est in intellectu autem est communis per differentias aut formales, materiales contrahibiles & diuisibiles, ergo si materia in intellectu secundum rationem communis est diuisibilis per quantitatem: extra intellectum verò indiuisibilis est in vno singulari in diffinitione superioris in inferiora non minus communis est ad hanc & illam materiam, quam genus & species ad sua inferiora.

Respondetur primò, quod alia est communitas rationis materiæ, & alia communitas rationis generis & speciei. Rationi enim communi generis & speciei, respondet in re communis natura: non quidem quæ in vno singulari communis sit, sed quæ ex se nata est à principis limitantibus per intellectum segregari, & vniuersaliter concipi. Communi autem rationi & conceptui materiæ non respondet vna communis natura materiæ in pluribus materiis existens, & ab illis per intellectum secundum se abstractibilis, sed materiæ ab extrinseco tantum conuenit, ut vniuersaliter concipiatur ex eo, sci licet quod in ordine ad communem formam concipitur. Dicitur secundò, quod materia non solum est indiuisibilis secundum esse, quod in vno habet indiuiduo, quod etiam generibus & speciebus conuenit, sed etiam secundum suam naturā & entitatem indiuisibilis est, & vna numero, ut dicitur primo Physic. non potestque in plura inferiora diuidi. Quamuis enim in plures partes per quantitatem diuidatur, ista tamen non est diuisio superioris in inferiora, sed cuiusdam potius totius quantitatiui & extensi in suas partes: per quantitatem enim & diuisionem habet & extensionem.

Quartò, nullo modo aliquid potest esse causa Dei, ergo Deus est sua essentia: probatur consequentia, quia ubi res non est sua essentia, ipsa essentia se habet ad rem aliquo modo ut causa.

ADVERTE quod essentia ubi à supposito distinguitur, respectu eius habet rationem causæ formalis, à qua habet quod sit tale, ut ab humanitate fort. habet quod sit homo, veruntamen quia non sic distinguitur à supposito quasi entitas, omnino ab entitate suppositi distincta, sed quia suppositum ipsam dicit, & aliquid supra eam addit: quæ autem simpliciter causa est & absolute, omnino à suo quanto distinguitur, ideo non dicit ipsam simpliciter causam esse, sed quod se habet aliquo modo ad ipsum sicut causa. Vltimò. In Deo nulla est potentialitas, ergo est sua essentia: probatur consequentia, quia quod non est sua essentia, se habet ad eam secundum aliquid sui, sicut potentia ad actum. Sed videtur quod magis e contrario sit, scilicet quod addit in tali supposito se habeat, sicut materia non sicut actus, quia ea quæ addit suppositum supra essentia, ipsam essentiam limitant, & contrahunt ac

Quidditas generis vel speciei materialis includit materiam in communi.



determinantia & autem est determinare, & materia determinati.

Dicitur quod & materia per formam & forma per materiam limitatur. Sicut enim sibi inuicem causa, ut dicitur secundo Philosophi. Unde forma est potentia limitare & determinare, materia autem est determinare & limitare actum. Materia ergo signata quæ est principium individuationis, & ipsa accidentia quæ addit individui supra essentia cum se teneant ex parte materia, tanquam ipsam signantia, non limitant essentia per modum, quo actus potentia limitat & contrahit, sed modo quo materia limitat, contrahitque formæ amplitudinem: ideo enim essentia est hæc, quia in tali materia recipitur, propterea non sequitur ipsam habere materia & potentia ratione, sed actus & formæ.

Quod in Deo idem est esse & essentia.

Cap. 22.

¶ Idem p. p. q. 3.  
art. 4. & de po.  
q. 7. art. 3.

**H**is autem quæ supra ostensa sunt, ulterius probari potest, quod in Deo non est aliud essentia vel quidditas, quam suum esse. Ostensum est enim supra aliquid esse, quod per se necesse est esse, quod Deus est: hic igitur esse quod necesse est, si est alicui quidditati coniunctum, quæ non est quod ipsum est: aut est diffonum illi quidditati seu repugnans, sicut per se existere quidditati albedinis, aut ei consonum siue affine, sicut albedini esse in alio: si primo modo, illi quidditati non conveniet esse, quod est per se necesse esse, sicut nec albedini per se existere: si autem secundo modo, oportet quod vel esse huiusmodi dependeat ab essentia, vel utrumque ab alia causa vel essentia ab esse. Primo, duo sunt contra rationem eius, quod est per se necesse esse: quia si ab alio dependet, iam non est necesse esse. Ex tertio vero sequitur quod illa quidditas accidentaliter adueniat ad rem, quæ per se necesse est esse: quia omne quod sequitur ad esse rei, est ei accidentale, & sic non erit eius quidditas. Deus igitur non habet essentiam, quæ non sit suum esse.

Responsio ad rationem.

¶ Sed contra hoc potest dici quod illud esse non absolute dependet ab essentia illa, ut omnino non sit nisi illa esset: sed dependet quantum ad coniunctionem qua ei coniungitur: & sic illud esse per se necesse est, sed ipsum coniungi non per se necesse est.

¶ Improbatio.

¶ Hæc autem responsio prædicta inconuenientia non euadit, quia si illud esse potest intelligi sine illa essentia, sequitur quod illa essentia accidentaliter se habet ad illud esse: sed id quod est per se, necesse est illud esse, ergo illa essentia se habet accidentaliter ad id quod est per se necesse esse, non ergo est quidditas eius. Hoc autem quod est per se necesse esse, est Deus: non igitur illa est essentia Dei, sed aliqua essentia Deo posterior: si autem non potest intelligi illud esse sine illa essentia, tunc illud esse absolute dependet ab eo à quo dependet coniunctio sua ad essentiam illam, & sic redit idem quod prius.

2. Item vnumquodque est per suum esse, quod igitur non est suum esse, non est per se necesse esse: Deus autem est per se necesse esse, ergo Deus est suum esse.

¶ cap. 18.

3. Amplius: si esse Dei non est sua essentia, non autem pars eius esse potest: cum essentia diuina sit simplex, (ut ostensum est) oportet quod huiusmodi esse sit aliquid præter essentia eius: conueniet ei per aliquam causam: ea enim quæ per se non sunt vnum si conueniuntur, oportet per aliquam causam vniri, esse igitur conuenit illi quidditati per aliquam causam: aut igitur per aliquid quod est de essentia illius rei, siue per essentiam ipsam, aut per aliquid aliud. Si primo modo, essentia autem est secundum illud esse, sequitur quod aliquid sit sibi ipsi causa essendi: hoc autem est impossibile, quia prius secundum intellectum est causam esse, quam effectum: si ergo aliquid sibi ipsi esset causa essendi, intelligeretur esse antequam haberet esse, quod est impossibile, nisi intelligatur quod aliquid sit sibi causa essendi secundum esse accidentale, quod esse est secundum quid: hoc enim non est impossibile. Inuenitur enim aliquid esse accidentale causatum ex principis sui subiecti ante quod esse, intelligitur esse substantiale subiecti. nunc autem non loquimur de esse accidentali, sed de substantiali: si autem illi esse conueniat per aliquam aliam causam: omne autem quod acquirit esse ab alia causa, est causatum, & non est causa prima: Deus autem est prima causa non habens causam: ut supra demonstratum est, igitur ista quidditas quæ acquirit esse aliunde, non est quidditas Dei: necesse est igitur quod Dei esse quidditas sua sit.

¶ cap. 12.

4. Amplius: esse actum quandam nominat: non enim dicitur esse aliquid ex hoc quod est in potentia, sed ex hoc quod est in actu. omne autem cui aliquis actus conuenit, aliquid diuersum ab eo existens, se habet ad ipsum, ut potentia ad actum: actus enim & potentia ad se inuicem dicuntur: si ergo diuina essentia est aliud quam suum esse, sequitur quod essentia & esse sese habeant, sicut potentia & actus: igitur ostensum est autem supra in Deo nihil esse de potentia, sed ipsum esse purum

actum: non igitur Dei essentia est aliud quam suum esse.

5. Item omne quod non potest esse nisi concurrentibus pluribus, est compositum: sed nulla res in qua est aliud essentia & aliud esse, potest esse nisi concurrentibus pluribus, scilicet essentia & esse: ergo omnis res in qua est aliud essentia & aliud esse, est composita. Deus autem non est compositus, ut ostensum est: ipsum igitur esse Dei, est sua essentia.

6. Amplius, omnis res est per hoc quod habet esse, nulla igitur res cuius essentia non est suum esse, est per essentiam suam: sed participatione alicuius, scilicet ipsius esse: quod autem est per participationem alicuius non potest esse primum ens, quia id quo aliquid participat ad hoc quod sit, est eo prius: Deus autem est primus ens, quo nihil est prius, Dei igitur essentia est suum esse. Hanc autem sublimem veritatem, Moyses à domino est edoctus, qui cum quæreret à domino, Exodi tertio dicens: ¶ Si dixerint ad me filij Israël quod est nomen tuum, quid dicam eis? Dominus respondit: Ego sum qui sum, sic dices filiis Israël: qui est, misit me ad vos, ostendens suum proprium non esse, qui est. Quodlibet autem nomen est institutum ad significandum naturam seu essentiam alicuius rei: unde relinquitur quod ipsum diuinum esse est sua essentia vel natura. Hanc etiam veritatem catholici doctores professi sunt. ¶ Ait namque Hilarius in libro de Trinitate: ¶ Hilarius. Esse non accidens Deo, sed subsistens veritas, & manens causa & naturalis generis proprietates. ¶ Boetius etiam dicit in libro de Trinitate, quod diuina substantia est ipsum esse, & ab ea est esse. ¶ Boetius.

Super cap. 22.

**E**xclusa à Deo compositione suppositi & nature, consequenter excludit ab eodem S. Thomas compositionem ex esse & essentia, ostenditque in Deo esse actualis existentia, & essentiam idem esse. Pro cuius conclusionis declaratione sciendum est, quod esse & actualitas existendi nihil aliud est quam illud quod per hoc verbum est, significatur cum dicimus hoc est, & in creaturis quidem secundum S. Tho. doctrinam à quidditate realiter distinguitur, propter quod de Adam verum est dicere quod est homo: non autem verum est dicere quod sit. In Deo autem idem est actualitas existendi, & deitas, & idem secundum rem significatur cum dicitur, Deus est Deus, & cum dicitur Deus est. Quod autem ita sit multis rationibus, probat sanctus Thomas. Et primo supponit quod Deus sit per se necesse esse. Tunc sic esse quod est necesse, si coniungitur quidditati, quæ ab ipso sit distincta, aut illi quidditati repugnat, sicut per se existere repugnat albedini, aut ei consonum est & affine, sicut albedini in subiecto esse. Primum dari non potest, quia illi quidditati non conueniet, sicut neque albedini per se existere. Si secundum detur, aut dependet ab essentia esse, aut utrumque ab eadem causa, aut essentia ab esse, non prima duo, quia est contra rationem necesse esse, quod ab alio dependeat: non etiam tertium: quia tunc quidditas illa accidentaliter rei conueniret, quia tunc quidditas illa accidentaliter rei conueniret, quia quod sequitur esse rei, est illi accidentale: & sic non esset sua quidditas, ergo in Deo quidditas est suum esse. Si dicatur quod primum est aliquo modo verum, nec repugnat ei quod est necesse esse, quia esse illud dependet ab essentia non absolute, ut omnino non sit, nisi illa esset, sed quantum ad coniungi ei: ipsum enim esse per se necesse est, sed ipsum coniungi quidditati non est per se necesse.

Contra, aut illud esse potest intelligi sine illa quidditate, aut non. Si primum, ergo illa essentia ad ipsum esse accidentaliter se habet, sed id quod est necesse esse, est illud esse, ergo sequitur quod illa essentia etiam accidentaliter se habet ad id quod est necesse esse: ergo non erit eius quidditas, sed aliqua ipso posterior. Si secundum illud esse absolute, dependet ab eo à quo dependet coniunctio sua ad essentiam, & sic idem quod prius.

A D V E R T E circa illam propositionem, Quidditati albedinis repugnat per se existere, quod illa repugnantia non est logica, scilicet ex ipsis terminis resultans, sed est repugnantia in ordine ad agens naturale. repugnat enim quidditati albedinis, quod ab agente creato per se existere habeat, & sic naturaliter subsistat: non repugnat autem sibi quod à Deo creetur per se existens, ut tenet sanctus Thomas in multis locis præcipue Quolibet. 8. q. 4. art. 3.

C I R C A illam distinctionem, aut illud esse potest intelligi sine illa essentia, aut non potest intelligi sine illa. Aduertendum quod non accipitur ibi, esse intelligi sine essentia, quantum ad primam operationem intellectus, sed quantum ad secundam: & est sensus, aut potest intelligi, scilicet verè, quod non sit illi essentia tale esse coniunctum, aut non potest intelligi non esse illi coniunctum, horum quod: unque datur, non tollitur vis rationis, ut est deductum.

C I R C A hanc autem impugnationem dubitatur, quia videtur assumi quod debet probari: assumitur enim quod id quod est necesse esse, est illud esse. hoc autem qui dicit essentiam Dei, aut ipsius necesse esse, ab esse eius distingui illam propositionem negaret. Sicut negat Dei essentiam esse ipsum esse.

R e s p o n d e t u r, quod si ponatur aliquid quod sit per se necesse esse, oportet quod illud sit suum esse: ex nominis ratione. Est enim per se necesse esse quod à seipso de necessitate est, & à nullo alio, si autem esse suum ab ipso distingueretur, oportet ut illud ab alio haberetur: quia nihil sibi ipsi est causa essendi, & sic non est: per se necesse esse, unde quæcumque aliquis dicat quidditatem Dei ab ipso esse: distingui, si admittit Deum per se necesse esse, nisi terminorum rationem ignoret, oportet ut concedat ipsum esse suum esse. Et ideo non assumitur quod debet probari, sed ex ipsa nominis ratione ostenditur esse verum.

S e c u n d o, Deus est per se necesse esse, ergo est suum esse: patet consequentia, quia quod non est suum esse, non est per se necesse esse, cum vnumquodque sit per se suum esse. Si Deus est suum esse, ergo & sua quidditas est ipsum esse, quia ut ostensum est, Deus est sua quidditas, ergo, &c.

Contra Gent.

c. 2

ADVER



**ADVERTENDVM** q. & per suum esse, dicitur res esse, & per suam formam, sed differenter. Nam per formam dicitur res esse, tanquam per principium & causam formalem ipsius actualitatis essendi ubi esse à re distinguitur: per ipsum autem esse dicitur esse, tanquam per ultimam actualitatem essendi, quæ nullum aliud expectat actum, & sic intelligitur propositio San. Tho. vnumquodque est per suum esse.

Tertio supponitur, si esse à quidditate in Deo distinguitur, quod eius pars esse non possit, cum Deus sit simplex. Tunc arguitur. Deus est prima causa, nullam habens causam: ergo in ipso essentia & esse sunt idem. probatur consequentia, quia omne quod non est de essentia rei, conuenit sibi per aliquam causam, ergo si esse distingueretur ab essentia, conueniret sibi per aliquam causam, non autem per ipsam essentiam, aut per aliquid quod sit de essentia: quia cum essentia sit per illud esse aliquid sibi ipsi causa essendi esset, quod est impossibile secundum esse substantiale, quia prius secundum intellectum est causam esse, quam effectum: ergo conueniret sibi per aliquam aliam causam, ergo Deus erit causatus, & sic non erit prima causa.

**CIRCA** ILLAM propositionem, prius est secundum intellectum causam esse, quam effectum. Advertendum, quod causa non semper durationem suam effectum præcedit, sed bene ordine naturæ. Potest enim causa & effectus duratione simul esse, si effectus non producatur per motum, ut inferius ostendetur, sed tamen effectus secundum naturam, ipsam causam esse præsupponit, loquendo de causa effectiua, & ex consequenti si intellectu concipiatur aliquid ab altero esse, prius concipitur ipsam causam esse, quam effectum, tanquam esse effectus præsupponat esse causæ. Cum ergo hic dicitur prius est secundum intellectum causam esse quam effectum, non sic est intelligendum quasi illa prioritas sit tantum ab intellectu concipiente, & nullam habeat in re fundamentum: sed quia ab intellectu est complementum illius prioritatis fundamentum, tamen est ex parte rei, si ibi sit verè causa & causatum.

Quarto, in Deo nulla est potentia, sed est actus purus, ergo quidditas eius ab esse non distinguitur, probatur consequentia, quia ubi cunque distinguitur, comparatur esse ad essentiam, sicut actus ad potentiam. omne enim cui actus ab eo distinctus coniungitur, se habet ad ipsum ut potentia ad actum, esse autem est actus.

**ADVERTENDVM** quod essentia simplex & omni materia carens, est proprium susceptivum esse, & licet in se & absolute actus quidam sit, ad esse tamen à se distinctum comparatur, sicut potentia ad actum, eo quod esse sit actualitas omnis formæ & naturæ, ut dicitur prima quæst. 3. artic. 4. Nulla enim natura completa & ultimata est ens actu, nisi sub esse actualis existentie sit: quod autem actum suscipit potentia, rationem habet ad illum actum comparatum.

Quinto, Deus non est compositus, ergo sua essentia est suum esse: probatur consequentia, quia si essentia ab esse distingueretur, Deus non posset existere, nisi pluribus concurrentibus, scilicet esse & essentia: quod autem non potest existere, nisi pluribus concurrentibus compositum est.

**SCIENDVM** hic, quod dupliciter dicitur aliquid compositum esse, ut habetur ex doctrina sancti Tho. quolibet. secunda. artic. 9. vno modo, quia eius essentia ex plurium vniione resultat: alio modo, quia ipsum alteri coniungitur, sicut potentia alicuique in sensu illud dicitur componi, non ex aliis, sed ex se & alio. Quod ergo non potest esse, nisi pluribus concurrentibus est compositum, non quidem de necessitate primo modo, nisi illa integrentur eius essentiam, sed aut primo, aut secundo modo.

Sexto, si distinguitur in Deo quidditas ab esse, Deus non est per essentiam suam, sed per participationem ipsius esse: ergo non est primum ens, hoc est falsum, ergo, &c. Probatur secunda consequentia, quia id quo aliquid participat ad hoc quod sit, est eo prius. primam verò consequentiam non probat Sanctus Tho. sed relinquit eam tanquam notam ex terminis. Vnumquodque enim existit per ipsum esse, ubi ergo essentia non est esse, sequitur ut illud per essentiam suam non existat, & quia esse tale per essentiam, & esse tale per participationem opponuntur, ideo ex hoc quod aliquid non existit per essentiam, sequitur quod per participationem existat.

**SED NOTANDVM** EST, ex iis quæ habentur à Sancto Docto. primo Metaphysicæ, lectione decima & quolibet. secunda quæstione secunda: & super Boetium de Ebdomadibus, quod esse tale per essentiam dupliciter accipi potest: vno modo, quia hoc quod de ipso prædicatur, est de eius essentia, sicut homo est animal per essentiam, quia animal est de se essentia hominis: & per oppositum dicitur aliquid tale per participationem, quia quod ipsi attribuitur, de ipsius essentia non est: sicut ferrum ignitum dicitur ignis per participationem. & tunc participare aliquid nihil aliud est, quam habere illud ut suæ essentia: & naturæ additum. Secundo modo accipitur per essentiam esse tale, pro eo quod est esse totaliter essentiam eius quod de ipso dicitur, & non habere aliquid aliud per quod determinetur: per oppositum verò per participationem esse tale, est non esse totaliter rei essentiam quæ prædicatur, sed habere aliquid aliud adiunctum: hoc modo dicimus hominem esse animal rationale per essentiam: esse verò animal per participationem, quia etsi totam animalis essentiam habeat, habet tamen ipsam limitatam per rationale, ut inquit sanctus Thomas in libro de Ebdomadibus. Isti autem duo modi sic se habent, quod e contrario se inferunt. Nam per essentiam secundo modo, infert per essentiam primo modo, quod enim alicui secundum totam essentiam conuenit, & totaliter, oportet ut sit eius essentia, vel de eius essentia: quia si reciperetur in ipso tanquam additum essentia, per essentiam eius limitaretur ad aliquem particularem essendi modum: omnis enim actus in alio receptus aliquam limitationem accipit in recipiente: per participationem autem secundo modo non infert primum participationis modum, imò potest esse per essentiam primo modo, quod taliter est per participationem: sicut homo est animal per participationem secundo modo: est autem animal per essentiam primo modo, sed primus participationis modus infert secundum. Quod enim habet aliquid tanquam essentia suæ additum, non est totaliter eius essentia, sed habet eam secundum aliquem determinatum eius modum: sicut quod est album per participationem, non est totaliter albedo, sed albedinem secundum aliquem modum albedinis habet.

In ratione ergo ista inferunt, Deum existere per participationem utroque modo ex eo quod ponitur essentia eius ab esse distingui: hoc enim dato sequitur, quod non existit per essentiam primo modo, id est, per aliquid quod sit de essentia eius, aut sit ipsa essentia: & per consequens sequitur ut sit per partici-

pationem, id est, per aliquid additum essentia: ex quo ulterius habetur, quod est secundo modo per participationem, id est, non est ipsum esse totaliter: & habet esse non secundum omnem modum essendi, sed determinato modo, & sic non est primum ens.

Ultimo, Conclusionem confirmat autoritate sacræ scripturæ, Exodi scilicet tertio, ubi dicitur proprium nomen Dei esse, qui est: & autoritate Hilarij in libro de Trinitate, ac Boetij in libro de Trinitate.

## Quod in Deo non sit accidens.

Cap. 23.



**I**X hac etiam veritate de necessitate sequitur quod Deo super eius essentiam nihil superuenire possit, neque aliquid ei accidentaliter inesse.

Ipsam enim esse non potest participare aliquid quod non sit de essentia sua: quamuis ad quod est, possit aliquid aliud participare. nihil enim est formalius aut simplicius quam esse: diuina autem substantia est ipsum esse: ergo nihil habet quod non sit de sua substantia: nullum ergo accidens ei inesse potest.

2. Amplius, omne quod inest alicui accidentaliter, habet causam quare inest: cum sit præter essentiam eius cui inest. si igitur aliquid accidentaliter sit in Deo, oportet quod hoc sit per aliquam causam: aut ergo causa accidentis est ipsa diuina substantia, aut aliquid aliud. Si aliquid aliud, oportet quod illud agat in diuinam substantiam: nihil enim inducit aliquam formam vel substantialem vel accidentalem in aliquo recipiente, nisi aliquo modo agendo in ipsum, eo quod agere nihil aliud est quam facere aliquid actus: quod quidem est per formam: ergo Deus patietur & mouebitur ab aliquo agente, quod est contra prædeterminatam. Si autem ipsa diuina substantia est causa accidentis quod sibi inest: impossibile autem est quod sit causa illius, secundum quod est recipiens ipsum: quia sic idem secundum idem faceret seipsum in actus: ergo oportet si in Deo est aliquid accidens, quod secundum aliud & aliud recipiat & causet accidens illud, sicut corporalia recipiunt propria accidentia per naturam materiæ, & causant per formam: sic igitur Deus erit compositus, cuius contrarium superius probatum est.

3. Item omne obiectum accidentis comparatur ad ipsum ut potentia ad actum, eo quod accidens quædam forma est faciens esse actum secundum esse accidentale, sed in Deo nulla est potentialitas, ut supra ostensum est: in eo igitur nullum accidens esse potest.

4. Adhuc cuiusque inest aliquid accidentaliter, est aliquo modo secundum suam naturam mutabile: accidens enim de se natum est inesse & non inesse: si igitur Deus haberet aliquid accidentaliter sibi conueniens, sequeretur quod ipse sit mutabilis: cuius contrarium supra demonstratum est.

5. Amplius, cuiusque inest aliquid accidens non est quicquid habet in se: quia accidens non est de essentia subiecti, sed Deus est quicquid in se habet: in Deo igitur nullum est accidens.

Media sic probatur, vnumquodque nobilius inuenitur in causa quam in effectu. Deus autem est omnium causa, ergo quicquid est in eo nobilissimo modo in eo inuenitur. perfectissime autem conuenit aliquid alicui quod est ipsummet. hoc enim perfectius est vnum, quam cum aliquid alteri substantialiter vnitur ut forma materiæ, quæ etiam vno perfectior est, quam cum aliquid alteri accidentaliter inest: relinquitur ergo quod Deus sit quicquid habet.

6. Item substantia non dependet ab accidente, quamuis accidens dependeat à substantia: quod autem non dependet ab aliquo, potest aliquando inueniri sine illo: ergo potest aliqua substantia inueniri sine accidente. hoc autem præcipue videtur simplicissimæ substantiæ conuenire qualis est substantia diuina, diuinæ igitur substantiæ omnino accidens non inest.

In hanc autem sententiam etiam catholici doctores conueniunt. vnde Augustinus in libro de Trinitate dicit, quod in Deo nullum est accidens. Ex hac autem veritate ostensa, error quorundam in lege Saracenorum loquentium, confutatur: qui ponunt quædam intentiones diuinæ essentia superadditas.

Super cap. 23.



**P**ostquam exclusit sanctus Thomas compositionem ex essentia & esse. Excludit ulterius hoc loco à Deo compositionem subiecti & accidentis. ponitque hanc conclusionem. In Deo non est accidens. Probatur primo. Ipsum esse non potest aliquid participare quod non sit de eius essentia, sed bene id quod est, cum nihil sit ipso esse formalius, aut simplicius, Deus est ipsum esse, ergo nihil habet quod non sit de eius substantia, ergo nullum est in eo accidens, &c.

P R O huius rationis maiori intelligentia, considerandum est primum, quod cum

† Idem p.p. q. 3. art. 6. & 1. Sen. d. 8. q. 7. art. 2. & de po. q. 7. ar. 4.

† cap. 18.

† cap. 16.

† cap. 15.

† Aug. lib. 10. cap. 4. exclu. et. de quo cō. 12. Metaph. com. 19. circa medium.

Esse tale per essentiam, vel per participationem dicitur multiplex.



cum actus potentiam informet, semper intelligitur minus compositus quam ipsa potentia, id est, minus habens de potentialitate, & actualior quam potentia: ideo ubi sunt plures actus quorum unus ad alterum comparatur, sicut actus ad potentiam: ille qui comparatur tanquam actus ad alterum, est simplicior, & minus habens de compositione, ut si nihil enim actuatur per aliquid minus actuale quam ipsum sit, si ratio tantum actus & potentie consideretur. Si ergo esse subsistens haberet aliquem actum sibi additum, oportet ut aliquid actus esset eo simplicior & actualior, hoc autem esse non potest, cum esse sit actualitas omnium formarum: ideo non potest habere aliquid sibi additum, & hoc est fundamentum huius rationis.

CONSIDERANDUM secundum istam rationem sumpta est a S. Thom. ex Boet. in libro de Ebdoma. quod in loco ipse sanctus Thomas notat hoc omnibus abstracte considerari esse commune, ut nihil habeant in se quod praeter eorum essentiam sit. Significatur enim vnumquodque sicut id quo aliquid est formaliter tale, sicut albedo est id quo aliquid est album, & humanitas quo homo formaliter est homo: non est autem aliquid formaliter album, nisi per id quod ad essentiam albi pertinet: neque homo formaliter est homo, nisi per id quod ad hominis rationem & essentiam spectat: ideo quod abstracte significatur, sit secundum quod significatur, nihil a se distinctum habere potest. Concreta autem significantur ut ipsam formam habentia: ex hoc autem quod aliquid habet aliquam naturam, non prohibetur aliquid aliud habere quod ad eius rationem non pertineat. Ex hoc enim quod homo habet humanitatem, nihil prohibet, quin & aliquid aliud praeter humanitatem habeat: bene ergo dicitur quod ipsum esse non potest participare aliquid quod non sit de essentia sua, sed bene id quod est, scilicet ipsum ens: quia esse est abstractum, ens vero concretum.

Secundo, nihil est in Deo quod habeat causam, ergo in Deo non est accidens: patet consequentia, quia omne accidens habet causam quare insit. Antecedens probatur. Aut enim illius causa est divina essentia, aut aliquid aliud. Si aliquid aliud, ergo Deus patitur, & movebitur ab aliquo agente: nihil enim inducit aliquam formam in aliquo recipiente, nisi aliquo modo agendo in ipsum, eo quod agere sit facere actum. Si ipsa divina essentia, ergo in Deo erit aliquid per quod causat, & aliquid per quod recipit: sicut corporalia per naturam materiam recipiunt: causant autem per formam, & sic Deus erit compositus: probatur consequentia, quia est impossibile ut aliquid sit causa alicuius per illud quo recipitur: alioquin idem secundum idem faceret se in actu.

PR O intelligentia illius propositionis, agere nihil aliud est quam facere aliquid actum: notandum quod facere actum, attribuitur secundum consuetum modum loquendi & agentis & formae, dicimus enim quod & calefaciens facit calidum actum, & calor: hoc tamen differenter fit. Agens enim dicitur facere aliquid actum, quia ipsum ad actum forma perducit simul formam componendo, propter quod subiungit sanctus Thomas quod quid est per formam: si diceret, agere, est facere actum per formam productam in passio: forma autem dicitur facere actum, non quia aliquid producat, sed quia est illud quo agens facit aliquid esse actum: albedo enim non facit album aliquid producendo, sed est illud quo albefaciens facit aliquid actum album esse.

Quomodo ideo non facit se ipsum in actu.

CIR CA illam propositionem idem secundum idem non facit seipsum in actu, sed secundum aliud agit, & secundum aliud recipit: occurrit dubium ex duplici capite. Primo, quia licet videatur verum in compositis ex materia & forma: in quibus exemplificat sanctus Thomas, non videtur tamen vniuersaliter verum. Nam in substantia separata propria accidentia causantur ab eius essentia, & in ea recipiuntur: similiter intellectus & voluntas causantur ab essentia animae intellectusque, & recipiuntur in ea, & tamen non secundum aliud & aliud, cum sint substantiae simplices non habentes aliquam diuersitatem partium, ergo, &c. Secundo, quia intellectus per se causat actum intelligendi, & ipsum recipit: similiter voluntas actum volendi, cum sint operationes immanentes, ergo, &c.

Ad primum horum dicitur primo, quod utique in omnibus quae causant aliquid in seipsis, oportet esse diuersitatem actus & potentiae: quia si esset tantum actus, non posset habere rationem susceptiui, cum omne susceptivum accipiat aliquid esse actum a forma quam suscipit: si autem esset tantum potentia, non posset habere rationem agentis. Dicitur secundo, quod ista diuersitas non est accipienda eodem modo in omnibus, sed secundum varietatem naturarum variatur. Nam in compositis ex materia & forma, ipsa materia est ratio suscipiendi, sed forma est ratio agendi. In substantiis autem simplicibus ipsa essentia est ratio recipiendi, eo quod comparatur ad esse sicut potentia ad actum, ipsum autem esse est ratio agendi, quia vnumquodque agit in quantum est in actu, non quidem quod esse sit principium formale productionis propriorum accidentium, sed quia est conditio ipsius essentiae in quantum producit illa accidentia: nihil enim agit nisi sit in actu. Dicitur ergo, quod etiam in substantiis separatis & in anima, aliud esse quo suscipit, & aliud quo agit, quia vnum est essentia, aliud vero esse: & sic in aliis oportet esse compositionem essentiae & esse, quae in Deo reperiri non potest.

SE C D remanet adhuc dubium. Nam etiam re existente in actu, propria passio consequitur essentiam rei, cum propositio in qua praedicatur passio de subiecto sit semper veritas, ergo esse actum non est conditio essentiae, in quantum agit.

Respondetur quod re non existente passio non consequitur essentiam in esse reali, sed in esse intelligibili tantum: ex quo habet ut propositio semper sit vera in qua passio de subiecto praedicatur. Respondetur secundo potest, quod propositio sancti Thomae intelligenda est de aeternitate rationis, non autem de aeternitate rei: quod enim agit in se, secundum aliam rationem agit, & secundum aliam rationem suscipit: agit enim secundum quod est in actu, patitur autem secundum quod est in potentia: sed quia in compositis per aliud realiter res est in actu, & per aliud in potentia: ideo in illis agere & recipere reducuntur in duo principia realiter distincta in simplicibus autem, quia per idem res est in actu essentiali, & in potentia ad esse in quantum ipsa essentia, & est actus quidam in se, & est potentia respectu esse: ideo principium producendi propria accidentia, & principium ea recipiendi, ratione tantum distinguuntur. Sed tamen quia oportet ipsam essentiam realiter esse potentiam respectu esse, sicut realiter est actus secundum se, ideo oportet ut omne tale quod est causa propriorum accidentium in se, sit compositum ad minus compositione ex esse & essentia. Non est autem inconueniens, ut idem secundum rem, sit principium producendi & suscipiendi idem accedens, quando non est principium productionis per actionem mediam, sed tan-

tum per naturalem resultantiam vnius ex alio: ut in superioribus est ostensum de mente sancti Thomae prima quae est 77. artic. 6. ad tertium, dummodo aliquo modo habeat rationem actus, & aliquo modo rationem potentiae.

Ad secundum dubium dicitur, quod nec intellectus, nec voluntas per idem omnino agit & patitur, sed per aliud & aliud: sicut enim in corporalibus materia est ratio recipiendi, forma vero est ratio agendi, ita proportionaliter in intellectu est & voluntate, in intellectu enim id quod causat in actu intellectionem, est intellectus, speciei intelligibili informatus, & ipsa species intelligibilis est sibi ratio causandi, ipsa autem potentia est ratio recipiendi: in voluntate autem, voluntas volens finem, est id quod causat volitionem eorum quae sunt ad finem: & volitio finis est sibi ratio agendi: ipsa autem potentia voluntatis est sibi ratio recipiendi.

ADVERTENDUM tamen quod aliter se habet materia in rebus corporalibus ad hoc quod est recipere propria accidentia compositi: & aliter potentia intellectus, & voluntatis ad recipiendum actum: in illis enim materia est ratio recipiendi, non tamen talia accidentia in sola materia recipiuntur, sed in composito: in actione autem intellectus, & voluntate sic ipsa potentia est ratio recipiendi quod ipsa sola recipit: intellectus enim in solo intellectu recipitur, & volitio in sola voluntate: ratio autem diuersitatis est, quia materia cum sit simpliciter pura potentia non est immediate receptiva formae accidentalis, sed omnia accidentia sunt compositi: intellectus autem & voluntas licet sint potentiae passivae, non sunt tamen purae potentiae sed actus quidem, ideo possunt immediate, & per se aliorum accidentium subiecta esse.

Sed ista responsio quantum ad voluntatem, non videtur plenè satisfacere. Etsi enim in volendo ea quae sunt ad finem assignetur aliquid quod est ratio agendi, & aliquid quod est receptivum, in ipsa tamen volitione finis non apparet quid sit ratio agendi distinctum a ratione suscipiendi, sed ipsa nuda voluntas videtur & causare illum actum & recipere.

Ad hoc dubium facilius responderi potest secundum eos qui tenent voluntatem esse agens partiale volitionis, & simul cum ipsa concurrere obiectum apprehensum per intellectum, tanquam aliam causam partialem: diceretur enim quod voluntas nuda & sola, non est causa volitionis finis, sed aggregatum ex voluntate & ipso fine per intellectum apprehenso: receptivum autem eius volitionis est sola potentia voluntatis.

Secundum eos autem qui dicunt obiectum non concurrere actu ad volitionem, sed tantum per modum finis & formae, difficilius est respondere.

Dicunt enim quidam, quod ad finis volitionem mouetur voluntas a Deo, ita quod ad talem volitionem voluntas merè passivè se habet. Sed istud mihi non videtur verum, quia velle nominat actionem immanentem in operante, ideo oportet ut idem sit aliquo modo agens volitionem & recipiens.

Et etiam quia non dicitur voluntas velle nisi per actum a se elicited, sicut nec intellectus intelligere, nisi per actum a se productum. Propter quod mihi magis praedictam opinionem sequendo videretur dicendum aut quod in voluntate aliqua naturalis forma sit quae sibi rationaliter volendi finem: sicut in intellectu, est naturalis habitus principiorum, & sic totale principium volitionis productivum sit voluntas, cum illa forma: receptivum autem sit voluntas, & sic dicitur voluntas, moueri a Deo ad volitionem finis in quantum indidit sibi Deus formam per quam naturaliter mouetur ad finem, sicut intellectus populi primorum principiorum indidit habitum, aut quod Deus mouendo voluntatem ad volitionem finis, est agens principale & agens quod ipsa autem voluntas, est id quo Deus ipsam volitionem causat: sicut generans est id quod mouet graue: forma autem grauis est id quo mouet, modo non est inconueniens ut idem sit actiui alicuius actus, & receptivum eius quando non est actiuium principale, sed quo agens agit, se tenens ex parte eius quod mouetur, tunc enim idem potest esse forma per quam agens agit, in quantum in ipso est virtus agentis principalis, & potest esse id quo patiens patitur, in quantum est potentia mobilis.

Tertio. In Deo nulla est potentia, ergo nullum accidens: probatur consequentia, quia omne subiectum comparatur ad accedens, sicut potentia, ad actum dantem esse accidentale.

Quarto. Deus non est mutabilis, ergo sibi non conuenit quod de se possit inesse, & non inesse: ergo in ipso nullum est accidens, patet prima consequentia: secunda vero probatur, quia omne accidens de se natum est inesse, & non inesse.

SE C D occurrit dubium, quia proprium accidens non est natum inesse & non inesse.

Potest dici quod ista ratio non concludit nullum accidens esse in Deo, ut accedens contra substantiam diuiditur, sed ut distinguitur contra proprium: illud autem natum est inesse & non inesse: patet autem hoc ex modo loquendi cum ait, si Deus habet aliquid accidentaliter sibi conueniens, sola enim accidentia quae possunt abesse dicuntur accidentaliter conuenire: accidentia autem propria, per se non est autem inconueniens, ut inter multas rationes, aliquae vniuersaliter probent nullum simpliciter accedens illi conuenire, aliquae vero probent de accidente tantum per accedens.

Quinto. Deus est quicquid est in ipso, ergo in ipso nullum est accidens: patet consequentia, quia res non est suum accidens, cum accidens non sit de essentia rei: antecedens vero probatur: quicquid est in Deo nobilissimo modo est in ipso, quia Deus est omnium causa, vnumquodque autem nobilior inuenitur in causa quam in effectu, sed perfectissime aliquid conuenit alicui, quod est ipsummet: eo quod cum illo tunc perfectius sit vnum, quam forma cum materia, & quam cum aliquid alteri accidentali inest, ergo, &c.

CIR CA illam propositionem: vnumquodque nobilior inuenitur in causa quam in effectu: dubitatur. Nam natura ignis non inuenitur nobilior in igne generante quam in genito, nec natura humana nobilior est in homine generante quam in homine genito, cum species specialissima & qualiter inueniatur in omnibus indiuiduis suis, vel saltem non sit necessario nobilior in vno quam in alio, ergo, &c.

Respondetur primo accipiendo propositionem tanquam vniuersaliter veram, & dicitur primo secundum doctrinam sancti Thomae in multis locis, quod ista propositio habet vniuersaliter veritatem de causa principali agente, non autem de causa instrumentali. Dicitur secundo, quod nobilitas eius quod est in causa, & in effectu, potest & ad ipsam essentiam & naturae perfectionem in se referri, & ad modum essendi. Si referatur ad naturam in se, sic non est necesse vnumquodque in causa principali nobilior esse quam in effectu: sicut enim arguebatur in his quae sunt eiusdem speciei specialissime

Quomodo voluntas se habeat agendo & patiendo quantum ad volitionem finis.

Vnumquodque nobilior inuenitur in causa quam in effectu.



cialissimæ: natura non est essentialiter perfectior in causa quam in effectu. Si ad modum essendi referatur, dupliciter etiam potest intelligi, scilicet secundum quod est in causa absolute, & secundum quod est in causa ut causa est, & eo eodem modo ex parte effectus distinguendum est. Si absolute accipiat, non est necesse esse ut nobilior sit in causa quam in effectu. pot enim equali nobilitate essendi esse in causa & in effectu, si esse causæ & esse effectus, absolute consideretur. Sed si consideretur aliquid quod est in causa actiua virtualiter, secundum quod in causa est, sic nobilior habet esse quam in effectu ut est effectus in causa enim agente habet rationem productis, in effectu autem habet rationem producti, modo nobilior est producere quam produci, ideo nobilior est esse in causa ut causa est, quam esse in effectu ut effectus est. Et sic intelligenda est propositio sancti Thomæ, ut patet de ma. q. 4. art. primo ad quintum. Vnde instantia nulla est: licet enim natura ignis non sit absolute nobilior in igne generare, quam in igne genito, ut generans est, quam in igne genito, ut genitus est: & similiter dicendum est de humanitate, & de aliis quæ vniuocè dicuntur de causa & effectu. Hæc autem expositio maxime proposito deferuit, quia cum in causa, ut est causa, res nobiliorem modum habeat, necesse est ut in Deo nobilissimus modus, qui causæ ut causa cōuenire potest, reperitur nobilissimus autem modus est, ut effectus in causa sit ipsa causæ essentia, ad hoc ut ipsa causa per suam essentiam agat, ideo omnia in Deo ipsa Dei essentia sunt, & nihil in ipso accidens est.

Potest secundò responderi, quod propositio habet veritatem, & quantum ad essentiam, & quantum ad modum essendi absolute, sed in causa æquiuoca tantum: effectus enim in causa æquiuoca nihil aliud est quam ipsa forma causæ æquiuocæ, & modus essendi ipsius in causa, nihil est aliud quam modus essendi causæ: constat autem quod forma & esse causæ æquiuocæ est nobilior quam forma & esse effectus, cum cōtineat effectus perfectionem, & aliquid eo perfectius. Ad hunc etiam sensum deferuit propositio S. Tho. Nam manifestum est Deum esse causam æquiuocam creaturarum non autem vniuocam.

Sextò substantia non dependet ab accidente, sed bene est conuerso: ergo potest aliqua substantia inueniri sine accidente, quod maxime videtur primæ substantiæ quæ Deus est, contineri: probatur consequentia, quia quod non dependet ab aliquo, potest aliquando sine eo inueniri.

SED circa istam propositionem occurrit dubium, quia substantia non dependet à sua propria passione, & tamen non potest sine ipsa reperiri, ergo non omne quod ab alio non dependet, potest abique illo aliquando esse. Dicitur quod ista propositio intelligenda est ubi vnum non sequitur ad alterum naturali sequela: in illis enim licet vnum ab altero non dependeat, quia tamen ipso posito naturaliter alterum resultat: ideo in re siue illo inueniri non potest, sicut arguetur de subiecto & propria passione: nam propria passio naturaliter sequitur naturam subiecti, non sic autem se habent substantia & accidentis, secundum communem rationem substantiæ & communem rationem accidentis: nam neque substantia dependet ab accidente, neque ad substantiæ rationem sequitur naturam accidentis, ideo potest aliqua substantia sine accidente esse. Vltimò. Confirmatur conclusio autoritate Aug. in lib. Trin. Constat autem ex hoc Saraceno error, de quo Auerroes 12. Metaphy. com. 39. mentionem facit, ponentium quasdam intentiones diuinæ essentia quidditates.

P. R. O quo errore aduertendum, quod per intentiones intelligit sanctus Tho. formas quas ideo non intentiones dicimus, quia à Dei substantia sola intentione nostra, & cogitatione separantur, sed ipsi dicebant ea etiam realiter distingui, & esse accidentia diuinæ essentia superaddita.

Quod esse diuinum non potest designari per additionem differentia substantialis. Cap. 24.



Stendi etiam ex prædictis potest, quod supra ipsum diuinum esse non potest aliquid superaddi, quod designet ipsum designatione essentiali, sicut designatur genus per differentias.

Impossibile enim est aliquid esse in actu, nisi omnibus existentibus quibus esse substantiale designatur: non enim potest esse animal in actu, quin sit animal rationale vel irrationale. Vnde etiam Platonici ponentes ideas, non posuerunt ideas per se existentes generum quæ designantur ad esse speciei per differentias essentielles, sed posuerunt ideas per se existentes solarum specierum quæ ad sui designationem non indigent essentialibus differentiis: si ergo diuinum esse per aliquid aliud superadditum designetur designatione essentiali: ipsum esse non erit in actu nisi illo superaddito existente: sed ipsum esse diuinum est sua substantia, (ut ostensum est) † ergo substantia diuina non potest esse in actu, nisi aliquo superueniente: ex quo potest concludi, quod non sit per se necesse esse, cuius contrarium supra ostensum est.

Item, omne illud quod indiget aliquo superaddito ad hoc quod possit esse, est in potentia respectu illius: sed diuina substantia non est aliquo modo in potentia, (ut supra ostensum est), sed sua substantia est suum esse: ergo esse suum non potest designari aliqua designatione substantiali per aliquid sibi superadditum.

Amplius, omne illud per quod res cōsequitur esse in actu, & est intrinsecum rei, vel est tota essentia, vel pars essentia: quod autem designat aliquid designatione essentiali, facit rem esse actum, & est intrinsecum rei designatæ: alās per id designari non posset substantialiter: ergo oportet quod sit, vel ipsa essentia rei, vel pars essentia: sed si aliquid superadditur ad esse diuinum, hoc non potest esse tota essentia Dei, quia iam ostensum est, † quod esse Dei non est aliud ab essentia eius. Relinquitur ergo quod sit pars essentia diuinæ: & sic

Deus erit compositus ex partibus essentialiter, cuius contrarium supra ostensum est.

Cap. 18.

Item, quod additur alicui ad designationem alicuius designatione essentiali, non constituit eius rationem, sed solum esse in actu. rationale enim additum animali acquirit animali esse in actu: non autem constituit rationem animalis, inquantum est animal, nam differentia non intrat definitionem generis, sed si in Deo addatur aliquid per quod designetur designatione essentiali: oportet quod illud constituat ei cui additur rationem propriam eius quidditatis seu naturæ. nam quod sic additur, acquiritur ei esse in actu. hoc autem scilicet esse in actu, est ipsa diuina essentia, (ut supra ostensum est): relinquitur ergo quod supra diuinum esse nihil possit addi quod designet ipsum designatione essentiali, sicut differentia designat genus.

Super cap. 24.



Vltimo loco excludit sanctus Thomas à Deo compositionem generis & differentia.

CIRCA hoc autem duo facit. Primò excludit compositionem potentialem, secundum quod genus continet multas differentias potentialiter, per quas determinari potest. Secundò compositionem actuaalem, secundum quod species dicitur ex genere & differentia componi. Quantum ad primum ponitur hæc conclusio, supra diuinum esse non potest aliquid superaddi, quod designet ipsum designatione essentiali, sicut designatur genus per differentias.

P. R. O huius intelligentia antequam probetur conclusio, considerare oportet quod genus dicitur designari, siue determinari essentialiter per differentias, non quasi ipsa differentia sint de essentia generis & quidditate, sed quia ipsam generis naturam diuidunt in diuersas essentias & naturas per se sub genere contentas: genus enim naturam quandam illimitatam & indeterminatam dicit respectu specierum, per additionem autem vnius differentia contrahitur ad vnam speciem de qua essentialiter prædicatur, & per additionem alterius contrahitur ad aliam speciem, & sic dicitur designari designatione essentiali, id est, determinari ad essentiam speciei sub ipso contentæ, per hunc ergo modum designari diuinum esse negatur, quasi scilicet sit quoddam commune dicens naturam quandam indeterminatam, per aliquam differentiam limitabilem & contrahibilem ad particulariorem naturam sub ipso per se contentam, ut aliqui male posuerunt.

Probat autem primò, Deus est per se necesse esse, ergo sua essentia non est in actu aliquo superueniente, ergo nec suum esse, ergo suum esse non designatur designatione essentiali: prima consequentia patet, secunda probatur, quia suum esse est sua essentia. Tertia verò, quia impossibile est aliquid esse actum, nisi omnibus existentibus quibus esse substantiale designatur: non enim animal est actum, nisi sit rationale aut irrationale, nec etiam Platonici posuerunt ideas nisi specierum specialissimarum, ergo si designaretur esse designatione essentiali, non poterit esse actum nisi per illud quod ipsum designaret, & sic esset in actu per aliquid superueniens.

CIRCA positionem Platonis aduertendum quod li, specierum specialissimarum, non facit differentiam ab omnibus vniuersalibus simpliciter. nam ut patet primo Ethicorum, & ponitur à diuo Thom. prima questione 6. articulo 4. & 8. de veritate, quæst. 21. articulo quarto. Plato non solum posuit ideas specierum specialissimarum, sed etiam entis, vnius, & boni: sed facit differentiam à speciebus subalternis, scilicet à generibus. Vt enim dicitur veri, quæst. tertia, articulo 3. Plato non posuit ideas generum, sed tantum specierum specialissimarum, quia cum idea non sit nisi eorum quæ per se sunt intentio: intentio autem naturæ non terminetur ad productionem forme generis, sed solum forme speciei, non oportuit ponere ideas generum, sed bene specierum, vnde quod aliquando dicit sanctus Thomas Platonem posuisse ea quæ secundum intellectum separari possunt esse separata secundum esse, intelligendum est de iis quæ per se sunt à natura intentæ: huiusmodi autem sunt species specialissimæ, & ea quæ omnibus sunt communia, ut ens, vnum, & bonum, non autem genera.

ADVERTENDVM quod ista propositio, impossibile est aliquid esse actum, nisi omnibus existentibus quibus esse substantiale designatur, dupliciter exponi potest. Vno modo ut per esse substantiale intelligamus ipsam essentiam & quidditatem, & sic, sine dubio, vera est, ut declaratur per exemplum, & Platonis positionem: non enim animal in actu esse potest, nisi sit differentia quibus natura animalis determinatur ad vnam speciem vltierius essentialiter non determinabilem.

Sed sensus iste non videtur esse ad propositum, quia hæc loquitur sanctus Thomas de actuali existentia Dei, non de essentia. Ideo secundo modo intelligi potest, ut per esse substantiale intelligatur ipsa actualitas essendi. Et tunc probatio potest dupliciter exponi, scilicet per viam similitudinis, per viam exempli. Per viam similitudinis, quia sicut animal non potest existere actu, nisi existente ipsa differentia limitante essentialiter, ita si esse limitationem essentialem per aliquid aliud recipiat, non poterit poni actu, nisi illa differentia existente, per quam essentialiter limitatur. Per viam exempli, quoniam animal non est actu, nisi sit aliqua eius differentia, per quam eius esse substantiale determinetur, ergo & similiter in omnibus aliis nihil est in actu, nisi existentibus omnibus quibus esse substantiale essentialiter determinatur: quomodo autem per rationale aut irrationale esse substantiale determinetur, dicitur in tertia ratione.

SED occurrit dubium, quia non videtur inconueniens diuinam essentiam esse actum aliquid superadditum, si illud ab essentia realiter non distinguatur, sicut non est inconueniens, ut per sapientiam superadditam essentia ab ea non realiter distingatur, sed secundum rationem, sapiens sit: per hoc enim non tollitur quin sit per se necesse esse, sicut per hoc quod per sapientiam sapiens est non tollitur quin sit ac per suam essentiam sapiens sit, modo si adderetur esse diuinum aliquid essentialiter ipsum determinans, illud neque ab esse, neque ab essentia realiter distingueretur: sicut nec differentia contrahens genus distinguitur realiter à genere, ergo non est inconueniens ipsam esse actum per aliquid superadditum essentia.

Differentia non est de essentia generis.

Plato non posuit ideas nisi specierum specialissimarum.

Impossibile est aliquid esse actum, nisi omnibus existentibus quibus esse substantiale designatur.

† Idem p. p. 93. art. 5.

† Cap. 14.

† Cap. 13.

† Cap. 16.

† Cap. 12.



Quomodo dif- AD euidenciam huius dubij considerandum est, quod aliter loquendum  
feretia sit extra est de natura generis secundum quod est in specie secundum rem: & aliter  
essenciam gen- secundum quod in communi consideratur per abstractionem a speciebus & dif-  
ferentiis. Primo enim modo idem est cum differentia realiter, & differentia  
non est aliquid additum generis entitati. Secundo autem modo consideratur  
genus tanquam formaliter distinctum a differentia, utpote non habens cum  
ea aliquam identitatem, nisi potentialiter scilicet continentia, in quantum ipsas  
differentias potentialiter continet: ideo differentia tunc consideratur tan-  
quam diuina extra essenciam generis, & ideo cum naturæ generis sic confi-  
deratur additur differentia, additur tanquam aliquid extraneum ab essentia  
generis, unde si genus poneretur existere secundum quod intelligitur, esset sine  
differentiis quibus diuiditur, & ad inferiora contrahitur. Patet enim quod ani-  
mal per abstractionem a differentiis consideratur, nihil aliud essentialiter est  
quam substantia animata sensibilis: quod si addatur rationale, dicitur sub-  
stantia, animata, sensibilis, rationalis, ubi constat rationale toti essentia: ani-  
malis esse additum, & sic ad hoc ut animal sit, requiritur ut sibi aliquid adda-  
tur, quod extra eius formalem rationem sit, licet in eo quod constituitur per  
ipsi genus & differentia idem realiter sit, unde dici non potest quod genus  
per se ipsum sit, sed per aliud, quia per differentiam. Sic ergo si diuinum esse  
formaliter consideratur, & secundum propriam rationem esset aliquid  
commune essentialiter contrahibile ad modum generis, & similiter essentia  
diuina, non posset actu esse, nisi per aliquid, omnino ab eius quidditate &  
essentia formaliter considerata, alienum licet illud additum essentia: in illo  
in quo uiuere, esset idem realiter cum essentia.

Dicitur ergo ad dubium quod non solum inconueniens est, quod essentia  
diuina ad esse actu indigeat aliquo a se realiter distincto: sed etiam inconue-  
nientius est ut indigeat aliquo, quod sit extra formalem eius rationem & quid-  
ditatem: quia tunc non esset ex propria quidditate, & essentia necesse esse, sed ad  
hoc ut esset aliquo omnino extrinseco ab eius formali & quidditativa ra-  
tione indigeret. Quod autem additur de sapientia non est simile, sapientia enim  
non est extra formalem, & quidditativam rationem essentia: si consideraretur  
diuina essentia secundum quod in se est, sed tantum secundum quod a nobis  
diuersimode concipitur. Si autem essentia diuina esset natura indeterminata ad  
modum generis, & determinaretur per differentiam essentialem, illa differentia  
esset extra quidditativam rationem essentia:, etiam secundum quod in se est  
consideratur, non tantum secundum nostrum modum concipiendi.

Secundo, diuina substantia nullo modo est in potentia quia est ipsum esse,  
quod est actualissimum, ergo esse diuinum non potest designari essentialiter  
per aliquid sibi additum: probatur consequentia, quia omne quod indiget  
aliquo ad hoc ut sit, est in potentia respectu illius, si scilicet indigeat ipso  
tanquam forma limitante.

Tertio designatur essentialiter per aliquid additum, ergo additum facit  
rem designatam esse actu, & est ei intrinsecum: illud ergo vel est eius essentia  
vel pars essentia: non potest esse tota essentia Dei: quia eius essentia, est idem  
quod esse: quod autem additur ipsi esse non est totum esse secundum quod  
additur, licet materialiter idem esse possit, ergo pars est essentia:, ergo Deus  
est compositus, cuius oppositum superius est ostensum, probatur consequen-  
tia: quia quod designat aliquid designatione essentiali, facit rem esse actu, &  
est intrinsecum rei designatae, secunda etiam probatur, quia illud per quod  
res in actu est & est intrinsecum rei vel est essentia tota vel pars essentia:.

AD VERTE quod hac ratio procedit ex imaginatione quod esse diuino  
aliquid addatur tanquam constitutum diuinæ essentia:, sicut generi ali-  
quid additur, quod est constitutum speciei.

SED circa illam propositionem, quod designatione aliquid designat essen-  
tialiter, facit rem esse in actu, & est intrinsecum rei designatae, sciendum quod esse  
in actu dupliciter accipi potest, vno modo in actu quidditativo, & essentiali:  
alio modo in actu existentia: actualis: propositio hæc non tantum intelligi-  
tur, de esse in actu quidditativo, verum etiam de esse in actu existentia:. Nam  
hæc differentia, rationale, addita animali constituit hominem, qui hoc loco di-  
citur res designata in actu essentia:, & quidditatis, eo quod in animali continetur  
potentialiter homo: per adiunctionem autem differentia: constituitur in  
actu animal rationale, quæ est hominis essentia & quidditas, sicut per con-  
tentionem formæ cum materia fit in actu quidditativo ipsum totum, consti-  
tuit etiam hominem in actuali existentia in quantum constituit quidditatem,  
quæ est proprium susceptivum esse formaliter loquendo, & essentialiter. Ex  
additione enim differentia: specificæ ad genus, constituitur proprium susce-  
ptivum esse essentialiter, quia species specialissima non indiget aliquo for-  
mali intrinseco ad hoc ut sit, licet in rebus materialibus requirantur aliqua  
materialia principia naturam indiuiduantia. Propter hoc inquit Porphy-  
rius, quod differentia conducit ad esse, quia scilicet constituit proprium sus-  
ceptivum essentialiter ipsum.

Quarto, si adderetur ad esse Dei, adderetur ad eius essentiam, quia essen-  
tia & esse in ipso sunt idem, ergo oporteret ut illud essentialiter designans  
constitueret propriam rationem naturæ, & quidditatis diuinæ, sed hoc est  
contra rationem eius quod aliquid essentialiter determinat: nullum enim  
tale constituit ratio: & eius cui additur, sicut rationale non constituit ratio-  
nem animalis: probatur consequentia: quod sic additur, constituit esse in actu  
eius cui additur, sed hoc in Deo est diuina essentia, ergo si aliquid sibi essen-  
tialiter adderetur, illud eius essentiam constitueret.

CIRCA illam propositionem, quod additur alicui ad designationem essen-  
tialem non constituit eius rationem, sed solum esse in actu. Notandum quod hæc  
propositio non est eadem cum illa propositione præcedentis rationis quam  
exposuimus: in illa enim esse in actu, referebatur ad constitutum per genus &  
differentia, siue ad constitutum per additum, & id cui sit additio, quæ dicebatur  
res designata, siue determinata, id est, ipsam determinationem includens: non  
autem sicut id cui apponitur ab extrinseco designatio: hic autem refertur ad  
id cui sit additio, siue ad genus ipsum: genus enim quia habet rationem po-  
tentia: & determinabilis, ut consideratur sub ratione totius vniuersalis, non  
habet in se aliquæ actum eorum quibus ad speciem determinatur, ideo est in  
potentia respectu differentiarum & specierum: per additionem vero differen-  
tia: fit in actu differentia: & speciei, & fit proprium susceptivum essentialiter  
actualis existentia:, sicut materia: quia non habet in sui substantia aliquem  
actum, si consideretur per præcisionem ab omni forma est in potentia, ut ad  
hanc vel illam formam, & ad hanc vel illam speciem determinetur: cum au-  
tem accipit formam, est in actu illius formæ & speciei per speciem consti-  
tuitur, & in esse actualis existentia: quod illam formam concomitatur.

AD maiorem intelligentiam eorum quæ in hoc capitulo dicta sunt, sciendum. Esse diuinum  
dum ex doctrina sancti Thome, 1. quæst. 4. art. primo de potentia, quæst. 7. art. 2. limitari non  
& de ente, & essentia, quod aliter loquendum est de esse actualis existentia: potest,  
abstractione secundum rem quale est esse diuinum, & aliter de esse abstracto &  
communi secundum rationem: sicut aliter loquendum esset de albedine si  
esset separata secundum rem ab omni receptivo, & aliter si sit abstracta ab omni  
subiecto secundum considerationem tantum: conueniunt quidem in hoc esse  
abstractum secundum rem, & esse abstractum secundum rationem, quod neu-  
trum est per differentiam formalem determinabile, eo quod esse nomen actum  
perfectissimum, & actualitatem omnium actualitatum & per consequens nihil  
sit ipso esse: formaliter, & actualiter: ex quo sequitur quod nec huic, nec illi  
aliquid additum est: alioquin abstractum omnino non esset: sicut & animalis,  
secundum quod consideratur per abstractionem ab omnibus differentiis non  
est adiuncta differentia rationalis. Sed differunt in hoc quod esse diuinum  
secundum rem ab omni receptivo separatum, non solum determinari non  
potest per differentiam essentialem, sed nec etiam per aliquod susceptivum,  
eo quod in nullo recipi possit: sicut albedo quæ esset realiter separata ab omni  
subiecto, non posset in subiecto recipi, quoniam ab hac, & ab illa particulari  
albedine distingueretur: quia esset subsistens, ab omni subiecto separata: aliter  
autem in hoc, aut illo subiecto sit: unde si remoueretur ab ea esse subsistens  
& separatum, iam non esset eadem quæ prius: esset autem secundum ratio-  
nem commune licet formalibus & essentialibus differentiis limitari non  
posset, potest tamen per diuersa recipientia determinari: fit enim esse homi-  
nis, quia in humana natura recipitur: & esse equi, quia in natura equi recipi-  
tur: sicut albedo secundum rationem communis limitatur ad hanc & illam,  
quia in hoc & illo subiecto recipitur. Esse ergo diuinum licet sit ab omni  
principio determinare absolutum, non est tamen esse commune secundum  
rationem: quia esse commune secundum rationem: licet ut sic non sit per  
aliquid determinatum in actu, potest tamen per susceptivum determinari:  
esse autem diuinum nec actu, nec potentia est determinatum, imò de ratio-  
ne sua est, ut determinati non possit.

### Quod Deus non sit in aliquo genere. Cap. 25.

DE hoc autem de necessitate concluditur, quod  
Deus non sit in aliquo genere. Nam omne quod  
est in aliquo genere, habet aliquid in se per quod  
natura generis designatur ad speciem. nihil enim  
est in genere quod non sit in aliqua eius specie:  
hoc autem in Deo est impossibile (ut ostensum est,) impos-  
sibile est igitur Deum esse in aliquo genere.

1. Amplius, si Deus sit in genere, aut sit in genere accidentis,  
aut in genere substantia: In genere accidentis non est: accidentis  
enim non potest esse primus ens & prima causa. In genere etiã  
substantia: esse non potest: quia substantia quæ est genus, non  
est ipsum esse: alias omnis substantia esset esse suum: & sic non  
esset causatum ab alio: cum ratio generis saluetur in omni-  
bus quæ sub genere continentur: & sic nulla substantia esset  
causata ab alio, quod esse non potest (ut patet ex dictis) Deus  
autem est ipsum esse, igitur non est in aliquo genere.

2. Item, quicquid est in genere, secundum esse differt ab aliis  
quæ in eodem genere sunt: alias genus de pluribus non præ-  
dicaretur: oportet autem omnia quæ in eodem genere sunt,  
in quidditate generis conuenire: quia de omnibus genus in  
quod quid est, prædicatur: esse igitur cuiuslibet in genere  
existentis, est præter generis quidditatem. hoc autem in Deo  
impossibile est, Deus igitur in genere non est.

4. Amplius, vnumquodque collocatur in genere per ratio-  
nem suæ quidditatis, genus autem prædicatur in quid est: sed  
quidditas Dei est ipsum suum esse, secundum quod non collo-  
catur aliquid in genere: quia sic ens esset genus quod signi-  
ficat ipsum esse: relinquitur ergo quod Deus non sit in genere.

Quod autem ens non possit esse genus, probatur per Phi-  
losophum in hunc modum: Si ens esset genus, oporteret dif-  
ferentia: aliquam inueniri, per quam traheretur ad speciem.  
nulla autem differentia participat genus, ita scilicet quod  
genus sit in ratione differentia: quia sic genus poneretur bis  
in diffinitione speciei, sed oportet differentiam esse præter  
id quod intelligitur in ratione generis. nihil autem potest  
esse quod sit præter id quod intelligitur per ens, si ens sit de  
intellectu eorum de quibus prædicatur: & sic per nullam dif-  
ferentiam contrahi potest, relinquitur ergo quod ens non  
sit genus: unde ex hoc de necessitate concluditur quod Deus  
non sit in genere.

Ex hoc etiam patet quod Deus diffiniri non potest, quia  
omnis diffinitio est ex genere & differentiis.

Patet etiam, quod non potest demonstratio de ipso fieri,  
nisi per effectum, quia principium demonstrationis est dif-  
finitio eiusdem, de quo fit demonstratio.

Potest autem alicui videri quod quamuis nomen substan-  
tia: Deo propriè conuenire non possit: quia Deus non substat  
accidentibus: res tamen significata per nomen ei conueniat:  
& ita sit in genere substantia: nam substantia est ens per se,  
quod Deo constat conuenire: ex quo probatur esse ipsum  
non esse accidens.

Sed ad hoc dicendum est ex dictis, quod in diffinitione  
substantia: non est ens per se: ex hoc enim quod dicitur ens

+ Idem primo  
Sen. d. 8. q. 4. ar.  
2. p. p. q. 3. art. 5.  
& de po. quæst.  
7. art. 3.  
+ cap. 18.

+ Metaphy-  
s. text. com. 10.

Dubitatio.

Solutio.



non posset esse genus, quia iam probatum est quod ens non habet rationem generis. similiter nec ex hoc quod dicitur per se, quia hoc non videtur importare, nisi negationem tantum. Dicitur enim ens per se ex hoc quod non est in alio, quod est negatio pura, quae nec potest naturam vel rationem generis constituere: quia sic genus non diceret quid est res, sed quid non est: oportet igitur quod ratio substantiae intelligatur hoc modo: quod substantia sit res cui conveniat esse non in subiecto: nomen autem rei à quidditate imponitur, sicut nomen entis ab esse: & sic in ratione substantiae intelligatur quod habeat quidditatem cui conveniat esse, non in alio: hoc autem Deo non convenit, nam non habet quidditatem nisi suum esse.

Vnde relinquitur quod nullo modo est in genere substantiae: & sic nec in aliquo genere cum ostensum sit ipsum non esse in genere accidentis.

#### Super cap. 25.

**S**ecundò, ostenditur in Deo non esse compositionem adualem generis & differentiae: & ponitur haec conclusio, Deus est in nullo genere.

CIRCA quam conclusionem tria facit S. Thom. Primò enim ipsam probat. Secundò quaedam ex ipsa correlaria deducit. Tertiò, quandam soluit instantiam.

Quòd ad primò arguit primò sic. In Deo nihil est per quod designetur natura ad speciem, ergo non est in genere, antecedens patet ex praecedenti capitulo: consequentia verò probatur, quia nihil est in genere, quod non sit in aliqua eius specie, quod intelligendum est de illis quae sunt completa in natura, & directè, non autem quae solum per reductionem sub genere continentur.

Sed videtur antecedens huius rationis non haberi ex praecedenti capitulo. Ibi enim ostensum est, quod esse diuinum non potest designari essentialiter per aliquid superadditum: ex hoc autem non habetur quod in Deo non sit aliquid determinabile, & aliquid determinans: sicut ex hoc quod humanitas non est per aliam formalem differentiam essentialiter limitabilis & contrahibilis, non habetur quod in humanitate non sit natura secundum se contrahibilis, & natura contrahens si formaliter consideretur.

Respondetur quod ex eisdem rationibus, quibus probatur, esse nihil posse addi ad diuinum esse, quod ipsum essentialiter designet, constat in Deo nihil esse quod habeat rationem differentiae designantis essentialiter. Id enim quod designaretur per ipsam, non esset per se necesse esse: quia ad hoc vt actu esset, indigeret illa differentia, vt in prima ratione procedebatur, & esset in potentia respectu illius, vt in secunda assumebatur ratione: ipsa etiam differentia esset pars essentiae formaliter sumptae, vt tertia concludebat ratio: similiter quicquid est actu in Deo, est idem formaliter cum omni natura quae in Deo est, si secundum se consideretur ea quae sunt in Deo: cum omnia sint ipsum purum esse, ideo non potest alicui existenti in Deo addi aliquid, quod sit extra eius rationem, vt quarta responsio procedebat. Implicite ergo ostensum quod esse diuinum, non recipit essentialiter limitationem: etiam ostensum est nihil esse in Deo quod rationem differentiae essentialiter limitantis habeat.

Secundò, Deus non est in genere accidentis, quia accidens non potest esse primum ens & prima causa, nec in genere substantiae: quia substantia quae est genus, non est suum esse: alioquin omnis substantia esset suum esse, cum ratio generis saluetur in omnibus, quae sub genere continentur, & sic substantia non esset causata ab alio: Deus autem est suum esse, ergo Deus non est in genere.

AD EVIDENTIAM huius rationis considerandum est, quod ex hoc aliquid habet rationem causati ab alio, quod ab ipso recipit esse: causare enim vt dictum est supra, est facere aliquid esse in actu: vbi ergo ponatur quod esse rei non conveniat sibi ab alio, sequitur ipsam rem causatam non esse: ex hoc autem quod ponitur substantiam rei ab esse non distingui, oportet poni esse non convenire rei per aliam causam efficientem, quia ipsa essentia rei sibi convenit per se, & non per causam productivam. nulla enim causa est, quae faciat hominem esse hominem, aut animal, aut substantiam cum similes propositiones primi modi sint sempiternae veritatis, siue producantur res in esse siue non producantur: & si inueniatur S. Thom. aliquando dicere, vt de veri. quae est 22. artic. 5. quantum, quod creatura est à Deo secundum essentiam suam, intelligendum est quod ipsam essentiam creaturae producit in esse, non quod faciat essentiam creaturae convenire sibi, quasi faciat hominem esse hominem. Sequitur ergo si substantia sit suum esse quod ipsa substantia causata non erit, eo quod ab alio non accipit esse sicut nec essentiam.

Tertiò, Quod est in genere differt secundum esse ab omnibus aliis quae sunt in illo genere: convenit autem cum illis in generis quidditate, ergo in omni existente in genere esse est praeter generis quidditatem, ergo Deus non est in genere, antecedens quo ad primam partem probatur, eo quod genus de pluribus praedicatur: aliqua autem in vna comuni quidditate convenientia ideo plura sunt, quia habent distincta esse: quo ad secundam verò probatur: quia genus praedicatur in quid de omnibus speciebus: prima consequentia patet, quia idem non est principium convenientiae & distinctionis respectu eiusdem. Secunda etiam patet, quia in Deo esse non est praeter eius quidditatem.

CIRCA istam rationem est advertendum quod ex eo quod species conveniunt in quidditate generis, differunt autem in esse, & quidditativo, & actualis existentiae: non sequitur formaliter illa quae sunt in genere habere esse realiter distinctum à quidditate, sed tantum formaliter sicut ex hoc quod conveniunt species animalis in quidditate animalis: distinguuntur autem differentis animalis, non sequitur quidditatem generis realiter à differentia distingui, sed tantum formaliter, & hoc sufficit ad rationem sancti Thomae. quia esse in Deo solum non distinguitur realiter ab essentia, sed nec formaliter. Si enim conciperetur diuina essentia, & omnia quae sunt in ipsa secundum quod in se sunt omnia vna, & indivisibilis ratio esset propter summam simpliciter diuinam naturam, & puritatem: ad insinuandam autem istam formalem distinctionem essentiae & esse in re existente in genere, dixit sanctus Thom. esse cuiuslibet in genere existentis, est praeter generis quidditatem: non autem dixit esse realiter distinctum à quidditate, licet etiam sit verum

quod realiter distinguatur, vt aliis rationibus in secundo probabitur.

SED circa dicta occurrit dubium: Diceret enim aliquis, quod sicut genus dicit vnam naturam communem secundum rationem, secundum quod à differentis per intellectum abstrahitur: ita & esse illius quidditatis genericae est vnum commune, secundum rationem per abstractionem ab omnibus principiis limitantibus, consideratum: & est idem illi quidditati, & sicut generis quidditas in speciebus pluribus multiplicatur realiter per differentias, cum natura generis in vna specie sit diuersa à natura generis in alia, vt dicitur 10. Metaph. text. 24. ita & esse illius quidditatis diuersificatur in diuersis speciebus, & sic non remanet maior vnitas quidditatis quam esse: sed sicut quidditas generis remanet vna secundum rationem, multiplicatur autem realiter: ita & esse plurius specierum remanet vnum secundum rationem, multiplex autem secundum rem.

AD huius evidentiam considerandum est, quod esse non convenit generi, nisi secundum quod est in inferioribus limitatum: ideo comparatio inter quidditatem generis, & eius esse attenditur secundum quod quidditas generis in speciebus consideratur. Non enim est aliquid esse, quo in natura existat animal ab omnibus speciebus separatim, sed bene quo existit hoc animal quod est homo, & quo existit hoc animal qui est equus, & sic de aliis.

NOTANDVM secundò, quod esse, licet habeat quandam communitatem rationis, in quantum omne esse dicitur actualitas existendi, non est tamen commune, vt superius diximus, ad modum generis. Non enim esse animalis dicit vnam naturam inuentam in omnibus esse animalium per intellectum abstrahibilem ab illis, & per aliquam differentiam contrahibilem sicut animal. Nam cum dicat omnium actualitatem actualitatem, non potest aliquid formaliter & actualiter limitari, sed sua communitas est communis ad modum formae quae limitatur per receptum. Esse enim hominis distinguitur ab esse equi, quia hoc est actualitas huius, illud verò illius, propter hoc sicut aliud receptum eius per vnam generis differentiam constituitur, & aliud per aliam: ita alia est formalis ratio actualis existentiae in vna specie generis, & alia in alia specie, & ideo sicut cum vnitate formalis generis in omnibus suis speciebus stat pluralitas differentiarum & esse specificum, ita etiam cum vnitate illa genericae quidditatis, stat pluralitas formalis ipsius esse existentiae.

Dicitur ergo ad dubium primò quod genus multiplicatur in speciebus realiter, & quantum ad esse quidditativum specierum: non autem multiplicatur formaliter, & quantum ad esse quidditativum proprium: licet enim natura generis in vno sit diuersa realiter à natura generis in alio, non tamen est formaliter diuersa: natura enim animalis in omnibus animalibus est subiecta animata, sensibilis.

Dicitur secundò, quod esse actualis existentiae generis non manet idem formaliter in omnibus, cum non dicat vnam naturam ab omnibus per intellectum abstrahibilem, sed secundum quod per diuersas differentias constituitur simul cum susceptum ipsius esse, ita ratio actualis existentiae diuersificatur simul cum eius reali diuersitate.

Dicitur tertiò, quod licet ista esse, sint vnum in aliqua communi ratione quam format intellectus, eo quod vnum sint proportionalitate quadam in quantum sicut se habet esse leonis ad leonem, ita esse equi ad equum, per hoc tamen non tollitur vis rationis: semper enim ista propositio est vera, illud quod est vnum formaliter in multis, distinguitur formaliter ab eo quod in illis multiplicatur, alioquin idem esset vnum & multa: ergo si quidditas generis in speciebus est vna, esse autem in eisdem speciebus multa sunt, sed fortassis sint vnum secundum aliquam rationem intellectus: ipsa generis quidditas ab esse formaliter distinguitur. Nec valet dicere, quod ipsum esse remanet vnum in multis secundum rationem, quia vt ostensum est ex parte rei, nihil est vnum commune omnibus illis esse, sicut omnibus animalibus est vna natura communis per intellectum ab illis abstrahibilis. Ex hoc autem ulterius sequitur quod etiam realiter distinguantur, vt ingeniose deducit Reuerendissimus Cardinalis S. Sixti in libro de ente & essentia: quia videlicet distinctio realis esse ab essentia, est causa distinctionis formalis inter illa, sicut & identitas realis illorum est causa identitatis formalis: nam valet, essentia est idem realiter cum esse: ergo non est ad aliquid genus determinata: quia etiam non mendicat esse in actu ab alio formaliter: materia autem generis limitatur per differentiam: ergo est purum esse, quia esse non determinatur ad genus, est purum esse, ergo esse est de ratione eius: quia esse est de formali ratione puri esse, ergo à primo ad vltimum, essentia est idem realiter quod esse, ergo essentia & esse sunt formaliter idem.

Quartò, Deus est suum esse, ergo non collocatur in genere: probatur consequentia, quia nihil posset esse genus ipsius nisi ens, eo quod vnumquodque collocatur in genere per rationem suae quidditatis: ipsum autem esse non importatur nisi per ens, sed ens non potest esse genus: vt dicitur tertio Metaphysic. text. 10. ergo, &c. Quod autem ens non possit esse genus probat ibidem Philosophus hac ratione. Omne genus per aliquam differentiam ad speciem contrahitur, de cuius ratione non est ipsum genus, sed est praeter illud quod intelligitur in ratione generis, quia si genus esset de ratione differentiae, bis poneretur in definitione speciei, sed nihil potest esse praeter id quod intelligitur per ens, si ens sit de intellectu eorum de quibus praedicatur, ergo ens non potest esse genus.

AD EVIDENTIAM huius propositionis: Vnumquodque collocatur in genere per rationem suae quidditatis, sciendum quod cum in re existente sit quidditas, & esse non habet aliquid quod reponatur in genere ratione ipsius sui esse, sed ratione quidditatis tantum: ex eo scilicet quod sua quidditas in genere potentialiter continetur, & genus de ipsa essentialiter praedicatur. Vnde cum omne quod in genere continetur directè, sit species eius: contineri in genere ratione quidditatis nihil aliud est quam esse speciem generis per suam quidditatem, non autem per suum esse vbi esse à quidditate distinguitur.

ADVERTENDVM etiam circa illam propositionem, differentia oportet esse praeter id quod intelligitur in ratione generis, quod illud quod intelligitur in ratione generis, est ipsa generis quidditas & natura per eius definitionem significata: ideo esse praeter id quod intelligitur in ratione generis, est esse praeter essentiam generis & quidditatem: hoc autem dupliciter esse potest: vno modo, quia illud non ingreditur essentiam, & quidditatem generis, & hoc non solum convenit differentiae, sed etiam speciei: alio modo, quia nec ipsum ingreditur quidditatem generis, nec quidditas generis, eius quidditatem ingreditur: & sic intelligitur differentiam esse praeter quidditatem

Quod esse in genere convenit cum aliis in generis quidditate, sed differt ab eis secundum esse.



quidditatem generis, alioquin bis poneretur in diffinitione speciei, semel per se, & semel in diffinitione inclusum.

SE D occurrit dubium, quia ens hic accipi videtur, secundum quod significat actuale existentiam, ut patet ex intentione San. Tho. volentis si Deus sit in genere, oportere ut ens sit genus eius, quia quidditas Dei est esse, scilicet actualis existentia: ens autem significat ipsum esse: modus falsum est quod ens taliter acceptum de omnibus essentialiter predicetur, ut videtur supponere San. Tho. & nihil sit præter entis rationem. Nam secundum ipsum sic de solo Deo essentialiter predicatur. Ens enim quod essentialiter predicatur, est ens quod significat essentiam rei: quod etiam diuiditur in 10. prædicamenta, ut dicitur 5. Metaph. non autem ens quod significat esse, ergo aut assumitur falsum, aut committitur fallacia æquiuocationis dum primo sumitur ens participialiter, postea vero nominaliter.

An ens in 10. prædicamenta diuisum, sit ens nominaliter sumptum.

PRO solutione huius dubij, quia tota difficultas consistit circa significatum huius termini ens: considerandum est quod licet ens tam nominaliter quam participialiter sumptum importet esse: utroque enim modo ens significat quod habet esse, tamen aliter importatur per unum modum quam per alterum: si enim participialiter sumatur ut idem est absolute, quod existens, esse importatur tanquam principale & formale significatum, eo quod est abstractum huius conereti, ens id autem quod habet esse importatur secundario tanquam susceptum esse: sicut album primo: & formaliter importat albedinem quod est eius abstractum, secundario autem importat substantiam, eo quod ipsum albedinem significat per modum alteri inherenti.

Si autem nominaliter sumatur, sic esse, non est eius abstractum, sed essentia, ideo principaliter eius significatum non est esse, sed essentia, esse autem importatur per ipsum tanquam id à quo nomen imponitur, sicut si lapis dicatur esse quod offendit pedem, offensio pedis importatur secundario tanquam id à quo imponitur nomen, essentia autem eius tanquam principale significatum, patet autem hoc ex 5. Tho. 10. Metaph. in expo. text. 8. ubi ait quod ens per 10. prædicamenta diuisum significat ipsas naturas decem generum, secundum quod sunt actu vel potentia.

Dicitur ergo primo quod ens diuisum in 10. prædicamenta, est ens nominaliter sumptum, quod scilicet significat essentiam primo tanquam rem significatam, & secundario esse tanquam id à quo ipsum nomen imponitur.

Dicitur secundum quod hoc est quod de omnibus essentialiter predicatur, & quod Philosophus probat non esse genus, non autem ens participialiter sumptum cuius principale significatum est esse tanquam eius abstractum.

Primum huius patet ex San. Tho. 1. 2. ar. 4. quartum ubi loquimur ut articulo primo illius questionis patet de ente diuiso in 10. prædicamenta. Ibi enim ponens regulam, quod in formis generalibus recipitur prædicatio conereti de abstracto inductiue, hoc ostendit inquit: dicimus enim quod essentia est ens, & bonitas est bona, & unitas est vna, & sic de alijs, ubi constat, quod essentiam tanquam abstractum & primum ac formale significatum entis ponit ar. quoque primo, primum inquit, quod cum ens dicatur absolute, bonum autem superaddat habitudinem causæ finalis, ipsa essentia rei absolute considerata sufficit ad hoc quod per eam dicatur aliquid ens, in secundo quoque, Quolibet, quæst. 2. ar. 1. ponit ens secundum quod significat rem cui conuenit esse, significat essentia rei & diuidi in 10. genera, licet secundum quod significat esse, sit prædicatum accidentale ut dicitur intelligere. Secundum vero probatur, quia San. Tho. tenet in omni creatura realiter ab essentia distinctum, & quod in nullius creaturæ ratione perfectè includitur, ut patet veri. q. 10. ar. 12. & alibi. Sic enim patet quod id quod importat esse tanquam primum significatum, non potest de creatura essentialiter prædicari, & consequenter non est illud ens de quo probat Philosophus quod non est genus hac ratione quia de omnibus prædicatur.

SE D huius determinationi videtur obistere: quia videtur San. Tho. prima parte q. 5. & 6. & veri. quæst. 1. 1. velle, quod bonum, quod etiam diuiditur in 10. prædicamenta, ut dicitur 1. Ethic. conuertatur cum ente participialiter non autem nominaliter sumpto, quod patet ex duobus.

Primo ex eo quod dicitur, quod cum bonum & ens conuertantur sicut res est ens, ita est bona, sed non est ens per essentiam, ergo nec bonitas in hoc enim processu oportet sumi ens participialiter, quia hoc est quod negatur conuenire rei per essentiam eo quod esse ab omni essentia creata realiter distinguatur, ergo ens quod conuertitur cum bono, & diuiditur in 10. prædicamenta, est ens participialiter sumptum.

Secundo ex eo quod inquit, id quo res formaliter est bona non esse ens quod dictum de ente nominaliter sumpto, falsum est, quia esse actualis existentie quo res est ens, & bona, est ens nominaliter. Ad hæc dicitur primo in communi, quod procedunt ex falso fundamento, scilicet quod ens cum nominaliter sumitur, non dicatur esse, sed tantum, cum sumitur participialiter: hoc enim falsissimum est, cum utroque modo, ut superius diximus, significet id quod habet esse: sed verum est, quod cum nominaliter sumitur importat esse secundario, & tanquam id, à quo imponitur nomen: cum autem participialiter accipitur, dicit esse non tantum sicut id à quo nomen imponitur, sed etiam tanquam res principaliter significata. Constat enim in doctrina San. Tho. id à quo nomen imponitur, & id cui imponitur in aliquibus idem esse. Ex quo sequitur, quod nominaliter accipiendo ens, aliquid potest dici ens per participationem ratione significati secundario, & eius à quo nomen imponitur, licet ratione significati primario non sit ens per participationem, sed per essentiam.

ATTENDENDUM autem, quod non est idem dicere ens in actu secundum quod ens diuiditur per ens in actu, & ens in potentia, & ens participialiter sumptum: quia ens actu quod diuidit ens primo, & formaliter significat essentiam, sicut & ens quod diuiditur, sed significat illam, ut est subactualis existentie, per quod differt ab ente in potentia, quod significat essentiam absque esse actuali: & ideo ens in actu secundario significat esse: ens autem participialiter sumptum, quod idem est quod existens ut dictum est, significat primo & formaliter ipsum esse: secundario autem ipsam essentiam, cui conuenit esse suo modo. Unde licet velit San. Tho. quod bonum conuertatur cum ente in actu, non tamen vult quod conuertatur cum ente participialiter sumpto, quantum ad significatum primum & formale: & propterea assumptum in objectionibus est falsum.

Ad primam ipsius probationem dicitur, quod illam rationem, ut adducitur, non ponit San. Tho. sed bene in questionibus de veri. quæst. 1. ar. 3. 6. ait, hoc modo essentia denominatur bona sicut & ens: unde dicit habet esse per participationem, ita & bona est per participationem: in hac autem ratione

non dicitur essentia creata esse ens per participationem, ratione primi & formalis significati, sed ratione connotati, siue ratione eius à quo nomen entis imponitur. Quia enim essentia creata habet esse distinctum à se & participatum, ens nominaliter sumptum ratione ipsius esse dicitur de illa per participationem: & sic falsum est quod in illa ratione accipitur ens participialiter, non nominaliter. Ad secundam patet solutio ex ipsius San. Tho. verbis ibidem, ubi inquit, quod esse non dicitur ens per aliquod esse aliud, sed quia per ipsum res esse dicitur. Esse ergo non est ens sicut id quod habet esse, nominaliter etiam sumendo ens, sed sicut id quod aliquid habet esse: ens enim nominaliter sumptum quidem dicitur id, quod habet esse: secundario vero, etiam & id quod aliquid est, ut patet veritatem q. art. 4. ad 4. & prima q. 6. art. 3. ad 3. Ad dubium ergo principale dicitur primo quod accipitur ens, secundum quod significat esse, non quidem tanquam principale significatum, sed tanquam id à quo imponitur nomen, & tale est ens nominaliter sumptum. Dicitur secundum, quod ad intentionem San. Tho. non requiritur quod ens alio modo significet esse quam diximus. Quoniam enim ens significet id cui conuenit esse, & prædicet essentiam cuiuslibet rei in Deo autem ipsa essentia sit idem realiter quod esse, nihil poterit esse genus eius, nisi importet ipsum esse absolute, & illimitate, aut primo aut secundario, tale autem est ens, etiam nominaliter sumptum: importat enim esse absolute secundario, & quidditatem principaliter, & sic in Deo significat quidditatem quæ est ipsum esse. Dicitur tertio, quod non est falsum, imò verum est quod ens quod significat esse tanquam id à quo nomen imponitur essentialiter, de rebus prædicatur quantum ad sum primum & formale significatum, sed bene falsum est quod ens participialiter sumptum, quod principaliter esse significat essentialiter prædicetur, & quod nihil sit præter eius rationem.

SE D remanent duo dubia. Primum est, quia si bonum conuertitur cum ente nominaliter sumpto, & diuiditur bonum in decem prædicamenta ut est idem cum ente, ut dicitur prima q. 5. art. ultimo ad primum, oportet ut primum conuertatur cum ente diuisi per actum & potentiam, quia illud est quod diuiditur in decem prædicamenta: non autem cum ente in actu tantum: huius autem oppositum est dictum. Respondetur ad hoc, quod sicut ens commune actui & potentie diuiditur in decem prædicamenta, ita & ens in actu: unde non solum ens diuiditur in potentiam & actum, sed & quodlibet genus entis: quia in quolibet genere aliquid est ut potentia, & aliquid ut actus: unde ens in potentia diuiditur in decem prædicamenta, & similiter ens in actuali: quia enim est potentia de genere substantie, & aliqua de genere qualitatibus, & sic de alijs: & similiter aliquis actus est de genere substantie, & aliquis de genere qualitatibus: & sic de alijs: patet hæc ex his quæ habentur ad cō. 3. Phy. com. 9. 10. gatur ergo ista consequentia: bonum ut est idem cum ente, diuiditur in decem prædicamenta, ergo conuertitur cum ente diuiso per actum & potentiam, non autem cum ente in actu: ratio est, quia non solum ens commune diuiditur in decem prædicamenta, sed etiam ens in actu, & ens in potentia. Secundum dubium est, si bonum conuertitur cum ente nominaliter sumpto conuersione essentiali: de hac enim intelligit San. Tho. ista esse conuertibilia, cum ponat ipsa esse idem: realiter, & bonum addere, supra ens tantum respectu rationis. Sequitur quod bonitas & essentia rei sint idem realiter: sed inquit San. Tho. prima quæst. 6. art. 3. quod bonitas rei creatæ non est ipsa eius essentia, ergo, &c. probatur consequentia, quia ex opposito consequentis, inferitur oppositum antecedentis. Si enim bonitas, quæ est formale significatum boni, non est idem cum essentia, quæ est formale significatum entis, sequitur quod bonum addit aliquid reale ad ens, & sic non conuertitur essentialiter.

Bonum diuiditur in decem prædicamenta.

Quomodo bonum & ens secundum essentiam conuertuntur.

AD huius euidentiam considerandum est primo, quod aliud est dicere ens absolute, & aliud dicere ens in actu. Ens enim absolute sumptum, significat tantum essentiam tanquam id cui nomen imponitur: esse vero significat tanquam id à quo imponitur nomen. Ens vero in actu, non significat tantum essentiam, sed etiam ipsum esse: unde entitas in actu, quæ est formale significatum entis in actu dicitur essentiam primo, & secundario connotat esse, non tantum ut à quo nomen imponitur, sed etiam ut actualitatem essentie. Considerandum secundum, quod cum bonum & ens actu sint essentialiter conuertibilia, oportet ut sicut ens actu significat formaliter essentiam & esse, ita etiam bonum illa significet, & similiter oportet quod bonitas, quæ est formale significatum boni, illa duo includat, sicut ab entitate in actu includuntur: Et sic bonitas non dicitur tantum essentiam rei: neque tantum esse, sed etiam substantiam.

CONSIDERANDUM tertio, quod sicut ens actu significat essentiam tanquam fundamentum essendi: esse autem tanquam actualitatem essendi, & tanquam complementum entitatis in actu, ita bonum significat essentiam, tanquam bonitatem fundamentalem, esse vero tanquam bonitatem completiuam & determinatiuam. Ad dubium ergo dicitur primo quod supponit duo falsa. Vnum est, quod idem sit dicere ens absolute, & ens in actu: Alterum, quod entis in actu, cum quo conuertitur bonum, formale significatum sit tantum essentia, cum tamē ut dictum est, illud includat essentiam & esse. Dicitur secundum, quod consequentia est falsa de omnimoda identitate loquendo. Ad probationem negatur assumptum. Ad cuius probationem dicitur quod essentia non est totale significatum entis in actu, sed essentia cum esse, & ideo non sequitur quod bonum addat aliquid reale supra ens actu, quantum ad eius totale significatum, sed tantum quantum ad significatum eius partiale. hoc autem non est inconueniens, si enim & ipsum ens actu addit, supra essentiam: quia non solum dicit essentiam, sed etiam esse, non sequitur etiam quod non conuertatur essentialiter cum ente in actu, sed quod non conuertatur cum partiali eius significato.

Dicitur tertio quod dictum San. Tho. habet veritatem dupliciter. Primum de bonitate totali & completa: talis enim cum includat essentiam & esse, non est idem omnino cum essentia rei licet sit aliquo modo idem: sicut plura includens est idem cum vnoquoque illorum quæ includit, addeas tamen aliquid supra ipsum. Secundum de bonitate completiua, & terminatiua. Talis enim non est idem quod essentia, quia talis bonitas est esse: in creaturis autem esse & essentia distinguuntur. Quod autem sæpe dicit San. Tho. bonitatem rei esse actum essendi, intelligitur non de completa, & totali bonitate, sed de bonitate completiua, & terminatiua.

CIRCA hoc dictum conditionale. Si ens sit de intellectu eorum de quibus prædicatur, aduertendum quod, non ideo conditionaliter loquitur San. Tho. quasi dubium apud ipsum sit, quod ens sit de intellectu siue de essentia eorum de quibus prædicatur. Tenet enim ipse in alijs locis, ut attulimus, ens essentias rerum significare, sed eo modo loqui de virtute ad tollendam calumniam



qua aliquis negaret ens essentialiter prædicari: quasi diceret, cum ens sit vniuersaliſſimum de omnibus prædicatum, nihil poteſt eſſe quod non accipiat in ſua ratione ens niſi aliquis vellet negare ens essentialiter de rebus prædicari, quod eſſet manifeſte falſum.

Sed tunc occurrit dubium. Si ens eſt de intellectu eorum de quibus prædicatur, ergo ens in rerum diſſinitionibus ponitur, cum in diſſinitione cuiuſlibet rei ponatur quicquid eſt de intellectu eius, cuius tamen oppoſitum dicit Philoſophus 8. Metaphyſic. text. 16. Reſpondetur quod cum diſſinitio detur ad diſtinguendum vnum de altero, illud ſolum ponitur in rei diſſinitione per quod diſſinitum aliquam ab aliis habet diſſinitionem: hoc autem ſolum eſt genus & differentia quæ aliquod determinatum dicunt, non autem ens in quo omnia conueniunt ideo propoſitionem Ari. gloſſat Sanctus Thom. quod ens non ponitur in diſſinitione tanquam genus, ſed de hoc plenius ſcripti in annotationibus ſecundi Poſterior. Quod autem aſſumitur, quoniam omne quod eſt de intellectu alicuius ponitur in eius diſſinitione, dicitur quod eſt verum duntaxat de eo quod ponit aliquem determinatum eius gradum quod ab aliis diſtinguitur, tale autem non eſt ens, ideo non oportet vt in rerum diſſinitione ponatur. Tene autem Scot. primo ſenten. diſſinitio. 3. quæſt. 3. quod ens non prædicatur de vltimis differentiis formaliter, ſed tantum identice, ſed hoc in Metaphy. diſputandum eſt. Quantum ad ſecundum duo deducit correlaria. Primum quod Deus diſſiniri non poteſt, cum omnis diſſinitio ex genere & differentiis conſiſt, Deus autem non ſit in genere. Secundum quod demonſtratio non poteſt de ipſo fieri niſi per effectum, quia principium, ſive medium demonſtrationis eſt diſſinitio rei de qua fit demonſtratio, cum ergo Dei nulla ſit diſſinitio, ſequitur eius nullam demonſtrationem eſſe.

CIRCA ſecundum correlarium & eius rationem dubitatur. Si nanque idcirco non poteſt demonſtratio eſſe de Deo, quia ipſus non eſt diſſinitio, ſequitur quod de ente non poterit eſſe demonſtratio, neque de ſubſtantia, neque de quocunque alio genere generaliſſimo, & conſequenter Metaphyſica, quæ tractat de ente & ſubſtantia: & mathematica, quæ de quantitate tractat, non erunt ſcientiæ: patet ſequela, quia nullum iſtorum habet diſſinitionem ex genere & differentia compoſitam, quum nullum genus ſupra ſe habeant.

AD huius euidentiam conſiderandum eſt quod dupliciter loqui poſſumus de demonſtratione à priori: vno modo de ea cuius medium eſt verè & realiter cauſa inhærentiæ paſſionis ad ſubiectum de quo demonſtratur. Alio modo de ea cuius medium non eſt verè & realiter cauſa paſſionis: ſed eſt tantum medium ſecundum rationem in quantum dicit rationem quantum priorẽ ratione eius quod accipitur vt paſſio, & eſt ratio vt talis paſſio inſit ſubiecto. Prima demonſtratio requirit vt medium ſit vera diſſinitio conſtans ex genere & differentia: quia paſſionis determinatæ vera cauſa eſt quidditas & eſſentia rei ſub genere, quæ per veram diſſinitionem ſignificatur: nam proprietates generis non ſubſtantis alij generi non ſunt à natura illius generis realiter cauſatæ, cum generi non conueniat eſſe, niſi ſecundum quod per differentias limitatur ad ſpeciem. Secunda autem demonſtratio non requirit pro medio veram diſſinitionem, ſed ſufficit vt ſit aliqua conceptio intellectus prior ordine quodam eſſentiali ratione paſſionis, & completè explicans naturam ſubiecti. Dicitur ergo primò quod de Deo nullo modo poteſt eſſe demonſtratio primo modo accepta, quum in Deo nihil ſit verè cauſatum: & hoc conuenienter probatum eſt per hoc quod Deus diſſinitio non habet. Dicitur ſecundò quod vtique neque entis, neque generum generaliſſimorum eſt demonſtratio iſto modo propter eandem rationem. Dicitur tertio quod non ſequitur Metaphyſicam & mathematicam non eſſe ſcientias, quia licet per primum genus demonſtrationis, non poſſit aliquid de ente & generaliſſimis generibus demonſtrari: poteſt tamen de iſtis aliquid demonſtrari per ſecundum demonſtrationis genus. Nam licet iſta non habeant diſſinitionem, habent tamen, vt inquit ſan. Thom. quinto Metaphyſicæ, lectione tertia, quandam ſimplicem conceptionem intellectus quæ ratio dici poteſt. Dicitur quarto, quod neque etiam ſecundo modo poteſt eſſe de Deo demonſtratio perfeſto modo, neque quo ad nos, neque ſecundum ſe, quia nos habere non poſſumus rationem aliquam intellectus, quæ perfeſtè explicet quidditatem Dei, & Dei ſecundum ſe eſt vna ratio ſola, eo quod omnia quæ in ipſo ſunt, abſolutè, dicta ſint de ipſius ratione, & ſic non ex parte rei diſtinguere rationem pertinentem ad Dei quidditatem, & rationem pertinentem ad paſſionem, vt vna ratio demonſtretur, & alia ſit medium demonſtrationis: & ideo inquit ſanctus Thomas, quod de ipſo non poteſt eſſe demonſtratio niſi per effectum.

QVANTVM ad tertium remouet tale dubiũ. Poſſet enim aliquis dicere quod quælibet ſubſtantia, quæ eſt genus, non conueniat Deo quantum ad id à quo imponitur nomen, quod eſt accidentibus ſubſtare: quantum tamen ad rem ſignificatam Deo conuenit: eſt enim Deus ens per ſe, quæ eſt ratio ſubſtantiæ.

Reſponder autem quod ens per ſe non eſt in diſſinitione ſubſtantiæ quæ eſt genus: ex eo enim quod dicitur ens, non poteſt eſſe genus, quum ens genus eſſe non poſſit, nec ex eo quod dicitur per ſe, quia illud negationem dicit, ſcilicet non eſſe in alio: negatio autem non poteſt rationem generis habere, quia ſic genus non diceret quid eſt res, ſed quid non eſt. Sed ratio ſubſtantiæ eſt, quod ſit res cui conuenit eſſe non in ſubiecto, & cum nomen rei à quidditate imponatur, ſicut nomen entis ab eſſe, in ratione ſubſtantiæ, intelligitur quod habeat quidditatem cui conueniat eſſe non in alio, tanquam videlicet aliquid diſtinctum à quidditate. Non ergo ſubſtantiæ quæ eſt genus, conuenit Deo, cum eius ratio ſibi non conueniat: non enim Deus habet quidditatem quæ ſit alia ab eſſe, negaturque quod eſt ens per ſe ſit ratio ſubſtantiæ vt aſſumebatur.

CIRCA hoc quod inquit ſanctus Thomas, quoniam in diſſinitione ſubſtantiæ non eſt ens per ſe, ſciendum quod quidam Thomiſtarum ſic intelligunt hæc verba, quaſi velint dicere quod ens non cadat in conceptu ſubſtantiæ quæ eſt genus: ſed iſta interpretatio non vadit ad mentem ſancti Thomæ: non enim inquit abſolutè quod ens non ponatur in diſſinitione ſubſtantiæ, ſed quod hoc totum, ens per ſe, non ponitur in diſſinitione ſubſtantiæ, id eſt, non eſt ſubſtantiæ diſſinitio, quia à nulla parte illius rationis poſſet ſubſtantiæ rationem generis habere, ſed eius diſſinitio, ſive ratio, ſecundum Auic. eſt hoc quod dico, res cui debetur eſſe non in alio, ſecundum quam poteſt ſibi ratio generis conuenire, cum exprimat aliquem ſpecialem modum entis poſitiuum.

## Quod Deus non eſt eſſe formale omnium. Cap. 26.



**E**X his conſutatur quorundam error, qui dixerunt Deũ nihil aliud eſſe quam eſſe formale vniuſcuſque rei. Nam eſſe hoc diuiditur per eſſe ſubſtantiæ, & eſſe accidentis: diuinum autem eſſe non eſt eſſe ſubſtantiæ, neque eſſe accidentis, vt probatum eſt: impoſſibile eſt igitur Deum eſſe illud eſſe, quo formaliter vnaquæque res eſt.

Item res adinuicẽ nõ diſtinguuntur ſecundũ quod eſſe habet. quia in hoc omnia conueniunt: ſi ergo res differunt adinuicem, oportet quod vel ipſum eſſe ſpecificetur per aliquas differentias additas, ita quod rebus diuerſis ſit diuerſum eſſe ſecundũ ſpecie: vel quod res differant per hoc quod ipſum eſſe diuerſis naturis, ſecundum ſpecie conuenit. Sed primum horũ eſt impoſſibile, quia enti nõ poteſt fieri aliqua additio ſecundum modũ quo differentia additur generi, vt dictũ eſt. Relinquitur ergo quod res propter hoc differant, quod habet diuerſas naturas quibus acquiritur eſſe diuerſimodè: eſſe autem diuinum non aduenit alij naturæ, ſed eſt ipſa natura ſeu eſſentia diuina (vt oſtenſum eſt) ſi igitur eſſe diuinum eſſet formale eſſe omnium, oportet omnia ſimpliciter eſſe vnum.

Amplius principium naturaliter prius eſt eo cuius eſt principium: eſſe autem in quibuſdam rebus, habet aliquid quaſi principium: forma enim dicitur eſſe principium eſſendi, & ſimiliter agens quod facit aliqua eſſe actu, ſi igitur eſſe diuinum ſit eſſe vniuſcuſque rei, ſequetur quod Deus qui eſt ſuum eſſe, habeat aliquam cauſam: & ſic non erit nec eſſe eſſe per ſe, cuius contrarium ſuprà oſtenſum eſt.

Adhuc: quod eſt commune multis non eſt aliquid præter multa, niſi ſola ratione: ſicut animal non eſt aliud præter ſortem & Platonem & alia animalia niſi intellectu qui apprehendit formam animalis expoliatam ab omnibus indiuiduantibus & ſpecificantibus. homo enim eſt quod verè eſt animal: alia ſequeretur quod in ſorte & Platone eſſent plura animalia animal, ſcilicet, ipſum cõmune & homo cõmunis & ipſe Plato. multò ergo minus & ipſum eſſe commune eſt aliquid præter omnes res exiſtentes niſi in intellectu ſolum. ſi igitur Deus ſit commune eſſe: Deus non erit aliqua res exiſtens: niſi quæ ſit in intellectu tantum. oſteſum autem eſt ſuprà Deum eſſe aliquid non ſolum intellectu ſed in rerum natura: non eſt igitur Deus ipſum eſſe commune omnium.

Item generatio per ſe loquendo eſt via in eſſe, & corruptio via in non eſſe: non enim generationis terminus eſt forma & corruptionis priuatio niſi quia forma facit eſſe, & priuatio non eſſe: dato enim quod aliqua forma non faceret eſſe non diceretur generari id quod talem formam acciperet. ſi igitur Deus ſit omnium rerum eſſe formale, ſequetur quod ſit terminus generationis, quod eſt falſum, cum ipſe ſit æternus vt ſuprà oſtenſum eſt.

Præterea ſequitur quod eſſe cuiuſlibet rei fuerit ab æterno: non igitur poteſt eſſe generatio vel corruptio: ſi enim ſit generatio, oportet quod eſſe præexiſtens alicui rei de nouo acquiratur: aut ergo alicui prius exiſtenti, aut nullo modo prius exiſtenti.

Si primo modo, cum vnum ſit eſſe omnium exiſtentium, ſecundum poſitionem prædictam, ſequitur quod res quæ generari dicitur, non accipiat nouum eſſe, ſed nouum modum eſſendi: quod non facit generationem, ſed alterationem.

Si autem nullo modo prius exiſtebat, ſequetur quod fiat ex nihilo, quod eſt contra rationem generationis, igitur hæc poſitio omnino generationem & corruptionem deſtruit, & ideo pater eam eſſe impoſſibilem. Hunc etiam errorem ſacra doctrina repellit, dum conſtituitur Deum excelſum & eleuatũ, vt dicitur Iſa. 6. & eum ſuper omnia eſſe, vt Romanorum 9. habetur. Si enim eſt eſſe omnium, tunc eſt aliquid omnium, non autem ſuper omnia.

Hi etiam errantes eadem ſcientia propelluntur qua & idololatæ: qui incommunicabile nomen ſcilicet Dei lignis & lapidibus impoſuerunt vt habetur Sapient. 14. Si enim Deus eſt eſſe omnium: non magis diceretur verè lapis eſſe ens quam lapis eſt Deus. Huic autem errori quatuor ſunt quæ videntur præſtitiffe fomentum.

Primum eſt quarundam authoritatum intellectus peruerſus. Inuenitur enim à Dio. dictũ 4. cap. cæl. hierar. Eſſe omniũ eſt ſuperſubſtantiæ diuinitas. Ex quo intelligere voluerunt ipſum eſſe formale omniũ rerum Deum eſſe. Non conſiderantes hunc intellectum ipſis verbis conſonum eſſe nõ poſſe. Nã ſi diuinitas eſt omniũ eſſe formale, nõ erit ſuper omnia, ſed intra omnia: imò aliquid omniũ. Cum enim diuinitatem ſuper

† Conſutatio erroris.  
† Idem p. p. q. 3. art. 8.

† Cap. 25.

† Cap. 25.

† Cap. 25.

† Cap. 13.

† Cap. 13.

† Cap. 18.

† 4. motiua prædicti erro.

† Improbabile motiui.

Ens non ponitur in diſſinitione alicuius.

Verum de Deo poſſe eſſe demonſtratio.



super omnia dixit, ostendit secundum naturam suam ab omnibus distinctum, & super omnia collocatum. Ex hoc verò quod dixit quod diuinitas est esse omnium, ostendit quod à Deo in omnibus quædam diuini esse similitudo reperitur.

Hunc etiam eorum peruersum intellectum alibi apertius excludens, dixit in 2. cap. de diuinis nominibus, quod ipsius Dei, neque tactus, neque aliqua commixtio est ad res alias, sicut est puncti ad lineam vel figuræ sigilli ad ceram.

Secundum quod eos in hunc errorem promouit: est ratio-  
nis defectus. Quia enim id quod commune est, per additionem specificatur vel indiuiduatur, & estimatur diuinum esse, cui nulla sit additio, non esse aliquid proprium, sed esse commune omnium. Non considerantes quod id quod commune est vel vniuersale, sine additione esse non potest: sed sine additione consideratur: non enim animal potest esse absque rationali vel irrationali differentia, quamuis sine his differentiis cogitetur, licet etiam cogitetur vniuersale absque additione, non tamen absque receptibilitate additionis est. Nam si animali nulla differentia addi posset, genus non esset: & similiter est de omnibus aliis nominibus.

Diuinum autem esse, est absque additione, non solum cogitatione, sed etiam in rerum natura: & non solum absque additione, sed etiam absque receptibilitate additionis: unde ex hoc ipso quod additionem non recipit, nec recipere potest, magis concludi potest quod Deus non sit esse commune, sed proprium. Etenim ex hoc ipso suum esse ab omnibus aliis distinguatur, quia nihil ei addi potest. Unde comen in libro de causis dicit, quod causa prima ex ipsa puritate suæ bonitatis ab aliis distinguitur, & quodammodo indiuiduatur. Tertium quod eos in errore inducit, est diuinæ simplicitatis consideratio. Quia enim Deus infinite simplicitatis est, estimauerunt illud quod in ultimo resolutionis inuenitur, eorum quæ sunt in nobis, Deum esse quasi simplicissimum: non enim est in infinitum procedere in compositione eorum, quæ sunt in nobis. In hoc etiam eorum deficit ratio, dum non attendunt id quod in nobis simplicissimum inuenitur, non tam rem completam, quam rei aliquid esse: Deo autem simplicitas attribuitur, sicut rei alicui perfectæ subsistenti. Quartum etiam quod eos ad hoc inducere potuit, est modus loquendi, quo dicimus Deum in omnibus rebus esse. Non intelligentes quod non sic est in rebus quasi aliquid rei, sed sicut rei causa, quæ nullo modo suo effectui deest. Non enim similiter esse dicimus formam in corpore & nautam in navi.

Super cap. 26.



Postquam ostendit S. T. in Deo non esse compositionem ex aliquibus, nunc ostendit non esse in ipso compositionem esse aliquo. Circa hoc autem duo facit. Primum ostendit ipsum non esse omnium formale esse. Secundo, quod non est aliquorum forma, c. seq. Quantum ad primum, ostendit etiam illos qui posuerunt Deum esse formale omnium.

Circa hoc autem duo facit, primum enim hunc errorem impugnat. Secundo eorum fundamenta ponit, & ad ea respondet. Quantum ad primum, arguitur primum sic. Esse formale diuiditur per esse substantiæ, & esse accidentis: diuinum autem esse non est esse substantiæ scilicet quæ est genus, neque accidentis, ut ex prædictis patet, ergo, &c. ADVERTENDUM hic, quod sicut ens diuiditur per substantiam & accidentis, ita & esse diuiditur per esse substantiale, quo scilicet res absolute dicitur existere in natura, & esse accidentale quo scilicet res dicitur esse talis puta alba, aut nigra: sed sicut diuisio entis in substantiam & accidentis potest dupliciter accipi, scilicet ut est diuisio in genera tantum, & ut est diuisio in substantiam, qua dicitur, & de genere substantiæ, & de ea substantia quæ non est in genere, & in prædicamenta accidentis, ita & dupliciter esse diuidi potest per substantiale, & accidentale. Sed cum esse substantiale cõineat & esse substantiæ quæ est extra genus, & esse substantiæ quæ est in genere, si fiat diuisio in esse substantiale in comuni, & esse accidentale, impliciter sit etiam diuisio in esse substantiæ quæ in genere, & esse accidentale. Quod ergo inquit San. Th. esse formale diuidi per esse substantiæ, scilicet quæ est genus, sic non oportet intelligere: quia sic tantum probatum est superius Deum non esse, esse substantiæ dum probatum est Deum in genere non esse, & esse accidentis, intelligendum est non de prima & immediata diuisione esse, sed de secundaria & implicita, in quantum esse substantiale comprehendit & esse quod est in genere, & esse quod est extra genus. Si enim Deus esset formale omnium esse, oporteret quod esset & esse substantiæ quæ est in genere, & esse accidentis, & non tantum esse substantiæ quæ non est in genere.

Secundo. Sequeretur quod omnia essent vnum simpliciter, hoc est impossibile, ergo, &c. probatur consequentia: quia omnia haberent vnum esse: cum enim res non distinguantur in quantum habent esse cum in hoc omnia conueniant, oportet si debeant secundum esse differre, quod vel ipsum esse per differentias specificetur: vel quod in diuersis naturis recipiatur, non primum, quia eui differentia addi non potest, ut superius est ostensum, nec secundum si esse diuinum sit esse formale omnium, quia non est esse receptum in natura, sed est ipsa natura diuina, ergo omnia habebunt vnum esse simpliciter.

CIRCA illam propositionem. Res adinuicem non distinguuntur secundum quod habent esse: considerandum quod duplicem sensum habere potest. Primus est, ut ratio formalis entis specificetur, & est sensus: entia non distinguuntur in hoc, quod est habere esse quia omnia in hoc quod est ha-

bere esse conueniunt. Alius est ut proprius modus distinctionis eius quod habet esse, excludatur, & est sensus: non distinguuntur secundum aliquem modum essendi, id est, non habent aliud & aliud esse: sicut si dicamus quod animalia non distinguuntur secundum quod sunt animalia, potest esse sensus, aut quod non distinguuntur in communi ratione animalis, aut quod non distinguuntur differentis animalis, & sic non sunt diuersa animalia: primus sensus in utraque verus est, & hunc intendit sanctus Thomas, secundus verò est falsus. Tertiò, Deus non habet aliquam causam, ergo non est esse formale omnium: patet antecedens, quia esse Dei est ipse Deus, qui nullam habet causam, quum nihil eo sit prius: consequentia verò probatur, quia esse in quibusdam rebus habet causam, siue aliquid quasi principium essendi & ipsum agens.

ADVERTENDUM quod quum esse in rebus ab alio productis dicitur habere aliquid quasi principium, non accipitur li, quasi similitudinarie, sed ut est veritatis expressum: quomodo autem agens & forma sint diuersimodè causa essendi dictum est superius. Quarto, tunc Deus non esset aliqua res existens nisi in intellectu, sed huius oppositum superius est ostensum, ergo, &c. probatur consequentia, quia commune multis non est præter multa, nisi secundum rationem, ut patet de animalibus. Si enim animal commune esset aliquid, essent in Platone plura animalia: homo enim essentialiter est animal, & Plato, & sic in Platone esset animal commune, & animal quod est homo, & animal quod est Plato: si ergo Deus sit esse commune formale omnium, Deus in solo intellectu erit.

CONSIDERANDUM hoc loco, quod aliud est dicere, quod est commune multis, siue vniuersale non est ens nisi in intellectu, & aliud dicere, vniuersale non est aliquid præter multa, nisi in intellectu. Primum enim est falsum, & secundum est verum. Ipsum enim vniuersale non est ens rationis, si materialiter, & quantum ad rem denominatam sumatur: sed est ens reale in rebus existens: animal enim ens reale est, in particularibus animalibus existens. Sed verum est quod ipsa abstractio & vniuersalitas sibi non conuenit nisi in intellectu: non inuenitur enim animal commune à particularibus animalibus separatim in rerum natura, sed bene per intellectum considerari potest per abstractionem ab omnibus particularibus. Per hunc ergo modum intelligitur consequens à San. Th. inductum. Deus non erit aliqua res existens, nisi quæ sit in intellectu tantum, id est, Deus non erit aliquid per se existens extra intellectum ab omnibus aliis rebus distinctum & separatim, sed erit tantum cogitatione & intellectu separatus à rebus. Quintò, Deus esset terminus generationis: hoc autem est falsum, cum sit æternus, ergo, &c. probatur cõsequentia, quia generatio per se est via in esse, & corruptio via in non esse: forma enim non est terminus generationis, nec priuatio corruptionis, nisi quia priuatio facit non esse, & forma esse: unde si forma non faceret esse, non diceretur generari quod talem formam acciperet.

PRO notitia eorum quæ hic dicuntur, considerandum est quod & compositum, & forma, & esse sunt termini generationis, sed diuersimodè: compositum enim est terminus tanquam id quod generatur primò & per se: forma tanquam complementum essentia eius quod generatur: esse verò tanquam vltima actualitas eius. Quia ergo esse est formalis terminus generationis non tanquam complementum essentia: alio actu aduatum, sed tanquam vltima actualitas eius quod sit vltimus non aduabilis, ideo generatio dicitur via ad esse: via enim respicit vltimum terminum per se, & ab eo determinationem capit.

SED circa hanc rationem duo occurrunt dubia. Primum est, quia non videtur inconueniens quod esse diuinum sit terminus generationis. Christus enim verè genitus est, & verè Filius, & sua generatio ad nullum aliud terminatur, quam ad esse diuinum, quum in ipso sit tantum vnum esse substantiale, secundum doctrinam sancti Thomæ, ergo esse diuinum est terminus generationis. Secundum est, quia non videtur valere ista consequentia, Deus est æternus, ergo non est terminus generationis: filius enim in diuinitate genitus est, & per consequens illius generationis esse diuinum est terminus, & tamen filius est æternus.

AD horum euidentiam considerandum est, quod hic loquitur San. Th. de generatione, quæ est mutatio de non esse ad esse, non autem de ea quæ est simplex productio. Sequitur enim, si esse diuinum sit omnium esse formale, quod sit terminus talis generationis, quum multa creata ea generatione producantur: similiter loquitur de termino generationis per eam nouiter productum, quo modo Philosophi de generatione substantiarum sunt locuti, dicentes ea generari, quæ de non esse producantur in esse, & quorum esse prius non erat, multaque esse huiusmodi genita in natura apud ipsos constat.

AD primum ergo cõceditur quidem, quod esse diuinum est terminus temporalis generationis Christi, per talem generationem humanæ naturæ communicatus, non tamen est terminus eius tanquam per ipsam de nouo productus, secundum quem sensum de termino generationis loquitur S. Th.

Per hoc etiam patet responso ad secundum. Videlicet enim: est genus tanquam de nouo, & de non esse ad esse productus, ergo non est æternus, & econtra: est æternus, ergo non est nouiter generatus: filius autem in diuinis non est secundum diuinitatem nouiter genitus, & permutationem de non esse ad esse, sed æternaliter per generationem, quæ est simplex productio, est à patre productus, ideo simul est & genitus & æternus: non est ergo instantia ad propositum, quia loquitur hic sanctus Thomas de generatione, quæ est mutatio de non esse ad esse, & per quam aliquid de nouo produciatur, de qua Philosophi loquuntur, filius autem Dei non est secundum diuinitatem illo modo genitus. Sextò, tunc esse cuiuslibet rei erit ab æterno, quum esse diuinum sit æternum, ergo non erit generatio vel corruptio: probatur vltima consequentia, quia si sit generatio, oportet quod illud esse æternum præexistens de nouo acquiratur, aut prius existenti, aut nullo modo prius existenti: si prius, ergo res quæ generatur non accipit nouum esse, sed nouum modum essendi, quum prius esset, & sit vnum esse omnium secundum illam positionem, ergo non generatur, sed alteratur: si secundum, ergo fiet ex nihilo, quod generationi repugnat.

CIRCA illud quod inquit sanctus Thomas, quod accipere nouum modum essendi, non autem nouum esse: non facit generationem, dubitatur. Sequitur enim quod Christus non sit temporaliter genitus: & per consequens non sit filius beate Virginis, cuius oppositum catholici tenent: per incarnationem enim suppositum diuinum non accipit nouum esse, sed nouum modum essendi, siue nouam habitudinem ad humanam naturam, quum sit in Christo tantum vnum esse substantiale: ergo accipere nouum modum essendi

Quomodo esse diuinum sit terminus generationis.

Accipere nouum modum essendi non autem nouum esse ad facit generationem.



effendi non facit generationem, sequitur Christum non esse genitum. Si dicatur quod licet non accipiat nouum esse, sed nouum modum essendi accipit tamen nouam naturam, quia incipit esse suppositum humanæ naturæ: & propter hoc dicitur genitus: hoc non valet, quia, ut inquit sanctus Thomas in præcedenti ratione, dato quod aliquid accipiat formam, si illa forma non faciat esse, non dicitur illud generari.

Dicitur quod quum nondum sit facta mentio de Trinitate diuinarum personarum loquitur hic sanctus Thomas de generatione secundum quod à Philosophis accipitur: apud ipsos autem dicitur aliquid simpliciter generari, quum incipit in aliqua natura subsistere: hoc autem in naturalibus est, quum res simpliciter incipit esse, nouumque esse accipit, ideo illud tantum dicunt simpliciter generari quod nouum esse accipit, non autem quod capit nouum essendi modum. Secundum eos ergo illa propositio est vera, quia generationem solam rerum naturalium considerabant, & si ponatur quod diuinum esse omnium est esse formale, sequetur nullum esse naturalem generationem. Apud Theologos vero aliquid incipit esse suppositum alicuius naturæ, & tamen non incipit simpliciter esse, sicut suppositum diuinum incipit esse suppositum humanæ naturæ, in eaque subsistere, & tamen non incipit simpliciter esse, quum æternum habeat esse: quia ergo Christus incipit in humana natura subsistere, dicitur à Theologis verè genitus esse, licet non accipiat nouum esse, sed tantum nouam quædam habitudinem ad humanam naturam incipientem per esse diuinum existere suo modo: unde illa propositio à sancto Thoma de mente Philosophorum assumpta, non est vera, nisi aliquid accipiat nouum modum essendi, siue nouam habitudinem, per hoc quod incipit esse suppositum alicuius naturæ, cuius prius non erat suppositum: quod sanctus apud Philosophos inferiora hæc considerantes impossibile esset: apud Theologos vero in Christo verum est. Tunc enim & illud verè dicitur genitum, quamuis nouum esse non capiat, sed tantum nouum modum essendi.

QVOD autem dixit sanctus Thomas, quoniam si forma non faciat esse, accipiens formam non dicitur generari: similiter intelligendum est secundum Theologos, nisi accipiens talem formam incipiat esse suppositum in illa forma subsistens, quia si incipiat esse, suppositum illius naturæ dicitur generari, licet per talem naturam simpliciter esse non habeat: apud Philosophos verò simpliciter est vera, quia nihil incipit in rebus naturalibus in aliqua natura subsistere, nisi nouum esse per illam naturam habeat. Confirmatur conclusio auctoritate scripturæ, dum ponit Deum super omnia eleuatum, & Isa. 6. & super omnia esse, ut Rom. 9. Nam si esset esse omnium, tunc non esset super omnia, sed aliquid omnium. Confirmatur secundò, quia rediret idololatræ error, nomen Dei lignis & lapidibus imponendum, qui repellatur Sap. 14. posset enim sicut verè dicitur, lapis est ens, ita verè dici, lapis est Deus.

CONSIDERANDVM est, quod sicut ens verè dicitur quod habet esse, tanquam formalem sui actualitatem, ita verè dicitur Deus quantum ad modum significandi quod habet deitatem ut formam: quum ergo esse diuinum idem sit quod deitas, si illud sit formalis actualitas lapidis, verè dicitur lapis habere deitatem ut formam, & sic esse Deus. Quantum ad secundum, quæ not adducit fundamenta positionis huiusmodi. Primum est, quia Dionysius 4. cap. cæli hierat. ait quod esse omnium est supersubstantialis diuinitas, sed dicit duo. S. Thom. primò quod ex istis haberi non potest, quod deitas sit formale esse omnium, imò potius habetur oppositum, quum dicat diuinitatem esse super omnia, quod etiam ostenditur ex his quæ habentur secundo ca. dist. nona. Dicit secundò, quod intelligitur sic quod diuinitas est esse omnium, quia à Deo in omnibus quædam diuini esse similitudo reperitur.

PRO notitia huius solutionis considerandum, quod quum esse vniuersaliusque rei, ut inquit sanctus Thomas prima parte. q. 105. artic. 5. sit maxime intimum rei, eo quod sit omnium quæ in re sunt actualitas, oportet ut ad rei naturam pertineat, tanquam totius naturæ, & omnium eius partium actualitas, & sic non potest esse aliquid omnino naturam eius cuius est, excedens: esse enim humanum ad naturam hominis, & esse equi ad naturam equi est limitatum: unde si esse diuinum vniuersaliusque rei naturam omnino excedat, eiusque natura super omnium naturas sit collocata, ut Dionysius voluit, sequitur ut esse formale rerum non sit. secundum est quia prædicti existimauerunt diuinum esse, cui nulla sit additio, non esse aliquid proprium, sed esse commune omnium, eo quod id quod est commune per additionem specificetur vel in diuidetur: sed inquit S. Thom. quod esse diuinum est absque additione, non solum cogitatione, sed etiam in rerum natura, & non solum additione caret: sed etiam receptibilitate additionis: id autem quod est commune siue vniuersale, sine additione esse non potest, sed sine additione consideratur, non tamen sine receptibilitate additionis, ut patet etiam de animali. Nam si sibi nulla differentia addi posset genus non esset, unde ratio magis deducere videtur ad oppositum ut etiam apparet ex libris de causis comentatorum.

ADVERTE quod esse diuinum non potest habere rationem esse communis, communitate vniuersalis prædicabilis, sed bene est esse commune communitate formæ exemplaris, quia omne esse est quædam ipsius similitudo.

ADVERTE etiam duplicem differentiam poni hoc loco inter esse commune, & esse diuinum: licet enim conueniant in hoc quod est nihil habere additum: diuino enim essenil additum est, cum omnia in Deo sint ipsum esse, similiter esse commune nil, ut sic habet per quod limitetur, differunt tamen primò, quia esse diuinum existit in rerum natura ab omni alia re separatam absque additione aliqua: esse autem vniuersale sicut nec alia vniuersalia, existere non potest absque additione illud limitante & contrahente. secundò quia esse diuinum, non solum additionem non habet, sed etiam additionem recipere non potest eo quod in alio recipi non possit: esse autem commune additionem recipere potest, non quidem essentialis differentie ut superius est ostensum, sed materialis: limitatur enim per naturas in quibus recipitur.

ADVERTENDVM etiam quod non solum diuinum esse additionem non recipit alicuius contrahentis, & particularizantis, sed nec etiam alicuius ab ipso distincti superuenientis: esse autem substantiale omnium aliarum rerum recipit additionem superuenientis accidentis, quia nulla creata substantia est quæ sit omnino accidentibus, & esse accidentalibus expoliata, propter hoc bene dicitur hic quod esse diuinum ab omnibus aliis distinguitur, quia nihil ei addi potest. Tertium est quia Deus est infinitæ simpliciter: ex hoc enim existimauerunt id quod in ultimo resolutionis inuenitur Deum esse, quasi simplicissimum. Sed inquit Sanctus Thomas, quod non attenderunt simplicissimum in nobis non tam rem completam, quam rei aliquid esse, Deum autem simpliciter attribuitur sicut rei alicui subsistenti.

ADVERTE quod responsio stat in hoc, quod simplicissimum in nobis ad quod sit resolutio si oportet esse Deum, quia illud simplicissimum quod in nobis est, non est tam res completa quam aliquid rei. Deus autem res simplicissima est, & non est aliquid rei.

Dupliciter autem possumus interpretari hæc verba, simplicissimum in nobis non tam est res completa quam aliquid rei.

Primò ut vnum excludatur, & aliud ponatur, ut sit sensus, non est res completa, sed aliquid rei: sicut si diceremus, for. non est tam albus quam pallidus, id est, non est albus sed potius pallidus.

Secundò, ut vtrumque ponatur scilicet & quod est res completa, & est aliquid rei, sed tunc accipiendum est completum non simpliciter, sed in genere: esse enim actuale rei, est completum in genere actu, quia est vltima actualitas per alium actum non actuabilis: non est tamen res perfecte subsistens, sed aliquid rei, quo ipsa subsistit: Vtraque ergo interpretatio vera esse potest, sed prima magis videtur intendi, quia videlicet esse non est res simpliciter perfecta iuxta primam interpretationem. est autem perfecta in genere actum iuxta secundam. Quartum est modus loquendi. dicimus enim Deum in omnibus rebus esse. Sed inquit S. Thom. Deus non est in rebus quasi aliquid rei, sed sicut rei causa quæ nullo modo effectui deest: & quod non similiter dicimus esse formam in corpore, & nautam in naui.

NOTANDVM quod non dicit S. Thom. non similiter esse formam in corpore & nautam in naui, quasi velit Deum esse in rebus tantummodo, sicut nauta est in naui: hoc enim repugnat ei quod dixit Deum esse in rebus sicut causam, quæ nullo modo suo effectui deest, quia scilicet semper quando res est eam conseruat: nauta enim non est causa naui, & etià aliquando illi deest, sed vt ostenderet nautas esse modos essendi in aliquo, & ideo non valere, Deus est in omnibus rebus, ergo est formale esse omnium rerum, sicut non valet nauta est in naui, ergo est forma naui.

Quod Deus non sit forma alicuius corporis.

Cap. 27.



Stenfo igitur quod Deus non sit esse omnium, similiter ostendi potest quod Deus non sit alicuius rei forma.

Nam diuinum esse, non potest esse alicuius rei quidditas quæ non sit ipsum esse, ut ostensum est. quod autem est ipsum esse diuinum, non est aliud quam Deus, impossibile est igitur Deum esse alicuius alterius formam.

2. Amplius, forma corporis non est ipsum esse, sed essendi principium, Deus autem est ipsum esse: non ergo est Deus forma corporis.

3. Item ex vniione formæ & materiæ resultat aliquid compositum, quod est totum respectu materiæ & formæ: partes autem sunt in potentia respectu totius: in Deo autem nulla est potentialitas: impossibile est igitur Deum esse formam vnitam alicui rei.

4. Adhuc, quod per se habet esse, nobilior est eo quod habet esse in alio: omnis autem forma alicuius corporis habet esse in alio, quum igitur Deus sit ens nobilissimum quasi prima essendi causa, non potest esse alicuius forma.

5. Præterea, hoc idem potest ostendi ex æternitate motus sic. Si Deus est forma alicuius mobilis, quum ipse sit primum mouens compositum, erit mouens seipsum, sed mouens seipsum potest moueri & non moueri: vtrumque igitur in ipso est: quod autem est huiusmodi, non habet motus indeficientiam ex seipso: oportet igitur supra mouens seipsum ponere aliud primum mouens, quod largiatur perpetuitatem motus: & sic Deus, qui est primum mouens, non est forma corporis mouentis seipsum. Est autem hic processus vtilis ponentibus æternitatem motus: quo non posito eadem conclusio haberi potest ex regularitate motus cæli. Sicut enim mouens seipsum potest quiescere & moueri, ita potest velocius & tardius moueri: necessitas igitur vniuersalis motus cæli dependet ex aliquo principio superiori omnino immobili, non quod est pars corporis mouentis seipsum, quasi aliqua forma eius.

Huic autem veritati concordat scriptura. Dicitur enim in ipsi: Eleuata est magnificentia tua super cælos Deus. Et Iob 11. Excellet cælo est, & quid facies? Longior terra mensura eius, & latior mari. Sic igitur Gentilium error euacuatur, qui dicebant Deum esse animam cæli, vel etiam animam totius mundi. Et ex hoc errore idololatriæ defendebat, dicentes totum mundum esse Deum, non ratione corporis, sed ratione animæ, quo supposito, sequi opinabatur quod mundo & partibus eius non indebitè diuinus cultus exhibebatur. Commentator etiam dicit in decimo Metaphysici, quod hic locus fuit lapsus sapietum gentis Zabiorum, id est idololatrarum, quia scilicet posuerunt Deum esse formam cæli.

Super cap. 27.



Sicut ostensum est, quod Deus non est esse formale omnium, ita ostenditur in hoc cap. quod nullius rei sit forma. Probatur primò. Esse diuinum non potest esse alicuius alterius quidditatis à se distinctæ actus, Deus autem est ipsum esse diuinum, ergo, &c.

Auth. sac. scripturæ. Excl. err. Gentilium. De hoc errore Augusti. libr. 4. ci. c. 31. & libr. 7. c. 6. + 12. Metaphys. com. 40. vltra medium.



Esse diuinum  
non potest esse  
aliquid quiddi-  
tatis actus.

**CIRCA** hanc propositionem, *Esse diuinum non potest esse alicuius alterius quidditatis actus*, dubitatur in Christo enim humana natura per esse diuinum existit: ergo diuinum est actus eius, quia nihil est aliud actualitatem efficiendi esse alicuius actum, quam illud per talem actualitatem existere, ergo esse diuinum est actus alicuius naturæ & quidditatis à se distinctæ. Dicitur admittendo assumptum quod esse diuinum non est actus humanæ naturæ, non enim vnitur sibi formaliter vt actus potentie, neque dicitur existere per esse diuinum, quasi sibi primò conueniat existere: existere enim non conuenit per se primo naturæ, sed supposito, sed quia realiter vnitur supposito existenti formaliter per esse diuinum: vnde negatur consequentia.

Ad probationem dicitur quod assumptum est verum, si per talem actualitatem illud primo & per se existat, non autem si existat tanquam ad vnitatem suppositi traſum. Dicitur vltius pro intellectu propositionis S. Th. quod quidditatem non accipit per naturam, vt à supposito distinguitur, sed indifferenter pro omni entitate. Sensus enim est, quod diuinum esse non potest esse formalis actus alicuius entitatis à se realiter distinctæ. Dicitur tertio, quod secundum Hieronymum, & alios, tenentes esse de mente Sancti Tho. quod non sit in Christo tantum vnus esse, nisi loquendo de esse suppositi, & personali assumptum est falsum: non enim in Christo humana natura existit per esse diuinum, sed per esse proprium. Secundò, forma corporis non est esse, sed efficiendi principium, Deus autem est esse, ergo, &c.

Tertio, quælibet pars comparatur ad totum compositum, sicut potentia ad actum: in Deo autem nulla est potentialitas, ergo, &c.

**ADVERTE** quod licet forma in ordine ad materiam sit actus: quia tamen totum habet rationem formæ in comparatione ad partes (vt enim dicitur secundo Physic. & 5. Metaph. partes sunt materia totius.) Ideo, & ipsa etiam forma in comparatione ad totum habet modum potentie: propterea bene hic dicitur, quod pars comparatur ad totum, sicut potentia ad actum.

Quarto, Deus est ens nobilissimum, quasi prima efficiendi causa, ergo, &c. probatur consequentia, quia quod per se habet esse, est nobilior eo quod habet esse in alio: omnis autem forma corporis habet esse in alio, ergo, &c. Quintò, tunc compositum ex Deo & corpore esset mouens seipsum, cum Deus sit primum mouens, sed mouens seipsum potest moueri & non moueri: talem autem indeficientem motum à seipso non habet, ergo oportet supra seipsum esse aliud primum mouens, quod largiatur perpetuitatem motus, & sic efficit aliud mouens prius Deo.

**AD DIT** autem Sancti Tho. quod processus huius rationis utilis est potentibus æternitatem motus, sed etiam hoc non posito eadem conclusio haberi potest, etiam ex regularitate motus celi: motus enim vniuersalis requirit vt sit aliquod mouens omnino immobile, quod non sit pars mouentis seipsum cum mouens seipsum sicut in seipso habet moueri & non moueri, ita habeat moueri velocius & tardius. Confirmatur quoque autoritate Psal. Eleuata est, &c. & Job 11. Excelsior celo, &c. Item Gentilium error idololatriarum excluditur, ponentium Deum animam esse celi, aut etiam totius mundi: & propter hoc partibus mundi debere diuinus cultus, tanquam in seipsis Deum vt formam habentibus. De quo errore mentionem facit Auerroes 11. Metaph. com. 4. r. inquit, quod hic locus fuit lapsus sapientum gentis Zabiorum, & Aug. lib. 4. de ciuit. Dei. cap. 32. & lib. 7. ca. 6.

Quod Deus est vniuersaliter perfectus.

Cap. 28.

† Idem p. 9. 4.



**I**cet autem ea quæ sunt & viuunt, perfectiora sint quam ea quæ tantum sunt, Deus tamen, qui non est aliud quam suum esse, est vniuersaliter ens perfectum. Et dico vniuersaliter perfectum, cui non deest alicuius generis nobilitas. Omnis enim nobilitas cuiuscunque rei, est sibi secundum suum esse: nulla enim nobilitas esset homini ex sua sapientia, nisi per eam sapiens esset, & sic de aliis. Sic ergo secundum modum quo res habet esse, est suus modus in nobilitate: nam res secundum quod suum esse contrahitur ad aliquem specialem modum nobilitatis maiorem vel minorem: dicitur esse secundum hoc nobilior vel minus nobilis: igitur si aliquid est cui competit tota virtus efficiendi, ei nulla virtus nobilitatis deesse potest, quæ alicui rei conueniat: sed rei quæ est suum esse, competit esse secundum totam efficiendi potestatem: sicut si esset aliqua albedo separata, nihil ei de virtute albedinis deesse posset: nam alicui albo aliquid de virtute albedinis deesse potest ex defectu recipiendi albedinem, qui eam secundum modum suum recipit, & fortasse non secundum totum posse albedinis. Deus igitur qui est totum suum esse (vt supra probatum est) habet esse secundum totam virtutem ipsius esse: non potest ergo carere aliqua nobilitate quæ alicui rei conueniat: sicut autem omnis nobilitas & perfectio inest rei, secundum quod est, ita omnis defectus inest ei secundum quod aliquo modo non est. Deus autem sicut habet esse totaliter, ita ab eo totaliter absistit non esse, quia per modum per quem habet aliud esse deficit à non esse, à Deo ergo omnis defectus absistit: est igitur vniuersaliter perfectus: ista verò quæ tantum sunt, imperfecta sunt non propter imperfectionem ipsius esse absoluti: non enim ipsa habent esse secundum totum suum posse, sed participant esse per quandam particularem modum, & imperfectissimum.

Item omne imperfectum necesse est ab aliquo perfecto procedere: semen enim est ab animali vel à planta: igitur primum ens debet esse perfectissimum: ostensum autem est Deum esse primum ens: igitur est perfectissimus.

Amplius: vnumquodque perfectum est in quantum est actu,

imperfectum autem secundum quod est in potentia cum priuatione actus: id igitur quod nullo modo est in potentia, sed est actus purus, oportet perfectissimum esse: tale autem est Deus, igitur est perfectissimum.

Adhuc nihil agit, nisi secundum quod est in actu: actio igitur consequitur modum actus in agente: impossibile est igitur esse actum, qui per actionem educitur, esse in nobiliori actu, quam sit actus agentis: possibile est tamē actum effectus imperfectiorē esse, quam sit actus causæ agentis, eo quod actio potest debilitari ex parte eius in quod terminatur. In genere autem causæ efficientis fit reductio ad vnā causam, quæ Deus dicitur, vt ex dictis patet, à quo sunt omnes res, vt in sequentibus ostendetur: oportet igitur quod quicquid actu est in quacunque re alia inueniri in Deo multo eminentius quam sit in re illa, non autem e conuerso: est igitur Deus perfectissimus.

Item in vnoquoque genere est aliquid perfectissimum in genere illo, ad quod omnia quæ sunt illius generis mensurantur, quia ex eo vnumquodque ostenditur magis & minus esse perfectum, quod ad mensuram sui generis magis & minus appropinquit, sicut album dicitur esse mēsurā in omnibus coloribus. Et virtuosus inter omnes homines: id autem quod est mensura omnium entium, non potest esse aliud quam Deus, qui est suū esse: ipsi igitur nulla deest perfectio, quæ aliquibus rebus conueniat, alias non esset omnium communis mēsurā. Hinc est, quod quum quereretur Moyses diuinam videre faciem, seu gloriam, responsum est ei à domino: Ego ostendam tibi omne bonum, vt habetur Exodi 33. per hoc dans intelligere in se omnis bonitatis plenitudinem esse. Dionysius etiam in 5. cap. de diu. no. dicit Deus non quodammodo est existens, sed simpliciter & incircumscriptiue totum esse in seipso accipit & præaccipit. Sciendum tamen quod perfectio Deo conuenienter attribui non potest, si nominis significatio quantum ad sui originem attendatur: quod enim actum non est, nec perfectum dici posse videtur, sed quia omne quod fit, de potentia deductū est in actum, & de non esse in esse, quando factum est, tunc recte perfectum esse dicitur, quasi totaliter factum, quando potentia totaliter est ad actum reducta, vt nihil de non esse retineat, sed habeat esse completum: per quandam autem nominis extensionem perfectum dicitur non solum quod fiendo peruenit ad actum completum: sed id etiam quod est in actu completo absque omni factione: & sic Deum perfectum esse dicimus secundum illud Matth. 5. Estote perfecti sicut & Pater vester cæle. perfectus est.

Auth. sac. scriptura.

† Dionys.

Responsio tacite obiectionis.

Super cap. 28.



Ostendam determinauit Sancti Tho. de simplicitate diuina, ex qua haberi potest quid sit Deus, secundum quod à nobis cognosci potest, nunc incipit de perfectione diuina determinare, per quod ostenditur qualis sit. Circa hoc autem duo facit. Primò de perfectione absolute determinat. Secundò de perfectionibus particularibus, cap. 37.

Circa primum tria facit. Primò de diuina perfectione determinat. Secundò de similitudine creaturæ ad Deum, quæ ex tali perfectione resultat cap. 30. Tertiò de vocibus, quibus diuersæ perfectiones diuine significatur cap. 30. Circa primum duo facit. Primò probat Deum esse vniuersaliter perfectum. Secundò excludit dubium quoddam. Proponit ergo primò conclusionem dicēs, quod licet ea quæ sunt & viuunt sint perfectiora quam ea quæ sunt tantum, Deus tamen qui est ipsum esse, est vniuersaliter ens perfectum, id est, sibi non deest alicuius generis nobilitas. Ad euidentiā eorum quæ hic dicuntur antequam probetur conclusio, considerandum est primò, quod esse secundum communem rationem suam diuersos gradus & perfectiones efficiendi continet sub se: sicut albedo diuersos gradus albedinis, qui gradus se se ordine quodam concomitantur: ita quod secundus non potest esse sine primo, nec tertius sine secundo & primo, & sic de aliis: ista tamen continentia est continentia formæ & actus: non autem potentie, cum esse omnium actuum sit actualitas, talia autem quæ vt communes quædam formæ & actus considerantur, si per se essent omnem suum gradum omnemque perfectionem haberent: si autem in aliquo alio recipiantur secundum conditionem recipiendi, accipiunt limitationem, & omnem suam perfectionem gradualem non habent in vno: sicut albedo si ab omni subiecto esset separata, omnem albedinis perfectionem haberet, vt in prima ratione tradit sancti Tho. & vt ibi declarabitur immediate: in subiecto autem recepta perfectior est & imperfectior secundum subiecti dispositionem: quod tamen habet posteriorem albedinis gradum habet & priorem.

**CONSIDERANDUM** secundò ex doctrina Sancti Tho. prima quæst. 4. artic. 2. tertium & veri. quæst. 10. artic. 2. tertium, quod esse & viuere dupliciter considerari possunt: vno modo vt viuere includit esse & aliquid ad ipsum addit alio modo vt secundum rationem distinguitur per præcisionem vnus ab alio, accipiendo, scilicet esse per se præcisè, scilicet quantum ad illud quod addit ad esse, sicut sensitiuum, & intellectiuium possunt considerari in quantum intellectiuium includit sensitiuum, & addit super illud intellectiuium: potest etiam considerari sensitiuum per se, & intellectiuium præcisè quantum ad intellectiuium quam addit super sensitiuum. Si primo modo accipiantur, viuere est perfectius quam esse, sed hoc non conuenit sibi, vt vtrumque in abstracto significatur: sed tantum, vt signifi- cantur in concreto: quia vt in abstracto

Esse est perfectius quam viuere.

Cap. 28.



abstractio significatur esse, non potest accipi ut contentum & limitatum, & excessum a gradu vite, cum significetur ut forma & actualitas omnem perfectionem essendi continens: sicut albedo in abstracto significata, accipitur ut limitata & continens omnem perfectionem albedinis, & sic ut perfectior seipsa ut est in aliquo subiecto limitata: cōcreto autem ut significatur esse hoc nomine ens, & vivere hoc nomine viuens, esse continetur in ipso vivere: quia tunc esse non accipitur ut quoddam illimitatum, & continens omnem perfectionem essendi, sed ut dicens infinitum essendi gradum qui continetur in vita: sicut imperfectum continetur in perfecto. Si autem secundo modo accipiantur, sic esse est perfectius quam vivere, quia esse includit omnem perfectionem essendi, & per consequens gradum vite: vivere autem dicitur præcise ipsum gradum essendi qui est vivere, & hoc modo significantur in abstracto. Sic ergo viuens perfectius est quam ens tantum, quia viuens continet in se gradum essendi qui est vivere, & gradum simpliciter essendi: ens autem continet ipsum tantum infinitum essendi gradum qui est esse, sed ipsum esse ab omni recipiente separatum, & subsistens non limitatur ad aliquem gradum essendi, sed omnem essendi perfectionem in se habet: propter hoc bene inquit S. Thom. de mente Dionysij 5. cap. de diu. q. ea que sunt & viuunt, sunt perfectiora iis que sunt tantum, id est, que habent tantum hunc essendi gradum qui est existere: ipsum tamen esse qui est Deus, est ens viuens saliter perfectum, id est, omnem essendi perfectionem habet.

Hanc conclusionem probat primò sanctus Thomas sic, Deus est ipsum esse subsistens, ergo nobilitatem & perfectionem vniuersiuique rei in se habet, antecedens probatur est supra: consequentia verò probatur, supponendo quod nobilitas vniuersiuique rei est sibi, secundum esse, non enim nobilitas esset vlla homini per suam sapientiam, nisi per ipsam sapientiam esset, & sic de aliis. Ex quo sequitur quod secundum modum quo res habet esse, accipitur suæ nobilitatis modus: ex eo enim quod esse rei ad maiorem nobilitatis gradum aut minorem contrahitur, dicitur res magis aut minus nobilis. Tunc sic arguitur, secundum modum quo res habet esse, habet & nobilitatem: ergo quod habet totam essendi virtutem, & potestatem, ergo habet omnem nobilitatem: probatur minor exemplo albedinis. Licet enim habenti albedinem aliquis gradus albedinis deesse possit propter defectum recipientis, qui non recipit fortasse totum posse albedinis: si tamen albedo esset ab omni subiecto separata, nihil ei de virtute albedinis deesse posset: similiter ergo erit de esse ab omni recipiente separato, quod nihil ei de perfectione, & virtute essendi potest deesse. Ex hac ratione quandam accipit conclusionis confirmationem. Secundum modum, quo aliquid habet esse, deficit a non esse, ergo quod omne esse habet, ab eo omne non esse absit, ergo ab eo omnis defectus est remotus, ergo est vniuersaliter perfectus: ergo Deus qui omne esse habet, est vniuersaliter perfectus. Postremo remouet dubium. Nam illa que tantum sunt, sunt imperfecta, ergo esse est imperfectum: si ergo Deus est ipsum esse, sequitur q. sit quid imperfectum. Respondetur q. talia sunt imperfecta, non propter imperfectionem esse absolute, id est, quia habeant ipsum esse absolute, & illimitatum, ut supponit dubiū, sed quia participant esse secundum gradum imperfectissimum, qui est existere tantum.

CIRCA istam propositionem, Nobilitas vniuersiuique rei est sibi secundum suum esse, considerandum est quod non est mens S. Tho. ipsum imperfectum essendi gradū, qui est existere tantum, aut etiā vniuersiuique formæ, veluti præcise rei, & nobilitas sit a forma, quia formæ est perficere, non est nobilitas, & perfectio a forma ut separata intelligitur, a re secundum esse, sed ut rei vniuersum secundum esse suum. Non enim aliquid propriè est alicuius formæ & perfectio, nisi in quantum sibi dat essentiam sapientia non esset hominis forma, nisi sibi sapientem esse daret, eo modo quo formæ conuenit dare esse: nobilitas ergo vniuersiuique rei est sibi secundum suum esse, id est, secundum formam ut sibi vnitam secundum esse, & facientem rem esse talem.

CIRCA exemplum de albedine, notandum est quod duplicem perfectionem in albedine possumus considerare, vnam scilicet, essentialem & specificam, que per diffusionem significatur: alterā verò gradualem, secundum diuersa esse, que nata sunt albedini conuenire, secundum quod a subiecto diuersimodè participatur, aut etiā a subiecto separata est: si de prima perfectione loquamur, non est albedo separata perfectior albedine existente in subiecto, neque in vno subiecto perfectior est quam in alio, quum essentia rei in indiuisibili consistat: si autem de secunda sit sermo, sic potest albedo separata esse perfectior quam in subiecto, & in vno subiecto quam in alio: separata enim nihil sibi de virtute albedinis, id est, de perfectione & esse albedinis deesse potest, quia ad nullū determinatā est gradum, & in nullo subiecto potest perfectionem gradum habere quam in alio. Quod autem inquit sanctus Thomas, ex defectu recipientis accidere, ut sibi aliquid de virtute albedinis desit, quia fortasse non recipit eam secundum totum posse albedinis: ideo dubitari potest, quia non refert ad propositum vtrum aliquid subiectum recipere possit albedinem secundum totum posse albedinis, an non possit: quomodo cumque enim sit, albedini separatæ nihil de virtute albedinis deesse potest, quia non limitatur, alicui autem albo aliquid deesse potest propter sui indispotionem.

Quid autem sit in veritate, tenet sanctus Thomas 3. d. 13. q. 1. artic. 2. quod forma existens in subiecto de necessitate est limitata quantum ad esse debiti illi formæ, quia non habet totum esse, quod nature illius est possibile: est tamen possibile ut habeat illam formam secundum omnem rationem illius formæ, ut scilicet sibi nihil desit de pertinentibus ad perfectionem illius formæ. Primum sic intelligo, quod quū esse separatum ab omni subiecto, sit perfectior modus essendi absolute, omni esse in subiecto, nullū esse in subiecto potest virtualiter continere esse abstractum, illique adæquatum esse, quum imperfectius non adæquet, neque virtualiter cōtineat perfectius: esse autem abstractum & omnino irreceptum, tanquam perfectissimum, omne esse in subiecto virtualiter continet, adæquatumque omnia talia esse: ideo forma existens in subiecto, limitata est quantum ad esse, & non habet totum esse formæ, per adæquationem & virtutem continentiam, tanquam habes perfectissimum esse, & illimitatum. Secundum verò sic intelligo, quod sunt aliquæ formæ accidentales habentes varias perfectiones, & complexiones, secundum quod in varios effectus possunt extendi, sicut est de gratia: & tales formæ possunt secundum omnem perfectionis gradum haberi ab aliquo subiecto, id est, secundum quod ad omnes earum effectus se possunt extendere, licet non secundum totum esse, sicut Christus omne com-

plementum perfectionis gratiæ in seipso habuit.

CIRCA illam propositionem, a Deo totaliter remouetur non esse, aduertendum quod non hoc ideo dicitur, quasi omne esse formaliter Deo conueniat & distinet, omnēque non esse ab eo remoueat formaliter, hoc enim falsum est: non enim Deus formaliter habet esse hominis, aut equi, aut aliarum rerum materialium, alioquin esset homo & equus, & omnia materialia formaliter: sed habet esse omne eminenter, quantum ad omnem eorū perfectionem, & virtualiter, & hoc modo nullum non esse sibi conuenit: non est enim verum dicere quod Deus non sit homo, aut equus, aut quodcunque aliud materiale virtualiter: & per quandam eminentiam, tanquam vnite & in diuisibili cōtines, quicquid in ipsis est diuisum, licet verum sit, ipsum non esse hominem formaliter, aut equum. Secundum, omne imperfectum ab aliquo perfecto procedit, sicut semen ab animali, vel a planta, ergo primum ens oportet perfectissimum esse. Tertiū, Deus nullo modo est potentia, ergo non est imperfectus: probatur consequentia, quia vnumquodque est perfectum, secundum quod est in actu: imperfectum verò, secundum quod est in potentia cum priuatione actus.

ADVERTE hic quod imperfectio non conuenit potentie, nisi ratione priuationis adiunctæ: priuatio enim imperfectio quædam est, sicut forma est perfectio: ideo inquit S. Thom. quod aliquid est imperfectum secundum quod est in potentia cum priuatione actus. Quartum, Deus est prima causa efficiens, ergo quicquid actu est in vnaqueque re, est in Deo, & multo eminentius quam in re illa, ergo est perfectissimus: probatur prima consequentia: Actio consequitur modum actus in agente, cum nihil agat, nisi secundum quod est in actu: ergo quod est in effectu, oportet in causa reperiri. Notat autem Sanctus Thomas quod impossibile est quod per actionem agentis educatur, esse in nobiliori actu, quam sit actus agentis, cum actio sequatur modum actus agentis, sed bene est possibile ut actus effectus imperfectior sit, quam actus agentis propter materie indispotionem, ex qua ipsa actio debilitatur.

VBI aduertendum q. cum ad actionem transeuntem cōcurrat, & agens, & patiens ex defectu virtutisque potest accidere, ut effectus debilis sit, & imperfectus, aut scilicet propter debilitatem virtutis agentis, aut propter indispotionem patientis: sed si agens sit debile, quantumcunque patiens sit dispositum ad recipiendum, nunquam tamen produceret effectus nobiliorem actum habens quam agens principale: quia actio & effectus sequuntur modum formæ agentis principalis. sed si virtus agentis sit fortis, recipiens autem sit indispotum, non obstante fortitudine virtutis, impeditur perfectio effectus, eo quod agens non possit introducere actum in patiens, nisi eo modo quo natum est recipere. Quomodo autem effectus nobiliori modo sit in causa actiua quam in seipso, superius est ostensum. Quintum, si non esset vniuersaliter perfectus, non esset omnium communis mensura: hoc autem falsum est, quia nihil potest omnium entium esse mensura, nisi quod est ipsum esse: consequentia verò probatur, quia in vnoquoque genere mensurantur omnia perfectissima illius generis, dum ostenditur vnumquodque magis & minus perfectum, secundum quod magis & minus appropinquat ad illud: sic enim album est mensura colorum, & virtuosus omnium hominum, scilicet secundum quod in genere morali collocantur.

ADVERTENDVM hic, ut inquit Sanctus Thomas, veri. q. 2. ad 4. quod albedo non est mensura colorum nisi ratione lucis, quæ est quasi formale in colore: quantum enim ad hanc, omnes alios colores excedit, sed quantum ad illud quod est quasi materiale in colore, scilicet, terminationem diaphani, non est mensura aliorum colorum. Confirmatur conclusio auctoritate Exod. 31. Ego ostendam tibi &c. & Dionysij, 5. cap. de di. no. vbi ait: Deus non quodammodo est existens, &c. Quantum ad secundum, quia posset aliquis existimare Deum perfectum non esse: quia perfectum videtur dici quod per factionem peruenit ad complementum, Deus autem factus esse non potest. Hunc cauillum remouet sanctus Thomas, dicens quod licet quantum ad primam nominis impositionem, omne perfectum sit factum, quia impositum est primò hoc nomen ad significandum id quod educatum est de non esse ad esse, & de potentia ad actum perfectum, ut sibi nihil desit: tale autem oportet esse factum, tamen extensum est etiam nomen hoc, ad significandum id quod est in actu completo, etiam si fiendo non perueniat ad actum. Secundum ergo primam huius nominis impositionem, Deus perfectus dici non potest, sed bene quantum ad secundam, iuxta illud Matthæi quinto, Estote perfecti, sicut & pater vester cælestis perfectus est.

Albedo est mensura omnium colorum.

### Quomodo in rebus similitudo ad Deum inueniri potest. Cap. 29.

**H**oc autem quomodo in rebus possit similitudo ad Deum inueniri vel non possit, considerari potest.

Effectus enim a suis causis deficientes non conueniunt cum eis in nomine & ratione, necesse est tamen aliquam inter ea similitudinem inueniri: de natura enim agentis est, ut agens sibi simile agat, quod vnumquodque agat secundum quod actu est: vnde forma effectus in causa excedente inuenitur quidem aliquammodo, sed secundum aliam modum & aliam rationem: ratione cuius, causa æquiuoca dicitur: sol enim in corporibus inferioribus calorem causat, agendo secundum quod actu est: vnde oportet quod calor a sole generatus aliqualem similitudinem obtineat ad virtutem solis actiuam, per quam calor in istis inferioribus causatur. Ratione cuius sol calidus dicitur, quamuis non vna ratione: & sic sol omnibus illis similis aliquammodo dicitur, in quibus suos effectus efficaciter inducit: a quibus tamen rursus omnibus dissimilis est, in quantum huiusmodi effectus non eodem modo possident calorem huiusmodi quo in sole inuenitur: ita etiam & Deus omnes perfectiones rebus tribuit, ac per hoc cum omnibus similitudinem habet, & dissimilitudinem simul.

Et tunc

Verum albedo separata sit perfectior quam coniuncta.

† Idem. p. p. 9. 4. artic.



Auth. sacre scri-  
pturæ.

Dionys.

Et inde est quod, sacra scriptura aliquando similitudinem inter Deum & creaturam commemorat: ut quum dicitur Genesi. Faciamus hominem ad imaginem & similitudinem nostram. Aliquando vero similitudo negatur, secundum illud Isai. 40. Cui ergo simile fecistis Deum, aut quam imaginem posuistis ei? Et in Psalm. Deus quis similis erit tibi. et. &c. Huic autem rationi Dionysius concordat, qui 9. cap. de diu. no. dicit: Eadem similia sunt Deo, & dissimilia. Similia quidem, secundum imitationem eius, qui non est perfectè imitabilis, qualem in eis esse contingit: dissimilia autem, secundum quod causata habent minus suis causis. Secundum tamen hanc similitudinem convenientius dicitur Deo creatura similis, quam econuerso. Simile enim alicui dicitur, quod eius possidet qualitatem vel formam: quia igitur id quod in Deo perfectè est, in rebus aliis per quandam deficientem participationem inuenitur illud secundum quod similitudo attenditur: Dei quidem simpliciter est, non autem creature: & sic creatura habet quod Dei est: unde & Deo rectè similis dicitur. Non autem sic potest dici Deum habere quod creaturæ est: unde nec convenienter dicitur, Deum creaturæ similem esse, sicut nec hominem dicimus suæ imagini fore similem, cui tamen sua imago rectè similis enuntiatur. Multo igitur etiam minus propriè dicitur, quod Deus creaturæ assimilatur. Nam assimilatio motum ad similitudinem dicit: & sic competit ei quod ab alio accipit, unde simile ei sit: creatura autem accipit à Deo, non autem Deus à creatura, ideo ipsa Deo assimilatur, non autem econuerso.

## Super cap. 29.



Via ostensum est in Deo omnium rerum nobilitates & perfectiones esse, ostendit consequenter Sanctus Thome, quomodo possit ex hoc inter Deum, & creaturam similitudo esse, aut dissimilitudo. Circa hoc autem duo facit, primò ostendit propositum quantum ad rem, secundò quantum ad denominationem. Quantum ad primò ponitur hæc conclusio: Deus cum omnibus rebus, & similitudinem habet, & dissimilitudinem. Prima pars probatur, quia est omniū agens, & omnes perfectiones tribuens: omne autem agens, sibi simile agit, quum vnumquodque agit secundum quod est in actu, id est, secundum quod actu habet id quod causat in effectu. Secunda autem pars probatur, quia perfectiones quæ sunt in Deo, non secundum eundem modum, & secundum eandem rationem sunt in creaturis, quæ sunt in Deo: effectus enim à suis causis deficientes non conueniunt cum eis in nomine & ratione: hoc autem dissimilitudinem quandam importat.

Confirmatur autoritate sacre scripture. Aliquando enim inter Deum & creaturam similitudinem esse inquit, ut Genesi. faciamus hominem, &c. aliquando vero dissimilitudinem ponit ut Isai. 40. Cui ergo simile, &c. & in Psalm. Deus quis similis erit tibi. Vtraque etiam partem ponit Dionysius 9. cap. de diuinis nominibus. Pro declaratione autem secundæ partis conclusio notat quod forma effectus licet in causa excedente, aliquoties inueniatur, hoc tamen est secundum alium modum, & secundum aliam rationem, propter quod dicitur causa æquiuoca: calor enim à sole in istis inferioribus generatur aliquam similitudinem obtinet ad virtutem solis adiuam per quæ causatur, ratione cuius sol calidus dicitur, quæuis non vna ratione: unde sol rebus à se productis est aliquoties similis, aliquoties vero dissimilis. Similiter & Deus cum rebus à se productis, & similitudinem, & dissimilitudinem habet.

NOTANDVM hic est quod sicut in prædicationibus dicuntur æquiuoca, quorum nomen idem est, ratio verò substantiæ diuersa: ita causa dicitur æquiuoca, quando nomen forme productæ, & causæ, & effectui conuenit, sed secundum aliam & aliam rationem: sic enim dicimus solem esse causam æquiuocam calidi, quia caloris nomen, & soli & eius effectui conuenit: dicitur enim sol calidus, & aer calidus, sed hoc est diuersis rationibus: dicitur enim sol calidus, non quia habet in se eandem formam secundum eandem rationem specificam, quia aer est calidus, sed quia habet in se virtutem adiuam in qua virtualiter calor concinetur, quæ longe dignioris nature est quam forma, à qua aer dicitur calidus: & similiter est in aliis, & maxime in Deo, in quo forma, neque specie, neque genere conuenit cum effectibus à se productis, sed tantum secundum quandam analogiam, ut dicitur prima parte, q. 4. art. 3. unde non est causa omnino æquiuoca, sed magis analogica, ut dicitur 1. sentent. dist. 2. art. 2. Quantum ad secundum, ponitur hæc conclusio: Secundum hanc similitudinem convenientius dicitur creatura similis Deo, quam econuerso. Probatur, simile alicui dicitur quod eius possidet qualitatem vel formam: creatura autem possidet formam Dei, non autem Deus formam creaturæ, cum forma, in Deo perfectè inueniatur, in creatura autem secundum quandam deficientem participationem, ergo creatura dicitur similis Deo, non autem Deus dicitur similis creaturæ.

Quomodo  
creatura sit si-  
milis Deo sed  
non econuerso.

NOTANDVM, ut dicitur primo sentent. dist. 19. quæst. 1. art. 2. quod forma propriè dicitur esse illius quod ipsam perfectè & completè habet, non dicitur autem illius esse quod ipsam habet imperfectè, & secundum quandam imitationem, propter hoc quando vnumquodque eorum inter quæ est similitudo, formam habet secundum eandem specificam rationem, vnum dicitur simile alteri, & econuerso, quia illa forma propriè est amborum forma, cum ambo eam perfectè habeant, & sic vnumquodque alterius dicitur habere formam, in quo ratio mutue similitudinis consistit: quando autem forma in vno est perfectè & completè, in altero verò imperfectè, & secundum quandam imitationem, quod imperfectè habet, dicitur alterius habere formam, & ei simile esse, non autem econuerso: & quia omnis perfectio à Deo creatoris communicata perfectio modo in Deo est, propter quod eius forma propriè dicitur: in creatura autem est imperfectè, & secundum quandam participationem deficientem: sicut sapientia Dei, in Deo est simpliciter &

perfectè: in creaturis autem est aliqua eius participatio deficientis, ideo creatura formam Dei habet, & est illi similis, non autem Deus creaturæ.

SED aduertendum est, quod aliud est dicere rem creatam habere perfectè & completè aliquam formam quæ sit similitudo participata perfectionis diuinæ, & aliud dicere rem creatam habere perfectè & completè formam per quam Deus in creaturas agit. Primum enim verum est in multis. Nam ignis perfectè habet essentiam ignis, & homo humanitatem, quæ sunt quædam similitudines participatæ diuinæ bonitatis, & ille sunt propriè ignis, & hominis formæ. Secundum autem est falsum & impossibile. Nam forma per quam agit Deus, & quam aliquo modo communicat creaturis, est diuina essentia, & diuina bonitas, quam constat in solo Deo perfectè & completè esse, licet aliqua eius participatio in creaturis inueniatur: propterea bene inquit Sanctus Thome, quod creatura possidet formam Dei, non autem Deus formam creaturæ, quia videlicet perfectio quælibet creaturæ, est aliqua perfectio diuinæ bonitatis, quæ est propriè Dei forma: perfectio autem & forma Dei, non est in creatura, ut eius forma, quum non habeatur à creatura perfectè, sed per quandam eius participationem. Ex prædicta conclusione infert correlariè Sanctus Thome, quod multo minus propriè dicitur quod Deus creaturæ assimilatur. Probatur, quia assimilatio motum ad similitudinem dicit, & sic conuenit ei quod ab alio accipit unde ei simile sit, creatura autem accipit à Deo, non autem Deus à creatura, ideo ipsa Deo assimilatur, non autem econuerso.

SED CIRCA ea quæ dicta sunt occurrit dubium: æqualitas enim & similitudo sunt relationes æquiparatiæ. Nam dicitur æquale æquali æquale, & simile simili simile, si ergo dicitur creatura similis Deo, dicitur & Deus similis creaturæ: & si creatura assimilatur Deo, Deus assimilatur creaturæ.

AD EVIDENTIAM huius dubij considerandum est quod ad intentionem Sancti Thome non sufficeret dicere, ideo creaturam dici similem Deo, non autem Deum similem creaturæ, quia in creatura est relatio realis, quæ dicitur similitudo, non autem in Deo est talis relatio realis, sed tantum rationis: nam eodem modo nullum nomen importans habitudinem Dei ad creaturam, convenienter diceretur de Deo, quia nulla habitudine Dei ad creaturam est realis, sed omnis est relatio rationis: propter quod ipse in prima parte quæst. 4. art. 3. & primo sententiarum, loco præallegato rationem Dionysij 9. cap. de diuinis nominibus assignat, quia videlicet in iis quæ vnius ordinis sunt, recipitur mutua similitudo: non autem in causa & causato, esse autem vnius ordinis interpretatur Sanctus Thome in primo sententiarum, & in quæstionibus de veritate, quæst. 23. art. 7. ad 11. quando dicitur vnum habere formam vnius, sic alterum formam alterius habet: hoc autem est quando forma secundum quam attenditur similitudo, secundum eandem rationem in utroque extremorum existit, sicut albedo in duobus hominibus: in his enim dicuntur extrema mutuo similia, in causa autem & causato non recipi mutua similitudinem in locis præallegatis interpretatur, quando causatum non recipit formam causæ secundum eandem rationem, sed fit ad imitationem forme causæ: sicut statua Herculis fit ad imitationem Herculis: propter quod dicimus statuam Herculis similem esse Herculi, quia facta est ad imitationem eius, & eius formam habet: non autem dicimus Herculem similem esse suæ statuæ. Propter hoc ergo creatura est similis Deo, sed non econuerso, quia se habent sicut causa & causatum, quod non recipit formam causæ, secundum eandem rationem, sed secundum quandam imitationem, ex quo sequitur creaturam formam quæ est Dei habere, non autem Deum formam quæ est creaturæ. Unde videtur illo in loco Dionysij non de causa & causato vniuersaliter loqui, sed de hac causa quæ est Deus, & de causatis quæ sunt eius creaturæ quæ ad Deum, æqualitatem habere non possunt: quod constat ex verbis ipsius Dionysij. Nam postquam dixit, in causa autem argue causæ libus conuersionem nequaquam admittimus, immediata subiungit. Non enim his solis aut illis, ut sint similia, donatum est, sed omnibus quæ similitudinem admittunt, ut similia sint, Deus author est.

Ad dubium ergo conceditur, quod similitudo est relatio æquiparatiæ, sed negatur consequentia, ergo si creatura dicitur similis Deo, etiam Deus dicitur similis creaturæ, non enim dicitur similitudo relatio æquiparatiæ, quia vnumque extremum relatiue eodem nomine denominatur, sed quia ut sic simile non dicitur ad aliquid, quod aut superest, aut subicitur, sed ad æquale, & si id cui aliquid simile dicitur mutua relatione ad ipsum referatur, eodem nomine referetur simile enim est, simili simile quando, scilicet vtrumque extremum denominatur in respectu ad alterum, sed tamen potest esse ut quandoque non denominetur vtrumque extremum denominatur in respectu ad alterum, quod est quædam forma in utroque extremo secundum eandem rationem non inuenitur. Hanc responsionem videtur intendere Sanctus Thome, loco præallegato, ubi ait, quod similitudo & cõformitas, quamvis sint relationes æquiparatiæ, non tamen semper vtrumque extremum denominatur in respectu ad alterum, sed tunc tantum quando forma secundum quam attenditur similitudo vel cõformitas, eadem ratione in utroque extremo existit.

ADVERTENDVM tamen, quod licet secundum proprium & consuetum vsum vocabuli non dicamus Deum similem creaturæ, aut Herculem similem suæ imagini, quia talia non cõsueverunt denominari in respectu ad ea quæ ad eorum imitationem fiunt: si quis tamen veller nominis significatum extendere, ut fieret denominatio respectu relationis intellectæ in Deo, ut terminat relationem alterius extremi, ut diceretur Deus similis creaturæ, quia creaturæ relationem, & similitudinem ad se terminat, hoc inconueniens non reputarem: propter quod non inquit hic Sanctus Thome, quod nullo modo possit Deus dici similis creaturæ, sed quod convenientius dicitur creatura Deo similis, quam econuerso: quia videlicet est magis secundum vsum vocabuli.

Quod autem inquit prima parte, quod nullo modo concedendum est Deum esse similem creaturæ, intelligendum est, seruato proprio vocabuli vso, cõsueuimus enim illud tantum dicere alteri simile, quod habet formam quæ est eius, id est, quam plenè & perfectè habet: non autem quando ipsam formam habet completè & perfectè: alterum verò habet quandam eius participationem, in quo attenditur similitudo secundum imitationem, non autem secundum conuenientiam in forma eiusdem rationis. Similiter si accipiat assimilari, siue assimilatio ut dicit motum ad unitatem forme secundum quam attenditur similitudo, non potest dici Deus creaturæ assimilari, nec Hercules suæ imagini: sed si accipiatur pro eo quod est esse terminum similitudinis creaturæ ad Deum, aut imaginis ad Herculem, id est, concepti cum respectu terminantis respectum similitudinis, non est inconueniens dicere Deum assimilari creaturæ, & Herculem suæ imagini.

Q. 2.



Quæ nomina de Deo prædicari possint. Cap. 30.

† Idem p. p. q.  
3, art. 1, & 2.

**E**X his etiam considerari potest quid de Deo dici vel non dici possit, quidve de eo tantum dicatur: quid etiam de Deo simul & aliis reb<sup>9</sup>.

Quia enim omnem perfectionem creaturæ in Deo inuenire, sed per aliū modum eminentiorem. Quæcunque nomina absolute perfectionem absque defectu designant, de Deo prædicantur & aliis rebus. sicut est bonitas, sapientia, esse, & alia huiusmodi. quæcunque verò nomina huiusmodi perfectionem designant cum modo proprio creaturis, de Deo dici non possunt nisi per similitudinem & metaphoram: per quam quæ sunt vnius rei, alteri solent adaptari: sicut aliquis homo dicitur lapis, propter duritiem intellectus. huiusmodi autem sunt omnia nomina imposita ad designandum speciem rei creaturæ: sicut homo & lapis: nam cuiuslibet speciei debetur proprius modus perfectionis & esse. Similiter etiam quæcunque nomina proprietates rerum designant quæ ex propriis principis specierum causantur, de Deo dici non possunt nisi metaphorice: quæ verò huiusmodi perfectiones exprimunt cum supereminentiori modo: quo Deo conueniunt, de solo Deo dicuntur, sicut summum bonum, primum ens, & alia huiusmodi. Dico autem aliqua prædictorum nominum perfectionem absque defectu importare quantum ad illud ad quod significandum nomen fuit impositum: quantum verò ad modum significandi, omne nomen cum defectu est: nam nomine res exprimimus, eo modo quo intellectu concipimus. Intellectus autem noster ex sensibilibus cognoscendi initium sumens, illum modum non transcendit, qui in rebus sensibilibus inuenitur, in quibus aliud est forma, & habens formam propter formæ & materiæ compositionem: forma verò in his rebus inuenitur quidem simplex, sed imperfecta, utpote non subsistens: habens verò formam inuenitur quidem subsistens, sed non simplex, imò concretionem habens: unde intellectus noster quicquid significat ut subsistens significat in concretionem: quod verò ut simplex significat non ut quod est, sed ut quod est: & sic in omni nomine a nobis dicto, quantum ad modum significandi, imperfectio inuenitur, quæ Deo non competit: quamuis res significata aliquo modo eminenti Deo conueniat, ut patet in nomine bonitatis & boni. Nam bonitas significat ut non subsistens: bonum autem ut concretum: & quantum ad hoc nullum nomen Deo conuenienter aptatur, sed solum quantum ad id ad quod significandum nomen imponitur. † Possunt igitur ut Dionysius docet, huiusmodi nomina, & affirmari de Deo & negari. affirmari quidē propter nominis rationem: negari verò propter significandi modum. modus autem supereminentiæ quo in Deo dictæ perfectiones inueniuntur per nomina a nobis imposita, significari non possunt nisi vel per negationem: sicut quum dicimus Deum æternum vel infinitum: vel etiam per relationem ipsius ad alia, ut quum dicitur prima causa vel summum bonum: non enim de Deo capere possumus quid est, sed quid non est, & qualiter alia se habent ad ipsum, ut ex supradictis patet.

Super cap. 30.

**Q**uoniam in Deo omnem esse perfectionem probatum est, restat nunc considerandum de vocibus, quibus rerum perfectiones significantur, quomodo Deo conueniant. Circa hoc autem duo facit sanctus Thomas. Primum agit de vocibus incomplexis. Secundo, de vocibus complexis. c. 36. Circa primum duo facit. Primum determinat de ipsis vocibus & nominibus absolute. Secundo, comparative, cap. 32.

Circa primum duo facit. Primum agit de ipsis vocibus quantum ad prædicationem de Deo. Secundo, in cap. sequenti quantum ad eorum pluralitatem.

Circa primum tria facit. Primum ostendit quæ nomina Deo conueniant. Secundo, quædam dicta declarat. Tertiū, modum nominandi Deū quantum ad aliqua docet. Quantum ad primum, proponit quod considerandum est quid de Deo dici, vel non dici possit, quidve de eo tantum dicatur, quid etiam de eo simul & aliis rebus. Et respondendo tria dicit secundum tria propositiones. Incipiendo enim ab ultimo tanquam à communiore, dicit quod nomina imposita absolute perfectionem absque defectu, de Deo & aliis rebus prædicantur, ut bonitas, sapientia, esse, & huiusmodi. Ad primum autem dicit, quod nomina imposita perfectionem cum modo proprio creaturis, non dicuntur de Deo nisi similitudinariē, & metaphorice: quo modo secundum quod in vno inuenitur aliquid simile proprietatibus alterius, vnum dicitur alterum, sicut homo dicitur lapis propter duritiem intellectus: talia sunt nomina specierum creaturæ, & proprietatum eius, ut homo, lapis, risibile &c. & quæ proprietates rerum designant, quæ ex propriis principis specierum causantur. Ad secundum verò respondet, quod nomina quæ important perfectionem cum modo supereminentiori, quo Deo conueniunt, soli Deo attribuantur, ut summum bonum, primum ens, & similia.

ADVERTENDVM quod quum nomen non attribuitur rei, nisi ratione sui significati, ad hoc ut de re aliqua verè & proprie, & non tantum metaphorice nomen aliquod prædicetur, requiritur ut totum eius significatum proprium, sibi attribuitur, & omnis conditio quæ significato, ut est illius significatum conueniens, pars tantum significati illi conueniat, non attribueretur sibi verè & proprie, sicut quamuis lapis sit substantia, non tamen di-

citur animal: quia animal non tantum importat substantiam, sed etiam sensibile quod lapidi non conuenit. Similiter si hoc nomen album imponeretur ad significandum primum substantiam secundum quod est albedine informata, de Sor. in quo non esset albedo, non posset dici, quia licet sit substantia, non tamen esset substantia sub albedine, quæ esset conditio substantiæ ut nomine albi significaretur. Si ergo nomen aliquod in suo significato, & perfectionem quandam importeret, & proprium modum quo illa perfectio est in creatura, cum modus ille qui est proprius creaturæ Deo non conueniat, licet in eo sit perfectio per nomen importata, non dicitur illud nomen verè, & proprie de Deo, sicut homo importat humanitatis perfectionem cum modo materiali, quo est in ipso habente humanitatem: ideo hoc nomen homo de Deo, ut Deus est non prædicatur, licet humanitatis perfectio in Deo sit. similiter est de nominibus, quæ in suo significato important modum proprium quo sunt perfectiones in Deo, quia talia de creatura verè non prædicantur.

Quantum ad secundum, quia dictum est aliqua nomina importare perfectionem absque defectu, ideo & aliquis occasione erroris ex hoc accipiat, distinguat sanctus Thomas, quod nomen importare defectum potest dupliciter intelligi, aut scilicet quantum ad rem significatam, quia in quantum ipse defectus est de significatione nominis: aut quantum ad modum significandi. Primo modo aliqua nomina significant cum defectu, aliqua verò non, sed secundo modo omnia cum defectu significant, cuius ratio est: quia quum nomine exprimitur res secundum modum quo intellectu concipimus: intellectus autem concipiat formam simplicem, ut quo aliquid est, non autem ut quod est, rem autem subsistentem in concretionem quadam, & compositione, quia ex sensibilibus cognitionem accipit, in quibus aliud est forma, & habens formam, propter formæ & materiæ compositionem, & formæ simplices non subsistunt, sed ipsis alia existunt: substantia verò sunt composita, ideo simplicia significant nominibus abstractis per modum formæ, cui conuenit esse id quo aliquid est: substantia verò nominibus concretis per modum concretionis & compositionis, & habentis formam, in quorum utroque quædam imperfectio importatur.

Ex quibus patet quod nullum nomen Deo conuenienter aptatur quantum ad modum significandi, licet aliquod sibi conueniat quantum ad rem significatam, quum talis imperfectio in Deo non sit, quamuis res significata aliquo modo eminenti sibi conueniat. Ex quo deducitur correlatiue de mente Dio primo & 5. cap. de diu. no. quod nomina a nobis imposita quæ Deo attribuantur, & affirmari & negari de Deo possunt: patet ex dictis. Nam quantum ad nominis rationem siue significatum sibi conueniat, quantum verò ad modum significandi, minime.

Quantum ad tertium, notat quod modus supereminentiæ, quia in Deo perfectiones inueniuntur, per nomina a nobis imposita significari non potest, nisi aut per negationem: ut quum dicimus Deum æternum, aut infinitum: aut per relationem ipsius ad alia, ut quum dicimus, prima causa, vel summum bonum, eo quod de Deo capere non possumus quid sit, sed quid non sit, & qualiter alia ad ipsum se habeant.

ADVERTENDVM autem quod æternum, licet secundum vocem affirmatiue dici videatur, tamen secundum rem dicitur negatiue, dicitur enim æternum, quod est omnino immutabile, & quod caret principio & fine durationis: sicut licet hoc nomen cæcus sit vox affirmatiua, tamen negationem visus importat: propter hoc æternum connumerat sanctus Thomas inter nomina negatiua dicta de Deo.

CIRCA prædicta duo occurrunt dubia. Primum est circa illam propositionem: Nomine res exprimimus, eo modo quo intellectu concipimus. Scotus enim primo sententiarum, dist. 2, dicit ipsam falsam esse si intelligatur præcisè, imò potest, inquit, distinctius aliquid significari quam intelligi. Hoc autem probat, quia si esset vera, nullum nomen impositum ad viatorem significaret aliquam rem de genere substantiæ, sed sicut præcisè concipitur aliqua proprietas a qua nomen imponitur, ita præcisè talis proprietas significaretur per nomen. lapis enim non significaret aliquid de genere substantiæ, sed aliquid de genere actionis, scilicet læsionem pedis. hoc autem falsum est, quia impositor nominis, non accidenti illi, sed substantiæ substantiæ intendit nomen imponere. Secundum est circa illam propositionem: Intellectus noster quod est simplex, significat non ut quod est, sed quod aliquid est. Ex hoc enim sequitur, quod nullum nomen abstractum erit nomen substantium. Nam nomen substantium significat aliquid per modum per se stantis: abstractum autem per illud dictum non significat formam per modum per se stantis, sed per modum alteri inherenti, cum significet ut quo aliquid est, non autem ut quod est.

Ad primum istorum dicitur quod significari rem distinctius quam intelligatur, dupliciter accipi potest. Vno modo, ut modus distinctionis se teneat ex parte rei significatæ & intellectæ: alio modo, ut se teneat ex parte significantis & intelligentis.

Primo modo sensus est, quod res significatur magis distincta, quam intelligatur esse distincta. Et ad hunc sensum propositio Scoti potest habere veritatem, nec contrariatur positioni sancti Thomæ: non enim inconueniens est ut nomen imponatur ad significandum rem quæ maxime distincta ab aliis sit, & tamen non omnis ratio distinctionis intelligatur.

Secundo modo sensus est, quod distinctior est modus significandi nominis quam sit modus quo intellectus ipsam rem significatam cognoscit: & in hoc sensu falsa est propositio Scoti, & vera est propositio sancti Thomæ. Quum enim nomen non significet rem nisi mediante conceptu intellectus, dicitur nomen confusè & indistinctè rem significare, quantum est ex parte nominis, quando eam sub confuso & indistincto conceptu significat: distinctè autem, quando sub conceptu distincto. unde modus distinctæ significationis nominis est secundum modum distincti conceptus: distinctus enim representatur quando sub distinctiori conceptu. Ex quo patet esse impossibile ut nomen distinctius significet rem, quam intelligatur. Nam quum distinctè significare sit sub conceptu distincto significare, intellectus autem concipiendo rem ipsam intelligat, sequitur quod non potest nomen distinctius significare, quam intellectus intelligat, sed se proportionaliter cōcomitantur. Nam si intellectus confusè tantum rem apprehendat, illique imponat nomen, & ipsum nomen confusè significabit, id est, sub confuso conceptu. Si autem distinctè intellectus intelligat, nomenque rei secundum illum conceptum imponatur, & ipsum nomen distinctè significabit. Ad rationem itaque Scoti responderetur negando cōsequentiā. Dicitur enim quod si nullo modo cognosceretur substantia rei, sed tantum proprietas, nomen non significaret substantiam.

Nomine res exprimus eo modo quo intellectu concipimus.



substantiam rei, sed tantum proprietatem. sed quia ex cognitione proprietatis deuenit in cognitionem aliqualem substantiæ, vel cōsumam, vel distinctam, vt etiam Scotus concedit, narrans ibidem quendam processum Aug. <sup>1</sup>texto de Trinitate, cap. sexto, ad probandum creaturam omnē esse compositam, ideo & nomen ipsam substantiā aliquando significat: lapis nāq; non tantum lationem pedis significat, sed substantiam quandā, cui hæc proprietates cōueniunt, quam si nominis impositor ex proprietate huiusmodi inquiredo distincte cognouit, hoc nomine distincte significauit: si autem cognouit cōfused, & ipso nomine significauit cōfused, id est, sub cōceptu cōfuso. Vniuersaliter ergo verum est quod res nominantur à nobis secundum quod intelliguntur: vt enim inquit sanctus Thomas parma parte, q. 13, art. 9. ad secundū, nomina non sequuntur modum essendi, qui est in rebus, sed eum qui est in cognitione nostra.

Nomen abstractum significat vt quo aliquid est, & per modum substantiæ.

Ad euidentiam secundi dubij considerandum primò, quod accidens siue in abstracto siue in concreto diffiniatur, semper in sua diffinitione, quæ per nomen importatur, includit subiectum. Cum enim diffinitur in abstracto includit illud in obliquo, sicut cum dicitur, simitas est curuitas nasi, cum autem diffinitur in concreto illud includit in recto, vt cum dicitur, simum est nasus curuus. Differunt autem isti duo modi includendi subiectum: quia cum nomen abstractum autem nullo modo sit id quo aliquid est albi, nullo modo subiectum est aliquid per tale nomen significatum. Cum verò nomen concretum accidentis includit subiectum, illud includit tanquam partem significati: secundariam tamen, & tanquam cum principali significato consignificatum. Album enim significat principaliter albedinem, secundariò autem consignificat subiectum habens albedinem. Hoc habetur ex Auerr. 5. Metaph. comment. 14. & à sancto Thom. ibidem ubi dicitur contra Auic. quod album primò significat ad accedens, secundò subiectum, & idem habetur primo Physic. Com. 25. & addit S. Thom. quod albedo nullo modo consignificat subiectum, signum huius diuersitatis est quod per abstractum importatur subiectum in obliquo, per concretum verò importatur in recto, tanquam denominatum à forma.

CONSIDERANDVM secundò quod significari per modum substantiæ & significari per modum accidentis refertur ad ipsam formam principaliter significatam: dicitur enim à nomine significari per modum substantiæ, quando eo modo significatur per nomen quo modo substantia extra intellectum habet esse, & quia substantia extra intellectum existens, est ens non existens in alio subiecto inherere, ideo dicitur significari forma accidentalis per modum substantiæ, quando non significatur cum alio significato cui inheret, sicut autem significatur nomine subiecto. Nam ipsam solitariè significat, nihil aliud cum ipsa significando dicitur autem significari per modum accidentis, quado illo modo significatur per nomen quo accidens habet esse in rerum natura. Vnde cum accidentis esse sit inesse, tunc per modum accidentis significatur, quando cum alio per modum illi inherenti significatur: significatur & sic nomine concreto. Tale enim nomen significat formā per modum inherenti subiecto, & ipsum subiectum cum illa, modo dicto significat.

CONSIDERANDVM tertio quod non est idem nomen significare per modum substantiæ, & nomen significare per modum completi substantiæ. Similiter non est idem significare aliquid vt quo aliquid est ex parte nominis, & significare, per modum accidentis. Nomen enim significare per modum substantiæ, accipitur per comparationem ad formam principaliter significatam, quæ significatur solitariè absque alio significato cui inheret, vt patet ex dictis: sed nomen significare per modum completi substantiæ est significare per modum substantiæ cōplex in specie, & non per modum partis. Significare etiam aliquid, vt quo aliquid est tale aptitudinaliter, vt hic intelligitur, est significare aliquid vt formam, & vt naturam simplicem solitariè absque cuiuscunque alterius consignificatione, quia sola forma est id quo aliquid formaliter est tale: significare autem per modum accidentis est non solum formam significare, sed cum ipsa etiam subiectum, tanquam id cui forma inheret, consignificare, vt superius dictum est.

Ex his patet primò, quod nomen concretum & nomen abstractum accidentis ex parte rei significare distinguuntur, quia nomen abstractum significat solum formam, nomen verò concretum significat non solum formā, sed etiam subiectum formæ: & ideo illud dicitur significare per modum substantiæ, istud verò per modum accidentis. Distinguntur etiam, quia nomen abstractum, quum significet solum formā, non significat ipsam tanquam completum aliquid, quod habeat esse, sed tanquam id quo aliquid habet esse aptitudinaliter, quia formæ apud nos, non subsistunt tanquam completæ in specie, nomen verò concretum cum secundariò significet subiectum, quod habet esse per formam, significat aliquid tanquam id quod habet esse, & per consequens per modum completi substantiæ. Nam solum id quod substantialiter subsistit, est id quod propriè habet esse accidentale per formā accidentalem.

Patet secundò, quod obiecto nulla est: procedit enim ac si idem sit significare rem, vt qua aliquid formaliter est: & significare rem per modum accidentis, hoc autem vt patuit, est falsum. Nam idem nomen & significat per modum substantiæ, siue per se stant, & vt quo aliquid est. Nam per se stare dupliciter accipi potest. Vno modo, vt opponitur ei quod est accidentaliter inherere. Alio modo, vt idem est quod nullo modo in alio est, quod idem est quod subsistere tanquam completum in specie. Primo modo, nomen abstractum significat per modum per se stant, non autem secundo modo.

SE D circa prædicta triplex occurrit dubium. Primum est, quia sanctus Thomas primo Sententiarum, dist. 12. quæst. 1. primo, inquit, quod illud, quod significatur per nomen, significatur vt subsistens, & dat exemplum de albedine, ergo falsum est quod diximus, nomen abstractum significare quidem, per modum substantiæ, non autem per modum substantiæ.

Secundum est, quia in Prædicamentis dicitur, quod album puram qualitatem significat, & S. Thomas tertio Sententiarum, dist. 7. quæst. 1. art. 1. ad 5. tenet quod album non significat suum subiectum, sed ipsum copulat quasi extrinsecum, ergo male dictum est, quod concretum significat, non tantum formam, sed etiam subiectum. Tertium est, quia Com. 2. de Anima, com. 8. inquit, quod in rebus artificialibus nomen primò dicitur de materia, & secundò, de cōgregato, ergo falsum est, quod nomen concretum primò significet formam, & secundariò subiectum, vt superius est dictum.

Ad primum dicitur, quod aliter accipit sanctus Thomas in loco allegato

significare per modum substantiæ, quā accipiat hoc loco, & in Prima parte. Nam ibi accipitur significare per modum substantiæ, vt idem est quod significare non per modum egredientis ab altero, quo modo nomen à verbo distinguitur. Hic autem accipimus significare per modum substantiæ, vt idem est quod significare per modum substantiæ completæ in specie, quæ propriè est id quod habet esse, vnde nulla est contradiçtio.

Ad secundū dicitur, quod sanctus Thomas & Aristoteles de primo & formali significato nominis loquuntur, hoc enim vnum esse oportet: huic autem non repugnat, quod secundariò aliquid aliud per modum subiecti consignificet.

Ad tertium dicitur secundum Com. ibidem, quod quum nomen in rebus artificialibus dicatur, & de in diuiduo substantiæ per se, & de artificiali in quantum huiusmodi dupliciter potest considerari tale nomen. Vno modo, vt est nomen artificiali in quantum huiusmodi: & sic primò significat formam artificialem, & secundariò materiam, sicut & alia nomina accidentium concreta. Alio modo, vt est nomen indiuidui substantiæ per se, & vt est etiam nomen artificiali, & sic prius dicitur de materia, & secundò de cōgregato ex materia, & forma artificiali, id est, istud nomen est prius, secundum quod significat indiuiduum substantiæ, quā secundum quod significat artificiatum, sicut dat exemplum Com. de securi. Nam etiam remota acutè, quæ est forma artificiali, remanet securis, quæ est indiuiduum substantiæ, & sic intelligitur dictum Commentatoris.

Nomen rei artificialis primò dicitur de materia, & secundò de cōgregato.

### Quod diuina perfectio & pluralitas nominum diuinorum, diuinæ simplicitati non repugnant. Cap. 31.



Prædictis etiam videri potest, quod diuina perfectio, & plura nomina dicta de Deo, ipsius simplicitati non repugnant. Sic enim omnes perfectiones in rebus aliis inuentas Deo attribui diximus, sicut effectus in suis causis æquiuocis inueniuntur: qui quidem effectus in suis causis sunt virtutes: vt calor in Sole: virtus autem huiusmodi nihil aliqualiter esset de genere caloris. Sol per eum agens non simile sibi generaret. Ex hoc igitur Sol calidus dicitur, & non solum quia calorem facit, sed quia virtus per quam hic facit, est aliquid conforme calori: per eandem autem virtutem, per quam Sol facit calorem, facit & multos alios effectus in inferioribus corporibus, vt potest fieri scitatem. Et sic calor & scititas, quæ in igne sunt qualitates diuersæ, Soli attribuitur per vnā virtutem, ita & omnium perfectiones, quæ rebus aliis secundum diuersas formas conueniunt, Deo secundum vnā eius virtutem attribui est necesse, quæ quidem virtus non est aliud à sua essentia, quum ei nihil accidere possit, vt probatum est: sic igitur sapiens Deus dicitur, non solum secundum hoc quod sapientiam efficit, sed quia secundum hoc quod sapientes sumus, virtutem eius, qua sapientes nos facit, aliquatenus imitatur: non autem dicitur lapis, quamuis lapides fecerit, quia in nomine Lapidis intelligitur modus essendi determinatus, secundum quem lapis à Deo distinguitur: imitatur autem lapis Deum, vt causam secundum esse, secundum bonitatem, & alia huiusmodi, sicut & alia creaturæ. Huiusmodi autem simile inueniri potest in potentiis cognoscitiuis, & in virtutibus operatiuis humanis. Intellectus enim vnica virtute cognoscit omnia, quæ pars sensitiua diuersis potentiis apprehendit, & etiam alia multa. Intellectus etiam quāto fuerit altior, tantò aliquo vno plura cognoscere potest: ad quæ cognoscenda intellectus inferior non pertingit, nisi per multa.

† Cap. 24.

† Similitudo in potentiis cognoscitiuis & operatiuis.

† Potestas autem regia ad omnia illa extenditur, ad quæ diuersæ sub ipsa potestates ordinē habent: sic igitur & Deus per vnum simplex suum esse, omnimodā perfectionem possidet, quam res aliæ per quædam diuersa consequuntur, imò multo maiorem.

† Similitudo in potestatibus subordinatis.

Ex quo patet necessitas plurium nominum de Deo dictorum: quia enim eum non possumus cognoscere naturaliter, nisi ex effectibus deueniendo in ipsum, oportet quod nomina, quibus perfectionem ipsius signamus, diuersa sint, sicut & perfectiones in rebus inueniuntur diuersæ. Si autem ipsam essentia prout est, possemus intelligere, & ei nomen propriū adaptare, vno nomine tantum eam exprimeremus: quod promittitur his qui eum per essentiam videbunt. Zach. ultimo, In die illa erit Dominus vnus, & nomen eius vnum.

### Super cap. 31.



Stenfo quod nomina aliqua attribui Deo possunt ostendit sanctus Tho. quod & talia nomina plura sunt. Circa hoc autem duo facit. Primò enim ostendit quod plura nomina, & pluralitas diuinorum perfectionum simplicitati diuinæ non repugnant.

Secundò deducit propositum. Primum tali ratione demonstrat. Omnes perfectiones creaturæ sunt in Deo secundum vnā eius virtutem, ergo nec ipsæ perfectiones, nec nomina plura illas perfectiones importantia, diuinæ simplicitati repugnant, patet consequentia, quia virtus Dei est ipsa eius essentia, cum nihil Deo accidere possit: antecedens verò à simili ostenditur tripliciter.

Primò, in rebus naturalibus: supponitur enim omnes rerum perfectiones in ipso esse, sicut effectus sunt in causa æquiuoca, tunc sic, sicut se habet Sol

Contra Gent.

d

ad



ad calorem & siccitatem, ac alios effectus in corporibus inferioribus inuentos, ita & Deus ad omnes perfectiones: utrobique enim est comparatio causæ æquiuocæ aliquo modo ad suos effectus, sed in Sole est calor & siccitas virtute, & per eandem virtutem Soli attribuitur, quamuis in igne sint qualitates diuinitatis, ergo & omnes rerum perfectiones, quæ rebus aliis secundum diuersas formas conueniunt, Deo secundum vnam virtutem attribuitur: sed quia ex hoc quod virtute continentur effectus Solis in Sole, & res omnes in Deo: posset aliquis credere, quod Sol diceretur talis, puta calidus, & Deus talis, puta sapiens, ea solum ratione, quia res huiusmodi causant & non propter aliquam similitudinem inter ea existentem: falsum hunc sensum remouet, inquit, quod non solum quia Sol causat calorem dicitur Sol calidus, & Deus sapiens, quia sapientiam causat, ut aliqui voluerunt: sed quia virtus per quam Sol calefacit est aliquid conforme calori: nisi enim esset aliquid qualiter de genere caloris Sol per eam agens non sibi simile generaret: similiter & Deus dicitur sapiens, quia secundum hoc quod nos sapientes sumus, virtutem eius qua nos sapientes facit aliquatenus imitatur, id est, secundum quod inter sapientiam nostram, & virtutem Dei est aliqua similitudo & conformitas: hoc autem patet, quia si solum diceretur sapiens quia sapientiam efficit, eadem ratione diceretur lapis, quia lapidem causat, quod tamen non dicimus: quia nomine Lapidis intelligitur modus essendi determinatus, secundum quem lapis non imitatur Deum, sed ab ipso distinguitur, quamuis & in lapide sint alia quæ talem modum non important, quibus Deum imitatur, ut sunt bonitas, esse & huiusmodi.

CIRCA illam propositionem, Virtus Solis nisi aliquo modo de genere caloris, Sol per eam agens non sibi simile generaret, quam etiam videtur velle San. Tho. in Deo verum esse, aduertendum quod non dixit simpliciter nisi esset de genere caloris, sed ad id dicitur, quia non oportet inter virtutem causæ æquiuocæ & eius effectum esse conuenientiam in genere proprie loquendo, sed oportet esse conuenientiam in aliqua ratione vna saltem analogica & proportionali, ut sic genus accipiat pro omni communi secundum rationem quomodocumque sit commune, ut inter causam & effectum sit aliqua similitudo.

CIRCA illud quod inquit S. Th. & superius etiam est tactum, scilicet quod Deus non dicitur lapis: quia in nomine Lapidis intelligitur modus essendi determinatus secundum quæ lapis à Deo distinguitur, duplex occurrit dubium.

Primum est, quia omne nomen perfectionis exceptis fortasse nominibus transcendens, includit aliquid imperfectionis quo distinguitur à Deo: ergo nullum nomen de Deo dicitur, patet antecedens, Sapiens, iustus, sciens, & similia, significant qualitatem, quæ Deo non conuenit.

Secundum est, quia nihil est in re, quod non sit à Deo productum, & per consequens quod diuinam virtutem non imitatur: ergo quantumcumque non mine Lapidis importetur, modus quo distinguitur à Deo, poterit Deus dici lapis: sicut dicitur sapiens propter talem similitudinem, & imitationem illius modi lapidis ad Deum. Confirmatur, quia Sol dicitur calidus, ut vult hoc in loco San. Tho. non obstante quod calidum significet proprium modum essendi in igne aut ære, quo à Sole distinguitur: est enim calor qualitas corruptibilis, in quo à Solis virtute distinguitur.

AD horum euidentiam sciendum, quod cum loquimur de nominibus quomodo formaliter, aut non formaliter conueniant Deo, & quomodo imperfectionem important, intelligimus de formali eius, & proprio significato, quo vnum nomen in significando distinguitur ab alio. Verbi gratia: nomen Sapientie in creaturis, quantum ad id, quod proprie & particulariter & distincte importat, dicitur aliusmodi causarum cognitionem, licet etiam qualitatem tanquam commune sibi & aliis significatum importet. Cum quærimus autem, an Sapientie nomen Deo formaliter conueniat, non quærimus de communi sibi & aliis significato, sed de propria ratione, quam addit ad communia significata, similiter dicimus de nomine Lapidis, & aliis nominibus. Vnde dicitur potest, quæst. 7. artic. 4. ad secundum, quod talia nomina conueniunt Deo secundum rationem differentie, & non secundum rationem generis.

AD primum ergo negatur antecedens, loquendo de proprio, & formali significato, ac differentie: de isto enim sermo est. Nam sunt multa nomina quæ in tali suo significato nullam imperfectionem important: ad probationem dicitur q. qualitas, est significatum commune, non differentiale alicuius eorum. Potest etiam dici, quod ista nomina dupliciter accipi possunt. Vno modo absolute & transcendenter, ut scilicet analogice dicuntur de perfectione quæ est in genere, & de perfectione quæ est extra genus, & tunc negatur quod significet qualitatem formaliter tanquam commune quod omni perfectioni significat: Sapientie enim nomen absolute sumptum dicitur & de sapientia, quæ est qualitas, & de sapientia quæ est substantia.

Alio modo cum determinatione, ut cum dicimus sapientia humana. Et tunc verum quidem est q. significant qualitatem sed non dicuntur ut sic formaliter de Deo propter modum creaturæ, qui tali significatione includitur: licet enim Deus absolute sit sapiens, non est tamē humana sapientia sapiens.

AD secundum dicitur, q. effectus, quantum ad imperfectionem quam dicit, non habet similitudinem in Deo, sed tantum quantum ad perfectionem: ideo non imitatur Deum ut imperfectus, sed est aliquid à Deo distinctum propter hoc nomen importans proprium modum essendi rei materialis: sicut hoc nomen Lapis, quia importat quandam imperfectionem, cum esse materiale imperfectionem quandam includat, non dicitur formaliter de Deo, cum totum eius proprium significatum, ei non conueniat, sed tantum virtualiter: quia quicquid perfectionis inuenitur in lapide, totum in Dei virtute continetur, negatur ergo nihil esse in re quod non sit à Deo productum: imperfectionem enim quæ est in re eo modo, scilicet quo conuenit negationi in re esse non est à Deo producta, sed accidit ex parte creaturæ, in quantum sunt ex nihilo: ut dicitur primo Sen. dist. 2. art. 2. & potest q. 7. art. 5. Vnde omnis modus creaturæ, quantum ad omnem perfectionem, quam dicit, est à Deo, non autem quantum ad imperfectionem quam includit.

AD confirmationem dicitur, quod Sol non dicitur calidus formaliter, sed virtualiter tantum, ut dicitur veri q. 4. art. 6. Vnde similitudo quæ ponit San. Tho. inter Solem respectu caloris & siccitatis, & Deum respectu perfectionis, quæ sunt in creaturis, attenditur tantum quantum ad hoc quod est effectum esse in causa virtute, & plures effectus in vna virtute contineri, non autem quo ad formalem prædicationem nominum. Licet enim Sol virtualiter contineat calorem & siccitatem, nomen tamen caloris & siccitatis Soli formaliter non conuenit, sed plura nomina perfectionum in creaturis inuen-

tarum, formaliter Deo conueniunt, licet & aliqua formaliter non conueniant. Secundum, probatur dictum antecedens ex similitudine potentiarum cognoscituarum. Nam intellectus vna virtute cognoscit, omnia cognoscit, quæ pars sensitiua diuersis potentiis apprehendit, & adhuc alia, & quanto fuerit altior intellectus, tanto aliquo vno plura cognoscere potest: ergo & causa quæ est altissima vna virtute omnia continet. Tertio probatur ex similitudine virtutum operatiuarum humanarum. Sicut enim vna virtus regia ad omnia illa extenditur, ad quæ diuersæ sub ipsa potestates ordinem habent, ita & Deus per vnum suum simpliciter esse, omnem perfectionem habet quam res aliæ per multa diuersa consequuntur, imò multo maiorem.

CONSIDERANDVM hoc loco, quod cum perfectiones, quæ in creaturis sunt diuersæ, in Deo sint vnæ, in quantum vna eius virtus quæ est essentia diuina omnes eas continet, continetia actuali, non autem potentiali: sicut materia dicitur formas materiales continere, omnes perfectiones in Deo nobiliori modo sunt, quam sint in creaturis: nam in creaturis habent esse limitatum & finitum, cum omne esse creaturæ ad aliquem gradum sit limitatum: in Deo autem habent esse infinitum, & illimitatum ac subsistens quod est esse diuinum. propter hoc septenarius inquit S. Th. q. sunt in Deo secundum eminentiorem modum: quia videlicet sunt ipsum diuinum esse, & ipsa diuina essentia, quæ est perfectissima, infinita, & illimitata, & quod sunt in Deo vnæ, quia scilicet omnes in Deo sunt vna indissolubilis substantia, quæ est diuina essentia, omnibus creaturarum perfectionibus æquiualens, & ampliorem adhuc continens perfectionem. Quantum ad secundum deducitur conclusio hæc, Necessè est plura esse nomina dicta de Deo, probatur, Perfectiones rerum sunt diuersæ: ergo nomina ipsarum necessè est diuersa esse: ergo & nomina diuina necessè est esse plura, Probatur consequentia, quia Deum naturaliter non nisi ex effectibus cognoscere possumus.

Addit autem sanctus Thom. quod si diuinam essentiam, prout est, possemus intelligere, & ei proprium nomen adaptare, vno tantum nomine eam exprimeremus: hoc autem Beatis promittitur, qui diuinam essentiam vident, secundum illud Zachariæ ultimo: In die illa erit Dominus vnus, & nomen eius vnum.

SED occurrit dubium duplex circa hanc partem. Primum est, circa hoc vltimum dictum, scilicet quod Beati de Deo vnicum & proprium nomen habebunt, quia diuinam essentiam prout in se est, intelligent. Nam vnicum & proprium nomen Dei non habetur nisi à comprehendente ipsum Deum, sed sicut nos non comprehendimus Deum, ita nec Beati: ergo sicut nos vnicum nomine non nominamus Deum, ita nec Beati.

Respondetur ex doctrina sancti Thomæ 1. Sentent. dist. 2. quæst. 1. artic. 3. quod dupliciter possumus intelligere, quod videns essentiam diuinam, prout est, vnum nomen imponat. Vno modo, ut former in suo intellectu vnicum conceptum perfectæ & adæquate diuinam essentiam representantem, & illo mediante conceptu Deum vno nomine significet: & sic non intelligitur hinc: sicut enim per nullam similitudinem creaturæ Deum perfectæ representari potest, ut in Tertio huius ostenditur, ita nec per vnicum conceptum intellectum creati. Vnde quantumcumque quis videat diuinam essentiam, ut in se est, hoc modo Deum vno nomine nominare non potest: quia hoc absque comprehensione fieri non posset. Alio modo, ut videns Verbum diuinum, quod vnum existens perfectæ Deum representat mediante illo verbo, vno nomine Deum significet, & sic intelligitur, quod hic dicitur: hoc enim absque comprehensione esse potest.

Aliud dubium est circa nominum multipliciter. Si enim quia perfectiones sunt diuersæ oportet nomina esse plura, sequitur quod nullum nomen erit æquiuocum: nomen enim æquiuocum, vnum existens multa significat.

Respondetur negando consequentiam, quoniam enim dicimus ex pluralitate perfectionem in creaturis sequi, ut sint plura nomina, loquimur de nominibus propriis, quibus vna res tantum significatur: sequitur enim, si sunt plures res quæ debeant nominibus propriis nominari, q. oportet esse plura nomina: huic autem non repugnat, quod etiam præter nomina propria sint & alia nomina communia æquiuoca. Si etiā infertur, quia inueniuntur multi homines, idem nomen proprium habentes, & sic non oportet rerum distinctarum esse distincta nomina propria: dicitur q. diuersarum rerum oportet esse diuersa nomina, si debeant res distincte exprimi, & alteri distincte manifestari, vbi autem diuersi homines habent idem nomen identitate tantum vocis, per illud, ut sic, non manifestatur vnus ut distinctus ab altero: ideo si debeat alteri manifestari ut distinctus ab alio, oportet præter illam vocem communem inuenire aliam vocem particularem, puta homo talis figuræ, aut filius talis, & huiusmodi pluralitas: ergo perfectio pluralitatis nominum requirit, si debeat distincte significari, & alteri manifestari, ad quem vsum inueniuntur sunt voces, licet etiam possint & aliæ voces communes esse siue vniuocæ, siue æquiuocæ.

### Quod nihil de Deo, & aliis rebus vniuocè prædicatur. Cap. 32.

**I**n his etiam patet, quod nihil de Deo, & rebus aliis potest vniuocè prædicari. Nam effectus qui non recipit formam secundum speciem similem ei, per quam agens agit, nomen ab illa forma sumptum secundum vniuocam prædicationem recipere non potest: non enim vniuocè dicitur calidus, ignis à Sole generatus & Sol: rerum autem quarum Deus est causa, formæ ad speciem diuinæ virtutis non perueniunt, cum diuini & particulariter eas creaturæ recipiatur: quod in Deo simpliciter & vniuersaliter inuenitur. Patet igitur quod de Deo & rebus aliis nihil vniuocè dici potest.

2. Amplius, Si aliquis effectus ad speciem causæ pertingat, prædicationem nominis vniuocè non consequitur, nisi secundum eundem esse ad modum eandem speciem vel formam suscipiat: non enim vniuocè dicitur domus quæ est in arte & in materia, propter hoc q. forma domus habet esse dissimile utrobique. res autem aliæ etiam si omnino similem formam

Beati de Deo vnicum & proprium nomen habebunt.

Rerum distinctarum sunt distincta nomina.

+ Idem. P. p. q. 4. art. 2. & 9.

Nomina quæ aliquam imperfectionem con significant non dicuntur formaliter de Deo.



consequenter, non tamen consequuntur secundum eundem modum essendi: nam nil est in Deo, quod non sit ipsum esse diuinum, vt ex dictis patet, quod in aliis rebus non accidit: impossibile est igitur aliquid de Deo vniocē & rebus aliis predicari.

†Cap. 26.

†Cap. 24.

3 Adhuc, Omne quod de pluribus vniocē predicatur, vel est genus, vel est species, vel differentia, vel accidēs, aut proprium. De Deo autem nihil predicatur vt genus, vt supra ostensum est: & similiter nec vt differentia, nec etiam vt species, quā ex genere & differentia constituitur, nec aliquid ei accidere potest, vt supra demonstratum est: & ita nil de Deo predicatur, neque vt accidens, neque vt proprium: nam proprium de genere accidentium est: relinquitur igitur nihil de Deo & rebus aliis vniocē predicari.

4 Item, Quod vniocē de pluribus predicatur, vtroque illorum ad minus secundum intellectum simplicius est: Deo autem neque secundum rationem, neque secundum intellectum potest esse aliquid simplicius, nil igitur de Deo vniocē & aliis rebus predicatur.

5 Amplius, Quod de pluribus predicatur vniocē secundum participationem, cuiuslibet eorum conuenit, de quo predicatur: nam species participare dicitur genus, & indiuiduum speciem. De Deo autem nihil dicitur per participationem: nam omne, quod participatur, determinatur ad modum participati, & sic partialiter siue particulariter habetur: & non secundum omnem perfectionem modum: oportet igitur nihil de Deo & rebus aliis vniocē predicari.

6 Adhuc, Quod predicatur de aliquibus secundum prius & posterius, certum est vniocē non predicari: nam prius in diffinitione posterioris includitur, sicut substantia in diffinitione accidentis, secundum quod est ens: si igitur diceretur vniocē ens de substantia & accidente, oporteret etiam quod substantia poneretur in diffinitione entis, secundum quod de substantia predicatur: quod patet esse impossibile. Nihil autem de Deo & rebus aliis predicatur eodem ordine, sed secundum prius & posterius, quum de Deo omnia predicentur essentialiter: dicitur enim ens quasi ipsa essentia, & bonus quasi ipsa bonitas: de aliis autem sunt predicationes per participationem: sicut Sortes dicitur homo, non quod sit ipsa humanitas: sed humanitatem habens: impossibile est igitur aliquid de Deo & rebus aliis vniocē dici.

## Super cap. 32.

**P**ostquam determinauit sanctus Thomas de diuinis nominibus absolute, nunc de ipsis comparative determinat.

¶ Circa hoc autem duo facit. Primum, ipsa nomina ad res significatas comparat secundum, ipsa inter se nomina, cap. 33.

Quantum ad primum, tres conclusiones ponit. Prima in hoc cap. ponitur secunda, cap. sequenti tertia, cap. 34. Prima itaque conclusio est: Nihil nomen de Deo, & aliis rebus potest vniocē predicari: & accipitur vniocē predicari conformiter ad diffinitionem vniocorum positam ab Arist. in Predicamentis, vt scilicet idem sit vniocē predicari, qd secundum vnam & eandem omnino rationem pluribus conuenire. Probatur primum. Formę earum rerum, quarum Deus est causa, ad speciem quinz virtutis non pertineunt: ergo de Deo & rebus aliis nihil vniocē dici potest, antequam probatur, quia creaturę eas diuisim & particulariter recipiunt, in Deo autem simpliciter & vniuersaliter inueniuntur. cōsequenter verō patet, quia effectus qui non recipit formā similem secundum speciem rei per quam agens agit, non potest nomen secundum illam formā vnioca predicatione recipere: non enim vniocē dicitur calidus ignis a Sole generatus, & Sol.

¶ P R O declaratione antecedentis considerandum est, quod sanctus Thomas distinguens secundum speciem, formas creaturarum a virtute diuina, inquit illas in creatura diuisim esse & particulariter: in Deo autem simpliciter & vniuersaliter, simpliciter opponendo ei, quod dixit diuisim, vniuersaliter autem ei quod dixit particulariter. Ideo duo sunt declaranda, scilicet, quomodo ista diuersitas sit intelligenda, & quomodo hæc diuersitas speciem arguat distinctionem.

¶ Q V A N T V M ad primum, notandum quod perfectiones diuersis nominibus a nobis significatę, puta iustitia, sapientia, bonitas, & huiusmodi in creaturis, & realiter, & formaliter distinguuntur: alia enim ratio sapientię est, & alia ratio iustitię, & similiter alia, & alia est ipsarū entitas, licet aliquando sint vnum subiecto. Ethoc est illas esse diuisim in creatura. In Deo autem huiusmodi res sunt simpliciter, id est, vnitę, & absque diuisione reali, quum omnia sint vna simpliciter, & indiuisibilis essentia, quę est Deitas, & quia Deitatis vna est ratio si secundum quod in se est consideretur: est enim vna quidditas per se & vniocē conceptu ab intellectu proportionato conceptibilis, ideo & sapientia, & iustitia, & bonitas, & alię perfectiones in Deo vniocē etiam formaliter sunt, quum earum vna numero sit ratio, quantum est ex parte rei, secundum quod in se est intellectus: vnius enim rei & essentię, vna sola ratio quidditatis, adæquata, & totalis est secundum se. Verum tamen est, quod illa ratio eminenter continet sapientię rationē & iustitię, ac aliarum perfectionum rationes, nullique earum est adæquata, aut propria.

¶ A D V E R T E N D V M autem quum dico sapientiā contineri eminenter in Deitate, & rationem sapientię in ratione Deitatis, quod non sit intellectus, quā sapientia diuina eminenter continetur in Deitate, ita qd Deitas habeat eminentiore modum, quā ipsa sapientia diuina, aut ratio Deitatis sit ratio sapientię perfectior, si secundum quod in seipsis sunt, consideren-

tur: hoc enim impossibile est, quum Deitas & sapientia diuina vna indiuisibilis entitas sint, & idem esse subiectes, & vna quidditas, ac essentia, & earum vna numero ratio adæquata sit, sed quod sapientia, in creaturis inuenta, cui primum nomen sapientię est impositum continetur in Deitate secundum quandam similitudinem excellentiorem modum essendi habentem, quā sit modus essendi, quo est in creaturis. & similiter ratio proportionata sapientię creatę continetur in ratione adæquata Deitatis eminenter, in quantum ratio Deitatis est ratio sapientię, & bonitatis, ac aliarum perfectionum diuinarum, continens perfectionaliter, & vnitę perfectiones omnium aliarum rationum, quę de ipsis ab intellectu nostro sunt formatę. Sicut animam vegetatiuam, & sensitiuam dicimus in anima intellectiua eminenter contineri: & earum rationes in ratione eius, non quia anima intellectiua excellentiorem modum habeat, quā anima sensitiua, & vegetatiua in ipsa: & ratio adæquata animę intellectiue sit perfectior ratione animę vegetatiue, & sensitiue, quę sunt idem cum ipsa: hoc enim impossibile est, quum in anima intellectiua sint vna indiuisibilis entitas, & earum sit vnum esse indiuisibile, & illius entitatis, & quidditatis vna numero sit perfecta & adæquata ratio, si secundum quod est, concipiatur: sed quia illa perfectio vegetatiua, quę est in plantis, & anima sensitiua, quę est in brutis, habent in anima intellectiua similitudinem, perfectiorem habentem modum, quā ipse in aliis habeant, & rationes earum continentur a ratione animę intellectiue eminenter, quum in ipsa eadem sit ratio vegetatiue, & sensitiue, cum ratione intellectiue, vt diximus, si entitas animę intellectiue completē concipiatur: vnius enim quidditatis vna numero perfecta ratio est.

Similiter sunt perfectiones in creaturis particulariter, in Deo autem vniuersaliter, sed hoc dupliciter potest intelligi.

Vno modo, vt particularitas, & vniuersalitas referatur ad esse proprium formę. In creatura enim perfectio habet esse receptum, & per consequens non habet totum esse formę, sed cum quadam limitatione, iuxta ea quę superius dicta sunt: in Deo autem est subsistens: & per consequens habet totum esse formę, & illimitatum: est ergo in creatura particulariter, id est, limitatē secundum esse formę, in Deo autem vniuersaliter, id est, illimitatē, & secundum totam perfectionem essendi illi formę debitam.

Alio modo potest intelligi, vt dicatur perfectio esse in creatura particulariter, id est, secundum entitatem propriam, & particularem ab alia perfectione realiter & formaliter distinctam, ita quod est ipsa & nō alia perfectio in eodem etiam supposito existens: in Deo autem vniuersaliter, id est, secundum entitatem illimitatam, ita quod omnes sunt vna essentia deitatis vniuersaliter, non quidem vniuersalitate materię, sed vniuersalitate formę, & perfectionis eā continentis: & vnaquęque ita est ipsa, quod etiam est omnis alia perfectio in Deo est existens. Vtroque modo verum est, quod hic dicitur, sed tamen secunda interpretatio magis videtur esse ad mentem S. Th. si cum his quę dicit Prima parte. q. 4. & in aliis locis conferatur, & sic idem importatur per diuisim, & simpliciter, quod per particulariter, & vniuersaliter: quod ad maiorem explicationem additum est. Ex his autem patet secundum, scilicet quod iste modus essendi arguit distinctionem speciem: manifestum est enim, quod perfectio quę est in causa, est vna essentia, & vna natura cum omni alia perfectione, non est eiusdem speciei cum perfectione quę est limitata, & ab aliis perfectionibus est distincta: vna enim maiorem perfectionem essentialē habet, quā alia, quod facit speciem distinctionem. Nam anima sensitiua in homine, distinguitur secundum speciem ab anima sensitiua in bruto, eo quod in homine sit essentialiter perfectior, quum sit essentia etiam animę intellectiue, quod ei quę est in brutis non conuenit.

C I R C A illam propositionem, Effectus qui non recipit formam secundum speciem similem, & per quam agens agit, nomen ab illa forma sumptum, secundum vniocam predicationem recipere non potest, occurrit dubium duplex.

Primum est, quia vniocatio saltem logica, non est solum in specie, sed etiam in genere: ideo licet effectus non accipiat formam eandem secundum speciem cum forma effectus, si recipiat eandem secundum genus, nomen illius formę genericę de ipsis vniocē predicabitur. Nam corpus vniocē dicitur de corporibus celestibus, & de corruptibilibus secundum genus logicum, & tamen forma corporeitatis a cælo in illis inferioribus causata, non est eadem secundum speciem, sed tantum secundum genus cum forma corporeitatis cæli.

Secundum est, quia tunc nullus effectus erit vniocus suę causę. Inquit enim sanctus Thomas 1. 2. quæst. 110. artic. 2. ad 3. quod nullus effectus habet speciem suę causę.

Ad primum horum responderetur, quod non loquitur sanctus Thomas de quocunque nomine effectus & causę, sed de nomine sumpto a forma effectus, vt patet ex eius verbis: nomen autem sumitur a forma effectus, quando significat ipsam formam speciem sub propria ratione: non autem quando ipsam sub ratione genericā significat. Sicut nomen Calidi sumptum a calore producto ab igne, non significat naturam genericam caloris absolute, sed naturam speciem: actio enim agentis nō terminatur ad formam genericam abstractam, sed ad formam determinatam ad speciem: & ideo si ipsa forma non est eiusdem speciei in causa & effectū, nomen illud non dicitur de causa & effectū vniocē, quia ratio importata per nomen secundum quod dicitur de effectū: & ratio per ipsum importata secundum quod dicitur de causa, non sunt vna, & eadem ratio, quod requiritur ad vniocationem. Ex hoc optime sequitur, qd nullum nomen dictum de Deo & creatura, vniocē dicitur: quia omne tale nomen sumitur a forma quę recipitur in effectū: quę, quia non est eiusdem speciei in Deo & in creatura, ideo nomen non secundum vnam nominis rationē dicitur de Deo & creatura: non ergo vult sanctus Thomas per illam propositionem excludere omne vniocum quomodoque ad causam & effectum, sed vniocationem nominis significantis formam agentis sub propria ratione, & similiter formam effectus.

Quod autem adducitur de corpore, non est ad propositum, quia nomen corporis non est nomen sumptum a forma effectus illius, vt hic secundum propriam rationem, & speciem.

Ad secundum dicitur, sanctus Thomas in Secunda secundę non loquitur de effectū a causa separato, sed de effectū essen iam causę concomitante in ipsa causa, sicut esse deorsum est effectus grauis, & esse risibile est effectus hominis: talis enim effectus constat, quod non habet speciem suę causę, hic autem sermo est de effectū, ab ipsa causa separato, & per veram & realem

Contra Gent. d. 2 actio

Quomodo per  
fectiones in crea-  
turis sunt parti-  
culariter, in  
Deo autē vni-  
uersaliter.

Effectus qui nō  
assimilatur se-  
cundū speciem  
formę agentis  
vniocā predi-  
cationem non  
minis ab illa  
forma sumpti  
non recipi.

Quomodo per  
fectiones quę  
sunt in creatu-  
ris sunt diui-  
sim, in Deo autē  
sunt vnitę.

Quomodo sa-  
pientia cōtine-  
tur in Deitate  
eminenter &  
similiter alię  
creaturarū per-  
fectiones.



actionem producta, non autem ex naturali concomitantia resultante.

Secundo arguitur: Res, supposito etiā (quod tamen est falsum) quod similem formam secundum speciem cōsequeretur à Deo, adhuc in Deo alium modum essendi habent, quā in creaturis: ergo non vniocē nomen earum dicitur de Deo & creaturis. Probat antecedens, quia in Deo sunt ipsum esse, non autem in creaturis. Consequentia vero probatur, quia si effectus ad speciem causę pertingat, nisi eandem formam secundum eundem modum essendi recipiat, prædicationem nominis vniocē non consequitur: nō enim dicitur vniocē domus quæ est in mente, & domus quæ est in materia, propter dissimilem modum essendi, nam in mente habet esse immateriale, in materia verò esse materiale.

De ratione  
vniocorum.

NOTANDVM quod ex iis, quæ dicit hīc S. Thomas cum dicitur ab Arist. vnioca esse, quorum ratio substantiæ est eadem, intelligitur quod ratio sit eadem & secundum formam, & secundum essendi modum, propter quod duo ponit S. Thomas veri, quæ est. 7. art. 7. conuenire effectui vnioco, scilicet quod similitudo effectus sit in causa, & secundum esse naturale, & secundum eandem rationem.

SED tunc occurrit dubium: nam corpus dicitur vniocē, saltem secundum logicum de corruptibili & incorruptibili, & tamen illa habent diuersum modum essendi. Dicitur quod ista ratio concludit tantum de vniocatione physica & naturalis: in qua cōsideratur non tantum ratio, sed etiam esse rei, non autem de vniocatione logica, in qua sola rei ratio consideratur, vt videtur dici potest. q. 7. ad primum, in oppositum.

Tertio, de Deo nihil prædicatur, vt genus, vel differentia, vt supra est ostensum: nec vt species, quia ipsa consistit ex genere & differentia: nec vt proprium vel accidens, quia nihil de genere accidentium est in Deo: ergo nihil simpliciter de ipso vniocē prædicatur: probatur consequentia, quia omne quod vniocē prædicatur est aliquod horum. Ad hanc rationem negaret Scotus consequentiam: ad probationem verò negaret assumptum. Apud ipsum enim 1. Sententiarum, dist. 3. q. 3. & dist. 8. quæst. 2. ens vniocē de Deo, & creatura prædicatur: & tamen neque est genus, neque species, neque differentia, neque proprium, neque accidens. Non enim est genus: id quod maxime videretur, quia propter sui maximam communitatem de aliquibus differentis, licet non de vltimis, quidditatiuè prædicatur genus autem non prædicatur quidditatiuè de differentis: & sic est vniocum, & nullum est de illis quinque prædicabilibus.

Si ens ponatur  
vniocum, oportet  
ipsum esse  
genus.

SED ista Scoti responsio rationem sancti Thomæ non euacuat. Quod vt clare pateat, sciendum quod licet ex Arist. 3. Metaphysic. text. com. habeatur ens non posse esse genus, quia differentias habere non potest: quum nihil sit de cuius intellectu non sit ens: genus autem non sit de intellectu differentiarum. Si tamen poneretur vniocum esse, oporteret ipsum esse genus, & differentias habere, de quarum intellectu non esset. Nam hoc quod est non esse de intellectu differentiarum, non est de ratione generis, sed concomitatur generis rationem, ipsumque consequitur vt proprietas: genus enim affirmatiuè dicitur, sicut & species, & in suo conceptu quidditatiuè negationem non includit: vt ex generis & speciei diffinitionibus patet, sicut & non prædicari quidditatiuè de qualitate cōcomitatur substantiæ rationem, non tamen ipsam rationem substantiæ ingreditur: ideo ad videndum, an ens sit genus, oportet primò respicere ad ea quæ generis rationem constituunt, non ad ea quæ ipsam consequuntur, quia si illa sibi conueniunt, oportet & quod consequitur, conuenire: implicat enim rationem aliquid, vni conuenire, & non id quod ipsam de necessitate consequitur. Sicut quia risibilitas rationem hominis consequitur, non oportet ad videndum an Sor. sit homo respicere, primò an sit risibilis, sed an sit animal rationale: quo confito, apparet quod sit risibilis, quum ex vno alterum sequatur. Fatum enim esset dicere confito quod Sor. sit animal rationale, ipsum non esse hominem, quia non est risibilis: imò non potest non risibilis esse, si est animal rationale. Et si verum ponatur ipsum non esse risibilem, arguitur à signo, non esse animal rationale, & ipsum non esse hominem: eodem modo, si enti ratio generis conueniat, non oportet negare ipsum esse genus, quia prædicatio quidditatiuè de aliquibus differentis, quod repugnat ei quod rationem generis concomitatur, imò ex hoc quod sibi rationem generis conuenire ostenditur, conueniunt quod non prædicatur de differentis: & si prædicatur à posteriori, arguitur quod non est genus, & quod non est illud ad quod sequitur ipsum esse genus. Quod autem generis ratio conueniat enti, si sit vniocum, ostenditur, & ex fundamento intentionis, & ex ipsa secundæ intentionis diffinitione. Ex fundamento ostenditur nam genus, putà animal, dicitur naturam quandam, ab inferioribus suis per intellectum abstrahibilem, & ab omni principio limitatam, quæ per differentiam eandem ipsi realiter ad speciem contrahitur: ita quod ipsa differentia est de intrinseca constitutione essentia: species patet quod dicitur in animali, ex ipsa enim animalis ratione, constat quod concipitur absque aliquo ad speciem limitare. Quum enim dico, Substantia, animata, sensibilis, nulla dicitur species animalis: constat etiam quod per hanc differentiam, quæ est rationale, quæ est idem realiter cum animali, limitatur ad hominem, & est ipsa differentia intrinseca hominis essentia: si autem ens est vniocum, duo hæc sibi conueniunt necesse est. Nam omne vniocum, etiam vniocatione Metaphysica, quam Scotus ponit, dicitur vnam formam ab omnibus vniocatis abstrahibilem: item oportet vt per differentiam limitetur, & ad diuersa vniocata diuidatur. Nam aut per diuersos modos essendi limitabitur, aut per aliquam essentialē differentiam, quum sit communissimum quiddam, non per diuersos modos essendi, quia diuersæ species substantiæ: putà homo, & equus, de quibus ens quidditatiuè prædicatur, conueniunt in eodem modo essendi.

Item, quia modi essendi non sunt de essentia rei creatæ, cum in creaturis esse distinguatur ab essentia, vt inferius ostendetur. Si ergo ens dicit vnam quidditatem communem ipsis, & non distinguuntur nisi per diuersos modos essendi, sequitur quod non distinguuntur intrinsece, & essentialiter: sed hoc est falsum, quia essentialiter per differentias distinguuntur: ergo oportet vt si ens dicit vnam naturam, & quidditatem illis communem, quod illa quidditas per illas differentias, sibi realiter identificatas diuidatur & contrahatur, alioquin in homine essent dux quidditates, & similiter in equo, scilicet quidditas entis, & quidditas differentia: & sic non esset vnum simpliciter: imò nec ens, nec ipsa differentia de specie prædicaretur in recto: quia neutrum totam quidditatem diceret, sed partem: pars autem de toto non prædicatur in recto. Ex ratione etiā generis idem patet. Nam genus est quod vniocē de pluribus differentibus specie prædicatur in eo quod quid est. Constat autē si

ens est vniocum, quod sibi dicta ratio cōuenit, quia de diuersis speciebus vniocē & quidditatiuè prædicabitur, ergo, &c. Ex iis patet in dictis Scoti esse contradictionem dum ponit ens vniocum esse, & prædicari quidditatiuè de ali quibus differentis. sequitur enim, vt ostendimus, gratia materiæ, licet forte nō gratia formæ, Est vniocum, ergo est genus: ergo non prædicatur quidditatiuè de differentis, quia genus est extra conceptum differentia: & sic est contradictio dicere, quod sit vniocum, & quod de differentis prædicetur.

Ex iis patet, quod cum Ari. probat ens non esse genus, quia nō habet differentias: ratio sua est à posteriori. Ex eo enim quod differentias nō habet, sequitur quod nō est genus, neque vniocum: quia si esset vniocum haberet differentias, cum non posset esse aliud vniocum quā genus. Ratio ergo S. Thom. efficax est, & assumptum illud est verum: Omne vniocum aut est genus, aut species, &c. Quia huic diuisioni nihil præter ens obstat: quod ponebatur vniocum esse, & tamen non esse aliquod horum: ostensum est autem, si ens est vniocum, oportere illud esse genus. Quod, nihil est Deo simplicius, neque secundum rem, neque secundum intellectum: ergo, &c. Probat consequentia: quia quod de pluribus vniocē prædicatur, vtroque illorum ad minus secundum intellectum simplicius est.

AD euidentiam huius assumpti considerandum est, quod aliter loquendum est de vnioco quantum ad simplicitatem, & aliter de analogo, & æqui uoco. Vniocum enim ad sua inferiora per aliquod additum contrahitur: sicut animal per rationale contrahitur ad hominem, & homo ad Sor. per principia indiuiduantia, ideo necesse est vt ipsum vniocum dicat aliquod simplicius vniocatis, cum & ipsum vniocum vniocata includant, & aliquid ad eius rationem addant: æquiocum autem & analogum, quod plures rationes dicit, vt sunt vnum proportionem, quod propriè à Græcis analogum dicitur, non est simplicius quolibet analogato, & æquiocato, imò magis cōpositum: nō enim vnā naturam dicit suis inferioribus cōmunē, cui inferiora aliquid addant, sed dicit immediatè plures naturas: & ad vnumquodque comparatur, sicut multa ad vnum: canis enim dicit plura, scilicet animal terrestre, pisces marini & sydes cælestes. Pisces autem marinus dicit vnum tantum, sicut circo pisce marino canis non est quid simplicius, imò quasi magis cōpositum.

Ex quo sequitur, quod licet ponamus ens esse commune Deo & creaturæ, non tamen oportet vt sit simplicius Deo: quia non ponimus ipsum esse vniocum, tanquam vnam rationem dicens communem Deo & creaturæ, sed esse analogum, & immediatè plura significare.

CIRCA illam propositionem, Deo nihil potest esse simplicius neque secundum rem, neque secundum intellectum, dubitatur: quia ens est quid simplicius secundum intellectum, cum omnes conceptiones intellectus accipiantur ex additione ad ens, vt dicitur veri. q. 1. art. 1. Dicitur quod dupliciter aliquid potest esse simplicius alio secundum intellectum. Vno modo ex conditione ipsius rei, alio modo ex conditione intellectus intelligentis. Ex conditione rei, quando vna res habet in se, vnde simplici conceptu concipitur: alia verò habet vnde cōposito conceptu debeat concipi. Ex parte verò intellectus, quando intellectus rem simpliciter, & vniocē conceptu simplici concipibilem vno conceptu propter sui debilitatem comprehendere non potest: & ideo diuersos de ipsa conceptus format, quorum vnum ad alium ex additione se habet, ens ergo quantum ad conceptum vnum imperfectum quem dicit, de quo inferius sermo erit, non est simplicius Deo secundum intellectum ex conditione ipsius rei, sed ex imperfectione intellectus nostri formati conceptum Dei ex additione ad cōceptum entis, eo quod ipsum secundum quod in se est non videat, si enim formaretur conceptus diuine essentia: secundum quod in se est æquatus, ille simplicissimus esset, nullam pluralitatem continens, sicut & res ipsa simplicissima est ab omni cōpositione & multiplicitate aliena. Vnde propositio sancti Thomæ intelligenda est, quod nihil est simplicius Deo secundum intellectum quantum est ex parte ipsius rei: cum hoc autem stat, quod ens sit simplicius Deo secundum intellectum ex defectu, & debilitate intellectus nostri. Quinto, de Deo nil per participationem dicitur: ergo nihil de ipso dicitur vniocē. Antecedens patet, quia omne quod participatur, particulariter habetur, & non secundum omnem perfectionis modum: cuius oppositum Deo, vt superius diximus conuenit. Consequentia verò probatur quia quod de pluribus vniocē prædicatur, cuiuslibet eorum secundum participationem conuenit: species enim, genus, & indiuiduum speciem participat.

ADVERTENDVM quod non dicitur, ideo vniocum ab inferioribus participari, quasi partē essentia: eius capiant, sed quia non recipiunt illud secundum omnē modū perfectionis: in diuersis enim diuersa habet esse, & perfectiora, & imperfectiora: in vno autē non sunt huiusmodi omnes perfectionum modi, licet tota vniocē essentia vnumquodque illorum habeat. Vltimò, Omne quod de Deo & creatura dicitur, secundum prius, & posterius prædicatur: ergo nihil de Deo vniocē dicitur & creatura. Patet antecedens: quia omnia dicuntur de Deo per essentia: de creatura autem, dicuntur omnia per participationē. Dicitur enim Deus ens, quasi ipsa essentia: & bonus quasi ipsa bonitas: Sor. autem dicitur homo, nō quia sit ipsa humanitas, sed quia est humanitatis habens. Cōsequentia verò probatur, quia quod dicitur secundum prius & posterius, nō vniocē prædicatur. Nam huiusmodi, Prius, in diffinitione posterioris includitur: sicut substantia in diffinitione accidentis, secundum quod est ens, ex quo sequeretur, si ens vniocē, siue secundum vnam rationem diceretur de substantia & accidente, quod in diffinitione substantia: secundum quod est ens poneretur substantia, quod est impossibile.

ADVERTE quod in hac ratione ponit S. Thom. essentiam tanquam abstractum entis, quod superius dicebamus esse de mente ipsius.

PRO declaratione antecedentis considerandum, quod vnumquodque prius dicitur de illo quod est tale per essentia, quā de eo quod est tale per participationē, sicut ignis de illo quod est essentialiter ignis per prius dicitur, quā de eo quod est ignitū. Scilicet esse per essentia tale dupliciter potest intelligi: vno modo, quia est ipsa essentia, secundum quod nomine abstracto importatur alio modo, quia licet nō sit ipsa essentia vt nomine abstracto significatur, sed aliquid ad ipsam addat, eius tamen prædicationem in concreto essentialiter suscipit. primo ergo modo accipitur hoc loco esse per essentia tal, non secundo modo, vt patet ex exemplo sancti Thomæ.

ADVERTENDVM autem, quod non dedit exemplum de eodem nomine dicto de Deo & Sor. sed de diuersis, vt magis rem explicaret. Nam si essentialiter prædicat, vt homo, non dicitur per essentia primo modo de Sor. sed per participationem, multo magis & nomen Bonitatis, quod non dicitur

Deo nihil potest esse simplicius neque secundum rem neque secundum rationem.

Vniocum cuiuslibet inferiorum secundum participationē conuenit.



essentialiter. De hac autem materia, quomodo diuersimodè accipiat per essentiam, & per participationem superius iam dictum est.

**Quod dicitur** CIRCA illam propositionem, Quod dicitur secundum prius & posterius secundum prius non vniuocè prædicatur, aduertendum ex doctrina S. Tho. ver. q. 2. art. 11. q. aliud est ipsa inferiora inter se habere ordinem prioris & posterioris: & aliud participare commune ipsum secundum prius & posterius: inter ipsa etiam talem ordinem esse, est vnum secundum esse, & secundum proprii nominis rationem esse altero prius, & iste ordo vniuocationi non repugnat: sicut in ratione numeri vniuocantur, & parificantur, & tamen inter species numerorum talis est ordo. Participare autem commune secundum prius & posterius: est ipsum non secundum vnam rationem participare, sed secundum diuersas rationes, quarum vna est altera prior, & in alterius ratione includitur: propter quod inquit S. Thom. quod prius ponitur in definitione posterioris conueniente sibi secundum nomen commune: sicut substantia ponitur in definitione accidentis secundum quod est ens. Si enim queratur quid est accidens esse ens, respondebitur, quod est ipsum esse aliquid substantiæ inherens, & talis ordo repugnat vniuocationi, cum vniuocum dicat vnam rationem: hanc autem plures rationes. Quomodo autem prius inter analogata ponatur in definitione posterioris ostenditur in cap. de analogia, Scotus in 1. Sentent. in locis præallegatis, oppositum huius conclusionis tenet, ponens ens vniuocè esse Deo & creaturæ, exponens tamen se, vniuocum appellare conceptum cum, qui ita est vnus, quod eius veritas sufficit ad contradictionem affirmando, & negando ipsum de eodè: sufficit etiam pro medio syllogistico vt extrema vnica in medio sic vno sine fallacia æquiuocationis cõcludantur inter se esse vnū, probat autem propositionem suam tripliciter. Primò, Intellectus certus de vno conceptu, & dubius de diuersis, habet cõceptum de quo est certus alium à cõceptibus, de quibus est dubius: sed intellectus potest esse certus de aliquo quod sit ens, dubitando de finito vel infinito, creato vel increato, ergo conceptus entis de aliquo est alius à conceptu isto vel illo: ergo vniuocus.

Secundò, Omnis inquisitio metaphysicæ de Deo procedit cõsiderando formam rationalem aliquid: & ablata ab ea omni imperfectione illam attribuendo Deo: ergo omnis inquisitio metaphysicæ supponit intellectum habere conceptum eundem vniuocum, quem accipit ex creaturis. Si dicatur non esse eandem rationem inuestigatam de Deo, sed aliam.

Contrà, sequitur quod ex nulla propria ratione eorum prout sunt in creaturis, potest concludi aliquid de Deo, quia omnino alia, & alia ratio est istorum, & illorum, imò non magis concluderetur, quod Deus est sapiens ex ratione sapientiæ quam apprehendimus ex creaturis, quam quod Deus est formaliter lapsus.

Tertiò, Sequeretur quod Deum naturaliter cognoscere non possemus aliquo simplici conceptu: quia in phantasmate non includitur virtualiter, nisi conceptus conueniens creaturæ. Si ergo conceptus vnus non est vnus Deo & creaturæ, sed alius & alius est Dei & creaturæ, sequitur quod nullum poterimus talem de Deo conceptum habere.

Quartò, Et auctoritas Arist. 1. Metaphysicæ: ibi enim arguit, quod principia sempiternorum necesse est esse verissima: quia vnumquodque est maximè tale, per quod aliis inest vniuocatio, ergo Deo & aliis est aliquid commune vniuocum.

PR. O responsione ad ista, considerandum quod accipiendo vniuocum eo modo quo explicauit Scotus in illa sua declaratione, nõ esset inter ipsum & S. Tho. differentia: illa enim omnia analogo etiam conueniunt, sed quia illa arbitratu Scotus non posse conuenire, nisi ei quod dicit vnum conceptum omnino ab aliis præcisum, & propter hoc arbitratu vniuocum ens est: cui talia conueniunt, ideo ad argumenta eius responderetur.

Ad primum quidem dicitur primò, quod cõceptus ille, de quo intellectus est certus, est alius à conceptibus de quibus est dubius: non quidem per omnimodam præcisionem, sed tanquam eos omnes cõtinent per modum analogiæ, vt inferius declarabitur. Dicitur secundò, quod ex hoc non concluditur, nisi quod ens dicit aliquid vnum conceptum, alium à conceptibus aliorum, quod conceditur: dicit enim quandam conceptum imperfectum, vt ostenditur inferius, non tamen concluditur, quod dicit conceptum vnum vniuocum.

Ad secundum negatur consequentia: quia ex illo processu non attribuitur Deo idem conceptus omnino, puta sapientiæ, sed proportionalis, per quem Deus formaliter dicitur sapiens, non autem lapsus. Dicitur secundò, quod præsupponitur intellectum habere eundem conceptum communem imperfectè significantem vtranque perfectionem significatam tali nomine, non autem perfectum & vniuocum.

Ad tertium dicitur primò, quod si loquamur de conceptu adæquato rei, nullum est inconueniens non posse à nobis concipi Deum aliquo conceptu simplici, imò hoc necessarium est, cum nullam perfectionem diuinam, secundum quod in se est concipere possimus, vnde inquit S. Thom. 1. q. 2. 13. 10. quod cum hoc nomen sapiens dicitur de Deo relinquit rem significatam, vt incomprehensam, & excedentem nominis significationem.

Dicitur secundò, quod si loquamur de conceptu imperfecto, & inadæquato rei, vt nomine aliquo significatur, multi tales conceptus haberi de Deo possunt communes sibi & creaturis: & non est inconueniens aliquem talem conceptum virtualiter contineri in phantasmate: potest enim prius in posteriori quantum ad aliquem imperfectum conceptum vtrique communem, contineri, in quantum res per phantasma representata, est quedam similitudo participata prioris.

Dicitur tertio, quod eam hanc vnitatem conceptus mentalis imperfecti non facit vniuocationem, vt magis cap. 34. declarabitur.

Dicitur quarto, quod si aliquis conceptus proprius Deo haberi possit, quo ipsa perfectio diuina cognoscatur secundum modum eminentiæ, quo à perfectione creaturæ differt, ille continetur virtualiter in phantasmate creaturæ in quantum est instrumentum intellectus ex creaturis Dei conditiones inuestigantis, cõ quod effectus causam participatiuè continet, vnde ipsa diuina perfectio continetur in perfectione creaturæ, non sicut effectus in causa, sed sicut causa in effectum, quia videlicet similitudo causæ, & virtus eius saluatur in effectum, licet aliquando deficienter & imperfectè.

Ad quartum dicitur quod Aristot. accipit vniuocationem pro analogia quando aliqua conueniunt in vna ratione proportionaliter, secundum quam rationem in analogo potest etiam comparatio esse, vt vnum dicatur magis tale esse, quam aliud: quia sua ratio per illud nomen importata est perfectior ratione alterius.

Quod ea, quæ de Deo & aliis rebus prædicantur, non dicuntur purè æquiuocè.

Cap. 33.



PRÆMISSIS etiam patet, quod non quicquid de Deo & rebus aliis prædicatur secundum puram æquiuocationem dicitur, sicut ea, quæ sunt à casu æquiuoca. Nam in his quæ sunt à casu æquiuoca, nullus ordo aut respectus attenditur vnus ad alterum: sed omnino per accidens est quod vnum nomen diuersis rebus attribuitur: non enim nomen impositum vni signat ipsum habere ordinem ad alterum. Sic autem non est de nominibus, quæ de Deo dicuntur, & creaturis. Consideratur enim in huiusmodi nominibus communitate, ordo causæ & causati, vt ex dictis patet: non igitur secundum puram æquiuocationem aliquid de Deo & rebus aliis prædicatur. † Idem. P. p. 9 3. art. 5.


2. Amplius, Vbi est pura æquiuocatio, nulla similitudo in rebus illis attenditur, sed solum vnitatis nominis: rerum autem ad Deum est aliquis modus similitudinis, vt ex prædictis patet: relinquitur ergo quod non dicantur de Deo secundum puram æquiuocationem. † Cap. 29.

3. Item, Quando vnum de pluribus secundum puram æquiuocationem prædicatur, vno eorum non possumus duci in cognitionem alterius: nam cognitio rerum non dependet ex vocibus, sed ex ratione nominis. ex his autem quæ in rebus aliis inueniuntur in diuinorum cognitionem peruenimus, vt ex dictis patet: non igitur secundum puram æquiuocationem dicuntur homini attributa de Deo & aliis rebus.

4. Ad hoc, Aequiuocatio nominis processum argumentationis impedit: si igitur nihil diceretur de Deo & creaturis nisi purè æquiuocè, nulla argumentatio fieri posset procedendo de creaturis ad Deum: cuius contrarium patet ex omnibus loquentibus de diuinis.

5. Amplius, Frustrà aliquod nomen de aliquo prædicatur nisi per illud nomen aliquid de eo intelligamus: sed si nomen prædicatur de Deo & creaturis omnino æquiuocè, nihil per illa nomina intelligimus de Deo: cum significationes illorum nominum notæ sint nobis solis secundum quod de creaturis dicuntur: frustrà igitur diceretur aut probaretur de Deo quod Deus est bonus, vel si quid aliud huiusmodi est: Si autem dicatur quod per huius nomina solum de Deo cognoscimus quid non est, vt scilicet ea ratione dicatur viuens, quia non est de genere rerum inanimatarum, & sic de alijs: ad minus oportebit quod viuens, de Deo & creaturis dictum, conueniat in negatione inanimati: & sic non erit purè æquiuocum. † Instantia. † Solutio.

Super cap. 33.



Secunda conclusio est, Non quicquid de Deo & aliis rebus prædicatur, secundum puram æquiuocationem dicitur, sicut scilicet ea quæ dicuntur à casu æquiuoca.

ADVERTENDVM autem, quod pura æquiuoca hanc accipit sanctus Thomas, vt distinguuntur ab analogis, quia & ipsa analogæ æquiuoca sunt: sed tamen quia inter se habent quandam proportionis vnitatem, ideo non dicuntur purè æquiuoca, id est, habere diuersas omnino rationes, quæ etiam dicuntur æquiuoca à casu, cõ quod nomen impositum sit à diuersis ad diuersa significandum, non ex aliqua similitudine vnus ad alterum, sed quia sic accidit: sed dicuntur æquiuoca à consilio, quia important vnum ex aliqua similitudine ad alterum. Impositum enim nominis, cõ quod inter illa quandam proportionem considerauit, ideo illa eodem nominauit nomine, vnum tamen in ordine ad alterum, & secundum quod vnum in alterius includitur ratione. Probatur autem conclusio: primò, quia in æquiuocis à casu nullus ordo aut respectus ad alterum consideratur, sed omnino per accidens est quod idem nomen diuersis attribuitur, cum nomen impositum vni non significet ipsum habere ordinem ad alterum, sed in nominibus dictis de Deo, & creaturis, consideratur ordo causæ & causati, ergo, &c.

ADVERTENDVM, quod in nominibus dictis de Deo & creaturis in nominibus consideratur ordo causæ & causati, non quod talis ordo formaliter per ipsa dictis de Deo nomina importetur, alioquin nomina essent nomina relatiua: sed quia important fundamenta ordinis causæ & causati, & ex consideratione ordinis consideratur ordo huiusmodi, dum consideratum est hanc perfectionem à Deo sicut à causa, causæ & causati, & idcirco esse aliquid in Deo per quod inter ea sit similitudo, & sicut, maximè cum nullam importet imperfectionem ex differentiali conceptu, idem nomen, & Deo & creaturæ est impositum. Vnde quod videtur velle sanctus Thomas in hac ratione, nomen analogum significare vnum habere ordinem ad alterum, intelligitur aut formaliter, aut fundamentaliter: quia in aliquibus formaliter importatur: in aliquibus autem tantum fundamentaliter, vt in sequenti cap. demonstrabitur: hoc tamen omnibus commune est, quod ex consideratione talis ordinis idem nomen vtrique analogorum est impositum, vt possit dici, quod habitudo causæ ad causatum sit id à quo nomen imponitur: non autem id cui imponitur, tanquam rei per nomen significatæ. Hoc dixerim secundum vnum modum exponendi dicta sancti Thomæ, & aliorum opinionibus adherendo, in sequenti autem cap. ostendetur alius modus fortè conuenientior.

Secundò, Rerum est aliquis modus similitudinis ad Deum, ergo non dicuntur



citur nomen de Deo & creaturis purè æquiuocè: probatur consequentia, quia ubi est pura æquiuocatio, nulla similitudo in rebus attenditur.

ADVERTERE quod inter pura æquiuocata nulla est similitudo, quæ scilicet per nomen æquiuocum importetur, tanquam id à quo est nomen importum, sed bene similitudo aliqua inter ipsa absolute esse potest. Tertio, ex his quæ in aliis rebus inveniuntur in diuinorum cognitionem deuenimus ergo inter illa non est pura æquiuocatio: probatur consequentia, quia quando vnum de pluribus secundum puram æquiuocationem dicitur, ex vno eorum non possumus duci incognitionem alterius: cum rerum cognitio non ex vocibus, sed ex nominis ratione dependeat.

ADVERTENDVM hic quoque, quod absolute quidem vnum æquiuocatorum potest in alterius ducere cognitionem, in quantum in aliquo alio similia esse possunt: sed formaliter loquendo accipiendo æquiuoca ut æquiuoca sunt, ut scilicet illis solum nomen est commune, vnum non potest in alterius notitiam ducere. Si enim duo sint homines, qui à casu dicantur sortis ex cognitione vnius eorum in quantum est sor. non potest in alterius notitiam deueniri, ex eo quod etiam ipse dicitur Sortes, cum in nullo, excepto nomine, ut sic conueniant, ex solis autem vocibus rei, non habeatur cognitio, neque aliquid realiter rei conueniat ex sola nominatione.

Quarto, sequeretur nullam argumentationem fieri posse procedendo ex creaturis ad Deum: probatur consequentia, quia nominis æquiuocatio processum argumentationis impedit.

CONSIDERANDVM quod in omni argumentatione, oportet extrema in vno medio conuenire & vnita esse: hoc autem ex nominis æquiuocatione tollitur. Si enim dixerò, Omnis canis, latrat, cælestis sydes est canis, ergo latrat: patet extrema non vniri in medio, cum nomen assumptum pro medio in alia significatione accipitur in maiori, & in alia in minori. Similiter si dicerem, Omnis sapiens considerat altissimas causas, Deus est sapiens: ergo considerat altissimas causas. Si sapiens purè æquiuocè dicitur, in alia significatione accipitur in maiori, & in alia in minori: & sic non erit vniio extremorum in medio.

Vltimo, sequeretur quod frustra diceretur aut probaretur aliquid de Deo. Probatur consequentia: quia nihil per illa nomina æquiuoca intelligemus de Deo, cum significationes nominum illorum sint nobis notæ solum, secundum quod de creaturis dicuntur, scilicet aut simpliciter, aut proportionaliter, id est, in quantum significant, aut perfectionem creaturæ, aut aliquid ad creaturæ perfectionem proportionem habens, frustra autem aliquid nomen de aliquo prædicatur, nisi per illud nomen aliquid de eo intelligamus.

Si dicatur quod per illa nomina cognoscimus de Deo solum quod non est, ut verbi gratia, dicitur viuens: quia non est de genererum inanimatarum, oportebit saltem quod viuens de Deo & creaturis dictum conueniat in negatione inanimati, & sic non erit purè æquiuocum.

NOTANDVM, quod aliqui dixerunt, ut recitat sanct. Thom. Prima parte quæst. 13. artic. 2. & potent. q. 7. art. 5. nomina dicta de Deo per modum negationis de Deo dici, ut viuens, quia non est inanimatus, & sic de aliis: sed illud reprobat ibidem, tum quia sic omne nomen formaliter diceretur de Deo, eo quod nullum nomen sit per quod non remoueat aliquid modus qui Deo non competitur quia cum omnis negatio per affirmatiuum probetur, non posset intellectus aliquid de Deo negare, nisi aliquid de ipso affirmatiue cognosceret. Hanc ergo positionem non acceperat hoc loco sanct. Thom. sed ea etiam admissa vult habere quod nomina non purè æquiuocè de Deo, & creaturis dicantur.

#### Quod ea, quæ dicuntur de Deo, & creaturis analogice dicuntur. Cap. 24.

† Idem 1. Sent. dist. 19. q. 8. art. 2. ad 2. & Opus. 9.  
† cap. 26.

**E**rgo igitur ex dictis relinquitur, quod ea quæ de Deo & rebus aliis dicuntur, neque æquiuocè neque vniuocè prædicantur, sed analogice: hoc est, secundum ordinem vel respectum ad aliquod vnum.

Quod quidem dupliciter contingit. Vno modo secundum quod multa habent respectum ad aliquod vnum, sicut secundum respectum ad vnam sanitatem animal dicitur sanum, ut eius subiectum: medicina, ut eius effectiuum: cibus, ut eius conservatiuum: vrina, ut eius signum.

Alio modo secundum quod duorum attenditur ordo vel respectus, non ad aliquid alterum, sed ad vnum ipsorum: sicut ens de substantia & accidente dicitur secundum quod accidens ad substantiam respectum habet, non secundum quod substantia & accidens ad aliquod tertium referantur. Huiusmodi ergo nomina de Deo, & rebus aliis non dicuntur analogice secundum primum modum: oporteret enim aliquid Deo ponere prius, sed secundo modo.

† In huiusmodi autè analogica prædicatione ordo attenditur idem secundum nomen, & secundum rem quandoque: quandoque verò non idem. Nam ordo nominis, sequitur ordinem cognitionis, quia est signum intelligibilis conceptionis: quando igitur id quod prius est secundum rem, inuenitur etiam cognitione prius: idem inuenitur prius & secundum nominis rationem & secundum rei naturam. Sic substantia prior est accidente natura, in quantum substantia est causa accidentis: & cognitio in quantum substantia in diffinitione accidentis ponitur: & ideo ens dicitur prius de substantia quam de accidente, & secundum naturam & secundum nominis rationem: quando verò illud quod est prius secundum naturam, est posterius secundum cognitionem: tunc in analogicis non est idem ordo secundum rem & secundum nominis rationem: sicut virtus sanandi, quæ est in sanatiuis, prior est naturaliter sanitati, quæ est in animali, sicut causa effectus: sed quia hæc virtutem per

effectum cognoscimus: ideo etiam ex effectu nominamus: & inde est quod sanatiuum est prius ordine rei: sed animal dicitur prius sanum secundum nominis rationem. sic igitur quia ex rebus aliis in Dei cognitionem peruenimus res nominum de Deo, & rebus aliis dictorum per prius est in Deo secundum suum modum, sed ratio nominis per posterius. vnde & nominari dicitur à suis causis.

#### Super cap. 34.

**E**x prædictis relinquitur tertia conclusio affirmatiua, scilicet Ea quæ de Deo, & aliis rebus dicuntur, prædicantur analogice, hoc est secundum ordinem vel respectum ad aliquod vnum.

Hanc autem conclusionem non probat nisi à sufficienti diuisione. Aut enim dicuntur vniuocè, aut æquiuocè, aut analogice: non vniuocè, nec æquiuocè, ut superius est ostensum: ergo analogice. Declarat autem duo. Primum est, quomodo dicantur huiusmodi nomina analogice. Secundum est, quomodo prius nomen conueniat Deo.

Primum declarat ex quadam diuisione. Dupliciter enim aliqua dicuntur analogice, siue secundum respectum ad aliquod vnum. Vno modo secundum quod plura habent respectum ad vnum tertium: sicut animal, medicina, cibus, vrina dicuntur sana in ordine ad vnam sanitatem, quæ est animalis.

Alio modo, secundum quod duorum attenditur ordo vnus ad alterum: sicut ens de substantia, & accidente secundum quod accidens ad substantiam respectum habet. Nomina ergo analogice dicta de Deo, non dicuntur primo modo, quia oporteret ponere aliquid Deo prius, sed secundo modo.

Quantum ad secundum, notat quod ordo, scilicet prioris & posterioris in nomine, aliquando est idem secundum rem & secundum nomen, quia scilicet res est prior, & secundum naturam, & secundum nominis rationem: quandoque verò non est idem: quando enim quod est prius secundum rem, est etiam prius in cognitione nostra, tunc idem prius est secundum rem, & secundum nominis rationem, cum ordo nominis sequatur ordinem cognitionis: tunc autem prius secundum naturam est cognitio posterior, tunc non est idem ordo secundum rem, & secundum nominis rationem: sicut licet virtus sanatiua sit prior sanitati animalis secundum rem tanquam eius causa, quia tamen ex effectu cognoscitur: ideo sanum secundum nominis rationem, prius dicitur de animali, quam de sanatiuo. Similiter ergo, quia Deum ex rebus aliis cognoscimus, res nomine significata prius conuenit Deo secundum suum modum, id est, illa res est prius in Deo, quam in creatura: quia est causa eius quod est in creatura: sed ratio nominis per posterius, vnde & nominari dicitur à suis causis, quia videlicet conceptus per nomen importatur, qui est conceptus creaturæ, est prior conceptui Dei siue conceptui diuinæ perfectionis, per idem nomen importato.

CIRCA illud quod dictum est, res nominum de Deo, & aliis rebus dictorum per prius esse in Deo, aduertendum, quod cum huiusmodi nomina non significant vnam naturam communem Deo, & creaturæ (quia tunc essent vniuocæ) sed immediate significant perfectionem Dei, & perfectionem creaturæ: perfectio, quæ est in Deo, est secundum se prior perfectione quæ est in creatura: sicut causa, suo effectu est naturaliter prior. Et ideo dicitur res nominum, id est, per nomina significata prius esse in Deo: quia videlicet illa perfectio significata per nomen quæ est in Deo, est ea quæ in creaturis inuenitur prior, & perfectior.

CIRCA illam propositionem: Substantia est prior cognitione, accidente: aduerte quod intelligitur de cognitione intellectu quidditatiua, quod patet ex adducta ratione: quia scilicet substantia ponitur in eius diffinitione, ut superius dictum est, intelligitur quoque de eius cognitione, quia cognoscitur in quantum est ens: res enim nomine entis importata secundum quod dicitur de substantia, est natura & perfectio: prior, quam res eodem nomine importata secundum quod dicitur de accidente: similiter illa res prius intellectu cognoscitur, quam ipsa res accidentis, cum ut dictum est, cap. 32. substantia ponatur in diffinitione accidentis, secundum quod est ens.

CIRCA illam analogiz diuersitatem considerandum est, quod implicitè tangitur inter illos modos differentia hæc quod in primo modo analogiz, est aliquid prius utroque analogato, scilicet illud ad quod habent attributionem & respectum: in secundo autem non est aliquid prius omnibus analogatis, sed vnum eorum est prius altero.

CIRCA prædicta tripliciter occurrit dubium. Primum est contra rationem qua probatur primum modum analogiz Deo non conuenire: quia videlicet aliquid esset prius Deo. Aut enim intelligitur de prioritate secundum rem, aut de prioritate secundum nominis rationem: si primo modo, non valet consequentia: quia ut in exemplo dato apparet, sanitas ad quam omnia dicuntur sana, non est prior secundum rem: sed virtus sanatiua, quæ est medicina, est prior ea, ut hic dicitur: si secundo modo, non est inconueniens aliquid esse prius Deo, ut hic etiam dicitur. Secundum est contra modum analogiz nominibus diuinis hic attributum. Oppositum enim eius videtur tenere sanct. Tho. veri. q. 2. art. 11. ibi enim tenet quod analogia conueniens Deo & creaturis, non est secundum conuenientiam, & proportionem vnius ad alterum: sed secundum quidam proportionalitatem. Tertium, est contra modum prioritatis, & posterioritatis secundum nominis rationem. Nam Prima parte q. 3. artic. 5. in ratione ad oppositum dicitur, quod Deo nihil est prius, nec secundum rem, nec secundum intellectum: ergo nomen non dicitur de Deo posterius secundum nominis rationem, cuius oppositum hic dicitur.

Ad primum horum dicitur, quod intelligitur de prioritate secundum rem, pro quo aduertendum quod in primo modo analogiz, aliquando quantum ad formale, & per se significatum nominis fit denominatio intrinsecum tantum in vna, in illo videlicet per comparisonem ad quod alia dicuntur analogice talia, quia nominis significatum in illo vno duntaxat formaliter est, in aliis verò non est formaliter: sed dicuntur talia extrinsecè, per habitudinem, scilicet ad illud, aliquando autem & aliis conuenit formale significatum: & consequenter omnia dicuntur intrinsecè talia, sicut sanitas nomine sani importata inuenitur tantum in animali, & ideo animal intrinsecè denominatur sanum. In medicina autem, & cibo non inuenitur, sed dicuntur extrinsecè

Quomodo significati analogi sit in vno aut pluribus: & quomodo inter analogata sit vnum primum.

† Idem 2. p. q. 3. artic. 6.



extrinsecè sana ex habitudine ad sanitatem animalis: ens autem inuenitur formaliter in substantia, in qualitate, & in quantitate. In utroque ergo modo verum est quod aliquid est prius secundum rem utroque eorum, quæ analogice dicuntur in ordine ad tertium: prius enim secundum rem, dicitur sanum de animali quàm de medicina & cibo: quia in animali est ipsa res sanitatis: in istis autem solus respectus ad ipsam, res autem est naturaliter prior respectu, qui ad ipsam est similiter ens prius dicitur de substantia secundum rem, quàm de quantitate & qualitate, quæ dicuntur entia in ordine ad ipsam, natura enim entitatis est naturaliter prior & perfectior in substantia, quàm in qualitate & quantitate: quia ipsa entitas substantiæ primò, & formaliter nomine Entis significata, nihil aliud est quàm ipsa substantia, quæ est accidentis naturaliter prior. Negatur ergo quod sanum animali non prius conveniat secundum rem, quàm aliis. Ad probationem dicitur quod licet virtus sanatiua sit prior naturaliter sanitati animalis, illa tamen formaliter & primò, non importatur nomine sanitatis, sed tantum sanitas animalis loquimur autem hic de re formaliter, & primò importata nomine analogo.

ED contra hoc videtur esse, quod sanctus Thomas volens ostendere quomodo ordo rei, non est idem ordini nominis, vult quod nomen Sani, quantum ad nominis rationem prius conveniat animali: quantum autem ad rem significatam, prius conveniat sanatiuo. Dicitur quod non loquitur sanctus Thomas de formali, & primò significato sani (de quo locuti sumus) sed de materiali, & fundamento respectus ad sanitatē. Virtus enim sanatiua non significatur formaliter nomine Sani, sed materialiter: unde voluit dicere quod sanum secundum quod dicitur de sanatiuo, dicitur de re naturaliter prior: virtus enim sanatiua est prior sanitati, sed tamen quia illa res non significatur formaliter, sed tantum materialiter tanquam fundamentum respectus ad sanitatem animalis, ideo sanum dictum de animali & sanatiuo, quantum ad fundamentum unde habet sanativum, ut significetur nomine Sani per habitudinem ad sanitatem animalis, prius dicitur secundum rem de sanatiuo, quàm de animali: quia videlicet virtus sanatiua est naturaliter prior sanitati, sicut causa effectui: & hoc sufficiebat proposito S. Tho. volentis ostendere, quod ordo secundum rem, quantum ad omnem rem importatam non est semper idem ordini nominis. Cum hoc autem fiat, quod quantum ad formalia duntaxat significata, etiam dictum de animali, prius dicitur secundum rem. Nam dictum de animali, significat ipsam formam sanitatis: dictum autem de aliis, significat habitudinem ad ipsam, constat autem ipsam rem naturaliter priorem esse habitudine ad ipsam.

Respondetur secundò postea, quod nomen Sani dupliciter esse analogum potest, diversimodè consideratum: si enim accipitur secundum proprium, & formale, ac primum significat, quod ex parte rei, est vnum: sic pertinet ad primum analogie modum, & sic non tantum secundum nominis rationem & impositionem, sed etiam secundum rem significatam prius convenit animali quàm aliis & alia quantum sana, habent aliquid prius ipsis secundum rem, scilicet animalis sanitatem: animal enim ipsam habet sanitatem, alia autem habitudinem tantum ad illam. Si autem accipitur tanquam plura primò significans ex parte rei, scilicet & ipsam humorum debitam proportionem, significans ex parte rei, scilicet & ipsam humorum debitam proportionem, quod est eius proprium significatum, à qua medicina extrinsecè dicitur sana: & sanatiua virtutem, secundum quam intrinsecè & formaliter, (licet improprie) medicina dicitur sana, sic ad secundum analogie modum pertinet: & prius secundum rem, dicitur de medicina, quàm de animali, licet secundum nominis rationem sit e converso, in quantum prius formavimus conceptum sub quo humorum proportionem significat, quàm conceptum sub quo virtutem significat sanatiuam. Nec est inconueniens quod sanctus Thomas eodem nomine pro exemplo diversimodè utatur: hoc enim facit, ut ostendat posse idem nomen diversimodè acceptum, ad diversos analogie modos pertinere: unde & in quest. de poten. Dei. q. 7. artic. 7. ad ostendendum utrumque analogie modum exemplificat de nomine Entis secundum quod diversimodè consideratur.

ADVERTENDUM autem quia diximus formale, & per se significatum nominis analogi aliquando inueniri in vno tantum, aliquando vero in omnibus. quod hoc non contrariatur ei quod dicitur Prima parte q. 16. art. 6. ubi videtur velle sanctus Thomas quod in omnibus analogis nomen secundum propriam rationem inuenitur in vno tantum à quo alia nominantur. Nam per propriam rationem duo possumus intelligere, scilicet rationem, siue naturam primò & principaliter importatam per comparisonem, ad quam alia dicuntur talia: hæc enim dicitur propria ratio nominis, quia primò & principaliter importatur: & nomen analogum absolute prolatus, accipitur pro illo significato, ut dicitur 1. Peryhermenias, sicut nomen Entis absolute dictum, accipitur pro substantia: aut rationem omnem formaliter per nomen importatam. Primo modo loquitur sanctus Thomas in Prima parte: certum est enim quod primum significatum nominis analogi in vno tantum analogo inuenitur, scilicet in primo. Secundo autem modo locuti sumus hic, & est de mente sancti Thomæ 1. dist. 19. quest. 5. artic. 2. ad primum. nam constat quod nomen entis dicitur in sua significatione formali, aliquid existens in substantia, & in accidente, quod est vnum analogicè, ut inferius ostendetur. & similiter est de nominibus quæ analogicè de Deo & creaturis dicuntur.

Potest etiam dici, quod non accipit ibi sanctus Thomas analogum in tota sua communitate, & vniuersaliter, sed tantum pro analogo quod iuxta dicenda immediate dicitur nomen ab vno, aut ad vnum: hoc enim suo proposito deferuebat, quia veritas de qua ibi loquebatur, isto modo analogicè dicitur de intellectu & rebus: nos autem locuti sumus vniuersaliter de analogo. Si enim vniuersaliter accipitur, constat quod aliquid inuenitur in vno tantum, secundum suum formale significatum: aliquid verò in omnibus inuenitur.

AD euidentiam secundi dubij sciendum est, quod Analogie nomen, Græcum est vocabulum, & aliter accipitur à Græcis, & aliter à nonnullis Latinis. Græci enim, ut patet ex Ammonio & Simplicio, in expositione definitionis æquiuocorum tradidit ab Arist. in Antepredicamentis. æquiuoca à consilio diuidunt in ea quæ dicuntur ab vno: ut ab arte medicina dicitur liber aliquis medicinalis, & instrumentum aliquod medicinale, & ea quæ dicuntur ad vnum, ut de medicina & cibo dicitur sanum in ordine ad sanitatem animalis, & ea quæ sunt analogica dicuntur illa analogica esse, quæ sunt vnum proportionem, inter quæ scilicet est proportionalitas quædam, unde inquit Ammonius, quod analogia in quatuor ad minus terminis consideratur: sicut pes hominis, & pes leuicæ, analogicè dicitur pes, quam enim proportionem

habet pes hominis ad hominem, eandem habet pes leuicæ ad leuicam. Secundum ergo proprium significatum, analogia dicuntur proportionalia, id est, habentia inter se similitudinem proportionis. & nomen analogum dicitur quod significat plura ut proportionalia sunt: sicut pes dicitur de pede hominis & leuicæ, & visus de visu corporeo & intellectu: & principium de corde, & fundamento domus. In hac significatione videtur Aristot. nomine Analogi, ut patet 5. Metaphysicæ, cap. de vno: & 1. Ethicor. cap. 7. A Latinis autem nonnullis accipitur analogum pro omni nomine importante plura, secundum quandam habitudinem, vel ad vnum, vel inter se, tam ea quæ sunt ab vno, & ad vnum, quàm proportionalia omnia, scilicet æquiuoca à consilio absolute analogia vocantes, unde multa confusio in analogorum cognitione provenit. Sanctus Thom. ergo in quest. de veritate considerans veram analogie rationem, & nomina de Deo & creaturis dicta, analogicè verè dicit, dixit inter Deum & creaturam esse analogiam proportionalitatis, non autem proportionis: quæ magis dicitur æquiuocatio à consilio ab vno, aut ad vnum, quàm analogica significatio.

SCIENDUM Vltius, quod analogia quæ est vnius ad alterum, in communi, & visitata apud Latinos significatione accipiendo analogiam, dupliciter accipi potest: vno modo, ut distinguitur contra analogiam duorum ad vnum tertium: alio modo, ut distinguitur contra analogiam proportionalitatis. Nam analogia vnius ad alterum conditiua cōtra analogiam duorum ad vnum tertium, accipitur tanquam commune quoddam: & diuiditur in analogiam proportionis, & analogiam proportionalitatis. Analogia proportionis, dicit determinatam quandā distantiam & habitudinem vnius ad alterum, secundum quod nomine aliquo significatur: analogia autem proportionalitatis, non dicit certam & determinatam habitudinem vnius analogorum ad aliud absolute, sed similitudinem, siue proportionem proportionis duorum ad alia duo: ita quod inter res analogatas non est absolute similitudo, sed inter proportionem ipsarum, ad aliqua. Talis enim analogia potest esse, & in multum, & in parum distantibus, ut dicitur Verit. loco allegato ad quartum. Non enim est maior similitudo proportionum inter duo & vnum, & sex, & tria, quàm inter duo & vnum, & centum, & quinquaginta. Aliquando autem analogia proportionis, quia est tantum inter ipsas res analogatas inter se, absolute significatur nomine communi ad analogiam proportionis, & proportionalitatis tanquam proprio nomine: ut dicitur analogia vnius ad alterum, & sic distinguitur analogia vnius ad alterum contra analogiam proportionalitatis, sicut analogia proportionis, cum tunc idem significetur hoc nomine Analogia vnius ad alterum, & hoc nomine analogia proportionis. Si itaque accipitur primo modo analogia vnius ad alterum sic est analogia inter Deum & creaturam vnius ad alterum: quia est secundum comparisonem Dei & creaturæ inter se, non autem secundum comparisonem Dei & creaturæ ad aliquod tertium, de quo nomen analogum per prius dicitur quàm de ipsis, & sic accipitur hoc loco in Prima parte, & in Potentia questione 7. cum dicitur quod ista est analogia vnius ad alterum. Si verò secundo modo accipitur, sic non est analogia vnius ad alterum: quia non est determinata distantia: & habitudo inter Deum & creaturam: ita scilicet quod ex vno aliud comprehendit, & terminari per intellectum possit, & sic intendit in questionibus de Veritate, cum inquit istam non esse analogiam vnius ad alterum, unde nulla est contradictio: non enim negat istam esse analogiam vnius ad alterum absolute, sed quæ dicit determinatam distantiam, aut determinatam habitudinem vnius ad alterum.

Sed videtur non esse hæc solutio ad mentem sancti Thomæ, quia dum loquitur de analogia Dei ad creaturam, loquitur de illa in qua prius ponitur in diffinitione posterioris: sicut substantia ponitur in diffinitione accidentis, ut patet cap. 32. in ratione sexta. talis autem est analogia secundum proportionem, quæ distinguitur contra analogiam proportionalitatis, ut patet de Veritate eadem questione, & art. sexto, ergo analogiam vnius ad alterum hoc loco accipit pro analogia proportionis: si ergo eam negat in questionibus de Veritate esse inter Deum & creaturam, est in eius dictis contradictio.

Respondetur primo conformiter ad ea quæ dicta sunt in præcedentibus, quod in analogia proportionis, in qua attenditur determinata distantia, & habitudo vnius ad alterum, prius ponitur in diffinitione posterioris, eò quod posteriora importent habitudinem quandam ad primum: sicut medicina dicitur sana in ordine ad sanitatem animalis, & accidebat dicitur ens in ordine ad substantiam, nomen enim in illis impositum est posterioribus ad significandum formaliter, aut habitudinem ad aliud: sicut sanum de medicina, aut rem cum ordine ad alterum, sicut ens de accidente dictum, significat accidebat in ordine ad substantiam, non quidem sicut ad correlatiuum, sed tanquam ad subiectum: In analogia autem proportionalitatis, Prius, non necessariò ponitur in diffinitione posterioris, loquendo de nominibus quæ formaliter & proprie priori & posteriori conveniunt: quia de his quæ de vno proprie dicuntur, & de altero metaphoricè, alia ratio est: ut patet Prima parte, questione 13. art. sexto. Nam in talibus quæ formaliter dicuntur de utroque secundum proportionalitatem non est necesse ut vnum significet formaliter habitudinem ad alterum, licet fundamentaliter significet aliquid: unde inter illa attenditur similitudo proportionum, & ex ista convenientia nomen idem fit vtriusque impositum, sicut cum pes dicitur de pede leuicæ, non significat habitudinem ad pedem hominis, licet significet aliquid in quo cum pede hominis est convenientia, & ex vno alteri sit nomen impositum. Ideo quod inquit sanctus Thomas cap. 32. quod prius, ponitur in diffinitione posterioris, & Prima parte quest. 13. artic. 6. quod in omnibus nominibus, quæ analogicè dicuntur, necesse est quod omnia dicantur per respectum ad vnum, & ideo illud vnum oportet quod ponatur in diffinitione omnium: intelligendum est de omnibus analogis, aut quæ dicuntur ad vnum tertium, aut quæ inter se habent analogiam, quæ dicitur proportionis, non autem de analogis analogia proportionalitatis: ut dicitur Verit. q. supradicta. Ad illam verò rationem adductam ex cap. 32. dici potest, quod ex ea non habetur quod nomina dicta de Deo & creaturis analogicè, sint de numero illorum analogorum in quibus prius ponitur in diffinitione posterioris, sed cum veller sanctus Thomas ostendere illa vniuocè non dici, assumpsit, quod dicitur secundum prius & posterius: tale autem constet non esse vniuocum, quod declarauit in his, quæ nobis manifesta sunt, quæ sunt analogica secundum proportionem in quibus vnum ponitur in alterius diffinitione, ex quo apparet illud nomen non eandem omnino dicere rationem relinquens ex hoc multò magis oportere in aliis quæ secundum proportionalitatem tantum dicuntur secundum prius & posterius diuersas rationes importari: cum

Diversimodè analogia vnius ad alterum accipitur hoc loco, & in questionibus de veri.

Quo principio analogorum in diffinitione aliorum ponatur.

De modis analogie.



maiores distantiam illa habeant significata quam significata secundum proportionem analogam, & ideo esse magis à ratione vniuoci aliena.

Potest secundò responderi, & melius meo iudicio ad mentem sancti Thomae, quòd in omni modo analogiz, verum est quod prius ponitur in diffinitione posterioris, in quantum analogiz consideratur, & significatur. Ad cuius euidentiam considerandum est quod aliter loquendum est in analogis, ubi ordo impositionis nominis proportionaliter ordini rerum formaliter significatarum: & aliter ubi ordo impositionis nominis non sequitur ordinem rei significatam. Vbi enim statuatur idem ordo, nomen non dicitur de posteriori nisi in ordine ad prius: quia ubi intelligitur posterius, nisi in ordine ad ipsum: quia autem ubi vnum concipitur in ordine ad alterum, & cum tali ordine significatur, oportet illud ad quod ordinem dicitur poni in diffinitione ipsius secundum quod tali nomine significatur, quandoque de ipso tale nomen dicitur, cum respectu dicitur ad primum analogatum, quod in eius ponitur diffinitione. Sicut patet in his quae significantur formaliter nomine Sanitatis: quia enim intellectus non concipit medicinam vel sanam, nisi in quantum apprehendit ipsam esse causatiuam sanitatis animalis: neque significat ipsam nomine Sanitatis nisi formaliter importando respectu causae ad sanitatem animalis, ideo in diffinitione sanitatis dicitur de medicina, ponitur sanum de animali dictum: & nunquam hoc nomen sanum dicitur de ipso, nisi respectu ad animalis sanitatem. Vbi autem ordo impositionis nominis est contrarius ordini rei, nomen prius impositum posteriori secundum rem de ipso dupliciter dicitur, scilicet absolute & analogice, siue proportionaliter: prius enim intellectus considerat ipsum posterius absolute, & illi nomen mediate concipit absolute imposuit: deinde per inquisitionem deuenit in cognitionem eius quod est primum analogatum secundum rem & illi nomen attribuit, quod erat impositum posteriori & cognoscit posterius habere habitudinem ad prius, talem habitudinem eodem nomine tertia quadam impositione significat, & nomen quod prius imposuerat ad significandum rem absolute, postmodum imponit ad significandum ipsam in ordine & habitudine ad aliud, & sic cum illud nomen etiam priori imposuerit, accipit nomen tanquam analogice dictum de utroque, ex quo fit quod aliquando tale nomen accipitur tanquam vnum simpliciter significans propter primam impositionem: aliquando verò tanquam plura analogice, & secundum habitudinem vnius ad alterum, dicens, propter ultimam impositionem: & in diffinitione ipsius, ut absolute dicitur secundum primam impositionem non ponitur primum analogatum, sed bene in ratione ipsius ponitur, ut analogice de illis pluribus praedicatur, sicut enim nomen, quod rei prius absolute impositum est, illi posterius, ut analogice dicitur, imponitur. Sicut si nomen Entis primò fuisset impositum ad significandum naturam accidentis absque ordine ad substantiam, post in quantum habet esse absolute. Deinde cognitio quod habere esse, nobiliori modo conuenit substantiae quam accidenti, fuisset impositum ipsi substantiae. Tercio cognitio quod esse non conuenit accidenti nisi in substantia, impositum esset ad significandum accides cum ordine ad substantiam, & analogice ad utrumque significatum esset acceptum, hoc nomen ens, secundum quod dicitur de substantia, non poneretur in diffinitione ipsius ut dicitur de accidente absolute secundum primam impositionem, sed bene ut analogice, iuxta secundam impositionem dicitur, sic est de omnibus diuinis nominibus, quae proprie, & analogice de ipso, & creaturis dicuntur. Nam hoc nomen Sapientia primò attributum est ad significandum sapientiam humanam absolute, sicut & primò absolute cognitio est: deinde cognitio, ipsam esse à sapientia diuina exemplatam, impositum est ad significandum diuinam sapientiam, tum postremo impositum est ad significandum sapientiam humanam in ordine ad sapientiam diuinam tanquam ad causam & exemplar: & acceptum est tanquam nomen analogum, & proportionale: & simile est de aliis diuinis nominibus: secundum itaque primam impositionem primum analogatum non ponitur in diffinitione alterius: quia non accipitur tunc nomen, ut analogum, sed ut vniuocum: secundum autem quod analogice sumitur, quod conuenit sibi secundum tertiam impositionem, perfectio diuina ponitur in diffinitione perfectionis creaturae, ut eodem nomine significatur. Quod autem hoc sit de mente sancti Thomae, patet in 1. Sent. in Prologo, art. 2. secundum, ubi inquit, quod analogia creaturae ad creatorem est, eo quod vnum esse, & ratione ab altero recipit: quia creatura non habet esse nisi secundum quod à primo ente descendit nec nominatur eas, nisi in quantum ens primum imitatur, & subiungit, quod similiter est de sapientia, & de omnibus aliis quae de Deo & creatura dicuntur.

Secundum ergo hanc rationem saluatur vniuocally dictum sancti Thomae, & hic, & prima quæst. 13. art. 6. & 10. quod in omnibus analogis, in quantum scilicet analogia sunt, primum analogatum ponitur in diffinitione aliorum. Secundum hoc etiam verificatur dictum sancti Thomae, prima quæst. 13. art. 7. ubi ait quod quicquid dicitur de Deo & creaturis, dicitur secundum quod est aliquis ordo creaturae ad Deum, ut ad principium, & causam: intelligitur enim secundum quod analogice dicitur.

Nec obstat, quod inquit sancti Thomae in quæstione de Veritate illam propositionem habere veritatem in analogia proportionis tantum. Sensus enim ipsius est, quod in analogia tantum proportionis primum, cui absolute nomen imponitur in diffinitione aliorum ponitur: quia propter determinatam distantiam & habitudinem ipsius ad alia, potest ducere in perfectam notitiam aliorum, in quantum illo nomine significantur: non est autem verum vniuocally in analogia proportionalitatis, quia primum cui imponitur nomen, cum ut sic non habeat determinatam habitudinem ad alia, sed tantum proportionalitatem, non oportet ut ducat semper in perfectam & quidditativam cognitionem aliorum, cum hoc tamen fiat, quod in analogis omnibus in quantum analogia sunt, semper vnum ponitur in diffinitione aliorum, aut scilicet illud cui primò imponitur nomen absolute: aut id cui secundario nomen imponitur. In nominibus enim diuinis primum secundum rem, posterius autem secundum impositionem nominis ponitur in diffinitione aliorum, in quantum analogia sunt. Nam homo analogice dicitur sapiens, quia habet perfectionem, secundum quam diuinam sapientiam imitatur, & sic de aliis.

Ad tertium dubium dicitur, quod hic sermo est de ordine concipiendi ex parte intellectus secundum quod prius tempore vnum conceptum format quam alium: ibi autem intelligitur de prioritate simplicitatis ipsius conceptus, unde non est eòrdatio. Quomodo autem possit, aut non possit esse aliquid simplicius Deo secundum rationem, ostensum est supra.

Alias difficultates, quae circa nomen analogiam occurrunt, si ad plenum vis intelligitur, vide ingeniosissimum Opus de nominum analogia Reuerendissimi Thomae Caietani Cardinalis S. Xistii.

Vnum duntaxat hoc loco inuestigandum puro, quod huius materiae fundamentum est, scilicet quomodo ens & alia nomina dicta de Deo & creatura analogice, dicant aut non dicant vnum conceptum. Faciunt enim in hac re difficultatem diuersa sancti Thomae dicta. Nam aliquando videtur dicere, huiusmodi nomina non dicere vnam rationem, sed plures: ut Prima parte quæst. 13. art. 5. & in quæstionibus de Potentia 7. art. 7. Veri. quæst. 2. art. 11. & in aliis locis idem sepe replicat, aliquando autem videtur velle, quod ens vnam rationem dicat: ut Veri. quæst. 1. art. 1. ubi vult oportere omnem alium conceptum, in conceptum entis resolui. Item 1. Sent. dist. 19. quæst. 5. art. 2. primum, tenet quod talia nomina sic analogice dicuntur de Deo & creaturis, quod intentio & natura communis, habet esse in vnoquoque eorum, de quibus dicitur, ex quo videtur non solum quod vnam importent rationem intellectus, sed etiam vnam naturam.

Confirmatur quoque, quia cum dicimus Deum sapientem esse aut iustum, aut bonum, ista nomina accipi videntur secundum mentem sancti Thomae, secundum quod ipsi in creaturis viuunt, quasi eadem ratio, quae attribuitur creaturae, etiam Deo conueniat, licet imperfecte diuinam perfectionem repraesentet. Vnde & superius dixit, nomina quae absolute perfectionem dicunt, absque defectu de Deo praedicari, quod videtur intelligendum, quantum ad eam rationem creaturarum, quae nullam dicit imperfectionem.

CIRCA hanc difficultatem varia est Thomistarum sententia. Tenent enim quidam propter ea quae superius sunt adducta, ens, & similiter anima analogice dicta de Deo & creaturis dicere vnum conceptum formalem siue mentalem praefixum à conceptibus aliarum rerum, licet non dicat conceptum obiectivalem vnum & praefixum, sed vnum tantum analogiam.

Alij vero tenent ens non dicere vnum conceptum mentalem adaequatum praefixum à conceptibus inferiorum, sicut nec vnum obiectivale, sed licet dicit ipsa analogata, ut sunt vnum proportionem, siue ut similia, ita dicere omnes conceptus mentales analogatorum, ut sunt vnum conceptus proportionaliter.

Harum opinionum secunda mihi videtur verior, & conformior doctrina Philosophorum, & sancti Thomae. Pro cuius intelligentia considerandum, quod cum ens quidditativè & essentialiter praedicatur de rebus: dupliciter de conceptu eius loqui possumus. Vno modo de conceptu quid rei, secundum quem adaequat & quidditativè praedicatur de omnibus analogatis: alio modo de conceptu quid nominis, & imperfecto ac inadaequato. Dico autem conceptum perfectum & adaequatum, non adaequatione tantum praedicationis, sed adaequatione etiam representationis, quia scilicet non solum de omnibus entibus praedicatur, sed etiam perfecte naturam rei repraesentat nomine Entis primò & per se significatam. Si ergo de primo conceptu loquamur, sic dico quod ens non habet vnum conceptum mentalem, sicut nec obiectivalem ab aliis praefixum: moueor autem ad hoc primò, quia non posset euitari quin ens esset vniuocum. Ad rationem enim vniuoci sufficit, ut patet ex diffinitione Aristotelis in Praedicamentis posita, quod sit vnum nomen de multis dictum secundum eandem omnino rationem formalem naturae, per illud nomen primò significatam. Nam quod ratio in illa diffinitione accipitur pro conceptu mentali, non autem pro natura aut conceptu obiectuali: patet primò ex Simplicio, & Ammonio in Praedicamentis, dicentibus, quod ratio ibi accipitur pro diffinitione aut descriptione, diffinitio autem siue descriptio est oratio, & per consequens primò est in mente: patet secundò, quia vbi quilibet sanctus Thomas loquitur quomodo diuina nomina non sunt synonyma, ut superius, & 1. quæst. 13. art. 4. & 1. Sent. dist. 2. quæst. 2. item Potent. quæst. 7. art. 6. ostendit illa non esse synonyma, quia licet significant vnam & eandem rem, tamen illam sub diuersis rationibus significant. Et exponens vbi nomen Rationis intelligit, inquit, quod ratio, quam significat nomen, est conceptus, quem format intellectus de re, per nomen significatam, & sic sequedo Tractatum de diuinis nominibus nunquam exprimit aliud significatum istius nominis ratio, etiam ubi de vniuocatione loquitur, ex quo apparet, quod etiam de vniuocatione loquendo, per rationem cuius requiritur in vniuoco intelligit conceptum mentalem, non autem rem obiectam conceptui.

Patet tertio, quia in Tractatu de genere, tenet substantiam, quae est genus generalissimum, differre ab inferioribus generibus Praedicamentis substantiae, quia in aliis generibus inuenitur vna aliqua natura, quae subest intentioni vniuocallytatis, ratione cuius cum vniuocallytate quae est à ratione, ipsum genus vniuocallytatis se habet ad omnia quae sibi subsumunt: in substantia autem non est vna res subiecta intentioni, cum nulla sit realis conuenientia inter materialia, & separata, de quibus dicitur genus substantia. Si intellectus ex diuersis rebus colligit intentionem, & conceptum, vtrique naturae ab intellectu applicatum, & sic secundum eam conuenientia materialium & immaterialium est tantum in conceptione intellectus, & tamen nomen Substantiae est vniuocum materialibus & immaterialibus, aliquo non esset genus, ergo sola vnitas conceptus mentalis ad vniuocationem sufficit, & loquor de vniuocatione logica, de qua Philosophus in Praedicamentis loquitur.

Rationes autem contra hanc determinationem ab aliquibus adductae non conuincunt. Arguunt enim primò, quia cum Deus omnia vniuoco conceptu intelligat: sequeretur, quod omnia essent vnus rationis vniuoca. Secundo, quia ratio nominis vniuoci conuenit rebus, de quibus nomen vniuocum praedicatur, conceptus autem mentis non praedicatur de rebus. Sed ad primum dicitur quod ad rationem conceptus vniuoci non sufficit quod sit vnus quomodocunque, sed requiritur quod sit adaequatus rei formaliter, & primò significat per nomen vniuocum, ita quod non sit alius alterius rei conceptus, & repraesentet vniuocata quantum ad illud in quo conueniunt, non autem quantum ad ea, quibus inter se distinguuntur: sicut conceptus animalis solius animalis est conceptus, & nullius alterius, similiter repraesentat hominem & equum, quibus vniuocè conuenit solum quantum ad animalitatem, in qua conueniunt, non autem quantum ad differentias, quibus distinguuntur: conceptus autem diuinus, quo se & omnia Deus intelligit, est omnium conceptus, & etiam ipsius Dei, non tamen creaturae proportionatus: sed excedens, & omnia entia repraesentat, non solum quantum ad ea in quibus assimilantur, sed etiam quantum ad omnes condiciones quibus vnaquaeque res ab alia distinguitur, ideo non est vniuocum, ut omnia possint dici vnus rationis, tanquam vniuoca, sed bene possunt omnia entia dici vnus rationis secundum quod à Deo intelliguntur, in quantum omnia vnico conceptu excedente comprehenduntur.

Ad secundum dicitur, quod ratio nominis vniuoci in qua vniuocantur res significat, conuenit rebus ipsis non per identitatem, sed fundamentaliter, quia in omnibus vniuocatis est fundamentum talis rationis: unde quando nomen vniuocum praedicatur de vniuocatis, non praedicatur ipse conceptus per se,

Vtrum ens & alia nomina dicta de Deo analogice dicant vnum conceptum dicant.



per se, sed res in qua fundatur conceptus, & quæ mediante conceptu per nomen significatur. Per hoc autem non intendo excludere omnem aliam unitatem, præter unitatem conceptus mentalis à nomine vniuoco, sed intendo quod unitas conceptus mentalis sufficit ad vniuocationem logicam: licet hanc unitatem conceptus mentalis aliquando concomitetur aliqua alia unitas conceptus obiectualis in vniuocatione Metaphysica.

Mouetur secundò, quia superius dixit sanctus Thomas, substantiam poni in definitione accidentis in quantum est ens, quod etiam est de mente Aristotelis 7. Metaph. text. 2. & 3. ergo conceptus entis non est vnus præcisiuè à conceptu substantiæ, & accidentis: patet consequentia, quia si esset vnus secundum præcisiuè, nihil in definitione accidentis poneretur, in quantum est ens, quod in definitione substantiæ non ponatur in quantum est ens: commune enim ab inferioribus præcisiuè, nullum superiorum includit in actu vti scilicet. Multò ergo minus dicent conceptum præcisiuè nomina dicta de Deo & creatura analogice: cum inter Deum, & creaturam maior sit distantia, quam inter substantiam prædicamentalem & accidentis. Accedit ad hoc quod superius adduximus, quoniam, inquam, sanctus Thomas, ubi ex proposito de hac loquitur materia, tenet nihil Deo & creaturis secundum eandem rationem conuenire posse. Et prima q. 13. art. 5. ait, quod in analogis non est vna ratio sicut in vniuocis, neque totaliter diuersa, sicut in æquiuocis, sed significat diuersas proportionales ad aliquod vnum. Si autem loquamur de conceptu imperfecto, & in adæquato ad quod nominis pertinet, sic non est in conueniens ens dicere vnum conceptum mentalem ab aliis præcisiuè: à similibus enim in quantum similia sunt non est in conueniens conceptum vnum abstrahi imperfectum, vtpote qui non perfectè naturam fundamenti similitudinis repræsentat, sed tantum illa significet vt similia sunt.

Vbi considerandum est, quod ens, & alia analogia in hoc ab vniuocis distinguuntur, quantum ad conceptum mentalem vnum & præcisiuè: quia licet vterque repræsentet similia, & conuenientia, tamen conceptus nominis vniuoci repræsentat fundamenta similitudinis perfectè, vt illo nomine significatur: sicut conceptus animalis repræsentat perfectè naturam animalis in homine, per quam assimilatur equo: ita quod nihil aliud est in homine, vt animal est, quam in equo vt est animal: licet vt hoc animal homo sit aliquid aliud, quod non est equus. Conceptus autem ille vnus analogi non repræsentat perfectè fundamenta similitudinis nomine analogo significata, primò, & per se: sed aliquid conuenit ipsis quod tali conceptu præcisiuè non repræsentat, sicut patet de ente: considerans enim aliquis substantiam fundare, esse per se: accidentis autem fundare esse in alio, ista quæ similia esse in fundando esse, licet vnum quodque suo modo fundet esse, format conceptum commune ipsorum, vt similia in hoc sunt, quod est fundare esse, dicens, quoniam ens est quod habet esse, sed ille conceptus non repræsentat accidentis secundum quod est ens perfectè, & adæquatè, quod patet, quia in definitione accidentis perfectè in quantum est ens ponitur substantia, vt inquit S. Th. & Arist. Et ens significat tam substantiam quam accidentis, secundum vtrumque propriam rationem, & similiter est de aliis analogis. Dicendum ergo est quod ens non habet vnum præcisiuè conceptum mentalem perfectum & adæquatè, sed immediatè dicit conceptum substantiæ, quantitatis, qualitatis, & aliorum vt sunt vnum similitudine, & proportionem, licet & ex parte rei omnes, istas naturas immediatè significat vt proportionales sunt, & similes respectu ipsius esse, & in hoc differt à conceptu vniuoci, quia conceptus vniuoci, non est multi conceptus vt sunt vnus conceptus secundum proportionem, sed est simpliciter vnus: sicut & res primò per ipsum significata, si sit vniuocè metaph. est vna. Hoc autè quod dicimus, quod habet esse, est conceptus entis imperfectus & in adæquatus entis, ipsa repræsentans vt sunt similia. Et de hoc loquitur S. Th. cum inquit omnes alias cõceptiones in conceptu entis resolui, & ad illum aliquid addere, & simplicissimum esse. Quod autem aliquando dicit ens dicere intentionem, & naturam commune, intelligitur de communitate analogicè, & proportionis: quidditas enim substantiæ est entitas quædam & natura significata nomine entis, & similiter quantitatis natura, & aliorum. Et conueniunt in intentione communi imperfectè, quæ est fundare esse, & sunt vna natura proportionem quadam, & similitudine: & quia rationis dicta de substantia perfectior est ratione entis dicta de accidente, & ratio substantiæ includitur in ratione accidentis, secundum quod est ens, ideo de his dicitur secundum prius & posterius. Quod dixi de ente, similiter intelligendum est de omnibus aliis nominibus conuenientibus Deo & creaturæ analogicè, quantum ad istam unitatem, aut multipliciter conceptum. Sapientia enim nomen dictum de Deo, & creatura diuersas naturas immediatè significat habentes tamen inter se similitudinem, & proportionem, secundum quod vna ab altera exemplatur: sicut enim sua sapientia Deus altissimas considerat causas, sed suo modo: ita & creatura suo modo per suam sapientiam easdem considerat: similiter diuersos conceptus mentales, quorum quilibet vni analogorum adæquatus esset, importaret, si ipsam sapientiam diuinam secundum quod in se est concipere possemus: sed quia hoc non possumus, formamus quidem conceptum vnum creaturæ adæquatum, sed alium formamus de Deo proportionaliter ad conceptum creaturæ, qui illi est in adæquatus, & vterius propter similitudinem conceptus sapientia nostræ ad conceptum sapientia diuinæ formamus commune vnum conceptum sapientia diuinæ & humanæ conuenientem, sed imperfectum, & in adæquatum vtrique in quo vtræque sapientia assimilatur, & sic dicit tale nomen conceptum vnum in adæquatum, & imperfectum, non exprimentem diuinam sapientiam perfectè, in quantum est sapientia, sed vtramque sapientiam, vt similes sunt, repræsentant. Conceptum autem vnum præcisiuè, perfectum, & adæquatum analogis non dicit. Vnde cum sapiens de Deo prædicatur conceptus eius adæquatus, vt de ipso prædicatur, non est alius à conceptu proprio sapientia diuinæ: sicut cum prædicatur de homine, eius conceptus non est alius à conceptu sapientia humanæ. Vnde prima q. 13. art. 5. inquit S. Th. quod cum hoc nomen sapiens dicitur de homine, significat aliquam perfectionem distinctam ab essentia hominis, & à potentia & ab esse eius, & ab omnibus huiusmodi: sed cum hoc nomen dicimus de Deo, non intendimus significare aliquid distinctum ab essentia, vel potentia, vel esse ipsius. Sed verum est, quod sapientia nomen non dicit ipsam sapientiam diuinam nisi vt vnum proportionaliter cum sapientia creatura: nomen autem hoc sapientia diuina significat ipsam absolute & vna ratione simpliciter, ita quod eadem res, vt fundans similitudinem & conuenientiam proportionalitatis nomine analogo significatur, vt autem fundat distantiam & dissimilitudinem significatur nomine proprio, propter quod dicitur nomen ana-

logum significare vnum proportionem. Sunt enim omnia analogata, omnesque eorum conceptus idem similitudine & proportionem, & sic conceptus vnus est conceptus alterius proportionaliter.

### Quod plura nomina dicta de Deo, non sunt synonyma

Cap. 35.



Stenditur etiam ex dictis, quod quamuis nomina de Deo dicta eandem rem significant, non tamen sunt synonyma: quia non significant eandem nam sicut diuersæ res vni simplici rei, quæ Deus est, similatur per formas diuersas, ita intellectus noster per diuersas conceptiones ei aqualiter similatur, in quantum per diuersas rationes siue perfectiones creaturarum in ipsum cognoscendum perducitur: & ideo de vno intellectus noster multa concipiens non est falsus neque vanus, quia illud simplex esse diuinum huiusmodi est, vt ei secundum formas multiplices aliqua assimilari possint (vt supra ostensum est). Secundum autem diuersas conceptiones diuersa nomina intellectus adinuenit, quæ Deo attribuit, & ita cum non secundum eandem rationem attribuatur: constat ea non esse synonyma: quamuis rem omnino vnam significant: non enim est eadem nominis significatio, cum nomen per prius conceptionem intellectus, quam rem intellectam significet.

Super cap. 35.

**P**ost comparisonem nominum diuinorum ad res significatas, agit sanctus Thomas de comparatione nominum inter se, & ponitur hæc conclusio, Quamuis nomina huiusmodi dicta de Deo eandem rem significant, non tamen sunt synonyma.

Pro cuius declaratione sciendum, vt refert Simplicius in Prædicamentis, cap. de vniuocis, quod hoc vocabulum, synonyma, duplicem apud Græcos habet significationem: aliquando enim significat pluralitatem nominum cum unitate rationis & rei significatæ, quæ Specusippus Polyonyma vocabat, quæ & nunc etiam à Latinis dicitur synonyma, vt Paris, & Alexander, quæ fuerunt nomina filij Priami: aliquando vtrò significat unitatem nominis dicti de pluribus, cum unitate etiam rationis, & hæc nunc dicitur vniuoca. Arist. in diuersis locis diuersimodè vnus est hac dictione. Nam ubi agit de generibus siue de vocibus significantibus genera, vnus est ipsa in secunda significatione, vt patet in Prædicamentis, ubi quæ nostri dicunt vniuoca, ipse synonyma appellauit: & hoc conuenienter, quia voces generum sunt synonyma in hac secunda significatione, non autem in prima. Vbi autè de multipliciter vocum: & earum multiplici significatione vt sic voluit determinare, vnus est hac dictione in prima significatione, vt patet in Poëtica sua, & in 3. Rhetoricorum. Ex quo patet quod ex parte significati, synonymis in prima significatione opponuntur omonyma, quæ nos æquiuoca dicimus: ista enim sunt quæ conueniunt in nomine, & differunt ratione: illa verò sunt quæ conueniunt in ratione, & differunt nominibus. In secunda autem significatione ipsis opponuntur æteronyma quæ nos dicere possumus alteronyma: hæc enim differunt nomine, & ratione, vt homo & equus: illa verò conueniunt in nomine & ratione: vt Sor. & Plato, in nomine & ratione hominis conueniunt. Hic ergo accipiuntur synonyma in prima significatione, secundum quod hac dictione vtuntur Latini Grammatici. Probatur autem primò conclusio, secundò remouentur quædam dubia. Quatum ad primum arguitur sic, Ista nomina non significant eandem rationem, ergo non sunt synonyma. Patet consequentia, quia synonyma debent eandem rationem omnino importare. Antecedens verò probatur, Diuersæ res Deo per diuersas formas assimilantur: ergo & intellectus noster per diuersas cõceptiones illi assimilatur, quia per diuersas rationes siue perfectiones creaturarum in ipsum cognoscendum perducitur: sed secundum diuersas conceptiones, diuersa nomina intellectus adinuenit, quæ Deo attribuit: ergo talia nomina non dicunt eandem rationem.

Quantum ad secundum, remouet duo dubia: primum est. Posset enim aliquis dicere, multa de vno concipere habet in se falsitatem, aut vanitatem, ergo similiter de Deo qui simplicissimus est. Respondet autem, quod intellectus noster de ipso multa concipiens, non est falsus, neque vanus: quia diuinum esse simplex, huiusmodi est, vt ei secundum formas multiplices aliqua assimilari possint.

Secundum dubium est, Ista nomina habent idem significatum, quia rem omnino vnam significant, ergo sunt synonyma.

Respondet, quod non est eadem in omnibus istis significatio, cum nomen prius conceptionem intellectus significet quam rem intellectam.

PRO declaratione conclusionis considerandum est ex doctrina sancti Thomæ, Potentia Dei, questione septima, quinto, & Prima parte questionis 13. articulo quarto, quod forme intellectuales intellectus nostri à rebus creatis causatæ assimilantur aqualiter Deo, sicut & perfectiones ipsæ à quibus causantur: quod enim est simile vni, assimilatur & ei cui illud est simile, in quantum similia sunt. Si enim Sortes similis est Platoni in albedine, & Plato in albedine similis est Socrati, consequens est vt Sortes etiam Socrati in albedine similis sit. Cum ergo species intellectus nostri sint similitudines creaturarum, & illæ sint quædam deficientes similitudines Dei, sequitur quod ipsæ species sint etiam quædam similitudines Dei. Quando autem intellectus per formam intelligibilem alicui rei assimilatur, conceptiones quæ secundum illam speciem formantur, sunt etiam rei similitudines quædam, & rei verè attribuntur, aut simpliciter, aut proportionaliter. sic ergo cum intellectus ex similitudine in se existente format conceptum creaturæ, illæ conceptiones est aqualiter conceptus Dei, sed imperfectus, licet sit creaturæ adæquatus ex illo autem conceptu creaturæ format intellectus conceptum Dei eundem conceptui creaturæ, non simpliciter, sed proportionaliter: sicut eadem est per

† Idem P. p. q. 13. artic. 4. & de Po. q. 7. art. 6.

Quomodo intellectus per diuersas conceptiones Deo aqualiter assimilatur.



est perfectio Dei & creaturæ proportionaliter. Hoc est ergo quod inquit S. Thomas; quoniam ex eo quod intellectus perducitur ad cognoscendum Deum ex perfectionibus creaturarum, per diuersas conceptiones ei aliquammodo assimilatur, quia videlicet intellectus informatus speciebus creaturarum formatur conceptus de Deo proportionatos conceptibus creaturarum, ex quibus in Dei cognitionem manuducitur, dum considerat id quod est in creaturis oportere esse in Deo tanquam in causa, eminentiori modo.

**Q V A N T V M** ad solutionem primi dubij, sciendum, quod intellectus in concipiendo dicitur falsus quando rei conuenire conceptus non potest: ut si de homine conciperem, quod esset animal irrationale: dicitur autem vanus quando conceptioni suæ nihil in re correspondet, sicut in concipiendo chimera: nihil enim in re chimera est: intellectus ergo noster in formando plures conceptus de Deo vno existente & simplici non est falsus: quia sicut non repugnat eius simplicitati, quod diuersæ & multiplices formæ creaturarum ei assimilentur: ita eius unitati non repugnat ut ei diuersæ conceptiones formis creaturarum proportionatæ, attribuantur. Cum enim omnes formæ intelligibiles perfectiones creaturarum representantes, sint etiam similitudines aliquales Dei, conceptiones quas ex illis speciebus de Deo intellectus format, inquantum illæ species umilitudines eius sunt illi verè attribuuntur: quicquid enim intellectus de Deo concipit, ex eius specie intelligibili rei verissimè attribuitur.

Similiter non est vanus. Nam talibus conceptionibus aliquid respondet in re: sicut enim diuinitas vna & simplicissima existens habet vt illi omnes creaturarum perfectiones assimilantur, inquantum ab ipsa productæ sunt & exemplar, ita habet vt de ipsa diuersæ conceptiones imperfectæ tamen, & inadæquate eius naturam representantes, formari possint.

Vnde si queratur, Vtrum perfectiones importatæ diuersis nominibus vltimè in Deo rationis distinctionem habeant: dicitur quod actuale quidem distinctionem rationis intellectus, creaturæ habent, quia conceptio non est formaliter & subiectiue in re intellecta, sed in intellectu: sed in ipsa re habent distinctionem fundamentaliter & virtualiter, inquantum ipsa res est talis, vt de ipsa diuersi conceptus imperfectè eam representantes ab intellectu finito & limitato formari possint.

**Q V A N T V M** ad remotionem secundi dubij sciendum quod nomen dicitur prius significare conceptionem intellectus quam rem intellectam, non quia ipse conceptus sit propriè res significata: constat enim cum dicimus Sortem esse hominem non esse sensum, quod Sortes sit conceptio intellectus: sed quia est id quo intellectus rem significat: non enim ipsam significat nisi sic ab intellectu conceptam, & ideo sequitur quod plura nomina dicta de Deo synonyma non sunt: quia videlicet non idem omnino significant, licet enim res vltimè significata sit omnino vna secundum se, quia vna simplex diuinitas per omnia illa nomina significatur: conceptus tamen, quibus mediantibus res significatur plures sunt & multiplices, quod sanè facit ipsa synonyma non esse.

Quomodo autem res omnibus istis nominibus significata, omnino vna sit, non oportet quæ aliquam actuale distinctionem, quæ sit ex natura rei ponere, vt Scotus primo Sententiarum distinct. 2. quæst. 4. & distinct. 8. quæst. 3. posuit, satis est ab alijs præsertim à Capreolo, primo Sententiarum distinct. 3. quæstione 4. disputatum: ideo prætermittatur hæc quæstio pro nunc.

**Quod propositiones, quas intellectus noster de Deo format, non sunt vanæ.**

Cap. 36.

Idem P.p. q. 13.  
artic. 12.



**E**X hoc etiam vltimè patet, quod intellectus noster de Deo simplici non in vanum enuntiationes format componendo & diuidendo, quamuis Deus omnino simplex sit.

Quamuis namque intellectus noster in Dei cognitione per diuersas conceptiones deue niat, vt dictum est: intelligit tamen id quod omnibus eis respondet omnino esse vnum. Non enim intellectus modum quo intelligit rebus attribuit intellectis: sicut nec lapidi immaterialitatem quauis eum immaterialiter cognoscat: & ideo rei unitatem proponit per compositionem verbalem quæ est identitatis nota, cum dicit, Deus est bonus vel bonitas: ita quod si qua est diuersitas in compositione ad intellectum referatur: unitas verò ad rem intellectam: & ex hac ratione quandoque intellectus noster enuntiatione de Deo format cum aliqua diuersitatis nota præpositionem interponendo, vt cum dicitur, bonitas est in Deo: quia in hoc designatur aliqua diuersitas quæ competit intellectui, & aliqua unitas quam oportet ad rem referre.

Super cap. 36.



**P**ostremo agit sanctus Thomas de vocibus diuinis complexis, & ponit hanc conclusionem, Non sunt vanæ enuntiationes quas intellectus noster de Deo format. Probatur, Vbi est unitas in re, licet sit pluralitas ex parte intellectus, ibi potest intellectus verè componere & diuidere: sed in Deo est unitas omnisi quæ de ipso dicuntur ex parte rei, pluralitas verò ex parte nostri intellectus, ergo, &c. Maior patet, quia per copulam verbalem importatur in propositionibus unitas quædam prædicti cum subiecto. Minor verò probatur, quia licet intellectus noster diuersis conceptionibus in Dei cognitionem perueniat, omnibus tamen vnam omnino rem respondere intelligit: non enim intellectus modum quo intelligit rebus attribuit: vt videlicet, sicut ipse est multiplex in intelligendo, ita rem esse multiplicem in seipsa dicat: sicut neque lapidi attribuit immaterialitatem, licet eum immaterialiter intelligat.

Additur quoque quod intellectus aliquando de Deo enuntiationes format cum aliqua diuersitatis nota, præpositionem interponendo, vt cum dicitur, Bonitas est in Deo.

**H I C** duo sunt aduertenda. Primum est, quod duplex est modus quo intellectus rem intelligit, vnus se tenens ex parte rei intellectæ, alius se tenens

ex parte intellectus. Modus se tenens ex parte rei intellectæ, est ille quem intellectus in re apprehendit: modus autem se tenens ex parte intellectus, est ille qui actum intelligendi concomitatur, vt ab intellectu egreditur. Primum, rei secundum quod est extra intellectum conuenit: secundum autem, secundum quod est in intellectu. Cum ergo dicitur quod intellectus modum quo intelligit, rebus non attribuit, intelligitur de modo se tenente ex parte intellectus, non autem de modo se tenente ex parte rei intellectæ.

Secundum est, quod cum duplicem de Deo propositionem formet intellectus: vna dicendo, hoc est hoc, puta Deus est bonus alia dicendo, hoc est in hoc, puta bonitas est in Deo, in vtraque importatur unitas, & diuersitas, sed diuersimodè. Nā in prima unitas explicitè importatur, scilicet per copulam verbalem diuersitas autem importatur tantum implicitè, inquantum est pluralitas vocum, quarum vna ponitur in subiecto, altera verò in prædicato. nihil tamen est, quod ipsam diuersitatem significet, quia diuersa nomina non inueniunt idem omnino significare. In secunda autem, & unitas rei, & diuersitas ex parte intellectus importatur explicitè: unitas per copulam verbalem, pluralitas per propositionem. Nam cum nihil sit in seipso, oportet, vt hæc præpositio, In, diuersitatem aliquam vnus ab altero importet, saltè secundum intellectum propter hoc dixit sanctus Thomas quod in istis propositionibus designatur aliqua diuersitas, quæ competit intellectui, id est, quæ ex parte intellectus est, & aliqua unitas quam ad rem oportet referre.

**Quod Deus est bonus.**

Cap. 37.

**E**X perfectione autem diuina, quam ostendimus, bonitas ipsius concludi potest. Id enim quod vnumquodque bonum dicitur, est propria virtus eius: propria namque virtus vniuscuiusque, est quæ bonum facit habentem, & opus eius bonum reddit: virtus autem est perfectio quædam. tunc enim, vnumquodque perfectum dicimus, quando attingit propriam virtutem, vt patet in septimo Physicorum. ex hoc igitur vnumquodque bonum est quod perfectum est: & inde est quod vnumquodque suam perfectionem appetit, sicut proprium bonum: ostensum autem est Deum esse perfectum, est igitur bonus.

2. Item, Ostensum est supra, esse aliquod primum mouens immobile, quod Deus est: mouet autem sicut mouens omnino immobile quod mouet, sicut desideratum. Deus igitur cum sit primum mouens immobile, est primum desideratum. Desideratur autem dupliciter aliquid, aut quia est bonum, aut quia apparet bonum, quorum primum est, quod est bonum: nam apparet bonum, non mouet per se: sed secundum, quod habet aliquam speciem boni, bonum verò mouet per se ipsum: primum igitur desideratum, quod est Deus, est verè bonum.

3. Ad hæc, Bonum est quod omnia appetunt, vt Philosophus optimè dictum introducit, in primo Ethicorum. omnia autem appetunt esse actum, secundum modum suum: quod patet ex hoc quod vnumquodque secundum naturam suam repugnat corruptioni: esse igitur actum, boni rationem constituit: vnde & per priuationem actus, potentia consequitur malum, quod est bono oppositum, vt per Philosophum patet in nono Metaphys. Deus autem est ens actum non in potentia, vt supra ostensum est: est igitur verè bonus.

4. Amplius, Communicatio esse & bonitatis, ex bonitate procedit, quod quidem patet ex ipsa natura boni, & ex eius ratione. naturaliter enim vniuscuiusque bonum, est actio & perfectio eius: vnumquodque autem ex hoc agit quod actu est: agendo autem esse & bonitatem in alia diffundit. vnde & signum perfectionis est alicuius quod simile sibi possit producere. vt patet per Philosophum in quarto Metaphysicorum. ratio autè boni est ex hoc quod est appetibile, quod est finis, quæ etiam mouet agentem ad agendum: propter quod dicitur bonum esse diffusiuum sui esse, hæc autè diffusio Deo competit: ostensum est enim supra, quod Deus aliis est causa essendi, sicut per se ens necesse est: igitur verè bonus. Hinc est quod in Psalmo 73. dicitur: Quam bonus Israël, Deus, his qui recto sunt corde. Et Thren. 3. dicitur: Bonus est Dominus sperantibus in se, animæ quærenti illum.

Super cap. 37.

**P**ostquam determinauit sanctus Thom. de perfectione diuina absolute. nunc de ipsa determinat ad particulares perfectiones descendendo.

Circa hoc autem duo facit. Primum agit de perfectionibus ad naturam & substantiam pertinentibus. Secundum, de pertinentibus ad operationem, cap. 44.

Circa primum tria facit. Primum agit de bonitate diuina. Secundum de unitate, cap. 42. Tertiū de infinitate, cap. 41.

Circa primum duo facit. Primum agit de bonitate diuina secundum se. Secundo in ordine ad alia, cap. 40. Circa primum duo facit. Primum agit de ipsa bonitate. Secundum vnum corollarium infert, cap. 39.

Circa primum duo facit. Primum, ostendit bonitatem conuenire Deo. Secundum, quod ipse sit sua bonitas. Quantum ad primum ponitur hæc conclusio, Deus est bonus.

Probat

Idem P.p. q. 6.  
artic. 14

† Tex. com. 18.

† Cap. 18.

† Cap. 11.

† Cap. 1.

† Tex. c. 10.

† Cap. 16.

Author. sacre  
Scripturæ.

Intellectus modum quo intelligit rebus non attribuit.



Probatur primò, Deus est perfectus, ergo est bonus. probatur consequentia. Tunc vnumquodque perfectum est, quando attingit propriam virtutem: ut dicitur se primo Physic. text. 18. sed virtus rei est id quo vnumquodque bonum dicitur. est enim virtus quæ bonum facit habere, & opus eis reddit bonum: ergo vnumquodque secundum quod est perfectum, est bonum. patet etiam ex hoc, quia vnumquodque appetit suam perfectionem, tanquam proprium bonum.

Vnumquodque perfectum dicitur quando attingit propriam virtutem.

CIRCA illam propositionem, Vnumquodque perfectum dicimus, quòd attingit propriam virtutem: intelligendum est, quòd virtus propria rei, eius consequitur essentiam, sunt enim diuersæ virtutes secundum naturarum diuersitatem. ideo antequam aliquid propriam virtutem habeat, essentia complementum non habet, aut quantum ad intrinseca principia, aut quantum ad extrinseca, puta quantitatem, & huiusmodi, quæ requiruntur ad hoc, ut virtus exire possit ad opus: cum autem aliquid ad propriam virtutem pervenerit, ut scilicet secundum eam operari possit, dicimus & illud nature habere complementum, & per consequens perfectum esse.

Secundò, Deus est primum desideratum: ergo est bonus. probatur antecedens, quia est mouens omnino immobile quod mouet, sicut desideratum primum: probatur quoque consequentia. Si desideratur, aut, inquam, tanquam bonum, aut tanquam apparens bonum, non tanquam apparens bonum, quia illud non appetitur per se, sed secundum quod habet aliquam speciem boni: ergo tanquam bonum, quod per se ipsum mouet.

Tertiò, Deus est ens in actu, ergo est bonus. Probatur consequentia, Vnumquodque naturaliter appetit esse actu secundum suum modum: quod patet, quia corruptioni naturaliter repugnat: sed boni est quod omnia appetunt: ergo ens actu est bonum. Item per priuationem actus potentia consequitur malum, quod est bono oppositum, ut dicitur 9. Metaphysicæ, text. com. 19. ergo actus est quoddam bonum.

Quartò, Communicatio esse & bonitatis, ex bonitate procedit, sed hæc conuenit Deo: ergo est verè bonus. Probatur minor, quia Deus est aliis causa efficiens, sicut ens per se necesse esse. Maior verò probatur dupliciter.

Primò ex ipsa natura boni, id est, ex conditione naturalis boni. Vnumquodque enim esse, & bonitatem in alia diffundit agendo. Cuius indicium est, quòd signum perfectionis alicuius est sibi simile posse producere, ut dicitur 4. Meteororum: sed naturaliter vniuscuiusque bonum est actio, & perfectio eius vnumquodque etiam agit ex eo quod est actu, ergo, &c.

Secundò probatur eadem maior ex boni ratione. Ratio boni est ex hoc quod est appetibile, quod est finis: sed finis mouet agentem ad agendum, quod patet ex eo quòd dicitur bonum esse diffusiuum sui esse: ergo & bonum mouet agentem ad agendum: ergo, &c. Confirmatur conclusio primò auctoritate Psal. Quam bonus, &c. Secundò, auctoritate Thre. Tertiò, bonus est Deus, &c.

CIRCA istam propositionem, bonum est appetibile & finis, dubium occurrat, Vtrum appetibile sit essentialis ratio boni & similiter finis. Videtur enim quòd sic: quia vbiunque loquitur sanctus Thomas de ratione boni, semper videtur bono pro ratione assignare rationem appetibilis & finis, ut patet hoc loco, & Prima parte quæst. 1. art. 1. Veritate quæst. 1. & 2. in primo Sentent. dist. 19. & in infinitis penè aliis locis. In oppositum autem est, quia sic se videtur habere appetibile ad bonum, sicut visibile ad colorem, sicut enim color est obiectum visus: ita bonum, est obiectum voluntatis. & sicut visibile denominat ipsum colorem in ordine ad visum: ita appetibile denominat bonum in ordine ad appetitum. Sed visibile non est essentialis ratio coloris, sed eius passio: unde ista non est in primo modo, color est visibilis, ut patet secundo de Anima: ergo similiter erit de appetibili.

Vtrum appetibile & finis sit essentialis ratio boni.

CIRCA rationem etiam ipsam occurrat dubium, quia in antecedente loqui videtur sanctus Thomas de processu bonitatis ab aliquo tanquam à causa efficiente: probatio autem assumpta ex ratione boni procedit de processu à bono tanquam à causa finali. Nam hanc propositionem, Bonum est diffusiuum sui esse, interpretatur sanctus Thomas. Prima parte quæst. 1. art. 4. secundum, & Veri. quæst. 1. art. 1. quartum, de diffusionem non per modum efficientis, sed per modum causæ finalis.

Ad euidentiā primū dubij considerandum est, quòd in doctrina sancti Thomæ diuersimodè declaratur à diuersis, quomodo bonum sit appetibile.

Heruus enim Quolibet. 3. quæst. 2. declinat ad hoc quod ratio boni sit ratio omnino absoluta, nullum includens respectum: & consequenter appetibile quod importat habitum ad appetitum, non est de essentiali ratione boni. Capreolus verò primo Sentent. dist. 3. quæst. 3. vult quòd ratio boni sit respectiva, non quidem tanquam dicens purè respectum, sed tanquam dicens absolutum cum respectu. Unde dicit primò, quòd bonum in sua ratione essentiali includit appetibile: & quòd ista propositio, bonum est appetibile, est per se in primo modo. Dicit secundò, quòd non est simile de colore & visibili, & de bono & appetibili: quia color nominat ipsum quod est obiectum mouens visum, ad quod sequitur visibile sicut eius passio: bonum autem non nominat præcisè id quod est obiectum motuum appetitus, sed dicit & id quod est obiectum motuum voluntatis, & habitudinem ad appetitum. Unde magis assimilatur bonum huic aggregato color visibilis, quam soli colori: & propter hoc ista est essentialis prædicatio, Bonum est appetibile, non autem ista, Color est visibilis.

Sed licet Auctores harum opinionum sint omni ex parte doctissimi, non videtur mihi quòd ad mentem sancti Thomæ in hac re loquantur: quia enim bonum nō dicitur purè absolutum, satis liquet in quæstione de veritate, quæstione prima, & quæstione 21. vbi sanctus Thomas ponit verum & bonum differre ratione ab ente: quia ad rationem entis addunt respectum rationis. Propterea bene soluit Capreolus in 4. dist. 2. & in loco prælegato, rationes pro ista opinione.

Quòd autem resolutio importata nomine Appetibilis non sit de essentiali ratione boni, sed rationem boni consequatur, patet ex iis, quæ inquit S. Th. 1. Ethic. vbi exponens hanc propositionem, Bonum est quod omnia appetunt, ait, quòd prima non possunt notificari per aliqua priora: sed notificantur per posteriora, sicut causæ per proprios effectus. Et cum bonum proprie sit motuum appetitus, describitur per motum appetitus, sicut solet manifestari virtus motiua per motum, ex quibus dat intelligere, quòd esse appetibile non est essentialiter ratio boni, sed consequitur propriam boni rationem, sicut visibile consequitur colorem qui est obiectum motuum visus. Et hoc etiam ipsemet Capreolus melius sentiens quam in primo Sentent. tenuit in secundo, dist. 34. Propter quod videtur mihi dicendum

quòd appetibile dupliciter potest accipi. Vno modo formaliter, pro ea scilicet resolutione quæ nomine Appetibilis importatur. Alio modo fundamentaliter, scilicet pro eo quod est fundamentum talis resolutionis in quantum huiusmodi. Si primo modo accipitur, sic non est de essentiali ratione boni, sed rationem boni concomitantur: Si autem accipitur secundo modo, est de ipsius formali, & essentiali ratione. Significat enim bonum ipsum ens, in quantum fundat resolutionem appetibilis. Unde ista propositio, Bonum est appetibile, est in secundo modo per se, si appetibile primo modo accipitur: est autem in primo modo per se, si accipitur secundo modo. Propterea cum inquit sanctus Thomas, rationem boni consistere in hoc, quod est appetibile, intelligendum est de ratione concomitante si appetibile formaliter sumatur: si autem sumatur fundamentaliter, intelligendum est de ratione essentiali. Et hoc secundum videtur magis ad intentionem sancti Thomæ accedere: bonum enim secundum suam rationem est fundamentaliter appetibile & finis.

Sed tunc remanet dubium, quia secundum hanc resolutionem videtur sequi, quòd bonum sit merè absolutum ut prima opinio dicebat: sicut color qui est visibilis fundamentaliter ex se, est merè absolutum.

Respondetur, quòd licet bonum non includat formaliter resolutionem appetibilis & finis in sua ratione, sed tantum concomitantem, sitque bonum appetibile & finis fundamentaliter ex sua formali ratione: non tamen est merè absolutum, sed importat absolutum cum respectu: dicit enim respectum perfectiui alterius secundum rationem speciei, & secundum esse quod habet in rerum natura, ut patet ex doctrina sancti Thomæ Veri. quæst. 21. art. 1. vbi ponit quòd bonum & verum addunt supra ens respectum perfectiui, sed verum est perfectum secundum rationem speciei tantum: bonum autem & secundum rationem speciei, & secundum esse. Unde bonum est fundamentaliter appetibile & finis non ex eo tantum quod dicit ens, sed ex eo quòd dicit ens cum tali habitudine perfectiui. Propterea quod inquit aliquando sanctus Thomas, vnumquodque esse appetibile secundum quod est perfectum, exponendum est ut exponitur Veri. quæstione præallegata, art. 3. secundum, de perfecto, ut includit etiam rationem perfectiui, & sic patet responsio ad primum dubium. Ad secundum autem dicitur primò, quòd quia rationem boni concomitantur ratio causæ finalis, cum bonum dicitur seipsum diffundere: non intelligitur per modum causæ efficientis, licet diffundere secundum vocabuli proprietatem videatur importare operationem causæ efficientis, sed per modum causæ finalis: quia scilicet gratia ipsius nata sunt mouentia, & efficientia agere.

Dicitur secundò, quòd licet boni formalem rationem, ratio causæ finalis concomitantur: si tamen quæ bona est, ratio etiam efficientis potest conuenire. Est enim aliquid fundamentaliter bonum in quantum habet esse, & vnumquodque agit in quantum est in actu. Unde antecedens illud absolutè sumitur non magis limitado ad causam efficientem, quam ad finalem: imò de vtraque causalitate verum est, quòd communicatio esse, & bonitatis, ex bonitate procedit: & Deus est causa esse, & bonitatis in genere causæ efficientis: quia est primum agens à nullo dependens, & in genere causæ finalis: quia est vltimus finis cuius gratia omnia sunt, & sunt. ideo illam propositionem probat sanctus Thomas, primò in causa efficiente: secundò in causa finali ex ratione boni, ut ostendat illam in vtrunque causalitatem veritatem habere.

Bonum est sui ipsius diffusiuum.

### Quòd Deus est sua bonitas.

#### Cap. 38.



EX his autem haberi potest quòd Deus sit sua bonitas. Esse enim actu, in vnoquoque est bonum ipsum: sed Deus non solum est ens actu, sed est ipsum suum esse, ut supra ostensum est. est igitur ipsa bonitas, non tantum bonus.

Idem p. p. q. 6. art. 2.

† Cap. 34.

2. Præterea, Perfectio vniuscuiusque est bonitas eius: ut supra ostensum est: perfectio autem diuini esse, non attenditur secundum aliquid additū supra ipsum, sed quia ipsum secundum seipsum perfectum est, ut supra ostensum est. bonitas igitur Dei non est aliquid additum suæ substantiæ, sed sua substantia est sua bonitas.

† Cap. 28.

† Cap. 28.

3. Item, Vnumquodque bonum, quod non est sua bonitas, participatione dicitur bonum. Quod autem per participationem dicitur bonum, aliquid ante se præsupponit, à quo rationem suscipit bonitatis: hoc autem in infinitum non est possibile abire, quia in causis finalibus non proceditur in infinitum. Infinitum enim repugnat fini, bonum autem rationem finis habet: oportet igitur deuenire ad aliquod primum bonum, quod non participatiue sit bonum per ordinem ad aliquid aliud, sed sit per essentiam suam bonum. hoc autem est Deus, est igitur Deus sua bonitas.

4. Item, Id, quod est, participare aliquid potest: ipsum autem esse, nihil. quod enim participat, potest esse esse autem, actus est. sed Deus est ipsum esse, ut probatum est. non est igitur bonus participatiue, sed essentialiter.

5. Amplius, Omne simplex, suum esse, & id quod est, vnum habet. nam si sit aliud & aliud, iam simplicitas tollitur. Deus autem est omnino simplex, ut ostensum est: igitur ipsum bonum nō est aliud quam ipse. est igitur sua bonitas. Per eandem rationem etiam patet, quòd nullum aliud bonum est sua bonitas. propter quod dicitur Marci 10. Nemo bonus, nisi solus Deus.

Authori, facta Scripturæ.

#### Super cap. 38.



Secundò ostenditur, quòd Deus est sua bonitas. Probatur primò, Deus est suum esse: ergo est sua bonitas. Probatur consequentia, quia est: in actu in vnoquoque, est bonum ipsum.

NOTAN



**NOTANDVM** ex doctrina sancti Thomae Prima parte quæst. 1. arti. secundo, quartum, quod vita & scientia & alie perfectiones non appetuntur nisi secundum esse in actu. nullus enim appetit vitam, nisi ut per ipsam viuatur, neque sapientiam, nisi ut per ipsam sapiens sit: & quia bono ratio conuenit appetibilis, in quantum est alterius perfectum, ideo nulli conuenit ratio boni, nisi in quantum est actu. propter hoc inquit sanctus Thomas, quod est in actu in vnoquoque, est bonum ipsius, id est, esse in actu, est illud ex quo fundamentaliter & radicaliter aliquid dicitur bonum.

Nulli conuenit ratio boni, nisi in quantum est in actu.

**S E D** circa hoc dubium occurrit. Si enim nulli conuenit ratio boni nisi in quantum est in actu, sequitur, quod id quod non est in actu non habeat rationem boni, sed hoc est falsum: quia sanctitas, quam nondum habet infirmus, bona est, cum ab infirmo appetatur: ratio autem appetibilis rationem boni consequitur, ergo non solum ei quod est in actu, conuenit ratio boni, sed etiam ei quod nondum est in actu.

**A D** huius diffinitionis solutionem duplici distinctione opus est. Prima est, dupliciter aliquid potest dici bonum: vno modo tanquam id quod habet bonitatem, sive quod in bonitate subsistit: Alio modo tanquam id quod aliquid est formaliter bonum. Secunda est, Ens in actu, potest dupliciter intelligi. Vno modo, secundum actum exercitum: Alio modo, secundum actum signatum. Primo modo dicitur aliquid ens in actu, quando actualiter existit in rerum natura, sicut Sortes viuens. Secundo modo dicitur aliquid ens in actu, quando cum sua actualitate essendi significatur, aut intelligitur, etiam si non existat actualiter in rerum natura. Dicitur ergo primo, quod si loquamur de bono primo modo, quod scilicet habet in se bonitatem, nihil est bonum, nisi in quantum est in actu, secundum actum exercitum.

Dicitur secundum, quod si loquamur de bono secundo modo, de eo, scilicet quo aliquid est bonum, nihil est bonum nisi sit ens in actu, scilicet secundum actum signatum. Non enim aliquid habet rationem appetibilis, nisi in quantum cum suo esse consideratur: & sic sanctitas, etiam non existens, dicitur ens in actu in quantum habet rationem boni: quia non appetitur nisi ut per ipsam aliquis sit actu sanus. Et sic vniuersaliter verum est, quod nihil est bonum nisi in quantum est in actu: vel secundum actum exercitum, vel secundum actum signatum.

Secundo, Deus est sua perfectio, quia ipse esse non est per aliquid additum perfectum: ergo est sua bonitas, patet consequentia: quia perfectio rei, est bonitas eius.

Tertio, Deus est per essentiam suam bonus: & non participatiue per ordinem ad aliquid aliud: ergo est sua bonitas. Probatur antecedens, quia quod per participationem est bonum, ante se aliquid habet: a quo rationem suscipit bonitatis, sed non est processus in infinitum, cum bonum habeat rationem finis: infinitum autem repugnet fini, ergo oportet denique ad aliquid per se & essentialiter bonum. Consequentia vero probatur, quod non est sua bonitas, participatiue, & non per essentiam est bonum.

**C I R C A** illam propositionem, Infinitum repugnat fini, dubitatur, quia non videtur intentum probare: licet enim infinitum in quantitatibus repugnet fini tanquam ipsum tollens, ex hoc tamen non sequitur in causis finalibus non dari processum in infinitum. Respondetur, quod in ordine finium, illud simpliciter habet rationem finis, quod est in ultimo intentum tanquam propter se, non autem propter aliud volitum: finis enim ut sit est cuius gratia aliquid fit, non autem quod sit gratia alterius, ideo finis ex propria ratione habet rationem ultimi, & ideo in infinitum repugnat rationi finis, in quantum remouet ultimum. Si ergo procedatur in infinitum in causis finalibus, nihil habebit rationem ultimi, & per consequens nihil simpliciter erit finis, sed vnumquodque se habebit ut ad aliud ordinatum, loquendo de finibus essentialiter ordinatis: illa ergo propositio non accipitur ut habens veritatem tantum in quantitate continua, sed absolute, & formaliter: infinitum enim id est, quod finem remouet & repugnat fini quem remouet, & ideo infinitum remouens finem causarum finalium, repugnat fini, & statui causarum, & quia ratio causæ finalis ponit statum, & ultimum, ideo rationi ipsius repugnat infinitum.

Quarto, Est confirmatio antecedentis prioris rationis, Deus est ipsum esse, ergo est essentialiter bonus & non participatiue, & per consequens ipsa bonitas, probatur consequentia, quia ipsum esse, participare aliquid non potest, cum non sit potentia, sed actus.

Quinto, Deus est omnino simplex, ergo, &c. Probatur consequentia, quia omne suum esse, & id quod est, vnum habet, id est, & ens in ipso non distinguitur, & cum esse eius sit ipse bonus, a sua bonitate non distinguitur. Ex hoc inferitur corollarie, quod nullum aliud bonum est sua bonitas, unde & Mar. 10. dicitur, Nemo bonus, nisi solus Deus.

**A D V E R T E** pro hoc corollario ex quæstionibus Veri. quæstio. 21. articulo 7. quod bonitas substantialis in esse rei completur: licet enim essentia rei sit radicaliter & fundamentaliter bonitas prima rei, & bonitas secundum quid, non est tamen completiue bonitas substantialis, sed esse actualis existentie rei, non est enim completum, & simpliciter aliquid bonum substantialiter, nisi sit in actu, & quia nullius rei creatæ esse, est essentia, ideo nulla res creata est sua bonitas substantialis absolute & simpliciter, nulla etiam est sua ultima bonitas, a qua simpliciter & absolute dicitur bona, quia illa rebus conuenit ex accidentibus superadditis, ut patet Prima parte, & Veritate, &c.

Quod in Deo non possit esse malum. Cap. 39.

**I** X hoc autem manifeste apparet, quod in Deo non potest esse malum.

Esse enim & bonitas, & omnia quæ per essentiam dicuntur, nihil præter se habent admixtum: licet id quod est bonum, possit aliquid præter esse & bonitatem habere. nihil enim prohibet hoc quod est vni perfectioni suppositum, etiam alij supponi: sicut quod est corpus potest esse album & dulce. Vnumquodque autem intra suæ rationis terminos concluditur, ut nihil extraneum intra se capere possit: Deus autem est bonitas, non solum bonus, ut ostensum est, non potest igitur in eo esse aliquid non bonitas: & ita malum in eo omnino esse non potest.

Amplius, Id, quod est oppositum essentia alicuius rei, si bi omnino conuenire non potest dum manet, sicut homini non potest conuenire irrationabilitas vel insensibilitas nisi homo esse desistat: sed diuina essentia est ipsa bonitas, ut ostensum est: ergo malum quod est bono oppositum, in eo lo cum habere non potest, nisi esse desisteret: quod est impossibile, cum sit æternus, ut supra ostensum est.

† Cap. 38.

**3** Ad hæc, Cum Deus sit suum esse, nihil participatiue de Deo dici potest, ut patet ex ratione supra inducta. si igitur malum de ipso dicatur, non dicitur participatiue, sed essentialiter, sic autem malum de nullo dici potest, ut sit essentia alicuius: ei enim esse deficeret, quod bonum est, ut ostensum est. In malitia autem non potest esse aliquid extraneum admixtum, sicut nec in bonitate, malum igitur de Deo dici non potest.

† Cap. 35.

**4** Item, Malum bono oppositum est: natura autem boni vel ratio in perfectione consistit, ergo ratio mali in imperfectione. Defectus autem vel imperfectio in Deo (qui est verè perfectus) esse non potest, ut supra ostensum est, in Deo igitur malum esse non potest.

† Cap. 33.

**5** Præterea, Perfectum est aliquid secundum quod est actu: ergo imperfectum erit secundum quod est deficiens ab actu, ergo malum vel priuatio est, vel priuationem includit, vel nihil est, priuationis autem subiectum est potentia: hoc autem in Deo esse non potest, igitur nec malum.

**6** Præterea, Si bonum est, quod ab omnibus appetitur: igitur malum vnaquæque natura refugit in quantum huiusmodi. Quod autem est alicui contra motum naturalis appetitus, est violentum, & præter naturam: malum igitur in vnoquoque est violentum & præter naturam, secundum quod est ei malum, etsi possit ei esse naturale secundum aliquid eius in rebus compositis: Deus autem compositus non est nec esse potest in eo violentum, vel præter naturam, ut ostensum est. malum igitur in Deo esse non potest. Hoc etiam sacra Scriptura confirmat. Dicitur enim 1. Ioan. 1. Deus lux est, & tenebræ in eo non sunt vllæ. Et Iob 34. Absit a Deo impietas, & ab Omnipotente iniquitas.

† Cap. 10. Auth. sacre Script.

Super cap. 39.

**E** X præmissis inferit sanctus Thomas corollarie, quod in Deo non potest esse malum: & intelligitur secundum quod malum in natura inueniri potest, non autem secundum quod inuenitur in voluntate: quia de hoc inferius determinabitur.

Probatur primo, Deus est sua bonitas, ergo in eo malum esse non potest. Probatur consequentia, quia omnia, quæ per essentiam dicuntur, sicut bonitas, sapientia, & huiusmodi, nihil præter se habent admixtum. Si ergo Deus est bonitas, ideo non potest esse non bonitas, nec per consequens malum.

Notat autem ad maiorem declarationem, quod id, quod est bonum, aliquid præter bonitatem habere potest: quia quod vni perfectioni suppositum est, nihil prohibet & alteri supponi, sed vnumquodque intra terminos suæ rationis concluditur, ut nihil extraneum intra se capere possit, ergo, &c.

**A D V E R T E N D V M**, quod vnumquodque concludi dicitur intra terminos suæ rationis, quia diffinitio principia tantum essentialia dicit, & naturæ quidditatem ita concludit, quod nihil permittit rei quidditatem ingredi, quod ab ipsa sit extraneum: per quod datur intelligi, quod ipsa quidditas rei, quæ per diffinitionem significatur, si per se subsistat, nihil habet adiunctum, quia intra diffinitionis terminos nihil a natura extraneum includitur. Si enim sibi aliquid extraneum inesseret, iam non esset quidditas, ut per diffinitionem significatur, sed de hoc etiam superius dictum est.

Secundo, si malum esset in Deo, Deus deficeret posset. Probatur cōsequentia, quod opponitur essentia alicuius, illi inesse non potest, nisi esse definat: sicut irrationabilitas homini non potest inesse, nisi esse homo desistat, sed essentia Dei est bonitas, ergo malum oppositum illi conuenire non potest, nisi esse definat.

Tertio, si malum sit in Deo, erit in ipso essentialiter, quia nihil de ipso participatiue dici potest, ut supra est ostensum. Sed non potest malum sic de aliquo dici, ut sit eius essentia, quia sicut bonitas nihil extraneum admittit, ita nec malitia, & sic excluderet esse quod habet rationem boni, & omnem aliam perfectionem: & per consequens nihil potest existere, quod ipsa malitia sit.

Sed non videtur necessarium, si in Deo sit malum, quod Deus sit essentialiter malus, eo quod nihil dicitur de ipso secundum participationem: primo, quia illa propositio habet veritatem in perfectionibus, eo quod Deus sit ipsum esse: non autem in imperfectionibus, cuiusmodi est malum. Secundo, quia nullum malum est malum per participationem, sed per priuationem participationis, ut dicitur prima p. quæstio. 4. articulo 3. quartum, & tamen non sequitur quod omne malum sit malum per essentiam.

Ad primum respondetur, quod tam in perfectionibus, quam in imperfectionibus, si Deo attribuantur, verum est quod nihil de ipso per participationem dicitur, tanquam videlicet ab eius essentia distinctum, quia per rationem quartam præcedentis capituli, quod aliquo participat, comparatur ad ipsum sicut potentia ad actum. In Deo autem potentia esse non potest, sed est actus purus, cum sit ipsum esse, ideo si ponatur malum Deo conuenire, illud non potest esse per participationem.

Ad secundum respondetur, quod esse tale per participationem, potest dupliciter intelligi. Vno modo per acceptionem imperfectam alicuius positiui: Alio modo per acceptionem cuiuscumque a se distincti, sive positiui sit, sive negatiui. Si primo modo accipiat, sic nihil dicitur malum per participationem, eo quod malum non sit aliqua natura, sed dicitur ali-

Vnumquodque intra terminos suæ rationis concluditur.



quid malum per priuationem participationis, eo scilicet quod careat aliqua forma. Nihil etiam hoc modo dicitur malum per essentiam, quia malum nulla essentia est: si verò accipitur secundo modo, sic omne malum est malum per participationem, in quantum nullum malum est ipsa malitia, sed etiam habet aliquid malitiae adiunctum, scilicet bonum in quo fundatur.

Ad hunc sensum loquitur hic sanctus Thomas, quia si malum dicitur de Deo, cum nihil conueniat Deo, quod sit ab ipso distinctum, siue ponatur illud forma esse, siue priuatio, eo quod in ipso potentia non sit receptiva, sequitur ut sit ipsa malitia, quod est esse malum per essentiam. Quarta, Nulla imperfectio est in Deo, ergo neque malum: quia malum imperfectio quoddam est, sicut bonum perfectio. Quinta, Malum, vel est priuatio, vel priuationem includit, sed nulla priuatio est in Deo, cum in Deo non sit potentia, quae est subiectum priuationis, ergo, &c. Probatur antecedens, quia sicut bonum & perfectio aliquid est se unum quod est actu, ita est imperfectum & malum secundum quod est deficiens ab actu. Sexto, Nullum violentum est in Deo, vel prae naturam, ergo in ipso non est malum. Probatur consequentia, quia malum secundum quod malum, inest unicuique contra motum naturalis inclinationis, eo quod vnumquodque refugiat malum, sicut vnumquodque appetit bonum, & licet aliquando in rebus compositis possit malum secundum aliquid sui, esse naturale rei, hoc tamen in Deo esse non potest, cum non sit compositus.

Quomodo aliquid malum est alicui violentum, & tamen est naturale.

CIRCA illam propositionem, Malum alicuius secundum quod est ei malum, est violentum, & prae naturam, potest tamen ei naturale esse secundum aliquid eius in rebus compositis: dubitatur, quia videtur contradictionem implicare. Nam si malum secundum aliquid sui est naturale, ergo malum secundum quod malum, semper est in re quando res est: quia illud quod est naturale, cui malum coniungitur, semper est in re. Si autem ut malum, est violentum, sequitur quod non semper maneat in re: quod enim violentum est, aliquando remouetur.

Respondetur, & dicitur primo, quod cum aliqua priuatio concomitatur aliquod principiorum naturalium, tunc dicitur malum esse naturale, saltem ad naturam vniuersalem comparatum, ratione alicuius quod ad ipsum pertinet, scilicet ratione ipsius principij in quo raditur: sicut in eo qui nascitur caecus aut claudus, caecitas quidem & obliquitas cruris secundum se est prae naturam, & violenta, quia est priuatio alicuius debiti inesse: ratione tamen oculi, & cruris, quae sibi naturaliter conueniunt, dicuntur illa mala naturalia esse.

Dicitur secundo, quod violentum illud, quod concomitatur partem aliquam naturalem, non oportet ut aliquando remouetur, sed tantum illud violentum, quod nullam habet concomitantiam ad aliquod principiorum naturalium, quia illud licet secundum se considerandum sit prae naturam, induit tamen rationem naturalem ex subiecto ad quod consequitur, & est de intentione secundaria naturae vniuersalis, & per consequens quando illud principium manet, remoueri non potest. Vltimo auctoritatibus Ioan. canonice cap. 1. & Iob 34. conclusio confirmatur.

### Quod Deus est omnis boni bonum.

Cap. 40.



Stenditur etiam ex praedictis, quod Deus sit omnis boni bonum. Bonitas enim vniuersalis est perfectio ipsius, ut dictum est: Deus autem cum sit simpliciter perfectus, sua perfectione omnes rerum perfectiones comprehendit: ut ostensum est: sua igitur bonitate omnes bonitates comprehendit: & ita est omnis boni bonum.

2. Item, Quod per participationem dicitur aliquale, non dicitur tale, nisi in quantum habet quandam similitudinem eius quod per essentiam dicitur: sicut ferrum dicitur ignitum in quantum quandam similitudinem ignis participat. Sed Deus est bonus per essentiam: omnia verò alia per participationem, ut ostensum est supra. Igitur nihil dicitur bonum, nisi in quantum habet similitudinem aliquam diuinae bonitatis: est igitur ipse bonum omnis boni.

3. Adhuc, Cum vnumquodque appetibile sit propter finem, boni autem ratio consistat in hoc quod est appetibile, oportet quod vnumquodque dicatur bonum vel quia est finis, vel quia ordinatur ad finem: finis igitur vltimus est à quo omnia rationem boni accipiunt: hoc autem Deus est, ut infra probabitur. est igitur Deus omnis boni bonum. Hinc est quod Dominus suam visionem per Moyse promittens dicit Exod. 33. Ego ostendam tibi omne bonum. Et Sapientiae septimo, dicitur de diuina sapientia: Venerunt mihi omnia bona pariter cum illa.

Authori. sacre Script.

Super cap. 40.



Offquam determinauit San. Tho. de bonitate diuina absolute, tunc de ipsa comparatiue determinat. Circa hoc autem duo facit. Primo comparat bonitatem diuinam ad alia bona per modum principij. Secundo per modum excellentiae cap. sequenti. Quantum ad primum ponit hanc conclusionem, Deus est omnis boni bonum.

Pro cuius intelligentia sciendum ex doctrina sancti Thomae prima quae est 6. a. & 2. a. & 3. a. & 4. a. & 5. a. & 6. a. & 7. a. & 8. a. & 9. a. & 10. a. & 11. a. & 12. a. & 13. a. & 14. a. & 15. a. & 16. a. & 17. a. & 18. a. & 19. a. & 20. a. & 21. a. & 22. a. & 23. a. & 24. a. & 25. a. & 26. a. & 27. a. & 28. a. & 29. a. & 30. a. & 31. a. & 32. a. & 33. a. & 34. a. & 35. a. & 36. a. & 37. a. & 38. a. & 39. a. & 40. a. & 41. a. & 42. a. & 43. a. & 44. a. & 45. a. & 46. a. & 47. a. & 48. a. & 49. a. & 50. a. & 51. a. & 52. a. & 53. a. & 54. a. & 55. a. & 56. a. & 57. a. & 58. a. & 59. a. & 60. a. & 61. a. & 62. a. & 63. a. & 64. a. & 65. a. & 66. a. & 67. a. & 68. a. & 69. a. & 70. a. & 71. a. & 72. a. & 73. a. & 74. a. & 75. a. & 76. a. & 77. a. & 78. a. & 79. a. & 80. a. & 81. a. & 82. a. & 83. a. & 84. a. & 85. a. & 86. a. & 87. a. & 88. a. & 89. a. & 90. a. & 91. a. & 92. a. & 93. a. & 94. a. & 95. a. & 96. a. & 97. a. & 98. a. & 99. a. & 100. a.

Deum esse omnis boni bonum dupliciter accipi potest.

Primo, In Deo sunt perfectiones omnium rerum: ergo omnes bonitates comprehendit, & est omnis boni bonum. Probatur consequentia, quia bonitas rei, est perfectio eius. Secundo, Omnia habent similitudinem diuinam bonitatis: ergo, &c. Probatur antecedens, quia Deus est bonus per essentiam, alia verò per participationem: quod autem est tale per participationem, est tale, quia habet aliquam similitudinem eius quod est per essentiam tale.

ADVERTENDUM hic, quod ad hoc ut aliquid participatiue dicatur tale, non requiritur ut habeat illud secundum eandem rationem vniuersalem secundum quam est in eo quod dicitur per essentiam tale, sed sufficit ut aliquam eius similitudinem habeat, ut hoc loco vult San. Tho. Tercio, Deus est finis vltimus omnium, ut infra ostendetur, ergo est omnis boni bonum. Probatur consequentia, quia cum bonum habeat rationem appetibilis, & vnumquodque sit appetibile propter finem, bonum dicitur vnumquodque, aut quia est finis, aut quia ordinatur ad finem: ergo finis vltimus est à quo omnia rationem boni habent. Confirmatur conclusio auctoritate Exod. 33. & Sapient. 7.

### Quod Deus sit summum bonum.

Cap. 41.



Hoc autem ostenditur, quod Deus sit summum bonum. Nam bonum vniuersale praeminet omni bono particulari: sicut bonum gentis est melius quam bonum vnius: bonitas enim totius & perfectio, praeminet bonitati & perfectioni partis: sed diuina bonitas comparatur ad omnia alia sicut vniuersale bonum ad particula-

Idem p. 9. 6. art. 2.

re cum sit omnis boni bonum: ut ostensum est: est igitur ipse summum bonum.

2. Praeterea, Id quod per essentiam dicitur, verius dicitur quam id quod est per participationem dictum: sed Deus est bonus per suam essentiam: alia verò per participationem, ut ostensum est: est igitur ipse summum bonum.

3. Item, Quod est maximum in vnoquoque genere, est causa aliorum quae sunt in illo genere: causa enim prior est effectui: ex Deo autem omnia habent rationem boni, ut ostensum est: est igitur ipse summum bonum.

4. Amplius, Sicut albus est quod est nigro impermixtus, ita melius est quod est malo impermixtus: sed Deus est maximum malo impermixtus: quia in eo nec actu nec potentia malum esse potest, & hoc ex sua natura competit ut ostensum est: est igitur ipse summum bonum. Hinc est quod Exod. 2. dicitur, Non est Sanctus vt est Dominus.

Cap. 40.

Cap. 33.

Cap. 40.

Cap. 33.

Authori. sacre Scriptur.

Super cap. 41.



Omparat secundo loco S. Tho. bonitatem diuinam ad alia bona quantum ad excellentiam, ostenditque quod Deus est summum bonum. Probatur. Primo, Diuina bonitas comparatur ad omnia bona, sicut bonum vniuersale ad particula, cum sit omnis boni bonum, ergo praeminet omni bono particulari. Patet consequentia: quia bonum vniuersale praeminet bono particulari: sicut bonum gentis est melius quam bonum vnius, eo quod perfectio totius praeminet perfectioni partis simpliciter, & absolute loquendo. Secundo, Quod per essentiam dicitur, verius dicitur, quam quod dicitur per participationem, Deus per essentiam dicitur bonus, & alia per participationem, ergo, &c.

CIRCA illam propositionem, Quod per essentiam dicitur, verius dicitur, quam quod dicitur per participationem: dubium occurrit, quia albedo quod dicitur per essentiam, non verius dicitur alba: quia id quod albedine participat, imò alba non dicitur. Pro intelligentia huius considerandum, quod id quod dicitur per essentiam, potest comparari & ad id quod est tale per similitudinem, quae est causa eius, & ad id quod est tale per participationem. Si primo modo, cum ly verius (ut habetur de Ver. q. 4. ar. 6.) possit designare aut veritatem rei, aut veritatem praedicationis, si veritas rei designat, tunc non est necessarium, ut verius sit aliquid ubi est per essentiam: potest enim verius esse ubi est per similitudinem quae est causa rei, quam ubi est per essentiam: sicut res naturales verius sunt in mente diuina, ubi sunt per similitudinem alicuius, quam in seipsis ubi sunt per essentiam. Per verius autem hoc modo intelligo idem quod perfectius. ex parte enim rei veritas in esse fundatur, & ideo dicere rem esse verius in Deo veritate rei, est dicere ipsam in ipso habere perfectius esse quam in seipsis: quia illud est diuinum, illud verò est creatum. Si autem veritatem praedicationis significet, sic verius est vnumquodque ubi est per essentiam, quam ubi est per similitudinem: quia veritas praedicationis attenditur secundum quod aliquid secundum suum formale significatum de aliquo dicitur. non potest autem magis alicui conuenire formaliter, quam ly per essentiam illi conueniat. Si secundo modo, tunc quocumque sumatur ly verius: vera est propositio San. Th. quod enim per essentiam alicui conuenit, perfectius est: in illa habet, quam in eo cui conuenit per participationem, & maiorem identitatem formalem cum ipso habet: ex quo sequitur ut verius etiam praedicetur.

Quod dicitur per essentiam, verius dicitur quam quod dicitur per participationem.

AD instantiam dicitur, quod intelligitur propositio S. Th. ubi illud formaliter praedicetur de vtroque, & ubi ipsa essentia per se subsistit: tunc enim verius dicitur, quod est ipsa quidditas, quam id quod habet quidditatem, & quia Deus ipsa bonitas est, alia verò habet bonitatem: & dicitur formaliter bonus, sicut & alia dicuntur bona, ideo & verius & perfectius dicitur bonus. albedo autem non recipit praedicationem sui concreti, ut proprie dicitur alba, nec etiam per se est, licet per se significetur. Ideo non est simile. Tercio, Ex Deo omnia boni rationem habent, ergo, &c. probatur consequentia, quia quod est causa aliorum in vno genere, est maximum in illo.

ADVERTE quoniam hic sumitur genus pro omni communi, secundum eandem rationem, aut simpliciter aut secundum proportionem, ut superius est ostensum. Quarto, In Deo malum nec actu nec potentia est, ergo est summum bonum. Probatur consequentia, quia melius est quod est malo impermixtus. Confirmatur auctoritate Exod. 2.

Quod



## Quòd Deus est vnus. Cap. 42.

† Idem p. p. q.  
22. art. 3.

Quòd autem ostenso manifestum est Deum non esse nisi vnum. Non enim possibile est esse duo summè bona: quod enim per superabundantiam dicitur, in vno tantum inuenitur. Deus autem est summum bonum: vt ostensum est. Deus igitur est vnus.

† Cap. 41.

† Cap. 18.

2. Præterea, ostensum est † Deum omnino perfectum esse, cui nulla perfectio deficit: si igitur sunt plures dii: oportet esse plura huiusmodi perfecta: hoc autem est impossibile, nam si nulli eorum deest aliqua perfectio: neque aliqua imperfectio ei admiscetur, quod requiritur ad hoc quòd aliquid sit simpliciter perfectum: non erit in quo adinuicem distinguantur: impossibile est igitur plures deos ponere.

3. Item, quod sufficenter sit vno posito, melius est per vnum fieri, quam per multa: sed rerum ordo est sicut melius potest esse: non enim potentia agentis primi est potentia: quæ est in rebus ad perfectionem: sufficienter autem omnia complentur reducendo ad vnum primum principium: non est igitur ponere plura principia.

4. Amplius, impossibile est, vnum motum continuum, & singula regulantem, à pluribus motoribus esse: nam si simul mouent, nullus eorum est perfectus motor, sed omnes se habent loco vnus perfecti motoris: quod non competit in primo motore: perfectum enim est prius imperfecto. Si autem non simul mouent quilibet eorum est quandoque mouens, & quandoque non, ex quo sequitur quòd motus non est continuus, neque regularis: motus enim continuus & vnus est ab vno motore, motor etiam qui non semper mouet, irregulariter inuenitur mouere sicut patet in motoribus inferioribus, in quibus motus violentus in principio intenditur, & in fine remittitur: motus autem naturalis e conuerso, sed primus motus est vnus & continuus, vt à Philosophis probatum est, ergo oportet eius motorem esse vnum.

5. Adhuc, substantia corporalis ordinatur ad spiritualem sicut ad suum bonum, nam illa bonitas est plenior, cui corporalis substantia intendit assimilari, cum omne quod est, desideret optimum quantum possibile est. Sed omnes motus corporales creaturæ inueniuntur reduci ad vnum primum, præter quem non est alius primus, quia nullo modo reducatur in ipsum: ergo præter substantiam spiritualem, quæ est finis primi motus, non est aliqua quæ non reducatur in ipsam. hoc autem nomine Dei intelligimus: non est igitur nisi vnus Deus.

6. Amplius, omnium diuersorum ordinatorum adinuicem ordo eorum adinuicem est propter ordinem eorum ad aliquid vnum: sicut ordo partium exercitus adinuicem, est propter ordinem totius exercitus ad ducem, nam quòd aliqua diuersa adinuicem in habitudine aliqua vniuntur, nõ potest esse ex propriis naturis secundum quod sunt diuersa, quia ex hoc magis distinguerentur. Nec potest esse ex diuersis ordinantibus, quia non posset esse quòd vnum ordinem intenderent ex seipsis secundum quòd sunt diuersi: & sic vel ordo multorum adinuicem est per accidens: vel oportet reducere ad aliquid primum, vnum scilicet ordinans, quod ad finem quem intendit, omnia alia ordinat: omnes autem partes huius mundi inueniuntur ordinatæ adinuicem: secundum quòd quædam à quibusdam iuuantur: sicut corpora inferiora mouentur per superiora, & hoc per substantias incorporeas vt ex prædictis patet, sed hoc non est per accidens cum sit semper, vel in maiori parte: igitur totus hic mundus non habet nisi vnum ordinatorem & gubernatorem: sed præter hunc mundum non est alius: non est igitur nisi vnus omnium rerum gubernator, quem Deum dicimus.

7. Adhuc, si sint duo quorum vtrumque est necesse esse: oportet quòd conueniant in intentione necessitatis essendi: oportet igitur quòd distinguantur per aliquid quod additur vel vni tantum, vel vtrique: & sic oportet vel alterum, vel esse compositum: nullum autem compositum est necesse esse per seipsum: sicut supra ostensum est. impossibile est igitur esse plura, quorum vtrumque sit necesse esse: & sic nec plures deos.

8. Amplius, illud in quo differunt, ex quo ponuntur conuenire in necessitate essendi: aut requiritur ad complementum necessitatis essendi aliquo modo, aut non. Si non requiritur, ergo est aliquid accidentale: quia omne quod aduenit rei, nihil faciens ad esse ipsius, est accidens: ergo hoc accidens habet causam: aut ergo essentiam eius quod est necesse esse, aut aliquid aliud. si essentiam eius, cum ipsa necessitas essendi sit essentia eius: (vt ex dictis patet) necessitas essendi erit causa illius accidentis. sed necessitas essendi inuenitur in vtroque:

ergo vtrumque habebit illud accidens: & sic non distinguuntur secundum illud. Si autem causa illius accidentis sit aliquid aliud: nisi ergo illud aliud esset, non esset hoc accidens: & nisi hoc accidens esset, distinctio prædicta non esset, ergo nisi esset illud aliud, ista duo quæ ponuntur necesse esse, non essent duo, sed vnum: ergo esse proprium vtriusque est dependens ab altero: & sic neutrum est necesse esse per seipsum.

Si autem illud in quo distinguuntur, sit necessarium ad necessitatem essendi complendam: aut hoc erit, quia illud includitur in ratione necessitatis essendi: sicut animatum includitur in diffinitione animalis, aut hoc erit quia necessitas essendi specificatur per illud, sicut animal completur per rationale. Si primo modo, oportet quòd vbicumque sit necessitas essendi, sit illud quod in eius ratione dicitur: sicut cuiusque conuenit animal, conuenit animatum, & sic cum ambobus prædictis attribuaturs necessitas essendi, secundum illud distinguere non poterunt. Si autem secundo modo, hoc iterum esse non potest, nam differentia specificans genus, non complet generis rationem. sed per eam acquiritur generi esse in actu. ratio enim animalis completa est ante additionem rationalis: sed non potest esse animal actu, nisi sit rationale vel irrationale. sic ergo aliquid complet necessitatem essendi quantum ad esse in actu, & non quantum ad intentionem necessitatis essendi, quod est impossibile, propter duo. Primum, quia eius quod est necesse esse, sua quidditas est suum esse: vt supra probatum est. Secundum, quia sic ipsi quod est necesse, acquireretur esse per aliquid aliud: quod est impossibile. nõ est ergo possibile ponere plura quorum quodlibet sit necesse esse per seipsum.

† Cap. 21.

9. Adhuc, si sunt duo dii: aut hoc nomen Deus de vtroque prædicatur vniuocè, aut æquiuocè. Si æquiuocè, hoc est præter intentionem præsentem, nam nihil prohibet rem quamlibet quolibet nomine æquiuocè nominari, si vsus loquentium admittat. Si autem dicatur vniuocè, oportet quòd de vtroque prædicetur secundum vnā rationem, & sic oportet quòd in vtroque sit vna natura secundum rationem. Aut igitur hæc natura est in vtroque secundum vnum esse, aut secundum aliud & aliud. Si secundum vnum, ergo non erunt duo: sed vnum tantum. duorum enim non est vnum esse, si substantialiter distinguantur. Si autem est aliud & aliud esse in vtroque, ergo neutrum erit sua quidditas, vel suum esse: sed hoc oportet in Deo ponere, vt probatum est, ergo neutrum illorum duorum est hoc quod intelligimus nomine Dei: sic igitur impossibile est ponere duos deos.

† Cap. 22.

10. Amplius, nihil eorum quæ conueniunt huic signato in quantum est hoc signatum, possibile est alij conuenire: quia singularitas alicuius rei non inest alteri præter ipsum singulare. sed ei quod est necesse esse, sua necessitas essendi conuenit in quantum habet esse hoc signatum, ergo impossibile est quòd alicui alteri conueniat, & sic est impossibile quòd sint plura quorum quodlibet sit necesse esse: & per cōsequens impossibile est esse plures deos. Probatio mediæ. Si enim illud quod est necesse esse, non est hoc signatum in quantum est necesse esse, oportet quòd designatio sui esse non sit necessaria secundum se, sed ex aliquo dependeat. vnum quodque autem secundum quod est actu, est distinctum ab omnibus aliis, quod est esse hoc signatum: ergo quod est necesse esse, dependet ab alio quantum ad hoc quod est esse in actu: quod est contra rationem eius quod est necesse esse. oportet igitur quòd id quod est necesse esse, sit necesse esse secundum hoc quod est signatum.

11. Adhuc, natura significata hoc nomine Deus, aut est per seipsam indiuiduata in hoc Deo, aut per aliquid aliud. si per aliud, oportet quòd ibi sit compositio. si per ipsam, ergo impossibile est quòd alteri conueniat. illud enim quod est indiuiduationis principium, non potest esse pluribus commune: impossibile est igitur esse plures deos.

12. Amplius, si sunt plures dii, oportet quòd natura deitatis non sit vna numero in vtroque: oportet igitur esse aliquid distinguens naturam diuinam in hoc & illo: sed hoc est impossibile, quia natura diuina non recipit additionem neque differentiam essentialium neque accidentalium: vt supra ostensum est. Nec etiam diuina natura est forma alicuius materiæ vt possit diuidi ad materiæ diuisionem. impossibile est igitur esse plures Deos.

† Cap. 23.

13. Item, esse abstractum, est vnum tantum: vt albedo si esset abstracta, esset vna tantum, sed Deus est ipsum esse abstractum: cum sit suum esse, vt probatum est supra: impossibile est igitur esse nisi vnum Deum.

† Cap. 24.

14. Item, esse proprium cuiuslibet rei, est tantum vnum: sed



sed Deus est esse suum, ut probatum est supra, impossibile igitur est esse nisi vnum Deum.

15 Ad hoc, Secundum hunc modum res habent esse, quo possident unitatem: unde vnumquodque suae diuisioni pro posse repugnat, ne per hoc in non esse tendat, sed diuina natura est potissimè habens esse, est igitur in ea maxima unitas: nullo igitur modo in plura distinguitur.

16 Amplius, In vnoquoque genere videmus multitudinem ab unitate procedere: & ideo in quolibet genere inuenitur vnum primum, quod est mensura omnium quæ in illo genere inueniuntur. Quorumcunque igitur inuenitur in aliquo vno genere conuenientia, oportet quod ab aliquo vno dependant: sed omnia in esse conueniunt, oportet igitur esse vnum tantum quod sit rerum omnium principium, quod est Deus.

17 Item, In quolibet principatu, ille qui præsidet, unitatem desiderat. Unde inter principatus est potissima monarchia siue regnum, multorum etiam membrorum vnum est caput, ac per hoc euidenti signo apparet, ei cui conuenit principatus, unitatem deberi. unde & Deum, qui est omnium causa, oportet vnum similiter constituere, & simpliciter confiteri.

† Hanc autem ostensionem diuine unitatis etiam ex sacris Eloquiis accipere possumus. Nam Deutero. 6. dicitur, Audi Israel, Dominus Deus tuus, Deus vnus est. & Exod. 20. Non habebis deos alienos coram me. Et ad Ephes. 4. Vnus Dominus, vna fides, &c.

Hac autem veritate repelluntur Gentiles deorum multitudinem confitentes: quamuis plures eorum vnum Deum summum esse dicerent, a quo omnes alios quos deos nominabant, creatos esse asserbant: omnibus substantiis sempiternis diuinitatis nomen ascribentes, & præcipue ratione sapientia & foelicitatis, & rerum gubernationis. Quæ quidem consuetudo loquendi etiam in sacra Scriptura inuenitur, dum sancti Angeli aut etiam homines vel iudices dii nominantur, sicut illud Psal. 85. Non est similis tibi in diis Domine. Et alibi, Ego dixi, dii es, & multa huius per varia Scripturæ loca inueniuntur. Vnde magis huic veritati videntur contrarij Manichæi, duo prima principia ponentes, quorum alterum alterius causa non sit. Hanc etiam veritatem Arriani suis erroribus impugnauerunt, dum confitentur Patrem non vnum, sed plures deos esse: cum tamen Filium verum Deum autoritatibus Scripturæ credere cogantur.

#### Super cap. 42.

**Q**uam determinauit S. Tho. de bonitate diuina, nunc de ipsius unitate determinat. Vbi aduertendum, quod in determinando de perfectionibus diuinis, non seruat S. Tho. ordinem qui ipis perfectionibus secundum se conuenit, sed ordinem dependentia secundum cognitionem ab ipso traditam. Quia enim ex eo quod cognoscimus Deum esse perfectum, resultat cognitio quod sit bonus, quia bonum est vnumquodque in quantum est perfectum, ideo post determinationem de perfectione, statim de bonitate determinauit, quamuis bonitas sit naturaliter postea unitate. Similiter quia ex eo quod cognoscitur Deum esse summum bonum, statim habetur ipsum esse vnum, ideo post bonitatem de unitate determinat. De hac ergo ponit hanc conclusionem, Non est nisi vnus Deus.

Probatur autem multipliciter, & primo sic, Deus est summè bonus, ergo est tantum vnus. Probatur consequentia, quia quod per superabundantiam dicitur vni soli conuenit.

ADVERTENDVM, quod non est idem omnino aliquid per superabundantiam dici, & superlatiue. Nam superlatiue aliquid dici potest, & per excessum ad alia, & per negationem excedentis: sicut calidissimum, aut quia omnia calida excedit, aut quia nihil est ipso calidius. Per superabundantiam autem dici, est omnia excedere: & hoc vni tantum conuenit. Nam si aliquid hoc modo conueniret pluribus, vnum alterum non excederet, & sic non diceretur summum per superabundantiam ad omnia, & sic implicaretur contradictio. Si ergo Deus est summum bonum, tanquam omnia excedens bonum, impossibile est esse duos deos, quia tunc duo essent summè bona.

Secundo, si essent plures dii, essent plura perfecta quibus nihil deesset, sed hoc est impossibile, ergo, &c. Probatur sequela, quia ut est superius ostensum, Deus est omnino perfectus, cui nulla perfectio deest, falsitas verò consequentis probatur: quia si nulli eorum deest aliqua perfectio, neque ei aliqua imperfectio admiscetur, quod requiritur ad hoc quod aliquid sit simpliciter perfectum: non erit in quo adinuicem distinguantur.

ADVERTENDVM, quod si aliquid esset in vno Deo, quo distinguetur ab alio Deo, oporteret aliquid esse in vno, quod non esset in altero. Aut ergo illud esset aliqua perfectio aut aliqua imperfectio: si perfectio, ergo ille alius deus careret aliqua perfectione: quod repugnat omnino perfectio. Si imperfectio, ergo in Deo esset aliqua imperfectio: quod etiam simpliciter & omnino perfectio non conuenit, propterea bene arguit sanctus Thomas quod si nulli deorum deest aliqua perfectio, neque ei aliqua admiscetur imperfectio, non erit in quo adinuicem distinguantur. Diceretur forte, quod vnusquisque habet omnem perfectionem alterius secundum speciem, licet non secundum numerum. Sed hoc nihil est, quia etiam si essent tantum numero distincti, oporteret in vno aliquid esse præter naturam speciei, ut inferior ostenderetur, quo ab alio distingueretur.

Tertio, quod sufficienter sit vno posito, melius est per vnum fieri, quam per multa, sed rerum ordo melius est, quam possit esse, quia potentia agentis primi non deest potentia quæ est in rebus ad perfectionem, & per vnum principium omnia sufficienter complentur, ergo, &c. Circa illam propositionem, Rerum ordo est sicut melius potest esse, sciendum ex doctrina S. Tho. primo Sen. dist. 4. art. 2. & prima, q. 25. art. 6. tertium, quod suppositus rebus quæ nunc sunt, & nullo modo mutatis: vniuersi ordo melior esse non potest, quia nihil est in rebus sine partibus vniuersi inordinatum, posset tamen alium Deum ordinem statuere per creationem aliarum creaturarum, aut per meliorationem accidentalem earundem partium.

Sed circa probationem illius propositionis: quia videlicet potentia agentis primi non deest potentia quæ est in rebus ad perfectionem, occurrit dubium: videtur enim velle S. Tho. quod in rebus sit quicquid perfectionis potest esse, hoc autem videtur falsum: nam multa sunt quæ non consequuntur perfectionem ad quam sunt in potentia naturali, ex aliquo impedimento. Similiter constat non consequi res omnia ad quæ sunt in potentia obediunt, ergo, &c. Dicitur quod S. Tho. quum loquitur de ordine vniuersi, ordo autem ipse partium vniuersi consequatur perfectionem essentialiam rerum, cum inquit potentiam primi agentis non deest potentia quæ est in rebus ad perfectionem, intelligit de perfectione essentiali, aut essentialiam consequente: nam si Deus alicui rei non daret omnia quæ ad essentialiam eius pertinent, non esset eadem res, cum essentia rerum sint sicut numeri in quibus ut dicitur 8. Metaphysicæ, text. 10. unitate addita vel subtracta variatur species, si etiam non haberent omnia quæ essentialiam consequuntur, non essent secundum suam naturam perfecta, non autem intelligit de perfectione accidentaliter adueniente.

Cum autem arguitur primo, quia non omnia consequuntur perfectionem ad quam sunt in potentia, dicitur quod hoc est falsum de perfectione substantiali, aut substantiam consequente.

Cum arguitur secundo, quod non consequuntur res omnia ad quæ sunt in potentia obediunt: dicitur quod intelligitur propositio de potentia naturali creaturæ, non autem de potentia obediuntiali.

Quarto, Primus motus est vnus & continuus: ergo primus motor est vnus: probatur consequentia, impossibile est vnum motum continuum, & singula regulantem, a pluribus motoribus esse, si enim simul mouerent, tunc vterque esset imperfectus motor: quod non conuenit primo motori, cum perfectum sit prius imperfecto, si autem non simul mouerent quilibet eorum, quandoque moueret, quandoque non moueret, & sic non esset vnus motus continuus & regularis: tum quia vnus motus continuus est ab vno motore, & ideo si non esset semper vnus motor, motus non esset vnus: tum quia motor qui non semper mouet, irregulariter inuenitur mouere, ut patet in motibus violentis & naturalibus, ubi motus est aliquando velocior, aliquando tardior.

ADVERTE quod ratio ista est ad Philosophos ponentes Deum de necessitate mouere: non autem simpliciter concludit, quia posset aliquis dicere istos motores simul mouere, non propter imperfectionem potentia, quasi vnus vbique alio mouere non possit, sed propter concordiam voluntatis, quamuis etiam possemus dicere eam simpliciter concludere, quia cum non sit ponenda superfluitas, maxime in primo principio, si vnus per se sufficiat motum causare, alius motor primus ponendus non erit.

Quinto, omnes motus corporalis creaturæ ordinantur ad vnum primum motum, præter quem non est alius primus qui non reducat in ipsum: ergo præter substantiam spirituales quæ est finis primi motus, non est aliqua quæ non reducat ad ipsam, hoc autem nomine Dei intelligimus, ergo, &c. Probatur consequentia, quia substantia corporalis ordinatur ad spirituales sicut ad suum bonum, cui intendit assimilari: quia illa bonitas est plenior. Omne autem quod est, desiderat optimum quantum possibile est.

ADVERTENDVM quod vult sanctus Thomas arguere ex comparatione substantiarum spiritualium, quæ sunt fines motuum, ad ipsos motus substantiarum corporearum, intenditque sic arguere, Qualis est ordo inter motus corporum, talis est ordo inter substantias spirituales, quæ sunt illorum motuum fines, sed inter motus corporum est tantum vnus primus, ad quem omnes alij reducuntur, ergo & inter substantias spirituales est tantum vna prima in quam omnes alie reducuntur, & hanc dicimus Deum, ergo, &c. Maior probatur, quia vnaquæque substantia corporalis ordinatur ad spirituales tanquam cui per suum motum intendit assimilari tanquam perfectiori, & in quo plenius bonitas continetur.

Sed videtur quod hæc ratio non concludat: posset enim aliquis dicere, quod licet sit vna tantum substantia spiritalis prima inter eas quæ sunt fines motuum, tamen sunt plures alie quæ non sunt fines proximi motuum, sed sunt simpliciter primæ.

Dicitur quod istam rationem ponit S. Tho. tanquam ex Aristotele sumptam 8. Physicæ, & 12. Metaphysicæ. Vbi postquam ostendit numerum substantiarum separatarum esse secundum numerum motuum corporum celestium, concludit vltimo loco esse vnum principem: unde ista ratio non concludit simpliciter, sed est ad hominem Peripateticum.

Secundo, præter hunc mundum non est alius mundus, ergo est vnus omnium gubernator: probatur consequentia, quia omnium ordinatorum adinuicem, ordo eorum adinuicem est propter ordinem ad aliquid vnum: sicut ordo partium exercitus est propter ordinem totius exercitus ad ducem, ratio autem huius est, quia diuersa in aliqua habitudine, vniri non possunt ex propriis naturis secundum quod sunt diuersa, nec ex pluribus ordinibus, quia illi ut diuersi non possunt vnum ordinem intendere: & sic ordo per accidens esset, ordo autem vniuersi non est per accidens, secundum quod inferiora per superiore gubernantur, cum sit semper, aut pro maiori parte, ergo oportet esse vnum primum ordinatorum & gubernatorem omnium.

ADVERTENDVM hic, ut habetur Prima parte questionis vnde prima, articulo tertio, quod vnus per se vnus est causa totalis in vno ordine, & in vno genere causæ: & si multa sunt causa vnus, hoc non est nisi per accidens, hoc est per aliud, in quantum scilicet sunt aliquo modo vnum, ideo cum primum ens & ordinans sit perfectissimum, & per se, melius est ut sit vnum quam plura, propter hoc cum hic dixerit multa ut diuersa sint, non intendit vnum ordinem, subintelligit quod vniuersitas ordo rerum erit per accidens, vel oportet reducere ipsum ad aliquid vnum ordinans omnia ad finem quem intendit, quia videlicet sponatur ordo rerum esse per se, & multa non sint per se vnus ordinis causa, sed per aliud, in quantum scilicet sunt vnum.

Rerum ordo est sicut melius esse potest.

Potentia agentis primi non deest potentia quæ inest rebus ad perfectionem.

† Autho. sacra Scripturæ.

Psal. 85. b.

Manichæi.

Arriani.

Superlatiue ali quid dicitur dupliciter.



vnum, oportet vt reducantur ad vnum principium quod sit causa per se.

Septimo, si essent plures, essent duo necesse esse, hoc autem est impossibile, ergo, &c. Probat per consequens, quia cum conuenirent in intentione & quidditate necessitatis essendi, oportet vt distinguerentur per aliquid additum vel vni tantum, vel vtrique: & sic vel alterum vel vtrumque esset compositum: quod repugnat ei quod necesse est esse per seipsum, vt superius est ostensum. Octauo, & est confirmatio precedentis illud quo differunt ista quæ in necessitate essendi conueniunt, aut requirunt ad necessitatem essendi, aut non. Si non, ergo est aliquid accidentale, sed hoc est impossibile, quia neque causaretur ab essentia eius quod est necesse esse, quia tunc vtrumque haberet illud, cum vtrumque necessitatem essendi habeat, neque ab aliquo alio, quia tunc esse, vtrumque dependeret ab aliquo, & sic neutrum esset necesse esse: probatur consequentia, quia tunc nisi illa causa esset, non esset illud accidens, & consequenter non esset illorum distinctio, & sic non essent duo, sed vnum. Si sic, aut hoc est quia includitur in ratione necessitatis essendi, aut quia necessitas essendi specificatur per illud. Non primum, quia tunc esset in vtroque, sicut & necessitas essendi. Non secundum, quia tunc compleret necessitatem essendi quantum ad esse, & non quantum ad intentionem necessitatis essendi, sicut differentia completet genus, hoc autem est impossibile, tum quia eius quod est necesse esse, sua quidditas est suum esse, tum quia ipsi acquireretur esse per aliud, hoc autem est impossibile, ergo, &c.

NOTANDVM primum, quod differentia dupliciter ad genus potest comparari. Vno modo secundum absolutam generis quidditatem & rationem: alio modo in ordine ad esse actualis existentie. Si primo modo comparatur, sic non est generis completiua, genus enim habet ante additionem differentie diuisionem (vt dicit sanctus Thomas), suam completam rationem. Si vero secundum modo comparatur, sic est completiua generis, quia videlicet constituit proprium susceptivum esse, si sit vltima differentia, nam non expectat species specialissima aliud principium formale ad hoc vt sit, licet in rebus materialibus requirantur materialia principia. Si autem non sit vltima differentia, facit genus magis appropinquare ad esse, eo quod genus non possit esse actu, nisi per differentiam limitetur, vt etiam superius est ostensum.

Notandum secundum quod cum genus per differentiam limitatur & appropinquat ad esse, acquirat esse per aliquid aliud à se, non quidem realiter, sed formaliter distinctum, nam differentia à genere suo non distinguitur realiter, sed formaliter, licet in realitatem distinctionem realem & compositionem requiratur, hoc autem ei, quod est secundum se necesse esse, conuenire non potest: cum in ipso non sint plura formaliter distincta quantum est ex parte rei secundum se. Ideo cum deducit sanctus Thomas, tanquam ad incipientes, quod si necesse esse acquireretur esse per aliquid aliud, intelligendum est de alio formali alitate, se tenente ex parte rei secundum se, quæ aliquam compositionem requirit in re siue ex materia & forma, siue ex essentia & esse: de quo inferius latius erit sermo. Nonò, si sunt duo dii, aut hoc nomen Deus de ipsis dicitur æquiuoce, aut vniuocè. Si primum, non pertinet ad præsentem intentionem. Si secundum, aut eadem natura est in vtroque secundum vnum esse, aut secundum aliud, & aliud. Si secundum vnum, ergo ipsi non erunt duo, quia duorum non est vnum esse, si substantialiter distinguantur. Si secundum aliud & aliud, ergo neutrum erit sua quidditas, aut suum esse: cuius oppositum superius est ostensum.

CIRCA illam propositionem, duorum non est vnum esse, si substantialiter distinguantur, intelligendum quod aliqua substantialiter distinguantur, potest dupliciter intelligi. Vno modo quia sunt duæ substantiæ, quarum vna non est alia quomodo cuncq; sit substantia. Alio modo, quia sunt tota iterum secundum essentiam distinctæ, ita quod nec essentia vnius est essentia alterius, nec ambæ sunt eiusdem essentiae partes. Propositio ergo sancti Thomæ est intelligenda secundo modo, non primo, quia materia, & forma vnius compositi vnum esse actualis existentie habent, eo quod vnam essentiam constituent, & tamen sunt duæ substantiæ: Sor, autem & Plato non possunt habere vnum esse, quia sunt essentiae diuersæ, vnam numero essentiam non constituentes.

CIRCA illam conditionalem. Si natura ipsorum est secundum aliud & aliud esse: in ipsis, neutrum erit sua quidditas, vel suum esse, aduertendum, quod inducitur consequens disiuunctum, quia si ponatur quidditatem ipsorum esse vnam, esse vero quidditatis in istis duobus diuersificari, sequitur quidditatem, & esse realiter distinguuntur. Et ideo si vnus illorum sit sua quidditas, oportet vt distinguatur ab esse, si vero sit suum esse, oportet vt à quidditate distinguatur: quia cum quidditas, & esse duo distincta ponantur, non potest vnum suppositum vtrique identificari: sed si vni identificatur, oportet vt distinguatur ab altero.

Decimo, si quod est necesse esse, conuenit necessitas essendi in quantum habet esse hoc signatum, & particulare, ergo necessitas essendi pluribus conuenire non potest, ergo non possunt esse plures dii, probatur prima consequentia, quia nihil eorum quæ conueniunt huic signato in quantum est hoc signatum, possibile est alij conuenire, antecedit etiam probatur. Si illud quod est necesse esse, non est hoc signatum in quantum est necesse esse, ergo designationis sui esse non est necessaria ex se, sed ex alio dependet, sed vnumquodque secundum quod est actu, est distinctum ab omnibus aliis quod est esse hoc signatum, ergo necesse esse dependet ab alio quantum ad esse actu, sed hoc est contra rationem necesse esse, ergo & cetera.

Sed videtur quod sanctus Thomas propositum non probet: antecedit enim est. Si quod est necesse esse, conuenit necessitas essendi in quantum habet esse hoc signatum, probatur autem istam. Illud quod est necesse esse, hoc signatum in quantum est necesse esse, similiter cum deberet subsumere, sed vnumquodque secundum quod est hoc signatum est actu, substantiam conuenientiam scilicet hanc, sed vnumquodque secundum quod est actu, est distinctum, ergo & cetera.

Respondetur quod si in quantum, non specificat hoc loco rationem formalem, sed denotat fundamentum, & concomitantiam, sicut si dicerem, sortes in quantum hic homo, est in actu: sensus est hunc hominem esse fundamentum existendi in actu, & quod esse in actu, concomitatur hunc hominem, siue hominem signatum, non autem hominem in communi: & ideo non refert ad hunc sensum dicere, sortes in quantum est homo, est in actu: & dicere sortes in quantum est in actu, est hic homo. Similiter ergo quum sese concomitentur in eo quod est necesse esse, necessitas essendi, & esse hoc signatum, quia ipsum non habet necessitatem essendi sine hoc esse signato, non refert dicere, habet necessitatem essendi in quantum est hoc signatum, & est hoc signatum in quantum habet necessitatem essendi, esse enim hoc signatum, est fundamentum secundum quod sibi conuenit necessitas essendi. Similiter dicitur de illis, vnumquodque secundum quod est hoc aliquid, & distinctum, est in actu: & vnumquodque secundum quod est actu, est distinctum, & hoc signatum. Vtrique enim denotatur ratio fundamentalis, & concomitantia. Ideo ista propositio, illud quod est necesse esse, non est hoc signatum in quantum est necesse esse: æquiualeat huic, illud quod est necesse esse, non habet necessitatem essendi in quantum est hoc signatum, & similiter affirmatiua affirmatiua æquiualeat est quantum ad veritatem. Vnde ratio est hæc, si necessitas essendi non conuenit ei quod est necesse esse, in quantum est hoc signatum: designationis sui esse & particularitas non est ex se necessaria, sed ab alio sibi conuenit, quia tunc necessitas essendi ex se non concomitatur ipsam designationem & determinationem naturæ, hoc autem est impossibile, quia cum esse in actu concomitetur designationem & distinctionem ab aliis, si designatio conuenit sibi ex alio, etiam esse actu erit sibi ex alio.

Nec valet si dicatur (vt dicit Aureolus primo sententiarum) quod Philosophi dicerent ipsa necesse esse fore alterius speciei, & sic admissio quod singularitas vnius non conueniat alteri, per hoc non tollitur quin sint plures necesse esse patet enim hoc non valere. Nam quum illa conueniant in intentione necessitatis essendi, oportet tunc vt per aliquid superadditum illi intentioni distingueretur. Ostensum est autem superius in ratione octaua, per tale additum ea distingui non posse. Vndecimo, natura significata hoc nomine Deus, est per seipsam indiuiduata in hoc Deo: alioquin in ipso esset compositio, ergo impossibile est vt alteri conueniat, quia quod est indiuiduationis principium, non potest pluribus commune esse. Duodecimo, natura diuina non potest diuidi neque per differentiam essentialem, neque per accidentalem, vt ostensum est superius: neque diuisione materiz, quia non est in materia, ergo non sunt plures dii. Patet consequentia, quia si essent plures, oportet vt distingueretur in hoc & in illo. Tertiodecimo, Deus est esse abstractum, ergo est tantum vnum: quia esse abstractum est tantum vnum, sicut si albedo esset separata, esset tantum vna, quum secundum se non habeat multiplicatam nisi ex recipientibus: sicut neque eius est multiplex ratio, sed vna. Quartodecimo, esse proprium cuiuslibet rei, est tantum vnum: sed Deus est esse suum, ergo est tantum vnum Deus.

SED non videtur ista ratio concludere. Posito enim quod sortes esset suum esse, non sequitur quod non sit aliquis homo, nisi sortes, sed tantum quod non sit aliquis alius sortes: sic non sequitur in proposito, quod non sit alius Deus, sed quod non sit alius hic Deus. Respondetur ex doctrina sancti Thomæ veri, quæ sit, articulo primo, quod vbi essentia alicuius, est ipsum suum esse proprium, impossibile est vt eadem secundum eandem rationem alij conueniat, sicut impossibile est vt esse proprium vnius rei sit in alia re: & ideo si humanitas esset in sorte idem quod esse proprium fortis, non solum non esset alius fortis secundum rem, sed neque alius homo eiusdem rationis cum forte, similiter ergo si diuinitas huius Dei est eadem cum esse proprio ipsius, nullus poterit esse alius Deus eiusdem rationis cum ipso.

Sed non videtur per hoc dubitatio tolli: Nam quamuis esse fortis esset idem cum sua humanitate, non sequitur quod humanitas eiusdem rationis non sit in alio, sed quod hæc humanitas non est in alio: sicut licet rationale in homine sit idem quod animal, & rationale sit proprium homini, non sequitur quod animalitas secundum eandem rationem genericam non sit in aliis, sed tantum quod animalitas secundum quod est contracta ad hominem, non est in aliis animalibus.

AD huius euidentiam considerandum est quod esse (vt superius diximus) non dicit naturam aliquam vnam ab inferioribus abstrahibilem & contrahibilem per differentias, sed dicit actum distinctissimum, & actualitatem omnium quæ sunt in re: ita quod per idem esse fortis, & sortes & homo & animal & substantia est in rerum natura, neque differt secundum rem in sorte, esse sortem, & esse hominem, & esse animal, si ista dicant actualem existentiam, similiter in Deo non differt esse Deum, & esse hunc Deum. Ex hoc sequitur, quod si sortes sit suum esse actualis existentie, sicut sortes essentialiter est homo, ita essentialiter est esse hominis, & sic ratio hominis in sorte, est ratio actualis existentie sue: & ideo sicut suum esse est sibi proprium, ita ratio hominis de ipso essentialiter dicta, est illi propria: & consequenter quæ esse proprium fortis nulli alteri conueniat, nec ipsa ratio hominis dicta de sorte, alicui alteri conuenit: & si aliquid aliud dicatur homo, hoc erit secundum aliam rationem. Multo ergo magis hoc est inuenire in Deo, in quo natura non per aliquod additum, sed seipsa est indiuidua, nam si Deus est hic esse suum esse proprium, & in ipso non differt Deus, & esse Deus eadem erit ratio Dei, & ratio proprii sui esse. Si ergo suum esse est tantum vnum, & alteri non conuenit, neque etiam ratio Dei alteri poterit conuenire: & sic non poterunt esse plures dii secundum eandem rationem, siue vniuocè.

Ad rationem ergo dicitur primum quod imò sequeretur non solum quod hæc humanitas fortis, sed etiam quod humanitas non esset eiusdem rationis in sorte & in aliis hominibus, quia esse fortis non solum est esse huius humanitatis, sed etiam esse humanitatis simpliciter, & ideo si esse non communicatur, neque etiam humanitas, quæ esse eadem ipsi esse, communicabitur. Ad instantiam dicitur quod non est simile, quod adducitur de differentia, quia differentia habet rationem actus contrahentis & limitantis, licet cum ipso genere materialiter identificetur. Alia autem ratio est contracta, & alia contrahentis: & ideo non inconuenit rationem differentie vni tantum speciei conuenire, rationem vero generis pluribus. Esse vero non habet rationem actus contrahentis ad inferiora, sed simpliciter actualitatis rei quæcunque intima penetrantis. Ideo si ipsa res & quidditas sunt ipsum esse, non poterit vna ratio quidditatis abstrahi ab ipso esse, vt illa sit communis, esse autem sit proprium, sed vna erit ratio vtriusque: & si esse non communicatur, nec ipsa quidditas communicari poterit. Quintodecimo, diuina natura potissime habet esse, ergo est maxime vna, & sic in plura non diuiditur, probatur consequentia, quia secundum hunc modum res habet esse quo possidet vnitatem, vnde vnumquodque suæ diuisioni pro posse repugnat, ne per hoc in non esse tendat.

ADVERTE quod cum vnum consequatur ens tanquam propria passio, supra ipsum addens tantum indiuiduationem: quæ res perfectius ens fuerit, tanto oportet vt perfectiori modo sit vnum, & ideo si aliquid fuerit maxime ens, oportet vt maxime sit vnum, & maxime indiuiduum.

SED occurrit dubium. Nam decem homines sunt perfectius ens quam vnus homo: & tamen non sunt magis vnum: non ergo secundum modum essendi

Duorū, si substantialiter distinguantur, non est vnum esse.

De comparatione quidditatis ad esse.



essendi est modus unitatis.

Respondetur quod decem homines non sunt perfectius ens, quam vnus homo, sed multiplicius: & ideo non est magis vnum, sed est plures habens unitates. Sextodecimò, Quorumcunque in aliquo genere inuenitur conuenientia, oportet quod omnia ab aliquo vno dependeant. videmus enim in quolibet genere inueniri vnum, quod est mensura aliorum, & sic multitudinem ab unitate procedere. sed omnia in esse conueniunt, ergo oportet vt sit vnum quod omnium entium principium sit. Decimoseptimò, In quolibet principatu ille qui prædicit unitatem desiderat: propter quod monarchia seu regnum optimus est principatus, similiter multorum membrorum est vnum caput, & sic à signo constat, ei cui debetur principatus, unitatem deberi. ergo & Deo, cui omnium conuenit principatus tanquam omnium causa, unitas est attribuenda.

ADVERTE, quod semper per vnum, si sapiens sit & bonus, melius vnueritas gubernatur, quam per multos, vt patet ex Aristotele in Politicis, & 12. Metaphysicæ, ideo quod sapiens gubernator cupiat quod melius potest suis subditis gubernare, desiderat vt solus sit in suo regimine, ne alij tibi sint aliqua ex parte impedimento. Varietas enim opinionum plurium gubernantium sæpenumero confusionem parit, estque reipublicæ non paruo detrimento: propterea bene inquit sanctus Thomas quod in quolibet principatu, ille qui prædicit, unitatem desiderat. Confirmatur vltimò conclusio auctoritate Deuteronom. 6. Audi Israel, &c. Item Exod. 20. Non habebis, &c. Item ad Ephes. 4. Vnus dominus, &c.

EX hac conclusione triplex excluditur error. Primus fuit Gentilium potentium multitudinem deorum, omnibus substantiis sempiternis diuinitatis nomen ascribentium, & præcipue ratione sapientie, felicitatis, & gubernationis, licet multi Gentilium ponerent vnum summum Deum omnium aliorum deorum patrem, sicut Borgona, aut aliquem alium.

ADDITIONE sanctus Thomas hanc consuetudinem loquendi, vt scilicet ratione sapientie, felicitatis & gubernationis aliqui nominentur dii, in sacra Scriptura inueniri, vt patet in Psal. quum dicitur, Non est similis tui in diis, & alibi, Ego dixi, dii estis, &c.

Aduerte quod non intendit sanctus Thomas per hoc asserere ipsas immateriales substantias deos proprie esse, sed mens eius est quod Scriptura quandoque quidem cum Gentilibus quantitas ad nomen conuenit: sed tamen illi eas substantias deos proprie appellabant. Scriptura autem eas deos participatiue tantum nominat. Secundus error fuit Manichæorum potentium duo prima principia quorum alterum alterius causa non sit, malorum scilicet omnium principium, & principium bonorum omnium. Tertius error fuit Ariariorum potentium Patrem & Filium duos deos esse. Aduerte quod Arius (vt inferius libro 4. narratur) non posuit Filium Dei esse verum Deum, sed tantum per quandam similitudinis participationem præ cæteris creaturis, sed tamen licet non poneret expresse duos veros deos, ex sua tamen positione, addita veritate Scripturæ, oportebat eum dicere patrem & filium esse duos veros deos. Nam cum ex sacra Scriptura habeatur Filium Dei verum Deum esse, si huic veritati positio Arii addatur, Filium scilicet secundum essentiam à Patre distinguere, sequitur vt verè duo dii sint: & propter hoc subintulit sanctus Thomas, quum tamen filium verum Deum auctoritatis Scripturæ credere cogatur.

### Quod Deus est infinitus. Cap. 43.

Vnum autem infinitum quantitatem sequatur, vt Philosophi tradunt, non potest infinitas Deo attribui ratione multitudinis: quum ostensum sit solū vnum Deum esse, nullamque in eo compositionem vel partium vel accidentium inueniri. Secundum etiam quantitatem continuam infinitus dici non potest, quum ostensum sit eum incorporeum esse. Relinquitur igitur inuestigare an secundum spirituales magnitudinem esse infinitum ei conueniat. Quæ quidem spiritualis magnitudo quantum ad duo attenditur: scilicet quantum ad potentiam & quantum ad propriam naturæ bonitatem, siue completionem. Dicitur enim aliquid magis vel minus album secundum modum quo in eo sua albedo completur. Pensatur etiam magnitudo virtutis ex magnitudine actionis vel factorum. Harum autem magnitudinum vna aliam consequitur: nam ex hoc ipso quod aliquid in actu est, actiuum est. secundum igitur modum quo in actu suo completur, est modus magnitudinis suæ virtutis: & sic relinquitur res spirituales magnas dici secundum modum suæ completionis. nam & Augustinus dicit quod in his quæ non mole magna sunt, idem esse est maius, quod melius. Ostendendum est igitur secundum huiusmodi magnitudinis modum Deum infinitum esse. non enim sic, vt infinitum priuatiue accipiamus, sicut in quantitate dimensura vel numerali. nam huiusmodi quantitas nata est finem habere. vnde secundum subtractionem eorum quæ sunt nata habere, infinita dicuntur: propter hoc in eis infinitum imperfectionem significat. sed in Deo infinitum negatiue tantum intelligitur, quia nullus est imperfectionis suæ terminus vel finis: sed est summè perfectum: & sic Deo infinitum attribui debet. Omne namque quod secundum suam naturam finitum est, ad generis alicuius rationem determinatur: Deus autem non est in aliquo genere: sed eius perfectio omnium generum perfectiones continet, vt supra ostensum est. est igitur infinitus.

Adhuc, Omnis actus alteri inherens, terminatione recipit ex eo in quo est: quia quod est in altero, est in eo per modum recipientis. actus igitur in nullo existens, nullo termi-

natur: puta si albedo esset per se existens, perfectio albedinis in ea non terminaretur: quo minus haberet quicquid de perfectione albedinis haberi potest: Deus autem est actus nullo modo in alio existens, quia non est forma in materia, vt probatum est: nec esse suum inheret alicui formæ vel naturæ, quum ipse sit suum esse, vt supra ostensum est. relinquitur ergo ipsum esse infinitum. †Cap. 27.

Adhuc, In rebus inuenitur aliquid quod est potentia tantum, vt materia prima: aliquid quod est actus tantum, vt Deus, sicut supra ostensum est. aliquid quod est actu & potentia, vt res ceteræ. sed potentia quum dicatur ad actum, non potest actum excedere, sicut nec in vnoquoque, ita nec simpliciter. quum igitur materia prima sit infinita in sua potentialitate: relinquitur quod Deus, qui est actus purus, sit infinitus in sua actualitate. †Cap. 6.

Item, Tanto actus aliquis est perfectior, quanto minus habet potentiam permixtum. vnde omnis actus cui permiscetur potentia, habet terminum suæ perfectionis: cui autem non permiscetur aliqua potentia: est absque termino perfectionis, Deus autem est actus purus absque potentia, vt supra ostensum est: est igitur infinitus. †Cap. 17.

Amplius, Ipsum esse absolute consideratum, infinitum est. nam ab infinitis & infinitis modis participari possibile est. si igitur alicuius esse sit finitum, oportet quod limitetur esse illud per aliquid aliud quod sit aliquid aliter causa illius esse, vel receptiuum eius. sed esse diuini non potest esse aliqua causa: quia ipse est necesse esse per seipsum: nec esse eius est receptiuum, cum ipse sit suum esse: ergo esse suum est infinitum, & ipse infinitus.

Adhuc, Omne quod habet aliquam perfectionem, tanto est perfectius, quanto illam perfectionem magis & plenius participat. sed non potest esse aliquis modus. nec etiam cogitari, quo plenius habeatur aliqua perfectio, quam ab eo, quod per suam essentiam est perfectum, & cuius esse est sua bonitas. hoc autem Deus est. nullo igitur modo potest cogitari aliquid melius vel perfectius Deo. est igitur infinitus in bonitate.

Amplius, Intellectus noster intelligendo aliquid, in infinitum extenditur: cuius signum est, quod quantitate qualibet finita data, intellectus noster maiore excogitare possit. frustra autem esset hæc ordinatio intellectus ad infinitum, nisi esset aliqua res intelligibilis infinita. oportet igitur aliquam rem intelligibilem infinitam esse, quam oportet esse maximam rerum: & hanc dicimus Deum: Deus igitur est infinitus.

Item, Effectus non potest extendi ultra suam causam: intellectus autem noster non potest esse nisi à Deo, (qui est prima omnium causa) non igitur potest aliquid cogitare intellectus noster maius Deo. si igitur omni finito potest aliquid maius cogitare, relinquitur Deum finitum non esse.

Amplius, Virtus infinita non potest esse in essentia finita: quia vnumquodque agit per suam formam, quæ vel est essentia eius, vel pars essentia: virtus autem principium actionis nominatur: sed Deus non habet virtutem actiuam finitam. mouet enim in tempore infinito: quod non potest esse nisi à virtute infinita, vt supra ostensum est. Relinquitur ergo Dei essentiam esse infinitam. †Cap. 20.

Hæc autem ratio est secundum ponentes æternitatem mundi: qua non posita, adhuc magis confirmatur opinio de infinitate diuinæ virtutis. nam vnumquodque agens tantò virtuosius est in agendo, quanto potentiam magis remotam ab actu in actum reducit: sicut maiori virtute opus est ad calefaciendū aquam quam aërem. sed illud quod omnino non est, est infinitè distans ab actu, nec est aliquo modo in potentia. igitur si mundus factus est postquam omnino prius, factus non erat, oportet factoris virtutem esse infinitam. Hæc autem ratio etiam secundum eos qui ponunt æternitatem mundi, valet ad probandum infinitatem diuinæ virtutis: consentitur enim Deum esse causam mundanæ substantiæ, quamuis eam sempiternā arbitrentur, dicentes hoc modo Deum æternum sempiterni mundi causam existere, sicut pes ab æterno fuisset causa vestigiij, si ab æterno fuisset impressus in puluere. Hac autem positione facta secundum rationem prædictam, nihilominus sequitur Dei virtutē infinitam esse. nam siue ex tempore secundum nos, siue ab æterno secundum eos res prodixerit, nihil esse potest in re, quod ipse non produxerit, quum sit vnuerfale essendi principium: & sic nulla præsupposita materia vel potentia, produxit. Oportet autem proportionem potentia vel virtutis actiue accipere secundum proportionem potentia vel virtutis passiue: nam quanto potentia passiva maior præexistit vel præintelligitur, tanto à maiori virtute actiua in actu completur. Relinquitur igitur, quum virtus finita producat aliquem effectum præsupposita potentia

Contra Gent. e materia

†Idem. P. p. q. 7. art. 1.

†Cap. 42.

†Cap. 18.

†Lib. 6. de Tri. cap. 8.

†Cōclusio huius cap.

†Cap. 28.



materia: quod Dei virtus quæ nullam potentiam præsupponit, non sit finita, sed infinita: & ita essentia infinita.

Amplius, Vnaquæque restantio est diuturnior, quanto eius causa est efficacior. Illud igitur cuius diuturnitas est infinita: oportet quod habeat esse per causam efficaciam infinitam, sed diuturnitas Dei est infinita: ostensum est enim supra ipsum esse æternum: quum igitur non habeat aliam causam sui esse præter seipsum, oportet ipsum esse infinitum. Huic autem veritati sacra Scriptura testimonium perhibet. ait namque Psal. Magnus Dominus & laudabilis nimis: & magnitudinis eius non est finis. Huic etiam veritati attestantur antiquissimorum Philosophorum dicta, qui omnes infinitum posuerunt primum rerum principium, quasi ab ipsa veritate coacti. propriam enim vocem ignorabant, existimantes infinitatem principij ad modum quantitatis discretæ secundum Democritum, qui posuit atomos infinitos rerum principia: & secundum Anaxagoram, qui posuit infinitas partes consimiles rerum principia. vel ad modum quantitatis continuæ, secundum illos, qui posuerunt aliquod elementum, vel consensum aliquod infinitum corpus esse primum omnium principium. sed cum ostensum sit per sequentium Philosophorum studium, quod non est aliquod corpus infinitum, & huic coniungatur quod oportet esse primum principium aliquo modo infinitum: concluditur quod neque est corpus, neque virtus in corpore, infinitum illud, quod est primum principium.

Super cap. 43.



Vm ostensum sit Deum esse vnum, ostendit deinceps sanctus Thomas, hunc vnum Deum esse infinitum. Circa hoc autem duo facit. Primum declarat quale infinitum & quomodo conueniat Deo. Secundum probat intentum. Quantum ad primum, duplicem distinctionem ponit. Prima est, Cum infinitum quantitate consequatur, duplex autem sit quantitas, scilicet corporalis, & spiritualis: duplex est infinitum, quoddam secundum quantitatem corporalem, quoddam secundum quantitatem spiritualement. Licet autem magnitudo spiritualis quantitas ad duo attendatur, scilicet quantum ad virtutem, & quantum ad naturam bonitatem, & complexione (dicitur enim aliquid magis aut minus esse bonum, secundum modum quo in eo sua albedo completur, & ex magnitudine actionis & factorum, magnitudo virtutis consideratur) quia tamen magnitudo virtutis magnitudinem naturæ & perfectionis consequitur, cum ex hoc quod aliquid est in actu, sit actum, & idcirco secundum modum quo aliquid in suo actu completur sit modus suæ magnitudinis virtutis, ideo res spirituales absolute magnæ dicuntur secundum modum suæ perfectionis, secundum illud August. 6. Trin. cap. 8. In iis quæ non mole magna sunt, idem est maius esse quod melius: & sic absolute dicuntur infinitum secundum modum suæ perfectionis. Secunda est, Infinitum dicitur dupliciter, scilicet priuatiue, & negatiue. Cum ergo dicitur Deum esse infinitum, non loquimur de infinitate quantitatis corporalis: quia non est infinitus secundum multitudinem, cum sit vnus: nec secundum quantitatem continuam, cum non sit corpus: sed de infinitate quantitatis spiritualis siue perfectionis. Similiter non accipitur infinitum priuatiue, quia aliquid dicitur priuatiue infinitum ex eo quod natum est habere finem, & sibi subtrahitur propter quod est imperfectum: Deo autem imperfectio non conuenit, sed dicitur negatiue infinitus, quia est summè perfectus, & nullus est perfectionis suæ terminus aut finis.

De infinito negatiue & priuatiue dicto.

ADVERTENDVM, quod infinitum priuatiue dicitur propter remotionem formæ, priuatiue enim dicit negationem formæ debere in esse: & ideo terminus qui excluditur per huiusmodi infinitum, habet rationem formæ, ex qua res finita habet complementum suæ mensurationis, propterea quod caret tali termino sibi debito, quod est esse infinitum priuatiue, caret sua perfectione & forma, & propter hoc tale infinitum (quod etiam Prima parte, quæ sit, dicitur infinitum se tenens ex parte materiæ) imperfectum est. Infinitum autem negatiue in rebus spiritualibus dicitur propter remotionem susceptiui & materiæ limitantis formam ad aliquem gradum suæ perfectionis. nam & formæ amplitudo per materiam, & susceptiui limitatur: & quia forma non limitata ad aliquem suorum gradum, sed omnem suam habens perfectionem est perfectior quam si sit ad particularem aliquem gradum limitata, ideo tale infinitum, quod dicitur infinitum se tenens ex parte formæ, est perfectissimum, aut simpliciter, si sit simpliciter infinitum, aut in suo genere, si sit infinitum in genere, propter hoc volens ostendere sanctus Thomas, quomodo sit Deus infinitus, absque imperfectione, siue negatiue infinitus, inquit quod nullus est perfectionis suæ terminus, sed est summè perfectus, id est, non est limitata sua perfectio ad aliquem perfectionis gradum, ita quod vnā perfectionem habeat, & non aliam: sed omnem perfectionem, & omnem perfectionis modum in se habet eminenter.

Quantum ad secundum probatur conclusio. Primum, Deus non est in genere, sed perfectionis omnium generum continet, ut superius est ostensum, ergo est infinitus. probatur consequentia, quia omne finitum secundum suam naturam ad generis alicuius rationem determinatur.

ADVERTE quod cum prædicamenta explicent omnes modos generales essendi entis finiti, nihil potest habere rationem entis finiti, nisi ad aliquod genus prædicamentum se pertineat: & propterea inquit S. Thomas omne finitum, secundum suam naturam ad generis alicuius rationem pertinere, quia oportet ut sub aliquo genere prædicamentali contineatur.

Secundum, Deus est actus nullo modo in alio existens, cum nec sit forma in materia, nec esse suum alicui formæ, vel naturæ inhæreat, sed sit subsistens, ergo est infinitus. Probatur consequentia, quia actus in nullo existens nullo modo terminatur, sicut e contrario omnis actus alteri inhærens, terminatur ex eo in quo est: sicut si albedo per se existeret, non terminaretur, sed haberet quicquid est de perfectione albedinis.

CIRCA istam propositionem, Omnis actus alteri inhærens, terminationem recipit ex eo in quo est, dubitatur: nam (ut arguit Scot. primo Sentent. distinct. 2. quæst. 1. omnis essentia finita, est finita in se, ut præintelligitur omni comparationi sui ad aliam essentiam, ergo ex eo in quo recipitur, non finitur forma & limitatur. Similiter contra hunc processum, forma finitur per materiam: ergo forma quæ non est nata esse in materia, est infinita, arguit. Primum, quia sequeretur quod Angelus qui est a materia & susceptiuo separatus, esset infinitus. Secundum, quia committeretur fallacia consequentis, licet enim non valet (ut habetur ex tertio Physic.) Corpus finitur ad corpus: ergo si non est finitum ad corpus, est infinitum: nam tunc vltimum calum esset infinitum: ita non valet. Forma finitur per materiam: ergo si est separata a materia, est infinita.

AD huius euidentiā considerandum primum, quod quum duo possimus in forma considerare, scilicet naturam specificam, & esse illi naturæ debitum: quum dicimus formam limitari per materiam, non intelligimus de forma quantum ad eius essentiam specificam: per suam enim propriam differentiam, est ad hanc speciem & ad hunc gradum entium limitata, non autem per materiam: sed intelligimus de forma quantum ad eius essendi modum. Sciendum secundum, quod forma in alio receptibilis sicut est ad determinatum gradum entium, & ad determinatam speciem limitata, ita habet esse determinatum in natura essendi simpliciter. Nam ipsa aliquid esse debet albedini inquantum albedo, quod aliud sibi non debetur: sed tamen ipsum esse naturæ tali debitum, latitudinem quandam essendi habet, secundum quod susceptiuum formæ diuersimodè disponi potest, & ipsa potest in diuersis recipi: unde secundum hoc esse, limitari potest, ut scilicet non habeat totum, & perfectum esse suæ naturæ debitum, sed tantum aliquem eius gradum numeralem habeat. Limitatur ergo forma per materiam: quia cum vnusquodque recipiatur in altero per modum recipientis, id est, secundum illum modum secundum quem susceptiuum natum est illud recipere, oportet ut forma recepta in alio limitetur secundum capacitatem susceptiui, id est, ut non habeat esse sibi debitum eo perfecto modo quo posset habere: sed tantum secundum susceptiui dispositionem & capacitatem. Sed si forma esset ab omni susceptiuo separata, nullam limitationem in esse sibi debito haberet, sed haberet esse perfectissimo modo secundum naturæ suæ conditionem, non limitata ad aliquem gradum essendi intra suam latitudinem, sed totum suum esse habens vnitè, & perfectionaliter omnes gradus continens secundum quos in suo susceptiuo esse posset. Ex quo sequitur, quod si natura ipsa secundum se gradum aliquem entium determinatum non dicit, si ab omni susceptiuo sit separata, erit simpliciter infinita secundum perfectionem essendi, tanquam nullo modo limitata: sicut quia esse secundum se non dicit aliquem determinatum gradum essendi, sed indistinctè omnem essendi perfectionem includit, si sit per se subsistens, erit simpliciter infinitum, ut potest ad nullum simpliciter essendi gradum determinatum. Si autem natura ipsa dicat aliquem determinatum gradum entium separata ab omni susceptiuo non erit simpliciter infinita, cum sibi aliquem determinatum gradum entium statuatur ex sua ratione & quidditate, sed erit infinita secundum quid, id est, in suo genere, siue in sua specie, inquantum omnem perfectionem essendi debitam naturæ suæ habet. Sed decipiuntur qui sanctum Thomam impugnant, quia infinitatem formæ accipiunt ad modum infiniti materialis & quantitativi, & habentis ex ipso fine perfectionem, quum tamen non alia ratione dicatur forma infinita, quam quia non contrahitur ad aliquem gradum suæ naturæ, sed omnem gradum sibi possibilem conuenire, habeat. Considerandum vltius, quod quum dicimus formam per susceptiuum limitari, non intelligimus hoc quasi materia aliquid in forma per modum efficientis producat, sed quia forma ex hoc quod in susceptiuo recipitur, accipit limitationem secundum susceptiui exigentiam: quod est susceptiuum limitare formam per modum causæ materialis, non autem per modum efficientis.

Illis suppositis dicitur ad primum Scoti, quod forma finita, secundum se, & non per respectum ad aliud, est finita formaliter & essentialiter, tanquam ad aliquem gradum entium determinata: non est tamen materialiter finita, tanquam ad aliquem gradum essendi intra latitudinem sui esse limitata, nisi ex materia in qua recipitur, de qua finitione loquitur sanctus Thomas.

AD secundum dicitur, quod Angelus est infinitus in genere, & secundum quid, ut patet ex dictis, non autem simpliciter: quia ex propria ratione dicit naturam in entibus determinatum gradum habentem. Ad tertium dicitur quod esse inhærens, & esse finitum, conueniuntur: similiter esse separatum, & esse infinitum. Et quia in conuertibilibus argui potest a destructione antecedentis ad destructionem consequentis, ideo in illis fallacia consequentis sic arguendo non committitur. Sed valet, Si est inhærens, est finita, ergo si non est inhærens, non est finita, eo modo quo declaratum est.

AD instantiam de corpore, dicitur quod non est propositum, quia corpus finitum non accipit limitationem ex eo quod ad aliud corpus terminatur, sed accidit sibi secundum quod est finitum, quod sit aliud corpus ad quod terminetur, forma autem accipit materialem & indiuidualem terminationem ex ipso susceptiuo, & sibi secundum quod taliter terminata, per se conuenit in susceptiuo esse. unde non sunt conuertibilia, corpus esse finitum, & corpus ad aliud corpus terminari, sicut formam esse in alio, & formam esse in sua specie finitam.

Tertio, materia prima quæ est potentia tantum, est infinita in sua potentialitate, ergo Deus qui est tantum actus, est infinitus in sua actualitate. Probatur consequentia, quia cum potentia dicatur ad actum, sicut in vnoquoque non potest actum excedere, ita nec simpliciter.

CIRCA istam propositionem, Potentia non potest actum excedere in vnoquoque, dubitatur: Materia quæ est sub forma ignis, est etiam in potentia ad formam aquæ, ergo potentia in igne excedit actum. Respondetur, quod dupliciter loqui possumus de potentia ad aliquem actum: vno modo materialiter, quantum scilicet ad id cui conuenit ratio potentie: alio modo formaliter, inquantum scilicet est potentia hunc actum respiciens. Si primo modo accipiamur, sic non est inconueniens potentiam excedere actum quem habet, ut argumentum probatur: si autem secundo modo, sic potentia non potest excedere actum quem respicit. Potentia enim ad formam ignis, dicit habitudinem ad formam ignis: impossibile autem est ut potentia ignis, ut formæ ignis receptiua, alterius formæ receptiua sit. Et si enim materia ignis sit receptiua formæ aquæ, non est tamen eius receptiua ut potentia ad formam ignis, sed ut potentia ad formam aquæ: potentia enim ad formam ignis dicit habitudinem tantum ad formam ignis, si formaliter sumatur. Proportio

Omnis actus alteri inhærens limitatur ex eo in quo est.

Potentia non potest actum excedere.



sitio ergo sancti Thomae intelligitur formaliter, non autem materialiter, ut obiectio procedebat. Quarto, Deus est actus purus absque permixtione ullius potentiae, ergo est infinitus. Probatur consequentia, quia quantum ad actus est minus permixtus potentiae, tanto perfectior est, & ille qui habet potentiam admixtam, habet terminum suae perfectionis, qui autem non habet, nullum terminum perfectionis habet.

ADVERTERE quod actus, qui est in potentia ad alium actum (qui hoc loco dicitur habere potentiam admixtam) de necessitate aliqua perfectione caret, quia si non careret aliqua perfectione, non esset in potentia ad ipsam: nihil enim est in potentia ad id quod habet, & idcirco non est univ ersaliter perfectus, sed ita habet unam perfectionem, quod non aliam, & hoc est habere terminum suae perfectionis. Actus autem cui nulla permiscetur potentia, nulla caret perfectione secundum se, sed est ipsum esse subsistens, quia omne quod non est esse, est ad ipsum ex natura sua in potentia, tanquam ad id quod est extra rei quidditatem, ideo nullum habet terminum perfectionis, sed est univ ersaliter perfectus. Quinto, si esset alius est finitum, oportet quod limitetur vel per aliquam causam eius, vel per susceptum: quia ipsum secundum se est infinitum tanquam ab infinitis, & modis infinitis participabile, sed esse Dei nullam habet causam, nullumque susceptum, cum Deus sit suum esse, ergo non est finitum.

ADVERTERE, quod licet duos modos limitationis esse sanctus Thomas, tangat, scilicet ex causa productiva & ex susceptivo: tamen vnus ad alium de necessitate consequitur. Nam si in aliquo recipiatur, oportet ut ab aliqua causa producat, cum nihil seipsum de non esse ad esse producat: similiter si habet causam productivam, oportet quod eius sit aliquid susceptivum, quia esse (ut superius ostendimus) non est hoc finitum & determinatum, nisi quia est huius aut actus, aut aptitudinis & proportionis. Sexto, Deo non potest cogitari aliquid melius, & perfectius, ergo est infinitus. Probatur antecedens, tantum aliquid est perfectius secundum aliquam perfectionem, quantum illam melius, pleniusque participat, sed non potest plenius participari quam ut per suam essentiam sit tale, sicut Deus est ipsa bonitas, & ipsum esse, ergo, &c. Sed videtur illa consequentia non valere, Deo nihil potest cogitari perfectius, ergo est infinitus: imo magis sequitur, ergo est finitus, quia infinitum est, cuius quantitatem accipientibus semper aliud est accipere.

Respondetur, quod consequentia est bona, & necessaria, & proportionabiliter ad quantitatem infinitam tenet, licet enim infinitum sit tale in se, quod quantitate quacunque finita eius accepta, semper remanet aliquid accipientium, infinitum tamen maius quantum cogitari non potest, eo modo quo est infinitum & si aliquo quanto maius quantum potest cogitari, illud non est infinitum, sed finitum, quum possit excedi, similis modo infinitum secundum perfectionem tale est, & accepto quocunque modo finito in ipso secundum considerationem intellectus nostri, semper remanet alius modus accipiendi: nihil tamen ipso potest perfectius cogitari: imo si aliquo aliud perfectius potest cogitari, illud est finitum perfectionis, ut potest potius ad perfectiorem excedi. Septimo, intellectus noster intelligendo in infinitum exten- ditur: quod hoc signo patet: quia quacunque quantitate finita data, potest maiorem in infinitum excogitare, ergo oportet esse aliquam naturam intelligibilem infinitam, quam oportet esse rerum maximam. Probatur consequentia, quia alioquin frustra esset haec ordinatio intellectus ad infinitum. Sed non videtur ista ratio concludere, propter duo. Primo, quia intellectus multa falsa, & impossibilia potest concipere. Secundo, quia non datur intellectui ordinatio ad apprehendendum aliquid intelligibile infinitum, licet habeat inclinationem ad intelligendum siue excogitandum aliquid maius quocunque finito dato diuisum in infinitum.

AD huius evidenciam sciendum, quod ordinatio huius intellectus ad infinitum nihil aliud est quam virtus intellectus, ad cogitationem rei infinitae, quam ex signo hoc conuincitur datam intellectui, quod quocunque finito maius excogitat in infinitum, quasi natura ipsius intellectus impellente ad inquisitionem alius intelligibilis infiniti: propter quod non quiescit intellectus in inquisitione, quousque ad intelligibile infinitum peruenit.

Vnde ad primum dicitur, quod licet intellectus aliquando impossibilia excogitet, habet tamen inclinationem ad intelligibile infinitum, & ideo nisi illud inueniretur, frustra data esset sibi naturaliter haec inclinatio.

Similiter ad secundum negatur antecedens, imo ex modo cogitandi in infinitum, persuadetur quod habeat inclinationem ad perueniendum ad aliquid intelligibile infinitum: verumtamen istam rationem persuasivam puto, non demonstrativam. Octavo, Non potest intellectus noster cogitare aliquid maius Deo, ergo est infinitus. Patet consequentia: quia quolibet finito, potest intellectus maius cogitare. Probatur antecedens, quia effectus non potest extendi ultra suam causam: intellectus autem est effectus Dei.

Sciendum quod cum effectus sit quaedam causae similitudo, non potest maioris virtutis esse sua causa, ut superius est ostensum, sed hoc est intelligendum proportionaliter secundum modum effectus, nam aliqui effectus a sua causa accipiunt virtutem alia producendi secundum esse naturale: alii vero secundum esse conceptibile, non secundum esse naturale, quemadmodum est intellectus speculativus. Sicut ergo effectus non potest per virtutem, quam accipit a sua causa, producere effectum in esse naturae sua causa perfectiorem, ita nec intellectus potest in esse conceptibili producere aliquid sua causa praestantius, quod est dictum, non potest aliquid praestantius sua causa cogitare. Si ergo Deus intellectus nostri est causa, sequitur quod nihil potest maius, aut perfectius Deo cogitare. Non, Virtus Dei est infinita, ergo eius essentia, antecedens probatur, quia mouet tempore infinito, consequens vero probatur, quia virtus nominat ut principium actionis. Vnumquodque autem agit per formam suam, quae est essentia, vel pars essentiae.

Si dicatur quod haec ratio supponit aeternitatem motus, quam Theologi non ponunt, dicitur quod procedit qui dem ex aeternitate mundi, sed tamen infinitas virtutis magis etiam confirmatur non posita aeternitate mundi. Tanto enim virtuosius est agens in agendo, quanto potentia magis ab actu remotam reducit in actum: sicut maiori virtute opus est ad calefaciendum aquam, quam aërem, sed quod omnino non est, infinite distat ab actu, ergo si mundus factus est postquam omnino non fuit, factus virtus est infinita.

Licet autem haec ratio ex aeternitate mundi non sumatur, valet tamen etiam secundum ponentes mundi aeternitatem, quum ponerent Deum aeternum mundi sempiternam causam existere, sicut pes ab aeterno fuisse causa vestigii, si ab aeterno fuisse impressus in pulvere: siue enim ab aeterno, siue ex tempore sit productus mundus, nihil est in re quod non sit a Deo pro-

ductum, & sic productus est nulla praesupposita materia, ex quo aliter formatur ratio, Proportio virtutis actus accipitur secundum proportionem potentiae passivae ad actum, quia quantum potentia passiva magis elongata ab actu praestantius vel praestantius, tanto a maiori virtute in actum reducitur, ergo cum virtus finita requirat aliquam potentiam materiae, illa quae non requirit materiam, est infinita.

CIRCA illam propositionem, Vnumquodque agit per formam suam quae est essentia, vel pars essentiae, advertendum quod intelligitur de primo principio formali, non autem de proximo, quia, ut inquit sanctus Thomas Prima parte, quæst. 77. id est, in creaturis substantia non est proximum principium actionis, sed forma accidentalis, quae rationem potentiae habet: similiter quum dicitur, Virtus nominat principium actionis, accipitur indistincte, ut sit extensio ad primum & ad proximum. In creaturis enim virtus ut nominat principium proximum, non est rei substantia, sed accidens rei substantiam concomitans: ut autem nominat principium primum, est substantia. Sed quia in Deo primum formale principium & proximum non distinguuntur, quum sua virtus & sua operatio sint sua substantia, ideo in ipso univ ersaliter verum est, quod virtus Dei est eius essentia.

Ad primam rationis formam, qua probatur virtutem Dei esse infinitam, quia ex nulla potentia produxit mundum: Scotus 4. Sententiarum, dist. 1. quæst. prima, negat minorem, quando extrema non sunt immediata, tanta praestantia est eorum distantia, quantum est extremum alterum maius, sicut si produceretur suprema creatura possibilis product, adhuc inter ipsam & Deum esset infinita distantia, quia Deus est infinitus, illa vero finita esset distantia autem affirmationis & negationis, entis & non entis creati est immediata: & actus creatus non est infinitus, sed finitus, ergo distantia inter illa non est infinita, sed finita.

Ad secundam formam, inquit quod quavis distantia nullius potentiae ad actum nullam proportionem habeat ad distantiam quae est alicuius potentiae ad actum, ex hoc non sequitur quod virtus quae potest super istam, sit improportionabilis virtuti quae potest super illam, quia positum non est improportionabile alteri positum, nisi propter infinitatem in altero. In illa autem distantia non est proportio, quia altera non habuit aliquam quantitatem secundum quam potuit proportionari, eo quod sit distantia non entis ab ente.

P R O responsione ad ista, & confirmatione rationis sancti Thomae sciendum ex doctrina eius 4. Sententiarum, dist. 5. quæst. 1. artic. 3. quod duplex est distantia infinita: quaedam est simpliciter infinita, quando scilicet ex parte utriusque extremi est infinita, hoc autem est quando utrunque extremum est infinitum. Quaedam vero est secundum quid infinita, & est quando ex parte vnus extremi tantum est infinita: quum enim tantum distet aliquid ab vno oppositum, quantum accedit ad alterum: si accedat aliquid ad oppositum extremum ut illud habeat infinitum, necesse est, ut ab altero distet infinitum. Si autem participet oppositum sine ab altero sine tantum distabit: inter ens ergo & non ens omnino non est distantia infinita simpliciter, nisi illud ens sit infinitum, & quia nullum ens creatum est infinitum, ideo distantia entis creati ad non ens, non est simpliciter infinita, imo est finita ex parte ipsius entis: quia ens perfectius isto ente creato magis a non ente distat, quam hoc ens: est tamen ex parte non entis ipsa distantia infinita, eo quod a quocunque nihil magis distet, quam non ens. Vnde distantia non entis omnino, ab ente, non est proportionabilis distantiae alicuius entis ab alio, alioquin posset dari distantia vnus entis ab alio maior, quam sit distantia non entis omnino, secundum modum processus Arist. 4. & 8. Physic. Inter ens ergo & non ens est distantia secundum quid infinita. Sciendum secundum, quod ista distantia secundum quid infinita, utpote ex parte non entis tantum, requirit virtutem infinitam, cum virtus activa proportionetur distantiae potentiae ab actu secundum proportionalitatem, hoc inquam modo, quod qualis est proportio distantiae vnus ab actu ad aliam distantiam, talis est proportio virtutum activarum inter se: quia, ut inquit sanctus Thomas hic, tanto vnumquodque agit agens est virtuosius, & aliud agens excedens, quanto potentiam magis remotam ab actu reducit ad actum: sed distantia non entis omnino, ad ens, nullam habet proportionem ad distantiam quae est inter duo entia, aliis esset inuenire aliquam distantiam entis ad ens aequalem distantiae non entis ab ente, ergo virtus quae operatur ex non ente, omnino nullam habet proportionem ad virtutem quae operatur ex ente praesupposito: ergo est infinita. Patet consequentia, quia potentia activa talis dicitur improportionata, quia excedit omnem potentiam finitam, sicut illa distantia quae est inter ens & non ens, dicitur improportionata distantiae omni, quae est inter entia, quia omni distantia quae est inter entia, maior est: potentia autem excedens omnem potentiam finitam, est infinita.

S I C ergo patet rationem sancti Thomae efficacem esse, nec solutionem Scoti esse sufficientem: vnde ad primum dicitur, quod utriusque ex parte entis creati, illa distantia non est infinita, ut ratio probat, est tamen infinita ex parte non entis, ut diximus, cum nihil ab ente magis distare possit, quam omnino non ens: & haec infinitas distantiae arguit infinitatem virtutis, quum proportionentur virtutes elongationibus potentialium ab actu.

Responsio etiam ad secundam formam rationis nulla est: negat enim istam consequentiam, Distantiae istae sunt improportionabiles, ergo & virtutes, cum tamen ostenderimus ipsam esse necessariam: quia qualis est proportio istarum distantiarum, talis est ipsarum virtutum: quia quanto vna distantia magis excedit aliam, tanto vna virtus magis aliam excedit, eo quod maior distantia maiorem virtutem requirat.

S E D adhuc probari potest ex processu quo Aristoteles 4. Physic. tex. 27. probat motum factum in vacuo, nullam proportionem habere ad motum factum in pleno. Si enim virtus agens ex nulla omnino praesupposita potentia proportionatur ei, quae agit ex materia praesupposita non obstante distantiarum improportionem. Detur, gratia exempli, quod sit in duplo maior, tunc sumo aliam virtutem, quae agat ex materia in duplo magis indispota, quam sit materia ex qua agit alia virtus, ergo ipsa erit in duplo maior illa: sed in eadem proportionem se habebat ad ipsam virtutem agens ex nulla omnino praesupposita materia: ergo virtus producat ex aliqua materia, est aequalis potentiae agenti ex praesupposita materia, sed hoc est inconueniens, quia per experientiam patet, quantum aliquid magis elongatur ab actu, tanto maiorem potentiam requirere, ergo, &c.

ADVERTENDUM autem circa illam propositionem sancti Thomae, Contra Gent. c. 2. Quantum

De proportione agentis ex omnino non ente ad agens ex aliquo ente,

Potentia ad actum dupliciter potest dici maior.



Quanto potentia passiva maior preexistit aut preintelligitur, tanto à maiori virtute activa in actum completur quod potentiam passivam maiorem efficit, dupliciter intelligi potest. Vno modo, quia magis elongatur ab actu. Alio modo, quia magis disposita est ad susceptionem actus, eo modo quo dicimus in ligno aut are esse maiorem potentiam ad statum quam in aqua. Primo modo, potentia dicitur simpliciter maior potentia, quia scilicet minus habet de actu. Secundo modo, dicitur maior in ordine ad actum, quia capacior est actus, & magis ad ipsum disposita. Propositio ergo sancti Thomae intelligitur de potentia maiori primo modo, non autem secundo modo: difficilius enim est ex aqua facere statum, & maiore virtutem requirit, quam facere ex ligno aut cupro. Decimo, Diuturnitas Dei est infinita, ergo & Deus est infinitus, probatur consequentia, quia res tanto est diuturnior, quanto eius causa est efficacior, si ergo diuturnitas Dei est infinita, quum causam non habeat nisi seipsum, ipse erit infinitus. Aduertendum quum dicitur Deum non habere aliam causam nisi seipsum, quod hoc non ideo dicitur, quasi ipse suum esse producat, hoc enim est impossibile, sed quia sua substantia est sibi ratio essendi, & non oportet ponere aliam causam eius productivam.

Res tantò est diuturnior, quò eius causa est efficacior.

CIRCA istam propositionem, Vnaqueque res tantò est diuturnior, quanto eius causa est efficacior, dubium occurrit. Videtur enim contrariari ei quod superius cap. 20. dixit sanctus Thomas: ibi enim voluit quod quia esse intellectuale non habet aliquam extensionem quantitatis, ideo duratio infinita ipsius infinitam virtutem non requirit, quia non refert quod perillam virtutem aliquid duret tempore infinito vel finito, ergo maior diuturnitas in esse intellectuali non exigit maiorem & efficaciorum virtutem, cuius oppositum hic dicitur. Ad hoc dicitur primo, quod nulla est contradictio in dictis sancti Thomae. Quia hic loquitur de virtute causae effectivae diuturnitatis, talis enim est infinita, si durationem infinitam causet: superius autem loquebatur de virtute causae formalis esse rei, quam non oportet esse infinitam, si causet esse perpetuum. Patet hoc ex doctrina sancti Thomae 12. Metaph. lectione 6. & in questionibus de Anima, art. 14. ad 4. Dicitur secundo, quod ratio huius diversitatis est, quia esse comparatur ad formam sicut ipsam per se consequens. Quod autem aliquid per se consequens rem semper ei inest, non arguit eius infinitatem, sicut quod dualitas semper sit par, non arguit ipsam esse infinitam. Ad causam autem efficientem comparatur sicut effectus ab eius virtute productus: effectus autem causae efficientis tantò durabilior est ceteris paribus, quanto virtus agentis fuerit efficacior. Videmus enim quod tanto est durabilior caliditas in aqua, quanto ab efficaciore virtute ignis fuerit introducta. Vnde licet duratio temporis per accidens se habeat ad esse substantiale, ad ipsam tamen virtutem agentis se habet per se tanquam effectus conditio. Dicitur tertio, quod sicut res diuturnior est cuius causa efficiens est efficacior in agendo, ita si aliqua res careat causa efficiente propter suam perfectionem, tanto perfectior erit in se, quanto fuerit diuturnior, quia sua diuturnitas non provenit ab alio, sed tantum à perfectione naturae propriae. Ideo bene infert sanctus Thomas, quod quia diuturnitas Dei est infinita, & ipse sibi suae diuturnitatis est causa negatiue, id est, non habet diuturnitatem ab alio, sed si ipse est sua infinita duratio eius virtus & perfectio est infinita.

Confirmatur vltimò auctoritate Psalmistae, auctoritate etiam antiquorum Philosophorum, qui ab ipsa veritate coacti posuerunt primum principium esse infinitum, licet errarent in ponendo ipsum primum principium esse corpus.

#### Quòd Deusest intelligens. Cap. 44.

**E**X praemissis autem ostendi potest, quod Deus sic intelligens. Ostensum est enim supra, quod in motibus & motis non est possibile in infinitum procedere, sed oportet omnia mobilia reducere, ut probatum est, in vnum primum mouens seipsum: mouens autem seipsum, se mouet per appetitum & apprehensionem, sola enim huiusmodi inueniuntur seipsa mouere, utpote in quibus est mouere, & non moueri: pars igitur mouens in primo mouete seipsum, oportet quod sit appetens & apprehendens. In motu autem, qui est per appetitum & apprehensionem, appetens & apprehendens est mouens motum, appetibile autem & apprehensum est mouens non motum: cum igitur id quod est omnium primum mouens (quod Deum dicimus) sit mouens omnino non motum, oportet quod comparetur ad motorem, qui est pars mouentis seipsum, sicut appetibile ad appetentem, non autem sicut appetibile sensuali appetitu: nam appetitus sensualis non est boni simpliciter, sed huius particularis boni: quum & apprehensio sensus non sit nisi particularis: id autem quod est bonum & appetibile simpliciter, est prius eo quod est bonum & appetibile vt hic & nunc. Oportet igitur primum mouens esse appetibile vt intellectum: & ita oportet mouens quod appetit ipsum, esse intelligens: multò igitur magis & ipsum primum appetibile erit intelligens: quia appetens ipsum fit intelligens actu per hoc quod ei tanquam intelligibili vnitur. Oportet igitur Deum esse intelligentem, facta suppositione, quod primum motum moueat seipsum, vt Philosophi posuerunt.

Adhuc, Idem necesse est sequi si fiat reductio mobilium, non tantum in aliquod primum mouens seipsum, sed in mouens omnino immobile. nam primum mouens est vniuersale principium motus, oportet igitur, quum omne mouens moueat per aliquam formam quam intendit in mouendo, quod forma per quam mouet primum mouens, sit vniuersalis forma, & vniuersale bonum, forma autem per modum vniuersalem non inuenitur nisi in intellectu: oportet igitur primum mouens, quod Deus est, esse intelligens.

3 Amplius, In nullo ordine mouentiū inuenitur quod mouens per intellectum sit instrumentum eius, quod mouet absque intellectu, sed magis econuerso: omnia autem mouentia quae sunt in mundo, comparantur ad primum mouens, quod est Deus, sicut instrumenta ad agens principale. Quum igitur in mundo inueniantur multa mouentia per intellectum, impossibile est quod primum mouens moueat absque intellectu: necesse est igitur Deum esse intelligentem.

4 Item, Ex hoc aliqua res est intelligens, quod est sine materia: cuius signum est quod formae sunt intellectus in actu per abstractionem à materia: vnde & intellectus est vniuersalium, & non singularium, quia materia est indiuiduationis principium: formae autem intellectus in actu, sunt vnum cum intellectu actu intelligente. Vnde si ex hoc formae sunt intellectus in actu, quod sunt sine materia, oportet rem aliquam ex hoc esse intelligentem, quod est sine materia: ostensum est autem supra Deum esse omnino immaterialem: est igitur intelligens.

5 Adhuc, Deo nulla perfectio deest, quae in aliquo genere entium inueniatur, vt supra ostensum est: nec ex hoc aliqua compositio in eo consequitur, vt etiam ex superioribus patet: inter perfectiones autem rerum potissima est, quod aliquid sit intellectuum. Nam per hoc ipsum est quodammodo omnia habens in se omnium perfectiones: Deus igitur est intelligens.

6 Item, Omne quod tendit determinate in aliquem finem, aut ipsum praestituit sibi finem, aut praestituit sibi finis ab alio, aliàs non magis in hunc quam in illum finem tenderet: naturalia autem tendunt in fines determinatos. non enim à casu naturales utilitates consequuntur: secus enim non essent semper aut in pluribus, sed raro: horum enim est casus. quum ergo ipsa non praestituant sibi finem, quia rationem finis non cognoscunt: oportet quod eis praestituatur finis ab alio, qui sit naturae institutor: hic autem est qui praebet omnibus esse, & est per se ipsum necesse esse: quem Deum dicimus, vt ex supradictis patet. non autem posset naturae finem praestituere, nisi intelligeret, Deus igitur est intelligens.

7 Amplius, Omne quod est imperfectum, deriuatur ab aliquo perfecto. nam perfecta naturaliter priora sunt imperfectis, sicut actus potentia: sed formae in rebus particularibus existentes sunt imperfectae: quia particulariter & non secundum communitatem suae rationis, oportet igitur quod deriuentur ab aliquibus formis perfectis, & non particularis. tales autem formae esse non possunt nisi intellectus, quum non inueniatur aliqua forma in sua vniuersalitate nisi in intellectu: & per consequens oportet eas esse intelligentes, si sint subsistentes. sic enim solum possunt esse operantes. Deum igitur, qui est actus primus subsistens, à quo omnia alia deriuantur, oportet esse intelligentem. Hanc autem veritatem etiam fides catholica confitetur. Dicitur enim Iob 9. de Deo, Sapiens corde est, & fortis robore. Et 12. Apud ipsum est fortitudo & sapientia. Et in Psal. 138. Mirabilis facta est scientia tua ex me: Et Roma. 11. O altitudo diuitiarum sapientiae & scientiae Dei. Huius autem fidei veritas tantum apud homines inualuit, vt ab intelligendo nomen Dei imponent. Nam Theos quod secundum Graecos Deum significat, dicitur à theaste, quod est considerare vel videre.

#### Super cap. 44.

**P**ostquam determinauit sanctus Thomas de perfectionibus diuinis ad naturam pertinentibus, nunc de iis quae pertinent ad operationem, determinat. Circa hoc autem duo facit. Primo enim determinat de perfectionibus, ex quibus cognoscitur aliquid esse viuens. Secundo de ipsa vita, cap. 97. Circa primum duo facit. Primo agit de ipsis perfectionibus. Secundo de passionibus & virtutibus ad illas perfectiones pertinentibus, capitulo 88. Circa primum duo facit. Primo agit de perfectione, quae est intellectus. Secundo de perfectione quae est voluntas, cap. 92. Circa primum duo facit: primo agit de cognitione diuina ex parte intelligentis, secundo ex parte obiecti cogniti, cap. 47. Circa primum duo facit. Primo agit de ipsa cognitione secundum se. Secundo de ipsa ex parte medij cognoscendi. Circa primum duo facit. Primo ostendit quod Deus est intelligens. Secundo quod est suum intelligere, cap. sequenti. Probat ergo primo, quod Deus est intelligens: & arguit. Primo, supposito quod oporteat deuenire ad vnum primum mouens seipsum, vt Aristoteles deducit, Deus est primum appetibile, vt primum intellectum à primo mouente seipsum, ergo est intelligens. Probatur consequentia: quia appetens ipsum fit intelligens actu, per hoc quod ei tanquam intelligibili vnitur. Vm enim ipsum fit intellectum, oportet vt appetens fit intelligens: antecedens quoque probatur sic, Mouens seipsum, scilicet motu locali, mouet se per appetitum & apprehensionem, quia huiusmodi sola habent in seipsis moueri, & non moueri, ergo pars mouens est appetens & apprehendens: sed appetens & apprehendens est mouens motum: appetibile autem mouens non motum, ergo primum mouens omnino non motum, qui est Deus, comparatur ad partem mouentem: sicut appetibile, non autem sicut appetibile sensuali appetitu, quia ille non est boni simpliciter, sed huius particularis boni, ad hic & nunc determinati: primum autem mouens oportet esse bonum simpliciter, cum bonum & appetibile simpliciter sit prius bono, vt hic & nunc, ergo

† Idem. P. p. q. 1. 4. ar. 1.

† Cap. 13.

† Cap. 19.

† Cap. 13.

† Vt refert Damasc. lib. 1. c. 11.



ergo primum mouens est primum appetibile & intellectum.

*Et quæ seipsa mouent, habent in seipsis motum, & non moueri, quæ est Arist. 8. Physic. & quam intendit hic sanctus Thom. notandum ex doctrina eius Veri. quæst. 24. art. 2. quod potentia motiua in brutis dupliciter potest considerari. Vno modo secundum se & absolute. Alio modo in ordine ad iudicium quo applicatur potentia motiua ad motum. Similiter actio ipsius bruti potest & secundum se considerari, & in ordine ad iudiciū a quo provenit: si primo modo consideretur potentia motiua, & actio bruti, sic non magis determinatur ad vnum quam ad alterum, in quo à rebus naturalibus differunt, quæ habent formas ad vnum determinatas & idem semper agentes secundum se: & hunc sensum intelligit Philosophus & S. Thom. omnia quæ seipsa mouent, habere in seipsis moueri, & non moueri: si autem secundo modo considerentur, sic sunt determinata ad vnum, quia & semper iudicium sequuntur, & ipsum iudicium est ipsius à natura determinatum, sicut ovis videns lupum, naturaliter iudicat esse fugiendum: & sic non est in ipsis moueri & non moueri: sed hoc tantum habentis rationem est, cui non est iudicium à natura determinatum.*

*CIRCA istam propositionem, Appetens & apprehendens est mouens motum, appetibile autem est mouens, non motum: aduerte quod quidam Thomistarum tenent hanc propositionem quæ est Arist. 3. de Anima, intelligi de mouente per modum cause efficientis, volentes appetibile concurrere ad actum appetitus per modum efficientis formalis, & rationis agendi, quantum ad specificationem actus, non autem quantum ad exercitium, separata tamen secundum rem ab ipso appetitu, non autem solum per modum causæ finalis. Probant autem hoc. Primo, quia aliter Arist. æquiuocasset de mouente 3. de Anima, & 12. Metaphysicæ, ordinem mouentium reducens ad vnum mouentem non motum, scilicet appetibile. Nam cum intenderet reducere ad vnum mouens effectiue, si appetibile esset mouens tantum per modum finis, fieret transitus à fine ad efficientem. Secundo, quia Auer. 12. Metaphysicæ, comm. 36. inquit quod appetibile mouet appetitum in duplici genere causæ, scilicet effectiue secundum quod est apprehensum, & finaliter secundum quod est extra animam. Tertiò, cum in appetitione duo sint, exercitium scilicet eius & specificatio, oportet ipsius specificationis, sicut & exercitij, dare aliquam causam effectiue, hæc autem non potest esse sola voluntas, quia sic omnes eius actus essent eiusdem speciei, sicut omnes actiones à calore, ergo erit ipsum obiectum, quod est appetibile. Quarto, quia tunc voluntas non esset potentia passiva, cuius oppositum tenet sanctus Thom. Prima parte q. 80. art. 2. de ratione enim potentis passius est vt à suo obiecto effectiue moueatur, vt patet Veri. quæst. 16. primo, ad 13. Quinto, substantia adiuncta alicui causæ non variat causalitatem illius de vno genere causandi in aliud, sed verbum subsistens causat per modum efficientis ipsum amorem, vt vult sanctus Thomas, imò & fides, ergo & verbum cordis nostri non subsistens, sed verbum cordis nihil aliud est quam obiectum apprehensum: ergo, &c. Sexto, si hoc non esset, sed diceremus appetitum seipsum mouere ad præsentiam appetibilis, nulla erit effectiua via ad probandum aliquid pati ab alio, dicemus enim de intellectu respectu intelligibilis, de sensu respectu sensibilis, & de ligno respectu comburentis, quod non patiuntur, sed quod ad præsentiam illorum seipsa mouent. Alij tenent appetibile nullo modo mouere per modum efficientis aut totalis aut partialis, sed tantum per modum causæ finalis, vt tenet Capreol. 2. Sent. dist. 24. & 25. Licet autem vtraque opinio sustentari possit, habeatque vtraque doctissimos defensores, & vtraque videatur ex verbis sancti Thomæ haberi, prima ex eo quod ponit appetitum esse potentiam passivam, secunda verò ex eo quod in Prima parte, q. 81. & Prima secundæ, quæst. 9. & Veri. quæst. 22. & vbiq. tenere videtur quod appetibile & intellectum mouet per modum finis, ponitque inter intellectum & voluntatem diuersum modum motionis volens intellectum mouere voluntatem duntaxat per modum finis, dum illi appetibile proponit, voluntatem autem mouere intellectum per modum efficientis: videtur tamen mihi media via incedendum esse. Nam appetibile siue finis dupliciter comparari potest ad voluntatem. Vno modo, respectu illius actus quo vult finem. Alio modo respectu illius actus quo vult ea quæ ordinantur ad finem. Dico igitur duo, primum est, quod si finis comparatur ad voluntatem respectu illius actus quo vult finem, non mouet voluntatem effectiue proprie, tanquam videlicet forma quæ sit principium elicitiuum volitionis, sed mouet tantum formaliter per modum forme specificantis operationem extra potentiam operantem existentis. Alterum est, q. si finis comparatur ad voluntatem respectu volitionis eorum quæ sunt ad finem, finis mouet voluntatem per modum efficientis tanquam ratio agendi.*

*AD euidentiam primi dicti sciendum primò, quod licet hoc quod dicimus mouere, proprie apud nos significet actum & causalitatem efficientis, quia illa manifestior est causalitas aliarum causarum: extensum tamen est hoc vocabulum etiam ad significandum causalitatem finis & forme, vnde dicitur finis metaphoricè mouere, & per similitudinem: quia sicut agens effectum ad sui similitudinem trahit, ita appetibile ad se trahit voluntatem, licet in efficiente illud sit per impressionem alicuius forme aut motus in appetibili autem & fine non sit per impressionem alicuius in voluntate, sed tantum per determinationem & specificationem actus ipsius voluntatis, dum ipse actus voluntatis ita terminatur ad hoc appetibile ex eo quod est apprehensum, quod non ad aliud. Vnde nihil est aliud voluntatem à fine moueri quantum ad ipsius finis volitionem, quam ipsam inclinari in finem ex apprehensione ipsius finis: ex quo etiam sequitur, quod metaphoricè secundum hanc considerationem ipsa potentia voluntatis dicitur passiva, & ipsum appetibile dicitur actiuum metaphoricè, vt illa dicatur passiva, quia est indifferens ad hoc vel illud obiectum, & ab illo potest aliquo modo trahi: & illud actiuum, quia voluntatem ad se trahit, tanquam ipsius volitionis formale specificatum.*

*Sciendum secundò, quod quum finis & appetibile sit voluntati ratio mouendi: quia est illud cuius amor, siue propter quod voluntas agit & mouet, rationem autem agendi oportet esse in agente, necesse est (vt dicitur Veri. vbi supra) quod appetibile sit in appetente, non quidem secundum esse naturale, sed secundum esse intentionale, ita quod esse intentionale sit conditio finis vt est mouendi ratio, & vt est formale specificatum actus voluntatis, propter quod dicitur q. finis mouet agentem secundum q. est in intentione, quia videlicet esse intentionale eius est conditio ipsius requisita ad hoc vt moueat, tam formaliter, quam sicut ratio agendi: sicut ad hoc vt calor sit igni, ratio calefaciendi, & ad hoc vt ipsum faciat formaliter calidum, oportet vt sit in igne.*

*SED tamen cauendum, ne existimetur per hoc oportere, voluntatē ipsam suum obiectum cognoscere ad hoc vt in illud inclinetur, & præsertim quia sepe numero dicit sanctus Thom. intellectum mouere voluntatem in quantum sibi suum obiectum proponit. hoc enim verum non est, quum appetitus animalis non sit potentia cognoscitiua. Sed quum voluntas in eadē essentia animæ cum intellectu radicetur, & voluntas ipsa non sit proprie volens & appetens, sed homo per voluntatem in appetibile inclinatur, oportet quidem vt ab appetente appetibile cognoscatur ad hoc vt eius operatio specificetur, non tamen ab ipsa voluntate, idcirco intellectum proponere obiectum voluntati & præsentare, non est illi cognoscendum obiectum, sed illum in tali conditione ponere, vt in eo qui habet tale appetibile, secundum illud esse intentionale sequatur inclinatio voluntatis ad esse naturale appetibilis appetenti per tale esse intentionale representatum. Sciendum tertiò, quod species actus specificati non distinguitur realiter à substantia & natura ipsius actus, sed tantum secundum rationem. non enim entitas calefactionis distinguitur à specie calefactionis, sed vna & eadē res est actio ipsa, & calefactio, propter hoc non oportet querere particulatē causam efficientem specificationis distinctam à causa efficiente substantiæ, & entitatis, alioquin sicut substantiæ attribuitur causa efficiens simpliciter ipsius productiua tanquam id quod agit, non tantum tanquam ratio producendi, ita & specificationis oporteret aliam causam, non tantum quæ esset ratio agendi, sed quæ esset agens, ponere. Id ergo quod est causa substantiæ actus per modum efficientis, est etiam causa speciei effectiue, sed causa formalis à qua est species, est id quod est ratio vt sit talis actus, sicut causa motus sursum, & quantum ad substantiam, & quantum ad speciem motus per modum efficientis est mouens ipsum, qui non causat motum indeterminatum, sed specificatū: causa autem formalis à qua formaliter est motus sursum, est ipse terminus motus, ita q. mouens, ideo causat motum sic specificatum, quia mouet mobile ad locum sursum. Similiter ergo motus appetitus circa finem non oportet querere quantum ad eius specificationem, causam efficientem aliam ab ipso appetitu, sed appetitus ipse est causa actus specificati. ratio autem formaliter à qua formaliter habet ipse actus vt sit talis actus, & ipse appetitus vt actus sic specificatum producat: est ipsum appetibile existens in appetente intelligibiliter. Sic ergo in nolitione finis, appetibile mouet appetitum quantum ad specificationem actus, quia est ratio & forma vnde formaliter habet quod actus eius sit talis: non autem effectiue concurrat ad ipsum actum per modum efficientis operationem. Ad hunc ergo sensum intendit S. Thom. appetibile mouere voluntatem per modum finis, quantum ad ipsius appetibilis & finis volitionem, quia videlicet est forma à qua talis volitio specificatur.*

*AD euidentiam verò secundi dicti considerandum est, quod voluntas non tantum est proprii actus causa, sed etiam motus extrinseci per quem finis acquiritur, sed in tali causalitate, ipsa voluntas se habet sicut agens, finis autem se habet sicut ratio agendi: sicut in calefactione substantia ignis se habet vt calefaciens, calor autem sicut ratio calefaciendi: & quia voluntas nihil extrinseci causat nisi mediante actu volendi, ideo dum causat motum ordinatum ad finis assequutionem, causat etiam in se volitionem ipsius motus: qua mediante causat motum. Ideo sicut finis est voluntati ratio causandi motum, in quantum non causat motum nisi propter finis assequutionem, ita est ipsi voluntati ratio causandi volitionem in se illius motus qui ordinatur ad finem, ideo enim vult motum ipsum, quia vult finem per ipsum acquirendum. Vnde finis vt volitus, concurrat actiue tanquam ratio agendi ad volitionem eius quod est ad finem. Nam voluntas vt actiua volitione finis, elicit volitionem eius quod est ad finem. Et sic quod in loco allegato inquit sanctus Thomas, finem mouere tanquam rationem mouendi, intelligitur respectu motus extrinseci, & volitionis ipsius motus ad finem ordinati, non autem respectu volitionis ipsius finis. Et hoc est mouere per modum finis, respectu eorum quæ sunt ad finem. Sic ergo conceditur, quod aliquo modo finis mouet voluntatem formaliter tantum, aliquo verò modo effectiue.*

*AD rationes autem primæ opinionis, in quantum videntur esse contra primum dictum, respondetur. Ad primam enim dicitur quod Aristoteles non æquiuocauit de mouente, sed artificiosè ex eo quod ostendit oportere primum mouens esse omnino immobile, ostendit quod etiam mouet per modum finis, tanquam scilicet ratio mouendi & agendi, quia quum omne mouens quod non est finis, moueat propter finem alium à se, & sic moueatur ab alio motione finis ad ea quæ sunt ad finem, oportet vt illud quod omnino immobile est, absolute moueat etiam per modum appetibilis & finis: hoc enim solum mouens est omnino immobile, quia ab alio non mouetur vt sic. vnde non intendit Aristoteles (vt ratio supponit) ostendere primum motorem esse immobilem, quia mouet sicut appetibile, sed e contrariò, quia est omnino immobilis, ostendit quod mouet per modum appetibilis, cum appetibili in ordine motionis voluntarie conueniat, vt sit mouens immobile. Nam si moueret tantum per modum efficientis, & non per modum finis, non esset immobile omnino, eo quod finis moueat efficientem ad operandum propter ipsum finem, tanquam scilicet id cuius gratia mouet & agit. Similiter in 1. de Anima non committit æquiuocationem, quia quum vellet ostendere animalia motu locali moueri per appetitum: considerauit in ordine illo rationem mouentis & moti absolute, non autem rationem mouentis tantum effectiue, aut tantum finaliter. Sic enim cum finis sit causa causarum, appetibile quod mouet in ratione finis, habet rationem mouentis immobilis: appetitus autem habet rationem mouentis & moti, eo quod moueat quidem effectiue, sed moueatur motione finis.*

*Dicitur vltius, quod ratio concludit si aliquid concludit, q. finis aliquo modo effectiue mouet voluntatē quantum ad volitionem eorum quæ sunt ad finem, non autē quantum ad ipsam finis volitionem. Ad secundā dicit primò, quod Commentator proprie loquitur de fine per comparisonem ad motum, qui ad finis acquisitionem ordinatur, vt ex eius processu apparet. Sic enim finis secundum quod est extrā, causat motum per modum finis, in quantum motus sit propter ipsum acquirendum secundum esse quod habet extra animam, licet esse quod habet in anima, sit conditio eius vt sic mouet: secundum verò q. habet esse in anima, causat motum per modum efficientis, in quantum voluntas volens finem effectiue causat & volitionem motus ad finem, & ipsum motum. Dicitur secundò, quod per comparisonem ad finis desiderium intelligitur improprie dictum communi & extenso vocabulo: dicitur enim finis in anima, puta balneum, efficere sui desiderium formaliter, quod est efficere improprie, sicut dicimus quod calor facit ignem calidum, non autem proprie effectiue. Ad tertium patet ex dictis: nam ostendit*



sum est quod non oportet aliam esse causam effectiuam specificationis actus præter ipsam voluntatem, quæ actum specificatum elicit. Quum autem probatur quia tunc omnes actus essent eiusdem speciei, negatur consequentia. Non sufficit enim ad hoc ut actus sint eiusdem speciei, quod ab eadem causa effectiua specificati producantur, sed etiam requiritur ut sit eadem forma specificans: sicut motus sursum & deorsum ab eodem motore producti specificati, non obstante quod ab eodem motore producantur, specificè distinguuntur, quia diuersos habent terminos, à quibus formaliter specificantur. Modò non omnium actuum voluntatis est eadem forma: ideo non omnes sunt eiusdem speciei: unde ipsa voluntas effectiue specificat actus suos, quia ipsos suis formis adaptat, & commensurat, scilicet appetibilibus diuersis, sicut & dans formam à qua res specificatur, dicitur effectiue specificare, ipsum autem appetibile specificat per modum formæ extrinsecæ. Ad quartam dicitur primum, quod voluntas non est potentia passiva respectu volitionis finis, si accipiatur passiuum ut respondet verè actiuo & efficienti, ut dicatur potentia passiva, in quam natum est obiectum aliquem actum aut formam producere. Si autem communis accipitur pro omni indeterminato quod natum est ab alio quomodocunque determinari, & reduci in actum, sic est potentia passiva: sicut si diceremus, quod ignis est potentia passiva respectu caloris ipsum informantis, & sic intelligitur sancto Thoma in De Veritate ubi supra, tertium, seipsum sic explanat, dicens quod ex eo quod voluntas est potentia passiva, & per consequens habet moueri ab obiecto, nihil aliud concluditur, nisi quod intellectus mouet voluntatem per modum finis, quia bonum apprehensum isto modo mouet. Dicitur secundum, quod est propriè passiva respectu volitionis eorum quæ sunt ad finem: & sic conceditur quod effectiue mouetur ab appetibili, tanquam à ratione agendi, modo superius explicato. Ad quintam dicitur, quod de ratione verbi non est causare amorem per modum efficientis, sed tantum per modum formæ specificantis. Et quum dicitur, quod in diuinis Verbum producit amorem per modum efficientis, dicitur quod hoc non conuenit sibi ut est Verbum, sed ut est Verbum diuinum. Quum autem instatur, quia subsistentia non variat genus causalitatis: dicitur quod hoc est falsum de subsistentia diuina. Dicitur tamè quod hoc non est naturaliter notum, scilicet quod Verbum diuinum habeat modum causalitatis efficientis, sed tantum fide tenetur. Et si argueretur, ex ratione verbi inuenti in intellectu nostro, aut absolute ex verbi ratione, quod ipsum Verbum diuinum habeat effectiue producere amorem, non esset ratio efficax, sed adaptatio quædam ad id, quod iam fide tenemus: non enim Trinitas personarum demonstratiue probari potest, unde nihil illa ratio apud Philosophum concluderet, ut potest procedens ex falsis secundum ipsum. Ad sextam dicitur quod non est similis ratio de appetitu & de aliis, quia appetitus nominat ex sua ratione inclinationem, non autem intellectus aut lapis. Unde posito in appetente appetibili, sequitur inclinatio appetitus secundum inclinationem ipsius, non autem præsentie obiecto aut actui in aliis rebus ipsum quod dicitur pati, seipsum mouet.

SE D contra prædictam determinationem dubium relinquunt ex verbis sancti Thomæ, prima quæ est 14. art. 5. ad tertium, & primo Contra cap. 49. & in aliis locis: vult enim quod omnis operatio specificetur per formam, quæ est principium operationis. Ex his autem arguitur sic, Operatio specificatur per formam, quæ est principium operationis, sed per appetibile, per te, specificatur actus voluntatis, ergo appetibile est forma quæ est principium volitionis, ergo appetibile mouet voluntatem per modum efficientis formalis, cuius oppositum dictum est superius.

Respondetur, quod vique omnis operatio per formam, quæ est operationis principium specificatur: sed non eodem modo intelligitur in omnibus agentibus formam esse operationis principium: in agentibus enim naturalibus forma est principium per modum efficientis operationem: in agentibus autem per cognitionem & ex appetitu finis, ipse finis cognitus est principium illius operationis, quæ est volitio finis, non ut eliciens operationem: unde non est in voluntate, quæ est immediatum principium elicitiuum volitionis, sed in eius intellectu, ut forma ante volitionem in supposito volente existens, ex qua existente in ipsius intellectu ad volitionem egreditur, unde dicitur finis cognitus esse volitionis principium, prout omnis forma quæ in agente ante operationem præexistit secundum naturam, & qua posita ipsum operans ad actionem procedit, operationis principium dici potest, licet ipsam operationem non formaliter eliciat, sed tantum specificet.

CIRCA probationem consequentis dubium non parum occurrit: non enim valet ista consequentia, Appetens Deum, sit intelligens actu per hoc quod eitanquam intelligibili vnitur: ergo ipsum intelligibile, est intelligens, quia sic eadem ratione lapis & lignum, & alie res materiales essent intelligentes, cum homo sit intelligens actu, eo quod ipse tanquam intelligibilis per eorum species vnitur. Quia sancti Thome rationem hanc ex 12. Metaph. text. 39. sumpsit, illic dubij solutio querenda est.

AD huius igitur euidenciam considerandum, quod cum primum appetibile, & primum intelligibile in ordine intelligibilium substantiarum collocentur, non autem in ordine sensibilium, eo quod sit vniuersale bonum, & per consequens sit immaterialis substantia, necesse est quod per vniorem ad ipsum, substantia quæ ipsum appetit & desiderat, sit actu intelligens: sit enim aliquid actu intelligens, per hoc quod vnitur intelligibili. Unde sicut ponebat Plato intellectum nostrum fieri intelligentem actu ex contactu, & participatione specierum separatarum, ita & intellectus primi mobiliter secundum Arist. sit actu intelligens ex contactu quodam ad primam substantiam intellectualem & quia propter quod vnumquodque, & illud magis, ideo sequitur ipsum intelligibile multo magis intellectualem esse, cum esse intellectuum quandam perfectionem dicat. Non est autem simile de rebus materialibus, quia ipse non sunt actu in seipsius intellectualem, imò per intellectum agentem intellectualem actu sunt: ideo ex contactu ad ipsas res non fit intellectus actu intelligens, sed ex receptione specierum lumine intellectus agentis illustratarum, nec tamen oportet illas species esse intellectuales, quia non sunt substantie, sed accidentia. Dicitur ergo quod illa ratio apud Arist. & sancti Thome bona est: negaturque eadem ratione res materiales oportere esse intelligentes, & cum probatur quia homo par ipsas est actu intelligens, negatur quantum ad eam esse naturale: non sunt enim intellectualem actu, sed potentia, unde fundamentum rationis est illa substantia actu secundum se intelligibilis, ex vniore ad quam appetens ipsam sit intelligens actu, est intellectualem, cum non debeat esse minoris perfectionis quam ea substantia quæ per ipsam perficitur, sed primum appetibile est huiusmodi, ergo, &c.

AD VERTE autem quod non accipitur vno hoc loco ad ipsam substantiam intelligibilem per similitudinem quæ sit accidens, sed per aliqualem substantiæ participationem ab intellectu.

Secundò, primum mouens immobile est vniuersale principium motus, ergo forma per quam mouetur, est vniuersalis, & vniuersale bonum, ergo Deus est intellectualem. Probatur prima consequentia: quia cum omne mouens moueat per aliquam formam quam intendit in mouendo, oportet quod vniuersale mouens moueat per vniuersalem formam. Secunda etiam probatur, quia forma per modum vniuersalem non est nisi in intellectu.

AD VERTE fundamentum istius rationis esse, quod quia ordo effectuum correspondet ordini causarum, ut dicitur 2. Physicor. & 5. Metaph. ideo oportet ut forma quam primum & principaliter intendit agens, & mouens vniuersale, sit vniuersalis, id est, ut ratio formalis effectus ipsius causæ, inquantum est eius effectus, sit ratio vniuersalis & cum non possit forma habere esse vniuersale nisi in intellectu, ideo oportet ut ipsum vniuersale agens sit intellectualem.

Sed videtur ista ratio non concludere: quia ad hoc ut agens intendat formam vniuersalem, non oportet, ut ipsa habeat esse vniuersale in agente, sed sufficit quod effectus sibi sub ipsa ratione vniuersali respondeat: sicut cælum est agens vniuersale & tamen non habet in se formam secundum esse vniuersale. Sic licet Deus sit vniuersale agens, & intendat vniuersale bonum, non tamen oportet ut habeat in se formam vniuersalem, & sic non oportet ut propter vniuersalitatem formæ habeat intellectualem.

AD huius intelligentiam considerandum, quod cum oporteat (ut in præcedenti ratione de mente sancti Thomæ adduximus) ratione agendi aliquo modo in agente esse: necesse est ut agens intendens formam vniuersalem, in se aliquo modo formam vniuersalem habeat, sed sicut duplex est agens vniuersale, scilicet secundum prædicationem, sicut dicimus quod animal generat animal: & secundum perfectionem, sicut cælum, ita formam vniuersalem dupliciter esse oportet in causa vniuersali. In causa enim vniuersali secundum prædicationem, sufficit ut sit forma vniuersalis actu quidem habens esse particulare, potentia autem & fundamentaliter habens esse vniuersale, quia & in effectu habet esse particulare, & non intenditur ipsum vniuersale, nisi per accidens, siue secundariò ab agente particulari, inquantum videlicet in ipso particulari saluatur ratio vniuersalis, sicut & ipsum particulare est agens primum & per se, vniuersale autem secundariò, inquantum in particulari habet esse. Sed in causa vniuersali secundum perfectionem, quia ipsa primum & per se intendit vniuersale, & secundariò particularia, ut ex ipsis bonum vniuersale resultat: ideo oportet ut in ipso forma, per quam agit, habeat esse vniuersale, & per consequens ipsa causa sit intellectualem, quum in solo intellectu forma habeat esse vniuersale.

Quod autem instatur de cælo, dicitur quod cælum si non sit animatum, est agens instrumentale intelligentiæ mouentis, non autem particulare agens, de quo hic loquimur, ut dicitur in 3. lib. cap. 24. & ideo non oportet esse in ipso formam secundum esse vniuersale, sed tantum in intelligentia mouente: si autem ponatur animatum, sic est principale agens, & habet in se formam secundum esse vniuersale per intellectualem. Tertiò, agentia quæ per intellectualem mouent, comparantur ad Deum sicut instrumentum ad agens principale: ergo Deus est intelligens. Antecedens patet, quia omnia mouentia quæ sunt in mundo, comparantur ad Deum illo modo, eo quod sit primum mouens. Consequentia verò probatur, quia in nullo ordine mouentium inuenitur quod mouens per intellectualem, sit instrumentum eius quod mouet sine intellectu, sed bene econtrariò. Quarto, Deus est omnino immaterialis: ergo est intellectualem.

Probatur consequentia, quia res sunt intellectualem in actu ex hoc quod abstrahuntur à materia: unde etiam intellectus est vniuersalis, non autem particularis, quia vniuersalia abstrahunt à materia, quæ est individuationis principium: sed formæ intellectualem in actu, sunt vnum cum intellectu intelligente, ergo si ex hoc formæ sunt intellectualem actu, quod sunt sine materia, oportet rem aliquam ex hoc esse intelligentem, quod est sine materia.

PR O declaratione istius propositionis, Formæ intellectualem in actu, sunt vnum cum intelligente in actu: aduerte secundum sanctum Thomam 1. Sent. dist. 35. artic. 1. ad tertium, quod non sic dicitur formam intellectualem in actu, quasi fiat substantia, vel pars substantiæ intellectualem possibilis, sed quia fit forma intellectualem: & ex horum coniunctione fit hoc vnum quod est intellectualem actu, in actu, sicut ex anima & corpore fit vnum, quod est homo, habens operationes humanas, nec tamen anima fit corpus. Ista tamen comparatio non est intelligenda per similitudinem quantum ad omnia, sed tantum quantum ad hoc quod est ex ipsis fieri vnum ad operationem: licet ex anima & corpore fortassis fiat vnum ab omnibus partibus simul sumptis distinctum, non autem ex intellectu & intelligibili, sicut nec ex substantia ignis & calore.

Verum istud magis dubitationem affert, quomodo non solum ex intellectu & intelligibili fit vnum operans & intelligens, sed etiam intellectualem fiat ipsum intellectualem, secundum quod dicitur 3. de Anima, intellectualem possibile esse quo est omnia fieri.

AD huius autem euidenciam considerandum, quod per rem intellectualem in actu, duo possumus intelligere, scilicet aut ipsam speciem intelligibilem, quæ dicitur intellectualem in actu, non quia fit id quod primum & directè intelligitur, sed quia est id quo res representata per ipsam intelligitur, aut ipsam rem quæ primum per ipsam speciem representatur. Primo modo non propriè dicitur, neque est ad mentem Aristotelis, quod intellectualem in actu sit intellectualem in actu, sed bene verum est, quod sit vnum cum illo, inquantum ex ipsis vnitis fit hoc vnum quod est intellectualem in actu: & sic aliquo modo sunt vnum, sicut totum est aliquo modo vnum cum sua parte, inquantum pars non est omnino extrinsecæ à toto. Secundo verò modo, verum est illa esse idem, & vnum fieri reliquum.

PR O cuius noticia sciendum est, quod forma quæ recipitur in intellectu, est forma eadem quæ est extra intellectum secundum rationem, sed aliud & aliud esse habetnam extra intellectum habet esse naturale, in intellectu autem habet esse intelligibile: ut patet à S. Thom. Quolibet. 8. art. 4. & ipsa natura ut existens perfectio rei existens extra intellectum, recipitur in intellectu, ut est de mente sancti Thomæ Veri. q. 2. art. 2. propter quod dicitur quod talis natura, puta lapis, perficit intellectualem. Quia autem vnumquodque est id quod est per suam formam & suam naturam, ideo sequitur quod intellectualem in actu, qui est intellectualem in actu ut habet formam & naturam rei intellectualem, sit ipsa res intellectualem: intelligens enim lapidem, est lapis, sicut & habens in se formam lapidis, est lapis: sed tamen quia forma lapidis non habet

Vniuersale mouens p vniuersalem formam mouet.

Forma intellectualem in actu, fit vnum cum intelligente in actu.



habet esse naturale in intellectu, ex quo habet aliquid ut absolute dicatur lapis, sed esse intelligibile, intellectus in actu respectu lapidis, non dicitur absolute lapis, sed est lapis intelligibiliter. Hic est ergo modus quo intellectus informatus specie alius intellectus, dicitur ipsum intellectum, quia videlicet habet formam eius per quam est tale: eadem ratione ipsum intellectum est intellectus in actu, quia videlicet est intellectum in actu per eandem formam, per quam ipse intellectus in actu, est intellectum in actu. Nam per speciem intelligibilem existentem in intellectu, per quam intellectus dicitur intellectus in actu, res dicitur esse intellecta in actu: propter hoc dixit Comment. 3. de Anima, comment. 5. quod ex intellectu & intelligibili magis fit vnum, quam ex materia & forma: & rationem assignat, quia non fit aliud ab eis, sicut est in compositis ex materia & forma: quod explanans 12. Metaph. commen. 39. ait, quod intellectum quum intelligitur, fit idem cum intellectu, & quod intellectus est illud quod intelligitur: & propter hoc dicitur, quod intellectus est res intellecta: quod cum materia non fiat forma, sed ex eis fiat aliud tertium, patet magis fieri vnum ex intellectu & intelligibili, quam ex materia & forma.

Quod dictum est de intellectu, dicendum est etiam de sensu, quia etiam forma existens in sensu, per quam fit sensus in actu & forma rei sensate est vna, distincta tantum secundum diversos modos effendi. Vnde sicut Philosophus de intellectu ait quod intellectus in actu, est intellectum in actu, & econverso, ita de sensu in 2. de Anima ait, quod sensus in actu est sensibile in actu, & sensibile in actu, est sensus in actu.

Ex eo quod aliquid est immateriale, sequitur ut sit intellectum.

CIRCA illam consequentiam, Formae intellectuales in actu, sunt vnum cum intelligente in actu, ergo si ex hoc forma suat intellecta in actu, quod sunt abstracta à materia, oportet rem aliquam esse intelligentem, ex hoc quod est abstracta à materia: dubitatur. Videtur quidem sequi oportere intellectum esse immateriale. Item, ex eo quod ad hoc ut aliquid sit actu intellectum, oportet ut sit à materia abstractum, non tamen quod ex immaterialitate habeat ut sit intelligens: quasi omne quod caret materia, sit intelligens.

AD huius evidentiam intelligendum est, quod ista processus S. Thomae à signo est, ut ipsomet dicit: quod enim oportet si aliquid debeat vari intellectui, & facere vnum cum ipso, ut à materia abstrahatur, signum est ex hoc aliquem esse intelligentem, quod materia caret. Hoc autem sic possumus intelligere. Nam intelligibile in potentia per hoc quod sit intelligibile in actu, trahitur ad superiorem quendam ordinem, qui intelligibilium ordo dicitur, in quo ordine includuntur & intelligentia & intelligibilia, & intelligens fit ipsum intelligibile, sicut habens quidditatem est aliquo modo ipsa quidditas, & intelligibile fit ipsum intelligens. Sicut quidditas est aliquo modo ipsum habens quidditatem: quod autem vnum trahatur ad superiorem aliquem ordinem, non est nisi quia accipit conditionem, ex qua habet aliquid adequatum, ut sit in illo ordine: & si trahatur ad hoc, ut sit idem cum aliquo ipsius ordinis, oportet ut eleuetur ad modum illius à quo illud habet, quod sit tale: ut si aliquid debeat eleuari ut fiat homo, necesse est ut fiat animal rationale, ex quo homo habet quod sit homo: ita quod ex eadem causa praecise vnum fit aliud, ex qua illud est ipsum. Si ergo ex abstractione à materia aliquid trahitur ad ordinem intelligibilium, ut scilicet sit intellectus in actu, & ex hoc sit vnum cum intelligente, ut intelligens sit etiam ipsum in intelligibile, necesse est ut ista sit conditio ad adequatum ordinis intelligibilium & intelligentis, scilicet abstractio à materia: alioquin non ex hoc praecise traheretur ad ordinem intelligibilium, & fieret idem cum intelligente, quod à materia separatur. Ex hoc sequitur, quod omne quod secundum se est actu intelligibile, sit etiam intellectum, quia abstractio à materia est ratio vtriusque, scilicet & quod sit aliquid actu intelligibile, & quod sit intelligens: nisi sit in ipso aliquid repugnans intellectui. Hoc dico propter accidentia spiritualia, quae sunt quidem actu intelligibilia propter separationem à materia, non sunt tamen intellectus, quia esse intellectum non est natum nisi substantiis convenire: deo cum dicitur, quod immaterialitas est ratio quod aliquid sit naturae intellectus, intelligitur in substantiis subsistentibus, quia operari tantum subsistentis est. Patet igitur consequentia S. Thomae optimam esse & subtilem: & ex eo quod intellectum in actu sit vnum cum intelligente, sequitur à signo, si fiat tale in actu per abstractionem à materia, non solum quod intelligens sit immateriale, sed etiam quod ex hoc intelligens est, quod materia caret. Quinto, potissima perfectio est, ut aliquid sit intellectum, quum per hoc sit quodammodo omnia, omnium perfectiones in se habens, ergo Deus est intellectus. Patet consequentia, quia Deo nulla perfectio deest eorum quae compositionem in Deo non ponunt.

AD VERTE huius ex doctrina sancti Thomae, Prima parte, quae 14. & Veri, quae 1. quod quum vnaqueque res sit ad gradum suae naturae & perfectionis determinata, hoc habent proprium cognoscendum, ut & aliarum rerum naturas & perfectiones habere possint, dum ad cognoscendum, aliarum rerum similitudinibus informantur: & sic intellectus, qui omnium est cognoscitivus, omnium est receptivus, & est quodammodo omnia, dum omnium similitudinibus informatur, ita quod si sit potentialis intellectus, antequam informetur similitudinibus rerum, est illarum res in potentia: quando autem est actu informatus, dicitur illarum res in actu.

CONSIDERANDUM tamen, quod licet etiam non cognoscant recipiant in seipsis aliarum rerum naturas, hoc tamen differenter est à naturis cognoscentibus. Nam illa non recipiunt essentias substantiales aliarum rerum, sed tantum accidentia, similiter accipiunt accidentia secundum aliquod eorum esse naturale. Perfectio quoque alterius rei non est in ipsis ut existens perfectio alterius, sed tantum ut propria perfectio: in cognoscente autem praesertim intellectu naturae sunt esse non tantum accidentium essentiae, sed etiam substantiarum. Similiter non recipiuntur in eo secundum esse naturale, sed secundum esse intentionale: non recipiuntur quoque ut perfectiones tantum intellectus existens, sed ut existentes perfectiones rerum extrinsecarum, sicut natura & perfectio lapidis, ut existens lapidis perfectio, in intellectu recipitur: est enim similitudo lapidis in anima, ipsa lapidis natura, quae est extra animam, sed in esse intelligibili: & hoc est proprium cognoscentis, ut perfectionem alterius, existentem alterius perfectionem, in seipso immaterialiter recipiat.

EX istis patet solutio cuiusdam instantiae quae possit fieri contra hanc propositionem, quam ponit sanctus Thomas explicitè Prima parte quae 14. art. 1. hic verò ponitur implicitè, scilicet, sola cognoscencia nata sunt habere formam rei alterius in se, si enim loquamur quantum ad esse naturale rerum, constat quod etiam non cognoscencia, rerum aliarum formas suscipiunt:

nam aqua recipit caliditatem, & paries albedinem. Si verò loquamur quantum ad esse intentionale, constat quod in aere recipitur species albi & nigri, & soni, ac aliorum sensibilium.

SE D patet ex dictis quod instantia nulla est: tum quia propositio sancti Thomae intelligitur de formis, & naturis subsistentibus, non autem de formis accidentalibus. Manifestum est autem, quod substantia non cognoscens non recipit aliarum substantiarum naturas in se, sed bene substantia cognoscitiva, tum quia licet in aere recipiatur forma albi secundum esse intentionale, non tamen recipitur in aere ut perfectio existens albi, sed tantum ut perfectio aliquo modo aëris: in sensu autem & intellectu (ut dictum est) recipitur intentionaliter natura rei cognitae, ut est ipsius rei cognitae perfectio: ex quo habet, cognoscens ut ipsam rem cognoscat.

POTESSET etiam dici quod naturae cognoscitivae proprium est recipere formas aliarum rerum gratia sui ipsius, id est, propter propriam perfectionem, scilicet ut sua propria operatio sit perfecta: hoc autem non convenit. Eri. Nam in aere recipitur species colorati ut ipsam deferat ad sensum, non autem ut propria aëris operatio per talem speciem accipiat complementum.

Sexto, Deus omnibus rebus naturalibus praestituit & determinat finem, ergo est intellectus. Probatur consequentia, quia non possit praestituere finem nisi intelligeret. Antecedens verò probatur, Naturalia tendunt in fines determinatos, cum non à casu proveniant utilitates naturae, sed semper, aut pro maiori parte, ergo aut praestituunt sibi finem, aut ab alio eis determinatur & praestituitur, sed non praestituunt sibi finem, cum rationem finis non cognoscant, ergo ab alio eis praestituitur, qui eorum naturae conditor est, hunc autem dicimus Deum, ergo, &c.

AD VERTE huius, quod praestituere sibi finem, est stituere sibi aliquid ad quod propriae operationes dirigantur, sicut sagittator statuit sibi terminum ad quem sagittam vult dirigere, hoc autem cōvenire non potest nisi cognoscendi & finem, & quid est finis, & aliquid quod rationem finis habeat: non enim potest aliquid ut finis statui, nisi à cognoscente & apprehendente quid sit esse finem, quia scilicet est ultimum ad quod opera diriguntur. Agentia autem naturalia, licet ordinata in suis operationibus procedant, quia ab intellectu aliquo diriguntur, ipsum tamen finem non cognoscunt, & multo minus finis rationem, & quidditatem, bruta autem licet cognoscant id quod est finis suarum operationum materialiter, non tamen formaliter illud cognoscunt sub ratione finis. Vnde & ipsa rationem finis non cognoscunt, & per consequens nec ipsa sibi praestituunt finem. Quam ergo duo requirantur ad hoc, ut aliquid sibi statuat & determinet finem, scilicet ut cognoscat finem, & rationem finis, cognitio rationis finis est principaliter requiritum: ideo sanctus Thomas, hoc pro causa hic assignavit, in quo naturalia cum brutis conveniunt, & ex quo illis convenit ut libiipsis finem non praestituant. Septimo, Deus est actus primus subsistens, à quo omnia dependent, ergo est intelligens. Probatur consequentia: forma in rebus existentibus sunt imperfectae: quia particulariter, & non secundum communitatem suae rationis, ergo oportet ut deriventur à formis non particularitatis, cum imperfectum derivetur ab aliquo perfecto: ergo à formis intellectus, cum non inveniatur forma in sua universalitate nisi in intellectu: ergo à formis intelligentibus, si sunt subsistentes: sic enim solum possunt esse operantes, ergo si Deus est actus à quo omnia dependent, oportet ut sit intelligens.

AD VERTE NDUM huius, quod, ut superius est ostensum, forma intellecta in actu, ideo est actu intellecta, quia est à materia separata, & sic non habet limitationem in esse suae naturae, ideo forma intellecta ut sic, habet perfectus esse ipsa forma particulariter in re existente, quae ex eo quod in susceptivo esse habet, limitatur quantum ad esse naturae suae cōveniens, quia autem ex eadem causa (ut diximus) provenit quod aliquid sit intellectum, & sit intelligens, si subsistat scilicet ex immaterialitate, ideo bene concludit sanctus Thomas, illam formam habentem esse universale & illimitatum, oportere esse intellectum.

AD VERTE ulterius, cum inquit sanctus Thomas quod formae non sunt in rebus particularibus secundum communitatem suae rationis, quod hoc duplicem sensum habere potest. Vnus est, quod in rebus particularibus non sunt formae, secundum omnia quae ad earum rationem pertinent essentialiter & hic sensus falsus est, & non est hic intentus. Si enim natura particulariter in re existens non esset secundum totam suam rationem in re, non diceretur res essentialiter talis: non enim Sortes essentialiter esset homo, si in eo tota hominis quidditas non salvaretur. Alius sensus est, quod ratio illa non est in re secundum esse illimitatum: & hic sensus verus est, & hic intentus. Licet enim in Sorte sit homo secundum totam suam rationem, illa tamen ratio in ipso non habet communitatem suam, & illi rationem, sed tantum secundum quod est in intellectu.

SE D aduertendum, quod forma quae habet esse illimitatum in intellectu (quae etiam dicitur forma intellecta in actu) aliquando non est subsistens, sed accidens intellectus: & tunc à tali forma res materialis non dependet tanquam ab agente, sicut accidit de forma quae est in intellectu nostro, quia operari est rei subsistentis, aliquando autem est subsistens, sicut forma quae est in intellectu divino. Lapis enim immaterialiter in intellectu divino existens, non est accidens intellectus divini: sed subsistit & est ipsa divina substantia: ideo sibi convenit ratio producentis ipsam formam secundum esse particulare, & limitatum in rebus. Vnde non concluditur simpliciter formam habentem esse particulare, dependere ab ipsa secundum quod habet esse intellectum, sed cum hac additione, quod subsistit, quia tunc illud esse est omnibus modis perfectius, cum sit esse subsistens, illimitatum, & infinitum in sua natura, imò in Deo simpliciter infinitum.

Confirmatur ultimum auctoritatibus Scripturae, Job 9. & 12. & Psal. & Rom. 11. etiam, & ex nominis impositione. Nam hoc vocabulum θεός: quod apud Graecos Deum significat, dicitur à θεός quod est considerare, aut videre.

### Quod intelligere Dei est sua essentia. Cap. 45.

EX hoc autem quod Deus est intelligens, sequitur quod suum intelligere sit sua essentia. Intelligere enim est actus intelligentis in ipso existens, non in aliquid extrinsecum transiens: sicut calefactio transit in calefactum: non enim aliquid patitur intelligibile

Nec naturalis nec bruta praestituunt sibi finem.

Quomodo cognoscencia aliarum rerum naturas in se recipiunt.



ex hoc quod intelligitur: sed intelligēs perficitur. quicquid autem est in Deo, est diuina essentia: intelligere ergo Dei est diuina essentia, & diuinum esse, est ipse Deus. nam Deus est sua essentia, & suum esse.

†Cap. 19.

2. Præterea, Intelligere comparatur ad intellectum, sicut esse ad essentiam: sed esse diuinum est eius essentia, ut supra probatum est: ergo intelligere diuinum est eius intellectus: intellectus autem diuinus est Dei essentia: aliās esset accedens Deo. oportet igitur quod intelligere diuinum, sit eius essentia.

†Cap. 44.

†Cap. 21. &amp; 23.

3. Amplius, Actus secundus est perfectior quàm actus primus, sicut consideratio quàm scientia: scientia autem vel intellectus Dei est ipsa eius essentia, si est intelligens, ut ostensum est: quum nulla perfectio conueniat ei participatiue, sed per essentiam, ut ex superioribus patet. Si igitur sua consideratio non sit sua essentia, aliquid erit sua essentia nobilius & perfectius: & sic non erit infinitæ perfectionis & bonitatis: unde non erit primum.

†Cap. 16. &amp; 27.

4. Adhuc, Intelligere est actus intelligentis: si igitur Deus est intelligens, & non sit suum intelligere, oportet quod comparatur ad ipsum, sicut potentia ad actum: & ita potentia erit in Deo & actus, quod est impossibile, ut supra probatum est.

5. Item, Omnis substantia est propter suam operationem: si igitur operatio Dei sit aliquid aliud quàm diuina substantia, erit finis eius aliquid aliud ab ipso, & sic Deus non erit sua bonitas, quum bonum cuiuslibet sit finis eius. Si autem diuinum intelligere sit eius esse, necesse est quod intelligere eius sit simpliciter æternum & inuariabile, & actu tantum existēs: & omnia quæ de Diuino esse probata sunt. Non igitur Deus est in potentia intelligens, aut de nouo aliquid intelligere incipiens, vel quamcunque mutationem aut compositionem in intelligendo habens.

## Super cap. 45.

**O**stenso quod Deus sit intelligere, ostenditur vltius quod sit suum intelligere. Proponit autem conclusionem sanctus Thomas, dicens, quod ex hoc quod Deus est intelligens, sequitur quod suum intelligere est sua essentia. Et arguit primò sic, Quicquid est in Deo, est diuina essentia: sed intelligere Dei est in Deo, quum sit actio immanens, non autem transmutans ipsum intelligibile: ergo est sua essentia. Diuina autem essentia, & diuinum esse est ipse Deus: ergo, &c.

**A D V E R T E N D U M** quum inquit sanctus Thomas, quoniam ex hoc quod Deus est intelligens, sequitur suum intelligere esse suam essentiam, quod hoc consequens non sequitur formaliter ex antecedente. Si enim sequeretur formaliter, Deus est intelligens, ergo suum intelligere est sua essentia: tunc in omni intelligente intelligere esset eius essentia. Sed sequitur tantum gratia materiz, ex eo quod quicquid est in Deo, est Deus. Unde sequitur, magis dicit concomitantiam, quàm formalem dependetiam. Sensus enim est, quod esse intelligente in Deo, concomitatur identitas actus intelligendi cum intelligente. Secundo, esse diuinum est eius essentia, ergo intelligere diuinum est eius intellectus, ergo est eius essentia. Prima consequentia probatur, quia ita comparatur intelligere ad intellectum, sicut esse ad essentiam. Secundum verò, quia intellectus eius est eius essentia, quum nullum accidens sit in Deo.

Intelligere comparatur ad intellectum, sicut esse ad essentiam.

**N O T A N D U M** quod differentia est inter operationes. Transcentes non sunt perfectiones intrinsecæ agentis, sed patientis: immanentes autem sunt perfectiones & actualitates agentis: & ex hoc sumitur, quod intelligere quæ est operatio immanens, comparatur ad intellectum sicut esse ad essentiam. Sicut enim esse dicit vltimam actualitatem & perfectionem intrinsecam per quam aliquid completiue est in genere entium, ita intelligere est vltima perfectio intellectus intrinseca, per quam completiue & actualiter est in genere intelligibilium: intellectus enim consideratur ut informatus specie intelligibili tantum, & non actualiter intelligens, assimilatur rei habenti formam in illo priori quo consideratur & vnita materiz, & nondum dans illi esse, sed constituens proprium susceptum esse, ideo sicut res habens formam in illo priori secundum intellectus considerationem, nondum habet vltimam actualitatem & perfectionem entis: ita intellectus in illo priori ante intelligere consideratur, ut nondum completè in actu in genere intelligibilium. Per ipsum autem intelligere completur in actu, & amplius ut sic in potentia non manet. Tertiò, si non esset sic, aliquid esset Dei essentia perfectius & nobilius, & sic Deus non esset primum & perfectissimum ens. Probatur consequentia, quia actus secundus est perfectior actu primo, sicut consideratio quàm scientia, scilicet ubi actus secundus realiter distinguitur à primo, sed scientia & intellectus Dei est idem quod eius essentia, ergo ille actus est perfectior essentia diuina. Quartò, Deus comparatur ad intelligere, sicut potentia ad actum, quia intelligere est actus intelligentis: hoc autem est impossibile ex supradictis, ergo, &c. Quintò, omnis substantia est propter suam operationem, ergo si operatio Dei est aliud à sua substantia, aliquid aliud erit finis eius intrinsecus, scilicet & proximus, ergo aliquid aliud erit bonitas eius, quum bonum cuiuslibet rei sit finis eius.

**E X** istis deducitur corollarie primò, quod intelligere Dei sit æternum & inuariabile, & in actu tantum existens: quia si est idem quod suum esse, quicquid realiter conuenit ipsi esse, conuenit ipsi intelligere. Secundo, quod Deus non est in potentia intelligens, aut de nouo aliquid incipiens intelligere, aut mutationem vel compositionem in intelligendo habens, quia omnia hæc conueniunt enti diuino in comparatione ad esse suum.

Quod Deus per nihil aliud intelligit, quàm per suam essentiam.

## Cap. 46.



**E**X his autem quæ sunt supra ostensa, euidenter apparet, quod intellectus diuinus nulla alia specie intelligibili intelligat, quàm sua essentia. Species enim intelligibilis principium formale est intellectus operationis, sicut forma cuiuslibet agentis principium est propriæ operationis: diuina autem operatio intellectualis est eius essentia, ut ostensum est. Esset igitur aliquid aliud diuinæ essentia principium & causa, si alia intelligibili specie, quàm sua essentia, intellectus diuinus intelligeret: quod supra ostensis repugnat.

†Idem. P. p. 9.

14. ar. 2.

†Cap. 45.

†Cap. 44.

†Cap. 45.

2. Ad hæc, Per speciem intelligibilem fit intellectus intelligens actu: sicut per speciem sensibilem sensus actu est sentiens. Comparatur igitur species intelligibilis ad intellectum sicut actus ad potentiam: si igitur diuinus intellectus aliqua alia specie intelligibili intelligeret quàm seipso, esset in potentia respectu alicuius, quod esse non potest, ut supra ostensum est.

†Cap. 16. &amp; 17.

3. Amplius, Species intelligibilis in intellectu præter essentiam eius existens, esse accidentale habet: ratione cuius scientia nostra inter accidentia computatur. In Deo autem non potest esse aliquid accedens, ut supra ostensum est: igitur non est in intellectu eius aliqua species præter ipsam diuinam essentiam.

†Cap. 25.

4. Adhuc, Species intelligibilis est similitudo alicuius intellectus: si igitur in intellectu diuino sit aliqua intelligibilis species præter essentiam ipsius, similitudo alicuius intellectus erit: aut igitur diuinæ essentia, aut alterius rei. Ipsius quidem diuinæ essentia non potest esse: quia sic diuina essentia non esset intelligibilis per seipsam: sed illa species faceret eam intelligibilem. Nec etiam potest esse in intellectu eius species alia præter essentiam ipsius, quæ sit alterius rei similitudo: illa enim similitudo imprimitur ei vel à se vel ab alio. Non autem à seipso, quia sic idem esset agens & patiens: essetque aliquid agens quod non suam, sed alterius similitudinem induceret in patiente, & sic non omne agens sibi simile ageret. Nec ab alio: esset enim aliquid agens prius eo. Ergo impossibile est, quod in ipso sit aliqua species intelligibilis præter ipsius essentiam.

†Cap. 45.

5. Præterea, Intelligere Dei est eius esse, ut supra ostensum est. Si igitur intelligeret per aliquam speciem quæ non sit sua essentia, esset per aliquid aliud à sua essentia, quod est impossibile: non igitur intelligit per aliquam speciem, quæ non sit sua essentia.

## Super cap. 46.



**P**ost determinationem de cognitione diuina secundum se, vltius determinat sanctus Thomas de ipsa ex parte medij cognoscendi, & ponit hanc conclusionem, Intellectus diuinus nulla alia specie intelligibili intelligit, quàm sua essentia. Probatur primò, quia si per speciem aliam ab essentia sua intelligeret, esset aliquid aliud diuinæ essentia principium & causa. Probatur consequentia, quia species est principium formale intellectus operationis, sicut forma cuiuslibet agentis est principium propriæ operationis. Quum ergo operatio intellectualis Dei sit eius essentia, aliquid aliud erit principium essentia.

**A D V E R T E** hic, quod forma, quæ est ratio agendi, inherens immediato principio operationis, & principium specificationum formaliter operationis est, & principium elicitiuum eius ac productiuium effectiue, ut principium tamen quo, non ut principium quod. Propterea si esset in intellectu diuino species ab essentia distincta, suæ intellectus operationis esset aliquid principium effectiuium, & specificationiuium: & per consequens ipsius essentia. Secundo, Intellectus diuinus esset in potentia respectu alicuius, quum comparatur species ad intellectum, sicut actus ad potentiam: quum per ipsam intellectus actueatur, & fiat intelligens actu.

**N O T A N D U M** quod per speciem fit intellectus intelligens actu, non quidem vltima actualitate, quia, ut diximus, per intelligere fit completiue actu in genere intelligibilium, sed in actu primo tantum, eo modo quo per formam aliquid fit in actu seclusa operatione. Tertiò, in Deo non potest esse accedens: ergo neque species ab intellectu distincta. Patet consequentia, quia species distincta ab essentia intellectus, habet esse accidentale.

**A D V E R T E** quod ab vniuersalitate istius propositionis, excludenda est essentia diuina, quæ intellectui Beatorum per modum speciei vnitur: illa enim non habet esse accidentale. Vel dicendum, quod loquitur hic sanctus Thomas de specie quæ vnitur formaliter intellectui secundum esse, quomodo non vnitur essentia diuina intellectui Beatorum. Quartò, illa species erit similitudo aut diuinæ essentia, aut alterius rei, quia species intelligibilis est similitudo alicuius intellectus, non diuinæ essentia, quia tunc non esset intelligibilis per seipsam, sed per ipsam speciem fieret intelligibilis, non alicuius alterius, quia imprimeretur ei aut à se, aut ab alio. Non à se, tum quia idem esset agens & patiens: tum quia esset aliquid agens quod non similitudinem sui.



fui, sed alterius in patiente induceret, & sic non omne agens ageret sibi simile. Nec ab alio, quia tunc esset aliquid agens prius eo, ergo, &c.

SE D occurrunt in hac ratione plura dubia. Primum est, quia non videtur sequi: si in intellectu diuino sit similitudo ipsius diuinæ essentiae, quod ipsa non sit intelligibilis per seipsam. Nam vnus angelus (vt inferius ostenditur) alium per speciem eius intelligit, & tamen quilibet est secundum se intelligibilis, quum sit immaterialis. Secundum est, quia non videtur inconueniens ex parte intellectus, quod idem sit agens & patiens. Nam intellectus agit in seipso actum intelligendi, & conceptum. Tertium est, quia non videtur inconueniens, quod aliquid alterius similitudinem producat, sicut intellectus in actu producit conceptum, qui est similitudo rei intellectæ: & imaginatio in se producit similitudinem montis auri.

Respondetur ad primum, quod non ideo facit sanctus Thomas, illam consequentiam, quasi nullum actu intelligibile possit absolute per speciem intelligi, sed quia non indiget specie vt à seipso intelligatur. Nam quum sibi ipsi præsens sit, non est opus specie ipsum intellectui representante in esse intelligibili, si est actu intelligibile. Et si alicuius rei essentia indiget specie ad hoc vt intelligatur à seipso, signum est quod secundum seipsam intelligibilis non est, neque ponitur in genere intelligibilium tanquam actus aut existens in actu, sed tanquam potentia, quemadmodum intellectus noster.

Ad secundum dicitur, quod etiam apud intellectum non potest idem omnino esse agens & patiens. Intellectus enim simul cum specie qua intelligit, producit actum intelligendi & conceptum, solus autem illam recipit: unde non est omnino idem agens & patiens. Si autem intellectus diuinus causaret in se species intelligibiles quibus intelligeret, idem omnino esset agens & patiens. Ad tertium dicitur, quod non est inconueniens, vt aliquid alterius similitudinem producat, quando illud agenti etiam simile fuerit, quia quod est similitudo alicuius, est etiam similitudo illius cui illud assimilatur: sed inconueniens est, quod agens producat formam, quæ alterius similitudo tantum sit, & non ipsius agentis: quod eueniret si intellectus diuinus nudè consideratus causaret in seipso similitudinem alicuius intelligibilis. Quod autem instatur de intellectu & imaginatione, dicitur quod conceptus ab intellectu productus, non tantum similitudo rei intellectæ, sed etiam similitudo intellectus informati specie intelligibili, in quantum intellectus in actu cum re intelligibili similitudinem habet, imò aliqualem idéitatem. Similiter montis auri similitudo ab imaginatione formata, est etiam similitudo imaginationis habetis in se speciem auri, & speciem montis. Quotid, sequeretur quod esset per aliquid aliud à sua essentia: probatur consequentia, quia intelligere Dei est eius essentia.

AD VERTE quod ista ratio differt à prima: quia prima arguebat de essentia quod haberet principium & causam produciuiam: in hac autem arguitur, quod ipsum esse produciuium esset ab alio sicut ipsum intelligere, & sic Deus per alium esset in rerum natura tanquam per causam sui esse. Licet autem esse & essentia in ipso sint idem, quia tamen formaliter ex parte intellectus nostri distinguuntur, ideo ab ipsis diuersæ rationes sumi possunt.

### Quod Deus perfecte intelligit seipsum.

Cap. 47.

† Idem. P. p. q.  
84. art. 3.



Hoc autem ulterius patet, quod ipse seipsum perfecte intelligit.

Quum enim per speciem intelligibilem intellectus in rem intellectam feratur, ex duobus perfectio intellectualis operationis dependet. Vnum est, vt species intelligibilis perfecte rei intellectæ conformetur: aliud est, vt perfecte intellectui coniungatur, quod quidem tantò fit amplius, quanto intellectus intelligendo maiorem efficaciam habet. Ipsa autem diuina essentia, quæ est species intelligibilis quam intellectus diuinus intelligit, est ipsi Deo penitus idem, estque intellectui ipsius idem omnino: seipsum igitur Deus perfectissime cognoscit.

Intellectui coniungatur, quod quidem tantò fit amplius, quanto intellectus intelligendo maiorem efficaciam habet. Ipsa autem diuina essentia, quæ est species intelligibilis quam intellectus diuinus intelligit, est ipsi Deo penitus idem, estque intellectui ipsius idem omnino: seipsum igitur Deus perfectissime cognoscit.

Adhuc, Res materialis intelligibilis efficitur per hoc, quod à materia & à materialibus conditionibus separatur: quod igitur est per sui naturam ab omni materia & materialibus conditionibus separatum, hoc est intelligibile secundum suam naturam. Sed omne intelligibile intelligitur secundum quod est vnum actu cum intelligente: ipse autem Deus intelligens est: vt supra est probatum. Igitur quum sit immaterialis, & omnino & maxime sibi ipsi sit vnum, maxime seipsum intelligit.

Item, Ex hoc aliquid actu intelligitur, quod intellectus in actu, & intellectus in actu, vnum sunt: diuinus autem intellectus est semper intelligens in actu, nihil enim est in potentia & imperfectum in Deo: essentia autem Dei secundum seipsam perfecte intelligibilis est, vt ex prædictis patet. Quum igitur intellectus diuinus & essentia diuina sint vnum, vt ex dictis manifestum est, relinquitur quod Deus perfecte seipsum intelligat: Deus enim est & suus intellectus, & sua essentia.

Adhuc, Omne quod est in aliquo per modum intelligibilem, intelligitur ab eo: essentia autem diuina est in Deo per modum intelligibilem. Nam esse naturale Dei, & esse intelligibile, vnum & idem sunt, quum esse suum sit suum intelligere. Deus igitur intelligit essentiam suam, ergo seipsum, quum ipse sit sua essentia.

Amplius, Actus intellectus, sicut & aliarum animarum poten-

tiarum, secundum obiecta distinguuntur: tantò igitur erit perfectior operatio intellectus, quòd erit perfectius intelligibile. Sed perfectissimum intelligibile est essentia diuina cum sit perfectissimus actus, & prima veritas: operatio autem intellectus diuini est etiam nobilissima, quum sit ipsum esse diuinum, vt ostensum est. Deus igitur seipsum intelligit.

† Cap. 48.

Adhuc, Rerum omnium perfectiones in Deo maxime inueniuntur: inter alias autem perfectiones in rebus creatis inuentas, maxima est intelligere Deum: cum natura intellectualis aliis præmineat, cuius perfectio est intelligere nobilissimum autem intelligibile Deus est: Deus igitur maxime seipsum intelligit. Hoc autem autoritate diuina confirmatur: ait namque Apost. 1. Cor. 2. quod spiritus Dei scrutatur etiam profunda Dei.

### Super cap. 47.

Postquam determinauit sanctus Thomas, de cognitione diuina ex parte cognoscentis, nunc de ipsa ex parte obiecti determinat.

Circa hoc autem duo facit. Primum agit de primo & per se obiecto cognitionis diuinæ. Secundò, de secundario eius obiecto, cap. 49. Circa primum duo facit. Primum ostendit quod Deus seipsum perfecte cognoscit. Secundò, quod solum seipsum primum & per se cognoscit, cap. seq. Primum ergo ponit hanc conclusionem, Deus seipsum perfecte intelligit. Probatur autem primum, Species intelligibilis qua intellectus diuinus intelligit, est ipsi Deo penitus idem, quia est essentia diuina, & est omnino idem intellectui: ergo seipsum perfectissime intelligit. Probatur consequ. quia cum intellectus per speciem intelligibilem in rem feratur intellectam, perfectio intellectualis est ex eo quod species intelligibilis perfecte rei intellectæ conformatur, conformitate scilicet representationis, & perfecte coniungitur intellectui: non potest autem magis conformari species intelligibilis rei intellectæ, quam si illi sit omnino idem, nec magis vniri intellectui, quam si sit illi idem secundum rem, ergo, &c. Secundò, Deus est omnino immaterialis, & sibi ipsi maxime vnum, ergo seipsum maxime intelligit. Probatur consequ. quia ex hoc aliquid est intelligibile secundum se, quod est immateriale, quum res materialis intelligibilis efficitur per abstractionem à materia, & à materialibus conditionibus: intelligitur autem secundum quod est vnum actu cum intelligente. Quomodo intelligibile sit vnum actu cum intelligente, dictum est superius: sed tamen aduertendum quod dixit sanctus Thomas, ipsum fieri oportere vnum actu actu, quia antequam intellectus informetur specie intelligibili est vnum cum intellectu potentia tantum in quantum intellectus est in potentia ad eius receptionem, sed per hoc non intelligitur, imò requiritur vt actu vnatur intellectui. Similiter intellectus informatus specie, si non aequaliter intelligat, est quidè vnum actu cum intelligibili, sed non actu perfectio: ideo tunc intelligitur res tantum imperfecto modo, scilicet habitualiter. Quando autem est in actuali consideratione, intelligibile est vnum cum intellectu perfecto modo: ideo tunc perfecte intelligitur. Tertio, Diuinus intellectus est semper intelligens actu, & essentia diuina est secundum se perfecte intelligibilis. Item, Intellectus diuinus & essentia diuina sunt vnum: ergo Deus perfecte seipsum intelligit. Probatur consequ. quia ex hoc aliquid actu intelligitur, quod intellectus in actu, & intellectus in actu sunt vnum.

AD VERTE quod ista ratio à præcedenti formaliter distinguatur, quia ibi considerabatur intellectus absolute, & vnio intelligibilis ad ipsum: in hac autem consideratur intellectus vt actu semper intelligens, & vnio intelligibilis in actu ad intellectum semper actu intelligentem. Quarto, Deus intelligit essentiam suam, ergo seipsum: quia ipse est sua essentia. Probatur antequod, quia essentia diuina est in Deo per modum intelligibilem, ed quod esse naturale & esse intelligibile Dei vnum & idem sunt, cum esse suum sit suum intelligere. Omne autem quod est in aliquo per modum intelligibilem, intelligitur ab eo.

AD VERTE NDVM quod esse in aliquo modo intelligibili, est esse in ipso, vt actu intelligibile ab ipso: & quia esse actu intelligibile, consequitur ad esse immateriale, vt superius est ostensum: ideo quod est in aliquo immaterialiter, est in ipso secundum modum intelligibilem. In Deo autem omnia sunt vt actu intelligibilia & immaterialiter: quia cum vnumquodque recipiatur secundum modum recipientis, & esse naturale diuinum sit idem realiter quod intelligere: non potest aliquid in Deo esse nisi modo intelligibili, ed quod materiale esse habet non possit esse in eo quod omnino immateriale est, & quod per ipsum intelligere in rerum natura realiter existit. Quinto, Operatio intellectus diuini est nobilissima, cum sit ipsum esse diuinum, ergo Deus intelligit se. Probatur consequ. quia tantò est perfectior operatio, quanto fuerit perfectius intelligibile, ed quod actus intellectus, sicut & aliarum potentialium animarum, per obiecta distinguuntur ac specificentur. Sed essentia diuina est perfectissimum intelligibile, ed quod sit perfectissimus actus, & prima veritas, ergo perfectissima intellectio debet ad essentiam diuinam terminari.

NOTANDVM quod cum ens & verum sint obiectum intellectus, vnum, vt quod actus intellectus terminatur: alterum, vt quod omnem actum intelligendi concomitatur, utroque modo essentia diuinæ sanctus Thomas attribuit rationem perfectissimi obiecti, quia, inquam, & perfectissimum est actus, & prima, & per consequens summa veritas est.

AD VERTE NDVM quoque cum inquit sanctus Thomas, actus intellectus per obiecta distingui, dat etiam intelligere, quod specificatur & habent perfectionem ex obiectis: actus enim est qui distinguit formaliter & separat: ideo dicere, quod per obiecta distinguuntur, est dicere quod obiecta sunt formæ ipsorum, & ex consequenti ab eis & speciem habent, & perfectionem. Sed de hoc fortassis inferius tractabitur latius. Sexto, Intelligere Deum, maxima perfectio est, ergo maxime Deo conuenit: quia rerum omnium perfectiones maxime Deo conueniunt. Antecedens probatur, quia natura intellectualis omnis aliis præminet, & nobilissimum intelligibile est Deus: ex quo sequitur, cum per intelligere, aliis naturis intelligibilis natura præmineat, & perfectissimum intelligere sit, quod ad perfectissimum intelligibile, quod est Deus, terminatur: quod natura Deum intelligens omnibus simpliciter præminet: & sic intelligere Deum, est maxima perfectio. Confirmatur ex autoritate Apostoli, 1. Cor. 2. dicentis, quod spiritus Dei scrutatur etiam profunda Dei.

e s Quod



Quod Deus primò & per se solum seipsum  
cognoscit. Cap. 48.



**E**X præmissis autem apparet, quod Deus primò & per se solum seipsum cognoscit. Illa enim res solum est primò & per se ab intellectu cognita, cuius specie intelligit: operatio enim formæ, quæ est operationis principium, proportionatur: id, quo Deus intelligit, nihil est aliud quam sua essentia, ut supra probatum est: igitur intellectum ab ipso primò & per se, nihil est aliud quam ipsemet.

Adhuc, Impossibile est simul multa primò & per se intelligere: una enim operatio non potest simul multis terminis terminari. Deus autem quandoque seipsum intelligit, ut probatum est. Si igitur intelligit aliquid aliud quasi primò & per se intellectum, oportet quod intellectus eius mutetur, de consideratione sui in considerationem alterius, id autem est eo ignobilius: sic igitur intellectus diuinus mutaretur in peius, quod est impossibile.

Amplius, Operationes intellectus distinguuntur penes obiecta, si igitur Deus intelligit se & aliud à se quasi principale obiectum, habebit plures intellectuales operationes, ergo vel sua essentia erit in plura diuisa, vel aliquam intellectualem operationem habebit quæ non est sua substantia: quorum vtrumque impossibile esse monstratum est. Restat igitur nihil à Deo esse cognitum quasi primò & per se intellectum, nisi suam essentiam.

Item, Intellectus secundum quod est differens à suo intellectu, est in potentia respectu illius: si igitur aliquid aliud sit intellectum à Deo primò & per se: sequetur quod ipse sit in potentia respectu alicuius alterius, quod est impossibile: ut ex dictis patet.

Præterea, Intellectus est perfectio intelligentis: secundum enim hoc intellectus perfectus est, quod actu intelligit, quod quidem est per hoc, quod est vnum cum eo quod intelligitur. Si igitur aliquid aliud à Deo sit primò intellectum ab ipso, erit aliquid aliud perfectio ipsius, & eo nobilior, quod est impossibile.

Amplius, Ex multis intellectibus, intelligentis scientia integratur: si igitur sunt multa scita à Deo quasi principaliter cognita, & per se, sequitur quod scientia Dei sit ex multis composita, & sic vel erit essentia diuina composita, vel scientia erit accidens Deo: quorum vtrumque est impossibile, ut ex dictis manifestum est. Relinquitur igitur quod, id quod est primò & per se intellectum à Deo, non sit aliud quam sua substantia.

Adhuc, Operatio intellectualis speciem & nobilitatem habet secundum id, quod est per se, & primò intellectum, cum hoc sit eius obiectum: si igitur Deus aliud à se intelligeret, quasi per se & primò intellectum, eius operatio intellectualis speciem & nobilitatem haberet secundum id quod est aliud ab ipso. Hoc autem est impossibile, quum sua operatio sit eius essentia, ut ostensum est: sic igitur impossibile est quod intellectum à Deo primò & per se, sit aliud ab ipso.

Super cap. 48.

Primò & per se  
cognosci dupli-  
citer potest in-  
telligi.



**S**ecunda conclusio, quam ponit sanctus Thomas, est ista, Deus primò & per se solum seipsum cognoscit. Pro cuius intelligentia notandum, quod duplex est modus quo aliquid dicitur primò & per se cognosci. Vnus, ut cognoscatur tanquam formale obiectum, sub quo omnia ad potentiam referantur. Nam quum in plura obiecta feratur potentia, sicut visus in plures colores, ut vna potentia non feratur in plura in quantum plura sunt: oportet ut illa in aliquo vno conueniant, ea omnia continente & vniante: & hoc est quod dicitur primò & per se obiectum potentie, quia nihil illorum plurius attingitur à potentia nisi in quantum illo vno participat, sicut neque album neque nigrum, videtur nisi in quantum colorata sunt.

Alius modus est, ut cognoscatur non per aliud cognitum in quo cognoscitur, sed ipsum secundum se à potentia apprehendatur. Hoc modo dicitur videri album primò & per se, quando non videtur per aliud visum. Vt quoque modo diuina essentia est primum & per se obiectum intellectus diuini: & quia in quantum ab illo comprehenditur, non per aliquam aliam rationem quam participet, sed per seipsum intelligitur ex propria ratione, omniæque alia à diuino intelliguntur intellectu, in quantum in diuina essentia ratione per quandam participationem vniuntur, & quia intelligitur secundum se, non autem in alio intellectu. Sed licet vtroque modo primò & per se intelligatur, videtur tamen secundus modus hic esse intentus, eo quod comparatur ad alia primò & per se cognita, tanquam in aliis intellectibus possint inueniri primò & per se cognita: constat autem hoc verum esse in secundo sensu, non autem in primo, quum ab vnitatem illius primò & per se obiecti potentia sit vna. Quod autem ista sit mens sancti Thomæ, hic ex rationibus adductis apparet manifeste.

Probat autem conclusio. Primò, id quod Deus intelligit, nihil est aliud quam diuina essentia: ergo primò & per se intellectum ab ipso, nihil aliud

est quam ipsemet. Probat autem consequentia quia illud solum est primò & per se ab intellectu cognitum, cuius specie intelligit, eo quod operatio proportionatur formæ quæ est operationis principium.

**A**D VERTENDVM circa istam propositionem, Illud primò & per se ab intellectu cognoscitur, cuius specie intelligit: & eius probationem, quod quum omne agens agat sibi simile, & omne cognoscens cognoscat sibi simile, eo quod simile simili cognoscatur: oportet ut operatio terminetur ad id, quod est simile principio formali operationis, & hoc est operationem proportionari formæ, quæ est principium operationis, terminari, scilicet ad simile formæ ex qua elicitur aut specificatur operatio.

Sed quia (ut diximus) dupliciter dici potest aliquid primò, & per se cognitum, ideo dupliciter hæc assumpta propositio veritatem habere potest. Si enim velimus accipere primum & per se cognitum primo modo, considerandum est, quod forma, quæ est principium operationis, dupliciter potest considerari, scilicet materialiter, & formaliter. Sicut enim ex parte obiecti sunt materialia obiecta, & particulares naturæ, ad quas operatio potentia terminatur, & formalis ratio in qua omnia conueniunt, ut in visu materialia obiecta sunt albedo & nigredo, & alij specifici colores, formale autem est color, quia omnes colores ad visum referuntur in quantum colores sunt: ita ex parte formæ quæ est principium operationis, materiale, est forma huius particularis, in quantum est hæc forma, & formalis in quantum est particulariter illius: formale autem est communis ratio, in qua omnes conueniunt formæ talis potentia, & quia primò & per se operatur potentia, sicut forma albedinis in visu ut particulariter similitudo albedinis, & forma nigredinis, ut nigredinis forma, est forma visus materialis: hoc autem, quod dico Similitudo coloris, in quo omnes formæ visus conueniunt, est formale in eis, & per ipsam primò & per se visus videt. Sic etiam ex parte intellectus, licet in vno intellectu sint species, & similitudines diuersarum naturarum, illæ tamen secundum particulares rationes considerantur materiales sunt formæ, sed id, in quo omnes intellectus illius species conueniunt, est formale: & illud, per quod representatur intellectui, est primò, & per se cognitum: sicut quia omnes species intellectus nostri conueniunt in hoc, quod vnaquæque est species quidditatis materialis, loquendo de obiecto proportionato, aut entis, loquendo de obiecto adæquato: ideo species intellectus nostri formaliter sumpta, quia primò & per se intelligit, est species quidditatis naturalis, aut species entis: & sic quod hic dicitur id esse primò & per se cognitum ab intellectu cuius specie intelligit, intelligendum est de specie formaliter sumpta, quia primò & per se intelligit. Sic autem se habet essentia diuina ad intellectum diuinum, quia est forma quia primò & per se intelligit: imò hoc etiam habet proprium, quod non multiplicatur in plures materiales species, sicut species intellectus nostri: sed vna numero manet, nihilque intellectui diuino representat, nisi in quantum est diuina essentia aut formaliter, aut participatiue. Ideo primò & per se cognitum ab intellectu diuino, est ipsa diuina essentia, & Deus ipse. Si autem accipiat primò & per se cognitum secundo modo, ut diximus hoc loco accipi à sancto Thoma, tunc intelligitur quod illud primò & per se cognoscitur ab intellectu, cuius specie tanquam primò illud representante, non autem representante aliud prius in quo reluceat, intelligit. Et quia species, quia intellectus diuinus intelligit primò & per se, diuinam essentiam representat, alia autem, ut in diuina relucet essentia, & nulla alia species est in diuino intellectu, ideo ipse solus primò & per se à se intelligitur. Secundò, & est ratio sumpta ex 12. Metaph. text. 12. Si non sic esset tunc intellectus diuinus mutaretur de consideratione sui in considerationem alterius: & cum illud esset eo ignobilius, mutaretur in peius. Probat autem consequentia, quia impossibile est primò & per se plura simul intelligere, eo quod vna operatio simul multis terminis non possit terminari: ergo quum Deus se quandoque intelligat, si aliquid aliud intelligat tanquam primò & per se intellectum, mutabitur intellectus suus de consideratione sui ad considerationem alterius.

**A**D VERTENDVM quod ista ratio supponit quod Deus seipsum primò & per se intelligat ex præcedentibus: probat autem quod nihil aliud intelligit primò & per se. Sed occurrunt duo dubia.

Primum est, quia videtur quod vna operatio possit diuersis terminis primò & per se terminari: eadem enim Solis calefactio liquefacit ceram, & lutum induratum. Secundò, circa rationem. Possent enim aliqui dicere, quod ex eo quod intellectus diuinus intelligit aliquid aliud, non oportet ut cesset ab intellectu sui. Nam & Angelus semper seipsum intelligens, ut inferius ostendetur, etiam alia intelligit primò & per se, ad sensum conclusionis.

Ad primum respondetur, quod illa operatio, licet sit vna ex parte principij actus formaliter, & ideo ab vna forma procedat, tamen virtualiter est plures, & ex parte passiuorum multiplicatur: vnumquodque enim illorum eam suo modo recipit.

Ad secundum respondetur, quod Angelus licet intelligat alia, non tamen cessat à cognitione sui, quia alia intelligit per species suæ essentia superadditas, & consequenter plures simul habere intellectiones potest ad diuersa primò & per se terminatas, ideo non oportet ut dum alia intelligit definat se intelligere. Deus autem sua tantum essentia intelligit, ut superius est ostensum, & consequenter non potest simul plures intellectiones habere. Nam per vnam formam non producuntur simul plures operationes ab vno agente, ideo cum plura vnica intellectuone intelligi non possint, ita quod vnumquodque sit primò & per se intellectum, necesse est si Deus se intelligit, & similiter aliquid aliud à se, quod hoc sit successiuus intellectioibus: & consequenter si aliquid aliud à se primò & per se intelligat, quod definat se intelligere. Terriò, si Deus intelligit se, & aliud tanquam principale obiectum, plures habebit intellectuales operationes, cum operationes intellectus distinguantur penes obiecta, ergo vel essentia sua erit in plura diuisa, si inquam, intellectus sit idem quod eius essentia: vel aliquam intellectuone habebit quæ non erit eius substantia: quorum vtrumque est impossibile.

**A**D VERTENDVM quod licet omnes operationes vnus potentia vnâ formalem rationem respiciant, ratione cuius dicuntur omnes eiusdem rationis: materialiter tamé plurificantur ex pluralitate obiectorum materialium, quando vnumquodque illorum per se attingitur à potentia, & non vnum ut vnus alterius: sic alia est visio albi, alia nigri, quando vtrumque per se videtur. Vnde hoc loco cum dicitur, quod operationes distinguuntur secundum obiecta, intelligitur de obiectis ad quæ per se & distincte omnino terminatur operatio, & de reali distinctione operationum. Quare, intellectus diuinus esset in potentia respectu alicuius alterius. Probat autem consequentia, quia intellectus differens à suo obiecto intellectu, est in potentia respectu illius. Quintò, esset aliquid aliud perfectio diuini intellectus, & eo nobilior.

Illud primò &  
per se ab intel-  
lectu cognosci-  
tur cuius specie  
intelligit.

Vna operatio  
non potest di-  
uersis terminis  
primò & per se  
terminari.



bilius. Probatur consequentia, quia intellectum, scilicet primum quod per propriam speciem intelligitur, est perfectio intelligentis, & per consequens, ut sic, est eo perfectus. Intellectus enim perfectus est (ultima scilicet perfectione) eo quod actu intelligit: hoc autem ex hoc, quod est unum cum eo quod intelligitur, tanquam scilicet ipso informatus. Sexto, scientia Dei est composita, & sic Dei essentia esset composita, si scientia Dei est idem quod eius essentia: vel scientia erit accidens Deo. Probatur consequentia, quia ex multis principaliter & primo intellectus integratur scientia.

**ADVERTENDVM** quod scientia ex ea parte qua dicit ordinatam collectionem specierum intelligibilium, dicit quoddam unum aggregatione & compositum. Ideo ubi multa per diversas species cognoscuntur ab aliquo intellectu, illa scientia compositionem & multipliciter habet. Hoc autem evenit, ubi multa primo & per se intelliguntur: quia tunc unum quodque non per alterius speciem intelligitur, sed per propriam speciem & adaequatam, ideo si essent plura primo & per se à Deo cognita, scientia Dei compositionem & multipliciter haberet. Septimo, si esset aliud primo & per se cognitum à Deo, intellectus Dei speciem & nobilitatem haberet se & per se cognitum à Deo, intellectus Dei speciem & nobilitatem haberet secundum id quod est primo & per se intellectum, quum hoc sit eius obiectum.

**SCIENDVM** quod quum una intellectio ad multa possit simul terminari secundum quod unum in altero continetur, illud tamen quod primo & immediate per speciem intelligibilem, tanquam per propriam speciem representatur, absolute dicitur talis operationis obiectum, & primo & per se cognitum, non autem quia representantur secundario tanquam contenta in primo & principali obiecto. Sicut si aliquis videat speculum, in quo multe imagines apparent, primo & per se cognitum & visum est ipsum speculum, non autem ea quae in illo videntur: & ab eo specificatur, non à visis in eo: dicitur enim absolute visio speculi, aliorum autem dicitur visio in speculo. Propter hoc inquit sanctus Thomas intellectum habere speciem & nobilitatem secundum primum & per se cognitum, id quod illud sit obiectum suum, quod scilicet simpliciter & absolute dicitur intellectus obiectum.

### Quod Deus cognoscat alia à se.

Cap. 49.



**E**X hoc autem quod Deus seipsum cognoscit primo & per se, quod alia à seipso cognoscit etiam, ponere oportet. Effectus enim cognitio sufficienter habetur per cognitionem suae causae. Vnde scire dicimus unumquodque, quum causam eius cognoscimus. Ipse autem Deus est per suam essentiam causa efficiendi aliis: quum igitur suam essentiam plenissime cognoscit, oportet ponere quod etiam alia cognoscit.

Adhuc, Similitudo omnis effectus in sua causa aequaliter praexistit, quum omne agens agat sibi simile: omne autem quod est in aliquo, est in eo per modum eius in quo est. Si igitur Deus aliquarum rerum est causa, quum ipse sit secundum suam naturam intellectualis, similitudo causati sui in eo erit intelligibiliter: quod autem est in aliquo, per modum intelligibilem ab eo intelligitur. Deus igitur res alias à seipso verè cognoscit.

Amplius, Quicumque cognoscit perfecte rem aliquam, cognoscit omnia quae de illa verè possunt dici, & quae ei conveniunt secundum naturam. Deo autem secundum suam naturam convenit quod sit aliorum causa: cum igitur perfecte seipsum cognoscit, cognoscit se esse causam, quod esse non potest nisi cognoscit aequaliter causarum, quod est aliud ab ipso: nihil enim suiipsius causa est. Ergo Deus cognoscit alia à se. Colligendo igitur has duas conclusiones, apparet Deum cognoscere seipsum quasi primo & per se notum: alia verò sicut in essentia sua visa. Quam quidem veritatem expressè Dionysius tradit in 7. cap. De divinis nominibus. Non secundum visionem singulis se immittit, sed secundum causae continentiam scit omnia. Et infra, Divina sapientia seipsam cognoscens, scit alia. Cui etiam sententiae attestari videtur scripturae sacrae autoritas. Nam in Psal. 104. de Deo dicitur, Prospexit de excelso sancto suo: quasi de seipso excelso alia videns.

Super cap. 49.



**D**istinquam determinavit sanctus Thomas de primo & per se obiecto divinae cognitionis: nunc de secundario obiecto determinat. Circa hoc autem duo facit. Primo determinat de tali obiecto in generali, secundo in speciali, capitulo 63. Circa primum duo facit. Primo agit de obiecto cognito per se, secundo de obiecto concomitante obiectum cognitum, scilicet de veritate, capitulo 59. Circa primum duo facit. Primo agit de obiecto cognito. Secundum de modo cognitionis ipsius, capitulo sequenti. Quoniam ad primum ponitur haec conclusio, Deus cognoscit alia à se. Et probatur primo sic, Deus cognoscit suam essentiam plenissime, ergo cognoscit alia à se. Probatur consequentia, quia effectus cognitio sufficienter habetur per cognitionem

suae causae. Vnde dicimus scire unumquodque cum causam eius cognoscimus. Deus autem per essentiam suam est causa efficiendi aliis, ergo, &c.

**ADVERTENDVM** quod in ista conclusione non determinatur modus cognitionis, an scilicet perfecte vel imperfecte Deus alia cognoscit, sed absolute agitur de cognitione aliorum, siue perfecte siue imperfecte cognoscantur. Vnde ex ista ratione absolute concluditur, quod Deus alia à se cognoscit. Et quod inquit sanctus Thomas, quoniam ex cognitione causae sufficienter cognoscitur effectus, sufficientia illa non dicit perfectionem cognitionis, sed exclusionem necessitatis alterius, quia ad habendum absolute cognitionem effectus, si causa cognoscatur in quantum causa, siue quantum ad virtutem secundum quam est causa, nihil aliud requiritur. Secundo, quod est in aliquo secundum modum intelligibilem, ab eo intelligitur: sed causata à Deo sunt in ipso intelligibiliter, ergo, &c. Maior supponitur vera: minor verò probatur, quo ad primam quidem partem, quia quum omne agens agat sibi simile, similitudo omnis effectus aequaliter praexistit in sua causa. Quo ad secundam verò partem, quia omne quod est in aliquo, est in eo per modum eius in quo est, Deus autem secundum naturam suam est intellectualis. Tercio, Deus cognoscit se esse causam: ergo cognoscit aequaliter causatum: ergo alia à se, quia non est causa suiipsius, sed alicuius alterius. Probatur antecedens, quia quicumque cognoscit rem aliquam, cognoscit omnia quae de illa verè possunt dici, & quae ei conveniunt secundum suam naturam, Deus autem seipsum perfecte cognoscit, & secundum suam naturam convenit sibi quod sit aliorum causa, ergo, &c.

**CIRCA** assumptum ad probationem antecedentis considerandum, quod conveniunt addidit sanctus Thomas, Et quia conveniunt secundum naturam: quia cognoscens perfecte aliquam rem, non oportet ut cognoscit omnia simpliciter, quae nata sunt illi à causa extrinseca convenire, & verè de ipsa dici possunt, sed illa tantum quae verè dici possunt de ipsa convenientia sibi secundum naturam, propter quod coniunctim accipienda est illa propositio, non autem divisa.

**CIRCA** illam propositionem, Deo convenit secundum naturam ut sit aliorum causa, advertendum quod duplicem sensum habere potest. Vnus est, ut natura divina formaliter sumpta sit immediatum principium agendi: & hic sensus non est hic intentus, sed est falsus. Dicitur enim Deus de necessitate naturae agere, non per intellectum. Alius, ut importetur fundamentum remotum causalitatis esse naturam, sicut si diceremus hominem secundum naturam intelligere, non quia natura & essentia sit immediatum principium intellectus, sed quia est remotum principium & fundamentum ex quo habet ut intelligat, & hic sensus est verus, & hic à sancto Thomas intentus. Quod enim Deus sit causa omnium aliorum per intellectum, convenit sibi ex perfectione suae naturae originaliter & fundamentaliter.

**NOTANDVM** etiam, quod haec ratio differt à prima, quia in ista consideratur virtus causae cum habitudine ad effectum: quod datur intelligi quum dicitur, Deum cognoscere se esse causam: in prima autem consideratur absolute virtus & perfectio causae.

Ex hac conclusione & praecedenti, deducitur corollarie, quod Deus seipsum cognoscit tanquam primo & per se notum, alia verò sicut in essentia sua visa: quod & autoritate Dionysij, 7. cap. De divinis nominibus confirmatur, & in Psal. 104. dicitur, Prospexit de excelso sancto suo, quasi de seipso alia videns.

**CIRCA** corollarium istud, & etiam conclusionem, occurrunt dubium, quomodo alia Deus in seipso tantum videat, cum res habeant esse ab ipso distinctam, & huiusmodi in alio cognoscere sit imperfecte cognoscere.

Ad huius evidentiam considerandum, quod effectus divini (ut dicitur Veni. quae. 8. artic. 4.) non continentur in divina essentia, sicut rerum imagines in speculo continentur: quia quae continentur in speculo, distincta sunt & multiplicia, realiter inter se distinctionem habentia in speculo: effectus autem divini non continentur distincti, & multipliciter in divina essentia, sed continentur sicut effectus in causa per viciniam virtutem omnia producente, in qua effectus non sunt distincti & multipliciter, sed vni in una virtute omnes eminenter continentur, ita quod omnes sunt ipsa virtus indivisibilis & simplex. Ideo cognoscere Deum res in sua essentia, non est videre eas sicut in speculo, quod est videre eas cum quadam distinctione existente in eo in quo videntur, sed est videre eas sicut in causa, quod est videre eas in una indivisibili essentia, omnia vni & eminenter continente, & omnia perfectissime representante. Et si aliquando inveniatur à scientiis dictum divinam essentiam esse speculum, intelligendum est quantum ad aliud, in quantum scilicet in ea videntur omnia: non autem quantum ad modum existendi rerum in speculo. Sed dupliciter potest intelligi, alia à Deo in ipso videri, uno modo ut videantur res in divina essentia solum quantum ad esse quod in ipsa habent: & sic non accipimus hic: quia cum illud esse rerum nihil aliud sit quam esse divinum, cognoscere sic res, esset divinum tantum esse cognoscere. Alio modo ut in ipsa divina essentia non solum videatur esse rerum, quod in ipsa habent, sed etiam esse quod unumquodque in seipso habet, in quantum divina essentia rerum omnium, quantum ad omnia quae in ipsis sunt, est expressa similitudo: sicut si imago quae est in speculo, repraesentaret omnia quae sunt in re, & esse particulare quod habet res in se, ex visione illius imaginis videretur etiam res ipsa perfecte. Ex quo sequitur quod dupliciter potest considerari quod ab aliquibus dicitur Deum res alias intelligere terminative. Uno modo, ut idem sit quod intellectum divinum extendi sua actione ad esse rerum, quod in seipsis habent, siue hoc sit immediate, siue mediate: & sic verum est, ipsum intelligere res terminative. Alio modo ut idem sit quod immediate ipsum ad res terminari secundum quod in ipsis sunt, ita quod non videatur esse earum in alio cognito in quo repraesententur, & sic non intelligit eas Deus terminative, quia ad eas ut seipsis sunt, non terminatur nisi secundario, & per divinam essentiam, in qua videntur tanquam per ipsam repraesentantur. Quod autem videtur dicere Aristoteles 12. text. 51. Deum seipsum tantum cognoscere, & non alia extra se, non obstat. Dicitur enim quod Deum intelligere aliquid extra se duobus modis potest intelligi. Uno modo, quia intelligit id quod est aliud ab ipso: & sic Deus intelligit aliquid extra se. Alio modo, quia cognoscit aliud à se primo & per se, non autem in ipso Deo: & sic non intelligit aliquid extra se, sed omne quod cognoscit, videndo essentiam suam intelligit: & sic intelligit Aristoteles.

Quod etiam videtur velle ibidem philosophus, quod intellectus divinus si intelligeret videtur se cognosceret ea, quae sunt infra se, intelligit similiter si illa cognosce

Deo convenit secundum naturam ut sit aliorum causa.

Quomodo Deus alia in seipso tantum videat.

Deum intelligere aliquid extra se, dupliciter potest intelligi. Quomodo intelligit Aristoteles divinus intellectus videtur se cognosceret ea, quae sunt infra se, intelligit similiter si illa cognosce



gnosceret tanquam primum, & per se obiectum, se autem non cognosceret, tunc enim cognitio Dei terminaretur ad vile obiectum, intelligentia vero mouens orbem intelligeret ipsum Deum, quod est nobilissimum cognitum: & sic vilificaretur intellectus diuinus, dum ad res inferiores prætermisso nobilissimo ente, terminaretur. Pater hoc esse de mente Arist. ibidem, quia illud dixit respondendo ad questionem illam qua quærebatur, Vtrum cognoscat se, an alia, & respondet quod non cognoscat alia, scilicet solum, sed cognoscat se tanquam primo cognitum, &c. quia si solum alia à se cognosceret, cognitio sua vilis esset inter aliarum intelligentiarum cognitiones.

Potest etiam dici quod si intelligeret alia à se per mutationem ab intelligentia sui ad aliorum intelligentiam, utique vilificeret, quia tunc transiret ab eo quod est nobilius, ad id quod est ignobilius.

Ad dubium ergo dicitur, quod quamuis res secundum quod in seipsis sunt, habeant esse distinctum à Deo, non tamen quia videntur in diuina essentia, imperfecto modo videntur: quando enim aliquid videtur in aliquo perfectissimo, ipsum quantum ad omnia representante, ita quod per ipsum illud secundario terminatur ad esse proprium rei, tunc non cognoscitur imperfecte, imò perfectissime, sed bene imperfecte cognoscitur si aut illud non esset eius perfecta similitudo, aut in ipsa tantum, similitudine sisteret inuitus, & ad rem ipsam non terminaretur.

ADVERTENDVM tamen cum dicitur diuinam cognitionem terminari secundario ad res, quod per hoc non intendimus ponere ordinem in ipsa cognitione diuina secundum se, sed tantum inter cognita: & est sensus, quod res aliæ sunt secundario obiecta diuinæ cognitionis.

### Quod Deus habet propriam cognitionem de omnibus rebus. Cap. 50.

†Idem, P. p. q. 14. ar. 6. Opinio Auicennae. 8. Met. ca. 6. Algaze. & Com. 12. Met. comm. 51.



Via verò quidā dixerunt, quod Deus de aliis rebus non habet cognitionem nisi vniuersalem, vtpote cognoscens inquantum sunt entia, ex hoc quod naturam essendi cognoscit per cognitionem sui ipsius, restat ostendendum quod Deus omnes alias res cognoscat, prout abinuicem sunt distinctæ, quod est cognoscere res secundum proprias rationes earum.

†Suprà, c. 23. in frā, li. 3. cap. 15.

Ad huius autem ostensionem, Deum esse causam omnis entis, supponatur quod ex supradictis aliquatenus patet, & infra plenius ostendetur. Sic igitur nihil in aliqua re esse potest, quod non sit ab eo causatum vel mediātē vel immediātē: cognita autem causa, cognoscitur eius effectus. Quicquid igitur est in quacunque re, potest cognosci cognito Deo, & omnibus causis mediis, quæ sunt inter Deum & res: sed Deus seipsum cognoscit, & omnes causas medias, quæ sunt inter ipsum & rem quolibet: quod enim seipsum perfectē cognoscat, iam ostensum est, seipso autem cognito, cognoscit quod ab ipso immediātē est: quo cognito, cognoscit iterum, quod ab illo mediātē est, & sic de omnibus causis mediis vsque ad vltimum effectum. Ergo Deus cognoscit quicquid est in re: hoc autem est habere propriam & completam cognitionem de re cognoscere, s. omnia quæ in re sunt, & communia, & propria. Deus ergo propriam de rebus habet cognitionem secundum quod sunt abinuicem distinctæ.

2. Adhuc, Omne quod agit per intellectum, habet cognitionē de re quam agit, secundum propriam facti rationē: quia cognitio facientis determinat formam facti. Deus autem causa est rerū per intellectū, quum suum esse sit suum intelligere: vnumquodque autem agit in quantum est actus. Cognoscit igitur causatum suum propriē, secundum quod est distinctum ab aliis.

3. Amplius, Rerū distinctio non potest esse casu, habet enim ordinem certum: oportet igitur ex alicuius causæ intentione distinctionem in rebus esse: nō autem ex intentione alicuius causæ per necessitatem naturæ agentis, quia natura determinatur ad vñ: & sic nullius rei per naturæ necessitatem agentis intentio potest esse ad multa in quantum distincta sunt. Restat ergo, quod distinctio in rebus provenit ex intentione alicuius causæ cognoscentis: videtur autē intellectus proprium esse, rerum distinctionem considerare. Vnde & Anaxagoras distinctionis principium intellectum dixit. Vniuersalis autem rerum distinctio non potest esse ex intentione alicuius causarum secundarum: quia omnes huiusmodi causæ sunt de vniuersitate causarum distinctorum: est igitur primæ causæ, quæ per seipsam ab omnibus aliis distinguitur, intendere distinctionem omnium rerum. Deus igitur cognoscit res vt distinctas.

4. Item, Quicquid Deus cognoscit, perfectissime cognoscit: est enim in eo omnis perfectio sicut in simpliciter perfecto, vt suprà ostensum: quod autem cognoscitur in communi tantum, non perfectē cognoscitur. Ignorantur enim ea quæ sunt præcipua illius rei, s. vltimæ perfectiones quibus perficitur proprium esse eius. vnde tali cognitione magis cognoscitur res in potentia quam in actu. Si igitur Deus cognoscendo essentiam suam, cognoscit omnia in vniuersali, oportet etiam

quod propriam habeat cognitionem de rebus.

5. Adhuc, Quicquid cognoscit naturam aliquam, cognoscit per se accidentia illius naturæ: per se autem accidentia entis in quantum est ens, sunt vñ & multa, vt probatur in 4. Metaph. Deus igitur si cognoscendo essentiam suæ naturam, cognoscit in vniuersali naturam entis, sequitur quod cognoscat multitudinem: multitudo autem sine distinctione intelligi non potest. Intelligit igitur res prout sunt abinuicem distinctæ.

†Tex. c. 3. & 4.

6. Amplius, Quicunque cognoscit perfectē aliquā naturam vniuersalem, cognoscit modum quo natura illa potest haberi, sicut qui cognoscit albedinem, scit quod recipit magis & minus: sed ex diuerso modo existendi constituuntur diuersi gradus entium. Si igitur Deus cognoscendo se, cognoscit naturam vniuersalem entis: non autem imperfectē, quia ab eo omnis imperfectio longē est, vt suprà probatum est: oportet quod cognoscat omnes gradus entium, & sic de rebus aliis à se, habebit propriam cognitionem.

Cap. 48.

7. Præterea, Quicunque cognoscit perfectē aliquid, cognoscit omnia quæ sunt in illo: sed Deus cognoscit seipsum perfectē, ergo cognoscit omnia quæ sunt in ipso secundum potentiam actiuam: sed omnia secundum proprias formas sunt in ipso secundum potentiam actiuam, cum ipse sit omnis entis principium: ipse igitur habet cognitionem propriam de omnibus rebus.

8. Adhuc, Quicunque scit aliquam naturam, scit an illa natura sit communicabilis: non enim animalis naturam sciret perfectē, qui nesciret illam pluribus communicabilem esse. Diuina autem natura communicabilis est per similitudinem: scit ergo Deus, quot modis eius essentia aliquid simile esse potest. Sed ex hoc sunt diuersitates formarum, quia diuinam essentiam res diuersimodē imitantur. Vnde Philosophus formam naturalem diuinam quodam nominat: Deus igitur de rebus habet cognitionem secundum proprias formas.

9. Præterea, Apud homines & alios cognoscentes, habetur cognitio de rebus, prout in sua multitudine abinuicem sunt distinctæ: si igitur Deus res sua distinctione non cognoscit, sequetur eum in sapientissimum esse, secundum illos qui ponunt Deum non cognoscere lucem, quam omnes cognoscunt, quod pro inconuenienti habet Philosophus in primo de Anima, & in tertio Metaphysicæ. Hoc etiam autoritate Scripturæ canonicæ edocemur. Dicitur namque Genesios primo, Vidit Deus cuncta quæ fecerat, & erant valde bona. Et ad Hebræos 4. Non est vlla creatura inuisibilis in conspectu eius: omnia autem nuda & aperta sunt oculis eius.

†Primo de Anima, tex. com. 80. 3. Metaphysicæ, comm. 15. Auth. sac. Scripturæ.

### Super cap. 50.

**P**ostquam determinauit sanctus Thomas de obiecto secundario generali diuinæ cognitionis secundum se, nunc de ipso quantum ad modum cognitionis determinat. Circa hoc autem duo facit. Primo agit de modo se tenente ex parte obiecti: secundum, de eo qui ex parte cognoscentis se tenet, cap. sequenti. Quantum ad primum, ponit hanc conclusionem, Deus cognoscit res alias à se prout abinuicem sunt distinctæ: declarat autem ipsam ex aliorum opinione. Nam fuit quorundam opinio, quod Deus de aliis rebus non habet cognitionem nisi vniuersalem, vtpote cognoscens illas in quantum entia sunt, eò quod naturam entis per sui cognitionem apprehendat: de qua opinione in fine huius cap. petrastrabitur. Nos autem dicimus, quod Deus res alias cognoscit, non solum quantum ad prædicata communia, in quibus conueniunt, sed etiam prout abinuicem distinctæ sunt, id est, quantum ad propria quibus vna res ab alia distinguitur, & hoc est cognoscere res secundum proprias earum rationes. Probatur autem conclusio, supposito quod Deus sit causa omnis entis, siue mediātē, siue immediātē, quod infra plenius ostendetur: & primò sic, Deus cognoscit seipsum, & omnes causas medias, quæ sunt inter ipsum & rem quamlibet ergo de rebus habet propriam cognitionem, secundum quod sunt abinuicem distinctæ. Probatur antecedens: nam quod Deus seipsum perfectē cognoscit, ostensum est suprà, quod autem alias causas intermediarias, ostenditur quia cognito seipso, cognoscit quod ab ipso immediātē est: quo cognito, cognoscit iterum quod ab illo mediātē est, & sic vsque ad vltimū effectum: cum omnes secundæ causæ ab ipso procedant. Consequentia etiam probatur, quia cognita causa, cognoscitur eius effectus: & sic cognito Deo, omnibus causis intermediis, cognoscitur quicquid est in re, hoc autem est cognoscere communia & propria rei, & sic habere propriam, completam & distinctam cognitionem de re.

CIRCA istam propositionem, Cognita causa, cognoscitur effectus, notandum quod habet veritatem duobus conditionibus intellectis, quando de causa per se, scilicet quod cognoscatur quantum ad illud, secundum quod est causa effectus: secundum quod cognoscatur formaliter in quantum causa: propter defectum primi, si cognoscatur ignis quantum ad siccitatem solum, non propter hoc cognoscitur calidum ab ipso productum, sub ratione calidi, quia non cognoscitur quantum ad illud quo ignis est causalitatis propter defectum secundi, cognito igne quantum ad caliditatem, qua est causa huius calidi, si ipsum non cognoscatur, vt causam huius calidi, non propter hoc cognosco hoc calidum, ex cognitione, fralis causæ. Quia autem Deus omnes causas rerum, quantum ad illud quo sunt causæ, & ipsas esse

Cognita causa cognoscitur effectus.

talium



et alium rerum causas, cognoscit, ideo ex cognitione causarum omnium, res omnes distincte cognoscit. Secundò, Deus est causa rerum per intellectum, quia vnumquodque agit in quantum est actus, & esse Dei est eius intelligere, ergo cognoscit res distincte. Probatur consequentia, quia omne agens per intellectum habet cognitionem de re quam agit secundum propriam facti rationem, eò quod cognitio facientis determinet formam facti. Sed dupliciter videtur ista ratio deficere. Primò, quia si ex hoc quòd esse Dei est suum intelligere, sequitur Deum agere per intellectum: ergo ubi esse causæ non erit suum intelligere, illa causa non agit per intellectum. Sicut enim affirmatio est causa affirmationis, ita negatio est causa negationis, & sic homo nullo modo per intellectum agit. Secundò, quia illi qui primam opinionem tenent, possent dicere quòd Deus est omnium causa, quantum ad esse tantum, ideo sufficit quòd habeat tantum cognitionem rerum in quantum sunt entia.

Respondetur ad primum, quòd illa non est ratio adæquata, quare aliquid agit per intellectum, quia, scilicet suum esse sit intelligere, ideo non oportet, ut negatio illius causæ, sit ratio quare aliquid per intellectum non agit: illa enim Ari. propositio intelligitur tantum de causa adæquata & propria, sed est ratio gratia materię concludens in Deo. Si enim vnumquodque agit in quantum actualiter existit, quia existere est conditio necessarii requisita ad hoc ut aliquid agat, sequitur cum existere Dei sit suum intelligere, quòd Deus agat in quantum intelligit, ita quòd intelligere est conditio necessarii requisita ad hoc, ut agat.

Sed tunc maius insurgit dubium. Aut enim accipitur intelligere formaliter in quantum intelligere, aut materialiter quantum ad illam entitatem quæ est intelligere. Si formaliter, tunc falsum subsumitur, scilicet quòd esse Dei sit formaliter intelligere, imò formaliter distinguatur, & diuersis conceptibus à nobis intelliguntur. Si materialiter, non magis sequitur q. Deus agat in quantum intelligit siue per intellectum, quam quòd agat in quantum est iustus siue per iustitiam: quia sicut intelligere est idem materialiter in Deo quòd esse, ita & iustitia.

Respondetur, quòd accipitur intelligere formaliter ex parte rei, & non tantum materialiter, hoc enim habet proprium intelligere in Deo, quòd est formaliter idem cum esse diuino, eò quòd vtrumque vltimam actualitatem dicat: esse enim est vltima actualitas Dei, ut est in genere entium: intelligere autem est eius vltima actualitas ut est in genere intelligibilium: genus autem entis in Deo, & genus intelligibilis est formaliter idem, cum Deus sit & esse subsistens immaterialiter, & intelligere subsistens: hoc autem aliis quæ sunt in Deo non conuenit, cum non dicant ex se vltimam actualitatem licet & ipsa subsistentia sint, vnde non sunt idem formaliter cum ipso esse in quantum est esse, sicut intelligere. Et propter hoc non oportet si agit in quantum est in actu, quòd agat in quantum est iustus.

Potest secundo responderi, q. esse Dei quo intelligitur subsistere dupliciter considerari potest. Vno modo absolute ut actualitas essendi: alio modo, ut formale principii contentiui rerum à Deo producibilium. Si primo modo accipiat, sic formaliter distinguatur ab intelligere. Si vero accipiat secundum modo, sic est formaliter intelligere, quia in Deo continetur res virtualiter sicut in agente per cognitionem, non autem sicut in agente per naturam. In huiusmodi autem agente principii agendi est cognitio salte habitualis: ideo cum in Deo non sit habitualis cognitio, sed tantum actualis, principii agendi in Deo est ipsum intelligere: hoc ergo secundo modo accipit esse S. T. ad aut primo modo. Nam per esse hoc modo sumptus Deus est in actu rerum ab ipso producibilium.

Ad secundum dicitur, quòd ratio supponit Deum esse causam rerum non tantum in quantum entia sunt, sed etiam in quantum talia entia: quod inferrius probandum est. Tertiò, Deus intelligit causando res, distinctionem omnium rerum: ergo cognoscit res ut distinctas. Patet consequentia, quia nisi ut distinctæ sunt, eas cognosceret, non intendet per cognitionem, distinctionem earum. Antecedens verò probatur, Aut rerum distinctio est à casu, aut ab agente: per necessitatem naturæ, aut ex aliqui causa intelligente particulari, aut ex intentione primæ causæ, quæ est Deus. Non primum, quia certum habet ordinem: non secundum, quia natura determinatur ad vnum, & per consequens, agens per necessitatem naturæ, non potest intendere multa in quantum sunt distincta. Vnde & Anaxagoras principium distinctionis dicit intellectum, tanquam intellectus proprium sit rerum distinctionem considerare. Non tertium, quia omnis huiusmodi causa est de numero causarum distinctarum. Ergo quantum: quod erat intentum.

SED occurrit dubium circa id quòd dicitur, agens per naturam non posse intendere multa, in quantum sunt distincta. Nam intentio animalis generantis aliud animal, videtur ferri ad multas partes animalis (quum eas ordinat, sed producat) & diuersarum complexionum. Si dicatur q. non intendit illas, nisi vt ex ipsis constituit vnum animal, non autem vt distinctæ sunt: eodem modo dicitur, quòd agens per intellectum, non intendit plura ut distincta sunt, sed vt in vno quodam ordine conueniunt vniuersi. Respondetur, q. agens per necessitatem naturæ, intendit vnum simpliciter, quantum ad primam intentionem naturæ, plura autem & distincta secundario, in quantum illa ad vnitatem illius quod principaliter intendit, necessaria sunt, ita quòd nullo modo intendit illa ut distincta sunt, licet intendat distincta secundaria intentione: agens autem per intellectum, licet multa possit intendere, vt in vno ordine conueniunt, potest tamen etiam plura intendere, vt distincta sunt, intendendo eorum distinctionem, & vnumquodque secundum propriam rationem, in quantum ex distinctione aliquorum ut distincta sunt, vnus ordo resultat, aut etiam absque ordine. Non est ergo differentia inter naturam & intellectum, quasi intellectus possit plura intendere, natura autem nullo modo: sed quia si natura aliquo modo plura intendat quæ partis rationem habent non intendit illa ut plura & distincta, quasi eorum distinctionem per se intendens, intellectus autem plura, quorum vnum quodque perfectum est, ut distincta sunt, potest intendere, eorum distinctionem intendendo & pluralitatem: sed deceptio in hoc accidit, q. existimatur idem esse intendere plura, & intendere pluralitatem siue plura, vt plura sunt: quod vt ostendat san. Tho. verum non esse, dixit non absolute quòd agens naturale non intendit plura, sed quòd non intendit plura, ut distincta sunt.

Quartò, Deus quicquid cognoscit, perfecte cognoscit, ergo res propria cognitione, non tantum vniuersaliter cognoscit. Patet antecedens, quia in eo est omnis perfectio sicut in simpliciter perfecto. consequentia verò probatur, quia quòd cognoscitur in communi tantum, imperfectè cognoscitur, & magis in potentia quam in actu, quum ignoretur ea quæ sunt præci-

pua illius, scilicet vltimæ perfectiones quibus perficitur proprium esse eius.

CIRCA istam propositionem, Quod cognoscitur in communi tantum, imperfectè cognoscitur, & in potentia: aduertendum, quòd in ea cognitione quæ cognoscitur aliquid in communi, duo sunt quæ cognoscuntur, scilicet ipsum commune in quo aliud cognoscitur: & illud cui tale commune conuenit, in quantum in illo communi continetur. Si consideretur ipsum commune secundum se, sic non inconuenit, ut illud in actu & perfecte cognoscatur, secundum scilicet quòd est quoddam totum essentiale: potest enim distinctè cognosci quantum ad omnia quæ sunt de eius ratione, sicut perfecte cognoscitur animal in quantum totum quoddam essentiale est, quando cognoscitur q. est substantia animata sensibilis: & cognoscuntur omnes eius proprietates sibi, in quantum animal est, conuenientes. sed si consideretur res quæ in communi continetur & cognoscitur, dupliciter possumus intelligere rem in communi. Vno modo cognoscendo ipsum commune per modum abstractionis vniuersalis à particulari, non considerando scilicet ipsum vt est in particulari: sicut quum absolute consideratur animal, quia enim in animali continetur homo, ideo dum cognoscitur animal, dicitur aliquo modo homo cognosci, tanquam aliquid potentialiter in animali contentum. Alio modo, cognoscendo ipsum per applicationem ad particulare, vt quum cognoscitur hominem esse animal, utroque modo res imperfectè modo cognoscitur, quia non cognoscitur quantum ad ea, quibus distinguitur ab aliis, & in proprio esse constituitur. Similiter utroque modo in potentia cognoscitur, sed tamen diuersimodè, quia in primo modo cognoscitur simpliciter in potentia, sicut in ipso communi tantum potentialiter continetur: quum enim animal abstractè cognosco, dico & hominè potentialiter cognoscere, quia in animali homo potentialiter continetur. Sicut qui cognosceret materiam primam absolute, siue per comparisonem ad formam vniuersaliter, tanquam cognosceret particulares formas in potentia, sicut in ipsa materia potentialiter continetur: sed in secundo modo cognoscitur in potentia tantum secundum quid: cum enim cognosco hominem esse animal, cognosco quidem hominè actualiter, cum ad ipsum actus intellectus terminetur, potest tamen dici cognosci in potentia, in quantum cognoscitur, non quantum ad differentiam per quam constituitur in actu speciei, sed quantum ad prædictum in quo cum aliis potentialiter continetur. Quia ergo prædicta opinio dicebat Deum cognoscere entia in communi primo modo, cum dicerent ipsum ea cognoscere in quantum naturā essendi absolute cognoscit, ideo simpliciter dixit S. T. q. tali cognitione magis cognoscitur res in potentia quam in actu. Quintò, Deus cognoscit naturā entis, ergo cognoscit multitudinē, ergo intelligit res prout sunt abinuite distinctæ: patet secunda consequentia, quia multitudo sine distinctione intelligi non potest. Prima etiam patet, quia vni, & multa sunt accidentia entis, in quantum est ens, vt dicitur 4. Metaph. text. 3. & 4. quicunque autem cognoscit naturam aliquam, cognoscit per se accidentia illius nature. Sed videtur ista ratio non concludere. Cognosces enim naturam non cognoscit accidentia illius nature, nisi in quantum illi nature conueniunt, non autem vt aliis conueniunt: sicut cognosces hominem, cognoscit risibilitatem, vt homini conuenit, non autem vt est in illo homine particulari, aut in illo. Si ergo vnum & multa sunt propria accidentia entis, in quantum ens, sequitur quòd cognosces ens, cognoscit multitudinem, vt ens commune consequitur, non autem vt istis, aut illis entibus conuenit: ideo non sequitur ex cognitione istius accidentis, in quantum conueniuntur in communi, vt cognoscantur res, in quantum sunt distinctæ: sicut ex hoc quòd cognoscitur risibilitatem hominis naturam consequi, & sic hominem esse risibilem, non sequitur quòd cognoscatur Sortes esse risibilem, aut Platonem, quia stat quòd cognoscatur naturam vniuersalem, & tamen non considerem particularia sub illa natura contenta.

Respondetur, quòd quum ens non dicat vnam naturam simpliciter, vt superius ostendimus, sed multas naturas vt sunt vnam proportionem, non accipiuntur passionem entis vt consequentes vnam entis naturam in omnibus inuentam, sed vt consequentes naturas quæ nomine entis significantur, vt tamen vnum proportionem sunt. Et quia quæ sunt vnum proportionem, perfecte cognosci non possunt, nisi cognita vtriusque proportionem, sicut non potest cognosci sex & quatuor proportionalia in comparatione ad tria & duo esse, nisi cognoscatur sex esse duplum ad tria, & quatuor ad duo, cum non cognoscatur similitudo nisi extrema similitudinis cognoscantur: ideo perfecte natura entis cognosci non potest nisi cognitis naturis inter se proportionem habentibus in ordine ad essentiam: perfecte natura passionis entis cognosci potest, nisi cognitis naturis contentis sub ente, quibus illa passio proportionaliter conuenit. Singulariter autem multitudo cognosci non potest, nisi cognoscatur ea, quæ multa sunt & distincta: quia multitudo consequitur ens non quantum ad vnam naturam communem entis, sed quantum ad aliqua sub ente contenta, in quibus multitudo saluatur: aut per modum accidentis, aut per modum substantiæ. Et ideo si debet cognosci multitudo, tanquam aliquid in multis & distinctis rebus existens, necesse est vt ea quæ multa sunt, cognoscantur sub distinctione quadam vnius ab altero, & est simile de impari respectu numeri. Ad hoc enim vt cognoscatur hæc passio numeri, quam dicimus impar, non sufficit naturam numeri in communi cognoscere, quia hæc passio non consequitur numerum nisi ratione aliquarum specierum suarum, in quibus inuenitur: sed oportet vt illa numeri species cognoscatur, ad quam hæc passio consequitur, licet & ad numerum absolute sub distinctione cum pari consequatur. Ad instantiam ergo dicitur, quòd non est simile de risibilitate respectu hominis, & de multitudine respectu entis: quia risibilitas consequitur naturam hominis absolute, quæ est simpliciter vna: multitudo autem consequitur ens ratione aliquorum contentorum sub ente. Sextò, Deus cognoscendo se, cognoscit naturā vniuersalem entis & perfecte, quia ab eo omnis imperfectio remouetur: ergo cognoscit omnes gradus entium, & sic habet de rebus propriam cognitionem. Probatur consequentia, quia cognosces perfecte aliquam naturā vniuersalem, cognoscit modum quo natura illa potest haberi: ex diuersis autem modis existendi constituuntur diuersi gradus entium.

CIRCA consequentiæ probationem dubium occurrit. Nam metaphysicus naturam entis vniuersalem perfecte cognoscit, cum eius subiectum for male sit ens, in quantum ens, & tamen non cognoscit omnem modum quo natura entis haberi potest, cum non cognoscat res nisi in vniuersali, vt ex 1. Metaph. habetur: ergo non oportet vt cognosces aliquam naturam vniuersalem perfecte, omnem eius modum quo haberi potest, cognoscas.

AD huius evidentiam considerandum, quòd natura quælibet vniuersalis potest haberi confide

Quod cognoscitur in communi tantum imperfectè cognoscitur.

Cognosces perfecte aliquam naturam vniuersalem, cognoscit modum quo natura illa potest haberi.

Agens per naturam non potest intendere multa in quantum sunt distincta.



considerari dupliciter potest. Vno modo in quantum totum quoddam essentiale est, vt habens naturam & essentiam ab aliis naturis vniuersalibus distinctam. Alio modo, in quantum totum vniuersale, scilicet vt plura in se potentialiter continens, & vt multis commune. Si primo modo consideretur, sic ad eius perfectam cognitionem non requiritur, vt cognoscatur omnis eius modus quo ab inferioribus haberi potest, vt est totum vniuersale, sed sufficit, vt cognoscantur omnia, quæ de eius ratione sunt, & omnia quæ per se eius propriam rationem consequuntur. Sic enim perfectè cognoscitur animal, quando cognoscitur, quod est substantia animata sensibilis, & cognoscuntur omnia quæ illi, in quantum animal est, conueniunt. Si verò consideretur secundo modo, sic ad perfectam eius cognitionem requiritur, vt cognoscantur omnes eius differentie quibus ad sua inferiora contrahitur: ipsa enim inferiora sunt eius partes, in quantum vniuersale est, sicut & ea quæ in eius diffinitione cadunt, sunt eius partes, in quantum totum est essentiale. Propositio ergo S. Tho. intelligitur de perfecta cognitione vniuersalis vtroque modo simul, non autem de eius cognitione primo modo tantum.

A D I N S T A N T I A M autem de metaphisico, dicitur quod metaphisicus non cognoscit perfectè ens vtroque modo, sed tantum primo modo: hoc enim sufficit ad perfectam entis cognitionem in quantum est eius subiectum. Sed Deus ipse vtroque modo perfectè cognoscit: ideo in scientia non est contra intentum.

S E P T I M O, Deus cognoscit seipsum perfectè: ergo de omnibus rebus habet propriam cognitionem. Probatur consequentia, quia cognoscens perfectè aliquid, cognoscit omnia quæ sunt in illo. In Deo autem sunt omnia secundum potentiam actuum, quantum ad proprias formas.

A D V E R T E quod ista ratio à prima differt, licet cum illa eadem videatur. In prima enim considerabatur ordo omnium causarum ad effectum secundum quod ex earum notitia deuenitur in cognitionem effectuum: hic autem formaliter consideratur existentia effectuum in ipso Deo secundum quod forme particulares omnium entium in potentia actiua Dei continentur id est, secundum quod in Deo est virtus ad omnium rerum particulares formas tanquam in prima omnium causa. Oportet, Deus scit quod modis aliquid simile ei esse potest: ergo cognoscit res secundum proprias formas. Patet consequentia, quia ex hoc sunt diuersitates formarum, quia diuina essentia res diuersimodè imitatur: ideoque & Philosophus formam diuinam quiddam nominat. Antecedens verò probatur, quia qui scit naturam aliquam, scit an, & quomodo communicabilis sit: diuina autem natura per similitudinem communicabilis est.

A D V E R T E quod aliter communicabilis est natura vniuersalis, & aliter diuina natura: communicatur enim natura vniuersalis, quia secundum eandem rationem multis conuenit, sed diuersa esse in illis habet: natura autem diuina non sic creaturis communicatur, sed quia omnia aliqua imperfecta eius similitudine participant. Omnis enim perfectio (vt superius est ostensum) est quædam participatio similitudinis diuini esse. Et hoc est quod intendit S. Th. quum inquit, quod diuina natura communicabilis est per similitudinem, eò quod vna existens terminat similitudinē creaturarū ad se, siue quod idem est, ipsa est cui omnis perfectio creaturæ assimilatur. Nonnō, Alii cognoscentes cognoscunt res vt sunt distincte: ergo & Deus. Probatur consequentia, quia alioquin Deus esset insipientissimus, vt arguit Philosophus primo de Anima, tex. 8. o. & tertio Metaphisic. tex. 15. contra dicentes Deum non cognoscere lucem, quam omnes cognoscunt.

C o n f i r m a t u r & a u t h o r i t a t e G e n. 1. Vidit deus cuncta, &c. & ad Heb. 4. Non est vlla creatura inuisibilis, &c. Quantum ad opinionem quæ hic impugnatur, sciendum quod eam attribuit S. Thom. 1. Sent. di. 35. ar. 3. Commentatori: & habetur 12. Meta. com. 51. in fine. oppositum tamen videtur velle etiam 12. Metaphisic. com. 51. & 2. Physic. com. 75. & 2. de Anima, com. 34. vbi vult primam causam habere sollicitudinem de iis inferioribus: quod manifestius etiam habetur 10. Ethic. ca. 10. vbi inquit, quod Deus visitat sapientem, sicut facit amicus cum amico. Nec valet dicere quod ista sollicitudo dicit causalitatem tantum per modum finis, non autem rerum cognitionem: tum quia sollicitudo non nominat causalitatem nisi cum cognitione, tum quia sollicitudo esse de aliqua re, non est esse finem eius, sed magis in finem cognitionis dirigere: propter quod inquit Com. 2. Physic. quod si diuinus non admitteret naturam agere propter finem, non potest saluare sollicitudinem circa res: quia videlicet sequitur Deum non dirigere res naturales ad finem: quod est de ipsis habere sollicitudinem.

M a g i s i t a q u e d i c e n d u m e r i t, a u t q u o d s i b i p s i c o n t r a d i c a t, q u o d t a n t o v i r o a t t r i b u e n d u m n o n p u t o, p r æ f e r t i m q u o d o p p o s i t a i n d u o b u s c o m m e n t i s i m m e d i a t i s d i c a t, a u t q u o d i n t e l l e x i t i s t a s o l l i c i t u d i n e m e s s e d e r e b u s s o l u m, i n q u a n t u m e n t i a s u n t, s i c u t & i l l a c o g n o s c i t s o l u m, i n q u a n t u m e n t i a s u n t, i t a q u o d s i c u t n a t u r a m e n t i s c o g n o s c i t, i t a d i s p o n i t v t n a t u r a e n t i s s i t, n o n d e s c e n d e d o a d h o c v e l i l l u d e n s p a r t i c u l a r i t e r: p e r p a r t i c u l a r i a a u t e a g e n t i a d i s p o n i t v t h o c & i l l u d e n s s i t, & s i c s o l l i c i t u d i n e m h a b e t d e i s t i s i n q u a n t u m i s n a t u r a e n t i s, q u æ s a l u a t u r i n i p s i s, i n t e n d i t. Q u o d a u t e m 10. Ethic. i n q u i t, e x i p s a r e r u s e r i e a p p a r e t q u o d l o q u i t u r e x s u p p o s i t i o n e, s i s c i l i c e t D e u s d e s i n g u l a r i b u s, v t s i n g u l a r i a s u n t, c u r a m g e r a t. S i q u i s a u t e m v e l l e t s u s t i n e r e d e m e n t e C o m m e n t a t o r i s e s s e, p r o p t e r a d d u c t a s a u t h o r i t a t e s, q u o d D e u s d e r e b u s p r o p r i a & d i s t i n c t a m c o g n i t i o n e m h a b e a t, p o s s e t p r i m o d i c e r e, q u o d i n c o m. 51. 12. M e t a. i n t e l l e x i t, q u o d c o g n o s c i t e n t i a i n q u a n t u m e n t i a s u n t, c o g n o s c e n d o s e i p s u m, q u i a a l i a n o n c o g n o s c i t d i s t i n c t e n i s i c o g n o s c e n d o s e, q u i e s t e s s e s u b s i s t e n s i n q u o o m n i a e n t i a e m i n e n t e r c o n t i n e n t u r. P o s s e t s e c u n d o d i c e r e, q u o d s a n c t. T h o. i l l a m o p i n i o n e m a t t r i b u i t A u e r r o i q u a n t u m v e r b a e i u s i n i l l o l o c o s o n a n t. N a m i b i n o n a l i t e r s u a m e x p l i c a t i n t e n t i o n e m, s e d e x i p s i s v e r b i s e i u s h a b e t u r h o c, q u o d e n t i a i n c o m m u n i t a n t u m, s c i l i c e t i n q u a n t u m e n t i a s u n t, c o g n o s c a t. N o n a u t e m c u r a t s a n c t. T h o m. q u i d i p s e i n t e l l e x e r i t. Q u a n t u m a u t e m f a l s i t a t i s o p i n i o h æ c h a b e a t, e x a d d u c t i s r a t i o n i b u s p a t e t.

### Rationes ad inquirendum qualiter multitudo intellectuum sit in intellectu diuino. Cap. 51.



E d n e m u l t i t u d o i n t e l l e c t o r u m, i n i n t e l l e c t u d i u i n o c o m p o s i t i o n e m i n d u c a t, i n u e s t i g a n d u s e s t m o d u s, q u o i s t a i n t e l l e c t a s u n t m u l t a. † N o n a u t e m h æ c m u l t i t u d o s i c i n t e l l i g i p o t e s t, q u a s i m u l t a i n t e l l e c t a h a b e a n t e s s e d i s t i n c t u m i n D e o. I s t a e n i m i n t e l l e c t a a u t e s s e n t

idem quod essentia diuina, & sic in essentia Dei poneretur aliqua multitudo, quod supra multipliciter est remotum: aut essent superaddita essentia diuina, & sic esset in Deo aliquod accidens: quod supra impossibile esse ostendimus. Nec iterum potest poni huiusmodi formas intelligibiles per se existere, quod Plato prædicta inconuenientia vitans, videtur posuisse introducendo ideas: nam formæ rerum naturalium sine materia existere non possunt, cum nec sine materia intelligantur quod etiam si poneretur, nec hoc sufficeret ad ponendum Deum intelligere multitudinem. Nam cum formæ prædictæ sint extra Dei essentiam, si sine his Deus multitudinem rerum intelligere non posset, quod ad perfectionem sui intellectus requiritur, sequeretur quod sua perfectio in intelligendo ab alio dependeret, & per consequens in essendo: cum suum esse sit suum intelligere, cuius contrarium supra ostensum est.

2. Item, Cum omne quod est præter essentiam suam, sit causatum ab eo, vt infra ostendetur, necesse est si formæ prædictæ extra Deum sunt, ab eo causatas esse: ipse autem est causa rerum per intellectum, vt infra ostendetur. Ergo Deum intelligere huiusmodi intelligibilia, præexigitur ordine naturæ ad hoc quod huiusmodi intelligibilia sint: non igitur per hoc Deus intelligit multitudinem, quod intelligibilia multa per se existunt extra eum.

3. Adhuc, Intelligibile in actu, est intellectus in actu: sicut & sensibile, est sensus in actu: secundum verò quod intelligibile ab intellectu distinguitur, est vtrunque in potentia, sicut & in sensu patet: neque enim visus est videns actu, neque visibile videtur actu, nisi cum visus informatur visibili specie: vt sic ex visibili & visu vnum fiat. Si igitur intelligibilia Dei sunt extra intellectum ipsius, sequeretur quod intellectus suus sit in potentia, & similiter intelligibilia illius: & sic indigebit aliquo reducendo in actu, quod est impossibile. nam hoc esset eo prius.

4. Præterea, Intellectum oportet esse in intelligente: non igitur sufficit ponere formas rerum per se existentes extra in intellectum diuinum, ad hoc vt Deus multitudinem rerum intelligat: sed oportet quod sint in ipso intellectu diuino.

Super cap. 51.



Q u o d q u i s s i t m o d u s e x p a r t e r e i c o g n i t æ, q u o D e u s a l i a à s e c o g n o s c i t: r e s t a t i n u e s t i g a n d u m, q u i s s i t m o d u s e x p a r t e c o g n o s c e n t i s. C i r c a h o c a u t e m d u o f a c i t s a n c t u s T h o m a s: p r i m o a g i t d e m o d o e x p a r t e m e d i j c o g n o s c e n d i: s e c u n d o e x p a r t e i p s i u s c o g n i t i o n i s, c a p. 54. C i r c a p r i m u m d u o f a c i t: p r i m o, q u o s d a m e x c l u d i t f a l s o s m o d o s: s e c u n d o, q u i s v e r u s s i t m o d u s o s t e n d i t, c a p. 53. Q u a n t u m a d p r i m u m t r e s m o d o s e x c l u d i t: t r i p l i c i t e r e n i m f a l s o p o s s u m u s i n t e l l i g e r e D e u m m u l t a c o g n o s c e r e, a u t s c i l i c e t p o n e n d o i n i n t e l l e c t u d i u i n o m u l t i t u d i n e m i n t e l l e c t o r u m h a b e r e e s s e d i s t i n c t u m, a u t p o n e n d o i p s a s f o r m a s i n t e l l e c t a s s u b s i s t e n t e s e s s e, D e u m q u e p e r i l l a s i n t e l l i g e r e, a u t p o n e n d o i p s a s h a b e r e e s s e i n i n t e l l e c t u c r e a t o, & s i c p e r i p s a s D e u m i n t e l l i g e r e. Q u a p r o p t e r a d e x c l u d e n d u m t r e s i s t a s i m a g i n a t i o n e s, t r e s p o n u n t c o n c l u s i o n e s. P r i m a & s e c u n d a p o n i t u r i n h o c c a p. t e r t i a, i n c a p. s e q. P r i m a i t a q u e c o n c l u s i o e s t, M u l t a à D e o i n t e l l e c t a, i n D e o d i s t i n c t u m e s s e n o n h a b e n t. P r o b a t u r. A u t i s t a i n t e l l e c t a e s s e n t i d e m q u o d d i u i n a e s s e n t i a, a u t e s s e n t i l l i s u p e r a d d i t a. N o n p r i m u m, q u i a t u n c i n e s s e n t i a d i u i n a a l i q u a e s s e t m u l t i t u d o, s c i l i c e t i n t r i n s e c a. N e c s e c u n d u m, q u i a i n D e o e s s e t a l i q u o d a c c i d e n s, e r g o, & c.

A D V E R T E quod si multa haberent esse distinctum in Deo, & essent idem realiter cum essentia, non possent ad ipsam essentiam comparari, nisi tanquam eius partes essentielles: & sic ipsa essentia non esset simpliciter, sed ex partibus composita, ad modum essentiarum materialium. Propter hoc inquit sanctus Thomas, quod poneretur in eo multitudo, scilicet partium essentialium. Secunda conclusio est, Non possunt etiam poni huiusmodi formæ intellectæ per se existere, vt per eas diuinus intellectus intelligat, vt Plato ad euitanda dicta inconuenientia posuit. Probatur primo, Formæ rerum naturalium sine materia intelligi non possunt: ergo multo minus possunt sine materia esse, quo scilicet modo sunt actu intellectæ.

A D V E R T E quod quamuis Commentator septimo Metaph. com. 21. & 34. teneat (vt superius diximus) materiam cadere in diffinitionem rerum materialium tantum, vt id quod essentiam deserit, non tanquam de essentia rei: tenet tamen sanctus Thomas Prima par. q. 71. art. 4. & 7. Metaph. lect. 9. & in Tractatu de ente & essentia, materiam esse partem quidditatis rei materialis tum quia diffinitio rerum naturalium materiam & formam continet, nec ponitur materia in ea tanquam additum essentia: quia illud est proprium accidentis, diffiniri per additamentum, aut etiam formarum, quæ sunt partes tum quia materia est de essentia omnium indiuiduorum naturalium, tum quia hæc Arist. in gentio esse videtur, qui 8. Metaph. tex. 15. & 16. ponit differentiam inter quidditatem compositorum & simplicium, quantum ad vnitatem, quod compositorum diffinitio est vna, quia ex actu & potentia natu est fieri vnum, simplicium autem quidditates in seipsis habent vnitatem, eo, quod formæ duntaxat sint. Nonnō etiam Metaph. in vltimis tex. dicit, quod in quidditatibus compositorum accidit error propter multitudinem partium, qui in simplicibus non accidit propter carentiam partium. Propter ergo hoc inquit sanctus Thomas, quod formæ, id est, quidditates rerum naturalium sine materia nec esse, nec intelligi possunt, quia videlicet nihil potest intelligi aut esse absque eo quod ad eius pertinet essentiam. Secundo, Si Deus per formas intellectas subsistentes extra ipsum, posito quod essent, intelligat

† Cap. 28.

† Li. 2. cap. 22. & 23.

Secundū Auer. Deus de rebus non habet cognitionem nisi vltimam.

† Conclusio.



teligeret, sua perfectio intelligendo ab alio dependeret, & per consequens in essendo, quum suum intelligere sit suum esse. Probatur consequentia, quia ad perfectionem intellectus diuini requiritur ut multitudinem rerum intelligat: ergo si formæ per quas intelligit, sunt extra ipsum, oportet ut ab alio perfectio suæ intellectionis dependeat.

Hic notanda sunt duo. Primum est, quod non inquit san. Tho. absolute perfectionem diuini intellectus consistere in cognitione multitudinis rerum, sed quoniam ad hoc, ut perfectionem sui intellectus requiritur: perfectio enim diuini intellectus simpliciter dependet ex perfectione primi intellectus, quod est diuina essentia: sicut & in omnibus aliis virtutibus perfectio operationis attenditur in comparatione ad primum & principale eius obiectum, sed verum est quod ad perfectionem diuini intellectus exigitur, ut sua intellectio non solum ad suam essentiam, sed etiam ad rerum multitudinem se extendat, id est, ut habeat in se vnde se ad rerum multitudinem: tum quia tanto intellectus perfectior est intelligendo, quanto ad plura se extendit. Tum quia non esset perfecta cognitio causæ, nisi effectus ab ipsa procedentes cognoscerentur.

Alterum est, quod intellectus perfectionem dependere ab illis formis subsistentibus, dupliciter potest intelligi. Vno modo, tanquam a forma efficiente actum intelligendi, eo modo quo intellectio nostra a specie intelligibili dependet. Alio modo tanquam ab obiecto immediate actum intelligendi terminante, eo modo quo nostra intellectio perfectionem habet a conceptu per intellectum formatum & productum. Utroque igitur modo concurrant formæ intellectus ad perfectionem intellectus, non potest diuini intellectus perfectio ab illis dependere, cum quicquid est in Deo, perfectissimum sit ex se.

Verum diuina  
intellectio à re  
bus intellectis  
dependeat,

SE D tunc occurrit dubium. Nam non est intelligibile, quod aliqua operatio possit esse aut intelligi, absque termino operationis suo modo, cum omnis operatio ad aliquod obiectum terminetur, si ergo Deus rem intelligit quantum ad proprium esse quod habet in natura, ergo talis intellectio non poterit esse aut intelligi absque re quæ intelligitur. ergo à re extrinseca de necessitate diuina dependet intellectio, & sic etiam non erit inconueniens, intellectum diuinum dependere, tanquam ab obiecto, ab illis formis subsistentibus.

AD huius euidenciam considerandum primum, quod aliter loquendum est, si ponamus Deum alia à se in sua essentia videre, & aliter si ea in seipsis abstracta & subsistentia, ut actu intellecta Deum intelligere ponamus. Nam primo modo, res se habent ut secundario intellecta, diuina autem essentia ut primo & per se intellecta, & quia operatio intellectus specificatur & perficitur ex primo & per se obiecto, non autem ex iis quæ in primo & per se obiecto videntur, ideo non oportet perfectionem diuini intellectus dependere ab aliis, licet alia videat in seipso. Si autem ponamus Deum intelligere res tanquam per se subsistentes actu intellectas, non tanquam contentas in diuina essentia, tunc habebunt rationem primi & per se intellecti, & ideo perfectio intellectus in intelligendo ab aliquo extrinseco dependebit.

Considerandum secundo pro maiori declaratione, quod cum intellectum intelligatur secundum quod est in intellectu, licet multitudo intellectuum requiratur ad perfectionem diuini intellectus, hoc tamen non intelligitur quantum ad esse quod in seipsis habent, sed quantum ad esse quod habent in diuina essentia intellecta. Et quia esse, quod in diuina essentia habent, est ipsa diuina essentia, ideo cum dicitur, quod multitudo intellectuum requiritur ad perfectionem diuini intellectus, non dicitur quod requiratur aliquid distinctum à Deo, sed tantum ipsa diuina essentia, quæ omnium intelligibilium est similitudo, ita quod intelligit quidem Deus multa intellecta, quantum ad eorum proprias existentias & naturas, sed tamen non requiruntur ad perfectionem diuini intellectus, quantum ad esse quod in seipsis habent, sed quantum ad esse quod habent in Deo, & sic non perficitur diuinus intellectus ab aliquo alio à se.

Ad dubium ergo dicitur, quod de intellectione diuina, quæ Deus intelligit hanc rem, puta lapidem, dupliciter possumus loqui. Vno modo, quantum ad ipsam intellectionem absolute secundum suam naturam consideratam: alio modo, in quantum est huius intellectio. Si primo modo consideretur, sic non dependet ab hac re intellecta, sed & absque ea potest intelligi, quia non à lapide specificatur, sed ab essentia diuina primo & per se intellecta: potest autem intelligi vnumquodque absque eo quod non est de ratione eius. Si secundo modo, sic non inconuenient diuinam cognitionem ab obiecto extrinseco dependere. Cum enim dico diuinam intellectionem, ut intellectionem lapidis, dico ipsam cum habitudine rationis ad lapidem: modo non est inconueniens aliquem respectum rationis intellectum in Deo, à creatura dependere in ratione termini, & sine ea intelligi non posse: sicut non potest intelligi Deus quod sit Dominus creaturæ, non intellecta creatura. Tertio, Deum intelligere præxigitur ordine naturæ, ad hoc quod huiusmodi intelligibilia sint, si inquam, ponantur subsistere, ergo non per hoc multa intelligibilia intelligit, quod per se existant extra eum. Probatur antecedens, quia necesse erit huiusmodi formas esse à Deo causatas, cum omne quod est præter essentiam suam, sit ab ipso causatum, ut infra ostendetur. Rerum causa est per intellectum, ut etiam ostendetur.

ADVERTENDUM quod dicit sanctus Thomas, Deum intelligere hæc intelligibilia, præxigi ordine naturæ ad esse ipsarum, non autem dicit ordine temporis, quia possent quidem ab æterno esse productæ, & sic vnum non esset prius altero duratione: semper tamen necesse est, ut ordine naturæ præcedat, quia causa naturaliter est prior suo effectui. Quarto, sequeretur, quod intellectus Dei esset in potentia, & ipsa similiter intelligibilia essent intellecta in potentia, & sic indigeret aliquo reducendo in actum: probatur consequentia, quia tunc tantum intellectus est in actu, quando actu informatur intelligibili: & intelligibile in actu, quando est vnum cum intellectu: quando autem sunt separata, vtrumque est in potentia, sicut patet etiam in sensu & sensibili.

SE D videtur falsum esse, quod inquit san. Tho. quoniam si illa intelligibilia non sint in intellectu diuino, erunt intelligibilia in potentia: dato enim quod nullus intellectus intelligeret substantias separatas, adhuc tamen essent actu intelligibiles, quia separata à materia.

Respondetur quod de huiusmodi formatum intelligibilitate dupliciter loqui possumus. Vno modo absolute, alio modo in ordine ad hunc intellectum. Si absolute loquamur, etiam si nullum intellectum informant, sunt actu intelligibiles: si autem in ordine ad intellectum diuinum, sic, si ipsum non informant, sunt intellecta in potentia ab ipso, sicut & intellectus non intel-

ligens aliqua, potest quidem esse actu intelligens absolute, alia videlicet intelligendo, non est tamen actu respectu eorum quæ non intelligit. Quinto, intellectum oportet esse in intelligente, ergo non sufficit ponere formas intellectas extra Deum ad hoc ut intelligat.

Rationes quod huiusmodi multitudo intelligibilium non est in intellectu diuino. Cap. 52.



EX eisdem etiam rationibus apparet, quod non potest poni quod multitudo intelligibilium prædictorum, sit in aliquo alio intellectu præter diuinum, vel anime, vel angeli, siue intelligentiæ: nam sic intellectus diuinus quantum ad aliquam suam operationem dependeret ab aliquo posteriori intellectu, quod etiam est impossibile. Sicut enim res in se subsistentes à Deo sunt, ita & quæ in rebus sunt. vnde & ad esse prædictorum intelligibilium in aliquo posteriorum intellectu, præxigitur intelligere diuinum, per quod Deus est causa: sequitur etiam intellectum diuinum esse in potentia, quum sua intelligibilia non sunt ei coniuncta, sicut etiam vnicuique est proprium esse, ita & propria operatio: non igitur esse potest ut per hoc quod aliquis intellectus ad operatum disponatur, alius operatione intellectuale exequatur, sed ipsemet intellectus apud quæ dispositio inuenitur: sicut vnumquodque est per essentiam suam, non per essentiam alterius. Per hoc igitur, quod intelligibilia multa sunt apud aliquem secundorum intellectum, non poterit esse quod intellectus primus multitudinem cognoscat.

Similia inducitur  
Com. 6tra Te-  
mist. 12. Metaph.  
com. 51.

Super cap. 52.



ETIA conclusio est, Non potest poni multitudo intelligibilium in alio intellectu præter diuinum, ad hoc ut à Deo intelligantur. Probatur eisdem rationibus, quibus probata est præcedens conclusio, tum, inquam, quia diuinus intellectus quantum ad aliquam suam operationem dependeret ab aliquo posteriori intellectu: tum quia sicut rerum subsistentium, ita & rerum quæ sunt in alio, Deus est causa per intellectum, & sic oportet quod intelligere Dei, earum esse præcedat naturaliter: tum quia diuinus intellectus esset in potentia: tum quia non potest esse quod aliquis intellectus ad operandum disponatur, scilicet formam habendo intelligibilem, & alius exequatur: sed oportet ut idem disponatur & exequatur: sicut vnumquodque est per essentiam suam, non per essentiam alterius.

ADVERTE quod voluit comparare san. Th. essentiam rei & formam intelligibilem proportionaliter in ordine ad esse & intelligere: sicut enim vnicuique est proprium esse, ita & propria operatio. Ideo quænamadmodum se habet res ad dispositionem ad esse, ita ad dispositionem ad operationem: essentia autem quam consequitur esse, non est in alio ab habente esse, sed per essentiam in se existentem, res est idem & forma, quam consequitur intellectio, non est in alio ab ipso intelligente. Quomodo autem formam, quæ est principium operationis, oportet esse in operante, inferius ostendetur.

Quomodo multitudo intellectuum sit in Deo. Cap. 53.



RÆmissa autem dubitatio facilius solui potest, si diligenter inspiciatur qualiter res intellectæ in intellectu existant. Et ut ab intellectu nostro ad diuinum intellectus cognitionem, prout est possibile procedamus: considerandum est quod res interior intellecta à nobis, in intellectu nostro non existit secundum propriam naturam, sed oportet quod species eius sit in intellectu nostro, per quam fit intellectus in actu: existens autem in actu, per huiusmodi speciem, sicut per propriam formam, intelligit rem ipsam: non autem ita quod ipsum intelligere sit actio transiens in re intellecta, sicut calefactio transit in calefactum, sed manet in ipso intelligente: & habet relationem ad rem quæ intelligitur, ex eo quod species prædicta quæ est principium intellectualis operationis ut forma, est similitudo illius. Vltimus autem considerandum est quod intellectus per speciem rei formatus intelligendo format in seipso quandam intentionem rei intellectæ, quæ est ratio ipsius quam significat diffinitio. Et hoc quidem necessarium est, eo quod intellectus intelligit indifferenter rem absentem & præsentem, in quo cum intellectu imaginatio conuenit: sed intellectus hoc amplius habet, quod etiam intelligit rem ut separata à conditionibus materialibus, sine quibus in rerum natura non existit: & hoc non posset esse nisi intellectus intentionem sibi prædictam formaret. Hæc autem intentio intellecta, quum sit quasi terminus intelligibilis operationis, est aliud à specie intelligibili, quæ facit intellectum in actu, quam oportet considerari ut intelligibilis operationis principium: licet vtrumque sit rei intellectæ similitudo. Per hoc enim quod species intelligibilis, quæ est forma intellectus, & intelligendi principium, est similitudo rei exterioris: sequitur quod intellectus intentionem formet illi rei similem: quia quale est vnum



est vnumquodque, talia operatur: & ex hoc quod intentio intellecta est similis alicui rei, sequitur quod intellectus formando autemodi intentionem, rem illam intelligat. Intellectus autem diuinus nulla alia specie intelligit quam essentia sua, ut supra ostensum est: sed tamen essentia sua est similitudo omnium rerum. Per hoc ergo sequitur, quod conceptio intellectus diuini, prout semetipsum intelligit, quæ est verbum ipsius, non solum sit similitudo ipsius Dei intellecti, sed etiam omnium quorum est diuina essentia similitudo.

Sic igitur per vnam speciem intelligibilem, quæ est diuina essentia, & per vnam intentionem intellecta, quæ est verbum diuinum: multa possunt à Deo intelligi.

### Super cap. 53.

**E**xclusis falsis modis, quibus ponebatur Deum intelligere multa, ponit sanctus Thomas verum modum. Circa hoc autem duo facit. Primum verum modum ponit: secundo, ipsum declarat, cap. sequenti. Quantum ad primum ponitur hæc conclusio, Deus intelligit multa per hoc, quod essentia diuina, quæ est species intelligibilis diuini intellectus, & verbum diuinum, est omnium similitudo.

Ad huius autem manifestationem, ex modo & conditione intellectus nostri in intelligendo procedit ad modum intellectus diuini inuestigandum. Quantum ad nostrum intellectum tria notat. Primum est, quod res à nobis intellecta est in intellectu nostro per speciem suam, per quam intellectus factus in actu intelligit rem ipsam, non quod intelligere sit actio transiens, sed est actio manens in intelligente, & habet habitudinem ad rem quæ intelligitur, ex eo quod species qua intellectus intelligit, est similitudo rei intellectæ.

**ADVERTENDVM** quod sicut scientia dicit aliquid absolutum connotando respectum ad scibile, ita operatio absolutum quiddam dicit, sed importat etiam habitudinem ad obiectum, siue sit transiens, siue immanens: omnis enim operatio est ad aliquod obiectum terminata. Quia autem omne operans ex aliqua forma operatur, quæ est aliquo modo similitudo obiecti ad quod operatio terminatur, ideo ad illud operatio tamquam ad obiectum, respectum importat, cuius operationis principium est similitudo, propter hoc assignat rationem sancti Tho. quare intelligere dicitur habitudinem ad rem intellectam, quia forma qua intellectus intelligit, est eius similitudo. Intellectio enim qua lapis intelligitur, ideo ad lapidem terminatur, & ad ipsum respectum dicitur, quia à similitudine lapidis elicitur. Secundum quod notat est, quod intellectus noster ex forma quam habet, necessarius in intelligendo conceptionem quandam in seipso format, quæ etiam dicitur intentio intellectæ, eo quod indifferenter intelligat rem præsentem & absentem, ut etiam imaginatio facit, & intelligat rem à materialibus conditionibus abstractam, sine quibus in rerum natura non existit, in quo imaginatione superat, quod non possit esse, nisi sibi prædictam intentionem formaret: differt autem conceptio ipsa à specie intellectuali, quia est quasi terminus intellectiois, species autem est principium. Tertium est, quod etiam ista conceptio est rei similitudo, sicut & species intellectualis, quia vnumquodque quale est, talia operatur, species autem, quæ est principium intellectiois, & conceptus, est similitudo rei intellectæ, ex quo sequitur quod intellectus formando huiusmodi intentionem rem intelligit.

**ADVERTENDVM** pro hoc ultimo dicto, quod dupliciter potest fieri intellectus in intentionem rei intellectæ. Vno modo materialiter, in quantum est res talis naturæ, puta qualitas, aut accidens intellectus. Alio modo, in quantum est rei similitudo & intentio. Si primo modo accipiamus, sic non fertur intellectus in rem extra dum conceptionem intelligit, sed secundum modum in vtrumque fertur, iuxta illud Aristotelis de Memoria & Reminiscencia, Idem motus est in imaginem, & in id cuius est imago: & quia non cognoscitur ipse conceptus in quantum res est dum primo producitur, sed tantum ut rei similitudo, quia ad hoc tantum formatur ab intellectu, ut in ipso res intellecta videatur: ideo absolute inquit sanctus Thomas, quod intellectus formando huiusmodi conceptionem, rem intelligit cuius est conceptio, & quod est quasi terminus, non autem simpliciter terminus, quia non terminatur ad ipsum ultimatum intellectiois, licet sit immediatus terminus & proximus. Ex istis in nostro intellectu consideratis, infert, quod intellectus diuinus nulla quidem alia specie intelligit, quam diuina essentia: sed tamen sua essentia est similitudo omnium rerum: ex quo sequitur quod conceptio intellectus diuini, prout seipsum intelligit, non solum sit similitudo Dei intellecti, sed etiam omnium eorum quorum diuina essentia est similitudo, & ob hoc multa à Deo intelligi possunt. Vult ergo sanctus Thomas ex hoc habere quod non ideo multa intelliguntur à Deo, quia in ipso habeant esse distinctum, & sic compositionem in ipso faciant, sed quia vnum esse in Deo habent, quod est diuina essentia, & diuinum verbum omnia representans.

**NOTANDVM** autem, quod cum dicitur hæc, Conceptionem & verbum diuinum esse omnium similitudinem, non accipitur verbum, ut est secunda persona in diuinis, quia nondum de Trinitate metio facta est: cum Philosophis hoc loco disputat sanctus Tho. contra quos nihil valeret huiusmodi declaratio, unde per verbum hoc loco intelligitur id, ad quod immediate terminatur actus intelligendi, siue sit aliquid realiter distinctum à re intellecta, siue sit res intellecta, ut est intellecta: essentia enim diuina, ut intellecta, est similitudo omnium rerum: & Deus intelligendo ipsam, intelligit eam ut omnium similitudinem, & per hoc multa intelligit.

**CIRCA** conceptionem istam intellectus, siue intentionem intellectam, siue verbum (omnia enim ista idem dicunt) quod est positiois huius fundamentum, duo sunt videnda. Primum est, quæ necessitas sit ponendi huiusmodi conceptionem: secundum est, quomodo ad actum intelligendi se habeat. Quantum ad primum, videtur sanctus Thom. tangere duplicem necessitatem. Prima est, ut obiectum sit præsens intellectui, quia intellectus indifferenter intelligit rem præsentem & absentem, in esse reali. Secunda est, ut obiectum habeat esse abstractum à conditionibus materialibus, quod non conuenit rei materiali secundum esse quod habet in natura, quia res materiales intellectus intelligit per abstractionem à materia.

Sed circa istas causas non parum dubietatis insurgit. Aut enim diuini

accipiendæ sunt, ita quod vnaquæque per se, sufficiens, sit causa huius necessitatis, aut coniunctim, ita quod ambæ simul concurrant. Si primo modo, sequitur primum, quod sicut intellectus format verbum intelligendo, ita & imaginatio imaginando, quia in hoc conuenit intellectus cum imaginatione, ut dicit hic sanctus Tho. quod indifferenter intelligit rem præsentem & absentem: quod tamen non inuenitur in doctrina sancti Thom. cum hoc tamquam peculiare tribuat intellectui. Sequitur secundum quantum ad secundam causam, quod vnus Angelus intelligens alium per speciem intellectualem non formabit de illo conceptum, quia secundum se, habet esse immateriale & abstractum. Si secundo modo, quia videlicet, oportet ut obiectum sit præsens intellectui, & à conditionibus materialibus abstractatur, non erit vniuersaliter verum, quod intellectus in omni intellectuione formet verbum, tum quia species intellectualis est ipsum obiectum, sicut & talis intentio intellecta: est enim eius similitudo sicut illa, & est præsens intellectui, & abstracta à materia, & sic ipsa sufficit ad intelligendum: tum quia erit tantum verum in rebus materialibus, quæ indigent abstractione à materia, non autem in immaterialibus.

**AD** euidenciam huius difficultatis considerandum est, quod cum omnis operatio importet ordinem ad obiectum, de ratione autem obiecti ut est obiectum, sit ut terminet operationem: necesse est ut operatio in actu habeat obiectum aliquo modo in actu, ut terminum suum, sicut calefactio in actu requirit calorem in actu ad quem terminetur, non sufficit autem ut obiectum sit in actu, nisi sit etiam debite præsens operanti. Quantumque enim coloratum sit actu, non poterit videri, nisi sit præsens & propinquum conuenienter videnti, eo modo quo est in actu. Veruntamen non omnis potentia eodem modo præsentiam sui obiecti requirit, aliqua enim requirit præsentiam, & propinquitatem sui obiecti, secundum esse naturale, vel localem vel temporalem, sicut sensus exteriores non enim fertur sensus visus nisi in id quod secundum esse naturale, & coloratum est, & localiter visui appropinquat, cum quadam tamen distantia, eo quod in rem absentem sensus exteriores non ferantur: aliqua verò non requirit præsentiam secundum esse naturæ, sed requirit præsentiam secundum spirituales quandam modum, quæ est præsentia in esse obiectiuo, eo quod indifferenter feratur in rem præsentem & absentem realiter, & in rem existentem secundum esse naturæ & in rem non existentem, sicut accidit in imaginatione. Non enim ad hoc ut imaginemur Iulium I. Pontificem in sua sede Romæ esse, necesse est, ut Romæ in sede sit, neque necesse est, ut ipse sedens nobis existentibus Ferrarie præsens sit secundum locum: sed sufficit ut imaginationi spirituali quoddam modo appareat, & secundum esse imaginarij. Et quia huiusmodi esse non conuenit rei extra potentiam, necesse est, ut intra potentiam tale esse obiectum habeat. Præter hanc quoque præsentiam obiecti, necesse est in potentiis cognoscitiuis, ut obiectum per modum formæ, potentia coniungatur, ita quod ex potentia & obiecto fiat vnum, quamuis enim coloratum præsens esset visui, si tamen per speciem suam illi non videretur, non esset eius visio. Similiter ergo ex parte intellectus requiritur, quod res intellecta sit in actu aliquo modo, in quantum terminas actum intellectus, & sit præsens intellectui, non quidem secundum temporalem aut localem propinquitatem, quia indifferenter apprehendit rem præsentem & absentem quemadmodum imaginatio (siue enim res sit, siue non sit, intellectus rei quidditatem potest apprehendere) sed secundum esse obiectiuum, intra ipsum intellectum existens, & quod vnatur intellectui per modum formæ, aut per se, aut per sui similitudinem. Ratione ergo primi requiritur conceptio per intellectum formata, dum res & quidditates materiales apprehenditur, quia non terminat quidditas materialis actum intellectus, nisi cum quadam abstractione à conditionibus materialibus & indiuiduantibus, quo modo actum esse non potest extra intellectum, ideo ut actu sit: quod requiritur si debet actu obiectum esse, & operationem intellectus terminare, necesse est ut per intellectum constitutur in tali esse abstracto, & immateriali: quod fit dum intellectus format conceptionem quam dicimus verbum & intentionem intellectam. Ratione verò secundi, ex eo, inquam, quod obiectum in actu positum, debet esse potentia debite præsens, aut in esse naturali, aut in esse intentionali, & obiectiuo terminante intellectiois, per modum termini intrinseci, necesse est, ut de omnibus, quæ intellectus intelligit, talem conceptionem formet. Cum enim rei existentia nihil faciat ad intellectiois quidditatem & naturæ, & sic realem præsentiam non requirit intellectio, eo quod intellectus indifferenter feratur in rem siue sit, siue non sit, necesse est ad hoc ut obiectum præsens sit intellectui sufficienter, quod ipsi sit intrinsecè præsens obiectiuè & sic actum intellectus terminet. Quantumcumque enim res sit aliqua sit secundum se actu intelligibilis, & per speciem suam sit intellectui vnita, si non sit actu præsens intellectui in esse obiectiuo, & terminatio cognitionis (quod fit per conceptionem intellectus) non intelligitur: quia secundum esse naturale quod habet extra intellectum, non est sufficienter præsens intellectui, ut sit actu obiectum, & terminus operationis intellectibilis. Quod dico de cognitione quidditatis, dico etiam de cognitione complexa, licet enim veritas intellectus requirit, ut ita sit in re sicut intellectus intelligat, realis tamen existentia rei extra intellectum non facit obiectum sufficienter præsens intellectui.

Ex istis, sex deduco conclusiones. Prima est, intellectus noster nihil potest intelligere naturaliter, nisi formando conceptum. Patet, quia nihil intelligit per essentiam intelligibilis in ipso existentem, sed omnia per speciem intellectualem abstractam à rebus. Unde dicitur 3. de Anima, quod intelligit se sicut & alia, & per consequens nihil est sibi sufficienter præsens in ratione obiecti actum terminantis: ideo necesse est ut per conceptum fiat sibi præsens.

Secunda est, speciali ratione in intellectu rerum materialium necesse est, ut intellectus noster formet conceptum, quia videlicet obiectum, ut terminat actum intellectus, non est in actu nisi per intellectum fiat, cum non sit abstractum à materia extra intellectum, terminet autem secundum quod est abstractum à materia. Tertia est, Angelus cognoscendo se, format verbum, consideratis causis huiusmodi necessitatis in intellectu nostro, licet enim non oporteat ut fiat actu intellectualem per abstractionem à materia, cum sit immaterialis, sique suo intellectu præsens ut principium intellectiois, oportet tamen ut fiat præsens in esse obiectiuo terminante intellectiois, cuius ipsa essentia Angeli est principium, cum idem non sit principium, & terminus operationis secundum idem esse. Ostenditur hoc, quia Quarto huius, cap. 1. dicitur, quod intentio intellecta in Angelis non est eorum substantia: & loquitur S. Thom. quando Angelus seipsum intelligit: ex quo apparet ipsum formare conceptionem in se intelligendo. Confirmatur etiam, quia Potentia,

Intellectus noster nihil potest intelligere sine verbo naturaliter.

Angelus cognoscendo se format verbum.

† Cap. 46.

Quomodo se habeat intellectus ad intentionem intellectam.

Quæ sit necessitas ponendi conceptionem in intellectu intelligente.



Potest sustine-  
ri, quod Beati  
formet ver-  
bum.

Quod secundo obicitur, quoniam vus Augustinus alium intelligendo per  
speciem, non formatibus conceptum, quia est immaterialis, iam dictum est,  
quod illa causa non est vniuersalis, sed tantum respectu rerum materialium,  
quia tamen causa, & in rerum immaterialium cogitatione, saluatur, vt diximus.  
Vnde obicitur tertio, quia species intelligibilis sufficit ad intellectionem  
sicut ex doct. in S. Thom. præsertim de Potentia, quest. 9. art. 5. quod licet  
species intelligibilis sit immaterialis, & intellectui præsens aliquo modo,  
non tamen est in actu per modum obiecti terminantis actum, nec per ipsam  
obiectum est actu præsens in actu obiectum, sed tantum in habitu: cum quodam  
fi per ipsam obiectum est in actu quantum ad esse obiectum, tunc  
absens speciem semper intelligere intelligitur enim res, quando actu est in  
intellectu per modum obiecti, & termini operationis, tum quia species po-  
terit tanquam principium formale intellectionis per quod intellectus fit,  
actu: operatio autem non terminatur primo & immediatè ad suum prin-  
cipium formale & elicitionem, sed ad aliquid simile illi, vnde præsertim  
cessit est etiam conceptum ponere, vt diximus. Quod autem vltimo dici-  
tur, quia tunc erit hoc verum tantum in rebus materialibus, iam concessum

Ad secundum dicitur, quod per actionem immanentem, vt sic, nihil producit, quod sit extra potentiam operantem, sed tamen produci potest aliquid quod in ipsa potentia maneat: & hac ratione dicitur actus vltimus, quia scilicet ex ipsa non expectatur aliquid in intrinsecū patiens productum, quod eius finis, sicut accidit in operationibus transuentibus. Sed productum per leu actionem, ordinatur in ipsam actionem tanquam in finem, cum ad hoc producat, vt operatio ad suum obiectum terminari possit. Iam interpretationem ponit sanctus Thomas, Prima p. quæst. 54. arti. 2. si diligenter consideretur.

Vtrū verbum  
intellectus rea-  
liter ab actu  
intelligēdi di-  
stinguatur.

Quomodo in-  
telligere possit  
esse absq; ver-  
bo.

Cap. 54.

**S**ed rursus difficile vel impossibile alicui videri potest, quod vnum & idem simplex, vt diuina essentia, sit propria ratio siue similitudo diuersorum. Nam cum diuersarum rerum sit distinctio ratione propriam formam quod alicui secundum propriam formam simile fuerit, alteri necesse est vt dissimile inueniatur: secundum verò quod diuersa aliquid commune habent. nihil prohibet ea vnam similitudinem habere, sicut homo & asinus in quantum sunt animalia: ex quo sequitur quod Deus de rebus propriam cognitionem non habeat, sed communem. Nam secundum modum quo similitudo cogniti est in cognoscente, sequitur cognitionis operatio sicut & calefactio secundum modum caloris: similitudo enim cogniti in cognoscente est sicut forma qua agitur. Oportet igitur, si Deus de pluribus propriam cogitationem habet, quod ipse sit propria ratio singulorum: quod qualiter sit, inuestigandum est. Vt enim Philosophus dicit in 8. Meta. 1. Formæ & dispositiones rerum, quæ eas signant, sunt similes numeris: nam in numeris vna vnitate addita vel subtracta, species numeri variatur, vt patet in binario & ternario. Similiter

Contra Gent. f. autem

† Tex. cap. 10.

Contra Gent.

außen



autem est in diffinitionibus: nam vna differentia addita vel subtracta variat speciem, substantia enim sensibilis, rationali aut irrationali addita, specie differt. In his autem quæ in se multa continent, non sic se habet intellectus ut natura. Nam ea quæ ad esse alicuius rei coniuncta requiruntur, illius rei natura diuisa esse non patitur: non enim remanebit animalis natura, si à corpore anima subtrahatur, intellectus verò ea quæ sunt in esse coniuncta, interdum disiunctim accipere potest, quando vnum eorum in alterius rationem non cadit: & propter hoc internario considerare potest binarium tantum, & in animali rationali id quod est sensibile tantum. Vnde intellectus, id quod plura complectitur, potest accipere, ut propriam rationem plurimorum, apprehendendo aliqua illorum absque aliis. Potest enim accipere denarium, ut propriam rationem nouenarij, vna vnitatem subtractam: & similiter ut propriam rationem singulorum numerorum infra inclusorum. Similiter etiam & in homine accipere posset proprium exemplar animalis irrationalis, in quantum huiusmodi, & singularem speciem eius: nisi aliquas differentias adderet positivas. Propter hoc & quidam philosophus Clemens nomine, dixit, quod nobiliora in entibus sunt minus nobilium exemplaria: diuina autem essentia in se nobilitates omnium entium comprehendit non quidem per modum compositionis, sed per modum perfectionis, ut supra ostensum est, forma autem omnis tam propria quam communis secundum illud quod aliquid ponit perfectio quædam est, non autem imperfectionem includit, nisi secundum quod deficit à vero esse. Intellectus igitur diuinus id quod est proprium unicuique in essentia sua, comprehendere potest, intelligendo in quo eius essentia imitetur: & intelligendo in quo à sua perfectione deficit vnum quodque, ut potest intelligendo essentiam suam ut imitabilem per modum vitæ, & non cognitionis, accipit propriam formam plantæ, si verò ut imitabilem per modum cognitionis, & non intellectus, propriam formam animalis, & sic de aliis. Sic igitur patet quod essentia diuina, in quantum est absolute perfecta, potest accipi, ut propria ratio singulorum: vnde per eam Deus propria cognitionem de omnibus habere potest. Quia verò propria ratio vnius distinguitur à propria ratione alterius, distinctio autem est pluralitatis principium, oportet in intellectu diuino distinctionem quandam & pluralitatem rationum intellectuum considerare, secundum quod id quod est in intellectu diuino, est propria ratio diuersorum. Vnde cum hoc sit secundum quod Deus intelligit proprium respectum assimilationis, quam habet vnaquæque creatura ad ipsum, relinquitur quod rationes rerum in intellectu diuino non sunt plures vel distinctæ, nisi secundum quod Deus cognoscit res pluribus & diuersis modis esse assimilabiles sibi. Et secundum hoc Aug. dicit, quod Deus alia ratione fecit hominem, & alia equum, & rationes rerum pluraliter in mente diuina esse dicit. In quo etiam saluatur aliquantulum Platonis opinio, ponentis ideas secundum quas formantur omnia quæ in rebus materialibus existunt.

Super cap. 54.

**P**osito vero modo quo Deus multa intelligit, quia magnam modum ipse difficultatem habet, ideo in hoc capite ipsum sanctus Thomas declarare intendit. Circa hoc autem duo facit. Primo mouet difficultatem: secundò respondet. Quantum ad primum, difficultas est, Quomodo Deus intelligendo essentiam suam, ut omnium similitudinem, omnia intelligat. Videtur enim alterum istorum sequi, aut scilicet quod non habeat de rebus propriam cognitionem, quod superius est improbatum: aut quod ipse sit propria ratio singulorum, quod non videtur. Si enim Deus omnia per essentiam suam cognoscit, tanquam per similitudinem communem omnium, sequitur quod de rebus communem tantum cognitionem habeat, & non propriam, quia secundum modum quo similitudo cogniti est in cognoscente, sequitur cognitionis operatio, cum similitudo talis sit forma qua agitur & productur operatio: & sic si diuina essentia est communis similitudo representans illud in quo res conueniunt, et communis, non propria cognitio. Si autem essentia diuina sit propria similitudo singulorum, quod requiritur, si debeat per ipsam singula Deus propria cognitione cognoscere, hoc non videtur posse esse, quia cum diuersarum rerum distinctio sit ratione propriarum formarum, quod alicui secundum propriam formam simile fuerit, necesse est ut alteri sit dissimile, licet secundum quod aliqua in vno communi participant, vnam communem similitudinem habere possunt. Si ergo diuina essentia fuerit propria similitudo vnius, tanquam videlicet propriam eius formam representans, alterius similitudo esse non poterit. Quantum ad secundum, primò ostendit diuinam essentiam posse ab intellectu diuino, ut propriam rationem & similitudinem singulorum. Secundò, quomodo istæ propriæ rationes multæ cum vnitatem esse possunt, declarat. Primò ergo ponitur ad quod situm responso hæc, quod diuina essentia, in quantum est absolute perfecta, potest accipi ut propria ratio singulorum.

Ad cuius manifestationem tria præmittuntur. Primum est, quod quidditates rerum & diffinitiones sunt sicut numeri, ut dicitur 8. Metaph. quia sicut in numeris vnitatem addita vel subtracta variatur species numeri, ita in diffinitionibus addita vel subtracta differentia variatur species. Substantia enim sensibi-

lis considerata absque rationali, differt specie à substantia sensibili addito rationali, sicut negatiue, quia non est eadem species: & similiter in comparatione ad irrationale. Secundum est, quod circa ea quæ multa continent, aliter & aliter se habet natura & intellectus. Si enim aliqua requirantur coniuncta ad esse alicuius, natura non patitur ut sint separata: non enim remanet natura animalis, si anima sit à corpore separata, sed intellectus ea quæ sunt coniuncta interdum disiungere potest intelligendo vnum sine altero, quando vnum eorum in alterius ratione non cadit: tunc enim non potest intelligi res absque eo quod in eius clauditur ratione. Declaratur per exemplum in numero ternario, & in animali rationali. Ex istis deducitur, quod ubi in vno multa continentur, scilicet perfectionaliter, illud potest accipere intellectus ut propriam rationem plurimorum, apprehendendo aliqua illorum absque aliis: ex primo enim notato habetur, quod subtracta differentia variatur species: & ideo si vnum accipitur sine altero, sequitur quod accipitur diuersa: & sic quod accipitur ut exemplar plurium representationum, scilicet vniuscuiusque per se absque alio, accipitur ut propria ratio vniuscuiusque illorum. Declaratur hoc in numero denario, qui accipi potest ut ratio propria numerorum in ipso inclusorum. Declaratur etiam in animali rationali, qui accipi posset ut propria ratio omnium animalium intellectualium, nisi aliquas differentias adderet positivas. Declaratur & auctoritate Clementis philosophi apud Dionys. 5. cap. De diuinis nominibus, quod nobiliora in entibus sunt minus nobilium exemplaria. Tertium est, quod diuina essentia continet in se nobilitates omnium entium per modum perfectionis, non per modum compositionis, & per consequens continet in se quidditatem cuiusque rei in quantum aliquid ponit, quia ex ea parte perfectionem dicit imperfectionem verò in quantum deficit à vero esse quod est esse diuinum. Istis suppositis, probatur diuinam essentiam accipi posse ut propriam rationem singulorum, illud in quo multa perfectionaliter continentur, accipi potest ut proprium exemplar & propria ratio eorum, quæ sic in ipso continentur, sed in Deo omnia perfectionaliter continentur, ergo potest accipi ut propria ratio singulorum. Vnde quod est proprium unicuique in sua essentia, comprehendere potest, intelligendo in quo suam essentiam imitetur & in quo à sua perfectione deficit. In intelligendo enim essentiam suam, ut imitabilem per modum vitæ, & non cognitionis, accipit propriam formam & rationem plantæ: intelligendo verò eam, ut imitabilem per modum cognitionis, & non intellectus, accipit propriam formam animalis, & sic de aliis. Et sic patet quod diuina essentia ex eo quod est omnibus modis perfecta, potest accipi ut propria ratio singulorum.

**A D V E R T E N D V M** est, tota rationem & fundamentum S. Th. esse, quod continet aliqua perfectionaliter, potest accipi ut propria ratio eorum quæ continentur: quod intelligendum est non secundum adæquatam rationem eius, sed secundum aliquam in adæquatam & deficientem eius rationem. Nam si acciperetur quod plura continent secundum suam totalem perfectionem sibi adæquatam, non esset propria ratio contentorum, sicut numerus denarius in quo omnes inferiores numeri vnitatem & perfectionaliter continentur, non diuisim tanquam distinctæ species: si accipitur quantum ad suam totalem perfectionem, non est propria ratio, aut propria similitudo nouenarij, quia nouenarius non adæquat perfectionem denarij: sed si accipitur quantum ad perfectionem nouenarij in ipso perfectionaliter & vnitatem existentem, sic accipitur ut propria similitudo nouenarij.

**A D V E R T E N D V M** etiam circa exemplum de animali rationali, cum, inquit S. Th. ipsum accipi posse ut proprium exemplar animalium irrationalium, nisi aliquas differentias adderet positivas, quod loquitur proportionaliter ad numeros. In numeris enim ex sola subtractione vnitatis remanet alia species: ex sola enim subtractione vnitatis à numero denario remanet numerus nouenarius, ideo cum consideratur in numero denario perfectio quæ quæ habet non considerata vltima eius vnitatem, consideratur ut propria ratio nouenarij: nihil enim aliud est ut sic, quæ nouenarius. Simili ergo ratione, si ex sola remotione rationalis ab animali rationali, relinqueretur species animalis, quæ est animal irrationale considerando in homine naturam sensitiuam semoto rationali, acciperetur ut propria ratio animalis irrationalis, in quantum nihil esset, ut sic, quæ animal irrationale, sed quia ad speciem animalis irrationalis non sufficit remotio, & absentia huius differentie quæ est rationale, sed constituantur illæ species per differentias positivas additas animalis, ideo quantumcumque consideretur in ipso natura sensitiua absque rationali, non consideratur ut propria ratio animalis irrationalis, quod speciem animalis dicit positiuam, sed tantum ut propria ratio animalis absolute sumpti, quod potest dici animal irrationale negatiue, quia non includit in sua quidditate rationale. Vnde quod inquit Clemens philosophus, nobiliora esse ignobiliorum exemplaria, non est verum quantum ad propriam rationem vniuersaliter, sed quantum ad aliud.

**C O N S I D E R A N D V M** etiam, cum dicitur, diuinam essentiam posse accipi ut propriam rationem, quod hoc dupliciter potest intelligi. Vno modo, ut proprietas se teneat ex parte rei representatæ, & tunc dicitur propria ratio illa, quæ representat propriam rei. Alio modo, ut se teneat ex parte forme representantis: & tunc dicitur propria ratio alicuius, quæ ita est ratio ipsius, quod non alterius. Primo modo, esse propriam rationem singulorum, non conuenit diuinæ essentia ex ipso intellectu concipiente ipsam cum habitudine ad res, sed ex plenitudine perfectionis suæ, qua omniū rerum perfectiones in se continent: nisi enim in seipsa rerum omnium perfectiones contineret, non possent res per ipsam quantum ad earum proprias naturas cognosci. Secundo autem modo, non habet quod sit propria ratio nisi ex intellectu: quod enim diuina essentia sit proprium verbum, & propria conceptio rei hoc modo, non habet nisi in quantum concipitur à Deo siue intelligitur ut imitabilis à perfectione istius & illius. Propter hoc dicit S. Th. quod accipit essentiam suam, ut propriam rationem: quod est dicere, intelligit ipsam in ordine ad hoc & illud, & sic intellecta habet rationem propriam exemplaris huius: & propriæ exemplaris illius. Ex hoc autem patet quod non est mens S. Th. ut Scotus illi videtur imponere. Sen. dist. 35. quod respectus istius diuinæ essentia ad creaturas, deat illi ut propria creaturarum representet, imò ex sua perfectione hoc habet, sed ex istis respectibus habet, ut in plura exemplaria rerum, & in plures rationes earum distinguatur: ipsa enim concepta cum habitudine ad proportionem ad naturam lapidis, tanquam videlicet imitabilis à lapidis natura, & eius, in seipsam perfectionem præhabens, distinguitur secundum rationem à seipsa præcisè ut imitabili à planta, & sic de aliis.

**S E D** aduertendum ex doctrina sancti Thomæ 1. Sen. dist. 27. q. 2. art. 3. quantum, quod tripliciter potest intellectus ferri in formam conceptam. Vno modo, in quantum est similitudo rei præcisè, id est, in quantum intellectus

Animal rationale potest accipi ut proprium exemplar animalium irrationalium nisi aliquas differentias adderet positivas.

Diuinam essentiam posse accipi ut propriam rationem dupliciter potest intelligi.

† Ut refert Dionys. 5. cap. De diuinis nominibus.

† Cap. 37.



uitur ipsa ut medio, per quod rem cognoscit, & sic nullam habet considerationem de ipsa forma, sed tantum de re per ipsam representata. Alio modo, in quantum est talis res tale esse habens in anima, & sic nullam habet considerationem de re representata, sed tantum de ipsa forma. Tertio modo, per comparationem vnius ad alterum, puta dum considerat vnum esse alterius representationem, & sic simul vtrumque cognoscit. Intellectus igitur diuinus in essentiam suam tripliciter potest ferri. Simpliciter & absolute, in quantum est talis res, & sic intelligendo essentiam suam, non concipit proprium exemplar rerum, & propriam rationem ipsarum formaliter, & in quantum vtitur ipsa ut media per quod sibi res creatæ representantur: & sic etiam non intelligit ipsam ut proprium exemplar. Et in quantum intelligit ipsam ut imitabilem à creatura secundum hunc perfectionis modum, puta secundum gradum vite: & sic cognoscit ipsam, ut propriam rationem formaliter, quia apprehendit ipsam cum habitudine ad creaturam, ex qua habet ut apprehendat formaliter proprium exemplar creature. Vnde intellectus diuinus apprehendens essentiam suam absolute, apprehendit proprium exemplar rerum materialiter, quia apprehendit illam rem quæ est exemplar denominationis, non autem apprehendit proprium exemplar formaliter, quia non apprehendit ipsam cum habitudine ad rem, ex qua formaliter habet ut sit propria ratio & proprium exemplar, sicut apprehendens naturam animalis absolute, apprehendit genus materialiter, quia apprehendit illam rem quæ denominatur genus, non tamen apprehendit genus formaliter, quia non apprehendit illam cum habitudine ad species, ex qua aliquid habet ut formaliter & copletiuè sit genus. Intellectus autem diuinus apprehendens essentiam suam cum habitudine imitationis à rebus, apprehendit proprium exemplar & propriam rationem rei formaliter, sicut apprehendens animal cum habitudine prædicabilis ad species, apprehendit formaliter genus. Propter hoc ergo inquit sanctus Thomas, quod Deus intelligendo essentiam suam ut imitabilem per modum plantæ, accipit propriam formam & rationem plantæ: & eadem ratio est respectu aliorum, quasi diceret quod non apprehendit essentiam suam tanquam propriam rationem alicuius rei formaliter, nisi in quantum ipsam cum tali respectu intelligit, licet apprehendendo ipsam sine tali respectu apprehendat propriam rationem vniuersalemque materialiter & fundamentaliter.

Quil est Deū  
intelligere es-  
sentiam suam  
ut propriā ali-  
cuius ratione.

SE D aduertendum, cum dicitur, quod Deus cognoscit essentiam suam ut propriam rationem, non est sensus, quod accipiat ipsam esse propriam rationem, licet & illo modo cognoscat, sed quod cognoscit ipsam essentiam diuinam, quantum ad id vnde habet, quod sit propria ratio rei: sicut cum dicimus intellectum nostrum concipere propriam hominis rationem, non intelligimus quod accipiat illam esse propriam hominis rationem, quia illud ad reflexam cognitionem pertinet, sed quod format conceptum hominis, qui sic ab intellectu formatus, est propria hominis ratio.

Ostenditur secundum, quomodo istæ propriæ rationes in Deo multæ sunt: oportet enim multas esse, cum propria ratio vnius distinguatur à propria ratione alterius, & ponitur hæc conclusio, Rationes rerum in intellectu diuino non sunt plures vel distinctæ nisi secundum plures respectus imitabilitatis. Secundum enim quod Deus intelligit proprium respectum assimilationis, quam habet vnaquæque creatura ad ipsum, sic sunt in ipso plures rationes. Et sic saluatur dictum Aug. lib. 83. Quæst. 6. pluraliter in mente diuina rationes esse dicentis. Saluatur etiam aliquantulum positio Platonis de ideis: dicit autem aliquantulum, quia ipse ideas quidem posuit, sed non in mente diuina, ut nos ponimus, imò per se subsistentes, ut illi Arist. ascribit.

AD VERTE quod isti respectus intellectui à Deo, secundum quod intelligit se à diuersis creaturis diuersimodè imitabilem, qui sunt respectus rationis, non faciunt diuinam essentiam in se plurificari, quasi propter diuersos respectus ipsa sit realiter multa: sed dicuntur facere formaliter pluralitatem & distinctionem idearum & propriarum rationum in esse cognito. Cum enim hic accipitur propria ratio & idea creaturarum pro essentia diuina, ut intellecta tanquam representatiua omnium perfectionum inuentarum in creaturis, non intelligitur ut distincta ratio plurium, nisi quia intelligitur cum diuersis respectibus ad creaturas: & sic vna existens in se, intelligitur tanquam multiplex respectu creaturarum ad se terminans, & ex hoc habens multipliciter & distinctionem in esse intellecto & cognito. Ex quo nulla multipliciter ponitur in re, sed tantum quod multipliciter intelligitur ex parte rei cognite propter respectuum multipliciter.

Quod Deus omnia simul intelligit.

Cap. 55.

**I**n his autem vterius apparet, quod Deus omnia simul intelligit. Intellectus enim noster simul actu multa intelligere non potest: quia cum intellectus in actu, sit intellectum actu: si plura simul actu intelligeret, sequeretur quod intellectus simul esset plura secundum genus vnum, quod est impossibile. Dico igitur secundum vnum genus: quia nihil prohibet idem subiectum informari diuersis formis diuersorum generum, sicut idem corpus est figuratum & coloratum. Species autem intelligibiles quibus intellectus formatur ad hoc quod ipsa sint intellecta in actu, omnes sunt vnius generis: habent enim vnam rationem essendi secundum esse intelligibile, licet res, quarum sunt species, in vnam essendi non conueniant rationem: vnde nec contrariæ sunt per contrarietatem rerum, quæ sunt extra animam. Et inde est, quod quando aliqua multa accipiuntur, quocumque modo vnita simul intelliguntur. Simul enim intelligit totum continuum, non partem post partem: & similiter simul intelligit propositionem, non prius subiectum, & postea prædicatum: quia secundum vnam totius speciem omnes partes comprehendit. Ex his igitur accipere possumus, quod quæcumque plura vna specie cognoscuntur, simul possunt intelligi: omnia autem, quæ Deus cognoscit, vna specie cognoscit, quæ est sua essen-

tia, ut ex dictis patet. Omnia igitur simul intelligere potest. †Cap. 46.

2 Item, Vis cognoscitiua non cognoscit aliquid actu nisi ad finem intentionis: vnde & phantasmata in organo conseruata, interdum non actu imaginamur: quia intentio non refertur ad ea. Appetitus enim alias potentias in actum mouet in agentibus per voluntatem: multa igitur, ad quæ simul intentio non fertur, non simul intuemur. Quæ autem oportet sub vna & eadem intentione cadere, oportet simul esse intellecta: qui enim comparationem duorum considerat, intentionem ad vtrumque dirigit, & simul intuetur vtrumque, omnia autem quæ sunt in diuina scientia, sub vna intentione, necesse est cadere: intendit enim Deus suam essentiam perfecte videre, quod est videre ipsam secundum totam virtutem suam, sub qua omnia concluduntur. Deus igitur videndo essentiam suam, simul omnia intuetur.

3 Amplius, Intellectus successiue multa considerantis impossibile est esse vnam tantum operationem: cum enim operationes secundum obiecta differant, oportebit diuersam esse operationem intellectus qua considerabatur primum, & qua considerabatur secundum. Intellectus autem diuini est vna operatio, quæ est sua essentia, ut supra probatum est: non igitur successiue, sed simul omnia sua cognita considerat. †Cap. 45.

4 Ad hæc, Successio sine tempore intelligi non potest, nec tempus sine motu: cum tempus sit numerus motus secundum prius & posterius. In Deo autem impossibile est esse motum aliquem, ut ex supradictis haberi potest: nulla igitur in consideratione diuina, successio cadit: & sic omnia quæ cognoscit, simul considerat. †Cap. 43.

5 Item, Intelligere Dei est ipsum suum esse, ut ex supradictis patet: in esse autem diuino non est prius & posterius: sed est totum simul, ut supra ostensum est: igitur nec consideratio Dei habet prius & posterius, sed omnia simul intelligit.

6 Præterea, Omnis intellectus intelligens vnum post aliud, quandoque est intelligens in potentia, & quandoque in actu: dum enim intelligit primum in actu, intelligit secundum in potentia. Intellectus autem diuinus nunquam est in potentia, sed est semper in actu intelligens: non igitur intelligit res successiue, sed omnia simul intelligit. Huic autem veritati testimonium sacra Scriptura affert: dicitur enim Iacobus. Apud Deum non est transmutatio, nec vicissitudo obumbratio.

Auth. sacra  
Script.

Super cap. 55.

**D**ostquam determinauit sanctus Thomas, de modo cognitionis diuinæ ex parte mediæ cognoscendi, nunc determinat de modo cognitionis ex parte ipsius cognitionis. Quatuor autem sunt quæ de hoc modo sanctus Thomas ostendit. Primo nanque ostendit, quod Deus omnia simul cognoscit. Secundum, quod in ipso non est habitualis cognitio, cap. sequenti. Tercio, quod eius cognitio non est discursiua, cap. 56. Quarto, quod in ipsa non est compositio neque diuisio, cap. 57.

Quantum ad primum ostendit, quod Deus omnia simul intelligit: & arguitur primo sic, Omnia cognoscit Deus per vnam speciem, quæ est essentia sua, ergo omnia simul cognoscit. Probatur consequentia, quia quæcumque plura vna specie cognosci possunt, simul possunt intelligi. Declaratur assumptum hoc, in intellectu nostro. Quod enim intellectus noster multa simul intelligere non possit, est, quia non potest multa simul esse secundum genus vnum, quod accideret, si multa simul intelligeret: nam omnes species intelligibiles sunt eiusdem generis, cum habeant vnam rationem essendi secundum esse intelligibile. Intellectus autem est intellectus in actu: & sic si plura simul intelligeret, esset plura eiusdem generis. Notandum tamen, quod nihil prohibet aliquid simul informari formis diuersorum generum, sicut idem corpus est figuratum & coloratum, licet pluribus formis eiusdem generis informari non possit. Ex his sequitur, quod vbi aliqua multa accipiuntur quocumque modo vnita, simul intelliguntur, sicut partes continui in continuo, & subiectum & prædicatum in propositione: quia scilicet tunc intellectus non est multa, sed vnum. Vbi ergo aliqua in vna specie vniuntur, illa simul intelligi possunt.

CONTRA istam rationem multipliciter dubitatur. Contra enim assumptum illud, Quæcumque vna specie cognosci possunt, simul possunt intelligi, arguitur: quia aut intelligitur de cognitione confusa, aut de cognitione distincta. Si de cognitione confusa, non est ad propositum, quia Deus non cognoscit res confusè, sed distinctè. Si de cognitione distincta, tunc plures conceptus omnino distincti erunt simul in intellectu: quod non est minus inconueniens, quam duas species simul esse actu in intellectu. Probatur consequentia, quia cognosci propriè & distinctè, est cognosci propriè & distinctè conceptu.

Contra rationem, quare intellectus noster non intelligat plura, arguitur primo, quia in aere simul est species albi & species nigri secundum eandem partem, si albus & niger sint in aere propinqua: ergo formæ eiusdem generis possunt simul esse in eodem subiecto. Secundum, Omnes formæ, quæ sunt in intellectu angelico, sunt eiusdem generis, quia respectu eandem potentiam: iuxta enim ea quæ dicit sanctus Thomas. Prima parte, & in aliis locis, formæ, quæ eandem potentiam respectuunt, sunt eiusdem generis, sed multæ illarum simul sunt actu in intellectu angelico: simul enim cognoscit se per suam essentiam, & alias res per speciem, & Deum visione beata, per ipsam diuinam essentiam: ergo potest intellectus simul esse in actu per plures species,

Contra Gent.

f. 2

Contra

Idem p. p. q.  
14. art. 7.



Contra rationem, quare omnes species intelligibiles sunt eiusdem generis, arguitur, quia si per hoc quoddam habent eandem rationem essendi secundum esse intelligibile, sunt eiusdem generis: ergo & ea quæ ab intellectu nostro per illas species intelliguntur, erunt eiusdem generis: conueniunt enim omnia in eadem ratione essendi secundum esse materiale: quod tamen est falsum, ut hic vult sanctus Thomas.

Quod intellectus plura simul intelligere possit.

AD horum euidenciam considerandum, quod cum operatio accipiat unitatem ab unitate obiecti, secundum quod habet in operante similitudinem, & per consequens etiam ab unitate formæ, quæ est operationis principium: non est intelligibile, quia una sit operatio, & obiectum ac principium operationis non sit aliquo modo vnum, ideo ubi intellectus multa vnica operatione intelligit, oportet ut & illa inter se aliquam habeant unitatem, & principium intellectionis sit aliquo modo vnum. Cum ergo intellectus noster plura intelligit differentia, puta hominem & equum, intelligendo hominem non esse equum, ex specie hominis qua intellexit naturam hominis, & ex specie equi, qua naturam equi intellexit, format in se speciem quandam repræsentatiuam differentie hominis & equi, sicut in simili inquit sanctus Thomas. Prima parte, quæst. 12. art. 9. secundum, quod ex præconceptis speciebus generis & differentie format rationem speciei: & sic licet homo & equus sint multa, conueniunt tamen ut intelliguntur in ratione differentie, & sic est aliqua unitas ex parte obiecti, ex parte quoque principij est aliqua unitas, quia in intellectu est una species repræsentatiua differentie ipsorum & licet species hominis & species equi sint absolute plures in intellectu, in hac tamen intellectione efficiuntur vnum, dum quælibet earum conuenit ut principium partiale ad cauendum speciem differentie in quolibet earum virtualiter aliquo modo contentam: & sic ulterius tam species quam obiecta conueniunt in vno conceptu intellectu, qui obiectorum similitudo est, ut conueniunt in differentie natura, & speciem est communis effectus, & sic in aliis multis ab intellectu nostro cognitis est existimandum. Sed quia non solum contingit ab aliquo intellectu multa simul intelligi vnica operatione intellectus, sed etiam multa diuersis actibus, & diuersis formis intelligibilibus, sicut simul Angelus beatus cognoscit diuinam essentiam, & se & aliqua eorum quorum habet species, diuersis actibus, & diuersis speciebus.

CONSIDERANDVM ulterius, ex doctrina sancti Thome. Veri. q. 8. art. 14. sextum. & Prima parte quæst. 8. art. 7. secundum, quod ubi vnum est ratio alterius, ubi quodammodo est vnum, quia ex forma & materia fit vnum, sicut color & lumen sunt vnum visibile, quia lumen coloris est ratio quod videatur. Ideo ubi vnum est ratio intelligendi alterum, aliquo modo ubi est vnum intelligibile: & plures species intelligibiles, quarum vna ad alteram comparatur ut forma, quia est sibi aliquo modo ratio repræsentatiua sui obiecti, sunt aliquo modo vna species: & actus intelligendi, quorum vnus ad alterum ordinatur, siue quorum vnus est ratio alterius, sunt quodammodo vnus actus. possunt ergo plura simul intelligi diuersis intellectionibus & diuersis speciebus, quando & species & intellectiones ordinem formalem inter se habent, ita quod vnum est ratio alterius in intelligendo: & multo magis plura simul intelligi possunt, quando per vnā speciem & per vnā operationem intelliguntur, sicut accidit in cognitione diuina qua Deus omnia intelligit. Quod itaque inquit sanctus Thomas, intellectum non posse simul aduari pluribus speciebus intelligibilibus, intelligendum est, quod non potest aduari pluribus, ut plures sunt, sed bene pluribus, ut sunt aliquo modo vna species, quare, scilicet vna est ratio alterius, id est, vnus est ratio vtendi alia, sicut accidit in cognitione Angeli cognoscentis se & alia diuersis cognitionibus.

AD primum ergo dubium dicitur primum, quod accipitur cognitio simpliciter & absolute, & abstrahit a confusa & distincta. Dicitur secundum, quod aliquando cognoscentur confusè illa plura, sicut quando species illa plura confusè repræsentantur quod accidit intellectui nostro quando per speciem totius partes cognoscit, ut sunt in toto. Aliquando verò cognoscentur distincte, sicut cum species intelligibilis distincte repræsentatur, sicut est in intellectu diuino omnia per suam essentiam (quæ sibi distincte omnia repræsentat) intelligit, & in intellectu angelico plura per vnā speciem cognoscente, scilicet plura indiuidua vnus speciei.

Et cum instatur, quia tunc plures conceptus distincti omnino simul erunt in intellectu: dicitur quod loquendo de Angelo, qui solus plura per vnā speciem distincte cognoscit, formando conceptum a se distinctum (nam intellectus noster plura per vnā speciem non cognoscit distincte, eo quod habeat species intelligibiles limitatas: intellectus autem diuinus non intelligit per conceptum alium a sua essentia) dum Angelus sic plura intelligit, non format plures conceptus, sed vnū cum non intelligat componendo & diuidendo, sed simplici intuitu: non distinguerentur enim illi plures conceptus, neque ratione subiecti, neque ratione principij, neque ratione durationis, quia in eodem intellectu recipiuntur, & ab eadem producerentur specie, & simul.

VBI aduertendum, quod sicut ipsa species intelligibilis intellectus angelici vna existens, virtualiter continet omnes species singularium, quæ in nostra imaginatione sunt, & propter hoc repræsentat ipsa singularia sicut eorum particulares species repræsentarent, & adhuc excellentiori modo, ita ex illa specie format intellectus angelicus conceptum simplicem illi adæquatam, virtualiter continentem conceptus omnium, quæ per illam speciem repræsentantur, & qui omnium tantum est propria ratio, & in quo omnia alia actualiter relucunt, unde non valet ista consequentia, Intellectus angelicus ista distincte cognoscit, ergo distinctis conceptibus. Sed sufficit quod vno conceptu cognoscat qui sit ratio singularium: non enim cognoscit distincte, est cognoscat distincto conceptu à conceptu alterius secundum rem, sed conceptu qui sit propria eius ratio, siue sit ab alio realiter, siue secundum rationem distinctus, & rem distincte repræsentet.

AD argumentum secundum dubij respondetur. AD primum dicitur de mente sancti Thomæ in quæst. Veri. quæst. 8. art. 14. octauum. quod formæ illæ non sunt in ære perfecto modo, sed tantum sicut in deferente: & sic etiam concedimus plures species in intellectu simul esse in habitu, qui est actus imperfectus: non autem possunt simul esse in actu perfecto, scilicet secundum actuale considerationem, quomodo sunt in vltima aualitate in genere intelligibilium, de quo genere hic est sermo.

AD secundum dupliciter responderi potest. Primum, quod mens sancti Thomæ est plures species eiusdem generis inquantum plures, id est, ut nullam inter se unitatem habentes, non posse simul esse in eadem potentia, sed bene illas quæ aliquam inter se habent unitatem, & maxime quando se habent ordine quodam perfectionali inter se: quomodo est in proposito.

Secundum, quod non omnes illæ formæ eiusdem generis sunt, nec respiciunt eandem potentiam formaliter, licet sint in eodem intellectu: sicut licet idem corpus habeat albedinem & dulcedinem, non dicuntur tamen illæ formæ respicere eandem potentiam formaliter: quoniam albedo recipitur in illo, ut habet naturam diaphanā, dulcedo autem, ut habet naturā humidā. Nam species intelligibiles respiciunt intellectum, ut aliquid carens esse actuali ad intelligendum alia, & receptum specierum per informationem: diuina autem essentia & substantia Angeli ipsum respiciunt, non ut aduabile ab ipsis per informationem, sed solum, ut aduabile ad operandum: & sic altius rationis est potentia, itas eius respectu specierum intelligibilium, & alia potentialitas respectu diuinæ essentiae & substantiæ angelicæ. similiter dicetur de scientia iniuncta & de acquisita in intellectu nostro, quia ad vnā intellectionem habet potentiam naturalem: ad aliam vero potentiam obedientialem. Ideo non eunt scientiæ eiusdem rationis, quamuis in eodem intellectu recipiantur.

AD tertium dubium responderetur, quod si diligenter considerentur verba sancti Thomæ, non est mens eius, ideo species intelligibiles esse eiusdem generis, quia omnes habent esse intelligibile: sic enim & Deus & intelligentiæ, & ipsæ species intelligibiles, omnia essent eiusdem generis, quia omnia habent esse intelligibile. Sed quod ideo sunt omnes eiusdem generis, quia conueniunt in vna ratione essendi eius, quod est esse intelligibile, nam cum esse intelligibile multos modos essendi habeat, in vno modo essendi intelligibilis esse, omnes species intelligibiles intellectus nostri conueniunt, & habent eundem essendi modum intelligibilem: conueniunt enim in hoc modo esse intelligibilis, quod omnes sunt actu in esse intelligibili ab intellectu agente per abstractionem à phantasmatibus, & per consequens respiciunt eandem potentiam intellectus nostri, formaliter scilicet secundum quod est perfectibilis ab intellectu agente, tanquam à proprio agente per species repræsentatiuas quidditatum duntaxat: & similiter omnes species intellectus Angelici quibus secundum esse informatum, habent eundem essendi modum intelligibilem, quia resultant ex essentia Angeli, & eodem modo respiciunt intellectum angelicum, & sunt similitudines non solum naturarum, sed etiam principiorum indiuidualium, eo quod intellectus Angelicus eadem ratione omnes recipiat. Sensus ergo hunc insinuat sanctus Thomas ex modo loquendi: non enim dixit ideo illas esse eiusdem rationis, quia omnes habeant esse intelligibile, sed quia habent vnā rationem essendi secundum esse intelligibile, id est, habent vnū modum essendi de his qui sunt modi esse intelligibilis, & quia ratio in oppositum ex falso intellectu verborum sancti Thomæ procedebat, tanquam vellet ideo omnes esse eiusdem generis, quia haberent esse intelligibile: ideo non oportet aliter respondere.

Secundum, Omnia quæ sunt sub diuina scientia, necesse est sub vna intentione cadere: ergo simul omnia Deus intuetur. Probatur antecedens, quia intendit Deus suam essentiam perfecte videre: quod est videre secundum totam suam virtutem sub qua omnia concluduntur. Consequentia quoque probatur, quia quæ sub vna intentione necesse est cadere, oportet simul esse intellecta: sicut qui comparationem duorum considerat, intentionem ad vtique dirigat, & simul vtique intuetur.

AD huius autem declarationem, nota quod vis cognoscitiua non cognoscit aliquid actu nisi adit intentio: ut patet in imaginatione, quæ quandoque non imaginatur phantasmata in se existentia, quia non adit intentio: huius autem ratio est, quia appetitus alias potentias ad actum mouet in agentibus per voluntatem, & sic quæ sub vna intentione non cadunt, non simul apprehenduntur, sed bene quæ sub vna cadunt intentione.

CIRCA illam propositionem, Vis cognoscitiua non cognoscit aliquid actu nisi adit intentio, considerandum est quod loquitur sanctus Thomas quando vtitur potentiis liberè & ex electione, propter hoc inquit, quod appetitus mouet alias potentias in agentibus per voluntatem: est enim vniuersaliter verum quod cum liberè operamur, intentio voluntatis applicat potentiam ad operationem: in motione autem volentis quia intellectus mouet, cum voluntas non feratur nisi in cognitum, aliqua quidem uoluntaria, confusa scilicet, præcedit ipsam voluntatem, ad quam non mouetur intellectus à voluntate, sed ab aliquo superiori extrinseco intellectu, ut dicitur Prima parte quæst. 82. quarto, tertium & maxime quæst. 6. & est de mente Philosophi in libro de Bona Fortuna, alioquin oporteret procedere in infinitum in motione intellectus & voluntatis: sed tamen quia intellectus & voluntas sunt potentie reflexiue super seipsas, & vna super aliam, ut dicitur Veri. quæst. 22. voluntas ab intellectu sic confusè apprehendente aliquid mota motione finis, contrariò intellectus ad distinctam cognitionem eius quod sibi confusè proposuit, mouere potest efficienter: & sic quamvis aliquando sensus repentinè aliquid sentiant, & imaginatio similiter ex aliqua transmutatione corporali circa phantasmata operetur, ut in somnis accidit, intellectus quoque ad aliquid cognoscendum ab extrinseco intellectu moueatur, hoc non est contra sensum propositionis sancti Thomæ: quia tales operationes non sunt in nobis ex electione & libere.

CIRCA illam propositionem, Quæ oportet sub vna intentione cadere, similiter oportet cognosci, aduertendum quod sicut intellectus non potest ferri in plura, ut plura sunt, sed vt sunt vnum aliquo modo, ita intentio potest simul quidem in multa ferri etiam non habentia ordinem inter se, sed tamen non potest in illa ferri, nisi vt in aliquo vno continentur, ut dicitur 12. q. 12. art. 3. secundum, propter hoc inquit sanctus Thomas, quod intentio diuina fertur in omnia, inquantum Deus intedit totam suam virtutem cognoscere, sub qua omnia continentur, quod est intendere plura, ut sunt aliquo modo vnum.

CIRCA probationem antecedentis dubitatur. Nam eadem ratione Angelus poterit omnia distincte & simul cognoscere, quorum apud se naturales habet species, quia ipse intendit se perfecte cognoscere, & suas naturales proprietates, quæ sunt species intelligibiles, sub quibus omnia ab ipso intelligibilia continentur, & sic omnia intelligibilia ab ipso sub vna intentione cadunt.

DVBITATA TVR etiam circa illam propositionem, Quæ oportet sub vna intentione cadere, oportet simul esse intellecta. Aut enim loquimur de cognitione præcedente intentionem, aut de consequente. Si de præcedente, sic illa est confusa, quando intentio fertur ad aliqua cognoscenda: non enim voluntas mouet intellectum, ad cognitionem quam habet ante voluntatis actum, nisi forte quantum ad continuationem, sed ad illam quam non habet. Si ergo voluntas mouet intellectum, ad cognitionem distinctam aliquor

Vis cognitiua non cognoscit aliquid nisi adit intentio.

Dubium circa hanc propositionem, Quæ oportet sub vna intentione cadere, oportet simul esse intellecta.



aliquorum, illa quæ præcedit actum voluntatis, non erit distincta, sed confusa. Si de ea quæ sequitur actum voluntatis, non videtur propositio vera: potest enim voluntas intendere cognitiones diversorum successivè, sicut cum aliquis proponit librum unum legere, & posterius alium, siue prius de elementis, & posterius de corporibus celestibus considerate.

Ad primum dubium respondetur, quod aliter comparatur virtus divina ad res productas, & aliter species intelligibiles intellectus angelici, ad obiecta intelligibilia ab ipso. Nam divina essentia, & divina virtus est omnium similitudo actualis, per quam intellectui divino omnia presentia sunt actualiter in esse obiectivo, eo modo quo res sunt presentes nostro intellectui per speciem, quæ actualiter intelligimus, & per conceptum ab intellectu formatum: ideo dum Deus intendit suam essentiam & suam virtutem continentem omnia videre, intendit etiam omnia videre actualiter, ut in sua essentia & virtute continentur. Species autem intellectus angelici non sunt actuales similitudines suorum obiectorum, sed habituales, unde non ponuntur per eas obiecta in esse actuali obiectivo, ideo non oportet, ut Angelus intendens videre suas naturales species, intendat videre actualiter obiecta, sed intendit videre ea, ut sunt in ipso habitualiter in actu primo: & sic videt omnia illo modo simul videndo species suas, ut sunt unum in essentia sua: quod est videre in confuso, non autem propria distincta cognitione, sicut & cum videntur partes in toto.

Sed occurrit dubium. Licet enim species non sit similitudo obiecti per modum conceptus, est tamen rei similitudo: cognita autem similitudine, cognoscitur id, cuius est similitudo, ergo, &c.

Respondetur, quod cognita tali similitudine alicuius, ut est perfectio cognoscens, cognoscitur ipsa res non secundum quod in se est, sed secundum quod est in imagine: & sic conceditur, quod Angelus cognoscit obiecta illa secundum esse quod habent in ipsis speciebus, non autem ut in seipsis sunt.

Ad secundum dicitur, quod intelligitur de cognitione sequente intentionem, ut patet ex eo quod inquit, Quoniam vis cognoscitiva non cognoscit aliquid actu nisi addit intentionem, quæ propositio non est vera, nisi de cognitione sequente, non autem de præcedente intentionem.

SE Ad advertendum quod non dixit sanctus Thomas absolute & simpliciter, Quæ cadunt sub una intentione, oportet simul esse intellecta, sed apposuit etiam necessitatem ex parte intentionis, dicens, Quæ oportet sub una & eadem intentione cadere, oportet simul esse intellecta. Aliqua enim cadunt sub una intentione de necessitate, ita scilicet quod si unum intendatur, necesse est, ut & aliud intendatur, sicut cum intenditur medicina sub ratione ordinati ad sanitatem, necesse est ut & sanitas intendatur. Aliqua vero cadunt sub una intentione non de necessitate, sed ex libertate voluntatis: sicut cum aliquis ex una re plures intendit utilitates, posset tamen unam utilitatem intendere, & non aliam. Similiter ergo & in cognitionibus intentis, de quibus intelligitur propositio sancti Thomæ, aliqua necessarii sub una intentione cadunt, quia non potest unus cognitio intendi quin intendatur alterius cognitio: & hæc sunt quæ tantam colligationem habent inter se, quod unum abique alio cognoscitur non potest, siue sit ratione ipsorum obiectorum, sicut illa quorum unum in alterius ratione cadit, siue ex parte mediæ cognoscendi. Aliqua vero sunt quæ non habent talem connexionem, sed unum abique alio intendi potest, licet sub una intentione cadantur: cum quis intendens philosophiæ cognitionem, simul intendit etiam cognoscere & elementa. Vbi ergo aliqua cognitiones simul ex necessitate sub una intentione cadunt, necesse est, ut simul etiam fiat in intellectu, quia nulla alia ratione sub una intentione necessarii cadunt, nisi quia una abique alia esse non potest: & sic quia omni cognitio de necessitate sub una intentione divina voluntatis cadit, intendens divinam essentiam perfecte videre, eo quod divina essentia perfecte videri non possit, nisi secundum totam eius virtutem videatur, sub qua omnia comprehendantur: ideo non potest intendi cognitio perfecta divina essentia, quin aliorum cognitio intendatur, & per consequens oportet Deum omnia simul cognoscere.

Ad rationem in oppositum dicitur, quod non est contra intentum sancti Thomæ: licet enim illæ cognitiones simul intendatur, non tamen necessarii sub una intentione cadunt.

Tertio, Si non omnia Deus cognosceret simul, non omnia intelligeret una operatione: hoc autem est impossibile, cum sua operatio sit sua essentia, ergo, &c. Probat antecedens, quia intellectus successivè multa considerans impossibile est unam tantum operationem esse, cum operationes secundum obiecta differant, & sic oportet primi esse primam operationem, & secundam secundam.

Sed videtur fundamentum huius rationis falsum esse. Nam Angelus considerans hominis naturam, non considerat sortem nondum genitum, quia non fertur intellectus eius ad futura: sorte autem genito, perseverante prima cognitione, considerat sortem, quia per eandem speciem cognoscit omnia singularia speciei simul existentia: ergo possunt aliqua successivè cognosci per unam & eandem operationem, & sic dicemus Deum successivè rerum cognitionem habere, sicut res successivè esse habent, manente tamen una & eadem operatione intellectus divini.

Ad hoc dubium, si sustinere voluerimus quod nullo modo una operatione possint plura successivè cognosci, dicendum est quod argumentum falsum supponit, scilicet quod sortem noviter generatus cognoscatur cognitione eadem, quæ cognoscebatur alia individua prius existentia: hoc enim falsum est. Sicut enim species hominis non erat actu si similitudo sortis antequam sortes esset, ita conceptus quem formavit intellectus per illam speciem, non erat conceptus eorum quæ sunt propria sortis, ideo si debet Angelus noviter sortem intelligere, necesse est ut alium actum eliciat, aliumque conceptum formet.

Si autem instetur, quia operationes non differunt nisi secundum obiecta, ad quæ primò & per se terminantur, cuius signum est, quod omnia videt Deus una operatione, quia unum est primò & per se obiectum intellectus divini, in quo alia videntur, singularia autem non sunt primò & per se obiecta intellectus angelici, & sic ex eorum multiplicitate & successione non oportet intellectus angelicus multiplicare.

Respondetur, si ponamus quod singularia noviter productum non cognoscatur una intentione per se, sed eadem simul cum aliis, quod non potest simul cognosci cum aliis nisi per novam intentionem, quæ & ipse, & alia cognoscantur, & tunc ista cognitio differt ab illa quæ alia singularia cognoscitur sine isto, ex eo quod cognoscitur natura specifica alio modo quam

prius, non enim prius cognoscebatur ut istis principiis individuandis limitata, postmodum vero cognoscitur ut sic limitata: & sic aliquo modo sunt duo obiecta formalia istarum intentionum. Non enim videtur imaginabile quod noviter cognoscatur, nisi aut ipsum cognoscatur primò & per se, aut noviter cognoscatur aliquod obiectum in quo videatur, aut obiectum prius cognitum alio modo cognoscatur: sicut cum in principio aliquo aliqua conclusio cognoscitur, quæ prius non cognoscebatur, hoc est, quia principium perfectius cognoscitur, & sic habet rationem alterius obiecti alio modo, in quantum potentia perfectiori modo obicitur quam prius. Propositio ergo sancti Thomæ accipitur absolute, non specificando primò & per se obiectum, quia quomodocunque sit successio in cognitione aliquorum, oportet ut sit aliqua pluralitas primò & per se obiectorum, ut potentia obicitur, & sic necesse est ut sint plures operationes, & præsertim ubi operatio una intendi & perfici non potest, sicut est in Deo.

Si autem voluerimus aliam partem sustinere, scilicet quod plura possunt successivè una operatione cognosci, non quidem in seipsis, sed in alio, (quod mihi probabilius videtur, quum operatio habeat speciem & unitatem ab obiecto principali, non autem à secundario, quod in principali videtur) dicendum est, quod non est simile de Angeli cognitione respectu singularium, & de cognitione Dei respectu aliorum à se, quia singularia quæ ab Angelo successivè cognoscuntur, videntur non in seipsis, sed in natura specifica, cum per speciem naturæ specificæ intelligantur. Si autem Deus successivè multa cognosceret, illa videret Deus in seipsis, non autem in essentia divina, quia essentia divina non potest successivè creaturas repræsentare, cum sit actualis similitudo non solum existentium, sed etiam non existentium. Unde propositio ista, intellectus multa considerans successivè, impossibile est unam operationem esse, intelligitur de intellectu considerante unumquodque illorum in seipso, non autem de intellectu considerante illa in alio primo & principaliter viso. Patet ista interpretatio ex ratione, quam adducit sanctus Thomas, quia, inquam, operationes secundum obiecta differunt: constat enim hanc propositionem veram esse tantum de obiectis principaliter visis, non autem de obiectis quæ videntur in alio.

Cum autem dicebatur in prima responsione, quod non videtur imaginabile quod aliquod individuum noviter cognoscatur, nisi aut per se primò sit cognitum, aut noviter aliquod cognoscatur, in quo videatur, aut obiectum prius cognitum alio modo cognoscatur.

Respondetur, quod in hoc casu obiectum principale alio modo cognoscitur quam prius, non quidem per aliam cognitionem, sed per novam dispositionem ipsius obiecti principalis, sicut enim una & eadem species intellectus repræsentat naturam specificam absque hoc singulari, & postmodum ipsam cum hoc singulari repræsentat, non propter variationem speciei intellectus, sed propter mutationem individui, & alio modo naturæ specificæ, ita cognitio talis naturæ absque sui intrinseca variatione prius terminabatur ad naturam specificam absque tali individuo, postea vero terminatur ad ipsam etiam cum ipso individuo. Eadem quoque ratio est de conceptu per illam speciem elicto, quod scilicet absque sui variatione diversimode naturam specificam in tali casu repræsentat, divinitate dico ex parte rei repræsentat se tenente.

Quarto, In Deo nullus potest esse motus, ergo non est successio in eius cognitione: probatur consequentia, quia successio non potest intelligi sine tempore, nec tempus sine motu.

ADVERTENDUM hic duo. Primum, quod secundum doctrinam sancti Thomæ præter tempus continuum, est etiam discretum: sicut præter motum continuum, est etiam motus discretus. Discretus enim motus est compositus ex diversis operationibus instantaneis subinveniem succedentibus, & ab existente in actu procedentibus, & successio talium operationum dicitur tempus discretum, ideo bene inquit sanctus Thomas, quod nulla successio potest intelligi sine tempore, scilicet continuo aut discreto.

Secundum est, quod aliquando una operatio instantanea dicitur motus, secundum quod motus est actus perfectus, eo modo quo Plato dixit Deum movere seipsum, quia intelligit se, sed hoc modo non loquitur hic sanctus Thomas, cum inquit impossibile esse ut aliquis motus sit in Deo: sed accipit motum ut successione includit, quomodocunque sit successio & transitus ab uno in aliud.

Quinto, Esse divinum non habet prius & posterius: ergo nec consideratio, ergo omnia simul cognoscit. Patet consequentia, quia intelligere Dei, est ipsum esse. Hæc ratio probat non esse successione ex parte ipsius operationis.

Sexto, Intellectus divinus nunquam est in potentia: ergo omnia simul intelligit. Probatur consequentia, quia omnis intellectus intelligens unum post aliud, dum intelligit primum in actu, secundum intelligit in potentia.

Confirmatur conclusio autoritate Iacobi.

Quod in Deo non est habitualis cognitio.

Cap. 56.

**E**X hoc autem apparet, quod in Deo non est habitualis cognitio. In quibusvis enim est habitualis cognitio non simul omnia cognoscuntur, sed quædam cognoscuntur actu, & alia cognoscuntur habitu. Deus autem simul actu omnia intelligit, ut probatum est: non est igitur in eo habitualis cognitio.

1. Præterea, Habens habitum, & non considerans, est quodammodo in potentia, aliter tamen quam antè intelligeret, ostensum est autem quod intellectus divinus nullo modo est in potentia, nullo igitur modo est in ipso habitualis cognitio.

2. Amplius, Omnis intellectus habitualiter cognoscens aliquid, est aliud eius essentia quam sua operatio intellectualis, quæ est ipsa consideratio: intellectui enim habitualiter cognoscenti deest sua operatio, non autem eius essentia deesse ei potest. In Deo autem sua essentia est sua operatio, ut supra ostensum est: non est igitur in eius intellectu habitualis cognitio.

Contra Gent.

f 3

Item

Impossibile est intellectus successivè multa considerantis unam tantum operationem esse.

Idem P. p. 14. art. 1. ad primū.

† Cap. 55.

† Cap. 45.



4 Item, Intellectus habitualiter tantum cognoscens, non est in sua ultima perfectione: unde nec felicitas, quæ est optimum, ponitur secundum habitum, sed secundum actum. Si igitur Deus est habitualiter cognoscens per suam substantiam, secundum suam substantiam consideratus non erit vniuersaliter perfectus: cuius contrarium ostensum est supra.

†Cap. 18.

5 Amplius, Ostensum est quod ipse Deus est intelligens per essentiam suam, non autem per aliquas species intelligibiles essentia superadditas: omnis autem intellectus in habitu per aliquas species intelligit. Nam habitus vel est habitatio quædam ad recipiendum species intelligibiles, quibus actu fiat intelligens: vel est ordinata aggregatio ipsarum specierum existentium in intellectu, non secundum completum actum, sed medio modo inter potentiam & actum. Non est igitur in Deo habitualis scientia.

†Cap. 23.

†Vt dicit Philosophus 1. cō. 12. Meta. cō. 50.

Auth. sacre scrip.

6 Præterea, Habitus quædam qualitas est: Deo autem non potest nec qualitas nec aliquid accidens accidere, ut supra probatum est. Non igitur Deo competit habitualis cognitio. Quia verò dispositio, qua quis est habitu tantum considerans, aut volens, aut agens, assimilatur dispositioni dormientis: hinc est quod David ut habitualem dispositionem ad Deo remoueret, dicit, Ecce non dormitabit neque dormiet, qui custodit Israël. Hinc etiam est quod Ecclesiastici 23. dicitur, Oculi Domini multo sunt lucidiores super Solem: nam Sol semper est in actu lucendi.

## Super cap. 56.

Secundo ostendit, quod in Deo non est habitualis cognitio, & arguit primum sic, Deus omnia simul actu cognoscit, ergo non est eius cognitio habitualis. Patet consequentia, quia ubi est habitualis cognitio, aliqua cognoscuntur habitu tantum, non autem actu.

Secundo, Intellectus diuinus nullo modo est in potentia, ergo, &c. Patet consequentia: quia habens habitum, & non considerans, est in potentia quodammodo, scilicet accidentaliter, non autem essentialiter.

Tertio, In Deo operatio est sua essentia, ergo, &c. Probatur consequentia, quia ubi intellectus habitualiter cognoscit, ibi aliud sunt essentia & actualis operatio, habitualiter enim cognoscenti deest actualis consideratio ut sic: essentia autem ei deesse non potest.

Quarto, Si hoc esset, Deus non esset vniuersaliter perfectus. Probatur consequentia, quia intellectus habitualiter cognoscens non est in sua ultima perfectione, scilicet secundum genus intellectus ut sic, unde nec felicitas ponitur à Philosopho esse secundum habitum, sed secundum actum.

Quinto, Nō sunt in intellectu diuino aliquæ species superadditæ, ergo, &c. Probatur consequentia, quia omnis intellectus in habitu intelligit per aliquas species, quia habitus vel est habitus quædam ad recipiendum species intellectuales, vel est ordinata aggregatio ipsarum specierum intellectibilium existentium in intellectu medio modo inter actum & potentiam.

ADVERTENDVM, quod sanctus Thomas. hic de habitu scientiæ sub distinctione loquitur, propter varias opiniones de ipso. Nam Aui. ut dicitur Veri. quæst. 12. art. 1. & 4. senten. distin. 50. art. 2. posuit habitum scientiæ esse habilitatem quandam animæ nostræ ad recipiendum illuminationem intelligentiæ agentis, & species intelligibiles ab ea effluentes. Alij verò dixerunt habitum scientiæ esse collectionem specierum. Sanctus Thomas autem aliquando videtur dicere ipsum esse quandam simplicem qualitatem, ut prima secundæ quæst. 54. artic. 4. aliquando verò quod sit collectio multarum specierum, ut Veri. quæst. 20. art. 2. Dicerem ego pro expositione opinionis sancti Thomæ, quod de habitu scientifico intellectus nostri, dupliciter loqui possumus, scilicet formaliter & fundamentaliter, siue originatiue. Si fundamentaliter & originatiue loquamur, sic est collectio ipsarum specierum: non enim potest intellectus conclusiones aliquas considerare, nisi sit in actu per species intellectuales virtute intellectus agentis, à phantasmatis abstractas. Sed quia habens huiusmodi species non potest ipsis ordinatè uti & scientiæ, nisi per exercitationem in demonstrationibus ex iis speciebus factis, ex quibus in intellectu causatur qualitas quædam, qua intellectus est habilis ad considerandum conclusiones vnius scientiæ promptè & delectabiliter, ideo ipsa habitus est essentialis & formale in habitu scientifico, nomine Habilitatis intelligendo non habitudinem & relationem duntaxat, sed qualitatem, per quam intellectus sit habilis proximè ad vtendum speciebus intelligibilibus, & ad considerandum scientiæ conclusiones: propter hoc dicit sanctus Thomas, habitum esse collectionem specierum ordinatarum, quia videlicet ipse species non habent rationem habitus scientifici, nisi ipsa habitus qua sunt ordinatæ in intellectu, quantum ad vsum ipsarum superueniat, unde scientia dicitur effectus demonstrationis esse, non quidem quantum ad ipsum fundamentum, quia species intellectuales non causantur per opus intellectus potentialis, cuiusmodi est demonstratio, sed per actum intellectus agentis: sed quantum ad formale, scilicet quantum ad habilitatem, per demonstrationem enim redditur intellectus habilis ad vtendum speciebus intelligibilibus circa conclusionem demonstratam: & quia per vnam demonstrationem circa vnum genus intelligibilium causatur habitus in intellectu ad considerandum per species illius generis: ideo per alias demonstrationes circa idem genus non causatur noua qualitas & noua habitus: sed prius causa extenditur & perficitur secundum quod intellectus per ipsam sit habilis ad considerandum plures conclusiones: circa idem genus intelligibile, ad quas prius erat in potentia tantum, iuxta ea quæ dicit sanctus Thomas in Potentia secundæ.

Similiter possumus dicere in intellectu angelico habitum esse fundamentaliter ipsas species: formaliter autem esse quandam habilitatem ad vtendum ipsis speciebus: siue sit aliquid distinctum in ipsis ab ipso intellectu, siue sit ipsum lumen naturale intellectus. Hanc difficultatem plenissime alij Thomistæ pertractant: deo de ipsa dicta à nobis hoc loco sufficiant.

Sexto, In Deo non est qualitas, ergo, &c. Patet consequentia: quia habitus qualitas est.

CONSIDERANDVM ex doctrina sancti Thomæ primo Sententiarum distinctione trigesimaquinta, & Prima parte quæstione decimaquarta, quod cum scientia dicat perfectionem ratione certitudinis, imperfectionem autem in quantum qualitas est, & in quantum discursum importat, sicut alia dicuntur de Deo per remotionem omnis imperfectionis: ita cum scientia attribuitur Deo, attribuitur illi ratione certitudinis, non autem ratione qualitatis & discursus: & quia hic loquimur de habitu propriè, cui conuenit quod sit qualitas, ideo absolute dicitur hic quod habitus est qualitas.

Confirmatur postremo auctoritate Psalm. Non dormitabit neque dormiet, qui custodit Israël: quia dispositio habitualiter cognoscētis assimilatur dispositioni dormientis, ut dicitur 11. Metaphysicor. comm. 50. Item auctoritate Ecclesiasti. 33. Oculi Domini, &c.

## Quod cognitio Dei non est discursiua.

## Cap. 57.



Hoc autem vltius habetur, quod diuina consideratio nō est ratiocinatiua vel discursiua. Tunc enim ratiocinatiua est nostra consideratio, quādo ab vno considerato in aliud transimus, sicut syllogizando à principiis in conclusiones: non enim ex hoc aliquis ratiocinatur vel discursit, quod inspicit qualiter conclusio ex præmissis sequatur, simul vtrunque considerans. Hoc enim contingit non argumentando, sed argumenta iudicando, sicut nec cognitio materialis est ex hoc quod materialia diiudicat: ostensum est tamen, quod Deus non considerat vnum post aliud quasi successiue, sed simul omnia: non ergo cognitio eius est ratiocinatiua, vel discursiua: quamuis omnium discursum & ratiocinationem cognoscatur.

Idem. P. p. q. 4. artic. 7.

2 Item, Omnis ratiocinans alia consideratione intuetur principia, & alia conclusionem: non enim oporteret consideratis principiis ad conclusionem procedere, si ex hoc ipso quod principia considerantur, conclusiones etiam considerantur. Deus autem cognoscit omnia operatione vna, quæ est sua essentia, ut supra probatum est: non est igitur sua cognitio ratiocinatiua.

†Cap. 54.

3 Præterea, Omnis ratiocinatiua cognitio habet aliquid de potentia, & aliquid de actu: nam conclusiones in principiis sunt in potentia. In diuino autem intellectu potentia non habet locum ut supra ostensum est: non est igitur eius intellectus discursiuis.

†Cap. 56.

4 Amplius, In omni scientia discursiua oportet aliquid esse causatum: nam principia sunt quodammodo causa efficiens conclusionis. Vnde & demonstratio dicitur syllogismus faciens scire: in diuina autem scientia nihil causatum potest esse, cum ipsa Dei scientia sit ipse Deus, ut ex superioribus patet: Dei igitur scientia non potest esse discursiua.

†Cap. 55.

5 Adhuc, Ea quæ naturaliter cognoscuntur, absque ratiocinatione nobis sunt nota: sicut de primis principiis patet. Sed in Deo non potest esse cognitio nisi naturalis, imò nisi essentialis: sua enim scientia est sua essentia, ut supra ostensum est. Dei igitur cognitio non est ratiocinatiua.

†Cap. 49.

6 Præterea, Omnem motum necesse est reduci in primum mouens, quod est mouens tantum, & non motum: illud igitur à quo est prima origo motus, oportet omnino esse mouens, & non motum. Hoc autem est intellectus diuinus, ut supra ostensum est, oportet igitur intellectum diuinum omnino esse mouentem, non motum: ratiocinatio autem est quidam motus intellectus transeuntis ab vno in aliud: non est igitur diuinus intellectus ratiocinatus.

Cap. 31.

7 Item, Quod est supremum in nobis, est inferius eo quod est in Deo: nam inferius non attingit superius nisi in suo summo. Supremum autem in nostra cognitione non est ratio, sed intellectus, qui est rationis origo: Dei igitur cognitio non est ratiocinatiua, sed intellectualis tantum.

†Cap. 28.

8 Amplius, A Deo omnis defectus remouendus est, ed quod ipse est simpliciter perfectus, ut supra ostensum est, sed ex imperfectione intellectualis naturæ provenit ratiocinatiua cognitio. Nam quod per aliud cognoscitur, minus est notum eo quod per se cognoscitur: nec ad id quod per aliud est notum, natura cognoscētis sufficit sine eo, per quod sit notum. In cognitione autem ratiocinatiua fit aliquid notum per aliud: quod autem intellectualiter cognoscitur, per se est notum, & ad ipsum cognoscendum natura cognoscētis sufficit absque exteriori medio. Vnde manifestum est, quod defectus quidam intellectus est ratiocinatio: diuina igitur scientia non est ratiocinatiua.

9 Ad hoc, Absque rationis discursu comprehenduntur ea, quorum species sunt in cognoscente: nō enim visus discursit ad lapidem cognoscendum, cuius similitudo in visu est. Diuina autem essentia est omnium similitudo, ut supra probatum est.

†Cap. 54.



tum est: non igitur procedit ad aliquid cognoscendum per rationis discursum.

†Solutio contra  
traz opin.

†Patet etiam solutio eorum, qui discursum in diuinā scientiam inducere videntur: tum ex hoc quod per essentiam suam alia nouit, quod quidē ostensum est non fieri discursuē, cum eius essentia se habeat ad alia, non sicut principium ad conclusiones, sed sicut species ad res cognitās. Tum ex hoc, quod inconueniens fortē aliquibus videretur, si Deus syllogizare non posset: habet enim syllogizandi scientiam tanquam iudicans, & non syllogizando discurrens. Huic autem veritati rationibus probatur, etiam sacra Scriptura testimonium perhibet. Dicitur enim Hebr. 4. Omnia nuda & aperta sunt oculis eius. Quæ enim ratiocinando scimus, non sunt secundum se nobis nuda & aperta, sed ratione aperiuntur & nudantur.

### Super cap. 57.

**E**ritō ostendit, quod diuina consideratio non est ratiocinatio vel discursus. Probatur primò, Deus non cognoscit vnum post aliud quasi successiue: ergo non discurret. Probatur consequentia: quia nostra consideratio est ratiocinatio vel discursus, quando ab vno considerando in aliud transimus. Pro quo notat sanctus Thomas, quod non dicitur aliquis ratiocinari ex hoc quod inspicit qualiter ex præmissis sequatur conclusio, simul vtrumque considerans: quia hoc contingit non argumentando, sed argumenta iudicando: sicut nec cognitio materialis est hoc quod materialia diiudicat.

Quid sit discursus  
intellectus.

**ADVERTENDVM** ex doctrina sancti Thomæ 1. q. 8. Verit. quæst. 8. quod ad rationem discursus duo requiruntur. Primum, vt distinctis cognitionibus cognoscantur plura. Secundum, vt cognitio vnus sit causa cognitionis alterius: vnde discurre est, ex vno prius cognito in cognitionem alterius posteriori noti deuenire quod prius erat ignotum. Propter defectum primi, vidēs plura in speculo non dicitur discurre: quia omnia vnica visione cognoscit. Propter defectum secundi, cognoscens primò hominem, & secundo lapidem, non dicitur discurre: quia vna cognitio non est causa alterius. Ideo bene hic dicitur, quod considerans qualiter conclusio ex præmissis sequatur, simul vtrumque considerans, non discurret: quia videlicet non proceditur à prius noto ad posteriorem notum.

Secundò, Omnia Deus vnica operatione cognoscit: ergo non discurret. Probatur consequentia, quia ratiocinans alia operatione considerat principia, & alia conclusionem: non enim oportet consideratis principiis ad conclusionem procedere, si ex hoc ipso quod principia considerantur, conclusiones etiam considerantur.

Quo principia  
simul cum cō-  
clusionē cogno-  
scentur.

**ADVERTENDVM**, quod principia dupliciter considerari possunt. Vno modo, secundum se & absolute: alio modo, vt ordinata ad conclusionem inferendam. Cum primo modo considerantur, putā cum consideratur hominem esse animal rationale per se. Et similiter cum consideratur animal rationale esse risibile per se & separatim, non cognoscitur conclusio, putā homo est risibilis: sed alia cognitione secundum se vnāqueque præmissarum consideratur: & alia cognitione conclusio. Cum autem secundo modo considerantur, cum scilicet minor accipitur vt subsumpta ad maiorem, simul cognoscitur minor subsumpta, & conclusio. Propter hoc dicitur Posteriorū primo, q. 2. alia cognoscens, simul inducens cognouit. Sed secunda cognitio præsupponit primam: non enim ordinantur propositiones ad inferendam conclusionem nisi prius ipsis propositionibus secundum se cognitis. Propter hoc dicit S. Thomas, q. ratiocinans prius intuetur principia quā conclusionem: quia videlicet prius cognoscit ipsa absolute, quā per ordinem ad conclusionem: & per consequens alia & alia cognitione cognoscit vtrumque.

**ADVERTENDVM** quoque quod hæc ratio secunda, est alia prima, quia in prima proceditur ex successione cognitionis, quæ requiritur in discursu: in secunda autem ex alietate cognitionis principiorum & conclusionis: non est autem formaliter idem successiue cognoscere, & diuersis cognitionibus considerare, licet vnum alterum concomitetur.

Tertio, In diuino intellectu non est potentia, ergo, &c. Probatur consequentia: quia omnis ratiocinatio cognitio habet aliquid de potentia & aliquid de actu: eod quod in principiis sunt conclusiones in potentia.

Sed videtur ista ratio non concludere: quia principia non continent conclusiones nisi in potentia actiue: vt dicitur 2. Phisic. si formaliter fumantur, non est autem inconueniens aliqua potentialiter isto modo contineri in Deo: cum in ipso sic omnes creature contineantur.

Respondetur, quod licet in principiis contineantur conclusiones in potentia actiue: tamen ex hoc quod taliter in principiis continentur, & cognoscuntur in ipsis potentialiter: necesse est in intellectu ponere potentiam ad nouam actionem, & etiam potentiam passiuam: quia sic intellectus est in potentia ad eliciendum actum cognitionis, quem non habet: & est in potentia ad recipiendum actuale cognitionem, quæ ex principiorum cognitione causari potest. Ex hoc autem quod creature sunt in Deo secundum potentiam actiuam, non oportet ponere in ipso aliquam potentiam ad eliciendum nouum actum, neque potentiam passiuam: ideo non est simile.

Quarto, In diuina scientia nihil potest esse causarum, cum sit idem quod ipse Deus, ergo, &c. Probatur consequentia: quia in scientia discursus principia sunt quodammodo causa efficiens conclusionis: vnde & demonstratio est syllogismus faciens scire.

**ADVERTENDVM** quod sanctus Thomas dicit principia esse quodammodo causam efficientem conclusionis, non autem simpliciter esse causam, quia non sunt causa, quæ efficiat cognitionem conclusionis tanquam agens quod sit tanquam ratio agendi: intellectus enim ex cognitione principiorum causat cognitionem conclusionis in seipso.

Quinto, In Deo non potest esse nisi cognitio naturalis, ergo, &c. Probatur consequentia, quia (vt in nobis patet) quæ naturaliter cognoscimus, vt sunt prima principia, cognoscimus absque discursu: ex sola, scilicet cognitione terminorum.

Sexto, Ratiocinatio est quidam motus intellectus transiens ab vno in aliud: ergo non conuenit Deo. Probatur consequentia, quia omnis motus

oportet ad mouens omnino immobile reducere: intellectus autem diuinus est prima origo motus, vt inferius ostendetur.

Septimo, Supremum in nobis non est ratio, sed intellectus, qui est rationis origo: ergo Deus non discurret. Probatur consequentia, quia supremum in nobis est inferius eo, quod est in Deo, cum inferius non attingat superius nisi in sui supremo.

**ADVERTENDVM**, quod intellectus in nobis dicitur rationis origo, in quantum cognitio principiorum, quæ ad intellectum pertinet, est causa & origo discursus, qui pertinet ad rationem.

Octauo, Ex imperfectione intellectus naturalis nature provenit ratiocinatio cognitio, ergo, &c. Probatur antecedens, quia quod per aliud cognoscitur, sicut accidit in cognitione ratiocinatio, est minus notū eo, quod est per se notū, & ad illud non sufficit natura cognoscens sine eo, per quod sit notum.

**ADVERTENDVM**, quod licet intellectus noster natus sit multas conclusiones per certitudinem, & euidenter cognoscere, non tamen potest earum certam & euidentem notitiam habere nisi per resolutionem ad prima principia, vt inquit sanctus Thomas 3. Sent. dist. 23. art. 2. q. 3. Propterea hic dicitur, quod non sufficit intellectus illas cognoscere absque medio: sed si intellectus naturalis nostra natura omnino perfecta esset, posset in principiis conclusiones cognoscere vno intuitu, nec opus esset transitio ab vno in aliud, ideo huiusmodi discursus cognitio arguit imperfectionem nature intellectus naturalis.

Vltimo, Diuina essentia est omnium similitudo, ergo, &c. Probatur consequentia, quia absque discursu cognoscuntur ea, quorum species sunt in cognoscente.

**ADVERTENDVM**, quod aliqua possunt habere speciem in intellectu dupliciter, scilicet mediata, & immediata. Immediata, quando immediate repræsentantur per illam: mediata quando secundario repræsentantur & remotè. Quidditates ergo rerum immediate & proximè habent speciem in intellectu nostro: complexiones verò remotè, & mediata, sed in intellectu diuino sunt species tam complexorum quā incomplexorum immediate: cum diuina essentia omnium sit propria similitudo. Quod ergo inquit sanctus Thomas, cognosci absque discursu ea quorum sunt species in cognoscente, intelligendum de eis, quæ sunt primò & immediate per species repræsentata, quo modo omnia in Deo habent speciem & similitudinem aliquo modo.

Ex istis soluantur rationes, quæ contra hanc conclusionem adduci possunt. Prima est, quia Deus omnia per suam essentiam nouit: dicitur enim quod hoc non sufficit ad discursum, cum essentia diuina se habeat ad alia non sicut principium ad conclusiones, sed sicut species ad res cognitās.

Sed videtur sanctus Thomas Verit. q. 2. 4. oppositum dicere huius: dicit enim ibidem, quod res esse in Deo assimilatur illi modo quo effectus sunt in causa, & conclusiones in principiis.

Respondetur, quod cum in omni similitudine coniungatur etiam aliqua dissimilitudo, similia vno modo, possunt alio modo dissimilia dici. Principia ergo intellectus nostri comparantur ad conclusiones, sicut causa ad effectum in ipsa virtualiter contentum, non autem sicut similitudo actualiter & distinctè repræsentatio conclusionum, & propria eorum ratio. Ideo cum essentia diuina sit causa omnium creaturarum, est aliqua similitudo inter essentiam diuinam respectu creaturarum, & principium respectu conclusionum: sed in quantum essentia diuina actu repræsentat omnes creaturas & distinctè, non autem principia suas conclusiones in ipso virtualiter contentas, in hoc inter ipsam & principia est dissimilitudo. Ratione ergo vnus dictum est in quæstionibus de Veritate, quod sunt similia, ratione verò alterius hic negatur similitudo, & præsertim quia hic agitur de cognitione qua vnum per aliud cognoscitur, in quo differt essentia diuina à principiis demonstrationum. Illa enim sic ducunt in cognitionem alterius, quod prius cognoscuntur, & postea ex eorum cognitione deuenitur in cognitionem conclusionum, non autem sic est de essentia diuina, sed ipsa ducit in cognitionem aliorum sicut species intelligibilis, & sicut species concepta: quæ non prius duratione cognoscitur, quā id quod per ipsam repræsentatur.

Secunda obiectio est, quia cum nos syllogizemus, inconueniens esse videtur si Deus syllogizare non possit. Sed dicitur, quod licet non syllogizet, quia hoc imperfectionem nostri intellectus sequitur, habet syllogizandi scientiam tanquam iudicans de argumentis.

Confirmatur postremo conclusio, Hebr. 4. vbi dicitur, quod omnia nuda sunt & aperta oculis eius: quæ autem argumentatione noscuntur, non sunt secundum se nobis nuda & aperta, sed ratione nudantur & aperiuntur.

### Quod Deus non intelligit componendo & diuidendo. Cap. 58.

**P**er eadem etiam ostendi potest, quod intellectus diuinus non intelligit per modum intellectus componentis & diuidentis. Cognoscit enim omnia cognoscendo essentiam suam, essentiam autem suam non cognoscit componendo & diuidendo: cognoscit enim seipsum sicut est. In ipso autem nulla est compositio: non igitur intelligit per modum intellectus componentis & diuidentis. Idem p. p. q. 14. art. 14.

2. Adhuc, Ea quæ intellectu diuiduntur & componuntur, nata sunt seorsum ab eo considerari: compositio enim & diuisione opus non esset si in hoc ipso quod de aliqua re apprehenditur quid est, haberetur quid ei inesset vel nō inesset. Si igitur Deus intelligeret per modum intellectus componentis & diuidentis: sequeretur quod non vno intuitu omnia consideraret, sed seorsum vnumquodque: cuius contrarium suprā ostensum est. †Cap. 55.

3. Amplius, In Deo non potest esse prius & posterius: compositio autē & diuio posterior est consideratione eius, quod quid est, quæ est eius principium. In operatione igitur diuini intellectus compositio & diuio esse non potest.

4. Item, Proprium obiectum intellectus, est quod quid est: Contra Gent. f. 4. vnde



vnde circa hoc non decipitur intellectus, nisi per accidens. Circa compositionem autem & diuisionem decipitur, sicut & sensus, qui est proprius, est semper verus. In aliis autem fallitur, in intellectu autem diuino non est aliquid per accidens, sed solum quod per se est. In diuino igitur intellectu non est compositio & diuisio, sed solum simplex rei acceptio.

5. Amplius. Propositionis per intellectum componentem & diuidentem formata compositio in ipso intellectu existit non in re quæ extra animam est. Si igitur intellectus diuinus de rebus iudicat per modum intellectus, ipse est compositus: quod est impossibile, vt ex supradictis patet.

6. Item, Intellectus componens & diuidens diuersis compositionibus diuersa diiudicat: compositio enim intellectus compositionis terminos non excedit. Vnde compositionem qua intellectus diiudicat hominem esse animal, non diiudicat triangulum esse figuram: compositio autem vel diuisio operatio quadam est intellectus. Si igitur Deus considerat res componendo & diuidendo, sequetur quod suum intelligere non sit vnum tantum sed multiplex: & sic etiam sua essentia non erit vna tantum: cum sua operatio intellectualis sit sua essentia, vt supra ostensum est. Non autem propter hoc oportet nos dicere quod enuntiabilia ignorat: nam essentia sua cum sit vna & simplex, exemplar est omnium multiplicium & compositorum: & sic per ipsam Deus omnium multitudinem & compositionem tam materia quam rationis cognoscit. His autem sacre Scripturæ autoritas consonat. Dicitur enim Isaia 55. Non enim cogitationes meæ, cogitationes vestræ. Et tamen in Psalmo 93, dicitur, Dominus scit cogitationes hominum: quas constat per compositionem & diuisionem intellectus procedere. Dionysius etiam dicit 7. cap. De diu. nomi. Igitur diuina sapientia seipsam cognoscens, cognoscit omnia, & materialia immaterialiter, & indiuisibiliter diuisibiliter, & multa vniuersè.

† Cap. 45.

Auth. sacre  
Scrip.

Dionys.

## Super cap. 58.

**Q**uarto, ostendit quod intellectus diuinus non intelligit per modum componentis & diuidentis. Et arguit primo, sic, Omnia cognoscit cognoscendo essentiam suam: ipsam autem non cognoscit componendo & diuidendo, cum in ipsa nulla sit compositio, ergo, &c.

Compositioni  
& diuisioni in  
tellectus, oportet  
correspondere compo-  
sitionem ex parte  
rei.

A D V E R T E ex doctrina sancti Thomæ Prima parte. q. 85. s. tertium, quod compositioni & diuisioni intellectus oportet correspondere compositionem aliquam ex parte rei, siue sit ex materia & forma, siue ex substantia & accidente, siue quocunque alio modo: sed hoc ego intelligo quod conueniat rei aut secundum se ex natura sua, aut secundum quod est in conceptu nostro. Non enim requiritur, vt ipsa res de qua formatur compositio & diuisio, in seipsa aliquam habeat compositionem (alioquin omnes propositiones quas de Deo formamus: falsæ essent, cum in ipso nulla sit compositio) sed requiritur quod saltem in intellectu multipliciter quandam habeat: & sic diuina essentia compositionem & multipliciter habet secundum quod de ipsa multos conceptus formamus. Sed quia hoc accidit ex imperfectione intellectus nostri non valentis ipsam, secundum quod in se est, comprehendere, ideo vbi intellectus est illi adæquatus, cuiusmodi etiam intellectus diuinus, in ipsa non est compositio etiam secundum quod intelligitur, cum non sub pluribus conceptibus concipitur. ideo à tali intellectu sine compositione cognoscitur. Propter hoc ergo dixit sanctus Thomas. Deum ideo non componere essentiam suam cognoscendo, quia ipsa composita non est, scilicet in se, & addidit etiam, quod cognoscit seipsum sicut est: vt ostendat quod nec etiam secundum quod à seipso intelligitur, compositionem habet. & sic ex nulla parte ipsam intelligendo componit: cum oporteat compositioni in intellectu aliquam compositionem ex parte rei altero illorum modorum correspondere. Secundo, si componeret & diuideret, non vno intuitu omnia consideraret, sed seorsum abinuicem considerari. Nam si cognoscit quid est res, statim cognoscitur quid ei inest, non esset opus compositione & diuisione.

A D V E R T E N D V M (vt habetur P. p. q. 85. & 88.) q. ideo intellectus noster cognoscit componendo & diuidendo, quia cum procedat de potentia ad actum, non statim habet perfectam rei cognitionem, sed primo rei quidditatem cognoscit, deinde passionem & habitudines circumstantes: vnde necesse est vt ea quæ diuisim cognouit, vniter componendo aut diuidendo ad habendam perfectam notitiam de re. Si autem apprehensa quidditate, simul in ipsa videret quæ illi insunt aut non insunt, non indigeret compositione, quia statim de re perfectam notitiam haberet: quod sanè intellectui diuino contingit, qui vnicuique actu omnia quæ in re esse aut non esse possunt, apprehendit. Tercio, in Deo non potest esse prius & posterius: ergo non est in ipso compositio. Probatur consequentia, quia compositio & diuisio est posterior consideratione quod quid est.

A D V E R T E, quod ista ratio differt à precedente: quia illa procedebat ex ordine cognitorum simplicium, hæc autem ex ordine ipsarum cognitionum, simplicis, inquam, & compositæ. Quarto, in diuino intellectu non est aliquid per accidens: ergo in ipso non est compositio & diuisio. Probatur consequentia, quia in cognitione quod quid est, non decipitur intellectus nisi per accidens: circa compositionem autem & diuisionem decipitur, sicut & sensus in propriis sensibilibus non fallitur, sed bene in altis.

A D V E R T E, fundamentum huius rationis esse, quod in intellectu diuino non potest intelligi esse compositio & diuisio, nisi eo modo quo in intellectu cognoscente quod quid est, potest reperiri: quia intellectus diuinus est simpliciter intellectus, & omnia cognoscit eo modo, quo noster intel-

lectus cognoscit quod quid est, vt dictum est superius: & quia in cognitione quod quid est, vt sic, non admittitur compositio nisi per accidens, ratione cuius & in ipso falsitas esse potest, ideo nec ito modo potest compositio esse in intellectu diuino, in quo nihil est per accidens. Quinto, sequeretur quod intellectus diuinus compositus sit. Probatur consequentia, quia compositio formata per intellectum, existit in intellectu, non in re, quæ est extra intellectum, licet aliquid sibi correspondeat in re, vt supra diximus. Si ergo intellectus diuinus componat, erit in ipso forma ab ipso distincta: & sic erit in ipso aliqua compositio. Sexto, si sic est, ergo intelligere Dei non est vnum tantum: ergo sua essentia non est vna tantum, cum eius operatio sit sua essentia. Probatur prima consequentia, quia intellectus componens & diuidens, diuersis compositionibus diuersa iudicat: compositio enim intellectus compositionis terminos non excedit. Nam compositione qua intellectus iudicat hominem esse animal, non iudicat triangulum esse figuram.

A D V E R T E, quod Compositionis nomine ali quando significatur ipsa operatio intellectus, aliquando conceptus per illam operationem productus, hic autem accipitur pro ipsa operatione. Verum enim est, quod talis operatio non excedit terminum per ipsam productum, sicut & nulla alia operatio suum terminum excedit: & ideo si terminus vnus compositionis est hominem esse animal, nihilque aliud representat in re, non poterit illa operatio ad aliud iudicandum extendi. Sed quia posset aliquis deducere, quod Deus non cognoscat enuntiabilia, quia non componit: hoc remouet sanctus Thomas dicens, quod hoc ex dictis non sequitur: quia licet Deus non componat aut diuidat, omnium tamen cognoscit compositionem, eo quod essentia sua vna & simplex exemplar sit omnium multiplicium & compositorum tam secundum rem quam secundum rationem.

Sed occurrit hic dubium, Nam entia rationis nullum habent esse, sed solum cognoscuntur, ergo per diuinam essentiam non cognoscitur compositio rationis: essentia enim diuina non est exemplar entium nullum habentium esse, nec habere potentium.

Respondetur, & dicitur primo, quod per compositionem rationis non intelligit sanctus Thomas compositionem quæ sit ens rationis, vt ens rationis distinguitur ab ens reale, sed compositionem & conceptum complexum, formatum per intellectum & rationem, qui est ens reale, distinctum tamen contra ens naturale, quod extra intellectum per ipsum representatur.

Dicitur secundò, quod essentia diuina est etiam aliquo modo exemplar entis rationis ex ea parte qua aliquo modo participat esse. Confirmatur postremo & conclusio, & sensus conclusionis, auctoritate Isaia 55. vbi dicitur, Non enim cogitationes meæ, &c. cum tamen dicat in Psalmo. Dominus scit cogitationes hominum. Item Dionysius, cap. 7. De di. nom.

## Quod à Deo non excluditur veritas enuntiabilium. Cap. 59.



**I**n hoc autem apparet, quod licet diuini intellectus cognitio non se habeat ad modum intellectus componentis & diuidentis, non tamen excluditur ab eo veritas: quæ secundum Philosophum & solum circa compositionem & diuisionem intellectus est. Cum enim veritas intellectus sit adæquatio intellectus & rei, secundum quod intellectus dicit esse quod est, vel non esse quod non est: ad id in intellectu veritas pertinet, quod intellectus dicit, non ad operationem qua id dicit. Non enim ad veritatem intellectus exigitur vt ipsum intelligere rei adæquetur, cum res interdum sit materialis, intelligere verò immateriale: sed illud quod intellectus intelligendo dicit & cognoscit, oportet esse rei quatuor, scilicet vt ita in re sit, sicut intellectus dicit. Deus autem sua simplici intelligentia (in qua non est compositio & diuisio) cognoscit non solum rerum quidditates, sed etiam enuntiationes, vt ostensum est: & sic illud, quod intellectus diuinus intelligendo dicit, est compositio & diuisio. Non ergo excluditur veritas ab intellectu diuino ratione suæ simplicitatis.

Idem P. p. q. 10.  
art. 5. ad primū,  
& 16. Met. c. 8.† 6. Met. text.  
com. 8.

2. Amplius, Cum aliquod incomplexum vel dicitur vel intelligitur, ipsum quidem incomplexum, quantum est de se, non est rei æquatum, nec rei inæquale: cum æqualitas & inæqualitas secundum comparisonem dicantur, incomplexum autem, quantum est de se, non continet aliquam comparisonem vel applicationem ad rem: vnde de se nec verum nec falsum dici potest, sed tantum complexum, in quo designatur comparatio incomplexi ad rem per notam compositionis aut diuisionis. Intellectus tamen incomplexus intelligendo quod quid est, apprehendit quidditatem rei in quadam compositione ad rem, quia apprehendit eam, vt huius rei quidditatem: vnde licet ipsum incomplexum & etiam diffinitio non sit secundum se verum vel falsum, tamen intellectus apprehendens quod quid est, dicitur quid per se semper esse verum, vt patet in 3. de Animat. & si per accidens possit esse falsum, inquantum vel diffinitio includit aliquam complexionem, vel partium diffinitionis adinuicem, vel totius diffinitionis ad diffinitum: vnde diffinitio dicitur secundum quod intelligitur vt huius vel illius rei diffinitio: secundum quod ab intellectu accipitur, vel simpliciter falsa si partes diffinitionis non cohereant in inuicem: vt si dicatur animal insensibile. Vel falsa secundum hanc rem, prout diffinitio circuli accipitur vt trianguli: dato igitur per impossibile, quod sic intellectus diuinus solum incomplexa cognosceret, adhuc esset verus cognoscendo suam quidditatem vt suam

† Cap. 54.

† Text. c. 16.



3 Adhuc, Diuina simplicitas perfectionem non excludit: quia in suo esse simplici habet quicquid perfectionis in aliis rebus per quam aggregationem perfectionum seu formarum inuenitur, ut supra ostensum est. Intellectus autem noster apprehendendo incompleta, nondum pertingit ad ultimam sui perfectionem: quia adhuc est in potentia respectu compositionis vel diuisionis: sicut in naturalibus simplicia sunt in potentia respectu mixtorum, & partes respectu totius. Deus igitur secundum suam simplicem intelligentiam illam perfectionem cognitionis habet, quam intellectus noster habet per vtramque cognitionem & complexorum & incomplexorum: sed veritas consequitur intellectum nostrum in sui perfecta cognitione, quando iam usque ad compositionem peruenit. ergo & in ipsa Dei simplici intelligentia est veritas.

4 Item, cum n. Deus omnis boni bonum sit, ut potest omnes bonitates in se habens, ut supra ostensum est: bonitas intellectus dei esse non potest: sed verum est bonum intellectus, ut patet per Philosophum in 6. Ethic. ergo veritas in Deo est. Et hoc est quod dicitur Roma. 3. Est autem Deus verax.

Super cap. 59.



Via veritas secundum Philosophum 3. de Anima inuenitur in intellectu nostro, secundum quod componit & diuidit, cum dictum sit Deum non componere neque diuidere, posset aliquis existimare veritatem in diuino intellectu non esse: ideo ad hoc excludendum determinat sanctus Thomas de veritate intellectus diuini. Circa hoc autem duo facit. Primum ostendit in Deo veritatem esse. Secundum ostendit qualis sit ipsa veritas, cap. 61. Circa primum duo facit. Primum ostendit quod in Deo sit veritas. Secundum quod sit sua veritas, cap. seq. Quantum ad primum, ponitur conclusio ista. Licet intellectus diuinus non componat aut diuidat, non tamen ab eo veritas excluditur, quae secundum Philosophum, solum circa compositionem & diuisionem intellectus est: & probatur primo, diuinus intellectus non solum quidditates, sed etiam enuntiationes cognoscit: ergo quod intellectus diuinus intelligendo dicit, est compositio & diuio, ergo non excludit veritas ab intellectu diuino. Patet prima consequentia, quia enuntiatio compositio quaedam est. Secunda vero probatur, quia veritas ab intellectu ad id quod intellectus dicit, pertinet, non ad operationem intellectus: quia non oportet operationem ad quarum rei intellectus, cum res quandoque sit materialis, & intelligere sit immateriale: sed ad illud quod intellectus intelligendo dicit & cognoscit. Cum ergo veritas intellectus sit adaequatio intellectus & rei, secundum quod intellectus dicit esse quod est, vel non esse quod non est: sequitur quod intellectus sit verus quando ita est in re sicut dicit: & sic fit dicit compositionem veram, quod sit verus.

Veritas est adaequatio intellectus & rei.

ADVERTENDVM circa diffinitionem veritatis & doctrinam sancti Thomae P. p. quae 16. & Verit. quae 1. quod diffinitio haec, quae dicitur, Veritas est adaequatio rei & intellectus, quae est Isaac, est data secundum id quod formaliter rationem veri perficit, & tam ad veritatem rei potest pertinere quam ad veritatem intellectus: nam res dicitur vera, secundum quod adaequatur intellectui: & intellectus dicitur verus, secundum quod est rei adaequatus: quia scilicet ita est in re sicut dicitur & intelligitur per intellectum. Ista autem adaequatio intellectus ad rem, non accipitur ex parte actus, quia actus non habet rationem similitudinis rei intellectus, ut illi dicatur adaequatus vel inadaequatus, licet ex aliqua eius similitudine procedat, & ad similitudinem terminetur: sed accipitur ex parte formae intellectus, secundum quam intellectus dicitur rei esse similis, & illi adaequatus. Vnde veritas ex parte intellectus dicitur aliquam formam in intellectu, quae est similitudo rei intellectus secundum quod per ipsam intellectus rei adaequatur, ita quod illa similitudo non est formaliter veritas, nisi ratione illius adaequationis.

ADVERTENDVM etiam cum dicitur, quod veritas intellectus est adaequatio intellectus & rei, secundum quod intellectus dicit esse quod est, vel non esse quod non est: intelligitur de veritate, ut cognita est & dicta. Sensus enim est, quod tunc intellectus est verus, inquam verum cognoscens non autem causa eius. Ergo veritas non pertinet ad id quod dicitur: cuius opus posuit hic dictum. Secundum est, quia si illud quod intellectus diuinus dicit, est compositio & diuio, ergo intellectus diuinus componit & diuidit: quia nihil aliud in nobis est componere & diuidere, quam dicere conceptum aliquem complexum: hoc autem falsum est, ut superius est ostensum, ergo falsum est quod intellectus diuinus dicat compositionem & diuisionem. Tertium est, quia quod intelligere sit immateriale, & res intellecta aliquando materialis, non videtur sufficiens ratio, quare ipsum intelligere non oporteat rei adaequari: nam & conceptus complexus in intellectu immaterialis est, & tamen rei materiali adaequatur, aut inadaequatur.

Cognitio est veritatis effectus.

SED circa ea quae hic dicuntur, triplex occurrit dubium. Primum est, quia sanctus Thomas Verit. quae 1. art. 1. inquit quod cognitio est quidam veritatis effectus: sed id quod dicitur, est terminus & effectus cognitionis, non autem causa eius. Ergo veritas non pertinet ad id quod dicitur: cuius opus posuit hic dictum. Secundum est, quia si illud quod intellectus diuinus dicit, est compositio & diuio, ergo intellectus diuinus componit & diuidit: quia nihil aliud in nobis est componere & diuidere, quam dicere conceptum aliquem complexum: hoc autem falsum est, ut superius est ostensum, ergo falsum est quod intellectus diuinus dicat compositionem & diuisionem. Tertium est, quia quod intelligere sit immateriale, & res intellecta aliquando materialis, non videtur sufficiens ratio, quare ipsum intelligere non oporteat rei adaequari: nam & conceptus complexus in intellectu immaterialis est, & tamen rei materiali adaequatur, aut inadaequatur.

Ad primum horum, responderi dupliciter potest. Primum quod cum veritas importet similitudinem rei cognita, secundum quam intellectus est rei conformis & adaequatus, dupliciter inuenitur veritas in intellectu, sicut dupliciter inuenitur in ipso rei intellectu similitudo. Inuenitur enim in eo similitudo quandoque imperfecta, sicut quando informatur specie intelligibili, sed actu aliter non consideratur: quandoque autem perfecta, sicut quando actualiter intelligit & format conceptum rei conformem: ideo inuenitur veritas in intellectu & imperfecte ratione speciei intelligibilis praecise sumptae: & perfecte ratione conceptus formati de re. Cum ergo dicitur in quae 1. de Veritate, quod cognitio est veritatis effectus, intelligitur de veritate im-

perfecte sumpta: cum autem hic dicitur veritatem pertinere ad id, quod dicitur, intelligitur de perfecta & completa veritate.

Potest secundum responderi, quod cognitio intellectus nostri ad duo terminatur, scilicet ad conceptum qui per actum intelligendi formatur: & ad rem per talem conceptum representatam: & per us ordinem naturae produciuntur conceptus, quam res ad extra intelligatur: ex quo sequitur, quod prius natura intellectus per conceptum adaequatur rei, quam rem extrinsecam, secundum quod extra intellectum existit, cognoscatur. Et quia veritas consistit in adaequatione intellectus & rei, ideo prius ordine naturae intellectus est verus, quam ad rem ad extra terminetur: & hoc modo cognitio, non quidem simpliciter sumpta, & ut egreditur ab intellectu, sed ut ad rem inquantum est in seipsa terminatur, est effectus veritatis, & tamen veritas pertinet ad id quod dicitur. Dico ergo, quod id quod dicitur, non est effectus & terminus cognitionis, ut cognitio terminatur ad extra, imò sicut est causa eius, quia conceptus est ipse cognitio: ratio ut terminetur ad extra, licet ab intellectu loquendo sit operationis intelligibilis effectus terminus. Nam conceptus intellectus apud sanctum Thome dicitur principium cognoscendi, prout cognitio ad rem per conceptum representatam terminatur, non autem ut egreditur ab intellectu. Ut enim patet in Prima parte, quae 15. & Verit. quae 3. ideo nominat conceptum, qui est terminus per actum intellectus productus: & ponit principium non solum productionis, sed etiam cognitionis rerum. Hinc responsum meliorem puto, & magis ad intentionem sancti Thomae.

Ad secundum dicitur, quod non est sic intelligendum quod dicitur hoc loco, diuinum intellectum compositionem aut diuisionem dicere, quasi dicat compositionem per ipsum diuinum intellectum factam, ut obiectio procedit: sicut intellectus noster dicit verbum complexum illud producendo, sed quia dicit, id est concipit & intelligit compositionem & diuisionem intellectus nostri per verbum simplex, quod omnem intellectus nostri compositionem representat. Patet, quia deducit hoc ex eo quod cognoscit enuntiationes, non quidem ab ipso formatas, cum ostensum sit ipsum non componere, sed ab intellectu nostro: quod etiam patet verum esse ex his quae dicuntur P. p. quae 16. art. 5. primum, ubi dicitur quod intellectus diuinus secundum suam simplicem intelligentiam iudicat de omnibus, & cognoscit omnia complexa. Hoc autem sufficit ad propositum suum, quo vult ostendere ipsum veritatem cognoscere, licet non componat. Si enim cognoscit compositionem intellectus nostri, simpliciter tamen, & absque compositione ex parte actus sui, cum ipsa compositio veritatem contineat: sequitur quod veritatem cognoscatur.

Ad tertium dicitur, quod cum n. intelligere non habeat rationem representantis obiectum, sed tantum attingentis ipsum, nulla posset in ipso intelligi adaequatio, nisi esse naturae: & ideo cum ipsum necessarium sit immateriale, si res intellecta sit materialis, non poterit inter illa esse adaequatio. Conceptus autem intellectus est forma representatiua rei intellectae: ideo licet non sit inter ipsum & rem adaequatio secundum esse naturae, potest tamen esse adaequatio secundum representationem, dum representat secundum quod est in re. Ideo illa est sufficiens ratio de ipso intelligere, quae non esset sufficiens de eo quod dicitur, siue de conceptu. Secundum, dato per impossibile quod intellectus diuinus solum incomplexa cognosceret illo modo quo noster intellectus, adhuc esset verus, ergo ex hoc quod non componit, ab eo non est veritas remouenda. Probatur consequentia, quia intellectus noster in apprehendendo quidditatem, semper est verus.

Ad huius manifestationem notat duo. Primum est, quod differentia est inter incomplexum, quod dicitur vel intelligitur, & complexum: quia incomplexum quantum est ex se, non est rei aequum, nec inaequale: cum ex se non contineat aliquam compositionem vel applicationem ad rem, sed bene incomplexum, in quo designatur comparatio incomplexi ad rem per notam compositionis & diuisionis. Secundum est, quod tamen intellectus incomplexus apprehendit quidditatem rei in quadam compositione ad rem: quia apprehendit eam ut huius rei quidditatem. Ideo dicitur talis intellectus semper verus per se, ut dicitur tertio de Anima, cap. 26. licet falsus esse possit per accidens ratione admixtae complexiois, vel partium diffinitionis inter se, vel totius diffinitionis ad diffinitionem, quorum vna dicitur simpliciter falsa diffinitio, altera vero falsa respectu huius rei. Similiter ergo diuinus intellectus verus esset cognoscendo essentiam suam ut suam.

CIRCA ea quae hic dicuntur de incomplexo, considerandum est, quod non sunt idem conceptus incomplexus, & incomplexum, hoc loco: sed incomplexum est ipsum obiectum formaliter & praecise sumptum, quod per primam operationem intellectus apprehendit, & representatur per conceptum incomplexum, quem in seipso concipit intellectus: & sic distinguuntur incomplexum & conceptus incomplexus, sicut representatum & similitudo actualiter representans. Ipsum ergo incomplexum, puta hoc quod dico, animal rationale, ex parte rei dupliciter considerari potest. Vno modo, absolute & secundum se, scilicet quantum ad sui naturam praecise & formaliter sumptam: & sic constat, quod nullam importat comparationem ad adaequationem ad rem. Animal enim rationale nihil aliud dicit quam ipsam naturam humanam specificè significatam, hoc est significatam sine accidentibus adiunctis. Alio modo, potest considerari secundum quod apprehenditur ab intellectu: & sic includit comparationem ad rem concomitantem, & hoc est ipsum intelligi cum compositione ad rem. Intellectus enim apprehendit animal rationale non per abstractionem a quoque & indifferenter, sed ut huius rei quidditatem. Volens enim intelligere hominem quidditatem, format de ipso hanc quidditatem, animal rationale. & sic quod secundum se comparationem ad rem non dicit, & consequenter nec verum nec falsum est: intelligitur cum comparatione, & verè intelligitur, inquantum ita est in re, quod illa est eius quidditas. Sicut intellectus apprehendit hanc ut huius quidditatem, & sic intellectus est verus, tanquam habens in se adaequationem ad rem intellectam, quae adaequatio formaliter complet rationem veritatis, non tamen tanquam verum actualiter cognoscens, cum talem adaequationem sui conceptus ad rem per hanc operationem qua quidditatem format, non apprehendat.

CIRCA illam propositionem, In complexo designatur comparatio in. In complexo complexi ad rem, sciendum est ex doctrina sancti Thomae Verit. q. 1. art. 9. & importatur comparatio incomplexi ad rem. 6. Metaph. scilicet, ut quod veritas cognoscitur ab intellectu secundum quod refertur supra actum suum, & similitudinem: quod sane non solum est verum de cognitione naturae veritatis, quod pertinet ad primam operationem intellectus, sed etiam de ipsa actuali conformitate ut intellectus denominante per complexum importata, quod pertinet ad secundam intellectus operationem.

f 5 ratio

Intellectus diuinus compositionem & diuisionem dicit.

Quomodo incomplexum comparationis importet.



rationem. Quod utique ego sic intelligo, non quod cognitio veritatis sit propriè & simpliciter actus reflexus secundum eandem speciem adus; quia constat in cognitione cuiuscunque propositionis, quæ actu directo cognoscitur, veritatem cognosci. Sed quia cognitio pertinet ad secundam operationem intellectus, quæ est absolute cognitio directa complexi, potest dici cognitio reflexa per comparationem ad simplicem rei apprehensionem, eò quod intellectus formare propositionem non possit, nisi referatur supra cognitionem simplicem, quæ considerat prius quidditatem aut aliquid aliud simpliciter: & hoc est quod intendit sanctus Thom. cum inquit quod in complexo designatur comparatio incomplexi ad rem, id est, intellectus formando conceptum complexum comparat quod prius conceperat incomplexè ad rem, illud sic incomplexè conceptum rei attribuendo: & sic in ipso complexo importatur comparatio incomplexi prius intellecti ad ipsam rem, cui attribuitur per copulam verbalem.

ADVERTENDVM secundò, quòd cum complexum & incomplexum non differant (ut hic dicitur) nisi sicut comparationem formaliter importans, & quod non importat comparationem talem, sed absolute dicitur, & complexo obiecto respondeat conceptus complexus, sicut incomplexus responderet incomplexo: compositio & compositio in intellectu non intelligitur tanquam sit aliquid per actum intellectus constitutum, quod ex pluribus conceptibus componatur, ita quod ex illis fiat vnum, sicut ex materia & forma: sed quia formatur in intellectu conceptus representativus rei, & eius quod de re incomplexè concepit intellectus, & etiam ipse conformitatis ad rem, quæ per copulam verbalem exprimit: & hac ratione dicitur conceptus complexus, siquæ componendo intellectus cognoscit & iudicat se esse adequatum rei, quia quod de re incomplexè concepit, rei ad extrà attribuit, & sic iudicat ita esse in re sicut concepit de ipsa: quod est cognoscere se esse adequatum rei. Unde cum dicit intellectus hominem esse animal, non solum comparatur animal ad hominem, ut ipsum animal extra intellectum est, sed etiam ut est ab intellectu conceptum: in quo importatur comparatio intellectus concipientis illud incomplexum ad rem extra intellectum. Propter quod inquit sanctus Thomas Prima parte, quæst. 16. art. 2. quòd tunc primò intellectus cognoscit & dicit verum, quando iudicat rem ita se habere, sicut est forma, quam de re apprehendit, ita videlicet quòd subiectum propositionis dicit rem cui intellectus aliquid de ipsa conceptum attribuit: & predicatum dicit formam quam de ipso prius incomplexè conceperat, & posterius cum complexione ad rem intelligit & dicit, & hanc complexionem significat nota compositio nis & divisionis.

CIRCA illud dictum, quòd intellectus incomplexus apprehendendo quod quid est, apprehendit quidditatem rei in quadam comparatione ad rem; & propter hoc intellectus dicitur per se semper esse verus; licet incomplexum vel diffinitio non sit secundum se vera, vel falsa: multiplex occurrit dubium.

Primum est, quia si intellectus incomplexus intelligens quod quid est, apprehendit quidditatem rei in quadam comparatione ad rem: sequitur quòd in intellectu incomplexo erit complexio & compositio, quod contradic-tionem implicat. Patet consequentia, quia dictum est complexum nulla alia ratione ab incomplexo differre, nisi quia in ipso designatur comparatio incomplexi ad rem, quæ non designatur per incomplexum.

Secundum est, quia, ut arguit sanctus Thomas Prima parte, quæst. 17. art. 3. intellectus circa quod quid est non decipitur: quia directè informatur similitudine quidditatis rei. Ex hac enim ratione sequitur, quòd intellectus cognoscens quod quid est, nullo modo potest esse falsus: non quidem propter comparationem partium diffinitionis ad invicem, quia non format diffinitionem nisi secundum representationem speciei. Non etiam secundum attributionem ad id cui non convenit: quia semper cognoscit (ut dicitur hic) tanquam huius diffinitionem: & sic etiam ex specie fit talis cognitio, ergo, &c.

Tertium est, quia videtur etiam ex hac parte implicari contradic-tio. Nam si primæ operationi convenit per se apprehendere quidditatem cum quadam comparatione ad id, ut cuius quidditas apprehenditur: ergo & per se convenit quod natum est sequi ex illa comparatione: sicut accidit in secunda operatione. Sed ad talem operationem nata est sequi falsitas, cum scilicet apprehenditur ut quidditas alius, cuius non est quidditas, ut conceditur in littera. ergo implicat dicere quòd intelligat cum tali comparatione, & tamen in ipso sit falsitas tantum per accidens, scilicet ratione extraneæ.

Quartum est, quia (ut dictum est superius in prima ratione) veritas solum est circa compositionem & divisionem intellectus. ergo falsum est quod hic dicitur, scilicet quòd intellectus cognoscens quod quid est, per se semper est verus.

Quomodo in-  
telligitur quid-  
ditas incompa-  
ratione ad re.

AD evidentiā primi dubij, intelligendum est primò, quòd intelligere quidditatem in comparatione ad rem, dupliciter potest intelligi, scilicet ex parte rei intellectæ, & ex parte modi cognoscendi. Ex parte rei intellectæ accipitur, quando ipsa comparatio est obiectum cognitionis: ex parte verò modi cognoscendi tantum accipitur, quando ipsa comparatio non intelligitur quidem, sed ipsum actum & modum intelligendi concomitatur. Intelligere primo modo cum comparatione, est intelligere hoc habere ad illud comparationem: & hoc est componere. Sed secundo modo non est componere, sed ipsum tantum incomplexum dicere & intelligere, non per abstractionem omnimodam à re, sed per quidditatem huius. Propter hoc inquit S. Tho. quòd in hac intellectione ipsum incomplexum, & etiam diffinitio non est secundum se vera vel falsa, id est, id quod per talem operationem dicitur aut intelligitur, non dicit ipsam comparationem formaliter, licet intellectus ipsum comparativè, quantum ad modum intelligendi, concipiat. Et est simile ei quod dicitur Potentia. q. 7. art. 11. quòd aliquæ sunt relationes rationis consequentes modum intelligendi, secundum quòd aliqua non habentia ordinem inter se, ordinatè intelliguntur, licet intellectus non intelligat ea habere ordinem: quia tunc esset falsitas in proposito dicendum est, quòd intellectus in prima operatione intellectus apprehendit quidditatem cum quadam comparatione, intelligendo ipsam tanquam huius quidditatem. Ad quem modum intelligendi consequitur habitudo rationis quidditatis ad id cuius est quidditas: non tamen apprehendit ipsam quidditatem habere comparationem.

Ad argumentum ergo negatur consequentia. Ad probationem dicitur quòd non intendit sanctus Thomas quòd ipsum quod dicitur, comparationem includat ut dictum, aut etiam formaliter ipsam in sua ratione includat, quomodo complexum dicit comparationem: sed quòd in modo intelligendi est comparatio: non enim intellectus incomplexus dicit hominem esse animal rationale, quod esset ipsam comparationem quidditatis ad rem dicere, licet

hanc quidditatem apprehendat ut hominis quidditatem, in quantum de homine hanc format diffinitionem, Animal rationale, non autem de lapide, sicut & sensus visus licet cognoscat albedinem ut huius, quia iudicium eius ad particulare fertur: non tamen dicit hoc esse album, quasi conformitatem sui ad rem iudicando.

PRO intelligentia eorum quæ in secundo dubio tanguntur, considerandum est, quòd cum illud dicatur rei convenire secundum se, quod convenit illi ex propria ratione, per accidens verò siue per aliud, quòd convenit illi ex aliquo, quod est ab eius ratione extraneum: intellectum incomplexum esse verum per se, est ipsum in quantum simpliciter quidditatem apprehendit, ut sic, verum esse, propria enim ratio eius consistit in apprehensione quidditatis. Ipsum autem esse falsum per accidens, siue per aliud, est ipsum falsum esse ex aliqua extrinseca ratione illi adiuncta, scilicet ex adiunctione compositionis ad simplicem quidditatis apprehensionem.

CONSIDERANDVM secundò, quòd compositionem primæ operationis intellectus admisceri dupliciter intelligi potest. Vno modo formaliter, quia videlicet formando diffinitionem, aliam compositionem format. Alio modo virtualiter, quia videlicet ex ipsa formatione diffinitionis nata est sequi propositio per secundam intellectus operationem. Primo modo, primæ operationi intellectus compositio admisceri non potest. Nam si intellectus formaret propositionem in quidditatis apprehensione, puta si diceret, Homo est animal rationale, illa non esset simplicium intelligentia compositioni & divisioni intellectus condicienda. Secundo autem modo, adiungi tali operationi compositionem non est inconueniens. Nam ex hoc quòd intellectus de homine hanc format diffinitionem, Animal rationale, habet ut per secundam operationem hanc propositionem formare possit, Homo est animal rationale, & sic de aliis. Cum ergo dicitur quòd in prima operatione intellectus potest esse falsitas per accidens ratione compositionis admixtæ, intelligitur de admixtione compositionis virtuali, non autem formali. Dum enim intellectus de circulo hanc diffinitionem, Figura quadrata, concipit, in hac apprehensione virtualiter includitur circulum esse figuram quadratam: & dum format hanc diffinitionem, Animal insensibile: virtualiter includitur aliquod animal esse insensibile. Propter hoc dicitur Prima parte. q. 17. art. 3. quòd intellectus formando hanc diffinitionem, Animal rationale quadrupes, est falsus: quia falsus est in formando hanc propositionem, Aliquod animal rationale est quadrupes. & Verit. q. 1. art. 12. & 1. Sen. dist. 19. q. 1. art. 1. ad septimum, dicitur quòd diffinitio non est falsa nisi inquantum affirmationem falsam implicat. Et hic dicitur quòd intellectus cognoscendo quidditatem per accidens est falsus, in quantum diffinitio includit aliquam complexionem. Nam siue sit simpliciter falsa diffinitio, quia videlicet componitur ex partibus non coherentibus, siue respectu huius, quia videlicet non huius diffinitionis: non est falsa nisi ratione falsæ propositionis in ea virtualiter incluse: & intellectus quidditatem apprehendens non est falsus, nisi ratione falsæ compositionis in tali apprehensione virtualiter incluse.

CONSIDERANDVM tertio, quòd de ratione quidditatis in quantum huiusmodi, non est ut aliquam compositionem importet. Sunt enim alii quæ quidditates, scilicet quidditates substantiarum separatarum, quæ nullam habent compositionem, neque, inquam, ex partibus, cum simplices sint: neque cum supposito, eò quòd in ipsis non differant intrinsicè quod quid est, & id cuius est: ut patet 7. Metaphysicorum: ideo intellectus cognoscens quod quid est, in quantum huiusmodi, secundum se nullam habet compositionem includere: cum non sit compositio in intellectu cognoscente rem secundum quòd in se est, nisi ex aliqua compositione in re existente. Quòd si aliqua cognitio quod quid est, implicite complexionem contineat: hoc non convenit sibi in quantum est absolute cognitio quod quid est: sed in quantum est cognitio quod quid est rei materialis & compositæ, cuius cognitio ex diversis sumitur partibus. Nā cum diffinitio talis rei ex diversis sumatur, non est quandoque tota ex specie aliqua primò & immediatè à phantasmate causata, sed oportet eam per divisionem & compositionem inuestigare: ex qua inuestigatione nascitur in intellectu cognitio quod quid est, cum quadam complexione in ea implicite & virtualiter contenta. Et quia in tali compositione differenter inter se, & diffinitionis cum diffinitio, intellectum contingit errare, dum scilicet componit differentias in una diffinitione, quæ simul esse non possunt: aut aliquam diffinitionem attribuit rei cui non convenit: ideo & intellectus cognoscens quod quid est, huiusmodi contingit esse falsitas, & inadæquato ad rem ratione falsæ compositionis implicatæ. Si ergo intellectus cognoscens quod quid est, absolute & secundum se consideretur: in quantum scilicet est cognoscens quod quid est, habet quod semper sit verus, quia quantum est ex sui natura, habet statim cognoscere quod quid est ex forma intelligibili ipsum directè & immediatè representante. In qua cognitione semper rei adæquatur intellectus: & sensus semper suo proprio sensibili adæquatur, quod immediatè ex propria specie apprehendit, nisi propter aliquod extrinsecum impediatur. Si autem consideretur ut cognoscit quod quid est rei compositæ, sic falsus esse potest, in quantum oportet per divisionem & compositionem ipsum inuestigare, & sic cum quadam compositione formare. Quia ergo talis compositio & inquisitio præcedens, cognitioni quod quid est absolute consideratæ accidit: ideo falsitas intellectus cognoscenti quod quid est, dicitur per accidens convenire, ut potest præter rationem talis cognitionis evenire.

Sed ex dictis dubium insurgit. Sicut enim in intellectu cognoscente quod quid est rei compositæ, includitur aliquando falsa complexio virtualiter: ita & aliquando vera includitur complexio. Si ergo ideo dicitur falsus per accidens, quia falsam compositionem intellectus implicite & virtualiter continet, eadem ratione propter veram compositionem implicitam dicitur per accidens verus. Utraque enim compositio illi cognitioni extranea est, sed huius oppositum dicitur & ab Aristot. & S. Thom. ponentibus quòd semper per se est verus, ergo, &c.

Respondetur, & dicitur primò, quòd utique quantum ad veritatem quæ compositionem implicitam in cognitione quod quid est concomitatur, intellectus cognoscens quod quid est, per accidens dicitur verus, sicut & falsus per accidens, ratione falsæ compositionis incluse: & si non aliunde haberet veritatem quam ex ipsa vera compositione implicita, non diceretur verus nisi per accidens.

Dicitur secundò, quòd præter veritatem hanc, habet etiam veritatem sibi ex se in quantum est cognitio quod quid est, formaliter convenientem: eò quòd natus sit quidditatem simpliciter intuitu ex speciei intelligibilis representatione

Quomodo in  
intellectu inco-  
plexo est veri-  
tas aut falsitas.



tatione apprehendere, in qua apprehensione semper est rei adæquatus, cum per speciem intelligibilem rei habeat intellectus intelligere tãquam per propriam formam suam, ut est cognoscens, nisi ex aliquo extrinsecus adiuncto ad falsitatem trahatur. Non sic autem potest dici falsus per se, quia ex sola adiunctione compositionis habet quod sit falsus. nisi enim cognitioni quod quid est adiungeretur compositio, nunquam falsus esset, nunquamque rei inadæquatus.

Attendendum autem, quod aliud est loqui de prima operatione intellectus, & aliud de cognitione quidditatis vniuersaliter loquendo enim de prima operatione intellectus, quæ dicitur simpliciter intelligentia, alij operationi, quæ dicitur compositio & diuisio, conuincitur: sic dictum est in ipsa falsitatem non esse, nisi per accidens. Loquendo autem de cognitione quidditatis in communi, sic in eius cognitione falsitas esse potest etiam per se. Dupliciter enim quidditas cognosci potest. Vno modo, simpliciter & absolute, quod est ipsam per primam operationem cognosci: & sic in eius cognitione per se falsitas non est. Alia modo, attributiuè, quod est ipsam per secundam operationem intellectus alicui attribui: & tunc in eius cognitione per se falsitas esse potest, sicut & in aliarum rerum attributione. Ex his patet ad dubium. Dicitur enim: virtus cognoscitiva vniuersalis non potest deficere per se respectu eius cuius similitudine primò & per se informatur: per accidens tamen deficere potest, quando scilicet non ex simplici & sola representatione speciei apprehenditur ipsa quidditas, sed ex diuersis phantasmatis & sensibilibus cum quadam compositione inuestigatur, sicut accidit in rebus compositis.

Ex hoc etiam patet responsio ad tertium dubium. Dicitur enim quod non conuenit per se primæ operationi intellectus, quod intelligat quidditatem, ut huius rei distinctio à quidditate, quia hoc non conuenit, nisi ubi est aliqua compositio in re, ex quo inter quidditatem & habetem quidditatem aliqua distinctio accipi potest. Vnde si intellectus noster apprehenderet quidditatem substantiæ separatæ ut in se est, non apprehenderet ipsam ut huius, sed absolute, eod quod non esset ibi distinctio aliqua inter quidditatem & habetem quidditatem. Propterea deceptio intellectui nostro per accidens accidit, non autem per se, in quantum accidit sibi ex conditione obiecti compositi cum aliqua compositione apprehendere quidditatem. Non enim quidditatem rei compositæ, ut quidditatem, apprehendere potest, nisi apprehendat ipsam ut huius, quia talis quidditas est alicuius quidditas in compositis: neque etiam sine partibus eam potest apprehendere.

Ad euentiam quarti dubij considerandum, quod quidam Thomistæ circa veritatem dicunt primò, quod non conformitas cuiuscunque intellectus sed intellectus complexi tantum est veritas. Dicunt secundò, quod nulli intellectui incomplexo ut sic, conuenit per se conformitas ad rem, quia incomplexum ut sic, respectum nullum æqualitatis, aut inæqualitatis ad alterum includit.

Dicunt tertio, quod ad veritatem intellectus ut cognoscens est, exigitur quod veritas sit in eo ut cognita. Dicunt quarto, quod non dicitur intellectus cognoscere veritatem, quia cognoscat conformitatem intellectus simplicis ad rem quam ipse intellectus simplex non cognoscit: tum quia falsum est quod illam conformitatem intellectus simplex non cognoscat, quum sit quoddam dissimile: tum quia illa conformitas non cognoscitur nisi reflexè, verum autem cognoscitur directè: sed quia intellectus, componens & diuidens cognoscit sui conformitatem ad rem, eod quod omnis complexa enuntiat per se clauditur in propria ratione quod sit æqualis aut inæqualis rei enuntiat, quoniam essentialiter est similitudo, quod hoc in se vel non in se illi.

Quoniam autem hanc opinionem ego ad mentem sancti Thomæ esse non puto, ostendam omnia hæc per ordinem falsa esse, & sic positio sancti Thomæ declarabitur: ex qua declaratione patebit ad dubium motum responsio. Primum ergo dictum eorum apud sanctum Thomam falsum est. Nam non solum conformitas intellectus complexi ad rem, sed etiam intellectus incomplexi apud ipsum, formaliter est veritas, ita quod veritas est similitudo intellecta existens in intellectu siue simplici siue componente & diuidente, per quam intellectus rei intellectæ conformatur. Patet hoc. Primum ex eo quod habetur per philosophum, 1. 2. art. 3. & Veritas, quæ est, 1. art. 1. 3. ens non potest intelligi sine vero, quia non potest intelligi sine hoc, quod adæquatur intellectui. Ex hoc enim arguitur sic, in omni intelligentia qua intelligitur ens, oportet ens conformari & adæquari intellectui, ergo & intellectum oportet adæquari & conformari rei, sed ens dicitur verum ex tali adæquatione: ut patet ex verbis sancti Thomæ. Ergo & conformitas intellectus simplicis ad ipsum ens intellectum est veritas. Patet consequentia, quia res non dicitur vera nisi in ordine ad veritatem intellectus.

Præterea, ut inquit sanctus Thomas, hoc loco, Si etiam per impossibile intellectus diuinus solum incomplexa cognosceret, adhuc esset verus: quia intellectus noster in apprehendendo quidditatem, semper est verus, sed non dicitur intellectus verus nisi ratione conformitatis & adæquationis: ergo & ipsa conformitas simplicis intellectus est veritas.

Præterea, loco allegato dicitur, quod est intellectus simplex verus, sicut res vera: ergo in ipso est veritas, ergo sua conformitas & adæquatio est veritas.

Adhuc, Res dicitur vera à veritate intellectus, & non solum ens in se habens, patet per philosophum, 1. 2. art. 1. & 7. ergo in intellectu simplici est veritas, ergo, &c.

Ex his patet secundum dictum illius positionis falsum esse: si enim intellectus incomplexus est per se verus apprehendendo quod quid est: necesse est in ipso esse per se conformitatem ad rem. Licet enim incomplexum non importet comparisonem, conceptus tamen representatiuus incomplexi est conformis rei, & habet talem habitudinem ad rem in quantum representat quidditatem alicuius ut suam: & ita in re est, & ratione huius dicitur intellectus conformis & verus: sicut album dicitur simile alicui ratione albedinis, quæ est fundamentum similitudinis.

Tertium etiam dictum illius opinionis, est expresse contra mentem sancti Thomæ in per philosophum, 1. 2. art. 1. vult quod forma intellectus in quantum est cognoscens, est similitudo rei cognitæ: & quod cognoscere illam conformitatem, est veritatem cognoscere, licet secundum primam operationem, conformitatem illam sui ad rem intellectus non cognoscat, sed dicatur verus tantum sicut res vera. Ex his enim constat quod ad veritatem intellectus, ut res cognoscens est, non requiritur quod sit cognita. Nam secundum eius mentem, veritas non est cognita per intellectum simplicem, & tam in ipso ut cognoscens est, inuenitur conformitas rei in re vera: & cognoscere hanc conformitatem, est veritatem cognoscere.

Quartum quoque dictum, & in se falsum est, & contra mentem sancti Thomæ esse ostenditur. Quod sit falsum, arguitur, Verum primò cognoscitur per

intellectum compositum, & diuidentem directè, etiam in secundum illorum opinionem, sed conformitas ipsius intellectus ad rem quam habet dum componit aut diuidit, non cognoscitur nisi per reflexionem: ergo non dicitur intellectus componens & diuidens cognoscere verum, quia cognoscat conformitatem sui ad rem quam habet dum componit. Probat minor, Non potest intellectus cognoscere se conformiter & adæquate ad rem intelligere, nisi intelligat se intelligere: quia vnum alterum includit, sed intellectus non intelligit se intelligere nisi per reflexionem, ergo, &c.

Nec obstat quod dicitur, omnem compositionem intellectus includere per se, quod ipsa sit æqualis aut inæqualis rebus enim intelligatur quod representat obiectum complexum, & sui conformitatem ad tale obiectum, hoc falsum est, quia conceptio complexa intellectus nihil representat nisi ipsum complexum: sicut & incomplexa nihil nisi incomplexum representat. Conceptus enim quo intellectus intelligit hominem esse animal: nihil aliud representat quam hominem esse animal: si autem intelligatur quod talis conceptus est fundamentum per se conformitatis, sic hoc non magis conuenit conceptui complexo quam incomplexo, cum per verumque conceptum intellectus conformetur & adæquetur rei.

Quod etiam sit contra sanctum Thomam, ostenditur. Tum quia in per philosophum, cum dixisset intellectum esse verum, ex eo quod habet in se rei similitudinem, & similiter sensum: subiungit quod conformitatem sui ad rem neque sensus neque intellectus cognoscendo quod quid est, cognoscit, sed tantum intellectus componens & diuidens, & ex hoc dicitur verum cognoscere. hæc autem non essent vera, nisi intellectus intelligendo verum intelligeret conformitatem sui in prima operatione ad rem. Tum quia 6. Metaphysicæ, 1. 2. vltima, vult, quod intellectus habet apud se similitudinem rei intellectæ, secundum quod rationes incomplexorum concipit: non tamen propter hoc ipsam similitudinem diiudicat, sed solum cum componit & diuidit: & quod in secundæ operatione intellectus est veritas & falsitas secundum quod super ipsam similitudinem reflectitur cognoscendo & diiudicando ipsam. Ecce, quod apud ipsum intellectus cognoscit veritatem cognoscendo conformitatem intellectus simplicis ad rem. Tum quia in hac ratione inquit, quod complexum dicitur verum aut falsum, quia in ipso designatur comparatio incomplexi ad rem. Ex his constat quod intellectus simplex propriè & per se dicitur verus formaliter & intrinsecè tanquam in seipso veritatem habens: & sic verificatur dictum Philosophi, quod per se semper est verus, licet non sit verus tanquam cognoscens veritatem.

Ad primam confirmationem huius quarti dicti, dicitur quod cognoscere conformitatem intellectus contingit dupliciter. Vno modo, quidditativè, quod est cognoscere quid sit talis conformitas. Alio modo denominatiuè, quod est cognoscere ipsum intellectum esse actualiter conformem rei. Primo modo, intellectus simplex potest cognoscere veritatem, non autem secundo modo, & de hoc intelligit sanctus Thomas, quod conformitatem sui non cognoscit intellectus, cognoscendo quod quid est.

Ad secundam dictum est superius, quomodo etiam verum dicitur reflexè aliquo modo intelligi, & aliquo modo directè.

Ad dubium ergo motum dicitur, quod veritatem esse in aliquo contingit dupliciter. Vno modo subiectiuè, tanquam scilicet forma in subiecto existens, & sic non est in sola compositione & diuisione intellectus, sed etiam in simplici apprehensione, siue in intellectu simplici, & hoc modo intelligitur intellectum simplicem esse per se semper verum. Alio modo obiectiuè, scilicet tanquam cognitum: & sic est in sola compositione & diuisione. Et vniuersaliter ubi sanctus Thomas aut Aristoteles inquit veritatem pertinere ad compositionem & diuisionem intellectus: intelligendum est de veritate ut cognita. Vbi attendendum est, quod cum conceptus quem intellectus intelligendo format, non sit id quod intelligitur, licet sit terminus intrinsecus intellectus per ipsam productus, sed sit medium quo intellectus in rem cognitam fertur, tanquam ipsius representatiuus, ad videndum an per aliquam operationem suam intellectus verum cognoscat necne: non est inspicendum an conceptus per talem operationem formatus sit verus, quia omnis conceptus intellectus siue in quantum simplex sit, siue complexus, aut est verus aut falsus (si enim sit rei adæquatus, est verus: si autem inadæquatus, est falsus: & sic in omni intelligentia aut veritas est aut falsitas) sed inspicendum est ad id quod per conceptum representatur. Si enim illud importat comparisonem æqualitatis aut inæqualitatis intellectus ad rem, dicitur intellectus per talem operationem verum aut falsum cognoscere: quia veritas & falsitas in adæquatione & in inadæquatione consistunt. Si autem nullam huiusmodi comparisonem importet, non dicitur intellectus per talem operationem verum aut falsum cognoscere. Quia ergo conceptus per simplicem operationem intellectus productus incomplexum representat, ipsum incomplexum nullam cõparationem ad rem dicit, ut superius dicebatur. Animal enim rationale quod per simplicem conceptum intellectus exprimitur, nullam comparisonem importat: ideo intellectus incomplexus cognoscens, puta dum animal rationale apprehendit: non cognoscit verum aut falsum.

Quia verò conceptus per actum componentis aut diuidentis productus, complexum representat: ipsum autem complexum comparisonem intellectus ad rem importat (hoc enim, quod dico, hominem esse animal, importat intellectum esse adæquatum rei, dum de homine animalitatem incomplexè concipit, quod significat & dicit, dum animal attribuit homini, dicendo hominem esse animal) ideo intellectus componendo & diuidentem verum aut falsum cognoscit. Propterea bene dictum est quod in sola compositione & diuisione intellectus est verum obiectiuè tanquam cognitum. Nam potest quidem dici esse in intellectu cognoscens quod quid est, aliquo modo obiectiuè, in quantum scilicet ipse conceptus rei adæquatus (qui est essentialiter veritas) est intrinsecus terminus intelligentiæ: sed non est in ipso obiectiuè tanquam cognitum: quia ipse conceptus non est id quod cognoscitur, sed incomplexum quod per talem conceptum representatur.

Quod autem videtur dici Veritas, quæ est, 1. art. 3. quoniam, inquam, tunc tantum intellectus adæquatur rei, quando componit aut diuidit, intelligendum est de perfectæ & completa adæquatione: licet enim intelligendo quidditatem alicuius sit rei adæquatus, quia tamen adhuc est in potentia ad compositionem in qua vltima eius perfectio consistit, ut dicitur in sequenti ratione: necne est incomplexè adæquatus rei: completur autem & perficitur huiusmodi adæquatio per iudicium quo iudicat rei conuenire quod de ipsa simpliciter conceptus quod sit componendo & diuidentem.

Non obstat etiam prædictis quod inquit sanctus Thomas per philosophum, 1. 2. art. 1. allegata, articulo

Verum veritas  
fit in intellectu  
incomplexo.



articulo primo, scilicet quod propriè loquendo, veritas est in intellectu componente & diuidente: non autem in intellectu cognoscente quod quid est. Dicitur enim quod dupliciter potest intelligi veritatem propriè esse in intellectu, vno modo proprietate rei, quia videlicet id quod propriè est veritas, est in intellectu: & sic veritas est propriè etiam in intellectu simplici. Alio modo proprietate locutionis, id est, secundum proprium propositionis sensum: & sic veritas est propriè in intellectu componente & diuidente tantum. Cum enim dicitur, Verum est in intellectu cognoscente, propriè significatur quod ab intellectu cognoscitur: hoc autem soli intellectui componenti & diuidenti conuenit, & ad hunc sensum verba sancti Thomæ intelliguntur.

Ad eundem sensum intelligitur, quod dicitur ibidem, scilicet quod nomen Veri importat cognitum: intelligitur enim de nomine ipso ut ponitur in hac propositione, Verum est in intellectu cognoscente. Significatur enim quod sit in ipso obiectiue, ut cognitum formaliter: ipsum verò nomen Veri per se sumptum absolute, conceptum rei adæquatum significat.

Tertio, in Deo est perfectio quam intellectus habet per cognitionem incomplexorum & complexorum, sicut & aliarum omnium rerum: sed veritas consequitur intellectum secundum quod est perfectus, ergo, &c. Probatur minor, quia intellectus apprehendens incomplexum, nondum pertingit ad suam vltimam perfectionem, quia adhuc est in potentia respectu compositionis & diuisionis. Cum autem ad compositionem peruenit, iam est perfectus: veritas autem consequitur intellectum quando iam vsque ad compositionem peruenit: cum propriè loquendo verum sit tantum in compositione & diuisione.

ADVERTENDVM hic, quod cognitio incomplexorum & complexorum dupliciter potest considerari. Vno modo, vtrunque per se considerando ex parte actus: alio modo, in comparatione ad rem intellectam, ut scilicet sunt cognitiones vnius & eiusdem rei. Primo modo, simplex apprehensio per se est, ut potest simplicior, & ad intimam rei pertingens. Secundo autem modo, cognitio complexa perfectior est: non enim per simplicem apprehensionem intellectus nostri habetur completa & vltima cognitio omnium quæ sunt in re: sed opus est complexione ad perfectam rei cognitionem: vnde & sic complexa cognitio incomplexam includit.

Attendendum etiam cum dicitur, veritatem consequi intellectum quando iam vsque ad compositionem peruenit, quod hoc non sic intelligitur, quasi veritas non in ipsa compositione includatur, sed sequatur ad ipsam. Hoc enim iuxta prædicta patet falsum esse: sed quia non inuenitur formaliter veritas in intellectu ut cognita, nisi dum componit aut diuidit: quia tunc tantum adæquationem sui ad rem intelligit, quod est propriè veritatem in intellectu esse secundum locutionis proprietatem.

Quarto, Verum est bonum intellectus, ut dicitur 6. Ethicorum, cap. 3. ergo veritas est in Deo. Probatur consequentia, quia Deus omnes bonitates in se habet, ut dictum est superius.

ADVERTENDVM, quod verum dicitur bonum & perfectio intellectus inquantum est cognitum, ut dicitur P.p. q. 16. art. 2. ad tertium: ideo in illo intellectu tantum est, absolute loquendo, à quo cognoscitur: & quia ab intellectu componente & diuidente tantum cognoscitur, ideo simpliciter est tantum in ipso: licet alio modo dicatur esse in sensu, & in intellectu simplici: sicut videlicet in re vera, ex quo sequitur quod etiam in intellectu diuino continetur perfectio intellectus componentis, per quamdam eminentiam sit etiam verum ut cognitum & intellectum. Confirmatur potestremo conclusio & autoritate Apostoli ad Rom. 3.

### Quod Deus est veritas. Cap. 60.

Idem P.p. q. 16.  
art. 3.

† Cap. 39.

† Cap. 28.

† Cap. 1.

† Cap. 64.

† Li. 2. c. 4.



**E**X præmissis autem apparet, quod ipse Deus est veritas. Veritas enim quædam perfectio intelligentiæ est, siue intellectualis operationis: ut dictum est. Intelligere autem Dei est sua substantia, ipsum etiam intelligere, cum sit diuinum esse, ut ostensum est, non superueniente aliqua perfectione perfectum est, sed est per se ipsum perfectum, sicut & de diuino esse supra ostensum est. Relinquitur igitur, quod diuina substantia sit ipsa veritas.

2. Item, Veritas est quædam bonitas intellectus secundum Philosophum. Deus autem est sua bonitas, ut supra ostensum est: ergo est etiam sua veritas.

3. Præterea, De Deo nihil participatiue dici potest, cum sit suum esse, quod nihil participat: sed veritas est in Deo, ut supra ostensum est. Si igitur non dicatur participatiue, oportet quod dicatur essentialiter, ut supra ostensum est. Deus ergo est sua veritas.

4. Amplius, Licet verum propriè non sit in rebus, sed in mente, secundum Philosophum in sexto Metaphysic. res tamen interdum vera dicitur secundum quod actum propriæ naturæ consequitur, ut Avicenna dicit in sua Metaphysica, quod veritas rei est proprietas esse vniuersi cuiusque rei, quod stabilitum est ei inquantum talis res nata est de se facere veram æstimationem: & inquantum propriam sui rationem, quæ est in mente diuina, imitatur. Sed Deus est sua essentia: ergo siue de veritate intellectus loquamur, siue de veritate rei, Deus est sua veritas. Hoc autem confirmatur autoritate Domini de se dicentis Ioan. 14. Ego sum via, veritas, & vita.

### Super cap. 60.



**S**tensio in Deo veritatem esse, ostenditur nunc quod ipse sit sua veritas. Et probatur primo sic, Intelligere Dei est diuina essentia: ergo & veritas. Probatur consequentia, quia veritas est perfectio intellectualis operationis: hæc autem non perficitur per aliquid superueniens, sicut nec esse diuinum: sed per se ipsam est perfecta, ergo si intelligere est diuina substan-

tia, etiam veritas est diuina substantia.

ADVERTERE, quod verum est perfectio intellectualis operationis, sicut terminus eius, cum sit conceptus intellectus cum adæquatione ad rem intellectam: in diuino autem intellectu non est aliquis conceptus ab ipso actu intelligendi distinctus, sed est ipsa diuina essentia intellecta ut propria ratio vniuersi cuiusque, propter hoc perfectio diuini intellectus quæ est veritas, ab ipso actu intelligendi non distinguitur.

Ex hoc sequitur, quod veritas non dicit in sua ratione tantum respectum, adæquationis, nec respectum, inquam, rationis, quia tunc Deus non esset veritas, cum non sit ens rationis, nec reale, quia Dei ad creaturam non est relatio realis: sed dicit absolute cum respectu, & Deus est veritas quantum ad absolute quod importatur, scilicet quantum ad similitudinem intellectam: non autem quantum ad respectum annotatum. Secundò, Deus est sua bonitas, ergo & sua veritas, quia veritas est bonitas intellectus, ut dictum est supra. Tertio, Nihil in Deo participatiue dici potest, cum sit suum esse: ergo cum veritas sit in Deo, Deus est essentialiter veritas. Quarto, Veritas licet in intellectu ponatur, est tamen etiam in re, secundum quod inquit Avicenna, veritatem rei esse proprietatem sui esse, quod stabilitum est ei, & hoc secundum quod nata est res de se facere veram æstimationem in intellectu, & inquantum propriam sui rationem quæ est in mente diuina, imitatur. Sed Deus est sua essentia: ergo est sua veritas, siue de veritate intellectus loquamur, siue de veritate rei.

ADVERTERE, ex doctrina sancti Thomæ P.p. & in quæstio. de Veritate, quod res dicuntur veræ & in comparatione ad intellectum diuinum, & in comparatione ad intellectum humanum. Ad intellectum quidem diuinum, secundum quod imitantur formam suam in mente diuina existentem: sicut & res artificiales dicuntur veræ, inquantum imitantur formam artis existentem in mente artificis, & secundum istam propositionem res dicuntur simpliciter & absolute veræ, eo quod ab intellectu diuino secundum esse dependant. In comparatione autem ad intellectum humanum speculatiuum, scilicet à quo non dependent, dicuntur veræ, inquantum natæ sunt de se facere veram æstimationem in ipso intellectu: & sic dicuntur veræ secundum quid, eo quod ad intellectum humanum non habeant comparationem, nisi per accidens, cum ab ipso non dependant.

Ex quibus sequitur, quod sicut veritas intellectus dicitur duo, scilicet absolute & respectum, siue materiale & formale: ita & veritas rei. Absolute est esse, siue entitas rei, respectus autem est habitudo ad intellectum. Si queratur autem, an isti respectus sint reales, vel rationis, dicitur quod respectus ad intellectum diuinum est realis, quia est respectus mensurati ad mensuratum: est enim intellectus diuinus mensura omnium rerum, sicut intellectus artificis est mensura artificiorum. Respectus verò ad intellectum humanum speculatiuum, est respectus rationis: quia est mensura ad mensuratum. Veritas enim intellectus nostri ab ipsa re mensuratur: dicitur enim verus intellectus, eo quod ita intelligit sicut est in re. Sciendum quoque, quod licet veritas modo sit in re, tamen illa improprie dicitur veritas, cum veritas primò & per se sit in intellectu, vnde simpliciter & propriè loquendo res non dicitur vera nisi extrinseca denominatione, scilicet à veritate intellectus. A forma autem in se existente intrinsece dicitur vera, sed improprie, sicut medicina propriè dicitur sana, à sanitate existente in animali: improprie autem à virtute in ipsa existente. Concluit ergo sancti Thomæ, quod siue loquamur de veritate intellectus, siue de veritate rei, Deus est sua veritas: cum sit sua essentia. Quia si accipiamus veritatem improprie, à qua scilicet res intrinsece dicitur vera: non est aliud quam ipsa substantia rei, vel eius esse: dicitur si Deus est sua essentia, sequitur quod sit sua veritas. Si etiam accipiamus veritatem rei à qua propriè res denominatur vera quamuis extrinsece, quæ est veritas intellectus, sic etiam dictum est, quod est ipsa Dei essentia. Quomodo igitur res dicatur vera, sequitur quod Deus est sua veritas. Confirmatur conclusio auctoritate Ioan. 14. Ego sum via, veritas, & vita.

Veritas non dicit tantum respectu adæquationis.

Veritas dicit absolute cum respectu tam ex parte rei quæ ex parte intellectus.

### Quod Deus est purissima veritas. Cap. 61.



**H**oc autem ostensum manifestum est, quod in Deo est pura veritas, cui nulla falsitas & deceptio admisceri potest. Veritas enim falsitatem non compatitur, sicut nec albedo nigredinem: Deus autem non solum est verus, sed est ipsa veritas, ergo in eo falsitas esse non potest.

2. Amplius, Intellectus non decipitur in cognoscendo quod quid est: sicut nec sensus in proprio sensibili: omnis autem cognitio diuini intellectus se habet ad modum intellectus cognoscentis quod quid est (ut ostensum est) impossibile est igitur in diuina cognitione errorem, siue deceptionem, aut falsitatem esse.

3. Præterea, Intellectus in primis principiis non errat, sed in conclusionibus interdum ad quas ex primis principiis ratiocinando procedit: intellectus autem diuinus non est ratiocinatus aut discursiuius, ut supra ostensum est: non igitur potest esse in ipso falsitas nec deceptio.

4. Item, Quotò aliqua vis cognoscitiua est altior, tantò eius proprium obiectum est vniuersalius, plura sub se continens, vnde id quod visus cognoscit per accidens, hoc sensus communis aut imaginatio apprehendit sub proprio obiecto contentum: sed vis diuini intellectus est in fine sublimitatis in cognoscendo: ergo omnia cognoscibilia comparantur id ipsum sicut cognoscibilia propriè & per se, & non secundum accidens. In talibus autem virtus cognoscitiua non errat: in nullo igitur cognoscibili possibile est diuinum intellectum errare.

5. Amplius, Virtus intellectualis est quædam perfectio intellectus in cognoscendo: secundum autem virtutem intellectualem

† Cap. 57.



lem non contingit intellectum falsum dicere, sed semper verum. Verum enim dicere, est bonus actus intellectus, virtutis autem est actum bonum reddere: sed diuinus intellectus perfectior est per suam naturam, quam intellectus humanus per habitum virtutis, est enim in fine perfectionis, relinquatur igitur quod in intellectu diuino non potest esse falsitas.

6 Ad hæc, Scientia intellectus humani a rebus quodammodo causatur: unde provenit, quod scibilia sunt mensura scientiæ humanæ, ex hoc enim verum est quod intellectu diiudicatur, quia res ita se habet, & non e converso. Intellectus autem diuinus per suam scientiam est causa rerum: unde oportet quod scientia eius sit mensura rerum. Sicut ars est mensura artificiorum, quorum vnumquodque inquantum perfectum est, inquantum arti concordat: talis igitur est comparatio intellectus diuini ad res, qualis est rerum ad intellectum humanum. Falsitas autem causata ex inæqualitate intellectus humani & rei, non est in rebus, sed in intellectu: si igitur non esset omnimoda adæquatio intellectus diuini ad res, falsitas esset in rebus, non in intellectu diuino: nec tamen in rebus est falsitas, quia quantum vnumquodque habet de esse, tantum habet de veritate. Nulla igitur inæqualitas est inter intellectum diuinum & res: nec aliqua falsitas in intellectu diuino esse potest.

7 Item, Sicut verum est bonum intellectus, ita falsum est malum ipsius: naturaliter enim appetimus verum cognoscere, & refutamus falso decipi: malum autem in Deo esse non potest, ut probatum est. Non potest igitur in eo esse falsitas. Hinc est quod dicitur Rom. 1. Est autem Deus verax. Numeri 23. Non est Deus quasi homo ut mentiatur. & Ioan. 1. Deus lux est, & tenebræ in eo non sunt vllæ.

### Super cap. 61.

**P**ostquam ostendit sanctus Thomas, quod in Deo sit veritas, nunc qualis sit diuina veritas, ostendit. Circa hoc autem duo facit. Primo, ostendit quod sit purissima. Secundo, quod sit prima & summa, cap. sequenti. Primo ergo ostendit quod in Deo est purissima veritas: cui scilicet nulla deceptio aut falsitas admisceri potest. Et probatur primo sic, Veritas scilicet abstracta & subsistens, falsitatem non comparatur, sicut neque albedo nigredinem, intelligi si albedo subsistens esset, ut per abstractum significatur. Deus est ipsa veritas, ergo, &c.

Secundo, Intellectus diuinus se habet ad modum intellectus cognoscentis quod quid est, ergo, &c. Probatur consequentia, quia in illo intellectu non est falsitas, sicut nec in sensu respectu proprii sensibilis, nisi scilicet per accidens, ut supra dictum est. In Deo autem nihil per accidens esse potest.

Tertio, Intellectus diuinus non est discursus, ergo, &c. Probatur consequentia, quia cum in primis principiis non sit error, in conclusionibus tantum erit, secundum quod a principiis ad conclusiones intellectus discursit.

Sed posset aliquis dicere, quod error accidit non solum circa conclusiones, ad quas intellectus peruenit discurrendo, sed etiam circa propositiones per se sumptas. Experimur enim nos decipi circa aliquas propositiones, dum etiam non discurremus, sicut cum dicimus & iudicamus sortem præsentem, esse Platonem.

Dici potest, quod semper in deceptio est aliquis discursus, licet fortasse aliquando in imperceptibili tempore fiat. Occurrente enim mihi Sorte habente similitudinem cum Platone, puta in rotunditate faciei, argumentatur imperceptibiliter intellectus, isto habet rotundam faciem, ergo est Plato, & sic de aliis.

Quarto, Omnia cognoscibilia comparantur ad intellectum diuinum, sicut propriæ & per se cognoscibilia, id est, sicut proprium, & per se obiectum, ergo, &c. Probatur consequentia, quia in talibus virtus cognoscitiua non errat. Antecedens verò probatur, quia diuinus intellectus est in fine sublimitatis, id est, non habet aliquam virtutem cognoscitiuam subliorem se: & omnem sublimitatem quæ esse possit, habet scilicet infinitam. Quanto autem virtus cognoscitiua est altior, tanto eius obiectum plura sub se continet, ut patet de sensu communi & imaginatione respectu sensus particularis: ergo oportet ut omnia cognoscibilia contineantur sub obiecto per se diuini intellectus.

Quinto, Intellectus diuinus est ex natura sua perfectior quam intellectus humanus virtute intellectuali perfectus, sicut est sapientia & scientia, cum ipse sit in fine & extremo perfectionis, sed iste non dicit falsum, sed semper verum, quia virtutis effectus bonum reddere: verum autem dicere est bonus actus intellectus, ergo, &c.

Sexto, Si diuinus intellectus diceretur falsus, falsitas a qua diceretur falsus, non esset in Deo, sed in rebus, sed nec etiam est in rebus, quia quantum vnumquodque habet de esse, tantum habet de veritate, ergo, &c. Probatur antecedens, quia talis est comparatio intellectus diuini ad res, qualis est rerum ad intellectum humanum, eo quod quid veritas intellectus humani mensuratur a rebus, ita e converso res mensurantur ab intellectu diuino, cum Deus per suam scientiam sit causa rerum. Cum ergo res non dicantur falsæ nisi propter falsitatem intellectus humani, inquantum scilicet naturæ sunt facere falsam sui existimationem, aut quia significantur falso intellectu: e contrario diceretur intellectus diuinus falsus propter rerum falsitatem, quæ scilicet diuini intellectus formam non imitaretur.

ADVERTENDUM pro falsitate consequentis, ex doctrina sancti Thomæ ubi supra, quod in ordine ad intellectum diuinum res non possunt dici falsæ: cum quicquid in rebus accidit, ex ordine diuini intellectus procedat, nisi in voluntariis agentibus fortassis, in quorum potestate est subducere se ab ordine diuini intellectus, inquantum est causa rerum. Unde nulla res est, quæ secundum omnem entitatem in se existentem non conformetur diuino intellectui, in ordine autem ad intellectum humanum res dici possunt falsæ,

eo quod ex exterioribus accidentibus, quibus cum aliis rebus similitudinem habent, naturæ sint de se falsam existimationem facere, aut etiam quia representantur sermone vel intellectu falso. Sed quia res ad intellectum diuinum essentialiter comparationem habent, ideo cum per comparationem ad ipsum falsæ non sint, sed veræ, simpliciter & absolute dici potest nullam rem esse falsam, quamvis secundum quid aliqua possint dici falsa in ordine ad intellectum nostrum, ad quem secundario habent ordinem.

Septimo, In Deo malum esse non potest, ergo, &c. Consequentia patet, quia falsum est malum intellectus, sicut verum est eius bonum. Confirmatur & autoritate Roma. 3. & Numeri 23. & Ioan. 1.

### Quod diuina veritas est prima & summa veritas.

#### Cap. 62.



**E**x his autem quæ ostensa sunt, manifestè habetur, quod veritas diuina sit prima & summa veritas. Sicut enim est dispositio rerum in esse, ita & in veritate, ut patet per Philosophum in secundo Metaph. & hoc ideo, quia verum & ens se inuicem consequuntur: est enim verum, cum dicitur esse quod est, & non esse quod non est.

Sed diuinum esse est primum & perfectissimum: ergo & sua veritas est prima & summa.

2 Item, Quod per essentiam alicui convenit: perfectissime ei convenit: sed veritas Deo attribuitur essentialiter, ut ostensum est, sua igitur veritas est prima & summa veritas.

3 Præterea, Veritas in nostro intellectu ex hoc est, quod adæquatur rei intellectus: æqualitatis autem causa est vnitas, ut patet in 5. Metaph. cum igitur in intellectu diuino sit omnino idem intellectus, & quod intelligitur, sua veritas erit prima & summa veritas.

4 Amplius, Illud quod est mensura in vnoquoque genere, est perfectissimum illius generis. Unde omnes colores mensurantur albo: sed diuina veritas est mensura omnis veritatis, veritas enim nostri intellectus mensuratur a re quæ est extra animam. Ex hoc enim intellectus noster verus dicitur, quod consonat rei: veritas autem rei mensuratur ad intellectum diuinum, qui est causa rerum (ut infra probabitur) sicut veritas artificiorum ad artem artificis. Tunc enim vera est arca, quando consonat arti, cum ergo Deus sit primus intellectus, & primus intelligibilis, oportet quod veritas intellectus cuiuslibet, eius veritate mensuretur, si vnumquodque mensuratur primo sui generis, ut Philosophus tradit in 10. Metaph. Diuina igitur veritas est prima, summa & perfectissima veritas.

#### Super cap. 62.

**S**ecundo ostendit quod diuina veritas est prima & summa veritas. Probatur primo, Diuinum esse est primum & perfectissimum: ergo diuina veritas est prima & perfectissima. Probatur consequentia, quia ex 2. Metaph. sicut est dispositio rerum in esse, ita & in veritate, eo quod ens & vnum se inuicem consequuntur. Quod ergo est primum esse, oportet ut primæ veritatis correspondeat.

ADVERTENDUM primo ex doctrina sancti Thomæ. Prima parte quod verum, quod est in rebus, convertitur cum ente secundum prædicationem: omne enim ens est verum, & omne verum est ens. Verum autem quod est in intellectu, convertitur cum ente secundum representationem, sicut manifestatum cum manifestato, eo quod cuiuslibet vero intellectui correspondeat aliquid in re: & e converso cuiuslibet enti correspondeat verum intellectus, saltem diuinus. Istis secundo modo videtur accipere hoc loco sanctus Thomas consecutionem entis & veri, quia assignat rationem talis consecutionis ex hoc, quod verum est, cum dicitur esse quod est, & non esse quod non est: quod pertinet ad consecutionem representantis & representati.

ADVERTENDUM secundo, circa illam propositionem ex 2. Metaphysicæ sumptam, Sicut est dispositio rerum in esse, ita & in veritate: quod dispositio non accipitur secundum quod est in genere qualitatis, sed secundum quod quendam ordinem importat: & est sensus, quod ubi inuenitur quod est maxime ens, inuenitur etiam quod est maxime verum: quia ratio veri rationem entis consequitur. Ita exponit sanctus Thomas. Veritate quæ sit. art. 1. ad quintum.

Secundo, Veritas convenit Deo essentialiter, ut dictum est, ergo perfectissime: quia quod per essentiam alicui convenit, illi perfectissime convenit.

Tertio, In Deo omnino idem est intellectus, & quod intelligitur, ergo, &c. Probatur consequentia, quia veritas consistit in adæquatione: æqualitatis autem causa est vnitas, ut dicitur 5. Metaph. tex. 20. ergo ubi est maxima vnitas intellectus & rei intellectus, ibi erit maxime & perfectissime veritas.

Quarto, Veritas diuina est mensura omnis veritatis, ergo perfectissima. Patet consequentia, Quod est mensura in vnoquoque genere, est perfectissimum illius generis. Antecedens verò probatur, Deus est primus intellectus, & primum intelligibile, ergo veritas intellectus cuiuslibet a veritate eius mensuratur. Probatur consequentia, quia omnis veritas aut mensuratur a re, sicut veritas intellectus nostri: aut mensuratur ab intellectu, sicut omnis rei veritas mensuratur in ordine ad intellectum diuinum, a quo causatur. Sed vtro modo mensuretur, mensuratur a primo, cum vnumquodque mensuretur a primo sui generis, ergo oportet ut omnis veritas mensuretur, aut a primo intelligibili, aut a primo intellectu. Si ergo Deus est primum intelligibile, & primus intellectus, erit mensura omnis veritatis.

ADVERTENDUM, quod in hac ratione includit sanctus Thomas etiam intellectum angelicum implicite. Cum enim veritas intellectus angelici

† Idem. P. p. q. 16. ar. 5.

† Text. com. 4.

† Cap. 60.

† Text. com. 2. a.

† Text. com. 2.

† Cap. 59.

¶ Error non est in principis, sed tantum in conclusionibus.



gelici habeat mensuram, cum non sit prima veritas, oportet ut mensuretur aut ab aliquo intellectu, aut ab aliquo intelligibili, quia ab altero istorum omnis veritas mensuratur: & sic, si ponimus ipsam a re mensurari, oportebit ut a primo intelligibili mensuretur. Si autem ab intellectu, quemadmodum veritas cuiuslibet alterius rei, oportet ut mensuretur a primo intellectu: & sic cum Deus sit primus intellectus & primum intelligibile, necesse est ut mensuretur a veritate Dei. Propter hoc non conclusit solum de intellectu humano, sed vniuersaliter de omni intellectu, concludens, quod oportet ut veritas intellectus cuiuslibet, eius veritate mensuretur.

Sed videtur in hac ratione falsum quoddam assumi, scilicet quod veritas intellectus nostri mensuretur a re, quae extra animam est. Nam res non dicitur vera nisi in ordine ad intellectum; ergo non mensurat veritatem intellectus: mensura enim non dependet a re mensurata.

Respondetur & dicitur primo, quod licet res non dicatur formaliter vera, nisi per comparisonem ad intellectum, non tamen dicitur vera primo & principaliter in ordine ad intellectum humanum, sed in ordine ad intellectum diuinum: & ideo potest sibi per prius conuenire ratio veritatis quam intellectui nostro, licet illa non sit proprie veritas.

Dicitur secundo, quod non dixit sanctus Thomas veritatem intellectus nostri mensurari a veritate rei, sed a re: multum enim differunt haec inter se. Nam ab esse quidem rei mensuratur veritas intellectus nostri, non autem a veritate rei, secundum quod in ordine ad intellectum nostrum dicitur vera. Et cum dicitur quod mensura non dependet a re mensurata, &c. dicitur quod hoc verum est formaliter loquendo: mensura enim secundum illam rationem, qua mensura est, non dependet a mensurato in quantum huiusmodi: sed bene potest alia ratione dependere. Sicut animal in quantum sanum, formaliter non dependet a medicina quantum ad rationem proprie sani, imo medicina ab animali, cum non dicitur sana nisi in ordine ad sanitatem animalis: & tamen animalis sanitas causatur a medicina. Sic etiam veritas intellectus non dependet a veritate rei, imo econuerso, veritas rei est veritas intellectus: sed tamen ipsa veritas dependet a re, & ab ipsa in intellectu nostro causatur.

### Rationes volentium a Deo subtrahere cognitionem singularium.

#### Cap. 63.

Vnt autem quidam qui perfectioni diuinæ cognitionis singularium notitiam subtraherentur. Ad quod quidam confirmandum septem viis procedunt.

Prima est ex ipsa singularitatis conditione. Cum enim singularitatis principium sit materia signata, non videtur per aliquam virtutem immaterialem singularia posse cognosci, si omnis cognitio per quādam assimilationem fiat. Vnde & in nobis illa sola potentia singularia apprehendunt, quae materialibus organibus vtuntur, vt imaginatio, & sensus, & huiusmodi. Intellectus autem, quia immaterialis est, singularia non cognoscit: multo igitur minus intellectus diuinus singularium est cognoscitiuus, qui maxime a materia recedit: & sic nullo modo videtur quod Deus singularia cognoscere possit.

Secunda est, quod singularia non semper sunt. Aut igitur semper sciuntur a Deo, aut quandoque sciuntur, & quandoque non sciuntur. Primum esse non potest, quia de eo quod non est, non potest esse scientia, quae solum verorum est: ea autem quae non sunt, vera esse non possunt. Secundum etiam esse non potest, quia diuini intellectus cognitio est omnino inuariabilis, vt ostensum est.

Tertia est ex eo, quod non omnia singularia de necessitate proueniunt, sed quaedam contingenter: vnde de eis certa cognitio haberi non potest, nisi quando sunt. Certa enim cognitio est, quae falli non potest: cognitio autem omnis, quae est de contingenti, falli potest, cum futurum est, potest enim euenire oppositum eius quod cognitione tenetur. Si enim non posset oppositum euenire, iam necessarium esset. Vnde & de contingentibus futuris non potest esse in nobis scientia, sed coniecturalis aestimatio quaedam. Supponere autem oportet omnem cognitionem Dei esse certissimam & infallibilem, vt supra ostensum est. Impossibile est etiam quod Deus aliquid de nouo cognoscere incipiat, propter eius immutabilitatem, vt dictum est. Ex his igitur videtur sequi quod singularia contingenter non cognoscantur.

Quarta est ex hoc, quod quorundam singularium causa est voluntas, effectus autem aequam sit, non potest nisi in sua causa cognosci: sic enim solum esse potest antequam in se esse incipiat. Motus autem voluntatis a nullo possunt per certitudinem cognosci, nisi a volente, in cuius potestate sunt. Impossibile est igitur quod Deus de huiusmodi singularibus quae causantur ex voluntate sumunt, notitiam certam habeat.

Quinta est ex singularium infinitate. Infinitum enim in quantum huiusmodi est ignotum. Nam omne quod cognoscitur, cognoscens comprehensione quodammodo mensuratur: cum mensuratio nihil aliud sit quam quaedam certificatio rei mensuratae. Vnde omnis ars infinita repudiatur singularia autem sunt infinita ad minus in potentia, impossibile igitur videtur, quod Deus singularia cognoscat.

Sexta est, ex ipsa utilitate singularium. Cum enim nobilitas

scientiae ex nobilitate scibilis quodammodo pensetur, vilitas etiam scibilis in vilitatem scientiae redundare videtur: diuinus autem intellectus nobilissimus est. Non igitur eius nobilitas patitur, quod Deus quaedam vilissima inter singularia cognoscat.

Septima est, ex malitia quae in quibusdam singularibus inuenitur. Cum enim cognitum sit aliquo modo in cognoscente, malum autem in Deo esse non possit, vt supra ostensum est, videtur sequi, quod Deus malum & priuationem omnino non cognoscat, sed solum intellectus qui est in potentia. Priuatio enim non nisi in potentia esse potest: & ex hoc sequitur quod non habeat Deus de singularibus notitiam, in quibus malum & priuatio inuenitur.

#### Super cap. 63.



Ostendam determinauit sanctus Thomas de cognitione diuina quantum ad obiectum in communi, nunc ad cognitionem ipsius circa particularia accedit. Circa hoc autem tria facit. Primo enim adducit rationes volentium probare quod Deus singularia non cognoscit: secundo proponit ordinem respondendi: tertio de materia vniuersusque argumenti tractat.

Quantum ad primum in hoc cap. septem rationes adducit. Arguitur enim primo sic. Intellectus noster, quia immaterialis est, singularia materialia non cognoscit: ergo multo minus intellectus diuinus, qui maxime a materia recedit. Secundo, Singularia non sunt semper: aut igitur semper sciuntur a Deo, aut quandoque sciuntur, quandoque non sciuntur. Non primum, quia de eo quod non est, non potest esse scientia. Nec etiam secundum, quia diuini intellectus cognitio est omnino inuariabilis, ergo, &c. Tertio, De futuris contingentibus cognitio certa esse non potest, cum oppositum eius quod cognitione tenetur, euenire possit: scientia autem Dei certa est & infallibilis, ergo non potest de illis esse. Quarto, Motus voluntatis a nullo possunt per certitudinem cognosci, nisi a voluntate: ergo impossibile est Deum de singularibus, quae causantur ex voluntate sumunt, notitiam certam habere.

Quinto, Singularia sunt infinita, ad minus in potentia, ergo impossibile est Deum illa cognoscere: quia infinitum in quantum huiusmodi, est ignotum. Sexto, Intellectus diuinus nobilissimus est, ergo quae da singularia quae sunt vilissima, non cognoscit. Patet consequentia, quia vilitas scibilis in vilitatem scientiae redundare videtur. Septimo, in Deo malum esse non potest: ergo Deus non habet notitiam de singularibus, in quibus malum & priuatio inuenitur. Probatur consequentia, quia cognitum est aliquo modo incognoscente.

### Ordo dicendorum circa diuinam cognitionem.

#### Cap. 64.

De huius autem erroris exclusionem, vt etiam diuinæ scientiae perfectio ostendatur, oportet diligenter veritatem inquirere circa singula praedictorum, vt ea quae sunt veritati contraria, repellantur. Primo ergo ostendimus quod diuinus intellectus singularia cognoscit. Secundo, quod cognoscit ea quae non sunt in actu. Tertio, quod cognoscit contingentia futura infallibili cognitione. Quarto, quod cognoscit motus voluntatis. Quinto, quod cognoscit infinita. Sexto, quod cognoscit qualibet vilia & minima in entibus. Septimo, quod cognoscit mala & priuationes qualibet vel defectus.

#### Super cap. 64.



Ostis argumentis quibus particularium cognitio a Deo videtur remoueri, nunc ad eorum solutionem volens sanctus Tho. accedere, proponit ordinem dicendorum, eo quod vnaquaeque illarum argumentationum specialem exigit considerationem. Vnde sicut argumenta erant septem, ita septem ordinatè consideranda proponit, & sic septem erunt conclusiones declarandae.

### Quod Deus singularia cognoscat.

#### Cap. 65.

Rimò igitur ostendamus, quod singularium cognitio Deo non potest deesse. Ostensum est enim supra, quod Deus cognoscit alia in quantum est causa eis: effectus autem diuini subsistentes sunt res singulares: hoc enim modo Deus causat res, in quantum facit eas esse in actu. vniuersalia autem non sunt res subsistentes, sed habent esse solum in singularibus, vt probatur in 7. Metaphysic. Deus igitur cognoscit res alias a se non solum in vniuersali, sed etiam in singulari. Item. Cognitis principiis, ex quibus constituitur essentia rei, necesse est rem illam cognosci, sicut cognita anima rationali & corpore tali, cognoscitur homo. Singularis autem essentia constituitur ex materia designata, & forma indiuiduata: sicut Socratis essentia ex hoc corpore, & hac anima, vt etiam essentia hominis vniuersalis ex anima & corpore, vt patet in 7. Metaphysicorum. Vnde sicut haec cadunt in diffinitione hominis vniuersalis, ita illa caderent in diffinitione Socratis, si posset diffiniri. Cuicunque igitur adest cognitio materiae,

† Hae sequitur Com. 3. de Anima, com. 25.

† Idem. P. p. q. 14. ar. 6. † Cap. 49.

† Tex. com. 51.

† Tex. com. 34.

† Vt Auerrois, qui has rationes format variis locis. Hanc ponit Auerrois in lib. de Som. & Vig.

† Cap. 55.

† Cap. 50.

† Cap. 55.

† Hanc ponit Com. 12. Meta. com. 15.







Quartò, In cognitione diuina continetur omnis cognitionis perfectio, et go cognoscit singularia. Pater consequentia, quia in hoc aliquorum cognoscitur perfectio consistit. Antecedens verò probatur, Sicut Deus est iuum esse, ita est suum intelligere. sed ex hoc quòd est suum esse, continentur in ipso omnes perfectiones essendi, sicut in prima essendi origine, ergo ex hoc quòd est suum cognoscere, oportet quòd in eius cognitione conueniatur omnis cognitionis perfectio, sicut in primo cognitionis fonte.

**A D V E R T E**, quòd sicut cognoscencia in duplici rerum ordine collocantur, scilicet in ordine entium, & in ordine cognoscendum: ita oportet quòd ad duo prima reducatur, à quibus ipsi ordines originem exemplariter ducant & ideo sicut quantum ad ordinem entium reducuntur in esse diuinum tanquam in id quòd est exemplar omnis esse, ita secundum quòd sunt in ordine cognoscendum, reducuntur in diuinam cognitionem, sicut in exemplarem formam omnis cognitionis: propter hoc inquit sanctus Thomas, quòd in ipsa continetur omnis cognitionis perfectio, sicut in primo cognitionis fonte.

Quartò, Quicquid homo intellectu, imaginatione & sensu cognoscit, Deus vno & simplici suo intellectu considerat, ergo singularia cognoscit illa enim sensu & imaginatione cognoscimus. Probatur antecedens, quia vis cognoscitiva in Deo est superior quam in homine, in omnibus autem virtutibus ordinatis communiter inuenitur, quòd virtus superior ad plura se extendit vnica existens, inferior vero ad pauciora & multiplicata, vt patet de imaginatione & sensu. Imaginatio enim virtus ad omnia se extendit ad quæ sensus exteriores, & etiam ad plura.

Virtus superior ad omnia se extendit in qua inferior potest, & adhuc in plura.

Sed occurrit dubium circa fundamentum rationis. Nam intellectus humanus est superior imaginatione & sensu, & tamen non cognoscit singularia, quæ sensu & imaginatione cognoscuntur: ergo illud fundamentum non est vniuersaliter verum, quòd virtus superior se extendat ad omnia in quæ inferior potest, & adhuc in plura.

Tripliciter ad hoc potest responderi. Primò negando assumptum: imò intellectus noster potest singularia cognoscere absolute consideratur, licet ea non cognoscat nisi indirectè & reflexè coniunctus corpori, propter modum intelligendi quem habet, scilicet per abstractionem à materia, vnde separatus illa poterit cognoscere, per species non abstractas, sed infusas.

Secundò, quòd propositio sancti Thomæ intelligitur in naturis distinctis & completis in specie, cuiusmodi sunt Deus, Angelus & homo, non autem in virtutibus eiusdem nature, sicut est in proposito de intellectu, imaginatione & sensu: quia licet istæ sint diuersæ virtutes, sunt tamen omnes hominis virtutes, quæ sunt vnus speciei. Sed non videtur ista responsio ad mentem sancti Thomæ, quia & hic & alibi ad manifestationem illius propositionis datur exemplum de imaginatione & sensu, quæ tamen vni conueniunt naturæ.

Tertiò, potest responderi, quòd intellectus noster potest cognoscere singularia, sed modo eminentiori, quàm sensus & imaginatio. Vnde propositio sancti Thomæ quæ est Boetij 7. de Consul. intelligitur, vt dicitur Veri. quæst. 2. art. 6. ad quartum, & quæst. 10. artic. 5. ad quintum, & Prima quæst. 8. art. 1. ad quartum, quòd quicquid potest virtus inferior, potest virtus superior, sed eminentiori modo. Vbi considerandum est, quòd quia natura vniuersalis extra intellectum non est realiter distincta à natura singulari: sed in ipso singulari indiuiduantibus conditionibus est limitata, ideo qui cognoscit naturam vniuersalem, cognoscit & naturam singularem, sed verum est quòd qui cognoscit: ipsam absque accidentibus indiuiduantibus: cognoscit ipsam vt vniuersalem & immaterialiter & abstractè. Qui autem cognoscit ipsam vt materialibus conditionibus determinatam, ipsam materialiter cognoscit & concretè ad principia indiuiduantia & in quantum est singularis, intelligit ergo intellectus noster substantiam quæ est singularis, eminentiori modo, quia ipsam vniuersaliter & immaterialiter cognoscit, sensus autem materialiter, & sic nobiliori modo cognoscit, cum cognoscat ipsam singulariter quantum ad naturam intimam speciei, sensus autem quantum ad materialia accidentia. Sed adhuc non videtur ista responsio satisfacere, non enim videtur saluari intentum rationis hinc inducitur. Nam vult sanct. Th. hic concludere, quòd Deus cognoscit singularia non solum quantum ad essentiam per abstractionem à conditionibus materialibus, sed etiam quantum ad ipsas materiales conditiones: ergo oportet illam propositionem intelligere de eodem modo cognitionis, quòd scilicet quicquid cognoscit virtus inferior, potest virtus superior eodem modo cognoscere. Dicitur primò, quòd quicquid potest virtus inferior, potest superior quidem nobiliori modo ex parte operantis, aliquando verò etiam ex parte cogniti. Sed ex parte cogniti dupliciter potest esse, aut quia, scilicet potest non quidem in illum modum obiecti, in quem potest virtus inferior, sed quia potest in aliquem superiorem: aut quia & in illum modum potest, & in aliquem alium. Intellectus igitur noster cognoscit singularia nobiliori modo ex parte intelligentis & rei intellectæ, quàm sensus, quia est immaterialis in cognoscendo, & intelligit rem non quantum ad eius accidentia extrinseca, sicut sensus, sed quantum ad ipsam quidditatem: in Deo autem est modus eminentior, quàm sit modus intellectus nostri & sensus, & ex parte cognoscens, & ex parte cogniti, quia sensus cognoscit tantum accidentia materialia per se, intellectus noster tantum naturam & substantiam eius: intellectus autem diuinus cognoscit & substantiam & accidentia, quæ est perfectior cognitio singularis in quantum est singulare, & vltius eius cognitio est nobilissima ex parte cognoscens.

Dicitur secundò, quòd omne quod potest virtus inferior, potest & superior aliquando etiam eodem modo ex parte obiecti, quia scilicet fertur in illum modum obiecti in quem fertur inferior, licet & in aliquem alium possit. Si, inquam, ex parte superioris non sit aliquid repugnans, vnde dixit sanctus Thomas illud communiter verum esse, quasi diceret, Est vniuersaliter verum, quòd potest eodem modo, nisi inueniatur aliquid repugnans in superiori. Quod etiam ad intelligere Veri. quæst. 10. art. 5. ad quintum, vbi exponens dictam propositionem inquit, quòd illud quod potest virtus inferior, potest superior, non tamen semper eodem modo, sed quandoque altiori: ex quo relinquitur, quòd etiam aliquando eodem modo potest, scilicet ex parte obiecti, modò in intellectu diuino nihil est quod repugnet cognitioni singularium in sua singularitate, in intellectu autem nostro est aliquid repugnans, quia scilicet species quibus intelligit, sunt similitudines vniuersaliū tantum, cum per abstractionem quandam à conditionibus indiuiduantibus recipiantur in intellectu, vt inferius dicitur, ideo non potest intellectus noster intelligere singularia eo modo quo sensus ex parte rei cognita, sed eminentiori intelligit. Intellectus autem diuinus in sua singularitate ea cognoscit sicut &

sensus, scilicet quantum etiam ad ipsam singularitatem, & vltius quantum ad quidditatem ipsius substantialem: quod sensus non potest. Vnde ratio bene propositum concludit, si bene fundamentum rationis intelligatur, scilicet quòd illud, quod potest virtus inferior, potest superior, aut eodem modo aut eminentiori, & semper eodem modo ex parte obiecti, in illum scilicet modum obiecti in quæ fertur inferior, & aliquando cum illo in altiore alium modum obiecti tendendo, nisi sit aliquid repugnans naturæ & modo superioris, semper autem potest eminentiori modo ex parte agentis.

Sextò, Cognitio diuina de rebus est, ad modum practicæ cognitionis, ergo, &c. Antecedens patet, quia per suam cognitionem Deus est causa rerum. Consequentia verò probatur, quia practica cognitio non est perfectissima ad singularia perducatur, cum finis eius sit operatio, quæ in singularibus est.

**A D V E R T E**, quòd hæc ratio distinguitur à prima & secunda, quia hic consideratur ipsa cōditio cognitionis secundum se, in illis autem considerabantur res cognitæ.

**A D V E R T E** etiam, quòd ideo dixit S. Thom. cognitionem Dei de aliis rebus esse ad modum practicæ cognitionis, non autem absolute esse practicam, quia cum Deus vna & eadem cognitione, & se & alia cognoscat non potest simpliciter dici practica, cum seipsum speculatiue cognoscat, sed eminententer continet, & speculatiuam & practicam: comparando tamen ipsam ad alia à se tanquam producenda induit modum practicæ, eo quòd ordinatur ad opus.

Septimò, Intellectus, qui est motor vel causa primi mobilis, cognoscit ipsum mobile in quantum est singulare: ergo Deus singulare cognoscit. Probatur antecedens, quia primum mobile mouetur à mouente per intellectum & voluntatem, non autem posset mouere motor per intellectum & voluntatem nisi cognosceret mobile in quantum est hic: & nunc, & per consequens singulare, quia sic est mobile. Consequentia etiam probatur, quia aut ille motor est Deus, & sic habetur propositum: aut aliquid est infra Deum, cuius intellectus potest cognoscere singulare sua virtute, quòd intellectus noster non potest, & tunc multò magis hoc poterit intellectus Dei.

**A D V E R T E**, quòd si intellectus aliquis ex sua perfectione habet, vt in aliquid possit in quod non potest intellectus humanus, oportet vt in illud multò magis possit intellectus diuinus, cum in ipso nulla sit repugnantia ad intelligendum quancunque rem, & ipse sit perfectissimus omnium intellectuum: ideo sanctus Thom. optime arguit, quòd si alius intellectus singulare humano intellectui incognitum, ex perfectione sua potest cognoscere, multò magis diuinus hoc poterit intellectus. Octauò, Si negaretur à Deo singularem cognitionem, hoc esset quia videmus intellectum nostrum ratione suæ immaterialitatis singularia non cognoscere, cum Deus multò immaterialior sit sed hoc non obstat, quia est aliqua particularis ratio in intellectu nostro, quare singularia non intelligat, quæ non est in intellectu diuino, ergo, &c. Minor probatur, & primò quantum ad primam partem, supponendo quòd assimilatio ad rem cognitam in nobis fiat per actionem rerum sensibilium in potentias cognoscitivas, forma inferioris ordinis non potest agendo suam similitudinem producere in gradum altiore, ergo forma rei sensibilis non potest suæ singularitatis similitudinem producere ad hoc, vt sit omnino immaterialis: ergo in intellectu nostro non potest esse similitudo singularitatis formæ sensibilis, ergo forma singularis sensibilis ab intellectu nostro cognosci non potest. Patet antecedens, quia agens est honorabilior patiente & actio. Prima etiam consequentia patet ex secunda quo quæ constat, quia similitudo quæ est in intellectu, est immaterialis. Vltima verò probatur, quia cognitio omnis fit per assimilationem cognoscens & cogniti. Secundò probatur minor quo ad secundam partem, quia non est cognitio Dei per actionem cogniti in cognoscens, sed e contrario, cognitio est causa rerum. Vnde cum sua causalitas se extendat vsque ad singularitatem formæ sensibilis, similitudo singularitatis eius erit in intellectu: & sic potest singulare cognoscere. Tota ergo ratio diuersitatis est, quia in intellectu nostro non est similitudo rei singularis, sed bene in intellectu diuino.

**A D V E R T E** N D V M ex his quæ dixit sanctus Thomas, quod immaterialitas specierum intellectus nostri non est ratio quare non sint similitudines singularem, quia sic etiam esset in intellectu diuino, sed quia similitudo accipitur à ipsis sensibilibus virtute intellectus agentis, singulare autem non potest causare in intellectu similitudinem sui vt sic.

**C I R C A** hunc processum dubitatur multipliciter. Primò, Si forma inferioris gradus non potest producere similitudinem sui in gradum altiore, sequitur quòd forma sensibilis non poterit causare suam similitudinem in medio & sensu, quia illa est nobilioris gradus quàm forma materialis.

Secundò, Intellectus agens non producit speciem intelligibilem in intellectu nisi per phantasma, sed phantasma est similitudo rei singularis, ergo producat similitudo rei singularis, licet immaterialis producat. Si dicitur quòd phantasma non agit nisi ratione formæ vniuersalis, ideo non causat instrumentaliter nisi similitudinem formæ vniuersalis. Contrà, Primò, quia agere est tantum rei particularis, non autem vniuersalis. Secundò, quia non agit nisi in quantum similitudo: non est autem similitudo vniuersalis, sed particularis, ergo, &c.

Tertiò, Sequeretur quòd nullo modo intellectus posset cognoscere singularia, si ad cognitionem requiritur similitudo, & in intellectu nostro non est similitudo singularis: hoc autem est falsum, quia, vt dicitur Prima parte, & Veri. vbi supra, cognoscuntur indirectè & reflexè.

Quartò, Intellectus noster (vt dicitur Prima parte, quæst. 84. articulo 7.) ad hoc vt intelligat sui obiectum proprium, necesse est vt conuertat se ad phantasma ad hoc vt speculetur naturam vniuersalem in particulari existenti: sed non potest hoc nisi cognoscendo singulare, sicut non potest aliquid in speculo videri nisi speculum videatur ergo intellectus noster singularia secundum doctrinam sancti Thomæ cognoscit.

Ad primum horum dicitur, quòd licet forma rei sensibilis recipiatur in medio & sensu sine materia, non recipitur tamen absque conditionibus materialibus, cum recipiatur sub determinatis dimensionibus, & determinato situ: vt patet etiam de formis in speculo resultantibus. Ideo continetur intra latitudinem formæ materialis, quædam enim forma est materialis, quia est cum materia & conditionibus materialibus: quædam autem quia habet condiciones materiales. Propter hoc forma sensibilis non producit similitudinem suam ad altiore gradum simpliciter, sed ad aliquem gradum perfectiorem, intra tamen latitudinem sui ordinis. Propositio autem illa, Forma inferioris gradus non potest producere similitudinem suam in gradum altiore.

Vtrum forma inferioris ordinis possit suam similitudinem producere in gradum altioris.

Sensibile potest suam similitudinem causare in sensu, quamuis sit altioris gradus.



rem, intelligenda est de gradu simpliciter altiori, qui scilicet sit supra totam latitudinem sui ordinis. Vnde volens ex hac sanctus Thomas propositum concludere, dedit quod forma sensibilis non potest suae singularitatis similitudinem producere ad hoc, ut sit omnino immaterialis: quasi diceret, quod licet possit producere rem aliquo modo immaterialem, quia illa potest intra latitudinem sui ordinis contineri, non tamen omnino immaterialem potest producere, cum illa sit supra totum ordinem formae materialis. Propter hoc inquit de spiritualibus creaturis, artic. 10. ad ultimum, & in quaest. de Anima artic. quarto ad primum, quod forma quae est in sensu, potest imprimere formam in imaginatione, quia sunt eiusdem generis, cum utraque sit individualis & materialis: forma autem imaginaria non potest per se imprimere speciem intelligibilem, quia est alterius generis, cum sit forma vniuersalis, & de Anima ubi supra, ad tertium, ait, quod conditio recipientis non potest speciem receptam transferre de genere in genus, potest tamen eodem genere manente variare speciem receptam secundum aliquem modum essendi.

Si dicatur quod ratio adducta pro illa propositione, quia scilicet agens est nobilior actui & actio, ita probat de gradu intra latitudinem sui ordinis, sicut de gradu omnino superiori, quia etiam intra proprii ordinis latitudinem agens est nobilior actui, & sic nullo modo potest aliqua forma producere nobiliorem se, etiam intra suam latitudinem: respondetur ex doctrina sancti Thomae Potentia, quaest. 5. artic. 8. quod actio sensibilis ad diffusionem similitudinis suae formae in medio secundum spirituale intentionem conuenit sibi secundum quod participat aliquid de proprietate superioris naturae, scilicet substantiarum separatarum, quia inferiora semper aliquam superioris participationem habent. Ex quo habetur quod agens, quod secundum naturam propriam est ignobilius, potest producere formam nobiliorem, ut participans naturam superiorem, tanquam agens proximum, & secundum se agens, intra tamen latitudinem sui ordinis, dicitur ergo quod intra latitudinem proprii ordinis non oportet quod agens secundum propriam naturam, quia est tale, sit nobilior forma producta, quando non agit actione quae conuenit sibi ut est tale, sed ex participatione superioris naturae, quo modo sensibile agit in medium & in sensum spiritualiter.

Phantasma causat speciem in intellectu, quae est similitudo ipsius naturae.

Ad secundum dicitur, quod phantasma non concurrebat ad causandum speciem ratione propriae naturae quia ad subiectum comparatur, secundum videlicet quod est tale accidens, sed in quantum similitudo rei ad extra. Et quia res ad extra (ut dicitur Verit. quaest. 8. artic. 11.) non agit per materiam, sed per formam: ideo per se loquendo, considerata natura agentis, phantasma est similitudo rei quantum ad formam, licet per accidens, in quantum recipitur in organo corporali materialiter recipiente, habeat ut sit etiam similitudo materialium dispositionum, in quantum ex materialitate sua representat etiam condiciones formae agentis ad extra, propter hoc in intellectu causat similitudinem tantum formae, non autem materialium dispositionum, quia agit ut similitudo formae per se, & sic format tantum a qua sumitur natura vniuersalis, est sibi ratio in intellectu instrumentaliter agendi, cum intellectu agente. Licet ergo phantasma sit similitudo rei singularis, non tamen oportet ut producat in intellectu similitudinem rei singularis, quia non agit ratione materialium dispositionum rei singularis, sed ratione naturae & formae latentis in phantasmate, & ideo responsio ibi data bona est, & est sancti Thomae Verit. q. 2. artic. 5.

Ad primam improbationem dicitur, quod licet agere non sit rei vniuersalis, scilicet ut fiat sub intentione vniuersalitatis, quia sic non habet esse nisi obiectum, sed rei singularis, ipsa tamen natura potest esse ratio agendi ratione formae, unde sumitur natura vniuersalis, & non ratione conditionum materialium, unde sumitur singularitas.

Ad secundum dicitur, quod sicut in re singulari extrinsecus tantum apparet accidentia, & tamen sub ipsis latet natura & substantia, propter quod illa dicuntur talis substantiae accidentia, ita species quae est in sensu & imaginatione, licet sit similitudo expressae sensui & imaginationi extrinseca regens praesentans accidentia ratione materialitatis subiecti, in quo recipitur, est tamen virtualiter & implicitè similitudo formae a qua causatur, & potest in subiecto immateriali simul cum intellectu agere causare similitudinem naturae tantum representatiui intellectui, non autem accidentium materialium.

Quomodo intellectus noster singularia cognoscit.

Pro responsione ad tertium considerandum primum, quod quando intellectus deuenit in cognitionem vnius ex alterius cognitione, non requiritur semper, ut propriam de illo specie habeat, sed illa species per quam cognoscitur primum, sufficere potest ad eius cognitionem, & potest dici aliquoties eius similitudo: sicut quia in cognitionem aliqualem substantiarum separatarum ex sensibilibus deuenimus, non oportet ut propriam earum similitudinem habeamus, sed sufficit species sensibiles, quae aliquo modo possunt dici remotae similitudines illarum, quemadmodum & ipsae res sensibiles sunt aliquoties similitudines rerum immaterialium. Cum ergo intellectus non cognoscat singularia primum & directè, sed per reflexionem dum cognita quidditate redit ad considerationem sui actus & speciei intelligibilis, ex qua ad phantasma & singulare conuenitur, non oportet ut propriam similitudinem, quae est species intelligibilis, habeat in intellectu, sed sufficit ut remotam quandam habeat.

Utrum autem in cognitione ista per reflexionem formet in seipso intellectus proprium conceptum singularis, dicitur ego quod sic, sicut & ex quidditatibus materialibus format conceptum aliquem proprium de substantia immateriali, licet quidditarius non sit, propter intellectus nostri debilitatem. Mouet autem ad hoc, quia cum intellectus ponat comparationem inter singulare & vniuersale, sicut cum dicit, Sortes est homo, quam propositionem format ipse intellectus: ut dicitur Prima parte, ubi supra, oportet ut cognitio reflexa praecedat formationem & cognitionem illius complexi.

Nec valet, si dicatur quod hoc non requirit formationem proprii conceptus, sed per alienum conceptum, qui est quoddammodo conceptus, Sortes arguitur non representatiue cognosci potest, sicut de ignota deitate, si vocaretur, A. intellectus formaret hanc propositionem, A, est substantia prima, &c. Intellectus enim in formatione illius propositionis solo conceptu confuso, & quid nominis est contentus: hoc, inquam, non valet, tum quia non loquitur sanctus Thomas de cognitione confusa singularis, sed distincta, cum illud velit indirectè & per reflexionem cognosci, quod negat cognosci directè singulare, scilicet in sua singularitate, quia de illo queritur, an ex tali cognitione velit ut formet hanc propositionem, Sortes est homo: ex illa autem cognitione confusa non cognoscitur Sortes esse homo, ut Sortes est,

sed quoddam singulare indistincte: unde & nunquam cognoscitur Deitate esse substantiam primam, &c. nisi haberetur aliquis conceptus distinctus de Deitate, quamuis quidditarius simpliciter non esset: tum quia ad hoc ut aliquid intelligatur, necesse est ut praesens fiat intellectui obiectiue. Ad hoc autem ponit sanctus Thomas necessarium esse conceptum: & ideo si debet intelligi singulare in sua singularitate, oportet ut formetur de ipso conceptus aliquis proprius, aut scilicet omnino distinctus ab alio conceptu, aut qui virtualiter ipsum proprium contineat, expressè scilicet singulare in sua singularitate representans.

Nec obstat quod secundum sanctum Thomam repugnat intellectui nostro habere similitudinem materialis individui, quia aliter non abstraheret ab his & nunc dicitur enim quod repugnat intellectui habere similitudinem individui quae sit species intelligibilis a re causata, quia intellectus accipit species ex motione ipsarum rerum, & per abstractionem a materialibus conditionibus: & ideo etiam in intelligendo ea quae per species directè cognoscuntur, abstrahit ab his & nunc, eo quod ipsa species vniuersaliter representet, non autem repugnat intellectui similitudinem habere singularis, quae sit conceptus ab ipso intellectu formatus, dum cognoscendo speciem intelligibilem ex ipsa cognita format in se conceptus phantasmatis & singularis, a quibus ipsa species est aliquo modo causata, nec oportet ut abstrahat ab his & nunc intellectus, in quantum ad ea quae cognoscit reflexè, licet in se immaterialis sit, quia ille conceptus immaterialis existens, & non determinatus ad hunc & nunc in essendo, materiales condiciones immaterialiter representat, sicut & species intellectus angelici.

Non obstat etiam quod inquit sanctus Thomas in quaest. 8. de Anima, artic. 2. ad primum, secundo loco obiectorum, scilicet quod ista reflexio non perficitur nisi ex adiunctione virtutis imaginatiuae: hoc enim non arguit singulare non cognosci proprio conceptu, sed quod sicut in cognitione directè requiritur opus imaginationis constituentis phantasma in actu, ita etiam in cognitione reflexa, qua cognoscitur singulare, propter dependentiam & colligationem intellectus in intelligendo ad vires sensitiuas.

Ad quartum dubium dicitur, quod ista conuersio intellectus ad phantasma non est cognitio phantasmatis, quasi intellectus ad hoc, ut videat obiectum suum, necesse sit ut videatur naturam vniuersalem in phantasmate, & re particulari visa ab ipso, sicut res in viso speculo videtur. Sed hanc conuersionem ego sic intelligo, ut oporteat intellectum in intelligendo ipsam naturam vniuersalem visam per quandam continuationem ad imaginationem, ut scilicet naturam vniuersalem intelligere non possit nisi ipsa imaginatione constituta phantasma in actu ex imperfecto ipsius intellectus, ut inquit sanctus Thom. inferius. Et quod hunc sensum habeat S. Thom. patet ex eius processu ibidem. Nam volens probare, quod necesse est intellectum conuerti ad phantasma, probat quod ad hoc ut intellectus per scientiam iam acquisitam intelligat, requiritur actus imaginationis & ceterarum virtutum intellectuarum, & inferius probat ibidem, quia non cognoscitur natura vniuersalis perfectè nisi cognoscatur, ut in particulari existens, particulare autè cognoscimus per sensum & imaginationem: ex quibus relinquuntur quod intellectum conuerti ad phantasma nihil aliud est quam mouere imaginationem ad formationem phantasmatis.

Sed adhuc remanet dubium, ex eo enim quod imaginatio phantasma format, & singulare cognoscit, non videtur sequi quod intellectus cognoscat naturam ut in particulari existentem, cum intellectus ex ista expositione non apprehendat ipsum singulare, sed imaginationem. Respondetur quod sicut sensus exterior accidentia existentia in substantia, ut existentia in substantia videt, & tamen ipsam substantiam non videt, sed intellectus est qui substantiam videt, aut etiam cogitatur, si ipsa substantia ut particularis est consideretur, ita e contrario non inconuenit intellectui videre substantiam & naturam vniuersalem secundum quod est in singulari, & tamen ipsum non videre singulare, sed imaginationem, unde non dicitur videri in singulari tanquam in re visa ab intellectu, sed quia videtur secundum modum quo est in singulari per modum formae vniuersalis, dum ipsum singulare imaginatio videt.

Cum autem instatur, quia non potest videri aliquid in speculo, nisi & speculum videatur, dicitur primum quod vtrique & singulare videtur ab homine considerate naturam ut existentem in singulari, non quidem per intellectum, sed per imaginationem. Dicitur secundum, quod similitudo de speculo, non valet, quia ideo res videtur in speculo quia in visu recipitur species speculi, per quam, & speculum, & res in speculo videtur: & ideo oportet ut vtrunque videatur. hoc autem non videtur natura in particulari per speciem singularis existentem in intellectu, sed per speciem quae est duntaxat similitudo naturae vniuersalis: sicut & accidentia naturae singularis videntur in substantia, non visa substantia nisi per accidens, quia species quae est visus, est similitudo accidentium tantum non autem substantiarum, unde potest etiam concedi quod intellectus tunc intelligit singulare per accidens, quia scilicet intelligit aliquid coniunctum singulari: sicut & visus per accidens videt substantiam in quantum ipsa coniungitur per se visibili.

Nonò, sequeretur Deum esse insipientissimum iuxta rationem Philosophi contra Empedocle, ut superius est allegatum, si singularia non cognosceret, quae etiam homines cognoscunt: probatur etiam autoritate Hieronymi. 4. & error contrarius excluditur Eccle. 16. Ex praedictis patet solutio ad rationem in oppositum: cum enim dicitur quod per virtutem immaterialem non potest cognosci singulare materiale, cum omnis cognitio fiat per assimilationem, negatur assumptum, & ad probationem dicitur, quod licet id quo intellectus diuinus intelligit, sit immateriale, est tamen similitudo materiae, & forma: intelligit de similitudine representatiua, quae requiritur ad cognitionem, non autem de similitudine, quae dicit conuenientiam in natura, aut si intelligamus de similitudine conueniente in natura, quia etiam aliquo modo inter Deum & creaturam est similitudo, ut dictum est, intelligendum est iuxta ea quae dicuntur Prima parte quaest. 57. artic. 2. ad 2. non de conuenientia in genere vel in specie, sed secundum quandam analogiam, sicut superius habet similitudinem cum inferiori, sicut Sol cum igne.

Quod Deus cognoscit ea quae non sunt.

Cap. 66.

Secundo ostendendum est, quod Deo non deest notitia eorum etiam quae non sunt. Ut enim ex supra dictis patet, eadem est comparatio scientiae diuinae ad res scitas, quae scibilium ad scientiam nostram.

Idem. P. p. q. 4. art. 9.

Contra Gent.

Est



Est autem hæc comparatio scibilis ad nostram scientiam, quod scibile potest esse absque eo quod eius scientia a nobis habeatur (vt ponit exemplum Philosophus in Predicamentis de circuli quadratura) non autem econuerso. Talis ergo erit comparatio diuinæ scientiæ ad res alias, quod etiam non existentium esse potest.

2 Item, Cognitio diuini intellectus comparatur ad res alias sicut cognitio artificis ad artificia, cum per suam scientiam sit causa rerum. Artifex autem suæ artis cognitione etiam ea quæ nondum sunt artificia cognoscit: formæ enim artis ex eius scientia effluunt in exteriorem materiam ad artificiorum constitutionem. Vnde nihil prohibet in scientiæ artificis esse formas quæ nondum exterius prodierunt: sic igitur nihil prohibet, Deum eorum quæ non sunt, notitiam habere.

†Cap. 54.

3 Præterea, Deus cognoscit alia a se per essentiam suam, in quantum est similitudo eorum quæ ab eo procedunt, vt ex supradictis patet: sed cum essentia Dei sit infinite perfectio, vt supra ostensum est, quælibet autem alia res habeat esse & perfectionem terminatam, impossibile est, quod vniuersitas rerum aliarum adæquet essentiæ diuinæ perfectionem. extendit igitur se vis suæ representationis ad multo plura quam ad ea quæ sunt. Si igitur Deus totaliter virtutē & perfectionem essentiæ suæ cognoscit, extendit se eius cognitio non solum ad ea quæ sunt, sed etiam ad ea quæ non sunt.

†Cap. 59.

4 Amplius, Intellectus noster secundum illam operationem quæ cognoscit quod quid est, notitiam habere potest etiam eorum quæ non sunt actu: potest enim equi vel leonis essentiam comprehendere omnibus huiusmodi animalibus interemptis. Intellectus autem diuinus cognoscit ad modum cognoscens, quod quid est, non solum definitiones, sed etiam enuntiabilia, vt ex supradictis patet: potest igitur etiam eorum quæ non sunt, notitiam habere.

†Cap. 49.

5 Adhuc, Effectus aliquis in sua causa præcognosci potest etiam antequam sit: sicut cognoscit astrologus eclipsim futuram ex consideratione ordinis celestium motuum: sed cognitio Dei est de rebus omnibus per causam. se enim cognoscendo, qui est omnium causa, alia quasi suos effectus cognoscit, vt supra ostensum est. Nihil igitur prohibet quin etiam quæ nondum sunt cognoscat.

†Qualis proportio æternitatis ad tēpus.

6 Amplius, Intelligere Dei successionem non habet, sicut nec eius esse: rest igitur totum simul semper manēs, quod de ratione æternitatis est. Temporis autem duratio successione prioris & posterioris extenditur: proportio igitur æternitatis ad totam temporis durationem, est sicut proportio indiuisibilis ad continuum, non quidem eius indiuisibilis, quod terminus continui est, quod non adest cuilibet parti continui (huius enim similitudinem habet instantis temporis) sed eius indiuisibilis quod extra continuum est, cuiuslibet tamen parti continui siue puncto in continuo signato coexistit: nam cum tēpus motum non excedat æternitas quæ omnino extra motum est, nihil temporis est. Rursum, cum æterni nunquam esse deficiat: cuiuslibet tempore vel instanti temporis præsentialiter adest æternitas. Cuius exemplum vtrique in circulo est videre: punctum enim inter circumferentias signatum, etsi indiuisibile sit, non tamē cuiuslibet puncto alij secundum situm coexistit simul, ordo enim situs continuitatem circumferentiæ facit. Centrum verò quod est extra circumferentiam, ad quodlibet punctum in circumferentia signatum directe oppositionem habet. Quicquid igitur in quacunque parte temporis est, coexistit æterno, quasi præsens eidem, etsi respectu alterius partis temporis sit præteritum vel futurum. Æterno autem non potest aliquid præsentialiter coexistere, nisi totum: quia successionis durationem non habet. Quicquid igitur per totum decursum temporis agitur, diuinus intellectus in tota sua æternitate intuetur quasi præsens. nec tamen quod quadam parte temporis agitur, semper fuit existens. Relinquitur igitur quod eorum quæ secundum decursum temporis nondum sunt, Deus notitiam habet.

7 Per has igitur rationes apparet, quod Deus non entium notitiam habet, non tamen omnia non entia eandem habent habitudinem ad eius scientiam: ea enim quæ non sunt, nec erunt, nec fuerunt, a Deo sciuntur quasi eius virtuti possibili. Vnde non cognoscit, a, vt existētia aliquid in seipsis, sed existētia solum in diuina potentia: quæ quidem a quibusdam dicuntur a Deo cognosci secundum notitiam simplicis intelligentiæ. Ea verò quæ sunt præsentia, præterita, vel futura a nobis, cognoscit Deus secundum quod sunt in potentia sua, & in propriis causis, & in seipsis: & horum cognitio dicitur notitia visionis. Non enim Deus rerum quæ apud nos nondum sunt, videt solum esse quod habent in suis causis, sed etiam illud quod habent in seipsis: in quantum eius

æternitas est præsens sua indiuisibilitate omni tempore, & tamen omne esse cuiuscunque rei Deus cognoscit per essentiam suam. Nam sua essentia est representabilis secundum multa quæ non sunt, nec erunt, nec fuerunt, ipsa etiā est similitudo virtutis cuiuslibet causæ, secundum quam præexistit effectus in causis. Esse etiā cuiuslibet rei quod habet in seipsa, est ab ea exemplariter deductum: sic igitur non entia cognoscit Deus in quantum aliquo modo habent esse vel in potentia Dei, vel in causis suis, vel in seipsis, quod rationi scientiæ non obstat. His autem quæ præmissa sunt, etiam Scripturæ sacræ autoritas testimonium perhibet. Dicitur enim Ecclesi. 21. Domino Deo nostro antequam crearentur nota sunt omnia: sicut & post perfectū cognoscit omnia. Et Hier. 1. Priusquam te formarem in utero, noui te. † Patet autem ex prædictis, quod non cogimur dicere, sicut quidam dixerunt, Deū vniuersaliter singularia cognoscere, quia cognoscit ea in causis vniuersalibus tantum: sicut qui cognosceret eclipsim hanc, non prout hæc, sed prout prouenit ex oppositione: cum ostensum sit quod diuina cognitio se extendit ad singularia prout sunt in seipsis.

†Excludit. err. Auic.

## Super cap. 66.



Secunda conclusio est, Deus cognoscit etiam ea quæ non sunt. Circa quam tria facit sanctus Thomas. Primum ipsam probat, secundo declarat, tertio errorem quendam remouet.

Probatur ergo primum, Scibile potest esse absque eo quod sit scientia nostra de ipso, ergo & scientia Dei de aliquo potest esse absque eo quod ipsa res sit. Antecedens patet per exemplum Philosophi de quadratura circuli. Consequentia verò probatur, quia, vt ex supradictis patet, eadem est comparatio scientiæ diuinæ ad res scitas, quæ scibilium ad scientiam nostram.

ADVERTE fundamentum huius rationis esse, quod scibile est prius scientiæ naturaliter, tanquam eius causa: scientia autem diuina est prior omni scibili: remota autem priori remouetur quidem posterius, sed non econuerso: imò prius potest esse absque posteriori, nisi posterius sequatur ad prius per naturalem sequelam, & ideo scibile potest esse non existente scientia nostra, & scientia diuina non existente scibili.

Secundo, Scientia Dei est sicut scientia artificis, cum sit causa rerum, sed artifex ea quæ nondum sunt artificia cognoscit, cum forma artis ex scientia artificis effluat in exteriorem materiam, ergo, &c.

ADVERTE, quod ratio hæc differt a præcedente, quia ibi arguebatur ex comparatione scibilis & scientiæ diuinæ, hæc autem ex conditione diuinæ scientiæ absoluitur.

ADVERTE etiam, quod similitudo scientiæ diuinæ ad artem attendenda est quantum ad aliquid, non autem quantum ad omnia. Est enim similitudo quantum ad causalitatem, quia vtrique est causa scibilis: sed est dissimilitudo, quia scientia artificis præsupponit materiam in quam agat, vt alibi dicit sanctus Thomas, & formam tantum producit in materia: scientia autem diuina, est causa & materiæ & formæ.

Tertio, Deus totaliter virtutem & perfectionem essentiæ suæ cognoscit, sed essentia sua est representatiua non tantum entium, sed etiam non entium, ergo cognoscit non tantum entia, sed etiam non entia. Consequentia verò cum maiori patet. Minor verò probatur, quia essentia diuina est similitudo eorum quæ ab ipsa procedunt, scilicet aut actu, aut virtute. Totam autem vniuersitatem rerum aliarum, scilicet existentium, diuinam virtutem & perfectionem non adæquat, quum quælibet res alia habeat esse & perfectionem limitatam, essentia autem diuina sit infinite perfectio, ergo est representatiua multo plurimum, quam sint ea quæ sunt in actu.

ADVERTE, quod ex hoc quod quælibet res alia a diuina essentia habet esse limitatum, vult habere sanctus Thomas quod etiam vniuersitas omnium entium habet esse limitatum, quia ex habentibus esse & perfectionem finitam, non resultat perfectio infinita, nisi fortassis illa essent secundum speciem infinita, sicut ex finitis quantitativis non resultat quantitas infinita: & per consequens habetur quod vniuersitas entium non potest perfectionem diuinam infinitam adæquare.

Quarto, Intellectus diuinus cognoscit ad modum cognoscentis quod quid est, non solum definitiones, sed etiam enuntiabilia, vt ex supradictis patet: ergo etiam eorum quæ non sunt, potest notitiam habere. Patet consequentia, quia intellectus ea cognitione quæ cognoscit quod quid est, potest notitiam habere eorum etiam quæ non sunt.

SEDO occurrit dubium. Nam cognitio An est, præsupponitur cognitioni Quid est, ergo cognitio Quid est, non potest esse non entium. Dicitur primum negando consequentiam: licet enim quæstio Quid est, præsupponat quæstionem An est, quo ad nos, potest tamen cognitio Quid est, esse non entium actu, quia intellectus in cognoscendo quod quid est, abstrahit ab actuali existentia: & ideo siue res sit actu, siue non sit, nihilominus intellectus apprehendit quod quid est eius. Quare, quum dicitur quod cognitio An est, præcedit cognitionem Quid est, non est sensus, quod oporteat rem esse actu, & cognosci prius necesse sit ipsam esse actu, quam cognoscatur quid sit, sed quod oportet ipsam naturam entis habere, & sibi esse cōuenientem suo modo, scilicet aut certis temporibus, aut in virtute suæ causæ, aut aliquo alio modo: hoc autem potest conuenire rei non existentis pro aliquo tempore in natura. Vnde nos de rosa non existente in actu, quod quid est intelligimus: supponimus tamen ipsam naturam quandam entis habere, & esse suo modo in natura. Deus autem ea quæ nunquam habebunt esse in natura, sed tamen possent esse, cognoscit quidditatiuè, & cognoscit illa esse entia, & habere esse in virtute ipsius Dei, licet non in seipsis. Dicitur secundo, secundum doctrinam sancti Thomæ Veri, quest. 2. art. 8. quod aliter loquendum est de scientia Dei, & aliter de scientia nostra. Nam scientia Dei est causa rerum, scientia autem nostra causatur a rebus, ideo scientia Dei potest præcedere res scitas: & sic cognitio Quid est, potest apud ipsum esse de re, quæ nunquam habuit esse, cum causa possit suum effectum præcedere, vt patet in arte, quæ esse artificiatum

Quomodo cognitio An est, cognitionem Quid est præcedat.



ciati præcedit. Scientia autem nostra non potest esse, nisi res præexistant à quibus causatur, quia posterius non potest esse remoto priori, ideoque cognitio Quid est, non potest acquiri à nobis, nisi res prius habeat esse, & prius via sensum cognoscatur: esset igitur ipsa cognitio Quid est, cum haberetur, abstrahat ab esse. Illa ergo propositio, Cognitio An est, præcedit cognitionem Quid est, habet veritatem tantum in acquisitione scientiæ nostræ, dum prius per sensum cognoscimus rem esse, siue rem sub actuali existentia, quam causetur in intellectu cognitio Quid est: non habet autem veritatem in scientia Dei, quæ non causatur à rebus.

Ad hunc sensum intelligitur quod dicitur 1. Posteriorum, De subiecto oportet præcognoscere quia est. Nam in inuentione scientiæ necesse est nos prius per sensum cognoscere rem esse, antequam aliqua passio de ipsa cognoscatur: quia ab illa cognitione qua res sub actuali existentia cognoscitur, tota scientia originatur: & ideo de re quæ nunquam fuit, non possumus scientiam per inuentionem acquirere.

Quintò, Deus de rebus cognitionem habet per causam, dum se cognoscendo, qui est omnium causa, alia quasi suos effectus cognoscit, ergo, &c. Probat consequentia, quia effectus aliqui in sua causa cognoscit potest antequam sit, sicut eclipsis futura ab astrologo & consideratione cælestium motuum.

ADVERTE, quòd hoc loco non inuestigatur modus cognitionis non entium, sed absolute eorum cognitio: ideo præcedentes rationes absolute probant Deum non entia cognoscere, siue illa in seipsis videat, siue in causa, ratio autem quæ sequitur, probat quòd ea videt & cognoscit etiam ut in seipsis sunt.

Sextò, Intelligere Dei mensuratur æternitate: ergo ad omnia quæ secundum temporis cursum non adum sunt, se extendit. Patet antecedens, quia successione intelligere Dei non habet, sicut nec esse eius, sed est totum simul, & semper manens, ut didum est supra, hoc autem de ratione æternitatis est. Consequentia verò probatur, quia æternitas cuilibet temporis vel instanti temporis potentialiter adest, quum comparetur ad totum temporis decursum, sicut indivisibile ad continuum, non quidem sicut indivisibile, quod est terminus continuus, cum omnino æternitas extra tempus sit, sed sicut illud quod est extra continuum, cuilibet tamen parti continui, aut puncto in continuo signato coexistit, sicut centrum circuli se habet ad circumferentiam, ergo quicquid in quacunque parte temporis est, coexistit æternò, quia ei præsens: & cum æternum successionem non habeat, sequitur quòd omnia toti æternitati sint præsentia. Ergo diuinus intellectus in tota sua æternitate inuenit quasi præsens, quicquid per totum decursum temporis agit.

In hac ratione duo sunt quæ difficultatem faciunt. Primum est fundamentum rationis. Si enim quicquid agit in toto decursu temporis, est præsens æternitati, ergo nunc est verum dicere, quòd Antichristus est, quia nihil est actu præsens alicui, nisi dum est, ergo non erit futurum: & eadem ratione nihil erit futurum, sed omnia erunt præsentia. Item, Ideo Angeli secundum doctrinam sancti Thomæ Prima parte, quæst. 57. art. 3. ad 3. non cognoscunt singularia quando non sunt: quia species quæ sunt in mente Angelis, non sunt actu similitudines ipsorum, nisi quando sunt, quia licet ipsæ species quantum est ex se, æqualiter se habeant ad præsentia, præterita, & futura, tamen ista non æqualiter se habent ad species: præsentia enim naturam habent per quam illis assimilantur, futura autem nondum habent naturam per quam illis assimilantur. Similiter ergo dicitur, quòd licet æternitas quantum est ex se æqualiter se habeat ad præsentia, præterita & futura, non tamen ista æqualiter se habent ad æternitatem, quia illa quæ non sunt, non habent naturam per quam coexistant æternitati, ergo non entia æternitati non coexistunt.

Secundum dubium est circa probationem consequentiæ, non enim videtur sequi, æternitas cuilibet parti temporis adest: ergo intelligere quod mensuratur æternitate, fertur ad omnia quæ pro quacunque temporis differentia sunt. Non enim valet, Instantis præsens mensurat visionem meam: ergo ego video omnia visibilia quæ huic instanti sunt præsentia. Neque etiam ex parte intellectus valet, Omnia intelligibilia nunc sunt præsentia instanti mensuranti meam intellectionem: ergo ego intelligo omnia intelligibilia. Pro solutione primi dubij attendendum, quòd cum dupliciter possit intelligi non entia esse præsentia Deo in æternitate, scilicet secundum realem coexistentiam ipsorum ad Deum, & secundum esse cognitum, & obiectum tantum, quidam Thomistarum tenent non entia esse præsentia Deo in æternitate in esse obiectivo, quia videlicet ab æternò cognoscuntur à Deo, non autem secundum realem coexistentiam esse rerum ad esse diuinum. Mihi autem videtur quòd & plerique Thomistæ tenent esse de mente sancti Tho. quòd veròque modo omnia tam præterita & futura quam præsentia sunt Deo in æternitate præsentia: ita quòd & illi realiter coexistunt in æternitate, & æternaliter ab ipso cognoscuntur. Mouetur autem inde, quia vbiunque S. Tho. de hac materia loquitur pro ratione quare Deus cognoscat futura contingentia certitudinaliter, assignat hoc, Quia omnia sunt quæ Deo & æternitas & æternitati præsentia, cuilibet temporis vel instanti temporis adest, ut patet in hoc cap. & Prima parte, quæst. 14. artic. 9. & 13. & Verit. quæst. 1. artic. 12. Item 1. Sent. dist. 38. art. 1. Esset autem petitio principij, si intelligeret quòd omnia sunt præsentia Deo intuitiue, non autem secundum realem coexistentiam, quia assumeret quòd haberet probare: quòd cum non sit tanto viro, & in re tanta attribuendum, dicendum est, quòd ipse volebat arguere Deum intelligere omnia futura contingentia, quia intelligere diuinum se extendit ad omnia quæ sunt præsentia suæ mensuræ, & illi coexistunt: mensura autem diuinæ intellectionis est æternitas, cui non solum nobis præsentia, sed etiam nobis futura realiter coexistunt. Sequendo itaque hanc partem, quæ profectò difficultatem maximam videtur pati propter assuetudinem nostram ad res temporales, ad eius euidentiam considerandū primò ex doctrina sancti Tho. 1. Sent. dist. 10. q. 2. & Prima parte, q. 10. quòd æternitas & tempus licet in hoc conueniant, quòd ambo accipiuntur tanquam mensuræ durationis rei, differunt tamen: quia tempus est mensura rei successiue, & diuisibilis scilicet motus: æternitas autem est mensura esse diuisibilis, & secundum se totū simul existentis, ac omnino inuariabilis, quòd est esse diuinum. Ex hac autem differentia, & alia differentia provenit: quia enim motus qui mensuratur tempore, diuiditur in partes successiuas, quorum vna recedente alia succedit, & vna existente altera expectatur, oportet ut & tempus ipsum diuidatur in conuulsum partes, in tales scilicet quòd aliqua sit præterita, & aliqua futura: oportet enim propriam mensuram esse proportionatam mensurato: æternitas verò, quia mensurat esse diuisibile totum simul existens,

Omnia sunt Deo in æternitate præsentia.

non diuiditur in plures partes, quatum vna sit præterita, & altera futura, sed tota simul existit, & se habet sicut quoddam nunc, & sicut duratio diuisibilis semper stans, & semper præsens, nullamque suscipiens variationem. propter quod bene diffinitur à Boetio, 5. libro de Consolatione, quòd est interminabilis vitæ tota simul & perfecta possessio.

Considerandum secundò, quòd sicut esse diuinum ad omne esse creatum comparatur sicut commune ad proprium, communitate scilicet perfectionis, & causalitatis, propter quod dicitur omnia esse in Deo sicut in sua causa, & suo exemplari: ita æternitas in ratione mensuræ comparatur ad quodcunque tempus mensurans esse rei temporalis, sicut mensura communis ad propriam mensuram, ita quæ in ipsa omnes temporis differentie continentur. Sicut propria & particularis mensura continetur in mensura communi & excedente. Propter quod inquit S. Tho. quòd æternitas comprehendit omne tempus & quia quòd continetur in mensura particulari, continetur etiam in mensura communi illius contentiua, sicut quòd continetur in vase, continetur etiam in cælo, oportet ut omne quòd sub aliqua temporis differentia continetur, siue sit tempus præteritū, siue præsens, siue futurum, etiam sub æternitate contineatur, ut sicut dicitur esse in tempore aliquo, sicut in mensura propria & adæquata, ita dicatur esse in æternitate sicut in mensura inadæquata & excedente: sicut omnia quæ sunt in propriis locis, dicuntur esse in aëre aut in cælo sicut in loco omnibus communi. & sic dicimus quæ omnia quæ sub quacunque temporis differentia continentur, tam videlicet præterita & futura, quam præsentia, sunt in æternitate. Et quia æternitas non habet partes, ut possit dici vna res sub vna parte æternitatis esse, & alia res sub alia parte, sed est tota simul existens: ideo conuenientissimè dicitur quòd omnia continentur, & sunt in tota æternitate.

Considerandum tertio ex Arist. 4. Physic. quæ aliter dicuntur duæ res quæ habent rationem mensurati, coexistere, & aliter duæ durationes: duo enim mensurata secundum durationem sui esse, dicuntur coexistere, quia eorū existentia in eadē mensura durationis præsentis continentur, sicut duo homines in eadē die habentes esse, aut in eodē instanti temporis, dicuntur coexistere: duæ autē mensuræ, propriè loquendo, coexistere dicuntur, quia vna in altera continetur, sicut dies simul est cum mense, quia continetur à mense. Cum ergo dicitur temporale coexistere æternò, sensus est, quæ esse rei temporalis, & esse rei æternæ vna mensura durationis præsentis mensurantur: quòd cum non possit verificari de tempore, quòd est propria mensura rei temporalis, quia æternum nulla temporis differentia mensuratur, sed est supra omne tempus, oportet ut intelligatur de æternitate quæ est mensura propria & adæquata esse æterni: mensura verò excedens & inadæquata esse rei temporalis. Et sic dicimus res creatas & temporales coexistere Deo, etiam quæ nondum sunt in tempore præsentis, inquantum & esse Dei, & esse rerum temporalium, hac mensura præsentis, est diuisa in præteritum & futurum mensuratur, vnum sicut mensura adæquata, alterū sicut mensura excedente. Quum ergo inquit S. Tho. quæ res coexistunt Deo etiam quæ non sunt in tempore nobis præsentis, sed sunt præterita aut futura nobis, intelligitur quæ esse vtriusque mensuratur vna mensura præsentis, quæ est æternitas: non autem quòd esse vtriusque tempore nobis præsentis mensuratur, ut videtur intelligere qui hanc S. Thom. positionem impugnant. Similiter quum dicitur, quæ æternitas adest cuilibet temporis, non est sensus, quòd in tempore nobis præsentis sint & æternitas, & omne tempus (hoc enim contradictionem implicaret) sed quæ omne tempus continetur in æternitate, quæ est mensura semper præsens, sicut propria & particularis mensura in mensura communi & excedente continetur.

SED tamen aduertendum, quòd difficultatem in hac re nobis offert, quia quum cognitio nostra sit à rebus temporalibus originata, verba imposita à nobis ad aliquid significandū, rem scilicet aut actionē, aliquam differentiam temporis significant: & ideo cum dicimus, Hoc coexistit Deo, videtur significari existentiam huius cum Deo esse in tempore nobis præsentis: quòd quidem si intelligendo non potest de re non coexistente verificari. Sed si significationem verbi præsentis temporis abstrahamus à significatione huius durationis præsentis, quæ est tempus, sed tantum significemus aliquam mensuram durationis præsentem non descendendo ad hanc vel illam, tollitur difficultas & impossibilitas. Si enim cum dico, Antichristus coexistit Deo, nihil aliud intelligatur, quam quæ & esse Dei, & esse Antichristi sunt in vna mensura durationis, quæ non est præterita aut futura, sed præsens: patet ex prædictis quæ est verissima, quia sunt in æternitate, quæ est mensura præsens. Sed si cum hoc intelligeretur, quæ talis mensura præsens, sit tempus nobis præsens, esset falsitas: quum dicitur, quòd Sortes est animal, si nihil aliud intelligatur, quam quòd est substantia animata sensibilis, verū dicitur. Si autem intelligatur quòd est talis substantia sensibilis, quæ est butrum, dicitur falsum. Ex hoc patet, quòd cum dicitur, non existentia in tempore nobis præsentis, siue futura aut præterita coexistunt Deo, ad sensum verum, quem intendit sanctus Thomas, non oportet intelligere quòd sint simul cum Deo in nunc æternitatis, licet hoc sit verum: sed sufficit intelligere quæ simul sunt in aliqua mensura durationis, quæ est præsens, quæcunque sit illa. Descendēdo autem ad particulares mensuras, est verum de hac mensura quæ est æternitas, in qua omnia esse habent: sicut cum dicitur, Sortes est animal, non oportet ad veritatem propositionis intelligere, quæ sit hoc animal quòd est homo, quamuis non sit aliud animal quam homo. Quando autem dicitur, quòd omnia coexistunt Deo in tota æternitate, descendit ad particularem mensuram quæ est æternitas: & est sensus, quòd esse omnium, & esse Dei, sunt in hac præsentis mensura durationis, quæ est æternitas non habens partes, sed tota simul existens: & est simile sicut si diceretur de Sorte, quòd est hoc animal, quòd est homo.

SI autem queratur, vtrum secundum positionem sancti Tho. nunc Adam coexistit Deo, & similiter de Antichristo, respondetur, quòd ly Nunc, potest importare tempus ex parte propositionis significantis, tanquam videlicet mensuram veritatis ipsius, & potest importare tempus ex parte rei significatæ, tanquam ipsius esse mensurans. Primo modo sensus est, quæ in isto nunc hæc propositio est vera: Adam coexistit Deo: & tunc dicitur, quòd est verū, quia Adam, & tempus in quo erat verum dicere, Adam est, conuenit cum Deo in mensura præsentis, quæ est æternitas, ut iam diximus. Secundo modo sensus est, quòd est Dei, & Adam sunt in hoc instanti temporis: & tunc dicitur quòd est falsum. Et similiter dicitur de istis propositionibus, Semper omnia coexistunt Deo, Omnia æternaliter coexistunt Deo, & Omnia sunt præsentia Deo, & de similibus. Sic ergo intellecta positio sancti Tho. nullam patitur calumniam, imò necesse est si tenere: quòd manifestè ostendit potest hac ratione. Quæro enim, Aut verū est nunc ad sensum dictū, ut scilicet ad æternitatem sit relatio,

Omnia sunt in æternitate, & ab ea continentur.

Quomodo res temporales etiam futuræ dicuntur Deo coexistere.

Vtrum Adam & Antichristus nunc coexistant Deo.



quod Adam coexistit Deo & Antichristus, aut non est verum quod coexistat, sed tantum quod Adam coexistit, & quod Antichristus coexistit. Si deus primus, habetur propositum: si secundum deum, ergo in aeternitate est praeteritum & futurum. Nihil enim dicitur praeteritum, aut futurum in ordine ad aliquam suam durationem, nisi illa duratio habeat in se praeteritum & futurum, ut in tempore patet: sed hoc rationi aeternitatis repugnat, ergo, &c.

Ad primam rationem in oppositum, quae sumitur ex Scoti in 1. Sent. dist. 32. patet solutio ex dictis. Conceditur enim quod sicut Antichristus est praesens aeternitati, quia scilicet aeternitate mensuratur tanquam mensura inaequata, quae est mensura praesens: ita verum est dicere quod Antichristus est, id est, mensuratur aliqua praesentia mensura, scilicet aeternitate pro tempore in quo erit verum dicere, quod Antichristus est. Sicut autem non est verum quod sit in tempore nobis praesentia non est verum quod sit praesens Deo in tempore nobis praesentia, tanquam praesentia eius ad Deum tempore praesentis mensuratur.

Ad eundem etiam sensum conceditur, quod omnia sunt praesentia, & nihil est futurum, scilicet secundum quod Deo & aeternitati comparantur, licet secundum quod comparantur tempori, non omnia sint praesentia, sed aliqua sint praeterita, & aliqua sint futura. Vtrum autem debeat simpliciter & absolute concedi, Antichristus est, & quod omnia sunt praesentia, & nihil est futurum, dicitur quod non: quia cum esse & praesens est absolute sumptum secundum consummatam significationem importet esse in tempore praesentis, & nihil ponatur in illa propositione, per quod possit determinari ad aeternitatem, denotaretur & Antichristum & omnia esse in tempore praesentis. Cum autem dicitur, quod omnia sunt praesentia Deo, aut quod omnia coexistunt Deo, quia ratione illius termini Deo, potest intelligi praesentia, & coexistentia esse in aliqua mensura communi Deo & creaturae, quae est aeternitas, ideo potest absolute concedi vtrumque.

Ex quo patet defectus rationis Scoti loco praallegato, cum ducit quod si aliquid futurum est in actu respectu Dei, simpliciter est in actu, & impossibile est ipsum postea poni in actu, quia quod dicitur tale respectu causae primae, simpliciter potest dici tale. Patet enim quod illud non sequitur, scilicet, si aliquid futurum est in actu respectu Dei, quod sit in actu simpliciter, & absolute loquendo: assumptum autem ad probationem illius non habet veritatem, quando pro diversis mensuris intelligitur quod dicitur de re eum respectu ad primam causam, & quod dicitur de re simpliciter, ut est in proposito. Nam cum dicitur, Hoc futurum nobis, est in actu respectu Dei, verificatur pro mensura praesentis, quae est aeternitas. Quum autem absolute dicitur, Hoc est in actu, intelligitur pro praesentis mensura quae est tempus: ideo primum est verum, secundum est falsum, & propterea nihil prohibet quin futurum nobis possit poni in actu.

Patet etiam ex eodem fundamento solutio ad aliam rationem Scoti, cum ait, quod si sessio mea est praesens aeternitati in esse existentiae, ipsa nunc est producta in illo esse: quia nihil aliud ad Deum habet esse in temporis fluxu, nisi sit productum ad Deum secundum illud esse. Patet enim illud non sequi, quia non dicitur, quod sessio mea sit praesens Deo in hoc praesentis tempore: sed in aliqua mensura praesentis, quae est aeternitas, dicitur autem esse nunc producta absolute quando habet esse in tempore praesentis locutionem mensurante.

Patet etiam ex dictis solutio rationis alterius, qua arguit, quod tunc non esse rei non praecedat esse, sed simul erunt, & sic contradictoria erunt simul vera. Dicitur enim quod absolute non est dicendum, Non esse rei est simul cum esse ipsius, quia hoc referretur ad tempus praesens, & sic implicaretur contradictio, sed bene verum est, quod sunt simul in comparatione ad Deum, & in aeternitate, quae simul absque successione attingit esse, & non esse rei.

De contradictoriis autem propositionibus, nunquam concedendum est, quod sunt simul verae, etiam ad Deum & aeternitatem res comparando, semper enim altera propositio est falsa. Cum enim dicitur, Antichristus est praesens Deo, Antichristus non est praesens Deo: negatiua est falsa, similiter cum dicitur, Antichristus non est in aeternitate, falsa est propositio negatiua sumpta: falsum est enim, quod non sit praesens Deo, & quod non habeat esse in aeternitate, sed illa propositio acciperetur in sensu affirmatiuo, ut esset sensus, Antichristus non est, id est, habet non esse in aeternitate, ita quod praedicatum esset negatiuum siue infinitum, propositio autem affirmatiua, tunc vitiosa esset vera. Antichristus enim in aeternitate & habet esse & habet non esse, in quantum aeternitas simul attingit, & eius esse, & eius non esse, sed tunc constat quod non sunt contradictoriae propositiones, cum vitraque affirmatiue sumatur. Si autem dicatur quod ab affirmatiua de praedicato infinito, aut negato valet ad negatiuum de praedicato finito, aut affirmatiuum valet enim, Est iniustus, ergo non est iustus, & per consequens etiam valet, Habet non esse, ergo non habet esse, & sic si affirmatiua est vera, etiam negatiua est vera. Dicitur quod illa regula tenet, ubi propositio aliquam mensuram temporis importat: quia enim in vno tempore non possunt esse simul opposita praedicata, & esse ac non esse eiusdem rei, ideo cum alicui pro vno tempore attribuitur praedicatum infinitum, siue non esse, oportet ut pro eodem tempore ab eo excludatur praedicatum finitum, & esse illi oppositum. Non autem tenet regula illa, ubi propositio importat mensuram, quae est aeternitas: quia, ut dictum est, aeternitas tota simul existens, simul vtriusque oppositorum, & esse & non esse rei mensuratur, tanquam mensura communis & inaequata, ut possit dici, quod in aeternitate res habet esse & non esse. Pro responsione ad confirmationem sciendum ex doctrina S. Tho. in locis praallegatis, quod licet zeum quo esse Angelorum mensuratur, sit totum simul, & nullam habeat partem diuersitatem, sicut neque aeternitas, tamen aliquam successione & diuisione patitur adiungi sibi, in eo quod zeum mensuratur, quod sanè est ab aeternitate alienum, quae nullam alterationem & successione in re aeterna copatur. Vnde licet esse rei aeternitatem sit totum simul: operatio tamen Angelus, quia res alias a se intelligit, non est tota simul, sed vni intellectui succedit alia, & ideo intellectio Angelus non mensuratur quo, quod non habet successione, sed tempore discreto, quod successione habet, sicut & ipsa operatio. Vnde plures intellectiones tempore discreto mensurantur, vni autem intellectui mensuratur instanti temporis discreti. Sicut autem est de intellectione, ita est de representatione speciei, per quam fit intellectio, quod scilicet eius representatio non est tota simul, sed successiua, secundum quod res successiue capiunt esse. Et ideo non est eadem ratio de similitudine intellectus angelici & de aeternitate, quia videlicet in aeternitate nulla est successio: in representatione autem speciei angelicae potest esse successio. Ex hoc sequitur ratio Scoti ubi supra, nihil contra nos concludere. Ait enim quod cum zeum toti temporis secundum nos coexistat, per eandem rationem sequatur Angelum, qui quo mensuratur, omnia futura cognoscere. Dicitur enim quod representatio per speciem angelicam non mensuratur

zeum, sed tempore discreto, & ideo non est tota simul, ideo non oportet ut omnia simul cognoscat quae futura sunt, quamuis etiam si mensuraretur zeum, non oportet ob hoc, ut futura Angelus cognosceret, sicut de Deo arguimus, quia intelligere Angelus non mensuratur aeternitate, sicut intelligere diuinum, sed tempore discreto, siue instanti temporis discreti, ut ostenditur inferius.

Ad secundum dubium respondetur, quod supponit ratio ista ex praecedentibus Deum omnia cognoscere quae actu, vel potentia sunt sibi secundum esse, & quae sub eadem duratione cadunt cum sua intellectione, ed quod essentia sua vna existens sit similitudo omnium entium, sed quia aliqui volebant non entium cognitionem ad Deum remouere, ed quod scientia sit tantum entium, ostendit quod hoc non habet remouere cognitionem non entium ad Deum, quia licet non entia in hoc tempore non sint actu, sunt tamen aeternitatis (quae est mensura diuinæ intellectio) praesentia pro tempore, pro quo erunt: nos autem vno actu videndi aut intelligendi non cognoscimus omnia, quae nobis realiter praesentia sunt per coexistentiam, sed ea tantum, quae sunt actu nobis praesentia in esse obiectiuo, ideo non est simile.

Potest etiam dici, quod differentia est inter cognitionem nostram & cognitionem diuinam: quia non omnis cognitio possibilis nobis inesse, est tota simul, sed habet successione, dum nunc vnum, nunc aliud cognoscimus. Cognitio autem omnis possibilis Deo inesse, est in ipso simul, dum intellectus diuinus non sit in potentia, quia tota latitudo suae cognitionis mensuratur aeternitate quae successione non habet, sed est tota simul. Propter hoc bene arguitur sic, Tantum se extendit cognitio diuina, quantum sua duratio, quae est aeternitas, quia tota latitudo cognitionis diuinæ mensuratur aeternitate, tanquam mensura adaequata, sed aeternitas comprehendit omne tempus, & consequenter omne quod est in quocunque tempore, ergo & intellectio diuina se extendit ad omne tempus, & ad esse rerum in quocunque tempore: & sic procedit ratio sancti Thomae. Non valeret autem argumentum de cognitione nostra, quia maior esset falsa, scilicet, Tantum se extendit nostra cognitio, quam nunc habemus, quantum se extendit mensura ipsius, quae est tempus praesens: quia tota latitudo cognitionis nobis possibilis inesse, non mensuratur hoc tempore praesentis demonstrato, tanquam mensura adaequata, cum in nostra cognitione sit successio diuersarum cognitionum, secundum diuersa tempora. Non est ergo similis ratio de intelligere diuino, & de intelligere nostro: esset autem simile, si tempus praesens in quo est hoc intelligere nostrum, esset mensura adaequata omnis cognitionis nobis possibilis in ipso tempore, ita quod tota latitudo huiusmodi cognitionis mensuraretur hoc tempore: quum enim hoc tempore possimus omnia quae nobis cum coexistunt, cognoscere, diuini loquendo, & quantum est ex parte intellectus, sequeretur quod ipso intelligere omnia nobis cum existentia intelligeremus: & si poneremus ipsum tempus nunc praesens coexistere simul tempori praeterito & tempori futuro, ac per hoc mensuraret omnem cognitionem possibilem in nobis esse in tempore praeterito & in tempore futuro, tunc per praesens intelligere cognosceremus & praeterita & praesentia, quia autem hoc non est, ideo non est simile. Quantum ad secundum duo notatur ad probatam conclusionem declarationem. Primum est, quod ea quae nec sunt, nec erunt, nec fuerunt, aliter cognoscuntur, quam ea quae sunt praesentia vel praeterita vel futura. Illa enim cognoscuntur non in seipsis, sed per existentiam in diuina potentia, & dicuntur cognosci notitia simplicis intelligentiae: ista vero cognoscuntur ut existentia in potentia sua, in propriis causis, & in seipsis, & dicuntur cognosci notitia visionis. Secundum est, quod omnium talium cognitionem habet Deus per essentiam suam, in quantum est representabilis secundum multa quae non sunt nec erunt nec fuerunt, quae ad primam cognitionem pertinent, quae est similitudo virtutis cuiuslibet causae, & esse cuiuslibet rei, quod habet in seipsa. Ex quibus patet responsio ad obiectionem, quae erat, quod scientia erat tantum entium: dicitur enim quod omnia cognita, ad Deum aliquo modo sunt, quia vel sunt in potentia Dei, vel in suis causis proximis, vel in seipsis. Confirmatur conclusio autoritate Eccle. 23. & Hieron.

ADVERTENDVM pro notitia distinctionis illius cognitionis diuinæ in notitia simplicis intelligentiae & visionis, quod non est ista distinctio accipienda ex parte diuinæ scientiae, quasi ipsa in se aliquam multipliciter habeat, quum dictum sit superius Deum omnia vna simplici & indivisibili notitia cognoscere, sed ex parte obiectorum quae per ipsam cognoscuntur. Quaedam enim sunt ad Deum cognita, quae pro nulla temporis differentia habent esse: & respectu horum illa notitia dicitur notitia simplicis intelligentiae, quia terminatur ad tem & naturam producibilem non coniunctam esse actualis existentiae extra ipsum Deum, sed simpliciter, ut in Deo est habet. Quaedam autem habent aliquando esse, & respectu horum eadem indivisibilis notitia dicitur notitia visionis, quia a nobis videntur: tunc quando habent esse in seipsis, ita quod vna est solam diuina notitia in se qua omnia Deus cognoscit, multiplicatur autem secundum rationem, & diuersa sortitur vocabula secundum diuersitatem obiectorum, ad quae terminatur. Quantum ad tertium, excludit errorem dicentium, Deum singularia tantum cognoscere, quia cognoscit in causis vniuersalibus tantum, sicut qui cognoscere eclipsim hanc, non prout est hanc, sed ut provenit ex oppositione. Patet enim hoc falsum esse, cum dicamus quod singularia non tantum in suis causis cognoscit, sed etiam ut in seipsis sunt.

SED occurrit circa hoc dubium, quia videtur S. Tho. velle, quod cognoscere singulare in sua causa, sit cognoscere tantum vniuersaliter: hoc enim non videtur verum. Nam astrologus cognoscens eclipsim futuram, cognoscit ipsam tali determinato tempore, & in tali situ: hoc autem est cognoscere singulare in sua singularitate, quia singulare ideo est singulare, quia est determinatum ad hic & nunc. Respondetur quod cognoscere singulare in causa vniuersali, non est cognoscere ipsum ut determinatum ad hic & nunc, quia hoc per sensum duntaxat cognosci potest. Et cum dicitur quod astrologus cognoscit eclipsim determinatam ad hic & nunc, dicitur quod hoc non est verum, sed bene cognoscit, quod quocunque tempore est talis oppositio in tali situ, tunc est eclipsis. Nunc etiam in tali situ esse talem oppositionem cognoscere potest argui: sed nunc & in tali situ esse hanc eclipsim non cognoscit in seipsa, nisi sensu experiat. Vnde per illam cognitionem non cognoscitur res ut hic & nunc, sed vniuersale quiddam secundum aliquam determinationem temporis & loci. Vnde cognoscere rem ut hic & nunc, est cognoscere ipsam, ut actualiter sub hoc tempore existet, & in hoc situ: quod rei non conuenit quando est in causa, & propterea non cognoscitur ut singulare, quando cognoscitur ut virtualiter tantum existens in causis.

Quod

Nunquam est concedendum contradictoria simul esse vera.

De scientia simplicis intelligentiae & visionis.

Quomodo cognoscere aliquod in sua causa, est illud vniuersaliter cognoscere.



## Quod Deus cognoscit singularia contingentia futura. Cap. 67.

¶ Idem P. p. q.  
24. art. 13. Item  
in 1. Sent. d. 38.  
& de Verit. q. 2.  
art. 11.

**E**X his autem iam aliquantulum patere potest, quod contingentium singularium ab æterno Deus infallibiliter scientiam habuit: nec tamen contingentia esse desistunt. Contingens enim certitudini cognitionis non repugnat, nisi secundum quod futurum est, non autem secundum quod præsens est, contingens enim cum futurum est, potest non esse: & sic cognitio æstimatoris ipsum futurum esse, falli potest. fallitur enim si non erit quod futurum esse æstimauit. Ex quo autem præsens est, pro illo tempore non potest non esse: potest autem in futurum non esse. Sed hoc non iam pertinet ad contingens prout præsens est, sed prout futurum est. Unde nihil certitudinis sensus deperit quum quis videt currere hominem, quamvis hoc dictum sit contingens. Omnis igitur cognitio, quæ supra contingens fertur prout præsens est, certa esse potest: diuini autem intellectus intuitus ab æterno fertur in vniuersumque eorum quæ temporis cursu peraguntur, prout præsens est, ut supra ostensum est. Relinquitur igitur quod de contingentibus nihil prohibet Deum ab æterno scientiam infallibilem habere.

† Cap. 66.

2. Item, Contingens à necessario differt secundum quod vniuersumque in sua causa est: contingens enim sic in sua causa est, ut non esse ex ea possit, & esse, necessarium autem ex sua causa non potest non esse. Secundum id vero quod vtrumque horum in se est, non differt quantum ad esse, supra quod fundatur verum: quia in contingenti secundum id quod in se est, non est esse, & non esse, sed solum esse: licet in futurum contingens possit non esse. Diuinus autem intellectus ab æterno cognoscit res non solum secundum esse quod habent in causis suis, sed etiam secundum esse quod habent in seipsis. nihil igitur prohibet ipsum habere æternam cognitionem de contingentibus infallibilem.

† Cap. 55.

3. Amplius, Sicut ex causa necessaria sequitur effectus certitudinaliter: ita ex causa contingenti completa, si non impediatur. Sed cum Deus cognoscat omnia, ut ex supradictis patet, scit non solum causas contingentium, sed etiam ea quibus possunt impediri. Scit igitur per certitudinem, an contingentia sint vel non sint.

4. Adhuc, Effectum excedere suæ causæ perfectionem non contingit: interdum tamen ab ea deficit. Unde cum in nobis causetur cognitio ex rebus, contingit interdum quod necessaria non per modum necessitatis cognoscimus, sed probabilitatis: sicut autem apud nos res sunt causa cognitionis, ita diuina cognitio est causa rerum cognitarum. Nihil igitur prohibet ea in se contingentia esse, de quibus Deus necessariam scientiam habet.

5. Præterea, Effectus non potest esse necessarius, cuius causa est contingens: contingit enim effectum esse remota causa. Effectus autem ultimi causa est & proxima & remota: si igitur proxima fuerit contingens, eius effectum contingenter oportet esse, etiam si causa remota necessaria sit. Sicut plantæ non necessario fructificat, quauis motus Solis sit necessarius, propter causas intermedias contingentes: scientia autem Dei, etsi sit causa rerum scitarum per ipsam, est tamen causa remota eius. Igitur necessitati scitorum contingentia non repugnat: cum contingat causas intermedias contingentes esse.

6. Item, Scientia Dei vera non esset & perfecta, si non hoc modo res eueniret sicut Deus eas euenire cognoscit: Deus autem cum sit cognitor totius esse, cuius est principium, cognoscit vniuersumque effectum non solum in se, sed etiam in ordine ad quaslibet suas causas proximas. Ordo autem contingentium ad suas causas proximas, est ut contingenter ex eis proueniant: cognoscit igitur Deus aliqua euenire, & contingenter euenire. Sic igitur diuinæ scientiæ certitudo & veritas, rerum contingentia non tollit. Patet igitur ex dictis quomodo obiectio cognitionum contingentium in Deo repugnans, sit repellenda: non enim posteriorum variatio prioribus variabilitatem inducit, cum contingat ex causis necessariis primis effectus ultimos contingentes procedere. Res autem à Deo scitæ non sunt priores eius scientiæ, sicut apud nos est: sed sunt ea posteriores: non enim sequitur, si id quod est à Deo scitum, variari potest, quod eius scientiæ possit falli, vel qualitercunque variari. Secundum consequens igitur decipimur: sed quia nostra cognitio rerum variabilium variabilis est, propter hoc in omni cognitione hoc necessario accidere putetur. Rursus, cum dicitur, Deus scit vel sciuit hoc futurum, medium quoddam accipitur inter diuinam scientiam & rerum scitam, scilicet tempus in quo est locutio, respectu cuius id, quod à Deo scitum dicitur, est futurum: non autem respectu diuinæ scientiæ est futurum,

Solutio ratio-  
num contraria-  
rum.  
Solutio 1.

Solutio 2.

quæ in momento æternitatis existens, ad omnia præsentialiter se habet: respectu cuius si tempus locutionis de medio subtrahatur, non est dicere hoc esse cognitum quasi non existens, ut locum habeat quæstio qua queritur, An possit non esse: sed sic cognitum diceretur à Deo, ut iam in sua essentia visum: quo posito non remanet prædictæ quæstioni locus, quia quod iam est, non potest quantum ad illud instans non esse. Deceptio igitur accidit ex hoc quod tempus in quo loquimur, coexistit æternitati: vel etiam tempus præteritum, quod designatur cum dicitur, Deus sciuit. Unde habitudo temporis præteriti vel præsentis ad futurum, æternitati attribuitur, quod omnino ei non competit: & ex hoc accidit secundum quoddum falli.

Præterea, Si vniuersumque à Deo cognoscitur sicut præsentialiter visum, sicut necessarium erit esse quod Deus cognoscit, sic necessarium est Sortem sedere ex hoc, quod sedere videtur: hoc autem non necessarium est absolute, velut à quibusdā dicitur, necessitate consequenti: sed sub conditione vel necessitate consequentia. Hæc enim conditionalis est necessaria, Si videtur sedere, sedet. Unde & si conditionalis in categoricā transferatur, ut dicatur, Quod videtur sedere, necesse est sedere, patet eam de dicto intellectam & compositam, esse veram: de re vero intellectam & diuisam, esse falsam: & sic in his & in omnibus similibus quæ Dei scientiæ circa contingentia oppugnantes argumentantur, secundum compositionem & diuisionem falluntur.

Solutio 3.  
Auth. sacre  
Script.

Quod autem Deus futura contingentia sciat, etiam auctoritate Scripturæ sacræ ostenditur. Dicitur enim Sapientia 8. de diuina sapientia, Signa & monstra scit antequam fiant, & euentus temporum & seculorum. Et Ecclesiastes 39. Non est quicquam absconditum ab oculis eius: à seculo & usque in seculum respicit. Et Isaia 48. Prædixi tibi ex tunc: antequam venirent, indicavi tibi.

## Super cap. 67.

**E**tiam conclusio tertia respondens obiectioni est, Contingentium singularium ab æterno Deus infallibiliter scientiam habuit, nec tamen contingentia esse desistunt.

CIRCA quam conclusionem tria facit S. Thomas: primo ipsam rationibus confirmat: secundum ad obiectionem inductam responderet: tertio propositum auctoritatibus corroborat.

Quantum ad primum, aduertenda sunt duo in conclusione. Primum, quod sit mentio de singularibus contingentibus, quia quod Deus cognoscat contingentia quantum ad naturas vniuersales, hoc difficultate non habet, quum ipsa vniuersalia necessitate quandā habeant, & immutabilitate, & sic subdi possint certæ cognitioni. Sed quod singularia cognoscat, non parum habet dubitationem propter eorum mutabilitatem: ex quo videtur quod certæ & infallibili cognitioni, qualis est cognitio diuina, subdi non possint. Propter hoc ut ostendat sanctus Thome velle se omnem difficultatem tollere in conclusione, & quod ad diuinam scientiam, & quod ad contingentiam pertinet, assumit, inquit, quod & de istis habet Deus cognitionem infallibilem, non fallibilem & incertam sicut nos, ab æterno. In quo datur intelligi, quod ea cognoscit antequam sint, & tamen contingentia esse non desistunt, id est, ex eo quod sic à Deo cognoscuntur, non tollitur ab ipsis contingentia & mutabilitas, ut aliqui volunt suadere, imò & certitudo diuinæ scientiæ, & rerum contingentia simul stant. Probatur ergo conclusio primo sic, Diuini intellectus intuitus ab æterno fertur super vniuersumque eorum, quæ temporis cursu peraguntur, prout est præsens, ut supra est ostensum: ergo nihil prohibet Deum de contingentibus ab æterno infallibiliter scientiam habere. Probatur consequentia, quia omnis cognitio quæ supra contingens fertur, ut est præsens, certa esse potest.

Ad huius assumpti declarationem notat S. Thome, quod contingens non repugnat certitudini cognitionis, nisi secundum quod futurum est, quia quum possit non euenire, existens ipsum futurum esse, potest falli: secundum autem quod præsens est, potest per certitudinem cognosci, quia pro tunc non potest non esse, licet in futurum possit non esse, quod iam pertinet ad contingens, ut est futurum. Unde certus est sensus videns hominem currere: licet hoc quod dico hominem currere, sit contingens.

CIRCA illud assumptum ad probationem consequentia, nota, quod sanctus Thome inquit cognitionem, quæ fertur supra contingens, ut præsens est, posse esse certam, non autem absolute esse certam, quia non est necessarium talem cognitionem esse certam: potest enim decipi sensus circa communia sensibilia præsentia, & etiam circa propria per accidens. Sed tamen licet non sit necesse ut certa sit, non repugnat tamen sibi ut est cognitio rei præsentis, quod sit certa, cum ipsa quod præsens est, possit per certitudinem cognosci: & ideo illa cognitio in qua error secundum se accidere non potest ad contingens, ut est præsens, cum certitudine potest ferri, quia videlicet quantum ex parte contingentis, non repugnat quin per certitudinem sciri possit, prout est præsens.

CIRCA assignatam differentiam inter contingens ut est futurum, & ut est præsens, considerandum ex doctrina sancti Thome. Veri. q. 2. art. 12. quod si aliqua cognitio est certa omnino, ita quod in ea falsitas esse non possit, oportet ut cognoscibile nunquam deficiat ab eo quod de ipso cognoscitur: nam si deficeret, sequeretur ipsam cognitionem esse falsam, sicut si iudicaret Sortem sedere, & non sederet, falsum cognoscere: & ideo oportet ut tale quod cognoscitur, in se quandā necessitatem habeat. Contingens autem quandiu est futurum, necessitatem non habet, quum impediri possit ne eueniat, & sic possit non esse: sed quum iam est præsens, & non amplius futurum, necessitatem habet, & non potest impediri ne sit pro illo tempore pro quo est: & per consequens pro tunc non potest non esse, quia omne quod est, quando est, necesse est esse, ut dicitur 1. Perihemenias. Ideo ut futurum, certæ cognitioni subdi non potest, sed bene ut præsens.

Sed tamen aduertendum, quod cognosci contingens ut futurum, dupliciter intelligi potest. Vno modo, ut modus futuri se teneat ex parte esse quod conuenit rei in sua causa: alio modo ut se teneat ex parte esse quod in se

Cognosci con-  
tingens ut futu-  
rum dupliciter  
intelligi potest.

Contra Gent. 2. Ex



Ex parte causæ cognoscere contingens vt futurum, est cognoscere causam esse dispositā ad eius productionem: ex parte autem effectus, est cognoscere, quod ipse effectus erit, & q̄ aliquando erit verū dicere, Hoc est, ipso demonstrato. Multum autē differt istæ cognitiones, sicut & multum differunt causam esse dispositā ad aliquid producendū, & ipsum esse aliquando futurum: potest enim aliquando causam esse dispositā ad productionem alicuius effectus & tamen ille effectus nunquam euenire, vnde & 2. de Generatione, inquit Arist. q̄ futurum quis incedere, non incedet. Quod ergo dicitur contingens vt futurum certæ cognitioni subdi non posse, intelligendū est secundo modo, non autē primo: non enim potest per certitudinem iudicari q̄ illud erit, sed bene quod causa sit ad eius productionem disposita, potest certē sciri, quia illud habet quandam necessitatē. Pro tempore enim pro quo causa est ad productionem sui effectus disposita, non potest non esse disposita: sicut & de effectu præsentis dictum est, quod pro tunc non potest non esse.

Contingens vt præsens pro illo tempore nō potest nō esse.

CIRCA illam propositionem, Contingens vt præsens, pro illo tempore non potest non esse, aduertendum quod ly Pro illo tempore, potest determinare ly Non potest, & potest determinare ly Non esse: si primo modo, sic est falsum, nec est intentum a Thom. Est enim sensus, quod contingens in tempore in quo est, non habet potentiam ad non esse: quod est falsum, cum corruptibilis sit, & possit non esse in alio tempore, & absolute etiam illo tempore non esse. Secundo modo sensus est, quod contingens præsens existens, non habet potentiam vt illo tempore non sit, in quo est. Hoc autem dupliciter potest intelligi. Vno modo de possibilitate absoluta, alio modo de possibilitate mutabilitatis. Si de possibilitate absoluta, sic verum est in sensu composito. Nam hæc propositio, Contingens vt præsens existens, non est, est impossibilis. In sensu autem diuiso est falsum, & eius oppositum est verum: demonstratur enim Sorte existente, est verum dicere hoc potest isto tempore non esse, cum non sit de ratione Sortis absolute considerati, quod isto tempore sit, sed bene de ratione eius vt existentis pro isto tempore. Si autem de possibilitate mutabilitatis, sicut in utroque sensu est verum, quod enim est præsens pro aliquo tempore, non potest in illo tempore mutari de præsentē in non præsens. Similiter etiam propositio Philosophi, Omne quod est, quando est necesse est esse: distinguenda est vt præcedens. Intelligit ergo S. Tho. in sensu secundo propositionē suā, & in sensu composito, propter hoc subiunxit, q̄ potest in futurū non esse, q̄ iam pertinet ad futurū, videlicet licet præsens vt præsens non possit non esse in tempore, in quo est præsens, habet tamen potentiam vt in tempore futuro non sit, quia respectu futuri temporis, puta diei crastinæ habet potentiam ad hoc vt sit vel non sit, & sic habet rationē futuri. Sed duo sunt quæ videtur difficultatē habere. Primum est, quod contingens futurū certæ cognitioni subdi non potest. Contrā enim arguit Durandus sic, Sicut ex causa necessaria sequitur infallibiliter proprius eius effectus: ita ex causa impeditibili, non impedita, sed cognita causa necessaria propter infallibilitatē productionis effectus, per certitudinē cognoscitur eius effectus: ergo & cognita causa impeditibilis, & omnibus quæ impedire possunt, & quod non impediretur, per certitudinem eius effectus cognosci potest. Sed aliquid, puta Deus, hoc potest cognoscere, ergo contingens vt futurum per certitudinem potest cognosci.

Arguitur etiā argumentō Aureoli, Deus per certitudinē cognoscit q̄ Antichristus erit, sed hoc est cognoscere cōtingens, vt est futurū: ergo contingens vt futurū subditur certæ cognitioni. Secundū est, q̄ Deus cognoscit contingens vt est præsens. Contrā arguit Aureolus, Si sic est, sequitur q̄ contingens ab æterno est præsentia liter in seipso, quod est falsum. Probatur cōsequencia, Sicut ex cognitione attingente rem vt præteritā, inferitur q̄ ipsa res fuit, & ex cognitione attingente rem vt futurā, inferitur q̄ ipsa res erit: ita ex cognitione attingente rem vt præsentē in seipso, inferitur q̄ res est præsens in seipso. Valde enim, Vidi Sortē sedere, ergo Sortes sedet, v. deo Sortē sedere, ergo Sortes sedebat, Video Sortem sedere, ergo Sortes sedet. Si ergo Deus videt ab æterno contingens vt præsens, sequitur quod ipsum ab æterno sit in sua præsentia litera in seipso, non tantum in cognitione cognoscentis.

Contingens futurum per certitudinem sciri non potest.

AD primū contra primā propositionem dicit, q̄ duo tanguntur in propositione S. Tho. scilicet q̄ cognitum sit contingens, & sit futurū. Quodcumque horum desit, potest effectus per certitudinē cognosci, nam si effectus in causa necessitate habet, quantumcumque sit futurus, potest per certitudinē cognosci, quia in sua causa determinationem & immutabilitatē habet, sicut de eclipsi futura, etiam si in causa necessitate non habeat, sed contingentia, sic consideratur vt præsens, quia iam est determinatus, & extra suam causam potest subdi certæ cognitioni. Dicitur ergo q̄ effectus existens in causa absolute impeditibilis, vt consideratur nullo modo impedita, neque ante productionem, neque in ipsa productione, non habet rationē contingentis vt sic, sed necessarij effectus: quia dicitur tunc tantū effectus cōtingentiā habere in causa, quādo impediti causa potest: ideo si consideretur vt in causa semotis omnibus quæ impedire possunt, consideratur vt habens in causa necessitatē, non autē contingentiam, præsertim loquendo de causis naturaliter agentibus. Nam causa est, ad quam necessarij sequitur effectus deductis impedimentis: & cognoscere contingens isto modo, nō est cognoscere cōtingens vt contingens est, sed vt necessariū. Loquitur autē S. Th. de cōtingenti vt cōtingens est in sua causa, non autē vt necessitatē habet in ea, quia sic etiam vt futurū per certitudinē cognosci potest. Ista responsio haberi potest ex tertia ratione inferius adducenda.

ALITER etiam dici potest, scilicet quod tunc non cognoscitur contingens vt futurū, sed vt præsens, quia non potest certitudinaliter cognosci causa nullo modo impediti a productione effectus, nisi quando cognoscitur vt que ad ipsam productionem effectus includit & non impeditur: in quolibet enim instanti præcedenti potest impediti, & sic cognoscitur effectus vt præsens. Ad secundum dicitur q̄ ly Vt, positiū in consequente, dupliciter potest intelligi: primo, vt denotet conditionē cognitā de resecundo, vt denotet rationem certitudinis ex parte rei cognitæ. Primo modo sensus est, q̄ Deus cognoscendo q̄ Antichristus erit, cognoscit futuritatem Antichristi, non solum Antichristum. Secundo modo sensus est, q̄ ratio quare futurū ipsum per certitudinē cognoscitur, est ipsa futuricio, siue quia cognoscitur in causa. Si primo modo accipiat, sic etiam dupliciter illud consequens potest intelligi Vno modo conditionē accipiendū in ordine ad Deū cognoscentē, & sic negatur minor. Ad hoc enim vt cognoscatur aliquid vt futurū, cognosceti nō sufficit vt cognoscatur propositio de futuro, sed requiritur iuxta doctrinā S. Tho. Veri. q. 2. ar. 12. vt inter cognitionem cognoscentis, & rei euentū sit ordo præsentis ad futurū. Ordo autē cognitionis diuinæ ad rem contingentē non est huiusmodi, sed est ordo præsentis ad præsens, vt patuit superius. Alio modo accipiendū conditionē illā in ordine ad nos, & sic conceditur minor, &

totum argumentū, sed non arguitur contra intentum: non enim intendimus quod res non possit cognosci per certitudinem habere hanc conditionem, quod sit futura, sed q̄ ex eo quod cognoscitur vt futura, nō habet vt per certitudinem cognoscatur. Si autem secundo accipiat, sic est quidem contra intentum, sed negatur minor: quauis etiam Deus cognoscat quod Antichristus erit per certitudinē, ratio tamen certitudinis ex parte rei cognitæ est, quia videt ipsum in sua præsentia litera, non autem quia cognoscit ipsum in sua causa, secundū q̄ dicitur cognosci vt futurum nobis. Si enim cognosceret ipsum tantum vt est in suis causis, & non cognosceret ipsum vt præsentem in seipso, nō cognosceret per certitudinē istam propositionē, Antichristus erit.

AD rationē contra secundam propositionē respondetur conformiter ad ea quæ dicta sunt in præcedenti cap. quod dupliciter potest cognosci res vt præsens. Vno modo, quia attingitur vt præsens secundum tempus quo ipsa cognoscitur: & tunc verum est q̄ ex tali cognitione potest absolute inferri, q̄ res est in seipso: sicut & ex cognitione qua attingitur aliquid vt præteritum, inferitur quod fuit. Alio modo, quia attingitur vt præsens secundum aliquam mensuram præsentem superiorum tempore, in qua & ipsa existētia rei, & tempus nondum existens, in quo aliquando verum erit dicere, Hoc est, continetur: & tunc negatur q̄ ex tali cognitione possit inferri, quod res sit absolute, quia talis cognitio terminatur ad rem vt præsentem, nō secundum tempus nobis præsens, sed secundum æternitatem, & secundum tempus nobis futurum, vt & ipsum est in æternitate. Cum autem dicitur absolute, Hoc est, significatur quod habeat esse in tempore præsentis nobis, vt superius patuit. Modo diximus, quod Deus cognoscit futura vt præsentia in sua actualitate, non quidem in tempore nobis præsentē, sed in æternitate, & in tempore nobis futuro, secundum quod & ipsum in æternitate continetur: ideo non sequitur, quod ex eius cognitione inferatur futura iam esse.

Secundū Res cognoscuntur a Deo secundum esse quod habent in seipsis, ergo, &c. Probatur consequentia, quia contingens secundum q̄ est in seipso, non differt a necessario, quantum ad esse supra quod fundatur verum, licet differat ab ipso secundum quod vnumquodque consideratur in sua causa. Sed necessarium potest infallibiliter cognosci: ergo & contingens isto modo.

PRO declaratione eorum quæ inducuntur hoc loco, considerandum q̄ effectus necessarius & etiam cōtingens habet & q̄ sit res, & natura quædam in se, & quod sit effectus: primo modo absolute dicitur, secundo modo dicitur ordinem ad causam. Sic ergo necessitatē & contingentiam possumus in istis dupliciter considerare, scilicet absolute secundum q̄ sunt naturæ quædam, & in quantum effectus sunt secundum ordinem, scilicet ad causam. Si absolute & secundum se considerentur, sic dicitur res necessaria illa, quæ quantum est ex natura sua, deficere non potest, nec potest non esse, sicut dicitur corpora caelestia esse entia necessaria. Contingens autē dicitur illa, quæ quantum est ex conditione propriæ naturæ potest deficere & non esse: quæ etiam dicitur res possibilis & corruptibilis, sicut Sortes & Sessio eius. Et ista necessitas & contingentia est intrinseca & essentialis rei, & nunquam remouetur a re: in quocumque enim statu ponatur res contingens, semper est contingens, & nunquam intrinsece necessaria: & res necessaria semper est necessaria, & nunquam contingens. Si autem consideretur in ratione effectus, siue in ordine ad causam, dicitur effectus necessarius ille qui procedit a causa necessario agente, & quæ impediri non potest. Dicitur autem effectus contingens ille, qui a causa quæ impediri potest, natus est procedere: & per consequens licet quandoque causa sit inclinata ad eius productionem, potest tamen non euenire. Sed dupliciter potest iste effectus in ratione effectus, & vt ordinem ad causam dicit, considerari, scilicet quantum ad naturam effectus, vt effectus est, & quantum ad modū essendi quem habet. Si quantum ad effectus naturā consideretur, sic cōtingentia semper ei conuenit: quomodocumque enim effectus contingens esse habeat, semper est contingens effectus, id est, semper est effectus causæ impeditibilis. Si autē quantum ad modū essendi, sic quandoque est contingens, quandoque est necessarius. In quantum enim virtualiter est in causa, & nondum est productus, sic est contingens, quia vt sic potest esse & non esse. In quantum autem habet esse in actu in seipso tantum iam productus extra suam causam, sic est necessarius, quia iam determinatus est ad esse, & non potest amplius pro illo tempore non esse, quo est.

Hoc ergo quod inquit san. Th. quoniam contingens differt a necessario secundum quod vnumquodque est in sua causa, non autem secundum id quod vtrumque horum in se est. Non quia natura contingens mutetur in necessarium, aut vt res est, aut vt effectus, sed quia modus essendi mutatur, & secundum vnum sibi conuenit contingentia, secundum alium verō necessitas. Nam secundum quod est in causa, conuenit sibi contingentia: & in hoc differt a necessario, quia necessarium secundum etiam quod est in causa, modum habet necessitatis, & non potest non produci. Contingens autem secundum q̄ est in causa, habet modum contingentie, quia potest impediri ne producat: secundum verō q̄ est in seipso, sibi conuenit necessitas, & in hoc non differt a necessario: quia sicut necessarius effectus, vt in seipso existens, est determinatus ad esse, & non potest non esse: ita & effectus contingens secundum illum modum est ad esse determinatus, & pro tunc non potest non esse, licet possit in futurum non esse. Et quia veritas cognitionis & enuntiationis super esse rei fundatur, siue ipsum esse rei concomitatur. Ideo ex illo confurgit, q̄ ita de effectu contingente potest determinatē, & verē dici quando est in seipso quod est: sicut de necessario. Sorte enim currente, ita verē dici potest, quod Sortes currit, sicut de eclipsi existente q̄ eclipsis est. Secundum autem q̄ vtrique consideratur vt futurum, scilicet secundū quod virtualiter est in causa, non similiter potest determinatē affirmatiuē dici de vtroque q̄ erit. De eclipsi enim determinatē dici potest quod erit, non autem de Sorte quod erit. Et hoc significauit san. Tho. cum dixit, quod contingens secundum quod in seipso est, non differt a necessario quantum ad esse, supra quod fundatur verum, quia scilicet ita est determinatum pro tunc quantum ad esse sicut necessarium: & per consequens ita potest certitudinaliter & determinatē cognosci ac enuntiare verē, sicut necessarium.

ADVERTENDVM postremo, quod ista ratio differt a prima, quia illa procedit ex præsentia litera rei, ista autem ex necessitate, siue differentia a necessario, quauis ex vno alterum sequatur: vnde ista ratio est confirmatio præcedentis.

Tertiū, Deus scit non solum causas contingentium, sed etiam ea quibus possunt impediri, cognoscendo scilicet quod impediunt, aut quod non impediunt, ergo, &c. Probatur consequentia, quia sicut ex causa necessaria sequitur effectus certitudinaliter, ita ex causa contingenti completa, si non impediatur,

Multipliciter potest intelligi rem cognosci vt præsentem.

De contingentia & necessitate effectus.



**ADVERTE**, ut dictum est in prima ratione ad objectionem Durandi, quod ista cognitio qua cognoscuntur causae contingentis, & quod non impediuntur, vel quod impediuntur, non est cognitio contingentis ut contingens est, sed ut habet necessitatem, & intelligitur de effectu causarum naturalium, quia fortassis de effectibus voluntatis cognitio causarum & impedimentorum non sufficit ad certitudinem cognitionis, nisi cognoscatur ipsa causa, ut actu ultimatè operans non impedita, quod est cognoscere effectum, ut iam est in suo esse, non autem solum, ut est in causis.

Quartò, Sicut res apud nos sunt causa cognitionis, ita e contrario scientia Dei est causa rerum, sed necessaria interdum non modo necessario, sed probabili cognoscimus ergo & contingentia possunt esse cognita à Deo, & tamè scientia de ipsis necessaria haberi. Minor probatur, quia licet effectum non contingat perfectionem suae causae attingere, interdum tamen ab ea deficit.

Quintò, Si negaretur talium cognitio à Deo, hoc maxime esset quia scientia Dei est causa rerum scitarum, & est necessaria, à causa autem necessaria non provenit effectus contingens. Sed hoc non obstat, quia scientia Dei est causa remota, non autem proxima. Licet autem causa remota sit necessaria, si tamen causa proxima fuerit contingens, effectus contingens erit: alioquin contingeret effectum esse remota causa. Videmus enim quod plantae non necessariò fructificant, licet motus Solis sit necessarius, propter causas intermedias contingentes.

**CIRCA** hanc rationem duo sunt, quae difficultatem faciunt. Primum est, quod scientia Dei de rebus contingentibus est à causa necessaria.

Secundum est, quod cum eius necessitate stat effectus contingentia, eò quod sit causa remota, non autem proxima.

Contra primum dubitatur: quia ut accipitur scientia in ratione scientiae, aut in ratione causae. Si in ratione scientiae, videtur quod non sit necessaria, sic, autem diuina voluntas circa contingentia non est necessaria: ergo nec actus diuinæ cognitionis. Antecedens patet, quia alioquin Deus vellet existentias creaturarum de necessitate naturae, & non libere. Consequentia etià patet, quia res contingens non est prius scibilis formae quam sit volita formae. Si in ratione causae, arguitur etià quod non sit causa necessaria, scientia Dei est necessaria: ergo non potest esse quin eius effectus eueniat, hoc enim est de ratione causae necessariae, ergo eius effectus non est contingens, & sic non stat contingentia effectus cum necessitate scientiae diuinæ, cuius oppositum hic dicitur.

Contra secundum arguitur rationibus Scoti. Sententia dist. 39. Primum, quia omnia erunt necessaria: probatur consequentia, Causa mouens in quantum mota, si necessariò mouetur, necessariò mouet: sed omnis causa secunda mouet in quantum mouetur à prima: ergo si à prima necessario mouetur, & ipsa necessario mouebit, & sic omnis effectus erit necessarius.

Secundò, Causa prior prius naturaliter respicit effectum, quam causa posterior: ergo in illo priori, si habet necessariam habitudinem ad ipsum, dabit sibi esse necessarium, ergo secunda non poterit illi dare esse contingens.

Tertiò, Quicquid producit à causis posterioribus, potest immediatè produci à causa prima, & tunc eandè entitatem haberet quam prius, & effectus contingens si cur modò: ergo contingentiam suam modò habet à causa prima, & non tantum à causa proxima.

Quartò, Deus multa produxit immediatè & producit, & tamen omnia contingenter, ergo, &c.

Ad primam difficultatis euidèntiam considerandum primò, quod hic non loquimur de scientia quantum ad entitatem eius (certum est enim, cum sit idem quod diuina essentia, quod est entitas necessaria) sed loquimur de ipsa secundum quod dicit ordinem ad seipsum contingens, siue sit ordo scientiae, in quantum scientia est ad ipsum scitum, ut est scitum, siue sit ordo scientiae, ut est causa ad scitum in quantum est effectus eius: & loquimur de scientia visionis, non autem de scientia simplicis intelligentiae, quam constat secundum rationem præcedere actum voluntatis, & necessariam omnino esse, ut dicitur Prima parte, quæst. 19. art. 3. ad sextum.

**CONSIDERANDUM** secundò, quod scientiam diuinam, in quantum scientiam, esse necessariam, dupliciter intelligi potest, scilicet, aut per se, aut per necessitatem, aut necessitate immutabilitatis. Si loquamur de absoluta necessitate, sic non est necessaria, quia illud dicitur absolute necessarium, cui repugnat absolute loquendo aliter esse: sicut dicimus hominè necessariò esse animal rationale, quia homini repugnat non esse animal rationale, quicquid autem Deus scit scientia visionis, non repugnat absolute Deum nescire. Quia sicut ab æterno determinauit illud fore, puta Antichristum, ita ab æterno prout determinat Antichristum non fore, quum ad esse creaturæ volendum non necessitetur: & ideo sicut ab æterno cognouit ipsum fore, ita potuit ab æterno cognouisse ipsum non fore, scientia enim visionis sequitur determinationem diuinæ voluntatis. Si autem loquamur de necessitate immutabilitatis, sic est necessaria, quia quod ab æterno scit fore, semper scit, & non potest mutari, ut prius sciat, & postmodum nesciat, sicut accidit scientiæ nostræ.

**SE** D tamen aduertendum, quia sanctus Thomas quandoque dicit, hoc antecedens, Deus scit hoc esse futurum, esse necessarium absolute: quod necessarium absolute potest accipi dupliciter. Vno modo, pro eo quod ex terminorum rationibus est necessarium, ita quod eius oppositum est impossibile, tantum ex terminis contradictionem implicans, sicut hominem esse animal rationale. Alio modo, pro eo quod in se est necessarium, non autem solum quantum ad dependentiam ad aliam propositionem: & sic dicitur necessaria propositio absolute, cuius proprium significatū est necessarium. Necessarium verò secundum dependentiam ad aliam propositionem tantum est, cuius significatum non est necessarium, sed tantum ordo ipsius ad aliud est necessarius: sicut istius conditionalis, si Sortes currit, Sortes mouetur: consequens est necessarium necessitate consequentiæ tantum, scilicet quantum ad ordinem dependentiæ ad antecedens, non autem quantum ad suum significatum. Necessarium absolute hoc modo sumptum communis est quam necessarium absolute primo modo sumptum: continet enim sub se & illud necessarium absolute, & necessarium necessitate immutabilitatis. Cum ergo in illo antecedente duplex possit esse necessitas, scilicet consequentiæ siue ordinis ad aliquod antecedens, & necessitas significati in se, determinauit sanctus Thomas modum necessitatis, dicens ipsam esse necessariam absolute, quasi diceret, In ista conditionali, si Deus scit aliquid futurum esse, illud erit, antecedens non solum est necessarium necessitate illationis ex aliquo antecedente, quasi scilicet necessariò ad aliquod antecedens consequatur, sed etiam est necessarium in se, id est, secundum suum proprium significatum. Est enim neces-

sariū necessitate immutabilitatis, quia de vero in falsum mutari non potest. Vnde & in fine huius cap. idem vocat necessarium absolute, & necessarium necessitate consequentis. Et sic patet non esse contradictionem dicti sancti Thomæ, ad id quod diximus.

**EX** his ostenditur error illorum qui dicunt sanctum Thomam intelligere in illo antecedente de necessitate absoluta primo modo. Dicit enim quod ipse accipit necessarium absolute pro eo cuius oppositum est simpliciter impossibile, & quod loquitur de scientia Dei non in se, sed ut significatur per verbum præteriti temporis: ut quum dicimus, Deus scit hoc, licet enim scientia Dei de contingentibus non sit necessaria absolute, ista tamen est necessaria absolute, Deus scit hoc, quia est de præterito. Propositio verò de præterito, est absolute necessaria, & eius contradictorium est simpliciter impossibile, etiam per diuinam potentiam.

**IS** T A enim opinio, quantum ad tres sui partes assumit falsum. Falsum est enim, quod S. Tho. non loquatur de scientia Dei in se, sed tantum ut significatur per verbum præteriti temporis, imò non facit differentiā inter scientiam Dei in se, & ipsam ut significatur in præterito. Falsum est etiam quod loquatur de necessario absolute primo modo. Et falsum est, quod propositio omnis de præterito sit absolute necessaria, ita quod eius contradictorium sit simpliciter impossibile.

Primum horum patet ex 1. Sent. dist. 38. art. ultimo, ad quartum. Ibi enim ait S. Thomas quod illud antecedens est necessarium absolute, tum ex immobilitate diuinæ actus, tum ex ordine ad scitum, quia terminatur scientia Dei ad rem, ut est in seipsa, ubi constat, quod loquitur de scientia Dei in se: non autem secundum quod significatur per verbum præteriti temporis, quia illæ conditiones conueniunt scientiæ Dei in se, non autem ut significatur.

Secundum quoque esse falsum, patet ex dictis: quia sanctus Thomas in Prima parte, & q. Veri ponit hoc consequens, Hoc erit, esse similiter absolute necessarium, sicut & antecedens. Nullus autem diceret illud consequens esse illo primo modo necessarium absolute, imò S. Tho. in Prima parte, declarat eius necessitatis rationem, quia omne quod est, quando est, necesse est esse: quod constat necessarium esse non absolute, sed immutabiliter pro eodem nunc.

Tertium quoque falsum esse conuincitur, & in se, & apud sanctum Thomam. In se quidem, quia accipio hanc propositionem veram de præterito, Adam fuit, & arguo sic, Deus, absolute loquendo, potuit non producere Adam, quia liberè produxit: ergo potuit nunquam vera esse hæc propositio, Adam est, ergo & ista de præterito, quæ illam de presenti præsupponit, potuit non esse vera: ergo sua opposita potuit esse vera, scilicet, Adam non fuit, ergo ista, Adam fuit, non est necessaria absolute, tanquam videlicet sua opposita implicet contradictionem, ergo non omnis propositio de præterito, est illo modo necessaria absolute.

Apud sanctum Thomam quoque illud esse falsum constat ex iis quæ dicit Verit. quæst. 23. art. 4. Ibi enim ad quartum inquit, quod Deum voluisse aliquid, postquam voluit, est necessarium ex suppositione, sicut & Sortem cucurrisse, postquam cucurrit: manifestum est autem quod illæ sunt propositiones de præterito, ergo, &c. Sed verum est, quod implicando in re præterita præteritionem, propositio est absolute necessaria, sicut si dicam, Adam præteritus fuit, in sensu composito.

Considerandum tertiò, quod etiam scientiam, in quantum causam necessariam esse, dupliciter potest intelligi. Vno modo, ex parte causae in se. Alio modo, ex parte productionis effectus. Primo modo dicitur causa necessaria, quando dispositio secundum quam est productiua effectus, & quæ est fundamentum habitudinis ad effectum tanquam ad producibile, est in se necessaria, & non potest aliter se habere: eo modo quo dicimus motum Solis esse causam necessariam, quia non potest non esse, secundum scilicet opinionem Philosophorum. Secundo modo, dicitur causa necessaria, quando non potest non producere effectum, sicut motum orbium dicimus esse causam necessariam defectionis Solis aut Lunæ. Vtroque modo scientia diuina, est causa necessaria rerum scitarum, & quia, scilicet non potest non esse, & quia non potest impediri, quin effectus diuinæ scientiæ eueniat secundum modum quo statutum est per illam, ut eueniat.

Attendendum tamen, quod cum sit duplex necessarium, scilicet absolute necessarium, & ex suppositione, ac etiam immutabilitatis necessitate, non sit intelligitur diuinam scientiam esse in se necessariam ex parte causae, & ex parte dependentiæ effectus, quasi in illis sit necessitas absoluta (hoc enim non est verum ad mentem S. Thomæ, cum apud ipsum scientia visionis potuerit non esse ab æterno, sicut & Deus potuit ab æterno non determinasse creaturarum productionem: similiter & effectus liberè ab ipsa proveniant, cum potuerit Deus ab æterno determinare ut non eueniret) sed intelligitur de necessitate suppositionis, & immutabilitatis. Supposito enim, quod in scientia Dei sit, ut ille effectus eueniat, non poterit impediri quin eueniat, quod in causis secundis contingentibus non inuenitur: potest enim aliqua talis causa esse disposita ad productionem effectus, & tamen impediri ab eius aequali productione. Et similiter supposito, quod Deus habeat scientiam de aliquibus rebus ut producendis, non potest mutari ut illam non habeat.

**IS** T I S suppositis, ad dubium contra primam propositionem respondeatur, quod hic quidem sermo est de scientia Dei, ut habet habitudinem causae ad causatum, verum tamen utroque modo est necessaria aliquo modo, ut ostendimus. Cum primò improbat quod necessitate non habet in ratione scientiæ, respondetur, quod actus diuinæ voluntatis circa contingentia, licet non sit necessarius absolute, est tamen necessarius necessitate immutabilitatis: quo modo diximus scientiam visionis esse necessariam.

Cum autem improbat quod nec in ratione causae sit necessaria, dicitur primò, quod eo modo quo causa est necessaria, non potest esse quin eius effectus eueniat. Si enim est necessaria absolute, non potest esse absolute quin effectus eueniat: si autem sit necessaria ex suppositione, non potest esse ex suppositione quin eueniat effectus. Modò dictum est scientiam Dei esse necessariam non absolute, sed ex suppositione: ideo non sequitur quod eius effectus non possit non esse nisi ex suppositione. Cum autem inferitur, Ergo non est contingens, negatur consequentia, quia necessitas ex suppositione non tollit contingentiam. Sortem enim sedere, absolute est contingens, & tamen est necessarium, supposito quod sedeat.

Dicitur secundò, quod causa existente necessaria, non potest esse quin eius effectus eueniat eo modo quo est eius effectus. Si enim sit eius effectus quantum ad esse rei absolute non potest esse quin effectus eius eueniat quantum ad esse absolute consideratum: si autem sit eius effectus quantum ad esse simul & modum contingentiae & necessitatis, non potest esse quin eueniat secundum

Scientiam Dei, ut causam esse necessariam dupliciter potest intelligi.

Quomodo scientia diuina in quantum scientia sit necessaria.

Quomodo hoc antecedens, Deus scit hoc esse futurum, est necessarium absolute.

Quomodo causa existente necessaria, non potest esse quin effectus eius eueniat.



illum modum. Scientia autem Dei est causa rerum quantum ad esse & modum, ideo non potest esse quin effectus ille eueniat necessario, qui est in scientia Dei ut eueniat necessario: & non potest esse quin contingenter eueniat effectus, qui in scientia Dei est, ut contingenter eueniat. Constat autem ex hoc non tolli contingentiam effectus, imo potius poni.

Quo causa existente necessaria potest effectus esse contingens.

Ad euidenciam secundam dubij, considerandum primo ex doctrina S. Tho. ubi supra, & Verit. q. 2. art. 14. q. cum ad esse effectus dependentis à pluribus causis ordinatis, utraque causa requiratur, utriusque defectus inducit defectum in effectu: & ideo siue causa prima sit contingens, siue secunda, effectus contingens erit: non autem si una sit necessaria, effectus erit necessarius. Defectus enim alicuius, quod ad esse requiritur, defectus inducit in effectu: ad integritatem autem rei requiritur integritas cuiuscunque facientis ad esse rei. Nam malum, ut inquit Dionysius, ex singulis defectibus accidit, bonum verò ex integra causa. Unde & videmus in syllogismis, q. minore existente contingente, sequitur conclusio contingens, quauis maior sit necessaria. Considerandum secundò, quòd cum dupliciter causa possit dici necessaria, scilicet aut quia sua dispositio semper eodem modo se habet, & mutari non potest, aut quia suum effectum necessario producit, ita quòd non potest illum non producere, cum inquit S. Tho. quòd licet prima causa sit necessaria, tamen effectus potest esse contingens, propter contingentiam secundæ causæ, non intelligitur primam causam esse necessariam secundo modo, sed tantum primo modo. Nam secundo modo accipiendum, implicat contradictionem, & aliquam causam esse necessariam, & tamen eius effectum posse non produci. Nam si potest effectus non produci, potest causa non producere. Propter hoc bene inquit Scotus 2. Sent. dist. 1. q. 3. Philosophi latenter concesserunt duo contradictoria, dicendo aliquid contingenter fieri, & primam causam necessario causare. Patet etiam hoc, exemplo S. Tho. dicit enim exempli de motu celi, quem dicit necessario esse in se necessarium & immutabilem, secundum dispositionem qua est actiua, & semper eodem modo se habentem, & tamen eius effectum contingenter euenire propter contingentiam & immutabilitatem secundæ causæ, non autem quòd prima causa sit necessario sui effectus productiua, & tamen ille effectus contingenter eueniat.

Ad primum igitur, dicitur primo, q. non procedit contra sensum S. Tho. procedit enim ac si diceret S. Tho. posse simul stare, ut prima causa necessaria absolute producat effectum, & tamen effectus contingenter eueniat: admissio etiam causam primam necessario agere, non quidem respectu ultimi effectus mediante causa secunda producti, sed respectu ipsius causæ. Scilicet, ita videlicet quòd in causam secundam necessario agat. Dicitur secundò ex doctrina S. Tho. 1. Sent. dist. 38. art. 5. & Verit. q. 5. art. 9. ad 10. q. cum virtus causæ primæ recipiatur in causa secunda secundum modum causæ secundæ, agente prima causa in secundam, si causa secunda contingens sit & defectibilis, etiam effectus contingenter eueniet & defectibiliter. Unde assumptum ad probationem consequentis falsum est: stant enim simul, causam mouentem in quantum mota est necessario moueri à causa prima, & tamen non necessario moueri, eo quòd actio primæ causæ modificetur in causa secunda secundum modum ipsius causæ secundæ.

Ad secundum dicitur, q. causa prima producat effectum mediante causa secunda, non in aliqua priori duratione attingit effectum, in qua non attingatur à causa secunda, licet dicatur prius agere, in quantum secunda non agit nisi virtute primæ. Unde non oportet, ut effectus in aliquo priori instanti habeat necessitatem à prima causa, sed simul productus à causa necessaria & contingente propter causam secundam contingentiam, & ipse contingentiam habeat.

Ad tertium dicitur primo, quòd habere contingentiam à causa prima, dupliciter potest intelligi. Vno modo, quòd prima causa sit causa contingentie rerum, & se verum est, contingentiam habere à causa prima contingentiam: causat enim Deus & res, & necessitat, & contingentiam rerum. Alio modo, quòd res sint contingentes propter contingentiam & inefficaciam causæ primæ, cuius effectus impediti possit, & hoc modo res non habent contingentiam à causa prima. Dicitur secundò q. si aliquid eorum, quæ nata sunt produci à causa prima mediante causa secunda contingente, à sola causa prima produceretur, illud esset contingens, secundum q. est res, quia posset quantum est ex se de se fieri & non esse: esset etiam contingens absolute in ratione effectus: quia esset effectus natus produci à causa propria impediti, non esset tamen contingens in ordine ad causam tunc producentem, sed esset effectus liberè productus.

Ad quartum dicitur, quòd eorum quæ immediate à Deo producuntur, tantum, scilicet à solo Deo producibilia, aliqua sunt res in se necessarie, sicut corpora celestia, & animæ rationales: aliqua verò sunt res secundum se contingentes, ut gratia, iuxta ea quæ superius in secunda ratione sunt dicta, quia scilicet sunt tales naturæ quibus conuenit secundum se, ut possint non esse: nihil tamen est contingens contingentia conueniente rei in ordine ad causam, tanquam, scilicet causam contingentem & impeditibilem habens, sed sunt effectus liberè producti.

Sextò, Deus cognoscit vnumquodque effectum non solum in se, sed etiam in ordine ad quilibet suas causas proximas, ergo cognoscit aliqua & euenire, & contingenter euenire: ergo cum certitudine diuinæ scientiæ stat rerum contingentia. Probatur antecedens, quia Deus est cognitor totius esse, cuius est principium. Prima quoque consequentia patet, quia ordo contingentium ad suas causas proximas est ut contingenter ex eis proveniant. Secunda verò probatur, quia scientia Dei non esset vera & perfecta, si non hoc modo res euenirent, sicut Deus eas euenire cognoscit: isti ergo cognoscit, & ipsas habere esse aliquando, siue aliquando euenire, & contingenter, cum veritate suæ cognitionis, & certitudine stat quòd effectus contingenter eueniat.

Quantum ad secundum, respondet ad obiectionem factam, & dicit ipsam tripliciter deficere. Obiectio autem erat, Cognitio omnis, quæ est de contingenti, cum est futurum falli potest, cum possit euenire oppositum eius quòd existimatur: alioquin necessarii esset, quòd etiam patet ex nostra cognitione, quæ est de ipsis tantum coniecturalis. Dei autem cognitio falli non potest: ergo non potest esse de futuris contingentibus. Si autem diceretur quòd licet diuina scientia falli non possit, potest tamen mutari secundum rerum mutationem per nouam rei cognitionem, hoc non obstat rationi, quia impossibile est quòd Deus aliquid de nouo cognoscere incipiat, eo quòd immutabilis sit. Respondet ergo primò, & quòd falsum assumitur, & quòd in illius assum-

ptione committitur fallacia consequentis. Falsum quidem assumitur, quia non est verum quòd omnis cognitio de futuro contingenti falli possit, aut quomodocunque variari: nam posteriorum variatio, prioribus variabilitatem non inducit, quum contingat effectus ultimos contingentes esse primis causis necessariis existentibus: & ideo quum res scitz à Deo posteriores sint eius scientia, non autem priores sicut apud nos, ipsarum variatio non inducit variationem in scientia diuina, neque scilicet de veritate in falsitatem, neque de ignorantia ad cognitionem. Committitur quoque fallacia consequentis, si ex hoc quòd nostra cognitio de rebus variabilibus est variabilis, arguatur id in omni cognitione accidere.

Ad VERTE quòd quum arguitur sic, Scientia nostra de rebus variabilibus, est variabilis, ergo omnis cognitio talium est variabilis: non committitur formaliter fallacia consequentis, cum, ut dicitur in tractatu Fallaciarum sancti Thomæ, illa fallacia accedat tantum in conditionalibus argumentationibus. sed tamen virtualiter & fundamentaliter talis fallacia committitur: sicut in ista, Homo currit, ergo omne animal currit: quia virtualiter continetur argumentatio à positione consequentis ad positionem antecedentis, sic arguendo, Si homo currit, animal currit, ergo si animal currit, homo currit: tanquam videlicet consequens sit omnino idem cum antecedente. Similiter in proposito virtualiter continetur similis argumentatio, acsi omnino sit idem cognitionem nostram rerum variabilium variabilem esse, & absolute cognitionem talium esse variabilem.

SED occurrit dubium circa primam partem responsionis: licet enim variatio posterioris non inducat necessario variationem prioris in omnibus, ubi tamen oportet prius & posterius esse adæquata, ibi necessario variatio vno necesse est alterum variari, si debeat æqualitas remanere. Nam si ab vno æqualiter remouetur aliquid quantitatis, non remanent amplius æqualia, nisi tantumdem ab alio remouetur: modò inter scientiam diuinam & rem scitam oportet esse adæquationem, cum de ratione veræ cognitionis sit adæquatio, ergo facta variatione in re, necesse est aut mutari cognitionem per nouam existimationem, aut ipsam eandem manentem falsam esse & inadæquatam.

Ad huius euidenciam considerandum quòd aliter tempus in quo res est sub aliqua dispositione, se habet ad cognitionem nostram, & aliter ad cognitionem diuinam: ad nostram enim cognitionem comparatur, sicut ad rem existentem sub tempore. Unde fit, ut quum cognoscitur aliqua rei dispositio ut præsens, & ipsa res cognita, & cognitio intelligitur præsentem tempore mensurari: quum autem cognitio ferretur in aliquid sicut futurum aut sicut præteritum, intelligitur illud esse futurum, aut præteritum in comparatione ad ipsam etiam cognitionem. Cum enim iudico Sortem sedere, intelligitur sessionem Sortis esse in præsentem tempore in quo est mea cognitio: & quum iudico Sortem sedisse, intelligitur sessionem Sortis esse præteritam respectu temporis in quo mea cognitio est. Et similiter quum iudico Sortem esse futurum, intelligitur Sortis sessionem respectu cognitionis meæ futuram esse: ex quibus sequitur quum in diuersis partibus temporis res diuersimodè se habeat, quòd etiam secundum q. ad cognitionem nostram comparatur, variatorem habet. Si enim Sortes hodie sedeat, & iudicem ipsum sedere, sessio ipsius est præsens cognitioni meæ: si autem cras non sedeat, & iudicem etiam ipsum sedere, sessio non amplius præsens cognitioni meæ, sed præterita, & per consequens remanet in æqualitas inter cognitionem meam & rem, quum iudicem ipsam esse in tempore in quo est mea cognitio, & tamen in illo non sit. Si autem debet esse æqualitas, oportet ut & iudicium mutetur, ut scilicet die crastina ipsum Sortem iudicem non sedere, sed sedisse, sicut ipse mutatus est de sedente in non sedentem. Ad cognitionem autem diuinam comparatur tempus non sicut ad rem sub tempore contentam, sed sicut ad id, quòd est supra omne tempus, utpote æternitate mensuratum, quæ omni differentia temporis adest. Ideo quantumcunque res in se ipsa varietur, non variatur tamen secundum quòd ad diuinam cognitionem refertur, quum semper quantum ad omnem sui dispositionem sit diuino conspectui præsens pro omnibus temporis partibus quibus diuersimodè disponitur. Si enim Sortes hodie sedeat, semper Deus videt Sortem hodie sedere: & si cras non sedeat, semper videt ipsum cras non sedere, & sic res nunquam variatur in comparatione ad diuinam cognitionem, ut fit sibi aliquando præsens, aliquando præterita, aliquando futura, sed semper est sibi præsens, licet cognoscat Deus, esse nobis eam aliquando præteritam, aliquando futuram: & sic ex rei variatione in se neque tollitur adæquatio scientiæ diuinæ & rei scitz manente eadem cognitione: neque oportet Deum nouam formate cognitionem, quia non variatur res in ordine ad diuinam cognitionem, ut nunc vno modo se habeat ad eam, nunc alio modo, sicut euenit cognitioni nostræ, cui aliquando sessio Sortis est præsens, aliquando præterita, aliquando futura. Quod autem adducitur de æqualibus quantitatibus, non cogit, quia quando vnum quantum æquale alteri quanto variatur secundum quantitatem, sicut variatur in se, ita etiam variatur in ordine ad quantum cui erat æquale, & ideo tollitur æqualitas inter illa. Quod autem intelligitur à Deo, licet varietur in se, non tamen in ordine ad diuinam cognitionem variatur: ideo non tollitur adæquatio inter scientiam Dei, & rem ab ipso scitam.

SED insurgit aliud dubium, si res semper eodem modo se habet in comparatione ad diuinam cognitionem, quum antequam Christus nasceretur, Deus sciret Christum nasciturum, & quando nasceretur, sciret Christum nasci: sequitur quòd nunc etiam Deus scit Christum esse nasciturum, & Christum nasci: quod tamen est falsum, quum Christus non sit nunc nasciturus, neque nunc nascitur.

Respondetur, quòd quum dicitur, Deus nunc scit Christum nasciturum, præsens tempus per Verbum & Aduerbiu importatur potest se tenere aut ex parte cognitionis, aut ex parte rei cognitæ. Si ex parte cognitionis teneatur, sic Deus nunc cognoscit Christum nasciturum: sensus est enim, quòd nunc est illa cognitio Dei qua cognoscit Christum nasciturum pro tempore, scilicet in quo erat verum, Christum nasciturum quo ad nos: quod sanè verissimum est, quum cognitio Dei sit æterna, & tempus in quo fuit verum dicere, Christus est nasciturus, ab æterno sit diuinæ cognitioni præsens. Si autem ex parte rei cognitæ teneatur, sic non cognoscit Deus nunc Christum nasciturum: sensus enim esset ipsum cognoscere, quòd nunc Christus est nasciturus, quòd est falsè cognoscere, quum Christus non sit nunc nasciturus: nec tamen sequitur quòd in diuina scientia sit mutatio, sed tantum quòd rerum mutationem Deus cognoscit, dum cognoscit, quòd Christus aliquando respectu nostrum est nasciturus, & aliquando est natus, & quòd vnum eundem variabile

Quomodo ad rei variationem diuina scientia non variatur.



abile nunc est verum, aliud verò alio tempore. Si ergo accipiatur tempus ex parte cognitionis, negatur, falsitas consequentis: & ad probationem negatur consequentia, licet enim nunc non sit Christus nasciturus, est tamen nunc cognitio, qua cognoscitur nasciturus pro tempore, in quo erat verum dicere, Christus est nasciturus. Si autem accipiatur tempus ex parte rei cognitæ, negatur consequentia, quia licet res in comparatione ad diuinam cognitionem semper eodem modo se habeat, quia semper est sibi præsens secundum omnem sui dispositionem, in seipsa tamen mutatur, ut aliquando Christi natiuitas nobis præsens sit, aliquando præterita, aliquando futura: & ideo cognoscitur à Deo esse nobis aliquando præsens, aliquando præterita, aliquando futura.

Ex his patet sensus istius propositionis, quam san. Tho. Prima parte concedit, scilicet, Non quicquid Deus sciuit, scit: si non ad res, sed ad enuntiabilia referatur. Si enim tempus importat per hoc verbum scit, ex parte scientis se teneat, sic quicquid Deus sciuit, modò scit. Sensus est enim, quod de quocunque enuntiabili Deus sciuit, iam habuit in tempore nobis præterito, etiam nunc de eo scientiam habet, pro illo, scilicet tempore in quo est verum, quia & ipsum enuntiabile, & tempus in quo est verum, semper est diuino conspectui præsens. Si autem ex parte enuntiabilis sciti se teneat, sic non quicquid Deus sciuit, scit: quia non quodcumque enuntiabile sciuit esse verum in tempore nobis præterito, scit verum esse in tempore nobis præterito. Nam sciuit hoc enuntiabile, Christus nascetur, verum esse: antequam Christus nasceretur. Non scit autem quòd nunc sit verum, quia verum non est. Ad hunc ergo sensum admittit san. Tho. hanc propositionem esse veram, Non quicquid Deus sciuit, scit, non autem ad primum sensum.

SE D remanet dubium, quare illam propositionem admittat, si ad enuntiabilia referatur, non autem si referatur ad res. Nam scit enuntiabile idem manens de veritate in falsitatem variatur, ita eadem res de esse variatur in non esse, & de vna dispositione in aliam, si ergo propter variationem enuntiabilis conceditur, quòd non quodcumque enuntiabile Deus sciuit, scit: ita propter variationem rei debet concedi, quòd non quancumque rem Deus sciuit, scit.

Respondetur, quòd non est eadem ratio de illa propositione si de enuntiabilibus intelligatur, & si intelligatur de rebus: quia cum de enuntiabilibus intelligitur, Deum aliquid sciuisse aut scire, significatur veritatem enuntiabilis simul esse in tempore per illud verbum importat cum diuina cognitione. Cum enim dicitur, Deus sciuit Christum esse nasciturum, significatur hoc enuntiabile tempore præterito habuisse veritatem, in quo Deus de ipso scientiam habuit. Similiter cum dicitur, Deus scit Christum esse nasciturum, significatur in tempore præterito simul esse veritatem ipsum enuntiabile, & diuinam cognitionem de ipso. Et quia non omne enuntiabile, quòd fuit verum in præterito tempore, est verum in præterito tempore, licet in tempore præterito Deus de ipso cognitionem habeat pro tempore pro quo est verum modo superius exposito, ideo non quodcumque enuntiabile Deus sciuit, modò scit, intellige modo superius exposito, scilicet si tempus ex parte scibilis dò scit, intellige modo superius exposito, scilicet si tempus ex parte scibilis se teneat. Cum autem dicitur Deum aliquam rem sciuisse, aut scire, non importatur rem simul esse cum diuina cognitione in tempore per verbum importato, sed tantum quòd res diuinam terminat cognitionem, & quia ab æterno res diuinam terminat cognitionem, quantum ad omnem suam dispositionem, eò quòd omne tempus ab æterno diuinæ cognitioni sit præsens: ideo quancumque rem Deus sciuit, etiam modò scit: quia eius intuitus semper rem in quacunque dispositione sit, feratur. Prima ergo responsio san. Tho. est, quòd maior in obiectione assumpta, est falsa.

Respondetur secundo ad probationem maiorem, & negatur assumptum, ostenditurque ibi accidere fallaciam accidentis. Est siquidem assumptum hoc falsum, quòd possit euenire oppositum eius, quòd existimatur de futuro contingenti, scilicet secundum quòd cognoscitur à Deo: licet enim cum dicitur, Deus sciuit, vel scit hoc futurum, quoddam medium accipiatur inter diuinam cognitionem & rem scitam, scilicet tempus locutionis, respectu cuius res scita dicitur futura, non tamen dicitur res futura respectu diuinæ cognitionis, quæ in momento æternitatis existens ad omnia potentialiter se habet: & quia quòd est, non potest quàm ad illud instans in quo est, non esse, ideo res futura cognita à Deo, ut ab ipso cognoscitur, non potest iter euenire ex suppositione. Vnde si subterheretur tempus locutionis, non diceretur hoc esse cognitum à Deo, tanquam futurum & non ens, ut habeat locum quæstio, An possit non esse, sed sic diceretur cognitum tanquam in sua existentia visum, quo in loco non habet locum quæstio, An pro tunc possit non esse. Committitur autem fallacia accidentis: quia cum tempus præsens & præteritum coexistat æternitati, habetudo præsentis temporis aut præteriti ad futurum attribuitur æternitati, dum dicitur, quòd cognitum à Deo est futurum & non ens, tanquam videlicet sit futurum diuinæ scientiæ, in quo per accidens est deceptio, quia cum habetudo temporis præsentis aut præteriti ad futurum non conueniat tempori, ut coexistat æternitati, sed aliunde, ut ab æternitate distinguitur, non debet hoc attribui æternitati, ideo si attribuitur, est deceptio secundum accidens.

ADVERT E, quòd per hanc responsionem non vult excludere san. Tho. à Deo cognitionem futuri futuri est nobis, sed tantum cognitionem futuri, ut futurum sit cognitioni, & cognitione futuri, ut est tantum in causis suis, eo modo quo nos futurum cognoscimus: sic enim (ut superius ostendimus) futurum contingens non subest certæ cognitioni. Nam Deus futurum cognoscit secundum esse quòd habet in causis suis, secundum quòd dicitur nobis futurum, & secundum esse: quòd habet in seipso. Propter hoc cognitio sua de ipso nobis futuro est certissima, & res quæ hoc modo cognoscitur, secundum scilicet quòd est in causis, & secundum quòd est in seipsa, ex hac suppositione quòd in seipsa cognoscatur, non potest aliter euenire pro illo tempore pro quo cognoscitur secundum suum esse, licet absolute loquendo possit aliter euenire.

Respondetur tertio ad probationem assumpti, conceditur enim, quòd futurum cognitum à Deo, est necessarium, cum vnumquodque cognoscatur tanquam præsentialiter visum: sed necessarium non quidem absolute (velut à quibusdam dicitur) necessitate consequentis, sed sub conditione vel necessitate consequentis. Vnde huiusmodi rationes peccant secundum fallaciam compositionis & diuisionis: cum enim dicitur, Quòd videtur federe, necesse est federe, de dicto, & in sensu composito est vera. Nam ista propositio est necessaria, Quòd videtur federe, fedet de re autem siue de sensu diuiso est falsa, non enim necessarium est sortem federe, qui videtur federe,

cum contingenter sedeat. Vnde quia non est necessarium, Sortem federe, qui videtur federe, in sensu diuiso: concludere non esse necessarium federe quòd videtur federe, in sensu composito, scilicet secundum quòd illud stat sub cognitione, est arguere à sensu diuiso ad compositum.

ADVERTENDUM, quòd san. Tho. propositionem de sensu composito vocat de dicto, illam autem de sensu diuiso vocat de re: quia in illa de sensu composito modus ponitur tanquam totius dicti determinatio: quum enim dicitur, Quòd videtur federe, necesse est federe, sensus est istam propositionem esse necessariam, quòd videtur federe, fedet. Vbi patet, quòd modus necessitatis, totum, quòd dicitur, determinat, in illa autem de sensu diuiso modus determinat rem subiecti: quum enim dicitur, Quòd videtur federe, necessarium est federe, in sensu diuiso, sensus est quòd huic rei, putà Sorti, quæ videtur federe, conuenit ut sedeat de necessitate, & non contingenter. Quantum ad tertium confirmatur conclusio auctoritate Sapient. 8. Ecclesiast. 39. & Isaia 48.

Quòd Deus cognoscit motus voluntatis.

Cap. 68.



Inde oportet ostendere, quòd Deus cogitationes mentium & voluntates cordium cognoscat in virtute causæ, quum ipse sit vniuersale essendi principium. Omne enim quòd quocunque modo est, cognoscitur à Deo, in quantum suam essentiam cognoscit, ut supra ostensum est. Ens autem quoddam in anima est, quoddam verò in rebus extra animam: cognoscit igitur Deus omnes huiusmodi entis differentias, & quæ sub eis continentur. Ens autem in anima est, quòd est in voluntate vel cogitatione: relinquitur ergo, quòd Deus ea quæ sunt in cogitatione & voluntate cognoscat.

2 Amplius, Sic Deus cognoscendo suam essentiam alia cognoscit, sicut per cognitionem causæ cognoscuntur effectus: omnia igitur Deus cognoscit, suam essentiam cognoscendo, ad quæ sua causalitas extenditur. Extenditur autem ad operationes intellectus & voluntatis: nam quum quælibet res operetur per suam formam à qua est aliquid esse rei, oportet formale principium totius esse, à quo est etiam omnis forma: omnis operationis principium esse, quum effectus causarum secundarum in causas primas principalibus reducantur: cognoscit igitur Deus cogitationes & affectiones mentis.

3 Item, Sicut esse suum, est primum, & per hoc omnis esse causæ: ita suum intelligere est primum, & per hoc omnis intellectus operationis causa. Sicut igitur Deus cognoscendo suum esse vel intelligendo, cognoscit esse cuiuslibet rei: ita cognoscendo suum intelligere & velle, cognoscit omnem cogitationem & voluntatem.

4 Adhuc, Deus non solum cognoscit res secundum quòd in seipsis sunt, sed etiam secundum quæ sunt in causis suis, ut ex supradictis patet: cognoscit enim ordinem causæ ad suum effectum. Sed artificialia sunt in artificibus per intellectum & voluntatem artificum, sicut res naturales sunt in causis suis per virtutes causarum: sicut enim res naturales assimulant sibi suos effectus per suas virtutes actiuas, ita artifex per intellectum inducit formam artificiatam, per quam assimilatur suæ arti: & similis ratio est de omnibus, quæ à proposito aguntur. Scit igitur Deus & cogitationes, & voluntates.

5 Item, Deus non minus cognoscit substantias intellectuales, quàm ipse vel nos substantias sensibiles: cum substantiæ intellectuales sint magis cognoscibiles, putà magis in actu existentes. Informationes autem & inclinationes substantiarum sensibilibus cognoscuntur & à Deo, & à nobis. Cum igitur cogitatio animæ sit per informationem quandam ipsius, affectio autem quædam sit inclinatio ipsius ad aliquid (nam ipsam inclinationem rei naturalis appetitum naturalem dicimus) relinquitur quòd Deus cogitationes & affectiones cordium cognoscat.

Hoc autem testimonio sacræ Scripturæ confirmatur. Dicitur enim in Psalm. Scrutans corda & renes Deus. & Proverbiorum 15. Infernus & perditio coram Deo: quanto magis corda filiorum hominum: & Ioan. 2. Opus ei non erat, ut quis testimonium perhiberet de homine: ipse enim sciebat quid esset in homine. Dominum autem, quòd habet voluntas supra suos actus, per quod in eius est potestate velle vel non velle, excludit determinationem virtutis ad vnum, & violentiam causæ exterioris agentis: non autem excludit influentiam superioris causæ à qua est ei esse & operari: & sic remanet causalitas in causa prima, quæ Deus est, respectu motuum voluntatis, ut sic Deus seipsum cognoscendo, huiusmodi cognoscere possit.

Super cap. 68.



Vasta conclusio quæ respondens obiectioni est, Deus cogitationes mentium & voluntates cordium cognoscit. Pro cuius intelligentia notandum, quòd quia cor est principium motus in animalibus inter mouentia corporalia, ideo motus voluntatis

† Idem. P. p. q. 5. 17. art. 4.

† Cap. 77. post sextam rationem.

Author. sacræ Scripturæ.

† Quomodo non excluditur libertas voluntatis per supradicta.



dicuntur motus cordis similitudinariè. Nam & ipsa voluntas est simpliciter primum motus principium. Vel etiam dicuntur motus cordium propter sui occultationem, vni enim homini motus voluntatis alterius sunt occulti, sicut & cordis affectiones, per voluntates: ergo cordium intelligit voluntatis affectiones, & per cogitationes mentium actus intellectus.

Probatur autem conclusio primò, Deus cognoscit ens in anima, & ens extra animam, ergo cognoscit ea quæ sunt in voluntate & in cogitatione. Patet antecedens, quia, vt supra dictum est, omne quod quocunque modo est, cognoscitur à Deo, inquantum suam essentiam cognoscit: ens autem quoddam est in anima, & quoddam extra animam. Consequentia verò probatur, quia ens in anima est quod est in cogitatione & voluntate.

AD VERTE, quod actus intellectus & voluntatis dupliciter possunt considerari: vno modo absolute, vt accidentia anime sunt: alio modo, vt ad obiecta terminantur. Quia ergo Deus non solum cognoscit ipsam actum substantiam, sed etiam ad quæ obiecta illi actus terminantur, inuenitur, ideo concludit, quod ea quæ sunt in cogitatione & voluntate, cognoscit, ipsa scilicet obiecta secundum quod terminant actus intellectus & voluntatis, quod est cognoscere ipsos actus vt ad obiecta terminantur, quamuis etiam posset intelligi de ipsis actibus & non de obiectis immediate, quia videlicet cognoscit ipsos actus existentes in anima, & quia non possunt perfecte cognosci nisi cognoscatur ad quæ obiecta terminantur, cum ab ipsis specificentur, inde necesse est, vt Deus etiam ad quæ obiecta terminantur, cognoscat.

Secundò, Dei causalitas extenditur ad operationes intellectus & voluntatis, ergo & Dei cognitio. Patet consequentia, quia Deus essentiam suam cognoscendo, cognoscit omnia ad quæ sua causalitas extenditur. Antecedens verò probatur, Deus est fontale principium totius esse, à quo est omnis forma est: ergo est omnis operationis principium. Patet consequentia, quia omnis res operatur per formam à qua est esse rei, effectus autem causatur in primis causas principalius reducuntur, ergo omnis operatio cuiuscunque formæ reducitur in primam causam omnis formæ.

Tertiò, intelligere diuinum, est principium, & per consequens causa omnis intellectus operationis, sicut suum esse est primum & causa omnis esse, ergo cognoscendo suum intelligere & suum velle, cognoscit omnem cogitationem & voluntatem. Patet consequentia, quia & cognoscendo suum esse cognoscit esse cuiuslibet rei.

AD VERTE, quod sicut esse diuinum est causa exemplaris omnium esse, non autem proprie effectiua, si formaliter sumatur, vt ab aliis distinctum attribuit: ita intelligere vt intelligere, per modum scilicet actus immanentis, & similiter velle, vt habetur ex doctrina sancti Thomæ, 1. Sent. dist. 38. arti. 1. habent rationem causæ exemplaris omnis intelligere, & omnis velle, eò quod omne intelligere & velle sit quædam participatio intellectus, & volitionis diuine.

Quartò, Deus cognoscit res non solum secundum quod in seipsis sunt, sed etiam secundum quod sunt in causis: cum cognoscat ordinem causæ ad effectum, ergo, &c. Probatur consequentia, quia sicut res naturales sunt in suis causis per virtutes earum, ita artificialia sunt in artificibus per intellectum & voluntatem artificum, eò quod artifex in artificio producat formas, per quas assimilatur suæ arti, & similiter est in omnibus, quæ à proposito aguntur.

AD VERTE, EST, quod in omni agenti commune est, vt producat effectum similem formæ per quam agit: ideo quum agens à proposito, agat per conceptionem intellectus sui adiuncta voluntate, oportet vt in effectu producat formam similem conceptioni & proposito agentis, non quidem similis actui concipiendi, sed similis formæ conceptionis saltem secundum aliquam vnitatem rationis, et si non secundum eundem modum essendi. Signum ergo, quod agens à proposito, agit per intellectum & voluntatem, est, quod producat effectum similem suæ conceptioni & volitioni: & ideo Deus qui cognoscit effectum secundum quod est in dispositione causæ, cognoscit actum intellectus & voluntatis per quos agens à proposito disponitur ad operandum.

Quintò, Informationes & inclinationes rerum naturalium cognoscuntur à Deo & à nobis, ergo & Deus cognoscit informationes ac inclinationes animæ, ergo cogitationes & affectiones. Probatur prima consequentia, quia Deus non minus cognoscit substantias intellectuales quam ipse vel nos substantias sensibiles, quum substantiæ intellectuales sint magis cognoscibiles, vt potest magis in actu. Secunda quoque probatur, quia cogitatio animæ est per quandam informationem ipsius, affectio autem est quædam inclinatio eius in aliquid, vnde & inclinationem rei naturalis appetitum naturalem dicimus.

DVO SVNT hic notanda. Primum est, quod ex eo quod Deus informationes rerum sensibilibus cognoscit, sequitur vt & informationes rerum intellectualium cognoscat, non autem sequitur illud in nobis: quia quantum aliqua magis sunt secundum se intelligibilia, tanto magis ab intellectu diuino cognoscuntur, qui est maxime in actu: à nobis autem maxime intelligibilia minime cognoscuntur, propter imperfectionem intellectus nostri: & ideo si res sensibiles à Deo cognoscuntur, multo magis res intelligibiles: non autem si nos res sensibiles & materiales cognoscimus, oportet vt res intelligibiles magis intelligamus.

Secundum est, quod dictum sancti Thomæ (quoniam scilicet cogitatio animæ est per quandam informationem ipsius, affectio autem per inclinationem) non est sic intelligendum quasi cogitatio informet animam, non autem affectio: imò quum vtrumque dicat actum immanentem, vtroque anima informatur: sed quod cogitatio fit per hoc, quod obiectum intellectum aliquo modo informat animam: affectio autem per hoc quod anima inclinatur in ipsam rem extra animam. Verum enim quod pertinet ad intellectum, est in anima, vt dicitur sexto Metaphysicæ: bonum autem quod pertinet ad voluntatem, est in rebus: & sic Deus cognoscit cogitationem, secundum quam informatur conceptu & verbo intellectus, & inclinationem voluntatis in rem extrinsecam. Confirmatur conclusio auctoritate Psalmi, & Prouerbijs, ac Ioan. 2.

Ad obiectionem autem in oppositum, quæ in hoc consistit, quia actus voluntatis est in potestate voluntatis, ideo à solo volente cognosci potest: respondetur, quod hoc quo est in potestate voluntatis velle & non velle, excludit quidem determinationem ad vnum, & violentiam causæ extrinsecæ motentis, non autem excludit influentiam superioris causæ, à qua est ei esse & operari. Ideo negatur consequentia ista, Actus voluntatis est in potestate voluntatis, ergo à solo volente cognoscitur.

## Quod Deus cognoscit infinita.

Cap. 69.

**P**ost hoc ostendendum est quod Deus infinita cognoscat. Cognoscendo enim se esse causam rerum, alia à se cognoscit, vt ex superioribus patet: ipse autem est causa infinitorum, si infinita sunt entia. Est enim omnium eorum quæ sunt, causa: est igitur infinitorum cognoscituius.

Item, Deus suam virtutem perfecte cognoscit, vt ex supradictis patet: virtus autem non potest cognosci perfecte, nisi cognoscatur omnia in quæ potest, cum secundum ea quantitas virtutis quodammodo attendatur. Sua autem virtus quum sit infinita, vt ostensum est supra, ad infinita se extendit: est igitur Deus infinitorum cognitor.

Amplius, Si Dei cognitio ad omnia se extendit quæ quali tercunque modo sunt, vt ostensum est: oportet quod non solum cognoscat ens actu, sed etiam ens in potentia. Sed in rebus naturalibus est infinitum in potentia, et si non actu, vt probat Phil. in 3. Phy. cognoscit igitur Deus infinita, sicut vnitatis, quæ est principium numeri, infinitas species numerorum cognosceret, si cognosceret quicquid est in se in potentia: est enim vnitatis potentia omnis numerus.

Amplius, Deus per essentiam suam sicut quodam medio exemplari alia cognoscit, sed cum sit perfectionis infinita, vt supra ostensum est, ab ipso exemplari possunt infinita habentia infinitas perfectiones: quia nec aliquod vnus eorum, nec quamlibet plura exemplata perfectionem exemplaris adæquare possunt, & sic semper remanet nouus modus quo aliquid exemplatum ipsum imitari possit: nihil igitur prohibet ipsum per essentiam suam infinita cognoscere.

Præterea, Esse Dei est suum intelligere: sicut igitur suum esse est infinitum, vt ostensum est, ita suum intelligere est infinitum. Sicut autem se habet finitum ad finitum, ita se habet infinitum ad infinitum: si igitur secundum intelligere nostrum quod finitum est, finita capere possumus, & Deus secundum suum intelligere infinitum, infinita capere potest.

Præterea, Intellectus cognoscens maximum intelligibile, non minus cognoscit minora, sed magis, vt patet per Philo. in 3. de Anima: quod ex hoc prouenit, quia intellectus non corrumpitur ex excellenti intelligibili, sicut sensus, sed magis perficitur. Sed si accipiantur infinita entia, siue sint eiusdem speciei, vt infiniti homines: siue infinitarum specierum, etiam si aliqua vel omnia essent infinita secundum quantitatem, si hoc esset possibile, vniuersum eorum esset minoris infinitatis quam Deus. Nam quodlibet eorum & omnia simul haberent esse receptum & limitatum ad aliquam speciem vel genus: & sic secundum aliquod esset finitum, vnde deficeret ab infinitate Dei: qui est infinitus simpliciter, vt supra ostensum est. Cum igitur Deus perfecte seipsum cognoscat, nihil prohibet eum etiam illam summam infinitorum cognoscere.

Adhuc, Quantum aliquis intellectus est efficax & lympidior in cognoscendo, tanto ex vno potest plura cognoscere: sicut omnis virtus quantum est fortior, tanto est magis vnitatis. Intellectus autem diuinus secundum efficaciam siue perfectionem est infinitus, vt supra ostensum est: potest ergo per vnum quod est sua essentia, infinita cognoscere.

Præterea, Intellectus diuinus est perfectus simpliciter, sicut & eius essentia, nulla igitur perfectio intelligibilis ei deest: sed id ad quod est in potentia intellectus noster, est eius perfectio intelligibilis. Est autem in potentia ad omnes species intelligibiles, species autem huiusmodi sunt infinite: nam etiam numerorum species infinitæ sunt & figurarum. Relinquitur igitur, quod Deus omnia infinita huiusmodi cognoscat.

Itē, Cum intellectus noster sit cognoscituius infinitorum in potentia (potest enim in infinitum species numerorum multiplicare) si intellectus diuinus non cognosceret infinita etiam actu, sequeretur quod vel plurimum esset cognoscituius intellectus humanus quam diuinus, vel quod intellectus diuinus non cognosceret omnia actu, quorum est cognoscituius in potentia: quorum vtrumque est impossibile, vt ex supradictis patet.

Adhuc, Infinitum cognitioni repugnat, inquantum repugnat numerationi: nam partes infiniti numerari, secundum se impossibile est, quasi contradictionem implicans: cognoscere autem aliquid per numerationem suarum partium, est intellectus successiue cognoscentis partē, post partē, non autem intellectus simul diuersas partes apprehedentis. Cum igitur diuinus intellectus absque successione cognoscat omnia simul, non magis impeditur cognoscere infinita quam finita.

Amplius, Omnis quantitas in quadam multiplicatione partium consistit: & propter hoc numerus est prima quantitas.

† Idem. P. p. q. 24. artic. 12. & 1. Sen. dist. 39. q. 1. ar. 3. & ar. 4. & artic. 9.

† Cap. 67.

† Cap. 43.

† Cap. 43.

† Cap. 43.

† Cap. 43.

† Cap. 55.



tatum. Vbi ergo pluralitas nullam differentiam operatur, ibi nec aliquid quod quantitatem consequitur, aliquam differentiam facit. In cognitione autem Dei plura hoc modo cognoscuntur, ut vnum: cum non per diuersas species, sed per vnā speciem, quæ est Dei essentia, cognoscantur. Vnde & simul multa cognoscuntur à Deo, & ita in Dei cognitione nullam differentiam pluralitas facit: ergo nec infinitum, quod quantitatem consequitur. Nihil ergo differt ad intellectum diuinum infinitorum & finitorum cognitio: & sic cum cognoscat finita, nihil prohibet etiam eum cognoscere infinita. Hæc autem consonat, quod in Psal. 146. dicitur, Et sapientiæ eius non est numerus.

Pater etiam ex prædictis, quare intellectus noster infinitum non cognoscit, sicut intellectus diuinus. Differt autem intellectus noster ab intellectu diuino, quantum ad quatuor, quæ hanc differentiam faciunt.

Primum est, quod intellectus noster simpliciter finitus est, diuinus autem infinitus.

Secundum est, quod cum intellectus noster diuersa per diuersas species cognoscat, non potest in infinita secundum vnā cognitionem, sicut intellectus diuinus.

Tertium est, ex hoc proveniens, quia intellectus noster quia per diuersas species diuersa cognoscit, non potest simul multa cognoscere: & ita infinita cognoscere non posset nisi successiue ea numerando, quod non est in intellectu diuino, qui simul multa intuetur, quasi per vnā speciem visā.

Quartum est, quod intellectus diuinus est eorum quæ sunt, & eorum quæ non sunt, ut ostensum est.

Pater etiam quomodo verbum Philosophi, quo dicit, quod infinitum secundum quod infinitum, est ignotum, præsentī sententiæ non obuiat, quia quum infiniti ratio quantitati competat, ut ipse dicit, infinitum ut infinitum cognosceretur, si per mensurationem suarum partium notum esset.

Hæc enim est propria cognitio quantitatis: sic autem Deus non cognoscit, vnde (ut ita dicatur) non cognoscit infinitum secundum quod est infinitum, sed secundum quod ad suam scientiam se habet ac si esset finitum, ut ostensum est. Sciendum est tamen, quod Deus infinita non cognoscit scientia visionis (ut verbis aliorum vtatur) quia infinita non sunt actu, nec fuerunt, nec erunt: cum generatio ex neutra parte sit infinita secundum fidem catholicam: scit tamen infinita scientia simplicis intelligentiæ: prout scit etiam quæ non sunt, scit enim Deus infinita quæ nec sunt, nec erunt, nec fuerunt, quæ tamen sunt in potentia creature.

Et scit etiā infinita, quæ sunt in potentia sua, quæ nec sunt, nec erunt, nec fuerunt.

Vnde, quantum ad questionem de cognitione singularium pertinet, responderi potest per interemptionem maioris, non enim singularia sunt infinita: si tamen essent, nihilominus Deus ea cognosceret.

Super cap. 69.

**Q**uinta conclusio quintæ respondens obiectioni est, Deus cognoscit infinita. Circa quam quatuor facit S. Th. Primò, ipsam probat: secundò, ostendit differentiam intellectus diuini & humani respectu infinitorum: tertio, respondet fundamento obiectionis: quarto, ostendit cui scientiæ diuinæ infinitorum cognitio tribuitur. Quantum ad primum arguitur primò sic. Infinitorum Deus est causa, si infinita sint entia, cum sit causa omnium eorum quæ sunt, ergo est infinitorum cognoscituius, quia cognoscendo se esse causam rerum, alia à se cognoscit. Probatur ista ratio, quod si cognoscituius infinitorum, non absolute, sed sub conditione, si scilicet sunt infinita. Secundò, Virtus diuina ad infinita se extendit, quum sit infinita, ergo, &c. Probatur consequentia, quia non cognoscitur perfectè virtus, nisi cognoscantur omnia in quæ potest, cum secundum ea quantitas virtutis quodammodo attingatur, Deus autem suam virtutē perfectè cognoscit.

ADVERTE, quod ideo dicit S. Th. quantitatem virtutis quodammodo attendi secundum obiecta, non autem quod secundum ea simpliciter attendatur, quia, ut dicitur P. p. q. 42. a. 1. ad primum, quantitas virtutis primò quidem attenditur in radice, in ipsa scilicet perfectione forme vel nature: & sic dicitur magnitudo spiritualis, quomodo dicitur magnus calor propter suam perfectionem. In effectibus autem forme attenditur secundariò, scilicet secundum compositionem. Et quia (ut dicitur 2. Sent. dist. 17. q. 2. a. 1.) iusto paratione virtutis ad obiecta. Et quia (ut dicitur 2. Sent. dist. 17. q. 2. a. 1.) iusto modo dicitur virtus habere quantitatem ex ordine ad extrinsecum, non quia in se diuisionem aliquam habeat: ideo non attenditur simpliciter quantitas in virtutis secundum obiecta, sed tantum secundum quid, simpliciter autem attenditur secundum perfectionem. Tertio, In rebus naturalibus est infinitum in potentia, ut dicitur 3. Phys. ergo Deus cognoscit infinita. Pater consequentia, quia Dei cognitio ad omnia se extendit quæ qualitercunque sunt, siue actu, siue potentia. Confirmatur per exemplum de vnitatis, si cognosceretur quicquid est in ipsa, in potentia, quia est potentia omnis numerus.

ADVERTE, quod ideo vnitatis est potentia omnis numerus, quia est in potentia ad infinitas additiones numerorum, ex quibus infinitæ numerorum species resultant: potest enim vnitati addi vnitas, & sic resultat binarius: potest addi binarius, & sic resultat ternarius, & sic in infinitum: & ideo vnitatis, quæ fundamentum ponitur omnium numerorum, secundum eorum ordinem pro-

cessum est potentia omnis numerus. Propter hoc si quis cognosceret quicquid in ipsa potentialiter continetur, cognosceret infinitas species numerorum: eodem modo, si Deus cognosceret quicquid est in potentia vnitatis, cognosceret infinita: & si cognosceret quicquid est in potentia continui potentialiter continens infinitas partes, & infinitas diuisiones, infinita cognosceret. Quarta, A Deo infinita exemplari possunt, habetia infinitas perfectiones: quia nec vnum eorum nec plura exemplata perfectione ipsius adquare possunt, cum sit infinita perfectionis, ergo, &c. Pater consequentia, quia per essentiam suam tantum medio exemplari alia cognoscit. Rectè intelligendum est à Deo infinita exemplari posse, sic videlicet, quod quacunque perfectione producta, potest alia produci, & illa producta, alia, & sic in infinitum non autem quia possint simul esse actu infinitæ perfectiones à Deo productæ. Propter hoc addit quod semper remanet nouus modus, quo aliquid exemplati ipsum imitari potest.

Quinto, Intelligere Dei est infinitum, sicut iussu est, ergo, &c. Probatur consequentia, quia sicut finitum ad finitum, ita infinitum ad infinitum. Intelligere autem nostrum finitum, finita capere potest, ergo intelligere Dei infinitum, infinita.

SED videtur ista comparatio non valere, quia non repugnat finito, ut totum accipiat, repugnat autem infinito totum capi: quum infinitum sit cuius quantitate accipientibus, semper remanet aliquid accipiendum.

Respondetur, quod repugnat infinito secundum se totum capi ab intellectu, si successiue accipiat: & sic intelligitur quod remanet semper aliquid accipiendum. Procedens enim successiue in cognitione infiniti, nunquam provenit ad cognitionem totius, sed semper remanet aliquid accipiendum. Non autem repugnat infinito totum comprehendere per intellectum infinitum simul, ita scilicet quod nihil ipsius remaneat intelligendum, aut sit extra intellectum infinitum.

Sextò, Deus perfectè cognoscit seipsum, ergo, &c. Probatur consequentia, quia intelligens maximum intelligibile, non minus cognoscit minora, sed magis, ut dicitur 3. de Anima: infinita autem entia quomodoconque sint infinita, essent minoris infinitatis quam Deus, & secundum aliquid essent finita, quia haberent esse receptum. Ergo si Deus intelligit se, potest etiam omnia infinita cognoscere.

ADVERTE, quod vnum infinitum simpliciter maius esse non potest alio infinito simpliciter, sed bene infinitum simpliciter, est maius infinito secundum quod: sicut si esset corpus secundum omnem dimensionem infinitum, esset maius corpore infinito secundum longitudinem tantum. Ideo cum Deus sit simpliciter infinitus, omnia autem creata quantumcumque ponantur infinita, sunt infinita secundum quid propter limitationem eorum ad certum genus aut speciem, inquit Ian. Tho. q. sunt minoris infinitatis, quam Deus. Septimò, Intellectus diuinus secundum efficaciam, siue perfectionem est infinitus, ergo per vnum, quod est essentia sua, potest infinita cognoscere. Probatur consequentia, quia quanto intellectus est efficacior & lympdior in cognoscendo, tanto ex vno potest plura cognoscere, sicut omnis virtus quanto est fortior, tanto est magis infinita. Octauò, Nulla perfectio intelligibilis diuino intellectui deest, quum sit simpliciter perfectus, sicut essentia: sed id ad quod intellectus noster est in potentia, est eius perfectio intelligibilis. Est autem in potentia ad infinitas species intelligibiles, cum & numerorum, & figurarum species sint infinitæ, ergo, &c. Confirmatur, quia alioquin intellectus noster esset plarium cognoscituius, quam intellectus diuinus, vel intellectus diuinus non cognosceret omnia actu quorum est cognoscituius in potentia. Probatur consequentia, quia Intellectus noster potest in infinitum species numerorum multiplicare: ergo si illas infinitas species non potest cognoscere Deus, plura cognoscere poterit intellectus noster quam intellectus diuinus. Si autem cognoscere potest, sed non actu cognoscit, ergo non cognoscit omnia simul, quorum est cognoscituius.

ADVERTE primò, quod quia species intelligibilis ad quam intellectus noster est in potentia, est intelligibilis perfectio intellectus: ideo oportet ut omnes species intellectus nostri ad quas est in potentia, sint in intellectu diuino, secundum tamen modum intellectus diuini, non autem secundum modum intellectus nostri. Et quia secundum species infinitas ad quas intellectus noster est in potentia, nata sunt intelligi infinita, ideo potest Deus per illas in ipso existentes intelligere infinita.

ADVERTE secundò, quod intellectus noster dicitur esse in potentia ad infinitas species intelligibiles, non quia possit simul informati infinitis speciebus intelligibilibus (hoc enim repugnat infinito, ut scilicet sit in actu) sed quia quocunque species habeat, adhuc alias potest recipere in infinitum, si daret in infinitum, & cognoscat per acceptionem speciei eodem modo intelligendum est quod potest in infinitum species numerorum multiplicare. Vnde potestitas intellectus est infinita aliquo modo in potentia, non potentia reducibili totaliter in actum perfectum, sed educibili in actum permixtum potentie, ut dicitur de infinitate numerorum, & diuisionis continui.

Nonò, Diuinus intellectus cognoscit omnia simul, ergo, &c. Probatur consequentia, quia infinitum non repugnat cognitioni, nisi in quantum repugnat numerationi qua successiue cognoscitur: sic enim eius cognitio copleri non potest, nec eius numeratio, sed bene potest ab aliquo intellectu totaliter cognosci. Decimò, Pluralitas nullam differentiam in Dei cognitione facit, ergo nec infinitas, ergo nihil differt ad intellectum diuinum finitorum vel infinitorum cognitio: ergo quum finita cognoscat, nihil prohibet ut etiam infinita cognoscat. Antecedens patet, quia plura simul cognoscuntur à Deo. Consequentia verò probatur, quia cum omnis quantitas in quadam multiplicatione partium consistat: ex quo numerus habet ut sit prima quantitas, si pluralitas nullam facit differentiam, nec etiam quod quantitatem consequitur, qualis est infinitas, aliquam faciet differentiam.

ADVERTE, quod, ut dicitur super Boetium Trinit. quæst. 4. artic. 2. ad sextum, formaliter quidem quantitas discreta est prior quantitate continua, sed materialiter quantitas continua est prior discreta, cum numerus cause ex diuisione continui: & ideo quum inquit sanctus Thomas, quod numerus est prima quantitas, intelligendum est de primitate formali, & perfectionali: ut patet ex principiis quantitatis discretæ & continuæ. Vnitatis enim simplicior est & abstractior, ac per hoc perfectior puncto, quod supra indiuisibilitatem addit positionem in continuo. Patet etiam quod, ut innuit hoc loco sanctus Thomas, id vnde sumitur ratio quantitatis, scilicet multiplicitas partium, perfectius conuenit numero, quam aliis quantitatibus: imò non videtur continuò conuenire, nisi ratione numeri in continuo potentialiter inclusi.

OCCVRRIT autem dubium circa hanc rationem, Quamuis enim aliquid alteri non repugnet ratione alicuius communis, potest tamen

Quantitas discreta est prior formaliter quantitate continua.

Quomodo si Deus potest plura simul finita cognoscere, potest etiam cognoscere infinita.

Abi

Author. sacre scripturæ.

Quadruplex differentia inter intellectum diuinum & nostrum.

Responsio ad dictum Philosophi, quod videtur contrarium, sed non est.

Responsio ad rationem contra istam opinionem.

Vnde attenditur quantitas virtutis.



sibi repugnare ratione propriæ naturæ: sicut diuidi in partes æquales, non repugnat numero impari ratione quantitatis aut numeri, repugnat tamen sibi inquantum est numerus impar. Ita diceret aliquis quod licet infinitis non repugnet cognosci ratione pluralitatis, repugnat tamen sibi ratione infinitatis, & sic licet pluralitas non faciat differentiam in diuina cognitione, poterit tamen infinitas differentiam facere, ut scilicet possit Deus finita cognoscere, non autem infinita, & multum differt Deum cognoscere finita, & ipsum cognoscere infinita.

Respondetur, quod ubi est eadem ratio repugnantie prioris & posterioris, si ab aliquo remouetur ratio repugnantie prioris, nec etiam posterior repugnabit. Propter hoc inquit Philosophus 4. Physic. quod si duo corpora possent esse in eodem loco, etiam infinita possent esse, cum ergo eadem sit ratio in intellectu nostro quare plura non possit simul intelligere, & quare non possit intelligere infinita, quia videlicet per plures species illa intelligeret, non potest autem simul pluribus speciebus vi, si ab aliquo intellectu remouetur, quod ea quæ intelligit, per plures species cognoscatur: sicut poterit plura per vnam speciem simul intelligere, ita & infinita quantum est ex parte intellectus cognoscens, & ita cum pluralitas intelligibilium nullam faciat differentiam in cognitione diuina, eo quod quicquid intelligit per suam essentiam simul intelligat, nec etiam infinitas differentiam faciet, quantum est ex parte intellectus diuini: quod intendit sanctus Thomas per istam rationem concludere, sicut enim plura per suam essentiam simul cognoscit, ita per eandem infinita potest cognoscere simul: cui si addatur, quod in precedenti ratione sumptum est, scilicet quod infinito non repugnat cognosci, nisi inquantum successiue cognoscitur, relinquitur nullam repugnantiam esse, quin intellectus diuinus infinita cognoscat, neque, inquam, ex parte intellectus, neque ex parte cognoscibilis. Unde ista ratio est prioris rationis confirmatio. Confirmatur & autoritate Psalmistæ, ubi dicitur, Sapientie eius non est numerus.

Quantum ad secundum, dedit sanctus Thomas ex prædictis differentiam inter intellectum diuinum & nostrum in cognitione infiniti: & ponit quadruplicem differentiam, quæ huius diuersitatis est causa. Prima est, quia intellectus noster simpliciter est finitus. Secunda est, quia intellectus noster cum diuersa per diuersas species cognoscat, non potest infinita per vnam cognitionem cognoscere, sed bene intellectus diuinus. Tertia est ex precedenti sequens, quia intellectus noster non potest simul multa cognoscere, & ita non potest infinita cognoscere nisi successiue ea numerando, intellectus autem diuinus multa simul intuetur, quasi per vnam speciem visa. Quarta est, quia intellectus diuinus est eorum quæ sunt, & eorum quæ non sunt, non autem intellectus noster.

**ADVERTENDVM**, quod prima differentia, quia scilicet intellectus noster est finitus, intellectus autem diuinus infinitus, per se sumpta non est causa diuersitatis respectu cognitionis infinitorum, sed cum aliis: quia secundum doctrinam sancti Thomæ, anima Christi cognoscit infinita in verbo, & tamen intellectus eius est finitus. Vel etiam dicendum, quod quia intellectus noster est finitus, ideo non potest cognoscere simpliciter infinitum: neque etiam anima Christi, ut dicitur 1. Sententiarum, sed tantum infinitum secundum quid, quando per aliquid vnum anima cognoscit, sicut anima Christi per verbum. Intellectus autem diuinus, qui est infinitus, potest simpliciter infinita cognoscere.

Quantum ad tertium, respondetur obiectioni, & quia fundatur obiectio super autoritate Philosophi dicentis, quod infinitum, inquantum infinitum, est ignotum, dicitur quod est ignotum si per mensurationem suarum partium cognoscere ipsum aliquis veller, quod esset cognoscere infinitum, inquantum infinitum, non autem sic ipsum Deus cognoscit, sed totum simul. Unde non cognoscit (ut ita dicatur) infinitum secundum quod est infinitum, sed ut ad suam scientiam se habet ac si esset finitum.

**ADVERTE**, Primo ex doctrina sancti Thomæ Prima parte, quæst. 14. art. 12. ad primum, cum de ratione quantitatis sit ordo partium, & infinitum sequatur quantitatem, cognoscere infinitum per modum infiniti, est cognoscere ipsum numerando partem post partem: & ideo inquit sanctus Thomas hic, quod hæc est propria ratio quantitatis, ut scilicet per numerationem suarum partium cognoscatur, & quia nunquam compleri posset numeratio infiniti, ideo infinitum, inquantum infinitum, est ignotum.

Aduertendum secundum, quod ideo dixit sanctus Thomas Deum non cognoscere infinitum inquantum infinitum: addito (ut ita dicatur) quia, ut dicitur Verit. quæstione secunda, ad septimum, de ipso Deo: si fiat vis in verbo, Infinitum, nulli est finitum: sed pro tanto potest aliquo modo dici finitum comparatum ad diuinam cognitionem, quia ita perfecte ab ipsa cognoscitur, sicut finitum ab intellectu finito, & quia non cognoscitur successiue, sed simul sicut finitum.

**CONSIDERANDVM** postremo, quod quum dicimus Deum infinitam multitudinem perfecte cognoscere, non est sic intelligendum, quasi ad aliquod vltimum eius cognitio pertingeret: repugnat enim infinito ea parte qua est infinitum, habere vltimum, sed quia nulla pars illius latet eius cognitionem: & sicut quacunque data parte infiniti, adhuc vltior datur in infinitum, ita quacunque visa, videt Deus vltiorem: & cum nulla remaneat sibi incognita, videt tamen nullam esse vltimam: & hoc est ipsum infinitum perfecte cognosci à Deo.

Quantum ad quartum, cum duplicem ponamus in Deo scientiam, scilicet visionis, & simplicis intelligentie, inquit sanctus Thomas. Deum cognoscere infinita, scientia simplicis intelligentie: quia cognoscit ea quæ sunt in potentia sua, & creatura, quæ sunt infinita: non autem scientia visionis. Quia ea quæ aliquando sunt actus, non sunt infinita: ex quo sequitur maiorem rationis, qua sic arguebatur, Singularia sunt infinita, sed infiniti est ignotum: ergo non cognoscit singularia, est falsum: non sunt enim singularia infinita. Cum generatio secundum fidem ex neutra parte sit infinita.

**SED** occurrit dubium, quia sanctus Thomas videtur sibi ipsi contradicere. Nam in quæst. de Verit. quæst. 20. artic. 4. ad primum. & P. p. quæst. 14. artic. 14. tenet, quod non solum potest absolute loquendo, Deus cognoscere infinita scientia visionis, sed etiam nunc de facto cognoscit: quia cognoscit infinitas cogitationes damnatorum, si animæ damnatorum perpetue sunt, & habent volubiles cogitationes: cuius oppositum hic dicitur.

Respondetur, quod hoc loco loquitur de naturis subsistentibus: quia argumentum supposebat singularia subsistentia esse infinita. De istis enim non est verum, quod scientia visionis infinita cognoscat, quia Deus non produ-

ducat infinita subsistentia. In quæstionibus autem de Verit. & in P. p. loquitur absolute, ut etiam scientia visionis ad accidentia & non per se subsistentia extenditur. sic enim infinita scientia visionis cognoscit, sicut infinitas partes continui, & infinitas cogitationes damnatorum.

## Quod Deus cognoscit vilia.

Cap. 70



OC autem habito, ostendendum est, quod Deus cognoscit vilia, & quod hoc nobilitati scientiæ, eius non repugnat, sed attestatur. † Idem. P. p. 4. 12. ar. 3. ad 5.

Quantum enim aliqua virtus actiua est fortior tanto in remotiora suam actionem extendit, ut etiam in sensibilibus actionibus apparet: vis autem diuini intellectus in cognoscendo res similatur virtuti actiue. Intellectus enim diuinus non recipiendo à rebus cognoscit, sed magis per hoc quod eis insuit: cum igitur sit infinita virtutis in intelligendo, ut ex supradictis patet, oportet quod eius cognitio usque ad remotissima extendatur. Sed gradus nobilitatis & vilitatis in omnibus entibus attenditur secundum propinquitatem & distantiam à Deo, qui est infinite nobilitatis: ergo quantumcunque vilissima in entibus Deus propter maximam virtutem sui intellectus cognoscit.

Præterea, Omne quod in eo quod est, vel quale quid est, actu est: & similitudo primi actus est, & ex hoc nobilitatem habet, quia etiam quod potentia est, ex ordine ad actum nobilitatis est particeps, sic enim esse dicitur. Relinquitur igitur quod vnumquodque in se consideratum nobile est, sed vile dicitur respectu nobilioris: à Deo autem distant nobilissima aliarum rerum non minus quam vltima rerum creaturarum distent à supremis. Si igitur hæc distantia impediret diuinam cognitionem, multo magis impediret illa: & sic sequeretur quod nihil Deus cognosceret aliud à se, quod supra iam probatum est. Si igitur aliquid aliud à se cognosceret quantumcunque nobilissimum, pari ratione cognosceret quodlibet quantumcunque dicatur vilissimum.

Amplius, Bonum ordinis Vniuersi nobilissimum est qualibet parte Vniuersi, cum partes singule ordinentur ad bonum ordinis, qui est in toto sicut ad finem, ut per Philosophum patet in vndecimo Metaphysicæ. Si igitur Deus cognosceret aliquam aliam naturam nobilem maxime cognosceret ordinem Vniuersi: hoc autem cognosci non potest nisi cognoscantur nobiliora & viliora, in quorum distantis & habitudinibus ordo Vniuersi consistit. Relinquitur igitur, quod Deus cognoscit non solum nobilia, sed etiam quæ vilia reputantur.

Adhuc, Vilitas cognitorum in cognoscentem non redundat per se: hoc est enim de ratione cognitionis, ut cognoscentem contineat species cogniti secundum modum suum. Per accidens autem potest redundare in cognoscentem vilitas cognitorum: vel eo quod dum vilia considerat, à nobilioribus abstrahitur cogitandis. vel eo quod ex consideratione vilium in aliquas indebitas affectiones inclinatur, quod quidem in Deo esse non potest, ut ex dictis patet. Non igitur derogat diuine nobilitati vilium rerum cognitio: sed magis pertinet ad diuinam perfectionem, secundum quod omnia in seipsa habet, ut supra ostensum est.

Adhuc, Virtus aliqua non iudicatur parua, quæ in parua potest, sed quæ ad parua determinatur: nam virtus quæ in magna potest, etiam in parua potest. Cognitio ergo quæ simul potest in nobilia & vilia, non est iudicanda vilis: sed illa quæ in vilia tantum potest: sicut in nobis accidit. Nam alia consideratione consideramus diuina & humana: & alia scientia est vtriusque. Unde compositione nobilioris inferior vilior reputatur, in Deo autem non est sic: nam eadem scientia & consideratione seipsum & omnia alia considerat: non igitur eius scientiæ aliqua vilitas ascribitur ex hoc quod quæcunque vilia cognoscit.

Huic autem consonat quod dicitur Sapient. 7. de diuina sapientia, quod attingit vbique propter suam munditiam: & nihil inquinatum incurrat in illam.

Patet etiam ex prædictis, quod ratio quæ in oppositum obiciebatur, ostensæ veritati non repugnat: nobilitas enim scientiæ attenditur secundum ea, ad quæ principaliter ordinatur scientia, & non ad omnia quæcunque in scientia cadunt. Sub nobilissima enim scientia apud nos cadunt non solum suprema in entibus, sed etiam infima: nam Philosophia prima considerationem suam extendit à primo ente ad ens in potentia, quod est vltimum in entibus. Sic autem sub diuina scientia comprehenduntur infima entium, quasi cum principali cognito simul nota: diuina enim essentia est principale à Deo cognitum, in quo omnia alia cognoscuntur, ut supra ostensum est.

† Idem. P. p. 4. 12. ar. 3. ad 5.

† Cap. 3.

† Vel 12. text. com. 56.

† Cap. 54.

Auth. sac. Scripturæ.

Responsio ad rationem contrariæ opinionis.

p. ar. 1.

Quid est cognoscere infinitum per modum infiniti.

Quomodo infiniti à Deo perfecte cognoscitur.

Deus quomodo cognoscit infinita scientia visionis.







sequitur quòd intellectui nostro competat aliquo modo cognoscere priuationem, inquantum est natus esse in potentia. Licet etiam dici possit, quòd ex ipsa cognitione actus sequitur cognitio potentiae & priuationis, intellectus autem diuinus, qui nullo modo est in potentia, non cognoscit modo prædicto priuationem, nec aliquid aliud. Nam si cognosceret aliquid per speciem quæ non est ipse, sequeretur de necessitate quòd proportio eius ad illam speciem esset sicut proportio potentiae ad actum. Vnde oportet quòd ipse intelligat solum per speciem, quæ est sua essentia, & per consequens quòd intelligat se tantum sicut primum intellectum. & tamen intelligendo se, cognoscit alia, sicut suprà ostensum est: non solum autem actus, sed potentias & priuationes. Et hic est sensus verborum quem Philosophus ponit in tertio de Anima dicens, Aut quomodo malum cognoscit, aut nigrum: contraria enim quodammodo cognoscit, oportet autem potetiam esse cognoscens, & esse in ipso: si vero, cui non inest contrarium, scilicet in potentia, seipsum cognoscit, & actu est, & separabile.

†Cap. 46.

†Tex. com. 53.

Impugnatio  
Auer. in cō. 25.  
de Anima.

Neque oportet sequi expositionem Auerrois, qui vult quòd ex hoc sequatur quòd intellectus qui est tantum in actu, nullo modo cognoscat priuationem: sed sensus est quòd non cognoscat priuationem, per hoc quòd est in potentia ad aliquid aliud: sed per hoc quòd cognoscit seipsum, & est semper actu.

Rursus sciendum, quòd si Deus hoc modo seipsum cognosceret, quòd cognoscendo se, non cognosceret alia entia quæ sunt particularia bona, & nullo modo cognosceret priuationem aut malum, quia bono, quod est ipse, non est aliqua priuatio opposita: cum priuatio & suum oppositum sint nata esse circa idem: & sic ei quod est actus purus, nulla priuatio opponitur, & per consequens nec malum. Vnde posito quòd Deus se solum cognoscat, cognoscendo bonum quod est ipse non cognosceret malum: sed quia cognoscendo se cognoscit etiam entia in quibus nata sunt esse priuationes, necesse est ut cognoscat priuationes oppositas, & mala opposita particularibus bonis.

Sciendum etiam quòd sicut Deus absque discursu intellectus cognoscendo se cognoscit alia, ut suprà ostensum est, ita non oportet quòd eius cognitio sit discursiua, si per bona cognoscit mala: nam bonum est quasi ratio cognitionis mali, cum malum nihil sit aliud quam priuatio boni: unde cognoscuntur mala per bona, sicut res per suas diffinitiones, non sicut conclusiones per principia. Nec etiam ad imperfectionem diuine cognitionis cedit, si mala per priuationem bonorum cognoscit: quia malum non dicitur esse, nisi inquantum est priuatio boni: unde secundum hunc solum modum est cognoscibile, nam vnumquodque quantum habet de esse, tantum habet de cognoscibilitate.

## Super cap. 71.



Optima conclusio respondens septimæ objectioni, est, Deus cognoscit mala. Circa quam tria facit sanctus Thomas. Primo ipsam probat: secundo eam declarat: tertio remouet quedam dubia. Quantum ad primum arguitur primo, Deus cognoscit omnia particularia bona, quibus mala opponuntur, ergo, &c. Patet consequentia, quia cognito bono malum oppositum cognoscitur, ut inferius declarabitur.

Secundo, In Deo est ratio qua malum cognoscitur, ergo, &c. Probatur antecedens, Ratio qua cognoscitur malum, non repugnat bono, imò magis ad rationem boni pertinet, inquantum scilicet ipsa ratio bonum quoddam est, cum contrariorum rationes in anima non sint contrarie, alioquin non simul essent in anima, nec simul cognoscerentur. Sed in Deo propter suam absolutam perfectionem inueniuntur omnes rationes bonitatis, ergo, &c.

A D V E R T E circa illam propositionem implicite dictam, Rationes contrariorum simul cognoscuntur ab anima, quòd hic intelligendum est, non ut distinctæ omnino sunt, cum, ut superius ostensum est, intellectus noster non possit plura simul intelligere, ut plura sunt, sed ut conueniunt in vna intentione contrarietatis. Intellectus enim intelligens album & nigrum esse contraria, simul, ut sic, intelligit album & nigrum.

C I R C A illam propositionem, In Deo est ratio qua malum cognoscitur, dubitatur: quia sanctus Thomas tenet Veri. quæst. 3. artic. 4. quòd mali non potest concipi aliqua forma nec in intellectu, nec in imaginatione, ergo in Deo non est ratio qua malum cognoscitur. Dicitur quòd nec in intellectu nostro, nec in intellectu diuino est ratio mali omnino distincta à ratione boni: sed bene potest esse ratio quæ boni rationem aliquo modo includat: ideo nulla est contradictio: quomodo autem hoc sit, inferius ostendetur.

Tertio, Intellectui diuino non potest deesse aliqua intellectualium perfectionum, sed bonum intellectus etiam in cognitione mali consistit, ergo, &c. Probatur minor, Verum est bonum intellectus: sed non solum verum est bonum esse bonum, sed etiam malum esse malum, ergo, &c.

A D V E R T E, quòd (ut superius dictum est) intellectus tunc est verus, quando quod concipit de re, illi conuenit: tunc enim rei est adæquatus, cum autem de malo concipit quòd sit malum tunc conuenit malo id quòd intellectus de ipso concepit. Ideo sic intelligendo est verus: & hoc est quòd inquit sanctus Thomas, quoniam verum est malum esse malum, quia videlicet intellectus dicens malum conuenire malo, verum dicit.

Quarto, Deus cognoscit negationem, ergo priuationem, ergo malum. Probatur antecedens, Cognoscit rerum distinctionem, ergo negationem, quia in ratione distinctionis est negatio. Vnde & prima quæ seipsum distinguunt, mutuo negationem includunt, ratione cuius dicuntur immediate negatiue propositiones in eis. Patet etiam prima consequentia, quia priuatio est negatio quædam. Secunda etiam patet, quia malum est priuatio quædam.

A D V E R T E cum dicitur, Prima quæ distinguunt, mutuo negationem includere, quòd non est hoc formaliter intelligendum: non enim de ratione substantiæ est negatio quantitatis, sed materialiter tantum & fundamentaliter ex propria ratione, quòd in multis aliis non conuenit. Licet enim homo non sit lapis, fundamentum tamen primum huius negationis, Est homo, non inquantum sensibilis, propter hoc non est immediata propositio, Homo non est lapis: sed negatio substantiæ à quantitate fundatur in propria ratione substantiæ, ut substantia est: ideo secundum se fundamentaliter negationem à quantitate includit.

Quinto, Deus cognoscit contraria, cum omnes rerum species cognoscat, quarum quædam sunt contrarie: & differentie etiam generum contrarie sunt, ergo, &c. Patet consequentia: quia in contrariis includitur oppositio priuationis, & habitus, ut dicitur 10. Metaphysicæ, text. 13.

Sexto, Cognoscit materiam, ergo ea ad quæ se materia extendit, ergo priuationem, ergo malum. Probatur prima consequentia, quia cum sit potentia, non potest perfecte cognosci nisi cognoscatur ad quæ eius potentia se extendit. Secunda verò patet, quia se extendit eius potentia ad formam & priuationem, cum id quòd potest esse, per materiam scilicet transmutationem possit etiam non esse.

Septimo, Cognoscit ordinem vniuersi, ergo nocumenta quæ possent ex quibusdam aliis provenire, ergo malum. Probatur antecedens, quia si cognoscit aliud à se, maxime cognoscit quòd est optimum, qualis est ordo vniuersi, ad quem sicut ad finem particularia bona ordinantur. Consequentia verò patet, quia quædam sunt in vniuerso ad remouendum talia nocumenta, ut patet in iis quæ dantur animalibus ad defensionem, ut cornua, & huiusmodi.

Octauo, Non vituperatur malorum cognitio per se, scilicet ratione iudicii de malis: sed per accidens ratione inclinationis ad malum ex tali consideratione sequentis. Sed hoc in Deo non est, cum sit immutabilis, ergo, &c. Confirmatur autoritate Sapient. 7. Proverb. 15. Psalm. & Job 11.

Quantum ad secundum, primo declarat sanctus Thomas differentiam intellectus nostri & diuini in cognitione priuationis & mali. Secundo, ostendit quid sit quòd impedit cognitionem diuinam de malis. Quantum ad primum dicit quòd dupliciter intellectus noster cognoscere potest priuationem. Primo, inquantum cognoscit singula per singulas species, & aliquando est in potentia ad speciem: & sic sicut actum cognoscit per actum quem in se habet, hoc est per speciem intelligibilem: ita potentiam cognoscit per potentiam, inquantum scilicet aliquando est in potentia ad speciem intelligibilem, & per consequens cognoscit priuationem, cum potentia sit de ratione priuationis. Secundo, inquantum ex cognitione actus cognoscit & potentiam, & priuationem. Intellectus autem diuinus non intelligit per speciem quæ sit ipse, sed per suam essentiam: & ideo non intelligit per potentiam & priuationem in se existentem: sed intelligendo essentiam suam, intelligit priuationem: quia intelligendo se tanquam primum intellectum, intelligit alia, non solum actus, sed etiam potentias & priuationes. Ad hunc sensum, ut inquit sanctus Thomas, intelligenda sunt verba Aristot., de Anima, text. 25. scilicet quòd intellectus qui est tantum in actu, non cognoscit priuationem per hoc quòd est in potentia ad aliquid aliud: sed per hoc quòd intelligit seipsum, & est semper in actu, non autem quòd nullo modo cognoscat priuationem: ut male interpretatus est Auerrois.

C I R C A primum modum quo intellectus noster cognoscit priuationem per potentiam, scilicet in ipso existentem cognoscendo potentiam & priuationem, considerandum quòd intellectum cognoscere potentiam per potentiam dupliciter potest intelligi. Vno modo, ut potentialitas intellectus quæ nominat carentiam formæ, cum habilitate ad illam sit principium elicitorum intellectus, & cognitionis potentia, sicut per actum, id est, per speciem, intelligit id quòd est in actu, id est, illud quòd naturam quandam posituam dicit: & hic modus est impossibilis, solus enim actus est principium actionis, non autem potentia aut priuatio. Alio modo, ut cognoscendo ad propriam potentialitatem & priuationem, cognoscat etiam potentiam & priuationem extrinsecam, sed & hoc dupliciter intelligere possumus, scilicet aut quòd cognoscat propriam potentiam & priuationem atque in formam specie intelligibili, ad quam est in potentia: aut postquam est informatus specie. Primo modo, non videtur possibile: quia cum intellectus intelligat se sicut & alia, si alia non intelligit atque in formam specie informatæ, ita neque se. neque suam potentialitatem ante speciem potest intelligere. Ideo secundus modus est accipiendus: propter quod non dixit Philosophus solum quòd oportet cognoscere priuationem esse in potentia, sed addidit, Et esse in illo, scilicet speciem vniuersi oppositi, ut exponit sanctus Thomas tertio de Anima. Oportet enim si intellectus per priuationem in ipso existens debet cognoscere priuationem, quòd aliquando sit in potentia ad speciem actus, & quòd dum illum potentialiter cognoscit, habeat in se habitum oppositum. Imaginor enim, quòd intellectus aliquando fuit in potentia ad speciem albi, & postmodum in actu, postquam per albi cognitionem reflexe cognouit se habere speciem albi, & esse album intelligibiliter, conuertitur etiam ad cognoscendum se quandoque fuisse non album, dum cognoscit se priuatum fuisse specie & forma albi, ac per hoc non potuisse ante huiusmodi speciem cognoscere album: & ex hoc etiam cognoscit, quòd in esse nature, id est, non album, quòd forma albedinis caret. Et similiter dico de cæcitate, & aliis priuationibus. Mens ergo sancti Thom. est, quòd intellectus noster per speciem habitus in se existentem cognoscens priuationem formæ, quæ in ipso aliquando fuit, & potentialitatem ad speciem, cognoscit etiam priuationem & potentialitatem rei existenti extra intellectum conuenientem, ex similitudine proportionali intellectus ad rem.

C I R C A illam rationem, Quia potentia est de ratione priuationis, sequitur quòd intellectui nostro competat aliquo modo cognoscere priuationem, aduerte quòd non sequitur vniuersaliter, ut qui cognoscit id, quòd ponitur in diffinitione alicuius, cognoscat & diffinitum, nisi confusè & indeterminatè. Prius enim potest cognosci non cognito posteriori. In proposito tamen, quia potentia est de ratione priuationis, sicut subiectum de ratione

Prima quæ distinguunt, mutuo negationem includunt.

Quomodo intellectus noster cognoscit priuationem per potentiam in ipso existentem.

Quia potentia est de ratione priuationis ideo, intellectui competit priuationem cognoscere.

Rationes contrariorum simul cognoscuntur.

In Deo est ratio qua malum cognoscitur



lione suæ propriæ passionis: non potest intellectus complete cognoscere se esse in potentia, nisi etiam privationem cognoscat in se existentem, & præsertim cum privatio sit immediate consequens ens in potentia: sicut non potest cognosci perfectè homo, nisi cognoscatur proprietas ipsius, quæ ipsum immediate concomitat: tur: & cognoscens hominem potest illius passionem & proprietates cognoscere. Secundò, S. Th. ostendit, quid impeditur Dei cognitione de malis, & inquit, q. si Deus cognoscendo se, non cognosceret particularia bona, nullo modo cognosceret privationem, aut malum: quia cum ipsi malum non opponatur, & privatio, eò quod sit actus purus, si bonum tantum, quod est ipse, cognosceret, non cognosceret malum, quia, scilicet neque quia sit in potentia, ut dictum est, neque per cognitionem boni oppositi. Quia autem cognoscendo se, cognoscit etiam in quibus natæ sunt esse privationes, necesse est, ut cognoscat privationes oppositas.

Ex his patet quod intellectus diuinus differt quantum ad mali cognitionem, ab intellectu nostro, quia non cognoscit per potentiam & privationem in se existentem, neque per propriam speciem boni oppositi intellectum perfectientem, sicut intellectus noster: licet in hoc conveniat, quod per cognitionem boni oppositi cognoscit malum, sicut & noster intellectus.

**ADVERTE**, cum dicitur, bono diuino nihil opponi ut privationem, quod intelligendum est secundum propriam rationem: sed secundum communem rationem boni, scilicet in quantum absolute est bonum, bene sibi opponitur malum, ut dicitur Veri. q. 2. art. vii. malum enim & bonum sunt opposita.

Quantum ad tertium duo remouet dubia. Posset enim primò aliquis dicere, Cognoscit Deus mala per bona, ergo cognitio Dei est discursiva: cuius oppositum ostensum est supra. Secundò, Cognoscere aliquid tantum per aliud cognitum, est imperfectè cognoscere, ergo si malum Deus cognoscit tantum per bonum, cognitio Dei erit imperfecta. Ad primum respondet, q. non est discursus, quia cognoscuntur mala per bona, non sicut conclusiones per principia, sed sicut res per suas diffinitiones: bonum enim est quasi ratio cognitionis mali, cum malum nihil aliud sit quàm privatio boni. Ad secundum dicit, q. cognitio mali per bonum, non est imperfecta, quia malum non est natum alio modo cognosci.

**CIRCA** responsum ad primum dubitatur, si bonum est ratio mali, & cognoscitur malum per bonum, sicut res per suam diffinitionem: ergo malum non differt à bono quia res differt à sua diffinitione. Secundò sequitur, quod intellectus cognoscens malum non format proprium conceptum de ipso. Hoc autem est falsum, nam de cæcitate concipit, quod est privatio visus: qui conceptus conuenit tantum cæcitati, & sic de aliis.

**AD** primum horum dicitur, quod non est mens sancti Thomæ dicere bonum esse diffinitionem mali, sed quod in eius diffinitione clauditur, malum enim est privatio boni, & cæcitas privatio visus: & quia cum aliquid cognoscitur per id quod est de eius ratione, non dicitur illud per discursum cognoscitur per primam operationem intellectus, ideo dictum est, quod ille modus cognitionis quo malum cognoscitur per bonum, pertinet ad modum quo res cognoscitur per suam diffinitionem, id est, ad primam operationem intellectus pertinet.

**AD** secundum primò responderi potest, quod utique verum est, quod de malo nullus formatur conceptus quidditativus, cum nullam quidditatem dicat, sed magis negationem quidditatis & formæ, sed intellectus sicut per eandem speciem intellectualem quæ cognoscit bonum, cognoscit malum: ita per eundem conceptum, quo cognoscit quidditatem boni, cognoscit etiam malum illi oppositum: non enim oportet, ut omne cognitum cognoscatur per propriam speciem, aut per proprium conceptum illius representationem, sed sufficit quod aliquid per similitudinem sui oppositi cognoscatur. Vnde Veri. questione secunda, articulo decimo quinto, dicitur, quod ex hoc ipso quod cognoscitur aliquid, cognoscitur eius privatio. Non obstat autem, quod, quod malum proprio nomine significatur, nomen autem non significat nisi mediante conceptu. Potest enim dici, q. tali nomine non importatur aliquis conceptus quid rei, sed tantum quid nominis dicens.

Potest secundò responderi, quod licet intellectus de malo proprium conceptum formet, illamque proprio nomine explicet, ille tamen conceptus non excludit boni conceptum & rationem, imò per ipsam speciem & similitudinem boni format in se conceptum mali continentem boni rationem: sicut cum dicimus cæcitate esse privationem visus. Vnde negatur consequentia, si intelligatur de conceptu proprio, id est, sibi soli conuenienti: si autem intelligatur de proprio secundum præcisionem sue exclusionem conceptus boni, conceditur, & negatur falsitas. Ad cuius probationem dicitur quod conceptus ille est proprius primo modo, non autem secundo modo, ut ex se constat. Vnde & quod aliquando dicit sanctus Thomas, quod mali non potest concipi aliqua forma, ut Veri. q. 3. art. 4. ad sextum, intelligendum est de forma excludente rationem boni, non autem quod nullus de malo formetur conceptus: alioquin non intelligeretur, ut aliquid à bono distinctum.

**SED** secundum istam responsum resultat dubium. Sequitur enim secundum ipsam, quod Deus mali in se propriam habeat ideam, cuius oppositum, vbiunque de ideis loquitur, sanctus Thomas tenet. Probatur sequela: quia cum idea secundum quod nominat similitudinem & rationem cognoscendi, conceptui intellectus nostri proportionabiliter respondeat, videtur quod de omnibus habeat proprias ideas quæ proprio conceptui à nobis cognoscuntur.

**AD** hoc dubium negatur sequela. Ad cuius probationem dupliciter dici potest. Primò, quod Deus habeat proprias ideas omnium quæ proprio conceptui, id est, omnem conceptum alterius rei excludente, intelliguntur. Modò dicitur quod malum non intelligitur à nobis proprio conceptu hoc modo, ut patet: ideo non sequitur quod inferebatur. Secundò, quod Deus habeat propriam ideam eorum quæ proprio conceptu intelligimus, si naturam aliquam dicant: non autem si dicant negationem, quia idea, quæ est in mente diuina, representat per se ea quæ aliquo modo diuina essentia participant: malum autem non dicit diuinæ essentiae participationem, imò magis participationis huiusmodi negationem, ideo ipse non oportet esse propriam ideam, licet à nobis aliquo conceptu proprio concipiatur.

Quod Deus sit volens.

Cap. 72.

**EXP**editis his quæ ad diuini intellectus cognitionem pertinent, nunc restat considerare de Dei voluntate. Ex hoc enim q. Deus est intelligens, sequitur q. sit volens. Cum enim bonum intellectu sit pro-

prium obiectum voluntatis, oportet q. bonum intellectum, in quantum huiusmodi, sit volitum: intellectum autem dicitur ad intelligentem, necesse est igitur quod intelligens bonum, in quantum huiusmodi, sit volens. Deus autem intelligit bonum: cum enim sit perfectè intelligens, ut ex supradictis patet, intelligit ens simul cum ratione boni: est igitur volens.

**2** Adhuc, Cuicumque inest aliqua formarum, habet per illam formam habitudinem ad ea quæ sunt in rerum natura, sicut lignum album per suam albedinem est aliquibus simile, & quibusdam dissimile: in intelligente autem & sentiente est forma rei intellectæ & sensatæ, cum omnis cognitio fiat per aliquam similitudinem. Oportet igitur esse habitudinem intelligentis & sentientis ad ea quæ sunt intellecta & sensata, secundum quod sunt in rerum natura, non autem hoc est per hoc quod intelligunt & sentiunt: nam per hoc magis attenderetur habitudo rerum ad intelligentem & sentientem: quia intelligere & sentire est secundum quod res sunt in intellectu & sensu secundum modum vtriusque. Habet autem habitudinem sentiens & intelligens ad rem quæ est extra animam, per voluntatem & appetitum, vnde omnia sentientia & intelligentia appetunt & volunt: voluntas tamen proprie in intellectu est. Cum igitur Deus sit intelligens, oportet quod sit volens.

**3** Amplius, Illud quod consequitur omne ens, conuenit enti in quantum est ens: quod autem est huiusmodi, oportet quod in eo maxime inueniatur, quod est primum ens. Cuilibet autem enti competit appetere suam perfectionem, & conseruationem sui esse: vnicuique tamen secundum suum modum. Intellectualibus quidem per voluntatem: animalibus per sensibilem appetitum: carentibus vero sensu per appetitum naturalem: aliter tamen quæ habent, & quæ non habent. Nam ea quæ non habent, per appetitum virtutem sui generis desiderio tendunt ad acquirendum quod eis deest: quæ autem habent, quietantur in ipso. Hoc igitur primo enti, quod Deus est, deesse non potest: cum igitur ipse sit intelligens, inest sibi voluntas, quæ placet sibi suum esse, & suam bonitatem.

**4** Item, Intelligere quanto perfectius est, tanto delectabilius est intelligere, sed Deus intelligit, & suum intelligere est perfectissimum, ut supra ostensum est: ergo intelligere est ei delectabilissimum. Delectatio autem intelligibilis est per voluntatem, sicut delectatio sensibilis est per concupiscentiam appetitum, est igitur in Deo voluntas.

**5** Præterea, Forma per intellectum considerata non mouet nec aliquid causat nisi mediante voluntate, cuius obiectum est finis & bonum, à quo mouetur aliquid ad agendum: vnde intellectus speculatiuus non mouet, neque imaginatio pura absque estimatione boni vel mali. Sed forma intellectus diuini est causa motus & esse in aliis: agit enim res per intellectum, ut infra ostendetur. Oportet igitur quod ipse sit volens.

**6** Item, In virtutibus motiuis & habentibus intellectum primo inuenitur voluntas: nam voluntas omnem potentiam applicat ad suum actum. Intelligimus enim, quia volumus: imaginamur, quia volumus, & sic de aliis: & hoc habet, quia obiectum eius est finis: quamuis intellectus non secundum modum causæ efficientis & mouētis, sed secundum modum causæ finalis moueat voluntatem proponendo sibi suum obiectum, quod est finis. Primo ergo mouenti conuenit maxime habere voluntatem.

**7** Præterea, Liberum est, quod sui causa est: & sic liberum habet rationem eius quod est per se. Voluntas autem primò habet libertatem in agendo, in quantum enim voluntarie agit quis, dicitur liberè agere quamcunque actionem. Primo igitur agenti maxime competit per voluntatem agere, qui maxime competit per se agere.

**8** Amplius, Finis, & agens ad finem, semper vnius ordinis inueniuntur in rebus: vnde & finis proximus qui est proportio natus agenti, incidit in idem specie: cum agente tam in naturalibus, quàm in artificialibus. Nam forma artis per quam artifex agit, est species formæ quæ est in materia, quæ est finis artificis: & forma ignis generantis quæ agit, est eiusdem speciei cum forma ignis geniti, quæ est finis generationis. Deo autem nihil coordinatur quasi eiusdem ordinis nisi ipse, alias essent plura prima, cuius contrariū ostensum est supra. Ipse igitur est primum agens propter finem, qui est ipsemet, ipse igitur non solum est finis appetibilis, sed appetit: (ut ita dicam) se finem, & appetitu intellectuali, cum sit intelligens qui est voluntas.

**EX** igitur in Deo voluntas. Hanc autem Dei voluntatem sanctæ Scripturæ testimonia confirmant. Dicitur enim in Psal. 134. Omnia quæcunque voluit fecit Dominus: & Rom. 11. Voluntati eius quis resistit?

† Cap. 44.

† Autho. sacrae Scriptæ.

Super

Bono diuino nihil opponitur ut privatio.

Malum cognoscitur per bonum sicut per suam rationem.

Utrum intellectus de malo proprium conceptum formet.

Utrum Deus habeat propriam ideam mali.

Idem. P. p. q. 9. art. 1.





## Super cap. 72.

**P**ostquam determinauit sanctus Thomas de perfectione diuina quantum ad intellectum, incipit determinare de ipsa quantum ad voluntatem.

**CIRCA** hoc autem duo facit. Primum, agit de voluntate in quantum voluntas est: secundum, in quantum habet rationem liberi arbitrij, cap. 87. Circa primum duo facit. Primum agit de ipsa voluntate: secundum de conditione volendi, cap. 80. Circa primum tria facit. Primum determinat de voluntate diuina quantum ad esse: secundum quantum ad qualitatem, cap. seq. tertium quantum ad obiectum, cap. 73. Quantum ad primum ponitur conclusio hæc, Deus est volens, & probatur, primum ex prædictis, Deus est intelligens bonum: ergo est volens. Patet antecedens, quia cum sit perfectè intelligens, intelligit ens simul cum ratione boni. Consequencia vero probatur, Bonum intellectum est proprium obiectum voluntatis: ergo bonum intellectum in quantum huiusmodi est volitum, ergo intelligens bonum, in quantum huiusmodi est volens. Prima consequentia non probatur: secunda vero probatur, quia intellectum dicitur ad intelligentem.

Quomodo bonum intellectum est obiectum voluntatis.

**CIRCA** antecedens & eius probationem considerandum quod bonum dupliciter potest apprehendi ab intellectu, materialiter scilicet, & formaliter. Materialiter apprehenditur, quando consideratur res, quæ secundum se quidem est bona, sed tamen non consideratur in ipsa ratio bonitatis, sed ratio veritatis, aut aliqua alia ratio. Formaliter autem apprehenditur, quando consideratur in ipso ratio bonitatis, ita videlicet quod intellectus iudicat illud esse bonum & conueniens intelligenti. Bonum primo modo apprehensum non habet rationem obiecti actualis voluntatis, nec habet mouere voluntatem, sed tantum secundo modo. Propter hoc volens ostendere sanctus Thomas quod Deus intelligit bonum secundum quod habet rationem actualis obiecti voluntatis, concludit quod intelligit ens simul cum ratione boni propter perfectionem cognitionis suæ, quia omnem rei rationem apprehendit, cognoscit enim ens habere rationem boni, & per consequens habere rationem appetibilis & voliti.

**CIRCA** primam consequentiam aduerte, quod sicut nihil aliud est dicere, Hoc est proprium obiectum intellectus, quam, Hoc est intellectum siue intelligibile: quia intellectus siue intelligibilis nomine (hic enim pro eodem vt trunque accipimus) importatur formalis ratio obiecti intellectus, in quantum est obiectum. Sicut per visibile importatur ratio formalis obiecti visus in quantum est obiectum: ita nihil aliud est dicere, Bonum intellectum, est proprium obiectum voluntatis, quam Bonum intellectum in quantum huiusmodi, est volitum: significatur enim, quod ratio obiecti voluntatis, in quantum obiectum est, quæ importatur per hoc quod dico, Volitum siue volubile, fundatur super bono apprehensio formaliter, in quantum est apprehensum & intellectum: ita quod non haberet bonum rationem voliti, nisi esset formaliter intellectus: sicut si diceremus quod corpus, in quantum coloratum habet rationem visibilem. Quia ergo idem dicitur per antecedens & consequens primæ consequentiæ, sed in consequente exprimitur proprium nomen obiecti voluntatis: quod in antecedente non exprimitur: ideo illam consequentiam tanquam ex se manifestam sanctus Thomas non probat.

**CIRCA** secundam consequentiam & eius probationem aduerte, quod cum ordo potentiarum sit secundum ordinem obiectorum, necesse est, si obiectum voluntatis, vt obiectum est, fundatur super obiecto intellectus, vt est obiectum: quod etiam fundatur voluntas super intellectum, & quod volens fundatur super intelligens, ita scilicet quod vnum alterum conueniatur: & super hoc fundatur consequentia & probatio eius. Bonum enim intellectum in quantum huiusmodi, id est, in quantum intellectum, est fundamentum voliti, & sunt materialiter idem, ratioque vnius rationem alterius concomitatur: ita quod nihil habet rationem voliti nisi sit bonum intellectum, & ad bonum intellectum in quantum huiusmodi consequitur ratio voliti. Intellectum autem dicit ordinem ad intelligentem, tanquam eius scilicet formale obiectum, vt obiectum est. Sicut visibile dicit ordinem ad videntem, ideo oportet vt intelligens & volens sint materialiter idem, quantum videlicet ad subpositum: & esse intelligentem sit fundamentum, vnde aliquid habet, vt sit volens.

Secundò, Omnia intelligentia & sentientia appetunt & volunt, sed Deus est intelligens: ergo est volens. Probatur antecedens, In omni intelligente & sentiente est habitudo ad rem secundum quod est extrà, cum in ipsis sit forma rei intellectus & sentientis: habens autem aliquam formam, per illam habet habitudinem ad ea quæ sunt in rerum natura, vt patet de ligno albo, quod per suam albedinem aliquibus est simile, aliquibus verò dissimile, aut ergo hoc est per hoc quod intelligunt & sentiunt, aut per aliquid aliud scilicet per appetitum & voluntatem. Non primum: quia per hoc magis attendere habitudo rerum ad intelligentem & sentientem, scilicet intelligere & sentire sint secundum quod res sunt in intelligente & sentiente. ergo secundum, ergo, &c.

**CIRCA** antecedens aduerte, quod accipiendum est diuifim, reddendo scilicet singula singulis, non enim omnia sentientia volunt, sed omnia sentientia appetunt, & omnia intelligentia volunt, vnde subiunxit sanctus Thom. Voluntas autem proprie in intellectu est, id est, in natura intelligente.

Vtrum intelligens & sentiens, in quantum huiusmodi, habet habitudinem ad rem extrà.

**CIRCA** hunc autem processum multipliciter dubitatur. Primum, quia videtur sanctus Thom. contradictionem implicare: si enim cuiusque inest aliqua forma, illud habet per illam, habitudinem ad ea quæ sunt in rerum natura, in intellectu autem & sensu in quantum intelligens & sentiens est, inuenitur forma rei intellectus & sentientis, sequitur quod intelligens & sentiens per hoc quod intelligit & sentit, habet habitudinem ad rem secundum quod est extrà, ergo implicatur contradictio cum subiungitur quod hoc non est per hoc quod sentiunt & intelligunt. Secundò, Intelligens intelligit rem secundum esse quod in seipsa habet, & similiter sensus sentit: & assimilatur rei existenti extrà per formam quam habet. Ergo falsum est, quod intelligens & sentiens per hoc quod intelligit & sentit, non habet habitudinem ad rem, secundum quod est extrà.

Tertio, Sicut ad hoc quod intellectus intelligat, necesse est, vt res sit in anima, ita ad hoc vt volens velit: quia voluntas non fertur in bonum, nisi vt cognitur. Ergo non magis volens habet habitudinem ad rem, vt est extrà, quam intellectus.

Quartò, Si iste processus teneret, sequeretur quod intelligens vellet quicquid intelligeret: et si enim in intelligente est habitudo ad rem secundum quod

extrà est, & hæc habitudo non conuenit sibi nisi per voluntatem: ergo omne quod intellectus intelligit, sub voluntate cadit, hoc autem falsum est, quod speculatiue intelligitur, non cadit sub voluntate, vt sic, ergo, &c.

**AD** euentiam primi dubij considerandum est, quod aliter conuenit habitudo intellectui ad rem intellectam, vt intellecta est per formam quam in se habet: & aliter rebus materialibus ad id quod habet eandem formam, aut oppositam. Intellectus enim habitudo ad rem intellectam, vt est intellecta, est habitudo fundata super vnitatem quadam, secundum quod intellectus in actu est ipsum intellectum in actu: & ideo eo modo sibi conuenit habitudo per formam, quam habet ad ipsam rem intellectam, quomodo sibi conuenit, vt sit ipsum intellectum in actu. Est autem ipsum intellectum in actu, non secundum esse quod habet extra intellectum, quia secundum illud esse non vnitur intellectui, sed secundum esse intentionale, quod habet in intellectu: ex quo resultat, vt per eandem formam intelligibilem intellectus sit actu, & intellectum sit actu intellectum, vt superius est explicatum. Sequitur ergo, quod intelligens, vt intelligens, non dicit habitudinem ad rem intellectam, vt intellecta est secundum esse quod habet extra intellectum: sed secundum quod est in intellectu: & idem dico de sentiente. Propter hoc dicit S. Thom. quod per hoc magis attenditur habitudo rerum ad intelligentem & sentientem, quia videlicet ex hoc quod res intelligitur & sentitur, necesse est vt eleuetur ad spirituale esse per quod vniatur intelligenti & sentienti in quo fundatur habitudo huiusmodi, quod enim à suo esse naturali necesse est abstrahi, si ad aliquid dicitur habere habitudinem, ei potius attribuitur assimilatio & habitudo, vt possit dici quod ipsa res in esse naturali existens habet habitudinem ad aliud per esse abstractum quod in ipso habet, quam econuersò aliud habeat ad ipsum habitudinem vniemque, & identitatē consequentem.

**AD** argumentum ergo dicitur, quod vtrique intellectus informati rei similitudine, habet aliquam habitudinem ad rem extrà: illa tamen habitudo non est habitudo intelligentis in actu vt sic, & intellectum in actu vt sic: secundum quod intellectum formaliter refertur ad intelligentem, & econuersò quæ scilicet est habitudo identitatē & vniemque cum altero consequens. Non enim intellectum formaliter est actu intellectum per esse quod habet extra, sed per esse quod habet in intellectu: ideo non valet hæc consequentia, Intelligens habet habitudinem ad rem secundum quod est extrà: ergo illam habet per hoc quod intelligit formaliter. Habet quidem, sed non per hoc quod intelligit, imò per hoc quod vult, vnde illa propositio, Intelligens per hoc quod intelligit, habet habitudinem ad rem extrà, potest habere duplicem sensum. Vnus est, quod intelligendo habeat talem habitudinem formaliter, quasi habitudo ad rem extrà, sit habitudo intelligentis, vt intelligens est, ad rem intellectam, vt est actu intellecta: & tunc propositio est falsa, & eius oppositum tenet hic sanctus Thomas. Non enim habitudo intelligentis, vt intelligens est ad rem, est vt extrà, sed vt est in intellectu, vt ostendimus. Alius est quod talis habitudo concomitemur intelligentem vt est intelligens, quasi intelligere sit origo talis habitudinis, & sic habet veritatem: habitudo enim volentis & inclinatio in rem apprehensam per intellectum, consequitur ad apprehensionem intellectus.

**AD** secundum dicitur, quod ista propositio, Intellectus intelligit rem secundum esse quod habet in seipsa, siue secundum esse quod habet extra intellectum, duplicem sensum habere potest. Vnus est, quod ipsum esse rei ad extrà, sit id quod intelligitur. Alius est, quod esse ad extrà sit rei ratio quod sit actu intellecta, & fundamentum habitudinis illius. Si primo modo intelligatur, conceditur quod res intelligitur secundum esse quod habet ad extrà, & sic potest concedi quod intelligens, in quantum intelligens, habet habitudinem ad rem extrà, sed sic non loquitur hoc loco sanctus Thomas, cum hæc sit materialis consideratio rei intellectæ. Si secundo modo intelligatur, sic negatur illa propositio: non enim esse ad extrà est rei ratio, quare sit actu intellecta ab aliquo intellectu, licet esse in intellectu, & sic intelligens vt intelligens, siue vt dicens habitudinem ad intellectum in intellectu, non dicit habitudinem ad rem secundum quod est ad extrà, sed secundum quod in intellectu est: quia sanctus Thom. loquitur formaliter, ideo absolute negatur intelligentem per hoc quod intelligit, habere habitudinem ad rem extrà, vt est extrà, & ideo cum oporteat, vt habens aliquam formam habeat habitudinem ad ea quæ sunt in rerum natura formaliter, vt sunt in rerum natura: oportet aliud querere, vnde intelligens habitudinem habeat ad rem extrà intellectum formaliter: ita quod esse ad extrà, sit ratio terminandi illam habitudinem.

**Vbi** aduertendum, quod cum species intelligibilis non habeat esse completum, nisi dum intellectus actu intelligit: non perfectè & aqualiter intellectus habet similitudinem ad rem intellectam nisi dum intelligit, ideo loquens sanctus Thom. de habitudine intelligentis, quæ consequitur formam intelligibilem, loquitur de habitudine, quæ conuenit intelligenti secundum quod actu intelligit, & quia habitudo intelligentis actu vt sic ad rem intellectam formaliter, non est ad rem vt extrà, sed vt in intellectu: ideo inquit quod intelligens non dicit habitudinem ad rem secundum quod est extrà per hoc quod intelligit. Cum hoc autem stat, quod & res ad extrà, & esse eius extra intellectum potest esse materialiter res intellecta.

**AD** tertium dicitur, quod esse in anima, aliter requiritur ex parte obiecti intellectus, & aliter ex parte obiecti voluntatis. Ex parte enim obiecti intellectus requiritur tanquam ratio formalis à qua aliquid habet, vt sit actu intellectum respectu huius intelligentis: est enim actu intellectum per hoc quod est vnum cum intellectu. Ex parte verò obiecti voluntatis requiritur vt conditio obiecti, ad hoc vt moueat in ratione causæ finalis, quia nisi bonum apprehenderetur, non moueret voluntatem: sed ipsum esse ad extrà est ratio formalis quare appetatur res. Appetitus enim fertur in rem non secundum esse intentionale quod habet in anima, sed secundum quod extra animam esse habet: ita quod esse reale est rei ratio quod sit volita & desiderata, & ratio voliti, vnde habet quod sit volita. Esse autem in anima est obiecti conditio in ratione mouentis considerati.

**AD** quartum dicitur, quod loquitur sanctus Thomas de forma absolute & simpliciter secundum propriam rationem formæ, non de hac vel illa in particulari: per formam enim intelligibilis & sensibilis absolute & secundum suum ordinem consideratam intelligens & sentiens habet habitudinem ad rem secundum quod est extrà, quia sicut formam naturalem consequitur inclinatio naturalis, ita formam apprehensam sequitur inclinatio & appetitus animalis. Sed tamen oportet vt illa forma apprehensa sit boni & conuenientis, vt bonum & conueniens est. Vnde & quod ait sanctus Thom. alibi, Quoniam ad omnem formam sequitur inclinatio, intelligendum est non de qualibet forma



Quòd voluntas Dei sit eius essentia.

Cap. 73.



X hoc autem apparet, quod sua volūtas non est  
aliud quā sua essentia. Deo enim cōuenit esse  
volentem inquantū est intelligens, vt ofen-  
sum est. Est autem intelligens per essentiam  
suā, vt suprà ē probatum est. ergo ē volens.

Eit igitur voluntas Dei ipsa eius essentia.

†Cap. 44.

2. Adhuc, Sicut intelligere est perfectio intelligentis: ita & velle est perfectio volentis. Vtrūque enim est actio in agente manens, non autem transiens in aliquid passum, sicut calefactio: fed intelligere Dei est eius esse, vt supra probatum est, eò quòd cum esse diuinum sit secundum se perfectissimum, nullam superuenientem perfectionem admittit, vt supra ostensum est. Est igitur & diuinum velle esse ipsius: ergo voluntas Dei est eius essentia.

3 Amplius, Cū omne agens agat, inquantū actū est, oportet quōd Deus, qui est actus purus, per suam essentiam agat: velle autem est quādam Dei operatio. Oportet igitur quōd Deus per suam essentiam sit volens, sua igitur voluntas est sua essentia.

4. Item, Si voluntas esset aliquid additum diuinæ substantiæ, cum diuina substantia sit quid completum in esse, sequeretur quod voluntas adueniret ei quasi accidens subiecto, sequeretur etiam quod diuina substantia compararetur ad ipsam quasi potentia ad actum: & quod esset cōpositio in Deo, quæ omnia suprà improbata sunt. Nō est igitur possibile, quod †Cap. 16.  
diuina voluntas sit aliquid additum diuinæ essentia.

Super cap. 73.

**S**ecundò agit de voluntate diuina, quantum ad eius quidditatem, & ponit hanc conclusionem, Voluntas Dei non est aliud quam sua essentia. Probatur primò, Deus est intelligens per essentiam suam, ergo & volens: ergo voluntas est eius essentia. Probatur prima consequentia, quia Deo conuenit esse volentem, in quantum est intelligens.

ADVERTENDVM, quòd cùm voluntas non conueniat Deo, nisi inquantum naturæ intellectuæ est, & actualis volitio sibi non conueniat, nisi inquantum actu intelligit, oportet vt ordo voluntatis ad effectum, ordini intellectus ad ipsam proportionetur: & ideo si intellectus est idè quòd essentia in Deo, ita quòd Deus per suam essentiam intelligat, nō per aliquid superadditum, necesse est, vt & voluntas sit ipsa essentia, & ita quòd Deus per suam essentiam velit: hoc est huius rationis fundamentum.

Secundò, Velle est perfectio volentis, cum sit actio immanens, sicut intel-  
ligere, ergo velle diuinum est eius esse: ergo voluntas, eius essentia. Probatur  
prima consequentia ex proportionem ad intelligere: quia intelligere est esse  
diuinum, eò quòd esse diuinum cum sit perfectissimum, nullam superuenien-  
tem perfectionem admittat.

Tertio, Deus per suam essentiam agit, cum sit actus purus, ergo per essentiam suam est volens, cum velle Dei sit quoddam operari, ergo, &c.

Quartò, Nisi sic esset, sequeretur quòd voluntas adueniret Deo sicut acci-  
dens, cum diuina substantia sit quid completum in esse, sequeretur etiam q-  
diuina substantia compararetur ad ipsam vt potentia ad actum, & quòd  
esset compositio in Deo: quæ omnia superius sunt improbata, ergo, &c.

Quòd principale volitum Dei est diuina  
essentia. Cap. 74.

Cap. 74.

**E**nter in the temple of the Lord, and stand before him, and praise him: say unto the Lord, magnificence becometh thee: all that we have done, thou knowest.

hoc autem ulterius apparet, qd principale diuinae voluntatis volitū est eius essentia. Bonum enim intellectum est obiectum voluntatis, vt supra dictū est: id autē quod a Deo principaliter intelligitur, est diuina essentia, vt probatū est. Diuina est id de quo principaliter est diuina voluntas.

2 Item, Appetibile comparatur ad appetitum sicut mouens ad motum, vt supra dictum est, & similiter se habet volitum ad volentem, cum voluntas sit de genere appetitiuarum potentialium in nobis: si igitur voluntatis diuinæ sit aliud principale volitum quam Dei essentia, sequitur quòd aliquid aliud sit superius diuina voluntate quòd ipsam mouet: cuius contrarium ex prædictis patet.

3 Præterea, Principale volitum vnique volenti est causa volendi: cum enim dicimus, Volo ambulare, vt saner, causam nos reddere arbitramur: & si queratur, quare vis sanari, pro- cedetur in assignatione causarum, quousque perueniatur ad finem vltimum, qui est principale volitum, quod est causa volendi per seipsum. Si igitur Deus aliquid aliud velit prin- cipaliter quam seipsum: sequitur quod aliquid aliud sit ei causa volendi. Sed suum velle est suum esse, vt ostensum est. ergo aliquid aliud erit ei causa efficiendi, quod est contra ratio- nem primi entis.

Ordo voluntatis ad diuinam  
essentiam ordini intellectus  
ad ipsam proportionatur.

† Idē P. p. q. 19.  
artic. 1. ad 3. de  
Po. q. 3. art. 17.  
ad 4.

†Cap. 48.

†Cap. 73.

Contra Gent.

4. Adhuc

Quomodo ap-  
petitus essendi  
sit naturalis.

Quomodo po-  
tētia ad quam  
pertinet finis,  
habet omnes  
alias remouere.

Per se agere  
dupliciter con-  
tingit.



4. Adhuc, Vnicuique volenti principale volitum est suus ultimus finis, nam finis est per se volitus, & per quem alia fiunt volita: ultimus autem finis est ipse Deus, quia ipse est summum bonum, vt ostensum est. Ipse igitur est principale volitum suæ voluntatis.

†Cap. 41.

5. Amplius, Vnaquæque virtus ad suum obiectum principale secundum æqualitatem proportionatur: nam virtus rei secundum obiecta mensuratur, vt patet per Philosophum in 1. de Cælo & Mundo: voluntas igitur essentia ex æquo proportionatur suo principali obiecto: & similiter intellectus & etiam sensus. Diuina autem voluntati nihil ex æquo proportionatur nisi eius essentia: igitur principale obiectum diuinæ voluntatis est diuina essentia. Cum autem diuina essentia sit Dei intelligere, & omnia alia quæ in ipso esse dicuntur, manifestum est quod eodem modo principaliter vult se intelligere, se velle, se esse vnum, & quicquid aliud est huiusmodi.

Super cap. 74.

**T**ertio ostendit S. Thomas, quæ sint diuinæ voluntatis obiecta. CIRCA hoc autem duo facit: primo agit de volito principali: secundum de volitis secundariis, cap. sequenti.

Quantum ad primum ponit hanc conclusionem, Principale volitum diuinæ voluntatis est diuina essentia. Probatur primo sic, Quod à Deo principaliter intelligitur, est diuina essentia, ergo, &c. Probatur consequentia: quia bonum intellectum est obiectum voluntatis. Aduerte quod principaliter intellectum non solum accipitur id quod primo secundum nostrum modum concipiendi apprehenditur, sed etiam id quod est summè intelligibile, tale enim est etiam summè volitum, & principaliter.

Secundo, Si non sic esset, aliquid esset superius diuina voluntate, quod ipsam moueret, cuius contrarium ex prædictis patet. Probatur consequentia: quia appetibile comparatur ad appetitum, sicut mouens ad motum, & similiter volitum ad voluntatem, cum voluntas sit de genere appetitiuum potentiarum in nobis.

Appetibile mouet voluntatem.

ADVERTENDUM ex doctrina sancti Thomæ, Veri, q. 23. art. 1. ad 3. & prima parte quæst. 19. art. 2. ad secundum. Cum dicitur appetibile comparari ad appetitum, sicut mouens ad motum, quod hoc intelligitur de primo & per se appetibili, quod est finis: non autem de secundario appetibili, quod propter finem appetitur. Nam tale (vt dicitur 1. Sent. dist. 1. art. 2. ad secundum) non se habet vt mouens voluntatem, sed vt effectum & motum ab ea.

ADVERTENDUM etiam quod inquit sanctus Tho. voluntatem in nobis esse de genere potentiarum appetitiuum, vt ostenderet oportere etiam in Deo secundum nostrum modum intelligendi finem mouere voluntatem: genus enim potentiarum appetitiuum inuenitur in Deo suo modo proportionatè ad nostrum appetitum: sicut & genus cognoscitiuum potentiarum: sed sicut potentia cognoscitiua est in Deo quantum ad perfectionem actus, qui est cognoscere, non autem quantum ad imperfectionem: ita & appetitus est in Deo, non quidem quantum ad hunc actum qui est appetere, qui aliquam imperfectionem includit, sed quantum ad alios actus, quales sunt delectari, amare, & huiusmodi, & quia commune est appetitui, quantum ad omnem actum respectu finis, vt à fine moueatur, ideo & hoc in Deo ponere oportet secundum nostrum modum intelligendi, quo ex creaturis Deum cognoscimus, & quo apprehendimus Dei voluntatem ac eius bonitatem, vt duo distincta. Si autem finis diuinæ voluntatis poneretur aliquid ab ipsa realiter distinctum, oporteret vt ab illo voluntas diuina realiter moueretur motione causæ finalis, & hoc est fundamentum huius rationis.

Tertio, Si Deus aliquid aliud velit principaliter quam seipsum, aliquid aliud erit Deo causa volendi, ergo & causa essendi, cum suum velle sit suum esse. Probatur consequentia, quia principale volitum vnicuique volenti est causa volendi.

ADVERTENDUM quod hæc ratio distinguitur à præcedenti, quia in illa comparabatur obiectum ad potentiam, in ista autem comparatur ad actum sicut causa ad effectum.

Quarto, Deus est ultimus finis, quia est summum bonum, ergo, &c. Probatur consequentia, quia vnicuique volenti principale volitum est suus ultimus finis.

Quinto, Diuinæ voluntati nihil ex æquo proportionatur, nisi eius essentia, ergo, &c. Probatur consequentia, quia vnaquæque virtus ad suum obiectum principale secundum æqualitatem proportionatur, cum virtus rei secundum obiecta mensuretur, vt dicitur 1. de Cælo, tex. 116.

Omnis virtus ad suum obiectum secundum æqualitatem proportionatur.

CIRCA probationem consequentiæ attendendum, quod ista æqualitas inter virtutem & obiectum non est semper accipienda secundum æqualitatem prædicationis, sed in aliquibus accipitur secundum æqualitatem alicuius continentie, vt scilicet omne ad quod terminatur virtus, & continentur in principali obiecto, & quicquid continetur in principali obiecto, natum sit attingi à potentia: sic autem dicimus diuinam essentiam adæquari diuinæ voluntati, quia omne quocunque modo volitum ab ipsa continetur in diuina essentia, tanquam in summo bono, & exemplari omnis bonitatis. Nullum autem bonum creatum continet omne quod cadit sub diuina voluntate, nisi forte continentia rationis, & analogiz. Vbi aduertendum, quod licet in aliis inferioribus pro adæquato obiecto potentia assignetur aliquid commune secundum rationem, oportet tamen Deo, quantum ad operationes immanentes, assignare obiecta communia communitate virtualis continentie: quia cum virtus diuina sit perfectissima, perfectissimam sibi obiecti communiter oportet assignare. Perfectior est autem communitas virtualis continentie, quam communitas rationis secundum prædicationem, cum illa sit continentia actualis, ista autem sit continentia potentialis, & materialis: ideo diuinæ voluntati assignatur hæc diuina essentia tanquam proportionatè obiectum, vt potè quæ virtualiter & secundum eminentiam omne volitum contineat.

Quod Deus volendo se, vult etiam alia à se.

Cap. 75.

Idem P. p. q. 19. art. 2.

**I**nc autem ostendi potest, quod Deus volendo se, vult etiam alia. Cuius enim est velle finem, eius est velle ea quæ sunt ad finem ratione finis: est autem

Deus ultimus rerum finis, vt ex prædictis aliquatenus patet, ex hoc igitur quod vult se esse, etiam alia vult quæ in ipsum sicut in finem ordinantur.

2. Item, Vnusquisque eius quod est propter seipsum ab ipso volitum & amatum, perfectionem desiderat: quæ enim propter se amamus, volumus esse optima, & semper meliora, & multiplicari quantum possibile est. Ipse autem Deus suam essentiam propter seipsum vult, & amat: non autem secundum se augmentabilis & multiplicabilis est, vt ex prædictis manifestum est, sed solum multiplicabilis est secundum suam similitudinem quæ à multis participatur: vult igitur Deus rerum multitudinem ex hoc, quod suam essentiam & perfectionem vult & amat.

†Cap. 71.

3. Amplius, Quicumque amat aliquid secundum se & propter ipsum, amat per consequens omnia in quibus illud inuenitur: vt qui amat dulcedinem propter ipsam, oportet quod omnia dulcia amet. Sed Deus suum esse & secundum se & propter ipsum vult & amat, vt supra ostensum est, omne autem aliud esse est quædam sui esse secundum similitudinem participatio, vt ex prædictis aliquatenus patet. Relinquitur igitur quod Deus ex hoc ipso quod vult & amat se, vult & amat alia.

†Cap. 71.

4. Adhuc, Deus volendo se, vult omnia quæ in ipso sunt omnia autem quodammodo præexistunt in ipso per proprias rationes, vt supra ostensum est. Deus igitur volendo se, etiam alia vult.

†Cap. 71.

5. Item, Quantum aliquid est perfectioris virtutis, tanto sua causalitas ad plura se extendit, & in magis remota, vt supra dictum est: causalitas autem finis in hoc consistit, quod propter ipsum alia desiderantur. Quantum igitur finis est perfectior, & magis volitus tanto voluntas volentis finem ad plura extenditur ratione finis illius: diuina autem essentia est perfectissima in ratione bonitatis & finis, igitur diffundet suam causalitatem maximè ad multa: vt propter ipsam multa sint volita, & præcipuè à Deo, qui eam secundum totam suam virtutem perfecte vult.

6. Præterea, Voluntas consequitur intellectum sed Deus suo intellectu intelligit se principaliter, & in se intelligit omnia alia: igitur simul principaliter vult se & volendo se, vult omnia alia. Hoc autem autoritate sacræ Scripturæ confirmatur. Dicitur enim Sapient. 11. Diligis omnia quæ sunt, & nihil eorum odisti, quæ fecisti.

Auth. sac. Script.

Super cap. 75.



Stenfo quod sit principale volitum diuinæ voluntatis, vltimus sanctus Thomas ostendit, quod sunt eius etiam aliqua secundaria volita. Circa hoc autem duo facit. Primo agit de obiectis secundariis in communi: secundum in particulari de quibusdam illorum, cap. 79. Circa primum duo facit. Primo agit de ipsis obiectis: secundum de modo volendi illorum, cap. sequenti. Quantum ad primum ponitur hæc conclusio, Deus volendo se, vult etiam alia. Probatur primo, Deus vult se vt finem vltimum, ergo & alia à se vult volendo se. Probatur consequentia, quia cuius est velle finem, eius etiam est velle ea quæ sunt ad finem ratione finis.

Secundo, Vnusquisque eius quod est propter seipsum ab ipso volitum, perfectionem desiderat, & multiplicationem quantum possibile est, cum ea quæ propter se amamus, velimus optima esse: sed diuina essentia est propter se volita à Deo, non est autem secundum se augmentabilis & multiplicabilis, sed solum secundum suam similitudinem, quæ à multis participatur. Ergo Deus volendo suam essentiam, vult etiam rerum multitudinem.

CIRCA hanc rationem dupliciter dubitatur. Et primo circa rationis fundamentum. Nam ex eo sequitur, quod Deus velit esse omnia quæ suam bonitatem participare possunt. cum enim velit ipsam bonitatem propter se, sequitur quod vult eam in quantum possibile est multiplicari, multiplicatur autem propter participationem eius à creaturis: ergo sequitur quod velit omnem creaturam possibilem produci. Secundo circa intellectum implicite propositionem, scilicet quod multiplicatio boni sit eius perfectio: hanc enim videtur subsumere velle sanctus Thomas, cum ad declarandum quod vnusquisque desiderat perfectionem propter se voliti & amati, assumit quod ea quæ propter se amamus, volumus esse optima & meliora, & multiplicari. Sed tunc sequitur, quod non existente creatura in qua diuina essentia suo modo multiplicatur, diuina essentia non erit ita perfecta sicut est producta creatura, & sic ex creaturis aliquid sibi perfectionis accrescit.

Ad primum potest primo responderi, quod Deum velle bonitatem suam multiplicari quantum possibile est, dupliciter potest intelligi. Vno modo, vt ly Quantum possibile est, dicat adæquationem perfectionis diuinæ bonitatis ad eius multiplicationem: vt scilicet Deus velit omnem perfectionem suæ bonitatis à creaturis participabilem, participari: & hic sensus non est verus, nec hic intentus: & contra hunc procedit obiectio. Alio modo, vt dicat modum communicationis, vt scilicet Deus velit bonitatem suam communicari secundum illum modum communicationis quo diuina bonitas communicari & participari potest, non autem secundum modos communicationis illi impossibiles. Vnde quia possibile est, vt secundum quandam proportionalitatem & secundum quandam sui similitudinem participetur, non autem vt participetur secundum identitatem numeralem, aut specificam: ideo vult eam illo modo participari, non autem istis modis. Et hic sensus est hic intentus. Et contra ipsum non procedit obiectio. Secundo responderi potest, quod volens aliquid propter se, non vult totam multiplicationem,

Dupliciter potest intelligi Deum velle bonitatem suam multiplicari quantum possibile est.







## Supercap. 76.



ostquam determinauit sanctus Thomas, de obiectis secundariis diuinæ voluntatis: nunc de modo volendi ipsa determinat. Et primò ex parte volentis. Secundò ex parte voliti, cap. 78. Circa primum duo facit. Primò determinat de ipso volendi modo: secundò infert vnum corollarium, cap. sequenti.

Quantum ad primum ponitur hæc conclusio, Deus vnico actu voluntatis se & alia vult. Probatur primò, Deus omnia alia vult propter se tanquam propter finem: ergo vno actu & se & alia vult. Probatur consequentia, quia finis comparatur ad id quod propter ipsum tantum desideratur, sicut ratio formalis ad obiectum. Virtus autem vno actu fertur in obiectum, & in rationem formalem obiecti, sicut eadem visione videmus lucem & colorem, qui fit visibilis actu per lumen.

ADVERTE cum dixit sanctus Thomas, quoniam cum aliquid volumus propter finem tantum, illud accipit rationem voliti ex fine: quod ideo addidit tantum, quia id, quod est ad finem, dupliciter potest appeti, scilicet secundum se, & in ordine ad finem: sicut medicina dulcis potest appeti & inquantum dulcis, & inquantum conferens sanitatem. Quando appetitur ratione propriæ bonitatis, sic non habet rationem voliti ex ordine ad aliquid alium finem, sed tunc tantum quando appetitur vt utile, & ordinatum ad finem.

Propter quid  
sequitur lu-  
men ad viden-  
dum,

ADVERTE etiam, quod sanctus Thomas aliquando indeterminat loquitur de effectu luminis, sicut Prima p. quæst. 79. art. 3. ad secundum, ubi requiritur & opinionem quæ tenet lumen requiri ad visum, vt faciat colores actu visibiles: & opinionem quæ tenet lumen requiri vt medium fiat actu lucidum, quæ videtur esse Commentatoris, & secundum vtramque, suum propositum declarat. Hic autem acceptat primam opinionem, quam etiam tenere videtur, Verit. quæst. 8. artic. 14. ad sextum. & 1. 5. en. dist. 45. artic. 2. ad primum, secundum quam opinionem dicendum esset, quod color licet in tenebris fit actu color, non est tamen in actu sufficienti ad mouendum diaphanum motione spiritali, & propter hoc non est actu visibilis. Vnde esse visibile in potentia & fundamentaliter, conuenit quidem colori in secundo modo per se: non autem esse actu visibile secundum actum completum, sed complexur per hoc quod est actu illuminatus, vt ex lumine & colore fiat vnus obiectum visus, in quo lumen est formale, color autem materiale obiectum: & lumen videtur terminatum ad corpus coloratum, quod in corpore terminato videri non posset vt sic, iuxta ea quæ dicuntur Veri. q. 14. ar. 8. ad quartum. Posset tamen dici, quod S. Tho. nec hic, nec alibi dicit lumen requiri propter colores, quasi illam opinionem sequatur: sed ex suppositione illius opinionis vult habere, quod vno actu fertur visus in colorem & lumen, si enim requiritur propter colorem, comparatur ad ipsum vt formale ad materiale.

Secundò, Quolibet actu quo Deus vult se, vult se & alia propter se: sed alia à se non vult, nisi inquantum vult se, ergo, &c. Minor probata est in præcedenti capite: maior verò probatur, Non est ponere aliquem actum Dei volentis quo velit se, & quo non velit se perfecte, cum in eo nihil sit imperfectum, ergo volendo se, vult se secundum totam suam virtutem, ergo vult se & alia propter se quolibet actu quo vult se. Prima consequentia probatur, quia quod perfecte cognoscitur & desideratur, secundum totam suam virtutem cognoscitur & desideratur. Secunda verò probatur: quia finis virtus est non solum secundum quod in se desideratur, sed etiam secundum quod alia sunt appetibilia propter ipsum.

SED circa hunc processum dubium occurrit. Ex hoc enim videtur probari posse quod Deus necessariò absolute velit alia à se cuius oppositum in ferius ostenditur. Arguitur enim sic, Deus necessariò vult se perfecte, ergo necessariò vult se secundum totam suam virtutem, ergo necessariò vult alia propter se. Antecedens patet quia in ipso nihil potest esse imperfectum. Prima consequentia & secunda probantur ex eisdem propositionibus, ex quibus probatur hoc loco in propositionibus de inesse. Prima quidem, quia quod perfecte desideratur, secundum suam totam virtutem desideratur. Secunda verò, quia virtus finis est, vt per ipsum alia appetantur.

Respondetur quod ratio sancti Thom. optime concludit propositum, nec ex ipso processu argui potest, quod Deus alia à se necessitate absoluta velit, sed bene necessitate ex suppositione, quam concedit sanctus Thom. inferius in volitione diuina respectu aliorum à se reperiri. Supponit enim ista ratio Deum velle alia à se propter seipsum tanquam propter finem, id quod in præcedenti capite est ostensum: & consequenter supponit diuinam bonitatem exercere causalitatem finis respectu creaturarum: & ex hac suppositione vult ostendere, quod eodem actu velit se & se & alia. Ex istis autem suppositionibus sequitur, quod Deus alia à se de necessitate suppositionis velit, non autem de necessitate absoluta. Nam si supponamus Deum exercere causalitatem finis in creaturis, necessariò sequitur quod Deus velit se tanquam exercentem causalitatem finis: & consequenter quod necessariò velit alia à se. Sed quia illa suppositio non est absolute necessaria, quia non necessariò Deus exercet finis causalitatem (potuit enim ab æterno nolle aliquid producere, & sic non exercere causalitatem finis, quæ est vt propter ipsum alia desideretur & fiant) ideo nõ vult Deus alia à se necessariò absolute, sed liberè. Vnde ad rationem adductam, intellecto primo consequente de virtute Dei, quantum ad eius exercitium, & actuale causalitatem, conceditur consequentia de necessitate ex suppositione: negatur autem de necessitate absoluta: & ad probationem, negatur assumptum de virtute quantum ad eius actum exercitium. Similiter accepto primo consequente intellu quo conceditur vltima consequentia, conceditur de necessitate ex suppositione, negatur autem de necessitate absolute: nec assumptum probat consequentiam de necessitate absolute, sed tantum de necessitate ex suppositione. Si autem primum consequens intelligatur de virtute finis quantum ad actum signatum, & actum primum: sic conceditur prima consequentia de necessitate etiã absolute, sed negatur vltima consequentia: ad cuius probationem dicitur, quod virtus finis hoc modo sumpta non est vt propter ipsum alia actu desideretur, sed vt propter ipsum alia desiderari possint: sicut virtus agentis quantum ad actum primum non est vt aliquid per ipsam producat, sed vt per ipsam aliquid produci possit.

Quomodo ali  
qua perfectio  
inexistens nũc  
diuinæ volitio  
ni potest abso-  
lutè illi non in  
esse,

Sed ista responsio aliquam videtur difficultatem pati: si enim ista consequentia, Deus necessariò vult se perfecte, ergo necessariò vult se secundum totam suam virtutem, quantum ad eius actum exercitium, & causalitatem actuale, valet facta suppositione quod Deus causalitatem finis in creaturis exerceat, non

autem valet non facta illa suppositione: sequitur quod aliquid pertineat ad perfectionem volitionis diuinæ, facta aliqua suppositione, quod non pertinet ad eius perfectionem illa suppositione non facta. Ex hoc autem vltius sequitur, quod absolute aliqua perfectio quæ nunc inest diuinæ volitioni absolute potest illi non esse, cum conditio quæ nunc supponitur, scilicet quod Deus exerceat causalitatem finis in creaturis absolute, potuerit non esse: & sic non omnis perfectio conueniens Deo est absolute necessaria, sed aliqua est possibilis: quod est contra ea quæ in præcedentibus sunt determinata.

Respondetur ad hoc potest, quod dupliciter aliquid ad perfectionem diuinæ volitionis potest pertinere. Vno modo intrinsecè, scilicet ex parte actus volendi in se. Alio modo extrinsecè, scilicet ex parte obiecti voliti. Si loquamur de pertinente ad perfectionem volitionis intrinsecè: sic negatur sequela. Nam cum actus diuinæ volitionis sit vnus respectu omnium volitorum à Deo, & sit idem quod diuina essentia: quantumcunque ponatur ex aliqua suppositione ad aliquam rationem voliti exteri, ad quam illa suppositione facta non extenderetur, propter hoc ipse actus non habet in se perfectionem aliquam, quam non haberet illa suppositione non facta: sed semper remanet eiusdem perfectionis intrinsecè, sicut & diuina essentia semper eiusdem in se perfectionis manet, quantumcunque secundum diuersos respectus rationis aliquo modo possit intelligi variari. Si verò de pertinente ad perfectionem volitionis extrinsecè loquamur, sic non est inconueniens, aliquid pertinere ad perfectionem volitionis diuinæ aliqua suppositione facta, quod illa suppositione non facta ad eius perfectionem non pertineret: hoc enim nihil aliud est dicere, quam quod volitionis diuinæ perfectio, ad aliquod obiectum, vel ad aliquam rationem obiecti aliqua suppositione facta habitudinem habet, ad quod illa suppositione remota habitudinem non haberet. Sicut si ponamus Deum determinasse se producatum alium mundum, pertinet ad perfectionem diuinæ scientiæ extrinsecè, vt ad hanc Dei determinationem extendatur, hoc autem nõ supposito, non pertinet ad diuinæ scientiæ perfectionem, vt ad hanc determinationem habitudinem habet. Cum autem instatur, quia tunc aliqua perfectio quæ nunc inest diuinæ volitioni, poterit absolute non inesse, & sic non omnis perfectio diuina erit absolute necessaria: dico quod nullum horum est magis inconueniens de perfectione sibi extrinsecè conueniente, quam quod habitudo diuinæ voluntatis ad creata possit absolute sibi non conuenire, & non sit necessaria absolute.

Tertiò, Si alio & alio actu vellet se & alia, esset quidam discursus in eius voluntate: hoc autem in Deo non est, cum sit extra omne motum, ergo, &c. Probatur antecedens, quia ita se habet finis in operabilibus, sicut principia in speculabilibus: quia sicut per principia cognoscimus conclusiones, ita ex fine procedit appetitus, & operatio eorum quæ sunt ad finem, sed in intellectu est discursus per hoc quod separatim cognoscuntur principia, & ex eis in conclusionibus deuenimus: ergo si aliquis seorsum velit finem, & ex eo velit ea quæ sunt ad finem, erit ibi discursus voluntatis.

ADVERTE, quod licet discursus propriè pertineat ad rationem, tamen improprie & per quandam similitudinem potest etiam in voluntate poni discursus, secundum quod in ipsa ponitur successio operationum, quarum vna est alterius causa.

Quartò, Sequeretur quod duo actus simul essent in voluntate diuina, quod est impossibile: quia vnus simplicis potentie non sunt simul duæ operationes, scilicet totaliter distinctæ. Probatur consequentia, quia Deus semper vult se.

Quintò, Sequitur quod erit aliquid aliud mouens diuinam voluntatem. Probatur consequentia, quia in omni actu voluntatis volitum comparatur ad voluntatem, vt mouens ad motum: quod intelligendum est de primo & per se volito aliquo actu, vt conueniret aliis à Deo, si Deus alia vellet, non quidem volendo se, sed seorsum & separatim.

Sextò, Esse Dei est tantum vnum, ergo & velle: quia velle Dei est suum esse. Vltimò, Intelligit vno actu se & alia, inquantum essentia sua est exemplar omnium: ergo vult se & alia vno actu, inquantum bonitas est ratio omnis bonitatis. Patet consequentia, quia velle competit Deo secundum quod est intelligens, scilicet concomitanter & consecutiuè.

Quod volitorum multitudo non repugnat simplicitati diuinæ substantiæ.

Cap. 77.



X hoc autem sequitur, quod volitorum multitudo non repugnat vnitati & simplicitati diuinæ substantiæ. Nam actus secundum obiecta distinguuntur: si igitur volita plura, quæ Deus vult, induceret in ipso aliquam multitudinem, sequeretur quod non esset in eo vna tantum operatio voluntatis, quod est contra præostensa.

Item, Ostensum est quod Deus alia vult inquantum vult bonitatem suam: hoc ergo modo cõparantur aliqua ad voluntatē Dei, quo cõprehenduntur à bonitate eius. Sed omnia in bonitate eius vnum sunt, sunt enim aliqua in ipso secundum modum eius, scilicet materialia immaterialiter, & multa vnitè, vt ex supradictis patet: relinquatur igitur quod multitudo volitorum non multiplicat diuinam substantiam.

Præterea, Diuinus intellectus & voluntas sunt æqualis simplicitatis, quia vtrumque diuina est substantia, vt probatum est. Multitudo autem intellectuum non inducit multitudinem in essentia diuina, neque compositionem in intellectu eius: ergo neque multitudo volitorum inducit aut diuersitatem in essentia diuina, aut compositionem in voluntate.

Amplius, Hoc inter cognitionem & appetitum interest, quod cognitio fit secundum quod cognitum est aliquo modo in cognoscente, appetitus autem non, sed econtra secundum quod appetitus refertur ad rem appetibilem, inquantum appetens quærit in quo quiescat: & propter hoc bonum & malum quæ respiciunt appetitum, sunt in rebus: verum autem

Idem P.p. q. 99.  
ar. 2. ad quartum.

Cap. 55.

Cap. 71.



†Tex.com.8. & falsum quæ respiciunt cognitionem, sunt in mente, ut Philosophus dicit in 6. Metaph. Quod autem aliquid ad multa se habeat, non repugnat simplicitati eius, cum & unitas sit multorum numerorum principium: multitudo igitur volitorum à Deo non repugnat eius simplicitati.

## Super cap. 77.

**E**X præcedenti conclusione deducit S. Thomas corollarie, quod multitudo volitorum non repugnat unitati & simplicitati diuinæ substantiæ. Probatur primò sic, Si plura volita inducerent in Deo aliquam multitudinem, non esset in eo vna tantum operatio voluntatis, cuius oppositum est ostensum. Patet consequentia, quia secundum obiecta distinguuntur actus.

**A D V E R T E**, quod ex ista probatione vult habere S. Thom. quod distinguibile proportionatum obiecto est actus: & ideo si plura obiecta faciant aliquam pluralitatem, illa erit actuum pluralitas: non autem intendit quod per quæcunque plura obiecta pluriificentur actus. Vnde sensus illius propositionis est, quod actus est id quod propriè & primò pluriificatur quando pluralitas obiectorum aliquam pluralitatem inducit.

Secundò, Omnia in bonitate diuina sunt vnum: quia aliqua sunt in ipso secundum modum eius, scilicet materialia immaterialiter, & multa vnitè: ergo, &c. Probatur consequentia, quia hoc modo comparantur aliqua ad voluntatem Dei, quo comprehenduntur à bonitate eius, cum Deus alia velit inquantum vult bonitatem suam.

**A D V E R T E**, quod omnia dicuntur vnum esse in bonitate Dei, inquantum bonitas diuina est exemplar omnis bonitatis: non autem quia conueniant in aliqua vna bonitate à Deo producta.

Tertiò, Multitudo intellectuum non inducit multitudinem in essentia diuina, neque compositionem in intellectu eius, ergo, &c. Patet consequentia, quia diuinus intellectus & diuina voluntas sunt æqualis simplicitatis, cum vtrumque sit diuina substantia.

Quartò, Appetitus est secundum quod fertur in rem appetibilem inquantum appetens querit in quo quiescat, ergo, &c. Antecedens patet ex differentia inter cognitionem & appetitum, & etiam ex autoritate Arist. dicentis in 6. Metaph. quod bonum & malum sunt in rebus: verum autem & falsum in intellectu. Consequentia verò probatur, quia quod aliquid ad multa se habeat, non repugnat eius simplicitati: vnde & unitas est multorum numerorum principium.

## Quod diuina voluntas ad singularia bona se extendit. Cap. 78.

**E**X quo etiam apparet, quod non oportet nos dicere ad conseruandam simplicitatem diuinam, quod velit alia bona in quadam vniuersitate, inquantum vult se esse principium bonorum, quæ possunt ab ipso fluere, non autem velit ea in particulari.

Nam velle est secundum comparisonem volentis ad rem volitam: non autem prohibet diuina simplicitas quin possit comparari etià ad multa particularia: dicitur enim Deus optimus vel primum etiam respectu singularium: ergo sua simplicitas non prohibet quin in speciali vel particulari alia à se velit.

2. Item, Voluntas Dei ad alia comparatur inquantum bonitatem participant ex ordine ad bonitatem diuinam, quæ est ratio volendi Deo: sed non solum vniuersitas bonorum, sed & singulum eorum à bonitate diuina bonitatem sortitur sic, & esse. Voluntas igitur Dei ad singula bonorum se extendit.

3. Amplius, Secundum Philosophum in 11. Metaph. duplex bonum ordinis inuenitur in Vniuerso. Vnum quidem secundum quod totum Vniuersum ordinatur ad id quod est extra Vniuersum: sicut exercitus ordinatur ad ducem. Aliud secundum quod partes Vniuersi ordinantur adinuicem, sicut & partes exercitus adinuicem. Secundus autem ordo est, propter primum: Deus autem ex hoc quod vult se ut finis est, vult alia quæ ordinantur in ipsum ut in finem: sicut probatum est. Vult igitur bonum ordinis totius & Vniuersi in ipsum, & bonum ordinis Vniuersi secundum partes suas adinuicem: bonum autem ordinis consistit ex singulis bonis. Vult igitur etiam singula bona.

4. Præterea, Si Deus non vult singula bona ex quibus constat Vniuersum, sequitur quod in Vniuerso sit à casu ordinis bonum: non enim est possibile, quod aliqua pars Vniuersi omnia particularia bona componat in ordinem Vniuersi, sed sola vniuersalis causa totius Vniuersi, quæ Deus est qui per suam voluntatem agit, ut infra ostendetur. Quod autem ordo Vniuersi sit casualis, est impossibile, quia sequeretur quod multò magis alia posteriora essent à casu. Relinquitur igitur, quod Deus etiam singula bonorum vult.

5. Adhuc, Bonum intellectum, inquantum huiusmodi, est volitum: sed Deus intelligit etiam particularia bona, ut supra probatum est. Vult igitur etiam particularia bona. Hoc autem autoritate Scripturæ confirmatur, quæ Genes. 1. ad singula opera complacentiam diuinæ voluntatis ostendit dicens, Vidit Deus lucem quod esset bona. Similiter de aliis operibus. & postea de omnibus simul, Vidit Deus cuncta quæ fecerat, & erant valde bona.

## Super cap. 78.

**S**ecundo loco determinat S. Tho. de modo ex parte voluntatis se tenente. Et ponit hanc conclusionem, Deus vult alia bona, non tantum in quadam vniuersitate, inquantum vult se esse principium bonorum quæ ab ipso possunt effluere, sed etià in particulari: nec hoc eius simplicitati repugnat. Probatur primò, Velle est secundum comparisonem volentis ad rem volitam: sed diuina simplicitas non prohibet quin etiam ad multa singularia comparari possit, cum dicatur optimum & primum etiam respectu singularium, ergo, &c.

Secundò, Non solum vniuersitas bonorum, sed etiam singulum bonorum à bonitate diuina bonitatem sortitur, sicut & esse, ergo, &c. Patet consequentia: quia voluntas diuina ad alia comparatur inquantum participant diuinam bonitatem.

Tertiò, Deus vult bonum ordinis totius Vniuersi in ipsum, & bonum ordinis Vniuersi secundum partes suas adinuicem, ergo, &c. Patet consequentia, quia bonum ordinis consistit in singulis bonis. Antecedens verò probatur, quia Deus ex hoc quod vult se, ut est finis, vult alia quæ ordinantur in ipsum ut in finem: quod pertinet ad primum ordinem Vniuersi: & per consequens vult etià secundum ordinem, quia ille secundus est propter primum, ut habetur 12. Meta. 1. c. 52.

**A D V E R T E**, quod inquit S. Tho. Deum, ex hoc quod vult se ut est finis, velle alia quæ ordinantur in ipsum, quia causalitas finis ut supra dictum est, consistit in hoc ut propter ipsum alia desiderantur. Vnde si Deus vellent se absolvere, non autem ut causam finalem, non vellent alia propter seipsum: quia autem vult se sub ratione causæ finalis, ideo & alia propter seipsum vult.

Quartò, Si Deus non vult singula bona ex quibus constat Vniuersum, bonum ordinis Vniuersi erit à casu: hoc autem est impossibile, quia multò magis alia posteriora essent à casu. Probatur consequentia, Nō est possibile ut aliqua pars Vniuersi, omnia particularia bona componat in ordinem Vniuersi: ergo si neque causa vniuersalis quæ per voluntatem agit, ea componat, erit ordo ille à casu.

Quintò, Deus intelligit etiam particularia bona intellectu scilicet practico, ergo, &c. Patet consequentia: quia bonum intellectum, inquantum huiusmodi, est volitum.

Confirmatur autem Genes. 1. cap. vbi ad singula opera complacentia diuinæ voluntatis ostenditur, cum dicitur, Vidit Deus lucem quod esset bona: & sic de aliis operibus, & postea de omnibus simul, Vidit Deus cuncta, &c.

## Quod Deus velit etiam quæ nondum sunt.

## Cap. 79.

**S**ed autem velle est per comparisonem volentis ad volitum, fortè alicui potest videri, quod Deus non velit nisi ea quæ sunt: nam relatiua oportet simul esse, ut vno interepto interimitur alteri, ut Philosophus docet. Si igitur velle dicatur per comparisonem volentis ad volitum, nullus potest velle nisi ea quæ sunt. 2. Amplius, Voluntas dicitur ad volita, sicut creatura & Creator: non autem potest dici Deus esse Creator, vel Dominus, vel Pater, nisi eorum quæ sunt. Ergo non potest dici velle nisi ea quæ sunt.

† Ex hoc autem posset vltèrius concludi, Si diuinum velle est inuariabile, sicut & suum esse, & non vult nisi ea quæ actu sunt, quod nihil velit quod non semper sit.

† Dicunt autem ad hoc quidam, quod ea quæ non sunt in seipsis, sunt in Deo, & in eius intellectu: vnde nihil prohibet ea quæ non sunt in seipsis, Deum velle secundum quod in eo sunt.

† Hoc autem non videtur sufficienter dictum: nam ideo secundum hoc dicitur quodlibet volens aliquid velle, quod voluntas sua refertur ad volitum. Si igitur diuina voluntas non refertur ad volitum, quod non est nisi secundum quod est in ipso, vel in eius intellectu, sequeretur quod Deus non velit illud aliter, nisi quia vult illud esse in se, vel in eius intellectu: hoc autem non intendunt loquentes, sed quod Deus huiusmodi quæ nondum sunt, velit etiam esse in seipsis.

Rursum, Si voluntas comparatur ad rem volitam per suum obiectum, quod est bonum intellectum: intellectus autem non solum intelligit bonum esse in se, sed etiam in propria natura, voluntas comparabitur ad volitum non solum secundum quod est in cognoscente, sed etiam secundum quod est in seipso.

† Dicamus igitur, quod cum bonum apprehensum moueat voluntatem, oportet quod ipsum velle sequatur conditionem apprehensionis: sicut & motus aliorum mobilium sequuntur conditiones mouentis, quod est causa motus. Relatio autem apprehendens ad apprehensum est consequens ad apprehensionem ipsam: per hoc enim refertur apprehendens ad apprehensum, quod apprehendit ipsum, non autem solum apprehendens apprehendit rem secundum quod est in ipso, sed secundum quod est in propria natura: quia non solum cognoscimus rem intelligi à nobis, quod est eam esse in intellectu, sed eam esse vel fuisse vel futuram esse in propria natura. Licet igitur tunc res illa non sit nisi in cognoscente: relatio tamen consequens apprehensionem est ad eam, non prout est in cognoscente, sed prout est secundum propriam naturam quam apprehendit apprehendens. Voluntatis igitur diuinæ relatio est ad rem non existentem secundum quod est in propria natura secundum aliquod tempus, & non solum secundum quod est in Deo cognoscente: vult enim Deus rem quæ non est nunc, esse secundum aliquod tempus, & non solum vult secundum quod

Contra Gent. h 3 ipse

† 12. tex. c. 52.

† Cap. 75.

† Cap. 65.

† Author. sac. Scrite.

† Coroll.

† Responso quorundam.

† Improbatio.

† Responso bona.



ipse eam intelligit. Nec est simile de relatione volentis ad volitum, & creatis ad creatum, & facientis ad factum, aut domini ad subiectam creaturam: nam velle est actio in volente manens, unde non contingit intelligi aliquid extra, existens actu. Sed facere & creare & gubernare significant actionem terminatam ad exteriorum effectum, sine cuius existentia huiusmodi actio non potest intelligi.

Super cap. 79.

**P**ostquam determinauit sanctus Thomas de volitis secundariis in communi, nunc de quibusdam in particulari determinat, & ponit hanc conclusionem, Deus vult etiam ea quæ non sunt. Hanc autem conclusionem non probat sanctus Thomas, sed adducit instantias contra ipsam, & soluit singulas, ex earum solutione relinquitur conclusio esse veram, & probatam. Circa hoc autem duo facit. Primum ponit instantias. Secundum ad illas respondet. Quantum ad primum duo sunt quæ circa hanc conclusionem faciunt difficultatem. Vnum est, quia cum relatiua oporteat simul esse, & velle dicatur per comparationem volentis ad volitum: videtur quod nullus possit velle ea quæ non sunt. Alterum est, quia Deus non potest dici Creator, Dominus, & Pater, nisi eorum quæ sunt: ergo à simili non potest velle nisi quæ sunt. Ex quibus sequitur quod Deus nihil velit quod non sit semper, cum velle diuinum sit immutabile. Quantum ad secundum respondet sanctus Thomas, & duo facit. Primum falsam quandam responsionem reprobatur: secundum ponit veram responsionem. Dicebant ergo quidam ad has obiectiones, quod licet aliqua in seipsis non sint, in Deo tamen sunt, & in eius intellectu: & sic Deus vult non entia, secundum scilicet quod in ipso sunt.

Contra hanc responsionem, quod sit insufficientis, arguit sanctus Thomas dupliciter. Primum, sequitur quod Deus non velit non entia aliter quam sint in ipso, vel in eius intellectu: sed hoc non intendunt qui de hac questione loquuntur, sed quod Deus velit ea esse in seipsis, ergo, &c. Probatur consequentia, quia volens secundum hoc dicitur aliquid velle, quod refertur ad volitum: si ergo diuina voluntas ad non ens refertur tantum ut est in Deo, & in eius intellectu, sequitur quod velit illud tantum esse in Deo, & in eius intellectu.

Secundum, Intellectus diuinus non solum intelligit bonum esse in se, sed etiam in propria natura: ergo & voluntas comparatur ad volitum eodem modo. Patet consequentia, quia voluntas comparatur ad rem volitam per suum obiectum, quod est bonum intellectum.

CIRCA propositionem illam in prima reprobatione assumptam, Secundum hoc dicitur quodlibet volens aliquid velle, quod voluntas sua refertur ad volitum: attendendum quod eius potest duplex esse sensus. Vnus, quod habendo volentis ad volitum, sit volenti ratio quod velit, accipiendo habitudinem pro ipso solo respectu, & iste sensus est falsus: non enim ex respectu habet volens quod velit, imò e contrariò, quia habet actum volendi circa volitum, sequitur habitudine ad ipsum. Alius sensus esse potest, quod ex actu quo inclinatur voluntas in volitum, & ad quem consequitur respectus ad ipsum, dicitur volens velle aliquid: & hic sensus est verus, & hic intencus. Volens enim dicitur aliquid velle, quia eius voluntas in volitum inclinatur actu elicitio super quem fundatur habitudine volentis ad volitum: ex quo sequitur quod si voluntas inclinatur in volitum tantum, ut habet esse in intellectu, quod volens velit tantum esse, quod illud habet in intellectu.

Circa secundam rationem aduertendum, cum inquit sanctus Thomas voluntatem comparari ad rem volitam per suum obiectum, quod non vult excludere rem volitam ab obiecto voluntatis, quasi res volita non sit obiectum voluntatis (hoc enim repugnantiam includit) sed vult rem volitam distinguere ab obiecto formali voluntatis: ipsa enim res volita est obiectum materiale, hoc autem quod dico, Bonum intellectum est obiectum formale: & quia potentia non terminatur ad materiale obiectum, nisi ut substat rationi formali, ideo dicitur quod voluntas non comparatur ad rem materialiter volitam nisi per bonum intellectum, id est, nisi in quantum habet rationem boni intellecti.

ADVERTENDVM quoque, quod hoc loco non facit differentiam inter intellectum & voluntatem, quantum ad hoc quod est comparati ad rem secundum quod est in seipsa, cum tamen superius inter illa quantum ad hoc posuerit differentiam, quia ut ibi declaratum est, quantum ad id quod terminat materialiter habitudinem intelligentis & volentis, non differt intellectus à voluntate: intelligit enim intellectus rem quantum ad esse quod habet extra intelligentem: & similiter voluntas vult rem secundum esse quod habet in seipsa: & hoc modo loquitur hic sanctus Thomas. Quantum autem ad id quod est ratio terminandi propriam habitudinem vtriusque, differunt: esse enim quod habet res extra intellectum, siue in seipsa, non est ratio quod aliquid sit actu intellectum, & terminet habitudinem intelligentis ut intelligens est, sed esse quod habet in anima. Esse autem rei in seipsa est ei ratio quare sit volita, & terminet habitudinem volentis, ut est volens: & hoc modo loquutus est superius, unde nulla est contradictio.

Remota igitur hac falsa responsione ponit sanctus Thomas veram responsionem. Ad primum enim respondet, quod cum relatio consequens apprehensionem sit ad rem non solum secundum quod est in intellectu, sed etiam secundum quod est in seipsa, licet tunc non sit nisi in intellectu, cum apprehendens apprehendat ipsam esse secundum quod in se est, eo quod non solum apprehendat ipsam intelligi, quod est ipsam esse in intellectu, sed etiam eam esse vel fuisse, vel futuram esse: oportet etiam ut relatio diuinæ voluntatis ad non entia sit non solum secundum quod sunt in Deo cognoscente, sed etiam secundum quod in propria natura sunt secundum aliquod tempus: ipsam enim velle sequitur modum apprehensionis.

Sed non videtur ista ratio argumento satisfacere: non enim per hanc respondetur ad propositionem ab Aristotele assumptam, scilicet, Relatiua oportet simul esse: ex qua sequitur non posse esse habitudinem volentis nisi ad rem existentem. Dicitur quod ex iis quæ dicit sanctus Thomas. Hic relinquitur illam propositionem assumptam falsam esse, si de ipsis rebus quæ relatiue denominantur (quæ & dicuntur relatiua) materialiter intelligatur: non enim oportet res quæ relatiue dicuntur, simul esse, imò potest esse habitudo existentis ad non existentem in seipso. Si autem intelligatur de relatiuis formaliter, siue de ipsis relationibus, sic oportet illa simul esse, non enim potest una relatio

esse, quin opposita etiam sit: neque unum potest ad aliud referri, quin & illud aliquo modo referatur ad ipsum.

Sed cum relatio omnis exigit fundamentum, remanet dubium quomodo possint simul esse relationes, & tamen res relatiue non simul esse.

Respondetur, quod relatio realis exigit fundamentum reale & existens, ideo non possunt simul esse relationes reales, quin etiam sint in actu res relatiue, & fundamenta relationum: relatio autem rationis non exigit fundamentum reale & in natura existens, sed sufficit quod sit in apprehensione, sicut & ipsa habitudo non habet esse nisi in apprehensione. Cum ergo habitudo inter ens & non ens, qualis est habitudo intelligentis & volentis non ens, sit habitudo rationis, sufficit, ut ipsa res intellecta & volita sit intellecta. Ideo hic dicit sanctus Thomas, quod licet ista res cognita non sit nisi in cognoscente, relatio tamen consequens apprehensionem est ad eam prout est secundum propriam naturam, non prout est in cognoscente: quasi diceret, Relatio est quidam ad esse rei in propria natura, sed sufficit quod ipsa res & propria natura, & eius esse pro isto nunc nobis præsentem sit in intellectu. Ad secundum respondet, quod non est simile de relatione volentis ad volitum, & de aliis inducitis, quia velle est actio immanens, ideo potest terminari ad id quod non est actu existens extra: facere autem, creare, & gubernare significant actionem terminatam ad exteriorum effectum, sine cuius existentia huiusmodi actio non potest intelligi.

ADVERTE differentiam esse inter actionem immanentem & transeuntem, quod per immanentem, in quantum immanens est, non producit aliquis effectus in materiam exteriori, per transeuntem autem aliquis effectus producit: & quia actio non est productiva effectus proximi completi & perfecti, nisi cum effectus per ipsam capit esse, ideo talis actio non potest esse nisi respectu rei nunc existentis, & habitudo quæ illam actionem consequitur, non est nisi ad rem habentem esse. Propter hoc inquit sanctus Thomas, actionem huiusmodi non posse intelligi, scilicet esse in natura, sine rei existentia, id est, nisi intelligatur ipsa res esse: quia verò actio immanens non est termini extrinseci productiva, ideo ad eius esse non oportet terminum esse: neque habitudo quæ illam consequitur actionem, requirit ut terminus eius sit in rerum natura, imò & potest intelligi ipsa actio immanens, dato quod terminus eius non sit in actu: non autem facere aut creare, quæ significantur per modum actionis transeuntis.

Quod Deus de necessitate vult suum esse, & suam bonitatem. Cap. 80.

**E**X his autem quæ supra ostensa sunt, sequitur quod Deus de necessitate velit suum esse & suam bonitatem, nec possit contrarium velle. Ostensum est enim supra, quod Deus vult suum esse & suam bonitatem, ut principale obiectum quod est sibi ratio volendi alia. In omni igitur voluto suum esse & suam bonitatem vult, sicut visus in omni colore videt lumen. Impossibile est autem Deum non velle aliquid actu: esset enim volens in potentia tantum: quod est impossibile, cum suum velle sit suum esse. Necessarium igitur est, quod velit suum esse, & suam bonitatem.

2 Item, Quilibet volens de necessitate vult suum ultimum finem, sicut homo de necessitate vult suam beatitudinem, nec potest velle misericordiam. Sed Deus vult se esse sicut ultimum finem, ut ex prædictis patet: necessarium igitur vult se esse, nec potest velle se esse.

3 Amplius, In appetitiuis & in operatiuis finis hoc modo se habet, sicut principium indemonstrabile in speculatiuis. Sicut enim ex principiis concluduntur in speculatiuis conclusiones, ita in actiuis & appetitiuis ratio omnium agendorum & appetendorum ex fine sumitur: sed in speculatiuis intellectus de necessitate assentit primis principiis indemonstrabilibus, quorum contrariis nullo modo potest assentire, ergo voluntas necessarium inhæret fini ultimo, ut non possit contrarium velle: & sic si diuinæ voluntati non est alius finis quam ipse, de necessitate vult se esse.

4 Adhuc, Omnia in quantum sunt, assimilantur Deo, qui est primum & maximum ens: omnia autem in quantum sunt, suo modo naturaliter diligunt suum esse. multo igitur magis Deus suum esse diligit naturaliter: natura autem eius est per se necesse est, ut supra probatum est, Deus igitur ex necessitate vult se esse.

5 Præterea, Omnis perfectio & bonitas quæ in creaturis est, Deo conuenit essentialiter, ut supra probatum est: diligere autem Deum est summa perfectio rationalis creaturæ, cum per hoc quodammodo Deo uniatur, ergo in Deo essentialiter est, ergo ex necessitate diligit se: & sic vult se esse.

Super cap. 80.

**P**ostquam determinauit sanctus Thomas de voluntate diuina ex parte obiecti, nunc determinat de ipsa quantum ad conditionem volendi. Circa hoc autem duo facit. Primum agit de necessitate volendi: secundum de causalitate, cap. 81.

CIRCA primum duo facit. Primum agit de necessitate absolute: secundum de necessitate ex suppositione, cap. 82.

CIRCA primum duo facit. Primum agit de necessitate volendi respectu Dei volitis: secundum respectu aliorum, cap. sequenti. Quantum ad primum ponit hanc conclusionem, Deus de necessitate vult suum esse, & suam bonitatem: nec potest contrarium velle. Probatur primum, Impossibile est Deum non velle aliquid actu, quia sic esset tantum volens in potentia, & per consequens

Quædam inter actiones immanentes & transeuntes differentia.

Idem P.p. q. 19. art. 3.

Cap. 74.

Cap. 79.

Cap. 13.

Cap. 18.

Ex hoc dicitur volens aliquid velle quod voluntas sua refertur ad volitum.

Relatiua sunt simul natura.



quens ens in potentia, cum suum velle sit suum esse: ergo necesse est quod velit suum esse, & suam bonitatem. Probatur consequentia, quia in omni volito vult suum esse, & suam bonitatem, sicut vitus in omni colore videt lumen, vult enim suum esse & suam bonitatem, ut principale obiectum, quod est sibi ratio volendi alia.

ADVERT E, quod ista ratio concludit Deum velle se, quo ad specificationem actus de necessitate, eo quod in omni volito velit se: supponit autem ipsum se necessitate velle quantum ad exercitium actus, eo quod non sit volens in potentia.

V nū possibile sit Deum nihil velle. SED tunc occurrit dubium. Nam possibile fuit, absolute loquendo, quod Deus non voluerit creaturas esse, quia potuit illas non producere, sed hoc nullam posuisset in Deo imperfectionem, aut potentialitatem: ergo si etiam seipsum non veller, nulla esset in Deo potentialitas, aut ergo dicere oportet quod possibile est Deum nihil velle in actu, cuius oppositum hic dicitur: aut oportet dicere quod actualiter vult omne volubile ab ipso, quod falsum est, sicut falsum est quod producat omne producibile.

Respondetur, quod aliud est dicere, Hoc non est volens absolute: & aliud, Hoc non est volens respectu huius: esse enim aliquem simpliciter non volentem, est ipsum nullum simpliciter habere actum voluntatis: esse autem non volentem respectu huius, est non quidem omnino carere actu volendi, sed non habere actum volendi ad hoc terminatum. Primo ergo modo, non potest dici Deus non volens, quia hoc imperfectionem & potentialitatem in re quæ nata est velle, dicit: sed de necessitate voluntas sua habet actum volendi: & cum sua bonitas sit sibi ratio volendi alia, necesse omnino est ut suam velit bonitatem. Omnis enim actus voluntatis terminatur primo ad rationem volendi. Secundo autem modo, non inconuenit Deum absolute loquendo esse non volentem: quia cum hoc nihil aliud importet quam quod actus diuine voluntatis non habet respectum rationis ad hoc, quem tamen absolute posset habere, nullam imperfectionem poneret in Deo. Vnde si poneretur, quod Deus non voluisset esse creaturarum, propter hoc nulla poneretur in ipso imperfectio, nullaque potentialitas realis, sed tantum poneretur libertas in ipsa voluntate diuina, & careret cuiusdam respectus rationis. Si autem absolute poneretur Deum non velle suam bonitatem, sequeretur Deum esse simpliciter in potentia volentem, & carere perfectione actus volendi: quia si non veller suam bonitatem, quæ est proprium voluntatis eius obiectum, nullum actum volendi haberet. Vnde ratio non sequitur.

Secundo, Deus vult se esse sicut ultimum finem, ergo, &c. Probatur consequentia, quia quilibet volens de necessitate vult suum ultimum finem, sicut homo de necessitate vult suam beatitudinem, nec potest velle miseriam.

CIRCA hanc propositionem, Homo suam beatitudinem vult ex necessitate, sciendum est ex doctrina sancti Thomæ, quod intelligenda est de beatitudine secundum vniuersalem rationem beatitudinis accepta, non autem secundum propriam rationem, similiter quo ad specificationem actus, non autem quo ad exercitium. Si enim voluntas elicit actum circa beatitudinem in communi, ille actus erit velle, & non potest esse nolle. Nullus enim potest velle non esse beatus, sed tamen potest voluntas nullum actum habere circa beatitudinem, sicut vult quicquid de facto in seipso experitur.

Tertio, Intellectus de necessitate assentit primis principiis speculatiuis: ergo voluntas necessario adheret ultimo fini, ergo si diuine voluntatis non est alius finis quam ipse, de necessitate vult se esse. Probatur consequentia, quia ita se habet finis in appetitiuis, sicut principium indemonstrabile in speculatiuis. Ista ratio est confirmatio præcedentis.

Quarto, Omnia in quantum sunt, suo modo naturaliter diligunt suum esse, ergo Deus: quia omnia in quantum sunt, assimilantur Deo. Ergo de necessitate diligit se, quia sua natura est per se necesse esse.

Quinto, Diligere Deum est summa perfectio rationalis creature, cum per hoc quodammodo Deo vniatur, ergo in Deo essentialiter est, & ex necessitate. Patet consequentia, quia omnis bonitas & perfectio quæ est in creaturis, conuenit Deo essentialiter.

CIRCA istam propositionem, Diligere Deum est summa perfectio rationalis creature, aduerte quod secundum aliquorum expositionem habet veritatem in via. Nam dilectio Dei in via est nobilior & dignior cognitione Dei, iuxta illud Apostoli I. Cor. 13. Si nouerim mysteria omnia, & habuero omnem fidem, charitatem autem non habeam, nihil sum: secus uero in patria, ubi visio diuine essentia est tota essentia beatitudinis, sed tamen etiam in patria aliquo modo dilectio præminet cognitioni. De hoc autem in tertio Libro erit sermo latior.

Quod Deus non de necessitate vult alia à se.

Cap. 81.

Idem P. p. q. 19. art. 3. I autem diuina voluntas est diuine bonitatis & diuini esse ex necessitate, posset alicui videri quod etiam aliorum ex necessitate esset: cum omnia alia velit volendo suam bonitatem, ut supra probatum est. Sed tamen recte considerantibus apparet, quod non est aliorum ex necessitate: est enim aliorum ut ordinatorum ad finem suæ bonitatis. Voluntas autem non ex necessitate fertur in ea quæ sunt ad finem, si finis sine his esse possit: non enim habet necesse medicus ex suppositione voluntatis, quam habet de sanando, illa medicamenta adhibere infirmo sine quibus potest nihilominus infirmum sanare. Cum igitur diuina bonitas sine aliis esse possit, quinimodo nec per alia ei aliquid accrescat, nulla inest ei necessitas ut alia velit ex hoc quod vult suam bonitatem.

2. Adhuc, Cum bonum intellectum sit proprium obiectum voluntatis, cuiuslibet per intellectum concepti potest esse voluntas, ubi saluatur ratio boni: vnde quamuis esse cuiuslibet, in quantum huiusmodi, bonum sit, non esse autem malum, ipsum tamen non esse alicuius potest cadere sub voluntate ratione alicuius boni adiuncti: quod saluatur, licet non ex

necessitate, est enim bonum aliquid esse etiam alio non existente. Solum igitur illud bonum voluntas secundum sui rationem non potest velle non esse, quo non existente tollitur totaliter ratio bonitatis autem nullum est præter Deum, potest igitur voluntas secundum sui rationem velle non esse quamcumque rem præter Deum. Sed in Deo est voluntas secundum totam suam facultatem, omnia enim in ipso sunt vniuersaliter perfecta: potest igitur Deus velle non esse quamcumque rem aliam præter se, non igitur de necessitate vult esse alia à se.

3. Amplius, Deus volendo bonitatem suam, vult etiam alia à se, prout bonitatem eius participant: cum autem diuina bonitas sit infinita, infinitis modis participabilis, etiam aliis modis quam ab his creaturis quæ nunc sunt, participetur: si ex hoc quod vult bonitatem suam, vellet de necessitate ea quæ ipsam participant: sequeretur quod vellet esse infinitas creaturas infinitis modis participantes suam bonitatem, quod patet esse falsum: quia si vellet, essent, cum sua voluntas sit principium essendi rebus, ut infra ostendetur. Non igitur ex necessitate vult etiam ea quæ nunc sunt.

4. Item, Sapientis voluntas ex hoc quod est de causa, est de effectu qui ex causa de necessitate sequitur: stultum enim esset velle Solem existere super terram, & non esse dici claritatem. Sed effectus qui non ex necessitate sequitur ex causa, non est necesse aliquem velle ex hoc quod vult causam: a Deo autem procedunt alia non ex necessitate, ut infra ostendetur: non igitur necesse est quod Deus alia velit ex hoc quod vult se.

5. Amplius, Res procedunt a Deo, sicut artificia ab artifice, ut infra ostendetur: sed artifex quamuis velit se habere artem, non tamen ex necessitate vult artificia producere: ergo nec Deus ex necessitate vult alia à se esse.

Est ergo considerandum, quare Deus alia à se ex necessitate sciat, non autem ex necessitate velit: cum tamen ex hoc quod intelligit & vult se, intelligat & velit alia. Huius autem ratio est, quod enim intelligens intelligat aliquid, ex hoc est, quod intellectus se habet quodammodo: ex hoc enim quod aliquid actu intelligitur, est eius similitudo in intelligente, sed quod volens aliquid velit, ex hoc est, quod volitum aliquo modo se habet. Volumus enim aliquid vel quia est finis, vel quia ad finem ordinatur. Esse autem omnia in Deo ut in eo intelligi possint, ex necessitate requirit diuina perfectio, non autem diuina bonitas ex necessitate requirit alia esse quæ in ipsam ordinantur ut in finem: & ob hoc necesse est Deum alia scire, non autem velle. Vnde nec omnia vult quæ ad bonitatem ipsius ordinem habere possent: omnia autem scit quæ ad essentiam eius per quam intelligit, qualemcumque ordinem habent.

Super cap. 81.



Via autem ex his posset alicui videri, quod etiam alia Deus ex necessitate vellet, cum alia velit volendo suam bonitatem, ideo secundo loco ostendit S. Tho. quod voluntas Dei non est aliorum à se ex necessitate. Circa hoc autem duo facit. Primo ostendit veritatem conclusionis: secundo ad quasdam obiectiones respondet. Quantum ad primum duo facit.

Primo probat conclusionem: secundo remouet quoddam dubium. Probatur ergo primo conclusio sic, Diuina bonitas sine aliis esse potest, imò nec per alia ei aliquid accrescit: ergo nulla est necessitas quod alia velit ex eo quod vult suam bonitatem. Probatur consequentia, quia voluntas non fertur necessario in ea quæ ad finem sunt, si finis sine his esse possit. Probatur ex actione medici circa infirmum, voluntas autem diuina est aliorum ut ordinatorum ad finem suæ bonitatis, ergo, &c.

Adeundam huius rationis considerandum est, quod cum finis sit tota ratio volendi id quod est ad finem, ut ad finem ordinatur, tunc tantum sub eadem necessitate voluntatis & finis, & id quod est ad finem, cadit, quando inter finem, & id quod est ad finem, necessaria est habitudo: hoc autem est quando finis esse & haberi non potest sine illo quod ad ipsum ordinatur, sicut nauigium est necessarium ad transfectionem. Ideo volens transfectionem, necessario vult nauigium. Quando autem non est necessaria talis habitudo, tunc potest voluntas velle finem, & tamen non necessario velle id quod est ad finem: sicut volens sanitatem, non de necessitate vult eam medicinam sine qua esse potest.

Considerandum secundo, quod aliquid esse necessarium ad finem, dupliciter potest esse. Vno modo, quia finis absque illo simpliciter & absolute esse non potest, & tale dicitur esse absolute necessarium ad finem. Alio modo, quia licet finis absque illo absolute esse possit, non potest tamen absque illo bene & complete esse: & tale dicitur necessarium non absolute, sed ad bene esse, & ad completam perfectionem finis. Primo modo, dicimus cibum esse necessarium animali ad vitæ conseruationem. Secundo vero modo dicimus pictorem esse necessarium ad domus constitutionem. Quia ergo nihil creatum est necessarium ad diuinam bonitatem neque, inquam, quantum ad esse simpliciter, neque quantum ad bene esse: ideo dixit sanctus Tho. quod & diuina bonitas sine aliis esse potest, & per alia nihil ei accrescit.

SEDE circa hanc responsionem dubium occurrit. Nam si voluntas diuina est aliorum ut ordinatorum ad suam bonitatem, ut hic dicitur, sequitur quod velit alia propter bonitatem suam tanquam propter finem. Sed nullus potest

Contra Gent. h. 4. aliquid

Quo Deus non vult alia ex necessitate, licet illa velit ut ad suam bonitatem ordinata tanquam ad finem.



aliquid velle propter finem, nisi simul volendo finem velit quod propter finem vult: ergo non potest Deus velle suam bonitatem nisi alia velit. Et sic contra intentionem rationis sequitur quod Deus alia à se de necessitate velit.

Respondetur, quod finis dupliciter potest considerari. Vno modo, quantum ad entitatem suam absolute ex qua habet ut propter se desideretur aut ametur: alio modo, ut comparatur ad id quod est ad finem in ratione causae finalis, & sic voluntas potest dupliciter velle finem. Vno modo absolute volendo eius perfectionem propter se: alio modo volendo ipsum sub ratione causae finalis aliorum. Cum ergo inquit S. Tho. q. nulla est necessitas, quod Deus alia velit ex eo quod vult suam bonitatem, intendit de volitione suae bonitatis absolute inquantum diuina bonitas est, non autem inquantum causalitatis finis exercet. Cum hoc tamen fiat, quod volendo ipsam bonitatem sub ratione causae finalis, & ut vult alia tanquam in ipsam ordinata, de necessitate volendo suam bonitatem velit alia à se. Sed ista est necessitas ex suppositione, scilicet ex hoc quod supponitur Deum velle alia à se propter bonitatem suam, tanquam propter finem, quam non vult sanctus Thomas per hanc rationem excludere, sed tantum necessitatem absolutam.

Secundo, Potest Deus velle non esse quancunque creaturam praeter se, ergo, &c. Probatur antecedens. Solum illud bonum voluntas secundum sui rationem non potest velle non esse, quod non existere tollitur totaliter ratio boni: sed tale nullum est praeter Deum, ergo nullum est ens quod non possit voluntas secundum suam rationem velle non esse, excepto Deo, ergo & Deus potest quancunque aliam rem praeter se velle non esse. Probatur antecedens, quia cum bonum intellectus sit obiectum voluntatis, cuiuslibet concepti per intellectum ubi saluatur ratio boni, potest esse voluntas. Unde quauis non esse alicuius malum sit, ipsum tamen potest cadere sub voluntate ratione alicuius boni adiuncti quod saluatur, licet non ex necessitate. Est enim bonum aliquid esse, etiam alio non existente, id est, per non esse alicuius non tollitur necessitudo ratio boni. Si ergo non possit aliquid velle non esse, oportet ut in illo non esse nullo modo saluetur ratio boni. Patet autem ultima consequentia, quia voluntas est in Deo secundum totam suam facultatem, quantum scilicet ad omnem perfectionem quam dicit, cum in ipso sint omnia vniuersaliter perfecta.

Quo non esse possit sub voluntate cadere.

**ADVERTENDVM** quod non esse secundum se acceptum, boni rationem habere non potest, cum ratio boni fundetur in esse, ut superius est ostensum: & ideo per se sub voluntate cadere non potest. Sed quia contingit non esse alicuius coniungi alicui bono, sicut non esse ouis, vitae leonis coniungitur, ideo per accidens siue ratione alterius potest cadere sub voluntate, inquantum scilicet bonum cui coniungitur, sub voluntate cadit. Quod autem addit S. Tho. licet non ex necessitate, ad duo potest referri, scilicet ad id quod immediate dixerat, ut sit sensus, non esse cadere posse sub voluntate ratione boni adiuncti, quod saluatur, licet illud bonum non saluetur ex necessitate posito non esse alterius. Quauis enim ad non esse alterius non coniungatur de necessitate hoc bonum determinatum, si tamen coniungi possit, nihilominus ratione illius potest non esse cadere sub voluntate. Potest etiam referri ad id quod dixerat non esse posse cadere sub voluntate, ut sit sensus, quod non esse potest quidem ratione alicuius boni adiuncti cadere sub voluntate, non tamen potest cadere sub voluntate de necessitate, tanquam scilicet necessitudo voliti, cum neque formale ratione obiecti voluntatis dicat, neque ad finem necessitudo habeat habitudinem, eo quod sit non ens, & per consequens secundum se sit extra rationem boni & appetibilis: & hoc mihi magis placet.

Tertio, sequetur quod Deus velle esse infinitas creaturas infinitis modis suam bonitatem participantibus: hoc autem est falsum, quia tunc essent infinitae, cum eius voluntas sit principium essendi rebus. Probatur consequentia, Deus volendo bonitatem suam, vult alia à se prout bonitatem eius participant: sed cum sit infinita, participabilis est infinitis etiam aliis modis quam participetur, ergo si ex hoc quod vult bonitatem suam, vellet de necessitate ea quae ipsam participant, sequeretur quod veller infinitas creaturas.

**CIRCA** probationem minoris aduertendum, quod non vult deducere sanctus Thomas, quod essent simul infinitae creaturae si Deus vellet infinitas creaturas: quia licet nunc Deus velit finitas creaturas, non tamen sequitur quod omnes simul sint, sed vult habere hoc solum, quod essent infinitae creaturae absolute, siue successiuè, siue simul secundum dispositionem voluntatis. Quod secundum fidem est falsum, quae ponit generationem quandoque cessaturam, & productionem rerum subsistentium, & per consequens non esse futuras infinitas creaturas etiam successiuè.

**SE** D circa ipsum rationis processum occurrit dubium. Posset enim aliquis dicere, quod Deus volendo bonitatem suam, de necessitate vult omnes creaturas per ipsum producendas, non autem producibiles, & potentes eius bonitatem participare: & sic non sequitur quod velit infinitas creaturas esse.

Respondetur, quod necessitudo sequitur ipsum velle infinitas creaturas, quia illae quas dicit de necessitate volitas, aut sunt necessitudo voliti à Deo volente suam bonitatem, inquantum participatiue bonitatis eius, aut inquantum per sapientiam diuinam sunt ordinatae ut producantur, & diuinam bonitatem participant. Si primo modo, cum non sit magis necessaria habitudo secundum se vnius ad bonitatem diuinam, quam alterius, quia ratione vult necessitudo hoc participatiue suae bonitatis, eadem ratione vult omnia talia, vnum enim ut sic non habet magis rationem voliti, quam alterum: & sic sequitur quod vult infinita. Si secundo modo, sic ista non erunt necessitudo volita, nisi supposita dispositione diuini intellectus: & sic non erunt necessitudo volita absolute, ut hic loquimur de necessitudo volito, sed tantum ex suppositione. Primo ergo modo deduxit consequentiam S. Tho. non secundo modo.

Quarto, Sapientis voluntas ex hoc quod est de causa, est de effectu qui ex causa de necessitate sequitur, ut patet de volente Solem esse super terram, & diei claritatem, non autem est necessitudo de effectu qui non de necessitate sequitur ex causa. Sed à Deo alia procedunt non ex necessitate, ut infra ostendetur: ergo non est necesse Deum alia velle ex eo quod vult se.

Sapientis voluntas ex hoc quod est de causa, est de effectu, qui ex causa de necessitate sequitur.

**CIRCA** illam propositionem, Sapientis voluntas ex hoc quod est de causa, est de effectu, qui ex causa de necessitate sequitur, aduertendum, quod dixit S. Tho. Sapientis voluntas, quia stulti voluntas posset esse de causa, & non de effectu, intelligenda est etiam de considerante effectum necessitudo sequi ex causa, cum voluntas non feratur in incognitum. Nam si aliquis nesciret effectum ex causa necessitudo sequi, non oporteret ut volendo causam veller effectum: sed si videat ex causa necessitudo effectum sequi, & sapiens sit, necesse est, si vult causam, ut etiam effectum velit.

Quinto, Res procedunt à Deo sicut artificata ab artifice, ergo, &c. Proba-

tur consequentia, quia artifex licet velit se habere artem, non tamen vult ex necessitate artificata producere.

**ADVERTENDVM** quod sanctus Thomas videtur bonitatem diuinam arti comparare, ut sicut artifex vult quidem se habere artem, non tamen vult necessitudo propter hoc artificatum producere, imò illo stante, potest velle artificatum non producere: ita Deus vult quidem se habere bonitatem, non tamen necessitudo vult alia ex eo quod vult suam bonitatem, ista autem comparatio non est accipienda quasi bonitas diuina concurrat ad rerum productionem sicut ars, hoc enim verum non est, cum ars concurrat per modum causae formalis quae, bonitas autem per modum causae finalis ad formalem ad quam. Sed est accipienda ista comparatio ex parte ipsius effectus cum enim diuina bonitas non hoc modo sit huius creaturarum, ut per ipsas habeat esse, sed magis e contrario ut res ipsam participant, eisque aliquam similitudinem capiant, sicut artificata sunt quaedam similitudines artis: ita alia à Deo sunt quaedam similitudines diuinae bonitatis. Unde se habet bonitas diuina ad artem diuini intellectus, sicut forma exemplaris ad conceptum, quam in se ipso format artifex de ipsa, ut effectum illi formae similem producat: concipit enim diuinus intellectus in se diuersos modos participationis diuinae bonitatis à creaturis, & secundum hos diuersi creaturarum gradus producuntur: ex hoc ergo bene sequitur, quod sicut artifex potest velle artem suam, non de necessitate volendo artificata producere, ita Deus potest velle suam bonitatem, non de necessitate volendo alia à se, quia effectus vtriusque est quoddam participata similitudo suae causae, licet non secundum eandem rationem causalitatis.

Quantum ad secundum, remouet sanctus Thomas dubium quoddam. Videtur enim quod Deus velit alia à se de necessitate. Nam sicut ex hoc quod vult se, vult alia: ita ex hoc quod intelligit se, intelligit alia: sed intelligit alia ex necessitate intelligendo se, loquendo scilicet de scientia simplicis intelligentiae, ut dictum est supra: ergo vult alia ex necessitate, volendo se.

Respondetur autem quod non est eadem ratio de intellectu & voluntate, quia intelligit ex hoc quod intellectus se habet quodammodo, ex hoc enim quod aliquid actu intelligitur, est eius similitudo in intelligente, quod autem volens aliquid vult, est ex hoc quod volitum aliquo modo se habet. Voluit enim aliquid vel quia est finis, vel quia ad finem ordinatur: perfectio autem diuina exigit de necessitate, ut omnia in Deo sint, ut in eo intelligi possint, non autem bonitas diuina de necessitate requirit alia esse, quae in ipsum ordinantur ut in finem.

**CIRCA** A hanc responsionem dupliciter dubitatur. Primo, quia non videtur vera esse differentia posita inter intelligentem ad hoc quod intelligat, & volentem ad hoc quod velit: sicut enim ex hoc volens vult, quod volitum aliquo modo se habet: ita intellectus intelligit ex hoc, quod res intellecta alio quo modo se habet, ex hoc, inquam, quod est in intellectu per suam similitudinem, ut hic dicitur. Secundo, quia non dicitur sufficiens diuisio voliti hinc assignata, scilicet volumus aliquid, vel quia est finis, vel quia ad finem ordinatur: constat enim quod aliquid volumus neque tanquam finem, neque tanquam ad finem ordinatum, sicut volumus scientiam aliquam non ut in finem, quia illam appetimus, nihil praeter ipsam appetendo, neque ut ordinatum ad finem, cum possimus eam propter se appetere, & non ex ordine ad aliquid aliud. Similiter Deus absolute loquendo potuit velle tantum bonitatem suam, & tunc non voluisset ipsam ut finem, quia nihil voluisset propter ipsam, neque ut ordinatam ad finem, cum sit perfectissimum omnium entium, ergo, &c.

Ad primum dicitur, quod loquitur sanctus Thomas, de modo rei in seipso volens enim fertur in volitum, non quia voluntas aliqua dispositione fiat in actu, sed quia volitum est talis natura in se, quia scilicet aut est finis, aut vult ad finem, vel quomodoocunque ordinabile ad finem, intelligens autem intelligit ex hoc, quod intellectus disponitur & actatur ad similitudinem intelligentis, non autem ex hoc quod intelligibile in seipso taliter se habeat, licet requiratur ut aliquo modo se habeat in alio secundum quod est, quam sit esse quod in seipso habet.

Ad secundum respondetur, quod omne bonum, aut est finis, aut est ordinatum ad finem ex natura sua: sed quia contingit esse multos fines subordinatos, quorum vnus ordinatur ad alium, ideo contingit quod aliquid est finis tantum ut bonitas diuina: aliquid est ordinatum ad finem tantum, ut medicina amara: aliquid verò est medio modo, scilicet & finis & ordinatum aliquorum, & respectu alterius ordinatum ad finem, ut sanitas. Unde necesse est ut omne bonum, aut sit finis, aut sit ordinatum ad finem: & utroque modo aut simpliciter, aut secundum quid. Sed attendendum quod finis duo conueniunt, scilicet quod sit propter se appetibilis, & quod alia propter ipsum sint appetibilia. Primum conuenit sibi inquantum est bonum, habens in se sufficientem appetibilitatem. Secundum sibi conuenit inquantum est causa eorum quae sunt ad finem. Sed quia contingit aliquid esse causam, & tamen non actualiter causare, ideo contingit quod aliquid habet bonitatem propter quam alia possunt appeti, & tamen nihil propter ipsum appetitur, & sic quod sit finis, & tamen causalitatem finis actu non exerceat. Dicitur ergo quod omne bonum aut est finis, aut ordinatum ad finem, inquantum omne bonum aut est propter se appetibile, & propter quod alia appeti possunt: aut est propter aliud appetibile, non autem sic, quod omne bonum aut sit, quod actualiter appetitur propter aliud, aut sit propter quod aliud appetitur in actu. In hoc autem secundo sensu procedit obiectio, ideo non est contra intentum.

**SE** D contra conclusionem huius capituli ex doctrina sancti Thomae argui potest. Nam Prima parte, q. 1. art. 2. inquit quod hoc pertinet ad rationem voluntatis, ut bonum quod quis habet, aliis communicet secundum quod possibile est: & ex hoc probat Deum velle alia à se. Tunc sic, Quod est de ratione voluntatis, conuenit voluntati necessitudo, sed communicare bonum quod quis habet, pertinet ad rationem voluntatis: ergo voluntas diuina necesse est communicare bonum suum, ergo necessitudo vult.

Respondetur primo potest, quod non accipitur ibi ratio pro diffinitione, sed pro conditione cuiusdam conuenientiae & decentiae: sensus est enim quod pertinet ad quandam decentiam & conuenientiam voluntatis ut velit aliis communicare bonum volentis. Quod autem hic sensus sit intentus à S. Tho. patet, quia in fine illius determinationis concludit Deum velle alia à se, inquantum concedit diuinam bonitatem, alia etiam ipsam participare.

Secundo responderi potest, quod vique accipitur ibi ratio pro diffinitione, sed non est sensus quod de diffinitione voluntatis sit bonum quod quis habet, aliis communicet. Sed quod habenti ratione voluntatis, siue ei quod secundum naturam suam est volens, conuenit suo modo, ut communicet suum bonum, scilicet voluntarie & libere, sicut res naturales suo modo communicant, scilicet naturaliter.

Rationes

Quomodo bonitas diuina arti comparatur.

Notandum pulchrum.

Differentia inter intellectum & voluntatem.

Quomodo omne bonum aut est finis, aut ordinatum ad finem.

Quomodo ad rationem voluntatis pertinet communicare bonum quod quis habet.



Rationes contra præmissa, & earum solutiones. Cap. 82.



Identur tamen sequi incōuenientia, si Deus ea quæ vult, non ex necessitate velit. Si enim Dei voluntas respectu aliquorū volitorum non determinetur quantum ad illa, videtur se ad vtrumlibet habere. Omnis autem virtus quæ est ad vtrumlibet, est quodammodo in potentia: nam ad vtrumlibet species est possibilis contingentis, erit enim Dei voluntas in potentia. Non igitur erit Dei substantia, in qua nulla est potētia, vt supra ostensum est.

†Cap. 16.

1. Adhuc, Si ens in potentia inquantum huiusmodi natum est moueri, quia quod potest esse, potest non esse: sequitur vltimius diuinam voluntatem esse variabilem.

†Cap. 19.

3. Præterea, Si naturale est Deo aliquid circa causata sua velle, necessarium est: materiale autem nihil in eo esse potest, non enim in ipso potest esse aliquid per accidens, neque violentum, vt supra ostensum est.

†Cap. 43.

4. Item, Si quod est ad vtrumlibet indifferenter se habens, non magis in vnum quam in aliud tendit, nisi ab alio determinetur, oportet quod Deus vel nihil eorum velit ad quæ ad vtrumlibet se habet, cuius contrarium supra ostensum est: vel quod ab alio determinetur ad vnum, & sic erit aliquid eo prius, quod ipsum determinet ad vnum. Horum autem nullum necesse est sequi. Ad vtrumlibet enim esse alicui virtuti potest conuenire dupliciter. Vno modo ex parte sui: alio modo ex parte eius ad quod dicitur.

†Solutio primæ rationis.

†Ex parte quidem sui, quando nondum cōsecuta est suam perfectionem per quam ad vnum determinetur. Vnde hoc in imperfectionem virtutis redundat, & ostenditur esse potentialitas in ipsa, sicut patet in intellectu dubitantis, qui nondum affectus est principia ex quibus ad alterum determinetur. Ex parte autem eius ad quod dicitur, inuenitur aliqua virtus ad vtrumlibet esse, quando perfecta operatio virtutis à neutro dependet, sed tamen vtrumque esse potest: sicut aliquis qui diuersis instrumentis vt potest æqualiter ad idem opus perficiendum. Hoc autem ad imperfectionem virtutis non pertinet, sed magis ad eius eminentiam, inquantum vtrumlibet oppositorum excedit, & ob hoc determinatur ad neutrum, sed ad vtrumlibet se habens. Sic autem est in diuina voluntate respectu aliorum à se: nam finis eius à nullo aliorum dependet, cum tamen ipsa fini suo perfectissimè sit vnita. Non igitur oportet potentialitatem aliquam in diuina voluntate ponere, similiter autem nec mutabilitatem. Si enim in diuina voluntate nulla est potentialitas, non sic absque necessitate alterum oppositorum præcipit circa sua causata, quasi consideretur in potentia ad vtrumque, vt primò sit volens potentia vtrumque, & postmodum volens actum: sed semper est volens actum, quicquid vult non solum circa se, sed etiam circa causata. Sed quia volitum non habet necessarium ordinem ad diuinam bonitatem, quæ est proprium obiectum diuinæ voluntatis per modum quo non necessaria sed possibilis enuntiabilia dicimus, quum non est necessarius ordo prædicati ad subiectum. Vnde cum dicitur, Deus vult hoc causatum, manifestum est esse enuntiabile non necessarium, sed possibile illo modo quo dicitur aliquid possibile non secundum aliquam potentiam: sed quod non necesse est esse, nec impossibile est esse, vt Philosophus tradit in 3. Mera, sicut triangulum habere duo latera æqualia, est enuntiabile possibile, non tamen secundum aliquam potentiam: cum in mathematicis non sit potentia neque motus. †Exclusio igitur necessitatis prædictæ immutabilitatē diuinæ voluntatis nō tollit: quod etiam Scriptura sacra profertur. Regum 15. Triumphator in Israël penititudine non flectetur. †Quænis autem diuina voluntas ad sua causata non determinetur, non tamen oportet dicere quod nihil eorum velit, aut quod ad vnum ab aliquo exteriori determinetur: cum enim bonum apprehensum voluntatem sicut proprium obiectum determinet, intellectus autem diuinus non sit extraneus ab eius voluntate, cum vtrumque sit sua essentia, si voluntas Dei ad aliquid volendum per sui intellectus cognitionē determinetur, non erit determinatio voluntatis diuinæ per aliquid extraneū facta. Intellectus enim diuinus non solum apprehendit diuinum esse, quod est bonitas eius, sed etiam alia bona, vt supra ostensum est: quæ quidem apprehendit vt similitudines quasdam diuinæ bonitatis & essentiae, non vt eius principia. Et sic voluntas diuina in illa tendit, vt suæ bonitati cōuenientia, non vt ad suam bonitatem necessaria. Sic autem & in nostra voluntate accidit, quod cum ad aliquid inclinatur quasi necessarium simpliciter vt ad finem, quadam necessitate mouetur

in illud: cum autem tendit in aliquid solum propter conuenientiam quandam, non necessario in illud tendit. Vnde nec diuina voluntas tendit in sua causata necessario. †Nec etiam oportet propter præmissa innaturale aliquid in Deo ponere: voluntas nanque sua vno & eodem actu vult se & alia. Sed habitudo eius ad se, est necessaria & naturalis, habitudo autem eius ad alia, est secundum conuenientiam quandam, non quidem necessaria & naturalis, neque violenta aut innaturalis, sed voluntaria: quod autem est voluntarium, neque naturale, neque violentum, neque necesse est esse.

†Solutio quæritæ rationis.

Super cap. 82.



Contra dictam conclusionem arguunt quidam, tum quia sequitur ex ea quod voluntas Dei sit ad vtrumlibet, & contingens, & per consequens in potentia: tum quia sequitur quod voluntas Dei variabilis sit, quia aliquid innaturale esset in Deo: tum quia sequitur quod aut velit, aut ab aliquo determinetur ad vnum, & sic habeat aliquid prius se.

Sed ad primum horum respondet sanctus Thomas, quod ad vtrumlibet esse, potest alicui virtuti dupliciter conuenire. Vno modo ex parte sui: alio modo ex parte eius ad quod dicitur. Ex parte sui est, quando nondum est cōsecuta suam perfectionem per quam ad vnum determinetur. Ex parte vero eius ad quod dicitur, est, quando perfecta operatio virtutis à neutro dependet, sed tamen vtrumque esse potest: sicut aliquis diuersis instrumentis vt potest æqualiter ad idem opus perficiendum. Differunt autem isti modi, quia primus in imperfectionem virtutis redundat, & ostendit potentialitatem in ipsa, vt patet in intellectu dubitantis qui nondum affectus est principia, quibus ad alterum oppositorum determinetur. Secundus autem modus ad imperfectionem virtutis non pertinet, sed magis ad eius eminentiam, inquantum vtrumlibet oppositorum excedit. Conceditur igitur quod voluntas diuina ad vtrumlibet est, sed tamen quia ad vtrumlibet conuenit sibi non ex parte sui, sed ex parte aliorum à se, non sequitur esse in ipso aliquam potentialitatem.

CIRCA istam responsionem aduerte, quod voluntatem diuinam esse ad vtrumlibet respectu aliorum à Deo, nihil aliud est quam ipsam secundum se non magis determinari ad esse eorum, quam ad non esse: vt sicut vult illa esse, ita absolute possit velle illa non esse, aut non velle vt sint. Ista autem indifferencia non sequitur ex potētia & imperfectione virtutis, vt in causis non habentibus complementum formæ per quam operentur, contingit, sed sequitur ex interdependentia finis à rebus quæ ordinantur ad finem: quia enim huius illæ res sint, siue non sint, diuina tamen bonitas quam perfectissimè vult diuina voluntas, est in seipsa perfecta, id eo voluntas diuina quantum est ex se existens perfectissima, & perfectissimè volens diuinam bonitatem, potest velle esse rei creatæ, & velle non esse ipsius, ac non velle illius esse, & sic propter eminentiam suam indifferens est ad multa.

Ad secundum respondet, quod non sic voluntas diuina absque necessitate alterum oppositorum præcipit, quasi consideretur in potentia ad vtrumque, vt primò sit volens potentia vtrumque, & postmodum volens actum: sed semper est volens actu quicquid vult, cum nulla sit in diuina voluntate potentialitas. Sed quia volitum non habet necessarium ordinem ad diuinam bonitatem, quæ est obiectum proprium voluntatis diuinæ, sicut non necessaria sed possibilis enuntiabilia dicimus, cum non est necessarius ordo prædicati ad subiectum. Vnde cum dicitur, Deus vult hoc causatum, est enuntiabile non necessarium, sed possibile, non prout possibile dicitur secundum aliquam potentiam, sed prout dicitur possibile quod non necesse est esse, nec est impossibile non esse, vt Philosophus tradit 3. Metaphysicæ: sicut triangulum habere duo latera æqualia, est enuntiabile possibile. Ex istis sancti Thomæ negare intendit sequelam, scilicet quod sequetur voluntatem Dei esse variabilem. Nam variabilitas & mutatio sequitur realem potentiam, non autem logicam, qualis est in proposito.

Confirmatur etiam auctoritate 1. Reg. 15. vbi dicitur, Triumphator in Israël penititudine non flectetur.

Ex ista responsione haberi potest, quod aliter dicitur voluntas nostra ad vtrumlibet, & aliter voluntas diuina. Nam voluntas nostra respectu aliquorum ad vtrumlibet se habet, & quia ad illa necessarium habitudinem non habet, & quia est in potentia ad volendum vtrumque oppositorum, aliquando neutrum illorum actu volens: voluntas autem diuina ad vtrumlibet se habet ratione primi tantum, quia videlicet ad volita necessariam habitudinem non habet, non autem ratione secundi, quia nunquam caret actu circa vnum oppositorum, vt ob hoc possit dici esse in potentia ad vtrumlibet oppositorum. Vnde voluntas nostra & est potentia ad vtrumlibet se habens, & est in potentia ad vtrumlibet, voluntas autem diuina est quidem potētia ad vtrumlibet se habens, quia ad rationem huiusmodi potētiæ sufficit non necessaria habitudo ad vtrumque oppositorum: sed non est in potentia ad vtrumlibet respectu causatorum, vt hic dicitur, quia ad huiusmodi esse in potētia requiritur, vt non sit actu respectu alicuius oppositorum: quod diuinæ voluntati non conuenit, quæ semper est in actu ad vnum oppositorum determinata. Et hæc sunt valde notanda, quia ad multa deferuntur.

AD quartum respondet prius, quam ad tertium, propter dependentiam solutionis eius ad præcedentem solutionem. Negat autem consequentiam: neque enim sequitur, vt nihil Deus velit, neque quod ab aliquo exteriori determinetur. Nam dicitur primò, quod cum bonum cognitum voluntatem sicut eius proprium obiectum determinet, & intellectus diuinus non sit extraneus ab eius voluntate, cum vtrumque sit sua essentia, si diuina voluntas per intellectus cognitionē determinetur, non erit determinatio per aliquid extraneum facta. Dicitur secundò, quod cum intellectus diuinus apprehendat alia bona vt similitudines diuinæ bonitatis & essentiae, non autem vt eius principia, tanquam videlicet sint causæ diuinæ bonitatis, vt medicina sanitatis est causa: diuina voluntas in illa tendit vt suæ bonitati cōuenientia, non vt ad eam necessaria: ideo non necessitè in illa tendit, sicut etiam apparet in nostra voluntate.

CIRCA istam responsionem multipliciter dubitatur. Primò, quia determinari est tantum existentis in potentia, sed voluntas diuina non est in potentia, vt dictum est: ergo non determinatur ab aliquo. Secundò quia sanctus Thomas Prima parte respondens ad hoc argumentum inquit, quod

Quomodo voluntas diuina sit ad vtrumlibet.

Aliter dicitur voluntas nostra ad vtrumlibet &amp; aliter voluntas diuina.

Vtrum diuina voluntas ab aliquo terminetur.

h

g

volun



voluntas diuina seipsam determinat: ergo non ab intellectu determinatur, ut hic dicitur. Tercio, si voluntas determinatur, ista determinatio est ab obiecto cognito ut videtur concedere sanctus Thom. sed obiecta cognita ad quæ determinatur, sunt alie res à Deo, ergo ab aliquo extrinseco determinatur. Nec valet dicere, quod determinatur à primo volito, quod est eius bonitas: quia respectu suæ bonitatis necessaria, & non eget determinante, sed respectu aliorum est libera, & indiget determinante, tum etiam quia ea quæ ad finem ordinantur, trahunt ad se voluntatem, secundum quod cognita sunt, & sic ipsa se determinant.

Ad primum horum dicitur primum, quod determinari non solum eius est quod est in potentia, sed cuiuscunque secundum se indeterminati, & ad vtrumlibet se habentis, sed tamen secundum diuersum modum indeterminatæ, & se habendi ad vtrumlibet, est etiam diuersus modus determinationis. Nam si aliquid sit indeterminatum per modum materiæ & potentiæ passivæ, & sit ad vtrumlibet ex parte virtutis, oportet ut tale sit in potentia, & ab aliquo extrinseco agente determinetur: si autem sit indeterminatum per modum agētis liberi, & ad vtrumlibet se habentis ex parte eius ad quod dicitur, non oportet tale esse in potentia, nec ab aliquo extrinseco determinari, sed ipsum se ratione suæ libertatis determinare potest, hoc autem modo diuina voluntas est indeterminata, & ad vtrumlibet se habens, ideo non oportet in ipso ponere aliquam realem potentialitatem, sed solum logicam potentialitatem, quæ solum habitudinem terminorum possibilem importat. Dicitur tamen secundum, quod licet voluntas diuina à nullo eff. & tunc determinetur, determinatur tamen ab aliquo formaliter, scilicet ab intellectu proponente obiectum voluntati determinatæ, sed neque necesse est vt secundum istum modum sit aliquando in potentia, quia sicut voluntas diuina est æterna, ita & intellectus eam determinans: unde nunquam fuit voluntas, quin ab ipso fuerit determinata. Ideo illa propositio, Determinari est tunc existens in potentia, non est vniuersaliter vera.

SE D remanet adhuc dubium. Licet enim ab æterno actus diuinæ voluntatis sit determinatus, propter æternitatem determinantis, & sic diuina voluntas nunquam sit in potentia, forma tamen quælibet, siue intrinseca, siue extrinseca, comparatur ad id cuius est forma, sicut actus ad potentiam: sicut si forma esset ab æterno producta in materia, comparatur ad ipsam sicut actus ad potentiam. Ergo omne quod determinatur per aliquid formaliter, oportet aliquid potentialitatis habere. Cum igitur nihil potentialitatis ponatur in voluntate diuina, sequitur, vt prius, quod à nullo determinetur.

Respondetur, quod vbi determinans & determinatum realiter inter se distinctionem non habent, neque ratione naturæ neque ratione actualis existentie, id quod determinatur, non habet aliquid potentialitatis in se, & maxime quando talis indeterminatio non conuenit realiter potentialitati, sed tantum logicam, quæ dicit non repugnantiam. Sic autem est in Deo, quia intellectus determinans voluntatem diuinam, est omnino idem realiter cum voluntate, ab ipsa sola ratione distinctus: & voluntas diuina dicitur indeterminata secundum se, non quia realem habeat potentialitatem ad diuersa, sed quia nullum oppositorum sibi repugnat: ideo potest absque potentialitate determinari.

SE D tunc aliud resultat dubium. Si nanque dicitur Deus vtriusque oppositorum posse velle, potentia tantum logica, non autem reali potentia, ergo non erit in Deo potentia voluntatis realiter vtriusque oppositorum respiciens. Dicitur quod esse in Deo potentiam voluntatis respectu oppositorum, dupliciter potest intelligi. Vno modo, quod sit in Deo illa res quæ dicitur potentia voluntatis oppositorum volitua. Alio modo, quod sit in eo potentialitas voluntatis ad opposita. Si primo modo accipiat, negatur consequentia: in Deo enim semper actus volente quicquid vult, est illa potentia quam in nobis dicimus voluntatem, secundum quam ad vtrumque oppositorum absolute indifferentiam habet. Si autem secundo modo accipiat, negatur falsitas consequentis: licet enim in Deo sit voluntas, non tamen in Deo potentialitatem viliam passiuam dicit, sed ipsi conuenit, vt nullum sibi oppositorum per modum secundarij volui repugnet.

Ad secundum dupliciter potest responderi. Primum quod mens sanctus Thom. est, quod voluntas non determinatur ab aliquo extrinseco, & realiter distincto ab ipsa, sed seipsam determinat, hoc est, ab aliquo determinatur, quod ab ipsa realiter non distinguitur: huic autem non repugnat quod ab intellectu determinetur, quum intellectus diuinus voluntati diuinæ sit realiter idem. Secundum, quod loquitur ibi de determinante eff. & tunc, quia argumentum de tali determinante erat: mens enim Commentatoris 2. Physicorum (cuius auctoritas adducitur in illo loco) est quod contingens ad vtrumlibet requirit aliquid agens per quod determinetur. Sic enim necesse est esse in agentibus naturalibus, de quibus ibi loquebatur, quæ ex se contingencia sunt. Hoc ergo modo verum est, quod voluntas diuina non determinatur ab aliquo, cum sit agens liberum, & sit ex se necessaria, sed ipsa seipsam determinat per modum efficientis siue producentis actum ad tale obiectum terminatum: hic autem sermo est de determinante per modum specificantis, & proponentis obiectum vt volendum. Nam hoc ad intellectum diuinum pertinet.

Ad tertium dubium dicitur, quod quum voluntas eodem actu fertur in finem, & in id quod est ad finem, operatio sumit speciem ex ipso fine, qui est principaliter volutus, non autem ex ordinato ad finem, quod est secundarij volutus. Cum enim aliquis vult amaram potionem propter sanitatem, dicitur absolute velle sanitatem, potionem autem secundum quid: & quia nihil aliud est obiectum voluntatis determinare ipsam voluntatem, quam eius actum specificare, eo modo quo illi species potest conuenire, ideo talis actus non determinatur per id quod est ad finem, sed per ipsum finem: & sic cum Deus eodem actu velit se & alia, voluntas diuina non determinatur ex aliis, sed ex se, & bonitate sua quæ est finis. Quum autem instatur primum, quia respectu suæ bonitatis, voluntas diuina est necessaria, non libera, dicitur quod licet actus diuinæ voluntatis sit necessarius in ordine ad diuinam bonitatem indiget tamen cognitione obiecti, cum voluntas non nisi in bonum cognominetur, & sic indiget intellectu proponente obiectum. Vnde voluntas diuina non habet necessarium ordinem ad bonitatem, nisi eius cognitione præsupposita. Quum instatur secundum, quia etiam ordinata ad finem, trahunt ad se voluntate vt cognita sunt, dicitur quod ipsa secundum se non trahunt voluntatem, sed ratione finis propter quem appetuntur: non enim potio amara trahit ad se appetitum infirmi, nisi ratione sanitatis in ipsa desideratæ. Dicitur tamen quod si determinare actum voluntatis non sit aliud quam terminare siue primum siue secundarij ipsum actum, quod est esse aliquo modo

volitum, non est inconueniens dicere res creatas diuinam voluntatem determinare, sed si accipiat determinare actum, vt idem est quod dare speciem actui quod est propriè determinare, sic nullo modo dicendum est, quod alie res diuinam voluntatem determinent.

Ad tertium argumentum respondet sanctus Thom. negando consequentiam. Nam cum vno & eodem actu Deus velit se & alia, habitudo eius ad se est necessaria: habitudo autem ad alia, est secundum conuenientiam quandam, & non necessaria, aut naturalis, neque violenta, aut innaturalis, sed voluntaria.

Sed tunc occurrit dubium. Aut enim habitudo ista præcedit actum voluntatis, aut consequitur & concomitatur. Si præcedit, ergo est naturalis & necessaria, quia omne quod est in Deo, vt actus voluntatis præcedens, intelligitur vt naturale. Si sequitur, etiam naturalis est, quia ad actum terminatum ad aliquod obiectum necessariò & naturaliter consequitur habitudo ad tale obiectum, sicut posito vno albo naturaliter consequitur habitudo similitudinis ad album: ergo omnino habitudo voluntatis diuinæ ad volitum est naturalis, cuius oppositum hic dicitur.

Respondetur, quod ista habitudo consequitur actum voluntatis, non autem præcedit. Sed dicitur quod cum habitudo consequatur aliquod fundamentum, dicitur habitudo absolute naturalis respectu eius quod refertur, quando fundamentum eius vt est fundamentum, est rei naturale, non autem dicitur naturalis rei, ex eo quod ad fundamentum naturaliter consequatur: sicut similitudo alicuius rei ad album est naturalis rei, quæ naturaliter est alba, non autem rei quæ per artem fit alba, licet similitudo ad albedinem naturaliter consequatur. Vnde potest habitudo dupliciter dici naturalis, aut scilicet secundum quod ad rem quæ refertur comparatur, aut secundum quod comparatur ad fundamentum. Primo modo, ad hoc vt habitudo sit naturalis, necesse est vt eius fundamentum naturale sit rei quæ refertur, non autem secundum modo. Habitudo ergo voluntatis diuinæ ad volitum, si comparatur ad ipsam voluntatem diuinam, non est naturalis, quia fundamentum eius, vt sic non est naturale, sed voluntarium, scilicet ipse actus volendi vt terminatus ad volitum: licet enim velle diuinum sit in se necessarium, quod tamen ad creaturas terminetur, est voluntarium & liberum. Si autem comparatur ad fundamentum suum, scilicet ad actum volendi terminatum ad creaturas, vt ad obiecta secundaria, sic est naturalis, & potest dici naturalis voluntati diuinæ ex suppositione: suppositio enim quod velit creaturas, necessariò habet ad eas habitudinem. Loquitur autem hic sanctus Thom. de ista habitudine, vt ad voluntatem absolute comparatur, non autem vt comparatur ad actum volendi creaturas, aut ad voluntatem vt existentem sub tali actu.

### Quod Deus vult aliquid aliud à se necessitate suppositionis.

Cap. 83.



**D** his autem haberi potest, quod licet Deus circa causata nihil necessariò velit absolute, vult tamen aliquid necessariò ex conditione vel suppositione. Oñsum est enim diuinam voluntatem immutabilem esse. In quolibet autem immutabili si semel est aliquid, non potest postmodum non inesse: hoc enim moueri dicimus, quod aliter se habet nunc & prius. Si igitur diuina voluntas est immutabilis, posito quod aliquid velit, necesse est ex suppositione eum hoc velle.

2 Item, Omne æternum est necessarium, Deum autem velle aliquid causatum esse, est æternum: sicut enim esse suum, ita & velle æternitate mensuratur, est ergo necessarium, sed non absolute consideratum, quia voluntas Dei non habet necessariam habitudinem ad hoc volitum, est ergo necessarium ex suppositione.

3 Præterea, Quicquid Deus potuit, potest: virtus enim eius non minuitur, sicut nec eius essentia. Sed nō potest nunc non velle quod proponitur voluisse: quia nō potest mutari sua voluntas. Ergo nunquam potuit non velle quicquid voluit: igitur est necessarium ex suppositione eum voluisse quicquid voluit, sicut & velle: neutrum autem necessarium est absolute, sed possibile modo prædicto.

4 Amplius, Quicunque vult aliquid necessariò, vult ea quæ necessariò requiruntur ad illud, nisi sit ex parte eius defectus, vel propter ignorantiam, vel quia à recta electione eius quod est ad finem, interdū abducitur per aliquam passionem: quæ de Deo dici non possunt. Si igitur Deus volendo se, vult aliquid aliud à se, necessarium est eum velle omne illud quod ad volitum ab eo de necessitate requiritur: sicut necessarium est Deū velle animam rationalem esse, supposito qd velit hominem esse.

Super cap. 83.



**P**ostquam egit S. Tho. de necessitate absoluta diuinæ voluntatis, nunc agit de necessitate conditionata. Circa hoc autem duo facit. Primum, ostendit quomodo respectu aliquorum est necessaria. Secundum, deducit duo corollaria.

Quantum ad primum ponit hanc conclusionem, Licet Deus circa causata nihil necessariò velit absolute, vult tamen aliquid necessariò ex conditione vel suppositione.

Pro huius notitia considerandum est ex doctrina sancti Thom. Prima parte, q. 19. ar. 3. & Veri. q. 23. ar. 4. ad primum, quod necessarium absolute dicitur propter necessariam habitudinem terminorum adinuicem, sicut hominem esse animal: necessarium verò ex suppositione, quod non est ex se necessarium, sed solum posito alio, sicut Sortem cucurrisse supposito quod cucurrit.

De necessario absolute, & necessario ex suppositione.

Quomodo in Deo sit potentia voluntatis respectu oppositorum.



**CIRCA** quam distinctionem aduertendum, quod sicut aliquid dicitur possibile, aut ratione alicuius potentie existentis in re, aut propter non repugnantiam terminorum: ita necessarium potest dici aut ratione necessitatis cuiusdam existentis in re (necessitas enim est rei conditio) aut ratione necessitatis habitudinis terminorum. Sed sicut possibile ratione alicuius potentie existentis in re, includit logicam possibilitatem (si enim aliquid est ad aliud in potentia, illud sibi secundum se non repugnat) ita necessarium ratione necessitatis existentis in re includit necessarium logicum. Si enim res habet ex natura sua ut sit talis necessarii, oportet ut illud ad ipsam habeat necessariam habitudinem, ita quod eius remotio sit impossibilis: & si hoc habet non quidem ratione suae naturae absolute, sed ex aliqua conditione addita, necesse est ut illud habeat ad ipsam necessariam habitudinem posita tali conditione. Vnde tunc dicitur simpliciter necessarium & absolute, quando praedicatum habet necessariam habitudinem ad subiectum secundum suam naturam consideratam, quod est terminos habere necessariam habitudinem ex suis formalibus significatis. Necessarium autem ex suppositione dicitur, quando praedicatum ad subiectum secundum sui naturam consideratam necessariam habitudinem non habet, licet illam habeat ut sub aliqua conditione consideratur. Probatur itaque conclusio primo sic, Divina voluntas est immutabilis: ergo posito quod aliquid velit, necesse est ex suppositione eam sic velle. Probatur consequentia, quia in quolibet immutabili si semel est aliquid, non potest postmodum non inesse, cum moueri dicamus, quod se habet nunc & prius.

**A D V E R T E**, quod immutabilitas non requiritur ad omne necessarium ex suppositione, quia dum Sortes sedet, necesse est ipsum sedere, & tamen potest Sortes mutari de sedente in non sedentem: sed bene ad omne immutabile sequitur necessarium ex suppositione, quia necessitas immutabilitatis tantum, est etiam necessitas ex suppositione, sicut omne inferius includit in sua ratione superius, ut alius diximus.

**CIRCA** istam rationem dubium occurrat. Nam licet in re immutabili, si semel est aliquid reale, illud postmodum non possit non inesse, non tamen si est aliquid rationis, non potest postmodum non inesse. Nam constat quod aliquando in Deo fuit respectus actualiter creatis vniuersum, nunc autem non est respectus huiusmodi in Deo, praeterquam secundum ponentes creationem ad conseruationem distinguui. Sed quum dico, Deus vult hanc creaturam, dico actum diuinae voluntatis cum habitudine rationis ad creaturam, & si desineret velle illam creaturam, desineret esse talis respectus ad creaturam, non autem ipse actus voluntatis qui est ipsa diuina essentia: sicut postquam Deus creauit vniuersum, desit habitudo rationis ad vniuersum, non autem ipsa substantia actus creandi. Ergo cum immutabilitate Dei stat quod desinat velle quod semel voluit, ergo male arguitur ex diuina immutabilitate, quod si Deus aliquid velit, illud necessarii ex suppositione velit.

Respondetur & dicitur primo, quod vique ex sola desitione respectus rationis in Deo, non dicitur Deus mutari, quia ens rationis nihil inquantum huiusmodi ponit in Deo. Dicitur secundo, quod propositio sancti Thomae ad iusta, intelligitur de ente reali, & ratio procedit, quod si Deus posset non velle quod vult, non tantum cessaret respectus rationis, sed etiam ipse actus volendi, & sic sequeretur Deum realiter mutari. Vnde negatur minor quod ad secundam partem. Quum autem probatur a simili de creatione, dico quod non est eadem ratio de creatione & volitione. Nam cum creatio habeat modum actionis transeuntis, relatio quae creationem concomitatur, aliquam realem dispositionem coexistit in creationis termino: ideo per solam mutationem termini ab illa dispositione quam in termino coexistit, definit ipsa relatio, etiam nulla mutatione facta ex parte actus. Quum primum enim definit res accipere esse de nouo, secundum quod formaliter terminabat relationem creationis, ipsa relatio definit esse. Ad variationem enim relationis sufficit variatio alterius extremi. Volitio autem est actio immanens, & relatio quae ipsam concomitatur inquantum huiusmodi, non coexistit in termino volitionis aliquam realem dispositionem quae remoueri possit, ideo definire non potest nisi propter desitionem actus in quo fundatur. Propterea si Deus volens desinat habere habitudinem volentis ad id quod volebat, necesse est, ut & ipse actus volendi desinat. Quod cum impossibile sit propter Dei immutabilitatem, ut actus diuinae volitionis desinat, ideo etiam impossibile est, ut Deus desinat velle quod semel voluit. Et sic constat quod optimè ex immutabilitate diuina arguit sanctus Thomas, Deum ex necessitate suppositionis velle quodcumque vult.

Secundo, Deum velle aliquid causatum, est aeternum: ergo, &c. Probatur antecedens, quia sicut esse Dei, ita & velle eius aeternitate mensuratur. Probatur consequentia, quia omne aeternum est necessarium, aut simpliciter, aut ex suppositione, cum scilicet mutari non possit.

Tertio, Deus non potest modo non velle, quod ponitur voluisse, quia non potest mutari sua voluntas, ergo nunquam potuit non velle quicquid voluit: quia quicquid Deus potuit, potest cum virtus eius non minuat, sicut nec eius essentia. Ergo necessarium est ex suppositione eum voluisse quicquid voluit: non autem est necessarium absolute, sed possibile modo praedicto in praecedenti cap. scilicet possibilitate logica.

**A D V E R T E**, quod cum dicimus Deum non potuisse non velle quod voluit, intelligendum est de possibili secundum aliquam potentiam ab actu separatam, nunquam enim in Deo fuit potentia ut noller quod ab aeterno voluit, ratione perfectae aequalitatis & immutabilitatis suae. Si namque intelligeretur de possibili secundum non repugnantiam terminorum, falsum esset. Non enim repugnat Deo, non voluisse aliquid in sensu diuiso, imò semper est verum dicere, Deus potest non velle hoc, ostenso aliquo quod velit, quia semper est verum quod praedicatum non habet repugnantiam ad subiectum, & actus diuinae voluntatis nunquam transit in praeteritum. Vnde non est contradictio cum inquit, quod Deus nunquam potuit non velle quicquid voluit: & cum inferius inquit, quod est possibile Deum voluisse & non velle quicquid voluit & vult: primo enim loquitur de possibili dicto ab aliqua potentia separata ab actu: secundo autem de possibili logico. Vnde & illa propositio, Quicquid Deus potuit potest, intelligenda est de possibili dicto ab aliqua potentia actui: ad quodcumque enim se potuit extendere virtus diuina, ad idem etiam numero se potest extendere, cum virtus eius non minuat. Posset etiam intelligi de potentia logica, quia videlicet quod non repugnat Deo absolute, neque etiam nunc repugnat, licet ex suppositione repugnet.

**S E D** tunc occurrit dubium. Deus enim potuit producere diem praeteritam, cum de facto produxerit, & tamen nunc non potest illam producere,

quia continuum successuum idem numero reparari non potest, ut dicitur Quolibet. s. quæst. 5. ergo non quicquid potuit, potest.

Respondetur ex doctrina ipsius Prima parte, quæst. 2. s. art. 4. ad secundum, quod quicquid Deus potuit, potest, quantum est ex parte ipsius potentiae, cum variationem non suscipiat: non tamen quantum est ex parte factibilis, quia aliqua habeant rationem possibilem, dum erant facienda, quæ dum facta sunt, deficiunt à ratione possibili, ideo propositio sic est intelligenda. Quicquid de numero possibilem Deus potuit, potest, si illud possibile remaneat, non autem si transeat in impossibile produci.

**Q U A R T O**, Volens aliquid, necessarii vult ea quæ necessarii requiruntur ad illud, nisi sit defectus ex parte eius, vel propter ignorantiam, vel propter passionem abducentem à recta ratione eius quod est ad finem: sed neutrum de Deo dici potest, ergo si Deus volendo se vult alia, necesse est ut velit omne quod ad volitum de necessitate requiritur. Sicut supposito quod velit hominem esse, necesse est ut velit animam rationalem esse.

### Quod voluntas Dei non est impossibilium secundum se.

Cap. 84.



**X** hoc igitur apparet, quod voluntas Dei non potest esse eorum quæ secundum se sunt impossibilia. Huiusmodi enim sunt quæ in seipsis repugnantiam habent, ut hominem esse asinum in quo includitur, rationale esse irrationale: quod autem repugnat alicui, excludit aliquid eorum quæ ad ipsum requiruntur, sicut esse asinum, excludit hominis rationem. Si igitur necessarii vult ea quæ requiruntur ad hoc quod supponitur velle, impossibile est eum velle ea quæ eis repugnant: & sic impossibile est eum velle ea quæ sunt impossibilia simpliciter.

2 Item, sicut supra ostensum est, Deus volendo suum esse, quod est sua bonitas, vult omnia alia inquantum habent eius similitudinem, secundum hoc autem aliquid repugnat rationi entis, inquantum huiusmodi, non potest in eo seruari similitudo primi esse, scilicet diuini, quod est fons essendi: non potest igitur Deus velle aliquid quod repugnat rationi entis inquantum huiusmodi. Sicut autem rationi hominis, inquantum est homo, repugnat esse irrationale: ita rationi entis, inquantum huiusmodi, repugnat quod aliquid sit simul ens & non ens. Non potest igitur Deus velle quod affirmatio & negatio sint simul vera: hoc autem includitur in omni per se impossibili, quod ad seipsum repugnantiam habet, inquantum contradictionem implicat. Voluntas igitur Dei non potest per se esse impossibile.

3 Amplius, Voluntas non est nisi alicuius boni intellectus: illud igitur quod non cadit in intellectu non potest cadere in voluntate. Sed ea quæ sunt secundum se impossibilia, non cadunt in intellectu, cum sibiipsis repugnent, nisi forte per errorem non intelligentis rerum proprietatem, quod de Deo dici non potest. In diuinam ergo voluntatem non possunt cadere quæ secundum se sunt impossibilia.

4 Adhuc, Secundum quod vnumquodque se habet ad esse, ita se habet ad bonitatem: sed impossibilia sunt, quæ non possunt esse. Ergo non possunt esse bona, ergo nec volita à Deo, qui non vult nisi ea quæ sunt vel possunt esse bona.

Super cap. 84.



**X** praedictis rationibus deducit sanctus Thomas, duo corollaria, quorum primum est, Voluntas Dei non potest esse eorum quæ secundum se sunt impossibilia. Pro qua aduertendum, quod sicut necessarium est duplex, scilicet ex se & absolute, & ratione alterius, siue ex suppositione, ita duplex est impossibile. Impossibile ex se siue simpliciter & absolute dicitur, quum praedicatum repugnat subiecto secundum suam naturam consideratam, sicut hominem esse irrationalem est impossibile, & asinum esse rationale: impossibile ratione alterius est quod secundum se quidem possibile est, sed ratione alicuius adiuncti est impossibile, quia videlicet praedicatum repugnat alicui conditioni adiunctae subiecto, sicut Sortem non sedere, est quidem absolute possibile, sed posito quod sedeat, impossibile pro tunc est ut non sedeat. Loquitur ergo hic sanctus Thomas de illis impossibilibus in quibus praedicatum absolute repugnat subiecto: ideo dixit quod voluntas diuina non est impossibile secundum se, id est, non est eorum quæ ex sua ratione sunt impossibilia. Probatur ergo primo sic, Deus necessarii vult ea quæ requiruntur ad hoc quod supponitur velle, ergo non potest velle ea quæ eis repugnant, ergo non potest velle impossibilia simpliciter. Probatur prima consequentia, quia quod repugnat alicui, excludit aliquid eorum quæ ad ipsum requiruntur, sicut esse asinum, excludit hominis rationem. Secunda patet, quia impossibilia simpliciter sunt quæ in seipsis repugnantiam habent.

Secundo, Deus non potest velle quod repugnat rationi entis inquantum huiusmodi, ergo non potest velle quod affirmatio & negatio sint simul vera, ergo, &c. Antecedens probatur, quia Deus volendo suum esse, vult omnia alia inquantum habent similitudinem eius: secundum hoc autem repugnat aliquid rationi entis, inquantum talis in eo similitudo diuini esse seruari non potest, ergo, &c. Prima etiam consequentia probatur, quia rationi entis repugnat, quod aliquid sit simul ens & non ens: sicut rationi hominis inquantum est homo, repugnat quod sit irrationale. Vltima quoque consequentia patet, quia in omni per se impossibili includitur affirmatioem & negationem esse simul vera.

CIRCA

Verum ex immutabilitate diuina argui potest quod Deus necessarii ex suppositione velit quod modo vult.

Deus non potest non velle quod voluit.

Quicquid Deus potuit potest.



Repugnans en-  
ti non potest  
sub voluntate  
cadere.

**CIRCA** antecedens huius rationis considerandum, quod aliquid potest repugnare rationi entis vno modo, alio vero modo non repugnare: sicut ex-  
citans inquantum negatio visus repugnat enti, ratione vero subtrati non re-  
pugnat enti, imò dicitur ens, scilicet oculum aut animal. Repugnans ergo enti  
non potest cadere sub voluntate ex ea parte qua enti repugnat, quia tale non  
participat rationem obiecti voluntatis, quæ est ratio boni fundata in esse.  
Ratione vero esse alicuius adiuncti potest cadere sub voluntate, ut dictum  
est supra de non esse, potest enim aliquis negationem velle, inquantum vult  
aliquid ens quod negatio conueniat. Addidit itaque sanctus Thomas in ante-  
cedente, inquantum huiusmodi, ut præseruaret se à non ente inquantum con-  
iungitur enti, quia sic potest sub voluntate cadere.

Quæ sunt im-  
possibilia non  
cadunt in intel-  
lectu.

Tertio, Quæ sunt secundum se impossibilia, non cadunt in intellectu, quum  
sibiipsis repugnant, nisi forte per errorem non intelligentes rerum proprietatem,  
quod de Deo dici non potest, ergo, &c. Patet consequentia, quia bonum  
intellectum est voluntatis obiectum.

**ADVERTENDVM** hæc, quod sicut bonum est obiectum per se volun-  
tatis, & non potest malum sub voluntate cadere nisi sub ratione boni, inquan-  
tum videlicet apparet bonum, ita verum est per se obiectum intellectus: fal-  
sum vero in intellectu cadere non potest nisi verum appareat. Quod enim in  
intellectus concipit de re, ipsi rei attribuit inquantum apprehendit illud tan-  
quam aliquid rei, & illi conformem se esse iudicat, illud de re intelligendo:  
vnde accidit ipsi ut falsum apprehendat, inquantum iudicat rei conuenire,  
& conforme esse, quod rei aut non repugnat, aut conuenit. Propter hoc bene  
inquit sanctus Thomas, impossibilia secundum se intellectu capi non posse,  
nisi per errorem ignorant rerum proprietates, quia videlicet ex tali igno-  
rantia prouenire potest, ut iudicet verum esse, quod est falsum: quæ ignoran-  
tia si remoueat, non potest intellectus rei attribuire quod sibi repugnat, &  
sic non potest apprehendere impossibile.

Quarto, Impossibilia non possunt esse bona, cum non possint esse, vnum-  
quodque autem sicut se habet ad esse, ita se habet ad bonitatem: ergo nec vo-  
lita patet consequentia, quia non vult nisi ea quæ sunt vel possunt esse bona.

### Quod diuina voluntas non tollit con- tingentiam à rebus.

Cap. 85.



**E**X prædictis autem haberi potest, quod diuina  
voluntas contingentiam non tollit, nec neces-  
sitatem absolutam rebus imponit. Vult enim  
Deus omnia quæ requiruntur ad rem quæ vult,  
ut dictum est: sed aliquibus rebus secundum  
modum suæ naturæ competit quod sint contingentes, non  
necessariæ. Igitur vult aliquas res esse contingentes. Efficacia  
autem diuinæ voluntatis exigit, ut non solum sit quod Deus  
vult, sed etiam ut hoc modo sit, sicut Deus vult esse illud: nam  
& in agentibus naturalibus, quum virtus agens est fortis, af-  
similat sibi suum effectum, non solum quantum ad speciem,  
sed etiam quantum ad accidentia, quæ sunt quidam modi ip-  
sius rei. Igitur efficacia diuinæ voluntatis contingentiam  
non tollit.

1. Amplius, Principaliter vult Deus bonum vniuersitatis suo-  
rum effectuum, quàm aliquod bonum particulare, quòd in  
illo completior inuenitur suæ bonitatis similitudo: comple-  
tio autem vniuersi exigit ut sint aliqua cōtingentia, aliàs non  
omnes gradus entium in vniuerso cōtinerentur. Vult igitur  
Deus aliqua esse contingentia.

† Tex. com. 52.

2. Adhuc, vniuersi bonum in quodam ordine conside-  
ratur, ut patet in 11. Metaphysicæ. Requirit autem ordo vni-  
uersi aliquas causas esse variabiles, cum corpora sint de per-  
fectione vniuersi, quæ non mouent nisi mota: à causa autem  
variabili effectus contingentes sequuntur, non enim potest  
esse effectus firmioris esse quàm sua causa. Vnde videmus  
quamuis causa remota sit necessaria, si tamen causa proxima  
sit contingens, effectum contingentem esse, sicut patet in his  
quæ circa inferiora corpora accidunt, quæ quidem con-  
tingentia sunt propter causarum proximarum contingentiam:  
quamuis causæ remotæ quæ sunt motus cælestes, sint ex ne-  
cessitate. Vult igitur Deus aliqua contingentem euenire.

† Cap. 53.

3. Præterea, Necessitas ex suppositione in causa non potest  
concludere necessitatem absolutam in effectu, Deus autem  
vult aliquid in creatura non necessitate absoluta, sed solum  
necessitate quæ est ex suppositione, ut supra ostensum est: ex  
voluntate igitur diuina non potest concludi in rebus creatis  
necessitas absoluta, hæc autem sola excludit contingentiam.  
Nam etiam contingentia ad vtrumlibet redduntur ex suppo-  
sitione necessaria, sicut Sortem moueri, si currit, est neces-  
sariū: diuina ergo voluntas non excludit à rebus volitis con-  
tingentiam, non igitur sequitur si Deus vult aliquid, quod illud  
de necessitate eueniat, sed quod hæc conditionalis sit vera &  
necessaria: Si Deus aliquid vult, illud erit: consequens tamen  
non oportet esse necessarium.

Super cap. 85.



**S**ecundum corollarium est, Diuina voluntas contingentiam non tol-  
lit, nec necessitatem absolutam rebus imponit. Probatum primo,  
Deus vult aliquas res esse contingentes, ergo eius voluntas non  
tollit cōtingentiam à rebus. Probatum antecedens, quia Deus vult

omnia pertinentia ad rem: aliquibus autem rebus secundum modum suæ na-  
turæ conuenit quod sint contingentes, non autem necessariæ. Probatum quoque  
consequentia, quia efficacia diuinæ voluntatis exigit ut res hoc modo sit, quod  
Deus vult eam esse, sicut & in naturalibus quum virtus agentis est fortis,  
assimilat sibi suum effectum & quantum ad speciem, & quantum ad acci-  
dentia.

**ADVERTENDVM** ex doctrina sancti Thomæ sexto Metaphysicæ,  
lect. 3. quod aliter se habet Deus ad contingentia & necessaria, & aliter ad  
causæ. Nam Deus quia est causa entis inquantum est ens, ideo etiam causa  
est omnium accidentium entis inquantum est ens, inter quæ est necessarium  
& contingens: vnde quæ vult necessaria esse, eis dedit causas necessarias,  
quæ autem vult esse contingentia, illis dedit causas contingentes. Aliæ  
autem causæ sunt causæ quidem quod effectus earum sint, non autem quod  
necessarius sit aut contingens: sed illos secundum legem necessitatis, aut con-  
tingentiæ à superiori causa institutam producant. Vnde sequitur in aliqui-  
bus aliis causis, quod posita causa ponitur necessariò eius effectus absolutè.  
In causa autem diuina, siue eius voluntate, sequitur quod posita diuina vo-  
luntate necessariò est effectus de necessitate vel contingenter secundum eius  
dispositionem. Propter hoc dixit sanctus Thomas hic, quod ex efficacia di-  
uinæ voluntatis prouenit quod effectus sit necessariò aut contingenter sicut  
vult, quia videlicet illi subditur ens inquantum ens, & per consequens om-  
nis dispositionis.

Secundò, Completio vniuersi exigit ut sint quædam contingentia, ergo,  
&c. Patet antecedens, quia aliàs non omnes gradus entium in vniuerso con-  
tinerentur. Consequentia verò probatur, quia principaliter Deus vult bonum  
vniuersitatis suorum effectuum, quàm aliquod bonum particulare, cum in  
eo completior inueniatur suæ bonitatis similitudo.

Sed videtur hæc ratio non concludere, secundum enim doctrinam sancti  
Thomæ, Deus potest plures species producere quàm sint productæ & perfe-  
ctiores, sed quælibet species dicit vnum gradum entis: ergo vniuerso defi-  
ciunt multi gradus entium, ergo non est inconueniens aliquem gradum en-  
tis in vniuerso non contineri, cuius oppositum hic tenetur.

Respondetur, quod duplex est gradus entis, aliquis scilicet transcendens  
& communis, aliquis verò particularis. Necessarium & cōtingens sunt gradus  
cōmunes & transcendentes, tanquàm consequentes ens inquantum ens, ut in-  
quit sanctus Thomas 6. Metaphysicæ. quia omne ens, aut est necessarium aut  
contingens: quælibet autem natura & species dicit gradum particularem. Ad  
perfectionem ergo vniuersi exigitur, ut in ipso contineantur omnes gradus  
cōmunes & transcendentes: & de istis loquitur sanctus Thomas non autem ut  
contineantur in ipso omnes gradus particulares possibiles esse.

Tertio, & est confirmatio præcedentis rationis, Ordo vniuersi exigit  
aliquas causas variabiles, ergo & aliquos effectus contingentes, ergo, &c. Pro-  
batum antecedens, quia corpora sunt de perfectione vniuersi, quæ non mo-  
uent nisi mota. Prima quoque consequentia probatur, quia à causa variabili  
effectus contingentes sequuntur, cum effectus non possit esse firmioris esse  
quàm sua causa: vltima etiam patet, quia Deus vult bonum vniuersi, quod  
consistit in quodam ordine.

**CIRCA** illam propositionem, A causa variabili effectus contingentes  
sequuntur, & eius probationem, dubitatur tripliciter. Primò, quia variatio  
effectus contingentis attenditur secundum esse: variatio autem corporum  
hic assignata est variatio secundum situm. Modò non oportet ut à causa  
variabili secundum situm proueniat effectus variabilis secundum esse, quia  
non sequitur, si effectus sit inuariabilis secundum esse, quod sit firmioris esse  
quàm sua causa, quia potest variari secundum situm, sicut & sua causa, &  
potest causa variabilis secundum situm, esse inuariabilis secundum esse, si-  
cut corpora cælestia. Ergo non oportet ut effectus causæ variabilis illo mo-  
do, sit contingens. Secundò, quia à corporibus cælestibus motus causatur de-  
fectus solis, qui tamen non est contingens, sed necessarius. Tertio, quia Arist.  
8. Physicæ. & 2. de Generatione, ponit vnum motum regularem ad saluandam  
perpetuitatem generationis: perpetuum autem non est cōtingens, sed neces-  
sarium, maxime apud Arist. ergo, &c.

A deidentiam primi dubij considerandum, quod ut habetur à san. Tho.  
6. Metaphysicæ. loco præallegato, causa quæ per motum agit, requirit determi-  
natam materiam & dispositam: & quia contingit aliquando materiam in-  
dispositam esse, ideo virtus talis agentis non consequitur suum effectum, &  
propterea à causa variabili sequitur effectus contingens, ille, inquam, qui ab  
ea ut variatio substat, procedit. In tali autem progressu quæ est conditio  
causæ & effectus, quia sicut causa potest per indispositionem materię impe-  
diri ne producat: ita effectus impediri potest ne producat, quia esse causæ  
ut causat, est producere (ab hoc enim habet formaliter ut sit actus causans) &  
produci est esse effectus, ut actu producat (nam producit formaliter pro-  
ductione) ideo effectus in hoc ordine non est infirmioris esse quàm sua  
causa.

A d dubium ergo dicitur, quod variatio causæ assignata hic intelligitur  
non solum secundum locum aut situm, sed etiam secundum esse ipsius ut ac-  
tualiter causat modo præposito: à causa enim hoc modo variabili, quæ  
scilicet potest producere, & potest impediri ne producat, prouenit effectus  
variabilis secundum esse, qui, scilicet produci potest & non produci: & per  
consequens contingens est. Potest secundò propositio hæc proponi, quod à  
causa variabili secundum esse accidentale, quæ est variatio secundum si-  
tum tantum, oportet ut proueniat variatio secundum esse substantiale effe-  
ctus, quando variatio causæ est necessaria conditio agentis, aut ratio agen-  
dis esse substantiale effectus. non debet enim effectus secundum quod à cau-  
sa procedit, esse firmioris esse, quàm causa secundum suam rationem agendi:  
& ideo si effectus secundum esse substantiale producat, à causa agente se-  
cundum quod substat variationi, oportet ut esse variabile à tali causa reci-  
piat. Vnde minor assumpta est falsa, & cum probatur, quia non sequitur, si sit  
effectus inuariabilis secundum esse, quod sit firmioris esse quàm sua causa,  
negatur hoc, imò sequitur quia effectus à tali causa procedit, non tantum se-  
cundum motum localem, sed etiam secundum esse substantiale, quod si esset  
inuariabile, effectus ut effectus, esset firmioris esse quàm sua causa ut causa est.

A d secundum dubium respondetur, quod motus cæli non est absolutè  
causa defectus solis, secundum interiorem causam inter Solem & aspectum  
nostrum, quæ quidem prouenit planetis in certo situ existentibus: & quia per  
motum cæli planetæ ad eum situm proueniunt, ideo potest dici motus cæli  
esse aliquo modo causa talis defectus, supposito, inquam, quod sint planetæ  
in sitibus

Quomodo se-  
habet Deus ad  
necessaria con-  
tingentia.

An ad perfe-  
ctionem vni-  
uersi hoc requi-  
ratur ut in ipso  
omnes gra-  
dus entis conti-  
neantur.

A causa varia-  
bili effectus cō-  
tingentes sequun-  
tur.



in sibus non aptis ad illum effectum. Absolutè autem non est causa, quia etiam si corpora cælestia starent, posset esse talis defectus Solis, planetis in dispositione cõuenienti existentibus. & sic causa variabilis ut variabilis non est causa illius effectus. Posset secundo dici, quod defectus Solis, est effectus in sui natura contingens, cum possit non esse, imò de facto quandoque fit quandoque non fit licet sit necessarius in ordine ad causam, quia videlicet posita sua causa non potest non esse. Sed quia non videtur loqui hoc loco sanctus Thomas de contingentia effectus in se ut res est, sed ut effectus est, & in ordine ad causam, ideo potest tertio dici conformiter ad responsum primum dubij, quod causa defectus Solis est causa inuariabilis in ratione causæ, quia nunquam impeditur potest ab eius productione: ideo effectus in ratione effectus, est etiam inuariabilis, quia non potest non produci posita causa. Et si dicatur quod omne agens per motum, est variabile hoc modo in ratione causæ: dicitur quod hoc est verum de agente per transmutationem materiæ, non autem de agente per delationem necessariam corporum ad determinatum situm, quo modo cælum dictum est suo motu posse dici causam defectus Solis.

Ad tertium dicitur, quod in motu primi mobilis sunt duo, scilicet ipsa sit variatio secundum partes, & vniformitas motus ac perpetuitas: generationis ergo perpetuitas prouenit à motu cæli, non ratione variationis absolutæ, sed ratione vniformitatis & perpetuitatis talis variationis. Sicut enim alternatio generationis & corruptionis reducitur tanquam in causam in alternationem situs partium primi mobilis, ita perpetuitas eius reducitur sicut in causam in perpetuitatem illius alternationis. Vnde ratio in oppositum non concludit effectus enim qui à causa variabili, in quantum variabilis est, prouenit, est contingens: non autem ille qui prouenit ab ipsa in quantum vniformitatem habet & perpetuitatem in tali variatione: potest enim esse necessarius simili necessitate cum sua causa, scilicet in perpetuitate variationis, sicut patet in motu quo corpora cælestia inferiora à primo mobili mouentur. & hoc modo accipit Aristoteles necessitatem generationis & corruptionis perpetuæ esse à motu vniformi primi mobilis.

Quarto, Deus vult aliquid in creatura non necessitate absoluta, sed suppositionis: ergo ex voluntate diuina non potest concludi in rebus necessitas absoluta, ergo ex ea non tollitur contingentia. Probatur prima consequentia, quia necessitas ex suppositione in causa non potest concludere necessitatem absolutam in effectu. Secunda etiam patet, quia sola necessitas absoluta excludit contingentiam à rebus. Non sequitur itaque, si Deus aliquid vult, quod illud de necessitate eueniat, sed quia hæc conditionalis sit vera & necessaria, si Deus aliquid vult, illud erit, consequens tamen non erit necessarium.

Ad euentiam huius rationis considerandum, quod contingentia & necessitas absoluta inter se oppositionem habent ex suis formalibus rationibus, ideo eidem rei conuenire non possunt: est enim contingens quod secundum se & absolute potest non esse, necessarium autem, quod non potest non esse. Vnde vbiunque ponitur necessitas absoluta, oportet omnino contingentiam remoueri. Necessitas autem ex suppositione non repugnat contingentia: dicitur enim ex suppositione necessarium, quod non potest non esse facta aliqua suppositione. Modò non opponitur posse absolute & secundum se non esse, & non posse non esse facta aliqua suppositione, sicut absolute Sortes potest non moueri: posito autem quod curat, non potest non moueri. Vnde ex hoc quod ponitur aliquid necessarium ex suppositione, non oportet ab eo remoueri contingentiam: & ita cum ex eo quod Deus aliquid velit, necesse sit ex suppositione tantum quod illud sit, quia non stant simul, quod Deus velit illud euenire, & non eueniat, non autem absolute: non oportet ex voluntate Dei à rebus contingentiam tollere.

CIRCA illam propositionem, Non sequitur, si Deus aliquid velit, quod illud de necessitate eueniat, aduerte quod ly Ex necessitate, potest se tenere ex parte conditionalis & consequentis, & potest teneri ex parte consequentis. Primo modo sensus est, quod ista conditionalis non est necessaria, si Deus aliquid vult euenire, illud eueniet, & tunc falsa est propositio: imò dicitur san. Tho. ipsam conditionalem esse necessariam. Nam oppositum consequentis non stat cum antecedente, propter efficaciam diuinæ voluntatis. Secundo modo sensus est, quod consequens illud, Hoc eueniet, non est in se necessarium absolute: & sic sensus est verus, & hic intentus à sancto Tho. Non enim ex eo quod Deus vult Antichristum fore, sequitur quod hoc absolute sit necessarium, Antichristus erit.

ADVERTENDUM etiam, quod hoc est intelligendum de actu voluntatis, ut terminari ponitur ad rem volitam absolute: non autem si modus necessitatis ponatur voluti. Licet enim non sequatur, Deus vult eclipsim Solis euenire: ergo necessitè eueniet: quia ista consequentia fundatur super falsa hæc propositio, Omne quod vult Deus euenire, necessitè eueniet bene tamen sequitur, Deus vult eclipsim necessitè euenire: ergo necessitè eueniet.

SED dubium difficillimum occurrit. Admisso enim quod ex voluntate Dei non sequatur necessitas absoluta in rebus: imò cum hoc quod res est volita à Deo, ipsa res maneat in se cõtogens, sit tamen necessaria ex suppositione: videtur quod saltem cõsequens sit inuitabile & immutabile, & consequenter quod voluntas diuina talem necessitatem rebus volitis imponat, quæ & liberum arbitrium, & omne cõsiliū tollat. Quando enim aliquid necessitè dependet ex aliquo antecedente, si antecedens sit inuitabile, & consequens immutabile & inuitabile erit: & idcirco fatuum est conari ut non eueniat: sicut si Sortes non posset mutari à cursu, nec etiam mutari posset à motu: & fatuum esset velle conari ut Sortes non moueatur, si non potest à cursu cessare. Cum ergo diuina voluntas sit immutabilis, sequitur quod volitum à Deo immutabile sit, & inuitabile sit: & per cõsequens fatuum est sollicitum esse ad prosequendum quod Deus vult non esse: aut conari ad oppositum eius quod vult futurum esse, & sic tollitur omnis humana sollicitudo.

Ad euentiam huius dubij, considerandum ex san. T. Prima parte. q. 19. art. 8. & q. 22. art. 4. ad primum, & 6. Metaph. q. cum Deus suprema causa sit, cui omnes alie causæ & necessariae & contingentes subiiciuntur, secundum quod disponit ut aliquid eueniat, ita disponit quomodo debeat euenire, & quibus ex causis: illa enim quæ vult necessitè & infallibiliter euenire, vult per causas necessarias euenire & infallibiliter euenire, & seminum iactu. Vnde quia effectus ab omnibus suis causis dependet, si causa secunda non ponatur, effectus non sequitur: propterea si debeat sequi effectus à Deo volutus mediantibus aliquibus causis, oportet ut illæ causæ ponantur.

tur, quia statutum est ut illis tantum mediantibus eueniat. Fatuus enim esset qui vellent segetes, & agrum nollet arare, nolletque terræ mandare semina: aut qui fructus vellent, arbores autem plantari nollet: aut qui vellent absque solitudine locupletari ex meratione. Dicitur ergo primo, quod diuina voluntas nostram sollicitudinem non tollit, quia sic aliqua vult nobis prouenire, ut nostro studio, nostræque sollicitudine acquirantur, & contingententer eueniant: quod si non fiat, effectus non sequetur. Dicitur secundo, quod fatuum esset conari ad hoc ut aliquid simul sit volitum à Deo, & tamen eius oppositum fiat: sicut quod Deus velit mortem alicuius, & quod mors non eueniat, cum nullus efficaciam diuinæ voluntatis possit impedire, non tamen est fatuum conari ad oppositum eius quod Deus vult, puta ad vitam eius cuius Deus vult mortem, quia Deus vult huius mortem prouenire à causa contingenti & impropribili: non est autem fatuum conari ad impedimentum illius causæ, quæ absolute impediri potest, & per consequens ad oppositum effectum.

Si autem instetur, quia licet causa mortis sit causa secundum se impedibilis, si tamen vult Deus illum effectum euenire per illam causam, ipsa de facto non impeditur propter efficaciam diuinæ voluntatis. Dicitur quod utique non impeditur, sed tamen quia vult Deus ut fallibiliter & impedibiliter ab illa proueniat effectus secundum se posset impediri: & ideo qui ad hoc conatur, non conatur ad impossibile, sed ad possibile, licet intentum non cõsequatur: illa enim propositio, Fatuum est conari ad oppositum eius quod Deus vult futurum esse, est quidem vera in sensu composito (sensus enim est quod fatuum est conari ad hoc totum simul, quod aliquid sit volitum à Deo, & illud non eueniat): est autem falsa in sensu diuiso. Est enim sensus, quod ac cepto aliquo volito à Deo, puta morte Sortis, fatuum est conari ad eius oppositum. Hoc autem falsum est, quia ipsam mortem vult Deus defectibiliter euenire, & per consequens si conatur quis ad hoc ut non eueniat, non fatum operatur, ut potest ad impossibile laborans, imò conatur ad id quod potest non euenire secundum se. Vnde si per infallibile & inuitabile intelligatur id quod secundum se considerandum non potest non euenire: negatur quod si antecedens alicuius conditionalis necessitè sit immutabile, & consequens sit inuitabile: & similiter quod voluntas diuina omnibus rebus inuitabiliter imponat. Si autem intelligatur id quod non potest non euenire ex suppositione alicuius, conceduntur omnia prædicta, sed negatur quod talis inuitabilitas tollat contingentiam & libertatem ac cõsiliū. Stant enim simul (ut superius est ostensum) necessitas ex suppositione, & contingentia ac libertas. Propterea inquit san. Tho. Verit. quaest. 23. art. 5. ad tertium, quod quamuis ista sint impossibilia, Deus vult istum saluari, & iste damnari: ista tamen sunt compossibilia, Deus vult istum saluari, & iste potest damnari: cum diuina enim voluntate fiat potentia defendendi effectus, licet non possit cum ipsa non esse effectus diuinæ voluntatis stare.

Quod diuinæ voluntatis potest ratio assignari.

Cap. 86.



Olligere autè ex prædictis possumus, quod diuinæ voluntatis ratio assignari potest. Finis enim est ratio volendi ea quæ sunt ad finem: Deus autem vult bonitatem suam tanquam finem, omnia autem alia vult tanquam ea quæ sunt ad finem. Sua igitur bonitas est ratio quare vult alia quæ sunt diuersa ab ipso. Rursus, Bonum particulare ordinatur ad bonum totius sicut ad finem, ut imperfectum ad perfectum: sic autem cadunt aliqua sub diuina voluntate, secundum quod se habent in ordine boni. Relinquitur igitur quod bonum Vniuersi sit ratio quare Deus vult vnumquodque bonum particulare in Vniuerso.

Item, Sicut supra ostensum est, supposito quod Deus aliquid velit, sequitur ex necessitate quod velit ea quæ ad illud requiruntur: quod autem aliis necessitatem imponit, est ratio quare illud sit. Ratio igitur quare Deus vult ea quæ requiruntur ad vnumquodque, est, ut sit illud ad quod requiritur. Sic igitur procedere possumus in assignando diuinæ voluntatis rationem, Deus vult hominē habere rationem ad hoc, ut homo sit: vult autem hominem esse ad hoc quod completio Vniuersi sit, vult autem bonum Vniuersi esse ad hoc, quod habeat bonitatem ipsius. Non tamen prædicta triplex ratio secundum eandem habitudinem procedit. Nam bonitas diuina neque dependet à perfectione Vniuersi, neque ex ea aliquid sibi accrescit. Perfectio autē Vniuersi licet ex aliquibus particularibus bonis ex necessitate dependeat, quæ sunt essentiales partes Vniuersi, ex quibusdam tamen non dependet ex necessitate, sed tamen ex eis aliqua bonitas vel decor accrescit Vniuerso: sicut ex his quæ sunt solum ad munimentū vel decorem aliarum partium Vniuersi. Particulare autem bonum dependet ex necessitate ex his quæ absolute ad ipsum requiruntur, licet & hæc etiam habeant quædam quæ sunt propter melius ipsius. Aliquando igitur ratio diuinæ voluntatis continet solum decentiam, aliquando vtilitatem, aliquando autem necessitatem, quæ est ex suppositione: necessitatem autem absolutam solum quum vult seipsum.

Super cap. 86.



Postquam determinauit sanctus Thomas de necessitate diuinæ voluntatis, nunc de eius causa determinat. Et primò ex parte voliti, secundò, ex parte voluntatis. Quantum ad primum duo facit. Primò conclusionem probat: secundò eam declarat. Conclusio est hæc, Diuinæ voluntatis ratio potest assignari.

AD

Necessitas ex suppositione non repugnat contingentia.

Nun si Deus vult aliquid euenire illud necessitè eueniet.

+Idem. P. p. q. 8. 19. art. 5.

+Cap. 85.



Quid sit ratio  
voluntatis.

AD cuius evidentiam sciendum, quod ratio voluntatis hoc loco accipitur pro eo quod habet rationem causae quare aliquid ad diuinam voluntatem respectu voliti habeat, ut patet cap. sequen. Vbi enim vnum est volitum per alterum, id propter quod alterum est volitum, est sibi ratio & causa propter quam est volitum: sicut color dicitur ratio formalis qua lapis habet ut sit visibilis, & sub qua actualiter videtur, quia videlicet non habet terminare actum visionis, nisi inquantum est coloratus. Vnde dicere diuinam voluntatis esse aliquam rationem, est dicere vnum volitum à Deo esse alteri volito rationem formalem quare sit volitum, & actum diuinam volitionis terminat, quod est Deum velle vnum propter alterum esse. Probatur itaque primo sic, Deus vult bonitatem suam tanquam finem, omnia autem alia tanquam ea quae sunt ad finem, ergo, &c. Probatur consequentia, quia finis est ratio volendi ea quae sunt ad finem.

Finis est ratio  
volendi ea quae  
sunt ad finem.

ADVERTTE quod eo modo aliquid est volitum, quo est bonum, cum obiectum volutatis sit bonum: id autem quod ordinatur ad finem ut sic, non habet rationem bonitatis nisi ex fine, non enim medicina est aliquid bonum, ut ordinatur ad sanitatem, nisi ex ipsa sanitate ad quam ordinatur. Si enim ab ipsa remoueatur ordo ad sanitatem, iam non habet rationem boni in genere sanis. Propter hoc non habet rationem voliti & appetibilis, id quod ad finem ordinatur, inquantum huiusmodi, nisi ex fine principaliter volito: & ideo dicitur quod finis est ratio volendi ea quae sunt ad finem. Sicut enim visus aliquod est obiectum materiale, aliquod vero formale: ita & voluntatis volentis aliqua propter finem, materialiter volita sunt ipsa ordinata ad finem: ratio autem formalis ex qua habent quod sunt volita, est finis.

Secundo, Bonum Vniuersi, est ratio quare Deus vult vniuersum quod bonum particulare, ergo, &c. Probatur antecedens, quia si aliqua cadunt sub diuina voluntate secundum quod se habent in ordine boni: bonum autem particulare ordinatur ad bonum totius sicut imperfectum ad perfectum.

Tertio, Ratio quare vult Deus ea quae requiruntur ad vnumquodque, est ut sit illud ad quod requiritur, ergo, &c. Probatur antecedens, quia si Deus vult aliquid, necessarium vult ea quae ad ipsum requiruntur: quod autem aliis necessitate imponit, est ratio quod illud sit, & per consequens quod sit volitum. Ex his concludit sanctus Thomas, quod in assignanda diuinam voluntatis ratione sic procedere possumus, Deus vult hominem habere rationem ad hoc ut homo sit, vult hominem esse ad hoc ut completio vniuersi sit, vult bonum vniuersi esse ad hoc quod habeat bonitatem ipsius.

Secundo loco conclusionem declarat, declarando simul quomodo haec rationes volendi in his tribus rationibus assumptis, diuersimode ratio volendi sunt. Nam bonitas diuina, quae in prima ratione posita est pro ratione volendi vniuersi, neque à perfectione vniuersi dependet, neque sibi ea aliquid accrescit. Perfectio autem vniuersi quae posita est in secunda ratione pro ratione volendi bonum particulare, licet ex particularibus quibusdam bonis, quae sunt essentialia partes vniuersi, de necessitate dependeat, ex quibusdam tamen non dependet ex necessitate, sed ex eis sibi aliqua bonitas vel decor accrescit, particulare vero bonum quod tertio loco pro ratione volendi posuitur est, ex necessitate dependet ex his quae absolute ad ipsum requiruntur, licet & quaedam propter melius habeat. Ex quibus concludit sanctus Thomas, quod aliquando ratio diuinam voluntatis continet solum decentiam, aliquando utilitatem, aliquando necessitatem ex suppositione, necessitatem vero absolutam solum cum vult seipsum. Sensus istorum est, quod aliquando ratio volendi est ratio volendi aliquid tanquam dicens ipsi rationi: sicut cum Deus vult vniuersum propter bonitatem diuinam. Aliquando autem est ratio volendi aliquid tanquam visum ad talem rationem: sicut cum Deus vult partes non essentialia vniuersi propter ipsum vniuersum. Aliquando vero est ratio volendi aliquid tanquam necessarium ad illam rationem, sicut quum Deus vult ea quae absolute requiruntur ad aliquod particulare bonum, propter ipsum bonum particulare. Si enim Deus aliquid vult, necesse est ut ea quae ad eius essentiam exiguntur, velit.

### Quod diuinam voluntatis nihil potest esse causa. Cap. 87.

† Idē. P. p. q. 19.  
ar. 5. & q. 13. ar. 5.  
& de Veri. q. 6.  
art. 2.



Vaniis autem aliquid ratio diuinam voluntatis assignari possit, non tamen sequitur quod voluntatis eius sit aliqua causa. Voluntati enim causa volendi est finis, finis autem diuinam voluntatis est sua bonitas: ipsa igitur est Deo causa volendi, quae est etiam ipsum suum velle, aliorum autem à Deo volitorum nullum est Deo causa volendi, sed vnum eorum est alteri causa ut ordinem habeat ad diuinam voluntatem: & sic intelligitur Deus propter vnum eorum aliud velle. Patet autem quod non oportet discursum aliquem ponere in Dei voluntate: nam vbi est actus, non consideratur discursus, ut supra circa intellectum ostensum est. Deus autem vno actu vult suam bonitatem & omnia alia, cum sua actio sit sua essentia.

Exclusio erroris.

Auth. sac. scripturae.

Per praedicta autem excluditur error quorundam dicentium omnia procedere à Deo secundum simplicem voluntatem, ut de nullo oporteat rationem reddere, nisi quia Deus vult. Quod etiam diuinam Scripturam contrariatur, quae Deum perhibet secundum ordinem sapientiae suae omnia fecisse, secundum illud Psalm. 103. Omnia in sapientia fecisti. Et Ecclesiastici 1. dicitur, quod Deus effudit sapientiam suam super omnia opera sua.

### Super cap. 87.

Aliud est aliquid  
esse ratione diuinam  
voluntatis & aliud esse eius  
causam.



Stenfo quod diuinam voluntatis aliquam rationem assignare possumus, ostendit quoniam propter hoc non oportet eius aliquam causam ponere. Vbi advertendum quod aliud est dicere aliquid esse rationem diuinam voluntatis, & aliud ipsum esse aliquam causam. Cum enim dicimus eius esse aliquam rationem, intelligitur

ex parte voliti esse aliquam causam, quae responderet ad interrogationem qua quaeritur, Quare hoc est volitum, & quae est ipsius voliti causa: ex qua habet quod ad diuinam voluntatem ordinem habeat. Ratio enim volendi ex parte voliti se tenet: cum autem dicimus ipsum esse aliquam causam, ponitur ipsum actum voluntatis ab aliqua causa dependere, sicut quum dicimus cognitionis conclusionis in nobis causam esse cognitionem principiorum, intelligimus ipsum actum quo cognoscimus conclusiones, esse causatum ab actu quo cognoscimus principia, hoc autem impossibile est in Deo, ideo concedit quidem sanctus Thomas esse diuinam voluntatis aliquam rationem, aliquam autem esse eius causam negat, probatque hac ratione, Voluntati causa volendi est finis, sed finis diuinam voluntatis est sua bonitas, non autem aliquid aliorum: ergo ipsa est Deo causa volendi, non autem aliquid aliorum, sed ipsa bonitas est etiam ipsum suum velle, supple, Ergo neque ipsa bonitas est realiter causa ipsius actus volendi, cum nihil sit sui ipsius causa. Subiungit autem duo. Primum est, quod vnum aliorum à Deo est alteri causa, ut ordinem habeat ad diuinam voluntatem: & sic intelligitur Deus propter vnum eorum aliud velle. Secundum est, quod ex his patet non oportere in diuina voluntate discursum aliquem ponere, id est, successionem aliquam cum causalitate vnius actus super alium, quia Deus vno actu vult suam bonitatem, & omnia alia, quum sua actio sit sua essentia. Vbi autem est vnus actus, non consideratur discursus.

ADVERTENDVM, quod diuina bonitas est quidem secundum nostrum modum intelligendi causa diuinam voluntatis, eo quod sit finis: finis autem apud nos mouet voluntatem ad ea quae sunt ad finem, secundum tamen rem non est eius causa, cum non sit realiter distincta ab actu volendi. Ideo quum dixisset quod bonitas est causa volendi, subiunxit statim quae est etiam ipsum suum velle, quasi diceret, Quum dico ipsam esse causam, non intelligo secundum realem causalitatem, cum sit idem cum ipso velle, sed tantum secundum nostrum modum intelligendi.

NOTANDVM etiam, quod mens sancti Thomae est probare nihil aliud à Deo esse causam diuinam voluntatis, etiam secundum modum nostrum intelligendi, cum nihil aliud à Deo sit diuinam voluntatis finis, licet vni creatum alterius rei creatae finis sit, non autem absolute non esse ipsum aliquam causam, saltem secundum modum considerandi: ideo admissio quod bonitas diuina aliquo modo sit causa, sufficit sibi ostendere quod alia volita non sint eius causa.

Considerandum ulterius, quod etiam in nobis volitio finis tunc tantum est causa volitionis eorum quae sunt ad finem, quando alio actu volumus finem absolute, & alio actu ea quae sunt ad finem: quando enim vtrumque eodem actu volumus, tunc volitio finis non est causa volitionis eorum quae sunt ad finem, quia idem non est causa sui ipsius. Finis tamen volitus est ratio volendi id quod est ad finem, propter hoc, quia Deus vnico actu & se & alia vult, volitio sui non potest esse causa volitionis aliorum.

Ex his excluditur error dicentium, quod nullus eorum quae Deus vult, oportet reddere rationem, nisi quia Deus vult, qui etiam error in Scriptura sacra remouetur, perhibente omnia Deum secundum ordinem suae sapientiae fecisse, ut in Psalm. & Ecclesiastici 1.

ADVERTENDVM, quod primi effectus Dei ex sola diuina voluntate dependunt, ut dicitur Prima par. q. 19. art. 5. alij autem ex aliis causis. Ideo illorum non potest primorum effectuum assignari aliqua ratio creata: sicut productionis vniuersi nulla est ratio, nisi quia Deus voluit bonitatem suam manifestare & communicare, quod totum ad diuinam voluntatem pertinet. Aliorum autem potest ratio creata assignari: voluit enim Deus hominem habere manus, ut deseruirent intellectui operando diuersa opera. Ideo falsum est quod omnia dependant ex simplici voluntate Dei nulliusque sit ratio, nisi quia Deus voluit: imò potius dicendum est quod diuina sapientia est regula diuinam voluntatis, & quod ideo Deus sic voluit, quia per sapientiam suam est hoc ordinatum ad illud, & ordinatum ut hoc sit, iuxta ea quae dicuntur Veri. q. 23. art. 6.

### Quod in Deo est liberum arbitrium. Cap. 88.



EX praedictis autem ostendi potest, quod in Deo liberum arbitrium inuenitur. Nam liberum arbitrium dicitur respectu eorum quae non necessitate quis vult, sed propria sponte: unde in nobis liberum arbitrium est respectu eius quod volumus currere vel ambulare.

Deus autem alia à se non ex necessitate vult, ut supra ostensum est, Deo igitur liberum arbitrium habere competit.

Adhuc, Voluntas diuina in his ad quae non secundum naturam suam determinatur, inclinatur quodammodo per suum intellectum, ut supra ostensum est. Sed ex hoc homo dicitur praeter ceteris animalibus liberum arbitrium habere, quia ad volendum iudicio rationis inclinatur, non impetu naturae sicut bruta: ergo in Deo est liberum arbitrium.

Item, Secundum Philosophum 1 in 3. Ethic. voluntas est finis, electio autem eorum, quae ad finem sunt. Cum igitur Deus seipsum tanquam finem velit, & non sicut ea quae ad finem sunt, alia vero sicut ea quae ad finem sunt, sequitur quod respectu sui habeat voluntatem tantum, respectu autem aliorum electionem. Electio autem semper per liberum arbitrium fit: Deo igitur liberum arbitrium competit.

Præterea, Homo per hoc quod habet liberum arbitrium dicitur suorum actuum dominus: hoc autem maxime competit primo agenti, cuius actus ab alio non dependet. Ipse igitur Deus liberum arbitrium habet.

Hoc etiam ex ipsa nominis ratione haberi potest. Nam liberum est quod sui causa est, ut patet per Phil. in principio Metaph. hoc autem nulli magis competit quam primae causae, quae Deus est.

Diuina bonitas  
quomodo  
est diuinam vo-  
luntatis causa.

Idem P. p. q. 19.  
ar. 10. & in prin  
cip. Sent. d. 25.  
& de Veri. q. 24.

† Cap. 27.

† Cap. 32.  
Poli. aut Script.

† Cap. 7.

Super



**P**ostquam determinauit sanctus Thomas de voluntate diuina, ut voluntas est, nunc de ipsa determinat ut habet rationem liberi arbitrii, & ponitur conclusio hæc, In Deo liberum arbitrium inuenitur. Probatur primò sic, Deus alia à se non de necessitate vult, ergo, &c. Probatur consequentia quia liberum arbitrium dicitur respectu eorum quæ non de necessitate quis vult, sed propria sponte.

**C**ONSIDERANDUM ad huius rationis euidentiā ex doctrina sancti Thomæ, Quæstionibus de Malo quæst. 16. artic. 5. quòd aliquid se habet ad liberum arbitrium tanquam existens de ratione eius, aliquid verò conuenit sibi secundum quòd est in aliqua natura. De ratione enim eius est ut in diuersa possit obiecta ordinata ad finem: posse autem in bonum & malum, non est de ratione liberi arbitrii, sed sibi conuenit inquantum inuenitur in natura potènti deficere. Similiter quòd vnum velit, & postea eius opus positum per mutationem voluntatis, conuenit sibi secundum quòd est in natura aliquo modo mutabili. Volens ergo sanctus Thomas ostendere in Deo esse liberum arbitrium, assumit duntaxat quòd est de ratione liberi arbitrii, scilicet non necessitari ad hoc vel illud, sed posse velle hoc aut illud in ordine ad finem: hoc enim Deo maxime conuenit, cum nullum creatum ad eius bonitatem quæ sit, necessitatem habitudinem habeat.

Secundò, Voluntas diuina in his ad quæ secundum naturam non determinatur, inclinatur quodammodo per intellectum, ut dictum est supra, cap. 88. ergo, &c. Probatur consequentia, quia ex hoc homo dicitur habere liberum arbitrium, quia ad volendum iudicio rationis inclinatur, non impetu naturæ, ut bruta.

**A**DVERTENDUM quòd cum ratio liberi arbitrii consistat in hoc, quòd in diuersa potest, sequatur autem appetitus animalis cognitionem, ad hoc ut appetitus in diuersa possit, oportet ut cognitio & iudicium de appetibili ad multa se habeat. Est autem hoc proprium intellectus & rationis: nam in brutis est determinatum iudicium à natura. Ideo bene dicitur hoc loco, quòd homo est liberi arbitrii, id quòd iudicio rationis ad volendum inclinatur. Vnde (ut dictum est supra de mente san. Th. Verit. quæst. 2. 4.) radix libertatis est in ratione, licet formaliter sit in voluntate. Vbi ergo inclinatio voluntatis sequitur non naturam, sed iudicium intellectus, quòd est per intellectum inclinari, ut in Deo respectu creaturarum inuenitur illa inclinatio libera est, & ad liberum pertinet arbitrium.

Tertiò, Deus respectu sui habet voluntatem tantum, respectu autem aliorum habet electionem, ergo, &c. Probatur antecedens, quia voluntas est finis, ut dicitur tertio Ethicorum cap. 7. electio autem est eorum quæ sunt ad finem. Consequentia etiam probatur, quia electio semper per liberum fit arbitrium.

**C**IRCA illam propositionem Aristot. Voluntas est finis, aduerte quòd non accipitur voluntas pro potentia, sed pro actu voluntatis, ut dicitur Prima secundæ, quæst. 3. actus enim ille voluntatis qui simpliciter & absolute dicitur velle, est propriè respectu finis: quamvis & quandoque indifferenter dicatur velle, sed est impropria acceptio, quia omnem actum voluntatis dicamus velle, sed est impropria acceptio, quia actus denominatus à potentia, est eius actus simplex. Actus autem simplex est qui terminatur ad per se obiectum potentie: finis autem est primò & per se obiectum voluntatis, ideo ille propriè actus voluntatis dicitur velle sue voluntas, qui ad finem terminatur.

**C**IRCA illam propositionem, Electio semper per liberum arbitrium fit, dubitatur, quia ut hic dicitur, electio est eorum quæ sunt ad finem, sed multa sunt ad finem quæ non libere volumus, sed eadem necessitate qua volumus finem, sicut ea sine quibus finis haberi non potest, ergo electio non semper pertinet ad liberum arbitrium, nisi dicamus liberum arbitrium in aliquid necessitè inclinari, quòd eius rationi repugnat.

**A**D huius euidentiā considerandum quòd cum electio segregatio nem quandam ab aliis importet, segregatio autem non fiat nisi eorum quæ commixta sunt, electio propriè est respectu eorum quæ sunt commixta & conuenientia, dum vnum eorum aliis præacceptatur, ideo vbi sit vnum tantum medium ordinatum ad finem, respectu eius non est electio, sed eadem erit ratio volendi finem, & id quòd est ad finem, & eadem necessitas, vbi autem ad finem multis mediis potest perueniri, respectu vniuscuiusque illorum potest esse electio. Similiter omnia necessaria ad finem, sine quibus, scilicet finis haberi non potest, habent rationem vnius medij, & eadem necessitate sub voluntate cadunt cum fine, si cognoscantur necessaria esse, & eadem non est electio, cum necessarium aliis præacceptari non possit, id quòd cum aliis vilius tantum, non conueniat, sed seipso ab aliis sit segregatum. In ratione ordinati ad finem. Ipsum enim necessarium est, alia verò vilia. Illa ergo propositio est vniuersaliter vera, Electio semper ad liberum arbitrium pertinet, quia electio est eorum quæ ad finem non necessitè ordinantur, & ideo quòd vnum præ aliis acceptetur, electio semper ad liberum arbitrium pertinet. Ex quo etiam patet illam propositionem, Electio est eorum quæ sunt ad finem, oportere intelligi de his quæ contingentia sunt, non autem de his quæ necessaria sunt ad finem, quia illa non cadunt sub electione, eorum necessitate cognita, sed sub volitione finis, vnde omnis quidem electio est eorum quæ sunt ad finem, non autem omnia ordinata ad finem sub electione cadunt. Et sic cum creatur ad diuinam bonitatem habeant ordinem contingentem, non necessarium, sequitur quòd omnia creata sub diuina electione cadunt, & per consequens sub libero Dei arbitrio.

Quartò, Deus est maxime Dominus suorum actuum, cum actus eius ab alio non dependeat, ergo, &c. Patet consequentia, quia homo per hoc quòd habet liberum arbitrium, dicitur dominus suorum actuum. Confirmatur ex nominis ratione, quia liberum dicitur quod sui causa est, ut dicitur 1. Metaph. hoc autem nulli magis competit quam primæ causæ.

**A**DVERTENDUM quomodo dicitur, Deum esse maxime Dominum suorum actuum, quòd hoc intelligitur non quo ad substantiam actus, cum actus ita sit sibi naturalis sicut essentia, sed intelligitur quo ad terminationem ad obiecta: quòd enim hanc & illam creaturam producat, est in libertate Dei ipsa tamen substantia productionis actus, est sibi à natura, & non subest libertati, nisi diceretur negativè actum substantiam sibi liberè, & ex se conuenire, quia nullo alio sibi conuenit, sicut naturalia creaturis ab alio illis sunt tributa.



**P**æmissis autem sciri potest, quòd passiones affectuum in Deo non sunt. Secundum enim intellectuum affectionem non est aliqua passio, sed solum secundum sensitiuum, ut probatur in 7. Physicorum: <sup>†Text. com. 12</sup> nulla autem talis affectio in Deo esse potest, cum desit sibi sensitiua cognitio, ut per supra dicta est manifestum. Relinquitur igitur quòd in Deo non sit affectiua passio.

2. Præterea, Omnis affectiua passio secundum aliquam transmutationem corporalem fit, puta secundum constrictionem vel dilationem cordis, aut secundum aliquid huiusmodi: quorum nullum in Deo possibile est accidere, eo quòd non sit corpus, neque virtus in corpore, ut supra ostensum est. Non <sup>†Cap. 3.</sup> est igitur in ipso affectiua passio.

3. Item, In omni affectiua passione patiens alicuius trahitur extra suam conditionem essentialem, vel connaturalem dispositionem: cuius signum est, quòd huiusmodi passiones si intenduntur, animalibus inferunt mortem. Sed non est possibile Deum extra suam naturalem conditionem alicuius trahi, cum sit omnino immutabilis, ut supra ostensum est. Patet igitur quòd huiusmodi passiones in Deo esse non possunt.

4. Amplius, Omnis affectio quæ est secundum passionem determinatè in vnum fertur secundum modum & mensuram passionis: passio enim impetum habet ad aliquid vnum, sicut & natura: & propter hoc ratione oportet eam reprimi & regulari. Diuina autem voluntas non determinatur secundum se ad vnum in his quæ creata sunt, nisi ex ordine suæ sapientie, ut supra ostensum est. non est igitur in ipso passio <sup>†Cap. 81.</sup> secundum affectionem aliquam.

5. Adhuc, Omnis passio est alicuius in potentia existentis, Deus autem est omnino liber à potentia, cum sit actus purus: est igitur agens tantum, & nullo modo aliqua passio in ipso locum habet. Sic igitur omnis passio & nomine & re à Deo remouetur. Quædam autem passiones remouentur à Deo non solum ratione sui generis, sed etiam ratione suæ speciei, omnis enim passio ex obiecto speciem recipit: cuius igitur obiectum omnino Deo est incompetens, talis passio à Deo remouetur etiam secundum rationem propriæ speciei. Talis autem est tristitia & dolor: nam eius obiectum est malum iam inhærens, sicut gaudij obiectum est bonum præfens & habitum. Tristitia igitur & dolor ex ipsa sui ratione in Deo esse non possunt.

6. Adhuc, Obiecti alicuius passionis non solum sumitur ex bono & malo, sed etiam ex hoc quòd alicuius quæ se habet ad alterum horum. Sic enim spes & gaudium differunt. Si igitur modus ipse se habendi ad obiectum qui in ratione passionis includitur, Deo non competit, nec ipsa passio Deo conuenire potest, etiam ex ratione propriæ speciei. Spes autem quamvis habeat obiectum bonum, non tamen bonum obtentum, sed obtinendum, quòd quidem Deo non potest competere, ratione suæ perfectionis, quæ tanta est, quòd ei additio fieri non potest. Spes igitur in Deo esse non potest, etiam ratione suæ speciei, & similiter neque desiderium alicuius non habiti.

7. Amplius, Sicut diuina perfectio impedit potentiam additionis alicuius boni obtinendi à Deo, ita etiam multo amplius excludit potentiam ad malum. Timor autem respicit malum quod potest imminere, sicut spes bonum obtinendum: duplici ergo ratione suæ speciei timor à Deo excluditur, & quia non est nisi existentis in potentia, & quia habet obiectum malum quod potest inesse.

Item, Poenitentia mutationem affectus importat: igitur & ratio poenitentia Deo repugnat, non solum quia species tristitia est, sed etiam quia mutatione voluntatis importat.

8. Præterea, Absq; errore cognitiue virtutis esse non potest ut illud quod est bonum, apprehendatur ut malum, nec est nisi in particularibus bonis, ut alterius malum possit bonum existere alteri, in quibus corruptio vnius est generatio alterius. Vniuersali autè bono ex nullo bono particulari deperit aliquid, sed per vnum quodque representatur: Deus autè est vniuersale bonum, cuius similitudinem participando omnia dicuntur bona. Nullius igitur malum sibi potest esse bonum, nec potest esse etiam ut id quòd est simpliciter bonum, & non est sibi malum, apprehendat ut malum: quia sua scientia est absq; errore, ut supra ostensum est. Inuidia igitur in Deo impossibile est esse, etiam secundum suæ speciei rationem: non solum quia inuidia species tristitia est, sed etiam quia tristatur de bono.



bono alterius: & sic accipit bonū alterius tanquā sibi malum. 9. Adhuc, Eiusdem rationis est trīstari de bono, & appetere malum, nam primum est ex hoc quod bonum aestimatur malum. Secundum verō est ex hoc quod malum aestimatur bonum: ira autem est appetitus mali alterius ad vindictam, ira igitur à Deo longè est secundum rationem suæ speciei, non solum quia effectus tristitiæ est, sed etiam quia est appetitus vindictæ propter tristitiā ex iniuria illata conceptam.

Rursus, Quæcunque aliæ passiones harum specierum sunt, vel ab eis causantur, pari ratione à Deo excluduntur.

### Super cap. 89.



Offquā determinauit sanctus Thomas de intellectu & voluntate diuina, nunc de passionibus & virtutibus determinat. Circa hoc autem duo facit. Primò determinat de passionibus: secundò de virtutibus, cap. 92. Circa primum duo facit. Primò agit de iis quæ à Deo remouentur: secundò de iis quæ sibi conueniunt, cap. seq. Primò autem determinat de passionibus quā de virtutibus, quia aliquarum virtutum obiecta sunt passionibus: prius autem determinandum erat de obiectis. Circa primum duo facit. Primò, ostendit nullam passionem conuenire Deo ratione generis, scilicet secundum rationem passionis. Secundò, ostendit aliquas etiam ratione propriæ speciei ab ipso remoueri.

Quid nomine Affectionis im portetur.

Quantū ad primum, aduertendum quod Affectionis nomine, ipsas passiones (vt patet ex Prima secundæ quæst. 21. ar. 2. sanctus Thomas intelligit. Vnde quum inquit quod in Deo non sunt passiones affectuæ, est constructio intransitiua: & est sensus, quod in ipso non sunt passiones appetitus, quæ sunt affectiones quædā. Dicuntur autem passiones appetitus, affectiones quædā, ad differentiam passionis intellectus & sensus quæ sunt receptiones tantum, non autem motus & inclinationes ad rem, quod nomine Affectionis importatur. Probatur ergo primò nullam passionem, vt passio est, Deo conuenire posse sic. Secundum intellectum affectionem non est aliqua passio: sed secundum sensum tantum, vt dicitur 7. Physic. tex. 18. ergo in Deo non est aliqua passio, in eo enim nō est sensitiua affectio, sicut nec sensitiua cognitio.

Passio non est in appetitu intellectiui.

ADVERTENDVM. Mex Prima secundæ loco superius allegato, & de Verita. q. 26. quod passio propriè dicta inuenitur tantum, vbi est transmutatio corporalis, quia passio propriè nominat receptionem aliquid cum alterius obiectione per motum, & quia moueri est corpus, ideo in actu appetitus intellectiui, quia nō est actus organi corporalis, non est passio, sed tantum in actu appetitus sensitiui, vnde & ipsius appetitus sensitiui motus cum aliqua transmutatione corporali definiuntur, dicitur enim ira accensio sanguinis circa cor.

Secundò, Deus non est corpus, neque virtus in corpore, ergo, &c. Probatur consequentia, quia omnis affectiua passio fit secundum aliquam transmutationem corporalem.

Tertiò, Non est possibile Deum extra suam naturalem dispositionem aliquid trahi, cum sit omnino immutabilis, ergo, &c. Probatur consequentia, quia in omni affectiua passione patiens aliquid trahitur extra suam conditionem essentialem, vel connaturalem dispositionem, vnde per eam intensiōem animalia moriuntur.

SE D occurrit hoc loco dubium nō dissimulandum. Nam conditio essentialis dicitur, quæ consequitur rei essentiam: & dispositio dicitur connaturalis, quæ naturæ principia cōsequitur remanente autem essentia, & principii naturalibus, nō potest remoueri quod essentiam consequitur, alioquin non consequeretur necessariò essentiam: ergo passio non potest trahere aliquem extra suam dispositionem essentialem, nisi illum corrumendo. Ergo falsum est quod hic dicitur, scilicet quod patiens trahitur extra suam conditionem essentialem.

Respondetur, quod conditio aliqua potest dici essentialis dupliciter, & similiter dispositio connaturalis. Vno modo, quia ad principia essentialia & naturalia de necessitate consequitur, sicut esse risibile est dispositio connaturalis hominis, & essentialis conditio. Alio modo, quia concomitatur essentiali semper si suæ naturæ res relinquatur, & nisi interueniat impedimentum, sicut habere duas manus est homini connaturale. Prima conditio essentialis non potest remoueri à remanente subiecto: non enim per quodcunque agens potest remoueri risibile esse ab homine. Quæ autem essentialis vel connaturalis secundum modo dicitur, potest ex aliquo impediēte, aut extrinsecus agente remoueri, potest enim aliquid esse homo, & tamen duas manus non habere: hoc ergo secundo modo intendit sanctus Thomas de conditione essentiali loqui. Vnde cum dixisset, quod patiens trahitur aliquid extra suam conditionem essentialem, ne aliquis existimaret ipsum loqui aut de principii essentiali, aut de eo quod talia principia de necessitate consequitur, quasi exponendo quod dixerat addidit, Vel connaturalem dispositionem, ac si diceret, Voco conditionem essentialem omnem connaturalem dispositionem, id scilicet quod consequitur naturam rei sibi derelictam, omni deducto impediēte. Hoc autem in omni passione aliquid trahitur, quia aut concalciscit corpus ex motu appetitus, aut frigescit, aut conerahitur cor, aut dilaturatur præter ceterum consuetum naturæ suæ. Dicit autem patiens aliquid, non autem simpliciter trahi extra conditionem naturalem & essentialē, quia non omnino quidem sua naturali dispositione priuatur, sed aliqua tantum ex parte, dum, verbi gratia, aut magis solito intenditur, aut remittitur.

Quartò, Diuina voluntas non determinatur secundum se ad vnum respectu creaturæ, sed ex ordine diuinæ sapientie, ergo, &c. Probatur cōsequentiā, quia omnis affectio quæ est secundum passionē determinatē in vnum fertur secundum modum & mensuram passionis, cum passio impetū habeat ad aliquid vni, sicut & natura, & propter hoc ratione oportet eam reprimi & regulari.

CIRCA istam propositionem, Passio impetum habet ad aliquid vnum, sicut & natura, dubitatur. Nam reprimi & regulari ratione, conuenit ei tantum, quod diuersimodè potest ferri & dirigi: propter hoc operatio virtutis nutritiue non regulatur ratione, quia est ad vnum determinata, sed vt hic dicitur, oportet regulari ratione & reprimi passionem: ergo non est ad vnum determinata, & sic videtur sanctus Thomas, sibi ipsi hoc loco contradicere.

AD huius euidentiam considerandum, ex quæst. de Veri. q. 25. artic. 1. & 4. quod aliter appetitus naturalis determinatur ad vnum, & aliter appetitus a-

nimalis. Nam appetitus naturalis non cōsequitur aliquam apprehensionem appetentis, sed formam naturalem: & quia res naturalis in suo esse est determinata, ideo talis appetitus est ad vnum appetibile determinatum. Propter eā, posita forma, & deductis impedimentis sequitur actus: sicut posita grauitate in corpore graui, sequitur motus deorsum, si graue sit extra locum ipsum, & non sit impeditum, appetitus autem animalis sequitur apprehensionem sensus, & quia sensus potest apprehendere aliquid vt conueniens, & vt nocium, & aliquando nihil apprehendere vt conueniens aut vt nocium, ideo talis appetitus non determinatur ad vnum appetibile secundum se, neque semper exit in actum deductis impedimentis: sed si apprehendatur aliquid vt delectabile & cōueniens, de necessitate fertur in illud: & econtrariò, si apprehendatur vt nocium secundum sensum, illud necessariò refugit, in quo differt ab appetitu rationali qui non determinatur ad vnum nisi respectu finis, quantumcunque sibi aliquid proponatur, vt bonum & vtile, ex quo patet quod appetitus naturalis ex se determinatur ad vnum, appetitus autem animalis non determinatur ad vnum nisi supposita apprehensione qua proponitur sibi aliquid sub ratione proprii obiecti. Et quia (vt dicitur 1.2. q. 17.) apprehensio sensitiua in homine nata est regulari ratione, cum ipsa sit particularis, & ratio sit vniuersalis, sicut & virtus actiua particularis à virtute vniuersali regularatur: ideo & ipse motus appetitus sensitiui natus est ratione regulari, vt scilicet ipsi modus & terminus quidam à ratione imponatur iudicante sic esse appetendum, puta vindictam, sic debere appeti, & non aliter. Passio igitur determinatur ad vnum ex apprehensione, qua iudicatur aliquid delectabile & conueniens, aut malum & nocium, ad illud etiam secundum se toto impetu fertur, cum naturaliter feratur in omne delectabile, naturalitèr; refugit omne triste, sicut ira secundum se & absolute toto impetu fertur ad vindictam. & ideo ad hoc vt vitiosa non sit, necesse est vt à ratione aliquis sibi limites imponatur: & simile est de aliis passionibus. Ad dubium ergo dicitur primò, quod similitudo inter naturam & passionem accipiendā est tantum, quantum ad determinationem ad vnum, non autem quantum ad modum determinationis: quia & natura & passio ad vnum quidem determinantur, sed tamen diuersimodè. Nā natura à forma naturali determinatur ad vnum, passio autem ex apprehensione sensus, aut etiam rationis. Dicitur secundò, quod tale determinatum ad vnum ex apprehensione potest reprimi & regulari ratione, & potest ad illud vnum diuersimodè se habere, & secundum, scilicet totum impetum, si apprehensio sensus non sit secundum rationem impetrata, & secundum aliquam limitationem, si ipsa apprehensio ratione reguletur. Determinatum autem ad vnum ex forma, non est necesse ad hoc vt bonum sit, quod ratione reguletur, quia ex se non subditur rationi.

Quantum ad secundum ostenditur, quod aliquæ passiones à Deo etiam ratione propriæ speciei remouentur, scilicet ex propria differentia qua vnaquæque ponitur in sua specie, & ab alia distinguitur passione. Et sex ponuntur conclusiones. Prima est, Tristitia & dolor non sunt in Deo. Probatur, Obiectum eius est malum iam in hærrens, sicut gaudij bonum præfens & habitum, sed Deo hoc non conuenit, ergo, &c. Patet consequentia, quia cum omnis passio ex obiecto speciem recipiat, talis passio cuius obiectum est Deo incompetens, ab eo secundum rationem propriæ speciei remouetur.

Secunda est, Spes aut desiderium non est in Deo. Probatur supponendo rationē obiecti alicuius passionis non solum sumi ex bono & malo, sed etiam ex hoc quod aliquis ad alterum horum aliquid se habet ex quo sequitur, quod si modus se habendi ad obiectum passionis, Deo non competit, & ipsa quoque passio ab ipso remouetur: tunc sic, Spei & desiderij obiectum est bonum, non quidem obtentum aut habitum, sed obtinendum, aut non habitum: sed hoc Deo non potest competere, cum eius perfectio tanta sit, vt ei aliquid addi non possit, ergo, &c.

SE D occurrit dubiū. Nam non solum sibi quis spectat bonum, sed etiam amicis: ergo quamuis bonitati & perfectioni diuinæ aliquid addi non possit, quia tamen creaturæ aliquid addi potest, poterit in Deo esse spes, qua speret creaturam aliquid obtenturam.

Respondetur quod spes, quæ est passio appetitus sensitiui, extenditur tantum ab bonum spectantis, cum bonum appetitus sensitiui sit delectabile & conueniens secundum sensum, sed spes quæ nominat actum voluntatis, potest etiam secundariò ad bonū alterius extendi, in quantum per amorem aliquis vnitur alteri, vt dicitur 2.2. q. 17. ar. 3. Veruntamen spes etiam isto modo sumpta in Deo esse non potest, quia spes propriè respicit bonum, quod etiam respectu sperantis est futurum: Deo autem nihil est futurum. Si autem aliquis nomen spei vellet largius accipere, pro actu scilicet voluntatis, quo quis vult alicui bonum illi futurum cum certitudine: sic non esset inconueniens dicere Deum sperare nobis beatitudinem, sed hoc esset vocabuli abusi.

ADVERTENDVM autem, quod spes eo modo quo potest esse de iis quæ ad alios pertinent, scilicet de alicuius rei euentu, non est de ipso euentu boni alterius, nisi in quantum existimatur vt bonum sperandi, vt dicitur 3. Sen. ren. dist. 26. in expositione literæ. ideo cum nihil bonitatis Deo possit addi, nullo modo potest dici esse spem in Deo, propter hoc sanctus Thomas. ad ostendendum in Deo spem non esse, hoc solum pro ratione adduxit, quod perfectioni diuinæ aliquid addi non potest.

Tertia est, Timor non est in Deo. Probatur, tum quia eius obiectum est malum quod potest inesse in Deo autem non est potentia ad malum, tum quia non est nisi existens in potentia.

Quarta est, Penitentia non est in Deo. Probatur, tum quia est species tristitiæ, tum quia mutationem affectus importat, quorum neutrum est in Deo.

Quinta est, Inuidia non est in Deo. Probatur, tum quia est species tristitiæ, tum quia tristatur de bono alterius, quorum neutrum est in Deo. Secundum probatur, quia aliquis tristatur de bono alterius, in quantum accipit bonum alterius, vt sibi malum, hoc autem in Deo esse non potest, tum quia nullius bonum potest sibi esse malum, cum sit vniuersale bonum, vniuersali autem bono nihil deperat ex particulari bono, tum quia non potest, id quod est simpliciter bonum, & non est sibi malum, apprehendere vt malum, cum scien- tia sua sit absque errore.

ADVERTENDVM, quod bonum vniuersale dupliciter accipi potest, Vniuersalitate, scilicet prædicationis, & vniuersalitate perfectionis: & de vtroque verum est quod nihil ab eo per quodcunque particulare bonum remouetur: vniuersalis enim prædicabilis ratio non tollitur aut imperficuitur per rationes particulares. Non enim ex hoc quod homo sit substantia animata sensibilis rationalis, remouetur ab animali quod sit substantia animata sensibilis: ista enim participatio communis à particulari non est per separationem.

Vniuersali bono nihil deperat ex bono particulari.



nem aut remotionem alicuius partis ab ipso vniuersali, sed per communicationem totius suae rationis ipsi particularibus. Et quia vniuersale secundum perfectionem modo quodam perfectioni continet quicquid continet vniuersale secundum praedicationem, ideo per particulare, quod vniuersale naturam participat, nihil tollitur ab vniuersali, sed tantum eius similitudo particularibus secundum eorum modum communicatur: sicut si esset homo vniuersalis separatus, ad modum ideae Platonicae, particulares homines illum hominem vniuersalem participarent, non aliquam partem ab eo detrahendo, sed eius similitudinem pro eorum conditione capiendo, sic etiam ignis aliis suam speciem communicat absque sui diminutione. Bono ergo vniuersali, quod est Deus, alia particularia bona participant, dum aliqualem eius similitudinem gerunt, nihil tamen ab eo vniuersali bono per particularia bona subtrahitur.

Sexta est, Ira non est in Deo. Probatur, tum quia est effectus tristitiae, tum quia est appetitus mali alterius ad vindictam. Est enim ira appetitus vindictae propter tristitiam ex iniuria illata conceptam: utrumque autem horum à Deo remouetur. Primum quidem patet ex superioribus: secundum vero probatur, quia appetere malum contingit ex hoc quod malum existimatur bonum, hoc autem Deo conuenire non potest. Concluditur ergo ex omnibus his, quod eadem ratione quaecunque aliae passiones ab istis sunt vel causantur, à Deo sunt excludendae.

### Quod in Deo sit delectatio & gaudium.

#### Cap. 90.

**S**Vnt autem quaedam passiones quae licet Deo non conueniant secundum quod passiones, nihil tamen ex ratione suae speciei important repugnans diuinae perfectioni: de numero autem harum est gaudium & delectatio. Est enim gaudium praesentis boni, neque igitur ratione obiecti quod est bonum, neque ratione modi se habendi ad obiectum, quod est actu habitum, gaudium secundum suae speciei rationem diuinam perfectioni repugnat. Ex hoc autem manifestum est, quod gaudium vel delectatio proprie in Deo sit: sicut enim bonum & malum apprehensum sunt obiectum appetitus sensibilis, ita & appetitus intellectui, utriusque enim est prosequi boni, & fugere malum, vel secundum veritatem, vel secundum aestimationem, nisi quod obiectum intellectui appetitus est communius quam sensui, quia intellectui appetitus respicit bonum vel malum simpliciter, appetitus autem sensibilis bonum vel malum secundum sensum. Sicut etiam & intellectus obiectum est communius quam sensus. Sed operationes appetitus speciem ex obiectis fortuntur. Inueniuntur igitur in appetitu intellectui, qui est voluntas, similes operationes secundum rationem speciei operationibus appetitus sensibilis, in hoc differentes, quod in appetitu sensui sunt passiones propter communicationem eius ad organum corporale: in intellectui autem sunt operationes simplices. Sicut enim & passione timoris quae est in appetitu sensui, refugit quis malum futurum: ita sine passione intellectui appetitus idem operatur. Cum igitur gaudium & delectatio Deo non repugnent secundum suam speciem, sed solum in quantum passiones sunt, in voluntate autem sint secundum suam speciem, non autem vt passiones, relinquitur quod etiam diuinæ voluntati non desint.

Item, Gaudium & delectatio est quaedam quietatio voluntatis in suo voluto, Deus autem in seipso, qui est principale suum volitum, maxime quietatur, utpote omnem sufficientiam in se habens: ipse igitur per suam voluntatem in se maxime gaudet & delectatur.

Præterea, Delectatio est quaedam operationis perfectio, ut patet per Philosophum 10. Ethic. perficit enim operationem scilicet pulchritudo inuentum: sed Deus perfectissimam operationem habet in intelligendo, ut patet ex praedictis. Si igitur nostrum intelligere propter suam operationem est delectabile, diuinum intelligere erit sibi delectabilissimum.

Amplius, Vnumquodque naturaliter in suo simili gaudet quasi in conuenienti, nisi per accidens in quantum est impedimentum propriae utilitatis: sicut figuli ad inuicem corrixantur pro eo quod unus impedit lucrum alterius. Omne autem bonum est diuinæ bonitatis similitudo, ut ex supra dictis patet, nec ex aliquo bono sibi aliquid deperit. Relinquitur igitur quod Deus de omni bono gaudet: est igitur in eo propria gaudium & delectatio. Differunt autem gaudium & delectatio ratione. Nam delectatio provenit ex bono realiter coniecto: gaudium autem hoc non requirit, sed sola quietatio voluntatis sufficit ad gaudij rationem. Vnde delectatio est solum de coniuncto bono, si proprie sumatur: gaudium autem de exteriori. Ex quo patet quod Deus proprie in seipso delectatur: gaudet autem in se & in aliis.

#### Super cap. 90.

**Q**uestio quæ sunt passiones quas à Deo remoueri necesse est, ostendit vltimus sanctus Thomas quæ sunt illæ quæ sibi aliquo modo sunt attribuendæ. Circa hoc autem duo facit. Primum, ostendit quod Deo gaudium & delectatio conueniant. Secundum, idem de amore

manifestat, cap. sequenti. Quantum ad primum duo facit. Primum, probat propositum: secundum, ostendit differentiam inter gaudium & delectationem.

Probatur igitur primum conclusio sic, Gaudium & delectatio Deo non repugnant secundum suam speciem, & in voluntate secundum suam speciem sunt, ergo etiam diuinæ voluntati non desunt. Patet consequentia, quia quæ sunt in voluntate nostra, etiam in voluntate diuina esse oportet, nisi diuinæ repugnent perfectioni. Antecedens quo ad primam partem probatur, quia neque ratione obiecti, neque ratione modi se habendi ad obiectum, secundum suam speciem diuinæ perfectioni repugnat. Nam obiectum eius est bonum actu habitum, quorum neutrum repugnat Deo. Quo ad secundam vero partem probatur, quia idem est obiectum appetitus sensibilis & voluntatis, scilicet malum & bonum apprehensum, licet obiectum voluntatis sit communius obiecto appetitus sensibilis, quia illius obiectum est bonum simpliciter, huius vero bonum vel malum secundum sensum: sed operationes appetitus speciem fortuntur ex obiectis. Ergo in voluntate sunt similes operationes secundum speciem operationibus appetitus sensibilis, differentes in hoc, quod tales operationes in appetitu sensui sunt passiones, in voluntate autem sunt simplices operationes, ergo, &c.

CIRCA primam partem antecedentis attendendum est, quod (vt dictum est in precedenti cap.) per propriam rationem speciei passionis, intelligimus non totum quod cadit in diffinitione passionis, sed quod in diffinitione eius ponitur tanquam propria differentia per quam ab aliis passionibus distinguitur: sic enim gaudium & delectatio, secundum quod sunt in appetitu sensui, licet in sua ratione includant passionem tanquam genus (sunt enim passiones appetitus sensibilis) & ratione huius repugnent diuinæ perfectioni: ratione tamen propriae differentiae, qua formaliter à genere distinguuntur, in quantum scilicet important quietationem appetitus in bono coniuncto, diuinæ perfectioni non repugnat, & in voluntate etiam reperiuntur: & propter hoc dicuntur ex ratione suae speciei diuinæ perfectioni non repugnare.

CIRCA differentiam obiecti voluntatis & appetitus sensibilis, aduertendum quod non ideo dicitur obiectum voluntatis bonum simpliciter, appetitus autem sensibilis bonum sensibile, quasi ad bonum vniuersale tantum terminetur voluntas: ad bonum autem sensibile terminetur appetitus sensibilis (hoc enim falsum est, quia sicut intellectus non tantum intelligit vniuersalem rationem boni, sed etiam boni sensibilis & particularis ratione, ita & voluntas non solum fertur in vniuersalem rationem boni, sed etiam ad particulare bonum sensibile) sed attenditur huiusmodi differentia quantum ad rationem formalem sub qua aliquid terminat actum appetitus. Sic enim bonum simpliciter, id est, non limitatum ad aliquam particularem boni rationem, sed absolute sumptum, est obiectum voluntatis: quicquid enim rationem boni participat, sub voluntate cadere potest, bonum autem non simpliciter, sed contrarium ad bonum sensibile, est obiectum appetitus sensibilis: quia quicquid habet rationem boni sensibilis, potest cadere sub appetitu sensui, non autem quicquid absolutam boni rationem participat. Vnde licet eadem res voluntate & appetitu sensui appetatur, tamen actum voluntatis terminat in quantum bona est absolute, actum autem appetitus sensibilis, in quantum est bonum quoddam sensibile.

CIRCA illam propositionem, Appetitus respicit bonum vel malum, aduertendum ex doctrina S. Tho. Prima p. q. 20. art. 1. q. bonum & malum sunt propria obiecta appetitus, sed diuersimode: bonum enim principaliter & per se est obiectum appetitus, malum autem secundario & per aliud, in quantum scilicet opponitur bono. Ideo cum aliquando dicitur absolute, q. bonum est obiectum voluntatis, non opponitur ei quod hic dicitur bonum vel malum esse obiecta: cum enim est sermo de primo & per se obiecto voluntatis, dicendum est bonum esse ipsius obiectum, cum autem est sermo de obiecto tam per se quam per aliud, dicendum est q. bonum vel malum. Eadem enim est potentia oppositorum, sicut visus visibilis & non visibilis, & auditus audibilis & non audibilis, vt dicitur, 2. de Anima, sed vnus per se, alterius vero per aliud.

ADVERTENDUM tamen, q. aliter voluntas se habet ad bonum & malum, & aliter visus ad visibile & inuisibile. Nam voluntas circa vtrumque actum positum habere potest: prosequitur enim bonum, & fugit ac detestatur malum per actum elicitum. Visus autem non habet actum positum circa inuisibile, quia in visu est tantum actus vnus rationis, scilicet apprehendere obiectum per se, qui actus ad inuisibile terminari non potest, cum visus ab inuisibili non constituitur in actu, sed dicitur esse per accidens ipsius tenebræ, quia ex hoc quod à visibilibus immutari non potest nullo existente defectu in potentia, & obiectis sufficienter praesentibus, iudicamus aliqua vi interiori aërem tenebrosum esse.

CIRCA secundam partem antecedentis attendendum, quod passiones appetitus sensibilis non sunt eiusdem speciei cum operationibus voluntatis: quia diuersarum potentialium non sunt actus eiusdem speciei. Cum enim potentia distinguatur proximè per actus formaliter sumptos, id est, ad obiecta formalia comparatos, repugnat potentias esse diuersarum specierum, & eorum actus esse eiusdem speciei, & ideo cum dicitur passionem secundum eandem rationem speciei esse in voluntate, intelligendum est non de identitate simpliciter, sed proportionali. In voluntate enim est operatio eiusdem rationis secundum quandam proportionem cum operationibus appetitus sensibilis, non autem eiusdem omnino & simpliciter rationis speciei: & similiter intelligendum est quum dicuntur esse in Deo secundum rationem suae speciei. Sicut enim sapientia secundum eandem rationem est in Deo, & in creaturis proportionaliter, non simpliciter: ita & huiusmodi passiones.

CIRCA probationem ipsius secundae partis antecedentis dubitatur. Videtur enim falsum supponere, scilicet quod gaudium & delectatio operationes quaedam sint: hoc enim negat sanctus Thomas Prima secundae, quæst. 31. art. 1. ad primum: vbi ait quod cum dicitur, Delectatio est operatio, est praedicatio pro causam, non per essentiam.

Respondetur, quod operatio dupliciter accipi potest. Vno modo communiter pro omni actu elicitum à potentia: alio modo pro illo actu quo potentia mouetur in obiectum, quæ dicitur motus appetitus ad bonum, vt motus à quiete distinguitur. Primo modo, delectatio est operatio, & ad hunc sensum vocat eam Philosophus 7. & 10. Ethic. operatio enim est enim actus ab appetitu elicitus. Secundo modo, non est operatio, sed consequitur operationem: non enim est motus ad appetibile, sed quies in bono adeptio. Ideo quod inquit S. Thom. Prima secundae, esse praedicationem non per essentiam, sed per causam, cum dicitur, Delectatio est operatio, intelligendum est de operatione secundo modo, non autem primo modo sumpta. Vel dicendum, q. delectatio

Obiectum voluntatis est bonum simpliciter, appetitus autem sensibilis bonum sensibile.

Bonum vel malum est obiectum appetitus.

Quo visus sit visibilis & inuisibilis.

Quo passiones appetitus sensibilis sint eiusdem speciei cum operationibus voluntatis.

Vtrum gaudium & delectatio operationes sint.



non est illa operatio quæ conaturalis est & delectabilis appetenti, est tamen operatio appetitus, talem operationem conaturalem concomitantem. Primum sensum habuit in Prima secundæ secundum verò hoc loco.

Secundò, Deus in seipso maxime quietatur, utpote omnem sufficientiam in se habens: ergo in se maxime gaudet & delectatur. Probatur consequentia, quia gaudium & delectatio est quædam quietatio voluntatis in suo voluto.

**ADVERTENDVM** primò, quòd per boni adeptionem & præsentiam dicitur quietari appetitus, quia ad illud bonum amplius non mouetur per desiderium, sed sibi ex eius præsentia est satisfactum: quòd autem maius est bonum quòd habetur, tantò magis appetitui satisfacit, ut scilicet paucioriam desideret: & ideo ubi bonum habitum omnem in se perfectionem & sufficientiam habet, quale est bonum diuinum, tale totaliter appetitui satisfacit, ut scilicet nihil aliud desideret amplius & ex hoc habet Deus quòd bonum suum sit sibi maxime delectabile: quia cum sit summum & perfectissimum bonum, non relinquitur in appetitu aliquis motus desiderij ad aliud bonum acquirendum, sed in seipso perfectissime quiescit.

Quomodo delectatio rationem quietis habeat.

**ADVERTENDVM** secundò, quòd delectatio potest dici quies & motus duobus modis. Si enim consideretur ordo appetitus ad bonum, sic habet rationem quietis: sicut enim quòd mouetur, cum ad terminum peruenit, quiescit: ita appetitus habito bono quòd desiderabat, quiescit, & huiusmodi quiescere delectari est. Si autem consideretur ordo appetitus ad appetitum, sic motus quidam est, mouetur enim appetitus à bono præfati & coniuncto. Propter eam inquit san. Thom. Prima secundæ, ubi supra, ad secundum quòd est quies considerata præsentia obiecti delectantis: est verò motus in quantum remanet immutatio appetitus ab appetibili. Ex quo patet quòd delectatio aliter dicitur quies appetitus, quàm in corporibus dicatur quies: in illis enim quies dicitur solum negationem motus & nihil positium formaliter dicit. Quies autem appetitus in bono coniuncto dicitur actum appetitus cum negatione ulterioris inquisitionis: postquam enim appetens habet bonum quòd quaerebat, non amplius mouetur per appetitum ad illud quaerendum, sed in bono adepto delectatur: & hoc actus quòd delectatur, ideo dicitur quies, quia est cum cessatione motus executionis quòd appetens tendebat ad finis acquisitionem. In Deo autem ponitur huiusmodi quies, non in quantum est terminus appetitus tendentis in finem acquirendum, cum talis motus appetitus non sit in Deo: sed ratione suæ perfectionis, in quantum scilicet est quietatio quædam appetitus in bono coniuncto.

Tertiò, Deus perfectissimam operationem habet intelligendo: ergo sicut nostrum intelligere propter operationis perfectionem est delectabile, & diuinum intelligere erit Deo delectabilissimum. Probatur consequentia, quia delectatio est quædam operationis perfectio, ut dicitur 1.º E. hic. cap. 4. Quo modo delectatio perficiat operationem per modum boni completiue superuenientis, & per modum agentis indirecte, ex eo scilicet quòd ille qui delectatur in opere diligentius & attentius operatur, vide san. Thom. 1.º 2.º q. 33. ar. 4.

Quartò, Omne bonum est diuinæ bonitatis similitudo, nec ex aliquo bono aliquid sibi deperit, ergo, &c. Probatur consequentia, quia naturaliter vnumquodque in suo simili gaudet quasi sibi conuenienti: nisi per accidens, in quantum est impedimentum propriæ utilitatis, oppositum eueniat.

Quantum ad secundum, quia visus est sanct. Thom. indifferenter uti nominæ Gaudij & Delectationis, ne huius occasione deceptio accideret, ostendit quomodo distinguantur: & inquit quòd distinguuntur ratione, si vnumquodque propriè sumatur. Nam delectatio ex bono realiter coniuncto provenit, & est de bono coniuncto tantum: gaudium autem est de exteriori, & ad eius rationem sufficit sola quietatio voluntatis.

Quomodo se habeant inter se gaudium & delectatio.

Videtur autem S. Thom. hoc loco contradicere iis quæ Prima secundæ, quæst. 31. artic. 3. dicuntur: ubi enim vult delectationem esse genus gaudij, esseque omne gaudium delectationem, sed non e contra, hic autem oppositum videtur tenere. Nam aut intelligitur quòd gaudium sit de exteriori solum, aut quòd sit & de coniuncto, & de exteriori. Si primo modo, sic non se habent sicut inferius & superius, sed sicut ex opposito coniuncta. Si autem secundo modo, gaudium erit superius ad delectationem: omnis enim delectatio erit gaudium, quia delectatio est tantum de bono coniuncto, gaudium autem de hoc, & de exteriori: non autem omne gaudium erit delectatio, quia gaudium de exteriori non est delectatio, secundum ea quæ hic dicuntur.

**AD** huius evidentiam considerandum est quòd hoc loco comparat S. Thom. delectationem & gaudium secundum quòd vtrumque inuenitur tantum in voluntate, scilicet secundum quòd nominant simplicem operationem voluntatis absque passione, & cum inquit quòd gaudium est de exteriori, non est intelligendum, quòd sit solum de exteriori, sed quòd est de coniuncto bono, & de exteriori per quòd distinguuntur à delectatione, quæ est de bono coniuncto tantum. Patet autem hunc esse intellectum verborum S. Tho. ex iis quæ subiungit, scilicet, Deus in seipso propriè delectatur, gaudet autem in se & in aliis. Si enim gaudiū esset de bono exteriori tantum, non gauderet in se & in aliis: dupliciter ergo possumus loqui de delectatione, scilicet aut secundum quòd est commune quid delectationi, quæ est simpliciter oppositio voluntatis, & de delectationi, quæ est passio appetitus sensitui, aut secundum quòd in voluntate tantum reperitur, ut scilicet nominat quietationem voluntatis in bono. Si primo modo accipiat, sic est quid superius ad gaudium, & gaudium est eius species secundum Auic. in libro suo de Anima: quia gaudium inuenitur solum in habentibus rationem, est enim delectatio consequens rationem. Delectatio autem inuenitur etiam in brutis, in quibus non est gaudium, & hoc modo locutus est S. Tho. in 1.º 2.º Si autem accipiat secundum modum, sic gaudium est superius ad delectationem, quia est & de bono coniuncto, & de bono extraneo: delectatio autem est de coniuncto tantum, & hoc modo intellexit hoc loco, unde nulla est contradictio. Quod autem dicitur 1.º 2.º q. 12. ar. 5. actiones aliorum esse nobis delectationis causam, intelligendum est de delectatione communiter sumpta, secundum quòd continet sub se gaudiū, non autem de delectatione quæ sub gaudio continetur, de qua diximus hoc loco sermonem haberi.

#### Quòd in Deo sit amor. Cap. 91.

Imiliter autem oportet & amorem in Deo esse secundum actum voluntatis eius. Hoc enim est propriè de ratione amoris, quòd amans bonum amati velit, Deus autem vult bonum suum & aliorum, ut ex dictis patet. Secundum hoc igitur Deus & se & alia amat.



† Idem P. p. 9. 20. ar. 1.

† Cap. 76.

2. Adhuc, Ad veritatem amoris requiritur quòd bonum aliqui prout est eius velit. Cuius enim bonum aliquis vult solum prout in alterius bonum cedit, per accidens amatur, sicut qui vult vinum conseruari, ut illud bibat, aut hominem ut sibi sit utilis aut delectabilis: per accidens amat vinum aut hominem, per se autem seipsum. Sed Deus vult bonum vniuersumque secundum quòd est eius, vult enim vnumquodque esse secundum quòd in se bonum est: licet etiam vnum ordinet in bonum alterius. Deus igitur amat verè, & se, & alia.

3. Amplius, Cum vnumquodque naturaliter velit & appetat suo modo proprium bonum, si hoc habet amoris ratio, quòd amans velit aut appetat bonum amati, consequens est quòd amans & amatum se habeant sicut ad id quòd est cum eo aliquo modo vnum, ex quo videtur propria ratio amoris consistere in hoc quòd affectus vnus tendat in alterum, sicut in vnum cum ipso aliquo modo: propter quòd à Dionysio dicitur, quòd amor est vniuersa virtus. Quòd ergo id vnde amans est vnum cum amato, est maius, tantò est amor intensior: magis enim amamus quos nobis vnit generationis origo, aut conuersationis vnus, aut aliquid huiusmodi, quàm eos quos nobis solum vnit humanæ naturæ societas.

Et rursus, Quòd id ex quo est vnio, est magis intimum vel vnium amanti, tantò amor fit firmior: unde interdum amor qui est ex aliqua passione, fit intensior amore qui est ex naturali origine, vel ex aliquo habitu, sed facilius transit. Id autem vnde omnia Deo vniuntur, scilicet eius bonitas, quam omnia imitantur, est maximum & intimum Deo, cum ipse sit sua bonitas. Est igitur in Deo amor non solum verus, sed etiam perfectissimus & firmissimus.

4. Item, Amor ex parte obiecti non importat aliquid repugnans Deo, cum sit boni, nec ex modo se habendi ad obiectum. Nam amor est alicuius rei non minus quum habetur, sed magis, quia bonum aliquod sit nobis affinis, quum habetur. Vnde & motus ad finem in rebus naturalibus ex propinquitate finis intenditur. Quandoque autem contrarium per accidens accidit, utpote quando in amato experimur aliquid quòd repugnat amori, tunc enim minus amatur quando habetur: non ergo amor repugnat diuinæ perfectioni secundum rationem suæ speciei. Est igitur in Deo amor.

5. Præterea, Amoris est adinuicem mouere, ut Dionysius dicit: cum enim propter similitudinem vel conuenientiam amantibus & amati affectus amantis sit quodammodo vnitus amato, tendit appetitus in perfectionem vnionis, scilicet ut vnio quæ iam inchoata est in affectu, compleatur in actu: unde & amicorum proprium est mutua præsentia & conuictus & alloquutionibus gaudere. Deus autem mouet omnia alia ad vnionem: in quantum enim dat esse, & alias perfectiones vnit ea sibi per modum quo possibile est. Deus igitur, & se, & alia amat.

6. Adhuc, Omnis affectionis principium est amor. Gaudium enim & desiderium non est nisi nisi amati boni: timor etiam & tristitia non est nisi de malo quòd contrariatur bono amato: ex his autem omnes alie affectiones oriuntur. Sed in Deo est gaudium & delectatio, ut supra ostensum est: ergo in Deo est amor.

Possit autem alicui videri, quòd Deus non magis hoc quàm illud amet. Si enim intensio & remissio naturæ mutabilis est, propriè Deo competere non potest, à quo omnis mutabilitas procul est.

Rursus, Nullum aliorum quæ de Deo dicuntur, per modum operationis, secundum magis & minus de ipso dicitur: neque enim magis aliquid alio cognoscitur, neque magis de hoc quàm de illo gaudet.

Sciendum itaque, quòd cum alie operationes animæ sint circa vnum solum obiectum, solus amor ad duo obiecta ferri videtur. Per hoc enim quòd intelligimus vel gaudemus, ad aliquod obiectum aliquammodo nos habere oportet: amor verò aliquid alicui vult, hoc enim amare dicimus, cui aliquod bonum volumus secundum modum prædictum. Vnde & ea quæ concupiscimus, simpliciter quidem & propriè desiderare dicimus, non autem amare, sed potius nos ipsos, quibus ea concupiscimus: & ex hoc ipsa per accidens non propriè dicimus amare. Alie igitur operationes secundum solum actionis vigorem secundum magis & minus dicuntur: quòd in Deo accidere non potest. Nam vigor actionis secundum virtutem qua agitur, mensuratur: omnis autem diuina actio vnus & eiusdem virtutis est.

Amor autem secundum magis & minus dupliciter potest dici. Vno quidem modo, ex bono quòd alicui volumus: secundum quòd illud magis diligere dicimus, cui volumus maius bonum. Alio modo, ex vigore actionis, secundum quòd

† Cap. 80. Obiectio contra prædicta.



quod dicimur illū magis diligere, cui etsi non maius bonum, æquale tamen bonū feruentius & efficacius volumus. Primo quidem modo, nihil prohibet dici, q̄ Deus aliquid alio magis diligit, secundū quod ei maius vult bonum: secundo autem modo dici non potest, eadem ratione quæ de aliis dicta est.

Patet igitur ex prædictis, q̄ de nostris affectionibus nulla est quæ in Deo possit proprie esse nisi gaudiū & amor: quāvis etiam hæc in eo non secundum passionem, sicut in nobis sint.

Quod autem in Deo sit gaudium vel delectatio, auctoritate sacre Scripturæ confirmatur. Dicitur enim in Psal. 15. Delectationes in dextera tua vsque ad finem. Prouerbiis 10. Delectabar per singulos dies ludens coram eo. Dicit diuina sapientia, quæ Deus est, vt ostensum est. & Luc. 15. Gaudium est in celo super vno peccatore poenitentiam agente. Philosophus etiam dicit in 7. Ethic. q̄ quod Deus semper gaudet vna & simplici delectatione. Amorem etiam Dei Scriptura commemorat Deuter. 33. Dilexit populos. Hierem. 31. In charitate perpetua dilexi te. & Ioannis 16. Ipse enim Pater amat vos. Philosophi etiam quidam posuerunt rerum principium Dei amorem: cui consonat Dionysij verbum, 4. cap. De Diuinitate. No. dicentis, q̄ diuinus amor non permittit ipsum sine germine esse. Sciendū tamen etiam alias perfectiones quæ secundum speciem suam diuinæ perfectioni repugnant, in sacra Scriptura de Deo dici: non quidem proprie, vt probatum est, sed metaphoricè propter similitudinem vel effectum, vel alicuius affectionis præcedentis. Dico autem effectum, quia interdu voluntas ex sapientie ordine in illum effectum tendit, in quem aliquis ex passione defectiua inclinatur. Iudex enim ex iustitia punit, sicut & iratus ex ira: Deus enim aliquando dicitur iratus, in quantum ex ordine suæ sapientie aliquid vult punire, secundum illud Psal. 2. Quomodo exariserunt in breui iræ eius. Misericors verò dicitur, in quantum ex sua beneuolentia miseras hominum tollit: sicut & nos propter misericordie passionem facimus idem. Vnde in Psal. 8. Misericors & misericors Dominus, patiens & multum misericors. Poenitens etiam interdum dicitur, in quantum secundum æternum & immutabilem prouidentie suæ ordinem, facit quæ prius destruxerat, vel destruit quæ prius fecit: sicut & poenitentia mori facere inueniuntur. Vnde Genes. 6. Poenitet me fecisse hominem. Quod autem hoc proprie intelligi non possit, patet per hoc quod habetur 1. Reg. 15. Triumphator in Israël nō parceret, neque poenitu dine flectetur. Dico autem per similitudinem præcedentis affectionis: nam amor & gaudium, quæ in Deo proprie sunt, principia sunt omnium affectionum. Amor quidem per modum principij mouentis, gaudium verò per modum finis. Vnde etiam irati punientes gaudent, quasi finem affectui. Dicitur igitur Deus tristiari, in quantum accidunt aliqua contraria his quæ ipse amat & approbat: sicut & in nobis tristitia est de his quæ nobis nolentibus accidunt. Et hoc patet Isaie 59. Vidit Deus, & malum apparuit in oculis eius, quia nō est iudicium, & quia non est vir: & aporiat est, quia non est qui occurrat. Ex prædictis autem excluditur error quorundam Iudæorum attribuentium Deo iram, tristitiam, poenitentiam, & omnes huiusmodi passiones secundum proprietatem: non distinguentes quid in Scripturis sacris proprie, & quid metaphoricè dicatur.

Super cap. 91.

**S**ecundū ostendit quod in Deo etiam amor sit secundum propriam rationem suæ speciei. Circa hoc autem quatuor facit. Primo ostendit propositum rationibus: secundū, tam hanc conclusionem quam præcedentem auctoritatibus confirmat: tertio, remouet quoddam dubium: quarto, ostendit quomodo alie passiones quæ secundum rationem suæ speciei repugnant diuinæ perfectioni, Deo in sacra Scriptura attribuantur.

Quantū ad primum arguitur primò sic, Deus vult bonum suum & aliorum: ergo in ipso est amor secundum actum voluntatis eius. Probatur consequentia, quia de ratione amoris est quod amans bonum amari velit.

**A D V E R T E**, quod inquit amorem esse in Deo secundum actum voluntatis, vt præseruet se ab amore, qui est passio appetitus sensitiui.

Secundū, Deus vult bonū vniuersi: vultque etiam, cum velit vniuersumque esse secundum q̄ in se bonum est, licet vnum etiam ordinet in bonum alterius: ergo amat verè & se & alia. Probatur consequentia, quia ad veritatem amoris requiritur quod amans velit bonum alicuius, prout est eius: nam si bonum eius vellet solum vt in bonum alterius cedit, per accidens illud amaretur, sicut qui vult vinum conferuari, vt illud bibat, aut hominem, vt sibi sit utilis vel delectabilis.

**A D V E R T E N D V M**, quod per veritatem amoris intelligit S. Thom. eius propriam rationem & perfectionem. Perfecto enim amore & per se quis alium amat, quando eius bonū vult, vt eius est, & non tantum propter alteri: vt enim dicitur 1. 2. q. 26. art. 4. sicut ens per se simpliciter est quod habet esse, ens autem secundū quid, quod est in alio, ita bonū simpliciter est quod ipsam habet bonitatem: bonum autem secundū quid, est id quod est bonum alterius: & ideo amor quo amatur aliquid vt ei sit bonum, est amor simpliciter: amor autem quo amatur aliquid vt sit bonum alterius, est amor secundum quid.

Attendendum quoque, quod non inconuenit vnum & idem in se bonum esse tanquam habens bonitatem, & tamen esse etiam ordinatum ad alterius bonum aliquo modo, sicut medicina dulcis & in se habet appetibilitatem, & ad sanitatem ordinatur. Ideo etiam non inconuenit, q̄ aliquid simpliciter ametur, dum ei optatur bonum suum, vt est suum: & vterius ordinetur ad alterius bonum. Illud autem secundum quod amatur, quod non amatur nisi vt bonum alterius. Propter hoc inquit S. Tho. q̄ bonum vniuersi cuiusque Deus vult, vt est eius, ac per hoc vnumquodque vere amat, licet vnum in bonum alterius ordinet. Vult enim Deus, vt vnumquodque sit perfectum secundum conditionem suæ naturæ, vt vult cum hoc vt vnum per alterum iuuetur.

**S E D** occurrit dubium circa prædicta. Nam Prima parte, quæ est 20. art. 2. 3. dicitur, quod Deus proprie loquendo non amat creaturas irracionales amore amicitie (& idem videtur dicere de amore beneuolentie) sed amore tantum concupiscentie, in quantum ordinat eas ad creaturas racionales, & ad seipsum, quod autem proprie amatur amore concupiscentie, amatur secundum quid, & vt bonum alicuius, non autem simpliciter vt ipsum habeat bonitatem, vt habetur Prima secundæ, vbi supra: ergo Deus non vult bonum creaturæ irrationalis, secundum quod est eius, sed tantum vt est alterius: & ipsam non verè amat, sed secundum quid: cuius oppositum hinc dicitur.

**A D** huius euidentiam Considerandum est primò, q̄ non est idem dicere, Amor diuiditur in amorē amicitie, & amorē concupiscentie: & amor diuiditur in amicitiam, & concupiscentiam. Nam prima diuisio est conueniens, & est diuisio non in diuersos actus appetitus, sed est diuisio eiusdem actus amoris in diuersas rationes. Cum enim amare sit velle bonū alicui idem actus secundum quod fertur in id cui volumus bonum, dicitur amor amicitie, in quantum assimilatur amicitie: amicus enim amico vult bonum, secundum verò fertur in bonum quod volumus alicui. Dicitur amor concupiscentie propter quandam similitudinem ad concupitā. Nam & concupiscentia fertur in bonum quod alicui volumus, licet feratur in illud in quantum est absens. Secunda autem diuisio est in cōgrua, tum quia cum amicitia sit habitus, vt dicitur 8. Ethic. non potest diuidere amorē, qui est actus: tum quia amor est actus ad concupiscentiam distinctus, & sic non potest in concupiscentiā & amicitiam diuidi. Considerandū secundū, q̄ licet non sint idem amor amicitie & amicitia, & amor concupiscentie & concupiscentia: aliqd tamen amor amicitie accipitur pro ipso actu amicitie: siue pro ipsa amicitia: & amor concupiscentie pro ipsa concupiscentia, prout amor est de bono absente, sed illa non est propria acceptio illius diuisionis. Considerandum tertio, quod beneuolentia dupliciter accipi potest, scilicet cōmuniter & proprie. Communiter sumpta significat actum voluntatis quo alicui volumus bonum quomodocunque, vt est eius, proprie autem sumpta significat actum voluntatis quo volumus absolute bonum alicui tantum, vt est eius bonum.

Dicitur ergo primò, quod ad irrationalia Deus non habet amicitiam, proprie accepta amicitia, quia neque possunt Deum reamare, neque illi in vita intelligibili & beata communicare possunt, quæ sunt de ratione amicitie diuinæ. Dicitur secundū, quod Deus ea amat amore amicitie proprie sumpto. Nam illis vult bona naturalia, & esse. Dicitur tertio, quod ea amat amore beneuolentie cōmuniter dicto: vult enim eis eorum bonū, in quantum est eorum bonum, cum sit eorum causa. Et hoc voluit S. Thom. 3. Sent. dist. 3. art. 2. ad 2. Dicitur quarto, q̄ ea non amat beneuolentia proprie dicta, quia non vult eis bonum suum, vt est tantum eorum bonū, sed etiam bonum eorum in bonum aliorum ordinat. Dicitur quinto, q̄ Deus ea amat amore concupiscentie proprie sumpto, quia vult bonum ipsorum in ordine ad creaturam rationalem. Dicitur sexto, quod non amat ea concupiscentia proprie dicta, quia talis actus in Deo non inuenitur, cum imperfectionem includat.

Ex his sequitur, q̄ Deus ista & amore amicitie, & amore concupiscentie amat, in quantum & vult eis bonum vt est eorum bonū, & ea ad rationalium creaturarum utilitatē ordinat. Et hoc significauit S. Tho. hoc loco, dum inquit, q̄ Deus vult bonum vniuersi: vultque vt est eius, licet vnum etiam ordinet in bonum alterius. Ad dubium itaque dicitur, quod S. Thom. in Prima parte, accipit amorem amicitie pro ipsa amicitia, vt patet ex his quæ ibi dicit: non autē pro amore amicitie proprie dicto. Similiter beneuolentiā accipit proprie, non autem cōmuniter dictam, quorum neutrum est ad irrationalia, non autem negat eum amare irrationalia amore amicitie proprie sumpto, & beneuolentia cōmuniter sumpta, vt hoc loco voluit, ideo non sequitur, quod ea amet tantum secundū quid, & q̄ nullo modo velit bonum creaturæ irrationalis, vt est eius. Quod autē videtur ibi dicere, Quoniam ea amant tantum concupiscentie amat, intelligendum est de amore concupiscentie, vt à vera amicitia distinguitur, quod quidē ab amore amicitie nō excludit. Nam quia irrationalibus non vult bonum, vt est tantum ipsorum bonum, sed & vt est ipsorum, & etiam vt in utilitatē aliorum cedit. Ideo dicitur illa amare concupiscentie amore, & nō tantum amore amicitie, licet ad illa amicitiam non habeat, quod est ea amare amore concupiscentie tantum, vt contra amicitiam distinguitur, non autem vt contra amorem distinguitur amicitie: iuxta ea quæ prædicta sunt. Primo ergo modo loquitur hinc sanctus Thomas, secundo autem modo in Prima parte.

Tertio, id vnde omnia vniuntur Deo, scilicet eius bonitas, quam omnia imitantur, est maximum & intimum Deo, cum sit ipsa bonitas: ergo in Deo est amor non solum verus, sed etiam perfectissimus & firmissimus. Probatur consequentia, quia amans se habet ad amatum sicut ad id quod est aliquo modo vnum cum ipso, tum quia cum vnumquodque naturaliter velit & appetat suo modo proprium bonum, si hoc habeat amoris ratio, quod amas velit bonum amari, sequitur quod amans ad amatum se habeat sicut ad id quod est aliquo modo vnum cum eo. Tum quia, vt Dionysius inquit, amor est vis vnitua: quantū autem id vnde amas est vnum cum amato, est maius, tanto est amor intensior, quantoque est magis intimum & vnitum amanti, tanto amor est firmitior.

**C I R C A** illam propositionem, Vnumquodque naturaliter vult suo modo proprium bonum, attendendum quod ideo dixit S. Thomas, Suo modo propter diuersitatem appetituum. Cum enim sit appetitus quidam merè naturalis, non consequens apprehensionem appetentis, sed formam naturalem (sicut appetitus grauis ad locum deorsum) sit etiam appetitus animalis consequens apprehensionem sensus, & sit appetitus rationalis consequens apprehensionem rationis: secundum diuersitatem naturarum vnaqueque res naturaliter appetit proprium bonum. Quæ enim cognitione carent, proprium bonum appetunt appetitu merè naturali: quæ autem habent cognitionem sensitiuam tantum, vt bruta, suum bonum appetunt appetitu sensitiuo: Contra Gent.

Vt si Deus vere amet creaturas irracionales amore amicitie, an tantum amore concupiscentie.

Vnumquodque naturaliter vult suo modo proprium bonum.



que autem rationem habent, ut homines, appetitu rationali naturaliter proprium bonum appetunt.

**Amis ad amatum se habet** quod est aliquo modo vnum cum ipso: aduerte quod amans aliquando cum sicut ad id quod amato est vnum per essentiam, sicut cum quis amat seipsum, aliquando est et aliquo modo vnum cum ipso vel secundum similitudinem, vel quacunque alia vnitate: sicut cum vnus artifex amat alium artificem eiusdem artis. Ad amorem ergo non requiritur semper vnio secundum substantiam, sed sufficit vnio secundum similitudinem, vel alio quouis modo: & ideo dictum est, quod amans se habet ut aliquo modo vnum cum amato, non autem semper ut vnum simpliciter.

**CIRCA id quod dictum est**, Quotum id vnde amans est vnum cum amato, est maius, tantum esse intensiorem amorem, attendendum ex doctrina sancti Thome. 2.2. q. 26. & 3. Sen. dist. 26. quod hoc verum est in ordine ad illud bonum quod pertinet ad illam coniunctionem: sicut intensiori affectu quis vult con sanguineo bonum naturale quam velit commilitoni: quia coniunctio naturalis originis est maior coniunctione militum. Et intelligendum est simpliciter loquendo, quia secundum quid ex aliquo accidenti potest accidere ut maior & intensior affectus habeatur ad minus coniunctos. Vnde subiungit sanctus Thomas, quod interdum amor qui est ex aliqua passione, sit intensior amore qui est ex naturali origine, licet facilius transeat. Contingit enim ut aliquis ex superueniente siti intensius appetat dulce vinum sibi propositum & oblatum, quam confanguineum aut amicum.

**OC CVRIT** autem dubium, quantum ad rationem qua probatur amorem se habere ad amatum, sicut ad id quod est vnum aliquo modo cum ipso. Ex istis enim duabus propositionibus, Amare est velle bonum amati, & Vnusquisque naturaliter vult proprium bonum: nihil aliud sequitur, quam quod vnusquisque naturaliter amat se, non autem sequitur quod amans se habeat ad amatum sicut ad id quod est vnum cum ipso. Item non videtur quod propositio à Dionysio sumpta sit ad propositum, intentio enim sancti Thome est loqui de vnione amantis & amati, quæ præcedit amorem. Vnde ex magnitudine eius vnde amans vnitur amato, accipit intensiorem amoris: propositio autem Dionysij, scilicet, Amor est vis vnitiua, non intelligitur de vnione præcedente amorem: quia effectus non est ante suam causam, ergo non est ad propositum.

**Vnumquodque naturaliter vult proprium bonum.** Ad euidentiā primi dubij, attendendum primum, quod dupliciter potest intelligi aliquid naturaliter velle proprium bonum, vno modo, quia proprium bonum vult & appetit actu naturali, non autem actu libero, eo modo quo dicimus hominem naturaliter velle beatitudinem. Alio modo, quia ad proprium bonum habet habitudinem naturalem, tanquam ad obiectum suum eo modo quo dicimus visum tendere naturaliter in visibile: habet enim ordinem ad visibile secundum naturam suam, quia est apprehensivus visibilis, non autem audibilis.

Attendendum secundum, quod proprium bonum dupliciter possumus accipere. Vno modo, ut opponitur bono accidentali: quomodo dicimus rationale & risibile esse proprium hominis bonum, albedinem verò non esse proprium hominis bonum. Alio modo, ut opponitur bono alieno & extraneo: eo modo quo dicimus id quod ab aliquo possidetur, esse proprium eius: & omne quod alicuius quomodocunque est, esse ipsius, ut isto modo idem sit dicere proprium bonum alicuius quod bonum suum. In ista ergo propositione, Vnumquodque naturaliter vult proprium bonum, accipitur naturaliter secundum modo: & similiter secundo modo proprium bonum: & est sensus, quod vnumquodque per suum appetitum habet naturalem ordinem ad bonum quod est aliquo modo suum tanquam ad principale appetitum, non autem ad bonum alterius, in quantum omnino alienum est. Cum enim appetitus sit inclinatio consequens formam rei, aut naturalem, aut apprehensam, detur autem naturæ inclinatio ad bonum ipsius naturæ, sicut lapidi datur inclinatio ad locum deorsum, quia locus ille est graui conueniens, & brutis datur inclinatio sensitiua ad prosequendum quod sibi conueniens est secundum sensum, & similiter homini datur rationalis inclinatio ad hoc ut per rationem sibi de necessariis prouideat: sequitur quod natura cuiuslibet appetitus ordinatur & inclinatur in bonum appetentis aliquo modo, tanquam in suum principale obiectum. Vnde & quando quis vult alicui bonum: hoc est quia illum cui vult bonum, existimat tanquam alterum se, & sic bonum quod illi vult est aliquo modo suum propter vnionem ipsius cum illo secundum affectum. Bene ergo ad hunc sensum procedit ratio sancti Thome, scilicet, Amans vult bonum amati, sed voluntas non fertur nisi in bonum quod est aliquo modo volentis, ergo amans vult bonum amati in quantum est aliquo modo amantis: sed hoc non est nisi quia aliquo modo amans & amatum sunt vnum, ergo amans ad amatum se habet sicut ad id quod est aliquo modo vnum cum ipso.

**Quomodo amor est vis vnitiua.** Quantum ad alterum dubium considerandum est ex doctrina sancti Thome. 1.2. q. 2.8. art. 1. quod ad amorem triplex concurrebat vnio amantis cum amato. Vna scilicet, præcedens amorem tanquam eius causa, quæ est vnio, aut secundum substantiam, sicut cum aliquis amat seipsum secundum similitudinem, sicut cum aliquis amat alterum. Alia est secundum affectum, quæ est amor: nominat enim amor concupiscentiam quandam, & coactionem appetitus in appetibile. Tertia est consequens ad amorem, & est vnio realis: quærit enim amans rem amam sibi vnire realiter quantum potest. Vnde quod dicitur à Dionysio, quod amor est vis vnitiua intelligitur formaliter & causatiue: est enim vnio quædam amantis & amati, & causat vnionem: quamuis etiam anteceditis possit dici vis vnitiua, tanquam videlicet præsupponens vnionem quandam amantis & amati. Propter hoc ergo bene adduxit sanctus Thomas, quod quia amans se habet ad amatum sicut ad id quod est aliquo modo vnum cum ipso, consequens est, quod ratio amoris consistat in hoc quod affectus vnus tendat in alterum, sicut in vnum cum ipso aliquo modo, id est, quod sit quædam vnio secundum affectum amantis & amati. & huic authoritas Dionysij assilatur, dicentis, quod amor est vis vnitiua formaliter: falsum ergo assumitur in obiectione, scilicet quod intentio sancti Thome sit loqui de vnione quæ amorem præcedit, imò loquitur de vnione quæ est essentialiter amor. Ad probationem dicitur, quod ex magnitudine eius vnde amans vnitur amato, arguit intentionem amoris, tanquam ex magnitudine causæ arguens magnitudinem effectus: si enim amor vnio quædam secundum affectum est, sequitur quod quantum id quod huiusmodi vnionem causat, fuerit maius, tantum erit maior vnio: & sic maior & intensior amor. Vnde non valet ex magnitudine eius, vnde sumitur vnio, arguit intentionem amoris: ergo loquitur de vnione præcedente amorem, dicitur tamen quod si etiam loqueretur de vnione amorem præcedente, adhuc propositio Dionysij esset ad propositum, quia intelligeret quod amor est vis vnitiua antecedentis, id est, vnionem quandam amantis & amati præsupponens.

Quotum, Amor non repugnat Deo secundum rationem suæ speciei: ergo est in ipso. Probatur antecedens, Non repugnat ratione obiecti, quia obiectum eius est bonum, nec ratione modi se habendi ad illud, quia amor est rei non minus quum habetur, sed magis: quia fit nobis affinius quum habetur, licet per accidens oppositum aliquando accidat: quando scilicet experimur aliquid in amato, quod repugnat amori, declaratur ex motu in rebus naturalibus qui ex propinquitate ad finem intenditur, ergo, &c.

**ADVERTENDVM**, quod ut statim dictum est, ad amorem aliqua præcedit vnio tanquam amoris causa, quæ est aut secundum substantiam, aut secundum similitudinem: aut alio aliquo modo. Et quia quando aliquid iam est actu vnium amanti, iam est magis vnum cum ipso, ideo magis amatur res quum est vnita, manente scilicet eadem apprehensione, qua iudicatur aliquid bonum & conueniens, quia verò contingit ut id quod dum absens erat, reputabatur omni ex parte bonum & conueniens, & ob hoc valde amabatur, dum verò habetur, cognoscitur aliquid habere malitiæ, & non conueniens amanti, atque idcirco habere aliquid repugnans amori: ideo minus amatur præsens, quam absens. Et hoc in singulis dies experimur: & ideo inquit sanctus Thomas, quod quia bonum quum habetur, fit nobis affinius, id est, intimius & coniunctius, ideo magis amatur cæteris, scilicet aliis paribus: quandoque autem per accidens euenit oppositum, quia videlicet contingit aliquid in re amata cognosci, quod prius non cognoscebatur.

Quintum, Deus mouet omnia alia ad vnionem cum ipso, dando eis esse, & perfectionem, ergo, &c. Probatur consequentia, quia amoris est ad vnionem mouere, siue ad vnionem vniri, ut inquit Dionysius. Declarat hoc sanctus Thomas, tangendo triplicem vnionem superius adductam, quæ ad amorem concurrebat, scilicet secundum similitudinem, secundum conuenientiam affectus, & secundum actum: quarum vltimam patet ex amore causari, quia amicorum proprium est mutua præsentia & conuiuium & colloquutionibus gaudere.

Sextum, In Deo est gaudium & delectatio, ergo, &c. Probatur consequentia, quia amor est principium omnis affectionis, gaudium verò & desiderium non est nisi boni amati: timor & tristitia de malo quod contrariatur bono amato. Ex his autem aliæ omnes passionis oriuntur.

**ATTENDENDVM** primum, ex Prima secundæ, q. 25. art. 1. & Veri, q. 26. art. 5. quod cum dicitur amor esse omnis affectionis principium, intelligendum est secundum ordinem executionis & consecutionis. Prius est enim complacere in bono, & adeptio per affectum, quæ motus aut quies in ipso, aut etiâ fuga mali oppositi. Secundum autem ordinem intentionis & appetitum delectatio & gaudium amorem præcedit: delectatio enim intentio causat amorem & desiderium, & nihil amatur nisi quia apprehenditur sub ratione delectabilis.

Aduertendum secundum, quum dicitur, quod omnes aliæ passionis oriuntur ex gaudio, desiderio, timore, & tristitia, quæ per desiderium intelligitur spes, ut dicitur Veri, vbi supra, ad primum. & Prima secundæ, q. 25. art. 1. vbi supra, art. 4. ad primum: habent enim similitudinem, quia vtraque passio est respectu boni nondum habiti. Item, quod non eodem modo sunt istæ quatuor passionis alii principales: ex gaudio enim & tristitia oriuntur aliæ passionis finaliter, & completiue simpliciter. Omnes enim passionis vltimò terminantur ad gaudium aut tristitiam, & est gaudium & tristitia ratio omnis alterius passionis, spes autem & timor sunt principales in suo genere, quia non præsupponunt alias passionis in sua potentia, scilicet irascibili, & sunt completiue aliarum, quæ tendunt in aliud tanquam in futurum, quod intelligendum est de his quæ per se tendunt in malum aut bonum, quia si loqueretur de his quæ tendunt in malum per accidens, scilicet sub ratione boni, sicut est ira, sic spes non est vltima, sed magis præcedit audaciā & iram, sed hæc sunt alterius negotij, hoc tantum ad propositum sufficiat, quod amor in via consecutionis est principalis passio, quia præcedit has quatuor passionis, quarum quædam sunt simpliciter omnibus aliis priores, tanquam rationes omnis actus appetentis, scilicet gaudium & tristitia, aliæ scilicet spes & timor sunt principales in potentia irascibilis, & in ordine earum quæ tendunt in bonum, ut est futurum.

**SED** occurrit dubium, Ex hac enim ratione potest argui, quod desiderium proprie acceptum est principium omnis affectionis: desiderium enim secundum viam consecutionis præcedit omnes illas quatuor passionis ex quibus aliæ oriuntur: prius enim mouetur appetitus per desiderium in bonum, quum in illo quietetur per gaudium, ergo si propter hoc amor est principium omnis affectionis, eadem ratione & desiderium.

Respondetur & dicitur primum, quod licet desiderium quædamque gaudium præcedat, non tamen necessariò ipsum præcedit, quia de bono naturaliter coniuncto est gaudium, ut est in Deo, de quo tamen non est desiderium: amor autem de necessitate præcedit, quia non gaudet aliquis nisi ex præsentia rei amate.

Dicitur secundum, quod ex se constat desiderium præsupponere amorem: non enim desideratur, nisi quod amatur. Vnde non potest desiderium esse primum principium omnis affectionis. Est ergo sic intelligenda ratio sancti Thome, amor est prima origo & necessaria illarum passionum, ex quibus omnes aliæ oriuntur: ergo est principium omnis affectionis. Constat autem sic non posse argui de desiderio, quia antecedens esset falsum, non enim desiderium est prima & necessaria origo illarum passionum.

Quantum ad secundum, quia in nobis contingit ut vnum magis altero amemus, quia intensio & remissio in actu amandi inuenitur, posset aliquis credere, quod licet in Deo sit amor, non tamen magis vnum amet quam alterum, cum intensio & remissio inueniatur in natura mutabili tantum, & aliæ operationes non dicantur de ipso secundum magis & minus: non enim vnum magis altero cognoscitur, neque de vno magis gaudet, quam de altero. Ideo remouens hoc dubium inquit primum, quod differentia est inter amorem & alias operationes, quia aliæ operationes in vnum tantum feruntur obiectum: amor autem proprie & per se sumptus in duo fertur obiecta, amare enim est velle bonum alicui, & sic fertur in eum cui volumus bonum, & in bonum, quod illi volumus, ipsum autem bonum quod nobis aut alteri volumus, non dicimus proprie & per se amare, sed per accidens, quia illud alij volumus: dicimus autem illud proprie desiderare.

Ex hac differentia sequitur alia, scilicet quod aliæ actiones vno tantum modo dicuntur secundum magis & minus, scilicet secundum vigorem actionis, quod est dictum secundum intentionem & remissionem, dum scilicet efficacius quis circa obiectum operationis operatur. Amor autem duobus modis secundum magis & minus dici potest, aut scilicet ex bono quod alicui volumus, quia, inquam, aut magnū aut paruum illi bonum volumus: aut ex vigore actionis secundum quod æquale bonum alicui efficacius aut feruentius volumus.

Dict.

Amatur res magis quando habetur, quia fit nobis affinius & intimior.

Amor est omnis affectionis principium.



Dicitur secundum quod primo modo Deus unum magis altero amat, dum maius bonum vni vult, quam alteri: sed secundo modo non, cum vigor actionis secundum virtutem qua agit mensuretur. Omnis autem actio diuina vnus & eiusdem virtutis sit, & sic non est differentia inter amorem, & alias operationes diuinas: nullo enim modo inuenitur in amore diuino intensio & remissio, sicut nec in aliis suis operatiōibus, licet vni maius bonum velit & alteri minus.

Solus amor in  
duo obiecta  
fertur.

CIRCA hoc quod inquit S. Thom. solum amorem ad duo obiecta ferri, aduertendum, quod hoc intelligendum est de amore in cōparatione ad illas operationes animæ quæ formaliter & propriè ponuntur in Deo, vt sunt intellectio & gaudiū vt patet ex verbis sancti Tho. non autem in cōparatione ad alias passionēs appetitus sensitui. nam vt dicitur 1.2. q.46. art.2. etiam ira in duo obiecta fertur, similiter per hoc quod dicitur solum amorē in duo obiecta ferri, non excluditur odiū, imò includitur, quia cum sint opposita, oportet vt si vnus in duo obiecta fertur, quod etiam alterum feratur in duo. Item intelligendum etiam hoc de amore vt completè accipitur, secundum scilicet quod idem actus est amor concupiscentiæ & amicitie: quia si acciperetur pro amore concupiscentiæ præcisè sumpto, sic non fertur necessariò in duo obiecta. Vnde & loco præallegato inquit sanctus Thomas, quod amor & odium quandoque respiciunt vnus obiectum tantum, sicut cum quis dicitur amare vinum, vel habere odio.

Quantum ad tertium probatur, quod in Deo sit gaudium & delectatio, auctoritate prius Prover. 10. Luc. 21. & Arist. 7. Ethic. cap. ultimo. Quod autem in ipso sit amor, probatur auctoritate Deut. 33. Hierem. 3. Ioan. 16. & aliquorū Philosophorum ponentium principium Dei amorem, & Dion. 4. capite De Diuinis Nominibus, dicentis quod diuinus amor non permittit eum sine germine esse. In Deo igitur nulla de nostris affectionibus propriè est nisi gaudium & amor, quæ etiam in ipso passionēs non sunt, sicut in nobis.

Quantum ad quartum inquit quod alie passionēs quæ secundum rationem suæ speciei diuinæ perfectioni repugnant, de Deo in Scriptura metaphoricè dicuntur propter similitudinem effectuum, aut alicuius affectionis præcedentis.

Quomodo ali-  
quæ passionēs  
dicuntur de Deo  
metaphoricè  
propter simili-  
tudine affectio-  
nis præcedentis.

CIRCA secundum modum, qui scilicet est propter similitudinem affectionis præcedentis, aduertendum quod passionēs quæ de Deo metaphoricè tantum dicuntur, nullo modo dicuntur de ipso quantum ad affectionem quam formaliter important, quantum scilicet ad ipsum actum appetitus, quem important, cum ille actus ex propria differentia aliquid repugnat diuinæ perfectioni dicat: tristitia tamen licet ratione propriæ affectionis non ponatur in Deo, ponitur tamē metaphoricè: quia est aliqua affectio in ipso similis affectioni quam præsupponit in nobis tristitia. Tristamur enim quia euenit aliquid contrariū iis quæ volumus & approbamus: & sic tristitia præsupponit amorem & voluntatem oppositi eius quod euenit, quæ est affectio quedam, & actus appetitus, simili modo, quia Deus aliquid approbat & amat cuius oppositum euenit, & ex hoc habet affectum similem affectioni præcedenti tristitiam in nobis, ideo propter similitudinem huiusmodi affectionis dicitur Deus tristari.

Quo euenit co-  
trarium iis quæ  
Deus amat &  
approbat.

SE D occurrit dubium, si aliquid euenit contrarium iis quæ Deus amat & approbat, sequitur quod voluntas Dei non semper impleatur: hoc autem falsum est, cum sit efficacissima, ergo, &c.

Respondetur, quod voluntas consequens in Deo semper impleatur, non autem voluntas antecedens. Vnde quod hic dicitur euenire quandoque contraria iis quæ Deus amat & approbat, puta cum aliquis agit contra præceptum diuinum, & eius prohibitionem, intelligendum est de amore & approbatione vt ad voluntatem antecedentem pertinent, non autem vt pertinent ad voluntatem consequentem. Huius autem distinctionis explanationem, vide Prima parte, quæ est 19.1. Sent. dist. 46. art. 1. & Veri. quæ est 23. &c.

Quomodo in Deo ponantur esse virtutes.

Cap. 92.



Onsequens est autem ex dictis ostendere, quomodo virtutes in Deo ponere oportet. Oportet enim sicut esse eius est vniuersaliter perfectum omnium entium perfectiones in se quodammodo cōprehendens: ita & bonitatem eius omnium bonitates in se quodammodo cōprehendere. Virtus autem est bonitas quædam: virtuosus nanque secundum eam dicitur bonus, & opus eius bonum. Oportet ergo bonitatē diuinam omnes virtutes suo modo continere: vnde nulla earum secundum habitum in Deo dicitur sicut in nobis. Deo enim non conuenit bonum esse per aliquid aliud superadditum ei, sed per essentiam suam, cum sit omnino simplex: nec etiam per aliquid suæ essentia additum agit, cum sua actio sit suum esse, vt ostensum est. Non est igitur virtus in Deo aliquis habitus, sed sua essentia.

† Conclusionis  
probatio.

† Cap. 45.

† Cap. 23.

2. Item, Habitus imperfectus actus est quasi medius inter potentiam & actum: vnde & habentes habitum dormiētibz comparantur. In Deo autem est actus perfectissimus. Actus igitur in eo non est sicut habitus & scientia, sed sicut considerare, quod est actus vltimus & perfectus.

3. Adhuc, Habitus, potētiæ alicuius perfectius est: in Deo autem nihil est secundum potentiam, sed solum secundum actum, in eo igitur habitus esse non potest.

4. Præterea, Habitus de genere accidentis est, quod in Deo omnino non est, vt supra ostensum est: igitur nec virtus aliqua in Deo secundum habitum dicitur, sed solum secundum essentiam. Cum autem virtutes humanæ sint, quibus humana vita dirigitur, humana autem vita sit duplex, contemplatiua, & actiua: quæ quidē ad actiuam vitam pertinent virtutes, prout hanc vitam perficiunt, Deo cōpetere non possunt. Vita enim actiua hominis in vfu corporalium bonorum consistit: vnde & virtutes actiuam vitam dirigunt, quibus his bonis recte

vitimur. Huiusmodi autem Deo conuenire non possunt. igitur nec huiusmodi virtutes prout hanc vitam dirigunt.

5. Adhuc, Huiusmodi virtutes mores hominum secundum politicam conuersationem perficiunt, vnde illis qui politica conuersatione non vtuntur, conuenire non multum videntur: multo igitur minus Deo cōuenire possunt, cuius cōuersatio & vita longè est à modo humanæ vitæ. Harum etiā virtutum quæ circa actiuam vitam sunt, quædam circa passionēs nos dirigunt, quas in Deo ponere non possumus: virtutes enim quæ circa passionēs sunt, ex ipsis passionibus specie fortitūtur, sicut ex propriis obiectis. Vnde & temperantia à fortitudine differt, inquantū hæc circa cōcupisibilia est, illa verò circa timores & audacias. In Deo autem passionēs non sunt, vt ostensum est, igitur nec huiusmodi virtutes in Deo esse possunt.

6. Item, Huiusmodi virtutes non in parte intellectuā animæ sunt, sed in parte sensitiua, in qua sola passionēs esse possunt, vt probatur in 7. Physic. In Deo autem non est sensitiua pars, sed solus intellectus. Relinquitur igitur quod in Deo huiusmodi virtutes esse non possunt, etiam secundum proprias rationes. Passionū autē circa quas virtutes sunt, quædam sunt secundum inclinationem appetitus in aliquod corporale bonū, quod est delectabile secundum sensum, sicut sunt cibi & potus, & venerea: circa quorū concupiscentias est sobrietas, castitas, & vniuersaliter temperantia & continentia. Vnde quia corporales delectationes omnino à Deo remotæ sunt, virtutes prædictæ nec propriè Deo cōueniunt, cum circa passionēs sint: nec etiā metaphoricè de Deo dicuntur in Scripturis: quia nec est accipere similitudinē ipsarum in Deo secundum similitudinem alicuius effectus. Quædam verò, scilicet passionēs sunt secundum inclinationem appetitus in aliquod spirituale bonum, sicut est honor, dominiū, victoria, vindicta, & alia huiusmodi: circa quorū species & audacias, & omnino appetitus, sunt fortitudo, magnanimitas, mansuetudo, & alia huiusmodi virtutes, quæ quidem in Deo propriè esse non possunt, eo quod circa passionēs sunt: dicuntur tamen in Scriptura metaphoricè de Deo propter similitudinem effectus, vt est illud 1. Reg. 2. Non est fortis sicut Deus noster. & Mich. 6. Querite Mansuetum, querite Bonum.

† Tex. cap. 18. &  
infra.

Super cap. 92.



Ostendit sanctus Tho. quomodo passionēs ad Deum se habeant, nunc de virtutibus idem ostendit. Circa hoc autem duo facit. Primum ostendit quomodo virtutes sint in Deo: secundum quædam corollaria deducit. Circa primum duo facit. Primum ostendit vniuersaliter de virtutibus quomodo sint in Deo: secundum de speciebus virtutis in hoc eodem capite determinat.

Quantum ad primum duas conclusiones ponit. Prima est, Bonitas diuina omnes virtutes suo modo continet. Secunda est, Nulla virtus est in Deo secundum habitum. Prima probatur, sicut esse diuinum continet omnem perfectionem, ita bonitas diuina continet quodammodo omnem bonitatem: sed virtus est bonitas quædam virtuosa, cum secundum eam dicatur bonus, & eius opus bonum, ergo, &c.

Quo virtutes  
sint in Deo.

ADVERTENDUM, quod sicut esse diuinum licet omnem perfectionem in se comprehendat, non tamen eodem modo omnes continet, sed quasdam quidem formaliter vt perfectiones simpliciter, quasdam verò eminenter, vt perfectiones corporales: ita licet bonitas diuina omnes virtutes contineat, non tamen omnes formaliter continet, vt patebit inferius: sed quasdam formaliter, quasdam verò eminenter. Ideo ad hoc insinuandū dixit sanctus Tho. bonitatem diuinā omnes bonitates in se quodammodo comprehendere: & in cōclusionē dixit bonitatem diuinam omnes virtutes continere suo modo. Secunda quoque conclusio probatur, tum quia non conuenit Deo bonum esse aut agere per aliquid superadditum, sed per essentiam suam: tum quia actus diuinus omnino est perfectissimus: habitus autem nominat actum imperfectum, medium inter potētiā & actum. Tum quia in Deo nihil est potētiæ, habitus autem est perfectiō potētiæ: tum quia in Deo nullum est accidens, habitus autem accidens est. Virtus ergo in Deo non dicitur habitus aliquem superadditum diuinæ essentia, sed est ipsa diuina essentia, vt per ipsam Deus bonus est, & eius opus redditur bonum.

Quantum ad secundum de speciebus virtutis agit: cum duplex sit virtus humana, quædam scilicet ad actiuam vitam pertinet, & quædam pertinet ad contemplatiuam, primum agit de pertinentibus ad actiuam, secundum de pertinentibus ad contemplatiuam, cap. 93. Circa primum duo facit. Primum agit de ipsis in communi: secundum de singulis speciebus.

Quantum ad primum ponit hanc conclusionē, Virtutes ad vitam actiuam pertinentes prout hanc vitam perficiunt, Deo competere non possunt. Probatur primum, Virtutes huiusmodi sunt quibus corporalibus bonis recte vitimur, sed hæc corporalia bona Deo conuenire non possunt, ergo, &c.

Secundum, Tales virtutes mores hominum secundum politicam conuersationem perficiunt, vnde illis qui politica conuersatione non vtuntur conuenire non multum videntur: ergo Deo conuenire non possunt, cum conuersatio eius & vita longè differat à modo humanæ vitæ.

SE D antecedens dubitatur: nam temperantia non perficit hominem secundum politicam conuersationem, sed secundum seipsum, vt scilicet secundum rationem se habeat circa delectabilia tactus: ergo non est illud antecedens vniuersaliter verum.

Respondetur, ex doctrina sancti Thomæ, 3. Sent. dist. 33. quod virtutes morales faciunt rectitudinē actus in ordine ad bonum ciuile, & per consequens secundum quod requirit ciuilis hæc cōuersatio. Vnde si remouetur hæc ciuilis

Quo tempera-  
tia hominem  
secundum po-  
liticam vitam  
perficiat.

Contra Gent. i 3 conuen



conuersatio, aut non ordinetur & non proportionetur bono ciuili, nō erunt perfectæ virtutes omnino. Propterea inquit hoc loco S. Thom. quod illis qui politica conuersatione non videntur, non multum conuenire videntur, quasi dicat, Quamuis istis conueniant, non tamen conueniunt perfecte & complete, quia non ordinantur ad ciuilem conuersationem, & huic non adaptantur. Dicitur ergo ad argumentum quod propositio sancti Tho. intelligenda est de huiusmodi virtutibus perfecte & complete sumptis. Vnde & in conclusione dictum est, quod hæc virtutes vt humanam vitam perficiunt, Deo competere non possunt, temperantia igitur non solum perficit hominem in seipso, sed etiam in ordine ad bonum ciuile: & tanto laudabilis est, quanto ciuili bono proportionatur, loquendo de virtute acquisita.

Quantum ad secundum agit de speciebus virtutis actiue, quia autem quædam nos circa passionem dirigunt, quædam verò circa actiones, ostendit primum quomodo virtutes quæ sunt circa passionem se habeant ad Deum: secundum, quomodo illæ quæ sunt circa operationes, in cap. sequenti. Quantum ad primum duo facit. Primum ostendit illas in Deo non esse proprie: secundum, ostendit aliquas ipsi attribui metaphoricè. Ponitur ergo hæc conclusio, Virtutes quæ nos circa passionem dirigunt non sunt in Deo. Probatur, tum quia non sunt in Deo passionibus ex quibus virtutes huiusmodi speciem sortuntur: tum quia pars sensitiva, in qua sunt virtutes huiusmodi, & in qua sola passionem esse possunt, vt dicitur 7. Phisic. text. 18. Non est in Deo.

Verū virtutes  
aliquæ sint in  
appetitu sensi-  
tuo.

ADVERTENDVM, quod Scotus 3. Sent. d. 33. tenet quod ex impiis rectis voluntatis imperantis potest quidem generari aliquis habitus in appetitu sensituo, sed ille habitus licet possit concedi aliquo modo esse virtus, quia inclinat ad ea quæ sunt consona rationi rectæ, non est tamen proprie virtus, tum quia non est habitus electiuus, nec inclinans ad electiones: tum quia Arist. Ethic. partem sensitivam ad virtutem excludit, tamen quia passionem sunt etiam in voluntate secundum Aug. 14. de Ciuit. Dei cap. 5. & 6. & sic oportebit eas etiam in voluntate ponere. Tum quia moderatio passionum magis attribuenda est voluntati quam appetitui sensituo, & sic non sunt ponendæ in ipso virtutes propter moderationem talium passionum: sequitur ergo falsum esse, quod hic dicitur, scilicet, virtutes huiusmodi esse in parte sensitiva.

Sed hæc argumenta non cogunt. Ad primum enim dicitur (vt haberi potest ex doctrina S. Tho. 1. 2. q. 56. art. 4. ad 4.) quod aliquem habitum bonum esse electiuum, dupliciter potest intelligi. Vno modo quia est proxime rectæ electionis directiuus: alio modo quia præbet principium rectæ electionis ad virtutem: ergo sufficit quod altero istorum modorum sit habitus electiuus: non autem requiritur quod vtique modo electiuus sit. Nam prudentia est habitus electiuus primo modo, virtutes autem alie morales quæ sunt in appetitu sensituo, sunt habitus electiuus secundo modo: faciunt enim rectā intentionem de fine, quæ intentio est principii recti consilij, recti que iudicij, & consequenter electionis rectæ. Vnde negatur quod habitus qui est in parte sensitiva, non sit electiuus, neque ad rectā electionem inclinet remotè, licet proxime non inclinet ad ipsam.

Ad secundum dicitur, quod Philosophus ibidem partem sensitivam apprehensivam excludit ad virtutem, non autem partem appetitivam, imò ipse concedit in parte quæ nata est obedire rationi, virtutem esse: talis autem est appetitus intellectiuus & sensitiuus. Ad tertium dicitur, quod nulla passio est in voluntate in quam passio est, sed bene sunt in ipsa aliqui actus simplices conuenientes cum passionibus quantum ad ultimam differentiam. Ad quartum dicitur, quod vtique potest in voluntate aliquis habitus generari, quo firmatur contra passionem, vt dicitur Secunda secundæ, quæstione 11. articulo 1. sed tamen nullus talis habitus habet rationem virtutis, quia non complete perficit appetitum circa motum passionum, virtus autem proprie est illa potentia in qua consummatur opus virtutis, vt dicitur Prima secundæ, quæstione 56. articulo 5. vnde quia opus appetitivæ virtutis circa passionem in appetitu sensituo consummatur, vt ibidem dicitur, ideo in ipso sunt virtutes quæ circa passionem sunt.

Quantum ad secundum notat S. Thomas quod virtutes moderatiue passionum, quæ sunt secundum inclinationem appetitus in aliquod corporale bonum delectabile secundum sensum, vt sobrietates, castitates, continentia, temperantia, nec proprie nec metaphoricè de Deo dicuntur, cum & circa passionem sint, & non sit accipere in Deo similitudinem ipsarum secundum aliquem effectum: virtutes verò moderatiue passionum secundum inclinationem appetitus in aliquod spirituale bonum, vt est honor, dominium, victoria, vindicta, & alia huiusmodi: circa quorum appetitum est fortitudo, magnanimitas, mansuetudo, & huiusmodi, quamuis in Deo proprie non sint, eo quod sint circa passionem, dicuntur tamen metaphoricè in Scriptura de Deo, propter similitudinem effectus. Primum enim Reg. cap. 1. dicitur, Non est fortis, sicut Deus noster. & Mich. 6. Querite Mansuetudinem, querite Bonum. Ex his patet cum dicitur Prima parte, quæst. 11. art. 1. ad primum, quod virtutes quæ sunt circa passionem, inter quas enumeratur temperantia, Deo attribui non possunt, nisi secundum metaphoram: non sic est intelligendum quasi velit sanctus Thomas omnes huiusmodi virtutes de Deo metaphoricè posse dici, sed quod aliquæ ipsarum, sicut fortitudo, & huiusmodi, metaphoricè dici possunt: ac si diceretur, Hoc genus virtutum potest metaphoricè dici de Deo, licet non quantum ad omnes eius species.

Sed videtur sanctus Thom. sibi ipsi contradicere ex duplici capite, primum quia hic dicit esse aliquas virtutes moderatiuas passionum quæ sunt circa bonum spirituale, sequitur ergo quod non omnes virtutes quæ virā actiuam hominis dirigunt, sint quibus bonis corporalibus rectè vtimur, cuius oppositum dictum est superius in hoc capite. Secundum quia hic locat honorem inter bona spiritualia: Secunda secundæ autem, quæstione 103. articulo 1. dicitur quod honor aliquod corporale importat, cum consistat in corporalibus signis.

Quomodo vir-  
tutes viræ acti-  
ue sunt quibus  
bonis corpo-  
ralibus rectè  
vtimur.

Respondetur, quod corporale bonum dupliciter accipi potest. Vno modo, prout dicitur de corpore, & de omni eo quod corpori adiungitur quomodo-  
cunque. Alio modo, vt dicitur de eo tantum quod sensu aliquo extrinseco secundum se percipi potest. Et per oppositum spirituale bonum dupliciter accipi potest, scilicet pro eo quod nec est corpus, nec corpori adiungitur, & pro eo quod sub extrinseco sensu cadere secundum se non potest. Cum ergo dicitur, virtutes viræ actiue esse quibus vtimur rectè bonis corporalibus, primo modo accipitur bonum corporale. Cum autem dicitur, quod aliquæ moderantur passionem circa spiritualia bona, accipitur spirituale bonum vt distinguitur contra corporale secundo modo sumptum, non autem primo modo. Distinguitur enim passio, quia quædam versatur circa bonum delecta-

bile secundum sensum: quædam verò circa spirituale bonum, scilicet circa bonum quod extrinseco sensu secundum se non percipitur, vt habetur ex doctrina sancti Thomæ Prima secundæ quæstione 60. articulo 5. Vnde non est contradictio inter ea quæ in hoc capite dicuntur, & sic patet responsio ad primum.

Ad secundum dicitur, quod honor dicitur hic bonum spirituale, quia secundum se non percipitur extrinseco sensu, accipiendo honorem pro ipsa reuerentia: est enim reuerentia actus timoris, & sensu non percipitur, nisi dum actu per extrinseca signa manifestatur. Est autem corporale bonum primo modo, quia corporis signis est adiunctus, ex quibus & reuerentia fit vnum quoddam. In Secunda secundæ autem accipitur honor pro ipsis actibus exterioribus quibus aliquis testificatur alicuius excellentiam.

S E D occurrit aliud dubium: honor enim maxime conuenit Deo: si ergo honor fit corporale bonum primo modo, quia est aliquid annexum corpori, & ob hoc connumeratur inter bona corporalia in quorum vfu consistit vita actiua, sequitur quod bonum corporale cuius vfu pertinet ad vitam actiuam, conuenit Deo, similiter conueniet sibi dominium & vindicta, quæ necesse est dicere corporalia bona esse primo modo, cum circa ea sint virtutes morales. Sed huius oppositum dictum est supra: ergo aut est contradictio, aut ista nullo modo sunt corporalia bona ad virtutes viræ actiue pertinentia.

Respondetur, quod licet huiusmodi bona quæ corporalia bona aliquo modo dicuntur, Deo attribuantur: non tamen ipsi conueniunt tanquam bonum ipsum perficientia, sicut sunt hominis bona, & ad hunc sensum dictum est huiusmodi bona corporalia Deo non conuenire.

Vtrum honor  
sit bonum spiri-  
tuale, an corpo-  
rale.

### Quod in Deo sunt virtutes quæ sunt circa actiones

Cap. 93.



Vnt autem virtutes aliquæ vitam actiuam hominis dirigentes: quæ non circa passionem, sed circa actionem sunt, vt veritas, iustitia, liberalitas, magnificentia, prudentia, ars. Cum autem virtus ex obiecto vel materia speciem sortiat: actiones autem quæ sunt harum virtutum materia vel obiecta, diuinæ perfectioni non repugnent, nec huiusmodi virtutes secundum propriam speciem habent aliquid propter quod à diuinā perfectione excludantur.

2 Item, Huiusmodi virtutes perfectiones quædam voluntatis & intellectus sunt: quæ sunt principia operationum absque passione. In Deo autem est voluntas & intellectus nulla carens perfectione: igitur hæc Deo deesse non possunt.

3 Amplius, Eorum omnium quæ à Deo in esse procedunt, ratio propria in diuino intellectu est, vt supra ostensum est: ratio autem rei fiendæ in mente facientis, ars est. Vnde Philosophus dicit in 6. Ethic. quod ars est recta ratio factibilium. Est igitur proprie ars in Deo. Et ideo dicitur Sapient. 7. Omnium artifex docuit me sapientiam.

4 Item, Diuina voluntas in his quæ sunt alia ab ipso determinatur ad vnum per cognitionem suam, vt supra ostensum est: cognitio autem ordinans voluntatem ad agendum, prudentia est: quia secundum Philosophum in 6. Ethicorum, prudentia est recta ratio agibilium. Est igitur in Deo prudentia: & hoc est quod dicitur Iob 26. Apud ipsum est prudentia & fortitudo.

5 Adhuc, Ostensum est supra, quod ex hoc quod Deus vult aliquid, vult illa quæ requiruntur ad ipsum: quod autem ad perfectionem alicuius requiritur, est debitum vnicuique. Est igitur in Deo iustitia, cuius est vnicuique quod suum est distribuere. Vnde Psalm. 10. Iustus Dominus, & iustitiam dilexit.

6 Amplius, sicut supra ostensum est, Finis vltimus propter quem vult Deus omnia, nullo modo depedit ab his quæ sunt ad finem, nec quantum ad esse, nec quantum ad perfectionem aliquid: vnde non vult alicui suam bonitatem communicare ad hoc, vt sibi exinde aliquid accrescat, sed quia ipsum communicare est sibi conueniens sicut fonti bonitatis. Dare autem non propter aliquod commodum ex datione expectatum, sed propter ipsam bonitatem, & conuenientiam dationis, est actus liberalitatis, vt patet per Philosophum in 4. Ethicorum. Deus igitur est maxime liberalis, & vt Auicenna dicit, ipse solus liberalis proprie dici potest. Nam omne aliud agens præter ipsum ex sua actione aliquod bonum appetit vel acquirit, quod est finis intentus. Hanc autem eius liberalitatem Scriptura ostendit dicens in Psalm. 103. Aperiente te manum tuam omnia implebuntur bonitate. & Iacobi 1. Qui dat omnibus affluenter, & non impropertat.

7 Item, Omnia quæ à Deo esse accipiunt, necesse est vt eius similitudinem gerant inquantum sunt, & bona sunt, & proprias rationes in diuino intellectu habent, vt supra ostensum est: hoc autem ad virtutem veritatis pertinet, vt per Philosophum in 4. Ethic. patet: vt in suis factis & dictis aliquis se talem exhibeat, qualis est: est igitur in Deo veritatis virtus. Vnde Rom. 3. Est autem Dens verax, &c. Et in Psalm. 118. Omnes viæ tuæ veritas.

si quæ

† Idem Prima  
parte q. 21. ar.  
1. ad primum, &  
Prima secundæ  
q. 61. articulo 5.

† Cap. 5.

Quod in Deo  
sit ars.

† Cap. 83.  
circa finem.

† Cap. 6.

† Cap. 75.

Iustitia

† Cap. 75.

Liberalitas.  
† Cap. 2. in Me-  
taphysica lib. 9.  
cap. 7.

† Cap. 14.

Veritas.



Si quæ autem virtutes sunt quæ ad aliquas actiones ordinantur, quæ sunt subiectorum ad superiora: alia Deo conuenire non possunt, sicut obedientia, latia, vel aliquid huiusmodi quod superiori debetur. Si etiam aliquarum ex prædictis virtutibus sint aliqui imperfecti actus, secundum illos Deo attribui prædictæ virtutes non possunt: sicut prudentia quantum ad actum bene cõsiliandi Deo non competit. Cum enim consilium sit quædam inquisitio, ut dicitur in 6. Ethic. † diuina autem cognitio non sit inquisitiua, ut supra ostensum est. non potest sibi consiliari esse conueniens. Vnde Iob 26. Cui dedisti consilium? forsitan ei qui non habet intelligentiã. Et Isaia 40. Cum quo iniiit consiliu, & construxit eum? Secundum autem actum illum qui est de cõsiliati iudicare, & iudicata eligere, nihil prohibet prudentiã de Deo dici. Dicitur tamen interdum consilium de Deo, vel propter similitudinem occultationis. nam consilia occulte aguntur: vnde quod est in diuina sapientia occultu per similitudinem consilii dicitur, ut patet Isaia 25. secundum aliam translationem. Consilium tuum antiquum verum fiat, vel in quantum consulentibus satisfacit: est enim sine discursu intelligentis instruere inquirentes. Similiter etiam iustitia quantum ad commutationis actum Deo competere non potest, cum ipse a nullo aliquid accipiat: vnde ad Rom. 11. Quis prior dedit illi, & retribuetur ei? & Iob 41. Quis ante dedit mihi, ut reddam ei? Per similitudinem tamen aliqua Deo dare dicimur, in quantum Deus nostra data acceptat. Non igitur sibi competit commutativa iustitia, sed solum distributiua. Vnde Dionys. dicit 8. cap. De Diuin. No. quod iustitia laudatur Deus, sicut omnibus secundum dignitatem distribuens, secundum illud Matth. 25. Dedit unicuique secundum propriam virtutem. Scire autem oportet, quod actiones circa quas prædictæ virtutes sunt, secundum suas rationes ex rebus humanis non dependent: non enim de agendis iudicare aut aliquid dare vel distribuere solius hominis est, sed cuiuslibet intellectum habentis: secundum tamen quod ad res humanas contrahuntur, ex his quodammodo speciem sumunt: sicut curuum in naso facit speciem simi. Virtutes igitur prædictæ secundum quod ordinant humanam vitam actiuam, ad has actiones ordinantur prout ad res humanas contrahuntur ab eis speciem sumentes, secundum quem modum Deo conuenire non possunt. Secundum verò quod actiones prædictæ in sua communitate accipiuntur: possunt etiam diuinis rebus aptari. Sicut enim homo rerum humanarum, ut pecuniæ vel honoris, distributor est: ita & Deus omnium bonitatum Vniuersi. Sunt igitur prædictæ virtutes in Deo vniuersalioris extensionis quam in homine. Nam sicut iustitia hominis se habet ad ciuitatem vel domum, ita iustitia Dei se habet ad totum Vniuersum. Vnde & diuinæ virtutes nostrarum exemplares dicuntur: nam quæ sunt contracta & particulata, similitudines quædam absolutorum entium sunt, sicut lumen candelæ se habet ad lumen Solis. Aliæ verò virtutes quæ propriè Deo non conueniunt, non habent exemplar in diuina natura, sed solum in diuina sapientia, quæ omnium entium proprias complectitur rationes: sicut est de aliis corporalibus rebus.

## Super cap. 93.



Uterius agit sanctus Thomas de virtutibus quæ circa actiones sunt. Circa quod duo facit. Primum enim ostendit quomodo Deo attribui possint: secundò remouet quoddam dubium. Quantum ad primum tria facit. Primum in cõmuni probat aliquas earum Deo conuenire: secundò, de vnaquaque illarum particulariter probat: terciò, ostendit quomodo & quædam aliæ ipsi non conueniant, & illas quas probat Deo conuenire, secundum aliquos earum actus sibi conuenire non possunt.

Quantum ad primum ponit hanc conclusionem, Veritas, iustitia, liberalitas, magnificencia, prudentia, ars, sunt in Deo. Probatur primò, Actiones quæ sunt harum virtutum materia vel obiectum, diuinæ perfectioni non repugnant: ergo non habent aliquid secundum propriam speciem propter quod à diuina perfectione excludantur.

Secundò, Sunt perfectiones intellectus & voluntatis quæ sunt principia operationum absque passione intellectus & voluntatis, ergo, &c.

CIRCA assumptum dubitatur, cum dicitur huiusmodi virtutes quæ sunt circa actiones, esse perfectiones intellectus & voluntatis: nam oppositum huius videtur dicere sanctus Thomas Prima secundæ quæst. 60. art. 5. & Secunda secundæ quæst. 134. artic. 4. ad primum. Ibi enim ponit liberalitatem & magnificenciam esse in appetitu sensitivo, & per consequens non esse perfectiones intellectus neque voluntatis: respondetur quod sicut pecunia dupliciter considerari potest, vno modo, ut est obiectum passionis, puta concupiscentiæ, delectationis, amoris, aut spei: alio modo ut materia sumptuum, & expensarum: ita duplex est virtus liberalitatis & magnificenciæ circa ipsas. Vna quæ est circa passiones ad pecunias terminatas, quæ scilicet est moderata concupiscentiæ & amoris pecuniarum, ut, inquam, homo cum mediocritate amet pecunias, ne nimio amore erga ipsas à dationibus & sumptibus conuenientibus prohibeatur, & hæc est quam ponit sanctus

Thomas in locis adductis in appetitu sensitivo esse, sed de hac non loquitur hoc loco. Alia est quæ est circa ipsos sumptus, & circa vsum pecuniarum consistit, & hæc ponitur in voluntate: vltus enim ad voluntatem pertinet, ut dicit sanctus Thomas Prima secundæ, quæst. 16. & de hac loquitur in hoc capite, & in Prima parte, quæst. 12. art. 1. ad primum. & Virt. quæst. 1. art. 5. vbi liberalitatem in voluntate ponit.

Quantum ad secundum singulariter probat de vnaquaque earum, & primò de arte sic, Omnium eorum quæ à Deo in esse procedunt, ratio propria est in diuino intellectu: ergo in Deo est ars, est enim ars recta ratio factibilium. Confirmatur Sapientiæ 10. vbi dicitur, Omnium artifex, &c.

A D V E R T E, quod ars connumeratur hic inter virtutes, non quia perfectè habeat rationem virtutis, de ratione enim perfectæ virtutis est, ut faciat facultatem bene operandi, & bonum vsum talis facultatis. Iustitia enim facit, ut homo sit promptæ facultatis ad iustè operandum, & iustè operetur: ars autem facit quidem facultatem rectè operandi, ex quo habet aliquo modo rationem virtutis, sicut & habitus intellectus speculatiui: non tamen facit bonum vsum talis facultatis. Potest enim habens artem malum artificium operari, sicut habens artem Grammaticæ potest incongruè loqui: ideo non habet perfectè rationem virtutis, sed secundum quod, in quantum facit aliquo modo bonum habentem, & opus eius reddit bonum secundum facultatem.

Secundò probatur de prudentia, Voluntas diuina ad alia determinatur ad vnum per cognitionem, ergo in ipso est prudentia: est enim prudentia recta ratio agibilium, ut dicitur 6. Ethic. Confirmatur auth. Iob 26. vbi dicitur, Apud ipsum est prudentia.

Tertiò, de iustitia, Deus volendo aliquid, vult quod eius perfectioni debetur, ergo in eo est iustitia: est enim eius vniciue quod suum est distribuere. Ideo in Psal. dicitur, Iustus Dominus, & iustitias dilexit. Quomodo sit debitum in operibus Dei, inferius ostendetur.

Quartò, arguitur de liberalitate, Deus non vult bonitatem suam alicui communicare, ut exinde sibi aliquid accrescat, sed quia est sibi conueniens, ergo est liberalis: dare enim non propter aliquid commodum dantis ex ipsa datione expectatum, sed propter bonitatem ipsam, & conuenientiam dationis, est actus liberalitatis. Confirmatur autoritate Auicennæ dicentis, quod ipse solus est liberalis propriè, quia omne aliud agens intendit aliquod bonum ex sua actione consequi. Item autoritate Psalm. Aperiente te manum, &c. Iacobi quodque primo cap. qui dat omnibus affluenter, & non improperat.

Quintò, de veritate quæ est virtus, Omnia quæ à Deo esse accipiunt, eius similitudinem gerunt in quantum bona sunt, & proprias rationes in intellectu diuino habent, ergo in ipso est veritas. Pertinet enim ad virtutem veritatis, ut dicitur 4. Ethic. ut in suis factis & dictis aliquis se talem exhibeat, qualis est. Cõfirmatur autoritate Apostoli ad Ro. 3. Est autem Deus verax, &c. & Psal. Omnes viæ tuæ veritas.

Quantum ad tertium, dicit primò, quod virtutes quæ ordinantur ad actiones quæ sunt inferiorum ad superiores, ut obedientia, latia, & huiusmodi, Deo non conueniunt. Dicit secundò, quod si virtutes quæ Deo attribuantur, sunt aliqui actus imperfecti, secundum illos ipsæ virtutes Deo non conueniunt. Vnde prudentia quantum ad actum bene cõsiliandi sibi non conuenit, cum consilium inquisitio quædam sit, ut dicitur 6. Ethic. quæ in Deo locum non habet: vnde Iob 26. dicitur, Cui dedisti consilium, &c. & Isaia 40. Cum quo iniiit consilium, &c. Secundum autem illum actum qui est de cõsiliati bene iudicare, & iudicata eligere, nihil prohibet prudentiam de Deo dici. Addit autem sanctus Thomas quod interdum tamen consilium de Deo metaphoricè dicitur, vel propter similitudinem occultationis, ut patet Isaia 25. secundum antiquam translationem, vbi dicitur, Consilium tuum antiquum verum fiat, vel in quantum consulentibus satisfacit, est enim sine discursu intelligentis instruere inquirentes.

Similiter iustitia quantum ad commutationis actum Deo non competit, cum ipse à nullo accipiat, scilicet quod sit creatura, & non Dei, ut patet ad Roman. 11. & Iob 41. Similiter tamen aliqua Deo dare dicimur, in quantum Deus nostra data acceptat, sed bene quantum ad distributionis actum. Vnde Dionys. 8. cap. De Diuinis Nominibus, ait, quod iustitia laudatur Deus, sicut omnibus secundum dignitatem distribuens, iuxta illud Matth. 25. Dedit unicuique secundum propriam virtutem, &c.

S E D dubium occurrit, nam oppositum huius videtur haberi Secunda secundæ, quæst. 61. artic. 4. ad primum. Ibi enim habetur quod forma diuini iudicii, prout recompensat præmia meritis, & supplicia peccatis attenditur secundum rationem commutatiuæ iustitiæ.

Ad hoc dubium videtur respondere Cap. secundo Sententiarum. dist. 27. quod si loquamur de actibus meritorii secundum eorum substantiam, & ut à libero arbitrio procedunt, sic inter Deum & hominem dum Deus pro meritis retribuit, non est propriè iustitia commutatiua, & sic intelligitur quod in multis locis inquit sanctus Thomas inter Deum & hominem non esse iustitiam commutatiuam. Si autem loquamur de actibus meritorii prout ex gratia & motione Spiritus sancti procedunt, sic inter Deum præmiantem & hominem bene meriunt, est propriè commutatiua iustitia, quia redditur æquale pro æquali. Sed hoc non videtur mihi ad mentem sancti Thomæ esse: nam ratio quam hic adducit, & in Prima parte, quia videlicet Deus à nullo accipit, militat tam in actibus meritorii ut à libero arbitrio sunt, quam in actibus meritorii ut procedunt à gratia. Nam sicut à nullo accipit actum naturalem, tanquam ille actus solius hominis sit & non Dei, cum ipse omnem virtutem naturalem dederit creature, & ipsam ad operationem applicet, & multo magis, actum informatum gratia non accipit à nobis tanquam aliquid omnino nostrum, cum ipsa gratia quæ est principium mendi, ab ipso in animam infundatur. Si ergo quia à nullo accipit, non est iustitia in ipso, quantum ad actum commutationis, oportet dicere vniuersaliter verè esse quod in nullo diuino iudicio sit simpliciter & propriè commutatiua iustitia, propter quod aliter mihi dicendum videtur, saluo semper meliori iudicio.

Ad cuius euidentiam considerandum est, quod cum iustitia commutatiua ponat æqualitatem inter datum & acceptum, sic inter dantem & accipientem, duo sunt de ratione ipsius, scilicet quod sit æqualitas simpliciter dati & accepti, ut, inquam, si accipiantur quinque, dentur quinque: & quod sit ibi verè datum, quod vtique est quando id quod dicitur dari, est dantis, & nullo modo eius cui datur, in quantum huiusmodi. Si ergo in actu iustitiæ



utraque harum conditionum reperitur, dicitur ibi proprie commutativa iustitia esse. Si autem non sit utraque conditio, sed vna tantum, aut aliqua alia eius conditio, non dicitur esse ibi commutativa iustitia, sed aliquis eius modus. Dicitur ergo primum, quod simpliciter & proprie in Deo non est iustitia commutativa. Nam cum reddatur aliquid a Deo pro nostro actu tantum moraliter bono non est ibi aequalitas simpliciter, cum Deus det plusquam homo mereatur, & vltimus omne opus bonum sit magis Dei quam creaturae. Cum autem reddatur aliquid, scilicet beatitudo pro actu meritorio de condigno, redditur quidem aequale pro aequali, sed ipsum meritum etiam magis Dei est quam creaturae quae meretur: & ideo in nullo diuino iudicio tota ratio commutativae iustitiae saluatur. & ad hunc sensum loquitur sanctus Thom. in hoc loco, & in Prima parte.

Dicitur secundo, quod in forma diuini iudicii, cum pro meritis retribuit, est iustitia distributiva simpliciter & proprie, in quantum datur unicuique secundum mensuram ipsius, ita videlicet quod qualis est proportio inter merita siue peccata, talis est proportio inter merita siue inter poenas: est tamen ibi quidam modus, id est, quaedam conditio iustitiae commutativae, in quantum in ista distributione praemiorum aut poenarum attenditur quantum aequalitas inter id quod vni datur, & eius meritum: aut simpliciter, quantum tantum redditur, quantum quis meretur, sicut in beatitudinis datione: aut secundum proportionem, in quantum Deus dat secundum convenientiam & decentiam suae bonitatis, & creatura secundum suam paruitatem operatur, & ad sensum intelligitur quod adductum est de Secunda secundae. Non enim vult sanctus Thomas quod in forma diuini iudicii, quo redditur praemia meritis, & supplicia peccatis sit proprie & complete iustitia commutativa actus, sed quod ibi est quidam iustitiae commutativae modus, quaedamque conditio, ut patet ex doctrina ipsius, 4. Sententiarum, dist. 46. ideo nulla est contradictio.

Quantum ad quartum, remouet sanctus Thom. dubium. Videbatur enim in eius verbis contradictio quidam esse, dum superius in praecedenti capite absolute limitatione dixit, virtutes quae ad actiuam vitam pertinent, prout hanc vitam perficiunt, Deo non competere: in hoc autem capite probauit quidam earum ipsi conuenire.

Respondet igitur virtutes huiusmodi non esse eiusdem rationis in Deo & in hominibus, sed esse vniuersalioris extensionis in ipso, cuius ratio est, quia actiones ad quas huiusmodi virtutes ordinantur, secundum suas rationes ex rebus humanis non dependent: iudicare enim de agendis, aut aliquid dare & distribuere non est solius hominis, sed cuiuslibet intellectum habentis. Neque igitur virtutes istae ad huiusmodi actiones ordinantur secundum quod contrahuntur ad res humanas, nisi secundum quod vitam actiuam humanam ordinant. Vnde in Deo sunt vniuersalioris rationis quam in hominibus: hominis enim iustitia ad ciuitatem vel domum se habet, iustitia autem Dei ad totum vniuersum.

Ex his sequitur, quod diuinae virtutes nostrarum sunt exemplares, quia quae contracta & limitata sunt, similitudines sunt absolutorum, ab ipsis exemplata, sicut se habet lumen candelae ad lumen solis: aliae vero quae proprie Deo non conueniunt, non habent exemplar in diuina natura, sed solum in diuina sapientia, sic & res corporales.

CIRCA responsum hanc considerandum, quod aliud est dicere iustitiam distributivam absolute, & aliud est dicere iustitiam distributivam humanam aut diuinam, & sic de aliis virtutibus quae Deo attribuuntur, iustitia enim absolute sumpta non determinat sibi modum circa humanas distributiones, sed dicit ordinem ad distributionem rerum quaecunque sunt, secundum proportionem: iustitia autem humana dicit ordinem ad distributionem rerum quae in vsum hominum veniunt, & ab iis specificatur. Et quia ad huiusmodi res non limitatur diuina distributio, sed omnium perfectionum Deus est distributor, ideo humana iustitia Deo non conuenit, sed bene iustitia secundum rationem suam illimitatam, quae tamen in Deo habet modum diuinae naturae conuenientiam, & similiter dicitur de aliis virtutibus. Propter hoc dixit superius sanctus Thom. quod in Deo non sunt virtutes prout humanam vitam perficiunt, id est, non sunt secundum limitationem illam qua sunt humanae virtutes, licet quaedam secundum communem earum rationem in ipso reperiantur, & secundum quandam modum altiore. & est simile de omnibus aliis perfectiōibus quae Deo & creaturis formaliter conueniunt, sunt enim in Deo illimitatae, in creaturis autem sunt limitatae. Vnde concedimus quidem in Deo sapientiam esse, non autem sapientiam humanam: licet enim ratio communis analogae accipiat modum diuinum secundum quod est in Deo, sicut & modum humanum habet secundum quod est in homine, aliter tamen & aliter se habet ad hunc & ad illum modum, quia secundum quod ad hominem trahitur, accipit limitationem quandam, & specificationem, sicutque particularis: secundum vero quod in Deo locatur, non accipit limitationem & specificationem, non sicutque particularis, sed quod confusum & potentialiter absolute considerata dicebat, id totum, ut est in Deo aequaliter, secundum quandam eminentiam dicit, ideo remanet perfectio illimitata & infinita, ipsa tamen perfectio secundum quod est in Deo & in homine, est eiusdem rationis non simpliciter, sed analogice, ut superius est ostensum dum de diuinis nominibus agebatur.

CIRCA corollarium attendendum secundum doctrinam sancti Thom. 1. Sententiarum, dist. 19. q. 1. ar. 2. ad quantum, quod res dupliciter in Deo esse possunt, exemplariter scilicet in natura ipsius, & in intellectu. In natura diuina dicuntur illa exemplariter esse, quae formaliter sunt & in Deo & in creatura. Cum enim sit virtusque vna ratio proportionaliter, secundum quod aliqua perfectio est in creatura, exemplatur ad perfectionem existentem in natura diuina, sicut imperfectum ad perfectum: sicut quia sapientia formaliter est in Deo & in homine, sapientia humana est quaedam imitatio sapientiae diuinae. In intellectu autem dicuntur exemplariter esse ea quorum propriae rationes cognoscuntur, & quia omnium etiam quae formaliter in Deo non sunt, proprias rationes Deus cognoscit, ideo omnia exemplariter sunt in intellectu diuino, sicut in diuina sapientia, ut hic dicitur. Sic ergo virtutes nostrae quas in Deo formaliter ponimus, ad virtutes existentibus in natura diuina exemplantur, non autem virtutes quas in Deo proprie non ponimus, sed tantum metaphoricè.

Dupliciter autem circa ipsum corollarium dubitatur. Primum, quia videretur nihil posse esse in diuina sapientia exemplariter, quod non sit exemplariter in diuina natura. Nam ideo diuina sapientia omnium complectitur proprias rationes, quia essentiam suam apprehendit ut propriam rationem vniuersalem

iustitiae, eod quod vnumquodque sit quaedam participata similitudo diuini esse. Ergo oportet ut quod in diuina sapientia est exemplariter, sit etiam in diuina natura, alioquin diuina essentia non posset apprehendi, ut propria ratio vniuersaliusque. Secundum quia sanctus Thom. Prima secundae q. 61. art. 5. tenet temperantiam & fortitudinem esse virtutes exemplares in Deo, quas tamen constat Deo non conuenire proprie, sed tantum metaphoricè.

Ad primum horum respondetur, quod exemplar alius esse in alio, dupliciter potest intelligi. Vno modo, secundum conuenientiam in natura, quia videlicet in ipso est similitudo sui secundum esse naturale, sicut vnum album est simile alteri albo. Alio modo, secundum representationem tantum, quo modo conceptio lapidis in intellectu est lapidis exemplar. Aliqua ergo in Deo habent exemplar primo modo, ut sapientia: aliqua vero secundum modo tantum, ut materia prima.

Considerandum secundo, quod illa proprie dicuntur habere inter se similitudinem secundum conuenientiam in natura, quae in aliquo formaliter conueniunt, quod scilicet secundum suam formalem rationem in vitroque inueniunt. Si autem quod in vno formaliter est, in altero formaliter non sit, sed tantum virtualiter & eminenter, illa non dicuntur similia secundum conuenientiam in natura. Sed quamuis quod sit alteri virtualiter & eminenter continet, non habeat conuenientiam in natura cum ipso, potest tamen concipi ut alteri proportionatum, & ut eius propria ratio: sicut virtus solis licet non habeat cum calore similitudinem in natura, potest tamen concipi ut ratio caloris, eod quod calorem virtualiter & eminenter contineat, & sic virtus solis concepta ut proportionata calori, erit exemplar eius proprium in intellectu: quae tamen secundum se non est exemplar formaliter secundum esse naturae, nisi improprie velimus accipere nomen Exemplaris pro omni similitudine quomodocunque accepta, siue, inquam, sit ad quatuor, siue excedens. Ad propositum ergo negatur nihil posse esse exemplariter in diuina sapientia quod non sit exemplariter in diuina natura, accipiendo esse exemplariter in natura, pro eo quod est habere in ipsa similitudinem secundum conuenientiam formalem in natura: stat enim simul, & aliquid in intellectu diuino siue in esse cognitio habeat proprium exemplar, eod quod eius propria ratio concipitur ab intellectu diuino, & tamen in diuina natura formaliter esse non habeat, sed tantum virtualiter, & sic in ipsa natura exemplar non habeat. Cum autem probatur, quia ideo aliquid exemplariter est in sapientia diuina, quia diuina essentia accipitur ut propria ratio eius, conceditur hoc quidem, sed negatur consequentia. Supponitur enim quod secundum modum intelligendi, prius diuina essentia sit formalis similitudo omnium, tanquam scilicet in se habeat formaliter omnium perfectiones, & deinde apprehendatur ut propria ratio alicuius: hoc autem falsum est. Non enim ideo concipitur essentia diuina ut propria ratio alicuius, quia sit eius formalis similitudo habens cum ipso conuenientiam in natura, sed quia aut est eius formalis similitudo, aut eminens, & virtualis. Voco autem formalem similitudinem ea quae est eiusdem rationis aut simpliciter, aut proportionaliter. Vnde cum diuina essentia concipitur ut propria ratio alicuius in ipso non existens formaliter, sed eminenter tantum, ipsa res est in Deo exemplariter secundum representationem intelligibilem tantum. Dum autem concipitur ut ratio eius quod in ipsa formaliter est, res representata habet in Deo similitudinem ac exemplar & secundum representationem intelligibilem, & secundum conuenientiam formalem in natura: sapientia enim humana & representatur secundum propriam rationem per formam intellectam siue conceptam ab intellectu diuino, & conuenientiam formalem habet cum natura diuina in quantum sapientia est, eod quod sapientia & in Deo & in homine sit secundum vnam rationem analogam, ut superius est ostensum: & similiter dicitur de virtutibus quae proprie Deo conueniunt.

Ad secundum dicitur primum, quod sanctus Thomas in Prima secundae volens saluare sententiam Macrobij & Plotini, ponit fortitudinem & temperantiam in Deo non secundum eandem rationem analogam, sed fortitudinem vocat ipsam immutabilitatem Dei, temperantiam vero conuersionem diuinam intentionis ad seipsum: cum quibus aliquam similitudinem habent fortitudo humana & temperantia. Vnde metaphoricè dicuntur de Deo. Dicitur secundo, quod improprie accipit ibi exemplar sanctus Thomas, scilicet pro omni similitudine perfectiori & eminentiori a qua alterum dependet: hic autem loquitur de exemplari proprie, pro similitudine scilicet formali a qua alterum exemplatur secundum eandem rationem analogam, quae ratio est forma concepta.

### Quod in Deo sunt virtutes contemplativae.

Cap. 24.



DE contemplatiuis autem virtutibus dubium esse non potest quin Deo maxime conueniant. Si enim sapientia in cognitione altissimarum causarum consistit, secundum Philosophum in principio Metaphysicae, ipse autem Deus praecipue seipsum cognoscit, nec aliquid cognoscit nisi cognoscendo seipsum, ut probatum est, qui est omnium causa prima: manifestum est quod sibi potissime sapientia debet ascribi. Vnde Iob 28. Sapiens corde est. & Ecclesiastici 1. Omnis sapientia a Domino Deo est: & cum illo fuit semper. Philosophus etiam dicit in principio Metaphysicae, quod est diuina possessio, non humana.

2. Item, Si scientia est rei cognitio per propriam causam, ipse autem omnium causarum & effectuum ordinem cognoscit, & per hoc singulorum proprias causas nouit, ut supra ostensum est, manifestum est quod in ipso proprie scientia est: non tamen quae sit per ratiocinationem causata, sicut scientia nostra ex demonstratione causatur Vnde 1. Regum 2. Deus scientiarum Dominus est.

3. Adhuc, Si immaterialis cognitio aliquarum rerum absque discursu intellectus est, Deus autem huiusmodi cognitio-

Quomodo iustitia dicatur de Deo aliter quam de hominibus.

Dupliciter res dicitur esse in Deo exemplariter.

† Cap. 46.

† Cap. 50.



†Cap. 50.

nem de omnibus habet, ut supra ostensum est: in ipso igitur est intellectus. Vnde Iob 12. Ipse habet consilium & intelligentiam. Hæ etiam virtutes in Deo exemplares sunt nostrarum, sicut perfectum imperfecti.

## Super cap. 94.



Ultimo loco de virtutibus contemplatiuis san. Tho. determinat, quæ inquam, dicuntur contemplatiuæ, quia ad veritatis contemplationem ordinantur, non autem ad opus extrinsecum, ut morales actiuæ: & probatur quod maxime sint in Deo. Primò quidem de sapientia, quia maxime se ipsum cognoscit, qui est omnium prima causa. Sapientia autem, ut dicitur in principio Metaphysicæ consistit in cognitione primarum causarum. Item autoritate Iob 9. & Eccl. 1. & Philosophi 1. Metaphysicæ, dicentis quod est diuina non humana possessio.

Secundò verò de scientia, quia cognoscit omnium causarum & effectuum ordinem, & per hoc singulorum proprias causas. Scientia autem est rei cognitio per propriam causam. Verum est tamen, quod hæc non cognoscit per rationationem. Item autoritate 1. Regum 2.

Tertiò autē de intellectu, quia de omnibus immaterialem cognitionem absque discursu habet. Item autoritate Iob 11.

Concludit postremò quod hæc virtutes in Deo sunt exemplares nostrarum, sicut perfectum imperfecti, eiusdem, intellige, formalis rationis analogicæ.

Circa virtutem quæ dicitur intellectus, attendendum, quod quantum ad modum cognitionis omnis diuina cognitio qua cognoscit aliquid esse, potest dici intellectus, quia omnia simplici intellectu apprehendit, sicut nos prima principia, non autem cum discursu. Sed si ex parte obiectorum diuinam cognitionem distinguere velimus, dicemus cognitionem diuinam vocari intellectum, secundum quod per eam cognoscit prima principia, ex quibus omnes nostræ demonstrationes efficaciam habent.

## Quod Deus non potest velle malum.

## Cap. 95.



His autem quæ dicta sunt, ostendi potest, quod Deus non potest velle malum. Virtus enim rei est secundum quam aliquis bene operatur: omnis autem operatio Dei est operatio virtutis, cum sua virtus sit sua essentia, ut supra ostensum est. non potest igitur malum velle.

2 Item, Voluntas nunquam ad malum fertur nisi aliquo errore in ratione existente, ad minus in particulari eligibili. Cum enim voluntatis obiectum sit bonum apprehensum: non potest voluntas ferri in malum, nisi aliquo modo proponatur sibi ut bonum, & hoc sine errore esse non potest. In diuina autē cognitione non potest esse error, ut supra ostensum est. non igitur voluntas eius potest ad malum tendere.

3 Amplius, Deus est summum bonum, ut supra probatum est: summum autem bonum non patitur aliquod consortium mali, sicut nec summè calidum permixtionem frigidi. Diuina igitur voluntas non potest flecti ad malum.

4 Præterea, Cum bonum habeat rationem finis, malum non potest incidere in voluntatem nisi per auersionem a fine: voluntas autem diuina a fine auerti non potest: cum nihil possit velle nisi volendo seipsum, ut supra ostensum est: non potest igitur velle malum. & sic patet quod liberum arbitrium in ipso naturaliter stabilitum est in bono. Hoc autem est quod dicitur Deut. 32. † Deus fidelis, & absque vlla iniquitate. & Abacuch 1. Mundi sunt oculi tui Domine, & respicere ad iniquitatem non poteris. Per hoc autem confutatur error Iudæorum qui in Thalmut dicunt Deum quandoque peccare, & a peccato purgari. Et Luciferianorum, qui dicunt Deum in Luciferi deiectione peccasse.

## Super cap. 95.



Ex prædictis duo sanctus Thomas corollaria deducit. Quorum primum est, Deus non potest velle malum, & intelligitur de malo formaliter inquantum malum est, & sub ratione mali, ut patet ex prima parte, quæst. 19. artic. 9. Probatur primò, Omnis operatio diuina est operatio virtutis, cum virtus Dei sit eius essentia: ergo non potest Deus malum velle.

ADVERTE, quod licet essentia diuina & virtus eius, puta charitas, ratione distinguantur, sunt tamen vnum realiter, & ideo non potest operatio ab essentia procedere, quin à virtute procedat: & sic in actu diuinæ operationis non potest malum esse propter aliquem defectum actiui principij.

Secundò, In diuina cognitione error esse non potest, ergo nec voluntas eius potest ad malum tendere. Probatur consequentia, quia nunquam fertur voluntas ad malum nisi errore existente in ratione, saltem in particulari eligibili dum indicat malum aliquod pro tunc esse bonum, & illud voluntati proponit.

Tertiò, Deus est summum bonum, ergo, &c. Patet consequentia, quia summum bonum non patitur aliquod consortium mali, sicut nec summè calidum permixtionem frigidi.

Quartò, Voluntas diuina a fine auerti non potest, cum nihil possit velle nisi volendo seipsum, ergo, &c. Probatur consequentia, quia cum bonum habeat rationem finis, malum non potest incidere in voluntatem nisi per auersionem a fine. Confirmatur Deut. 32. & Abacuch 1. Ex hoc & Iudæorum & Luciferianorum error eliditur.

CIRCA illam propositionem, Bonum habet rationem finis, aduertendum est, quod veritatem habet de eo quod est primò & per se bonum, ut dicitur Veti. quæst. 21. artic. 1. Potest etiam intelligi de bono à quo primò habet operatio voluntatis ut sit bona, &c.

Bonum habet rationem finis.

## Quod Deus nihil odit.

## Cap. 96.



Hoc autem apparet quod odium alicuius rei Deo conuenire non potest. Sicut enim amor se habet ad bonum, ita odium se habet ad malum. Nam iis quos amamus, bonum volumus: iis vero quos odimus, malum. Si igitur voluntas Dei ad malum inclinari non potest, ut ostensum est: impossibile est quod ipse rem aliquam odio habeat.

2 Item, Voluntas Dei in alia à se fertur, ut supra ostensum est, inquantum volendo & amando suum esse & suam bonitatem, vult eam diffundi secundum quod possibile est per similitudinis communicationem. Hoc igitur est quod Deus in rebus aliis à se vult, ut in eis sit suæ bonitatis similitudo. Hoc autem est bonum vniuersiusque rei, ut similitudinem diuinam participet. Nam quælibet bonitas alia non est nisi similitudo quædam propriæ bonitatis: igitur Deus vnicuique rei vult bonum, nihil igitur odit.

3 Adhuc, A primo ente omnia alia originem essendi assumunt. Si igitur aliquid eorum quæ sunt, odio habet, vult illud non esse, quia hoc est vnicuique bonum. vult igitur actionem suam non esse quæ illud in esse producat vel mediata vel immediata: ostensum est enim supra, quod si Deus aliquid vult, oportet quod illa velit quæ ad illud requiruntur: hoc autem est impossibile. Quod quidem patet, si res per voluntatem ipsius in esse procedant: quia tunc oportet actionem qua res producuntur, esse voluntariam. Similiter si naturaliter sit rerum causa: quia sicut placet sibi sua natura, sic placet sibi omne illud quod sua natura requirit: nullam igitur naturam Deus odit.

4 Præterea, Illud quod inuenitur in omnibus creaturis actiuus naturaliter, præcipue in primo agente necesse est inueniri: omnia autem agentia suo modo suos effectus amant, secundum quod huiusmodi, sicut parentes filios, poëta poëmata, artifices sua opera: multò igitur magis Deus nullam rem odit, cum ipse sit omnium causa. Hoc autem est quod dicitur Sapient. 11. Diligis omnia quæ sunt, & nihil odisti eorum quæ fecisti. Dicitur autem Deus aliqua odire similitudinari, & hoc dupliciter. Vno quidem modo, ex hoc quod Deus amando res, volens eorum bonum esse: vult contrarium bono scilicet malum non esse: vnde malorum odium habere dicitur: nam quæ non esse volumus, dicimus odio habere, secundum illud Zacha. 8. Vnusquisque malum contra amicum suum ne cogiteris in cordibus vestris: & iuramentum mendax ne diligatis: omnia enim hæc sunt quæ odi, dicit Dominus. Hæc autem non sunt effectus ut res subsistentes, quorum proprium est odium vel amor. Alius autem modus est ex hoc quod Deus vult aliquod maius bonum, quod esse non potest sine priuatione minoris boni: & sic dicitur odire, cum magis hoc sit amare. Sic enim inquantum vult bonum iustitiæ, vel ordinis vniuersi (quod esse non potest sine punitione vel corruptione aliquorum) dicitur illa odire, quorum punitionem vult vel corruptionem, secundum illud Malach. 1. Esau odio habui. & illud Psalm. 5. Odisti omnes qui operantur iniquitatem: perdes omnes qui loquuntur mendacium: virum sanguinum & dolosum abominabitur Dominus.

## Super cap. 96.



Secundum corollarium est, Odium alicuius rei Deo conuenire non potest. Circa hoc autem corollarium duo facit sanctus Thomas. Primò probat propositum, Secundò remouet dubium.

Quantum ad primum arguit, primò sic, Voluntas Dei inclinari non potest ad malum, ut est ostensum supra, ergo, &c. Patet consequentia, quia iis quos odimus, malum volumus, scilicet sub ratione mali.

Secundò, Deus vnicuique vult bonum, ergo, &c. Probatur antecedens, quia vult in aliis rebus à se, ut sit suæ bonitatis similitudo. Sed videtur ista ratio non concludere propter duo. Primò, quia dici posset quod dum Deus vult aliquid esse in creatura, vult utique bonum creature: sed cum vult priuationem ipsius esse, vult malum: ideo falsum est quod semper velit alia à se inquantum volendo bonitatem suam, vult eam in aliis diffundi. Secundò, quia licet Deus omni enti velit aliquid bonum inquantum illi vult esse: potest tamen alia ratione ipsi velle malum & priuationem, sicut damnatis vult esse, & sic eos amat: vult etiam damnationem, & sic eos odit. Vnde videtur illa consequentia falsa, Deus vnicuique vult bonum, ergo nihil odit, nisi antecedens intelligatur exclusiue, scilicet vult tantum bonum, sed tunc falsum erit, ut est ostensum.

AD huius euidentiam considerandum ex doctrina sancti Thomæ cap. 15. in 1. 2. in 3. in 4. in 5. in 6. in 7. in 8. in 9. in 10. in 11. in 12. in 13. in 14. in 15. in 16. in 17. in 18. in 19. in 20. in 21. in 22. in 23. in 24. in 25. in 26. in 27. in 28. in 29. in 30. in 31. in 32. in 33. in 34. in 35. in 36. in 37. in 38. in 39. in 40. in 41. in 42. in 43. in 44. in 45. in 46. in 47. in 48. in 49. in 50. in 51. in 52. in 53. in 54. in 55. in 56. in 57. in 58. in 59. in 60. in 61. in 62. in 63. in 64. in 65. in 66. in 67. in 68. in 69. in 70. in 71. in 72. in 73. in 74. in 75. in 76. in 77. in 78. in 79. in 80. in 81. in 82. in 83. in 84. in 85. in 86. in 87. in 88. in 89. in 90. in 91. in 92. in 93. in 94. in 95. in 96. in 97. in 98. in 99. in 100. in 101. in 102. in 103. in 104. in 105. in 106. in 107. in 108. in 109. in 110. in 111. in 112. in 113. in 114. in 115. in 116. in 117. in 118. in 119. in 120. in 121. in 122. in 123. in 124. in 125. in 126. in 127. in 128. in 129. in 130. in 131. in 132. in 133. in 134. in 135. in 136. in 137. in 138. in 139. in 140. in 141. in 142. in 143. in 144. in 145. in 146. in 147. in 148. in 149. in 150. in 151. in 152. in 153. in 154. in 155. in 156. in 157. in 158. in 159. in 160. in 161. in 162. in 163. in 164. in 165. in 166. in 167. in 168. in 169. in 170. in 171. in 172. in 173. in 174. in 175. in 176. in 177. in 178. in 179. in 180. in 181. in 182. in 183. in 184. in 185. in 186. in 187. in 188. in 189. in 190. in 191. in 192. in 193. in 194. in 195. in 196. in 197. in 198. in 199. in 200. in 201. in 202. in 203. in 204. in 205. in 206. in 207. in 208. in 209. in 210. in 211. in 212. in 213. in 214. in 215. in 216. in 217. in 218. in 219. in 220. in 221. in 222. in 223. in 224. in 225. in 226. in 227. in 228. in 229. in 230. in 231. in 232. in 233. in 234. in 235. in 236. in 237. in 238. in 239. in 240. in 241. in 242. in 243. in 244. in 245. in 246. in 247. in 248. in 249. in 250. in 251. in 252. in 253. in 254. in 255. in 256. in 257. in 258. in 259. in 260. in 261. in 262. in 263. in 264. in 265. in 266. in 267. in 268. in 269. in 270. in 271. in 272. in 273. in 274. in 275. in 276. in 277. in 278. in 279. in 280. in 281. in 282. in 283. in 284. in 285. in 286. in 287. in 288. in 289. in 290. in 291. in 292. in 293. in 294. in 295. in 296. in 297. in 298. in 299. in 300. in 301. in 302. in 303. in 304. in 305. in 306. in 307. in 308. in 309. in 310. in 311. in 312. in 313. in 314. in 315. in 316. in 317. in 318. in 319. in 320. in 321. in 322. in 323. in 324. in 325. in 326. in 327. in 328. in 329. in 330. in 331. in 332. in 333. in 334. in 335. in 336. in 337. in 338. in 339. in 340. in 341. in 342. in 343. in 344. in 345. in 346. in 347. in 348. in 349. in 350. in 351. in 352. in 353. in 354. in 355. in 356. in 357. in 358. in 359. in 360. in 361. in 362. in 363. in 364. in 365. in 366. in 367. in 368. in 369. in 370. in 371. in 372. in 373. in 374. in 375. in 376. in 377. in 378. in 379. in 380. in 381. in 382. in 383. in 384. in 385. in 386. in 387. in 388. in 389. in 390. in 391. in 392. in 393. in 394. in 395. in 396. in 397. in 398. in 399. in 400. in 401. in 402. in 403. in 404. in 405. in 406. in 407. in 408. in 409. in 410. in 411. in 412. in 413. in 414. in 415. in 416. in 417. in 418. in 419. in 420. in 421. in 422. in 423. in 424. in 425. in 426. in 427. in 428. in 429. in 430. in 431. in 432. in 433. in 434. in 435. in 436. in 437. in 438. in 439. in 440. in 441. in 442. in 443. in 444. in 445. in 446. in 447. in 448. in 449. in 450. in 451. in 452. in 453. in 454. in 455. in 456. in 457. in 458. in 459. in 460. in 461. in 462. in 463. in 464. in 465. in 466. in 467. in 468. in 469. in 470. in 471. in 472. in 473. in 474. in 475. in 476. in 477. in 478. in 479. in 480. in 481. in 482. in 483. in 484. in 485. in 486. in 487. in 488. in 489. in 490. in 491. in 492. in 493. in 494. in 495. in 496. in 497. in 498. in 499. in 500. in 501. in 502. in 503. in 504. in 505. in 506. in 507. in 508. in 509. in 510. in 511. in 512. in 513. in 514. in 515. in 516. in 517. in 518. in 519. in 520. in 521. in 522. in 523. in 524. in 525. in 526. in 527. in 528. in 529. in 530. in 531. in 532. in 533. in 534. in 535. in 536. in 537. in 538. in 539. in 540. in 541. in 542. in 543. in 544. in 545. in 546. in 547. in 548. in 549. in 550. in 551. in 552. in 553. in 554. in 555. in 556. in 557. in 558. in 559. in 560. in 561. in 562. in 563. in 564. in 565. in 566. in 567. in 568. in 569. in 570. in 571. in 572. in 573. in 574. in 575. in 576. in 577. in 578. in 579. in 580. in 581. in 582. in 583. in 584. in 585. in 586. in 587. in 588. in 589. in 590. in 591. in 592. in 593. in 594. in 595. in 596. in 597. in 598. in 599. in 600. in 601. in 602. in 603. in 604. in 605. in 606. in 607. in 608. in 609. in 610. in 611. in 612. in 613. in 614. in 615. in 616. in 617. in 618. in 619. in 620. in 621. in 622. in 623. in 624. in 625. in 626. in 627. in 628. in 629. in 630. in 631. in 632. in 633. in 634. in 635. in 636. in 637. in 638. in 639. in 640. in 641. in 642. in 643. in 644. in 645. in 646. in 647. in 648. in 649. in 650. in 651. in 652. in 653. in 654. in 655. in 656. in 657. in 658. in 659. in 660. in 661. in 662. in 663. in 664. in 665. in 666. in 667. in 668. in 669. in 670. in 671. in 672. in 673. in 674. in 675. in 676. in 677. in 678. in 679. in 680. in 681. in 682. in 683. in 684. in 685. in 686. in 687. in 688. in 689. in 690. in 691. in 692. in 693. in 694. in 695. in 696. in 697. in 698. in 699. in 700. in 701. in 702. in 703. in 704. in 705. in 706. in 707. in 708. in 709. in 710. in 711. in 712. in 713. in 714. in 715. in 716. in 717. in 718. in 719. in 720. in 721. in 722. in 723. in 724. in 725. in 726. in 727. in 728. in 729. in 730. in 731. in 732. in 733. in 734. in 735. in 736. in 737. in 738. in 739. in 740. in 741. in 742. in 743. in 744. in 745. in 746. in 747. in 748. in 749. in 750. in 751. in 752. in 753. in 754. in 755. in 756. in 757. in 758. in 759. in 760. in 761. in 762. in 763. in 764. in 765. in 766. in 767. in 768. in 769. in 770. in 771. in 772. in 773. in 774. in 775. in 776. in 777. in 778. in 779. in 780. in 781. in 782. in 783. in 784. in 785. in 786. in 787. in 788. in 789. in 790. in 791. in 792. in 793. in 794. in 795. in 796. in 797. in 798. in 799. in 800. in 801. in 802. in 803. in 804. in 805. in 806. in 807. in 808. in 809. in 810. in 811. in 812. in 813. in 814. in 815. in 816. in 817. in 818. in 819. in 820. in 821. in 822. in 823. in 824. in 825. in 826. in 827. in 828. in 829. in 830. in 831. in 832. in 833. in 834. in 835. in 836. in 837. in 838. in 839. in 840. in 841. in 842. in 843. in 844. in 845. in 846. in 847. in 848. in 849. in 850. in 851. in 852. in 853. in 854. in 855. in 856. in 857. in 858. in 859. in 860. in 861. in 862. in 863. in 864. in 865. in 866. in 867. in 868. in 869. in 870. in 871. in 872. in 873. in 874. in 875. in 876. in 877. in 878. in 879. in 880. in 881. in 882. in 883. in 884. in 885. in 886. in 887. in 888. in 889. in 890. in 891. in 892. in 893. in 894. in 895. in 896. in 897. in 898. in 899. in 900. in 901. in 902. in 903. in 904. in 905. in 906. in 907. in 908. in 909. in 910. in 911. in 912. in 913. in 914. in 915. in 916. in 917. in 918. in 919. in 920. in 921. in 922. in 923. in 924. in 925. in 926. in 927. in 928. in 929. in 930. in 931. in 932. in 933. in 934. in 935. in 936. in 937. in 938. in 939. in 940. in 941. in 942. in 943. in 944. in 945. in 946. in 947. in 948. in 949. in 950. in 951. in 952. in 953. in 954. in 955. in 956. in 957. in 958. in 959. in 960. in 961. in 962. in 963. in 964. in 965. in 966. in 967. in 968. in 969. in 970. in 971. in 972. in 973. in 974. in 975. in 976. in 977. in 978. in 979. in 980. in 981. in 982. in 983. in 984. in 985. in 986. in 987. in 988. in 989. in 990. in 991. in 992. in 993. in 994. in 995. in 996. in 997. in 998. in 999. in 1000. in 1001. in 1002. in 1003. in 1004. in 1005. in 1006. in 1007. in 1008. in 1009. in 1010. in 1011. in 1012. in 1013. in 1014. in 1015. in 1016. in 1017. in 1018. in 1019. in 1020. in 1021. in 1022. in 1023. in 1024. in 1025. in 1026. in 1027. in 1028. in 1029. in 1030. in 1031. in 1032. in 1033. in 1034. in 1035. in 1036. in 1037. in 1038. in 1039. in 1040. in 1041. in 1042. in 1043. in 1044. in 1045. in 1046. in 1047. in 1048. in 1049. in 1050. in 1051. in 1052. in 1053. in 1054. in 1055. in 1056. in 1057. in 1058. in 1059. in 1060. in 1061. in 1062. in 1063. in 1064. in 1065. in 1066. in 1067. in 1068. in 1069. in 1070. in 1071. in 1072. in 1073. in 1074. in 1075. in 1076. in 1077. in 1078. in 1079. in 1080. in 1081. in 1082. in 1083. in 1084. in 1085. in 1086. in 1087. in 1088. in 1089. in 1090. in 1091. in 1092. in 1093. in 1094. in 1095. in 1096. in 1097. in 1098. in 1099. in 1100. in 1101. in 1102. in 1103. in 1104. in 1105. in 1106. in 1107. in 1108. in 1109. in 1110. in 1111. in 1112. in 1113. in 1114. in 1115. in 1116. in 1117. in 1118. in 1119. in 1120. in 1121. in 1122. in 1123. in 1124. in 1125. in 1126. in 1127. in 1128. in 1129. in 1130. in 1131. in 1132. in 1133. in 1134. in 1135. in 1136. in 1137. in 1138. in 1139. in 1140. in 1141. in 1142. in 1143. in 1144. in 1145. in 1146. in 1147. in 1148. in 1149. in 1150. in 1151. in 1152. in 1153. in 1154. in 1155. in 1156. in 1157. in 1158. in 1159. in 1160. in 1161. in 1162. in 1163. in 1164. in 1165. in 1166. in 1167. in 1168. in 1169. in 1170. in 1171. in 1172. in 1173. in 1174. in 1175. in 1176. in 1177. in 1178. in 1179. in 1180. in 1181. in 1182. in 1183. in 1184. in 1185. in 1186. in 1187. in 1188. in 1189. in 1190. in 1191. in 1192. in 1193. in 1194. in 1195. in 1196. in 1197. in 1198. in 1199. in 1200. in 1201. in 1202. in 1203. in 1204. in 1205. in 1206. in 1207. in 1208. in 1209. in 1210. in 1211. in 1212. in 1213. in 1214. in 1215. in 1216. in 1217. in 1218. in 1219. in 1220. in 1221. in 1222. in 1223. in 1224. in 1225. in 1226. in 1227. in 1228. in 1229. in 1230. in 1231. in 1232. in 1233. in 1234. in 1235. in 1236. in 1237. in 1238. in 1239. in 1240. in 1241. in 1242. in 1243. in 1244. in 1245. in 1246. in 1247. in 1248. in 1249. in 1250. in 1251. in 1252. in 1253. in 1254. in 1255. in 1256. in 1257. in 1258. in 1259. in 1260. in 1261. in 1262. in 1263. in 1264. in 1265. in 1266. in 1267. in 1268. in 1269. in 1270. in 1271. in 1272. in 1273. in 1274. in 1275. in 1276. in 1277. in 1278. in 1279. in 1280. in 1281. in 1282. in 1283. in 1284. in 1285. in 1286. in 128



Deus vult alia  
à se inquam  
volendo se &  
bonitate suam  
vult eam in a-  
lia diffundi,

immediate sequenti, & in Prima parte, q. 19. artic. 9. quod malum nunquam appetitur à Deo nisi ratione alicuius boni conjuncti, quod magis appetitur quam bonum quod per tale malum remouetur. Vnde Deus nunquam vult malum per se, sed aliquando vult ipsum secundario, in quantum vult suam bonitatem per aliquam perfectionem manifestari, cui malum aliquod coniungitur, sicut quia vult iustitiam, vult poenam: & quia vult ordinem nature seruari, vult quendam corrumpi, ideo ad primum dicitur primum, quod vultque Deus vult malum alicuius, dum vult illi mortem, aut priuationem alicuius boni.

Dicitur secundum, quod illud malum non vult ut malum alicuius, quod constituit odij rationem, sed ut coniunctum alicui bono, puta ordini vniuersi. Ideo illa propositio, Deus vult alia à se, in quantum volendo se & bonitatem suam, vult eam in alia diffundi, est vniuersaliter vera: nunquam enim fertur voluntas diuina in alia à se, siue bonum sit, siue malum, quin velit aliquam participationem suae bonitatis.

Ad secundum similiter dicitur, quod etsi Deus velit alicui damnationem, non vult tamen illam ut eius malum per se, sed in quantum vult bonum iustitiae.

Tertio, sequeretur quod Deus vellet actionem suam non esse, qua produci tur mediate vel immediate id quod odit: hoc autem est impossibile, ergo, &c. Probatur consequentia, quia si aliquid odit, vult illud non esse, volendo autem hoc vult illud quod ad ipsum requiritur: requiritur autem ut non sit actio Dei qua produci tur, cum non possit aliquid definire esse manente actio ne Dei formaliter qua produci tur in esse.

Sed ista ratio non videtur concludere: enim est impossibile quod Deus velit actionem suam non esse, ut terminatur ad esse alicuius, cum de facto aliquid ita sit, cum scilicet res definit esse.

Respondetur, quod loquitur sanctus Thomas de re quando est in natura, quia non potest Deus velle creaturam non esse pro tempore pro quo est: & sic quando est creatura, Deus non potest eam habere odio.

Quarto, Deus est rerum omnium causa, ergo omnia amat, ergo nihil odit. Patet prima consequentia, quia omnia agētia suo modo suos effectus amant. Confirmatur autoritate sapient. 11.

Quantum ad secundum, quia posset aliquis obicere, dicitur Deus in Scriptura aliqua habere odio, vt Malach. 1. Eia odio habui. & in Psalm. Odisti omnes qui operantur iniquitatem: ergo Deus aliqua odit. Respondetur quod hoc similitudinariè dicitur, non autem proprie: & hoc dupliciter dicitur. Vno modo, in quantum malum contrariū bono quod vult creaturæ, vult non esse: quia quæ non esse volumus, dicimus habere odio, secundum illud Zacha. 8. Vnusquisque malum contra amicum, &c. Alio modo, secundum quod vult maius bonum, quod non potest esse sine priuatione minoris boni.

Quo Deus ali-  
qua habere o-  
dio dicatur.

CIRCA primum modum aduertendum, quod, vt hic dicitur, amor & odium proprie est subsistentium: vt enim dictum est supra amare proprie est velle bonum alicui, & si est eius cui conuenit habere bonitatem in se, non autem eius cui conuenit esse bonitatem alterius: similiter habere odio proprie est velle malum alicui, & si est eius cui conuenit habere priuationem bonitatis. Vtrunque autem est subsistens, quod enim est alterius bonitas, non sub sistit: neque quod est alterius malum formaliter, sed bene cui conuenit bonitas, & cui conuenit priuatio bonitatis tanquam subiecto. Ideo cum dicitur Deus odisse malum, quod repugnat bono alicuius, sicut cum odit mendacium aut adulterium, hoc non proprie dicitur, cum non fiat subsistentia, sed per quandam similitudinem, quia videlicet sicut habens odio rem subsistentem, vult ipsam non esse aut simpliciter, aut aliquo modo, ita Deus vult illa mala non esse.

CIRCA secundum modum considerandum quod odium fertur in malum alicuius, vt dicitur, De Malo q. 12. artic. 4. sub ratione mali, non autem in malum, vt habet rationem boni ex aliquo adiuncto. Ideo cum Deus vult priuationem alicuius propter bonum vniuersi non dicitur proprie odisse, quia non vult malum eius, vt est malum eius: dicitur tamen similitudinariè odisse, quia vult eius malum. Nam & proprie habens odio aliquid, vult eius malum. Cum ergo dictum est Deum non posse habere odio aliquid, intelligendum est proprie, secundum quod odium est subsistentis, & de malo eius, vt eius est quod habetur odio.

Sed dubitatur circa hoc, quia si ideo Deus dicitur nihil habere odio, quia nulli rei subsistenti vult non esse, & aliis non vult malum nisi ratione boni adiuncti: eadem ratione nihil homo poterit habere odio, quia voluntas hominis nihil vult nisi sub ratione boni, vt in plerisque locis dicit san. Thom. & est de mente Dionys. 4. De Diui. Nomi. & Augustini.

Ad huius euidentiam considerandum, quod in obiecto operationis potest esse duplex potest inueniri ratio formalis. Vna communis sub qua omne obiectum refertur ad potentiam. Alia particularis secundum quam vna operatio potest ab alia specificè distinguatur. Prima potest dici ratio formalis per modum mouentis, quia nihil potest mouere potentiam, nisi sub illa ratione. Alia verò potest dici ratio formalis per modum terminantis, quia ad ipsam primum terminatur operatio vt specificata, & vt talis operatio, sicut cum videtur album, ratio communis per modum mouentis est color, quia album non mouet visum nisi in quantum est coloratum, à quo ipsa potentia visiva specificatur: sicut omnis potentia passiva specificatur per suum actuum formale & adæquatum: ratio autem particularis à qua specificatur visio albi, vt est visio albi distincta à visione nigri, est ratio albi. Specificatur enim operatio à formali ratione obiecti, ad quam primum terminatur, vt est talis operatio. Visio autem albi vt talis, primum & per se terminatur ad rationem albi: licet in quantum visio, absolute terminetur ad rationem colorati. Similiter in omni obiecto voluntatis, quantum ad actum prosecutionis est quædam communis ratio formalis per modum mouentis, & ista est ratio boni. Nihil enim potest mouere voluntatem, & vniuersaliter appetitum, nisi sub ratione boni. Quædam verò est ratio particularis per modum terminantis, à qua ista operatio voluntatis, vt talis est ab alia operatione distincta specificatur: & ista est ratio formalis obiecti, ad quam talis operatio terminatur, vt talis est, sicut volitio sanitatis primum & per se terminatur ad rationem sanitatis, vt est volitio sanitatis, licet sanitas non moueat voluntatem nisi sub ratione boni. Dicitur ergo primum, quod si loquamur de formali ratione per modum mouentis voluntatis, nihil vult actu per modum prosecutionis, nisi sub ratione boni, in quantum scilicet sub ratione boni apprehenditur: si autem loquamur de particulari ratione per modum terminantis à qua operatio specificatur, sic potest velle malum absolute sub ratione mali: & sic dicimus quod odium fertur in malum alicuius absolute sub ratione mali, quia

Vtrum odium  
feratur in ma-  
lum sub ratio-  
ne mali.

actus odij primum & per se, vt talis actus terminatur ad rationem mali eius quod quis odit, licet illud malum non moueat voluntatem nisi vt apprehendatur sub ratione boni, in quo differt ab ira, quæ licet feratur in nocuum proximi, non tamen ratio nocuenti est illa ad quam primo terminatur, sed ratio iusti vindicatur. appetit enim iratus vindictam tanquam iustam existimatam propter illatam iniuriam.

Dicitur secundum, quod Deus aliquid odisse proprie non potest, sed bene homo, quia cum bonitas diuina sit Deo ratio volendi omnia alia à se, nihil potest velle nisi in quantum in ipso manifestatur bonitas sua: & sic malum & non esse quod vult alicui, vult sub ratione alicuius boni, sicut volens aliquid vt medium ad sanitatem, vult illud ratione sanitatis, & volitio illa ex sanitate tanquam ex fine specificatur: homo autem potest velle malum alterius sub ratione mali & nocuenti eius absolute in ratione terminantis, vt dictum est: ideo potest aliquem habere odio.

## Quod Deus est viuens. Cap. 97.



X his autem quæ supra ostensa sunt, de necessitate habetur, quod Deus est viuens. Ostensum est enim Deum esse intelligentem & volentem: intelligere autem & velle non nisi viuentis est, est ergo Deus viuens. Idē Prima parte q. 18. artic. 3. Cap. 44.

2. Adhuc, Viuere secundum hoc aliquibus attributum est, quod visa sunt per se non ab alio moueri: & propter hoc illa quæ videtur per se moueri, quorum motores vulgus non percipit, per similitudinem dicimus viuere: sicut aquam viuam fontis fluentis, non autem cisternæ vel stagni stantis, & argentum viuum, quod motum quandam habere videtur. Proprie enim illa sola per se mouentur, quæ mouent seipsa, composita ex motore & moto, sicut animata. Vnde hæc sola proprie viuere dicimus: alia verò omnia ab aliquo exteriori mouentur vel generante vel remouente prohibens, vel impellente. Et quia operationes sensibiles cum motu sunt, vltimius. Omne illud quod agit se ad proprias operationes, quauis non sit cum motu, dicitur viuere, vnde intelligere, appetere, & sentire, actiones vitæ sunt. Sed Deus maxime non alio, sed à seipso operatur, cum sit prima causa agēs: maxime ergo competit ei viuere.

3. Item, Diuinum esse omnem perfectionem effendi comprehendit, vt supra ostensum est: viuere autem est quoddam esse perfectum, vnde viuencia in ordine entium non viuenticibus præferuntur. Diuinum ergo esse est viuere, ipse ergo est viuens. Cap. 20.

Hoc autem etiam autoritate diuinæ Scripturæ confirmatur. Dicitur enim Deuteronom. 32. Ex ore Domini dicam, Vi uo ego in æternum. Et in Psalm. 83. Cor meum & caro mea exultauerunt in Deum viuum.

## Super cap. 97.



Ostendit determinauit sanctus Thomas de perfectione intellectus & voluntatis ex quibus vita cognosci potest, consequenter determinat de vita diuina. Circa hoc autem duo facit. Primum determinat de vita ipsa, secundum de eius vitæ specie, cap. 100. Circa primum tria facit. Primum determinat de ipsa quantum ad An est, secundum quantum ad Quid est, tertium quantum ad eius durationem. Primum ergo ponitur conclusio hæc, Deus est viuens. Probatur primum, Deus est intelligens & volens, ergo est viuens, quia intelligere & velle non est nisi viuentis.

Secundum, Deus maxime non ab alio, sed à seipso operatur, ergo maxime ei competit viuere. Probatur antecedens, quia Deus est prima causa agēs, Consequentia verò probatur, quia viuere secundum hoc aliquibus attributum est, quod visa sunt per se non ab alio moueri: & quia operationes sensibiles cum motu sunt vltimius, Quod agit se ad proprias operationes, quamuis non sint cum motu, dicitur viuere. Assumptum hoc declaratur ex iis quæ per similitudinem dicimus viuere, vt aquam viuam dicimus, & argentum viuum, quia per se moueri videntur, eo quod eorum motores vulgus non percipiat: & ex iis quæ sola proprie dicimus viuere, quæ scilicet sola per se mouentur proprie, vt potest composita ex motore & moto, vt sunt animata.

CIRCA istam rationem duplex occurrit dubium. Videtur enim velle S. Thom. quod omnia quæ se proprie mouent, sunt animata: & quod omnia viuencia & animata moueant se. Contra primum enim arguitur: nam grauius & leuius mouent seipsa, & tamen non sunt animata, ergo, &c. Probatur antecedens, quia si ponantur ab alio moueri per se, hoc non erit nisi quia mouentur à generante, sed hoc non potest esse, contingit enim aliquando generans non esse, & tamen ipsa mouentur: effectus autem in actu requirit causam in actu. Si dicatur quod hoc generans est cælum, & hoc semper est actu, contra, Effectui particulari oportet assignare causam particularem, vt dicitur 2. Phy. cælum autem non est causa particularis, sed vniuersalis, ergo, &c.

Secundum, quia Commentator 4. Cæl. commento 23. ait, quod motus ad superius est causatus à leuitate: constat autem leuitatem esse intrinsecam corpori leui. Contra secundum arguitur, quia sanctus Thom. in Quest. de Anima, artic. 9. 6. in eodem ordine ponit motum cordis, motum ignis, motum augmenti & decrementi, & motum alimentum diffusum per totum corpus: subiungit autem quod cor non mouet se, sed naturaliter mouetur sicut ignis: ergo & quæ augentur & decrescunt, vt plantæ, non mouent se, & sic falsum est quod omnia viuencia moueant se.

A Deidentiam primi dubij considerandum est, quod motus naturales corporum simplicium, vt habetur 2. Lib. huius capite 23. consequuntur ad formas naturales, sicut & omnes alie naturales proprietates: ideo de motu grauium & leuium loquendum est sicut de aliis proprietatibus rerum. Habet autem

A quo grauius & leuius moueantur.



autem hoc rei proprietates quod primò quidem & principaliter causatur à dante formam, secundario autem & proximè ab ipsa forma rei, sed differe-  
renter. Nam à dante formam producit per actionem mediam, quæ primò  
quidem determinatur ad formam, secundario verò ad proprietatem: à for-  
ma autem producit per naturalem quandam resultantiam absque media  
actione, ut videtur velle sanctus Thomas Prima parte, quæst. 77. artic. 6. & 7.  
Ideo ipsum dans formam est simpliciter causa proprietatum, tanquam pro-  
pria actione illas producat: forma autem est quodammodo & secundum  
quid causa, inquantum videlicet non producit propria actione media, sed ab  
ipsa ut à principali agente primò producta naturaliter resultant, sicut ri-  
sibilibus sortis primò quidem & principaliter producit à generante sor-  
tem, secundario autem & per naturalem resultantiam à natura sortis pro-  
ducitur.

Considerandum secundò, quod illæ proprietates quæ impediri non pos-  
sunt quin reposita euant, quia sunt perfectiones primæ statim habentes  
rationem formæ completæ, ut risibilitas, ponuntur in actu completo per  
actionem quæ res ipsa producit, cum vna actio agentis ad vnumque ter-  
minatur, ad vnum videlicet primò, ad aliud verò secundario: proprietates  
autem quæ impediri possunt ne posita re, sunt in actu formali & completo,  
eò quod sunt actus secundi, & via ad aliquid extrinsecum acquirendum, ut  
motus ad locum, possunt in actu formali completo poni etiam postquam  
cessauit actio producativa naturæ, remoto enim impedimento naturali-  
ter resultant, dicuntur tamen etiam quædam ad eorum complementum esse  
à generante & producente naturam, quia ab ipso est fundamentum, & causa  
à qua naturaliter & secundum suum complementum resultant, scilicet forma  
substantialis, non autem quia per nouam actionem illam producat. Igno-  
rantia autem huius multis errare facit: arbitrat enim sanctus Thomam  
velle grauius & leuius sic moueri à generante, etiam ipso corrupto, quasi per  
nouam quandam actionem nouumque impulsu ipsa moueat: quod nun-  
quam somniauit. Sed mens eius est, quod mouentur à generante, sicut ab eo  
qui dedit formam à qua naturaliter resultat motus, & per consequens tan-  
quam ab eo qui motum fundamentaliter produxit: nec oportet aliud à quo  
per impulsu aut actionem moueantur, sed sufficit remouens prohibens, &  
forma rei in qua saluatur virtus agentis, ad quam motus deductio impedi-  
mento naturaliter resultat, sicut si impediri possit ne risibilitas ad hominis  
generationem sequeretur, deductio autem impedimento naturaliter resulta-  
ret, diceretur quod homo generans esset causa illius risibilitatis primò &  
per se, non autem homo genitus.

Ad argumentum ergo negatur antecedens, loquendo de mouente se  
proprie & simpliciter. Ad probationem dicitur, quod per se mouetur à ge-  
nerante tanquam à dante formam, ad quam naturaliter motus resultat, sicut  
& alie perfectiones quæ naturaliter formam consequuntur, sunt à gene-  
rante: à remouente verò impedimentum mouetur per accidens. Cum hoc  
improbatur, dicitur ad primam probationem, quod effectus in actu re-  
quirat causam in actu aut in seipso, aut in aliquo in quo sua virtus saluatur:  
effectus enim qui non erat prius modo aliquo in actu, requirit causam in  
actu secundum se, sed ad effectum qui præerat in radice fundamento natu-  
rali, sicut motus quamuis impeditus præexistit in forma graui, sufficit ut  
causa principalis sit in virtute in forma ad quam naturaliter effectus talis  
resultat: & sic conceditur quod non est in seipso, posse mouere per virtutem  
remanentem in forma ab ipso producta, & causare motum qui radicaliter  
& fundamentaliter in forma præexistebat, & ad ipsam deductio impedi-  
mento naturaliter & absque media actione resultat. Si dicatur, Ergo possumus  
dicere quod ipsa forma grauius est id quod mouet graue, quia nullum  
apparet mouens in actu præter ipsam formam in qua est virtus agentis, &  
sic graue mouebit, dicitur quod si loquamur de mouente simpliciter  
primò, negatur consequentia, sed bene sequitur quod sit id quo mouens mo-  
uet. Et cum dicitur, quod nullum apparet mouens in actu existens, respon-  
detur quod non oportet illi motui assignare aliquod mouens simpliciter,  
quod sit in actu in seipso, quia talis motus non producit totaliter de no-  
uo, cum præexistat in radice & fundamento ad quod deductio impedi-  
mento de necessitate consequitur per naturalem resultantiam, non autem per  
actionem mediam. Si autem loquamur de mouente secundum quid & se-  
cundario, quia ipso mediante ab agente aliquid prouenit, sic conceditur  
ipsam formam grauius mouere graue, & consequenter quod graue mouet se  
secundum quid, inquantum est in ipso principium actuum, aliquo modo  
sui motus: non tamen sequitur quod moueat se simpliciter, quia illud dicitur  
se simpliciter mouere, quod diuiditur in duas partes, quarum vna est mo-  
uens per actionem mediam, alia verò mota, quod in corporibus simplicibus  
esse non potest.

Ad secundam probationem dicitur, quod mens Commentatoris est  
motum leuius causari à leuitate secundum quid, tanquam videlicet à princi-  
pio formali à quo per naturalem resultantiam prouenit, non autem tanquam  
à principali agente, & per actionem mediam producentem motum.

Ad secundum dicendum, quod omnes illos motus posuit sanctus Thomas in eodem  
ordine, quia omnes in hac communi ratione conueniunt, quod sunt motus natu-  
rales. Nam cum motus animalis distinguatur in animale, & naturalem, in  
eum scilicet qui est per apprehensionem & appetitum utpote qui est ab anima  
sensitiva, inquantum est anima sensitiva, & in eum qui est per formam natura-  
lem, qui scilicet est ab anima animalis, inquantum perfectiones aliarum inferiorum  
formatum continet, motus enumerati non sunt de numero motuum qui  
animales dicuntur, sed de numero eorum qui dicuntur naturales. Sed sub hac  
ratione communi distinguuntur, quia motus cordis est à principio extrin-  
seco scilicet à generante dante sibi formam, sicut & motus ignis: ideo non  
dicitur cor mouere seipsum, sicut nec ignis. Motus autem nutritionis, &  
augmentacionis, est à motore intrinseco, ab illa scilicet parte in qua est sub-  
iectiue potentia nutritiua & augmentatiua: & ideo quod nutrit & aug-  
mentatur, dicitur mouere seipsum. Propter hoc dicitur Prima parte, quæst. 18. artic. 1.  
quod plantæ secundum formam eis iocundam à natura mouent seipsas. Et sic  
constat quod plantæ naturaliter mouentur sicut cor, quia à forma naturali:  
& mouentur à seipsis, inquantum distinguuntur in partem mouentem, &  
partem motam in quo distinctionem habent à corde.

Tertio, Diuinum esse est viuere, ergo, &c. Probatur antecedens, quia esse  
diuinum omnem perfectionem essendi comprehendit: viuere autem est  
quoddam esse perfectum. Intelligi, nihil imperfectionis secundum suam for-  
mam rationem importans. Confirmatur Deut. 32. & prius, &c.

## Quod Deus sit sua vita.

## Cap. 98.



X hoc patet ulterius, quod Deus sit sua vita. Idem Prima  
ta. Vita enim viuientis est ipsum viuere in parte, q. 18. ar. 3.  
quodam abstractione signatum: sicut cur-  
sus secundum rem non est aliud quam  
currere. Viuere autem viuientium est ipsum  
esse eorum, ut patet per Philosophum in  
2. de Anima: cum enim ex hoc animal di-  
catur viuens, quod habet animam se-  
cundum quam habet esse, utpote secundum propriam formam:  
oportet quod viuere nihil sit aliud quam tale esse ex tali for-  
ma proueniens. Deus autem est suum esse, ut supra proba-  
tum est: ergo suum viuere & sua vita.

2 Item, Suum intelligere est quoddam viuere, ut patet per  
Philosophum in 2. de Anima: nam viuere est actus viuientis.  
Deus autem est suum intelligere, ut supra ostensum est: ergo  
est suum viuere & sua vita.

3 Amplius, Si Deus non esset sua vita, cum sit viuens, ut  
ostensum est, sequeretur quod esset viuens per participationem  
vitæ: omne autem quod est per participationem, reducitur ad  
id quod est per seipsum. Deus ergo reduceretur in aliquod  
prius per quod viueret, quod est impossibile, ut ex dictis patet.

4 Adhuc, Si sit viuens Deus, ut ostensum est, oportet in  
ipso vitam esse: si ergo non sit ipse sua vita, erit aliquid in  
ipso quod non est ipse: & sic erit compositus, quod supra  
probatum est. Est igitur Deus sua vita: & hoc est quod dici-  
tur Ioan. 14. Ego sum vita.

## Super cap. 98.

Secundò determinat de vita diuina quantum ad quid est, & po-  
nitur hæc conclusio, Deus est sua vita, & sic vita diuina idem  
est quod eius essentia. Probatur primo, Deus est suum esse, ergo  
sua vita. Probatur consequentia, quia vita est ipsum viuere in  
abstractione signatum, sicut cursus ipsum currere: viuere au-  
tem viuientium, est eorum esse, ut dicitur 2. de Anima.

ADVERTERE, quod vita & viuere (ut habetur Prima parte, q. 54. art. 1. ad  
secundum) non se habet sicut essentia & esse, sed vita aliquando significat  
essentiam mouentis seipsa, aliquando verò significat ipsum esse rei habentis  
talem essentiam: & utroque modo vita & viuere se habent sicut cursus &  
currere. Cursus enim & currere idem significant, scilicet actum currendi, sed  
cursus significat actum per modum abstracti, currere verò per modum concre-  
ti. Similiter vita ut significat essentiam, & viuere idem significant, sed vi-  
ta in abstracto, viuere verò in concreto: vita enim significat absolute essen-  
tiam mouentis seipsum, viuere autem significat habere talem essentiam, ut  
videtur velle sanctus Thomas. Prima parte, q. 18. art. 2. Vita etiam in secundo signifi-  
cato significat idem cum ipso viuere: significat enim actum essendi eius cui  
conuenit mouere seipsum in ordine, scilicet ad principium vitale, sed vita  
illum significat per modum abstracti, significat enim ipsum esse viuētis ab-  
solute. Viuere autem per modum concreti. Nam significat habere esse mou-  
entis seipsum: accipit ergo sanctus Thomas nomen vitæ in secunda significatione,  
non in prima. Sed tamen aduertendum ex doctrina sancti Thomæ. Quolibet. 9. ar.  
3. ad primum, quod viuere ut accipitur pro esse, non dicit absolute & precise  
esse, sed connotat essendi principium: dicit enim esse aliquo modo per ali-  
quod principium essendi specificatum. Ideo licet in Christo ponatur vnum  
tantum esse suppositi, ponitur tamen dupliciter viuere: nam ipsum esse diui-  
ni suppositi, ut in diuina natura subsistit, est viuere diuinum: ut autem esse  
suppositi in humana natura subsistentis, est viuere humanum.

Secundò, Deus est suum intelligere, ergo & suum viuere, patet consequen-  
tia, quia intelligere est quoddam viuere, ut dicitur 2. de Anima, text. 13.

ADVERTENDUM, quod intelligere dupliciter potest dici esse vi-  
uere. Vno modo, ut viuere nominat operationem rei viuētis, quæ minus  
proprie dicitur vita. Alio modo, ut nominat essentiam vel esse rei viuētis. Si  
primo modo accipitur, ista ratio probat quod vita quæ est operatio viuētis,  
est in Deo idem quod Deus. Si secundo modo accipitur, sic probatur quod  
vita proprie accepta, quæ est ipsum esse, vel ipsa essentia, est idem quod Deus:  
nam si Deus est suum intelligere, & suum intelligere est suum esse, siue sua  
essentia, quæ est vita & viuere suum, sequitur quod sit sua vita. Utrouque mo-  
do conclusio est vera, & potest utroque modo intelligi. Ex primo sensu ha-  
betur, quod non solum Deus est sua vita, quæ est sua essentia & suum esse, ut  
prima ratio concludebat, sed etiam est sua operatio vitalis. Videtur tamen  
secundus modus esse magis intentus, quia vita minus proprie sumitur pro  
operationibus vitæ, ut dicitur Prima parte.

Tertio, Sequeretur quod Deus esset viuens per participationem vitæ, & sic  
reduceretur ad aliquid prius ipso quod esset viuens per seipsum.

Quarto, Sequeretur quod esset aliquid in ipso quod non esset ipse, & sic esset  
compositus. Confirmatur Ioan. 14.

## Quod vita Dei est sempiterna.

## Cap. 99.



X hoc autem apparet, quod vita eius sit sempi-  
terna. Nihil enim desinit viuere nisi per separa-  
tionem vitæ: nihil autem à seipso separari po-  
test. Omnis enim separatio fit per diuisionem  
alicuius ab alio: impossibile est ergo quod Deus  
desinat viuere, cum ipse sit sua vita, ut ostensum est.

2 Item, Omne illud quod quandoque est, & quandoque  
non est, est per aliquam causam. Nihil enim seipsum de non  
esse ad esse adducit: quia quod nondum est, non agit. Diuina  
autem vita non habet aliquam causam, sicut nec diuinum esse.

Non

Quomodo mo-  
tus nutritionis  
& augmenti di-  
cantur natura-  
les ut motus  
cordis.

Quomodo se  
habeant vita &  
uiuere.

† Text. com. 16.

† Cap. 12.

† Text. c. 17.

† Cap. 45.

† Cap. 98.

† Cap. 18.



Non igitur quandoque est viuens, & quandoque non viuens, sed semper viuunt: est ergo vita eius sempiterna.

3 Adhuc, In qualibet operatione operans manet, licet interdum operatio transeat secundum successionem: unde & in motu mobile manet idem subiecto in toto motu, licet non secundum rationem. Vbi igitur actio est ipsum agens, oportet quod nihil ibi per successionem transeat, sed totum simul maneat. Intelligere autem & viuere Dei est ipse Deus, ut ostensum est: ergo eius vita non habet successionem, sed est tota simul, est igitur sempiterna.

†Cap. 45.

†Cap. 13.

4 Amplius, Deus omnino immobilis est, ut supra ostensum est. Quod autem incipit aut definit viuere, vel in viuendo successionem patitur, immutabile est: nam vita alicuius incipit per generationem, definit autem per corruptionem. Successio autem propter motum aliquem est, Deus ergo neque incipit viuere, neque definit viuere, neque in viuendo successionem patitur: est ergo Deus vita sempiterna. Hinc est quod dicitur Deut. 32. ex ore Domini, Viuo ego in æternum. & 1. Ioan. vltimo, Hic est verus Deus, & vita æterna.

## Super cap. 99.

**T**ertio agit sanctus Thom. de duratione ipsius vite diuine, & ponit hanc conclusionem, Vita Dei est sempiterna. Probatur primo, Deus est sua vita, ergo, &c. Probatur consequentia, quia nihil definit viuere, nisi per separationem vite: nihil autem a seipso separari potest.

Secundo, Deus non quandoque est viuens, quandoque non viuens, sed semper viuunt, ergo, &c. Probatur antecedens, quia diuina vita non habet causam, sicut nec diuinum esse: quod autem quandoque est, & quandoque non est, habet causam, cum nihil seipsum de non esse ad esse producat.

Tertio, Intelligere Dei, & viuere Dei, est ipse Deus: ergo eius vita non habet successionem, ergo est sempiterna. Prima consequentia probatur, quia ubi operatio est ipsum agens, nihil ibi per successionem transit, sed totum simul manet. Secunda quoque probatur, quia in qualibet operatione operans manet, licet operatio transeat aliquando secundum successionem.

ADVERTENDVM, quod in omni operatione operans manet quando operatur, quia operatio non est nisi existens in actu. Vbi ergo operans manens, est idem quod sua operatio, ipsa operatio non potest transire per successionem, sicut & ipsum operans successionem non habet, loquendo de principali operante: & sic de necessitate operatio est sempiterna, si ipsum operans est sempiternum, ut est Deus: ex quo sequitur quod etiam ipsum viuere est sempiternum cum operatio vitalis non possit esse nisi habentis vitam.

Quarto, Deus est omnino immobilis: ergo neque incipit viuere, neque definit viuere, neque in viuendo successionem patitur: ergo eius vita est sempiterna.

ADVERT E, quod aliqua in viuendo successionem patiuntur, ut corruptibilia, sed non est hoc ratione ipsius esse substantialis secundum se, sed ratione motus adiuncti, per quem aut ipsum viuere & esse conseruatur, aut tendit ad destinationem. Propter hoc inquit sanctus Thom. quod successio scilicet in esse est propter aliquem motum: est enim motus quantitatis successiuus, & eius successio fundamentum omnis successionis, accipiendo motum communiter, ut etiam se ad operationem extendit. Confirmatur autoritate Deut. 32. & 1. Ioan. vltimo.

## Quod Deus est beatus. Cap. 100.

**E**st autem ex præmissis ostendere Deum esse beatum. Cuiuslibet enim intellectualis nature proprium bonum est beatitudo: cum ergo Deus sit intelligens suum proprium bonum, erit beatitudo, non autem comparatur ad proprium bonum sicut quod in bonum nondum habitum tendit, hoc enim est nature mobilis, & in potentia existentis: sed sicut quod iam obtinet proprium bonum. Igitur beatitudinem non solum desiderat sicut & nos, sed ea fruatur: est igitur beatus.

2 Amplius, Illud est maximè desideratum vel volitum ab intellectuali natura quod est perfectissimum in ipsa: & hoc est eius beatitudo: perfectissimum autem in vnoquoque est sua perfectissima operatio, nam potentia & habitus per operationem perficiuntur. Vnde Philosophus dicit quod felicitatem esse perfectam operationem. Perfectio autem operationis dependet ex quatuor. Primo ex suo genere, ut scilicet sic sit manens in ipso operante, dico autem operationem in ipso manentem, per quam non fit aliud præter ipsam operationem, sicut videre & audire, huiusmodi enim perfectiones sunt eorum quorum sunt operationes, & possunt esse vltimæ, quia non ordinantur ad aliquod factum, quod sit finis. Operatio verò vel actio ex qua sequitur aliquid actum præter ipsam, est perfectio operati, non operantis, & comparatur ad ipsum sicut ad finem. & ideo talis operatio intellectualis nature non est beatitudo siue felicitas. Secundo, ex principio operationis, ut sit altissima potentia: unde secundum operationem sensus non est in nobis felicitas, sed secundum operationem intellectus, & per habitum perfecti. Tertio, ex operationis obiecto, & propter hoc in nobis vltima felicitas est in intelligendo altissimum intelligibile. Quarto,

ex forma operationis, ut scilicet perfecte, facilius & delectabiliter operetur: talis autem est Dei operatio, cum sit intelligens, & suus intellectus altissima virtutum sit, nec indiget habitu perficiendo, quia in seipso perfectus est, ut supra ostensum est. Ipse autem seipsum intelligit, qui est summum intelligibile perfecte absque omni difficultate & delectabiliter: est igitur Deus beatus.

†Cap. 46.

3 Adhuc, Per beatitudinem desiderium omne quietatur, quia ea habita non restat aliud desiderandum, cum sit vltimus finis: oportet igitur eum esse beatum, qui perfectus est, quantum ad omnia quæ desiderare potest. Vnde Boetius dicit quod beatitudo est status omnium bonorum congregatione perfectus. Sed talis est diuina perfectio, quæ omnem perfectionem in quadam simplicitate comprehendit, ut supra ostensum est: ipse igitur verè beatus est.

†Lib. de Conso. prola 2.

†Cap. 46.

4 Item, Quando alicui deest aliquid quod indigeat, nondum beatus est: quia eius desiderium nondum est quietatum. Quicunque igitur sibi sufficiens est nullo indigens, ille verè beatus est: ostensum autem est supra, quod Deus non indiget aliis, cum a nullo exteriori sua perfectio dependeat, nec alia vult propter se sicut propter finem, quasi eis indigeat, sed solum quia hoc conueniens est suæ bonitati: est igitur ipse beatus.

†Cap. 31.

5 Præterea, Ostensum est supra, quod non potest velle aliquid impossibile: impossibile est autem ei aliquid aduenire quod nondum habeat, cum ipse nullo modo sit in potentia, ut ostensum est. Igitur non potest velle se habere quod non habet: quicquid igitur vult habere, nec aliquid mali vult: ut supra ostensum est: est igitur beatus, secundum quod a quibusdam beatus esse perhibetur, qui habet quicquid vult, & nihil mali vult. Eius enim beatitudinem sacra Scriptura protestatur primæ Timoth. vlt. Quem ostendet Deus temporibus, beatus & potens.

†Cap. 84.

†Cap. 17. †Authorit. sac. Scrip.

## Super cap. 100.



Ostendam determinauit sanctus Thom. de vita diuina absolute nunc de specie illius vite determinat, ostendens illam esse vitam beatam. Circa hoc autem tria facit. Primo ostendit, quod vita beata Deo conuenit: secundum, quod Deus, sua sit beatitudo, cap. sequenti: tertio, quod eius beatitudo omnem beatitudinem excedat, cap. 101.

Quantum ad primum ponitur hæc conclusio, Deus est beatus. Probatur primo, Deus est intelligens, ergo proprium eius bonum est beatitudo, ergo est beatus. Probatur prima consequentia, quia cuiuslibet nature intellectualis proprium bonum est beatitudo. Secunda etiam probatur, quia non comparatur Deus ad proprium bonum, sicut quod in bonum nondum habitum tendit, cum illud sit existens in potentia, sed sicut quod iam obtinet proprium bonum.

ADVERT E, quod proprium bonum hoc loco intelligit sanctus Thom. bonum intellectualis nature, quia ad ipsam naturam intellectualis, ut intellectualis est, ordinatur tanquam in suam perfectionem.

Secundo, Beatitudo intellectualis nature est perfectissima operatio, sed operatio Dei intelligentis est perfectissima: ergo est beatus. Maior probatur, quia beatitudo eius est quod in ipsa est perfectissimum: hoc enim est maxime volitum ab ipsa. Perfectissimum autem in vnoquoque est eius perfectissima operatio, cum quia potentia & habitus per operationem perficiuntur, tum quia Philosophus 10. Ethicorum cap. 8. ponit felicitatem esse perfectam operationem. Minor etiam probatur, quia operationis perfectio ex quatuor dependet, scilicet ex genere, quod inquam, sit immanens: ex principio operationis, ut videlicet sit altissime potentia, scilicet intellectus per habitum perfecti ex operationis obiecto, & ex forma operationis, ut scilicet perfecte, facilius, firmiter & delectabiliter operetur. Talis autem est Dei operatio, cum Deus sit intelligens, & consequenter eius operatio sit immanens, suus intellectus sit altissima virtutum, non indigeat habitu perficiendo, seipsum quoque, qui est summum intelligibile, perfecte & delectabiliter absque omni difficultate intelligat.

Principium ex quo operationis perfectio dependet.

CIRCA illam propositionem, Perfectissimum in vnoquoque est eius perfectissima operatio, considerandum est, quod illa comparatio sit respectu eorum quæ nature iam completæ in sua substantia superueniunt, non autem de iis quæ simpliciter sunt in re, quia perfectissimum simpliciter in re est substantia rei, non autem operatio, sed bene verum est quod inter perfectiones substantiæ superuenientes, perfectissimum est operatio perfectissima. Potest etiam dici perfectissimum, non quidem essentialiter & in se, sed completiue, quia est vltimè quod intrinsece nature intellectualis perfectione complet.

CIRCA differentiam inter actionem immanentem & transeuntem, aduerte primo, quod cum dicitur per immanentem non fieri aliud præter ipsam operationem, intelligitur quod in ipso recipiatur materia circa quam operatio, non autem quod nullo modo aliquid per ipsam producat, cum superius dixerit per intellectionem produci verbum & conceptum in intellectu, ut ibi declarauimus: differt enim actio immanens à transeunte, quia per transeuntem agitur aliquid in passio circa quod est operatio: per immanentem autem non fit aliquid in eo quod intelligitur, licet fiat aliquid in ipso intellectu.

ADVERT E secundo cum inquit sanctus Thom. tales operationes posse esse vltimas, quia non ordinantur ad aliquod factum quod sit finis, quod per hoc datur intelligi posse quidem produci aliquid per actum immanentem, non tamè quod habeat rationem finis ad quem operatio sit ordinata, sicut actio transiens habet pro fine productum per ipsam operationem. Verbum enim productum per intellectiones non est finis intellectionis sed intellectus magis est eius finis, quia ad hoc producit, ut intellectus perficiatur. Cum enim intellectus compleatur secundum quod ad ipsam rem intellectam pertingit,

Perfectissimum in vnoquoque est eius perfectissima operatio.

Differentia inter actionem immanentem &amp; transeuntem.

†Idem. P. p. q. 26. ar. 1.

†10. Ethic. cap. 8. in principio.



pertingit, & verbum ad hoc producatur, vt per ipsum intellectus rem inueatur, sequitur quod verbum ad intellectum vt ad finem ordinetur sic. Ergo immanens actio à transeunte differt, quia per transeuntem producitur aliquid in passio, & illud est finis operationis: per immanentem autem nihil producitur in re intellecta, & si aliquid per ipsam producitur, illud non est finis operationis, sed magis e contrario operatio est eius finis. Ex quibus sequitur, quod actiones immanentes sunt perfectiones operantis, transeuntes autem sunt perfectiones operati, sequitur etiam quod immanens ex suo genere est perfectior, quia ipsa est finis, non autem transiens.

CIRCA illam propositionem, Felicitas est secundum operationem intellectus per habitum perfectum, notandum quod habet veritatem de felicitate humana: de hac enim loquebatur Philosophus, à quo illa propositio sumpta est. Non potest enim operatio intellectus humani perfecta esse nisi habitu perficiatur, cum noster intellectus sit imperfectus: non autem vera est de felicitate diuina, cum dictum sit intellectum diuinum non indigere habitu perficiente, cum in seipso perfectus sit.

Tertio, Diuina perfectio omnem perfectionem in quadam simplicitate comprehendit, ergo, &c. Probatur consequentia, quia cum oportet esse beatum, qui perfectus est quantum ad omnia quæ desiderare potest: per beatitudinem enim desiderium omne quietatur, cum sit vltimus finis. Confirmatur & Boëtij autoritate.

Quarto, Deus non indiget aliis, nec alia vult propter se, quia eis indigeat, quia cōueniens est sue bonitati, ergo, &c. Probatur cōsequencia, quia ille qui sibi sufficiens est, nullo indigens, vere beatus est, cuius desiderium sit quietatum.

Quinto, Deus habet quicquid vult, & nihil mali vult, ergo, &c. Patet consequentia ex diffinitione beati à quibusdam data. Antecedens etiam quo ad secundam partem superius est probatum, quo verò ad primam partem probatur, impossibile est Deo aduenire quod nondum habeat, cum nullo modo sit in potentia: sed Deus non potest velle aliquid impossibile, ergo non potest velle se habere quod non habet, ergo quicquid vult habet. Confirmatur autoritate Pauli 1. ad Timoth. vltimo.

### Quod Deus sit sua beatitudo. Cap. 101.

**E**X his autem apparet, quod Deus sit sua beatitudo. Beatitudo enim eius est intellectualis operatio ipsius, vt ostensum est: supra autem ostendimus, quod ipsum Dei intelligere sit sua substantia, ipse igitur est sua beatitudo.

Item, Beatitudo cum sit vltimus finis, est id quod quilibet natus est habere, vel habens principaliter vult: ostensum est autem supra, quod Deus principaliter vult suam essentiam, sua igitur essentia est sua beatitudo.

Adhuc, Vnusquisque in beatitudinem suam ordinat quicquid vult: ipsa enim est quæ propter aliud non desideratur, & ad quam terminatur motus desiderij vni propter aliud desiderantis, ne sit infinitus. Cum igitur Deus omnia alia velit propter suam bonitatem, quæ est sua essentia, oportet quod sicut ipse est sua essentia & sua bonitas, ita sit sua beatitudo.

Præterea, Duo summa bona esse est impossibile: si enim aliquid vni deesset, quod alterum haberet, neutrum summum bonum esset. Beatitudo etiam summum bonum ostenditur esse ex hoc, quod est vltimus finis: ergo beatitudo & Deus sunt idem. Est igitur Deus sua beatitudo.

### Super cap. 101.

**Q**uantum ad secundum ponitur hæc conclusio, Deus est sua beatitudo. Probatur primo, Deus est suum intelligere: sed beatitudo eius est ipsum intelligibile operatio, ergo, &c.

Secundo, Deus principaliter vult suam essentiam, vt ostensum est supra: ergo eius essentia est eius beatitudo. Probatur consequentia, quia beatitudo cum sit vltimus finis, est id quod quilibet natus est habere, vel habens principaliter vult.

Tertio, Omnia vult propter suam bonitatem & essentiam, ergo, &c. Probatur cōsequencia, quia beatitudo est ad quæ omnes motus desiderij vnum desiderantis propter aliud terminantur, ne sit infinitus desiderij motus.

**A D V E R T E N D U M**, quod sicut motus naturalis in infinitum non procedit, sed cuiuslibet est determinatus terminus, sicut grauius centrum Mundi, leuibus autem concuum ordi Luna: ita appetitus sensitiuus & intellectiuius ad infinitum non tendit priuatiue, licet ad infinitum perfectionaliter, vt est Deus, possit tendere: & ideo licet ex vno desiderio in aliud possit ferri, est tamen aliquis sibi statutus finis, ultra quem non amplius aliquid desiderare potest, & hic est vltimus finis, qui est beatitudo & summum bonum, ad quem omnes motus desiderij vltimo terminantur. Sicut si aliquis colligat herbas pro confectione medicina, medicina autem sumat propter sanitatem, hanc vt possit vacare literis, appetat, studium quoque propter beatitudinem querat, omnia quidem præcedentia propter aliud appetit, sed ipsam beatitudinem non propter aliud, sed propter se tanquam vltimum ad quod naturaliter inclinatur, quærit. Propter hoc inquit san. Tho. quod omnes motus desiderij terminantur ad beatitudinem, ne talis motus desiderij sit infinitus, dum vnum propter aliud desideratur: nisi enim non poneretur aliquid quod propter aliud non desideratur, sed omnia alia propter ipsum, motus desiderij in infinitum tenderet, & sic esset infinitus, quod natura appetitus non admittit.

Quarto, si beatitudo Dei non esset Deus, duo essent summe bona, quia beatitudo est summum bonum, cum sit vltimus finis, & etiam Deus: hoc autem est impossibile, quia si vni aliquid deesset quod alterum haberet, iam non est summum bonum, ergo Deus est sua beatitudo.

Sed videtur ista ratio non concludere: per hanc enim probaretur beatitudinem formalem creaturæ esse Deum, nam etiam beatitudo creaturæ est summum bonum, eo quod sit vltimus finis: & sic vera esset opinio dicentium Deum esse beatitudinem formalem creaturarum, & non tantum obiectiualem.

Respondetur ex doctrina san. Tho. Prima p. q. 26. artic. 1. ad primum, quod beatitudo intellectus creati quantum ad obiectum est summum bonum simpliciter: quantum autem ad ipsum actum est summum bonum in genere bo-

norum participabilium à creatura. Non est autem inconueniens esse duplex summum bonum, vnum scilicet simpliciter, aliud verò in aliquo ordine: sed bene inconueniens est esse duplex summum bonum simpliciter: & sic non oportet beatitudinem formalem creaturæ esse ipsum Deum: beatitudo autem Dei est summum bonum simpliciter, quia nihil conuenit sibi participatiue: ideo cum non possit esse duplex bonum summum simpliciter, oportet vt beatitudo Dei, sit ipse Deus, & sic ratio san. Tho. concludit de beatitudine Dei, non autem de beatitudine creaturæ, imò secundum quod posset concludere de beatitudine creaturæ, eam soluit san. Tho. loco præallegato.

### Quod diuina beatitudo perfectissima est, omnemque aliam beatitudinem excedit. Cap. 102.



**L**terius autem ex præmissis considerari potest beatitudinis diuine excellentia. Quanto enim aliquid propinquius est beatitudini, tanto perfectius beatum est. Vnde, etsi aliquis propter aliquam spem beatitudinis obtinenda beatus dicatur, nullomodo tamen sua beatitudo comparatur eius beatitudini quæ eam iam actu consecutus est. Propinquissimū est autem beatitudini quod est ipsa beatitudo, quod de Deo ostensum est: ipse igitur est singulariter perfecte beatus.

Item, Cum delectatio ex amore causetur, vt ostensum est, vbi est maior amor, ibi est maior delectatio in consecutione amati: sed vnumquodque, ceteris paribus, plus se amat quam aliquid aliud, cuius signum est, quod quanto aliquid alicui est propinquius, magis naturaliter amatur. Plus igitur delectatur Deus in sua beatitudine, quæ est ipsemet, quam alij beati in beatitudine, quæ non est quod ipsi sunt: magis igitur desiderium Dei quiescit & perfectior est beatitudo.

Præterea, Quod per essentiam est, potius est eo quod per participationem dicitur: sicut natura ignis perfectius inuenitur in ipso igne, quam in rebus ignitis. Deus autem per essentiam suam beatus est, quod nulli alij competere potest: nihil enim aliud præter ipsum potest esse summum bonum, vt ex prædictis patere potest, & sic oportet vbi cuiusque alius ab ipso beatus est, participatiue dicatur beatus. Diuina igitur beatitudo omnem aliam beatitudinem excedit.

Amplius, Beatitudo imperfecta in operatione intellectus consistit, vt ostensum est: nulla autem alia intellectualis operatio operationi eius comparari potest: quod patet non solum ex hoc quod est sua operatio subsistens, sed quia vna operatione Deus seipsum ita perfecte intelligit sicut est, & omnia alia quæ sunt & quæ non sunt bona & mala. In alijs autem intelligentibus intelligere ipsum non est subsistens, sed actus subsistentis: nec ipsum Deum, qui est summum intelligibile, aliquis ita perfecte potest intelligere, sicut ipse perfectus est, cum nullius esse perfectum sit sicut esse diuinum, nec alicuius operatio possit esse perfectior quam sua substantia, nec est aliquis alius intellectus qui omnia etiam quæ Deus se facere potest, cognoscat, quia sic diuinam essentiam comprehenderet: illa etiam quæ intellectus alius cognoscit, non omnia vna & eadem operatione cognoscit. Incomparabiliter igitur Deus super omnia beatus est.

Item, Quanto aliquid magis vnitū est, tanto bonitas eius & virtus perfectior est, operatio autem successiua secundum diuersas partes temporis diuiditur: nullo igitur modo eius perfectio potest comparari perfectioni operationis, quæ est absque successione tota simul: & præcipue si non in momento transiret, sed in æternum maneat. Diuinum autem intelligere est absque successione totum simul æternaliter existens: nostrum autem intelligere successione habet in quantum adiungitur ei per accidens continuum & tempus. Diuina igitur beatitudo in infinitum excedit humanam: sicut duratio æternitatis excedit nunc temporis fluens.

Adhuc, Fatigatio & occupationes variæ quibus necesse est contemplatione nostrā in hac vita interpolari, in qua consistit præcipue humana felicitas si qua est præsentis vite, & errores & dubitationes, & casus varij quibus subiaceret præsens vita, ostendunt omnino incomparabilem esse humanam felicitatem (præcipue huius vite) diuinæ beatitudini.

Amplius, Perfectio diuinæ beatitudinis considerari potest ex hoc, quod omnes beatitudines cōplectitur secundum perfectissimum modum. De contemplatiua quidem felicitate habet perfectissimam sui & aliorum perpetuam considerationem: de actiua verò vita, non vnius hominis aut domus aut ciuitatis aut regni, sed totius vniuersi gubernationem. Fallaciam felicitatis & terrena non habet nisi quandam vmbra illius felicitatis perfectissimæ: consistit enim in quinque secundum Boëtium: scilicet in voluptate, diuitiis, potestate, dignitate, & fama. Habet etiā Deus excellentissimam delectationem de se, & vniuersale gaudiū de omnibus bonis absque

Idem p. q. 26. artic. 4.

† Cap. 101.

† Cap. 47.

† Cap. 100.

Felicitas est secundum operationem intellectus per habitum perfectum.

Idem p. q. 26. art. 3. ad primum. † Cap. 101.

† Cap. 74.

Appetitus non tendit ad infinitum.

Beatitudo quomodo est summum bonum.

† In lib. 3. de Cōsolatione.

contra



contrarij admixtione. Pro diuinitis verò habet omnimodam sufficientiam in seipso omnium bonorum, vt supra ostensum est. Pro potestate habet infinitam virtutem. Pro dignitate habet omnium entium primatum & regimen. Pro fama admirationem omnis intellectus ipsum vtrunque cognoscentis. Ipsi igitur qui singulariter beatus est, honor sit & gloria, in secula seculorum, Amen.

## Super cap. 102.



Quantum ad tertium ponitur hæc conclusio, Deus est perfectissime beatus, & eius beatitudo omnium aliorum beatitudinem excedit. Intelligitur autem hæc comparatio in ordine ad quæcunque beatitudinem aliorum intelligentium, vt patet ex rationibus, non autem in ordine ad beatitudinem supernaturalem, licet & hanc excedat. Probatur primo, Deus est sua beatitudo, ergo est perfectè & singulariter beatus. Probatur consequentia, quia quanto aliquis est propinquior beatitudini, tanto perfectior est beatus, sicut ille qui actu beatus est, eo qui beatitudinem in spe tantum habet.

Secundo, Deus magis amat beatitudinem suam quam alij Beati suam: ergo in ea magis delectatur, ergo magis quiescit desiderium eius, & perfectior est eius beatitudo. Probatur antecedens, quia vnusquodque magis amat seipsum, cæteris paribus, quam aliquid aliud, cuius signum est, quia magis amat plus sibi propinquum. Beatitudo autem Dei est ipse Deus, aliorum autem beatitudo non est quod ipsi sunt. Prima consequentia probatur, quia vbi maior est amor, ibi maior est delectatio in consecutione amati. Vltima verò quæ non probatur, patet, quia delectatio quædam quies est appetitus.

CIRCA probationem antecedentis attendendum, quod ideo dixit sanctus Thomas, cæteris paribus vnusquodque magis diligere se quam aliud, quia non inconuenit vt homo aliquod bonum magis velit alteri quam sibi, in quo videtur magis amari proximis: sicut cum quis se morti exponit propter amicum: sed in hoc cætera non sunt paria: quia cum in homine sit natura intelligibilis & corporalis, magis secundum rationem diligit naturam spirituales quam corporales: & ideo exponit se morti propter amicum, propter bonum virtutis quod est bonum naturæ rationalis. Vnde quod magis diligit vitam corporalem alterius quam propriam, est, quia non omnia sunt paria, cum in alio consideretur bonum corporale, in ipso autem bonum spirituale & virtutis. Sed si remoueat bonum virtutis, magis diligit vnusquisque propriam vitam, quam alienam: & similiter quisque sit in æquali indigentia cum alio, magis providebit sibi quam aliis: sed si magis alter indigeat, non est inconueniens quod aliquis aliqua re seipsum priuet vt alteri subueniat. Vbi ergo omnia fuerint paria, vnusquisque plus seipsum amat quam alium: sed vbi non omnia fuerint paria, potest contrariò esse.

ADVERTENDVM vltius, quod ex maiori delectatione arguit S. Thom. perfectior esse beatitudinem, non quia delectatio essentialiter sit beatitudo, sed quia cum beatitudinem sequatur tanquam eius complementum, vbi maior fuerit beatitudo, necesse est maiorem quoque delectationem esse. Circa vltimum consequens aduerte, quod per desiderium Dei non accipitur proprie desiderium, vt est appetitus non habiti, sed communiter pro appetitu rei amate, etiam quæ præsens est.

Tertio, Deus est per essentiam suam beatus, alij autem participatiue: ergo diuina beatitudo omnem aliam beatitudinem excedit. Antecedens quod ad primam partem patet: quod ad secundam autem probatur, quia nihil aliud à Deo potest esse summum bonum. Consequentia quoque probatur, quia quod est per essentiam, potius est eo quod dicitur per participationem.

Circa probationem secundæ partis antecedentis dubitatur. Nam aut sumitur summum bonum simpliciter, aut in genere bonorum participabilem à creatura. Si primo modo accipitur, sic cum arguitur creaturæ esse beatam participatiue, quia non est ipsum summum bonum, ratio supponit falsum, scilicet quod beatitudo qua formaliter creatura est beata, sit summum bonum simpliciter: dictum est enim superius de mente sancti Thomæ, quod beatitudo formalis creaturæ non est summum bonum simpliciter. Si autem secundo modo accipitur, falsum est, quod nihil aliud à Deo sit summum bonum: ipsa enim beatitudo formalis est aliud à Deo, cum sit actus intellectus creati, & tamen ipsa est summum bonum in genere bonorum participabilium à creatura.

Ad huius euidentiam considerandum, quod beatitudo nominat vltimum finem intelligibilis naturæ & summum bonum: & ideo secundum quod aliquid habet rationem vltimi finis & summi boni, ita habet rationem beatitudinis. Aliquid autem est vltimus finis simpliciter, & per consequens summum bonum simpliciter, sicut Deus, qui est omnium finis extrinsecus: aliquid verò est vltimus finis secundum quid, scilicet intrinsecus rei, per quem fini extrinsecus perfectissimo modo coniungitur, & tale est summum bonum secundum quid: quia est summa perfectio intrinseca, ad quam res potest peruenire. Ita & duplex est beatitudo, vna simpliciter & essentialis, altera secundum quid, in quantum est quædam participatio & similitudo beatitudinis essentialis. Prima est beatitudo increata, quæ est Deus: secunda est beatitudo creata, quæ est actus intellectus creati. Dicitur ergo quod summum bonum in hac ratione sumitur pro summo bono simpliciter, quod scilicet simpliciter habet rationem vltimi finis. Cum autem arguitur, quod tunc ratio supponit beatitudinem creatam esse summum bonum simpliciter, quod est falsum, dicitur quod ratio hoc non supponit, sed vult deducere adhuc tanquam ad inconueniens. Si enim aliquid creatum est per essentiam suam beatum, sequitur quod sua beatitudo sit summum bonum simpliciter, quia quod aliquid est per essentiam, est illud simpliciter & ex se non ex alterius participatione: & ex consequenti sua beatitudo est vltimus finis simpliciter, & summum bonum: & sic sequitur quod aliquid aliud à Deo erit summum bonum simpliciter.

SED tunc occurrit dubium. Nam quod aliquid sit tale per suam essentiam, non tollit quia etiam sit tale per participationem alterius, si illud sit creatum quod omnis perfectio essentialis est quædam participata similitudo diuinæ naturæ: ergo dato quod aliquid creatum esset sua beatitudo, non sequitur quod non sit beatum per participationem beatitudinis increate, & sic non oportet vt eius beatitudo sit summum bonum simpliciter.

Respondetur, quod dici per essentiam tale, dupliciter potest intelligi pro nunc iuxta ea quæ dicuntur Veri. q. 21. ar. 4. Vno modo, vt opponitur ei quod est esse tale per aliquid superadditum essentia, sicut dicitur Deum esse bonum per essentiam, quia est suum esse in quo fundatur bonitatis ratio: crea-

turam autem non esse bonam per essentiam, quia est bona per esse superadditum essentia. Alio modo, vt opponitur ei quod est esse tale præsupposito ordine ad aliquid alterum, sicut Deus dicitur per essentiam bonus, quia per seipsum est bonus non præsupposito aliquo alio. Creatura autem posito etiam quod esset suum esse, non diceretur bona per essentiam, sed per participationem, quia nihil rationem boni & finis habere potest, nisi supposito ordine ad vltimum finem. Hic ergo accipitur esse per essentiam tale secundo modo, non autem tantum primo modo: nulla enim creatura est per essentiam beata, non solum quia non sit ipse actus beatitudinis, sed etiam quia per seipsum beata non est, quasi nullo præsupposito ordine ad vltioris finem, sed est beata, & habet in se aliquid quod habet rationem summi boni & vltimi finis, in quantum coniungit summo bono simpliciter, & fini simpliciter vltimo: sicut aliquid ignitum dicitur aliquo modo ignis ex ordine ad id quod per seipsum est ignis. Ratio autem in oppositum procedit de eo quod est per essentiam tale primo modo tantum: aliquid enim potest esse tale non per aliquid superadditum essentia, & tamen erit tale per participationem, id est, ex ordine ad alterum. Non autem procedit de eo quod est tale per essentiam secundo modo: falsum est enim quod est per essentiam & per seipsum tale hoc modo, tale esse per participationem.

Quarto, Nulla alia intellectualis operatio operationi eius comparari potest, ergo Deus incomparabiliter est super omnia beatus. Patet consequentia, quia beatitudo consistit in perfecta intellectu operatione. Antecedens verò probatur, quia illa operatio Dei est eius substantia, & vna operatione Deus seipsum perfectè, sicut est, intelligit, & omnia quæ sunt, & quæ non sunt, bona & mala. In aliis autem intelligentibus, ipsum intelligere non est subsistens: nec ipsum Deum qui est summum inter intelligibilia, aliquis ita perfectè potest intelligere, sicut ipse perfectus, cum nullus esse ita perfectus sit sicut esse diuinum, nec aliqua operatio possit esse perfectior quam sua substantia, nec aliquis in intellectu omnia quæ Deus facere potest, cognoscit, nec aliquis omnia quæ nouit, vna operatione cognoscit.

CIRCA rationem positam ad probandum, quod nullus potest intelligere Deum ita perfectè, sicut in se perfectus est, quia videlicet nullus esse est ita perfectus sicut esse diuinum, nec vllius operatio potest esse perfectior quæ sua substantia, dubitatur: quia licet operatio non sit perfectior substantia rei, potest tamen extendi ultra ipsam rei substantiam quantum ad obiectum, sicut operatio visus extenditur ad corpora cælestia. Ergo ex hoc quod esse creaturæ non adæquat perfectionem esse diuini, non sequitur quod ad ipsum eius operatio pertingere non possit.

AD huius euidentiam considerandum ex doctrina S. Thomæ. 4. Sen. d. 49. q. 2. ar. 3. & 4. q. cum actionis principii sit forma qua agit, oportet ex parte eius sumi actionis mensuram, secundum ordinem tamen ad subiectum in formis subsistentibus, secundum, inquam, quod subiectum subditur formæ magis & minus: ideo beatitudo esse quod est à tali forma in re, accipitur operationis perfectio. Et quia esse rei correspondet substantia, quia quorum esse perfectior essentia, est etiam perfectius esse: ideo oportet vt operationis perfectionem rei substantia correspondere, vt operatio non sit perfectior in suo ordine, quam sit substantia in suo: & sic intelligitur cum inquit sanctus Thomæ, operationem non esse perfectiorem substantia rei, vtrumque scilicet in suo ordine considerando. Sequitur ergo vniuersaliter, quod cuius esse & substantia non adæquat esse rei intelligibilis, eius quoque intellectus illi non adæquatur, vt ad perfectam sit in attingendo obiectum, quantum ipsum obiectum intelligibile est, & quia nullius creaturæ esse, & substantia diuinum esse in perfectione adæquat, ideo nec cuiusque creaturæ intellectus potest ita perfectè Deum intelligere, sicut ipse in seipso est perfectus.

Ad argumentum autem dicitur, quod quantum ad quantitatem extensiuam, quæ sumitur secundum multitudinem & paucitatem obiectorum, non oportet operatione adæquare essentia, vt non possit ad plura se extendere, quam essentia operantis: neque ad aliquid aliud quam sit ipsa substantia, sed quantum ad quantitatem intensiuam quæ consistit in efficacia operandi, de qua hic loquitur S. Thom. ipsam oportet essentia adæquare. Vnde non inquit S. Thom. operationem aliorum intelligibilium posse pertingere ad diuinum effectus quoniam ipsum Deum non possunt alia ita perfectè intelligere, sicut in seipso perfectus est.

Quinto, Diuinum intelligere est totum simul æternaliter existens, nostrum autem intelligere successionem habet in quantum per accidens adiungitur ei continuum & tempus: ergo diuina beatitudo in infinitum excedit humanam, sicut duratio eternitatis excedit nunc temporis fluxus. Probatur consequentia, quia quanto aliquid est magis vnitum, tanto bonitas eius & virtus perfectior est, præsertim si non in momento transeat, sed in æternum maneat.

CIRCA antecedens dubitatur, quia licet nostrum intelligere successionem habeat, in quantum ei per accidens adiungitur continuum & tempus: per se tamen est in instanti, & totum simul, vt dicitur Veri. q. 8. ar. 14. & 12. & 4. Sen. d. 49. q. 3. ar. 1. ad primum. & sic in seipso successionem non habet quasi vna pars intellectus alteri parti succedat, ergo non differt nostrum intelligere ab intelligere diuino, quasi illud sit vnitum & totum simul, nostrum autem non sit totum simul. Circa conclusionem quoque illatam dubitatur, quia non videtur sequi ex præmissis: nam dicitur in præmissis, quod nostrum intelligere est successiuum, ergo non in instanti, sed in tempore: ergo diuinum intelligere non comparatur ad nostrum, sicut æternitas ad nunc temporis fluxus, vt inferitur.

AD huius euidentiam considerandum est, quod licet operatio intellectus per se instantanea sit, & tota simul existens, & per consequens mensura ei primo & per se conueniens sit indiuisibilis: tamen quia necessarii requirit phantasia operationem quæ continuitatem quandam habet & successionem, dum per modum continui & existentis in tempore singulare apprehendit, & ipsa operatio intellectus dicitur per accidens successiuum non quidem quia vna eius pars vna parte temporis mensuretur, & alia pars alia parte, cum, vt dictum est, tota simul sit: sed quia ipsa phantasia operatio quæ intellectui necessaria coniungitur, successionem habet: & hoc est quod inquit sanctus Thomæ, quoniam intelligere nostrum successionem habet, in quantum per accidens adiungitur ei continuum & tempus, id est, habet successionem, non quidem in seipso, sed in phantasia operatione sibi coniuncta, in qua est & continuitas & successio, sicut esse substantiale rei incorruptibilis per aliud dicitur in tempore esse, & successionem habere, quia licet ipsum totum simul sit, subest tamen transmutationi in qua est prius & posterius, ratione cuius potest dici non esse totum simul.

Vtū nostrum intelligere sit successiuum.

Dicitur

Dici per essentiam tale dupliciter contingit.



Dicitur ergo ad primum dubium, quod dissimilitudo inter nostrum intelligere & diuinum, est, quia licet nostrum intelligere in seipso totum simul sit, ratione tamen necessario adiuncti non est totum simul, præsertim in cognitione enuntiabili: ideo non est omnino vnitum, intelligere autem diuinum omnino vnitum est: quia nec per se, nec per aliud successionem habet, ideo est perfectius intelligere diuinum, quam sit nostrum intelligere. Posset etiam dici, quod licet vna actio intelligendi non habeat successionem, tota tamen intellectio humana in qua naturalis felicitas nostra consistit, successionem habet: quia non vno actu intelligendi cognoscimus ea quæ Dei sunt, sed pluribus sibi inuicem succedentibus, cum mediantibus phantasmatibus Deum in hac vita cognoscimus, non ducat autem vnum phantasma in cognitionem omnium quæ de Deo cognoscuntur, Deus autem vna operatione omnia engendat, ideo eius cognitio magis vnita est, & per consequens perfectior beatitudo.

Ad secundum dubium respondetur, sequendo primam responsionem ad primum dubium, quod licet vna operatio intelligendi per accidens sit in tempore, vt diximus: primo tamen & per se est in instanti, cum sit tota simul, ideo cum operatio diuini intellectus quæ est eius felicitas, sit æterna, comparatio eius ad operationem intellectus nostri naturalem, quæ est nostra felicitas, quam propriis viribus acquiritur, est comparatio etiam æternitatis ad nunc temporis fluxus: quia sicut se habent mensurata adiuuicem in perfectione, ita & mensuræ eorum naturales & per se.

Sexto, Contemplatio nostra in qua præcipue consistit humana felicitas siqua est præsentis vite (quod dicitur, quia vita humana magis continua miseria est quam aliquid felicitatis habeat) interpolata est propter fatigationem & occupationes varias: est etiam subiecta erroribus, dubitationibus, & variis casibus, non autem felicitas diuina. Ergo felicitas diuina incomparabilis est humanæ, præsertim huius vite.

Septimo, Beatitudo diuina omnes beatitudines humanas complectitur, ergo, &c. Probatur antecedens discutendo per singulas beatitudines. De contemplatiua enim habet perfectissimam sui & aliorum considerationem. De actiua, totius Vniuersi gubernationem. De falsa autem, quæ non habet nisi quandam vmbra illius perfectissimæ felicitatis: habet pro voluptate excellentissimam de se delectationem & vniuersale gaudium de omnibus bonis abique admixtione contrarij: pro diuitiis, omnimodam sufficientiam omnium bonorum: pro potestate, inuictam virtutem: pro dignitate omnium entium primatum & regimen: pro fama, admirationem omnis intellectus ipsum vtrunque cognoscentis.

ADVERTENDVM ex Aristot. 10. Ethic. quod duplex est felicitas, scilicet speculatiua quæ in actu sapientiæ consistit, & actiua, quæ consistit in usu moralium virtutum, & principaliter in actu prudentiæ, cuius est actus

omnium virtutum dirigere. Ideo felicitatem contemplatiuam ponens sanctus Thomas in Deo, inquit, quod habet perfectissimam sui & aliorum cognitionem perpetuam: hoc enim ad sapientiam pertinet, vt in se omnes habitus speculatiuos comprehendit. Actiua autem felicitatem sibi attribuit ratione gubernationis. Vniuersi enim omnes virtutes morales aut circa extrinsecas bona sunt, aut circa bona corporis, aut circa animi passiones, ad quæ omnia secundum rationem prudentiæ aliarum virtutes morales se extendunt: & sic tota felicitas actiua in quadam gubernatione aut sui, aut alterius consistit secundum rectam rationem: maius autem est Vniuersum gubernare, quam vnum hominem solum, & quam domum, aut regnum: quod per virtutes morales & maxime prudentiam fit. Ideo felicitas actiua excellentiori modo conuenit Deo quam hominibus, sicut etiam & felicitas speculatiua: & longe altioris rationis est felicitate humana. Vnde non sunt duæ felicitates in Deo, sicut in nobis, sed vnica eminenter & vnite continens quicquid in omni nostra felicitate multipliciter & diuifim continetur.

CIRCA felicitatem speculatiuam dubitatur. Nam ad rationem felicitatis concomitanter pertinet vt appetitus quietetur, & per consequens vt delectetur, cum delectatio non sit aliud quam quies appetitus, sed intellectus speculatiuus non mouet appetitum, sed tantum practicus, vt inquit sanctus Thomas. Prima secundæ, quæ 9. art. 1. ad secundum. & est de mente Philosophi 3. de Anima. ergo male ponitur felicitas aliqua speculatiua.

Respondetur, quod dupliciter potest moueri voluntas apprehensione. Vno modo ad querendum id quod apprehenditur. Alio modo ad quiescendum in re apprehensa. Ad primum motum requiritur apprehensio practica qua iudicatur aliquid esse volendum & querendum tanquam bonum & conueniens: & de hac motione loquuntur sanctus Th. & Arist. Ad secundam autem motionem non requiritur apprehensio practica, quia ad delectationem sufficit adeptio boni conuenientis & cognitio talis adeptionis, vt dicitur Prima secundæ, quæ 32. art. 1. vnde cum cognitio speculatiua sit bonum intelligentis, & præsertim circa perfectionem intelligibile, ipsa cognitio speculatiua habita & cognita in esse, delectationem ex naturali concomitatum causat. Ipsi Deo igitur qui perfectissime beatus est, honor sit & gloria pro hac primi Libri Interpretatione.

Interpretationis in primum Librum  
contra Gentiles, sancti Thomæ Aquinatis, &c.

FINIS.

Duplex est felicitas, scilicet contemplatiua & actiua.

Vtrum sit aliqua felicitas contemplatiua ponenda.



## FR. FRANCISCI DE

SYLVESTRIS FERRARIENSIS,

ARTIVM ET SACRAE THEOLOGIAE

professoris celeberrimi, Ordinis Prædicatorum, quon-  
dam Generalis Magistri, in secundum Librum

Diui Thomæ Aquinatis, contra

Gentiles, Commentaria

præclarissima.

\* \* \*

## LIBER SECVNDVS DE VE-

ritate Catholica fidei, contra errores Gentiliū, editus  
à diuo Thoma Aquinate, Ordinis Prædicatorum,  
doctore excellentissimo.

Continuatio sequentium ad præcedentia.

## Cap. I.



EDITATVS sum in omnibus  
operibus tuis, & in factis manū  
tuarum meditabar. Rei cuiusli-  
bet perfecta cognitio haberi non  
potest, nisi eius operatio cogno-  
scatur. Ex modo enim operationis  
& specie, mensura & qualitas vir-  
tutis pēlatur, virtus verò naturam  
rei monstrat: secundum hoc enim  
vnumquodque natum est operari,  
quod actu talem naturam sortitur.

†Tex. cap. 16.

Est autem duplex rei operatio, vt Philosophus tradit in 9.  
Metaphysic. Vna quidem quæ in ipso operante manet, & est  
ipsius operantis perfectio, vt sentire, intelligere, & velle.  
Alia verò quæ in exteriorem rem transit, quæ est perfectio  
facti quod per ipsam constituitur: vt calefacere, secare, & æ-  
dificare. Vtraque autem dictarum operationum competit  
Deo: prima quidem, in eo quod intelligit, vult, gaudet, &  
amat, alia verò, in eo quod res in esse producit, & eas conser-  
uat, & regit. Quia verò prima operatio perfectio operantis  
est, secunda verò perfectio facti, agens autem naturaliter prius  
facto est, & causa ipsius, oportet quod prima dictarum ope-  
rationum sit ratio secunda, & eam præcedat naturaliter, sicut  
causa effectum. Quod quidem in rebus humanis manifestè  
apparet. Consideratio enim & voluntas artificis principium  
est & ratio ædificationis. Prima igitur dictarum operationum  
tanquam simplex operantis perfectio, Operationis vendicat  
sibi nomen, vel etiam Actionis. Secunda verò eò quod sit per-  
fectio facti, Factionis nomen assumit, vnde manufacta dicun-  
tur, quæ per actionem huiusmodi ab artifice in esse procedūt.  
De prima autem Dei operatione in præcedenti Libro iam  
diximus, vbi est actum de cognitione & voluntate diuinā;  
vnde ad completam diuinæ veritatis considerationem restat  
nunc de secunda operatione tractare, per quam, scilicet, res  
producentur & gubernantur à Deo. Quem quidem ordinem  
ex præmissis verbis sumere possumus. Præmittit nanque  
primæ operationis meditationem, cum dicit, Meditatus sum  
in omnibus operibus tuis: vt operatio ad diuinum intelli-  
gere vel velle referatur. Subiungit verò factionis meditatio-  
nem, cum dicit, Et in factis manuum tuarum meditabar: vt  
per facta manus ipsius, intelligamus cælum & terram, & o-  
mnia quæ procedunt in esse à Deo, sicut ab artifice manufa-  
cta procedunt.

## Super cap. I.



XPEDITO Libro, in quo sanctus Thomas de his quæ  
Deo secundum seipsum conueniunt, determinauit, ac-  
cedendum est ad expositionem secundi Libri, in quo  
de processu creaturarum à Deo pertractat. Diuiditur  
autem in duas partes principales, scilicet in Processum  
& Tractatum. Quantum ad primum duo facit. Primum  
enim manifestat intentionem suam in generali: secun-  
dò in speciali diuidendo Librum. Quantum ad primum  
duo facit. Primum ostendit necessitatem huius considerationis: secundò eius  
utilitatem. Primum ergo in hoc cap. continuans hunc Librum ad præceden-

tem, ponit hanc conclusionem, Ad completam diuinæ veritatis manifesta-  
tionem oportet secundo loco de operatione diuinā qua res producentur in  
esse & conseruantur, tractare. Et quia hæc conclusio duas partes includit,  
scilicet quod oportet de hac operatione tractare, & quod secundo loco, ideo  
primò probat primā partem, secundò secundam. Probatur ergo prima pars  
tali ratione, Perfecta rei cognitio haberi nō potest, nisi eius operatio cogno-  
scatur, sed est duplex operatio diuinā, scilicet immanens & transiens, qua  
res producentur in esse & gubernantur: ergo ad habendam perfectam Dei  
cognitionem, quantum scilicet in hac vita haberi potest, oportet vtramque  
eius operationem cognoscere, ergo qui vult diuinæ veritatis manifestatio-  
nem facere cōpletam, debet non solum de prima operatione, sed etiam de se-  
cunda tractare. Minor probatur, distinguendo duplex genus operationis,  
authoritate Philosophi, 9. Metaphysic. tex. 16. Deus enim intelligit, vult, gau-  
det, & amat quæ ad primum genus operationis pertinent, res quoque in esse  
producit & gubernat, quod ad secundum operationis genus spectat. Maior  
verò probatur, Ex modo & specie operationis, mensura & qualitas virtutis  
pensatur & cognoscitur, sed virtus rei naturam demonstrat, cum vnumquod  
que natum sit operari, eò quod talem naturam sortitur: ergo & operatio rei  
naturam monstrat, ergo necessaria est eius cognitio ad rem perfectè cogno-  
scendam.

CIRCA conclusionem aduertendum, quod non inquit sanctus Thom. ad  
manifestationem diuinæ naturæ, sed ad manifestationem diuinæ veritatis,  
oportet de operatione diuinā transeunte tractare, quia licet diuinā natura  
& diuinā veritas idem realiter sint, nō tamen determinatur in hoc Lib. de di-  
uinā natura, nisi quantum ad veritatem, quam fides catholica de ipsa profi-  
teretur, vt ipsemet dixit superius in 1. Libro, cap. 2.

CIRCA maiorem propositionem considerandum, quod cum duplex sit  
modus cognitionis, scilicet à priori, & à posteriori, in vtroque modo cogno-  
scendi vera est propositio sancti Thom. operatio enim virtuti proportionat-  
ur, habetque cum ipsa affinitatem: & virtus proportionatur naturæ vt eius  
proprietas, ideo si habetur à priori noticia de re dum perfectè cognoscitur  
rei natura & substantia: cognoscatur etiam virtus quæ talem naturam inse-  
parabiliter naturaliterque consequitur, ex cognitione quoque virtutis cogno-  
scitur ad quam operationē ipsa ordinatur, cum virtus sit secundum quam res  
nata est operari. Si autem à posteriori habenda sit rei perfecta noticia, cum  
à notioribus nobis incipiat nostra cognitio, & operatio sit nobis notior vir-  
tute, virtusque substantia rei notior sit, necesse est vt rei propria operatio co-  
gnoscatur, si debeat ipsa res cōpleta noticia cognosci. Accipit autē san. Tho.  
propositionē hanc maiorem indistinctè, non determinando se ad hunc aut  
illud modum cognitionis, cum in vtroque vera sit, licet diuinā natura non  
possit à nobis nisi per effectus & operationes cognosci.

CIRCA illam propositionem assumptam ad probationem maioris, Ex  
modo & specie operationis, mensura & qualitas virtutis pensatur: attenden-  
dum quod duo attribuit san. Thom. operationi, scilicet modum & speciem,  
quibus correspondere facit mensurā & qualitatem virtutis, vt videlicet mo-  
do operationis correspondeat mensura virtutis: speciei verò qualitas, id est,  
species virtutis. Nam qualitas rei aliquando accipitur pro specie rei. Vnde &  
differentia substantialis dicitur significare quale quid. Hanc autem coordi-  
nationem facit, quia species operationis, secundum quam scilicet habet quod  
sit talis naturæ operatio, ab alia operatione secundum substantiam rationem  
distinctam sumitur à forma per quam agens agit, vt in plerisque locis inquit  
sanctus Thomas, præsertim Prima secundæ, q. 1. art. 3. modus autem operatio-  
nis qui est intensio & remissio, siue perfectio & imperfectio, refertur in perse-  
ctionem aut in imperfectiōnem ipsius formæ agentis: & quia virtus rei est  
ipsa forma, per quam agens agit immediate & proximè (virtus enim semper  
nominat principium actionis, præcipue virtus causæ, vt dicitur 4. Sentent.  
distinct. 1. q. 1. art. 4. q. 2.) ideo species operationis refertur in qualitatem  
& speciem virtutis, & modus ipsius in mensuram, id est, in quantitatem per-  
fectionalem virtutis: secundum enim quod est virtus perfecta vel imperfecta  
in agente, ita operatio perfecta vel imperfecta est.

Etiā aliquando inquit sanctus Thomas, operationem speciem sumere ex  
obiecto, illud non contradicit ei quod diximus, ipsam sumere speciem à  
forma agentis: vtrumque enim verum est, quia forma rei generat quæ est ob-  
iectum generationis, conformis est formæ generantis, & vniuersaliter ter-  
minus, & obiectum actionis conforme est principio & virtuti per quam o-  
perans operatur. Videmus enim quod calor productus in ligno ab igne, af-  
similatur calori ignis: & sensibile ac intelligibile habent in sensu & in-  
tellectu suas species, à quibus sensatio & intellectus procedit, velut à for-  
ma agentis, & complemento virtutis. Quia ergo species operationis in qua-  
litate siue speciem virtutis refertur, & modus in mensuram, ideo rectè di-  
citur q. ex modo & specie operationis pensatur mensura & qualitas virtutis.

Secundam verò partem conclusionis probat, præmittendo prius differen-  
tiam inter actionem immanentem & transeuntem, & duplicem differen-  
tiam tangit. Prima est, quia immanens est ipsius operantis perfectio: transiens  
autē est perfectio facti, ex quo habet vna vt dicatur operatio & actio, altera  
verò vt

Perfecta rei co-  
gnitio haberi  
non potest nisi  
eius operatio  
cognoscatur.

Ex modo & spe-  
cie operationis  
mensura & qua-  
litas operatio-  
nis pensatur.

Operationem  
sumere specie  
ab obiecto & à  
forma agentis  
nō opponitur.

Actio transiens  
est aliquo mo-  
do perfectio fa-  
cti, & aliquo  
modo perfectio  
facientis.



verò ut dicatur factio, unde & per eam producta manufacta dicuntur. Secunda est, quia prima operatio est naturaliter prior secunda. Nam secundum ordinem perfectibilium est ordo perfectionum, agens autem est naturaliter prius factio, & causa eius: ideo actio immanens quæ est perfectio agentis, est naturaliter prior transeunte, quæ est perfectio facti, & est eius ratio. Confirmatur exemplariter in ædificatione.

CIRCA primam differentiam considerandum est primò, quòd cum actio transeat duo importet in sua ratione, ut habet sanctus Thomas Prima p. quæst. 41. art. 1. ad secundum, & q. 45. art. 1. ac 3. & 3. Physic. scilicet motum, & originem motus ab agente. Si consideretur actio quantum ad motum, quem importat, sic est perfectio facti: motus enim est in mobili, ut dicitur 3. Physic. si autem consideretur quantum ad habitudinem originis, sic est perfectio agentis considerata relatione, ut accidens est. Primo modo loquitur hoc loco sanctus Thomas de actione, non autem secundo modo, imò Potent. q. 7. art. 10. dicitur quòd actio est quædam perfectio propria agentis.

CONSIDERANDVM secundò, quòd actio aliquando dicitur perfectio facti, aliquando autem patientis perfectio: & utrumque verum est, sed diuersimodè. Est enim perfectio patientis, sicut subiecti actionem recipientis & per ipsam informat: est autem perfectio facti, si consideretur ut formaliter distincta à termino actionis, sicut formalis productio forme aliquo modo, & sicut via per quam ad perfectionem operis peruenitur: sicut calefactio est formalis productio caloris per quam calefactum est: & domesticatio productio forme per quam est domus. Si autem accipiatur actio ut est idem productio formalis termino actionis materialiter, sic est perfectio facti, sicut forma est perfectio compositi, à qua compositum suam speciem habet, hoc modo dicimus lucem esse actum & perfectionem lucidi sicut constituti in specie per ipsam lucem: quæ etiam dicitur perfectio & actus diaphani itaque subiecti recipientis lucem. Nullo autem modo actio, ut actio est, dicit perfectionem agentis per modum inherens, quia significatur non ut aliquid in agente existens, sed ut ab ipso in aliud transiens.

CIRCA secundam differentiam, quantum ad rationem qua probatur actionem immanentem esse naturaliter priorem transeunte, dubitatur. Non enim videtur ratio concludere formaliter. Nam relatio agentis ad passum, non est naturaliter prior relatione patientis & facti ad agens, cum relatio sit simul natura, & tamen relatio agentis est perfectio agentis & relatio patientis est perfectio patientis: ergo similiter non sequitur, Actio immanens est perfectio agentis, transeunt autem perfectio patientis: ergo immanens est naturaliter prior transeunte, quia agens est naturaliter prius factio.

Respondetur, quòd agens dupliciter est in actu completo, scilicet primo ac absoluto, & secundo ac relativo. In actu quidem primo est, quando habet omnem formam quæ ex parte sua exigitur ad agendum: in actu autem secundo, quando actualiter coniungitur actioni. Et quia agens per intellectum aliquid ad extra, non agit nisi ex conceptione & intentione rei producendæ, ideo constituitur in actu primo agentis, quando in se format huiusmodi conceptionem, intendens secundum ipsam operari: est autem in actu secundo quando operatur secundum quòd concepit. Ratio ergo sancti Thomæ procedit de perfectione absoluta agentis, per quam in actu primo agentis constituitur: non autem de actu relativo actum secundum concomitante aut sequente, de quo obiectio procedit. Est enim vniuersaliter verum, quòd si perfectum aliqua perfectione in quantum huiusmodi est naturaliter prius alio perfectibili, oportet & perfectionem ipsum constituentem in tali etiam perfectio priorem esse naturaliter perfectione alterius: & si ipsum perfectum est causa alterius perfecti, oportet eius perfectionem per quam in esse huiusmodi constituitur, esse causam perfectionis alterius, cum ex ipsa perfectione habeat quòd sit agens & perfectum.

Hic itaque differentia suppositis actionum, probat secundam partem conclusionis, scilicet, Actio immanens est prior transeunte: ergo de ipsa prius fuit determinandum, non probat autem consequentia: quia supponit ipsam manifestam ex eo quòd de prioribus prior sit determinatio.

VBI ADVERTENDVM, quòd licet secundum viam scientiæ per inuentionem ex ipsis rebus acquirendæ, posteriora quandoque à nobis prius cognoscantur, ut dicatur notitia à posterioribus accipi, via tamen doctrinæ secundum quòd aliquis rerum notitiam scripto tradit, debet à prioribus procedere circa idem subiectum, præsertim quando possunt priora manifestari absque posterioribus ad ipsum scientiæ subiectum pertinentibus. Sic autem est in proposito, quia potest manifestari actus immanens diuinus absque manifestatione eius actus transeuntis: ideo de actu immanente prius determinandum fuit. Probat postremò tota conclusio auctoritate Psalmistæ assumpta in principio capituli, Meditatus sum in omnibus operibus tuis, & in factis manuum, &c.

CIRCA dicta in hoc capitulo dubium occurrit, quia videtur sanctus Thomas hic velle actionem transeuntem esse subiecti in patiente, cum inquit ipsam quidem esse perfectionem facti, immanentem autem esse perfectionem agentis.

Contra hoc autem arguitur ex verbis eius multipliciter. Primò, quia 1. Sent. dist. 32. artic. 1. inquit quòd actio significatur ut ab agente, & quòd sit in agente, hoc autem accidit sibi secundum quòd est accidens. Simile inquit potent. quæst. 7. art. 9. ad septimum.

Secundò, quia Potent. quæst. eadem arti. 10. ad primum, inquit quòd actio est quædam perfectio propria agentis, idem tenet Veritat. quæst. 4. artic. 2. ad septimum.

Tertiò, quia 1. Sentent. dist. 40. artic. 1. ad primum, & de Potentia quæst. 8. art. 1. Item secundum Sentent. dist. 40. quæst. 2. art. 4. ad primum, absolute tenet actionem esse in agente.

Quartò, quia Prima parte, quæst. 15. art. 1. ad secundum respondens, in quo arguebatur, si in Deo esset potentia, quòd aliquid esset nobilius aliquo existente in Deo, scilicet actio, inquit quòd ubi actus distinguitur à potentia, oportet ut sit nobilior potentia: actio autem diuina non est aliud ab eius potentia, sed vtrumque est essentia diuina. Simile in plerisque aliis locis inquit. Quæritur ergo an actio dicat aliquid ex sua ratione existens in agente præter motum & relationem, aut dicat tantum motum & relationem. Si primum, habetur propositum, quòd scilicet actio est in agente. Si secundum, contra arguitur primò, Ratione motus actio non identificatur essentia diuina, tum quia actio diuina non est cum motu, ut inquit sanctus Thomas 2. Sentent. dist. 8. quæst. 4. artic. 3. ad tertium, & 2. Sentent. dist. 17. quæst. 1.

art. 2. ad quartum, & in plerisque aliis locis: tum quia si esset etiam cum motu, non posset identificari diuinæ substantiæ, eò quòd motus dicat aliquid imperfectum: nec etiam ratione relationis, quia relatio Dei ad creaturas nihil ponit in Deo nisi secundum rationem, ut in infinitis propè locis inquit sanctus Thomas, ergo non erit verum quòd inquit, scilicet actionem diuinam transeuntem, (de hac enim ibidem est sermo) suæ potentia identificari. Secundò, quia non erit verum, quòd actus sit nobilior potentia, Nam nullo illorum est nobilior potentia actiua motoris Saturni.

CIRCA hanc difficultatem, variae sunt opiniones in doctrina S. Tho. quidam enim tenent propter ea quæ adduximus, actionem esse in agente si essentialiter sumatur, alij verò ipsam esse in patiente. Primam opinionem ego Scoticam potius quam Thomisticam puto, ideo secundam secundo probabo quantum ad absolutum per actionem importatum actionem esse in patiente: & hoc de mente sancti Thom. Commentatoris, & ipsius etiam Aristotelis. Quòd sit de mente sancti Thomæ, probatur primò, supponendo quòd actio transeuntis nihil importat præter motum & relationem agentis ad patientem, siue ad factum. Hoc est de mente sancti Thom. Prima p. quæst. 41. art. 1. ad secundum & quæst. 45. art. 2. ad secundum. Tunc sic, Actio nullum absolutum importat præter motum, sed motus est in mobili, non autem in mouente, ut dicitur 3. Physic. & 3. de Anima, ergo actio est in patiente, non in agente.

Ad suppositum huius rationis dupliciter respondetur. Primò quòd est in intelligendum de actione in quantum actio est, non autem in quantum est accidens vel substantia. Secundò quòd intelligitur de actione concomitante sumpta, quæ scilicet est forma facta per actionem in patiente, non autem de actione sumpta essentialiter, quæ est emanatio ipsa, qua introducit forma in patiente, quo modo hic loquimur de actione.

Contra primam responsionem arguitur. Primò, Aut illa entitas quam ponis præter motum & relationem, est de essentia actionis ut actio est, aut non: si non, ergo actio formaliter & essentialiter sumpta nihil ponit in agente, sed de actione essentialiter & formaliter sumpta loquimur: ergo nihil actio in agente ponit, & sic habetur propositum, quamuis ponere aliquid quòd est præter rationem & essentia actionis esse in agente, si est de essentia actionis, ergo conuenit sibi in quantum actio, ergo actio in quantum actio dicit aliquid præter motum & relationem, cuius oppositum inquit S. Tho. ergo tua responsio non saluat dictum sancti Tho. Si dicatur quòd est de essentia actionis non in comuni accepto, sed prædicamentalis, quæ in sua ratione includit accidens, & ideo conuenit sibi ut est actio prædicamentalis, non autem ut absolute actio, contra, quia sanctus Thomas etiam ibidem loquitur de essentia actionis prædicamentalis, quæ motum includit, & illam inquit nihil præter motum & relationem importat, ergo responsio non est ad mentem eius.

Secundò, cum dicis, Actio in quantum actio, aut specificas rationem actionis transcendens, aut actionis prædicamentalis: si transcendens, falsum erit quòd de ratione actionis sit mutatio, quia actio diuina est sine motu & mutatione etiam secundum Auic. Si prædicamentalis, ergo actio prædicamentalis nihil dicit existens in agente quòd sit de ratione ipsius, cum actio in quantum actio prædicamentalis nihil dicat præter motum & relationem secundum sanctum Thom. ut tu exponis, licet dicat aliquid aliud in quantum accidens.

Tertiò, quia in 45. quæst. ubi supra, ex eo quòd actio non dicit nisi motum & relationem, cum creatio non sit mutatio, concludit sanctus Thomas, quòd non remanet nisi diuersæ habitudines in creante & creato: hoc autem verum non esset, si actio in quantum accidens diceret aliquid præter motum & relationem, diceretur enim quòd licet creatio non sit mutatio, dicit tamen aliquid quam entitatem absolutam existentem in creante, & sic creatio non erit sola relatio.

Contra secundam responsionem arguitur. Primò quia sanctus Thomas in Prima p. quæst. 41. inquit quòd actio secundum primam nominis impositionem importat originem motus, ideo remoto motu nihil aliud importat quam ordinem originis, constat autem quòd nomen actionis non est primò impositum forme productæ per actionem, sed ipsi essentia actionis: imò si dici possit, Forma facta actio, hoc est secundariò, & per quandam derivationem, ergo, &c.

Secundò, quia ibidem quærit sanctus Thomas. Vtrum actus notionales sint Personis attribuendi, & ostendit quòd sic, non obstante quòd secundum August. omne quòd de Deo dicitur, dicatur secundum substantiam, aut secundum relationem, quia ipsi actus sunt idem cum relationibus. Manifestum est autem quòd non queritur de ipso actu quantum ad formam productam, sed quantum ad essentiam, secundum quam de persona formaliter & intrinsicè prædicatur, & ad idem tendit responsio, ergo, &c.

Tertiò, quia quæst. 4. quod inquit sanctus Thomas, dicitur, ut ostendatur posse aliquid ex nihilo fieri, quia videlicet, creatio non est mutatio, sed relatio per modum mutationis significata: hoc autem non ostenderetur, si loqueretur de actione pro forma facta, cum inquit quòd actio & passio conueniunt in substantia motus, & differunt secundum habitudines. Per hoc enim non habetur quòd subtrahendo motu remaneat in creante sola habitudo per modum mutationis significata, quæ sit creatio, quia sanctus Thomas loquitur de ipsa creatione formaliter sumpta, non autem de creatione sumpta concomitante: quicquid enim ista importet, non habetur quòd creatio secundum quam Deus dicitur formaliter & intrinsicè creare, sit sola relatio per modum mutationis significata. Mirum etiam est quòd sanctus Thomas, in istis locis ubi ex consideratione actionis declarat quid actus notionales, & quid creatio formaliter importent, fecerit mentionem solum de motu & relatione concomitante se habente ad actionem essentialiter sumptam, nullam faciens mentionem de illa entitate absoluta, quam dicis essentialiter actionem esse, & esse in agente, cum magis proposito conueniret ostendere, quid in creaturis formaliter & essentialiter actio importaret, quam quid importet actio concomitante sumpta.

Secundò principaliter ostenditur hoc esse de mente sancti Thomæ. Nam Prima parte, quæst. 37. art. 2. & Potent. q. 7. art. 10. ad octauum, inquit quòd conuenit denominari aliquid ab eo quòd non est forma, sicut agens denominatur ab actione quæ ab ipso procedit: ergo actio non est forma agentis. Nec valet dicere quòd quantum ad modum significandi actio significatur ut ab agente, quantum autem ad rem significatam est in agente: quia in De Potent. ubi supra, oppositum huius inquit sanctus Thomas: vult enim ibidem quòd actio realiter non est forma agentis quòd denominat, licet significet.

Contra Gent.

Actio transeuntis secundum mentem S. Tho. est in patiente.

Actio est perfectio patientis, & perfectio facti, sed diuersimodè.

Quomodo sequitur actionem immanentem esse priorem naturaliter transeunte: quia ipsa est perfectio agentis, illa vero perfectio facti.

Vtrum actio transeuntis sit in agente an in patiente.



tur per modum formæ Grammaticæ loquendo.

Tertio, Prima parte. q. 18. art. 3. ad primum, ponitur differentia inter actionem immanentem & transeuntem, sicut & in hoc loco, quia transiens est perfectio moti, immanens autem est perfectio agentis, ergo, &c. Nec sufficit dicere quod intelligitur de illo quod per actionem producit: tunc quia quum ponitur formalis differentia actionum: ut videtur velle sancti Thomae. ponere ex sententia Aristotelis, non consideratur in quo sint termini ipsarum actionum sed cuius ipsarum actiones sint perfectiores: tum quia sentire quod numeratur inter actiones immanentes, nullum habet terminum productum, maxime sentire sensus exterioris, ergo non debet immanens à transeunte denominari, eò quod terminus productus per immanente sit in agente, terminus autem transeuntis sit in patiente, aut ipsum factum perficiat.

Quarto, quia Prima parte. q. 14. art. 1. ad ultimum, dicitur quod actio quæ transit in aliquid extrinsecum, est realiter media inter agens & subiectum, non autem immanens inter agens & obiectum, ergo idem non est agens & subiectum actionis. Non valet autem dicere quod loquitur de forma facta, quia responsio illa datur ad argumentum quo probatur intelligere Angeli esse eius substantiam: constat autem quod ibi intelligitur de ipsa actione intellectus essentialiter sumpta, non autem de termino per actionem productum, sicut & in questione de ipso actu intelligendi queritur. Ergo oportet ut differentia ad actionem transeuntem de actione transeunte essentialiter sumpta accipiat, alioquin differentia illa ad propositum non esset. Multa alia loca ad propositum hoc, ex sancti Thomae adduci possent: sed hæc satis nunc sunt.

Quod secundum mentem Arist. & Com. actio transiens est in patiente.

QVOD etiam hoc sit de mente Aristotelis & Commentatoris probatur. Primo modo, quia 3. Physic. text. 18. inquit quod actio motoris & motus est eadem, quemadmodum est idem spatium in respectu duorum, &c. text. autem 20. inquit, quod non est inconueniens, actum alterius in altero esse, sicut doctio est actus docentis, in quodam tamen, scilicet in adficiente, ergo, &c. idem & clarius ponitur 2. de Anima, text. 140. &c.

Sidicatur quod accipit actionem non essentialiter, sed concomitanter pro forma facta, contra arguitur per Commentatorem, commen. 18. ubi inquit exponendo verba Aristotelis. Actio enim motoris, quæ est mouere, est eius, non in eo, & hoc intendebat Aristoteles. Motor enim, &c. id est, actio enim motoris est facere motum in alio, ergo non accipitur actio pro forma facta, ut distinguitur ab actione, sed pro ipsa productione motus & formæ.

Secundo, 9. Metaphysicæ, text. 16. inquit Aristoteles, quod ubi præter operationem est aliquid operatum, operatio est actus facti, ut edificatio in edificatio, & contextio in contextio, & vniuersaliter motus in moto. Nec valet dicere quod accipit actionem concomitanter, videlicet pro effectu actionis. Nam exponens sancti Thomae. Arist. mentem ibidem, inquit quod ratio huius dicti est, quia quando per operationem potentia constituitur aliquid operatum, illa operatio perficit operatum, & non operantem. Constat autem quod operatum non perficit seipsum operatum, ergo actio non accipitur pro operato per actionem, cum dicitur quod perficit operatum, sed pro ipsa essentia actionis. Manifeste etiam ibidem patet quod ibi distinguitur actio ab opere operato, si diligenter verba sancti Thomae examinentur.

Perterea, inquit Philosophus, quod differentia potentialium, quoniam in aliquibus sit aliquid opus præter actionem, in aliquibus autem non, non facit quod in aliquibus harum potentialium minus sit actus potentia, & in aliquibus magis, quia ipsa actio est in facto, quasi dicat, Licet ubi præter actionem est aliquid operatum, ipsum operatum sit finis, per hoc tamen non tollitur quin etiam ipsa operatio sit finis, quia ipsa non separatur ab operato, sed est in ipso. Ideo si operatum est finis potentia, oportet etiam & actionem in ipso existentem, tanquam scilicet operati perfectionem esse finem. Constat autem quod ratio hæc nulla esset, & vana esset ista declaratio, si actio acciperetur concomitanter pro forma facta, non autem essentialiter pro ipsa productione formæ. Quid enim dictu esset, quod per illam potentialium differentiam non sit, ut in his actio sit minus finis, in his autem magis, si actio pro forma facta acciperetur? enim dixerat ipsum operatum esse finem, ergo accipit actionem essentialiter, ut ab operato distinguitur. Puto igitur de mente sancti Thomae & Philosophi esse, quod actio essentialiter sumpta sit in patiente subiectu, licet relatio quam connotat, sit in agente. Agens enim per virtutem suam appropinquatum passo disposito producit formam de esse imperfecto ad perfectum procedendo, loquendo de agente cum motu: & ipsa forma existens sub esse imperfecto cum tendentia ad perfectum, dicitur actio connotando respectum agentis ad id quod fit, quod significatur cum dicitur motus, ut ab hoc, eadem forma cum habet esse completum, dicitur forma facta Deo, sicut forma facta est in patiente, ita & actionem in patiente esse necesse est, nec oportet actionem dicere aliquam formam absolutam existentem in agente alioquin oportet agens inquantum agens pati, quod inconueniens est. Idem enim, proximum principium totale actionis, pura calor ignis, agendo calorem in ligno, in seipso actionem produceret, & sic agendo pateretur à seipso.

AD rationes autem in oppositum respondetur. Ad primum quidem dicitur quod illud dicit sanctus Thomas propter actionem immanentem: actio enim absolute accepta habet quod sit actio, & quod sit accidens ratione alicuius sue speciei: inherere autem subiecto non conuenit sibi vniuersaliter, neque per communem rationem actionis, quia ratio actionis ut actio est, consistit in esse ab alio non in inherere subiecto, sed si aliqua actio inheret agenti, ut actio immanens, hoc conuenit sibi inquantum accidens est, sicut etiam de relatione inquit sanctus Thomas: ideo si actio immanens inuenitur in agente, hoc non est propter communem rationem actionis, sed propter rationem accidentis.

Esse in agente conuenit actioni immanenti inquantum est accidens.

ADVERTENDVM tamen, quum dicitur quod esse in agente conuenit actioni immanenti inquantum est accidens, ly inquantum, non significat rationem accidentis in communi, quia per communem rationem accidentis nullum accidens determinat sibi magis hoc subiectum quam illud, sed speciem: ac speciem accidentis, & est sensus, Actioni quæ est in agente, conuenit esse in agente non quia contineatur sub ratione communi actionis, ut species eius, sed ut est species accidentis, inquantum enim est accidens procedens ab agente ut finis agentis, non autem ut per quod aliquid operatum produciatur habet quod in ipso agente remaneat.

ATTENDENDVM autem, quod non est contradictio in verbis sancti Thomae, inquit 1. Sent. ubi allegatur quod actio significatur ut ab agente, sed

est in agente ut accidens est, in De Potentia, autem ubi superius est adductum, ait quod actio non est realiter forma agentis, licet significetur per modum formæ. In 1. enim Sententia loquitur de actione immanente, in De Potentia autem de actione transeunte.

Ad secundum dicitur primum, quod actio dicitur propria perfectio agentis in q. De Potentia, non inherens, sed ab agente procedens: quæ ideo dicitur agentis perfectio, quia per ipsam aliquid bonum prouenit agenti, dum scilicet conseruatur esse speciei, aut aliquid huiusmodi, ut ibidem patet.

Dicitur secundum, quod in De Veri, loquitur sanctus Thomas de actione immanente.

Ad tertium dicitur, quod in illis locis loquitur sanctus Thomas de actione quantum ad relationem connotatam: relatio enim importata nomine Actionis est in agente, & relatio importata nomine Passionis est in patiente. Et vniuersaliter ubi dicitur à sancto Thomae actionem esse in agente, intelligendum est aut de relatione per actionem importata, aut de actione immanente.

Ad quartum dicitur primum, quod actio transiens nihil dicit essentialiter præter motum & relationem agentis: sed hæc in Deo non inuenitur, nisi tantum secundum modum significandi, & secundum efficaciam, ut inferius ostendetur, agere enim diuinum ad extrinsecum, est suum velle, & suum intelligere. Dicitur secundum ad primam improbationem, quod ideo ponit sanctus Thomas operationem & actionem diuinam quæ res in esse producit, suæ substantiæ identificate, non quia aliquid per actionem transeuntem importatum sibi identificate, ut argumentum supponit, sed quia non agit in rebus nisi per suam operationem immanentem, quæ suæ substantiæ & suæ potentia identificate, quod si infertur, quoniam Prima parte, ubi supra, ad quartum, duobus modis inquit posse intelligi in Deo esse potentiam adiuuam, scilicet ut sit aliquid differens secundum rationem à scientia & voluntate per modum principij exequentis, ita quod sint tria formaliter distincta, scientia, voluntas, & potentia, realiter tamen identificate, & ut sit ipsa scientia & voluntas diuina ut est principium effectiuum: & sic secundum primum modum oportet ponere actionem transeuntem in Deo, & per consequens non oportet recurrere ad actionem immanentem.

Respondetur primum, quod in veris exemplaribus non ponitur nisi prima responsio: secunda autem non est de text. ut ego in multis vetustis exemplaribus vidi. Respondetur secundum, admissis etiam illis duobus responsionibus, quod illi duo modi dicendi distinguuntur, quia in primo modo considerantur illa tria tanquam habentia disparatas rationes nobis conceptas, quarum scilicet vna alteram non includit, sicut distinguuntur in Deo misericordia & iustitia. In secundo vero modo considerantur, non tanquam habentia omnino distinctas rationes, sed sicut includens rationem vnius, & aliquid addens ad illam, sic enim potentia includit rationem intellectus & voluntatis, & addit rationem principij productiuum, non tamen propter hoc oportet ponere in Deo operationem propriam transeuntem. Sed eadem actio omnibus istis correspondet secundum diuersas rationes, quæ est quidem realiter immanens, sed secundum quod refertur ad intellectum & voluntatem, ut videlicet dicitur velle & intelligere non solum secundum rem est immanens, sed etiam secundum modum concipiendi. Secundum autem quod ad potentiam refertur, ut videlicet dicitur producere aut creare, licet sit secundum rem immanens, secundum tamen modum concipiendi est transiens: concipitur enim ut alterius factio quæ est ratio actioni transeunti conueniens: hoc autem est ex imperfectione intellectus nostri, non valentis diuinam actionem secundum quod in se est apprehendere, sed distincte concipientis ipsam, ut habet perfectionem operationis immanens, & ut habet perfectionem operationis transeuntis, licet in seipsa has perfectiones in distincte contineat.

Ad secundam improbationem dicitur, quod licet motus non sit nobilior potentia adiuuam motoris Saturni, inquantum est absolutus intellectus aut voluntas, est tamen nobilior illa, ut rationem potentia motui habet, quia ut sic ad motum tanquam ad finem ordinatur.

### Quod consideratio creaturarum utilis est ad fidei instructionem. Cap. 2.



Viusmodi quidem diuinorum factorum meditatio, ad fidem humanam instruendam de Deo necessaria est.

Primum quidem, quia ex factorum meditatione diuinam sapientiam vtiunque possumus, & admirari & considerare. Ea enim quæ arte fiunt, ipsius artis sunt representatiua, ut potest ad similitudinem artis facta, Deus autem sua sapientia res in esse produxit. Propter quod in Psal. 13. dicitur, Omnia in sapientia fecisti. Vnde ex factorum consideratione diuinam sapientiam colligere possumus, sicut in rebus factis per quandam communicationem suæ similitudinis impressam. Dicitur enim Ecclesiast. 1. Effudit illam (scilicet sapientiam) super omnia opera sua. Vnde Psalm. 138. quum diceret, Mirabilis facta est scientia tua ex me: confortata est, & non potero ad eam, & adiungeret diuinæ illuminationis auxilium, quum dicit, Nox illuminatio mea, &c. ex consideratione diuinorum operum se adiutum ad diuinam sapientiam cognoscendam confitetur, dicens Psalm. eodem, Mirabilia opera tua, & anima mea cognoscebat nimis.

Secundo, hæc consideratio in admirationem altissimæ Dei virtutis ducit, & per consequens in cordibus hominum reuerentiam Dei parit. oportet enim quod virtus facientis emittentis rebus factis intelligatur. ideo dicitur Sapient. 13. Si virtutem & opera eorum (scilicet cæli & stellarum, & elementorum Mundi) mirati sunt, scilicet Philosophi, intelligat quoniam qui fecit hæc, fortior est illis. & ad Rom. 1. dicitur, Inuisibilia Dei per ea quæ facta sunt, intellecta conspiciuntur: semper terna quoque eius virtus & diuinitas, Ex hac autem admiratione

Dei







contingit. Quod enim natura rei alicuius non patitur, ei non attribuitur, nisi quia eius natura ignoratur: sicut si homini attribueretur habere tres pedes. Quod autem solius Dei est, natura creaturæ non patitur: sicut quod solius hominis est, non patitur alterius rei natura. Ex hoc ergo quod natura creaturæ ignoratur, prædictus error contingit. Et cetera hunc errorem dicitur Sap. 14. Incommunicabile nomen lignis & lapidibus imposuerunt. In hunc errorem labuntur qui rerum creationem vel futurorum cognitionem, vel miraculorum operationem aliis causis quam Deo ascribunt.

Tertio verò, ex hoc, quod diuinæ virtuti in creaturas operanti aliquid detrahatur per hoc quod creaturæ natura ignoratur: sicut patet in his qui duo rerum principia constituunt, & qui res non ex diuina voluntate, sed ex necessitate naturæ à Deo procedere asserunt: & illi etiam qui res vel omnes vel quasdam diuinæ providentiæ subtrahunt: aut eum non posse præter solitum cursum operari negant. hæc enim omnia diuinæ derogant potestati: contra quos dicitur Iob 12. Quasi nihil possit facere Omnipotens, & stimabant eum. & Sapient. 12. Virtutem ostendis tu, qui non crederis esse in virtute consummatus.

Quarto, Homo qui per fidem in Deum ducitur sicut in vltimum finem, ex hoc quod ignorat naturas rerum, & per consequens gradum sui ordinis in Vniuerso, aliquibus creaturis se putat esse subiectum, quibus superior est, ut patet in illis qui voluntates hominum astris supponunt: contra quos dicitur Hierem. 10. A signis cæli nolite metui, quæ Gentes timeant. Et in illis qui Angelos creatores animarum existimant, & animas hominum esse mortales, & si qua similia hominum derogant dignitati.

Sic ergo patet falsam esse quorundam sententiam, qui dicebant nihil interesse ad fidei veritatem, quid de creaturis quisque sentiret, dummodo circa Deum recte sentiantur, ut Augustinus narrat in libro de Origine Animæ: nam error circa creaturas redundat in falsam de Deo scientiam: & hominum mentes à Deo abducit, in quem fides dirigere nititur, dum ipsas quibusdam aliis causis supponit. Et ideo illis qui circa creaturas errant, poenas sicut infidelibus Scriptura committitur, dicens in Psal. 27. Quoniam non intellexerunt opera Domini, & in opera manuum eius, destrues illos, & non ædificabis eos. Et Sapient. 2. Hæc cogitauerunt, & errauerunt. & subiungitur, Non iudicauerunt honorem animarum sanctarum.

#### Super cap. 3.

**S**ecunda conclusio est, Cognoscere naturas creaturarum, modo scilicet exposito in præcedenti cap. valet ad destruendum errores qui circa Deum sunt, probatur. Errores qui circa creaturas sunt, interdum à fidei veritate abducunt, secundum quod veræ Dei cognitioni repugnant: ergo ipsius creaturæ cognitio utilis est ad errores circa Deum destruendos. Consequentia ex se patet: antecedens autem probatur per enumerationem errorum pronentium ex ignorantia naturæ creaturarum.

Primus est eorum, qui nihil supra corporalem creaturam existimantes dixerunt creaturam, aliquam primam causam esse & Deum, sicut ponentes quodcumque corpus esse Deum, de quibus fit mentio Sapient. 13. Qui autem ignem, &c.

Secundus est eorum, qui ea quæ solius Dei sunt, ut creare, futura cognoscere, miracula operari, & similia, attribunt creaturis, quod ex creaturæ ignorantia manifestum est provenire: quia quod natura alicuius non patitur, ei non attribuitur: nisi quia eius natura ignoratur. Quod autem solius Dei est, natura creaturæ non patitur. Contra hunc errorem est Sapient. 14. Incommunicabile nomen, &c.

Tertius est eorum, qui diuinæ virtuti in creaturas operanti aliquid detrahunt, sicut qui duo rerum principia faciunt, & res à Deo ex necessitate naturæ provenire asserunt. similiter qui diuinam providentiam & Deum præter solitum cursum naturæ agere posse negant: contra quos est Iob 22. Quasi nihil, &c. & Sapient. 12. Virtutem, &c.

Quartus est eorum qui ex ignorantia gradus sui ordinis in Vniuerso putant hominem subiecti iis quibus superior est, ut sunt qui voluntates hominum astris supponunt. Contra quos est Hierem. 10. A signis cæli, &c. & qui Angelos animarum creatores faciunt, aut ipsas animas mortales ponunt, & si qua alia derogant hominis dignitati. Hic autem error à Deo abducit. Cum enim fides hominem ducat in Deum sicut in vltimum finem, & primam causam, hic error amouet hominem ab ipso vltimo fine, quasi non ipse se mouere ad Deum ut ad finem possit, sed aliis causis sit de necessitate suppositus.

Ex hoc eliditur error dicentium nihil interesse ad fidei veritatem, quid de creaturis sentiantur, dummodo circa Deum rectus sit sensus, ut Augustinus narrat in libro de Origine Animæ. Error enim circa creaturas redundat in falsam de Deo cognitionem. Vnde & errantibus circa creaturas, poenas Scriptura sicut infidelibus committitur in Psal. & Sapient. 2. Circa istos errores erit interius particularis consideratio: ideo circa eos nunc immorari non oportet.

Quod aliter considerat de creaturis Philosophus, & aliter Theologus.

#### Cap. 4.



**M**anifestum est autem ex prædictis, quod considerationem circa creaturas habet doctrina fidei Christianæ inquantum in eis resultat quædam Dei similitudo, & inquantum error in ipsis inducit in diuinorum errorem. Et sic alia ratione subiiciuntur prædictæ doctrinæ, & Philosophiæ humanæ. Nam Philosophia humana eas considerat secundum quod huicmodi sunt (vnde & secundum diuersa rerum genera diuersæ partes Philosophiæ inueniuntur) fides autem Christiana eas considerat non inquantum huicmodi, utpotè ignem, inquantum ignis est, sed inquantum diuinam altitudinem representant, & in ipsum Deum quoquo modo ordinantur: ut enim Eccle. 41. dicitur, Gloria Domini plenum est opus eius: nonne Dominus fecit enarrare Sanctos omnia mirabilia sua? Et propter hoc etiam alia circa creaturas & Philosophus & Fidelis considerant. Philosophus namque considerat illa quæ eis secundum naturam propriam conueniunt, sicut igni ferri sursum: Fidelis autè ea solum considerat circa creaturas quæ eis conueniunt, secundum quod sunt ad Deum relata, utpotè quod sunt à Deo creata, quod sunt Deo subiecta, & huicmodi. Vnde non est imperfectioni doctrinæ fidei imputandum, si multas rerum proprietates prætermittat, ut cæli figuræ, motus qualitatem. Sic enim nec Naturalis circa lineam illas passionis considerat, quas Geometra: sed solum ea quæ accidunt sibi, inquantum est terminus corporis naturalis. Si qua verò circa creaturas communiter à Philosopho & Fidei considerantur, per alia & alia principia traduntur. Nam Philosophus argumentum assumit ex propriis rerum causis, Fidelis autem ex causa prima, utputà quia sic diuinitus est traditum, vel quia hoc in gloriam Dei cedit: vel quia Dei potestas est infinita. Vnde & ipsa maxima sapientia dici debet, utpotè semper altissimam causam considerans, secundum illud Deuteronom. 4. Hæc est sapientia vestra, & intellectus coram populis. Et propter hoc sibi quasi principali Philosophia humana deferuit: & ideo interdum ex principiis Philosophiæ humanæ sapientia diuina procedit. Nam & apud Philosophos prima Philosophia videtur omnium scientiarum documentis ad suum propositum ostendendum.

Exinde etiam est, quod non eodem ordine vtrique doctrina procedit: nam in doctrina Philosophiæ, quæ creaturas secundum se considerat, & ex eis in Dei cognitionem perducit, prima est consideratio de creaturis, & vltima de Deo. In doctrina verò fidei, quæ creaturas non nisi in ordine ad Deum considerat, primò est consideratio Dei, & postmodum creaturarum, & sic est perfectior, utpotè Dei cognitioni similior, qui seipsum cognoscens, alia intuetur. Vnde & secundum hunc ordinem postea quæ in se de Deo in 1. Libro sunt dicta, de his quæ ab ipso sunt, restat prosequendum.

#### Super cap. 4.



**P**ost considerationem vtilitatis, quam ex creaturarum consideratione Christiana fides nascitur, cum etiam Philosophus de ipsis creaturis pertractet, restat ostendendum quæ sit differentia inter Theologum & Philosophum in creaturarum consideratione. Circa hoc autem duo facit San. Tho. Primò enim horum differentiam ostendit quantum ad ea quæ ab utroque considerantur: secundum quantum ad ipsas considerationes & scientias.

Quantum ad primum ponuntur duæ conclusiones, quarum prima est, Alia ratione subiiciuntur creaturæ doctrinæ fidei Christianæ, siue Theologiæ, quod idem est, & alia Philosophiæ humanæ. Probatur, quia Theologiæ subiiciuntur inquantum in eis diuina similitudo resultat, & in ipsum Deum quoquo modo ordinantur, ut habetur ex Eccle. 42. cap. Philosophiæ autem humanæ subiiciuntur secundum quod huicmodi res sunt, ut ignis, aqua, cælum & huicmodi. Vnde & secundum diuersa rerum genera diuersæ partes Philosophiæ inueniuntur, ergo, &c.

Sciendum, quod cum duplex sit ratio formalis subiecti scientiæ, vnaque conuenit rei ut res est, ad quam scilicet primò & per se scientia terminatur, & quæ assumitur pro medio ad demonstrandum passionem de subiecto, alia verò quæ conuenit sibi ut continetur sub hoc genere quod dico scibile, secundum quam scilicet denominatur subiectum à medio cognoscendi: hic loquitur S. Th. de ratione formalis subiecti, quæ conuenit sibi, ut est res non de illa quæ sibi conuenit, ut est scibile: sed considerandum vterius, quod duplex est ratio subiecti ut est res, vna adæquata sub qua vel in ordine ad quæ omnia à scientia considerantur: alia inadæquata, & sunt particulares rationes contentæ sub ratione adæquata, sicut adæquata ratio subiecti Philosophiæ naturalis est ratio entis mobilis, inadæquata autem ratio huius vel illius entis mobilis. Ratio ergo creaturarum, quæ est similitudo ad Deum, aut quævis alia ad ipsum habitudo secundum quæ considerantur à Theologo non est ratio prima & adæquata subiecti Theologiæ (non enim omnia à Theologo considerata considerantur, ut Deo similia: cum etiam de ipso Deo consideret Theologus). sed est ratio secundaria, & inadæquata: nam ratio Deitatis est ratio adæquata quia omnia in ea considerantur aut ut participat rationem Deitatis, aut ut habent ordinem & attributionem ad Deum, ut habetur Prima pars. q. 1. similitudo autem, aut quævis alia attributio ad Deum est ratio secundaria & particularis, sicut ratio huius aut illius entis mobilis est.



est secundaria & particularis ratio in Philosophia naturali considerata sub ente mobili contenta. Cum ergo dicitur quod Theologus considerat creaturam ut diuinam altitudinem repræsentat. Philosophus autem inquantum est res huiusmodi. In inquantum, non specificat rationem formalem obiecti scientiæ ad æquum, sed particularem & inadæquatam, quæ ad adæquatam comparatur ut materialis ad formalem.

Scientiæ distin-  
guuntur secun-  
dum diuersa ge-  
nera rerum.

CIRCA illam propositionem, Vnde & secundum diuersa rerum genera diuersæ partes Philosophiæ inueniuntur, aduertendum quod ipsa rerum genera secundum suas rationes dupliciter considerari possunt. Vno modo absolute, puta ens inquantum ens præcisè, & quantum ut quantum, & sic de aliis. Alio modo ut rationi se tenenti ex parte rei correspondet aliqua ratio scibilis ut est scibile. Intelligitur ergo propositio S. Th. secundo modo, non primo: non enim habent scientiæ distinguuntur secundum diuersa genera rerum absolute, quia quot essent genera rerum, tot essent scientiarum genera, sed distinguuntur secundum genera rerum sub diuersis rationibus scibilis contenta: omnia enim sub vna ratione scibilis contenta ad vnam scientiam pertinent, sicut omnia naturalia ad Philosophiā naturalem, eod quod in hac ratione conueniunt, quod sunt cognoscibilia per medium concernens materiam secundum esse & rationem, quæ autem sub diuersis rationibus scibilis, ut scibile est continentur, ad diuersas scientias pertinent. Eodem modo intelligendum est, quod dicitur 3. de Anima, scientias secari quemadmodum & res, propter quod inquit alibi sancti Thomæ, quod scientiæ distinguuntur secundum formalem distinctionem obiectorum: non autem secundum eorum materiale distinctionem & secundum obiectorum distinctionem, ut obiecta sunt: materiale distinctionem vocans distinctionem secundum proprias & específicas rerum rationes, formalem autem quæ est secundum diuersas rationes scibilis ut scibile est.

Secunda conclusio sequens ex præmissa est, Alia circa creaturas Philosophus, & alia Fidelis considerat: & si aliqua ab utroque communiter considerantur, per alia, & alia principia traduntur. Primam partem probat sancti Tho. quia Philosophus considerat ea quæ eis secundum propriam naturam conueniunt, sicut quod ignis fertur sursum, Fidelis autem ea quæ illis conueniunt, secundum quod sunt ad Deum relata, ut potest quod sunt à Deo creata, Deo subiecta, & huiusmodi. Ex quo etiam sequitur non esse doctrinam Christianam imperfectam, si multas rerum proprietates prætermittat, quia non habet de omnibus tractare, sicut nec Naturalis omnes lineæ passionis considerat, sed eas duntaxat quæ sibi inquantum est terminus corporis naturalis conueniunt.

Secundam verò partem ostendit, quia Philosophus probat ea ex propriis rerum causis, Fidelis autem ex causa prima. Ex quo corollarie sequitur Christianam doctrinā esse maximè sapientiam, quia scilicet semper altissimā causam considerat, ut colligitur ex Deut. 4. ubi dicitur, Hæc est sapientia vestra, &c.

CIRCA primam partem huius conclusionis considerandum est, quod cum ratio considerata se tenens ex parte rei sit principium & medium à quo originaliter dependent passionis & proprietates rei, & alias rationes aliarum passionis sequantur, sicut alie sunt passionis hominis, ut animal est, & alie rationales, necesse est ubi idem subiectum sub diuersis rationibus à diuersis scientiis consideratur, quod etiam ab illis scientiis diuersæ eius passionis considerentur, sicut quia alia & alia ratione considerant Mathematicus & Naturalis de linea, ideo alias passionis de ipsa considerat Mathematicus, & alias Naturalis. Ex hoc ergo fundamento prima pars conclusionis tenet: quia enim alia & alia ratione se tenente ex parte rei considerant Philosophus & Fidelis de creaturis, necesse est ut alia & alia de ipsis considerent prædicata, sicut alia sunt proprietates quæ rei conueniunt secundum suam propriam rationem, & alia quæ sibi conueniunt, ut ad Deum habent comparationem.

Quomodo e-  
iusdem rei pro-  
prietates ad di-  
uersas scientias  
pertineant.

CIRCA secundam partem, aduertendum quod licet diuersas rei rationes diuersæ proprietates consequantur, ut rationes illæ secundum se considerantur, non inconuenit tamen eandem rei proprietatem à diuersis rationibus rei in esse cognoscibili dependere, secundum quod illæ rationes diuersis rationibus scibilis rei tamen inadæquatis substant. Potest enim in diuersis modis cognosci, sicut terræ rotunditas cognosci potest per Astrologum, & per Naturalem, eod quod esse cognoscibile per medium concernens materiam, & esse cognoscibile per medium à materia secundum rationem abstractum possit terræ conuenire respectu rotunditatis, quantum rationum nulla est terræ adæquata. Vnde sicut terra considerata à Mathematico & Naturali respectu rotunditatis habet rationem duorum scibilium formalium, inquantum sub diuersis rationibus obiecti ut obiectum est potest contineri, & sic ad diuersas scientias pertinere, ita ipsa rotunditas habet rationem duplicis proprietatis in ratione scibilis, inquantum per diuersa media formalia sumpta secundum diuersam rationem scibilis cognosci potest. Ex quo patet posse Philosophum & Fidelem eadem de creaturis cognoscere, sed per diuersa media, ut dicebat sancti Tho. ut tamen in diuersas rationes scibilis referuntur, puta terram esse incorruptibilem, & in æternum stare, per aliquod medium sumptum à materia & motu Philosophus probat, Fidelis autem per medium à diuina reuelatione sumptum, puta quia cedit in gloriam Dei, quod ex Scripturis manifestatur.

CIRCA corollarium huius partis notandum quod Theologia à Metaphysica differt, quia Metaphysica considerat quidem de Deo & substantiis separatis, non tamen omnia considerata à Metaphysico probatur per ipsam primam causam. Theologia autem ita de prima causa considerat, quod & considerationem quam de creaturis habet, in ipsam primā causam resoluit, de qua etiam ea quæ soli Deo de seipso cognita sunt, determinat ut per reuelationem sunt cognita, ut dicitur 1. par. q. 1. art. 6. Vnde est in Theologia vniuersali or de prima causa consideratio, quam in Metaphysica propter hoc est magis digna nomine Sapientie, ad quam pertinet altissimam causam considerare.

Quantum ad secundam ponitur duplex conclusio sequens ex præmissis. Prima est, Huius scientiæ quasi principali Philosophia humana deseruit. Probatur ex similitudine, quia & prima Philosophia utitur omnium scientiarum documentis ad suum propositum.

Aduertendum autem ex doctrina S. Tho. Prima par. q. 1. art. 5. ad 2. quod licet Theologia aliquid accipiat ab aliis scientiis, hoc tamen non est propter defectum & insufficientiam eius, sed propter defectum intellectus nostri non valentis ea quæ supra rationem sunt, per se intelligere, & quia facilius in ea ex iis quæ naturali ratione cognoscuntur, manuducitur.

Secunda conclusio est, Non eodem ordine Philosophus & Theologus de

Deo & creaturis tractat. Probatur, quia Philosophus prius de creaturis, ut potest à quibus cognitionem de Deo capere, determinat, & posteriùs de Deo: in doctrina autem fidei non est e contrariò, quia non determinat de creaturis nisi in ordine ad Deum. Ex quo sequitur quod est cognitio diuinæ similitudo, quia & Deus dum seipsum cognoscit ut primum obiectum, alia tanquam secundaria obiecta cognoscit. Ex his vltimò concluditur, post ea quæ Deo in se conueniunt, de quibus in primo Libro est determinatum, esse determinandum de iis quæ ab ipso procedunt.

SE D contra conclusionem instari potest. Nam prima consideratio in sacra Scriptura non videtur esse de Deo, sed de creaturis. Incipit enim à rerum creatione, ut patet Genes. 1.

Respondetur, quod Moyses non tradidit doctrinam suam modo scientifico, sed ut cōgruebat iis quibus loquebatur: quia enim populus Iudæorum rudis erat, & non poterat intelligibilia secundum se capere & diuina, ideo à sensibilibus inceptit, sub quibus etiam intelligibilia vocabantur, quæ poterant ab eruditioribus inuestigari. Sancti Tho. autem loquitur de doctrina fidei modo scientifico tradita, ut ipse facere in hoc Opere intendit.

### Ordo dicendorum. Cap. 5.



Rit autem hic prosecutionis ordo, ut primò agamus de productione rerum in esse, secundò, de earum distinctione, tertio verò, de ipsarum rerum productarum & distinctarum natura, quantum ad fidei pertinet veritatem.

† 1. cap. 39.  
† 3. cap. 46.

#### Super cap. 5.



Vm ergo sit de creaturis in hoc 2. libro determinandum, triplex erit de ipsis determinatio. Prima erit de productione rerum in esse, secunda de earum distinctione, capit. 19. tertia de ipsarum natura quantum pertinet ad fidei veritatem, cap. 46. Nota quod addidit sancti Tho. Quantum pertinet ad fidei veritatem, quia (ut superius dictum est) non intendit hoc loco tractare de creaturis secundum earum proprias naturas, sed vt ordinem ad Deum habent.

### Quod Deo competit esse aliis principium efficiendi. Cap. 6.



Opponentes igitur quæ in superioribus ostensa sunt, ostendamus nunc quod competit Deo ut sit aliis efficiendi principium & causa. Ostensum est enim supra per demonstrationem Aristotelis esse aliquam primam causam efficientem, quam Deum dicimus. Efficiens autem causa suos effectus conducit ad esse. Deus igitur aliis causa efficiendi existit.

† Cap. 13. 1. lib.

2. Item, Ostensum est in 1. libro per rationem eiusdem, esse aliquod primum mouens immobile, quod Deum dicimus. Primum autem mouens in quolibet ordine motuum est causa omnium motuum qui sunt illius ordinis. Cum igitur multa ex motibus cæli producantur in esse, in quorum ordine Deum esse primum mouens, ostensum est, oportet quod Deus sit multis rebus causa efficiendi.

† Ca. 13. in 1. lib.

3. Amplius, Quod per se alicui conuenit, naturaliter ei inesse necesse est: sicut homini rationale, & igni sursum moueri: agere autem per se aliquem effectum, conuenit enti in actu, nam vnumquodque agens secundum hoc agit, quod in actu est. Omne igitur ens actu, natum est agere aliquid actu existens: sed Deus est ens actu, ut in 1. libro ostensum est. Igitur sibi competit agere aliquid ens actu, cui sit causa efficiendi.

† Cap. 16.

4. Adhuc, Signum perfectionis in rebus inferioribus est, quod possunt sibi similia facere, ut patet per Philosophum in 4. Meteororum. Deus autem est maximè perfectus, ut in 1. libro ostensum est, ipsi igitur competit facere aliquid sibi simile ens in actu, ut sic sit causa efficiendi.

† Tex. com. 18.

† Cap. 28.

Item, Ostensum est in 1. libro, quod Deus vult suum esse aliis communicare per modum similitudinis: de perfectione autem voluntatis est, quod sit actionis & motus principium, ut patet in 3. de Anima. Cum igitur diuina voluntas sit perfecta, non deerit ei virtus communicandi esse suum ali cui per modum similitudinis: & sic erit ei causa efficiendi.

† Cap. 82.

5. Adhuc, Quantum alicuius actionis principium est perfectius, tantò actionem suam potest in plura extendere, & magis remota: ignis enim si sit debilis, solum propinqua calefacit, si autem sit fortis, etiam remota. Actus autem purus, qui Deus est, perfectior est quam actus potentie permixtus: sicut in nobis est. Actus autem, actionis principium est. Cum igitur per actum qui in nobis est, possumus non solum in actiones in nobis manentes (sicut sunt intelligere & velle) sed etiam in actiones quæ in exteriora tendunt, per quas aliqua facta producimus, multò magis Deus potest per hoc quod actu est, non solum intelligere & velle, sed etiam producere effectum: & sic potest aliis esse causa efficiendi. Hinc est quod dicitur Iob 1. Qui facit magna, & mirabilia, & inscrutabilia absque numero.

† Tex. com. 50.

#### Super cap. 6.



Expedito Proemio, postquam Libri diuisione, incipit S. Th. secundum diuisionis ordinem de rerum productione tractare. Circa hoc autem duo facit. Primò enim agit de ipsa productione rerum quantum ad speciem & substantiam productionis. Secundò quantum ad

Contra Gent.

k 3 clus



eius qualitatem cap. 21. Quantum ad primum, quia productio omnis ab aliquo principio procedit, & ad aliquid terminatur: primum agit de principio productionis: secundum de termino, cap. 15. tertium de ipsa productione, cap. 16. Circa primum, quia principium dicitur habitudinem ad id quod est a principio, duo etiam facit. Primum determinat de ipso principio: secundum de relationibus Dei ad creaturas, cap. 21. Quia verò potentia conuenit tantum illis quæ sunt principia essendi, ideo antequam de ipsa potentia, quæ est formale principium productionis, determinet, ostendit in hoc cap. Deum esse aliis principium essendi, in sequenti verò incipit de ipsa potentia determinare. Quantum ergo ad præsens cap. ponitur hæc conclusio, Deo conuenit ut sit aliis principium essendi & causa.

**A D V E R T E**, autem quod additur, Et causa, ut exponit sanctus Thomas, quod dixerat principium essendi forma enim est principium essendi, non tamen est causa productiua eius cuius est forma, sed est principium formale, Deus autem est principium essendi per modum cause agentis, & de tali principio hic est sermo. Probatur autem conclusio ex illis quæ ostensa sunt in 1. libro. Primum ostensum est supra de mente Aristotelem, esse aliquam primam causam agentem, quæ est Deus, efficiens autem suos effectus conducit ad esse, ergo, &c.

Forma dat esse, sed non conducit ad esse.

**A D V E R T E N D V M**, quod licet formæ dicamus conuenire ut det esse, non videtur tamen hoc modo dicendi in forma, quod effectum conducit ad esse, hoc enim proprie exprimit causalitatem efficientis, cuius est reducere effectum de potentia ad actum producendo formam à qua res formaliter habet esse: forma autem non conducit ad esse effectum, tanquam esse formæ sit aliquid omnino extrinsecum à forma, sicut est extrinsecum ab agente ut agens est, imò esse est ipsi formæ coniunctum tanquam eius effectus formalis ab ipsa per quandam naturalem resultantiam emanans. Efficiens ergo dicitur effectum conducere ad esse, quia effectui prius distanti ab esse dat formam per quam est in rerum natura.

Secundum, primum mouens in quolibet ordine, scilicet essentiali motuum, est causa omnium motuum illius ordinis, sed multa ex motibus celi producantur in esse, cuius ordinis motuum ostensum est in 1. libro Deum esse primum mouens, ergo multis saltem rebus Deus erit causa essendi.

Tertio, Deus est ens actu, ergo, &c. probatur consequentia, existenti in actu conuenit per se aliquid effectum agere, ergo omne ens actu natum est agere aliquid actu existens, ergo, &c. Patet prima consequentia, quia quod per se alicui conuenit, naturaliter ei inest. Antecedens etiam manifestum est, quia vnumquodque agens secundum hoc agit quod est in actu.

Omne actiuum est in actu, & omne quod est in actu est actiuum.

**C I R C A** propositionem immediatè assumptam dubitatur, quia non videtur concludere propositum: licet enim ad hoc ut aliquid agat, necesse sit ipsum esse in actu, non tamen ex hoc videtur sequi, ut omne quod est in actu, per se & naturaliter agat: sicut licet ad hoc ut aliquid sit risibile, oportet ipsum esse animal, non tamen oportet ut omne quod est animal sit risibile. Ergo licet vnumquodque agat in quantum est in actu, non tamen oportet ut omne existens in actu sit actiuum.

Respondetur, quod cum dicitur, Vnumquodque agit secundum quod est in actu, ly secundum quod, significat rationem agendi: sicut enim calor est forma per quam ignis calefacit, & est sibi ratio calefaciendi, ita vniuersaliter forma & actus est agendi ratio agendi, cum omne agens agere oportet aliquid esse in actu. Est autem vniuersaliter verum, quod ubi est ratio formalis alicuius, oportet illud esse, & ubi illud est, oportet rationem formalem esse: sicut in quocunque est calor, oportet illud esse calefactiuum, & in omni calefactiuo esse calorem necesse est, aut formaliter, aut virtualiter: si ergo esse in actu est agendi vniuersum, ratio agendi, oportet ut omne agens sit in actu, & omne quod est in actu, sit actiuum naturaliter. Vnde dixit sanctus Thomas, quod esse actiuum effectus conuenit per se existenti in actu, id est, conuenit sibi per propriam formam per quam est in actu, & per consequens conuenit sibi naturaliter. Nam quæ formam rei consequuntur, naturalia sunt. Ad instantiam respondentem, quod licet esse risibile non conueniat nisi ei quod est animal, esse tamen animal non est ratio quare aliquid sit risibile, non enim dicimus aliquid esse risibile in quantum est animal, sed in quantum rationale.

Quarto, Deus est maximè perfectus, ergo, &c. Probatur consequentia, quia signum perfectionis est in rebus inferioribus, ut dicitur 4. Meteororum, quod possunt sibi similia facere, Deus autem est ipsum esse actu, ergo, &c.

**A D V E R T E N D V M**, quod licet creaturæ non possint assimilari Deo in ratione vna specifica, possunt tamen illi assimilari in communissima omnium perfectione, quæ est esse: ideo sanctus Thomas ex eo quod Deus potest sibi simile facere, concludit ipsum posse facere aliquid ens actu, sicut ipse est actus.

Quinto, Deus vult suum esse communicare aliis per modum similitudinis: ergo est aliis causa essendi. Antecedens ostensum est superius in 1. libro. Consequentia verò probatur, supponendo quod de perfectione voluntatis est ut sit actio: & motus principium, ut dicitur 3. de Anima, Voluntas diuina est perfecta: ergo non deest sibi virtus communicandi esse per modum similitudinis, si illud vult communicare.

**A D V E R T E**, quod non dicit sanctus Thomas, absolute Deum velle communicare suum esse aliis, sed ad id, per modum similitudinis, ut ostendat modum communicationis in creaturis differre à modo quo vna persona diuina suum esse alteri personæ communicat. Ibi enim communicatur idem esse numero, hic autem communicatur non ipsum esse diuinum in se, sed quædam similitudo diuini esse, in quantum esse creaturæ est quædam eius participata similitudo.

Vltimo, per actum qui in nobis est, possumus non solum in actiones immanentes, sed etiam in actiones transeuntes per quas aliquid facta produci-mus: ergo multo magis hoc potest Deus, ergo potest aliis esse causa essendi. Probatur consequentia, quia quando alicuius actionis principium est perfectius, tanto actionem suam potest in plura & ad remotiora extendere: ergo si actus in nobis existens, qui est potentie permixtus, potest non solum in actionem immanentem, sed etiam in actionem quæ in exteriora transit, multo magis hoc poterit actus cui nulla admisceretur potentia, sicut est Deus.

**A D V E R T E N D V M** primum, quod nullus actus existens in creatura est qui non comparatur ad esse, sicut potentia ad actum, cum esse sit actualitas omnium. Propter hoc inquit sanctus Thomas, quod actus in nobis est potentie permixtus.

Aduertendum secundum, quod duplex actus intellectui & voluntati attribuitur. Vnus immanens, scilicet intelligere & velle absolute: alius transiens, qui est mouere, siue per modum potentie imperantis, siue per modum potentie immediatè efficientis motum: non enim refert quantum

ad propositum quid horum dixerimus. Quam ergo dicit sanctus Thomas, quod per actum in nobis existentem possumus in actionem immanentem & transeuntem, nomine actus in nobis existentis, possumus intelligere voluntatem & intellectum, ut sic sit correspondentia & similitudo inter nos & Deum, licet imperfecta. In nobis enim & in Deo uterque horum actuum attribuitur voluntati & intellectui. Possumus etiam intelligere ipsam animam, quæ diuersis potentiis in diuersas has operationes potest. Secundum videtur melius, quia non loquitur hic sanctus Thomas de actu qui est mouere localiter corpus coniunctum, sed de actu alicuius extrinseci productiuo, quem certum est membro aliquo corporeo exerceri: sed tunc licet sit aliqua similitudo inter nos & Deum quo ad istos actus, est tamen dissimilitudo in hoc, quod has actiones nos per diuersa principia proxima elicimus, Deus autem vniuerso principio quod est eius voluntas: quod propter ipsius perfectionem accidit, ex qua habet, ut quod est in creaturis distinctum, ipse vniuersè & indiuisibiliter habeat. Confirmatur postremo conclusio hæc auctoritate Iob 5. cap. Qui facit magna, &c.

Per actum in nobis existentem possumus in actionem immanentem & transeuntem.

## Quod potentia actiua sit in Deo.

### Cap. 7.

**I**n hoc autem apparet, quod Deus est potens, & quod ei conuenienter potentia actiua attribuitur. Potentia enim actiua est principium agendi in aliud secundum quod est aliud: Deo autem conuenit esse aliis principium essendi, ergo conuenit sibi esse potentem.

Idem Pri. parte q. 15. art. 1. & de Po. q. 1. art. 1.

2. Amplius, Sicut potentia passiua sequitur ens in potentia, ita potentia actiua sequitur ens in actu. Vnumquodque enim ex hoc agit, quod est actu, patitur verò ex eo, quod est potentia: sed Deo conuenit esse actu, igitur conuenit sibi potentia actiua.

3. Adhuc, Diuina perfectio omnium perfectiones in se includit, ut in 1. libro ostensum est. Virtus autem actiua de perfectione rei est: vnumquodque enim tantò maioris virtutis inuenitur, quanto perfectius est. Virtus igitur actiua Deo non potest deesse.

Cap. 15.

4. Præterea, Omne quod agit, potens est agere: nam quod non potest agere, impossibile est agere, & quod impossibile est agere, necesse est non agere. Deus autem est agens & mouens, ut supra ostensum est, igitur potens est agere, & potentia ei conuenienter ascribitur actiua, sed non passiua. Hinc est quod in Psal. 88. dicitur, Potens es, Domine. Et alibi Psal. 70. Potentiam tuam, Deus, & iustitiam tuam usque in altissima quæ fecisti magnalia.

### Super cap. 7.

**I**so quoniam Deo conuenit ut sit aliis principium & causa essendi, necesse est de ipsa potentia per quam aliquid in esse produci-tur determinare. Circa hoc autem tria facit sanctus Thomas. Primum enim ostendit potentiam actiuam in Deo esse: secundum ostendit quid sit, cap. sequenti: tertio, qualiter sit, cap. 10. Quantum ad primum ponitur hæc conclusio, In Deo, est potentia actiua. Probatur primum, Deus est aliis principium essendi, ergo in ipso est potentia actiua. Consequentia patet, sicut enim potentia passiva sequitur ens in potentia, ita potentia actiua ens in actu: Deo autem esse in actu maximè competit, ergo, &c.

Tertio, Diuina perfectio omnium perfectiones in se includit, ergo, &c. Patet consequentia, quia virtus actiua est de perfectione rei.

Quarto, Deus est agens & mouens: ergo potens est agere, ergo in ipso est potentia actiua, non autem passiva. Probatur prima consequentia, quia ex opposito consequentis inferitur oppositum antecedentis. Sequitur enim, Non potest agere, ergo impossibile est ut agat, ergo non est agens & mouens.

**A D V E R T E**, quod in hac vltima ratione addidit, sed non passiva, ne forte aliquis existimaret ex eo quod in Deo ponitur potentia actiua, oportere etiam sibi attribui potentiam passiuam. Non probat autem hic potentiam passiuam in Deo non esse, quia inferius hoc ostendit distinctè & per se. Confirmatur vltimo auctoritate Psalmistæ.

## Quod Dei potentia sit eius substantia.

### Cap. 8.

**I**n hoc autem vltimè concludi potest, quod diuina potentia sit ipsa Dei substantia. Potentia enim actiua competit alicui secundum quod est actu. Deus autem est actus ipse, non autem est ens actu per aliquid actum, qui non sit quod est ipse: cum in eo nulla sit potentialitas, ut in 1. libro ostensum est. Est igitur ipse sua potentia.

Idem Pri. parte q. 15. art. 1. ad 1. & de Po. q. 1. art. 1. ad 1.

2. Adhuc, Omnis potens qui non est sua potentia, est potens participatione potentie alicuius: de Deo autem nihil potest dici participatiue, cum sit ipsum suum esse, ut in 1. libro ostensum est. Est igitur ipse sua potentia.

Cap. 16. & 17.

3. Amplius, Potentia actiua ad perfectionem rei pertinet, ut ex prædictis patet: omnis autem diuina perfectio in ipso suo esse continetur, ut in 1. libro ostensum est. Diuina igitur potentia non est aliud ab ipso esse eius: Deus autem est suum esse, ut in 1. libro ostensum est, est igitur sua potentia.

Cap. 22.

Cap. 34.

Cap. 22.

4. Item, In rebus quarum potentie non sunt earum substantie, ipse potentie sunt accidentia: unde potentia natura-

lis in



lis in secunda specie qualitatatis ponitur. In Deo autem non potest esse aliquid accidentis, ut in 1. Libro ostensum est. Deum igitur est sua potentia.

Præterea, Omne quod est per aliud, reducitur ad id quod est per se, sicut ad primum, alia verò agentia reducuntur in Deum sicut in primum agens: est igitur agens per se. Quod autem per se agit, per suam essentiam agit: id autem quo quis agit, est eius actiua potentia. Ipsa igitur Dei essentia, est eius actiua potentia.

### Super cap. 8.

Secundo ostenditur quid sit potentia actiua Dei. Et hoc duabus conclusionibus. Prima est, Diuina potentia est Dei substantia. Probatur primo, Potentia actiua competit alicui secundum quod est actu, sed Deus non est actu per actum à se distinctum, cum in eo nulla sit potentialitas, sed est ipse actus: ergo est sua potentia, ergo, &c.

Adverte, quod aliud est potentia, & aliud potentialitas. Potentia enim actiua nominat actum alterius productum saltem motus & actionis: potentialitas autem nominat carentiam alicuius actus, quem aliquid natum est suscipere, & ideo semper ad aliquem modum potentie passivæ pertinet. Id enim in quo est potentialitas, ut sic, quantum est ex sua ratione, non habet ipsum actum, sed potest ipsum habere. Cum ergo in Deo sit actus, nihil autem sit in ipso quod in se actu careat, natumque sit actum suscipere, ideo sibi potentia actiua attribui potest, non autem potentialitas.

Secundo, De Deo nihil potest dici participatiue: ergo est sua potentia. Patet consequentia, quia omnis potens, qui non est sua potentia, est potens participatione potentie alicuius, sicut ostensum est in 1. Lib. de aliis rerum perfectionibus.

Tertio, Deus est suum esse, ergo & sua potentia. Probatur consequentia, quia omnis perfectio diuina in ipso suo esse continetur, & est illi idem, ut in 1. Libro ostensum.

Quarto, In Deo non potest esse aliquid accidentis, ergo, &c. Probatur consequentia, quia in rebus quarum potentia non sunt earum substantia, ipsæ potentia sunt accidentia. Unde & potentia naturalis in secunda specie qualitatatis ponitur.

Quinto, Potentia est id quo agens agit: sed Deus agit per suam essentiam, quia est per se agens, ut patet primo agens, ad quod omne quod per aliud agit, reducitur, sicut imperfectum, scilicet omne ad aliquid perfectum reducitur, ergo, &c.

### Quod Dei potentia sit eius actio.

#### Cap. 9.

Ex hoc autem ostendi potest, quod potentia Dei non sit aliud quam sua actio.

Quæ enim vni & eidem sunt eadem, sibi inuicem sunt eadem: diuina autem potentia est eius substantia, ut ostensum est, eius etiam actio est eius substantia, ut in 1. Libro ostensum est de intellectuali operatione: eadem enim ratio in aliis competit. Igitur in Deo non est aliud potentia, & aliud actio.

Item, Actio alicuius rei est quoddam complementum potentie eius: comparatur enim ad potentiam, sicut secundus ad primum. Diuina autem potentia non completur alia quam seipsa, cum sit ipsa Dei essentia. In Deo igitur non est aliud potentia, & aliud actio.

Amplius, Sicut potentia actiua est aliquid agens, ita essentia eius est aliquid ens. Sed diuina potentia est eius essentia, ut ostensum est. ergo suum agere est suum esse. Sed eius esse est sua substantia, ergo diuina actio est sua substantia, & sic idem quod prius.

Adhuc, Actio quæ non est substantia agentis, inest ei, sicut accidens subiecto: unde & actio inter nouem Prædicamenta accidentis computatur. In Deo autem non potest esse aliquid per modum accidentis, in Deo igitur sua actio non est aliud à sua substantia, & à sua potentia.

### Super cap. 9.

Secunda conclusio est, Potentia Dei non est aliud quam sua actio. Probatur primo, Diuina potentia est Dei substantia, & similiter diuina actio, ut in 1. Libro ostensum est de intellectuali operatione: eadem enim ratio est in aliis actionibus quæ scilicet ab intellectuali operatione rationem distinguuntur, ut velle & creare, & similia, ergo diuina actio est diuina potentia. Patet consequentia, quia quæ vni & eidem sunt eadem, sibi inuicem sunt eadem. Sed videtur ex hac propositione propositum non concludi. Illa enim propositio habet veritatem tantum in his quæ sunt idem re & ratione, ut dicitur Prima parte, q. 28. arti. 3. ad primum, de mente Aristotelis. Physicorum, modo licet potentia sit realiter idem cum essentia diuina, ab ipsa tamen ratione distinguitur, similiter & actio: ergo ex hoc quod sunt idem realiter cum essentia, non sequitur quod sint idem realiter inter se, sicut licet paternitas & filio diuina sint idem realiter cum essentia, sunt tamen inter se realiter distinctæ propter distinctionem formalem ab essentia.

Respondetur, quod propositio ista Philosophi intelligitur sic, Quæcumque sunt eadem vni tertio, sunt eadem inter se, quantum ad illud in quo identificatur medio, non autem quantum ad illud in quo à medio distinguuntur, & quod non est illis ratio identificationis medio: sic enim quia actio & passio quantum ad id quod est materiale in ipsis, identificantur motui, non autem quantum ad cōnotata, materialiter sunt eadem inter se, non autem formaliter. Ex quo sequitur glossa sancti Thomæ adducta in obiciendo, quod si aliqua ex vniōne in medio debent simpliciter dici eadem inter se, necesse est ut omnino sint eadem tertio, scilicet non tantum secundum rem, sed etiam secundum rationem.

ATTENDENDUM tamen, quod aliqua distinguuntur dupliciter contingit. Vno modo ex solo opere intellectus de vna & eadem re diuersas conceptiones formantis, sicut distinguuntur sapientia diuina ab essentia. Si enim conciperetur essentia sicut est in se, in suo conceptu includeretur ratio sapientie: sed quia intellectus noster non potest ipsam secundum quod in se est concipere, ideo alium conceptum format de Deitate, & alium de sapientia diuina. Similiter si conciperetur sapientia diuina secundum quod in se est, includeret in se rationem & essentiam & omnem perfectionem. Alio modo, ex parte ipsarum rerum, quæ habent ut si concipiatur secundum quod in seipsis sunt, diuersis conceptibus concipiuntur, sicut est de actione & motu: requirunt enim ex seipsis ut alium conceptum formet de ipsis intellectus secundum quod actio connotat respectum in agere quem non dicit motus. Quantum unque enim perfecte comprehendatur motus, non tamen apprehenditur totum quod est de ratione actionis. Cum ergo, inquit S. Th. illam propositionem non tenere in his quæ à tertio ratione distinguuntur, loquitur de distinctione rationis proveniente ex parte ipsarum rerum, quia si proveniret tantum ex parte intellectus, tunc vno realiter in tertio faceret identitatem realem extremorum, non obstante distinctione rationis ipsorum à tertio, sicut est de principio & fine, ut dicitur de puncto in linea. Sic autem est in proposito: potentia enim & actio non distinguuntur ratione ab essentia diuina ex conditione ipsarum rerum, sed tantum ex imperfectione intellectus nostri. Si enim conciperetur Deitas secundum se, in intellectu eius esset potentia actiua & actio sicut & omnis alia perfectio, cum sit perfectio infinita, & fons omnis perfectionis. Ideo ex hoc quod sunt realiter idem essentia, sequitur ut inter se sint realiter idem, sicut & de sapientia & iustitia diuina. Non sic autem est de paternitate & filiatione, quia paternitas ut relatio est, non esset de ratione Deitatis, etiam si secundum quod est, conciperetur, quia in ratione Deitatis includitur tantum ratio cuiuslibet perfectionis. Relatio autem, ut inferius ostendetur, secundum quod relatio est, non dicit aliquid, nec perfectionem, sed tantum ad aliquid: ideo quod distinguatur ratione ab essentia, est non tantum ex parte intellectus, sed etiam ex natura ipsius rei, propter hoc non oportet paternitatem & filiationem esse inter se realiter eadem, quamuis realiter sint idem essentia: oportet enim si deberet ex identitate in essentia concludi identitatem realem eorum inter se, quod verumque illorum esset etiam secundum rationem idem essentia quantum est ex parte ipsarum rerum.

Secundo, Diuina potentia non completur alio quam seipsa, cum sit ipsa essentia diuina, ergo, &c. Probatur consequentia. Actus est complementum potentie, ergo si distinguatur à potentia, potentia perficitur per aliquid aliud à se, quod est oppositum antecedentis.

ADVERTENDUM quod aliter est complementum potentie actio immanens, & aliter actio transiens. Immanens enim est complementum per modum finis, & per modum forme: dum enim potentia coniungitur suæ operationi immanenti, consequitur finem ad quem ordinatur, est enim talis potentia propter operationem: & quia remanet in ipsa potentia, per ipsam perficitur tanquam per formam, & sic completur eius potentialitas qua erat receptiua propriæ actionis. Transiens autem cum non remaneat in agente, sed in patiente recipiatur, non completur actum per modum forme, sed tantum per modum finis: licet enim in huiusmodi actionibus ipsum operatum sit finis ultimus, ipsa tamen operatio non est extra rationem finis proximi, ut dicitur 9. Met. Deus autem à nullo alio per modum forme, aut per modum finis perfici potest: ideo nulla eius actio siue per modum immanens concipiatur, siue per modum transeuntis significetur, ab eius potentia distinguere potest, & hoc est fundamentum huius rationis.

Tertio, Agere diuinum, est eius esse, sed diuinum esse est Dei substantia, ergo, &c. probatur antecedens, Potentia actiua Dei est eius essentia, ergo, & agere suum est suum esse.

ANTEQVAM probetur consequentia, aduerte quod aliqui textus sic habent & male, Sicut potentia actiua est aliquid agentis, ita essentia eius est aliquid eius: debet enim sic habere, ut corredi codices habent, Sicut potentia actiua est aliquid agentis, ita essentia est aliquid eius, id est, Sicut actus potentie est agere, cum potentia sit agens quo agens aut sit agens per ipsum agere, ita essentia actus est esse, cum omne quod est ens, sit ens per ipsum esse. Ex quo arguitur sic, Sicut se habet potentia ad agere, ita essentia ad esse, ergo sicut potentia ad essentiam, ita agere ad esse, ergo si potentia est idem quod essentia, agere erit idem quod esse. Et si diceretur quod commutata proportio tenet tantum in numeris & magnitudinibus, ut dicitur 3. dist. 34. quaest. 2. arti. 3. & Veri. q. 29. ad octauum.

Respondetur, quod vique verum est commutatam proportionem regulariter tenere tantum in quantitatibus, quia in aliis formaliter non tenet, in aliquibus tamen aliis tenet gratia materie, & sic tenet in proposito. Oportet enim si agere est actus potentie, sicut esse est actus essentia, quod si potentia idem est quod essentia, quod ipsum agere sit etiam actus essentia. Actus autem essentia est esse: ipsum igitur agere erit ipsum esse.

Vbi advertendum, quod eandem comparationem dicitur habere agere ad potentiam quam habet esse ad essentiam: quia sicut esse est actus formalis ex quo ens habet, ut sit ens, ita agere est actus formalis, ex quo agens habet quod sit agens. Est tamen differentia in hoc, quod esse est intrinsecum enti, agere autem quod est transiens, non est intrinsecum agenti, sed est actus ab agente actualiter dependens: quia verò agere diuinum ad extra non distinguatur ab eius actione immanente, ideo sicut esse diuinum est intrinsecum, ita & eius agere. Quando autem aliqua sunt idem realiter, necesse est ut adus formales constituentes illa in sua ratione & specie idem sint realiter, non enim vnus & eiusdem rei sunt plures actus formales rem specificantes realiter distincti: sicut ipsa res pluribus rationibus distinguatur, ita possit habere plures actus ratione distinctos.

Quarto, In Deo non potest esse aliquid per modum accidentis, ergo, &c. Probatur consequentia, quia actio quæ non est substantia rei, inest ei sicut accidens subiecto: computatur enim actio inter nouem genera accidentium.

CIRCA illam propositionem, In Deo non potest esse aliquid per modum accidentis, notandum quod modus accidentis potest accipi aut ex parte rei, aut ex parte intellectus. Modus scilicet tenens ex parte rei est realiter alteri inherere: modus autem qui tenet ex parte intellectus, est obiecti tanquam inherens, & tanquam extra essentiam rei existens, dum scilicet intellectus format diuersos conceptus de vna substantia, quorum vnus alteri attribuitur, licet in re vnum alteri non inheret, sed sit idem illi. Propositio ergo S. Th.

Contra Gent.

k 4 intel

Actio transiens  
aliter est com-  
plementum po-  
tentie quàm im-  
manens.

In Deo non  
potest esse ali-  
quid per mo-  
dum acciden-  
tis.



intelligitur de modo se tenente ex parte rei, non autem de modo se tenente ex parte intelligentis: imò ex parte intellectus apprehendimus attributa diuina tanquam essentia superaddita, licet sint idem quòd substantia rei.

SED circa istam rationem dubium occurrit. Aut enim procedit de actione immanente, aut de actione transeunte. Si de immanente, probatio illa, quia videlicet actio computatur inter nouem genera accidentium, non est ad propositum: actio enim immanens non est de genere actionis, sed de genere qualitatis, ut dicitur. Si autem de transeunte, ratio non procedit, tum quia in Deo non ponitur actio transiens, ut inferius ostendetur: tum quia falsum est quòd sit in agente, ut accidens eius, ut superius cap. 1. est ostensum.

Respondetur, quòd procedit de actione transeunte communiter, non descendendo determinate neque ad eam quæ verè transiens est, neque ad eam quæ similitudinariè & secundum efficaciam tantum est transiens. Quum autem instatur primò, quia Deo non conuenit actio transiens, dicitur quòd licet sibi non conueniat actio verè & propriè transiens, conuenit tamen actio transiens similitudinariè, & secundum efficaciam, ut inferius capi. 16. ostendetur. Quum instatur secundò, quia actio transiens non est in agente, dicitur quòd vique actio quæ verè est transiens, non est in agente quantum ad ipsam entitatem actionis quæ est motus: est tamen in agente quantum ad relationem connotatam. Actio verò quæ est transiens quantum ad modum tantum, constat quòd est in agente, licet prædicamentum actionis per quandam similitudinem reducat: & sic sequitur si talis actio distingueretur a potentia diuina, quòd in Deo aliquod accidens esset. Ideo optimè procedit ratio sancti Thomæ,

### Qualiter potentia in Deo dicatur. Cap. 10.



Via verò nihil est sui ipsius principium: cum diuina actio non sit aliud quam eius potentia, manifestum est ex prædictis quòd potentia non dicitur in Deo sicut principium actionis, sed sicut principium facti. Et quia potentia respectu ad alterum importat in ratione principij (est enim potentia actiui principij agendi in aliud, ut patet per Philosophum in 1. Metaphysicæ) manifestum est quòd potentia dicitur de Deo per respectum ad facta secundum rei veritatem, non per respectum ad actionem: nisi secundum modum intelligendi, prout intellectus noster diuersis conceptionibus vtrumque considerat, scilicet diuinam potentiam, & eius actionem. Vnde si aliqua actiones Deo conueniant, quæ non in aliquod factum transeant, sed maneant in agente: respectu harum non dicitur in Deo potentia, nisi secundum modum intelligendi: non secundum rei veritatem. Huiusmodi autem actiones sunt intelligere & velle: potentia igitur Dei propriè loquendo, non respicit huiusmodi actiones, sed solos effectus. Intellectus igitur & voluntas in Deo non sunt, ut potentia, sed solum ut actiones. Patet etiam ex prædictis quòd multitudo actionum quæ Deo attribuuntur, ut intelligere, velle, producere res, & similia: non sunt diuersæ res, cum quælibet harum actionum in Deo sit ipsum eius esse, quòd est vnum & idem.

Quomodo autem multiplicitas significationis vnius rei vnitati non præiudicat, ex his quæ in 1. Libro 1. ostensa sunt, manifestum esse potest.

### Super cap. 10.

Et in loco ostendendum est, qualiter potentia actiua sit in Deo. Et ponit sanctus Thomas duas conclusiones, & duo corollaria. Prima conclusio est, In Deo non est potentia sicut principium actionis, nisi secundum nostrum modum intelligendi. Prima pars probatur, Nihil est sui ipsius principium secundum veritatem, sed actio diuina nihil est aliud quam eius potentia: ergo potentia Dei non est principium actionis diuinæ. Secundam partem declarat sanctus Thomas, dicens esse ibi potentiam respectu actionis quantum ad modum intelligendi, prout intellectus noster diuersis conceptionibus & potentiam diuinam & actionem considerat.

PRO declaratione primæ partis aduertendum, quòd veritas ibi accipitur non prout dicitur aliqui existens in intellectu, sed ut dicitur rei veritatem, quæ est ipsum esse: & est sensus quòd non est ibi potentia respectu actionis secundum esse, quasi scilicet potentia realiter sit principium productiuium actionis.

Quomodo potentia sit principium actionis in Deo.

AD EVIDENTIAM secundæ partis considerandum, quòd cum omnis perfectio creaturæ sit in Deo absque imperfectione tamen, & potentia atque actio aliquam perfectionem dicant, necesse est vtrumque in Deo inueniri. Ideo intellectus noster in diuina natura apprehendit & rationem potentia, & rationem actionis, & quia de ratione actionis in creaturis est ut à principio sit, ut dicitur Potent. artic. 1. ad primum. Ideo quum intellectus in Deo concipit aliquid per modum actionis concipit ut id quòd est à principio: quæ tamen habitudo non est in re, sed tantum in ratione, vnde non est in ipsa re habitudo actionis ad potentiam tanquam ad principium, sed est tantum in nostro modo concipiendi. Nec tamen intellectus sic intelligendo est falsus, quia non apprehendit ita esse in re, quòd actio diuina à potentia produciatur, sed hoc tantum se tenet ex parte modi intelligendi: sicut quum apprehendit vnum in ordine ad alterum, inter quæ tamen non est ordo ex parte rei: ut cum idem comparat sibi ipsi, quòd accidit quum intellectus de vna & eadem re diuersos conceptus format.

Verum in Deo dicatur potentia respectu actionis.

SED occurrit dubium contra primam partem conclusionis. Oppositum enim eius videtur dicere S. Tho. 1. dist. 42. q. 1. art. 1. ad secundum. Ibi enim dicit quòd essentia diuina secundum quòd est principium operationis, potentia vocatur, ergo in Deo est potentia respectu operationis, cuius oppositum dicit conclusio.

Respondetur, quòd loquitur S. Tho. de principio non secundum esse, sed secundum rationem & modum intelligendi. Ut enim dicitur Potent. q. 1. art. 1.

ad primum, licet essentia diuina non habeat principium, neque re, neque rationem: tamen operatio diuina habet aliquod principium secundum rationem.

Secunda conclusio est, In Deo secundum rei veritatem est potentia per respectum ad facta. Probat, In Deo est potentia secundum rei veritatem, sed potentia respectu ad alterum importat in ratione principij, ut patet ex diffinitione potentia actiue, 9. Metaphysicæ, ergo in Deo potentia dicitur rationem principij in ordine ad facta, cum non dicat in ordine ad operationem, est enim principium rerum creaturarum productiuium.

Corollarium primum est, Respectu actionum immanentium non ponitur in Deo potentia secundum rei veritatem, sed tantum secundum modum intelligendi. Patet ex præmissis quia potentia nominat principium realiter productiuium. Dicitur est autem quòd potentia non habet ei secundum rei veritatem, sed tantum secundum modum intelligendi rationem principij respectu operationis, Ideo, &c. Ex quo sequitur vltius quòd voluntas & intellectus in Deo non sunt ut potentia, sed solum ut actiones.

Sed videtur esse implicatio contradictionis in verbis S. Tho. Aut enim intelligit voluntatem & intellectum esse in Deo ut verè & realiter, actiones autem tantum secundum rationem. Si secundum rem, ergo oportet respectu ipsarum esse realiter potentiam, quia de ratione operationis est habere principium, ut adductum est ex Quæst. de Potentia Dei. Si secundum rationem tantum, ergo oportet ibi ponere intellectum & voluntatem ut potentias secundum rationem.

Respondetur, quòd intelligit illas esse verè & realiter actiones, & non tantum secundum rationem: sed aduertendum, quòd cum perfectiones creaturarum inueniantur in Deo quantum ad id quòd perfectionis actionis est, non autem quantum ad imperfectionem quam includunt, oportet actiones immanentes quæ sunt intelligere & velle, in Deo esse ratione perfectionis, non autem ratione imperfectionis, in ipsis autem perfectionis est quòd sint vltimum complementum, nullam aliam perfectionem expectantes. Operatio enim immanens est vltimum complementum potentia, & quantum ad hoc ponuntur in Deo tales actiones, intelligitur enim ipsum intelligere & velle tanquam vltimus actus nullum vltius actum expectans. procedere autem à principio realiter ab ipsis secundum esse distinctio, imperfectionis est. Ideo quantum ad hoc non ponuntur in Deo. Cum ergo arguitur quòd de ratione actionis est habere principium productiuium secundum rem, dicitur quòd hoc falsum est quantum ad id quòd perfectionis est in actione, & de actione subsistente, qualis est diuina operatio, sed bene verum est de actione quæ accidens est ab ipsa potentia distinctum: & vniuersaliter de ratione actionis est habere principium productiuium aut secundum rem, aut secundum modum intelligendi se tenentem ex parte intellectus.

Secundum corollarium est ex præmissis sequens, Multitudo actionum, quæ Deo attribuuntur, non sunt diuersæ res. Probat, quia omnes sunt ipsum esse diuinum, quòd vnum est.

AD VERTE, quòd connumerat S. Tho. producere res inter actiones diuinas tanquam ab intelligere & velle distinctum, non quia omnino formaliter ab intelligere & velle distinguatur, sed quia addit ad illa respectum principij ad creaturas per modum executionis. Ut enim dicitur est in 1. ca. huius 2. Libri, potentia non distinguitur ab intellectu & voluntate in Deo, nisi quia super illa addit respectum principij executiui. Vnde quòd inquit S. Tho. Quoniam intellectus & voluntas in Deo non sunt ut potentia, intelligitur in quantum intellectus & voluntas sunt, ut scilicet respiciunt actiones immanentes absolute acceptas: sed bene ut ipsis eo intelligitur respectus principij productiui ad creaturas, sunt in ipso & potentia.

Postremò quia posset aliquis dicere, quòd ista multiplicitas operationum diuinarum secundum rationem repugnat vnitati & simplicitati diuine, respondetur ex his quæ in 1. Libro sunt ostensa patere, quòd multiplicitas significationis vnius rei, id est, quòd vna res multis nominibus significatur, & per consequens diuersis rationibus consideratur, vnitati non præiudicat.

### Quòd de Deo aliquid dicatur relatiuè ad creaturas. Cap. 11.

Idem Pri. parte q. 13. artic. 7. de Po. q. 7. artic. 8.

**S**I autem potentia Deo conueniat respectu suorum effectuum, potentia autem rationem principij habeat, ut dictum est: principium autem relatiuè ad principium dicitur: manifestum est quòd aliquid relatiuè potest dici de Deo in respectu suorum effectuum.

2 Item, Non potest intelligi aliquid relatiuè dici ad alterum, nisi e conuersò illud relatiuè diceretur ad ipsum: sed res alia relatiuè dicuntur ad Deum, ut potè secundum suum esse quòd à Deo habent, ut ostensum est, ab ipso dependentes. Deus igitur e conuersò relatiuè ad creaturas dicitur.

3 Adhuc, Similitudo est relatio quædam: Deus autem, sicut & cætera agentia, sibi simile agit, dicitur igitur aliquid relatiuè de ipso.

4 Amplius, Scientia ad scitum relatiuè dicitur: Deus autem non solum sui ipsius, sed etiam aliorum scientiam habet, igitur aliquid relatiuè dicitur de Deo ad alia.

5 Adhuc, Mouens dicitur relatiuè ad motum, & agens ad factum: Deus autem est agens & mouens, non motum, ut ostensum est, dicitur igitur de ipso relationes.

6 Item, Primum relationem quandam importat: similiter & summum. Ostensum est autem in 1. Libro 1. ipsum esse primum, & summum bonum: patet igitur quòd multa de Deo relatiuè dicuntur.

### Super cap. 11.

**P**ostquam determinauit sanctus Thomas de potentia Dei, consequenter de relationibus diuinis ad creaturas determinat. Circa hoc autem tria facit. Primum enim agit de ipsis quantum ad prædicationem: secundò quantum ad esse ipsarum, cap. 12. tertio quantum ad multitudinem, cap. 14.

Quantum



Quantum ad primum ponitur hæc conclusio, De Deo aliquid relatiue dicitur respectu suorum effectuum, id est, aliquid nomen relationem ad creaturas importans conuenienter Deo attribuitur. Probatur, tum quia potentia Deo conuenit, ut ostensum est, potentia autem dicitur habitudinem principij ad principiatum, tum quia creatura dicitur ad Deum relatiue: non potest autem in telligi aliquid relatiue dici ad alterum, nisi econuerso illud relatiue dicatur ad ipsum. Tum quia Deus agit sibi simile: similitudo autem relatio est, tum quia habet de aliis scientiam, scientia autem refertur ad scibile. Tum quia est mouens & agens, quæ dicuntur relatiue ad motum & factum. Tum quia est primum & summum bonum, hæc autem habitudinem dicunt.

ADVERTENDUM, quod licet quandoque primum negatiue dicatur, ut in Scriptura dicitur primogenitus, ante quem nullus est genitus, aliquid tamen dicitur etiam relatiue, ut dicatur primum, quod alia omnia præcedit secundum aliquem ordinem. In secundo sensu accipit hoc loco primum S. Tho. non autem in primo.

OC-CURRIT autem dubium circa propositionem hanc assumptam in secunda ratione, Non potest intelligi aliquid relatiue dici ad alterum, nisi econuerso illud relatiue dicatur ad ipsum, videtur enim velle S. Th. in omni termino relatiui oportere poni relationem, & sic etiam in Deo esse relationem ad creaturam, quia relationem terminat creaturæ. Arguitur enim contra hoc multipliciter. Primum, quia secundum Arist. 1. Metaph. de Ad aliquid, tertio modo dicuntur relatiua quæ dicuntur ad aliquid, quia alterum refertur ad reliquum, sed non econuerso, relationes autem inter Deum & creaturam pertinent ad tertium modum, ergo quævis creatura refertur ad Deum, non oportet Deum ad creaturam referri, quia eius terminet relationem.

Secundo, Actus est prior potentia, quia diffinitur potentia per actum ut dicitur 9. Metaph. sed non diffinitur actus potentiam, nisi ut est eius terminus, ergo ut est eius terminus, est prior potentia, sed non est prior ut correlatiui, sed tertio modo dicuntur relatiua quæ dicuntur ad aliquid, quia alterum refertur ad reliquum, sed non econuerso, relationes autem inter Deum & creaturam pertinent ad tertium modum, ergo quævis creatura refertur ad Deum, non oportet Deum ad creaturam referri, quia eius terminet relationem.

Tertio, Relatiuum ut relatiuum primum diffinitur per terminum: ergo terminus ut terminus prior est diffinitione ipso relatiuo. Consequentia patet ex 7. Metaph. ubi substantia ponitur accedente prior diffinitione, quia accedens per substantiam diffinitur: ergo non requiritur relatio in termino, ut terminus est.

Quarto, Nullo intellectu considerante scientia refertur ad scibile, & similiter creatura ad Deum, sed relatio rationis non est remota opere intellectus, cum non habeat esse nisi in intellectu, ergo relatio rationis in scibili & in Deo non fuit ratio terminandi relationem scientiæ & creaturæ. Effet etiam dubium, quomodo Deus in tertia ratione dicitur similis creaturæ, sed de hoc satis dictum est in 1. lib. cap. 29.

AD eundem dubij huius considerandum est, quod Scotus in 1. Sent. d. 30. q. 1. propter adductas rationes tenet quod propter terminationem relationum creaturarum ex tempore ad Deum, non oportet ponere aliquam relationem in Deo, nec nouam, nec antiquam: cuius oppositum & hic & alibi videtur tenere S. Th. Thomistæ autem quidam tenentes oportere Deum relatiue dici, si debeat relationem creaturæ terminare, in duas sententias diuidunt. Quidam enim tenent quod terminus relatiui nunquam relationem terminaret, nisi ei conueniret aliqua relatio rei aut rationis, sed dicunt quod relatio non est sibi formalis relatio terminandi, sed ipsum absolutum ratione absoluti terminat. Alij vero dicunt duo. Primum est, quod terminus non terminat ratione absolute, sed ratione relationis, & terminat ut correlatiuum. Secundum est, quod in duobus primis modis relatiui terminat ratione relationis in ipso existens: in relatiuis autem tertij modi terminat ratione relationis existentis in alio extremo, à qua extrinsecè in esse relatiuo realiter denominatur. Probant autem suam positionem, tum quia si terminus relatiui esset absolutum duplici modo diceretur ad dimidium, nec seruus ad dominum, cuius oppositum dicitur expositores: tum quia oporteret in diffinitione creaturæ Deum cadere sub propria ratione absolute: tum quia relatiuum de necessitate etiam exigit in sua diffinitione correlatiuum, ut id ad quod dicitur, & sic nulla esset ratio quare exigere absolute: tum quia in diuinis non possent saluari relationes ad intra, nisi poneretur personarum distinctio realiter secundum absolute. Mihi autem videtur dicendum quod dupliciter terminus relatiui considerari potest. Vno modo absolute, pro eo ad quod dicitur relatiuum, alio modo pro eo ut à nobis concipitur per modum termini diffinitionis relatiui. Si primo modo consideretur sic in relatiuis quidem primi & secundi modi oportet esse relationem ex parte termini, quia in termino est eadem ratio & causa relationis, quæ est in relatiuo ad ipsum terminatum. In relatiuis vero tertij modi non oportet ex parte termini relationis realis esse relationem, cum non sit in ipso causi aliqua relationis ad relatiuum quod ad ipsum terminatur. Propter quod dicitur 5. Metaph. quod in hoc genere vni extremorum dicitur relatiue, non quia ipsum ad aliud dicitur, sed quia aliud dicitur ad ipsum. Vnde in vno ponitur tantum relatio rationis, quævis in altero sit relatio realis. Cõstat autem quod relatio rationis non est æqualiter in re nullo intellectu considerante, & tamen nullo intellectu cõsiderante illud extremum est id ad quod dicitur aliud relatiuum reale. Ideo oportet dicere, quod in huiusmodi terminis in quo non est realis relatio, terminat ratione absolute tantum, non autem ratione alicuius relationis existentis in ipso, aut secundum rem, aut secundum rationem. Patet autem hoc esse de mente S. Th. Potentia 7. ar. 10. ad 4. ubi tenet quod cum hoc nomen Dominus, tria importet, scilicet potentiam cõcedendi subditos, ordinem ad subditos & terminationem ordinis subditorum ad dominum, huius nominis significatio inuenitur in Deo, non quantum ad ordinem ad subditos, sed quantum ad potentiam cõcedendi & quantum ad terminationem ordinis subditorum ad dominum: ex quibus apparet ipsum velle quod Deus relatione creaturæ ad ipsum terminat absque aliquo ordine ipsius ad creaturam. Nec valet dicere, quod terminat tantum fundamentaliter, non autem formaliter, quia secundum hæc cõsiderationem terminare formaliter est esse id ad quod dicitur relatiuum. Constat autem secundum hæc verba S. Th. quod creatura dicitur ad Deum etiam nullo posito ordine Dei ad creaturam, cum hoc sibi conueniat etiam nullo intellectu considerante. Si autem terminus secundum modo consideretur, sic oportet in termino relationem poni in omni modo relatiuorum. In primo quidem & secundo modo reale, in tertio vero modo secundum rationem. Nam non possumus intelligere siue concipere aliquid sub ratione termini relatiui diffinitionis, nisi ipsum cum quodam ordine ad ipsum relatiuum apprehendamus. Et hoc est quod intellexit sanctus Th. hoc loco, dum dixit, quod non potest intelligi aliquid relatiue dici ad alterum, nisi econuerso illud relatiue dicatur ad ipsum. Et 1. Sent. d. 3. artic. 3. dum dixit quod intellectus noster non potest accipere aliquid relatiue ad

alterum dici, nisi ipsum sub opposita habitudine intelligat. Rationes etiam secundæ opinionis Thomistarum, excepta quarta, hoc secundum dictum probant, non autem aliquid probant contra primum dictum, ut satis patet. Prima enim procedit de relatiuis primi & secundi modi, in quibus concedimus relationem in termino contineri.

Ad secundam vero negatur cõsequentia, licet enim Deus sit absolute terminus quantum ad suum absolutum, non tamen diffinit relatiuum, nisi ut cum habitudine opposita concipitur. Ad tertiam similiter dicitur, quod probat terminum ut conceptum per modum termini diffinitionis includere relationem, quod vtrique concedimus. Ad quartam, negatur consequentia, quia cum dicimus relatiuum terminari ad absolutum, intelligimus, nisi ipsa relatio sit suppositum subsistens, sicut est in diuinis relationibus personalibus, tunc enim idem est relatio, & habens relationem, ideo terminus relatiui est relatiuum formaliter.

Considerandum vltius, quod secundum dictum prædictæ opinionis nullo modo videtur de mente sancti Th. esse. Vult enim hæc opinio quod Deus nullo intellectu considerante relatiue dicatur ratione relationis existentis in creatura, & quod proprium est relatiuorum tertij modi, ut aliquid dicitur relatiuum realiter propter relationem in altero extremo realiter existentem, & cum terminus relatiui sit correlatiuum, vult Deum esse terminum ratione relationis existentis in creatura. Contra hoc enim est expressè sanctus Th. Inferius, cap. 13. ubi inquit quod à relatione exterioris existente non inuenitur aliquid denominari, sed ab interiori, & loquitur de relationibus quibus Deus refertur ad creaturas. Nec valet dicere hanc esse mentem sancti Th. quod à relatione extrinsecæ non potest aliquid formaliter denominari: ut scilicet per illam dicatur formaliter relatiuum, sed bene potest ab ea aliquid realiter denominari, ut sit scilicet relatiuum secundum rem. Oportet enim secundum determinationem ipsius opinantis, terminum relatiui esse relatiuum, non tantum materialiter, sed etiam formaliter, alioquin non responderet ad propositum, nullo autem intellectu considerante Deus secundum ipsum terminat relationem creaturæ ut relatiuum est, ergo si non est relatiuum nisi per relationem creaturæ, oportet ipsum dicere quod formaliter non tantum realiter dicitur relatiue ex relatione exterioris existente, cuius oppositum dicit sanctus Thomas etiam secundum ipsius expositionem.

Videtur autem huius opinionis author deceptus esse ex malo intellectu verborum sancti Thomæ, Prima parte, loco præallegato, ad quartum, ubi dicitur quod Deus dicitur relatiue ad creaturam, quia creatura refertur ad ipsum, sicut inquit Philo. 1. Metaph. de scibili respectu scientiæ. Ipse enim hæc verba intelligit quasi velit dicere sanctus Th. quod ipsa relatio creaturæ ad Deum præcisè sumpta, est tota ratio quare Deus dicatur Dominus creaturæ, aut Creator relatiue realiter, ita quod nihil aliud requiratur ad hoc, ut dicatur Dominus ex parte relationis licet requiratur ex parte Dei potestas cõcedendi. Cum tamen dicat in eodẽ loco, quod à relationibus realiter existentibus in re, non est inconueniens Deum denominari, secundum tamen quod cõintelliguntur per intellectum nostrum oppositæ relationes in Deo. Ex quibus datur intelligi ipsas quidem relationes creaturarum esse causam determinationis, sed formam denominatam esse relationem rationis relationi creaturæ cõintellectam & remota operatione intellectus, per quam relatio rationis Deo attribuitur, non posse Deum ab ipsa relatione creaturæ relatiue formaliter denominari. Adducta autem verba sancti Thomæ sic ego intelligo, quod Deus dicitur relatiue ad creaturam, quia creatura ad ipsum refertur, id est, habet ex eo quod terminat relationem creaturæ ad ipsum ut concipitur cum opposita relatione rationis ad ipsam, & sic relatiue dicitur, non autem quod à creaturæ relatione formaliter denominetur. Est enim relatio creaturæ causa denominandi, non tamen forma proximè denominans. Vnde nullo intellectu considerante non refertur Deus actualiter ad creaturam, est tamen realiter Dominus terminatiue, licet non relatiue formaliter, quia terminat relationem realem seruientis creaturæ ad ipsum. Quod autem non possit ex relatione existente in altero correlatiuo, aliquid formaliter dici relatiuum, patet manifestè ex hoc, quod effectus formalis relationis est ad aliud referre: constat autem quod vnum relatiuum non refertur ad alterum per relationem existentem in suo opposito, alioquin idem esset subiectum, & terminus relationis eiusdem.

Quod sit de mente sancti Th. quod diximus, ostenditur ex his quæ superius adducta sunt ex Quest. de Potentia, ubi inquit hoc nomen Dominus de Deo dici quantum ad potentiam cõcedendi subditos, & quantum ad terminationem ordinis subditorum ad Dominum, non autem quantum ad ordinem ad subditos. Ecce, quia ponit Deum dici realiter Dominum, nullo intellectu considerante ratione potentie, & ratione terminationis ordinis creaturæ ad ipsum, non autem ratione alicuius relationis realis ipsum formaliter denominantis. Vnde cum nullo intellectu considerante nulla sit in Deo relatio ad creaturas, neque inquam, secundum rem, neque secundum rationem, sequitur quod tunc nullo modo dicitur formaliter Dominus relatiue, neque realiter, neque secundum rationem, sed dicitur relatiue tantum fundamentaliter & terminatiue, quia scilicet terminat relationem creaturæ ad ipsum, & ex hoc habet ut possit intelligi cum opposita relatione ad creaturam. Quum ergo dicitur à sancto Th. Deum dici relatiue ad creaturam, quia creatura refertur ad ipsum, sensus est, quia terminat relationem creaturæ, & ex hoc cum quadam relatione rationis concipitur, & relatiue dicitur formaliter, non autem quia per ipsam relationem creaturæ formaliter refertur. Cum enim in Deo non sit realis ordo ad creaturam, causa quare habeat concipi cum relatione rationis ad ipsam & ad talis relationis rationis formaliter denominari, est, quia creatura habet ordinem ad ipsum secundum naturam.

Si autem inuestigetur, quia sanctus Thomas Tertia parte quæst. 36. ar. 5. inquit quod Deus dicitur realiter Dominus ex reali subiectione creaturæ ad ipsum & Christus dicitur realiter filius Virginis ex relatione reali maternitatis ad Christum, respondetur, Mens sancti Thomæ est, quod ex relatione reali creaturæ quod ad Deum & ad Christum, dicuntur realiter tales tanquam ex causa, quare Deus dicatur realiter Dominus terminatiue & fundamentaliter, & similiter Christus filius Virginis, ut exposuimus, non autem quod remota relatione rationis à relatione reali alterius dicatur relatiue formaliter realiter. Vnde paulò superius ante hæc verba inquit de Christo, quod dicitur relatiue Filius relatione quæ cõintelligitur relationi maternitatis ad Christum, sicut & Deus dicitur Dominus relatione quæ cõintelligitur reali relationi qua creatura subiectione Deo.

A relatione extrinsecæ nihil relatiue denominatur.

Quomodo Deus ad creaturam refertur.

Vtrum in termino relatiui oporteat relationem poni ad hoc ut terminet.



Dicendum igitur est secundum mentem sancti Thomae, quod ab ipsa relatione creaturae ad Deum praecise sumpta, dicitur Deus realiter Dominus terminatiue tanquam ex causa, non autem relatiue formaliter, sicut & a potentia coërcitiua dicitur fundamentaliter Dominus: ab ipsa autem relatione cointellecta quae est rationis, dicitur Dominus formaliter relatiue, & sic de aliis similibus. Sic etiam intelligendum est quod habetur a sancto Thoma. 1. 2. d. 40. q. 1. art. x. ad 2. ubi dicitur, quod in relatiuis denominatur quandoque aliquid eo quod solum in altero est, sicut in illis in quorum vno est relatio secundum rem, & in alio secundum rationem tantum: & datur exemplum de scibili. Intelligitur enim quod denominatur tale, causaliter ex relatione existente in altero, in quantum, ut dictum est, ex eo quod aliquid terminat relationem alterius ad ipsum, habet ut cum opposita relatione coëcipiatur, non autem quod a relatione existente in altero denominetur aliquid formaliter relatiue.

Quomodo in relatiuis tertij modi vterque terminus dicitur relatiue.

Ad rationes Scoti, in quantum aliquo modo contra determinata esse possunt, respondendo dicitur ad primum primum, quod mens Aristotelis. 5. Meta. est quod aliquid dicitur relatiue & ad aliud, non propter aliquam relationem realem existentem in ipso, sed propter realem relationem existentem in altero, tanquam ex causa quare in ipso sit relatio rationis, a qua formaliter dicitur relatiue: & quare dicitur terminatiue realiter relatiue & fundamentaliter.

Dicitur secundum, quod terminus relatiui, ut per modum diffiniens concepti, dicitur etiam formaliter relatiuum, non quia dicat relationem realem, sed quia habet relationem rationis & nomen significans ipsum relatiue includit ordinem in suo conceptu ad correlatiuum, siue sit ordo realis, siue ordo rationis. Et sic in relatiuis etiam tertij modi in vtroque extremorum includitur relatio, ut superius est expositum: scientia enim refertur ad scibile, & creatura ad creatorem. Constat autem conceptus importatos his nominibus scibile & creator, esse coëceptus relatiuos: est enim scibile aliqua scientia scibile, & creatura alicuius creatoris creatura secundum quod ista nomina relatiue dicuntur.

Dicitur tertio, quod licet nullo intellectu considerante, in re quae scibilis dicitur, non sit relatio realis, est tamen in ipsa relatio rationis secundum proximū fundamentum, in quantum actualiter terminat relationem scientiae ad ipsum, & sic de aliis. Vnde quod dicit prima opinio, nihil posse esse terminū relatiui, nisi habeat in se relationem ad ipsum, intelligitur, aut formaliter, aut proxime fundamentaliter: quod enim actualiter terminat ordinem alicuius relatiui ad ipsum habet in se vnde concipi possit in ordine ad ipsum relatiuum, & sic potest dici illius correlatiuum sicut licet priuatio non sit formaliter in subiecto realis forma, sed sit tantum in intellectu, dicitur tamen subiectum realiter priuatum, quia caret reali forma quam debet habere. Vnde ad argumentum dicitur, quod procedit ex falso intellectu verborum Aristotelis, ac si diceret in relatiuis tertij modi in altero relatiuorum nullam esse relationem, neque rei, neque rationis, neque aequalem, neque proximē fundamentalem, cum tamen intelligat in altero non esse relationem realem. Vnde accepta Aristotele mente negatur consequentia.

Ad secundum negatur minor: adus enim ut prior potentia, non diffinit potentiam, ut terminus quantum pertinet ad mentem Aristotelis in illo loco, sed diffinit secundum quod vtrumque illorum secundum suam essentialem rationem absolutam consideratur, secundum quam ratio adus est prior ratione potentiae, & ponitur in eius diffinitione sicut substantia in diffinitione accidentis, non enim inueniunt res quae relatiue denominatur habere inter se ordinem prioris & posterioris, & vnum poni in diffinitione alterius sed non conueniunt: quamuis ut relatiua sunt, simul sint natura & intellectu, ut dicitur Prima parte vbi supra.

Ad tertium negatur prima consequentia, quia licet in absolutis diffiniens sit prius diffinito, sicut substantia accidente, in relatiuis tamen non est sic, cum relatiua sint simul natura & cognitione si sint recte assignata, & ideo mutuo se diffiniunt.

Ad quartum dicitur, quod nullo intellectu considerante, in scibili & in Deo est relatio rationis fundamentaliter proximē, non autem actualiter & complete: hoc autem sufficit ad hoc ut aliquid dicatur ad alterum relatiue per modum termini absoluti. Ex hoc enim quod Deus habet potentia coërcitiua subditorum, & actualiter terminat relationem subditorum ad ipsum, natus est intelligi si concipiatur ut taliter terminans, cum habitudine dominij ad subditos. Vnde argumentum est pro prima parte determinationis factae.

Dicitur secundum, quod etiam nullo intellectu considerante actualiter, in ratione per hunc terminum scibile importata includitur relatio ad scientiam, non enim oportet ad hoc ut conceptus aliquis per nomen importetur quod semper actu cogitur: sufficit enim quod nomen sit impositum ad significandum rem mediante tali conceptu. Ad hoc autem ut terminus formaliter dicat relationem, sufficit ut conceptus per nomen termini diffiniens importatus, quo mediante nomen est rei impositum, relationem importet.

### Quod relationes Dei ad creaturas non sunt realiter in Deo.

Cap. 12.

Idem 1. Sent. d. 30. art. 3. & de Po. q. 7. art. 10.

†Cap. 13.

†Cap. 15.

†Cap. 25.



Huiusmodi autem relationes quae sunt ad suos effectus, realiter in Deo esse non possunt. Non enim in eo esse possent sicut accidentia in subiecto, cum in ipso nullū sit accidens, ut in 1. Lib. ostensum est, nec etiam possent esse ipsa Dei substantia. Cum enim relatiua sint quae secundum esse ad aliud quodammodo se habent, ut Philosophus dicit in Praedicamentis, oporteret quod Dei substantia hoc ipsum quod est, ad aliud diceretur: quod autem hoc ipsum quod est, ad illud dicitur, quodammodo ab ipso dependet, cum nec esse nec intelligi sine eo possit: oporteret igitur quod Dei substantia ab alio extrinseco esset dependens, & sic non esset per seipsum necesse esse, ut in 1. Lib. ostensum est. Non sunt igitur huiusmodi relationes secundum rem in Deo.

Item, Ostensum est in 1. Lib. quod Deus omnium entium est mensura: comparatur igitur Deus ad alia entia sicut sci-

bile ad scientiam nostram, quod eius mensura est. nam ex eo quod res est vel non est, opinio vel oratio vera vel falsa est, secundum Philosophum in Praedicamentis. Scibile autem licet ad scientiam relatiue dicatur, tamen relatio secundum rem in scibili non est, sed in scientia tantum. Vnde secundum Philosophum 5. Metaph. scibile dicitur relatiue: non quia ipsum referatur, sed quia aliquid aliud ad ipsum refertur. Dictae igitur relationes in Deo non sunt realiter.

†Tex. cō. 20.

Adhuc, Relationes praedictae dicuntur de Deo non solum respectu eorum quae sunt in actu, sed etiam respectu eorum quae sunt in potentia, quia & eorum scientiam habet, & respectu eorum dicitur & primum ens, & summum bonum. Sed eius quod est actu, ad id quod non est actu, sed potentia, non sunt relationes reales, alias sequeretur quod essent infinitae relationes actu in eodem, cum numeri infiniti in potentia sint maiores binario, quibus omnibus ipse est prior. Deus autem non aliter refertur ad ea quae sunt actu, quam ad ea quae sunt potentia: quia non mutatur ex hoc quod aliqua producit. Non igitur refertur ad alia per relationem realiter in ipso existentem.

Amplius, Cuicumque aliquid de nouo aduenit, necesse est illud mutari vel per se vel per accidens. Relationes autem quae dam de nouo dicuntur de Deo, sicut quod Deus est Dominus vel Gubernator huius rei quae de nouo incipit esse. Si igitur praedicaretur aliqua relatio realiter in Deo existens, sequeretur quod aliquid Deo de nouo adueniret, & sic quod mutaretur vel per se, vel per accidens: cuius contrarium in primo Libro ostensum est.

†Cap. 13.

Super cap. 12.



Vm ostensum sit, aliquid relatiue ad creaturas de Deo dici, restat inquirendum quod esse dicant huiusmodi relationes dictae de Deo. Circa quod duas ponit conclusiones sanctus Thoma. Primam in praesenti cap. secundam, in sequenti. Prima conclusio est, Relationes Dei ad suos effectus realiter in Deo esse non possunt. Probatur primum, Non possunt in eo esse ut accidentia, cum in ipso nullum sit accidens, nec ut substantia Dei, quia substantia Dei hoc ipsum quod est, ad aliud diceretur, ut patet ex Praedicamentis Aristotelis: & sic dependeret ab aliquo extrinseco. Quod enim hoc ipsum quod est, ad aliud dicitur, ab ipso dependet, cum nec esse nec intelligi possit sine eo, & per consequens ens non esset necesse esse.

Sed videtur ista ratio non concludere: per ipsam enim similiter probaretur nullam relationem personalem in Deo esse idem realiter cum essentia diuina, quia cum esse relationis sit ad aliud se habere, si relatio erit idem cum essentia, oportebit Deum secundum id quod est, ad aliud se habere, & sic non erit ens per seipsum necesse esse.

Respondetur, quod non eodem modo procederet ratio de relationibus personalibus, sicut procedit de relationibus ad creaturas. In istis enim relatio terminatur ad aliud omnino extraneū ad diuinā naturā: ideo si essentia diuina esset talis relatio, dependeret ab aliquo extraneo, & sic non esset Deus necesse esse per seipsum. Quod enim est per se necesse esse, non dependet in sua existentia ab aliquo extraneo. Relationes autem personales non terminantur ad aliud extrinsecum ad diuinā essentia, sed ad personam quae est idem cum essentia diuina, quae est etiam essentia alterius personae, non repugnat autem ei quod est per se necesse esse referri ad aliud, quod est idem sibi secundum substantiam, & sic ad ipsum dependere, quod absque illo esse non possit. Neque enim potest esse Deus absque Personis, nec una Persona absque alia.

Secundo, Sicut se habet scibile ad scientiam nostram, ita Deus ad res creatas, quia sicut scibile est mensura scientiae, ita Deus est omnium entium mensura, ut ostensum est in 1. Libro, sed scibile non refertur ad scientiam relatione reali in ipso existente, ut patet 5. Metaphysicæ, ergo nec Deus ad creaturas. De scibili quo modo refertur, & de aliis in quibus relatio realis est in vno extremo tantum, determinatum est in praecedenti capitulo: & est ostensum quomodo verba Aristotelis sint intelligenda.

Tertio, Huiusmodi relationes dicuntur non solum respectu eorum quae sunt in actu, sed etiam respectu eorum quae sunt in potentia, cum & eorum quae sunt in potentia, scientiam habeat, & respectu eorum sit primum ens, & summum bonum. Sed eius quod est actu, ad id quod est in potentia, non est relatio realis: alioquin infinitae relationes essent actu in eodem. Binarius enim est prior infinitis numeris ipso maioribus qui sunt in potentia: ergo non refertur Deus ad creaturas quae sunt actu aliqua relatione reali. Probatur consequentia, quia Deus non aliter refertur ad ea quae sunt actu, quam ad ea quae sunt in potentia.

Circa istam propositionem, Eius quod est actu, ad id quod est in potentia, non est relatio realis: aduertendum ex doctrina sancti Thomae, Potentia, quae est 7. artic. 11. quod relatio realis est ordo rei ad rem extra intellectum, ita quod nullo intellectu considerante illae res inter se talem ordinem habent. Ad hoc autem quod talem ordinem aliqua inter se habeant, oportet quod vtrumque sit ens actu: sicut enim aliae formae accidentales actu non conueniunt nisi existentibus, ita ordo medius inter aliqua illis realiter non conuenit nisi existant. Illud enim quod realiter refertur, ideo realiter refertur, quia habet aliquam realem formam in se, ad quam talis ordo consequitur. Id etiam quod terminat huiusmodi ordinem, habet ut terminet ex aliqua reali forma inexistente, ut patet discurrente per omnes modos relatiuorum. Quia ergo ens in potentia non habet actu existentiam, ideo entis in actu ad ens in potentia non est relatio realis.

Si autem obiiciatur, quia aliquid est realiter imago non existentis, & memoria, & productum, & huiusmodi quae relatiue dicuntur ad non ens, ut arguit Gregorius in 1. Sent. apud Capreol. dist. 30. respondetur, & dicitur primum, quod dicitur aliquid realiter productum alicuius, aut imago, aut memoria,

Eius quod est in actu ad id quod est in potentia non est relatio realis.



memoria, non propter realem rationem in ipsis existentem, sed propter eorum realem entitatem relatione conceptam. Nomina enim relatione importantia secundum rationem, sæpenumero dicuntur de rebus extra animam existentibus, eo quod significant rem absolutam mediante conceptu relatiuo: non enim inconuenit aliquid secundum se absolutum concipi ab intellectu in ordine ad aliud, & intelligi correlatiue si que mediante tali conceptu relatiuo aliquo nomine significari. Dicitur secundo si arguatur sic, Imago conuenit alicui realiter, & est relatiuum, ergo est relatiuum realiter quod comittitur fallacia compositionis & diuisionis: non enim esse relatiuum determinat hoc quod est conuenire realiter, nec e conuerso, ut liceat ex diuisione inferre coniunctum. Conuenire enim realiter alicui non attribuitur imagini inquantum relatiuum est, sed inquantum absolutum reale importat, licet sub conceptu relatiuo illud significet.

CIRCA illam propositionem, Deus non aliter refertur ad ea quæ sunt actu, quam ad ea quæ sunt in potentia, considerandum, quod ratio quare aliquid prius referebatur actu secundum rationem tantum postea uero etiam realiter refertur, est quia fit aliqua mutatio in re per quam alius sibi modus relationis conuenit, sicut Sortes inquantum generatius Platonis referebatur secundum rationem ad Platonem nouum existentem, postquam autem generauit, refertur realiter, quia mutatus est de agente in potentia ad agens in actu, si autem nulla esset facta mutatio in Sorte saltem de ocio ad opus, non esset mutatus relationis modus. Potest enim noua relatio aduenire alicui aliquo modo absque eius mutatione, ut dicitur s. Physicorum. Idem tamen non potest prius ad idem referri relatione rationis, & postea reali relatione, nisi ex aliquo sibi adueniente quod prius non inerat. Deus autem nullo modo mutatur etiam de ocio ad operationem, quia sua operatio est sua substantia, ideo non aliter refertur ad res dum sunt actu quam referebatur dum erant in potentia. Vnde san. Tho. pro ratione dictæ propositionis adducit, quia non mutatur ex hoc quod aliqua producit.

CIRCA illam consequentiam, Si quod est actu, refertur realiter ad id quod est in potentia, essent infinitæ relationes actu in eodem, ut in binario respectu numerorum, dubitatur, quia secundum san. Tho. Tertia parte q. 35. ar. 5. & 3. sen. d. 8. ar. 5. unitas & pluralitas relationis non attenditur secundum terminos, sed secundum causam & subiectum, ergo quantumcunque numeri sint infiniti, quibus binarius est prior: non oportet infinitas in ipso relationis esse, sed vnica relatione reali posset ad omnes referri, sicut docens Philosophum vnica relatione ad omnes quos Philosophiam docet, refertur.

Quomodo vnica relatio vnus terminum requirat.

Respondetur, quod vnitas & pluralitas relationis non attenditur quid secundum unitatem vel pluralitatem materialem terminorum, sed bene attenditur secundum unitatem & pluralitatem formalem: cui vnitas aut pluralitas fundamenti correspondet. Vnde in locis præallegatis tenet san. Th. quod si idem magister aliquos doceat Grammaticam, alios uero Philosophiam, vnica relatione refertur ad omnes suos discipulos Grammaticæ, alia uero ad discipulos Philosophiæ. Est enim ibi duplex terminus formalis, inquantum illi sunt Grammaticæ discipuli isti uero Philosophiæ. In propositione ergo quia binarius refertur ad omnes alios numeros tanquam ad terminos formales, non autem tanquam ad materiales, cum vnus numerus sit ad binarium duplus, alius uero triplus, alius quadruplus, & sic de aliis in infinitum, & per consequens binarius sit prior illo numero ut subduplus, illo uero ut subtriplus, & sic alia & alia ratione proportionis ad diuersos numeros refertur, sicut in ipso diuersa fundamenta formaliter: si omnes essent reales relationes, oporteret infinitas reales relationes actu esse in binario. Si autem iterum instaretur, quod hoc non est inconueniens apud ponentes relationem à fundamento realiter non distingui, dicerent enim quod sicut non est inconueniens vniam & eandem albedinem esse similitudinem respectu alterius albi, & dissimilitudinem respectu alicuius nigri, ita non est inconueniens in vno binario esse infinitas relationes reales distinctas tantum secundum rationem, sic enim non ponitur infinitum in actu secundum numerum cum non sint ibi multa realiter distincta, sed vna dicitur entitas ex se in infinitis terminis ordinata, & secundum rationem distincta, responderent fortassis illam opinionem tenentes quod apud san. Tho. inconueniens est in vno esse infinitas relationes specificas sola ratione distinctas, habentes tamen extra intellectum quicquid ad rationem & essentiam vnus cuiusque relationis pertinet, est enim proprium diuinæ essentie infinita hoc modo continere in vna simplici essentia.

Ex istis patet solutio cuiusdam dubij in doctrina san. Tho. quomodo scilicet filius vnica relatione refertur ad patrem & matrem, qui ad ipsum duabus relationibus realibus specificè distinctis, paternitate scilicet & maternitate referuntur, cum apud sanctum Th. Prima parte q. 39. art. 2. duabus relationibus specificè distinctis non possit vnica relatio respondere: dicitur enim iuxta prædicta quod in filio est vnica relatio materialiter, sicut fundamentum filiationis in ipso est materialiter vnum. Sunt autem duæ relationes formaliter, sicut & fundamenta formaliter sunt plura: quemadmodum enim pater & mater alia & alia ratione sunt principium generationis filij, ita alia ratione filius accipit à patre naturā, & alia ratione à matre: & ideo licet vno nomine, scilicet filiationis, significetur relatio filij ad patrem, & relatio eius ad matrem, sunt tamen plures filiationes in ratione relationis, quāuis in ratione rei vnum. Vnde quod inquit s. Th. quoniam duabus relationibus specificè distinctis non potest vnica relatio ex opposito respondere, intelligitur de unitate formali relationis, siue de unitate eius in ratione relationis non autem de unitate materiali siue de unitate in ratione rei. Patet autem hoc esse de mente sancti Thomæ, ex iis quæ dicit in loco allegato de Tertia parte, in responsione ad vltimum argumentum.

Quare, si essent realiter in Deo, oporteret Deum mutari, aut per se, aut per accidens, sed huius oppositum ostensum est in primo, ergo, &c. Probatur sequela, quia aliquæ relationes de nouo illi adueniunt: cuiusque autem aliquid de nouo aduenit, necesse est illud mutari, vel per se vel per accidens.

SED non videtur probatio huius consequentis efficax: esset enim vniuersaliter accipitur maior, ut ly Aliquid se extendit ad absolutum & relatiuum, falsa est. Nam ut dicitur, Physic. relatio alicui aduenit de nouo non per subiecti, sed per alterius mutationem: sicut me non mutato in ipso aliquid similis esse propter eius mutationem: quia accepit eandem quam ego habeo qualitatem. Si uero accipitur in absolutis, est quidem vera, sed tunc committitur fallacia figuræ dictionis, arguendo sic, Cuiusque aliquid de nouo accedit, illud mutatur: sed Deo aliqua relatio de nouo aduenit, ergo mutatur: sub absoluto enim subsumitur relatiuum.

Respondetur, quod maior propositio est vniuersaliter vera, & intelligitur quod cuiusque aliquid realiter siue secundum entitatem aduenit, mutatur: cum enim mutari nihil aliud sit quam aliter se habere nunc quam prius, & id cui aliquid reale aduenit de nouo, aliter se habeat quam prius, necesse est cui ut aliquid reale aduenit de nouo mutetur.

Cum instatur quia per Philosophum relatio aduenit alicui absque sui mutatione, & loquitur de relatione reali: dicitur quod loquitur de relatione reali quantum ad suæ rationis complementum, non autem quantum ad suam entitatem. Contingit enim aliquando quod relatio est in aliquo secundum entitatem suā, non tamen habet completè rationem relationis, quia terminus non coexistit, factio autem termino incipit habere completè rationem relationis, & hoc est absque mutatione eius cui sic aduenit. Relatio autem quæ de nouo aduenit Deo, si esset realis, adueniret ei secundum suam entitatem, quia in re æterna non est aliquid reale ab æterno, per quod ad rem temporalem ordinetur, & ab ipsa dependeat ex se. Ita, puto, responderent tenentes relationem à fundamento non distingui.

Secundum autem ponentes cam distingui à fundamento, diceretur quod relatio non aduenit totaliter, & ratione fundamenti de nouo absque subiecti mutatione: sed præexistente fundamento bene potest completè aduenire absque subiecti mutatione, per quādam scilicet naturalem resultantiam. Si autem relationes quæ de nouo adueniunt Deo, essent reales, oporteret illas aduenire de nouo, non solum completè, sed etiam totaliter, & quantum ad fundamentum: quia ubi fundamentum realis relationis est absque relatione, quandam videtur habere imperfectionem, eo quod natum sit aliquid reale ab ipso emanare intrinsecè, quod propter defectum termini formalis non emanat. In re autem æterna non potest esse aliquid, huiusmodi imperfectionem includens, ideo per aduentum nouæ relationis oporteret aliquam in Deo fieri mutationem.

Quod relationes quibus Deus ad res alias refertur, non sunt res extra Deum existentes.

Cap. 13.



Non autem potest dici, quod relationes prædictæ sint existentes exterius, quasi res aliquæ extra Deum. Cum enim Deus sit primum entium, & summum bonorum, oporteret ad alias etiam relationes quæ sunt aliquæ res, Dei relationes referri: & si illæ sint iterum res aliquæ, oportebit iterum tertias relationes aduenire, & sic in infinitum: non igitur relationes, quibus Deus ad res alias refertur, sunt res aliquæ extra Deum existentes.

Item, Duplex est modus quo aliquid denominatiue prædicatur. Denominatur enim aliquid ab eo quod extra ipsum est: sicut à loco dicitur aliquid esse alicubi, & à tempore aliquando. Aliquid uero denominatur ab eo quod inest, sicut ab albedine albus. A relatione uero non inuenitur aliquid de nominari quasi exterius existere, sed inhærente: non enim denominatur aliquis pater nisi à paternitate quæ ei inest. Nō igitur potest esse quod relationes, quibus Deus ad creaturas refertur, sint res aliquæ extra ipsum. Cū igitur ostensum sit, quod non sint in ipso realiter, & tamē dicuntur de Deo, relinquitur quod ei attribuantur secundum solum intelligentiæ modum, ex eo quod alia referantur ad ipsum. Intellectus enim noster intelligendo aliquid referri ad alterum, eo intelligit relationem illius ad ipsum, quāuis secundum re quandoque non referatur.

Et sic etiam patet, quod alio modo dicuntur de Deo prædictæ relationes, & alia quæ de Deo prædicantur. Nam omnia alia, ut sapientia, voluntas, eius essentiam prædicant, relationes uero prædictæ minime, sed secundum modum intelligendi tantum: nec tamen intellectus est falsus. Ex hoc enim ipso quod intellectus noster intelligit relationes diuinorum effectuum terminari in ipsum Deum, aliqua prædicat relatiue de ipso: sicut & scibile relatiue intelligimus, & significamus ex hoc quod scientia refertur ad ipsum.

Super Cap. 13.

Secunda conclusio est, Prædictæ relationes non sunt existentes exterius quasi res aliquæ extra Deum. Circa hanc autem tria facit sanctus Thomas. Primum enim probat conclusionem: secundum inferit duo corollaria, tam ex ipsa quam ex præcedenti conclusione: tertio quoddam dubium remouet. Probatur ergo primum, quia aliter oporteret in infinitum aduenire Deo relationes reales ad aliquid extrinsecum. Probatur consequentia, quia Deus est primum ens & summum bonum respectu omnis entitatis extrinsecæ: si ergo relationes quibus ad res alias ut primum ens & summum bonum refertur, sunt res extra Deum existentes, oportet ut per alias relationes ad illas extrinsecas relationes referatur, & sic in infinitum.

Ad hanc rationem posset aliquis dicere, quod licet Deus aliqua relatione refertur ad res, ad ipsam tamen relationem non refertur alia relatione: sed hoc nihil est dictum, quia si ponantur relationes reales extra Deum habentes esse tanquam sint entia à Deo distincta, respectu illarum, ita est primum ens & summum bonum, sicut respectu aliorum, ideo oportet ut ad illas alias relationibus realibus extrinsecis referatur, si ad alia ut primum ens & summum bonum est, talibus relationibus refertur. Quando enim relatio qua aliquid ad aliud refertur, est illi intrinseca, non refertur illud ad relationem alia relatione: sed bene refertur, si ponatur extrinseca modo dicto, eo quod ad Deum similem relatio extrinseca habeat cōparationē cum aliis entibus. Cōparatio enim primi entis & summi boni est eadem ad omnia extrinseca à Deo.

Secundum,



A relatione extrinseca non inuenitur aliquid denominari.

Secundo, A relatione non inuenitur aliquid denominatione extrinseca denominari, sed intrinseca tantum denominatione: non enim est aliquis pater paternitate in alio existente, & aliis, ergo, &c.

ADVERTENDVM, quod antecedens huius rationis dupliciter potest intelligi. Primum de relatione importata per nomen a quo aliquid relatiue denominatur: sic enim manifestum est quod quum dicimus aliquem esse patrem, paternitas importata nomine Patris est in ipso, qui dicitur pater, & quum aliquis dicitur dominus, est in ipso relatio importata hoc nomine Dominus, non autem est in alio. Et vniuersaliter verum est, quod nihil denominatur relatiue per relationem importatam nomine quo denominatur in altero existente: hunc sensum videtur intendere sanctus Th. si diligenter verba eius consideretur. Secundo potest intelligi vniuersaliter & absolute, quod a nulla relatione quocunque nomine importata, denominatur aliquid extrinsece, & tunc intelligitur quod a sola relatione extrinseca non fit denominatio formaliter relatiue, sed bene absque potest aliquid causaliter denominari co-intellecta relatione opposita in eo quod denominatur, a qua formaliter fit denominatio, ut dictum est in precedentibus de mente S. Th. si enim sola consideretur relatio extrinseca, ab ipsa non dicitur aliquid relatiue formaliter, licet possit dici aliquid ab ipsa realiter tale terminatiue, sicut a reali potentia coexistens existente in aliquo, dicitur aliquis realiter dominus fundamentaliter, non autem formaliter relatiue.

Quantum ad secundum ponuntur duo corollaria. Primum est, Huiusmodi relationes attribuantur Deo secundum rationem, probatur, non sunt realiter in Deo, nec realiter extra Deum, ergo illi attribuantur secundum rationem. Hoc autem est cum intellectus intelligendo aliquid referri ad alterum, co-intelligit relationem illius ad ipsum: quamuis secundum rem quadoque non referatur. De his satis dictum est in precedentibus.

Secundum est, Alio modo dicuntur de Deo prædictæ relationes, & alia quæ de Deo prædicantur, patet, quia alia, ut sapientia, voluntas, & huiusmodi dicunt eius essentiam: hæc autem non cum attribuantur sibi duntaxat per intellectum, intellige, quantum ad relationes importatas, ut exponit sanctus Thom. Prima p. q. 13. art. 7. ad primum.

Quantum ad tertium remouetur dubium. Posset enim aliquis instare, Iste relationes non sunt aliquid in Deo, & tamen intellectus eas sibi attribuit, ergo est falsus: respondetur, quod propter hoc intellectus non est falsus, quia intellectus ex hoc quod intelligit relationes diuinorum effectuum terminari in ipsum Deum, aliqua prædicat de ipso relatiue: sicut & facit de seibili. Sensus huius responsionis est, quod intellectus non attribuit istos respectus Deo, quasi iudicet aut dicat ipsos extra intellectum esse. sic enim absque dubio falsus esset, eo quod intelligeret rem esse aliter quam sit, sed quia ex eo quod apprehendit Deum terminare relationem rerum ad ipsum format de ipso conceptum aliquem in ordine ad creaturas: & illi attribuit Deo. Hoc autem absque falsitate accidere potest. Nam ea quæ absoluta sunt, potest intellectus ad alia comparare, & sic relatiue concipere, sicut dum comparat naturam animalis ad animalium species, attribuit illi intentionem generis: & similiter de aliis. Sic enim apprehendit naturam absolutam sed cum quodam ordine ad aliud, quod est rem absolutam concipere relatiue.

Quod multas relationes dici de Deo, non derogat eius simplicitati. Cap. 14.

Atet etiam ex his, quod diuinæ simplicitati non derogat si multæ relationes de ipso dicuntur, quamuis eius essentiam non significant: quia sequuntur intelligendi modum. Nihil enim prohibet intellectum nostrum intelligentem multa, multipliciter referri ad id quod est in se simplex, ut sic ipsum simplex sub multiplici relatione consideret: & quantum ad aliquid est magis simplex tantum est maioris virtutis, & principium plurium, ac per hoc multiplicius relatum intelligitur. Sicut punctum plurium est principium quam linea, & linea quam superficies. Hoc igitur quod multa relatiue de Deo dicuntur, eius summæ simplicitati attestatur.

Super Cap. 14.

Terio loco agitur de multitudine relationum, & ponitur hæc conclusio, Diuinæ simplicitati non derogat si multæ relationes de ipso dicuntur, quamuis essentiam eius non significant: quia sequuntur intelligendi modum.

Aduertit, additum esse, Quamuis essentiam eius non significant, propter attributa diuina: quorum multipliciter dicitur. Quod est in 1. Lib. diuinæ simplicitati non derogare, eo quod nullam compositionem in Deo ponant, cum omnia diuinam essentiam significant. ex hoc enim quia istæ relationes non sunt ipsa essentia diuina, posset aliquis existimare quod eorum multitudo diuinæ simplicitati derogaret, ideo hoc remouetur S. Th. addidit, licet essentiam diuinam nomina relatiua non significant, adhuc eorum multitudo dicta de Deo, diuinæ simplicitati non derogat, quia istæ relationes nihil ponunt in Deo ut habeant in ipso compositionem facere sed modum intelligendi consequuntur. Ex quo arguit ad conclusionem, Nihil prohibet intellectum nostrum intelligere multa multipliciter referri ad id quod est in se simplex: ergo pluralitas relationum consequentium modum intelligendi, cuiusmodi sunt dictæ relationes simplicitati non derogat. Probatur consequentia, quia sic intelligendo intellectus noster etiam sub multiplici relatione ipsum simplex considerat. Dum enim apprehendit aliquod simplex multorum relationem terminare, ipsum simplex cum relationibus oppositis apprehendit: dictum est enim supra, quod terminus relationis oportet oppositam in se relationem habere aut realiter aut secundum rationem.

AD manifestationem autem antecedentis notatur, quod quantum ad aliquid est magis simplex, tantum est maioris virtutis, & principium plurium, ac per hoc multiplicius relatum intelligitur. Hoc autem verum est, aut simpliciter, aut in suo genere: punctus enim est maioris virtutis inter ea tantum quæ ad quantitatem pertinet, & principium plurium, eo modo quo in quantitate potest esse virtus largo modo accipiendo virtutem secundum quod mathematici imaginantur punctum suo fluxu causare lineam, & sic successiue

de aliis quantitativis: non autem est maioris virtutis quam sit homo, licet sit homine simplicior. Ideo sic intelligenda est propositio sancti Th. quod quantum ad aliquid est simplicius in aliquo genere, tantum est virtuosius inter omnia illius ordinis, eo quod omnia virtualiter in principis contineantur: sicque cum Deus sit inter entia simplicissimus, est inter omnia maximæ virtutis & infinitorum principium. Ex his concludit quod non modo non derogat diuinæ simplicitati, quod multa de ipso relatione dicantur: imò summæ eius simplicitati attestatur.

Quod omnia quæ sunt, à Deo sunt.

Cap. 15.



Via verò ostensum est, quod Deus est aliquibus essendi principium: oportet ulterius ostendere quod nihil præter ipsum est nisi ab ipso. Omne enim quod alicui conuenit non secundum quod ipsum est, per aliquam causam conuenit ei, sicut album homini: nam quod causam non habet primum & immediatum est, unde necesse est quod sit per se, & secundum quod ipsum: impossibile est autem aliquid vnum duobus conuenire, & utrique secundum quod ipsum. Quod enim de aliquo secundum quod ipsum dicitur, ipsum non excedit: sicut habere tres angulos duobus rectis æquales, non excedit triangulum de quo prædicatur, sed est eidem conuertibiliter. Si igitur aliquid duobus conueniat, non conuenit utrique secundum quod ipsum est. Impossibile est igitur aliquid vnum de duobus prædicari, ita quod de neutro per causam dicatur, sed oportet vel vnum esse alterius causam: sicut ignis est causa caloris corpori mixto, cum tamen vtrumque calidum dicatur. Vel oportet quod aliquid tertium sit causa utrique: sicut duabus candelis ignis est causa lucendi. Esse autem dicitur de omni eo quod est impossibile est: igitur esse aliqua duo quorum neutrum habeat causam essendi, sed oportet vtrumque acceptorum esse per causam, vel alterum alteri esse causam essendi. Oportet igitur quod ab illo cui nihil sit causa essendi, sit omne illud quod quocunque modo est. Deum autem supra ostendimus huiusmodi ens esse, cui nihil sit causa essendi: ab eo igitur est omne quod quocunque modo est. Si autem dicatur quod ens non est prædicatum vniuocum, nihilominus prædicta conclusio sequitur: non enim de multis æqui uoce dicitur, sed per analogiam, & sic oportet fieri reductionem in vnum.

2. Amplius, Quod alicui conuenit ex sua natura, & non ex aliqua causa: minoratur in eo & deficiens esse non potest. Si enim naturæ aliquid essentialiter subtrahitur vel additur, iam altera natura erit, sicut & in numeris accidit, in quibus unitas addita vel subtracta speciem variat. Si autem natura vel quidditate rei integra manente aliquid minoratur inueniatur, iam patet quod illud non simpliciter dependet ex illa natura, sed ex aliqua alia causa, per cuius remotionem minoratur. Quod igitur alicui minus conuenit quam aliis, non conuenit ei ex sua natura tantum, sed ex alia causa: illud igitur erit causa omnium in aliquo genere, cui maxime conuenit illius generis prædicatio. Unde etiam quod maxime calidum est, videmus esse causam caloris in omnibus calidis: & quod maxime lucidum est, causam omnium lucidorum. Deus autem est maxime ens, ut in 1. Libro ostensum est: ipse igitur est causa omnium de quibus ens prædicatur.

3. Adhuc, Secundum ordinem essendi, etiam oportet esse ordinem causarum, eo quod effectus causis suis proportionati sunt: unde oportet quod sicut effectus proprii reducuntur in causas proprias, ita id quod commune est in effectibus propriis, reducatur in aliquam causam communem, sicut supra particulares causas generationis huius vel illius est S. I. vniuersalis causa generationis. Et rex est vniuersalis causa regiminis in regno supra præpositos regni, & etiam vrbium singularum. Omnibus autem commune est esse: oportet igitur quod supra omnes causas sit aliqua causa, cuius sit dare esse. Prima scilicet causa Deus est, ut supra ostensum est: oportet igitur quod omnia quæ sunt à Deo esse.

4. Item, Quod per essentiam dicitur, est causa omnium quæ per participationem dicuntur: sicut ignis est causa omnium ignitorum in quantum huiusmodi. Deus autem est ens per essentiam suam, quia est ipsum esse: omne autem aliud ens est ens per participationem, quia ens quod sit suum esse, non potest esse nisi vnum, ut in 1. Lib. ostensum est. Deus igitur est causa essendi omnibus aliis.

5. Præterea, Omne quod est possibile esse & non esse, habet aliquam causam: quia in se consideratum ad vtrūlibet se habet: & sic oportet esse aliquid aliud quod ipsum ad vnum determinet. Unde cum in infinitum procedi non possit, oportet quod sit aliquid necesse sarium quod sit causa omnium possibilium esse & non esse: necessarium autem quoddam est habere causam suam necessariam.

† Cap. 6. huius lib.  
† Idem p. p. q. 6.  
44. art. 1. & de Po. q. 3. ar. 5.

† Primo Lib. cap. 1.  
† Responso ita citat obiectio- nis.

† Cap. 15.

† Cap. 13. in 1. Li.

Cap. 13.

Idem p. p. q. 12.  
ar. 2. de Po. q. 7.  
ar. 8. 1. scilicet de 8.  
q. 4. ar. 2. ad 3.

Quod aliquid est simplicius tantum est maioris virtutis & plurium principium.



Exclusio erro-  
ris.

A D euideniam illius propositionis, Quod conuenit alicui ex sua natura, & non ex aliqua causa, minoratū in eo & deficiens esse nō potest, attendendum quōd dupliciter aliquid dicitur cōuenire alicui ex natura, aut quia eff. essentia vel pars essentia, aut quia essentia la principia cōsequitur. Prima facie videtur sanctus Thomas primo modo accipere, cū illam propositionē probet per hoc, quōd si natura aliquid subtrahatur vel addatur, iam altera natura erit. Sed si consideretur intentum ad quod assumitur dicta propositio, appar. bit quōd & secundo modo accipienda sit. Non solum enim quod essentia est, sed & quod natura rei consequitur, præcisē, & nō ab aliqua alia causa, deficiens & diminutū esse nō potest. Et verumque ex ea probatione consequitur: si enim essentia prædicatum est, certū est & quōd negari nec minui potest: & ideo si aliquid inueniatur deficiens aut excedēs rei alius: uic essentia, iam non erit illius essentia. Si etiam si accidens deficiēs ab eo quod rei alicuius essentia consequitur, illa nō erit essentia à qua fuit completē, sed alia, quia posita causa totali & completa necesse est poni effectum, maxime quādo per simplicem quandam emanationem resultat: & ita defectus huiusmodi resultat non ex aliquo defectu essentia rei, cū illa deficiens esse non possit, sed ex alia causa extrinseca per cuius remotionē minoratur. Et ideo: cū essentia nihil addi vel subtrahi possit, si deficienter aliquid alteri conueniat, non ab essentia rei præcisē, sed ab alia etiā causa dependet: oportet enim si dependet ab essentia solum, quōd eius defectus in defectum essentia resultaret, quod, ut dictū est, esse non potest.

Secundū quod  
ipsum, quō se  
habet ad per  
se.

Quod cōuenit  
alicui ex sua na-  
tura minoratū  
in eo, & deficiēs  
esse non potest.

A D evidenciam illius propositionis, Quod alicui convenit: non secundum quod ipsum, per aliquam causam convenit ei: considerandum est, quod cum quædam sint prædicata essentialia, ea scilicet quæ sunt primi modi per se, quædam verò quæ non sunt essentialia, sed ad secundum modum per se pertinet, secundum quod ipsum, & non secundum quod ipsum. in virtute

Quod alicui cō-  
uenit nō secun-  
dum q̄ ipsum p̄  
aliquā causam  
conuenit ei.



potest. Sicut si esse calidum alicui deficiente conueniat, esse calidum non attribuitur essentiae rei tantum, sed igni etiam, per cuius participationem est calidum: & quia parum de natura ignis participat, ideo parum caliditatis habet.

ADVERTENDVM autem, quod conuenienter addit dictionem exclusiuam sanctus Thomas cum concludit, Quod igitur alicui minus conuenit quam aliis, non conuenit ei ex sua natura tantum: quia non vult negare aliquid deficientis & diminutum posse alicuius naturam sequi. Potest enim aliquid mixtum ex natura sua parum caliditatis habere: sed vult in huiusmodi oportere aliam causam praeter ipsam naturam inuenire, per cuius remotionem illud sit minoratum: sicut praeter naturam mixti parum habentis de caliditate dicimus ignem illius caliditatis causam esse, quo quia mixtum illud parum participat, necesse est parum caliditatis habere.

Tertio, esse est commune omnibus, ergo supra omnes causas est aliqua prima causa, cuius est dare esse. Sed Deus est prima causa, ergo, &c. Probatur prima consequentia, quia oportet effectibus causas proportionari, ut particularium sint causa particularis, communium autem sint causa communes & vniuersales. Declaratur per exemplum de Sole & rege. De materia huius rationis dictum est satis in 1. libro.

Vnum tantum occurrit dubium dissoluendum. Nam multi sunt effectus particulares qui in causam duntaxat vniuersalem reducuntur: sicut multa a Sole tantum producuntur, & multa particularia a Deo tantum, sicut anima intellectiva, sicut gratia, & similia. ergo non oportet effectus esse ad modum dictum causis proportionatos.

Respondetur, quod non est mens sancti Thomae, neque Arist. (a quo dicta propositio sumpta est) quod effectus aliquis particularis non possit ab vniuersali causa immediate produci: sunt enim multi particulares effectus (ut arguebatur) qui a sola vniuersali causa producuntur. Sed quod ubi in effectibus particularibus a particulari & vniuersali causa productis aliquid inuenitur illi effectui proprium, & aliquid sibi & aliis commune. Quantum ad proprium refertur in causam propriam & particularem, quantum vero ad commune refertur in causam communem: & sic effectus causis proportionantur.

Dicitur secundum, quod etiam ubi a causa vniuersali particularis effectus produciuntur, est ibi proportio inter causam & effectum, in quantum causa vniuersalis producit talem effectum per virtutem in ipso contentam quae illi effectui adequatur: licet illa virtus identificetur in illo virtuti alterius rei productiuae, possunt enim in tali vniuersali causa diuersas virtutes secundum rationem distinguere diuersorum effectuum productiuas.

Quarto, Deus per essentiam suam est ens, alia vero per participationem: quia Deus est ipsum esse. Tale autem non est nisi vnum, ut ostensum est in 1. libro, ergo, &c. Patet consequentia: quia quod est per essentiam tale, est causa omnium quae per participationem dicuntur. De fundamento huius rationis visum est in 1. libro. hoc tantum modo hic attendendum est, quod esse per essentiam tale, hoc loco accipitur pro eo quod est esse totaliter ipsam essentiam & entitatem praedicatam: esse autem per participationem, est habere in se praedicatum aliquo modo: sed non esse eius essentia totaliter, imo, habere aliquid aliud per quod limitetur, non autem accipitur prout ens per essentiam, est idem quod esse perfectissimum & infinitum, ut accipit Scotus d. 8. n. sent. quae 1. 2. secunda parte, ad secundum, ubi dicit aliquid dici per participationem, quia est pars respectu eius quod natum est esse infinitum, prout omne minus dicitur pars.

Quinto, Omne possibile, reduci tandem oportet tanquam in causam in aliquid quod sit necessarium: & omne necessarium quod habet causam, necesse est reduci in aliquid necessarium quod suae necessitatis causam non habeat. Hoc autem est solus Deus, ergo, &c. Hanc rationem tetigit sanctus Thomas in 1. libro, cap. 12. vide ibi.

Sexto, Deus est virtualiter omnia: igitur est omnium factiuus, ergo est omnium causa. Probatur antecedens, quia est rerum factiuus, secundum quod est actu, in sua autem actualitate omnium rerum perfectiones continet, igitur, &c. Prima consequentia patet: secunda vero probatur, quia si aliquid esset natum esse, & non ab ipso Deo, non esset omnium factiuus: non enim potest dici quod aliquid sit natum esse ab alio, cum dicatur Deus eius esse productiuus, & natum etiam sit esse non ab alio. Si enim aliquid natum sit esse non ab alio, est per se ipsum necesse esse: tale autem non potest ab alio esse. Ergo non potest idem esse, natum esse ab alio, & natum esse non ab alio, & sic sequitur quod non stant simul quod aliquid possit esse non a Deo, & quod Deus sit omnium factiuus.

Ad euidentiam istius propositionis, si aliquid natum est non ab alio esse, est per se ipsum necesse esse, aduertendum, quod per se necesse esse dicitur, quod nullo alio indiget ad hoc ut sit: hoc autem conuenit ei quod natum est esse non ab alio: si enim potest esse, & non ab alio, ad hoc ut sit, alio non indiget, ideo omne tale est per se necesse esse.

Septimo, Deus est perfectissimus ens, & summum bonum, ergo est omnibus causa essendi, praeterquam cum non possit tale esse nisi vnum. Probatur consequentia, quia imperfecta originem sumunt a perfectis, ut semen ab arboribus.

Aduerte, quod idcirco addidit sanctus Thomas. Praeterquam cum non possit tale esse nisi vnum: quia si essent plura perfectissima entia, & summe bona, posset aliquis dicere quod non oporteret vnum illorum esse omnium causam, sed sufficeret ut illa summe bona essent aliis causa essendi. Sed si ponamus vnum esse duntaxat summum bonum, non habebit hanc cauillatio locum.

CIRCA illam propositionem, Imperfecta a perfectis sumunt originem, aduertendum, quod illud habet veritatem secundum ordinem causae efficientis: & in hoc sensu intelligit eam sanctus Thomas. secundum autem ordinem causae materialis & vix, est e conuerso. Omne enim quod procedit de potentia ad actum prius peruenit ad esse imperfectum quam ad esse perfectum.

Confirmatur vltimo conclusio auctoritate Psalmi. Qui fecit caelum & terram, &c. & Ioan. 1. Omnia per ipsum, &c. & ad Roman. 11. Ex quo omnia, &c. Excluduntur vero per hoc errores dicentium quendam corpora non habere causam essendi: dicentium Deum non esse causam substantiae caeli, sed tantum motus.

Circa vltimum errorem praetermissis multiplicibus rationibus quibus probatur a recte sentientibus de mente Arist. esse, & Commentatoris, quod caelum secundum suam substantiam sit a prima causa productum: occurrit pro illius erroris confirmatione dubium ex 1. caeli. Ex processu enim Arist. ibidem habetur quod omne genitum est corruptibile, & potest non esse: sed nullum perpetuum & incorruptibile potest non esse, ergo nullum perpetuum & incorruptibile est genitum: caelum est huiusmodi, ergo, &c. si dicatur quod perpetuum non potest non esse per potentiam intrinsecam, sed bene per potentiam extrinsecam, contra, quia propositio Arist. sumpta pro minori est apud ipsum vniuersaliter vera: quod constat ex hoc, quia ponit semper ens, & non semper ens, contradictione opponi, & non posse eadem conuenire possibile semper esse, & possibile non semper esse, siue possibile quandoque non esse, quod idem est: sed perpetuum est possibile semper esse: ergo sibi nullo modo potest conuenire, ut possit aliquando non esse. Nullo ergo modo secundum Aristot. caelum est genitum aut factum. Confirmatur, quia Comment. ibidem com. 12. 4. ait si per se notum, quod illud quod est possibile ab extrinseco, est possibile ex se, si ergo perpetuum potest non esse per potentiam extrinsecam, poterit non esse & per potentiam intrinsecam, cuius oppositum dicit Arist. intendere.

Respondetur primo, quod processus Arist. est ad probandum perpetuum non esse genitum in tempore: sanctus Thomas autem hic non dicit caelum esse factum in tempore, sed absolute esse factum, siue in tempore factum sit, siue ab aeterno. Dicitur secundum quod responsio data (ut bene probatur) non est ad mentem Aristot. secundum eos qui de mente eius ponunt esse quod Deus de necessitate naturae agat. Nam cum ponat Deum agere de necessitate naturae, perpetua quae sunt a Deo ab aeterno producta, non possunt desinere esse per subtractionem influxus diuini: quia sicut Deus non potuit producere, ita non potest suum subtrahere influxum. Ad maiorem ergo argumenti respondetur, quod mens Arist. est, omne genitum & factum in tempore esse corruptibile tam ex extrinseco quam ex se. Hoc enim dicitur contra Platonem ponentem corpora aeterna esse secundum se corruptibilia, sed ab extrinseco esse incorruptibilia: & loquebatur de facto & genito per transmutationem. Vnde ad hunc sensum admissa minore, scilicet quod nullum perpetuum potest non esse per transmutationem: conceditur quod nullum perpetuum est factum per transmutationem, neque est factum in tempore, neque etiam caelum. Sed haec intentio Aristotelis conclusioni sancti Thomae non aduerstat: non enim ponimus caelum per transmutationem alicuius materiae esse factum, sed per simplicem emanationem: neque hoc loco intendit sanctus Thomas probare, quod omnia sint a Deo in tempore, sed absolute quod omnia ab ipso habeant esse. Ad confirmationem ex verbis Commentatoris dicitur eodem modo.

Sed videtur quod haec responsio non satisfaciat. Accipit enim Aristoteles genitum & corruptibile secundum quod opponuntur ingenito & incorruptibili, quae dicit inter se conuenire. Constat autem quod apud ipsum ingenitum dicitur, quod nullo modo incipit esse, & de quo non potest dici quod nunc est, & prius non fuit. Incorruptibile autem dicitur quod nullo modo potest desinere esse, & de quo non potest dici, nunc est, & posterius non erit: ergo & genitum apud ipsum dicitur quod incipit esse, quocumque inciperit, corruptibile autem, quod aliquando desinit, quomodo cunctis hoc sit. Respondetur, quod utique isti termini sic accipiendi sunt ad mentem Arist. sed tamen quia antiqui Poetae theologizantes, contra quos arguebat, & Plato, ut eius verba praetendere videbantur in Timaeo, dum vult vniuersi ordinem ex elementis inordinatis factum esse: non ponebant nisi productionem & destructionem quae est per transmutationem: ideo apud ipsos idem erat nullo modo incipere esse, & non incipere esse per transmutationem, & similiter incipere esse absolute, & incipere esse per transmutationem, & eodem modo de desitione. deo Philosophus contra ipsos arguit non posse esse aliquid genitum & incorruptibile, quia omne genitum oportet esse corruptibile per transmutationem secundum eorum positionem, sicut per transmutationem incipit esse: & si non incipit esse per generationem, nullo modo esse incipit. Secundum veritatem autem & secundum opinionem ipsius Arist. potest aliquid esse factum per simplicem emanationem, & esse incorruptibile ab intrinseco tanquam nullum habens in se principium corruptionis, ut patet de anima intellectiva, & intelligentis, si ponatur ad mentem Arist. esse producta a Deo esse aeternum. Istud est quantum ad mentem Arist. de quo etiam inferius cap. 82. sermo fiet.

Quantum autem ad ipsas propositiones in se, dicitur ad maiorem, quod termini proportionabiliter sumantur, vera est, si enim accipiat genitum siue factum ut idem est quod per transmutationem produci: & similiter corruptibile & posse non esse per transmutationem, omne factum potest non esse. Si etiam accipiat factum per simplicem emanationem, & similiter posse non esse per simplicem actionem, aut per subtractionem actionis conseruatiuae, omne factum potest non esse. Sed si accipiat factum per simplicem emanationem, & posse non esse per transmutationem, siue per potentiam intrinsecam: falsa est propositio. Similiter ad minorem dicitur, quod nullum perpetuum potest non esse per potentiam intrinsecam, aut per transmutationem: sed bene aliquod potest non esse per potentiam extrinsecam, & simplicem actionem ipsum annihilantem, aut per subtractionem actionis conseruatiuae. Cum autem arguitur, quia idem non est possibile semper esse, & possibile aliquando non esse: dicitur quod verum est eodem modo, sed quod aliquid sit possibile semper esse per potentiam intrinsecam, & sit possibile aliquando non esse per potentiam extrinsecam, hoc non est inconueniens. Caetera vide in c. 2. sent. dist. 1. q. 2. & ab aliis 12. Metaph.

## Quod Deus ex nihilo produxit res in esse.

Cap. 16.

**H**oc autem apparet, quod Deus in esse res produxit ex nullo praexistente sicut ex materia. Si enim est aliquid effectus Dei, aut praexistit aliquid illi, aut non: si non, habetur propositum, scilicet quod Deus alicuius effectum producat ex nullo praexistente. Si autem aliquid illi praexistit, aut est procedere in infinitum, quod non est possibile in causis materialibus, ut Philosophus probat in 2. Metaph. aut erit deuenire ad aliquod primum quod aliud non praesupponit: quod quidem non potest esse ipse Deus. Ostensum est enim in 1. libro, quod ipse non est materia alicuius rei. Nec potest esse aliud a Deo, cui Deus non sit causa essendi, ut ostensum est. Relinquitur igitur quod Deus in productione sui effectus non requirit materiam praexistentem, ex qua operetur.

+Idem P. p. 96. 44. art. 1. & de Potentia. q. 6. art. 1.

+T. c. 67.

+Cap. 17.

+Cap. 19. huius Lib. 2.

2. Adhuc,

Effectus oportet causis esse proportionatos.

Si aliquid natum est non ab alio esse est per se ipsum necesse esse.

Quomodo omne genitum sit corruptibile apud Arist.



2 Adhuc, Vnaqueque materia per formam superinductam contrahitur ad aliquam speciem: operari ergo ex materia præiacente superinducendo formam quocunque modo, est agens ad aliquam determinatam speciem. Tale autem agens est agens particulare: causæ enim causatis proportionales sunt.

Agens igitur quod requirit ex necessitate materiam præiacentem ex qua operatur, est agens particulare: Deus autem est agens sicut causa vniuersalis essendi, ut supra ostensum est, igitur ipse in sua actione materiam præiacentem non requirit.

3 Item, Quoties aliquis effectus est vniuersalior, tanto habet propriam causam alioquin: quia quoties causa est altior, tanto ad plura virtus eius extenditur. Esse autem est vniuersalius quam moueri, sunt enim quædam entium immobilia, ut etiam Philosophi tradunt, ut lapides & huiusmodi: oportet ergo, quod supra causam quæ non agit nisi mouendo & transmutando, sit illa causa, quæ est primum essendi principium: hoc autem ostendimus esse Deum. Deus igitur non agit tantummodo mouendo & transmutando. Omne autem quod non potest producere res in esse, nisi ex materia præiacente, agit solum mouendo & transmutando, facere enim aliquid ex materia est per motum vel mutationem quandam: non ergo impossibile est, producere res in esse sine materia præiacente. Producit igitur Deus res in esse sine materia præiacente.

4 Præterea, Quod agit tantum per motum & mutationem, non competit vniuersali causæ eius, quod est esse: non enim per motum & mutationem fit ens ex non ente simpliciter, sed ens hoc ex non ente hoc. Deus autem est vniuersale essendi principium, ut ostensum est: non igitur sibi competit agere tantum per motum aut per mutationem, neque igitur sibi competit indigere præiacenti materia ad aliquid faciendum.

5 Amplius, Vnum quodque agens sibi simile agit: agit enim secundum quod actu est. Illius igitur agentis erit producere effectum, causando aliquo modo formam materię in hærentem: quod est actu per formam sibi in hærentem, & non per totam substantiam suam. Vnde Philosophus in 7. Metaph. probat quod res materiales habentes formas in materijs generantur à materialibus agentibus habentibus formas in materia, non à formis per se existentibus. Deus autem non est ens actu per aliquid sibi in hærens, sed per totam suam substantiam, ut supra probatum est: igitur proprius modus suæ actionis, est, ut producat rem subsistentem totam, non solum rem in hærentem, scilicet formam in materia. Per hunc autem modum agit omne agens quod materiã in agendo non requirit. Deus igitur materiam præiacentem non requirit in sua actione.

6 Item, Materia comparatur ad agens sicut recipiens actionem quæ ab ipso est. Actus enim qui est agentis ut à quo, est patientis ut in quo. Igitur requiritur materia ab aliquo agente ut recipiat actionem ipsius: ipsa enim actio agentis in patiente recepta, est actus agētis & formæ, aut aliqua inchoatio formæ in ipso. Deus autem non agit actione aliqua quam necesse sit in aliquo patiente recipi: quia sua actio est sua substantia, ut supra probatum est. Non igitur ad producendum effectum requirit materiam præiacentem.

7 Præterea, Omne agens quod in agendo requirit materiã præiacentem, habet materiam proportionatam suæ actioni, ut quicquid est in virtute agentis, totum sit in potentia materię, alias non posset in actum producere quicquid est in sua virtute actiua, & sic frustra haberet virtutem ad illa. Materia autem non habet talem proportionem ad Deum: non enim in materia est potentia ad quantitatem quācunque, ut patet per Philosophum in 3. Physic. Cum ergo diuina potentia sit simplex & infinita, ut in 1. Lib. ostensum est: Deus igitur non requirit materiam præiacentem, ex qua de necessitate agat.

8 Adhuc, Diuersarum rerum diuersæ sunt materiæ: non enim est eadem materia spiritualium & corporalium, nec corporum cælestium & corruptibilium. Quod quidem ex hoc patet, quod recipere quod est proprietas materię, non eiusdem rationis est in prædictis. Nam receptio quæ est in spiritualibus, est intelligibilis: sicut intellectus recipit species intelligibilium non secundum esse materię. Corpora verò supercælestia recipiunt inuolutionem situs, non autem inuolutionem essendi, sicut corpora inferiora. Non est igitur vna materia, quæ sit in potentia ad esse vniuersale. Ipse autem Deus est totius esse causæ vniuersaliter: ipsi igitur nulla materia proportionaliter respondet, non igitur materiam ex necessitate requirit.

9 Amplius, Quorūcunque in rerum natura est aliqua proportio & aliquis ordo, oportet vnum eorum esse ab alio, vel ambo ab aliquo tertio: oportet enim ordinem in vno consistui respondendo ad aliud: alius ordo vel proportio esset à casu, quem in primis rerū principiis ponere est impossibile:

quia sequeretur magis omnia alia esse à casu. Si igitur sit aliqua materia diuinæ actioni proportionata, oportet vel quod alterum sit ab altero, vel vtrumque à tertio. Sed cum Deus sit primum ens, & prima causa: non potest esse effectus materię, nec potest esse ab aliqua tertia causa. Relinquitur igitur, si inuenitur aliqua materia proportionata diuinæ actioni, quod illius ipse sit causa.

10 Adhuc, Quod est in entibus primum, oportet esse causam eorum quæ sunt: si enim non essent causata, non essent ab ipso ordinata, ut iam ostensum est. Inter actū autem & potentia talis est ordo, quod licet in vno & eodem quod quandoque est potentia, quandoque actu, potentia sit prior tempore quam actus: licet actus sit prior naturā tamen simpliciter loquendo oportet actum potentia priorē esse: quod patet ex hoc, quod potentia non reducitur in actum, nisi per eius actum. sed materia est ens in potentia: ergo oportet quod Deus qui est actus primus & purus, sit simpliciter ea prior, & per consequens causa ipsius. Non ergo suæ actioni præsupponitur materia ex necessitate.

11 Item, Materia prima aliquo modo est, quia est ens in potentia. Deus autem est causa omnium quæ sunt, ut supra ostensum est. Deus igitur est causa materię primæ, cui nulla præexistit: diuina igitur actio naturam præexistentem non requirit. Hanc autem veritatem diuina Scriptura confirmat dicens, Genes. 1. In principio creauit Deus cælum & terram. Nihil enim est aliud creare quam absque materia præiacente aliquid in esse producere. Ex hoc autem confutatur error antiquorum Philosophorum qui ponebant materiã omnino nullam causam esse, eod quod in actionibus particularium agentium semper videbant aliquid actioni præiacere: ex quo opinionem sumserunt omnibus communem, quod ex nihilo nihil sit: quod quidem in particularibus agētibus verum est. Ad vniuersalis autem agentis (quod est totius esse actuum) cognitionem nondum peruenerant: quem nihil in sua actione præsupponere necesse est.

#### Super cap. 16.

**P**ostquam determinauit sanct. Tho. le principio & termino actionis diuinæ, nunc de ipsa actione determinat. Circa hoc autem duo facit. Primum enim agit de ipsa absolute: secundum per comparisonem ad suppositum agens, cap. 20. Circa primum duo facit. Primum agit de specie actionis: secundum quædam à ratione illius actionis excludit, cap. 17.

Quantum ad primum ponit hanc conclusionem, Deus in esse producit res ex nullo præexistente sicut ex materia, & est idem dicere quod Deus res per creationem producit: nam creare est ex nullo subiecto aliquid producere. Probat primum, Effectus Dei aut aliquid præexistit, aut non. Si non, habetur propositum: si sic cum non sit procedere in infinitum in causis materialibus ex 2. Metaphysic. erit deuenire ad aliquod primum subiectum, quod aliud non præsupponit, & est à Deo productum, ut patet ex præcedenti cap. ergo Deus in productione sui effectus non requirit materiam præiacentem ex qua operetur.

**ADVERTE**, quod non est idem producere aliquid in materia, & producere aliquid ex materia, Deus enim aliqua in materia præexistenti produxit, sicut animam intellectiuiam in materia disposita, non tamen ex ipsa materia eam produxit, quasi ad eius productionem, materiam præexistentem requiratur: nam ipsa non educitur de potentia materię, licet in materia producat.

Secundum, Agens quod requirit ex necessitate materiam præiacentem ex qua operetur, est agens particulare: Deus autem est causa vniuersalis essendi, ergo, &c. Probat antecedens, quia operari ex præiacenti materia, est agere ad determinatam speciem, cum omnis materia per formam superinductam ad aliquam speciem contrahatur: agere autem hoc modo, est agens particularis cum causæ sint causales proportionales, ergo, &c.

**S E D** circa illam propositionem, Agens ad determinatam speciem, est agens particulare, dubitatur: nam Deus producendo hominem agit ad determinatam speciem, & vniuersaliter verum est, quod quicquid agit, ad aliquam determinatam speciem agit, cum nihil sit in rerum natura quod ad aliquam speciem determinatam non sit. Deus autem est agens vniuersale, ut assumitur in ratione: ergo est falsa illa propositio.

Respondetur, quod agere ad determinatam speciem potest dupliciter contingere, scilicet materialiter, & formaliter. Agere formaliter, est rationē illius speciei esse: rationem formalem secundum quam aliquid ab agente producit: sicut agere ad speciem hominis formaliter, est rationē hominis esse formalem rationē secundum quam aliquid ab agente producit, ut scilicet hoc producat ab illo agente in quantum homo est non in quantum aliquid aliud. Agere autem materialiter est producere aliquid ad speciem determinatam, non tamen in quantum talis species est, sed in quantum aliquam aliam rationē habet: sicut dicimus Solem esse hominis productum materialiter, non autem formaliter: quia licet hominem producat, non tamen in quantum homo est producit, ita quod ratio hominis sit ratio formalis secundum quam à Sole producit, sed in quantum corpus, aut animatum. Nam ratio hominis non est ratio ad aqua producibilis à Sole. In proposito ergo accipitur agere ad determinatam speciem formaliter, non autem materialiter, sic enim est agens particularis. Oportet enim si ratio formalis obiecti potentie agentis est particularis & determinata, ut & ipsum agens ut sic sit particulare & limitatum. Dicitur enim agens particulare & limitatum, quia non potest in omne ens, sed in aliquid determinatum, sic etiam verum est quod omne agens ex præiacenti materia agit ad determinatam speciem entis, quia materia semper per receptionem formæ ad aliquam speciem determinatur. Non accipitur autem hoc in loco species, pro specie specialissima, sed pro

Exclusio est.

Agere ad determinatam speciem dupliciter contingit.

† Cap. 14. huius Lib. 2.

† Cap. 15. huius Lib. 2.

† Tex. com. 18.

† Cap. 18. Lib. præcedentis.

† Cap. 6. huius Lib. 2.

† Tex. c. 60. † Cap. 43.



sed pro omni eo quod determinatum gradum entis importat: sic enim ceterum quamvis sit agens vniuersale per comparationem ad alia agentia inferiora, absolute tamen est agens particulare, quia non agit nisi quod ad rationem corporis determinatur. Deus autem agit ad determinatam speciem materialiter, non autem formaliter, quia ratio secundum quam aliquid producit ad Deum, non est ratio corporeitatis, aut aliqua particularis alia ratio entis, sed ipsa ratio entis absoluta. Producit enim aliquid ad Deum inquantum est ens, non inquantum hoc ens est aut illud: licet & hoc & illud, & vniuersaliter omne ens particulare producat. Vnde si loquendi modum obferuare velimus, dicitur quidem Deus agere id quod ad speciem aliquam determinatum est, non autem agere ad determinatam speciem. Primum enim videtur importare rem productam materialiter, secundum autem formaliter. Illa enim propositio videtur ex modo loquendi importare ordinem agentis ad suum formale obiectum.

Tertio, Quod non producit res in esse nisi ex materia præiacente, agit solummodo mouendo & transmutando: sed Deus non agit tantummodo mouendo & transmutando, ergo non de necessitate producit ex præiacente materia. Probatur maior, quia facere aliquid ex materia per motum vel mutationem est. Minor etiam probatur, esse est vniuersalius quam moueri: sunt enim quædam entia immobilia, etiam secundum Philosophos, vt lapides, & huiusmodi, puta metalla. Ergo supra causam quæ non agit nisi per motum, est causa quæ est primum essendi principium, quæ potest scilicet agere abique motu & mutatione. Patet consequentia, quia quantum effectus est vniuersalior, tanto habet propriam causam altiore, cum quantum causa est altior, tanto ad plura eius virtus se extendat.

AD VERTE, quod quum dicitur lapides non moueri, intelligi debet ad seipsos, sicut viuientia: quod enim ab alio moueri possint & naturali motu & violento, satis est manifestum.

Sed tunc non videtur exemplum ad propositum esse, quia intentio literæ est, quod esse vniuersalius est quam moueri, siue à se siue ab alio, & quod sunt aliqua entia quæ neque à se, neque ab alio mouentur, vt si ei aliqua causa altior ea quæ per motum agit.

Respondetur, quod non considerat hoc loco sanctus Thomas res secundum ipsa rerum genera, sed secundum gradus essendi, prout esse, viuere, sentire, intelligere & moueri secundum locum, sunt diuersi gradus essendi: sic enim cum esse sit gradus essendi communior quam sit gradus viuendi (quem gradum hic sanctus Thomas vocat moueri, eo quod viuientia seipsa moueant) oportet & ipsum esse reducere in superiorem causam quam sit ea quæ mouendo & transmutando agit, vt gradus agentium correspondeat gradibus entium in agendo. Sic enim sicut sunt duo communes gradus entium, scilicet esse & viuere, quod tamen viuere comprehendit plures gradus, ita erunt duo gradus agentium, vt agentia sunt, scilicet agere cum motu, & agere abique motu: vt agens cum motu correspondeat gradui viuentium seipsa, agens autem sine motu correspondeat gradui entium tantum: sed tamen per hoc non excluditur quod agens cum motu non se extendat ad gradum eorum quæ sunt entia tantum (Sol enim est causa esse non viuentium) sed verum est quod non potest in illa quæ pertinent ad gradum entis, nisi inquantum communicant cum gradu viuentium quantum ad moueri, licet ab extrinseco moueantur. Sufficit ergo ad propositum, quod lapides sint entia immobilia, scilicet non mouentia seipsa, quia sic pertinet ad gradum entis simpliciter, qui gradus vt sic requirit causam altiore quam sit ea quæ agit mouendo, vt patet in ratione.

AD VERTE, quod addit sanctus Thomas dictionem exclusiuam, inquit, quod Deus non tantummodo mouendo & transmutando agit, quia non negat quin possit aliquid mouere & transmutare (ex natura enim corpus Adæ & Euz formauit) sed quod de necessitate non agit per transmutationem materię. potuit enim corpus Adæ & Euz abique transmutatione materię præexistens producere, simul ipsam etiam materiam producendo.

Quarto, Deus est vniuersale essendi principium: ergo non agit tantum per motum aut mutationem, ergo non eget præiacenti materia. Secunda consequentia patet: prima verò probatur: quia quod agit per motum, non est vniuersalis causa essendi, cum per motum & mutationem non fiat ens ex non ente simpliciter, sed ens hoc ex non ente hoc.

Sed circa hanc propositionem vltimam instari potest, quia 5. Phys. text. 7. dicitur, quod in generatione simpliciter, quæ est mutatio in substantiam, sit ens simpliciter ex non ente simpliciter.

AD euidenciam huius considerandum est, quod ens simpliciter, tribus modis accipi potest. Vno modo, vt distinguitur contra ens secundum quid, & tunc substantia dicitur ens simpliciter, quia sibi conuenit esse tanquam ei quod propriè habet esse. Alio modo, vt distinguitur contra ens contrarium & limitatum, & tunc ens sub absoluta ratione entis dicitur ens simpliciter. Tertio modo, vt distinguitur contra ens partiale, & tunc ens ex omnibus suis partibus constans dicitur ens simpliciter. Omnibus istis modis creatio est ad ens simpliciter, & est ex non ente simpliciter. Nam quod propriè creatur, est in quod in suo esse subsistit, vt dicitur Prima pa. quæst. 45. & sic sit ens simpliciter primo modo. Ens quoque sub communi ratione entis est formalis terminus generationis: creatur enim vnumquodque ex eo quod est ens, sicut vnumquodque videtur inquantum est coloratum: & sic sit ens simpliciter ex non ente simpliciter secundo modo, quia videlicet prius non erat ratio entis in aliquo ex quo fiat quod creatur.

Item, Ens totaliter, id est quantum ad omnia quæ sunt de eius ratione, per creationem producit, & sic sit ens simpliciter tertio modo ex non ente simpliciter, quia sit nulla eius parte præexistente. Per generationem autem non fit ens simpliciter tertio modo ex non ente simpliciter, quia non fit materia, non etiam ens simpliciter secundo modo, quia ens absolute non est formalis terminus generationis, sed aliqua determinata species entis, sed sit ens simpliciter primo modo, quia sit substantia ex non substantia. sanctus Thomas, ergo accipit ens simpliciter hoc loco duobus modis vltimis: Philosophus autem primo tantum modo accipit, vbi allegatur, ideo nulla est contradictio.

Quinto, Omne agens quod materiam in agendo requirit, producit solum formam in materia: Deus autem non producit solum formam in materia, sed totam rem subsistentem, ergo, &c. Consequentia nota est cum maiori. Minor verò probatur, Deus est ens actu non per formam inhærentem, sed per totam substantiam suam, ergo, &c. Probatur consequentia, quia vnumquodque agit sibi simile, cum agit secundum quod est actu, vnde 7. Metaphysicæ

probat, quod res materiales habentes formas in materiis generantur a materialibus agentibus, non autem a formis separatis.

SED videtur ista ratio non concludere: si enim quia Deus agit sibi simile, cum ipse sit totus actu, oportet vt producat totam substantiam rei, eadem ratione oportebit, vt omnis res producta ab eo sit omnino simplex, sicut ipse est simplicissimus, & sic de aliis perfectionibus diuinis. Sequetur etiam quod non producat materiam, quia materia non est ens actu, sicut est Deus.

PRO intelligentia huius considerandum est, quod agens dupliciter considerari potest, scilicet materialiter & formaliter. Materialiter quidem, inquantum in ipso consideratur hæc vel illa natura, puta homo, equus, & huiusmodi. Formaliter autem, quando consideratur cum ordine ad actionem à qua denominatur agens. Similiter effectus materialiter consideratur, vt est hæc res, formaliter autem vt est effectus & res producta. Vtroque modo oportet agens producere sibi simile, sed diuersimodè: si enim consideretur agens materialiter, tunc agens producit sibi simile inquantum effectus productus secundum formam suam continetur per aliquam similitudinem in agente. Non oportet autem vt effectus in omnibus assimiletur agenti, sed sufficit vt aliquam sui similitudinem in ipso habeat: sicut licet Deus sit intellectus, non tamen lapis ab eo productus sit intellectus, sed similis est Deo, inquantum est ens & substantia, & vt forma lapidis continetur quantum ad omnem sui perfectionem virtualiter in Deo. Si autem consideretur agens formaliter vt agens est, oportet inter agens & effectum esse similitudinem, quantum ad modum actionis qua agens agit, & productionis passiuæ qua effectus producit. Ideo si modus agentis in agendo est vt agit per partem sui tantum, modus effectus producti est vt secundum partem tantum producat. Si autem modus agentis est, vt secundum totam suam substantiam agit, modus effectus erit vt secundum totam suam substantiam producat. Inter agens ergo & effectum formaliter sumpta, oportet suo modo similitudinem esse sicut & inter ea si materialiter sumantur.

Ad primum itaque patet quod consequentia nulla est, quia sit transitus ab agente & effectui formaliter sumptis ad ea vt materialiter considerantur. Dicitur tamen quod etiam si materialiter sumantur, non valet, Agens agit sibi simile, ergo quod producit ad Deum, est omnino simplex: sicut non sequitur, Deus est intellectus, ergo lapis ab eo productus est intellectus, quia agens producendo aliquem effectum, non oportet vt producat cum similem quantum ad omnia quæ sunt in ipso, sed quantum ad formam secundum quam est productum illius effectus vt sic. Deus autem vnus effectus est productus, vt continet in se eius perfectionem, est autem & aliter productus, vt illius continet perfectionem, valet autem, Est ens actu secundum totam substantiam: ergo producit totam substantiam, quia esse actu est agendi ratio agendi, non autem esse summe simplex vt sic.

Ad secundum etiam negatur consequentia: licet enim materia non sit similis Deo in hoc quod est esse in se ens actu, assimilatur tamen sibi in hoc quod aliquo modo rationem entis participat.

Sexto, Deus non agit actione quam sit necesse recipi in aliquo patiente, eum sua actio sit sua substantia, ergo, &c. Probatur consequentia, quia materia requiritur ab aliquo agente, vt recipiat actionem eius, cum actio sit actus agentis in patiente receptus: est enim actus agentis & formæ, id est, actus ab agente & forma agentis productus, aut aliqua inchoatio formæ in ipso, id est, inchoatio formæ agentis in patiente, dum ipsa forma quæ in patiente producit, adhuc est in fieri, nondum habens esse completum. Per vtrumque enim modum dicendi significatur quod actio in patiente recipitur.

AD VERTE hic, quod ponit sanctus Thomas actionem transeuntem non esse in agente, sed in patiente: & quod non loquatur de actione consecutiue, scilicet pro effectui per actionem producto, manifestum est ex eo quod negat actionem diuinam requirere materiam, quia est Dei substantia. Constat enim si acciperet actionem pro effectui actionis, & non essentialiter pro ipsa actione, quod actio Dei non esset eius essentia.

SED occurrit dubium circa antecedens huius rationis. Primum, Actio transeunt materialiter sumpta nihil aliud est quam ipsa forma producta, vt est in fieri, siue vt est motus, sed non est inconueniens productam formam à Deo, indigere materia in qua recipiatur. Ista enim non est essentia diuina, ergo, &c.

Secundo, Superius cap. 1. vbi distinxit sanctus Thomas duo genera actionum, dixit vtrumque actionem, immanentem scilicet & transeuntem, Deo conuenire: sed de ratione actionis transeuntis est vt in patiente recipiatur. Ibi enim dicitur quod est perfectio passiuæ ergo aliqua actio Dei transeunt recipitur in patiente, & sic indiget materia.

Ad huius euidenciam intelligendum est, quod de actione transeunte dupliciter possumus loqui: aut inquam, secundum rem & secundum eius propriam rationem, aut secundum modum significandi, & secundum quantumdam similitudinem. Si secundum propriam eius rationem consideretur, sic actio essentialiter est motus, & connotat respectum in agente: motus enim vt ab hoc, est actio, vt dicitur 3. Phys. Si autem consideretur secundum quantumdam similitudinem & modum significandi tantum, sic non est essentialiter motus, sed dicitur aliquid in agente remanens quod significatur vt in aliud transiens, inquantum per ipsum aliquid ab agente distinctum producit in esse: sic enim si velle nostrum esset secundum se rerum productum, vt ipsum velle esset ipsum producere, producere res esset secundum rei veritatem actio immanens, quia esset idem omnino quod velle, tamen significaretur per modum in alterum transeuntis. Actio ergo diuina qua res in esse producantur, cum non sit aliud quam ipsum velle diuinum & ipsa Dei substantia, quæ à genere motus est omnino separata, non est actio transeuntis secundum rei veritatem, sed actio immanens, quæ est velle & intelligere. Secundum enim quod Deus intelligit & vult, ita res in esse procedunt abque alia media actione, & motu. Sed verum est quod habet aliquam similitudinem cum actione transeunte, inquam per ipsam aliquis effectus in creaturis relinquitur: & ideo à nobis significatur per modum actionis transeuntis in aliud, cum dicimus, Deus producit aut creat res. Vnde potest dici actio transeuntis productiuæ, quia habet terminum extrinsecum productum, non autem subiectiuæ quod est propriè esse actionem transeuntem, quia non recipitur in aliquo extrinseco subiecto, sed remanet in agente. Est itaque mens sancti Thomæ hoc loco, quod Deus non agit actione, quæ verè & secundum propriam

Quomodo, quia Deus est totus actu, oportet vt tota substantiam rel producat.

Quomodo oportet esse aliam causam actionis ea quæ per motum agit,

Quomodo ens fiat ex non ente simpliciter,

Vtrum actio transeuntis ponatur in Deo.







facit sancti Thomae. Primo ponit conclusionem cum suis probationibus: secundum deducit quendam corollaria in sequenti capitulo. Prima ergo conclusio est, Creatio non est motus neque mutatio proprie loquendo. Additur autem, Proprie loquendo, ut ostendatur, quod improprie & secundum modum significandi non inconuenit creationem mutationem dici. Probat conclusio, cum quia motus & mutatio est actus existentis in potentia: in creatione autem nihil praexistit in potentia in quo suscipiatur creatio, tum quia extrema motus & mutationis cadunt in eundem ordinem, quia aut sunt eiusdem generis, ut contraria: aut communicant in una potentia, ut privatio & forma. In creatione autem non est potentia praexistens, neque aliud eiusdem generis quod praesupponatur creationi: tum quia in creatione ubi tota rei substantia produciuntur, non est aliquid idem aliter se habens nunc & prius, quia illud esset praesuppositum, & non productum. In motu autem oportet esse aliquid quod aliter se habeat nunc quam prius, ut ipsum nomen Mutationis ostendit: tum quia motus vel mutatio duratione praecedit id quod fit, quia factum esse terminus motus est, & principium quietis. Unde etiam mutationem omnem oportet esse motum aut terminum motus qui est successivus: & quod fit, non est, quod conuenit rei quandiu est motus. In creatione autem hoc non est, quia si praecederet, oportet sibi praestitui aliquid subiectum.

Extrema motus in eundem ordine cadunt.

In creatione non est aliquid quod se habeat nunc aliter quam prius.

CIRCA id quod dicitur in secunda ratione, scilicet quod extrema motus cadunt in eundem ordinem, aduertendum, quod sic intelligitur ea in eundem ordinem cadere, quia in uno quodam ad quod ordinem habent vniuntur, scilicet aut in uno genere, sicut in motu contraria, aut in una potentia, ut in mutatione, privatio & forma.

CIRCA tertiam rationem, cum dicebatur, quod in creatione non est aliquid quod se habeat nunc aliter quam prius, dubitatur, quia cum aliquid de nouo creatur, id quod creatur, nunc est in rerum natura, & prius non erat in rerum natura: ergo est aliquid in creatione quod se habeat nunc aliter quam prius.

Respondetur, quod in creatione esse aliquid quod aliter se habeat nunc & prius, dupliciter potest intelligi. Vno modo, proprie, tanquam subiectum realiter praexistens in natura quod ab uno termino ad alium transmutetur: sicut cum generatur homo, praexistit materia quae prius est sub una forma cum priuatione formae hominis, postmodum accipit hominis formam & esse. Alio modo, improprie, tanquam terminus per ipsam creationem realiter productus, qui prius non erat actu, & postmodum est in actu. Hoc modo licet terminus non sit subiectum quod transmutetur de non esse in esse, quia prius non erat in natura ipse terminus, puta homo, ut posset dici esse realiter sub non esse, tamen intellectus considerans non esse eius in una parte temporis veri aut imaginarij, & esse in altera temporis parte, accipit illum per modum subiecti, modo sub non esse modo sub esse existentis: & sic secundum intellectum ipse terminus est aliquo modo subiectum aliter se habens, dum habens esse in intellectu prius consideratur sub non esse reali, postmodum sub esse: sanctus Thomas ergo intelligit primo modo, non secundo: in creatione enim nullum praesupponitur subiectum quod aliter se habeat nunc quam prius, cum creatio sit ex nulla praesupposita materia, sed bene terminus produciuntur in actu qui prius non erat in actu, & sic per intellectum consideratur tanquam subiectum transiens ab uno termino in alterum, quamuis magis pro subiecto imaginemur ipsum tempus aut verum aut imaginarium, in cuius una parte est non esse rei, in alia vero esse, ut dicitur Poter. q. 3. artic. 2.

Ad argumentum itaque dicitur, quod procedit de eo quod aliter se habeat nunc quam prius per modum termini secundum rem, & subiecti secundum modum intelligendi, quod non negat sanctus Thomas in creatione inueniri: non autem de eo quod aliter se habeat tanquam subiectum praexistens in natura.

CIRCA ultimam rationem attendendum, quod mutatio quae est terminus motus, vel generatio & corruptio, dupliciter potest accipi. Vno modo, per se praecise, ut distinguitur a motu, ut terminus eius. Alio modo, ut simul dicitur ipsum motum ad quem sequitur, & ipsam mutationem quae est terminus. Quam igitur inquit sanctus Thomas oportere, ut motus & mutatio praecedat tempore id quod fit per mutationem, non accipitur mutatio primo modo, quia cum sit terminus motus, & sit in instanti, simul est cum re producta, unde simul res generatur, & generata est, accipiendo generationem illo modo, sicut etiam inquit sanctus Thomas Prima pars. quae. 4. artic. 2. ad tertium, quod aliquid simul illuminatur & illuminatum est: sed accipitur secundo modo mutatio. Sic enim mutatio ratione motus praecedit id quod produciuntur: quandiu enim motus est tendens ad instantaneam introductionem formae in materia, & disponens materiam ad formae susceptionem, res nondum est, neque est genita, sed fit & generatur. In termino autem motus est genita. Et ideo motus & mutatio tempore praecedit id quod produciuntur per talem mutationem, sicut motus praecedit terminum motus & quietem.

Sed contra praedictam conclusionem esse videtur, quia Aristot. 5. Physic. probat generationem esse mutationem, quia per ipsam fit quod non est: sed multo magis per creationem fit quod non est, quam per generationem: ergo creatio est mutatio. Videtur etiam esse contra ipsam, quia Commentator 7. Physicorum, comm. 10. tenet realem relationem non aduenire alicui nisi per mutationem: constat autem quod relatio creaturae ad Deum aduenit ei per creationem, ergo, &c. Ad primum horum dicitur de mente Aristot. esse, quod per generationem fit quod non est, ex aliqua materia praesupposita: hoc autem (ut ostensum est) creationi non conuenit. Ad secundum vero dicitur, quod dictum Commentatoris intelligitur de relatione quae aduenit rei praexistenti aut in actu aut in potentia materialis: talis autem non est relatio creaturae ad Deum.

Quod creatio non potest impugnari per rationes sumptas ex natura motus & mutationis.

Cap. 18.

**E**X hoc autem apparet vanitas impugnantium creationem per rationes sumptas ex natura motus vel mutationis: ut potest quod oportet creationem, ut ceteros motus, vel mutationes, esse in aliquo subiecto: & quod oportet non esse transmutari in esse, sicut

ignis transmutatur in aërem. Non enim est creatio mutatio, sed ipsa dependetia esse creati ad principium a quo instituitur: & sic est de genere relationis. Unde nihil prohibet eam in creato esse sicut in subiecto: dicitur tamen creatio esse mutatio quodam secundum modum intelligendi tantum: inquantum scilicet intellectus noster accipit unam & eandem rem ut non existentem prius, & postea existentem.

2. Apparet etiam, Si creatio relatio quodam est, quod res quodam est & neque increata est, neque alia creatione creata. Cum enim effectus creatus realiter dependeat a creatore: oportet huiusmodi relationem esse rem quandam: omnis autem res a Deo in esse produciuntur. Est igitur in esse a Deo producta: non tamen alia creatione creata, quia ipsa creatura prima quae per eam creata dicitur, quia accidentia & formae sicut per se non sunt, ita nec per se creatur: cum creatio sit productio entis, sed sicut in alio sunt, ita in aliis creatis creantur.

3. Præterea, Relatio non refertur ad aliam relationem, quia sic esset abire in infinitum: sed per seipsam refertur, quia essentialiter relatio est. Non igitur alia creatione opus est quia ipsa creatio creetur: & sic in infinitum procedatur.

Super cap. 18.

**E**X praecedenti conclusione deducitur corollarie vanas esse rationes impugnantium creationem ex natura motus & mutationis. Ostenditur autem veritas corollarij ex solutione rationum. Primum enim fundamentum eorum erat, quod oportet creationi assignari aliquid subiectum ut ceteris motibus & mutationibus, & quod oportet non esse mutari in esse, id est aliquid de non esse mutari in esse, ex quo sequebatur creationem non posse esse ex nullo subiecto.

Ad hoc autem fundamentum respondetur primo, quod creatio non est mutatio, sed est dependetia esse creati ad principium a quo instituitur, & sic est relatio, & ideo est tanquam in subiecto in ipso termino, quae est res creata, non autem in aliquo subiecto praexistente, sicut motus & mutatio.

Dicitur secundum, quod creatio est mutatio secundum modum intelligendi tantum, inquantum intellectus accipit unam & eandem rem ut non existentem prius, & postea existentem, & sic est ibi aliquid subiectum secundum modum intelligendi tantum, non autem in rerum natura existens.

ADVERTENDVM, quod creatio passiva dicitur relatio dependetiae creaturae ad Deum, quia ut habetur ex doctrina sancti Thomae. Prima pars. q. 45. artic. 1. cum actio & passio in creaturis dicantur motum cum relatione, oportet quod subtracto motu nihil remaneat de ratione actionis & passionis, nisi relatio quodam in agente, & quodam in patiente. Ideo creatio quia (ut est ostensum) est mutatio, si actus sumatur tanquam aliquid a Deo distinctum, dicitur tantum habitudinem agentis in Deo ad creaturam, si autem sumatur passivè, dicitur relationem in creatura ad Deum tanquam ad principium totius sui esse.

Secundum eorum fundamentum erat, quia si creatio est, oportet ut sit aliqua res, aut ergo increata, aut creata. Si increata, ergo Deus: si creata, ergo alia creatione, & sic erit processus in infinitum in creationibus.

Respondet sanctus Thomae, quod est res cum effectus creatus realiter dependeat a creatore, & res creata, sed non alia creatione. Quod ostenditur ex duobus. Primo, quia accidentia & formae sicut per se non sunt, ita nec per se creantur: sed sicut cum aliis sunt, ita cum aliis creantur. Ideo non oportet creationem alia creatione creari, sed eadem creatione creatur quia ipsa creatura prima quae dicitur per ipsam esse creata. Secundum, quia creatio relatio est, relatio autem non refertur alia relatione, sed per seipsam, cum sit essentialiter relatio, & sic non oportet procedere in infinitum.

CIRCA illam rationem quod ideo creatio est res aliqua, quia effectus creatus realiter dependet a creatore, dubitatur, quia eadem ratione sequetur quod creatio activa quae est relatio Dei ad creaturam, sit res quodammodo sicut effectus creatus realiter dependet a creatore, ita creator realiter creat & producit creaturam.

CIRCA aliam propositionem, videlicet quod creatio non creatur alia creatione, sed eadem qua prima creatura, dubitatur: cum enim per ipsam creetur prima creatura, sequitur quod ipsa sit sibi causa essendi. Per creationem enim aliquid esse capit, si ergo creatio seipsa creatur, ipsa a se accipiet esse.

CIRCA rationem quare non creatur alia creatione, quia scilicet accidentia & formae non creantur per se (ex quo videtur sancti Thomae. velle quod creatio sit accidens, ut expressius etiam dicitur Prima pars. q. 45. artic. 2. ad tertium, & de Potentia, ubi supra artic. 3. ad tertium & Quolibet. 7. artic. 10. ad quartum) dubitatur ex Scot. in 2. Sentent. distinct. 1. quaestio. 3. & 4. probat enim ibidem quod creatio est relatio quae realiter est eadem suo fundamentum, & sic non erit accidens, cum suum fundamentum sit substantia. Probat autem hoc, tum quia creatura non potest esse sine tali relatione, quod autem non potest esse sine alio, absque contradictione est idem illi quado illud non est prius illo, nec simul natura cum illo, nec est inter illa essentialis ordo, sicut accidit in relatione ista in ordine ad substantiam creatam: tum quia vniormiter conuenit omni creaturae in ordine ad Deum, tale autem nulli accidit, tum quia lapis esset prior duratione dependetia ad Deum, & sic esset absque hoc quod dependeret a Deo. Substantia enim ex 7. Metaphysicæ est prior accidente tempore.

CIRCA aliam propositionem, quod scilicet relatio non refertur alia relatione, quia est essentialiter relatio, dubitatur, quia sanctus Thomae. super prius arguebat, quod si Deus referretur ad creaturas per relationem extra ipsum existentem, oportet: ut ad ipsam relationem referretur alia relatione, & sic procederet in infinitum in relationibus, ergo apud ipsum non est inconueniens ad relationem, esse aliam relationem & sic per consequens quod una relatio e converso alia relatione referatur ad aliud. Si enim relatio qua Deus referatur ad creaturam sit, C, relatio autem qua ad illam relationem refertur, sit, B, sequitur quod sicut Deus refertur ad C, per B, ita e converso, C, refertur ad Deum per oppositam relationem ad ipsum, B, una enim est maior ratio quod

Creatio passiva est relatio dependetiae creaturae ad Deum.



Quomodo  
ideo creatio est  
res aliqua, quia  
creatura reali-  
ter dependet à  
creatore.

Cum ergo infatur, quod eadem ratione & relatio Dei ad creaturam erit relatio realis, negatur consequentia. Ad probationem dicitur, quod non est similis ratio, quia licet Deus realiter creet, sicut creatura realiter creatur, non tamen ex reali creatione quæ quantum ad entitatem quam dicit, est ipsa diuina essentia, Deus dependet ad creaturam, quasi nullo intellectu considerate ex ipsa diuina actione & diuina essentia innascitur necessarii ordo ad creaturam. In creatura autem ex reali productione qua est ad Deo producta, est entitas ex qua secundum se necessario innascitur ordo ad Deum, ut ad suum principium. Ratio differens est, quia creatura ex Deo perfectionem & esse accipit. Deus autem ex creatura nullam accipit perfectionem.

Dicitur secundò, quòd creatio secundum quòd verè est relatio & creatura, non creatur alia creatione, quia creari hoc modo nihil aliud est quàm habere vniuersaliter esse ab alio, & ad illud referri tanquàm ad principium sui esse. Relatio autem non refertur alia relatione, sed seipsa. Deceptio autem apud aliquos accidit, quia imaginantur creationem esse veram actionem transeuntem, realiter mediam inter Deum & creaturam, & ipsam esse creaturæ causam essendi, sed deiciuntur, quia sicut creatio adiuua non dicit aliquid egrediens à Deo quod recipiatur in creatura, sed tantum diuinum velle cum habitudine actualiter productis ad rem productam vniuersaliter, ita creatio passiuia non dicit aliquam veram passionem receptam à Deo in creatura, sed in ipsa creatura accipiente esse à Deo dicit habitudinem tantum ad Deum dantem sibi vniuersaliter esse. Vnde creaturam creari non est per aliquam passionem transmutari ad esse sed est ipsam esse vniuersaliter à Deo per simplicem effluxum. & per consequens referri ad ipsum tanquàm ad vniuersale principium essendi, quapropter relationem creari nihil aliud est, quàm ipsam accipere esse à Deo cum nouitate essendi, quod est referri ad ipsam tanquàm ad principium sui esse: & propterea sicut non est inconueniens relationem referri seipsa ita non est inconueniens quòd seipsa creetur, nec sequitur quòd ipsa sit seipsi causa essendi, quia ipsa non est esse rei principaliter creatæ causa essendi, sed ipsum diuinum velle est causa essendi creaturæ. Relatio autem in ipsa existens est quo formaliter creatura refertur ad Deum.

Relatio crea-  
turæ ad Deum  
est accidens.

A D evidentiam tertij dubij considerandum, quòd creationem esse acci-  
dens negari nō potest in doctrina sancti Thomæ, cum hoc ab ipso expressè  
in locis præallegatis habeatur: veruntamen tenentes relationem à funda-  
mento realiter non distingui dicerent talem relationem dici accidens, non  
quia fit accidens verè à substantia distinctum, sed quia suavitio est extra ra-  
tionem substantiæ, & intelligitur rationi substantiæ advenire. Tenentes autem  
relationem à fundamento realiter distingui, dicunt ipsam esse verè acci-  
dens à substantia realiter distinctum. Sed quicquid fit de aliis relationibus,  
teneo de mente sancti Thomæ esse, quòd ratio creaturæ ad Deum  
que quum novitate effendi cointellectæ dicitur creatio, est accidens realiter  
distinctum à creatura que refertur, nec potest glossari quòd intelligat ipsam  
esse accidens, quia extra rationem substantiæ fit secundum suam formalem  
rationem consideratam: nam De Potentia ubi suprà, ad tertium, inquit quòd illa  
ratio accidens est, & secundum esse suum considerata prout in hæret sub-  
iecto, posterius est quàm res creata, sicut accidens subiecto intellectui & na-  
tura posterior est, licet secundum suam rationem prout ex actione agentis  
inascitur, sit quodammodo prior subiecto.

Vnde ad primum Scoti, primò negatur illa maxima qua exenumberò  
vitur, scilicet, Illud quod propriè inest alicui, & sine quo illud absque con-  
tradictione esse non potest, est idem sibi realiter: hæc enim falsa est, vt patet  
de subiecto & propria passione, si ponatur passio etiam per diuinam poten-  
tiam à subiecto separari non posse. Vbi enim est necessaria connexio vnus  
rei ad alteram & necessaria quædam, ibi vnus non potest esse sine altero. Sic  
est in proposito: quia enim (vt dicitur Prima parte, quæst. 4.4. art. 1. ad primū)  
omne ens aliud à Deo est ens per participationem, sequitur vt sit ab alio  
causatum, ideo non potest esse absque dependentia ad causam, sicut nec  
potest homo esse quin risibile sit.

Dicitur secundo, quod contradiçtio dicta de aliquibus secundum esse & non esse, non infert realem distinctionem illorum: unde vñ enim eorum quæ sunt realiter idem, potest dici quodd est, de reliquo verò quod non est, secundum quod illa res completè habet rationem vñius, alterius verò rationem habet completè, sicut dicimus velle diuinum & creationem actiuam velle realiter idem, & tamen antequàm res crearentur, erat verum dicere, Velle diuinum est, non autem est creatio, quia illa entitas habebat completè rationem velle, non autem rationem creationis, propter defectum termini, scilicet creaturæ. Neque etiam impossibilitas recipiendi talia contradiçtoria infert realem identitatem, vt dicebat de subiecto & propria passione.

Dicitur tertio, quod creatura dupliciter potest accipi. Vno modo absolute, secundum suam entitatem. Alio modo, vt esse habet per diuinā actionem

Ad secundum negatur quod d. pendencia vniformiter conueniat relationi & aliis. Alia enim quæ absoluta sunt, non referuntur seipfis, quia non sunt essentialiter relatio: ipsa autem relatio seipsa refertur, quia est secundum suam essentiam ordo & relatio.

Ad tertium dicitur, quod non est mens Aristotelis omnem substantiam esse tempore priorem quolibet accidente: est enim aliqua substantia quæ ab accidente separari non potest, & per consequens non est omni accidenti prior tempore, sed dupliciter vera est. Primo secundum Commentatorem 7. Metaphysicæ, com. 4. de substantia corruptibili ratione materiæ, ex qua fit. Cum enim materia ex qua corpus corruptibile fit, præcedat tempore id quod fit ex ea, & præcedat etiam omne accidens quod ad illud consequitur. Secundo, quod substantia aliqua præcedit omne accidens tempore non repugnanter: nullum enim accidens potest esse sine substantia, sed bene aliqua substantia potest esse sine accidente, eius ratione considerata, puta Deus, aut intellectus etiam secundum Commentatorem 11. Metaphysicæ, com. 15. Quamvis enim poneretur Deus de necessitate produxisse cælum ab æterno, & per consequens accidentia cæli esse æterna, & sic Deus actu non præcedere tempore omne accidens, tamen substantiæ diuinæ secundum se considerata non repugnat quod fit non existentibus accidentibus, eo quod ad ipsam intrinsicè nullum accidens non consequatur.

Ad vltimum dubium respondetur, quòd superius dicta non contradicunt  
 iis quæ hæc dicuntur: vtrumque enim verum est. Nam si Deus ad alias res  
 refertur relatione à se distincta & separata, ipsa relatio erit in eodem ordi-  
 ne cum aliis rebus: omnibus enim non solum absolutis, sed etiam relatiuis  
 Deus est prior, & in comparatione ad omnia est summum bonum. Ideo si  
 relatione à se distincta refertur ad alia verum sum bonum & primum ens,  
 etiam ad ipsam relationem alia relatione à se distincta refertur. Non enim  
 inconueniens est aliquid, ad relationem sicut ad terminum relationis referri.  
 huic autem non repugnat quòd relatio alia relatione non refertur, nec se-  
 quitur ex hoc quòd Deus alia relatione refertur ad relationem, quòd ipsa  
 relatio alia relatione referatur ad Deum: ipsa enim relatio est essentialiter  
 relatio, ideo se ipsa refertur: non autem Deus est essentialiter relatio, & se ipso  
 refertur ad creaturas.

Substantia est  
prior acciden-  
te tempore.

Cap. 19.

**A**pparet autem ex prædictis, quodd omnis creatio  
abique successione est. Nam successio propria  
est motui, creatio autem neque est motus, neque  
terminus motus, sicut generatio: igitur nulla est  
in ipso successio.

2. Item, In omni motu successivo est aliquod medium inter eius extrema: quia medium est ad quod continuè motum prius venit quàm ad ultimum: inter esse autem & non esse, quæ sunt quasi extrema creationis, non potest esse aliquod medium, igitur non est in creatione successio.

3. Adhuc, In omni factione in qua est successio, fieri est ante factum esse, vt probatur in 6. Physicorum †. Hoc autem in creatione non potest accidere: quia fieri quod praeccederet factum esse creaturae, indigeret aliquo subiecto, quod non posset esse: ipsa creatura, de cuius creatione loquimur: quia illa non est ante factum esse: nec etiam in factore, non enim moueri, est actus mouentis, sed moti. Relinquitur igitur quod fieri haberet & pro subiecto aliquam materiam facti praexistentem, quod est contra rationem creationis. Impossibile est igitur in creatione successionem esse.

†Tex.com, 72

4. Amplius, Omnem factionem successiuam in tempore oportet esse: prius enim & posterius in motu numerantur tempore. Simul autem diuiditur motus & tempus, & id super quod transit motus, quod quidem in motu locali manifestum est: nam in medietate temporis regulariter motus pertransit medium magnitudinis: diuisio autem in formis respondens diuisioni temporis attenditur secundum intentionem & remissionem, vt si aliquis in tanto tempore tantum calefit, & in minori minus. Secundum hoc igitur potest esse successio in motu vel quacunque factione, quod id secundum quod est motus, est diuisibile: vel secundum quantitatem, vt in motu locali, & in augmento: vel secundum intentionem & remissionem, sicut in alteratione. Hoc autem secundum contingit dupliciter. Vno modo, quia ipsa forma quae est terminus motus, est diuisibilis secundum intentionem & remissionem: sicut patet cum aliquid mouetur ad albedinem.

**Alio modo**, quia talis diuisio contingit in dispositionibus ad talem formam, sicut fieri ignis successuum est propter alterationem præcedentem circa dispositiones ad formam: ipsum autem esse substantiale creaturæ non est diuisibile modo prædicto: quia substantia non suscipit magis & minus. Nec in creatione præcedunt dispositiones materia non præexistente: nam dispositio ex parte materiæ est. Relinquitur igitur quòd in creatione non potest esse aliqua successio.



Præterea, Successio in rerum factionibus ex defectu materiae provenit quæ non sufficienter est à principio ad receptionem formæ disposita. Vnde quando materia iam perfectè disposita est ad formam, eam recipit in instanti: & inde est, quod quia diaphanum semper est in vltima dispositione ad lucem, statim ad præsentiam lucidi in actu illuminatur, nec aliquis motus præcedit ex parte illuminabilis, sed solum motus localis ex parte illuminantis per quem fit præsens. In creatione autem nihil præexigitur ex parte materiae, nec aliquid deest agenti ad agendum, quod postea per motum ei adueniat, cum sit immobilis: vt in 1. Lib. huius Operis ostensum est. Relinquitur igitur quod creatio fit in instanti: vnde simul aliquid creatur, creatum est: sicut simul illuminatur, & illuminatum est. Et idem est quod Scriptura diuina creationem rerum in indiuisibili factam pronunciat, dicens, In principio creauit Deus cælum & terram, quod quidem principium Basilium principium tēporis exponit: quod oportet esse indiuisibile, vt in 6. Physicorum probatur.

† Cap. 13.

## Super cap. 19.

**S**ecunda distinctio creationis ab actione creaturarum, est, quod actio creaturarum est cum successione, creatio autem absque successione. Probatur autem primò, Successio est propria motui: dictum est autem quod creatio non est motus neque mutatio, quæ est terminus motus, ergo, &c.

Quomodo in creatione non est successio.

Ad euidentiā huius rationis considerandum est, quod in aliqua actione esse successionem dupliciter intelligi potest: vno modo intrinsecè & essentialiter, sicut est in calefactione quæ successiue fit, & habet partes sibi inuicem succedentes: alio modo extrinsecè & antecedenter, quia videlicet ad ipsam antecedit mutatio successiua, sicut est in illuminatione ad quam antecedit motus localis, & in generatione substantiali ad quam antecedit alteratio. Conclusio ergo sancti Thomæ de successione vtroque modo intelligenda est, scilicet, Creatio est absque successione tam intrinsecè quam extrinsecè & antecedenter. Ideo in hac ratione subsumit, quod creatio neque est motus neque est terminus motus: vt per hoc quod non est motus, habeat quod est absque successione intrinsecè & essentiali. Per hoc verò quod non est terminus motus, habeat quod est absque antecedenti successione.

Secundò, Inter esse & non esse quæ sunt quasi extrema creationis, non potest esse aliquid mediatum, ergo, &c. Probatur consequentia, quia in omni motu successiuo est aliquid mediatum inter eius extrema, vt patet ex diffinitione medij, 5. Physicorum.

Quomodo in creatione fit terminus à quo, &amp; terminus ad quem.

ADVERTENDVM, Iquod inquit sanctus Thomas esse & non esse quasi extrema esse creationis, non autem absolute esse extrema, quia proprie loquendo; creatio non habet duos terminos inter quos sit: sunt enim proprie termini in actione quæ est cum motu, quia ibi est subiectum aliquid transiens à termino à quo ad terminum ad quem, in creatione autem quia non est motus, non est aliquid subiectum transiens ab vno termino ad alium, sed est ibi tantum, vt dicitur Potent. quæst. 3. art. 1. ad vndecimum, effluxus ab agente in factum, sed tamen quia secundum modum intelligendi apprehendimus creaturam tanquam prius non existentem, postea habere esse, ideo esse & non esse aliquo modo possunt dici termini, prout non existentia rei produci, & existentia eius nullo existente subiecto quod à non esse transcat ad esse, termini productionis dicuntur modo dicto.

Quomodo ideo in creatione non est successio, quia inter esse &amp; non esse medij non cadit.

Sed occurrit dubium circa rationem, si ideo in creatione non est successio, quia inter esse & non esse medium non cadit, eadem ratione in generatione rei accipiendo generationem, vt etiam includit motum ad introductionem formæ substantialis in materia, non erit successio, quia etiam illa est inter non esse, & esse.

Respondetur & dicitur primò, quod non est eadem ratio de creatione & generatione. In creatione enim nullum est subiectum quod disponi oportet ad susceptionem formæ substantialis, sicut est in generatione, sed statim post non esse res creata totum suum esse simul accipit, sicut etiam disposita iam per motum materia ad formam, statim per generationem quæ est terminus motus, res accipit esse. Item, creatio est inter non esse simpliciter, quod est nullo modo esse, & esse simpliciter, quod est secundum omnes partes suas essentialis simul esse: generatio autem est inter non esse hoc & esse hoc, puta inter non esse hominem, & esse hominem, cui non esse coniungitur esse alterius formæ & accidentium eius quæ oportet per motum abiaci vt introduciatur accidentia conuenientia formæ introducenda. Quia ergo inter accidentia formæ abiacienda sub tali gradu, & accidentia formæ inducenda cadit medium, ad quod prius peruenitur quam ad extremum, ideo inter non esse & esse quæ sunt extrema generationis, aliquo modo potest dici quod cadat medium, licet non sit proprie dictum. Cum enim ex aère generatur ignis, & sic ex non esse ignis fit transitus ad esse ignis, oportet prius accidentia aëris ad esse remissum peruenire, & accidentia ignis in esse remisso introduci quæ materia accidentia aëris omnino amittit, & formam ignis cum accidentibus inter se suscipiat. Ideo inter non esse ignis coniunctum formæ & accidentibus aëris, & esse ipsius ignis cadit medium inter non esse autem & esse quæ sunt aliquomodo extrema creationis, non cadit medium, quia in ea consideratur non esse simpliciter, quod scilicet nulli esse aut formæ coniungitur. Inter tale autem non esse & esse, nullum cadit medium.

Dicitur secundò, quod accipiendo generationem vt includit motum, non est inter esse & non esse præcisè, sed etiam inter esse & esse, puta inter esse aëris, & esse ignis.

Tertio, In creatione non potest fieri præcedere factum esse, ergo in ea non est successio. Patet consequentia, quia in omni factione in qua est successio, fieri est ante factum esse, vt habetur 6. Physicorum. Consequentia verò probatur, quia tale fieri creaturæ non esset in ipsa creatura quæ diceretur fieri, cum non sit ante factum esse, nec in ipso factore, quia moueri non est actus mouentis, scilicet vt subiecti, sed moti, nec in aliqua materia facti præexistente, quia hoc est contra rationem creationis, ergo, &c.

Quartò, Esse substantiale creaturæ non est diuisibile secundum intentionem & remissionem, cum substantia non suscipiat magis & minus: nec in creatione præcedunt dispositiones ad esse creaturæ, cum materia non præexistat creationi. Ergo ibi non est successio. Probatur consequentia, quia cum omnis factio successiua sit in tempore simul diuiditur tempus motus, & id super quod transit motus: nam in medietate temporis regulariter motum pertransit medietatem magnitudinis. Diuisio autem in formis diuisio temporis correspondens attenditur secundum intentionem & remissionem, aut ipsius formæ quæ est terminus motus, aut dispositionem ad talem formam. Ergo vbi esse non capit intentionem & remissionem, nec sunt dispositiones ad ipsum, talem diuisiōem capientes, ibi non est successio in acquisitione talis esse.

ADVERTE, quod ideo dixit sanctus Thomas regulariter motum in medietate temporis medium magnitudinis pertransire, quia si aliquid irregulariter moueretur, vt scilicet vna pars motus esset intensior altera, hoc non eueniret. De veritate autem huius propositionis visum est in primo Libro.

Quintò, In creatione nihil præexigitur ex parte materiae, nec aliquid deest agenti ad agendum quod postea per motum ei adueniat, ergo creatio est in instanti. Probatur consequentia, quia successio in rerum factione ex defectu materiae provenit, quæ à principio non est sufficienter ad receptionem formæ disposita, vt cum est disposita forma recipit in instanti: sicut diaphanum, quia semper est in vltima dispositione ad lucem, statim ad præsentiam lucidi illuminatur. Quod si requiritur motus, hoc non est ex parte illuminabilis, sed ex parte illuminantis, vt fiat præsens. Vbi ergo nihil requiritur ex parte materiae: nec ex parte agentis aliquid per motum acquisibile requiritur, ibi oportet factionem instantaneam esse. Ex hijs deducitur, quod simul dum aliquid creatur, creatum est: sicut simul aliquid illuminatur, & est illuminatum.

Sciendum autem, quod licet simul sit creati & creatum esse, & illuminari ac illuminatum esse, tamen ratione distinguuntur, quia creati dicitur ipsum esse creaturæ cum actuali nouitate essendi, & habitudine actualis dependentiæ ad Deum: creatum autem esse, dicitur ipsum totale esse rei positum in actu à Deo, non autem dicitur habitudinem actualis dependentiæ cum tali nouitate essendi.

Vltimò, confirmatur autoritate Gen. 1. vbi enim dicitur, In principio (scilicet temporis secundum Basilium) creauit Deus cælum & terram, datur intelligi creationem instantaneam esse, cum principij temporis sit instans.

## Quod nullum corpus potest creare. Cap. 20.



**H**oc autem apparet euidenter, quod nullum corpus potest aliquid per modum creationis producere. Nullum enim corpus agit nisi moueatur, eò quod oporteat agens & patiens esse simul: vel faciens & factum. Simul autem sunt, quæ in eodem loco sunt, vt t habetur in 5. Physicorū. Locum autem non acquirit corpus nisi per motum, nullum autem corpus mouetur nisi in tempore: quicquid igitur fit per actionem corporis, fit successiue. Creatio autem, vt ostensum est, non habet successionem: nihil igitur potest à corpore quocunque per modum creationis produci.

† Idem P. P. quæst. 45. art. 5. Idem de Ver. q. 5. art. 9.

† Tex. c. 11.

† Cap. 19. huius 2.

2. Præterea, Omne agens quod agit, inquantum mouetur, de necessitate mouet illud in quod agit, factum enim & passum consequitur dispositionem facientis & agentis, eò quod omne agens agit sibi simile: vnde si agens non in eadem dispositione se habens, agit inquantum per motum variatur, oportet quod etiam in patiente & facto quadam renouatio dispositionum fiat, quod sine motu esse non potest. Omne autem corpus non mouet nisi motum, vt probatum est. Nihil igitur fit à corporis actione, nisi per motum vel mutationem facti. Creatio autem non est mutatio nec motus, vt ostensum est: igitur nullum corpus potest aliquid producere creando.

3. Item, Cum agens & factum oporteat sibi esse similia, non potest esse productum totius substantiæ facti, quod non tota sua substantia agit: sicut econuersò probat Philosophus in 7. Metaphysicæ, quod forma sine materia quæ tota se agit non potest esse causa proxima generationis secundum quam sola forma in actu educitur: nullum autem corpus tota sua substantia agit, est totum agat, quia cum omne agens agat per formam qua actu est, illud solum per totam suā substantiam agere poterit, cuius est tota substantia forma, quod de nullo corpore potest dici, cum omne corpus habeat materiam, eò quod omne corpus est mutabile. Ergo nullum corpus potest aliquid producere secundum totam eius substantiam: quod est de ratione creationis.

† Tex. com. 2.

4. Amplius, Creare non est nisi potentie infinitæ: tantò enim est maioris potentie agens aliquod, quantò potentiam magis ab actu distantem in actum reducere potest, vt quod potest ex aqua ignem producere, quam quod ex aère. Vnde vbi omnino potentia præexistens subtrahitur, exceditur omnis determinata distantie proportio, & sic necesse est potentiam agentis quæ aliquid instituit nulla potentia præexistente, excedere omnem proportionem quæ posset considerari ad potentiam agentis aliquid ex materia facientis: nulla autem potentia corporis est infinita, vt probatur à Philosopho in 8. Physicorum. Nullum igitur corpus potest aliquid creare, quod est ex nihilo aliquid facere.

† Tex. com. 8.

§ Adhuc.



Adhuc, Mouens & motum, faciens & factum oportet simul esse, ut probatur in 7. Physicorum, corpus autem agens non potest adesse suo effectui nisi per contactum quo tangencia vltima sunt simul. Vnde impossibile est aliquid corpus agere nisi tangendo. Tactus autem alicuius ad alterum est, & sic ubi non est aliquid præexistens præter agens, sicut in creatione accidit, tactus esse non potest: nullum igitur corpus potest agere creando. Patet igitur falsitas positionis quorundam dicentium substantiam cælestium corporum causam materiæ elementorum esse: cum materia causam habere non possit, nisi id quod creando agit: eò quod ipsa est primum motus & mutationis subiectum.

## Super cap. 20.

**P**ostquam determinauit sanctus Thomas de creatione secundum se, nunc determinat de ipsa quantum ad suppositum creans: & ponit duas conclusiones, quarum prima est, Nullum corpus potest aliquid per modum creationis producere. Probatur primo, Quicquid fit per corpus, fit successiue: sed creatio non habet successiuenem, ergo, &c. Probatur maior, Nullum corpus agit nisi moueatur, ergo non agit nisi in tempore, ergo successiue agit. Patet prima consequentia, quia omne quod mouetur, in tempore mouetur. Antecedens verò probatur, quia oportet agens & patiens, vel faciens & factum esse simul: simul autem sunt quæ sunt in eodem loco, ex 5. Physicorum, locum autem non acquirit corpus nisi per motum.

CIRCA hanc propositionem, Nullum corpus agit nisi moueatur, dubium occurrit. Nam apud sanctum Thomam Prima parte quæst. 66. art. 3. ad secundum, & Quolibet. 6. art. 19. cælum empyreum insluit in corpora inferiora, & tamen secundum ipsum illud est immobile, ergo non est vniuersaliter verum quod corpus non agat nisi moueatur.

Præterea, Carbonibus ignitis manentibus immotis, si aliquid apponatur calefactibile, illud calefact: ergo ad hanc actionem quæ est calefactio, non requiritur ut corpus calefaciens moueatur.

Ad huius euidentiam attendendum est, quod non sufficit in hoc loco glossare propositionem sancti Thomæ de motu purè locali, id est, quod nullum corpus mouet purè localiter nisi & ipsum moueatur, ut eam in 1. Libro exposuimus, sic loco illo exigente. Manifestè enim patet, quod hic loquitur de actione productiua rei, non autem de locali motione. Non sufficit etiam glossare quod corpus non agit nisi moueatur actu aut potentia, quia ex probatione hæc adducta, & ex sequenti ratione constat intentionem sancti Thomæ esse, quod corpus non agit nisi actu moueatur. Non sufficit etiam dicere, quod intelligitur nullum corpus agere nisi moueatur, id est, nisi ab alio dependeat in agendo, sicut causa secunda dependet à prima: quoniam satis manifestum est hoc loco intelligi oportere ipsum localiter moueri, ut ex eius probatione patet. Non sufficit denique glossare iuxta distinctionem positam de duplici actione corporis in Quæst. Potentia, quæst. 5. art. 8. quod habet veritatem de actione conueniente corpori, in quantum corpus est, quæ scilicet est materiæ transmutatiua, non autem de actione conueniente corpori in quantum attingit ad ordinem substantiarum separatarum, quæ scilicet est ad quandam diffusionem similitudinis suæ formæ, modo quodam spirituali, cuiusmodi est actio coloris causantis suam speciem in medio. Nam ratio quæ hæc adducitur ita concludit de vna actione sicut de alia. Probatur enim hæc ratio, quia mouens & motum, agens & patiens, faciens & factum oportet esse simul & in eodem loco. Constat autem in omni genere actionis, verum esse oportere agens & patiens, faciens & factum esse simul, loquendo de agente & faciente proximo & immediato. Vnde & Aristoteles eam declarat esse veram in motu alterationis, ex actione sensibilis in sensum 7. Physicorum, ergo, &c. Propterea mihi videtur dicendum, saluo semper meliori iudicio, quod hæc propositio habet veritatem ad mentem sancti Thomæ in omni genere actionum, quibus aliquid de nouo producitur, sive de noua actione corporis, duabus tamen conditionibus obseruatis. Prima est quod corpus agens aliquid de nouo non sit intrinsecè transmutatum, id est, non aliter se habeat quantum ad virtutem qua agit, quam se haberet prius. Secunda, quod etiam nulla sit facta omnino transmutatio ex parte passi, sed eodem modo se habeat sicut prius: sic enim intellecta hac propositione, manifestum est eius veritas ex probatione sancti Thomæ. Nam si agens, puta calefactiuum, debet aliquid calefactibile de nouo calefacere, quod prius non calefaciebat, hoc non potest esse nisi quia aut aucta est virtus calefactiui, aut calefactibile est magis dispositum quam prius, quia aut calefactiuum est factum propinquum calefactibili per suum motum ad calefactibile, vel per motum calefactibilis ad ipsum. Si ergo tollatur augmentum virtutis à calefactiuo & ponamus suam virtutem eodem modo se habere sicut prius, si etiam remoueamus à patiente omnem mutationem, & ponamus ipsum non esse magis dispositum quam prius, non esseque magis appropinquatum calefactiuo quam prius per suum motum, relinquatur nouam calefactionem huius calefactibilis ab hoc calefactiuo non provenire, nisi ex hoc quod calefactiuum est magis appropinquatum calefactibili quam prius per motum suum localem, per quem factum est simul cum ipso. Quod autem hæc expositio sit de mète sancti Thomæ patet ex duobus. Primo ex eo quod intendit probare per hæc propositionem nullum corpus posse creare, producendo videlicet aliquid de nouo secundum totam eius substantiam. Ad hoc enim probandum sufficit nullum corpus posse agere aliquid de nouo illis duabus conditionibus obseruatis, nisi moueatur. Nam constat quod corpus habens virtutem creatiuam, si aliquid tale poneretur, non potest secundum ipsam virtutem creatiuam augeri, ut possit nunc creare, ut non prius: cum si ponatur talis virtus in aliquo, ipsa sit stabilis acque immutabilis virtus, omnia etiam creabilia eandem requirit, eò quod virtus creatiua sit productiua totius entitatis rei: & idcirco non est maior indispositio in vno creabili quam in alio. Constat etiam quod creabile non potest, antequam creetur, transmutari aut secundum maiorem sui dispositionem, aut secundum maiorem appropinquationem ad creans per motum suum, cum creabile nihil sit in rerum natura antequam creetur. Relinquitur ergo quod nulla est ratio, quare corpus debeat aliquid de nouo creare, nisi quia per motum localem suum peruenit ad locum in quo aliquid est creandum, ut faciens & factum sit simul. Secundò, idem pa-

et, quia aliter ratio sancti Thomæ nulla esset. Nisi enim cum illis conditionibus illa propositio intelligatur, non sequitur: quia agens & patiens oportet esse simul, quod oportet agens localiter moueri ad hoc ut sit simul cum passio: diceretur enim quod sufficit ut patiens moueatur ad ipsum agens, ad hoc ut cum ipso sit simul, & eius suscipiat actionem.

Ad primum igitur in oppositum dicitur, quod illa actio qua cælum empyreum insluit in corpora inferiora, non est actio noua, sed cœux ipsi cælum empyreo. Vnde sanctus Thomas in loco adducto ex Prima parte inquit, quod imprimis in primum cælum quod mouetur, non aliquid transiens & adueniens per motum, sed aliquid fixum & stabile, puta virtutem continendi & causandi: constat autem istam virtutem continendi & causandi esse cœux cælum.

Ad secundum dicitur, quod non est contra sensum propositionis. Nam tunc deficit secunda conditio: mutatio enim ponitur ex parte cōbustibilis, dum ponitur quod de nouo carbonibus apponatur.

Sed contra istam interpretationem dubitatur dupliciter. Primò, quia ex ipsa videtur haberi, quod motus localis non requiritur ad actionem corporis, nisi ad hoc ut agens sit præsens patienti, & sit simul cum eo: hoc autem videtur esse contra doctrinam sancti Thomæ, Potent. quæst. 7. artic. 8. Prima parte, quæst. 115. artic. 3. & Sentent. distinct. 2. quæst. 2. artic. 3. & distinct. 15. quæst. 1. artic. 2. tenentis, quod motus localis cæli requiritur ad agendum etiam ut ratio agendi, & ut causa aliorum motuum. Propter quod tenet quod ipso cessante cessabit omnis transmutatio naturalis. Secundò, quia ex ista interpretatione non sequitur, quod quicquid fit per actionem corporis, fiat successiue: sed tantum quod ipsam actionem præcedat motus successiue: hoc autem non est ad mentem sancti Thomæ, qui infert ex eo quod nullum corpus agit nisi per motum omne quod fit per actionem corporis, fieri successiue, ergo, &c.

Ad primum horum dicitur primò, quod non est mens sancti Thomæ vnicuique corpori agenti, motum localem illi inexistente esse sibi rationem agendi, quoniam, ut ostensum est, potest aliquid corpus agere etiam si non moueatur localiter, si inquam passum ad ipsum moueatur, sed tantum ad hoc ut agens sit simul cum passio, & faciens cum facto, illis conditionibus dictis existentibus, ut superius est ostensum.

Dicitur secundò, quod cum hoc fiat motus localem corporis cælestis ista inferiora alterantis esse sibi rationem agendi aliquo modo, & motum localem cæli esse causam omnium motuum inferiorum, ut habetur 8. Physicorum, & ideo hæc interpretatio in nullo contradicit doctrinæ sancti Thomæ.

Ad secundum dicitur, iuxta distinctionem factam in præcedenti cap. ratione prima, quod ex ista interpretatione, sequitur omne quod fit, fieri successiue extrinsecè & antecedenter: licet non sequatur omne tale intrinsecè fieri successiue: hoc autem sufficit propositio sancti Thomæ, quia creatio neutro modo est successiua, cum neque sit motus, neque terminus motus, ut superius est ostensum.

Secundò, Nihil fit à corporis actione nisi per motum aut mutationem facti: sed creatio non est motus neque mutatio, ergo, &c. Probatur maior, Nullum corpus mouet nisi motum, ergo, &c. Probatur consequentia, quia omne agens quod agit in quantum mouetur, de necessitate mouet illud in quod agit: cum enim factum & passum consequantur dispositionem agentis & facientis, oportet si agens non in eadem dispositione manens, sed ut continuè per motum variatur agit, quod etiam in patiente & facto quædam renouatio dispositionum fuit, quod sine motu esse non potest.

Tertiò, Nullum corpus tota sua substantia agit, & si totum agat, ergo totam substantiam rei non potest producere, ergo non potest creare. Vltima consequentia patet ex ratione creationis: antecedens verò probatur, quia si tota sua substantia ageret, totum esset forma, eò quod omne agens agit per formam, quod est falsum, cum etiam habeat materiam. Prima etiam consequentia probatur, quia non potest esse productum totius substantiæ facti, quod non tota sua substantia agit. Hoc autem probatur, tum quia agens & factum oportet esse similia, quantum scilicet ad id quod agens agit: & ideo si agit tantum per partem suæ substantiæ, non assimilabitur sibi factum materiale, nisi in quantum ad partem substantiæ: & sic non produceretur nisi pars substantiæ facti. Nam si dicamus aliquid materiale agere per formam per quam est actu, non autem per materiam, producet in effectu similitudinem formæ suæ duntaxat, non autem materiæ suæ: & sic materia facti non erit ab ipso producta. Tum etiam ex processu Aristot. 7. Metaphysicorum. econtrariò argumentis, quod forma siue materia quæ se tota agit, non potest esse causa proxima generationis secundum quam sola forma in actu educitur.

ADVERTENDUM, quod in litera addit sanctus Thomas antecedenti, Et si totum agat: quia aliud est aliquid totum agere, & aliud sua tota substantia agere. In prima enim denotatur ipsum agens completum agere, in secunda autem quamlibet partem substantiæ (si partes habet) esse sibi rationem agendi. Primum autem corpori conuenit, ipsum enim totum, id est completum & perfectum est suppositum quod agit, sed secundum sibi non conuenit, quia non quælibet pars suæ substantiæ est sibi ratio agendi. De fundamento huius rationis satis dictum est in præcedentibus.

Quartò, Creare non est nisi potentia infinita, sed nullum corpus est potentia infinita, ergo, &c. Minor est Philosophi. 8. Physicorum. maior autem probatur. Tanto agens maioris potentia est, quanto potentiam magis ab actu distantem in actu reducere potest, ut quod ex aqua potest ignem producere, quam quod ex aere. Sed ubi omnino potentia præexistens subtrahitur, exceditur omnis determinata distantia: proportio: ergo potentia agentis quæ aliquid nulla præexistente potentia instituit, excedit omnem proportionem, quæ considerari potest ad potentiam aliquid ex materia facientis, ergo, &c.

CIRCA probationem eius quod assumit sanctus Thomas, quod scilicet creare non est nisi potentia infinita, dubitatur apud Scotum in 4. Sententiarum, dicit enim quod licet distantia nullius potentia ad actum nullam habeat proportionem ad illam quæ est alicuius potentia ad actum, non tamen oportet nullam esse proportionem virtutis agentis ex nulla potentia ad virtutem agentis ex aliqua potentia: quia illæ distantia sunt improportionabiles, eò quod vna sit negatiua, altera positiua. Positiui enim ad negatiuum nulla est proportio: positiuum autem non est improportionabile alteri positiuo nisi propter infinitatem in altero. Vnde vna distantiarum illarum non est proportionabilis alteri: quia altera non habet quantitatem secundum quam possit proportionari, sicut punctus est improportionabilis lineæ, quia

Create non est nisi potentia infinita.



non est quantus. Sed si consideretur diligenter verba sancti Thomæ in hac ratione, ista responsio nulla est. Dupliciter enim possunt comparari aliqua potentia & nulla potentia passiva. Vno modo absolute, & secundum se, & sic nec inter illa est proportio, nec sunt de genere eorum inter quæ nata est esse proportio: sicut nec inter punctum & lineam. Alio modo, secundum distantiam & elongationem ab actu, & sic inter aliquam potentiam & nullam potentiam, nulla quidem est proportio: sed tamen sunt de genere eorum inter quæ nata est esse proportio. Inter elongationem enim vnā ab actu: & aliam elongationem potest esse proportio. Nam magis elongatur a forma ignis potentia quæ est sub forma terre quā potentia quæ est sub forma aeris: sicut licet linea infinita nullam habeat proportionem ad lineam finitam, sunt tamen de genere eorum inter quæ nata est esse proportio: quia inueniuntur alie lineæ habentes inter se proportionem. Hoc ergo secundo modo comparat sanct. Thom. aliquā potentiam & nullam potentiam: quia nulla potentia nullam proportionem habet ad aliquam potentiam, si in ratione elongati ab actu vtriusque illorum consideretur, eo quod distantia nullius potentie in infinitum excedat distantiam alicuius potentie ab actu: sicut linea infinita excedit lineam finitam impropotionaliter. Quod autem hunc sensum intēdat sanct. Thom. patet ex verbis eius cum inquit, Vbi omnino potentia præexistens subtrahitur, exceditur omnis determinata distantia proportio. Ecce, quod accipit impropotionem vnius ad alterum secundum quod vnum alterum impropotionaliter siue in infinitum excedit, non autem vt dicuntur impropotionalia quæ sunt de genere eorum inter quæ non est nata esse proportio. Ad talē autem impropotionem secundum excessum sequitur improportio virtutum agentium secundum excessum, quia vt assumptū est in ratione, tantō agens maioris potentie est, quanto potentiam magis ab actu distantem in actum reducere potest. De hac ratione in 1. Lib. cap. 43. amplior sermo habitus est, ideo hæc satis nunc sint.

Quintō, Mouens & motum, faciens & factum, oportet esse simul, 7. Physi. Sed corpus agens non potest adesse suo effectui, id est, simul esse cum illo nisi per contactum, ergo ad hoc vt agat, necesse est vt tangat, ergo necesse est esse aliquid aliud præexistens, ergo non potest creare. Probatur secunda consequentia, quia tactus alicuius est ad alterum, id est, omne quod tangit, aliquid aliud a se tangit. Ex hoc patet error dicentium cælum causam materię elementorum esse. Nam materia non potest nisi per creationē produci, cum sit primum subiectum.

### Quod solius Dei est creare.

Cap. 21.

† Idem P. p. q. 45. ar. 5. & q. 65. ar. 1. & 1. Sen. d. 37. q. 1. artic. 1. & de Po. q. 3. art. 5.



**P**X premis etiam vterius ostendi potest, quod creatio est propria Dei actio, & quod eius solius est creare. Cum enim secundum ordinem agentium sit ordo actionum, eo quod nobilioris agentis nobilior est actio, oportet quod prima actio sit primi agentis propria: creatio autem est prima actio, eo quod nullam aliam præsupponit, & omnes alie præsupponunt eam. est igitur creatio propria Dei solius actio, qui est agens primum.

2. Item, Ex hoc ostensum est, quod Deus creat res, quia nihil potest esse præter ipsum ab eo non creatum: hoc autem nulli alij conuenire potest, cum nihil aliud sit vniuersalis causa essendi nisi Deus, soli ergo Deo competit creatio, sicut propria eius actio.

3. Adhuc, Effectus suis causis proportionaliter respondent, vt scilicet effectus in actu causis actualibus attribuamus, & effectus in potentia causis quæ sunt in potentia, & similiter effectus particulares causis particularibus: vniuersalibus verò causis vniuersales effectus, vt docet Philosophus in 2. Physicorum: esse autem est causatum primum, quod ex ratione suæ communitatis apparet. Causa igitur propria essendi prima simpliciter est agens primum & vniuersale, quod Deus est: alia verò agentia non sunt causa essendi simpliciter, sed causa essendi hoc, vt hominem vel album. Esse autem simpliciter per creationem causatur, quæ nihil præsupponit, quia non potest aliquid præexistere quod sit extra ens simpliciter, per alias autem factiones fit hoc ens, vel tale: nam ex ente præexistente fit hoc ens vel tale. Ergo creatio est propria Dei actio.

4. Amplius, Quicquid est causatum secundum aliquam naturam, non potest esse prima causa illius naturæ, sed secunda & instrumentalis. Sortes enim quia habet suæ humanitatis causā, non potest esse prima humanitatis causa: quia humanitas sua si sit ab aliquo causata, sequeretur quod esset sui ipsius causa, cum sit id quod est per humanitatem, & ideo oportet quod generans vniuersum, sit quasi agens instrumentale respectu eius quod est causa primaria totius speciei. Et inde est quod oportet omnes causas inferiores agentes reduci in causas superiores, sicut instrumentales in primarias: omnis autem alia substantia præter Deum habet esse causatum ab alio, vt supra probatum est. Impossibile est igitur quod sit causa essendi nisi sicut instrumentalis & agens in virtute alterius: instrumentum autem nunquam adhibetur ad causandum aliquid nisi per viam motus, est enim ratio instrumenti quod sit mouens motum: creatio autem non est motus, vt ostensum est. Nulla igitur substantia præter Deum potest aliquid creare.

5. Item, Instrumentum adhibetur propter convenientiam eius cum causato, vt sit medium inter causam primam & cau-

latum, & attingat vtrumque: & sic influentia primi perueniat ad causatum per instrumentum. Vnde oportet quod sit aliquid recipiens primi influentiam in eo quod per instrumentum causatur, quod est contra rationem creationis: nam nihil præsupponit. Relinquitur igitur, quod nihil aliud præter Deum potest creare, neque sicut principale agens, neque sicut instrumentum.

6. Præterea, Omne agens instrumentale exequitur actionem principalis agentis per aliquam actionem propriam & connaturalem sibi: sicut calor naturalis generat carnem dissoluendo & dirigendo, & terra operatur ad perfectionem scamni secundo. Si igitur aliqua creatura sit quæ operatur ad creationem sicut instrumentum primi creatis, oportet quod hoc operetur per aliquam actionem debitam & propriam suæ naturæ. Effectus autem respondens actioni propriæ instrumenti, est prior in via generationis, quā effectus respondens principali agenti: ex quo prouenit quod primo agenti finis vltimus responderet. Prius enim est sectio ligni quā forma scamni, & digestio cibi quā generatio carnis: oportebit igitur aliquid esse effectum per propriam operationem instrumentalis creatis, quod sit prius in via generationis quā effectus, quod est effectus respondens actioni primi creatis. Hoc autem est impossibile: nam quantū aliquid est communius, tantū est prius in via generationis, sicut prius est animal quā homo in generatione hominis, sicut Philosophus dicit in libro de Generatione Animalium. Impossibile est ergo quod aliqua creatura creet sicut principale agens aut instrumentale.

7. Item, Quod est secundum aliquam naturam tantum, non potest esse simpliciter illius naturæ causa (effectus enim sui ipsius causa) potest autem esse causa illius naturæ in hoc: sicut Plato est causa humanæ naturæ in Sorte, non autem simpliciter, eo quod ipse est creatus in humana natura. Quod autem est causa alicuius in hoc, est attribuens naturam communem alicui per quod specificatur vel indiuiduatur: quod non potest esse per creationem, quæ nihil præsupponit cui aliquid attribuitur per actionem. Impossibile est igitur aliquid ens creatum esse causam alterius per creationem.

8. Amplius, Cum omne agens agat secundum quod actu est, oportet modum actionis esse secundum modum actus illius rei: vnde calidum quod est magis in actu caloris, magis calefacit. Cuiuscunque igitur actus determinatur ad genus & ad speciem & accidens: eius virtutem oportet esse determinatam ad effectus similes agenti, in quantum huiusmodi, ex eo quod omne agens agit sibi simile. Nihil autem quod habet esse determinatum, potest esse simile effectui generis vel speciei eiusdem, nisi secundum rationem generis vel speciei. Nam secundum quod est hoc aliquid, vnum quod quæ est ab alio distinctum. Nihil igitur cuius esse finitum est, potest per suam actionem esse causa finalis alterius, nisi quantum ad hoc quod habet genus aut speciem: non autem quantum ad hoc quod subsistit ab aliis distinctum. Omne igitur agens finitum præsupponit ad suam actionem hoc, vnde causatum suum indiuidualiter subsistit, non ergo creat, sed solum hoc est agentis cuius esse est infinitum, quod est omnis entis comprehendens similitudinem, vt supra ostensum est.

9. Adhuc, Cum omne quod fit, ad hoc fiat, vt fit, oportet si aliquid fieri dicatur, quod prius fuerit, quod hoc non fiat per se, sed per accidens, per se verò illud quod prius non fuerit, vt si ex albo fiat nigrum, fit quidem nigrum & coloratum, sed nigrum per se, quia fit ex non nigro, coloratum autem per accidens: nam prius coloratum erat. Sic igitur cum fit aliquid ens, vt homo vel lapis, homo quidem per se fit, quia ex non homine, ens autem per accidens, quia non ex non ente simpliciter, sed ex non ente hoc, vt Philosophus dicit in 1. Physicorum. Cum ergo aliquid sit omnino ex non ente, ens per se fiet: oportet igitur quod ab eo qui est per se causa essendi procedat. Nam effectus proportionaliter reducuntur in causas: hoc autem est primum ens solum, quod est causa entis in quantum huiusmodi est: alia verò sunt causa essendi per accidens, & non per se. Cum igitur producere ens ex non ente præexistente, sit creare, oportet quod solius Dei sit creare.

10. Huic autem veritati sacra Scriptura authoritas attestatur, quæ Deum omnia creasse affirmat, Genes. 1. In principio creauit Deus cælum & terram. Damascenus etiam in 2. Sententiarum 1. dicit, Quicunque verò aiunt Angelos creatores esse cuiuscunque substantiæ, hi omnes sunt patris sui Diaboli filij: creaturæ enim existentes non sunt creatores. Per hoc autem destruitur quorundam Philosophorum error, qui dixerunt Deum creasse primam substantiam separatam, & ab ea fuisse creatam secundam, & sic quodam ordine vsque ad vltimam,

Super

† Tex. com. 38.

† Tex. c. 76.

† Cap. 3.

Exclusio erroris Auicennæ. 9. Metaph.



Super cap. 21.

**S**ecunda conclusio est, Creatio est propria Dei actio, & solius Dei est creare. Probatur primò, Prima actio est primi agentis proprias, sed creatio est prima actio: ergo est propria Dei, qui est primum agens. Patet maior, quia secundum ordinem agentium oportet esse ordinem actionum, eò quod nobilioris agentis nobilior sit actio. Minor verò probatur, quia creatio nullam aliam actionem presupponit, scilicet transiuntem: omnes autem alie presupponunt eam.

Prima actio est primi agentis.

Sed occurrit dubium circa illam propositionem, Prima actio est primi agentis propria: aut enim accipitur prima actio secundum ordinem naturæ & perfectionis, aut secundum ordinem generationis. Si secundo modo, tunc probatio nulla est, quæ de primatate secundum dignitatem procedit. Si primo modo, tunc minor est falsa: quia creatio non est aliis prior dignitate, cum non dicatur prior aliis, ut patet ex probatione, nisi quia aliis presupponitur, quod non arguit nisi prioritatem generationis, prius autem generatione est imperfectius.

Respondetur, quod intelligitur de prioritate naturæ & perfectionis, & dicitur quod bene subsumitur: quia creatio non solum est prior secundum ordinem generationis, sed etiam secundum perfectionem: cum, ut ostensum est, requiratur virtutem infinitam in agente, quod alie actiones particularium agentium non requirunt. Cum autem instatur quia prius secundum generationem est imperfectius, dicitur quod verum est in vno & eodem procedente de potentia ad actum. Prius enim tale peruenit ad esse imperfectum quam ad esse perfectum, ad id quod est potentiale, quam ad id quod est actuale: sed in diuersis non est verum, maxime in actionibus diuersorum agentium subordinatorum. Quia oportet ut primi agentis actio quæ est perfectissima, actionem secundarij agentis præcedat: sicut & ipsa secundaria agentia à prima causa virtutem agendi habent.

Secundo, si aliquid aliud à Deo posset creare, hoc esset quia illud esset vniuersalis causa efficiendi, quia scilicet nihil posset esse quod ab ipso causatum non esset: sed hoc est falsum, quia solus Deus est vniuersalis causa efficiendi: ergo, &c. Patet scilicet quia, per hoc ostensum est quod Deus creat, quia nihil potest præter ipsum esse non ab ipso causatum.

**ATTENDENDUM** per hoc quod nihil potest esse non causatum à Deo, vult habere sanctus Thomas quod solus Deus causat quicquid est in re, non autem aliquid aliud agens, cum materiam non causet: & ideo solus Dei est creare, cum creare sit producere quicquid pertinet ad esse rei.

Tertio, esse est primum causatum: ergo propria causa efficiendi simpliciter est agens primum & vniuersale, quod est Deus: sed esse simpliciter per creationem causatur, quia non potest aliquid præexistere quod sit extra ens simpliciter, ergo, &c. Probatur antecedens, quia esse est communissimus effectus. Consequentia etiam probatur, quia oportet effectus causis esse proportionatos, ut particulares effectus causis particularibus, vniuersales autem vniuersalibus correspondant.

Quia autem aliquis posset instare contra hanc rationem dicendo, quod esse non solum producit per creationem, sed etiam per actionem aliarum causarum: ideo hanc objectionem remouet inquit, quod alia agentia non sunt causa efficiendi simpliciter, sed sunt causa efficiendi hoc, scilicet hominem vel alium.

Esse est primum causatum.

**CIRCA** antecedens huius rationis aduertendum, quod cum primum multipliciter accipi possit, sicut & multiplex est ordo, hoc loco intelligitur, primum primatate communitatis & presuppositionis. Est enim esse communissimus effectus, eò quod nihil producat nisi accipiat esse: & omnis alia perfectio adueniens alicui in actu presupponat rem esse: nihil enim potest esse homo, aut alium, aut muscum in rerum natura, nisi sit ens: sicut nihil est homo nisi sit substantia. Quo modo enim dicimus substantiam esse primum in genere substantiæ, quia de omnibus prædicatur quæ in prædicamento substantiæ continentur, & quia nullum inferiorum prædicatorum alicui conuenit, nisi supposito quod sit substantia, ita in genere existentium esse est primum, quia de omnibus quæ in genere existentium sunt, prædicatur in concreto, & nullum esse particulare rei conuenit nisi presupposito quod sit.

Agens primum est causa efficiendi simpliciter.

**CIRCA** hanc propositionem, Causa efficiendi simpliciter est agens primum, alia verò agentia non sunt causa efficiendi simpliciter, sed efficiendi hoc: considerandum quod ly simpliciter potest determinare ly Est, & potest determinare ly Effendi. Primo modo sensus est, quod ista propositio, Deus est causa efficiendi, est vera simpliciter & absolute, non tantum secundum quid, sicut ista, Ignis est calidus, ista autem, Sortes est causa efficiendi, non est simpliciter vera, sed tantum cum ista adiunctione, instrumentaliter: sicut ista, Sol est calidus, quæ non est vera nisi cum ista additione, virtualiter. Et iste sensus fortassis quidem est verus etiam per secundam partem, cum causate esse non conuenit creaturæ nisi sit instrumentum diuine virtutis, ut inferius tertio Libro multis rationibus ostenditur, sed non est hic intentus. Secundo modo sensus est, quod Deus est per se causa efficiendi absolute & absque ulla limitatione: in quo ostenditur, quod est causa cuiuscunque pertinentis ad esse rei, & cuiuscunque participantis ratione efficiendi in quantum huiusmodi. Sicut cum dicimus, quod obiectum visus est coloratum simpliciter, intelligimus quod coloratum absque ulla limitatione & contractione est visus obiectum, & idcirco potest visus in omne coloratum: alia verò agentia non sunt causa efficiendi simpliciter, id est, absque limitatione, sed efficiendi hoc, puta hominem vel alium: & ideo non sunt causa cuiuscunque pertinentis ad rationem efficiendi, neque cuiuscunque pertinentis ad esse rei. Huic autem si addatur, quod Deus est propria causa efficiendi, ita quod eius proprius effectus est ens simpliciter, sequitur quod esse in quantum huiusmodi, est ratio quare aliquid à Deo producatur, & quod esse primo & per se producat à Deo. Ratio autem quare aliquid producat ab aliis non est esse, sed esse hoc vel tale ens. Vnde cum ens absolute & absque limitatione primo & per se per creationem producatur, qui est ex nullo presupposito, optime sequitur quod creatio solius Dei sit actio, non autem alicuius alterius particularis agentis. Cum ergo inquit Sanctus Thomas, quod Deus est propria causa efficiendi simpliciter, sensus est, quod est causa efficiendi secundum totum ambitum entis per participationem siue causati, non autem alicuius tantum particularis

Esse simpliciter est proprius effectus Dei.

modi efficiendi: & quod esse, est formale & adæquatum obiectum diuine potentie. Alia autem, licet causent esse, non tamen causant quicquid esse participat, sed causant tantum id quod participat aliquem particularem modum efficiendi, ut sic, puta esse hominem, aut equum, aut aliquid huiusmodi: neque etiam esse est formale & adæquatum obiectum alicuius particularis agentis.

Ex his patet Scotum male intellexisse mentem Sancti Thomæ, dum arguit, 4. Sen. q. 1. se simpliciter, non esse proprium effectum Dei, quia etiam agentia particularia causant esse. Existimauit enim quod nulla alia causa apud Sanctum Thomam, excepto Deo, daret esse, quod nunquam somniavit Sanctus Thomas. Non enim considerauit Scotus quid illi termini, Proprie & Simpliciter, importent: concedit quidem Sanctus Thomas, alias causas dare esse, negat autem illas esse causas proprias efficiendi simpliciter, sed hoc solius Dei esse voluit. Sed contra hoc ex verbis ipsius Scoti argui potest, Esse simpliciter, & esse hoc, in eodem sunt realiter idem, sola ratione distincta, sicut commune & limitatum, ergo quod causat esse hoc in isto, causat etiam esse simpliciter, licet secundum propriam rationem referatur esse huius in causam particularem, secundum autem communem rationem ipsius esse referatur in Deum, & per consequens sequetur quod alia causa crearet, quia creare est producere esse simpliciter.

Respondetur, quod ista hæc procedit ac si diceretur: mus quod hac sola ratione Deus est causa propria efficiendi simpliciter, quia ipsius solus sit in quacunque re producere ens commune, ut de ipsa re dicitur: alia autem producant hoc ens. Sed hoc non est sensus verborum Sancti Thomæ. Intendit enim quod Deus habet pro obiecto adæquato formali suæ potentie, rationem ipsius esse illimitatæ, & quod est causa efficiendi omnibus quibus quomodocunque conuenit esse, vnde est causa efficiendi simpliciter Sortem, quia est causa omnium quæ ad esse Sortis pertinent & producit ipsum primo & per se in quantum est ens, & quia omnia quæ sunt in Sorte, & ipsa etiam materia pertinent ad esse, ideo Deus causat omnia quæ in Sorte sunt, non sic autem causat esse, particularis causa Sortis, quia non causat omne quod participat esse in Sorte, sed tantum ipsam formam: materiam autem non causat quantum ad suum esse potentiale, licet det sibi hoc esse actuale, in quantum idem est esse actuale totius & partium. Neque causat Sortem primo & per se, in quantum est ens cum prius præcesserit ens ex quo factus est Sortes, sed in quantum est hoc ens.

Ad argumentum ergo dicitur, quod creare non est producere quomodocunque id quod est ens commune materialiter, sed est producere ens primo & per se, & formaliter in quantum est ens. hoc autem modo non producit ens, agens particulare, sed tantum primo modo. Non enim producit ens primo & per se, cum producat ex aliquo ente, neque producat ipsum in quantum est ens sed producit ens per accidens, in quantum videlicet est materia iter idem quod hoc ens. Vnde negatur consequentia.

**CIRCA** autem probationem illius propositionis, Solus Deus est causa efficiendi simpliciter, quia videlicet effectus vniuersalis requirit causam vniuersalem, dubitat Scotus. Querit enim, utrum vniuersale tam in subiecto quam in prædicato accipitur pro vniuersali secundum perfectionem, an pro vniuersali secundum prædicationem, an in subiecto accipitur vniuersale secundum prædicationem: in prædicato autem vniuersale secundum perfectionem. Si primum, tunc minor est falsa, quia esse non est perfectius alijs: quod enim includitur in multis, non est perfectius quocunque illorum in quibus includitur. Si secundum, non concluditur quod Deus secundum quod ens qui est prædicatum vniuersalissimum, sit propria causa efficiendi. Deus enim non est communis per prædicationem. Si tertium, sic maior est falsa. Non enim effectus vniuersalissimus secundum prædicationem est à causa vniuersalissima secundum perfectionem: potest enim esse à causa imperfecta, quia saluatur in pluribus imperfectis.

Effectus vniuersalis causam vniuersalem requirit.

Respondetur quod accipitur vniuersalitas in effectum quidem secundum prædicationem, in causa verò secundum perfectionem. Sed causalitatem vniuersalem accipio non tantum quantum ad communem rationem vniuersalem, quod de pluribus prædicatur: sed etiam quantum ad totum ambitum illius rationis communis: sic enim effectus vniuersalissimus secundum prædicationem secundum totum eius ambitum, id est, quantum ad omnia quæ participant illa ratione, est à causa vniuersalissima secundum perfectionem, quia quæ ad virtutem causæ est altior & perfectior, tanto ad plura se extendit, & sic oportet obiectum formale virtutis vniuersalioris secundum perfectionem, esse vniuersalius secundum prædicationem, alioquin non ad plura perfectior virtus se extenderet. Cum autem instatur, quia effectus communis potest esse à causa imperfecta, dicitur, quod potest quidem esse à causa imperfecta materialiter & secundario & per accidens, si saluatur in aliquo particulari determinato, non autem formaliter & primo & per se, & secundum totum eius ambitum: quomodo dicimus vniuersalissimum effectum secundum prædicationem requirere causam vniuersalissimam secundum causalitatem & perfectionem. Et sic patet omnes Scoti obiectioes procedere ex non intelligentia rationis & fundamenti sancti Thomæ.

Quarto, quicquid est causatum secundum aliquam naturam, non potest esse prima causa illius nature, sed secunda & instrumentalis. sed omnia alia causa præter Deum habet esse causatum: ergo nulla alia causa est causa efficiendi, nisi sit instrumentalis & agens in virtute alterius. Sed instrumentum non adhibetur alicui nisi per viam motus, cum ratio instrumenti sit, ut sit mouens motum. Creatio autem non est motus, ergo, &c. Probatur maior, primo quo ad primam partem, quia alijs aliquid esset sui ipsius causa, sicut Sortes cum sit id quod est, per humanitatem, si esset prima causa humanitatis, esset sui ipsius causa. Quo ad secundam verò partem, probatur à signo: tum quia necesse est ut generans vniuersum sit quasi agens instrumentale respectu eius quod est primaria causa totius speciei, tum etiam quia omnes causas agentes inferiores oportet reduci in causas superiores sicut instrumentales in primarias, quia videlicet, & agens vniuersum & causa inferior est aliquid causatum secundum naturam suam.

**ADVERTENDUM** primò, quod prima causa alicuius nature sic ad illam naturam comparatur, quod illa à nullo causari potest quin ab ipsa prima causa causetur. Nulla enim causa secunda agit nisi mota à prima: quia prima prius & immediatius agit in effectum quam secunda, ut dicitur in lib. de Causis. Ideo si aliquid habet naturam ab aliquo causatum, oportet ut eam à prima causa principalius habeat: & sic tale habens naturam ab aliquo causatum, si sit prima causa illius nature, oportet ut sit causa sue nature: & quia à natura sua est id quod est, ideo sequitur ut sit causa sui ipsius, sicut

Si causatum secundum aliquam naturam esset causa prima illius nature esset sui ipsius causa.



dabat exemplum S. Thom. de Sorte, cuius humanitas est ab aliquo causata, puta à Platone. Si enim Sortes sit prima causa humanitatis, Plato non poterit causare humanitatem Sortis nisi simul concurrat causalitas Sortis, quia secunda causa non agit sine prima: & sic etiam Sortes erit causa propriæ humanitatis & sui ipsius, quia à sua humanitate habet, ut sit hic homo. Hoc est fundamentum huius rationis.

**CAUSATUM SECUNDUM ALIQUAM NATURAM.** Si sit causa illius naturæ, esse causam secundam & instrumentalem, quod causam instrumentalem vocat hoc loco sanct. Thom. causam quæ agit, ut ab alia prioris causa mouetur, licet eundem effectum causæ primæ producat. Sic enim omnis causa secunda, id est, secunda, agens ut mouetur à primaria causa totius speciei: agens enim vniuersum cum habeat esse causatum secundum naturam speciei, non potest esse causa prima illius speciei, quia, ut arguebatur, esset causa sui ipsius. Sed cum causat sibi simile in specie, est causa illius naturæ, secunda tantum, in comparatione ad causam totius speciei: licet in comparatione ad alia quibus vultur ut instrumentis, dicatur causa prima.

**INSTRUMENTUM NON ADHIBETUR AD ALIQUID CREATUM NISI PER VIAM MOTUS.** CIRCÀ hanc propositionem, Instrumentum non adhibetur ad aliquid causandum nisi per viam motus, quia est motus, dubitatur, quia ly Per viam motus, ex parte instrumenti aut passiuæ aut actiuæ sumitur. Primo modo est sensus, quod instrumentum non applicatur ad aliquid causandum nisi ex hoc quod ipsum instrumentum mouetur à principali causa: & hunc sensum innuit probatio cum dicitur, Quia est mouens motum, Sed tunc neque videtur propositio vera, neque propositum videtur concludere. Non est quidem vera: quia cum intelligentia agit, in virtute primæ causæ non mouetur, propriè accipiendo motum, cum motus propriè solum corporalibus conueniat, sed tantum impropriè, prout omnis receptio aut applicatio ab alio ad agendum dicitur motus. Loquimur autem hic de motu propriè dicto quem dicimus à ratione creationis remoueri. Non concludit autem propositum, admissio etiam quod vera sit: quia non sequitur, Instrumentum non agit nisi ipsum moueat: creatio non est motus, ergo instrumentum non potest creare. Minor enim non subsumitur rectè sub maiore, deberet enim iubium: sed creans non est motus: ergo creans non est instrumentum, quod sanè non est ad propositum. Secundo modo est sensus, quod instrumentum non agit nisi per motum, id est, non producit effectum nisi aliquid mouendo: & sic si sumatur, non videtur probatio eius ad propositum esse. Non enim ex hoc quod ipsum instrumentum est mouens motum, probatur quod agit mouendo, sicut licet superior Angelus illuminando inferiorem sit instrumentum Dei ipsum illuminantis, & sic sit mouens aliquo modo motum, non tamen illuminat inferiorem mouendo.

AD huius evidentiam considerandum est, quod licet diuersa genera instrumentorum sint, in hoc tamen omnia agentia instrumentalia ut instrumenta sunt, conueniunt, quod non mouent nisi mota ab iis quorum sunt instrumenta: non enim essent instrumenta, si per seipsa tantum operarentur, cum ipso instrumento vtatur agens principale ad suum effectum inducendum, ut patet in omnibus artificialibus instrumentis. Sed verum est, quod non omnia instrumenta eodem modo mouentur ad agendum, quædam enim per motum localem applicantur ad operationem, ut patet cum artifex vtitur ferra ad faciendum seannum. Quædam per alterationem, sicut cum ignis aërem calefacit, ut per illum forma ignis introducat in materia. Quædam per motum spirituales à prima causa, sicut cum intelligentia à Deo mota operatur: tunc enim mouetur instrumentum impropriè, prout omnis receptio ab altero dicitur motus. In proposito ergo accipitur motus largo modo, ut scilicet extenditur ad motum & propriè dictum, & impropriè, & intelligitur de motu instrumenti tam passiuè quàm actiuè: & est sensus, quod instrumentum non adhibetur ad agendum nisi moueatur à principali agente, prout omnis receptio dicitur motus, & nisi moueat aliquo modo. Sic autem intellecta propositione optimè probatur propositum. Si enim de ratione instrumenti est, ut sit mouens aliquo modo ab alio motum, & non agit nisi motum, oportet ut & ipsum non agit nisi mouendo aliquid, aut vero motum, aut impropriè: & sic quomodocumque ipsum moueatur, oportet ut sua actione aliquod præexistens subiectum moueat. Actio enim sequitur motum agentis. Si enim ageret nihil mouendo, sed totam rei substantiam producendo, tunc actio instrumenti ut instrumentum non esset ipsi instrumenti proportionata, cum ipsum instrumentum ageret motum ab alio, & effectus produceretur non per motum alicuius ab instrumento: creatio autem nullo modo est motus, neque propriè accipiendo motum, neque impropriè, prout omnis actio circa subiectum præexistens dicitur motus, quia creatio nullum præsupponit subiectum ipsius actionis receptiuum, ideo sequitur quod causa instrumentalis non ageret creando.

Quinto, & est confirmatio prioris rationis: probatur enim quod nihil potest creare, sicut instrumentum, instrumentum non adhibetur nisi ut influentia primi agentis perueniat ad causatum per instrumentum: ergo oportet ut in eo quod per instrumentum causatur, sit aliquid recipiens influentiam primi. Sed hoc est contra rationem creationis: nihil enim præsupponit, ergo, &c.

Ex hac igitur & præcedentibus rationibus simul sumptis habetur, quod nihil aliud præter Deum potest creare neque sicut principale agens, neque sicut instrumentum.

Sexto, Si aliquid instrumentaliter agit ad creationem, sequitur quod aliquid sit effectus per operationem instrumentalis creantis, quod sit prius via generationis, quàm esse, quod est effectus principalis creantis: sed hoc est impossibile, cum quædam aliquid est communis, tantò sit prius via generationis, ut patet ex Aristotel. in lib. De Generatione Animalium, ergo, &c. Antecedens probatur, Omne agens instrumentale exequitur actionem principalis agentis per aliquam actionem sibi propriam & connaturalem, ut patet in calore naturali animalis, & in ferra: ergo si aliquid est instrumentum creationis, oportet quod hoc operetur per aliquam actionem debitam & propriam suæ naturæ. Sed effectus correspondens actioni propriæ instrumenti est prior via generationis quàm effectus respondens principali agenti, cuius signum est quod finis intentus qui est vltimum in executione, respondet primo agenti, ut patet in rebus artificialibus, ergo, &c.

CIRCÀ hanc propositionem in hac ratione intellectam, quod esse tantum quid vniuersalissimum, est prius via generationis quàm effectus cuiuscunque alterius causæ, aduertendum, quod de esse actualis existentie dupliciter loqui possumus, Vno modo absolute, non determinando ad hic aut illud esse. Alio modo, de esse vniuersaliusque effectus particulariter sumpto, ut

ad ipsum effectum comparatur veluti eius actualitas, & complementum suæ perfectionis. Primo modo, esse est prius generatione omni alio effectui, quia omni effectui secundæ causæ oportet ut aliquod ens præsupponatur, cum esse absolute sit proprius Dei effectus: sicut enim est ordo in causis, ita & in effectibus, & sic dicitur præcedere alia via generationis, quia omnis alius effectus, & omne esse à particulari causa productum, præsupponit aliquod esse productum à prima causa. Quod enim præsupponit in ordine producibilium aliis, tanquam id sine quo alia esse non possunt, & ipsum potest esse sine quolibet illorum diuifim sumpto, dicitur prius via generationis, licet etiam simul tempore cum illis producatur, sicut prius generatione est animal quàm hoc animal, licet simul tempore animal & hoc animal generetur. Secundo autem modo, esse est posterius aliis tanquam actualitas omnium & vltimum complementum, quo habito quiescit agētis actio, & passio patientis, ut dicitur 3. Lib. cap. 66. actus enim præsupponit potentiam ordine generationis. Accipit ergo hoc loco sanctus Thomas esse primo modo, non autem secundo modo.

SED contra fundamentum huius rationis, scilicet quod agens instrumentale exequitur actionem principalis agentis per aliquam actionem propriam & connaturalem sibi, & quod habet proprium effectum correspondentem propriæ actioni, dubium occurrit ex Scoto, ubi supra. Negat enim primò propositionem, & probat ipsam esse falsam, tum quia omnis actio instrumenti conuenit sibi in virtute principalis agentis, Nam in quacunque actione quam habet id quod ponit instrumentum, non in virtute principalis agentis in illa non esset instrumentum, sed principale agens, ergo instrumentum ut sic non habet propriam actionem: tum quia tunc instrumentum omne dispositiue ageret ad effectum principalis agentis. hoc autem est falsum, quia etiam secundum sanctum Thomam possibile est instrumentum agere effectum principalis agentis, sicut monetarius inducit formam in monetam, & sigillator in ceram. Ergo non oportet omne instrumentum dispositiue operari. Vnde concluditur, quod propositio illa non habet veritatem, nisi quando instrumentum non potest virtute principalis agentis attingere ad effectum principalem: sed tunc oportet probare quod creatura non potest attingere effectum creantis.

Dicit secundò ad exemplum de securi & similibus, quod per illa non probatur vniuersaliter sic esse de omni instrumento: licet enim ita sit in securi, quia est instrumentum in incisione lignorum quæ præcedit inductionem formæ, non tamen sic est in omnibus aliis instrumentis. Potest & augeri dubium, quia quando agens principale mouet instrumentum ad id tantum in quod potest instrumentum virtute suæ naturæ, tunc non est aliqua actio propria instrumenti habens effectum distinctum ab agentis principalis effectui, sicut cum aliquis vtitur ferra tantum ad incidendum. Ergo non omne instrumentum habet propriam actionem, & effectum proprium.

AD evidentiam huius dubij considerandum est, ex doctrina sancti Thomæ, quarto Sentent. distinctione prima, quæst. prima, artic. 4. quod omne instrumentum, propriè loquendo, inquantum instrumentum, sive attingat ad effectum causæ principalis sive non attingat, semper pertingit ad aliquid ultra id quod sibi competit secundum propriam naturam, & ut dicitur Prima parte, q. 45. semper agit secundum illud quod est sibi proprium, alioquin frustra adhiberetur ad agendum, nec oportet esse determinata instrumenta diuersarum actionum, & sic oportet ut instrumento, inquantum est instrumentum, competat duplex actio. Vna contentiens sibi secundum propriam virtutem, propter quam assumitur magis quàm aliud instrumentum: alia conueniens sibi prout mouetur à principali agente. Et quia duplici actioni eiusdem causæ duplex effectus correspondet, necesse est ut instrumentum & proprium effectum producat, & cum quem virtute principalis agentis attingit, ita tamen quod proprius effectus ad alium se habeat aliquo modo ut dispositio præcedens. Vtrum autem istæ actiones sint realiter distinctæ, puto dicendum quod sic, secundum doctrinam sancti Thomæ. Nam illæ actiones realiter distinguuntur, quarum sunt distincta principia & distincti termini: actiones enim ex terminis & principijs formalibus distinguuntur. Actio autem propria instrumenti & actio quæ conuenit sibi ut est instrumentum principalis agentis, est huiusmodi. Nam, ut adductum est ex 4. Sent. & Prima parte, instrumentum propriè sumptum ut sic, semper pertingit ad aliquid ultra id quod sibi competit secundum virtutem propriam naturæ, & sic oportet ibi esse effectum ultra virtutem propriam instrumenti, & effectum proprium instrumenti ad effectum principalis agentis dispositionem. Similiter alia est virtus propria instrumenti, & alia virtus per quam agit ut instrumentum, cum sit forma permanens, secunda autem sit virtus habens esse diminutum per modum intentionis, ut dicitur 4. Sent. ubi supra. Dico tamen quod licet istæ actiones realiter distinguantur, non oportet tamen ut omnis effectus instrumenti proprius præcedat tempore effectum principalem, sed sufficit ut præcedat ordine naturæ, sicut dispositio præcedit formam. Simul enim est dispositio vltima ad formam, & introductio formæ.

Ad primum ergo Scoti dicitur, quod cum de ratione instrumenti propriè dicti sint duo, scilicet moueri à principali agente ad propriam actionem propter effectum principalis agentis inducendum, & operari aliquid ex virtute principalis agentis sibi communicata, possunt ista duo separari secundum intellectum: & sic potest instrumentum tripliciter accipi. Vno modo, propriè & complete, inquantum vtrumque illorum habet. Alio modo, inquantum habet primam duntaxat conditionem. Tercio, inquantum secundam tantum conditionem habet. Si instrumentum accipitur tertio modo, conceditur quod inferitur, scilicet quod omnis actio instrumenti, ut instrumentum est, conuenit sibi in virtute primæ & principalis causæ, sed hoc non est contra intentionem sancti Thomæ. Mens enim eius est, quod instrumentum propriè sumptum, secundum quod ipso vtitur principale agens, duplicem habet actionem, vnam quæ sibi conuenit secundum propriam virtutem, quam agens principale ordinat ad propriam actionem, ut per ipsam fiat dispositio ad effectum quem principaliter intendit, aliam quæ conuenit sibi ut agit per virtutem sibi superadditam. Hæc autem non repugnant, quod instrumentum necessariò habeat duplicem actionem, vnam propriam, aliam à principali agente, & quod vnam tantum habeat inquantum agit per virtutem principalis agentis. Si verò secundo aut primo modo accipitur, negatur assumptum. Aliquid enim habet etiam secundum propriam actionem rationem instrumenti, quando ab alio applicatur ad ipsam actionem propter altiore effectum inducendum. Dicitur autem tunc tantum principale agens, quando ex se proprium effectum operatur.

Ad secundum negatur falsitas consequentis: siue enim instrumentum attingat principalem effectum, siue non, semper aliquid agit quod est dispositio ad

Agens instrumentale exequitur actionem principalis agentis, & habet proprium effectum.

Instrumentum non adhibetur ad aliquid creatum nisi per viam motus.

Instrumentum non adhibetur ad aliquid creatum nisi per viam motus.

Esse est prius generatione effectibus aliarum causarum.



ad principalem effectum. Monetarius enim & sigillator inducunt imaginem ex aliqua dispositione quam moneta & sigillum propria virtute inducunt, puta ex diuisione materie, & huiusmodi.

Cum vterius inquit, quod ex illis exemplis non concluditur ita vniuersaliter effectus dicitur quod vti que exemplum non demonstrat vniuersaliter, sed tamen inducunt exempla ad manifestationem eius quod vniuersaliter verum esse ratio demonstrat. Sicut enim per securim producit aliqua dispositio ad formam scammii, ita per omne aliud instrumentum inducitur aliqua dispositio ad effectum principalis agentis, alioquin non oporteret, ut dicebatur, ad terminatos effectus determinata instrumenta inducere.

Ad vltimum dicitur primum, quod duplex est instrumentum, quoddam quod nullo modo in propriam actionem potest, nisi ab alio per motum ad illam applicetur, sicut ferra, quæ non potest per se scindere, sed tantum secundum quod ab alio mouetur: quoddam quod per se potest in propria operatione, & non indiget alio particulari motore ad agendum, sicut ignis quo quis potest ut instrumentum uti ad aliquem particularem effectum. Primum genus instrumentorum proprie & secundum propriam naturam est instrumentum, quia ad hoc est institutum, ut deserviat etiam tanquam principali agentis. Secundum autem genus non est secundum propriam naturam instrumentum, sed tunc tantum induit rationem instrumenti, quando ipso aliquid agens virtutem ad aliquid vltra eius effectum proprium inducendum, sicut cum quis virtutem ignis ad causandum argentum per artem alchimie.

Dicitur secundum, quod si aliquid mouetur ab alio ad propriam duntaxat actionem, non est tunc proprie instrumentum, nisi nomine instrumenti intelligamus omne quod agit motum ab alio, quod admodum dicimus omnia agentia creata esse instrumenta primi agentis. Sed verum est, quod magis solemus vocare instrumenta ea quæ sunt primi generis, etiam si ad propriam solum operationem moueantur, quia nullo modo possunt agere nisi ab alio moueantur, & sua actio est instituta ad aliquid aliud inducendum, & sua actio aliquem determinatum motum ad mouente accipit. Ea autem quæ non indigent absolute mouente particulari ad propriam actionem elicendam, non ita solemus vocare instrumenta, dum ad propriam operationem applicantur: quia tale applicans magis se habet, ut remouens prohibens, puta, quia remouet distantiam agentis a passio, quam ut principale agens, cum propria virtute operentur, & absolute nullo particulari mouente indigeant ad actionem, sicut lapis non indiget absolute aliquo mouente ad hoc ut descendat, licet aliquando concurrat aliquod remouens impedimentum.

Septimo, Nihil habens esse causatum secundum aliquam naturam potest esse causa habentis illam naturam per creationem: sed omne ens creatum habet esse causatum in ipsa natura essendi: ergo nullum ens creatum potest esse causa essendi alterius entis per creationem. Probatur maior, quia nullum tale potest esse causa illius nature simpliciter, sed tantum in hoc. Quod autem est causa alicuius in hoc, est attribuens naturam communem alicui per quod specificatur vel indiuiduatur, & sic non potest esse causa habentis talem naturam per creationem, quum creatio nihil præsupponat cui tribuatur aliquid per actionem. Probatur assumptum, tum exemplo, tum quia idem esset causa sui ipsius.

ADVERTENDUM, quod hæc ratio differt formaliter à quarta, licet in vtraque inferatur quod idem esset causa sui ipsius. In illa enim arguebatur ex natura primæ causæ in hac autem arguitur ex causatione passiva nature agentis.

CIRCA illam propositionem, Habens esse causatum secundum aliquam naturam, non potest esse simpliciter illius nature causa, sed tantum in hoc, considerandum est primum, quod dupliciter potest intelligi aliquid esse causam simpliciter alicuius nature. Vno modo, quia causalitas eius fertur ad ipsam naturam absolute & absque limitatione consideratam, non autem tantummodo, ut est ad hoc aut illud determinatam: licet enim omne quod causatur, sit singulariter secundum esse quod habet extra intellectum, tamen potest ipsa natura formaliter alicuius causæ causalitatem terminare, non ut est hæc & singularis, sed secundum quod est talis natura absolute secundum suam rationem & illimitatam: sicut Sol est causa nature formicæ absolute & secundum suam rationem illimitatam consideratam, si consideretur formalis ratio causalitatis in tali natura, licet à Sole non producat formica quæ non sit singularis & hæc. Per oppositum autem hæc singularis formica non est causa formaliter formicæ absolute, sed formicæ huius, aut illius. Similiter Sol est causa humanitatis simpliciter, formaliter loquendo, quia est causa eius absolute & illimitata, ut humanitas est, Sortes autem est causa non humanitatis ut humanitas est, sed huius humanitatis, ut est hæc humanitas in hac scilicet materia recepta. Alio modo, quia est causa quod illa natura absolute sit, cum prius omnino non esset, non autem cum alia additione, scilicet quod sit talis, aut talis, vel quod sit in hoc aut illo. Vtroque modo simul propositio sancti Thomæ est intelligenda: quod enim habet esse causatum in aliqua natura, neque illam naturam formaliter producit, ut talem naturam absolute, sed ut hanc particularem, neque facit ipsam absolute esse, cum præexistat in potentia in materia, & actu in ipso agente causato. Quod enim prius est causatum, non incipit de nouo simpliciter esse, sed bene facit ipsam esse in hoc, & sic præsupponitur illi actioni aliquid in quo talis natura accipiat esse.

Considerandum secundum, quod omne quod est causa formaliter alicuius nature absolute & illimitata secundum eius propriam rationem sumptam, & facit ipsam esse absolute, est causa eius in quocunque reperitur, sicut etiam in potentis passibus videmus, quod potentia habens pro formali obiecto siue primo siue secundario aliquam naturam, potest in omne in quo talis natura reperitur, sicut visus potest in omne coloratum & in omne album, & coloratum absolute, non autem contra dicitur recipiat formaliter ut obiectum, & similiter album ut album respiciat, non autem ut hoc album. Comune enim est omni potentie, quod potest in omne quod formali suo obiecto participat, siue illud sit primum, siue secundarium obiectum. Similiter quod facit naturam absolute esse, causat esse illius in quocunque reperitur: si enim in aliquo inueniretur cuius hoc non esset causa, iam non faceret naturam esse absolute, sed tantum esse in hoc. Et ideo bene dictam propositionem probat sanctus Thomas, per hoc, quod alioquin idem esset causa sui ipsius: manifestum est enim ex dictis, quod si aliquid est causa alicuius nature simpliciter, quod est causa illius nature in quocunque reperitur secundum esse causatum. Ideo si aliquid habet esse causatum illius nature, cuius est causa simpliciter, necesse est ut sit ipsius causa sit.

SED occurrit dubium contra primum sensum. Cum enim dicitur, quod habens esse causatum secundum aliquam naturam, est causa illius nature

non simpliciter, sed tantum in hoc, aut intelligitur quod est causa nature ut in hoc materialiter tantum, aut etiam formaliter. Si materialiter tantum, tunc non differt ab eo quod est causa nature simpliciter, quia etiam illud non producit naturam nisi limitatam & singularem, cum vniuersale, ut sic, non habeat esse in rerum natura. Si formaliter, ergo non poterit producere nisi vnum singulare illius nature, & sic Sortes poterit producere & generare nisi vnum hominem, quod constat esse falsum, cum multis possit filios generare. Probatur consequentia, quia determinans sibi aliquam rationem formalem obiecti contractam sub aliquo communi, non potest vltra illam rationem contractam in aliquid aliud sub illo communi contentum: sicut si visus determinaret sibi pro obiecto formali hoc album, puta Sortem, non posset videre aliud album quam Sortem.

Respondetur, quod formaliter intelligenda est propositio sancti Thomæ. Ad improbationem dicitur primum, quod vti que vnum singulare illius nature, productione qua hoc singulare producit, non potest producere nisi hoc signatum. Sortes enim generando Socratem, non producit per se nisi humanitatem Socratis, non autem humanitatem simpliciter, cum non possit in omne quod humanitate participat.

Dicitur secundum, quod commune omni generationi à Sorte procedenti, quod per ipsam producit formaliter, & per se quædam humanitas, id est humanitas singularis vagæ & indistinctæ loquendo, non autem simpliciter humanitas. Unde consequentia adducta falsa est, si accipitur consequens absolute, scilicet quod vnum singulare, absolute loquendo, non poterit producere nisi vnum singulare: sed bene sequitur quod hac generatione particulari ut terminatur ad productum, non producit per se nisi hoc singulare signatum. Ad probationem dicitur quod singulare non determinat absolute sibi rationem huius singularis signati, sed rationem singularis vagæ & indistinctæ, quia videlicet non producit formaliter & per se naturam nisi in aliquo, sed bene ut hac signata generatione generans, in quantum ad generatum terminatur, determinat sibi rationem huius singularis signati: & ut sic non potest producere nisi hoc signatum.

POTEST autem argui ex dictis Scoti, ubi supra, contra dictam propositionem, si vnus Angelus habens esse causatum à Deo in sua natura, produceret alium Angelum sibi similem, non produceret naturam illius Angeli in aliquo præsupposito, cum nec in ipso Angelo producat esse, & natura sit in aliquo recepta. Ergo non oportet ut habens esse causatum secundum aliquam naturam, si causat ipsam naturam, quod causat ipsam in hoc, sed potest ipsam causare singularem non in aliquo. Et sic patet quod quamuis non causaret ipsam naturam Angeli simpliciter & absolute, ipsa præexistet in Angelo producente non producta ab Angelo, sed à Deo, ipsam tamen naturam singularem huius Angeli per creationem produceret, producendo non ex aliquo subiecto.

Respondetur, quod vti que illa conditionalis est vera, sed & hæc etiam est vera, si Angelus produceret alium Angelum sibi similem, produceret naturam in aliquo præsupposito. Vtrumque enim consequens sequitur ex illo in antecedente: in quantum enim Angeli natura non est in aliquo recepta, sequitur quod non produceretur in aliquo præsupposito. In quantum verò esse Angeli est esse causatum, sequitur quod produceretur in aliquo præsupposito: & ideo antecedens est impossibile, quia propositio ad quam sequuntur propositiones contradictoriæ, est impossibilis.

ADVERTENDUM autem, quod non inquit sanctus Thomas Absolute habens aliquam naturam, sed habens esse causatum secundum naturam, non esse causam illius nature simpliciter, quia si aliquid haberet naturam non secundum esse causatum, sicut Deus habet sapientiam & essendi naturam, posset nihilominus esse causa illius nature simpliciter secundum quod est causata, & non esset sui ipsius causa, eo quod natura non habeat in ipso esse causatum: habens autem esse causatum in natura, non potest esse simpliciter illius nature causa ut est causata, quia sic causans causaret se ipsum: eo quod habeat & ipsum naturam causatam.

Quod, Omne agens finitum præsupponit ad suam actionem hoc, vnde causatum suum indiuidualiter subsistit: ergo nullum tale creat, sed tantum agens infinitum cuius esse comprehendit omnis entis similitudinem. Consequentia clara est: antecedit verò probatur. Cuiusque actus determinatur ad genus & ad speciem & ad accidens, eius virtutem oportet esse determinatam ad effectus similes agenti, in quantum huiusmodi, id est, quantum ad formam secundum quam agit. Sed nihil habens esse determinatum potest esse similis effectui eiusdem generis vel speciei secundum quod est hoc aliquid, sed tantum secundum rationem generis vel speciei: ergo non potest esse per suam actionem causa alterius quantum ad hoc quod subsistit ab aliis distinctum, sed tantum quantum ad hoc quod habet genus aut speciem. Ergo præsupponit ad suam actionem hoc, vnde causatum indiuidualiter subsistit. Maior probatur, tum quia modus actionis est secundum modum forme secundum quam agens est in actu: tum quia omne agens agit sibi simile. Minor etiam probatur, quia vnumquodque secundum quod est hoc aliquid, est ab alio distinctum.

SED ad hanc rationem posset aliquis dicere, quod antecedit ens falsum, & ad probationem, negare vltimam consequentiam: quamuis enim agens non assimilatur effectui, quantum ad id per quod est hoc aliquid, quia per illud indiuiduum non cõuenit cum aliis, imò ab omnibus aliis distinguitur, non tamen agens præsupponit aliquid sue actioni per quod suus effectus indiuiduetur, tum quia secundum Scotum indiuiduetur vnumquodque per suam hæccitatem quæ non præsupponitur rei, sed est modus intrinsecus concomitans rem, tum quia res immaterialis seipsa est indiuidua secundum doctrinam sancti Thomæ, & sic sue productioni non oportet aliquid præsupponere per quod indiuiduetur.

AD huius evidentiam considerandum est, quod sicut in indiuiduis eiusdem generis & speciei inter quæ est causalitas secundum naturam, quia in ratione generis & speciei non distinguuntur, sed sunt similia, vnum potest esse causa alterius secundum naturam generis & speciei, eo quod oportet agens & effectum similia esse: ita in in quantum sunt indiuidua subsistentia, non sint vnum & similia, sed sint distincta, id per quod vnum ab alio distinguitur indiuidualiter, & in se subsistit, ab altero causatum esse non potest: alioquin per idem cõueniret formaliter cum altero, & ab ipso formaliter distingueretur, oportet enim effectum cum causa cõuenire quantum ad id secundum quod causatur. Ideo si etiam secundum illud distingueretur ab ipso, per idem cõueniret cum ipso, & ab ipso distingueretur. Propter primam responsionem secundum mentem Scoti non tollit rationis efficaciam. Si enim hæccitas consequitur rem, causat omnem eius modum intrinsecum: sed per rem ab aliquo

Habens esse causatum secundum aliquam naturam non potest esse simpliciter illius nature causa.



ab aliquo causatū vti sic non potest effectus ab illo distingui. ergo per ipsam hæcceitate non potest effectus distingui à causa, sed magis cum causa conuenit propter similitudinem quam oportet esse inter causam & effectum, ergo si debet effectus conueniens cum causa in ratione generis vel speciei à causa indiuidualiter distingui, oportet esse aliquid non causatum à tali causa, præsuppositum actioni, in quo natura generis & speciei indiuiduetur, & effectus indiuidualiter subsistat quo ab omnibus distinguatur.

Secunda quoque instantia ex doctrina sancti Thomæ non impedit. Verum est enim, quod nihil determinatum ad genus & speciem potest producere effectum, nisi aliquo præsupposito per quod natura generis & speciei indiuiduetur: alioquin non esset unde effectus à causa distingui posset sub eodem genere, aut sub eadem specie, ut deductum est contra Scotum. Sed ubi natura ex se est indiuidua & hæc non possunt esse plura indiuidua quorum vnum alterum producat: natura enim indiuidua pluribus non communiatur, ideo illa instantia non est contra propositum. Quod si poneretur vnum indiuiduum immateriale producere aliud indiuiduum speciei, oportet quod quod ipsa natura non esset ex se indiuidua, sed esset aliquid per quod indiuiduetur: quod sane necesse esset præsupponi actioni alterius indiuidui productiui. Ex quibus sequitur quod dicta positio sancti Thomæ magis cõfirmat propositum quam destruat. Si enim talis natura est ex se indiuidua, & propter hoc non possunt esse in ipsa plura indiuidua, signū est quod ubi vnum indiuiduum aliud indiuiduum eiusdem speciei producit, oportet ibi naturam non esse ex se indiuiduam, sed esse aliquid aliud in quo indiuiduetur præsuppositum actioni producentis sibi simile secundum speciem.

Nonō, Quam aliquid sit ex omnino non ente, sit per se, ergo oportet ut producat ab eo quod est causa efficiendi per se. Ergo solus Deus facit ens ex non ente omnino, ergo ipse solus est creator.

Ad euidenciam antecedentis notat sanctus Thomas, quod cum omne quod fit, ad hoc fiat ut sit aliquid fiat quod prius fuerit, illud dicitur non per se sed per accidens fieri. Si vero prius non fuit dicitur fieri per se, ut si ex albo fiat nigrum, sit nigrum quidem per se, coloratū verò per accidens, quia prius erat, similiter si fiat aliquid ens, puta homo, sit quidem homo per se, quia ex non homine: ens autē sit per accidens, quia non sit ex non ente simpliciter, sed ex non ente hoc, scilicet ex non homine. Et sic patet quod tunc tantum sit ens per se, quando sit ex omnino non ente. Prima verò consequentia probatur, quia oportet effectus in causas proportionaliter reduci: secundam etiam probatur, quia solus Deus est causa entis inquantum ens, alia verò sunt causa entis per accidens.

SE D videtur ista ratio, si aliquid concludat, probare hoc solum, quod solus Deus vniuersitatē entium creat, eo quod ipse solus facit ens, cum prius nullum omnino ens creatum fuerit: non autem probat quod hanc rem particularem, puta muscam solus Deus possit creare. Diceretur enim quod aliqua creatura producendo sortem producat ipsum quantum ad omnia quæ sunt ipsius, & sic producat hoc ens ex non ente omnino, licet aliquid aliud ens præexistat: non enim ad hoc ut aliquid particulare creetur oportet ut fiat ens, ita quod nullum ens omnino præexistat: sed sufficit quod non præexistat aliquid eius quod fit, unde negari poterit omnia alia à Deo esse causas efficiendi per accidens tantum, imò aliqua causa est causa efficiendi per se, quia facit ens quod omnino non præexistit, licet aliquid aliud ens præexistat: sicut cum ex hoc nigro fit album, dicitur fieri hoc album per se, quia hoc album quod fit non erat, licet aliquid aliud album esset: & similiter Deum dicimus hanc animam intellectualem præexistat. Vel ergo ratio non concludit propositum, vel assumit quod est probandum, scilicet quod nihil aliud à Deo producat aliquid ens ex omnino non ente, quod est falsum.

Pro euidencia huius rationis considerandum est, quod sicut in generatione, quia est mutatio, ponitur aliquid subiectum cui coniungitur negatio rei producendæ, ut possit dici res fieri, & ex tali subiecto itaquam ex materia, & ex negatione tanquam ex termino à quo (dicimus enim sortem ex sanguine mensuro tanquam ex materia generari, & ex non sorte tanquam ex termino à quo) ita opposito modo in creatione, quia non est mutatio, oportet omne remoueri subiectum ex quo dicatur tanquam ex materia fieri quod creatur. Vnde de ratione creationis siue vniuersalis siue particularis est, ut id quod creatur, omnino prius non sit, & per consequens quod fiat ex omnino non ente: & sic necesse est ut in omni creatione fiat ens per se, quia sit ens, & prius omnino non erat, quia scilicet nihil ipsius omnino erat, ex quo ipsum ens sit factum, licet fortassis aliquid aliud ens præexistat. Nullum autem agens particulare facit ens per se, quia nullum tale facit ens tanquam omnino prius non existens: non enim facit ens nisi præsupposito aliquo ente ex quo aliud ens faciat. Sicut enim cum ex albo fit nigrum, quia coloratū præexistit in albo, non fit coloratum per se, sed tantum per accidens, inquantum coniungitur nigro quod fit per se & prima intentione: ita quum aliquid ens fit ex alio ente præsupposito, quia ratio entis præexistit in illo ex quo res dicitur fieri, non fit ens per se, sed tantum per accidens, inquantum ratio entis coniungitur particulari enti quod per se fit. Oportet enim (ut dicebatur) quod per se fit, non esse prius omnino, neque tanquam subiectum neque tanquam coniunctum subiecto, ex quo ipsum dicatur fieri. Dicitur ergo, quod ratio sancti Thomæ concludit non solum de creatione vniuersali, sed etiam de particulari. Et quæ instatur, quia ratio assumit quod est probandum negatur. Non enim vult probare sanctus Thomas, quod nihil aliud à Deo producat ens ex omnino non ente, sed ex hoc in superioribus probato, vult ostendere quod nullus creaturæ actio est creatio. Quum enim creatio sit productio per se entis, & nulla creaturæ productio ens per se, cum producat quicquid producat, ex aliquo ente, ut superius est ostensum, sequitur quod nulla actio creaturæ est creatio. Et sic solus Dei est creator, cuius est producere per se ens, ut potest, cuius est agere ex nullo omnino præsupposito ente tanquam ex materia.

Confirmatur conclusio autoritate Gen. i. ubi dicitur omnia à Deo creata esse. Confirmatur etiam autoritate Damasceni in 2. Sententiarum. Postremo per hoc ostenditur excludi error Auic. 9. Metaph. ponentis à prima substantia separata esse creatam secundam.

### Quod Deus sit omnipotens.

Cap. 22.

**E**X hoc autem apparet, quod diuina virtus non determinatur ad aliquem vnum effectum. Si enim solius Dei creare est, ab ipso immediate producta esse oportet quæcunq; à sua causa produci non possunt nisi

si per modum creationis. Huiusmodi autem sunt omnes substantiæ separata, quæ non sunt compositæ ex materia & forma, quas nunc esse supponatur: & similiter omnis materia corporalis. Hæc igitur diuersa existentia prædictæ virtutis immediate effectus sunt: nulla autem virtus producens immediate plures effectus non ex materia, est determinata ad vnum effectum. Dico autē immediate, quia si per media produceret, posset provenire diuersitas ex parte mediarum causarum. Dico etiam non ex materia, quia idem agens & eadem actione causat diuersos effectus, secundum materiæ diuersitatem, sicut calor ignis qui indurat lutum, & liquefacit ceram. De igitur virtus non est determinata ad vnum effectum.

2. Item, Omnis virtus perfecta ad ea omnia se extendit ad quæ suus per se & proprius effectus se extendere potest: sicut ædificatiua ad omnia se extendit si perfecta sit, quæ possunt rationem habere domus. Virtus autem diuina est per se causa efficiendi, & esse est eius proprius effectus, ut ex prædictis patet: ergo ad omnia illa se extendit quæ rationi entis non repugnant. Si enim in quendam tantum effectum virtus eius posset, non esset per se causa entis, inquantum huiusmodi, sed huius entis: rationi autem entis repugnat oppositum entis, quod est non ens. Omnia igitur Deus potest quæ in se rationem non entis non includunt: hæc autem sunt quæ contradictionem non implicat. Relinquitur igitur quod quicquid contradictionem non implicat, Deus potest.

3. Adhuc, Omne agens agit inquantum actu est: secundum igitur modum actus vniuersalius, quæ agens est modus suæ virtutis in agendo. homo enim generat hominem, & ignis ignem: Deus autem est actus perfectus in se omnium perfectiones habens, ut supra ostensum est. Est igitur sua virtus actiua perfecta ad omnia se habens quæcunq; non repugnant rationi eius quod est esse in actu: hoc autem est solum quod contradictionem implicat. Omnia igitur præter hoc, Deus potest.

4. Amplius, Omni potentia passiva respondet potentia actiua: potentia enim propter actum est, sicut materia propter formam. Non potest autem ens in potentia consequi quod sit actu nisi per virtutem alicuius existentis in actu: ociosa esset igitur potentia, nisi esset virtus actiua agentis quæ eam in actum reducere possit: cum tamen nihil sit ociosum in rebus naturæ. Et per hunc modum videmus, quod omnia quæ sunt in potentia materiæ generabilium & corruptibilium, possunt reduci in actum per virtutem actiuam, quæ est in corpore cælesti, quod est primum principium actiuum in natura. Sicut autem corpus cæleste est primum agens respectu corporum inferiorum, ita Deus est primum agens respectu totius entis creati: quicquid igitur est in potentia entis creati, totum hoc Deus per suam virtutem actiuam facere potest. In potentia autē entis creati est omne quod enti creato non repugnat, sicut in potentia naturæ humanæ sunt omnia quæ naturam humanam non tollunt: omnia igitur Deus potest.

5. Præterea, Quod effectus aliquis non subsit potentia alicuius agentis, potest ex tribus contingere. Vno modo, per hoc quod non habet cum agente affinitatem vel similitudinem: agens enim omne agit sibi simile aliquo modo. Vnde virtus quæ est in semine hominis non potest producere brutum vel plantam: hominem autem potest, qui tamē prædicta excedit. Alio modo, propter excellentiam effectus qui transcendit proportionem virtutis actiue: sicut virtus actiua corporalis non potest producere substantiam separatam. Tertio modo, propter materiam determinatam ad effectum in quam agēs agere non potest: sicut carpentarius non potest facere ferrā, quia sua arte non potest agere in ferrum ex quo fit serra. Nullo autem istorum modorum potest aliquis effectus subtrahi diuinæ virtuti. Neque enim propter dissimilitudinem effectus aliquid ei impossibile esse potest: cum omne ens inquantum habet esse, sit ei simile, ut supra ostensum est. Nec etiam propter effectus excellentiam, cum ostensum sit, quod Deus est super omnia entia in bonitate & perfectione. Nec iterum propter defectum materiæ, cum ipse sit causa materiæ, quæ non est possibilis causari nisi per creationem. Ipse etiam in agendo non requirit materiam, cum nullo præexistente rem in esse producat: & sic propter materiæ defectum eius actio impediri non potest ab effectus productione. Restat igitur quod diuina virtus non determinetur ad aliquem effectum, sed simpliciter omnia potest: quod est eum esse omnipotentē. Hinc est etiam quod diuina Scriptura fide tenendum hoc tradit. Dicitur enim Ge. 17. ex ore Dei, Ego Deus omnipotēs, am

+Cap. præcedenti.

+Cap. 13. l. Lib.

Nullum agens particulare facit ens per se.

+Cap. 25. huius Lib.

Auth. sac. Scripturæ.

Idem P. p. 25. ar. 3. & 1. Sen. d. 10. artic. 1. & 2.



Exclusio er-  
roris.

bula coram me, & esto perfectus, & Iob 42. Scio quia omnia potest, & Luca 1. ex ore Angeli, Non erit impossibile apud Deum omne verbum. Per hoc autem evacuatur quorundam Philosophorum error, qui posuerunt à Deo immediate produci vnum effectum tantum, quasi virtus eius ad illius productionem determinata esset, & quod Deus non potest aliquid facere, nisi secundum quod cursus rerum naturalium se habet: de quibus dicitur Iob 22. Quasi nihil possit Omnipotens, & simabant eum.

Super cap. 22.



Postquam determinauit sanctus Thomas de rerum productione quantum ad eius substantiam, nunc de ipsa quantum ad eius qualitatem determinat. Circa hoc autem duo principaliter facit. Primum enim agit de amplitudine & extensione diuinæ potentie diuinæque actionis. Secundum, de modo actionis, cap. sequenti. Quantum ad primum ponitur ista conclusio. Diuina virtus non determinatur ad aliquem vnum effectum.

Potentia diuina respondet vni formali obiectum.

Ad cuius euidentiam considerandum est, quod cum potentia actiua in sua ratione dicat ordinem ad effectum, habeatque speciem ex obiecto, vt illum ordinem importat, ab eodem autem res habeat speciem & unitatem formalem, necesse est vt vni potentie vnum formale obiectum respondeat: calefactiua enim potentia correspondet calefactibile, & domificatiua domificabile, & sic de aliis. Sed differt potentia actiua illimitata, qualis est potentia diuina à potentia limitata, qualis est omnis potentia creatura, quia quilibet potentia actiua creaturae determinatur ad aliquod vnum genus producibile, contentum sub hoc communi, quod dico producibile: potentia autem diuina non determinatur ad aliquod vnum genus producibile, sed habet pro formali obiecto hoc quod dico producibile simpliciter, & absolute sumptum. Cum ergo dicitur, quod diuina potentia non determinatur ad aliquem vnum effectum, non est sensus quod non habeat vnum obiectum formale (cum enim sit vna potentia, necesse est vt sibi vnum obiectum formale correspondeat) sed est sensus quod non limitatur ad vnum genus producibile, ita quod aliud producere non possit, imò omne producibile in natura producere potest. Ad hunc ergo sensum probatur conclusio primo, Nulla virtus producit immediate diuersos effectus non ex materia, sed determinata ad vnum effectum: sed virtus diuina immediate producit plures effectus non ex materia, ergo, &c. Ad manifestationem maioris notat sanctus Thomas conuenienter additum esse, Immediate, & Non ex materia, quia si per diuersa media ageret, posset diuersitas ex diuersitate mediarum causarum provenire. Similiter si ageret ex materia, posset provenire diuersi effectus propter diuersitatem materiarum, sicut calor ignis eadem actione inducit lutum, & liquefacit ceram. Minorem autem probat, quia omnia quæ non possunt nisi per creationem produci, vt sunt omnes substantie separate, & omnis materia corporalis, scilicet prima, diuersa existentia producibilia, à Deo producantur immediate, cum Dei solius sit creare.

Ad euidentiam huius rationis considerandum, quod licet vna virtus creata datur, quæ possit immediate plures effectus materialiter producere, non tamen posset in plures effectus formaliter, sed omnes in vnum genus producibile reducerentur, sicut & ipsa virtus naturam haberet limitatam. Substantie autem separate & materia corporalis non conueniunt in vno genere determinato producibile cum non conueniant nisi in genere substantie, quod non dicit vnum genus producibile per se, sed omnia per se producibilia comprehendit: ideo potentia quæ est horum productiua, non determinatur ad vnum genus per se producibile, sed ad plura genera, imò ad omnia genera producibilia se extendit. Cum enim omnia separata à materia, & omnia materialia producat, eò quod & omnis materia corporalis ab eo producatur, sequitur quod omnia per se producibilia producat, & quia accidentia substantiam consequuntur, ideo & ipsa accidentia quæ secundario producantur producat, & sic ad omnia producibilia se extendit absolute.

Si virtus per media produceret, posset diuersitas provenire ex parte mediarum causarum.

Secundo occurrit dubium circa id quod dicitur, quoniam si virtus per media produceret, posset provenire diuersitas ex parte mediarum causarum. Si enim virtus sit ad vnum genus producibile determinata, quantumcunque per diuersa media operetur, nunquam poterit nisi in illud genus: sicut domificator, licet diuersis vtatur instrumentis, non tamen producit nisi domum. Ergo non potest virtus esse ex se ad vnum effectum determinata, & tamen diuersos effectus non sub illo contentos producere.

Respondetur, quod non vult dicere sanctus Thomas, virtutem quæ est ex se ad vnum effectum determinata posse propter diuersitatem causarum mediarum in plures effectus formaliter distinctos in ratione producibilis vt ad ipsam virtutem referuntur, sed quod potest in plures effectus formaliter distinctos, vt in ipsas causas medias referuntur: qui tamen vt in ipsam superiorem virtutem referuntur materialiter tantum distinguuntur: obiecta enim inferiorum potentiarum si ad ipsas inferiores potentias referantur, formaliter distinguuntur, materialiter autem si ad superiorem potentiam referantur, sicut color & sonus ad visum & auditum comparata formaliter distinguuntur in ratione obiecti. Vt autem ad sensum communem referuntur, conueniunt in vna ratione formali obiecti, & materialiter tantum distinguuntur. Mens ergo sancti Thomæ est, quod si aliqua virtus immediate producat plura producibilia formaliter distincta secundum rationes producibilis quæ in nulla particulari ratione producibilis conueniant, illa non determinatur ad aliquod vnum particulare genus producibile, quia tunc non comparatur obiecta nisi ad ipsam virtutem: ideo sicut in nulla particulari ratione producibilis conueniunt, ita ipsa virtus non determinatur sibi vnum particulare obiectum producibile. Si autem ageret virtus mediantibus aliis causis plura genera producibilia formaliter distincta in nulla particulari ratione producibilis conueniant, vt ad causas medias referuntur: posset nihilominus illa virtus determinata esse ad vnum genus producibile, ad quod illa plura materialiter compararentur: & sic licet esset ad vnum effectum determinata formaliter, posset tamen dici aliquo modo producere plura formaliter distincta, in quantum sub suo formali obiecto plura producibilia contineretur, quæ in cōparatione ad causas medias formaliter distinguuntur.

Circa illam propositionem, Idem agens eadem actione causat diuersos effectus secundum materiam diuersitatem, sciendum est, quod actio ignis qua indurat lutum, & liquefacit ceram, si ad agens cōparetur, est vna, quia ab vna eius virtute, scilicet à calore procedit: si autem ad subiecta comparetur, est plures. Secundum enim pluralitatem materiam ipsam pluraliter oportet, cum idē accidens numero in diuersis subiectis esse non possit. Cum ergo dicit sanctus Thomas, quod eadem actione indurat lutum, & liquefacit ceram, accipitur identitas actionis ex parte agentis, non autem ex parte recipientium.

Secundo, Esse est per se & proprius effectus Dei: ergo in omnia potest virtus Dei quæ rationi entis non repugnat. Hoc autē est solum non ens, ergo in omnia potest quæ rationem non entis non includunt: rationem autem non entis non includunt, quæ contradictionem non implicat, ergo in omnia potest quæ contradictionem non implicat. Antecedens ex præcedentibus est manifestum. Prima autem consequentia probatur, tum quia omnis virtus perfecta ad omnia illa se extendit ad quæ suis propriis, & per se effectus se extendere potest, tum quia si aliquem tantum effectum producere posset non esset causa entis in quantum ens, sed tantum huius entis.

Advertendum, quod cum deberet inferre sanctus Thomas, quod virtus Dei potest in omnia ad quæ ratio entis se extendit, intulit quod potest in omnia quæ rationi entis non repugnat, quia simul offendere voluit ad quæ se virtus diuina extendat, & quæ ab eius excludantur causalitate. In hoc enim quod dicitur virtutem Dei posse in omnia quæ rationi entis non repugnant, datur intelligi, quod ad omne ens extenditur, & quod solum entis rationi repugnans à Dei excluditur causalitate: hoc autem est solum non ens, quod contradictionem implicat.

Ad euidentiam eorum quæ hic dicuntur, considerandum est, quod includere rationem non entis, dupliciter potest intelligi. Vno modo materialiter & denominatiue, quia videlicet de ipso verè dicitur quod non est ens in actu, sicut de Sorte non existente in natura verè dicitur quod est non ens in actu. Alio modo formaliter & secundum propriam rationem, quia videlicet non ens in actu in eius ratione includitur, aut eius ratione necessario & inseparabiliter conueniatur: & sic dicitur non ens quod omnino est extra totum ambitum entis, secundum quod ens diuiditur per actum & potentiam, quod scilicet nihil est, neque inquam existens in actu, neque in potentia. Includere rationem non entis primo modo, inuenitur etiam in iis quæ contradictionem non implicat. Nam Sorte non existente in rerum natura, verum est dicere, quod Sortis esse, est non ens: & Sorte non existente albo est verum dicere, quod Sortis esse album est non ens: quia videlicet Sortes existens non est, & Sortes albus non est in natura. Includere autem rationem non entis secundo modo conuenit tantum iis quæ contradictionem implicat: sicut hoc quod dico hominem esse asinum. Nam neque hoc actu est in natura: quia non inuenitur homo qui sit asinus, neque potest esse in natura. Cum ergo inquit sanctus Thomas, quod Deus potest facere quicquid rationem non entis non includit, intelligitur de non inclusione secundo modo inclusionis opposita: talia autem sunt quæ contradictionem non includunt. Nam quamuis aliquando huiusmodi non sint in actu, propter quod dicuntur materialiter & denominatiue includere rationem non entis: non tamen includunt illam non entis rationem formaliter in sua ratione, cum sint entia in potentia, quibus videlicet conuenire potest esse in actu.

Includere rationem non entis dupliciter contingit.

Implicat contradictionem non ens.

Tertio, Deus est actus perfectus in se omnium perfectiones habens: igitur sua virtus se extendit ad omnia quæcunque non repugnant rationi eius quod est esse in actu: hoc autem est solum quod contradictionem implicat, ergo, &c. Probatur consequentia, quia modus virtutis in agendo est secundum modum actus agentis.

Advertendum, quod cum esse sit actualitas omnis forme & perfectionis ac etiam cuiuscunque participantis rationem entis, nihil repugnat esse actualis existentie, nisi quod in sua ratione includit negationem omnis perfectionis, & omnis entis: tale autem est solum id quod contradictionem implicat. Huiusmodi enim nihil omnino est: & sic nullo modo continetur sub ente, quare necesse est vt sub non ente formaliter contineatur, quod cum esse sit actualitas entis, non autem non entis, necesse est vt quod contradictionem implicat, impossibile sit esse, & sic ad esse repugnantiam habeat. Ideo bene dicit sanctus Thomas quod solum implicans contradictionem habet repugnantiam ad id quod est esse in actu.

Quarto, Quicquid est in potentia entis creati, totum Deus per suam potentiam actiuam facere potest: sed in potentia entis creati est omne quod non repugnat enti creato, sicut in potentia nature humane sunt omnia quæ humanam naturam non tollunt. Ergo omne ens creatum Deus agere potest. Probatur maior, Omni potentie passiuæ respondet potentia actiua, ergo potentie vniuersali correspondet potentia actiua agentis vniuersalis & primæ. Probatur antecedens, tum quia aliàs ociofa esset talis potentia, cum ordinaretur ad actum, ens autem in potentia non possit consequi actum, nisi per virtutem existentis in actu, tum quia videmus omnia quæ sunt in potentia materię generabilium & corruptibilium, reduci posse in actum, scilicet immediate, aut mediate per virtutem corporis celestis, quod est primum principium actiuum materiale, id est, primum agens inter agentia corporalia.

Circa illam propositionem, In potentia entis creati est omne quod non repugnat enti creato: advertendum quod potentia entis creati non est accipienda ad modum potentie formarum naturalium, quasi sit aliqua entitas in qua potentialiter sit omne ens creatum, & de qua dicatur in actum educi. Constat enim quod intellectus, & materia prima, non educuntur de potentia materię, cum producta sint ex nihilo, sed potentia entis creati dicitur hoc loco potentia logica, quæ dicit possibilitatem prædicari cum subiecto. Sic enim dicitur materia in potentia ens creatum, quia ista propositio est possibilis, Materia est ens creatum, sicut quum dicitur, Sortes potest esse homo, sensus est, Ista propositio est possibilis, Sortes est homo. Et vniuersaliter potest esse homo, siue est in potentia humane nature, omne de quo potest formari propositio possibilis dicendo, Hoc est homo: & similiter potest esse ens creatum, siue est in potentia entis creati, omne de quo potest formari propositio possibilis dicendo, Hoc est ens creatum: hoc autem est omne quod enti creato non repugnat, scilicet quod in sua ratione nihil includit rationi entis creati repugnans.

Duo autem sunt quæ rationi entis creati repugnant, scilicet quod omnino est extra rationem entis, sicut quod est formaliter non ens, vt quod contradictionem implicat, & quod est extra rationem creati, licet non sit extra rationem entis, sicut Deus: ideo solum ista sub diuina potentia non cadunt. Ex quibus patet, quod quod superius dictum est virtutem diuinam se extendere ad omnia.



ad omnia illa quæ rationi entis non repugnant, illud intelligendum est de illis quæ non repugnant rationi entis creati. De hoc enim est sermo cum queritur ad quod ens se extendat diuina potentia.

SE D tunc occurrit dubium, quia processus san. Tho. de potentia passiva non erit ad propositum, si potentia entis creati non dicit potentiam passivam, sed potentiam logicam.

Dicitur, quod licet potentia entis creati non sit potentia passiva existens in natura, habet tamen quandam similitudinem cum potentia passiva, in quantum sicut existens in potentia passiva, potest ab aliquo in actu produci, & sic esse in tali potentia est posse de tali potentia produci: ita quod est in potentia entis creati, potest creati: ideo vult S. Tho. proportionaliter arguere, quod sicut omni potentia passiva in natura oportet correspondere potentiam actiuiam, & primū agens corporale potest educere in actum quicquid est in tali potentia passiva: ita omni potentia logica ad esse creatū oportet correspondere aliquod principium creatiuium. Si enim hoc potest habere esse creatum, necesse est vt sit aliquid potens ipsum creare: potentia enim ad esse productum correspondet potentia productiua, sicut & potentia passiva potentia actiua correspondet, & sic necesse est vt in primo & vniuersali agente sit virtus productiua omnis entis creati, siue omnis entis productibilis, sicut in primo agente corporeo est potentia omnis alterius rei corporeæ productiua.

Quintō, Nullus effectus potest subtrahi diuinæ virtuti propter dissimilitudinem effectus cum ipso Deo, eod quod vnumquodque in quantum habet esse, sit ei simile, nec propter excellentiam effectus, cum sit Deus supra omnia in bonitate & perfectione, nec propter defectum materiæ, quia scilicet effectus determinat sibi materiam in quam Deus agere non possit, cum ipse sit causa materiæ, ac etiam non requirat materiam tanquam subiectum ex quo rem producat, cum nullo præsupposito rem producat in esse. Ergo nullus effectus diuinæ virtuti subtrahitur, sed simpliciter omnia potest, quod est eum esse omnipotentem. Probatur consequentia, quia quod effectus aliquis non subit potentia alicuius agentis, est ex aliqua dictarum causarum.

Confirmatur conclusio Gen. 17. Ego Deus omnipotens, &c. Iob 42. Scio quia omnia potest, &c. & Luc. 1. Non erit impossibile, &c. Excluditur quoque error Philosophorum dicentium vnum tantum effectum à Deo immediate produci, & dicentium eum non posse aliquid facere nisi vt rerum naturalium cursus se habeat de quibus Iob 22. Quasi nihil, &c.

CIR CA prædicta dubitatur, quia S. Thomas 1. Sententiarum, dist. 42. q. 2. art. 2. videtur velle quod etiam id quod in se repugnat rationi non entis, Deus non possit facere. Ibi enim tenet quod quicquid in se non repugnat rationi entis, vel rationi non entis, Deus facere potest. Si ergo potest facere quicquid rationi entis aut rationi non entis non repugnat, relinquatur vt quod rationi entis repugnat, facere nō possit: & similiter quod repugnat rationi non entis, ergo non solum quod repugnat rationi entis, in se formaliter subtrahitur à diuina potentia, cuius oppositum dictum est superius.

ITEM, videtur alia contradictio, quia vbi supra, & de Potent. quæst. 1. art. 3. dicitur, quod implicans contradictionem, neque rationem entis habet, neque rationem non entis. Hoc autem dicitur quod implicans contradictionem, rationem non entis includit.

AD huius euidentiam duo sunt aduertenda. Primum est, quod implicans contradictionem, licet includat simul esse & non esse, quum implicet affirmationem & negationem, tamen neque est simpliciter ens, quia non ens in ipso inclusum tollit ens: neque simpliciter nō ens, quia ens in ipso inclusum tollit nō ens. Vnde non potest simpliciter & absolute dici hominem esse asinum, est ens, cum hominem esse asinum, includat hominem non esse rationalem, quod dicit non ens: neque simpliciter & absolute potest dici hominem esse asinum: est non ens, cum includat hominem esse animal, quod est ens.

Secundum est ex doctrina S. Thomæ, vbi supra, quod omnis actio causæ actiue qua aliquid producit, terminatur ad esse, non esse autem terminatur cum per ipsam aliquid destruitur. Sed verum est quod ad esse terminatur primò, ad non esse autem secundariò, eod quod ad non esse terminatur nisi in quantum esse productum vnius, non comparatur esse alterius, nec obstat de amihilatione in qua nullum esse producit, & tamē res definit esse, quia res non annihilatur per aliquam actionem, sed quia Deus desinit ab actione qua rei tribuit esse, vt dicitur Potent. quæst. 1. art. 3. ad secundum. Oportet ergo omnem terminum actionis esse, aut simpliciter ens si in esse producit, aut esse simpliciter non ens si ipsius esse destruit: quum enim productus est Sortes, absolute verum est dicere, Sortes est. Cum autem est corruptus, est absolute verum dicere, Sortes non est. Ideo cum id quod implicat contradictionem non possit dici absolute esse, neque absolute non esse, cum & esse & non esse simul includat: non potest huiusmodi esse terminus primarius actionis, neque etiam secundarius. Hominem enim esse asinum, quia includit hominem esse rationalem, & hominem non esse rationalem, nō potest esse terminus productionis, qua producit aliquid in esse. Cum enim oporteat terminum productionis absolute esse ens, siue habere esse, necesse esset vt absolute posset dici, Homo rationalis est, quum factum est, hominem esse asinum. Hoc autem falsum est, cum hominem esse asinum, non solum includat ipsum esse rationalem, sed etiam ipsum non esse rationalem: non potest etiam esse terminus corruptionis, quia tunc posset absolute dici, quum sit, hominem esse asinum, quod homo nō est rationalis, quod etiam falsum est, cum hominem esse asinum includat hominem esse rationalem. Similis ratio est, quæcunque affirmatio & negatio inueniatur in eo quod implicat contradictionem, idcirco huiusmodi dicuntur impossibilia simpliciter, quia nullo modo possunt esse terminus productionis aut corruptionis, & per consequens habent repugnantiam ad esse actū, & ad non esse actū, eo scilicet modo quo entia quæ prius existunt, dicuntur post corruptionem non esse. Oportet enim quod non est isto modo, esse aliquid cui non conuenit esse, sed tamen prius habebat esse: implicans autem contradictionem non est aliquid, sed nihil, & ideo non potest esse non ens modo exposito. Quod si infertur, Implicans contradictionem per se est nihil, ergo est absolute non ens, cuius oppositum est dictum superius, dicitur quod vtique est simpliciter non ens, si non ens dicitur quod nullo modo potest esse in rerum natura: non est autē non ens si dicatur non ens quod nō est in rerum natura, sed tamen prius erat, sicut terminus corruptionis dicitur non ens. Hoc autem secundo modo intellexit san. Thomas, quod implicat contradictionem, non esse non ens simpliciter, imò habere repugnantiam ad non ens. Ex istis facilis est responsio ad obiecta. Ad primum enim dicitur, quod

sanctus Thomas tetigit principale actum & principale obiectum potentie actiue per illum dans intelligere etiam secundarium: principalis autē actus potentie actiue est dare esse, & principale obiectum est quod accipit esse. Ideo dixit, à diuina potentia cuius proprius effectus est esse, subtrahi solum id quod repugnat rationi entis, cui scilicet repugnat habere esse actū. Per hoc autem dat intelligere quod etiam quantum ad secundarium actum qui est rem destruere, & quantum ad secundarium obiectum quod est non ens, id solum subtrahitur potentie suæ, quod repugnat rationi non entis, id est, quod non potest esse non ens, quod tamē prius fuerit ens. Sicut enim diuina potentia quantum ad productionem rerum extenditur ad omne quod potest habere esse: ita extenditur quantum ad destructionem ad omne quod eum sit aliqua natura, potest habere non esse. Non est ergo contradictio, quia hic explicite loquitur sanctus Thomas de potentia Dei quantum ad primum actum & principalem, implicite dans intelligere quod ad secundariū actum pertinet. Nam quod non potest esse actū, non potest prius existens definire esse. In 1. autem Sententiarum de vtroque actu explicite est loquutus.

AD VERTE tamen, quod non dico in Deo secundarium & primum actum esse, quasi ex parte Dei sint plures actus, sed quia ex parte obiecti est distinctio: esse enim est principalis terminus, non esse verò secundarius.

Ad secundum responderetur primò, quod nulla est contradictio, quia in illis locis loquitur sanctus Thomas de ente & non ente absolute & simpliciter dictis: hominem enim esse asinum neque absolute loquendo est ens neque non ens. Hic autem loquitur quantum ad inclusionem. Nam licet quod contradictionem implicat non possit dici absolute non ens, in sua tamen ratione includit non ens.

Respondetur secundò, & melius, quod non ens potest accipi dupliciter. Vno modo, pro eo cui omnino repugnat habere esse actū, quod scilicet nihil est omnino, vt nihil opponitur enti non solum participialiter, sed etiam nominaliter sumpto: & sic quod implicat contradictionem, est non ens. Omnino enim sibi repugnat esse actū. Alio modo, pro eo quod cum prius esset, postmodum non est, & sic non est non ens, quasi scilicet aliquid potens actionem destructiuam terminare. Primo ergo modo hoc loco accepit sanctus Thomas non ens, vnde in tertia ratione dixit solum implicans contradictionem repugnare rationi eius quod est esse in actu: in locis autem allegatis accepit non ens secundo modo, vt ex verbis eius apparet.

### Quod Deus non agit per necessitatem naturæ. Cap. 23.

**E**X hoc autem ostenditur, quod Deus agit in creaturis non ex necessitate naturæ, sed per arbitrium voluntatis. Omnis enim agentis per necessitatem, naturæ virtus determinatur ad vnum effectum: & inde est quod omnia naturalia semper eueniunt eodem modo, nisi sit impedimentum: non autem voluntaria. Diuina virtus autem non ordinatur ad vnum effectum tantum, vt supra ostensum est: Deus igitur non agit per necessitatem naturæ, sed per voluntatem.

2. Adhuc, Quicquid non implicat contradictionem, subest diuinæ potentie, vt ostensum est: multa autem non sunt in rebus creatis, quæ tamen si essent, contradictionem non implicarent: sicut patet præcipue circa numerum, & quantitates, & distantias stellarum, & aliorum corporum, in quibus si aliter se haberet ordo rerum, contradictio non implicaretur. Multa igitur sub sunt diuinæ potentie quæ in rerum natura non inueniuntur. Quæcunque autem eorum quæ potest facere, quædam facit, & quædam non facit: agit per electionem voluntatis, & non per necessitatem naturæ, Deus igitur non agit per necessitatem naturæ, sed per voluntatem.

3. Item, Vnumquodque agens hoc modo agit secundum quod similitudo facti est in ipso. Omne enim agens agit sibi simile: omne autem quod est in altero, est in eo per modum eius in quo est. Cum igitur Deus sit per essentiam suam intelligens, vt supra probatum est, oportet quod similitudo effectus sui sit in eo per modum intelligibilem: igitur per intellectum agit. Intellectus autem non agit aliquem effectum nisi mediante voluntate, cuius obiectum est bonum intellectum quod mouet agentem vt finis. Deus igitur per voluntatem agit, non per necessitatem naturæ.

4. Amplius. Secundum Philosophum 9. Metaph. duplex est actio: vna quæ manet in agente, & est perfectio ipsius, vt videre: alia quæ transit in exteriora, & est perfectio facti, sicut comburere in igne. Diuina autem actio non potest esse de genere illarum actionum quæ non sunt in agente: cum sua actio sit sua substantia, vt in 1. Lib. ostensum est. Oportet igitur quod sit de genere illarum actionum quæ sunt in agente, & sunt quasi perfectio ipsius. Huiusmodi autem non sunt nisi actiones cognoscentis & appetentis: Deus igitur cognoscendo & volendo agit & operatur, non igitur per necessitatem naturæ, sed per arbitrium voluntatis.

5. Adhuc, Deum agere propter finem, ex hoc manifestum esse potest, quod vniuersum non est à casu, sed ad aliquod bonum ordinatur, vt patet per Philosophum in 11. Metaph. Primum autem agens propter finem oportet esse agens per intellectum & voluntatem: ea enim quæ intellectu carent, agunt propter finem, sicut in finem ab alio directæ, quod quidem in arti

Quomodo implicans contradictionem sit non ens.

† Cap. 22. huius Lib.

† Cap. 41. 1. Lib.

† Tex. com. 109.

† Cap. 56.

† Vel 12. tex. com. 51.



in artificialibus patet. Nam sagittæ motus est ad determinatum signum, ex directione sagittæ: simile autem esse oportet in naturalibus. Ad hoc enim quod aliquid directum in finem debitum ordinetur, requiritur cognitio ipsius finis, & eius quod est ad finem, & debet proportionis inter utrumque: quod solum intelligens est. Cum igitur Deus sit primum agens, non agit per necessitatem naturæ, sed per intellectum & voluntatem.

6 Præterea, Quod per se agit, prius est eo quod per aliud agit: omne enim quod est per aliud, reducit in id quod est per se: ne in infinitum procedatur. Qui autem suæ actionis non est dominus, non per se agit: agit enim quasi ab alio actu, non quasi per seipsum agens. Oportet igitur primum agens hoc modo agere, quod sui actus dominus sit. Non est autem aliquis dominus sui actus, nisi per voluntatem. Oportet igitur Deum qui est primum agens, per voluntatem agere, non per naturæ necessitatem.

7 Adhuc, Primo agenti debetur prima actio, sicut & primo mobili primus motus: sed naturaliter actio voluntatis est prior quam actio naturæ. Illud enim naturaliter prius est, quod est perfectius, licet in vnoquoque sit tempore posterius. Actio autem agentis per voluntatem, est perfectior, quod ex hoc patet, quod perfectiora sunt ea apud nos quæ per voluntatem agunt, quam quæ per naturæ necessitatem: ergo Deo qui est primum agens, debetur actio, quæ est per voluntatem.

8 Amplius, Ex hoc item apparet, quod ubi coniungitur utraque actio, superior est virtus quæ agit per voluntatem, ea quæ agit per naturam, & videtur ea quasi instrumento. Nam in homine superior est intellectus qui agit per voluntatem, quam anima vegetabilis, quæ agit per naturæ necessitatem. Diuina autem virtus est suprema in omnibus entibus: igitur ipsa agit in res omnes per voluntatem, non per naturæ necessitatem.

9 Item, Voluntas habet pro obiecto bonum secundum rationem boni: natura autem non attingit ad communem rationem boni, sed ad hoc bonum quod est sua perfectio. Cum igitur omne agens agat secundum quod ad bonum intendit, quia finis mouet agentem, oportet quod agens per voluntatem ad agens per necessitatem naturæ comparatur sicut agens vniuersale ad agens particulare: agens autem particulare se habet ad agens vniuersale sicut ea quæ posterius sunt, & sicut eius instrumentum. Ergo oportet quod primum agens sit voluntarium, & non per necessitatem naturæ agens.

Hanc etiam veritatem diuina Scriptura nos docet. Dicitur enim in Psal. 134. Omnia quæcunque voluit Dominus fecit. & ad Ephe. 1. Qui operatur omnia secundum consilium voluntatis suæ, & Hilarius in libro de Synodis. Omnibus creaturis substantiam voluntas Dei attulit. & infra, Talia enim cuncta creata sunt, qualia ea Deus facere voluit. Per hoc etiam remouetur error quorundam Philosophorum, qui dicebant Deum agere per naturæ necessitatem.

### Super Cap. 23.

**Q**uoniam diuinam actionem diuinamque potentiam ad omnia possibilia habere extensionem, restat nunc de modo ipsius actionis diuinæ determinare. Circa hoc autem duo facit S. Thom. Primò enim agit de modo actionis se tenente ex parte agentis: secundò de modo se tenente ex parte rei productæ, cap. 29. Quantum ad primum quatuor facit. Primò, ostendit Deum non producere res ex necessitate naturæ. Secundò, non ex necessitate intellectus, cap. 26. Tertio, non ex necessitate voluntatis, cap. 27. Quarto, non ex necessitate iustitiæ, cap. 28. Circa primum duo facit. Primò ostendit propositum: secundò duo corollaria in duobus capit. sequentibus deducit.

Quantum ad primum ponitur hæc conclusio, Deus agit in creaturis non ex necessitate naturæ, sed per arbitrium voluntatis.

Ad cuius euidentiam sciendum, quod aliquid agere de necessitate est ita esse determinatum ad agendum illud, ut in facultate agentis non sit non agere, sed agere de necessitate naturæ potest dupliciter esse. Vno modo ut necessitas naturæ dicat necessitatem inclinationis formæ naturalis ad agendum, secundum quod forma naturalis contra formam cognoscibilem distinguitur: & sic agere per necessitatem naturæ est esse determinatum ad agendum secundum inclinationem formæ, per quam agens est naturaliter in actu secundum esse naturæ, & distinguitur contra agere per cognitionem & appetitum eam consequentem. Alio modo, ut necessitas naturæ dicat modum naturæ, in agendo, & sic agere per necessitatem naturæ, est necessitatem inclinationis ad agendum, sicut natura in suas operationes necessitatem inclinatur: & tunc agere per necessitatem naturæ distinguitur contra agere per libertatem arbitrij.

Quomodo sit intelligendum, agere per necessitatem naturæ, in hac conclusione dubium est: ex eo enim quod subiungit, Sed per arbitrium voluntatis: videtur accipi secundo modo, & etiam ex aliquibus rationibus in hoc cap. positis. Ex eo verò quod inferius probat, neque intellectum neque voluntatem diuinam ad terminatos effectus coarctari, videtur primo modo intelligendum. Mihi videtur considerato processu S. Tho. quod sit primo modo accipiendum. Volens enim ostendere creaturas à Deo non de necessitate productas esse, per omnem modum necessitatis discuit, scilicet quod neque propter necessariam inclinationem substantiæ & diuinæ naturæ neque pro-

pter necessitatem scientiæ, neque propter necessitatem voluntatis. Expressius autem hoc apparet cap. 26. inferius, ubi dicit ostensum esse, scilicet in hoc cap. quod diuina potentia ad terminatos effectus non coarctatur, ac per hoc quod de necessitate natura non agit. Quod autem additur, Sed per arbitrium voluntatis, non obstat, quia per illud non vult aliud habere S. Thom. quam quod agit per voluntatem: quomodo autem per voluntatem, necessitatem scilicet an liberè, inferius erit declarandum. Similiter licet in aliquibus rationibus videatur inferri, quod Deus liberè agit, hoc tamen inferitur ut videretur concludatur quod per voluntatem agit, non per naturam, non autem, ut ostendatur absolute quod per libertatem agit. Ad hunc ergo sensum probatur conclusio primò, Diuina virtus non ordinatur ad vnum effectum tantum: ergo non agit per necessitatem naturæ. Antecedens ex superioribus patet: consequentia verò probatur: quia omnis agentis per necessitatem naturæ virtus determinatur ad vnum: cuius signum est, quia naturalia semper ceniunt eodem modo, nisi sit impedimentum.

Pro intelligentia huius rationis considerandum est, quod cum omne agens producat sibi simile quantum ad formam quæ est principium actionis, id cuius principium agendi est sola natura, non produci sibi simile nisi secundum naturam, per quod distinguitur ab agente per cognitionem, quod produci sibi simile secundum formam præconceptam, non autem secundum naturam in quantum huiusmodi: ideo nisi sit aliquis defectus ex parte virtutis, aut potentie passivæ, produci sibi similem, ut deducit S. Thom. Potentia quæ sit, art. 15. Est ergo natura determinata ad vnum, quia determinatur ad producendum similem secundum naturam: & sic si Deus ageret per necessitatem naturæ creaturam, determinaretur ad creaturam sibi in natura similem, quod est impossibile. Sic enim solus Filius Dei & Spiritus sanctus per naturam produciuntur: ideo conuenienter ex eo quod natura determinatur ad vnum, arguitur S. Tho. Deum non agere per necessitatem naturæ.

Secundò, Multa sunt diuinæ potentie quæ in rerum natura non inueniuntur, ergo, &c. Patet consequentia, quia quæcunque eorum quæ potest facere, quædam facit, & quædam non facit, de duobus scilicet defectibus & impedimentis agit per electionem voluntatis, non autem per necessitatem naturæ. Antecedens verò probatur, quia sunt diuinæ potentie quæcunque non implicent contradictionem, multa autem non sunt in rebus creatis, quæ tamen si essent, non implicarent contradictionem.

Tertio, Deus est per suam essentiam intelligens, ergo similitudo effectus sui est in ipso secundum modum intelligibilem, ergo per intellectum agit, igitur per voluntatem, non per necessitatem naturæ. Probatur prima consequentia, quia omne quod est in altero, est in eo per modum eius in quo est. Secunda etiam probatur, quia vnumquodque agens hoc modo agit secundum quod similitudo facti est in ipso. Vltima quoque probatur, quia intellectus non agit aliquo effectum nisi mediante voluntate.

CIRCA illam propositionem, Vnumquodque agens hoc modo agit secundum quod similitudo facti est in ipso, aduertendum quod motus agendi potest accipi & ex parte agentis, & ex parte facti. Si acciperetur ex parte facti, sensus esset, quod agens, illum modum efficiendi in factum causaret, quem similitudo facti habet in agente: & tunc propositio non esset vniuersaliter vera. Similitudo enim rei artificialis habet esse immateriale in mente artificis, & tamen res artificialis habet esse materiale. Vnde in hoc sensu eam non accipit S. Tho. Si autem accipiat ex parte agentis sensus est, quod actio, secundum quod ab agente oritur, habet eundem modum quem habet forma quæ est principium agendi, & similitudo facti: & tunc est propositio vniuersaliter vera, & intentio hoc loco, & probatur à S. Tho. quia omne agens agit sibi simile, ex qua propositione sic vult arguere. In omni agente oportet esse similitudinem & formam rei factæ: æqualem principij actionis. Sed actio debet ex parte agentis cõmensurari & proportionari suo principio formali: ergo modus actionis ex parte agentis est secundum modum similitudinis facti in agente.

SE D tunc occurrit dubium, iuxta secundum sensum, quia non videtur esse vniuersaliter vera. Nam similitudo rerum corruptibilium in corporibus celestibus habet esse incorruptibilem modo, & tamen actio qua à corpore celestibus res corruptibilis procedit, non habet modum incorruptibilem, sed corruptibiliter procedit, cum sit actio transiens, & re facta amplius non sit, aut saltem ad effectus corruptionem corrumpatur.

Respondetur, quod propositio S. Tho. intelligenda est de modo qui natus est facere diuersitatem modi agendi, non autem de omni modo similitudinis facti: hic autem est duplex, scilicet modus naturalis, & modus intelligibilis, ad quos reducuntur etiam modi qui istos necessariò concomitantur ut sic. Ideo si talis similitudo habet modum efficiendi naturalem, modus actionis erit ut naturaliter procedat: si autem habet esse intelligibilem, modus actionis est ut intelligibiliter fiat. Esse autem corruptibile aut incorruptibile forme non habet ut sic, variare modum agendi, quia isti sunt modi forme ut forma est, ut scilicet subiectum in seipso perficitur: non autem ut perficitur in ordine ad alterum tanquam principium actionis. Ex quibus patet quod adducta instantia non est contra mentem sancti Thomæ.

Quartò, Cum sit duplex genus actionis secundum Philosophum 2. Metaphysicæ, diuina actio non est de genere actionum quæ non sunt in agente, cum sua actio sit sua substantia, sed de genere immanentium in agente, ergo, &c. Patet consequentia, quia actiones immanentes non sunt nisi actiones cognoscentes & appetentes, & per consequens non sunt actiones agentis per necessitatem naturæ.

ADVERTE, quod ex hoc loco apparet, quod superius determinauimus, verum esse, scilicet actionem transcurrentem, proprie loquendo, in Deo non esse, licet ibi sit secundum modum significandi.

Quinò, Deus agit propter finem, ergo per intellectum & voluntatem, ergo, &c. Patet antecedens, quia per Philosophum 12. Metaphysicæ, 1. Vniuersum, quod scilicet est effectus Dei, non est à casu, sed ad aliquod bonum ordinatum. Consequentia verò probatur, quia primum agens propter finem oportet esse agens per intellectum & voluntatem. Nam ea quæ intellectu carent, agunt propter finem directam ab aliquo cognoscente & finem, & id quod est ad finem, & proportionem inter utrumque, quod est solum intelligens. Patet hoc exemplo sagittæ à sagittante directæ. De modis & diuersitate appetitus diffusæ à sancto Thoma in Prima secundæ determinatur, idcirco hic protrahere sermonem non oportet.

Sextò, Deus est primum agens, ergo est Dominus suorum actuum, ergo agit per voluntatem. Probatur prima consequentia, quia si non esset suorum actuum Dominus, non esset primum agens: qui enim suæ actionis non est dominus,

Naturale agens determinatur ad vnum.

Vnumquodque agens hoc modo agit secundum quod similitudo facti, est in agente,

Author. fac. Scripturæ.

Exclusio erroris.

Agere de necessitate naturæ dupliciter contingit.



dominus, non per se agit, sed est quasi ab alio actus: quod autem per se agit, prius est eo quod per aliud agit. omne enim quod est per aliud, reducitur in id quod est per se.

SCIENDVM hoc loco, ex doctrina sancti Thomæ, De Potent, ubi supra, quod agens per naturam, qui scilicet suæ actionis non est dominus, mouetur ab alio, quando id quod producit, ordinatur ad finem, non autem quando non ordinatur ad finem, sed est finis. Vnde licet Filius in diuinis naturaliter producat, non oportet tamen ut Deus ad eius productionem moueatur ab agente per voluntatem, quia non procedit ut ad finem extrinsecum ordinatur, sed ut omnia in finis.

ADVERTE etiam, quod si quis accipitur ut est expressum veritatis, non autem ut similitudinem importat: necesse est enim, ut qui suæ actionis non est dominus, ab alio moueatur ad agendum, eo quod non sit in eius potestate agere & non agere & sic oportet ipsum agere secundum inclinationem sibi ab alio datam.

Secundo, Primo agenti debetur prima actio, sicut & primo mobili primus motus: sed actio voluntatis est naturaliter prior actione naturæ, ut potest perfectior. Nam & apud nos agentia per voluntatem perfectiora sunt agentibus per necessitatem naturæ, ergo, &c.

SED occurrit hoc loco dubium, Filius enim in diuinis procedit per modum naturæ, Spiritus sanctus autem per modum voluntatis, sed productio Spiritus sancti non est nobilior productione Filij: ergo non est vniuersaliter verum, quod actio voluntatis sit perfectior actione naturæ.

Respondetur, quod licet Filius procedat per modum naturæ, & Spiritus sanctus per modum voluntatis, non tamen hoc est intelligendum quasi Filius naturaliter ac necessitate producat, Spiritus sanctus autem voluntarie & liberè: ita enim produciuntur naturaliter Spiritus sanctus sicut Filius, sed quia Filius procedit processione non præexigente aliam processione, qui est modus naturæ, Spiritus sanctus autem procedit processione quæ aliam processione præsupponit qui est modus voluntatis.

SED non videtur hæc responsio tollere difficultatem, imò magis augere. Si enim tam Filius quam Spiritus sanctus naturaliter producantur, creaturæ autem libere & per voluntatem, sequitur quod productio creaturæ est nobilior productione diuinarum Personarum, si actio voluntatis est nobilior actione naturæ.

Respondetur negando consequentiam. Quum enim inquit sanctus Thomas quod actio voluntatis siue agentis per voluntatem, est nobilior actione naturæ, intelligitur quando utraque terminatur ad aliquod extrinsecum, ut videtur exponere sanctus Thomas, Potent. quæst. 3. artic. 15. Quando autem actio naturæ terminatur ad id quod est intrinsecum, scilicet, actio autem voluntatis ad id quod est extrinsecum, tunc actio naturæ est nobilior actione voluntatis: sic autem est in proposito. Productio enim diuinarum Personarum terminatur ad id quod est intra diuinam essentiam, productio autem creaturarum terminatur ad aliquod extrinsecum. Vnde obiectio non est contra mentem sancti Thomæ.

Octauo, Virtus diuina est suprema in omnibus entibus: ergo agit in omnes res per voluntatem. Probatur consequentia, quia videmus ubi actio naturæ & voluntatis coniunguntur, quod superior est virtus quæ agit per voluntatem, ea quæ agit per naturam, & videtur ipsa sicut instrumento. Nam in homine superior est intellectus, qui agit per voluntatem anima vegetabilis quæ agit per necessitatem naturæ.

SED occurrit dubium, quia sanctus Thomas, De Potent. quæst. 1. artic. 3. ad sextum, inquit quod in diuersis quidem actio voluntatis actionem naturæ præcedit intelligere, ubi per actionem naturæ produciuntur aliquid ordinatum ad finem: quod dico propter id quod superius est dictum de productione Filij in diuinis, sed in vno & eodem actio naturæ præcedit actionem voluntatis, eo quod natura intelligatur ut principium quo res subsistit, voluntas verò ut ultimum quo ad finem ordinatur. Ergo non est verum, quod virtus agens per intellectum, in eodem vtatur ea quæ agit per naturam sicut instrumento, ut dictum est in ratione: non enim actio instrumenti præcedit actionem principalis agentis, cum non agat instrumentum nisi motum à principali agente, & sic oportet prius intelligere agens principale mouere instrumentum, quam ipsum instrumentum agat.

Respondetur, quod propositio sancti Thomæ intelligenda est quantum ad ea quæ sunt extra rem. Vt enim dicitur De Potent. ubi supra ad quartum, natura non subiacet voluntati in his quæ sunt intima rei, & per consequens quantum ad ista non potest esse instrumentum agentis per voluntatem in eodem, sed quantum ad ea quæ sunt extra rem, nihil prohibet naturam subiacere voluntati, & per consequens quantum ad ea esse ipsius instrumentum ut patet in motu animalis, ubi natura musculorum & neruorum subiaceret appetitui imperanti. Quod ergo dicitur Potent. quæst. 2. intelligendum est, quantum ad ea quæ sunt intima rei, quod verò hic dicitur, intelligitur quantum ad extrinsecum, & sic nulla est contradictio.

Nonò, Agens per voluntatem comparatur ad agens per naturam, sicut agens vniuersale ad agens particulare: ergo primum agens est agens per voluntatem. Probatur antecedens, quia obiectum voluntatis est bonum secundum absolutam rationem boni, obiectum autem naturæ est hoc bonum particulare quod est eius perfectio, agens autem omne agit secundum quod ad bonum tendit, cum finis moueat agentem. Consequentia verò probatur, quia agens particulare comparatur ad agens vniuersale, sicut id quod posterius est & sicut instrumentum.

ADVERTENDVM, quod voluntas & natura dupliciter comparari possunt. Vno modo, secundum rationes suas absolutas, alio modo secundum particulares rationes huius voluntatis & huius naturæ. Vtroque modo verum est quod hic dicitur, scilicet obiectum voluntatis esse bonum absolutum, naturæ verò hoc bonum. Sicut enim & visus & huius visus obiectum formale est color, ita voluntatis & huius voluntatis obiectum est bonum absolutum, & similiter naturæ & huius naturæ obiectum est bonum quod est ipsius naturæ perfectio.

Confirmatur conclusio autoritate Psal. Omnia quæcunque voluit, &c. & ad Ephes. 1. Quia operatur omnia, &c. & Hieronimus in libro de Synodis. Omnibus creaturis substantiam, &c. & infra, Talia enim cuncta, &c. Remouetur quoque ex prædictis error dicentium Deum agere de necessitate naturæ.

ATTENDENDVM, quod ista opinio videtur esse Arist. & Com. præsertim 8. Physicorum, text. & commento 6. vsque ad 10. ubi æternitatem motus probant, ex eo quod prius motor non potest incipere mouere, cum prius omnino non moueret: & commento 36. ubi ostendunt primum

motorem non moueri per accidens, quia tunc posset non moueri, & consequenter non mouere: & sic contingeret aliquando nihil moueri, quod ipsi reputant impossibile. Videtur etiam esse opinio Auic. 9. Metaphysicæ, cap. 4.

### Quod Deus per suam sapientiam agit.

Cap. 24.

**E**X hoc autem apparet, quod Deus effectus suos producit secundum suam sapientiam. Voluntas enim ad agendum ex aliqua apprehensione mouetur: bonum enim apprehensum est obiectum voluntatis: Deus autem est agens per voluntatem, ut ostensum est. Cum igitur in Deo non sit nisi intellectualis apprehensio, nihilque intelligat nisi intelligendo se, quem intelligere est sapientem esse: relinquatur quod omnia Deus secundum suam sapientiam operatur.

Item, Omne agens agit sibi simile: vnde oportet quod secundum hoc agat vnumquodque agens, secundum quod habet similitudinem sui effectus, sicut ignis calefacit secundum modum sui caloris. Sed in quolibet agente per voluntatem, in quantum huiusmodi, est similitudo sui effectus secundum intellectus apprehensionem: si enim solum secundum naturæ dispositionem inesset similitudo effectus agenti voluntario, non ageret nisi vnum, quia ratio naturalis vnius est vna tantum. Omne igitur agens voluntarium producit effectum secundum rationem sui intellectus: Deus autem agit per voluntatem, ut ostensum est. Igitur per sapientiam sui intellectus res in esse producit.

Amplius, secundum Philosophum in 1. Metaphysicæ, Ordinare, sapientis est: ordinatio enim aliquorum fieri non potest nisi per cognitionem habitudinis, & proportionem ordinatum adiuuicem, & ad aliquid altius quod est finis eorum: ordo enim aliquorum adiuuicem est propter ordinem eorum ad finem. Cognoscere autem habitudines & proportionem aliquorum adiuuicem, est solius habentis intellectum, iudicare autem de aliquibus per causam altissimam, sapientia est: & sic oportet quod omnis ordinatio per sapientiam aliquis intelligentis fiat. Vnde & in mechanicis ordinatorum ædificiorum sapientes illius artificij dicuntur. Res autem quæ sunt à Deo productæ, ordinem adiuuicem habent non casualem, cum sint semper vel ut in pluribus: & sic patet quod Deus res in esse produxit eas ordinando, Deus igitur per suam sapientiam res in esse produxit.

Adhuc, Ea quæ sunt à voluntate, vel sunt agibilia sicut actus virtutum, qui sunt perfectiones operantis, vel transeunt in exteriorem materiam, quæ factibiles dicuntur: & sic patet quod res creatæ sunt à Deo sicut factæ. Factibile autem ratio, est ars, sicut dicit Philosophus: & comparantur ergo omnes res creatæ ad Deum, sicut artificata ad artificem, sed artifex per ordinem suæ sapientia, & intellectus, artificia in esse producit: ergo & Deus omnes creaturas per ordinem sui intellectus fecit. Hoc autem diuina autoritate confirmatur: nam dicitur in Psalm. 103. Omnia in sapientia fecisti. & Proverbiorum 3. Dominus sapientia fundauit terram. Per hoc autem excluditur quorundam error, qui dicebant omnia ex simplici diuina voluntate dependere absque aliqua ratione.

Super cap. 24.

**P**rimum corollarium ex præcedenti conclusione dependens, est, Deus effectus suos per suam sapientiam producit. Probatur primo, Deus agit per voluntatem: ergo per apprehensionem intellectus, ergo per suam sapientiam. Patet prima consequentia, quia voluntas ex aliqua apprehensione mouetur ad agendum: in Deo autem non est alia apprehensio quam intellectualis, secundum autem intellectum nihil intelligit nisi intelligendo se, quem intelligere, ut potest altissimam existentem causam, est sapientem esse.

Secundo, Deus agit per voluntatem: ergo secundum rationem sui intellectus agit, ergo, &c. Probatur prima consequentia, quia cum omne agens agat sibi simile, necesse est ut vnumquodque agat secundum quod habet similitudinem sui effectus in quolibet agente voluntario in quantum huiusmodi est similitudo sui effectus secundum apprehensionem intellectus, quod probatur, quia si esset in ipso solum secundum naturæ dispositionem, non ageret nisi vnum, quia ratio naturalis vnius est tantum vna.

ADVERTENDVM, quod similitudo effectus potest in vno & eodem esse secundum dispositionem naturæ, & secundum apprehensionem intellectus, sicut cum pictor aut statuarius suis ipsius imaginem format, sed si agat ex similitudine secundum naturæ dispositionem, & get tantum vno modo, si non addit impedimentum, sicut cum generat filium, producit ipsum similem sibi quantum potest, & semper eiusdem conditionis, nisi aliunde proueniat diuersitas, quia, ut inquit sanctus Thomas, ratio naturalis in agente est tantum vna, & non plures: vnius enim rei est vna ratio & vna natura. Si autem agat ex similitudine existente in apprehensione, non determinatur ad vnum, quia potest de seipso plures formare conceptus, puta conceptum & idolum capitis sui duntaxat, & conceptum manuum, & conceptum pedum, & sic potest producere aliquid

Actio voluntatis an sit perfectior actione naturæ.

Virtus quæ agit per voluntatem est superior ea quæ agit per naturam, & videtur ea sicut instrumento.

Cap. 24.

6. Ethic. cap. 6.

Auth. sac. Scripturæ.

Exclusio erroris.



aliquid simile sibi secundum caput, & aliquid simile secundum manus, & aliquid secundum pedes. Sic ergo cum natura diuina sit vna, & vnum esse simplicissimum habeat, & omnia in ipso absque aliqua distinctione vnum sunt, & vnum esse vnamque dispositionem habeant: si ageret secundum dispositionem suam naturam, ageret tantum rem vnius rationis, & sibi simile secundum rationem diuinam naturam, id est, ageret tantum diuinam naturam, sicut omnia in ipso sunt diuina natura. Sed quia agit secundum apprehensionem intellectus secundum quam de seipso plures ideas format, secundum quas res possunt diuinam naturam imitari. Ideo plura diuersarum rationum producit, & non determinatur ad vnum. Res ergo in Deo habent similitudinem, & secundum esse naturam diuinam, & secundum esse apprehensum & ideale, sed producantur in esse, prout per apprehensionem intellectus diuini talis similitudo ab aliis existentibus in natura diuina separatur & distinguitur. Propter hoc assumit sanctus Thomas quod non est in Deo similitudo effectus solum secundum naturam, scilicet diuinam dispositionem. Hoc est fundamentum rationis huius.

Tertio, Res à Deo productæ ordinem adinuicem habent, & non casuales: & sic Deus eas produxit ordinando, ergo Deus eas secundum suam sapientiam produxit. Probatur consequentia, quia sapientis est ordinare, secundum Philosophum: cuius ratio est, quia ordinari aliqua non possunt nisi per cognitionem proportionis & habitudinis ordinatorum & adinuicem, & ad aliquid aliud, quod est finis eorum. Cognoscere autem huiusmodi proportionem & habitudines aliquorum adinuicem, est intelligentis: & iudicare de aliquibus per causam altissimam est sapientis.

ADVERTENDVM, quod cum aliqua inter se habent ordinem, & ordo ipsorum adinuicem est propter ordinem eorum ad aliquid aliud tantquam ad finem, tunc iudicium proportionis ipsorum inter se fit per comparationem ad finem ad quem ordinantur: tunc enim iudicabuntur inter se conuenientem habere proportionem, quando iudicabuntur sic ordinata esse, ut sint fini conuenientia. Et quia finis est prima causarum, ideo qui considerat finem, & in rebus ordinem ponit qui sit fini conueniens, dicitur sapiens, ed quod sapientia sit considerare altissimam causam, simpliciter quidem altissimam si sit simpliciter sapiens, altissimam autem in genere si sit sapiens in genere. Propter hoc bene deducit sanctus Thomas, quod sapientis est ordinare, quia ordinans cognoscit proportionem ordinatorum & adinuicem & ad finem, & per consequens de ipsis iudicium sumit ex consideratione finis, qui est prima causarum, quod sapientis est.

Quarto, Comparantur omnes res ad Deum sicut artificata ad artificem, sed artifex secundum ordinem suæ sapientie artificata in esse producit, ergo, &c. Probatur maior, quia res à Deo productæ per voluntatem non sunt de genere agibilem, sicut actus virtutum qui remanent in operante, sed de genere factibilem quæ transeunt in exteriorem materiam: ratio autem factibilem est ars secundum Philosophum.

Confirmatur conclusio in Psalm. Omnia in sapientia fecisti. & Prouerbiis 2. Dominus sapientia, &c. Excluditur quoque error dicentium omnia ex simplici diuina voluntate dependere absque aliqua ratione.

### Qualiter Deus omnipotens dicatur quædam non posse.

Cap. 25.



**I**X præmissis autem accipi potest, quod quamuis Deus sit omnipotens, aliqua tamen dicitur non posse. Ostensum est enim supra in Deo esse potentiam actiuam: potentiam verò passiuam in Deo non esse, ut supra in 1. Libro ostensum est. Secundum autem utramque potentiam dicimus posse: illa igitur Deus non potest, quæ posse potentie passivæ sunt. Quæ autem huiusmodi sunt, inuestigandum est. Primo quidem igitur potentia actiua est ad agere: potentia autem passiuæ ad esse. Vnde in illis solis est potentia ad esse, quæ materiam habent contrarietati subiectam. Cum igitur in Deo potentia passiuæ non sit, quicquid ad suum esse non pertinet, Deus non potest: non potest igitur Deus esse corpus, aut aliquid huiusmodi.

2. Adhuc, Huiusmodi potentie passivæ motus actus est: Deus igitur, cui potentia passiuæ non competit, mutari non potest. Potest autem ulterius ostendi & concludi, quod non potest mutari secundum singulas mutationum species: ut quod non potest augeri, vel minui, aut alterari, aut generari, aut corrumpi.

3. Amplius, Cum deficere quoddam corrumpi sit, sequitur quod in nullo deficere potest.

4. Præterea, Defectus omnis secundum priuationem aliquam est, priuationis autem subiectum potentia materię est: nullo igitur modo potest deficere.

5. Adhuc, Cum fatigatio sit per defectum virtutis, obliuio autem per defectum scientiæ, patet quod neque fatigari neque obliuisci potest.

6. Amplius, Neque vinci neque volentiam pati: hæc enim non sunt nisi eius quod natum est moueri. Similiter autem neque poenitere potest, neque irasci aut tritari: cum hæc omnia imperfectionem & passionem & defectum sonent.

7. Rursus, Quia potentia actiua obiectum & effectus est ens factum, nulla autem potentia operationem habet ubi deficit ratio sui obiecti, sicut visus non videt deficiente visibili in actu: oportet quod Deus dicatur non posse quicquid est contra rationem entis in quantum est ens, vel facti entis in-

quantum est factum. Quæ autem sint huiusmodi, inquirendum est. Primo quidem igitur contra rationem entis est, quod entis rationem tollit: tollitur autem ratio entis per suum oppositum, sicut ratio hominis per oppositum eius, vel partium ipsius, oppositum autem entis est non ens. Hoc igitur Deus non potest ut faciat simul vnum & idem esse & non esse: quod est contradictoria esse simul.

8. Adhuc, Contradictio in contrariis & priuatiue oppositis includitur: sequitur enim quod si est album & nigrum, quod sit album & non album: & si est videns & cæcum, quod sit videns & non videns. Vnde eiusdem rationis est quod Deus non possit facere opposita simul inesse eidem secundum idem.

9. Amplius, Ad remotionem cuiuslibet principij essentialis sequitur remotio ipsius rei: si igitur Deus non potest facere rem simul esse & non esse, nec etiam potest facere quod rei desit aliquid suorum principiorum essentialium ipsa remanente, sicut quod homo non habeat animam.

10. Præterea, Cum principia quarundam scientiarum, ut Logicæ, Geometriæ, & Arithmeticæ, sumantur ex solis principijs formalibus rerum ex quibus essentia rei dependet, sequitur quod contraria horum principiorum Deus facere non possit. Sicut quod genus non sit prædicabile de specie, vel quod linea ducta à centro ad circumferentiā non sint æquales, aut quod triangulus rectilineus non habeat tres angulos æquales duobus rectis.

11. Hinc etiam patet, quod Deus non potest facere quod præteritum non fuerit, nam hoc etiam contradictionem includit: eiusdem namque necessitatis est aliquid esse dum est, & aliquid fuisse dum fuit.

12. Sunt etiam quædam quæ repugnant rationi entis facti in quantum huiusmodi, quæ etiam Deus facere non potest: nam omne quod facit Deus, oportet esse factum. Ex hoc autem patet, quod Deus non potest facere Deum. Nam de ratione entis facti est quod esse suum ex alia causa dependeat, quod est contra rationem eius quod dicitur Deus, ut ex superioribus patet.

13. Eadem etiam ratione non potest Deus facere aliquid æquale sibi: nam id cuius esse ab alio non dependet, prius est in essendo, & in cæteris dignitatibus, eo quod ab alio dependet, quod ad rationem entis facti pertinet.

14. Similiter etiam Deus facere non potest, quod aliquid conseruetur in esse sine ipso: nam conseruatio esse vniuscuiusque depedit à causa sua. Vnde oportet quod remota causa remoueat & effectus. Si igitur res aliqua possit esse quæ à Deo non conseruaretur in esse, non esset effectus eius.

15. Rursus, Quia ipse est per voluntatem agens, illa non potest facere, quæ non potest velle. Quæ autem velle non possit, considerari potest si accipiamus qualiter in diuina voluntate necessitas esse possit: nam quod necesse est esse, impossibile est non esse, & quod impossibile est esse, necesse est non esse. Patet autem ex hoc, quod non potest Deus facere se non esse, vel non esse bonum aut beatum, quia de necessitate vult se esse, bonum esse & beatum, ut in primo Libro ostensum est.

16. Item, Ostensum est supra, quod Deus non potest velle aliquod malum: vnde patet quod Deus peccare non potest.

17. Similiter, Ostensum est supra, quod Dei voluntas non potest esse mutabilis: sic igitur non potest facere id quod est à se volitum non impleri. Sciendum tamen quod hoc alio modo dicitur non posse à præmissis: nam præmissa Deus simpliciter nec velle nec facere potest. Huiusmodi autem Deus quidem facere vel velle potest, si eius voluntas vel potentia absolute consideretur: non autem si consideretur præsupposita voluntate de opposito. Nam voluntas diuina respectu creaturarum necessitatem non habet nisi ex suppositione, ut in 1. Lib. ostensum est. Et ideo omnes istæ loquutiones, Deus non potest facere contraria his quæ disposuit facere, & quæcunque similiter dicuntur, intelliguntur compositæ. Sic enim implicat suppositionem diuinæ voluntatis de opposito. Si autem intelligantur diuise, sunt falsæ, quia respiciunt potentiam & voluntatem Dei absolute.

Sicut autem Deus agit per voluntatem, ita & per intellectum & scientiam, ut ostensum est. Pari igitur ratione non potest facere quæ se facturum non præsciuit, aut dimittere quæ se facturum præsciuit: quia non potest facere quæ facere non vult, aut dimittere quæ vult. Eodem modo conceditur & negatur utrumque, scilicet ut prædicta non posse dicatur: non quidem absolute, sed sub conditione vel suppositione.

Super

Idem Prima p.  
q. 25, artic. 3.

† Cap. 7.  
huius Lib.

† Cap. 8.

† Cap. 86.

† Cap. 84.



**E**X præmissis deducitur, Deū, quamuis omnipotens sit, quædam non posse. Ex eo enim quod ostensum est in ipso non esse passivam potentiam, sequitur ipsum non posse ea quæ sunt potentie passivæ, ut est posse quod ad esse pertinet: non enim potest esse corpus aut aliquid huiusmodi, non etiam potest mutari, non deficere, aut corrumpi, non defatigari, aut obliuisci, non vinci, aut violenter pati, non poenitere, aut irasci, aut tristiari. Ex eo verò quod ostensum est, in ipso esse potentiam activam, obiectum autem potentie activæ est ens factum, sequitur quod non potest quod est contra rationem entis, inquantum est ens, aut contra rationem facti, inquantum est factum. Nulla enim potentia potest ubi deficit ratio sui obiecti. Propter defectum entis non potest facere ut idem simul sit & non sit, quod opposita simul sint in eodem secundum idem, quod rei desit aliquid suorum principiorum essentialium, ut quod homo non habeat animam, quod genus non sit prædicabile de specie, quod linea ductæ à centro ad circumferentiam non sint æquales, quod triangulus rectilineus non habeat tres angulos æquales duobus rectis, quod præteritum non sit præteritum, & similia quæ rationi entis repugnant. Propter defectum vero entis facti non potest facere Deum, aut aliquid sibi æquale, aut quod aliquid sine ipso conservetur, omnia enim hæc sunt contra rationem facti. Ex eo etiam quod ostensum est, quod per voluntatem agit, sequitur quod non potest facere quæ non potest velle, & sic non potest facere se non esse, aut non esse bonum vel beatum, similiter peccare non potest. Ex eo verò quod ostensum est, Dei voluntatem non esse mutabilem, sequitur quod non potest facere id quod est à se volitum, non impleri.

Notat tamen S. Tho. quod hoc non posse alio modo accipitur à præmissis: illa enim nec velle nec facere simpliciter potest, huiusmodi autem & velle & facere potest absolute, non autem supposita voluntate de opposito. Unde cum dicitur, Deus non potest facere contraria iis quæ disposuit facere, intelligendum est compositè, implicando scilicet dispositionem diuinæ voluntatis de opposito, non autem diuisim, ut scilicet respiciat potentiam & voluntatem diuinam absolute. Similiter quia ostensum est quod agit per scientiam, ideo non potest facere quæ se facturum non præsciuit, aut dimittere quæ præsciuit se facturum, intelligendo tamen non absolute, sed sub conditione vel suppositione.

Deus non potest facere præteritum non fuisse.

CIRCA præterita dubium non dissimulandum occurrit. Nam constat quod præteritio est accidens per accidens rei, sed omnem rem potest Deus facere absque eo quod sibi per accidens conveniat: ergo rem quæ præterit potest Deus facere absque præteritione, ergo licet non possit facere præteritum non esse præteritum, formaliter accipiendo præteritum, potest tamen rem quæ præterit facere absque præteritione, & sic potest facere Adam non fuisse.

AD huius evidentiam considerandum est, quod licet aliquid per comparationem ad naturam rei absolute consideratam habeat rationem accidentis per accidens, nihil tamen prohibet ipsum ad naturam sub aliqua conditione positam comparari ut illi per se conveniens: sicut licet congregare visum per accidens se habeat ad sortem absolute consideratam, comparatur tamen ad ipsum existentem sub nigredine ut sic per se, eo quod rationem nigredinis ingreditur. Sic licet rei temporali absolute consideratæ per accidens conveniat habitu ad hoc vel illud tempus, eo quod ratio eius abstrahat ab omni temporis differentia (præter enim rationem hominis est quod hoc vel illo tempore mensuretur, cum natura absolute considerata abstrahat ab omni differentia temporis) tamen si consideretur natura ut existens in actu temporaliter necessarii, mensuratur aliqua temporis differentia. Non enim esset res temporalis nisi tempore esset eius existentia mensurata, ideo res ut habens esse actu temporaliter, non potest ab habitudine ad tempus separari, cum talis habitudo esse actu rei temporalis inquantum temporalis est, formaliter ingreditur. Sicut autem rem actu nunc existentem ut sic, concomitatur necessarii habitu ad tempus præsens, ut non possit non existere pro tempore presenti in quo est, alioquin simul esset & non esset, quamvis rem nunc existentem Deus facere possit in tempore sequenti non esse, & potuerit facere ut non esset, ita rem quæ fuit, putà Adam quamvis absolute Deus facere potuerit ut nunquam esset: si tamen ponatur ipsam in aliquo tempore habuisse esse actualis existentis, non potest à præteritione separare, quæ nominat habitudinem ad tempus nobis præteritum: sicut & cum erat in tempore nobis presenti, inquantum huiusmodi, non poterat eam à præterentialitate quæ est habitu ad tempus præsens, separare. Ideo bene inquit sanctus Thomas in littera, quod eiusdem necessitatis est aliquid esse dum est, & aliquid fuisse dum fuit. Dicitur ergo ad objectionem, quod præteritio, licet sit accidens per accidens respectu Adam absolute sumpti, & sic potuerit Deus facere Adam non fuisse, quia potuit Adam non producere, tamen respectu Adam ut in tempore præterito fuit, se habet non per accidens, sed per se: ideo non potest esse absque contradictione Adam, qui fuit, non fuisse, supposito quod aliquando fuerit, quod dicitur impossibile per accidens, quia est impossibile ex supervenienti accidente, scilicet ex præteritione, quæ posita tunc ponitur impossibile per se scilicet præteritum non esse præteritum. Sicut non potest fieri, ut hoc nigrum supposito quod sit nigrum, non sit visus congregativum, nec potest fieri ut in hoc tempore quo est nigrum, non sit nigrum, quia simul esset nigrum, & non esset nigrum.

SI autem iterum instetur, quia licet præteritio per se conveniat Adam, ut præteritum est, tamen ipsi Adam secundum se considerato per accidens convenit: ergo ab ipso separari potest, dicitur quod licet omne per accidens absolute ab eo cui per accidens convenit, possit separari, non potest tamen separari pro illa mensura pro qua inest: sic enim simul esset & non esset in re. Quia ergo præteritio in omni tempore post illud tempus in quo verum erat dicere, Adam est, inest ipsi Adam, quia præteritio est de ratione eius de quo aliquando verum fuit dicere, Hoc est, inquantum huiusmodi (aliquando enim verum fuisse, Sortes currit, est Sortem cucurrisse) nullum tempus est in quo præteritio ab Adam possit separari: licet ista, Adam non fuit, rationibus terminorum præcisè consideratis, sit possibilis. De iis quæ ad cognitionem & voluntatem diuinam pertinent, satis dictum est in 1. Lib. De aliis verò hæc tractis, in diuersis locis huius Operis particulariter tractatur: propterea de ipsis hoc loco tractandum non est, sed de quoquoque suo loco.

Quod diuinus intellectus ad determinatos effectus non coarctatur. Cap. 26.

**Q**UONIAM autem ostensum est, quod diuina potentia ad determinatos effectus non limitatur, ac per hoc quod de necessitate naturæ non agit, sed per intellectum & voluntatem: ne cui forte videatur quod eius intellectus vel scientia ad determinatos effectus solummodo posset extendi, & sic agat ex necessitate scientiæ, quamuis non ex necessitate naturæ: restat ostendere quod eius scientia vel intellectus, nullis effectuum limitibus coarctatur. Ostensum est enim supra, quod Deus omnia alia quæ à Deo procedere possunt, comprehendit suam essentiam intelligendo, in quo omnia huiusmodi esse necessarium est per aliqualem similitudinem: sicut effectus virtute sunt in causa. Si igitur potentia diuina ad determinatos effectus non coarctatur, ut supra ostensum est: necessarium est & de eius intellectu similem sententiam proferre.

Adhuc, Diuinæ essentia infinitatem supra ostendimus, infinitum autem quantalibet additione finitorum facta adæquare non potest, quin infinitum excedat quantalibet finita, etiam si numero infinita existant: nihil autem aliud præter Deum constat esse secundum essentiam infinitum, cum omnia alia secundum essentiam rationem sub determinatis generibus & speciebus concludantur. Quomodo cumque igitur diuini effectus, & quantumcumque comprehendantur, semper in diuina essentia est ut eos excedat, & ita plurimū ratio esse possit. Diuinus igitur intellectus qui perfectè diuinam essentiam cognoscit, ut supra ostensum est, omnem infinitatem effectuum transcendit: non igitur ex necessitate ad hos vel ad illos effectus coarctatur.

Item, Suprà ostensum est, quod diuinus intellectus infinitorum est cognitor: Deus autem per sui intellectus scientiam res producit in esse, causalitas igitur diuini intellectus ad finitos effectus non coarctatur.

Amplius, Si diuini intellectus causalitas ad effectus aliquos quasi de necessitate agens coarctaretur, hoc esset respectu illorum qui ab eo producantur in esse: hoc autem esse non potest, cum supra ostensum sit, quod Deus intelligit etiam quæ nec sunt nec erunt nec fuerunt. Non igitur Deus agit ex necessitate sui intellectus vel scientiæ.

Præterea, Diuina scientia comparatur ad res ab ipso productas, sicut scientia artificis ad res artificiatas: quælibet autem ars se extendit ad omnia quæ possunt contineri sub genere subiecto illius artis, sicut ars ædificatoria ad omnes domos. Genus autem subiectum diuinæ artis est ens, cum ipse per suum intellectum sit vniuersale principium entis, ut supra ostensum est. Igitur intellectus diuinus ad omnia quibus entis ratio non repugnat, suam causalitatem extendit: huiusmodi verò omnia quantum est de se, nata sunt sub ente contineri. Non igitur diuinus intellectus ad aliquos determinatos effectus coarctatur. Hinc est quod in Psalm. 146. dicitur, Magnus Dominus, & magna virtus eius: & sapientiæ eius non est numerus. Per hoc autem excluditur quorundam Philosophorum positio, dicentium, quod ex hoc quod Deus seipsum intelligit, fluit ab ipso de necessitate talis rerum dispositio, quasi non suo arbitrio limitet singula, & vniuersa disponat, sicut fides catholica profitetur. Sciendum tamen, quod quamvis diuinus intellectus ad certos effectus non coarctetur, ipse tamen sibi statuit determinatos effectus quos per suam sapientiam ordinatè producat: sicut Sapient. 11. dicitur, Omnia in numero, pondere & mensura disposuisti, Domine.

Super. cap. 26.

**P**OSTQUAM ostendit sanctus Thomas, quod Deus non agit per necessitatem naturæ, sed per voluntatem & sapientiam suam, ulterius ostendit quod neque per necessitatem intellectus operetur: & ponit hanc conclusionem, Scientia Dei vel eius intellectus nullis effectuum limitibus coarctatur.

PRO cuius declaratione notandum est, quod non loquitur sanctus Thomas hoc loco de scientia Dei & intellectu, ut speculatiue simpliciter sumuntur, sed ut sumuntur practice, aut simpliciter, aut secundum quid. Dicitur autem hoc modo scientia alicuius coarctari ad determinatos effectus, quando cognoscit aliquos effectus producibiles, non autem omnes, & illos ad quos se extendit de necessitate causæ suo modo: ad hunc sensum intelligit sanctus Thomas, quod diuina scientia, & diuinus intellectus non coarctatur aut limitatur ad determinatos effectus, quia scilicet non solum aliqua producibilia & aliquos modos producibilium Deus suo intellectu suæque scientia cognoscit, sed etiam omnia producibilia & omnes modos rerum producibilium. Ideo non necessitatur ad suos effectus producendos, & non alios, quia intellectus suus sit ad istos cognoscendos determinatus, & non ad alios se extendat. Probatur primò, Diuina potentia ad aliquos effectus non limitatur, ergo nec diuinus intellectus. Patet consequentia, quia Deus suam

+ Cap. 22.

Conclusio.

+ Cap. 55.

1. Lib.

+ Cap. 41.

+ Cap. 47.

+ Cap. 70.

1. Lib.

+ Cap. 6.

Exclusio erroris, & fuit Auctennæ primo.



nam essentiam cognoscendo comprehendit omnia alia, quæ à Deo procedere possunt, in quo omnia huiusmodi esse per aliqualem similitudinem necesse est, sicut effectus virtute continentur in causa.

**ATTENDENDUM** autem, quod antecedens huius rationis intelligendum est, de potentia Dei absolute & secundum se considerata. Sic enim potest in omne quod participare potest ratione entis facti, & ideo non limitatur ad aliquem numerum factibilium. Si autem consideretur secundum quod exequitur imperium voluntatis & directionem scientiæ, quo modo dicitur potentia Dei ordinaria, sic est ad determinatos effectus limitata. Ordinavit enim Deus sua sapientia quos effectus producere velit.

Secundo, Diuina essentia est infinita: ergo excedit omnia alia in infinitum, ergo & intellectus. Probatur prima consequentia, quia infinitum quantalibet additione finitorum facta adæquari non potest, quin in infinitum excedat quantalibet finita, si etiam numero infinita existant: omnia autem alia præter Deum sunt finita secundum essentiam, cum sint à i. genis & speciem limitata. Secunda etiam probatur, quia diuinus intellectus diuinam essentiam perfecte cognoscit.

**ADVERTENDUM**, quod cum infinitas diuine essentiae sit infinitas secundum perfectionem, omnia autem alia etiam si numero essent infinita, finitæ perfectionis sint, eò quod essentiam ad genus & species habeant limitatam: ideo essentia diuina in infinitum excedit omnia creata, & plurimum aliorum ratio productiua esse posset. Ex quo sequitur quod intellectus diuinus qui cognoscit perfecte diuinam essentiam, & per consequens cognoscit ipsam infinitis modis participari posse à creaturis, omnem finitatem effectuum sua cognitione transcendit, & sic non limitatur ad determinatos effectus producibiles, ita quod alios ab illis non cognoscit. Et hoc est huius rationis fundamentum.

**ADVERTE**, quod textus fere omnes habent, Etiam si numero finita existant, si ita habet, sensus est quod infinitum excedit quantalibet finita, scilicet secundum essentiam, posito quod illa sint etiam secundum numerum finita, quia videlicet si essent numero infinita habentia se per additionem perfectionis vnus ad alterum, bene posset infinitum aliquod æquari à finitis secundum essentiam. Sed puto veriorum textum habere, Infinita. Nam infinitum secundum essentiam & perfectionem (quo modo diuina essentia est infinita) excedit quantalibet finita secundum essentiam, etiam dato quod sint numero infinita, ut exposuimus. Similiter quod nos in conclusione exposuimus, intellectum cognitione sua transcendere oportere finitatem effectuum, textus fere omnes habent, Infinitatem: quod si ita habet, intelligendum est de infinitate materiali. Veruntamen puto dicendum esse finitatem, eò quod magis ad propositum sit, cum concludendum sit intellectum diuinum non limitari ad finitos effectus.

Tertio, Diuinus intellectus infinitorum est cognitor: ergo eius causalitas ad finitos effectus non coarctatur. Patet consequentia, quia Deus per sui intellectus scientiam res producit in esse.

**ATTENDENDUM**, quod hoc loco loquitur sanctus Thomas de scientia, ut habet rationem causæ directiue operationis: est autem directiua ut se extendit ad producibilia secundum modum quo producibilia sunt. Ideo idem est dicere, Intellectus diuinus cognoscit tantum finita producibilia, & Diuinus intellectus causare potest suo modo tantum finitos effectus: vnum enim concomitatur alterum. Similiter sese consequuntur, intellectum diuinum cognoscere infinitos effectus producibiles, & posse causare finitos effectus. Propter hoc volens ostendere sanctus Thomas, quod non limitatur ad determinatos effectus, concludit quod eius causalitas ad finitos effectus non coarctatur.

Quarto, Si esset limitata causalitas diuini intellectus ad determinatos effectus quasi de necessitate agens, hoc esset respectu eorum quæ producuntur in esse: hoc autem esse non potest, cum Deus intelligat etiam quæ nec sunt, nec erunt, nec fuerunt, & supple, causalitas intellectus tantum se extendat quantum se extendit cognitio eius de producibilibus ut producibilia sunt, ergo, &c.

Quinto, Genus subiectum diuine artis & scientiæ, est ens scilicet factum: igitur diuinus intellectus se extendit ad omnia secundum suam causalitatem, quibus ratio entis non repugnat. ergo ad omnia factibilia se extendit, ergo, &c. Probatur antecedens, quia Deus per suum intellectum est vniuersale principium entis: vniuersale autem, obiectum supple, debet vniuersali principio correspondere. Prima etiam consequentia probatur, quia quælibet ars se extendit ad omnia quæ contineri possunt sub suo genere subiecto. Secunda etiam patet, quia omnia factibilia quantum est de se, nata sunt sub ente contineri.

Confirmatur conclusio per Psalmistam dicentem, Magnus Dominus, & magna virtus eius, & sapientiæ eius non est numerus. Excludit quoque ex his error dicentium, quantum ex hoc quod Deus intelligit seipsum, fluit ab ipso talis rerum dispositio de necessitate. Notat postremo, quod licet diuinus intellectus ad determinatos effectus non limitetur, quantum scilicet est ex ipso intellectu, ipse tamen Deus statuit sibi determinatos effectus quos per suam sapientiam ordinatè producat, iuxta illi i. Sapient. ii. Omnia in numero, &c.

**OCVRIT** autem hoc loco dubium, quomodo si diuinus intellectus non est secundum se limitatus ad determinatos effectus, potest Deus sibi certum numerum producibilium statuere. Actus enim intellectus quo iudicat aliquid esse producendum, præcedit actum voluntatis, quo Deus vult hoc producere, quia voluntas non fertur nisi in cognitum. Ergo non potest voluntas diuina aliquos determinatos effectus velle, nisi illos prius ordine rationis intellectus apprehendat, ut producendos: ergo falsum est, quod Deus statuat sibi determinatos effectus, si intellectus secundum se est illimitatus, aut oportet quætere aliquid aliud quod intellectus ad determinatos effectus limitet: non apparet autem quid illud sit.

Respondetur, quod non obstante indeterminatione & illimitatione intellectus, adhuc Deus statuit sibi determinatos effectus quos producat, & hoc per libertatem suæ voluntatis, licet enim actus intellectus de re & modo producibili præcedat actum voluntatis, ut si secundum nostrum modum intelligendi, ipsa tamen ordinatio ad producendum est per actum voluntatis: hoc autem facile est videre in rerum artificialium productione. Primum enim domifactor excoquit domum & modum ipsius, ut est producibilis, iudicatque bonum esse ut producat: deinde per voluntatem eligit domum producere: tertio, cognoscit intellectus ipsam debere produci, & dirigit per

artem, ipsam productionem. Simili modo imaginari possumus in Deo, quod primò diuinus intellectus omnia producibilia & omnes modos producibilium cognoscit, & iudicat bonum esse aliquos producere: deinde voluntas eligit quosdam illorum producibilium producere & non alios: tertio loco, intellectus cognoscit ita hos effectus debere produci, quod non alios. Et sic patet, quod non oportet ponere aliquid aliud præter diuinam voluntatem, quod scientiam diuinam prædicam ad determinatos effectus limitet: & quod falsum est, actum intellectus quo iudicat aliquid debere produci, siue quod producat, præcedere actum voluntatis, imò sequitur voluntatis actionem & determinationem.

### Quod diuina voluntas ad determinatos effectus non coarctatur.

Cap. 27.



**E** his etiam ostendi potest, quod nec eius voluntas per quam agit ad determinatos effectus necessitatem habet. Voluntatem enim suo obiecto proportionatam esse oportet: obiectum autem voluntatis est bonum intellectum, ut patet ex supradictis. Voluntas igitur ad quælibet, se extendere nata est, quæ ei intellectus sub boni ratione proponere potest. Si igitur diuinus intellectus ad certos effectus non coarctatur, ut ostensum est, relinquatur quod nec diuina voluntas determinatos effectus de necessitate producat.

2. Præterea, Nihil agens per voluntatem producat aliquid non volendo: ostensum est autem suprà, quod Deus erga alia à se nihil vult ex necessitate absoluta. Non igitur ex necessitate diuine voluntatis aliqui effectus procedunt, sed ex eius libera dispositione.

Super cap. 27.



**E**rtio loco ostenditur, neque inueniri necessitatem in rerum productione ex parte ipsius voluntatis. Probatur dupliciter. Primò, Obiectum voluntatis est bonum intellectum, ergo voluntas ad omnia se potest extendere quæ ei intellectus sub ratione boni proponere potest, ergo diuina voluntas determinatos effectus non de necessitate producit. Patet prima consequentia, quia voluntatem suo obiecto proportionatam esse oportet. Secunda similiter patet, quia diuinus intellectus ad determinatos effectus non coarctatur.

Secundo, Deus nulla alia à se vult necessitate absoluta, ut in i. Libro est ostensum: ergo neque ex necessitate aliqui effectus à diuina voluntate procedunt. Patet consequentia, quia nihil agens per voluntatem, ut sic producat aliquid nisi volendo. Ea quæ circa hanc conclusionem difficultatem afferre possunt, in i. Libro sunt explicata: ideo non est hic ulterius immorandum.

### Qualiter in rerum productione debitum iustitiæ inuenitur.

Cap. 28.



**E**stendere autem ex prædictis oportet, quod Deus non necessitate operatus est in rerum creatione, quasi ex debito iustitiæ res in esse produxerit. Iustitia enim secundum Philosophum in 5. Ethicorum, ad alterum est cui debitum reddit: nihil autem vniuersali rerum productioni præsupponitur, cui aliquid debeatur. Ipsa igitur vniuersalis rerum productio ex debito iustitiæ provenire non potuit.

2. Item, Cum iustitiæ actus sit reddere vnicuique quod suum est, actum iustitiæ præcedit actus quo aliquid alicuius suum efficitur: sicut in rebus humanis patet. Aliquis enim laborando meretur suum effici quod retributor per actum iustitiæ sibi reddit. Ille igitur actus quo primò aliquid suum alicuius efficitur, non potest esse actus iustitiæ: sed per creationem res creata primò incipit aliquid suum habere: non igitur creatio ex debito iustitiæ procedit.

3. Præterea, Nullus debet aliquid alteri nisi per hoc quod aequaliter dependet ab ipso, vel aliquid accipit ab eo, vel ab altero, ratione cuius alteri debet: sic enim filius est debitor patri, quia accipit esse ab eo: dominus ministro, quia ab eo accipit famulatum quo indiget: omnis homo proximo propter Deum, à quo bona cuncta suscepimus. Sed Deus à nullo dependet, nec indiget aliquo quod ab altero suscipiat, ut ex supradictis manifestè apparet: Deus igitur non produxit res in esse ex aliquo iustitiæ debito.

4. Amplius, In quolibet genere, quod propter se est, est prius eo quod est propter aliud: illud igitur quod est primū simpliciter inter omnes causas, est causa propter seipsum tantum. Quod autem agit ex debito iustitiæ, non agit propter seipsum tantum: agit enim propter illud cui debet. Deus igitur cum sit prima causa & primum agens: res in esse produxit non ex debito iustitiæ.

Hinc est quod ad Romanos ii. dicitur, Quis prior dedit illi, & retribuetur ei: quoniam ex ipso & per ipsum & in ipso

† Cap. 26.

† Cap. 25.

† Cap. 23.

Auth. sac. Scripturæ.

Contra Gent. m sunt

Deus statuit sibi determinatos effectus quos per suam sapientiam producat.



sunt omnia. & Iob 41. Quis ante dedit mihi, vt reddam ei? Omnia quæ sub celo sunt, mea sunt.

Exclusio erro-  
ris.

Per hoc autem excluditur quorundam error probare nientium, quod Deus non potest facere nisi quod facit, quia non potest facere nisi quod debet: non enim ex debito iustitiæ res operatur, vt ostensum est.

5 Licet autem vniuersalem rerum productionem nihil creatum præcedat, cui aliquid debitum esse possit: præcedit tamen aliquod increatum quod est creationis principium.

Quod quidem dupliciter considerari potest. Ipsa enim diuina bonitas præcedit vt finis & primum motuum ad creandum, secundum Augustinum, qui dicit, Quia Deus bonus est, sumus. Scientia autem eius & voluntas præcedunt, sicut ea quibus res in esse producantur. Si igitur ipsam diuinam bonitatem absolute consideremus, nullum debitum in creatione rerum inueniuntur.

Dicitur enim vno modo aliquid alicui debitum ex ordine alterius ad ipsum, quod scilicet in ipsum debet referre quod ab ipso accipit: sicut debitum est benefactori quod ei de beneficiis gratia agantur, in quantum ille qui accipit beneficium, hoc ei debet. Hic tamen modus debiti in rerum creatione locum non habet: cum non sit aliquid præexistens cui posset competere aliquid Deo debere, nec aliquid eius beneficium præexistat. Alio modo, dicitur aliquid alicui debitum secundum se: hoc enim est ex necessitate alicui debitum, quod ad eius perfectionem requiritur. Sicut homini debitum est habere manus vel virtutem: quia sine his perfectus esse non potest. Diuina autem bonitas nullo exteriori indiget ad sui perfectionem: non est igitur per modum necessitatis ei debita creaturarum productio.

6 Adhuc, Deus voluntate sua res in esse produxit, vt supra ostensum est. Non est autem necessarium si Deus suam bonitatem vult esse, quod velit alia à se produci: huius enim conditionalis antecedens est necessarium, non autem consequens. Ostensum est enim in 1. Libro 1, quod Deus ex necessitate vult suam bonitatem esse: non autem ex necessitate vult alia: igitur non ex necessitate debetur diuinæ bonitati creaturarum productio.

† Cap. 23.

† Cap. 21.

7 Amplius, Ostensum est, quod Deus produxit res in esse non ex necessitate naturæ, neque ex necessitate scientiæ, neque ex necessitate voluntatis, neque iustitiæ: nullo igitur modo necessitatis diuinæ bonitati est debitum, quod res in esse producantur. Potest tamen dici, esse sibi debitum per modum cuiusdam condecenciæ. Iustitia autem proprie dicta, debitum necessitatis requirit: quod enim ex iustitia alicui redditur, ex necessitate iuris ei debetur. Sicut igitur creaturarum productio non potest dici fuisse ex debito iustitiæ qua Deus creaturæ sit debitor, ita nec ex tali debito iustitiæ quo suæ bonitati sit debitor, si iustitia proprie accipitur: largè tamè iustitia accepta potest dici in creatione rerum iustitia, in quantum diuinam concedit bonitatem.

Si verò diuinam dispositionem consideremus: quomodo Deus disposuit suo intellectu & voluntate res in esse producere, sic rerum productio ex necessitate diuinæ dispositionis procedit: non enim potest esse quod Deus aliquid se facturum disposuerit, quod postmodum ipse non faciat: alias eius dispositio vel esset mutabilis, vel infirma. Eius igitur dispositioni ex necessitate debetur quod impleatur: sed tamen hoc debitum non sufficit ad rationem iustitiæ proprie dictæ in rerum creatione, in qua considerari non potest nisi actio Dei creatantis. Eiusdem autem ad seipsum non est iustitia proprie dicta, vt patet per Philosophum in 5 Ethicorum 1: non igitur proprie dici potest, quod Deus ex debito iustitiæ res in esse produxit ea ratione, quia per scientiam & voluntatem se disposuit producturum qualiter in productione alicuius creaturæ potest debitum iustitiæ inueniri in comparatione posterioris ad priorem.

† Cap. 4.

Supercap. 28.



Vm ostensum sit, non inueniri necessitatem ex parte voluntatis absolute in rerum productione, restat ostendendum in ista rerum productione etiam iustitiæ necessitatem non esse. Ponuntur autem tres conclusiones, quarum prima est, Deus non produxit rerum vniuersitatem ex debito iustitiæ quo aliquid creaturæ debeatur. Pro cuius declaratione sciendum, quod debitum obligationem quandam importat in ordine ad alterum: dicitur enim quis debitor alicuius, quia est illi quantum ad aliquid obligatus, dicitur autem aliquis ex debito iustitiæ aliquid facere, quando tenetur illud facere si iustus esse debet, & illud non faciendo iniustus esset. Vnde si Deus produxisset res ex debito iustitiæ, ita eas iuste produxisset, quod non producendo fuisset iniustus. Quia autem tenemus quod si etiam res non produxisset non propter hoc fuisset iniustus, imò potuit absque iniustitia non producere, ideo ponitur conclusio, quod non ex debito & obligatione iustitiæ eas produxit.

Probatur autem primò sic, Nihil vniuersali rerum productioni præsupponitur, cui aliquid debeatur, ergo, &c. Patet consequentia, quia iustitia ad alterum est cui debitum reddit, 5. Ethicorum.

Secundò, Actus quo primò aliquid suum alicuius efficitur, non potest esse actus iustitiæ: sed per creationem res creata primò incipit habere aliquid suum, ergo, &c. Probatur maior, quia cum iustitiæ sit reddere unicuique quod suum est, actus iustitiæ oportet vt præcedat actus quo aliquid suum alicuius efficitur, vt in rebus humanis apparet.

A D V E R T E, quod actui iustitiæ non oportet semper præsupponi actui illius cui aliquid debetur, per quem aliquid suum efficitur, sed oportet talem actum aut suum aut alterius esse, aliquando enim aliquid incipit esse alicuius ex actu proprio, sicut cum quis laborando aliquid meretur. Aliquando verò per actum alterius, sicut cum per testamentum alterius aliquid instituitur est hæres, & hoc modo creatura incipit per operationem Dei creatantis habere aliquid suum.

Tertiò, Deus à nullo dependet, nec indiget aliquo, quod ab altero suscipiat, ergo, &c. Patet consequentia, quia nullus debet alteri nisi propter alterum illorum.

S E D dubium occurrit, quia quamuis aliquis non indigeat eo quod ab alio suscipit, non tamen propter hoc tollitur quin alteri ex debito iustitiæ teneatur: sicut qui accipit aliquid ab alio per viam depositi, tenetur illud ex debito iustitiæ reddere, quamuis illo deposito non indigeat. Ergo quamuis Deus non indigeat cum multa accipiat à creaturis, vt sunt sacrificia, & oblationes, &c. videtur ex debito iustitiæ teneri creaturæ.

Respondetur primò, quod Deus nihil accipit à creatura quod non sit ipsius Dei, & non ipsi debeatur, cum omnium sit causa: debitum autem iustitiæ in redditione aut compensatione eius quod acceptum est, consistit in accipiendo ab alio id quod illius est, & non recipientis. Ideo quamuis Deus aliquid recipiat à creaturis, non propter hoc ex debito iustitiæ illis obligaretur: prius enim dedit quam recipiat.

Dicitur secundò, quod dupliciter potest aliquis teneri ad alicuius rei redditionem. Vno modo, ratione ipsius rei absolute tantum, quia videlicet habet rem alienam. Alio modo, ratione rei acceptæ per modum cuiusdam beneficii cui debetur recompensatio. Primo modo non attenditur aliqua indigentia in recipientes: secundo autem modo attenditur quadam indigentia, vt beneficio enim aliqua vtilitas reportatur. Sanctus Thomas ergo loquitur hinc de debito secundo modo, non autem primo modo, vt patet ex processu rationis, vbi ponit exemplum de filio respectu patris, de domino respectu famuli, de homine respectu Dei. In omnibus enim istis apparet, quod vnus ab altero aliquid beneficium recipit, cui debetur recompensatio. Depositum autem redditio pertinet ad debitum primo modo, ideo non est conueniens instantia contra intentum rationis. Nam de primo modo debiti satis constat quod Deus rem alienam non retinet.

Quartò, Deus est primum agens, ergo, &c. Probatur consequentia, quia agens ex debito iustitiæ agit, non propter seipsum tantum, sed propter illud cui debet, & sic non potest esse primum agens, cum quod est propter se, sit prius eo quod est propter aliud.

Confirmatur conclusio, ad Romanos 11. Quis prior, &c. & Iob 41. Quis ante dedit, &c. Excluditur autem per eam error dicentium, quod Deus non potest facere nisi quod facit.

Secunda conclusio est, Non produxit Deus creaturas ex debito bonitatis diuinæ absolute sumptæ, quæ est causa per modum finis, quasi scilicet obligetur suæ bonitati creaturas producere, ita quod si non produxisset, fecisset iniustitiam bonitati suæ. Probatur primò, Aut hoc esset, quia aliquid ordinaretur ad ipsam, tanquam scilicet debens in ipsam referre quod ab ipsa accipit, sicut debitum est benefactori quod ei de beneficiis agantur gratia: & ideo oporteret res creari, vt diuinæ bonitati debitum redderetur pro beneficio, aut quia esset ei debitum secundum se & ex necessitate, tanquam ad eius perfectionem requisitum. Non primum, quia nihil præexistit creationi quod ob beneficium acceptum aliquid Deo debeat: non etiam secundum, quia diuina bonitas nullo exteriori indiget ad sui perfectionem, ergo, &c.

Secundò, si sic, tunc oporteret quod si Deus vult bonitatem suam esse, veller de necessitate alia à se produci, cum voluntate res in esse produxerit: hoc autem est falsum, quia vt ostensum est in 1. Lib. Deus ex necessitate vult suam bonitatem, non autem alia à se, ergo, &c.

Tertiò, Ostensum est in præcedentibus, quod Deus produxit res non ex necessitate naturæ, neque ex necessitate scientiæ, neque ex necessitate voluntatis, neque ex necessitate iustitiæ: ergo nullo modo debitum est diuinæ bonitati, vt res in esse producantur. Notat verò sanctus Thomas quod licet creaturarum productio non possit dici fuisse ex debito iustitiæ quo creaturæ aut bonitati suæ sit debitor, si iustitia proprie accipitur, quia sic iustitia debitum necessitatis requirit (quod enim ex iustitia redditur alicui, ex necessitate iuris sibi debetur) tamen largè accepta iustitia, potest dici in rerum creatione esse iustitiam, in quantum diuinam concedit bonitatem.

A D V E R T E, quod iustitia proprie dicta respicit redditionem debiti ex necessitate, id est, eius quod alicui ex necessitate iuris debetur. Iustitia autem communiter dicta se extendit ad redditionem debiti quomodocumque aliquid alicui debeatur, siue, inquam, ex necessitate, siue ex quadam decentia: & hoc secundo modo inuenitur iustitia in rerum creatione, quia redditur diuinæ bonitati quod est sibi debitum secundum quandam conuenientiam & decentiam. Decens enim est vt summa bonitas in creaturarum productione communicetur & manifestetur, cum bonum sit sibi ipsius diffusum. Hunc modum iustitiæ vocat sanctus Thomas condecenciam diuinæ bonitatis.

Tertia conclusio est, Rerum productio ex necessitate diuinæ dispositionis procedit. Probatur, quia non potest esse quod Deus aliquid se facturum disposuerit, quod postmodum non faciat, alioquin eius dispositio aut mutabilis esset, aut infirma & debilis. Notat autem sanctus Thomas quod licet hinc sit debitum vt impleatur diuina dispositio, hoc tamen debitum non sufficit ad rationem iustitiæ proprie dictæ in rerum creatione, quia (vt dicitur 5. Ethic.) eiusdem ad seipsum non est iustitia proprie dicta: in rerum autem creatione, secundum scilicet quod consideratur diuina dispositio cui aliquid debetur, considerari non potest nisi actio ipsius Dei creatantis. Nam talis dispositio est actio diuini intellectus & diuinæ voluntatis: & sic si Deus reddidit debitum suæ dispositioni, reddit debitum sibi ipsi, ergo, &c.

Dupliciter aliquis tenetur ad alicuius rei redditionem.

De iustitia quæ est condecencia diuinæ bonitatis.

Qualiter



Qualiter in productione alicuius creaturæ, potest debitum iustitiæ inueniri in comparatione posterioris ad priorem.

Cap. 29.



**S**I autem alicuius creaturæ productio consideretur, poterit ibi debitum iustitiæ inueniri ex comparatione posterioris creaturæ ad priorē. Dico autem priorem non solum tempore, sed natura. Sic igitur in primis diuinis effectibus produciendis debitum non inuenitur, in posteriorum verò productione inuenitur debitum, ordine tamen diuerso: nam si illa quæ sunt priora naturaliter, sunt etiam priora in esse, posteriora ex prioribus debitum trahunt. Debitum enim est ut positus causis habeant actiones per quas producant effectus. Si verò quæ sunt priora naturaliter, sunt posteriora in esse, tunc e converso priora debitum trahunt à posterioribus: sicut medicinarum debitum est præcedere ad hoc quod sanitas consequatur. Vtrobique autem hoc commune existit, quod debitum siue necessitas sumitur ab eo quod est prius natura, circa id quod est natura posteriori: necessitas autem quæ est à posteriori in esse, licet sit prius natura, non est absoluta necessitas, sed conditionalis, ut si hoc debet fieri, necesse est hoc prius esse.

Secundum igitur hanc necessitatem in creaturarum productione debitum inuenitur tripliciter. Primo modo, ut sumatur conditionatum debitum à tota rerum vniuersitate ad quamlibet eius partem, quæ ad perfectionem requiritur Vniuersi: si enim tale Vniuersum fieri Deus voluit, debitum fuit ut Solem & aquam faceret, & huiusmodi, sine quibus Vniuersum esse non potest.

Secundò, ut sumatur conditionis debitum ex vna creatura ad aliam, ut si animalia & plantas Deus esse voluit, debitum fuit, ut cælestia corpora faceret hiis, ex quibus conferrentur: & si hominem esse voluit, oportuit facere plantas & animalia & alia huiusmodi, quibus homo indigeret ad esse perfectum, quamuis hæc & illa Deus ex mera fecerit voluntate.

Tertiò, ut in vnaquaque creatura sumatur conditionale debitum ex suis partibus & proprietatibus & accidentibus ex quibus dependet creatura quantum ad esse vel quantum ad aliquam sui perfectionem: sicut supposito quod Deus hominem facere vellet, debitum ex hac suppositione fuit ut animam & corpus in eo coniungeret, & sensus & alia huiusmodi adiumenta tam intrinseca quam extrinseca ei præberet: in quibus omnibus si recte attenditur, Deus creaturæ debitor non dicitur, sed suæ dispositioni implendæ.

Inuenitur autem & alius necessitatis modus in rerum natura, secundum quod aliquid dicitur necessarium absolute: quæ quidem necessitas dependet ex causis prioribus in esse sicut ex principiis essentialibus, & ex causis efficientibus siue mouentibus: sed iste modus necessitatis in prima rerum creatione locum habere non potest quantum ad causas efficientes. Ibi enim solus Deus causa efficiens fuit, cuius est solius creature, ut supra ostensum est. Ipse autem non ex necessitate naturæ, sed voluntate operatur creando, ut supra ostensum est: ea verò quæ voluntate sunt, necessitate habere non possunt, nisi ex sola finis suppositione, secundum quam debitum est fini ut ea sint, per quæ peruenitur ad finem. Sed quantum ad causas formales vel materiales nihil prohibet etiam in prima rerum creatione necessitatem absolutam inueniri. Ex hoc enim quod aliqua corpora ex elementis fuerint composita, necessarium fuit ea calida aut frigida esse: & ex hoc quod aliqua superficies producta est triangularis figuræ, necessarium fuit quod tres angulos æquales duobus rectis haberet. Hæc autem necessitas est secundum ordinem effectus ad causam creatam materialem vel formalem. Unde secundum hanc Deus debitor dici non potest, sed magis in creaturam debitum necessitatis cadit. In rerum autem propagatione ubi iam creatura efficiens inuenitur, potest esse necessitas absoluta à causa efficiente creata: sicut ex motu Solis inferiora corpora necessario immutantur. Sic igitur ex prædictis debiti rationibus iustitia naturalis in rebus inuenitur, & quantum ad rerum creationem, & quantum ad eorum propagationem: & ideo Deus dicitur iuste & rationabiliter omnia condidisse & gubernare.

Sic igitur per prædicta excluditur duplex error, eorum scilicet qui diuinam potentiam limitantes, dicebant Deum non posse facere nisi quæ facit, quia sic facere debet: & eorum qui dicunt quod omnia sequuntur simplicem voluntatem absque aliqua alia ratione vel quærenda in rebus, vel assignanda.

Supercap. 29.



**P**ostquam determinauit sanctus Tho. de modo diuinæ actionis se tenente ex parte agentis, nunc determinat de modo se tenente ex parte rei productæ. Circa hoc autem duo facit, quia primò agit de necessitate productionis absolute: secundò, quantum ad mensuram & durationem productionis. Circa primum duo facit: primò, ostendit quomodo inuenitur in rerum productione aliquo modo debitum iustitiæ: secundò, quomodo inuenitur etiam in aliquibus rebus creatis necessitas absoluta.

Quantum igitur ad primum ponitur hæc conclusio, In primis diuinis effectibus producendis non inuenitur debitum, sed bene in posteriorum productione, & intelligitur de posterioribus secundum naturam. Primam partem relinquit probatam ex præcedentibus, secundam verò probat declarando & inducendo. Notat ergo, quod debitum necessitatis semper sumitur ab eo quod est prius secundum naturam, sed tamen id quod est prius secundum naturam, aliquando est etiam prius secundum esse, & tunc posteriora ex prioribus in esse debitum trahunt. Debitum est enim ut positus causis sint actiones quibus effectus producant, aliquando verò est posterioris secundum esse, & tunc priora secundum esse trahunt debitum ex posterioribus in esse, prioribus tamen secundum naturam, sicut debitum est medicinarum præcedere ad hoc ut sanitas sequatur.

Ex his autem patet, quia duplex in rerum productione inuenitur debitum, vnum, scilicet ex posteriori in esse, aliud verò ex priori in esse. Quantum ad primum debitum notat S. Thom. primò, quod necessitas quæ est à posteriori in esse, licet priori secundum naturam, non est necessitas absoluta, sed conditionata: ut cum dicimus, Si debet hoc fieri, necesse est hoc prius esse.

Notat secundò, ex prædictis quod secundum hanc necessitatem conditionatam, debitum in creaturarum productione triplex inuenitur in partibus quæ ad Vniuersi perfectionem pertinent, scilicet ex tota rerum vniuersitate ad quamlibet eius partem, ex vna creatura ad aliam, & in vnaquaque creatura ex suis partibus & proprietatibus & accidentibus, ex quibus dependet creatura quantum ad esse vel quantum ad aliquam sui perfectionem. Si enim tale Vniuersum fieri debuit, debitum fuit ut elementa fierent: & si animalia & plantas Deus esse voluit, debitum fuit ut cælestia corpora faceret. Similiter si voluit hominem facere, debitum fuit ut in eo animam & corpus coniungeret.

Notat tertiò, quod si diligenter considerantur isti modi debiti & necessitatis, Deus non dicitur debitor creaturæ, sed suæ dispositioni implendæ.

Quantum autem ad secundum debitum, dicuntur quinque. Primum est, quod necessitas productionis quæ sumitur ex causis prioribus in esse, dicitur necessitas absoluta. Secundum est, quod quantum ad causam efficientem non inuenitur ista necessitas in prima rerum creatione, quia solus Deus est ibi causa efficiens, ipse autem non necessitate naturæ, sed voluntate operatur, quæ autem voluntate sunt, necessitatem habere non possunt nisi ex finis suppositione. Tertiū est, quod in prima rerum creatione nihil prohibet ex causis materialibus & formalibus inueniri debitum & necessitatem. Quartum est, quod ista necessitas est secundum ordinem effectus ad causam materialem vel formalem: & ideo secundum ipsum Deus debitor dici non potest, sed magis in creaturam debitum necessitatis cadit, quia videlicet ista necessitas non est ex eo quod Deus debeat aliquid creaturæ, sed quia ex ipsa causa materiali aut formali necesse est aliquid sequi. Quintū est, quod in rerum propagatione ubi creatura est efficiens, inueniri potest necessitas ex causa efficiente: patet enim, quod ex motu Solis necessario corpora immutantur. Ex his concluditur propositum, quod scilicet inuenitur debitum iustitiæ naturalis, id est, secundum quod natura aliquid debetur, & quantum ad rerum creationem, & quantum ad propagationem, secundum quod posteriora ad priora secundum naturam comparantur. Ex quo etiam corollarie sequitur, Deum iuste & rationabiliter omnia condidisse & gubernare. Per hoc autem excluditur error dicentium Deum non posse facere nisi quæ facit, & dicentium omnia sequi diuinam voluntatem simplicem absque aliqua alia ratione.

**ADVERTENDVM**, quod Deus licet non producat res ex aliqua causa extrinseca diuinam voluntatem mouente, ipsas tamen producit secundum exigentiam naturæ vniuersiusque, & secundum quod vniuersique naturæ debetur, & hoc est Deum iuste & rationabiliter res produxisse, non autem secundum suam simplicem voluntatem absque ratione.

Qualiter in rebus creatis esse potest necessitas absoluta. Cap. 30.



**I**tem autem omnia ex Dei voluntate dependant, sicut ex prima causa quæ in operando necessitatem non habet, nisi ex sui propositi suppositione: non tamen propter hoc absoluta necessitas à rebus excluditur, ut sit necessarium nos fieri omnia contingentia esse: quod posset alicui videri ex hoc, quod à causa sua non de necessitate absoluta fluxerunt, cum soleant in rebus esse contingentes effectus, qui ex causa sua non de necessitate procedunt. Sunt enim quædam in rebus creatis, quæ simpliciter & absolute necesse est esse: illas enim res simpliciter & absolute necesse est esse, in quibus non est possibilitas ad non esse. Quædam autem res sic sunt à Deo in esse productæ, ut in earum natura sit potentia ad non esse, quod quidem contingit ex hoc, quod materia in eis est in potentia ad aliam formam. Illæ igitur res in quibus non est materia, vel si est, non est possibilis ad aliam formam, non habent potentiam ad non esse: eas igitur simpliciter & absolute necesse est esse.

Si autem dicatur, quod ea quæ sunt ex nihilo, quantum est de se, in nihilum tendunt, & sic in omnibus creaturis inest potentia ad non esse, manifestum est hoc non sequi: dicuntur enim res creatæ à Deo eo modo in nihilum tendere, quo sunt

Instantiæ  
solutio.

Contra Gent. m 2 ex nihilo

†Cap. 29.

Exclusio  
erroris.



ex nihilo, quod quidem non est nisi secundum potentiam agentis. Sic igitur & rebus creatis non inest potentia ad non esse, sed creatori inest potentia, ut eis det esse, vel eis desinat esse influere: cum non ex necessitate natura agat ad rerum productionem, sed ex voluntate, ut ostensum est.

†Cap. 19.

2. Item, Ex quo res creatæ ex diuina voluntate in esse procedunt, oportet eas tales esse, quales Deus eas esse voluit: per hoc autem quod dicitur, Deum produxisse res per voluntatem, non per necessitatem, non tollitur quin voluerit aliquas res esse quæ de necessitate sint, & aliquas quæ sint contingenter, ad hoc quod sit in rebus diuersitas ordinata. Nihil igitur prohibet res quasdam diuina voluntate productas necessarias esse.

3. Adhuc, Ad diuinam perfectionem pertinet, quod rebus creatis suam similitudinem indiderit, nisi quantum ad illa quæ repugnant ei quod est esse creatum: agentis enim perfecti est producere sibi simile quantum possibile est. Esse autem necesse simpliciter, non repugnat ad rationem esse creati, nihil enim prohibet aliquid esse necesse, quod tamen suæ necessitatis causam habet: sicut conclusiones demonstrationum. Nihil igitur prohibet quasdam res sic esse productas à Deo, ut tamen eas esse sit necesse simpliciter: imò, hoc diuinæ perfectioni attestatur.

4. Amplius, Quanto aliquid magis distat ab eo quod per se ipsum est existens, scilicet Deo, tanto magis propinquum est ad non esse. Quanto autem aliquid est propinquius Deo, tanto magis recedit à non esse: quæ autem iam sunt, propinqua sunt ad non esse, per hoc quod habent potentiam ad non esse: illa igitur quæ sunt Deo propinquissima, & per hoc à non esse remotissima, talia esse oportet ad hoc quod sit ordo rerum completus, ut in eis non sit potentia ad non esse. Talia autem sunt necessaria absolute: sic igitur aliqua creata de necessitate habent esse.

Pulchra declaratio.

Sciendum est itaque, quod si rerum creatarum vniuersitas consideretur, prout sunt à primo principio, inueniuntur dependere ex voluntate, non ex necessitate principij: nisi necessitate suppositionis, ut dictum est. Si verò cōparentur ad principia proxima, inueniuntur necessitatem habere absolutam: nihil enim prohibet aliqua principia non ex necessitate produci, quibus tamen positus, de necessitate sequitur talis effectus: sicut mors animalis huius necessitatē absolutam habet propter hoc quod iam ex contrariis est cōpositum, quamuis ipsum ex contrariis cōponi, non fuisset necessarium absolute.

Similiter autem, quod tales rerum naturæ à Deo producerentur, voluntarium fuit: quod autem eis sit statutus aliquid proueniat vel existat, absolutam necessitatem habet. Diuersimodè autem ex diuersis causis necessitas in rebus creatis est. Nam quia sine suis essentialibus principiis, quæ sunt materia & forma, res esse non potest (quod ex ratione principiorum essentialium rei competit) absolutam necessitatem in omnibus necesse est habere.

Primus modus quo sumitur necessitas absoluta in rebus.

Ex his autem principiis secundum quod sunt essendi principia, tripliciter sumitur necessitas absoluta in rebus. Vno quidè modo per ordinem ad esse eius cuius sunt: & quia materia secundum id quod est, est ens in potentia, quod autem potest esse, potest etiā & non esse: ex ordine materiæ necessarii res aliquæ corruptibiles existunt. Sicut animal quod ex contrariis cōpositum est: quia eius materia contrariorum est susceptiua. Forma autem secundum id quod est, actus est: & per eam res actus existunt: unde ex ipsa prouenit necessitas ad esse in quibuscumque. Quod cōtingit vel quia res illæ sunt formæ non in materia: & sic non est in eis potentia ad non esse, sed per suam formam semper sunt in virtute essendi, sicut est in substantiis separatis. Vel quia formæ rerum sua perfectione adæquant totam potentiā materiæ: ut sic non remaneat potentia ad aliam formā: nec per consequens ad non esse, sicut est in corporibus celestibus. In quibus verò forma non complet totam materiæ potentiā, remanet adhuc materia in potentia ad aliam formā, & ideo non est in eis necessitas essendi: sed virtus essendi consequitur in eis victoriam formæ super materiam, ut patet in elementis & elementatis. Forma enim elementum non attingit materiā secundum totum eius posse: non enim fit susceptiua formæ elementi vnius nisi per hoc quod subiicitur alteri parti cōtrarietatis. Forma verò mixti attingit materiā secundum quod disponitur per determinatum modum mixtionis: idem autem subiectum oportet esse contrariorum & mediorum omnium quæ sunt ex commixtione extremorum. Vnde manifestum est, quod omnia quæ vel contrarium habent, vel ex contrariis sunt, corruptibilia sunt. Quæ autem huiusmodi non sunt, sempiterna sunt, nisi per accidens corrumpantur: sicut formæ quæ non subsistunt, sed esse earum est

per hoc quod insunt materiæ. Alio modo, ex principiis essentialibus est in rebus absoluta necessitas per ordinem ad partes materiæ vel formæ, si contingit huiusmodi principia in aliquibus non simplicia esse: quia enim materia propria hominis est corpus commixtum & complexionatum & organizatum, necessarium est absolute hominē quodlibet elementorum & humorum, & organorum principalium in se habere. Similiter si homo est animal rationale & mortale, & hæc est natura vel forma hominis: necessarium est ipsum & animal rationale esse.

Secundus modus.

Tertio vero, est in rebus necessitas absoluta per ordinem principiorum essentialium ad proprietates consequentes materiam & formam: sicut necesse est ferram, quia ex ferro est, durum esse, & hominem disciplinæ perceptibilem esse. Necessitas verò agentis consideratur & quantum ad ipsum agere, & quantum ad effectum consequentem. Prima autem necessitatis consideratio similis est necessitati accidentis quam habet ex principiis formalibus: sicut enim alia accidentia ex necessitate principiorum essentialium procedunt, ita & actio ex necessitate formæ per quā agens est actus: sic enim agit ut actus est. Differenter tamen hoc accidit in actione quæ in ipso agente manet, sicut intelligere & velle: & in actione quæ in alterum transit, sicut calefacere. Nam in primo genere actionis sequitur ex forma per quā agens fit in actu, necessitas actionis ipsius: quia ad eius esse nihil extrinsecum requiritur in quod actio terminetur. Cum enim sensus fuerit factus in actu per speciem sensibilem, necesse est ipsum sentire & similiter cum intellectus est in actu per speciem intelligibilem.

Tertius modus

In secundo autem genere actionis, sequitur ex forma necessitas actionis, quantum ad virtutem agendi: si enim ignis est calidus, necessarium est ipsum habere virtutem calefaciendi, tamen non necesse est ipsum calefacere, eò quod ab extrinseco impediri potest. Nec ad propositum refert, utrum agens sit vnus tantum ad actionem sufficiens per suam formam: vel oportet multos agentes ad vnā actionem agendam congregari, sicut multi homines ad trahendā nauim: nam omnes sunt ut vnus agens qui fit actus per adunationē eorum ad actionem vnā. Necessitas autem quæ est à causa agente vel mouente in effectu vel moto, non tantum dependet à causa agente, sed etiam à conditione ipsius moti, & recipientis actionem agentis, cui vel nullo modo inest potentia ad recipiendum talis actionis effectum, sicut lanæ ut ex ea fiat prora: vel est potentia impedita per contraria agentia vel per contrarias dispositiones inherentes mobili, aut formas motore impedito, quo impeditur virtus agentis in agendo, sicut ferrum non liquefit à debili calido. Oportet igitur ad hoc quod sequatur effectus, quod in passio sit potentia ad recipiendum: & in agente sit victoria supra passum, ut possit ipsum transmutare ad contrariam dispositionem. Et si quidem effectus non sequens in passum ex victoria agentis supra ipsum, fuerit contrarius naturali dispositioni patientis, erit necessitas violentiæ, sicut cum lapis projicitur sursum. Si verò non fuerit contrarius naturali dispositioni ipsius obiecti, non erit necessitas violentiæ, sed ordinis naturalis, sicut est in motu cæli qui est à primo agente extrinseco, non tamen est contra naturalem dispositionem mobilis & ideo non est motus violentus, sed naturalis. Similiter est in alteratione corporum inferiorum à corporibus celestibus: nam naturalis inclinatio est in corporibus inferioribus ad recipiendam impressionem corporum superiorum. Sic etiam est in generatione elementorum: nam forma inducenda per generationem, non est contraria primæ materiæ, quæ est generationis subiectum, licet sit cōtraria formæ abiiciendæ, non enim materia sub forma contraria existens, est generationis subiectum.

Ex prædictis igitur patet quod necessitas, quæ est ex causa agente, in quibusdam dependet ex dispositione agentis tantum: in quibusdam verò ex dispositione agentis & patientis. Si igitur talis dispositio secundum quam de necessitate sequitur effectus, fuerit necessaria & absoluta in agente & patiente erit necessitas absoluta in causa agente, sicut in his quæ agunt ex necessitate, & semper. Si autem non fuerit absolute necessaria, sed possibilis remoueri, non erit necessitas ex causa agente, nisi ex suppositione dispositionis vtriusque debita ad agendum: sicut in his quæ impediuntur interdum in sua operatione vel propter defectum virtutis, vel propter violentiam alicuius contrarij. Vnde non agunt semper ex necessitate, sed vt in pluribus.

Ex causa autem finali sequitur in rebus necessitas dupliciter. Vno quidem modo, prout est primum in intentione agentis, & quantum ad hoc eodem modo est necessitas ex fine, & ab agente: agens enim intantum agit, inquantum finem intendit tam in naturalibus quam in voluntariis: in rebus autem naturalibus intentio finis competit agenti secundum suam formam,

Primus modus quo ex causa finali sequitur necessitas.



formam, per quam finis est sibi conueniens. Vnde oportet quod secundum virtutem formæ tendat res naturalis in finem, sicut graue secundum mensuram grauitatis tendit ad medium. In rebus autem voluntariis, tantum voluntas inclinatur ad agendum propter finem quem intendit: licet non semper tantum inclinatur ad agendum hæc vel illa, quæ sunt propter finem quem appetit, quando finis non solum per hæc vel illa haberi potest, sed pluribus modis.

Secundus modus. Alio vero modo, est ex fine necessitas secundum quod est posterius in esse. Et hæc necessitas non est absoluta, sed conditionata: sicut dicimus necesse fore, vt terra sit ferrea, si debet habere ferræ opus.

### Super cap. 30.

**S**ecundo loco ostendit sanctus Thomas, quomodo licet omnia ex diuina voluntate dependant, quæ necessitatem non habent, nisi ex sui propositi suppositione, non tamen propter hoc tollitur necessitas absoluta a rebus, quasi oporteat nos fateri omnia contingentia esse. Circa hoc autem duo facit. Primum enim probat quædam in rebus creatis esse quæ simpliciter & absolute necesse est esse: secundò declarat quomodo ista necessitas in rebus inueniatur.

Quantum ad primum aduertendum, quod aliquam rem simpliciter & absolute necesse est esse, dupliciter potest intelligi. Vno modo, per comparisonem ad causam productionis, & tunc dicitur res necesse esse quando à sua causa necessitèr producit, & sic per comparisonem ad Deum nullam rem necesse est esse: licet aliqua necesse sit esse per comparisonem ad suam causam creatam. Hoc modo non accipit sanctus Thomas rem non esse. Alio modo, vt in sui natura consideratur, & tunc dicitur res necesse esse quæ posita in actu non habet in se vnde possit non esse, & hoc modo intelligenda est conclusio. Probatur autem primò sic, Sunt quædam res in quibus non est possibilitas ad non esse, ergo, &c. Patet consequentia, quia illa res simpliciter & absolute necesse est esse, in quibus non est possibilitas ad esse. Antecedens verò probatur, quia sunt quædam in quibus aut non est materia, vel si est, non est possibilis ad aliam formam: talia autem non habent potentiam ad non esse, sicut contrariè ea in quibus est materia quæ est in potentia ad aliam formam, possunt non esse.

**A D V E R T E**, quod nullum agens sua actione intendit primò non esse, sed si faciat aliquid non esse, hoc est, quia intendit aliquid esse cum quo præcedens esse stare non potest: ideo quod aliquid in seipso habeat, vt possit ab aliquo agente non esse, non potest provenire nisi quia in ipso est aliqua potentia receptiua alterius esse, & quia omne esse est ab aliqua forma. Ideo necesse est, vt in ipso sit potentia receptiua alterius formæ: vbi ergo hoc non fuerit, illud non habet in se vnde possit non esse. Et hoc est fundamentum huius rationis.

Si quis autem diceret falsum esse huius rationis antecedens, quia ea quæ sunt ex nihilo, quantum est de se, in nihilum tendunt, omnia autem creata sunt ex nihilo, respondet S. Thomas, quod hoc non tollit veritatem antecedentis, quia sicut res non sunt ex nihilo nisi secundum potentiam agentis, ita rebus creatis non inest potentia ad non esse, scilicet omnino, quod est nihil, sed creatori inest potentia vt eis det esse, aut definat esse influere.

Secundò, Res procedunt in esse ex diuina voluntate: ergo tales sunt quales Deus eas esse voluit, ergo ex eo quod res à Deo producuntur per voluntatē, non per necessitatem naturæ, non tollitur, quin voluerit aliquas de necessitate esse, & aliquas contingenter, vt sit in rebus diuersitas ordinata, ergo, &c.

Tertiò, Necesse est simpliciter non repugnat ad rationem esse creati, cum non repugnet aliquid necessitèr esse quod suæ necessitatis causam habeat, vt conclusiones demonstrationum, ergo, &c. Probatur consequentia, quia ad diuinam perfectionem pertinet, quod rebus creatis suam similitudinem indiderit, nisi quantum ad illa quæ repugnat ei quod est esse creatum, quod probatur, quia agens perfecti est producere sibi simile, quantum possibile est. Sed videtur quod ista ratio non concludat: per ipsam enim probatur posset Deum produxisse alium mundum perfectiorem isto, ex eo, inquam, quod agens perfecti est producere sibi simile quantum potest.

Respondetur, quod per hanc rationem non probatur de necessitate esse producta entia necessaria, sed de congruentia, & non repugnantia ad creationem, quia decens est vt Deus, qui est agens perfectissimus, producat sibi simile quantum ad modos entis vniuersales, qui sunt contingens & necessarium, vtque enim modus habet aliquam similitudinem cum Deo, vt sicut ipse est agens perfectissimus, ita in rebus creatis producat esse vniuersalissimum secundum perfectionem, ita in rebus creatis producat omnes modos entis vniuersalissimos secundum prædicationem. Non sic autem decens est, de productione alterius mundi. Vnde propositio assumpta, quod agens perfecti est producere sibi simile, quantum potest, intelligitur non de necessitate, si vniuersaliter sumatur, sed de congruentia. Vnde non inducitur quasi necesse sit Deum qui est agens perfecti producere sibi simile quocunque modo, quantum potest, sed vt ostendatur quod sicut agens naturalia quantum sunt perfectiora, tantò magis producant sibi simile, & quærun sibi assimilare passum, quantum possunt: ita conueniens est vt Deus qui est agens perfectissimus, producat sibi simile quantum ad omnes modos generales entis qui in rebus creatis esse possunt, & non repugnat quod entia necessaria ab ipso producantur, cum non repugnet ei quod est esse creatum.

Quartò, Quantum aliquid magis distat à Deo, tantò magis propinquum est ad non esse: & econtrà, quantum aliquid est magis propinquum Deo, tantò magis recedit à non esse. Sed aliqua existentia, ideo sunt propinqua ad non esse, quia in eis est potentia ad non esse: ergo quæ sunt Deo propinquissima, & per hoc remotissima à non esse, talia esse oportet vt non sit in eis potentia ad non esse, ergo oportet vt sint necessaria. Patet consequentia, quia si affirmatio est causa affirmationis, & negatio est causa negationis: & posito effectui necesse est causam poni: si ergo propinquitas ad non esse est effectus potentie ad non esse, & remotio à non esse erit effectus non potentie ad non esse: & posita maxima remotio à non esse, oportet remoueri potentiam ad non esse.

Quantum ad secundum, ostendit S. Tho. quomodo inueniatur necessitas in rebus creatis: circa quod quatuor facit. Primum enim ostendit in communem

posse inueniri necessitatē absolutā in rebus creatis, si ad principia proxima comparentur, non autem vt sunt à primo principio, quia videlicet nihil prohibet aliqua principia non ex necessitate produci, quibus tamen positis de necessitate sequitur talis effectus. Secundò, ostendit quomodo ex principiis essentialibus inuenitur necessitas in rebus, & duo dicit. Primum est, quod id quod rei competit ex ratione principiorum essentialium, absolutam necessitatem habet, quia sine suis essentialibus principiis quæ sunt materia & forma, res esse non possunt. Secundum est, quod ex his principiis tripliciter inuenitur necessitas absoluta in rebus.

Primò, inuenitur necessitas per ordinem ad esse illius cuius sunt principia, sicut aliqua res sunt necessitèr corruptibiles ex materiæ conditione, quia materia secundum id quod est, ens in potentia est: quod autem potest esse, potest etiam & non esse, aliquæ verò incorruptibiles necessitèr sunt ex forma, quia aut sunt formæ non in materia, & sic non est in eis potentia ad non esse, sed per suam formam semper sunt in virtute essendi, vt est in substantiis separatis. Aut forma adæquat totam capacitatem materiæ, vt sic non remaneat potentia ad aliam formam: vt est in corporibus celestibus: in quibus verò forma non complet totam materiæ potentiam, remanet adhuc potentia ad aliam formam, & ideo non est in eis necessitas essendi, sed virtus essendi consequitur in eis victoriam formæ supra materiam, vt patet in elementis & elementatis. Nam forma elementi non attingit materiæ secundum totum eius posse, cum non sit susceptiua formæ elementi vnius nisi per hoc quod subicitur alteri parti contrarietatis, forma verò mixti attingit materiam secundum quod disponitur per determinatū modum mixtionis, idem autem subiectum oportet esse contrariorum & mediōrum omnium quæ sunt ex commixtione extremorum, ideo omnia quæ vel contrarium habent, vel ex contrariis sunt, corruptibilia sunt: quæ autem huiusmodi non sunt, sempiterna sunt, nisi per accidens corrumpantur, vt est in corporibus celestibus.

Secundò, necessitas inuenitur per ordinem ad partes materiæ vel formæ, si contingat huiusmodi principia in aliquibus non simplicia esse, sicut ex materia necesse est hominem quodlibet elementorum & humorum in se habere, & ex forma necesse est ipsum esse & animal, & rationale, si est animal, & rationale & mortale: & hæc est forma eius.

Tertiò, inuenitur necessitas per ordinem ad proprietatem consequentem materiæ & formam, sicut necesse est ex materia ferram duram esse, & ex forma hominem esse disciplinæ susceptiuium.

**C I R C A** illam propositionem positam in primo modo necessitatis, scilicet, Quod potest esse, potest etiam non esse, intelligendum, quod cum vnus rei non possit esse nisi vnicum esse substantiale: necesse est vt id quod suscipit aliquid esse substantiale, amittat esse quod habet, & per consequens sit sub non esse illius materia enim ignis cum suscipit formam & esse æris, amittit formam & esse ignis, & remanet sub non esse ignis, quia eadem materia non potest simul habere esse ignis, & esse æris: & ideo verum est quod omne quod habet in se aliquid quod sit susceptiuium alterius formæ & alterius esse, potest non esse. Illo enim suscipiente aliud esse, hoc cuius erat pars, amplius non erit. Vnde hic est sensus illius propositionis, Omne quod potest esse, id est, quod habet in se potentiam susceptiuium esse quod non habet, potest esse quod non habet, potest etiam non esse. Quod autem dixi, de esse substantiali, intelligendum etiam est de esse accidentali. Est enim vniuersaliter verum, quod omne quod habet potentiam susceptiuium esse cuiuscunque, potest etiam non esse quantum ad non esse coniunctum illi esse quod suscipit: quod enim potest esse nigrum, potest non esse album, & sic de aliis.

**A D V E R T E N D V M** etiam, cum dicitur de substantiis separatis quod semper sunt in virtute essendi, in rebus autem corruptibilibus quod virtus essendi consequitur victoriam formæ supra materiam, & virtus semper essendi intelligitur in substantiis separatis esse, postquam productæ sunt in actu, vt vt dicitur inferius. Virtus enim essendi consequitur rem iam actu existentem, sicut & virtus operandi: quod enim non est non potest operari, nec etiam conseruare esse aut durationem. Cum ergo sunt in actu, habent virtutem vt semper sint, et quod non sit in eis potentia ad non esse, res autem corruptibiles non habent virtutem vt semper sint, quia habent potentiam ad non esse, sed habent virtutem vt sint quandiu est victoria formæ supra materiam.

**C I R C A** illam etiam propositionem, Materia elementorum non sit susceptiua formæ vnius elementi nisi per hoc quod subicitur alteri parti contrarietatis, aduertendum, quod duplicem habere sensum potest. Vnus est, quod vnus contrariorum sit ratio materiæ suscipiendi aliud, & hic sensus non est verus, nec hic intentus: non enim caliditas est materiæ ratio recipiendi frigiditatem, cum ipsam expellat. Alius sensus est, quod materia non est susceptiua formæ vnius elementi, nisi sit sub forma contraria, quia cum forma elementi habeat aliquo modo contrarium, & eadem sit materia contrariorū, illa materia quæ non habet in se contrarium formæ elementi, non est susceptiua illius formæ: sed si habet formam contrariam, erit illius alterius susceptiua, & hic sensus est verus, & hic intentus. Importatur enim per illum modum loquendi hoc loco non ratio formalis suscipiendi, sed conditio materiæ susceptiue formæ elementi.

**C I R C A** exemplum positum in secundo modo necessitatis, aduerte cum dicitur, quod forma hominis est animal rationale mortale, & quod hæc forma habet partes: quod non loquitur de ipsa prima intellectiua, quæ est forma physica & naturalis, sed de diffinitione quæ est forma secundum rationem & considerationem logicam. Hæc enim habet partes, & ideo necesse est, vt qualibet eius pars homini conueniat.

Tertiò, ostendit quomodo talis necessitas inuenitur in rebus ex causis agentibus, & dicit tria. Primum est quod quantum ad ipsum agere est necessitas similis necessitati accidentis quam habet ex principiis formalibus, & quod in genere actionum immanentium est necessitas quod ad ipsas actiones. Ex forma enim per quam sensus est in actu, necesse est sensum sentire: & cum intellectus est in actu per speciem intelligibilem, necesse est ipsum intelligere. In genere autem actionum transeuntium ex forma agentis sequitur necessitas actionis quod ad virtutem agendi: necesse est enim si ignis est calidus, vt habeat virtutem calefaciendi, non autem sequitur necessitas ipsius actionis secundum se, quia agens impediti potest ne agat. Nec refert quantum ad propositum, virum agens sit vnus tantum sufficiens ad actionem per suam formam, vel oporteat multos agentes ad vnā actionem agendam congregari. Secundum est, quod in effectibus est necessitas ex causa agente concurrente simul patientis dispositione, vt scilicet sit in passo potentia ad recipiendum, & in agente victoria supra passum, vt possit ipsum transmutare: & tunc

Quod potest, potest etiam non esse.

Substantiæ separatae semper sunt in virtute essendi.

Materia elementorum non sit susceptiua formæ vnius elementi, nisi per hoc quod subicitur alteri parti contrarietatis.



sequitur necessitas aut violentia, si talis effectus fuerit contra naturalem inclinationem passivam, sicut cum lapis proicitur sursum, aut naturalis ordinis, si non fuerit contra naturalem inclinationem, ut est in motu celi, similiter in alteratione corporum inferiorum à corporibus celestibus, similiter in generatione elementorum. Forma enim inducenda per generationem non est contraria materię primę, quę est generationis subiectum, licet sit contraria formę abiciendę: non enim materia sub forma contraria existens est generationis subiectum. Tertium est, quod si talis dispositio agentis & patientis, secundum quam de necessitate sequitur effectus, fuerit necessaria absolute in agente & patiente, erit necessitas absoluta in causa agente ad productionem talis effectus, sicut in iis quę agunt ex necessitate & semper. Si autem non fuerit absolute necessaria, sed possibilis remoueri, non erit necessitas ex causa agente nisi ex suppositione dispositionis vtriusque debite ad agendum, sicut in iis quę non agunt semper, sed in maiori parte.

CIRCA exemplum possumus in primo modo huius necessitatis, scilicet quod necesse est intellectum existentem in actu per speciem intelligibilem intelligere, dubitatur, quia hoc dato sequitur, quod intellectus omnia simul intelligat quorū species informatur: cuius oppositum ostensum est in 1. Lib.

Materia sub forma contraria existens non est generationis subiectum.

CIRCA etiam id quod possumus in secundo dicto, scilicet quod materia sub forma contraria existens, non est generationis subiectum, dubitatur. Huius enim oppositum videtur dici superius, ubi dicebatur materiā non esse susceptivam formę vnius elementi, nisi per hoc quod subiicitur alteri patri contrarietatis.

Ad primum horum respondetur, quod intelligitur de intellectu existente in actu completo secundum speciem intelligibilem: est autem completum in actu per intentionem voluntatis applicantis intellectum ad intelligendum secundum illam speciem. Remota autem dicta intentione, non est complete in actu: ideo dum intellectus sic est completus in actu, necesse est ut intelligat, nisi vtrique sit defectus in viribus sensitiuis interioribus quibus indiget intellectus ad intelligendum, non enim requiritur aliqua dispositio ex parte intelligibilis secundum quod in se est, dum autem est in actu incompleto, non est necesse ipsum intelligere. Unde negatur consequentia, quia intellectus non omnibus speciebus simul complete informatur.

Ad secundum dicitur, quod nulla est contradictio: hic enim loquitur sanctus Thomas de aggregato ex materia & forma contraria. Certum est enim quod forma quę per generationem inducitur non habet pro subiecto & susceptivam materiam & formam contrariam: superius autem loquitur de ipsa materia sola, quam necesse est habere formam contrariā antequam aliam formam suscipiat, si debet esse susceptiva formę vnius elementi, quamvis in receptione formę illius elementi abiciatur ab ea forma contraria.

Quartū ostendit quomodo sit necessitas in rebus ex causa finali, & duo dicit. Primum est, quod prout finis est primum in intentione agentis, eodem modo est necessitas ex fine & ex agente, eod quod agens intantum agat, inquantum finem intendit tam in agentibus naturalibus quam voluntariis. Secundum est, quod ex fine prout est posterius in esse, sumitur necessitas non absoluta, sed conditionata.

Ad evidentiam primi dicti, considerandum est, quod finis secundū quod est in intentione agentis, se habet sicut dispositio agentis, eod quod moueat ad agendum: & ideo agens cōmensurat actiones suas fini, sicut & formę per quam agit. In agentibus autem naturalibus intentio finis nihil aliud est, quam inclinatio formę naturalis ad ipsum finem, quę inclinatio nihil realiter est aliud, quam ipsa forma, cum quodam respectu & ordine ad aliud: & ideo eadem necessitas in rebus naturalibus est ex forma agentis, & ex fine prout est in intentione agentis. Si enim est absolute necessitas ad actionem aut ad effectum ex forma agentis, est etiam ex fine sic accepto. Si autem facta aliqua suppositione est necessitas ex parte agentis, est etiam necessitas eodem modo ex fine. Sed in agentibus voluntariis intentio finis dupliciter dicitur, scilicet ipsa apprehensio qua iudicatur aliquid esse bonum & conueniens, & ideo esse propter ipsum aliquid agendum, est inclinatio quę est actus voluntatis consequens talem apprehensionem. Et quia hæc habent rationem vnius formę totalis agentis voluntarij, per quam effectum producit, sicut agens naturale secundum conditionem formę naturalis agit, idem etiam in agentibus voluntariis eodem modo sumitur necessitas ex fine, & ex ipso agente: si enim ex ipsa apprehensione & inclinatione voluntatis sequitur effectus de necessitate, similiter & ex ipso fine est necessitas. Si autem non sequitur ex necessitate effectus à tali apprehensione, neque etiam à fine, similiter si ipsa apprehensio & inclinatio est necessaria, effectus consequens erit absolute ex ipso fine necessarius: nihil enim aliud est finis in intentione agentis voluntarij quam ipsa apprehensio finis & inclinatio voluntatis ad ipsum. Propter hoc bene dixit S. Thomas absque limitatione, quod accepto fine prout est primum in intentione, eodem modo est necessitas ex fine, & ex agente: quia videlicet vniuersaliter verum est tam in agentibus voluntariis quam necessariis.

### Quod non est necessarium creaturas fuisse ab æterno.

Cap. 31.

**E**X præmissis autem restat ostendere, quod non est necessarium res creatas ab æterno fuisse. Si enim vniuersaliter creaturas vel quancunque vnam creaturam necesse est esse, oportet quod necessitatem istam habeat ex se vel ex alio. Ex se quidem eam habere non potest. Ostensum est enim supra, quod omne ens oportet esse à primo ente. Quod autem non habet esse à se, impossibile est quod necessitatem essendi à se habeat, quia quod necesse est esse, impossibile est non esse: & sic quod de se habet quod sit necesse esse: de se habet quod non possit esse non ens: & per consequens quod non sit non ens, & ita quod sit ens. Si autem hæc necessitas creaturę est ab alio, oportet quod sit ab aliqua causa quę sit extrinseca: quia quicquid accipitur intrinsecum creaturę, habet esse ab alio. Causa autem extrinseca est vel efficiens vel

finis. Ex efficiente verò sequitur, quod effectum necesse sit esse per hoc quod agentem necesse est agere, per actionem enim agentis effectus à causa efficiente depēdet. Si igitur agentem non necesse sit agere ad productionem effectus, nec effectum necesse est esse absolute. Deus autē nō agit ex aliqua necessitate ad creaturarum productionem, ut supra ostensum est: non est igitur absolute necesse creaturam esse, necessitate dependente à causa efficiente. Similiter nec necessitate dependente à causa finali. Ea enim quę sunt ad finem, necessitatem à fine non recipiunt nisi secundum quod finis sine eis vel non potest esse, sicut conseruatio vite sine cibo: vel non ita bene esse, sicut iter sine equo. Finis autem diuinę voluntatis ex quare in esse processerunt, non potest aliud esse quam sua bonitas, ut in 1. Lib. ostensum est, quę quidem à creaturis non dependet, nec quantum ad esse, cum sit per se necesse esse: nec quantum ad bene esse, cum sit secundum se perfecta simpliciter, quę omnia supra ostensa sunt. Non est igitur creaturam esse absolute necessarium: nec igitur necessarium est ponere creaturam semper fuisse.

2. Adhuc, Quod est ex voluntate, non est absolute necessarium, nisi forte quando voluntatē hoc velle est necessarium. Deus autem non per necessitatem naturę, sed per voluntatem producit creaturas in esse, ut probatum est: nec ex necessitate vult creaturas esse, ut in 1. Lib. ostensum est. Non igitur est absolute necessarium creaturam esse, neque ergo necessarium est eas semper fuisse.

3. Amplius, Ostensum est supra, quod Deus non agit aliqua actione quę sit extra ipsum, quasi ab ipso exiens, & in creaturam terminata, sicut calefactio exit ab igne, & terminatur in ligna: sed eius velle est eis agere: & hoc modo sunt res secundum quod Deus vult eas esse: sed necessarium non est quod Deus velit creaturam semper fuisse: cum etiam non sit necessarium Deum velle quod creatura sit omnino, ut in 1. Lib. ostensum est. Non igitur est necessarium quod creatura semper fuerit.

4. Item, Ab agente per voluntatem non procedit aliquid ex necessitate nisi per rationem alicuius debiti. Ex nullo autem debito Deus creaturam producit, si absolute vniuersalis creaturę productio consideretur, ut supra ostensum est: non igitur ex necessitate Deus creaturam producit, nec igitur necessarium est si Deus sempiternus sit, quod creaturam ab æterno produxerit.

5. Præterea, Ostensum est supra, quod absoluta necessitas in rebus creatis non est per ordinem ad primum principium quod per se necesse est esse, scilicet Deum: sed per ordinem ad alias causas quę non sunt per se necessariae causę. Necessitas autem ordinis ad id quod non est per se necesse esse, non cogit aliquid semper fuisse: sequitur enim, si aliquid currit, quod moueatur, non tamen necesse est quod semper motum fuerit, quia ipsum currere non est per se necessarium. Nihil ergo cogit creaturas semper fuisse.

Super cap. 31.



Ostendit determinauit sanctus Thom. de necessitate productionis creaturę secundum se, nunc de necessitate ipsius quantum ad durationem æternam determinat. Circa quod tria facit. Primum enim ostendit non esse necessarium creaturas ab æterno fuisse. Secundū, soluit rationes huiusmodi necessitatem probantes. Tertiū, ostendit quod nec etiam rationes quibus ostenditur Mundum non esse æternum, necessariū concludunt. Quātū ad primum probatur quod non est necessarium creaturas ab æterno fuisse.

SE D aduertendum, quod non refert hoc loco utrum aliquid possit ab æterno produci, necne. Supposito enim quod creaturę sint productę, probatur hic quod non de necessitate sunt ab æterno productę, quicquid sit de possibilitate productionis æternę. Probatur ergo primum sic. Non est necesse creaturam esse absolute, ergo nec necesse est ipsam ab æterno esse. Probatur antecedens. Creatura non habet necessitatem essendi ex se, nec ab alio, ergo, &c. Probatur prima pars antecedentis, quia si haberet ex se necessitatem essendi, haberet esse ex se. Quod enim necesse est esse, impossibile est non esse, & per consequens, quod ex se necesse est esse, ex se impossibile est, ut sit non ens. Hoc autē ostensum est supra falsum esse. Secunda etiam probatur, quia non habet hanc necessitatem à causa agente, quę est Deus, cum ostensum sit, quod Deus non necessariū agit nec à causa finali, quę est bonitas diuinā, cum illa neque quantum ad esse, neque quantum ad bene esse, à creaturis dependeat, ergo, &c. Secundū, Deus voluntariē producit creaturas, & eas non vult necessariū: ergo non necessariū eas producit, ergo, &c.

Tertiū, Hoc modo sunt res quo Deus vult eas esse: non est autem necessarium, quod Deus velit creaturas semper fuisse, sicut nec eas esse, ergo, &c. Probatur maior, quia velle Dei est eis agere.

Quartū, Deus ex nullo debito creaturam producit, ergo nec ex necessitate, ergo, &c. Probatur prima consequentia, quia ab agente per voluntatem non procedit aliquid ex necessitate, nisi per rationem alicuius debiti.

ADVERTENDVM, quod in eo quod prouenit ab aliquo per voluntatem agente, effectus quātū quidē ad esse & non esse prouenit libere à voluntate, absolute loquēdo, nullāmq; habet necessitatē absolutā: potest enim agens

Quomodo ab agente voluntario non procedit aliquid necessariū nisi ratione alicuius debiti.

† Cap. 35.



agens per voluntatem, vt sic, agere effectum & non agere, sed vt voluntas est sub aliqua conditione debiti, potest necessitatem habere. Verbi gratia, Ille qui tenetur alicui dare centum, potest quidem dare & non dare, sed si vult iuste agere, necessarii dabit, & sic ibi erit necessitas iustitiae, licet non sit absoluta necessitas: & ideo bene dixit sanctus Thomas, quod ab agente per voluntatem non procedit aliquid per necessitatem nisi ratione alicuius debiti, in quo scilicet saluatur iustitiae necessitas.

Quintò, Non est necessitas absoluta in rebus creatis per ordinem ad primum principium, sed in ordine ad alias causas quae non sunt per se necessariae causae, ergo, &c. Paret consequentia, quia necessitas ordinis ad id quod non est per se necesse esse, non cogit aliquid semper fuisse.

ADVERTENDUM, quod causae per se necessariae dupliciter dici possunt, scilicet aut in causando, aut in essendo. In causando dicuntur per se causae necessariae quae necessitatem causando non habent ab alio. In essendo autem dicuntur quae ex seipsis necessitatem essendi habent, & non ab alio. Neutro modo, aliquid creatum est causa per se necessaria, quia sicut omne creatum habet esse ab alio, ita & necessitatem essendi & necessitatem causando ab alio habet si necessarium sit: & ideo per comparisonem ad ipsum, non est necesse aliquid semper fuisse, quia nec ipsam causam quancunque posterius creatam, necesse est semper fuisse, cum à causa voluntaria processerit.

ADVERTENDUM etiam, quod ubi dicitur de aliis causis, quoniam non sunt necessariae causae, fortassis est melior textus & debet habere, quod non sunt necesse esse, & sic planus est textus, & superius dictis conformis.

### Rationes probare voluntatem aeternitatem Mundi ex parte Dei acceptae.

Cap. 32.



Ed quia multorum positio fuit, quod Mundus semper & ex necessitate fuerit, & hoc demonstrare conati sunt: restat rationes eorum ponere, vt ostendatur quod non de necessitate concludunt Mundi sempiternitatem.

Primò autem ponuntur rationes quae sumuntur ex parte Dei. Secundò quae sumuntur ex parte creaturæ. Tertiò quae sumuntur à modo factionis rerum, secundum quem ponuntur de nouo incipere esse.

Ex parte autem Dei ad aeternitatem Mundi ostendendam sumuntur rationes huiusmodi. Omne agens quod non semper agit, mouetur per se vel per accidens. Per se quidem, sicut ignis qui non semper comburebat, incipit comburere, vel quia de nouo accenditur, vel quia de nouo transfertur, vt sit propinquum combustibili. Per accidens autem, sicut motor animalis incipit de nouo mouere animal aliquo nouo motu facto circa ipsum, vel ex interiori, sicut cum animal expurgitur digestionem completa, & incipit moueri: vel ab exteriori, sicut cum de nouo veniunt actiones inducentes ad aliquam actionem de nouo inchoandam. Deus autem non mouetur neque per se, neque per accidens, vt in 1. Lib. probatum est. Deus igitur semper eodem modo agit: ex sua autem actione res creatae in esse consistunt, semper igitur creaturae fuerunt.

Adhuc, Effectus procedit à causa agente per actionem eius: sed actio Dei est aeterna, aliàs fieret de potentia agente actu agens, & oporteret quod reduceretur in actum ab aliquo priori agente actu, quod est impossibile. Ergo res à Deo creatae ab aeterno fuerunt.

Amplius, Posita causa sufficienti necesse est effectus poni: si enim adhuc posita causa non necesse est effectum poni, possibile igitur erit causa posita effectum esse & non esse, consecutio igitur effectus ad causam erit possibilis tantum. Quod autem est possibile, indiget aliquo quo reducat in actum: oportebit igitur ponere aliquam causam, qua fiat vt effectus reducat in actum, & sic prima causa non erat sufficiens. Sed Deus est causa sufficiens productionis creaturarum, aliàs non esset causa, sed magis in potentia se ad causam haberet: aliquo enim addito fieret causa: quod patet esse impossibile. Videtur igitur necessarium, quod cum Deus ab aeterno fuerit, quod creatura etiam fuerit ab aeterno.

Item, Agens per voluntatem non retardat suum propositum exequi de aliquo faciendo nisi propter aliquid in futurum expectatum quod nondum adest: & hoc quandoque est in ipso agente, sicut cum expectatur perfectio virtutis ad agendum, aut sublatio alicuius impediens virtutem. Quandoque verò est extra agentem, sicut cum expectatur praesentia alicuius coram quo actio fiat: vel saltem cum expectatur praesentia alicuius temporis opportuni quod nondum adest. Si enim voluntas sit completa, statim potentia exequitur, nisi sit defectus in ipso: sicut ad imperium voluntatis statim sequitur motus membri, nisi sit defectus potentiae motu exequentis motus: & per hoc patet quod cum aliquis vult aliquid facere, & non statim fiat, oportet quod vel hoc sit propter defectum potentiae qui expectatur remouendus, vel quia voluntas non est completa ad hoc faciendum. Dico autem complementum voluntatis esse, quando vult hoc absolute facere omnibus modis.

Voluntas autem incompleta est, quando aliquis non vult facere hoc absolute, sed existente aliqua conditione quae nondum adest, vel nisi subtrahito impedimento quod adest. Cōstat autem, quod quicquid Deus nunc vult, quod sit, ab aeterno voluit quod sit: non enim nouus motus voluntatis ei aduenire potest, nec aliquis defectus vel impedimentum potentiae eius adesse potuit, vel aliquid aliud expectari potuit ad vniuersalis creaturae productionem, cum nihil aliud sit increatum nisi ipse solus, vt supra ostensum est. Necessarium igitur videtur, quod ab aeterno creaturam in esse produxerit.

Præterea, Agens per intellectum non praelegit vni alteri nisi propter praerminentiam vnius ad alterum: sed ubi nulla est differentia, non potest esse praerminentia. Vbi igitur nulla est differentia, non fit praerlectio vnius ad alterum: & propter hoc ab agente ad vtrumlibet se habente aequaliter nulla erit actio, sicut nec à materia. Talis enim potentia assimilatur potentiae materiae, non entis autem ad non ens nulla potest esse differentia. Vnum igitur non ens non est alteri praelegibile: sed præter totam creaturarum vniuersitatem nihil est nisi aeternitas Dei. In nihilo autem non possunt assignari differentiae aliqua momentorum, vt in vno magis oporteat aliquid fieri quam in alio. Similiter nec in aeternitate, quae tota est vniuersalis, & simpliciter, vt in 1. Lib. ostensum est. Relinquitur igitur quod voluntas Dei se aequaliter habeat ad producendum creaturam per totam aeternitatem. Aut igitur voluntas sua est de hoc, quod nunquam creatura sub aeternitate eius constituitur, aut quod semper constat. Non est autem voluntas eius de hoc, quod nunquam creatura sub eius esse aeterno constituitur: cum pateat creaturas voluntate eius esse institutas. Relinquitur igitur de necessitate (vt videtur) quod creatura semper fuit.

Adhuc, Ea quae sunt ad finem, necessitate habent ex fine, & maxime in his quae voluntate aguntur: oportet igitur quod fine eodem modo se habente, ea quae sunt ad finem, eodem modo se habent vel producantur, nisi adueniat noua habitudo eorum ad finem. Finis autem creaturarum ex diuina voluntate procedentium, est diuina bonitas, quae sola potest esse diuinae voluntatis finis: cum igitur diuina bonitas in tota aeternitate eodem modo se habeat in se, & in comparatione ad diuinam voluntatem, videtur quod eodem modo creaturae in esse producantur à diuina voluntate in tota aeternitate. Non enim potest dici, quod aliqua noua relatio eis adueniat ad finem, si penitus ponatur non fuisse ante aliquod determinatum tempus, à quo inceperit ponuntur.

Adhuc, Cum bonitas diuina perfectissima sit, non hoc modo dicitur, quod omnia à Deo processerunt propter bonitatem eius, vt ei aliquid ex creaturis accresceret: sed quia bonitatis est vt seipsam communicet prout possibile est, in quo bonitas manifestatur. Cum autem omnia bonitatem Dei participant in quantum habent esse, secundum quod diuturniora sunt, magis bonitatem Dei participant. Vnde & esse perpetuum speciei dicitur diuinum esse: bonitas autem diuina infinita est. Eius igitur est, vt se in infinitum communicet, non aliquo determinato tempore tantum: hoc igitur videtur ad diuinam bonitatem pertinere, vt creaturae aliqua ab aeterno fuerint. Haec igitur sunt ex parte Dei acceptae, per quae videtur, quod creatura semper fuerit.

### Super cap. 32.



Quantum ad secundum, soluenda sunt rationes, quae contra conclusionem praecedentis capituli sunt. Circa hoc autem duo facit sanctus Thomas. Primò enim ipsas rationes per ordinem ponit. Secundò ad eas respondet, cap. 33. Circa primum tria facit. Primò, rationes quae sumuntur ex parte Dei, ponit. Secundò, rationes ex parte creaturarum sumptas, cap. 33. Tertiò, rationes ex parte factionis, cap. 34.

Quantum ad primum arguitur primò, quia Deus non mouetur, neque per se, neque per accidens: omne autem quod non semper agit, mouetur per se vel per accidens.

Secundò, Quia effectus procedit à causa agente per actionem eius: actio autem Dei est aeterna.

Tertiò, Quia posita causa sufficienti, necesse est effectum poni: Deus autem est causa sufficiens productionis rerum, & est ab aeterno.

Quartò, Quia agens per voluntatem, non retardat suum propositum exequi de aliquo faciendo nisi propter aliquid in futurum expectatum quod nondum adest: quicquid autem Deus nunc vult quod sit, ab aeterno voluit quod sit, nec aliquid aliud expectari potuit ad vniuersalis creaturae productionem.

Quintò, Quia voluntas Dei aequaliter se habet ad producendam creaturam per totam aeternitatem, aut igitur est de hoc, quod creatura nunquam sub aeternitate eius constituitur, aut quod semper. Constat autem quod non est voluntas eius de hoc quod nunquam sub eius aeternitate constituitur: ergo necesse est quod creatura semper fuerit.

Sextò, Quia finis creaturarum est diuina bonitas, quae in tota aeternitate eodem modo se habet in se & in comparatione ad diuinam voluntatem.

Septimò, Quia bonitas diuina est infinita, & per consequens eius est vt in infinitum se communicet, non aliquo determinato tempore tantum.

Contra Gent. m 4 Ration

Nullum creatum est causa per se necessaria.

†Ordo infra dicendorum.  
†Cap. 33.  
†Cap. 34.

Rationes 7. contra fidem.

†Cap. 31.

†Cap. 6. & 15.

†Cap. 77.



## Rationes ex parte creaturarum sumptæ. Cap. 33.

Hic ponuntur  
septem ratio-  
nes contra fidē.

**S**unt autem & alia ex parte creaturarū accepta quæ idem ostendere videntur. Quæ enim non habent potentiam ad non esse, impossibile est ea non esse. Quædā autem sunt in creaturis, in quibus non est potentia ad non esse: non enim potest esse potentia ad non esse nisi in illis quæ habent materiam contrarietati subiectam. Potentia enim ad esse & non esse, est potentia ad priuationem & formam, quorum subiectum est materia: priuatio verò semper adiungitur formæ contrariæ, cum impossibile sit materiam esse absque omni forma. Sed quædam creaturæ sunt, in quibus non est materia contrarietati subiecta: vel quia omnino non habet materiam, sicut substantiæ intellectuales, vt infra ostendetur: vel non habent contrarium, sicut corpora cælestia, quod eorum motus ostendit, qui contrarium non habet. Quasdam igitur creaturas impossibile est non esse: ergo eas necesse est semper esse.

2. Item, Vnaquæque res tantum durat in esse, quanta est sua virtus essendi, nisi per accidens, sicut in his quæ violententer corrumpuntur: sed quædam creaturæ sunt quibus inest virtus essendi non ad aliquod determinatū tempus, sed ad semper essendum, sicut corpora cælestia, & intellectuales substantiæ, incorruptibilia enim sunt, cum contrarium non habeant. Relinquitur igitur quod, eis competit semper esse: quod autem incipit esse, non semper est, eis ergo non competit vt esse incipiant.

3. Adhuc, Quandocunque aliquid de nouo incipit moueri, oportet quod mouens, vel motum, vel vtrumque aliter se habeat nunc quādo est motus, quā prius quādo non erat motus: est enim habitudo vel relatio quædam mouentis ad motum secundum quod est mouens actus. Relatio autem noua non incipit sine mutatione vniusque vel alterius saltem extremorum. Quod autem se aliter habet nunc quā prius, mouetur: ergo oportet ante motū qui de nouo incipit, alium motum præcedere in mobili vel in mouente. Oportet igitur quod quilibet motus vel sit æternus, vel habeat alium motum ante se. Motus igitur semper fuit, ergo & mobilia: & sic creaturæ semper fuerunt. Deus enim omnino immobilis est, vt in 1. post. est. est.

4. Præterea, Omne agens quod generat sibi simile intendit conservare esse perpetuum in specie quod non potest conservari in individuo: impossibile est autem naturæ appetitum vanum esse, oportet igitur quod rerum generabilium species sint perpetuæ.

5. Adhuc, Si tempus est perpetuum, oportet motū esse perpetuum, cum sit numerus motus: & per consequens mobilia esse perpetua: cum motus sit actus mobilis. Sed tēpus oportet esse perpetuum, non enim potest intelligi esse tēpus quin sit nunc, sicut linea non potest intelligi sine puncto: nunc autem semper est finis præteriti, & principium futuri. Hæc enim est diffinitio ipsius nunc: & sic quodlibet nunc datum habet ante se tempus prius & posterius, & ita nullum potest esse primum neque vltimum. Relinquitur igitur quod mobilia quæ sunt substantiæ creatæ, sint ab æterno.

6. Item, Omne oportet vel affirmare vel negare: si igitur ad negationem alicuius, sequitur eius positio, oportet illud esse semper: tempus autem est huiusmodi, nam si tēpus non semper fuit, est accipere prius non esse ipsius quā esse, & similiter si non semper sit futurum, oportet, quod non esse eius sit posterius ad esse eius. Prius autem & posterius non potest esse secundum durationem nisi tempus sit. Nam numerus prioris & posterioris tempus est: & sic oportebit tempus fuisse antequam inciperet, & futurum esse postquam desinat. Oportet igitur tempus esse æternum, tempus autem est accidens quod sine subiecto esse non potest: subiectum autem eius non est Deus, qui est supra tempus, cum sit omnino immobilis, vt in 1. Libro probatum est. Relinquitur igitur aliquam substantiam creatam esse æternam.

7. Amplius, Multæ propositiones sic se habent, quod qui eas negat, oportet quod eas ponat: sicut qui negat, veritatem esse, ponit veritatem esse: ponit enim suam negatiuā esse verā quam profert. Et simile est de eo qui negat hoc principium: contradictionē non esse simul veram: negans enim hoc, dicit negationem quam ponit esse veram, oppositam autē affirmationem falsam, & sic non de eodem vtrumque verificari. Si igitur id ad cuius remotionem sequitur sua positio, oportet esse semper, vt probatum est, sequitur quod prædictæ propositiones & omnes quæ ex his sequuntur, sint sempiternæ: hæc autem propositiones non sunt Deus, ergo aliquid oportet præter Deum esse æternum. Hæc igitur & huiusmodi rationes sumi possunt ex parte creaturarum quod creaturæ fuerunt semper.

## Super cap. 33.

**S**ecundo arguitur rationibus ex parte creaturarū sumptis. Et primo, Quia quædam sunt in creaturis in quibus non est potentia ad non esse, & per consequens necesse est eas semper esse. Secundo, Quia quædam creaturæ sunt quibus inest virtus essendi non ad aliquod determinatū tempus, sed ad semper essendum. Tercio, Quia motus semper fuit, alias ante omnem motum esset motus, & consequenter mobilia. Quarto, Quia generans sibi simile intendit conservare esse perpetuum in specie: naturæ autem appetitus non est vanus. Quinto, Quia tempus est perpetuum, cum non possit intelligi sine nunc, quod semper est finis præteriti, & principium futuri. Sexto, Quia cum tempus sit æternum, alioquin fuisset antequam inciperet, & futurum esset postquam desierit, & sit accidens, oportet aliquam creaturam in qua sit, æternam esse. Septimo, Quia sunt aliquæ propositiones sempiternæ, cum ad remotionem ipsarum sequitur earum positio.

## Rationes sumptæ ex parte factionis. Cap. 34.

**P**ossunt autem sumi alie rationes ex parte ipsius factionis ad idem ostendendum. Quod enim ab omnibus communiter dicitur, impossibile est totaliter esse falsum: falsa enim opinio infirmitas quædam intellectus est, sicut & falsum iudicium de sensibili proprio ex infirmitate sensus accidit. Defectus autē, per accidens sunt, quia præter naturæ intentionem, quod autē est per accidens, non potest esse semper, & in omnibus: & sicut iudiciū de saporibus quod ab omni gustu datur, non potest esse falsum, ita iudicium quod ab omnibus de veritate datur, non potest esse erroneū. Communis autem sententia est omnium Philosophorum, ex nihilo nihil fieri: oportet igitur esse verum. Si igitur aliquid est factum, oportet ex aliquo esse factum: quod si etiam factum sit, oportet etiam & hoc ex alio fieri. Non potest autem hoc in infinitum procedere: quia sic nulla generatio completetur: cum non sit possibile infinita transire. Oportet igitur deuenire ad aliquod primum quod non sit factum: omne autē ens quod non semper fuit, oportet esse factum, ergo oportet illud ex quo omnia primo sunt, esse sempiternum. Hoc autem non est Deus, quia ipse non potest esse materia alicuius rei, vt in 1. Lib. probatum est. Relinquitur igitur, quod aliquid extra Deum sit æternum, scilicet materia prima.

2. Amplius, Si aliquid non se habet eodem modo nunc & prius, oportet illud esse aliquāter mutatum: hoc enim est moueri, non eodem modo se nunc & prius habere. Omne autem quod de nouo incipit esse, non eodem modo se habet nunc & prius: oportet igitur hoc per aliquem motum vel mutationem accidere. Omnis autem motus vel mutatio in aliquo subiecto est: est enim actus mobilis. Cum autem motus sit prius eo quod sit per motū (cum ad hoc terminetur motus) oportet ante quodlibet factum præexistere aliquod subiectum mobile: & cum hoc non sit possibile in infinitum procedere, oportet deuenire ad aliquod primum subiectum non de nouo incipiens, sed semper existens.

3. Adhuc, Omne quod de nouo esse incipit, antequam esset, possibile erat ipsum esse, si enim possibile non erat ipsum esse, necesse erat non esse, & sic semper fuisset non ens, & nunquam esse, inciperet: sed quod est possibile esse, est subiectum potentia ens. Oportet igitur ante quodlibet de nouo incipiens præexistere subiectum potentia ens, & cum hoc in infinitum procedere non possit, oportet ponere aliquod primum subiectum quod non inceperit esse de nouo.

4. Item, Nulla substantia permanens est, dum fit: ad hoc enim fit, vt sit, non enim fieret, si iam esset. Sed dum fit, oportet aliquid esse quod sit factionis subiectum: non enim factio, cum sit accidens, sine subiecto esse potest. Omne igitur quod fit, habet aliquod subiectū præexistens, & cum hoc in infinitum ire non possit, sequitur primum subiectum non esse factum, sed sempiternum: ex quo vltius sequitur aliquid præter Deum esse æternum, cum ipse subiectū factionis aut motus esse non possit. Hæc igitur sunt rationes quibus aliqui rationem demonstrationibus inharētes dicunt necessarium esse res creatas semper fuisse: in quo fidei catholice contradicunt, quæ ponit nihil præter Deum semper fuisse, sed omnia esse coepisse præter vnum Deum æternum.

## Super cap. 34.

**T**ercio ponuntur rationes ex parte factionis sumptæ. Prima est, Quia cum communis opinio habeat, quod ex nihilo nihil fit, & non sit processus in infinitum, oportet deuenire ad aliquod primum non factum ex quo omnia primo fiant, & per consequens ad aliquod æternum. Secundo, Quia quod de nouo incipit esse, non eodem modo se habet nunc & prius, & per consequens per motum aut mutationem accipit esse: oportet autem ante quodlibet factum per motum præexistere aliquod subiectum materiale, & deuenire ad primum non de nouo incipiens, sed semper existens.

Sequuntur  
rationes con-  
tra fidem.

†Cap. 17.

Tercio



Tertio, Quia cum omne quod de nouo esse incipit, prius possibile esset esse, oportet ante quolibet huiusmodi præexistere subiectum potentia ens: & cum non sit processus in infinitum, oportet ponere aliquod primum subiectum quod non inceperit esse de nouo.

Quarto, Quia cum subiectum permanens non sit dum sit, omne quod sit, habet aliquod subiectum præexistens: & cum non sit processus in infinitum, sequitur primum subiectum non esse factum.

Solutio rationum sumptarum ex parte Dei. Cap. 35.

Solutio primæ rationis in ca. 34. factæ.



Portet igitur ostendere præmissas rationes non ex necessitate concludere, & primò illas quæ ex parte agentis sumuntur. Non enim oportet quod per se vel per accidens Deus moueatur, si effectus eius de nouo incipiunt esse, ut prima ratio procedebat: nouitas enim effectus indicare potest mutationem agentis in quantum demonstrat nouitatem actionis. Non enim potest esse quod in agente sit noua actio nisi aliquo modo moueatur saltem de ocio in actum. Nouitas autem diuini effectus non demonstrat nouitatem actionis in Deo: cum actio sua sit sua essentia, ut supra ostensum est. Vnde neque nouitas effectus mutationem Dei agentis demonstrare potest. Nec tamen oportet, quod si primi agentis actio sit æterna, quod eius effectus sit æternus, ut secunda ratio concludebat: ostensum est enim supra, quod Deus agit voluntarie in rerum productione, non autem ita quod sit aliqua actio ipsius mediæ, sicut in nobis actio virtutis motiua est mediæ inter actum voluntatis & effectum, ut in præcedentibus ostensum est. Sed oportet quod suum intelligere & velle sit suum facere: effectus autem ab intellectu & voluntate sequitur secundum determinationem intellectus & imperium voluntatis. Sicut autem per intellectum determinatur rei factio, & quæcunque alia condicio ita & præscribitur ei tempus. Non enim solus ars determinat ut hoc tale sit, sed ut tunc sit: sicut medicus ut tunc detur potus. Vnde si eius velle per se effectus efficax ad effectum producendum, sequeretur de nouo effectus ab antiqua voluntate nulla actione de nouo existeret: nihil igitur prohibet dicere actionem Dei ab æterno fuisse, effectum autem eius non ab æterno, sed tunc cum ab æterno disposuit.

Solutio secundæ rationis.

Solutio tertiæ rationis.

Ex quo etiam patet, quod et si Deus sit sufficiens causa productionis rerum in esse, non tamen oportet quod eius effectus æternus ponatur eo existente æterno, ut tertia ratio concludebat. Posita enim causa sufficiente ponitur eius effectus, non autem effectus extraneus a causa: hoc enim esset ex insufficientia causæ, ac si calidum non calefaceret. Proprius autem effectus voluntatis est, ut sit hoc quod voluntas vult: si autem aliquid aliud esset quam voluntas velit, non poneretur effectus proprius causæ, sed alienus ab ea. Voluntas autem (sicut dictum est) sicut vult hoc esse tale, ita vult hoc esse tunc: vnde oportet ad hoc quod voluntas sit sufficiens causa quod effectus sit quando voluntas est, ut sit, & quando voluntas effectum esse disposuit. In his autem quæ a causa naturaliter agente procedunt, secus est: quia actio naturæ est secundum quod ipsa est. Vnde ad esse causæ, sequi oportet effectum, voluntas autem agit non secundum modum sui esse, sed secundum modum sui propositi: & ideo sicut effectus naturalis agentis sequitur esse agentis, si sit sufficiens, ita effectus agentis per voluntatem sequitur modum propositi.

Solutio quartæ rationis.

Solutio quintæ rationis.

Ex his etiam patet, quod diuine voluntatis non retardatur effectus, quamuis non semper fuerit, voluntate de eo existente, ut quarta ratio proponebat: nam sub voluntate diuina cadit non solum quod eius effectus sit, sed quod tunc sit. Hoc igitur volitum quod est tunc creaturam esse, non retardatur: quia tunc inceperit creatura esse, quando Deus ab æterno disposuit.

Non est autem ante totius creaturæ inchoationem diuersitatem aliquam partium alicuius durationis accipere, ut in quinta ratione supponebatur: nam nihil mensuram non habet, nec durationem. Dei autem duratio quæ est æternitas, non habet partes, sed est simplex omnino, non habens prius & posterius, cum Deus sit immobilis, ut in 1. Lib. ostensum est. Non est igitur comparare inchoationem totius creaturæ ad aliquam diuersam signatam in aliqua præexistente mensura, ad quæ initium creaturarum similiter & dissimiliter se possit habere, ut oportet rationem esse apud agentem quare in hoc signato illius durationis creaturam in esse produxerit, & non in alio præcedenti vel sequenti: quæ quidem ratio requireretur si aliqua duratio in partes diuisibilis esset præter totam creaturam productam, sicut accidit in particularibus agentibus a quibus producit effectus in tempore, non autem ipsum tempus. Deus autem simul in esse produxit & creaturam & tempus: non est igitur ratio quare nunc & non prius, in hoc consideranda, sed solum quare non semper.

Sicut per simile in loco apparet, particularia enim corpo-

ra sicut in tempore determinato, ita etiam in loco determinato producuntur. Et quia habent extra se tempus & locum a quibus continentur, oportet esse rationem quare magis in hoc loco & in hoc tempore producantur, quam in alio. In toto autem cælo (extra quod non est locus, & cum quo vniuersalis locus omnium producitur) non est ratio consideranda, quare hoc & non ibi constitutum est. Quam rationem, quia quidam considerandum putabant, deciderunt in errorem, ut ponerent infinitum in corporibus, & similiter in productione totius creaturæ, extra quæ non est tempus, & cum qua tempus simul producitur: non est attendenda ratio quare nunc & non prius, ut per hoc ducamur ad concedendam temporis infinitatem: sed solum quare non semper vel quare post non esse vel cum aliquo principio.

Ad hoc autem inquirendum sexta ratio inducebatur ex parte finis, qui solus inducere potest necessitatem in his quæ voluntate aguntur. Finis autem diuine voluntatis non potest esse nisi eius bonitas: non autem agit propter hunc finem producendum in esse, sicut artifex agit propter constitutionem artificiatum, cum bonitas eius sit æterna & immutabilis, ita quod ei nihil accrescere potest. Nec etiam potest dici, quod propter eius meliorationem Deus agat: nec etiam agit propter hunc finem acquirendum sibi, sicut rex pugnat ut acquirat ciuitatem, ipse enim est sua bonitas. Restat igitur, quod agat propter finem in quantum effectum producit ad participationem finis: in producendo igitur res sic propter finem vniuersalem habitudinem finis ad agentem non est consideranda, ut ratio operis sempiterni: sed magis est attendenda habitudo finis ad effectum qui sit propter finem, ut taliter producat effectus qualiter convenientius ordinetur ad finem. Vnde per hoc quod finis vniuersaliter se habet ad agentem, non potest concludi quod effectus sit sempiternus.

Responsio ad sextam rationem.

Nec est necessarium effectum diuinum semper fuisse, propter hoc quod sic convenientius ordinetur ad finem, ut septima ratio procedere videbatur: sed convenientius ordinatur ad finem, propter hoc quod est non semper fuisse. Omne enim agens producit effectum in participationem sue forme intedit in eo inducere suam similitudinem. Sic igitur diuine voluntati conueniens fuit in suæ bonitatis participatione creaturam producere, ut sua similitudine diuinam bonitatem repræsentaret. Non autem potest esse talis representatio per modum æqualitatis, sicut effectus vniuersus suam causam repræsentat, ut sic oporteat ab infinita bonitate æternos effectus produci: sed sicut excedens repræsentatur ab eo quod exceditur. Excessus autem diuinæ bonitatis supra creaturam per hoc maxime exprimitur, quod creaturæ non semper fuerunt: ex hoc enim apparet expressè quod omnia alia præter ipsum, si habent sui esse autorem, & quod virtus eius non obligatur ad huiusmodi effectus producendos, sicut natura ad effectus naturales, & per consequens, quod est voluntate agens & intelligens: quorum contraria quidam posuerunt æternitatem creaturarum supponentes. Sic igitur ex parte agentis nihil est, quod æternitatem creaturarum nos ponere cogat.

Responsio ad septimam rationem.

Supercap. 35.



Offis rationibus eorum qui æternitatem Mundi probare voluerunt, ad earum solutionem accedit S. Th. Circa quod tria facit, sicut & rationes soluendæ in triplici differentia sunt. Primò ergo rationes ex parte Dei sumptas soluit. Et ad primam inquit, quod non oportet Deum mutari per se aut per accidens ex inchoatione effectus eius de nouo: cum sua actio non sit noua, sed sit eius essentia. Nouitas enim effectus indicat mutationem agentis, in quantum demonstrat nouitatem actionis.

Ad secundam autem, quod licet actio diuina sit æterna, non tamen oportet ut eius effectus sit æternus, quia Deus voluntarie agit in rerum productione, non quod sit aliqua actio mediæ inter actum voluntatis eius & effectum, sed suum intelligere & velle est suum agere. Effectus autem ab intellectu & voluntate sequitur secundum determinationem intellectus, & imperium voluntatis: per intellectum autem præscribitur rei faciendæ tempus, & ideo nihil prohibet dicere actionem Dei ab æterno fuisse, effectum autem eius non ab æterno, sed tunc cum ab æterno disposuit.

CIRCA id quod dicitur, quod quamuis actio diuina sit æterna, tamen non est necesse, ut effectus sit æternus, quia suum agere est suum intelligere & velle, &c. dubium occurrit, quia si intelligere & velle diuinum est ipsum agere, sequitur quod ipsum velle rem, sit ipsum producere. Producere autem non est absque termino productionis, aut in esse, aut in fieri: ergo non possunt stare simul, quod actio diuina sit æterna, & tamen effectus non sit æternus.

AD huius euidentiam, considerandum est, quod differt actio immanens intellectus & voluntatis ab actione transeunte, quia actio immanens non requirit actualem existentiam sui obiecti, eo quod possit in non existens ferri. Possum enim intelligere & velle quod non est in actu: cum enim talis actio sit perfectio tantum agentis, non autem passus aut termini, sufficit ut obiectum sit in ipso intelligente secundum esse spirituale. Actio autem transiens, quia perficit passum veluti eius forma, ideo non potest esse nisi sit ipsum passum in quo recipiatur, & per consequens nisi sit esse ipsius effectus saltem secundum esse imperfectum & in fieri. Et ideo non potest esse, ut actio transiens sit æterna, & tamen eius effectus non sit æternus secundum aliquod esse, præterquam cum talis actio sit materialiter idem cum suo termino: sed bene potest actio immanens æterna esse, effectus non existente æterno.

m 5 Accidit

De hac ratione vide Aug. De Ciuit. Dei. c. 5.



Accidit autem deceptio in hac obiectione, quia cum dicitur quod velle diuinum est ipsum agere, existimatur ipsum diuinum velle ad modum actionis transiens in aliquod passum receptum, cum tamen non sit actio transiens. Sed deceptio hæc tollitur, si consideretur quod ipsa actio immanens in operante sit secundum se efficax ad effectum extrinsecum producendum, ita ut nulla alia operatio ad effectum præter ipsam requiratur. Tunc enim apparet cum actio immanens quæ est velle non de necessitate, requiratur coexistentiam sui obiecti, quod potest esse actio æterna, & tamen effectus æternus non erit. Vnde inquit S. Thomas, quod si velle artificis esset per se efficax ad effectum producendum, tanquam scilicet nullam aliam requireret actionem, sequeretur ab antiqua voluntate nouus effectus nulla non actione existente. Esset enim effectus non quandoque esset ipsum velle, sed quando voluntas vellet ut esset.

Ad obiectionem ergo dicitur primo, quod utique ipsum velle quantum ad substantiam actionis est ipsum producere: & cum dicitur, quod producere non est absque termino productionis, dicitur, quod loquendo semper de ipso producere quantum ad substantiam actionis illud est verum de productione quæ est actio transiens in exteriorem materiam, non autem de actione immanente.

Dicitur secundò, quod si loquamur de producere non tantum materialiter, sed etiam formaliter, improprie, & similiter de velle formaliter, sic velle non est producere. Nam producere supra velle addit respectum in agente ad effectum productum. Vnde licet substantia ipsius productionis sit æterna, sicut & velle, non tamen ab æterno habet rationem huius quod dico producere, quia respectus agentis ad effectum in ipso producere connotatus non est æternus, sed temporalis: sicut & respectus producti ad ipsum producendum. Sic etiam conceditur quod producere non est absque termino, quia talis respectus in agente existens terminum coëxigit. Sed hoc modo non loquitur S. Thomas de producere, cum inquit quod ipsum velle & intelligere est ipsum facere. Loquitur enim de ipso, quantum ad substantiam actionis, non autem quantum ad respectus connotatos, quia & obiectio ad quam respondet, de actione materialiter sumpta & quo ad substantiam, non autem formaliter quo ad omnes respectus connotatos procedebat.

Ad tertiam obiectionem dicit primo, quod posita causa sufficiens ponitur eius effectus, non quidem extraneus, sed proprius: & ideo cum proprius effectus voluntatis sit, ut sit hoc quod voluntas vult, velut autem ut hoc sit tunc, oportet ad hoc quod voluntas sit sufficiens causa, ut effectus sit quod voluntas est ut sit, & quando voluntas effectus esse disposuit.

Dicit secundò, quod in hoc differt causa naturalis à voluntaria, quod ad esse causæ naturalis sequi oportet effectum, quia actio naturæ est secundum quod ipsa est, non autem ad esse causæ voluntariæ, quia voluntas agit non secundum modum sui esse, sed secundum modum sui propositi. Vnde cum Deus sit agens per voluntatem, licet sit sufficiens causa, & sit æternus, non tamen oportet quod eius effectus ponatur æternus.

CIRCA differentiam causæ naturalis & voluntariæ, quia videlicet naturalis agit secundum quod est, voluntaria autem secundum modum sui propositi, dubitatur, quia Deus in productione creaturarum est agens voluntarium, & tamen agit secundum quod est. Nam Prima parte, quæ sit, art. 6. dicitur, quod creare conuenit Deo secundum suum esse, quod est eius essentia.

Respondetur, quod aliqua causam agere secundum quod est, dupliciter potest intelligi. Vno modo, quod ipsa substantia rei secundum quam est absolute sumpta, sit tibi principium primi agendi, & sic conuenit causæ naturali agere secundum quod est, non autem causæ voluntariæ. Alio modo, quod ipsa substantia sit quidam principium agendi tanquam id quod comunicatur, sed non primum, tunc tantum ut substat imperio voluntatis, & conceptioni intellectus: & sic agere secundum quod est, conuenire potest alicui agenti voluntario. Deus ergo agit secundum suum esse secundum modum, non autem primo modo: ideo non sequitur quod sit agens naturalis: & est simile ac si diceremus de igne, si seipsum voluntarie comunicaret, quod igniter secundum suam essentiam, quia sua essentia esset principium ignendi non absolute, sed ut per voluntatem & intellectum determinaretur. Esset enim voluntas primum principium imperans, essentia autem principium tanquam forma comunicata per intellectum & voluntatem, ita est in Deo.

Ad quartam patet per idem, quod diuinæ voluntatis non retardatur effectus quauis non semper fuerit voluntate existente, quia sub voluntate diuina cadit non solum quod eius effectus sit, sed quod tunc sit quod. Deus ipsum esse disposuit.

ADVERTENDVM, quod tunc dicitur effectus agens retardari, quando protrahitur eius productio ultra mensuram in qua produci deberet causæ conditione secundum se considerata: quando autem causalitas causæ agentis habet pro effectu proprio non solum quod res sit, sed etiam quod tali tempore, aut in tali duratione sit, quantumcumque existente causa effectus nondum ponatur in actu, sed ponatur in actu in mensura sequenti, aut posteriori quæ ab ipsa causa est statuta illi effectui & præordinata, non dicitur retardari talis effectus, quia non protrahitur ultra causæ dispositionem, euenit enim in illa mensura in qua agens voluit ipsum euenire.

Ad quintam dicitur, primo quod ante totius creaturæ inchoationem non est aliquam differenciam partium alicuius durationis accipere, ut ratio supponit, ut oporteat rationem esse apud agentem quare in hoc signato illius durationis creaturam in esse produxerit, & non in alio præcedenti vel sequenti.

Dicitur secundò, quod Deus simul in esse produxit & creaturam & tempus, & ideo non est ratio quare nunc & non prius in hoc considerata, sed solum quare non semper.

ADVERTENDVM, quod S. Tho. ex ista responsione vult negare illam consequentiam, Voluntas Dei æqualiter se habet ad producendam creaturam per totam æternitatem quantum ex ipsa æternitate, igitur aut est de hoc quod nunquam creatura sub æternitate eius constituitur, aut quod semper. Potest enim esse de hoc quod constituitur sub æternitate tanquam sub mensura inadaequata non semper, sed in principio temporis simul cum creatura producta, & ex aliquo id est, ex sua bonitate potest sumi ratio quare non semper creaturam voluit esse, licet ex ipsa diuersitate æternitatis sumi non possit.

SED circa istam responsionem dubium occurrit. Videtur enim quod oportet, si aliquid productum sit à Deo, quod semper sit sub æternitate. Nam si non est semper sub æternitate, ergo est post æternitatem: ergo duratio sua succedit æternitati, hoc autem est impossibile, quia sequeretur æternitatem esse durationem finitam. Duratio enim cui alia succedit, est terminata, ex illa saltem parte quæ sibi succedit, ergo, &c.

Respondetur & dicitur primo, quod in hac obiectione accidit deceptio: quia imaginamur æternitatem aut habere in se successionem, aut aliam durationem ad ipsam succedere, sicut dies succedit diei, & hora horæ: quæ ima-

ginatio falsa est, cum æternitas indiuisibilis existens & interminata, omnem aliam durationem complectatur.

Dicitur secundò, quod durationem aliquam esse post æternitatem, & illi succedere dupliciter potest intelligi. Vno modo posituè, quasi sint duæ durationes inter quas sit successio, & vna sit prius tantum, & altera posterius: & ad hunc sensum nulla duratio rei productæ est post æternitatem. Alio modo negatiuè: quia videlicet non fuit, cum æternitate sine principio, sed fuit esse initium habuit: & ad hunc sensum conceditur quod duratio rei à Deo productæ est post æternitatem, & prima consequentia admittitur, sed negatur secunda, nisi consequens illatum similiter negatiuè accipitur. Improbatio autem illius consequentis probat quod duratio nulla posituè ad primum sensum æternitati succedit: sed ex hoc non sequitur quod res semper fuerit. Non enim habuit esse quandoque æternitas fuit.

Ad sextam dicitur, quod in producendo res propter finem ab ipsis participandis, vniuersalis habitudo finis ad agentem non est consideranda, ut ratio operis sempiterni, sed magis est attendenda habitudo finis ad effectum qui sit propter finem, ut taliter producat effectus, qualiter conuenienter ordinetur ad finem: ideo vniuersalis finis ad agentem non infert effectum esse sempiternum.

ATTENDENDVM, quod licet diuina bonitas in se semper sit vniuersalis & etiam in comparatione ad diuinam voluntatem, res tamè productæ ad participandum ipsam, non vniuersaliter ad ipsam comparantur, nec eadè res in quacunque dispositione eodem modo se habet ad eam: sed vno modo se habens conuenientius quam alio se habens modo, ad illam ordinatur. Vnde quia conuenientius manifestatur diuina bonitas, si creatura cum aliqua inchoatione ipsam participet, quam si ab æterno: ideo ex hoc potest sumi ratio creationis rerum in tempore, non obstante diuinæ bonitatis vniuersalitate in se & in ordine ad voluntatem diuinam, quæ immutabilis est, ut patet ex sequenti responsione.

Ad septimam negatur consequentia, quia representatio diuinæ bonitatis per creaturam, non potest esse per modum æqualitatis, ut oporteat ab infinita bonitate æternos effectus produci.

### Solutio rationum sumptarum ex parte rerum factarum. Cap. 36.



Imiliter etiam nec ex parte creaturæ, est aliquid quod nos ad eius æternitatem ponendam de necessitate inducat. Necessitas enim essendi quæ in creaturis inuenitur (ex quo prima ratio sumitur) est necessitas ordinis, ut in præcedentibus est ostensum: necessitas autem ordinis non cogit ipsum cui talis inest necessitas, semper fuisse, ut ostensum est supra.

Licet enim substantia celi per hoc quod caret potentia ad non esse, habeat necessitatem ad esse: non tamen necessitas sequitur eius substantiæ: vnde substantia eius iam in esse instituta, talis necessitas impotentialitatem non effendi inducit: non autem facit esse impossibile celi non esse in consideratione, quæ agitur de productione substantiæ ipsius.

Similiter etiam virtus essendi semper (ex qua procedebat secunda ratio) præsupponit substantiæ productionem: vnde cum de productione substantiæ celi agitur, talis virtus sempiternitatis argumentum sufficiens esse non potest.

Motus etiā sempiternitatem non cogit nos ponere ratio consequenter inducta. Iam enim patet quod absque mutatione Dei agentis potest esse quod nouum agat non sempiternum: si autem possibile est ab eo aliquid agi de nouo, patet quod & moueri: nam motus dispositionem voluntatis æternæ sequitur de motu non semper essendo.

Similiter etiam intentio naturalium agentium ad specierum proprietatem (ex quo quarta ratio procedebat) præsupponit naturalia agentia iam producta. Vnde locum non habet hæc ratio nisi in rebus naturalibus iam in esse productis, non autem cum de rerum productione agitur: vtrū autem necesse sit ponere generationem perpetuam duraturam, in sequentibus ostendetur.

Ratio etiam quinta ex tempore inducta æternitatem motus magis supponit quam probet. Cum enim prius & posterius & continuitatem temporis sequatur prius & posterius & continuitatem motus secundum Aristotelis doctrinam, patet quod ideo idem in se est principium futuri & finis præteriti, quia aliquid signatum in motu est principium & finis diuersarum partium motus: non oportebit igitur omne instans huiusmodi esse nisi omne signum in tempore acceptum sit medium inter prius & posterius in motu, quod est ponere motum sempiternum. Ponens autem motum esse non sempiternum, potest dicere primum instans temporis esse principium futuri, & nullius præteriti finis, nec repugnat successioni temporis quod ponatur in ipso aliquid nunc principium, & non finis propter hoc quod linea in qua ponitur punctus aliquis, principium & non finis, est stans, & non fluens: quia etiam in motu aliquo particulari qui etiam non est stans sed fluens, signari aliquid potest, ut principium motus tantum, & non ut finis, aliter enim omnis motus esset perpetuus, quod est impossibile.

Quod autem prius ponitur non esse temporis quam eius esse, si tempus inchoepit, non cogit nos dicere, quod si ponitur tempus esse, ponatur non esse, ut sexta ratio concludebat: nam prius quod dicimus antequam tempus esset, non ponit aliquam temporis partem in re, sed solum in imaginatione. Cum enim

Quomodo agens naturale & voluntarium distinguantur.

Quomodo effectus diuinæ voluntatis non retardatur.

+ Ref. 6tio ad primam rationem.

+ Cap. 33.

+ Cap. 30. huius Lib.

Ad secundam rationem.

Ad tertiam rationem.

Ad quartam.

Ad quintam rationem.

Ad sextam rationem.



enim dicimus, Tempus habet esse post non esse, intelligimus quod non fuit aliqua pars temporis ante hoc nunc signatum: sicut cum dicimus, quod supra celum nihil est, non intelligimus quod aliquis locus sit extra celum qui possit dici supra respectu celi, sed quod non est locus eo superior. Vtrobique autem imaginatio potest mensuram aliquam rei existenti apponere, ratione cuius sicut non est ponenda quantitas corporis infinita, ut dicitur in 3. Physic. ita nec tempus æternum.

Veritas autem propositionum quam oportet concedere etiam propositiones negantem (ex qua septima ratio procedebat) habet necessitatem ordinis qui est prædicati ad subiectum: unde non cogit aliquam rem esse semper, nisi forte in intellectu diuino, in quo est radix omnis veritatis, ut in 1. Lib. ostensum. Patetigitur quod rationes ex creaturis inductæ non cogunt ad Mundi æternitatem ponendam.

### Super cap. 35.

**S**ecundo loco responderet ad rationes, quæ ex parte rerum factarum sunt sumptæ. Ad primam enim dicit, quod necessitas essendi quæ est in creaturis, est necessitas ordinis: talis autem necessitas non cogit ipsum cui inest, semper fuisse. Quia enim non sequitur eius substantiam talis necessitas, ideo impossibilitatem essendi inducit subiecto iam constituto in esse, non autem aliter.

Sed contra hanc responsionem dubitatur: videtur enim implicari contradictio cum dicitur, quod necessitas essendi quæ est in creaturis, est necessitas ordinis, non tamen sequitur substantiam rei. Nam ista necessitas essendi, est necessitas ordinis, quia est necessitas per ordinem ad causam formalem, scilicet aut quia ipsa res est forma tantum non in materia existens, aut quia forma implet totam capacitatem materie, ut superius patuit: sed quod consequitur formam rei, consequitur eius substantiam, cum forma sit de substantia rei, & in separatis à materia ipsa forma sit rei substantia. ergo huiusmodi necessitas ordinis sequitur substantiam rei: ergo repugnat quod sit necessitas ordinis huiusmodi, & non consequatur substantiam rei.

Respondetur dupliciter, supposita huius textus veritate. Primum, quod duobus modis aliquid consequi potest substantiam rei, scilicet aut absolute consideratam, aut iam constitutam in esse. Quod consequitur primo modo, est de eius ratione, aut propria passio, & tale æternaliter conuenit rei secundum esse intellectuale saltem secundum apprehensionem intellectus diuini: in huiusmodi enim propositionibus est tantum necessitas ordinis prædicati ad subiectum. Ista enim est æternæ veritatis. Homo est rationalis, & ista, Homo est risibilis, secundum naturam terminorum considerata. Quod autem consequitur secundo modo, non conuenit rei æternaliter, nisi ipsa res ab æterno sit. Cum ergo aliquid creatum habet necessitatem essendi in ordine ad formam, illa necessitas consequitur naturam secundum modo, scilicet ut iam constitutam in esse, quia sic constituta est in esse, ut non habeat potentiam ad non esse: non autem primo modo, ut necessarium sit esse æternaliter illi conuenire.

Respondetur potest secundum, quod ista necessitas essendi consequitur quidem substantiam rei in genere causæ formalis, non autem in genere causæ efficientis, quasi scilicet res à se habeat necessitatem essendi, & non ab alia causa efficietia, cum non habeat esse ex se, sed ab alio: & ideo posita substantia in actu talis necessitas ipsam sequitur, si ut effectus formalis suam formam consequitur. Non autem oportet ut res ab æterno sit, eo quod ex voluntate producentis eius esse dependeat, non autem ex se effectiue necessitatem essendi habeat. Et sic patet nullam esse contradictionem. Puto tamen textum hunc vitium esse, ut ex cap. 30. & 31. (ad quæ loca se remittit san. Tho.) patere potest. Non enim debet habere, Non tamen eius necessitas sequitur eius substantiam, sed sic. Eius tamen necessitas sequitur eius substantiam, & c. responsio clara remanet. Si enim necessitas substantiam sequitur, non potest rei conuenire nisi ipsa substantia posita in actu, & ideo ex ipsa non potest argui quod substantia non inciperet esse per agens diuinum.

Ad secundum dicit, quod virtus essendi semper, præsupponit substantiæ productionem: ideo consequentia non tenet.

**P**RO maiori intelligentia huius responsionis, sciendum ex doctrina sancti Thomæ, Potentia, quæ est 3. artic. 17. ad secundum, quod nulla virtus essendi aut operandi respicit præteritum, sed præsens aut futurum, nihil enim habet virtutem ut aliquid fecerit, sed ut nunc aut in posterum aliquid faciat. Ideo bene hic dicitur, quod virtus essendi semper præsupponit substantiæ productionem, & non arguit rei sempiternitatem.

**S**ED occurrit dubium, quia virtus quæ nunc est respectu alicuius præsentis aut futuri, potest esse eadem quæ fuit causa eius quod nunc est præteritum, sicut potest esse quæ eadem virtus qua ignis calefacere potest lignum, calefecerit lapidem: sic ergo virtus essendi respicere potest etiam præteritum tanquam effectum iam productum. Verum enim est, quod virtus quæ dat nunc esse celo formaliter, & dabit in futurum, dedit etiam esse in præterito: & sic si aliquid habet virtutem ut sit semper, sequitur quod per virtutem quæ nunc est, etiam semper fuerit in præterito. Res enim tãdiu habet esse, quandiu eius virtus essendi se extendit. Et sic per hanc responsionem non videtur argumento esse satisfactum.

Respondetur, quod licet virtus materialiter sumpta possit respicere præteritum materialiter, quia videlicet per ipsam res aliqua producta fuit: non tamen virtus formaliter sumpta, ut scilicet respicit producibile, præteritum respicit formaliter, id est, sub ratione producibilis per eam: nihil enim habet virtutem ad producendum rem quæ præterit, neque res præterita producibilis rationem habere potest, ut scilicet produci possit id quod est præteritum, in quantum huiusmodi. Et si aliquid per virtutem suam produxit in tempore præterito aliquid effectum, tunc tempus quando produxit, non erat præteritum, sed præsens. Similiter non potest aliquid producere in tempore præcedente esse virtutis: oportet enim virtutem aut simul tempore esse cum effectum, aut prius, non autem posterius. Ideo virtus essendi, ut productiua esse formaliter, non respicit esse ut præteritum, sed ut præsens, aut ut futurum, licet ipsa eadem forma esse possit à qua in tempore præterito res fuit, & nunc

est, ac in futurum erit: sed quando fuit causa essendi in tempore nunc nobis præterito & virtuti, illud tempus præsens erat, non præteritum. Ex quibus patet, quod virtus essendi necessario præsupponit substantiæ productionem, cum non possit virtus formæ causare esse tanto aut tanto tempore, nisi sit in actu in tempore in quo causat: non enim potest virtus causare quando non est, quia virtus præteritum nullo modo respicit. Cum ergo arguitur, Eadem virtus potest produxisse aliquid in præterito, quæ nunc producit aliquid in præsentem, aut in futuro producat: ergo si aliquid habet virtutem ut sit semper, sequitur, ut per virtutem quæ nunc est, fuerit semper, negatur consequentia: & cum probatur, quia tandiu res habet esse, quandiu virtus essendi se extendit: dicitur quod hoc assumptum non probat consequentiam. Virtus enim semper essendi non se extendit ad præteritum, scilicet ut possit aliquid causare in tempore præterito, sed tantum ad futurum. Ideo ex ipsa bene sequitur quod habens talem virtutem, quantum est ex se, semper in futurum erit, non autem quod ab æterno fuerit, nisi supponatur ipsam virtutem essendi ab æterno fuisse. Propter hoc bene inquit sanctus Thomas, quod cum de productione substantiæ celi agitur, talis virtus essendi, sempiternitatis sufficiens argumentum esse non potest.

Ad tertiam negat assumptum, nec probatio valet: quia ut ex supradictis patet, absque mutatione Dei agentis potest esse quod nouum agat, & non sempiternum.

Ad quartam negat consequentiam, quia naturalium agentium intentio ad specierum perpetuitatem præsupponit naturalia agentia iam producta.

Ad quintam, quæ est Aristotelis 8. Physic. negat assumptum: ad cuius probationem inquit, quæ magis sempiternitatem motus supponit quam probet, quia non oportet omne instans esse principium, & finem, nisi omne signum in tempore acceptum sit medium inter prius & posterius in motu, quod est ponere motum sempiternum. Unde ponens motum non esse sempiternum, potest dicere primum instans temporis esse principium futuri, & nullius præteriti finem.

Ad sextam, quæ etiam Arist. est, negat assumptum: ad cuius probationem inquit, quod cum ponitur prius non esse tempus quàm esse, ly Prius non ponit aliquam partem temporis in re, sed solum in imaginatione. Ideo non sequitur, quod si ponitur tempus non esse, ponatur esse.

Ad septimam dicitur, quod veritas illarum propositionum habet necessitatem ordinis prædicati ad subiectum, ideo non cogit aliquam rem esse semper, nisi forte in intellectu diuino, apprehendente videlicet earum veritatem ab æterno.

### Solutiones rationum sumptarum ex parte factionis rerum. Cap. 37.



**R**estat autem ostendere, quod nec ex parte productionis rerum aliqua ratio sumpta cogere possit ad idem. Communis enim Philosophorum positio ponitum ex nihilo nihil fieri (ex qua prima ratio procedebat) veritatem habet secundum illud fieri quod ipsi considerabant: quia enim omnis nostra cognitio à sensu incipit, qui singularium est, à particularibus considerationibus ad vniuersales considerationes humana procedit. Unde principium rerum perquirentes, particulares factiones entium tantum considerauerunt, inquirentes qualiter vel hic ignis vel hic lapis fiat: & ideo primi magis extrinsecè quàm oporteret fieri rem considerantes, posuerunt rem fieri solum secundum quasdam accidentales dispositiones, ut rarum, densum, & huiusmodi, dicentes per consequens fieri nihil esse nihil alterari, propter hoc quod ex ente in actu vnumquodque fieri intelligebant. Posteriores vero magis intrinsecè rerum factionem considerantes, ad fieri rerum secundum substantiam processerunt, ponentes quod non oportet aliquid fieri ex ente in actu nisi per accidens, sed per se ex ente in potentia. Hoc autem fieri quod est ens ex qualicunq; ente, est factio particularis entis, quod quidem sit in quantum est ens hoc, ut homo vel ignis, non autem in quantum est ens vniuersaliter. Ens enim prius erat quod in hoc ens transmutatur. Profundius autem ad rerum originem ingredients considerauerunt ad vltimū totius entis creati ab vna prima causa processione: ut ex rationibus hoc ostendentibus supra positum patet. In hac autem processione totius entis à Deo, non est possibile fieri aliquid ex aliquo alio præiacente: nõ enim esset totius entis creati factio, & hanc quidem factionem non attigerunt primi Naturales, quod enim erat communis sententia, ex nihilo nihil fieri: vel si qui eam attigerunt, non propriè nomen Factionis ei competere considerauerunt, cum nomen Factionis motum vel mutationem importet. In hac autem totius entis origine ab vno primo ente intelligi non potest transmutatio vnius entis in aliud, ut ostensum est, propter quod nec ad naturalem Philosophum pertinet huiusmodi rerum originem considerare: sed ad Philosophum primum, qui considerat ens commune, & ea quæ sunt separata à motu. Nos tamè sub quadam similitudine etiam ad illam originem nomen Factionis transferimus, ut dicamus ea facta, quorumcunque essentia vel natura ab aliis originem habet.

Ex quo patet, quod nec secunda ratio de necessitate concludit, quæ ex ratione motus sumebatur: nam creatio mutatio dici non potest nisi secundum metaphoram, prout creatum consideratur habere esse post non esse: ratione cuius aliquid ex alio fieri dicitur etiam eorum quæ inuicem transmutationem non habent: ex hoc solo quod vnum eorum est post alterum, sicut

Responsio ad primam rationem factam in cap. 34.

+Cap. 17.

Ad secundam rationem.

†Tex.com. 60.  
Ad septimam  
rationem.

Quomodo  
necessitas essendi  
in ordine ad  
formam substan-  
tiam rei conse-  
quatur.

Virtus produ-  
cendi, an respi-  
ciat præteritum.



dies ex nocte. Nec ratio motus inducta ad hoc aliquid facere potest: nam quod nullo modo est, non se habet aliquo modo ut possit concludi: quod quando incipit esse, alio modo se habeat nunc quam prius.

Ad 3. rationē. Ex hoc etiā patet, quod non oportet aliquā potentiā passi-  
uam præcedere esse rotius entis creati, ut tertia ratio conclu-  
debat: hoc enim est necessariū in illis quæ per motū essendi  
principium sumunt, eod quod motus est actus existentis in po-  
tentia: possibile autem fuit ens creatum esse antequam esset  
per potentiam agentis, per quam & esse incepit, vel propter  
habitudinem terminorum in quibus nulla repugnantia inue-  
nitur. Quod quidem possibile secundum nullam potentiam  
dicitur, ut patet per Philosophum in 5. Metaph. † hoc enim  
prædicatum quod est esse, non repugnat huic subiecto quod  
est Mundus vel homo: sicut commensurabile repugnat dia-  
metro: & sic sequitur quod non sit impossibile esse, & per con-  
sequens quod sit possibile esse antequam esset etiam nulla  
potentia existente. In his autem quæ per motum fiunt, oportet  
prius fuisse possibile per aliquam passiuiam potentiam, in  
quibus Philosophus in 7. Metaph. † hac utitur ratione. Patet  
igitur etiam ex hoc quod nec quarta ratio ad propositum  
concluit.

Nam fieri non simul, est causa esse rei in his quæ per mo-  
tum fiunt, in quorum fieri successio inuenitur: in his autem  
quæ non fiunt per motum, non prius est fieri quam esse. Sic  
igitur euidenter apparet, quod nihil prohibet ponere Mun-  
dum non semper fuisse: quod fides catholica ponit Gen. 1. In  
principio creauit Deus cælum & terram. & Prouerb. 8. de Deo  
dicitur, Antequam quicquam faceret à principio, &c.

### Super cap. 37.



Ertio loco respondetur rationibus sumptis ex parte factio-  
nis rerum. Ad primam enim dicitur primo, quod ex nihilo  
nihil fieri, habet veritatem in factione particulari, de qua  
Philosophi considerabant: non autem in productione to-  
tius entis.

Dicitur secundò, quod nomen Factionis propriè, isti vni-  
uersali rerum productioni non conuenit, cum tale nomen motum vel mu-  
tationem importet: licet ad illam originem per quandam similitudinem  
transferatur, ut dicamus ea facta quorum natura ab aliis originem trahit.

ADVERTENDVM autem (ut superius tangebatur) quod factio ali-  
qua potest dici particularis dupliciter. Vno modo, per comparisonem ad  
primū & per se terminum factionis: & sic dicitur factio particularis, cuius pri-  
mū & per se terminus est ens particulare. Vniuersalis autem, cuius primū &  
per se terminus est aliquid vniuersale. Alio modo, per comparisonem ad  
partes essentielles termini materialiter producti, & sic dicitur factio particu-  
laris per quam nō sunt omnes partes termini, sed aliquæ: vniuersalis autem  
per quam omnes rei partes producuntur. Si primo modo accipiamus particu-  
larem factionem, creatio non est factio particularis, sed vniuersalis, quia  
esse absolute & illimitate sumptum, est terminus formalis creationis primū  
& per se, non autem secundum aliquam particularem rationem sumptum. Si  
etiam accipiamus secundo modo, sic creatio, non est factio particularis, sed  
vniuersalis, quia per ipsam non producitur tantum forma rei, ut in aliis fa-  
ctionibus quæ materiam præsupponunt, accidit, sed omnes rei creatæ par-  
tes, tam scilicet materia quam forma producuntur. Ad hunc sensum in-  
quit sancti Thomæ creationem non esse particularem, sed vniuersalem  
factionem.

Ad secundam dicitur primò, quod creatio non est mutatio nisi secundum  
metaphoram. Dicitur secundò, quod id quod nullo modo est, non se ha-  
bet aliquo modo, ut possit concludi quod quando incipit esse, alio modo se  
habeat nunc, & prius: ideo ratio non sequitur.

Dupliciter po-  
test accipi ali-  
quid non eodē  
modo se habe-  
re nunc & prius.  
CONSIDERANDVM cum dicitur in argumento, Omne quod de  
nouo incipit esse, non eodem modo se habet nunc & prius, & quod omne  
tale oportet esse aliquo modo mutatum: quod hoc quod dico, Nō eodem mo-  
do se habere nunc & prius, licet quantum ad vocem negationem dicat, ta-  
men quantum ad sensum potest accipi simpliciter negatiue, potest accipi et-  
iam affirmatiue. Si negatiue accipitur, ad hoc ut aliquid non eodem modo  
se habeat nunc & prius, sufficit ut nunc modum aliquem habeat quem prius  
non habuit: & sic quod nullo modo fuit ante hoc instans, & in hoc instanti  
est, potest dici non eodem modo se habere nunc & prius. Si enim prius nul-  
lo modo erat, manifestū est, non erat modo quo nunc est: & sic quod crea-  
tur, non eodem modo se habet nunc & prius. Sed hoc non est idem quod mu-  
tari, accipiendo propriè mutationem. Si autem accipitur affirmatiue, tunc  
dicitur non eodem modo se habere nunc & prius, quod nunc habet vnum  
modū, & prius habebat alium modum: & hoc est propriè mutari: quod enim  
mutatur, à modo imperfecto ad perfectiorem tendit, aut e conuerso. Sed hoc  
non conuenit nisi ei quod prius aliquo modo est: quod enim nullo modo est,  
ut inquit sancti Thomæ, non est alio modo, & sic quod creatur, non potest dici  
quod non eodem modo est nunc & prius affirmatiue: non enim prius aliquo  
modo erat. Propter hoc sanctus Thomas respondendo ut verum sensum in  
quo procedebat argumentum acciperet, negauit id quod creatur, alio & alio  
modo se habere nunc & prius, affirmatiue accipiendo, quod in argumento  
negatiue quantum ad vocem fuerat acceptum.

Ad tertiam dicitur, quod ens creatum antequam esset, fuit possibile per  
potentiam agentis vel propter habitudinem terminorum, non autem per  
aliquam potentiam passiuiam in entibus: quia hoc in illis tantum necessa-  
rium est, quæ per motum essendi principium sumunt.

Ad quartam dicitur, quod in iis quæ non fiunt per motum, non prius est  
fieri quam esse: sed bene in iis quæ fiunt per motum: & ideo non oportet ut  
alia habeant aliquid subiectum præexistens.

Confirmat postremò sanctus Thomas principale propositum authorit.  
Gen. 1. In principio creauit cælum & terram, &c. & Prouerb. 8. Antequam  
quicquam faceret, &c.

Rationes quibus conantur, aliqui ostendere Mundum  
non esse æternum, & solutiones earum.

### Cap. 38.



Vnt autem quædam rationes à quibusdam  
inductæ ad probandum Mundum non sem-  
per fuisse, sumptæ ex his. Deum enim esse  
omnium rerum causam, demonstratum est:  
causam autem oportet duratione præcedere  
ea quæ per actionem causæ fiunt.

Item, Cum totum ens à Deo sit creatum,  
non potest dici factum esse ex aliquo ente: & sic relinquitur,  
quod sit factum ex nihilo, & per consequens, quod habeat esse  
post non esse.

Adhuc, Quia infinita non est transire: si autem Mundus  
semper fuisset, essent iam infinita pertransita: quia quod præ-  
teritum est, pertransitum est. Sunt autem infiniti dies vel cir-  
culationes Solis præteritæ si Mundus semper fuit.

Præterea, Sequitur quod infinito fiat additio: cum ad dies  
vel circulationes præteritas quotidie de nouo addatur.

Amplius, Sequitur quod in causis efficientibus sit proce-  
dere in infinitum, si generatio fuit semper, quod oportet di-  
cere Mundo semper existente: nam filij causa est pater, & hu-  
ius alius, & sic in infinitum.

Rursus, Sequitur quod sint infinita, scilicet infinitorum  
hominum præteritorum animæ immortales.

Has autem rationes, quia vsquequaque non de necessitate  
concludunt, licet probabilitatem habeant, sufficit tangere  
solum, ne videatur fides catholica in vanis rationibus consti-  
tuta, & non potius in solidissima Dei doctrina: & ideo con-  
ueniens videtur ponere qualiter obuietur eis per eos qui æ-  
ternitatem Mundi posuerunt.

Quod enim primò dicitur, agens de necessitate præcedere  
effectum qui per suam operationem fit, verum est in his quæ  
agunt aliquid per motum, quia effectus non est nisi in termi-  
no motus, agens autem necesse est esse etiam cum motus in-  
cipit. In his autem quæ in instanti agunt, hoc non est necesse:  
sicut simul dum Sol est in puncto Orientis, illuminat no-  
strum hemisphærium.

Quod etiam secundò dicitur, non est efficax: ei enim quod  
est ex aliquo aliquid fieri contradictorium oportet dare, si hoc  
non detur: est non ex aliquo fieri, non autem hoc quod est ex  
nihilo, nisi sub sensu primi: ex quo concludi non potest, quod  
fiat post non esse.

Quod etiam tertio ponitur, non est cogens: nam infinitum  
et si non sit simul in actu, potest tamē esse in successione: quia  
sic quodlibet infinitum acceptum finitum est. Quodlibet igitur  
circulatio præcedentium transiri potuit, quia finita fuit:  
in omnibus autem simul si Mundus semper fuisset, non esset  
accipere primam, & ita nec transitum, qui semper exigit duo  
ex tremis.

Quod etiam quarto proponitur, debile est: nam nihil pro-  
hibet infinito ex ea parte additionem fieri, qua est finitum.  
Ex hoc autem quod ponitur tempus æternū, sequitur quod  
sit infinitum ex parte antè, sed finitum ex parte post: nam præ-  
sens est terminus præteriti.

Quod etiam quinto obicitur, non cogit: quia causas agen-  
tes in infinitum procedere est impossibile secundum Philo-  
sophos in causis simul agentibus, quia oportet effectum de-  
pendere ex actionibus infinitis simul existentibus. Et hu-  
iusmodi sunt causæ per se infinitæ: quia earum infinitas ad  
causatum requiritur. In causis autem non simul agentibus,  
hoc non est impossibile secundum eos qui ponunt generatio-  
nem perpetuam: hæc autem infinitas accidit causis. Accidit  
enim patri Sortis quod sit alterius filius vel non filius: non au-  
tem accidit baculo in quantum mouet lapidem, quod sit mo-  
tus à manu, mouet enim in quantum est motus.

Quod autem de animabus obicitur, difficilius est, sed ta-  
men ratio non est multum utilis: quia multa supponit. Qui-  
dam nanque æternitatem Mundi ponentium, posuerunt  
etiam humanas animas non esse post corpus. Quidam  
verò quod ex animabus non manet nisi intellectus separatus  
vel agens secundum quosdam, vel etiam possibilis secundum  
alios. Quidam autem posuerunt circulationem in animabus,  
dicentes, quod eadem animæ post aliqua secula in corpore  
reuertuntur. Quidam verò pro inconuenienti non habent  
quod sint aliqua infinita actu in his quæ ordinem non habent.  
Potest



†Cap. 35. in re-  
sponsione ad  
septimam ra-  
tionem.

Potest autem efficacius procedi ad hoc ostendendum ex fine diuinæ voluntatis, ut suprà tactum est: finis enim diuinæ voluntatis in rerum productione est eius bonitas, inquantum per causata manifestatur. Porriusimè autem manifestatur diuina bonitas & virtus per hoc quod res aliæ præter ipsum non semper fuerunt. Ex hoc enim manifestè apparet, quod res aliæ præter ipsum ab ipso esse habent, quia non semper fuerunt. Ostenditur etiam, quod non agit per necessitatem naturæ, & quod virtus sua est infinita in agendo: hoc enim conuenientissimum fuit diuinæ bonitati, ut rebus creatis principium durationis daret.

Ex his autem quæ prædicta sunt, vitare possumus diuerfos errores Gentilium Philosophorum, quorum quidam posuerunt Mundum æternum, quidam materiam Mundi æternam, ex qua ex aliquo tempore Mundus cœpit generari vel à casu, vel ab aliquo intellectu, aut etiam amore aut lite. Ab omnibus enim his ponitur aliquid præter Deum æternum, quod fidei catholicæ repugnat.

## Super cap. 38.

**Q**uantum ad tertium ponuntur rationes volentium demonstrare Mundum non esse æternum. Et quia non sunt demonstratiue rationes, licet probabilitatem habeant, ideo ponuntur etiam responsiones eorum qui æternitatem Mundi posuerunt, ne videatur fides quæ ponit Mundum in æterno, in vanis rationibus constituta. Circa hoc autem duo facit sanctus Thomas. Primum, ponit rationes inefficaces, & eas soluit. Secundum, ponit quandam rationem quam ipse efficaciorē putat.

Quantum ad primum, tangit sex rationes. Prima est, quia oportet causam duratione præcedere effectum. Secunda est, quia totum ens factum est ex nihilo, & per consequens necesse est quod habeat esse post non esse. Tertia est, quia essentia infinita pertransita. Quarta est, quia infinito fieret additio. Quinta est, quia in causis efficientibus procederet in infinitum. Sexta est, quia essentia infinita animæ.

Sed ad primam harum dicit assumptum verum esse in iis quæ agunt aliquid per motum, non autem in iis quæ in instanti agunt.

Ad secundam dicit quod id quod creatur, fit ex nihilo, id est, non ex aliquo ente: ex hoc autem non sequitur quod fiat post non esse.

CIRCA istam responsionem in qua videtur negare sanctus Thomas, id quod creatur, fieri post non esse, aduerte, quod illud intelligitur secundum ordinem durationis, non autem secundum ordinem naturæ. Non enim quod creatur, habet necessarium esse post non esse posterioritate durationis, sed bene posterioritate naturæ.

SED occurrit dubium, quia illa quæ habent inter se ordinem naturæ tantum, non autem durationis, sunt simul duratione: si ergo non esse præcedit esse tantum naturæ, simul duratione erunt, & sic eadem res simul erit & non erit.

Respondetur, quod aliquid conuenire alteri prius naturæ alio, dupliciter potest intelligi. Vno modo, quia ab illo alio præsupponitur in subiecto, & necesse est illud præintelligi in tali subiecto esse. Alio modo, quia si subiectum sibi soli relinqueretur, illud sibi conueniret, non autem alio. Quæ habent ordinem naturæ, primo modo sunt simul duratione, non autem quæ habent talem ordinem secundo modo. Non esse autem dicitur conuenire rei prius naturæ quam esse secundo modo, quia scilicet si sibi relinqueretur, haberet non esse, non autem primo modo: ideo ratio non sequitur.

Ad tertiam dicit, quod essentia quidem infinita, quorum quodlibet esset pertransitum, quia esset finitum: non autem omnia simul essent pertransita, quia transitus exigit duo extrema.

Ad quartam dicit, quod nihil prohibet infinito ex ea parte quæ est finitum, fieri additionem.

Ad quintam dicit, quod causas agentes in infinito procedere est impossibile secundum Philosophos in causis simul agentibus, quæ dicuntur causæ per se infinitæ, non autem in causis non simul agentibus, quæ dicuntur infinitæ per accidens.

CIRCA istam responsionem aduertendum, quod aliud est dicere aliquam vnam causam esse per se causam alius effectus, & aliud plures causas vnius effectus habere inter se ordinem per se & essentialiter in causando talem effectum: ad hoc enim ut aliquod sit per se causa alterius, requiritur ut non possit effectus nisi ab illa causa procedere loquendo de causa completa. Hoc modo, Sortes est per se causa Platonis: quia non potest Plato nisi à Sorte generari. Ad hoc autem ut aliquæ sint causæ per se & essentialiter ordinatæ respectu vnius effectus, requiritur quod secunda non causet, nisi ut moueatur à prima, & quod omnes simul causet. Propter hoc si essent infinitæ vnius causæ effectus per se & essentialiter, oporteret infinitas actiones simul esse à quibus dependeret effectus. Hoc autem Philosophi reputant impossibile, ideo apud ipsos impossibile est aliquid dependere ab infinitis causis essentialiter ordinatis. Si autem essent infinitæ causæ quarum vna quidem esset per se causa alterius, sed tamen non haberent inter se essentialiter ordinem in causando aliquem effectum, talis infinitas per accidens se haberet ad causatum, ut dicit sanctus Thomas. Ideo nihil refert ad causatum huiusmodi causas infinitas esse, & hoc modo non inconuenit infinito esse in causis agentibus. Licet enim vnus homo generans habeat per se ordinem ad alium hominem generantem absolute, & ille ad alium, & sic in infinitum, si generatio fuerit æterna, non tamen omnes homines qui præcesserunt, habent per se ordinem inter se ad hunc hominem generandum: non enim vnus homo generat ut est ab illo alio genitus, quia etiam si non esset ab illo genitus, posset generare: nec etiam omnes homines qui præcesserunt, simul omnes agunt ad generationem huius, cum non omnes simul sint.

Ad sextam dicit, quod non est multum vtilis hæc ratio, licet sit difficilis: & ideo diuersimodè à diuersis soluitur. Nam quidam posuerunt animam non esse post corpus, quidam vero quod non manet de animabus nisi intellectus aut agens aut possibilis, quidam autem posuerunt animarum circulationem:

alii vero non habent pro inconuenienti esse infinitum in actu in iis quæ ordinem non habent.

ADVERTE cum inquit sanctus Thomas, ipsam rationem de infinitate animarum difficilem esse, & tamē non esse multum vtilem, quod hoc dicit quia concessis omnibus quæ supponuntur ab hac ratione, scilicet multiplicari animas ad multiplicationem hominum, & esse animam immortalem, ac etiam non dari infinitum in actu, quæ omnia videtur vera philosophia tenere, difficile est saluare quomodo Mundus possit esse æternus, sed tamen inutilis ratio est, quia ea quæ ipsa ratio supponit, non cōducunt ab omnibus. Aliqui enim vnū negant, alii vtrū aliud: & ideo parua efficacia apud ipsos Philosophos est. Sed de hac materia inferius cap. 31. latior sermo fiet.

Quantum ad secundum, inducit rationem quam ipse efficaciorē existimat, quia scilicet per hoc quod res non semper fuerunt, potissimè manifestatur diuina bonitas, quæ est finis diuinæ voluntatis, & virtus diuinæ: ostenditur enim manifestè per inæceptionem creaturarum, quod res aliæ habent esse à Deo, & quod non agit de necessitate naturæ & quod, eius potentia est infinita. Conuenientissimum etiam fuit diuinæ bonitati ut rebus creatis principium durationis daret.

CIRCA istam propositionem, Finis diuinæ voluntatis in rerum productione est eius bonitas, inquantum per causata manifestatur, aduertendum, quod duplicem sensum habere potest. Primum videlicet inquantum specifiè rationem formalem diuinæ bonitatis per quam fit finis productionis creaturarum: & tunc est sensus, quod ipsa manifestatio diuinæ bonitatis, est ratio formalis diuinæ bonitatis sub qua habet quod sit finis: & hic sensus est falsus, nec est intentus à sancto Thoma. Imò ipse De Potent. quæst. 3. artic. 15. ad 14. de communicatione diuinæ bonitatis loquens inquit, quod communicatio bonitatis diuinæ non est vltimus finis, sed ipsa bonitas, ex cuius amore est quod Deus eam communicare velit, cum non agat quasi appetens habere, quod non habet, sed quasi volens communicare quod habet. Secundo sensus est, ut ly Inquantum, dicat conditionem eius quod produciatur & est volium propter finem. Sensus enim hoc modo est, quod Deus vult creaturas propter bonitatem suam, inquantum manifestatur per ipsas sua bonitas, ita quod nulla alia ratione vult creaturas in ordine ad suam bonitatem, nisi quia sunt eius manifestatiue. Ex amore enim bonitatis suæ vult eius communicationem & manifestationem per creaturas: sicut si diceremus, quod infirmus nulla alia ratione vult medicinam propter sanitatem, nisi quia per ipsam sanitas causari potest: ipse enim causare sanitatem esset ratio & conditio se tenens ex parte eius quod propter finem appetitur, non autem esset ratio sanitatis ut esset finis, & hic sensus est verus, & hic intentus. Cum enim Deus agat non ex appetitu finis, sed ex eius amore, ut dicitur de Potentia, vbi supra, diuina bonitas amata est ratio & causa finalis propter quam vult creaturas producere, inquantum in ipsa creaturarum productione manifestatur diuina bonitas quam summè amat, ita quod non vult quod sit creaturarum productionem nisi diuinam bonitatem manifestarent: sicut & infirmus non vult medicinam nisi inquantum est causatiua sanitatis.

Ex his omnibus quæ prædicta sunt, deducit sanctus Thomas, quod diuersi errores Philosophorum tolluntur, ponentium aliquid æternum præter Deum, de quibus videlicet 1. & 8. Phry. tractatur & 1. Celi. Præter rationes supradictas quibus aliqui probauerunt Mundum non semper fuisse, est ratio adducta à Scot. 2. Sent. dist. 1. quæst. 3. & à Capreole. 2. Sent. dist. 1. quæst. 1. quæ talis est, si tempus semper fuisset, & semper esset futurum, sequeretur quod pars esset maior toto: hoc est contra primum & notissimum principium, ergo, &c. Probatur consequentia, & supponitur quod tunc præteritum & futurum erunt æqualia, quia vtrumque erit infinitum. Sit igitur merides huius diei, A, merides verò diei crastinæ sit, B, tunc sic, Quocumque tempore præteritum ad, B, est maius, futurum ad, B, est maius, quia sunt æqualia. Sed futuro ad, A, præteritum ad, B, est maius, ergo futuro ad, A, futurum ad, B, est maius. Sed futurum ad, B, est pars futuri ad, A, ergo, &c. Probatur minor principalis, Quodcumque tempus est maius præterito ad, A, est maius futuro ad, A, cum sint æqualia. Sed præteritum ad, B, est maius præterito ad, A, ergo est maius futuro ad, A.

PRO huius rationis solutione considerandum est, quod æquale maius & minus semper secundum terminos quantitatum accipiuntur. Dicitur enim vna quantitas æqualis alteri, quia termini eius terminos alterius non excedunt. Vnde vbi quantitates ponuntur non habere terminos, sicut accidit in quantitatibus infinitis, ibi propriè non est æqualitas aut inæqualitas: possunt tamen aliquo modo dici æquales aut inæquales quantitates infinitæ: ex vna parte tantum, si comparantur secundum eam partem in qua sunt finitæ, non autem si comparantur secundum partem ex qua ponuntur in finita.

CONSIDERANDUM secundum, quod si debet huiusmodi fieri comparatio, oportet ut ex eadem parte accipiantur & magnitudines & termini, scilicet, aut ex parte principij, aut ex parte finis. Nam si accipiantur duæ lineæ quarum vna sit infinita versus Orientem, altera verò sit infinita versus Occidentem, terminenturque ad medium Mundi, ipsæ non dicuntur æquales, quia illud medium non est terminus vtriusque eodem modo, sed vnus est principium, alterius verò finis: sed bene si accipiantur duæ infinitæ ex parte Orientis, & terminatæ ad paria puncta versus Occidentem, possunt aliquomodo æquales dici. Similiter ergo si duo tempora infinita ponantur, vnum à parte antè, aliud verò à parte post, licet ad idem instanti terminentur, non poterunt dici æqualia, sed bene si ambo fuerint ex eadem parte infinita, & ex eadem finita. Ad rationem ergo negatur consequentia. Ad cuius probationem negatur hoc suppositum, quod est rationis fundamentum, scilicet quod tempus præteritum & tempus futurum quorum quodlibet ponitur infinitum, sint æqualia, & consequenter quod maius vno sit etiam maius altero, & quocumque vnum est maius, alterum sit maius. Nam in illis non accipiuntur termini ex eadem parte, ut possit fieri comparatio secundum æquale aut inæquale.

SED occurrit dubium circa id quod dictum est, tempora ex eadem parte finita si ad idem instanti terminentur, esse æqualia. Sic enim videtur quod in tempore infinito à parte antè dies sint æquales annis, cum ad idem terminentur: hoc autem nullus diceret, ergo.

Respondetur, quod dies & anni dupliciter accipi possunt: vno modo accipiendo tempus annorum per motum vnus continui, & similiter tempus dierum. Alio modo vtrumque per motum discreti accipiendo, secundum quod ipsum tempus continuum existens per dies & annos diuiditur. Primo modo non est inconueniens dies esse æquales annis, imò tempus dierum & annorum est idem. Secundo modo dies sunt aliquid maius quàm sint anni, & non sunt

Finis diuinæ voluntatis in rerum productione est eius bonitas inquantum per causata manifestatur.

Prius natura dupliciter dicitur.

Non est idem aliquam causam esse per se causam alius, & plures causas esse eius per se causas.



sunt illis æquales: sicut in vna & eadem linea partes cubitales sunt plures quam sint bicubitales, si vtraque per modum quantitatis discretæ accipiantur. Sed si accipiantur per modum continui, sunt vna & eadem quantitas. Vt enim inquit sanctus Thomas Tertia p. q. 10. art. 3. ad tertium, licet infinito in aliquo ordine non sit maius in illo ordine, potest tamen illo accipi maius extra illum ordinem: & sic licet in ordine mensum non sit aliquid maius mensibus infinitis, tamen infinitum in ordine dierum est aliquid maius infinitis mensibus, & dies infiniti sunt plures mensibus infinitis. Cum autem dicitur, quod terminatur ad eundem terminum, dicitur quod non est verum, inquantum sunt discreta. Nam eorum finis, ut sic, non est instans, sed vnitas. Vnde in ordine mensum vnitas illius mensis qui est vltimus, est terminus: in ordine autem dierum terminus est ille vnus dies, qui est vltimus sue vnitas eius. Cætera quæ in hac materia faciunt difficultatem, vide apud Capreolum loco præallegato.

Quod distinctio rerum non est à casu. Cap. 39.

**E**x peditis autem his quæ ad rerum productionem pertinent, restat prosequi ea quæ sunt consideranda in rerum distinctione, in quibus primo oportet ostendere quod rerum distinctio non est à casu. Casus enim non contingit nisi in possibilibus aliter se habere: quæ enim sunt ex necessitate & semper non dicimus esse à casu. Ostensum est autem supra quoddam res creatas esse in quarum natura non est possibilitas ad non esse, sicut sunt substantiæ immateriales, & absque contrarietate. Substantias igitur eorum impossibile est esse à casu, sunt autem per suam substantiam distinctæ adinuicem: earum igitur distinctio non est à casu.

2. Amplius, Cum casus sit tantum in possibilibus aliter se habere, principium autem huiusmodi possibilitatis est materia, non autem forma quæ magis determinat possibilitatem materię, ad vnum, ea autem quorum distinctio est à forma, non distinguuntur à casu, sed fortè ea quorum distinctio est à materia, specierum autem distinctio est à forma, singularium autem eiusdem speciei à materia: distinctio igitur rerum secundum speciem non potest esse à casu, sed fortè aliquorum indiuiduorum casus potest esse distinctus.

3. Adhuc, Cum materia sit principium & causa rerum casualium, ut ostensum est, in eorum factione potest esse casus, quæ ex materia generantur. Ostensum est autem supra, quod prima rerum productio in esse non est ex materia: in ea igitur casus locum habere non potest. Oportet autem quod prima rerum productio cum distinctione fuerit, cum multa inueniantur in rebus creatis quæ neque ex inuicem generantur, neque ex aliquo vno communi, quia non conueniunt in materia: non est igitur possibile quod rerum distinctio sit à casu.

4. Item, Causa per se, prior est ea quæ est per accidens: si igitur posteriora sint à causa per se determinata, inconueniens est dicere priora esse à causa per accidens indeterminata. Distinctio autem rerum præcedit naturaliter motum & operationes rerum: determinati enim motus & operationes sunt rerum determinatarum & distinctarum. Motus autem & operationes rerum sunt à causis per se & determinatis: cum inueniantur aut semper aut in pluribus ex suis causis eodem modo procedere: ergo & distinctio rerum est à causa per se & determinata, & non à casu, qui est causa per accidens indeterminata.

5. Amplius, Cuiuslibet rei procedentis ab agente per intellectum & voluntatē forma est ab agente intentā: ipsa autē vniuersitas creaturarū Deum habet authorem, qui est agens per voluntatem & intellectum, ut ex præmissis patet. Nec in virtute sua defectus aliquis esse potest: ut sic deficiat à sua intentione, cum sua virtus infinita sit, ut supra ostensum est. Oportet igitur quod forma vniuersi sit à Deo intentā & volitā, non est igitur à casu: casu enim dicimus esse, quæ præter intentionem sunt agentis. Forma autē vniuersi consistit in distinctione & ordine partium eius: non est igitur distinctio rerum à casu.

6. Adhuc, Id quod est bonum & optimum in effectu, est finis productionis ipsius: sed bonum & optimū vniuersi consistit in ordine partium ipsius adinuicem, qui sine distinctione esse non potest. Per hunc enim ordinem, vniuersum in sua totalitate constituitur, quæ est optimū ipsius: ipse igitur ordo partium vniuersi & distinctio earum est finis productionis vniuersi. Non est igitur distinctio rerum à casu.

Hanc autem veritatem sacra Scriptura profitetur, ut patet Gen. 1. vbi cum primò dicitur, In principio creauit Deus celum & terram, subiungit, Diuisit Deus lucem à tenebris, & sic de aliis: ut non solum rerum creatio, sed etiā rerum distinctio à Deo esse ostendatur, non à casu, sed quasi bonū & optimum vniuersi. Vnde subditur, Vidit Deus cuncta quæ fecerat, & erant valde bona.

Per hoc autē excluditur opinio antiquorū Naturalium ponentium causam materialē solam & vnā, ex qua omnia fiebant raritate & densitate: hos enim necesse est dicere distinctionē

rerum quas in vniuerso videmus, non ex alicuius ordinantis intentione prouenisse, sed ex materię fortuito motu. Similiter etiam excluditur opinio Democriti & Leucippi, ponentium infinita principia materialia, scilicet indiuisibilia corpora eiusdem naturę, sed differentia figuris, positione, & ordine: ex quorū concurlu (quæ oportebat esse fortuitū, cum causam agentem negarent) ponebant esse diuersitatē in rebus propter prædictas tres atomorum differentias, scilicet figurę, ordinis, & positionis. Vnde sequebatur distinctionem rerum esse fortuitam: quod ex præmissis patet esse falsum.

Super cap. 39.

**P**ostquam determinauit sanctus Thomas, de rerum productione, nunc de rerum ipsarum distinctione determinat. Circa hoc autem duo facit. Primò remouet falsas Philosophorum opiniones: secundò veritatem declarat, cap. 45.

Quantum ad primum ponit sex conclusiones, quarum prima in hoc cap. ponitur, reliquæ verò in sequentibus. Prima ergo conclusio est, Rerum distinctio non est à casu, tanquam videlicet præter agentis intentionem eueniret. Probatur primò, Sunt quædam substantiæ in quarum natura non est possibilitas ad non esse: ergo tales non sunt à casu, ergo nec earū distinctio à casu erit. Probatur prima consequentia, quia casus non contingit nisi in possibilibus aliter se habere, ut patet 2. Physic. Secundò etiam patet, quia tales substantiæ sunt per suam substantiam distinctæ, id est, ex propriis earum rationibus distinctionem habent.

Secundò, Casus est tantum in possibilibus aliter se habere: ergo distinctio quæ est à materia, forte poterit esse à casu, non autem distinctio quæ est à forma. Sed distinctio specierum est à forma, singularium autem eiusdem speciei à materia, ergo distinctio secundum speciem non est à casu: sed fortè aliquorū indiuiduorum casus est distinctiuius, ergo, &c. Patet prima consequentia, quia principium illius possibilitatis est materia, non autem forma quæ determinat possibilitatem materiæ ad vnum.

A D V E R T E N D V M circa illud quod inquit sanctus Thomas, casum fortassis aliquorum indiuiduorū posse esse distinctiuium, quod non dixit indiuiduorum absolute, sed Aliquorum indiuiduorum, quia in indiuiduis incorruptilibus, cuiusmodi sunt animæ intellectiue & alia huiusmodi, si sunt aliqua alia incorruptibilia solo numero in eadem specie distincta, non potest esse casus, sed tantum in corruptibilibus. Addidit autem Fortè, quia non est absolute verum quod distinctio indiuiduorū corruptibilium sit à casu, sed à casu potest dici esse distinctio indiuiduorū corruptibilium, inquantum illa præter intentionem naturę proueniunt. Quia tamen etiam monstra non sunt omnino contra naturę intentionem, quia saltem secundariò sunt à natura intentā, ideo sub dubio relinquit, vtrum sit à casu eorum distinctio, inquit, quod fortè casus est aliquorum indiuiduorum distinctiuius.

Tertiò, Prima rerum productio non est ex materia, ergo in ipsa casus esse non potest: sed oportuit in ipsa esse rerum distinctionem, cum multa sint in rebus creatis quæ neque ex inuicem, neque ex aliquo vno communi in quo conueniunt generantur, ergo, &c. Patet prima consequentia, quia in eorum tantum factione potest esse casus, quæ ex materia generantur.

A D V E R T E quod duo remouet sanctus Thomas, secundum quæ posset aliquis dicere, in prima productione rerum distinctionem non fuisse, scilicet dicendo, aut quod fuit vnum tantum productum ex quo aliud posterius ab eo distinctum est productum à casu, putā si fuisset tantum aer productus, ex quo postmodum ignis emerisset: aut quod fuit vna materia producta, ex qua plura postea distincta pullularunt. Vtrumque horum remouet per hoc quod sunt multa quæ non generantur ex inuicem, per quod excluditur primum dictum, neque ex aliquo vno communi, propter quod excluditur secundum. Cælum enim & hæc inferiora, aut etiam intelligentiæ, quæ non conueniunt in materia: neque ex inuicem, neque ex communi materia generantur.

Quartò, Distinctio rerum naturaliter præcedit motus & operationes rerum: determinati enim effectus sunt determinatarum rerum distinctarum. Sed motus & operationes rerum sunt à causis per se & determinatis: ergo & distinctio, ergo, &c. Patet consequentia, quia cum causa per se prior sit causa per accidens, inconueniens est dicere posteriora esse à causa per se, priora autem esse à causa per accidens.

Quintò, vniuersitas creaturarum est à Deo agente per intellectum & voluntatem, in cuius virtute defectus esse non potest: ergo forma vniuersi est à Deo intentā & volitā, ergo & rerum distinctio. Probatur prima consequentia, quia cuiuslibet rei procedentis ab agente per intellectum & voluntatem, forma est ab agente intentā, supple, nisi fortè esset defectus in virtute, ut possit deficere à sua intentione. Secunda etiam patet, quia forma vniuersi consistit in distinctione & ordine partium.

Sextò, Ordo partium vniuersi, & distinctio earum est finis productionis vniuersi, ergo, &c. consequentiam habet sanctus Thomas, pro manifesta, quia de ratione finis, inquantum huiusmodi, est quod sit intentus. Antecedens verò probatur, quia id quod est bonum & optimum in effectu, est finis productionis ipsius: optimum autem vniuersi consistit in ordine & distinctione partium eius, ergo, &c.

A D V E R T E, quod duplex est finis, scilicet operationis, & operantis, finis operationis, id est, propter quem est operatio, est optimum quod per operationem producitur, & tale est intrinsecum effectui, veluti eius forma & sic productionis vniuersi finis est totalitas eius quæ in ordine & distinctione partium consistit. Finis autē operantis est aliquid quod operas ex effectu produci intendit, sicut domifactor producendo domum intendit habitationem: & talis finis non est optimum quod sit in effectu produci, sed est aliquid extrinsecum ab effectu. Hoc modo ordo partium vniuersi non est finis productionis vniuersi, sed bonitas diuina, ex cuius amore Deus creaturam produxit, ut ipsa bonitas manifestetur. In hac ergo ratione loquitur sanctus Thomas, de fine operationis, non autem de fine operantis, ut patet.

Confirmatur conclusio auctoris Gene. 1. Excluditur autē ex hoc opinio antiquorū Naturalium, ponentium tantum causam materialem, ex qua dicebant omnia fieri raritate & densitate. Similiter Democriti & Leucippi excluditur opinio ponentium infinita principia materialia, scilicet indiuisibilia corpora eiusdem naturę, differentia autem figuris, positione & ordine: sed causam agentem negantium.

Quod

Idē De Potentia  
41. q. art. 16.

+Cap. 16.

+Cap. 23.

+Cap. 43.

Authorit. sac.  
Script.

Exclusio erroris.

Casus aliquorū  
indiuiduorum  
fortassis distinctiuius  
esse potest.

Dupliciter potest  
intelligi in  
prima rerum  
productione non  
fuisse.

Ordo partium  
vniuersi & distinctio rerum  
est finis productionis vniuersi.



## Quodd materia non est prima causa distinctionis rerum. Cap. 40.

Idem de Potest.  
Dei q. 3. art. 16.

**E**X hoc autem ulterius apparet, quod rerum distinctio non est propter materię diuersitatem, sicut propter primam causam. Ex materia enim nihil determinatum prouenire potest nisi casualiter, eo quod materia ad multa possibilis est: ex quibus si vnum tantum proueniat, hoc vt in paucioribus contingens necesse est esse. Huiusmodi autem est, quod casualiter euenit, & praeipue sublata intentione agentis. <sup>†Cap. 39.</sup> Oñsum est autem, quod rerum distinctio non est a casu. Relinquitur igitur, quod non sit propter materię diuersitatem, sicut propter primam causam.

<sup>2</sup> Adhuc, Ea quę sunt ex intentione agentis, non sunt propter materię sicut propter primam causam: causa enim agēs prior est in causando quā materia, quia materia nō fit actu causa, nisi secundum qd est mota ab agente. Vnde si aliquis effectus consequitur dispositionem materię, & intentionem agentis, non est ex materia sicut ex prima causa: & propter hoc videmus, qd ea quę reducuntur in materiam sicut in primam causam, sunt pręter intentionem agentis, sicut monstra, & alia peccata naturę. Forma autem est ex intentione agentis, quod ex hoc patet: agens enim agit sibi simile secundum formam: & si aliquando deficiat, hoc est a casu propter materiam. Formę igitur non sequuntur dispositionem materię, sicut primam causam, sed magis econuerso materię sic disponuntur, vt sint tales formę. Distinctio autē rerum secundum speciem est per formas: distinctio igitur rerum non est propter materię diuersitatem, sicut propter primam causam.

<sup>3</sup> Amplius, Distinctio rerum non potest prouenire ex materia nisi in illis quę ex materia pręexistēte sunt: multa autē sunt abinice distincta in rebus quę non possunt ex pręexistente materia fieri, sicut patet de corporibus celestibus quę non habent contrarium, vt eorum motus ostēdit. Non igitur potest esse prima causa distinctionis rerū diuersitas materię.

<sup>4</sup> Item, Quęcunque habentia sui esse causam distinguuntur, habent causam suę distinctionis: vnumquodque enim secundum hoc fit ens, secundum qd fit vnum in se indiuisum, & ab aliis distinctum. Sed si materia sui diuersitate est causa distinctionis rerū, oportet ponere materias in se esse distinctas: constat autem qd materia qualibet habet esse ab alio per hoc qd suprat ostensum est, omne quod qualitercunque est, a Deo esse. Ergo aliud est causa distinctionis materię: non igitur prima causa distinctionis rerū potest esse diuersitas materię.

<sup>5</sup> Adhuc, Cum omnis intellectus agat propter bonum, non agit melius propter vilius, sed econuerso. Similiter est de natura. Omnes autem res procedunt a Deo per intellectum agentem, vt ex supradictis patet. Sunt igitur a Deo viliora propter meliora, & non econuerso. Forma autem nobilior est materia, cum sit perfectio & actus eius: ergo non producit tales formas rerum propter tales materias, sed magis tales materias produxit vt sint tales formę. Non igitur distinctio specierum in rebus quę est secundum formam, est propter materiam: sed magis materię sunt creatę diuersę: vt diuersis formis conueniant.

Per hoc autem excluditur opinio Anaxagorę ponentis infinita principia materialia a principio quidem commixta in vno confuso, quę postmodum intellectus separando constituit: & quorumcunque aliorum ponentium diuersa principia materialia ad distinctionem rerum causandam.

## Supercap. 40.



**S**ecunda conclusio est, Distinctio rerum non est propter materię diuersitatem sicut propter primam causam. Vbi aduertendum, quod hęc conclusio ponitur non tantum contra ponentes solam causam materialem, sed etiam contra ponentes cum materia causam efficiētem, volentes tamen quod distinctioni rerum pręsupponatur materia, ex qua primō in rebus causetur distinctio. Arguitur autem primō contra hanc opinionem sic, Ex materia nihil potest prouenire nisi casualiter, sed distinctio rerum non est a casu, ergo, &c. Probatur maior, quia cum materia ad multa possibilis sit, quod ad vnum determinetur, hoc vt in paucioribus accidit: huiusmodi autē est quod casualiter accidit, pręcipue sublata intentione agentis.

**A**DVERTENDUM pro hac ratione, cum dicitur ex materia nihil posse prouenire nisi casualiter, quod hoc intelligendum est de eo quod a materia tanquam a prima causa prouenit: non autem de eo quod prouenit ex materia secundum agentis dispositionem. Si enim ponatur prima causa ipsa materia, ipsa erit causa semota etiam intentione agentis, saltem secundum modum intelligendi: ideo cum ipsa sit ad multa indifferens secundum se, quod vnum determinatum ex ipsa proueniat, non erit nisi vt in paucioribus & a casu, quia ex nulla agentis intentione prouenit.

Secundō, Formę non sequuntur dispositionem materię sicut primam causam, sed magis econuerso materię sic disponuntur, vt sint tales formę:

ergo nec distinctio specierum. Patet consequentia, quia distinctio rerum secundum speciem est per formas. Probatur antecedens, quia forma est ex intentione agentis, ea autem quę sunt ex intentione agentis, non sunt ex materia tanquam ex prima causa, tum quia causa agens est prior in causando quā materia, tum quia videmus ea quę in materiam vt in primam causam reducuntur, vt monstra, esse pręter intentionem agentis.

**A**DVERTERE ex 4. Sentent. distinct. 36. quęst. 1. art. 1. ad secundum, quod monstra licet sint pręter primam intentionem naturę agentis, non tamen sunt contra secundam intentionem, quando enim non potest natura ad maiorem perfectionem perducere, perducit ad minorem, & ad eam quam potest.

**S**E D occurrit dubium circa hoc quod dicitur, formas non sequi dispositiones materię, sed magis econuerso. Nam secundum doctrinam sancti Thomę, materia signata est principium indiuiduationis in rebus materialibus: ergo formę distinguuntur, quia recipiuntur in diuersis materiis, ergo formę sequuntur dispositiones materię.

Respondenti potest primō, quod sanctus Thomas hoc loco loquitur de distinctione formali & specifica, quomodo distinguuntur partes essentielles vniuersi, non autem de distinctione materiali. Secundō responderi potest, quod formę quidem accipiunt indiuiduationem suę etiam distinctionem ex materia signata: & ideo exiunt vt habeant materias dispositas & proportionatas, non autem idcirco exigitur vt sequatur dispositiones materię tanquam primas causas distinctionis, & vt ordinatum ad finem sequitur finis dispositionem, Imō quia agens intendit producere formam limitatam & indiuiduatam, disponit materiam vt sit proportionata formę taliter limitatę. Vnde negatur prima consequentia si inferatur de prima causa distinctionis formarum, licet sit vera loquendo de causa secudaria. Agens enim est prima causa indiuiduationis, quia intendit producere formam singularem & indiuiduatam: materia autem est secudaria causa, inquantum agens intendens sua actione producere hanc formam, disponit materiam vt sit conueniens pro tali forma. Cum autem inferatur, Ergo formę sequuntur dispositiones materię, conceditur, si sit sensus de ordine quo finis sequitur ea quę sunt ad finem secundum ordinem executionis. Negatur autem sequela de ordine quo ordinatum ad finem sequitur finem secundum ordinem intentionis agentis.

Tertiō, Multa sunt abinice distincta in rebus quę non possunt ex pręexistenti materia fieri, ergo, &c. Patet consequentia, quia distinctio rerum non potest ex materia prouenire, nisi in illis quę ex pręexistenti materia sunt.

Quartō, Supponitur si materia sit causa distinctionis, quod oportet ponere materias in se esse distinctas. Tunc sic, Aliquid aliud est causa distinctionis materię, quia habent causam sui esse: quę autem habentia sui esse causam distinguuntur, habent & causam suę distinctionis, ergo prima causa distinctionis rerum non potest esse diuersitas materię.

Quintō, Omnes res procedunt a Deo per intellectum agentem, igitur sunt a Deo viliora propter meliora: ergo materias produxit propter formas, & non econuerso, ergo distinctio specierum in rebus quę est per formas, non est propter materiam, sed magis materię sunt creatę distinctę vt diuersis formis conueniant. Probatur prima consequentia, quia tam intellectus quā natura agit vilius propter melius, & non econuerso, cum agat propter bonum. Secunda etiam patet, quia forma est nobilior materia. Per hoc autem, inquit sanctus Thomas, opinio Anaxagorę excluditur.

**V**B I aduertendum, quod licet Anaxagoras posuerit causam agentem, voluit tamen vt distinctio partium materialium pręexistere distinctioni rerum, ita quod prima causa distinctionis in rebus esset distinctio illarum partium materialium, quasi agens non posset distinctas res producere nisi distinctę illę partes naturales pręexistērent. Quod sanē esse falsum ex præcedentibus rationibus est ostensum.

## Quodd distinctio rerum non est propter contrarietatem primorum agentium. Cap. 41.



**E**X præmissis autem ostēdi potest, quod causa distinctionis rerum non est diuersitas, aut contrarietas agentiu. Si enim diuersi agentes ex quibus procedit rerum diuersitas, sunt ordinati adinice, oportet qd huiusmodi ordinis sit aliqua causa vna: nam multa non vniuntur nisi per aliquod vnum, & sic illius ordinis est vna causa & vna distinctio rerum. Si verō diuersi agentes non sint adinice ordinati, & cōfusio eorū ad diuersitatem rerum producendam erit per accidens: distinctio igitur rerū erit casualis, cuius cōtrarium suprat ostēsum est.

<sup>2</sup> Item, A diuersis causis non ordinatis non procedunt effectus ordinati, nisi fortē per accidens: diuersa autem inquantum huiusmodi non faciunt vnum. Res autem distinctę inueniuntur habere ordinem adinice non casualiter, cum vt in pluribus vnum ab alio moueatur: impossibile est igitur quod distinctio rerum sic ordinatarum sit propter diuersitatem agentium non ordinatorum.

<sup>3</sup> Amplius, Quęcunque habent causam suę distinctionis, non possunt esse prima causa distinctionis rerum: sed si plura entia ex æquo accipiatur, necesse est qd habeant causam suę distinctionis, habent enim causam efficiētem, cum omnia entia sint ab vno primo ente, vt suprat ostensum est. Idem autem est causa efficiēti alicui, & distinctionis eius ab aliis, sicut ostensum est: non potest igitur esse prima causa distinctionis rerum diuersis agentium.

<sup>4</sup> Item, Si diuersitas rerum procedat a diuersitate vel contrarietate diuersorum agentium, maximē hoc videtur (quod & plures ponunt) de contrarietate boni & mali: ita qd omnia bona procedant a bono principio, mala a malo. Bonū autē & malum

Formę non sequuntur dispositiones materię, sed econuerso.

Idem de Potest.  
Dei q. 3. art. 16.

†Cap. 39.

†Cap. 39. huius  
Libri.

†Cap. 40.

Exclusio erro-  
ris.

Ex materia nihil potest prouenire nisi casualiter.



malum sunt in omnibus generibus, non autem potest esse vnum primum principium omnium malorum: cum enim ea quæ sunt per aliud, reducuntur ad ea quæ sunt per se, oportebit principium actuum malorum, esse per se malum. Per se autem dicimus tale, quod per essentiam suam tale est: eius igitur essentia erit mala, hoc autem est impossibile. Omne enim quod est, inquantum est ens, necesse est esse bonum: esse namque suum vnumquodque amat, & cōseruari appetit. Signum autem est, quia contrapugnat vnumquodque suæ corruptioni: bonum autem est quod omnia appetit. Non potest igitur distinctio in rebus procedere à duobus contrariis principiis quorum vnum sit bonum, & aliud malum.

¶ Adhuc, Omne agens agit inquantum est actus, inquantum verò est actus, est vnumquodque perfectum: perfectum verò omne inquantum huiusmodi bonum dicimus. Omne igitur agens, inquantum huiusmodi, bonum est. Si quid igitur per se malum est, non poterit esse agens: si autem est malorum primum principium, oportet esse per se malum, vt ostensum est. Impossibile est igitur distinctionem in rebus procedere à duobus principiis bono & malo.

¶ Amplius, Si omne ens inquantum huiusmodi bonum est, malum igitur inquantum est malum, est non ens. non entis autem, inquantum huiusmodi, non est ponere causam agentem, cum omne agens agat inquantum est ens actus. Agit autem vnumquodque sibi simile: mali igitur inquantum est huiusmodi, non est ponere causam per se agentem. Non est igitur fieri reductionem malorum in vnam primam causam, quæ per se sit causa omnium malorum.

¶ Adhuc, Quod educitur præter intentionem agentis, non habet causam per se, sed per accidens, sicut cum quis inuenit thesaurum fodiens ad plantandum: sed malum in effectu aliquo non potest provenire nisi præter intentionem agentis, cum omne agens agat bonum intendat, bonum enim est quod omnia appetunt. Malum igitur non habet causam per se, sed per accidens incidit in effectibus causarum: non igitur est ponere vnum primum principium omnium malorum.

¶ Item, Contrariorum agentium sunt contrariæ actiones: eorum igitur quæ per vnam actionem producuntur, non sunt ponenda principia contraria. Bonum autem & malum eadem actione producuntur: eadem enim actione aqua corrumpitur & aer generatur. Non sunt igitur propter differentiam boni & mali in rebus inuentam, ponenda principia contraria.

¶ Amplius, Quod omnino non est, nec bonum nec malum est: quod autem est, inquantum est, bonum est, vt ostensum est. Oportet igitur malum esse aliquid inquantum est non ens: hoc autem est ens priuatum. Malum igitur inquantum huiusmodi est ens: priuatum, & ipsum malum est ipsa priuatio: priuatio autem non habet causam per se agentem, quia omne agens agit inquantum habet formam, & sic oportet per se effectum agentis esse habens formam, cum agens agat sibi simile, nisi per accidens impediatur. Relinquitur igitur, quod malum non habet causam per se agentem, sed incidit per accidens in effectibus causarum per se agentium. Non est igitur vnum primum & per se malorum principium: sed primum omnium principium est vnum primum bonum, in cuius effectibus consequitur malum per accidens. Hinc est quod Isaia 45. dicitur, Ego Dominus, & non est alter Deus, formans lucem, & creans tenebras, faciens pacem, & creans malum: ego Dominus faciens omnia hæc. & Ecclesiastici 11. Bona & mala, vita & mors, paupertas & honestas à Deo sunt. & ibidem 33. Contra malum bonum est, & contra virum iustum est peccator: & sic intueri in omnia opera altissimi. Duo cōtra duo, & vnum contra vnum. Dicitur autem Deus facere mala vel creare inquantum creat ea quæ secundum se bona sunt, & tamen aliis sunt nociua: sicut lupus quamvis in sua specie quoddam bonum naturæ sit, tamē ouī est malus, & similiter ignis aquæ, inquantum est huiusmodi corruptiuus: & per similem modum est causa malorum in omnibus quæ pœnæ dicuntur. Vnde dicitur Amos 3. Si est malum in ciuitate, quod Dominus non fecerit? Et hoc est quod Gregorius dicit, Etiam mala quæ nulla sua natura subsistunt, creantur à Domino. Sed creare mala dicitur, cum res in se bonas creatas, nobis male agentibus in flagellum format.

¶ Per hoc autem excluditur error ponentium prima principia contraria, qui error primò incepit ab Empedocle: posuit enim duo prima principia agentia, amicitiam, & litem, quorum amicitiam dixit esse causam generationis, litem verò corruptionis. Ex quo videtur (vt Aristot. dicit in 1. Metaph.) hæc duo bonum & malum prima principia contraria posuisse. Posuit autem & Pythagoras duo prima, bonum & malum: sed non per modum principiorum agentium, sed per modum

formalium principiorum. Ponebat enim hæc duo esse genera sub quibus omnia talia comprehenderentur, vt patet per Philosophum in 1. Metaphysic. Hos autem antiquissimos Philosophos sufficienter exclusi, quidā peruersi sensus homines doctrinæ Christianæ adiungere præsumperunt: quorum primus fuit Marcion, à quo Marcionistæ sunt dicti: qui sub nomine Christiano hæresim condidit, opinatus duo sibi diuersa principia: quem secuti sunt Cerdoniani, & postmodum Manichæi qui hunc errorem maximè diffuderunt.

Marcion

Cerdoniani &amp; Manichæi.

## Super cap. 41.



Ertia conclusio est, Causa distinctionis rerum non est contrarietas agentium. Circa cuius probationem duo facit sanctus Thomas. Primò probat absolute contrarietatem agentium non esse causam distinctionis rerum: secundò idem ostendit particulariter de contrarietate boni & mali.

Quartum ad primum arguitur primò sic, Aut diuersi agentes ex quibus procedit rerum diuersitas sunt ordinati, aut non. Si primum, ergo illius ordinis est vna causa, cum multa non vniantur nisi per aliquod vnum: ergo vna erit causa distinctionis. Si secundum, ergo distinctio rerum erit casualis, quia concursus ipsorum ad agendum erit per accidens.

ADVERTE, quod cum dicatur à casu euenire quod præter intentionem agentis euenit, erit distinctio casualis si præter intentionem agentium eueniat: hoc autem erit si diuersi agentes inter se ordinem non habeant. Nam vnus agens intendit suum effectum tantum, quod autem alius agens alium effectum producat, erit præter intentionem huius agentis, & similiter dicendum de alio, & sic nec ab vno illorum, nec ab ambobus distinctio rerum erit intenta.

Secundò, & est confirmatio præcedentis, Res distinctæ inueniuntur habere ordinem ad inuicem non casualiter, cum vt in pluribus vnum ab alio moueatur, quia scilicet casus in paucioribus accidit, sed, supple, sunt multa distincta quorum vnum vt in pluribus ab alio mouetur, sicut ista inferiora à cælo: ergo eorum distinctio non est casualis, ergo non est à diuersis non ordinatis.

Tertiò, Si plura agentia ex æquo accipiantur, habent causam essendi, vt ex superioribus patet, ergo habent causam suæ distinctionis, ergo diuersitas talium agentium non potest esse prima causa distinctionis rerum.

Quantum ad secundum probatur primò quod contrarietas boni & mali non sit causa distinctionis rerum quasi omnia bona procedant à bono principio, & omnia mala à malo. Secundò ostenditur quid sit primum malorum principium. Arguitur ergo primò sic, Si hoc etiam, oportet principium actuum malorum esse per se, & per suam essentiam malum, quia omne per aliud reducitur ad per se, hoc autem est impossibile, ergo, &c. Probatur falsitas, quia omne quod est, inquantum est ens, est bonum: quod constat eo quod vnumquodque appetit cōseruare suum esse, boni autem est quod omnia appetunt.

ADVERTE, quod hic loquitur sanctus Thomas de malo non quo ad priuationem solam, sed de eo quod isti dicunt esse quoddam ens in rerum natura habens propriam naturam & essentiam, & esse malum, & omnium malorum principium.

Secundò, Per se malum non potest esse agens, ergo malum non potest esse primum principium malorum. Patet consequentia, quia primum principium malorum est per se malum. Probatur autem antecedens, Omne agens inquantum huiusmodi est in actu, ergo perfectum, ergo bonum, ergo quod non est bonum, non est agens, ergo, &c.

Tertiò, Malum inquantum malum, est non ens, quia omne ens inquantum ens est bonum, ergo mali inquantum huiusmodi non est causa per se agens, ergo, &c. Probatur prima consequentia, quia omne agens agit inquantum est in actu: agit autem vnumquodque sibi simile: & sic oportet vt quod sit, habeat esse actus.

Quartò, Malum in effectu non potest provenire, nisi præter intentionem agentis, cum omne agens bonum intendat. Ergo malum non habet causam per se. Patet consequentia, quia quod euenit præter intentionem agentis, non habet causam per se, sed per accidens.

Quintò, Bonum & malum eadē actione producuntur, ergo, &c. Probatur consequentia, quia eorū quæ eadē actione producuntur, non sunt principia contraria, cum contrariorum agentium sint contrariæ actiones. Antecedens verò probatur exemplo, eadem enim actione aqua corrumpitur, & aer generatur.

CIRCA istam propositionem, Eadem actione aqua corrumpitur & aer generatur, dubium occurrit, quia actio agentis per motum aut mutationem, non est aliud materialiter, & secundum essentiam quam ipse motus & mutatio: sed corruptio aquæ non est idem realiter cum generatione aeris, cum habeant terminos distinctos. Ergo non est eadem actio qua vnum generatur, & aliud corrumpitur.

AD huius euidentiam considerandum ex doctrina 5. Thom. Verit. q. 28. ar. 1. quod cum motus sit de affirmato in affirmatum, & per consequens sit idē motus quo vni affirmatiue significatū acquiritur, & aliud abicitur: oportet vt motui duæ mutationes adiungantur, quarum vna sit generatio, & alia corruptio. Propter hoc possumus in huiusmodi transitu ab vno affirmato ad aliud affirmatum cōsiderare aut rationē motus, aut rationē mutationis. Si ipsum motum consideremus, sic est vnus & idē motus quo abicitur vnum oppositum, & quo aliud acquiritur. motus enim accipit speciem & vnitatem à termino ad quem non autē à termino à quo. Sed si cōsideremus ipsam rationē mutationis, sic non est vna mutatio, sed sunt plures se inuicem consequentes, eo quod vna terminetur ad esse: alia verò ad non esse. Vtrique tamen mutatio se habet ad motum per modum concomitantæ, & ab vno motu vtrique dependet.

AD dubiū ergo dicitur, quod vna actione & vno motu corrumpitur aqua, & generatur aer: quia istæ mutationes vni motui & vni actione concomitantur. Quum autē arguitur, Quia actio agentis per motum aut mutationem, nihil est aliud realiter quam motus & mutatio, dicitur, quod si verumque per se & separatim sumatur, scilicet motus per se, & mutatio per se, sic actio quæ agit per motum, est ipse motus: & actio quæ est cum mutatione, est ipsa mutatio. Sed si accipiatur mutatio vt concomitatur motum, sic actio est quidem motus, non autē est mutatio quæ motum concomitatur, & maximè illa quæ terminatur ad non esse termini à quo, & tamē ad vnam actionē & ad vnum motum

Si diuersa agentia non ordinata sint causa distinctionis rerum, illa distinctio erit à casu.

Eadem actione aqua corrumpitur & aer generatur.

Auth. sac. Scripturæ.

Quomodo Deus facit mala.

Exclusio erroris.



motum qui est inter contrarios terminos, utraque mutatio quæ est generatio vnius, & corruptio alterius, concomitatur: & sic verum est, quod vna actione corrumpitur aqua, & generatur aer, per concomitantiam ad motum.

Sexto, Malum inquantum malum, est non ens, sed non est omnino non ens, quia quod omnino non est, nec est bonum neque malum, ergo est aliquid inquantum est non ens, ergo malum inquantum huiusmodi est ens priuatum, quia non ens quod est aliquid est ens priuatum, & ipsum malum est ipsa priuatio, ergo non habet causam per se agentem, ergo, &c. Patet antecedens, quia omne quod est, inquantum est, bonum est: & sic si malum inquantum huiusmodi esset ens, ipsum inquantum malum esset bonum.

Malum inquantum est non ens est aliquid.

CIRCA istam propositionem, Malum inquantum est non ens, est aliquid, dubitatur, quia videtur implicatio in adiecto: nam aliquid conuertitur cum ente, ut patet de Veri. q. 7. dicere ergo quod malum inquantum non ens, est aliquid, est dicere quod inquantum est non ens, est ens.

Respondetur, quod ly Inquantum, potest specificare rationem formalem qua malum est aliquid, & sic propositio est falsa: non enim ratio non entis est causa quare malum sit aliquid, ut bene procedit obiectio. Potest etiam manifestare genus ad cuius speciem limitatur: & sic accipitur hoc loco ly Inquantum. Sensus enim est, quod malo conuenit hæc species non entis, quæ est aliquid, id est, quod est ens priuatum inquantum continetur sub non ente: non autem conuenit sibi esse illud non ens, quod est omnino non ens, sicut si diceremus quod homo secundum quod continetur sub genere animalis, determinat sibi speciem hominis, non autem speciem equi.

Dicitur ulterius, quod tale non ens est aliquid, & est aliquo modo ens, ratione scilicet subtrati, quia dicit negationem in subiecto. Secundo loco concludit S. Thom. quod primum omnium malorum principium est vnum primum bonum, in cuius effectibus consequitur malum per accidens, cum ostensum sit quod malum non potest primi principij rationem habere.

Probatur autem autoritate Isaie 45. Ego Dominus, & non est, &c. Ecclesiastici 11. Bona & mala, &c. & 33. Contra malum, &c. Notat autem quod dicitur Deus facere mala vel creare, inquantum creat ea quæ secundum se bona sunt, & tamē aliis sunt nociua, ut lupus oui, & ignis aquæ: sic enim Deus est causa malorum in hominibus quæ pœnæ dicuntur, iuxta illud Amos 3. Si est malum, &c. & Gregor. Etiam mala, &c. Ex his excluditur error ponentium prima principia, scilicet effectiua aut formalia contraria, sicut primo Empedocles, deinde Pythagoras, postremum hæretici quidam, ut Marcionis, Cerdoniani, ac Manichæi posuerunt.

CIRCA id quod superius est dictum, quoniam videlicet primum bonum est primum omnium principium, in cuius effectibus consequitur malum per accidens, dubitatur, quia quod per accidens consequitur effectum alicuius agentis, est præter eius intentionem: sed nihil est præter intentionem in effectibus Dei, qui est primum bonum, cum nihil per comparationem ad ipsum secundum doctrinam sancti Thomæ sit fortuitum aut casuale: ergo nihil est per accidens in effectibus eius.

Respondetur, quod dupliciter aliquid potest dici per accidens in effectibus alicuius causæ, aut scilicet quia est omnino præter intentionem agentis, aut quia est præter primam agentis intentionem. Quod primo modo est per accidens, est fortuitum aut casuale, & hoc modo nullum malum naturæ est per accidens in effectibus diuinis. Quod autem est per accidens tantum secundum modo, non est fortuitum & casuale, si ut in pluribus accidat, quia secundaria intentione est intentum tanquam consequens, ad id quod primum & per se intenditur: & sic in effectibus diuinis potest esse aliquid per accidens. Primum enim & per se Deus in operibus suis intendit aliquid bonum, sed quia aliquando bonum intentum concomitatur aliquod malum nature alicuius: secundario etiam illud malum intendit, inquantum magis vult illud malum euenire, quam ut vniuersum eo bono priuetur, ad quod tale malum consequitur.

Quod causa distinctionis rerum non est secundorum agentium ordo.

Cap. 42.

**E**x eisdem etiam ostendi potest, quod rerum distinctio non causatur ex ordine secundorum agentium, sicut quidam dicere voluerunt, quod Deus cum sit vnus & simplex, facit tantum vnum effectum: qui est substantia primò creata: quæ quia simplicitati propriæ causæ adæquari non potest, cum non sit actus purus, sed habeat aliquid de potentia admixtum: habet aliquam multipliciter, ut ex ea ideo pluralitas aliqua possit prodire: & sic semper effectibus à simplicitate causarum deficientibus, dum multiplicentur effectus, diuersitas causarum constituitur, ex quibus vniuersum consistit. Hæc igitur positio toti rerum diuersitati non vnam causam assignat, sed singulas causas determinatas effectibus: totam autem diuersitatem rerum ex concursu omnium causarum procedere ponit. Ea autem à casu esse dicimus, quæ ex concursu diuersarum causarum proueniunt: & non ex aliqua vna causa determinata. Distinctio igitur rerum & ordo vniuersi erit à casu.

2. Amplius, Id quod est optimum in rebus creatis, reducit ut in primam causam in id quod est optimum in causis: oportet igitur effectus proportionales esse causis. Optimum autem in omnibus entibus creatis est ordo vniuersi, in quo bonum vniuersi consistit: sicut & in rebus humanis bonum gentis est diuinius quam bonum vnius. Oportet igitur ordinem vniuersi sicut in propriam causam reducere in Deum, quem supra ostendimus esse summum bonum: non igitur rerum distinctio in quo ordo consistit vniuersi, causatur ex causis secundis, sed magis ex intentione primæ causæ.

3. Adhuc, Absurdum videtur, id quod est optimum in rebus

reducere sicut in causam in rerum defectum: optimum autem in rebus creatis est distinctio & ordo ipsorum, ut ostensum est. Inconueniens igitur est dicere quod talis distinctio ex hoc causetur, quæ secundæ causæ deficit à simplicitate causæ primæ.

4. Item, In omnibus causis agentibus ordinatis ubi agit propter finem, oportet quod fines causarum secundarum sint propter finem causæ primæ: sicut finis militaris & equestris, & frænefactiua est propter finem ciuilem. Processus autem entium à primo ente est per actionem ordinatam ad finem, cum sit per intellectum, ut ostensum est: intellectus autem hominis propter finem agit. Si igitur in productione rerum sunt aliqua causæ secundæ, oportet quod fines earum & actiones sint propter finem causæ primæ, qui est vltimus finis in rebus creatis. Hic autem est ordo partium vniuersi & distinctio, qui est quasi vltima forma: non est igitur distinctio in rebus & ordo propter actiones secundarum causarum, sed magis actiones secundarum sunt propter ordinem & distinctionem in rebus constituendam.

5. Adhuc, Si distinctio partium vniuersi & ordo earum est proprius effectus causæ primæ quasi vltima forma & optimum in vniuerso, oportet rerum distinctionem & ordinem esse in intellectu causæ primæ. In rebus enim quæ per intellectum aguntur, forma quæ in rebus factis producit, prouenit à forma simili quæ est in intellectu: sicut domus quæ est in materia, à domo quæ est in intellectu. Forma autem distinctionis & ordinis non potest esse in intellectu agente, nisi sint ibi forme distinctorum & ordinatorum: sunt igitur in intellectu diuino forme distinctarum rerum diuersarum & ordinatarum, nec hoc simplicitati eius repugnat, ut supra ostensum est. Si igitur ex formis quæ sunt in intellectu, proueniant res extra animam in his quæ per intellectum aguntur, poterunt à prima causa immediatè causari plura & diuersa non obstante diuina simplicitate, propter quam quidam in prædictam positionem inciderunt.

6. Item, Actio agentis per intellectum, terminatur ad formam quam intelligit, non ad aliam, nisi per accidens & à casu. Deus autem agens est per intellectum, ut ostensum est: non potest igitur eius actio esse casualis, cum non possit in sua actione deficere. Oportet igitur quod producat effectum suum ex hoc, quod ipsum effectum intelligit & intendit. Sed per quam rationem intelligit vnum effectum, potest & multos effectus alios à se intelligere: potest igitur multa causare statim absque medio.

7. Amplius, sicut supra ostensum est, Virtus diuina non limitatur ad vnum effectum, & hoc ex eius simplicitate prouenit: quia quando aliqua virtus est magis vnita, tantò est magis infinita, & ad plura se potest extendere. Quod autem ex vno non fiat nisi vnum, non oportet nisi quando agens ad vnum effectum determinatur. Nō oportet igitur dicere, quod quia Deus est vnus & omnino simplex, ex ipso multitudo prouenire non possit nisi mediatis aliquibus ab eius simplicitate deficientibus.

8. Præterea, Ostensum est supra, quod solus Deus potest creare: multa autem sunt rerum, quæ non possunt procedere in esse nisi per creationem: sicut omnia quæ non sunt composita ex materia & forma contrarietati subiecta. Huiusmodi enim ingenerabilia oportet esse, cum omnis generatio sit ex contrario & ex materia: talia autem sunt omnes intellectuales substantiæ, & omnia corpora cælestia, & etiam ipsa materia prima. Oportet igitur ponere omnia huiusmodi immediatè à Deo simpliciter sui esse principium. Hinc est quod dicitur Genes. 1. In principio creauit Deus cælum & terram. Et Iob 37. Tu forsitan fabricatus es cælos, qui solidissimi quasi are fundati sunt. Excluditur autem ex prædictis opinio Auicennæ, qui dicit, quod Deus intelligens se produxit vnam intelligentiam primam, in qua iam est potentia & actus, quæ inquantum intelligit Deum, producit intelligentiam secundam: inquantum verò intelligit se secundum quod est in actu, producit animam orbis, inquantum verò intelligit se secundum quod est in potentia, producit substantiam orbis primi: & inde procedens diuersitatem rerum instituit per causas secundas.

Excluditur etiam opinio quorundam antiquorum hæreticorum, qui dicebant Deum non creasse Mundum, sed Angelos: cuius erroris dicitur primò fuisse Simon Magus inuētor.

Super cap. 42.



Varta conclusio est, Rerum distinctio non causatur ex ordine secundorum agentium. Et ponitur hæc conclusio contra Auicennam, nono Metaphysicæ, volentem quod Deus fecit vnam tantum substantiam, quæ quia simplicitatem primæ causæ adæquate non potuit, sed aliquam in se multipliciter habebat, ideo ab ea aliqua pluralitas prodire potest, & sic semper effectibus à causa.

Contra Gent.

n sūp

†Cap. 43.

†Lib. primo, cap. 52. & duobus sequētib.

†Cap. 23.

†Cap. 22.

†Cap. 21.

Auth. sac. Scripturæ.

Exclusio erroris Auicennæ. lib. 9. Metaphysicæ.

†Cap. 41.



se simplicitate deficientibus, dum multiplicatur effectus, diuersitas etiam causarum constituitur. Vnde sequebatur quod rerum distinctio proveniret ex ordine agentium, quorum vnum magis à simplicitate primæ causæ distabat quàm aliud, & secundum eorum multiplicatam multam proveniebant. Hanc itaque positionem reprobans sanctus Thomas, arguit primò sic, Sequitur illa positio facta, quod ordo Vniuersi & distinctio rerum esset à casu: hoc autem est falsum, ergo, &c. Probatur consequentia, quia distinctio huiusmodi non proveniret ab vna causâ, sed ex concursu omnium causarum: ea autem quæ ex concursu diuersarum causarum proveniunt, & non ex aliqua vna causâ determinata, à casu dicimus euenire. Fundamentum huius rationis vide in prima ratione præcedentis capituli.

Secundò, Optimum in omnibus entibus creatis est ordo Vniuersi, sicut & in rebus humanis bonum gentis est diuinius quàm bonum vnius: ergo reducit in id quod est optimum in causis, ergo non causatur ex causis secundis, scilicet primò. Probatur prima consequentia, quia effectus oportet esse proportionales causis.

Tertiò, Ordo Vniuersi est optimum in rebus, ergo non causatur ex hoc quod secundæ causæ deficiunt à simplicitate primæ causæ. Patet consequentia, quia optimum non debet sicut in causam in rerum defectum reduci.

Quartò, Ordo & distinctio Vniuersi est vltimus finis in rebus causatis, cum sit quasi vltima forma (intellige de fine intrinseco, non autem extrinseco: quia ille est bonitas diuina) ergo non est propter actiones secundarum causarum, sed magis actiones huiusmodi sunt propter ordinem & distinctionem constituendam in rebus. Patet consequentia, quibus in omnibus causis agentibus ordinatis, ubi agitur propter finem, fines secundarum causarum sunt propter finem causæ primæ. finis autem causæ primæ est vltimus finis in rebus causatis.

SECVNDUM videtur ista ratio propositum non concludere. Dicentes enim rerum distinctionem provenire ab ordine causarum agentium, non dicunt quod distinctio sit propter actiones secundarum causarum tanquam propter finem, sed quod est ab actionibus ipsarum tanquam à causa efficiente suo modo. ratio autem concludit, quod non est distinctio propter actiones tanquam propter finem, sed magis econuersò, quod ad propositum non esse aperte conflat.

Respondetur, quod ista ratio procedit non secundum ordinem essendi in re, sed secundum ordinem essendi in intentione agentis: stat enim quod aliquid sit prius altero secundum esse reale, & tamen sit posterius in intentione agentis, sicut cum finitas causatur ex medicina, medicina præcedit sanitatem in re: in intentione autem posterius est, quia non desideratur medicina nisi propter desiderium sanitatis. Licet ergo dicerent isti per actiones secundarum causarum ordinem & distinctionem rerum causari, oportebat tamen eos dicere, ipsa agentia primò proprias actiones intendere, & distinctionem provenire ex consequenti, ut in primaratione arguebatur, & sic sequebatur rerum distinctionem provenire: quia ipsæ actiones causarum à suis agentibus intenduntur primò & per se, ex quibus rerum distinctio sequebatur aut propter intentionem omnino, aut propter primam intentionem. Sicut si diceremus aliquem primò & per se velle medicinam: & si sanitas medicinam consequeretur, diceremus ipsam sanitatem aut non esse intentam, aut secundario intentam esse propter eius concomitantiam ad medicinam: & sic ideo sanitas eueniret, quia medicina sumpta esset, non autem esset sumpta medicina ut sanitas eueniret. Dicitur ergo ad dubium, quod isti sic opinantes dicebant explicitè quidem ordinem & distinctionem in rebus per actiones secundarum agentium effectiue produci: sed implicitè etiam dicebant ipsas actiones esse primò intentas, & distinctionem rerum esse propter actiones tanquam propter finem, & contra hoc procedit ratio sancti Thomæ.

Quintò, Arguitur contra fundamentum & rationem prædictæ positionis, cum scilicet inquirunt ideo non posse à prima causa plura & diuersa causari immediate, quia est simplicissima, Distinctionem & ordinem Vniuersi oportet esse in intellectu causæ primæ: ergo oportet ibi esse formas distinctionum, ergo à prima causa poterunt immediate plura causari. Probatur antecessè, quia distinctio partium Vniuersi, & ordo earum, est proprius effectus causæ primæ quasi vltimæ formæ, & optimi in Vniuerso: in agentibus autem per actiones secundarum effectus præexistit in intellectu agentis. Patet autem in prima consequentia, secunda verò probatur ex hoc supposito, quod ex formis quæ sunt in intellectu, proueniunt res extra animam in iis quæ per intellectum aguntur.

ADVERTENDUM, quod ista ratio non supponit quod habet probare, cum assumit rerum distinctionem esse proprium effectum Dei, quia non assumit illud tanquam concessum, sed tanquam probatum in præcedenti ratione.

ATTENDENDUM etiam, quod hæc ratio supponit ex formis quæ sunt in intellectu, provenire res ad extra immediate, quia hoc videtur esse de ratione agentis per intellectum: sicut enim agens per naturam potest immediate producere sibi simile quantum ad formam naturalem, ita agens per intellectum sibi simile quantum ad formam præconceptionem.

Sextò, Deus est agens per intellectum, & non potest in sua actione deficere: ergo producit suum effectum per hoc quod ipsum effectum intelligit & intendit, ergo multa statim potest creare ab ipso medio. Probatur prima consequentia, quia actio agentis per intellectum terminatur ad formam quam intelligit, non ad aliam, nisi per accidens & a casu: quod non potest accideret, si actio deficeret: non potest scilicet secunda etiam patet, quia quæ ratione vnum effectum intelligit, potest & multos alios effectus intelligere.

Septimò, Quod vnum solum ex vno fit, non oportet nisi quando agens ad vnum effectum determinatur: sed virtus diuina non determinatur ad vnum, ut ex superioriis patet, & hoc, quia est maxime simplex. Quod autem virtus est magis vnica, scilicet perfectior, tanto est magis infinita, id est, magis illimitata & indeterminata, & ad plura se potest extendere, ergo ex Deo, qui est vnus & omnino simplex, non est necesse ut vnum tantum proueniat: quia est omnino simplex, ab eo potest multitudo provenire.

Octavò, Multa entia sunt quæ procedere non possunt in esse nisi per creationem, ut sunt intelliguntia, corpora cælestia, & materia primæ: sed solus Deus potest creare, ergo, &c. Patet maior, quia illa sunt ingenerabilia, cum non sint compositi ex materia & forma contrarietati subiecta. Confirmatur Gen. 1. n. 1. in. 1. &c. Et Job 37. Tu fortassis, &c.

Excluditur autem ex his error Auicennæ, dicentis Deum intelligentem se, produxisse vnam intelligentiam primam, in qua cum sit potentia & actus

intelligendo Deum producit intelligentiam secundam, illa intelligendo se secundum quidem quod est in actu, producit animam celi: secundum verò quod est in potentia, producit substantiam orbis primi, & sic deinceps procedendo. Excluditur etiam error antiquorum hæreticorum dicentium Deum non creasse Mundum, sed Angelos: cuius erroris dicitur primò fuisse Simon Magus inuentor.

Quod distinctio rerum non est per Angelum inducentem in materiam diuersas formas.

Cap. 43.

**S**VNT autem quidam moderni hæretici qui dicunt Deum omnium visibilium creasse materiam, sed per aliquem Angelum per diuersas formas fuisse distinctam. Cuius opinionis falsitas manifestè apparet: non enim cælestia corpora, in quibus nulla contrarietas inuenitur, ex aliqua materia possunt esse formata. Omne enim quod fit ex materia præexistente, oportet ex contrario fieri: impossibile est igitur quod ex aliqua materia prius à Deo creata Angelus aliquis cælestia corpora formauerit.

1. Amplius, Cælestia corpora aut in nulla materia conueniunt cum corporibus inferioribus, aut non conueniunt in aliqua materia nisi in prima: non enim cælum est in elementis compositum, nec naturæ elementaris, quod eius motus ostendit à motibus omnium elementorum diuersus. Materia autem prima non potest præfuisse per seipsam ante omnia corpora formata, cum non sit nisi potentia tantum. Omne enim esse in actu est ab aliqua forma: impossibile est igitur, quod ex materia prius creata à Deo aliquis Angelus omnia visibilia corpora formauerit.

2. Adhuc, Omne quod fit, ad hoc fit, ut sit: est enim fieri, via inesse. Sic igitur unicuique creato conuenit fieri, sicut sibi conuenit esse: esse autem non conuenit formæ tantum, nec materię tantum, sed composito. Materia enim non est nisi in potentia: forma verò est quæ aliquid est, est enim actus. Vnde restat quod compositum propriè sit, eius igitur solius est propriè fieri, non materię præter formam: non est igitur aliud agens creans materiam solam, & aliud inducens formam.

3. Item, Prima inductio formarum in materia non potest esse ab aliquo agente per motum tantum: omnis enim motus ad formam est ex forma determinata in formam determinatam: & sic quia materia non potest esse absque omni forma, præsupponitur aliqua forma in materia. Sed omne agens ad formam solam materialem, oportet quod sit agens per motum: cum enim formæ materiales non sint per se subsistentes, sed earum esse sit in esse materię, non possunt produci in esse nisi vel per creationem totius compositi, vel per transmutationem materię ad talem vel talem formam. Impossibile est igitur, quod prima inductio formarum in materia sit ab aliquo creante formam tantum: sed ab eo qui est creator totius compositi.

4. Adhuc, Motus ad formam est posterior naturaliter motu secundum locum: cum sit actus magis imperfecti, ut probat Philosophus: posteriora autem in entibus naturali ordine causantur à prioribus. Motus igitur ad formam causatur à motu secundum locum. Primus autem motus secundum locum est motus cælestis, motus igitur omnis ad formam fit mediante motu cælesti: ea igitur quæ non possunt fieri mediante motu cælesti, non possunt fieri ab aliquo agente qui non potest agere nisi per motum, qualem oportet esse agentem, qui non potest nisi inducere formam in materia, ut ostensum est. Per motum autem cælestem non possunt produci multæ formæ sensibiles nisi mediantibus determinatis principis suppositis: sicut animalia quædam non fiunt nisi ex semine. Prima igitur institutio harum formarum ad quarum productionem non sufficit motus cælestis sine præexistentia similium formarum in specie, oportet quod sit à solo creante.

5. Item, Sicut dicitur in 3. Physicorum, idem est motus localis partis, & totius, ut totius terræ, & vnius glebæ: ita mutatio generationis est eadem totius, & partis. Partes autem horum generabilium & corruptibilium generantur acquirētes formas in actu à formis quæ sunt in materia, non autem à formis extra materiam existentibus: cum oporteat generans esse simile generato, ut probat Philosophus in 7. Metaphysicæ. Neque igitur totalis acquisitio formarum in materia potest fieri per motum ab aliqua substantia separata, cuiusmodi est Angelus: sed oportet quod hoc fiat vel mediante agente corporeo, vel creante, qui agit sine motu.

6. Adhuc, Sicut esse est primum in effectibus, ita responderet primæ causæ ut proprius effectus: esse autem est per formam, & non per materiam. Prima igitur causalitas formarum maxime est primæ causæ attribuenda.

Ampl

+ 8. Physicæ. com. 57.



8 Amplius, Cum omne agens agat sibi simile, ab illo acquirit effectus formam, cui per formam acquisitam similatur: sicut domus in materia, ab arte quæ est species domus in anima. Sed omnia simulantur Deo, qui est actus purus in quantum habet formas per quas fiunt in actu, & in quantum formas appetunt, diuinam similitudinem appetere dicuntur. Absurdum igitur est dicere, quod rerum formatio ad alium pertineat quam ad creatorem omnium Deum. Et idem est quod ad excludendum istum errorem Genes. 1. Moyses, postquam dixerat Deum in principio celum & terram creasse, subdidit quomodo omnia in propriis species formando distinxerit, & Apostolus dicit ad Colos. 1. quod in ipso condita sunt omnia vniuersa: siue quæ in cælis sunt, siue quæ in terris, siue visibilia, siue inuisibilia.

## Super cap. 43.

**V**inta conclusio est, Falsa est opinio dicentium Deum omnium visibilibus creasse materiam, sed per aliquem Angelum per diuersas formas fuisse distinctam. Probatur, Corpora caelestia non possunt ex materia fieri, cum non sit in eis contrarietas: ergo non potest Angelus ex materia à Deo creata ipsa corpora formare.

Secundo, Corpora caelestia non conueniunt in aliqua materia cum corporibus inferioribus, nisi forte in materia prima: sed materia prima non potuit præfuisse per se ipsam ante omnia corpora formata, cum sit pura potentia, & omne esse in actu sit ex aliqua forma. Ergo non potuit Angelus ex materia à Deo creata omnia visibilia corpora formare.

Tertio, Fieri propter conuenientiam composito tantum, non autem formæ per se, aut materiæ per se, sicut nec esse, ergo non est aliud agens creans materiam solam, & aliud inducens formam.

Quarto, Prima inductio formarum in materia non potest esse ab agente per motum tantum: ergo non potest esse ab agente aut creante solam formam. Probatur antecedens, quia omnis motus ad formam est ex forma determinata in formam determinatam: & sic motui oportet supponere aliquam formam in materia. Probatur quoque consequentia, quia cum formæ materiales non sint per se substantiales, sed earum esse sit inesse materiæ non possunt in esse produci, nisi aut per creationem compositi, aut per transmutationem materiæ ad formam.

Quinto, Motus ad formam causatur à motu secundum locum, ergo à motu cæli, ergo quæ non possunt fieri mediante motu cæli, non possunt fieri ab agente per motum tantum: sed per motum cæli non possunt fieri multæ formæ sensibiles, nisi mediante determinatis principiis, sicut quædam animalia non fiunt sine semine. Ergo illarum formarum prima institutio non potest fieri ab agente per motum tantum: sed tale est agens quod non potest inducere nisi formam in materia, ergo, &c. Antecedens probatur quia motus ad formam est naturaliter posterior motu locali, cum sit actus magis perfectus. Prima etiam consequentia patet, quia primus motus secundum locum est motus cæli.

**ADVERTENDUM.** Quod motus duo respicit, scilicet terminum & subiectum, si comparantur motus ut habent ordinem ad terminum, sic motus localis non est perfectior, imò est imperfectior motu ad formam: terminus enim motus localis est ubi quod imperfectius est qualitate & forma substantiali. Si autem comparantur secundum ordinem ad subiectum, sic motus localis est perfectior, quia subiectum eius est magis perfectum, ut potest magis in actu, & in potentia tamen ad ubi: & quia terminus ad quem est intrinsecus motui tanquam idem ipsi existens, subiectum autem est ipsi extrinsecum, ideo dici potest quod motus localis extrinsecus quid est perfectior motu ad formam, scilicet ratione subiecti, & sic intellexit S. Thom. hoc loco ut patet ex ratione quam adducit. Intrinsecus autem, id est, ratione termini est e contrario, quia motus ad formam est perfectior motu secundum locum, & prior secundum naturam.

Sexto, Partes horum generabilium & corruptibilium acquiruntur per generationem formas in actu à formis quæ sunt in materia, non à formis extrinsecis existentibus, cum oporteat generans, scilicet proximum & immediatum esse simile generato, ex 7. Metaph. ergo & totalis acquisitio formarum in materia, non potest fieri per motum ab aliqua substantia separata, nisi mediante agente corporeo, vel creante, qui sine motu agit. Probatur consequentia, quia ex 3. Phys. idem est motus localis, & mutatio generationis eadem totius & partis.

Sexto, Esse est proprius effectus primæ causæ, ergo & prima causalitas formarum, quia esse est per se formam.

Octavo, Omnia assimilantur Deo in quantum habent formas per quas sunt in actu, & in quantum formas appetunt, diuinam similitudinem appetere dicuntur, ergo, &c. Patet consequentia, quia ab illo acquiritur effectus formæ, cui per formam assimilatur.

**ADVERTE.** quod per hanc rationem non probatur quod ab Angelo nullo modo imprimantur formæ in materiam, sed quod etiam à Deo imprimantur, & non solum ab Angelo, & sic Angelus non erit prima causa introductionis formarum in materia, cuius oppositum dicebat opinio quæ hic impugnatur.

Confirmatur Gen. 1. ubi Moyses, postquam dixerat Deum in principio creasse, &c. subdidit quomodo omnia in propriis species distinxit. Item ad Col. 1. In ipso condita sunt omnia.

Quod rerum distinctio non processit ex meritorum vel demeritorum diuersitate. Cap. 44.

**N**unc superest ostendere, quod rerum distinctio non processit ex diuersis motibus liberi arbitrij rationalium creaturarum, ut posuit Origenes in libro Peri archon. Volens enim resistere antiquorum hæreticorum obiectionibus & erroribus, qui ostendere nitebantur diuersam naturam boni & mali esse in rebus ex contrariis actoribus propter multam distantiam inuentam tam in

rebus naturalibus quam in rebus humanis, quam nulla merita præcessisse videntur, scilicet quod corpora quædam sunt lucida, quædam obscura: quidam homines ex barbaris, quidam ex Christianis nascuntur: coactus est ponere omnem diuersitatem in rebus inuentam ex diuersitate meritorum secundum Dei iustitiam processisse. Dicit enim quod Deus ex sola sua bonitate primo omnes creaturas æquales produxit, & omnes spirituales & rationales, quæ per liberum arbitrium diuersimodè sunt motæ: quædam adhærentes Deo plus vel minus, quædam ab eo recedentes maius vel minus, & secundum hoc diuersi gradus in substantiis spiritualibus ex diuina iustitia sunt subsequuti, ut quidam essent Angeli secundum diuersos ordines, quidam animæ humanæ etiam secundum diuersos status, quidam etiam Dæmones in statibus diuersis. Et propter diuersitatem rationalium creaturarum dicebat diuersitatem corporalium creaturarum Deum instituisse: ut nobilioribus corporibus nobiliores spirituales substantiæ adingerentur, ut diuersimodè corporalis creatura spiritualium substantiarum diuersitati quibuslibet modis aliis deferuiret. Hæc autem opinio esse falsa manifestè conuincitur: quænto enim aliquid est melius in effectibus, tanto est prius in intentione agentis. Optimum autem in rebus creatis est perfectio vniuersi, quæ consistit in ordine distinctarum rerum: in omnibus enim perfectio totius præeminet perfectioni singularium partium. igitur diuersitas rerum provenit non ex diuersitate meritorum, sed ex principali intentione primi agentis.

2 Adhuc, Si omnes creaturæ rationales à principio fuerint æquales creatæ, oportet dicere quod una earum in sua operatione ab alia non dependet. Quod autem provenit ex concursu diuersarum causarum, quarum una ab alia non dependet, est casuale: igitur secundum prædictam positionem talis distinctio & ordo rerum est casualis, quod est impossibile, ut supra ostensum est.

3 Amplius, Quod est alicui naturale, non acquiritur ab eo per voluntatem: motus enim voluntatis siue liberi arbitrij præsupponit existentiam volentis, ad quam eius naturalia exiguntur. Si igitur per motum liberi arbitrij acquisitus est diuersus gradus rationalium creaturarum, nulli creaturæ rationali erit suus gradus naturalis, sed accidentaliter hoc autem est impossibile, cum enim differentia specifica sit vnicuique naturalis, sequitur quod omnes substantiæ rationales creatæ sint vnius speciei, scilicet Angeli, Dæmones, & animæ humanæ, & animæ caelestium corporum, quæ Origenes animata ponebat, & hoc esse falsum diuersitas actionum naturalium declarat. Non enim est idem modus quo naturaliter intelligit intellectus humanus, qui sensu & phantasia indiget, & intellectus angelicus, & anima Solis: nisi forte fingamus Angelos & caelestia corpora habere carnes & ossa, & alias huiusmodi partes ad hoc, quod possint organa sensuum habere, quod est absurdum. Relinquitur igitur, quod diuersitas substantiarum intellectualium non consequitur diuersitatem meritorum, quæ sunt secundum motus liberi arbitrij.

4 Adhuc, Si ea quæ sunt naturalia, non acquiruntur per motum liberi arbitrij, animam autem rationalem tali corpori vniri acquiratur ei propter præcedens meritum vel demeritum secundum motum liberi arbitrij, sequetur quod coniunctio huius animæ ad hoc corpus, non sit naturalis: ergo nec compositum est naturale. Homo autem & Sol secundum Origenem, & alia sunt composita ex substantiis rationalibus & corporibus talibus: ergo omnia huiusmodi quæ sunt nobilissima inter corporeas substantias, sunt innaturalia.

5 Item, Si huic substantiæ rationali non conuenit in quantum est talis substantia, huic corpori vniri, sed magis in quantum est, sic materia huic corpori vniri non est ei per se, sed per accidens. Ex his autem quæ per accidens vniuntur, non resultat aliqua species, quia non fit ex eis vnum per se: non enim est aliqua species homo albus, vel homo vestitus. Relinquitur igitur, quod homo non sit aliqua species, nec Sol, nec Luna, nec aliquid huiusmodi.

6 Amplius, Ea quæ ad merita consequuntur, possunt in melius vel in peius mutari, merita autem & demerita possunt augeri vel minui, & præcipue secundum Origenem, qui dicebat liberum arbitrium cuiuslibet creaturæ semper esse in veramque partem flexibile. Si igitur anima rationalis hoc corpus consecuta est propter præcedens meritum vel demeritum, sequetur quod possit iterum coniungi alteri corpori: & non solum quod anima humana assumat aliud corpus humanum, sed etiam quod assumat quandoque corpus sydereum, quod est secundum Pythagoricas fabulas, quamlibet animam quodlibet



bet corpus ingredi. Hoc autem & secundum Philosophiam apparet esse erroneum, secundum quam determinatis formis & motoribus assignatur determinata materię, & determinata mobilia: & secundum fidē hęreticum, quę animā in resurrectione idē corpus resumere, prędicat quod deponit.

7 Pręterea, Cū multitudo sine diuersitate esse non possit, si fuerunt à principio creaturę rationales in quadam multitudi-  
tine constitutę, oportuit in eis aliquam diuersitatem fuisse: aliquid ergo habuit vna earum, quod non habuit altera, & si hoc ex diuersitate meriti non procedat, pari ratione nec fuit necesse vt gradus diuersitas ex meritorum diuersitate proueniret.

8 Item, Omnis distinctio aut est secundum diuisionem quantitatis quę in solis corporibus est, vnde in substantiis primò creatis secundum Origenem esse non potuit, aut secundum diuisionem formalem quę sine gradus diuersitate esse non potest, cū talis diuisio reducatur ad priuationem & formam: & sic oportet quod altera formarum conditiuissimam sit melior, & altera vilior. Vnde secundum Philosophum species rerum sunt sicut numeri, quorum vnus alteri addit aut minuit: sic igitur si fuerunt à principio multę substantię rationales creatę, oportet quod fuerit in eis gradus diuersitas.

9 Item, Si creaturę rationales sine corporibus subsistere possunt, non fuit necessarium propter diuersa merita rationalium creaturarum diuersitatem in natura corporali institui: quia & sine diuersitate corporum poterat diuersus gradus in substantiis rationalibus inueniri. Si autem creaturę rationales sine corporibus subsistere non possunt, ergo à principio simul cum creatura rationali, est etiam creatura corporalis instituta. Maior est autem distantia corporalis creaturę ad spiritualem, quàm spiritualium creaturarum adinuicem. Si igitur à principio Deus tam magnam distantiam in suis creaturis instituit absque aliquibus meritis pręcedentibus: non oportuit merita diuersa pręcedere ad hoc quod in diuersis gradibus creaturę rationales instituerentur.

10 Adhuc, Si diuersitas creaturę corporalis respondet diuersitati creaturę rationalis, pari ratione & vniformitati rationalium creaturarum responderet vniformitas naturę corporalis: fuisset ergo natura corporalis creata etiam si diuersa merita rationalis creaturę non pręcessissent, sed vniformis, fuisset igitur creata materia prima, quę est omnibus corporibus communis, sed sub vna tantum forma. Sunt autem in ipsa plures formę in potentia: remansisset igitur imperfecta sola vna eius forma reducta in actum, quod non est diuinę conueniens bonitati.

11 Item, Si diuersitas corporalis creaturę sequitur diuersos motus liberi arbitrij rationalis creaturę, oportebit dicere, quod causa quare est tantum vnus Sol in Mūdo, sit, quia tantum vna rationalis creatura sic mota est per liberum arbitrium, vt tali corpori mereretur adiungi: hoc autē fuit à casu, quod vna tantum sic peccaret. Est igitur à casu quod sit vnus Sol in Mundo, & non ad necessitatem corporalis naturę.

12 Pręterea, Cū creatura spiritualis non mereatur descendere nisi per peccatum, descendit autem à sua sublimitate, in qua inuisibilis est, per hoc quod visibilibus corporibus vnitus, videtur sequi quod visibilia corpora sint eis adiuncta propter peccatum, quod videtur propinquum errori Manichęorum ponentium hęc visibilia ex malo principio processisse. Huic etiam opinioni auctoritas sacrę Scripturę manifestē contradicit: quia in singulis operibus visibilium creaturarum tali modo loquendi vtitur Moyses, Videns Deus quod esset bonum, &c. & post modum de cunctis simul subiungit, Vidit Deus cuncta quę fecerat, & erant valde bona. Ex quo manifestē datur intelligi quod creaturę corporales & visibiles ideo sunt factę, quia bonum est eas esse, quod est consonum diuinę bonitati: & non propter aliqua creaturarum rationalium merita vel peccata. Videtur autem Origenes non perpendisse, quod cū aliquid non ex debito, sed liberaliter damus, non est contra iusticiam si inæqualia damus, nulla diuersitate meritorum pensata: cū retributio merentibus debeatur. Deus autem, vt supra ostensum est, ex nullo debito, sed ex mera liberalitate res in esse produxit, vnde diuersitas creaturarum diuersitatem meritorum non pręsupponit. Item, cū bonum totius sit melius quàm bonum singularum partium, non est optimi factoris diminuere bonum totius, vt aliquarum partium augeat bonitatem: non enim ædificator fundamentum tribuit eam bonitatem, quam tribuit tecto, ne domum faciat ruinosam. Factor igitur omnium Deus non faceret totum Vniuersum suo genere optimum, si faceret omnes partes æquales: quia multi gradus bonitatis in Vniuerso deessent, & sic esset imperfectum.

Super cap.

44.

**S**Extra conclusio est, Rerum distinctio non processit ex diuersis motibus liberi arbitrij rationalium creaturarum. Circa autem hanc conclusionem tria facit San. Thom. Primò enim Origenis opinionem ponit: secundò, eam improbat: tertio, vnde fuerit deceptus ostendit.

Quantum ad primum inquit quod Origenes in libro Peri archon, volens resistere antiquorum hęreticorum obiectionibus & erroribus ponentium diuersam naturam boni & mali esse in rebus ex contrariis adoritus, propter multam distantiam tam in rebus naturalibus quàm in rebus humanis inuentam, quam nulla merita pręcessisse videntur, dum scilicet aliqua corpora lucida sunt, aliqua verò obscura: hominum verò quidam ex barbaris, id est, infidelibus, quidam verò ex Christianis nascuntur, coactus est, scilicet propter rationes ab illis hęreticis inductas, ponere omnem diuersitatem in rebus inuentam ex diuersitate meritorum secundum Dei iusticiam processisse. Consistit autem Origenis opinio in quatuor punctis. Primus est, quod omnes creaturę sunt primò à Deo æquales productę, & omnes rationales, & spirituales. Secundus est, quod ex his quędam per liberum arbitrium adhęserunt Deo plus vel minus, quędam verò ab ipso plus aut minus recesserunt. Tertius est, quod ex hoc diuina iusticia sic exigente diuersi gradus in ipsis sunt subsecuti, vt scilicet quidam essent Angeli secundum diuersos ordines, quidam animę humane secundum diuersos status, quidam autem essent Dæmones. Quartus est, quod propter hanc diuersitatem, corporalium creaturarum Deus diuersitatem instituit.

Quantum ad secundum, contra hanc opinionem quę ponit ob meritorum diuersitatem esse à Deo rerum distinctionem institutam, arguitur & primò sic, Optimum in rebus creatis est perfectio Vniuersi, quę consistit in ordine distinctarum rerum: ergo diuersitas rerum prouenit non ex meritorum diuersitate, sed ex principali intentione primi agentis. Probatur consequentia, quia quāto aliquid est melius in effectibus, tantò est prius in intentione agentis.

ADVERTE, quod ista positione data sequebatur, quod rerum distinctio esset intenta propter merita premianda, & puniendā demerita, non autem esset primò à Deo intenta, & contra hoc ista ratio procedit.

Secundò, Sequeretur quod ordo & distinctio rerum esset casualis. Probat sequela, quia quod prouenit ex concursu duarum causarum, quarum vna ab alia non dependet, est casuale. Si autem omnes creaturę rationales à principio fuerint æquales, oportet dicere, quod vna ab alia in sua operatione non dependet, ergo, &c.

CIRCA istam propositionem etiam superius adductam, Quod prouenit ex concursu duarum causarum quarum vna ab alia non dependet, est casuale: dubitatur, quia duo homines possent intendere aliquid vnum, puta domum, vnusquisque ex opere suo absque hoc quod actio vnus dependeat ex alio, ergo non omne quod ab huiusmodi causis dependet, est casuale.

Respondetur, quod impossibile est vt duę causę quarum qualibet sit per se sufficiens, intendant vnum effectum communem, nisi aut moueantur ab vno tercio, aut vna ab alia moueatur: quia cū effectus sit communis huic causę & alij, non potest prouenire ab hac causa per id quod est sibi proprium, sed per id quod est commune sibi & alij causę, & per consequens oportet quod aut ab vna communi causa intendente illum communem effectum moueantur, tanquam ab illa habentia id commune per quod agūt, aut quod vna aliam ad effectum intantum moueat: ideo si ex concursu duarum causarum, quarum vna ab alia non dependet, supple, nec vtraque ab alia communi causa aliquis effectus proueniat, oportet talem effectum casuale esse, quia non potest ab illis communis effectus intendi inquantum distinguuntur. Causę enim proprię, vt sic, proprius est finis: non autem communis. Vnde negatur assumptum sumendo cum glossa addita, scilicet, Aut vtraque ab vna communi causa dependeat.

Tertio, Si per motum liberi arbitrij acquisitus est diuersus gradus rationalibus creaturis nulli creaturę erit suus gradus naturalis, sed accidentalis, sed hoc est falsum, ergo, &c. Probat sequela, quia quod est allicui naturale, non acquiritur ab eo per voluntatem, cū motus voluntatis pręsupponat existentiam volentis. Falsitas etiam consequentis probatur, quia sequeretur hoc dato, quod omnes substantię rationales creatę essent vnus speciei, quia cū non distinguantur per te nisi per gradus accidentales, ex illis gradibus non poterunt specificē distingui, eod quod differentia specificā naturalis vnicuique sit: hoc autem esse falsum diuersus modus naturalis intelligendi demonstrat, ergo, &c.

Quarto, Sequeretur vnionem huius animę ad hoc corpus non esse naturalem, vt potest ex motu liberi arbitrij acquisitam, ergo nec compositum naturale erit, ergo nobilissima in entibus, vt homo, Sol, & alia alstra innaturalia erunt, quod absurdissimum est.

Quinto, & est confirmatio pręcedentis rationis, Sequeretur quod homo, Sol & Luna, & alia huiusmodi, non sint aliquę species, quia vnio huius substantię ad hoc corpus, tanquam ex merito dependens erit accidentalis: ex his autem quę per accidens vniuntur, non resultat aliqua species.

Sexto, Sequeretur quod anima rationalis quę cōsecuta est hoc corpus, possit iterum coniungi alij corpori, etiam sydereo, quia merita & demerita possunt augeri & minui pręcipuē secundum Origenem: & sic quę ad merita consequuntur, possunt in melius & in peius mutari. Hoc autem & secundum Philosophiam est falsum, secundum quam determinatis formis assignantur determinatę materię: & secundum fidem est hęreticum, quę animā tenet idem corpus quod deposuit, in resurrectione reassumere, ergo, &c.

Sepimò, In ipsis substantiis rationalibus ante merita fuit distinctio à principio, ita quod aliquid habuit vna quod non habuit alia: alioquin non fuissent multę. Ergo pari ratione non fuit necesse vt graduum diuersitas ex demeritorum diuersitate proueniret.

Octauò, Tales substantię à principio fuerunt secundum diuisionem formalem, non autem secundum distinctionem materiale distinctę, cū diuisio secundum quantitatem in solis corporibus sit: ergo fuerunt distinctę secundum gradum diuersitatem, quia diuisio formalis reducitur ad priuationem & formam: & sic oportet vnam formarum esse meliorem, & alteram viliorē, vt patet ex Philosopho dicente 8. Metaph. quod species rerum sunt sicut numeri, quorum vnus alteri addit, aut minuit, ergo, &c.

ADVERTENDVM primò, quod diuisio formalis quę fit per differentias, non ita reducitur ad priuationem & formam quasi vna differentia aut

Quod concursu duarum causarum non ordinatarum prouenit, est casuale.

Quod diuisio formalis reducitur ad priuationem & formam.



aut forma sit priuatio, & altera sit forma (hoc enim est impossibile, cum priuatio sit non ens, cui non potest conuenire ut naturam aliquam constituat) sed hoc dicitur, quia semper una differentia se habet sicut imperfecta in comparatione ad aliam, ut patet discurrenti per omnium generum differentias: imperfectum autem ut sit habet similitudinem cum priuatione.

Species rerum sunt sicut numeri.

CIRCA istam propositionem adductam ex Philosopho octauo Metaphysice textu decimo, Species rerum sunt sicut numeri, quorum unus alteri addit, aut minuitur: aduertendum quod duplicem sensum habere potest. Vnus sensus est, quod sicut numerus posterior comprehendit in se omnes priores, & unitatem addit, ita omnis species perfectior includat formaliter in se omnes differentias cuiuscunque speciei imperfectioris, & differentiam ad illas addat: & hic sensus non est contentus ab Aristotele, cum falsus sit & impossibilis, si vniuersaliter sumatur, in omnibus videlicet speciebus. Vna enim species specialissima substantia non venit in compositionem alterius speciei: non enim in ratione hominis includitur differentia constitutiva bouis & asini, & aliorum animalium imperfectiorum, tum quia tunc homo esset bos, & asinus, & alia animalia, tum etiam quia non possit homo quidditatiue cognoscere, nisi omnes animalium differentias cognosceretur: omnes enim necesse esset in ratione quidditatiua suo ordine ponere. Sed secundum hunc sensum habet veritatem tantum in speciebus subordinatis in linea ratiocamentali: perfectior enim species quae est posterior, continet imperfectiorem quae est superior secundum perfectionem, & addit differentiam ad ipsam, sicut numerus perfectior continet imperfectiorem, & addit unitatem: & ideo siue vni speciei addatur differentia illius contraria, siue subtrahatur sua vicina differentia, non remanet eadem species. Si namque (ut exemplificat sanctus Thomas octauo Metaphysice) animali addatur rationale, non remanet amplius species quae erat animal duntaxat, sed constituitur species animalis quae est homo: & si ab animali remoueatur sensibile, non remanet animalis species, sed planta. Similiter est & in numeris. Si enim quaternario addatur unitas, non remanet quaternarius nisi materialiter, sed fit quinarium: & si ab ipso remoueatur unitas, remanet ternarius. Secundus sensus potest esse, quod sicut quilibet species numeri per indiuisibile constituitur, per vltimam scilicet unitatem, & vnusquisque numerus aut excedit alium per unitatem additam, aut deficit ab illo per subtractionem unitatis: ita quilibet species rerum per indiuisibilem differentiam constituitur, ita quod quicquid attingit ad illam differentiam, sub illa specie continetur, quicquid autem deficit ab illa, aut illam excedit, ad aliam speciem pertinet: & ideo omnis alia species aut constituitur per differentiam digniorem & excellentiorem, aut per ignobiliorem, ita quod vnam speciem addere ad aliam, non est illam aliam continere formaliter, & vltius includere nobiliorem aliquam differentiam: sed est ipsam per nobiliorem & excellentiorem differentiam constitui, differentiam alterius eminenter continentem. Quo modo etiam nobilior species dicitur aliquoties ignobiliorem continere, non quidem formaliter, sed eminenter. Ad hunc ergo sensum accipit propositionem Aristotelis S. Thom. quia ex eo optime inaequalitas substantiarum quae formaliter distinguuntur, arguitur: licet etiam primus sensus habeat veritatem, ut dictum est in speciebus secundum superius & inferius in linea ratiocamentali ordinatis.

Nono, Aut creaturae rationales possunt subsistere absque corporibus, aut non. Si primum, non fuit necesse propter merita diuersa, corporum diuersitate institui, quia etiam poterat in substantiis spiritualibus absque corporum diuersitate diuersus gradus inueniri. Si secundum, ergo simul cum ipsis fuerunt corpora producta: & maior est distantia corporalis substantiae ad spirituales, quam spiritualium adinuicem. Ergo si vtramque substantiam produxit absque meritis praecedentibus, non oportuit merita praecedere ad hoc ut in diuersis gradibus spirituales substantiae instituerentur.

Decimo, Sequeretur quod propter vniuersitatem creaturae rationalis, si scilicet merita diuersa non praecessissent, fuisset creata natura corporalis vniuersalis, ergo fuisset creata materia prima sub vna tantum forma, ergo remanisset imperfecta, cum sint in ipsa plures formae in potentia: sed hoc diuinae bonitati non est conueniens, ergo, &c.

Vndecimo, Efferat casu quod in Mundo esset tantum vnus Sol. Patet consequentia, quia ad casu fuit quod vna tantum substantia sic peccauit, ut tali corpori mereretur adiungi.

Duodecimo, Sequeretur quod visibilia corpora essent adiuncta substantiis inuisibilibus propter peccatum, quod est propinquum errori Manicheorum.

ADVERTENDO, quod hoc consequens dicitur propinquum errori Manicheorum, quia sicut Manichei visibilia dicebant a malo principio effectiue processisse, ita hoc consequens dicit illa a malo finaliter processisse.

Confirmatur autoritate Gen. i. ubi de singulis operibus visibilium creaturarum tali modo loquitur Moyses vtiur, Vidit Deus quod esset bonum, &c. postea de cunctis simul subiungit, Vidit Deus cuncta, &c.

Quantum ad tertium inquit sanctus Thomas, quod errauit Origenes ex duobus. Primum, quia non perpendit non esse iniustitiam si inaequalia damus absque merito: vni diuersitate, quando non ex debito, sed liberaliter damus: & sic non sequitur Deum iniustum esse, si creaturas inaequales produxit, cum non ex aliquo debito, sed ex mera liberalitate res in esse produxerit. Secundum, quia non considerauit quod factor omnium rerum Deus non faceret totum vniuersum in suo genere optimum, si faceret omnes eius partes aequales: multi enim gradus bonitatis in vniuerso deessent, & sic esset imperfectum. Cum autem bonum totius sit melius bono partium singularum, non est optimi factoris diminueretur bonum totius, ut aliquarum partium augeat bonitatem. De latitudine exemplo domesticatoris.

ADVERTENDUM, quod per ea quae hic dicit sanctus Thomas, duae rationes Origenis solvuntur, quibus ostendebat primum Deum omnes creaturas aequales condidisse. Prima erat, quia alioquin Deus fuisset iniustus dando inaequalia iis in quibus nulla erat inaequalitas meritorum. Secunda erat, quia optimi est optima facere: Deus autem est optimus, & sic sequebatur quod omnia fecerit optima, & per consequens aequalia. Ad primam patet responsio per primum dictum. Non enim est iniustitia ubi aliquid datur non ex merito, sed ex mera liberalitate, sicut Deus res produxit. Ad secundam vero per secundum dictum respondetur: optimi enim est optima facere quo ad partes totius, non simpliciter, sed secundum quod perfectioni totius congruit.

Quae sit prima causa distinctionis rerum secundum veritatem. Cap. 45.



Stendi autem ex praedictis potest, quae sit verè prima distinctionis rerum causa. Cum enim omne agens intendat suam similitudinem in effectum inducere secundum quod effectus capere potest, tanto hoc agit perfectius, quanto

Idem, P. p. q. 47. art. 1. & 2.

agens perfectius est: patet enim quod quanto aliquid est calidius, tanto facit magis calidum: & quanto est aliquis melior artifex, tanto formam artis perfectius inducit in materiam. Deus autem est perfectissimus agens: suam igitur similitudinem in rebus creatis ad eum pertinebat inducere perfectissime quantum naturae creatae conuenit. Sed perfectam Dei similitudinem non possunt consequi res creatae secundum vnā solam speciem creaturam: quia cum causa excedat effectum, quod est in causa simpliciter & unitè, in effectum inuenitur compositè & multipliciter: nisi effectus pertingat ad speciem causae, quod in proposito dici non potest: non enim creatura potest esse Deo aequalis. Oportuit igitur esse multipliciter & varietatem in rebus creatis ad hoc ut inueniretur in eis Dei similitudo perfecta secundum modum suum.

2. Amplius, Sicut ea quae sunt ex materia, sunt in potentia materiae passiuas: ita quae sunt ab agente, oportet esse in potentia actiua agentis. non autem potentia passiuas materiae perfectè reduceretur in actum, si ex materia fieret vnum tantum eorum ad quae materia est in potentia: ergo si aliquis agens cuius potentia est ad plures effectus, faceret vnum illorum tantum: potentia eius non ita completè reduceretur in actum, sicut cum facit plura. Per hoc autem quod potentia actiua reducitur in actum, effectus consequitur similitudinem agentis, ergo non esset perfecta Dei similitudo in vniuerso, si esset vnus tantum gradus omnium entium. Propter hoc igitur est distinctio in rebus creatis, ut perfectius Dei similitudinem consequantur per multa quam per vnum.

3. Adhuc, Quanto aliquid in pluribus est Deo simile, tanto perfectius ad eius similitudinem accedit: in Deo autem est bonitas, & diffusio bonitatis in alia. Perfectius igitur accedit res creata ad Dei similitudinem, si non solum bona est, sed etiam ad bonitatem aliorum agere potest, quam si solum in se bona esset: sicut similis est Soli quod lucet & illuminat, quam quod lucet tantum. Non autem posset creatura ad bonitatem alterius creaturae agere, nisi esset in rebus creatis pluralitas & inaequalitas: quia agens est aliud à patiente, & honorabilius eo. Oportuit igitur ad hoc ut in creaturis esset perfecta Dei imitatio, quod diuersi gradus in creaturis inuenirentur.

4. Item, Plura bona vno bono finito sunt meliora: habent enim hoc ad haec amplius. Omnis autem creaturae bonitas finita est: est enim deficiens ab infinita Dei bonitate. Perfectius est igitur vniuersum creaturarum si sunt plures, quam si esset vnus tantum gradus rerum: summo autem bono competit facere quod melius est, ergo conueniens ei fuit ut plures faceret creaturarum gradus.

5. Adhuc, Bonitas speciei excedit bonitatem indiuidui: sicut formale id quod est materiale. Magis igitur addit ad bonitatem vniuersi multitudo specierum, quam multitudo indiuiduorum in vna specie: est igitur ad perfectionem vniuersi pertinet non solum quod multa sint indiuidua, sed quod sint etiam diuersae rerum species, & per consequens diuersi gradus in rebus.

6. Item, Omne quod agit per intellectum, repraesentat speciem sui intellectus in re facta: sic enim agens sibi per artem facit simile. Deus autem fecit creaturam ut agens per intellectum, & non per necessitatem naturae, ut supra ostensum est: species igitur intellectus diuini repraesentatur in creatura per ipsum facta: intellectus autem multa intelligens non sufficienter repraesentatur in vno tantum. Cum igitur intellectus diuinus multa intelligat, ut in 1. Lib. 7. probatum est, perfectius seipsum repraesentat, si plures vniuersorum graduum creaturas producat, quam si vnum tantum produxisset.

7. Amplius, Operi à summo bono artifice facto non debuit deesse summa perfectio: sed bonum ordinis diuersorum est melius quolibet illorum ordinatorum per se sumpto, est enim formale respectu singularium, sicut perfectio totius respectu partium. Non debuit ergo bonum ordinis operi Dei deesse. Hoc autem bonum esse non posset, si diuersitas & inaequalitas creaturarum non fuisset: est igitur diuersitas & inaequalitas in rebus creatis non à casu, non propter materiae diuersitatem, non propter interuentum aliquarum causarum vel meritorum, sed ex propria Dei intentione perfectionem creaturae dare volentis, qualem possibile erat eam habere.

Contra Gent. n. 3. Hinc



Auth. sacri. Scri.

Hinc est quod dicitur Gen. i. Vidit Deus cuncta quæ fecerat, & erant valde bona: cum de singulis dixisset, quod sunt bona: quia singula quidem sunt in suis naturis bona, simul autem omnia valde bona propter ordinem Vniuersi, quæ est vltima & nobilissima perfectio in rebus.

Super cap. 45.



Vantum ad secundum principale, scilicet quæ sit vera causa distinctionis rerum, ponitur hæc conclusio, Causa distinctionis rerum fuit propria Dei intentio volentis creaturæ dare perfectionem, qualem possibile erat eam habere: & loquitur de perfectione essentiali. Probatur primo, Deus est perfectissimus agens, ergo ad ipsum pertinebat perfectissimæ suæ similitudinem in rebus creatis inducere, quantum naturæ creatæ conuenit, ergo oportuit multipliciter & varietatem in rebus creatis esse. Probatur prima consequentia, quia quanto agens perfectius est, tanto perfectius suam similitudinem in effectum inducit secundum capacitatem effectus. Secunda quoque probatur, quia perfectam Dei similitudinem res creatæ consequi non possunt secundum vnam speciem solam creaturæ, cum creatura non possit diuinam perfectionem æquare, eo quod Deus sit causa excedens effectum.

Aduertendum est, quod hæc ratio & omnes sequentes procedunt supposito quod Deus voluerit producere hoc Vniuersum, & illi suam similitudinem communicare secundum quandam determinatum modum, & secundum perfectionem isti Vniuerso congruentem. Hoc enim supposito conueniens erat ut in Vniuerso suam similitudinem induceret, & illi suam perfectionem communicaret secundum quod ipsum Vniuersum eam capere poterat.

Secundo, Non esset perfecta Dei similitudo in Vniuerso, quantum scilicet Vniuersum capere potest, si esset vnus tantum gradus omnium entium, ergo, &c. Probatur consequentia ex comparatione potentie adiuæ ad materiam, quia videlicet si agens possit plures effectus facere, & vnum tantum illorum faciat, potentia eius non ita completè reducitur in actum sicut si faciat plura: per hoc autem quod potentia adiuæ reducitur in actum, effectus consequitur similitudinem agentis.

ADVERTE, quod intentio rationis non est quod oporteat Deum facere omnia quæ absolute facere potest, sed omnia quæ facere potest ad perfectionem essentialem Vniuersi quod intendit pertinentia.

Tertio, Perfectius accedit res creatæ ad Dei similitudinem si non solum in se bona est, sed etiam ad bonitatem aliorum agere possit, ut patet de lucido respectu Solis, ergo oportet in creaturis esse pluralitatem & inæqualitatem. Probatur consequentia, quia agere ad bonitatem alterius requirit pluralitatem & inæqualitatem, cum agens sit aliud à patiente, & honorabilius ipso.

ATTENDENDVM, quod hic est sermo non tantum de agente vniuerso, sed etiam de agente æquiuoco, quia si loqueremur de agente tantum vniuerso, hoc quod est agere, non argueret inæqualitatem secundum speciem, quia item vult ratio concludere, sed tantum materiale distinctionem.

Quarto, Summo bono conuenit ut faciat quod melius est, scilicet in effectu quem intendit: ergo conueniens fuit ut faceret plures gradus creaturarum. Patet consequentia, quia plura bona sunt vno bono finito meliora.

ADVERTE primo, quod addidit sanctus Thomas finito, quia vno bono infinito plura bona finita non sunt meliora.

ADVERTE secundo ex doctrina sancti Thomæ, in q. De Malo q. 16. art. 1. ad 13. quod ista propositio habet veritatem si singula sint vnus ordinis scilicet tam illud vnum quam illa plura, quæ plures autem sunt meliores vno, autem: non autem tenet quod plura bona sunt inferioris ordinis illo vno bono. Sed licet in hoc sensu non accipiatur hoc loco, ex ipsa tamen expositione datur intelligi quod etiam habet veritatem in rebus diuersorum ordinum, quando plura includuntur in se illud vnum. Ideo enim plura vnus ordinis sunt meliora vno illius ordinis, quia continent illud, & aliquid amplius. Similiter ergo plura diuersorum ordinum sunt meliora vno illorum tantum, quia illud includunt, & aliquid addunt. Vnde & sanctus Thomas illam propositionem probat, quia habent hoc, & adhuc amplius. Est ergo vniuersaliter vera, quando illud vnum in numero illorum plurium continetur, si omnia scilicet sint finita.

Quinto, Magis addit ad bonitatem Vniuersi multitudo specierum, quam multitudo individuorum in vna specie: ergo ad perfectionem Vniuersi pertinet non solum quod sint multa individua, sed quod etiam sint diuersæ rerum species. Probatur antecedens, quia bonitas speciei excedit bonitatem individui, scilicet materialis, ubi bonitas speciei à bonitate individui intrinsecè distinguitur: quod patet, quia comparatur ad individuum sicut formale ad materiale.

Sexto, Intellectus diuinus multa intelligit, scilicet ad perfectionem Vniuersi pertinentia: ergo perfectius se ipsum repræsentat si plures diuersorum graduum creaturas producat, quam si vnum tantum produxisset, ergo, &c. Probatur consequentia, quia omne agens per intellectum repræsentat speciem intellectus in re facta.

SEDO occurrit dubium, quia si agens per intellectum repræsentat speciem sui intellectus in re facta, sequitur quod Deus vnum tantum producat, & non plura, quia species sui intellectus est tantum vna, scilicet diuina essentia.

Respondetur, quod est vna materialiter, sed formaliter est plures secundum quod intelligitur ut propria ratio plurium, & habet rationem pluris idearum.

Septimo, Bonum ordinis diuersorum est melius quolibet illorum ordinum per se sumpto, cum sit formale respectu singularium: ergo debuit esse in rebus, ergo oportuit esse inæqualitatem in rebus. Probatur prima consequentia, quia operi à summo bono artifice non debuit deesse summa perfectio. Secunda etiam probatur, quia remota inæqualitate non esset illud bonum.

ADVERTENDVM cum dicitur bonum ordinis diuersorum, esse melius quolibet ordinatorum, quod intelligitur non de ipso respectu secundum se (relatio enim est minimæ entitatis, & per consequens minimæ bonitatis est) sed de ipsis extremis ordinibus ordinata sunt. Eodem modo intelligendum est quod in fine capituli dicitur, scilicet quod ordo Vniuersi est vltima & nobilissima perfectio in rebus.

CIRCA illam propositionem, quod talis ordo non esset sine inæqualitate, dubitatur, quia in diuinis Personis est ordo, & tamen non est ibi inæqualitas, dicitur quod loquitur hic S. Thom. de ordine prioris & posterioris,

non autem de ordine originis tantum, cuiusmodi est ordo inter diuinas Personas repertus. Confirmatur Gen. vbi dicitur, Vidit Deus cuncta, &c.

Quod oportuit ad perfectionem Vniuersi esse aliquas naturas intellectuales.

Cap. 46.



Ac igitur existente causa diuersitatis in rebus, restat nunc de ipsis rebus distinctis prosequi quantum ad fidei veritatem pertinet, quod erat tertium à nobis propositum. Ostendemus primo, quod ex diuina dispositione perfectionem rebus creatis secundum suum modum optimum assignante, consequens fuit, quod quædam creaturæ intellectuales fierent in summo rerum vertice constitutæ. Tunc enim effectus maximè perfectus est, quando in suum redit principium. Vnde & circulus inter omnes figuras, & motus circularis inter omnes motus est maximè perfectus: quia in eis ad principium reditur. Ad hoc igitur quod Vniuersum creaturarum vltimam perfectionem consequatur, oportet creaturas ad suum redire principium: redeunt autem ad suum principium singulæ & omnes creaturæ in quantum sui principij similitudinem gerunt secundum suum esse & suam naturam, in quibus quandam perfectionem habent: sicut & omnes effectus tunc maximè perfecti sunt, quando maximè simulantur causæ agentis, ut domus quando maximè similitur arti, & ignis quando maximè similitur generanti. Cum igitur intellectus Dei, creaturarum productionis principium sit, ut supra ostensum est, necesse fuit ad creaturarum perfectionem quod aliquæ creaturæ essent intelligentes.

2 Amplius, Perfectio secunda in rebus addit supra primam perfectionem: sicut autem esse & natura rei consideratur secundum primam perfectionem, ita operatio secundum perfectionem secundam. Oportuit igitur ad consummationem Vniuersi perfectionem esse aliquas creaturas quæ in Deum redirent, non solum secundum naturæ similitudinem, sed etiam per operationem, quæ quidem non potest esse nisi per actum intellectus & voluntatis: quia nec ipse Deus aliter erga se ipsum operationem habet. Oportuit igitur ad perfectionem optimam Vniuersi esse aliquas creaturas intellectuales.

3 Adhuc, Ad hoc quod perfectè diuinæ bonitatis repræsentatio per creaturas fieret, oportuit, ut supra ostensum est, non solum quod res bonæ fieret, sed etiam quod ad aliorum bonitatem agerent. Assimilatur autem perfectè aliquid alteri in agendo, quando non solum est eadem species actionis, sed etiam idem modus agendi. Oportuit igitur ad summam rerum perfectionem quod essent aliquæ creaturæ quæ agerent hoc modo quo Deus agit: ostensum est autem supra, quod Deus agit per intellectum & voluntatem. Oportuit igitur aliquas creaturas esse intelligentes & volentes.

4 Amplius, Similitudo effectus ad causam agentem attenditur secundum formam effectus, qui præexistit in agente: agens enim agit sibi simile in forma secundum quam agit. Forma autem agentis recipitur quidem in effectu quandoque secundum eundem modum essendi quo est in agente, sicut forma ignis generati eundem essendi habet modum cum forma ignis generantis: quandoque verò secundum alium modum essendi, sicut forma domus quæ est intelligibiliter in mente artificis recipitur materialiter in domo quæ est extra animam. Patet igitur perfectiorem esse primam similitudinem quam secundam. Perfectio autem vniuersitatis creaturarum consistit in similitudine ad Deum, sicut etiam perfectio cuiuslibet effectus in similitudine ad causam agentem: requirit igitur summa Vniuersi perfectio, non solum secundum assimilationem creaturæ ad Deum, sed etiam primam, quantum possibile est. Forma autem per quam Deus agit creaturam, est forma intelligibilis in ipso: est enim agens per intellectum, ut supra ostensum est. oportet igitur ad summam perfectionem Vniuersi esse aliquas creaturas in quibus secundum esse intelligibile forma diuini intellectus exprimitur: & hoc est esse creaturas secundum suam naturam intellectuales.

5 Item, Ad productionem creaturarum nihil aliud mouet Deum nisi sua bonitas, quam rebus aliis communicare voluit secundum modum assimilationis ad ipsum, ut ex dictis patet. Similitudo autem vnus inuenitur in altero dupliciter. Vno modo, quantum ad esse naturæ: sicut similitudo caloris ignis est in re calefacta per ignem. Alio modo secundum cognitionem: sicut similitudo ignis est in visu vel tactu. Ad hoc igitur quod similitudo Dei perfectè esset in rebus modis possibilibus, oportuit quod diuina bonitas rebus per similitudinem communicaretur, non solum in essendo, sed etiam cognoscendo: cognoscere autem diuinam bonitatem solus intellexit.

Idem P. p. q. 50. artic. 1.

Conclusio.

† Cap. 23.

† Cap. 45.

† Cap. 23.

† Cap. 23.

Plura bona sunt vno meliora.

Bonum ordinis diuersorum est melius quolibet ordinatum.



tellectus potest. Oportuit igitur esse creaturas intellectuales.

Adhuc, In omnibus decenter ordinatis habitudo secundorum ad vltima, imitatur habitudinem primi ad omnia secunda & vltima: licet quandoque deficienter. Oñsum est autem, quòd Deus in se omnes creaturas comprehendit, & hoc repræsentatur in corporalibus creaturis, licet per alium modum: semper enim inuenitur superius corpus comprehendens & continens inferius, tamen secundum extensionem quantitatis: cum Deus omnes creaturas simplici modo & non quantitatis extensione contineat. Vt igitur nec in hoc modo continendi Dei imitatio creaturis deesset, factæ sunt creaturæ intellectuales, quæ creaturas corporales continerent, non extensione quantitatis, sed simpliciter per modum intelligibilem: nam quod intelligitur, est in intelligente, & eius intellectuali operatione comprehenditur.

Super cap. 46.

**P**ostquam determinauit S. Thom. de rerum creatione & distinctione, incipit de ipsis rebus creatis quantum ad fidei veritatem pertinere determinare. Et quia inter omnes creaturas maxime circa spirituales versatur fides, ideo san. Thom. intentio est de ipsis substantiis spiritualibus doctrinam tradere. Circa hoc autem tria facit. Primo, de natura substantiæ spiritualis determinat: secundò, de eius vnione ad corpus, cap. 36. tertio, de eius operatione, c. 36. Circa primum duo facit. Primo agit de existentia substantiæ spiritualis: secundò de eius natura, cap. seq.

Quantum ad primum ponitur hæc conclusio, Oportuit ad perfectionem vniuersi, creaturas aliquas spirituales fieri in summo rerum vertice constitutas. Probatur autem ex diuina dispositione perfectionem rebus creatis secundum suum modum optimum assignante, & primò sic. Ad hoc vt vniuersum vltimam perfectionem consequatur, oportet creaturas ad suum redire principium: ergo oportet ad creaturarum perfectionem vt aliquæ creaturæ sint intelligentes. Probatur antecedens, quia tunc effectus maxime perfectus est, quando ad suum principium redit, vt patet ex circulo, & motu circulari. Consequentia quoque probatur, quia redeunt ad suum principium singulæ creaturæ, in quantum eius similitudinem gerunt secundum esse & naturam earum, in quibus quandam habent perfectionem, intellectus autem Dei productionis creaturarum principium est.

Sed occurrit circa hanc rationem dubium, non enim oportet id quod ab agente per intellectum procedit, assimilari illi quantum ad virtutem intellectiuiam, vt scilicet effectus sit intelligens sicut & causa (alioquin domum & omnia artificata oportet intellectum habere) sed sufficit vt assimiletur formæ conceptæ quæ est exemplar rei producendæ, sicut dat exemplum S. Thom. de domo quam oportet arti assimilari, non autem potentie intellectiue artificis, ergo quamuis intellectus Dei sit productionis rerum principium, non tamen oportet ipsum vniuersum habere partem quæ intellectiua sit. Confirmatur, quia per hanc rationem concluderetur omnes res creatas habere intellectum, quia principium productionis omnium est intellectus diuinus.

Differentia inter Deum & alia agentia per intellectum.

Ad huius euidentiam considerandum primò, quòd licet per intellectum Deus reproducat in esse, sicut & artifex res artificatas, in duobus tamen differt Deus ab artifice creato. Primò, quia intellectus diuinus ita est principium productionis creaturarum, quòd eius operatio quæ est intelligere, est realiter ipsum producere creaturam: intellectus autem artificis non sic habet, non enim ipsum intelligere domum, est realiter idem quòd producere domum, sed productio domus est operatio alterius potentie ab intellectu regulata tamen secundum exemplar quod est in mente artificis. Vnde intellectus diuinus est immediatè productiuius rerum, non autem intellectus artificis. Secundo differt quia forma intelligibilis per quam artifex creaturam artificiatam producit, non est idem cum intellectu & specie intelligibili, qua elicitur actus intelligendi, sed eius effectus, forma autem qua diuinus artifex creaturas producit, est idem realiter cum intellectu tanquam cum principio rerum productiuo, & cum specie qua Deus intelligit: ex quibus sequitur quòd intellectus diuinus est & principium immediatum productionis creaturarum, & ratio agendi suæ formæ per quam producuntur: & ideo cum oportet effectum productionis, si perfectus sit, assimilari principio & elicitiuo, & formali suæ productionis quantum possibile est, necesse est vt vniuersum assimiletur Deo secundum intellectum, vt scilicet sit secundum aliquam sui partem naturæ intellectualis, & hoc est fundamentum cui hæc ratio sancti Thomæ innititur.

Ad dubium ergo dicitur, quòd licet non omne quod procedit à quocunque agente per intellectum, oporteat illi quantum ad virtutem intellectiuiam assimilari, quia non omnis agentis per intellectum suum intelligere est rei productio, nec forma quæ est ratio agendi, est idem quòd intellectus oportet tamen quod primò & principaliter à Deo per intellectum producat, habere naturam intellectiuiam si illius sit capax, cum effectus diuini assimiletur quantum possunt Deo quantum ad principium elicitiuum, & formale suæ productionis qui est intellectus. Non puto autem nomine intellectus hoc loco intelligi tantum formam intellectualem seu artem Dei qua Mundum produxit, sed etiam ipsam virtutem intellectiuiam, quia aliam rationem ad hanc ipsam conclusionem inducit san. Thom. inferius ex ipsa forma intellectuali, per quam creaturæ sunt productæ.

Ad confirmationem dicitur similiter, quòd non oportet omnes res creatas habere intellectum, quia non omnes sunt capaces ex natura sua intellectus, vt intellectus est, quemadmodum est vniuersum, sed bene alicuius similitudinis intellectus diuini: non enim sunt principalis Dei effectus, sed principalis effectus, id est, vniuersi partes, sicut licet à Sole per lucem eius producat & lumen & caliditas, propter quod oportet tam lucida quam calida habere aliqualem similitudinem lucis solaris, non tamen omnia participant ratione lucis solaris, vt lux est, sic scilicet vt lucida sint, sed tantum ea quæ nata sunt lucem per modum lucis recipere. Alia verò assimilantur luci vt virtualiter calorem continent, aut aliquam aliam perfectionem: sic vnaquæque creatura redit ad intellectum diuinum, vt ad suum principium suo modo: aliqua enim illi assimilantur, in quantum intellectus est, aliqua verò

in quantum virtualiter alias perfectiones creaturarum continet & eminet. Et sic patet quòd ratio sancti Thomæ optimè propositum concludit.

Secundò, Oportuit ad consummatam vniuersi perfectionem esse aliquas creaturas quæ in Deum redirent, non solum secundum similitudinem naturæ, sed etiam per operationem: sed hæc operatio non potest esse nisi intellectus & voluntatis, quia nec ipse Deus aliter erga seipsum operatur, ergo, &c. Probatur maior quia secunda perfectio quæ est secundum operationem, addit supra primam, tanquam scilicet existens vltima & consummata rei perfectio.

Tertio, Ad summam rerum perfectionem oportuit esse aliquas creaturas quæ agerent modo, quo Deus agit: ergo oportuit esse aliquas substantias intellectuales. Patet consequentia, quia Deus agit per intellectum & voluntatem. Probatur verò antecedens, quia in præcedentibus ostensum est, quòd ad perfectam representationem diuinæ bonitatis per creaturas, oportuit res aliquas ad bonitatem aliorum agere, ergo oportuit etiam fieri assimilationem quantum ad modum agendi, quia sic alteri aliquid perfectè assimilatur in agendo.

Adverte, quòd per creaturas non potest perfectè diuina bonitas vt in se esse representari, sed bene potest representari perfectè vt exemplar & forma vniuersi: quod sanè fit, si vniuersum illi assimiletur quantum ad omnia in quibus secundum suam naturam natum est illi assimilari, sicut tunc domus perfectè representat formam quæ est in mente edificatoris, quando habet omnia secundum quæ nata est illam representare, & sic est perfectè representatio ex parte effectus, non ex parte causæ. Quia ergo de ratione effectus summè perfecti est, vt perfectè assimilatur suæ causæ: secundum omnes modos quibus eam participare potest, ideo cum Deus agat ad creaturarum productionem per intellectum & voluntatem, & vniuersum quod primò intendebat producere, natum esset assimilari sibi quantum ad esse, quantum ad agere bonitatem aliorum, & quantum ad modum agendi qui est per intellectum & voluntatem, oportuit & in vniuerso fieri aliquas creaturas quæ ad bonitatem aliorum agerent, & quasdam quoque agerent per intellectum & voluntatem. Et hoc est huius rationis fundamentum.

Quartò, Summa vniuersi perfectio exigit non solum similitudinem ad Deum secundum formam, sed etiam secundum eundem modum essendi formæ quantum possibile est, cum secunda similitudo sit perfectior quam prima: ergo oportuit esse aliquas creaturas in quibus secundum esse intellectuale forma diuini intellectus exprimitur, ergo, &c. Patet prima consequentia, quia forma per quam Deus agit creaturam, est forma intelligibilem modum essendi habens. Patet etiam secunda, quia hoc esse creaturas secundum suam naturam intellectuales.

Adverte, quòd natura subsistens quæ est ex se intellecta in actu, non indiget alio ad hoc vt fiat actu intelligibilis, est etiam secundum se intellectiua, vt inferius ostendit S. Thom. & prima parte, q. 14. art. 1. Ideo bene hoc loco dicitur, quòd esse creaturas in quibus secundum esse intelligibile forma diuini intellectus exprimitur, est esse creaturas secundum suam naturam intellectuales.

Quintò, Ad hoc vt similitudo Dei perfectè esset in rebus modis possibilibus (intellige non de modis possibilibus absolute, sed de modis possibilibus ad vniuersum, quod intendebat, pertinentibus) oportuit vt diuina bonitas communicaretur per similitudinem non solum in essendo, sed etiam in cognoscendo, quia litis duobus modis similitudo vnius inuenitur in alio, sed solus intellectus cognoscere diuinam bonitatem potest, ergo, &c.

Adverte, quòd duplex sunt modi possibiles creaturarum, quidam scilicet generales, putà modus essendi insensibilem, modus sensibilem, & modus intellectualem: & quidam particulares & specifici, putà hominis, equi, lapidis, & huiusmodi. Modi generales cum sint finiti, & supremus sit modus essendi intellectualium quantum à nobis cognoscitur, omnes huiusmodi modi ad perfectionem vniuersi pertinere videntur: modi autem particulares & specifici cum sint infiniti, non omnes ad perfectionem vniuersi pertinent, sed illi tantum quos Deus voluit in vniuerso esse. Cum ergo dicitur hic quòd ad hoc vt similitudo Dei esset in rebus modis possibilibus, oportuit bonitatem diuinam per similitudinem communicari etiam in cognoscendo de modis generalibus, non autè de modis specialibus intelligitur.

Sextò, In omnibus decenter ordinatis habitudo secundorum ad vltima imitatur habitudinem primi ad omnia secunda & vltima: sed Deus omnes creaturas comprehendit intelligibiliter: ergo oportet etiam esse aliquas creaturas intellectuales quæ corporalia intelligibiliter contineant, sicut & superiora corpora continent inferiora secundum extensionem quantitatis.

## Quòd substantiæ intellectuales sint volentes.

Cap. 47.



As autem substantias intellectuales necesse est esse volentes. Idem P. p. q. 59. artic. 1.

Inest enim omnibus appetitus boni, cum bonum sit quod omnia appetunt, vt Philosophi tradunt: huiusmodi autem appetitus in his quidem quæ cognitione carent, dicitur naturalis appetitus, sicut dicitur quòd lapis appetit deorsum. In his autem quæ cognitionem sensitiuam habent, dicitur appetitus animalis: qui diuiditur in concupiscibilem & irascibilem. In his verò quæ intelligunt, dicitur appetitus intellectualis seu rationalis, qui est voluntas. Substantiæ igitur intellectuales creatæ habent voluntatem.

Adhuc, Id quod est per aliud, reducitur ad id quod est per se tanquam in prius: vnde & secundum Philosophum octauo Physicorum, mota ab alio reducuntur in prima mouentia seipsa, in syllogismis etiam conclusiones quæ sunt notæ ex aliis, reducuntur in prima principia quæ sunt notæ per seipsa. Inueniuntur autem in substantiis creatis quædam quæ non agunt seipsa ad operandum, sed aguntur vt naturæ, sicut inanimata, plantæ, & animalia bruta: non enim est

† Tex. c. 23. & infra.



† Cap. 46.

in eis agere & non agere. Oportet ergo quod fiat reductio ad alia prima quæ seipsa agant ad operandum: prima autem in rebus creatis sunt substantiæ intellectuales, ut supra ostensum est, hæc igitur substantiæ se agunt ad operandum. Hoc autem est proprium voluntatis, per quam substantia aliqua est domina sui actus, utpote in ipsa existens agere & non agere: substantiæ igitur intellectuales creatæ habent voluntatem.

3. Amplius, Principium cuiuslibet operationis est forma per quam aliquid est actus, cum omne agens agat in quantum est actus: oportet igitur quod secundum modum formæ sit modus operationis consequentis formam: forma igitur quæ non est ab ipso agente per formam, causat operationem cuius agens non est dominus. Si quæ verò fuerit forma quæ sit ab eo, qui per ipsam operatur, etiam consequentis operationis dominum habebit: formæ autem naturales ex quibus sequuntur motus & operationes naturales, non sunt ab his quorum sunt formæ, sed ab exterioribus agentibus totaliter, cum per formam naturalem vnumquodque habeat esse in sua natura: nihil autem potest sibi esse causa efficiendi: & ideo quæ mouentur naturaliter, non mouent seipsa, non enim graue mouet seipsum deorsum, sed generans quod dedit ei formam. In animalibus etiam brutis formæ sensatæ vel imaginatæ mouentes non sunt adinuentæ ab ipsis animalibus brutis, sed sunt receptæ in eis ab exterioribus sensibilibus quæ in sensum agunt, & diiudicatæ per naturalem æstimationem. Vnde licet quodammodo dicatur mouere seipsa, in quantum eorum vna pars est mouens, & alia est mota, tamē ipsum mouere non est eis ex seipsis, sed partim ex exterioribus sensatis, & partim à natura. In quantum enim appetitus mouet membra, dicitur seipsa mouere, quod habet supra inanimata & plantas: in quantum verò ipsum appetere sequitur de necessitate in eis ex formis acceptis per sensum, & iudicium naturalis æstimationis, non sibi sunt causa quod moueantur. Vnde non habent dominium sui actus. Forma autē intellecta per quam substantia intellectualis operatur, est ab ipso intellectu, utpote per ipsum concepta, & quodammodo excogitata, ut patet de forma artis quam artifex concepit & excogitat, & per eam operatur. Substantiæ igitur intellectuales seipsas agunt ad operandum ut habentes suæ operationis dominium: habent igitur voluntatem.

4. Item, Actiuum oportet esse proportionatum passiuo, & motiuum mobili: sed in habentibus cognitionem vis apprehensiuæ se habet ad appetituum, sicut motiuum ad mobile. Nam comprehensum per sensum vel imaginationem vel intellectum, mouet appetitum intellectualem vel animalem: apprehensio autem intellectiua non determinatur ad quædam, sed est omnium. Vnde & de intellectu possibili Philosophus dicit in tertio De Anima, quod est quo est omnia fieri: appetitus igitur intellectualis substantiæ est ad omnia se habens. Hoc autem est proprium voluntatis, ut ad omnia se habeat, vnde & in tertio Ethicorum Philosophus dicit, quod est possibile & impossibile. Substantiæ igitur intellectuales habent voluntatem.

Super cap. 47.

**P**ostquam ostendit sanctus Thomas oportuisse esse in vniuerso aliquas creaturas quæ intellectuales essent, nunc de natura ipsarum substantiarum intellectualium determinat. Circa hoc autem duo facit. Primum determinat de ipsarum natura absolute: secundum per comparationem ad esse actualis existentie.

cap. 48. Circa primum duo facit. Primum determinat de ipsarum natura quantum ad ea quæ sibi affirmatiue conueniunt. secundum, quantum ad ea quæ negatiue significantur cap. 49. Quantum ad primum etiam duo facit. Primum ostendit ipsas volentes esse: secundum, quod liberi arbitrij sint, cap. 50. sequenti.

Quantum ad primum ponitur hæc conclusio, Substantiæ creatæ intellectuales necesse est volentes esse. Probat per primum, Habent appetitum boni, quia omnia appetunt bonum: ergo sunt volentes. Patet consequentia, quia appetitus conueniens iis quæ intelligunt, est appetitus rationalis qui est voluntas, sicut appetitus eorum quæ cognitione carent, dicitur naturalis, & brutorum appetitus dicitur appetitus animalis.

ADVERTTE circa istam distinctionem appetituum, quod appetitus consequens formam accipit speciem & denominationem à forma quam consequitur: quia ergo in rebus quæ cognitione caret, consequitur formam merè naturalem, ideo in illis dicitur appetitus naturalis, in brutis autem & hominibus ut cum brutis communicant, quia consequitur formam apprehensam per sensum, quantum scilicet ad actuale inclinationem. Potentiam autem sensitiuam intrinsecam, quantum ad potentialem inclinationem, ideo dicitur appetitus sensitiuus siue animalis: in habentibus autem cognitionem intellectualem dicitur intellectualis, quia consequitur virtutem & cognitionem intellectualem: & fortius est etiam aliud nomen, ut scilicet dicatur voluntas.

Secundo, Inueniuntur in substantiis creatis quædam quæ non agunt seipsa ad operandum, sed aguntur ut natura, ut planta, & bruta: ergo oportet esse aliqua prima quæ seipsa agant ad operandum, ergo necesse est esse aliqua prima quæ sint volentes, ergo substantiæ intellectuales sunt volentes. Probat per primum consequentia, quia quod est per aliud reducitur in id quod est per se tanquam in prius: quod probatur exemplo corporum mobilium, quæ reducuntur in corpora prima mouentia seipsa, & conclusionum in syl-

logis, quæ reducuntur in prima principia per se nota. Secunda etiam patet, quia proprium est voluntatis ut per eam aliquid se agat ad operandum, cum per ipsam substantia sit domina suorum actuum, tanquam potens agere & non agere. Vltima quoque patet quia prima in rebus creatis sunt substantiæ intellectuales.

Tertio, Forma intellecta per quam substantia intellectualis operatur, est ab ipso intellectu tanquam per ipsum concepta, & quodammodo excogitata ergo seipsas agunt ad operandum substantiæ intellectuales, tanquam habentes suæ operationis dominium, ergo sunt volentes. Probat per antecedens exemplo formæ artis quæ ab artifice excogitatur. Prima verò consequentia probatur, quia cum agens per formam agat, oportet secundum modum formæ esse modum operationis, ut scilicet forma quæ non est ab ipso agente per formam causet operationem cuius agens non est dominus: forma verò quæ est ab agente per ipsam, causet operationem cuius agens est dominus. Declaratur hoc discutendo per formas quæ sunt actionis principium: nam formæ naturales non sunt ab iis quæ sunt formæ, sed ab exterioribus agentibus totaliter, & ideo quæ mouentur naturaliter non mouent seipsa, ut patet de grauius quæ à generante mouentur. Similiter formæ sensatæ vel imaginatæ quæ sunt mouentes in brutis, non sunt adinuentæ ab ipsis brutis, sed sunt receptæ in eis ab exterioribus sensibilibus, & diiudicatæ per naturalem æstimationem. Et ideo licet dicatur quodammodo mouere seipsa, in quantum vna pars in eis est mouens, & alia est mota: tamen ipsum moueri non est in eis ex seipsis, sed partim ex exterioribus sensatis, & partim à natura.

ADVERTTE circa antecedens, quod ideo inquit sanctus Thomas, formam intellectualem, esse ab intellectu quodammodo excogitam, non autem simpliciter excogitam, quia, proprie loquendo, cogitare non conuenit intellectui, sed virtuti cogitativæ, & ideo, proprie loquendo, forma intellectualis non potest dici excogitata, sed quia cogitativa, eod quod intellectui sit coniuncta participat aliquid de intellectu, discutendo circa particularia: ideo nomina vnius ad aliam quandoque similitudinarie transferuntur, ut dicatur cogitativa intelligere particularia, & intellectus cogitare, & sic transumptiue forma ab intellectu concepta potest dici excogitata, licet non sit proprie dictum: & propter hoc addidit sanctus Thomas, Quodammodo.

ADVERTENDVM quoque, quod cum operatio consequatur formam, necesse est ut dans formam det etiam operationem, propter quod dicitur quod dans formam, dat etiam metum consequentem formam, sicut dans grauitatem dat motum deorsum: ideo bene inquit sanctus Thomas, quod forma quæ non est ab ipso agente, sed scilicet est ipsi data ab aliquo alio, non causat operationem cuius ipsum agens per talem formam sit dominus, sed operatio consequens refertur tanquam in principale agens in id quod dat formam. Si autem agens causet in seipso formam per quam agit, erit principalis causa suæ actionis, & erit dominus suorum actuum.

SEDCIRCA declarationem sancti Thomæ de forma mouente in brutis, & natura intelligibili, occurrit duplex dubium. Primum est, quia non videtur differentia inter brutum, & hominem quantum ad formam per quam vtrumque agit, cuius oppositum hic dicitur. Nam sicut formæ sensatæ & imaginatæ, ex quibus mouentur bruta, sunt ab exterioribus sensibilibus mediane sensibus exterioribus causatæ: ita & formæ intellectuales, cum nostra cognitio intellectiua habeat ordinem à sensu, ergo in vtraque natura forma quæ est principium operationis & motus, est ab extrinseco.

Secundum dubium est, quia oppositum eius quod hic dicitur videtur haberi Prima parte quæstione decimæ octauæ, articulo nono. Ibi enim dicitur, quod animalia mouent seipsa quantum ad formam quæ est principium motus quam per se acquirunt, in quo differunt à plantis quæ habent formam ab alio, ergo non habent formam ab extrinseco tantum, ut hic dicitur.

AD primum dubium respondetur, quod licet species intelligibilis, quæ præcedit intellectiōem, ab exterioribus sensibilibus mediante phantasmate causetur, concurrente tamen intellectu agente per modum principalis agentis, sicut & formæ imaginatæ: tamen ipsa forma secundum quam immediate & proximè mouetur natura intellectualis appetitus, non causatur ab alio agente quam ab ipso intelligente: format enim agens per intellectum in seipso per actum intelligendi formam rei conuenientis & disconuenientis: quæ dicitur conceptus intellectus, quod non facit imaginatio bruti, in qua forma conuenientis aut disconuenientis ab alio causatur, iudicium quoque quo aliquid iudicatur conueniens aut disconueniens in natura intellectuali est liberum, & non est magis ad vnam partem determinatum quam ad alteram: sed agens intellectuale à seipso determinatur. In brutis autem est à datore nature determinatum. Et quia appetitus sequitur formam rei appetibilis, adiuncto iudicio quo iudicatur conueniens aut disconueniens, cum bruta & formam & iudicium determinatum ab alio habeant, natura autem intellectualis à seipsa habeat vtrumque, ideo conuenienter dicitur quod formæ mouentes, in brutis ab alio causantur, in intellectuali autem natura ab ipso intellectu.

AD secundum dubium respondetur, & dicitur primum, quod forma imaginata secundum quam mouentur bruta, quantum quidem ad entitatem suam non causatur à bruto, sed ab extrinseco sensibili: quantum tamen ad actuale cognitionem secundum quam ipsa forma dicitur perfectè & completè in actu esse, causatur etiam à sensu animalis, quia ad actionem sentiendi ipse sensus etiam actiue concurrat: & ad hunc sensum dicitur in Prima parte, quod animalia mouent se quantum ad formam, quia forma rei sensibilis non est actuale principium motus, nisi dum est in actu perfectè, nisi scilicet per ipsam iudicetur de sensibili, & sic ipse sensus est aliquo modo causa suæ formæ. Hæc autem loquitur sanctus Thomas de ipsa entitate formæ secundum se, & quantum ad esse eius imperfectum, quam diximus ab exteriori tantum sensibili esse causatam.

Dicitur secundo, quod forma quæ est in brutis, licet quædam ad esse completum quod est, ut per ipsam actu iudicetur, sit aliquo modo à sensu, non est tamen totaliter à sensu ut habet rationem motui, quia quantum ad determinationem iudicii quo iudicatur aliquid conueniens aut nocivum (quod requiritur in motu animalis) ab alio dependet, scilicet à natura. Loquitur autem hic sanctus Thomas de forma quantum ad omnia quæ sibi conueniunt, ut est principium motus: & per consequens de forma sensus quantum etiam ad iudicii determinationem: vnde non contradicit illis quæ in Prima parte dicuntur, ubi non est sermo de forma motiua animalis, nisi quantum ad complementum sui esse, non autem quantum ad omnem eius conditionem sibi conuenientem, ut habet rationem formæ mouentis. Potest secundo responderi quod

Quomodo in brutis forma mouens est ab extrinseco vel ab intrinseco.

† Tex. com. 18.

† Cap. 5.



quod forma sentiat vel imaginata, quæ scilicet in sensibus interioribus recipiuntur, & quibus per imaginatiuam aut æstimationem virtutem iudicatur ali quod sensibile conueniens esse vel nocivum, à sensibus exterioribus in viribus interioribus imprimuntur: sic bruta dicuntur causare huiusmodi formas in seipsis, in quantum, scilicet per sensus exteriores eas in sensu imprimunt interiori: & ad hunc sensum intelligitur quod de Prima parte adductum est. Sed tamen non sunt liberè per actum ipsius imaginationis vel æstimationis adinuente & excogitata, sed naturali quodam ordine ex sensibilibus causata: & ad sensum intelligitur quod hoc loco inquit sanctus Thomas.

*Quomodo brutis conueniat moueri aut non moueri ex se ipsis.*  
CIRCA id quod dicitur, Quoniam moueri non inest brutis ex seipsis, dubitatur, quia dicitur in 8. Physic. tex. com. 29. quod in omni quod mouet seipsum, est moueri & non moueri: & vocat ibidem Arist. mouentia seipsa quæ diuiduntur in partem mouentem, & partem motam, & animalia vocat mouentia seipsa.

Respondetur secundum doctrinam sancti Thomæ, Veri. q. 24. art. 2. ad secundum, quod ideo dicitur in his quæ seipsa mouent, etiam moueri & non moueri, non quia in earum libertate sit moueri & non moueri, sed quia potentia motiua ipsorum secundum se considerata non magis inclinatur ad vnum oppositorum quàm ad aliud: sed tamen quia iudiciu quo applicatur potentia motiua ad alterum oppositorum, in brutis est à natura determinatum: ideo moueri non est absolute in ipsis brutis, quasi in potestate eorum sit vt se moueant aut non moueant (sicut enim non potest iudicare ouis non esse fugiendum lupum, ita non potest non fugere, Vnde potentia motiua secundum se indifferens ad fugiendum & non fugiendum) sed iudiciu est determinatum & limitatum à natura. Et quia vtriusque indeterminatio requiritur ad hoc vt aliquid propriè dicatur habere in sua potestate moueri: ideo non inest brutis ex seipsis moueri in quibus iudiciu à natura est determinatum. Et ad hunc sensum loquitur sanctus Thomas hoc loco.

Quarto, Apprehensio intellectiua non determinatur ad quædam, sed est omnium: ergo appetitus intellectiualis substantiæ est ad omnia se habens, ergo est voluntas. Probatur antecedens, quia 3. De Anima dicitur, quod intellectus possibilis est quo est omnia fieri. Prima quoque consequentia probatur, quia virtus apprehensiuæ habet ad appetitum sicut motiuum ad mobile, actiuum autem oportet proportionatum esse passiuo & motiuum mobili. Secunda etiam consequentia probatur, quia proprium est voluntatis vt ad omnia se habeat: est enim possibile & impossibile, vt dicitur 3. Ethic. A D V E R T E, quod voluntas dicitur esse impossibile, non in quantum impossibile sunt, sed in quantum proponuntur sibi sub ratione possibile: vel dicitur esse impossibile sub conditione, quia videlicet vellet illa si essent possible.

### Quod substantiæ intellectuales sunt liberi arbitrij.

Cap. 48.

**E**X hoc autem apparet, quod prædictæ substantiæ sunt liberi arbitrij in operando. Quod enim arbitrio agant, manifestum est ex eo quod per cognitionem intellectiua iudicium habent de operandis, libertatem autem necesse est eas habere, si habent dominium sui actus, vt ostensum est. Sunt igitur prædictæ substantiæ liberi arbitrij in agendo.

2. Item, Liberum est, quod sui causa est: quod ergo non est sibi causa agendi, non est liberum in agendo. Quæcunque autem non mouentur, neque agunt nisi ab aliis mota, non sunt sibi ipsius causa agendi: sola ergo mouentia seipsa, libertatem in agendo habent, & hæc sola iudicio agunt. Nam mouens seipsum, diuiditur in mouens & motum: motum autem est appetitus ab intellectu vel phantasia aut sensu motus, quorum est iudicare. Horum igitur hæc sola liberè iudicant, quæcunque in iudicando seipsa mouent: nulla autem potentia iudicans, seipsam ad iudicandum mouet, nisi supra actum suum reflectatur, oportet enim si se ad iudicandum agit, quod suum iudicium cognoscat, quod quidem solius intellectus est. Sunt igitur animalia irrationalia quodammodo liberi quidem motus siue actionis, non autem liberi iudicij: inanimata autem quæ solum ab aliis mouentur, neque liberæ actionis sunt aut motus: intellectiua vero non solum liberæ actionis, sed etiam liberi iudicij, quod est liberum arbitrium habere.

3. Adhuc, Forma apprehensa est principium mouens secundum quod apprehenditur sub ratione boni vel conuenientis: actio enim exterior in mouentibus seipsa, procedit ex iudicio quo iudicatur aliquid esse bonum vel conueniens per formam prædictam. Si igitur iudicans ad iudicandum seipsum moueat, oportet quod per aliquam altiore formam apprehensam se moueat ad iudicandum, quæ quidem esse non potest nisi ipsa ratio boni vel conuenientis, per quam de quolibet determinato bono vel conuenienti iudicatur. Illa igitur sola se ad iudicandum mouent, quæ communè boni vel conuenientis rationem apprehendunt: hæc autem sunt sola intellectiua, sola igitur intellectiua se non solum ad agendum sed etiam ad iudicandum mouent, sola igitur ipsa sunt libera in iudicando, quod est liberum arbitrium habere.

4. Amplius, A conceptione vniuersali non sequitur motus & actio nisi mediante particulari apprehensione, sed quod motus & actio erga particularia est: intellectus autem naturaliter est vniuersalius apprehensiuus. Ad hoc igitur quod ex

apprehensione intellectus sequatur motus, aut quæcunque actio, oportet quod vniuersalis intellectus conceptio applicetur ad particularia: sed vniuersalis continet in potentia multa particularia, potest igitur applicatio conceptionis intellectiualis fieri ad plura & diueria. Iudiciu igitur intellectus de agibilibus non est determinatum ad vnum tantum: habet igitur omnia intellectiua liberum arbitrium.

5. Præterea, Iudicij libertate carent aliqua vel propter hoc quod nullum habent iudiciu, sicut quæ cognitione carent, vt lapides & plantæ, vel quia habent iudiciu à natura determinatum ad vnum, sicut irrationalia animalia: naturali enim æstimatione iudicat ouis lupum sibi nocivum, & ex hoc iudicio fugit ipsum. Similiter autem in aliis. Quæcunque igitur habent iudiciu de agendis non determinatum ad vnum à natura, necesse est liberi arbitrij esse: huiusmodi autem sunt omnia intellectiua. Intellectus enim apprehendit non solum hoc vel illud bonum, sed ipsum bonum commune. Vnde cum intellectus per formam apprehensam moueat voluntatem, in omnibus autem mouens & motum oportet esse proportionata: voluntas substantiæ intellectiualis non erit determinata à natura, nisi ad bonum commune. Quicquid igitur offertur sibi sub ratione boni, poterit voluntas inclinari in illud, nulla determinatione naturali in contrarium prohibente: omnia igitur intellectiua liberam voluntatem habent ex iudicio intellectus venientem, quod est liberum arbitrium habere: quod diffinitur liberum de ratione iudicium.

### Super Cap. 48.



Vantum ad secundum ostendit, quod substantiæ intellectuales sunt liberi arbitrij in operando: & arguitur primò sic, Per cognitionem intellectiua substantiæ intellectuales iudicium habent de operandis, & libertate necesse est eas habere, cum habeant dominium sui actus, ergo, &c.

Secundò, Illa sunt liberi arbitrij in agendo, quæ sunt liberi iudicij, & liberæ actionis: sed sola intellectiua sunt huiusmodi, ergo, &c. Consequentia nota est cum maiori, minor vero probatur: quod enim sint liberæ actionis, probatur, quia mouet seipsa ad agendum. Sola autem mouentia seipsa libertate in agendo habent, non autem quæ non mouentur neque agunt, nisi ab aliis mota: quia cum liberum sit quod sui causa est, quod non est sibi causa agendi, non est liberum in agendo. Quod autem sola sint liberi iudicij, probatur, Et quid in quod sola iudicio agant probatur, quia mouens seipsum diuiditur in mouens & motum: motum autem est appetitus ab intellectu vel phantasia, aut sensu motus, quorum est iudicare. Quod vero sola habeant iudiciu liberi probatur, quia quod seipsum ad iudicandum mouet, est liberi iudicij: sola autem intellectiua seipsa ad iudicandum mouent, quia solus intellectus reflectitur supra actum suum, quod requiritur ad hoc vt potentia iudicans seipsam ad iudicandum moueat, ergo, &c. Ex his concluditur, quod inanimata neque liberi motus sunt, quia ab alio tantum mouentur: nec liberi iudicij, cum iudicio non mouentur, irrationalia autem sunt quidem aliquo modo liberi motus, cum seipsa moueant, non autem liberi iudicij: intelligibilia autem sunt & liberi iudicij & liberæ actionis.

A D V E R T E N D V M primò, quod licet irrationalia sint aliquo modo liberi motus, non tamen dicuntur moueri lib. arbit. quia ad hoc vt aliquid libero arbitrio moueatur, requiritur quod seipsum moueat, non autem ab alio tantum moueatur, & quod habeat liberum iudiciu de motu, vt scilicet possit iudicare conueniens esse vel non conueniens vt ipsum moueatur. Modò licet irrationalia seipsa moueant, quia vna eorum pars est mouens, & altera mota, non tamen habent liberum iudiciu de mouendo aut non mouendo: sed illud est sibi à natura determinatum. Ovis enim videns lupum non potest determinare non esse fugiendum, ideo dicitur esse liberi motus, non autem mouere se libero arbitrio.

A D V E R T E N D V M secundò, quod irrationalia esse liberi motus, nihil aliud est quam sibi ipsi esse causam motus, ita scilicet quod ipsa seipsa moueant ad determinatum finem, non autem ab extrinseco: tantum moueantur tanquam à principali mouente, sicut quæ à natura mouentur, & quæ mouentur per violentiam, sed tamen quia moueri simpliciter liberè, est habere in potestate sua moueri & non moueri, quod brutis non conuenit, non dicitur absolute san. Tho. quod sint liberi motus, sed addit Quodammodo, quasi dicit, Sunt liberi motus secundum quid, non autem simpliciter.

Tertiò, Sola intellectiua communem boni vel conuenientis rationem apprehendunt, ergo sola seipsa ad iudicandum mouent, ergo sola sunt libera in iudicando, quod est liberum arbitrium habere. Antecedens patet: prima vero consequentia probatur, quia forma apprehensa mouet secundum quod apprehenditur sub ratione boni vel conuenientis. Si igitur iudicans ad iudicandum seipsum moueat, oportet vt per aliquam altiore formam apprehensam se ad iudicandum moueat, sed hoc non potest esse nisi ipsa ratio boni vel conuenientis per quam de quolibet determinato bono vel conuenienti iudicatur, ergo, &c.

A D V E R T E N D V M, quod cum forma apprehensa moueat ad operationem in quantum per ipsam iudicatur aliquid esse bonum vel conueniens, si aliquid supra suum iudiciu reflectatur diiudicando vtrum verum an falsum iudiciu sit quo iudicatur aliquid esse bonum aut conueniens, oportet hoc ipsa communi ratione boni aut conuenientis fieri: sicut si iudicari debeat an iudiciu quo iudicatur aliquid esse animal, sit verum ex ipsa ratione animalis per quam cognoscere possumus, vtrum hoc aut illud particulare sit animal oportet tale iudiciu fieri. Et ideo cum omne quod seipsum ad iudicandum mouet, supra suum iudiciu reflectatur (oportet enim si se ad iudicandum mouet, vt suum iudiciu cognoscat, vt dicit Sanctus Thomas in præcedenti ratione) necesse est, vt mouens seipsum ad iudicandum, cognoscat altiore & communiorē formam quā sit forma particularis boni aut conuenientis, per quam iudicet vtrum conue-

Irrationalia sunt liberæ actionis non tamen mouentur libero arbitrio.

Sola habentia intellectum sunt liberi iudicij siue seipsa ad iudicandum mouent.



nienter iudicatum sit hanc rem particularem bonam aut conuenientem esse: hanc autem communior forma non potest esse nisi ipsa communis ratio boni aut conuenientis, quæ solo intellectu apprehendi potest. Sola ideo habentia intellectum sunt liberi iudicii, siue seipsa ad iudicandum mouent. Et hoc est huius rationis fundamentum.

SE D occurrit dubium circa vltimum consequens, Si esse liberum in iudicando, est liberum arbitrium habere, ergo liberum arbitrium non erit idem quod ipsa voluntas, sed erit ipse intellectus, quia iudicium liberum est actus intellectus. Huius autem oppositum tenet sanctus Thomas vbiunque de libero arbitrio loquitur: ergo quod hic dicitur, contradicit iis quæ alibi à sancto Thomæ dicuntur.

Liberum arbitrium  
quod est idem  
quod voluntas.

AD huius euidentiæ considerandum est ex Quæst. de Veri. q. 24. quod cum liberum arbitrium pro potentia acceptum, sit potentia qualiter iudicamus, dupliciter hoc possumus intelligere. Vno modo, quia est principium elicitiuum illius actus quem dicimus liberum iudicium. Alio modo, quia est principium faciens libertatem in iudicando: ista enim multum differunt, sicut multum differt dicere Grammaticam esse principium loquutionis quæ est recta, & ipsam esse principium non loquutionis, sed rectitudinis quæ est in loquutione. Quum ergo dicimus liberum arbitrium esse potentiam qualiter iudicamus, non accipimus primo modo, quia sic non esset idem quod voluntas, sed esset intellectus, vt arguebatur, cum iudicare ad intellectum pertineat, non ad voluntatem: sed intelligimus secundo modo, & sic voluntas est liberum arbitrium, quia ipsa facit vt liberè iudicemus per ipsam. Possumus enim per voluntatem eligere, iudicare & non iudicare.

Quartò, A conceptione vniuersali non sequitur actio nisi mediante apprehensione particulari: sed intellectus est vniuersalius apprehensiuus, ergo ex apprehensione intellectus non sequitur motus nisi vniuersalis conceptio applicetur ad particularia, sed applicatio conceptionis intellectualis potest fieri ad plura & distincta, cum vniuersale multa contineat in potentia, ergo iudiciu intellectus de agibilibus non est determinatum ad vnu, ergo, &c.

Quintò, Quæ habent iudicium de agendis non determinatum ad vnum à natura, necesse est liberi arbitrii esse: sed intellectualia sunt huiusmodi, ergo, &c. Probat maior, quia quod aliqua iudicii libertate careant, non est nisi quia aut nullum iudicium habent, aut habent illud à natura determinatum. Minor etiam probatur, Intellectus non solum apprehendit hoc vel illud bonum, sed ipsum bonum commune, ergo non determinatur voluntas ab intellectu mouente ad hoc vel illud bonum, sed tantum ad bonum commune, quia moues & motum oportet esse proportionata: ergo quicquid offertur sibi sub ratione boni, in illud potest inclinari.

Concludit ex his sanctus Thomas, quod omnia intellectualia libera voluntatem habent ex iudicio intellectus venientem, quia videlicet libertatis radix est in ratione, ex eo quod non est sibi determinatum iudiciu à natura, licet libertas ipsa primò formaliter sit in voluntate. Vnde & diffinitur liberum arbitrium quod est liberum de ratione iudicium, quia scilicet est iudicium liberum à ratione proueniens.

ADVERTENDVM, quod licet aliquæ rationes in principio adductæ concludant explicitè quod sola intellectualia sunt liberi arbitrii, non autem quod omnia: implicite tamen concludunt quod omnia intellectualia sunt talia, quia eadem est ratio de omnibus intellectualibus substantiis, & ratio qua concluditur aliquas earum esse liberi arbitrii, in omnibus eadem saluatur, veluti omnibus intellectualibus communis.

### Quod substantia intellectualis non sit corpus. Cap. 49.

Idem P. p. q. 50.  
art. 1.

**E**X præmissis autem ostenditur quod nulla substantia intellectualis est corpus. Nullum enim corpus inuenitur aliquid continere nisi per communem quantitatē: vnde & si se toto totum aliquid continet, & partem parte continet, maiorem quidem maiore, minorem autem minore, intellectus autem non comprehendit rem aliquam intellectam per aliquam quantitatis commensurationem, cum se toto intelligat & comprehendat totum & partem, maiora in quantitate & minora. Nulla igitur substantia intelligens est corpus.

2. Amplius, Nullum corpus potest alterius corporis formam substantialem recipere, nisi per corruptionem suam formam amittat. Intellectus autem non corrumpitur, sed magis perficitur per hoc quod recipit formas omnium corporum: perficitur enim intelligendo, intelligit autem secundum quod habet in se formas intellectuum. Nulla igitur substantia intellectualis est corpus.

3. Adhuc, Principium diuersitatis indiuiduorum eiusdem speciei est diuisio materiæ secundum quantitatem: forma enim huius ignis à forma illius ignis non differt nisi per hoc quod est in diuersis partibus, in quas materia diuiditur, nec aliter quam diuisione quantitatis, sine qua substantia est indiuisibilis. Quod autem recipitur in corpore, recipitur in eo secundum quantitatis diuisionem: ergo forma non recipitur in corpore nisi vt indiuiduata. Si igitur intellectus esset corpus, formæ rerum intelligibiles non reciperentur in eo nisi vt indiuiduata: intelligit autem intellectus res per formas earum, quas penes se habet, non ergo intellectus intelligit vniuersalia, sed solum particularia, quod patet esse falsum: nullus igitur intellectus est corpus.

4. Item, Nihil agit nisi secundum suam speciem, eo quod forma est principium agendi in vnoquoque: si igitur intellectus sit corpus, actio eius ordinem corporum non excedet, non igitur intelliget nisi corpora. Hoc autem patet esse fal-

sum: intelligimus enim multa quæ non sunt corpora. Intellectus igitur non est corpus.

5. Adhuc, Si substantia intelligens est corpus, aut est finitum, aut infinitum: corpus autem esse infinitum actu est impossibile, vt in Physicis probatur. Est igitur finitum corpus, si corpus esse ponitur: hoc autem est impossibile, in nullo enim corpore finito potest esse potentia infinita, vt supra probatum est. Potentia autem intellectus est quodammodo infinita in intelligendo: in infinitum enim intelligit species numerorum augendo, & similiter species figurarum & proportionum, cognoscit etiam vniuersale, quod est virtute infinitum secundum suum ambitum: continet enim indiuidua, quæ sunt potentia infinita. Non est igitur intellectus corpus.

6. Amplius, Impossibile est duo corpora se inuicem continere, cum continens excedat contentum: duo autem intellectus se inuicem continent & comprehendunt, dum vnus alium intelligit. Intellectus igitur non est corpus.

7. Item, Nullius corporis actio reflectitur super agentem: ostensum est enim in Physicis, quod nullum corpus à seipso mouetur nisi secundum partem, ita scilicet quod vna pars eius sit mouens, alia mota. Intellectus autem supra seipsum agendo reflectitur, intelligit enim seipsum non solum secundum partem, sed secundum totum: non est igitur corpus.

8. Adhuc, Actus corporis ad actionem non terminatur, nec motus ad motum, vt in Physicis probatum est: actio autem substantiæ intelligentis ad actionem terminatur, intellectus enim sicut intelligit rem, ita intelligit se intelligere, & sic in infinitum. Substantia igitur intellectus non est corpus.

Hinc est quod sacra Scriptura substantias intellectuales spiritus nominat: per quem modum conuenit Deum incorporeum nominare, secundum illud Ioan. 4. Deus spiritus est. Dicitur autem Sapient. 7. Est autem in illa, scilicet diuina sapientia, spiritus intelligentiæ, qui capiat omnes spiritus intelligibiles.

Per hoc autem excluditur error antiquorum Naturalium, qui nullam substantiam nisi corpoream esse ponebant, vnde & animam credebant esse corpus, vel ignem, vel aërem, vel aquam, vel aliquid huiusmodi: quam quidem opinionem in fidem Christianam quidam inducere conati sunt, dicentes animam esse corpus effigiatum, sicut corpus exterius figuratum.

### Super cap. 49.

**P**ostquam determinauit sanctus Thomas de iis quæ intellectualibus positivè & affirmativè conueniunt, consequenter de iis quæ ab eorum natura excluduntur determinat. Circa hoc autem duo facit. Primò enim remouet ab ipsis materialitatem quantum ad substantiam secundum se: secundò, materialitatem quæ est per dependentiam à materia, cap. 51. Quia autem vbi inuenitur materia, inuenitur etiam quantitas continua, ideo vt à notioribus nobis procedat, primò ostendit ipsas substantias non esse corpus, secundò non esse compositas ex materia & forma, cap. sequenti.

Quantum ad primum ponitur hæc conclusio, Nulla substantia intellectualis est corpus. Probat primò, Intellectus non comprehendit rem aliquam intellectam commensuratione quantitatis, cum se toto intelligat & comprehendat totum & partes: ergo nulla substantia intelligens est corpus. Probat consequentia, quia nullum corpus continet aliud nisi commensuratione quantitatis.

SE D non videtur hæc ratio efficax esse: per ipsam enim similiter probaretur quod homo non sit corpus, quia suo intellectu non comprehendit aliquid secundum commensurationem quantitatis.

Respondetur, quod ex eo quod intelligitur quantitativè nihil comprehendit, arguitur quod substantia quæ secundum se totam est intelligens, quæ propriè intellectualis substantia dicitur, non est corpus, non autem de substantia quæ est secundum partem intelligens, quasi ex intellectuali & corporali substantia composita, cuiusmodi est homo. Ideo obiectio non est contra intentum.

Secundò, Intellectus recipit formas substantiales omnium corporum, & tamen non corrumpitur, sed perficitur, cum per ipsas intelligat, ergo, &c. Probat consequentia, quia nullum corpus potest alterius corporis formam substantialem recipere nisi suam formam per corruptionem amittat.

SE D posset aliquis dicere ad hanc rationem, quod formæ corporum non recipiuntur in intellectu secundum quod sunt substantiæ, sed secundum quod sunt accidentia, & sic ratio non sequitur: respondetur, quod cum forma substantialis corporis in materia existens sit eiusdem rationis cum seipsa existente in intellectu, licet habeat alium & alium modum essendi, vt in sequentibus ostendetur, & in materia sit substantia, in intellectu autem accidet: ideo potest absolute dici quod forma substantialis corporis recipitur in intellectu, licet in intellectu esse substantiale non habeat. Corpus autem nullo modo recipit formam substantialem alterius corporis: ideo non potest absolute dici quod alterius corporis formam substantialem recipiat. Fundamentum ergo rationis est, quod corpus nullo modo recipit formam substantialem alterius corporis, intellectus autem absolute loquendo recipit corporum formas, licet secundum esse spirituale & immateriale recipiantur propter conditionem intellectus suscipientis.

Tertio,

† 3. Physic. & 4. Celi.

† 7. & 8. Physic.

† 5. Physic.

Auth. sac. Scripturæ.

Exclusio erroris.



Tertio, Quod recipitur in corpore, recipitur in eo secundum quantitatis diuisionem, ergo forma non recipitur in corpore nisi indiuiduata, ergo si intellectus sit corpus, formæ rerum intelligibiles recipiuntur in ipso indiuiduata, ergo intelligit tantum particularia. Hoc consequens est falsum, ergo, &c. Probatur prima consequentia, quia principium diuersitatis indiuiduorum eiusdem speciei est diuio materiae secundum quantitatem. Vltima quoque probatur, quia intellectus intelligit res per formas earum quas penes se habet.

Quomodo species intellectuales est vniuersalis.

CIRCA vltimam consequentiam hæc adducta dubitatur, quia forma quæ est in hoc intellectu, secundum rei veritatem est indiuidua & singularis numeraliter distincta à forma eiusdem rationis existente in alio intellectu, & tamen per ipsam intellectus intelligit vniuersale, ergo illa consequentia falsa est.

AD huius euidenciam considerandum est, quod cum natura materialis existens in intellectu, & sit natura materialis (eiusdem scilicet rationis existens cum natura quæ est extra intellectum) & habeat in intellectu esse immateriale & intelligibile, tanquam accidens & forma ipsius, in duplici rerum ordine collocatur, scilicet in ordine intelligibilium ex parte sui modi essendi, & in ordine materialium ex parte suæ rationis. Verbi gratia, natura lapidis in intellectu existens habet quod sit species intelligibilis intellectus, & eius accidens intellectuale, & habet quod sit natura lapidis: si consideretur vt est in ordine intelligibilium, siue vt est forma intelligibilis intellectus vniuers, sic est indiuidua & singularis, habet enim esse distinctum ab alia specie intelligibili eiusdem rationis existente in intellectu alterius: nam accidentia eiusdem rationis numeraliter & indiuidualiter distinguuntur, ex numerali distinctione subiectorum in quibus sunt. Si autem consideretur vt est natura materialis eiusdem rationis cū forma per ipsam representata quæ est in materia, sic non est indiuidua aut singularis, sed est vniuersalis & abstracta atque illimitata: non enim est forma huius aut illius lapidis habens esse materiale determinatum ad hanc & nunc, vt habet formam huius lapidis, sed est forma lapidis absolute & abstracte, siue non est hic aut ille lapis, sed est absolute lapis habens esse immateriale, & non distinguitur ab aliis particularibus lapidibus, sicut vnus particularis lapis ab alio, sed sicut natura vniuersaliter & absolute sumpta à singularibus illius nature. Vnde esse illius si consideretur vt est forma intelligibilis, sed esse indiuiduum & singulare: si autem consideretur vt est natura lapidis, est vniuersale & illimitatum, sicut si esset albedo separata ab omni subiecto, non esset hæc aut illa albedo, sed esset albedo albedo, licet esset vnus ens ab omni alia albedine distinctum. Natura ergo existens in intellectu secundum suam rationem considerata, quæ est talis forma, non est indiuidua & singularis, quia non magis est huius quam illius singularis forma, sed est absolute & illimitate talis forma. Secundum autem quod est accidens intellectus, tanquam eius forma intelligibilis, est indiuidua & singularis. Quia verò talis species representat formam quæ est ad extra, in quantum est eiusdem rationis cum ipsa, secundum quem modum diximus ipsam esse vniuersalem, non autem representat materiam indiuidualem: ideo per ipsam intellectus vniuersale cognoscit primum & per se tanquam per ipsam primum representatum, non autem singulare, nisi secundario & indirecte. At quia est principium eliciendi intellectum in quantum forma intellectus, secundum quem modum diximus ipsam esse singularem & indiuiduam: ideo intellectus per ipsam elicitur indiuidua & singularis, ab alia intellectione eiusdem speciei numeraliter distincta. Ad argumentum ergo dicitur, quod forma existens in intellectu nostro non est indiuidua & singularis, vt est in ordine materialium secundum suam rationem, sed est vniuersalis, ideo non oportet vt per ipsam singularem tantum illius rationis cognoscatur. Sed si intellectus esset corpus, forma in ipso recepta esset indiuidua & singularis: sicut forma huius lapidis, quia corpus indiuidualiter tantum recipit & materialiter: ideo cognosceret intellectus per eam tantum particularia. Et sic consequentia tenet, posito quod intellectus sit corpus: non valet autem si ponamus ipsum esse incorporeum.

Quarto, Intellectus non intelligeret nisi corpora, quia nihil agit vltra suam speciem, scilicet virtute propria, sed bene vt instrumentum alterius: hoc autem est falsum, quia intelligimus multa quæ non sunt corpora, ergo, &c.

Quinto, substantia intelligens non est corpus infinitum, quia illud non datur: nec finitum, quia virtus intellectus est quodammodo infinita: intelligendo intelligit enim species numerorum, figurarum, & proportionum in infinitum, & vniuersale quod est virtute infinitum secundum suum ambitum, cum contineat indiuidua, quæ sunt potentia infinita. In corpore autem finito non potest esse virtus infinita, ergo, &c.

SE D videtur ista ratio non concludere: licet enim virtus simpliciter infinita non possit esse in corpore finito, nihil tamen prohibet virtutem secundum quid infinitam in corpore finito esse. Nam ignis habet virtutem comburendi in infinitum, si sibi in infinitum apponatur combustibile, & calum habet virtutem generandi in infinitum corpora, ergo non obstante virtute intellectus quodammodo siue secundum quid infinita, possit intellectus esse corpus infinitum.

Respondetur, quod quantitas virtutis quæ consideratur ex obiecto, attenditur secundum magnitudinem obiecti, vt maior sit virtus quæ in maius obiectum potest, & virtus sit infinita quæ potest in infinitum obiectum. Simpliciter quidem infinita quæ potest in infinitum simpliciter: secundum quid autem infinita quæ potest in infinitum secundum quid. Et ideo intellectum intelligere numeros in infinitum, arguit virtutem infinitam secundum quid, in quantum intellectus non adeo magnum numerum apprehendit quin maiorem possit apprehendere, & similiter intelligere vniuersale, quia vniuersale simul continet infinita: hoc est enim obiectum intellectus esse magnitudinis & perfectionis aliquo modo infinitæ. Deo igitur, quod virtus ignis non est infinita secundum quid, secundum quantitatem perfectionalem, nec virtus solis, quia licet possint in infinita secundum numerum, non tamen possunt in infinita secundum speciem: infinitas autem obiectorum secundum numerum, non ostendit magnitudinem infinitam virtutis, quia minima virtus si perpetuo duret, in infinitos effectus secundum numerum potest. Intellectus autem potest in infinita secundum speciem, quia augmentum numerorum in infinitum est secundum speciem: & similiter vniuersale est quodammodo secundum speciem infinitum, in quantum secundum se non est ad hoc aut illud singulare limitatum, sed dicitur aliquid illimitatum in sua specie, in quod potest intellectus secundum se, non autem solum vt in singularibus inuenitur. Et ideo ex hoc quod intellectus in hac obiecta infinita potest, optime ostenditur quod est infinitus quodammodo virtutis & perfectionis intrinsecæ, non autem solum extrinsecæ.

Sexto, Duo intellectus se inuicem continent & comprehendunt, dum vnus alium intelligit, non autem duo corpora, cum corpus continens excedat contentum, ergo, &c.

Septimo, Intellectus supra seipsum in agendo reflectitur, ergo, &c. Probatur consequentia, quia nullius corporis: etio reflectitur super agentem, cum ostensum sit in Physicis quod nullum corpus à seipso mouetur nisi secundum partem.

Octauo, Intellectus intelligit se intelligere, ergo, &c. Probatur consequentia, quia actus corporis non terminatur ad actionem, nec motus ad motum. Confirmatur, quia sacra Scriptura substantias intellectuales spiritus nominat, quo modo consuevit Deum incorporeum nominare, iuxta illud Ioan. 4. Deus spiritus est. Dicitur etiā Sap. 7. Est autem in illa, &c. Excluditur autem per hoc error Antiquorum qui nullam substantiam nisi corpoream esse ponebant, & Christianorum quorundam dicentium animam esse corpus effigiatum.

Quod substantia intellectuales sunt immateriales.

Cap. 50.

**E**X hoc autem apparet, quod substantia intellectuales sunt immateriales. Vnumquodque enim ex materia & forma compositum est corpus, diuersas enim formas materia non nisi secundum diuersas partes recipere potest: quæ quidem diuersitas partium in materia esse non potest, nisi secundum quod per dimensiones in materia existentes vna communis materia in plures diuiditur, subtracta enim quantitate substantia indiuisibilis est. Ostensum est autem, quod nulla substantia intelligens est corpus: relinquitur igitur, quod non sit ex materia & forma composita.

† Idem P. p. q. 50. ar. 2. & 2. 56. d. 3. art. 1.

2 Amplius, Sicut homo non est sine hoc homine, ita materia non est sine hac materia: quicquid igitur in rebus est subsistens ex materia & forma compositum, est compositum ex materia & forma indiuiduali. Intellectus autem non potest esse compositus ex materia & forma indiuiduali, species enim rerum intellectarum sunt intelligibiles actu per hoc quod à materia indiuiduali abstrahuntur: secundum autem quod sunt intelligibile actu, sunt vnum cum intellectu. Vnde & intellectum oportet esse absque materia indiuiduali: non est igitur substantia intelligens ex materia & forma composita.

† Cap. 39.

3 Adhuc, Actio cuiuslibet ex materia & forma compositi non est tantum forma, nec tantum materia, sed compositio: eius enim est agere, cuius est esse, esse autem est compositi per formam, vnde & compositum per materiam & formam agit. Si igitur substantia intelligens sit composita ex materia & forma, intelligere erit ipsius compositi: actus autem terminatur ad aliquid simile agentis. Vnde & compositum generans non generat formam, sed compositum. Si igitur intelligere sit actio compositi, non intelligetur nec materia nec forma, sed tantum compositum. Hoc autem patet esse falsum: non est igitur substantia intelligens composita ex materia & forma.

4 Item, Formæ rerum sensibilium perfectius esse habent in intellectu, quam in rebus sensibilibus: sunt enim simpliciores & ad plura se extendentes. Per vnā enim formam hominis intelligibilem, omnes homines intellectus cognoscit. Forma autem perfecte in materia existens facit esse actu tale, scilicet vel ignem, vel coloratum: si autem non faciat aliquid esse tale, est imperfecte in illo, sicut forma coloris in aëre vt in deferente, & sicut virtus primi agentis in instrumentis. Si igitur intellectus sit ex materia & forma compositus, formæ rerum intellectarum facient intellectum esse actu talis nature, qualis est quod intelligitur: & sic sequitur error Empedoclis, qui dicebat quod igne igne cognoscit anima, & terrā terrā, & sic de aliis, quod patet esse inconueniens: non est igitur substantia intelligens composita ex materia & forma.

5 Præterea, Omne quod est in aliquo, est in eo per modum recipientis: si igitur intellectus sit compositus ex materia & forma, formæ rerum erunt in intellectu materialiter, sicut sunt extra animam. Sicut igitur extra animam non sunt intelligibiles actu, ita nec existentes in intellectu.

6 Item, Formæ contrariorum secundum esse quod habent in materia, sunt contrariæ, vnde & se inuicem expellunt: secundum autem quod sunt in intellectu, non sunt contrariæ. Sed vnū contrariorum est ratio intelligibilis alterius, quia vnū per aliud cognoscitur: non igitur habet esse materiale in intellectu. Ergo intellectus non est compositus ex materia & forma.

7 Adhuc, Materia non recipit aliquam formam de nouo, nisi per motum vel mutationem: intellectus autem non mouetur per hoc quod recipit formas, sed magis quiescens perficitur & intelligit, impeditur autem in intelligendo per motum. Non igitur recipiuntur formæ in intellectu sicut in materia vel in re materiali. Vnde patet quod substantia intellectuales immateriales sunt, sicut & incorporeæ. Hinc est quod Dionysius dicit 4. cap. De Diuin. No. Propter diuinæ bonitatis radios subisterunt intellectuales omnes substantiæ, quæ sicut incorporeales & immateriales omnes intelliguntur.

Dionys.

Super



**S**tenso substantias intellectuales non esse corpus, restat ostendendum quod non sint ex materia & forma compositae. Et ponitur haec conclusio, Substantiae intellectuales sunt immateriales. Probatum autem primo sic, Nulla substantia intellectualis est corpus, ergo nulla est ex materia & forma composita. Probatum consequentia, quia omne compositum ex materia & forma est corpus, cum materia diuersas formas nisi secundum diuersas partes recipere non possit, diuidatur autem per quantitatem.

Secundo, Intellectus non potest esse compositus ex materia & forma indiuiduali, ergo substantia intelligens non est composita ex materia & forma. Patet consequentia, quia sicut homo non est sine hoc homine, ita materia non est sine hac materia. Antecedens verò probatur, quia species rerum intellectarum sunt intelligibiles actu, per hoc quod à materia indiuiduali abstrahuntur: ut autem sunt intelligibiles actu, sunt vnum cum intellectu.

De materia huius rationis satis in 1. Lib. diximus, hoc solum non praeterendum, quod cum vnumquodque recipitur in altero per modum recipientis, non potest forma ex eo quod in altero recipitur, immaterialis fieri, nisi & ipsum recipiens sit immaterialis: intellige, si recipitur in eo secundum esse completum, & in facto esse, quia si recipitur incompletè, & in fieri, quemadmodum virtus agentis recipitur in instrumento, & species coloris in aëre (ut dicitur Veri. q. 27. art. 4. ad quartum) non esset inconueniens formam in re materiali immaterialiter recipi. Ideo bene ex hoc quod forma actu intelligibilis abstracta à materia sit vnum cum intellectu, concluditur quod necesse est etiam intellectum immaterialem esse.

Tertio, Si hoc sit intelligere erit compositus ex materia & forma: ergo intellectus non intelligit nec materiam nec formam, sed tantum compositum. Hoc autem est falsum, ergo, &c. Probatum prima consequentia, quia actio cuiuslibet compositi ex materia & forma, non est tantum materiam, aut tantum formam, sed compositum. Secunda etiam probatur, quia actus terminatur ad aliquid simile agenti.

SED non videtur haec ratio concludere, propter duo. Primo, quia per ipsam concluderetur quod homo non intelligit nisi compositum, quia intelligere cum sit actio hominis ex materia & forma compositi, non erit forma tantum hominis, sed compositi, & per consequens non intelligit nisi compositum. Secundo, quia sequeretur materiam nullo modo intelligi posse: si enim quia actus terminatur ad simile agenti, sequitur si quod intelligit est compositum, ut compositum tantum intelligatur: eadem ratione sequeretur si intelligens est tantum forma, ut tantum forma intelligatur.

Respondetur, quod illa propositio, Actio compositi ex materia & forma non est materia tantum aut forma, sed compositi, intelligitur de composito ex materia & forma quae non est per se subsistens, sed dependet secundum esse à materia. Tunc enim cum forma non habeat per se esse, nec etiam habebit per se operationem, sed operatio erit tantum compositi, sicut eius quod operatur. Si autem compositum constituitur per formam per se subsistentem, non tantum dicitur compositum operari, sed etiam ipsa forma quantum ad operationem, cuius ipsa forma in quantum subsistit est principium, quia enim talis forma habet per se esse, ideo etiam & per se operatur. Quia ergo forma hominis est per se subsistens, ideo intelligere non solum est hominis, sed etiam ipsius formae: imò (ut dicitur de Spiritualibus Creaturis, art. 2. ad secundum) dicitur homo intelligere in quantum anima quae est eius pars formalis, habet hanc operationem propriam, sicut operatio cuiuslibet partis attribuitur toti. Si autem intellectuale purum, & totaliter esset compositum ex materia & forma, ipsum solum compositum esset subsistens, & propter hoc solum compositi esset intelligere, ut ratio concludebat. Ex his patet obiectionem adductam non esse contra intentionem sancti Thomae, & ipsam rationem efficacem esse.

Ad secundum dicendum, quod actio terminatur ad simile agenti aut secundum naturam, aut secundum formam superadditam secundum quae agit: si autem intellectus non sit ex materia & forma compositus, in ipso esse possunt similitudines rerum immaterialiter ac vniuersaliter, & non tantum formarum, sed etiam materiae: siue sit propria similitudo materiae, siue sit eadem & compositi & materiae: cum per tales similitudines intelligat, ideo non tantum formam, sed etiam materiam intelligere poterit. Sed si esset ex materia & forma compositus, non ageret nisi aut per suam propriam naturam, aut per formas indiuiduales receptas, & materialiter, quae solum compositum materialiter repraesentarent, non autem quidditatem materiae aut formae distinctae: ideo solum compositum intelligeret, non autem materiam & formam. Ratio ergo ex illa propositione procedens, bene concludit quod solum compositum intelligitur, si ponatur substantia intellectualis ex materia & forma composita: non autem si ponatur forma simplex & immaterialis.

Quarto, Formae rerum sensibilium perfectius esse habent in intellectu quam in rebus sensibilibus, ergo si intellectus sit ex materia & forma compositus, formae rerum intellectarum facient intellectum esse talis naturae qualis est quod intelligitur: ergo sequitur error Empedoclis, quod scilicet ignem igne cognoscit anima, & terram terra, & sic de aliis. Probatum autem quia in intellectu sunt simplices, & ad plura se extendentes. Probatum etiam prima consequentia, quia forma perfectè in materia existens facit esse actu tale, scilicet ignem, aut coloratum, &c. non autem si est in ipsa imperfectè.

ADVERTENDVM circa probationem consequentiae, quod omnis forma in materia recepta dat quidè esse actu, cum cuiuslibet formae sit dare esse: sed verum est quod aliquando esse quod dat alicui materiae, non est sufficiens ut res possit denominari absolute talis naturae qualis solet dici quod talem formam habet. Aliquando autem est sufficiens ut res denominetur talis: quando enim forma habet esse diminutum & imperfectum in materia non denominat habens illam formam talis naturae: sicut quia forma coloris in aëre habet esse intentionale diminutum & imperfectum per comparationem ad esse ipsum in pariete, cum sit ibi tantum sicut in referente, ideo non dicitur aër coloratus: in pariete autem quia habet esse fixi & permanentis, & secundum perfectum modum quo natus est color subiectum materiale actuare, ideo dicitur paries coloratus. Quod ergo dicit sanctus Thomas quoniam forma quae imperfectè est in aliquo, non facit ipsum esse tale, non est intelligendum quasi nullum det esse (non enim esset in ipso ut forma) sed quod non dat esse denominatum à tali forma secundum quod à tali forma solet aliquid denominari tale absolute. Quia enim color in aëre habet esse im-

perfectiori modo quam in propria materia, cum sit ibi intentionaliter & diminutè, ideo potest dici quidem aër intentionaliter coloratus, non autem absolute coloratus.

CIRCA antecedens autem huius rationis dubitatur, quia formae rerum sensibilium in intellectu habent esse accidentale, in propria autem natura habent esse substantiale: ergo non habent perfectius esse in intellectu quam in rebus.

Respondetur, quod esse rei dupliciter considerari potest, scilicet quantum ad rem, & quantum ad modum. Quantum ad rem semper esse substantiale est nobilior esse accidentale: quantum autem ad modum, aliquod esse accidentale est nobilior aliquo esse substantiale, sicut & ipsum accidens dicimus in quantum est forma substantiae esse ipsa substantia nobilior. Loquitur ergo hoc loco sanctus Thomas de esse non quantum ad rem, sed quantum ad modum essendi: nobilior enim modus essendi est habere esse immateriale & illimitatum per materiam, quam habere esse materiale & limitatum, licet esse limitatum sit substantiale, illimitatum autem & immateriale sit accidentale.

Quinto, Tunc formae rerum erunt in intellectu materialiter, sicut extra, quia vnumquodque est in alio per modum recipientis: ergo non erunt intellectuales actu in intellectu, sicut nec extra, hoc est falsum, ergo, &c.

Sexto, Formae contrariorum non sunt contrariae in intellectu, ergo in eo non habent esse materiale, ergo, &c. Probatum antecedens, quia vnum contrarium est ratio intelligibilis alterius. Consequentia etiam prima probatur, quia secundum esse quod habent in materia, sunt contrariae & se invicem expellunt.

ADVERTERE cum dicitur, vnum contrarium esse rationem intelligibilem alterius, quod hic non accipitur ratio intelligibilis pro specie intelligibili rei intellectae representativa, sed accipitur vniuersaliter pro forma per quam intellectus aliquid intelligit: sic enim vnum contrarium est ratio intelligibilis alterius, in quantum ducitur intellectus ex cognitione vnius contrarii per formam eius in alterius etiam contrarii cognitionem. Ideo assignauit sanctus Thomas rationem sui dicti, subiungens, Quia per vnum contrarium, scilicet cognitum aliud cognoscitur.

Septimo, Intellectus non mouetur per hoc quod recipit formas, sed magis quiescens perficitur & intelligit, ergo, &c. Probatum consequentia quia materia non recipit aliquam formam nisi per motum aut mutationem.

ADVERTENDVM, quod si motus accipitur pro omni receptione formae, sic intellectus in receptione specierum intelligibilium mouetur: sed si accipitur motus ut dicit receptionem formae cum abiectione formae contrariae, sic non mouetur intellectus recipiendo species rerum, nec mutat mutatione, scilicet quae est cum abiectione formae praexistens, ut inquit sanctus Thomas 3. De Anima, lectio. 11. materia autem non recipit formam nisi per abiectionem praecedentis formae, ideo ipsa propriè in tali receptione mutatur. Et de motu sic sumptis procedit ratio hic adducta. Confirmatur conclusio auctoritate Dionysii. 4. ca. De Diuin. Nomi. dicentis, Propter diuinum bonitatis radios, &c.

### Quod substantiae intellectuales non sunt formae materiales, sed subsistentes.

#### Cap. 51.

**P**er eadem ostenditur, quod naturae intellectuales sunt formae subsistentes, non autem existentes in materia, quasi esse earum à materia dependeat. Formae enim secundum se à materia dependentes, non ipsae propriè habent esse, sed compositae per ipsas: si igitur naturae intellectuales essent huiusmodi formae, sequeretur quod haberet esse materiale, sicut & si essent ex materia & forma compositae.

2. Adhuc, Formae quae per se non subsistunt, non possunt per se agere: agunt autem compositae per eas. Si igitur naturae intellectuales huiusmodi formae essent, sequeretur quod non intelligerent, sed compositae ex eis & materia: & sic intellectus esset compositus ex materia & forma, quod est impossibile, ut ostensum est.

3. Amplius, Si intellectus esset forma in materia, & non per se subsistens, sequeretur quod id quod recipitur in intellectu: reciperetur in materia: huiusmodi enim formae, quae habent esse in materia obligatum, non recipiunt aliquid quod in materia non recipiatur. Cum igitur receptio formarum in intellectu non sit receptio formarum in materia, impossibile est quod intellectus sit forma materialis.

4. Præterea, Dicere quod intellectus sit forma non subsistens, sed materiae immerfa, idem est secundum rem, ac si dicatur quod intellectus sit compositus ex materia & forma: differt autem solum secundum nomen. Nam primo modo diceretur intellectus forma ipsa composita, secundo verò modo diceretur intellectus ipsum compositum: si igitur falsum est intellectum esse compositum ex materia & forma, falsum erit quod sit forma non subsistens, sed materialis.

#### Super Cap. 51.

**E**st quàm exclusiue sanctus Thomas à substantiis intellectualibus materiam quantum ad eam essentiam: nunc excludit ab eis materiam quantum ad dependentiam secundum esse à materia. Et ponit hanc conclusionem, Naturae intellectuales sunt formae subsistentes, non autem existentes in materia, quasi esse earum à materia dependeat. Probatum primo, Si hoc esset, ipsae naturae propriè non haberent esse, sed compositae, ergo haberent esse materiale, sicut & si essent ex materia & forma compositae, quia scilicet esse earum esset propriè esse rei compositae ex materia & forma, sicut & esse compositi, hoc autem est falsum, ergo, &c.

Formae rerum sensibilium perfectius esse habent in intellectu quam in rebus.

Vnum contrarium est ratio intelligibilis alterius.

+ Cap. 50.

Secundo

Actio compositi ex materia & forma, non est materiae tantum, aut formae, sed compositi.

Forma quae imperfectè est in aliquo, non facit ipsum esse tale.



Secundò, Non per se agerent, sed composita per eas ergo non intelligerent, sed composita ex eis & materia, ergo intellectus esset compositus ex materia & forma.

ADVERTERE, quòd loquitur san. Tho. de natura intellectuali inquantum intellectus est, & quæ tota est intellectualis: de hac enim verum est quòd si non intelligeret per se, sed compositum, quòd oportet naturam intellectualem, inquantum intellectus est, esse ex materia & forma compositum, quia natura intellectus est cui primo convenit intelligere secundum se totum, sicut id quod intelligit: & hoc significavit san. Tho. inferendo quòd intellectus esset compositus ex materia & forma. Per intellectum enim significavit non potentiam intellectus, sed naturam quæ tota intellectualis est.

Tertio, Id quod recipitur in intellectu recipitur in materia, hoc est falsum, ergo, &c. Probatur consequentia, quia formæ quæ habent esse in materia obligantur, id est immersum materiæ, & à materia dependens, non recipiunt aliquid quod in materia non recipiatur, ut patet in potentiis, corporis organis affixis.

Quarto, Intellectus non est compositus ex materia & forma, ergo non est forma materialis. Probatur consequentia, quia dicere intellectum esse formam immerfam materiæ, secundum rem est idem ac si dicitur ipsum esse compositum ex materia & forma, sed est differentia tantum secundum nomen. Nam primo modo, id est, dicendo intellectum esse formam materiæ, immerfam, diceretur intellectus ipsa forma compositus. Secundo verò modo, id est, dicendo intellectum esse compositum ex materia & forma, diceretur intellectus ipsum compositum, & sic forma & compositum solo nomine distingueretur.

ADVERTERE, quòd idcirco inquit san. Tho. esse idem dictum secundum rem intellectum esse formam materiæ immerfam, & ipsum esse ex forma & materia compositum: quia utroque modo dicitur, intellectualem naturam ut sic, à materia secundum esse dependere, & secundum operationem. Tam enim forma immerfa materiæ quam compositum ex materia & forma taliter immerfa materiæ à materia secundum esse & operari dependet. Secundo etiam possumus hoc interpretari, scilicet quòd non tantum ipsa forma composita diceretur intellectus in natura purè intellectualis, sed etiam ipsum compositum, quia ex unione formæ merè & purè intellectualis ad materiam resultaret compositum quod merè & purè naturæ intellectualis esset: sicut quia anima intellectualis est etiam sensitiva & vegetativa, & non solum intellectiva, resultat ex unione sui ad materiam natura non merè intellectualis, sed etiam sensitiva & vegetativa. Quia ergo falsum est naturam merè intellectualem esse compositam ex materia & forma, ut superius est ostensum, ideo optimè sequitur intellectum non esse formam materiæ immerfam. Et hæc interpretatio videtur magis ad mentem sancti Thomæ esse.

### Quòd in substantiis intellectualibus differt esse, & quòd est.

Cap. 52.

**N**on est autem opinandum, quòd quamvis substantiæ intellectuales non sint corporeæ, nec ex materia & forma compositæ, nec in materia existentes sic formæ materiales, quòd propter hoc diviniæ simplicitati adæquantur. Invenitur enim in eis aliqua compositio, ex eo quòd non est idem in eis esse, & quòd est: si enim esse est subsistens, nihil præter ipsum esse ei adiungitur, quia etiam in his quorum esse non est subsistens, quòd inest existenti præter esse eius, est quidem existenti unitum, non autem est unum cum esse eius, nisi per accedens, inquantum est unum subiectum, habens esse, & id quòd est præter esse: sicut patet quòd Sorti præter suum esse substantiale, inest album, quòd quidem diversum est ab eius esse substantiale: non enim est idem esse Sortem, & esse album nisi per accedens. Si igitur non sit esse in aliqua substantia non remanebit aliquis modus in quo possit ei uniri illud, quòd est præter esse. Esse autem inquantum est esse, non potest esse diversum: potest autem diversificari per aliquid quòd est præter esse, sicut esse lapidis est aliud ab esse hominis. Illud igitur quòd est subsistens, non potest esse nisi unum tantum. Ostensum est autem, quòd Deus est suum esse subsistens, nihil igitur aliud præter ipsum potest esse suum esse: oportet igitur in omni substantia quæ est præter ipsum, aliud esse ipsam substantiam, & aliud eius esse.

2. Amplius, Natura communis si separata intelligatur, non potest esse nisi una, quamvis habentes naturam illà plures possint inveniri: si enim natura animalis per se separata subsisteret, non haberet ea quæ sunt hominis, vel quæ sunt bouis. Iam enim non esset animal tantum, sed homo vel bos. Remotis autem differentiis, constitutivis specierum remanet natura generis indivisa, quia eadem differentia quæ sunt constitutivæ specierum, sunt divisiuæ generis: sic igitur si hoc ipsum quòd est esse, sit commune, sicut genus: esse separatim per se subsistens non potest esse nisi unum. Si verò non dividatur differentiis, sicut genus, sed per hoc quòd est huius vel illius esse: iam hoc magis est verum, quòd non potest esse per se existens, nisi unum. Relinquitur igitur quòd cum Deus sit esse subsistens, nihil aliud præter ipsum est suum esse.

3. Adhuc, Impossibile est, quòd sit duplex esse omnino infinitum: esse enim quòd omnino est infinitum, omnem perfectionem essendi comprehendit: & sic si duobus talis adesset infinitas, non inveniretur quo unum ab altero differret. Esse autem

subsistens oportet esse infinitum, quia non terminatur aliquo recipiente. Impossibile est igitur esse aliquid esse subsistens præter primum.

4. Item, Si sit aliquid esse per se subsistens, nihil competit ei nisi quòd est entis inquantum est ens: quòd enim dicitur de aliquo non inquantum huiusmodi, non convenit ei nisi per accedens ratione subiecti. Vnde si separatim à subiecto ponatur, nullo modo ei competit. Esse autem ab alio causatum, non competit enti inquantum est ens, aliàs omne ens esset ab alio causatum: & sic oportet procedere in infinitum in causis, quòd est impossibile, ut supra ostensum est. Illud igitur esse quòd est ens subsistens, oportet quòd sit non causatum: nullum igitur ens causatum est suum esse.

5. Amplius, Substantia uniuscuiusque est ens per se, & non per aliud: unde esse lucidum actu, non est de substantia aeris, quia est ei per aliud. Sed cuilibet rei creatæ suum esse est ei per aliud aliàs non esset creatum: nullius igitur substantiæ creatæ, suum esse est sua substantia.

6. Item, Cum omne agens agat inquantum est actu, primo agenti quòd est perfectissimum, competit esse in actu perfectissimo modo: tantò autem aliquid est perfectius in actu, quantum talis actus est in via generationis posterior. Actus enim est tempore potentia posterior in uno & eodem quòd de potentia ad actum procedit: perfectius est quoque in actu quòd est ipse actus, quam quòd est habens actum, hoc enim propter illud actus est. His ergo sic positis, constat ex supra ostensis, quod Deus solus est primum agens: sibi ergo soli competit esse in actu perfectissimo modo, ut scilicet sit ipse actus perfectissimus. Hoc autem est esse ad quòd generatio & omnis motus terminatur: omnis enim forma & actus est in potentia antequam esse acquirat. Soli igitur Deo competit quòd sit ipsum esse, sicut soli competit quòd sit primum agens.

7. Amplius, Ipsum esse competit primo agenti secundum propriam naturam: esse enim Dei est eius substantia, ut supra ostensum est. Quòd autem competit alicui secundum propriam naturam suam, non convenit aliis nisi per modum participationis, sicut calor aliis corporibus ab igne: ipsum igitur esse competit omnibus aliis à primo agente per participationem quandam. Quòd autem competit alicui per participationem, non est substantia eius: impossibile est igitur quòd substantia alterius entis præter agens primum sit ipsum esse. Hinc est quòd Exod. 3, proprium nomen Dei ponitur esse, Qui est: quia eius solius proprium est, quod sua substantia non sit aliud quàm suum esse.

### Super cap. 52.

**P**ostquam determinavit sanctus Thomas de natura substantiæ intellectualis secundum se, nunc determinat de ipsius natura per comparationem ad esse actualis existentie. Circa hoc autem duo facit. Primum enim agit de distinctione essentiali ab esse, secundò de eius inseparabilitate, c. 55. Quantum ad primum tria facit. Primum ostendit essentialitatem in illis ab esse distinguere, & ideo non adæquare eas diviniæ simplicitati, quamvis sint incorporeæ & immateriales: secundò inferit corollarium quoddam, cap. sequenti: ratio remouet unum dubium, cap. 54.

Quantum ad primum ponitur hæc conclusio, In substantiis intellectualibus non est idem esse & quòd est, id est suppositum: nam suppositum est id quòd est. Probatur autem primum, Esse subsistens est unum tantum, sed Deus est esse subsistens: ergo nihil aliud à Deo est esse subsistens, ergo in omni substantia creata aliud est ipsa substantia, & aliud esse eius. Probatur antecedens, quia si diversificaretur, aut diversificaretur inquantum est esse, aut per aliquid aliud sibi adiunctum. Non primum, quia esse inquantum est esse, non potest esse diversum, sed bene diversificari potest per aliquid quòd est præter esse, sicut esse lapidis est aliud ab esse hominis, propter aliam & aliam scilicet naturam lapidis & hominis. Non etiam secundò, quia esse subsistens nihil præter ipsum adiungitur: quòd patet, quia etiam in iis quorum esse non est subsistens, quòd inest existenti præter esse eius, licet sit existenti unitum, non est tamen unum cum esse eius nisi per accedens, inquantum est unum subiectum habens esse, & id quòd est præter esse.

PRO declaratione huius rationis aduertendum, quòd ipsi esse nihil uniri potest per modum quo actus unitur potentie, cum esse sit ultima actualitas & omnium formarum actus. Vnde & 3. Metaphysicæ, dicitur quòd ens non potest per differentias diuidi: & ideo si aliquid debet sibi uniri, oportet ut altero duorum modorum sit, aut scilicet quia illud est subiectum receptivum esse, aut quia tam esse quàm illud aliud sunt in uno communi receptivo. Si autem ponatur esse per se subsistens, nullum habebit susceptivum: alioquin non esset per se subsistens. Ideo si ponatur subsistens, nihil sibi adiungi potest, cui si addatur, quòd esse ipsum inquantum est esse, non potest esse diversum sicut nec homo inquantum homo, diversificatur, relinquitur quòd esse subsistens unum duntaxat esse possit. Et hoc est huius rationis fundamentum.

Secundò, & est confirmatio præcedentis, Esse subsistens & separatim est tantum unum, ergo, &c. Probatur antecedens, Aut esse est commune, sicut genus differentiis diuisum: aut dividitur per hoc quòd est huius aut illius. Si primum, ergo esse separatim & subsistens per se, non potest esse nisi unum, sicut si natura animalis subsisteret à differentiis separata, non esset nisi una, quia non haberet ea quæ sunt hominis vel bouis, &c. Si secundum, multò magis verum erit, quòd separatim ab omni susceptivo non erit nisi unum, ergo, &c.

Dicitur forte, quòd esse dividitur per hoc, quòd est esse huius & illius: & quòd

Idem 2. Sent.  
lib. 7. q. 2.

sicut

Cap. 52.



& quod si ponatur subsistens, non oportet ut ponatur ab omnibus quæ secundum rationem ab ipso distinguuntur, esse separatam: sed sicut alia est essentia subsistens Gabrielis & alia Raphaelis, ita est aliud & aliud esse subsistens quod est realiter idem cum essentia, distinctum tantum ab ea ex natura rei, & sic non tollitur ab ipso esse licet ponatur subsistens, quin sit huius & illius.

5<sup>o</sup> B<sup>o</sup> contra istam responsionem arguitur. Ex ipsa enim habetur, quod esse Gabrielis non est realiter receptum in alio, cum non distinguatur ab essentia eius nisi ex natura rei, idem autem realiter non sit realiter suum receptum, & per consequens habet receptum tantum secundum modum intelligendi: ergo erit secundum rem separatam ab omni principio limitante, cum limitari non possit nisi per receptum, & per consequens erunt plura esse separata subsistens, cum etiam Deus sit ipsum esse subsistens. Hoc autem repugnat omni communi, ut absque principio distinctionis consideratur, ergo, &c.

Tertio, si sic esset, daretur multiplex esse omnino infinitum, quia esse subsistens oportet esse infinitum, quod non terminetur aliquo recipiente: hoc autem est impossibile, quia non inueniretur quo unum ab altero differret, cum esse infinitum omnem essendi perfectionem comprehendat, ergo, &c.

Possit ad hanc rationem dici, quod non omne esse subsistens est infinitum, sed tantum illud quod ita subsistit, ut ad nullum gradum essendi sit limitatum. Modò, licet aliquod esse sit subsistens, ut in nullo subiecto sit realiter distinctum sit receptum, sicut esse substantie separatae, si sit idem quod essentia, potest tamen esse ad aliquem gradum essendi limitatum, ut scilicet sit esse Gabrielis, aut Raphaelis: ideo non oportet ut sit infinitum.

Sed hæc responsio non tollit rationem, quia cum esse non possit limitari per differentias formales, quod nihil ipso actualius sit, necesse est si ad gradum aliquem determinari debeat, ut per susceptum determinetur: non enim potest aliquid commune multiplicari realiter nisi aut per differentias aut per susceptum. Si ergo ponatur nullum habere reale susceptum, & cum hoc non est per differentias diuisibile, oportet ut ad nullum gradum essendi sit limitatum: & per consequens oportet ut sit purum esse & infinitum.

Quarto, esse subsistens oportet ut causatum non sit, ergo nullum ens creatum est suum esse. Probatur antecedens, esse subsistens nihil conuenit nisi quod est ens inquantum ens: sed esse causatum non conuenit enti inquantum ens, aliis omne ens esset causatum, ergo, &c. Probatur maior, quia quod conuenit alicui non inquantum huiusmodi, non conuenit ei nisi per accedens ratione subiecti. Vnde si separati a subiecto ponatur, nullo modo ei cōpetit.

Ad hanc rationem, negari posset antecedens, & ad probationem dici quod maior est falsa: & similiter quod ad eius probationem assumitur, falsum est. Nam essentia Angelis est per se subsistens, & tamen multa ei conueniunt quæ non conueniunt sibi inquantum huiusmodi, sed per accedens. Item si ista ratio concluderet, per ipsam posset concludi quod Deus non est ens ex se necesse esse. Nam sicut esse causatum non conuenit enti inquantum ens, ita nec ex se necesse esse, alioquin omne ens esset necesse esse, ergo si esse subsistens non conuenit esse causatum, quia non conuenit enti inquantum ens est, Deo qui est esse subsistens, non conuenit eadem ratione ex se necesse esse: hoc autem est inconueniens, ergo illa ratio non concludit, sed falsum est quod assumitur, scilicet quod esse subsistens nihil conuenit nisi quod est ens inquantum ens, & quod conueniens alicui non inquantum huiusmodi non conuenit ei nisi per accedens ratione subiecti.

5<sup>o</sup> D<sup>o</sup> quod ista responsio non soluat rationem, patet, quia loquitur sanctus Thomas in probatione antecedentis de eo quod per se subsistit separatam ab omni suscepto per modum abstractæ significati, sicut est ipsa actualis existentia. Nam constat quod albedini quæ poneretur per se subsistens ab omni subiecto separata, nihil conuenit quod non esset sibi intrinsecum, quia abstractum formale dicit id quo solo & quo toto aliquid formaliter est tale quale per concretum significatur. Vnde ideo dicitur abstractum, quia ab aliis quæ sibi præter eius rationem conuenire possunt in subiecto, est separatam. Instantia ergo non est ad propositum, quia essentia Angelis non est subsistens per modum abstracti, sed est secundum se indiuidua substantia, & hoc suppositum.

Ad aliud prætermisissam responsione quæ haberi potest ex c. r. distinct. 8. q. 1. nam diligenter hanc rationem inspicienti, patet quod responsio eius non est ad mentem sancti Thomæ hoc loco (præsertim ex eo quod dicitur, Quoniam si esse causatum conueniret enti inquantum ens, conueniret omni enti) potest primò dici quod ratio concludit de esse causato, non autem de esse ex se necesse esse. Nam illa propositio, esse subsistens, nihil conuenit nisi quod est ens inquantum ens, & similiter eius probatio, intelligitur de eo quod est positum, non autem de eo quod dicitur negatiue. Nam albedini separata conuenit per se quod non esset quantitas, non esset in materia, & huiusmodi: licet sibi nihil positum posset inesse. Ex se autem necesse esse, licet secundum vocem affirmatiue dici videatur, tamen secundum rem dicitur negatiue, & est idem quod non habere esse ab alio: sed esse causatum dicitur affirmatiue: ideo esse subsistens conuenire potest, quod sit ex se necesse esse, non autem esse causatum.

Secundò responderi potest quod propositio sancti Thomæ intelligitur de his quæ esse subsistenti attribuntur absolute, non autem de his quæ modum essendi ipsius concomitantur. Nam hæc sibi verè attribuntur, quantum enti inquantum ens est, non conueniunt, sicut quod sit unum, quod sit infinitum, & similia, & in hoc genere est hoc quod dico necesse esse. Conuenit enim esse omnino abstracto, ratione abstractionis suæ totalis, ut sit necesse esse: hoc autem dici non potest de esse causato. Nam esse abstracto non conuenit ratione abstractionis suæ ut sit causatum, imò ex modo essendi hoc sibi repugnat, cum ex tali essendi modo sibi conueniat ut sit simpliciter infinitum, ideo cum non etiam enti inquantum ens conueniat sequitur quod esse abstracto, nullo modo possit conuenire. Quod dictum est de necesse esse, similiter de omni perfectione simpliciter dicendum est, ut est sapientia, iustitia, bonitas, & huiusmodi: conuenit esse omni abstracto inquantum huiusmodi, ut omnem perfectionem essendi simpliciter contineat. Vnde propositio sancti Thomæ sic est intelligenda, esse subsistenti nihil conuenit nisi quod est ens inquantum ens, aut quod ipsam subsistentiam & separationem concomitantur.

Quintò, substantia conuenit unicuique rei per se, id est, non per aliquam causam productiuam, esse autem conuenit sibi per aliud, ergo, &c. Declaratur antecedens ex opposito: esse enim lucidum actu non est de substantia per se, quia conuenit sibi per aliud.

ADVERTENDVM, quod aliud est dicere, essentiam alicuius rei habere causam productiuam, & aliud ipsam essentiam conuenire rei per aliquam causam effectiuam. Primum enim est verum, & secundum est falsum. Nam cum omnis productio terminetur ad esse actualis existentie, omne quod ab alio habet esse, dicitur causam productiuam habere: & sic cum omnis essentia creata ab alio habeat esse necesse est dicere omnem essentiam creatam habere causam productiuam. Cum autem dicitur hominem esse animal, non dicitur aliquid esse actualis existentie: sed tantum compositio predicati cum subiecto, & ordo vnus ad alterum, qui ordo, quia cōuenit rei sue sit in rerum natura, siue non sit, secundum mentem Auicennæ, Algazelis, Alpharabij, & Alberti: siue enim homo sit siue non sit, ista semper est vera, Homo est animal. Ideo hominem esse animal, nullam habet causam productiuam, sed bene hominem esse, habet causam productiuam. Nec obstat, quod aliquando Doctores dicant Deum fecisse hominem rationalem, quia non ideo dicitur quasi Deus faciat rationale homini cōuenire, sed quia produxit animam intelligentiam hominis ex qua habet homo formaliter ut sit rationalis. Posset autem aliquis dicere ad rationem sancti Thomæ, quod substantia conuenit quid rei per se formaliter, non autem effectiue: & ideo ab alio sibi conuenit, sicut & esse.

Sed contra hanc responsionem à Thomistis arguitur: tum quia semota omni causalitate, verum est hominem esse hominem, & hominem esse animal: alioquin predicata primi modi possent intelligi non ad esse rei, & definitio à definito separaretur, quæ sunt cōtra omnem Philosophiam: tum quia aliquid fieret postquam est, quia remota omni efficientia adhuc verum esset hominem esse hominem, cum predicatum conueniat formaliter subiecto ex se ipso, & idcirco sit sempiternæ veritatis: & sic si aliqua causa faciat hominem esse hominem, sequitur quod faciat aliquid postquam est: tum quia equaliter necessaria sunt hominem esse hominem, & Deum esse unum, cum eorū opposita sint æqualiter impossibilia ex implicatione, scilicet contradictionis. Deū autem esse unum constat nullam habere causam effectiuam. Nec valet si dicatur, quod huiusmodi propositiones sunt necessariae supposita existentia subiecti, quia, sic non magis esset necessaria ista, Duo & tria sunt quinque, quam ista, Terra est, Cælum est, & similes, quas constat ex suppositione necessariæ esse, quod est & contra Philosophiam, & contra Augustinum De Libero Arbitrio.

Ad euentiam autem huius, quomodo dictæ propositiones in quibus prædicatū est de diffinitione subiecti, sint sempiternæ veritatis, & quoniam non habent causam effectiuam quārum ad inæxistentiam prædicatū ad subiectum, considerandum, quod cum natura tripliciter considerari possit, scilicet absolute abstractando ab omni esse, tam in intellectu, quam extra intellectum, ut habet esse in intellectu, & ut habet esse extra intellectum in ipsis rebus, prædicata quidditativa conueniunt naturæ non ex esse quod habet in intellectu, nec ex esse quod habet in rebus, sed secundū se ut ab omni esse abstracte: nullo enim intellectu considerante, nec etiam homine in rerum natura existente, homo est animal rationale. Dico autem prædicata conuenire naturæ non quantum ad actum prædicationem, quia ista non fit nisi per opus intellectus, sed fundamentaliter & quantum ad rem. Sed licet talia prædicata non conueniant fundamentaliter & secundum rem naturæ ex esse quod habet in intellectu, quasi scilicet si intellectus non esset homo non esset animal rationale: tamen huiusmodi inæxistentia prædicatū ad subiectum ab intellectu tam diuino quam creato cognoscibilis est: & ideo dupliciter verum est huiusmodi propositiones esse æternæ veritatis. Primò, quia æternaliter ipsa res est talis essentialiter, & nata est verè intelligi cum attributione talis prædicati, alio modo quia ab intellectu diuino cognoscitur æternaliter esse veræ non tantum ex parte intelligentis, sed etiam ex parte rei intellectæ: quia enim in mente diuina sunt æternaliter idæ omniū naturarū, quibus positus resultat connexio prædicati substantialis cum subiecto, ideo ab intellectu diuino intelligitur tales propositiones esse veræ ab æterno, & per consequens nulla requiritur causa effectiua quæ faciat prædicatum conuenire subiecto.

Secundò, solus Deus est primum agens, ergo soli Deo conuenit ut sit in actu perfectissimo modo, ergo sibi cōuenit ut sit actus perfectissimus, ergo ut ipse solus sit ipsum esse, ergo, &c. probatur prima consequentia, quia omne agens agit inquantum est in actu. Secunda quoque probatur, quia perfectus est in actu, quod est ipse actus, quā habens actum, cum propter ipsum, habens actum sit in actu. Secunda etiam probatur, quia esse est ad quod omnis generatio & motus terminatur: actus autem tanto est perfectior, quanto est posterior in via generationis.

CIRCA illam propositionem, Perfectius est in actu quod est ipse actus quam habens actum, aduertendum quod intelligitur cæteris paribus, si scilicet verumque primò sit in actu, & subsistat: quia si acciperetur cōpositum quod primò est in actu, & forma eius per quam est in actu, non esset perfectius in actu forma quā compositum, quia forma eius non est primò in actu. Potest etiam dici quod intelligitur in ratione actus: ut sit sensus, quod perfectius accidit ad rationem actus id quod essentialiter est actus, quā id quod participat actu, & hoc etiam constat verissimum esse.

Septimò, esse conuenit Deo secundum propriam naturam, ergo omnibus aliis per participationem conuenit: ergo impossibile est quod substantia alterius entis à primo sit ipsum esse. Probatur antecedens, quia quod esse Dei sit eius substantia, superius est ostensum. Prima autem cōsequentia probatur, quia quod conuenit alicui secundum suam propriam naturam, non conuenit aliis nisi per modum participationis sicut calor aliis corporibus ab igne. Secunda verò cōsequentia probatur, quia quod competit alicui per participationem, non est substantia eius.

8<sup>o</sup> D<sup>o</sup> non videtur hæc ratio concludere. Primò, quia sic probaretur nihil de creatura substantialiter prædicari. Nam omnis perfectio creaturæ est quedam participata similitudo diuinæ naturæ: si ergo quod competit aliui per participationem, non est substantia eius, sequitur quod nulla perfectio creaturæ est eius substantia.

Secundò, aut participare aliquam formam est habere illam non secundum totam eius rationem, aut est habere quidē illā secundum totam eius rationem, sed non secundum omnem eius modum & amplitudinē. Si primo modo, sic falsum videtur quod creatura participet esse: sicut enim tota ratio entis omnibus entibus conuenit, ita & tota ratio ipsius esse. Si secundum, tunc videtur falsum quod conuenit alicui per participationem, non esse substantiam eius. Animal enim conuenit equo per participationem, cum non conueniat sibi. Secundo omnes eius differentias, & tamen equus substantialiter est animal.

Verum essentia conueniat rei per aliquā productiuam. &c.

Quomodo propositiones primi modi sunt sempiternæ veritatis.

Perfectius est in actu, quod est ipse actus, quam habens actum.

accidit actu

Verum quod conuenit alicui per participationem sic eius substantia.

Esse subsistenti nihil conuenit nisi quod est ens inquantum ens.



Ad primum dubium respondetur, quod perfectionem creaturæ esse participatam similitudinem diuinæ naturæ, dupliciter potest intelligi. Vno modo, ut ly Participata accipitur tanquam nomen, & tanquam determinans similitudinem formaliter sumptam: & tunc erit sensus, quod perfectio creaturæ est similitudo quædam partialis & diminuta diuinæ naturæ. Alio modo, ut accipitur tanquam participium passivum, & tanquam determinans rem quæ similitudo denominatur: & tunc erit sensus, quod perfectio creaturæ est res participatiua & partialiter habita, quæ est similitudo diuinæ naturæ. Si accipitur in primo sensu propositio assumpta, sic est quidē vniuersaliter vera, sed non est ad propositum. Nam cum inquit sanctus Thome, quod conuenit alicui per participationem, non esse substantiā rei non intendit quod est similitudo diminuta & imperfecta alterius, non posse alicuius substantiam esse, sed quod id quod ab aliquo participatur & partialiter habetur, non potest esse eius substantia. Si autem accipitur in secundo sensu, sic propositio illa non est vniuersaliter vera: multæ enim perfectiones creaturarum quæ sunt similitudines Dei, sunt totaliter non autem partialiter habitæ.

Ad euentiam secundū dubij considerandum primum, quod aliquod secundum propriam naturam alicui competere tribus modis potest intelligi. Vno modo, quia est eius propria essentia & natura omnino ac simpliciter, sicut esse animal rationale conuenit homini. Alio modo, quia propria eius naturam & essentiam naturaliter & primò cōcomitur, sicut esse calidum competit igni. Tertio modo, quia est pars substantiæ eius aut logicè aut naturaliter, sicut homini competit esse animal.

CONSIDERANDUM secundū quod competere alicui per participationem opponitur primo & secundo dictorum modorum, non autē tertio. Nam cum participare aliquid, sit illud particulariter non autē totaliter habere: quod autem competit alicui secundum propriam naturam primo aut secundo modo, perfectissimè & totaliter habetur, non potest idem alicui conuenire secundum propriam naturam, & secundum participationem. Non inueniuntur autem quod aliquid sit pars substantiæ alicuius, & tamē habeatur partialiter & non secundum suam totalitatem & vniuersalitatem: ideo potest aliquid tertio modo alicui & secundum propriam naturam competere, & secundum participationem, sicut animal utroque modo conuenit homini. Accipit ergo sanctus Thome, hoc loco conuenire alicui secundum propriam naturam primo & secundo modo, non autem tertio. Vnde verum est quod esse conuenit Deo secundum propriam naturā primo modo. Esse enim est ipsa diuina natura. Verum quoque est, quod istis modis alicui cōuenit secundū propriā naturā, non posse alteri naturæ conuenire nisi partialiter & imperfectè, quod est secundum participationem conuenire. Similiter verum est non esse rei substantiam quod per participationem conuenit ei. Nam rei essentia & natura non conuenit ipsi naturæ partialiter & imperfectè. Est propterea verum, quod esse nulli creaturæ secundum propriam eius essentiam conuenit, sed tantum secundum participationem, eò quod Deo secundū propriam substantiam conueniat, & ipsi etiam cōpetat primò & perfectissimè.

Ad dubium ergo dicitur, quod hoc loco accipitur participare secundum modorum in obiectione positorū, pro eo scilicet quod est habere aliquid non secundum omnem eius gradum & amplitudinem: & cum arguitur, quia animal est de substantia equi, & tamen equus non habet naturam animalis secundum omnem eius amplitudinem, & sic illa propositio erit falsa, quod conuenit alicui per participationem, non est substantia eius, dicitur quod non dicit sanctus Thome. Illud quod conuenit alicui per participationem, non esse de substantia eius, sed quod non est eius substantia. Ista enim multum differunt. Dicitur enim aliquid esse substantia alicuius, quādo est tota essentia eius, & nihil aliud: sicut animal rationale est hominis substantia, quia tota essentia hominis est animal rationale, & albedo si esset separata, esset ipsa albedinis essentia. Ad hoc autem ut aliquid sit de substantia alicuius, sufficit ut sit pars eius essentialis. Quod autē est alicuius substantia & essentia, conuenit illi secundum omnem eius gradum, sicut animal rationale homini, quia natura vnius est natura alterius: naturæ autem, ut absolute significatur, conuenit omnis perfectio illius naturæ. Et sic si esse esset substantia & essentia creaturæ, oporteret ut haberet creatura omnem modum & perfectionem essendi, quod cum non sit, oportet dicere, quod esse non est essentia creaturæ. Patet ergo obiectionem inducā non esse contra intentum litteræ.

Idem non cōuenit rei secundū eius essentiam.

SED contra hanc responsionem, inquantum dicit quod esse non conuenit creaturæ secundum eius essentiam, sed tantum secundum participationem, dubitatur. Huius enim oppositum videtur dicere sanctus Thomas Prima parte, quæst. 50, art. 5. Nam ibi ait quod esse secundum se, competit formæ, cum ergo in substantiis separatis forma sit essentia rei, sequitur quod esse conueniat ipsi per earum essentiam.

Respondetur, quod esse cōuenire formæ per se dupliciter intelligi potest: vno modo essentialiter, alio modo formaliter. Primo modo non conuenit sibi per se, quasi videlicet esse sit essentia formæ, sed bene secundo modo, quia, inquam, non conuenit sibi per aliud formaliter, in quo à cōposito differt, cui non conuenit esse nisi per formam. Non repugnant ergo dicta sancti Thome, quia hic intelligitur esse non conuenire alicui per essentiam tāquam sit eius essentia: in Prima verò parte intelligitur quod conuenit formæ per se formaliter, id est, non per aliquod aliud principium formale.

Confirmatur conclusio ex autoritate Exodus 3, ubi proprium nomen Dei ponitur, Qui est. Alia quæ circa hanc conclusionem difficultatem faciunt, vide in cap. 8. dist. 1. Sent. & in alijs Thomistis.

Quod in substantiis intellectualibus creatis est actus & potentia.

Cap. 53.

EX hoc autem euidenter apparet, quod in substantiis intellectualibus creatis est cōpositio actus & potentiæ. In quocunque enim inueniuntur aliqua duo quorum vnum est complementum alterius, proportio vnius ad alterum est sicut proportio potentiæ ad actum: nihil enim cōpletur nisi per proprium actum. In substantia autem intellectuali creata inueniuntur duo, scilicet substantia ipsa, & esse eius, quod non est ipsa substantia, ut ostensum est: ipsum autem esse est cōple-

mentum substantiæ existentis, vnumquodque enim actu est per hoc quod esse habet. Relinquitur igitur quod in qualibet prædictarum substantiarum sit cōpositio actus & potentiæ.

2. Amplius, Quod inest alicui ab agente, oportet esse actum eius: agentis enim est facere aliquid actu. Ostensum est autem supra, quod omnes aliæ substantiæ habent esse à primo agente: & per hoc ipsæ substantiæ creatæ sunt, quod esse ab alio habent. Ipsum igitur esse inest substantiis creatis ut quidam actus earum: id autem cui actus inest, potentia est: nam actus inquantum huiusmodi, ad potentiam refertur. In qualibet igitur substantia creata est potentia & actus.

3. Item, Omne participans aliquid comparatur ad ipsum quod participatur, ut potentia ad actum: per id enim quod participatur, sit participans actuale. Ostensum est autem supra, quod solus Deus est essentialiter ens: omnia autem alia participant ipsum esse. Comparatur igitur substantia omnis creata ad suum esse sicut potentia ad actum.

4. Præterea, Assimilatio alicuius ad causam agētem, sit per actum: agens enim agit sibi simile inquantum est actu. Assimilatio autem cuiuslibet substantiæ creatæ ad Deum, est per ipsum esse, ut supra ostensum est: ipsum igitur esse comparatur ad omnes substantias creatas sicut actus earum, ex quo relinquitur quod in qualibet substantia creata sit cōpositio actus & potentiæ.

Super Cap. 53.

EX præmissa conclusione inferitur corollarie alia conclusio, scilicet, In substantiis intellectualibus est cōpositio actus & potentiæ. Probatur primò, In substantia intellectuali creata inuenitur essentia, & esse, quod est essentia existentis complementum: ergo in ipsa est cōpositio potentiæ & actus. Probatur consequentia, quia in quocunque inueniuntur duo quorum vnum est complementum alterius proportio vnius ad alterum est sicut proportio potentiæ ad actum.

Secundò, Esse inest substantiis creatis, sicut actus: ergo ipsa substantia est potentia respectu esse, ergo, &c. Probatur antecedes, quia omnes substantiæ creatæ habent esse à primo agente. Quod autem inest alicui ab agente, oportet esse actum eius, cum agens sit facere aliquid actu. Prima quoque consequentia probatur, quia id cui actus inest, potentia est.

CIRCA assumptum ad probationem antecedentis dubitatur, quia cōpositio ex materia & forma inest materia prima à Deo, & tamen materia non est actus cōpositi: ergo falsum est quod inest alicui ab agente, oportere esse actum eius.

Respondetur, quod non inquit sanctus Thomas, Omne quod est in aliquo ab agente, oportere esse actum eius, sed, Omne quod inest: inesse autem est posterius aduenientis aut secundum durationem, aut secundum ordinem generationis, non autem præcedentis & præsuppositi. Ideo sensus propositionis est, Omne quod conuenit alicui ab agente per modum sibi aduenientis, oportere esse actum eius, materia autem non conuenit cōposito, imò illi præsupponitur. Propterea non est obiectio contra mentem litteræ.

Tertio, Omnia creata participant esse, cum solus Deus sit essentialiter ens ergo, &c. Probatur consequentia, quia participatum comparatur ad participans ut actus ad potentiam, cum per ipsum participans sit actu tale.

ADVERTENDUM, cum dicitur, quod solus Deus est essentialiter ens, quod accipitur ens participatiter, ut significat esse, non autem nominatiter, ut essentiam significat.

Quartò, Omnis substantia creata assimilatur Deo secundum esse, ut superius est ostensum, ergo, &c. Probatur consequentia, quia assimilatio alicuius ad causam agētem sit per actum, cum agat sibi simile inquantum est in actu.

Quod non est idem cōpositio ex materia & forma, & ex substantia & esse.

Cap. 54.

NON est autem eiusdem rationis cōpositio ex materia & forma, & ex substantia & esse: quāuis utraque sit ex potentia & actu. Primò quidem, quia materia non est ipsa substantia rei: nam sequeretur omnes formas esse accidentia, sicut antiqui Naturales opinabantur: sed materia est pars substantiæ. Secundò autem, quia ipsum esse non est proprius actus materiæ, sed substantiæ totius: eius enim actus est esse, de quo possumus dicere quod sit, esse autem non dicitur de materia, sed de toto. Vnde materia non potest dici quod est: sed ipsa substantia est id quod est. Tertio, quia nec forma est ipsum esse: sed se habent secundum ordinem: comparatur enim forma ad ipsum esse, sicut lux ad lucē, vel albedo ad album esse. Deinde quia ad ipsam etiam formam comparatur ipsum esse ut actus. Per hoc enim in cōpositis ex materia & forma, forma dicitur esse principium essendi, quia est complementum substantiæ, cuius actus est ipsum esse: sicut diaphanū est aëri principium lucendi, quia facit eum proprium subiectū luminis. Vnde in cōpositis ex materia & forma, nec materia nec forma potest dici ipsum quod est, nec etiam ipsum esse: forma tamen potest dici quo est secundum quod est essendi principium ipsa

Idem Prima par. q. 50. art. 2.

Idem Prima par. q. 50. art. 2. ad secundum idem in artic. 2. Sent. dist. 3. art. 1.

† Cap. 53.



ipsa autem substantia est ipsum quod est, & ipsum esse est quo substantia denominatur ens. In substantiis autem intellectualibus quæ non sunt ex materia & forma compositæ, ut ostensum est, sed in eis ipsa forma est substantia subsistens: forma est quod est, ipsum autem esse est actus: & quo est, & propter hoc in eis est una tantum compositio actus & potentie, quæ scilicet est ex substantia & esse, quæ à quibusdam dicitur ex quod est, & esse, vel ex quod est, & quo est. In substantiis autem compositis ex materia & forma est duplex compositio actus & potentie. Prima quidem ipsius substantie, quæ componitur ex materia & forma: secunda verò ex ipsa substantia iam composita & esse: quæ etiam potest dici ex quod est & esse: vel ex quod est & quo est. Sic igitur patet quod compositio actus & potentie est in plus quam compositio forme & materie. Vnde materia & forma diuidunt substantiam materialem, potentia autem & actus diuidunt ens commune: & propter hoc quæcunque quidem consequuntur potentiam & actum, in quantum huiusmodi sunt communia substantiis materialibus & immaterialibus creatis, sicut recipere & recipi, perficere & perfici. Quæcunque verò sunt propria materie & forme in quantum huiusmodi: sicut generari & corrumpi, & alia huiusmodi, hæc sunt propria substantiarum materialium, & nullo modo conueniunt substantiis immaterialibus creatis.

Corollarium.

## Super Cap.

54.



Via dictum est in precedenti conclusione, quod est in substantiis intellectualibus compositio ex essentia & esse, tantum ex potentia & actu, posset aliquis existimare quod ista compositio esset eiusdem rationis cum comparatione ex materia & forma, eod quod illa etiam sit ex potentia & actu. Ideo volens hoc dubium remouere sanctus Thomas, ponit in utramque comparationem multiplicem differentiam, quarum prima est, quia materia non est substantia & essentia rei, sed pars essentie. Secunda, quia esse non est actus materie ut possit dici quod est, sed substantie totius: ipsa enim substantia est id quod est, secundum scilicet quod in concreto significatur. Tertia, quia esse non est ipsa forma, sed comparatur forma ad ipsum esse sicut lux ad lucere, & albedo ad albu esse, sicut scilicet causa formalis ad suum effectum formalem. Comparatur etiam esse ad formam ut actus, quia in compositis ex materia & forma ideo forma dicitur principium essendi, quia est complementum substantie cuius actus est ipsum esse: vnde nec materia nec forma est id quod est, nec ipsum etiam esse, sed forma est id quod est, & ipsum esse est quo substantia denominatur ens: ipsa autem substantia composita est id quod est. In substantiis autem intellectualibus forma est id quod est, & esse est actus eius, & quo est. Ex his sequitur primum, quod in intellectualibus est tantum una compositio actus & potentie, scilicet ex essentia & esse, in compositis autem ex materia & forma, duplex est compositio, prima ipsius substantie quæ componitur ex materia & forma: secunda ex ipsa substantia iam composita & esse. Sequitur secundum quod compositio actus & potentie est in plus quam compositio forme & materie: cuius signum est, quod materia & forma diuidunt substantiam materialem, actus autem & potentia diuidunt ens commune. Ex quo sequitur tertium, quod quæ consequuntur potentiam & actum, in quantum huiusmodi, sunt communia materialibus & immaterialibus creatis: quæ autem sunt propria materie & forme, in quantum huiusmodi, conueniunt tantum substantiis materialibus.

Forma est id quo aliquid est sed esse est id quo aliquid denominatur ens.

CIRCA id quod in tertia differentia dicitur: quoniam scilicet forma est id quod est, & esse id quo substantia denominatur ens, aduertendum quod forma quam esse est id quo compositum est, sed diuersimode: forma enim est quo est aliquid tanquam principium formale cuius effectus formalis est esse, sicut albedo est quo aliquid est album. Ideo dixit sanctus Thomas, quod forma potest dici quo est sicut essendi principium: esse autem est quo substantia est, sicut actus quo denominatur ens. Licet enim forma faciat denominationem suam in quantum forma (ab anima enim dicitur aliquid animatum) non tamen facit denominationem secundum hoc nomen Existens siue Ens: non enim ab anima res animata denominatur ens siue existens, sed ab ipso esse. Est ergo forma id quo aliquid est, tanquam principium formale ipsius esse. Ipsum verò esse, est id quo aliquid est tanquam actu à quo aliquid formaliter denominatur ens, scilicet existens.

ATTENDENDVM etiam, quod ex prædictis differentiis resultat alia differentia inter compositionem ex essentia & esse, & compositionem ex materia & forma: quia enim dictum est, quod materia non est substantia rei quæ est essentia, sed tantum pars substantie, sequitur quod ex compositione materie & forme resultat aliquod totum, ex partibus enim essentialibus totum essentiale resultat, quia verò essentia rei non est pars substantie sed totum, ideo ex essentia & esse non resultat aliquod totum, cum ex duobus actibus non resultet aliquod per se vnum tertium: licet vnus actus alteri per se vniti possit, quando vnus ad alterum se habet ut potentia, quo fit, ut compositio ex materia & forma dicatur compositio ex iis. Compositio autem ex essentia & esse, dicatur compositio cum iis, quia essentia componit cum esse, & esse cum essentia. Et si aliquando dicatur aliquid compositum ex essentia & esse, hoc est improprie dictum: proprie autem dicitur quod in ipso est compositio essentie cum esse, & e converso esse cum essentia.

Quod substantie intellectuales sunt incorruptibiles.

## Cap. 55.

Idem P. parte, q. 50. artic. 9.



EX hoc autem aperte ostenditur, quod omnis substantia intellectualis est incorruptibilis. Omnis enim corruptio est per separationem forme à materia: simplex quidem corruptio per separationem forme substantialis, corruptio autem se-

cundum quid per separationem forme accidentalis. Forma enim manente oportet rem esse: per formam enim substantia fit proprium susceptivum eius quod est esse. Vbi autem non est compositio forme & materie, ibi non potest esse separatio earundem, igitur nec corruptio. Ostensum est autem, quod nulla substantia intellectualis est composita ex materia & forma, nulla igitur substantia intellectualis est corruptibilis.

†Cap. 50.

2. Amplius, Quod per se alicui competit, de necessitate & semper & inseparabiliter ei inest: sicut rotundum per se quidem inest circulo, per accidens autem æri: vnde æs quidem fieri non rotundum est possibile: circulum autem non esse rotundum est impossibile. Esse autem per se consequitur ad formam: per se enim dicimus quod secundum ipsum, ut quodque autem habet esse secundum quod habet formam. Substantia igitur ipsa quæ non sunt forme, possunt priuari esse secundum quod amittunt formam: sicut æs priuatur rotunditate secundum quod definit esse circulare. Substantia verò quæ sunt ipsæ forme, nunquam possunt priuari esse: sicut si aliqua substantia esset circulus, nunquam posset fieri non rotunda. Ostensum est autem supra, quod substantie intellectuales sunt ipsæ forme subsistentes, impossibile est igitur quod ipsæ esse definant: sunt igitur incorruptibiles.

†Cap. 50.

3. Adhuc, In omni corruptione remoto actu manet potentia: non enim corrumpitur aliquid in omnino non ens, sicut nec generatur aliquid ex omnino non ente. In substantiis autem intellectualibus, ut ostensum est, actus est ipsum esse: ipsa autem substantia est sicut potentia. Si igitur substantia intellectualis corrumpatur, remanebit post suam corruptionem, quod est omnino impossibile: omnis igitur substantia intellectualis est incorruptibilis.

†Cap. 51.

4. Item, In omni quod corrumpitur, oportet quod sit potentia ad non esse: si quid igitur est in quo non est potentia ad non esse, hoc non potest esse corruptibile. In substantia autem intellectuali non est potentia ad non esse: manifestum est enim ex dictis, quod substantia completa est proprium susceptivum ipsius esse. proprium autem susceptivum alicuius actus ita comparatur ut potentia ad actum illum, quod nullo modo est in potentia ad oppositum: sicut ignis ita comparatur ad calorem ut potentia ad actum, quod nullo modo est in potentia ad frigus. Vnde nec in ipsis substantiis corporalibus est potentia ad non esse in ipsa substantia completa, nisi ratione materie: in substantiis autem intellectualibus non est materia, sed ipsæ sunt substantie completæ simplices. Igitur in eis non est potentia ad non esse: sunt igitur incorruptibiles.

5. Præterea, In quibuscunque est compositio potentie & actus, id quod tenet locum primæ potentie siue primi subiecti, est incorruptibile. Vnde etiam in substantiis corruptibilibus materia prima est incorruptibilis: sed in substantiis intellectualibus id quod tenet locum potentie primæ & subiecti, est ipsa earum substantia completa. Igitur substantia ipsa est incorruptibilis: nihil autem est corruptibile, nisi per hoc quod sua substantia corrumpitur. Igitur omnes intellectuales nature sunt incorruptibiles.

6. Amplius, Omne quod corrumpitur, vel corrumpitur per se, vel per accidens: substantie autem intellectuales non possunt per se corrumpi, omnis enim corruptio est à contrario, agens enim cum agat secundum quod est actu, semper agendo ducit ad aliquod esse actu. Vnde si per huiusmodi esse actu aliquid corrumpatur definens esse actu, oportet quod hoc contingat per contrarietatem eorum adinueniem: nam contraria sunt quæ mutuo se expellunt: & propter hoc oportet omne quod corrumpitur per se, vel habere contrarium, vel esse ex contrariis compositum. Neutrum autem horum substantiis intellectualibus conuenit, cuius signum est, quod in intellectu ea etiam quæ secundum suam naturam sunt contraria, definiunt esse contraria. Album enim & nigrum in intellectu non sunt contraria: non enim se expellunt, imò magis se consequuntur, per intellectum enim vnius eorum intelligitur aliud. Substantie igitur intellectuales non sunt corruptibiles per se. Similiter autem neque per accidens: sic enim corrumpuntur accidentia & forme non subsistentes, ostensum est autem supra quod substantie intellectuales sunt subsistentes: sunt igitur omnino incorruptibiles.

7. Adhuc, Corruptio est mutatio quædam, quam oportet esse terminum motus, ut in Physicis est probatum. Vnde oportet quod omne quod corrumpitur, moveatur: ostensum est autem in naturalibus quod omne quod movetur, est corpus. Oportet igitur omne quod corrumpitur, esse corpus, si per se corrumpatur: vel aliquam formam seu virtutem corporis à corpore dependentem, si corrumpatur per accidens. Substantie autem intellectuales non sunt corpora, neque virtutes seu forme

5. Physic. text. c6.7.

6. Physic. text. c6.31.



formæ à corpore dependentes: ergo neque, per se neque per accidens corruptur. sunt igitur omnino incorruptibiles.

8 Item, omne quod corrumpitur, corrumpitur per hoc quod aliquid patitur: nam & ipsum corrumpi, est quoddam pati. nulla autem substantia intellectualis potest pati tali passione quæ ducat ad corruptionem: nam pati, recipere quoddam est, quod autem recipitur à substantia intellectuali, oportet quod recipiatur in eo per modum ipsius, scilicet intelligibilibus. quod verò sic in substantia intellectuali recipitur, est perficiens substantiam intellectualem, & non corrumpens eam. intelligibile enim est perfectio intelligentis. substantia igitur intelligens est incorruptibilis.

9 Præterea, sicut sensibile est obiectum sensus, ita intelligibile est obiectum intellectus. sensus autem propria corruptio non corrumpitur, nisi per excellentiam sui obiecti: sicut visus à valde fulgidis, & auditus à sonis fortibus, & sic de aliis. dico autem propria corruptione: quia sensus corrumpitur etiam per accidens propter corruptionem subiecti: qui tamen modus corruptionis non potest accidere intellectui: cum non sit actus corporis vllius quasi à corpore dependens, ut supra ostensum est. \* patet autem quod nec corrumpitur per excellentiam sui obiecti: quia qui intelligit valde intelligibilia, non minus intelligit minus intelligibilia, sed magis: intellectus igitur nullo modo est corruptibilis.

10 Amplius, intelligibile est propria perfectio intellectus: unde intellectus in actu, & intelligibile in actu, sunt vnum: quod igitur conuenit intelligibili in quantum est intelligibile, oportet conuenire intellectui in quantum huiusmodi: quia perfectio & perfectibile sunt vnius generis. intelligibile autem in quantum est intelligibile, est necessarium & incorruptibile, necessaria enim perfecte sunt intellectu cognoscibilia: contingentia verò in quantum huiusmodi, non, nisi deficienter. habetur enim de eis non scientia, sed opinio. unde & corruptibilium intellectus scientiam habet, secundum quod sunt incorruptibilia: in quantum scilicet sunt vniuersalia. oportet igitur intellectum esse incorruptibilem.

11 Adhuc, vnum quodque perficitur secundum modum sue substantiæ. ex modo igitur perfectionis alicuius rei potest accipi modus substantiæ ipsius: intellectus autem non perficitur per motum, sed per hoc quod est extra motum existens. perficitur enim secundum intellectuam animam scientia & prudentia sedatis per mutationibus & corporalibus animæ passionibus, ut patet per philosophum in 7. Physicorum. Modus igitur substantiæ intelligentis est quod esse suum sit supra motum: & per consequens supra tempus. esse autem cuiuslibet rei corruptibilis subiaceret motui & tempori: impossibile est igitur substantiam intelligentem esse corruptibilem.

12 Præterea, impossibile est naturæ desiderium esse inane. natura enim nihil facit frustra. sed quodlibet intelligens naturaliter desiderat esse perpetuum, non solum ut perpetuetur esse secundum speciem, sed etiam secundum indiuiduum. Quod sic patet: naturalis enim appetitus quibuscumque quidem, inest ex apprehensione: sicut lupo naturaliter desiderat occisionem animalium de quibus pascitur: & homo naturaliter desiderat foelicitatem. quibusdam vero absque apprehensione ex sola inclinatione naturalium principiorum: qui naturalis appetitus in quibusdam dicitur: sicut graue appetit esse deorsum, utroque autem modo est in rebus naturale desiderium essendi: cuius signum est, quia & ea quæ cognitione carent, resistunt corruptentibus secundum virtutem suorum principiorum naturalium: & ea quæ cognitionem habent, resistunt eidem secundum modum suæ cognitionis: illa igitur cognitione carentia, quorum principis inest virtus ad conseruandum esse perpetuum, ita quod maneant semper eadem secundum numerum: naturaliter appetunt esse perpetuum etiam secundum idem numero: quorum autem principia non habent ad hoc virtutem, sed solum ad conseruandum esse perpetuum secundum idem specie: sic naturaliter appetunt perpetuitatem: hanc igitur differentiam oportet in his inueniri, quibus desiderium essendi cum cognitione inest, ut scilicet illa quæ non cognoscunt esse nisi ut nunc, desiderant esse ut nunc. non autem semper, quia esse sempiternum non apprehendunt: desiderant tamen esse speciei perpetuum absque cognitione, quia virtus generatiua quæ ad hoc deseruit, præbula est & non subiaceret cognitione, illa autem quæ ipsum esse perpetuum cognoscunt & apprehendunt, desiderant ipsum naturaliter desiderio, hoc autem conuenit omnibus substantiis intellectualibus, oēs igitur substantiæ intellectuales naturali desiderio appetunt esse perpetuum: ergo impossibile est quod esse deficient.

13 Adhuc, quæcunque incipiunt esse & desinunt, per eandem potentiam habent utrunque: eadem enim est potentia ad esse, & non esse: sed substantiæ intellectuales non potuerunt incipere esse nisi per potentiam primi agentis: non enim sunt ex materia quæ potuerit præfuisse, ut ostensum est, \* igitur nec est aliqua potentia ad non esse earum nisi in primo agente, secundum quod potest non influere eis esse. Sed ex hac sola potentia nihil potest dici corruptibile: tum quia res dicuntur necessariae & contingentes secundum potentiam quæ est in eis & non secundum potentiam Dei, ut supra ostensum est, \* Cap. 30. huius lib. tum etiam quia Deus qui est institutor naturæ, non subtrahit rebus quod est proprium naturæ earum: ostensum est autem quod proprium naturis intellectualibus est quod sint perpetuæ: unde hoc eis à Deo non subtrahitur. Sunt igitur substantiæ intellectuales ex omni parte incorruptibiles. Hinc est quod in Psalm. Laudate Dominum de cœlis, connumeratis angelis & cœlestibus corporibus, subiungitur, Satuit ea in æternum & in seculum seculi, per quod prædictorum perpetuitas designatur. Dionysius etiam in tertio capite de diuinis nominibus, dicit quod propter diuinæ bonitatis radios subsisterunt intelligibiles & intellectuales substantiæ, & sunt & viuunt, & habent vitam indeficientem & immemorabilem ab vniuersa corruptione & generatione quod morte mundæ existētes, & eleuata ab instabili & fluxa variatione.

## Super Cap. 55.



Ultimo loco, quantum ad hanc partem, ostendit S. Tho. omnem substantiam intellectualem incorruptibilem esse. Et arguit primo sic, Omnis corruptio tam simpliciter quam secundum quid, fit per separationem formæ à materia, quia forma manente, oportet rem esse. cum per ipsam substantiam fiat proprium susceptivum esse, sed in substantiis intellectualibus non potest fieri separatio formæ à materia, cum non sint ex materia & forma compositæ: ergo &c.

SE D non videtur, quod ista ratio concludat. Posset enim aliquis ad maiorem dicere, quod est vera de corruptione rerum compositarum, non autem de corruptione spiritualium substantiarum, unde Scotus 4. Sent. distinct. 43. quæst. 2. inquit, quod non omnis corruptio est per separationem vnius ab alio, esse enim angeli est destruibile per successionem oppositi ad ipsum esse. Item non videtur sufficiens ratio, quod forma manente, maneat esse, quia per formam substantiam fit proprium susceptivum esse. Non enim, si per aliquid fit proprium susceptivum alicuius actus, oportet manente illo principio, rem habere illum actum. Nam per principia corporis, fit proprium susceptivum albedinis, non tamen oportet ut illis manentibus, corpus sit album, alioquin omne corpus esset album.

AD primum horum dicitur, quod sancti Thom. accipit illam propositionem tanquam vniuersaliter veram, ex iis quæ apud nos apparent. Videmus enim in iis, quæ apud nos corrumpuntur substantialiter, corruptionem fieri per separationem formæ substantialis à materia, corruptionem autem accidentalem fieri per separationem formæ accidentalis à subiecto: fundamentum autem huius propositionis est, quia in omni corruptione (ut patet ex tertiaratione inferius posita) oportet aliquid manere, alioquin non esset mutatio, & oportet aliquid non manere, alioquin non esset corruptio. id quod manet, est materia, quia materia est primum subiectum & generationis & corruptionis, quod non manet est aliquid distinctum à materia, quod est proprium susceptivum esse: hoc autem non potest esse, nisi per separationem formæ à materia, quia quamdiu forma vnitur materiæ, tamdiu est propria susceptivum ipsius esse, ut hic dicitur. Unde sic potest probari propositio.

IN omni corruptione oportet aliquid remanere, & aliquid desinere esse: sed hoc non potest esse nisi per separationem formæ à materia, quia in eo quod est compositum ex materia & forma, si remaneret forma unita materiæ, remaneret compositum, quod est proprium susceptivum esse: in forma autem subsistenti non maneret aliquid, si desineret esse, & per consequens non esset corruptio, &c. Unde patet, quod instantia Scoti nulla est. Nam esse angeli (ut patuit) non est destruibile per corruptionem, quasi aliquid remaneat de ipso angelo post esse eius, quod fit sub eius non esse. Non enim subiectum quod manet in corruptione, dicitur manere sub non esse alicuius, nisi quia accipit esse alterius speciei, cui non esse illius coniungitur. Nam quod nullo modo habet esse, non dicitur manere in natura: non enim dicimus, quod lapis corruptus remaneat in natura, post sui corruptionem. Si autem esse angeli desineret, angelus non reciperet aliud esse, cui suum non esse coniungeretur, ut sic posset dici permanere post suum esse, nec aliquod subiectum, quod subsisteret eius materia remaneret: ideo esse ipsius non destrueretur per corruptionem, sed per annihilationem suæ substantiæ. Et sic patet, quod propositio hæc est verissima. Omnis corruptio fit per separationem formæ à materia.

AD secundum dicitur, quod sicut forma necessario consequitur ultimam dispositionem materiæ, quæ dicitur necessitas ad formam, quia materia sic disposita, non potest nec sine forma, nec cum alia forma manere, ita esse necessario recipitur in proprio susceptivo ipsius esse: non enim potest esse, quod



proprium susceptivum esse sit in natura constitutum, & tamen esse non habeat: ideo oportet, quod maneat in re principio per quod ipsa sit proprium susceptivum esse, ipsa res sit. Ad instantiam dici potest primo, quod non est eadem ratio de susceptivo formæ accidentalis, & de susceptivo actus substantialis, quia susceptivum accidentalis formæ, dato, quod formæ accidentalis non habeat, adhuc tamen per formam substantialem remanet in actu: non autem proprium susceptivum actus substantialis actu esse potest sine actu illo substantiali. Dicitur potest secundum, & melius, quod si ponatur aliquod corpus esse proprium susceptivum albedinis, sic quod sit ultimum ad albedinem dispositum, albedo necessarii in ipso corpore erit, quamdiu in subiecto est illud, secundum quod sit proprium subiectum albedinis, sicut quia, per formam corpoream unitam materiam sit proprium susceptivum quantitatis, manente tali forma in re corporea, ipsa semper est quanta non autem omne corpus, sic est proprium susceptivum albedinis: ideo instantia nulla est.

Secundum. Substantie intellectuales sunt formæ subsistentes, ergo impossibile est ut definantur esse. Antecedens patet ex supradictis. Consequentia vero probatur: esse per se consequitur formam, ergo substantie quæ sunt ipsæ formæ, non possunt privari esse, ergo &c. probatur antecedens, quia unumquodque secundum formam habet esse: per se autem dicimus, quod secundum quod ipsum consequentia etiam probatur, quia quod per se alicui cõvenit, de necessitate, & semper inseparabiliter inest, ut patet de rotunditate respectu circuli.

CIRCA istam propositionem: Esse per se consequitur formam, dubitatur. Primo, quia superius ca. 52. in ratione quinta, dixit S. Tho. quod cuilibet substantie create suum esse, est ei per aliud, ergo non consequitur per se formam, & solummodo de mente Avicennæ. dicit, quod esse est prædicatum accidentale.

Aui. Tract.  
5. Met. c. 1.

Quia solutio horum dubiorum ex intellectu huius propositionis, Esse per se consequitur formam, dependet, sciendum, quod cum per se accipitur, & ut opponitur eis quod est per aliud, & ut opponitur ei, quod est per accidens, dicunt quidam, quod utroque modo dicta propositio habet veritatem: primo quidem modo, quia esse cõvenit formæ immediate immediatione actionis. hoc est, quod non prius sit forma, & postea per aliam actionem coniungitur ipsi esse, sed ipsum fieri formæ ad illam coniunctionem terminatur: sic enim verum est, quod per se convenit alicui, inseparabiliter ei cõvenit: quia quæ eadem generatione generatur, eadem corruptione corrumpuntur. Secundum autem modo esse convenire formæ, declarant distinguentes per se, in per se simpliciter, & in per se physice: prima perfectas super habitudine terminorum absolute sumptorum fundatur: secunda vero, super habitudine terminorum inesse naturali positorum. Item in prima, prædicata nihil non necessarium præsupponit quoniam respectu subiecti absolute sumpta, & propositio est adeo necessaria, quod oppositum contradictionem implicat. In secunda vero, prædicata præsupponit aliquid non necessarium, scilicet, subiectum in rerum natura productum esse, & in ea non est necessitas, nisi cursus naturalis: & ideo oppositum non implicat contradictionem. Dicunt igitur, quod esse per se cõsequitur formam non perfecte simpliciter, sed perfecte physica. Nam ipsam productam, necessarii, quantum est ex se, & inseparabiliter cõcomitur.

SED licet ista interpretatio pulchra sit, & viri omni ex parte doctissimi, non videtur tamen mihi cõvenire esse. Primo namque, non videtur ad mentem Philosophi interpretari per se, ut distinguitur contra per aliud: quod enim alicui aliquid conveniat immediate per exclusionem mediarum actionis, non videtur cõstitui esse per se. Si subiectum enim & rationalitas cõvenit isto modo immediate Sorti, cum una & eadem actione producat Sortes, & sua risibilitas, suæque rationalitas, & tamen ista non conveniunt Sorti hoc modo per se, sed per aliud, scilicet per hominem. Item si hoc sufficeret ad talem perfectitatem, tunc non tantum formæ, sed etiam cõposito esse conveniret per se hoc modo: cuius oppositum & hic, & prima parte quæstione quinquagesima, articulo quinto dicitur. Quod autem hoc sequatur, patet. Nam sicut eadem generatio terminatur ad formam, & ad esse, ita fieri cõpositi ad cõpositum, & ad unionem esse cum ipso terminatur.

Secundum, videtur ista interpretatio quantum ad secundum modum perfectitatis deficere: si per se simpliciter accipitur, ut de secundo modo posito Tex. c. 9. ab Aristotele primo Posteriori. dicitur. Non enim videtur aliquid necessarii & inseparabiliter cõvenire alicui posito in natura, nisi quia cõvenit sibi aliquo modo per se simpliciter, quia videlicet, aut ipsum est de ratione subiecti, aut subiectum de ratione ipsius: ut enim inquit S. Tho. primo Posteriori. L. 1. c. 14. si aliquid accidens de necessitate & semper inest subiecto, oportet, quod causam habeat in subiecto, quia posita, non possit accidens non inesse: & ex hoc cõcludit, quod oportet ut in eius definitione ponatur subiectum, & consequenter, quod sit accidens per se. Si ergo esse convenit per se formæ subsistenti posita in natura, necesse est ut sibi per se simpliciter cõveniat, utpote, in cuius definitione oportet poni ipsam formam subsistentem.

Præterea, si diceretur esse per se convenire formæ, quia formam productam positam in natura cõcomitur necessarii, eadem ratione diceretur, per se omni naturæ convenire, & sic sequeretur, omnem naturam esse incorruptibilem. probatur sequela, quia omnem repositam in natura necessarii cõcomitur existere, imo est de ratione sua, in quantum ponitur in natura. repugnat enim rem poni in natura extra suam causam, & non existere, cum non oportet aliquid dicatur aliquid poni in natura, nisi quia accipit esse extra suam causam. Nec sufficeret dicere, quod non convenit primo cuiusque rei sit formæ. Tum, quia hic fermo est de per se, ut opponitur ei, quod est per accidens, non autem ut idem est quod primo: Tum quia dummodo esse rebus conveniat per se, sequitur omnia esse incorruptibilia, licet esse non conveniat eis primo. ita enim ad Sortem remouetur possibilitas ad oppositum risibilitatis, sicut ab homine, cui risibilitas convenit primo.

Hac ergo interpretatione prætermissa, videtur mihi dicendum, quod utique esse consequitur formam per se, & ut opponitur per aliud, & ut opponitur per accidens, sed quod alio modo accipitur ista, quæ prædicta accepit opinio.

Cap.

AD cuius evidentiam considerandum est primo, ex doctrina S. Thom. loco præallegato, quod aliquid ab essentia alicuius distinctum sibi convenire per se, ut per se distinguitur contra per accidens, est habere aliquam causam in subiecto ad quod de necessitate cõsequatur. dicitur enim tunc subiecto cõvenire per se, quia per proprietatem & intrinsecam illius principia sibi convenit, & quia tunc subiectum ponitur in definitione eius quod sibi dicitur per se convenire: ideo tale per se, est simpliciter per se, utpote fundatum super rationibus terminorum absolute sumptorum. ex hoc autem sequitur, ut tale a subiecto posito in natura, & suæ naturali conditioni relicto, remoueri & separari non possit, & quod oppositum illi suæ naturæ relicto convenire, implicat con-

tradictionem: & ideo non potest alicui posito in natura convenire per se, & necessarii, nisi quia sibi convenit per se simpliciter.

CONSIDERANDUM secundo, ex loco præallegato, & ex supradictis cap. 15. quod primo siue secundum quod ipsum, includit, per se, & super hoc addit adæquationem quædam, quod scilicet, subiectum non inveniatur extra prædicatum, neque prædicatum extra subiectum, hoc est, quod nihil habeat rationem talis subiecti, aut, inquam, formaliter, aut secundum participationem, cui illud prædicatum non conveniat: & prædicatum nulli conveniat, cui non conveniat subiectum, aut formaliter, aut participatiue. Sic enim dicimus, risibile primo homini cõvenire, quia nullus est homo qui non sit risibilis, neque aliquid est risibile, quod non sit homo. Sorti autem non convenit primo, quodvis ei cõveniat per se, quia alicui cõvenit, qui non est Sortes.

Dico igitur, quod esse convenire per se formæ, intelligitur primo, & secundum quod ipsum, illi cõvenire, ut patet hoc loco à D. Thoma, qui per se exponit pro eo, quod est secundum quod ipsum: & quia primo includit per se ut distinguitur contra per accidens, ideo dicitur esse, & per se simpliciter, & primo illi cõvenire. Per se quidem, quia ex ipsa essentia formæ cõsequitur: primo vero, quia omni formæ convenit esse, & esse nulli cõvenit, nisi quia, aut est forma, aut participat formam. patet ista interpretatio, ex iis quæ & hoc loco, & prima parte quæst. 50. artic. 5. dicit S. Th. & ex exemplo adducto de rotunditate circuli. constat enim, quod rotunditas per se primo simpliciter, convenit circulo, & non tantum per se physice.

SED contra hanc interpretationem multæ insurgunt difficultates. Prima est: si esse convenit formæ subsistenti per se simpliciter, sequitur quod ista sit simpliciter per se, Angelus est. sed hoc est falsum: ergo, &c. probatur falsitas: si ista esset simpliciter per se, Angelus est, sua opposita implicaret contradictionem, & sic non posset fieri à Deo quod angelus non esset, hoc est contra doctrinam omnium Theologorum: ergo, &c. Secunda est, quod convenit alicui per se primo, nunquam ab eo separatur, saltem naturaliter, neque (inquam) per se, neque per accidens, sed esse separatur à forma corruptione cõpositi: nam corruptio cõposito, forma amplius non est, loquendo de aliis formis ab anima intellectiva: ergo, &c. Confirmatur, quia in Christo, secundum doctrinam S. Th. anima non habet esse proprium, sed tracta est ad esse divini suppositi: ergo, &c.

Tertia est, esse primo & per se convenit cõposito, quia cõposito propriè convenit fieri, ut est de mente Arist. 7. Metaph. Tex. 27. & in infinitis propriè locis citat S. Tho. ergo non consequitur formam primo, & per se.

Quarta est, quod convenit alicui primo & per se, causatur ex principis substantialibus eius, si sit ab essentia realiter distinctum, ut patet ex dictis. sed ut inquit S. Thom. prima quæst. 3. artic. 4. esse non potest esse causatur ex principis essentialibus rei: ergo nulli rei creatæ potest cõvenire primo & per se.

Pro solutione harum difficultatum, attendendum est, quod aliud est prædicatum aliquod, non cõvenire alicui subiecto & aliud ipsum à subiecto separari, aut esse cõuerso. Ad primum enim, sufficit negatio prædicati à subiecto, & ideo etiā de subiecto non existit, potest dici, quod non est tale, sicut de Sorte non existit, potest dici, quod non est albus. Ad secundum vero, proprio loquendo, non sufficit negatio unius de alio, sed requiritur, quod unum sit alio sibi non inexistere. dicitur enim albi separari à Sorte, quia Sortes est, & non est albus.

ATTENDENDUM secundo, quod differentia est inter primum, & secundum modum perfectitatis, quia in primo modo perfectitatis, prædicata ita necessarii cõcomitur subiectum, quod nullo modo, nec per quemcumque potentiam potest inveni subiectum sine prædicato: & ideo siue in re, siue in apprehensione intellectus ponatur subiectum, semper sibi inest prædicatum aut in re, aut in apprehensione intellectus. ita quod non potest intelligi hoc sine illo esse, & oppositum simpliciter contradictionem implicat, cum idem per subiectum & prædicatum formaliter importetur. In secundo vero modo, quando prædicatum est res ab essentia subiecti realiter distincta, licet prædicatum naturali cõcomitatur sequatur subiectum, non in cõvenit tamen ut per divinam potentiam impediatur, ne sequatur id quod secundum naturam in seipsa consideratur naturam erat cõsequi. (ut inferius Libro Quarto declarabitur) & ideo per divinam potentiam, potest unum ab alio separari in esse reali, scilicet, quod unum sit in natura sine alio, & consequenter potest apprehendi etiam per intellectum, quod unum sit, & tamen sibi tale prædicatum non inest. Dicitur tamen tales propositiones necessarii simpliciter, & æternæ veritatis: quia prædicatum naturali cõcomitatur semper sequitur subiectum, utroque secundum propriam naturam considerato, & sibi derelicto, non impediturque per divinam potentiam, quæ suæ infinitate virtutis, potest prohibere, ne sequatur ex uno, quod secundum se naturam est ad illud consequi.

Tunc ad primam difficultatem dicitur, primo, quod ista propositio est per se, Angelus est, sicut & ista, Angelus est sempiternus siue perpetuus & incorruptibilis: licet forte ista sit in primo modo perfectitatis, illa vero in secundo. Ad rationem vero in oppositum dicitur, quod sua opposita implicat contradictionem eo modo, quo opposita propositionum secundi modi per se, contradictionem implicat, quia scilicet implicat, ut subiecto suæ naturæ derelicto conveniat oppositum prædicati per se. Nam cum subiecto ita prædicatum conveniat per se, quod oritur ex principis subiecti, & in subiecto nulla est potentia ad oppositum talis prædicati, repugnat ut subiectum suæ naturæ relinquatur, & sibi oppositum talis prædicati cõveniat: non autem implicat contradictionem simpliciter & omnino. Cum autem inferatur, ergo non potest fieri à Deo quod angelus non esset, negatur consequentia, quia si Deus faceret quod angelus non esset, non faceret id quod contradictionem implicat: non enim implicat contradictionem angelum absolute non esse: licet ipsum non esse suæ naturæ derelictum, propter aliquam potentiam in ipso existentem ad non esse, contradictionem implicat.

ATTENDENDUM tamen cum dico, Angelum suæ naturæ derelictum non posse non esse, quod per hoc, non intelligo divini influxus subtractionem, quasi, si divinus influxus remouetur ab angelo, etiam angelus in esse permaneat. hoc enim est contra omnium Theologorum mentem, & maxime Gregorij dicentis, quod omnia in nihilum tenderent, nisi ea manus omnipotentis conservaret. Nam ut dicitur prima parte quæst. 104. artic. 1. ad 1. esse per se consequitur formam creaturæ, supposito tamen influxu divino. sed intelligo remotionem divinæ actionis impediens naturalem sequelam existentiam ad angeli essentiam, naturalemque cursum prohibentis.

AD secundam difficultatem dicitur, quod esse, in corruptione cõpositi non separatur à forma, licet & forma & esse definat. non enim remanet forma, ut possit dici, quod forma est & non habet esse: sicut licet corruptio Sorte, Sortes non sit realiter risibilis in esse naturæ, non dicitur tamen risibilis.

3. Part. q. 27.  
artic. 4.

Cap. 6.

Grego. lib. 16  
Mora. c. 23.  
Iob. cap. 25.



tas esse à sorte separata, quasi remaneat Sortes, & non habeat risibilitatem. Habetur ista responsio à simili in Quæst. de Potent. quæst. 7. art. 3. ad decimum, ubi ait S. Thomas, qd si Deus creaturas incorruptibiles in nihilum redigeret, non propter hoc sempiternitatem à natura separaret, quasi remaneret natura non sempiterna, sed tota natura deficeret influxu causæ cessante.

Sed contra istam responsionem arguitur: sequitur enim ex ipsa, quod eodem modo esse conueniat per se compositum, sicut formam. Nam sicut à forma separari non potest esse, ita quod remaneat sine esse, ita non potest separari à composito, ita quod compositum remaneat & non habeat esse: & ita compositum erit incorruptibile, sicut forma subsistens.

Respondetur, & dicitur primum, quod utique esse conuenit per se composito ut per se contra per accidens diuiditur, cum sequatur formam eius: non tamen sibi conuenit per se primum quo modo conuenit formæ.

Dicitur secundum, quod non sequitur omne compositum esse incorruptibile, sicut omnis forma per se subsistens incorruptibilis est. Si enim compositum sit tale ut formam per quam habet esse, non possit amittere, erit incorruptibile: si autem possit formam amittere, corruptibile erit, ut patet in exemplo adducto de rotunditate, à circulo enim nullo modo potest remoueri rotunditas, ita quod maneat circulus, & non sit rotundus. Sed bene à circulo æneo remoueri potest, & quod ab ære figura circuli possit remoueri. Esse ergo ab eo cui primum & per se conuenit, remoueri non potest, sed bene ab eo cui conuenit per se, sed per aliud, scilicet per formam potest remoueri, si illud formam amittere possit, & tunc illud erit corruptibile.

Dicitur tertio, quod licet esse non possit à composito separari, ita quod compositum secundum se totum remaneat in natura absque esse, potest tamen separari ab ipso secundum aliquam partem sui essentialem, secundum scilicet materiam remanentem.

Ad confirmationem dicitur, quod utique per potentiam diuinā absolute fieri potest, ut forma sit & suum proprium, & naturale esse non habeat: si tamen suo naturali cursui relinquatur, semper & necessarii suum esse naturale habet quando producit in natura: & ista necessitas (ut superius dictum est) ad perfectionem secundi modi sufficit, quando prædicatum aliquid dicit à subiecti essentia realiter distinctum.

Ad tertiam dicitur, quod esse ad formam dupliciter comparari potest. Vno modo, sicut effectus formalis ad suam causam. Alio modo, sicut actus ad potentiam, tanquam scilicet actus per quem ipsa existit in natura. Cum ergo dicimus quod esse primum & per se conuenit formæ, dupliciter potest intelligi. Vno modo, absolute & indistincte, non determinando aliquem modum conuenientie seu concomitantie. Alio modo, determinando modum quo conuenit alicui actus conuenit potentie, faciendo scilicet ipsum existere tanquam id quod est. Si primo modo accipitur, sic esse primum & per se conuenit formæ. Nam cum illi conueniat sicut effectus formalis, à composito autem sicut actus, prius autem natura & intellectus sit effectum à sua causa proficere, quam ipsam aliquid subiectum actuare, licet utrumque simul tempore sit, necesse est dicere quod esse prius natura conueniat formæ quam composito: & sic intendit sanctus Thomas hoc loco esse conuenire formæ primum & per se. Si verò accipitur secundo modo, sic esse per prius conuenit composito quam formæ, ipsum enim compositum proprie est id quod est, forma autem est id quod compositum est existitque, tanquam pars compositi primum existentis, & ad hunc sensum intendit Philosophus & sanctus Thomas esse primum & per se conuenire composito.

Ad quartam dicitur, quod non dicit sanctus Thomas absolute esse non posse ex principiis substantialibus rei causari, sed addit Tantum. Intendit enim quod utique esse causatur ex principiis essentialibus rei, ex essentia scilicet formæ, sed quod non tantum ex ipsa causatur, imò præter causalitatem formæ requiritur causalitas efficientis. Propter quod dixit loco superius allegato, quod esse per se consequitur formam, supposito tamen influxu Dei. Quod autem hæc sit eius intentio, patet ex probatione ibidem adducta, quia scilicet nulla res sufficit, ut sit sibi causa essendi si habeat esse causatum: non enim dicit nullam rem esse sibi causam essendi, sed quod non sufficit, quia videlicet præter principia rei quæ sunt causa esse, requiritur etiam extrinsecum agens.

Ad illud quod superius adducebatur, dicitur primum, diui Thomæ mentem esse, quod esse conuenit formæ per aliud effectiue, huic autem non repugnat quod conueniat sibi per se formaliter, ut nos intendimus. Dicitur secundum, quod esse dicitur prædicatum accidentale, quia est ab essentia rei realiter distinctum: non autem quia per accidens conueniat formæ.

Tertio, si corrumpatur, remaneret post suam corruptionem, hoc autem est impossibile, ergo, &c. Probatur consequentia, quia in omni corruptione remoto actu remanet potentia, & quod non corrumpatur aliquid in omnino non ens: in substantiis autem intellectualibus esse est sicut actus, ipsa autem substantia sicut potentia.

Quarto, in substantia intellectuali non est potentia ad non esse, ergo, &c. Patet consequentia, quia in omni quod corrumpitur, oportet quod sit potentia ad non esse: antecedens verò probatur. Proprium susceptuum alicuius actus nullo modo est in potentia ad oppositum. Patet de igne respectu caloris, substantia completa est proprium susceptuum esse, ergo non est in potentia ad non esse, nisi forte ratione materię in substantiis compositis, ergo substantię intellectuales quæ sunt immateriales & complete non sunt in potentia ad non esse.

CIRCA istam propositionem, Proprium susceptuum alicuius actus, non est in potentia ad oppositum: dubitatur. Nam oculus est proprium susceptuum visus, & tamen est susceptuum cæcitatis, ergo, &c. Item, Idem est subiectum habitus & priuationis. Item, Eadem est potentia contrariorum, ergo quod est susceptuum alicuius actus est etiam susceptuum oppositi.

Respondetur, qd per proprium susceptuum alicuius actus intelligit sanctus Thomas susceptuum proximum & proportionatum actui, non autem susceptuum remotum & non proportionatum: & est vniuersaliter verum, quod non est in potentia ad oppositum. Non enim quod est proportionatum calori, est proportionatum frigori, ut sit ad illud in potentia proxima: unde etiam materia prima secundum quod est proportionata formæ ignis per accidentia ignis, non est susceptiva formæ aque, licet absolute considerata sit eius susceptiva, tanquam primum & commune subiectum omnium formarum.

Vnde ad primum dicitur, quod si nomine Oculi intelligimus substantiam oculi cum dispositionibus quibus est proprium subiectum visus, non est in potentia ad cæcitatem. Nam cæcitas non aduenit illi nisi quia mutatur à sua

naturali dispositione. Si autem nomine Oculi intelligamus substantiam absolute quæ substat talibus dispositionibus, oculus non est proprium susceptuum visus, sed remotum.

Ad secundum dicitur de mente sancti Thomæ Verit. 21. art. 2. ad primum, quod non sic dicitur idem esse subiectum habitus & priuationis, quasi omne quod habet aliquam formam, sit etiam susceptuum priuationis. Patet enim in rebus esse aliqua accidentia in quibus non potest eorum priuatio esse, sicut dat exemplum sanctus Thomas de calore ignis: sed quia si in aliquo nata est esse priuatio, illud esse oportet susceptuum habitus oppositi.

Ad tertium dicitur, quod non oportet eandem esse proximam potentiam contrariorum, sed sufficit ut sit eadem potentia remota, ut est de mente sancti Thomæ 2. De Caelo lect. 10. Similiter quando vnum contrariorum inest per naturam, non est eadem potentia susceptiva contrariorum, ut dicitur Verit. ubi supra. Substantia igitur completa, quia est proprium susceptuum esse, non est secundum se in potentia ad non esse. Sed si aliqua est in potentia ad non esse, hoc conuenit sibi per aliud, scilicet ratione materię quæ nata est aliam formam recipere.

Quinto, in substantiis intellectualibus ipsa earum substantia completa, est id quod tenet locum primæ potentie & primi subiecti: ergo substantia ipsa est incorruptibilis, ergo, &c. Probatur prima consequentia, quia in quibuscunque est compositio potentie & actus, id quod tenet locum primæ potentie & primi subiecti, est incorruptibile, ut patet de materia prima corruptibilium. Secunda etiam probatur, quia nihil est corruptibile, nisi quia eius substantia corrumpitur.

Sexto, non sunt corruptibiles neque per se, neque per accidens, ergo, &c. Quod non per se, probatur, quia nec habent contrarium, nec ex contrariis sunt compositæ: cuius signum est, quia quæ secundum naturam sunt contraria, in intellectu desinunt esse contraria, imò vnum per aliud intelligitur. Omne autem quod per se corrumpitur, necesse est aut habere contrarium, aut ex contrariis componi, cum quæ mutuo se expellant, necesse sit esse contraria. Quod non per accidens, patet, quia sunt subsistentes: quæ autem corrumpuntur per accidens, sunt accidentia, & formæ non subsistentes.

CIRCA signum quo probatur substantias intellectuales non habere contrarium, & non esse ex contrariis compositas, quia videlicet quæ secundum naturam sunt contraria, in intellectu desinunt esse contraria, consideranda in intellectu, quod loquitur sanctus Thomas de formis contrariis, cuiusmodi est intellectus definitum & nigrum. Constat enim quod species horum secundum quas dicuntur in intellectu esse, simul sunt in intellectu, & per consequens contrarietatem non habent, & etiam de ipsis contrariis est vna scientia: non autem loquitur de ipsis operationibus intellectus. Opiniones enim intellectus de contrariis sunt contrarie, & in intellectu simul esse non possunt: ex quo sequitur ipsas esse contrarias non tantum obiectiue, ut quidam volunt (quia sic etiam species albi & nigri obiectiue sunt contrarie, quas tamen dicit sanctus Thomas in intellectu non esse contrarias) sed etiam ex parte subiecti, cum ab intellectu in quo subiectiue recipiuntur, mutuo se expellant, quod ad rationem contrarietatis sufficere inquit sanctus Thomas 2. Cael. lect. 10.

Sed tunc occurrit dubium, quomodo contrarias formas amittere contrarietatem in intellectu, signum esse potest intellectualem naturam neque contrarium habere, neque ex contrariis esse compositam. Nam licet aliqua contraria amittant contrarietatem in intellectu, sunt tamen in ipso contrarie opinionis.

Ad huius euidentiam considerandum est, quod esse susceptuum contrariorum secundum rationem contrarietatis, non est sufficiens signum habendi contrarium, aut compositionis subiecti ex contrariis, nisi fortassis in natura subsistentis, quia materia generabilium & corruptibilium est receptiva contrariorum formarum, & tamen neque contrarium habet, neque est ex contrariis composita: & idcirco est incorruptibilis, licet sit principium corruptionis in aliis: sed bene non esse subiectum contrariorum est sufficiens signum non habendi contrarium, aut non essendi ex contrariis compositum, quia omne habens contrarium aut compositum ex contrariis, est de necessitate receptuum contrariorum, cum vnum contrarium natum sit in aliud agere. Ideo volens ostendere sanctus Thomas substantiam intellectualem neque contrarium habere, neque esse ex contrariis compositam, pro conuenienti signo adduxit quod non est contrarium susceptiuum, ut contraria sunt, cum ea quæ secundum naturam suam sunt contraria, contrarietatem in intellectu non habeant.

Sed ad aduertendum, quod loquitur sanctus Thomas. (ut prius dicebatur) de contrarietate ipsarum rerum existentium extra intellectum, quia ex ista contrarietate sumitur signum corruptionis rerum & incorruptionis: nam quod non suscipit res contrarias per modum contrarietatis, non habet contrarium, neque est ex contrariis compositum, & est incorruptibile, cum sit inalterabile. Quod autem res contrarias per modum contrariorum suscipit, aut est corruptibile, ut compositum, aut principium est corruptionis in composito, ut materia generabilium & corruptibilium. Non autem loquitur de contrarietate affirmationis & negationis, quæ contraria sunt, ut dicitur in 2. Perihemias, ex ista enim contrarietate non sumitur iudicium corruptionis, aut incorruptionis rei. Vnde ut dicitur Prima secundæ quæst. 64. artic. 3. ad tertium, licet res contrarie in quæ extra intellectum contrarie sunt, non habeant contrarietatem in anima, in intellectu tamen, est contrarietas affirmationis & negationis, quamuis enim esse & non esse sint contradictoria prout in rebus considerantur, tamen ut ad actum animæ referuntur, secundum quod anima opinatur aliquid esse, & opinatur idem non esse, putà cum opinatur bonum esse bonum, & bonum non esse bonum, sunt contraria. Propter hoc conuenienter adduxit sanctus Thomas pro signo quod substantia intellectualis non sit ex contrariis composita, quia ea quæ secundum naturam suam, id est secundum esse quod habent extra intellectum, sunt contraria, dum in intellectu recipiuntur, contrarietatem amittunt, licet in intellectu contrarie opiniones recipiantur, quia videlicet ex istis sumitur iudicium corruptibilitatis & incorruptibilitatis, non autem ex contrarietate affirmationis & negationis, secundum quam non est nata fieri transmutio in ipsa substantia naturæ intellectualis.

Septimo, substantia intellectualis non est corpus, ergo non mouetur: ergo non corrumpitur per se, nec etiam corrumpitur per accidens, quia non est forma, aut virtus à corpore dependens, ergo, &c. Probatur prima consequentia, quia omne quod mouetur, est corpus. Secunda quoque probatur, quia corruptio est mutatio quæ est terminus motus, & idcirco oportet ut omne

Eadem est potentia contrariorum.

Quæ secundum naturam sunt contraria, in intellectu desinunt esse contraria.

Proprium susceptuum alicuius actus nullo modo est in potentia ad oppositum.



quod corrumpitur moueatur.

Oñauo, Intellectusualis substantia non patitur passione quæ ducat ad corruptionem: ergo, &c. patet cõsequencia, quia corrumpitur aliquid per hoc quod aliquid patitur. Antecedens verò probatur, quia omne quod recipitur in substantia intelligente, recipitur in ea intelligibiliter: quod autem sic in ea recipitur, est perfectiens eam, non corrumpens, cum intelligibiliter perfectio intelligens, ergo, &c.

Nono, Non corrumpitur propria corruptione, neque propter excellentiam sui obiecti, quia qui intelligit magis intelligibilia, magis etiam intelligit minus intelligibilia, nec propter corruptionem subiecti, cum à subiecto non dependeat, ergo, &c. Patet cõsequencia, quia sicut sensibile est obiectum sensus, ita intelligibile est obiectum intellectus. Sensus autem non corrumpitur nisi aut propter excellentiam sui obiecti, aut propter corruptionem subiecti.

Sensus corrumpitur & ab excellenti sensibili & corruptione subiecti.

CIRCA ea quæ hic de sensu dicuntur occurrit dubium, quia videtur velle sanctus Thomas sensum corrumpi per se ab excellentia sui obiecti, per accidens autem ex corruptione organi, quasi sensus dupliciter corrumpatur, scilicet aliquando per se abque organi corruptione, aliquando autem propter organi corruptionem. Hoc autem non videtur esse verum: non enim alia ratione videtur excellens sensibile sensum corrumpere, nisi quia organi proportionem soluit: & sic non corrumpitur sensus etiam ab excellenti sensibili nisi propter corruptionem organi.

Ad hoc dupliciter potest responderi. Primo, quod per subiectum non intelligit sanctus Thomas organum sensus, sed ipsum animal: & sic non distinguitur corruptio sensus propter excellentiam sensibilibus, à corruptione ipsius propter corruptionem organi, sed à corruptione ipsius propter corruptionem animalis. Illa enim quæ est propter excellentiam sensibilibus, dicitur propria corruptio sensus, quia conuenit sensui inquantum sensus est, vt potest à proprio obiecto provenire. Alia verò non est sibi propria, sed conuenit sibi tantum inquantum est accidens animalis.

Secundo respondetur potest, quod per subiectum sensus intelligit sanctus Thomas eius organum, vulgo quod ad eius corruptionem dupliciter corrumpi potest: sicut dupliciter ipsum organum corrumpi contingit. Nam cum organum dupliciter ad sensum comparari possit, scilicet tanquam eius instrumentum coniunctum, per quod suam operationem exercet, & tanquam subiectum ipsum in esse sustentans. Inquantum est instrumentum, ab excellentia sensibilibus illius sensus corrumpi habet, tanquam à proprio corruptiuo, eò quod talis excellentia sensibilibus, organi proportionem soluat, per quam est ad operationem sensus idoneum: à valde enim fulgidis, oculi proportio soluitur, quæ ad actum visionis eliciendum requiritur. Inquantum verò est subiectum sensus, quod est ex contrariis compositum, à qualitatibus actiuis, calido scilicet frigido & similibus habet corrumpi, sicut & alia quæ ex contrariis sunt composita. Similiter ergo sensus dupliciter potest ad corruptionem organi per accidens corrumpi, scilicet ad corruptionem eius vt organum est, & ad eius corruptionem vt est subiectum. Prima corruptio est propria sensui, quia conuenit ei inquantum sensus est, & tali corpore vt instrumento coniuncto ad sentiendum vitur, si quæ ab excellentia proprii sensibilibus tanquam à proprio corruptiuo organi sui vt organum est. Secunda verò non est sibi propria, sed est sibi & aliis formis accidentalibus communis: commune est enim, omni accidenti, vt ad sui subiecti corruptionem corrumpatur. Hæc autem corruptio organi, vt dictum est, à communibus corruptiuis fit, scilicet à qualitatibus actiuis, vt naturaliter agunt. Ex his patet non esse mentem sancti Thomæ, hoc loco, quod sensus per se absque organi corruptione ab excellentia proprii sensibilibus corrumpatur, sed quod ad organi corruptionem corrumpitur, quandoque quidem propria corruptione, quando scilicet organum inquantum huiusmodi ab excellentia proprii sensibilibus corrumpitur: quandoque verò corruptione omnibus accidentalibus communi, quando scilicet organum inquantum subiectum corrumpitur corruptione non ab excellentia proprii sensibilibus, sed ab aliis agentibus proveniente, secundum quam ipse sensus per accidens corrumpi dicitur, non autem propria corruptione.

SED circa istam responsionem dubium occurrit. Sensibile enim excellens si propria corruptione corrumpit sensum per se, hoc non potest nisi per receptionem suæ speciei sensibilibus in sensu & in organo. Sed species sensibilibus existens in sensu non potest sensum aut organum sensus corrumpere, cum talis species habeat in sensu esse intentionale, intentio autem naturalis transmutationem non causet, vt dicitur Prima parte quæst. 67. artic. 3. & 2. Sent. dist. 11. artic. 3. ergo, &c.

Respondetur negando minorem. Ad autoritatem sancti Thomæ dicitur, quod licet forma habens esse intentionale, inquantum huiusmodi, non sit corruptiua aut actiua alicuius effectus naturalis secundum se, potest tamen obiectum sensus, talem formam imprimendo, naturalem transmutationem causare: sicut licet virtus principalis agentis existens intentionaliter instrumento non possit ex se inquantum habet tale esse diminutum, effectum principalis agentis causare, ipsum tamen principale agens potest per ipsam sic existentem in instrumento operari. Intendit ergo sanctus Thomas, quod intentio secundum se non potest naturalem transmutationem causare: non autem negat quin obiectum per ipsam intentionem organo sensus impressam organi proportionem soluere possit.

Decimo, Intelligibile inquantum intelligibile, est necessarium & incorruptibile: quod patet ex hoc, quod necessaria sunt secundum se perfectè intellectu cognoscibilia, contingentia autem non nisi inquantum sunt incorruptibilia, scilicet inquantum sunt vniuersalia. Ergo oportet intellectum esse incorruptibilem. Probatur cõsequencia, quia quod cõuenit intelligibili inquantum est intelligibile, oportet conuenire intellectui inquantum huiusmodi, quia perfectiorem & perfectibile oportet esse vnius generis.

CIRCA illam propositionem, Necessaria sunt perfectè intellectu cognoscibilia, aduertendum, quod loquitur sanctus Thomas de ipsis necessariis secundum se consideratis, & de perfectione cognitionis se tenente ex parte intelligentis: necessarium enim quantum est ex se, natum est intelligi certa cognitione & euidenti, quæ est perfecta cognitio ex parte cognoscentis.

perfectibile & perfectum oportet esse vnius generis.

CIRCA consequentiæ probationem dubitatur, quoniam si ideo intellectus est incorruptibilis, quia sua perfectio est incorruptibilis, eò quod oportet perfectibile & perfectum esse vnius generis, sequeretur corpus hominis esse incorruptibile: eius enim perfectio scilicet anima intellectiua, est incorruptibilis.

AD huius euidentiæ considerandum est, quod perfectio propria alicuius comparatur ad suum perfectibile sicut proprius actus ad propriam potentiam: proprius autem actus & propria potentia in eodem rerum ordine reponuntur, cum oporteat materiã esse proportionatam formæ. Vnde nulla potentia respicit tanquam propriam formam aliquid superioris aut inferioris ordinis, alioquin non esset proportio inter materiã & formam, sicut materia generabilium non respicit tanquam proprium actum formam corporis celestis, cum illa sit superioris ordinis, vt potest quæ est completiua totius capacitatis suæ materiæ, quod complementum materiæ generabilium per vnam formam cõuenire non potest: neque etiam materia celi est receptiua alius formæ generabilium & corruptibilium, quia forma rei generabilis & corruptibilis relinquit materiã in qua recipitur, in potentia ad aliam formam, quod est à materiã celi longè alienum. Cum ergo inquit san. Tho. oportere perfectibile & suam perfectionem esse eiusdem generis: per esse eiusdem generis intendit esse eiusdem ordinis. Sic enim cum intelligibile inquantum intelligibile sit proprius actus intelligentis, inquantum intelligens est, oportet intellectum & intelligibile inquantum huiusmodi, esse vnius ordinis rerum: & ideo cum intelligibile, vt sit, sit de ordine incorruptibilium, cum sit abstractum à materiã indiuiduali, quæ est principium corruptionis, necesse est intelligibilem vt sic, esse incorruptibilem. Istis suppositis, dicitur ad obiectionem ex doctrina sancti Tho. Prima parte, quæst. 76. & in Quæst. De Anima, art. 8. quod anima intellectiua est eiusdem generis siue eiusdem ordinis cum corpore humano, quantum ad ea secundum quæ tale corpus assumitur, vt perfectibile ab anima. Non autem oportet vt sit eiusdem ordinis quantum ad illud quod consequitur ex necessitate materiæ, & non secundum intentionem primam eligentis materiã propter formam: corpus autem humanum accipitur vt materiã animæ intellectiue inquantum est cõueniens instrumentum ad operationes sensitiuas quibus mediatis accipiat species intelligibiles à rebus: non enim (vt dicitur Prima parte, vbi supra, ar. 5. ad secundum) animæ intellectiue debetur corpus propter ipsam intellectualem operationem secundum se, sed propter sensitiuam virtutem. Vt sic autem sunt eiusdem ordinis anima & corpus, quia anima intellectiua requirit organum æqualiter proportionatum, vt est principium sentiendi, & corpus est sic proportionatum vt sit conueniens ad sentiendum: vnde vtrumque ponitur in ordine sensibili. Vnum quidem, sicut actus, alterum verò sicut potentia: corruptibilitas autem sequitur ex necessitate materiæ, eò quod corpus sic æqualiter proportionatum & ex contrariis mixtum necessariò corrumpatur, & accidit ipsi inquantum assumitur vt materiã talis formæ, sicut accidit ferro, vt sumitur tanquam materiã ferræ, quod rubiginem contrahat, eligeret enim artifex magis materiã ad quam non consequitur talis defectus, si posset inueniri. ideo non oportet animam intellectualem, & corpus humanum esse eiusdem ordinis quantum ad corruptibilitatem aut incorruptibilitatem, sed bene intelligibile & intellectum, quia corruptibilitas non potest sequi ex alia quæ necessitate materiæ in intellectu cum sit immaterialis, & immixtus. Vnde ad rationem negatur cõsequencia, quia corruptibilitas sequitur corpus hominis ex necessitate materiæ. Propositio autem san. Tho. sic intelligitur, quod perfectionem & perfectibile oportet esse eiusdem ordinis & modi essendi, nisi per accidens aliter eueniat ex necessitate materiæ, & præter agentis primam intentionem.

Vndecimo, Intellectus non perficitur per motum, sed per hoc, quod est extra motum existens: quod patet, quia perficitur per scientiam & prudentiam sedatis animæ passionibus, vt dicitur 7. Phisic. ergo modus substantiæ intelligentis est, quod esse suum sit supra motum & tempus, ergo, &c. Probatur prima cõsequencia, quia vnumquodque perficitur secundum modum suæ substantiæ. Secunda etiam probatur, quia esse cuiuslibet rei corruptibilis subiaceat motui & tempori.

SED videtur ista ratio non concludere, quia licet per cessationem alicuius motus extrinseci anima per scientiam & prudentiam perficiatur, cum hoc tamen stare potest, quod per motum ipsius intellectus perficiatur anima per prudentiam & scientiam: sicut quia per statum venti impeditur ali-quando ne lignum comburatur, ideo non comburitur nisi cessante vento & motu aëris: & tamen cessante motu aëris comburitur lignum per motum ipsius ligni. Similiter licet ad acquirendam scientiam & prudentiam oporteat sedari animæ passiones & perturbationes corporis, quia illæ iudicium intellectus impediunt, cum fuerint inordinate, non tamen per hoc nec necessariò habetur quod cessantibus illis motibus scientia & prudentia adueniant animæ absque motu ipsius intellectus.

Intellectus perficitur sedatis animæ passionibus.

AD huius euidentiæ considerandum ex doctrina san. Th. 7. Phisic. in exp. tex. 10. quod cum intellectus sit in vltima dispositione ad recipiendum speciem intelligibilem, si secundum se cõsideretur, statim deductis impedimentis ad præsentiam obiectorum per experimentum acceptorum informatur specie intelligibili: sicut speculum forma speculati ad præsentiam corporis, quia verò per inordinatas animi passiones & corporis perturbationes anima ab acquisitione impeditur scientiæ, ideo remotis & sedatis huiusmodi passionibus, statim causantur species in intellectu earum quorū experimentalis iam est habita cognitio. Et idcirco subita ista acquisitio scientiæ per cessationem motus extrinseci, signum est quod scientia non acquiritur per motum ipsius intellectus neque per se requiritur alteratio præcedens licet requiratur remotio prohibentis: & sic patet quod intellectus per se loquens perficitur non per motum, sed per hoc quod est aliquid extra motum & tempus existens.

AD dubium ergo dicitur primo, quod non stant simul per cessationem motus extrinseci animam perfici per scientiam statim, vt intendit san. Tho. & ipsam per motum acquirere scientiam, quia quod statim remoto impedimento perficitur, non actuatur per motum ad exemplum quod adducitur, dicitur quod non est ad propositum, quia lignum non statim ad cessationem commotionis aëris incenditur, eò quod non sit in vltima dispositione ad formam ignis, sicut intellectus est secundum se in vltima dispositione ad formas intelligibiles & ad scientiam.

Duodecimo, Substantiæ intellectuales naturali desiderio appetunt esse perpetuum, ergo, &c. Patet cõsequencia, quia naturale desiderium non potest esse frustratum, cum natura nihil frustra operetur. Probatur antecedens, Cognoscunt & apprehendunt esse perpetuum: ergo & illud naturaliter appetunt. Probatur cõsequencia ex comparatione ad ea quæ cognitione carent, illa enim quorum principis inest virtus ad conferendum esse perpetuum secundum numerum, appetitu consequente illa principia appetunt esse perpetuum.



perpetuum secundum numerum. Quorum autem principia habent virtutem ad conseruandum esse perpetuum secundum speciem, illa appetunt esse perpetuum secundum speciem, ergo & illa quæ non cognoscunt esse nisi vi nunc, appetunt esse tantum vi nunc, appetitu sequente cognitionem, non autem esse perpetuum: quæ autem cognoscunt esse perpetuum, etiam perpetui esse appetunt. Patet consequentia, quia & per appetitum sequentem principia naturalia, & per appetitum sequentem cognitionem, inest rebus naturale desiderium essendi: cuius signum est, quod & cognitione caretia, & quæ cognitionem habent resistunt corruptentibus vnumquodque suo modo. Antecedens huius rationis eiusque probationem dupliciter interpretari possumus, & vtroque modo ad mentem sancti Thomæ.

Substantiæ intellectuales appetunt esse perpetuum naturaliter: quia illud apprehendunt.

Ad euidentiam primæ interpretationis sciendum primum, quod substantias intellectuales apprehendere esse perpetuum in proposito est ipsas apprehendere esse absolute, apprehendere autem esse absolute, est apprehendere esse absolute aliqua limitatione: & cum dupliciter limitare possit esse, scilicet sicut actus limitatur per potentiam in qua recipitur, quo modo dicimus esse humanum, aut esse angelicum, & sicut mensuratum tempore dicitur limitari ad aliquod tempus determinatum: quomodo dicimus esse vnius diei, aut vnius mensis, aut vnius anni, & similia, apprehendere hoc loco esse absolute & absolute limitatione est apprehendere esse sine determinatione ad aliquam naturam, & sine determinatione ad aliquod tempus, sed solum inquantum est existere in rerum natura. Esse autem sic absolute consideratum est esse sempiternum & perpetuum negative, quia videlicet nullis terminis durationis claudetur, non autem est positum perpetuum, quia sicut abstrahit ab hoc aut illo tempore, ita abstrahit à temporis perpetuitate: consequentius tamen oportet ipsum esse perpetuum etiam positum, quia si existeret in natura ut absolute apprehenderetur & appetitur, cum abstrahat ab omni temporis limitatione, oportet ut omni tempore necessarii duraret, sicut quia abstrahit ab omni natura limitante, oportet ut omnem cuiuscunque naturæ perfectionem essendi contineret: unde sese in Deo concomitantur esse abstractum omnem essendi perfectionem continens & esse æternum ab omni temporis differentia abstractum.

Ad vertendum secundum, quod res apprehensa non mouet appetitum nisi apprehendatur sub ratione boni & conuenientis: ideo appetitus rationalis creaturæ ad esse absolute, non consequitur ad apprehensionem esse perpetui, nisi inquantum esse absolute apprehenditur sub ratione boni & conuenientis. Fundamentum ergo huius rationis est, quod quia natura intellectus ut sic apprehendit tanquam bonum & appetibile esse absolute absque determinatione ad aliquod certum tempus, ideo appetit esse absolute, non cum aliqua determinatione ad aliquod tempus: sic autem appetere primum ipsum ut sibi conuenit perpetuitas, negative quidem primum, sed secundario & consequentiæ etiam affirmatiue.

Secundum eam probationem interpretari possumus, ut per esse perpetuum intelligamus esse cum ipsa perpetuitate consideratum, ut scilicet contra esse tempore distinguatur. Et tunc sensus rationis est, quod cum natura intellectualis apprehendat per modum boni & appetibilis ipsum esse cum perpetuitate (non est enim dubium quin perpetuitate essendi cognoscat, & eam bonam esse iudicet) cum nobilissimum ens, qui est Deus, cognoscat esse æternum, ideo appetit ipsum esse simul perpetuitatem in essendo appetendo, sicut & ea quorum principia inest virtus ad conseruandum esse perpetuum, appetunt esse cum perpetuitate. Apprehensio enim boni in habentibus intellectum se habet ad appetitum intellectualem, sicut principium & forma non habentis cognitionem se habet ad appetitum naturalem.

Et contra vtramque expositionem dubitatur. Contra primam quidem, quia si ad appetere esse absolute, quod est esse vniuersale & sempiternum negative, consequitur appetere esse perpetuum positum, ut prima expositio dicit, sequitur quod cognitio quæ cognoscitur & apprehenditur esse absolute, sit etiam apprehensio perpetuitatis essendi: ita quod perpetuitas sit pars loci, sit etiam cognitio. Appetitus enim non fertur nisi in cognitum: hoc autem est obiecti cognitum. Appetitus enim non fertur nisi in cognitum: hoc autem est obiecti cognitum. Appetitus enim non fertur nisi in cognitum: hoc autem est obiecti cognitum. Appetitus enim non fertur nisi in cognitum: hoc autem est obiecti cognitum.

Contra secundam verò expositionem arguitur, quia appetitus consequens apprehensionem perpetuitatis non videtur naturalis, sed magis imperfecta quædam voluntas, secundum quam voluntas vellet omnes perfectiones si possibile esset. Confirmatur, quia secundum hoc sequeretur quod vniuersique homo naturaliter appetere esse perpetuum, cum vniuersique apprehendat esse perpetuum, quod tamen est falsum, quia tunc quilibet homo esset perpetuus iuxta rationem hanc positam. Contra ipsum quoque antecedens instari potest ex Scoto, ubi supra, ad primum. Aut enim arguitur de desiderio naturali proprie dicto, & tunc ad probandum desiderium naturale ad aliquid, oportet probare possibilitatem in illa natura ad illud: & sic in proposito ad probandum naturam intellectualem naturaliter appetere perpetuum esse, oportet prius ostendere in ipsa esse possibilitatem ad esse perpetuum, & econtra prius arguere, esse perpetuum principij. Aut arguitur de desiderio naturali minus proprie dicto, qui est actus elicitus, & tunc non potest probari quod aliquid desiderium sit naturale nisi prius probetur quod ad illud sit desiderium naturale primo modo, & per consequens nisi prius probetur possibilitas in natura ad illud: & ideo, ut prius arguebatur, probare possibilitatem naturalem in natura ad illud ex naturali desiderio, est petere principium.

Ad primam harum obiectionum dicitur, quod appetitus se habet ad conditionem obiecti appetibilis sibi proposti, eo modo quo ad ipsam se habet apprehensio: si enim apprehendatur tanquam bonum, aut tanquam ratio bonitatis, tunc appetitus fertur in ipsam per se ut in rem appetitam, aut rationem rei appetitæ. Si autem non apprehendatur, sed concomitetur obiectum apprehensum, ut sic appetitur etiam concomitanter, & tanquam conditio rei appetitæ & per aliud, sicut si intellectus apprehendat bonum vniuersale tanquam bonum, & appetibile apprehendendo ipsum ut omnem perfectionem includit, ita quod includere omnem perfectionem sit pars obiecti cognitum, appetitus hanc cognitionem sequens fertur per se in bonum vniuersale, & in ipsam continentiam omnis perfectionis tanquam in rem appetitam, si autem apprehendat communem rationem boni per abstractionem ab omni principio limitante ad particularem aliquam boni rationem, nihil aliud de ipso bono communi apprehendendo, tunc continentia omnis bonitatis & per-

fectionis non est pars obiecti cognitum, sed conditio concomitans obiectum cognitum, & appetitus illam apprehensionem sequens fertur in continentiam omnis perfectionis, non per se, sed per aliud, & concomitanter, inquantum illa est conditio concomitans obiectum appetitum. Sic ergo in proposito, quia apprehensionem esse absolute absque limitatione ad aliquod tempus, concomitatur perpetuitas essendi negative tanquam conditio obiecti cognitum ut sic, ideo & appetitus ipsius esse absolute fertur concomitanter tantum in ipsam perpetuitatem essendi negative sumptam, & quia in esse sic perpetuum negative, includitur perpetuitas affirmatiue sumpta implicite, quia si poneretur in rerum natura esse absolute ut intelligitur, illud perpetuum duraret ex quo nullum sibi certum tempus determinaret. Ideo in apprehensione esse perpetui negative apprehenditur implicite esse perpetuum affirmatiue, & appetitus esse absolute appetit implicite esse perpetuum affirmatiue: & sic patet quod eo modo quo appetitur esse perpetuum, etiam ab intellectu apprehenditur, & econverso sicut apprehenditur, ita appetitur.

Ad euidentiam secundi dubij, considerata est similitudo quam ponit sanctus Thomas inter principia naturalia rei, & cognitionem boni, quia scilicet sicut ad principia naturalia consequitur appetitus essendi naturalis, ita & ad apprehensionem ipsius esse cuius signum ponit, quia & ea quæ cognitione carent, & ea quæ cognitionem habent, resistunt corruptentibus. Illa quidem secundum virtutem suorum principiorum naturalium, ista autem secundum modum suæ cognitionis. Ex hac enim similitudine & comparatione apparet, quod sicut secundum conditionem principiorum naturalium, appetitus illa principia consequens naturaliter appetit esse, quia quorum principia habent virtutem ad esse perpetuum, illa naturaliter appetunt esse perpetuum. Illa verò quorum principia non habent virtutem ad conseruandum esse perpetuum, sed usque ad terminatum tempus, non appetunt naturaliter esse nisi tanto tempore: ita secundum modum apprehensionis ipsius esse, oportet esse modum appetendi esse naturaliter, ut illa scilicet quæ apprehendunt esse ut nunc, desiderant naturaliter esse ut nunc. Quæ autem apprehendunt esse perpetuum, desiderant naturaliter esse perpetuum. Cum ergo obicitur, quia ista est tantum quædam imperfecta voluntas, hoc negatur, nec est simile de esse, & de aliis perfectionibus aliarum rerum, quia esse naturaliter appetitur ab vnoquoque suo modo, non autem aliarum rerum perfectiones naturaliter appetuntur ab vnoquoque: ideo & naturaliter appetitur ipsum esse secundum modum quo apprehenditur. Ad confirmationem dicitur, quod consequentia non tenet, quia apprehensio qua homo apprehendit esse perpetuum, non est operatio totius compositi, quasi a composito immediate elicit, sed est operatio solius animæ secundum quam etiam dicitur homo intelligere, sicut & ab operatione partis totum denominatur. Ideo non oportet ut ipsum compositum naturaliter appetat esse perpetuum, sed ut sola anima hominis perpetuitatem naturaliter appetat, cuius solius est perpetuitatem apprehendere. Unde inferius sanctus Thomas eodem argumento probans animæ humanæ perpetuitatem concludit, consequitur ergo homo perpetuitatem secundum animam qua esse simpliciter & secundum omne tempus apprehendit.

Ad tertiam obiectionem quæ sumitur ex Scoto, dicitur quod accipitur hoc loco appetitus naturalis, ut dicitur ad eum elicitorum necessarii cognitionem & apprehensionem boni consequentem. Cum verò arguitur quod esset petitio principij, negatur, quia quod tale desiderium naturale substantiis intellectualibus inest, probatur ex eo quod apprehendunt esse perpetuum. Ex hoc autem naturali appetitu à posteriori concluditur ipsas esse perpetuas & incorruptibiles.

Tertio decimo, Non potuerunt incipere nisi per potentiam primi agentis: ergo non possunt definire esse nisi per potentiam primi agentis. Probatur antecedens, quia non sunt ex materia quæ potuerit præfuisse. Consequentia etiam probatur, quia quæ incipiunt & desinunt esse, per eandem potentiam habent vtrumque.

Possent autem aliquis hac ratione motus arguere, Possunt tales substantiæ definire esse per potentiam primi agentis, ergo sunt corruptibiles: cuius oppositum hic intenditur.

Respondet sanctus Thomas negando consequentiam, tum quia res dicuntur necessaria & contingentes non per potentiam extrinsecam, sed per intrinsecam, tum quia cum sit eis proprium quod sint perpetue, non hoc subtrahit ab eis Deus, licet absolute eas annihilare posset: cum enim Deus sit naturæ institutor, non subtrahit à rebus, quod est proprium naturæ earum.

Et de occurrit dubium hoc loco. Videtur enim quod hic dicitur, aduersariis quæ superius in secunda ratione dicta sunt. Ibi enim ostensum est quod substantiæ quæ sunt ipsæ formæ, nunquam possunt priuari esse, & quod impossibile est ut esse definant, eo quod esse per se consequatur formam: hic autem dicitur quod possunt definire esse per potentiam primi agentis.

Ad hoc dupliciter responderi potest. Primum quod superius intellexit eas non posse definire esse per potentiam aliquam intrinsecam, quomodo dicerentur corruptibiles: hinc autem non repugnat quod definire possint per potentiam extrinsecam primi mouentis, ut hic dicitur.

Secundum potest responderi, quod superius intellexit eas non posse priuari esse ipsas, aut aliquo ipsarum in natura manentibus, quod est per corruptionem definire esse: non potest enim aliquid ipsarum remanere sub non esse ipsarum, cum sint omnino secundum substantiam simplices. Hic autem vult quod possint definire esse per annihilationem, in qua nihil rei annihilatæ remanet in natura. Constat autem hæc nullam inter se contradictionem habere.

Confirmatur conclusio auctoritate Psal. Laudate Dominum de cælis, &c. ubi enumeratis Angelis & cælestibus corporibus subiungitur, Statuit ea in æternum, &c. & Dionysium 3. cap. De Diuin. No. ait quod propter diuinæ bonitatis radios, &c.

Vtrum substantia intellectualis possit vniri corpori, & per quem modum.

Cap. 56.

Um autem supra ostensum sit, substantiam intellectualem non esse corpus, neque virtutem aliquam à corpore dependentem: restat inuestigandum vtrum aliqua substantia intellectualis corpori possit vniri.



Prima conclusio.  
Prima probatio.

† Cap. 50.

† Cap. 44.

Secunda conclusio.  
Prima probatio.

† Primi contactus virtutis à contactu corporeo triplex differentia.

Vnum simpliciter tripliciter dicitur.

Est autem primò manifestum quòd substantia intellectualis non potest corpori vniri per modum mixtionis. Quæ enim misceantur, oportet adinuicem alterata esse: quod non contingit nisi in his quorum est materia eadem, & quæ possunt esse actiua & passiua adinuicem. Substantiæ autem intellectuales non communicant in materia cum corporalibus: sunt enim immateriales, vt supra ostensum est. Non sunt igitur corpori miscibiles.

2. Adhuc, Quæ misceantur mixtione iam facta non manent actiua, sed virtute tantum: nam si actiua manerent, non esset mixtio, sed confusio tantum. Vnde corpus mixtum ex elementis, nulum eorum est: hoc autem impossibile est accidere substantiis intellectualibus, sunt enim incorruptibiles, & vt supra ostensum est. Non igitur potest substantia intellectualis vniri corpori per modum mixtionis.

Similiter autem patet, quod substantia intellectualis non potest vniri corpori per modum contactus propriè sumpti. Tactus enim non nisi corporum est: sunt enim tangentia, quorum vltima sunt simul, & puncta vel lineæ aut superficies, quæ sunt corporum vltima. Non igitur per modum contactus substantia intellectualis corpori vniri potest. Ex hoc autem relinquatur, quod neque continuatione, neque compositione, aut colligatione, ex substantia intellectuali & corpore vnum fieri possit: omnia enim hæc sine contactu fieri non possunt.

Est tamen quidam modus contactus, quo substantia intellectualis corpori vniri potest: corpora enim naturalia tagendo se alterant, & sic adinuicem vnuntur, non solum secundum vltima quantitatis, sed etiam secundum similitudinem qualitatis aut formæ, dum alterans formam suam imprimit in alteratum. Et quauis si considerentur solum vltima quantitatis, etiam oportet in omnibus mutuū esse tactum: tamen si attendatur ad actionem & passionem, inueniuntur aliqua esse tangentia tantum, & aliqua tacta tantum. Corpora enim celestia, tangunt quidem hoc modo elementaria corpora, in quantum ea alterant, non autem tanguntur ab eis: quia ab eis non patiuntur. Si igitur sint aliqua tangentia quæ in quantitatibus vltimis non tangant, dicentur nihilominus tangere in quantum agunt: secundum quem modum dicimus quod contristans non tangit. Hoc igitur modo tagendi possibile est vniri substantiæ intellectuali corpori per contactum: agunt enim substantiæ intellectuales in corpora, & mouent ea, cum sint immateriales, & magis in actu existentes. Hic autem tactus non est quantitatis, sed virtutis: vnde differt hic tactus à tactu corporeo in tribus. † Primò, quia hoc tactus, id quod est indiuisibile, potest tangere diuisibile: quod in tactu corporeo non potest accidere, nam puncto non potest tangi nisi indiuisibile aliquod. Substantia autem intellectualis quamuis sit indiuisibilis, potest tangere quantitatem diuisibilem in quantum agit in ipsam: alio enim modo est indiuisibile punctum, & substantia intellectualis. Punctum quidem est sicut quantitatis terminus: & ideo habet situm determinatum in continuo ultra quem porrigi non potest: substantia autem intellectualis est indiuisibilis, quasi extra genus quantitatis existens. Vnde non determinatur ei indiuisibile aliquod quantitatis ad tangendum. Secundo, quia tactus quantitatis est solum secundum vltima: tactus autem virtutis est ad totum quod tangitur, sic enim tangitur secundum quod patitur & mouetur: hoc autem fit secundum quod est in potentia. Potentia autem est secundum totum, & non secundum vltima totius: vnde totum tangitur. Ex quo patet tertia differentia, quia in tactu quantitatis quæ fit secundum extrema, oportet esse tangens extrinsecum ei quod tangitur: & non potest incidere per ipsum, sed impeditur ab eo. Tactus autem virtutis qui cõperit substantiis intellectualibus, cum sit ad intima, facit substantiam tangentem esse intra id quod tangitur, & incedentem per ipsam absque impedimento: sic igitur substantia intellectualis potest corpori vniri per contactum virtutis. Quæ autem vnuntur secundum talem contactum, non sunt vnum simpliciter: sunt enim vnum in agendo & patiundo, quod non est esse vnum simpliciter, sic enim dicitur esse vnum quomodo & ens, esse autem agens non significat esse simpliciter: vnde nec esse vnum in agendo, est esse vnum simpliciter. Vnum autem simpliciter, tripliciter dicitur. Vel sicut indiuisibile, vel sicut continuum, vel sicut quod est ratione vnum: ex substantia autem intellectuali, & corpore, non potest fieri vnum quod sit indiuisibile, oportet enim illud esse cõpositum ex duobus. Nec iterum quod sit continuum: quia partes cõtinui quantæ sunt. Relinquatur igitur inquirendum verum ex substantia intellectuali & corpore possit fieri vnum, sicut quod est ratione vnum. Ex duobus autem permanentibus non fit ratione vnum, nisi sicut ex forma substantiali & materia: ex substantia enim & accidente non fit

ratione vnum, non enim est eadem ratio hominis & albi. Hoc igitur inquirendum relinquatur, vtrum substantia intellectualis corporis alicuius forma substantialis esse possit. Videtur autem rationabiliter considerantibus hoc esse impossibile. Ex duabus enim substantiis actu existentibus non potest fieri aliquid vnum: actus enim cuiuslibet est id quod ab altero distinguitur, substantia verò intellectualis est substantia actu existens, vt ex præmissis apparet. Similiter autem & corpus: non igitur potest aliquid vnum fieri, vt videtur, ex substantia intellectuali & corpore.

2. Adhuc, Forma & materia in eodem genere continentur: omne enim genus per actum & potentiam diuiditur. Substantia autem intellectualis & corpus sunt diuersa genera: non igitur videtur possibile vnum esse formam alterius.

3. Amplius, Omne illud cuius esse est in materia, oportet esse materiale, sed si substantia intellectualis est forma corporis, oportet quod esse eius sit in materia corporali: non enim esse formæ est præter esse materiæ. Sequitur igitur quod substantia intellectualis non sit immaterialis, vt supra ostensum est.

4. Item, Impossibile est id cuius esse est in corpore, esse à corpore separatim: intellectus autem ostenditur à Physicis esse separatus à corpore, & quod neque est corpus, neque virtus in corpore. Non est igitur intellectualis substantia forma corporis: sic enim esse eius esset in corpore.

5. Adhuc, Cuius esse est commune corpori, oportet & operationem communem esse: vnumquodque enim agit secundum quod est ens, nec virtus cuius operatiua rei potest esse sublimior quàm eius essentia, cum virtus essentia principia consequatur. Si autem substantia intellectualis sit forma corporis, oportet quod esse eius sit sibi & corpori commune: ex forma enim & materia fit aliquid vnum simpliciter, quod est secundum esse vnum. Erit ergo & operatio substantiæ intellectualis communis corpori: & virtus eius, virtus in corpore, quod ex præmissis patet esse impossibile.

Super cap. 56.



Officium determinauit sanctus Thomas de substantia intellectuali quantum ad eius naturam, incipit de ipsa quantum ad unionem eius ad corpus determinare. Circa hoc autem duo facit. Primò, ostendit aliquam intellectualem substantiam vniri corpori. Secundo, ostendit præter hanc, esse alias corporibus non vnitas, cap. 91. Quantum ad primum duo facit. Primò ostendit animam rationalem vniri corpori. Secundo inquit quali corpori vnatur, cap. 90. Circa primum tria facit. Primò agit de ipsa unionem animæ intellectiue ad corpus secundum se. Secundo de duratione ipsius ante & post unionem, cap. 79. Tertio de eius productione dictam unionem causante, cap. 87. Circa primum duo facit. Primò determinat de ipsa substantia animæ intellectiue vnitas. Secundo de potentia eius quæ sunt intellectus possibilis, & intellectus agens, cap. 73. Quantum ad primum duo facit. Primò ostendit quid in hac difficultate sit manifestum. Secundo quid sit dubium circa medium præsentis capituli.

Quantum ad primum ponuntur tres conclusiones, quarum prima est, Substantia intellectualis non potest vniri corpori per modum mixtionis. Probatur primò, Substantia immaterialis non communicat in materia cum corporalibus, cum sit immaterialis: ergo non adinuicem alterantur, ergo non misceantur. Probatur prima consequentia, quia non contingit esse inuicem alterata, nisi quæ communicant in materia, quæ possunt esse actiua & passiua adinuicem. Secunda quoque probatur, quia quæ misceantur, oportet adinuicem esse alterata.

Secundo, Quæ misceantur, mixtione iam facta non manent actiua: sed virtute tantum, ergo, &c. Probatur antecedens, tum quia si manerent, non esset mixtio, sed confusio tantum, tum etiam significatio, quia corpus mixtum ex elementis nullum illorum est. Consequentia quoque probatur, quia substantiæ intellectuales sunt incorruptibiles.

A De euentiam huius propositionis, Quæ misceantur, mixtione iam facta non manent actiua, sed virtute tantum, vt de elementis in mixto patet, sciendum quod ista propositio sumitur ex Philosopho in libro De Generatione, vbi tenet in vera mixtione oportere vnumquodque miscibilium corrumpi, & ex ipsis sic corruptis aliquid tertium generari. Propter quod inquit in 2. quod si gutta vini mille amphoris aquæ apponatur, non fit vera mixtio, sed corruptio, quia videlicet gutta vini speciem amittit, & in aquam transmutatur: in mixtione autem non oportet vnum miscibilium in aliud conuerti, sed oportet vtrumque corrumpi, & in quoddam medium commune conuerti.

Quomodo autem dicantur miscibilia in mixto virtute manere, dupliciter à Thomistis exponitur. Quidam enim sic intelligunt, quod ex qualitatibus elementorum remissis resultat qualitas media realiter composita ex partibus diuersarum rationum, vtpote habens aliquid formaliter de calore, & aliquid de frigidityte, & sic de aliis, ita quod quandoque vna eius pars in tenditur, & alia remittitur, & secundum hoc mixtum magis appropinquat ad hoc elementum vel illud.

Habet autem hæc opinio fundamentum ex verbis sancti Tho. Primò, quia Prima parte, quæst. 76. art. 4. ad quartum, inquit, quod in mixto manent qualitates propriæ elementorum, sed remissæ, in quibus est virtus formarum elementarium. Secundo, quia De Mal. quæst. 5. artic. 5. ad sextum, dicit, quod contrariæ qualitates in corpore mixto regulantur & conservantur ne se inuicem corrumpant, per formam substantialem. Tertio, quia in Tractatu qui intitulatur, Quomodo Elementa manent in mixto, inquit, quod remissis excellentiis qualitatibus elementorum, ex eis constituitur qualitas media, quæ est propria qualitas corporis mixti differens in diuersis secundum diuersam mixtio

Tertia conclusio.  
Prima probatio.

Quomodo elementa manent in mixto.



mixtionis proportionem. Quarta, quia 4. Sent. dist. 4. quæst. 1. art. 1. quæst. 1. ad quartum, inquit, quod forma mixtionis est qualitas resultans ex qualitatibus simplicibus ad medium venientibus. Potest etiam hoc haberi ex ipso in fine 1. libri De Generatione, ubi exponens illa verba, Mixtio est miscibilium alteratorum unio, inquit, quod hæc alteratio solum est intelligenda in virtutibus siue qualitatibus eorum. Sed si alteratio sumatur improprie, mixtio est miscibilium alteratorum, id est corruptorum secundum formas unio. Hoc enim sic intelligi potest, quod ipsæ substantiæ quæ miscentur, non proprie uniuntur quasi remanentes in sua substantia alterata; imò corumpuntur, & desinunt esse: sed qualitates eorum sunt illæ quæ uniuntur, & remanent alterata; id est, remissa ab earum excellentiis, & sic constat qualitatem mixtionis esse quiddam compositum ex qualitatibus mixtorum remissis, & ad medium redactis. Potest etiam haberi hoc ex Arist. 3. Topic. cap. 9. ubi dicit albus esse quod est nigro impermixtus, ubi videtur velle quod in medio extrema actu contineantur. Alij verò dicunt ex qualitatibus elementorum corruptis generari medium qualitatem actu quiddam simplicem, utpote in qua non sit actu diversitas caliditatis & frigiditatis, aut aliarum qualitatibus virtualiter multiplicem, in quantum in ipsa virtualiter qualitates elementorum continentur. Hanc autem esse mentem sancti Thomæ probant ex verbis ipsius in 3. Sent. dist. 4. art. 2. quæst. 3. ad primum, ubi ait, quod in minus albo nihil est nigredinis, sed albedo minus intensa, ex quo videtur velle quod in medio non sint extrema in actu. Vtrique harum opinionum sustentari posset etiam in doctrina sancti Thomæ. Tenendo enim primam opinionem, quam etiam tenet Capreolus 2. Sent. dist. 15. in responsione ad ultimum, contra secundam conclusionem,

Ad id quod obicitur in contrarium ex verbis sancti Thomæ dupliciter responderi potest. Primum, quod non est eadem ratio de qualitatibus elementorum, & de coloribus, quia illæ sunt qualitates primæ, color autem est qualitas secunda, ex diversâ mixtione qualitatum primarum diversimodè resultans: secundo, quod intelligit sanctus Thomas de minus albo, quod cum magis albo est eiusdem speciei, non autem de minus albo, quod est alterius speciei ab albo, ut est rubeum, aut viride, quod est proprie medium inter album & nigrum: quemadmodum qualitas compluratonis, siue mixtionis est media inter qualitates elementorum. In tali enim minus albo, est etiam aliquid nigredinis. Tenendo autem secundam opinionem, dici potest ad auctoritates superius adductas, quod sufficit ad mentem sancti Thomæ, qualitates elementorum in qualitate complexionali virtualiter contineri. Ad Aristotelem verò dici potest, quod per nigrum non intelligit qualitatem, sed albedinis privationem. Sensus enim verborum eius est, quod albus dicitur quod minus de privatione albedinis habet, hoc est quod perfectiorem habet albedinem.

Secunda conclusio est, Substantia intellectualis non potest uniri corpori per modum contactus proprie dicti, patet quia talis contactus non est nisi corporum.

Corollarium, Non potest ex intellectuali substantia & corpore fieri vnum continuatione, aut compositione, aut colligatione, quia videlicet hæc sine contactu fieri non possunt.

Tertia conclusio, Possibile est substantiam intellectualem uniri corpori secundum contactum virtutis, quia talis tactus in agendo consistit, substantiæ autem intellectuales agunt in corpora, & movent ea, cum sint immateriales, & magis in actu existentes.

Ad huius autem manifestationem ponitur in litera triplex differentia inter tactum secundum virtutem, & tactum corporeum. Contactus enim virtutis indivisibile potest tenere divisibile, fit talis contactus non solum secundum visum, sed etiam secundum tactum, est quoque ad internam, facitque substantiam tangentem esse intra id quod tangitur, quorum nullum in tactu corporeo inuenitur.

ADVERTENDUM circa secundam & tertiam differentiam, quod potentia passiva secundum quam aliquid corporeum dicitur pati à substantia spirituali, aut moveri, est potentia substantiæ compositæ, non autem extremitatis quantitativæ, quoniam superficies secundum se non habet potentiam ad patiendum, licet substantia sit in potentia ad colores mediante superficie: sicut enim accidens per se non habet esse, ita sibi non convenit proprie pati. Et quia potentia rei compositæ est sibi intrinseca, ideo cum substantia ibi sit ubi operatur, oportet ut substantia spiritualis quæ corpus tangit, sit illi intrinseca, & per ipsam incedat, ita scilicet virtute tangendo, cum non sit aliquid ipsius corporis, quod ipsam intellectualem substantiam impedit, quin quid ipsius corporis, sicut moles corporis impedit ne aliud corpus ipsum quantum ad intrinsecam tangat. Quomodo autem substantia intellectualis sit in loco per contactum virtutis, dicitur in 3. Libro.

Quantum ad secundum ostendit sanctus Thomas quid in ipsa difficultate dubium sit. Et primo ostendit rationem dubitandi: cum enim ex solo contactu virtutis non fiat vnum simpliciter, non sufficit ad hoc ut dicatur substantia in se non esse vnum simpliciter, non sufficit ad hoc ut dicatur substantia intellectus sit vnum simpliciter corpori, quod sibi uniatur secundum virtutem, sed oportet quod ex ipso & corpore fiat vnum, aut sicut indivisibile, aut sicut continuum aut sicut ratione vnum. Certum est autem quod ex substantia intellectuali & corpore non potest fieri vnum sicut indivisibile, cum sint duo: nec continuate, cum scilicet non habeat quantitatem. Relinquitur ergo hoc solum inquirendum, utrum ex ipsis possit fieri vnum simpliciter, sicut quod est ratio & essentia vnum. Et quia ex duobus permanentibus non fit ratio vnum, nisi sicut ex materia & forma, dubitatio est, utrum substantia intellectualis alicuius corporis forma substantialis esse possit. Secundo ingreditur difficultatis moræ inquisitionem.

Circa quod quatuor principaliter facit. Primum enim ponit rationes ad partem falsam. Secundò, opiniones aliorum narrat in capitulo sequenti. Tertio, determinat veritatem, cap. 68. Quarto, rationes in oppositum adductas soluit, cap. 69.

Ponit ergo primo quinque rationes ostendentes, quod non potest substantia intellectualis corpori uniri ut forma substantialis: quarum prima est, quia ex duabus substantiis actu existentibus non potest fieri aliquid vnum.

Secunda, quia substantia intellectualis & corpus sunt diversæ genera, forma autem & materia in eodem genere continentur. Tertia, quia sequitur quod substantia intellectualis non sit immaterialis, quia suum esse erit in materia. Quarta, quia intellectus ostenditur à Philosophis esse separatus à corpore. Quinta, quia sequitur quod operatio substantiæ intellectualis sit communis corpori, sicut & esse eius.

Positio Platonis de unione animæ intellectualis ad corpus.

Cap. 57.



X hoc autem & similibus rationibus aliqui moti dixerunt quod nulla substantia intellectualis potest esse forma corporis. Sed quia huic positioni ipsa hominis natura contradicere videbatur, quia ex anima intellectuali & corpore videtur esse

compositus: excogitauerunt quasdam vias per quas naturam hominis saluarent. Plato igitur posuit, & eius sequaces, quod anima intellectualis non unitur corpori sicut forma materię, sed solum sicut motor mobili: dicens animam esse in corpore sicut nauta est in navi: & sic unio animæ & corporis non esset nisi per contactum virtutis, de quo supra dictum est. Hoc autem videtur inconueniens: secundum enim prædictum contactum non fit aliquid vnum simpliciter, ut ostensum est, ex unione autem animæ & corporis fit homo. Relinquitur igitur quod homo non sit vnum simpliciter, & per consequens nec ens simpliciter, sed ens per accedens. Ad hoc autem evitandum Plato posuit, quod homo non sit aliquid compositum ex anima & corpore: sed quod ipsa anima utens corpore, sit homo: sicut Petrus non est aliquid compositum ex homine & indumento, sed homo utens indumento. Hoc autem esse impossibile ostenditur. Animal enim & homo sunt quædam sensibilia & naturalia: hoc autem non esset si corpus & eius partes non essent de essentia hominis & animalis: sed tota essentia utriusque esset anima secundum positionem prædictam. Anima enim non est aliquid sensibile: neque materiale: impossibile est igitur hominem & animal esse animam utentem corpore, non autem aliquid ex anima & corpore compositum.

2. Item, Impossibile est quod eorum quæ sunt diversa secundum esse, sit operatio una: dico autem operationem unam, non ex parte eius in quod terminatur actio, sed secundum quod egreditur ab agente. Multi enim trahentes navim, unam actionem faciunt ex parte operati, quod est vnum, sed tamen ex parte trahentium, sunt multæ actiones: quia sunt diversi impulsus ad trahendum. Cum enim actio consequatur formam & virtutem, oportet quorum sunt diversæ formæ & virtutes, & actiones esse diversas. quamvis autem animæ sit aliqua operatio propria in qua non comunicat corpus, sicut intelligere: sunt tamen aliquæ operationes communes sibi & corpori, ut timere, & irasci, & sentire, & huiusmodi. Hæc enim accidunt secundum aliquam transmutationem alicuius determinatæ partis corporis: ex quo patet quod simul sunt animæ & corporis operationes. Oportet igitur ut anima & corpore vnum fieri, & quod non sint secundum esse diversa.

Huic autem rationi secundum Platonis sententiam obuiatur: nihil enim inconueniens est mouentis & moti, quamvis secundum esse diversum, esse eundem actum. Nam motus est idem quod actus mouentis, sicut à quo est: moti autem sicut in quo est.

Sic igitur Plato posuit præmissas operationes esse animæ corporisque communes, ut videlicet sint anime sicut mouentis, & corporis sicut moti. Sed hoc esse non potest: quia, ut probat Philosophus in 2. De Anima, sentire accedit in primo moveri à sensibilibus exterioribus. Vnde non potest homo sentire absque exteriori sensibili: sicut non potest aliquid moveri absque mouente. Organum igitur sensus mouetur & patitur in sentiendo, sed ab exteriori sensibili: illud autem quod patitur, est sensus. Quod ex hoc patet, quia carētia sensu non patiuntur à sensibilibus tali modo passionis. Sensus igitur est virtus passiva ipsius organi: anima igitur sensitiva non habet se in sentiendo sicut mouens & agens, sed sicut quod patiens patitur, quod impossibile est esse diversum secundum esse à patiente. Non est igitur anima sensibilis secundum esse diversa à corpore animato.

3. Præterea, Licet motus sit communis actus mouentis & moti, tamen alia operatio est facere motum, & recipere motum: unde & duo prædicamenta ponuntur facere & pati. Si igitur in sentiendo anima sensitiva se habet ut agens, & corpus ut patiens, alia erit operatio animæ, & alia corporis: anima igitur sensitiva habebit aliquam operationem propriam. Habebit igitur & substantiam propriam: non igitur destructo corpore esse desinet. Animæ igitur sensitivæ etiam irrationalium animalium erunt immortales: quod quidem improbabile videtur, tamen à Platonis opinione non discordat. Sed de hoc infra erit locus querendi.

3. Amplius, Mobile non sortitur speciem à suo motore. Si

Contra Gent.

o 4

igitur

Idem P. p. q. 7. art. 3.

Improbatio ducens ad inconueniens.

Evitatio prædicti inconueniens.

† Tex. com. 33.



igitur anima non coniungitur corpori nisi sicut motor mobili, corpus & partes eius non consequuntur speciem ab anima: abeunte igitur anima remanebit corpus & partes eiusdem speciei. Hoc autem est manifestè falsum: nam caro, & os, & manus, & huiusmodi partes post abscissum animæ non dicuntur nisi æquiuocè, cum nulli harum partium propria operatio adsit, quæ speciem consequitur: non igitur vnitur anima corpori solum sicut motor mobili, vel sicut homo vestimento.

4. Adhuc, Mobile nō habet esse per suū motorē, sed solum motum: si igitur anima vnitur corpori solummodo vt motor, corpus mouebitur quidem ab anima, sed non habebit esse per eam. Viuere autem est quoddam esse viuētis: non igitur corpus viuēt per animam.

5. Item, Mobile neque generatur per applicationem motoris ad ipsum, neque per eius separationem corrumpitur, cum non dependeat mobile a motore secundum esse, sed secundum moueri tantum: si igitur anima vnitur corpori solum vt motor, sequetur quod in vniōe animæ & corporis non erit aliqua generatio, neque in separatione corruptio, & sic mors quæ consistit in separatione animæ & corporis, non erit corruptio animalis, quod est manifestè falsum.

6. Præterea, Omne mouens seipsum, ita se habet quod in ipso est moueri, & non moueri: mouere, & non mouere. Sed anima secundum Platonis opinionem mouet corpus sicut mouens seipsum: est ergo in potestate animæ mouere corpus, & non mouere. Si ergo nō vnitur ei nisi sicut motor mobili, erit in potestate animæ separari a corpore quum voluerit, & iterum vniri ei quum voluerit: quod patet esse falsum.

Quod autem vt propria forma anima corpori vnitur, sic probatur. Illud quo aliquid sit de potentia ente, actū ens, est forma & actus ipse: corpus autem per animam actū sit ens de potentia existente. Viuere enim est esse viuētis: semen autem ante animationem est viuens solum in potentia, per animam autem fit viuens actū. Est igitur anima, forma corporis animati.

2. Amplius, Quia tam esse quam operari non est solum forma, neque solum materiæ, sed coniuncti, esse & agere duobus attribuitur: quorum vnum se habet ad alterum sicut forma ad materiam. Dicimus enim quod homo est sanus corpore & sanitate, & quod est sciens scientia & anima: quorum scientia est forma animæ scientis & sanitas corporis sani. Viuere autem & sentire attribuitur animæ & corpori. Dicimur enim viuere & sentire anima & corpore, sed anima tamen sicut principio vitæ & sensus: est igitur anima forma corporis.

3. Adhuc, Similiter se habet tota anima sensitua ad totum corpus, sicut pars ad partem. Pars autem ita se habet ad partem, quod est forma & actus eius: visus enim est forma & actus oculi. Ergo anima est forma & actus corporis.

#### Supercap. 57.

**I**nfotis rationibus quibus aliqui probabant substantiam intellectuales nō posse esse corporis formam, nunc de opinionibus taliter opinantium disputat sanctus Thomas. Circa hoc autem duo facit. Primum namque disputat contra opiniones existimantium animam intellectiuam, propter quam hæc est mota difficultas, esse substantiam immaterialem. Secundo contra opiniones existimantium ipsam aliquam materialem dispositionem esse, cap. 62. Circa primum duo facit, secundum quod contra duas Platonis opiniones disputat. Primum enim inquit, an anima intellectiua corpori vnatur tantum vt motor: secundum vtrum in nobis sit distincta ab anima vegetatiua & sensitua, in cap. sequenti. Quantum igitur ad primum, cum teneret Plato animam intellectiuam non esse formam substantialem corporis humani, vt naturam hominis saluaret, dixit quod corpori vnatur tantum per contactum virtutis, vt narrat Gregorius Nizænus in suo libro, quem De Anima fecit. Dicebat enim animam esse in corpore sicut nautam in nauī. Contra quam positionem arguere volens sanctus Thomas primum probat quod non vnitur anima intellectiua corpori vt motor tantum, secundum quod illi vnitur vt forma.

Quantum ad primum arguit primum sic, Sequitur ex hac positione, quod homo non sit vnum simpliciter, & per consequens nec ens simpliciter, sed ens per accidentem, quia secundum contactum virtutis non sit vnum simpliciter, vt superius est ostensum, ex anima autem & corpore fit homo, hoc autem est inconueniens, ergo, &c. Si dicatur (vt dicebat Plato) quod homo non est ex anima & corpore, sed est ipsa anima vt ens corpore: sicut Petrus non est aliquid compositum ex homine & indumento, sed homo vt ens indumento: contra hoc arguitur dupliciter. Primum, Sequeretur quod homo & animal non essent aliqua sensibilia materialia, quia anima non est aliquid sensibile materiale, hoc autem est falsum, ergo, &c.

Secundo, Sunt aliquæ operationes communes animæ & corpori, vt time-re, irasci, sentire, & huiusmodi, cum accendant secundum transmutationem alicuius determinate partis corporis, ergo, &c. Probatur consequentia, quia impossibile est quod eorum quæ sunt diuersa secundum esse, sit operatio vna secundum quod egreditur ab agente, licet possit esse vna ex parte operati, cum enim actio sequatur formam & virtutem, oportet quorum sunt diuersæ formæ & virtutes, sint etiam actiones diuersæ.

Si dicatur secundum Platonis sententiam, quod prædictæ operationes sunt communes animæ & corpori, animæ quidem sicut mouenti, corpori autem sicut moto: non est autem inconueniens mouentis & moti, quamuis sint diuersa secundum esse, eundem esse actum, contra arguitur, tum quia anima sensitua non se habet in sentiēdo, sicut agens & mouens corpus, sed sicut quo patiens patitur a sensibilibus, quod impossibile est esse diuersum secundum esse a patiente. Carentia enim sensu non patiuntur a sensibilibus eo modo passionis qui ad sentiendum requiritur: tum quia secundum hoc anima sensitua habebit aliquam operationem propriam. Licet enim motus sit communis actus mouentis & moti, aliam tamen operatio est facere motum, & alia operatio recipere motum: & sic sequeretur quod habebit propriam substantiam, & per consequens non destruetur destructo corpore, sed erit immortalis, quod improbabile videtur, vt inferius ostendetur, licet ab opinione Platonis non discordet.

**ADVERTENDVM**, circa primam improbationem solutionis datæ, quod licet sensus sit potentia passiva, & ideo necesse sit vt sentire sit quoddam pati, & moueri a sensibilibus exterioribus, vt dicitur 2. De Anima, & per consequens quod in sentiēdo sensus non se habeat vt mouens, sed vt potentia mota, & sicut id quo organum mouetur spiritali motione, non tamen dicitur potentia passiva sensus, & sentire moueri & pati, quasi sensus nullum habeat actum qui sit operatio: hoc enim manifestè falsum esse constat, eod quod sensatio operatio quoddam sensus sit, qua iudicatur de sensibili. Sed cum dupliciter comparari possit potentia ad suum obiectum, aut scilicet secundum quod absolute in natura est, aut secundum quod iam est per suam similitudinem potentia vnita, dicitur proprie aliquid potentia passiva aut actiua per comparisonem ad obiectum in natura considerata, non autem vt consideratur tanquam per suam similitudinem vnita potentia. Nam si potentia sit ipsius obiecti transmutatiua, dicitur potentia actiua: comparatur enim ad obiectum sicut agens ad patiens, sicut potentia calefactiua ignis est potentia actiua, quia est transmutatiua calefactibilis. Si autem ipsa potentia sit ab obiecto transmutabilis, sic est passiva, eod quod ad obiectum comparatur, sicut patiens ad agens. Ex hoc autem quod potentia comparatur ad suum obiectum vt est in natura, sicut patiens ad agens, sequitur quod similitudo obiecti in potentia recepta comparatur ad ipsam potentiam sicut actus & forma ad substantiam: & quia non inconuenit substantiam & actum eius simul ad vnam operationem productiue concurrere, ideo nihil prohibet aliquam potentiam esse passiuam, & tamen simul cum similitudine obiecti in ipsa recepta ad aliquam operationem conuenire. Sicut calefactibile simul cum forma caloris in ipso causata a calido potest calefacere. Sic igitur sensus est potentia passiva, qua organum a sensibili patitur per receptionem speciei sensibilis, & tamen est principium operationis sentiendi. Et ideo quum dicitur a Philosopho, quod sentire accidit in ipso moueri a sensibilibus, non est sensus, quod ipsum moueri a sensibilibus sit essentialiter sentire (non enim sentire est recipere nisi antecedentis, sed operari, quia est iudicare de re sensibili) sed est sensus quod sentire, si in ratione transmutationis consideretur, non conuenit ex hoc quod sensus organum aut obiectum transmutet, sed ex hoc quod sensus & organum a sensibilibus transmutatur. Non enim sentire potest sensus, nisi obiecti similitudinem in se recipiat, quod est moueri & pati.

**IN** secunda improbatione cum dicitur, quod alia operatio est facere motum, & recipere motum, notandum quod operatio nō accipitur hic pro actu productio ab eo cuius dicitur operatio (recipere enim motum non est actus productus a mobili) sed iuxta ea quæ dicuntur 3. Lib. huius, cap. 22. accipitur operatio prout vltimum per quod vnaquæque res ordinatur ad suum finem, dicitur eius operatio, secundum quem modum calefactiui & secari dicitur operatio calefactibilis & secabilis.

**CIRCA** fundamentum rationis principalis, videlicet quod impossibile est vt diuersorum secundum esse sit vna operatio, secundum quod egreditur ab agente, licet possit esse vna ex parte operati, dubium occurrit. Si enim actio (vt superius est determinatum) nihil absolutum ponit in agente, sed est tantum motus ipse qui recipitur in passio actio est vna ex parte operati, necesse est vt etiam sit vna secundum quod egreditur ab agente.

Respondetur, sustinendo quod actio nihil absolutum ponat in agente, & licet ea materialiter dicat tantum motum vel mutationem in passio receptam: formaliter tamen connotat respectum originis in agente: & ideo vbi plura agentia ad vnum effectum concurrunt, licet motus sit vnus, respectus tamen originis sunt plures in pluribus agentibus. Vnde potest dici ibi esse vnam actionem materialiter, sed plures formaliter, & sic intelligitur exemplum sancti Thomæ, cum inquit quod multis trahentibus nauem, ex parte trahentium sunt multe actiones, quia sunt diuersi impulsus ad trahendū. Sunt enim multe formaliter propter diuersos impulsus, id est, diuersas applicationes virtutum ad trahendum: in quo significatur esse diuersos respectus originis in ipsis trahentibus nauim, sicut sunt diuersæ virtutes, quamuis materialiter sit vna actio. Intelligit ergo sanctus Thomas propositionem assumptam de vnitae formalis actionis quæ resultat ex vnitae respectus importati per actionem, non autem de vnitae materiali, de qua procedit obiectio.

Secundum principaliter, Sequitur, quod corpus & eius partes non consequuntur speciem ab anima, ergo abeunte anima corpus & eius partes remanebunt eiusdem speciei: hoc autem esse falsum constat, cum tunc nulli partium propria operatio insit quæ speciem consequitur. Ergo non vnitur anima corpori tantum vt motor. Probatur sequela, quia mobile non sortitur formaliter speciem a suo motore vt sic.

Tertio, Corpus non habebit esse per animam, quia mobile non habet esse per suum motorem, qui scilicet sit motor tantum, ergo nec viuēt per animam, quia viuere viuētibus est esse: hoc autem est falsum, ergo, &c.

Quarto, Sequitur quod in vniōe animæ ad corpus, nō erit aliqua generatio, neque in separatione corruptio, & per consequens mors non erit corruptio animalis. Probatur consequentia, quia mobile non generatur per applicationem motoris ad ipsum, neque per eius separationem corrumpitur, cum mobile non dependeat a motore, vt sic, secundum esse, sed tantum secundum moueri.

Quinto, Erit in potestate animæ separari a corpore quum voluerit, & iterum vniri ei quum voluerit, quod patet esse falsum. Probatur consequentia, quia secundum Platonem, anima mouet corpus sicut mouens seipsum: mouens autem seipsum in se habet mouere, & non mouere. Si ergo non vnitur corpori nisi vt motor, poterit vniri & non vniri ei vt voluerit.

Quantum ad secundum, probat sanctus Thomas, quod anima vnitur corpori vt forma. Et arguitur primum sic, Per animam corpus fit actū ens, de po-

Quomodo sensus est potentia passiva.

Impossibile est, vt diuersorum secundum esse sit vna operatio.



sentia ente, ergo, &c. Probat autem antecedens, quia semen ante animationem est viuens tantum in potentia, per animam autem fit viuens actu. Consequentia etiam probatur, quia quo aliquid fit de potentia ente actu ens, est forma & actus ipsius.

*Quomodo semen sit in genere causae efficientis aut materialiter.*  
CIRCA probationem antecedentis dubium occurrit. Nam ut habetur 2. Physic. & 5. Metaphysic. semen se habet in generatione ut efficiens, materia autem & efficiens non coeidunt in idem numero, ergo semen non est materia viuens, cuius oppositum videtur velle sanctus Thomas, cum inquit semen ante animationem viuere tantum in potentia, per animam autem fieri viuens actu.

AD huius euidentiam sciendum, quod opinio Arist. (ut patet 15. De Animalibus) fuit, semen animal non concurrere ad generationem ut materiam, sed tantum ut agens, in quantum in ipso est virtus generantis. Unde & 2. Physic. & 5. Metaphysic. semen ponit in genere causae efficientis. Alij autem ponunt semen concurrere ad generationem sicut materiam, ex qua per multas transmutationes formatur corpus. Sequendo ergo opinionem Arist. non potest intelligi quod hic dicitur, de semine à generante descripto, sed intelligendum est nomine seminis, sanguis menstruus, ex quo corpus animalis perfecti generatur, aut quodcumque aliud se habens ut materia proxima generationis rei viuens. Sed si aliorum opinionem sequi voluerimus, possumus dicere ex doctrina sancti Thomae, Potentia, quae est 3. artic. 9. & 11. in responsionibus ad argumenta, & inferius in hoc 2. Lib. cap. 89. quod semen animalis concurrat & effectiue & materialiter ad generationem, secundum diuersa quae in ipso reperiuntur. Est enim in semine corpulenta substantia, ex qua multoties transmutata corpus formatur: & quantum ad hoc semen se habet ut materia, est etiam spiritus in ipso contentus, in quo est virtus formatrix sicut in proprio subiecto, & qui non destruitur, sed permanet etiam postea generationem: & quantum ad hoc effectiue ad generationem concurrat. Loquitur ergo sanctus Thomas, (si hanc opinionem sequi velimus) de semine quantum ad eius corpulentam substantiam, non autem quantum ad spiritum in ipso contentum. Et sic patet quod non sequitur materiam & agens coincidere in idem numero.

Secundo, viuere & sentire, attribuitur animae sicut principio vitae & sensus, ergo anima est forma corporis. Probat consequentia, quia cum esse & operari sit coniuncti, duobus attribuitur, quorum vnum se habet ad alterum sicut forma ad materiam, ergo si viuere attribuitur animae sicut principio, corpori autem sicut materiae, ipsa anima erit corporis forma.

Tertio, pars animae se habet ad partem corporis, sicut forma & actus eius: visus enim est forma oculi. Ergo anima est forma & actus corporis. Probat consequentia, quia ita se habet tota anima sensitiua ad totum corpus, sicut pars ad partem.

AD VERTE quod loquitur sanctus Thomas, de parte potentiali animae, non autem integrali, aut essentiali, quia anima huiusmodi partes non habet, saltem anima perfectorum animalium.

AD VERTE etiam, quod oculus dupliciter considerari potest. Vno modo materialiter, quantum scilicet ad substantiam suam, & sic visus non est forma & actus eius (loquitur de forma oculi constitutiva) sed ipsa anima substantia. Alio modo formaliter, ut est organum & instrumentum animae quo animal videt, & sic visus est forma oculi constitutiva, est enim oculus ad videndum aptus propter potentiam visum. Unde si ipsa potentia visiva sit priuata, non potest esse instrumentum ad videndum, & non est amplius formaliter oculus, licet possit materialiter manere oculus, loquitur ergo sanctus Thomas hoc loco de oculo secundo modo, non autem primo.

Quod nutritiua, sensitiua, & intellectiua,  
non sunt in homine tres animae.

Cap. 58.



Oportet autem praedictis rationibus secundum opinionem Platonis obuiari, quantum ad praesentem intentionem pertinet. Potest enim Plato non esse eandem animam in nobis intellectiuam, nutritiuam, & sensitiuam: unde et si anima sensitiua sit forma corporis, non oportebit propter hoc dicere quod aliqua intellectualis substantia forma corporis esse possit.

Quod autem hoc sit impossibile, sic ostendendum est. Quae attribuntur alicui eidem secundum diuersas formas, praedicantur de se inuicem per accedens. Album enim dicitur esse musicum per accedens: quia Socrati accedit albedo & musica: si igitur anima intellectiua & sensitiua & nutritiua sunt diuersae virtutes aut formae in nobis, ea quae secundum has formas nobis conueniunt, de inuicem praedicabuntur per accedens. Sed secundum animam intellectiuam dicuntur homines secundum sensitiuam animalia, secundum nutritiuam viuentia, erit igitur haec praedicatio per accedens, Homo est animal, vel, Animal est viuum: est autem per se talis praedicatio, nam homo secundum quod est homo, est animal, & animal secundum quod est animal, est viuum. Est igitur aliquid ab eodem principio animal, homo, & viuum.

Si autem dicatur quod etiam praedictis animabus diuersis existentibus, non sequitur praedictas praedicationes fore per accedens, eo quod animae illae ad inuicem ordinem habent, hoc iterum remouetur: nam ordo sensitiui ad intellectiuum, & nutritiui ad sensitiuum, est sicut ordo potentiae ad actum. Nam intellectiuum sensitiuum, & sensitiuum nutritiuum posterius secundum generationem est: prius enim generatione fit animal, quam homo. Si igitur iste ordo facit praedicationes praedictas esse per se, hoc non erit secundum illum modum di-

cendi per se, qui accipitur secundum formam, sed secundum illum qui accipitur secundum materiam & subiectum: sicut dicitur superficies colorata. Hoc autem est impossibile, quia isto modo dicendi per se, id quod est formale, praedicatur per se de subiecto: ut quum dicimus, Superficies est alba, vel, Numerus est par: & iterum hoc modo dicendi per se subiectum ponitur in diffinitione praedicati, sicut numerus in diffinitione paris. Ibi autem e contrario accidit, non enim homo per se praedicatur de animali, sed e conuerso: & iterum non ponitur subiectum in diffinitione praedicati, sed e conuerso. Non igitur praedictae praedicationes dicuntur per se ratione dicti ordinis.

2. Praeterea, Ab eodem aliquid habet esse & unitatem: vnum enim consequitur ad ens. Cum igitur à forma vnaquaeque res habeat esse, à forma etiam habebit unitatem: si igitur in homine ponantur plures animae sicut diuersae formae, homo non erit vnum ens, sed plura. Nec ad unitatem hominis ordo formarum sufficit: quia esse vnum secundum ordinem non est esse vnum simpliciter, cum unitas ordinis sit minima unitatum.

3. Item, Ad haec redibit praedictum inconueniens, ut scilicet ex anima intellectiua & corpore non fiat vnum simpliciter, sed secundum accedens tantum: omne enim quod alicui aduenit post esse completum, aduenit ei accidentaliter, cum sit extra essentiam eius. Quaelibet etiam forma substantialis facit ens completum in genere substantiae: facit enim ens actu, & hoc aliquid. Quicquid igitur post primam formam substantialem aduenit rei, accidentaliter adueniet. cum igitur anima nutritiua sit forma substantialis (viuum enim substantialiter de homine praedicatur, & de animali) sequetur quod anima sensitiua adueniat accidentaliter, & similiter intellectiua: & sic neque animal, neque homo simpliciter significabit vnum, neque aliquid genus, neque species in praedicamento substantiae.

4. Amplius, Si homo secundum Platonis sententiam non est aliquid ex anima & corpore compositum, sed est anima vtes corpore: aut hoc intelligitur solum de anima intellectiua, aut de animabus tribus, si tres sunt, siue de duabus earum. Si de tribus vel duabus, sequitur quod homo non sit vnum, sed sit duo vel tria: est enim tres animae, vel saltem duae. Si autem hoc intelligitur de anima intellectiua tantum, ita scilicet quod intelligatur anima sensitiua esse forma corporis, & anima intellectiua vtes corpore animato & sensificato, sit homo, sequentur adhuc inconuenientia, scilicet quod homo non sit animal, sed vtatur animali. Nam per animam sensitiua aliquid est animal, & quod homo non sentiat, sed vtatur re sentiente: quae cum sint inconuenientia, impossibile est tres animas substantia differetes esse in nobis, intellectiuam, sensitiuam, & nutritiuam.

5. Adhuc, Ex duobus aut pluribus non potest fieri vnum, si non sit aliquid vniens, nisi vnum eorum se habeat ad alterum ut actus ad potentiam. sic enim ex materia & forma fit vnum nullo vinculo extraneo eos colligante. Si autem in homine sint plures animae quae non se habent ad inuicem sicut materia & forma, sed omnes ponuntur ut actus quidam & principia actionum, oportet igitur si vniatur ad faciendum aliquid vnum, puta hominem, vel animal, quod sit aliquid vniens: hoc autem non potest esse corpus, cum magis corpus vniatur per animam, cuius signum est, quod decedente anima corpus dissoluitur. Relinquitur igitur quod oportet aliquid formalius esse, quod facit ex illis pluribus vnum: & hoc magis erit anima, quam illa plura quae per ipsum vniuntur. Si igitur hoc iterum est habens partes diuersas, & non est vnum secundum se, oportet adhuc esse aliquid vniens. Cum igitur non sit abire in infinitum, oportet deuenire ad aliquid quod sit secundum se vnum: & hoc maxime est anima. Oportet igitur in vno homine vel animali vnam tantum animam esse.

6. Item, Si id quod est ex parte animae in homine, est ex pluribus congregatum: oportet quod sicut totum congregatum se habet ad totum corpus, ita singula ad singulas partes corporis, quod etiam à positione Platonis non discordat. Ponebat enim animam rationalem in cerebro, nutritiuam in hepate, concupiscibilem in corde. Hoc autem apparet esse falsum, dupliciter. Primo quidem, quia aliqua pars est animae quae non potest attribui alicui parti corporis, scilicet intellectus, de quo supra ostensum est, quod non est actus alicuius partis corporis. Secundo, quia manifestum est quod in eadem parte corporis apparet diuersarum partium animae operationes, sicut patet in animalibus quae decisa viuunt, quia eadem pars habet motum & sensum & appetitum quo mouetur: & similiter eadem pars plantae decisa nutritur, augetur, & germinat. Ex quo apparet, quod diuersae partes animae in vna & eadem parte corporis sint: non igitur sunt diuersae animae in nobis diuersis partibus corporis attributae.



9. Amplius, Diuersæ vires quæ non radican- tur in vno prin- cipio, non impediunt se inuicem in agendo, nisi forte earum actiones essent contrariæ: quod in proposito non contingit. Videmus autem quod diuersæ operationes animæ impediunt se: cum enim vna est intensa, altera remittitur. Oportet igitur quod istæ actiones & vires quæ sunt eorū proxima prin- cipia, reducantur in vnum principium. Hoc autem principium non potest esse corpus: tum quia aliqua actio est in qua non communicat corpus, scilicet intelligere: tum quia si prin- cipium harum virium & actionum esset corpus, inquantum hu- iusmodi inuenirentur in omnibus corporibus, quod patet esse falsum: & sic relinquitur quod sit principium earum, for- ma aliqua vna, per quam hoc corpus est tale corpus, quæ est anima. Relinquitur igitur quod omnes actiones animæ quæ sunt in nobis, ab ipsa vna procedunt: & sic non sunt in nobis plures animæ.

Huic autem consonat quod dicitur in libro De Ecclesia- sticis Dogmatibus, Neque duas animas esse credimus in vno homine, sicut Iacobus & alij Syrorum scribunt, vnam anima- lem qua animatur corpus, & immixta sit sanguini: & alteram spiritualem, quæ rationem ministrat: sed dicimus vnam ean- dem esse animam in homine, quæ & corpus sua societate vi- uificat, & semetipsam sua ratione disponat.

Super cap. 58.

**V**ia ad prædictas rationes quibus probatum est animam esse formam corporis, posset aliquis respondere secundum opi- nionem Platonis, quod non est in nobis eadem anima nutri- tiua, sensitiua & intellectiua, & ideo licet sensitiua sit forma corporis, non tamē sequitur intellectiua corporis formam: ostendit sanctus Thomas hanc positionem Platonis im- possibilem esse, scilicet quod sensitiua, nutritiua, & intellectiua, sint in nobis tres animæ & arguit primò sic, Hoc dato, sequeretur has prædicationes esse per accidens, Homo est animal, & Animal est viuum: sed hoc est falsum, quia homo secundum quod est homo, est animal, & animal secundum quod est animal, est viuum, ergo, &c. Probatur consequentia, quæ tribuitur alicui eidem secundum diuersas formas, prædicatur de se inuicem per accidens: si- cut album dicitur musicum per accidens, quia Socrati accidit albedo & mu- sica. Secundum autem animam intellectiuam dicimus homines, secundum sensi- tiuam animalia, secundum nutritiuam viuencia, ergo, &c. Si negetur consequentia, quia licet animæ sint diuersæ, tamen ad inuicem ordinem habent & sic po- test esse prædicatio per se contra arguitur, quia tunc prædicatio non erit se- cundum illum modum dicendi per se, qui accipitur secundum formam, sed secundum eum qui accipitur secundum materiam & subiectum: hoc autē est impossibile, ergo, &c. Probatur consequentia, quia ordo nutritiuus ad sensi- tiuum, & sensitiuus ad intellectiuum, est sicut ordo potentie ad actum. Pro- batur etiam falsitas, quia in isto modo dicendi per se, quod est formale, præ- dicatur per se de subiecto, & subiectum ponitur in definitione prædicati: quorum neutrum inuenitur, cum dico, Homo est animal, imò est e- contrariò.

**ADVERTENDVM** ex doctrina sancti Thomæ 1. Poster, quod pri- mus modus per se accipitur secundum habitudinem formæ & essentia, quia videlicet prædicatum est de essentia subiecti, & ideo ponitur in eius defini- tione. Secundus autem sumitur secundum habitudinem subiecti & mate- riæ, inquantum videlicet prædicatum non est de essentia subiecti propo- sitionis: sed id de quo prædicatur, est eius materia & subiectum. Constituitur autem hic modus per se ex eo quod forma subiecti est præambula formæ præ- dicati, & forma prædicati naturaliter sequitur formam subiecti, sicut risibi- litas humanitatem naturaliter consequitur: & ideo in hoc modo subiectum ponitur in definitione prædicati. Propterea bene inquit sanctus Thomas, quod si propter ordinem formarum est prædicatio per se, quum dicitur, Ho- mo est animal, aut, Animal est viuum: ibi non erit prædicatio per se primi modi, quæ accipitur secundum formam & essentiam, sed secundi modi, quæ accipitur secundum materiam & subiectum, quia videlicet prædicatum tunc non est de essentia subiecti, quæ est eius forma totalis. Sed tantum est ibi or- do per se propter naturalem formæ subiecti, & formæ prædicati, ex quo se- cundus modus per se constituitur.

**SED** occurrit dubium circa hanc rationem. Videtur enim velle sanctus Thomas, quod cum secundum istum modum per se, qui est secundus, opor- teat formale prædicari de subiecto per se, oportet hominem prædicari per se de animali, quia est formale respectu animalis, cum intellectiuum (a quo homo est homo) comparetur ad sensitiuum, a quo sumitur animal, sicut for- male ad materiale. Contra hoc autem videtur esse, quia omne diffiniens com- paratur ad diffinitum, sicut formale ad materiale: ponit enim Philosophus & sanctus Thomas in 2. Physicorum, & 5. Metaphysicæ, diffiniens in genere causæ formalis: & sic non videtur quod propter ordinem forma- rum, oportet hominem de animali prædicari tanquam formale, sed magis econtrariò, cum animal sit formale respectu hominis. Vnde non videtur excludi a secundo modo per se hæc propositio, Homo est animal, quia præ- dicatum non comparetur ad subiectum sicut formale ad materiale.

**Quomodo par** **AD** huius difficultatis solutionem considerandum, quod aliter loquen- tes diffinitionis dum est de istis terminis Homo & Animal, si ponantur in homine plures a- coparentur ad nimæ, & aliter si ponatur vna tantum anima. Nam si ponantur plures animæ, diffinitum sicut tunc alia erit forma a qua homo dicitur homo, & alia a qua dicitur ani- male ad ma- teriale.

mal: & cum anima sensitiua, a qua sumitur animal, comparetur ad intelle- ctiuam, a qua sumitur homo, sicut potentia ad actum, & sicut imperfectum ad perfectum, cum prior generatione sit (prius enim generatur animal quam homo) ideo animal ad hominem sicut materiale ad formale compa- ratur, non sicut formale ad materiale. Et quod dico de animali respectu ho- minis, idem de omni superiori est dicendum, si superior & inferior a di- uersis rei formis sumantur, nam semper forma a qua sumitur superior, com- paratur ad formam a qua sumitur inferior, sicut imperfectum ad perfectum,

& sicut potentia ad actum. Si autem ponatur vnam & eandem animam in re esse a qua sumitur natura generis & speciei, aliter de ipsis terminis est di- cendum. Dupliciter enim accipi possunt, vno modo, quantum ad ipsam naturam significatam: alio modo, quantum ad id a quo sumitur ratio talis nature. Quantum ad ipsam naturam significatam, iterum dupliciter con- siderari possunt ex doctrina sancti Thomæ in Tractatu De Ente & Essentia. Vno modo secundum quod animalis natura consideratur cum præcisione al- terius perfectionis: alio modo secundum quod consideratur sine tali præ- cisione, sed ut implicite includens perfectiones específicas. Si itaque con- sideretur animalis natura ut implicite continens perfectiones específicas, sic animal comparatur ad hominem, sicut genus & sicut causa formalis, quia sic dicit hominis essentiam, quæ est eius forma. Si autem consideretur cum præcisione alterius perfectionis, sic non est genus hominis, sed eius pars. Est enim homo compositus ex sensitiuo & intellectiuo, non est autem pars formalis, sed materialis, quia intellectiuum est actualius & perfe- ctius sensitiuo. Similiter si consideretur quantum ad id a quo sumitur ra- tio virtutis, sic iterum animal non habet rationem formalem, sed mate- rialis in comparatione ad hominem, quia sensitiuum a quo sumitur ratio animalis, est materiale respectu intellectiui, a quo sumitur ratio hominis.

**ADVERTENDVM** tamen, quod non omne habens ratio- nem formæ alterius comparatur ad ipsum, sicut formale ad materiale, sed tantum quando comparatur ad ipsum, sicut vna pars ad aliam partem. Dicimus enim animam intellectiuam esse formam hominis, inquantum dat ei esse specificum, & hominis essentiam complet, non tamen homo comparatur ad animam intellectiuam sicut materia ad formam, sed sicut totum ad partem formalem. Sic ergo dicendum est, quod animal & omne superius, ut implicite continet específicas perfectiones comparatur ad suum inferius sicut forma, inquantum significat naturam & essentiam inferioris quæ per formam completur, & propter hoc a Philosopho & sancto Tho- ma ponuntur partes diffinitionis, quæ scilicet in recto prædicantur de diffi- nito, in genere causæ formalis: ut autem excludit alias perfectiones, & quan- tum ad id a quo sumitur ratio nominis, non comparatur ad inferius ut for- ma, sed ut pars materialis eius respectu alterius partis. Vnde ad dubium di- citur, quod id quod hic dicitur a sancto Thoma non contradicit iis quæ alibi ab ipso & a Philosopho dicuntur. Nam hic loquitur de animali ut consideratur quantum ad id a quo sumitur ratio animalis. Sic enim cum in secundo modo per se (de quo sermonem facit) oporteat ut forma a qua su- mitur prædicatum, comparetur ad formam a qua sumitur subiectum, sicut actus ad potentiam, & sicut formale ad materiale: ideo si animal de homi- ne prædicaretur in secundo modo per se, necesse esset, ut id a quo sumitur animal, compararetur ad id a quo sumitur homo, sicut formale ad materiale, quod cum falsum sit, ideo ibi non est secundus modus per se. Hoc autem non tollit quin quantum ad naturam significatam, ut implicite perfectiones specierum continet, ad hominem comparetur, non quidem sicut forma ad materiam, sed sicut forma totius ad id, quod per talem formam con- stituitur.

**SED** ad hanc rationem sancti Thomæ respondendo, Scotus in quarto Sentent. dist. 11. quæst. 3. dicit duo. Primum est, quod prima facie non vi- detur haberi ex hac ratione, nisi quod prædicatum acceptum a forma poste- riore non prædicatur per se de eo quod sumitur a forma prior: & sic non haberetur nisi quod hæc non est per se, Animal est homo, quod conceditur. Se- cundum est, si etiam dicatur per hanc rationem concludi, nec etiam econ- uersò esse probationem per se, dicendo, Homo est animal, quod id quod præcisè accipitur a forma posteriore, & quod præcisè sumitur a forma prio- re, sic se habent, quod vnum per se de alio non prædicatur, si autem vnum sumitur a forma posteriore, sed non præcisè, & aliud a forma prior, potest inter illa esse prædicatio per se, & ideo nec genus de differentia, nec differen- tia de genere per se prædicatur, quia vnum sumitur a forma prior, & alte- rum a forma posteriore præcisè, sed bene genus de specie per se prædicatur, quia est species importet differentiam vltimam tanquam principalem in sua ratione, non tamen præcisè importat illud, sed cum hoc rationem gene- neris tanquam de per se conceptu eius.

Sed quod neutrum horum tollat vim rationis, facile videri potest ex ipsa rationis forma. Primum quidem constat non esse ad propositum rationis, quia non deducit ratio sancti Thomæ ad hoc, quod ista non sit per se, Ani- mal est homo, sed quod hæc non est per se, Homo est animal, aut ista, Animal est viuum, & arguit, quia si ista propositio, Homo est animal, & Animal est viuum, est per se, propter ordinem formarum subiecti & prædicati, non po- test esse in primo modo per se, sed tantum in secundo, in quo attenditur na- turalis sequela & ordo formarum, sed nec in secundo modo potest esse per se, quia in illo modo prædicatum quantum ad id a quo sumitur, est formale re- spectu subiecti, & subiectum ponitur in diffinitione prædicati. Neutrum au- tem est, quum dicitur, Homo est animal, aut, Animal est viuum: non enim ho- mo prædicatur de animali, quod deberet esse si attendere ordo formarum, ubi prædicatum debet esse formale, sed animal de homine, quod est mate- riale respectu hominis: nec etiam homo ponitur in diffinitione animalis, sed econtrariò. Non ergo ratione ordinis formarum prædictæ propositiones di- cuntur per se. Et sic patet primum dictum Scoti procedere ex malo intellectu rationis sancti Thomæ.

Secundum etiam nullius est momenti. Nam secundo modo per se itatis præ- dicatur id quod est formale quantum ad id a quo ipsum prædicatum ut sic dicitur formaliter tale: & sic oportet ut actus & forma a qua formaliter præ- dicatum dicitur tale, sit posterior forma a qua formaliter subiectum est tale, sicut in hac propositione per se, Superficiatum est coloratum, color a quo for- maliter dicitur aliquid coloratum, est forma posterior superficie a qua cor- pus dicitur superficiatum: & in hac, Ignis est calidus, caliditas a qua sumitur calidum, est posterior forma a qua sumitur ignis. Et sic necesse est quod for- ma subiecti & prædicati se habeant, sicut quod antecedit, & quod sequitur, ut patet Prima parte, quæst. 7. art. 3. si ibi est propositio per se propter ordinem formarum. Importare ergo formam posteriorem præcisè, ut non præcisè, ni- hil facit ad propositum, cum oporteat semper prædicari in modo per se qui est propter ordinem formarum dicere formam posteriorem & actualiorem forma a qua subiectum dicitur formaliter tale, licet subiectum cum illa for- ma aliam formam priorem includat: quod cum non sit in hac propositione, Homo est animal, cum sensitiuum a quo sumitur animal, non sit formaliter & actualius, sed materialius & potentialius intellectiuo a quo sumitur forma



formaliter homo, sequitur necessarium quod in illa propositione non est modus perfectitatis, qui accidit propter ordinem formarum. Et sic nulla ex parte responsio Scoti infringit rationem sancti Thomae.

Secundo, sequitur quod homo non erit unum ens, sed plura, quia unum ens dicitur ab una forma: sicut enim a forma unaquaque res habet esse, ita & unitatem, cum unum consequatur ad ens. Si dicatur quod ad unitatem hominis sufficit ordo formarum, hoc non valet, quia esse unum secundum ordinem non est esse unum simpliciter, cum unitas ordinis sit minima unitatum.

Ad hanc rationem Scoti ubi supra dupliciter respondet. Primo negat unum esse unum tantum formam requirere. Sicut enim ens dividitur in simplex & compositum, ita & esse: & ideo sicut totum ens ex multis formis includit illas entitates parciales, ita esse totius compositi quod est unum, includit multa esse partialia multarum partium vel formarum: & sic non oportet unum esse compositum, esse ab una tantum forma.

Secundo respondet, si fiat, inquit, vis in verbo, concedo quod formale esse totius compositi est principaliter per unam formam, quae est ultima adueniens omnibus praecedentibus: & hoc modo totum compositum dividitur in duas partes essentialis, scilicet in actum proprium, qui est ultima forma quae est illud quod est: & principium potentiam illius actus quae includit materiam primam cum omnibus formis praecedentibus.

SE D prima haturum responsum procedit ex malo intellectu rationis sancti Thomae. Dicitur enim primo, quod quum dicitur sanctus Thomas, unum esse, ab una forma procedere, non loquitur principaliter de esse actualis existentiae, ut videtur Scotus intelligere, sed de esse quod essentiam rei dicit, licet secundario loquatur de esse actualis existentiae. Una enim essentia est ab una forma.

Dicitur secundum, quod essentia una quantumcumque composita, non potest esse nisi ab una forma: quia quaelibet forma substantialis adueniens materiei, unum esse essentialiter constituit. Cum enim unum consequatur ens, forma quae constituit ens, facit etiam unum ens, ergo ubi ponuntur plures formae, oportet ex illis constitui plures essentias quarum unaquaque est una per se: & sic patet quod una essentia est tantum ab una forma. Nec valet dicere quod in uno composito sunt plures essentiae parciales per particulares formas constitutae, sed est una essentia composita totalis, quae ex pluribus formis & essentis partialibus resultat. Primo, quia ex duabus substantiis in actu non potest fieri unum per se, ut dicitur 7. Metaphysicorum, textu 49. & constat quod loquitur Philosophus de substantiis partialibus, quia ut patet ex verbis Commentatoris ibidem, sequebatur unum esse ex duabus substantiis in actu, si uniuersale esse pars substantiae indiuidui demonstrati praeter substantiam ei propriam.

Contra quod arguit Philosophus, quia ex duabus substantiis in actu non potest fieri unum: ubi patet quod loquitur de substantiis partialibus. Secundo, quia ponatur quod in homine praeter animam intellectiua sit forma corporeitatis constituens essentiam corporis, aut anima sensitiua constituens essentiam animalis: quaeritur utrum anima intellectiua adueniens illi essentiae, constituat essentiam corporis, vel animalis, an tantum constituat intellectiua aut rationale. Primum non potest esse, tum quia eadem numero essentia partialis a pluribus formis substantialibus fieri non potest, cum diuersae formae diuersas essentias constituent: tum quia quod est, non fit de nouo. Ane autem aduenit anima intellectiua erat essentia corporis, aut animalis. Non potest etiam dici secundum, quia tunc corpus aut animal non esset genus hominis, sed eius pars: constaret enim homo ex animali & rationali tanquam ex duabus partibus a se inuicem distinctis, & per consequens non possent de ipso essentialiter & in recto praedicari. Pars enim non praedicatur essentialiter de suo toto.

SECUNDA etiam responsio contra omnem Philosophiam est, dum dicit propriam potentiam ex qua cum ultimo actu fit unum per se, esse quid compositum ex materia & formis praecedentibus. Primo, quia Philosophus in loco praedicto, quaere ex duabus substantiis pluribus in actu non fit unum, rationem assignat, inquit, Quia actus separat, ubi dicit Commentator, Et causa in hoc est, quia actus facit additum esse diuisum & duo: & ideo impossibile est, ut unum sit ex duobus in actu: ergo propria materia ex qua cum actu constituitur unum simpliciter, non potest esse aliquid secundum se existens in actu. Secundo, eadem ratione posset dici quod subiecto & accidente fit unum simpliciter in actu, puta ex diaphano & lumine, quia diaphanum licet sit aliquid in actu, est tamen propria potentia respectu luminis. Tertio, supponitur quod ille plures formae non simul introducantur in materia, sed quod prius introducantur forma corporeitatis, a qua sumitur corpus, quod est genus nullum enim agens simul in eadem materia plures formas inducit. Tunc sic, in illo priori quaeritur utrum forma corporeitatis det aliquid esse specifiuum, aut non. Non potest dici secundum, quia etiam secundum ipsum Scotum in 1. Sententiae dist. 12. quaest. 1. quicquid determinat sibi genus formae, determinat sibi aliquam speciem in genere illo: & sic non potest aliquid esse in genere corporis, quin sit in aliqua eius specie. Si primum, contra. Aut illa species est animatum, aut inanimatum: non secundum, quia tunc post adueniunt animae intellectiuae esset verum dicere quod homo est corpus inanimatum, si admittatur corpus de homine praedicari, cum sit eius genus. Hoc autem constaret esse falsum, cum homo sit corpus animatum. Si illa species est animata siue viuens aut erit sensibile, aut insensibile: si insensibile, tunc verum esset aliquando dicere, Homo est insensibilis. Si sensibile siue animal, aut erit rationale, aut irrationale: non enim (ut dictum est) inuenitur genus sine specie. Si irrationale, ergo homo erit animal irrationale. Si rationale, ergo ab eadem forma aliquid est corpus, viuens, animal, & rationale siue homo: & per consequens non oportebit in homine ponere aliam formam distinctam a forma corporeitatis.

Tertio principaliter, Anima intellectiua & sensitiua aduenit accidentaliter: ergo neque homo neque animal simpliciter significabit unum, neque aliquid genus, neque species in praedicamento substantiae, sed secundum accedens tantum. Probatur prima consequentia, Quod aduenit alicui post esse completum, aduenit ei accidentaliter: facta autem illa suppositione, aduenient dictae animae post esse completum, cum anima vegetatiua, postquam aduenit sensitiua & intellectiua, sit forma substantialis, forma autem substantialis faciat ens completum in genere substantiae, eo quod faciat ens actu & hoc aliquid, ergo, &c.

Ad hanc rationem sequendo principia Scoti, ubi supra, responderi potest, quod si per esse completum intelligatur omne esse substantiale, non

oportet omnem formam aduenientem rei post esse completum, esse accidentalem. Potest enim una forma substantialis aduenire alteri formae, & tamen dare esse substantiale. Si autem per esse completum intelligatur ultimum esse substantiale rei, tunc falsum est omnem formam substantialem dare esse completum: sic enim sola ultima forma substantialis dat esse completum, aliae autem praecedentes dant esse substantialem partialia, & includuntur in proprio potenciali compositi quod per ultimam formam constituitur.

SE D quod haec responsio nulla sit, facile ostendi potest. Per esse enim completum intelligit sanctus Thomas essentiam rei secundum quam aliquid est id quod est, ad quam sequitur esse substantiale: & sensus maioris propositionis est, Omne quod aduenit alicui post esse completum eius completum, & consequenter etiam post esse substantiale eius quo in rerum natura subsistit, aduenit ei accidentaliter. Patet autem ipsam propositionem esse veram ex probatione quam adducit sanctus Thomas. Omne enim quod est extra essentiam rei, est illi accidentale, sed omne adueniens post esse completum, est extra rei essentiam: non enim aduenit post esse completum, si esset de numero eorum quae ingrediuntur essentiam. Probatur maior, quia omne quod est substantiale, ingreditur rei essentiam, alioquin non esset rei substantiale: essentia enim completitur omnia principia substantia rei. Similiter ad hunc sensum vera est alia propositio, scilicet quod omnis forma substantialis facit ens completum in genere substantiae. Rationem adducit sanctus Thomas, quia facit ens actu, & hoc aliquid. Omne enim quod per se existit in natura, & est hoc aliquid, siue singulare demonstratum, habet essentiam substantialem completam, quia subsistere tanquam hoc aliquid conuenit tantum habentibus essentiam completam: non enim dicimus sortem existere in natura, nisi postquam habet essentiam completam. Sed omnis forma substantialis facit aliquid actu per se existens, & hoc aliquid secundum conditionem sui ipsius: forma enim substantialis ex vi rationis sui ad materiam facit aliquid compositum per ipsam constitutum existere absolute in natura. Per hoc enim quod forma est unita materiae, verum est absolute & absque alia additione dicere, Quoniam equus est: & per hoc quod anima intellectiua materiam informat, Homo est in natura, ergo, &c. Et sic manifestum est datam responsionem non infringere rationem sancti Thomae.

Patet enim ex dictis, omne quod aduenit alicui ut forma realiter informans post esse substantiale, accidentaliter aduenire, cum omne tale oporteat esse extra essentiam rei, eo quod tantum habens essentiam substantialem primam existat. Patet etiam omnem formam substantialem dare esse completum & ultimum rei secundum conditionem ipsius formae: forma enim corporis facit essentiam corpoream, & esse corporeum, quod est ultimum esse substantiale essentiae corporeae ut sic: & forma animalis facit essentiam & esse animalis ut sic. Omne enim aliud esse post illud adueniens, non est corporis aut animalis ut sic praedicatum, sed hominis, aut equi, aut alicuius alterius per cuius formam constituitur tale esse.

Confirmatur haec ratio sancti Thomae per rationem Commentatoris 1. Physicorum, com. 65. Quum enim poneret Auerroes formam corporeitatis ante aduentum aliarum formarum materiam informare, arguit contra ipsum Commentator, quia tunc omnes subsequentes formae essent accidentales. Si enim ratio eius contra Auerroem tenet, & hanc rationem sancti Thomae efficacem esse dicamus oportet.

SE D occurrit dubium circa ultimum consequens quod deducit sanctus Thomas quantum ad eam partem, qua inquit, Quoniam neque aliquid genus, neque species in praedicamento substantiae significabit unum simpliciter. Hoc enim non videtur sequi de genere, quod per unam formam constituitur, sicut hoc genus quod dico corpus, quod per formam duntaxat corporeitatis constituitur. Cum enim plures formas non dicat, non sequitur quod sit unum per accidens, licet de homine & animali hoc sequatur, in quibus secundum Platonem ponuntur plures animae distinctae.

Responderi potest, quod non loquitur sanctus Thomas uniuersaliter de genere substantiae, sed tantum de substantia animata, de qua in hoc cap. est sermo, aut etiam de substantia corporea: sequitur enim quod nullum genus aut species substantiae viuens, aut corporeae sit unum simpliciter, quia omne tale genus aut species habebit formam additam formae corporeitatis, aut animae vegetatiuae, quia ratione enim in homine ponitur anima intellectiua distincta a sensitiua & vegetatiua, eadem ratione in omnibus aliis viuentibus erit forma distincta a forma generis, quae est anima vegetatiua, & in omni substantia corporea erit forma distincta a forma corporeitatis.

Quarto, si secundum opinionem Platonis, homo est animal vtens corpore, aut intelligitur de anima intellectiua tantum, aut de animalibus tribus, aut duabus. Si secundum, tunc homo non erit unum simpliciter, quia erit tres aut duae animae. Si primum, ita scilicet quod anima sensitiua sit forma corporis, & anima intellectiua vtens corpore sensificato, sequitur quod homo non sit animal, sed vtatur animali, & quod non sentiat, sed vtatur re sentiente. Haec sunt inconuenientia, ergo, &c.

Quinto, oportebit si vniantur plures animae ad faciendum aliquid unum, quod sit aliquid eas vnians, cum non se habeant plures animae in homine sicut materia & forma, sed omnes ponantur ut actus quidam & principia actionum. Hoc autem non potest esse corpus, cum magis corpus vnietur per animam: ergo erit aliquid formalis eis, & hoc erit magis anima quam illa plura quae per ipsum vniantur: & sic deinceps arguetur quousque ad aliquid quod sit secundum se unum, deueniatur.

AD VERTE quod ideo oportet valens illas animas magis esse animam, quia vnians formaliter est perfectius, formalis & virtuosius rebus vnitis: nihil autem est formalis anima inter formas materiales, cum anima sit perfectissima omnium formarum: & ideo non possent vniri plures animae per aliquid, nisi illud magis haberet rationem animae, vtpote magis existens actus corporis organici, &c.

Ad hanc rationem forte secundum principia Scoti loco praedicto respondetur, quod non oportet ponere aliquid vnians dictas animas, quia licet non se habeant sicut materia & forma, se habent tamen sicut proprius actus & propria potentia, aut constitutum propriam potentiam.

SE D contra hanc responsionem sunt argumenta superiora contra alias Scoti responsiones adducta, quibus ostensum est non posse compositum ex materia & forma substantialem esse propriam potentiam alterius formae substantialis.

Sexto, si quod se tenet ex parte animae in homine, sit ex pluribus congregatum, vtpote plures animas includens, oportet ut singula ad singulas partes corporis se habeant sicut totum ad totum. Vnde Plato dicebat rationale esse

Unum esse una  
formam requirit.

Omnis forma  
adueniens rei  
post esse com-  
pletum est ac-  
cidentaliter.



esse in cerebro, nutritiua in hepate, concupiscibile in corde: sed hoc est falsum, tum quia intellectus alicui parti corporis attribui non potest, cum non sit actus alicuius corporis, ut superius est ostensum: tum quia in eadem parte corporis apparent diuersarum partium operationes, ut patet in partibus animalium quae decisa viuunt, in quibus est motus, sensus, & appetitus, & partibus decisis plantarum, quae nutriuntur, augentur, & germinant, ergo, &c.

CIRCA probationes istas falsitatis consequentis, dubitatur, non enim videntur probare intentum. Prima quidem procedit de potentia intellectiua, nos autem loquimur de anima intellectiua, licet enim verum sit potentiam intellectiua non esse actum alicuius corporis: constat tamen ipsam animam intellectiua esse actum corporis. Secunda autem ostendit plures potentias eiusdem animae, puta potentiam motiuam, sensitiua, & appetitiua, quae sunt virtutes animae sensitiuae, in eadem parte animalis inueniri: & nutritiua, augmentatiua, atque generatiua, quae sunt virtutes animae vegetatiuae, in eadem parte plantae, probandum autem erat ipsas diuersas animas in eadem parte corporis inueniri.

AD primum horum dicitur, quod ratio illa non procedit solum de potentia intellectiua, sed etiam de ipsa anima. Anima enim intellectiua ut sic, non est actus corporis, sed tantum in quantum virtute continet sensitiua & vegetatiua, eo quod non vnatur materiae, nisi propter vires sensitiuas, quibus ad intelligendum indiget: & ideo si ponatur a sensitiua, & vegetatiua distincta in homine, ut potest habens tantum quod intellectiue est, nullius corporis est actus: & ideo non poterit sibi assignari aliqua pars corporis pro materia.

AD secundum potest responderi, quod ratio procedit supposito quod sit propter diuersitatem operationum ponuntur istae animae distinctae, ita oportet esse distinctas animas, motiuam, sensitiua, & appetitiua, quae diuersarum operationum principia sunt, & eadem ratione nutritiua, augmentatiua, & generatiua: & ideo si diuersis animabus sub diuersis partibus corporis attribueretur, non poterit etiam praedicari in eadem parte corporis inueniri: cum falsum sit, falsum etiam erit in homine plures animas inueniri.

Septimo, arguitur a signo, diuersae operationes animae se impediunt, quia dum vna est intentio, altera remittitur, ergo & operationes & vires quae sunt harum operationum principia, oportet in vnum principium reducere. hoc autem principium non potest esse corpus, tum quia actui intelligendi non communicatur corpus scilicet productiue & instrumentaliter, licet communice obiectiue: tum quia inuenirentur omnes istae operationes in omnibus corporibus, ergo erit anima, ergo non sunt plures animae in vno homine. Probatur prima consequentia, quia diuersae vires quae non radicantur in eodem principio, non impediunt se inuicem in agendo, nisi forte earum actiones essent contrariae.

Confirmatur conclusio per id quod dicitur in libro De Ecclesiasticis Dogmatibus, ubi manifeste ponitur in homine plures animas non esse. Rationes quae sunt contra hanc conclusionem, & earum solutiones vide apud Capreolum in 2. Sententiarum, dist. 35. quae st. 1.

### Quod intellectus possibilis hominis non est substantia separata. Cap. 59.



Verunt autem & alij alia ad inuentionem vtentes, in sustinendo quod substantia intellectualis non possit vniri corpori forma. Dicunt enim quod intellectus etiam quem Aristoteles possibilem vocat, est quaedam substantia separata non coniuncta nobis ut forma. Et hoc confirmare nituntur. Primum ex verbis Aristotelis, qui dicit de hoc intellectu loquens, quod est separatus & immixtus corpori, & simplex & impassibilis: quae non possent dici de eo, si esset forma corporis.

2. Item, Per demonstrationem eiusdem, qua probat quod quia intellectus possibilis recipit omnes species rerum sensibilium, ut in potentia ad eas existens, oportet quod omnibus careat: sicut pupilla quae recipit omnes species colorum, caret omni colore. Si enim haberet de se aliquem colorem, ille color prohiberet videri alios colores: quinimo nihil videretur nisi sub illo colore: & simile contingeret de intellectu possibili si haberet de se aliquam formam seu naturam de rebus sensibilibus. Hoc autem oportet esse si esset mixtus alicui corpori: & similiter si esset forma alicuius corporis, quia cum ex materia & forma fiat vnum, oportet quod forma participet aliquid de natura eius cuius est forma. Impossibile est igitur intellectum possibilem esse mixtum corpori, aut esse actum seu formam alicuius corporis.

3. Adhuc, Si esset forma alicuius corporis materialis, esset eiusdem generis receptio huius intellectus, & receptio materiae primae: id enim quod est alicuius corporis forma, non recipit aliquid absque sua materia. Materia autem prima recipit formas individuales, imò per hoc indiuiduantur, quod sunt in materia: intellectus igitur possibilis reciperet formas ut sunt indiuiduales, & sic non cognosceret vniuersalia, quod patet esse falsum.

4. Praeterea, Materia prima non est cognoscitiua formarum quas recipit: si ergo eadem esset receptio intellectus possibilis, & materiae primae: nec intellectus possibilis cognosceret formas receptas: quod est falsum.

5. Amplius, Impossibile est esse in corpore virtutem infinitam, ut probatur ab Aristotele in 8. Physic. intellectus igitur possibilis est quodammodo virtutis infinitae. Iudicamus

enim per ipsum res infinitas secundum numerum, in quantum per ipsum cognoscimus vniuersalia sub quibus comprehenduntur particularia infinita in potentia: non est igitur intellectus possibilis virtus in corpore.

Ex his autem motus est Auerrois, & quidam Antiqui, ut ipse dicit, ad ponendum intellectum possibilem, quo intelligit anima, esse separatum secundum esse a corpore, & non esse formam corporis.

Sed quia hic intellectus nihil ad nos pertineret, nec per ipsum intelligeremus nisi nobiscum aliquo modo coniungeretur: determinat etiam modum quo continuatur nobiscum, dicens quod species intellecta in actu, est forma intellectus possibilis: sicut visibile in actu, est potentia formae visuae. Vnde ex intellectu possibili & forma intellecta in actu, fit vnum: cuiusque igitur coniungitur forma intellecta praedicata, coniungitur intellectus possibilis. Coniungitur autem nobis mediante phantasmate, quod est subiectum quoddam illius formae intellectae: per hunc etiam modum intellectus possibilis nobiscum continuatur.

Quod autem haec friuola sint & impossibilia, facile est videre: habens enim intellectum est intelligens. Intelligitur autem id, cuius species intelligibilis intellectui vnitur. Per hoc autem quod species intellectualis intellectui vnita est in homine per aliquem modum, non habebit homo quod sit intelligens, sed solum quod intelligatur ab intellectu separato.

2. Praeterea, Si species intellecta in actu est forma intellectus possibilis, sicut species visibilis in actu est forma potentiae visuae ipsius oculi: species autem intellectualis sic se habet ad phantasmatum, sicut species visibilis in actu ad coloratum, quod est extra animam (& hac similitudine ipse videtur, & etiam Arist.) similis igitur continuatio est intellectus possibilis per formam intelligibilem ad phantasma quod in nobis est, & potentiae visuae ad colorem qui est in lapide. Hac autem continuatio non facit lapidem videre, sed solum videri, ergo, & praedicata continuatio intellectus possibilis nobiscum non facit nos intelligere, sed intelligi solum. Planum autem est quod proprie & vere dicitur, quod homo intelligit: non enim naturam intellectus inuestigaremus, nisi per hoc quod nos intelligimus, non igitur sufficiens est praedicata continuatio- nis modus.

3. Adhuc, Omne cognoscens per virtutem cognoscitiua, coniungitur obiecto, & non econuerso: sicut & operans omne per virtutem operatiua coniungitur operato. Homo autem est intelligens per intellectum, sicut per virtutem cognoscitiua: non igitur per formam intelligibilem intellectui, sed magis per intellectum intelligibilem coniungitur.

4. Amplius, Id quo aliquid operatur, oportet esse formam eius: nihil enim agit nisi secundum quod est actus, actus autem non est aliquid, nisi per id quod est forma eius. Vnde & Aristoteles probat animam esse formam, per hoc quod animal per animam viuunt & sentit: homo autem intelligit, & non nisi per intellectum. Vnde & Aristoteles inquirens de principio quo intelligimus, tradit nobis naturam intellectus possibilis. Oportet igitur intellectum possibilem formaliter vniri nobis, & non solum per suum obiectum.

5. Praeterea, Intellectus in actu, & intelligibile in actu, sunt vnum, sicut sensus in actu, & sensibile in actu: non autem intellectus in potentia, & intelligibile in potentia, sicut nec sensus in potentia, & sensibile in potentia. Species igitur rei secundum quod in phantasmatibus, non est intelligibilis actu: non enim sic est vnum cum intellectu in actu, sed secundum quod est a phantasmatibus abstracta, sicut nec species coloris est insensata in actu secundum quod est in lapide, sed solum secundum quod est in pupilla. Sic autem solum continuatur nobiscum species intelligibilis secundum quod est in phantasmatibus secundum positionem praedicatam: non igitur continuatur nobiscum secundum quod est vnum cum intellectu possibili, ut forma eius, cui non potest esse medium quo continuatur intellectus possibilis nobiscum: quia secundum quod continuatur cum intellectu possibili, non continuatur nobiscum, nec econuerso.

6. Patet autem eum qui hanc positionem induxit, & qui uocatione deceptum fuisse: colores enim extra animam existentes, praesente lumine sunt visibiles actu, ut potentes mouere visum, non autem ut actu sensata, secundum quod sunt vnum cum visu in actu. Et similiter phantasmata per lumen intellectus agentis sunt actu intelligibilia, ut possint mouere intellectum possibilem: non autem ut sint intellecta actu, secundum quod sunt vnum cum intellectu possibili facta in actu.

7. Item, Vbi inuenitur altior operatio viuētis, ibi inuenitur altior species vitae correspondens illi actioni: in plantis enim

Idem P. p. q. 76. art. 1. hic ponuntur rationes Auerrois.

Probatio 3. De Anima, tex. 65. 29.

Improbatio

1. De Anima, tex. comm. 4. & infra

Tex. 65m. 78.



inuenitur sola actio ad nutritionem pertinet, in animalibus autem inuenitur altior actio, scilicet sentire & moueri secundum locum. Vnde & animal viuunt altiori specie vite: sed adhuc in homine inuenitur altior operatio ad vitam pertinet quam in animali, scilicet intelligere. Ergo homo habebit altiore speciem vite: sed vita est per animam: habebit igitur homo altiore animam qua viuunt, quam sit anima sensibilis: nulla autem est altior quam intellectus. est igitur intellectus anima hominis, & per consequens forma ipsius.

8. Adhuc, Quod consequitur ad operationem alicuius rei, non largitur alicui speciem, quia operatio est actus secundus: forma autem per quam aliquid habet speciem, est actus primus. Vnio autem intellectus possibilis ad hominem secundum positionem prædictam consequitur hominis operationem: fit enim mediante phantasia, quæ secundum Philosophum est motus factus a sensu secundum actum. Ex tali igitur vnione non consequitur homo speciem: non igitur differt homo specie à brutis animalibus per hoc, quod est intellectus habens.

9. Amplius, Si homo speciem sortitur per hoc quod est rationalis, & intellectum habens, quicumque est in specie humana, est rationalis, & intellectum habens: sed puer etiam antequam ex utero egrediatur, est in specie humana, in quo tamen nondum sunt phantasmata, quæ sunt intelligibilia actu, non est igitur homo intellectum habens, per hoc quod intellectus continuatur homini mediante specie intelligibili, cuius subiectum est phantasma.

Super cap. 59.

**P**ostquam san. Tho. contra positiones Platonis disputauit, incipit contra errorem Auerois differe. Circa quod tria facit. Primo ponit fundamenta positionis: secundo ipsam positionem declarat: tertio contra ipsam arguit.

Quantum ad primum inquit, quod fuerunt & alij alia ad inuentionem venientes in sustinendo quod substantia intellectus non possit corpori vniri vt forma, qui scilicet dicunt quod intellectus possibilis est quædam substantia separata non coniuncta nobis vt forma. Hæc opinio est Auerois: de Anima, comen. 1. & multis in locis eamque etiam antiquis ipse Philosophis ascribit. Hanc autem positionem & fictionem suam, & ex quibusdam Arist. verbis, & ex quibusdam frivolis rationibus nititur confirmare. Primo, quia Arist. de hoc intellectu loquens dicit, quod est separatus, & immixtus corpori, & simplex & impassibilis.

Secundo, quia si esset mixtus alicui corpori, & similiter si esset forma alicuius corporis, haberet de se aliquam formam seu naturam de rebus sensibilibus, quia cum ex materia & forma fiat vnum, oportet quod forma participet aliquid de natura eius cuius est forma, hoc autem si esset non posset alias naturas sensibiles intelligere, vt ex demonstratione Arist. patet.

Tertio, quia tunc intellectus receptio, & receptio materiarum primarum, essent eiusdem generis, & sic reciperet formas vt individuales. Patet consequentia, quia forma corporis non recipit aliquid absque sua materia.

Quarto, quia sequitur quod non cognosceret formas receptas sicut nec materia prima.

Quinto, quia intellectus possibilis est quodammodo virtutis infinitus, cum per ipsum iudicemus infinita secundum numerum contenta sub vniuersalibus: impossibile est autem esse in corpore virtutem infinitam.

Quantum ad secundum, quia hic intellectus nihil ad nos pertineret, nec per ipsum intelligeremus, nisi nobiscum aliquo modo coniungeretur, ostendit san. Tho. modum quo Auer. posuit ipsum intellectum nobis coniungi, vt per ipsum dicatur intelligere. Inquit enim quod cum species intellecta in actu, ex qua & intellectu possibili fit vnum, vnatur nobis per phantasma, eod quod phantasma si subiectum quoddam illius forme, & ipsum intellectum possibilem oportet nobis mediante phantasmate vniri.

AD VERTE, cum inquit Com. phantasma esse subiectum forme intellectæ, quod non accipit subiectum pro subiecto inhaerentis, cum enim inhaereat vt forma ipsi intellectui possibili, non potest esse subiectum per modum inhaerentis in phantasmate, etiam quia quandiu est in phantasmate, est tantum intellecta in potentia, non intellecta in actu, sed nomine subiecti intelligit fundamentum & originem: est enim phantasma fundamentum forme intellectæ, vnde habet vt natura intellectæ proportionetur, ex hoc enim hæc species, putat equi est natura: equi proportionata, quia representat vniuersaliter naturam equi quam eius phantasma in nobis existens particulariter representat.

CIRCA istam positionem Auerois considerandum, quod quidam iuniores Aueroistæ videntes difficultates maximas quæ in hac defendenda positione occurrebant, dixerunt non esse mentem Auer. vt intellectus vnatur nobis tantum per phantasmata ad intelligendum, vt sibi falsò imponit san. Tho. sed quod vnatur nobis secundum esse, licet in omnibus hominibus vnus numero sit. Hoc autem esse de mente eius ostendunt ex multis, sed maxime ex verbis eius, 10. Ethicor. vbi ait, quod existentia cuiuscunque hominis in quantum homo, est per hanc substantiam quæ est intellectus nominatus, cum sit melius & honorabilius quod est in eo. Itē ex 3. de Anima, com. 20. vbi ait, quod intellectus potentialis prima continuatione continuatur nobis per naturam. Item ex 7. Metaphysicæ, com. 12. vbi ait hominem componi ex animalitate & rationalitate. Sed quod hoc non sit ad mentem Auerois, ad præsens sufficit ostendere, primo ex verbis eius 3. de Anima, comen. 5. Cum enim apud ipsum vnus numero sit intellectus omnium hominum, sequitur si vnatur homini secundum esse, quod sit vnum esse omnium hominum, & sic habebit efficaciam ratio quam cõtra se facit 3. de Anima, com. 5. scilicet quod tu esses per esse meum, & ego per esse tuum, sed ipsam reputat Auer. inessicacem. Vnde nec eam dignatur soluere: ergo oportet dicere vt hoc euitetur in con-

ueniens, quod intellectus non vnatur homini vt forma dans esse. Secundo in eodem 3. com. 36. sic ait, Intellectus materialis non copulatur nobiscum per se & primo, sed non copulatur nobiscum nisi per suam copulationem cum formis imaginabilibus: ergo secundum ipsum non vnatur nobis secundum esse, sic enim non copularetur nobiscum solum per copulationem sui cum formis imaginabilibus. Tertio, 1. Metaphysicæ, com. 33. inquit, q. impossibile est formas remanere, & deficere res quarum sunt formæ, quoniam tunc non esset generatio neque corruptio: sed efficiente indiuiduo adhuc remanet intellectus, ergo secundum ipsum, intellectus non est forma dans esse indiuiduo. Posset ex aliis locis hoc ipsum confirmari: sed quoniam est quæstio hæc ab aliis discussa, & viri summæ autoritatis, vt Albertus, S. Th. Scotus, atq; alij plerique Auer. pertinacissimi se sectatores, hoc ipsi attribuant: idcirco non est mihi hoc loco vltius circumspectum mentem Auer. immorandum. Quod autem primo ex 10. Ethicor. obiciunt, non cogit: dici enim potest primo, quod ibi Commentator loquitur non secundum propriam, sed secundum vulgi opinionem. Secundo dici potest, quod loquitur non de existentia hominis substantiali, secundum quam dicitur homo esse in rerum natura (hæc enim secundum ipsum homini per cogitatum conuenit) sed de existentia in ordine ad operationem, quæ est intelligere. In quantum enim homo habet hanc operationem quæ est intelligere, vnatur sibi intellectus, eo modo quo formam habens, in aliquo fundamento dicitur vniri fundamento ipsius forme: aut etiam eo modo quo ars vnatur instrumento. Principale autem ex quo homo intelligit, est intellectus, sicut principale ex quo instrumentum artis operatur, est ipsa ars: & sic dicitur q. existentia hominis in quantum homo est, id est, existentia & esse hominis vnde habet vt possit intelligere, conuenit sibi per intellectum, quia honorabilius ens est intellectus vnatur homini, & sibi tanquam principaliori attribuitur actio intelligendi, homini autem sicut instrumento. Potest etiam tertio dici q. existentia hominis conuenit sibi per intellectum extrinsecè tantum, non autè essentialiter & intrinsecè, licet aliquā cum homine intellectus habeat vnitatem. Non cogit etiam quod secundò obicitur. Dicitur enim q. loquitur de continuatione potentialitatis enim cõtinuatio est prima, & est naturalis. Potest etiam dici, quod primam continuationem vocat illam quæ est ratione primorum principiorum. Cum enim primorum principiorum notitia sit nobis naturaliter inserta, vnio intellectus nobiscum ad ea principia intelligenda naturalis erit.

Ad tertiam autoritatem potest primo dici, quod per rationalitatem accipit virtutem cogitandi: cogitativa enim ratio particularis dicitur. Potest secundo dici, quod per rationalitatem intelligit quidem virtutem ad intelligendum: sed per hoc non sequitur intellectum vniri nobis secundum esse. Per cogitativam enim homo est natus intelligere tanquam per instrumentum intellectus possibilis, sive tanquam per id ex quo homo habet vt continuari possit cum intellectu, quomodo dicitur 12. Metaph. com. 38. quod hominis forma in quantum est homo, non est nisi per continuationem eius cum intellectu. Vnde & per cogitativam homo intrinsecè & essentialiter secundum ipsum à brutis differt, per intellectum autem extrinsecè, in quantum per cogitativam non est natus homo intelligere, nisi in quantum nata est vt sibi intellectus possibilis copuletur.

Quantum ad tertiam partem arguit san. Tho. cõtra hanc Auerois fictionem, & primo absolute ipsam impugnando: secundo, ostendit de ipsa dictis Arist. repugnare, c. 61. Quantum ad primum arguit ex duplici via. Prima sumitur ex ipsa hominis operatione, quæ est intelligere: secunda ex natura atque specie hominis, & incipit in septima ratione huius capituli. In prima via supponitur tãquam manifestum, q. homo intelligat: hoc enim vniuersique in seipso experitur. Ostendit autem quod propter continuationem intellectus cum phantasmate non potest dici homo intelligere, si ponatur intellectus substantia ab homine secundum esse separata: & arguitur primo sic, id quod habet intellectum, est intelligens, & id intelligitur, cuius species intelligibilis intellectui vnatur: ergo ex hoc q. species vnita intellectui est aliquo modo in nobis, scilicet per phantasma in quo habet veritatis fundamentum, non sequitur quod homo intelligat, sed quod intelligatur.

AD VERTE fundamentum huius primæ rationis esse (vt patet in Quæst. De Anima art. 2.) quod non est aliquid cognoscitivum ex hoc quod adest ei species cognoscibilis, sed ex hoc quod adest ei potètia cognoscitiua. Ex hoc autem quod species intelligibilis aliquo modo vnatur homini ratione phantasmatis, non adest homini virtus cognoscitiua, sed tantum ipsa species intelligibilis, cum intellectus remaneat secundum esse ab homine separatus. Idcirco ex tali vnione intellectus nobiscum ratione phantasmatis, non sequitur quod homo sit intelligens, sed magis quod intelligatur, cum species sui phantasmatis sit vnita intellectui.

Secundo, & est declaratio quædam & explicatio præcedentis rationis. Similis continuatio est intellectus possibilis per formam intelligibilem ad phantasma quod in nobis est, & potètia visiva ad colorem qui est in lapide: sed hæc continuatio non facit lapidem videre, sed videri: ergo & dicta continuatio intellectus nobiscum non facit nos intelligere, sed solum intelligi, ergo non est sufficiens prædictus continuationis modus. Consequenter nota cum minori. Maior autem probatur ex comparatione qua vnatur & ipse Auer. & Aristot. scilicet q. sic habet species intelligibilis ad phantasmata, sicut species visibilis in actu ad coloratum extra animam. Ad hanc rationem dupliciter secundum Aueroistas responderi potest. Primo, quod ratio supponit falsum, scilicet q. ideo intellectus dicatur nobis copulari, quia ipse intelligat phantasma quod in nobis est: hoc enim non est ad mentem Auer. sed ideo secundum ipsum dicitur intellectus nobiscum copulari, quoniam idem cognoscitur ab intellectu & à nostra cogitativa, sed ab intellectu quidem vniuersaliter, ad cogitativam autem particulariter, se habent enim sicut ars & securus, quæ in vna operatione circa idem continentur, ars quidem principaliter, securis vero instrumentaliter. Vnde comparatio adducta licet sit quantum ad aliquid conueniens, & ratione illius sit ab Arist. assumpta: non tamen quantum ad omnia conueniens est, & ideo dicitur quod maior adductæ rationis est falsa: non enim continuatur visus cum colorato ratione operationis circa idem obiectum, sicut intellectus possibilis cum phantasmate.

Secundo responderi potest, quod secundum Auer. non habet homo ex illa sola vnione cum phantasmate, vt intelligat, sed ex assistentia intellectus ad corpus humanum tanquam ad proprium mobile essentialiter sibi correspondens, sicut se habet intelligentia ad orbem. Vnde verum est dicere ex tali vnione quod Socrates intelligit, sicut quod calum in uerbo se.

SED contrarietatem harum responsionum, arguitur primo, quia non videtur

De copulatione intellectus nobiscum per phantasmata apud Auer.



videtur assignari continuatio intellectus nobiscum per phantasma ad mentem Commentatoris, scilicet quia cogitativa & intellectus conueniant in una operatione. Assignans enim Auer. 3. De Anima, modum continuationis, inquit quod ideo continuatur nobis intellectus, quia species intelligibilis quæ est in intellectu, habet duplex subiectum scilicet intellectum ipsum, & phantasma in nobis existens. Ex quibus patet quod non ponit continuationem intellectus nobiscum, quia idem cognoscatur ab intellectu per speciem intelligibilem, & a cogitativa per formam imaginatam: sed quia per speciem intelligibilem fit aliqua colligatio intellectus nobiscum, eo quod illa in nobis habeat subiectum, scilicet phantasma, sicut habet per subiectum intellectum, licet alio & alio modo. Intellectus enim est eius subiectum per modum inhesionis, phantasma autem eo quod eius veritate fundat. Secundum ergo hanc continuationem procedit ratio, non secundum illam quod intellectus cognoscatur phantasma in nobis existens: & maior assumpta est vera, sicut enim species intelligibilis habet duplex subiectum, ita & species visibilis, scilicet potentiam visumam, & coloris a quo causatur: & ideo utrobique similis esse, neque ad mentem Com.

Secundo, esto quod continuationem illam intendat Auer. quæ respondet ponit, sequitur quod homo nihil vniuersaliter ex illa vniione cognoscatur (cuius oppositum vnusquisque experitur) & per consequens homo non intelligit, cum intelligere vniuersaliter fit. Probatur consequentia. Continuatur nobiscum intellectus, quia idem comprehenditur est ab intellectu & cogitativa, ab intellectu vniuersaliter, a cogitativa particulariter: sed intellectus nihil est hominis, imò est secundum esse ab ipso separatus, ergo per hoc quod intellectus id quod cogitativa cognoscit particulariter, ipse vniuersaliter intelligat, non sequitur quod homo vniuersaliter intelligat, sed tantum particulariter comprehendat per suam virtutem cogitativam. Sicut per hoc quod Deus vniuersaliter cognoscatur, quod nos particulariter apprehendimus, non sequitur vniuersaliter intelligere.

Tertio, vniio duorum cognoscentium in aliquo extrinseco obiecto, non facit vt eadem numero cognitio vnus sit alteri: idem enim ad diuersis potest simul diuersis cognitionibus apprehendi, ergo quod idem ab intellectu & cogitativa hominis comprehendatur, non facit vt homo cogitans eadem intellectione intelligat quia ipse intellectus, ergo cum non possit dici alia operatione intelligere, cum intelligere sit solius intellectus operatio, sequitur quod per talem continuationem nullo modo potest dici homo intelligens.

Quarto, intelligere non est per organum corporeum: ergo non conueniunt intellectus & cogitativa in comprehensione eiusdem, ita quod intellectus sit principale agens sicut ars, & cogitativa quæ est in organo corporeo, sicut instrumentum.

Contra secundam responsionem arguit S. Thom. Prima parte quest. 76. & in Tractatu De Veritate Intellectus, nonnullis rationibus quæ ab aliis Thomistis sunt explanatæ, ideo non oportet nos in ea improbanda ulterius immorari.

Tertio arguitur ad conclusionem, Homo est intelligens per intellectum sicut per virtutem cognoscitivam, ergo non per formam intelligibilem coniungitur intellectui, sed econuerso per intellectum coniungitur intelligibili: ergo male dicitur quod homo coniungitur intellectui ratione speciei intelligibilis fundatæ in phantasmate. Probatur consequentia, quia cognoscens per virtutem cognoscitivam coniungitur obiecto, & non econuerso per obiectum coniungitur virtuti cognoscitivæ, sicut omne corpus per virtutem operativam coniungitur operato.

Quarto, Homo intelligit, & non nisi per intellectum, ergo oportet ipsum vniri nobis formaliter, & non solum per suum obiectum. Probatur consequentia, quia id quod aliquid operatur, oportet esse formam eius, quod probatur, tum quia nihil agit nisi secundum quod est actu, actu autem non est aliquid nisi per formam: tum quia Arist. per illud probat 2. De Anima, text. 24. animam esse formam.

**Id quo aliquid operatur est forma eius.** CIRC A hanc propositionem, Id quo aliquid operatur, est forma eius, dans scilicet esse illi, attendendum quod habet veritatem de eo quo primo aliquid operatur, si ab operante sit distinctum, vt patet ex Philosopho loco præallegato. Dicitur autem quo primo aliquid operatur, id cui conuenit vt sit quo aliquid operatur, & non conuenit sibi per aliquid aliud vt sit tale: imò si alicui hoc conuenit, vt scilicet sit quo aliquid operatur, conuenit ei per ipsum. Ad hunc sensum propositio est verissima, quia primum principium quo aliquid operatur, necesse est vt actu operantem, cum nihil agat nisi secundum quod est in actu, habet etiam vniuersaliter veritatem de eo quo aliquid operatur tanquam potentia operativa. Et per hoc excluditur obiecto quæ posset fieri de diuina essentia vnita intellectui Beatorum: per ipsam enim intellectus Beati videt diuinam essentiam, & sic per ipsam Beatus operatur, & tamen non informat intellectum secundum esse. Constat enim quod non est id quo primo neque quo tanquam virtute intellectiva Beatus videt diuinam essentiam, sed ipsa anima substantia est quo primo Beatus videt diuinam essentiam: intellectus autem est virtus ipsa intellectiva. Supponit enim diuina essentia, vt supplet vicem speciei intelligibilis, & animam & intellectum. Diuina autem essentia supplet vicem speciei intelligibilis ex qua ipsa visio speciem sumit, vt sit talis rei intellectio. Nam cum species intellectiva lis det esse quoddam immateriale & accidentale intellectui, & sit ei principium intelligendi tanquam perficiens ipsum ad intelligendum, diuina essentia supplet vicem speciei, non quantum ad primum sed quantum ad secundum, vt ostenditur inferius in 3. Libro.

CIRC A illam propositionem, Homo intelligit, & non nisi per intellectum, attende, quod per dictionem illam exclusivam non excluditur species intelligibilis, sed excluditur alia virtus siue aliud quo primo homo intelligat: nullo enim alio tanquam prima virtute intelligendi homo intelligit quam intellectum, non faciendam distinctionem pro nunc inter intellectum & animam intellectivam.

AD hanc rationem ab Auerroistis respondetur, negando eius fundamentum, scilicet, Id quo aliquid operatur, est forma eius, si intelligatur de forma dante esse, non enim oportet quo aliquid operatur, dare esse operanti, sed sufficit vt sit operans intrinsecum: & cum probatur, quia oportet vt agens sit in actu per id quo operatur, non est autem in actu per illud, nisi vnatur sibi secundum esse, respondetur, quod compositum esse in actu per aliquid potest esse, aut quia esse vnus partis recipiatur in alia, sicut esse forme recipitur in materia: aut quia id quod alteri vnatur, sit ens actu in se. Modò, non

oportet vt id quod operatur per aliquid, sit in actu per ipsum primo modo, sed sufficit vt sit per ipsum in actu altero illorum modorum. Contra hanc responsionem arguitur vt arguebamus in Quest. nostris De Anima. Primo, quia apud Philosophos nunquam reperitur ideo vni dici per aliquid fieri actu, quia illud existens per se actu, vnatur sibi ad operandum, cum enim esse actu, opponatur ei quod est esse in potentia, sicut non dicitur aliquid esse in potentia ad formam, quia ipsa forma nata est sibi vniri alio modo quam per esse, sed quia natum est per ipsam formam habere esse (per hoc enim cognoscitur differentia materie a forma, & naturam eius esse puram potentiam, quia videlicet nata est a formis actuari secundum esse) ita & aliquid esse actu, per formam, erit non tantum vniri sibi formam per se actu existentem, sed per ipsam habere esse.

Secundo, Quia ratio Aristotelis ad probandum animam esse formam dante esse corpori, erit vana, & vniuersaliter de nulla forma ex operationibus probari poterit quod det esse operanti. Poterit enim dici quoniam id quo primo mouemur, sentimus, &c. non est forma dante esse operanti, sed quod ipsa in se actu existens vnatur corpori vt motor: & sic non oportet animam corpus informare. Confirmatur, quia tunc secundum hanc responsionem, cum plures trahunt nauim, poterit dici quod vnus est actu per alium, & quod operatur in quantum est actu per illum: quod ab omni Philosophia est alienum.

Quinto, species intelligibilis secundum quod est in phantasmatis, non est intelligibilis actu, sicut nec species coloris est sensata in actu secundum quod est in lapide, & per consequens non est vnus cum intellectu possibili: quia intelligibile in actu est vnus cum intellectu in actu, non autem intelligibile in potentia cum intellectu in potentia. Ergo non continuatur nobiscum secundum quod est in intellectu possibili, ergo non potest esse medium quo continuatur nobiscum intellectus possibilis. Probatur prima consequentia, quia secundum positionem prædictam, sic solum continuatur nobiscum species intelligibilis, secundum quod est in phantasmatis. Secunda quoque consequentia probatur, quia sic talis species secundum quod continuatur cum intellectu possibili, non continuatur nobiscum, nec econuerso. Subiungit autem S. Th. auctorem huius positionis per æquiuocationem deceptum esse, quia cum dupliciter dicatur actu intelligibile, aut scilicet, quia potest mouere intellectum possibilem, aut quia est intellectum in actu tanquam factum vnus cum intellectu possibili in actu, sicut dicitur visibile actu, aut quia potest mouere visum, sicut colores præsentem lumine, aut quia est actu sensatum, secundum quod est vnus cum visu in actu, sicut species visibilis, non distinguit hæc positio vnus modum ab alio, sed existimauit in ipso phantasmate esse formam actu intellectum, quia lumine intellectus agens possunt phantasmata mouere intellectum: & ideo cum intellectum in actu sit vnus intellectui, existimauit per talem formam fieri copulationem inter intellectum & hominem, tanquam per medium quoddam & vinculum vnens.

**ATTENDENDVM** hoc loco, quod dicitur forma intellecta in actu, aut sensata in actu, quando vnatur actu intellectui aut sensui, & illi suum obiectum repræsentat aut actu perfectio, aut habitualiter: hoc autem est quando est actualiter forma intellectus aut sensus, nam dum est ab intellectu aut sensu separata, non est vnus cum intellectu aut sensu, nec illi suum obiectum repræsentat. Et ideo videtur hic S. Th. nullam ponere differentiam inter formam secundum quod est intellecta aut sensata in actu, & ipsam vt est vnus cum intellectu aut sensu. Ex quo patet quod aliud est dicere (si proprie loquamur) formam esse actu intelligibilem aut sensibilem, & ipsam esse actu intellectam, aut sensatam: dicitur enim esse actu intelligibilis, aut sensibilis, quando habet esse secundum quod potest intellectum aut sensum mouere, causando in ipso formam intellectam aut sensatam in actu, & sic colores extrinsecus existentes præsentem lumine dicuntur actu visibiles, quia secundum esse quod habent extrinsecus, assistente lumine possunt mouere sensum. Res autem materiales secundum esse naturalem non sunt actu intelligibiles: quia secundum illud non possunt mouere intellectum, sed secundum quod per phantasma sunt in phantasma præsentem lumine intellectus agens sunt actu intelligibiles, quia per lumen intellectus agens possunt mouere intellectum possibilem. Dicitur autem intellecta actu aut sensata, quia est actualiter vnita intellectui, aut sensui, & illi actualiter obicitur, aut perfectio, aut habitualiter, vt accidit in intellectu.

**S. D.** ad hanc rationem sancti Thomæ posset dici quod procedit ex malo intellectu positionis Commentatoris. Non enim ideo ponit Commentator fieri continuationem intellectus nobiscum per speciem intelligibilem, quasi eadem numero species quæ actuatur intellectum, actuatur etiam phantasma, vt videtur ratio supponere: sed quia species existens in intellectu habet fundamentum in phantasmate: & illud aliquo modo repræsentat: & sic intellectus continuatur phantasmati, sicut speculum continuatur homini, cuius species resultat in speculo.

**CONTRA** hanc responsionem arguitur ex doctrina S. Thomæ in Tractatu De Veritate Intellectus, quia non poterit saluari aliquo pacto ex hoc vniionis modo id quod intendit Commentator. Vult enim ostendere quod non obstante separatione intellectus, secundum esse potest homini attribui quod intelligat propter continuationem intellectus cum phantasmate. Hoc autem nullam habet apparentiam posito illo modo vniionis: non enim propter eam continuationem quam habet speculum cum homine, sequitur vt homo habeat speculi actionem, quæ est repræsentare. Ergo ad hoc vt aliquid apparentiæ habeat sua positio, oportet vt intelligamus eam vniionem intellectus cum phantasmate per speciem, sic quod species sit actu in intellectu, & sit etiam in phantasmate: quævis sit etiam ipsa positio veritate non contineat, vt est ostensum.

Sexto, in homine est altior operatio vitæ quam in animali, quæ est intelligere: ergo homo habet altior speciem vitæ quam sit vita animalis, ergo habet altior animam quam viuunt, quam sit anima sensibilis, ergo intellectus est anima hominis, & per consequens eius forma. Antecedens patet ex cõfesso ab omnibus. Consequentia vero prima probatur, quia vbi inuenitur altior operatio viuentis, ibi inuenitur altior species vitæ correspondens illi actioni, vt patet cõparando animalia ad plantas. Secunda quoque probatur, quia vita est per animam. Vltima autem patet, quia nulla anima est altior sensibilis quam intellectus, id est, quam anima intellectiva.

**ADVERT E**, quod contra hanc rationem instari non potest dicendo quod intelligere apud S. Thom. non est ab anima actuè, sed tantum passiuè, ab obiecto autem actuè, vt falso ascribere videtur sibi Scotus 4. Sent. dist. 43. q. 2. Non enim apud sanctum Thomam intellectus merè passiuè concurret ad intellectionem, sed etiam aliquo modo actuè, in quantum ipsam elicit intellectionem, licet hoc non possit nisi recipiendo speciem ob obiecto, quod



quod est quoddam pati. Sed de hoc satis in superioribus est dictum. Quā-  
rum ad secundam viam, arguitur primò ex hac septima ratione sic. Se-  
quitur enim, quod homo non differt à brutis per hoc, quod est, intellectū  
habere: hoc est manifestè falsum, ergo &c. Probatur cōsequētia, quia si sit  
intellectus separatus secundum esse ab homine, vnitus autem tantummo-  
do prädicto, homo non sortitur speciem per vnionem ad intellectum,  
sed tantum per formam sensibilem, quia talis vnio consequitur hominis  
operationem, cum consequatur phantasmā, quæ est motus factus à sensu  
secundum actum. quod autem consequitur ad operationem alicuius rei,  
nō largitur ei speciem: nam operatio est actus secundus. forma autem per  
quam aliquid speciem habet, est actus primus. Ostendit, eadem via arguitur.  
Si homo sortitur speciem per hoc, quod est rationalis, & intellectum ha-  
bens, quicumque est in specie humana, est rationalis, & intellectum ha-  
bens: puer etiam antequam egrediatur ex utero, erit rationalis, & intelle-  
ctum habens, cum sit in specie humana, & tamen in ipso nondum sunt  
phantasmata, ergo non erit homo rationalis, & intellectum habens, pro-  
pter dictam continuationem.

Aduerte circa hac rationem, quod antecedens conditionalis accipit  
Sancti Tho. tanquam confessum, quoniam si hoc non esset, tunc homo nō  
differret specie à brutis, per hoc quod est ipsum esse rationale, & habe-  
re intellectum, ad quod tanquam ad inconueniens, in præcedenti ratione  
deduxerat.

Quod homo non sortitur speciem per intellectum  
passiuum, sed per intellectum possibilem.

Capit. 60.



Is autē rationibus obuiatur secundum præ-  
dictam positionem. Dicunt enim prædictus  
Auer. quod homo differt specie à brutis per  
intellectum quem Arist. vocat passiuum, qui  
est ipsa vis cogitativa, quæ est propria ho-  
mini: loco cuius alia animalia habent quandam æstimati-  
uam naturalem. Huius autem cogitativæ virtutis est di-  
stinguere intentiones indiuiduales, & comparare eas ad-  
inuicem: sicut intellectus qui est separatus & immixtus,  
cōparat & distinguit inter intēctiones vniuersales: & quia  
per hanc virtutem simul cum imaginatiua & memoratiua  
præparantur phantasmata vt recipiant actionem intelle-  
ctus agētis, à quo fiūt intelligibilia actū, sicut sunt aliqua  
artes præparantes materiam artifici principali: ideo præ-  
dicta virtus vocatur nomine intellectus & rationis. de qua  
medici dicūt quod habet sedem in media cellula capitis:  
& secundum huius dispositionē virtutis differt homo vnus  
ab alio in ingenio, & in aliis quæ pertinent ad intelligen-  
dum: & per vsum huius & exercitium acquirit homo ha-  
bitum scientiæ. unde habitus sciētiarum sunt in hoc intel-  
lectu passiuo, sicut in subiecto: & hic intellectus passiuus  
à principio adest puero, per quem sortitur speciem huma-  
nam antequam actū intelligat. Quod autem hæc sint falsa,  
& abusiue dicta, euidenter apparet. operationes enim vi-  
tæ comparantur ad animam vt actus secundi ad primū, vt  
patet per Philosophum in tertio de anima. actus autē pri-  
mus in eodem præcedit tempore actum secundum: sicut  
scientia est ante considerare. in quocunque igitur inueni-  
tur aliqua operatio vitæ, oportet imponere aliquam par-  
tem animæ quæ cōparatur ad illam operationē sicut actus  
primus ad secundum. sed homo habet propriam operatio-  
nem supra alia animalia, scilicet intelligere & ratiocinari,  
quæ est operatio hominis in quantum homo est, vt Arist. di-  
cit in 1. Ethic. \* ergo oportet in homine ponere aliquod  
principium quod propriè dat speciem homini: quod se ha-  
beat ad intelligere sicut actus primus ad secundū. hoc au-  
tem non potest esse intellectus passiuus prædictus: quia  
principium prædictæ operationis oportet esse impasibi-  
le, & non mixtum corpori, vt Philosophus probat. \* cuius  
contrariū apparet de intellectu passiuo. non igitur est pos-  
sibile quod per virtutem cognitiuam quæ dicitur intelle-  
ctus passiuus, homo speciem sortiatur per quam ab aliis  
animalibus differat.

2 Adhuc, quod est passio partis sensitivæ, non potest po-  
nere in altiori genere vitæ quàm sit vita sensitiva: sicut  
quod est passio animæ nutritiua, non ponit in altiori ge-  
nere vitæ quàm sit vita nutritiva. Constat autē quod phan-  
tasia & huiusmodi potentia quæ ad ipsam consequuntur,  
vt memoratiua & cōsimiles, sunt passionēs partis sensi-  
tivæ, vt probat Philosophus in lib. de memoria: non igitur

per prædictas virtutes vel aliqua earum, animal aliquod  
potest poni in altiori genere vitæ, quàm sit anima sensiti-  
ua. Homo autem est in altiori genere vitæ, quod patet per  
Philosophum in secundo de anima, \* qui distinguens ge-  
nera vitæ, superaddit intellectiuum (quod homini attri-  
buit) sensitiuo: quod attribuit communiter omni animali:  
non igitur homo est viuens vita sibi propria per virtutem  
cogitativam prædictam.

3 Amplius, omne mouens seipsum, secundum quod probat  
Philosophus in octauo Physicorum, \* componitur ex  
mouente & moto. homo autem, sicut & alia animalia, est  
mouēs seipsum: ergo mouens & motum sunt partes ipsius.  
primum autem mouens in homine est intellectus. nam in-  
tellectus suo intelligibili mouet voluntatem. Nec potest  
dici quod solus intellectus passiuus sit mouēs: quia intel-  
lectus passiuus est solum particularium. in mouendo autē  
accipitur vniuersalis opinio, quæ est intellectus possibilis:  
& particularis, qui potest esse intellectus passiuus, vt patet  
per Arist. in 3. de anima, & in 7. Ethic. ergo intellectus pos-  
sibilis est aliqua pars hominis, & est dignissimum & for-  
malissimum in ipso: ergo ab eo speciem sortitur, & non ab  
intellectu passiuo.

4 Adhuc, intellectus possibilis probatur non esse actus  
corporis alicuius propter hoc quod est cognoscituius o-  
mnium formarū sensibilem in vniuersali. nulla igitur vir-  
tus cuius operatio se extendere potest ad vniuersalia o-  
mnium formarū sensibilem, potest esse actus alicuius  
corporis, volūtas autem est huiusmodi. omnium enim eo-  
rum quæ intelligimus, possumus habere voluntatem, salte-  
ea cognoscēdū: apparet etiam actus voluntatis in vniuer-  
sali. odimus enim (vt dicit Arist. in sua rhetorica) in vni-  
uersali latronum genus. irascimur autem particularibus  
tantum. volūtas autem non potest esse actus alicuius par-  
tis corporis: nec cōsequi aliquam potētiam quæ sit actus  
corporis. omnis autem pars animæ est actus alicuius cor-  
poris præter solum intellectum propriè dictum. igitur vo-  
luntas in intellectu parte est. vnde & Arist. dicit in 3. de  
anima, quod voluntas in ratione est: irascibilis autem &  
concupiscibilis in parte sensitiva. propter quod & actus  
concupiscibilis & irascibilis cum passione sunt: nō autem  
actus voluntatis, sed cum electione. voluntas autem homi-  
nis nō est extrinseca ab homine quasi in quadam substan-  
tia separata fundata, sed in ipso homine. aliter enim non  
esset dominus suarum actionum. quia ageretur voluntate  
cuiusdam substantiæ separata, & in ipso essent tantum po-  
tentia appetitiua cum passione operantes, scilicet irasci-  
bilis & concupiscibilis, quæ sunt in parte sensitiva. sicut &  
in ceteris animalibus, quæ magis agūtur quàm agant. Hoc  
autem est impossibile, & destructiuū totius moralis phi-  
losophiæ & politiæ conuersationis. oportet igitur intel-  
lectum possibilem in nobis esse per quem à brutis differa-  
mus: & non solum secundum intellectum passiuum.

5 Item, sicut nihil est potens agere nisi per potentia acti-  
uam in ipso existentem, ita nihil potēs est pati nisi per po-  
tentiam passiuam quæ est in ipso. combustibile enim est po-  
tens comburi: non solum quia est aliquid potens combu-  
rere ipsum, sed etiam quia in se habet potentiam vt com-  
buratur. Intelligere autem quoddam pati est, vt dicitur in  
3. de anima. cum igitur puer sit intelligens potentia, & si  
non actu intelligat: oportet quod sit in eo aliqua potentia  
qua sit potens intelligere. hæc autem potentia est intelle-  
ctus possibilis. oportet igitur quod puero iam sit coniun-  
ctus intellectus possibilis antequam actu intelligat: nō est  
igitur continuatio intellectus possibilis cum homine per  
formam intellectam in actu, sed ipse intellectus possibilis  
inest homini à principio sicut aliquid eius. Huius autem ra-  
tionis respōdet Auuerrois prædictus. dicit enim quod puer  
dicitur potentia intelligere, duplici ratione. Vno modo,  
quia phantasmata quæ sunt in ipso, sunt intelligibilia in po-  
tentia. Alio modo, quia intellectus possibilis est potens  
continuari cum ipso, & non quia intellectus sit iam vnitus  
ei. Ostendendum est autem quod vterque modus sit insuf-  
ficiens.

Positio Auer.  
2. de anima,  
com. 5.

Hoc habetur  
ab Auer. vbi  
supra, com. 6.

Improbatio  
prædictæ positio-  
nis, com. 5.

\* Cap. 9.

\* 3. de anima.  
tex. com. 6.

\* tex. cō. 14. &  
infra.

\* tex. com. 40.

3. de anima  
tex. com. 18. 7.  
Ethic. com. 5.

lib. cap. 4.

tex. com. 42.

tex. com. 2.



ficiens, alia enim potentia est qua agens potest agere, & alia potentia qua patiens potest pati: & ex opposito diuiduntur. Ex eo igitur quod cōuenit alicui quod possit agere, nō competit ei quod possit pati. posse autem intelligere, est posse pati: cū intelligere quoddam pati sit, secundum philosophum. non igitur dicitur puer potens intelligere ex eo quod phantasmata in eo possunt esse intelligibilia in actu, cū hoc pertineat ad posse agere: phantasmata enim mouent intellectum possibilem.

6 Adhuc, potentia consequens speciem alicuius non competit ei secundum id quod speciem non largitur. posse autem intelligere, consequitur speciem humanam, est enim intelligere operatio hominis in quantum huiusmodi: phantasmata autem non dant speciem humanam, sed magis consequuntur operationem hominis, non ergo ratione phantasmatum potest dici puer potentia intelligens.

7 Similiter autem neque potest dici puer posse intelligere, quia intellectus possibilis potest continuari cum ipso. sic enim aliquis dicitur potentia agere vel pati per potentiam actiuam vel passiuam, sicut dicitur albus per albedinem: non autem aliquis dicitur albus antequam albedo sit ei coniuncta: ergo neque dicitur aliquis potens agere vel pati aequam potentia actiua vel passiuam ei ad sit. non ergo de puero posset dici quod est potens intelligere antequam intellectus possibilis, qui est potentia intelligendi, sit ei continuatus.

8 Præterea, aliter dicitur aliquis potens operari antequam habeat naturam qua operetur, & aliter postquam iam habet naturam, sed impeditur per accidens ab operando, sicut aliter dicitur corpus potens ferri sursum antequam sit leue: & aliter postquam iam est generatum leue, sed impeditur in suo motu. puer autem est in potentia intelligēs, non quasi nondum habens naturam intelligendi, sed habens impedimentum ut non intelligat. impeditur enim ab intelligendo propter multimodos motus in ipso existentes, ut dicitur in 7. Physicorum. non igitur propter hoc dicitur potens intelligere, quia intellectus possibilis qui est intelligendi principium, potest continuari sibi: sed quia iam est cōtinuatus, & impeditur ab actione propria: unde impeditur remoto statim intelligit.

9 Itē, habitus est quo quis operatur cū voluerit: oportet igitur eiusdem esse habitum, & operationē quæ est secundum habitum. Sed considerare intelligendo, quod est actus huius habitus qui est scientiæ, non potest esse intellectus passiuus, sed est ipse intellectus possibilis. ad hoc enim quod aliqua potentia intelligat, oportet quod nō sit actus corporis alicuius: ergo & habitus scientiæ non est in intellectu passiuo, sed in intellectu possibili: scientia autem in nobis est secundum quam dicimur scientes: ergo & intellectus possibilis est in nobis, non secundum esse à nobis separatus.

10 Adhuc, scientia est assimilatio scientis ad rem scitam. rei autem scitæ, in quantum est scita, non assimilatur scienti nisi secundum species vniuersales, scientia enim de huiusmodi est: species autem vniuersales non possunt in intellectu passiuo esse, cū sit potentia vtens organo, sed solum in intellectu possibili. scientia igitur non est in intellectu passiuo, sed solum in intellectu possibili.

11 Amplius, intellectus in habitu (ut aduersarius confiteretur) est effectus intellectus agentis: intellectus autem agentis effectus sunt intelligibilia in actu, quorum propriū recipiens est intellectus possibilis, ad quem comparatur, ut agens sicut ars ad materiam, ut Aristoteles dicit in 3. de anima. \* oportet igitur intellectum in habitu, qui est habitus scientiæ, esse in intellectu possibili non passiuo.

12 Præterea impossibile est quod perfectio superioris substantiæ dependeat ab inferiori. perfectio autem intellectus possibilis dependet ab operatione hominis. dependet enim à phantasmatibus quæ mouent intellectum possibilem: non igitur est intellectus possibilis aliqua substantia superior homine: ergo oportet quod sit aliquid hominis ut actus & forma ipsius.

13 Adhuc, quęcunque sunt separata secundū esse, habent etiam separatas operationes: nam res sunt propter suas operationes, sicut actus primus propter secundum. unde Aristoteles dicit in primo de anima, \* quod si aliqua operatio-  
num animæ est sine corpore, possibile est animam separari: operatio autem intellectus possibilis indiget corpore. dicit enim Philosophus in 3. de anima, quod anima potest agere per seipsam, scilicet intelligere: quando intellectus est factus in actu per speciem à phantasmatibus abstractam quæ non sunt sine corpore: igitur intellectus possibilis nō est omnino à corpore separatus.

14 Amplius, cuiusque competit aliqua operatio secundum naturam, sunt ei à natura attributa ea sine quibus illa operatio compleri non potest: sicut Aristoteles probat in 2. lib. de cœlo. \* si stellæ mouerentur motu progressiuo ad modum animalium, quod natura dedisset eis organa motus progressiuus: sed operatio intellectus possibilis completur per organa corporea in quibus necesse est esse phantasmata: natura igitur intellectum possibilem corporeis vniuit organis. non est igitur secundum esse à corpore separatus.

15 Item, si sit secundum esse à corpore separatus, magis intelligit substantias quæ sunt à materia separata, quam formas sensibiles: quia sunt magis intelligibiles, & magis ei conformes. non potest autem intelligere substantias omnino à materia separatas: quia eorum non sunt aliqua phantasmata. hic autem intellectus nequaquam sine phantasmate intelligit, ut Aristoteles dicit in tertio de anima. \* sunt enim ei phantasmata sicut sensibilia sensui, sine quibus sensus non sentit: non est igitur substantia separata à corpore secundum esse.

16 Adhuc, in omni genere tantum se extendit potentia passiuam quantum potentia actiua illius generis: unde non est aliqua potentia passiuam in natura cui non respondeat aliqua potentia actiua naturalis: sed intellectus agēs non facit intelligibilia nisi per phantasmata: ergo nec intellectus possibilis mouetur ab aliis intelligibilibus, nisi à speciebus à phantasmatibus abstractis: & sic substantias separatas intelligere non potest.

17 Amplius, in substantiis separatis sunt species rerū sensibilibus intelligibiliter, per quas de sensibilibus scientiam habent. si igitur intellectus possibilis intelligit substantias separatas, in eis acciperet sensibilem cognitionem: non ergo acciperet eam à phantasmatibus: quia natura non abundat superfluis. Si autem dicatur quod substantiis separatis non adest cognitio sensibilem, saltem oportebit dicere quod eis adsit altior cognitio: quā oportet non deesse intellectui possibili, si prædictas substantias intelligit. habebit igitur duplicem scientiam: vnam per modum substantiarum separatarū, aliam à sensibus acceptam, quarum altera superfluerat.

18 Præterea, intellectus possibilis est quo intelligit animam, ut dicitur in tertio de anima. si igitur intellectus possibilis intelligit substantias separatas, & nos intelligimus eas: quod patet esse falsum, habemus enim nos ad eas sicut oculus nocturnæ ad solem, ut Aristoteles dicit \*.

19 His autem respondetur secundum positionem prædictam. Intellectus enim possibilis secundum quod est in se subsistens, intelligit substantias separatas: & est in potentia ad eas sicut diaphanum ad lucem. secundum autem quod continuatur nobis à principio, est in potentia ad formas à phantasmatibus abstractas: unde nos à principio non intelligimus per eum substantias separatas. Sed hoc stare nō potest: intellectus enim possibilis ex hoc dicitur secundum eos continuari nobis, quod perficitur per species intelligibiles à phantasmatibus abstractas: prius igitur est considerare intellectum ut in potentia ad huiusmodi species, quàm ut continuatur nobis. non igitur per hoc quod continuatur nobis est in potentia ad huiusmodi species.

20 Præterea, secundum hoc esse in potētia ad prædictas species, non esset ei secundum se cōueniens, sed per aliud: per ea autem quæ non conueniunt alicui secundum se, nō debet aliquid diffiniri. non igitur ratio intellectus possibilis

2. de anima.  
tex. com. 2.

tex. com. 12. 15.

tex. com. 8.

tex. com. 1. 15.

tex. com. 1. 15.

tex. com. 20.

tex. com. 4.

2. Met.

tex. com. 17.



bilis est ex hoc quod in potentia est ad predictas species, ut diffinit ipsum Arist. in tertio de anima.

21. Adhuc, impossibile est intellectum possibilem simul multa intelligere, nisi unum per aliud intelligat, non enim una potentia simul pluribus actibus perficitur nisi secundum ordinem. Si igitur intellectus possibilis intelligat substantias separatas, & species à phantasmatis abstractas: oportet quod vel intelligat per species huiusmodi substantias separatas, vel econverso.

22. Quodcumque autem detur, sequitur quod nos intelligimus substantias separatas, quia si nos intelligimus naturas sensibiles, in quantum intelligit eas intellectus possibilis: intellectus autem possibilis intelligit eas per hoc quod intelligit substantias separatas: similiter & nos intelligimus: & similiter si sit econverso. Hoc autem est manifeste falsum: non igitur intellectus possibilis intelligit substantias separatas: non est igitur substantia separata.

## Super Cap. 60.

**A**D has rationes secundum mentem Averrois respondetur & dicitur primo, quod homo differt à brutis non per intellectum possibilem, sed per intellectum passivum, qui est vis cogitativa in homine, cuius loco bruta habent aestimativam. Dicitur secundum, quod huius virtutis est distinguere intentiones particulares, & eas ad invicem comparare, & simul cum imaginativa & memorativa preparare phantasmata, ut ab intellectu agente hant actu intelligibilia, ex quo habet ut vocetur nomine intellectus & rationis, ut scilicet dicatur intellectus passivus, & ratio particularis. Est etiam ipsius acquirere sibi vlt & exercitio habitus scientiarum. Dicitur tertio, quod hic intellectus passivus à principio adest puero, per ipsumque sortitur speciem humanam, & antequam actu intelligat.

SED attendendum quod nomine intentionum individualium intelliguntur formae particulares secundum quod in ipsis inveniuntur aliquae conditiones quae sub sensu exteriori non cadunt, sicut sunt amicitia, inimicitia, vlt & nocivum, & similia. haec enim per aestimativam in brutis & per cogitativam in homine cognoscuntur. Quis enim aestimans lupum inimicum fugit: non autem fugit aliam ovem, quia amicam reputat: & sic inter ovem & lupum distinctionem facit & comparationem. Similiter avis colligit paleam, quia eam vtilem iudicat ad nidificandum: non autem colligit farmentum, quia illud inutile iudicat. Quod faciunt bruta per aestimativam, id homines per cogitativam faciunt, & longe perfectius, cum etiam per ipsam particulares propositiones componat, quod bruta non faciunt, sed tantum in re apprehendunt amicitiam & inimicitiam & similia.

CONTRA hanc autem responsionem arguit San. Tho. multipliciter. primo, homo habet aliquam operationem propriam supra alia animalia scilicet intelligere & ratiocinari, ex primo Ethic. ergo in homine oportet ponere aliquam partem animae quae proprie det speciem homini, quae se habeat ad intelligere, sicut actus primus ad secundum. ergo per intellectum passivum non potest homo speciem sortiri, per quam ab aliis animalibus differt. probatur prima consequentia quia operationes vitae comparantur ad animam ut actus secundi ad primum, ut patet 2. de anima. actus autem primus in eodem praecedit tempore actum secundum, sicut scientia est ante considerare. Secunda quoque consequentia probatur, quia principium intellectus non potest esse intellectus passivus, cum oporteat principium talis operationis esse impossibile & immixtum corpori, ut Philosophus probat, cuius contrarium apparet de intellectu passivo: cui scilicet assignatur pro sede media capitis cellula.

CIRCA istam propositionem, actus primus in eodem praecedit tempore actum secundum: dubitatur, quia graevitatem cum genitum est, incipit moveri, nisi ad sit impedimentum: & corpus luminosum statim illuminat praesente diaphano non impedito.

Respondetur quod haec propositio habet veritatem ubi actus secundus naturali necessitate non sequitur ad actum primum, sicut est in proposito, ubi actus intelligendi non necessario sequitur posito principio intellectus in materia. Potest secundum responderi, quod loquitur S. Th. de possibili, scilicet quod potest actus primus tempore praecedere actum secundum: & hoc conformiter dicitur ad id quod habetur 12. q. 3. art. 2. ubi ait S. Th. quod habens formam potest esse in potentia operans, sicut sciens est in potentia considerans. Et hoc ad propositum S. Tho. sufficit. Vult enim habere ex hoc quod oportet in eodem esse actum primum & secundum: quod manifeste habetur si in eodem non solum natura, sed etiam tempore actus primus actum secundum quandoque praecedat.

SED ad hanc rationem possit dupliciter responderi. Primo, quod secundum principia S. Th. non concludit, ut videtur dicere Scotus quarto sententiarum. dist. 43. quaest. 2. apud sanctum Thomam enim intellectus & intelligere se habent passivum, & non activum: & ideo ab anima non est operatio intelligendi, sed ab obiecto intelligibili aut phantasmate. Secundo, quod intelligere est propria quidem operatio hominis, sed non intrinseca, quoniam convenit quidem omni homini & soli per continuationem cum intellectu possibili, non autem per formam à qua vltimo constituitur in esse: quoniam homo constituitur in esse per cogitativam: & ideo non oportet ut in homine sit actus primus huius operationi correspondens tantum dans sibi esse: & illa propositio in quocumque invenitur aliqua operatio vitae, oportet in illo ponere aliquam partem animae quae ad illam comparatur ut actus primus ad secundum: est vera duntaxat ubi ponitur operatio in aliquo tanquam sibi intrinseca, ut pote ab eius forma completiva procedens.

AD primam harum responsionum dicitur primo, quod non est doctri-

na S. Thom. intellectum mere passivum ad intellectionem concurrere, licet intellectus sit potentia passiva. Et si enim accipiat speciem qua intelligit ab ipso obiecto, ratione cuius dicitur pari, secundum quam consideratione est potentia passiva, in formatum tamen specie intelligibili ipsam intellectionem producit elicitive, ut patet ex veri. q. 1. art. 9. Vnde falsum nobis à Scoto imponitur quod intellectus & intelligere se habeant mere passivum, & nullo modo activum. Dicitur secundum quod admissio etiam quod intellectus mere passivus ad intellectionem concurreret, adhuc ratio San. Thom. efficax est, quia si intellectus est hominis operatio propria, sive activum sive passivum, (hoc enim manifestum est, quod intellectus inest homini formaliter, & per ipsam excedit alia animalia) oportet dicere quod proprium eius receptivum sit formaliter in homine. actus enim & potentia illius receptiva ad idem suppositum pertinet & sic convenienter arguitur ex hoc quod intelligere est propria hominis operatio, sive ab ipso producta, sive in ipso recepta, oportere principium illius operationis, sive productivum, sive receptivum, esse hominis formam: & cum hoc non possit esse nisi anima intellectiva, relinquitur ipsam animam intellectivam hominis formam esse. Contra secundam responsionem arguitur, quia natura uniuscuiusque ex propria speciei operatione cognoscitur: & ex hoc quod operatio aliqua convenit alicui naturae in quantum talis, argui potest quod illud speciem sortitur per id quod est illius operationis principium: alioquin nulla esset via ex operationibus cognoscendi naturas rerum. Si ergo intelligere est propria hominis operatio, conveniens homini in quantum homo est, & in qua hominis beatitudo consistit, ac etiam per quam omnia alia transcendit, necesse est ut eius operationis principium sit forma hominis dans illi speciem propriam enim & specificam operationem oportet à propria & specifica forma procedere. Secundo, phantasia & potentia quae ad ipsam consequuntur, ut memorativa, & consimiles, sunt passionis partis sensitivae, ut dicitur in libro de memoria & reminiscencia. ergo per ipsas aut aliquam illarum non potest aliquod animal poni in altiori genere vitae quam sit anima & vita sensitiva. ergo homo non est vivens vita sibi propria per virtutem cogitativam, probatur prima consequentia quia passio partis sensitivae non potest ponere in altiori genere vitae quam sit vita sensitiva, sicut nec nutritiva in altiori genere vitae ponit, quam sit vita nutritiva. Secunda vero manifestatur, quia homo est in altiori vitae genere quam sit vita sensitiva, ut patet per Philosophum 2. de anima, ubi intellectum quod homini tribuit, superaddit sensitivum, quod omni tribuit animali. Dicitur forte quod licet cogitativa absolute accepta non ponat aliquid in superiori genere vitae quam sit vita sensitiva, potest tamen ponere in superiori genere, ut est intellectus coniuncta, quia ex tali coniunctione habet aliquid nobilitatis, quod absolute considerata non habet. Sed contra hoc arguitur. Primo, aut intelligitur ista coniunctio ratione phantasmatis, aut secundum rationem motoris & moti. Non primum, quia puer in ventre matris est essentialiter homo, & tamen non habet eius cogitativam unionem cum intellectu, quae est ratio phantasmatis, non secundum, quia ex hoc quod unum sit alterius motuum, non habet perfectionem quia essentialiter aliquid constituitur possit. vno enim motoris ad mobile, ipsum mobile praesupponit. ergo nulla est responsio.

Secundo, quantumcumque per unionem cogitativae cum intellectu ipsa cogitativa aliquid perfectionis haberet, nunquam tamen tantum elevari ut sit supra partem sensitivam. ergo ex unionem sui cum intellectu non potest aliquid ponere in altiori gradu vitae quam sit vita sensitiva. Tertio principaliter, homo est movens seipsum sicut & alia animalia. ergo movens & motum sunt partes eius: ergo intellectus. probatur prima consequentia ex 8. Physic. Secunda vero probatur, quia primum movens in homine est intellectus, cum suo intelligibili moveat voluntatem. Si dicatur quod sufficit ad movendum intellectus passivus: contra arguitur, quia intellectus passivus est solum particularium. in movendo autem accipitur praeter hoc univialis opinio, quae est intellectus possibilis, ut patet 3. de anima, text. 58. & 7. Ethic. cap. 5.

AD hanc rationem possit Averroistae dupliciter respondere. Primo, quod non oportet primum movens hominem esse partem huius, sed sufficit ut sit ipsi coaptatum ut proprium movens, sicut caelum dicitur movere seipsum, & tamen intelligentia movens corpus caeli non est illius pars, sed est tantum unita, ut proprius eius motor. Secundo, quod mens Arist. est movens per modum efficientis esse partem moventis seipsum, non autem movens per modum finis. modo intellectus non movet per modum efficientis, sed tantum per modum finis, tanquam praesens obiectum voluntati. Sed contra primam responsionem arguitur. Non est intelligibile quod aliquid moveat se, nisi dicatur quod aut totum moveat totum, aut pars partem: ita quod totum ratione vnius partis sit movens, & ratione alterius motum. ex hoc autem quod aliquid extrinsecum ab eius substantia illud moveat, quantumcumque sit motor illi appropriatus, illud non dicitur movere, sed moveri: unde & pars animalis mota ab alia parte non dicitur movere animal, quantumcumque pars movens si motor illi appropriatus: ergo responsio nulla. Nec valet instantia de caelo, quia si ponatur caelum movere seipsum, non dicitur movere se ratione intelligentiae abstractae, sed ratione animae eius. oportet enim illo dato ponere caelum esse verè animatum, ut inferius ostendit sanctus Thomas. Si dicatur quod homo potest nominare aut constitutum tantum per cogitativam, aut aggregatum ex ipso & intellectu, & quod primo modo non movet se complete, sed ut accipitur secundo modo, contra arguitur: tum quia non minus movet se homo quam alia animalia: sed alia animalia secundum suam essentiam considerata movent se: ergo & homo substantialiter tantum consideratus, quantum ad suas partes essentielles est movens seipsum: tamen quia homo secundo modo acceptus non dicitur simpliciter & per se, cum intellectu & homo non sint substantialiter indivisi. non enim conveniunt in vno esse substantiali.

Quod verò secunda responsio vana sit, constat. cum enim secundo de anima posuerit philosophus motuum secundum locum esse animae partem, in tertio inquires de hoc principio ponit intellectum & appetitum esse moventia in homine, & intellectum ac appetitum habere rationem vnius moventis. Ex quibus manifeste patet, quod intellectum non excludit à motu, quod est pars animae, quocumque ponamus intellectum movere, sive inquam per modum finis, sive per modum efficientis. superius

Tex. com. 14.  
& infra.

Text. 60. 40.



autem est ostensum quomodo moueat intellectus. Quartò, voluntas hominis est in intellectuua parte, & non est extrinseca ab homine tanquam substantia separata, sed est in ipso homine. ergo intellectum possibilem oportet in nobis esse, per quem à brutis differamus non solum secundum intellectum passiuum maior probatur, quia voluntas non potest esse actus alicuius corporis, nec consequi aliquam potentiam quæ sit actus alicuius partis corporis, quod constat: tum quia potest se extendere ad vniuersalia omnium formarum sensibilium. omnium enim quæ intelligimus, possumus habere voluntatem saltem ea cognoscendi, & etiam ad vniuersale eius actus fertur, sicut cum odimus in vniuersali latronum genus, ut dicit Arist. in sua rhetorica: omnis autem pars animæ est actus alicuius corporis præter solum intellectui propriè dictum, tum quia dicitur tertio de anima, quod voluntas in ratione est, irascibilis autem & concupiscibilis in parte sensitua: unde & actus voluntatis est cum electione, non autem cum passione: minor quoque probatur, quia aliter non esset homo dominus suarum operationum, quia ageretur voluntate cuiusdam substantiæ separatae quod est destructiuum totius moralis philosophiæ, & politice conuersionis.

CIRCA illam propositionem, Omnium quæ intelligimus possumus habere voluntatem, saltem ea cognoscendi, attendendum quod addidit sanct. Thom. saltem ea cognoscendi, quia cum voluntas non sequatur intellectum speculatiuum, sed practicum, ut dicitur tertio de anima: posset aliquis dicere multa à nobis intelligi in quæ voluntas non fertur, scilicet ea quæ sunt omnino speculabilia. Sed hoc admissio, negari tamen non potest quin circa ea quæ opere intellectus produci non possunt, possit aliquis actus esse qui sub ratione boni, aut conuenientis apprehendatur, & per consequens ad intellectum practicum pertineat, sicut est considerare & intelligere. licet enim triangulum habere tres angulos, non habeat in se rationem appetibilis, aut fugibilis, cognitio tamen eius potest habere rationem boni & conuenientis: & scilicet voluntas non appetat triangulum habere tres angulos, potest tamen huius cognitionem appetere sibi sub ratione boni & appetibilis ab intellectu propositam, & per consequens voluntatem habere possumus omnium quæ intelligimus, ea apprehendendo saltem quantum ad eorum cognitionem. Quintò, Puer est intelligens in potentia, ergo in ipso est aliqua potentia quæ est potens intelligere. ergo puero est coniunctus intellectus possibilis antequam intelligat, ergo non est continuatio intellectus possibilis cum homine per formam intellectam in actu, sed inest homini à principio tanquam aliquid sui. probatur prima consequentia: quia si nihil potest agere nisi per potentiam actiuam existentem in ipso, ita nihil potens est pati nisi per potentiam passiuam quæ est in ipso, ut patet de combustibili. secunda etiam probatur, quia intellectus possibilis est illa potentia quæ homo potest intelligere & pati ab intelligibili. Ad hanc rationem respondet Auer. 3. de anima, quod puer dicitur in potentia intelligere dupliciter, scilicet, quia phantasmata quæ sunt in ipso, sunt intelligibilia in potentia, & quia intellectus potest continuari cum ipso, non autem quia sit cum eo vnitus. Contra primam partem huius responsionis arguit sanct. Thom. Primò: quia phantasmata posse in puero esse intellecta in actu, est posse agere. ergo non dicitur puer posse intelligere, eò quod phantasmata in eo possint esse intellecta in actu: probatur antecedens, quia phantasmata mouent intellectum possibilem. consequentia etiam probatur, quia posse intelligere est posse pati, ex eo autem quo cõuenit alicui quod possit agere, non cõuenit quod pati possit.

Ad euidentiã antecedentis considerandum, quod species intellecta in actu coniuncta intellectui possibili non sic dicitur esse in potentia in phantasmate, quasi phantasma sit potentia receptiua illius, ut sit dicitur esse in ipso tanquam in potentia passiuã. sed quia phantasma potest illam cum intellectu agente in intellectu possibilem causare, cõparatur enim phantasma ad intellectum possibilem ut obiectum ad potentiam: ut dicit sanctus Thomas inferius: obiectum autem intellectus est eius motiuum, cum intellectus sit potentia passiuã: unde in præcedenti cap. dixit sanctus Thomas quod phantasmata per lumen intellectus agentis sunt actu intelligibilia, ut possint mouere intellectum possibilem. Ideò bene dicitur hic in antecedente, quod phantasmata posse esse intellecta in actu, pertinet ad posse agere: non enim dicuntur posse esse intellecta in actu, quasi ipsum phantasma idem numero possit à materialibus conditionibus denudari, & intellectum possibilem informare, sed quia potest causare formam in intellectu possibili à materialibus conditionibus denudatam per quam intellectus est actu potens intelligere.

CIRCA illam propositionem, Posse intelligere est posse pati: aduertendum quod illud intelligitur de posse intelligere primo & essentiali, secundum quod non habens formam intellectualem actu, dicitur posse intelligere propter potentiam tantum intellectualem in ipso existentem, non autem de posse intelligere accidentali, secundum quod existens in habitu dicitur posse operari. Cum enim intellectus possibilis non possit intelligere nisi informetur specie intelligibili, quando est absque tali specie, potest illam ab obiecto & phantasmate recipere: & sic posse intelligere est posse pati, quia est posse recipere specie ab intelligibili ex qua potest postmodum actum intellectus producere per modum principij actiui. unde considerato simpliciter intellectu denudato ab omni specie, ipsum posse intelligere est ipsum posse pati & recipere. considerato autem ipso ut iam specie informato ipsum posse intelligere non est ipsum posse pati, sed ipsum posse operari, quod est aliquo modo agere. Si autem diceret aliquis quod posse intelligere etiam considerato intellectu ut specie informato, est posse pati, quia intelligere est operatio immanens, quæ scilicet recipitur in operante, & sic posse intelligere, est posse recipere intellectum: dicitur quod licet intellectio sit operatio quæ in operante recipitur, non tamen recipitur in potentia simul & specie intellectuã, sed tantum in ipsa potentia intellectuã: unde non sequitur quod intellectum informatum specie, ut sic, posse intelligere, sit posse recipere & posse pati, sed tantum intellectum secundum se consideratum & nudum. Secundo, posse intelligere consequitur speciem humanam, cum intelligere sit operatio hominis in quantum huiusmodi. ergo non potest dici puer potentia intelligens ratione phantasmatis. probatur consequentia, quia potentia consequens speciem non cõpetit ei secundum id quod speciem non largitur. phantasmata autem non dant speciem humanam,

sed magis hominis operationem consequuntur. Contra secundam partem arguit, & primò, sic dicitur aliquis posse agere aut pati per potentiam, sicut dicitur albus per albedinem. sed non dicitur aliquis albus antequam albedo sit ei coniuncta: ergo non potest dici aliquis posse agere vel pati antequam potentia ei adsit. ergo non dicitur puer potens intelligere antequam intellectus sit ei continuatus. Secundo, puer est in potentia intelligens, non quasi nondum habens naturam intelligendi, sed tanquam habens impedimentum ut non intelligat. impeditur enim propter multimodos motus in ipso existentes, ut patet 7. Phys. ergo non dicitur potens intelligere, quia intellectus possit sibi continuari, sed quia intellectus est ei vnitus, & impeditur ab actione propria. Declaratur antecedens ex multiplici modo quo dicitur aliquis potens operari. Sextò, principaliter arguitur contra aliud dictum in prima responsione, scilicet quod cogitatuus est sibi habitus scientiarum acquirere. Considerate intelligendo, qui est actus scientiæ, non est intellectus passiuus, sed possibilis, ergo habitus scientiæ non est in intellectu passiuo, sed possibili. ergo intellectus possibilis est in nobis non secundu se separatus. probatur antecedens, quia ad hoc ut potentia aliqua intelligat, oportet ut non sit actus corporis alicuius. probatur etiam prima consequentia, quia eiusdem est habitus & operatio secundum habitum, cum habitus sit quo quis operatur cum voluerit. probatur & vltima consequentia, quia scientia est in nobis secundum quam dicitur scientes.

Septimò, rei sciẽ in quantum est scita, non assimilatur nisi secundum species vniuersales, cum scientia sit de huiusmodi, scilicet de vniuersalibus. ergo scientia non est in intellectu passiuo, sed solum intellectu possibili, ergo &c. probatur consequentia, quia intellectus passiuus est potentia vtens organo. in tali autem potentia non possunt esse species vniuersales. Quomodo species intelligibiles sint vniuersales, satis superius est ostensum.

Octauò, intellectus in habitu est effectus intellectus agentis, ut ipse Auer. confitetur. ergo intellectus in habitu qui est habitus scientiæ, est in intellectu possibili, non in intellectu passiuo. probatur consequentia, quia effectus intellectus agentis sunt intelligibilia in actu, quorum receptiuum est intellectus possibilis, ad quem (secundum Arist. 3. de anima, tex. com. 17.) comparatur agens sicut ars ad materiam. Nono, perfectio intellectus possibilis dependet ab hominis operatione, cum dependeat à phantasmatis quæ mouent intellectum. ergo non est substantia homine superior, ergo est aliquid hominis, ut actus & forma eius. probatur prima consequentia, quia impossibile est quod perfectio superioris substantiæ dependeat ab inferiori.

PRO secunda consequentia aduerte quod tenet secundum positionem Auer. qui ponit idẽ intellectum non esse hominis formam, quia est substantia homine superior. Sed ad hanc rationem posset responderi, primò quod fundamentum eius est falsum. homo enim & quantum ad sensum & quantum ad intellectum perficitur à rebus inanimatis à quibus species cognoscibiles accipit, & tamen inanimata sunt inferiora homine secundum substantiam: & sic non est impossibile perfectionem superioris substantiæ ab inferiori dependere. Secundo, admissio illo fundamento dici posset quod habet veritatem de dependentia substantiæ superioris ab inferiori tanquam à principali agente, non autem tanquam ab instrumento. Non enim inconuenit substantiam superiorem ab inferiori instrumentali perferri.

Ad primam harum dicitur, quod fundamentum rationis est verum, si sanè intelligatur. Per substantiam enim superiorem non intelligit sanct. Thom. substantiam quomodo cunque superiorem, sed quæ est superioris ordinis. Nunquam enim substantia superioris ordinis à substantia inferioris ordinis perficitur. oportet enim agens & patiens in eundem ordinem cõuenire, aut quod agens sit superioris ordinis, videmus enim quod corpora corruptibilia non possunt agere in corpora incorruptibilia ea perficiendo, neque substantiæ materiales in immateriales, sed bene econuerso. Unde instantia non est ad propositum. licet enim inanimata sint imperfectiora animatis, pertinent tamen ad eundem ordinem cum homine. tam enim homo qui à rebus inanimatis perficitur, quam res inanimatae pertinent ad ordinem rerum materialium, inter quas homo supremum locum tenet. ex quo habetur, quod si intellectum ponat Auer. ab homine abstractum tanquam substantiam superioris ordinis, non poterit perfici ab homine qui est inferioris ordinis secundum ipsum, utpote per cogitatuam quæ est virtus materialis in propria specie constituitur. Ad secundam dicitur, quod nec etiam instrumentaliter potest substantia superioris ordinis ab inferiori perferri. Ut enim in 3. huius inquit sanct. Thom. illud non potest fieri per aliquod instrumentum, ad quod actio illius instrumenti se extendere non potest: alioquin non oportet determinatorum effectuum esse determinata instrumenta. res autem inferioris ordinis non potest sua actione attingere res superioris ordinis. ergo &c. unde & intelligentia nõ vritur corporibus corruptibilibus ad immutationem corporum incorruptibilium, neque corporibus ad immutandum & perficiendum aliam intelligentiam.

Decimò, operatio intellectus possibilis indiget corpore: quia ut dicitur in 3. de anima, tunc intellectus intelligere potest, quando est factus in actu per speciem à phantasmatis abstractam, quæ non sunt sine corpore. ergo non est omnino à corpore separatus. probatur consequentia, quæcunque sunt separata secundum esse, habent separatas operationes: quod patet, tum quia res sunt propter suas operationes sicut actus primus propter secundum, tum conditionali posita à Philosopho 1. de anima. scilicet quod si aliqua operationum animæ est sine corpore, possibile est eam separari.

Ad hanc rationem instari posset, quia corpora inferiora non possunt in suas actiones sine corporibus cõsistentibus, cessante enim motu celi cessant & motus naturales aliorum corporum, ut tenet sanct. Thom. Similiter animal non potest sentire absque corporibus à quibus species sensibiles accipit, & tamen sunt separata secundum esse, ergo nõ est vniuersaliter verum quod separata secundum esse habeant separatas operationes, ita quod vnum ab altero in sua operatione non dependeat. Respondetur quod non est mens sancti Thom. ea quæ sunt separata secundum esse, ita habere separatas operationes, quod vnum nullo modo ad alterius operationem concurrere possit, ut obiectio procedit, sed quod habent

Tex. com. 42.

Tex. com. 2.



habent operationes proprias distinctas, ita quod operatio vnius non est alterius tanquam proximè agentis dictam actionem elicientis, sicut enim esse vnius non esse alterius, ita propria operatio vnius non est alterius, cum diuersæ formæ ad diuersas operationes ordinentur. Secundum autem hunc sensum optime procedit ratio Sancti Thomæ, quia si substantia intellectiua secundum intellectum possibilem (nomine enim intellectus possibilis accipitur sancti Thomæ substantiam tali intellectus intelligentem) esset distincta secundum esse ab anima sensitiua cuius est phantasmata formare: operatio formandi phantasmata substantiæ tali intellectui non conueniret tanquam formæ proximè illam operationem elicienti. hoc autem falsum est, quia oportet formam intellectiuiam quæ per abstractionem à phantasmatibus intelligitur, sibi ipsi phantasmata apta ad intelligendum formare, non enim forma intellectiua abstrahit à phantasmatibus alienis, sed à propriis tanquam illustratis ab ipsa ad hoc ut ex ipsis intelligibilis species abstrahi possit. oportet ergo ut forma taliter intellectiua, & anima sensitiua in vno esse conueniant, quod cum sensitiua non conuenit phantasmata, non sic à corpore separata, quia phantasia non est sine corpore, necesse est ut etiam huiusmodi forma intellectiua non sit à corpore secundum esse separata.

Vndecimò. Operatio intellectus possibilis completur per organa corpora in quibus necesse est esse phantasma, ergo natura intellectus possibilem corporeis organis vniuit, ergo, &c. probatur prima consequentia ex Aristotele 2. celi, text. 34. quia cuiusque competit aliqua operatio secundum naturam, sunt ei à natura attributa ea, sine quibus illa operatio compleri non potest.

ADVERTENDUM, quod ex eodem fundamento procedit hæc ratio, ex quo præcedens, quia scilicet oportet ut forma per intellectum possibilem cognoscitur antequam sit actus per speciem intellectualem, formet sibi phantasmata à quibus species intelligibiles abstrahat: quod cum non possit fieri absque corporeis organis in quibus oportet esse phantasmata, necesse est ut natura intellectus possibilem, id est ipsam substantiam tali intellectu intelligentem, non autem ipsam potentiam intellectiuiam corporeis organis vniuerit. Duodecimò. Non potest intelligere substantias omnino à materia separatas, scilicet secundum earum essentiam, & quidditatiue, ergo, &c. probatur antecedens, quia nihil intelligit huiusmodi intellectus sine phantasmate, ut dicitur tertio de anima, eo quod phantasmata comparentur ad intellectum sicut sensibilia ad sensum. talium autem non sunt phantasmata, probatur quoque consequentia, quia si intellectus esset separatus, magis intelligeret substantias separatas quam sensibiles, cum sint magis intellectuales & magis ei conformes.

Tertiodecimò, & est confirmatio antecedens præcedentis rationis, sicut & alie rationes quæ sequuntur. Intellectus agens non facit intelligibilia nisi per phantasmata, ergo nec intellectus possibilis mouetur ab aliis intelligibilibus nisi ex speciebus à phantasmatibus abstractis: ergo substantias separatas intelligere non potest, probatur prima consequentia, quia in omni genere tantum se extendit potentia passiva, quantum potentia actiua illius generis, quod hoc signo ostenditur, quia nulla est potentia passiva in natura, cui non respondeat aliqua potentia actiua naturalis.

CIRCA hanc propositionem. Nulla est potentia passiva in natura cui non respondeat aliqua potentia actiua naturalis: dubitatur. Primum, quia in materia est potentia ad animam intellectiuiam & tamen nullum agens naturale potest animam intellectiuiam producere. Secundò, quia materia quæ fuit sub vna forma corrupta est ad eandem formam in potentia naturali, cum sit eadem priuatio huius formæ in materia antequam haberet formam & postquam habuit: & tamen nullum agens naturale potest illam formam in materia introducere, cum impossibile sit idem numero reparari per agens naturale, ergo, &c.

Ad huius euidentiam considerandum, quod quamuis naturale multis modis accipi possit, hoc tamen loco dicitur potentia naturalis illa potentia quæ ad aliquid secundum naturam creatæ inclinationem ordinatur, unde dicitur potentia passiva in natura, siue naturalis potentia naturæ cui innata est inclinatio ad recipiendum ab extrinseco creato formam naturalem, sicut materia prima inclinatur ad recipiendum formam substantialem ab aliquo agente corporeo & materiali: potentia autem actiua naturalis dicitur virtus creata, cui est innata inclinatio ad aliquid agendum in alterum creatum, sicut autem quilibet potentia naturalis siue actiua siue passiva determinat sibi obiectum proprium cuius est receptiua aut productiua, ita determinat sibi potentia passiva proprium agens à quo formam recipiat, & potentia actiua determinat sibi proprium patiens in quo agat. Unde sensus propositionis adductæ quæ est Commentatoris nono Metaphysicæ, est quod nulla est potentia passiva inclinata ex nature conditione ad recipiendum formam naturalem ab altero cui tantum proprium agens non respondeat aliqua potentia creata actiua ad agendum in ipsam naturaliter inclinata. Cum enim potentia passiva naturalis sit ordinata ad recipiendum formas naturales, forma autem naturalis sit quæ ab agente naturali & creato produci potest, necesse est ut potentia naturali passivæ correspondeat aliqua potentia actiua naturalis tanquam proprium agens à quo natura sit formam naturalem recipere.

Ad primam itaque obiectionem dicitur, quod quo modo anima intellectiua est forma naturalis, eo modo materia est in potentia naturali ad ipsam, & agens naturale est eius productiua. Si enim consideretur quantum ad esse eius absolute, sic non est forma naturalis, sed supernaturalis, & sic materia prima non est in potentia naturali ad ipsam, quia materia dicitur in potentia naturali, quantum ad esse formæ absolute, quando talis forma est educibilis per agens naturale de potentia materiæ, anima autem intellectiua non est per agens naturale, educibilis de potentia materiæ, cum possit remanere separata à materia, si autem consideretur quantum ad vniorem eius cum materia, sic est forma naturalis & materia, est in potentia naturali ad ipsam, ut scilicet materiæ vniibilis & agens naturale est eius causa in quantum causat dispositiones in materia facientes ad vniorem eius cum materia.

Ad secundum dicitur, quod materia non est in potentia naturali ad eandem numero formam quam amisit, quia illa forma postquam desit esse in materia non est amplius forma naturalis; unde ipsa eadem forma

antequam per ipsam actuetur materia, est naturalis: utpote ab agente naturali producibilis in esse, postquam autem separata à materia desit esse aut vniiri materiæ, est supernaturalis, utpote ab agente tantum supernaturali producibilis, dicitur tamen absolute secundum rationem suæ speciei naturalis forma, quia absolute loquendo est ab agente naturali producibilis in esse. Ad probationem dicitur primò, quod ad hoc ut materia sit in potentia naturali ad formam, non sufficit ut habeat priuationem formæ, si per priuationem intelligatur sola negatio formæ in materia, sed requiritur etiam aptitudo & inclinatio materiæ ad formam naturalem, ideo licet post amissionem formæ remaneat eadem priuatio propter identitatem termini & subiecti, non tamen remanet eadē potentia naturalis, quia non remanet aptitudo materiæ ad formam, tanquam ad formam naturalem.

Dicitur secundò quod si per priuationem intelligatur negatio formæ in subiecto apto recipere formam tanquam naturalem, siue ab agente naturali, non est eadē priuatio, numero ante & post, propter variationem aptitudinis & inclinationis subiecti. prius enim materia inclinabatur ad ipsam tanquam ad formam naturalem, posterior vero non habet illam aptitudinem & inclinationem, licet sit apta illam formam à Deo recipere, in quo consistit ratio potentie obedientialis, non autem potentie naturalis proprie loquendo. Quarto decimò, si intelligeret substantias immateriales, in eis acciperet sensibilem cognitionem, quia in substantiis separatis sunt species rerum sensibilibus intelligibiles per quas de sensibilibus cognitionem habent, ergo non acciperet eam à phantasmatibus.

Si dicatur quod substantiis separatis non adest cognitio sensibilibus: contra, quia saltem habebunt cognitionem aliquam altiore: & cum oporteat eas non deesse intellectui possibili substantias separatas intelligat, habebit intellectus possibilis duplicem scientiam, vnam per modum substantiarum separatarum, aliam à sensibus acceptam, & sic altera superflueret.

CIRCA hanc rationem dupliciter dubitatur. Primum, quia prima consequentia non videtur vera. Species enim existentes in intellectu vnius substantiæ separatae non sunt causatiue specierum in intellectu alterius substantiæ separatae, nec vna substantia separata intelligit per speciem alterius substantiæ separatae, cum oporteat intellectum intelligens informari specie intelligibili, ergo quamuis species sensibilibus sint in substantia separata intelligibiliter, non sequitur quod intellectus intelligens substantias separatas, accipiat in eis sensibilem cognitionem.

Secundò, quia non videtur si intellectus habeat illam duplicem cognitionem, quod altera superflua. non enim si intellectus habet cognitionem aliquam de Deo, & aliquam de sensibilibus, altera superflua: alioquin aut Metaphysica aut Philosophia naturalis superflua esset. eodem modo si intellectus possibilis habeat scientiam vnam ad modum substantiarum separatarum, quæ sit altior cognitione sensibilibus, & aliam à sensibus acceptam, quia ipsa sensibilia cognoscat: non oportet earum alteram superflua, superuacaneamque esse.

Ad primum horum dicitur quod ratio procedit ex suppositione modi intelligendi quem videtur ipse Auerrois ponere 3. de anima, commento 20. & 36. ut etiam sibi imponit sanctus Thomas 4. distinct. 49. quæst. 2. artic. 1. Ponit enim intellectum quem ipse materiale vocat, secundum se consideratum, non autem secundum quod est nobis copulatus, semper substantias separatas intelligere, ex eo quod ipsa substantia separata intellectui materiali est vnita, quemadmodum & illi substantia intellectus agentis vnitur, secundum enim hanc positionem sicut nos ponimus intellectum beatorum semper videre diuinam essentiam, per hoc quod diuina essentia intellectui vnitur per modum formæ intelligibilis, ita ponitur intellectum substantias separatas intelligere ex hoc quod intellectui per modum formæ intelligibilis vnuntur: & ideo sicut videntes diuinam essentiam videntur omnia creata tanquam per ipsam essentiam in qua intelligibiliter sunt representata, ita intellectus videns substantiam separatam essentialiter ut in se est, si in substantia separata continentur intelligibiliter res sensibiles, in ipsa essentia substantiæ separatae videt res sensibiles per ipsam essentiam representatas, & sic in eis accipit cognitionem rerum sensibilibus: sicut videntes diuinam essentiam, in ipsa accipiunt cognitionem eorum quæ sibi per diuinam essentiam representantur. Si etiam ponatur intellectum non intelligere substantias separatas per hoc quod ipse vniantur intellectui, sed per species, adhuc sequitur propositum, quia quomodocumque intellectus ipsas cognoscat, si quidditatiue & perfecte eas cognoscat, videbit species in ipsis existentes quibus representantur sensibilia tanquam eius proprietates, aut tanquam habentes cum essentia substantiæ separatae identitatem, & sic cognoscat res sensibiles in substantiis separatis. Ex quibus patet consequentiam sancti Thomæ optimam esse, non quia speciebus existentibus in substantia separata, oporteat effluere species in intellectum materiale, sed quia per species existentes in substantia separata cognitæ res materiales intelligit. Quum autem contra hoc instatur, quia vna substantia separata non intelligit per species alterius substantiæ separatae, dicitur quod vtiq; vna intelligentia non intelligit per species in alia intelligentia existentes tanquam per principium elicitiuum operationis, sed bene potest intelligere per illas tanquam per rem cognitam in qua alia videntur, sicut dicimus beatos per essentiam diuinam ab eis visam videre creaturas. Si autem queratur quid erit principium elicitiuum huiusmodi cognitionis per modum speciei intelligibilis: respondetur quod ei quod videtur in alio, non oportet assignare principium & adæquatam speciem quæ sit principium cognitionis eius, sed sufficit species eius in quo ipsum videtur: per speciem enim speculi videntur omnia quæ in speculo videntur, & per diuinam essentiam vnitam intellectui videntur omnia quæ in diuina essentia cognoscuntur, sic etiam dicemus quod per formam qua intellectus materialis siue possibilis videt substantiam separatam, siue sit ipsa substantia separata, siue species eius, videbit etiam sensibilia quæ in ipsa representantur.

Ad secundum dicitur, quod cum negatur in responsione per sanctum Thomam adductas substantias separatas habere cognitionem sensibilem, non intendit responsio negare à substantiis separatis cognitionem sensibilem ex parte rei cognitæ, quasi nullo modo sensibilia cognoscant, ut obiectio supponit, sed ex parte mediij intelligibilis, sicut in argumento fuerat assumptum, quod in substantiis separatis sunt species rerum



sensibilium intelligibiliter, quia videlicet non intelligit per species ipsius rebus sensibilibus proportionatas & adæquatas, sed per altiores & vniuersaliores: & hanc vocat sanctus Thomas altiore cognitionem, & sic sequitur quod altera cognitio de rebus sensibilibus erit superflua. Si enim intellectus cognoscit res sensibiles per inspectionem altiorum specierum, & vniuersaliorum existentium in substantia separata, non erit opus ipsum accipere à sensibilibus cognitionem quum illa sit sufficiens cognitio de sensibilibus, & sic cognitio à sensibilibus accepta erit superflua. Si diceretur quod nulla istarum erit superflua cognitio, quia sunt cognitiones diuersarum rationum, sicut & in Christo est scientia infusa & acquisita: hoc non obstat, quia licet essent aliquo modo diuersarum rationum, vtraque tamen esset naturalis: & ideo si intellectus naturaliter cognoscit res sensibiles ad modum substantiarum separatarum, superflua erit sibi alia cognitio naturalis earundem rerum: vni enim potentia cognoscitiua sufficit vna naturalis scientia respectu earundem rerum. non est autem simile de scientia infusa & acquisita in Christo, quia scientia infusa in Christo, non erat naturalis animæ Christi coniunctæ corpori: non enim inconuenit intellectum respectu etiam earundem rerum quas naturaliter cognoscit, à Deo altiori modo perfici. Quintodecimò, Sequitur quod nos substantias separatas intelligeremus, intellectus enim possibilis est id quo intelligit anima, hoc est falsum, vt patet ex secundo Metaphysicæ, ergo, &c. Si dicatur secundum Auerr. quod intellectus possibilis intelligit substantias separatas secundum quod est in se subsistens, & est in potentia ad eas, sicut diaphanum ad lucem, est autem in potentia ad formas abstractas à phantasmatis secundum quod continuatur nobis à principio, ideo non intelligimus à principio per ipsum substantias separatas: contra arguitur, tum quia prius est considerare intellectum vt in potentia ad huiusmodi species, quam vt continuatur nobis, quum ponatur continuari nobis per huiusmodi species: & ideo non per hoc quod continuatur nobis, est in potentia ad huiusmodi species: tum quia esse in potentia ad huiusmodi species, non conuenit ei per se, sed per aliud, scilicet per continuationem nobiscum, & sic non conuenienter diffinitur intellectus possibilis per hoc quod est in potentia ad huiusmodi species, vt diffinitur tertio de anima: non enim diffinitur aliquid per ea quæ non conueniunt ei secundum se: tum quia si intellectus intelligat substantias separatas & species à phantasmatis abstractas, oportet quod vel intelligat per tales species substantias separatas, vel econuerso per ipsas substantias separatas tales species intelligat: quia impossibile est intellectum possibilem simul multa intelligere, scilicet in actu perfecto, nisi vnum per aliud intelligat, quum vna potentia non perficiatur simul pluribus actibus nisi secundum ordinem, id est, nisi inter se naturalem ordinem & concomitantiam habeant: quodcumque horum datur, oportet vt nos intelligamus substantias separatas, quia si nos intelligamus res sensibiles in quantum intelligit eas intellectus (intelligit autem eas intellectus per hoc quod intelligit substantias separatas) oportet & nos similiter eas intelligere: & similiter si sit econuerso, scilicet quod intellectus intelligat substantias separatas per hoc quod res sensibiles intelligit.

ATTENDENDVM quia sanctus Thomas videtur hoc loco ponere species intelligibiles tanquam id quod cognoscitur, quum tamen alibi ponat eas tanquam id quo intellectus cognoscit, quod dupliciter possumus eius mentem interpretari. Primò quod licet species à phantasmatis abstracta non sint id quo intelligitur primò & directè, sed se habeant vt principium quo intelligendi, tamen secundariò & indirectè intelliguntur, & sic de ipsis procedit argumentum.

Secundò quod per species à phantasmatis abstractas vult intelligere naturas vniuersales rerum sensibilium, quæ vt vniuersales sunt, à phantasmatis abstrahuntur, & singularibus: cum enim sint diuersa scibilia formaliter substantiæ separata & res sensibiles, nec in vna formali ratione obiecti conueniant, multò minus possunt simul intelligi ab intellectu possibili quàm duæ res sensibiles, nisi vnum eorum per alterum intelligatur. Quomodo autem intellectus possibilis non possit multa simul intelligere ostensum est in superioribus.

Quod prædicta positio est contra sententiam Aristotelis.

Cap. 61.

Idem prima  
par. q. 76. ar.  
1. & 2.



ED quia huic positioni Auerrois præstare robur autoritatis nititur, propter hoc quod dicit Aristotelem ita sensisse: ostendemus manifestè quod prædicta positio est contra sententiam Aristotelis. Primò quidem, quia Aristoteles in secundo de anima diffinit animam dicēs, quod est actus primus physici corporis organici potentia vitam habentis. Et postea subiungit, quod hæc est diffinitio vniuersaliter dicta de omni anima: non sicut prædictus Auerrois fingit, sub dubitatione hoc proferēs, vt patet ex exemplaribus Græcis, & translatione Boëtij.

Text. com. 7. Aristoteles in secundo de anima diffinit animam dicēs, quod est actus primus physici corporis organici potentia vitam habentis. Et postea subiungit, quod hæc est diffinitio vniuersaliter dicta de omni anima: non sicut prædictus Auerrois fingit, sub dubitatione hoc proferēs, vt patet ex exemplaribus Græcis, & translatione Boëtij.

Text. com. 11. Postmodum autem in eodem capitulo subiungit esse quasdam partes animæ separabiles, quæ non sunt nisi intellectiue. Relinquitur igitur quod illæ partes sunt actus corporis.

\* Text. cō. 12. Nec est contra hoc quod postea subiungit, \* de intellectu autem & perspectiua potētia nihil est adhuc manifestum, sed videtur animæ alterum genus esse. Non enim per hoc vult intellectum alienare à communi diffinitione animæ, sed à propriis naturis aliarum partium: sicut qui di-

cit quod alterum genus animalis est volatile à gressibili, non aufert à volatili communem diffinitionem animalis.

\* Vnde vt ostenderet in quo dixerit alterum, subiungit: Et hoc solum contingit separari sicut perpetuum à corruptibili. Nec est intentio Aristotelis (vt Cōmentator prædictus fingit) dicere quod nondum est manifestum de intellectu vtrum intellectus sit anima, sicut de aliis principiis. Non enim textus vetus habet, nihil est declaratum, siue nihil est dictum, sed nihil est manifestum quod intelligendum est quantum ad id quod est proprium ei, non quantum ad communem diffinitionem. Si autem (vt ipse dicit) anima æquiuocè dicitur de intellectu & aliis, primò distinxisset æquiuocationem: postea diffiniuisset, sicut est consuetudo sua: aliàs procederet in æquiuoco: quod non est in scientiis demonstratiuis.

4 Item, in secundo de anima \* intellectum numerat inter potentias animæ, & in autoritate etiam prædicta nominat perspectiuam potentiam: non est igitur intellectus extra animam humanam, sed est quædam potentia eius.

5 Item, in tertio de anima incipiens loqui de intellectu possibili, nominat eum partem animæ, dicēs: De parte autem animæ qua cognoscit anima & sapit: in quo manifestè ostendit quod intellectus possibilis sit aliquid animæ.

6 Adhuc autem manifestius per id quod postea subiungit declarat naturam intellectus possibilis, dicēs: Dico autem intellectum quo opinatur & intelligit anima. in quo manifestè ostenditur intellectum esse aliquid animæ humanæ quo anima humana intelligit. est igitur prædicta positio contra sententiam Aristotelis, & contra veritatem: vnde tanquam fictitia repudianda est.

Super Cap. 61



STENSVM est efficacibus rationibus positionem, imò fictionem Auerrois impossibilem esse: nunc quia Auerrois suam fictionem dictis Aristotelis confirmare nitetur, probat sanctus Thomas ipsam etiam contrariam Aristotelis esse ex multis ipsius Aristotelis dictis, & primò arguit sic: Aristoteles diffinit animam esse actum primum corporis physici organici potentia vitam habentis, & inquit hanc diffinitionem vniuersaliter dictam esse de omni anima, non sub dubitatione loquens, vt Auerr. fingit, vt ex textu Græco, & translatione Boëtij manifestè apparet, imò vult eam ad intellectum extendi, vt patet ex eo quod in eodem capite subiungit inueniens animæ quam diffinitur, esse quasdam partes separabiles: quod non nisi de intellectu intelligi potest, ergo intellectus non est substantia separata. Si dicatur quod illa diffinitio non conuenit omni animæ nisi æquiuocè, & quod hoc ostendit Aristoteles cum subiungit, de intellectu autem & perspectiua potentia nihil est adhuc manifestum: respondetur quod per hæc verba non vult Philosophus intellectum alienare à communi animæ diffinitione, sed à propriis naturis aliarum partium: sicut qui dicit quod alterum genus animalis est volatile à gressibili: non aufert à volatili communem animalis diffinitionem. vnde & subiungit Aristoteles & hoc solum contingit separari sicut perpetuum à corruptibili. ex quibus constat ipsum ponere intellectum esse alterum ab aliis animæ partibus propter perpetuitatem quæ aliis non conuenit, non autem esse eius intentionem (vt Auerr. fingit) quod nondum est declaratum de intellectu, vtrum sit de anima, sicut de aliis principiis, cum vetus text. non habeat, nihil est declaratum siue nihil est dictum, sed nihil est manifestum, quantum scilicet ad id quod est proprium intellectui, non autem quantum ad communem animæ diffinitionem. Et præterea, si anima æquiuocè diceretur de intellectu & aliis, primò distinxisset æquiuocationem, sicut est eius consuetudo, ne procederetur in æquiuoco, quod in scientiis demonstratiuis non conuenit.

Rationem hanc ex Aristotelis verbis sumptam latius sanctus Thomas in libro quem aduersus Auerroistas edidit, explanat. Sed quoniam inquit ex textu Græco, haberi quod non dubitauit, sed assertiue in animæ diffinitione loquitur Aristoteles. aduertendum quod ante illa verba text. 7. vbi dicitur, Si autem aliquid commune omni animæ: oportet dicere, &c. in text. 6. absolute dixerat Philosophus diffiniendo animam, Δὲ ψυχὴ ἐστὶν ἐντελέχεια ἡ ἀσπῆς σώματος φυσικῆς ζωῆς ἔχοντος δυνάμει, quæ verba sic interpretatur Boëtius. Vnde anima est primus actus corporis physici potentia vitam habētis. textu autem octauo inquit, καθάπερ μὲν ἐν ἐρητίαι τὴν ἐν ψυχῇ, quod interpretatur Boëtius. Vniuersaliter quidem igitur dictum est quid sit anima. In quibus apparet Philosophum non dubitauit sed assertiue diffinitionem animæ tradidisse. Et quod vltus est nota cōditionis, non quia dubitaret, sed vt ex suppositione antecedentis procedens, concluderet breuem animæ diffinitionem, loco eius quod potentia vitam habentis, ponendo organici.

ATTENDENDVM etiam cum inquit sanctus Thomas Auerroem male interpretari, Aristotelem vbi ait, de intellectu autem & perspectiua potentia nihil adhuc est manifestum, quod scilicet antiqua translatio habet, vt sanctus Thomas adducit. Nam & textus Græcus sic habet ἡ δὲ ἐκείνη φανερόν, id est, nondum est manifestum. Vnde non est sensus Philosophi nondum aliquid dictum esse aut declaratum de intellectu.



lectu, vtrum scilicet sit anima, imò inter partes animæ intellectum enumeravit, & voluit animæ diffinitionem esse communem etiam animæ intellectui, sed quòd nòdum ex illis manifestum est id quòd proprium est intellectui, per quòd ab aliis animæ partibus distinguitur & separatur, vt patet ex verbis immediatè sequentibus vbi ait. Sed videtur genus alterum animæ esse, & hoc solum contingere separari sicut perpetuum à corruptibili. Cum enim sit animæ pars, ab aliis distinguitur ratione, sicut perpetuum à corruptibili.

Possit autem ex verbis Themistij primo de anima, capite 23. adhuc responderi, quòd cum anima rationalis sit duplex, quædam scilicet coniuncta, quæ homini dat esse & speciè, & est corruptibilis: alia verò est separata, quam Themistius vocat foris manentem, sicut perfectio perspicui est duplex, scilicet sol, & lumen. Aristoteles quærit diffinitionem communem omni animæ danti esse, & hoc per se primo, non autem animæ extrinsecè commutem. Verum est tamen quòd quandoque aliquid de illa anima separata interponit: quoniam videtur ei & aliis quodammodo vna diffinitio competere, licet modo analogo. Huius autem signum duplex ex Aristotelis verbis accipitur. Primum, quia quum ad finem primæ ac communissimæ diffinitionis peruenisset, subiungit tantum manifestum, quædam species animæ esse actus corporis, & quædam non: quòd esse non posset si illa diffinitio vniocè competere omnibus animæ: manifestum enim est quòd omne cui illa diffinitio competit, est actus corporis, & idèd conuenit per se primò tantum animæ coniunctæ corruptibili. Secundum est, quia Aristoteles ibidem subdit: Amplius autem immanifestum est si sit actus corporis, sicut nauta nauis hoc autem non dubitat de animabus vnitis, sed de separata. & sic apparet non eodem modo esse actum animas coniunctas, & animam separatam: & idèd illam diffinitionem æquiuocè dictam esse, vt voluit Commentator: vnde statim subdit, Figuraliter quidem igitur sic determinetur & describatur anima, non determinando scilicet quot animæ sint, & an diffinitio illis vniocè conueniat.

SED contra principale dictum huius responsionis, scilicet quòd prima & per se diffiniatur anima coniuncta quæ est corruptibilis, quandoque tamen interponat de anima separata, eo quòd sibi conueniat quodammodo animæ diffinitio modo analogo, instatur. Nam volens Aristoteles probare animam esse actum corporis, textu 24. arguit sic: Anima est primum quo viuimus, sentimus, mouemur, & intelligimus: primo ergo est actus. Secundum ergo mentem Aristotelis anima quam diffiniuit, de qua illam diffinitionem probat, est principium quo primo intelligimus, sed hæc non est anima coniuncta quam corruptibilem esse dicis, scilicet cogitativa, quia non per ipsam primò intelligimus, licet ad nostram intellectiōem aliquo modo concurrat, sed est anima habens intellectum, quum ipse tertio de anima loquens de intellectu possibili dicat, dico autem intellectum quo opinatur & intelligit anima: ergo illa diffinitio non est data de sola anima corruptibili, sed etiam de incorruptibili quæ est verè intellectiua. Præterea, diuidens potentias animæ quam diffiniuit text. 27. inquit, potentias autem dicimus, vegetatiuum, sensitiuum, appetitiuum, motiuium secundum locum, intellectiuium: ergo intellectiuium est potentia animæ quam diffiniuit, ergo non diffiniuit tantum animam corruptibilem. Si dicatur quòd per intellectiuium intelligit potentiam cogitatiuam: contra arguitur, quia inferius, text. 29. volens ostendere quomodo quibusdam insunt omnes prædictæ potentie, concludit: Quibusdam autem adhuc inest & secundum locum motiuium, alterius autem intellectiuium & intellectus, vt hominibus, vbi patet quòd intellectiuium exponit etiam pro intellectu. Nam & ibidem Auer. com. 29. ait, & ponamus etiam pro manifesto quòd virtus cogitativa & intellectus existunt in aliis modis animalium.

Ad primum autem signum inductum dicitur primò: Si admittatur Aristoteles de speciebus animæ loqui (quòd tamen est falsum) dicitur quòd loquitur de actu à materia in esse dependenti: quia enim aliqua anima à materia secundum esse dependet vt pote de potetia materiæ educata, idèd non est à corpore separabilis: aliqua verò, quia non est actus educatus de potentia materiæ, & idèd à materia secundum esse non dependet, vt est anima intellectiua, est à corpore separabilis: quum hoc tamè stat quòd qualibet anima sit vniocè actus informatiuius materiæ, & sic diffinitio animæ omnibus animabus sit vniocè communis.

Dicitur secundo, quòd loquitur philosophus ibidem de partibus animæ potestatiuis, quæ sunt eius potentie: quòd constat ex hoc quòd sub dubio ponit, an anima habeat partes: nò enim dubium est an habeat partes subiectiuas & species, sed bene an habeat partes potentiales, cum sit dubium de qualibet an sit anima vel animæ potentia.

Dicitur tertio, quòd illa autoritas philosophi magis fauet proposito quam sit in oppositum. Quum enim dicat quædam potetias animæ quam diffiniuit, non esse actus corporis, id est, non esse alicui determinato affixas organo, relinquuntur etiam animam intellectiuiam, cuius potentia est intellectus, sub illa animæ diffinitione comprehensam esse. Ad secundum signum dicitur, quòd non idèd dubium illud subinfert philosophus, quasi dubitet an anima intellectiua sit actus informans, de anima autem coniuncta corruptibili non dubitet: sed quia cum dixerit absolute animam esse actum corporis, quòd ipse de actu informante intellexit, vt patet ex eo quòd dixit non oportere quærere quomodo ex anima & corpore fiat vnum: & ex eo quòd dixit animam esse substantiam secundum rationem, & quòd quid erat esse, nondum perfectè explicauerat quomodo esset actus, an scilicet per modum quo motor potest dici actus mobilis, an per modum quo forma est actus materiæ: & idèd adhuc non erat plenè manifestum an anima vniretur corpori sicut nauta nauis, vel alio modo: & idèd dixit, figuraliter sic determinetur & describatur anima, quia videlicet nondum exactè & liquide monstauerat veritatem, non quia non conueniret diffinitio animæ vniocè omni animæ. Vnde vt hanc excluderet obiectionem ex opinione Platonis prouenientem ex operibus animæ, quarum ipsa est principium, ostendit quòd non est corpori vnita vt nauta nauis, sed vt forma materiæ, quoniam quòd aliquid primò operatur, est forma eius: anima autè est primum quo viuimus, sentimus, mouemur, & intelligimus: idèd oportet vt sit actus corpori vt forma: & sic manifestè declaratum ostendit quòd anima quam dixerat esse actum corporis, est actus per modum informantis, non autem per modum mouentis tantum.

Secundò arguit S. Tho. principaliter ex verbis philosophi, Intellectus est potentia animæ, ergo non est substantia separata: antecedens probatur, tum quia philosophus intellectum inter potentias animæ enumerat, tum quia perspectiuum text. 21. nominat potentiam: Tertio, intellectus est pars animæ, vt patet ex principio tertij libri de anima, vbi dicitur: De parte autem animæ qua cognoscit anima & sapit, ergo, &c.

Quartò, intellectus est id quo anima humana intelligit: ergo, &c. patet consequentia, quia quo aliquid primò operatur, oportet esse formam eius, vt ex supradictis patet, antecedens verò probatur ex tertio de anima text. 5. vbi inquit philosophus: Dico autem intellectum quo opinatur & intelligit anima. Has rationes in tractatu contra Auerroistas latius explicat sanctus Thomas, idèd ibi requirantur.

### Contra opinionem Alexandri de intellectu possibili.

#### Cap. 62.



Is igitur verbis Aristotelis consideratis, Alexander posuit intellectum possibilem esse aliquam virtutem in nobis, vt sic diffinitio communis de anima assignata ab Aristotele in secundo de anima, possit sibi conuenire. Quia

Positio Alexandri recitata ab Auer. com. 5. tertij de anima.

verò intelligere non poterat aliquam substantiam intellectualem esse corporis formam, posuit prædictam virtutem non esse fundatam in aliqua intellectuali substantia, sed consequentem commixtionem elementorum in corpore humano, determinatus enim mixtionis humani corporis modus facit hominem esse in potentia ad recipiendum influentiam intellectus agentis, qui semper est in actu, & secundum ipsum est quædam substantia separata, ex qua influentia homo fit intelligens actu: id autem in homine per quòd est potentia intelligens, est intellectus possibilis: & sic videbatur sequi quòd ex commixtione determinata in nobis sit intellectus possibilis. Videtur autem primo aspectu hæc positio verbis & demonstrationi Aristotelis esse contraria: ostendit enim Aristoteles in tertio de anima (vt dictum est) quòd intellectus possibilis est immixtus corpori, hoc autem est impossibile dici de aliqua virtute consequente mixtionem elementorum, quod enim huiusmodi est, oportet quòd in ipsa elementorum commixtione fundetur: sicut videmus de sapore & odore, & aliis huiusmodi: nò igitur positio prædicta Alexandri potest stare cum verbis & demonstratione Aristotelis, vt videtur. Ad hæc autem Alexander dicit quòd intellectus possibilis est ipsa præparatio in natura humana ad recipiendum influentiam intellectus agentis: præparatio autem ipsa non est aliqua natura sensibilis determinata, neque est mixta corpori, est enim relatio quædam, & ordo vnus ad aliud. Sed hic manifestè discordat ab intentione Aristotelis, probat enim Aristoteles ex hoc intellectum possibilem non habere determinatè aliquam naturam sensibilem, & per consequens non esse mixtum corpori, quia est receptius omnium formarum sensibilium, & cognoscitius earum: quòd de præparatione non potest intelligi: quia eius non est recipere, sed magis præparari: nò igitur demonstratio Aristotelis procedit de præparatione, sed de aliquo recipiente præparata.

3. de anima text. com. 4.

2. Amplius, si ea quæ dicit Aristoteles de intellectu possibili, conueniunt ei inquantum est præparatio, & non ex natura subiecti præparati: sequetur quòd omni præparationi conueniat: in sensu autem est præparatio quædam ad sensibilia in actu recipienda: ergo idem dicendum est de sensu & intellectu possibili: cuius contrarium manifestè subiungit Aristoteles ostendens differentiam inter receptionem sensus & intellectus ex hoc quòd sensus corrumpitur ex excellentia obiectorum, non autem intellectus.

Tex. com. 7.

3. Item, Aristoteles attribuit possibili intellectui pati ab intelligibili, suscipere species intelligibiles, esse in potetia ad eas: Comparat etiam eum tabulæ in qua nihil est scriptum: Quæ quidè omnia non possunt dici de præparatione, sed de subiecto præparato: est igitur contra intentionem Aristotelis quòd intellectus possibilis sit præparatio ipsa.

Tex. com. 2. & 3. Tex. com. 14.

4. Adhuc, agens est nobilius patiente, & faciens facto, sicut actus potentia: quantò autem aliquid est immaterialius, tantò est nobilius: non potest igitur effectus esse immaterialior sua causa: omnis autem virtus cognoscitiua



inquantum huiusmodi, est immaterialis: unde & de sensu qui est infimus in ordine virtutum cognoscitiuarum, dicit  
*Text. cō. 121.* Aristoteles in secundo de anima quod est susceptius sensibilem specierum sine materia: impossibile est igitur a commixtione elementorum causari aliquam virtutem cognoscitiuam: intellectus autem possibilis est suprema virtus cognoscitiua in nobis: dicit enim Aristoteles in tercio de anima, \* quod intellectus possibilis est quo cognoscit & intelligit anima, intellectus igitur possibilis non causatur ex commixtione elementorum.

5 Amplius, si principium alicuius operationis ab aliquibus causis procedit, oportet operationem illam non excedere causas illas, quum causa secunda agat virtute primæ: operatio autem animæ nutritiæ etiam excedit virtutem qualitatum elementarium: probat enim Aristoteles in secundo de anima, quod ignis non est causa augmenti, sed cum causa aliquo modo: principalis autem causa est anima, ad quam comparatur calor sicut instrumentum ad artificem. Non igitur potest anima vegetabilis produci ex commixtione elementorum: multo igitur minus sensus & intellectus possibilis.

6 Item, intelligere est quædam operatio, in qua impossibile est communicare aliquod organum corporeum: hæc autem operatio attribuitur animæ vel etiam homini, dicitur enim quod anima intelligit vel homo per animam: oportet igitur aliquod principium in homine esse a corpore non dependens, quod sit principium talis operationis: præparatio autem sequens commixtionem elementorum a corpore dependet manifestè: non est igitur præparatio tale principium quale intellectus possibilis dicit enim  
*\* Tex. com. 5.* Aristoteles in tercio de anima, \* quod intellectus possibilis est quo anima opinatur & intelligit: non est igitur intellectus possibilis præparatio.

Si autem dicatur quod principium prædictæ operationis in nobis est species intelligibilis facta in actu ab intellectu agente, hoc non videtur sufficere: quia quum homo de potentia intelligente fiat actu intelligens, oportet quod non solum intelligat per speciem intelligibilem per quam fit actu intelligens, sed per aliquam potentiam intellectiuiam quæ sit prædictæ operationis principium, sicut & in sensu accidit, hæc autem potentia ab Aristotele ponitur intellectus possibilis: intellectus igitur possibilis est non dependens a corpore.

7 Præterea species non est intelligibilis actu nisi secundum quod est deputata ab esse materiali. hoc autem non potest accidere dum fuerit in aliqua potentia materiali, quæ scilicet sit causata ex principiis materialibus, vel quæ sit actus materialis organi: oportet igitur poni aliquam potentiam intellectiuiam in nobis immaterialem quæ est intellectus possibilis.

8 Adhuc, intellectus possibilis ab Aristotele dicitur pars animæ. anima autem non est præparatio, sed actus, præparatio enim est ordo potentie ad actum: sequitur tamen ad actum aliqua præparatio ad ulteriorem actum: sicut ad actum diaphaneitatis sequitur ordo ad actum lucis. intellectus igitur possibilis non est ipsa præparatio, sed actus quidam.  
 9 Amplius, homo consequitur speciem & naturam humanam secundum partem animæ sibi propriam, quæ quidem est intellectus possibilis. nihil autem consequitur speciem & naturam secundum quod est in potentia, sed secundum quod est actu. cum igitur præparatio nihil sit aliud quam ordo potentie ad actum, impossibile est quod intellectus possibilis non sit aliud quam præparatio quædam in natura humana existens.

Super Cap. 62.



Postquam disputauit sanctus Thomas contra Auerrois fictionem, vltius contra Alexandri positionem incipit disputare. Posuit enim primò Alexander consideratis Aristotelis verbis quibus velle videtur intellectum non esse substantiam separatam, sed esse in nobis, quod intellectus possibilis est aliqua virtus in nobis. sic enim definitio anime potest sibi con-

uenire. Posuit secundò hanc virtutem esse fundatam in aliqua intellectuali substantia, sed consequi commixtionem elementorum in corpore humano secundum quàm homo est in potentia ad recipiendum influentiam intellectus agentis existentis semper in actu, & qui est secundum ipsum substantia separata, ex qua influentia homo fit intelligens actu. Et quia id in homine per quod est potentia intelligens, est intellectus possibilis, videbitur sibi quod ex commixtione determinata in nobis sit intellectus possibilis.

Contra hanc igitur positionem arguit sanctus Thomas, & primo ex verbis Aristotelis sic: Virtus quæ mixtionem elementorum consequitur, in ipsa elementorum commixtione fundatur: vt patet de sapore, odore, & aliis huiusmodi, sed hoc non potest secundum Aristotelis mentem (vt videtur) attribui intellectui, cum dicat tercio de anima, quod intellectus possibilis est immixtus corpori, ergo, &c.

ADVERTE quod sanctus Thomas vtitur hoc modo dicendi (vt videtur) non quia non sit expressa mens Aristotelis intellectum non esse virtutem mixtam corpori, sed quia quantum apparet prima facie de positione Alexandri, non eam aliter explicando intellectus possibilis est natura quædam consequens mixtionem elementorum, & consequenter hæc positio verbis & demonstrationi Aristotelis contrariatur. Sed licet ita primo aspectu, vt verba sonant, de positione Alexandri videatur, tamen Alexander suam positionem declarans, ne verbis & demonstrationibus Aristotelis sit contraria, inquit quod intellectus possibilis est quidem præparatio in natura humana ad recipiendam influentiam intellectus agentis, veruntamen ipsa præparatio non est aliqua natura sensibilis determinata, neque est mixta corpori, sed est relatio quædam & ordo vnus ad alterum. Contra autem hanc positionem sic explicatam arguit sanctus Thomas. Primò intellectus possibilis apud Aristotelem est receptius omnium formarum sensibilium & cognoscitiuum earum, & ex hoc ponit ipsum non habere determinatè aliquam naturam sensibilium, sed hæc de præparatione quæ est habitudo, non possunt intelligi, quia eius non est recipere, sed præparari, ergo, &c.

Secundò, Sequeretur quod idem dicendum de sensu & intellectu possibili, sed huius oppositum ostendit Aristoteles *tex. 7.* ergo, &c. probatur consequentia, quia illa quæ dicit philosophus de intellectu possibili, conuenit omni præparationi. in sensu autem est præparatio ad recipiendam sensibilia in actu.

ADVERTENDVM quod fundamentum huius rationis est, quod ita in sensu est præparatio ad recipiendam sensibilia, sicut in intellectu, si præparatio nihil aliud importet quàm ordinem & habitudinem vnus ad alterum: & vniuersaliter in omni recipiente est ordo & habitudo ad sua receptibilia: & idèd si omnia quæ dicuntur ab Aristotele de intellectu possibili, conueniunt ei inquantum est habitudo & ordo ad receptibilia, non autem ex natura subiecti præparati, eadem conuenient sensui & omni alij præparationi in ordine ad sua receptibilia: quod enim conuenit alicui inquantum tale, conuenit omni tali. Et sic inconuenienter Aristoteles inter receptionem sensus & intellectus differentiam ponit, inquit quod ex excellentia obiectorum corruptum sensus, non autem intellectus. Tertiò de intellectu possibili dicit Arist. quod patitur ab intellectuali, quod suscipit species intellectuales, quod est in potentia ad eas, quod est sicut tabula in qua nihil est scriptum, sed hæc non possunt dici de præparatione, sed de subiecto præparato, ergo, &c.

ADVERTE quod Alexander in suo libro de anima, dicit intellectum magis assimilari carentie inscriptionis quàm tabulæ nondum scriptæ. Sic enim inquit: Solum igitur materialis intellectus facultas & promptitudo quædam est ad formas excipiendas tabulæ nondum scriptæ similis, quinimò ipsius tabellæ agnographo, id est, inscriptionis carentie, quàm tabellæ similior: tabella enim iam in numero entium est, quapropter id quod anima præditum est tabellæ potius comparari potest, ipsa verò inscriptionis carentia ferè intellectus est. Ex quibus patet, ea quæ Aristoteles de intellectu dicit, de ipsa præparatione quam Alexander ponit, dici non posse, cum illa conueniant tabulæ præparatæ, non autem carentie & negationi inscriptionis. Patet etiam illos Alexandri mentem malè interpretatos esse, qui dicunt Alexandrum præparationes nomine intellexisse animæ potentiam, & hanc esse qualitatem vt pote potentiam naturalem, quia rationalis anima ad omnia intelligibilia est præparata, quemadmodum materia ob suam potentiam ad suas excipiendas formas præparatur. Sic enim præparationis nomine intelligeret qualitatem & potentiam naturalem magis eam tabulæ nondum scriptæ assimilaret, quàm agnographo, siue carentie inscriptionis. Quartò, impossibile est a commixtione elementorum causari aliquam virtutem cognoscitiuam ergo intellectus non causatur ex commixtione elementorum: patet consequentia: quia intellectus possibilis est suprema virtus cognoscitiua in nobis, vt patet tercio de anima: antecedens verò probatur, quia effectus non potest esse immaterialior sua causa, cum agens sit nobilior patiente, & faciens factus, sicut actus potentia: quanto autem aliquid est immaterialius, tanto est nobilior, omnis autem virtus cognoscitiua inquantum huiusmodi est immaterialis, unde & sensus apud Arist. est susceptius specierum sine materia, ergo, &c.

AD euidenciam huius propositionis, virtus cognoscitiua inquantum huiusmodi est immaterialis: aduertendum ex doctrina sancti Thomæ prima questione 14. artic. 1. & veri. questione secunda, artic. 2. quod immaterialis quæ concomitatur vniuersaliter vim cognoscitiuam, non est omnimoda separatio a materia, sed est (vt vniuersaliter loquamur) excessus aliquis formæ supra materiam: secundum enim quod aliqua magis superegreditur materiam, quia scilicet non sunt totaliter immerfa materia: sic sunt maioris cognitionis: unde intellectus qui totaliter materiam superegreditur, inquantum nulli organo materiali est affixus, cognoscendū maximam vim habet. Dicitur autem forma quæ est in materia supergredi materiam, non quia aliqua pars eius essentialis non sit in materia, sed quia quum tota sit in materia, non tamen totaliter comprehenditur a materia: remanet enim in ea virtus ad aliquid supra materiam conditionem, quod est signum essentialis formæ non esse totaliter a materia comprehensam: nam virtus demonstrat essentialiam rei. Sensus ergo propositionis sancti Thomæ est quod virtus omnis cognoscitiua inquantum huiusmodi supergreditur materiam quia potest in aliquid quod



quod est supra materiam conditionem: quod sanè offenditur, quia omnis virtus cognoscitiva, ut cognoscitiva est, recipit species absque materia, id est, absque esse determinato quod in materia habet: forma enim cognoscibilis recipitur in cognoscente non secundum esse determinatum quo constituit rem in natura, sed prout existens perfectio vnius in natura, nata est esse in alio, & fieri vnum cum illo.

IN hac autem ratione circa illam propositionem, non potest effectus esse immaterialior sua causa: dubitatur, quia forma rei sensibilis in sensu est immaterialior quam extra sensum, & tamen secundum quod est in sensu causatur à forma existente extra, ergo effectus aliquis est immaterialior sua causa, & loquor de causa principali de qua intendit sanctus Thomas.

Ad huius evidentiam considerandum est, quod dupliciter dicitur aliqua natura immaterialis, scilicet aut secundum suam substantiam, aut secundum esse, secundum substantiam dicitur natura immaterialis quæ non est composita ex materia & forma, sicut intelligentia secundum esse tantum dicitur immaterialis illa quæ licet in sua ratione materiam includat, tamen habet esse immateriale sicut natura lapidis in intellectu: lapidis enim natura est essentialiter composita ex materia & forma, & in sua ratione materiam includit: vniuersalem tamen, idè & existens in intellectu est materialis secundum essentiam, cum sit eiusdem rationis in intellectu & extra intellectum: est tamen immaterialis secundum esse, quia effectus suum non est in materia receptus, sed in re immateriali, scilicet in intellectu. Attende tamen cum dico naturam lapidis in intellectu esse materiam, non sic intelligo quasi entitas eius secundum quod est accidens intellectus, sit composita ex materia & forma, (hoc enim esse non potest, quum sit forma simplex actiua intellectus) sed loquor de ipsa ut species est, id est, ut est representatiua naturæ lapidis extra intellectum existentis: & est eius quidditas quo modo sibi ratio lapidis conuenit, sic enim quia representat lapidis naturam, quæ materialis est secundum essentiam, utpote materiam communem in sua ratione includens, dicitur & ipsa materialis, ut species lapidis est: licet ut est accidens intellectus, sit immaterialis & secundum essentiam & secundum esse. Sed & dupliciter dicitur aliquid immateriale secundum esse, scilicet, aut secundum suum esse naturale quod conuenit naturæ, ut in supposito vel in subiecto quod denominat, inuenitur aut secundum esse intentionale quod habet in medio, aut in potentia cognoscitiva. Dicitur ergo primo, quod intelligitur propositio sancti Thomæ de immateriali secundum essentiam, & etiam de immateriali secundum esse naturale: nullus enim effectus est simplicior aut immaterialior secundum essentiam sua causa principali, neque etiam secundum esse naturale, quod naturæ & rationi effectus naturæ esse conuenire: & hoc sufficit ad propositum suum. Quum enim intellectus & secundum essentiam & secundum esse naturale sit immaterialis, sequitur quod non possit causari ex elementorum commixtione quæ aliquid materiale dicit. Dicitur secundò, quod non inueniunt effectum secundum esse intentionale esse immaterialiorem sua causa principali & propria, cum esse illud sit diminutum in ordine ad naturam: & sic non inueniunt formam rei sensibilis esse immaterialiorem in sensu, quam extra, quamuis sit à re sensibili causata: quia esse illius formæ in sensu in quantum est forma sensibilis, est esse intentionale. Vnde non est obiectio contra sensum illius propositionis, cum illa intelligatur de immateriali aut secundum essentiam aut secundum esse naturale, obiectio autem procedat de immateriali secundum esse intentionale. Quomodo autem forma habens esse materiale possit tanquam principale agens causare formam habentem esse immateriale, intentionale declaratum est in precedentibus de mente sancti Thomæ, de potentia, quæst. 8, artic. 8. Quintò, Anima vegetabilis ex commixtione elementorum produci non potest: ergo multò minus sensus & intellectus: probatur antecedens. Si principium alicuius operationis ab aliquibus causis procedat, operatio ipsa illas causas non excedit, cum causa secunda agat in virtute primæ, sed operatio animæ nutritiæ excedit etiam virtutem qualitatuum elementarum, ut patet ex Philosopho secundo de anima, text. 41. ubi ostendit ignem non esse causam augmenti, sed esse instrumentum animæ: ergo anima vegetabilis ex elementorum commixtione procedere non potest. Sextò, Præparatio commixtionem elementorum sequens, à corpore dependet: ergo non est intellectus possibilis de quo dicitur tertio de anima, quod eo opinatur & intelligit anima: antecedens patet, consequentia verò probatur, quia intellectus possibilis à corpore non dependet, cum enim intelligere sit operatio in qua impossibile est communicare corporeum organum, illud principium in homine cui hæc attribuitur operatio, qui est intellectus possibilis, oportet esse non dependens à corpore, ergo, &c. Dicitur fortè, quod principium prædictæ operationis in nobis est species intelligibilis facta in actu ab intellectu agente, non autem intellectus possibilis. Sed hoc non videtur sufficere, tum quia quum homo de intelligente in potentia sit actu intelligens, oportet quod non solum per speciem intelligat, sed etiam per potentiam aliquam intellectiua, sicut & in sensu accidit, & sic præter speciem oportet ponere intellectum possibilem tanquam principium intellectiui, à corpore utique non dependentem, tum quia species non est intelligibilis actu, nisi cum est deputata ab esse materiali: hoc autem esse non potest quando fuerit in aliqua potentia, quæ sit actus materialis organi, aut sit causata à principis materialibus: & sic necesse est præter ipsam ponere intellectum possibilem qui sit immaterialis. Septimò, Intellectus possibilis est pars animæ secundum Aristotelem: anima autem non est præparatio, sed actus, ergo, &c. Notat autem sanctus Thomas pro maiori doctrina, quod licet præparatio non sit actus, scilicet absolutus, sed ordo potentie ad actum, sequitur tamen ad actum aliqua præparatio ad ulteriorem actum, sicut ad actum diaphani sequitur ordo ad actum lucis. Per hoc inueniens quod licet intellectus sit actus, & non præparatio, non tamen tollitur quin ad ipsum sequatur præparatio & ordo ad ulteriorem actum, scilicet ad speciem intelligibilem, & operationem quæ est intellectio.

ADVERTENDUM quod dupliciter fundamentum huius rationis interpretari possumus. Primum interpretando intellectum esse partem animæ non integram aut subiectiuam, sed potentialem, quia enim anima est actus primus, necesse est ut eius etiam potentie quæ apte sunt

partes, in quas anima diuiditur, sint actus absoluti, non tantum habitudines aut ordines: per potentias enim anima quæ est actus primus, ordinatur ad operationes, & sic potentie habent rationem præparati & ordinati proximi. Secundo, per partem animæ intelligendo partem subiectiuam, & per intellectum possibilem substantiam intellectiua intelligentem per intellectum possibilem. Si enim substantia intellectiua intelligens per intellectum possibilem est anima, & anima est actus, non autem præparatio, sequitur quod intellectus possibilis non sit præparatio consequens elementorum commixtionem, sed sit actus in substantia intellectiua fundatus: cuius oppositum dicebat Alex. Prima tamen interpretatio videtur esse melior, quia cum Aristotele, intellectum possibilem partem animæ vocat, per partem animæ intelligit eius potentiam, ut S. Thom. ibidem exponit. Octauò, Homo sortitur speciem secundum partem animæ sibi propriam, quæ est intellectus possibilis, non autem sortitur speciem per præparationem, ergo, &c. probatur minor, quia nihil sortitur speciem secundum quod est in potentia, sed secundum quod est in actu: præparatio autem nihil aliud est quam ordo potentie ad actum.

CIRCA maiorem huius rationis aduerte, quod dicitur homo sortiri speciem humanam per intellectum possibilem, non tanquam per ipsam intellectiua potentiam constitutur in specie, sed quia cum sit animatus, sortitur speciem per animam cuius proprietates est intellectus possibilis, & anima habens talem potentiam sibi propriam non potest constituere speciem humanam nisi in quantum eam proprietatem fundat: & idè oportet ut ipsa proprietates intellectiua sit actus, non autem ordo potentie ad actum.

Quod anima non sit complexio, ut posuit Galenus.

Cap. 63.



Rædictæ autem opinioni Alexandri de intellectu possibili propinqua est Galeni medici de anima. Dicit enim animam esse complexionem. Ad hoc autem dicendum motus est per hoc quod videmus ex diuersis complexionibus causari in nobis diuersas passiones quæ attri-  
buntur animæ: aliquam enim complexionem habentes, ut cholerici de facili irascuntur, melancholici verò de facili tristantur. Vnde & per easdem rationes hæc opinio improbari potest, per quas improbara est opinio Alexandri, & per aliquas proprias: ostensum est enim supra, quod operatio animæ vegetabilis & cognitio sensitiua excedit virtutem qualitatuum actiuarum & passiuarum: & multò magis operatio intellectus, complexio autem causatur ex qualitatibus actiuis & passiuis: non potest igitur complexio esse principium operationum animæ, vnde impossibile est quod aliqua anima sit complexio.

Hanc opi. recipit Auerr. 3. de anima. com. 6. & reprobatur.

2. Adhuc, complexio cum sit quoddam constitutum ex contrariis qualitatibus quasi medium inter eas, impossibile est quod sit forma substantialis: nam substantiæ nihil est contrarium, nec suscipit magis & minus: anima autem est forma substantialis, & non accidentalis: aliàs per animam non fortiretur aliquid genus vel speciem, anima igitur non est complexio.

3. Adhuc, complexio non mouet corpus animalis motu locali: sequeretur enim motum dominantis, & sic semper deorsum ferretur: anima autem mouet animal in omnem partem: non est igitur anima complexio.

4. Amplius, anima regit corpus, & repugnat passionibus quæ complexionem sequuntur, ex complexione enim aliqui sunt magis alii ad concupiscentias vel iras apti: qui tamen magis ab eis abstinent propter aliquid refrenans, ut patet in continentibus: hoc autem non facit complexio: non est igitur anima complexio. Deceptus autem fuisse videtur Galenus ex hoc quod non considerauit aliter passionibus attribui complexionem & aliter animæ complexionem: nanque attribuntur sicut disponenti, & quantum ad id quod est materiale in passionibus, sicut feruor sanguinis, & huiusmodi, animæ autem tanquam principali causa ex parte eius quod est in passionibus formale: sicut in ira appetitus vindictæ.

Causa deceptionis Galeni melior illa quæ assignatur Auerr. in allegato com.

Super cap. 63.



Expedita positione Alexandri vult sanctus Thomas Galeni positionem quæ Alexandri positioni confinis esse videtur, explorare. Posuit enim Galenus animam complexionem esse, propterea quod ex diuersis complexionibus videamus diuersas in nobis passiones quæ attribuntur animæ, causari: cholerici enim de facili irascuntur, melancholici verò de



facili tristantur. Contra hanc igitur positionem posset argui eisdem rationibus quibus improbata est opinio Alex. in quantum videtur ponere simul cum Alexandro virtutem animæ ab elementis originem trahere, sed tamen contra eam arguit sanctus Thomas. per proprias rationes, procedentes videlicet ex natura complexionis. primo ergo arguit sic: Complexio causatur ex virtutibus actiuis & passiuis, ergo non potest esse principium operationum animæ, ergo anima non est complexio. probatur prima consequentia, quia operatio animæ vegetabilis & cognitio sensitiva, & multo magis operatio intellectus excedit virtutem qualitatum actiuarum & passiuarum, ut ostensum est de mente Aristot. in præcedenti capite. Secundo, Alia est forma substantialis, aliàs per ipsam non fortiretur genus vel speciem aliqua substantia, ergo non est complexio. probatur consequentia, quia complexio non potest esse forma substantialis, cum sit quid constitutum ex contrariis qualitatibus, & ex hoc habeat contrarium & suscipiat magis & minus, quorum nullum substantia conuenit. Tercio, Complexio non mouet corpus animalis motu locali, sed bene anima, ergo &c. probatur antecedens, quia tunc animal sequeretur motum dominantis & sic semper moueretur deorsum, non in omnem partem, ut facit. Quarto, Anima regit corpus, & epugnat passionibus complexionem sequentibus. apti enim ad iras aut concupiscentias ab eis abstinent propter aliquid refrenans, hoc autem non facit complexio, ergo, &c. Videtur autem deceptus Galenus, ut inquit sanctus Thomas, quia non considerauit passiones aliter attribui complexionem, & aliter animæ. Quum enim in passionibus sit aliquid materiale, commotio, scilicet aliqua corporalis, & aliquid formale, scilicet ipse actus appetitus sensitui, sicut in ira materiale est feruor sanguinis, formale autem appetitus vindictæ: complexionem attribuuntur passiones quantum ad id quod est materiale, & sicut disponuntur animæ autem quantum ad id quod est formale & tantum principali agentem.

*Quod anima non sit harmonia.*

Cap. 64.



**S**IMILIS autem prædictæ positioni est positio dicentium animam esse harmoniam. Non enim intellexerunt animam esse harmoniam sonorum, sed contrariorum ex quibus videbant componi corpora animata: quæ quidem opinio in lib. de anima videtur attribui Empedocli. Gregorius autem Nissenus attribuit eam Dinarcho: unde & improbat sicut & præcedens: & adhuc propriis rationibus. Omne enim corpus mixtum harmoniam habet & complexionem: nec harmonia potest mouere corpus, aut regere ipsum, vel repugnare passionibus, sicut & complexio: intenditur etiam & remittitur sicut & complexio: ex quibus omnibus ostenditur quod anima non sit harmonia. sicut nec complexio.

2 Adhuc, ratio harmoniæ magis conuenit qualitatibus corporis quam animæ: nam sanitas est quædam harmonia humorum: fortitudo neruorum & ossium: pulchritudo membrorum & colorum: non autem potest assignari qualium harmonia sit sensus aut intellectus, & cætera quæ ad animam pertinent: non est igitur anima harmonia.

3 Amplius, harmonia dicitur dupliciter. Vno modo ipsa compositio, alio modo ratio compositionis: anima autem non est compositio, quia oportet quod vnaquæque pars animæ esset compositio aliquarum partium corporis, quod non est assignare. Similiter non est ratio compositionis, quia cum in diuersis partibus corporis sunt diuersæ rationes seu proportionem compositionis, singulæ partes corporis habent singulas animas: aliam enim animam haberet os, & caro & neruus, cum sint secundum diuersam proportionem composita, quod patet esse falsum: non est igitur anima harmonia.

Super Cap. 64.



**I**SDEM rationibus improbat opinio dicentium animam esse harmoniam, quibus & præcedens, cum non intellegent animam esse harmoniam sonorum, sed contrariorum: quæ quidem opinio in libro de anima videtur Empedocli attribui, à Gregorio autem Nissenso attribuitur Dinarcho. Sed tamen & propriis contra ipsam rationibus arguitur, sicut præcedens quidem improbat, quia non potest harmonia mouere corpus, aut regere ipsum aut repugnare passionibus, sicut nec complexio. Propriis autem rationibus arguitur contra ipsam. Primo, ratio harmoniæ magis conuenit qualitatibus corporis quam animæ, ut patet ex conditionibus corporis, scilicet sanitate, fortitudine, pulchritudine, & ex conditionibus animæ quæ sunt sensus & intellectus & cætera ad animam pertinentia: videtur enim qualium illa sit harmonia, non autem qualium ista, ergo, &c. Secundo, aut anima erit harmonia quæ dicitur compositio, aut quæ est ratio & proportio compositionis. Non primum, quia tunc vnaquæque pars animæ esset compositio aliquarum partium corporis, quod non est assignare, ut patet de intellectu & voluntate. Non etiam secundum, quia

tunc singulæ partes corporis haberent singulas animas, cum in diuersis partibus corporis sint diuersæ proportionem compositionis, hoc autem patet esse falsum, ergo, &c.

*Quod anima non sit corpus.*

Cap. 65.



**V**ERVNT autem & alij magis errantes, ponentes animam esse corpus: quorum opiniones licet fuerint diuersæ & variæ, sufficit eas hic communiter reprobare. Viuentia enim cum sint quædam res naturales, sunt composita ex materia & forma: componuntur autem ex corpore & anima, quæ facit viuentia actu, igitur oportet alterum istorum esse formam, & alterum materiam: corpus autem non potest esse forma: quia corpus non est in altero sicut in materia & subiecto: anima igitur erit forma, ergo non est corpus, cum nullum corpus sit forma.

2 Adhuc, impossibile est duo corpora esse simul: anima autem non est seorsum à corpore dum viuunt, non est igitur anima corpus.

3 Amplius, omne corpus diuisibile est: omne autem diuisibile indiget aliquo continente & vniente partes eius. Si igitur anima sit corpus, habebit aliquid aliud continens, & illud magis erit anima. Videmus enim anima recedente corpus dissolui: & si hoc iterum sit diuisibile, oportebit vel denenire ad aliquod indiuisibile & incorporeum quod erit anima: vel erit in infinitum procedere quod est impossibile, non est igitur anima corpus.

4 Item, sicut supra probatum est, & in octauo Physicorum probatur, omne mouens seipsum componitur ex duobus, quorum alterum est mouens & non motum, & alterum est motum: sed animal est mouens seipsum: mouens autem in ipso est anima: motum autem corpus, anima igitur est mouens, non motum: nullum autem corpus mouet nisi motum, ut supra probatum est: anima igitur non est corpus.

5 Præterea supra ostensum est \* quod intelligere non potest esse actio alicuius corporis: est autem actus animæ, anima igitur ad minus intellectiua non est corpus.

Ea autem quibus aliqui conati sunt probare animam esse corpus, facile est soluere: ostendunt enim animam esse corpus, per hoc, quod filius assimilatur patri, etiam in accidentibus animæ: quum tamen filius generetur à patre per decisionem corporalem, & quia anima compatitur corpori, & quia separatur à corpore: separari autem est corporum se tangentium. Sed contra hoc iam dictum est, quod complexio corporis est aliquid causa animæ passionum per modum disponentis: anima etiam non compatitur corpori nisi per accidens: quia quum sit forma corporis, mouetur per accidens moto corpore: separatur etiam anima à corpore, non sicut tangens à tacto, sed sicut forma à materia: quamuis & aliquis tactus sit in corporei ad corpus, ut supra ostensum est. Mouit etiam ad hanc positionem multos, quia crediderunt quod non est corpus, non esse: imaginationem transcendere non valentes, quæ solùm circa corpora versatur. Vnde hæc opinio Sapient. 2. ex persona insipientium proponitur, dicentium de anima: Fumus & flatus est in naribus nostris, & sermo scintillæ ad mouendum cor.

Super Cap. 65.



**V**ERVNT & alij, inquit sanctus Thomas, qui magis errantes posuerunt animam esse corpus, quorum licet fuerint opiniones variæ: tamen contra eos communibus rationibus arguitur, deinde eorum motiua soluantur. Quantum ad primum arguitur, & primo sic: Viuentia componuntur ex anima & corpore: ergo alterum eorum est forma, & alterum materia: quia viuentia scilicet interiora & composita, quum sint res naturales, ex materia & forma componuntur, sed corpus non potest esse forma, cum non sit in altero ut in materia & subiecto, ergo anima erit forma: ergo anima non est corpus. patet vltima consequentia, quia corpus non est forma.

CIRCA hanc propositionem, Viuentia componuntur ex anima & corpore, dubitatur, quia secundum doctrinam sancti Thomæ, quum in vno composito sit tantum vna forma substantialis, sicut viuentia habent

*Idem prima par. quest. 75. De istis 1. de anima, text. com. 20. & sequentibus. Gregorius Nissenus de Philosophia lib. 2.*

\* Cap. 62.

*Ad rationes opinio prædictæ, ratio prima.*

*Responsio Cap. 63.*

*Lib. præc. cap. 56.*



habent per animam esse animatum ita per eandem habent esse corporeum, sed idem non componitur ex seipso: ergo viuientia non componitur ex anima & corpore, cum corpus inclinat animam. Ad hoc tripliciter potest responderi: Primum quod non componuntur viuientia ex corpore & anima tanquam ex duabus partibus realiter distinctis, sed tantum tanquam ex partibus distinctis secundum rationem, in quantum alia est ratio animæ, ut est animæ, & alia ut est forma corporea: sed ex hac responsione sequitur quod compositio rei viuientis ex anima & corpore non erit nisi compositio secundum rationem, cuius oppositum inquit sanctus Thomas in tractatu de ente & essentia, ubi ponit differentiam inter compositionem homini ex anima & corpore, & compositionem eius ex animali & rationali, quia ex corpore & anima dicitur esse homo, sicut ex duabus rebus quædam res tertia constituta, est autem ex animali & rationali sicut intellectus tertius ex duobus intellectibus. Propter quod secundum potest responderi, quod accipiendo corpus secundum quod dicitur compositum ex materia & perfectione corporea præcisè, & animam ut dicitur perfectionem vitalem præcisè, sunt due partes secundum rem: accidit enim corpori præcisè quod eius perfectio sit idem quod anima, quum per se præscindat animam, & ideo compositio hominis ex anima & corpore est realis, utpote ex duabus partibus secundum rem. Sed hæc responsio non videtur à priori responsione distingui. Quamvis enim perfectio corporeitatis in rebus inanimatis, præscindat ab anima secundum rem, in re tamen animata, puta in Sorte, secundum rem non præscindat ab anima, cum eadem numero forma det Sorti & esse corporeum & esse animatum: & licet ratio corporis ut sic animam, ut anima est, id est, rationem animæ excludat, in Sorte tamen entitas formæ corporeæ non excludit entitatem animæ, nec accidit entitati formæ corporeæ Sortis esse idem realiter cum entitate animæ, cum vnaqueque res sit per se, non autem per accidens, eadem sibi ipsi licet bene possit dici, quod illi formæ corporeæ præcisè consideratæ fundat rationem formæ corporeæ, accidit quod sit anima: quia ratio animæ ut anima est, extra rationem formæ corporeæ, ut sic inuenitur, sed ista præcisio rationum in forma Sortis est, tantum secundum considerationem intellectus, in quantum intellectus alium conceptum de ipsa forma ut est forma corporea, & alium ut est anima ex parte tamen rei sunt simpliciter una res. Ex quibus patet quod considerata in Sorte forma, corporeitatis præcisè, & similiter considerata anima præcisè, non componitur Sortes ex anima & corpore tanquam ex duabus partibus secundum rem, sed tantum tanquam ex duabus partibus secundum rationem, cum illa præcisio formæ corporeæ ab anima & e contra non sit in re, sed tantum in consideratione intellectus: & sic ista responsio à prima non differt, & per consequens eadem ratione improbat quæ & prima. Potest tertio responderi supposito quod loquatur sanctus Thomas non tantum secundum vulgi opinionem accipientis corpus proprie omnino ab anima distincta, sed etiam secundum veritatem, quod nomine corporis accipit sanctus Thomas materiam sub quantitate corporea existentem: hæc enim distinguitur realiter ab anima, & secundum genus causæ materialis ipsam præcedit: licet enim quantitas non insit materiæ nudæ, sed materiæ informata formæ corporeæ quæ in viuientibus non distinguitur realiter ab anima, ipsa tamen materia cum quantitate corporea sic præcisè accepta realiter ab anima distinguitur, & sic ex corpore & anima tanquam ex duabus partibus secundum rem viuientia omnia componuntur. Posset etiam quartò responderi, quantum mihi pro nunc occurrit, quod eo modo componuntur viuientia ex corpore & anima, quo corpora mixta dicuntur secundum aliquorum opinionem ex elementis esse composita. Elementa enim dicuntur componere mixtum, non quia in mixto maneant distincta secundum rem, sed quia ex ipsis prius realiter distinctis postmodum verò corruptis & manentibus in mixto solum quantum ad vnā qualitatem, in qua omnia virtualiter continentur, mixtum componitur. Sic proportionaliter dicere possumus, quod cum anima adueniat materiæ prius informata formæ corporeæ, animatum componitur ex corpore & anima prius realiter distinctis, sed corpore præexistente postmodum corrupto per aduentum animæ, remanente tamen in suo simili & virtualiter in esse aduentum animæ, quod dat animam in quantum anima superueniens dat esse corporeum, simile illi esse quod dabit formæ præcedens, & virtualiter continet formam corpoream. Vnde sicut dicuntur mixta componi ex elementis tanquam ex materia substantiahter transiente, sed remanente virtualiter in vna qualitate, sic viuientia dicuntur componi ex anima & corpore: ex anima quidem tanquam ex parte substantialiter permanente, ex corpore vero tanquam ex parte substantialiter transiente, sed manente in suo simili, aut manente virtualiter in vno esse quod materiæ dat animam. Et idcirco sicut dicimus mixta esse realiter composita ex elementis, non obstante quod in mixtione sint corrupta & maneant tantum virtualiter in mixto, sic dicere possumus viuientia esse realiter composita ex corpore & anima, licet corpus cui anima superuenit, sit corruptum, & maneat in viuente solum virtualiter, aut etiam in suo simili.

Secundò, Anima non est seorsum à corpore dum vivit, ergo non est corpus: probatur consequentia, quia duo corpora non possunt simul esse. Tertiò, Si esse corpus haberet aliquid aliud continens, & tunc illud magis esset anima, quum videamus recedente anima corpus dissolui, tunc si illud continens iterum erit corpus siue diuisibile, aut oportet deuenire ad aliquod indiuisibile & incorporeum quod erit anima, aut erit processus in infinitum: secundum est impossibile, ergo dādum est primum: probatur prima consequentia, quia omne corpus est diuisibile, omne autem diuisibile indiget aliquo continente & viuentis partes eius. Quarto, Anima est mouens non motum: ergo, & cetera. Patet consequentia, quia nullo corpus mouet non motum, ut superius est ostensum, antecedens verò probatur, quia est pars mouens animalis, pars enim mouentis seipsum quæ est mouens, est mouens non motum.

In hac ratione tria occurrunt dubia. Primum est circa antecedens, quum enim in mouente seipsum sit tantum vna forma substantialis, oportet ut corpus quæ est pars mota animalis, animam includat & per consequens moto corpore anima mouetur: ergo anima non est mouens non motum. Secundum dubium ex eadem radice procedens est: circa illam propositionem, Anima est pars mouens animalis. Quum enim idem non

sit mouens & motum, si anima est mouens, sequitur ut non pertineat ad partem motam tanquam eius forma: ergo aut sola materia prima erit pars mota in animali, & non corpus: aut corpus non erit corpus per animam, sed per aliam formam, quorum vtrūque in doctrina sancti Thomæ falsum est. Tertium est circa illam propositionem, nullo corpus mouet nisi motum, secundum enim doctrinam sancti Thomæ, prima parte quæst. 66. artic. 1. secundum cælum empyreum habet influentiam super corpora quæ mouentur, & tamen ipsum est immobile, ergo aliquod corpus mouet non motum.

Ad primum horum dicitur, quod licet anima sit forma partis motæ animalis, non tamen mouetur per se ad motum illius partis, sed tantum per accidens, ad motum scilicet corporis, intendit autem sanctus Thomas hunc esse de mente Aristotelis 8. Physicorum, animam esse partem mouentem, sed non motam per secundum quod mouet. Ad secundum dicitur ex doctrina sancti Thomæ in quæstionibus de anima, articulo 9. sexum, quod anima materialis & vnita materiæ secundum esse, & operatur ac mouet per potentias suas: ideo alio modo est mouens, & alio modo est pars formalis rei motæ. Est enim mouens per potentiam cognoscitiuam & appetitiuam, est autem pars formalis per suam substantiam solam dans esse materiæ: quo fit ut compositum ex organo & potentia, maxime appetitiua, ut est cor, moueat alias partes corporis, sicut id quod mouet, anima verò sicut primum principium quo mouet: est autem mota siue pars rei motæ in quantum est secundum esse vnita materiæ, modo non est inconueniens idem & esse primum mouens secundum substantiam, proximè autem mouens per potentiam, & esse partem rei motæ, ut est materiæ secundum esse vnitum. Ad tertium dicitur ex doctrina sancti Thomæ, potentia quæst. 5. articulo 8. ut dictum est superius cap. 20. huius secundi libri, quod duplicem actionem habet corpus, vnā secundum proprietatem, aliam secundum quod attingit ad ordinem substantiarum separatarum aliquo modo tanquam aliquod participans de modo ipsarum: prima actio est ad transmutationem materiæ de forma ad formam, secunda est ad quandam diffusionem suæ similitudinis, quemadmodum color suam similitudinem agit in medio & in sensu, hac actione cælum empyreum agit in inferiora corpora, non autem prima. Vnde in prima parte ubi supra dicitur quod non agit aliquid transiens & adueniens per motum (hoc est per transmutationem materiæ de forma ad formam) sed aliquid fixum & stabile, puta virtutem continendi & causandi, propositio autem sancti Thomæ intelligitur de prima actione, non autem de secunda: vnde nulla est contradictio. Quintò, Intelligere est actus anime, non autem corporis, ergo anima saltem intellectiua non est corpus.

Quantum ad secundum soluntur rationes contra conclusionem. Arguebant enim quidam animam esse corpus, tum quia filius assimilatur patri etiam in accidentibus animæ, cum tamen generetur per decisionem corporealem, tum quia anima comparitur corpori, tum quia à corpore separatur, separatio enim corporum se tangentium est. Ad omnia autem ista respondetur negando consequentiam. Et dicitur ad primum quod talis assimilatio est, quia complexio corporis est aliquo modo causa passionum animæ per modum disponentis: & ideo ubi sunt similes complexiones propter scilicet efficaciam virtutis generantis, sunt sapienter numero similes anime passionibus. Ad secundum dicitur, quod anima per accidens comparitur corpori, quia est forma eius, toto enim patiente, oportet & animam, quæ est eius pars formalis, pati. Ad tertium dicitur primum, quod anima non separatur à corpore sicut tangens à tacto, sed sicut forma à materia. Dicitur secundum quod etiam est aliquis tactus incorporei ad corpus, scilicet secundum virtutem, ut ex superius dictis patet. Ex his patet illos errasse qui imaginationem transcendere non valentes dixerunt, quod non est corpus, non esse in quorum persona tanquam insipientium dicitur Sapientia secundò, Fumus & flatus est in naribus nostris &c.

Contra ponentes intellectum & sensum esse idem.

Cap. 66.



Is autem propinquum fuit quod quidam antiquorum philosophorum intellectum à sensu differre non opinabantur: quod quidem impossibile est.

Sensus enim in omnibus animalibus inuenitur. Alia autem animalia ab homine intellectum non habent: quod ex hoc apparet, quia non operantur diuersa & opposita quasi intellectum habentia: sed sicut à natura mota ad determinatas quasdam operationes & vniformes in eadem specie: sicut omnis hirundo similiter nidificat: non est igitur idem intellectus & sensus.

2. Adhuc, sensus non est cognoscitiuus nisi singularium: cognoscit enim omnis sensitiua potentia per species indiuiduales, quum recipiat species rerum in organis corporalibus; intellectus autem est cognoscitiuus vniuersaliū, ut per experimentum patet, differt igitur intellectus à sensu.

3. Amplius, cognitio sensus non se extendit nisi ad corporalia: quod ex hoc patet, quod qualitates sensibiles quæ sunt propria obiecta sensuum, non sunt nisi in corporalibus: sine eis autem sensus nihil cognoscit. Intellectus autem cognoscit incorporea, sicut sapientiam, veritatem, & relationes rerum: non est igitur idem intellectus & sensus.

4. Item, nullus sensus seipsum cognoscit, nec suam operationem

Anima est mouens, non motum.

Anima est pars mouens animalis.

Quomodo cælum empyreum agit in inferiora.

Opin. Emp. tex. art. 2. de anima text. 250. & sequens.

D. 217.

D. 1123. D. 176.



*xi. 2. de anima.  
sec. com. 136.  
et infra.*

rationem: visus enim non videt seipsum, nec videt se videre: sed hoc superioris potentie est vt probatur in lib. de anima, intellectus autem cognoscit seipsum, & cognoscit se intelligere: non est igitur idem intellectus & sensus. Præterea, sensus corrumpitur ab excellenti sensibili: intellectus autem non corrumpitur ab intelligibili excellentia, quinimodò qui intelligit maiora, potest melius postmodum minora intelligere: est igitur alia virtus sensitiva & intellectiva.

*Super Cap. 66.*



**V**ERVNT & nonnulli qui quamvis animam intellectivam non dicerent esse corpus, dicebāt tamen intellectum esse virtutem corpoream, ponentes intellectum à sensu non differre, nisi forte accidentaliter, vt dicitur 4. distict. 44. quæst. 1. art. 1. q. 1. in quantum dicebant hominem habere intellectum præ aliis animalibus, quia in eo propter optimam eius complexionem vis sensitiva amplius viget. Cōtra hos etiam arguit sanctus Thomas, & primò sic, Sensus inest omnibus animalibus, non autem intellectus: ergo sensus non est intellectus, probatur antecedens quoad secundam partem, quia alia animalia ab homine non operantur diuersa & opposita, sed easdem & vniuersales operationes in eadem specie, vt patet de hirundine, omnis enim huiusmodi similiter nificat.

**P**RO declaratione huius rationis aduertendum ex Philosopho 9. Metaph. text. 3. & 10. quòd differunt potentie rationales ab irrationalibus, quia rationales & possunt in opposita scilicet agere & non agere, actiuo appropinquato passiuo in illa dispositione qua passiuum potest pati & actiuum agere, & possunt etiam in oppositas & contrarias actiones, sicut medicus per artem medicinæ potest introducere sanitatem & ægritudinem: irrationales autem non possunt non agere passiuo appropinquato in sufficienti dispositione, nec etiam possunt in oppositas actiones nisi per accidens, sed sunt ad vnum determinatæ, sicut calor non potest non calefacere sufficiens appropinquato sibi calefacti: nili disposito, nec potest infrigidare nisi per accidens, in quantum aperiendo porros facit exhalare interius calidum, aut aliquo alio modo. Similiter visus videns lumen venientem non potest non fugere, nec potest illum amare, aut prosequi & desistere. Propter hanc differentiam potentiarum optimè arguit S. Thomas ab effectu, quòd bruta non habeant intellectum, quia non operantur diuersa & opposita, id est, dissimiles & oppositas operationes circa idem non habent, sed omnia eiusdem speciei habent easdem & vniuersales operationes.

**S**ED aduertendum quum dicimus potentias rationales posse in oppositas actiones aut in opposita, quòd hoc non est intelligendum respectu omnium ad quæ se extendit potentia, quia vt habetur ex sancto Thoma prima quæstione 61. 8. ad secundum, & 4. sent. distict. 49. quæst. 1. art. 3. quæst. 2. ad primum, hoc non est verum in illis ad quæ naturaliter ordinantur, & quæ sunt sibi ab alio determinata: non enim voluntas potest non adherere bono, in quantum bonum est, nec intellectus potest non assentire primis principiis naturaliter notis: habet ergo veritatem propositio Philosophi respectu oppositorum quæ sub electione cadunt, & respectu eorum quæ sunt ad finem, vt dicitur 2. sent. distict. 7. art. 1. ad primum, quamvis posset dici sequendo dicta sancti Thomæ, quæ allegauimus, quòd potentie rationales in quantum rationales semper ad opposita se habent: respectu verò eorum ad quæ sunt determinatæ, & ad quæ naturaliter inclinantur, non sunt rationales potentie, sed irrationales potius & naturales.

*Cap. 4.*

**Q**UOVRIT autem dubium circa hoc quòd dictum est, quoniam scilicet bruta non operantur diuersa & opposita. Nam vbi est voluntariū, ibi potest esse diuersa operatio. sed vt inquit Philosophus 3. Ethicorum, pueri & alia animalia voluntariò communicant, ergo, &c. Respondetur ex doctrina S. Thomæ 12. quæst. 6. art. 2. quòd voluntarium dupliciter potest accipi: scilicet secundum rationem perfectam & secundum rationem imperfectam, primo modo voluntarium dicitur à voluntate proprie, & dicitur quando apprehenso sine aliquis deliberando potest moueri in finem vel non moueri, & sic non conuenit brutis. secundo modo dicitur ab aliqua participatione voluntatis propter aliquam conuenientiam ad ipsam: & dicitur secundum quòd apprehendens finem mouetur in finem, licet non per deliberationem, sed subito & necessariò: hoc secundo modo intelligit Arist. conuenire brutis voluntarium, non autem primo modo. Vnde cum assumitur, quòd vbi est voluntarium, ibi potest esse diuersa operatio, dicitur quòd verum est de voluntario secundum perfectam rationem, sed illo modo non conuenit brutis, vt dictum est, non autem de voluntario secundo modo. Potest & secundo responderi vt respondet S. Thomæ 2. sent. distict. 25. art. 1. ad sextum, quòd Arist. non accipit voluntarium proprie, in quo sensu maior habet veritatem, sed largo modo, vt scilicet voluntarium distinguitur contra violentum sic enim omne cuius principium est intra, dicitur voluntarium: & sic bruta, quia habent in seipsum principium suarum operationum, improprie illorum operationes dicuntur voluntariæ, sed vbi est voluntarium hoc modo, non oportet ibi posse esse contrarias & dissimiles operationes. Secundo, Sensus non est cognoscitiuus nisi singulari, intellectus autem est vniuersali cognoscitiuus, ergo, &c. probatur antecedens quo ad secundam partem, quia hoc experimento cognoscimus: quo ad primam verò partem, quia cognoscit sensus per species indiuiduales, vt pote in organis corporalibus receptas.

**C**IRCA hanc propositionem, Sensus non est cognoscitiuus nisi singulari, dubitatur: omnis enim potentia est cognoscitiua sui obiecti, sed obiectum cuiuslibet sensus est vniuersale, obiectum enim visus est color in vniuersali, non autem hic color, & sic de alijs sensibus, ergo sensus non est cognoscitiuus tantum singularium.

Ad huius euidentiā considerandum, quòd vniuersale vt vniuersale dupliciter considerari potest, vno modo vt habet esse obiectum in in-

tellektu: alio modo vt habet esse fundamentaliter in rebus. Sicut autem dupliciter habet esse, ita dupliciter cognosci potest. vno modo per omnimodam abstractionē à singularibus, alio modo secundum quòd in singularibus fundamentum habet. primo modo cognoscitur tantū ab intellectu, cuius est vni ab alio abstrahere. secundo modo etiam cognosci potest à sensu, dum scilicet sensus non fertur in rem singularem nisi vt fundat naturam vniuersalem. sic enim dicimus visum videre colorem vniuersalem, quia non videt hoc album nisi vt fundat rationem coloris, & similiter hoc nigrum & alios colores: vnde particulare est id quòd materialiter cognoscitur, sed vniuersale est id quòd formaliter est cognitum, tanquā scilicet id sub cuius ratione particulare cognoscitur. Ad argumentum ergo dicitur, quòd vtique sensus cognoscit vniuersale modo dicto, & tanquam rationem cognoscendi, sed hoc non est contra id quòd hic dicitur, quia loquitur S. Thom. de eo quòd materialiter cognoscitur tanquam primò terminas actum cognoscendi: tale autem ex parte sensus est singulare, ex parte autē intellectus est vniuersale: licet etiā vniuersale formaliter cognoscatur à sensu tanquam ratio cognoscendi ex parte obiecti se tenens. Tertiò, Sensus non cognoscit nisi corporalia, cum qualitates sensibiles quæ sunt propria obiecta sensuum, & sine quibus sensus nihil cognoscit, non sint nisi in corporalibus: intellectus autē cognoscit etiam incorporalia, putā sapientiam, veritatem, & relationes rerum, ergo, &c.

**A**DVERTENDVM, quòd per cognitionem corporaliū à sensu, non intelligit S. Thom. cognitionem substantiæ corporeæ quantum ad eius substantiam & essentiam, quia cum substantia hoc modo non cognoscatur à sensu nisi per accidens, non esset conueniens comparatio cognitionis sensitivæ respectu corporaliū ad cognitionem intellectus respectu incorporaliū, quæ cognoscuntur per se: sed intelligit per cognitionem sensitiuam corporaliū cognitionem illorum, vt stant sub propriis sensibilibus qualitatibus, vt scilicet significantur nomine colorati & huiusmodi aliis nominibus accidentium. Sic enim cognoscuntur per se à sensu. Quarto, Sensus non cognoscit seipsum nec suam operationem, sed hoc superioris est potentie, vt probatur in lib. de anima: intellectus autem cognoscit seipsum & suam operationem, ergo, &c. probatur prima pars antecedentis per exemplum de visu, qui nec seipsum videt, nec se videre.

**C**IRCA hanc propositionem, Sensus non cognoscit suam operationem, dubitatur: quia oppositum huius videtur dicere S. Thom. veri. quæst. 1. artic. 9. & quæst. 10. art. 9. vbi tenet quòd sensus redit ad essentiam suam, sed reditio incompleta, dum actum suum cognoscit, eò quòd sensus cognoscat se sentire. Idem tenet in secundo de anima secundum diuisionem Comment. in expositione text. 118.

**A**D huius euidentiā considerandum ex doctrina eius secundo de anima, & est de mente Philosophi text. 149. quòd omnes sensus particulares ab vna communi radice originem habet, & ad illam omnes particularium organorum inmutationes terminantur: quæ radix quia est omnium particularium sensuum commune principium, & communis finis, dicta est sensus communis. Quo fit vt sensus communis secundum quòd continuatur cum visu, & terminat visus inmutationem, vocetur visus: secundum verò quòd terminat inmutationem sensus auditus, & cum auditu continuatur, vocetur auditus, & sic de alijs, vt scilicet secundum quòd omnium sensuum inmutationes sensibiles complet ac terminat, ita & singulorum sensuum nomina quodammodo nascuntur. Dupliciter ergo possumus accipere sensum particularem. Vno modo pro sensu communi, vt cum sensu particulari continuationem habet, propter quam & sensus particularis, putā visus, aliquando fortitur nomen. alio modo pro ipso sensu particulari secundum se, vt à communi sensu distinguitur. Si primo modo accipiamus sensum particularem, sic sensus sentit se sentire, cum enim sensus communis vt principium visus & terminus visionis dicatur visus, dicimus quòd visus videt se videre, scilicet quantum ad an est, non autem quia cognoscat quidditatem visionis, & hoc modo intellexit sanctus Thomas in locis allegatis, dum dixit sensum cognoscere se sentire. Ad hunc sensum dixit Commentator secundo de anima, text. 139. quòd sensus, id est sensationes mouent virtutes, sicut sensibilia, quæ sunt extra, mouent sensus, per virtutes enim intelligit sensum commune, vt continuatur sensibus particularibus, & similiter intelligendi sunt antiqui expositores dicentes quoniam sensus sentit se sentire. Vnde in fine expositionis text. 138. inquit sanctus Thom. quòd potentia illa qua videmus nos videre, non est extranea à potentia visiva, sed differt ratione ab ipsa: quòd ergo sic intelligo, nō quòd potentia cognoscitiua visionis sit omnino idem secundum rem cum visu, qui est sensus particularis, & distinguitur tantum per opus intellectus, sed quia talis potentia licet secundum rem & subiecto distinguitur à visu particulari, tamen quantum ad suam operationem & quantum ad virtutem sentiendi habet continuitatem quandam & colligationem cum ipso, eò quòd sit radix communis sensuum particularium, & communis terminus omnium sensibilium inmutationum: & ex consequenti sic distinguitur à visu particulari, sicut radix à ramo, & sicut principium & finis lineæ distinguitur à lineæ, sicut enim licet punctum quòd est principium aut finis lineæ, sit alia entitas quàm sit entitas lineæ, nō tamen sic est extraneum à lineæ quasi nihil pertineat ad lineam, imò est aliud scilicet principium aut finis: sic licet sensus communis ad quem pertinet cognoscere actiones sensuum propriorum, sit potentia realiter à particulari visu distincta, & aliud habens organum, cum vna sit in prima cellula capitis, alia in oculis, non est tamen à visu omnino extranea, imò est eius radix siue principium & origo, arque etiā eius finis & terminus quantum ad inmutationem: & hoc vocat sanctus Thomas distingui ab alio secundum rationem hoc loco, non esse scilicet omnino extraneum ab alio, sed esse aliquid eius, eò modo quo diceremus punctum à lineæ ratione distingui. Si verò secundo modo sensum particularem accipiamus, sic sensus non sentit se sentire, & hoc modo accipit sanctus Thomas sensum hoc loco. Quòd autem ista responsio sit ad mentem sancti Thomæ, patet ex illis quæ dicit prima parte quæst. 78. art. 4. ad secundum. inquit enim quòd à sensu communi percipiuntur intentiones sensuum, sicut cum aliquis videt se videre, deinde subiungit, hoc enim non potest fieri per sensum proprium qui non cognoscit nisi formam sensibilibus à quo immutatur, in qua inmutatione perficitur visio, & ex qua inmutatione

*Sensus cognoscit corporalia.*

*Sensus non cognoscit se sentire.*



immutatione sequitur alia immutatio in sensu communi qui visionem percipit. Simili modo intelligendus est Aristoteles in lib. de somno & vigilia, ubi ait quod visus non videt se videre. Possimus etiam ex hoc cognoscere mentem sancti Thomae, imò Aristot. hanc esse, quod sensum communem (vt patet in expositione sancti Thomae, & Commentatoris ibi etiam commento 136.) Aristoteles inuestigat ex hac duplici operatione, scilicet ex cognitione actuum sensuum propriorum, & ex cognitione diuersitatis obiectorum ad diuersos sensus particulares pertinentium hoc enim non fieret nisi istae operationes à sensibus particularibus excluderentur, atque idcirco opus sit alium præter ipsos sensum, cui hæc conueniant, inuenire.

SED contra hanc solutionem insurgit dubium, quia in questionibus de veritate, ubi inquit sanctus Thomas quod sensus sentit se sentire, addit quod hoc non fit nisi per quandam reditorem, licet incompletam & imperfectam. si autem non sensus particularis, sed communis cognosceret actum sensus, tunc non diceretur visus, aut alius sensus redire ad se, quia talis reditio non est nisi per cognitionem proprii actus post cognitionem proprii obiecti, vt ibi apparet. ergo per sensum non accipit sanctus Thomas sensum communem continuatum sensui particulari, dum inquit quod sensus se sentire, vt responsio dicit. Respondetur quod etiam dicitur sensus secundum responsum datam redire ad se imperfecte, quia cum sensus communis non participat actum sensus particularis, nisi vt est aliquid eius, & vt continuatione cum ipso habet, potest quod sensui communi sic conuenit, dici etiam de sensu particulari. vnde quia cognoscit actum visus, potest dici quod visus videt se videre, & per consequens ad se redit, non quia visus proprie sumptus habeat actum quo cognoscit suam visionem, sed quia id quod est aliquid eius, in quantum est aliquid eius, habet actum quo visionem cognoscit. Quinto, sensus corrumpitur ab excellenti sensibili, non autem intellectus ab excellenti intelligibili: imò qui intelligit maiora, potest melius postmodum minora intelligere, ergo, &c. Quomodo sensus ab excellentia sensibilis corrumpatur, ostensum est superius in hoc secundo lib. cap. 55.

*Contra ponentes intellectum possibilem esse imaginationem.*

Cap. 67.



Vic autem opinioni affine fuit quod quidam posuerunt intellectum possibilem non esse aliud quam imaginationem, quod quidem patet esse falsum. Imaginatio enim est etiam in aliis animalibus: cuius signum est, quod abeuntibus sensibilibus fugiunt vel persequuntur ea: quod non esset nisi in eis imaginaria. apprehensio sensibilium remaneret. intellectus autem in eis non est, cum nullum opus intellectus in eis appareat: non est igitur idem intellectus & imaginatio.

2 Adhuc, imaginatio non est nisi corporalium & singularium, cum phantasia sit motus factus à sensu secundum actum, vt dicitur in libro de anima. intellectus autem vniuersalium & incorporeum est: non est igitur intellectus possibilis imaginatio.

3 Amplius, impossibile est idem esse mouens & motum, sed phantasmata mouent intellectum possibilem, sicut sensibilia sensum, vt Aristot. dicit in 3. de anima. impossibile est igitur quod sit idem intellectus possibilis & imaginatio.

4 Præterea, probatum est in tertio de anima, quod intellectus non est actus alicuius partis corporis: imaginatio autem habet organum corporale determinatum: non est igitur idem imaginatio & intellectus possibilis. Hinc est quod dicitur Iob 35. Qui docet nos super iumenta terræ, & super volucres cæli erudit nos. Per quod datur intelligi quod hominis est aliqua virtus cognoscitiua supra sensum & imaginationem, quæ sunt in aliis animalibus

Super cap. 67.



Simili errore detenti sunt qui dixerunt intellectum possibilem nihil aliud esse quam imaginationem, secundum scilicet quod est nata vt sint in ea formæ quæ fuerunt intellectus in actu, quæ sunt autem opinio, vt recitat sanctus Thomas 2. 2. sen. dist. 17. q. 2. art. primo. Contra hanc autem arguitur, primo, Imaginatio est in brutis, non autem intellectus, ergo, &c. probatur antecedens, quo ad primam quidem partem, quia in eis imaginaria apprehensio abeuntibus sensibilibus remanet: quod constat ex eo quod ea fugiunt aut persequuntur. quo ad secundam vero partem, quia in eis nullum opus intellectus apparet. Secundo, Imaginatio est tantum corporalium & particularium, cum phantasia sit motus factus à sensu secundum actum, in secundo de anima: intellectus autem est vniuersalium & incorporeum: ergo, &c. Tercio, Phantasmata mouent intellectum, sicut sensibilia sensum, ex tertio de anima, ergo, &c. probatur consequentia, quia impossibile est idem esse mouens & motum, scilicet respectu eiusdem, & eodem modo. Quarto, Imaginatio habet organum determinatum, intel-

lectus autem organum non habet: ergo, &c. Confirmatur autoritate Iob 35. Qui docet nos, &c.

*Qualiter substantia intellectualis possit esse corporis forma.*

Cap. 68.



EX præmissis igitur rationibus concludere possumus quod intellectualis substantia potest corpori vniri vt forma.

Si enim substantia intellectualis non vnitur corpori a solùm vt motor, vt Plato posuit: ne-

que continuatur ei solùm per phantasmata, vt dixit Auerrois, sed vt forma: neque tamen intellectus quo homo intelligit, est preparatio in humana natura, vt dixit Alexander: neque complexio, vt Galenus: neque harmonia, vt Empedocles: neque corpus vel sensus vel imaginatio, vt antiqui dixerunt: relinquitur quod anima humana sit intellectualis substantia corpori vnita vt forma: quod quidem sic potest fieri manifestum. Ad hoc enim quod aliquid sit forma substantialis alterius, duo requiruntur: quorum vnum est vt forma sit principium essendi substantia- liter ei cuius est forma, principium autem dico non effectuum, sed formale, quo aliquid est & denominatur ens: vnde sequitur aliud, scilicet quod forma & materia conueniant in vno esse: quod non contingit de principio effectiuo cum eo cui datur esse: & hoc esse est in quo subsistit substantia composita quæ est vna secundum esse ex materia & forma constans: non autem impeditur substantia intellectualis per hoc quod est subsistens: vt probatum est, Lib. isto, esse formale principium essendi materiæ quasi esse suum, communicans materiæ. non est enim inconueniens quod idem sit esse in quo subsistit compositum & forma ipsa: cum compositum non sit nisi per formam, nec seorsum vtrunque subsistat. Potest autem obiici quod substantia intellectualis esse suum materiæ corporali communicare non possit, vt sit vnum esse substantiæ intellectualis, & materiæ corporalis. diuersorum enim generum est diuersus modus essendi, & nobilioris substantiæ nobilior esse. Hoc autem conuenienter diceretur, si eodem modo illud esse materiæ esset, sicut esse substantiæ intellectualis. non est autem ita. est enim materiæ corporalis vt recipientis & subiecti ad aliquid altius eleuari, substantiæ autem intellectualis vt principij, & secundum propriam naturam congruentiam. nihil igitur prohibet substantiam intellectualem esse formam corporis humani quæ est anima humana. Hoc autem modo mirabilis rerum connexio considerari potest. semper enim inuenitur infimum supremi generis contingere supremum inferioris generis: sicut quedam infima in genere animalium parum excedunt vitam plantarum: sicut ostrea quæ sunt immobilia, & solum tactum habent, & terræ in modum plantarum affiguntur: vnde & beatus Dionysius dicit in 7. capit. de diu. nomi. quod diuina sapientia coniungit fines superiorum principiis inferiorum. Est igitur accipere aliquid in genere corporum, scilicet corpus humanum æqualiter complexionatum quod attingit ad infimum superioris generis, scilicet ad animam humanam, quæ tenet vltimum gradum in genere intellectualium substantiarum, vt ex modo intelligendi percipi potest. Et inde est quod anima intellectualis dicitur esse quasi quidam horizon & confinium corporeorum, & incorporeorum, in quantum est substantia incorporea: corporis tamen forma. Non autem minus est aliquid vnum ex substantia intellectuali & materia corporali, quam ex forma ignis & eius materiæ: sed fortè magis, quia quanto forma magis vincit materiam, tanto ex ea & materia magis efficitur vnum.

Quamuis autem sit vnum esse formæ & materiæ, non tamen oportet quod materia semper adæquet esse formæ: imò quanto forma est nobilior, tanto in suo esse semper excedit materiam: quod patet inspicienti operationes formarum: ex quarum consideratione earum naturas cognoscimus. vnum quodque enim operatur secundum quod est

Opin. Abubacher & Auempace, teste Auer. 3. de anima com. 5. D. 117.

Tex. com. 161. Secundo libro de anima. 10.

Tex. com. 3.

Tex. com. 6.

Libro isto, Cap. 56. Tex. com. 17.



est. Vnde forma cuius operatio excedit conditionem materiæ, & ipsa secundum dignitatem sui esse superexcedit materiam. Inuenimus enim aliquas infimas formas quæ in nullam operationem possunt, nisi ad quam se extendunt qualitates, quæ sunt dispositiones materiæ, vt calidum, frigidum, humidum, & siccum, rarum, densum, graue & leue: & his similia, sicut formæ elementorum: vnde istæ sunt formæ omnino materiales, & totaliter immerse materiæ. Super has inueniuntur formæ mixtorum corporum, quæ licet non se extendant ad aliqua operata quæ non possunt compleri per qualitates prædictas: interdum tamen operantur illos effectus altiori virtute corporali, quam tamen fortiuntur ex corporibus coelestibus: quæ consequitur eorum speciem, sicut adamas trahit ferrum. Super has iterum inueniuntur aliquæ formæ quarum operationes extenduntur ad aliqua operata quæ excedunt virtutem qualitatibus prædictarum: quamuis qualitates prædictæ organice ad harum operationes deferuiunt: sicut sunt animæ plantarum, quæ etiam assimilantur non solum virtutibus corporum coelestium in excedendo qualitates actiuas & passiuas, sed etiam ipsis motoribus corporum coelestium, in quantum sunt principia motus rebus viuētibz quæ mouent seipsas. Super has formas inueniuntur aliæ formæ similes superioribus substantiis non solum in mouendo, sed etiam aliquid in cognoscendo: & sic sunt potentes in operationes ad quas nec organice qualitates prædictæ deferuiunt: cum operationes huiusmodi non compleantur nisi mediante organo corporali, sicut sunt animæ brutorum animalium. sentire enim & imaginari non complentur calefaciendo & infrigidando, licet hæc sint necessaria ad debitam organi dispositionem. Super omnes autem has formas inuenitur forma similis superioribus substantiis etiam quantum ad genus cognitionis quod est intelligere: & sic est potens in operationem quæ completur absque organo corporali omnino, & hæc est anima intellectiua: nam intelligere non fit per organum corporale. vnde oportet quod id principium quo homo intelligit, quod est anima intellectiua, & excedit materiæ conditionem corporalis, non sit totaliter comprehensum à materia, aut ei immersum, sicut aliæ formæ materiales: quod eius operatio intellectus ostendit, in qua non communicat materia corporalis: quia tamen ipsum intelligere animæ humanæ indiget potentiis quæ per quædam organa corporalia operantur, scilicet imaginatione & sensu: ex hoc ipso declaratur quod naturaliter vnitur corpori ad complendam speciem humanam.

Super cap. 68.

**E**xclusis & eliminatis erroribus circa intellectum atque animam intellectiua, quibus volebāt nonnulli effugere substantiam spiritualement esse corporis formam, accedit tertio loco sanctus Thomas ad veritatis determinationem, vultque ostendere substantiam spiritualement corporis formam esse posse. Circa hoc autem duo facit. Primum enim ostendit talem substantiam posse corpori vt formam vniri. secundum ostendit ipsam, licet vnatur corpori, non tamen à materia totaliter comprehensam esse, aut ei, sicut aliæ formæ materiales, immersam, circa medium huius capituli. Primum probat tribus rationibus.

SEd antequam probeur conclusio, aduertendum, quod ita intelligendum est substantiam spiritualement posse vniri corpori vt formam, quo modo superius est ostensum cap. 65. viuētia componi ex anima & corpore secundum rem. non enim sic accipitur quasi dicta substantia informare possit compositum ex materia & forma corporea distincta à substantia spirituali, & cum ipsa in eodem composito simul manente. hoc enim est impossibile secundum doctrinam S. Thom. tenentis in vno composito substantiali vnam duntaxat formam substantialement esse posse, sed nomine corporis intelligitur aut materia sub quantitate quæ intelligitur præcedere formam in materia secundum ordinem causæ materialis, licet secundum ordinem causæ formalis sit e contrario, aut corpus præexistens animæ, quod tamen in aduentu animæ corrumpitur secundum substantiam, sed virtute remanet in composito ex materia & anima intellectiua. Hoc declarato, arguitur primum ad conclusionem, à sufficienti diuisione, sic, substantia intellectus non vnitur corpori solum vt motor, vt Plato posuit, neque continuatur ei solum per phantasmata, vt Auer. dixit, sed vt forma: neque tamen intellectus quo anima humana intelligit, est præparatio in natura humana, vt dixit Alex. neque complexio, vt Galen. neque harmonia, aut corpus, aut sensus, aut imaginatio, vt antiqui dixerunt, ergo anima humana est substantia spiritualis corpori vnita vt forma, ergo &c. Secundum, substantia spiritualis potest esse principium formale essendi substantialiter materiæ, & potest in vno esse cum materia con-

uenire, ergo potest esse forma corporis. patet consequentia, quia illa duo requiruntur tanquam sufficientia ad hoc quod aliquid sit forma substantialis alicuius, scilicet vt sit principium essendi substantialiter ei cuius est forma, principium videlicet non effectiuum, sed formale quo aliquid est & denominatur ens, & vt forma & materia conueniant in vno esse in quo subsistit substantia composita ex materia & forma, quæ est vna secundum esse, quod non conuenit principio effectiuo cum eo cui dat esse. Antecedens verò probatur quo ad vtranque partem: quo ad primam quidem, quia si illud non posset substantia spirituali conuenire, hoc pro tanto esset quia est subsistens, vt superius est probatum. rei enim subsistenti videtur repugnare vt sit principium formale essendi materiæ, quasi esse suum communicans materiæ. sed hoc non obstat, quia non inconuenit quod idem sit esse in quo subsistit compositum & ipsa forma, cum compositum non sit nisi per formam, nec seorsum vtrumque subsistat, & per consequens esse formam alterius non tollit ab ipsa subsistentiam. Quo ad secundam verò partem probatur, quia si aliquid prohiberet substantia spiritualis & materiæ esse vnum esse, hoc pro tanto esset, quia sunt diuersorum generum, & illa est nobilior substantia quam materia. diuersorum autem generum diuersus est modus essendi, & nobilior substantia nobilior est esse. sed hoc non obstat, quia illud esse non est eodem modo substantia spiritualis & materiæ, est enim materiæ vt recipientis & subiecti ad aliquid altius eleuati, substantia autem spiritualis vt principij, & secundum propriam naturam congruentiam.

AD euidentiam probationis primæ partis antecedentis considerandum, quod si esse per se subsistens acciperemus prout idem est quod hoc aliquid propriè sumptum, quod est subsistens completum in natura alicuius speciei: repugnaret vique subsistenti esse formam alicuius materiæ, quod enim est in se completum in specie, non potest esse pars alterius speciei, vt dicitur 7. Metaph. sed sic non accipit hoc loco S. Thom. esse per se subsistens, sed prout excludit inhærentiam accidentis & formæ materialis. sic enim subsistere est habere esse independentem à subiecto & materia, vnde anima intellectiua dicitur subsistens, quia habet esse à materia non dependens, eò quod non sit immersa materiæ, nec de potentia materiæ sit educta. sic autem subsistenti non repugnat esse principium formale essendi materiæ. potest enim aliquid suum esse formaliter communicare materiæ, & tamen à materia non dependere secundum esse.

CIRCA secundam partem antecedentis & eius probationem attendendum, quod anima intellectiua cum sit substantia à materia non dependens secundum esse, pertinet aliquo modo ad ordinem substantiarum immaterialium & intellectualium, omnes autem aliæ formæ substantiales cum secundum esse à materia dependant, educanturque de potentia materiæ, ad ordinem rerum sensibilium & materialium omnino pertinent: inde prouenit quod cum materia aliqua forma materiali informatur, non dicitur trahi ad aliquid superioris ordinis & eleuari, cum tam materia quam forma materialis ad eundem rerum ordinem pertineant. cum autem per animam intellectiua informatur, trahitur ad esse superioris ordinis, quia anima intellectiua cui suum esse secundum propriam naturam congruentiam conuenit, pertinet ad genus immaterialium, quod genus est superius & dignius genere sensibilium. Non est autem inconueniens, id quod est inferioris ordinis, trahi aliquo modo & eleuari ad quandam participationem superioris ordinis. videmus enim in nobis cogitativam virtutem quæ ad naturam sensitiuam pertinet, propter hoc quod in eadem essentia animæ cum intellectu radicitur, ad aliquam rationis intellectusque participationem eleuari, dum particulares propositiones format, ratiocinaturque circa singularia. Propter hæc ergo bene inquit sanctus Thomas, quod esse substantia spiritualis informantis materiam, est materiæ tanquam subiecti ad aliquid altius eleuati.

CIRCA autem totum antecedens & eius probationes simul dubitatur. Videtur enim ex dictis sequi, quod idem sit esse in quo subsistit anima intellectiua, & compositum ex ipsa & materia, qui est homo. hoc autem non placet Scoti in quarto Sentent. distinct. 43. quæst. 1. & in quolibet. quæst. 9. imò contra hoc multipliciter arguit, & primò sic: Omne ens habet aliquod esse proprium. homo vt homo, est aliquod ens, non tantum anima: ergo habet aliquod esse proprium, & non tantum esse animæ. Secundò in hoc videtur sanctus Thom. contradicere sibi ipsi, quia ipse tenet alibi scilicet 4. sentent. distinct. 43. quæst. 1. artic. 1. quæst. 1. ad quartum, quod status animæ in corpore est perfectior quam status eius extra corpus, quia est pars compositi, & omnis pars est materialis respectu totius. Tunc arguitur sic: Quod habet totaliter idem esse proprium, non est imperfectius ex hoc solo quod non communicat alij illud esse, cum perfectio naturaliter præsupponatur ei quod est communicare perfectionem. sed per te anima totaliter habet idem esse separata & coniuncta, imò esse quod est totale esse hominis quando communicat corpori: ergo ipsa in nullo est imperfectior pro eo quod non communicat idem esse corpori, cuius oppositum dixisti.

Tertio, Sequeretur quod anima non esset imperfectior in essendo quam homo, hoc est falsum. ergo, &c. probatur consequentia, quia habentia idem esse sunt æque perfecta in essendo.

Quartò, Esse compositi corrumpitur, quia non manet esse totius nisi maneat totum habens illud esse: & vniuersaliter nullius esse actuale videtur manere idem nisi manente illo quod actualiter habet illud esse. esse autem animæ est incorruptibile, ergo non est idem esse animæ & esse hominis. Propter hæc distinguit ipse vbi supra, in quolibet de duplici esse, inquires quod dupliciter accipi potest: vno modo pro eo quo primo formaliter aliquid recedit à non esse, & hoc est illud per quod aliquid extra intellectum & potentiam suæ causæ, alio modo pro ultimo actu, cui scilicet non aduenit aliquis alius actus dans esse simpliciter, & ipsum dicitur simpliciter habere esse cui primò conuenit esse sic dictum. Primum in quantum sic, quod non sit alicui alteri ratio essendi illo esse. Secundum primum modum, cuiuslibet entis extra intellectum & causam esse proprium esse: quantum verò ad secundum modum, solum compositum perfectum in specie habet esse simpliciter, pars autem eius dicitur esse per accidens tantummodo, vel magis propriè participatiue per istud esse totius. Ex his elicit duo: Primum est, quod anima intellectiua est per se ens, primo modo accipiendū esse, non autem secundo modo, nisi improprie & secundum quid. Secundum est, quod formæ & totius non est idem esse

Quomodo anima intellectiua est subsistens.

Verum sit idem esse anima in intellectu & hominis.



esse primo modo, sed bene secundo modo, licet non eodem modo sit utriusque, sed totius primo, partis autem participatiue.

AD huius difficultatis euidentiam tria sunt facienda, primò impugnabitur breuibus hæc Scoti positio, secundò declarabitur positio sancti Thomæ, tertio respondebitur ad argumenta. Quantum ad primum arguitur contra hanc positionem dupliciter, primò sic. Supponitur primò, quod forma antequam materiæ adueniat, nullum esse habeat actum in natura, quia non est extra potentiam suam causæ, nisi cum in materia produciatur: nisi velimus ponere formas esse ante materias, quod reprobatur à philosopho 12. Metaphysicæ. Supponitur secundò, quod in eodem instanti reali quo forma aduenit materiæ, constituitur & resultat compositum ex materia, & forma: & illud accipit esse. Tunc arguitur sic: In eodem instanti forma vnitur materiæ, & est compositum ex materia & forma, ergo in eodem instanti forma accipit esse actuale & compositum, sed parte ista esse actualis existentie sunt distinctæ: ergo in eodem instanti ab una forma sunt duo esse. hoc est falsum: ergo aliquid præmissorum, non primum antecedens, ex secundo supposito: nec prima consequentia, ex primo & secundo supposito: ergo minor subsumpta quæ erat tua positio, probatur falsitas consequentis. Ab una forma est tantum unus effectus formalis. una enim albedo facit unum esse album, sed esse actualis existentie est effectus formalis formæ: ergo ab una forma erit tantum unum esse actuale. non erit ergo aliud esse, actuale formæ, & aliud esse actuale compositi. Secundò, Anima intellectiua habet aliud esse actuale ab esse compositi: ergo tam ipsa quam compositum erit per se ens, accipiendo esse secundo modo. sed hoc est contra positionem tuam, ergo antecedens non est verum. probatur consequentia. Esse quo anima intellectiua existit, est ultimus actus cui non aduenit aliquis alius dans esse simpliciter, & ipsa anima cui primo conuenit illud esse ita, quod non est alicui alteri ratio essendi illo esse, dicitur simpliciter habere esse: ergo anima est per se ens illo modo, & similiter per se compositum est per se ens: ergo, &c. patet consequentia ex tua positione. probatur antecedens, quo ad primam partem quidem, quia in homine non est aliqua alia forma adueniens animæ intellectiue dans illi esse substantiale & esse simpliciter. constat enim quod nulla forma partis aduenit in homine post ipsam, cum per eam homo sit homo. non etiam aduenit formæ totius quæ est essentia tantum dans esse simpliciter. non enim essentia compositi est principium formale essendi simpliciter, & maxime parti, sed est proprium susceptiui esse. non etiam aduenit alia esse, tum quia una actualis existentia non informat per aliam, ita quod sit in actu per aliam actuale existentiam, sicut nec una albedo est alba per aliam albedinem, tum quia illud aliud esse non posset esse aliud quam esse compositi. hoc autem non facit animam intellectiua esse simpliciter, sed compositum, animam autem per accidens siue participatiue, ut dicis. ergo esse quo anima intellectiua existit, est ultimus actus cui non aduenit aliquis alius actus dans esse simpliciter. Quo ad secundam etiam partem probatur, quia de anima cui primo conuenit illud esse proprium, ita quod per illud nihil aliud est, potest verè dici absolute quod est, & quod illud esse secundum quod dicitur esse, habet integrè & perfectè, non autem tantummodo participatiue: ergo potest illam dici habere esse simpliciter per illud esse patet consequentia quia de aliquo verum est dicere quod simpliciter habet esse etiam secundum re, quando absque aliqua additione de ipso verum est dicere quod est, & non tantum participatiue habet esse illud quo esse & existere dicitur. antecedens verò probatur quo ad primam partem ex differentia esse substantialis & accidentalis. per esse enim substantiale absolute & absque alia additione dicitur esse, per accidentale autem dicitur esse cum aliqua additione, non absolute. per esse enim albedinis non dicitur absolute paries esse, sed esse albus, & sic de aliis esse accidentalibus. per esse autem animæ dicimus absolute hominem esse, & sic de aliis. unde apud omnes philosophos differt forma substantialis ab accidentali, quia substantialis dat esse simpliciter, accidentalis autem esse secundum quid. Quo ad secundam verò partem probatur, quia esse quod conuenit animæ distinctum ab esse compositi, parte est illi proprium, ergo conuenit sibi non participatiue ab alio cui prius conueniat.

Anima intellectiua in quibus conueniat cum aliis formis materialibus, & in quibus ab ipsis differt.

Quantum ad secundum pro declaratione opinionis sancti Thomæ considerandum, quod cum anima intellectiua omnino ad extrinsecum producat, alia autem formæ per agens naturale educantur de potentia materiæ, sic tamen forma materiæ, sicut & alia formæ materiales, in aliquibus conuenit cum aliis formis specificis & in aliquibus differt. Conuenit enim cum illis in tribus, in tribus verò differt. primò enim conuenit, quia per vniorem utriusque formæ cum materia constituitur compositum quod est susceptiui esse actuali existentie, & habet essentiam completam in specie. Secundò, quia utraque dat esse & materiæ & composito. Tertio, quia per vnum & idem esse existit materia, forma & compositum. cum enim vnius rei sit tantum una forma substantialis, oportet ut ipsius sit etiam tantum unum esse actuale. ab una enim forma (ut iam probauimus) est tantum unum esse. Differunt verò primò, quia illa non subsistunt in suo esse, sed habent esse à materia dependens, eod quod de potentia materiæ educantur, ut pote à materia comprehensa, & ordinem rerum materialium non excedentes. intellectiua autem est per se in suo esse subsistens. non enim educitur de potentia materiæ, & habet esse à materia non dependens: licet in fieri, & à principio in ipsa accipiat esse. unde non fit quidem nisi in materia, sed tamen absque materia, cum ab ipsa separatur, retinet esse. Secundò, quia esse quod dat forma materiali, cum sit materiale, sicut & forma materiali est, primò & per se conuenit composito ex materia & forma, tanquam ei quod perfectiorem gradum in natura materiali tenet: secundario autem conuenit formæ in quantum videlicet est pars compositi. esse autem quod dat anima intellectiua, secundum se est immateriale, sicut & ipsa forma est immaterialis. ideo primò & per se conuenit animæ quæ immaterialis est: secundario autem conuenit composito, tanquam videlicet ei quod aliquo modo ad ordinem immaterialium per animam intellectiua eleuatur. Tertio, quia esse quod dat forma materiali, cum sit primò & per se compositi, corrupto composito non remanet. esse autem animæ intellectiue, quia non est primò & per se compositi, sed ipsius animæ, non definit corrupto composito, sed remanet in ipsa anima retrahente ad se esse quod materiæ communicabat. Ex his patet, quod non oportet ut aliud sit esse animæ intellectiue, & aliud esse hominis, loquendo de esse actualis existentie, sicut nec in rebus materialibus aliud est esse formæ, & aliud esse compositi, sed per idem esse existit, anima intellectiua & homo, ipsa quidem primò, homo autem secundario.

SE D circa dicta occurrunt duo dubia. Primum circa id quod dictum est animam intellectiua non educi de potentia materiæ. atque idcirco habere esse subsistens. si enim hoc est, sequitur quod anima intellectiua non sit in potentia materiæ. repugnant enim ipsam esse in potentia materiæ, & quod cum in materia actu introduciatur, de potentia materiæ non educatur. hoc autem est falsum quia tunc generatio hominis non esset naturalis. per ipsam enim non introduceretur forma naturalis in materia, sed forma supernaturalis. Secundum est, quia dictum est esse hominis primò & per se conuenire animæ, secundario verò homini. hoc enim non videtur verum. Nam vnumquodque sicut se habet ad esse, ita ad operari, & econuerso, ut habetur prima quæstion. 77. articulo secundo, sed homini conuenit primò & per se operari, non autem animæ saltem quantum ad operationes sensitiue & vegetatiue partis, cum illæ sint operationes coniunctæ, ergo homini conuenit primò & per se esse, non autem animæ. Ad primum horum dicitur ex doctrina sancti Thomæ. prima quæstione 90. articulo tertio ad secundum, & de spiritualibus creaturis articulo secundo ad octauum, item inferius in hoc secundo cap. 86. quod formam educi de potentia materiæ, nihil aliud est quam materiam educi de potentia in actu illius formæ, quia videlicet forma prius erat in materia potentialiter & indistincte: postmodum verò per transmutationem materiæ fit actu in ipsa materia. unde ad hoc ut forma educatur de potentia materiæ, oportet ut prius contineatur in ea ut in causa materiali, & per consequens ut dependeat ab ipsa secundum genus causæ materialis, quod est dictum, ut secundum esse suum à materia sustentetur sic, ut sine materia esse non possit. Cum ergo anima intellectiua à materia secundum esse suum non dependeat, constat quod de potentia materiæ non educatur, & per consequens quod non contineatur in potentia materiæ potentia dico naturali, non autem obedientiali: unde negatur falsitas consequentis. Et cum probatur, quia generatio hominis non esset naturalis, negatur consequentia. non solum enim dicitur generatio naturalis per quam materia educitur de potentia in actu formæ præexistens in ipsa potentia naturali, sed etiam quia per ipsam ab agente naturali vnitur materiæ forma quæ non erat in materia in potentia naturali, sed tantum ab extrinseco produciatur. nam dispositiones materiales facientes ad vniorem animæ cum materia quæ sunt vltima necessitas ad formam, naturales sunt, & ab homine producantur virtute suæ naturæ, ideo generatio per quam introducuntur tales dispositiones in materia, quibus mediantibus fit vniõ animæ cum materia, est naturalis, & non supernaturalis, cum autem probatur consequentia, quia non introduceretur forma naturalis, negatur consequentia. Licet enim anima non sit naturalis, eo quod sit in potentia naturali materiæ, est tamen naturalis, quia ad vniorem cum materia naturaliter inclinatur. Ad secundum dicitur, primò quod utique oportet ut homo per se subsistat, sicut & anima, cum primò & per se quidam operationes operatione operetur, sicut & anima per se intelligit & vult, non tamen oportet ut esse illo primo modo & per se conueniat homini, quomodo conuenit animæ. Propter quod dicitur secundò, quod esse dupliciter potest intelligi primò & per se alicui conuenire. Vno modo secundum quod si primò excludit absolute susceptiui esse, cui per prius esse formaliter conueniat: & sic primò & per se conuenire alicui esse illud habere esse, & non per aliquid cui per prius illud esse conueniat. Alio modo ut excludat non quodcumque existens per prius illo esse, sed tantum existens tanquam hoc aliquid & suppositum: & sic conuenire esse alicui primò & per se, est habere esse, & non per aliud cui per prius conueniat tanquam supposito per se existenti. Primo modo esse animæ intellectiue conuenit primò & per se, quia nulli existenti absolute per prius conuenit. prius enim intelligimus ipsam animam per creationem fieri, ut habere esse, deinde illud esse communicari materiæ & composito per ipsam animam. unde inquit S. Thom. primo sent. dist. 8. quæst. 2. art. 2. ad secundum, quod habet in se esse perfectum, & quod hoc ipsum esse quod est anima per se, fit esse coniuncti: & ad octauum inquit, quod animæ intellectiue propriè debetur fieri, & corpus trahitur ad esse eius. Item de spiritualibus creaturis art. 2. ad tertium ait, quod anima habet esse subsistens supra materiam eleuatum, & quod ad huius esse communionem recipit corpus ut sit vnum esse animæ & corporis quod est esse hominis, in hoc autem (ut dictum est superius) differt à materiali forma, quia esse non prius conuenit formæ materiali quam composito, sed compositum sicut est illud quod propriè fit, forma autem non fit propriè, sed est id quod aliquid fit: ita compositum est id quod primò & propriè est: forma verò est id quod est, non autem id quod est, nisi impropiè. Secundò verò modo esse primò & per se conuenit composito. scilicet homini, quia licet per prius conueniat animæ, non tamen conuenit illi tanquam supposito, sed tanquam formæ quæ est pars hominis, licet non habeat esse dependens à materia. Ad dubium ergo dicitur, quod argumentum verum concludit accipiendo primò & per se secundo modo, sicut enim operationes vegetatiue & sensitiue partis sunt primò & per se compositi tanquam suppositi agentis, ita esse conuenit illi primò & per se tanquam supposito, hoc autem non repugnat ei quod superius diximus, esse inquam primò & per se conuenire animæ, quia illud intelligebamus de primò & per se primo modo, sic enim esse primò & per se conuenire potest formæ non immerse materiæ, cuiusmodi est anima intellectiua.

Quantum ad tertium respondendum est obiectionibus Scoti. Ad primam enim negatur antecedens. Iam enim diximus de mente S. Thomæ, & expresse hoc loco habetur, quod idem est esse actualis existentie formæ, materiæ, & compositi.

Anima intellectiua educitur de potentia materiæ.

Generatio hominis quomodo fit naturalis.

Anima intellectiua est forma naturalis.

Anima intellectiua an sit perfectior separata quam coniuncta.

corpotis



corporis concurrat cum corpore tanquam pars ad constitutionem naturæ specificæ. in quantum intellectiva supergreditur capacitatem materiæ. unde perfectio ipsius simpliciter est secundum quod ad naturam specificam pertinet cum essentialiter sit pars speciei. perfectio autem secundum quod est secundum virtutem intelligendi, quia perfectio essentialis absolute est prior secundum naturam perfectione accidentali. Ad argumentum ergo dicitur primo, quod determinatio hæc non contradicit doctrinæ sancti Thome. imò est illi maxime conformis. non enim contradicunt statum animæ esse perfectioris in corpore quam extrà corpus, & esse vnum & idem esse animæ & hominis.

Dicitur secundò, loquendo de esse actualis existentie, quod maior est falsa. multas enim imperfectiones potest aliquid habere ex hoc quod non communicat esse suum alteri. Prima est imperfectio secundum naturam speciei. si enim istud secundum naturam suam sit pars speciei, si separatur à toto, caret integritate suæ naturæ specificæ. nulla enim pars separata à toto habet perfectionem naturæ. nam cum totum comparatur ad omnes suas partes ut forma ad materiam, si pars à toto separatur, non erit sub sua naturali & specifica forma, & per consequens non erit secundum perfectionem specificam perfecta, & sic intelligit S. Thome animam esse imperfectiorem separatam à corpore quam in corpore, ut patet quarto Sent. ubi supra, & distinct. 49. quæst. 1. artic. 4. & prima parte quæst. 80. artic. 2. ad primum, & spiritualibus creaturis articulo 2. ad quintum, & de anima articulo 17. ad primum. Secunda imperfectio est secundum similitudinem ad Deum. ut enim habetur de potentia quæst. 5. articulo decimo, ad quintum, & 4. Sent. distinct. 43. quæst. 1. artic. 1. quæstione prima, ad quartum. vnum quodque tantò est Deo similius simpliciter, quantò habet magis quod suæ naturæ conditio exigit: sicut cor motum similius est Deo immobili quam quiescens. unde quod secundum suam naturam est pars speciei, & est ordinatum ad formalem communicationem sui esse, cuiusmodi est anima intellectiva si non communicet suum esse, & non sit actu pars, non perfectè Deo assimilatur. Tertia imperfectio est secundum causalitatem, ut enim dicitur de spiritualibus creaturis, ubi supra, non est aliquid perfectum in sua natura, nisi actu explicari possit quod in eo virtute continetur. unde anima separata est imperfecta secundum naturam, quia non possunt ab ea effluere potentie organice quæ naturæ sunt ab ipsa effluere, in quantum potest materiam informare, patet ergo quod multis ex causis illa maior est falsa. ad probationem dicitur quod utique perfectio præsupponit ei quod est communicare: non tamen omnis perfectio rei, neque omnis modus perfectionis præsupponit illi communicationi, & sic præsupponitur illi communicationi perfectio animæ quæ est secundum propriam entitatem, non autem aliæ perfectiones naturæ illi conuenire.

Dicitur tertio, ad minorem, quod illam intelligit sanctus Thomas de esse actualis existentie, non autem de esse essentiali, quod est esse specificum. non enim eandem essentiam specificam completam habet anima separata & coniuncta, cum separata anima à corpore, non maneat essentia totius, quæ animam coniunctam quodammodo informabat. Dicitur quarto ad maiorem declarationem ex doctrina sancti Thomæ in locis præallegatis, quod licet anima coniuncta corpori sit perfectior in quantum forma, & quantum ad naturam specificam, in quantum tamen intellectus, & quantum ad actum intelligendi, est perfectior separata, quia intelligere conuenit ipsi ut est supra materiam eleuata; unde & non sit mediante aliquo organo corporeo. hoc autem intelligendum est de separatione à corpore corruptibili, ut dicitur 4. Sent. distinct. 49. ubi supra. tale enim quia non perfectè perficitur per animam habet aliquid actioni animæ resistens, & illam impediens. sed si à corpore remouetur id per quod actioni animæ resistit, ut euenit in corpore glorioso, tunc anima quantum ad virtutem intelligendi est perfectior in corpore quam separata, quia tunc etiam est in sua natura perfectior. quantò autem aliquid est perfectius in sua natura, tantò potest perfectius operari, si videlicet omnia deducantur impedimenta. quod dico, quia stat quod aliquid sit perfectius absolute secundum naturam, & tamen non possit perfectius operari propter impedimenta illi esse perfectio coniuncta. unde anima in corpore corruptibili licet secundum naturam sit perfectior, tamen non perfectius operatur opera intellectus, quia corpus corruptibile habet aliquid actionem animæ impediens. Ad tertium dicitur, quod anima est imperfectior quam homo in essendo, quantum ad esse quidditatum & essentiali, ut dictum est, non autem quantum ad esse existentie, quod diximus esse vnum animæ & hominis, nisi forte quantum ad modum habendi, in quantum scilicet homo habet illud per modum suppositi, anima autem per modum formæ non dependentis à materia. unde loquendo de esse existentie, negatur falsitas consequens. Si autem consequens intelligatur de esse quidditativo, negatur consequentia: & ad probationem negatur assumptum. non enim habentia idem esse existentie sunt æqualia in essendo quidditativè. Ad quartum dicitur, quod esse existentie compositi dupliciter potest considerari, scilicet absolute, & ut est compositi. si primo modo accipitur, negatur antecedens pro prima parte, esse enim compositi non corrumpitur, licet essentia eius corrumpatur, sed manet in anima separata. Si secundo modo accipitur, negatur consequentia. potest enim esse animæ, quod etiam erat esse coniuncti, desinere actuante coniunctum, & tamen manere in anima separata vnum & idem.

Secunda ratio sancti Thomæ est ista: Semper inuenitur infimum supremi ordinis contingere supremum inferioris generis, ut est de mète Dionysij 7. cap. de diuinis nominibus, & patet etiam exemplariter in ostreis, quæ cum sint infima in genere animalium, parum excedunt vitam plantarum: sed anima est infima in genere substantiarum intellectualium, ut ex modo intelligendi percipi potest. ergo est accipere aliquid in genere corporum, corpus scilicet humanum æqualiter complexionatum simile cælo, in quantum à contrariis elongatur, quod attingit ad animam intellectivam. Confirmatur ex eo quod dicitur in libro de causis, anima est quidam horizon & confinium corporum & incorporeorum, in quantum scilicet est forma incorporea, sed tamen est corporis forma.

ATTENDENDVM quod ista ratio non de necessitate conuincit, quia posset aliquis dicere, quoniam licet infimum superioris contingat supremum inferioris, non tamen oportet ut sit eius forma, sed est quædam persuasio. Vnde ad hoc insinuatim proposuit, quod in hoc mirabi-

lis rerum connexio considerari potest. hic enim modus loquendi datur intelligere, quod supposito animam intellectivam esse formam corporis, potest illius quædam congruitas & conuenientia assignari. Ostenditur autem hoc clarissime ex quæstionibus de spiritualibus creaturis, ubi respondens sanctus Thomas ad primum argumentum quo arguebatur per propositionem Dionysij oportere corpus celeste esse animatum, quia est supremum corpus: anima autem intellectiva est infimum in natura spiritali, inquit quod corpus celeste attingit substantias spirituales in quantum inferior ordo substantiarum spiritalium corporibus celestibus vniatur per modum motoris. Sed quia posset aliquis hæsitare circa hanc conclusionem, quia non videtur quomodo ex substantia spiritali & materia possit fieri vnum, respondet quod ex eis non minus fit vnum quam ex forma ignis & eius materia, imò fortè magis, quia illa forma magis vincit materiam. loquitur autem dubitative, quia non refert ad eius propositum quid horum dicatur, an scilicet magis fiat vnum ex illis, an non fiat magis vnum. Quomodo autem possit magis fieri vnum ex anima & materia, ostensum est superius in primo, capite 18. in quinta ratione.

CIRCA hanc secundam rationem dubitatur, quia si idcirco conueniens est animam intellectivam vni corpori ut formam, quia infimum superioris attingit supremum inferioris, videtur quod debuerit anima vni corpori celesti illud enim est supremum inter corpora, non autem corpori composito ex elementis, quale est corpus humanum. Respondetur quod infimum supremi debet vni supremo inferioris, aut supremo scilicet simpliciter, aut supremo inter ea inferioris ordinis quæ nata sunt deferuire superiori modo, ut habetur in quæstionibus de anima, articulo octauo, ad duodecimum corpus celeste non est aptum deferuire animæ intellectivæ, sed corpus mixtum, quia cum anima intellectiva eò quod sit infima in genere intellectualium, non vniatur corpori, nisi ut ex sensibus notitiam veritatis acquirat, oportuit ut corpori vniatur, quod esset conueniens organum tactus in quo omnes alij sensus fundantur. tale autem oportet esse corpus mixtum, ut patet ex libro de

Text. com. 3.

Anima. Quantum ad secundum ostendit sanctus Thomas quomodo anima intellectiva licet vniatur materiæ, non tamen est illi totaliter immerfa, aut ab ea comprehensa. Circa hoc autem duo facit. Primò ostendit propositionem, secundò quandam obiectionem excludit. Primum probat tali ratione: Anima intellectiva habet operationem in qua non communicat materiæ: ergo non est totaliter comprehensa à materia, antecedens patet, quia intelligere non fit per organum corporale, consequentia verò probatur, quia forma cuius operatio excedit conditionem materiæ, & ipsa secundum dignitatem sui esse excedit materiæ, eò quod vnumquodque operetur secundum quod est. hoc autem manifestatur discurrendo per gradus formarum, scilicet elementi, mixti, plantarum, bruti, & hominis, in quibus ostenditur quantò forma est nobilior, tantò illa posse in altiores operationes supra conditiones materiæ.

AD maiorem evidentiam conclusionis huius considerandum est, quod pro eodem accipit sanctus Thomas formam non esse immerfam materiæ, formam non esse totaliter comprehensam à materia, & materiam non adæquare esse formæ. Dicitur enim illa forma esse materiæ immerfa, ut habetur in quæstionibus de spiritualibus creaturis, artic. 2. cuius esse est obligatum materiæ, & ab ea dependens, quia videlicet nò potest esse nisi in materia, dicitur etiam esse totaliter comprehensa à materia, quia nullo modo materiæ egredi potest, ut scilicet sit absque materiæ: & similiter dicitur materiæ adæquare esse formæ, quando accipit totam perfectionem esse formæ, ita quod extra materiæ illa forma esse non possit. nam si potest forma habere esse extra materiæ, iam materiæ illud esse non adæquat, patet autem per omnia huiusmodi idem importari. Vnde cum anima intellectiva quæ esse suum communicat materiæ, eleuando ipsam ad superiorem ordinem, aliquo modo possit habere esse extra materiæ: quod ex eius operatione aperte constat: oportet dicere ipsam nò esse materiæ immerfam, aut illi adæquatam secundum esse, aut totaliter ab illa comprehensam.

CIRCA illam graduationem formarum hic posita attendendum, quod si graduationem ut summam dicatur, quod formæ elementorum non possunt nisi in operationes qualitarum materialium adiuuari & passiuari, sicut sunt calefacere, infrigidare, descendere, ascendere, & huiusmodi formæ mixti possunt interdum in aliquos effectus qui possunt compleri per qualitates prædictas, sed illos operantur per altiores virtutes habitationis à celestibus corporibus consequentem speciem eorum, sicut magis aut etiam adamas trahit ferrum, & saphirus curat apostema, formæ plantarum possunt etiam in effectus in quos non possunt prædictæ qualitates, sed tamen ad illos vtuntur ipsis qualitatibus ut instrumentis, ut patet in nutriendo & augendo vsque ad determinatum terminum, & vterius assimilantur motoribus corporum celestium in mouendo, dum sunt principium motus iis quæ seipsa mouent. Animæ brutorum vterius possunt in operationem sensus excedere prædictas qualitates, ad quam nec etiam instrumentaliter operantur, licet necessarias sint ad debitam organi dispositionem. Anima autem intellectiva potest in operationem intellectivam ad quam ex parte intelligentis nullo modo concurrunt materiales qualitates, neque scilicet ut instrumenta, neque ut dispositiones organi, cum non fiat per organum corporale.

SED circa prædicta occurrunt duo dubia. Primū est ad hominem circa formam mixti, hic enim inquit sanctus Thomas. formam mixti, scilicet inanimati nò se extendere posse ad aliqua operata quæ non possint compleri per qualitates materiales, licet interdum operentur illos effectus altiori virtute. in prima parte autem quæst. 76. artic. 1. & in quæstionibus de spiritualibus creaturis art. 2. tenet quod forma mixti habet aliquam operationem excedentem qualitates actiuas & passiuas. Secundum dubium est circa operationem animæ intellectivæ. Videtur enim velle sanctus Thomas quod intelligere conueniat sibi secundum quod excedit conditionem materiæ, cum in illa operatione materiæ corporis non communicet. Contra hoc enim arguit Scotus in quoli. quæst. 9. dupliciter: primo, Homo non est homo per animam, nisi ut informat materiæ, ergo nec operatur operatione propria hominis secundum animam, nisi ut anima informat materiæ. ergo vel non intelligit secundum animam ut secundum formam quæ sit principium huius operationis, vel intelligit secundum

Anima intellectiva quomodo non sit immerfa materiæ.



secundum eam ut informat materiam probatur antecedens, quia compositum non est illud quod est, nisi ex partibus unitis, ut patet ex 7. Metaphysicæ. Secundum, Anima secundum supremum gradum suæ perfectionis essentialis informat materiam, sed intelligere non potest competere sibi secundum aliquem gradum superiorem quam sit ipsum. non ergo competit sibi ut excedat materiam, intelligendo per excedere non informare.

Tex. 60.  
Forma mixti  
inanimati non  
se exiit ut  
tra operata  
per qualitate  
res materia-  
les.

Operatio in-  
tellectiva con-  
uenit anima  
secundum quod  
materia con-  
ditionem ex-  
cedit.

Ad primum dubium responderi potest, quod de illo effectu forma mixti dupliciter loqui possumus. vno modo quantum ad speciem effectus, alio modo quantum ad modum producendi. primo modo hic loquitur S. Th. secundo autem modo in aliis locis. licet enim in effectu quemlibet formæ mixti inanimati possit virtute qualitatum materialium perueniri, non tamen eo modo: quia forma mixti aliquem effectum producit nobiliori virtute, quam sit virtus illarum qualitatum, scilicet virtute consequente speciem ex corporis celestis influentia, & per consequens etiam altiori & nobiliori modo illum producit.

Ad secundum dubium dicitur, quod S. Th. animam intellectivam excedere materiam non intelligit non informare materiam, ut ex superius dictis in hoc capite apparet, sed ipsam non esse materiam immerfam, & obliuam materiam ac totaliter ab ipsa comprehensam, vnde ita dependente ab ipsa, quod non possit habere esse extra materiam. Vnde actionem intelligendi conuenire animæ secundum quod excedit conditionem materiam, non est illam operationem conuenire animæ, ut non informat materiam, sed ut habet esse sic supra materiam eleuatum, ut ab ipsa non dependeat, ac non comprehendatur: & huius signum est, quia illa operatio absque organo corporali fit. Ea propter argumenta Scoti non sunt contra mentem San. Thom. sed ex malo intellectu verborum eius procedunt. Verum tamen ad illa particulariter respondetur. Ad primum quidem dicitur, quod utique homo non operatur operatione sibi propria, neque per animam, nisi illa informet materiam, sed tamen intelligere non conuenit ei ut informat, si ly, ut dicat rationem intelligendi, sed ut sic informat materiam quod ab ipsa secundum esse non dependet, quod est ipsam excedere materiam. Ut enim inquit San. Thom. in questionibus de anima, artic. 14. ad 10. licet anima per essentiam suam sit forma, tamen aliquid potest ei competere in quantum est talis forma, scilicet forma subsistens, quod non competit ei in quantum est forma: sicut intelligere non conuenit homini in quantum animal, licet homo sit animal secundum essentiam suam. Ad secundum dicitur, quod anima secundum supremum sui gradum essentialem utique informat materiam, sed non immergitur materiam, immo remanet per se subsistens, & non dependens à materia secundum esse quod est animam materiam excedere, & hoc est sibi ratio quare possit intelligere: quæ ratio quia in formis materialibus non inuenitur, sed sunt immerse materiam, & non per se subsistunt, ideo intelligere non possunt. Quantum ad secundum punctum huius partis, quia posset aliquis existimare, quia anima intellectiva non dependet à materia, sed est per se subsistens, quod ideo vno ipsius cum materia non sit naturalis: Respondet S. Thom. quod hoc non obstat illa unio est naturalis, quod probat hac ratione: forma indigens ad suam operationem potentis per corporalia organa operantibus, naturaliter vnitur corpori, anima intellectiva est huiusmodi, indiget enim imaginatione & sensu, scilicet exteriori, ergo naturaliter vnitur corpori ad complendum speciem humanam.

Vnio anime  
intellective  
ad corpus est  
naturalis.

Ad euidentiam huius rationis considerandum est, quod natura vniuersalisque congruit, ut habeat id quod necessarium est ad suam operationem propriam, cum vnaquæque res sit propter suam operationem, & ad ipsam naturaliter inclinatur. Ad propriam autem operationem animæ intellectivæ, eod quod est infima in genere intellectualium, sicut materia prima in genere rerum sensibilium & ideo in sui natura non habeat species intelligibiles, exigitur ut fiat in actu per species intelligibiles acquirendo eas per sensitiuas potentias à sensibilibus, ut dicitur in questionibus de anima, artic. 7. hoc autem fieri non potest, nisi corpori complexionato vnatur, cum operatio sensus non fiat nisi per organum corporale, ideo naturaliter conuenit animæ ut corpori vnatur: & hoc est huius rationis fundamentum.

SE D occurrit dubium, quia quod naturaliter alicui conuenit, separari ab eo non potest, conuenit enim omne tale rei secundum se, ergo si vniri corpori est animæ naturale, nunquam poterit esse anima non vnita corpori, & per consequens corrupto corpore oportebit & ipsam corrumpi. Responderi potest primo, quod maior est vera per se loquendo, sed bene per accidens separari potest, quando quod naturaliter alicui conuenit, sibi conuenit in ordine ad aliquod extrinsecum, sicut esse sursum leui naturaliter conuenit, tamen impeditur potest ne sit sursum. Respondetur secundum, quod dupliciter aliquid potest dici naturale alicui: vno modo per modum actus primi, ut visibilitas homini. alio modo per modum actus secundi, aut termini actus secundi eius, cuius dicitur naturale, sicut ride- re est homini naturale, quod est naturale primo modo separari non potest, quia tale aut est essentialiter, aut consequitur principia essentialia speciei, vel principia indiuidui. quod autem est naturale secundo modo, in aliquibus potest separari secundum actum, non autem secundum naturalem aptitudinem: quia quauis natura ad illud inclinationem habeat, non tamen oportet ut semper sit in re, aut propter impedimenta superuenientia, aut aliis ex causis. In proposito ergo vniri materiam est naturale animæ intellectivæ secundo modo, non autem primo modo, nam ipsam vniri materiam est ipsam trahere materiam ad participationem sui esse, ita quod prius intelligimus animam subsistere in suo esse, deinde illud in communione materiam. Vnde S. Tho. prima parte, q. 76. arti. 1. ad sextum, inquit quod corpori vniri conuenit animæ secundum se, sicut secundum se conuenit corpori leui esse sursum. constat autem quod esse sursum conuenit leui per modum actus secundi, aut termini actus secundi, est enim effectus leuitatis, quæ mouet ad locum sursum. ideo potest anima non vniri corpori, licet à corpore separata retineat aptitudinem & naturalem inclinationem ad corporis unionem: sicut leue potest non esse sursum, semper tamen habet aptitudinem & inclinationem ad locum sursum. Ex his patet ad argumentum, maior enim est falsitas de naturali secundo modo, in quo sensu tantum minor habet veritatem, ad probationem vero eius dicitur eodē modo, quod illud assumptum habet veritatem de eo quod conuenit alicui, secundum se per modum actus primi, non autem de eo quod conuenit alicui per modum actus secundi, & ratio huius est, quia tale non dicitur

per se principaliter, sed reductiue tantum, in quantum est actus eius quod conuenit rei per se. Potest tertio responderi de mente sancti Thomæ in tractatu de ente & essentia, cap. ultimo, quod aliquid potest dici naturale alicui dupliciter. Vno modo, quia à natura eius secundum actum perfectum causatur, sicut calor est naturalis ignis. alio modo, quia causatur à principijs naturæ secundum aptitudinem tantum, sed complementum accipit ab extrinseco, sicut diaphaneitas est naturalis aëri, completur autem per corpus lucidum extrinsecum. Quod est naturale primo modo, est à re simpliciter inseparabile, sicut calor ab igne. quod autem est naturale secundo modo, quantum ad aptitudinem est inseparabile: sed quantum ad complementum est separabile, ut patet de diaphaneitate respectu aëris. in proposito ergo dicitur, quod animæ intellectivæ est naturale secundo modo vniri corpori, quia aptitudo ad hanc unionem eius naturam consequitur, sed complementum est ab agente extrinseco ipsam vnite: ideo aptitudo ad talem unionem ab ipsa separari non potest, sed actualis unio bene potest ab ipsa separari.

*Solutio rationum quibus supra probatur quod substantia intellectualis non potest corpori vniri ut forma.*

\* Cap. 56.  
circa finē ubi  
facta fuerunt  
5. rationes.

Cap. 69.



Is autem consideratis non est difficile soluere quæ contra prædictam unionem supra posita sunt. In prima enim ratione falsum supponitur. non enim corpus & anima sunt duæ substantiæ actu existentes, sed ex eis duobus fit vna substantia actu existens. corpus enim hominis non est idē actu præsentē anima & absente: sed anima facit ipsum actu esse. Quod autem secundum obicitur formam & materiam in eodem genere contineri, non sic verum est quasi vtrunque sit species vnius generis, sed quia sunt principia eiusdem speciei. sic igitur substantia intellectualis & corpus quæ seorsum existentia essent diuersorum generum species, prout vniuntur, sunt vnius generis ut principia. Non autem oportet substantiam intellectualem esse formam materiam: quauis esse eius sit in materia, ut tertia ratio procedebat. non enim est in materia sicut materia immerfa, vel à materia totaliter comprehensa: sed alio modo, ut dictum est. Nec tamen per hoc quod substantia intellectualis vnitur corpori ut forma, remouetur quod à Philosophis dicitur, intellectum esse à corpore separatam. & est quarta ratio. est enim in anima considerare & ipsius essentiam, & potentiam eius. secundum essentiam quidem suam dat esse tali corpori: secundum potentiam verò operationes proprias efficit. si igitur operatio animæ per organum corporale completur, oportet quod potentia animæ quæ est illius operationis principium, sit actus illius partis corporis per quā operatio eius cōpletur, sicut visus est actus oculi. si autem operatio eius non cōpleatur per organum corporale, potentia eius non erit actus alicuius corporis: & per hoc dicitur intellectus esse separatus, non quia substantia animæ cuius est potentia intellectus, nec anima intellectiva sit corporis actus, ut forma dās tali corpori esse. Non est autem necessarium si anima secundum suam substantiam est forma corporis, quod omnis eius operatio sit per corpus: ac per hoc omnis eius virtus sit alicuius corporis actus, ut quinta ratio procedebat. iam enim ostensum est quod anima humana non sit talis forma quæ sit totaliter immerfa materiam: sed est inter omnes alias formas maxime supra materiam eleuata. vnde & operationem producere potest absque corpore. i. quasi non dependens à corpore in operando: quia nec etiam in essendo dependet à corpore. Eodem etiam modo patet, quod ea quibus Auerrois suam opinionem confirmare enititur, non probant substantiam intellectualem corpori non vniri ut formam. verba enim Aristotelis quæ dicit de intellectu possibili, quod est impassibilis, & immixtus & separatus: non cogunt confiteri quod substantia intellectiva non sit vnita corpori ut forma dans esse. verificatur enim etiam si dicatur quod intellectiva potentia quam Aristoteles vocat potentiam perspectiuam, non sit alicuius organi actus quasi per ipsum suam exercens operationem: & hoc etiam sua demonstratio declarat, ex operatione enim intellectuali qua

Ad primam  
rationem.

Ad secundam.

Ad tertiam

Ad quartam.

Ad rationes  
Auer. quas  
facit c. 5. ter-  
tij de anima  
in principio  
com.



3. de anima.  
Text. com. 21.

qua anima intelligit, ostendit ipsum immixtum esse vel separatum. operatio autem pertinet ad potentiam vt ad principium. vnde patet quod nec demonstratio Aristotelis hoc concludit, quod substantia intellectiva non vnitur corpori sicut forma, si enim ponamus substantiam animæ secundum esse corpori sic unitam, intellectum autem nullius organi actum esse: non sequitur quod intellectus habeat aliquam naturam determinatam, de naturis dico sensibilibus: cum non ponatur harmonia vel ratio alicuius organi, sicut de sensu dicit Aristot. in secundo de anima, quod est quedam ratio organi, non enim habet intellectus operationem communem cum corpore.

Text. com. 23.

Text. com. 92.

Quod autem per hoc quod Aristoteles dicit intellectum esse immixtum vel separatum, non intendat excludere ipsum esse partem siue potentiam animæ quæ est forma totius corporis, patet per hoc quod dicit in fine primi de anima contra illos qui dicebant animam in diuersis partibus corporis diuersas sui partes habere, si tota anima omne corpus continet: conuenit & partium vnamquamque aliquid corporis continere, hoc autem videtur impossibile, qualem enim partem aut quomodo intellectus continet, graue est fingere. Patet etiam quod ex quo intellectus nullius partis corporis actus est, quod non sequitur receptionem eius esse receptionem materiæ primæ: ex quo eius receptio & operatio est omnino absque corporali organo. Nec etiam infinita virtus intellectus tollitur, cum non ponatur virtus in magnitudine, sed in substantia intellectuali fundata, vt dictum est.

### Super cap. 69.



**S**TENSA veritate circa vñionem substantiæ spiritualis cum materia, soluit S. Thomas quarto loco argumeta contra determinatam veritatem superius adducta cap. 55. Circa hoc autem duo facit. Primum enim soluit argumeta aliorum, secundum argumeta Auerrois. Ad primum itaque aliorum dicit, falsum esse quod substantia spiritualis & corpus sint duæ substantiæ actu existentes, imò ex eis sit vna substantia actu existens, quod si probaretur, quia separata anima à corpore, remaneret seorsum vtique, dicitur quod non est idem corpus præsentem animam & absentem, sed anima facit ipsum esse actu.

PRO declaratione huius responsionis considerandum, vt habetur ex quaestionibus de anima, art. 2. ad vñdecimum. quod per substantiam actu existentem intelligit S. Thom. hoc loco substantiam habentem proprium esse distinctum ab esse alterius, & perfectam in sua specie & natura. Sic autem si corpus constitueretur per aliam formam quam per animam, corpus & anima essent duæ substantiæ actu existentes, quia cum esse actu consequatur formam substantialem, sicut essent duæ formæ, ita essent duo esse, & per consequens corpus & anima essent duæ substantiæ existentes actu. nunc autem quia corpus quod est pars compositi ex anima & corpore, non est corpus per aliam formam quam per animam, idem vñum est esse corporis & animæ: & sic corpus & anima non sunt duæ substantiæ actu existentes, separata autem anima à corpore, non remanet idem corpus, cum non remaneat eadem forma in materia: idem tunc ex illo corpore & anima non posset fieri vñum, quia sunt duæ substantiæ actu existentes.

Ad secundum respondetur, quod substantia intellectualis & corpus si seorsum existant, sunt diuersorum generum. prout autem vñiuntur, sunt vñius generis vt principia, quomodo intelligitur materiam & formam in eodem genere contineri.

Quomodo corpus & anima sint diuersarum specierum.

Ad euentiam huius responsionis aduertendum (vt elici potest ex doctrina S. Thom. in q. de spiritualibus creaturis, art. 2. ad decimū sextum, & de anima art. 1. ad decimū tertium, & art. 2. ad decimū) quod corpus & substantia intellectualis si accipiatur tanquam duæ species, tunc sunt propriæ in genere, & non possunt esse eiusdem generis, saltem secundum considerationem naturalem, quia corruptibile & incorruptibile habent diuersum modum essendi, & est diuersa ratio potentiae in vtroque: si autem accipiantur vt vñumque est pars humanæ naturæ, sic non competit eis esse in genere vt specie, cum non dicant aliquod completum in specie, sed composito, reducuntur tamen ad genus & speciem sui compositi tanquam eius principia, & sic sunt eiusdem generis & speciei, scilicet reductiue. Et idem cum S. Thom. dicit corpus & substantiam intellectuales seorsum existentia esse diuersorum generum species, intelligit ipsa sic seorsum existentia, quod vtique illorum vna sit species per se. sic enim diuersorum generum species essent. Sed si accipiantur vt vñita tanquam partes ad constitutionem humanæ substantiæ, sic sunt eiusdem generis reductiue. Ad tertium respondetur negando consequentiam, forma enim non dicitur materialis, quia habeat esse in materia, sed quia est immersa materiæ, vel à materia totaliter comprehensa, quod non conuenit substantiæ spirituali, licet habeat esse in materia, vt ostensum est in præcedenti cap.

ADVERTE quod si nomen formæ materialis vellemus extendere ad omnem formam habentem esse in materia, concedi posset animam intellectivam & substantiam spirituales esse formam materialem: sed quia

communis usus habet, vt nomine formæ materialis intelligatur tantum forma dependens à materia secundum esse: idem absolute negatur animam intellectivam esse formam materialem.

Ad quartum respondetur, quod philosophi intellexerunt de intellectu qui est animæ potentia, non autem de essentia & substantia intellectiva. anima enim intellectiva secundum essentiam suam dat esse tali corpori, scilicet potentia eius intellectiva non est actus alicuius organi, sicut alia eius potentia, quia actio eius non completur per organum corporale, sicut actus aliarum potentiarum. Ad quintum respondetur negando consequentiam, & dicitur quod licet anima sit forma materiæ, non tamen est talis forma quæ sit immersa materiæ, sed est maxime supra materiam inter omnes formas eleuata, & idem potest habere operationem absque corpore quasi non dependens à corpore in operando, quia nec etiam in essendo dependet à corpore, & similiter potest habere virtutem quæ non sit actus alicuius corporis.

ATTENDENDVM autem quod similem responsionem ponit sanctus Thomas prima parte quæst. 76. articulo 1. ad quartum, inquit, quod quia anima propter suam perfectionem non est immersa materiæ, & totaliter ab ipsa comprehensa, nihil prohibet aliquam eius virtutem non esse corporis actum, quamuis anima secundum essentiam suam sit corpori forma.

SED hanc responsionem quidam Thomistarum sic ad argumentum adaptant, quod committitur sophisma figuræ dictionis in argumento, mutando quomodo in magis, id est, mutando modum abstractionis in magis, vnde concedunt ex hac responsione, quod intellectus habet quidem aliquem modum abstractionis quem non habet anima: negant autem quod sit magis abstractus, imò anima habet modum abstractionis quo magis abstrahitur à corpore, scilicet habere esse substantiale non dependens à materia.

Sed videtur mihi quod ista responsio non vadat ad mentem S. Thom. nec ad intentionem argumenti, non enim ex perfectione intellectus arguitur non posse animam esse formam corporis, sed ex ipso modo abstractionis qui conuenit intellectui. Si enim intellectus qui est virtus animæ, est abstractus à corpore, sic quod non est actus corporis, videtur quod & anima non sit actus corporis, cum intellectus sit eius virtus, aliquam virtus esset abstractior eo cuius est virtus. Nec vllum in argumento committitur sophisma. ex eo enim quod intellectus est abstractus à corpore, quia non est actus alicuius corporis, est etiam abstractus secundum independentiam ad materiam: & idem optime sequitur quod erit abstractior & simplicior anima, si ponatur anima forma corporis, quia illa erit abstracta secundum independentiam tantum à materia, non autem secundum separationem ab ea. constat enim maiorem esse abstractionem quæ est secundum independentiam & separationem à materia, quam abstractionem secundum independentiam tantum. vnde falsum est quod dicit hæc opinio, scilicet quod magis abstrahit à corpore anima quam intellectus, ex eo quod subsistit in suo esse, siue non dependet à materia. Verum quidem est quod ipsa sic abstracta est perfectior quam intellectus qui non est substantia per se subsistens, non tamen est magis abstracta sit ita subsistit, quod tamen est corpori vñita secundum esse. Propter hoc videtur mihi saluo semper meliori iudicio, quod S. Thom. in ea responsione concedere velit intellectum esse abstractiorem & simpliciorē animam, neque inconueniens esse apud ipsum quod à forma materiæ, quæ tamen à materia non dependet, effluat non solum virtus corporea & materialis, sed etiam virtus quæ non sit actus alicuius, & sit ipsa anima abstractior & simplicior in hoc, quod materiæ non vñitur, hoc nanque non arguit ipsam virtutem esse anima nobiliorem, nisi secundum quid, vt dicitur quarto Sent. distinct. 11. quæst. secunda, articulo primo, ad primum. simplicitas per se non sit causa nobilitatis, sed perfectio: sed arguit potius perfectionem animæ, quæ licet sit actus materiæ, tamen intantum eleuatur supra materiæ conditionem, vt ab ipsa virtus proficere possit, quæ non sit actus alicuius organi. origo enim istius abstractionis intellectus est dignitas & perfectio animæ quæ materiam ita excedit, vt ab ipsa totaliter comprehendendi non possit. Patet autem hanc esse mentem S. Thom. ex responsione quam dat ad idem argumentum in tractatu de vñitate intellectus contra Auerrois. Quum enim proposuisset, si autem contra hoc obiciatur, quod potentia animæ non potest esse immaterialior aut simplicior quam eius essentia, subiungit quod optime procederet si essentia animæ humanæ sic esset forma materiæ, quod non esset per esse suum, sed per esse compositi, sicut est de aliis formis quæ secundum se nec esse nec operationem habent præter communicationem materiæ, sed quia anima humana est forma cui aliquammodo quidem communicatur materia: non tamen ab ipsa propter eius dignitatem totaliter comprehenditur, nihil prohibet quin habeat aliquam operationem vel virtutē ad quam materia non attingit. Ex quibus aperte constat ipsum velle quod nihil prohibet virtutem animæ non immerse materiæ esse simpliciorē essentia animæ in hoc, quod non vñitur materiæ, sicut & propter eleuationem supra materiam potest habere operationem, cui materia non communicatur: esset autem inconueniens, vt virtus formæ materialis esset simplicior ipsa forma, quum illi formæ non possit conuenire operatio cui materia non communicet. Vnde & ad hoc argumentum respondens in quaestionibus de anima, articulo secundo, ad quartum, inquit, quod per hoc quod intellectus non est actus alicuius organi, non excedit totaliter essentiam animæ, sed est supremum in ipsa, quum sequatur ipsam secundum quod supra materiam eleuatur, quasi dicitur quod licet intellectus excedat animam in hoc, quod est abstractior & simplicior, & sic sit secundum quid sublimior ea, non tamen hoc derogat dignitati animæ, quia propter hoc non excedit totaliter essentiam animæ, sed remanet simpliciter & absolute anima secundum essentiam suam dignior intellectu.

Secundo loco respondetur rationibus quibus Auerrois suam positionem confirmare nititur, quæ posite sunt superius capitulo 59. Circa hoc autem duo facit S. Thom. primum enim soluit ipsas rationes: secundo, quia illæ rationes in verbis Aristotelis fundamentum habent, ostenditur hanc eandem veritatem quam posuimus, & defensauimus etiam secundum mentem atque opinionem Aristotelis esse. Ad primam itaque respondetur, quod Aristotelis verba verificantur de potentia intellectiva quæ non est actus alicuius organi, non autem dicuntur de ipsa substantia intellectiva, quasi

Intellectus quomodo sit abstractior & simplicior anima intellectiva.

Opi. 16. 63.



quasi ipsa non sit forma dans esse corpori.

Ad secundam responderetur & dicitur primo, quod Aristotelis demonstratio declarat verba quæ assumpta sunt in prima ratione, debere intelligi de potentia intellectiva, ut exposita sunt, non autem de substantia animæ. Quum enim ex operatione intellectuali qua anima intelligit, ostendat intellectum esse immixtum & separatam, operatio autem pertinet ad potentiam, ut ad principium, scilicet proximum, patet quod per intellectum ipsam potentiam intelligit. Nam si ponamus animam corporis formam: intellectum autem nullius corporis actum, non sequitur quod intellectus aliquam naturam determinatam sensibilem habeat, quum non ponatur harmonia, aut ratio & proportio alicuius organi sicut sensus. Dicitur secundò, quod ex iis quæ dicuntur in fine primi libri de anima, contradicentes animam diuersas sui partes in diuersis corporis partibus habere, ubi dicitur, quod vnamquamque partem animæ aliquid corporis continere, videtur impossibile: & quod qualem partem aut quomodo intellectus continet, graue est fingere, patet quod quum dicitur intellectum esse immixtum vel separatam, non intendit excludere ipsum esse partem siue potentiam animæ, quæ est forma totius corporis.

Ad tertiam & quartam ex ipsa deductam simul responderetur negando consequentiam, quia ex quo intellectus operatio est omnino absque corporeo organo, sicut & ipse intellectus, non sequitur receptionem eius esse receptionem materiæ primæ. Ad quintam responderetur, quod non tollitur virtus infinita intellectus, quia non ponitur virtus in magnitudine, sed quæ in substantia intellectuali fundatur.

*Quod secundum dicta Aristotelis oportet  
ponere intellectum vni corpori,  
ut formam.*

Cap. 70.



**E**T quia Auerrois maximè nititur suam opinionem confirmare per verba & demonstrationem Aristotelis, ostendendum restat, quod necessarium est dicere secundum opinionem Aristotelis, intellectum secundum suam substantiam alicui corpori vni ut formam.

Probat enim Aristoteles in lib. Physicorum \* quod in motoribus & motis impossibile est procedere in infinitum: vnde concludit quod necesse est deuenire ad aliquid primum motum, quod vel moueatur ab immobili, vel moueat seipsum, & de his duobus accipit secundum, scilicet quod primum mobile moueat seipsum, ea ratione, quia quod est per se, semper est prius eo quod est per aliud.

Deinde ostendit quod mouens seipsum de necessitate diuiditur in duas partes, quarum vna est mouens, & alia est mota: oportet igitur primum seipsum mouens componi ex duabus partibus, quarum vna est mouens: omne autem huiusmodi est animatum, secundum opinionem Aristotelis: vnde & in secundo de cælo \* dicitur expresse quod cælum est animatum: & propter hoc oportet in eo ponere differentias positionis non solum quod ad nos, sed etiam secundum se. Inquiramus igitur secundum opinionem Aristotelis, qua anima sit cælum animatum: probat etiam in vndecimo Metaphysicæ, \* quod in motu cæli est considerare aliquid quod mouet, omnino immotum, & aliquid quod mouet motum: id autem quod mouet omnino immotum, mouet sicut desiderabile: nec dubium quin ab eo quod mouetur: ostendit autem quod non sicut desiderabile desiderio concupiscentiæ, quod est desiderium sensus: sed sicut desiderabile intellectuali desiderio, vnde dicit quod primum mouens non motum est desiderabile & intellectuale: igitur id quod ab eo mouetur, scilicet cælum, est desiderans & intelligens nobiliori modo quam nos, ut subsequenter probat: est igitur cælum compositum (secundum opinionem Aristotelis) ex anima intellectuali & corpore: & hoc signat in secundo de anima. \* ubi dicit quod quibusdam inest intellectum & intellectus, ut hominibus, & si aliquid huiusmodi est actiuum aut honorabilius scilicet cælum. constat autem quod cælum non habet animam sensitivam secundum opinionem Aristotelis, haberet enim diuersa organa quæ non competunt simplicitati cæli: & ad hoc signandum subiungit Ari-

stoteles quod quibus de numero corruptibilium inest intellectus, insunt omnes alie potentie: ut daret intelligere quod aliqua incorruptibilia habent intellectum, quæ non habent alias potentias animæ, scilicet corpora cælestia: non poterit igitur dici quod intellectus continetur corporibus cælestibus per phantasmata, sed oportebit dicere quod intellectus secundum suam substantiam vniatur corpori cælesti ut forma: sic igitur & corpori humano (quod est inter omnia corpora inferiora nobilissimum, & æqualitate suæ complexionis cælo ab omni contrarietate absoluto similimum) secundum intentionem Aristotelis, substantia intellectualis vnitur non per aliquam phantasmata, sed ut forma ipsius.

Hoc autem quod dictum est de animatione cæli, non diximus quasi asserendo secundum fidei doctrinam, ad quam nihil pertinet siue sic, siue aliter dicatur: vnde Augustinus in Enchiridio dicit, Nec illud quidem certum habeo, vtrum ad eandem societatem, scilicet angelorum, pertineat sol & luna, & cuncta sydera: quamuis nonnullis lucida esse corpora, non tamen sensu vel intelligentia videantur.

Super cap. 70.



**S**OLVTIS rationibus Auer. quæ ex Aristotelis dictis sumptæ erant, vult ostendere sanctus Thomas etiam ex Aristotelis verbis oportere ponere intellectum vni corpori ut formam, & arguit sic: Cælum, secundum opinionem Aristotelis est animatum anima intellectuali: ergo substantia intellectualis vnitur corpori cælesti ut forma, ergo & corpori humano quod est inter omnia corpora inferiora nobilissimum, & æqualitate suæ complexionis cælo ab omni contrarietate absoluto similimum. Antecedens probatur, quo ad primam partem quidem, scilicet quod cælum sit animatum, primo ex octauo Physic. Ibi enim ostenditur quod primum mobile oportet ut seipsum moueat. deinde probatur quod mouens seipsum de necessitate diuiditur in duas partes, quarum vna est mouens, & altera est mota. omne autem huiusmodi est animatum secundum Aristotelem, ergo, &c. Secundò, ex secundo cæli. Ibi enim expresse ponitur quod cælum est animatum, & quod propter hoc oportet ponere in ipso differentias positionis, non solum quo ad nos, sed etiam secundum se. Quo ad secundam verò partem, scilicet quod anima eius sit intellectualis, probatur. Primo, quia in duodecimo Metaphysicæ ostenditur quod mouens omnino immotum mouet, sicut desiderabile ab eo quod mouetur, non autem desiderio concupiscentiæ quod est desiderium sensus, sed intellectuali desiderio. vnde dicitur ibidem quod primum mouens non motum est desiderabile & intelligibile: & sic oportet cælum quod ab ipso mouetur, esse desiderans & intelligens, etiam nobiliori modo quam nos. Secundò, quia in secundo de anima, dicitur, quod quibusdam inest intellectum, & intellectus, ut hominibus, & si aliquid huiusmodi est actiuum aut honorabilius, sicut cælum. Si dicatur quod intellectus continuatur corporibus cælestibus per phantasmata, & non ut forma dans esse, contra arguitur, quia constat secundum Aristotelem, quod cælum non habet animam sensitivam: tum quia haberet diuersa organa, quod non competit simplicitati cæli, tum quia in secundo de anima, ad hoc insinuandum dixit Aristoteles quod quibus de numero incorruptibilium inest intellectus, insunt omnes alie potentie, ut daret intelligere, quod aliqua incorruptibilia, scilicet corpora cælestia habent intellectum quæ non habeat alias potentias. Ne autem aliquis putaret ipsum diuum Thomam assertiue posuisse cælum esse animatum, tanquam aliquid ad fidem pertinsens, subiunxit quod hoc non dixit quasi asserendo secundum fidei doctrinam, quia ad fidei doctrinam nihil refert, siue sic, siue aliter dicatur. Vnde & Augustinus hoc sub dubio in libro Enchiridion reliquit.

CIRCA vltimam consequentiam principalis rationis aduertendum ex doctrina sancti Thomæ in questionibus de anima, art. 8. ad secundum, quod non ideo inferitur illud consequens, quasi anima intellectualis vniatur corpori humano propter similitudinem quam habet ad cælum, quemadmodum Aui. opinionem, dicendum esset. sed quia conueniens est si vniatur cælo, quod etiam vniatur corpori humano quod est nobilissimum inter inferiora corpora, propter æqualitatem complexionis, ad hoc ut per sensus possit species intelligibiles acquirere. ad hoc autem sequitur aliqua similitudo ad cælum, quia sicut cælum omnino caret contrariis, ita corpus reductum ad æqualitatem complexionis maximè a contrariis elongatur.

ADVERTE autem circa ipsam consequentiam, quod non ponit ipsam sanctus Thomas quasi necessariam absolute, sed tanquam probabilem secundum opinionem Aristotelis. Si enim posuit intellectualem substantiam esse vnitam corpori cælesti, non per phantasmata, sed secundum suam substantiam ut formam, similiter dicendum videtur quod corpori nobilissimo, quale est corpus humanum, voluerit animam intellectualem vnitam esse, non tantum per phantasmata, ut voluit Auerrois, sed etiam ut formam. Neque enim magis repugnat intellectuali substantiæ vni corpori æqualiter complexionato, quam corpori cælesti.

Contra Gent.

q

*Desumi potest ex Aui. p. 1. & de anima, c. 1.*

*Idem p. p. 9  
76. ar. 1.*

*\* 7. & 8.*

*\* tex. com. 13.*

*\* tex. com. 36.*

*\* tex. c. 24.*



cum non magis propter hoc ab hac materia ponatur dependere quam ab illa.

*Verū cœlum  
sit animatum  
secundū men-  
tem Arist.*

CIRCA fundamentum huius cap. & rationis inductæ dubium non parum occurrit, quia non videtur de mente Aristotelis esse, quod cœlum sit animatum per informationem, ut sibi sanctus Thomas attribuit. Primum, quia si secundum ipsum ponitur cœlum animatum esse anima intellectiua tantum, aut ipsa anima vnitur orbi propter operationem intellectiua, aut propter motum. Non primum, quia cum intellectio sit operatio cui non communicat corpus: intellectus non indiget corpore, nisi in quantum ei per sensus ministrantur phantasmata: operationes autem sensitiuæ non conueniunt corporibus cœlestibus, in quibus etiam non sunt organa sensuum. Non etiam secundum, cum quia ad hoc ut moueat, non oportet ut vnatur orbi tanquā forma dās esse, sed sufficit vnio per contactum virtutis, ut habetur octauo Physicorum, text. 43. tum quia suum mouere nihil est aliud quam suum intelligere & velle, ut habetur ad Commentatorem 12. Metaphysicæ, com. 36. vbi ait quod corpora cœlestia sunt animata, & non habent de virtutibus animæ nisi intellectum & virtutem desideratiua quæ mouet in loco: ergo non posuit Aristoteles cœlum esse animatum anima dante esse formaliter.

Secundū, quia tunc primus motor mouetur per accidens ad motum ipsius orbis, ut enim dicitur octauo Physicorum, text. 31. moto corpore mouetur & quod est in corpore: sed primum mouens quod Aristoteles dixit esse partem motus seipsum, non mouetur neque per se, neque per accidens, ut dicitur ibidem, text. 32. ergo primus motor non est forma corporis cœlestis: ergo eadem ratione nec motores aliorum orbium. Patet vltima consequentia, quia si aliquod cœlestium corporum poneretur animatum, hoc maxime attribuendum esset primo.

Tertiū, quia tunc cœlum esset corpus organicū, quum anima sit actus primus corporis organici, ut dicitur secundū de Anima, hoc autem simplicitati eius repugnat, ergo, &c.

Quartū, quia sanctus Thomas prima parte, quæst. 70. articulo tertio, videtur tenere quod Aristoteles voluerit cœlum esse animatum anima mouente tantum, non autem anima dante esse: & de Spiritualibus creaturis articulo sexto, inquit quod ad saluandum opinionem Aristotelis & Platonis videtur sufficere quod substantia intellectualis vnatur corpori cœlesti per modum quo motor vnatur mobili. Additque quod inter ponentes corpora cœlestia esse animata, & ponentes ea inanimata, parua vel nulla differentia inuenitur in re, sed in voce tantum. Quintū, sequeretur quod cœlum aut saltem sphaeræ inferiores haberent tres motores, scilicet Deum, intelligentiam, & animam: sed hoc est falsum, quia cœlum habet tantum duos motores, ut inquit Commentator duodecimo Metaphysicæ, com. 41. ergo, &c. Sextū, sequeretur quod cœlum posset naturaliter ex se quiescere, quod est contra Philosophum: probatur consequentia, quia alia mouet per appetitum.

*Text. 33. &  
infra 8. Phis.*

Septimū, cessarent omnes demonstrationes Aristotelis ad probandum primum motorem omnino immobilem, quia dicit aduersarius non oportere dari motorem separatim, quia quum cœlum sit animatum, mouet seipsum, & diuiditur in partem mouentem & partem motam, sicut reliqua animalia.

Octauū, Si motor orbis esset anima eius, moueretur per accidens ad motum eius, sicut & animalis animæ mouetur ad motum corporum: sed hoc non est ad mentem Philosophi, qui probat octauo Physicorum oportere partem primi mouentis seipsum esse immobilem, tam per se, quam per accidens, quum causet motum sempiternum: quod sane oportet esse verum de motore cuiuslibet orbis, quum omnes moueant motu sempiterno, ergo, &c. Nondū, si intelligentia quæ mouet cœlum, esset anima cœli, non haberet determinatum situm in cœlo, sed esset in toto tanquam in subiecto adæquato, ut patet de anima intellectiua: quæ habet totum corpus pro subiecto adæquato: sed hoc est contra mentem Philosophi, qui ponit intelligentiam quæ mouet cœlum, esse in eius circumferentia, ut patet octauo Physicorum, text. 84. ergo, &c.

AD hanc difficultatem dicendum est quod vnum in doctrina Aristotelis clarum est, alterum verò est dubium. Clarum namque est ipsum posuisse aliquo modo cœlum esse animatum, ut patet ex illis quæ in hoc capitulo adducit sanctus Thomas, hoc etiam tenuit Commentator capitulo primo de substantia orbis octauo Metaphysicæ, com. 12. 1. cœl. com. 61. 2. de Anima, com. 15. & 32. Item duodecimo Metaphysicæ, com. 36. & in plerisque aliis locis. Dubium verò est quomodo posuerit ipsum animatum, an scilicet anima dante esse per modum formæ, an anima tantum mouente, & vnita per contactum virtutis. Hoc enim neque ab Aristotele explicatur neque a Commentatore, idcirco aliqui tenent de mente Aristotelis esse, quod cœlo vnatur intelligentia per modum formæ dantis esse: aliqui verò, quod vnatur tantum per modum motoris: & sanctus Thomas aliquando vnam partem tenet, aliquando aliam: vbi enim absolutè secundum propriam opinionem tenet corpora cœlestia non esse animata, ut etiam Philosophus huic sententiæ expresse non aduersari demonstrat, ostendit quomodo ad Aristotelis intentionem sufficere videtur cœlum esse animatum anima mouente tantum, non autem anima dante esse: & hoc tenet in prima parte, & in quæstionibus de Spiritualibus creaturis, vbi autem contra Commentatorem arguit ut hic, tenet oppositam partem. Quia enim Com. volebat ex verbis Aristotelis superficialiter intellectis arguere intellectum esse substantiam separatam, & animam intellectiua non esse formā hominis apud ipsum Aristotelem: idcirco & ipse S. Thomas contra ipsum vult ostendere quod si ad verba tantum Aristotelis respicere voluerimus, magis dicendum erit ipsum posuisse substantiam intellectiua lem esse formam corporis, quam illud vniuersaliter negasse, quum expresse posuerit cœlum esse animatum & non nisi anima intellectiua, ipsique conditiones rei animatæ, quæ sunt mouere seipsum, & habere differentiam positionis secundum naturam adducit: vbi autem dixit intellectum esse separatam & immixtum, non de ipsa substantia in qua fundatur intellectus, sed de potentia intellectiua sit locutus, hoc etiam videtur

*Lect. 4.*

*Lect. 3.*

*Supr. 13. text.*

anima dante esse, quā ad oppositam: secundum est, quod voluit probabiliter vtramque partem sustineri posse: primum horum patet ex locis præallegatis: secundum verò ostenditur in quæstionibus de Anima artic. 8. ad 3. vbi etiam soluit rationem primam hic adductam, quia probatur cœlum non esse animatum. Quia ex re vtramque partem sustinentes, ut sanctus Thom. in quæstionibus de Anima sustinet, ad rationes vtriusque partis ex eius doctrina respondebimus. Si itaque defensare voluerimus cœlum secundum Aristotelis mentem animatum non esse anima informante, dicendum erit ex locis adductis in prima parte, & de Spiritualibus creaturis, ad rationem hic assumptam contra Auer. quod Aristoteles non sic intellexit cœlum animatum esse quasi substantia spiritualis corpori cœlesti vnatur ut forma dans esse, sed quia illi vnatur ut motor mobili: ita enim voluit substantiam spirituale vniri corpori cœlesti, & esse in illo inclusam, sicut Plato voluit animam intellectiua vnitam corpori humano, scilicet per contactum virtutis, & esse in ipso sicut motorem in mobili, & in instrumento quo vititur, & cui intrinsecè est coniunctus. Quum autem probatur oppositum, quia posuit cœlum mouere seipsum, & habere differentias positionis secundum naturam, dicitur quod hæc non arguunt ipsum habere intelligentiam informantem, sed vnitam tantum per modum motoris. Sic enim cœlum ut dicit compositum ex intelligentia & orbe secundum contactum virtutis vnitis componitur ex motore & mobili, & sic est mouens seipsum, & habet differentias positionis quæ in cœlo non accipiuntur, nisi in ordine ad motum localem, ut dicitur secundū cœli.

SED contra hanc rationem instari posset, quia si idcirco cœlum dicitur mouere seipsum, quia componitur ex motore & mobili vnitis secundum contactum virtutis, eadem ratione poterit dici quod plaustrum mouet seipsum, quia sibi vniantur boves per modum motoris: & similiter quod nauis mouet seipsum, quia illi coniungitur nauta, qui ipsam mouet. Respondetur, quod non est eadem ratio de istis & de cœlo, propter duos primos, quia secundum Aristotelem, substantia spiritualis quæ mouet cœlum, habet virtutem ad talis corporis motum determinatam, & ipsum corpus cœli habet naturalem aptitudinem ad hoc ut à tali substantia spirituali sic moueatur: hoc autem in instantiis adductis non inuenitur. Secundū, quia in illis est contactus quantitativus, qui fit secundum extremam: inter intelligentiam autem & corpus cœlestis est tantum contactus virtutis, modò ostensum est superius in secundo cœli cap. 56. quod in contactu quantitativum oportet tangens esse extrinsecum ei quod tangitur, & non potest incedere per ipsum, sed ab ipso impeditur in tactu autem virtutis qui conuenit substantiis spiritualibus, quum sit ad intima, substantia tangens est intra id quod tangitur, & per ipsum absque villo impedimento incedit. Ex his duobus euenit quod magis sit vnum ex intelligentia & corpore cœlesti, licet ex illis non fiat vnum simpliciter, sed tantum in mouendo, quā ex nauta & nauis, aut ex bobus & plaustro: atque idcirco conuenientiū potest dici quod cœlum seipsum mouet quā nauis, aut plaustrum coniunctum bobus. Sic enim corpus cœlestis vnatur motori sibi intrinsecò, & ad eius motum naturali virtute determinato, quod illis aliis non conuenit. Posset etiam concedi quod eodem modo dici potest plaustrum ex se moueri si nomine plaustri accipiamus aggregatum ex plaustro & bobus. Si autem queratur, quare ergo sanctus Thomas contra Auer. hoc loco rationem formauit, quam ipse solubilem videbat. Dicitur (viam dictum est) quod hoc non facit quasi hanc rationem simpliciter insolubilem existimare, sed quia ipsam efficacem contra Auer. putabat, qui ex Aristotelis verbis (ut in præcedenti capitulo patuit) substantiam intellectualem non posse vniri corpori vt formam, arguere volebat. Si enim ad verba tantummodo superficialiter respicere voluerimus, non ad sensum, magis ex verbis & rationibus eius quibus aperte vult cœlum animatum esse, ostenditur substantiam intellectualem vniri posse corpori vt formam, quā ex aliis eius verbis appareat ipsam corpori vniri posse: animata enim dicere confueuimus, quorum forma dans esse est anima. Quod autem hæc fuerit mens sancti Thomæ constat ex principio huius capituli, vbi ait: Et quia Auer. maxime nititur suam opinionem confirmare per verba & demonstrationem Aristotelis: ostendendum restat quod necessarium est dicere secundum opinionem Aristotelis, supple quantum verba sonant superficialiter intellecta, intellectum secundum suam substantiam alicui corpori vniri vt formam. Ex his enim apparet sancti Thomæ verbis & demonstrationi Aristotelis per Commentatorem adductis, voluisse alia Aristotelis verba manifestiora, & alia eius demonstrationes opponere. Sic ergo rationi hic per diuum Thomam adductæ tenendo quod cœlum secundum mentem Aristotelis non sit propriè animatum, secundum doctrinam eius alibi traditam respondendum est. Si autem oppositam partem sustinere voluerimus, ut sustinet sanctus Thomas in quæstionibus de Anima, vbi supra, dicentes substantiam intellectualem secundum Aristotelis mentem dare esse formaliter corpori cœlesti: responderetur ad primam rationem in oppositum adductam, secundum doctrinam sancti Thomæ in secundo cœli, lectione tertia, & loco immediatè allegato, quod intelligentia vnatur corpori cœlesti vt forma propter motum & actionem, non quidem simpliciter, quia & absque tali vnione posset agere & mouere, ut arguebatur, sed propter actionis nobilitatem. Nam substantia spiritualis quæ determinata est ad motum cœli, quem sine labore mouet, nobilior operatur & agit per motum cœli, si illi vnatur secundum esse, quā si sit ab eo separata: perfectior enim actio est quam quis agit per instrumentum coniunctum, ea quam agit per instrumentum separatum. Ad primam probationem patet ex dictis. Ad secundam dicitur primū, quod mouere intellectualem substantiam per modum imperij, est tantum velle & intelligere, non autem mouere per modum executionis: imò ipse motus causatus in cœlo ab intelligentia, quo mediante causat hæc inferiora secundum quod est à voluntate angeli, est executio. Dicitur secundū, quod quomodo cunque accipiat mouere, scilicet aut per modum imperij, aut per modum executionis, non ponitur in ipsa intelligentia potentia motiua aut actiua distincta ab intellectu & voluntate: idcirco dictum Commentatoris verissimū est. Dicitur tertiū, quod licet mouere intellectualem per modum executionis sit à voluntate & intellectu, & intelligentia non habeat virtutē motiua ab intellectu & voluntate



voluntate distinctam realiter, sed tantum ratione: vnitur tamen intelligentia corpori celesti vt forma propter executionem virtutis actiue, scilicet vt illa sit perfectior executio: vnde consequentia illius rationis non tenet, videlicet mouere intelligentia, scilicet per modum imperantis motum, est eius intelligere & velle: ergo non vnitur corpori propter motum: licet enim intelligere & velle, quæ sunt actiones immanentes, vt sic non indigeant corpore cui vniatur intelligentia vt forma, ipsa tamen operatio transiens, siue executio virtutis actiue quæ à voluntate prouenit, ad sui perfectionem indiget vt intelligentia sit corporis forma. Ad secundum dicitur primo quod quum Aristoteles ponit esse aliquam substantiam motricem corporis celestis quæ non mouetur neque per se, neque per accidens: illud intelligit de substantia mouente per modum finis, vt patet ex eius processu duodecimo Metaphysicæ, vbi ponens multitudinem substantiarum separatarum, ponit multitudinem earum quæ sunt fines: vt expressè habetur text. 48. hoc patet esse de mente sancti Thomæ, ibidem, & de spiritu, articulo quinto. Dicitur secundo, quod quia in octauo Physicorum nondum inuestigauerat substantiam intellectualem quæ sit omnino separata, mouens per modum finis & appetibilis: sed hoc erat in duodecimo Metaphysicæ inuestigandum: idcirco de ipsa quæ est pars mouentis seipsum, tanquam de prima simpliciter substantia & omnino abstracta loquitur & sibi conditiones primæ substantiæ attribuit, vt dictum est in primo libro: & quia primus motor, & omnis alia substantia mouens cælum per modum finis est immobilis, & per se & per accidens illi substantiæ quæ est pars mouentis seipsum, attribuit hoc quod est non moueri neque per se, neque per accidens, quum tamen sibi in veritate non conueniat: Quum enim sit forma corporis, & sit vnum esse ipsius & corporis celestis, necesse est vt ad motum corporis per accidens moueatur. Vnde ad argumentum negatur consequentia de eo qui verè est primus motor, mouens scilicet per modum appetibilis primi, licet sit vera de eo quod ibi accipitur tanquam primus motor. Quum autem probatur, quia dicitur ibi in octauo Physicorum, quod primus motor non mouetur neque per se, neque per accidens: dicitur quod illud intelligitur de eo qui verè est primus motor, qui scilicet est omnino à materia separatus, non autem de parte mouentis seipsum, qui non est verè primus motor, licet illud sibi attribuat suppositiue & permissiue, in quantum illud ibidem admittitur pro primo motore simpliciter. Vnde quia impossibile absolute est, vt pars mouentis seipsum sit primus motor immobilis per se & per accidens, idcirco in duodecimo Metaph. inuestigatur primus motor omnino separatus à corpore, cui verè attribuantur conditiones primi motoris, quæ ex suppositione & permissione attributæ erant motori primi mobilis vniuerso illi per modum forme. Ad tertium dicendum: quod corpus organicum dupliciter accipi potest. Vno modo pro corpore habente diuersa organa, complexione, situ & figura distincta. Alio modo pro corpore ad animam & operationes animæ disposito, vt nihil aliud sit corpus organicum, quam corpus habens vitam in potentia, vt videtur exponere Philosophus secundo de anima, siue habeat diuersa organa & membra officialia, siue non habeat. Si primo modo voluerimus in definitione animæ accipere corpus organicum, vt ferè omnes expositores accipiunt eo quod teneant carnos non esse animatos, sic negatur consequentia: & ad probationem dicitur, quod aut illa definitio animæ conuenit tantum animalibus rerum corruptibilibus, & quod istis tantum modo assignauit Aristoteles in secundo de anima, communem definitionem: aut quod conuenit omni animæ non vniuersæ quidem, sed analogicè: & sic non oportet cælum esse corpus organicum eo modo quo inferiora corpora, sed suo modo proportionabiliter, quia est organicum secundo modo. Si autem secundo modo accipitur organicum in definitione animæ, sic conceditur corpus celeste esse organicum, nec hoc eius vniuersitati & simplicitati repugnat. Posset etiam dici quod cælum habet diuersitatem organorum, non quidem distinctorum secundum varietatem complexionum, vt in animalibus accidit, sed secundum rarum & densum, eo modo quo inuenitur in cælo rarum & densum, scilicet secundum maiorem aut minorem congregationem partium, non autem secundum differentiationem contrarietatis, vt dicitur secundo cæli à sancto Thomâ, lectio de decima, in fine. & secundum hanc diuersitatem sunt in cælo diuersæ virtutes respectu horum inferiorum, in quantum per illas partes anima cæli diuersa agit in hæc inferiora. Non imponas autem mihi quod in anima cæli ponam alias potentias præter intellectum & voluntatem affixas diuersis partibus cæli, sicut animæ animalium habent: non enim ad hoc tendit hæc secunda responsio, sed ad hoc quod anima per intellectum & voluntatem mouens cælum & hæc inferiora, mediante hoc motu agens diuersimodè per diuersas cæli partes in inferiora agit, vt sic diuersæ virtutes illarum partium: sint diuersi influxus animæ cæli secundum quos diuersimodè in hæc inferiora operatur.

Ad quartum dicitur quod quia Aristotelis est in hac re incerta sententia, & ex diuersis eius dictis diuersa accipi possunt: idcirco sanctus Thomas ibidem eius verba ad suum propositum interpretatur. Quum ergo dicit quod Arist. cælum esse animatum non posuit anima dante esse, sed tantum anima mouente: non hoc idcirco inquit quasi oppositum non possit teneri: sed quia tenet Aristotelis verba posse ad hunc sensum exponi, cum ad saluandam eius opinionem videatur sufficere cælum esse animatum anima mouente tantum. Vnde sub dubitatione in questionibus de spiritualibus creaturis loquitur inquit, quod si quis intimè consideret, forte inueniet inter has opiniones aut nullam aut modicam dissensionem esse: & inferius in eodem loco inquit quod videtur sufficere ad saluandam intentionem Platonis & Aristotelis, quod substantia spiritualis vniatur corpori celesti vt motor. Hæc enim verba forte, vt videtur, non afferentis, sed opinatiue & probabiliter loquentis sunt.

Ad quintum dicitur quod non est inconueniens apud Arist. sphæras inferiores habere tres motores, vnum scilicet communem, qui est simpliciter primus motor, & duos appropriatos, quorum vnus mouet vt anima: alter vero vt proprius finis.

Ad sextum dicitur, primo quod de motu cæli dupliciter loqui possumus, vt patet ex sancto Thomâ inferius libro tertio, capit. 23. scilicet aut ex parte motoris, aut ex parte substantiæ cæli. primo modo motus cæli est voluntarius, secundo modo est naturalis: & idcirco ex parte motoris absolute loquendo cælum posset quiescere, non autem ex parte ipsius sub-

stantiæ cæli: & sic intellexit Philosophus. Dicitur secundo (vt habetur ex Philosopho 12. Metaphysicæ, text. 38. & ex sancto Thomâ ibidem) quod licet necessitas motus cæli non sit necessitas absoluta, cum cælum moueat seipsum, & omne tale in seipso habeat moueri & non moueri, est tamen necessitas ex suppositione, quæ est necessitas finis, in quantum absque talis motus perpetuitate non esset conueniens ordo ad finem, secundum quod per motum intenditur assimilatio ad Deum: & idcirco non est inconueniens dicere, quod secundum mentem Aristotelis cælum, secundum quod est animatum, potest absolute ex se quiescere, licet ex suppositione & ex fine necessario moueatur.

Ad septimum negatur sequela: licet enim ponatur cælum diuidi in partem mouentem & partem motam: tamen præter motorem qui est pars mouentis seipsum, oportet ponere alium motorem omnino separatum qui moueat per modum appetibilis, vt dedit Aristoteles 12. Metaphysicæ.

Ad octauum dicitur quod dupliciter possumus intelligere motorem alieius corporis moueri per accidens. vno modo, quod moueatur simpliciter illo motu locali quo mouet corpus: nulla tamen fiat in ipso variatio in ordine ad corpus, sed semper eodè modo se habeat ad illud, & semper maneant in eadem dispositione inter se alio modo, quod motu corporis à se moti sic moueatur per accidens, quod etiam varietur eius dispositio ad corpus, ita quod aliter & aliter se habeat ad corpus, sicut accidit in animalibus: ex motu enim corporis anima aliter & aliter se habet ad corpus, ex eo quod corpus ex motu locali aliquo modo alteratur. Philosophus ergo vult quod motor qui causat motum perpetuum, non mouetur per accidens secundo modo, non autem repugnat eius intentioni quod moueatur per accidens, primo modo, licet velit de primo motore simpliciter quod nullo modo moueatur. Patet hoc primo ex sancto Thomâ assignans differentiationem inter motores orbium & animam 8. Physicorum, exponendo text. 52. ait quod ratio quare motores orbium non mouentur per accidens ratione sui ipsorum ad motum orbium, animæ verò animalium per accidens moueantur, est quia motores orbium non constituantur in suo esse ex sua vnione ad corpora, & eorum annexio est inuariabilis: sed animæ quæ mouent animalia, constituantur in suo esse, secundum vnionem ad corpora (intellige excepta anima intellectiua) & variabiliter eis conueniunt. Ex hoc enim dat intelligere sanctus Thomas, quod non sic mouentur motores orbium per accidens, quasi varietur eorum esse & dispositio ad orbem per talem motum, sicut variatur dispositio animarum ad motum animalium: cum hoc autem fiat quod moueantur per accidens aliquo modo, eo quod vnum sit esse eorum & orbium, quauis ex vnione ad orbem non constituantur in suo esse, id est ipsum esse à corpore & materia non dependeat, sicut nec esse animæ intellectiue dependet à corpore. Patet hoc secundo, quia Commentator octauo Physicorum, com. 83. inquit quod inæqualitas non accidit in motu, nisi propter hoc, quod motori accidit quidam modus transmutationis, quare aliquando vigoratur, aliquando debilitatur. Ex quibus dat intelligere, quod ille solus motus per accidens repugnat motori mouenti motu perpetuo & inuariabili, ex quo variatur virtus motoris, & consequenter habitudo eius ad mobile.

Ad nonum dicitur quod vtrique intelligentia quæ est anima cæli, non habet determinatum situm in cælo, secundum determinationem suæ substantiæ ad vnā partem cæli: quod autem inquit Aristoteles ipsam esse in circumferentia, intelligitur (vt exponit S. Thomas ibidem) per influentiam motus, & non per determinationem suæ substantiæ, & intelligitur de primo motore, non autem de aliis.

### Quod anima immediate vnitur corpori.

#### Cap. 71.

**E**X præmissis autem concludi potest, quod anima immediate corpori vnitur: nec oportet ponere aliquod medium quasi animam corpori vniens, vel phantasmata, sicut dicit Auerrois, vel potentias ipsius, sicut quidam dicunt: vel etiam spiritum corporalem, sicut alij dixerunt: ostensum est enim quod anima vnitur corpori vt forma eius, forma autem vnitur materiæ absque omni medio: per se enim competit formæ quod sit actus corporis, & non per aliquid aliud. vnde nec est aliquid vnum faciens ex materia & forma, nisi agens quod potètiā reducit ad actum, vt probat Aristoteles in octauo Metaphysicæ. \* nam materia & forma habent se vt potentia & actus.

Potest tamen dici aliquid esse medium inter animam & corpus, etsi non in essendo, tamen in mouendo, & in via generationis. In mouendo quidem, quia in motu quo anima mouet corpus, est quidem ordo mobilium & motorum: anima enim omnes operationes suas efficit per suas potentias: vnde mediante potentia mouet corpus, & adhuc membra mediante spiritu: & ulterius vnum organum mediante alio organo, in via autem generationis dispositiones ad formam præcedunt formam in materia, quauis sint posteriores in essendo, vnde & dispositiones corporis quibus sit proprium perfectibile talis formæ, hoc modo possunt dici mediæ inter animam & corpus.

Ecl. 7.

Tex. com. 36.

Ecl. 13.

Auer. text. 36  
& infra.

Cap. 73.

Tex. com. 30.  
& seq.Idem p. p. q.  
76. ar. 6. &  
7.Auer. 3. de  
anima com. 5.  
Platonici.Auer. test. Auer.  
par. 4. de ani  
ma, cap. 5.

\* tex. com. vl.





**R**OSTQVAM determinavit sanctus Thomas de vni-  
one animæ intellectiue ad materiã absolutẽ, nunc de mo-  
do vniõis incipit determinare. Circa hoc autem duo  
facit. Primò enim agit de immediatione vniõis, secun-  
do de totalita eius capit. sequẽ. Quantum ad primum  
ponuntur tres conclusiones. Prima est, Anima immidia-  
tè vnitur corpori in essendo. Pro cuius declaratione considerandum est,  
quòd cum omnes ferè Philosophi posuerunt intellectum aliquo modo  
corpori humano coniungi, fuerunt quidam non attendentes ad formã  
conditionem, qui posuerunt animam intellectiue non vni immediatè  
corpori, sed inter ipsam & corpus aliquid mediare, quod sit quasi vincu-  
lum quoddam & ligamentum ipsam cum corpore vnens, sicut Auer. phan-  
tasmatã dixit esse vinculum, quò intellectus homini vnitur. Alij dixerunt  
ipsam mediantibus suis potentijs vniri corpori, quidam verò, quòd inter  
animam & corpus mediat spiritus corporalis, alij quoque dixerunt me-  
diare lucem, quam esse corpus existimabant. Contra hos ergo ex eo quòd  
ostensum est animam intellectiue esse formam corporis, deducit co-  
rollariè S. Thomas, quòd oportet animam vniri corpori immediatè & ar-  
guit sic. Forma vnitur materiæ absque medio, sed anima intellectiua est  
forma corporis, vt in præcedenti capitulo est ostensum, ergo, &c. probat  
maior dupliciter, scilicet auctoritate Aristotei, octauo metaphysicæ  
inquietis, nihil esse quòd faciat vnum ex materia & forma, nisi agens  
quòd potentiam reducat ad actum. Secundo, quia nihil est quòd faciat  
vnum ex potentia & actu, sed forma secundum se est actus, non per ali-  
quid aliud ergo, &c.

**A**DVERTE, quòd fundamentum huius rationis est, quia forma per  
se ipsam facit esse actum & non per aliquod medium, cum sit per essentiam  
suam actus vnde cum sic dicatur aliquid vnum quomodo est ens, oportet  
vt sicut compositum est ens immediatè per formam quòd etiam imme-  
diatè per formam sit vnum, vt sic oportet formam per se & immediatè vniri  
materiæ, sicut per se immediatè dat esse. Secunda conclusio est. Anima  
in mouendo vnitur corpori mediatè, id est, mouet corpus cuius dicitur  
anima, non per essentiam suam immediatè, sed per aliquod medium:  
probat, tum quia mouet per potentiam, sicut & omnes alias operatio-  
nes per suas potetias exerceat, tum quia mouet membra mediantè spiritu,  
& vnum organum mediantè alio.

**A**DVERTENDVM, quòd anima per apprehensionem & appeti-  
tum mouet corpus, vt dicitur in questionibus de anima, articulo 96. & sic  
dicitur mouere per potentias, quatum, scilicet operationes, sunt appre-  
hendere & appetere, & quia appetitus sensitiuus fundatur in corde se-  
cundum Aristotelem, vt dicitur de spiritu, articulo tertio, quatum, id est  
cor est primum instrumentum per quò mouet ceteras partes corporis,  
& hoc est quòd hic dicitur quoniam mouet vnum membrum mediantè  
alio, quia verò partes grossiores corporis per subtiliores mouet, id est pri-  
mum instrumentum virtutis motiue est spiritus, vt dicitur ab Aristotele  
in libro de causa motus animalium. Sed intelligendum cum dicitur cor  
primum instrumentum virtutis motiue, & similiter spiritus, quòd hoc  
non est eodem modo, sed cor est primum instrumentum coniunctum  
virtuti motiue, vt potest in quo est appetitus qui est virtus motiua: spiritus  
autem est primum instrumentum separatum, in quatum est primum quòd  
mouetur ab anima inter ea quæ sunt separata.

Tertia conclusio est. In via generationis dispositiones corporis quibus  
sit proprium susceptiuum talis formæ, sunt mediæ inter animam & cor-  
pus, & sic anima vnitur corpori mediantibus dispositionibus, probatur,  
quia dispositiones ad formam via generationis præcedunt formam in  
materiã: quamuis sint posteriores in essendo.

**C**IRCA hanc conclusionem & eius probationem dupliciter dubita-  
tur. Primò, quia S. Thomas prima parte, questione 76. articulo sexto, tenet  
impossibile esse quòd aliqua dispositio accidentalis cadat media inter  
corpus & animam, vel inter quacunque formam substantialem & eius ma-  
teriam. Similiter quòd impossibile est quacunque dispositiones acciden-  
tales præexistere in materiã ante formam substantialem, cuius oppositum  
hic dictum est. Secundo, quia non videtur posse simul stare, quòd disposi-  
tiones via generationis præcedant formam in materiã: & tamen sint po-  
steriores in essendo, si enim præcedunt formam in materiã, ergo prius sunt  
in materiã quam forma, ergo præcedunt in essendo: patent istæ conse-  
quentiæ, quia in vtraque oppositum consequentis repugnat antecedenti.

**A**D euidentiã primi dubij, duo sunt attendenda. Primum est, quòd  
cum inter dispositiones ad formam quæ simul cum forma remanent, &  
ipsam formam non sit ordo durationis, sed simul in eodem instanti in ma-  
teriã introducantur, non est querenda inter illa prioritas & posterioritas  
temporis, quid videlicet illorum in priori tempore adueniat materiæ, &  
quid in posteriori, sed est tantum inuestiganda inter illa prioritas secun-  
dum naturam: & videndum quid illorum prius natura materiæ adueniat,  
tanquam videlicet ab altero in materiã præsuppositum. Secundum est ex  
doctrina S. Thomæ in prima parte quæst. & art. allegatis ad primum & de  
spiritu art. 20. & in questionibus de anima articulo nono, quòd cum for-  
ma perfectior contineat virtute quicquid est aliarum formarum inferio-  
rum, vnãque perficiat materiam secundum diuersos gradus perfectio-  
nis, præintelligimus materiam esse prius perfectam secundum inferiorem  
gradum, & secundum accidentia illum gradum consequentia, quàm se-  
cundum perfectiorem & superiorem gradum: verbi gratia, quia anima  
dat esse corporeum, & esse animatum, prius intelligimus ipsam dare ma-  
teriam esse corporeum cum accidentibus corporeitatis, quàm dare esse  
animatum. Quo fit vt dupliciter animam considerare possimus vno mo-  
do absolute, & quantum ad omnem eius effectum, convenientem, scilicet  
sibi & in quantum est anima, & in quantum virtute continet gradus  
inferiorum formarum: alio modo quantum ad vltiorem tãtum & per-  
fectiorem effectum, quem scilicet facit in quantum est anima. Si conside-  
retur absolute & quantum ad totalem eius effectum, sic nihil præcedit in  
materiã formam substantialem, quia prius oportet intelligere materiam  
esse actu simpliciter & absolute, quòd sit per formam substantialem dan-  
tem esse simpliciter: quàm esse actu tale, quòd sit per formam accidentia-  
lem. Si autem consideretur quantum ad vltiorem & perfectiorem effe-

ctum, sic dispositiones accidentales consequentes gradum inferiorem  
præcedunt ordine generationis in materiã formam substantialem, sicut  
& præintelligimus formam dare, prius gradum imperfectiorem quàm  
perfectiorem, eo quòd natura ab imperfecto ad perfectum procedat.

**A**d dubium ergo dicitur, quòd ea quæ dicit S. Thomas prima parte, non  
contradiciunt his quæ hic dicuntur, quia ibi loquitur de anima, & vniuer-  
saliter de forma substantialem quantum ad totalem eius effectum: quum enim  
materia secundum se sit in potentia ad esse substantialem corporeale & non  
oporteat vt ad formam substantialem corpoream, aut ad esse substantialem  
per alia accidentia disponatur, inter materiam & formam vt dat infinitum  
gradum essendi, non oportet accidentia disponere mediare. Hoc autem  
in loco loquitur S. Thomas de anima & forma substantialem in quatum dat  
vltiorem & perfectiorem gradum. Nam si materia secundum se non sit  
disposita vt sit proprium perfectibile alicuius formæ vt est talis forma,  
sed indiget accidentibus ipsam illi formæ appropriantibus, oportet se-  
cundum ordinem generationis præintelligere in materiã illi accidentia  
antequam forma, vt est talis forma, aduenire materiæ intelligatur, quo-  
niam natura prius materiam disponit quàm formam introducat, & sic  
quum materia indiget dispositionibus accidentalibus ad gradum perfecti-  
orem animæ, oportet in materiã præintelligere dispositiones corporis  
antequam forma secundum illum gradum corpori aduenire intelligatur.

**A**D euidentiã secundi dubij, oportet intelligere quid per ordinem  
secundum viam generationis intelligatur: & tunc ad dubium planior &  
clarior apparebit responsio. Sciendum ergo quòd cum natura propter fi-  
nem operetur, sicut & intellectus, vt dicitur 2. Physicorum: in operibus  
naturæ duplex ordo considerari potest: vnus secundum naturæ intentio-  
nem, alius secundum executionem eorum quæ intendit: primus dicitur  
ordo perfectionis & intentionis naturæ, & dicitur etiam ordo secundum  
rationem causæ formalis, aut finalis, aut efficientis, quia finis quòd est  
primum intentum à natura coincidit in idem numero cum forma effe-  
ctus, cum agente verò in idem specie. Secundus ordo dicitur ordo gene-  
rationis, secundum quòd natura ordine quodam suos effectus producit  
ac generat. Dicitur etiam ordo temporis, quia cum agens naturale in tem-  
pore operetur, prius tempore vnum quàm alterum producit: & quia ista  
executio sit secundum quòd aliquid educitur de potentia in actum, &  
materia sit prima potentia: id est iste ordo dicitur ordo secundum ratio-  
nem causæ materialis. Secundum istum duplicem naturæ ordinem di-  
uersimodè aliquid dicitur prius & posterius: quia enim secundum vnũ  
quancunque causam illud est prius, quòd est illi causæ propinquius, id est in  
via intentionis naturæ qui est ordo secundum rationem causæ finalis  
formalis & agentis, illud est prius quòd est formæ & fini propinquius,  
agenti quæ similis. Vnde secundum hunc ordinem ipsum agens est prius  
effectui: si finis est prior iis quæ sunt ad finem ipsa forma & actus est prior  
quàm potentia, & quòd aliquid magis accedit ad similitudinem agen-  
tis, aut etiam magis appropinquat fini, & formæ quæ est terminus gene-  
rationis tantò est prius, & quia tantò aliquid est perfectius, quòd magis  
ad finem & ad similitudinem agentis appropinquat, id est secundum hunc  
ordinem, perfectum est prius imperfecto. In via autem generationis, qui  
est ordo secundum rationem causæ materialis, potentia est prior actu, &  
imperfectum est prius perfectiori: quia quòd aliquid est imperfectius, tantò  
magis materia conditionibus appropinquat.

**A**DVERTENDVM autem quòd apud sanctum Thomam quando-  
que ordo generationis distinguitur contra ordinem naturæ, vt habetur  
in questionibus de malo, questione 4. articulo tertio, aliquando verò sub or-  
dine naturæ continetur, vt in prima parte, quæst. 85. articulo tertio, ad primum.  
Ordo enim naturæ dupliciter accipi potest, vno modo vt distinguitur  
contra ordinem secundum apprehensionem intellectus tantum, & sic  
continet sub se ordinem generationis, quum sit ordo extra intellectum  
alio modo vt accipitur secundum rationem causæ formalis: & sic diuidi-  
tur contra ordinem generationis. Cum enim forma sit magis natura quàm  
materia, conuenientiùs dicitur actus prior naturæ quàm potentia, vt di-  
citur quod 5. quæst. 10. articulo primo, & sic ordo qui est secundum formam,  
relinquitur sibi nomen ordinis naturæ: ordo autem qui est secundum mate-  
riam, sortitus est nomen ordinis generationis & temporis.

**A**D dubium ergo dicitur, quòd per ordinem in essendo, intelligit san-  
ctus Thomas ordinem naturæ secundum genus causæ efficientis & for-  
malis absolute, quia esse cõuenit rei productæ & propter formam & pro-  
pter efficientem: & sic accidentia quæ sunt dispositiones materiæ ad formam  
substantialem, vt dat perfectiorem actum, quum sequantur esse formæ in  
materiã absolute, tanquam accidentia consequentia compositum ex ma-  
teriã & forma dante esse secundum inferiorem gradum, sunt posteriora  
in essendo ipsa forma substantialem: sic enim comparatur ad formam, sicut  
effectus ad causam. effectus autem vt sic est posterior sua causã in essendo  
secundum ordinem naturæ & causalitatis, omnis enim effectus præsup-  
ponit suam causam esse, etiam si sit cum ipsa simul tempore. Secundum  
autem ordinem in via generationis qui est ordo secundum rationem cau-  
sæ materialis: eadem accidentia præcedunt ipsam formam in materiã: vt  
dat vltiorem & perfectiorem gradum. quum enim sint dispositiones  
materiæ vt receptiua est formæ, secundum illum gradum vltiorem per-  
tinent ad genus causæ materialis: & sic præcedunt formam, sicut potentia  
præcedit actum, & imperfectum præcedit perfectum, vnde licet simul cum  
forma in materiã introducantur, præintelliguntur tamen vt sic prius ma-  
teriæ inesse, quàm forma vnatur materiæ, secundum illum gradum ad  
quem suscipiendum intelliguntur disponere.

**S**ic ergo patet quòd nulla est contradictio in verbis sancti Thomæ. cum  
inquit illas dispositiones præcedere formam in via generationis: & ta-  
men esse posteriores in essendo. Quum probatur esse contradictionem,  
quia si dispositiones via generationis præcedunt formam in materiã, se-  
quitur quòd sint prius in materiã: & sic quòd sint priores in essendo:  
responderetur ex iis quæ iam diximus, quòd istas dispositiones dupli-  
citer possumus comparare ad ipsam formam. Vno modo vtraque ab-  
solutè accipiendo: & sic sunt posteriores in essendo, quia vt dictum est  
in responsione ad primum dubium, nulla forma accidentalis aduenit  
materiæ, nisi existenti in actu per esse substantialem: & sic oportet for-  
mam substantialem, absolute loquendo, prius esse in materiã, quàm for-  
mam accidentalem. & hoc modo intendit hic sanctus Thomas dispositio-  
nes

Idem P. p. q.  
76. art. 6. &  
7.

2. hb. de par-  
tib. animal. c.  
4.

Tex. com. 75.

Quomodo dis-  
positiones ma-  
teria ad for-  
mam sint prio-  
res aut poste-  
riores in ef-  
fendo.



iones esse posteriores forma substantiali in essendo. Alio modo possumus comparare dispositiones ad ipsam formam, ut dat vltiorem & perfectiorem gradum ad quem disponere intelliguntur: & sic sunt priores ipsa forma in essendo, prius enim intelligimus materiam habere dispositiones ad formam, quam formam dare esse illud materiam, ad quod per tales dispositiones materia proportionatur. ratio huius diuersitatis est, quia comparando ista accidentia ad formam absolute, comparantur ad ipsam ut effectus ad causam. sunt enim in veritate eius effectus resultantes ex vniione formæ ad materiam, comparando autem ipsa ad formam ut dat vltiorem gradum perfectionis, considerantur non ut effectus formæ, cum non consequantur ad formam, ut dat illam vltiorem perfectionis gradum, sed ut introductæ in materia ab agente prius per hæc accidentia materiam disponente, quam formam secundum illum vltiorem gradum introducat. dictum est enim quod via generationis imperfectum est prius perfecto, & potentia est prior actui: & sic agens educens aliquid de potentia in actum, prius in materia introducit formam imperfectam in materia, quam formam perfectam. vnde inquit sanctus Thomas in questionibus de anima, artic. 9. quod istæ dispositiones præintelliguntur formæ ut inducunt ab agente in materiam. Sunt ergo istæ dispositiones posteriores in essendo, simpliciter loquendo, sed sunt priores in essendo via generationis consideratæ, ut dispositiones ad vltiorem gradum.

Supra text.  
47.  
Item P. p.  
476 art. 8.

SE D circa hanc responsionem dubium occurrit, quia ut habet sanctus Thomas 7. Metaphysice, omne quod est prius generatione, est prius tempore, & non econuerso. sed quod est prius tempore altero, est prius illo in essendo simpliciter. ergo si dispositiones ad formam via generationis præcedunt formam in materia, sequitur quod sint priores simpliciter in essendo ipsa forma: & sic responsio nulla est.

AD huius dubij dissolutionem duabus opus est distinctionibus. Vna est, quod cum duplex sit tempus, scilicet reale, & imaginarium, dupliciter potest aliquid dici prius tempore: aut videlicet quia est in priori tempore reali, aut quia intelligitur esse in priori tempore imaginario. Secunda est, quod dupliciter aliquid potest dici prius altero generationis, vno modo, quia ad alterius generationem ordinatur, & sua generatio antecedit alterius generationem, sicut in generatione hominis prius generatur viuens quam animal, & animal quam homo: idem dicitur in illo ordine quod viuens est prius generatione quam animal, & animal quam homo. Alio modo ex hoc solum, quia ordinatur ad alterius generationem, sicut partes ex hoc solo dicuntur priores toto generatione, quia ordinantur ad generationem totius. Dicitur ergo quod omne prius generatione primo modo: est etiam prius tempore primo modo, prius autem generatione secundo modo, sufficit quod sit prius tempore secundo modo, in quantum si intellectus consideret illa sic ordinata à natura successiue produci, considerat id quod ordinatur ad alterius generationem, in priori tempore generari & produci, & ita esset in veritate, quod si natura illa seorsum produceret, illud prius produceret, quam illud ad cuius generationem ordinatur. Dum ergo inquit sanctus Thomas in locis allegatis, omne prius generatione esse etiam prius tempore, accipit prius generatione, & prius tempore, vniuersaliter & indistincte, quia omne prius generatione altero illorum modorum, est altero illorum modorum prius tempore, non autem accipit prius tempore tantum primo modo: quod patet, quia dat exemplum de partibus ex quibus aliquid constituitur respectu totius, inquit illas esse priores tempore & generatione. Constat autem quod ipsa forma non producit in esse ante compositum, cum non nisi in composito fiat, ut possit dici esse in priori tempore reali, sed dicitur prior tempore, quia si imaginemur seorsum produci formam, & seorsum compositum, imaginabimur prius produci formam quam compositum, quia compositum præsupponit partes ex quibus componitur. Dispositiones ergo de quibus loquimur, quæ formam scilicet concomitantur in materia, non sunt realiter priores tempore, sed tantum imaginariæ.

ADVERTENDUM autem quod licet similiter forma non præcedat dispositiones illas tempore, quum in eodem instanti in materia introducantur: dicitur tamen forma esse prior in essendo ipsis dispositionibus, si absolute considerentur omnia, non autem econtrario, quia non dicimus hic vnum esse prius altero in essendo, quasi vnum prius duratione habeat esse quam aliud, sed quia vnum ab altero realiter secundum suum esse dependet, & alterum est illi realiter causa essendi: modo forma talibus accidentibus est realiter causa essendi, accidentia autem non sunt realiter causa essendi ipsi formæ, quum sequantur esse formæ in materia absolute, sed tantum secundum modum considerandi, in quantum diuersas perfectiones quas anima dat materiam, quæ sunt realiter vnum, secundum nostram considerationem diuidimus, & inter primam & secundam perfectionem intelligimus accidentia mediare: vnde realiter talia accidentia sunt posteriora ipsa forma in essendo: præcedunt autem illam in essendo secundum aliquem modum nostre considerationis.

*Quod anima sit tota in toto, & tota in qualibet parte.*

Cap. 72.



PER eadem autem ostendi potest animam totam in toto a corpore esse, & totam in singulis partibus. Oportet enim proprium actum in proprio perfectibili esse, anima autem est actus corporis organici, non vnus organitantum, est igitur in toto corpore, & non in vna parte tantum secundum suam essentiam, secundum quam est forma corporis, sic autem anima est forma totius corporis, quod est

etiam forma singularum partium, si enim esset forma totius, & non partium, non esset forma substantialis talis corporis: sicut forma domus quæ est forma totius, & non singularum partium, est forma accidentalis.

Quod autem anima est forma substantialis totius, & partium, patet per hoc quod ab ea sortitur speciem & totum, & partes: vnde ea abscedente, neque totum, neque partes remanent eiusdem speciei, nam oculus mortui & caro eius non dicuntur nisi æquiuocè, si igitur anima est actus singularum partium, actus autem est in eo cuius est actus. Relinquitur quod sit secundum suam essentiam in qualibet parte corporis. Quod autem tota, manifestum est, quum enim totum dicatur per relationem ad partes, oportet totum diuersimodè accipi, sicut diuersimodè accipiuntur partes. Dicitur autem pars dupliciter. Vno quidem modo in quantum diuiditur aliquid secundum quantitatem, sicut bicubitum est pars tricubiti. Alio modo in quantum diuiditur aliquid secundum diuisionem essentiam, sicut forma & materia dicuntur partes compositi: Dicitur ergo totum & secundum quantitatem, & secundum essentiam perfectionem: totum autem & partes secundum quantitatem dictis formis non conueniunt nisi per accedens, scilicet in quantum diuiduntur diuisione subiecti quantitatem habentis: totum autem vel pars secundum perfectionem essentiam inuenitur in formis per se. De hac igitur totalitate loquendo quæ per se formis competit, in qualibet forma apparet quod est tota in toto, & in tota qualibet parte eius: nam albedo sicut secundum totam rationem albedinis est in toto corpore, ita & in parte qualibet eius, secus autem est de totalitate quæ per accedens attribuitur formis: sic enim non possumus dicere quod tota albedo sit in qualibet parte. Si igitur est aliqua forma quæ non diuidatur diuisione subiecti, sicut sunt animæ animalium perfectorum: non erit opus distinctione, quum eis non competat nisi vna totalitas: sed absolute dicendum est eam totam esse in qualibet corporis parte: nec est hoc difficile apprehendere ei qui intelligit animam non sic esse indiuisibilem ut punctum, neque sicut in corpore corporeo coniungi, sicut corpora adinuicem coniunguntur, ut supra expositum est. Non est autem inconueniens, animam, quum sit quædam forma simplex, esse actum partium tam diuersarum: quia vnicuique formæ aptatur materia secundum suam congruentiam, quantum autem aliqua forma est nobilior & simplicior, tanto est maioris virtutis: vnde anima quæ est nobilissima inter formas inferiores, etsi simplex sit in substantia, est tamen multiplex in potentia, & multarum operationum: vnde indiget diuersis organis ad suas operationes complendas: quorum diuersæ animæ potentia proprii actus esse dicuntur, sicut visus oculi, auditus aurium, & sic de aliis, propter quod animalia perfecta habent maximam diuersitatem in organis, plantæ verò minimam. Hac igitur occasione à quibusdam philosophis dictum est animam esse in aliqua parte corporis, sicut ab ipso Aristotele in lib. de causa motus animalium, dicitur esse in corde: quia aliqua potentiarum eius illi parti corporis attribuitur: vis enim motiua, de qua Aristoteles in libro illo agebat, est principaliter in corde, per quod anima in totum corpus motum & alias huiusmodi operationes diffundit.

Cap. 56.

Cap. 6.

Super cap. 72.



VVM ostensum sit, quoniam anima intellectiua corpori immediate vnitur, declarandum restat ipsam totam, & in toto & in qualibet parte esse. Circa hoc autem duo facit sanctus Thomas. Primo enim propositum ostendit. Secundo quasdam obiectiones excludit. Quantum ad primum cum duas partes habeat conclusio scilicet & quod anima est in toto & in qualibet parte, & quod in illis est tota, primo probat primam partem, secundò secundam. Primam partem sic probat: & primo quod sit in toto, Anima est actus corporis organici, non vnus organi tantum: ergo est in toto, & non in vna parte tantum secundum essentiam suam secundum quam est forma corporis: probatur consequentia, quia oportet proprium actum esse in proprio perfectibili, quod verò sit in omnibus partibus, arguitur. Est forma singularium partium, ergo est in omnibus partibus,

Contra Gent.

q. 3

D. Idem p. p.  
q. 76. art. 8.



probatue consequentia, quia actus est in eo cuius est actus: antecedens quoque probatur, quia aliis non esset forma substantialis, talis corporis, sed accidentalis, sicut forma domus quæ est forma totius, & non singularem partium, est forma accidentalis, hoc autem est falsum, imò anima est forma substantialis totius & partium, quum ab ea & totum & partes speciem fortiantur: quod patet ex hoc, quod ea recedente, nec totum nec partes remanent eiusdem speciei, oculus enim & caro mortui non dicuntur nisi æquiuocè, ergo, &c.

CIRCA probationem antecedentis aduertendum, quod non idem infertur, si anima non est forma partium corporis, quod est forma accidentalis, quasi nulla forma accidentalis, sit forma totius & partium, (hoc enim est falsum: nam albedo est forma totius & partium, vt hic dicitur) sed quia omnis forma totius, quæ non est forma partium, est forma accidentalis: vt enim dicitur prima questione 76. articulo octauo) quum totum consistat ex partibus: forma totius quæ non dat esse singulis partibus corporis, est forma quæ est compositio & ordo, vt est forma domus, talis autem est forma accidentalis. Pro secunda parte conclusionis notat primò sanctus Thomas, quod duplex est totum scilicet secundum quantitatem, & secundum essentiam perfectionem. Secundò notat, quod prima totalitas non conuenit formis nisi per accidens, secundum quod diuiduntur diuisione subiecti quanti, totalitas autem secundum illas conuenit per se. Notat tertio, quod si sit aliqua forma quæ non diuidatur diuisione subiecti, sicut animæ animalium perfectiorum, illi conuenit tantum secunda totalitas, non autem prima, & de hac intelligitur in conclusione.

Quomodo ani-  
ma habeat to-  
talitatem es-  
sentia.

ADVERTE hic, quod sanctus Thomas non solum animam intellectiuam ponit in extensam, sed etiam animas perfectiores animalium, relinquens ex hoc animas imperfectiores animalium extensas esse & diuisibiles, huius rationem vide prima questione 76. articulo octauo, probatur ergo secunda pars conclusionis exemplo albedinis, quæ sicut secundum totam rationem albedinis est in toto, ita & in parte, ergo similiter anima est in toto & partibus secundum totam suam essentiam: sed ipsi non conuenit alia totalitas quæ est secundum quantitatem: ergo absolute dicendum est quod est tota in toto, & tota in qualibet parte.

CIRCA totalitatem essentia animæ occurrit dubium. Vt enim hic dicitur, totum dicitur per relationem ad partes: ergo oportet vt totum secundum essentiam habeat partes essentia, sed anima non habet partes essentia: cum sit simplex essentia, ergo non habet totalitatem essentia, vt possit dici esse tota in toto & in singulis partibus. Ad hoc dupliciter secundum doctrinam sancti Thomæ responderi potest. Primò, quod duplices sunt partes essentia: quædam sunt partes reales realiter essentiam componentes, sicut materia & forma sunt partes essentia materialis: quædam verò sunt partes rationis & diffinitionis, sicut genus & differentia animæ: ergo habet partes rationis & diffinitionis, non autem partes reales: & hoc modo hic intelligitur quod anima habeat totalitatem essentia, in quantum habet partes suæ diffinitionis, eo modo quo animæ conuenit diffinitio, quod autem sic intelligatur, patet, quia de albedine loquens quomodo est tota in toto, & tota in qualibet parte, inquit quod est secundum totam rationem albedinis in toto & in partibus, ubi patet, quod per totalitatem essentia intelligitur totalitatem rationis.

Secundò responderi potest, quod licet totum dicatur per relationem ad partes secundum quod totum dicitur compositum ex partibus, vt tamen totum idem est quod perfectum, non dicit relationem ad partes, sed absolute dicitur, & sic dicitur anima habere totalitatem essentia, in quantum suam perfectionem essentialem habet, & secundum illam est in qualibet parte corporis & in toto. Hanc responsionem elicere possumus ex verbis sancti Thomæ in questione de anima, articulo. ubi ait quod totalitas essentia conuenit etiam essentia simplicibus ratione suæ perfectionis, eo quod sicut composita habent perfectam speciem ex coniunctione principiorum essentialium, ita substantia & forma simplices habent perfectam speciem per seipsas, speciem intellige, id est, entitatem & naturam propriam. Quantum ad secundum, remouentur quatuor obiectiones quæ contra hanc determinationem possent fieri. Prima obiectio esse posset. Anima est indiuisibilis: ergo non potest esse nisi in indiuisibile: ergo non est in toto corpore, & in qualibet eius parte. Respondetur, quod consequentia esset vera de indiuisibili ad modum puncti habentis situm in continuo, non autem de indiuisibili per abstractionem à toto genere continui, quomodo si licet anima est indiuisibilis, vt dicitur spiritu articulo quarto, quintum. Secunda obiectio esse potest, Quod totum coniungitur vni, non potest totum alteri coniungi ab illo separato: patet enim quod corpus quodam manu secundum se totum coniungitur, non coniungitur pedis: ergo si anima est tota in manu, non poterit esse in pede. Respondetur, quod maior est vera de coniunctione corporum, non autem de coniunctione quia in corporeum corporeum coniungitur. Tertia obiectio esse posset. Forma est proportionata materia, sed anima est forma simplex: ergo responderi materia simplex, & non materia multiplex, sed diuersæ partes corporis se habent sicut materia multiplex, ergo anima non est forma cuiuslibet partis corporis.

Respondetur quod anima, licet sit simplex secundum essentiam, est tamen multiplex in virtute & potentia, & est principium multarum operationum: quia quanto aliqua forma est nobilior & perfectior, tanto est maioris virtutis, anima autem est nobilissima inter formas inferiores: & ideo indiget diuersis organo ad suas operationes complendas.

DVO sunt hoc loco aduertenda. Primum est, quod materia est non tantum propter esse formæ, sed etiam propter eius operationes: & ideo oportet ipsam esse proportionatam non solum esse formæ, sed etiam operationibus, vt scilicet sit talis, quod omnibus formæ operationibus per ipsam materiam exercendis sit apta. Idcirco quamuis anima simplex secundum essentiam sit, quia tamen principium multarum operationum est, oportet & materiam eius multipliciter organorum habere, & in hoc consistit responsio data. Secundum est, quod licet vniuersaliter verum sit, quod quanto aliqua forma est nobilior & perfectior, tanto est maioris virtutis, quia virtus sequitur essentiam rei, non est tamen vniuersaliter verum, quod quanto forma est nobilior & perfectior, tanto sit multiplicior in potentia & diuersitate operationum: quia si ponamus corpora celestia esse animata, animæ ipsorum sunt perfectiores anima intellectiva humana, & tamen non habent nisi potestas intellectivas, quum ani-

ma humana habeat & sensitiuas & vegetatiuas: sed est verum in formis rerum corruptibilium. videmus enim quod sensitiua habet potentias vegetatiuas & sensitiuas, vegetatiua verò habet tantum vegetatiuas & iterum anima hominis præter sensitiuas & vegetatiuas, habet etiam intellectivas: ideo non dixit simpliciter S. Thom. quod anima sit nobilior inter formas, sed quod est nobilissima inter formas inferiores. Et de spiritu, art. 4. ubi eadem habetur sententia, fit comparatio inter formas rerum corruptibilium duntaxat, ubi dicitur quod in istis rebus corruptibilibus formæ imperfectiores quæ sunt debiliore virtutis, habent paucas operationes: anima verò, quum sit maioris & altioris virtutis, potest esse principium diuersarum operationum.

Quarta obiectio esse posset, quia Arist. in lib. de causa motus animalium inquit animam esse duntaxat in quodam principio corporis, ergo non est in qualibet parte. Respondetur quod cum anima diuersas operationes per diuersas potentias exerceat, quæ sunt diuersarum partium corporis actus, secundum vnā potentiam dicitur esse in vna parte tantum, non autem in aliis, licet in omnibus sit secundum suam essentiam. & propter hoc dixit Aristoteles in loco allegato, quod anima est in vna tantum parte corporis, quia ibi loquebatur de virtute motiua secundum quam anima est tantum in corde, per quod totum corpus mouetur: non autem voluit quod secundum essentiam esset in vna tantum parte. Hanc materiam habes à S. Thoma plenissime explanatam in prima parte, in questionibus de anima, & de spiritualibus creaturis, ac etiam in primo sententiarum. ideo non est in ea amplius immorandum.

Cap. 57.

Quod intellectus possibilis non est vnus in omnibus hominibus.

Cap. 73. et supra. f. 75 in vna 3<sup>ta</sup>.



Ex præmissis autem euidenter ostenditur non esse vnum intellectum possibilem omnium hominum, qui sunt, & qui erunt, & qui fuerunt, vt Auerrois in tertio de anima fingit. \* Tex. com. 5.

Ostensum est autem quod substantia intellectus vnitur corpori humano vt forma. impossibile est autem vnā formam esse nisi vnus materia, quia proprius actus in propria potentia fit. sunt enim adinuicem proportionata. Non est igitur intellectus vnus omnium hominum. 2. Adhuc, vnicuique motori debentur propria instrumenta. Alia enim sunt instrumenta tibicinis, alia architectonis: intellectus autem comparatur ad corpus vt motor ipsius, sicut Aristotel. declarat & determinat in tertio de anima \* sicut igitur impossibile est quod architecton vtatur instrumentis tibicinis, ita impossibile est quod intellectus vnus hominis sit intellectus alterius hominis. \* Tex. c. 4.

3. Præterea, Aristoteles in primo de anima \* reprehendit antiquos de hoc quod differentes de anima, nihil de proprio susceptibili dicebant: quasi esset contingens (secundum Pythagoricas fabulas) quamlibet animam quodlibet corpus induere, non est igitur possibile quod anima canis ingrediatur corpus lupi, vel anima hominis aliud corpus quam hominis: sed quæ est proportio animæ hominis ad corpus hominis, eadem est proportio animæ huius hominis ad corpus huius hominis: non est igitur possibile animam huius hominis ingredi aliud corpus quam istius hominis: sed anima huius hominis est per quam hic homo intelligit: homo enim per animam intelligit, secundum sententiam Aristotelis in primo de anima: \* non est igitur vnus intellectus istius & illius hominis. \* Tex. c. 64.

4. Amplius, ab eodem aliquid habet esse, & vnitatem. vnum enim & ens se consequuntur. Sed vnumquodque habet esse per suam formam: ergo & vnitatem rei sequitur vnitatem formæ, impossibile est igitur diuersorum indiuiduorum hominum esse formam vnā: forma autem huius hominis est anima intellectiua: impossibile est igitur omnium hominum esse vnum intellectum. Si autem dicatur quod anima sensitiua huius hominis sit alia ab anima sensitiua illius, & pro tanto non est vnus homo, licet sit vnus intellectus: hoc stare non potest, propria enim operatio cuiuslibet rei consequitur & demonstrat speciem ipsius, sicut autem animalis propria operatio est sentire, ita hominis propria operatio est intelligere, vt Aristoteles dicit in primo Ethic. Vnde oportet quod sicut homo indiuiduum est animal propter sensum, secundum Aristotelem in secundo de anima: ita sit homo propter id quod intelligit. Id autem quo intelligit anima vel homo per animam, est intellectus possi-

Improbatio.

Cap. 9.

Tex. c. 17.



\*Text. cō. 5. possibilis, ut dicitur in tertio de anima, \* est igitur hoc individuum homo per intellectum possibilem: si igitur hic homo habet aliam animam sensitivam cum alio homine, non autem alium intellectum possibilem, sed unum & eundem: sequitur quod sint duo animalia, sed non duo homines: quod patet impossibile esse: non igitur est unus intellectus possibilis omnium hominum. His autem rationibus respondet Commentator prædictus in tertio de anima, dicens quod intellectus possibilis continuatur nobiscum per formam suam, scilicet per speciem intelligibilem: cuius unum subiectum est phantasma in nobis existens, quod est in diversis diversum, & sic intellectus possibilis numeratur in diversis non ratione suæ substantiæ, sed ratione suæ formæ. Quod autem hæc responsio nulla sit, apparet per ea quæ supra dicta sunt: ostensum est enim supra, quod non est possibile hominem intelligere, si sic solum intellectus possibilis continuaretur nobiscum. Dato autem quod prædicta continuatio sufficeret ad hoc quod homo esset intelligens, adhuc responsio dicta, rationes prædictas non solvit: secundum enim dictam positionem nihil ad intellectum pertinens remanebit numeratum, secundum multitudinem hominum, nisi solum phantasma, & hoc ipsum phantasma non erit numeratum secundum quod intellectum est in actu: quia sic est in intellectu possibili, & est abstractum à materialibus conditionibus per intellectum agentem: phantasma autem secundum quod est intellectum in potentia, non excedit gradum animæ sensitivæ.

2. Adhuc, non remanebit alius hic homo ab illo nisi per animam sensitivam: & sequitur prædictum inconueniens, quod non sint plures homines hic & ille.

3. Præterea nihil sortitur speciem per id quod est in potentia, sed per id quod est actu, phantasma autem secundum quod est numeratum, est tantum in potentia ad esse intelligibile, ergo per phantasma secundum quod numeratur, non sortitur hoc individuum speciem animalis intellectui, quod est ratio hominis: & sic remanebit illud quod speciem humanam dat, non esse numeratum in diversis.

4. Adhuc, illud per quod speciem sortitur unum quodque vivens, est perfectio prima, & non perfectio secunda, ut patet per Arist. in 2. de anim. phantasma autem non est perfectio prima, sed perfectio secunda. est enim phantasma motus factus à sensu secundum actum, ut dicitur in lib. de anima: non igitur est ipsum phantasma quod numeratur, à quo homo speciem habet.

5. Amplius phantasmata quæ sunt intellecta in potentia, diversa sunt: illud autem quo aliquid speciem sortitur, oportet esse unum: nam species una est unus. non igitur per phantasmata, prout ponuntur numerari in diversis ut sunt intellecta in potentia, homo speciem sortitur.

6. Item illud quo homo sortitur speciem, oportet semper esse manens in eodem individuo dum durat: alias individuum non semper esset unus & eiusdem speciei: sed quandoque huius, quandoque illius: phantasmata autem non semper eadem manent in uno homine, sed quædam de novo adveniunt, quædam & præexistentia abolentur: individuum igitur hominis neque per phantasma sortitur speciem, neque per ipsum continuatur principio suæ speciei: quod est intellectus possibilis. Si autem dicatur quod hic homo non sortitur speciem ab ipsis phantasmatibus: sed à virtutibus in quibus sunt phantasmata, scilicet imaginativa, memorativa & cogitativa, quæ est propria homini, quam Arist. in tertio de anima, passivum intellectum vocat, adhuc sequuntur eadem inconuenientia: quia cum virtus cogitativa habeat operationem solum circa particularia, quorum intentiones dividit & componit, & habeat organum corporale per quod agit: non transcendit genus animæ sensitivæ. homo autem ex anima sensitiva non habet quod sit homo, sed quod sit animal, adhuc igitur relinquitur quod numeretur in nobis solum id quod competit homini in quantum est animal.

7. Præterea virtus cogitativa cum operetur per organum, non est id quo intelligimus: cum intelligere non sit

operatio alicuius organi, id autem quo intelligimus est id quo homo est homo: cum intelligere sit propria operatio hominis consequens eius speciem, non est igitur hoc individuum homo per virtutem cogitativam: neque hæc virtus est id per quod homo substantialiter differt à brutis, ut Com. prædictus fingit.

8. Adhuc, virtus cogitativa non habet ordinem ad intellectum possibilem quo intelligit homo, nisi per suum actum quo preparantur phantasmata, ut per intellectum agentem fiant intelligibilia actu & perfectiora intellectum possibilem. operatio autem ista non semper eadem manet in nobis. impossibile est igitur quod homo per eam vel continuetur principio speciei humanæ, vel per eam habeat speciem. sic igitur patet quod prædicta responsio omnino confutanda est.

9. Item id quo aliquid operatur aut agit, est principium ad quod sequitur operatio non solum quantum ad esse ipsum, sed etiam quantum ad multitudinem, aut unitatem. ab eodem enim calore non est nisi unum calefacere, siue una calefactio activa: quantumvis possit esse multiplex calefieri, siue multæ calefactiones passivæ secundum diversitatem calefactorum simul per unum calorem: intellectus autem possibilis est quo intelligit anima, ut dicit Aristot.

in tertio de anima. si igitur intellectus possibilis huius & illius hominis sit unus & idem numero, necesse erit etiam intelligere utriusque esse unum & idem: quod patet esse impossibile. nam diversorum individuum impossibile est esse operationem unam, impossibile est igitur intellectum possibilem esse unum huius & illius. Si autem dicatur quod ipsum intelligere multiplicatur secundum diversitatem phantasmatum, hoc stare non potest: si enim

dictum est, unus agentis una est actio, quæ multiplicatur solum secundum diversa subiecta in quæ transit illa actio. Intelligere autem & velle & huiusmodi non sunt actiones transeuntes in exteriorem materiam, sed manent in ipso agente quasi perfectiones ipsius agentis, ut patet per Aristot. in undecimo Metaphis. non potest igitur unum

intelligere intellectus possibilis multiplicari per diversitatem phantasmatum.

10. Præterea phantasmata se habent ad intellectum possibilem ut actuum quodammodo ad passivum: secundum quod Aristot. dicit in tertio de anima, quod intelligere quoddam pati est: pati autem ipsum patientis diversificatur secundum diversas formas activorum, siue species, non secundum diversitatem eorum in numero. in uno enim passivo sequitur simul à duobus actibus, scilicet calefaciente & deficcante calefieri & deficari: non autem à duobus calefacientibus sequitur in uno calefactibili duplex calefieri, sed unum tantum: nisi forte sint diversæ species caloris. cum enim calor duplex unius speciei non possit esse in uno subiecto, motus autem numeretur secundum terminum ad quem: si sit unius temporis, & eiusdem subiecti, non poterit esse duplex calefieri in uno subiecto. & hoc dico nisi sit alia species caloris: sicut ponitur in semine calor ignis coeli & animæ. ex diversitate igitur phantasmatum intelligere intellectus possibilis non multiplicatur nisi secundum diversarum specierum intelligentiam: ut dicamus quod aliud est eius intelligere prout intelligit hominem, & prout intelligit equum: sed horum unum intelligere simul convenit omnibus hominibus: ergo ad hoc sequetur quod idem intelligere numero sit huius hominis & illius.

11. Adhuc, intellectus possibilis intelligit hominem non secundum quod est hoc homo, sed in quantum est homo simpliciter secundum rationem speciei. hæc autem ratio una est, quantumcunque phantasmata hominis multiplicentur vel in uno homine: vel in diversis secundum diversam individua hominis, quorum propriè sunt phantasmata. multiplicatio igitur phantasmatum non potest esse causa quod multiplicetur ipsum intelligere intellectus possibilis respectu unius speciei: & sic adhuc remanebit una actio numero diversorum hominum.

12. Item, proprium subiectum habitus scientiæ est intel-

\*Text. cō. 5.  
Improbatio  
cap. 70. huius  
libri.

In 2. de ani-  
ma, tex. com.  
5. & 6.  
2. de anima.  
Tex. com. 161

Improbatio.  
Tex. com. 20.

Tex. com. 5.

D. 190.

Tex. com. 39.

Tex. com. 2.



lectus possibilis, quia eius actus est considerare secundum scientiam. Accidens autem si sit vnum secundum speciem, non multiplicatur nisi secundum subiectum. si igitur intellectus possibilis sit vnus omnium hominum, necesse erit quod scientia habitus si sit idem secundum speciem, puta habitus grammaticæ, sit idem numero in omnibus hominibus: quod est inopinabile: non est igitur intellectus possibilis vnus in omnibus. Sed ad hoc dicitur quod subiectum habitus scientiæ non est intellectus possibilis, sed intellectus passiuus, & virtus cogitativa. Quod quidem esse non potest. Nam sicut probat Aristoteles in secundo Ethicorum ex similibus actibus fiunt similes habitus, & similes etiam actus redduntur: ex actibus autem intellectus possibilis sit habitus scientiæ in nobis: & ad eosdem actus potentes sumus secundum habitum scientiæ: habitus igitur scientiæ est in intellectu possibili, non passiuo.

*Improbatio  
cap. 1.*

13. Adhuc, scientia est de conclusionibus demonstrationum. nam demonstratio est syllogismus faciens scire ut Arist. dicit in primo posteriorum. conclusiones autem demonstrationum sunt vniuersales, sicut & principia. est igitur in illa virtute quæ est cognitiua vniuersalium: intellectus autem passiuus non est cognoscitiuus vniuersalium, sed particularium intentionum: non est igitur subiectum habitus scientiæ.

*Tex. com. 6.*

14. Præterea, contra hoc sunt plures rationes adductæ supra cum de vniõne intellectus possibilis ad hominē ageretur. Videtur autem ex hoc fuisse deceptio in ponendo habitum scientiæ in intellectu passiuo esse, quia homines inueniuntur promptiores vel minus prompti ad scientiarum considerationes secundum diuersam dispositionem virtutis cogitatiuæ & imaginatiuæ. Sed ista promptitudo dependet ab illis virtutibus sicut ex dispositionibus remotis, prout etiam dependet à bonitate tactus, & corporis complexione, secundum quod dicit Aristotel. in secundo de anima, homines boni tactus & mollis carnis esse bene aptos mente. ex habitu autem scientiæ inest facultas considerandi sicut ex proximo principio actus, oportet enim quod habitus scientiæ perficiat potentiam qua intelligimus ut agat cum voluerit faciliter: sicut & alij habitus potentias in quibus sunt.

*Tex. com. 94.*

15. Item dispositiones prædictarum virtutum sunt ex parte obiecti, scilicet phantasmatis quod propter bonitatem harum virtutum præparatur ad hoc quod faciliter fiat intelligibile actu per intellectum agentem. dispositiones autem quæ sunt ex parte obiectorum, non sunt habitus, sed quæ sunt ex parte potentiarum, non enim dispositiones quibus terribilia fiunt magis tolleranda sunt habitus fortitudinis, sed dispositio qua pars animæ, scilicet irascibilis disponitur ad terribilia sustinenda. ergo manifestum est quod habitus scientiæ non est in intellectu passiuo, ut Com. prædictus dicit, sed magis in intellectu possibili.

16. Item si vnus est intellectus possibilis omnium hominum, oportet ponere intellectum possibilem semper fuisse, si homines semper fuerunt sicut ponunt: & multo magis intellectum agentem: quia agens est honorabilius patiente: ut Aristot. dicit. sed si agens est æternum, & recipiens æternum, oportet recepta esse æterna. ergo species intelligibiles ab æterno fuerunt in intellectu possibili. non igitur de nouo erit quod recipiat aliquas species intelligibiles. ad nihil autem sensus & phantasia sunt necessaria ad intelligendum, nisi ut ab eis accipiantur species intelligibiles. Sensus igitur non erit necessarius ad intelligendum, neque phantasia: & redibit opinio Platonis, in Meno. quod scientiam non acquirimus per sensus, sed ab eis excitamur ad rememorandum prius scita. Sed ad hoc respondet prædictus Commen. quod species intelligibiles habent duplex subiectum: ex vno quorum habent æternitatem: scilicet ab intellectu possibili: ab alio autem habent nouitatem scilicet à phantasmate: sicut etiam speciei visibiles subiectum est duplex: scilicet res extra animam, & potentia visua. Hæc autem responsio stare non potest. impossibile enim est quod actio & perfectio æterni dependeat ab

*Tertio de ani  
ma.*

*Tex. co. 19.*

*Improbatio.*

aliquo temporali. phantasmata autem temporalia sunt, & de nouo quotidie in nobis facta ex sensu. impossibile est igitur quod species intelligibiles, quibus intellectus possibilis fit actu & operatur, dependeat à phantasmatibus: sicut species visibiles dependent à rebus quæ sunt extra animam.

17. Amplius, nihil recipit quod iam habet: quia recipiens oportet esse denudatum à recipiente secundum Aristotel. sed species intelligibiles ante meum sentire vel tuum fuerunt in intellectu possibili. non enim qui fuerunt ante nos intellexissent, nisi intellectus possibilis fuisset reductus in actum per species intelligibiles. Nec potest dici quod species illæ prius receptæ in intellectu possibili esse cessauerunt: quia intellectus possibilis non solum recipit, sed conseruat quæ recipit. vnde in tertio de anima, dicitur esse locus specierum. igitur ex phantasmatibus nostris non recipiuntur species in intellectu possibili. frustra igitur per intellectum agentem fiunt intelligibilia actu nostra phantasmata.

*3. de anima.  
Tex. com. 4.*

*Tex. com. 6.*

18. Item receptum est in recipiente per modum recipientis: sed intellectus secundum se est supra motum: ergo quod recipitur in eo, recipitur fixè & immobiliter.

19. Præterea cum intellectus sit superior virtus quàm sensus, oportet quod sit magis vnita: & ex hoc videmus quod vnus intellectus habet iudicium de diuersis generibus sensibilibus, quæ ad diuersas potentias sensitivas pertinent: vnde accipere possumus quod operationes pertinentes, ad diuersas potentias sensitivas, in vno intellectu adunantur. Potentiarum autem sensitivarum quædam recipiunt tantum, ut sensus: quædam autem retinent, ut imaginatio & memoria: vnde & thesauri dicuntur. oportet igitur quod intellectus possibilis & recipiat, & retineat iam recepta.

20. Amplius, in rebus naturalibus vanum est dicere quod id ad quod peruenitur per motum, non permaneat, sed statim esse desinat. Propter quod repudiatur positio dicentium omnia semper moueri. oportet enim motum ad quietem terminari. multo igitur minus dici potest quod receptum in intellectu possibili non conseruetur.

21. Adhuc, si ex phantasmatibus quæ sunt in nobis, intellectus possibilis non recipit aliquas species intelligibiles, quia iam recepit à phantasmatibus eorum qui fuerunt ante nos: pari ratione à nullorum phantasmatibus recipit, quas alij receperunt, sed quoslibet alij alij præcesserunt, si mundus æternus est, ut ponunt. Nunquam igitur intellectus possibilis recipit aliquas species à phantasmatibus. Frustrà igitur ponitur intellectus agens ab Arist. ut faciat phantasmata esse intelligibilia actu.

*3. de anima.  
Tex. com. 18.*

22. Præterea ex hoc videtur sequi quod intellectus possibilis non indigeat phantasmatibus ad intelligendum. non autem per intellectum possibilem intelligimus. neque igitur nos sensu & phantasmate indigebimus ad intelligendum: quod est manifestè falsum, & contra scientiam Aristotelis. Si autem dicatur quod pari ratione non indigemus phantasmate ad considerandum ea quorum species intelligibiles sunt in intellectu conseruatæ etiam si intellectus possibilis sint plures in diuersis: quod est contra Aristotel. qui dicit quod nequaquam sine phantasmate intelligit anima: patet quod non est conueniens obuiatio. intellectus enim possibilis sicut & quælibet substantia operatur secundum modum suæ naturæ. vnde intelligit quidem immaterialia, sed inspicit ea in aliquo materiali: cuius signum est quod in doctrinis vniuersalibus exempla particularia ponuntur in quibus quod dicitur inspicitur. alio ergo modo se habet intellectus possibilis ad phantasma, quo indiget ante speciem intelligibilem: & alio modo postquam recepit speciem intelligibilem. ante enim indiget eo ut ab eo accipiat speciem intelligibilem. vnde se habet ad intellectum possibilem ut obiectum mouens: sed post speciem in eo receptam indiget eo quasi instrumento siue fundamento suæ speciei: vnde

*3. de anima.  
Tex. com. 39.*

*Tertio de ani  
ma.*

*Tex. com. 30.*



vnde se habet ad phantasmata sicut causa efficiens. secundum enim imperium intellectus formatur in imaginatione phantasma conueniens tali speciei intelligibili, in quo respondet species intelligibilis, sicut exemplar in exemplo siue in imagine. si ergo intellectus possibilis semper habuisset species, nunquam compararetur ad phantasmata sicut recipiens ad obiectum motuum.

8. ad princ. in  
3. de anima.  
Text. com. 5.  
3. de anima.  
Text. com. 5.  
Text. com. 8.  
Text. com. 33.  
23 Item intellectus possibilis est quo anima & homo intelligit, secundum Aristot. si autem intellectus possibilis est vnus omnium, ac æternus, oportet quod in ipso iam sint receptæ omnes species intelligibiles eorum, quæ à quibuslibet hominibus sunt scitæ vel fuerunt. quilibet igitur nostrum qui per intellectum possibilem intelligit, imò cuius intelligere est ipsum intelligere intellectus possibilis, intelligit omnia quæ sunt vel fuerunt à quibuscunque intellectus. quod patet esse falsum. Ad hoc autem Com. prædictus respondet dicens, quod nos non intelligimus per intellectum possibilem nisi secundum quod continuatur nobis per nostra phantasmata: & quia non sunt eadem phantasmata apud omnes nec eodē modo disposita: nec quicquid intelligit vnus, intelligit alius. Et videtur hæc responsio consonare præmissis. Nam etiamsi intellectus possibilis non est vnus: non intelligimus ea quorum species sunt in intellectu possibili, nisi ad sint phantasmata ad hoc disposita. Sed quod dicta responsio non possit totaliter inueniens euitare, sic patet: cum intellectus possibilis factus est actu per speciem intelligibilem receptam, potest agere per seipsum, vt dicit Aristot. in tertio de anima. vnde videmus quod illud cuius scientiam semel accepimus, est in potestate nostra iterum considerare cum volumus nec impedimur propter phantasmata: quia in potestate nostra est formare phantasmata accommodata considerationi quam volumus: nisi forte esset impedimentum ex parte organici cuius est: sicut accidit in phreneticis & lethargicis qui non possunt habere liberum actum phantasie & memoratiue. Et propter hoc Aristot. dicit in 8. Physicorum, quod ille qui iam habet habitum scientiæ, licet sit potentia considerans, non indiget motore qui reducat eum de potentia in actum, nisi remouente prohibens: sed potest ipse exire in actum considerationis vt vult. Si autem in intellectu possibili sunt species intelligibiles omnium scientiarum, quod oportet dicere sit, est vnus & æternus: necessitas phantasmatum ad intellectum possibilem erit sicut est illius qui iam habet scientiam, ad considerandum secundum scientiam illam: quod etiam sine phantasmatibus non posset. cum igitur quilibet homo intelligat per intellectum possibilem secundum quod est reductus in actum per species intelligibiles, quilibet homo poterit considerare cum voluerit scita omnium scientiarum: quod est manifestè falsum. sic enim nullus indigeret doctore ad acquirendum scientiam. non igitur est vnus & æternus intellectus possibilis.

## Super Cap. 73.

**P**ostquam determinauit sanctus Thomas de vnione anime intellectiue ad corpus, nunc de eius vnitate determinat. Quia autem intellectus possibilis quo anima intelligit, in ipsa anime essentia radicitur, propter quod si poneretur vnus omnium hominum, oporteret dicere esse vnum omnium hominum animam intellectiue: idcirco volens querere sanct. Thom. de vnitate anime intellectiue, de vnitate intellectus possibilis inquiri: quia autem ad intelligendum concurrunt esse intellectus agens, idcirco post determinatione de intellectu possibili, querit, & de intellectu agente quantum ad abstractionem & vnitatem, capit. 76. Circa intellectum possibilem quo facit. Primo ostendit non esse vnum intellectum omnium hominum contra Auerroem dicentem vnum intellectum possibilem omnium hominum qui sunt, qui erunt, & qui fuerunt secundum rationes Auerroistarum soluit. Quantum ad primum arguit primo sic: Substantia intellectus, id est, substantia in qua radicitur virtus intellectiua, vnitur corpori humano vt forma, ergo non est vnus intellectus omnium hominum: probatur consequentia, quia impossibile est esse vnā formā nisi vnus materia, cum proprius actus sit in propria materia, sintque adinuicem proportionata.

ADVERTE, cum dicitur quod vna forma non potest esse nisi vnus materia, illud intelligendum est de materia quæ est primum perfectibile à tali forma. talis enim materia proportionatur formæ, ita quod nec forma inuenitur extra illud perfectibile, nec materia est alterius formæ su-

sceptiua. hæc enim materia requirit hanc formam, & hæc forma requirit hanc materiam, sed de materia quæ est pars primi perfectibilis, non est inconueniens vnā formā plures materias informare. dictum est enim superius vnā animam esse actum & formā omnium partium corporis.

Secundo, intellectus comparatur ad corpus vt motor ipsius, vt dicitur tertio de anima, ergo intellectus vnus hominis non est intellectus alterius. probatur consequentia, quia vnique motori debetur propria instrumenta non enim architecto vtitur instrumentis tibicinis.

Sed non videtur ista ratio efficax, imò ex hoc quod intellectus comparatur ad corpus sicut motor, videtur quod non repugnet vnus intellectus esse in pluribus hominibus: quia vnus motor multa mobilia mouere potest. Videtur etiam quod probatio consequentiæ nulla sit, corpora enim hominis sunt instrumenta intellectus vnus rationis. Assumpta autem propositio, quod vnique motori debetur propria instrumenta, intelligitur ad hunc sensum, quod vnus artifex vtitur instrumentis alterius rationis, ab instrumentis alterius artis, modo licet vnus artifex non vtatur instrumentis alterius artis: non sequitur quod non possit vti diuersis numero instrumentis eiusdem artis. antecedens enim est verum, & consequens falsum. Respondetur ad primum, quod ratio efficax est, si bene intelligatur: quauis enim vnus motor possit diuersa mobilia inadæquate mouere, & pluribus instrumentis inadæquatis vt, quorum nullum per se sufficit ad operationem mouentis: non tamen vnus numero artifex simul vtitur pluribus instrumentis, & motis, ad æquatis, quorum scilicet vnumquodque per se sufficit ad actionem mouentis, vt patet per artes & per operationes naturæ discurrentis, corpus autem vniuersi cuiusque hominis est instrumentum ad æquatum intellectui: quia omnem operationem suam per vnus corpus hominis sufficienter exercet. ergo non poterit vnus intellectus simul vti pluribus corporibus & pluribus hominibus. Cum ergo simul plures homines moueantur ab intellectu, quia plures homines simul ex apprehensione intellectiua coniuncta imaginationi ambulant, (intellectus enim practicus est motor in hominibus, vt dicitur tertio de anima) & similiter plures homines mouentur ad intellectum vnus & eiusdem rei simul, & ad opera partis sensitiue, quæ intellectui obediunt & ei deseruiunt: sequitur quod plurium hominum plures intellectus sint, & non vnus numero omnium.

Tex. com. 49

Ad secundum dicitur, quod ex eo quod vnus motor & vnus artifex non vtitur instrumentis alterius artis, vult habere S. Thom. quod etiam vnus numero artifex non vtitur pluribus instrumentis eiusdem speciei simul, quia vtrobique est eadem ratio. sicut enim instrumentum ad aliam artem pertinens esset superfluum isti artifice, ita si plura acciperet instrumenta, quorum vnumquodque esset per se sufficiens, oporteret alterum eorum superfluum esse: & sic ratio procedit, & consequentia optime probatur.

ADVERTE autem quod hanc rationem sumpsit sanctus Thomas ab ipso Auerro. 3. de anima, com. 5. vbi ait, quod si sunt aliqua animata quorum prima perfectio est substantia separata à suis subiectis, vt existimatur de corporibus celestibus, impossibile est vt inueniantur ex vna specie eorum plus vno indiuiduo: quod probat, quia esse eorum esset otiosum: sicut esse plus vna naui in numero vni nauis in eadem hora, est otiosum, & similiter esse plus vno instrumento eiusdem speciei, vni artifice. Et confirmat ex dictis in primo celi, vbi dicitur quod si esset alius mundus, esset aliud corpus celeste, & haberet alium motorem numero à motore istius corporis: quia impossibile est vt vnus motor numero sit duorum corporum diuersorum in numero. Tertio, anima hominis non potest ingredi aliud corpus quam hominis, vt habetur ex Philosopho primo de anima contra antiquos, tex. 53. ergo anima huius hominis non potest ingredi aliud corpus quam huius hominis. sed anima huius hominis est per quam hic homo intelligit, quum anima sit per quam homo intelligit, primo de anima, tex. 64. ergo non est vnus intellectus huius & illius hominis. probatur prima consequentia, quia quæ est proportio anime hominis ad corpus hominis. eadem est anime huius hominis ad corpus huius hominis.

ADVERTE quod cum intellectus sit id quo proxime intelligimus tanquam principio elicitiuo intellectiue: si ponatur hominem per animam intelligere, oportet aut vt illa sit intellectus, aut vt habeat intellectum tanquam virtutem & potentiam suam. propter hoc conclusit sanctus Thomas ex hoc quod anima qua homo non intelligit, non potest esse anima alterius hominis, quod intellectus huius hominis non potest esse intellectus alterius hominis. Quarto, forma huius hominis est anima intellectiua, ergo impossibile est diuersorum hominum esse vnā animam intellectiua. ergo &c. probatur consequentia, quia impossibile est diuersorum indiuiduorum hominum esse vnā formā, quum vnumquodque sicut à forma habet esse, ita ab vnitate formæ habeat vnitatem. Si dicatur animam sensitiua huius hominis esse aliam ab anima sensitiua illius, & quod hoc sufficit ad diuersitatem hominum, licet sit vnus intellectus, hoc non potest stare. quia sequeretur quod isti qui ponuntur duo homines, non erunt duo homines, sed tantum duo animalia, quod est impossibile: probatur sequela, quia hoc indiuiduum est homo per intellectum possibilem, siue per animam intellectiua. ergo si habet animam sensitiua aliam ab illo, non autem alium intellectum, licet sint duo animalia, erunt tamen vnus homo. probatur antecedens, quia homo est homo per id quo intelligit, cum intelligere sit propria operatio hominis, vt dicitur primo Ethic. propria enim operatio consequitur & demonstrat speciem rei. id autem quo intelligit homo vel anima, est intellectus.

Si respondetur ad prædictas rationes, vt respondet Auerro. 3. de anima, com. 5. quod licet intellectus non multiplicetur ratione suæ substantiæ, multiplicatur tamen ratione suæ formæ, eo quod continetur nobiscum per speciem intelligibilem, cuius vnus subiectum est phantasma in nobis existens, quod est diuersum in nobis. & per consequens ipsa species multiplicatur ratione sui fundamenti quod est phantasma: hæc responsio nulla est, & ex eo quod ostensum est supra, quod talis continuatio intellectus nobiscum non sufficit ad hoc vt homo intelligat: & ex eo quod etiam admissio quod dicta continuatio sufficeret ad intelligendum. adhuc hæc responsio supradictas rationes non soluit: quod patet, tum quia sic nihil ad intellectum pertinens remanebit numeratum secundum multitudinem hominum, nisi solum phantasma: phantasma autem secundum quod



quod multiplicatur, non excedit gradum animæ sensitivæ, quum non multiplicetur secundum quod est intellectus in actu, sed tantum secundum quod est intellectus in potentia id est cum secundum quod est in organo phantasia multiplicetur, non secundum quod est in intellectu, cum una tantum species ab omnibus phantasmatis eiusdem speciei sit in intellectu: quia adhuc non remanebit alius hic homo ab illo, nisi per animam sensitivam: & sic non erunt plures homines, ut arguebatur tum quia per phantasma non sortitur hoc individuum speciem animalis intellectus, quod patet ex quatuor. Primo, quia est tantum in potentia ad esse intelligibile: nihil autem sortitur speciem per id quod est in potentia, sed per id quod est in actu. Secundo, quia phantasma non est perfectio prima, sed secunda, cum phantasia sit motus factus à sensu secundum actum, ut dicitur in lib. de anima. illud autem per quod sortitur speciem vnum, quodque vivens, est perfectio prima. Tercio, quia phantasmata quæ sunt intellecta, in potentia diversa sunt: illud autem quo aliquid speciem sortitur, oportet esse vnum. Species enim una est vnius. Quarto, quia phantasmata non semper eadem manent in vno homine. illud autem quo homo sortitur speciem, oportet semper esse manens in eodem individuo dum durat, alias non esset semper eiusdem speciei. Ex omnibus igitur his patet quod per phantasma homo neque sortitur speciem, neque continuatur principio suæ speciei, qui est intellectus possibilis.

Dicitur forte quod non ab ipsa phantasmatis homo sortitur speciem, sed à virtutibus in quibus sunt phantasmata scilicet imaginativa, memorativa, & cogitativa, quæ est propria hominis: & à Philosopho tertio de anima vocatur intellectus passivus. Sed hoc etiam nihil est. Nam eadem inconuenientia sequuntur, tum quia cogitativa non transcendit genus animæ sensitivæ, cum habeat operationem solum circa particularia, quorum intentiones diuidit & componit, & habeat organum corporale. homo autem ex anima tantum sensitiva non habet quod sit homo: tum quia non est id quo intelligimus, cum operetur per organum, quod non conuenit actui intelligendi: id autem quo intelligimus, est id quo homo est homo, cum intelligere sit propria hominis operatio eius speciem consequens: tum quia operatio cogitativa, quæ est preparare phantasmata ut per intellectum intellectus fiat intelligibilia in actu, & perficiat intellectum possibilem, non semper eadem manet in nobis. virtus autem cogitativa non habet ordinem ad intellectum possibilem, nisi per hunc actum.

CIRCA illam propositionem, phantasma non est perfectio prima, sed secunda, dubitatur: quia perfectio secunda est operatio, phantasma autem non est operatio, cum sit similitudo individui, ut dicitur prima quæst. 85. artic. 1. ad tertium. ergo non est perfectio secunda. Respondetur potest dupliciter. Primo, quod per secundam perfectionem non accipitur hoc loco operatio, sed perfectio accidentalis: ab hac enim substantia speciem non accipit, sed ab actu substantiali: & ideo cum phantasma sit accidentalis perfectio, non potest ab ipso speciem homo sortiri.

Secundo responderetur, & melius, quod perfectio secunda dici potest non solum ipsa operatio, sed etiam terminus operationis ut sit. operatio enim cum suo termino est perfectio secunda operantis, phantasma autem est terminus operationis hominis, quia causatur à sensu secundum actum, ideo ad secundam hominis perfectionem pertinet, non autem ad primam, & propter hoc non potest dare homini speciem.

CIRCA illam propositionem, phantasmata quæ sunt intellecta in potentia, diversa sunt, (quod videtur intelligendum de phantasmatis in vno homine existentibus, alias non esset ad propositum) aduertendum quod dupliciter potest intelligi, scilicet & de phantasmatis quæ individua diversarum specierum representant, sicut de phantasmatis huius hominis, & huius equi: & de phantasmatis individuum eiusdem speciei, ut de phantasmate Sortis & Platonis. Vtroque modo verum est quod phantasmata quæ sunt in organo phantasia, quæ ut sic non sunt intellecta nisi in potentia, sunt diversa simul in vno homine. de primis quidem non est dubium quin sint diversa in vno homine, de secundis autem patet ex his quæ dicuntur prima parte, q. 76. artic. secundo, ubi dicitur quod in vno homine possunt esse diversa phantasmata lapidis, quod videtur intelligendum non tantum successivè, sed etiam simul, nullum enim inconueniens est phantasmata duorum individuum eiusdem speciei esse simul in organo phantasia, quamuis accidentia solo numero differentia non possunt esse in eodem subiecto. ista enim sunt eiusdem speciei in quantum individua eiusdem speciei materialiter representant, formaliter tamen sunt diversarum specierum. alterius enim speciei esse potest phantasma representans proprietatem huius individui à phantasmate representante proprietates in individuales alterius individui, in quantum potest phantasma huius lapidis representare lapidem hunc sub figura trianguli aut sub nigredine, phantasma autem alterius lapidis representare illum lapidem sub figura quadranguli, aut sub albedine. & sic licet ideo secundam speciem materialiter representent, formaliter tamen diversa specie representant, & sic ipsa sunt formaliter diversarum specierum. Propterea quamvis etiam formaliter essent eiusdem speciei, adhuc simul esse possent in organa phantasia secundum diversas partes organi, aut quia essent recepta in diversis spiritibus operationi phantasia deferuentibus. Non approbo autem illam responsionem quæ dicit huiusmodi phantasmata esse eiusdem speciei in representando, non autem in essendo: quia huiusmodi similitudines non accipiunt speciem aliunde quam ab obiecto, sicut & species intelligibiles: & ideo si eadem formaliter secundum speciem, representent, sunt formaliter eadem secundum speciem: si diversa secundum speciem representent, sunt & ipsa secundum speciem diversa, licet materialiter & subiectivè atque extrinsecè possint aliter nominari. Nam phantasmata lapidis in homine & in equo licet formaliter & in seipsis considerata sint eiusdem speciei, possunt tamen materialiter dici diversarum specierum, quia sunt in subiecto primo diversarum specierum: & quæ sunt diversarum specierum formaliter, possunt dici materialiter eiusdem speciei, in quantum sunt in eodem subiecto secundum speciem, sicut est de phantasmate lapidis, & phantasmate equi in homine: sed hoc non fecit dicitur quam si diceremus albedinem cygni & albedinem nivis esse diversarum specierum, aut nigredinem Sortis, & albedinem Platonis esse eiusdem speciei, quod constat non esse dictum de ipsis formaliter & in se sumptis, sed tantum materialiter & ratione subiecti, quod non est aliud dicere quam quod substantia illarum sunt vnius spe-

ciei, aut diversarum specierum.

Ex quibus sequitur, quod si diversa phantasmata idem formaliter secundum speciem representant in eodem subiecto ponantur, illa nullo modo poterunt dici secundum speciem diversa, quæ & idem secundum speciem obiectum representent, & sint in eodem subiecto secundum speciem & secundum numerum. Et sic patet distinctionem illam nullam esse, atque etiam falsum continere.

Quintò ad principale intentum arguitur: Intellectus possibilis est quo intelligit anima, ergo si est vnus & idem numero huius & illius hominis: & intelligere vtriusque erit vnum & idem, hoc autem est impossibile, cum diversorum individuum non possit vnum esse operatio, ergo, & c. probatur consequentia, quia id quo aliquid operatur aut agit, est principium ad quod sequitur operatio non solum quantum ad esse ipsius, sed etiam quantum ad unitatem & multitudinem. ab vno enim calore non potest esse nisi vna calefactio activa, quamvis possint esse multe calefactiones passivæ.

Ad hanc rationem dici posset, quod intelligere multiplicatur secundum diversitatem phantasmatum. Sed hoc non tollit rationem, tum quia intelligere non est operatio transiens, sed manet in ipso agente: & sic non potest multiplicari per phantasmata, tum quia phantasmata se habent ad intellectum possibilem quodammodo sicut actium ad passivum, cum intelligere sit quoddam pati: pati autem ipsius patientis, scilicet vnius diversificatur secundum diversas formas aut species actiuorum, non secundum diversitatem eorum numeralem: quod declaratur in calefactione, in qua cum motus numeretur secundum terminum ad quem, & duplex calor eiusdem speciei non possit esse in eodem subiecto eodem tempore, non potest esse duplex calefieri simul in eodem subiecto, nisi sit alia species caloris: sicut ponitur in femine calor ignis, & calorem & sic non oportet per phantasmata numero diversa in diversis hominibus ipsum intelligere diversificari, quo vnum & idem simul intelligunt, tum quia intellectus possibilis intelligit hominem in quantum est homo simpliciter secundum rationem speciei, non in quantum est hic homo: hac autem ratio est vna, quantum tunc phantasmata hominis diversificantur, siue in vno, siue in diversis, & sic multiplicatio phantasmatum non potest esse causa quod multiplicetur ipsum intelligere respectu vnius speciei.

CIRCA propositionem assumptam ad probationem consequentia principalis argumenti, scilicet quod operatio sequitur ad id quo aliquid operatur quantum ad multitudinem & unitatem, & ab eodem calore non est nisi vna calefactio, quamvis possit esse multiplex calefieri: dubitatur, quia actio & passio sunt vnum subiecto, licet distinguantur formaliter, ut dicitur tertio Physic. ergo non videtur posse vnum multiplicari altero non multiplicato. Si ergo sunt plura calefieri, oportet ut sint plura calefacere: & si vnum est calefacere, quod sit vnum calefieri: & vniuersaliter si est vna actio & vnum agere, quod sit vna passio, & vnum pati.

Ad huius rei evidentiam sciendum, quod cum actio (ut superius est determinatum) non dicat nisi motum in recto qui est in patiente, & habitudinem in aliquo per modum differentie quæ est in agente, oportet loqui de multiplicatione actionis quantum ad suum materiale, eo modo quo de multiplicatione motus: quod autem ad formale, eo modo quo de multiplicatione relationis. Cum ergo motus sit in mobili, & idem accidens numero non possit esse in diversis substantiis: & idcirco multiplicetur motus secundum multiplicationem mobilitatis, necesse est si plura ab vno mouente moueantur, quod sint ab illo mouente plures motus in pluribus mobilibus recepti: & sic cum actio materialiter sumpta, & quantum ad id quod dicit in recto, non sit aliud quam motus, necesse est ubi vnum mouens multa mobilia mouet, quod ab illo sint plures actiones materialiter sumptæ. Cum vero relatio quæ tanquam differentia nomine actionis importatur, sit in agente, quæ numerum motus multiplicari non potest in eodem tempore, nisi secundum multiplicationem agentium, plura enim accidentia solo numero differentia non possunt esse in eodem subiecto ad æquato simul: & idcirco si vnum mouens simul diversis mobilibus moueat eadem specie motus (quod sit dum eodem forma principio mouet) non poterit esse nisi vna actio formaliter, siue (quod idem est) quantum ad habitudinem in obliquo importatam. Propositio ergo sancti Thomæ intelligenda est de agere & pati formaliter, siue quantum ad ipsas habitudines, non autem quantum ad id quod est materiale in actione. Materiale enim tam actionis quam passionis, dum vnu agens vno principio in plura agit, multiplicatur, sed formale actionis non multiplicatur quantum formale passionis propter multiplicationem subiecti multiplicatur. Ex quibus patet quod in actione immutante nullo modo fit multiplicatio secundum numerum quando ab vno duntaxat formali principio procedit, nam materiale in ipsa, quod est qualitas, non multiplicatur, cum eius subiectum sit vnum: similiter neque relatio agentis: & ideo optimè concludit sanctus Thomas quod si esset vnus intellectus huius & illius hominis, esset etiam ipsum vnum intelligere respectu scilicet eiusdem obiecti, & in eodem tempore.

CIRCA multiplicatè caloris in femine, quum inquit sanctus Thomas quoniam in femine est calor ignis, celi & animæ, aduertendum est quod quidam tenent istos calores esse diversos secundum speciem: alij vero dicunt illos non esse diversarum specierum. Quamvis autem vtraque opinio in doctrina sancti Thomæ defendi possit, tamè videtur mihi quod in hanc partem declinet, quod sint secundum speciem diversi, patet enim quod hoc loco ponit illos secundum rem & specificè distinctos, ex eo quod inquit non posse esse duplex calefieri in vno subiecto eodem tempore, nisi sit alia species caloris, & dat exemplum istius exceptionis de caloribus qui sunt in femine. Si enim intelligeret quod sunt vnus calor secundum rem, sed diversificantur specie, ut ad diversa principia referuntur, non esset ad propositum suum quo vult habere duplicem calorem vnius speciei non posse simul in eodem subiecto esse: sed bene multiplicem diversarum specierum. Constat enim quod plures calores eiusdem speciei vocat calores realiter distinctos.

Præterea prima parte, quæstione centesima octaua, articulo primo ad tertium: ex modo loquendi dat intelligere calores illos diversos esse, ubi ait quod præter virtutem animæ in femine existentem, est ibi quidam calor ex virtute cælestium corporum, quorum etiam virtute agentia inferiora agunt ad speciem, & quod calidum elementare se habet instrumentali-



taliter ad virtutem animæ. Si enim intenderet vnum esse calorem animæ & celi, dixisset virtutem animæ existentem in semine agere etiam in virtute celi, non autem quod in spiritu præter virtutem animæ est etiam quidam calor ex virtute corporum cælestium. & si putasset eundem esse calorem animæ & elementis, non dixisset calorem elementis se habere instrumentali ad virtutem animæ. Instrumentum enim non est idem cum eo cuius est instrumentum.

Adhuc, secundo sententiarum, distinctione decima octava, quaestione secunda, articulo tertio, istis caloribus diuersa attribuit. De elementari enim inquit, quod est sicut instrumentum resoluens & consumens, & huiusmodi operans. de calore qui est ab anima, dicit quod est viuificans. de calore vero celi ait, quod spiritus in quo sunt huiusmodi calores, eius virtute mouet ad speciem determinatam. Quamuis autem hæc dicta possit aliquis glossare trahendo sanctum Thomam ad suam opinionem syncretem, tamen opinionem doctoris considerando, videtur dicendum quod sunt diuersi calores, præsertim quum in locis allegatis ponat ipsos esse multiplices, nullibi autem dicat ipsos vnum calorem esse.

Accedit quod Commentator secundo cap. de substantia orbis, tenet calorem celi, & calorem elementarem distinctos esse secundum species. Sed contra hanc determinationem arguitur à quibusdam Thomistis non ex verbis sancti Thomæ, sed aliunde, dupliciter. Primo, quod calor animæ & elementis sint idem, quia secundo de anima, textu quadragesimo primo contra Empedoclem habetur calorem animale esse principium augmenti non autem calorem elementarem, id est, (vt ibi dicitur) calorem non secundum vim elementis, sed secundum vim animæ. Secundo, quod cælestis & elementaris calor, & vniuersaliter calores qui sunt in semine sunt idem calor: quia Commentator 12. Metaphysic. commento decimo octauo vult calores illos distinguere sicut calor ignis à calore artis. sed calor elementaris & artificialis non sunt duo calores, sed tantum distinguuntur, quia iste regulari arte, ille absolute agit. ergo &c.

Ad primum horum dicitur primo, quod neque habetur in textu Aristotelis, neque in expositione Auerrois, aut sancti Thomæ inuenitur quod allegatur. Non enim ibi Aristoteles mentionem facit de calore animali & elementari, sed de igne & anima. probatur enim quod ignis non est principium agentis in augmento, sed est instrumentum animæ. Dicitur secundo, quod admissio etiam velle ibi Aristotelis, calorem non secundum vim elementis, sed secundum vim animæ esse causam augmenti, quod tamen non dicit, adhuc non sequitur quod isti calores sint vnus numero calor. dicitur enim (vt dicitur prima parte vbi supra) quod calor elementaris est instrumentum caloris animalis: & propter hoc dicitur quod calor est principium augmenti, non secundum vim elementis, sed secundum vim animæ, non autem quia sint vnus & idem calor. Ad secundum dicitur, quod Auerrois calorem cælestem assimilari calori artis in hoc, quod calor cælestis habet mensuram propriam ad generationem ex motu & dispositione corporis cælestis, vt ibidem inquit ipse Auerrois, sicut & calor artis mensuram operationis ex ipsa arte fortitur: calor autem elementaris mensuram non habet ex ipsa forma ignis, sed si aliquam mensuram habet & limitationem, hoc sibi conuenit vt est animæ instrumentum: non autem in hoc illi assimilatur, quod sit vnus & idem cum calore elementari: quamuis forte dici etiam posset aliquem esse in aliquibus artis operibus calorem artificialem, qui calor elementaris non sit.

Sexto, sequeretur vnum numero scientiæ habitum esse in omnibus hominibus: hoc autem est inopinabile, ergo &c. probatur consequenter, quia accedens si sit vnum secundum speciem, non multiplicatur nisi secundum subiectum, intellectus autem possibilis est proprium subiectum habitus scientiæ, quia eius actus est considerare secundum scientiam. Si dicatur quod subiectum habitus scientiæ non est intellectus possibilis, sed virtus cogitativa: contra arguitur præter rationes superius adductas, cum de vniuersali intellectu possibilis ad hominem ageretur, tum quia ex actibus intellectus possibilis sit habitus scientiæ in nobis, & ad eosdem actus potentes sumus secundum habitum scientiæ, ex similibus autem actibus (vt dicitur secundo Ethicorum) sunt similes habitus, & similes etiam actus redeunt, tum quia cogitativa non est cognoscitiva vniuersalium intentionum, sed tantum intellectus possibilis. Scientia autem (vt dicitur primo Posteriorum) est de conclusionibus demonstrationum, quæ sunt vniuersales. Videtur autem in hac responsione inuentione fuisse deceptio, quia propter diuersam dispositionem cogitativæ & imaginatiuæ homines inueniuntur magis aut minus prompti ad scientiarum considerationem. Sed hoc nihil est, tum quia ista promptitudo ex illis virtutibus sicut ex dispositionibus remotis, sicut etiam ex bonitate tactus & corporis complexionis (vt dicitur secundo de anima) dependet: ex habitu autem scientiæ inest facultas considerandi, sicut ex proximo principio actus, eo quod oportet vt perfectat potentiam qua intelligimus, vt agat quum voluerit facilius, sicut & alij habitus ita perfectiunt potentias in quibus sunt, scilicet quod habens habitus illos, potest secundum eos operari quum voluerit: tum quia dispositiones harum virtutum sunt ex parte obiecti, scilicet phantasmatis quod ex illarum bonitate preparatur vt fiat actu intelligibile per intellectum agentem. dispositiones autem quæ sunt ex parte obiecti, non sunt habitus, sed quæ sunt ex parte potentiarum: quod per exemplum in fortitudine ostenditur.

AD VERTENDVM quum dicitur, quoniam propter bonitatem virtutis cogitativæ & imaginatiuæ preparatur phantasma ad hoc quod facilius fiat actu intelligibile per intellectum agentem, quod hoc dupliciter potest intelligi. vno modo vt postquam phantasma est in imaginatione, virtus imaginatiua aut cogitativa agit in ipsum disponendo ipsum ad susceptionem alicuius formæ ab intellectu agente per quam ipsum met phantasma fiat actu intelligibile, cum prius esset intelligibile in potentia: & hic sensus non est hic intentus: non enim conuenit phantasmati, quum non dicatur ipsum phantasma de potentia fieri actu intelligibile, quasi vnum numero phantasma prius sit in potentia passiva, postmodum fiat in actu, nunquam enim phantasma ipsum secundum se sit actu intelligibile, cum semper sit in organo materiali: sed dicitur fieri actu intelligibile, in quantum causat in intellectu speciem quæ est actu intelligibilis. Antequam enim intellectus agens vtatur ipso phantasmate vt instrumento, dicitur phantasma potentia intelligibile, in quantum potest causare aliquo modo speciem actu intelligibilem: sicut virtus formativa in semine dicitur

in potentia animata, in quantum est virtus animati productiva: & domus quæ est in mente artificis, dicitur domus in potentia, vt inquit Commentator 12. Metaphysicæ, commento 18. quum autem intellectui agenti coniungitur vt instrumentum, fit actu intelligibile, in quantum forma intelligibilis quæ in eius virtute latebat, educitur in actu virtute intellectus agentis de potentia actiua phantasmatis. & in ipso phantasmate habet fundamentum. Secundo, potest intelligi dictum sancti Thomæ ad hunc sensum, quod phantasma quantum recipitur in organo imaginatiuæ & cogitatiuæ perfectius disposito, tantum ipsum est magis aptum ad hoc vt fiat actu intelligibile. & sic sensus est hic intentus, & est verissimus. Quantum enim organum imaginationis fuerit magis dispositum, tantum phantasma est magis aptum vt sua potentia actiua quæ potest producere speciem actu intelligibilem in intellectu possibili, reducatur in actu per intellectum agentem vtentem ipso phantasmate vt instrumento. forma enim recipitur in subiecto secundum modum recipientis.

Septimo, vnus est intellectus possibilis omnium hominum: ergo est æternus, si homines semper fuerunt, vt ponunt: & multo magis intellectus agens, quum agens sit nobilissimæ patientie, vt inquit Aristoteles tertio de anima, textu 19. ergo species intelligibiles ab æterno fuerunt in intellectu possibili, ergo nullas species de nouo recipiet. Sed hoc est falsum, ergo &c. prima consequenter patet. Secunda probatur: quia si agens est æternum, & recipiens æternum, oportet recepta esse æterna. falsitas verò consequenter probatur, quia sequitur quod sensus & phantasia non erunt necessaria ad intelligendum, quum sensus & phantasia ad nihil aliud sint necessaria ad intelligendum, nisi vt ab eis accipiantur species intelligibiles: & sic redibit opinio Platonis quod scientiam non acquirimus per sensus, sed ab eis excitamur ad rememorandum prius scita.

CIRCA istam propositionem, si agens est æternum & recipiens æternum, oportet recepta esse æterna: aduerendum quod duplicem habere intellectum potest. primus est vt intelligatur de agente & recipiente formaliter, scilicet vt agens est, & vt est recipiens: & tunc non indiget glossa. Sensus enim est, si agens ab æterno agit, & recipiens ab æterno recipiat, quod necesse est & recepta æterna esse: quod verissimum esse constat. Secundus est vt intelligatur de agente & recipiente materialiter, id est, de illa re quæ est agens, & de illa re quæ est recipiens: & tunc indiget triplici conditione ad hoc vt vera sit. Prima est, vt agens necessario agat, si enim voluntarie & liberè agere posset, non ageret ab æterno, sed in tempore, quemadmodum dicimus deum vniuersum non ab æterno, sed in tempore produxisse: & sic recepta non essent æterna. Secunda est, vt sint agens & recipiens debite approximata. Si enim ignis aliquis poneretur ab æterno productus, & combustibile æternum, & ignis in oriente esset, combustibile autem in occidente, postmodum in tempore appropinquata essent per aliquam potentiam, vt ignis agere in combustibile posset, non esset inter illa actio æterna, & sic non posset esse æterna forma ignis in combustibili recepta, sed temporalis. Tertia est, vt sint deducta impedimenta. si sit agens quod impediri possit, licet autem vtique sensus verus sit modis expositis, possitque vtique literæ adaptari, primus tamen videtur intentus, quia proposito congruit. Quum enim intellectus possibilis non fuerit vnquam ociosus, neque etiam intellectus agens si æterni ponantur, necesse est dicere & illum ab æterno fuisse in recipiente, & alium ab æterno fuisse agentem: & sic propositio assumpta videtur non materialiter, sed formaliter intelligenda esse.

AD huius autem rationis consequentiam principalem respondet Auerrois, quod cum species intelligibilis habeat pro subiecto & intellectum possibilem & phantasma, sicut & species visibilis rem extra animam & potentiam visiuam: ab intellectu habet æternitatem, à phantasmate verò non uitatem.

SED contra arguitur dupliciter: primo, impossibile est vt actio & perfectio æterni dependeat à temporali: sed phantasmata temporalia sunt, & quotidie de nouo fiunt: ergo impossibile est vt species intellectuales quibus intellectus possibilis fit actu & operatur, à phantasmatis dependent. Secundo, nihil recipit quod iam habet, cum recipiens oporteat esse denudatum à recepto secundum Aristotelem. species autem intellectuales ante intelligere meum vel tuum fuerunt in intellectu possibili, alioquin priores homines non intellexissent, ergo & cætera. Nec valet si dicatur quod species prius receptæ in intellectu cessauerunt: intellectus enim non solum recipit, sed etiam conseruat quæ recipit. quod patet, tum quia secundum Aristotelis in tertio de anima, dicitur locus specierum, tum quia intellectus est virtus superior quam sensus, & per consequens magis vniuersalior: quod constat, quia vnus intellectus habet iudicium de diuersis generibus sensibilibus quæ ad diuersas potentias sensitiuas pertinent: & sic cum quædam potentie sensitiuæ recipiant tantum, vt sensus scilicet exterior, quædam autem retineant, vt imaginatio, ipse intellectus & recipit & retinet recepta, tunc quia cum vanum sit in rebus naturalibus dicere, vt id ad quod per motum peruenitur, non permaneat, sed statim esse desinat, cum oportet motum ad quietem terminari, multo minus potest dici quod receptum in intellectu possibili non conseruetur. Confirmatur hæc principalis ratio. Primo, quia si intellectus possibilis non recipit de nouo aliquas species intellectuales, quia iam recipit à phantasmatis eorum qui fuerunt ante nos, sequitur quod nunquam aliquas species à phantasmatis recipiat: & sic frustra ponitur à Philosopho intellectus agens, vt phantasma faciat intelligibilia in actu. patet consequentia, quia pari ratione à nullorum phantasmatis recipit quos alij præcesserunt: quoslibet autem aliqui alij præcesserunt, si mundus (vt ponunt) est æternus. Confirmatur secundum: quia sequitur intellectum non indigere phantasmatis ad intelligendum: & sic neque nos sensu & phantasmate indigebimus ad intelligendum, cum per intellectum possibilem intelligamus: quod est falsum & contra Aristotelis sententiam. Si autem negetur consequentia, quia eadem ratione sequeretur etiam si intellectus possibilis essent plures in diuersis, quod non indigeremus phantasmate ad considerandum ea quorum species intelligibiles sunt in intellectu conseruatæ, quod est contra Aristotelis dicentem quod nequaquam sine phantasmate intelligit anima: ista obuiatio conueniens non est, quia phantasma ante speciem intelligibilem se habet ad intellectum possibilem vt obiectum mouens, & eo indiget intellectus vt ab eo accipiat speciem intelligibilem, sed post speciem receptam indiget quasi instrumento siue fundamento siue speciei, quia



quia cum intellectus possibilis, id est, anima intellectiva sit forma corporis secundum naturam, opereturque sicut & vnumquodque aliud secundum modum suae naturae, immaterialia quidem intelligit, sed ea in aliquo materiali inspicit, id est, vniuersalia in singulari materiali cognoscit. vnde tunc se habet intellectus ad phantasma per modum causae efficientis, in quantum secundum imperium intellectus formatur phantasma conueniens tali speciei. Consequentia ergo facta intelligitur de indigentia phantasmatis ante acceptionem speciei, quia si intellectus possibilis semper habuisset speciem, nunquam compararetur ad phantasma, sicut recipiens ab obiectum motuum.

CIRCA illam propositionem, Intellectus intelligit immaterialia, sed inspicit ea in aliquo materiali: dubium duplex occurrit. Primum est, quia ex hoc sequitur quod intellectus noster directe intelligat singularia. Nihil enim videtur in re non visa, ergo si non videt immaterialia siue vniuersalia nisi in materiali particulari, sequitur quod videndo vniuersale, simul etiam videat singulare, & sic singulare directe cognoscitur: quod est manifeste contra Sancti Thomae doctrinam. Secundum est, quia Sancti Thomae pri. q. 12. artic. 4. & q. 35. artic. 2. inquit quod per intellectum connaturale est nobis cognoscere naturas quae quidem habent esse in materia individuali, non tamen secundum quod sunt in materia individuali, sed secundum quod abstrahuntur ab ea per considerationem intellectus. Tunc sic arguitur, cognoscitur vniuersale per abstractionem a materia, ergo non inspicitur in materia, ut hic dicitur. Dubitatur quoque circa rationem dictae propositionis dupliciter: Primum, quia si idcirco intellectus inspicit immaterialia in re materiali, quia est forma corporis, ed quod operetur secundum modum suae naturae, sequitur quod intelligere sit per organum materiale, arguendo similiter: Vnumquodque operatur secundum modum suae naturae, sed intellectus secundum suam naturam est forma corporis, ergo & per corpus intelligit. Secundum, quia transitur a modo cognitionis ut egreditur ab intelligente, ad modum obiecti cogniti ut cognoscitur: & sic committitur fallacia figurae dictionis.

PRO solutione primi dubij considerandum quod cum potentia tam sensitiua quam intellectiva in essentia animae radiceatur, anima est primum principium non solum intelligendi, sed etiam sentiendi, & vterque cum pars intellectiva sit superior pars animae, naturaeque sint potentiae sensitiuae obedire parti rationali, potest pars intellectiva potentias sensitiuas ad earum operationes mouere secundum quod congruit operationi intellectiva, sicut mouetur potentia visiva & oculus ad videndum totum aliquod lignum, & totum lapidem, totamque sortem, atque eorum partes vt in ipsa re singulari videat anima omne totum esse maius sua parte, & sic simul anima cognoscit aliquod singulare per sensum, & vniuersale per intellectum, sicut ex eo quod per sensum videt aliquem a se ipso moueri, statim cognoscit per intellectum illud esse substantiam viuentem: & sic dicitur in motu videre vitam. Hoc ergo modo dicitur anima intellectiva cognoscere immaterialia siue vniuersalia in re materiali & singulari, non quia simul intellectus videat singulare, & in ipso singulari videat naturam vniuersalem, sicut figura hominis videtur in speculo, sed quia per phantasma ad imperium intellectus formatum imaginatio cognoscit singulare, cuius illud phantasma est representatiuum, & simul per speciem intelligibilem relucens in illo phantasma, sicut exemplar in exemplo sine imagine intellectus naturam vniuersalem cognoscit, & sic eadem anima intellectiva, quam hic nomine intellectus vocat Sancti Thomae, non autem ead. potentia cognoscit immateriale & vniuersale in re materiali & singulari. Quod autem iste sit sensus huius propositionis, apparet ex Sancti Thomae prima par. q. 84. artic. 7. ubi ostendens quomodo intellectus indigeat phantasma etiam post speciem, argumentatur sic: Si non requireretur ad actum intellectus alicuius potentiae vrentis organo corporali, nullo modo impediretur in suo actu per lesionem alicuius organi corporalis: sed videmus hoc esse falsum, ergo manifestum est quod ad hoc vt intellectus actu intelligat, non solum accipiendum scientiam de nouo, sed etiam vtendo scientia iam acquisita, requiritur actus imaginationis & ceterarum virtutum. similiter hoc loco inquit, quod post speciem receptam secundum imperium intellectus formatur in imaginatione phantasma conueniens speciei intelligibili in quo resplendet, sicut exemplar in exemplo siue in imagine. Ex quibus patet eum velle simul cum actu intellectus concurrere actum imaginationis, & sic animam inspicere immateriale in re materiali. Vnde ad argumentum negatur consequentia: ad cuius probationem dicitur, quod licet non possit videri aliquid in re non visa, non tamen oportet vt per eandem potentiam videatur vtrumque, sed sufficit quod eadem anima vtente diuersis potentiis videat, sicut vitam videt in motu eius quod a se ipso mouetur, videndo motum oculo corporali, & vitam potentia intellectiva.

ADVERTENDVM autem, quod speciem intelligibilem resplendere in phantasma sicut exemplar in imagine, est ipsam speciem per phantasma aliquo modo reduci in actum perfectae cognitionis ex parte obiecti per ipsam representantem. sicut enim Hercules dicitur in sua imagine resplendere, in quantum imago visa ducit hominem in Herculis cognitionem, eo quod potentia interior excitatur ad Herculis inspectionem aut imaginationem: ita dicitur resplendere species in phantasma causato per imperium intellectus, secundum quandam conformitatem ad speciem, in quantum per id quod anima per phantasma representatur, excitatur anima ad cognitionem actualem eius quod per speciem intelligibilem representatur, & hoc propter quandam conuenientiam phantasmatis ad speciem intelligibilem, dum per vtrumque eadem natura representatur, sed per phantasma particulariter, per speciem autem vniuersaliter.

AD secundam obiectionem dicitur quod inspicere in singulari naturam vniuersalem, quod est inspicere immateriale in aliquo materiali, dupliciter potest esse: vno modo quod cognoscatur natura secundum esse quod habet in re singulari, ita quod esse singulare ipsius naturae sit per intellectum cognitum. Alio modo non quod cognoscatur natura secundum esse singulare, sed quia ipsa natura quae est in re singulari, cognoscitur in re singulari, eius tamen singularitate non considerata: sicut dulcedinem pomi coniunctam albedini percipit gustus non percepta albedine. Primo modo cognoscere naturam in singulari non est cognoscere ipsam per abstractionem a singularibus, sed vt limitatam principiis indiuiduibus: & sic pertinet ad potentiam sensitiuam, vt dicitur prima quae 12. arti. quarto,

Secundo autem modo ipsam cognoscere, est ipsam per abstractionem a principiis indiuiduibus secundum primam intellectus operationem apprehendere. propositio ergo Sancti Thomae intelligenda est hoc secundum modo, non autem primo modo, vnde consequentia assumpta falsa est. stat enim simul quod vniuersale cognoscatur per abstractionem a materia indiuiduali, & tamen in tali materia cognoscatur, in quantum anima per intellectum in re singulari apprehendit naturam speciei, non consideratis eius conditionibus indiuidualibus quibus est coniuncta, licet per sensum illas condiciones aliquo modo apprehendat.

Quantum ad aliud dubium circa rationem propositionis assumptae, considerandum quod quum operatio sit quaedam medium quoddam inter operantem & obiectum operationis, vt pote ab agente proueniens, & ad obiectum terminata, duplex modus in ipsa intelligi potest, vnus secundum quod egreditur ab agente, alius, secundum quod ad obiectum terminatur. primus proportionatur modo operantis non simpliciter quantum ad modum essendi naturae, sed quantum ad principium quo proxime operationem elicit: quia si illud principium sit in organo corporali, & operatio fiet mediante organo corporali. si autem non sit in organo corporali, neque ipsa operatio mediante corporali organo producat. Secundus autem modus proportionatur simpliciter modo essendi substantiae operantis, modo dico essendi non speciali, sed generali, quia secundum conditionem substantiae operantis oportet sibi obiectum connaturale respondere, non enim aliquid potest sua operatione naturaliter attingere aliud quod sit superioris ordinis, sicut inferiora corpora non possunt transmutare corpora caelestia, licet oculus corporalis illa videre possit: quia vt transmutabilia sunt, ad superiorem ordinem pertinent, & habent materiam alterius rationis a materia horum inferiorum, vt visibilia autem non sunt superioris ordinis, quum in obiecto visus cum corporibus inferioribus conuenientiam habeant. Vnde quum anima intellectiva sit forma habens esse in materia, non potest sua intelligentia attingere naturaliter nisi ea quae habent esse in materia, vt eorum essentias videat, quauis possit aliquoties eleuari in cognitionem imperfectam substantiarum separatarum ex rerum materialium consideratione: & sicut anima est in materia, ita intelligentiam oportet ad naturas vniuersales attingere vt in materia sunt, iuxta sensum prius expositum. propositio ergo Sancti Thomae in vtroque sensu vera est, quia vnaqueque substantia operatur secundum modum suae naturae, & quantum ad modum naturae, vt est principium elicitiuum operationis, in quantum operatio egreditur ab operante: & quantum ad modum naturae simpliciter, in quantum operatio ad obiectum terminatur. Sed licet vtroque modo vera sit, tamen illam accipit Sanctus Thomas hoc loco secundo modo, scilicet quantum ad modum essendi naturae simpliciter, & quantum ad operationem vt terminatur ad obiectum. vnde sensus propositionis est quod vnumquodque sua operatione attingit tanquam naturale obiectum id quod cum modo essendi ipsius operantis conuenientiam habet, & vt illud essendi modum habet, non quidem vt ille modus essendi sit terminus operationis, sed vt sit conditio obiecti sine qua non terminatur operatio.

Ad primam ergo obiectionem dicitur primum, quod non arguitur contra intentum, quia loquitur Sancti Thomae de operatione vt terminatur ad obiectum, non autem vt egreditur ab operante, licet & sic aliquo modo habeat veritatem, obiectio autem procedit de modo operationis vt egreditur ab operante.

Dicitur secundo loquendo de operatione vt ab operante egreditur, quod si obiectio procedat contra sensum propositionis declaratum, minor est falsa. non enim anima vt principium elicitiuum operationis est in materia, quantum scilicet ad potentiam qua intelligentiam producit, cum intelligere sibi conueniat vt excedat capacitatem materiae, & vt habet potentiam a materiali organo separata, licet secundum substantiam absolute acceptam sit forma in materia.

Ad secundam patet ex dictis, quod nulla committitur fallacia, quia tam in antecedente quam in consequente sumitur operationis modus vt ad obiectum terminatur.

OCTAVO principaliter arguitur, & primum adducitur ratio, secundum in capite sequenti ponitur Auic. solutio. Arguitur autem sic, si vnus sit omnium intellectus, sequitur quod quilibet nostrum intelligit omnia quae sunt vel fuerunt a quibusqueque intellecta. hoc patet esse falsum, ergo, & c. probatur consequentia, quia posito intellectu possibili vno & aeterno, oportet in ipso esse iam receptas omnes species intelligibiles eorum quae a quibusqueque hominibus sunt scita vel fuerunt, quilibet autem nostrum per intellectum possibilem intelligit, imò intelligere nostrum est intelligere intellectus possibilis. Si dicatur (vt inquit Com.) quod illud non sequitur, quia non sunt eadem phantasmata apud omnes, nec eodem modo disposita, nos autem non intelligimus per intellectum possibilem nisi secundum quod nobis per nostra phantasmata continetur (nam si etiam intellectus possibilis non est vnus, non intelligimus ea quorum species sunt in intellectu, nisi ad sint phantasmata ad hoc disposita) contra arguitur, quia si in intellectu possibili sint species omnium scientiarum, necessitas phantasmatum ad intellectum possibilem est sicut illius qui habet scientiam ad considerandum secundum scientiam illam, quod etiam sine phantasmatis non posset: sed intellectus factus in actu per speciem potest agere per seipsum, vt dicitur tertio de anima, & octauo Physicorum. tex. 12. & non impeditur per phantasma. cum in potestate nostra sit formare phantasmata accommodata considerationi quam volumus, nisi ad sit impedimentum ex parte organi cuius est phantasma, ergo cum quilibet homo intelligat per intellectum possibilem reductum in actum per species intelligibiles, quilibet homo poterit considerare cum voluerit scita omnia scientiarum, scilicet diuina, non autem simul. poterit enim & haec scita considerare, & illa sicut sibi placuerit: & sic nullus indigeret doctore ad quaerendum scientiam. Vnde remanet idem inconueniens quod prius.

*De opinione Auic. qui posuit formas intelligibiles non conservari in intellectu possibili.*

Cap.



Cap. 64.

Idem P. p. q.  
79. artic. 6.

Radiis autem rationibus obuiare videntibus quæ Auic. ponit. Dicit enim in suo lib. de anima, quod in intellectu possibili non remanent species intelligibiles, nisi quoad actum intelliguntur. Quod quid ex hoc probare nititur: quia quandiu formæ apprehensæ manent in potentia apprehensua, actu apprehenduntur. ex hoc enim fit sensus in actu: & similiter intellectus in actu est intellectum in actu. unde videtur quod quoadcunque sensus vel intellectus est factus vnum cum sensato vel intellecto, secundum hoc quod habet formam ipsius, fit apprehensio in actu per sensum, vel per intellectum. Vires autem quæ conseruant formas non apprehensas in actu, dicit non esse vires apprehensuas, sed thesauros virtutum apprehensuarum: sicut imaginatio quæ est thesaurus formarum apprehensarum per sensum: & memoria secundum ipsam quæ est secundus thesaurus intentionum apprehensarum absque sensu: sicut cum ovis apprehendit inimicitiam lupi, hoc autem contingit huiusmodi virtutibus, quod conseruant formas non apprehensas actu in quantum habent quædam organa corporea, in quibus recipiuntur formæ receptione propinqua apprehensioni, & propter hoc virtus apprehensua conuertens se ad huiusmodi thesauros, apprehendit in actu. constat autem quod intellectus possibilis est virtus apprehensua, & quod non habet organum corporeum. unde concludit quod impossibile est quod species intelligibiles conseruentur in intellectu possibili nisi quandiu intelligit actum. Oportet ergo quod vel ipsæ species intelligibiles conseruentur in aliquo organo corporeo: siue in aliqua virtute habente organum corporeum: vel oportet quod formæ intelligibiles sint per se existentes, ad quas comparatur intellectus possibilis noster sicut speculum ad res quæ videntur in speculo: vel oportet quod species intelligibiles fluant in intellectum possibilem de nouo ab aliquo agente separato quoadcunque actu intelligit. Primum autem horum trium est impossibile: quia formæ existentes in potentiis vtentibus organis corporalibus sunt intelligibiles in potentia tantum. Secundum autem est opinio Platonis, quam reprobatur Arist. in metaph. unde concludit tertium, quod quoadcunque intelligimus actum, fluunt species intelligibiles in intellectum possibilem nostrum ab intellectu agente, quem ponit ipse quandam substantiam separatam. Si vero aliquis obiciat contra eum: quod tunc non est differentia inter hominem cum primo addiscit, & cum postmodum vult considerare in actu quæ prius didicit: responderet quod addiscere nihil aliud est quam acquirere perfectam habitudinem coniungendi se intelligentiæ agenti ad recipiendum ab eo formam intelligibilem: & ideo ante addiscere est nuda potentia in homine ad talem receptionem: addiscere vero est sicut potentia adaptata. Videtur etiam huic opinioni consonare. quod Arist. in lib. de memoria ostendit, memoriam non esse in parte intellectiua: sed in parte animæ sensitui: ex quo videtur quod conseruatio specierum intelligibilium non pertineat ad partem intellectiua. Sed si diligenter consideretur hæc positio quantum ad originem, parum aut nihil differt à positione Platonis. posuit enim Plato formas intelligibiles esse quasdam substantias separatas à quibus scientia fluebat in animas nostras: hic autem ponit ab una substantia separata, quæ est intellectus agens secundum ipsum, scientiam in animas nostras fluere. non autem differt quantum ad modum acquirendi scientiam: vtrum ab una vel pluribus substantiis separatis nostra causetur scientia, utrobique enim sequetur quod scientia nostra non causetur à sensibilibus: cuius contrarium apparet per hoc quod qui caret aliquo sensu, caret scientia sensibilibus quæ cognoscuntur per sensum illum. Diceretur autem quod per hoc quod intellectus possibilis inspicit singularia quæ sunt in imaginatione, illustratur luce intellectus agentis ad cognoscendum vniuersale: & quod actiones virium in-

feriorum, scilicet imaginationis & memoratiuæ & cogitatiuæ sunt aptantes animam ad recipiendam emanationem intelligentiæ agentis: est nouum. Videmus enim quod anima nostra tanto magis disponitur ad recipiendum à substantiis separatis, quanto magis à corporalibus & sensibilibus remouetur. per recessum enim ab eo quod infra est, acceditur ad id quod supra est. non igitur est viris simile quod per hoc quod anima respicit ad phantasmata corporalia, quod disponatur ad recipiendam influentiam intelligentiæ separata. Plato autem radicem suæ positionis melius est prosecutus. posuit enim quod sensibilia non sunt disponentia animam ad recipiendam influentiam formarum separatarum, sed solum expergescentia intellectum ad considerandum ea quorum scientiam habebat ab exteriori causata: ponit enim quod à principio à formis separatis causabatur scientia in animabus nostris omnium sensibilibus: unde addiscere dixit esse quoddam reminiscere: & hoc necessarium est secundum eius positionem: nam cum substantiæ separata sint immobiles, & semper eodem modo se habentes: semper ab eis resplendet scientia rerum in anima nostra, quæ est eius capax. Amplius quod recipitur in aliquo, est in eo per modum recipientis. Esse autem intellectus possibilis est magis firmum, quam esse materia corporalis. Cum igitur formæ fluentes in materiam corporealem ab intelligentia agente, secundum ipsum conseruentur in ea, multo magis conseruentur in intellectu possibili. Adhuc, cognitio intellectiua est perfectior sensitiua: si igitur in sensitiua cognitione est aliquid conseruans apprehensa, multo fortius hoc erit in cognitione intellectiua. Item, videmus quod diuersa quæ in inferiori ordine potentiarum pertinent ad diuersas potentias, in superiori ordine pertinent ad vnum, sicut sensus communis apprehendit sensata omnium sensuum propriorum, apprehendere igitur & conseruare quæ in parte animæ sensitui pertinent ad diuersas potentias, oportet quod in supremæ potetia, scilicet intellectu, vniantur. Preterea, intelligentia agens secundum ipsum influit omnes scientias: si igitur addiscere nihil est aliud quam aptari ut vniatur intelligentiæ agenti, qui addiscit vnam scientiam, non magis addiscit illam quam aliam, quod patet esse falsum: patet etiam quod hæc opinio est contra sententiam Aristotelis, qui dicit in tertio de Anima, quod intellectus possibilis est locus specierum: quod nihil aliud est dicere, quam ipsum esse thesaurum intelligibilium specierum, ut verbis Auic. vtamur.

Item, postea subiungit quod quando intellectus possibilis acquirit scientiam, est potens operari per seipsum licet non actu intelligat: non igitur indiget influentia alicuius superioris agentis. Dicit etiam in octauo Physicorum, quod ante addiscere est homo in potentia essentiali ad scientiam: & ideo indiget motore per quem reducatur in actum: non autem postquam iam didicit, indiget per se motore, ergo non indiget influentia intellectus agentis. Dicit etiam in tertio de anima, quod phantasmata se habent ad intellectum possibilem sicut sensibilia ad sensum: unde patet quod species intelligibiles sunt in intellectu possibili à phantasmatibus, & non à substantia separata. Rationes autem quæ videntur in contrarium esse, non est difficile soluere. Intellectus enim possibilis est in actu perfectio secundum species intelligibiles, quum considerat actum: quum vero non considerat actum, non est in actu perfectio, secundum illas species: sed se habet medio modo inter potentiam & actum. Et hoc est quod Aristoteles dicit in tertio de Anima, quod quum hæc pars scilicet intellectus possibilis, unaquæque sciat, sciens dicitur secundum actum: hoc autem accidit quum possit operari per seipsum: est quidem & tunc potentia simile quodammodo, non tamen similiter est ante addiscere aut inuenire. Memoria vero in parte sensitui ponitur, quia est alicuius prout cadit sub determinato tempore: non enim est nisi præteriti: & ideo quum non abstrahatur à singularibus conditionibus, non pertinet ad partem intellectiua quæ est vniuersali: sed per hoc non

Tex. com. 25.  
& infra.

Obiecto.

Cap. 1.

Improbatio  
predicte po-  
sitionis.

Tex. com. 6.

1. de anima  
Tex. com. 8.

Tex. com. 82.

Tex. com. 30.

Ad rationes  
in contrariu.

Tex. com. 8.



non excluditur quin intellectus possibilis sit cōseruatiuus intelligibilium, quæ abstrahuntur ab omnibus conditionibus particularibus.

*Super Cap. 74.*



Via ad præcedentes rationes posset quispiam ex Auic. positione respondere, idē de ipsa Auic. positione disputat in hoc capite sanctus Thomas. Circa hoc autem tria facit. Primo, eius positionem cum suis fundamentis narrat: secundo, eam improbat: tertio, ad eius fundamenta respondet. Quantum ad primum dicit primū Auic. in suo libro de Anima, quod in intellectu non remanent species intelligibiles in actu, nisi quando intelliguntur: probat autē tali ratione. Quando forme apprehensæ manent in potentia apprehensua, actu apprehenduntur: ergo cum non apprehenduntur, non manent in ipsa: antecedens probatur, quia ex hoc quod actu apprehenduntur sensus in actu sit sensatum in actu, & intellectus in actu est intellectum in actu. Dicit secundū, quod vires quæ conseruant formas non apprehensas in actu, differunt ab intellectu in duobus, quia istæ non sunt apprehensæ, sed thesauri virtutum apprehensuarum, sicut imaginatio est thesaurus formarum apprehensarum per sensum, & memoria secundum ipsum est thesaurus formarum apprehensarum abque sensu, sicut cum ovis in inimicitiam apprehendit lupi. Item habet organa corporea in quibus recipiuntur forme receptione propinqua apprehensioni, & sic virtus apprehensua apprehendit in actu, dum se ad huiusmodi thesauros conuertit: intellectus autem est virtus apprehensua, & non habet organum corporeum. Dicit tertio, quod quando cunque intelligimus actu, fluunt species intellectuales in intellectu possibilem nostrū ab intellectu agente, quem ipse quādā substantiam separatam ponit: hoc autem ostendit, quia non possumus dicere quod species quibus actu intelligimus, conseruentur in organo corporeali, siue in virtute habente organum, quia tales forme sunt intelligibiles in potentia tantum: nec etiam quod sint per se subsistentes ad quas comparatur intellectus noster sicut speculum ad res quæ videntur in speculo: quia hæc est opinio Platonis ab Aristotele reprobata: relinquatur ergo ut fluant in intellectum ab aliquo agente separato. Dicit quartū, quod differentia est inter hominem quum primo addiscit, & quum postmodum vult considerare quæ prius didicit: quia quum addiscere nihil aliud sit quam acquirere perfectam habitudinem coniungendi se intelligentiæ agenti ad recipiendum ab ea formam intelligibilem, ante addiscere est in homine nuda potentia ad talem receptionem forme: post addiscere verō est sicut potentia disposita & adaptata. Potest hæc opinio confirmari, quia Aristoteles in libro de Memoria & reminiscencia, ostendit memoriā non esse in parte intellectiua, sed in parte sensitiua: & sic videtur quod conseruare species intelligibiles ad partem intellectiua non pertineat.

PR O hac Auic. opinione aduertendum ex iis quæ habentur ab ipso in quinta parte sexti naturalium, quod comparatio intelligentiæ dantis formas intelligibiles ad animas nostras est sicut comparatio solis ad visus nostros: & idē sicut luce solis videtur in actu quod prius in actu non videbatur, ita intelligentia animas nostras de potentia in actu educit per illustrationē factam in intelligibilibus, ut actu intelligat quod prius actu non intelligebat: & sicut non videt visus noster nisi ad solis præsentiam a quo lumen effluit, aut ad præsentiam alterius lucidi vicem eius gerentis, ita non intelligimus actu nisi dum species intelligibiles effluunt ab intelligentia in intellectu possibilem: non effluit autem forma ab intellectu in intellectu possibilem, nisi in nobis fuerit potentia preparata ad eius susceptionem, per quam præparationem sic habilis ad cōiunctionem cum intelligentia agente: & quia hoc fit per actum addiscendi: idē inquit quod post addiscere est in homine potentia adaptata ad receptionem forme intelligibilis.

Quantum ad secundum, arguitur contra hanc positionem multipliciter. Primo, quia ex hac opinione, sicut ex opinione Platonis, sequitur quod scientia nostra non causetur ex sensibilibus: hoc autem falsum esse apparet hoc signo, quod qui caret aliquo sensu, caret scientia sensibilibus quæ per illum sensum cognoscuntur: ergo, &c. Si dicatur quod aliquo modo ex sensibilibus dependet, quia per hoc quod intellectus possibilis inspicit singularia quæ sunt in imaginatione, illustratur luce intellectus agentis ad cognoscendum vniuersale, & quia actiones imaginationis memoratiuæ, & cogitatiuæ aptant animam ad recipiendum emanationem intelligentiæ, hoc est nouum, & verissimile non videtur, quia videmus quod anima nostra tantū magis disponitur ad recipiendum a substantiis separatatis, quanto magis a sensibilibus & corporalibus remouetur: per recessum enim ab eo quod est infra, acceditur ad id quod est supra. Ex hoc corollarie sequitur quod Plato radicem suæ positionis melius est profectus, qui posuit sensibilia esse solū excitantia intellectum ad considerationem eorum quorum scientiam habebat ab exteriori causam, non autem esse disponentia animam ad recipiendum influentiam formarum separataram. Cum enim substantiæ separatæ sint immobiles, & semper eodem modo se habentes, semper secundum eum ab eis respiciuntur scientia rerum in anima nostra.

AD VERTE quod aliter loquendum est de anima nostra, si ponamus eam virtute intellectus agentis in ipsa existentis a sensibilibus scientiam accipere: & aliter si dicamus eam scientiam ab intelligentia abstracta per illuminationē intellectus accipere, ut Plato voluit & Auic. Cum enim anima nostra media sit inter intelligentias abstractas & sensibilia, utpote existens supra ordinem sensibilibus, in quantum non comprehenditur a materia, ut superius est ostensum, & existens infra ordinem intelligentiarum, in quantum est forma corporis, licet ad illum ordinem accedat in quantum est immaterialis, quanto magis accedit ad vnum illorum extremorum, oportet ut tātō magis ab altero recedat: & idē per hoc quod accedit ad sensibilia, sua operatione ad illa se conuertens, magis elongatur ab intelligentia ut sit minus apta eius influentiam recipere, propterea bene inquit sanctus Thomas non esse verissimile, quod per hoc quod intel-

lectus inspicit singularia quæ sunt in imaginatione, illustratur illuminatione intelligētiæ separatæ ad cognitionem vniuersalis, cum oppositum in anima nostra videamus. non enim trahitur anima ad participationem superioris ordinis, nisi per elongationem ab inferiori ordine. sed si ponamus animam a sensibilibus virtute intellectus agentis scientiam accipere, in acceptione scientiæ non trahitur anima ad participationem superioris ordinis, cum intellectus agens sit eiusdem ordinis cum intellectu possibili, eodē quod uterque sit potentia immaterialis in essentia duntaxat animæ radicata, & comparatur intellectus agens ad possibilem, sicut propriū agens ad propriū passiuum, quod in agendo in intellectu possibilem virtutem tanquam instrumento ministerio phantasmatis, utpote de eius actiua potētia speciem educens intelligibilem. idē per hoc quod anima apprehendit singularia, & inspicit ea in phantasmatis non impeditur neque retrahitur a perceptione scientiæ, sed magis iuuatur, in quantum sensibilia in tali esse ponit, ut sint apta illustrationem intellectus agentis incipere, & cum ipso in intellectu possibilem speciem intelligibilem imprimere. Et per hunc modum accipendi scientiam quem posuit Arist. saluatur necessitas vniōis animæ nostræ ad corpus, quæ secundum positionem Platonis & Auicennæ saluari non potest, ut ostendit sanctus Thomas prima parte quæst. 84. articulo quarto.

Secundo contra prædictam positionem arguitur. Esse intellectus possibilis est magis firmū quā esse materiæ corporalis, ergo cum forme fluēt in materiam corporealem ab intelligentia conseruentur in ea, multo magis conseruantur in intellectu possibili: patet consequentia, quia quod recipitur in aliquo, est in eo per modum recipientis.

AD VERTE, quod esse intellectus possibilis dicitur magis firmum quā esse materiæ, non quia materia corrumpatur, nō autem intellectus possibilis, cum vtrunque illorū incorruptibile sit: sed quia materia secundum suam essentiam & naturam est principium variationis & transmutationis, non autem intellectus.

ATTENDENDVM etiam quod Auic. sicut posuit intelligentiam separatam in animas nostras per actus virtutum sensitiuarum dispositas & preparatas causare scientiam, ita posuit ab intelligentia quam datorem formarum appellat (ut dicitur potentia quæst. 6. articulo tertio) causare formas substantiales in materiam per agentia naturalia ad susceptionem formarum dispositam: & idē in hac ratione accipit sanctus Thom. ex ipsa positione Auic. quod forme fluēt ab intelligentia in materiam corporealem conseruentur in ea, scilicet etiam si actu non operentur.

Tertio, In sensitiua cognitione est aliquid conseruans apprehensas: ergo multo fortius in cognitione intellectiua, quum sit perfectior.

AD VERTE NDVM quod conuenienter ex maiori perfectione cognitionis intellectiue supra sensitiuam arguit sanctus Tho. in parte intellectiue speciem conseruari. nobilior enim cognitio maiorem nobilitatē potētiæ arguit: & idē si cognitio intellectiua nobilior est cognitione sensitiua, consequens est ut potētia intellectiua sit nobilior sensitiua. cum ergo ad nobilitatem & perfectionem potētiæ pertineat quod actu habeat formam per quam operari possit, si hoc attribuitur potētiæ sensitiuæ dū ponitur in ipsa aliquid conseruans apprehensas, multo magis hoc intellectiue parti est attribuendum. Quarto, Diuersa quæ in inferiori ordine potētiarum pertinent ad diuersas potētiās, in superiori ordine pertinent ad vnum, ut patet de sensu communi respectu sensorum: sed apprehendere & conseruare in parte sensitiua pertinet ad diuersas potētiās: ergo in intellectiua vniuntur.

AD VERTE, quod ista ratio destruit fundamentum positionis Auic. Ipse enim (ut ex superioribus patet) voluit quod alia potētia sensitiua esset apprehensua, & alia esset conseruatiua in quantum est in organo corporeali: & idē quia intellectus est virtus apprehensua, & corporeum organum non habet, sibi non conuenit conseruare: per hanc autem rationē ostenditur, quod licet in parte sensitiua alia ponatur potētia apprehensua, & alia conseruatiua, in intellectu tamen oportet vnam & eandem esse, cui vtrunque conueniat, & sic fundamentum illud Auic. nullum est. Quinto, & est contra quartum dictū Auic. Si addiscere nihil aliud sit quā hominem aptari ut vniatur intelligētiæ agenti, qui addiscit vñā scientiam, non magis addiscit illam quā aliam, quia secundum ipsum intelligentia agens omnes influit scientias: hoc autem cōstat esse falsum, ergo, &c. Vltimō arguitur, quia hæc opinio est contra mentem Aristotelis, qui tertio de Anima inquit intellectum esse locum specierum, quod nihil aliud sit dictum quā ipsum esse thesaurū illarum, ut verbis Auic. vtamur. Item quod quando intellectus possibilis acquirit scientiam, est potens operari per se ipsum, licet actu non intelligat. Item 8. Physicorum text. com. 32. quod ante addiscere homo indiget motore per quem reducatur in actu, non autem post, & sic apud Aristotelem remanent species in intellectu, dato quod non intelligat actu. Quod etiam non sint in intellectu a substantia separata secundum Aristotelem patet, quia tertio de anima, tex. trigesimo nono, dicit quod phantasmata se habent ad intellectum possibilem, sicut sensibilia ad sensum, constat autem quod sensibilia causant species in sensum, ergo oportet ut & phantasmata causent species in intellectu, & non intelligibilia separata. Quantum ad tertium respondetur ad duas rationes adductas pro opinione Auic. Ad primam cum arguebatur, quod quandiu forme apprehensæ manent in potētia apprehensua, actu apprehenduntur: respondetur quod istud est falsum. sunt enim quandoque in actu perfectio in intellectu, & hoc est quando actu considerat intellectus: quandoque verō sunt in actu imperfecto medio modo, scilicet inter potētiā & actum: & hoc est quando intellectus actu non considerat. Confirmatur ista responsio ex verbis Aristotelis tertio de anima tex. 8. ubi ponit quod intellectus habens scientiam est quidem sciēs actu, & potest per se ipsum operari, sed tamen est aliquo modo in potētia, licet non sicut ante addiscere vel inuenire.

ATTENDENDVM, quod quia vidit Auic. apud Aristotelem nō oportere alia ratione ponere species in sensu & intellectu nisi ut sensus in actu sit sensatum in actu, & intellectus in actu sit res intellecta in actu per ipsam speciem, putabat autem sensatum dici in actu, cum adualiter sentitur, & intellectum esse actu quum actu intelligitur: idē concluderebat quod sensus in actu est sensatum ipsum quum sensatum actu sentitur: & similiter quod intellectus est idem cum re intellecta quum actu considerat, & quia non sentitur res nisi per actum sensus, & res non intelligitur

In hoc capite.



Quomodo me-  
moriam sit in  
parte intelle-  
ctiua.

gitur nisi per actum intellectus: idem sequebatur quod intellectus non sit in actu per speciem intellectualem, nisi quum per ipsam actum intelligit: neque sensus per speciem sensibilem, nisi cum per ipsam sensibile sentit & cognoscit actum: & sic cessante actu cognitionis cum secundum ipsum definieret potentia apprehensiva esse vnum cum re apprehensa, definiebatur species intellectuales informare intellectum. Sed ex responsione quā hic ponit S. Tho. de mente Arist. habetur quod Avicenna deceptus est, quia nesciuit distinguere de esse in actu perfecto, & de esse in actu imperfecto & habituali: sensum enim & intellectum cum actu percipiuntur sunt in actu perfecto, & sunt vnum perfecte secundum esse cognoscibile cum sensu in actu & intellectu in actu, quia tunc sunt & ipsa in actu perfecto: quando autem non percipiuntur in actu, sed habent species in sensu & intellectu, tunc sunt in actu cognoscibili imperfecto, sicut sensus & intellectus sunt in actu imperfecto, & sic sunt vni imperfecte cum sensu in actu, & intellectu in actu. Ad secundum cum adducebatur autoritas Arist. dicentis memoriam non esse in parte intellectiua, respondetur negando consequentiam: licet enim memoria quæ non est nisi præteriti ut præteritum est, & per consequens non abstrahit à particularibus conditionibus, sit tantum in parte sensitiua non autem in intellectu quæ est vniuersaliū, non tamen excluditur quin intellectus sit conseruatiuus specierum intelligibilium quæ abstrahunt ab omnibus conditionibus particularibus.

ADVERTENDUM, ex doctrina S. Tho. prima parte, quæst. 79. art. 6. quod memoria dupliciter accipi potest: vno modo pro vi conseruatiua specierum duntaxat, & sic inuenitur in parte intellectiua, & non distinguitur ab intellectu realiter, sed ipse intellectus ut conseruatiuus specierum intellectuales dicitur memoria, alio modo ut est præteriti ut præteritū est, & sic non est in parte intellectiua: intelligit ut dicitur prima parte ibidem ad secundum, si præteriti se teneat per se ex parte obiecti non autem si teneat se ex parte operationis, sic enim saluatur ratio memoriæ etiā in parte intellectiua inquantum intelligit se prius intellexisse, sed est in sensitiua tantum quæ est apprehensiuā particularium, & hanc distinctionem hic sanctus Thomas implicite in sua responsione ponit.

SED occurrit vnum dubium. In anima enim separata sunt tantum vires partis intellectiue, & tamen anima separata est cognoscitiua præteriti ut præteritum est, aliās (ut dicitur in questionibus de Anima, articulo, secundo ad primum) non recordaretur eorum quæ gessit in vita, & sic periret conscientia vermis: ergo in parte intellectiua oportet ponere memoriam quæ est præteriti ut præteritum est.

AVICEN. COP.

AD huius difficultatis euidenciam considerandū est, quod quum præteritum ut præteritum dicat esse sub determinato tempore, dicit aliquid sub conditione particularis: & idem idem iudicium est de anima quātum ad cognitionem præteriti ut præteritum est, & quantum ad cognitionem particularium. Quum autem duo sint genera singularium, scilicet singulare materiale, & singulare immateriale: singulare immateriale non excluditur à cognitione intellectiua, sed tantum singulare materiale, ut inquit sanctus Thomas prima parte loco præallegato ad secundum: idem secundum modum animæ se habendi ad singulare materiale dum est coniuncta aut separata, erit inuestigandum quomodo sit aut nō sit memoria in parte intellectiua. Sciendum ergo secundum doctrinam sancti Thomæ, quod anima coniuncta corpori, quia intelligit per species à particularibus materialibus abstractas quæ non repræsentant nisi naturam vniuersalem à materialibus abstractam, non potest directe intelligere singulare, sed intelligit ea tantum reflexe, dum reflectitur supra suam operationem & principium operationis, atque super phantasma, à quo species intelligibilis est causata, quæ tamen reflexio compleri nō potest absque ad iunctione virtutis cogitatiue & imaginatiue, quæ sunt potentie sensitiue: directe autem illa per sensitiuas potentias cognoscit inquantum in sensu recipitur similitudo repræsentatiua naturæ quantum ad conditiones indiuiduales. Anima autem à corpore separata, præter formas quas coniuncta corpori acquisiuit, habet etiam species à diuino lumine sibi influxas similes speciebus quæ sunt in mentibus angelicis, quæ sunt repræsentatiue non solum naturæ vniuersalis, sed etiam singularium & conditionum particularium, & animæ illa singularia duntaxat repræsentant, ut dicitur prima parte quæst. 89. articulo quarto, ad quæ habet aliquā determinatam habitudinem vel per præcedentem cognitionem, vel per aliquam affectionem, vel per naturalem habitudinem, vel per diuinam ordinationem: hæc enim omnia quodammodo reddunt animam dispositam ad formam intelligibilem ut repræsentet sibi hæc singularia, aut illa: & idem per illas species anima separata non solum directe vniuersalia cognoscere potest, sed etiam particularia. Ex quibus sequitur, quod in anima coniuncta quantum ad partem intellectiua nō est memoria per quam cognoscatur præteritum ut præteritum est: quia species quæ est in intellectu, non repræsentat conditiones particulares, sed tantum naturā vniuersalem: sed bene quantum ad partem sensitiua est memoria talis, quia in illa recipitur species quæ est repræsentatiua rei singularis sub determinato loco, & determinato tempore. In anima autem separata est quidem virtus receptiua speciei quæ est repræsentatiua singularis sub determinato tempore præterito, quia species influxus huiusmodi singularia sub conditionibus particularibus repræsentat, sed tamen intellectus ipse in quo sunt huiusmodi species repræsentatiue singularium prius cognitorum, non habet propriam rationem memoriæ secundum quod Philosophi de Memoria locuti sunt, quia nō habet species quibus in hac vita illa erant cognita sub aliqua temporis differentia, quum nūquam illa fuerint in intellectu, sed tantum potentia partis sensitiue, ut est ostensum: memoria autem proprie accepta, est potentia conseruatiua specierum quibus aliqua prius cognita sunt, & est cognoscitiua præteriti ut præteritum est, per species à sensibilibus acceptas, per quas illud cognitum fuit: si tamen accipiatur memoria ut est cognoscitiua præteriti sub ratione præteriti per species influxas, non autem per species à sensibilibus acceptas, sic intellectus animæ separata, non autem animæ coniunctæ, quæ huiusmodi species non habet, est memoria: per illas animæ cognoscit quæ prius dum erat coniuncta per potentias sensitiuas cognouerat, & fortasse postquam actu illa cognouit, aut etiam alia singularia potest cessare illa actu cognoscere, & remanere in potentia habituali ad illa cognoscenda. Patet itaque primo, quod quantum ad potentiam quæ dicitur memoria distincta à po-

tentia receptiua tantum specierum, & non conseruatiua, non est memoria in parte intellectiua, sed tantum in parte sensitiua, quia ut superius est ostensum, in parte intellectiua eadem potentia est receptiua & conseruatiua specierum, licet in parte sensitiua distinguantur. Patet secundo, quod quantum ad hanc proprietatem quæ est retinere & conseruare species, inuenitur memoria in parte intellectiua tam in anima coniuncta quā in separata, quum ostensum sit superius quod species intelligibiles in intellectu conseruantur. Patet tertio, quod quantum ad proprietatem memoriæ, quæ est absolute cognoscere præteritum sub ratione præteriti per speciem existentem in ipsa potentia memoratiua directe repræsentantem rem sub tempore præterito, inuenitur memoria intellectiua non quidem in anima coniuncta corpori, sed in anima separata: quia species quæ sunt in intellectu coniuncto corpori, sunt vix sensum acquisitæ, & non sunt repræsentatiue conditionum particularium, sed bene species influxus in animam separatam. Patet quarto, quod quantum ad illam proprietatem memoriæ in qua proprie memoriæ ratio apud Philosophos consistit, quæ est conseruare species à sensibilibus acceptas, quibus præteritum sub tempore præterito fuit cognitum, non inuenitur in parte intellectiua, neque coniuncta neque separata. Vnde ad objectionem in principio factam negatur consequentia de memoria proprie dicta, quæ in anima inuenitur ut est cognoscitiua per species à sensibilibus acquisitas: non enim sufficit ad rationem memoriæ proprie dictæ quod præteritum sub ratione præteriti cognoscatur, nec hoc intendit sanctus Thomas, sed requiritur quod per easdem species à sensibilibus acceptas cognoscatur per quas prius cognoscebatur. Si autem intelligatur de memoria secundum quæ per species influxas cognoscit illud quod in vita per sensus cognouit, sic conceditur in anima separata esse memoriam respectu præteriti. Nec hoc vult negare S. Thomas, sed illud negat tantum de potentia intellectiua inquantum intelligit per species intelligibiles à sensibilibus acceptas: quia illis nō cognoscit anima nec coniuncta nec separata præteritum sub ratione præteriti, cum abstrahant ab omni temporis differentia, & esse præteritum accidat naturæ repræsentatæ per speciem intelligibilem à sensibilibus abstractam ut sic.

*Solutio rationum quibus videtur probari  
vnitas intellectus possibilis.*

Cap. 75.



D probandum autem vnitatem intellectus possibilis quædam rationes adducuntur, quas oportet ostendere efficaces non esse. Videtur enim quod omnis forma quæ est vna secundum speciem, & multiplicatur secundum numerum indiuiduetur per materiam: quæ enim sunt vnum specie, & multa secundum numerum, conueniunt in forma & distinguuntur secundum materiam: si igitur intellectus possibilis in diuersis hominibus sit multiplicatus secundum numerum, quum sit vnus secundum speciem: oportet quod sit indiuiduatus in hoc & in illo per materiam, non autem per materiam quæ sit pars sui, quia sic esset receptio eius de genere receptionis materiæ primæ, & reciperet formas indiuiduales, quod est contra naturam intellectus. Relinquitur ergo quod indiuiduetur per naturam quæ est corpus hominis cuius ponitur forma.

*Idem prima  
parte q. 76.  
artic. 2.*

Omnis autem forma indiuiduata per materiam cuius est actus, est forma materialis: oportet enim quod esse cuiuslibet rei dependeat ab eo à quo dependet indiuiduatio eius: sicut enim principia communia sunt de essentia speciei, ita principia indiuiduantia sunt de essentia huius indiuidui: sequitur ergo quod intellectus possibilis sit forma materialis, & per consequens quod non recipiat aliquid, neque operetur sine organo corporali: quod est etiā contra naturā intellectus possibilis, igitur intellectus possibilis nō multiplicatur in diuersis hominibus, sed est vnus omnium hominum.

2 Item si intellectus possibilis esset alius in hoc & in illo homine: oportere quod species intellecta esset alia numero in hoc & in illo: vna verò in specie, quum enim specierum intellectarum in actu proprium subiectum sit intellectus possibilis, oportet quod multiplicato intellectu possibili multiplicentur species intelligibiles secundum numerum in diuersis: species autem aut formæ quæ sunt eadem secundum speciem, & diuersæ secundum numerum, sunt formæ indiuiduales, quæ non possunt esse formæ intelligibiles: quia intelligibilia sunt vniuersalia, non particularia. impossibile est igitur intellectum possibilem esse multiplicatum in diuersis indiuiduis hominum: necesse est igitur quod sit vnus in omnibus.

3 Adhuc, magister scientiam quam habet, transfundit in discipulum



discipulum aut igitur eandem numero, aut aliam diuersam numero, etsi sit eadem in specie. secundum videtur impossibile esse: quia sic magister causaret scientiam suam in discipulo, sicut causat formam suam in aliquo generando sibi simile in specie, quod videtur pertinere ad agentia materialia. oportet ergo quod eandem scientiam numero causet in discipulo, quod esse non posset, nisi esset vnus intellectus possibilis vtriusque, necesse igitur videtur intellectum possibilem esse vnum omnium hominum. Sicut autem prædicta positio veritatem non habet, vt ostensum est: ita rationes positæ ad ipsam confirmandam facile solubiles sunt. Confitemur enim intellectum possibilem esse vnum specie in diuersis hominibus, plures autem secundum numerum: vt tamen non fiat in hoc vis, quod partes hominis non ponuntur in genere vel specie secundum se, sed solum vt sunt principia totius: nec tamen sequitur quod sit forma materialis secundum esse dependens à corpore. sicut enim animæ humanæ secundum suam speciem competit quod tali corpori secundum speciem vniatur, ita hæc anima differt ab illa numero solo. ex hoc quod ad aliud numero corpus habitudinem habet: & sic indiuiduantur animæ humanæ, & per consequens intellectus possibilis, qui est potètia animæ humanæ secundum corpora, nõ quæsi indiuiduatione à corporibus causata. Secunda verò ratio ipsius deficit ex hoc, quod non distinguit inter id quo intelligitur, & id quod intelligitur. species enim recepta in intellectu possibili, nõ habet se vt quod intelligitur. cum enim de his quæ intelliguntur, sint omnes artes & scientiæ, sequeretur quod omnes scientiæ essent de speciebus existentibus in intellectu possibili: quod patet esse falsum. nulla enim scientia de eis aliquid cõsiderat nisi naturalis & metaphysica: sed tamen per eas quæcunque sunt in omnibus scientiis cognoscuntur. habet se igitur species intelligibilis recepta in intellectu possibili in intelligendo, sicut id quo intelligitur: sicut & species coloris in oculo, non est id quod videtur, sed id quo videmus. id verò quod intelligitur, est ipsa ratio rerum existentium extra animam: sicut etiã & res extra animam existentes visu corporali videntur. Ad hoc enim inueniuntur artes & scientiæ, vt res in suis naturis cognoscantur: neque tamen oportet quod si scientiæ sunt de vniuersalibus, quod vniuersalia sint extra animam per se subsistantia: sicut Plato posuit. quauis enim ad veritatem cognitionis necesse sit vt cognitio rei respõdeat, nõ tamẽ oportet quod idem sit modus cognitionis & rei. quæ enim coniuncta sunt in re, interdum diuisim cognoscuntur. simul enim vna res est & alba & dulcis: visus tamen cognoscit solã albedinem, & gustus solam dulcedinem: sic etiã & intellectus intelligit lineam in materia sensibili existentem absq; materia sensibili: licet etiã cum materia sensibili intelligere possit. hæc autẽ diuersitas accidit secundum diuersitatem specierum intelligibilium in intellectu receptarum: quæ quandoque sunt similitudo quantitatis tantum, quandoque verò substantiæ sensibilibus quantæ. Similiter autem licet natura generis & speciei nõquam sit nisi in his indiuiduis, intelligit tamen intellectus naturam speciei & generis non intelligendo principia indiuiduantia: & hoc est intelligere vniuersalia: & sic hæc duo nõ repugnant, quod vniuersalia non subsistant extrã animam, & quod intellectus intelligens vniuersalia intelligat res quæ sunt extrã animam: quod autem intelligat intellectus naturam generis vel speciei denudatam à principiis indiuiduantibus, contingit ex conditione speciei intelligibilis in ipso receptæ, quæ est immaterialis effecta per intellectum agentem, vtpote abstracta à materia & conditionibus materiæ, quibus aliquid indiuiduatur. Et ideo potètiæ sensitiuæ non possunt cognoscere vniuersalia, quia nõ possunt recipere formam immaterialem, quum recipiantur semper in organo corporali: non igitur oportet esse numero vnã speciem intelligibilem huius intelligentis & illius: ad hoc enim sequeretur esse vnũ intelligere numero huius & illius, cum operatio sequatur formam quæ est principium speciei: sed oportet ad hoc quod sit vnum intellectum, quod sit vnus

& eiusdem similitudo: & hoc est possibile si species intelligibiles sint numero diuersæ: nihil enim prohibet vnus rei fieri plures imagines differentes: & ex hoc contingit quod vnus homo à pluribus videatur, non igitur repugnat cognitioni vniuersali intellectus, quod sint diuersæ species intelligibiles in diuersis. Nec propter hoc oportet quod si species intelligibiles sint plures numero, & eadem specie, quod non sint intelligibiles actu, sed potètia tantum, sicut alia indiuidua: non enim hoc quod est esse indiuiduum, repugnat ei quod est esse intelligibile actu, oportet enim dicere ipsum intellectum possibilem & agentem, si ponantur quædam substantiæ separate corpori non vnitæ per se subsistentes, quædam indiuidua esse: & tamen intelligibilia sunt: sed id quod repugnat intelligibilitati, est materialitas: cuius signum est, quod ad hoc quod fiat forma rerum materialium intelligibiles actu, oportet quod à materia abstrahatur: & ideo in illis in quibus indiuidua fit per hanc materiam signatam, indiuiduata non sunt intelligibilia actu: si autem indiuiduatio fiat non per materiam, nihil prohibet ea quæ sunt indiuidua esse actu intelligibilia, species autem intelligibiles indiuiduatur per suum subiectum: qui est intellectus possibilis, sicut & omnes aliæ formæ: vnde quum intellectus possibilis non sit materialis, nõ tollitur à speciebus indiuiduatis per ipsum quin sint intelligibiles actu.

4 Præterea, in rebus sensibilibus sicut non sunt intelligibilia actu indiuidua, quæ sunt multa in vna specie, vt equi vel homines: ita nec indiuidua quæ sunt vnica in sua specie, vt hic sol, & hæc luna: eodem autem modo indiuiduantur species per intellectum possibilem, siue sint plures intellectus possibiles, siue vnus: sed non eodem modo multiplicantur in eadem specie: nihil igitur refert quantum ad hoc quod species receptæ in intellectu possibili, sint intelligibiles actu, vtrum intellectus possibilis sit vnus in omnibus, aut plures.

5 Item, intellectus possibilis secundum Com. prædictum est vltimus in ordine intelligibilium substantiarum: quæ quidem secundum ipsum sunt plures.

Nec potest dici quin aliqua superiorum substantiarum habeat cognitionem eorum quæ intellectus possibilis cognoscit. In motoribus enim orbium (vt ipse etiam dicit) sunt formæ eorum quæ causantur per orbis motum: adhuc igitur remanebit, licet intellectus possibilis sit vnus, quod formæ intelligibiles multiplicentur in diuersis intellectibus. Licet autem dixerimus quod species intelligibilis in intellectu possibili recepta non sit quod intelligitur, sed quo intelligitur: non tamen remouetur quin per reflexionem quãdam intellectus seipsum intelligat, & suum intelligere, & speciem qua intelligit: suum autem intelligere intelligit dupliciter. Vno modo in particulari: intelligit enim se nunc intelligere. Alio modo in vniuersali secundum quod rationatur de ipsius actus natura. Vnde & intellectum & speciem intelligibilem intelligit eodem modo dupliciter: & percipiẽdo se esse, & habere speciem intelligibilem, quod est cognoscere in particulari, & considerando suam & speciei intelligibilis naturam, quod est cognoscere in vniuersali: & secundum hoc de intellectu & intelligibili tractatur in scientiis. Per hæc autem quæ dicta sunt, & tertiæ rationis apparet solutio: quod enim dicit scientiam in discipulo & in magistro esse numero vnã: partim quidem verè dicitur, partim autem non, est enim numero vna quantum ad id quod scitur: non tamen quantum ad species intelligibiles quibus scitur, neque quantum ad ipsum scientiæ habitum: nõ tamẽ oportet quod eodem modo magister causet scientiam in discipulo, sicut ignis generat ignem: non enim est modus eorũ quæ à natura generantur, & eorum quæ ab arte: ignis quidem generat ignem naturaliter reducendo materiam de potètia in actum suæ formæ, magister verò causat scientiã in discipulo per modum artis, ad hoc enim datur ars demonstratiua, quã Aristoteles in Posterioribus tradidit, demonstratio enim est syllogismus faciens scire. Sciendum tamen quod secundum quod d

Primo Po-  
ster.

Tex. com. 5.



quod Aristoteles in septimo Metaphysicæ docet, artium quædam sunt in quarum materia non est aliquid principium agens ad effectum artis producendum, sicut patet in ædificatiua: non enim est in lignis & lapidibus aliqua vis actiua mouens ad domus constitutionem, sed aptitudo passiva tantum. Aliqua verò est ars in cuius materia est aliquid actiuum principium mouens ad producendum effectum artis: sicut patet in meditatiua: nam in corpore infirmo est aliquid actiuum principium ad sanitatem. Et idem effectum artis primi generis nunquam producit natura: sed semper fit ab arte: sicut domus omnis est ab arte. Effectus autem secundi generis fit & ab arte, & à natura sine arte: multi enim per operationem naturæ sine arte medicinæ sanantur. In his autem quæ possunt fieri & arte, & natura, ars imitatur naturam: si quis enim ex frigida causa infirmetur, natura eum calefaciendo sanat: unde & medicus si eum curare debeat, calefaciendo sanat. Huic autem arti similis est ars docendi, in eo enim qui docetur, est principium actiuum ad scientiam scilicet intellectus, & ea quæ naturaliter intelliguntur, scilicet prima principia: & idem scientia acquiritur dupliciter, & sine doctrina per inuentionem, & per doctrinam. Docens igitur hoc modo incipit docere, sicut inueniens incipit inuenire, offerendo scilicet considerationi discipuli principia ab eo nota: quia omnis disciplina & omnis scientia ex præexistenti fit cognitione: & illa principia in conclusiones deducendo, & proponendo exempla sensibilia, ex quibus in anima discipuli formentur phantasmatata necessaria ad intelligendum: & quia exterior operatio docentis nihil operaretur nisi ad effectum principium intrinsecum scientiæ, quod inest nobis diuinitus: idem apud Theologos dicitur, quod homo docet ministerium exhibendo, Deus autem interiorius operando, sicut & medicus dicitur naturæ minister in sanando, sic igitur causatur scientia in discipulo per magistrum non modo naturalis actionis, sed artificialis, ut dictum est. Præterea quomodo Commēta. prædicta ponat habitus scientiarum esse in intellectu passiuo sicut in subiecto, vnitatis intellectus possibilis nihil facit ad hoc quod sit vna scientia numero in discipulo & magistro: intellectum enim passiuum constare non esse eundem in diuersis, cum sit potentia materialis: unde hæc ratio non est ad propositum secundum eius positionem.

## Super Cap. 75.



**P**OSTQUAM sanctus Thomas Commentatoris opinionem de vnitatis intellectus possibilis impugnauit, ad eius nunc rationes vult respondere. Prima autem eius ratio erat, quia si multiplicaretur secundum numerum intellectus possibilis esset forma materialis, & per consequens non recipere aliquid, neque operaretur sine organo corporali, quod est contra naturam intellectus possibilis: probatur consequentia, quia omnis forma quæ est vna secundum speciem, & multiplicatur secundum numerum, indiuiduatur per materiam: omnis autem forma indiuiduata per materiam cuius est actus, est forma materialis, cum oporteat esse cuiuslibet rei dependere ab eo à quo dependet indiuiduatio eius, eo quod principia indiuiduantia sunt de essentia huius indiuidui. Respondetur & dicitur primo, quod intellectus est vnus specie & plures secundum numerum, ut non fiat vis in hoc quod partes hominis non ponuntur in genere vel in specie secundum se, sed solum ut sunt principia totius. Dicitur secundum, quod consequentia est falsa, accipiendo formam materialem pro forma dependente à materia secundum esse. Dicitur tertio ad probationem consequentiarum, quod animæ humanæ & per consequens intellectus possibilis qui est potentia animæ indiuiduantur secundum corpora non quasi indiuiduatione à corporibus causata, sed ex hoc quod ad aliud & aliud corpus habitudinem habent.

**C**IRCA istam responsionem multipliciter dubitatur. Non enim videtur argumento satisfacere. Primo, quia videtur falsum indiuiduationem animarum à corporibus non causari: tum quia sicut in argumento tangebatur, principia indiuiduantia sunt de essentia huius indiuidui, sicut principia communia sunt de essentia speciei: vnaquæque autem res à suis principis essentialibus dependet & causatur: ergo indiuiduatio animarum dependet & causatur à corpore, per quod indiuiduatur, tum quia habitudo animæ ad corpus est habitudo formæ ad materiam: materia autem est causa formæ, secundum genus causæ materialis: ergo si anima indiuiduatur ex habitu ad corpus, sequitur quod corpus sit causa animæ & indiuiduationis eius.

Secundo, quia videtur falsum quod animæ per habitudinem ad corpora indiuiduantur, substantia enim non indiuiduatur nisi ex substantia, ut dicitur prima parte q. 29. artic. 1. sed ista habitudo animæ ad corpus non est substantia, ergo non indiuiduatur ex ista habitu.

Ad horum solutionem reminisci oportet eorum quæ superius tacta sunt capite 68. ubi ostensum est quomodo anima intellectiua non est

forma à materia comprehensa, neque à materia dependens. Dictum est enim quod licet anima intellectiua habeat esse in materia, non dependet tamen à materia, quia suum esse non est obligatum materię quasi indigere à materia sustentari, & sine ea esse non possit, sed separata à materia potest habere suum esse: & idem dicebatur ibidem quod materia non est causa animæ intellectiue in genere causæ materialis, & quod de potentia materiæ non educitur. Ex his sequitur quod materia non est causa indiuiduationis animæ, licet in materia indiuiduationem habeat, sicut enim esse potest sine materia, & propter hoc non dependet nec causatur à materia indiuiduali secundum esse, ita separata à materia suā indiuiduationem retinet, & non indiget à materia indiuiduali sustentari quantum ad eius indiuiduationem: atque idcirco non causatur eius indiuiduatio à materia: licet in materia indiuiduali accipiat indiuiduationem. Propter hoc bene inquit sanctus Thomas & conformiter ad suā doctrinam, quod animæ indiuiduantur quidem secundum corpora, sed earum indiuiduatio non causatur ex corporibus. Unde ad primā huius probationem dicitur, quod si per indiuiduum intelligatur compositum ex materia & forma, cum duo concurrant, ut in primo libro est ostensum, ad indiuiduationem, scilicet materiæ & quantitas, non eodem modo dicitur utrumque de essentia indiuidui, sed materiæ dicitur de essentia tanquam eius essentiam constituens, quantitas autem quia ponitur in eius diffinitione tanquam determinatiuum essentię: quomodo docuimus autem hæc sint de essentia indiuidui, non sunt tamen causa indiuiduationis suppositi & indiuidui humani quantum ad esse, licet materiæ sit eius causa quantum ad ipsam essentiam eo modo quo pars est causa totius: non enim causant esse illius suppositi, cum sit tantum ab extrinseco sicut & anima intellectiua: si autem nomine indiuidui accipiat ipsa anima indiuidua quæ est hæc & singularis, sic neque materiæ neque quantitas est de essentia animæ quasi ipsum corpus animæ essentia constituat, sed tantum quia in eius diffinitione ponitur: omne enim quod ponitur in diffinitione alicuius, potest dici largo modo de ipsius essentia: nam sicut anima secundum essentiam suam habet habitudinem ad corpus, inquantum hoc est ei essentiale, quod sit forma corporis, ut dicitur de spiritualibus creaturis artic. 9. ad quartum, ita hæc anima inquantum est hæc anima, habet habitudinem ad hoc corpus, & hoc corpus in eius diffinitione ponitur, sed licet hoc corpus hoc modo sit de essentia huius animæ, non oportet tamen ut sit causa eius indiuiduationis, sicut non est causa esse ipsius: sicut licet simile dicat habitudinem ad aliud simile, non tamen aliud simile est causa eius in aliquo genere causæ, & sic oportet distingui animas materialiter secundum corporum diffinitionem, inquantum anima ad corpus habitudinem naturalem habet, & illi oportet eam esse proportionatam & coaptatam, ut dicitur inferiori capite 81, non tamen corpus est causa indiuiduationis animæ, neque multitudo corporum est causa multitudinis animarum. Ex quibus patet quod minor propositio assumpta habet veritatem de eo quod est de essentia alicuius tanquam eius essentiam constituens, quantum quidem ad essentiam quam constituit, non autem vniuersaliter quantum ad eius esse, quia (ut est ostensum) materiæ indiuidui humani est quidam causa essentia eius inquantum est pars, non est tamen causa esse, cum esse eius non sit educitum de potentia materiæ. non est autem vera vniuersaliter dicta propositio de eo quod dicitur de essentia rei, quia eius diffinitionem aliquo modo ingreditur, quomodo diximus corpus esse de essentia animæ.

Ad secundam probationem dictæ propositionis dicitur, quod vniuersaliter habitudo animæ ad corpus est habitudo formæ ad materiam, sed minor propositio est falsa si vniuersaliter intelligatur de omni forma, quia materiæ non est causa nisi illius formæ quæ de eius potentia educitur: illius autem formæ quæ de eius potentia non educitur, licet sit receptiua, non tamen est causa. Unde cum dicitur quod forma indiuiduatur per materiam indiuidualem, licet per, non dicit causalitatem, sed habitudinem materiæ tantum in qua accipit indiuiduationem, si sit sermo de anima intellectiua. si autem de aliis formis sit sermo, dicitur habitudinem causæ, quia alia formæ quæ sunt in materia, educuntur de potentia materiæ, & sic materiæ est illis simpliciter causa efficiendi. Quod si instetur sic, causalitas materiæ nihil aliud est quam recipere formam, ergo materiæ est causa omnis formæ receptæ in ipsa. Respondetur quod casualitas materiæ non est recipere absolute, sed recipere formam de eius potentia educitam: & recipere per modum sustentantis, quod est sic recipere formam, ut sine materiæ esse non possit. Unde sanctus Thomas loquens de causalitate formæ & materiæ in quinto Metaphysic. capite, de causa, inquit quod forma est causa materiæ inquantum dat ei esse actum, materiæ verò formæ inquantum sustentat ipsam. Attendendum autem quod ibidem dicitur, scilicet quod materiæ quandoque est formæ causa efficiendi, secundum quod forma huius habens esse in hoc, quod est esse causam efficiendi secundum quid, & sustentare ipsam secundum quid, sicut se habet corpus humanum ad animam rationalem. Ex his enim habetur quod materiæ non est absolute & simpliciter causa animæ intellectiue tanquam simpliciter ipsam sustentans, ita quod non possit absolute esse nisi in materia, cum separata à materiæ habet esse, sed bene est causa efficiendi animæ secundum quid, inquantum est causa quod sit forma huius habens esse in hoc indiuiduo. quantum ad hoc enim materiæ sustentat animam, quia non potest esse forma in actu huius indiuidui, purā Sortis, habens esse in ipso tanquam pars eius, nisi sit in materia. separata enim à materiæ licet habeat esse, non tamen habet esse in Sorte. Et sic patet quomodo intelligendum sit quod inquit sanctus Thomas, animam intellectiua non dependere à materiæ secundum esse. intelligitur enim quod non dependet à materiæ simpliciter, sed bene secundum quid potest dependere. Et quia indiuiduatio animæ concomitatur eius esse, possumus dicere hanc esse mentem sancti Thomæ quod materiæ signata non est quidem causa indiuiduationis animæ intellectiue simpliciter, sed bene est causa indiuiduationis secundum quid, inquantum est causa eius ut sit forma huius in ipso existens: & sic etiam intelligi potest cum dicitur materiæ sub quantitate esse principium indiuiduationis. licet enim in aliis sit causa indiuiduationis simpliciter, in anima tamen intellectiua est principium secundum quid, & principium sine quo non indiuiduatur. Ad secundum dicitur: primo, quod indiuiduum substantiæ dupliciter considerari potest, vno modo inquantum est incommunicabile, alio modo inquantum est hoc signatum distinctum ab omnibus aliis indiuiduis eiusdem speciei. Quod ergo



inquit sanctus Thomas. quoniam indiuiduatur substantia per seipsam, intelligendum est quantum ad primam conditionem indiuidui, est enim incommunicabilis per materiam quæ est vltimum subiectum: materia autem est substantia, quantum autem ad secundam conditionem indiuiduatur per quantitatem quæ est accidens: sunt & alie interpretationes istius propositionis ab aliis posite, quas ego non reprobo, in illis vide. Dicitur secundò, quod non ideo dicit sanctus Thomas. hanc animam differre ab illa ex hoc solo quod ad aliud corpus habitudinem habet quasi habitudo ad corpus sit simpliciter causa indiuiduationis, sed quia est conditio sine qua non indiuiduatur. non enim esset hæc anima nisi esset huic corpori essentialiter coaptata: & sic etiam possumus dicere quod materia indiuidualis est causa sine qua non indiuiduatur anima intellectiua: non autem est causa simpliciter ipsam indiuiduationem in anima causans.

Secunda ratio Auer. erat. Multiplicatur intellectus secundum numerum, ergo & species intelligibiles multiplicantur secundum numerum, ergo sunt formæ indiuiduales, ergo non sunt intelligibiles actu, hoc est falsum, ergo, &c. probatur prima consequentia, quia proprium subiectum specierum intelligibilium est intellectus: secunda quoque probatur, quia formæ quæ sunt eadem secundum speciem, & diuersæ secundum numerum, sunt formæ indiuiduales: tertia etiam probatur, quia intelligibilia sunt vniuersalia, non particularia. Respondetur & dicitur primò, quod procedit ratio ex falso fundamento, scilicet quod species intelligibilis sit id quod intelligitur, & non tantum quo intelligitur, quum tamen sit quo intelligitur, sicut species coloris in oculo est id quo videmus, non autem quod intelligitur, quia id quod intelligitur, est ipsa ratio rerum existentium extra animam, id est, ipsa natura obiecta intellectui quæ est in singulis, aliàs omnes scientiæ & artes quum sint de iis quæ intelliguntur, essent de speciebus quæ sunt in intellectu, & non tantum naturalis ac metaphysica. Dicitur secundò, quod non oportet esse vnam numero speciem intelligibilem huius intelligentis & illius, quia sequeretur vnum esse intelligere numero huius & illius intelligentis, cum operatio sequatur formam quæ est principium operationis: & ideo falsitas primi consequentis in ratione subintelligenda negatur. Dicitur tertio, quod non sequitur si species intelligibiles sint plures numero, & eadem secundum speciem, quod non sint intelligibiles actu, sed tantum potentia, sicut alia indiuidua, quia esse indiuiduum non repugnat ei quod est esse intelligibile actu: intellectus enim possibilis & agens si ponantur separata, erunt indiuidua. & tamen sunt intelligibilia: sed materialitas est id quod repugnat intelligibilitati, species autem intelligibiles sunt immateriales, quia non indiuiduantur per materiam, sed per intellectum possibilem qui est immaterialis: vnde vltima consequentia negatur. Dicitur quarto, quod nihil refert ad hoc quod species receptæ in intellectu sint intelligibiles actu, vtrum intellectus possibilis sit vnus in omnibus, aut plures, quia eodem modo indiuiduantur per intellectum siue sit vnus siue plures sint, licet non eodem modo multiplicentur in eadem specie: sicut & in rebus sensibilibus: ita indiuidua quæ sunt vna in vna specie, vt hic sol & hæc luna, non sunt actu intelligibilia, sicut quæ sunt multa in vna specie, vt equi vel homines, & sic patet quod ista ratio ita concludit contra ponentem vnum intellectum tantum, sicut contra ponentem plures intellectus. Dicitur quinto, quod nec etiam multiplicatio intellectus possibilis est causa multiplicatis specierum. vt prima consequentia videtur supponere, quia etiam apud Comm. ponentem plures substantias intelligibiles in quarum ordine intellectus est vltimus, alique superiorum substantiarum eadem cognoscunt quæ intellectus possibilis: cum in motoribus orbium secundum ipsum sint formæ eorum quæ causantur per orbis motum: & sic formæ intelligibiles multiplicantur ad multiplicationem intellectuum, non autem ad multiplicationem intellectus possibilis.

SED contra hanc responsonem posset multipliciter instari. Primò contra primum dictum, probando quod species sit id quod intelligitur, non autem res extra intellectum, vt dicebatur ibidem. Scientiæ enim sunt de vniuersalibus: si ergo res quæ intelligitur, est res extra animam, sequitur quod vniuersalia sint extra animam, & sic erit opinio Platonis vera.

Respondetur, quod vniuersalia sunt quidem extra animam, non tamen per se substantia, vt Plato posuit, sed in singularibus, & intellectus illa intelligit inquantum intelligit naturam generis & speciei non intelligendo principia indiuiduantia: quod contingit, quia species intelligibilis est immaterialis effecta per intellectum agentem, vt pote abstracta à materia & conditionibus materiæ quibus aliquid indiuiduatur. Si autem contra hoc instetur, quia ad veram cognitionem requiritur vt cognitio rei respondeat, ergo si natura extra intellectum est singularis, oportet vt extra intellectum cognoscatur singularis: dicitur quod vtique oportet cognitionem rei respondere, non tamen oportet vt idem sit modus cognitionis & rei, quia ea quæ sunt coniuncta in re, interdum diuersim cognoscuntur, vt patet de albedine & dulcedine, quado vna res est simul alba & dulcis, & de linea ac materia sensibili, quorum vnum absque altero cognosci potest, & sic licet natura generis & speciei nunquam sit nisi in indiuiduis, tamen intellectus illa intelligit non intelligendo principia indiuiduantia, vnde negatur illa consequentia.

Secundò posset instari cõtra secundum dictum, probando quod oportet esse vnam numero speciem huius & illius intelligentis, respectu eiusdem intellectus, quia tunc non esset vnus intellectus, cum species sit ipsum intellectum in actu.

Respondetur negando consequentiam. Ad hoc enim vt sit vnum intellectum à multis ex parte rei quæ terminat cognitionem, non oportet esse vnam speciem, cum scilicet ipsa non sit ipsum quod intelligitur, sed eius similitudo: sed oportet quod sit vnus & eiusdem similitudo in illis: hoc autem est possibile si species intelligibiles sint numero diuersæ, nihil enim prohibet vnus & eiusdem rei fieri plures similitudines differentes.

Posset vltimò aliquis querere, vtrum species intelligibiles ita sint præcisæ quo aliquid intelligitur, & ipsæ nullo modo intelligantur. Respondet sanctus Thomas, quod vtique intelligitur, sed per reflectionem, sicut & ipsum intelligere & quantum ad cognitionem eius in singulari, & quantum ad eius cognitionem in vniuersali. 1. quantum ad cognitionem an est, dum cognoscit se habere speciem, & quantum ad cognitionem quid est, cognoscendo naturam ipsius.

CIRCA illud dictum in principio responsonis, quod tantum natu-

ralis & metaphysicus considerat de speciebus intelligibilibus, considerandum quod licet vterque illorum de ipsis speciebus consideret, hoc tamen non est eodem modo. Nam naturalis de ipsis considerat inquantum in phantasmatibus fundantur, & à rebus naturalibus causantur, & eo modo quo considerat de intellectu, inquantum scilicet sunt aliquid animæ intellectiue, quæ est forma naturalis, vt pote propriæ formæ intellectus possibilis existentes, Metaphysicus autem de ipsis considerat & inquantum quædam entia sunt, & inquantum sunt immateriales, sicut & de intellectu possibili inquantum immaterialis est considerat.

CIRCA responsonem ad primam instantiam quum dicitur, quod ratio quare intellectus cognoscit naturam generis & speciei deudatam à principis indiuiduantibus, est conditio speciei intelligibilis in ipso receptæ quæ est immaterialis effecta per intellectum agentem: aduertendum quod abstractio speciei à materia & conditionibus materiæ secundum suum esse dat speciei, vt naturam cuius est similitudo, immaterialiter hoc est absque materialibus conditionibus repræsentet, & quia intellectus fertur in obiectum vt sibi per similitudinem eius in se existentem repræsentatur, sicut & omnis alia potentia cognoscitiua: ideo per ipsam speciem naturam absque materialibus conditionibus apprehendit. Sed attendenda sunt verba sancti Thomæ. Non enim inquit intellectus intelligere naturam absque conditionibus materialibus, quia species est immaterialis, quasi immaterialitas speciei sit ratio quare repræsentat naturam absque materialibus conditionibus, (hoc enim non est verum in doctrina eius quum ponat species quæ sunt in mente angelica, repræsentare non tantum naturam speciei, sed etiam conditiones indiuiduales, & tamen constat quod sunt immateriales) sed inquit illud euenire, quia est effecta immaterialis per intellectum agentem, vt pote abstracta, & cetera. non enim quia est immaterialis absolute: sed quia per intellectum agentem abstracta à phantasmatibus, & per intellectum sit eam abstrahentem fit immaterialis, ideo sic repræsentat: sicut enim per intellectum agentem abstracta, ita repræsentat. hoc autem non conuenit speciebus quæ sunt in mente angelica, sed tantum speciebus intellectus nostri. In eadem responsonem quum dicitur, quod quamuis ad veritatem cognitionis necesse sit vt cognitio rei respondeat, non tamen oportet quod idem sit modus cognitionis & rei, considerandum quod sanctus Thomas dat intelligere distinctionem quam ponit prima parte, quæstione 85. articulo primo, ad primum, & alibi, scilicet quod modus cognoscendi dupliciter potest accipi, scilicet ex parte rei cognitæ, & ex parte cognoscentis. Modus cognitionis ex parte rei cognitæ, oportet proportionari modo ipsius rei cognitæ, vt scilicet cognoscatur res esse sicut est: & si aliter cognoscitur quam sit, non est vera cognitio rei. Modum autem se tenentem ex parte cognoscentis non oportet proportionari modo rei cognitæ, quia intellectus immaterialiter cognoscit quæ habent esse materiale: & quæ coniuncta sunt, secundum esse diuisum & separatim intelligitur: primum significauit quum dixit, necesse esse ad veritatem cognitionis vt cognitio rei respondeat, secundum verò cum dixit, non tamen oportet vt idem sit modus cognitionis & rei.

SED occurrit dubium, quia si modus cognitionis se tenens ex parte rei debet proportionari modo rei intellectæ, si res intellecta sit secundum esse coniuncta conditionibus indiuidualibus, necesse erit vt cognoscatur illis conditionibus coniuncta, non autem absque conditionibus indiuidualibus: & sic intelligitur absque illis conditionibus, sequitur quod sine illis sit in re, & sic non videtur S. Thom. satisfacere instantiæ adductæ, adhuc enim relinquitur aut vt res intellecta non sit res extra animam, quum intellectus sit vniuersale: aut vt vniuersalia sint extra singularia. Respondetur quod modus cognitionis se tenens ex parte cognoscentis vt hic sumitur, est modus cognoscendi secundum quod cognoscenti per speciem repræsentatur, & hoc est cognoscere simpliciter apprehensione: & quia id quod est alteri coniunctum, secundum esse contingit absque alio cui coniungitur repræsentari, sicut species coloris in oculo existens repræsentat colorem pomi, non autem eius dulcedinem, & species intellectus repræsentat naturam, non repræsentando principia indiuiduantia quibus coniungitur, ideo contingit vt cognoscentis vnum absque alio apprehendat: & sic alius est modus cognitionis, & alius modus rei cognitæ absolute sumptæ, vt est extra animam. Per modum autem cognitionis ex parte rei cognitæ intelligitur modus cognoscendi, secundum quod apprehenditur aliquid esse in re, & hoc est cognoscere per secundam operationem intellectus quæ terminatur ad esse rei, dum intellectus dicit aliquid esse: vel non esse: & tunc oportet modum cognitionis proportionari modo rei cognitæ, vt dicat esse quod est, & non esse quod non est: & sic oportet vt dicat speciem esse in indiuiduis, si debet esse verus: si enim diceret ipsam non esse in indiuiduis, falsum diceret, & falsè cognosceret. Vnde ad argumentum negatur consequentia, si cõsequens intelligatur de cognitione quæ est simplex apprehensio, quia transitur à modo se tenente ex parte rei cognitæ ad modum se tenentem ex parte cognoscentis. Si autem intelligatur de cognitione quæ est compositio & diuisio, conceditur prima cõsequentia: oportet enim vt intellectus intelligat naturam esse coniunctam conditionibus indiuidualibus, sicut est in re: & si aliter iudicaret, esset falsus: sed negatur vltima consequentia, non enim dicimus quod vniuersalia intelligantur abstracta à singularibus per secundam operationem intellectus, quod est intelligere ipsa non esse in singularibus, sed tantum per primam operationem intellectus, quod est apprehendere naturam non consideratis indiuidualibus conditionibus: & sic vniuersalia ipsa sunt quæ intelliguntur, non autem species quæ sunt intellectu. Tertia ratio Auerrois erat, Magister scientiam quam habet eandem numerum transfundit in discipulum, ergo vtriusque est vnus intellectus, ergo, &c. probatur antecedens, quia si transfunderet eandem tantum secundum speciem, tunc causaret scientiam in discipulo, sicut causat formam suam in aliquo generando sibi simile, quod pertinet ad agentia materialia. Ad hanc rationem dat sanctus Thomas pulchram & longam responsonem, sed summam quantum ad argumentum sufficit, dicitur primò, quod antecedens est verum de scientia quantum ad id quod scitur: sic enim est vna numero in magistro & in discipulo, non autem quantum ad species intelligibiles quibus scitur, neque quantum ad ipsum habitum scientiæ, in quo videlicet sensu hoc accipi debet. Ad eius probationem negatur consequentia, quia magister causat scientiam



Primo Po-  
ster. lect. 4.

scientiam in discipulo non per modum agentis naturaliter reducens materiam de potentia in actum suæ formæ, sed per modum artis. Vnde & ad hoc datur ab Aristotele ars demonstratiua: demonstratio enim est syllogismus faciens scire. Dicitur secundum ad maiorem declarationem responsionis, quod quum duplex sit ars, vna scilicet, in cuius materia nulum est principium agens ad effectum artis producendum, ut ars ædificatiua, alia in cuius materia est principium productum effectus artis, sicut medicatiua: quum dictum est magistrum causare scientiam per modum artis, accipitur ars secundo modo, non autem primo modo, quia in eo qui docetur, est principium actuum ad scientiam, scilicet intellectus & prima principia quæ naturaliter intelliguntur: & ideo sicut medicus sanando est minister naturæ, ita magister docet ministerium exhibendo, Deus autem interior operando: quia videlicet Deus est causa naturalis luminis intellectus, quo homo in seipso scientiam causat. Dicitur tertio, quod hæc ratio non est ad propositum secundum ipsius compositionem, quia cum ipse ponat habitum scientiarum in intellectu passiuo, vnitas intellectus possibilis nihil facit ad vnitatem numeralem scientiæ magistri & discipuli, cum intellectum passiuum constet non esse eundem in diuersis, sed supple oporteret concludere esse vnum intellectum passiuum in omnibus, quod nihil ad propositum pertinet.

CIRCA differentiam inter agens naturale & artem positam à sancto Thoma intelligendum, quod ista differentia dupliciter accipi potest vno modo quantum ad modum agendi, quia scilicet agens naturale agit naturaliter, id est, ex inclinatione propriæ formæ naturalis, agens verò per artem agit à proposito, & hæc propriè est intellectus à sancto Thoma intentus, ex hoc enim optime patet quod magister non agit modo rerum materialium quæ naturaliter agunt, vt ratio deducebat. Alio modo accipi potest quantum ad formam productam, quasi videlicet agens naturale agit producendo formam similem formæ agentis reducendo materiam de potentia in actum suæ formæ, non autem agens artificiale, & sic non accipit hoc loco sanctus Thomas differentiam positam. Sed tamen licet si diligenter verba & propositum eius consideretur, primus tantum sensus huius differentie sit ab eo intentus: quia tamen aliquis posset existimare etiam secundum sensum esse ab ipso intentum propter aliquam eius veritatem: ad eus euidentiam considerandum, quod ista differentia ad hunc secundum sensum habet quidem veritatem loquendo de forma quantum ad eundem modum essendi, agens enim naturale producit formam similem suæ formæ, & quantum ad ipsam rationem formæ, & quantum ad eundem modum essendi præfertur agens vniuersum: agens autem artificiale licet producat formam similem suæ formæ secundum ipsam formam rationem, non tamen secundum eundem modum essendi, vt dicitur prima parte quæst. 15. ad 1. & de potentia quæst. 7. art. primo, ad octauum, cum forma producta habeat esse materiale extra intellectum: in intellectu autem habet esse immateriale & intelligibile, non tamen habet veritatem vniuersaliter de forma quantum ad ipsam rationem formæ. Nam non est verum de agente artificiali in cuius materia nullum est principium actuum quod non educat materiam in actum suæ formæ per quam agit, quum videamus domesticatorem in materiam introducere formam domus in materia eiusdem rationis cum domo existente in eius intellectu, licet non eiusdem modi essendi. Est autem verum de artifice in cuius materia est principium agens ad effectum artis producendum. Hoc enim commune omni est actioni, quod effectus assimilatur suæ causæ principali quantum ad formam, non autem oportet vt assimiletur instrumento aut ministro, eo quod agens principale agit per virtutem suæ formæ, non autem agens instrumentale, vt dicitur tertia parte q. 62. art. 1. & questionibus de Malo, q. 4. art. 1. ad 15. & 16. & ideo agens principale agendo educit materiam de potentia ad actum suæ formæ, agens instrumentale vt sic non educit materiam ad actum propriæ formæ, sed cooperatur agenti principali ad inductionem formæ illius in materiam. Cum ergo & ars in cuius materia non est principium actuum ad effectum artis producendum, habeat rationem principalis agentis, sicut & agens naturale: ideo sicut agens naturale agit ad similitudinem suæ formæ in materia producendam, ita & talis artifex: & ideo sanctus Thomas in questionibus de Veritate quæst. 11. art. primo, vniuersaliter & absque distinctione inquit, quod quando aliquid præexistit in potentia passiuam tantum, tunc agens extrinsecum est quod educit principaliter de potentia in actum. Ars autem in cuius materia est principium actuum ad effectum artis producendum, cum comparetur ad illud principium quod est in materia sicut instrumentum, & sicut minister ad principale agens, non educit materiam de potentia in actum ipsius artis, sed ministerialiter operatur ad hoc vt explicetur in actu quod virtute in principali agere cōtinetur, sicut ars medicatiua ministra est ad hoc, vt in corpus introducat sanitas quæ continetur virtualiter in virtute sanatiua in animali existente: & similiter magister per suam scientiam non agit ad introductionem suæ scientiæ in discipulum, sed est minister ad hoc, quod scientia quæ virtute continetur in intellectu discipuli, & principii ab eo naturaliter notis, ipse in seipso causat: & ideo proponit sibi propositiones & ordinem propositionum tanquam instrumenta quibus, in seipso habitum scientiæ causare possit: proponit etiam exempla quibus possit formare phantasmata necessaria ad intelligendum.

SED occurrit dubium. Nam scientia discipuli de vno scibili est eiusdem speciei cum scientia magistri de eodem scibili. Vnde in de Veri. vbi supra art. 1. ad 6. dicitur quod per doctrinam fit in discipulo scientia similis ei quæ est in magistro: educit de potentia in actum. ergo magister docendo illam scientiam educit discipulum de potentia in actum suæ formæ. non enim alia ratione dicitur ignis educere materiam de potentia in actum suæ formæ, nisi quia in materia producit formam eiusdem speciei cum forma quam habet. Respondetur quod agens educere materiam de potentia in actum propriæ formæ contingit dupliciter: Vno modo, quia forma sua est principium actuum formale quo formam producit in materia similem suæ formæ ipsam formam attingendo sua actione. Alio modo, quia ministrat alicui instrumenta quibus illud producat formam similem formæ ipsius ministrantis, seu quocunque modo iuuat aliud ad productionem illius formæ, ipsum tamen sua actione non attingit formam. Magister ergo non educit materiam suæ intellectum discipuli in actum propriæ formæ & propriæ scientiæ primo modo, cum scientia in quantum huiusmodi non habet rationem causæ vt dicitur primo sen. dist.

38. art. 1. & prima parte q. 117. artic. 1. ad secundum, sed secundo modo tantum, in quantum per scientiam nouit magister quas propositiones, quas demonstrationes, quæ exempla debeat discipulo proponere, quibus iuuari possit ad causandam scientiam in seipso: & ideo docens non dicitur educere discipulum de potentia in actum suæ formæ, nisi secundo modo, sicut si homo calidus iuuaret ad introductionem caloris in ligno illi ignem approximando, diceretur causare ministerialiter calorem eiusdem speciei cum calore quem habet: tamen calor suus non esset principium formale quo lignum calefaceret. propositio autem S. Thomæ intelligenda est primo modo, non autem secundo modo. ideo ratio non sequitur. Differentia ergo illa posita inter agens naturale & artificiale iuxta secundam interpretationem. scilicet quod agens naturale educit materiam de potentia in actum suæ formæ, non autem agens artificiale, est vniuersaliter vera de forma quantum ad eundem essendi modum, quantum autem ad ipsam formam rationem est vera comparando agens naturale ad illud tantum agens artificiale, in cuius materia est principium actuum ad productionem formæ, cuiusmodi agens est magister de quo in proposito est sermo, non autem vniuersaliter comparando ad agens artificiale. Verum tamen (vt diximus) prima interpretatio magis est ad propositum sancti Thomæ.

CIRCA illam propositionem, in eo qui docetur, est principium actuum ad scientiam, scilicet intellectus, & ea quæ naturaliter intelliguntur, scilicet prima principia: aduertendum quod ex hoc modo loquendi quo distinguitur principium existens in eo qui docetur, in intellectu & prima principia naturaliter nota dat intelligere S. Th. intellectum esse distinctum ab habitu principiorum primorum, & non est idem cum lumine intellectus agentis, vt quidam volunt, id quod manifestius dicit prima. q. 53. art. 1. vbi ait, quod si aliquis habitus sit in intellectu possibili immediate ab intellectu agente causatus, talis habitus est incorruptibilis, & per se, & per accidens, huiusmodi autem sunt habitus primorum principiorum tam speculabilium, quam practiorum: & idcirco cum inquit aliquando S. Thom. quoniam prima principia cognoscuntur naturali lumine intellectus agentis, non est sic intelligendum quasi ipsa virtus intellectus agentis sit habitus primorum principiorum, sed quia ille habitus non fit in nobis per discursum & argumentationem sicut habitus scientiarum, sed immediate ab ipso intellectu agente in intellectu possibili causatur.

OCVRIT autem dubium circa primum dictum in responsione, vbi dicitur quod eadem numero scientia est in discipulo & magistro quantum ad id quod scitur: hoc enim non videtur verum esse, quia quod scitur, non est vnum numero, sed vnum specie, aut genere aut analogia. Respondetur quod vnum numero dupliciter potest accipi, scilicet potestue: quia videlicet est quoddam in se singulare & indiuiduum: & negatiue, quia scilicet non est diuisum in multa secundum numerum. Primo modo non dicitur id quod scitur, esse vnum numero, sed secundo modo, natura enim vniuersalis à conditionibus indiuidualibus abstracta, secundum quod habet rationem sciti, non est diuisa in plura secundum numerum, cum abstractat ab omnibus principis ipsam diuidens, sed est vna, & sic dicitur scientia magistri & discipuli esse vna numero ex parte sciti, quia videlicet id quod vtraque scientia scitur, non est vt sic diuisum & multiplicatum numeraliter. Multa adduci potuissent ad huius capitis explanationem, sed quoniam ea à S. Tho. in aliis locis sunt plenissime explicata, ea breuitati studens de industria præterui.

Quod intellectus agens non sit substantia separata, sed aliquid animæ.

Cap. 76.



**E**X his autem concludi potest quod nec intellectus agens est vnus in omnibus: vt Alexander etiam ponit & Auicenna. qui non ponunt intellectum possibilem esse vnum omnium, cum enim agens & recipiens sint proportionata: oportet quod vnicuique passiuo respondeat proprium actuum: intellectus autem possibilis comparatur ad agemem vt proprium passiuum siue susceptiuum ipsius: habet enim se ad eum agens sicut ars ad materiam, vt dicitur in 3. de Anima: si igitur intellectus possibilis est aliquid animæ humanæ multiplicatum secundum multitudinem indiuiduorum, vt ostensum est & intellectus etiam agens erit huiusmodi, & non erit vnus omnium.

Adhuc, intellectus agens non facit species intelligibiles actu vt ipse per eas intelligat, maxime sicut substantia separata, cum non sit in potentia: sed vt per eas intelligat intellectus possibilis: non igitur facit eas nisi tales quales competunt intellectui possibili ad intelligendum, tales autem facit eas qualis est ipse: nam omne agens agit sibi simile: est igitur intellectus agens proportionatus intellectui possibili: & sic cum intellectus possibilis sit pars animæ, intellectus agens non erit substantia separata.

Amplius, sicut materia prima perficitur per formas naturales quæ sunt extrinsecus animæ: ita intellectus possibilis perficitur per formas intellectas in actu. Sed formæ naturales recipiuntur in materia prima non per actionem alicuius substantiæ separata tantum, sed per actionem formæ eiusdem generis, scilicet quæ est in materia: sicut hæc caro

Contra Gent.

r 2

Idem p. p. q. 79. art. 4.

Tex. com. 18.



*Tex. com. 28.* generatur per formam quæ est in his carnibus & his ossibus, ut probat Aristot. in 7. Meta. si igitur intellectus possibilis sit pars animæ, & non sit substantia separata, ut probatum est: intellectus agens per cuius actionem fiunt species intelligibiles, in ipso non erit aliqua substantia separata, sed aliqua virtus actiua animæ.

*Plato in Timæo.* 4. Item Plato posuit scientiam in nobis causari ab Ideis, quas ponebat esse quasdam substantias separatas: quam quidem positionem Arist. improbat in primo Metaphysicæ. constat autem quod scientia nostra dependet ab intellectu agente sicut ex primo principio. si igitur intellectus agens est quædam substantia separata, nulla esset vel modica differentia inter opinionem istam & Platoniam à Philosopho improbatam.

*Tex. com. 28. & infra.* 5. Adhuc, si intellectus agens est quædam substantia separata, oportet quod eius actio sit continua, & non inter-cisa: vel saltem oportet dicere quod non continetur & intercidatur ad nostrum arbitrium. actio autem eius est facere phantasmata intelligibilia actu. aut igitur hoc semper faciet aut non semper: si non semper, non tamen hoc faciet ad arbitrium nostrum: sed tunc intelligimus actu, quando phantasmata fiunt intelligibilia actu. igitur oportet quod vel semper intelligamus, vel quod non sit in potestate nostra actu intelligere.

6. Præterea, comparatio substantiæ separatae ad omnia phantasmata quæ sunt in quibuscunque hominibus, est una: sicut comparatio Solis est una ad omnes calores. res autem sensibiles similiter sentiunt sentientes & insciji: & per consequens eadem phantasmata sunt in utroque: similiter igitur fiunt intelligibilia ab intellectu agente. uterque ergo similiter intelliget. Potest autem dici quod intellectus agens semper agit quantum in se est, sed non semper phantasmata fiunt intelligibilia actu: sed solum quando sunt ad hoc disposita, disponuntur autem ad hoc per actum cogitationis virtutis: cuius usus est in nostra potestate: & ideo intelligere actu est in nostra potestate. & ob hoc etiam contingit. quod non omnes homines intelligunt ea quorum habent phantasmata: quia non omnes habent actum virtutis cogitationis convenientem, sed solum qui sunt instructi & cōsueti. Videtur autem quod hæc responsio non sit omnino sufficiens, hæc enim dispositio quæ fit per cogitationem ad intelligendum: oportet quod sit vel dispositio intellectus possibilis ad recipiendum formas intelligibiles

*Auic. l. par. de anima. c. 5.* ab intellectu agente fluentes, ut Auicenna dicit: vel quia disponuntur phantasmata ut fiant intelligibilia actu, sicut *Auer. 3. de anima. c. 5.* Auerrois & Alexander dicunt. Primum autem horum non videtur esse conueniens: quia intellectus possibilis secundum suam naturam est in potentia ad species intelligibiles actu: unde comparatur ad eas sicut diaphanum ad lucem, vel ad species coloris: non autem indiget aliquid in cuius natura est recipere formam, aliqua dispositione ulterius ad formam illam, nisi forte sint in illo contrariæ dispositiones: sicut materia aquæ disponitur ad formam aeris per remotionem frigiditatis & densitatis. nihil autem contrarium est in intellectu possibili quod possit impedire cuiuscunque speciei intelligibilis susceptionem: nam species intelligibiles etiam contrariorum in intellectu non sunt contrariæ, ut probat Aristot. in sexto Metaphysicæ, cum vnum sit ratio cognoscendi aliud. Falsitas autem quæ accidit in iudicio intellectus componentis & diuidentis, prouenit non ex eo quod in intellectu possibili sint aliqua intellecta, sed ex eo quod ei aliqua defunt, non igitur quantum in se est intellectus possibilis indiget aliqua præparatione ut suscipiat species intelligibiles ab intellectu agente fluentes.

*Tex. com. 23.* 2. Præterea colores facti visibiles actu per lucem, pro certo imprimunt suam similitudinem in diaphano, & per consequens in visum. si igitur ipsa phantasmata illustrata ab intellectu agente, non imprimunt suas similitudines in intellectum possibilem, sed solum disponunt ipsum ad recipiendum: non esset comparatio phantasmatum ad intellectum possibilem, sicut colorum ad visum, ut Aristot. ponit,

3. Item secundum hoc phantasmata non essent per se necessaria ad intelligendum, & per consequens nec sensu, sed solum per accidens, quasi excitantia & præparantia intellectum possibilem ad recipiendum: quod est opinionis Platonice, & contra ordinem generationis intellectus & scientiæ quem ponit Aristot. in primo Metaph. & ultimo posteriorum, \*dicens quod ex sensu fit memoria: ex multis memoriis vnum experimentum: ex multis experimentis vniuersalis acceptio, quæ est scientiæ & intellectus. Est autem hæc positio Auicennæ consona his quæ de generatione rerum naturalium dicit. ponit enim quod omnia agentia inferiora solum per suas actiones præparant materiam ad suscipiendas formas quæ effluunt in materias ab intelligentia agente separata. unde & eadem ratione ponit quod phantasmata præparant intellectum possibilem: formæ autem intelligibiles fluunt à substantia separata. similiter autem quod per cogitationem disponantur phantasmata ad hoc quod fiant intelligibilia actu, & mouentia intellectum possibilem, conueniens non videtur si intellectus agens ponatur substantia separata. hoc enim videtur esse conforme positioni dicentium quod inferiora agentia sunt solum disponentia ad ultimam perfectionem: ultima autem perfectio est ab agente separato: quod est contra sententiam Aristotelis in septimo Metaphysic. \* non enim videtur imperfectius se habere anima humana ad intelligendum, quam inferiores naturæ ad proprias operationes.

4. Amplius effectus nobiliores in istis inferioribus producantur non solum ab agentibus superioribus: sed requirunt agentia sui generis. hominem enim generat Sol & homo: similiter videmus in aliis animalibus perfectis quod quidam ignobilia animalia ex Solis tantum actione generantur absque principio actiuo sui generis: sicut patet in animalibus generatis ex putrefactione. intelligere autem est nobilissimus effectus qui est in istis inferioribus. non igitur sufficit ponere ad ipsum agens remotum: nisi etiam ponatur agens proximum. hæc autem ratio contra Auicennam non procedit. nam ipse ponit omne animal posse generari absque semine.

5. Adhuc, intentio effectus demonstrat agentem: unde animalia generata ex putrefactione non sunt ex intentione naturæ inferioris, sed superioris tantum. quia producantur ab agente superiori tantum: propter quod Aristot. in 7. Metaphysic. dicit ea fieri casu: animalia autem quæ fiunt ex semine, sunt ex intentione naturæ superioris & inferioris. Hic autem effectus qui est abstrahere formas vniuersales à phantasmatibus, est in intentione nostra, non solum in intentione agentis remoti: igitur oportet in nobis ponere aliquod proximum principium talis effectus. hoc autem est intellectus agens. non est igitur substantia separata, sed aliqua virtus animæ nostræ.

6. Item in natura cuiuslibet mouētis est principium sufficiens ad operationem naturalem eiusdem: & si quidem operatio illa consistat in actione, adest ei principium actiuum: sicut patet de potentiis animæ nutritiæ in plantis: si verò operatio illa consistat in passione, adest ei principium passiuum, sicut patet de potentiis sensitiuis in animalibus: homo autem est perfectissimus inter omnia inferiora mouentia: eius autem propria naturalis operatio est intelligere, quæ non completur sine passione quadam: in quantum quilibet intellectus patitur ab intelligibili: nec etiam sine actione, in quantum intellectus facit intelligibilia in potentia esse intelligibilia in actu. oportet igitur in natura hominis esse vtriusque proprium principium, scilicet intellectum agentem, & possibilem: & neutrum secundum esse ab anima hominis separatum esse.

7. Adhuc, si intellectus agens est quædam substantia separata, manifestum est quod est supra naturam hominis: operatio autem quam homo exercet sola virtute alicuius supernaturalis substantiæ, est operatio supernaturalis: ut miracula facere & prophetare, & alia huiusmodi, quæ diuino munere homines operantur. cum igitur homo non possit intelligere nisi virtute intellectus agentis: si intelle-

3. de anima. Tex. com. 30.

Plat. in calce 6. de Repub. & ex 7. & epist. ad Dio. & amicos. \* In proemia. Auic. 9. Tract. Meta. cap. 5.

\* Tex. c. 28.

Auic. lib. 15. de natura animal. ca. 1.

Tex. com. 30.



ctus agens est quædam substantia separata, sequitur quod intelligere non sit operatio propria & naturalis homini: & sic homo non poterit diffiniri per hoc quod est intellectus aut rationalis.

8 Præterea nihil operatur nisi per aliquam virtutem quæ formaliter in ipso est. Vnde Aristot. in secundo de Anima ostendit quod quo viuimus & sentimus, est forma & actus, sed vtraque actio, scilicet intellectus possibilis, & intellectus agens, conuenit homini: homo enim species abstrahit à phantasmatibus, & recipit mente intelligibilia actu. non enim aliter in noticiam harum actionum venissemus, nisi eas in nobis experiremur. oportet igitur quod principia quibus attribuuntur hæ actiones, scilicet intellectus possibilis & agens sint virtutes quædam in nobis formaliter existentes. Si autem dicatur quod hæ actiones attribuuntur homini quantum prædicti intellectus continentur nobis, vt Auerrois dicit. iam supra ostensum est quod continuatio intellectus possibilis nobiscum sit quædam substantia separata, qualem ipsa intelligit: non sufficit ad hoc quod ipsum intelligamus. Similiter etiam patet de intellectu agente. comparatur enim intellectus agens ad species intelligibiles receptas in intellectu possibili, sicut ars ad formas artificiales quæ per artem ponuntur in materia, vt patet ex exemplo Aristot. in tertio de anima. \* Formæ autem artis non consequuntur actionem artis, sed solum similitudinem formalem: vnde nec subiectum harum formarum potest per huiusmodi formas actionem artificis facere: ergo nec homo per hoc quod sunt in ipso species intelligibiles actu factæ ab intellectu agente, potest facere operationem intellectus agens.

9 Adhuc, vnumquodque quod non potest exire in propria operatione nisi per hoc quod mouetur ab exteriori principio, magis agit ad operandum, quam quod ipsum agat. irrationalia enim magis aguntur ad operandum, quam seipsa agant: quia omnis operatio eorum depêdet à principio extrinseco mouente: sensus autem motus à sensibili exteriori imprimit in phantasiam: & sic per ordinem procedit in omnibus potentiis vsq; ad motiuas. operatio autem propria hominis est intelligere, cuius primum principium est intellectus agens, qui facit species intelligibiles, à quibus patitur quodammodo intellectus possibilis, qui factus in actu mouet voluntatem. Si igitur intellectus agens est quædam substantia extra hominem, tota operatio hominis dependet à principio extrinseco. non igitur erit homo agens seipsum, sed actus ab alio: & sic non erit dominus suarum operationum: nec meretur laudem aut vituperium: & peribit tota scientia moralis & conuersatio politica: quod est inconueniens. non est igitur intellectus agens substantia separata ab homine.

Super Cap. 76.

**P**OST QVAM ostendit sanctus Thomas intellectum possibilem non esse substantiam separatam, neque esse vnum in omnibus, nunc idem vult de intellectu agente demonstrare. CIRCA hoc autem tria facit. Primum enim ostendit ipsum non esse substantiam separatam, sed esse aliquid animæ. Secundum declarat quomodo non est impossibile cum intellectu possibili in vna animæ substantia conuenire, cap. sequenti. Tertium, ostendit hoc secundum mentem Aristot. esse cap. 78. Quantum ad primum sciendum (vt dicitur in questionibus de anima, artic. 5.) quod intellectus agens esse vnum & separatam videtur plus rationis habere quam si hoc de intellectu possibili ponatur, quia inuenitur agens separatam ab iis quæ reducit in actum, id autem per quod aliquid est in potentia, omnino videtur esse intrinsecum, & ideo plures posuerunt intellectum agentem esse substantiam separatam quam intellectum possibilem, propter hoc ponit sanctus Thomas quod præter Auerroem etiam Alexander & Auicenna posuerunt intellectum agentem esse vnum omnium. Contra quam opinionem arguitur probando quod intellectus agens sit aliquid animæ nostræ, & arguitur primo sic, Agens & patiens oportet esse proportionata. ergo vnicuique passiuo correspondet proprium actiuum. ergo si intellectus possibilis est aliquid animæ multiplicatum secundum multitudinem indiuiduorum, vt est ostensum, intellectus agens erit huiusmodi: probatur vltima consequentia, quia intellectus possibilis comparatur ad agentem vt proprium passiuum siue susceptiuum eius, cum se habeat intellectus agens ad ipsum, sicut ars ad materiam, vt dicitur tertio de Anima.

ADVERTE quod antecedens intelligendum est de agente proximo, non autem de agente remoto. non oportet enim agens remotum proportionari secundum adæquationem cuiuslibet recipienti, quia vnum agens remotum potest agere in multa recipientia, sed bene agens proximum proportionatum esse oportet. videmus enim in rebus naturalibus

omni effectui præsertim in rebus perfectis correspondere proprium agens: non producit enim rosa nisi à rosa, & equus non nisi ab equo producit, & sic propriæ materiæ receptivæ formæ rosæ, & propriæ materiæ receptivæ formæ equi correspondent propria agentia, intellectus autem agens ponitur tanquam proximum agens respectu intellectus possibilis, ideo illa proportionata sint oportet.

ADVERTE etiam quod intellectus agens dicitur ab Aristot. comparari ad intellectum possibilem, vt ars ad materiam: quia sicut ars principaliter operans reducit quidem materiam de potentia in actum formæ artis, non autem ad formam naturalem ipsius operantis per artem (domificator enim sua arte producit formam domus in materia, non autem suam formam quæ est homo) ita intellectus agens in intellectu possibilem introducit species intelligibiles rerum naturalium, & reducit ipsum de potentia in actum illarum rerum, non autem suam formam secundum quam est intellectus agens, in ipsum introducit. Sed videtur hæc ratio non concludere. Diceretur enim quod licet intellectui possibili correspondeat intellectus agens tanquam proprium actiuum, & sit vnius speciei, sicut omnis intellectus possibilis est vnius speciei, non tamen oportet vt vni intellectui possibili secundum numerum correspondeat vnus numero intellectus agens, cum videamus vnū numero agens in pluribus passiuo posse agere, sicut vnus ignis numero potest multa ligna comburere, & vna arte domificatiua possunt multæ materiæ transmutari ad formam domus. Dato etiam quod oporteret tot numero esse intellectus agentes, quot sunt intellectus possibiles, non tamen sequitur si intellectus possibilis est aliquid animæ humanæ, quod & intellectus agens sit aliquid animæ. non enim oportet vt agens in eadem essentia numero radiceretur cum patiente, cum videamus in naturalibus agens esse à patiente omnino secundum suam substantiam separatam, sicut ignis à ligno. Respondetur & dicitur primo, quod non omnes quidem rationes hic adductæ à sancto Thom. sunt tanquam demonstrationes accipientes, sed aliquæ sunt probabiles & persuasivæ: vnde non oportet in omnibus conari ad hoc vt demonstretur eas de necessitate concludere, emittit tamen quantum fieri poterit ostendere quod efficaces sint, non parui momenti. Dicitur secundum, quod propositio assumpta pro fundamento rationis, scilicet vnicuique passiuo correspondet proprium actiuum, intelligenda est de passiuo naturali, & de identitate generis & ordinis, oportet enim vt passiuo naturaliter motiuo ab aliquo correspondeat tanquam proprium agens & naturale aliquod agens, quod sit eiusdem generis cum in ipso, præsertim in rebus perfectis, vt inferius habetur, propterea dicitur septimo Metaphysicæ, quod res materiales non possunt à formis separatis tanquam à propriis actiuis produci, cum sint alterius ordinis ab ipsis & alterius generis. Si ergo intellectus agens comparatur ad possibilem sicut naturale & proprium agens, necesse est vt sint eiusdem generis & ordinis: & ideo si intellectus est accedens animæ, aut forma corporis, si ab ipsa anima non distinguatur (hoc enim nihil ad propositum refert) & per consequens multiplicatur ad multiplicationem hominum, necesse est vt & intellectus agens sit accedens animæ, aut forma corporis, & ad multiplicationem hominum multiplicetur, & sic non erit substantia vna separata. Vnde ad obiecta patet quod non sunt contra mentem rationis. non enim vult concludere sanctus Thomas per hanc rationem, primo quod vnicuique intellectui possibili correspondeat vnus numero intellectus agens, vt obiectio supponit, nec quod in eadem numero essentia animæ oporteat de necessitate esse intellectum & possibilem agentem à quo ille mouetur, sed hoc solum quod non est substantia separata tanquam vnus intellectus agens omnium hominum, quod iuxta declarationem factam optime concluditur. Quo quidem existente, considerato modo agendi intellectus agens & necessitate ipsius, consequenter conuenientiū est dicere quod intellectus possibilis vnius hominis moueatur ab intellectu agente existente in ipso homine, quam quod moueatur ab intellectu agente in alio homine existente, vt per alias rationes inferius ostenditur. Si autem contra rationis declarationem inderetur, quia inquit sanctus Thomas de mente Aristotelis intellectum agentem ad possibilem comparari sicut artem ad materiam, non oportet autem artem esse eiusdem generis & ordinis cum materia artis, cum ars habeat esse immateriale, non autem materia, & sic videtur declaratio fundamenti rationis non esse secundum intentionem sancti Thom. dicitur quod illa comparatio quantum ad aliquid vera est, quantum ad aliquid non habet veritatem: sicut & in omni alia comparatione accidit. se habet enim intellectus agens ad possibilem sicut ars ad materiam, in quantum non producit formam suæ speciei in intellectu possibili, sed tantum formam rerum materialium. non enim causat alium intellectum agentem in intellectu possibili, sed species intelligibiles quæ sunt rerum materialium formæ. sic enim & artifex non causat suam formam & suam speciem qua est in rerum natura in materiam, sed tantum causas formas rerum de quibus est ars, vnde quod inquit sanctus Thomas, intellectum possibilem esse proprium passiuum siue susceptiuum intellectus agens, non sit intelligendum est quasi in ipso intellectu agens suscipiatur secundum propriam speciem, sed quia est id in quo recipiuntur omnes formæ ab intellectu agente productæ. Est autem dissimilitudo inter intellectum agentem & artem in comparatione ad passiuum, quia intellectus agens comparatur ad possibilem vt ad proprium & naturale passiuum receptiuum formarum secundum eundem modum essendi, qui intellectui agenti conuenit, scilicet secundum esse intelligibile & immateriale. ideo oportet vt vterque intellectus in modo essendi conueniant, vt sicut intellectus possibilis habet esse per modum inharerentis, aut formæ alterius, ita habeat esse & intellectus agens, ars autem comparatur ad materiam: sicut ad susceptiuum formæ secundum alium essendi modum. materia enim recipit formam artis materialiter quæ in intellectu habet esse immateriale, ideo non oportet vt sit idem modus essendi artis & eius susceptiui. vnde & ars non est naturale actiuum, sed magis voluntarium, in quantum non agit nisi adiuncta voluntate, intellectus autem agens est naturale actiuum respectu intellectus possibilis, licet quantum ad aliquid (vt supra est ostensum) habeat modum artis. Dicitur vltimus quod licet ars alium modum essendi habeat quam materia, non tamen dicitur esse alterius generis & alterius ordinis, quia ars est eiusdem rationis cum forma materiali, & suæ rationi



non repugnat vterque modus essendi. materiale enim & immateriale tunc sunt diuerforum ordinum, quando rationi vnus repugnat esse in materia alterius verò rationi conuenit vt sit in materia, sicut intelligentia separata & equus sunt alterius & alterius ordinis & generis, rationi verò formæ quæ producitur per artem in quantum huiusmodi non repugnat esse materiale neque etiam immateriale: vnde sicut materia est eiusdem ordinis & generis cum forma in ipsa per artem introducta, ita & cum ipsa arte. Secundo arguitur ad conclusionem: Intellectus agens facit species intelligibiles, tales qualis est ipse, & facit tales quales competunt intellectui possibili ad intelligendum, ergo est proportionatus intellectui possibili, ergo cum intellectus possibilis sit pars animæ, ipse non erit substantia separata. prima pars antecedentis probatur, quia omne agens agit sibi simile. Secunda autem pars probatur, quia non facit species intelligibiles actu, vt per eas ipse intelligat, maxime tanquam substantia separata, cum non sit in potentia scilicet passiva, sed vt per eas intelligat intellectus possibilis.

CIRCA hanc rationem dupliciter dubitatur. Primo enim circa primam partem antecedentis queritur, quomodo intelligatur illa similitudo qualitatis inter intellectum agentem & speciem intelligibilem. aut enim intelligitur quod facit species eiusdem rationis cum ipso, aut secundum eundem modum essendi. si secundum eandem rationem, istud est manifeste falsum, quia species intelligibilis lapidis facta per intellectum agentem non est eiusdem speciei cum intellectu agente, sed cum lapide existente in materia. si secundum eundem modum essendi, probatio ad hoc assumpta non erit ad propositum. non enim omne agens agit sibi simile quantum ad eundem modum essendi, licet faciat aliquo modo sibi simile secundum eandem rationem. ostensum est enim superius quomodo forma aliud modum essendi habet in materia, & alium in mente artificis. Secundo dubitatur circa primam consequentiam. Aut enim intelligitur intellectum agentem esse proportionatum intellectui possibili secundum eandem rationem, & sic non sequitur hoc consequens nisi intellectus ante secundum eundem sensum, scilicet quod species intelligibilis est eiusdem rationis cum intellectu possibili & intellectu agente. constat autem manifeste hoc falsum esse, & sic ratio nulla erit. aut intelligitur ipsum esse proportionatum secundum eundem essendi modum, & tunc oportet vt intelligatur antecedens similiter de conuenientia in modo essendi: sed ostensum est ex sua probatione illud sic intelligi non posse, sed tantum de conuenientia rationis, ergo istud consequens ex illo antecedente non sequitur.

AD huius euidentiam considerandum est quod virtus rationis consistit in hoc quod ea quæ vni tertio assimulantur, inter se quoque similia sunt: & similiter quæ vni tertio proportionantur, inter se quoque sunt proportionata: & ideo cum tam intellectus possibilis quam intellectus agens habeant similitudinem & proportionem cum specie intelligibili, ille per modo susceptiui, hic per modum actiui principij, cum & proprium actum oporteat proprio susceptiui proportionari, & proprium effectum proprie causæ, oportet intellectum possibilem & intellectum agentem sibi inuicem proportionata esse. Secundum ergo conuenientiam vtriusque intellectus ad speciem intelligibilem erit conuenientia ipsorum intellectuum. conuenit autem vterque intellectus cum specie intelligibili in eodem genere & in eodem ordine, quia species & est proprius actus & naturalis intellectus possibilis, & proprius ac naturalis effectus intellectus agens. actum autem proprium alicuius potentie oportet esse eiusdem generis & ordinis cum ipsa potentia, & proprium ac naturalem effectum alicuius agentis cum suo agente, oportet eiusdem generis & ordinis esse. Ad hanc autem conuenientiam sequitur conuenientia in modo essendi, quia quæ sunt eiusdem rationis & eiusdem ordinis eundem essendi modum naturalem habent, vt patet discurrendo per omnia. Sequitur ergo vt & ipsi intellectus inter se & eiusdem rationis & eiusdem modi essendi sint. Vnde ad primum dubium dicitur, quod prima pars antecedentis intelligitur de conuenientia in eadem ratione generica, & in eodem ordine, consequenter etiam in eodem modo essendi naturalis, licet enim alia sit ratio specifica intellectus agens & alia speciei intelligibilis, conueniunt tamen in hac ratione & in hoc ordine, quod sunt principium proprium intellectus, & eundem essendi modum, habent scilicet esse immateriale, & esse intellectualem: & sic optime probatur ista pars antecedentis ex illa propositione assumpta, quod omne agens agit sibi simile, scilicet quod omne agens proprium & naturalem effectum facit eiusdem rationis secum, saltem genericè & eiusdem ordinis: species enim est proprius & naturalis effectus intellectus agens. Cum autem instatur, quod non potest illa pars antecedentis intelligi de conuenientia in modo essendi, quia tunc probatio adducta non esset ad propositum, dicitur quod vtrique ratio illa immediate probat conuenientiam secundum rationem & ordinem, quia agens proprium continens virtutem tantum aliquam formam, non autem formaliter producit sibi simile secundum rationem genericam & in eodem ordine: mediatè tamen probat etiam conuenientiam in modo essendi, quia ex hoc quod forma est similis intellectui agenti in genere & ordine rerum, sequitur quod eundem modum essendi cum ipso habeat.

AD secundum dubium similiter respondetur quod consequens illud intelligitur de proportionem & secundum eandem rationem atque ordinem, & secundum eundem modum essendi. Ad improbationem primæ partis iam ostensum est, quod etiam antecedens de proportionem secundum rationem & ordinem intelligitur. Ad improbationem verò secundæ partis similiter patet quod & antecedens de conuenientia etiam in modo essendi intelligenda est, non autem tantum de conuenientia secundum rationem.

Tertio arguitur: Formæ materiales recipiuntur in materia prima non per actionem substantiæ separata tantum, sed per actionem formæ eiusdem generis, quæ scilicet est in materia, ergo à simili si intellectus possibilis est pars animæ, non autem substantia separata, intellectus agens per cuius actionem sunt species intelligibiles in ipso, non erit substantia separata, sed virtus animæ: probatur antecedens & exemplo huius carnis quæ generatur per formam quæ est in iis carnis & in his ossibus, vt patet per Aristot. 7. Metaph. text. 28. consequentia verò probatur, quia sicut materia prima perficitur per formas materiales, ita intellectus possibilis perficitur per species intellectas in actu.

ADVERTE cum dicitur hic quod formæ naturales recipiuntur in materia non per actionem alicuius substantiæ separata tantum, quod idcirco additur tantum, quia non negat Arist. secundum cuius opinionem hic arguit sanctus Thomas, quin substantiæ separata sint causæ formarum materialium, cum ponat ipsas esse motrices orbium, ex quorum motibus est in inferioribus generatio & corruptio, sed negat illas solas esse causas dictarum formarum, vt voluit Plato & Auicenna, præter enim substantias separatas requiruntur propria & particularia agentia materialia, vt ostenditur septimo Metaphysicæ.

Quarto, si intellectus esset separatus, aut nulla aut parua differentia esset inter opinionem istam & Platoniam, sed opinionem Platoniam reprobat Arist. in primo Metaphysicæ, ergo, &c. probatur consequentia, quia Plato ponebat scientiam causari in nobis ab Ideis quas ponebat substantias separatas. similiter cum intellectus agens sit primum & principale principium scientiæ nostræ, si ponatur substantia separata, ponitur scientiam in nobis à substantia separata causari. Quinto, oportet quod vel semper intelligamus, vel quod non sit in potestate nostra actu intelligere. probatur consequentia, quia tunc actu intelligimus, quando phantasmata sunt actu intelligibilia. Si autem intellectus agens est substantia separata, oportet quod eius actio quæ est à phantasmata facere actu intelligibilia, aut sit continua & non intermissa, aut quod non continuetur & interdicatur ad arbitrium nostrum: Sexto, sequeretur quod tam scientes quam insciji similiter intelligent, probatur consequentia, quia comparatio substantiæ separata ad omnia phantasmata in quibuscunque est vna, sicut comparatio solis est vna ad omnes calores. eadem autem phantasmata sunt in illis, cum res sensibiles similiter sentiant.

ADVERTE quod comparatio substantiæ separata ad omnia phantasmata dicitur hoc loco esse vna, quia est eiusdem rationis, quia videlicet eodem modo comparatur ad omnia, vt pote non magis illuminatiua vnus phantasmatis quam alterius: sicut & sol eodem modo ad omnes calores comparatur non magis existens causa vnus quam alterius. Ad istas duas rationes simul responderi posset, quod intellectus agens semper agit quantum in se est, sed non semper phantasmata sunt intelligibilia actu, sed solum quando sunt actu disposita per actum cogitativæ virtutis, cuius usus est in nostra potestate. & ideo ad primum horum negatur consequentia, quia inferitur, quod intelligere non erit in nostra potestate. ad secundum etiam negatur consequentia, quia idcirco non omnes intelligent ea quorum habent phantasmata, quia non omnes habent actum cogitativæ conuenientem. Contra hanc responsum, quod non sit omnino sufficiens, licet aliquam habeat apparentiam, arguit sanctus Thomas, quia hæc dispositio quæ fit per cognitionem ad intelligendum: aut est dispositio intellectus possibilis ad recipiendum formas intelligibiles vt voluit Auicenna, aut est phantasmatum dispositio ad hoc vt fiant actu intelligibilia, vt Auerrois & Alexander dicunt. Si primum, contra arguitur, tum quia id in cuius natura est recipere aliquam formam non indiget dispositione alia ad formam illam, nisi forte sit in illa contrariæ dispositiones, intellectus autem possibilis secundum suam naturam est in potentia ad species actu intelligibiles ad quas comparatur: vt diaphanum ad lucem vel ad species coloris, nihilque est in ipso contrarium quod sit impedimentum speciei intelligibilis recipiendæ: nam falsitas quæ accidit in iudicio intellectus componentis & diuidentis, prouenit non quod in intellectu sunt aliqua intellecta, sed ex eo quod ei aliqua defunt, tum quia non esset comparatio phantasmatum ad intellectum possibilem, sicut colorum ad visum, vt voluit Aristotel. quia colores facti visibiles actu per lucem pro certo imprudent suam similitudinem in diaphano & visu, quod non conuenit phantasmata illustrato secundum hanc responsum, tum quia nec phantasmata nec sensus essent per se necessaria ad intelligendum, tanquam scilicet principia actiua & causatiua scientiæ, sed per accidens tantum, quasi preparantia & excitantia intellectum possibilem ad recipiendum, quod & est opinionis Platonice, & contra ordinem generationis scientiæ & intellectus positum ab Aristot. in 1. Metaphysicæ & secundo Posteriorum. Ad id verò sanctus Thom. quod hæc positio Auicennæ consonat iis quæ de generatione rerum naturalium dicit, dum ponit & agentia naturalia solum præparare materiam ad suscipiendas formas ab intelligente separata. Si verò secundum dicitur, tunc hoc videtur conforme positioni dicentium quod agentia inferiora disponunt solum ad ultimam perfectionem. ultima autem perfectio est ab agente separato, quod est contra sententiam Aristot. septima Metaphysicæ.

CIRCA illam propositionem, id in cuius natura est recipere aliquam formam, non indiget dispositione alterius ad illam formam, dubitatur, quia tunc sequitur quod materia immediate recipere possit quamcumque formam substantialem absque aliqua dispositione, cum secundum suam naturam sit in potentia ad omnem formam substantialem. hoc autem videtur falsum, quia anima non potest recipi in materia nisi sit prius organizata & disposita. Videtur etiam esse contra doctrinam sancti Thomæ parte prima, quæst. 76. artic. 6. ubi inquit, quod materia prima est in potentia ad omnes actus ordine quodam, & sic videtur quod posteriorem formam non possit recipere nisi disponatur & præparetur per præcedentem formam, sicut non potest recipere animam intellectiuam nisi præcedat in ipsa anima sensitiua & vegetatiua.

AD huius euidentiam considerandum, quod esse secundum suam naturam in potentia ad formam, aut esse illud in cuius natura est recipere aliquam formam, accipit sanctus Thomas pro eo quod est esse ex se & ex propria natura dispositum ad illam formam suscipiendam, tale autem constat non indigere alia ulteriori dispositione ad illam formam. implicat enim contradictionem quod aliquid ex propria natura dispositum sit ad formam, & quod ulteriori ad illam dispositione indigeat. Nam si dispositione superaddita indigeat, iam non est ex propria natura dispositum. diaphanum enim actu, quia ex se est dispositum ad illam speciem & speciem coloris. Ideo non indiget alia dispositione ad illam speciem: & similiter intellectus possibilis, quia est ex propria natura dispositus ab speciem intelligibilem, propter quod comparatur ad ipsam sicut diaphanum ad lucem si accipiat diaphanum in potentia, aut sicut diaphanum ad speciem coloris, si accipiat diaphanum in actu. ideo nulla alia dispositio ad illam suscipiendam eget, & in hoc fundatur ratio sancti Thomæ.



Ad rationem autem in oppositum responderetur, quod de immediata receptione formæ in materia dupliciter loqui possumus. Vno modo ut illa immediatio excludit dispositionem præcedentem duratione formæ in materia, & desinentem in aduentu ipsius formæ, ut sit sensus, quod materia non indiget ut prius duratione disponatur antequam recipiat formam, sed per se ipsam est ad omnem formam disposita: & tunc negatur consequentia, quia materia non est immediata nisi formis elementorum, ut dicitur inferius cap. 89. & secundo Sententiarum distinct. 13. artic. 4. ad primum, non enim indiget secundum se per aliam formam præcedentem disponi ad formam elementum: licet per accidens oporteat ipsam ad formam vnius elementi disponi, si in materia contingat esse dispositiones contrarias dispositionibus formæ introducendæ, sed bene (ut in locis præallegatis dicitur) indiget disponi ad alias formas per susceptionem formarum præcedentium, ut accidit in generatione hominis, eo quod inter ipsam & animam intellectivam mediant multa formæ, ad probationem autem consequentie negatur assumptum, non enim iuxta sensum datum propositioni sancti Thomæ materia est secundum suam naturam in potentia ad omnem formam, id est, per se & ex propria natura sufficienter ad omnem formam disposita, sed tantum ad formas elementares. Alio modo ut illa immediatio excludit dispositionem manentem in materia cum ipsa formæ, ut sit sensus, quod inter materiam & formam non mediatur aliqua dispositio materiæ superaddita, sed ipsa forma substantialis immediata inheret materiæ, & tunc dicitur iuxta ea quæ superius determinata sunt, quod de forma substantiali dupliciter loqui possumus, vno modo ut dat esse substantiale corporeum, alio modo ut possit aliquid gradum essendi supra esse corporeum, puta esse vegetativum, esse sensitivum, aut esse intellectivum. Si primo modo consideretur, sic materia nuda accepta est ex sua natura disposita ad susceptionem cuiuscunque formæ substantialis, nec indiget ad illam alia dispositione, ut in superioribus patuit, ut habetur ex doctrina sancti Thomæ prima parte quæstione 76. articulo sexto de spiritu articulo tertio, & de anima articulo nono, sed immediate omnem formam substantialem recipit, unde negatur falsitas consequentis. Ad cuius primam probationem dicitur quod assumptum est falsum de anima ut dat esse corporeum, sic enim eius perfectibile est materia prima, non autem corpus organizatum. Ad secundam probationem dicitur iuxta ea quæ habentur in quæstionibus de anima articulo præallegato ad nonum, quod materia dicitur in potentia ad omnes actus, ordine quodam, non quasi recipiat diuersas formas ordinatas, quæ scilicet permanent in materia tanquam vna sit dispositio ad aliam, sed quia id quod est proprium superioris formæ, non recipitur nisi mediante eo quod est proprium inferioris formæ, materia enim non est secundum se disposita ad gradum superioris formæ, sed tantum ad esse substantiale corporeum, ut superius est ostensum, & per gradum inferioriorem ad gradum superiorem & perfectiorem, ab eadem tamen forma procedentes disponitur. Si autem consideretur secundo modo, sic materia non est immediata omni formæ si nuda consideretur, sed ad hoc ut formam secundum perfectiorem gradum recipiat, oportet præintelligere in ipsa ordine naturæ, & intellectus gradum inferiorem tanquam materiæ dispositionem ad gradum superiorem. Unde sic etiam considerata forma, consequentia & assumptum ad eius probationem falsa sunt.

CIRCA illam probationem in eadem ratione assumptam ad excludendam obiectionem quæ aliquis posset dicere in intellectu esse aliquid contrarium formæ intelligibili, quia in intellectu est falsitas quæ veritati contrariatur, circa hanc inquam falsitatem quæ accidit in iudicio intellectus componentis & diuidentis, prouenit non ex eo quod in intellectu possibilibus sint aliqua intellecta, sed ex eo quod ei defunt: aduertendum, quod in intellectu non inuenitur contrarietas ex parte ipsarum specierum intelligibilium, cum species contrarium (ut adducit sanctus Thomas de mente Aristot. 6. Metaphysicæ text. 23.) non sint contrarie, imò vnum sit ratio cognoscendi alterum, sed contrarietas inuenitur in ipso tantum secundum veritatem & falsitatem, secundum quod opiniones contradietorum quarum vna est vera & altera falsa, sunt contrarie, unde contrarietas quæ inuenitur in intellectu est tantum contrarietas enunciationum quæ præsupponunt species in intellectu, ex quibus intellectus ad enunciamum procedit, non autem est contrarietas aliquorum quæ ad actum intelligendi præsupponantur, & ideo bene inquit sanctus Thomas, quod falsitas non est in intellectu ex eo quod sint in ipso aliqua intellecta, id est, falsum existens in intellectu quod contrariatur vero non est species aliqua intelligibilis, ut oporteat ipsam remoueri ad hoc ut intellectus aliam speciem suscipiat, sicut oportet remoueri formam aquæ ad materiam, & qualitates eam consequentes, si in materiam aquæ debet forma ignis introduci, imò defectus & privatio alicuius speciei aut alicuius alterius requisiti ad hoc ut intellectus veram compositionem faciat, est ratio quare intellectus falsum iudicat & componit, sicut iudicans hominem esse rudibilem, quod est falsum, ideo sic iudicat, aut quia non habet speciem intelligibilem hominis aut rudibilis, aut quia secundum illas species non potest rectè iudicare propter defectum virium sensitiuarum, quarum operatione intellectus ad intelligendum eget. Septimo principaliter arguitur: Intelligere est nobilissimus effectus qui est in istis inferioribus, ergo non sufficit ad ipsum ponere agens remotum quod sit substantia separata, sed oportet etiam ponere agens proximum sui generis, ergo, &c. probatur consequentia, quia effectus nobiliores in istis inferioribus præter agens superiora requirunt agentia sui generis, ut patet in animalibus perfectis. Ad id autem S. Thomæ, hæc ratio contra Avic. non procedit, eo quod ponat omne animal posse generari absque semine.

CIRCA hanc propositionem, Intelligere est nobilissimus effectus in istis inferioribus, attendendum quod nomen effectus hoc loco accipitur ut extenditur non solum ad id quod per actionem producit, sed etiam ad ipsam operationem. Dicitur autem intelligere esse nobilissimus effectus, non secundum entitatem suam absolute & simpliciter consideratam, quia omnis substantia est ipso nobilior (substantia enim omnis est nobilior omni accidente, simpliciter loquendo) sed quantum ad modum essendi & in ratione operis & effectus, quia & habet esse immateriale, & procedit ab anima ut excedit materiæ capacitatem, secundum quod habet sit excellentissima formarum. operatio autem sicut accipit speciem à principio operationis, ut dicitur veri. quæst. 20. artic. 1. ad 2. ita

ab ipso habet nobilitatem. Sed non videtur hæc ratio efficax esse propter duo. Primo, quia posset aliquis dicere, quod præter agens vniuersale & remotum datur agens proximum intellectus, scilicet intellectus possibilis, qui postquam recipit speciem à substantia separata, producit intellectum, & sic non oportet ponere intellectum agentem esse partem animæ. Secundo, quia si illa propositio sit vniuersaliter vera, quod omnibus effectibus nobilioribus in istis inferioribus præter agentia vniuersalia, oportet assignare agens proprium eiusdem generis, cum anima intellectiva sit nobilissimus effectus qui in istis inferioribus inueniatur, oportet præter agens vniuersale, qui est Deus, assignare sibi agens proprium eiusdem generis, scilicet animam intellectivam: & sic non à solo Deo erit per creationem, sed vna anima erit ab alia, sicut vnus equus ab alio generatur: quod est contra omnem Philosophiam & Theologiam.

Incipiendo à secundo, ex cuius solutione dependet solutio primi, dicitur primo, quod per effectum in istis inferioribus non intelligit sanctus Thomas omne productum ab alio quomodocunque, sed productum à causa vniuersali, cui non repugnat produci etiam ab agente particulari sui generis, de talibus enim effectibus verum est, quod nobiliores inter illos producantur non solum ab agentibus superioris ordinis, sed etiam requirunt agentia sui ordinis. modo anima intellectiva non est talis effectus, quia non potest produci nisi per creationem, ut ostendit S. Thomas. 1. quæst. 90. artic. 2. solus autem Dei est creare, ut superius est ostensum, ideo instantia non est ad positum, intelligere autem bene est de numero talium effectuum quibus non repugnat habere agens proprium sui ordinis. Idcirco bene illi oportet præter substantias separatas assignare proprium sui generis agens, quod scilicet ad inferiora pertineat tanquam virtus animæ humanæ, sicut intelligere nostrum ad humanam animam pertinet, ut actus in ipsa naturaliter receptus.

Dicitur secundo, quod licet non producat vna anima ab alia, homo tamen facit ipsam vniuersali materiæ, & sic est causa vniuersalis eius ad materiam. Ad primum verò consequenter dicitur, quod non sufficit ponere intellectum possibilem tanquam agens proprium, tum quia intellectus possibilis non est potentia actiua, sed passiva, quæ indiget ab aliquo agente perfici ad hoc ut intellectum eliciat: tum quia intelligere nostrum coexistit facere intelligibilia in actu, cum propter hoc anima nostra sit vnita corpori, ut per sensus rerum materialium cognitionem accipiat faciendum per abstractionem à materialibus conditionibus intelligibilia in potentia esse actus intelligibilia. hoc autem non potest intellectus possibilis qui est potentia passiva, ideo præter intellectum possibilem quo anima potest omnia fieri, necesse est esse in anima intellectum agentem quo possit omnia materialia facere actus intelligibilia, unde inquit sanctus Thomas de anima artic. 4. ad 8. quod actus intellectus possibilis est recipere intelligibilia, actus autem intellectus agentis est abstrahere intelligibilia, & quod ad vnum intelligere oportet quod vtrique istarum actionum concurrat. Octauo, Abstrahere formas vniuersales à phantasmatis est in intentione nostra, non solum in intentione agentis remoti: ergo oportet in nobis esse proximum principium talis effectus qui est intellectus agens. probatur consequentia, quia intentio effectus demonstrat agentem: nam qui sunt de intentione tantum naturæ superioris, producantur tantum à natura superiori, sicut genita ex putrefactione, quæ dicit Aristot. à casu fieri scilicet per comparisonem ad naturam inferiorem, quæ autem à natura inferiori intenduntur etiam à natura inferiori producantur, ut animalia genita ex semine.

CIRCA istam propositionem, intentio effectus demonstrat agentem, aduertendum quod intendere est proprie respectu finis, ideo intendere effectum aliquem ut proprium, scilicet effectum, nihil aliud est quam tendere & inclinari in illum tanquam in finem & terminum suæ operationis. constat autem quod hoc non conuenit nisi habenti in se principium productionis dicti effectus, ideo bene dicitur quod intentio effectus demonstrat agentem, id est, quod intendi aliquid ab aliqua natura tanquam eius effectus, demonstrat illam naturam esse illius productionem. non enim inclinaretur in illum effectum à se producendum nisi haberet in se principium illius productionis, & hoc secundum conditionem intentionis: si enim inclinatur ad producendum effectum immediate, tunc oportet ut in se proximum principium illius effectus habeat, ut dictum est de anima humana respectu abstractionis vniuersalium. experimento enim constat quod nos conamur ad considerationem vniuersalium absque conditionibus materialibus, quod est abstrahere vniuersalia à particularibus. Si autem intendat effectum tanquam ab ipsa remote producendum, oportet ut habeat in se principium illius effectus remotum.

ADVERTE quod ratio hæc est illa quam ponit sanctus Thomas. 1. part. quæst. 79. artic. 4. Sed hæc ex perfectione actus intelligendi ad hoc tantum deducit, quod oportet illi assignari propriam causam: illa autem vltimè ex perfectione animæ intellectivæ arguit oportere in ipsa anima esse talem virtutem, tanquam arguens vltimè, quod si oportet in natura inferiori esse virtutem propriam actus intelligendi productionem, necesse est ut illa sit in anima humana, quia nobilissimus effectus debet habere nobilissimam causam. nihil autem in istis inferioribus est nobilius anima humana. Nondum, Homo est perfectissimus inter omnia inferiora mouentia, & eius propria & naturalis operatio est intelligere, ergo oportet in ipsa esse principium sufficiens ad intelligendum, ergo est in ipsa intellectus agens & intellectus possibilis. probatur prima consequentia, quia in natura cuiuslibet mouentis est principium sufficiens ad naturalem eius operationem, siue in actione, siue in passione consistat. Secunda etiam probatur, quia intelligere non completur sine passione qua intellectus possibilis patitur ab intelligibili, neque sine actione qua intellectus agens facit intelligibilia in actu. Decimè sequitur quod intelligere non sit operatio propria & naturalis homini, & sic non poterit diffiniri homo per hoc quod est intellectivus & rationalis, probatur consequentia, quia operatio quam homo exercet sola virtute supernaturalis substantiæ, est operatio supernaturalis, ut miracula facere & prophettare: constat autem quod si intellectus agens sine cuius virtute homo intelligere non potest, sit substantia separata, quod est supra hominis naturam, ergo, &c.

ADVERTE quod aliquid agere sola virtute supernaturali contingit quando supra virtutem naturalem operantis datur sibi virtus ad operandum. Contra Gent. 1. 4.



dum, sine qua operatio expleri non posset, & tunc illa operatio non potest dici naturalis operanti, cum non procedat complere & sufficienter à virtute talis operantis, propterea optimè sequitur ut deducit S. Thom. quod intelligere erit operatio homini supernaturalis, si intellectus agens sit substantia separata. sic enim non produceretur intelligere ab homine per virtutem eius naturalem complere & sufficienter, sed opus erit virtutis superaddita virtuti naturali ipsius. Undecimò, homo abstrahit species à phantasmatibus, & recipit mente actu intelligibilia, quorum primum pertinet ad intellectum agentem, secundum verò ad intellectum possibilem: ergo oportet intellectum agentem & possibilem esse virtutes in nobis formaliter existentes, probatur antecedens, quia non aliter venissemus in notitiā harum actionum, nisi eas in nobis experiremur. consequenter etiam probatur, quia nihil operatur (ut patet ex secundo de Anima) nisi per aliquam virtutem quæ sit formaliter in ipso. Hac ratione usus est etiam S. Tho. superius ad probandum intellectum possibilem in nobis formaliter esse, & est ibi plenissime explicata: idè circa ipsam non est nobis hic imponendum. Si dicatur (ut Auerrois dicit) quod istæ actiones homini attribuantur inquantum isti intellectus nobis continentur: patet quidem de intellectu possibili ex precedentibus quod eius continuatio nobiscum non sufficit ad hoc ut per ipsum intelligamus, sed & de intellectu agente arguitur, quod non sufficit ad hoc ut agamus operationem intellectus agentis. Formæ enim artis non consequuntur actionem artis, sed solum similitudinem formalem, & per consequens nec subiectum earum potest per ipsas actionem artificis facere, ergo nec homo per hoc quod in ipso sint species intelligibiles factæ ab intellectu agente, potest facere operationem intellectus agentis, probatur consequentia, quia secundum Aristotelis exemplum tertio de Anima, comparatur intellectus agens ad species intelligibiles, sicut ars ad formas artificiales.

CIRCA hanc propositionem, Formæ artis non consequuntur actionem artis, sed solum similitudinem formalem, considerandum quod formam consequi actionem sui principij formalis productui, ut hoc in loco accipitur, est ipsam assimilari principio formali in virtute agendi, ut scilicet possit eam actionem producere, quam suum principium formale potest efficere. In hoc autem differunt formæ à natura productæ, & formæ productæ per artem, quia formæ productæ à natura sicut assimilantur formæ productæ secundum rationem formalem, ita assimilantur illi quantum ad modum essendi: Forma enim ignis producentis & forma ignis producti habent eundem modum essendi, & idè actio quæ consequitur formam producentem, consequitur etiam formam productam, quia quæ sunt eiusdem rationis & eiusdem modi essendi habent easdem operationes: sicut enim forma ignis producentis calefacit & exsiccat, ita forma ignis producti. Formæ autem productæ per artem licet assimilantur arti secundum similitudinem formalem, inquantum videlicet sunt eiusdem rationis cum ipsa, non tamen assimilantur illi secundum modum essendi, cum ars habeat esse immateriale & intellectuale, forma autem per artem producta habeat esse materiale, & idè non oportet ut operatio artis conveniat formæ productæ per artem. non enim sicut ars domificandi est principium formale quo artifex domum producit, ita forma domus in materia producta est principium formale quo una domus producat aliam domum. Huius autem ratio est, quia illa operatio non concomitatur formam artis secundum suum esse materiale, sed tantum ut habeat esse immateriale & intelligibile: quod esse non convenit formæ artis ut est in materia. Idè bene inquit sanctus Thomas, quod forma artis non consequitur actionem artis, sed tantum similitudinem formalem, id est, non assimilatur arti in operando, sed tantum in ratione formali. Ultimo principaliter arguitur, si intellectus agens sit substantia separata, sequitur quod homo non sit agens seipsum, sed actus ab alio, & sic non erit dominus suarum operationum, & non merebitur laudem & vituperium, & sic peribit scientia moralis, & conuersatio civilis, probatur consequentia, quia quod non potest exire in propriam operationem nisi per hoc quod mouetur ab exteriori principio, magis agitur ad operandum, quam seipsum agat: ut patet in irrationabilibus quæ à sensibilibus exterioribus per sensum motionem ordine quodam mota magis aguntur quam seipsa agunt. intelligere autem est propria hominis operatio, cuius principale principium est intellectus agens, qui facit species intelligibiles actu, à quibus quodammodo mouetur intellectus possibilis, id est, motione formali, quæ est actio susceptiui.

CIRCA hanc rationem duo occurrunt dubia. primum est, quia si idè negatur bruti agere seipsa ad operationem, quia non possunt operari nisi moueantur à principio exteriori, quod est ipsum sensibile, eadem ratione etiam si intellectus agens ponatur in homine esse, sequetur quod homo agatur ad operandum, quia non potest operari opere sequente cognitionem nisi ab exteriori sensibili moueatur, & sic ista ratio non magis erit contra ponentes intellectum esse substantiam separatam, quam contra ponentes ipsum animæ partem esse. Secundum est, quia etiam si intellectus agens ponatur in anima, ipse est de necessitate agens, non enim potest non illuminare phantasmata præparata, & sic etiam sequetur dato quod sit in nobis, quod homo non seipsum agat, sed tantum à dante intellectu agenti naturalem inclinationem ad illustranda phantasmata, sicut & alia naturalia dicuntur moueri à dante formam per quam naturaliter inclinatur ad motum, & sic sequitur idem quod prius. Ad horum euidentiā sciendum, quod cum mouere se ad operationem, & habere dominium suarum operationum, pro eodem hic accipitur, habere autè dominium suarum operationum sit voluntarie operari quod est operari cum libertate qua operans potest operari & non operari, ad videndum quomodo sequitur quod homo non agat seipsum ad operandum si intellectus sit substantia separata, videndum est quomodo ex illo sequatur quod homo non habeat in potestate sua operari & non operari. Sciendum ergo ex doctri. S. Tho. 1. q. 6. quod ad hoc ut habeat aliquid in sua facultate operari, & non operari, tria requiruntur, primum est, quod habeat in seipso principium propriæ operationis, secundum quod habeat notitiā finis: tertium quod cognoscat rationem finis, & proportionem eius quod ordinatur ad finem, & idè quodcunque horum deficiat in aliquo, illud non habet in facultate sua operari & non operari. principium autem operationis intelligimus principale principium illius, ad hoc enim quod aliquid habeat in potestate sua operari & non operari, non sufficit quod habeat quaecunque prin-

cipium in se propriæ operationis, quia si non habet principale principium in se, necesse est quod eius operari ab alio dependeat, & per consequens non habet in potestate sua operari & non operari. & si propria eius operatio, quæ scilicet conuenit sibi inquantum tale, non proveniat à principio principali illius intrinseco, absolute verè est dictum quod illud non mouet se ad operandum, sed quod agitur, unde quia intelligere est propria operatio hominis utpote sibi conueniens inquantum est homo, & à qua mouetur voluntas quæ est principium moris in homine, & intellectus agens est principale eius principium tanquam faciens species intelligibiles quibus intellectus possibilis sit in actu, ut possit elicere intellectionem: oportet si intellectus agens non sit intrinsecus homini, sed sit substantia extrinseca ab homine, quod intelligere non sit in hominis potestate, & consequenter quod absolute & vniuersaliter homo non sit dominus suarum operationum, sed agatur ut bruta. Ad primum itaq; dubium dicitur, quod non est eadem ratio de homine si in ipso ponatur intellectus agens, & si ponatur substantia separata, quia exteriora sensibilia non sunt principale agens respectu operationis hominis inquantum est homo, sicut sunt principale mouens respectu bruti, sed intellectus agens phantasmata enim à sensibilibus causata non imprimuntur se & principaliter in intellectum possibilem, sicut per se imprimuntur in vires animalium brutorum, sed sunt instrumenta intellectus agentis, idè si intellectus agens sit substantia ab homine separata, propria operatio hominis non poterit ab homine fieri abque principio principali extrinseco, & per consequens non erit in hominis potestate. Si autem sit virtus existens in anima, talis operatio erit à principio principali intrinseco cum aliis conditionibus requisitis, & ex consequenti homo erit illius operationis dominus, & aliarum quæ ex illa dependent. Ad secundum dubium respondetur & dicitur primum, quod licet intellectus agens necessario agat in phantasmata præparata, non tamen sequitur quod propriæ operationis homo non sit dominus, & consequenter aliarum: quia cum ista naturali operatione intellectus agens, stat quod homo operationem intelligendi habeat liberam sicut licet voluntas naturaliter inclinet in finem sub communi ratione consideratum, tamen liberè vult ea quæ sunt ad finem: & licet intellectus naturaliter assensit primis principiis, tamen aliis non naturaliter assensit, sic quamuis naturaliter intellectus agens faciat phantasmata actu intelligibilia, tamen ipsum intelligere liberum erit, utpote à principio intrinseco principali procedens cum cognitione finis & ordinis eorum quæ sunt ad finem. non sic autem esset si poneretur intellectus agens esse substantia separata, quia tunc intelligere esset à principio extrinseco tanquam à principali principio. Dicitur secundo quod licet intellectus agens quantum in ipso est, naturaliter operetur, tamè eius operatio voluntaria est aliquo modo inquantum homo voluntarie cogitat, & disponit phantasmata ad hoc ut fiant actu intelligibilia, nec hoc negauit sanctus Thomas contra responsionem Auerrois superius arguendo, sed arguebat quod illa responsio iniebat in opinionem dicentium inferiora agentia disponere solum ad vltimam perfectionem, ipsam autem vltimam perfectionem esse ab agente separato, si ponatur intellectus agens esse substantia separata: hoc autem non sequitur si ponamus intellectum agentem esse animæ virtutem, & consequenter homini extrinsecum.

*Quod non est impossibile intellectum possibilem  
& agentem in vna substantia animæ conuenire.*

Cap. 77.



**V**nde debetur autem forsan alicui hoc esse impossibile, quod vna & eadem substantia, scilicet nostræ animæ sit in potentia ad omnia intelligibilia, quod pertinet ad intellectum possibilem: & faciat ea actu, quod est intellectus agentis: cum nihil agat secundum quod est in potentia, sed secundum quod est in actu: unde non videbitur quod agens & possibilis intellectus possint in vna substantia animæ conuenire.

Si quis autè rectè inspiciat, nihil inconueniens aut difficile sequitur. Nihil enim prohibet hoc respectu illius esse secundum aliquid in potentia, & secundum aliud in actu: sicut in rebus naturalibus videmus. aer enim est actu humidus, & potentia siccus. terra autem econuerso: hæc autem comparatio inuenitur esse inter animam intellectuam & phantasmata. habet enim anima intellectiua aliquid in actu ad quod phantasma est in potentia: & ad aliquid est in potetia quod in phantasmatibus actu inuenitur. Habet enim substantia animæ humanæ immaterialitatem. Et, sicut ex dictis patet, ex hoc habet naturam intellectualem, quia omnis substantia immaterialis est huiusmodi. Ex hoc autem non dum habet quod assimiletur huic vel illi rei determinatè, quod requiritur ad hoc quod anima nostra hanc vel illam rem determinatè cognoscat: omnium enim cognitio sit secundum similitudinem cogniti in cognoscente. Remanet igitur ipsa anima intellectiua in potentia ad determinanda

omnis



determinatas similitudines rerum cognoscibilium à nobis, quæ sunt naturæ rerum sensibilibus: & has quidem determinatas naturas rerum sensibilibus præsentant nobis phantasmata, quæ tamen nondum perueniunt ad esse intelligibile, cum sint similitudines rerum sensibilibus etiam secundum conditiones materiales quæ sunt proprietates individuales. Et sunt etiam in organis materialibus. Non igitur sunt intelligibilia actu: **E**t tamen quia in hoc homine cuius similitudinem repræsentant phantasmata, est accipere naturam vniuersalem denudatam ab omnibus conditionibus indiuiduantibus, sunt intelligibilia in potentia: & igitur habent intelligibilitatem in potentia; determinationem autem similitudinis rerum in actu, e contrario autem erat in anima intellectiua. Est igitur in anima intellectiua virtus actiua in phantasmata, faciens ea intelligibilia actu: & hæc potentia animæ vocatur intellectus agens. Est etiam in ea virtus quæ est in potentia ad determinatas similitudines rerum sensibilibus: & hoc est potentia intellectus possibilis. Differt tamen hoc quod inuenitur in anima, ab eo quod inuenitur in agentibus naturalibus: quia ibi vnum est in potentia ad aliud secundum eundem modum quo in altero inuenitur actu; nam materia æris est in potentia ad formam aquæ eo modo quo est in aqua: & ideo corpora naturalia quæ communicant in materia, eodem ordine agunt & patiuntur adinuicem. Anima autem intellectiua non est in potentia ad similitudines rerum quæ sunt in phantasmatibus per modum illum quo sunt ibi; sed secundum quod illæ similitudines eleuantur ad aliquid altius, vt scilicet sint abstractæ à conditionibus indiuiduantibus materialibus, ex quo sunt intelligibiles actu. & ideo actio intellectus agētis in phantasmate, præcedit receptionem intellectus possibilis, & sic principalitas actionis non attribuitur phantasmatibus, sed intellectui agenti, propter quod Aristot. dicit quod se habet ad possibilem sicut ars ad materiam. Huius autem exemplum omnino simile esset, si oculus simul cum hoc quod est diaphanum, & susceptius colorum, haberet tantum de luce quod posset colores facere visibiles actu; sicut quædam animalia dicuntur sui oculi luce sufficienter sibi illuminare obiecta, propter quod de nocte videt magis, in die vero minus sunt enim debilius oculorum: quia à parua luce mouentur, ad multam autem confunduntur. Cui etiam simile est in intellectu nostro, qui ad ea quæ sunt manifestissima, se habet sicut oculus nocturnus ad solem. vnde paruum lumen intelligibile quod est nobis connaturale, sufficit ad nostrum intelligere.

Quod autem lumen intelligibile nostræ animæ connaturale sufficiat ad faciendum actionem intellectus agentis, patet si quis consideret necessitatem ponendi intellectum agentem. Inueniebatur enim anima nostra in potentia ad intelligibilia, sicut sensus ad sensibilia: sicut enim non semper sentimus ita non semper intelligimus. hæc autem intelligibilia quæ anima intellectiua humana intelligit, Plato posuit esse intelligibilia per seipsa, scilicet Ideas, vnde non erat ei necessarium ponere intellectum agentem intelligibilia. Si autem hoc esset verum: oporteret quod quanto aliqua sunt secundum se magis intelligibilia, eo magis intelligerentur à nobis, quod patet esse falsum. nam magis sunt nobis intelligibilia quæ sunt sensui proximiora, quæ in se sunt minus intelligibilia. vnde Aristoteli fuit motus ad ponendum quod ea sunt nobis intelligibilia, non sunt aliqua existentia intelligibilia per seipsa, sed sunt ex sensibilibus, vnde oportuit quod poneret virtutem quæ hoc faceret: & hæc est intellectus agens. ad hoc ergo ponitur intellectus agens, vt faciat intelligibilia nobis proportionata: hoc autem non excedit modum luminis intelligibilis nobis connaturalis. vnde nihil prohibet ipsi luminis nostræ animæ attribui actionem intellectus agentis:

& præcipue cum Aristoteli. intellectum agentem comparat luminis.



ostquam ostendit sanctus Thomas intellectum agentem non esse substantiam separatam, sed aliquid animæ, nunc vult excludere obiectionem quandam contra determinatam veritatem.

Et primo ponit ipsam obiectionem, secundo ad illam respondet. obiectio talis est: nihil agit secundum quod est in potentia, sed secundum quod est in actu. sed anima intellectiua est in potentia ad omnia intelligibilia, quod pertinet ad intellectum possibilem, ergo non potest esse actiua respectu intelligibilium tanquam faciens intelligibilia in actu. ergo in ipsa non potest esse intellectus agens simul cum intellectu possibili. respondet sanctus Thom. & dicit primo, quod non inconuenit vnum comparatum ad aliquid esse & in actu & in potentia respectu diuersorum, sicut videtur in aëre respectu terre, est enim actu humidus, cum terra sit potentia humida, & est potentia siccus, cum terra sit actu siccus: & sic comparatur anima intellectiua ad phantasmata. Ipsa enim est actu immaterialis, & per consequens naturæ intelligibilis, cum omnis substantia immaterialis sit huiusmodi. phantasma autem non est actu intelligibilis naturæ, quia est similitudo rei sensibilibus secundum conditiones materiales, & est etiam in organo materiali: sed est intelligibile in potentia, in quantum in eo singulari cōtus est similitudo, est accipere naturam vniuersalem denudatam ab omnibus conditionibus indiuiduantibus, est etiam anima in potentia ad determinatas similitudines rerum à nobis cognoscibilium. phantasma vero in actu similitudinem huiusmodi determinatam habet: & ideo in anima est virtus actiua in phantasmata, faciens illa actu intelligibilia quæ virtus dicitur intellectus agens, & est virtus quæ est in potentia ad determinatas similitudines, scilicet recipiendas à phantasmatibus, quæ dicitur intellectus possibilis. Dicitur secundo quod in hac comparatione differt anima à rebus naturalibus, quia cum in illis vnum inueniatur in potentia ad aliud secundum eundem modum quo in altero inuenitur in actu, corpora naturalia quæ communicant in materia, eodem ordine, id est, simul agunt & patiuntur adinuicem: anima vero intellectiua, quia non est in potentia ad similitudines rerum, secundum illum modum quo sunt in phantasmatibus; sed secundum quod eleuantur ad aliquid altius vt scilicet sunt abstractæ à conditionibus materialibus, ex quo fit actu intelligibilis ideo actu intellectus agentis in phantasmata præcedit receptionem intellectus possibilis, ac si principalitas actionis attribueretur intellectui agenti, non autem phantasmatibus. Dicitur tertio quod hæc responsio per exemplum omnino simile manifestari posset, si oculus simul cum hoc quod est receptius colorum haberet tantum de luce, quod posset facere colores visibiles actu: sicut enim quædam animalia, quia sunt debilius oculorum, à parua luce qua obstantia sibi illuminare sufficiunt, mouentur, à magna autem confunduntur: ita intellectus noster ad manifestissima se habet vt oculus nocturnus ad solem, paruum vero lumen intellectuale intellectus agentis nobis connaturale sufficit ad nostrum intelligere: quod patet ex necessitate ponendi intellectum agentem: ponitur enim vt faciat intelligibilia nobis proportionata: hunc autem modum luminis nobis connaturalis non excedit. Ita autem necessitas ponendi intellectum agentem est secundum positionem Aristotelis. qui posuit ea quæ sunt propinquiora sensui, scilicet materialia esse nobis magis intelligibilia, in se autem minus intelligibilia, vt pote quæ per se intelligibilia, non sunt, sed ex sensibilibus sunt: secundum autem Platonis positionem non est ista necessitas ponendi intellectum agentem, cum ipse posuerit intelligibilia à nobis esse per se intelligibilia, scilicet Ideas: quæ tamen positio falsa est, quia tunc quanto aliqua sunt secundum se magis intelligibilia, tanto magis intelligerentur à nobis. Patet ergo ad argumentum in principio adductum, quod consequentia falsa est: quia licet nihil agat secundum quod est in potentia, potest tamen anima secundum vnum quiddam esse in potentia, & secundum aliud in actu.

Cum CA primum dictum responsionis declarandum occurrit id quod & hic & in præcedenti capite sæpenumero dictum est, scilicet quod intellectus agens phantasmata quæ sunt intelligibilia in potentia, facit intelligibilia in actu, & quia hoc fit per illuminationem ipsorum ab intellectu agente: ideo primo videndum est: quomodo intellectus agens illuminet phantasmata, secundo quomodo faciant illa actu intelligibilia. Quantum ad primum attendendum primo, quod cum lumen in visione corporali ponatur necessarium aut propter ipsum visibile, vt inquam fiat complete in actu ad hoc vt possit mouere visum, aut propter medium, vt scilicet fiat actu lucidum, possitque speciem visibilis recipere, secundum diuersas opiniones: lumen tamen intellectus agentis vbique tenet sanctus Thom. requirit propter ipsa phantasmata, & propter intelligibilia materialia licet enim in q. de Anima, art. quarto ad quartum, teneat vniuersalem esse illam opinionem quæ ponit lumen in visione corporali propter medium requiri, non autem propter ipsum visibile, quia color, tertio de Anima, dicitur visibilis per se, & dicitur motius lucidi secundum actum, absque dubio tamen tenendum est quod intellectus agens est illuminatiuus phantasmatis, & illud in actu complete constituit. Sciendum secundo, quod dupliciter possumus imaginari intellectum illuminare phantasmata: vno modo causando aliquid in ipso phantasmate postquam productum est, per quod fiat habile ad causandum speciem intelligibilem in intellectu. alio modo nihil hoc modo causando, sed ex sola coniunctione ipsius cum illo, reddendo ipsum à sua generatione virtuosiorum & habiliorem ad huiusmodi causationem speciei. licet autem vterque modus sustineri possit, mihi tamen videtur secundus conformior esse doctrinæ sancti Thom. Ad cuius intelligentiam considerandum est, quod si intellectus inferior attingit secundum Dionysii sententiam infimum superioris, ita inferior potentia coniuncta superiori & in eadem animæ essentia radicata perfectior & virtuosior efficitur. nam cum anima dans perfectiorem gradum essendi sit essentialiter perfectior anima dante tantum imperfectiorem gradum, oportet vt etiam virtutes quæ ab ipsa effluunt, intrinsece & in sua substantia perfectiores sint. videmus enim quod virtutes vegetatiuæ quæ consequuntur animam bruti, sunt perfectiores illis ipsis consequentibus animam plantæ. similiter virtus sensitiua effluens ab anima intellectiua est perfectior illa quæ ad animam bruti consequitur. Et quia perfectior forma

3. de Anima  
text. com. 17.

3. de Anima  
text. com. 17.  
& 18.

3. de Anima  
text. com. 18.

Dionys. 7. ca.  
de diuin.  
Nomi.



forma potest perfectius opus efficere, consequens est vt virtutes sensitivæ in homine præsertim inferiores perfectiora opera faciant quam virtutes sensitivæ brutorum animalium, sicut & virtus vegetatiua hominis potest carnem generare, quam virtus vegetatiua plantæ generare non potest: sic ergo virtus formatiua phantasmatum in homine ex hoc quod in eadem essentia cum intellectu radicatur, longe perfectior est phantasia bruti: & idem perfectior & virtuosiora phantasmatum efficit, vtpote ex sua natura habilia ad causandum simul cum intellectu agente species intelligibiles in intellectu possibili: quod phantasmati bruti non conveniunt: phantasma ergo illustrari ab intellectu agente, non est ipsum recipere aliquid accidentale ab intellectu agente postquam generatum est, eo modo quo aër recipit lumen a sole, sed est ipsum, ex hoc quod productum est à potentia radicata in eadem essentia animæ cum intellectu agente, qui est lumen partis intellectivæ, esse ex natura sua & intrinsece clariius & virtuosius quam si esset productum à potentia non coniuncta intellectui agenti, & sic dicitur illustrare phantasma intellectus agens, non proprie effectivè aliquid accidentale phantasmati iam productum infundendo, sed radicaliter & fundamentaliter, ratione animæ in qua ipse intellectus agens radicatur, in quantum ad animam in qua intellectus agens radicatur, naturali concomitantia consequitur phantasia phantasmatum illuminari, atque ad intellectum ordinari productum, quod autem hoc sit de mente sancti Thomæ, patet ex prima parte quæst. 85. artic. primo, ad quartum, ubi ait quod phantasmatum illuminantur ab intellectu agente, quia sicut pars sensitiva ex coniunctione ad intellectum efficitur virtuosior, ita phantasmata ex virtute intellectus agens redduntur habilia vt ab eis intentiones intelligibiles abstrahantur: constat autem quod pars sensitiva non fit virtuosior, quia aliquid accipiat ab intellectu suæ naturæ super additum, sed tantum quia cum in eadem essentia cum intellectu fundetur, & consequenter à perfectiori natura originetur quam pars sensitiva bruti, est intrinsece & in sua natura virtuosior ac perfectior, ergo secundum ipsum de phantasmate idem dicendum erit.

SED occurrit contra hanc determinationem duplex dubium. Primum est quia in secundo dicto responsionis inquit S. Thom. quod actio intellectus agens in phantasmata præcedit receptionem intellectus possibilis, ac si principalitas actionis non attribuitur phantasmatis sed intellectui agenti. Ex his enim verbis videtur haberi quod intellectus agens aliquid in phantasmata iam producta agit. Secundum dubium est, quia videtur velle sancti Thom. phantasmata se habere ad intellectum agentem sicut instrumenta ad artem, sed in instrumentis ab artifice motis (vt dicitur dicitur quarto, d. 1. q. 1. art. 4. q. 2. ad quartum) est virtus artis per modum intentionis, ergo intellectus agens in phantasmatis suam virtutem per modum intentionis causat, & sic ipsa illuminat aliquid in ipsis postquam generata sunt imprimendo. Ad primum dicitur quod ex illis verbis non habetur quod intellectus agens aliquid imprimat in phantasmatis postquam generata sunt, sed tantum quod actio quam agit in phantasmata, est prior receptione intellectus possibilis, modo dicitur quod illa actio non est impressio alicuius forme superaddite phantasmatis iam productis, sed est efficere per quandam naturalem resistentiam ipsa phantasmata secundum naturam clara & habilia ad hoc vt ex ipsis possit species intelligibiles abstrahi. hoc autem convenit sibi in quantum potentia eorum factiva cum intellectu agente in vna essentia animæ radicatur, quomodo dicimus intellectum facere potentias sensitivas sibi coniunctas virtuosiores, in quantum videlicet essentia animæ in qua intellectus radicatur, ex hoc quod est intellectiva & perfectior sensitiva, est efficator, & perfectiores vires sensitivas producit naturali concomitantia, non autem quia ipsis iam productis aliquid imprimat: vnde nihil est aliud intellectum agentem illuminare phantasmata, quam essentiam animæ ex hoc quod est intellectiva, & fundamentum intellectus agens, producere secundum naturalem concomitantiam virtute phantasie talem: vt ab ipsa phantasmata clara & habilia ad concusandum cum ipso intellectu agente species intelligibiles in intellectu possibili provenire possint, & hæc actio præcedit receptionem intellectus possibilis, sicut & ipsa formatio phantasmatum. Ad secundum dicitur quod virtus artis non semper est impressio in instrumento per modum qualitatis aut intentionis instrumento post eius productionem superaddita, nec illud intendit sancti Thom. esse vniuersaliter verum, licet in quibusdam ita sit, in iis inquam quæ proprie instrumentum dicuntur: sed aliquando est naturalis, sicut & causa secundæ proprios effectus agit in virtute causarum primarum, & sunt earum aliquo modo instrumenta, & tamen agunt per proprias virtutes in quibus per quædam participationem saluatur virtus superiorum causarum, ita in proposito potest phantasma esse instrumentum intellectus agens, vtpote non agens nisi vt ab ipso motum, & tamen agere per suam virtutem naturalem, quæ est quædam participata similitudo virtutis intellectus agens, non autem per nouam qualitatem sibi ab intellectu agente superadditam. Quantum ad secundum, Thomistarum quidam nouam positionem adinuenientes, dicunt primo, quod cum sit duplex effectus luminis, scilicet formalis qui est esse luminatum, vt patet in diaphano, & obiectiuus qui est apparere, vt patet in colore, phantasma lumine intellectus agens illustratur, non formaliter, sed obiectivè vt color. Dicunt secundo ex ista obiectiva illustratione splendet atque relucet in phantasmate non totum quod est in eo, sed quidditas & natura tantum, & non singularitas illius ei coniuncta, ita quod ista illuminatio est abstractiva, quia facit apparere vnum, & non aliud. Dicunt tertio quod per hoc splendet in phantasmate intelligibile in actu, scilicet natura abstrahens ab hoc & nunc, & tale intelligibile in actu mouet intellectum possibilem, vnde dicunt quod intellectus agens facit phantasmata intelligibilia in actu in quantum facit intelligibile in actu in phantasmate per modum abstractionis prius natura, quam fiat species intelligibilis in intellectu. Probant autem hanc positionem ex dictis sancti Thomæ. Primo, quia in hoc capite vult quod in anima intellectiva est virtus actiua in phantasmata faciens ea intelligibilia in actu, & quod actio intellectus agens in phantasmata præcedit receptionem intellectus possibilis, ex quibus videtur velle quod in ipso phantasmate prius fiat intelligibile in actu quam species intelligibilis in intellectu possibili fiat. Secundo, quia in hoc eodem libro superius cap. 62. ait, quod Aristoteles attribuit intellectui possibili pati ab intelligibili suscipere species intelligibiles & esse in po-

tentia ad eas ubi patet quod species intelligibiles diuidit ab intelligibili in actu: non enim pati potest intellectus ab intelligibili nisi in actu, & sic oportet in phantasmate esse intelligibile in actu antequam species fiat in intellectu possibili. Tertio, quia in quæstionibus de Anima art. 17. dicitur quod intellectus agens per phantasmatum facta ab eo intelligibilia in actu, causat scientiam in intellectu possibili. Ex hoc enim dicto apparet quod in phantasmate prius fit intelligibile in actu, quam scientia in intellectu possibili causetur.

SED ista positio non videtur mihi neque ad mentem S. Thomæ esse, neque secundum se esse vera. primo enim quaeritur quid intelligitur per apparere in phantasmate naturam, & non eius singularitatem: aut enim hoc est ipsum phantasma representare naturam absque singularitate, aut ipsum phantasma habere in se naturam apparentem & cognoscibilem sine singularitate, aut naturam cognosci cum tali abstractione ab intellectu in re singulari quæ per phantasma representatur. Primum non potest dari, quia quantumcunque phantasma clarum sit & illustratum, semper est in organo corporali & materialiter, ac in diuidualiter representatur. Secundum etiam apparet falsum esse, quia natura licet sit in diuiduali vt posset in ipso diuiduali considerari per intellectum absque conditionibus diuidualibus, non tamen est in phantasmate formaliter secundum suam naturalem esse, vt posset in ipsa natura phantasmatum considerari natura vniuersalis abstractivè quæ inuenitur in singulari per phantasma representato, sed est tantum ibi representatiue cum conditionibus particularibus: non enim in phantasmate Sortis est humanitas nisi representatiue, in quantum representat Sortem in quo est humanitas. Si autem dicitur tertium, tunc impossibile est, quod prius natura sit intelligibile in actu, quam species sit in intellectu possibili, intellectus enim nihil cognoscit nisi per aliquam speciem intelligibilem: & sic oportet prius naturam intellectum esse actuatam specie intelligibili, quam cognoscat naturam absque singularitate. Nullo ergo modo potest saluari talis illustratio phantasmatum obiectiva, & relucencia naturæ vniuersalis in intellectu cum illa prioritate naturæ, vt hæc positio ponit. Secundum non dicitur illustrari color obiectivè, & apparere actu per lumen, nisi quia per lumen sit potens mouere visum, & sic deinde actionem videndi obiectivè terminat: vt habetur ex loco allegato superius in quæstionibus de Anima, ergo si ponatur phantasma illustrari obiectivè, & actu apparere naturam in ipso sicut color in re colorata, hoc nihil aliud erit quam phantasma per lumen intellectus posse causare speciem in intellectu, quam sine intellectu agente causare non potest: & sic naturam quam dicitur in ipso apparere posse tanquam obiectum actionis intellectivæ cognosci: non autem erit in ipso apparere naturam vniuersalem prius naturam quam species causetur in intellectu possibili, vt dicta positio fingit. Ea autem quibus dicta positio confirmatur, facile est solvere. Ad primum quidem dicitur quod per intellectum agentem vtique prius natura & etiam prius duratione phantasmata sunt intelligibilia actu, quam species recipiantur in intellectu possibili, non autem (vt ista positio tenet) per relucencia naturæ vniuersalis in phantasmate absque singularitate. Sed modo qui inferius explicabitur & similiter dicitur ad secundum & ad tertium. Nam & phantasmata sunt actu intelligibilia, & species existentes in intellectu, sunt actu intelligibiles, sed alio & alio modo, vt ostendetur. Remota ergo hac noua inuentione, aliter mihi ex doctrina sancti Thomæ respondendum occurrit. Ad cuius euidentiam considerandum est quod quom intelligibile proprie nominet obiectum intellectus sicut sensibile obiectum sensus, intelligibile primo & per se illud dicitur, quod primo & per se est obiectum & terminus actus intellectus. Secundario autem dicitur intelligibile, id quod ad intellectum intellectus tanquam aliquid eius ordinatur: & quia species rei intelligibilis existens in intellectu & phantasmate eius, est aliquid ipsius intelligibilis, in quantum est eius similitudo, sicut & imago Herculis dicitur aliquid Herculis, species quidem vt representatiua naturæ absque conditionibus materialibus, phantasma autem vt representatiuum eiusdem cum materialibus conditionibus, & vt unum ordinatur ad eius intellectum, idem & species quæ est in intellectu, & phantasma, dicuntur intelligibilia secundario, vnum quodque tamen suo modo, species quidem intelligibilis vt actus & forma per quam intellectus intelligit, phantasma autem vt instrumentum causatiuum speciei intelligibilis. Et sicut obiectum dicitur intelligibile, in potentia, aut in actu ita proportionabiliter ista, dicuntur intelligibilia, in potentia aut in actu suo modo. Quam autem duo pertineant ad obiectum intellectus nostri, sicut & ad obiectum sensus, scilicet mouere intellectum, causando in ipso suam similitudinem, & terminare actum intelligendi, dupliciter potest dici ipsum obiectum intelligibile in potentia, aut scilicet quia non habet actu vnde possit proximè mouere intellectum, aut quia non habet actu vnde possit terminare intellectum: sed tamē vtique potest habere, & hoc convenit sibi secundum quod esse materiale & singulare habet in rebus extra animam: quoniam enim intellectus sit immaterialis, non potest immutari nisi ab eo quod aliquem modum immaterialitatis habet: neque etiam potest nisi ad immateriale sua operatio primo terminari. Phantasma autem vt similitudo intelligibilis diuidualiter ordinatur ad intellectum, non per modum obiecti terminantis actum intelligendi, sed per modum agentis in intellectu, & causantis speciem simul cum intellectu agente instrumentaliter, idem ipsum esse intelligibile in potentia, est ipsum non habere actu vnde possit mouere intellectum, sed posse illud habere: hoc autem convenit sibi vt est præcisè similitudo rei materialis quantum ad eius materialitatem & singularitatem, in quo cum phantasmate bruti convenientia habet: species verò quæ est in intellectu, ordinatur ad intellectum tanquam principium formale, faciens intellectum in actu vt possit intelligere: idem dicitur intelligibilis in potentia, quando actualiter non actualiter intellectum, sed tantum potentialiter: hoc autem convenit sibi dum adhuc est in phantasmate & in intellectu agente virtualiter, nondum producta in intellectu possibili: similiter quoque dupliciter dicitur obiectum intelligibile esse in actu, aut scilicet quia habet actu vnde possit mouere intellectum, aut quia habet actu vnde possit actum intelligendi terminare: primum sibi convenit, secundum quod est in imaginatione per suum phantasma lumine intellectus agens illustratur, secundum autem sibi convenit prout est in intellectu per suam speciem per quæ representatur absque conditionibus materialibus, per esse enim quod habet in ima

Calet. 3. de anima, cap. 2. in Annot. 18. & q. 79.



imaginatione, habet immaterialitatem ac spiritualitatem tantam quanta sufficit ad hoc ut possit esse instrumentum intellectus agentis ad causandum speciem intelligibilem in intellectu possibili: per esse autem quod habet in intellectu, habet immaterialitatem omnimodam quæ requiritur ad hoc ut possit terminare intellectiorem: ipsa enim species est omnino immaterialis secundum se, & repræsentat naturam immaterialiter, id est, absque conditionibus materialibus, ut sic natura absque materialibus conditionibus repræsentata & immaterialis effecta, possit actum intelligendi terminare. est ergo obiectum intelligibile in actu in ratione motiui quando est in phantasia illustratum lumine intellectus agentis, ita quod tunc verificari potest intellectus pari ab intelligibili in actu, in ratione scilicet motiui. Est autem in actu in ratione terminatiui, quado per suam speciem est in intellectu possibili, phantasma verò dicitur intelligibile in actu, quando habet unde possit esse instrumentum intellectus agentis causantis speciem in intellectu possibili quod conuenit sibi in quantum lumine intellectus agentis est illustratum: & quia hoc conuenit sibi non per nouam illustrationem post eius generationem superuenientem ut superius est ostensum, sed per suam naturam in quantum est productum rite & ordinatè ab imaginatione quæ in eadem essentia animæ cum intellectu agente radicatur. Ideo dicitur esse actu intelligibile, in quantum in ipso est aliqua intellectus agentis participatio à natura. Species autem dicitur intelligibilis actu quando habet unde actuare possit intellectum possibilem, & quia hoc conuenit sibi secundum quod est producta in intellectu possibili ab intellectu agente, & phantasma, id est dicitur intelligibilis in actu quando est extra phantasma, ut pote actualiter ab intellectu agente & phantasmate producta in actu.

Ex his itaque patet quod tria sunt quæ dicuntur aliquando quidem intelligibilia in potentia, aliquando autem intelligibilia in actu, scilicet obiectum intelligibile, phantasma & species intelligibilis: quæ quia reducuntur de potentia ad actum ab intellectu agente, id est dicitur intellectus agens facere ea actu intelligibilia, res quidem materiales actu intelligibiles reddit obiectiue ac terminatiue, in quantum facit eas esse in intellectu possibili & immaterialiter, scilicet absque conditionibus materialibus repræsentari: in ratione verò motiui in quantum dat phantasmam illius repræsentatiui virtutem immutandi intellectum possibilem, phantasmata verò facit actu intelligibilia, in quantum per participationem luminis ipsius habent unde possint instrumentaliter immutare intellectum possibilem ad speciem intelligibilem. species autem intelligibiles actu facit intelligibiles, in quantum eas de potentia actiua phantasmatis educit & ponit in intellectu possibili. Et idem aliquando dicit sanctus Thomas, quod intellectus agens facit res materiales actu intelligibiles, ut prima quæst. 54. artic. 4. & quæst. 79. artic. 3. de Anima artic. 4. de Spiritu artic. 10. & in plerisque aliis locis, aliquando verò quod facit phantasmata intelligibilia actu, ut in hoc cap. & in locis pro præcedenti positione allegatis. Aliquando etiam quod facit species intellectus possibilem intelligibiles in actu, quorum vnumquodque verum est, sed suo modo. Patet ergo quod intellectus agens dicitur facere phantasmata actu intelligibilia, non obiectiue quasi faciat ipsa aut aliquid in ipsis formaliter existens apparere intellectui, & intelligi, sed causaliter tantum: quia videlicet facit illa in tali actu ut possint secum concausare species intelligibiles in intellectu possibili. hoc autem est quia participant in sua natura aliquid luminis intellectus agentis, sicut color in sua natura aliquid luminis corporalis participat: ipsa enim in quantum præcise similitudines rerum materialium sunt & singularium conditionum, sunt tantum intelligibilia in potentia, quia ut sic non habent ut possint moueri intellectu. in quantum autem aliquid luminis intellectus agentis in sua natura propter coniunctionem ad ipsum participant, si est actu intelligibilia, utpote potentia cum intellectu agente mouere intellectum: & hoc modo prius phantasmata per intellectum agentem sunt actu intelligibilia, quam species intelligibiles recipiantur in intellectu possibili. Quod autem hæc sit mens sancti Thomæ, apertissime ex eius verbis superius capit. 55. constat. Ait enim quod phantasmata per lumen intellectus agentis sunt actu intelligibilia, ut possint mouere intellectum in actu, non autem ut sint intellecta in actu. Et cap. 60. ait quod non dicitur puer potens intelligere, ex eo quod phantasmata in eo possint esse intellecta in actu, cum hoc pertineat ad posse agere phantasmata enim mouent intellectum possibilem: posse autem intelligere, sit posse pati. Quibus verbis nihil clarius ad præsentem declarationem esse potest. Posset etiam intelligi alio modo phantasma fieri intelligibile in actu proportionaliter ad alium modum quo potest dici intelligibile in potentia, scilicet obiectiue, non tamen ad mentem opinionis quam improbauius. Dupliciter enim considerari potest phantasma. Vno modo quantum ad ipsam naturam phantasmatis quæ est tale accidens, & talis similitudo. Alio modo quantum ad naturam per phantasma repræsentatam. Primo modo nec est potentia intelligibile saltem directe, nec sit actu intelligibile, ut est scilicet hoc phantasma singulare, quia singulare materiale, cuiusmodi est phantasma, non est per se & directe à nobis intelligibile. secundo modo est potentia intelligibile in quantum natura per ipsum materialiter repræsentata potest ab intellectu absque conditionibus materialibus accipi. fit autem actu intelligibile, quando in intellectu causatur species virtute intellectus agentis naturæ vniuersalis repræsentatiua. Et hunc modum videtur tangere sanctus Thomas in hoc capit. vbi ait, quod quia in hoc homine cuius similitudinem repræsentant phantasmata, est accipere naturam vniuersalem denudatam ab omnibus conditionibus indiuiduantibus, id est phantasmata sunt intelligibilia in potentia. Sed quia hic modus est improprius, cum hoc sit magis naturam per phantasmata repræsentatam esse intelligibilem in potentia aut in actu, quam ipsum phantasma, nec iste sensus habeatur ex verbis sancti Thomæ, nisi superficialiter consideratis: id est videtur mihi illa verba conformiter ad prædicta interpretando sic intelligenda esse, quod quia in homine cuius phantasma est similitudo, ab intellectu accipi potest natura vniuersalis absque conditionibus materialibus, id est phantasma illius est in potentia ad hoc ut possit effici virtute intellectus agentis instrumentum ad causandum speciem illius naturæ vniuersalis repræsentatiuam, & hoc est esse phantasma intelligibile in potentia causaliter tantum iuxta modum superius explicatum. Potest & tertio de phantasmate intel-

ligi, non ratione sui, sed ratione effectus sui, scilicet speciei intelligibilis. Cum enim dicatur aliquid intelligibile actu, siue sit actu intelligibile per modum termini intellectiōis, siue per modum principij eius formalis, in quantum est à materia separatum, idem est facere aliquid intelligibile actu altero illorum modorum, quod ipsum à materialibus conditionibus abstrahere. hoc autem non facit intellectus agens circa phantasma secundum seipsum, quia quantuncunque aliquid intellectus agentis ex præsentia intellectus agentis recipiat modo superius exposito, semper tamen remanet in organo corporali, & materialiter repræsentat: sed hoc facit circa eius effectum, scilicet circa speciem intelligibilem educendo ipsam de potentia actiua phantasmatis, & ponendo in intellectu possibili: id est & dicitur facere ipsum phantasma intelligibile in actu, quia de eius potentia speciem intelligibilem & immaterialiter educit, quod est ipsum phantasma fieri intelligibile actu ratione effectus sui, non ratione sui, & hoc modo factum in actu dicitur mouere intellectum non quidem effectiue, sed formaliter in quantum specieseducta de eius potentia informat intellectum, & facit ipsum in actu primo. Ad hunc sensum aliquando etiam dicit sanctus Thomas phantasmata fieri intelligibilia in actu. Et Commentator tertio de Anima, com. 18. ita intelligere videtur, vbi ait quod necesse est ponere aliquem motorem qui facit intentiones imaginatas mouere intellectum materiale: quod nihil aliud est quam facere eas intellectas in actu, abstrahendo eas à materia.

CIRCA secundum dictum responsionis sancti Thomæ, attendendum quod species existentes in intellectu possibili præexistunt in phantasmatis sicut effectus in sua causa: effectus autem est in causa secundum modum ipsius causæ, sicut effectus virtualiter contenti in sole habent in sole modum & conditionem ipsius solis, cum nihil aliud in ipso sint quam sol aut eius virtus: unde cum phantasma sit aliquo modo materiale, utpote existens in organo materiali, & materialiter ac indiuidualiter repræsentans similitudines intelligibiles, existentes in phantasmate virtualiter secundum quod in ipso sunt, aliquo modo materiales sunt & singulares: & idem dum recipiuntur in intellectu possibili ex actione intellectus agentis & phantasmatis, vbi immaterialiter & vniuersaliter recipiuntur, non habent eundem modum essendi quem habent in phantasmatis, sed altiore & superioris ordinis, propterea optime dicitur quod anima intellectiua, ut est scilicet intellectiua, non est in potentia ad similitudines rerum, secundum illud modum quo sunt in phantasmatis, sed secundum quod eleuantur ad aliquid aliud, scilicet ad superiorem ordinem, qui est specierum omnino immaterialium & vniuersalium species enim in intellectu possibili & immateriales sunt, & vniuersales.

CIRCA tertium dictum responsionis, sciendum quod si intelligibilia ad quæ intellectus noster in potentia, essent per se intelligibilia tanquam per se substantia extra materiam, intellectus noster indifferenter se haberet ad omnes substantias separatas cognoscendas: & sic quanto aliqua essent secundum se magis intelligibilia, tanto magis intelligerentur à nobis: intellectus enim noster natus est cognoscere ea quæ sub suo obiecto proportionato continentur, & aliquantulum magis, quanto de ratione sui obiecti proportionati magis participant, sicut supposito quod quidditas rei materialis sit obiectum proportionatum intellectui nostro, magis cognoscimus ea quæ magis hac ratione participant. Si autem intelligibilia materialia essent per se substantia, tunc substantia separata subsistens esset obiectum nostro intellectui proportionatum & connaturale: & sic quanto aliqua substantia esset magis separata, & per consequens magis secundum se intelligibilis, tanto magis à nobis cognoscibilis esset: propter hoc optime infert sanctus Thomas quod posita opinione Platonis de Ideis, oporteret quod quanto aliqua sunt secundum se magis intelligibilia, tanto magis intelligerentur à nobis.

*Quod non fuit sententia Aristotelis quod intellectus agens sit substantia separata, sed magis quod sit aliquid anime.*

Cap. 78.



Via verò plures opinioni suprapositæ assentiunt credentes eam fuisse opinionem Aristotelis, ostendendum est ex verbis eius quod ipse hoc non sentit de intellectu agente quod sit substantia separata. Dicit enim primo quod

sicut in omni natura est aliquid quasi materia in vnoquoque genere: & hoc est in potentia ad omnia quæ sunt illius generis: & aliquid quasi efficiens quod facit omnia quæ sunt illius generis, sicut se habet ars ad materiam: necesse est & in anima esse has differentias: & huiusmodi quidem scilicet quod in anima est sicut materia, est intellectus possibilis, in quo sunt omnia intelligibilia: ille verò qui in anima est sicut efficiens causa, est intellectus quo est omnia facere, scilicet intelligibilia in actu, id est, intellectus agens, qui est sicut habitus, & non sicut potentia. Qualiter autem dixerit intellectum agentem habitum, exponit subiungens quod est sicut lumen, quod enim modo lumen fecit potentia colores esse actu colores, in quantum scilicet facit eos visibiles actu, hoc autem circa intelligibilia attribuitur intellectui agenti. Ex his autem manifeste habetur quod intellectus agens non sit substantia separata,

sed

Idem p. p.

1. 79. ar. 4.

3. de anima,

text. com. 17.

& 18.

Text. com. 18.



sed magis aliquid animæ: expresse enim dicit quod intellectus possibilis & agens sunt differentie animæ, & quod sunt in anima neutra, ergo earum est substantia separata. 2. Adhuc, ratio eius hoc idem ostendit: quia in omni natura in qua inuenitur potentia & actus, est aliquid quasi materia, quod est in potentia ad ea quæ sunt illius generis: & aliquid quasi agens, quod reducit potentiam in actum: sicut in artificialibus est ars & materia: sed anima intellectiva est quædam natura in qua inuenitur potentia & actus, quum quandoque sit actu intelligens, & quandoque in potentia, est igitur in natura animæ intellectivæ aliquid quasi materia, quod est in potentia ad omnia intelligibilia, quod dicitur intellectus possibilis: & aliquid quasi causa efficiens, quod facit omnia in actu, & dicitur intellectus agens: uterque igitur intellectus secundum demonstrationem Aristotelis, est in natura animæ & non aliquid separatum secundum esse à corpore, cuius anima est actus.

3. Amplius, Aristoteles dicit quod intellectus agens est sicut habitus quod est lumen: habitus autem non signatur ut aliquid per se existens, sed alicuius habentis: non est igitur intellectus agens aliqua substantia separatim per se existens, sed est aliquid animæ humanæ. Non autem intelligitur litera Aristotelis, ut habitus dicatur esse effectus intellectus agentis, sed ut sit sensus: intellectus agens facit hominē intelligere omnia: quod est sicut habitus, hæc enim est diffinitio habitus, ut Commentator Averrois ibidem dicit, quod habens habitum intelligat per ipsum quod est sibi proprium, ex se, & quando voluerit, absque hoc quod indigeat in eo aliquo extrinseco: expresse enim assimilatur habitui non ipsum factum: sed intellectum quo est omnia facere. Nec tamen intelligendum est quod intellectus agens sit habitus per modum quo habitus est in secunda specie qualitatis, secundum quod quidam dixerunt intellectum agentem esse habitum principiorum: quia habitus ille principiorum est acceptus à sensibilibus, ut probat Aristoteles in 2. Posteriorum: \* & sic oportet quod sit effectus intellectus agentis, cuius est phantasmata quæ sunt intellecta in potentia, facere intellecta in actu: sed accipitur habitus secundum quod dividitur contra privationem & potentiam, sicut omnis forma & actus potest dici habitus: & hoc apparet, quia dicit hoc modo intellectum agentem esse habitum, sicut lumen habitus est. Deinde subiungit,

\* quod hic intellectus, scilicet agens est separatus & immixtus & impassibilis, & substantia actu est: horum autem quatuor quæ attribuit intellectui agenti, duo, supra expresse de intellectu possibili dixerat, scilicet quod sit immixtus & quod sit separatus, tertium scilicet quod sit impassibilis, sub distinctione dixerat: ostendit enim primò,

\* quod non est passibilis sicut sensus. Et postmodum ostendit quod cōmuniter accipiendo pari, passibilis est in quantum est scilicet in potentia ad intelligibilia. Quartum verò omnino negauerat de intellectu possibili, dicendo quod erat in potentia ad intelligibilia: & nihil horum erat actu ante intelligere; sic igitur in duobus primis intellectus possibilis convenit cum agente: in tertio partim convenit, & partim differt: in quarto autem omnino differt agens à possibili. Has quatuor condiciones agentis probat per unam rationem subiungens, semper enim honorabilius est agens patiente, & principium scilicet actuum materia: supra enim dixerat quod intellectus agens est sicut causa efficiens, & possibilis sicut materia. Per hoc autem medium concluduntur duo prima, scilicet agens est honorabilius patiente & materia, sed possibilis qui est sicut patiens & materia, est separatus & immixtus, ut supra probatum est,

\* ergo multò magis agens: alia verò per hoc medium sic excluduntur, agens in hoc est honorabilius patiente & materia, quod comparatur ad ipsum sicut agens & actu ens ad patientem & ens in potentia: intellectus autem possibilis est patiens quodammodo, & potentia ens: intellectus igitur agens est non patiens, & actu ens. Patet autem quod nec ex his verbis Aristotelis haberi potest quod intellectus agens sit quædam substantia separata, sed quod

sit separatus hoc modo quo supra dixit de possibili, scilicet ut non habeat organum. Quod autem dicit quod est substantia actu ens, non repugnat ei quod substantia animæ est in potentia, ut supra ostensum est. \* Deinde subiungit: Idem autem est secundum actum scientia rei, in quo Commentator dicit, quod differt intellectus agens à possibili: nam in intellectu agente idem est intelligens & intellectum, non autem in possibili. Hoc autem manifestè est contra intentionem Aristotelis: nam supra eadem verba dixerat de intellectu possibili, ubi dixit de intellectu possibili, quod ipse intelligibilis est sicut intelligibilia: in his enim quæ sine materia sunt, idem est intelligens & quod intelligitur, scientia namque speculativa, & quod speculatum est, idem est: manifestè enim per hoc quod intellectus possibilis prout est actu intelligens, idem est cum eo quod intelligitur: vult ostendere quod intellectus possibilis intelligitur sicut alia intelligibilia: & primò supra dixerat, quod intellectus possibilis est quodammodo intelligibilia: sed nihil actu est antequam intelligat, ubi expresse dat intelligere quod per hoc quod intelligit actu, sit ipsa intelligibilia. Nec est mirum si hoc dicat de intellectu possibili, quia hoc etiam supra \* dixerat de sensu & sensibili secundum actum: sensus enim fit actu per speciem sensatam in actu: & similiter intellectus possibilis fit actu per speciem intelligibilem actu, & hac ratione intellectus in actu dicitur ipsum intelligibile in actu. Est igitur dicendum quod postquam Aristoteles determinavit de intellectu possibili & agente, hic incipit determinare de intellectu in actu, dicens quod scientia in actu est idem rei scitæ in actu. Deinde dicit: Qui verò secundum potentiam tempore prior in uno est: omnino autem neque in tempore: quia quidem distinctione inter potentiam & actum in pluribus locis utitur, scilicet quod actus secundum naturam est prior potentia: tempore verò in uno & eodem quod mutatur de potentia in actum, est prior potentia actu, simpliciter verò loquendo non est potentia etiam tempore prior actu: quia potentia non reducitur in actum nisi per actum: dicit ergo quod intellectus qui est secundum potentiam, scilicet possibilis, prout est in potentia, prior est tempore quam intellectus in actu: & hoc dico in uno & eodem, non tamen omnino, id est, universaliter: quia intellectus possibilis reducitur in actum per intellectum agentem qui est in actu, ut dixit: & iterum per aliquem intellectum possibilem factum actu: unde dicit in tertio Physicorum \* quod ante addiscere indiget aliquis docente, ut reducat de potentia in actum, sic igitur in verbis istis ostendit ordinem intellectus possibilis prout est in potentia ad intellectum in actu. Deinde dicit: sed non aliquando quidem intelligit, & aliquando non intelligit: in quo ostendit differentiam intellectus in actu, & intellectus possibilis. supra enim \* dicit de intellectu possibili quod non semper intelligit, sed quandoque non intelligit: quando scilicet est in potentia ad intelligibilia: quandoque intelligit, quando scilicet est in actu ipsa. intellectus autem per hoc fit actu, quod est ipsa intelligibilia, ut iam dixit: unde non competit ei quandoque intelligere, & quandoque non intelligere. Deinde subiungit: \* Separatum autem hoc solum quod verè est, quod non potest intelligi de agente. non enim ipse solus est separatus: quia iam idem dixerat de intellectu possibili: nec potest intelligi de possibili: quia iam idem dixerat de agente. Relinquitur ergo quod dicatur de eo quod comprehendit utrumque, scilicet de intellectu in actu, de quo loquebatur: quia hoc solum in anima nostra est separatum non utens organo, quod pertinet ad intellectum in actu, id est, illa pars animæ qua intelligimus actu comprehendens possibilem & agentem. Et ideo subiungit, \* quod hoc solum animæ est immortale & perpetuum, quasi à corpore non dependens, quum sit separatum.

Super



**R**ELIQUVM est ex ipsis Aristotelis verbis ostendere ipsum non fuisse huius opinionis, quod intellectus agens sit substantia separata, id quod sibi plerique ascribere voluerunt, sed magis quod animæ potentia sit. Et primò hoc ostendendum est, secundò, quibusdam autoritatibus eius super quibus ij qui contrarium senserunt, suam fundarunt positionem, est respondendum. Arguitur igitur primò, quia tertio de anima, text. 18. ait intellectum agentem & possibilem esse differentias animæ, & in anima esse, dum concludit, de intellectu agente & possibili loquens, necesse & in animas esse differentias. Secundò, quia ratio per ipsum adducta ibidem ostendit ipsum hoc voluisse. Arguit enim sic. In omni natura in qua inuenitur potentia & actus, est aliquid quasi materia, quod est in potentia ad ea quæ sunt illius generis: & aliquid quasi agens, quod reducit potentiam ad actum, anima intellectiva est huiusmodi, quum quandoque sit actus intelligens, & quandoque in potentia. ergo in natura animæ intellectivæ est aliquid quasi materia, scilicet intellectus possibilis, qui est in potentia ad omnia intelligibilia: & aliquid quasi efficiens, scilicet intellectus agens, qui facit omnia in actu. Ex hac itaque demonstratione patet ipsum voluisse utrumque intellectum in natura animæ esse. & non aliquid separatum secundum esse à corpore.

**ADVERTENDVM** cum dicitur intellectum possibilem esse in potentia ad omnia intelligibilia, & intellectum agentem facere omnia, quod li omnia, non facit distributionem pro omnibus simpliciter, sed pro omnibus rebus materialibus quæ sunt propria & naturalia obiecta intellectus nostri, ut dicitur tertio de Anima. sensus enim est quod intellectus possibilis est receptivus specierum omnium quidditatum materialium: intellectus vero agens omnes quidditates materiales natus est facere actum intelligibiles, cum in seipsis sint tantum intelligibiles in potentia. Tertio, quia ibidem inquit quod intellectus agens est sicut habitus quod est lumen, ubi patet quod habitum non vocat effectum intellectus agentis, sed ipsum intellectum agentem, in quantum facit hominem intelligere omnia, & quando voluerit: sed habitus nō significat ut aliquid per se subsistens, sed ut aliquid habentis: ergo, &c. Addit quoque sanctus Thomas ad maiorem declarationem quod hic non accipitur habitus ut est in secunda specie qualitatis, prout quidam dixerunt intellectum agentem esse habitum principiorum, cum ille habitus sit acceptus à sensibilibus, ut probatur secundo Posteriorum, text. ultimo, & sic oportet ipsum esse effectum intellectus agentis: sed accipitur ut dividitur contra privationem & potentiam, sicut omnis forma & actus potest dici habitus hoc autem patet, quia dicitur intellectum agentem esse habitum sicut lumen.

**ADVERTENDVM** hic quod ex verbis sancti Thomæ. apparet habitus primorum principiorum qui dicitur nobis naturales & inesse nobis à natura, non sic dici naturales, aut inesse à natura, quasi nobis formaliter sint congeniti, & ab ipsa nativitate nobis indidit. Nam si essent in nobis à generatione secundum se & formaliter, non acquirerentur ex sensibilibus, ut inquit sanctus Thomas hic, sed dicitur nobis naturales, quia non causantur ex discursu & argumentatione, sed immediate ex intellectu agente faciente phantasmatum intelligibilia in actu, qui quidem intellectus & nobis inest ab ipsa nativitate, & naturaliter cum phantasmatibus terminorum quæ omnibus insunt, ipsos habitus in intellectu possibili operatur: non autem operatur alios habitus naturaliter & ex se immediate cum phantasmatibus, sed ipse intellectus possibilis discurrendo & arguendo illos in seipso causat, licet ad illos causandos concurrat etiam virtus & lumen intellectus agentis. Vnde & super Boetio de Trinitate, articulo ultimo, inquit sanctus Thomas quod huiusmodi naturaliter cognita homini manifestantur ex lumine intellectus agentis, quod est homini naturale.

**ATTENDENDVM** etiam, cum dicitur intellectum agentem esse habitum sicut lumen, secundum doctrinam sancti Thomæ in quaestionibus de Anima, articulo quarto, ad quartum quod hanc comparisonem intelligit Aristoteles, quantum ad necessitatem, non autem quantum ad officium: sicut enim sine lumine color videri non potest, ita res materiales absque intellectu agente non sunt actus intelligibiles modo superius explanato: sed officium luminis intellectus agentis est ipsa phantasmatum quæ sunt obiectum intellectus possibilis facere actus intelligibilia dando eis virtutem ut mouere possint intellectus: lumen verò corporale non dat colori virtutem ut possit mouere visum: cum dicatur tertio de Anima, quod est per se visibilis, sed facit diaphanum in actu ut possit à colore moueri, & ad hunc sensum intelligenda sunt Aristotelis verba.

Ad has rationes quidam arbitrari de mente Arist. esse quod intellectus agens sit substantia separata, respondent.

Ad primam quidem dicunt quod per illa verba non intendit Aristoteles, quod in anima sint agens & patiens, ita quod vna & eadem numero anima sit agens & patiens diuersis potentiis, sed solum quod hæ differentie sunt in anima sicut in omni alia natura, constat autem quod non sic sunt in omni natura quod vna numero natura utramque habeat, sicut subiectum accidentia, sed sunt sicut causa in suo effectu: ideo & sic duntaxat intelligendum est ipsas in anima esse. Per hoc etiam patet ad secundum. Illa enim Aristotelis ratio nō deducit nisi ad hoc quod oportet in natura animæ hæc esse differentias, sicut & in omni alia natura est agens & patiens, quæ constat non oportere in vna numero substantiam conuenire. Ad tertiam verò dicitur, quod assimilatio inter intellectum agentem & habitum ac lumen non est inter intellectum in se & habitum ac lumen, sed inter modum agendi utriusque, scilicet in operando quando volumus: vnde, non sequitur si habitus est in nobis, non autem est res separata quod similiter intellectus agens sit in nobis, non autem sit substantia separata. Sed quod istæ responsiones non sint ad mentem Aristotelis facile est videre si rationis eius efficacia fuerit ostensa. Vnde primò ista ratio explicanda est, tum responsiones datæ excludentur. Ad evidentiam igitur rationis consideranda primò, quod cum natura multipliciter dicatur, ut patet quinto Metaphysicæ, hoc loco accipitur natura prout significat quidditatem & essentiam rei naturalis, generabilis scilicet & corruptibilis, ut patet per Comment. tertio de Anima, comment. 17.

& sit comparatio rei naturalis ad animam, secundum Comment. quia anima est vnum entium naturalium, siue illa sit quidditas generis, siue speciei. In simili quoque significatione accipitur nomen generis hoc in loco cum dicitur, in omni natura est aliquid quod est materia vnicuique generi. Considerandum secundò, cum dicitur esse in omni natura aliquid quod est potentia omnia quæ sunt illius generis, quod hoc non est intelligendum quasi illud sit vnum numero, sed quod est vnum secundum vnitatem illius naturæ: nō enim materia propria receptiva omnium formarum equi est vna numero, sicut nec est vna tantum numero forma equi: sed si natura est vna secundum speciem, oportet ut susceptivum proprium formæ sit vnum secundum speciem proportionaliter loquendo, purā quod sit eadem caro secundum speciem susceptiva huius & illius formæ equi, & similiter idem os, & idem nervus secundum speciem, & sic de aliis: si autem natura sit vna secundum genus, necesse est ut materiam propriam susceptivam formarum illius generis sit vna: secundum genus forma enim eiusdem generis, puta animalis, requirunt propria susceptiva vnius generis, quia oportet materiam & formam proportionari. Considerandum tertio, quod hic accipitur actus non pro operatione, sed pro forma quæ est actus primus: vnde cum sumitur in ratione quod anima intellectiva quandoque est intelligens in potentia, quandoque verò intelligens in actu, non accipitur intelligens in actu secundo tantum, quod est operari, sed etiā in actu primo, quod est habere formā per quā intellectus est in actu.

Considerandum quartò, quod licet anima intellectiva secundum suam substantiam sit actus quidam, ut intellectiva tamen, id est ut ordinata ad intellectionem, aliquando est in actu primo completo, quando scilicet habet in seipsa speciem intelligibilem: aliquando verò nō est in actu primo completo, sed est secundum aliquid in potentia, ut quum non habet speciem intelligibilem: tunc enim dicitur in potentia, quia non habet omnia quæ requiruntur ad hoc ut possit in operationem exire: ideo de anima intellectiva loquitur hic Philosophus ut intellectiva est, comparatiue ad res naturales quæ quandoque sunt in actu, quandoque in potentia.

Ultimò considerandum quod in hac ratione supponit Philosophus duo superius ab ipso determinata: vnum est, quod anima in seipsa habet tantum proprietates illas potentias quæ ad intelligendum requiruntur: hoc enim dixit enumerando in secundo de Anima inter potentias animæ etiam intellectivam, & in tertio cum incipiens de intellectu determinare inquit. De parte autem animæ qua intelligit & sapit: ubi intellectum partem animæ vocat. Alterum est quod immediate ante hanc rationem dixerat scilicet res materiales non esse intelligibiles nisi in potentia, ex quo sequitur ipsas per se sufficientes non esse ad actuationem intellectus possibilis. Ex omnibus his sequitur quod comparatio aliarum naturarum generabilium & corruptibilium ad animam quo ad principium actuum & passivum: non est quantum ad modum habendi illa, sed quantum ad necessitatem habendi, vnumquodque tamen suo modo, & est comparatio talis, quod sicut in natura materiali procedente de potentia ad actum, oportet esse principium omnium formarum illius naturæ, & principium actuum illarum tanquam contenta sub illa natura (principia enim speciei sunt in illa specie reductiue) ita in anima intellectiva secundum quod est aliquando in actu ut intellectiva est, aliquando verò in potentia, oportet quum obiectum intelligibile non sufficiat in intellectu agere, esse illas differentias actiui & passivi suo modo, per modum scilicet proprietatum in ipsa vna animæ substantia existentium. Nam omne principium principaliter requisitum ad intellectionem, oportet in anima intellectiva esse ut eius passionem & proprietatem: hunc enim intellectum comparationis insinuat Aristoteles subiungens post comparationem, quod actuum in anima est intellectus in faciendo omnia ut habitus quidam: habitus enim est subiectiue in eo cuius est habitus, ut in tertiaratione assumit sanctus Thomas. Istis sic expositis patet quod ratio Aristotelis propositum concludit, ut eam sanctus Thomas format, sic arguendo: In omni natura in qua inuenitur potentia & actus, est aliquid quasi materia receptiva formarum illius generis, & aliquid quasi agens, ad illam naturā pertinentia tanquam principia suo modo: sed in anima intellectiva est actus & potentia, quum quandoque sit actus primo intelligens, quandoque verò in potentia: ergo in eius natura est aliquid sicut materia scilicet intellectus possibilis, & aliquid facit actuum, scilicet intellectus agens, ad naturam eius in quantum intellectiva est suo modo pertinentia, sed supple modum animæ habendi principia quibus sit intellectiva actus de intellectu in potentia, est ut illa sint eius potentia & proprietates, quum intellectiui sit animæ potentia: ergo intellectus agens & possibilis sunt in anima ut eius potentia, non autem sunt substantia separata. Ecce itaque quod Aristoteles ostendit (ut dicebat sanctus Thomas) intellectum agentem non esse substantiam separatam. Et sic responsio ad primam & secundam rationem S. Thomæ nulla est. Quod etiam responsio ad tertiam rationem nulla sit patet ex verbis responsionis. Nam concessio quod illa assimilatio sit secundum modum agendi intellectus & habitus, quia scilicet utroque operamur quando volumus: arguitur sic. Id quo utimur operando quando volumus, non est substantia separata, sed est in nobis, sed parte intellectu agente utimur operando quando volumus, sicuti habitus: ergo non est substantia separata, sed est in nobis: maior probatur, quia forma maxime separata à materia, & ad superiorem ordinem rerum pertinentis operatio non est in potestate nostra, ut possumus pro arbitrio nostro illam operationem exercere, non est enim voluntarium, cuius principium est extrā, sed cuius principium intra nos est, ergo, & cetera. Quantum ad secundum exponit sanctus Thomas quasdam Aristotelis autoritates: ex quibus illi qui sunt contrarie opinionis, argumentari possent, sunt autem quinque. Prima est in 3. de Anima text. 19. ubi ait Aristoteles quod intellectus agens est separatus & immixtus: ex quibus arguitur, intellectus agens est separatus & immixtus, ergo non est in anima, sed est substantia separata. Secunda est ibidem. Ait namque quod intellectus agens est substantia actus ens, sed nihil respectu eiusdem est in actu & in potentia: ergo quum in anima sit intellectus possibilis quo est in potentia, non poterit in ipsa esse intellectus agens. Tertia quoque est ibidem, ubi ait quod idem est secundum actum scientia rei: quod exponens Comment. ait quod in intellectu agente idem est intelligens & intellectum, non autem in possibili, ergo intellectus agens est separatus: quia in separatis à materia idem est intelligens & intellectum.

Quarta est in eodē loco, text. 20. ubi ait quod intellectus agens non aliquid



quando quidem intelligit, aliquando autem non intelligit, nihil autem tale est in nobis: ergo, & cetera. Quinta est in eodem textu, ubi ait: Separatus autem est solum hoc quod verè est, & hoc solum immortale & perpetuum est: ergo non est in nobis. Ad primam harum autoritatum responder sanctus Thomas, explanando mètem Aristotelis circa conditiones attributas intellectui agenti in comparatione ad intellectum possibilem, quod Aristoteles non dixit intellectum agentem esse separatum à corpore, sed ab organo corporali, quod & suprà dixerat de intellectu possibili: quod probat hac ratione, quia cum agens sit nobilior patiente, & actuum materia: si intellectus possibilis est separatus ab organo, multò magis intellectus agens erit ab organo separatus. Ad secundam responder quod illud non repugnat ei quod substantia animæ est in potentia, ut ostensum est capitulo præcedenti. Ibi enim ostensum est quod non inconuenit animam esse in actu & in potentia secundum diuersa. Ad tertiam dicit duo. Primum est quod expositio Commentatoris est contra Aristotelis mentem, quia non est verum quod intellectus possibilis in actu non sit ipsum intelligibile, cum de ipso hoc afferuerit Philosophus superius text. 14. & 15. imò & hoc de sensu & sensibili secundum actum superius text. 3. dixerit. Dixit secundò, quod verba allegata non dicit Aristoteles de intellectu agente, sed de intellectu in actu. Nam postquam de intellectu possibili & agente determinauerat, oportebat de intellectu in actu determinare, cuius primò differentiam ponit ad intellectum possibilem in hoc quod intellectus in actu, siue scientia in actu est idem rei scitæ, non autem intellectus possibilis: subiungit postea pro alia differentia ordine intellectus possibilis ad ipsum, quia ipse secundum quod est in potentia, est prior tempore quam intellectus in actu in vno & eodem, non autem simpliciter, cum reducatur in actum per intellectum agentem, & etiam per intellectum in actu.

ATTENDENDVM hinc, quum dicitur quoniam scientia in actu simpliciter præcedit intellectum in potentia etiam tempore, licet in vno indiuiduo sit conuersio, quod hoc non intelligitur de potentia absolute accepta, quod patet, quia si accipiamus per intellectum in actu ipsum intellectum agentem, constat quod intellectus in potentia non præcedit in eadem duratione, cum simul sint in anima. Si autem accipiamus habitum primorum principiorum siue intellectum actuum illo habitu quo per se ipsum aliquis scientiam inuenit: sic etiam manifestum est quod intellectus in actu non præcedit tempore potentiam intellectus ad alia intelligibilia, imò sequitur, & est posterior illa, cum intellectus à sua generatione sit in potentia, non autem sit actus à generatione tali habitu. Si demum per intellectum in actu accipiamus intellectum docentis, iam non est necessarium ut præcedat tempore potentiam addiscentis: quia si addiscentis sit secundum substantiam antiquior doctore, prius est intelligens & sciens in potentia, quam docens sit sciens in actu. Relinquitur ergo ut intelligatur de potentia quæ mouetur ad actum: iam enim verissimum est quod intellectus prius tempore mouetur ad scientiam, quam habeat scientiam: quia cum discursu quodam acquiratur scientia, oportet prius intellectum acquirere cognitionem principiorum antequam causetur in eo habitus scientificus conclusionum, siue per inuentionem, siue per doctrinam acquiratur. Similiter intellectum in actu oportet tempore præcedere intellectum in potentia, secundum scilicet quod mouetur ad actum oppositum illi potentie: quia oportet & intellectum habentem habitum primorum principiorum, & docentis intellectum actuum scientia, prius esse quam intellectum possibilem addiscentis moueant ad actum scientiæ: patet autem hæc expositio ex ratione quam adducit sanctus Thomas, & hic, & in tertio de Anima, quia scilicet potentia non reducitur in actum nisi per aliquid existens in actu. Constat autem quod ex hoc quod potentia non reducitur in actum nisi per ens actum, non sequitur quod actus tempore præcedat potentiam absolute acceptam, sed ipsam potentiam actuationem: prius enim oportet esse agens quam moueat potentiam ad actum completum ubi aliquid successiue in actum reducitur, sicut intellectus reducitur in actum veræ scientiæ: erit ergo sensus, quod in vno & eodem potentia intellectus quæ mouetur ad actum perfectum scientiæ, præcedit ipsam scientiam simpliciter, tamen sciens in actu etiam tempore præcedit potentiam, id est, motionem potentie ad actum, siue potentiam ut mouetur ad actum. Quod autem hæc interpretatio verborum Aristotelis de intellectu in actu sit ad eius mètem, non autem quod obiectum scientiæ intellectus agentis sit ipsemet, apparet quia non dicit quod intellectus agens, aut quod eius scientia sit idem rei: quod utique oportuisset dici, si de intellectu agente intelligeretur: sed absolute quasi nouum propositum incipiens ait: Idem autem est secundum actum scientia rei, quæ verò secundum potentiam tempore prior in vno est. Ad quartam responder, quod non dicit ea verba Aristoteles de intellectu agente, sed de intellectu in actu. Nam differt etiam intellectus in actu ab intellectu possibili, quia intellectus possibilis quandoque intelligit, quandoque non intelligit, hoc autem non potest dici de intellectu in actu qui est ipsa intelligibilia in actu.

ADVERTTE quod sanctus Thomas 1. q. 79. art. 4. ad secundum inquit, quod si de intellectu agente prædicta verba intelligantur, sic sunt exponenda. scilicet quod non est ex parte intellectus agentis quod quandoque intelligimus, quandoque non sed est ex parte intellectus possibilis.

HANC sancti Thomæ interpretationem hic positam improbant quidam Thomistarum, dicentes quod à nullius mente quasi dubium excludendum erat de intellectu in actu. secundò, quod quandoque intelligit, quandoque non intelligit, certum est enim de omni actu operante quod non quandoque operatur, quandoque non operatur, sed non vident quod hoc non est ab Aristotele dictum, quasi esset apud aliquos dubium: sed quia ut dicitur in quæst. de spiritu, artic. 10. ad tertium, cum propositum sibi esset inter intellectum in actu & intellectum possibilem differentias enarrare, postquam duas explicauit, quod scilicet intellectus in potentia non est intelligibile in potentia, sed intellectus in actu est ipsum intelligibile in actu, & quod intellectus in potentia præcedit intellectum in actu tempore in eodem, simpliciter autem intellectus in actu præcedit intellectum in potentia, tertiam subiungit differentiam, quod videlicet intellectus possibilis aliquando quidem intelligit, aliquando verò non intelligit, non sic autem est de intellectu in actu, ut est manifestum, cum intellectus in actu in ipso intelligere consistat. Ad quintam dicit sequendo contextum superiorum verborum, quod illa verba neque de intellectu agente, neque

de intellectu possibili dicuntur, sed de tota parte intellectiua, non de agente, quia iam idem dixerat de possibili, & sic non solus agens est separatus. non etiam de possibili, quia iam idem dixerat de agente, & sic soli possibili conuenire non potest, unde relinquitur ut de eo quod comprehendit utrunque, scilicet de intellectu in actu de quo loquebatur, intelligatur. dicitur enim hæc sola pars animæ, scilicet intellectiua esse separata, quia corporali organo non vititur: & idem subiungit de eadem, quod hoc solum est immortale & perpetuum, ut pote à corpore non dependens.

ATTENDENDVM hinc quod intellectus in actu dicitur immortalis & perpetuus, non ratione operationis per quam efficitur in actu, quasi aliqua vna sua operatio sit perpetua, sed ratione intellectus agentis & possibilis quos comprehendit tanquam ad hoc ut sit intellectus in actu, requisiti.

Quod anima humana corrupto corpore non corrumpitur.

Cap. 79.



Præmissis igitur manifestè ostendi potest animam humanam non corrumpi corrupto corpore. Ostensum est enim suprà. \* omnem substantiam intellectualem esse incorruptibilem: anima autem hominis est quædam sub-

stantia intellectualis, ut ostensum est: oportet igitur animam humanam incorruptibilem esse.

Adhuc, nulla res corrumpitur ex eo in quo consistit sua perfectio: hæc enim mutationes sunt contrariæ, scilicet ad perfectionem, & ad corruptionem: perfectio autem animæ humanæ consistit in abstractione quadam à corpore. perficitur enim anima scientia & virtute: secundum scientiam autem tantò magis perficitur, quantò magis immaterialia considerat, virtutis autem perfectio consistit in hoc, quod homo corporis passiones non sequatur, sed eas secundum rationem tēperet & refrenet: non ergo corruptio animæ consistit in hoc quod à corpore separetur. Si autem dicatur quod perfectio animæ consistit in separatione eius à corpore, secundum operationem, corruptioni autem in separatione secundum esse: non conuenienter obuiatur. operatio enim rei demonstrat substantiam & esse ipsius: quia vnumquodque operatur secundum quod est ens: & propria operatio rei sequitur propriam ipsius naturam. non potest igitur perfici operatio alicuius rei, nisi secundum quod perficitur eius substantia. si igitur anima secundum operationem suam perficitur, in relinquendo corpus, & corporea substantia sua in esse suo: non deficiet per hoc quod à corpore separetur.

Item, proprium perfectiū hominis secundum animā est aliquid incorruptibile: propria enim operatio hominis in quantum huiusmodi est intelligere: per hanc enim differt à brutis & plantis & inanimatis. intelligere enim est vniuersaliū & incorruptibile in quantum huiusmodi: perfectiones autem oportet esse perfectibilibus proportionatas: ergo anima humana est incorruptibilis.

Amplius, impossibile est appetitum naturalem esse frustrā: sed homo naturaliter appetit perpetuò manere: quod patet ex hoc quod esse est quod ab omnibus appetitur, homo autem per intellectum apprehendit esse non solum ut nunc, sicut bruta animalia, sed simpliciter: consequitur ergo homo perpetuitatem secundum animam qua esse simpliciter & secundum omne tempus apprehendit.

Item, vnumquodque quod recipitur in aliquo, recipitur in eo secundum modum eius in quo est: formæ autem rerum recipiuntur in intellectu possibili prout sunt intelligibiles actus: sunt autem intelligibiles actus prout sunt immateriales & vniuersales, & per consequens incorruptibiles: ergo intellectus possibilis est incorruptibilis. Sed sicut probatum est suprà, intellectus possibilis est aliquid animæ humanæ. Est igitur anima humana corruptibilis.

Adhuc, esse intelligibile est permanentius quam esse sensibile, sed id quod se habet in rebus sensibilibus per modum proprium primi recipientis, est incorruptibile secundum suam substantiam, scilicet materia prima: multò igitur fortius intellectus possibilis qui est receptius formarum intelligibilium. Ergo & anima humana cuius intellectus possibilis est, pars est incorruptibilis.

7 Amplius,

Idem p. p.  
q. 75. artic. 6.  
\* Cap. 55.

D 189.

Cap. 59. &  
61.



7. Amplius, faciens est honorabilius facto, ut etiam Aristoteles dicit, sed intellectus agens facit actu intelligibilia, ut ex præmissis patet: quum igitur intelligibilia actu inquantum huiusmodi sint incorruptibilia, multò fortius intellectus agens erit incorruptibilis: ergo & anima humana, cuius lumen est, intellectus agens, ut ex præmissis patet.

8. Item, nulla forma corrumpitur nisi vel actione contrarij, vel per corruptionem sui subiecti, vel per defectum suæ causæ. Per actionem quidem contrarij, sicut calor destruitur per actionem frigidam. Per corruptionem autem sui subiecti: sicut destructo oculo destruitur vis visiva. Per defectum autem causæ: sicut lumen aëris deficit deficientie solis præsentia, quæ erat ipsius causa.

Sed anima humana non potest corrumpi per actionem contrarij: non est enim ei aliquid contrarium, cum per intellectum possibile ipsa sit cognoscitiva & receptiva omnium contrariorum. Similiter autem neque per corruptionem sui subiecti ostensum est enim supra, quod anima humana est forma non dependens à corpore, secundum suum esse. Similiter autem neque per deficientiam suæ causæ: quia non potest habere aliquam causam nisi æternam, ut infra ostendetur: nullo igitur modo anima humana corrumpi potest.

9. Adhuc, si anima humana corrumpitur per corruptionem corporis, oportet quod eius esse debilitetur per debilitatem corporis. Si autem aliqua virtus animæ debilitetur debilitato corpore, hoc non est nisi per accidens: inquantum scilicet virtus animæ indiget organo corporali: sicut visus debilitatur debilitato organo per accidens tamen, quod ex hoc patet. Si enim ipsi virtuti per se accideret aliqua debilitas, nunquā restauraretur organo reparato. Videmus autem quod quantumcunque visiva videatur debilitata, si organum reparatur, vis visiva restauratur. Vnde dicit Aristoteles in primo de Anima \* quod si senex accipiat oculum iuuenis, videbit utique sicut iuuenis, quum igitur intellectus sit virtus animæ, quæ non indiget organo, ut ex præmissis patet: ipse non debilitatur neque per se, neque per accidens, per sensum vel per aliquam aliam debilitatem corporis. Si autem in operatione intellectus accidit fatigatio aut impedimentum propter infirmitatem corporis, hoc non est propter debilitatem ipsius intellectus, sed propter debilitatem virium quibus intellectus indiget, scilicet imaginationis memoratiæ & cogitatiue virtutum. Patet igitur quod intellectus humanus est incorruptibilis: ergo & anima humana, quæ est intellectiva quædam substantia. Hoc etiam apparet per auctoritatem Aristotelis, dicit enim in primo de anima, \* quod intellectus videtur quædam substantia esse, & non corrupti: quod autem hoc non possit intelligi de aliqua substantia separata quæ sit intellectus possibilis vel agens, ex præmissis haberi potest.

10. Præterea apparet ex ipsis verbis Aristotelis in vndecimo Metaphysicæ, ubi dicit contra Platonem loquens, quod causæ mouentes præexistunt, causæ verò formales sunt simul cum his quorum sunt causæ: quando enim sanatur homo: tunc sanitas est, & non prius: contra hoc quod Plato posuit formas rerum præexistere rebus.

Et his dictis postmodum subdit, \* Si autem & posterius aliquid manet, perscrutandum est nam in quibusdam nihil prohibet, ut si est anima tale, non omnis, sed intellectus. Ex quo patet quum loquatur de formis, quod vult intellectum qui est forma hominis, post materiam remanere, scilicet post corpus. Patet autem ex præmissis verbis Aristotelis, quod licet ponat animam esse formam, non tamen ponit eam non subsistentem, & per consequens corruptibilem: sicut Gregorius Nycenus ei imponit, nam à generalitate aliarum formarum animam intellectiuam excludit, dicens eam post corpus remanere, & substantiam quandam esse. Præmissis autem sententia catholica fidei concordat, dicitur enim in libro de Ecclesiasticis dogmatibus: Solum hominem credimus habere animam substantiuam, quæ & exuta corpore viuit, & sensus suos atque ingenia viuaci-

ter tenet, neque cum corpore moritur, sicut Arabs asserit, neque post modicum intervallo, sicut Zenon: quia substantialiter viuit. Per hoc autem concluditur error impiorum, ex quorum persona dicitur Sapientiæ secundo, Ex nihilo nati sumus: & post hoc erimus tanquam non fuimus: & ex quorum persona dicit Salomon Ecclesiast. 3. Vnus est interitus hominis & iumentorum, & æqua vtriusque conditio, sicut moritur homo, sic & illa moriuntur, similiter spirant omnia, & nihil habet homo iumento amplius. Quod enim non ex persona sua, sed impiorum dicat, patet per hoc quod in fine libri quasi determinando subiungit: Donec reuertatur pulvis in terram suam vnde erat, & spiritus redeat ad eum qui dedit illum. Infinitæ etiam sunt auctoritates sacræ scripturæ, quæ immortalitatem animæ protestantur.

## Super Cap. 79.



OSTQVAM determinauit sanctus Thomas de vniione animæ intellectiue ad corpus, nunc de duratione ipsius hominis determinat. Circa quod duo facit. Primum enim determinat de duratione eius post vniionem ad corpus. Secundò, de eius duratione ante dictam vniionem, capite 83. Quantum ad primum duo facit. Primum agit de ipsa animæ intellectiue duratione: secundò, occasionaliter de duratione animæ brutorum, capite 82. tractat. Quantum ad primum duo facit. Primum ostendit animam intellectiuam immortalem esse: secundò contra determinatam veritatem adducit instantias. Quantum ad primum arguit animam intellectiuam non corrumpi corrupto corpore, sed esse immortalem. Et primum per rationes, secundò per auctoritates Aristoteli. Primum itaque arguit sic: Anima est quædam substantia intelligibilis, ergo est immortalis, quia omnis substantia immortalis est incorruptibilis, ut probatum est superius cap. 55.

Secundò, Perfectio animæ humanæ consistit in quadam abstractione à corpore, ut patet in perfectione à scientia & virtute: nam secundum scientiam tantò magis perficitur, quantò magis immaterialia cōsiderat, virtutis autem perfectio consistit in hoc quod homo passiones corporis non sequatur, ergo corruptio eius non consistit in separatione à corpore: probatur consequentia, quia nulla res corrumpitur ex eo in quo consistit sua perfectio, quum mutationes ad perfectionem & ad corruptionem sint contrariæ. Si dicatur quod perfectio animæ consistit in separatione secundum operationem, non autem in separatione secundum esse, in ipsa verò separatione secundum esse consistit corruptio: contra arguitur, quia quum operatio consequatur naturam, non potest perfici operatio rei nisi secundum quod perficitur eius substantia: & sic si anima secundum operationem perficitur in relinquendo corpus, non deficiet substantia eius in esse suo per hoc quod à corpore separatur.

CIRCA istam propositionem, non potest perfici operatio alicuius rei, nisi secundum quod eius substantia perficitur, occurrit dubium. Nam si hoc sit, sequitur, cum anima à corpore separata sit perfectior secundum operationem, quod etiam sit perfectior secundum substantiam, cuius oppositum de mente sancti Thomæ ostensum est supra, cap. 68.

Respondetur quod dupliciter potest intelligi aliqua natura perfici, vno modo absolute & secundum se, hoc est secundum suam intrinsecam rationem: alio modo ut ad operationem ordinatur, inquantum videlicet sit liberior & efficacior ad operandum quod est aliquo modo & accidentaliter perfici: perfectio ergo operationis aliquandò sequitur primam perfectionem, aliquandò verò secundam, inquantum natura quæ erat impedita & detenta ne posset operari suo modo, emotis impedimentis sit habilior ad operandum, & ideo perfectius operatur: propositio itaque inducta intelligitur de perfectione substantiæ, altero illorum modorum, non autem primo modo tantum: sic autem negatur quod anima separata non sit perfectior inquantum ordinatur ad operationem intellectiuam. Nam cum iuxta prædeterminata in dicto cap. 68. liberata fuerit à corpore corruptibili impediante, remanet liberior & efficacior ad intelligendum: nec huius oppositum dictum est superius, sed tantum quod separata à corpore non est perfectior secundum naturam intrinsecam & absolute, imò imperfectior tanquam non habens complementum suæ speciei. Tertiò, Proprium perfectiuium hominis secundum animam aliquid est incorruptibile, ergo & anima est incorruptibilis: probatur antecedens, quia intelligere quæ est propria hominis operatio, est vniuersalius & incorruptibilis, quæ sunt animæ perfectiones: consequentia etiam probatur, quia oportet perfectiones esse perfectibilibus proportionatas. Ista ratio superius est exposita cap. 55. Quartò, Homo appetit naturaliter perpetuò manere, quia apprehendit esse per intellectum non solum ut nunc, sed simpliciter: ergo anima secundum quam apprehendit simpliciter esse, & secundum omne tempus, est perpetua. Hanc rationem etiam superius loco præallegato explicauimus, idè eius interpretatio requiritur ibidem.

Quintò, Formæ rerum recipiuntur in intellectu possibili, ut sunt incorruptibiles, ergo intellectus possibilis est incorruptibilis, ergo & anima, cuius intellectus possibilis est aliquid. Probatur antecedens, quia recipiuntur in intellectu ut sunt actu intelligibiles: hoc autem habent inquantum sunt immateriales & vniuersales, & per consequens incorruptibiles: consequentia etiam probatur, quia vnumquodque recipitur in aliquo secundum modum eius in quo est.

ADVERTE, quod hæc ratio licet conformitatem cum tertia habeat ratione, est tamen ab ipsa distincta, & aliud medium assumit. Ibi enim pro medio accipitur incorruptibilitas intelligibilis absolute, hic verò pro medio accipitur, non ipsa incorruptibilitas absolute, sed necessitas incorruptibilitatis eius ex eo quod recipitur in intellectu, quod est signum incorruptibilitatis intellectus.



Sexto, Primum susceptivum in rebus sensibilibus, scilicet materia prima est incorruptibile secundum substantiam, ergo multo fortius intellectus possibilis qui est receptivus formarum intelligibilium: ergo anima, probatur prima consequentia, quia esse intelligibile est permanentius quam esse sensibile.

Sed videtur quod ista comparatio non sit conueniens, quia fit inter ea quæ sunt diuersorum generum: comparantur enim esse substantiale sensibile, & esse accidentale intelligibile: materia enim est primum susceptivum esse sensibilis substantialis, & intellectus est primum susceptivum esse intelligibilis accidentalis, fuisset enim conueniens comparatio si intellectus fuisset comparatus sensui, quia sicut intellectus est susceptivus esse intelligibilis accidentalis, ita sensus est susceptivus esse sensibilis accidentalis: sed tunc falsum est quod primum susceptivum esse sensibilis accidentalis & abstracti sit incorruptibile. Videtur etiam falsum quod esse intelligibile quod recipitur in intellectu possibili, sit permanentius quam esse sensibile quod in materia recipitur, quum illud sit substantiale, hoc autem sit accidentale.

Ad primum horum respondetur quod non sit comparatio inter intelligibile accidentale & sensibile substantiale, sed inter intelligibile & sensibile absolute & formaliter sumpta abstrahendo à substantiali & accidentali. sic enim intellectus possibilis est primum receptivum intelligibilis formæ, receptibilis scilicet in alio in quantum intelligibilis est, nam anima intellectiva non vt est intellectiva, est receptibilis in materia dependentis, imò vt sic materiam capacitatem supergreditur, sed est in materia receptibilis vt est sensibilis forma aliquo modo, materia autem prima est primum susceptivum immediate formæ sensibilis & ideo conueniens est hæc comparatio secundum proportionalitatem quæ etiam inueniri potest inter ea quæ sunt diuersorum generum. Ad secundum dicitur primum, quod comparando intelligibile ad sensibile absolute & secundum propriam rationem, vt hic accipiuntur, verum est intelligibile esse permanentius sensibili: quia intelligibile vt intelligibile abstracti à materia, & per consequens à principio corruptionis, nam principium corruptionis est materia, sensibile autem in quantum sensibile concernit materiam. Dicitur secundum quod verum etiam est formam intelligibilem intellectus nostri esse permanentiorem formæ sensibili substantiali, quia forma intellectus nostri nullam habet in intellectu contrarietatem: forma autem sensibilis in istis inferioribus habet contrarietatem quantum ad dispositiones, aut quantum ad accidentia formam consequentia. Septimò, intelligibilia actu in quantum huiusmodi sunt incorruptibilia, ergo & intellectus agens, ergo & anima cuius ipse intellectus est lumen. Probatur prima consequentia, quia faciens est honorabilius facto, vt dicitur tertio de Anima: intellectus autem agens facit intelligibilia.

ADVERTE quod inquit sanctus Thomas, intelligibilia in quantum huiusmodi esse incorruptibilia, quia intelligibilia aliqua licet sint materialia & corruptibilia, secundum quod sunt in rebus, propter quod sunt intelligibilia, tantum in potentia, vt tamen sunt actu intelligibilia, abstrahunt à materia & conditionibus materialibus, & ideo in seipsis habent principium corruptionis, nec dependentiam ad illud habent secundum esse, quod non conuenit sensibili in quantum est sensibile, quia non abstrahit à conditionibus materialibus. Octauò, anima intellectiva non potest corrumpi per adionem contrarij, cum ipsi nihil sit contrarium, imò per intellectum possibilem sit cognoscitiva & receptiva contrariorum: neque per corruptionem subiecti, quum non dependeat à corpore secundum esse, vt superius est ostensum: neque per deficientiam suæ causæ, quia non potest habere aliam causam nisi æternam, vt infra ostendetur, ergo, &c. patet consequentia, quia nulla forma corrumpitur nisi vno illorum trium modorum.

ATTENDENDVM quod non solum anima secundum suam substantiam non habet contrarium, sicut nec aliæ substantiæ, sed nec etiam habet contrarietatem in dispositionibus ad esse ipsius, quia nullæ sunt, dispositiones ad esse animæ, aut ad eius conseruationem absolute loquendo, sed tantum ad esse ipsius in corpore: quæ quia contrarium habent, per eam corruptionem aut alterationem potest anima desinere esse in corpore, non autem simpliciter desinere esse. Propterea cum inquit sanctus Thomas animæ nihil esse contrarium, intelligendum est neque quantum ad eius substantiam, neque quantum ad aliquas dispositiones quæ ad eius esse absolute requiruntur.

ADVERTENDVM etiam quum dicitur aliquam formam corrumpi propter deficientiam causæ, quod hoc intelligitur de causâ effectus non tantum in fieri, sed etiam in facto esse, siue in conseruando quomodo deus est causa animæ, & præsentia solis est causa luminis in aëre, deficiente enim influxu talis causæ, necesse est effectum deficere, non autem deficiente causâ in fieri tantum, oportet effectum productum desinere esse, sed bene oportet desinere fieri effectus: sicut deficiente domesticatore, aut ipsa domesticatione domus iam producta cessante, non oportet desinere domum esse, sed tantum fieri domus. Cetera quæ ad huius rationis explicationem requiruntur, vide in loco superius allegato. Nonò, intellectus possibilis non debilitatur propter debilitatem corporis: ergo est incorruptibilis, ergo & anima, probatur antecedens, quia intellectus non indiget corpore, nulla autem virtus animæ debilitatur debilitato corpore nisi per accidens, in quantum scilicet indiget organo corporali, vt patet in visu, consequentia verò prima probatur, quia si anima corrumpitur per corruptionem corporis, oportet quod eius esse debilitetur per debilitatem eius, & supple idem est de virtutibus animæ.

ADVERTENDVM quod quum omnis forma sit principium formale essendi & subiecto & composito aut substantialiter aut accidentaliter secundum formæ conditionem & per consequens ipsa habeat esse in suo susceptivo, non habet vt debilitetur debilitato corpore secundum esse absolute nisi sic dependeat à corpore quod ipso indigeat ad suum esse. Nam si suum esse non dependeat à corpore, nec indiget ipso corpore ad hoc vt sit, nulla est ratio quare debilitato corpore eius esse debilitetur: nam si debilitato corpore debilitetur, quanto corpus magis fuerit debilitatum, tanto & ipsa magis debilitabitur: & sic oportebit quod corpore totaliter deficiente, & ipsa deficiat.

Sed quia contingit formam quæ non dependet à susceptivo secundum esse absolute, dependere ab ipso secundum quid, scilicet, quantum

ad vnionem cum corpore, vt superius dictum est de anima humana, ideo potest debilitari debilitato corpore quantum ad esse vnium corpori: propterea & deficiente corpore definit habere esse vnium corpori, licet non definit simpliciter esse. Loquitur ergo hic sanctus Thomas in antecedente de debilitatione virtutis animæ simpliciter, non autem solum quantum ad vnionem eius cum susceptivo. Quantum ad secundum vt videatur non solum propter rationes adductas hanc opinionem fundamentum habere, sed etiam ex principe Philosophorum, cui omnes assentire videntur, processisse hanc eandem conclusionem sanctus Thomas ex eius verbis ostendit. Duo autem loca breuitati studens adducit ex libris Aristotelis, in quibus manifestissime visus est animam humanam immortalem ponere. Primus est in primo de Anima, text. 65. vbi ait quod intellectus videtur quædam substantia esse, & non corrumpi: quod (vt ex præmissis patet) non potest intelligi de aliqua substantia separata quæ sit intellectus agens & possibilis, ostensum est enim superius, neque intellectum possibilem neque agentem apud Aristotelem substantiam separatam esse. Secundus est 12. Metaphysicæ, vbi postquam dixit text. 16. quod causæ formales simul sunt cum iis quorum sunt causæ, non autem prius subiungit text. 17. Si autem & posterius aliquid manet, perscrutandum est, nam in quibusdam nihil prohibet: vt si est anima talis, non omnis, sed intellectus: Ex quibus habentur duo. Primum est, quod intellectus qui est forma hominis, post corpus remanet, nam de formis habetur sermo. Secundum est, quod animam à generalitate omnium formarum excludit, ipsam ponens post corpus remanere, & substantiam quandam esse, & non ponit ipsam non subsistentem, & per consequens corruptibilem, vt ei Gregorius Nyssenus imponit.

ADVERTE (vt dicitur de spiritualibus creaturis articulo secundo) quod idcirco Gregorius Nyssenus in suo libro de Anima, imposuit Arist. quod voluerit animam intellectivam non esse subsistentem, & corrumpi corrupto corpore, quia posuit eam endelechiam, quasi actum & perfectionem corporis physici, contra autem rationem substantiæ spiritualis videtur esse quod sit corporis forma. Sed hoc verum non est, quia (vt superius est ostensum) necesse est ponere aliquam spiritalem substantiam formam humani corporis esse.

SED quia nonnulli Thomistarum viri alioquin doctissimi à doctrina sancti Thomæ discedentes, (qui & hic, & duodecimo Metaphysicæ exponendo textum, 17. item quolib. 10. quæst. tertia, articulo secundo, similiter 8. Physicæ. lectione duodecima, tenet Aristot. animam humanam posse se immortalem) oppositum de mente Aristotelis esse conatur ostendere, ideo verissima sancti Thomæ doctrinam sectando, quæ neque in sacris literis ponendis, neque in diuinis rebus interpretandis, neque in Arist. commentationibus quicquam aut falsi aut in eruditio continet: primo adducemus ad antedictas autoritates eorum responsiones, easque facillime confutabimus, deinde in sequenti capite eorū rationibus iuxta integritatem sancti Thomæ doctrinam respondebimus. Ad primam itaque Aristotelis autoritatem nihil dicit, sed vt ex eorū processu conici potest, eos dicturos puto, aut quod Aristoteles ibi dubitativè locutus est, non assertivè, quod apparere potest ex eo quod vbi illo verbo, videtur quod dubitantis est, non afferentis: aut quod opinionem aliorū secutus est. Ad secundam similiter respondet quod in hac autoritate nihil ad propositum affirmare se ostendit. Ex hac enim solum habetur manifestè, quod putavit animam intellectivam non esse ante corpus, sed sub dubio an sit post reliquit.

SED responsionem ad primum quantum ad primam partem constat nullam esse, ex processu enim Aristotelis apparet quod ibi non loquitur dubitativè, nec cogit quod vtiur hoc verbo videtur, quia aliquando videtur, accipitur vt idem est quod apparet, siue manifestum est, quemadmodum ait Porphyrius. Videtur autem neque genes neque species simpliciter dici ibi enim (vt Ammonius interpretatur) videtur, pro apparet, accipitur. Quantum verò ad secundam partem vtiue verum dicit iuxta interpretationem Sancti Thom. inquantis quod Arist. probat propositum suum per quandam opinionem Platoniorum quæ suo tempore erat famosa, scilicet quod omnis anima est incorruptibilis, & quod omnes operationes animæ, etiam ipsius intellectus, haberent organa determinata, & ideo exponit, li videtur, id est, prædictis philosophis apparet. Sed licet secundum opinionem aliorum loquatur Arist. non tamen ab eorum opinione quantum ad immortalitatem animæ intellectivæ discedit. Vnde vt ostendat se quidem quantum ad hanc immortalitatem secum conuenire, non autem quantum ad hoc quod operatio intellectus habeat organum, & marcescat propter organi corruptionem, ex propriis loquens, atque in quâ declinet opinionem ostendens, subiungit quod intellectus fortassis diuini aliquid & impassibile est. Vbi vtiur dubitativè aduerbio, quia nondum hoc determinauerat, id quod postmodum assertivè in tertio ponit, vt apparebit. Responsio etiam ad secundam nulla est, Nam Aristot. postquam determinavit formas non esse ante res quarum sunt formæ, subiungit perscrutandum esse si aliqua remaneat post corruptionem compositi, & determinat quod nihil prohibet: vbi text. Com. habet, non est impossibile, & subiungit exemplum de anima intellectiva. Non enim (vt isti arbitrantur) dubitativè responderet, & sub conditione quod si sub conditione responderet, non interposuisset li, vt, quæ est dictio ad exemplificandum assumpta, dixisset enim, In quibusdam enim nihil prohibet, si est anima talis, non autem, In quibusdam enim nihil prohibet, vt si est anima talis, constat enim ex modo loquendi ipsum absolute ad quæsitum respondere, cum inquit, In quibusdam enim nihil prohibet, siue non est impossibile quod eum verificari non possit nisi de anima intellectiva, subiungit exemplum de ipsa dicens, vt id est, verbi gratia, vt exponit Com. & vt habet veritas græcæ distinctionis illi correspondens, si est anima talis, non omnis, sed intellectus, & est sensus aliquam manere posse post solutionem compositi, verbi gratia si dicamus animam post dissolutionem animati remanere, non quidem omnem, sed illam quæ est intellectiva. Apparet etiam ex sequentibus verbis idem voluisse cum subiungit: omnem namque impossibile forsan. Nam cū dixerit in aliquibus nihil prohibere quod remaneant, & exemplificasset de anima intellectiva: cum subiungit de omni anima hoc verificari non posse, relinquit hoc de anima intellectiva non esse impossibile. Cum ergo determinatio quæstionis absoluta sit, scilicet quod non est impossibile aliquam formam remanere post compositi corruptionem, & hoc verificari non possit nisi de anima intellectiva, relinquitur

2. de anima  
text. com. 5  
cap. 70.

Caiet. in 3. de  
anima, cap. 2.  
super. 20.



quitur quod ipse tenuerit animam intellectuam post corruptionem hominis remanere, & consequenter immortalem esse. Quod autem hæc fuerit mens eius, ut S. Thom. arbitrat, ex multis aliis locis ostendi potest. Primo, quia primo de anima text. 19. dicitur quod cum sint quedam operationes animæ quæ sunt operationes coniuncti, propter hoc Phisici est de anima considerare aut omni, aut huiusmodi scilicet quæ est affixa organo. Ex his enim verbis apparet ipsum existimasse aliquam animam esse quæ non sit omnino à materia dependens, sed habeat aliquam operationem cui corpus non communicat. Nam si non fuisset huius opinionis, non esset vltus hac distinctione, scilicet quod Phisici est considerare de anima aut omni, aut materiali siue affixa corpori secundum omnem suam potentiam: sed absolute dixit Phisici esse considerare de omni anima. Confirmatur, quia in primo de partibus animalium capite primo hanc dubitationem determinans inquit, quod Phisici non est de omni anima determinare, quia tunc nulla esset philosophia præter naturalem scientiam. esset enim naturalis philosophia de omnibus, quia cum intellectus sit intelligibilium intellectus, & eiusdem scientiæ sit de iis quæ relativi dicuntur, determinare, naturalis determinabit etiam de intelligibilibus: constat autem quod ibi de anima proprie Sumpta loquitur, ut ex contextu literæ apparet, ergo existimauit aliquam esse animam quæ materiam supergreddiatur, & per consequens non corrumpatur ad corporis corruptionem, quod vtiq; apertissime etiam constat ex ratione alia ab ipso ibidem adducta, quia, inquam, rem nullam à materia abstractam potest scientia naturalis contemplari, ergo apud ipsum est intellectus à materia abstractus, & per consequens incorruptibilis. Secundo, quia secundo de anima text. 22. postquam quæsiuit de aliis animæ potentiis, vtrum vnaquæque sit pars animæ, & vtrum sit separabilis ab aliis potentiis, subiungit quod de intellectu & perspectiva potentia nihil adhuc est manifestum, sed videtur genus alteri animæ esse, & hoc solum contingere separari sicut perpetuum à corruptibili. Si respondeatur (ut supradicti respondent) quod hoc solum de intellectu agente verificatur apud eum, quod separatur sicut perpetuum à corruptibili, quia Aristot. solum intellectum agentem posuit esse substantiam separatam & incorruptibilem, patet hoc manifestissime falsum esse ex ipso Arist. processu, nam cum text. 18. conclusisset animam determinari vegetatiuo, sensitiuo, intellectu motu, statim text. 19. querit vtrum vnusquodque horum sit anima, aut pars animæ, & si pars, vtrum sit separabilis sola ratione, aut etiam loco. Ad quod respondendo, quum dixisset de quibusdam horum non esse difficile videre, quædā autem dubitationem habere, & ostendisset in quibus est facile videre, subiungit de iis in quibus est dubium, in quibus quod de intellectu & perspectiva potentia nihil adhuc est manifestum, &c. Ex hoc autem processu apparet quod in verbis adductis loquitur de intellectu qui est virtus & potentia animæ, non autem de intellectu qui sit substantia separata: & loquitur de tota parte intellectiua quam ab aliis dixit separari formaliter, ut eorum verbis vtamur, & de qua ne sic separari existimetur sicut accidens, quod quæ separatur à subiecto, corrumpitur, subiungit quod separatur sicut perpetuum à corruptibili. Nec illud verbis videtur, ut inquit Philoponus, dubitantis est, sed exponitur, id est a patet & est manifestum: propter quod ut ostendat se loqui de intellectu quæ est pars animæ, contra alias partes distincto, de aliis partibus subiungit dicens, reliquæ autem partes animæ manifestum est ex iis quod non separabiles sunt ut quidam dicunt, ratione autem quod altere manifestum. Tercio, quia in tertio de Anima, text. tertio inquit, oportere intellectum esse impassibilem, scilicet passione proprie dicta. & text. sexto vult intellectum possibilem esse immixtum corpori: non habere ergo organum corporeum, tunc sic, intellectus est impassibilis, & est potentia ab omni organo corporeo separata: ergo anima intellectiua non est totaliter immersa materię tanquam ab ipsa secundum esse dependens. ergo est immortalis. probatur prima consequentia, quia formam materię totaliter immersam non consequuntur potentie & virtutes immateriales non habentes organum materiale. sequitur enim nullas habere virtutes supergredientes materiam, & non indigentes materiali subiecto, ergo est omnino materię immersa, & nullo modo supra materiam est eleuata. Secunda etiam consequentia manifeste, quia si non dependet à materia secundum esse, nec est illi totaliter immersa, sequitur quod possit esse sine illa vndiqueque enim potest esse sine eo à quo secundum suum esse non dependet. Quarto, text. 20. eiusdem tertij de tota parte intellectiua loquens ait, Separatus autem est hoc solus quod verè est, hoc solum immortale & perpetuum, ergo &c. Respondent ij, quod hæc non de tota parte intellectiua sed de intellectu tantum agente dicitur quod patet, ut dicitur, ex modo loquendi. Nam cum superius dixisset etiam intellectum possibilem esse separatum, addidit nunc, hoc quod verè est, i. est abstractus in essendo & substantialiter: quasi velit dicere, intellectus possibilis est separatus sicut rectum & habet operationem sine corpore sicut sphaera, sed non est separatus in hoc quod verè est, in essendo. iste autem intellectus quia habet propriam operationem, est separatus. solum in hoc quod verè est, i. in essendo. Sed quod ista responsio non sit ad mentem Arist. arguitur ex ipso modo loquendi. Non enim cum volumus rem à subiecto distinctionem excludere à consortio prædicati, vtrum dictione exclusiua aduerbialiter ex parte prædicati, sed illam ex parte subiecti secundum veram logicam ponimus: non enim cum volumus significare albedinem nulli alij homini conuenire secundum faciem quam Sorti dicimus: Sortes est albus solum secundum faciem, hoc enim magis significat quod Sortes non est albus nisi in facie, sed dicimus, solus Sortes est albus facie, sed Arist. vtriusque dictione exclusiua aduerbialiter ex parte prædicati, dicens quod intellectus est separatus solum hoc quod verè est, non autem quod solus hic intellectus sit separatus hoc modo. ergo non intendit per hæc propositionem excludere intellectum possibilem ab illo modo separationis quo intellectus agens est separatus, ut istinale Arist. interpretantur. vnde aliter est iste text. intelligendus, cum enim intellectus nomen duplex habeat significatū, propriū, quod est virtus aut factiua aut receptiua immaterialis & vniuersaliū, & impropriū, quod est, virtus cogitativa (ipsum enim inferius vocat Arist. intellectum passivum) ne aliquis ex eo quod superius absolute & indistincte dixit intellectum esse separatum, putaret intellectum etiam secundum impropriū acceptum significatum esse separatum, hic se de intellectu quantum ad proprium tantum significatum intellexisse manifestat. vnde sensus est, intellectus autem est separatus tantum secundum propriū

significatum accepto nomine intellectus, non autem ipso secundum eius impropriū significatum accepto: & hoc solum scilicet propriū significatum intellectus, est immortale & perpetuum, non autem impropriū quod clare ostendit subiungens, passivus autem intellectus est corruptibilis, id est, cogitativa, quæ non solum secundum interpretationem sancti Thom. sed etiam secundum Philosophi expositionem, secundum Ammonium in 1. Peri hermenias, antequam ad expositionem literæ Aristot. accedat, improprie dicitur intellectus.

Patet autem hanc esse veram istius text. interpretationem, si diligenter & textus Aristotelis, & græcus modus loquendi consideretur. vbi enim text. noster habet, quod verè est, text. græcus habet *ὅπερ*: quæ dicitio apud græcos proprii significati est demonstratiua. sic enim ait Suidas: *Τὸ τοῦ ὅπερ, τὸ κατὰ τὴν ἐστὶν ἡ ἀποκρίσιν. καὶ ὡς ἐστὶν, τὸ κατὰ τὴν ἐστὶν ἀντισημαίνει. οὐκ ὅπερ ἀντισημαίνει, ὁ κυρίως ἀντισημαίνει ὅπερ, καὶ ὅπερ ἀντισημαίνει, τὸ κατὰ τὴν ἀποκρίσιν.* Id est, hæc dicitio *ὅπερ*, id est, quod verè proprii significati est demonstratiua: & cui sanè fuerit appposita, proprie illud esse significat: verbi gratia quod verè homo, significat proprie hominem: & quod verè ens, & quod verè bonum, significat proprie bonum. Cum ergo text. Arist. habet, *Χαίρει δὲ ἐστὶ μόνον τὸ ὅπερ ἐστὶν*, id est, separatus autem est tantum hoc quod verè est, vel secundum hoc quod verè est, sensus est quod intellectus solum secundum proprium nominis significatum est separatus, non autem secundum impropriū significatum, prout cogitativa improprie & similiter dicitur intellectus. Non ergo dicitur separatus secundum hoc quod verè est, ad hunc sensum quod sit separatus in essendo, sed quod est separatus solum secundum propriū significatum acceptus: quod cum tam intellectus agens quam intellectus possibilis ad propriū significatū huius nominis intellectus pertineat, sequitur quod non tantum de intellectu agente, sed de tota parte intellectiua (ut optime S. Thomas interpretatur) Aristoteles intendat. Vnde sicut ista, Sortes est albus solum secundum faciem: vbi dicitio exclusiua ponitur ex parte prædicati, æquiuale huic, sola facies in Sorte est alba, vbi dicitio exclusiua ponitur ex parte subiecti: ita ista, Intellectus hic est separatus solum secundum suum propriū significatum, æquiuale huic, solus intellectus proprie acceptus est separatus. Non autem æquiuale istæ, hic intellectus est separatus solum in essendo siue substantialiter, & solus hic intellectus est separatus in essendo. secundum autem istorum interpretationem oportet et istas æquiuales esse: id est interpretatio *ὅπερ* mala est.

Quinto, in secundo de Generatione animalium, c. 3. inquit, quod intellectus non educitur de potentia materię, sed venit de foris: ergo non corrumpitur ad corporis corruptionem. illa enim solæ formæ sunt corruptibiles, quæ de potentia materię educuntur. Ad hanc respondet qui supra, q. Arist. credidit mentē aduenire de foris: quia lumen intellectuale quo intellectus possibilis potest esse proxime ad intelligendum, mentisque rationē habere, ab intellectu agente est. Sed q. hæc responsio ad mentem Arist. non sit, ostenditur. Quærit enim ibidem philosophus de cōceptu rei animæ, vnde veniat, & an sit in semine: & explicat suum propositum querendo de anima sensuali quæ conceptus ipse est animal: & de rationali quæ est homo: subiungitque q. de mente, quoniam tempore, & quomodo, & vnde eam recipiant quæ principium id participant, plurimum dubitatur. Ad quam questionem respondens inquit, quod in conceptibus & seminibus hæc animæ prius sunt in potentia quam in actu habeantur, & q. impossibile est quod sola alia extrinsecus veniat: sed sola mens extrinsecus accedit, cūque sola diuina est, eō quod nihil cum eius actione cōmuni cetera actio corporalis. Ecce quam aperè ostendit Arist. se non intellexisse de lumine ab intellectu agente accepto, sed de ipsa animæ substantia quæ conceptus in specie humana constituitur. Vnde responsio illa quam maxime est à mente Arist. aliena. Vltimo arguitur ex fundamēto posito ab ipso Arist. 1. de Anima, text. 13. Anima intellectiua habet propriam operationē, scilicet cui corpus non communicat, ergo est separabilis à corpore & immortalis. probatur antecedens, potentia quæ non est affixa organo corporali, habet operationem sine corpore ut instrumento: sed intellectus est huiusmodi, ut patet ex 2. de Anima, text. 11. ergo &c. consequentia quoque probatur ex ipso fundamēto in 1. de Anima, vbi ait, quod si est aliquis anima operum aut passionum proprium, cōtinget ipsam separari. quæ verba omnes expositores de separatione à corpore secundum esse intelligunt.

Ad antecedens huius rationis respondent supradicti, quod proprium animæ dupliciter potest intelligi: vno modo ut distinguitur contra commune sibi & corpori organice: & dicitur tunc operatio propria animæ illa quæ sit absque organo corporali. Alio modo ut distinguitur contra commune sibi & corpori obiectiue, & dicitur tunc operatio propria animæ quæ non indiget corpore ut obiecto. Dicunt ergo quod si in antecedente accipitur proprium primo modo, antecedens quidem verum est, sed consequens negatur, & ad probationem dicitur, quod propositio Philosophi non est ad propositum, quia in illa conditionali Philosophus non accipit proprium illo modo, si autem accipitur in antecedente proprium secundo modo, ut etiam Philosophus in illa conditionali accipit, tunc antecedens est falsum: quia secundum Arist. in 3. de Anima, text. 30. nihil sine phantasmate (quod est intellectus obiectum) intelligit anima, phantasma autem corpore indiget. Hanc autem responsonem cōfirmant, quia Arist. ponit, quod si intelligere est phantasia, aut non sine phantasia, non contingit sine corpore esse. Ex hac enim conditionali habetur, quod accipitur proprium ut excludit obiectum, quia inquit quod si non est sine phantasia, quæ scilicet est veluti obiectum, non erit sine corpore, & per consequens non erit proprium animæ. Consequenter ad hoc dicunt hanc conditionalem ab Arist. esse positam, ut declararet quomodo acciperet propriū animæ, quia scilicet accipit ut excludit corpus ut obiectum, alioquin ad nullum allegata esset propositum talis ac tanta propositio. Potest etiam ex Scot. 4. sen. dist. 43. quæst. 2. responderi negando antecedens, & ad probationem negari maior, quia stat potentiam non esse affixam organo corporali, aut parti corporeæ, & tamen esse toti rationem operandi primo, & tunc operatio non fiet mediante organo corporali, & tamen anima & corpori communis erit. Sed quod prima responsio ad mentem Aristotelis non sit, ostenditur. Eo enim modo accipitur proprium ab Aristotele quomodo opponitur communi in questione posito, cum ponatur



in questione ut opposita: sed commune accipitur ut conuenit animæ & organo, ergo proprium animæ accipitur ut conuenit animæ absque organo, non autem ut conuenit animæ absque corporeo obiecto. Probatum minor ex ipso Aristotelis textu, & secundum nostram translationem, & secundum ipsum textum græcum, cui optimè accommodatur. sic enim ait textus græcus: *ἡ δὲ ψυχὴ τὴν πρὸς τὸν ὄρατον ὅρατον ἔχει, ὡς τὸ πρὸς τὸν ἀκούον ἀκούον ἔχει, ὡς τὸ πρὸς τὸν ὁσφύον ὁσφύον ἔχει, ὡς τὸ πρὸς τὸν ὁσφύον ὁσφύον ἔχει*, id est, iuxta nostrum interpretem, dubitationem autem habent & passiones animæ, utrum sint omnes communes & habetis, aut sit aliqua & animæ propria ipsius. Accipit ergo Philosophus passionem animæ communem quæ est & ipsius animæ & habetis, sed nomine habetis certum est ipsum intelligere corpus organicum cui potentia animæ est affixa, quia illud habet potentiam, non autem obiectum: ergo & ibi proprium animæ accipit quod soli animæ conuenit, non autem sibi & habetis siue organo. ergo non accipit proprium, ut excludit corpus obiectiue, sed ut excludit corpus organicum & instrumentaliter. ergo cum in tex. 13. ex dubitatione mota deducit eam conditionalem, si quidem igitur est aliquid animæ operum aut passionum proprium, continget utque ipsam separari, accipitur proprium animæ ut excludit corpus organicum, non autem ut excludit corpus obiectum, ut responsio dicit, sed nec ipsius responsionis confirmatio valet. Dicitur enim secundum S. Thomæ interpretationem in fine expositionis illius tex. 12. quod illam conditionalem, scilicet si autem hoc phantasia quædam, aut non sine phantasia, non continget utque neque hic sine corpore esse, non proposuit Aristoteles tanquam veram & secundum suam opinionem, sed tanquam apparentem. Quum enim dictam questionem proposuisset, ostendit causam difficultatis: quia videlicet plurimæ videntur animæ passiones non sine corpore pati aut facere, & quod intelligere maxime assimilatur proprio, sed tamen neque ipsum est proprium, scilicet secundum apparentiam, si autem est phantasia aut non est sine phantasia. esse enim ipsum phantasia ut volebat Plato, utique demonstraret ipsum exigere corporeum instrumentum, sicut & phantasia. similiter etiam ipsum non esse sine phantasia, & per consequens sine obiecto corporali duceret in suspicionem apparentem quod non esset sine organo corporeo, quia videtur esse potentia materialis solum in corpora ferri. hoc tamen licet quandam apparentiam habeat, non tamen est verum, quia & potentia quæ non est affixa organo corporali, & eius operatio potest ad materialia terminari secundum quod per intellectum agentem immaterialia sunt. Ex his etiam patet, quod ea conditionalis non est ab Arist. superius posita, cum eam posuerit ut ostenderet apparentiam quæ erat de intelligere quod non esset proprium animæ, & sic ostenderet questionis difficultatem. Quod etiam secunda responsio quæ est ex Scoti sumpta, ad mentem Arist. non accedat, ostenditur, nam non alia ratione ponit Arist. intellectum ab organo corporeo & parte corporea separatum, nisi quia organum est determinatæ naturæ sensibilis & mixtionis: propter quod intellectus haberet determinatam aliquam naturam sensibilem: & sic impediretur cognoscere omnes naturas sensibiles, sicut si aut potentia visiva aut pupilla haberet aliquem determinatum colorem, & perceptione aliorum colorum impediretur. tertio enim de Anima tex. 6. inquit, vnde neque miser est rationale ipsum corpori. qualis enim aliquis utique fiet, aut calidus aut frigidus, si organum aliquod erit sicut sensitiuum, sed idem accideret si poneretur intellectus totum corpus informare siue esse sibi rationem primo operandi, ita quod intelligere esset compositi ex intellectu & toto corpore, cum non minus mixtum sit totum corpus quam pars, neque minus habeat naturam sensibilem determinatam, ergo non minus separatus est intellectus & operatio intelligendi à toto corpore quam à corporis parte. si ergo est verum quod habeat operationem propriam cui non comunicat organum corporale, verum erit & quod habeat operationem propriam, cui neque ipsum totum corpus comunicet.

Ultimo loco confirmat S. Thomas suam conclusionem auctoritate libri de Ecclesiasticis dogmatibus, & addit per hoc excludi impiorum errorem, ex quoque persona & Sapient. secundo, & Ecclesiast. tertio dicitur animam corruptibilem esse.

*Rationes probantes animam humanam corrupti  
corrupto corpore.*

*Cap. 80.*



IDE TVR autem quibusdam rationibus posse probari animas humanas non posse remanere post corpus. Si enim animæ humanæ multiplicantur secundum multiplicationem corporum, ut supra ostensum est: destructis ergo corporibus non possunt animæ in sua multitudine remanere: vnde oportet alterum duorum sequi: aut quod totaliter anima humana esse desinat: aut quod remaneat vna tantum: quod videtur esse secundum opinionem eorum qui ponunt incorruptibile solum id quod est vnum in omnibus hominibus: siue hoc sit intellectus agens tantum, ut Alexander dicit: siue cum agente etiam possibilibus, ut dicit Auerrois.

2 Amplius, ratio formalis est causa diuersitatis secundum speciem: sed si remanent multæ animæ post corruptionem, oportet eas esse diuersas. sicut enim idem est quod est vnum secundum substantiam: ita diuersa sunt quæ sunt multa secundum substantiam. non potest autem esse in animabus remanentibus post corpus diuersitas nisi formalis. non enim sunt compositæ ex materia

& forma, ut supra \* probatum est de omni substantia intellectuali. Relinquitur igitur quod sunt diuersæ secundum speciem. non autem per corruptionem corporis mutantur animæ ad aliam speciem: quia omne quod mutatur de specie in speciem corrumpitur. relinquitur ergo quod antequam essent à corporibus separatæ, erant secundum speciem diuersæ. composita autem sortiuntur speciem secundum formam: ergo & indiuidua hominum erant secundum speciem diuersa, quod est inconueniens: ergo impossibile videtur quod animæ humanæ multæ remaneant post corpora.

3 Adhuc, videtur omnino esse impossibile secundum ponentes æternitatem mundi, ponere quod animæ humanæ in sua multitudine remaneant post mortem corporis. si enim mundus est ab æterno, motus fuit ab æterno: ergo & generatio est æterna. sed si generatio est æterna, infiniti homines mortui sunt ante nos. si ergo animæ mortuorum remanent post mortem in sua multitudine: oportet dicere animas infinitas esse nunc in actu hominum prius mortuorum. hoc autem est impossibile. nam infinitum actu non potest esse in natura. Relinquitur igitur si mundus est æternus, quod animæ non remaneant multæ post mortem.

4 Item, quod aduenit alicui & discedit ab eo præter sui corruptionem, aduenit ei accidentaliter. hæc enim est definitio accidentis. si ergo anima humana non corrumpitur corpore abscedente, sequetur quod anima humana accidentaliter corpori vnatur: ergo homo est ens per accidens, qui est compositus ex anima & corpore: & sequetur vterius quod non sit aliqua species humana. non enim ex his quæ coniunguntur per accidens fit species vna: nam homo albus non est aliqua species.

5 Amplius, impossibile est aliquam substantiam esse, cuius non sit aliqua operatio: sed omnis operatio animæ finitur cum corpore: quod quidem patet per inductionem. nam virtutes animæ nutritiæ operantur per qualitates corporeas, & per instrumentum corporeum: & in ipsum corpus quod perficitur per animam, quod nutritur & augetur, & ex quo decidit semen ad generationem. operationes etiam omnes potentiarum quæ pertinent ad animam sensitiuam, complentur per organa corporalia: & quædam earum complentur cum aliqua transmutatione corporali: sicut quæ dicuntur animæ passionibus, ut amor, gaudium, & huiusmodi. Intelligere autem etsi non sit operatio per aliquod organum corporale exercita, tamē obiecta eius sunt phantasmata, quæ ita se habent ad ipsam, ut colores ad visum. vnde sicut visus non potest videre sine coloribus, ita anima intellectiua non potest intelligere sine phantasmatibus. Indiget etiam anima ad intelligendum virtutibus præparantibus phantasmata ad hoc quod fiant intelligibilia actu, scilicet virtute cogitatiua & memoratiua: de quibus constat quod quum sint actus quorundam organorum corporis per quæ operantur, quod non possunt remanere post corpus. Vnde & Aristoteles dicit \* quod nequaquam sine phantasmate intelligit anima, & quod nihil intelligit sine intellectu passiuo, quem vocat virtutem cogitatiuam, quæ est corruptibilis. Et propter hoc dicit in primo de Anima \*, quod intelligere hominis corrumpitur quodam interius corrupto, scilicet phantasmate, vel passiuo intellectu. \* & in tertio de Anima \* dicitur quod non reminiscimur post mortem eorum quæ sciimus in vita. Sic igitur patet quod nulla operatio animæ potest remanere post mortem: neque igitur substantia eius manet, quum nulla substantia possit esse absque operatione.

*Super Cap. 80.*



STENSO quod anima humana immortalis sit, soluentur rationes quæ in oppositum sunt: & primò ponit S. Thomas ipsas rationes, secundò, eas soluit cap. sequenti. Quoad primum arguitur primò, animæ secundum corporum multiplicationem multiplicantur, ergo destructis corporibus non possunt in sua multitudine remanere: ergo aut remanet vna tantum, aut totaliter desinunt esse. Primum est falsum ergo, &c.

Secundò, si remanet multæ animæ corruptis corporibus, oportet illas esse diuersas

\* Cap. 50.

Aristot. &  
Auer. 8.  
Philos.

\* 3. de anima  
tex. com. 10.

\* 3. de anima  
tex. com. 20.  
\* Tex. cō. 65.  
\* Tex. cō. 20.

Arg. contra  
veritatē, c. 7.

Auer. 3. de  
anima, cō. 5.



diuersas secundum speciem. ergo & antequam separentur, ergo indiuidua hominum specie distinguuntur. hoc est inconueniens, ergo &c. probatur assumptum, quia inter ipsas erit distinctio formalis, quum sint formae tantum. Prima verò consequentia probatur, quia per corruptionem corporis non mutantur ad aliam speciem. secunda verò, quia composita sortiuntur speciem secundum formam.

Tertio, sequitur secundum ponentes aeternitatem mundi, dari infinitum in actu, quia infiniti homines fuerunt ante nos, hoc est impossibile. ergo &c. Quarto, sequitur ut homo sit ens per accidens, quia corpus adueniet & recedet ab anima incorruptibili permanente: & sic etiam anima corpori accidentaliter vnietur. Quinto, omnis operatio animae finitur cum corpore. Nam vegetare est per corporeas qualitates & per corporeum instrumentum: sentire etiam completur per organa corporalia: intelligere verò non est sine phantasmate, ut dicitur tertio de Anima: & primo de Anima dicitur quod corrumpitur quodam interius corrupto. & tertio de Anima dicitur, quod non reminiscimur post mortem, ergo &c. Probatur consequentia, quia impossibile est aliquam substantiam esse, cuius non sit aliqua operatio.

*Solutio praecedentium rationum.*

*Cap. 81.*



As autem rationes quia falsum concludunt, ut ex praemissis ostensum est: tentandum est soluere. Ac primo sciendum est, quaecunque oportet esse inuicem coaptata & proportionata, simul recipiunt multitudinem vel unitatem, vnumquodque ex sua causa. Si igitur esse vnius dependeat ab altero, unitas vel multiplicatio eius etiam ex illo dependet: alioquin ex alia causa extrinseca. Formam igitur & materiam semper oportet esse adinuicem proportionata, & quasi naturaliter coaptata: quia proprius actus in propria materia fit. vnde semper oportet quod materia & forma consequantur se inuicem in multitudine & unitate. si igitur esse formae dependet à materia, multiplicatio ipsius à materia dependet, & similiter unitas. Si autem, non erit quidem necessarium multiplicari formam secundum multiplicationem materiae, id est simul cum materia, & proportionem ipsius: non autem ita quod dependeat unitas vel multitudo ipsius formae à materia. ostensum est autem quod anima humana est forma secundum suum esse à materia non dependens: vnde sequitur quod multiplicentur quidem animae secundum quod multiplicentur corpora: non tamen multiplicatio corporum erit causa multiplicationis animarum: & ideo non oportet quod destructis corporibus cesset pluralitas animarum: ut prima ratio concludebat. Ex quo etiam de facili patet responsio ad secundam rationem. non enim quaelibet formarum diuersitas facit diuersitatem secundum speciem: sed solum illa quae est secundum principia formalia, vel secundum diuersam rationem formae. constat enim quod alia est essentia formae huius ignis & illius: nec tamen est alius ignis, neque alia forma secundum speciem. multitudo igitur animarum à corporibus separatarum consequitur quidem diuersitatem formarum secundum substantiam, quia alia est substantia huius animae, & illius: non tamen diuersitas procedit ex diuersitate principiorum essentialium ipsius animae: nec est secundum diuersam rationem ipsius animae: sed est secundum diuersam commensurationem animarum ad corpora. haec enim anima est commensurata huic corpori, & non illi: illa autem alij: & sic de omnibus. huiusmodi autem commensurationes remanent in animabus etiam pereuntibus corporibus: sicut & ipsae earum substantiae manent quasi à corporibus secundum esse non dependentes. sunt enim animae secundum substantias suas formae corporum. alias accidentaliter corpori vniuntur: & sic ex anima & corpore non fieret vnum per se, sed vnum per accidens, in quantum autem formae sunt, oportet eas esse corporibus commensuratas: vnde patet quod ipsae diuersae commensurationes manent in animabus separatibus, & per consequens pluralitas. Occasione autem tertiae rationis inductae aliqui aeternitatem mundi ponentes in diuersas opiniones extraneas inciderunt.

Quidam enim conclusionem simpliciter concesserunt, dicentes animas humanas cum corporibus penitus interire. Alij verò dixerunt quod de omnibus animabus remanet aliquid vnum separatim, quod est omnibus commu-

ne, scilicet intellectus agens secundum quosdam: vel cum eo intellectus possibilis secundum alios. Alij autem posuerunt animas in sua multitudine post corpora remanere: sed ne cogerentur animarum ponere infinitatem, dixerunt animas easdem diuersis corporibus vniiri post determinatum tempus: & haec fuit Platoniorum opinio, de qua infra agetur. \* Quidam verò omnia praedicta vitantes, dixerunt non esse inconueniens animas separatas actu existere infinitas. esse enim infinitum actu in his quae non habent adinuicem ordinem, est esse infinitum per accidens: quod ponere non reputant inconueniens: & est positio Auicennae \* & Algazelis. Quid autem horum Aristoteles senserit, ab eo expresse non inuenitur: quum tamen expresse mundi aeternitatem ponat.

Vltima tamen praedictarum opinionum principis ab eo positus non repugnat. nam in tertio Physicorum, & in primo Coeli & mundi, probat infinitum non esse actu in corporibus naturalibus, non autem in substantiis immaterialibus. Certum tamen est circa hoc nullam difficultatem pati catholicam fidei professores, qui aeternitatem mundi non ponunt. Non est etiam necessarium quod si anima manet corpore destructo, quod fuerit ei accidentaliter unita, ut quarta ratio concludebat. Accidens enim describitur quod potest adesse vel abesse praeter corruptionem subiecti compositi ex materia & forma. si autem referatur ad principia compositi subiecti, verum non inuenitur. constat enim materiam primam ingentam & incorruptibilem esse, ut probat Aristoteles in primo Physicorum. \* Vnde recedente forma manet in sua essentia: non tamen forma accidentaliter ei vniebatur, sed essentialiter: vniebatur enim ei secundum esse vnum: similiter autem anima vnitur corpori secundum esse vnum, ut supra ostensum est. vnde licet maneat post corpus, substantialiter tamen ei vnitur, non accidentaliter. Quod autem materia prima remaneat actu post formam, non est nisi secundum actum alterius formae. anima autem humana manet in actu eodem: & ex hoc contingit quod anima humana est forma & actus: materia autem prima potentia ens.

Quod autem quinta ratio proponebat, nullam operationem posse remanere in anima, si à corpore separetur: dicimus esse falsum. manent enim operationes illae quae per organa non exercentur, huiusmodi autem sunt intelligere & velle: quae autem per organa corporea exercentur, sicut sunt operationes animae nutritivae & sensitivae, haec non manent. Sciendum tamen est, quod alio modo intelligit anima separata à corpore, & corpori unita: sicut & alio modo est. vnumquodque enim secundum hoc agit, secundum quod est. esse quidem animae humanae dum est corpori unita, etsi sit absolutum à corpore non dependens, tamen stramentum quoddam ipsius, & subiectum ipsum recipiens est corpus: vnde & consequenter operatio propria eius, quae est intelligere, etsi non dependeat à corpore quasi per organum corporale exercita, habet tamen obiectum in corpore, scilicet phantasma. vnde quandiu est anima in corpore, non potest intelligere sine phantasmate: nec etiam reminisci nisi per virtutem cogitativam & memorativam per quam phantasmata praeparantur, ut ex dictis patet. & propter hoc intelligere quantum ad hunc modum, & similiter reminisci, destruitur corpore destructo: esse verò animae separatae est ipsi soli absque corpore. vnde nec eius operatio quae est intelligere, explebitur per respectum ad aliqua obiecta in corporeis organis existentia, quae sunt phantasmata: sed intelliget per seipsam per modum substantiarum quae sunt totaliter secundum esse à corporibus separatae, de quibus infra agetur. à quibus etiam tanquam à superioribus vberius influentiam recipere poterit ad perfectius intelligendum. Cuius signum etiam in viuetibus apparet. nam anima quando impeditur ab occupatione circa corpus proprium, redditur debiliior ad intelligendum aliqua altiora. vnde & virtus temperantiae quae à corporeis delectationibus retrahit animam, praecipue facit homines ad intelligendum aptos. Homines etiam

*Pla. 10. de Repub. in Phed.*

*\* Cap. 83. in prima opin.*

*Auicenn. trar. 6. 8. Phy. tex. com. 1. & seq. v. que ad 20.*

*Tex. com. 40. & infra. Tex. com. 54. & infra.*

*\* Tex. 6. 82.*

*Cap. 73.*

*Auer. c. 91. v. que in fine.*







infinum in actu, quare si duas primas de mente ipsius concedamus, necesse est ut negetur tertia: si dicendum erit, quod ex duabus primis sequitur aliquid contra ipsius opinionem quod ipse non vidit: id quod ego tanto philosopho, & in re adeo famosa sibi attribuire non audeam. Quid verò determinat ad rationem factam ipse esset responsurus, dicit sanctus Thom. in tractatu contra Auerroistas, quod a nobis sciri non potest, quia illam partem Metaphysicæ non habemus quam fecit de substantiis separatis. De formis enim quæ sunt separatæ, sed sunt in materia, ut ipse secundo Physicorum ait, in quantum separabiles sunt, considerare, est opus primæ philosophiæ. Quum autem dicitur quod ratio eius in tertio Physicorum probatur vniuersaliter non posse dari multitudinem actu infinitam: negatur, quia ipse pro fundamento supponit, quod omnis multitudo actu existens est numerus, & quod numerus est multitudo mensurata per vnum. Numerus autem de genere quantitatis cui conuenit mensurari per vnum, eo quod ratio mensuræ concomitetur quantitatis rationem, non inuenitur nisi in rebus materialibus, quum non causetur nisi ex diuisione continui. Ideo illa ratio in rebus duntaxat materialibus concludit. Propter quod ibidem sanctus Thomas lectione septima, dicit eam rationem probabilem esse tanquam procedentem ex his quæ communiter dicuntur. Si inquam fiat de multitudine absolute quia ille qui diceret aliquam multitudinem esse infinitam, non diceret ipsam esse numerum. Nec est verum quod ratio qua vitur sanctus Thomas in prima parte, sit eadem cum ratione Aristotelis. Non enim assumit sanctus Thomas quod omnis multitudo sit numerus, ut Aristotelis, sed quod species multitudinis speciebus numerorum proportionatur, & quod omnis numerus est multitudo facta per vnum: quæ propositio ab illa propositione quam maxime distat, quam Aristoteles in sua ratione supponit, scilicet quod omnis numerus sit multitudo mensurata per vnum. Non enim idem est numerum mensurati per vnum, & ipsum fieri per vnum. Vbi sciendum est quod quum omnis species multitudinis sit aliquid per se vnum unitate ordinis: ex pluribus autem non possit fieri per se vnum, nisi alterum se habeat ut materia, alterum verò ut forma, ut dicitur ultimo Metaphysicæ: necesse est ut inter unitates multitudinem constituentes sit aliqua vna quæ sit forma dans speciem numero, & alia se habeant sicut materia. hoc autem non potest esse nisi detur aliqua unitas vltima reddens illam multitudinem certæ determinationis: quia forma habet rationem termini: propter quod inquit Commentator tertio Physicorum, quod ubi itur ad formam, non proceditur in infinitum: numerum ergo fieri per unitatem, est esse ipsius aliquam unitatem vltimam per modum formæ, qua subtrahitur, ipsa species numeri variatur: sicut a ternario subtrahita unitate, non remanet amplius ternarius, sed binarius: sed numerum mensurari per unitatem, est ipsum per replicationem unitatis præcisè reddi & certificari. Vnde ratio Aristotelis est Omnis multitudo, scilicet materialis in actu, est in aliqua specie numeri: sed multitudo infinita non est in aliqua specie numeri, ergo, &c. probatur minor, quia omnis species numeri est multitudo mensurata per vnum: multitudo autem infinita non est mensurata per vnum. ergo, &c. Ratio autem sancti Thomæ in prima parte est: Omnem multitudinem actu existentem, oportet esse in aliqua specie multitudinis: sed quælibet species multitudinis est finita, ergo, &c. probatur minor, quia species multitudinis sunt speciebus numerorum proportionatæ. sed quælibet species numeri est finita, quia est multitudo facta per vnum, ergo, &c. Ecce quod ratio Aristotelis procedit ex numeroratio autem sancti Thomæ ex proportionem specierum multitudinis ad species numerorum. Item Aristotelis ratio procedit ex mensuratione numerorum: ratio autem sancti Thomæ procedit ex ipsorum formali constitutione. Et sic patet non esse vnam & eandem rationem vtriusque.

Ad secundum dubium responderetur, quod facta illa suppositione quod mundus sit æternus, & similiter hominum generatio, cum ista tria incompossibilia sint, mundum & generationem hominum æternam esse, animam esse immortalem, & non posse dari infinitum in actu etiam in abstractis a materia: dicendum est quod deus aliquem modum in rebus inuenisset quo omnia alia saluarentur, & non esset infinitum in actu, putâ faciendo animas de corporibus in corpora transire, aut faciendo animas desinere per subtractionem sui influxus, licet secundum suam naturam essent immortales & incorruptibiles sicut & intelligentiæ, aut quemuis alium ordinem nobis incognitum rebus imponendo. Nam sicut diciamus potuisse mundum esse ab æterno productum, non propter aliquam realem potentiam in ipso mundo ad hoc existentem, sed propter solam dei virtutem hoc potentem efficere: ita non est inconueniens dicere aliquid alium ordinem in rebus cratis quam nunc sit, posse per diuinam potentiam esse, licet nos illum ordinem cognoscere distinde nequeamus. Nec oportet de isto ordine sollicitum esse quismam esset. Posset secundo dici, quod secundum sancti Thom. licet mundus quantum ad aliqua possit esse æternus, non tamen quantum ad hominum generationem. Vnde de hac difficultate hoc loco se explicat dicendo, quod mundus non est æternus: prima parte, quæst. 46. articulo secundo ad octauum, soluens hanc rationem in quantum videtur tollere æternitatem mundi, inquit quod hæc ratio est particularis, id est, de aliquo tantum particulari, concludit quod non sit æternus: sed hoc non repugnat proposito in quo querimus vniuersaliter an aliqua creatura fuerit ab æterno. Posset enim aliquis dicere, quod mundus fuit æternus, vel saltem aliqua creatura. non autem homo. Dicere verò quod homo stetit per infinitum tempus antequam genuisset, ut dicit Scot. in secundo Sententiarum distinctione prima, quæstion. 3. de asino, saluaret quidem hominem ab æterno fuisse, sed non saluaret æternam hominum generationem. Cauterò autem hic ne responsum illam admittas dicentem, quod omnibus illis positis non sequitur dari infinitum in actu: quia licet non detur prima anima producta, datur tamen vltima, cui potest fieri additio aliarum animarum in infinito autem repugnat dari primum aut vltimum. Nam hæc responsio vim argumenti non tollit, licet enim sit deuenire ad vltimam animam productam, non tamen ad primam deueniri poterit: & sic sequetur quod ista multitudo erit quidem versus nos finita, quum habeat terminum: sed ascendendo erit infinita, quia incipiendo ab hac vltima ascendendo nunquam poterit ad primam & ad terminum perueniri. Ista autem infinitas animarum ascendendo versus producentem, sufficit

ad hoc ut sit multitudo actu infinita, quia multitudinem actu finitam vocamus illam quæ est simpliciter terminata, ita quod est in aliqua specie mensurata & certificata per vnum, siue facta, ut possumus dicere quod hæc sint tot, & non plures. hoc autem non potest multitudini ex vna parte infinitæ, siue inquam a parte ante, siue a parte post, conuenire. Non enim posita æternitate temporis a parte ante, & per consequens positis a parte ante diebus infinitis, possumus dicere quod præcesserunt toti dies & non plures, licet a parte post dies sint finiti, & detur vltimus dies. similiter posita duratione temporis æterna a parte post, & consequenter parte post infinitis positus diebus, non possumus dicere quod dies futuri sunt tot, & non plures, licet a parte ante sint finiti, & detur primus dies incipiendo a die hodierno. Illa ergo responsio non euaderet quin oportet dari infinitam multitudinem in actu, quia illa quam dicis vltimam, non est vltima per modum formæ limitantis ad determinatam speciem multitudinis.

SED circa prædicta occurrit dubium. Videtur enim in prædictis responsionibus teneri pro firmo & constanti infinitam multitudinem in actu dari non posse etiam in rebus immaterialibus: hoc autem habet difficultatem in via sancti Thomæ, nam in quæstionibus de veritate quæstione secunda, articulo decimo, inquit, quod si esse actu repugnet infinito secundum rationem suam, deus hoc facere non potest: si autem non repugnet, potest deus facere, sed videtur velle duodecimo quod. articulo tertio, quod esse actu non repugnet infinito. inquit enim ibidem, quod esse aliquid infinitum in actu, non repugnat potentia dei absolute, quia non implicat contradictionem, ergo potest deus facere infinita in actu. Respondetur ex his quæ dicuntur non quod. articulo primo, quod dupliciter potest intelligi infinitum esse in actu, contradictionem implicare. Vno modo ita, quod ratio facti absolute sit causa istius implicationis, quia videlicet esse infinitum repugnat facto in quantum est factum, quia est contra rationem creaturæ quod creatorem adæquet: adæquaret autem si poneretur infinita in actu. Alio modo ita, quod ratio infiniti sit causa huius implicationis, quia videlicet huiusmodi esse infinitum, repugnat esse actu. Si accipiamus secundum modum, sic esse actu infinita implicat contradictionem, & non potest fieri per potentiam diuinam, ut videtur velle sanctus Thomas prima parte, loco superius allegato, & quolibet. 9. & primo Sen. distinct. 43. quæst. prima, articulo primo, ad quintum. Ex hoc enim quod ponitur aliqua multitudo in actu, ponitur quod sit in aliqua specie multitudinis, & per consequens ponitur finita, quia nulla species multitudinis est infinita, ut est superius declaratum, & sic sequetur infinitum non esse infinitum. Si autem accipiamus primo modo, sic non implicat contradictionem. non enim si creatura ponatur infinita numero aut quantitate, sequitur quod adæquet creatorem, quia non esset infinita nisi secundum quid. Patet autem hanc esse mentem sancti Thom. in quod. 9. quia inquit, quod deus non potest facere ens actu esse infinitum, sicut non potest facere equum rationalem. In eodem autem loco dicit quod esse rationalem non repugnat facto in quantum est factum, sed repugnat esse in quantum equus. Ad argumentum ergo dicitur quod sanctus Thomas in quæstione de veritate vult quod si implicat contradictionem quomodo cumque, siue inquam ex ratione facti, siue ex ratione infiniti, non potest a deo fieri, si autem nullo modo implicat, fieri potest. modo ad minorem dicitur, quod ubi allegatur, non incidit quod nullo modo implicet contradictionem, sed quod non implicat primo modo dicto, scilicet ex ratione facti absolute: implicat tamen ratione huiusmodi quod ponetur infinitum.

Ad quartam respondetur negando consequentiam. Ad cuius probationem dicit quod in illa descriptione accidentis nomine subiecti intelligitur compositum ex materia & forma, non autem principium compositi subiecti. materia enim primæ aduenit formæ, & ab ipsa incorruptibili manente recedit, & tamen sibi non accidentaliter vnuebatur formæ, sed essentialiter, quia secundum vnum esse. similiter & anima secundum vnum esse vnuitur corpori: & ideo licet post corpus remaneat, non tamen sibi accidentaliter corpus vnuitur. Additur quoque quod licet materia prima remaneat actu post formam, & similiter anima post corpus: hoc tamen est differenter, quia materia remanet secundum actum alterius formæ: anima autem remanet in actu eodem.

AD VERTE quod quum vnum esse simpliciter, sit vnus essentia: si aliqua vnicum esse simpliciter habeant, oportet ut illa vnam essentiam constituent. propter hoc arguit sanctus Thom. formam vniri essentialiter materiæ, quia vnuitur ei secundum vnum esse: forma autem accidentalis non vnuitur subiecto secundum vnum esse, quia aliud est esse quo subsistit subiectum, & aliud esse accidentis: ideo non vnuitur suo subiecto essentialiter tanquam vni cum ipso essentia constituit, sed tantum accidentaliter.

SED in hac responsione occurrit dubium: quia si nomine subiecti intelligatur in descriptione accidentis compositum ex materia & forma, ut sic intelligatur descriptio. Accidentis est quod potest adesse & abesse præter corruptionem subiecti compositi ex materia & forma: sequitur quod nullum accidentis sit in anima. anima enim non est composita ex materia & forma, sed est principium compositi ex materia & forma: & sic intellectiones quæ adueniunt animæ, & recedunt ab ea: & similiter affectiones non erunt accidentales, sed substantiæ. Si enim illa sit descriptio accidentis, oportet ut conuertantur ad inuicem, scilicet quod omne accidentis adueniat & recedat a composito ex materia & forma, & e contrario omne tale sit accidentis. Respondetur quod accidentis est ut vnum de quinque prædicabilibus, de quo datur dicta descriptio, non accipitur ut diuiditur cetera substantiam, tanquam videlicet continens sub se nouem genera rerum: sic enim accidentis non distinguitur contra proprium, sed accipitur (ut dicitur de spiritualibus creaturis, art. vltimo) prout dicitur habitudine accidentis prædicati ad subiectum: vnde id est accidentis sic acceptum quod prædicatum accidentale, quod fecit neque est de essentia rei, neque ex principiis speciei causatur. Sed tamen aduertendum quod si accidentis accipitur ut est commune absolute ad omne accidentale prædicatum, siue inquam sit naturale & materiale, siue sit spirituale & intelligibile: in illa descriptione nomine subiecti accipitur quodcumque subiectum propositionis: quia omne tale accidentale prædicatum potest & affirmari & negari a subiecto, respectu cuius dicitur accidentale prædicatum absque hoc quod ratio subiecti remoueat: & omne prædicatum quod taliter se habet ab subiecto, ut possit affirmari &



negari à subiecto, quod est posse adesse & abesse ab ipso absque detrimento rationis eius, est accidens, siue accidentale prædicatum. Si autem accidens accipiat pro materiali tantum & naturali accidente, vt distinguitur contra accidens spirituale & intelligibile: sic in illa descriptione nomine subiecti intelligitur compositum ex materia & forma. Tunc enim omne accidens est tale quod potest adesse & abesse, siue secundum esse reale, siue secundum affirmationem & negationem absque sui subiecti compositi ex materia & forma corruptione. potest enim tale accidens aduenire & recedere aut secundum esse reale, aut secundum apprehensionem intellectus, absque hoc quod definat esse actu subiectum aut in natura, aut in apprehensione. Si enim sit accidens separabile, tunc potest separari absque hoc quod subiectum in natura definat esse actu, sicut formis ab animali. Si autem sit accidens inseparabile secundum esse reale, potest illud intelligi non inesse subiecto absque hoc quod intelligatur subiectum non esse actu. possumus enim intelligere eorum non esse nigrum, & tamen apprehendere ipsum esse actu, apprehendendo ipsum esse album: & similiter omne quod potest adesse & abesse præter subiecti compositi corruptionem, est accidens: non autem si aliquid possit adesse & abesse successiue à materia prima, aut à forma, quæ sunt principia compositi, illud est accidens. Dicitur ergo quod sanctus Thomas accipit hanc accidentis descriptionem vt accidenti duntaxat materiali & naturali conuenit: quomodo videtur Porphyrius de accidente esse loquutus. Non enim de spiritualibus & intelligibilibus accidentibus aliquam mentionem facit, sed tantum de materialibus. Vnde conceditur quod intellectiones & affectiones animæ intellectiue non sunt accidentia secundum quod accidens per hanc assignatam descriptionem describitur, licet absolute sint accidentia, & prædicata accidentalia spiritualia & intelligibilia. Potest etiam aliter responderi, videlicet quod illud dictum non accipit sanctus Thomas hoc loco vt est descriptio quinti prædicabilis, quod dicitur prædicatum accidentale, sed prout in argumento omni formæ accidentali attribui videtur. Nam non est illa descriptio accidentis vt distinguitur contra substantiam, & vt dicitur de omni forma accidentali: imò falsum est etiam, vt inquit sanctus Thomas, quod omne quod aduenit alicui, & recedit ab ipso absque eius corruptione, adueniat ei accidenti, scilicet tanquam forma accidentalis. Non enim illa propositio est vniuersaliter vera, nisi nomine subiecti intelligatur tantum compositum ex materia & forma. Ex hoc autem non sequitur quod solum id quod aduenit & recedit à composito, sit accidens, vt in obiectione accipitur. Stat enim simul, quod omne adueniens composito ex materia & forma, & recedens ab eo absque eius corruptione, sit accidens, & tamen sit aliquid aliud accidens quod adueniat solum formæ. Ad quintam respondet negando antecedens: & dicit primo, quod manent in anima separata intelligere & velle, quæ per organa non exercentur: operationes autem quæ per organa corporea exercentur, non manent, scilicet actu, sed bene in radice quæ est essentia animæ.

Dicit secundo, quod intelligere cum phantasmate conuenit animæ secundum quod est corpori vnita: quia sicut corpus est quoddam eius stramentum & subiectum ipsam recipiens, licet non dependeat à corpore secundum esse: ita intelligere est non dependeat à corpore tanquam per organum corporale exercitum, habet tamen obiectum in corpore, scilicet phantasma. similiter reminisci sibi non conuenit nisi per virtutem cogitativam & memoratiuam, per quam præparantur phantasmata. Dicit tertio, quod animæ separata, quia habet esse sola absque corpore, non conuenit intelligere per respectum ad aliqua obiecta in corporis organo existentia quæ sunt phantasmata, sed intelligit per seipsam per modum substantiarum separatarum à quibus vberius influentiam recipere poterit ad perfectius intelligendum: cuius signum apparet in viuientibus in quibus quantum anima magis ab occupatione circa corpus proprium, & etiam à corporis sensibus retrahitur, tanto magis recipit superiorum impressionem, vt patet in dormientibus, qui aliquando percipiunt de futuris contingentibus aliqua quæ modum humane rationationis excedunt, ex superiorum impressione: & in synopizantibus & extasim passis, vnde quædam erit totaliter anima à corpore separata, assimilabitur perfecte substantiis separatis quantum ad modum intelligendi. Dicit quarto, quod reminisci propriè, cum sit actus per corporeum organum exercitus, vt probatur in libro de Memoria & Reminiscencia, non remanet in anima separata. si tamen æquiuocè sumatur secundum quod nominat intelligentiam eorum quæ quis prius nouit, sic remanet in anima, cum (vt superius est ostensum) species intelligibiles in intellectu indelebiter recipiuntur. Dicit quinto quod amare, gaudere, & huiusmodi secundum quod sunt animæ passionis, & actus appetitus sensitiui, non manent in anima separata, sed bene, cum voluntas sit potentia non vtens organo, remanet, vt nominant simplicem actum voluntatis, qui est absque passione: quo modo dicitur 7. Ethic. quod deus vna simplici operatione gaudet, & in 10. eiusdem, quod in contemplatione sapientie est delectatio admirabilis, & in 8. quod amor amicitie ab amatione quæ est passio, distinguitur. Sic igitur patet quod multæ operationes remanent in anima separata, licet non secundum eundem modum quo sunt in anima vnita.

CIRCA secundum dictum huius responsionis aduertendum, cum dicitur animam habere obiectum in corpore, scilicet phantasma, quia corpus est eius stramentum & subiectum: quod si anima sit in corpore, & corpus sit eius stramentum & subiectum, oportet vt corpus ad aliquid deferatur animæ operationi: alioquin cum esse animæ ab ipso non dependeat, frustra esset vnita corpori. vnde cum non deferatur sibi ad intelligendum per modum organi & instrumenti, necesse est vt deferatur sibi ex parte obiecti. Cum enim indigeat recipere species intelligibiles à sensibilibus, & res sensibiles secundum quod sunt extra animam, non sint intelligibiles nisi in potentia, & non possint immutare intellectum: si debeant fieri actu intelligibiles, oportet illas in quodam esse aliquo modo abstracto poni, in quo possint simul cum intellectu agente mouere intellectum possibilem. hoc autem fit dum per phantasmam & eius organum corporeum sunt phantasmata ipsarum rerum, & sic animæ existenti in corpore suum obiectum vnitur & fit propinquum, in anima autem sensitiua licet non requiratur vt suum obiectum fiat in actu, quia res extra animam secundum se est actu sensibilis, non indiget aliqua abstractione ad hoc vt moueat sensum, in hoc tamen dependet à corpore, quod eius operatio

ratio non fit sine corporeo instrumento.

ADVERTENDVM etiam cum dicitur quoniam per cogitativam & memoratiuam præparatur phantasmata, quod hoc non sic intelligendum est quasi ista potentia in seipsis phantasmata forment, cum phantasmata & imaginationis duntaxat sit phantasmata in se habere, sed quia ad earum motionem formantur in phantasia phantasmata ordinata & taliter disposita, vt sint apta & conuenientia intellectioni.

CIRCA ea quæ dicuntur in tertio dicto responsionis de cognitione futurorum à viuientibus, duo sunt attendenda. Primum est quod habetur à sancto Thoma secunda secunda questione 172. articulo 1. & de veritate questione 12. articulo tertio, quod cum in cognitione duo sint, scilicet receptio, & iudicium de receptis: si loquamur quantum ad receptionem & apprehensionem, abstractio à sensibus vt accidit in dormientibus & extasim passis, iuuat ad receptionem impressionum à substantiis separatis, aut à corporibus superioribus, & ad earum perceptionem, quia anima vigilantis & ventis sensibus circa sensibilia occupatur: ligatis autem exterioribus sensibus, interiores vires ab exteriorum sensibilibus tumultibus quietantur, & sic magis percipere possumus interiores impressiones factas in intellectu vel imaginatione: in hac autem futurorum cognitione dicuntur dormientes percipere aliqua quæ modum humane rationationis excedunt, aut quia aliqua percipiunt in quorum cognitionem nullis argumentationibus anima posset peruenire: aut quia (vt dicitur in questionibus de veritate loco præallegato) taliter eleuatur anima, vt conformiter substantiis separatis intelligat conclusiones, scilicet simplici intuitu sine deductione vnius ex altero, certissime videns. Si verò loquamur quantum ad iudicium, plus viget ratio in vigilando quam in dormiendo: quia perfectio iudicii fit ex eo quod ea de quibus iudicatur, examinantur ad aliquod principium cognitionis. primum autem principium nostre cognitionis est sensus: & ideo oportet ad sensum quodammodo resolueri omnia de quibus iudicamus. Vnde & tertio Cæli dicitur quod complementum artis & naturæ est res sensibilis visibilis. Loquitur ergo hic sanctus Thomas de cognitione quantum ad receptionem impressionum à causa superiori, non autem quantum ad perfectionem & complementum iudicii.

ATTENDENDA sunt autem verba S. Thomæ hoc loco. Non enim absolute inquit dormientes percipere de futuris ex impressione superiorum, sed limitat subiungens, quando corporis sensibus non vtuntur, nec est aliqua perturbatio humorum, aut fumositatum impediens: quia videlicet non percipiuntur futura in somnis, nisi imaginatio sit apta purè & ordinate operari actu: quod non conuenit quando est inordinatus motus humorum & spirituum. Et ideo obiectio Scoti in quarto Sent. dist. 45. quæst. 2. qua infert quod si hoc verum est quod S. Thomas inquit de dormientibus, tunc quantum somnus est profundior, tanto magis talia videntur: nulla est. Patet enim hoc non sequi ex positione sancti Thomæ bene intellecta. Nam in profundo somno est perturbatio humorum, aut multitudo fumositatum opus imaginationis impediens, & consequenter receptionem subtilium impressionum.

ATTENDENDVM secundo, quum dicitur hoc accidere in synopizantibus & extasim passis, quod hoc intelligendum est non de patientibus synopen & abstractionem à sensibus propter corporis ægitudinem, quia illa ex humorum perturbatione fit, aut fumositatum, quæ magis cognitionem impediunt, quam iuuant: sed intelligitur de ea quæ fit dum aliquis propter vehementiam affectionis aut intentionis ad aliquid, alienatur à sensibus, & maxime quando id ab aliqua superiori causa animam eleuante provenit.

ATTENDENDVM quoque circa idem tertium dubium, quod anima totaliter separata dicitur assimilari perfecte substantiis separatis quantum ad modum intelligendi, non quia ita perfecte intelligat per species infusas sicut substantiæ separata, (hoc enim falsum est, vt inferius apparebit) sed quia cum sint plures modi cognoscendi, scilicet per species acceptas à rebus, & per species à diuino lumine infusas, quorum secundum absolute & simpliciter nobilior ac perfectior est anima separata assimilata perfecte substantiis separatis quantum ad hoc quod omnia per species à deo infusas cognoscet, & absque discursu, sicut & illæ: non autem ex impressione ipsarum substantiarum aliqua tantum cognoscet: sicut accidit in dormientibus & extasim passis, qui imperfectè ad modum cognitionis ipsarum accedunt.

SED circa propositam solutionem & argumentum duo occurrunt dubia. Primum est, quia sanctus Thomas videtur propositionem Aristotelis in tertio de Anima, textu vigesimo, quæ ait, Non reminiscimur autem interpretari de reminiscencia post mortem, vt sit sensus, quod post mortem non reminiscimur eorum quæ sciimus in vita. Hæc autem expositio non videtur esse secundum quoddam ad mentem Aristotelis: tum quia si de anima separata intellexisset, dixisset in singulari, non reminiscimur autem, scilicet anima, non autem in plurali de nobis hominibus dixisset, non reminiscimur autem, tum quia illa nota causalis, scilicet, quia, dum subditur, quia hoc quidem impossibile, ad nihil feruit illi expositioni, tum quia si de reminiscencia post mortem erat sermo, & de cogitativa dicendum erat, & sine hoc non reminiscitur anima: non autem, nihil intelligit, quia hoc est falsum, & extra propositum: tum quia verba Aristotelis in primo de Anima, textu sexagesimo sexto, quæ adducuntur à sancto Thoma tertio de Anima ad insinuandum quod quæ illic disputauit, hic affirmat, extra propositum sunt, quoniam hic loquitur Aristoteles de nobis, dum dicit, non reminiscimur autem. ibi autem loquitur de ipsa anima vt distinguitur contra nos: vnde inquit, quod non sunt illius passionis, sed habentis: quare & hoc corrupto non memoratur neque amat. Magis ergo exponenda sunt illa verba de nobis etiam viuientibus, quod scilicet nostrum intelligere non est reminisci, vt voluit Plato, &c.

Secundum dubium est, quia ista responsio non videtur ad mentem Arist. satisfacere argumento, cum ipse nullum alium modum intelligendi ponat in anima quam cum phantasmate. Nam arguitur sic: Impossibile est aliquam substantiam esse, cuius non sit aliqua operatio: sed omnis operatio animæ finitur cum corpore, ergo &c. probatur minor de intellectu, quia intelligere de quo magis videtur, non est absque phantasmate secundum Aristot. non enim inuenitur Aristot. posuisse alium modum intelligendi animæ nostræ, qui sit sine phantasmate in anima autem separata



rata non essent phantasmata. ergo, &c. Confirmatur ratio, quia ut ipse inquit primo de Anima, si aliqua operatio est propria animæ, ipsa est separabilis à corpore. si autem nulla est eius propria operatio, non est separabilis. sed nulla est propria ipsius operatio: quia intelligere, de quo maxime videtur, non fit secundum ipsum absque phantasmate quod est in corpore per animam informato. nam ut diximus, ipse nullum alium modum intelligendi animæ nostræ posuit quam cum phantasmate, ergo non erit separabilis. Respondetur ad primum dubium, quod illa expositio est ad mentem Aristotelis. & est non solum sancti Thomæ, sed etiam Ioannis Grammatici, Themistij, Auerrois, & aliorum antiquorum. Nam ut exponit sanctus Thomas, quia dixerat partem intellectivam esse immortalem & perpetuam, posset aliquis existimare quod in anima separata post hominis mortem remaneret scientia rerum eo modo quo autem eam habet: & idè hoc remouens inquit quod non reminiscimur post mortem, neque intelligimus eo modo quo nunc. Vnde ad primum in oppositum respondetur, quod idcirco dixit non reminiscimur, de nobis loquendo, quia homo (ut dicitur in 10. Ethicor.) est principalissimum quod est in ipso, scilicet intellectus. vnde quod dicitur de anima intellectiva separata, conuenienter dicitur de homine, tanquam homo sit post mortem ipsa anima separata, & alludit hoc ad communem modum loquendi. Nam & nos dicimus Petrum Apostolum & sanctos videre diuinam essentiam, & inuocamus sanctos, dicentes, Sancte Petre, ora pro nobis, & sic de aliis, quamuis solæ ipsorum animæ sint & videant diuinam essentiam, non autem compositum: eodem igitur modo Philosophus ad communem modum loquendi alludens, quum anima post mortem non reminiscatur, inquit quod nos post mortem non reminiscimur. Ad secundum dicitur, quod illa nota causalis optinè deferuit proposito. redditur enim causa quare non reminiscimur post mortem, quia videlicet pars intellectiva quæ remanet post mortem, est impassibilis, id est, non est subiectum passionum animæ, sicut est amor, odium, & reminiscencia, sed compositum, idè corrupto compositio non remanet in anima, ut dicitur in primo de Anima, text. 66. Ad tertium dicitur, quod non erat dicendum de cogitativa, sine hoc nihil reminiscitur anima, sed nihil intelligit, quia sicut per impossibilitatem intellectus ostendit quod non reminiscimur, ita per corruptibilitatem partis cogitativæ vult ostendere vniuersaliter quod non habemus modum intelligendi post mortem quem viuentes habemus. Anima enim coniuncta nihil intelligit sine cogitativa siue sine parte sensitiva, quam intellectus passivum vocat, iuxta expositionem non solum sancti Thomæ, sed etiam Auerrois, Themistij, & Ioannis Grammatici. quum ergo ipsa pars sensitiva corruptibilis sit, & per consequens non maneat post mortem, sequitur quod anima separata non intelligat eo modo quo intelligit coniuncta. Ex quibus patet quod neque est falsum neque extra propositum quod hic dicitur iuxta hanc expositionem. Ad quartum dicitur sicut ad primum, quod indifferenter videtur Aristoteles nobis, & anima separata, quia secundum communem modum loquendi, quod animæ separata conuenit, dicitur conuenire nobis post mortem. Et idè Aristoteles ut hanc indifferentiam locutionis ostendat, quod dixit in primo, quoniam anima non reminiscitur corrupto composito: id ipsum replicans dicit, quod non reminiscimur post mortem. Ad secundum dubium respondetur quod responsio illa etiam secundum mentem Aristotelis satisfacit argumento. Vnde quum dicitur quod Aristoteles non posuit alium modum intelligendi absolute ipsius animæ quam cum phantasmate, patet ex dictis hoc esse falsum. Nam secundum expositionem sancti Thomæ Aristoteles posuit alium esse modum intelligendi animæ separata quam coniuncta, id est, sine phantasmate, & sine adminiculo virium sensitiuarum, licet illum modum intelligendi non explicauerit in libris qui ad nos perueniunt. Secundum autem expositionem Philoponi in primo & tertio de Anima secundum Aristotelem prima intelligibilia, & primæ intellectiones, neque cum phantasia sunt, neque phantasia, similiter Albertus in tertio de Anima tenuit Arist. voluisse quod anima coniuncta potest intelligere aliquid separatim à materia absque phantasmate, licet sensibilia aut à sensibilibus abstracta non possit absque phantasmate intelligere.

Ad confirmationem dicitur, primo quod propositio Aristotelis in primo de Anima intelligitur de propria operatione animæ quæ excludit organum corporeum, non autem quæ excludit corporeum obiectum: & est sensus, quod si aliqua operatio conueniat soli animæ, ita quod non concurrat ad ipsam instrumentum corporeum, anima est separabilis à corpore. Si autem nulla fiat absque corporeo instrumento, non est separabilis. Quod autem ita oportet intelligere, patet, quia animam esse separabilem à corpore, & ipsam esse per se subsistentem, sese concomitantur. Si enim est subsistens, non dependet à corpore secundum esse: & si non dependet à corpore secundum esse, potest ab ipso separari. Ad hoc autem quod aliquid sit subsistens, non requiritur ut non indigeat corpore ut obiecto, quia ut arguit S. Thomas prima parte, q. 75. artic. 2. ad tertium, si indigere corpore ut obiecto, remoueret aliquid esse subsistens: animal non esset aliquid subsistens, cum indigeat exterius foribus sensibilibus ad sentiendum: sic ergo ad hoc ut anima sit separabilis à corpore, non requiritur ut habeat operationem absque corporeo obiecto: & similiter ad hoc quod non sit separabilis, non sufficit quod absque corporeo obiecto non habeat operationem: sed ad separabilitatem sufficit ut habeat operationem absque corporeo instrumento: ad inseparabilitatem autem requiritur quod nullam habeat operationem cui non communicet corporeum instrumentum. Dicitur secundum ad maiorem quod est falsa ad sensum maiorem, quod ad eius probationem dicitur, quod non probat ipsam indigere corpore ut instrumento, sed tantum ut obiecto: quod non est ad propositum, quamuis etiam & illud falsum sit absolute secundum diuina Thomam, licet sit verum secundum quod est coniuncta corpori, secundum autem Philoponum & Albertum non fit etiam vniuersaliter verum de anima coniuncta. Præter has rationes duo sunt loca apud Aristotelem, ex quibus arguit Scotus in 4. Sent. dist. 43. quæst. 2. Arist. velle animam corruptibilem esse. Primus est 7. Metaphysicæ text. 60. Ibi enim ponit omnes partes quæ possunt manere separatæ à toto, esse elementa, id est partes materiales, ergo apud ipsum forma non potest remanere à toto separata. Secundus est primo Cæli text. 102. vbi contra Platonem tenet, nihil quod incipit esse, incorruptibile esse: sed anima intellectiva incipit

esse, ergo, &c. Ad primum horum dicitur, primo expositionem sancti Thomæ sequendo, quod illud quod adducitur, non dicit Aristoteles, licet enim velit ibi Aristotel. arguere quod præter partes componentes aliquid vnum per se, oportet esse aliquid aliud, scilicet compositum quod ex ipsis resultat, & ab ipsis distinguitur, quia corrupto composito remanent elementa ex quibus compositio facta est, sicut corrupta hac syllaba, remanent literæ, scilicet b, & a, & corrupta carne remanent ossa & terra, aut calidum & frigidum: non tamen inquit quod omnes partes quæ possunt remanere separatæ à toto, sint elementa, id est, partes materiales. Dicitur secundum, quod secundum expositionem Commenta. qui posuit solam formam esse de quidditate rei materialis & per consequens quod corrupto composito corrumpitur forma, fortassis oportebit dicere quod omnes partes possibiles remanere separatæ à toto, sunt partes materiales, quia secundum ipsum animam hominis, de qua sola dicimus quod est incorruptibilis, est mortalis. non enim apud ipsum intellectus est in anima formaliter, sed est per se substantia separata: & sic relinquitur anima hominis pertinere ad genus animæ sensitivæ tantum, & per consequens corruptibilem esse: sed quia non est verum intellectus esse substantiam separatam, neque etiam secundum doctrinam sancti Thomæ verum est solam formam esse de quidditate rei materialis. idè Auerrois expositionem in hac parte non tenemus, si sensum quem arguens adducit intendat. Ad secundum respondetur ex doctrina sancti Thomæ in fine primi de Cælo, quod Aristoteles loquitur de eo quod incipit esse per transmutationem & generationem: modò dicimus animam intellectivam non incipere per transmutationem & generationem, sed per creationem siue per simplicem emanationem, etiam secundum ipsum Aristotelem qui posuit intellectum de foris aduenire. idè authoritas illa non est ad propositum. Sed videtur quod hæc responsio ad mentem Aristotelis non sit. Nam volens ostendere quomodo ingenitum & incorruptibile cum sempiterno conuertantur, declarat in qua significatione accipiat ingenitum & incorruptibile, inquit text. 125. ingenitum dici, quod nunc est, & prius non erat verum dicere non esse incorruptibile verò, quod nunc est, & posterius non erit, verum dicere non esse. Postmodum in sequentibus ostendit quod ingenitum & incorruptibile hoc modo sumpta conuertuntur. Oportet ergo secundum Aristotelem quod est incorruptibile, non solum non incipere per transmutationem, sed neque etiam vilo modo habere non esse ante esse. Ad huius evidentiam notandum primo secundum Simplicium & sanctum Thomam in primo Cæli, quod Aristoteles ibidem contra verba Platonis, quibus videbatur velle mundum esse genitum in tempore, & tamen esse incorruptibilem, arguere intendit, & ostendere non posse esse ut aliquid sit genitum, & tamen sit incorruptibile, quasi scilicet incipiens esse per generationem, & non potes per corruptionem desinere esse, patet autem hoc ex vltima ratione adducta, quæ naturalis est, vbi hoc probat (ut etiam per Auerrois commenta. vltimo patet) quia omnia generabilia & corruptibilia sunt alterabilia, & quod ab illis ipsi contrariis corrumpuntur, ex quibus sunt. Notandum secundo, quod cum omne quod generatur & corrumpitur, secundum aliquam potentiam ipsius hoc habeat, in omni significatione horum terminorum geniti, scilicet & ingeniti, corruptibilis & incorruptibilis, intelligenda est huiusmodi potentia (ut etiam patet ex processu Aristotelis, text. 130. vsque ad finem primi libri) vbi ex potentia ad esse aut non esse procedit contra Platonem. Vnde genitum secundum Aristotelem est quod nunc est, & prius verum fuit dicere non esse: habens tamen potentiam ad esse per aliquod subiectum in quod erat in potentia. Ingenitum verò, quod nunc est, & prius non fuit verum dicere non esse actu, habens tamen potentiam ad esse. Similiter corruptibile dicitur, quod nunc est, & posterius erit verum dicere non esse, remanente subiecto secundum quod poterat non esse. Incorruptibile verò quod est, & posterius non erit verum dicere non esse, remanente subiecto per quod erat in potentia ad non esse. Ad dubium ergo dicitur, quod illa nominum significatio intellecta ut exposuimus, non tollit responsionem datam. Patet enim quod ingenitum quod conuertitur cum incorruptibili, dicitur quod non prius est in potentia materie, quam habeat esse in actu: tale autem est quod non accipit esse per generationem, licet alio modo accipiat esse, & sic anima est incorruptibilis & ingenita isto modo, scilicet non producta per generationem, licet per creationem inceperit esse. Antequam enim creetur, non sic habet non esse, ut sit in potentia alicuius materie ad hoc ut sit, cum de potentia materie non educatur, sed habet non esse, & est in potentia creantis ut producat in esse per creationem. Sed adhuc videtur quod ista responsio non satisfaciatur. Nam ex interpretatione data ad rationes illorum nominum, haberi quidem potest quod ingenitum sit idem quod non productum per generationem: incorruptibile verò, quod corruptionem desinere non potest, non tamen habetur quod cum sempiterno conuertatur, ut voluit Aristot. Nam anima intellectiva est isto modo ingenita & incorruptibilis, & tamen non est sempiterna. Et sic non probabit Aristot. quod mundus sit æternus, ut probare intendebat. Respondenti ad hoc dupliciter potest, primo iuxta ea quæ dicta sunt superius, capit. 15. quod quia Plato (secundum quod verba eius præferebant) videbatur velle quod nihil possit incipere esse nisi per generationem, idè optime apud ipsum sequebatur quod ingenitum & incorruptibile modo exposito cum sempiterno conuertebatur, & propterea probare quod mundus non inceperit per generationem, probatum erat quod sempiternus esset. Secundum posset responderi, quod cum deus apud Aristot. necessarius agatur, quod est ab ipso productum non per transmutationem (in qua oportet ut faciens duratione præcedat factum) sed per simplicem emanationem, necessarium productum est ab æterno: & idè si mundus per transmutationem non est factus, sequitur quod sit æternus, & vniuersaliter quod omne ingenitum modo exposito sit æternum. Sed quia ista responsio non saluaret animam de nouo à deo produci non obstante quod sit ingenita & incorruptibilis, idè est abiicienda, & sequenda est prima. potest etiam dari & alia responsio ad principale dubium, quæ & ipsa fortassis non est præter Arist. mentem, scilicet quod apud ipsum ingenitum & incorruptibile & sempiternum conuertuntur in rebus tantum completis in specie, quæ à deo secundum totam suam substantiam produciuntur. Constat autem quod anima intellectiva non est quid completum

Joan. Gram.  
super text. 2.  
Themist. 3. de  
anima c. 29.  
Auer. ca. 20.

Simpli. 1. cæli  
tex. 130. lect.  
29. super 130  
tex.



in specie: idem authoritas philosophi proposito non obstat. Ratio autem istius responsionis est, quia in iis quæ immediatè secundum totam substantiam, & non in aliqua materia producuntur à deo (quæ apud Arist. de necessitate naturæ producuntur) non potest secundum Aristot. assignari ratio inceptionis neque ex parte rei productæ, neque ex parte producentis. Nam cum nulla materia supponatur ex qua ista produci dicantur, non potest esse nouitas productionis ex noua materiæ dispositione: non potest etiam esse ex aliqua nouitate agentis, cum ipsum sit omnino immutabile. idem oportet ut sint ab æterno producta, sed in iis quæ non sunt completa in specie, sed producuntur in materia ad speciei complementum, sicut anima rationalis, potest assignari ratio nouitatis essendi ex parte materiæ, idem enim nunc hæc anima producit, & non prius, quia nunc materia per agens secundarium est disposita ad hanc formam, & prius disposita non erat, unde potest ipsa esse à parte post incorruptibilis, & tamen esse genita, id est, habere esse post non esse.

*Quid anima brutorum animalium non sunt immortales.*

*Cap. 82.*



**E**X his autem quæ dicta sunt, euidenter ostenditur brutorum animas non esse immortales. Iam enim ostensum est quod nulla operatio sensitiuæ partis esse sine corpore potest: in animabus autem brutorum non est inuenire aliquam operationem superiorem operationibus sensitiuæ partis: non enim intelligunt, neque ratiocinantur: quod ex hoc apparet, quia omnia animalia eiusdem speciei similiter operantur, quasi à natura motæ, & non ex arte operantes. omnis enim hirundo similiter facit nidum: & omnis aranea similiter telam: nulla igitur operatio est animæ brutorum quæ possit sine corpore esse. cum igitur omnis substantia aliquam operationem habeat, non poterit anima bruti absque corpore esse: ergo pereunte corpore perit.

2 Item, omnis forma separata à materia, est intellecta in actu, sic enim intellectus agens facit species intelligibiles actu, in quantum abstrahit eas, ut ex supradictis patet, sed si anima bruti manet corrupto corpore, erit forma à materia separata, ergo erit forma intellecta in actu: sed in separatis à materia idem est intelligens & intellectum, ut Aristot. dicit in 3. de Anima. \* ergo anima bruti si post corpus manet, erit intellectualis: quod est impossibile.

3 Adhuc, in qualibet re quæ potest pertingere ad aliquam perfectionem, inuenitur naturalis appetitus illius perfectionis. bonum enim est quod omnia appetunt: ita tamen, quod vnumquodque proprium bonum, in brutis autem non inuenitur aliquis appetitus adesse perpetuum, nisi ut perpetuentur secundum speciem, in quantum in eis inuenitur appetitus generationis per quam species perpetuatur: quod quidem inuenitur & in plantis, & in rebus inanimatis: non autem quantum ad proprium appetitum animalis in quantum est animal, qui est appetitus apprehensionem consequens. nam cum animal sensitiua non apprehendat nisi hic & nunc, impossibile est quod apprehendat esse perpetuum: neque ergo appetit appetitu animali: non est igitur anima bruti capax perpetui esse.

4 Amplius, cum delectationem operationes perficiant ut patet per Arist. in 1. Ethic. \* ad hoc ordinatur operatio cuiuslibet rei, sicut in finem in quo sua delectatio figitur. delectationes autem brutorum animalium omnes referuntur ad conseruantiam corporis: non enim delectantur in sonis, odoribus, & aspectibus, nisi secundum quod sunt indicatiua ciborum, vel venereorum, circa quæ est omnis eorum delectatio: tota igitur operatio eorum versatur ad conseruationem esse corporei, sicut in finem: non igitur est eis aliquod esse absque corpore. \* Huic autem sententiæ doctrina catholica fidei concordat, dicitur enim Gene. 9. de animalibus brutis: Anima illius in sanguine est: quasi dicat, ex sanguinis permanentia esse illius dependet.

Et in libro de Ecclesiasticis dogmatibus. Solum hominem dicimus animam substantiam habere, id est, per se vitalem: brutorum verò animas cum corporibus interire. Arist. etiam in secundo de Anima, \* dicit quod intellectiua pars animæ separatur ab aliis, sicut incorruptibile à corruptibili. Per hoc autem excluditur positio Platonis, qui posuit etiam brutorum animas esse immortales. Videtur

tamen posse probari brutorum animas esse immortales. Cuius enim est aliqua operatio per se separatim, & ipsum est per se subsistens: sed animæ sensitiuæ in brutis est aliqua operatio per se subsistens, in qua non communicat corpus, scilicet se mouere. natura mouens componitur ex duobus, quorum vnum est mouens, & alterum est motum. unde cum corpus sit motum, relinquitur quod anima sola sit mouens: ergo est per se subsistens. non igitur potest per accidens corrumpi corpore corrupto. Illa enim solum per accidens corrumpuntur, quæ per se non habent esse. Per se autem non potest corrumpi: cum neque contrarium habeat, neque sit ex contrariis composita. Relinquitur igitur quod sit omnino incorruptibilis.

5 Adhuc etiā videbatur redire Platonis ratio, qua probabat omnem animam esse immortalem: quia scilicet anima est mouens seipsum: omne autem mouens seipsum, oportet esse immortale. corpus enim non moritur nisi abscedente eo à quo mouebatur. idem autem à seipso non potest discedere. unde sequitur secundum ipsum quod mouens seipsum non possit mori: & sic relinquebatur quod anima omnis motiua esset immortalis etiam brutorum. Idem autem hanc rationem in idem redire diximus cum præmissa: quia cum, secundum Platonis positionem nihil moueat nisi motum: id quod est seipsum mouens, est per se ipsum motiuum: & sic habet aliquam operationem per se: non solum autem in mouendo, sed etiam in sentiendo ponebat Plato animam sensitiuam propriam operationem habere. dicebat enim quod sentire est motus quidam ipsius animæ sentientis: & ipsa sic mota mouebat corpus ad sentiendum. unde diffiniens sensum, dicebat quod est motus animæ per corpus. Hæc autem quæ dicta sunt, patet esse falsa. non enim sentire est mouere, sed magis moueri, nam ex potentia sentiente fit animal actu sentiens per sensibilia à quibus sensus immutantur. Non autem potest dici similiter sensum pati à sensibili, sicut patitur intellectus ab intelligibili: ut sic sentire possit esse operatio animæ absque corporeo instrumento, sicut est intelligere. nam intellectus apprehendit res in abstractione à materia & materialibus conditionibus, quæ sunt indiuiduationis principia: non autem sensus: quod exinde apparet, quia sensus est particularium, intellectus verò vniuersalium. unde patet quod sensus patiuntur à rebus secundum quod sunt in materia, non autem intellectus: sed secundum quod sunt abstractæ. passio igitur intellectus est absque materia corporali: non autem passio sensus.

6 Adhuc diuersi sensus sunt perceptui diuersorum sensibilibus, sicut visus colorum, auditus sonorum: hæc autem diuersitas manifestè ex dispositione organorum diuersa contingit. nam organum visus oportet esse in potentia ad omnes colores: organum auditus ad omnes sonos. si autem hæc receptio fieret absque organo corporali, eadem potentia esset omnium sensibilibus susceptiua: nam virtus immaterialis se habet æqualiter quantum de se est ad omnes huiusmodi qualitates, unde intellectus qui non utitur organo corporali, omnia sensibilia cognoscit. sentire igitur non fit absque organo corporeo.

7 Præterea sensus corrumpitur ab excellentia sensibilibus: non autem intellectus: quia qui intelligit altiora intelligibilibus, non minus poterit alia speculari, sed magis. alterius igitur generis est passio sensus à sensibili, & intellectus ab intelligibili. intellectus quidem passio fit absque organo corporali: passio verò sensus cum organo corporali cuius harmonia soluitur per sensibilibus excellentiam. Quod autem Plato dixit animam esse mouentem seipsam, certum esse videtur ex hoc quod erga corpora apparet. nullum enim corpus videtur moueri nisi sit motum. unde Plato ponebat omne mouens moueri: & quia non igitur in infinitum, ut vnumquodque motum ab alio moueatur: ponebat primum mouens in vnoquoque ordine mouere seipsum. Et ex hoc sequebatur animam quæ est primum mouens in motibus animalium, esse aliquod mouens seipsum. Hoc autem patet esse falsum, dupliciter. Primo

\*sex. com. 16.

\*cap. 28. & cap. sequen.

Author. sac. scrip.

\*sex. com. 11.

Plato. 10. de legib.

Plato in Timæo.

Ex 10. de legib. colligitur.



Primò quidem, quia probatum est quòd omne quod mouetur per se, est corpus. Vnde quum anima non sit corpus: impossibile est ipsam moueri nisi per accidens. Secundò, quia cum mouens in quantum huiusmodi sit actu, motum autem in quantum huiusmodi sit in potentia: nihil autem potest esse secundum idem actu & potentia, impossibile erit quòd idem secundum idem sit mouens & motum: sed oportet si aliquid dicitur seipsum mouens, quòd vna pars eius sit mouens, & alia pars sit mota, & hoc modo dicitur animal mouere seipsum: quia anima est mouens, & corpus est motum. Sed quia Plato animam non ponebat esse corpus, licet vteretur nomine motus, qui proprie corporum est: non tamen hoc de motu proprie dicto intelligebat, sed accipiebat motum communius pro qualibet operatione, prout etiam Aristot. dicit in tertio de Anima \* q̄ sentire & intelligere sunt motus quidam. sic autem motus non est actus existentis in potentia, sed actus perfecti. vnde cum dicebat animam mouere seipsum, intendebat per hoc dicere quòd ipsa operatur absque adminiculo corporis. e contrario ei quod accidit in aliis formis quæ non agunt absque materia: non enim calor calefacit separatim, sed calidum: ex quo volebat concludere omnem animam motiuam esse immortalem. nam quod per se habet operationem, & per se existentiam habere potest. Sed iam ostensum est quòd operatio animæ brutalis, quæ est sentire, nō potest esse sine corpore: multò autem magis hoc apparet in operatione eius, quod est appetere: nam omnia quæ ad appetitum sensitiuæ partis pertinent, manifestè cum transmutatione aliqua corporis sunt: vnde & passionis animæ dicuntur. Ex quibus sequitur quòd nec ipsum mouere sit operatio animæ sensitiuæ absque organo. non enim mouet anima brutalis nisi per sensum & appetitum. nam virtus quæ dicitur exequens motum, facit membra esse obedientia imperio appetitus: vnde magis sunt virtutes perficientes corpus ad moueri, quam virtutes mouentes: sic igitur patet quòd nulla operatio animæ brutalis potest esse absque corpore, ex quo de necessitate concludi potest quòd anima brutalis cum corpore intereat.

## Super cap. 82.

**Q**UVM ostensum sit animam intellectuam immortalem esse, ad abundantiorē doctrinam, ne aliquis idem de animalibus brutorum existimaret, ostendit sanctus Thomas illas immortales non esse. Circa hoc autem duo facit. Primò enim probat propositum. Secundò, quasdam remouet obiectiones. Quantum ad primum arguit primò sic: Anima bruti separata à corpore nullam habere operationem: ergo pereunte corpore perit. patet consequentia, quia omnis substantia aliquam habet operationem. antecedens verò probatur, quia in animalibus brutorum non est inuenire operationem superiorem operationibus sensitiuæ partis. patet enim quòd non intelligunt, neque ratio cinantur, quia omnia animalia eiusdem speciei quasi à natura mota, & non ex arte operantur similiter operantur: nulla autem operatio sensitiuæ partis potest esse sine corpore, ergo, &c. Secundò, anima bruti remanens in corrupto corpore erit substantia separata, ergo erit intellecta in actu. ergo erit intellectualis, hoc est impossibile, ergo, &c. probatur prima consequentia, quia omnis forma separata à materia est intellecta in actu. secunda etiam probatur, quia ut dicitur tertio de Anima, text. 15. in separatis à materia, idem est intelligens & intellectum.

**C**IRCA hanc rationem dubitatur dupliciter. Primò, circa probationem primæ consequentiæ. Si enim omnis forma separata à materia est intellectualis in actu, sequitur quòd intellectus humanus sit quid intellectum in actu. Nam ipse est à materia separatus, utpote non affixus alicui organo corporeo: hoc autem est falsum, quia ut inquit sanctus Thomas tertio de Anima, exponendo text. 15. & in plerisque aliis locis, intellectus possibilis est pura potentia in genere intelligibilium. Secundò, circa probationem secundæ consequentiæ dubitatur. assumptum enim non videtur ad propositum esse, scilicet in separatis à materia idem est intelligens & intellectum. Nam hanc propositionem ipse sanctus Thomas in tertio de Anima exponit non de substantiis & formis immaterialibus, sed de iis quæ actu intelliguntur tanquam à materialibus conditionibus abstracta. Vnde in prima parte quæst. 55. articulo primo, ad secundum inquit, quòd idem est dicere, iis quæ sunt sine materia, idem est intelligens & intellectum: ac si diceretur quòd intellectus in actu est intellectum in actu, sicut sensus in actu est sensibilis in actu. simile dicit de spiritu artic. 8. ad 14. Item exponit non de identitate naturali secundum substantiam & entitatem: non enim intellectus hominis est eadem entitas quæ est lapis, actu intellectus, sed per conuenientiam in vna forma quæ est similitudo rei intellectæ, per quam res est actu intellecta, & intellectus est in actu, in quantum ipsum species rei intellectæ informat ad hoc ut possit actu considerare. per speciem enim lapidis existentem in intellectu, & lapis est actu

intellectus, & ipse intellectus est actu intelligens, modò hic sermo est de forma substantiali à corpore separata, & de identitate naturali secundum essentiam & naturam. arguitur enim quòd si anima bruti sit actu intellecta, eadem numero & secundum substantiam erit intelligens siue intellectualis. Et sic non videtur autoritas illa secundum expositionem sancti Thomæ ad propositum esse.

**A**D euidentiā primū dubij duo sunt termini declarandi, scilicet intellectum in actu, & pura potentia in genere intelligibilium. Quantum ad primum, considerandum quòd cum duplex sit ordo & rerum, scilicet genus rerum materialium, & genus rerum intelligibilium, dupliciter potest dici aliquid intellectum in actu. Vno modo, quia est de genere intelligibilium, nō autem extra illud genus ut materialia. Alio modo, quia est de genere & ordine intelligibilium sicut actus, aut sicut habes actum, non autem sicut potentia. Primo modo omnis forma non dependens à materia est intellecta in actu aliquo modo, id est de genere ordine intelligibilium, non autem secundo modo. potest enim aliqua forma esse nō dependens à materia, & sic esse de ordine intelligibilium, & tamen in illo ordine non erit tanquam actus, aut existens in actu, sed tanquam potentia aliquo modo, ut inferius declarabitur immediate licet sit actus in genere entium. Nam stant simul, quòd aliquid sit actus in genere entium, & tamē in genere intelligibilium sit potentia: sicut corpus diaphanum est actu quidem corpus, potentia tamen coloratum. Nec obstat quod sapenūro inquit sanctus Thomas prima parte. q. 12. art. quoniam vnumquodque est intelligibile in quantum est in actu. Hoc enim non dicitur quasi omne quod est in actu in genere entium, sit in genere intelligibilium tanquam actus: sed quia omne tale est intelligibile, aut tanquam existens de ordine intelligibilium, aut tanquam potēs ad illum ordinem per abstractionem à materia aut quouis alio modo eleuari, & omne intelligibile habet quòd sit intelligibile secundum quòd est in actu, nō autem secundum quòd est in potentia, ut dicitur prima parte quæst. 14. art. 2. ad tertium. Vnde Commentar. de sensu & sensato inquit, quòd cum res sensibilis sit intelligibilis in actu, per intellectum agentem transferatur de ordine ad ordinem. Quantum ad secundum, sciendum quòd cum ad ordinem intelligibilium aliquid pertineat tanquam obiectum intelligibile, aliquid verò tanquam intellectum, cui scilicet conuenit intelligere, dupliciter potest aliquid dici pura potentia in genere intelligibili, scilicet aut per modum obiecti, quia in se non habet aliquē actum vnde possit intelligi: aut per modum intellectui, tanquam scilicet carens omni actu quo possit intelligere. Vtroque modo verum est intellectum possibilem esse puram potentiam in genere intelligibilium: per modum quidem intellectui, quia enim species intelligibilis sit forma qua intellectus intelligit (oportet enim intelligibile vniui intellectui si debet fieri intellectio) & intellectus possibilis in se nullam habeat speciem intelligibilem sibi connaturalem & congenitam, quamvis secundum se habeat virtutem intelligendi, sed in principio sui esse sit sicut tabula rasa, in qua nihil est descriptum, ut dicitur tertio de Anima: sequitur quòd careat omni actu secundum se, quo aliquid natum est intelligere, & sic sit pura potentia in genere intellectui. haberet enim aliquam formam sibi connaturalem, si esset in actu secundum se, sicut materia prima est pura potentia in genere entium, quia secundum se caret omni forma quæ est principium actionis. Per modum etiam obiecti intelligibilis est secundum naturam suam pura potentia in genere intelligibilium, ut habetur inferius capit. 98. & 1. parte quæst. 87. artic. 1. Dicitur enim in genere intelligibilium aliquid esse actu, quòd secundum se remoto quocunque agente extrinseco & alio obiecto natum est actuare intellectum ad sui intellectionem, hoc autem non conuenit intellectui humano siue animæ intellectuæ coniunctæ, cum vnumquodque cognoscatur secundum quòd est in actu, ipse autem secundum se nullum habeat actum, sed sit in genere intelligibilium potentia tantum, utpote nullam habens congenitam speciem per quam constitutur in actu, sed existens in potentia ad omnia intelligibilia. Si autem instetur rationibus Scoti in primo Sent. dist. 3. quæst. 7. quia videlicet intellectus in se est actus quidam, & quia potentia ad operari non fundatur super potētia pura. Respondetur, quòd licet sit actus in genere entium, non est tamen actus in genere intelligibilium, sed potentia, nec inconuenit, ut diximus, aliquid esse actu in genere entium, & tamen esse potentiam in genere intelligibilium. Si etiam diceretur, quòd licet sit potentia intelligibilis in ordine ad seipsum, in ordine tamē ad intellectum angelicum, cuius est omne quod est actu ens intelligere, est intelligibilis actu. patet q̄, hoc nihil est. Quòd enim angelus aliquid intelligat, non arguit illud esse actu in genere intelligibilium, secundum quòd est in seipso. res enim materiales in seipsis sunt tantum intelligibiles in potentia, & tamen ab angelo intelliguntur, quia in ipso sunt per suas similitudines actu intelligibiles. Sic est & de intellectu. secundum enim quòd est in seipso, non est actu intelligibilis, licet eò quòd est actus in genere entium, pertineat ad genus intelligibilium, in quantum à materia secundum suum esse non dependet. Et sic patet quòd duobus modis dicitur intellectus possibilis pura potentia in genere intelligibilium, scilicet & quia caret omni forma secundum se de genere intelligibili, quæ est intelligendi principium: & quia caret omni forma de genere intelligibilium qua possit intelligi. Ad dubium itaque negatur consequentia, quia anima coniuncta corpori nō est forma separata à materia, licet sit forma non dependens à materia: quomodo autem se habeat ad intelligibilitatem dum est separata, dicitur inferius cap. 98. Ad secundum dubium dupliciter potest responderi. Primò enim admittendo quòd velit sanctus Thomas deducere, quoniam anima bruti erit intellectiva: responderetur quòd autoritas illa Aristotelis optimè facit ad propositum. Vult enim arguere, si res materialis propter hoc quòd abstractitur à conditionibus materialibus, & sit intellecta in actu, est vnum cum intelligente, siue cum intellectu in actu tanquam conueniens eum ipso in vna forma, per quam & intellectus est in actu, & ipsa res materialis est actu intellecta: oportet ut illæ substantiæ quæ omnino sunt à materia separata, quæ sint secundum naturam suam intellectæ in actu, tanquam per se ad genus intelligibilium pertinentes, sint etiam secundum naturam suam intellectæ: ut sit vniuersaliter verum, quòd in abstractis à materia per idem est aliquid intellectum in actu, & intellectum. Nam si per formā factam ab intellectu agente res est actu intellecta, per eandem formam intellectus sit in actu. Si autem res per seipsam, id est, ex propria natura sit intellecta in actu,

Tex. com. 28.

Tex. com. 50.  
De motu ani  
mal. cap. 4.

Tex. com. 21.



in actu, oportet ut etiam secundum propriam naturam sit intellectus. Sed posset aliquis dicere quoniam ex hoc quod per idem aliquid constituitur in esse intellectu in actu, & constituitur intellectus in actu, non sequitur ut forma à materia separata, quæ est ex propria natura intellectus in actu, sit intellectus secundum suam naturam, sed bene quod sicut per seipsam esse intellectus in actu, ita per seipsam, non autem per aliam speciem mediam, vnitur intellectui ipsam intelligenti, tanquam per se ipsam faciens intellectum in actu. Et sic non videtur haberi ex hoc id quod videtur velle deducere sanctus Thomas, scilicet, quod omnis forma à materia separata sit intelligens, & per consequens quod anima bruti separata à materia erit intellectus. Respondetur ex doctrina sancti Thomæ primo Sent. distin. 37. artic. 1. quod sicut materia est principium particularisationis, ita forma debetur intelligibilis. est enim forma principium cognitionis: unde si forma sit à materia separata, oportet ut sit intellectualis naturæ secundum conditionem ipsius formæ, ut videlicet si est forma non per se subsistens, sed perfectio alicuius subsistentis, sit etiam intelligibilis, ut principium quo aliquid intelligit, non autem ut per se intelligens: sicut & omnis alia forma non subsistens ordinata ad operationem est alteri operanti principium, non autem ipsa operatur. si autem est subsistens, sit intelligibilis per modum intelligentis, rei enim subsistenti conuenit operari secundum conditionem suæ naturæ. Vult ergo à signo arguere sanctus Thomas sic. Res materialis sit vnum cum intellectu, tanquam existens sibi principium intellectus per hoc quod abstrahitur à materia, & sit intellectus in actu: ergo signum est quod intellectualis, scilicet esse principium intelligendi, conuenit rei per abstractionem à materia: ergo omnis forma separata à materia est principium intelligendi suo modo, scilicet forma per se subsistens tanquam per se producatum actum intellectus, & per se intelligens, forma vero existens in alio tanquam existens alteri principium intelligendi. Et sic cum anima bruti, si ponatur remanere post corpus, sit forma subsistens à materia separata, sequitur quod sit intellectus. Secundo potest responderi, quod non deducit sanctus Thom. ad hoc inconueniens, quod anima bruti erit intellectus, sed ad hoc quod erit intellectus. Cum autem dicatur forma intellectualis dupliciter: ut patet loco prælegato, scilicet aut quia est intelligens, aut quia est alteri principium intelligendi: ad hoc quod est in separatis à materia, idem esse intellectum, & intelligentem, & animam bruti esse intellectum in actu, sequitur ipsam esse intellectualem altero illorum modorum scilicet per modum principij intellectus, si ponatur à materia separata: quod cum sibi nullo horum modorum conuenire possit ut sit intellectus (neque enim potest esse intelligens, neque per seipsam potest vnitur intellectui ut principium intellectus, cum ponatur forma creata subsistens) sequitur quod à materia separata manere non potest, & sic ratio S. Thom. efficaciam habet. Secundo ad conclusionem arguitur. In brutis non est appetitus ad esse perpetuum, nisi secundum speciem: quod etiam inuenitur in plantis & rebus inanimatis: ergo non est anima bruti capax esse perpetui. probatur consequentia, quia in qualibet re quæ potest peruenire ad aliquam perfectionem, inuenitur naturalis appetitus illius perfectionis. antecedens etiam probatur, quia anima sensitua non apprehendit nisi hanc, & nunc: ergo non apprehendit esse perpetuum: ergo appetitus animalis in quantum animal est, qui est appetitus consequens apprehensionem, non appetit esse perpetuum.

ADVERTE, quod non committit S. Thom. æquiuocationem, dum videtur transire ab appetitu naturali ad appetitum animale, quia non sumitur hic appetitus naturalis, ut distinguitur contra appetitum sequentem cognitionem, sed ut distinguitur tantum contra appetitum liberum: sic enim & appetitus animalis dicitur appetitus naturalis. Quomodo autem anima sensitua non apprehendit esse perpetuum, constare potest ex superioribus, ubi ostensum est e converso intellectum perpetuum esse apprehendere. Tertiò, Tota operatio brutorum tendit ad conservationem esse corporis, sicut in finem: ergo non est eis aliquid esse absque corpore: consequentia patet, antecedens vero probatur, quia ad hoc ordinatur operatio cuiuslibet rei sicut in finem, in quo sua delectatio figitur, cum delectationes perficiantur operationes, ex primo Ethic. delectationes autem omnes brutorum referuntur ad conservantiam corporis.

ATTENDENDVM, quod non inquit sanctus Thomas omnem rem ordinari in delectationem suam, sicut in finem, sed illud esse finem vniuersalem, in quo sua omnis delectatio figitur. apud sanctum Thomam enim delectatio non est finis, sed finem intrinsecum concomitatur: finis enim est quod maxime appetitur, tale autem cum possidetur, delectationem causat, & sic delectatio est coniuncta ad perfectionem finis quæ est finis intrinsecus, siue finis quo. Confirmatur conclusio auctor. Gen. nono, ubi dicitur. Anima illius in sanguine. In libro verò de Ecclesiasticis dogmatibus dicitur. Solum hominem dicimus, &c. Item secundo de Anima, text. 21. dicitur quod intellectus pars separatur ab aliis sicut perpetuum à corruptibili. Excluditur quoque per hanc conclusionem error Platonis in Phædone ponentis etiam brutorum animas immortales esse. Quo ad secundum ponuntur quædam obiectiones contra dictam conclusionem, & solvantur. Arguitur enim sic, Anima bruti non est corruptibilis neque per se, quia neque contrarium habet, neque est composita ex contrariis: nec etiam per accidens, quia est per se subsistens cum habeat per se operationem cui non communicat corpus, scilicet mouere: corpus enim mouetur, & sola anima mouet, ergo, &c. hanc autem rationem dicit sanctus Thomas redire in idem cum ratione Platonis, quia omnem animam immortalem esse probat. Ponebat enim primò Plato, quod anima est mouens seipsum, est immortale. Nam corpus non moritur nisi abscedere eo à quo mouebatur, idem autem à seipso discedere non potest. Ponebat vltimò nihil mouere, nisi motu: ex quo sequebatur id quod est seipsum mouens esse per seipsum motuum, & sic habere aliquam operationem per se. Ponebat tertio animam sensitiuam habere primam operationem non solum in mouendo, sed etiam in sentiendo, dum ponebat sentire esse motum quandam animæ sentientis, & ipsam animam sic motam mouere corpus ad sentiendum. Ex quibus omnibus sequebatur animam sensitiuam esse per se subsistentem, ut arguebatur, & per consequens immortalem.

Ad hæc respondendo sanctus Thomas primò destruit fundamenta Pla-

tonis, secundò infert solutionem principalis rationis quæ ex illis fundamentis videtur efficaciam habere. Primò ergo destruit hoc fundamentum, quod sentire quem vocat motum, sit solius animæ absque corpore instrumentum. Et supponit quod non possit dici motus per motum cognitionis, quasi scilicet sentire sit mouere, sed magis per modum passionis, ut scilicet sit sicut moueri & pati, cum fiat animal actu sentiens per sensibilia à quibus sensus immutatur. hoc supposito arguitur primò, sic. Si sentire ponatur esse operatio animæ absque organo corporeo, hoc pro tanto poni videtur, quia sicut intellectus patitur ab intelligibili, ita & sensus à sensibili, & idem quum intelligere sit sine corpore organo, ita & sentire, sed hoc non cogit, quia aliter patitur intellectus ab intelligibili, & aliter sensus à sensibili: sensus enim patitur à rebus secundum quod sunt in materia, non autem intellectus, sed secundum quod sunt abstractæ, quum apprehendat res in abstractione à materia & materialibus conditionibus, idcirco intellectus passio est absque materia corporali, non autem passio sensus.

ADVERTE, quod dupliciter dicitur potentia receptiua pati à suo obiecto, scilicet formaliter & effectiue. Dicitur pati formaliter in quantum sibi obiectum per suam speciem vnitur ut forma: effectiue autem in quantum per modum agentis causat suam speciem in ipsa, sicut coloratum: & est forma potentia visuæ ratione speciei visibilis in ipsa receptæ, & agit in ipsam cauendo speciem visibilem sui in ea. Quum ergo dicitur quod sensus patitur à rebus secundum quod sunt in materia, intellectus autem patitur à rebus secundum quod sunt abstractæ, potest hoc intelligi aut de passione formali, aut effectiua. Si de passione formali intelligatur, tunc sensus est quod forma recepta in sensu, est forma habens esse in materia, forma autem intellectus est forma abstracta à materia. Si verò de passione effectiua intelligatur, tunc sensus est, quod res quæ agit, scilicet immediate in sensum immutando ipsum, est res habens esse in materia: res autem quæ agit in intellectum, est res abstracta à materia. scilicet phantasma. Vterque sensus veritatem habet, quia forma sensibilibis habet esse non solum in potentia sensitiua, sed etiam in organo corporeo & materiali. proprium enim eius receptum est compositum ex potentia & organo: forma autem intelligibilis non recipitur in aliquo materiali organo, sed tantum in intellectu. similiter forma quæ agit in sensum, est forma habens esse extra animam in materia, sicut color agens in visum est color habens esse in corpore colorato, quod est eius propria materia: forma autem quæ agit in intellectum, scilicet phantasma, licet ipsum habeat esse in materia in quantum est forma imaginatiue virtutis, in quantum tamen est id cuius est phantasma, non est in materia, quia non habet materiam quæ propria materia est eius, cuius est phantasma: phantasma enim fortis non habet materiam quæ est propria materia fortis, sed est ab illa abstractum. In quo sensu autem loquitur principaliter S. Thom. est difficile videre, quia uterque sensus eius proposito potest adaptari. Videtur tamen mihi, quod de passione formali sit intelligendum, sic arguendo. Intellectus apprehendit, id est, cognoscit res in abstractione à materia & materialibus conditionibus, non autem sensus: cum intellectus sit cognoscitiuus vniuersalium, sensus autem particularium, ergo sensus patitur ut à rebus secundum quod sunt in materia, id est, recipiunt formas habentes esse materiale aliquo modo: intellectus autem patitur ab ipsis rebus secundum quod sunt abstractæ: ergo passio intellectus est absque materia corporali, non autem passio sensus: prima consequentia patet, quia intellectus non apprehenderet vniuersale absque materia & conditionibus materialibus indiuiduantibus, nisi forma & species per quam intelligit, esset immaterialis. Si enim species conditiones materiales haberet, rem cum materialibus conditionibus representaret, & non in abstractione: e contrario autem sensus non apprehenderet rem cum conditionibus materialibus, nisi & ipsa species sensibilibus conditiones materiales haberet & esset in materia, remque cum talibus conditionibus repræsentaret. Secunda etiam consequentia manifesta est. Nam si species recepta esset immaterialis, omnino constaret quod recipitur absque materia corporali, id est, non recipitur in organo corporeo, & sic recipiens patitur absque materia corporali: si autem est materialis, necesse est ut in materia sit recepta, & sic potentia recipiens patitur cum materia & organo corporeo.

Secundò, Si receptio sensus esset absque organo corporeo, eadem potentia esset omnino sensibili susceptiua, quia virtus immaterialis æqualiter se habet quantum de se est ad omnes huiusmodi qualitates, ut patet de intellectu. hoc autem videmus esse falsum, ergo, &c.

SED posset aliquis negare consequentiam, & dicere, quod diuersitas organorum nihil facit ad hoc ut diuersæ potentia sint diuersorum sensibilibus susceptiua, sed hoc facit diuersa ratio & diuersa natura potentiarum: & idem etiam si ponantur immateriales, non oportet ut vna sit omnium receptiua, sed diuersæ diuersorum.

AD huius euidentiam sciendum, quod cum potentiam & obiectum oporteat proportionari, secundum conditionem potentia, oportet esse & obiecti conditionem: potentia autem immaterialis non est secundum se ad aliquam naturam sensibilem & materialem determinatam, non enim est natura ignis, aut aeris, aut alicuius alterius naturæ sensibilibus & materialibus, sed est supra omnia materialia eleuata: idem oportet & eius obiectum formale non esse aliquam naturam sensibilem determinatam, sed esse aliquid supra omnem naturalem sensibilem eleuatam, tanquam omnium naturarum sensibilibus contentiuum: unde videmus (ut exéplò sancti Thomæ vtamur) quod quia intellectus est potentia immaterialis, idem eius formale obiectum est ens, sub quo omnia sensibilia comprehenduntur. Similiter voluntas, quia est potentia immaterialis, habet pro obiecto bonum vniuersaliter, non autem hoc vel illud bonum. Et intellectus agens potest in omnia sensibilia abstrahendo species, & in omnia entia secundum quod per species sensibilibus aliquo modo cognosci possunt: non potest ergo vna potentia sensitiua si immaterialis ponatur (quod oportet ponere si immaterialiter recipiat) ex propria tantum ratione & natura ad vnum genus sensibilibus determinari: sed quia est potentia ad perceptionem determinati sensibilibus ordinata, idem natura sibi organum in quo recipiatur adiunxit, quod illi generi sensibilibus sit proportionatum ut secundum diuersitatem organorum, potentia ipsa in diuersa ferantur obiecta. Patet igitur ex his quod illa consequentia optima est, & quod data responsio ipsam non tollit. Tertiò, sensus corrumpitur ab excellētia obiectorum



obiectorum, non autem intellectus: ergo alterius generis est passio sensus à sensibili, & intellectus ab intelligibili, vna scilicet absque organo corporali, alia verò cum organo, cuius harmonia soluitur per sensibilem excellentiam. Secundum fundamentum Platonis erat, quòd anima mouet seipsa: cuius ratio erat, omne mouens mouetur, vt patet in corporibus, sed non proceditur in infinitum, vt vnumquodque ab alio moueatur, ergo oportet primum mouens in vnoquoque ordine mouere seipsum. anima autem est primum mouens in motibus animalium, ergo &c. Contra hoc arguitur dupliciter. Primò. Omne quod per se mouetur, est corpus, ergo anima nò mouetur, nisi per accidens moueatur. Secundò. Idem non potest esse secundum idem in actu & in potètia: ergo idem non potest mouere seipsum, nisi vna pars sit mouens, & alia sit mota, vt est in motu animalium, pater consequentia, quia mouens in quantum huiusmodi est in actu, motum autem in potètia.

Ad hanc rationem respondetur secundum mentem Platonis, & dicitur primò, quòd ipse accipiebat motum non vt est corpus, sed pro qualibet operatione, vt etiam accipit Philosophus tertio de Anima, text. 23. dum inquit, quòd sentire & intelligere sunt motus quidam. Dicitur secundò, quòd motus sic acceptus non est actus existentis in potètia, sed perfecti. Dicitur tertio, quòd intendebat animam mouere seipsam, id est, absque adminiculo corporis operari, quòd aliis formis non conuenit. Ex hoc autem concluditur omnem animam esse immortalem, quia quod per se operatur, & per se esse potest. Sed contra hunc sensum arguitur, quia nec sentire (vt est ostensum) potest esse sine corpore, neque etiam appetere, cum manifestè constet omnia quæ ad appetitum sensitiuum pertinent, cum corporali transmutatione fieri.

CIRCA illam propositionem, operatio est motus qui non est actus existentis in potètia, sed actus perfecti: attendendum, quòd duplicè habere sensum potest. Pro primo aduertendum, quòd cum dicimus operantem moueri, & corpus moueri, sicut motus æquiuocè in ipsis sumitur, ita & moueri. corpus enim moueri, est ipsum esse subiectum motus: operantem autem, vt sic, moueri, non est ipsum esse subiectum operationis, sed operationem producere. Primus ergo sensus est, quòd motus propriè dictus nò conuenit mobili tanquam subiecto vt sic, in quantum habet formam & perfectionem, sed in quantum est in potètia ad aliquam formam quam non habet, & ad quam per motum tendit, operatio autem conuenit operanti tanquam agenti, non in quantum caret forma, & est in potètia ad illam, sed in quantum est in actu perfectum per formam. vnumquodque enim operatur in quantum est actus per formam, non autem in quantum caret forma. Secundus sensus potest esse, quòd motus propriè dictus est actus imperfectus, & relinquit mobile in potètia ad ulteriorem actum: vnde talis actus non est complementum mobilis, sed est via ad complementum: operatio autem est actus perfectus, & complementum operantis, & non relinquit ipsum operans, vt sit in potètia ad ulteriorem actum: nec est via ad aliud quod sit complementum operantis. & hunc sensum videtur ponere Comment. tertio de Anima, commento 28. videtur etiam ponere sancti Thomæ, prima parte quæst. 18. artic. 3. ad primum. & quarto Sent. dist. 17. quæst. 1. artic. quinto, quæst. 3. ad primum. vbi ait, quòd motus qui est actus imperfectus & existentis in potètia, semper expectat aliquid in futurum ad suæ speciei perfectionem: motus autem qui est actus perfectus, non expectat aliquid futurum ad complementum suæ speciei. Vterque sensus veritatem habere potest, verum tamen secundus videtur mihi magis philosophicus esse, & magis ad mentem sancti Thomæ & Aristotelis esse.

ADVERTE autem quòd sanctus Thomas non soluit particulariter rationem Platonis ad hoc fundamentum probandum adductam, quia ex primo argumento contra fundamentum ipsum adducto eius apparet solutio. Cum enim motus propriè dictus soli corpori per se conueniat, satis constat illam propositionem falsam esse, omne mouens mouetur per se, de motu propriè sumpto loquendo.

POSTREMO ad principale rationem respondet sanctus Thomas ex dictis negando quòd mouere sit operatio animæ sensitiuæ absque organo: cuius falsitatem ostendit, quia anima bruti non mouet nisi per sensum & appetitum: ostensum est autem, neque sentire, neque appetere fieri absque organo corporali. Quòd si inest, quòd mouet etiam per virtutem motuam quæ dicitur exequens motum, & non tantum per sensum & appetitum: respondetur, quòd huiusmodi virtus facit membra obediētia imperio appetitus, vnde sunt magis virtutes perficiētes corpus ad moueri, quam virtutes mouentes, scilicet ipsæ virtutes quæ in diuersis membris corporis existunt.

CIRCA istam responsionem, cum dicitur quòd solus sensus & appetitus mouent animal, & quòd virtus exequens motum non est motus, sed disponit corpus ad moueri: dubitatur, quia mouere est actio transiens in id quod mouetur. sentire autem & appetere sunt actiones immanentes, ergo sentire & appetere non sunt mouere: sed sensus & appetitus nullam habent operationem præter sentire & appetere: ergo ipsis non conuenit mouere. Secundò, quia Aristot. secundo de Anima, ponit motuum secundum locum genus potentiarum animæ distinctum à sensitiuo & appetitiuo.

Ad huius difficultatis euidentiam considerandum est, quòd in doctrina sancti Thomæ apud rectè intelligentes non est dubium virtutem motuam per modum agentis motum, non esse aliquid distinctum à sensu & appetitu in animalibus, nomine sensus intelligendo cognoscitiuam potentiam absolutè, & quòd virtus motuam exequens motum quæ est in membris, non est virtus actiue mouens, sed est virtus passiuæ qua corpus est dispositum ad moueri: hoc enim expressè habetur & hic, & prima parte quæstione 75. articulo tertio ad tertium. Sed dubium est quomodo appetitus moueat, an scilicet solo actu qui est appetere & imperare motum, an aliquo alio actu elicitiuo motus. Quibusdam enim placet appetitum habere duplicem actum, vnum immanentem, qui est appetere: alterum transuentem, qui est mouere. & quòd primus actus est ratio secundi. Probatur autem hoc primò, quia si motus localis esset tantum imperatiue ab appetitu, nò oporteret tantam persequutionem fieri de appetitu, tanquam de principio motui animalis, cum non solum motus, sed etiam operationes sensus & intellectus sint ab appetitu imperate. Secundò, quia actus imperatiui tantum ab appetitu aliquando præueniunt appetitum, motus autem localis non præuenit appetitum.

Tertiò, quia natura semper facit de possibilibus meliora. melius autem animali conuenit motus localis si conueniat animaliter, quam si conueniat vitaliter tantum. non potest autem fieri animaliter, nisi vt sic fiat ab appetitu animalis, cum huiusmodi motus vt sic sit propter finem, appetitus autem sit tendere in finem, ergo talis motus ab appetitu necessariò elicitur.

Quartò, quia hæc est expressa sententia Aristotelis & in tertio de Anima, & in libro de Motibus animalium, vt tenet potentiam motuam animalis, cui conuenit mouere, esse appetitum. Alij verò volunt appetitum non alio actu mouere, quam ipso actu qui est appetere & imperare motum, & quòd tamen non oportet ponere aliam potentiam motuam distinctam elicitiuam motus. Vnde conuenit hæc opinio cum præcedente in hoc, quòd non est alia potentia elicitiuæ motus, quam appetitus: sed differt ab illa in quantum hæc ponit mouere appetitum nihil aliud esse secundum rem, quam ipsum appetere & imperare motum, largo modo accipiendo imperium, secundum etiam quòd conuenit brutis: illa verò ponit mouere esse alium actum appetitus distinctum ab imperio, & actu appetendi. Quauis autem vtraque opinio sustentari possit, secunda tamen mihi videtur ad mentem sancti Thomæ esse. Nam cum diuidat potètiā motuam in appetitum & sensum ex vna parte, & potentiam exequentem ex alia: appetitui & sensui vt sunt potentia motiua, hanc solam operationem tribuit quæ est imperare motum, exequenti autem attribuit facere per modum potètiæ passiuæ membra obediētia imperio appetitus, vt patet & in hoc capite, & in prima parte, quæstione septuagesima quinta, articulo tertio ad tertium, & quæstione septuagesima octaua, articulo primo ad quartum. Hanc etiam opinionem tenet Caprazolus de mētē sancti Thomæ in secundo Sent. distinctione prima, quæstione secunda, ad argumenta Aureoli contra primam conclusionem, in responsione ad primum, ad duodecimum, & ad decimum quintum. Pro huius autem declaratione considerandum, quòd aliter comparatur motus animalis ad appetitum, & aliter motus alius cuius corporis ad mouens corpus extrinsecum. motus enim ad mouens corpus extrinsecum comparatur non solum per modum effectus, sed etiam per modum actionis, qua formaliter mouens dicitur mouere. actio enim mouentis est ipse motus cum habitudine agentis, vt à quo est, sicut ignis denominatur calefaciens formaliter tanquam actione à motu calefactionis, cum tali habitudine: vnde ipsum calefacere nihil aliud dicit quam motum illum cum illa habitudine. Ad appetitum autem motus animalis comparatur non tanquam actio formaliter denominans ipsum mouentem, sed duntaxat tanquam effectus actionis qua formaliter dicitur mouens. cum enim dicimus appetitum mouere animal, ipsum mouere appetitus non est ipse motus cum habitudine appetitus vt à quo, sed est ipse actus immanens qui est appetere & imperare motum cuius ipse motus est effectus, sed verum est, quòd imperare non habet rationem motionis, nisi adiuncto respectu ad motum animalis, tanquam ad effectum in actu. Non dicimus ergo quòd alius actus appetitus sit imperare motum, & alius mouere elicitiuè, sed quòd idem actus secundum rem est imperare motum, & elicere motum: distinguuntur tamen ratione, quia elicere motum addit super imperare habitudinem ad motum in actu tanquam ad effectum. Vnde dicere, appetitus mouet animal, nihil aliud est dicere quam appetitus imperat motum animalis actualiter ipsum suo imperio causans. Quòd si obiciatur, quoniam actio immanens nullum effectum producit actionem relinquit: Respondetur, quòd vtique actio immanens in quantum immanens in agente nullum effectum ponit extrā agentem qui sit idem cum ipsa actione, quia hoc repugnantiam includit. Si enim poneret effectum cum quo materialiter sit idem, in aliquid extrinsecum ab agente iam tunc esset transiens, & non immanens in agente. Sed tamen actio immanens potest ponere aliquem effectum ab ipsa realiter distinctum in alio quod passum extrinsecum, vt sic dicatur transiens in alterum extrinsecum non formaliter, tanquam in ipso videlicet recepta, sed productiue, quia inquam in altero effectum producit, sicut & per intelligere & velle diuinum producit aliquis effectus in creatura, vnde hoc mouere appetitus nò est actio de prædicamēto actionis quam dicit Aristoteles tertio Physicorum quòd est idem materialiter cum motu & cum termino motus, sed est de genere qualitatis, remanens quidem in agente secundum se, sed effectum in alio ponens.

Ad rationes oppositæ opinionis respondetur: Ad primam quidem quòd non dicimus motum esse tantum ab appetitu imperatiue, quasi ponere oporteat aliam potentiam motuam quæ eliciat motum, sed quia non oportet ponere alium actum in appetitu distinctum ab imperio qui sit executio motus, sed ipsummet imperium est executio addito respectu ad effectum in actu, operationes autem sensus & intellectus sunt ab appetitu imperatiue tantum, non autem executiue, idè oportuit fieri persequutionem de ipso appetitu, vt habet rationem virtutis motuæ.

Ad secundum dicitur similiter, quòd motus non est tantum imperatus ab appetitu, sed etiam elicitus, licet non alio actu quam imperio, cuius est effectus. Ad tertium dicitur, quòd secundum motum assignatum quo appetitus mouet corpus, animal mouetur animaliter, & non tantum vitaliter. Ad quartum dicitur quòd ab Aristot. nihil aliud habetur quam quòd appetitus & ratio siue sensus (per hoc enim intelligit Philosophus potentiam cognoscitiuam) sunt principia mouentia animalis, membra etiam executiue per modum agentis motum, non autem habetur quòd mouere sit alius actus realiter distinctus ab imperio.

Ad rationes autem principales dubij respondetur. Ad primam quidem dicitur, quòd mouere appetitus nò est actio transiens formaliter, sed immanens: est tamen transiens productiue, quia videlicet producit motum in corpore animalis. Ad secundum dupliciter potest responderi. Primò, quòd per motuum secundum locum distinctum contra appetitum intendit Aristot. potentiam motuam exequentem, quæ est potentia passiuæ in membris corporalibus existens, & hæc responsio videtur esse de mente sancti Thomæ prima parte, quæst. 78. artic. 1. ad quartum. Secundò, quòd motum secundum locum ponit potentiam distinctam ab appetitu, non quidem realiter, sed formaliter tantum propter diuersitatem actuum conuenientium appetitui in quantum appetitus est, & conuenientium illi vt est principium motuum animalis, qui quidem actus in animalibus diuersis separantur. In quibusdam enim animalibus inuenitur appetitus quantum ad actum appetitus in quantum est appetitus, in quibus nò inuenitur quantum



quantum ad actum qui est causare motum suo imperio, & per consequens non est in eis appetitus ut habet rationem virtutis motuæ, ut patet in animalibus quæ non mouentur motu progressiuo. Hanc responsionem videtur tangere Comment. secundo de Anima, commento 27. ubi ait quod Aristoteles per desiderium, appetitum ad cibum intendit, & ideo separat ipsum à mouente in loco, & posuit ipsum genus per se, cum ista virtus inueniatur in animalibus quæ non mouentur.

*Quod anima humana non incipiat cum corpore, sed fuerit ab æterno.*

Cap. 93.

**S**ED quia eadem res inueniuntur & esse incipere, & finem essendi habere, potest alicui videri quod ex quo anima humana finem essendi non habet, quod nec principium essendi habuerit, sed fuerit semper: quod quidem videtur his rationibus posse probari. Nam id quod nunquam esse desinet, habet virtutem ut sit semper: quod autem habet virtutem, nunquam de eo verum est dicere non esse, quia quantum se extendit virtus essendi, tantum res durat in esse: omne autem quod incepit esse, est aliquando verum dicere non esse, quod igitur nunquam desinet esse, nec esse aliquando incipiet.

2 Adhuc, veritas intelligibilium sicut est incorruptibilis, ita quantum est de se, est etiam æterna: est enim necessaria, omne autem necessarium est æternum: quia quod necesse est esse, impossibile est non esse, ex incorruptibilitate autem veritatis intelligibilis ostenditur anima secundum esse incorruptibilis, pari ergo ratione ex eius æternitate potest probari animæ æternitas.

3 Amplius illud non est perfectum, cui plurimæ suarum partium principium defunt: patet autem principales partes vniuersi esse intellectuales substantias, in quarum genere ostensum est supra esse animas humanas: si igitur quotidie de nouo tot animæ humanæ esse incipiant, quot homines nascuntur: patet quotidie vniuerso plurimas principium suarum partium addi, & plurimas ei deesse, sequitur igitur vniuersum esse imperfectum: quod est impossibile.

4 Adhuc etiam quidam argumentantur ex autoritate sacræ scripturæ, dicitur enim Genesios primo, quod Deus die septimo compleuit opus suum quod fecerat & requieuit ab omni opere quod patrarat. Hoc autem non esset si quotidie nouas animas faceret: non igitur animæ humanæ esse incipiunt, sed à principio mundi fuerunt.

Propter has autem & similes rationes quidam æternitatem mundi ponentes dixerunt animam humanam sicut est incorruptibilis, ita etiam & ab æterno fuisse: vnde qui posuerunt animas humanas in sua multitudine esse immortales, scilicet Platonici, posuerunt easdem ab æterno fuisse, & nunc quidem corporibus vniri, nunc autem à corporibus absolui, ac vicissitudine secundum determinata annorum curricula obseruata. Qui verò posuerunt animas humanas esse immortales secundum aliquid vnum quod ex omnibus hominibus manet post mortem, posuerunt hoc ipsum vnum ab æterno fuisse: siue hoc sit intellectus agens tantum, ut posuit Alexander, siue cum eo esset intellectus possibilis, ut posuit Auerrois: hoc etiam videtur sonare & Aristotelis verba. nam de intellectu loquens, dicit ipsum non solum incorruptibilem, sed etiam perpetuum esse. Quidam verò catholicam fidem profitentes, Platoniorum doctrinis imbuti, viam mediam tenuerunt: quia enim secundum fidem catholicam nihil est æternum præter Deum: humanas quidem animas æternas non posuerunt, sed eas cum mundo siue potius ante mundum visibilem creatas esse: & tamen eas de nouo corporibus aligari. Quam quidem positionem primus inter Christianæ fidei professores Origenes posuisse inuenitur, & post eum plures ipsum sequentes, quæ quidem opinio vsque hodie apud hæreticos manet, quorum Manichæi eas etiam æternas asserunt cum Platone, & eas de corpore ad corpus transire. Sed de facili ostendi potest præmissas positiones non

esse veritate subnixas. Quod enim non sit vnus omnium intellectus possibilis neque agens, iam supra est ostensum: vnde restat contra istas positiones procedere quæ dicunt plures animas esse hominū, & tamen ponunt eas ante corpora extitisse, siue ab æterno, siue à mundi constitutione: quod quidem videtur inconueniens, his rationibus. Ostensum est enim supra, animam vniri corpori ut formam & actum ipsius: actus autem licet sit naturaliter prior potentia, tamen in eodem tempore est posterior: mouetur enim aliquid de potentia in actum, prius igitur fuit semen, quod quidem est potentia viuum, quam esset anima quæ est actus vitæ.

2 Adhuc, vnicuique formæ naturale est propriæ materiæ vniri: alioquin constitutum ex forma & materia esset aliquid præter naturam: prius autem attribuitur vnicuique quod conuenit ei secundum naturam, quam quod conuenit ei præter naturam. quod enim conuenit alicui præter naturam, inest ei per accidens: quod autem conuenit ei secundum naturam, inest ei per se. quod autem per accidens est, semper posterius est eo quod est per se. animæ igitur prius conuenit esse vnitam corpori, quam esse à corpore separatam. non est igitur creata ante corpus cui vnitur.

3 Amplius omnis pars à suo toto separata est imperfecta: anima autem cum sit forma, ut probatum est, est pars speciei humanæ. igitur existens per se absque corpore, est imperfecta: perfectum autem est prius imperfecto in rerum naturalium ordine. non igitur competit naturæ ordini quod anima fuerit prius creata à corpore exuta, quam corpori vnita.

4 Amplius si animæ sunt creatæ absque corporibus: querendum est quomodo sint corporibus vnitæ. aut enim hoc fuit violententer, aut per naturam. Si violententer: omne autem violentum est contra naturam, vnio igitur animæ ad corpus, est præter naturam: homo igitur qui ex utroque componitur, est quid innaturale. quod patet esse falsum.

5 Præterea substantiæ intellectuales altioris ordinis sunt quam corpora cœlestia: in corporibus autem cœlestibus nihil inuenitur violentum, neque contra naturam: multo igitur minus in substantiis intellectualibus. Si autem naturaliter animæ sunt corporibus vnitæ: naturaliter igitur animæ in sui creatione appetierunt corporibus vniri. appetitus autem naturalis statim prodit in actum, nisi sit aliquid impediens: sicut patet in motu grauium & leuium. natura enim semper vno modo operatur. statim ergo à principio suæ creationis fuissent corporibus vnitæ nisi esset aliquid impediens, sed omne impediens executionem naturalis appetitus, est violentiam inferens. Per violentiam igitur fuit quod animæ essent aliquo tempore à corporibus separatæ. quod est inconueniens: tum quia in illis substantiis non potest esse aliquid violentum, ut supra ostensum est: tum quia violentum, & quod est contra naturam, cum sit per accidens, non potest esse prius eo quod est secundum naturam: neque totam speciem consequens.

6 Præterea cum vnumquodque naturaliter appetat suam perfectionem: materiæ est appetere formam, & non e converso: anima autem comparatur ad corpus sicut forma ad materiam, ut supra ostensum est, non igitur vnio animæ ad corpus fit per appetitum animæ, sed magis per appetitum corporis. Si autem dicatur quod vtrumque est animæ naturale, scilicet vniri corpori, & esse à corpore separatam pro diuersis temporibus: hoc videtur esse impossibile: quia ea quæ naturaliter variantur circa subiectum, sunt accidentia: sicut iuuentus & senectus. Si igitur vniri corpori, & separari à corpore, naturaliter circa animam varietur: erit accidens animæ, corpori vniri: & sic ex hac vnione homo constitutus non erit ens per se, sed per accidens.

7 Præterea, omne illud cui accidit alteritas aliqua secundum diuersitatem temporum, est subiectum cœlesti motui: quem sequitur totus temporis cursus. substantiæ autem intellectuales & incorporeæ (inter quas sunt animæ separatæ)



rata) excedunt totum ordinem corporis: unde non possunt esse subiecta celestibus motibus, impossibile est igitur quod secundum diuersa tempora naturaliter vniantur quandoque, & separentur quandoque: vel naturaliter nunc hoc, nunc illud appetant. Si autem dicatur quod neque per violentiam, neque per naturam corporibus vniantur, sed spontanea voluntate: hoc esse non potest. nullus enim vult in statum peiorem venire, nisi deceptus: anima autem separata est aliois status quam corpori vnita: & precipue secundum Platonicos, qui dicunt quod ex vnione corporis patitur obliuionem eorum quae prius sciuit, & retardatur a contemplatione pura veritatis: non igitur volens corpori vniri: nisi decepta. deceptionis autem nulla in eo causa potest existere, cum ponatur secundum eos scientiam omnium habere: Nec posset dici quod iudiciu ex vniuersali causa procedens in particulari eligibili subuertatur propter passionem, sicut accidit in continetibus: quia passionem huiusmodi non sunt absque corporali transmutatione, unde non possunt esse in anima separata. Relinquitur igitur quod anima si fuisset ante corpus, non vniatur corpori propria voluntate.

3 Præterea, non omnis effectus procedens ex concursu duarum voluntatum adinuicem non ordinarum, est effectus casualis, sicut patet cum aliquis intendens emere, obuiat in foro creditori illuc non ex conducto venienti: voluntas autem patris generantis ex qua dependet generatio corporis, non habet ordinem cum voluntate animae separatae vniri volentis: cum igitur absque vtraque voluntate vnio corporis & animae fieri non possit, sequitur quod sit casualis: & ita generatio hominis non est a natura, sed a casu: quod patet esse falsum, quum sit vt in pluribus. Si autem rursus dicatur quod nec ex natura, nec ex propria voluntate anima corpori vnitur, sed ex diuina ordinatione: hoc etiam non videtur conueniens si animae ante corpora fuerunt creatae: vnumquodque enim Deus instituit secundum conuenientem modum suae naturae: unde & Genesios primo de singulis creatis, dicitur, Videns Deus quod esset bonum, & simul de omnibus. Videns cuncta quae fecerat, & erant valde bona. Si igitur animas creauit a corporibus separatas, oportet dicere quod hic modus essendi sit conuenientior naturae earum: non est autem ad ordinationem diuinæ bonitatis pertinet, res ad inferiorem statum reducere, sed magis ad meliorem promouere: non igitur ex diuina ordinatione factum fuisset quod anima corpori vniretur. Præterea non pertinet ad ordinem diuinæ sapientiae, quum superiorum detrimento ea quae sunt infima nobilitate: infima autem in rerum ordine sunt corpora generabilia & corruptibilia: non igitur fuisset conueniens ordini diuinæ sapientiae ad notabilandum humana corpora animas præexistentes eis vnire, cum hoc sine detrimento earum esse non possit, vt ex dictis patet. Hoc autem Origenes considerans, quum poneret animas humanas a principio fuisse creatas, dixit quod ordinatione diuina animae corporibus sunt vnitæ, sed in earum poenam: nam ante corpora eas peccasse existimauit: & pro quantitate peccati corporibus nobilioribus vel minus nobilibus eas vnitas esse: quasi quibusdam carceribus inclusas. Sed hæc positio stare non potest. Poena enim bono naturae aduersatur, & ex hoc dicitur mala: si igitur vnio animae & corporis est quoddam poenale, non est bonum naturae: quod est impossibile, est enim intem per naturam, nam ad hoc naturalis generatio terminatur, & iterum sequeretur quod esse hominem non esset bonum secundum naturam: cum tamen Gene. primo dicatur post hominis creationem, Vidit Deus cuncta quae fecerat, & erant valde bona.

2 Præterea, ex malo non provenit bonum, nisi per accidens, si igitur propter peccatum animae separatæ hoc constitutum est, quod anima corpori vniantur: cum hoc sit quoddam bonum, per accidens erit: casuale igitur fuit quod homo fieret, quod derogat diuinæ sapientiae, de qua dicitur Sapientia 11. quod omnia in numero, pondere & men-

sura instituit.

3 Adhuc autem & hoc repugnat apostolicæ doctrinae manifeste: dicitur enim Romanorum nono de Iacob & Esau, quod cum nondum nati essent, aut aliquid boni aut mali egissent, dictum est quod maior seruiet minori. non igitur antequam hoc verbu diceretur, aliquid eorum animae peccauerant: cum tamen hoc post eorum conceptionem dictum fuerit, vt patet Genesis vigesimo quinto. \* Sūt autem supra cum de distinctione rerum ageretur, plura contra Origenis positionem inducta, quae etiam hic possent assumi: & ideo eis prætermisiss ad alia transeundum est.

\* Cap. 4.

4 Item necesse est dicere quod anima humana aut indigeat sensibus, aut nō. Videtur autē manifeste per id quod experimur, quod indigeat sensibus. quia qui caret sensu aliquo, non habet scientiam de sensibilibus quae cognoscuntur per sensum illum: sicut cæcus natus nullam scientiam habet, nec aliquid intelligit de coloribus. Et præterea si non sunt necessarij humanæ animae sensus ad intelligendum, non inueniretur in homine aliquis ordo sensitiuæ & intellectiuae cognitionis: cuius contrarium experimur, nam ex sensibus fiunt in nobis memoriae, ex quibus experimenta de rebus accepimus: per quae ad comprehendendum vniuersalia scientiarum & artium principia peruenimus. si ergo anima humana ad intelligendum sensibus indiget, naturae autem nulli deficit in necessariis ad propriam operationem explendam: sicut animalibus habentibus animam sensitiuam & motiuam dat conuenientia organa sensus & motus: non fuisset anima humana sine necessariis ad ministrandis sensuum instituta: sensus autē non operantur sine organis corporeis, vt ex dictis patet. non igitur fuit instituta anima sine corporeis organis. Si autē anima humana non indiget sensibus ad intelligendum, & propter hoc dicitur absque corpore fuisse creata: oportet dici quod antequam corpori vniretur, omnium scientiarum veritates intelligebat per seipsam: quod Platonici concesserunt, dicentes Ideas quae sunt formae rerum intelligibiles separatæ, secundum Platonis sententiā, causam scientiae esse: unde anima separata cum nullum impedimentum adesset, plenarie omnium scientiarum cognitionem accipiebat. oportet igitur dicere, quod dum corpori vnitur, cum inueniatur ignorans, obliuionem præhabita scientiae patitur: quod etiam Platonici confitentur, huius rei signū esse dicentes quod quilibet quantumcunque ignoret, ordinatē interrogatus de his quae in scientiis traduntur, veritatem respondet: sicut cum aliquis iam oblito aliquorum quae prius sciuit, seriatim proponit ea quae prius fuerat oblitus, in eorum memoriam ipsum reducit. ex quo etiā sequebatur quod addiscere non esset aliud quam reminisci.

Plato in Timaeo.

Plato in Menone.

Sic igitur ex hac positione de necessitate concluditur quod vnio corporis & animae præstet intelligentiae animae impedimentum. Nulli autem rei natura adiungit aliquid per quod sua operatio impediatur: sed magis ea per quae fiat conuenientior. non igitur erit vnio corporis & animae naturalis, & sic homo non erit res naturalis, nec eius generatio naturalis: quae patent esse falsa.

5 Præterea vltimus finis rei cuiuslibet est id ad quod res peruenire nititur per suas operationes, sed per omnes proprias ordinatas operationes & rectas homo peruenire nititur in veritatis contemplationem, nam operationes virtutum actiuarum sunt quaedam preparationes & dispositiones ad virtutes contemplativas. finis igitur hominis est peruenire ad veritatis contemplationem. propter hoc igitur anima est vnita corpori: quod est esse hominem. nō igitur per hoc quod vnitur corpori, scientiam habitam perdit: sed magis ei vnitur vt scientiam acquirat.

6 Item si aliquis scientiarum ignarus, de his quae ad scientias pertinent interrogetur, non respondet veritatem nisi de vniuersalibus principiis quae nullus ignorat, sed sunt ab omnibus eodem modo & naturaliter cognita: postmodum autem ordinatē interrogatus respondet veritatem de his quae sunt propinqua principiis, habito respectu ad principia:



pia: & si deinceps quousque veritatem primorum principiorum ad ea de quibus interrogatur applicare potest. Ex hoc igitur manifeste apparet quod per principia prima, in eo qui interrogatur, causatur cognitio de nouo: non igitur prius habitæ notitiæ reminiscitur.

7 Præterea, si ita esset animæ naturalis cognitio conclusionum sicut principiorum, eadem esset scientia apud omnes de conclusionibus sicut de principiis: quia quæ sunt naturalia, sunt eadem apud omnes. Non est autem eadem scientia apud omnes de conclusionibus, sed solum de principiis. patet igitur quod cognitio principiorum est nobis naturalis: non autem conclusionum. quod autem non est naturale nobis, acquirimus per id quod est naturale: sicut etiam in exterioribus per manus instituimus omnia artificialia: non ergo conclusionum scientia est in nobis nisi ex principiis acquisita.

8 Adhuc, cum natura semper ordinetur ad vnum, vnius virtutis oportebit esse naturaliter vnū obiectum: sicut visus colorem, & auditus sonum. Intellectus igitur cum sit vna vis, est eius vnum naturale obiectum, cuius per se & naturaliter cognitionem habet. Hoc autem oportet esse id sub quo comprehenduntur omnia ab intellectu cognita: sicut sub colore comprehenduntur omnes colores qui sunt per se visibiles: quod non est aliud quam ens naturaliter. Igitur intellectus noster cognoscit ens, & ea quæ sunt per se entis in quantum huiusmodi: in qua cognitione fundatur primorum principiorum notitia: vt non esse simul affirmare & negare, & alia huiusmodi: hæc igitur sola principia intellectus noster naturaliter cognoscit: conclusiones autem per ipsas: sicut per colorem cognoscit visus omnia sensibilia tam communia quam sensibilia per accidens.

9 Præterea id quod per sensum in nobis acquiritur, non infuit animæ ante corpus: sed ipsorum principiorum cognitio in nobis ex sensibilibus causatur. nisi enim aliquod totum sensu percepissemus, non possemus intelligere quod rotū esset maius parte: sicut nec cæcus natus aliquid percipit de coloribus: ergo nec ipsorum principiorum cognitio affuit animæ ante corpus: multo igitur minus aliorum. non igitur firma est Platonis ratio, quod anima fuit antequam vniretur corpori.

10 Item si omnes animæ præextiterunt corporibus quibus vniuntur, consequens videtur quod eadem anima secundum vicissitudinem temporum diuersis corporibus vniatur: quod quidem aperte consequitur, ponentes æternitatem mundi. si enim generatio hominum est sempiterna, oportet infinita corpora humana generari & corrumpi secundum totum corporis decursum: aut ergo oportebit dicere animas præextitisse actu infinitas, si singulæ animæ singulis corporibus vniuntur: aut oportebit dicere si animæ sunt finitæ, quod eadem vniantur nunc his nunc illis corporibus.

11 Idem autem videtur sequi si ponantur animæ præfuisse corporibus: & quum hæc generatio non sit æterna, etsi enim ponatur humana generatio non semper fuisse, tamē nulli dubium est quin secundum naturam in infinitū possit durare. sic enim est vnusquisque naturaliter institutus, nisi per accidens impediatur, vt sicut est ab alio generatus, ita possit alium generare. hoc autem est etiam impossibile, si animabus existentibus finitis, vnā pluribus corporibus vniiri non possit: vnde & plures ponētium animas ante corpora, ponunt transitum animæ de corpore in corpus. hoc autem est impossibile: non igitur animæ ante corpora præextiterunt.

Quod autem sit impossibile vnā animā diuersis corporibus vniiri, sic patet. animæ enim humanæ non differunt specie ab inuicem, sed numero solo: alioquin & homines specie different. differentia autem secundum numerum, inest secundum principia materialia: oportet igitur diuersitatem animarum humanarum secundum aliquid materiale sumi: non autē ita quod ipse animæ sit materia pars, ostensum enim supra \* quod est substantia intellectualis, & quod nulla talis substantia materiam habet. Relinquitur ergo quod secundum ordinem ad diuersas materias, quibus animæ vniuntur, diuersitas & pluralitas animarū sumatur: eo modo quo supra dictum est. Si igitur sunt diuersa corpora, necesse est quod habeant diuersas animas sibi vnitas: non igitur vna pluribus vnitur.

tur ergo quod secundum ordinem ad diuersas materias, quibus animæ vniuntur, diuersitas & pluralitas animarū sumatur: eo modo quo supra dictum est. Si igitur sunt diuersa corpora, necesse est quod habeant diuersas animas sibi vnitas: non igitur vna pluribus vnitur.

2 Adhuc ostensum est supra, animā vniiri corpori vt formam: formas autem oportet esse propriis materiis proportionatas: cum se habeant adinuicem sicut potentia & actus, proprius autem actus propriæ potentiæ respondet: non ergo vna anima pluribus corporibus vnitur.

3 Amplius virtutē motoris oportet esse suo mobili proportionatam. non enim quæcunque virtus mouet quodcunque mobile: anima autem etsi non sit forma corporis, non tamen potest dici quod non sit motor ipse: animatum autem ab animato distinguimus sensu & motu: oportet igitur secundum diuersitatem corporum esse diuersitatem animarum.

4 Item in his quæ generantur & corrumpuntur, impossibile per generationem reiterari idem numero. cum enim generatio & corruptio sit motus in substantiā in his quæ generantur & corrumpuntur, non manet substantia eadē sicut manet in his quæ secundum locū mouentur. sed si vna anima diuersis corporibus generatis vnitur successiue, reddibit idē numero homo per generationem: quod secundum Platonē de necessitate sequitur, qui dixit hominem esse animam corpore indutam. Sequitur etiā & in aliis quibuscunque: quia cum vnitas rei sequatur formam sicut & esse: oportet quod illa sint idem numero, quorum est forma numero vna. non igitur est possibile vnā animā diuersis corporibus vniiri: ex quo etiam sequitur quod nec animæ fuerunt ante corpora. Huic autem veritati catholicæ fidei sententia concordat. Dicitur enim in Psal. 32. Qui finxit figillatim corda eorum, quia scilicet vnique seorsum propriē deus animam fecit: non autem simul omnes creauit, nec vnā diuersis corporibus adiunxit. Hic etiam in libro de ecclesiasticis dogmatibus dicitur: Animas hominum dicimus non esse ab initio inter ceteras intellectuales naturas, nec simul creatas: sicut origenes finxit.

Super cap. 83.



OSTQVAM determinauit sanctus Thomas deduratione animæ postquam est vnita corpori, consequenter determinat de eius duratione quārum ad sui productionem. Circa hoc autem tria facit. Primum enim adducit argumenta probantia ipsam semper fuisse, & non habuisse principium suæ durationis. Secundum ostendit ipsam non fuisse ante corpus. Tertium argumenta in oppositum soluit cap. sequent. Quātum ad primum, ponit quatuor rationes propter quas ponentes animas humanas in sui multitudine esse immortales (vt Platonē) dixerunt ipsas ab æterno esse & vicissitudine quadam vniiri corporibus, & ab ipsis absolui, id quod etiam Manichæi sunt secuti, ponentes verō ipsas esse immortales secundum aliquid vnum, illud vnum dixerunt esse ab æterno, siue sit intellectus agens, vt posuit Alexander siue intellectus possibilis, vt Auerrois voluit, & videntur quædam Aristotelis verba sonare dum dicit ipsam esse perpetuam. Quidam verō, vt Origenes, posuerunt ipsas ante mundum visibiles creatas esse, & tamen eas de nouo corporibus alligari, non tamen æternas esse. Prima ratio est, quia quod nunquā desinet esse, nunquā incipit esse, anima autem humana nunquā desinet esse. Secunda, quia ex incorruptibilitate veritatis intelligibilis ostēditur anima esse incorruptibilis, idē etiam ex eius æternitate potest animæ æternitas probari. Tertia est, quia vniuerso plures partes principales de essent, & plures ei quotidie adderentur, & sic vniuersum esset imperfectum. Quarta, quia dicitur Gen. primo, quod die septimo compleuit Deus opus suū quod fecerat, & requieuit ab omni opere quod patrarat. Quātum ad secundum, cum in superioribus ostensum sit non esse vnum intellectū possibilem aut agentem omnium, ostendit sanctus Thom. animas ante corpora siue ab æterno, siue à mundi constitutione non extitisse. Et arguit primò sic: Anima est actus corporis: ergo non præcedit ipsum duratione. probatur consequentia, quia in vno & eodem actus est posterior potentia & duratione.

Ad hanc rationē posset dici, quod vtique probat corpus precedere duratione animæ vniōem ad corpus, non autem præcedere simpliciter. Sed ista responsio non satisfacit argumēto, quia in vno & eodem dicitur actus esse posterior potentia iam aqualiter præparata ad actum, eo quod actus sit terminus generationis. terminum autem generationis & motus oportet esse posteriorē duratione, & ipso motu & potētia quæ præparatur ad actū. Et sic oportet non solum ipsum posteriūs vniiri materiæ, sed etiā posteriūs esse. Dicitur adhuc fortassis, quod vera sunt hæc de actu per generationē, sed per creationē, quomodo dicunt sectatores Origenis, & Plato, animas productas esse. Sed contra, quia si forma quæ est per creationem, non est posterior potentia & generatione ad compositum ordinatā, tunc generatio homi-

Author. sac. scrip.

3. to. August. cap. 14.



tio hominis non esset naturalis. licet enim homo generaret corpus, tamē nullo modo operaretur ad esse illius actus quo homo, neque inquam principaliter producendo ipsam, nec disponēdo materiā in qua esse accipiat, quia iam habet esse: hoc autem est maximum inconueniens. ergo, &c.

Secundō, prius attribuitur vnicuique, quod est secundū naturam, quā quod continet ei prater naturam. ergo animā prius conuenit esse vniti corpori, quā esse à corpore separatam. ergo, &c. patet antecedens, quia illud conuenit rei per accidens, hoc verō conuenit per se. consequentia verō probatur, quia vnicuique formā est naturale propriā materiā vniri, alioquin constitutum ex illis esset prater naturam. Tertiō, Anima separata à suo toto est imperfecta. ergo non conuenit naturali ordini, quod prius fuerit producta à corpore separatā. probatur antecedens, quia omnis pars à suo toto separata, est imperfecta: anima autem est pars speciei humanæ, vt eius forma. consequentia etiam probatur, quia perfectū est prius imperfecto in rerum naturalium ordine.

ADVERTE, quod licet secundū ordinem generationis imperfectum sit prius perfectio, ob solutē tamen perfectum est prius imperfecto, tanquam educens ipsum ad perfectionem. idē inquit sanct. Thom. quod in rerum naturalium ordine perfectum est prius imperfecto, quia videlicet ordo naturæ absolute est ordo perfectionis, in quo perfectum præcedit imperfectum.

Quartō. Illo dato, quæritur an animæ sint vnitæ corporibus violentē, an per naturam. Non violentē, tum quia talis vnio esset prater naturam: & sic homo qui ex vtroque componitur, esset ens innaturale: tum quia in substantiis immaterialibus, nihil inuenitur violentum, aut contra naturam, cum sint altioris ordinis quā corpora cælestia, in quibus nihil inuenitur contra naturam. Non etiam secundū, propter duo. Primō, quia tunc per violentiam esset aliquo tempore separatæ, quod est inconueniens, tum quia in spiritualibus nihil est violentum, tum quia violentum non potest esse prius eo quod est secundū naturā, cum sit per accidens. probatur consequentia, quia si naturaliter vniuntur: ergo appetierunt in sui creatione vniri. ergo quod non fuerint à principio vnitæ, fuit ex aliquo impedimento, quia appetitus naturalis statim prodit in actum, nisi sit aliquod impedimentum. omne autem impediens executionem naturalis appetitus, est violentiam inferens. Secundō, quia vnio animæ ad corpus non fit propter appetitum animæ, sed propter appetitum corporis, quia materiæ est appetere formam, cum vnumquodque appetat suam perfectionem: non autem econuerso. Dicitur fortē primō, quod animæ & vniri corpori, & esse separatæ, est naturale pro diuersis temporibus. Sed quod hoc sit impossibile, probatur, tum quia esset accidens animæ vniri corpori & sic homo esset ens per accidens, patet sequela. quia ea quæ naturaliter variantur circa subiectum, sunt accidentia, sicut iuuentus & senectus, tū quia substantiæ intelligibiles non subduntur cælestibus motibus, cum excedant totum ordinem corporis. omne autem cui accidit alteritas aliqua secundum diuersitatem temporum, est subiectum cælesti motui. Dicitur fortassis secundō, quod neque per materiam, neque per violentiam corporibus vniuntur, sed propria voluntate. Sed contra hoc arguitur, tum quia hoc non posset esse, nisi deciperentur, cum sit anima altioris status separatā quā vnita, maxime secundū Platonicos ponentes ipsam ex vnione corporis pati obliuionem, & à contemplatione veritatis retardari. nullus enim veller in peiorem statum venire, nisi deceptus, quod vtrique animæ conuenire non potest, cum nulla in ipsa sit deceptionis causa, maxime secundū ipsos ponentes eam scientiam omnium habere, & non esse in ipsa passionibus quibus in particulari eligibili possit iudicium peruertere: tum quia generatio hominis esset à casu, cum secundū hanc resur-rectionem procedat à voluntate patris generantis, & à voluntate animæ vniri volentis non habentibus inter se ordinem: effectus autem ex conuersu duarum voluntatum adinuicem non ordinatarum procedens sit effectus casualis. Dicitur fortē tertiō, quod ex diuina ordinatione anima vniuntur corpori, non autem modis dictis. Sed nec hoc videtur conueniens si animæ fuerunt ante corpora creatæ, tum quia non pertinet ad ordinationem diuinā bonitatis res ad inferiorem statum reducere: reducerentur autem per hoc, quia si creauit eas Deus separatæ, hic modus offendi esset conuenientior naturis earum, cum fecerit Deus omnia valde bona. Genesim primo: tum quia detrimento ipsarū Deus corpora nobilitasset. nō pertinet autem ad ordinem diuinæ sapientie, cum superiorum detrimento infima nobilitare. Si dicatur (vt Origenes dixit) quod ordinatione quidē diuina corporibus sunt vnitæ, sed in earum pœnam, quia ante corpora peccauerunt, & idē pro quantitate peccati corporibus nobilioribus vel minus nobilibus sunt vnitæ. Hoc stare non potest, tum quia esse hominem non esset bonum secundū naturam, cum tamen post hominis creationem dicatur Gene. primo. Vidit Deus cuncta quæ fecerant, & erant valde bona. patet sequela, quia pœna bono naturæ aduersatur: & sic si vnio animæ & corporis est quoddam pœnale, non est bonum naturæ: tū quia casuale fuisset quod homo fieret, ex malo enim non prouenit bonū, nisi per accidens. tum quia post cōceptionem Iacob & Esau (vt patet Gen. vigesimo quinto) dictum est de ipsis, vt haberet Romanorum nono, quod cum nondum nati essent, aut aliquid boni vel mali egissent, dictum est quod maior seruiret minori, ex quo habetur quod ante vnionem ad corpora animæ eorum non peccauerunt. Contra hanc Origenis opinionem plura etiam in hoc secundo libro capite 44. sunt inducta.

Sed multa contra quartam rationem immediatē adductam insurgunt dubia. Circa secundam enim rationem qua arguitur animam separatam non naturaliter appetere vniri materiæ, quia est forma corporis, materiæ autem est appetere formam, & non econuerso, dubitatur propter duo. Primō per propositionem ibidem assumptam. Vnumquodque appetit suam perfectionem, sed vniri corpori, est perfectio animæ: cum separatā à corpore sit à suo toto separatā & imperfecta, vt dicitur in tertia ratione principali: vnita autem corpori sit in suo toto, ergo anima appetit naturaliter vniri corpori, & non tantum corpus appetit vniri animæ. Secundō, quia materiæ est propter formam, non autem econuerso. ergo materiæ requiritur propter inclinationem & naturam formæ, non autem forma propter inclinationem materiæ. Confirmatur, quia sanct. Thom. prima q. 89. artic. primo, tenet, quod anima vniuntur corpori propter melius ipsius animæ.

CIRCA rationes quoque contra primam responsionem, dubitatur.

Videntur enim concludere etiam contra ponentes animam remanere post corpus, si efficaces sunt contra Origenem ponentem ipsam vnionem ad corpus præcedere. Arguitur enim similiter, quod non est naturale animæ remanere post corpus, quod tamen est falsum, cum corruptio hominis sit naturalis, & per consequens separatio animæ à corpore. Arguetur enim sic. Ea quæ naturaliter variantur circa subiectum, sunt accidentia. si igitur vniri corpori, & remanere separatam à corpore, est naturale animæ: vniri corpori erit accidens animæ. hoc autem est falsum. ergo non erit naturale animæ remanere post corpus.

Similiter sequetur (vt ibi in secunda ratione arguebatur) animam subiectam esse cælesti motui propter illam alternationem vnionis in principio, & separationis post mortem.

CIRCA secundam rationem contra secundam responsionem dubitatur, quia sicut ex eo quod voluntariē anima vniuntur corpori, sequitur vnionem animæ & corporis casualem esse, propter concursum voluntatū non ordinatarum adinuicem, ita secundū positionem nostram qua ponimus animam creati, & dum creatur, simul vniri corpori, idē sequi videtur. Nam Deus voluntariē animam creat, & voluntariē vniri corpori: & voluntas Dei cum voluntate hominis generantis non videtur aliquē habere ordinem necessarium, vt scilicet cum homovult generare, de necessitate Deus animam creet infundatque corpori ex voluntate hominis generato, ergo &c.

AD EVIDENTIAM primi dubij duo sunt attendenda. Primum est quod ponentes animas ante corpora creatas esse, dixerunt eas esse naturas completas & perfectas, & quod corpus adiuuaret eis per accidens, veluti carceri ipsarum. hoc enim recitat sanctus Thom. de Potentia, quæstione tertia, articulo decimo, & de Anima, articulo secundo, ad decimum quartum. Secundum est, quod animam perfici in vnione ad corpus dupliciter intelligi potest. Vno modo, quod ipsum corpus secundū se sumptum sit animæ vnitiæ perfectio quædam. Alio modo, quod ex vnione animæ ad corpus anima accipiat quandam perfectionem quam separatā non habet. Et similiter animam naturaliter inclinari ad vnionem cum corpore, potest dupliciter intelligi, aut quia inclinatur ad ipsum corpus secundū se, aut quia inclinatur ad aliquid quod ex vnione ad corpus consequitur. Si primo modo accipiat, sic non est verum quod anima perficiatur in vnione ad corpus. Comparatur enim corpus ad animam sicut materiā ad formam: materiā autem secundū se non est perfectio formæ, sed econtrario forma est secundū se perfectio materiæ: vnde nec ad ipsum corpus propter seipsum inclinatur. Si autem accipiat secundū modo, aliter dicendum est si ponamus animam secundū se esse naturam completam in specie, & aliter si ponamus ipsam secundū se non habere complementum speciei, sed esse partem essentialem naturæ humanæ. Nam si sit natura cōpleta, per vnionē ad corpus anima perfectionē essentialem aut naturalem nō recipit, quia omnis perfectio naturalis sibi secundū se ipsam conuenit, sicut & omni naturæ specificæ omnis eius naturalis perfectio conuenit secundū se, non autem per aliquid extrinsecum. Si autem sit natura imperfecta, quæ sit pars speciei humanæ, sic dicere oportet ipsam accipere aliquam ex vnione ad corpus perfectionem: quia ex eo quod vnitur corpori accipit complementum suæ speciei, dum est actualiter pars naturæ humanæ, quod sibi à corpore separatē non conuenit. Vnde falsum est quod inquit Scotus in Quarto, distinctione quadragésima quinta, quæstione secunda, animam vniri corpori nō propter bonum proprium, aut materiæ, sed tantum propter bonum compositi. Forma enim subsistens non dependensque à materiā, non conuenienter poneretur vniri materiæ, nisi ex tali vnione aliquod bonum proprium consequeretur. Ad dubium ergo dicitur, quod ratio sancti Thomæ est ad hominem. Supponit enim secundū positionem aduersariorum animā esse quid completum in specie, & secundū veritatem ipsam esse corporis formam, vt superius est probatum: ex quibus arguitur ipsam non appetere naturaliter vnionem ad corpus. Arguitur enim sic: Si anima naturaliter appetit vniri corpori, hoc non potest esse, quia ex vnione ad corpus aliquam perfectionem naturalem accipiat quam naturaliter appetat, quia secundū ipsos anima est natura completa in specie secundū se: erit ergo, quia appetit ipsum corpus secundū se, tãquam videlicet ipsam sit eius perfectio: sed hoc esse non potest, quia forma non appetit materiā secundū se, sed magis econtrario materiā appetit formam, cum forma sit perfectio materiæ, non autem materiā formæ. ergo vnio ista non fiet per naturalem animæ appetitum, sed per appetitum corporis appetentis animam tanquam suam perfectionem. Vnde prima obiectio adducta procedit secundū veram positionem quam tenemus animam esse in se incompletam, & verum concludit, secundū autem illorum positionem contra quos arguit sanctus Thomas non concludit, quia non potest saluari secundū illos quod vniri corpori sit animæ perfectio, vt patuit. Ad secundum similiter dicitur, quod si ponatur forma non esse completa in specie secundū se, vt nos secundū veritatem ponimus, materiā erit propter formam, & propter inclinationem formæ. ideo enim materiā est talis, quia forma inclinatur ad talem speciem requirentem talem materiā, & sic inclinatur ad vnionem cum tali materiā, non propter ipsam materiā, sed vt sic suæ speciei complementum accipiat. Et sic ratio verū concludit. Sed si ponatur forma esse completa in specie, vt illi posuerunt, non est verum quod materiā sit propter formam, sed econtrario forma est propter materiā, quia scilicet materiā ad sui perfectionem talem formam requirit, & forma vniuntur materiæ ad ipsam perficiendam & nobilitandam, & sic sequitur quod non vniatur forma materiæ propter naturalem appetitum ipsius formæ, vt dicebat responsio. Ad confirmationem similiter dicitur, quod illud dicit sanctus Thom. secundū veram de anima positionem, quia ponimus animam secundū se esse imperfectam, & par vnionem ad corpus accipere complementum suæ perfectionis: nō autem dicit illud secundū opinionem ponentium animam separatam esse completam in specie, ex cuius suppositione argumentatus est, non posse animam vniri corpori ex ipsius animæ naturali inclinatione, vt est ostensum. Dicitur ergo ad principale dubium, quod non inquit sanct. Thom. animam naturaliter non appetere vnionem ad corpus, quia sit forma corporis, tanquam verum sit ipsam non appetere vnionem, imō (vt est adductum) ipsæ oppositum tenet, sed arguit quod illud non potest esse si ponatur esse talis forma quæ secundū se sit completa in specie, vt



illi volebant contra quos argumentatur.

Ad euidenciam secundi dubij duo sunt notanda. Primum est, quod anima & est forma dans esse materiæ, in quo conuenit cum omni forma: & est forma rei corruptibilis, scilicet hominis, in quo cum aliis formis rerum corruptibilium conuenit: & est forma immaterialis & incorruptibilis, in quo substantiis separatis assimilatur: ideo tripliciter possumus dicere aliquid esse naturale animæ, aut videlicet in quantum est forma dans esse materiæ, aut in quantum est forma rei corruptibilis, aut in quantum est forma immaterialis & corruptibilis. Secundum est, quod in separatione animæ intellectus à corpore, duo sunt, scilicet ipsa separatio à corpore, & permanentia ipsius animæ post talem separationem: ideo de utroque horum quomodo sit animæ naturale, aut innaturale, videndum est. Si ergo consideretur anima in quantum secundum essentiam suam est forma absolutæ, sic vniri corpori, in principio sui esse, est sibi naturale, sicut & omni alij formæ. naturale est enim omni formæ accipere esse in suo susceptiuo, propter quod inquit Philosophus in 12. Metaphysicæ, quod formæ non sunt ante materias, separari autem à corpore, est sibi contra naturam, quia est contra naturalem inclinationem formæ separari à materia, cum ex tali separatione sequatur corruptio, quæ est contra naturalem inclinationem formæ. Cum enim forma sit principium essendi, corruptio quæ est via ad non esse, opponitur ei, vt inquit sanctus Thomas de Malo, questione quinta, articulo quinto. Vnde & Philosophus secundo de Cælo inquit, quod corruptio, senium, & omnis defectus sunt contra naturam particularem huius rei determinatæ per formam. Remanere verò post separationem à corpore, & post corruptionem corporis, accidit sibi in quantum est forma, vnde nec est sibi naturale, nec contra naturam, sed accidentale, sicut esse risibile accidit animali. Si autem consideretur vt est forma rei & naturæ corruptibilis, sic etiam vniri corpori, in principio sui esse est sibi naturale: quia corruptibilitas naturæ materialis non tollit naturalem inclinationem suæ formæ, in quantum est forma: naturalis autem inclinatio formæ, vt diximus, est ad vniorem cum suo susceptiuo, & cum suo toto in principio sui esse, cum ibi sua perfectio consistat. Separari autem à corpore, est sibi contra naturam, quia quantumcunque homo sit naturaliter corruptibilis, corruptibilitas tamen non conuenit sibi ratione formæ, sicut nec alii rebus, sed tanquam ratione materiæ quæ ex contrariis est composita. Nam cum forma quælibet, rei etiam corruptibilis, inclinatur naturaliter ad vniorem cum tali materia ad quam sequitur corruptibilitas, oppositum scilicet separatio à materia, est sibi contra naturam, ipsa sola natura formæ considerata: sicut quia graui esse in loco deorsum est secundum naturalem inclinationem, ideo remoueri à loco deorsum, est sibi secundum naturam & violentum: quia tamen est forma naturæ corruptibilis, non repugnat sibi per aliquod agens violenter separari, quod non conuenit formæ rei incorruptibilis. Illa enim non solum naturaliter vnitur materiæ, sed repugnat etiam sibi per aliquod agens creatum per violentiam separari. Sed manere & perseverare in suo esse post separationem, non autem in ipsa separationem interire, nec est sibi vt sic naturale, neque contra naturam, sed accidit sibi ex alia sui conditione. non est enim ex inclinatione aut contra inclinationem formæ rei corruptibilis vt sic, perseverare in suo esse post separationem sui à materia. Si tertio modo consideretur, in quantum scilicet est forma immaterialis & incorruptibilis, sic etiam naturale est sibi in principio sui vniri corpori, & separari à corpore est sibi contra naturam, quia immaterialitas & incorruptibilitas non tollit id quod est naturale aut repugnans formæ in quantum est forma, ab eo quod essentialiter est forma: & ideo cum anima sit essentialiter forma corruptibilis & immaterialis, incorruptibilitas non tollit ab ipsa id quod est naturale, aut repugnans formæ absolutæ, sicut homini in quantum animal rationale conuenit omne quod est essentialiter animalis absolutæ, & repugnat quicquid animalis repugnat, quia rationalitas non tollit rationem animalis, licet illam specificeet, quia enim esse sensibile est essentialiter animalis, esse verò insensibile repugnat animalis: ideo & animalis rationali conuenit sensibile, insensibile verò repugnat. Cum ergo formæ vt est forma, naturale sit vniri materiæ, & contra naturalem eius inclinationem sic ab ea separari, & animæ in quantum est forma immaterialis & incorruptibilis, naturale erit vniri corpori, contra naturam verò, ab ipso separari. Perseuerare autem in suo esse post corporis corruptionem, est sibi naturale. sicut enim, quia anima est essentialiter forma, quod est naturale formæ vt forma est, sibi naturaliter conuenit, ita quia est essentialiter incorruptibilis, sibi conuenit naturaliter quod est incorruptibili substantiæ naturale. hoc autem naturale est incorruptibile, in quantum est incorruptibile, vt non corrumpatur ad corruptionem eius in quo est, sed post eius corruptionem maneat in suo esse. ideo animæ in quantum incorruptibilis est, naturaliter conuenit perseverare in suo esse dum separatur à corpore, sicut formæ dependenti à materia naturale est in ipsa separationem deficere, in quantum est forma à materia secundum esse dependens, licet separari à materia sibi repugnet in quantum est forma. Sed licet sit naturale animæ supposito quod à corpore separetur, remanere à corpore separatæ absolute tamen loquendo habere esse separatam à corpore, est contra naturam animæ, quia esse vnitam corpori est sibi naturale. Nam si aliquid sit alicui formæ naturale tanquam eius naturalem consequens appetitum, oppositum erit contra eius naturam & inclinationem: sicut quia esse in loco deorsum, est secundum naturalem inclinationem grauis, ideo esse extra illum locum est sibi contra naturam. Nec est verum quod dicitur à quibusdam, quoniam esse separatam conuenit animæ secundum propriam naturam consideratam tantum præter naturam, non autem contra naturam. Nam præter naturam propriam alicuius dicitur, quod neque est secundum naturæ inclinationem, neque eius naturali inclinationi repugnat: constat autem quod esse separatam à corpore, est contra naturalem animæ inclinationem, cum ipsa naturaliter inclinatur ad esse vnitam. ideo sibi non tantum præter naturam conuenit, sed etiam contra naturam. Ad dubium ergo dicitur, quod ratio sancti Thomæ non est contraponentes animam remanere post corpus, quia non ponunt animam habere esse separatam à corpore naturaliter, vt dicit responsio quæ ibidem inquitur, quasi illud sibi secundum naturalem eius inclinationem absolute conueniat: modo dicunt illud animæ contra naturam conuenire, sicut graui contra naturam conuenit esse extra locum deorsum. Cum autem

probat quod conueniat sibi secundum naturam, quia corruptio hominis est naturalis: negatur consequentia, quia corruptio hominis non est naturalis propter naturalem appetitum animæ ad esse separatam, sed propter conditionem materiæ, vt inquit sanctus Thomas loco præallegato, & Prima. 2. questione octuagesima quinta, articulo quinto.

ATTENDENDVM autem, quod illa ratio sancti Thomæ non solum est contraponentes animam habere esse naturaliter ante corpus, & postmodum naturaliter vniri corpori, sed etiam contra Auic. & eius sequaces, dicentes quod & vniri corpori, & esse separatam à corpore, successiue naturaliter conuenit animæ. dicunt enim quod esse in corpore, naturale sibi est in principio, in fine verò naturale sibi est esse separatam, sicut duplex est modus naturalis viuendi hominis, scilicet in vtero in principio, deinde extra vterum. Per hanc enim rationem sancti Thomæ patet quod uterque modus essendi successiue non potest homini naturalis esse. Accipit enim tanquam vniuersaliter verum, quod ea quæ naturaliter variantur circa subiectum, manens scilicet idem secundum substantiam, sunt accidentia, & sic sequetur quod anima accidentaliter corpori vnatur: ex positione autem Auicennæ habetur quod esse vnitum corpori, & esse ab ea separatam, naturaliter variantur circa animam.

SEDE circa hanc determinationem occurrit dubium. Nam sancti Thomæ superius, vbi probat quod animæ non sunt vnitæ corporibus per violentiam, assumit hanc propositionem, quod in substantiis intellectualibus nihil inuenitur violentum, neque contra naturam. cum ergo anima intellectualis sit immaterialis, sequitur quod esse extra corpus non sit ibi contra naturam.

Confirmatur, quia sancti Thomæ de hac separationem Prima parte loquens, quæst. 99. articulo primo, inquit quod esse separatam à corpore, est animæ præter rationem suam naturæ: non autem inquit quod sit contra naturam.

Confirmatur secundo, quia ibidem eodem modo attribuit animæ esse separatam à corpore, & intelligere sine phantasmate: sed intelligere sine phantasmate dicitur inesse illi præter naturam & manifestum est quod sibi non conuenit contra naturam, ergo &c. Respondetur ad argumentum principale, quod loquitur sanctus Thomas de substantiis immaterialibus quæ sunt completæ in specie, quomodo dicebant Platonici animas esse substantias immateriales. in talibus enim nihil est contra naturam, anima autem non est quid completum in specie, sed est pars speciei humanæ: neque est simpliciter superioris ordinis quam corpora caelestia, cum sit pars naturæ materialis & corruptibilis, & ideo in ipsa potest inueniri aliquid contra naturam.

AD primam confirmationem dicitur, quod sanctus Thomas præter naturam accipit quandoque vt idem est quod contra naturam, quod patet ex tribus. Primo, quia hic in quarta ratione facit hanc consequentiam: Omne violentum est contra naturam. Si igitur vnio animæ ad corpus est violenta, ipsa est præter naturam. patet enim quod pro eodem accipit contra naturam, quod posuit in antecedente, & præter naturam, quod posuit in consequente.

Secundo, quia cum hic in secunda ratione principali velit esse separatam conuenire animæ præter naturam, inferius in quarto libro cap. 79. in prima ratione naturali ait, quod contra naturam animæ est sine corpore esse. Idem habetur Prima parte, questione 118. articulo 3. Tertiò, quia in Prima parte vbi allegatur, eodem modo vult conuenire animæ separatam esse à corpore, quo leui præter naturam conuenit esse extra proprium locum: constat autem quod sic est præter naturam leui esse extra proprium locum, quod est contra naturam eius, hoc est contra eius naturalem inclinationem, ergo, &c. Ad secundam confirmationem eodem modo dicitur, scilicet quod præter naturam accipit, vt idem est contra naturam. Cum autem dicitur quod constat intelligere absque phantasmate non conuenire animæ contra naturam. Respondetur, quod accipiendo contra naturam, vt idem id est quod contra naturalem inclinationem propriæ naturæ, non autem vt idem est quod repugnans essentiali & quidditati, quomodo irrationale esse, contra naturam hominis est: intelligere absque phantasmate est contra naturam animæ absolute consideratam, quia vt inquit ibidem sanctus Thomas, modus intelligendi per conuersionem ad phantasmata, est animæ naturalis, sicut & vniri corpori, & per consequens oppositus modus intelligendi erit contra naturalem animæ inclinationem, iuxta ea quæ superius dicta sunt. Dico tamen, quod supposita diuinctio animæ à corpore, & supposito quod anima habeat esse à corpore separata, ille modus intelligendi est sibi naturalis: sicut dictum est supra, quod supposita diuinctio animæ à corpore, naturale est sibi non corrumpi in tali separationem, sed retinere proprium esse etiam à corpore separatam, ita quod modus qui est contra naturam animæ absolute consideratæ, est sibi naturalis, vt stat sub esse à corpore separato. Et sic intelligendum est quod inquit sanctus Thomas Prima parte vbi supra, ad tertium, scilicet cognitionem animæ separatæ per species ex influentia diuini luminis participatæ esse naturale. Ad rationem contra secundam rationem aduersus eandem responsionem dicitur, quod substantia immaterialis completa in specie, vt dicebant illi animam esse substantiam immaterialem, non est subiecta celesti motui, quia omnino excedit totum ordinem temporis: sed substantia spiritualis quæ est pars speciei, vt nos de anima intellectualis dicimus, est subiecta motui quantum ad eius esse non simpliciter, sed vt variabiliter coniungitur corpori, quia vt sic non est supra totum ordinem corporum, sed pertinet aliquo modo ad ordinem generabilium & corruptibilium, in quantum est pars rei generabilis & corruptibilis. ideo ratio sancti Thomæ concludit contra Platonicos & Origenistas, non autem contraponentes animam esse partem hominis, & post eius mortem remanere. Ad tertium dubium dicitur, quod illud inconueniens non sequitur secundum positionem nostram, quia voluntas diuina habet cum voluntate hominis generantis ordinem quandam, secundum diuinam dispositionem. Sicut enim Deus ordinat agentia inferiora ad introducendum formam in materiam dispositam non impeditam, ita disposuit se creaturam animam intellectualem quandoque per hominem generantem fuerit materia disposita ad susceptionem talis formæ: voluntas autem hominis generantis ex positione illorum nullum ordinem habet cum voluntate animæ separatæ: ideo ad illorum positionem sequitur tale inconueniens, scilicet quod vnio animæ & corporis sit casualis: non autem ad nostram positionem.

ADVERTE

Tex. com. 16.

Tex. com. 37.



ADVERTE autem responsionibus ad hoc quartum argumentum, quod contra quasdam arguendo dicit illas stare non posse, quia illas simpliciter ipse putabat impossibiles. Contra autem tertiam instando, illam non convenientem videri ait, quia non est apud ipsum impossibile animas esse à Deo ante corpora creatas, licet illud pro inconuenienti habeat. Quinto principaliter arguitur, Aut anima indiget sensibus, aut non: si indiget, ut manifeste videtur, tum quia qui caret vno sensu, non habet scientiam de sensibilibus illius sensus, tum quia non inueniretur in homine aliquis ordo sensitiuæ & intellectiue cognitionis, cuius contrarium experimur, cum ex sensibus fiant memoriz, ex memoriis fiant experimenta, ex quibus comprehenduntur vniuersalia principia scientiæ & artis, ergo non fuit instituta absque corporeis organis, quia sensus non operatur absque corporeis organis. natura autem nulli deficit in necessariis ad propriam operationem explendam. Si autem non indiget sensibus: ergo antequam corpori vniatur, omnium scientiarum veritates per seipsam intelligebat: ergo dum corpori vniatur, cum inueniatur ignorans, obliuionem præhabita scientiæ patitur, & consequenter addiscere non est aliud quam reminisci, ergo vno animæ & corporis præstat intelligentiæ animæ impedimentum. sed hæc omnia sunt inconuenientia, ergo, &c. Inconuenientia & incongruitas omnium istorum probatur. Et primò incongruentia vltimi consequentis, quia cum natura nulli rei aliquid adiungat per quod sua operatio impediat, non esset vno animæ & corporis naturalis, & per consequens neque homo. Secundo consequentis absurditas probatur, quo ad primam quidem partem, quia anima vniatur corpori ut perueniat ad veritatis contemplationem, & per consequens per talem vniionem habitam scientiam non perdit, sed magis vniatur ut scientiam acquirat, patet assumptum, quia hoc est finis hominis constituti per talem vniionem, cum per omnes proprias ordinatas operationes & rectas nitatur ad contemplationem veritatis peruenire. nam actiones virtutum actiuarum sunt præparationes & dispositiones ad virtutes contemplatiuas. Quod ad secundam verò partem, quia interrogatus scilicet absolute aliquis scientiarum ignarus de iis quæ ad scientias pertinent, non respondebit, nisi de vniuersalibus principiis ab omnibus naturaliter & eodem modo cognitis: interrogatus autem ordinate, respondebit veritatem de iis quæ sunt propinqua principiis habito respectu ad principia, & sic deinceps quousque veritatem primorum principiorum ad ea, de quibus interrogatur, potest applicare, ergo signum est quod per principia prima in ipso causatur cognitio de nouo, non autem prius habita reminiscitur.

ADVERTE fundamentum huius rationis esse, quod si is qui interrogatur (ut volebat Plato) non acquirit scientiam ex primis principiis, sed reducit in memoriam eorum quæ prius fuerat oblitus, ita responderet veritatem de conclusionibus inordinate interrogatus, sicut de primorum principiorum naturaliter cognitorum veritate responderet. ita enim anima antequam vniatur corpori, habebat notitiâ conclusionum, sicut principiorum primorum, secundum Platonis positionem. nunc autem videmus quod de primis principiis naturaliter notis veritatem responderet, non autem de aliis, nisi ordinate interrogatus secundum ordinem syllogisticum, & secundum quod ipsa principia illis de quibus interrogatur applicare potest. ergo signum est quod non de omnibus naturalem cognitionem habet sicut de primis principiis, sed eam ex deductione ab illis in seipso causat, ipsum eo qui interrogat excitante: & sic nostrum addiscere non est solum reminisci. Contra autem primum consequens scilicet quod anima antequam vniatur corpori omnium scientiarum veritates per seipsam intelligebat, arguitur tripliciter. Primò, Non est eadem scientia, id est, cognitio de conclusionibus apud omnes, sed solum de primis principiis, ergo cognitio conclusionum non est naturalis, sed tantum primorum principiorum, ergo scientia conclusionum non est in nobis nisi ex principiis acquisita, probatur prima consequentia, quia quæ sunt naturalia, sunt eadem apud omnes. Secunda etiam probatur, quia quod non est naturale nobis, acquiritur per id quod est naturale, sicut artificialia per manus instituiuntur.

Secundò, Intellectus habet vnum naturale obiectum per se & naturaliter cognitum, quod est ens: ergo sola prima principia naturaliter cognoscit, conclusiones autem per ipsam, probatur antecedens quo ad primam partem quidem, quia vnus virtutis est vnum obiectum naturaliter, quo ad secundam verò partem, quia sub ente comprehenduntur omnia ab intellectu cognita. consequentia autem probatur, tum ratione, quia in cognitione quæ intellectu cognoscit ens, & ea quæ sunt per se entis, in quantum huiusmodi fundatur primorum principiorum notitia, ut esse simul affirmare & negare, & huiusmodi: tum exemplo coloris per quem cognoscit visus omnia visibilia.

ADVERTENDVM, quod non pro eodem accipit sanctus Thomas obiectum naturale intellectus, & obiectum proportionatum & connaturale ipsius, quia (ut ipse alibi dicit) non ens, sed quidditas rei materialis est tale obiectum intellectus: sed obiectum naturale vocat obiectum adæquatum in quod naturaliter intellectus inclinatur, ut patet ex ipsius explanatione. inquit enim quod tale obiectum est id sub quo comprehenduntur omnia ab intellectu cognita, sicut sub colore comprehenduntur omnes colores qui sunt per se visibiles. constat autem quod ista est ratio obiecti adæquati.

ADVERTENDVM secundò, quod potentia habens aliquid pro obiecto adæquato, in illud obiectum duntaxat naturaliter fertur: in ea autem quæ sunt sub ipso contenta, secundum proprias earum rationes non fertur naturaliter, sed tantum in quantum saluatur in ipsis ratio obiecti adæquati, & per ipsum obiectum adæquatum in illa fertur, sicut visus naturaliter fertur in colorem, non autem naturaliter fertur in albedinem in quantum albedo est, sed in quantum est color. propter hoc ex eo quod intellectus naturaliter cognoscit ens tantum tanquam suum obiectum adæquatum & naturale, & ea quæ sunt per se entis in quantum huiusmodi, in qua cognitione fundatur primorum principiorum notitia. concludit quod sola principia prima naturaliter cognoscuntur sicut scilicet solum ens naturaliter cognoscitur. conclusiones autem ut sunt tales non naturaliter cognoscuntur, sed per ipsa prima principia, quemadmodum visus per colorem naturaliter cognitum omnia visibilia, tam

communiam quam per accidens cognoscit. Tertiò, ipsorum primorum cognitio ex sensibilibus in nobis causatur: ergo nec ipsorum cognitio affuit animæ ante corpus, ergo multominus aliorum cognitio. probatur antecedens, quia nisi aliquod totum sensu percipissemus, non possemus intelligere totum esse maius sua parte, sicut nec cæcus natus aliquid percipit de coloribus.

ATTENDENDVM, quod ea quæ hic dicuntur de principiis, scilicet quod eorum cognitio causatur ex sensibilibus, non contradicunt superioribus, in quibus dictum est eorum cognitionem esse naturalem, quia ut in præcedentibus declarauimus, habitus primorum principiorum non sic dicitur nobis naturalis esse quasi sit animæ congenitus, sed quia per argumentationem & deductionem ab ea non acquiritur, sed tantum lumine naturali intellectus agentis, suppositis sensibus à quibus terminorum cognitionem accipimus. Vnde talia principia & sunt nobis naturaliter nota, & ex sensibilibus eorum notitiam accipimus. Sextò principaliter arguitur, Si omnes animæ præxisterunt corporibus, necesse est ut eadem anima vicissitudine temporum diuersis corporibus vniatur, alioquin oportet ponere infinitas animas in actu tam secundum ponentes æternitatem mundi, quam secundum ponentes generationem non æternam quidem, sed tamen posse durare naturaliter in infinitum: hoc autem est impossibile, ergo, &c. probatur falsitas, tum quia oportet diuersitatem numeralem animarum (non enim specie distinguuntur, sicut nec homines) secundum ordinem ad diuersas materias sumere eo modo quo supra est ostensum. differentia enim secundum numerum inest secundum principia materialia, & sic diuersa corpora necesse est quod habeant diuersas animas sibi vnitas, tum quia anima vniatur corpori ut forma, formas autem oportet esse corporibus proportionatas, cum se habeant adinuicem ut actus & potentia: tum quia etiam si ponatur non esse forma corporis, non potest negari quin sit motor. virtutem autem motoris oportet suo mobili esse proportionatam, & sic oportet secundum diuersitatem mobiliū corporum ab anima, esse diuersitatem animarum. tum quia rediret naturaliter idem numero per generationem, siue ponatur secundum Platonem, hominem esse animam corpore indutam, siue ponatur animam esse formam hominis, non autem hominem. illa enim sunt vnum numero quorum forma est vna, cum vnitas rei sequatur formam, sicut & esse. hoc autem est impossibile, quia in his quæ generantur & corrumpuntur, non manet eadem substantia, sicut manet in iis quæ secundum locum mouentur.

ADVERTENDVM circa hoc vltimum dictum quod sanctus Thomas vult assignare rationem, quare non potest redire idem numero per generationem, ex opposito eius quod in motu locali inuenitur. quia enim dum aliquid mobile moueri cessat, manet substantia mobilis, potest vnum mouens idem mobile multoties mouere: in generatione autem & corruptione non manet eadem substantia, ut eadem substantia prius corrumpatur, postmodum generetur, sicut vnum mobile nunc vno motu mouetur, nunc alio, sed per corruptionem definit esse rei substantia: idem numero quod prius corruptum est, non potest noua generatione produci. non potest ergo idem quod per corruptionem definit esse, iterum per generationem produci tanquam idem secundum substantiam sub vtraque mutatione maneat.

SED circa hanc rationem multipliciter dubitatur. Primò circa id quod dicitur, quoniam oportet infinitas animas esse si non ponatur animarum transmutatio, etiam non posita generatione æterna à parte ante, sed tantum à parte post. Hoc enim non videtur verum. nam posita mundi æternitate à parte ante, præcesserunt infinitæ generationes & infiniti homines: idem necesse est præcessisse infinitas animas, & sic oportet dari infinitas animas in actu. sed posita generatione æterna à parte post, finita autem à parte ante, non sequitur hoc: quia omnes generationes à prima vsque ad hanc quæ vltimò producta est (oportet enim semper esse aliquam generationem vltimam) sunt finitæ, & per consequens nunquam sunt animæ actu infinitæ, licet possit numerus earum in infinitum augeri, sicut incipiens numerare ab vnitate, licet in infinitum procedere possit numerando, nunquam tamen totus numerus ab ipso acceptus erit infinitus. Secundò dubitatur circa rationem quæ ex proportionem motoris ad mobile, probatur non posse vnam animam pluribus corporibus vniari. dicerent enim Platonici, quod non inconuenit vnum motorem diuersis mobilibus successiue vniari, sicut vnus homo diuersa potest successiue mouere. Tertiò circa vltimam rationem ad idem, dubitatur, cum dicitur quod illa sunt vnum numero, quorum est forma vna numero. Hoc enim non videtur sufficere, quia ad vnitatem numeralem naturæ materialis non sufficit vnitas formæ, sed requiritur etiam vnitas materiæ, cum ad esse ipsius non sufficiat forma, sed etiam materia requiratur. Confirmatur etiam, quia sanctus Thomas quol. v. decimo, questione sexta, & quarto Sentent. distinct. 44. questione prima, articulo primo, questione prima tenet quod ad vnitatem numeralem compositi requiritur vnitas materiæ & formæ. idem videtur velle superius in hac ratione ubi dixit differentiam secundum numerum esse secundum principia materialia, ergo, &c.

AD primum dubium dicitur, quod ponendo animas successiue creari, ut nos ponimus, posita generatione infinita tantum à parte post, nunquam sequitur esse animas actu infinitas, ut arguebatur: sed posito quod omnes animæ simul fuerint creatæ, ut voluit Origenes, contra quem arguit sanctus Thomas, necesse est dicere ipsas esse actu infinitas, quia oportet ut simul sint actu tot animæ ante corpora productæ, quod sunt generationes possibiles produci. naturaliter autem producibiles sunt infinitæ generationes successiue posita generatione infinita à parte post: idem necesse est ut præxistant animæ actu infinitæ, & sic procedit ratio sancti Thomæ. Ad secundum dicitur quod loquitur sanctus Thomas de motore respectu sui mobilis proprii & adæquati. sic enim animam Sortis dicimus mouere corpus Sortis tanquam mobile proprium & adæquatum, quia non potest dum corpus Sortis est induta (ut more Platonico loquamur) aliud corpus immediatè mouere, sed est ad illud mouendum determinata. Loquendo ergo de mobili hoc modo, necesse est virtutem motoris esse suo mobili proportionatam, ut scilicet aliud mobile immediatè mouere non possit. Nam si aliud corpus posset immediatè mouere, iam corpus quod mouet, non esset mobile suum pro-



prium adæquatum: propter quod dicunt Philosophi quod vna intelligentia applicata vni orbi ad mouendum, non potest alium orbem mouere. Quod autem dicitur, quoniam nos diuersa possumus successiue mouere, non est ad propositum, quia nullum illorum mobilium est nobis proprium & adæquatum mobile. Ad tertium dupliciter responderi potest. Primo, quod licet ad vnitatem numeralem in rebus materialibus requiratur vnitatis materiæ, tamen formæ vnitatis est principaliter quod requiritur, quia forma est illa quæ dat esse. propter hoc ergo dixit sanctus Thomas illa esse vnum numero quorum forma est vna numero: quia licet ex sola vnitatis formæ non dicatur aliquid simpliciter & omnibus modis vnum numero, quomodo loquitur sanctus Thomas in locis allegatis, dicitur tamen idem numero secundum quid, & quantum ad id quod est principale in tali vnitatis: & sic sequitur, si eadem anima diuersis corporibus vniatur, quod redibit idem numero quantum ad principale causam: talis vnitatis; quod est impossibile in iis quæ generantur & corrumpuntur, sicut enim per generationem non potest redire idem Sortes omnino, ita non potest redire quantum ad eandem numero formam.

Secundo respondetur, quod per illam propositionem non excluditur materia ab vnitatis numerali, sed includitur, cum forma non habeat vnitatem numeralem nisi ex ordine ad materiam. sic enim si per generationem redit eadem numero forma, vt volunt Platonici: oportet quod ad eandem materiam retineat ordinem sicut ad principium suæ indiuiduationis, & sic redibit idem numero simpliciter. Ex alia parte sequitur quod non redeat idem numero, quia ponitur formam ad eandem materiam non retinere ordinem, sed successiue diuersas materias informare. vnde ex hac positione sequuntur contradictoria, scilicet, & quod redit idem numero simpliciter, quod est impossibile: & quod non redit idem numero simpliciter: & idem ipsa est omnino impossibilis. Vltimo confirmatur conclusio principalis, quia huic veritati concordat sententia fidei catholice, vt patet ex Psalmist. dicente, Qui finxit sigillatim corda eorum: & etiam ex libro de Ecclesiasticis dogmatibus, Animas hominum dicimus, &c.

Psalm. 32.

SE D circa hoc quod vltimo dicitur, scilicet conclusionem in hoc capite probatam esse sententiæ fidei catholice concordem, dubium occurrat, quia cum Origenes posuerit omnes animas humanas & angelos esse vnius speciei, & simul cum angelis creatas esse, vt ponit sanctus Thomas prima parte quæstionis septuagesimæ quintæ articulo septimo, & in quæstione de Anima articulo septimo, eodem modo pertinet ad fidem, omnes animas simul creatas esse ante corpora, & angelos ante corpoream creaturam esse creatos, sed inquit sanctus Thomas Prima parte quæstionis sexagesimæ primæ articulo tertio, de angelis, quod illud non est reputandum erroneum, præcipue propter sententiam Gregorij Nazianzeni, ergo nec erronea est hæc positio Origenis de anima, huius ergo oppositum non est conforme sententiæ fidei catholice, vt hic dicitur, tanquam videlicet oporteat secundum fidem ita tenere. Respondetur & dicitur primo, quod vtique (vt hic dicitur) & animas & alias immateriales substantias non fuisse ante corpora productas, est sententiæ fidei catholice conforme: & est per ecclesiam determinatum, vt patet in cap. firmiter credimus, extra de sum. trin. & si. cathol. Nec hanc determinationem ecclesie ignorauit sanctus Thom. cum illam decretalem ipse sit interpretatus, si eius opuscula quæ circumscribuntur vera sunt. Dicitur secundo de doctrina sancti Thomæ prima parte quæst. 32. artic. 4. & 2. Sent. distinct. 12. quæst. 1. artic. 2. quod dupliciter aliquid pertinet ad fidem. Vno modo directe & per se, sicut ea quæ nobis sunt principaliter diuinitus tradita vt credenda, vt Deum esse trinum & vnum, filium Dei esse incarnatum. Alio modo indirecte, & quasi per accedens, vt ea quæ in illis implicite continentur, quæ ex illis deduci possunt, sicut ea quæ historialiter in sacra scriptura continentur, quam per fidem tenemus spiritu sancto dictante promulgatam esse. Similiter erroneum in fide dupliciter dici potest, scilicet directe & per se, vt contraria principalibus articulis fidei, & indirecte sicut id ex quo sequitur aliquid contrarium fidei: sicut ex hoc quod ponitur Samuelem non fuisse filium Helcanæ, sequitur diuinam scripturam esse falsam. Primo modo erroneum non potest aliquis tenere tanquam verum absque vicio hæresis, si ad sit pertinacia: sed tenere pro vero quod est secundo modo erroneum, potest esse absque vicio hæresis antequam consideretur ex hoc sequi aliquid contrarium fidei: sed postquam manifestum est ex ipso aliquid contrarium fidei sequi, aut per ecclesiam determinatum est oppositum secundum fidem esse tenendum, illud tanquam verum tenere, absque vicio hæresis non est. Dicitur ergo quod animas non esse productas ante corpora neque angelos, est consonum fidei sententiæ, non tanquam ad fidem directe pertinens, veluti aliquid principaliter nobis ad credendum traditum, sed indirecte tanquam traditum implicite in veritate sacre scripturæ. Et similiter oppositum est erroneum, non directe, tanquam videlicet contrarium iis quæ principaliter nobis credenda proponuntur, sed indirecte, scilicet tanquam id ad quod sequitur aliquid contrarium fidei secundum ecclesie determinationem, puta quia ex ipso sequitur sacram scripturam esse falsam, quæ dicit, in principio creasse Deum cælum & terram, & per consequens nihil creasse ante cælum & terram, quia ergo hoc est erroneum indirecte, antequam oppositum determinaretur per ecclesiam, aut manifeste appareret hoc ipsum esse indirecte erroneum, poterat absque vicio hæresis teneri illud tanquam verum: & sic Gregorius Nazianzenus illud tenens non erat hæreticus, quia nondum per ecclesiam erat determinatum oppositum: qui autem illud nunc teneret pertinaciter, hæreticus censendus esset. Cum ergo hic dicitur esse conforme sententiæ fidei, quod non sint spirituales substantiæ ante corpora creatæ, hoc intelligitur de sententiæ fidei non ad fidem directe pertinente, sed de sententiæ per determinationem ecclesie nobis tradita tanquam indirecte ad fidem pertinente. Quod verò dicitur in Prima parte, quoniam contrarium non est reputandum erroneum, intelligitur de erroneo secundum se & directe ad fidem pertinente, sensus est enim quod illud non est directe & secundum se reputandum erroneum, sed tantum per determinationem ecclesie: & idem Gregorius potuit illud ante talem determinationem absque fidei detrimento veluti verum tenere. constat autem quod ista non opponuntur, aliquid ad sententiæ fidei indirecte pertinere, & eius oppositum non

esse erroneum directe, sed tantum indirecte. Quod autem ista responsio sit ad mentem sancti Thom. ostenditur ex quæstionibus de Potentia quæst. 3. artic. 9. Ibi enim postquam recitauit opinionem dicentium animam filij ex parentis anima propagari, & opinionem dicentium omnes animas ante corpora productas esse, item opiniones dicentium animas simul dum creantur, corporibus infundi, subiungit quod ista opiniones quamuis aliquo tempore sustinerentur, & quæ earum esset verior in dubium verteretur, vt patet ex August. 10. super Genesim ad litteram, tamen primæ duæ postmodum iudicio ecclesie sunt damnatæ, & rationabiliter tertia verò approbata. Potest etiam responderi quod ecclesia determinat angelos simul cum creatura corporali esse creatos, tanquam quidem necessarii tenendum, vt est contra opinionem Origenis ponentis omnes substantias spirituales simul esse productas ante corpoream creaturam, sed ipsi diuersimodè peccatibus postea ad eorum demerita punienda fuisse vniuersam creaturam corporealem productam, vt verò contra opinionem est aliorum doctorum tanquam probabilior tenendam.

### Solutio rationum contra superiorem conclusionem.

#### Cap. 84.



ATIONES autem quibus probatur animas ab æterno fuisse, vel saltem corporibus præexistisse, facile est soluere. Quod enim primo dicitur, animam habere virtutem vt sit semper, concedi oportet: sed sciendum quod virtus & potentia rei non se extendit ad id quod fuit, sed ad id quod est vel erit: vnde & in præteritis possibilitas locum non habet. non igitur ex hoc quod anima habet virtutem vt sit semper, potest concludi quod semper fuerit, sed quod semper erit. Præterea, ex virtute non sequitur id ad quod est virtus, nisi præsupposita virtute. quamuis igitur anima habeat virtutem vt sit semper, non tamen potest concludi quod anima sit semper, nisi postquam hanc virtutem accepit. si autem sumatur quod hanc virtutem ab æterno habuerit, erit petitum id quod oportebit probari, scilicet quod fuerit ab æterno. Quod verò obicitur de æternitate veritatis quam intelligit anima, considerare oportet quod intellectus veritatis æternitas potest intelligi dupliciter. Vno modo quantum ad id quod intelligitur: alio modo quantum ad id quo intelligitur. Et si quidem veritas intellecta sit æterna quantum ad id quod intelligitur, sequetur æternitas rei quæ intelligitur, non autem intelligentis. Si autem veritas intellecta sit æterna quantum ad id quo intelligitur, sequetur intelligentem animam esse æternam: sic autem veritas intellecta non est æterna, sed primo modo. Ex præmissis enim patet, species intelligibiles quibus anima nostra intelligit veritatem, de nouo nobis aduenire ex phantasmatibus per intellectum agentem: vnde non potest concludi quod anima sit æterna, sed quod veritates intellectæ fundentur in aliquo æterno, fundantur autem in ipsa prima veritate sicut in causa vniuersali contentiuæ omnis veritatis. ad hoc autem æternum comparatur anima non sicut subiectum ad formam, sed sicut res ad proprium finem. Nam verum, est bonum intellectus, & finis ipsius: ex fine autem argumentum accipere possumus de rei duratione: sicut & de initio rei argumentari possumus per causam agentem. quod enim est ordinatum ad finem sempiternum, oportet esse capax perpetuæ durationis: vnde potest probari ex æternitate veritatis intelligibilis immortalis animæ: non autem eius æternitas.

Quod verò non possit probari ex æternitate agentis, patet ex his quæ supra dicta sunt, cum de æternitate creaturarum quæreretur. Quod etiam tertio obicitur de perfectione vniuersi, necessitatem non habet vniuersi enim perfectio attenditur quantum ad species, non quantum ad indiuidua: cum continuè vniuerso plurima indiuidua addantur præexistētium specierum. animæ autem humanæ non sunt diuersæ secundum speciem, sed solum numero, vt probatum est. Vnde non repugnat perfectioni vniuersi, si animæ de nouo creantur. Ex quo etiam patet solutio ad id quod quarto obicitur. Similiter enim dicitur. Gen. primo quod Deus cōsummauit opera sua, & quod requieuit ab

Cap. 77.

Cap. 75.

\* Presenti lib. cap. 32. & infra.



ab omni opere quod patrarat. Sicut ergo consummatio sue perfectio creaturarum secundum species consideratur, & non secundum indiuidua: ita quies Dei est intelligenda secundum cessationem à nouis speciebus condendis, non autem à nouis indiuiduis, quorum similia secundum speciem præcesserunt. & sic cum omnes animæ humanæ sint vnius speciei, sicut & omnes homines: non repugnat prædictæ quiesci si Deus quotidie nouas animas creat. Sciendum autem est quod ab Arist. non inuenitur dictum quod intellectus humanus sit æternus: quod tamē dicere consuevit in his quæ secundum suā opinionem semper fuerūt. dicit autem ipsum esse perpetuum: quod quidē potest dici de his quæ semper erunt, etiam si non semper fuerunt. vnde & in 12. Met. cum animā intellectiua à conditione aliarum formarum acciperet, (non dixit quod hæc forma fuerit ante materiam) quod tamen Plato de Ideis dicebat. & sic videbatur conueniens materiæ in qua loquebatur, vt aliquid tale de anima diceret: sed dixit quod manet post corpus.

## Super Cap. 84.

**R**OBATA conclusio, & Origenis Platonisq. falsa opinione improbat, soluenda sunt argumenta quæ pro opinione Platonis & Origenis sunt adducta. Ad primam namq. respondetur, concessio quod anima habeat virtutem vt sit semper, & dicitur primò quod ex eo quod anima habeat virtutem vt sit semper, concludi non potest quod semper fuerit, sed quod semper erit, quia virtus & potentia rei non se extendit ad id quod fuit, videlicet tantum potens illud facere, sed ad id quod est vel erit. Dicitur secundo quod ex illa virtute essendi semper, non potest concludi quod anima sit semper, nisi ponatur quod anima hanc virtutem habuerit ab æterno, quia id ad quod est virtus, non sequitur nisi præsupposita virtute.

**ADVERTE** quod ex ista responsione negatur illa propositio, de eo quod habet virtutem vt sit semper, nunquam est verum dicere quod non est. non est enim vera nisi de eo quod talem virtutem habet ab æterno. probatio etiam nulla est, quia verum quidem est quod quantum se extendit virtus essendi, tantum durat esse rei: sed tamen virtus essendi non se extendit nisi ad id quod futurum est postquam talis virtus est in re. ideo non sequitur quod res durauerit ab æterno, sed quod semper durabit.

**SED** contra hanc responsionem argui posset ex verbis Commentat. primo Celi, com. 36. vult enim ibi, omne quod habet potetiam vt sit tempore infinito, siue ante infinito tempore ponatur esse, & postmodum corrumpi, siue ponatur incipere esse, & postea semper durare, habere potentiam infinitam. Ex hac enim propositione arguitur sic, Si substantia quæ habet virtutem vt sit semper in futurum, non fuit ab æterno, sequitur quod ista virtute alia virtus maior esse possit, illa scilicet quæ aliquid est & ab æterno, & semper in futurum. sed hoc est impossibile, quia talis virtus est infinita, infinito autem non datur maius, ergo quod habet virtutem vt sit semper in futurum, est ab æterno, & sic nunquam est verum dicere quod non est: cuius contrarium dictum est in responsione. Respondetur, & dicitur primò quod virtus existens in re ad durandum infinito tempore, non est infinita intensiue, sed extensiue tantum, quia ipsa non est causa effectiue esse rei, sed tantum formalis. ad talem enim virtutem per se consequitur, sicut ad dualitatem consequitur par: vnde sicut non arguitur infinitas intensiue dualitatis ex eo quod semper est par, ita non arguitur infinitas virtutis essendi existens in re ex eo quod per ipsam aliquid infinito tempore durare possit, sed tantum infinitas extensiue & durationis: vnde de eius infinitate loquendum est sicut de infinita duratione. Dicitur secundò, quod non est inconueniens vnum infinitum secundum durationem esse maius alio infinito, quando illud non est simpliciter & ex omni parte infinitum. tempus enim post istud instans futurum secundum Aristot. est infinitum, tanquam carens fine: & tamen tempus totum quod scilicet est infinitum tam à parte antè quam à parte post, est ipso maius, quia non est infinitum nisi tantum à parte post: sicut etiam virtus essendi tempore infinito à parte post, est infinita non simpliciter, sed tantum secundum quid: ideo potest ipsa esse alia maior virtus. vnde ex illa propositione Comment. non potest excludi vt id quod semper erit, semper etiam fuerit, & si vellet Com. illam propositionem accipere ad hunc sensum, quod omne habens virtutem essendi tempore futuro infinito, habet potentiam infinitam, id est per quam est tempore infinito præterito, non esset à catholico eius autoritas in hac parte recipienda. Si autem sensus eius sit, quod omne habens potentiam vt sit semper tempore futuro, habet potentiam infinitam, id est, habet etiam potetiam vt potuerit durare tempore simpliciter infinito, conceditur, quia si fuisset ab æterno productum, duraret tempore simpliciter infinito: non autem ex hoc sequitur quod fuerit ab æterno: propter hoc inquit S. Th. in hac responsione, quod quantum anima habeat virtutem vt sit semper, non tamen potest excludi quod sit semper nisi postquam hanc virtutem accepit, & quod si sumatur quod hanc virtutem habuerit ab æterno, erit petitio principij. Ad secundam rationem respondetur, & dicitur primò, quod ex æternitate veritatis intellectus quantum ad id quod intelligitur, non arguitur æternitas intelligentis, sed bene ex æternitate eius quantum ad id quod intelligitur: sed tunc dicitur quod nulla veritas quantum ad id quod anima intelligit, est hoc modo æterna, licet sit æterna primo modo, quia species quibus anima nostra veritatem intelligit, vt supra ostensum est, adueniunt scilicet de nouo: ideo negatur consequentia. Dicitur secundò quod ex hoc quod huiusmodi veritates intellectus sunt æternæ, bene sequitur quod fundatur in aliquo æterno. fundatur enim in ipsa prima veritate sicut in causa vniuersali contentiua totius veritatis: ad quam intellectus noster non se habet subiectiue, sed sicut ad proprium finem, quia verum est bonum intellectus, & finis ipsius. Di-

citur tertio, quod licet ex æternitate veritatis intellectus non possit probari æternitas animæ, potest tamen probari eius immortalitas: quia sicut de initio rei possumus argumentari per causam agentem, ita ex fine argumentum fumere possumus de rei duratione, quod enim est ordinatum ad finem sempiternum, oportet esse capax perpetuæ durationis: ex æternitate verò agentis non potest eius æternitas probari, vt ex superioribus in hoc secundo patet.

**CIRCA** hanc propositionem, veritates intellectus fundantur in ipsa prima veritate, sciendum quod istud potest habere triplicem sensum. Primus est quod fundatur in ipsa secundum aliquod esse naturæ, sicut dicimus accidens fundari in substantia: & sic non accipitur hoc, quia veritas enunciationis, si formaliter sumatur, non habet esse reale, sed tantum esse cognitum, quod est esse rationis. Secundus est, quod fundatur in ipsa sicut cognitum in cognoscente, quasi ista veritates sint æternæ, quia à Deo æternaliter cognoscuntur. Et hic etiam sensus non est hic intentus, licet veritatem cōtineat. Verum quidem est quod eas Deus æternaliter cognoscit, non tamen propter hoc dicuntur propriè fundari in veritate diuina vt veritas est, quia secundum hunc sensum fundari veritatem in aliquo, est esse in ipso per modum obiecti cogniti: veritas autem prima vt sic, non habet rationem cognoscentis, sed magis rationem cogniti, cum verum sit obiectum intellectus. Tertius sensus est, quod fundatur in ipsa sicut in illo per respectum & proportionem, ad quod dicitur propositio vera, quod est fundari sicut in sua mensura, eo modo quo dicimus veritatem intellectus nostri fundari in esse rei, quia videlicet tunc intellectus est verus, quando intelligit ita esse sicut in re. Et hic sensus est hic intentus, omnis enim veritas propositionis mensuratur à veritate existente in intellectu diuino: quia in tantum aliqua propositio aut aliqua res est vera, in quantum conformatur Ideis quæ sunt in mente diuina, in quibus diuina veritas consistit. omnis enim veritas est aliquo modo necessaria: aut enim est absolute necessaria: vt hominem esse animal, aut est necessaria pro aliquo determinato tempore, sicut Sortem sedere est necessarium pro illo tempore pro quo sedet, & sic omnis veritas est æterna, quia habet fundamentum in æterna veritate diuina. sicut enim Idea diuina repræsentat æternaliter hominem cum animalitate pro omni temporis differentia, ita æternaliter repræsentat Sortem cum sua sessione in tali tempore. ideo ista est æternaliter vera, homo est animal, & similiter ista, Sortes sedet, referendo ad tempus in quo sedet. posito enim quod heri tantum Sortes sederet, hodie verum est Sortem sedere, si li sedere referat tempus non præsens iis qui hodie sunt, sed tempus mensurans sessionem Sortis. quod tempus est illis præteritum. Sed de his satis dictum est in Primo, vbi locuti sumus de cognitione diuina respectu contingentium. Hunc sensum tertium innuit sanctus Thomas cum dicit, quod fundatur in prima veritate sicut in causa vniuersali contentiua omnis veritatis. Est enim veritas prima causa exemplaris omnium veritatum complexarum, & ipsarum mensura: veritatum autem quæ sunt in rebus, est etiam causa productiua, quia veritas rei non est aliud quam esse ipsarum: omne autem esse rerum creatarum est à Deo productum.

**CIRCA** id quod dicitur, quoniam ad illud æternum in quo fundatur veritas intellectus, non comparatur anima sicut subiectum ad formam, aduertendum quod ex hoc vult sanctus Thomas assignare differentiam quæ ex incorruptibilitate intelligibilis arguitur immortalitas animæ, non autem eius æternitas ex æternitate intelligibilis arguitur. Intelligibile enim materiale in istis inferioribus existens non est incorruptibile nisi secundum formam intelligibilem quam habet in intellectu, ad quam anima comparatur sicut subiectum ad suam perfectionem. & ideo quia perfectio oportet suæ perfectioni proportionari, oportet (vt superius arguebatur) si ipsa forma est incorruptibilis, & animam incorruptibilem esse: intelligibile autem non habet esse æternum secundum suam speciem quam habet in intellectu, imò illud æternum super quod fundatur veritas æterna intelligibilium, non est in intellectu tanquam eius forma: ideo ex æternitate intelligibilis non potest argui intellectus æternitas. Ad tertiam rationem quæ est pro opinione Origenis, respondetur negando consequentiam, quia perfectio vniuersi attenditur quantum ad species, non autem quantum ad indiuidua, cum continuè plurima indiuidua dantur vniuerso, animæ autem humanæ solum numero sunt distinctæ. Ex quo patet etiam ad quartam rationem. Dicitur enim quod sicut consummatio creaturarum quantum ad species consideratur, ita quies Dei intelligenda est secundum cessationem à nouis speciebus condendis, non autem à nouis indiuiduis, quorum similia secundum speciem præcesserunt.

**AD** euidentiam huius responsionis aduertendum ex doctrina S. Th. secundo Sen. dist. 17. q. 2. artic. 2. ad sextum, quod perfectio vniuersi est duplex, scilicet essentialis, & accidentalis. Cum ergo hic dicitur quod perfectio vniuersi attenditur quantum ad species, non autem quantum ad indiuidua, intelligitur quantum ad perfectionem essentialem, non autem quantum ad perfectionem accidentalem. Nam indiuidua pertinent ad perfectionem accidentalem vniuersi: quod autem caret perfectione accidentali, non dicitur imperfectum nisi secundum quid, sicut homo carens episcopatu non dicitur imperfectus homo. Sciendum secundò quod hæc responsio quantum ad hoc quod animæ quæ de nouo creantur, præcesserunt secundum speciem, procedit secundum opinionem illorum qui dixerunt omnia producta fuisse secundum speciem in operibus sex dierum. sic enim cum in illis sex diebus fuerit productus homo præcesserunt animabus quæ continuè creantur, primorum parentum animæ. secundum autem mentem Augustini qui posuit in prima rerum productione non fuisse productas plantas & animalia in actu, dicendum est quod animæ præcesserunt in illa creatione, non quidem in simili secundum speciem, sed vt dicitur prima parte quæstione 90. articulo quarto, & in secundo Sentent. vbi supra, in simili secundum genus, prout anima conuenit cum angelis in natura intellectuali, qui fuerunt in prima institutione creati.

**SED** occurrit dubium: Nam ea quæ sunt perpetua secundum speciem & secundum indiuiduum: pertinet ad essentialem perfectionem vniuersi, vt dicitur de Veri. q. 1. art. 3. sed anima est perpetua secundum speciem & secundum indiuiduum, ergo etiam secundum indiuiduum est de essentiali perfectione vniuersi, cuius oppositum hic dicitur. Respondetur



ex doctrina sancti Thomae de Potentia, quæst. 3, art. 10, ad quartum, quod duplex est perfectio vniuersi, scilicet prima, & vltima. Anima quantum ad individua est de perfectione vltima vniuersi, quia vt ibi dicitur, tota corporum transmutatio ordinatur quodammodo ad animarum multiplicationem ad quam requiritur corporum multiplicatio: non autem est de prima perfectione. Hic ergo loquitur S. Tho. de prima perfectione essentiali vniuersi in quæstionibus autem de Veritate, loquitur de perfectione essentiali indistincte, siue prima inquam sit, siue secunda. vnde nulla est contradictio.

Vltimo, quia dixerat S. Thom. in capite præcedenti, verba Aristotelis sonare, animam esse æternam, quia dixit intellectum perpetuum esse, ne quis existimaret illam esse Arist. mentem, hoc remouet dicens quod nunquam Aristor. dixit intellectum humanum esse æternum, sed bene dixit ipsum esse perpetuum: quod de iis quæ semper erunt, licet non semper fuerint, dici potest. Patet autem ipsius non fuisse mentem quod sit æternus, quia 12. Metaph. conueniens fuisse de hoc aliquid dicere, cum ibi exciperet animam intellectuam à conditione aliarum formarum, & tamen non dixit ipsam esse ante materiam, quod tamen Plato de Ideis dicebat, sed tantum quod manet post corpus.

### Quod anima non est de substantia Dei.

Cap. 86.

Idem p. p. q.  
90. art. 1.  
Lib. 1. cap. 15.



Cap. 83.

1. lib. cap. 27.

Ca. 57 & 68.  
& infra.

D. 462.

Tom. 3. super  
Genes. ad lit.  
Lib. 1. ca. 14.

D. 192.

Lib. 1. cap. 16

Capit. 76. &  
duobus sequen-  
tibus.

Princ. lib. 1.  
cap. 42.

Cap. 75.

Text. cons. 19.

& infra.

Aug. To. 1.

contra Mani-

che. lib. 1. c. 1.

& 6 lib. de na-

tura bon. con-

tra Manich.

cap. 44.

Cap. 49. & 9.

Alexan. &

Auic. vt nat.

Auer. vt ca.

59.

**E**X his etiam patet animam non esse de substantia Dei. Ostensum est enim supra diuinam substantiam esse æternam, nec aliquid eius de nouo incipere: animæ autem humanæ non fuerunt ante corpora, vt ostensum est. non igitur anima potest esse de substantia diuina.

2. Amplius, ostensum est supra quod Deus nullius rei forma esse potest, anima autem humana est forma corporis, vt ostensum est. non igitur est de substantia diuina.

3. Præterea, omne illud ex quo fit aliquid, est in potentia ad id quod fit ex eo. substantia autem Dei non est in potentia ad aliquid, cum sit purus actus, vt supra ostensum est. impossibile est igitur quod ex substantia Dei fiat anima, vel quodcunque aliud.

4. Adhuc, illud ex quo fit aliud, aliquo modo mutatur. Deus autem est omnino immobilis, vt supra probatum est. impossibile est igitur quod ex eo aliquid fieri possit.

5. Amplius, in anima manifestè apparet variatio secundum scientiam, & virtutem, & eorum opposita: Deus autem est omnino inuariabilis, & per se, & per accidens, non igitur anima potest esse de diuina substantia.

6. Item, supra ostensum est quod Deus est actus purus, in quo nulla potentialitas inuenitur: in anima autem humana inuenitur & potetia & actus: est enim in ea intellectus possibilis, qui est potetia ad omnia intelligibilia: & intellectus agens, vt ex supradictis patet. non est igitur anima humana de natura diuina.

7. Item, quum substantia diuina sit omnino impartibilis, non potest aliquid substantiæ eius esse anima, nisi sit tota substantia eius. substantiam autem diuinam est impossibile esse nisi vnā, vt supra ostensum est. sequitur igitur quod omnium hominum sit tantum anima vna quātum ad intel-

lectum. & hoc supra improbatum est, non est igitur anima de substantia diuina. Videtur autem hæc opinio ex triplici fonte processisse. Quidam enim posuerunt nullam substantiam incorporeā esse: vnde nobilissimum corporum Deum esse dicebant, siue hoc esset aer, siue ignis, siue quodcunque aliud principium ponebant: & de natura huiusmodi corporis animam esse dicebant. nam omnes id quod ponebant principium, animæ attribuebant, vt patet per Aristotelem in primo de Anima. & sic sequebatur animam esse de substantia diuina. Et ex hac radice pullulauit positio Manichæi, qui existimauit Deū esse quādam lucē corporeā per infinita spatia distensam: cuius quādam particulam humanam animam esse dicebat. Hæc autem positio supra improbatum est, per hoc quod ostensum est Deum non esse corpus: & per hoc quod ostensum est animam humanam corpus non esse, nec aliquam intellectualem substantiam. Quidam verò posuerunt intellectum omnium hominum esse vnū, vel agentem tantum, vel agentem & possibilem simul, sicut supra dictum est. & quia quamlibet substantiam separatam antiqui Deum esse dicebant, sequebatur animam nostram, id est, intellectum quo intelligimus, esse diuinæ naturæ: vnde & à quibusdam nostri temporis Chri-

stianæ fidei professoribus ponētibz intellectum agentem separatam, dictum est expressè quod intellectus agens sit Deus. Hæc autem positio de vnitatem intellectus nostri supra improbatum est. Potuit autem ex ipsa similitudine animæ nostræ ad Deum hic opinio nasci. Intelligere enim (quod maximè æstimatur proprium Dei) nulli substantiæ in mundo inferiori conuenire inuenitur nisi homini, propter animam: vnde videri potuit animam ad naturam diuinam pertinere: & præsertim apud homines, in quorum opinionibus erat firmatum quod anima hominis esset immortalis. Adhuc etiam coadiuuare videtur quod Genes. primo, postquam dictum est, Faciamus hominem ad imaginem & similitudinem nostram, subditur: Formauit Deus hominem de limo terræ, & inspirauit in faciem eius spiraculum vitæ. Ex quo quidam accipere voluerunt quod anima sit de natura diuina. qui enim in faciem alterius spirat, idem numero quod in ipso erat, in alium emittit: & sic videtur scriptura innuere quod aliquid diuinum à Deo in hominem ad ipsum viuificandum immisissum sit. Sed similitudo prædicta non ostendit animam hominis esse aliquid substantiæ diuinæ: quum intelligendo defectum multipliciter patiatur: quod de Deo dici non potest. Vnde hæc similitudo magis est indicatiua cuiusdam imperfectæ imaginis, quàm alicuius substantialitatis: quod etiam scriptura innuit cum dicit, ad imaginem Dei hominem factum: vnde & inspiratio prædicta processum vitæ à Deo in hominem secundum quādam similitudinem demonstrat, non secundum vnitatem substantiæ: propter quod & in faciem spiritus vitæ dicitur inspiratus: quia cum in hac parte corporis sint plurimum sensuum organa sita, in ipsa facie euidentius vita monstratur. Sic igitur Deus inspirasse in faciem hominis spiraculum vitæ dicitur, quia spiritum vitæ homini dedit, non eum ex sua substantia decidendo. nam & qui corporaliter insufflat in faciem alicuius (vnde videtur sumpta esse metaphora) aerem in faciem eius impellit, non autem aliquam suæ substantiæ partem in ipsum emittit.

Super Cap. 86.



**E**X prædeterminata veritate excludit sancti Thomae errorem illorum qui animam de substantia diuina esse dicebant. Circa hoc autem duo facit. Primum probat propositum. Secundum vnde habuit ille error originem ostendit. Primum itaque arguitur sic. Animæ humanæ non fuerunt ante corpora, vt est ostensum. ergo non est anima de substantia diuina. patet consequentia, quia substantia diuina est æterna, vt superius est probatum.

**A**DVERTE quod dupliciter potest intelligi animam esse de substantia diuina. Vno modo vt sit de illa substantia numero quæ est Deus, tanquam ex materia, sicut de vna parte lutī figulus aliquod fictile facit. Alio modo, quia est de eadem specie cuius est Deus, eo modo quo dicimus Sortem & Platonem esse de eadem specie. Vtro istorum modorum intelligatur, necesse est vt animæ ante corpora fuerint, quia de ratione naturæ diuinæ, siue per modum singularis siue per modum speciei accipitur, est vt sit æterna. Secundo, anima est forma, ergo, &c. patet consequentia, quia Deus nullius rei potest esse forma. Tercio, substantia Dei non est in potentia ad aliquid, ergo, &c. patet consequentia, quia omne ex quo aliquid fit, est in potentia ad illud.

Quarto, Deus est omnino immobilis, ergo, &c. patet consequentia, quia id ex quo aliquid fit, aliquo modo mutatur.

Quinto, anima variatur secundum scientiam & virtutem, & eorum opposita, ergo non est de substantia diuina, quæ est omnino inuariabilis. Sexto, in anima est potentia & actus, scilicet intellectus passibilis, & intellectus agens, ergo, &c. patet consequentia, quia Deus est actus purus, in quo nulla est potentialitas.

Septimo, Deus est omnino impartibilis, ergo anima non potest esse aliquid eius, nisi sit tota eius substantia. hoc autem est impossibile, quia tunc esset vna anima omnium hominum, cum substantia diuina non possit esse nisi vna. Quantum ad secundum, ponitur triplex fundamentum vnde prædictus error originem habuit. Primum est, quia omnes id quod ponebant rerum principium, animæ attribuebant, vt patet primo de Anima. Quidam autem nullam substantiam incorpoream esse ponentes, nobilissimum corporum, siue esset aer, siue ignis, siue quodcunque aliud principium ponerent, dicebant esse Deum: ex qua radice & Manichæi error pullulauit, qui Deum quādam lucem esse existimauit per infinita spatia distensam, cuius quādam particulam animam esse dicebat. sed hoc fundamentum superius est improbatum, quātum ad id quod ponitur Deum & animam esse corpus. Secundum fundamentum est, quia aliqui posuerunt vnū esse omnium hominum intellectum: antiqui autem quamlibet substantiam separatam esse Deum dicebant. Vnde sequebatur intellectum nostrum siue humanam animam diuinæ naturæ esse, sed & hoc superius est improbatum. Tercium est, quia intelligere (quod maximè proprium Dei existimatur) nulli substantiæ in inferiori mundo conuenire videtur, nisi homini per animam, quæ etiam ponitur immortalis.

Huius opinio videtur fuisse Vinc. Gine. teste Augu. l. de Org. c. 4. cap. 4.



Huic fauere videtur quod dicitur Geneseos primo, ubi postquam dictum est: Faciamus hominem ad imaginem & similitudinem nostram, subditur, Formauit Deus hominem de limo terræ, & spirauit in faciem eius spiraculum vitæ. Sed ad hoc dicitur primo, quod similitudo illa quantum ad intelligendum, non ostendit animam esse naturæ diuinæ, cum in intelligendo multiplicem defectum patiatur. Dicitur secundo, quod inspiratio prædicta processum vitæ à Deo in hominem secundum quandam similitudinem demonstrat, non autem secundum unitatem substantiæ. Quod patet, quia & qui corporaliter in faciem alicuius insufflat (unde videtur sumpta metaphora) aërem in faciem eius impellit, non autem aliquam suæ substantiæ partem in ipsum emittit. Circa hanc conclusionem nihil occurrit quod difficultatem faciat, utpote quæ ab omni veritate sit aliena. Eam autem pertractat sanctus Thomas etiam Prima parte, questione 90. articulo primo: & secundo Sententiarum, distinctione 17. articulo primo.

*Quod anima humana non traducatur cum semine.*

Cap. 86.

Idem p. p. q.  
118. art. 7.



**E**X præmissis autem ostēdi potest quod anima humana nō traducitur cum semine quasi per coitum seminata. Quorumcunque enim principiorum operationes non possunt esse sine corpore, nec eorum initium sine corpore esse potest. sic enim res habet esse, sicut & operatur: cū vnumquodque operetur inquantū est ens. e contrario verò quorum principiorum operationes sine corpore sunt, generatio eorum non est per generationem corporis. operatio enim animæ nutritiæ & sensitiuæ non potest esse sine corpore, ut ex præmissis patet. Operatio autem animæ intellectiue non fit per organum corporeum, ut supra habitum est. igitur anima nutritiua & sensitiua per generationem corporis generantur. non autem anima intellectiua, sed traductio seminis ad corporis generationem ordinatur. igitur anima nutritiua & sensitiua esse incipiunt per seminis traductionem: non autem intellectiua.

Cap. 57.  
68.  
Cap. 69.

2 Adhuc, si anima humana per traductionem seminis esse inciperet, hoc non posset esse nisi dupliciter. Vno modo ut intelligeretur esse in semine actu, quali per accidens diuisa ab anima generantis: sicut semen diuiditur à corpore: ut videmus in animalibus anulosis, quæ decisa viuunt, in quibus est anima vna in actu, & multæ in potentia: diuiso autem corpore animalis prædicti, in qualibet parte viuentē incipit anima esse actu. Alio modo ut intelligatur in semine esse virtus productiua animæ intellectiue: ut sic anima intellectiua ponatur in semine virtute, sed nō actu. Primum autem horum est impossibile, duplici ratione. Primo, quia quā anima intellectiua sit perfectissima animarum, & maximæ virtutis: eius proprium perfectibile est corpus habens magnam diuersitatem in organis per quæ possunt multiplices eius operationes expleri: unde nō potest esse quod fiat actu in semine deciso: quia nec etiā animæ brutorum perfectorum per decisionem multiplicantur, prout contingit in animalibus anulosis.

Secundo, quia cū intellectus, qui est propria & principalis virtus animæ intellectiue, non sit alicuius partis corporis actus: non potest diuidi per accidens secundum corporis diuisionem: unde nec anima intellectiua.

Secundum etiā est impossibile: Virtus enim actiua quæ est in semine, agit ad generationem animalis transmutando corpus. non enim aliter agere potest virtus quæ est in materia. sed omnis forma quæ incipit esse per transmutationem materiæ, habet esse à materia dependens. transmutatio enim materiæ reducit eam de potentia in actum: & sic determinatur ad esse actu materiæ, quod est per vniōnem formæ: unde si per hoc etiam incipiat esse formæ, simpliciter esse formæ non erit, nisi in hoc quod est vniū materiæ: & sic erit secundum esse à materia dependens. si igitur anima humana producat in esse per virtutem actiuam quæ est in semine, sequitur quod esse suum sit dependens à materia, sicut esse aliarum formarum materialium: cuius contrarium supra ostensum est. \* Nullo igitur modo anima intellectiua producat in esse per seminis traductionem.

\* Cap. 79.

3 Amplius, omnis forma quæ educitur in esse per mate-

riæ transmutationem, est forma educta de potentia materiæ. hoc enim est materiam transmutari, de potentia in actum educi. anima autem intellectiua non potest educi de potentia materiæ. Iam enim supra ostensum est, \* quod ipsa anima intellectiua excedit totū posse materiæ: quum habeat aliquam operationem absque materia, ut supra ostensum est. \* non igitur anima intellectiua in esse educitur per transmutationem materiæ: & sic neque per actionem virtutis quæ est in semine.

\* Cap. 68.

\* Cap. 69.

4 Præterea, nulla virtus actiua agit ultra suum genus: sed anima intellectiua excedit totum genus corporeū, quum habeat operationem super omnia corpora eleuatam, quæ est intelligere: nulla igitur virtus corporea potest producere animā intellectiuam. sed omnis actio virtutis quæ est in semine, est per aliquam corpoream virtutem. agit enim virtus formatiua mediante triplici calore, scilicet ignis, coeli, & calore animæ: nō igitur potest produci in esse anima intellectiua per virtutem quæ est in semine.

5 Præterea, ridiculum est dicere aliquam intellectualem substantiam vel per diuisionem corporis diuidi, vel etiam ab aliqua virtute corporea produci: sed anima humana est quædam intellectualis substantia, ut supra ostensum est. \* nō igitur potest dici quod diuidatur per diuisionem seminis, neque quod producat in esse à virtute actiua quæ est in semine: & sic nullo modo per seminis traductionem anima humana incipit esse.

\* Cap. 68.

6 Præterea, si generatio alicuius est causa quod aliquid sit corruptio eius, erit causa quod illud esse desinat: corruptio autem corporis non est causa quod anima humana esse desinat, quum sit immortalis, ut supra ostensum est. \* neque igitur generatio corporis est causa quod anima incipiat esse, sed traductio seminis est causa propria generationis corporis: nō est igitur traductio seminis causa generationis animæ in esse. Per hoc autem excluditur error Apollinaris & sequacium eius, qui dixerunt animas ab animalibus generari, sicut à corporibus corpora.

Teste Greg.  
Nicensi lib.  
2. de Phi. c. 6.

Super Cap. 86.



**P**OST QVAM determinauit sanct. Thom. de animæ duratione, incipit nunc de eius productione determinare. Circa hoc autem tria principaliter facit. Primo enim ostendit quod non traducitur cum semine. Secundo quod per creationem producat. Tertiò adducit rationes ad oppositum, & soluit.

Quantum ad primum sciendum ex doctrina sanct. Thom. secundo Sententiarum, quod traductio duo importat, scilicet originem, & decisionem. Ad hoc enim ut aliquid ab altero traduci dicatur, requiritur quod ab eo originetur per decisionem & separationem alicuius substantiæ, propter quod si lignum in plures partes diuidatur, non dicitur vna pars ab altera traduci, quia licet ibi sit decisio, non est tamen origo vnius ab alia. Similiter ignis genitus non dicitur ab igne generante propriè traduci, quia licet ab ipso originem habeat, non tamen est per separationem alicuius substantiæ ab ipso igne generante. Sed in generatione animalium propriè traductio dicitur ubi vnum ab altero per seminis decisionem originatur. Animam ergo traduci cum semine, est ipsam ab homine generante per seminis decisionem produci. Et hunc sensum inuenit sanct. Tho. in principio capituli, ubi ait, quod anima humana non traducitur cum semine quasi per coitum seminata. Probatur autem primò sic: Operatio animæ intellectiue non fit per organum corporeum, sed bene operatio nutritiue & sensitiue: ergo ista non incipit esse per seminis traductionem, sed bene illa. probatur consequentia, quia quorum principiorum operationes sine corpore sunt, generatio eorum non est per generationem corporis. quorum autem operationes sine corpore esse non possunt, nec eorum initium sine corpore esse potest, id est, eorum esse incipit & generatur per corporis generationem, quia res sic habet esse sicut operatur: traductio autem seminis ad corporis generationem ordinatur.

Ad euentiam huius rationis considerandum, quod forma quæ nullam operationem habet absque corporeo organo, non est forma subsistens, sed tantum forma qua aliquid est: & quia vnicuique ita conuenit fieri sicut sibi conuenit esse, ideo talis forma cum non habeat esse per se subsistens, nec etiam per se produci potest, ita quod sit id quod producat, sed tantum est id quo compositum producat: propter hoc non alia productione producat, quam ea qua producat corpus & compositum. forma autem quæ habet operationem absque corporeo organo, est per se subsistens: ideo propria operatione producat, non autem ea qua corpus generatur. & hoc est fundamentum illius propositionis assumptæ ad probationem consequentis, quod fundamentum tetigit S. Thom. in probatione illius probationis, assignans pro illius causa, quia res sic operatur sicut habet esse. si enim non per se operatur, nō habet esse per se subsistens: si autem per se operatur, habet esse per se subsistens. Secundo, si per traductionem seminis esse incipit, aut hoc est quia est in semine in actu, quasi per accidens diuisa ab anima generantis, sicut semen diuiditur à

Quid sit traductio.



corpore, ut in animalibus anulosis videmus quæ decisa viuunt: aut quia in femine est virtus ipsius productiua. Non primum, tum quia anima intellectiua est perfectissima formarum & maximæ virtutis, & requiritur tanquam proprium perfectibile corpus magnam habens partium diuersitatem, & per consequens non potest esse actus in femine deciso, sicut nec animæ brutorum perfectorum per decisionem multiplicantur, tum quia intellectus non est actus alicuius corporis ut possit per accidens diuidi ad corporis diuisionem. Non etiam secundum, propter tria: Primum, quia sequeretur animam habere suum esse dependens à corpore, sed huius contrarium ostensum est supra, ergo, &c. probatur sequela, quia virtus actiua quæ est in femine, agit ad generationem animalis transmutando corpus, omnis autem forma, quæ incipit esse per transmutationem materiæ habet esse à materia dependens, cum transmutatio materiæ terminetur ad esse actus materiæ, quod est per vnionem formæ: & per consequens si per hoc incipiat esse formæ simpliciter, esse formæ non sit nisi in hoc quod est vniri materiæ.

PRO declaratione huius rationis attendenda sunt duo: vnum est, quod primus modus translationis animæ hic improbat, scilicet quod anima esset actus in femine, sic est intelligendus. Procedit enim ac si anima esset ad extensionem corporis extensa, ita quod vna pars esset in corpore generantis, & alia esset in femine, & quod ad seminis separationem à corpore separaretur etiam animæ pars ab alia parte, tanquam anima esset vna actus, & plures in potentia, sicut albedo extenditur ad corporis extensionem, & secundum vnā partem est in vna parte corporis, secundum verò aliam est in alia parte corporis: & secundum quod vna pars corporis ab alia separatur, ita & vna pars albedinis separatur ab alia, ita quod albedo quæ erat vna in actu, & duo in potentia: fit duæ albedines in actu. Secundum est quod cum inquit sanctus Thomas: Vnde si per hoc incipiat esse formæ simpliciter, esse formæ non erit nisi in hoc quod est vniri materiæ: si simpliciter, potest dupliciter construi, scilicet aut ut se teneat cum præcedentibus, sic punctuando, vnde si per hoc incipiat esse formæ simpliciter: aut ut se teneat cum sequentibus, punctuando sic: vnde si per hoc incipiat esse formæ, simpliciter esse formæ non erit nisi in hoc quod est vniri materiæ. Si primo modo accipitur, videtur determinare illud verbum incipiat: vnde sensus est quod si per hoc materiæ vnitur forma, incipiat esse absolute siue omnino esse formæ, sicut videlicet materia incipit esse actus per hoc quod sibi forma vnitur, tunc non erit esse formæ nisi in vnione ad materiam, sicut & esse actus, materiæ non conuenit nisi in vnione ad formam, & tunc ponitur si simpliciter, ad excludendum inceptionem formæ in materia. Si enim forma simpliciter & absolute incipiat esse ex hoc quod vnitur materiæ, tunc non poterit esse nisi in vnione ad materiam. Si autem incipiat esse tantum in hoc, non autem simpliciter incipiat esse ex eo quod materiæ vnitur, non oportet quod non possit esse nisi in vnione ad materiam. Si autem accipitur secundo modo, tunc determinat illud verbum non erit, & est sensus, quod esse formæ non erit absolute loquendo, nisi in vnione ad materiam. & hoc dicitur ad differentiam illius modi quo secundum quid & aliquo addito esse animæ non est nisi in vnione formæ ad materiam, scilicet ut est forma huius existens in hoc, falsum enim est absolute loquendo, animam non habere esse nisi in vnione ad materiam: tamen verum est animam in quantum est forma huius hominis existens in ipso, non habere esse nisi per vnionem ad materiam, ut superius est ostensum. Vterque sensus veritatem habet, veruntamen primus sensus & prima punctuatio hic intendi videtur, eo quod absolutior sit, & magis consequens habere.

SED tunc occurrit dubium circa ipsum primum sensum. Nam licet anima non dependeat à materia simpliciter, eius tamen diuinitas, ut superius est ostensum, de mente sancti Thomæ primo Sententiarum, distinctione 8. quæstiones, artic. 2. ad sextum, dependet à corpore quo ad sui principium: non tamen quantum ad sui finem. Ex quo videtur quod illa condicionalis non sit vera, si per hoc quod forma vnitur materiæ, incipiat absolute esse, non erit esse formæ nisi in hoc quod est vniri materiæ. Stant enim simul ex verbis sancti Thomæ, formam incipere esse per vnionem ad corpus, & postea ipsam esse sine corpore. Respondetur quod formam incipere esse per vnionem sui ad materiam, dupliciter potest intelligi. Vno modo quod vnio ipsius cum materia sit per se causa esse formæ. Alio modo quod sit causa sine qua non incipiat forma esse, quia videlicet non incipit esse nisi cum tali vnione. Primo modo incipere esse per vnionem ad materiam, infert formam non posse esse sine vnione tali, quia proprius effectus non potest esse sine sua propria & per se causa. Secundo autem modo formam incipere esse per talem vnionem, non infert ipsam non posse esse nisi in vnione ad materiam. Primum sensum accipit sanctus Thomas hoc loco, quod patet, quia de forma per similitudinem ad materiam loquitur ex eo quod dixerat transmutationem determinari ad esse actus materiæ, quod est per vnionem inferens. Vnde si per hoc etiam, id est, si per eandem etiam rationem qua materiæ incipit esse actus, scilicet per vnionem formæ, incipiat esse formæ simpliciter, esse formæ non erit nisi in hoc quod est vniri materiæ, sicut scilicet esse actus materiæ non est nisi vniri formæ. Constat autem quod materiæ ita incipit esse actus per formam, quod forma est per se causa esse actus ipsius materiæ: ergo similiter accipiendum est antecedens illius condicionalis, quod forma simpliciter incipiat esse per sui vnionem ad materiam, ita quod materiæ & vnio talis sit per se causa esse formæ: secundum autem sensum accipit in primo Sententiarum.

Secundò ad idem: Anima intellectiua non potest educi de potentia materiæ, ut superius est ostensum, ergo non per virtutem existentem in femine producit, probatur consequentia, quia omnis forma quæ educitur in esse per transmutationem materiæ, sicut est de forma quæ virtute seminis producit, est forma educta de potentia materiæ. Tertiò ad idem: Omnis actio virtutis quæ est in femine, est per virtutem corpoream, agit enim virtus illa mediante calore ignis, cœli, & animæ, ergo non potest anima virtute seminis produci, probatur consequentia, quia nulla virtus actiua agit ultra suum genus: anima autem intellectiua excedit totum genus corporum.

SED videtur ista ratio non concludere. Diceret enim aliquis quod licet nulla virtus actiua principalis agat ultra suum genus, virtus tamen

instrumentalis potest ultra suum genus virtute principalis agentis agere, sicut calor producit carnem virtute animæ, qui genus excedit elementum. Similiter sacramenta causant ornatum in anima, qui est quid spirituale, & calores quibus operatur, licet propria virtute animam intellectiua producere non possint, eam tamen possunt virtute animæ generantis producere. Respondetur ex doctrina sancti Thomæ prima parte, quæst. 118. artic. secundo, quod nec etiam virtute animæ potest semen agere ad animam intellectiua ipsam producendo. Licet enim corpus ut instrumentum substantiæ immaterialis, in quantum immaterialis est, possit agere aliquid immateriale, sicut phantasma virtute intellectus agentis producit in intellectum possibilem speciem intelligibilem, quæ est omnino immaterialis, corpus tamen ut instrumentum substantiæ immaterialis, in quantum est actus corporis, non potest agere aliquid immateriale, quia substantia immaterialis ut actus corporis non pertinet ad ordinem immaterialium, sed ad ordinem materialium. Semen eutem non agit virtute animæ intellectiue, in quantum omnino immaterialis est, sed in quantum est actus corporis, cum virtus generatiua qua mediante generatio fit, sit actus corporis: ideo nec etiam in quantum instrumentum est animæ generantis, potest animam producere. Sed bene quia anima secundum essentiam suam est intelligibilis & immaterialis, licet non agat in quantum est omnino immaterialis, sed in quantum est actus corporis, potest semen virtute ipsius agere dispositiones ad animam intellectiua, & sic causare vnionem ipsius cum materia, quod est causare animam in quantum est actus corporis, sicut agit in virtute ipsius ut actus corporis est. Propositio ergo sancti Thomæ videlicet, Nulla virtus actiua agit ultra suum genus, est etiam vera de agente instrumentali non agente in virtute agentis principalis superioris ordinis, in quantum superioris ordinis est, sed ut ad inferiorem ordinem pertinet, & sic eam intellexit sanctus Thomas. Si autem agat in virtute agentis superioris ordinis, ut superioris est ordinis, sic potest agere ultra suum genus, sicut calor agit in virtute animæ in quantum anima est, & sacramentum agit per virtutem diuinam, in quantum corporalia excedit. Vnde instantiæ adductæ non sunt contra intentum rationis. Tertiò principaliter arguitur: Anima est substantia intellectualis, ergo, &c. probatur consequentia, quia ridiculum est dicere substantiam intellectualem aut per diuisionem corporis diuidi, aut ab aliqua corporea virtute produci, quorum scilicet modorum altero aliquid per seminis translationem produci potest intelligi. Quarto, corruptio corporis non est causa quod anima esse definat: ergo nec generatio corporis est causa quod ipsa incipiat esse: sed transductio seminis est causa propria generationis corporis, ergo, &c.

ADVERTENDVM quod corpus nominat proprium perfectibile ab anima, & hoc oportet prius constitui & organizari virtute seminis, ut patet in embryone, ut in ultimo instanti organizationis sufficientis & necessarii anima intellectiua introducat, propter hoc inquit sanctus Thomas, quod transductio seminis est causa propria generationis corporis, non quia ipsa seminis separatio à generante, & eius introductio in matrem, sit propria causa generationis, cum illa nominent negationem, & relationem, sed quia semen decisum & introductum est causa propria, decisiō autem & introductio est causa conditio sine qua generatio corporis non fieret. Vltimò, inquit sanctus Thomas quod per hoc Apollinaris & sequacium error destruitur, dicentium, sicut corpora à corporibus generantur, ita animas ab animabus generari.

*Quod anima humana producatur in esse à Deo per creationem.*

Cap. 87.



**L**his autem quæ dicta sunt, ostendi potest quod Idem p. p. 2. 90. art. 2. solus Deus animam humanam in esse producit. Omne enim quod in esse producit, vel generatur per se aut per accidens, vel creatur. Anima autem humana non generatur per se, quum non sit composita ex materia & forma, ut supra ostensum est: neque generatur per accidens, quum enim sit forma corporis, generaretur per corporis generationem, quæ est ex virtute actiua seminis: quod improbatum est. Cum ergo anima humana de nouo esse incipiat: non enim est æterna, nec præexistit corpori, ut supra ostensum est: relinquatur quod exeat in esse per creationem. ostensum est autem supra quod solus Deus potest creare. Solus igitur ipse animam humanam in esse producit. \* Cap. 83. \* Cap. 63. \* Cap. 21.

2. Amplius, omne illud cuius substantia non est suum esse, habet sui esse authorem, ut supra ostensum est. Anima autem humana non est suum esse: hoc enim solius Dei est. Habet igitur causam actiuam sui esse. Sed quod per se habet esse, per se etiam agit: quod verò non habet esse per se, sed solum cum alio, non per se fit, sed alio facto: sicut forma ignis fit igne generato. Anima autem humana hoc habet proprium inter alias formas, quod est in suo esse subsistens: & esse quod est sibi proprium, corpori communicat. anima igitur per se habet suum fieri præter modum aliarum formarum, quæ sunt per accidens compositis factis: sed cum anima humana non habeat materiam partem



partem sui: non potest fieri ex aliquo, sicut ex materia. Relinquitur ergo quod ex nihilo fiat, & sic creetur. quod igitur creatio sit opus proprium Dei, ut supra \* ostensum est: sequitur quod a solo Deo immediate creatur.

\* Cap. 23.

3 Adhuc, eorum quæ sunt vnius generis, est idem modus prodeundi in esse, ut supra \* probatum est. anima autem est de genere substantiarum intellectualium, quæ non possunt aliter intelligi prodire in esse nisi per viam creationis. anima igitur humana exit in esse per creationem a Deo.

\* Cap. 16.

4 Item, quicquid producitur in esse ab aliquo agente, acquirit ab ipso vel aliquid quod est principium essendi in tali specie, vel ipsum esse absolutum. anima autem non potest sic produci in esse, quod acquiratur ei aliquid quod sit principium essendi: sicut contingit in rebus compositis ex materia & forma, quæ generantur per hoc quod acquirunt formam in actu. non enim habet anima aliquid in seipsa quod sit sibi principium essendi, cum sit substantia simplex, ut supra \* ostensum est. Relinquitur igitur quod non producat in esse ab aliquo agente: nisi per hoc quod consequitur ab ipso esse absolute. ipsum autem esse est proprius effectus primi & vniuersalis agentis. secunda enim agentia agunt per hoc quod imprimunt similitudines suarum formarum in rebus factis, quæ sunt formæ factorum. anima igitur non potest produci in esse nisi a primo & vniuersali agente, quod est Deus.

\* Cap. 50. &amp; seq.

5 Præterea finis rei respondet principio eius. tunc enim res perfecta est, cum ad primum principium pertingit, vel per similitudinem, vel quocunque modo. finis autem animæ humanæ & vltima eius perfectio est, quod per cognitionem & amorem transcendat totum ordinem creaturarum, & pertingat ad primum principium, quod Deus est. igitur a Deo habet propriæ suæ originis principium. Hoc etiā innuere videtur sacra scriptura Genesim primo. Cum enim de institutione aliorum animalium loquens, eorum animas aliis causis ascribat, utpote cum dicit: Producant aquæ reptile animæ viuentis: & similiter de aliis: ad hominem veniens, animam eius a Deo creari ostendit, dicens, Formauit Deus hominem de limo terræ: & inspirauit in faciem eius spiraculum vitæ. Per hoc autem excluditur error ponentium animas ab angelis esse creatas.

## Super Cap. 87.



**Q**UANTUM ad secundum, ponitur hæc conclusio: Solus Deus animam humanam in esse produxit. Probatur autem primo sic. Anima incipit esse cum corpore, ut ostensum est superius, & non quia per se generetur: cum non sit composita ex materia & forma, nec quia generetur per accedens per corporis generationem virtute seminis, ut etiam est ostensum, ergo per creationem: ergo a solo Deo, cuius solius esse creatæ, in esse producit. Secundo. Anima humana habet causam sui esse actiuiam, cum non sit suum esse: & habet hoc proprium inter alias formas, quod est in suo esse subsistens, ergo habet per se suum fieri præter modum aliarum formarum quæ per accedens sunt factis compositis. ergo aut sit ex aliquo sicut ex materia, aut ex nihilo per creationem. Non ex materia, quia non habet materiam partem sui, ergo per creationem fit, ergo a solo Deo immediate creatur.

**A**T T E N D E N D U M quod cum materia sit id ex quo aliquid fit inexistens, ut patet 5. Metaphysicæ. oportet ut id quod non solum sit in aliqua materia, sed etiam per se sit ex materia, habeat materiam partem sui, & sit compositum. idem optime probat sanctus Thomas. animam non fieri ex materia, quia non habet materiam partem sui: alia autem formæ non per se sunt, sicut nec per se habent esse, sed sunt tantum alio facto scilicet composito, ut hic dicitur: idem licet non habeant materiam partem sui, possunt tamen aliquo modo dici, improprie tamen fieri ex materia, in quantum de potentia materia educuntur.

Tertio. Anima est de genere substantiarum intellectualium, quæ non possunt intelligi prodire in esse nisi per viam creationis, ergo, &c. patet consequentia, quia eorum quæ sunt vnius generis, id est, vnius ordinis rerum, est idem modus prodeundi in esse.

**A**T T E N D E N D U M quod per eundem modum prodeundi in esse intelligit sanctus Thomas idem genus productionis quod attingit res productas immediate, non autem intelligit accidentia illi generi productionis: quod dico, quia alia substantiæ spirituales non producuntur in materia, neque præsupponunt aliquam materialem dispositionem per agentem naturalem, sicut anima introducit in materiam per agentem naturalem dispositionem. hoc enim accidit productioni animæ, quæ est creatio, in quantum anima licet sit substantia intelligibilis, est tamen corporis forma.

Quarto. Anima non potest sic produci in esse, quod sibi acquiratur aliquid principium essendi, sicut accidit in rebus compositis, cum sit substantia simplex, ergo producitur in esse ab agente per hoc quod conse-

quitur ab ipso esse absolute. ergo a primo & vniuersali agente qui est Deus producit: quia ipsum esse est proprius effectus primi & vniuersalis agentis.

**A**D V E R T E hic, quod sanctus Thomas ponit vnum modum quo esse dicitur proprius effectus Dei. Alia enim agentia licet dent esse, illud tamen non dant nisi per quod imprimunt similitudines suarum formarum in rebus factis, quæ similitudo est rei factæ principium essendi. Deus autem dat esse non solum dando formale principium essendi, sed etiam rei dando esse absolute absque hoc quod illi det aliud principium formale essendi. Ex quo patet quod esse absolute & secundum se esse consideratum, non autem ut effectus formalis formæ introductæ in re productæ, a solo Deo producit: & sic absolute & secundum se esse est effectus proprius Dei: aliorum autem est effectus ut coniungitur formæ in altero productæ. Quinto, finis animæ humanæ & eius perfectio est ut per cognitionem & amorem transcendat totum ordinem creaturarum, & pertingat ad primum principium qui est Deus: ergo a Deo propriè habet suam originis principium. finis enim rei correspondet eius principio.

**A**D V E R T E ne erres, quod non ideo dicit sanctus Thomas finem animæ esse in amore & cognitione Dei, quasi vtrumque ad beatitudinem essentialiter pertineat: sed quia cognitio est essentialiter beatitudo, amor autem ipsam inseparabiliter concomitatur. Confirmatur vltimo, quia hoc insinuat Genesim primo, ubi scriptura animalium aliorum animas aliis causis ascribens, puta dicendo, Producant aquæ reptile animæ viuentis, & similiter de aliis: de anima hominis inquit: Inspirauit in faciem eius spiraculum vitæ, Deo videlicet animæ humanæ creationem ascribens. Per hoc autem (inquit sanctus Thomas) excluditur error ponentium animas ab Angelis esse creatas. Aduerte quod sanctus Thomas, 1. parte quæst. 118. & de Potentia. quæst. 3. art. 9. tenet non solum falsum esse quod anima cum semine traducatur, sed etiam hoc esse hæreticum, quia ex hoc sequitur animam subsistentem non esse, & ex consequentia esse corruptibilem cum corpore.

## Rationes contra determinatam veritatem.

## Cap. 87.



**S**UNT autem quædam quæ premisis videntur esse aduersa. Quum enim homo sit animal, in quantum habet animam sensituiam, ratio autem animalis vniuersè homini & aliis animalibus conueniat: videtur quod anima

sensitiua hominis sit eiusdem generis cum animabus aliorum animalium: quæ autem sunt vnius generis, eundem modum habent procedendi in esse. anima igitur sensituiua hominis, sicut & aliorum animalium, per virtutem quæ est in semine, in esse procedit. est autem idem secundum substantiam anima intellectiua & sensituiua in homine, ut supra \* ostensum est. videtur igitur quod etiam anima intellectiua per virtutem seminis producat.

\* Cap. 58.

2 Præterea, sicut docet Aristoteles in lib. de Generatione animalium, prius tempore est foetus animal quam homo. sed cum est animal, & non homo, habet animam sensituiam, & non intellectuiam: quam quidem sensituiam non est dubium ex virtute actiua seminis produci, sicut & in cæteris animalibus contingit: illa autem met anima sensituiua est in potentia ut sit intellectiua, sicut illud animal est in potentia ut sit animal rationale. Nisi forte dicatur quod anima intellectiua superueniens sit alia substantia: quod supra \* im-

Lib. 2. cap. 3.

\* Cap. 58.

probatum est. videtur ergo quod substantia animæ intellectiua sit ex virtute quæ est in semine.

3 Item, anima quum sit forma corporis, vnitur corpori secundum suum esse: sed ad ea quæ sunt vnum secundum esse, terminatur vna actio vnius agentis. si enim sunt diuersa agentia, & per consequens diuersæ actiones: sequetur quod sint facta diuersa secundum esse: oportet vnius agentis vnā actionem terminari ad esse animæ & corporis: constat autem quod corpus sit per actionem virtutis quæ est in semine: ergo & ab eadem est anima quæ est eius forma, & non ab agente separato.

4 Amplius, homo generat sibi simile secundum speciem per virtutem quæ est in semine deciso: omne autem agens immobiliter generat sibi simile in specie per hoc quod causat formam generati a qua est eius species. anima igitur humana a qua est species hominis producitur ex virtute quæ est in semine.

5 Item, Appollinaris sic argumentatur: Quicumque dat complementum operi, cooperatur agenti: sed si anima creatur a Deo, ipse dat complementum generationi pue-



rorum, qui quandoque ex adulteris nascuntur: ergo Deus cooperatur adulteris, quod sibi inconueniens videtur.

*Teste Greg. 6* Inueniuntur autem in libro qui Gregorio Nysseno inscribitur, quædam rationes ad hoc idem probandum. Argumentatur autem sic: Ex anima & corpore fit vnū, quod est homo vnus, si igitur anima fiat prius quàm corpus, aut corpus prius quàm anima, idem erit prius & posterius seipso: quod videtur impossibile: simul igitur fit corpus & anima: sed corpus incipit fieri in decisione seminis: ergo & per decisionem seminis anima in esse producit.

7 Adhuc, imperfecta videtur esse operatio agentis qui non totam rem in esse producit, sed solum eius alterā partem. Si igitur Deus animam in esse produceret, corpus verò virtute seminis formaretur, quæ duo sunt partes vnus, scilicet hominis: vtriusque operatio, scilicet Dei & seminatix virtutis imperfecta videretur: quod patet esse inconueniens. Ab vna igitur & eadem causa producit anima & corpus hominis. constat autem corpus hominis produci virtute seminis, ergo & anima.

8 Item, in omnibus quæ generantur ex semine: omnes partes rei generatæ simul comprehenduntur virtute in semine, licet actu nō appareant, sicut videmus in tritico aut in quolibet alio semine quod herba & culmus, & internodia, & fructus, & aristæ virtute comprehenduntur in primo semine: & postea protenditur semē & dilatatur quadam consequentia naturali ad perfectionem, non assumens aliquid extrinsecum. Constat autem animam esse partem hominis, in semine igitur hominis, a virtute continetur anima humana, non autem ex aliqua exteriori causa principium sumit.

*D. 118.*

9 Amplius, eorum quorum inuenitur idem processus & terminus, oportet esse idem originis principium, sed in generatione hominis idem processus corporis & animæ, & idem terminus inuenitur, secundum enim quod figuratio & quæritas membrorum procedit animæ etiam operationes magis ac magis manifestantur, nam prius apparet operatio animæ sensitiuæ: & tandem corpore completo operatio animæ intellectiua: ergo idem est principium animæ & corporis, sed principium originis corporis est per decisionem seminis: ergo est & principium originis animæ.

10 Adhuc, quod configuratur alicui, constituitur ex actione eius cui configuratur: sicut cera quæ configuratur sigillo, accipit hanc configurationem ex impressione sigilli. constat autem corpus hominis & cuiuslibet animalis esse propriæ animæ configuratum, talis est enim organorum dispositio, qualis competit ad operationes animæ per eas exercendas, corpus igitur formatur ex actione animæ, vnde etiam Aristoteles dicit in 2. de Anima, \* quod anima est efficiens causa corporis, hoc autem non esset nisi anima esset in semine, nam corpus per virtutem quæ est in semine, constituitur. est igitur anima humana in semine hominis, & ita ex decisione seminis originem habet.

*\* Tex. cō. 36.*

11 Item, nihil viuit nisi per animam: semen autem est viuū: quod patet ex tribus. Primo quidem, quia a viuentē deciditur. Secundo, quia in semine apparet calor vitalis, & operatio vitæ, quæ sunt rei viuentis indicia. Tercio, quia semina plantarum terræ mandata, nisi in se vitam haberēt, ex terra quæ est exanimis, non possent calefcere ad viuendum, est igitur anima in semine, & sic ex decisione seminis vitam habet, & originem capit.

12 Amplius, si anima non est ante corpus, vt ostensum est, neq; incipit esse cum seminis decisione, sequitur quod prius formetur corpus, & postea ei infundatur anima de nouo creata. Sed si hoc est verum, sequitur vltcrius quod anima sit propter corpus, quod enim est propter aliud, inuenitur eo posterius: sicut vestimenta sunt propter hominem, hoc autem est falsum, nam magis est corpus propter animam, finis enim semper nobilior est.

oportet igitur dicere quod anima simul cum decisione seminis oriatur.



VANTVM ad tertium ponit S. Thom. quasdam rationes contra determinatā veritatem, quarū prima est: Anima sensitiua hominis virtute seminis procedit in esse, & in sit eiusdem generis cum animabus aliorum animalium: ergo & intellectiua. Probatur consequentia, quia in homine sensitiua & intellectiua sunt idem secundum substantiam.

Secundo, totus prius est animal quàm homo, ergo prius habet animam sensitiuam quàm intellectiua, sed illa producit ex semine, ergo & intellectiua, cum eadē fiat intellectiua, eo quod sibi intellectiua quæ sit alia, superuenire non possit. Tercio, anima vnitur corpori secundum esse, ergo fit ab eodem a quo fit corpus, quum ad ea quæ sunt vnum secundum esse, terminetur vna actio, & vnus agentis, ergo, &c. Quarto, homo generat sibi simile in specie per virtutem quæ est in semine, ergo causat animam, a qua est hominis species. Quinto, secundum Appollinarem sequeretur Deum cooperari adulteris, quia creando animam, daret complementum generationi adulteræ. Sexto, simul fit corpus & anima, alioquin idem esset prius & posterius seipso, ergo, &c. patet consequentia, quia corpus incipit fieri in decisione seminis. Septimo, sequeretur actionem Dei & hominis actionem esse imperfectam, quia neutra produceret totam rem.

Octauo, anima est pars hominis, ergo, &c. probatur consequentia, quia in omnibus quæ generantur ex semine, omnes partes rei generatæ virtute comprehenduntur in semine, declaratur in tritico, vbi herba, culmus, internodia, & aristæ comprehenduntur in primo semine, & postea protenditur semē & dilatatur ordine sequela naturali, ad rei perfectionem nihil extrinsecum assumens intellige tanquam causam agentem, licet aliquid extrinsecum tanquam materiam assumat. Nondū, in hominis generatione est idem processus corporis & animæ, & idem terminus, quia secundum processum figuratiōis & quantitatis corporis operationes animæ magis ac magis manifestantur, ergo, &c. Decimo, corpus hominis formatur ex actione animæ, tum quia sibi configuratur, tum quia anima est efficiens causa corporis, vt dicitur secundo de Anima, textu 36, ergo, &c. Vndecimo, semen viuit, vt ex multis apparet, ergo in ipso est anima, ergo, &c.

Duodecimo, sequitur q̄ prius formatur corpus, & postmodum infunditur anima: ergo anima fit propter corpus, quia quod fit propter aliud, est posterius eo, sicut patet in vestimentis quæ propter hominem fiunt.

#### Responsiones ad prædicta.

#### Cap. 89.



D faciliorem verò præmissarum rationū solutionem præmittenda sunt quædam ad exponendum ordinem & processum generationis humanæ & generaliter animalis. Primo itaque sciendum est falsam esse opinionem quorundam dicentium quod opera vitæ quæ apparent in embryone ante vltimum complementum, non sunt ex aliqua anima vel virtute animæ in eo existente, sed ex anima matris. Si enim hoc esset verum, iam embryo non esset animal: quum omne animal ex anima & corpore constet: operationes etiam vitæ nō proueniunt a principio actiue extrinsecò: sed ab intranea virtute, in quo præcipue a non viuentibus viuentia videntur discerni, quorum est proprium mouere seipsa. quod enim nutritur, assimilatur sibi nutrimentum: vnde oportet in nutrito esse virtutem nutritionis actiuam: cum agens sibi simile agat. & multo est hoc manifestius in operibus sensus, nam videre & audire conuenit alicui per virtutem aliquam in ipso existentem, non in alio: vnde cum embryo inueniatur nutriri ante vltimum complementum, & etiam sentire: non potest hoc attribui animæ matris.

Nec tamen potest dici quod in semine ab ipso principio sit anima secundum suam essentiam completam: cuius tamen operationes non apparent propter organorum defectum. Nam cum anima vnitur corpori vt forma, non vnitur nisi corpori cuius est propriæ actus: est autem anima actus corporis organici: non est igitur ante organizationem corporis in semine anima actus, sed solum potentia siue virtute. vnde Aristoteles dicit in secundo de Anima, quod semen & fructus sic sunt potentia vitam habentia, quod abijciunt animam, id est, anima caret: cum tamen id cuius anima est actus, sit potentia vitam habens: non tamen abijciens animam.

Sequeretur etiam si a principio anima esset in semine, q̄ generatio animalis esset solum per decisionem: sicut est in animalibus anulosis, quod ex vno fiunt duo.

Semen enim si statim cum est decidit, animam haberet, iam haberet formam substantialem: omnis autem generatio

*Tex. com. 10.*



ratio substantialis præcedit formam substantialem, non eam sequitur. si quæ verò transmutationes formam substantialem sequuntur, non ordinantur ad esse generati, sed ad bene esse ipsius: sic igitur generatio animalis completur in ipsa decisione seminis: omnes autem transmutationes sequentes essent ad generationem impertinentes. Sed adhuc magis est ridiculum, si hoc de anima rationali dicatur: tum quia impossibile est ut diuidatur secundum diuisionem corporis ad hoc ut in deciso semine esse possit, tum quia sequeretur quod in omnibus pollutionibus ex quibus conceptus non sequitur, nihilominus rationales animæ multiplicarentur. Neque etiam dici potest (quod quidam dicunt) etsi à principio decisionis in semine non sit anima actus, sed virtute, propter deficientiam organorum tamē ipsammet virtutem seminis, quod est corpus organizabile, etsi non organizatum, esse proportionaliter semini animam in potentia, sed non actu.

Et quia vita plantæ pauciora requirit organa, quàm vita animalis: primo semine sufficienter ad vitam plantæ organizato, ipsam prædictam virtutem fieri animam vegetabilem: deinde organis magis perfectis & multiplicatis eandem perducit ut sit anima sensitua: ulterius autem forma organorum perfecta, eandem animam fieri rationalem: non quidem per actionem virtutis seminis, sed ex influxu exterioris agentis: propter quod suspicantur Aristotelem dixisse intellectum ab extrinseco esse, in libro de Generatione animalium. Secundum enim hanc positionem sequeretur quod aliqua virtus eadem numero nunc esset anima vegetabilis tatum, & postmodum anima sensitua, & sic ipsa forma substantialis continuè magis ac magis perficeretur.

Et ulterius sequeretur quod non simul sed successiue educeretur forma substantialis de potentia in actum.

Et ulterius quod generatio esset motus continuus, sicut & alteratio, quæ omnia sunt impossibilia in natura. Sequeretur etiam adhuc maius inconueniens, scilicet quod anima rationalis esset mortalis.

Nihil enim formaliter alicui rei corruptibili adueniens facit ipsum esse incorruptibile per naturam: aliàs corruptibile mutaretur in incorruptibile, quod est impossibile, quum differant secundum genus, ut dicitur in decimo Metaphysicæ. Substantia autem animæ sensibilis, quum ponatur esse per accidens generata à corpore generato in processu prædicto: de necessitate est corruptibilis ad corruptionem corporis. Si igitur ipsamet sit rationalis quodam lumine intrinseco inducto, quod formaliter se habet ad ipsam (est enim sensitiuum potentia intellectuum) de necessitate sequitur quod anima rationalis corpore corrupto corrumpitur: quod est impossibile, ut supra\* probatum est, & fides catholica docet.

Non igitur ipsamet virtus quæ cum semine deciditur, & dicitur formatiua, est anima, neque in processu generationis fit anima: sed cum ipsa fundetur sicut in proprio subiecto, in spiritu cuius est semen contentiuus, sicut quoddam spumosum: operatur formationem corporis prout agit ex vi animæ patris, cui attribuitur generatio sicut principali generanti, non ex vi animæ concepti, etiā postquam anima inest, non enim conceptum generat seipsum, sed generatur à patre. Et hoc patet discurrenti per singulas virtutes animæ. Non enim potest attribui animæ embryonis ratione virtutis generatiuæ: tum quia vis generatiua non habet suam operationem nisi completo opere nutritiua & augmentatiua, quæ ei deseruiunt: cum generare sit iam perfecti: tum quia opus generatiuæ non ordinatur ad perfectionem ipsius indiuidui, sed ad speciei conservationem. Nec etiam potest attribui virtuti nutritiua, cuius opus est assimilare nutrimentum nutrito, quod hic non apparet, non enim nutrimentum in processu formationis trahitur in similitudinem præexistentis, sed producit ad perfectiorem formam, & viciniorem similitudini patris. Similiter nec augmentatiua ad quam non pertinet mutatio secundum formam, sed solum secundum quan-

titatem, de sensitiua autem & intellectiua patet quod non habet aliquod opus formationi tali appropriatum. Relinquitur igitur quod formatio corporis præcipue quantum ad primas & principales partes non est ab anima genita, nec à virtute formatiua agente ex vi eius, sed agente ex vi animæ generatiuæ patris: cuius opus est facere simile generanti secundum speciem. hæc igitur vis formatiua eadem manet in spiritu prædicto à principio formationis vsque in finem: species tamen formati non manet eadem, nam primò habet formam seminis, postea sanguinis, & sic inde quousque veniat ad vltimum complementum. Licet enim generatio simplicium corporum non procedat secundum ordinem, eò quod quodlibet eorum habet formam immediatam materiæ primæ, in generatione tamen corporum aliorum oportet esse generationum ordinem propter multas formas intermedias inter primam formam elementi, & vltimam formam ad quam generatio ordinatur, & ideo sunt multæ generationes & corruptiones sese consequentes. Nec est inconueniens si aliquid intermediorum generatur, & statim postmodum interrumpitur, quia intermedia non habent speciem completam, sed sunt ut via ad speciem, & ideo non generantur ut permaneant, sed ut per ea ad vltimum generatum perueniatur. Nec est mirum si tota generationis transmutatio non est continua, sed sunt multæ generationes & intermedie: quia hoc etiam accidit in alteratione & augmento, non enim est tota alteratio continua, neque totum augmentum: sed solum motus localis est verè continuus, \* ut patet in octauo Physicorum. Quanto igitur aliqua forma est nobilior, & magis distans à forma elementi: tanto oportet esse plures formas intermedias, quibus gradatim ad formam vltimam veniatur, & per consequens plures generationes medias. & ideo in generatione animalis & hominis in quibus est forma perfectissima, sunt plurimæ formæ & generationes intermedie, & per consequens corruptiones: quia generatio vnius est corruptio alterius. Anima igitur vegetabilis quæ primò inest cum embryo viuit vita plantæ, corrumpitur, & succedit anima perfectior, quæ est nutritiua & sensitua simul: & tunc embryo viuit vita animalis. hac autem corrupta succedit anima rationalis ab extrinseco immissa, licet præcedentes fuerint virtute seminis. His igitur visis facile est respondere ad obiecta. Quod enim primò obiicitur, oportere animam sensitiuam eundem modum originis in homine & in brutis habere, ex eo quod animal de eis vniuoce prædicatur: dicimus hoc necessarium non esse. etsi enim anima sensitua in homine & bruto conueniant secundum generis rationem, differunt tamen specie, sicut & ea quorum sunt formæ. sicut enim animal quod est homo, ab aliis animalibus specie differt per hoc quod est rationale: ita anima sensitua hominis ab anima sensitua bruti specie differt per hoc quod est etiam intellectiua. Anima igitur in bruto habet id quod est sensitiuum tantum: & per consequens nec esse nec eius operatio supra corpus eleuatur. vnde oportet quod simul cum generatione corporis generetur, & cum corruptione corrumpatur. Anima autem sensitua in homine, cum habeat supra sensitiuam naturam vim intellectiuam, ex qua oportet quod ipsa substantia animæ sit secundum esse, & operationem supra corpus eleuata, neque per generationem corporis generatur, neque per eius corruptionem corrumpitur. Diuersus ergo modus originis in animabus prædictis non est ex parte sensitiui, ex quo sumitur ratio generis, sed ex parte intellectiui ex quo sumitur differentia speciei: vnde non potest concludi diuersitas generis, sed sola diuersitas speciei. Quod verò secundò obiicitur conceptum prius esse animal quàm hominem: non ostendit rationalem animam cum semine propagari. nam anima sensitua per quam animal erat, non manet, sed ei succedit anima quæ est simul sensitua & intellectiua, ex qua est animal & homo simul, ut ex dictis patet. Quod verò tertio obiicitur, diuersorum agentium actiones non terminari ad vnum factum: intelligendum est de diuersis agentibus

D 542. 27

60.

\*Tex. com.

60. &amp; infra.

Tex. com. 26.

\*Cap. 79.

Ad 2.

Paulo ante ad 3.

tibus



eibus non ordinatis. Si enim ordinata sint adinuicem, oportet eorum esse vnum effectum. nam causa agens prima agit in effectum causæ secundæ agentis vehementius quàm etiam ipsa causa secunda. vnde videmus quòd effectus qui per instrumentum agitur à principali agente, magis propriè attribuitur principali agenti quàm instrumēto. contingit autem quandoque quòd actio principalis agentis pertingit ad aliquid in operato, ad quod non pertingit actio instrumenti, sicut vis vegetatiua ad speciem carnis producit, ad quā non potest producere calor ignis, qui est eius instrumentum, licet operetur disponendo ad eam, resoluendo & consumendo. quum igitur omnis virtus naturæ actiua comparetur ad deum sicut instrumentum ad primum & principale agens: nihil prohibet in vno & eodem generato, quod est homo, actionem naturæ ad aliquid hominis terminari, & nō ad totū quod fit actione dei, corpus igitur hominis formatur simul & virtute dei quasi principalis agētis & primi: & etiam virtute seminis quasi agentis secundi. sed actio dei producit animam humanam, quam virtus seminis producere non potest: sed disponit ad eam. Vnde patet solutio ad quartum. Sic enim homo sibi simile in specie generat, in quantum virtus seminis eius dispositiue operatur ad vltimā formam, ex qua homo speciem sortitur.

*Ad 5.* Deum verò adulteris cooperari in actione naturæ, nihil est inconueniens, non enim natura adulterorum mala est, sed voluntas, actio autem quæ est ex virtute seminis ipsorum, est naturalis, non voluntaria. vnde non est inconueniens si deus illi operationi cooperatur vltimam perfectionem inducendo. Quòd verò sexto obicitur, patet quòd non de necessitate concludit. Et si enim datur quòd corpus hominis formetur prius quàm anima creetur, aut econuerso, nō sequitur quòd idem homo sit prior seipso. non enim homo est suum corpus neque sua anima, sequitur autem quòd aliqua pars eius sit altera prior, quod non est inconueniens. nam materia tempore est prior forma. materiam dico secundum quòd est in potentia ad formam, non secundum quòd actu est per formam perfectam. sic enim est simul cum forma. corpus igitur humanum secundum quòd est in potentia ad animam, utpote quum nondum habet animam, est prius tempore quàm anima. tunc autem non est humanum actu, sed potentia tantum.

quum verò est humanum actu, quasi per animam humanam perfectum, non est prius neque posterius anima, sed simul cum ea. Neque etiam sequitur, si anima ex virtute seminis non producit, sed solum corpus, quòd sit imperfecta operatio tam dei quàm nature, ut septima ratio procedebat. virtute enim dei vtrumque fit, & corpus & anima, licet formatio corporis sit ab eo mediante virtute seminis naturali, animam autem immediate producat. Neque etiam sequitur quòd actio virtutis seminis sit imperfecta, cum perficiat hoc ad quod est. Sciendum est etiam in seminis virtute contineri omnia illa quæ virtutem corpoream non excedunt, sicut fœnum, culmus, internodia, & similia, ex quo concludi non potest quòd id hominis quod totā virtutem corpoream excedit, in seminis virtute contineatur, ut octaua ratio concludebat. Quòd autem operationes animæ videntur proficere in processu generationis humanæ sicut proficiunt corporis partes: non ostendit animam humanam & corpus idem principium habere, sicut nona ratio procedebat: sed ostendit quòd dispositio partium corporis est necessaria ad animæ operationem. Quòd autem decimò obicitur, corpus animæ configurari, & ob hoc animam sibi corpus simile præparare, partim quidem est verum, partim autem falsum. si enim intelligatur de anima generantis, est verum quod dicitur: falsum autem si intelligatur de anima generati. nō enim virtute animæ generati formatur corpus quantum ad primas & præcipuas partes, sed virtute animæ generantis, ut supra probatum est. similiter etiam omnis materia suæ formæ configuratur, non tamen hæc configuratio fit ex actione generati, sed ex actione formæ generantis.

*Ad 7.* simul cum ea. Neque etiam sequitur, si anima ex virtute seminis non producit, sed solum corpus, quòd sit imperfecta operatio tam dei quàm nature, ut septima ratio procedebat. virtute enim dei vtrumque fit, & corpus & anima, licet formatio corporis sit ab eo mediante virtute seminis naturali, animam autem immediate producat. Neque etiam sequitur quòd actio virtutis seminis sit imperfecta, cum perficiat hoc ad quod est. Sciendum est etiam in seminis virtute contineri omnia illa quæ virtutem corpoream non excedunt, sicut fœnum, culmus, internodia, & similia, ex quo concludi non potest quòd id hominis quod totā virtutem corpoream excedit, in seminis virtute contineatur, ut octaua ratio concludebat. Quòd autem operationes animæ videntur proficere in processu generationis humanæ sicut proficiunt corporis partes: non ostendit animam humanam & corpus idem principium habere, sicut nona ratio procedebat: sed ostendit quòd dispositio partium corporis est necessaria ad animæ operationem. Quòd autem decimò obicitur, corpus animæ configurari, & ob hoc animam sibi corpus simile præparare, partim quidem est verum, partim autem falsum. si enim intelligatur de anima generantis, est verum quod dicitur: falsum autem si intelligatur de anima generati. nō enim virtute animæ generati formatur corpus quantum ad primas & præcipuas partes, sed virtute animæ generantis, ut supra probatum est. similiter etiam omnis materia suæ formæ configuratur, non tamen hæc configuratio fit ex actione generati, sed ex actione formæ generantis.

*Ad 9.* te contineatur, ut octaua ratio concludebat. Quòd autem operationes animæ videntur proficere in processu generationis humanæ sicut proficiunt corporis partes: non ostendit animam humanam & corpus idem principium habere, sicut nona ratio procedebat: sed ostendit quòd dispositio partium corporis est necessaria ad animæ operationem. Quòd autem decimò obicitur, corpus animæ configurari, & ob hoc animam sibi corpus simile præparare, partim quidem est verum, partim autem falsum. si enim intelligatur de anima generantis, est verum quod dicitur: falsum autem si intelligatur de anima generati. nō enim virtute animæ generati formatur corpus quantum ad primas & præcipuas partes, sed virtute animæ generantis, ut supra probatum est. similiter etiam omnis materia suæ formæ configuratur, non tamen hæc configuratio fit ex actione generati, sed ex actione formæ generantis.

*Ad 10.* rationem. Quòd autem decimò obicitur, corpus animæ configurari, & ob hoc animam sibi corpus simile præparare, partim quidem est verum, partim autem falsum. si enim intelligatur de anima generantis, est verum quod dicitur: falsum autem si intelligatur de anima generati. nō enim virtute animæ generati formatur corpus quantum ad primas & præcipuas partes, sed virtute animæ generantis, ut supra probatum est. similiter etiam omnis materia suæ formæ configuratur, non tamen hæc configuratio fit ex actione generati, sed ex actione formæ generantis.

tis. Quòd autem vndecimò obicitur de seminis vita in principio decisionis, patet quidem ex dictis non esse viuum nisi in potentia, vnde tunc animam actu non habet, sed virtute, in processu autem generationis habet. Animam vegetabilem & sensibilem ex virtute seminis: quæ non manent, sed transeunt anima rationali succedente. Neque etiam si formatio corporis animam humanam præcedit, sequitur quòd anima sit propter corpus, ut duodecima ratio inferebat. est enim aliquid propter alterum dupliciter. Vno modo propter eius operationem siue conseruationem, vel quicquid huiusmodi est, quod sequitur adesse, & huiusmodi sunt posteriora eo, propter quod sunt, sicut vestimenta sunt propter hominem, & instrumenta propter artificem. Alio modo est aliquid propter alterum, id est, propter esse eius, & sic quod est propter alterum, est prius tempore, & natura posterius. hoc autem modo corpus est propter animam, sicut etiam omnis materia propter formam. secus autem esset, si ex anima & corpore non fieret vnum, secundum esse, sicut dicunt qui ponunt animam non esse corporis formam.

### Super Cap. 89.



VANTVM ad quartam respondet S. Th. rationibus supra positis. Circa hoc autem duo facit. Primum enim ponit pulcherrimam quandam de processu generationis doctrinam. Secundò sigillatim ad singula respondet argumenta. Quantum ad primum dicit summam septem. Primum est quòd opinio dicentium quòd opera vitæ quæ apparent in embryone, ante vltimum complementum non sunt ex aliqua anima, vel ex virtute in eo existente sed ex anima matris, est falsa: tum quia embryo non esset animal, tum quia operationes vitæ non proueniunt à principio extrinseco, scilicet, immediate, sed ab intrinseco, vti in nutritione secundum quam quod nutritur assimilatur sibi nutrimentum: & multo magis in operibus sensus apparet. Secundum est, quòd animam secundum essentiam suam completam esse in semine à principio, sed eius operationes propter defectum organorum non apparere, falsum est, tum quia anima non vnitur ut forma corpori nisi organizata, tum quia Aristot. secundo de Anima text. 10. inquit quòd semen & fructus sic sunt potentia vitam habentia, quòd abiciunt animam, tum quia tum generatio animalis completeretur in ipsa decisione seminis, sicut in animalibus anulosis ex vno sunt duo: & sic sequeretur quòd omnes transmutationes sequentes essent ad generationem impertinentes. transmutationes enim formam substantialem sequentes non ordinantur ad esse generati, sed ad bene esse ipsius, sequeretur etiam quòd anima rationalis diuideretur ad diuisionem corporis, & quòd ex omnibus pollutionibus ex quibus conceptus non sequitur, animæ rationales multiplicarentur. Tertium est quòd etiam illa opinio falsa est, quæ dicit quòd sicut semen est corpus non organizatum actu, sed organizabile, ita virtus quæ est in semine, est anima in potentia, non autem in actu: & quòd organizatio seminis sufficienter ad vitam plantæ, prædicta virtus sit anima vegetabilis, deinde organis magis perfectis eadem sit sensitiua, postremo forma organorum perfecta, eadem sit anima rationalis, non actione quidem virtutis seminis, sed ex actione & illuminatione exterioris agentis: & quòd propter hoc dixit Aristotelis intellectum ab extrinseco esse. Hæc enim opinio falsa est: tum quia tunc forma substantialis continuè magis ac magis perficeretur, tum quia forma substantialis non simul sed successiue educeretur in actum, & sic generatio esset motus continuus: tum quia sequeretur animam rationalem esse mortalem, quia anima rationalis esset eadem cum anima sensibili quæ per accidens generata ponitur in processu prædicto, & per consequens ponitur ad corruptionem corporis esse corruptibilis. Nec potest dici quòd ex lumine extrinseco per quod dicta anima sit rationalis, fiat incorruptibilis, quia nihil formaliter rei corruptibili adueniens facit ipsam incorruptibilem per naturam, cum corruptibile & incorruptibile differant secundum genus, 10. Metaphysicæ, textu 26. Quartum est quòd dicta virtus quæ fundatur in spiritu cuius semen est contentium, operatur corporis formationem ex vi animæ patris cui principaliter attribuitur generatio, non autem ex vi animæ concepti, etiam postquam habet animam, quia conceptum non generat seipsum, sed à patre generatur, ut patet per singulas virtutes animæ discutendo. Animæ enim embryonis non potest attribui corporis formatio ratione virtutis generatiuæ, quia non habet ea vis suam operationem nisi completo opere nutritiua & augmentatiua: nec ordinatur ad perfectionem ipsius individui, sed ad speciei conseruationem. Non etiam illud sibi attribui potest ratione virtutis nutritiua, quia nutrimentum in processu formationis producit ad perfectiorem formam & viciniorem similitudini patris: nō autem ad similitudinem præexistentis trahitur, quod sit per opus nutritiua assimilantis nutrimentum nutritio. nec etiam sit virtute augmentatiua, quia ad ipsam non pertinet mutatio secundum formam sed tantum secundum quantitatem. Non etiam illud sit virtute sensitiua, aut intellectiua potentia, ut patet, relinquitur ergo quòd formatio corporis præcipue quantum ad primas & principales partes, est tantum ex vi animæ generantis. Quintum est quòd hæc vis formatiua manet in spiritu prædicto à principio formationis vsque ad finem, species tamen formati non manet eadem, eum diuersas formas habeat successiue vsque ad complementum: quia licet generatio simplicium corporum non procedat secundum ordinem eò quòd quodlibet eorum habeat formam immediatam materię primæ, tamen in aliorum generatione oportet esse generationum ordinem propter multas formas intermedias inter primam formam elementari & vltimam, ad quam generatio ordinatur. Sextum est, quòd non est



non est inconueniens si aliquid intermediorum generatur, & statim postmodum corrumpitur, quia illa tanquam non habetia specie speciem completam, non generantur ut permaneant, sed ut per ea ad vltimum generatum perueniant. Nec etiā est mirum quod tota generationis transmutatio non sit continua, quia hoc etiam accidit in tota alteratione, & tota augmentatione, & solus motus localis est verē continuus. 8. Physicorum, text. 64. & infra. Septimum est quod quantum aliqua forma est nobilior, & magis distans à forma elementi, tanto oportet esse plures formas intermedias, & plures generationes & corruptiones. Et ideo in generatione hominis anima vegetabilis quæ primò inest embryoni cum viuut vita planta, corrumpitur, & succedit perfectior anima, quæ est simul nutritiua & sensitiua: & tunc embryo viuut vita animalis: hac autem corrupta succedit rationalis ab extrinseco, non autem virtute seminis, ut præcedentes.

CIRCA tertium dictum aduertendum quod corruptibile secundum naturam impossibile est ut fiat secundum naturam incorruptibile, quasi corruptibile in incorruptibile mutetur. cum enim corruptibile & incorruptibile differant secundum genus, non potest vnum mutari in aliud nisi fiat mutatio secundum genus: & per consequens nihil secundum naturam corruptibile manens idem secundum substantiam, & non variatum secundum genus, potest fieri per naturam incorruptibile: sed tamen id quod est secundum naturam corruptibile, potest ex supernaturali dono fieri incorruptibile, ita quod idem erit corruptibile & incorruptibile, sed per naturam corruptibile autem per gratiam, aut per donum aliud quod supernaturale ipsum à corruptione prohibens, ut est in corporibus beatorum, propter hoc S. Thom. ut se præseruaret ab incorruptibili per supernaturale donum, non dixit absolute quod nihil formaliter alicui rei corruptibili adueniens facit ipsum incorruptibile, sed quod non facit ipsum incorruptibile per naturam: & sic si anima sensitiua quæ est secundum naturam corruptibilis, fiat par superuenientem lucem rationalis, non poterit anima rationalis fieri incorruptibilis per naturam, sed remanebit naturaliter mortalis & incorruptibilis sicut prius.

CIRCA quartum dictum cum concluditur quod formatio corporis præcipue quantum ad primas & principales partes est tantum ex vi animæ generantis, aduerte quod idcirco specificauit S. Thom. principales & primas partes, quia ut ipse ait prima parte in questione 113. art. 1. ad quartum, producta anima sensitiua in generato quantum ad aliquam partem principalem, tunc iam illa anima sensitiua prolis incipit operari ad complementum proprii corporis per modum nutritionis & augmenti. Et sic patet quod aliquæ partes secundariæ aduenientes possunt ex vi animæ prolis effici, licet partes principales, sicut cor, cerebrum, & huiusmodi virtute animæ generantis fiant.

CIRCA quintum dictum duplex dubium occurrit. primum est circa id quod dicitur vim formatiuam manere in spiritu à principio formationis vsque in finem. videtur enim velle sanctus Thomas quod talis vis finita formatione non duret, sed tantum duret vsque ad formationis complementum. Huius autem oppositum habetur in generato quantum ad aliquam partem principalem, tunc iam illa anima sensitiua prolis incipit operari ad complementum proprii corporis per modum nutritionis & augmenti. Et sic patet quod aliquæ partes secundariæ aduenientes possunt ex vi animæ prolis effici, licet partes principales, sicut cor, cerebrum, & huiusmodi virtute animæ generantis fiant.

AD primum horum responderetur quod expresse S. Thom. pri. parte, vbi supra, tenet virtutem adiuam quæ erat in semine, desinere esse desinente semine, & euanescente spiritu qui in ipso continebatur. non enim possibile est virtutem remanere eandem numero eius subiecto destructo, cum accidens neque per se sustinere possit, neque migrare de subiecto in subiectum. Quod autem dicitur in de Potentia, &c. quod manet, intelligitur non eadem secundum numerum, sed in suo simili: quod patet ex duobus. Primo, quia assignat rationem huius permanentiæ, ex eo quod spiritus in quos tota fere substantia spermatis conuertitur, manent. constat autem quod substantia spermatis non conuertitur in eisdem numero spiritus qui præerant, sed in similes: & sic virtus quidem similis priori remanet, non autem oportet ut remaneat prior eadem secundum numerum. Secundo, quia idem cõfirmat exemplo caloris qui fuit dispositio ad formam ignis, qui remanet forma ignis adueniente, manifestum est autem quod calor qui præcessit formam ignis, non remanet idem numero, cum in aduentu formæ ignis corrumpatur subiectum in quo erat, sed remanet similis calor secundum speciem. Dicendum est ergo quod virtus formatiua remanet in simili, non autem eadem secundum numerum: & quæ prius erat corporis formatiua, ut ibi dicitur, eadem secundum speciem fit postmodum corporis regitiua.

AD euidentiā secundi dubij attendendum est primò ex doctrina S. Tho. de Spiritu. art. 3. ad vigesimum, quod materia nudè quidem considerata indifferenter se habet ad omnes formas, quia videlicet secundum suam substantiam non est magis ad vnam formam determinatam quam ad aliam, sed vniuscuiusque est secundum suam naturam receptiua. considerata autem ut perfecta per aliquam dispositionem ex virtute agentis, non respicit indifferenter omnes formas, sed aliquas determinate. sunt enim aliquæ formæ habentes inter se ordinem secundum generationem, ut nata sint sibi immediate per generationem succedere: & ideo dum materia vna illarum exiit, non potest recipere quancunque indeterminatè, sed illam quæ nata est immediate succedere formæ priori quæ erat ab agente introducta, tanquam dispositio ad vltiorem formam: sicut quia

forma sanguinis habet immediatū ordinem in generatione animalis ad formam feminis, ideo dum materia exiit forma feminis, non recipit immediatè aliam formam quam formam sanguinis. Attendendum secundò, quod licet materia secundum se & nudè considerata indifferenter se habeat ad omnes formas, ut autem est per aliquam formam ab agente disposita, non sit ad omnes indifferenter, sed aliquas determinate respiciat: tamen alium ordinem habet ad formas elementorum, & aliam ad formas perfectiores. Nam cum formæ elementorum teneant infimum gradum inter formas, inter materiam primam & formas elementorum non mediat alia forma imperfectioris ordinis, utpote quæ sua imperfectione magis ad naturam materiæ appropinquet: & ideo inquit hoc loco sanctus Thomas quod quodlibet elementorum habet formam immediatam materiæ primæ: formæ autem altioris gradus & ordinis, habent sub se naturæ ordine formas inferioris ordinis & gradus: & quantum forma est imperfectioris ordinis, tantò magis ad naturam materiæ appropinquet: quia quantum aliquid magis recedit ab actu & perfectione, tantò magis ad potètiā accedit. ideo formæ quæ sunt supra elementa, non sunt immediatè materiæ primæ secundum ordinem naturæ, sed inter ipsas & materiam mediant formæ elementorum: & quantum forma ad altiorē ordinem & gradum pertinet, tantò inter ipsam & materiam plures formæ naturæ ordine mediant. Et quia natura in educendo aliquid de potentia ad actum procedit de imperfecto ad perfectum: ideo dum materiam deducere intendit ad actum formæ perfectioris ordinis, prius deducit ad actum formæ imperfectioris, & sibi propinquois secundum materiam. Ethæc est ratio quare dum exiit forma vnius elementi, indifferenter potest recipere quancunque aliam formam alterius elementi: non autem dum exiit alia forma, potest indifferenter recipere quancunque aliam formam superioris ordinis, sed determinatam, scilicet, eam quæ est formæ priori secundum gradum & ordinem naturæ proximior: in generatione enim naturali forma imperfectior introducta à natura ut dispositio ad formam immediatè post ipsam naturæ ordine collocatam: in generatione verò elementi forma imperfectioris elementi non se habet ut dispositio & ut medium ad formam alterius elementi, cum omnes formæ elementares ad vnum ordinem pertineant, & omnes immediatè materiam respiciant. Attendendum tertio quod aliud est aliquam formam esse immediatam materiæ, & aliud illam vniri immediatè materiæ. cum enim dicitur formam esse materiam immediatam, significatur exclusio omnis alterius formæ inferioris ordinis & gradus inter materiam & formam, quia videlicet secundum naturæ ordinem nulla est quæ illa sua imperfectione magis ad materiæ naturam & conditionem appropinquet: sicut dicimus hominem & animal esse immediata, quia inter ea non mediat alia superior species quæ sit prior homine, & inferior animali. econtrario verò dicimus viuum & hominem non esse immediata, quia inter illa ordine naturæ & gradu mediat animal. sed cum dicitur formam vniri immediatè materiæ, significatur quod forma date esse materiæ non mediante aliquo alio, sed per se ipsam. ita quod excluditur omne medium quod vnire habeat formam materiæ secundum esse. sic autem (ut superius est ostensum) omnis forma substantialis immediatè vnitur materiæ primæ, eò quod omnis forma superioris ordinis virtualiter contineat omnes alias formas inferiorum ordinum darent: non autem omnis forma est ordine naturæ immediata materiæ (ut est ostensum) cum sint diuersi gradus & diuersi ordines formarum. Patet itaque ex his quoniam benedictum est à S. Thom. in generatione aliorum corporum supra elementa oportere esse generationem ordinem propter multas formas intermedias, ordine scilicet naturæ inter primam formam elementi & vltimam formam ad quam generatio ordinatur, quia natura ordinatè in suis operibus procedit, & non producit aliquid ab vno extremo ad aliud nisi per media essentialiter & per gradus ordinata.

AD primum ergo in oppositum dici potest dupliciter, primò quod non loquitur ibi sanctus Thomas de materia vnius elementi in ordine ad omnes formas, sed in ordine ad formas aliorum elementorum, quæ per simplicem generationem in ipsam introducuntur. ipsa enim exuta vna forma elementi, potest indifferenter plures formas elementares recipere quia vthic dicitur, quodlibet eorum habet formam immediatam materiæ primæ. vnde & adducit Aristotelem secundo de Generatione dicentem, quod cum ex terra fit ignis, non oportet fieri transitum per media elementa. loquitur autem particulariter & de illis, quia ex contrarietate illarum arguebatur esse contrarietatem in substantia. ipse autem ostendit quod propter illas non oportet ponere contrarietatem in substantia, cum neque inter ipsas inueniatur maxima distantia, ita quod ab vna illarum non possit nisi per media perueniri, neque esse illarum per continuum motum acquiri possit: & sic quum non sit inter illa contrarietas, de quibus maxime videtur propter contrarias ipsarum qualitates, multò minus inter alias formas substantiales erit contrarietas. hic autem sanctus Thomas in loco adducto non loquitur de materia in ordine ad formas elementares in ipsam per simplicem generationem introducendas, sed in ordine ad alias formas quæ supra formas elementares sunt. Potest secundò responderi iuxta ea quæ dicuntur in questione de Spiritualibus, loco allegato, quod loquitur sanctus Thomas in quinto Physicorum de ipsa materia secundum se & nudè considerata, ipsa enim exuta vna forma, ut sic, videlicet absque forma, quantum est ex natura sua, & sua potentialitate, indifferens est ad vnamquamque formam recipiendam, eò quod vnaquæque forma substantialis nata sit illi dare esse immediatè & illi immediatè vniri. Hic autem loquitur sanctus Thomas de materia secundum quod per agens disponitur & ordinatur ad generationem. sic enim per aliquod agens disposita ad alicuius generationem, & per eius actionem exuta forma quam habebat, ut sic, videlicet per tale agens exuta, non est indifferens ad plures formas, sed est determinata ad illam ad quam agens ipsam disposuerat: vnde nulla est contradictio. Ad secundum patet ex dictis, quod aliud est formam esse naturæ ordine immediatam materiæ, & aliud ipsam vniri materiæ immediatè. Sanctus Thomas ergo non probat generationem simplicium corporum non procedere ordinatè, quia quodlibet elementorum habeat formam per quam immediatè vnitur materiæ, sed quia vnumquodque eorum habet formam naturæ ordine immediatam materiæ: hoc autem



autem non conuenit omni formæ, sed tantum formis elementorum, eod quodd ipsæ infimum gradum inter formas teneant.

CIRCA sextum dictum, quum dicitur quodd neque alteratio tota est continua, neque totum augmentum, aduertendum quodd ex istis verbis non habetur neque vllam alterationem esse continuam, neque vllum augmentum. hoc enim quum tantum incidenter sit dictum, noluit sanctus Thomas asserere, eod quodd multas habet difficultates, sed habetur tantum quodd tota alteratio qua scilicet aliquid alteratur à non gradu alicuius qualitatis ad aliquem perfectum gradum, non est de necessitate continua, quia potest mobile moueri ad aliquem gradum remissum: & posteaquam ibi per aliquod tempus quieuerit, moueri ad perfectum gradum similiter totum augmentum quo animal per totam suam vitam augetur, nō est continuum, cum videamus homines augeri ad aliquam quantitatem, & sub illa per longum temporis spaciū quiescere, deinde in maiorem etiam quantitatem augeri. De hoc autem nulli est dubium. Vtrum autem partialē augmentum & partialis alteratio sit motus continui, non est præsentis speculationis, sed ad octauum Physicorum pertinet, idque ibi pertractauimus.

QVANTVM AD SECVNDVM respondet sanctus Thomas ad singula argumenta. Ad primum quidem negat antecedens, ad eius verò probationem negat consequentiam, quia licet anima sensitua bruti, & anima sensitua hominis sint eiusdem generis, non tamen sunt eiusdem speciei, sicut neque homo & brutum. Ad probationem negat assumptum. diuersitas enim speciei potest requirere diuersum modum procedendi in esse eorum quæ sunt eiusdem generis. Nam in proposito, anima bruti est sensitua tantum, & per consequens nec esse nec operatio eius supra corpus eleuatur: ideo simul generatur & corrumpitur cum corpore: sensitua autem hominis est etiam intellectiua & secundum esse ac operationem supra corpus eleuatur, ideo per corporis generationem non generatur.

Ad secundam respondet ex dictis quodd sensitua per quam factus erat animal, nō manet, sed ei succedit alia quæ simul est sensitua & intellectiua.

AD fundamentum tertie rationis, scilicet quodd diuersorum agentium actiones non terminantur ad vnum factum, sed ad diuersa, respondet quodd est verum de agentibus non subordinatis, est autem falsum de subordinatis, quorum vnum est sicut principale agens, alterum verò sicut instrumentum.

Dicitur tamen secundo quodd aliquando actio principalis agentis pertingit ad aliquid in operato, ad quod non pertingit actio instrumenti: & sic vno & eodem generato, quod est homo, nihil prohibet actionem naturæ, quæ est sicut Dei instrumentum, terminari ad aliquid hominis, non autem ad totum quod sit actione Dei, vnde virtute Dei & virtute feminis producit quidem corpus hominis, animam verò actio Dei immediate producit, quam virtus feminis producere nō potest, sed ad eam disponit.

AD euidentiam huius responsionis considerandum quodd licet virtus feminis dicatur animam non producere, sed tantum ad eam disponere, non tamen hoc est intelligendum ad hunc sensum, quasi virtus feminis nullo modo ad ipsam animam attingat, sed sensus est (vt habetur ex q. de Potentia, quæst. 3. ar. 9. in solutionibus argumentorum) quod non producit animam causando esse ipsius, sed producit dispositiones quæ sunt necessariæ ad formam, & quibus corpus disponitur ad hoc vt sit particeps esse animæ: & quia ad tales dispositiones sequitur vnio animæ cum corpore, ideo virtus feminis est etiam causa vnionis animæ cum materia. Et per hoc soluantur multa argumenta adducta à Capreolo in 2. Sen. dist. 15. quibus arguitur quodd non potest saluari hominis generatio ab homine, si homo tantum dispositiones accidentales producat. dicitur enim quodd non tantum dispositiones corporis agens naturale causat, sed est etiam causa vnionis animæ ad corpus dispositiue, & sic dicitur agens naturale inducere formam in materia.

SED contra hanc responsionem, cum dicitur quodd agentia subordinata, qualia sunt Deus & creatura, respectu hominis possunt agere ad eundem terminum diuersimodè, dubitatur. In hominis enim generatione non potest actio diuina quæ est creatio, terminari ad idem compositum, quod est homo, ad quod terminatur actio hominis, quæ est generatio, aliquoquin totus homo diceretur creatus, sicut dicitur genitus: nec ad eundem terminum qui est forma, quia tunc agens creatum cooperaretur creationi, cuius oppositum ostensum est in præcedentibus, ergo nullo modo ad eundem terminum terminatur. Respondetur, & dicitur primo, quodd actio Dei & actio feminis aut hominis generantis terminantur ad eundem terminum qui est homo, & ad eundem terminum quæ est anima. sed diuersimodè. Nam homo est terminus creationis inquantum principalis eius pars, scilicet, anima intellectiua, creatur in corpore: est verò terminus generationis, inquantum alia pars, scilicet, corpus per generationem disponitur vltima dispositione ad suscipiendū animā: & generatio est causa per modum disponentis & preparantis materiam quodd sibi anima vnietur, ex cuius vnione resultat ipsum totum, quod est homo: vnies enim materiam cum forma, est causa suo modo compositi quod extali vnione resultat. Anima verò est terminus creationis quantum ad esse suum absolute, est verò formalis terminus generationis quo ad vnionem eius cum materia. Cum autem dicitur quodd tunc agens creatum cooperaretur creationi, dico quodd cooperari creationi dupliciter potest intelligi. Vno modo, quia cum alio operatur ad terminum creationis attingendo esse ipsius absolute: & sic nihil cooperatur creationi. Alio modo disponendo materiam in qua terminus per se creationis creatur, & per hoc terminum creationis vnies materia: & sic nullum inconueniens est aliquid cooperari creationi eius quod in materia determinata creatur: & sic dicimus hominem siue virtutem feminis creationi animæ cooperari.

SED resultat aliud dubium etiam à Capreolo loco allegato tactum. Cum enim dicitur virtutem feminis esse causam dispositionum corporis, non autem esse causam animæ, queritur de illis dispositionibus. Aut enim sequuntur animā ordine naturæ, aut præcedunt. Non primum: tum quia nullum agens causat accidentia consequentia aliquā formā nisi causet illā formā: tum quia virtus feminis nihil causat postquā repositum est in specie. Non etiam secundum, quia tunc in homine esset alia forma substantialis præcedens animam super quam fundaretur: quod negatum est. ergo nullo modo virtus feminis illa dispositiones causat, nisi & ipsam

animam causet. Respondetur, quodd duplex est genus dispositionum materialium. Quædam enim sunt dispositiones transeuntis, quibus scilicet præparatur materia ad susceptionem animæ, sed in eius aduentu desinunt esse: & tales certum est quodd præcedunt animam, & fundantur in forma substantiali præcedente in materia aduentum animæ, vt sunt accidentia embryonis quæ consequuntur animam sensituiam in ipso existentem. Quædam verò sunt permanentes, quæ scilicet, in eodem instanti in quo anima vnitur corpori, causantur, & simul cum anima permanent in materia: & tales (vt in superioribus est plenissime ostensum) absolute loquendo sequuntur animam. prius enim oportet ordine naturæ formam vniri materiæ quam accidentia compositi sint: quia compositum ex vnione formæ ad materiam resultat: accidentia autem quæ in ipsa animā introductione ab agente naturali causantur, sunt accidentia non animæ tantum, sicut intellectus & voluntas quæ à solo Deo causantur, nec tantum materiæ, quia quælibet forma substantialis (vt superius est ostensum) vnitur immediate materiæ: sed sunt accidentia compositi: sed considerata anima vt dat esse intellectuium, præcedunt ipsam animam in genere causæ materialis, veluti eius dispositiones quibus materia ad esse intellectuium præparatur. Cum probatur quodd non sequuntur animam in materia, dicitur ad primam probationem, quodd assumptum est verum de accidentibus consequentibus formam tantum tanquam eius proprietates in ipsa sola existentes: non est autem verum de accidentibus compositi, de quibus loquimur in proposito, & de agente instrumentali præparante per accidentia transeuntia materiam ad susceptionem formæ, cuiusmodi est agens naturale de quo nunc loquimur. Tale enim est dispositiue causa vnionis formæ cum materia, & per consequens est causa compositi & accidentium quæ compositum concomitantur. Ad tertiam dicitur quodd agens naturale nihil agit post repositionem factus in specie posterioritate durationis: sed bene eodem instanti in quo factus reponitur in specie, aliquid agit quodd posterius natura sequitur vnionem animæ cum materia, & secundum etiam aliquam considerationem formam præcedit, vt de huiusmodi accidentibus diximus. Cum autem probatur quodd non sequuntur, quia in homine esset alia forma præter animam, negatur consequens. Dicitur enim quodd illæ dispositiones vt præcedunt animam inquantum dat esse rationale, fundantur super compositum ex materia & ipsa anima intellectiua, vt dat esse sensituium: & sic non oportet ponere aliam formam præter intellectuiam in homine. Ex his poterunt solui multa instantia à Capre adducta. Ad quartam respondetur negando consequens. sibi enim simile in specie homo generat, inquantum virtus feminis dispositiue operatur ad ipsam vltima formam per quam homo speciem fortitur.

PRO declaratione huius responsionis attendendum est, quodd quia anima intellectiua est alterius conditionis à conditione aliarum formarum quæ sunt in materia: ideo alio modo dicitur homo generare hominem, & alio modo aliud animal sibi simile in specie generare. Nam quia animæ brutorum à materia secundum esse dependent, generans in ipsis non solum est causa compositi, sed etiam formæ, ipsam de potentia materiæ educendo, quia verò anima intellectiua non dependet à materia secundum esse, & de illius potentia non educitur, homo generans non causat animam intellectuiam absolute, sed ipsam vnit materiæ disponendo materiam tali dispositione quæ est necessaria ad formam: & quia ex tali vnione animæ cum materia resultat ipsum totum est homo, ideo dicitur homo hominem generare, & sibi simile in specie producere.

SED aduertendum hic, cum dicimus hominem generantem esse causam vnionis animæ cum materia, quodd hoc non est intelligendum quasi sit causa relationis vnionis animæ, vt ex parte animæ se tenet ipsam relationem attingendo. relatio enim non est per se terminus actionis, nec etiam quia sit causa esse substantialis in quo vnitur anima & corpus, sed quia causat terminum relationis animæ ad corpus, ad cuius termini, scilicet, corporis positionem necesse est animam secundum suum esse vniri corpori. vnde vnio materiæ ad formam quantum ad fundamentum relationis, est intrinsecus terminus generationis: sed vnio formæ cum materia ex parte ipsius formæ & eius esse in quo fit vnio, est generationis terminus extrinsecus. Et hoc est particulare in generatione hominis, quodd scilicet, dicitur homo hominem generare ex hoc solum, quia per multas generationes & alterationes disponit materiam ad susceptionem animæ, causatque etiam dispositiones cum ipsa remanentes, & ex hoc causat ipsius vnionem cum materia, & consequenter humanitatem quæ est tertia entitas. in aliis enim generationibus præter hæc omnia generans etiam ipsam formam in esse producit, educitque de potentia materiæ. hoc autem euenit, quia alia formæ non sunt subsistentes: anima verò intellectiua subsistens est, supraque materiam eleuatur. Bene itaque breuiter respondit S. Thom. quodd ad hoc vt saluetur hominem sibi simile in specie generare, sufficit quodd dispositiue ad animam intellectuiam operetur.

Ad quintam rationem quæ est Apollinaris, respondetur, id quod inferitur, non esse inconueniens, cum generatio sit nō voluntatis actio, sed naturæ, quæ mala non est. Ad sextam rationem, quæ ex Gregorio Nysseno cum sequentibus est sumpta, respondetur negando antecedens de corpore secundum quodd est in potentia ad animam, nondum scilicet animam habens. Ad probationem negatur consequentia: quia tunc non est adhuc corpus humanum nisi in potentia: ideo præcedit animam, sicut potentia præcedit actum, non autem idem præcedit seipsum.

Ad septimam rationem negat consequentiam, actio enim Dei vtrunque producit, scilicet animam & corpus: corpus quidem mediante virtute feminis, animam verò immediate. actio autem feminis perficit, id ad quod est.

AD VERTE quodd S. Tho. ex hac responsione vult negare hanc propositionem: Actio quæ tota rem nō producit in esse, est imperfecta. nō enim actio dicitur imperfecta si non producit totā rem, quādo nō ordinatur ad productionem rei quantum ad omnes partes, sed tantum ad productionem vnus partis. Nam omnis actio in suo genere perfecta est quando per ipsa completur id ad quod ordinatur: & ideo quia virtus feminis non ordinatur à natura ad productionem hominis quantum ad omnem eius partem, sed tantum ad corporis dispositionem & organizationem quæ ad receptionem animæ intellectiue sufficit, ideo si per ipsam hoc efficiatur, est actio



est actio perfecta, dato quod non vtrique homines partim producat.

SE D occurrit dubium circa id quod de actione diuina dicitur. Si enim Deus mediante virtute feminis producat corpus, animam verò immediate, sequitur quod duæ actiones diuinæ ad hominis productionem concurrant simul, scilicet, creatio animæ, & corporis productio. sed ab eodē agente per duplicem actionem ipsius non potest vnum simpliciter produci, quia vnicuique actioni suus proprius & distinctus terminus correspondet: ergo homo non erit quid vnum simpliciter: quod pro inconuenienti habuit S. Th. contra Platonem & Origenem superius. Dicitur primo, quod vtrique duæ operationes Dei extrinsecè cōcurrunt ad hominis productionem, licet sit vnica eius operatio intrinsecè, quæ est diuina substantia. Dicitur secundo quod vnum simpliciter potest ex duabus actionibus eiusdē agētis produci: quādo vna ad alterā ordinatur, sicut eū agēs principale per instrumentū, & producat aliquid aliud ad quod actio instrumenti nō attingit. illā enim actionē qua aliquid per instrumentū per modū dispositionis attingit, ordinat ad actionē qua vltiorē effectū producit, sicut & productū per instrumentū ordinatur vt dispositio ad principalem effectū, sic est in proposito. Nam actio qua Deus mediante virtute feminis corpus producit, ordinatur ad animæ creationem in corpore, sicut corpus ad animā, vt eius propria materia ordinatur. Ad octauā rationē responderet negando consequentiā. Ad probationē negatā assumptū de parte quæ totā virtutē corporeā excedit, sicut est anima. Ad nonam rationem responderet negando cōsequentiā, & assumptū ad eius probationē, per illā nāque manifestationē operationū animæ secundā corporis profectū ostendit dispositionē partium corporis ad animæ operationem necessariam esse, non autem idem principium animam & corpus habere. Ad decimam dicit quod vtrique per animam generantis configuratur corpus, non tamen per animam geniti, vt superius est ostensum: ideo non sequitur animam geniti in femine esse.

AD euidentiam huius responsionis considerandum ex doctrina S. Th. de potentia quæst. 3. art. 9. ad 5. quod licet virtus feminis ad animam intellectiua non attingat ipsam producendo, oportet tamen vt virtute animæ hominis generantis materiam disponat. non enim ageret ad dispositionem materię talem vt fiat corpus animæ rationali perfectibile, nisi virtute animæ rationalis operaretur veluti ipsius instrumentū, cum videamus nullum corpus esse animæ rationali aptum excepto corpore semine hominis generato: & quia talis dispositio fit configurando & organizando corpus, vt per ipsum possit anima suas operationes exercere. ideo bene dicitur hic quod corpus virtute animæ generantis configuratur animæ generati. Ad vndecimā responderet quod (vt ex dictis patet) semen non est à principio vniuersi nisi in potentia, & per consequens non habet tunc animam actū, in processu autem generationis habet animam vegetabilem & sensibilem ex virtute feminis, sed illa animæ succedente anima intellectiua transeunt.

ADVERTENDVM cū dicitur semē animā vegetabile & sensibile ex virtute feminis habere, q. semen duo habet, vrex superioribus pater, scilicet corpulenta substantia ac spumosa, & spiritus in ipso inclusus: ex corpulenta substantia generatur corpus, & hæc est ratio cuius semē dicitur à principio esse viuū in potētia passiuā, & postea viuū in actu. In spiritibus autem inclusis est virtus animæ generantis, & ratione huius dicitur quod semen habet animam vegetabile & sensitiuam virtute feminis, id est, virtute existente in spiritibus inclusis in semine: & sic semen secundum aliud est materia, & secundum aliud est agens.

OC CVRRIT autem dubium circa id quod dicitur hic, & dictum est superius, scilicet, quod in aduentu animæ rationalis recedit anima sensitiua præexistens, quæ est etiam vegetatiua. Quæritur enim à quo corrumpatur. Non à virtute feminis, quia agens naturale non corrumpit aliquam formam nisi aliam introducendo: neque ab agente supernaturali, quia quod naturaliter generatur, etiam naturaliter corrumpitur. ergo non definit per aduentum animæ rationalis. Præterea sequeretur quod in homine nihil esset verè genitum. non enim materia est genita, nec forma: & si corrumpitur forma præcedens animam intellectiua, anima intellectiua aduenit materię nudæ: ergo nihil ibi erit genitum. Adhuc, si forma præcedens corrumpitur, sitque resolutio vsque ad materiam primam, eo quod remota forma substantiali remouentur omnia accidentia illam consequentia, sequitur quod frustra fuerit materia disposita per præcedentes formas, sed natura nihil frustra operatur, ergo, &c.

AD huius euidentiam considerandum est, quod (vt ex superioribus patet) quia anima intellectiua dat esse substantiale, & facit ens simpliciter in actu, sicut & quæcunque alia forma substantialis, ideo non compatitur secum aliam formam substantialem in materia. sicut enim adueniret enti in actu, & per consequens esset forma accidentalis, non substantialis, sed cum ipsa aduenit materię, necesse est vt præcedens corrumpatur. Sed de cipiuntur qui sancti Th. in hac parte impugnāt, quia imaginantur in aliquo priori secundum durationem expoliari materiā omni forma: deinde in posteriori aliquo instanti animam introduci in materia nuda & expoliata existente: quasi expoliatio materię ab omni forma sit dispositio quedam præcedens introductionem animæ intellectiue. Sed hæc non est mens sancti Thomæ, sed dicimus quod materia per multas alterationes, per generationes multas ac corruptiones præparatur ad susceptionem animæ intellectiue: & cum fuerit sufficienter præparata anima intellectiua, in instanti aduenit materię existenti sub anima sensitiua, & in eodem instanti expellit formaliter animam sensitiuam cum omnibus dispositionibus suis, & dat materię quicquid dabat anima sensitiua, ita quod idem instans, est primum non esse animæ sensitiue, & primum esse animæ intellectiue. vnde denudatio materię ab omni forma absolute non est dispositio totalis ad animam intellectiua, quia sic posset in quacunque materia anima intellectiua introduci, sed denudatio ipsius ab anima sensitiua immediate præcedente in materia: denudatio inquam facta per expolitionem formæ ex aduentu animæ intellectiue simul cum dispositionibus similibus ad esse animæ intellectiue facientibus. Hoc supposito dicitur ad primum, quod anima sensitiua præcedens corrumpitur & ab agente naturali, & ab agente supernaturali. quia enim anima intellectiua nō potest simul cum illa esse in materia, omne agens ad introductionem animæ intellectiue in materia agit etiam ad corruptionem formæ præcedentis. Cum autem improbat quod corrumpatur ab agente naturali, dicitur q.

agens naturale siue virtus existens in semine corrumpit animam sensitiuam introducendo animam intellectiua dispositiue, producit enim dispositiones in instanti introductionis ipsius animæ intellectiue: quæ simul cū ipsa anima remanent, quas diximus ordine naturæ præcedere animam intellectiua, inquantū dat esse rationale, licet ipsam absolute sequatur. Cum etiam arguitur q. non ab agente supernaturali: iam dictum est q. non tantum ab agente supernaturali corrumpitur, sed cōcurrit etiā actio virtutis feminis. vnde sicut in generando hominē, semen est instrumentū diuinæ virtutis, ita & in corrumpendo formas prius introductas. Ad secundum negatur consequ. Ad probationem dicitur q. licet neque materia neque forma sit generata, tertia tamē entitas quæ resultat ex materia & forma scilicet homo, est verè generata. licet enim in generatione aliorū animalium dicatur totum generari, quia etiam ipsa forma per generationem esse accipit: in generatione tamen hominis quia anima extollitur supra materiam, generans dicitur hominem generare, ex eo solum q. causat dispositionē vnionem corporis & anime ex qua homo resultat, id quod homo generans facit disponendo materiā, & dispositionibus transeuntibus, & dispositionibus simul cum anima remanentibus. Argumentum autem procedit ac si diceremus fieri resolutionē vsque ad materiam primā, & nullum effectum generationis in homine genito remanere, hoc autē non dicimus, sed q. omnia accidentia quæ fuerunt ante instans introductionis animæ desinunt esse, sed tamen in eodem instanti per virtutē generantis similia accidentia introducuntur, & illa remanēt simul cum vnione animæ & corporis, quæ est etiam generantis effectus. Ad tertium negatur consequ. ideo enim oportuit in materia animam vegetatiua & sensitiua prius introduci, licet corrumpatur, quia materia non potest ab infima forma ad supremam nisi per medias formas peruenire, vt superius est ostensum: & ideo natura illas formas præintroducitur in materia quāquam dispositiones in fieri ipsius animæ intellectiue, non autem tanquam dispositiones in facto esse. vnde non frustra introducuntur nisi quando accedit embryonis corruptio antequam anima intellectiua formetur. Cum enim frustra sit quod non sequitur finem ad quem ordinatur, si per huiusmodi dispositiones ad animæ introductionem deueniatur, qui est earum finis, licet propter impossibilitatem duarum formarum substantialium in eadem materia in ipsa animæ introductione corrumpantur, non dicuntur fuisse fuisse frustra introductæ. Vnde dixit superius sancti Th. quod intermedia non habent speciem cōpletam, sed sunt in via ad speciem, & ideo nō generantur vt permaneant, sed vt per ea ad vltimum generatum perueniantur. Ad 12. responderet negando primam consequ. Ad probationem dicitur, quod aliquid potest esse propter alterum dupliciter. Vno modo, quia est propter aliquid quod sequitur ad eius esse, puta propter eius operationem aut conseruationem: & hoc est posterius eo propter quod est: & sic vestimenta sunt propter hominem. Alio modo, quia est propter eius esse, & tale est prius illo tempore, natura verò posterius: & hoc modo corpus est propter animam, sicut materia propter formam. secus autem esset si poneremus ex corpore & anima non fieri vnum secundum esse, sicut quidam dicunt animam non esse corporis formam.

CIRCA hoc vltimum dictum dubitatur, quia etiam si poneretur non fieri vnum ex anima & corpore, non propter hoc oporteret dicere animam esse propter corpus, vt hic dicitur. Nam posset disponi corpus ad esse ipsius animæ non per modum materię, sed per modum vasis in quo nouiter creata recipitur, & sic corpus esset propter animam, non e converso anima propter corpus. Responderet quod loquitur sancti Th. de opinione illorum qui dicebant animas esse ante corpora productas, & esse naturas in se completas, sed eas post corporum productionem vniri corporibus: contra quos superius est disputatum. sic enim legitur quod animæ vniantur corporibus propter nobilitatem & perfectionem ipsorum corporum, non autem quia ipso indigeant ad suum esse in principio creationis: & ex consequenti anima erit propter corpus, non autem corpus propter animam.

*Quod nulli alij corpori nisi humano vnitur substantia intellectualis vt forma.*

Cap. 90.



VIA verò ostensum est substantiam aliquam Cap. 57.

intellectualem vniri corpori vt formam scilicet animam humanam: inquirendum restat verū alicui alteri corpori aliqua substantia intellectualis vt forma vniantur. Et quidem de corporibus celestibus quod sint animata anima intellectuali, superius est ostensum: quid de hoc Arist. senserit: & quod August. hoc sub dubio reliquit: vnde præsens inquisitio circa corpora elementaria versari debet. Quod autem nulli corpori elementari substantia intellectualis vniantur vt forma, nisi humano, euidenter apparet. Si enim alteri corpori vniantur, aut vnitur corpori mixto, au simplici. Non autē potest vniri corpori mixto, quia oporteret illud corpus maxime esse æqualis cōplexionis secundum suum genus inter cetera corpora mixta, cum videamus corpora mixta tantò nobiliores formas habere, quantò magis ad tēperamentum cōmixtionis perueniunt: & sic quod habet formā nobilissimam, vt pote substantiā intellectualē, si sit corpus mixtum, oportet esse tēperatissimū. Vnde etiā videmus q. mollites carnis, & bonitas tactus, quæ qualitatem cōplexionis demonstrant, sunt signa boni intellectus: complexio

\* Præsent  
lib. cap. 7.  
Aug. Tom. 3.  
lib. de Eccles.  
dog. cap. 58.



complexio autem maximè æqualis est complexioni corporis humani: oportet igitur, si substantia intellectualis vniatur alicui corpori mixto, quòd illud sit eiusdem naturæ cum corpore humano: forma etiam eius esset eiusdem naturæ cum anima humana, si esset substantia intellectualis: non igitur esset differentia secundum speciem inter illud animal & hominem. Similiter autè neque corpori simplici, puta aëri aut aquæ, aut igni, aut terræ vniri potest substantia intellectualis vt forma. Vnūquodque enim horum corporum est simile in toto & partibus. eiusdem enim naturæ & speciei est pars aëris, & totus aër. etenim eundem motum habet: & similiter de aliis. similibus autem motoribus similes formæ debentur. si igitur aliqua pars alicuius dictorum corporum sit animata anima intellectuali, puta aëris, totus aër & omnes partes eius eadem ratione erunt animata. hoc autem manifestè apparet esse falsum, nam nulla operatio vitæ apparet in partibus aëris, vel aliorum simplicium corporum, non igitur alicui parti aëris, vel similibus corporum substantia intellectualis vnitur, vt forma.

2. Adhuc, si alicui simplicium corporum vnitur aliqua substantia intellectualis vt forma: aut habebit intellectum tantum, aut habebit alias potentias, vtpote quæ pertinent ad partem sensitivam aut nutritivam: sicut est in homine. Si autem habet intellectum tantum, frustra vnitur corpori. omnis enim forma corporis habet aliquam propriam operationem per corpus, intellectus autem non habet aliquam operationem ad corpus pertinentem, nisi secundum quòd mouet corpus. intelligere enim ipsum non est operatio quæ per organum corporis exerceatur, & eadem ratione nec velle, elementorum etiam motus sunt à mouentibus naturalibus, scilicet, à generantibus, & non mouent seipsa, vnde non oportet quòd propter eorum motum sint animata. Si autem habet substantia intellectualis quæ ponitur vniri elemento, aut parti eius alias animæ partes, cum partes illæ sint partes aliquorum organorum: oportebit in corpore elementi inuenire diuersitatem organorum: quòd repugnat simplicitati ipsius. non igitur substantia intellectualis potest vniri vt forma alicui elemento aut parti eius.

3. Amplius, quantò aliquod corpus est propinquius materiæ primæ, tantò est ignobilius, vtpote magis in potentia existens, & minus in actu completo. elementa autem ipsa sunt propinquiora materiæ primæ quàm corpora mixta, cum & ipsa sint mixtorum corporum materia proxima, sunt igitur elementorum corpora ignobiliora secundum suam speciem corporibus mixtis. cum igitur nobilioris corporis sit nobilior forma, impossibile est quòd nobilissima forma quæ est anima intellectualis, sit vnita corporibus elementorum.

4. Item, si corpora elementorum aut aliquæ partes eorum essent animata nobilissimis animabus, quæ sunt animæ intellectiue, oportet quòd quantò aliqua corpora essent viciniora elementis, essent propinquiora ad vitam. hoc autem non apparet, sed magis contrarium. nam plantæ minus habent de vita quàm animalia, cum tamen sint propinquiores terræ: & mineralia quæ sunt adhuc propinquiora, nihil habent de vita: non igitur substantia intellectualis vnitur alicui elemento vel parti eius vt forma.

5. Adhuc, omnium mouentium corruptibilium vita per excellentiam contrarietatis corrumpitur. nam animalia & plantæ mortificantur ab excellenti calido & frigido, humido aut sicco. in corporibus autem elementorum sunt præcipuæ excellentiæ harum contrarietatum. non igitur est possibile quòd in eis sit vita. impossibile est igitur quòd substantia intellectualis vniatur eis vt forma.

6. Amplius, elementa etsi secundum totum sint incorruptibilia, tamen singulæ partes sunt corruptibiles, vtpote contrarietatem habentes. Si igitur aliquæ partes elementorum habeant sibi vnitas substantias cognoscens, maximè videtur quòd assignetur eis vis discretiua corrumpentium,

quæ quidem est sensus tactus, qui est discretiuius calidi & frigidi, & similibus contrarietatum: propter quod etiam quasi necessarius ad præseruationem a corruptione, omnibus animalibus inest. hunc autem sensum impossibile est inesse corpori simplici: cum oporteat organum tactus non habere actu contrarietates, sed potentia, quòd contingit solum in mixtis temperatis: non igitur est possibile aliquas partes elementorum esse animatas anima cognoscitiua.

7. Item, omne corpus viuens aliquo modo secundum animam localiter mouetur. nam corpora cælestia, si tamè sint animata, mouentur circulariter: animalia perfecta motu progressiuo: ostrea autem motu dilatationis & constrictionis, plantæ autem motu augmenti & decrementi, qui sunt aliquo modo secundum locum. Sed in elementis non apparet aliquis motus qui sit ab anima: sed solum motus naturalis. non sunt igitur corpora viuentia. Si autem dicatur quòd substantia intellectualis etsi non vniatur corpori elementi aut parti eius vt forma, vnitur tamen ei vt motor. Primum quidem in aëre hoc dici impossibile est. cum enim pars aëris non sit per seipsam terminabilis, non potest aliqua pars eius determinata motum proprium habere propter quem sibi substantia intellectualis vniatur.

2. Præterea, si aliqua substantia intellectualis vnitur alicui corpori naturaliter, sicut motor proprio mobili: oportet virtutem motiuam illius substantiæ limitari ad corpus mobile cui naturaliter vnitur. nam cuiuslibet motoris proprii virtus non excedit in mouendo proprium mobile. Ridiculum autem videtur dicere quòd virtus alicuius substantiæ intellectualis non excedat in mouendo aliquam determinatam partem alicuius elementi, aut aliquod corpus mixtum. non videtur igitur dicendum quòd aliqua substantia intellectualis vniatur alicui corpori elementari naturaliter vt motor, nisi sibi etiam vniatur vt forma.

3. Item motus corporis elementaris potest ex aliis principiis causari quàm ex substantia intellectuali. superfluum igitur esset propter huiusmodi motus naturaliter substantias intellectuales corporibus elementaribus vniri.

Per hoc autem excluditur error & opinio Apulei & quorundam Platoniorum qui dixerunt dæmonia esse animalia corpore aërea, mente rationabilia, animo passiva, tempore æterna, & quorundam gentilium ponentium elementa esse animata. vnde & eis cultum diuinum instituebant. Excluditur etiam opinio dicentium Angelos & dæmones habere corpora naturaliter sibi vnita de natura superiorum vel superiorum elementorum.

#### Super Cap. 90.



V M sit ostensum aliquam substantiam spirituales vni corpori, ostendit ultimo loco sanctus Thomas. quali corpori vniatur. & ponit hanc conclusionem. Nulli alij corpori elementari nisi humano substantia intellectualis vnitur vt forma. quare autem de corpore tantum elementari loquatur, manifestat dicens, quòd hoc ideo est, quia de corporibus cælestibus quòd anima intellectuali sint animata, ostensum est superius quid senserit Aristoteles. & quòd Augustinus hoc loco sub dubio relinquit, arguitur autem sic: Non vnitur corpori mixto nec simplici, ergo, &c. Quòd non mixto, probatur, quia corpus mixtum habens nobilissimam formam, qualis est substantia intellectualis, oportet esse temperatissimum, cum videamus corpora mixta tantò nobiliores formas habere, quantò magis ad temperamentum mixtionis perueniunt: propter quod videmus mollitiem carnis & bonitatem tactus, quæ æqualitatem complexionis demonstrant, esse signa boni intellectus, sed complexio maximè æqualis est complexioni corporis humani. ergo si substantia intelligibilis vnitur corpori mixto, illud erit eiusdem naturæ cum corpore humano: similiter & forma erit eiusdem naturæ cum anima humana, ergo inter illud animal & hominem non erit differentia secundum speciem.

ADVERTE quòd sanctus Thomas vult habere ex identitate naturæ corporum perfectorum à substantia intellectuali, ipsas substantias intellectuales esse eiusdem naturæ. scilicet, esse animas intellectuales, quia cum forma materiæ proportionetur, vbi materiæ fuerint eiusdem naturæ, oportet & ipsas formas intellectuales eiusdem naturæ esse: vtpote easdem operationes in consimili corpore exercentes. Et sic sequitur quòd vtrunque compositum sit eiusdem speciei, & per consequens ipsa substantia intelligibilis nulli alteri corpori mixto vnitur quàm humano. Quòd etiam non vniatur corpori simplici, arguitur primo sic. Si aliqua pars vnus cor-

Plat. in Timæo. de A. pul. testis est Aug. tom. 5. lib. 8. cap. 16. Calcid. Plato in Timæo. Vnde test. Aug. tom. 5. lib. 7. c. 6. Videtur esse opinio Platonio. & de Diuo Thoma. 9. de potent. art. 6. de quibus Aug. 8. de ciuit. Dei. Cap. 14.



poris simplicis, puta aëris, sit animata anima intellectuali, totus aër & quilibet eius pars erit animatus, quia huiusmodi corpus est simile in toto & in partibus, cum sit eiusdem speciei, ut patet ex identitate motus. Similibus enim mobilibus scilicet naturaliter similes formae debentur, sed hoc est manifeste falsum, cum nulla operatio vitae in ipso appareat, similiter nec in aliis elementis, ergo, &c.

CIRCA hoc quod dicitur, eiusdem naturae & speciei esse totum aërem & quamlibet eius partem, advertendum, quod partes esse eiusdem speciei cum toto, dupliciter potest intelligi. Vno modo, quia sunt quaedam completae in specie quibus convenit perfecta ratio totius, & per solam divisionem possunt fieri individua eiusdem speciei cum ipso toto: & sic dicuntur partes elementis esse eiusdem speciei cum toto elemento. sicut enim totus aër est aër, ita quilibet pars aëris, est aër, & per solam divisionem pars aëris potest esse per se individuum aëris. Et hoc commune est omni toti homogeneo. Alio modo, quia ad eandem speciem pertinent per reductionem ad quam pertinet totum, licet ipsa non habeat completam rationem illius speciei. Et sic partes totius heterogenei sunt eiusdem speciei cum toto, veluti principia aut materialia aut formalia speciei. licet enim neque caro neque os hominis sunt homo, pertinent tamen ad speciem humanam ut principia materialia. Unde quod aliquando inquit S. Th. quoniam differt totum homogeneum à toto heterogeneo, quia partes homogenei habent speciem & formam totius, non autem partes heterogenei, intelligitur de habere eandem formam & speciem primo modo, non autem secundo modo. Secundò, illa substantia non haberet solum intellectum, quia frustra videretur corpori, eò quod nulla operationem haberet per corpus: nec, inquam, intelligere aut velle, quia per organum corporis non exercentur: nec mouere, quia elementa non mouet seipsa, sed eorum motus fuit à generatibus, & per consequens non sunt animata, non etiam habent alias animarum partes, quia cum illae sint aliquorum organorum partes, oporteret in elemento esse diversitatem organorum, quod repugnat simplicitati ipsius, ergo, &c. Tertiò, Elementa sunt corpora ignobiliora secundum suam speciem corporibus mixtis, quia sunt propinquiora materiae primae, & per consequens magis in potentia, & minus in actu completo: & anima intellectualis est nobilissima forma, ergo &c. probatur consequens, quia nobilioris corporis est nobilior forma.

ADVERT Equod dum dicit S. Th. elementa esse ignobiliora corporibus mixtis, addidit, secundum speciem, quia non sunt omnibus modis ignobiliora. ut enim dicitur 4. Sen. d. 47. q. 2. ar. 1. q. 1. ad 3. quantum ad perfectionem speciei mixtum est nobilius elemento, quantum vero ad perpetuitatem durationis contrarietate corpus simplex est nobilior mixto. Quartò oportet quod corpora quantum essent viciniore elementis, tanto essent propinquiora ad vitam, sed contrarium apparet, quia plantae minus habent de vita quam animalia, & tamen sunt propinquiores terrae: & mineralia quae adhuc terrae sunt propinquiora, minus habent de vita, ergo, &c.

ATTENDE quod fundamentum huius rationis est, quod quantum aliquid appropinquat perfectissimo, tanto est perfectius: & idem cum elementum, si ponatur animatum anima intellectuali, perfectissime inter animata inferiora habeat vitam, optimè sequitur quod quantum aliquid corpus magis appropinquaverit elemento, tanto perfectius vitam habeat. Quintò, in elementis sunt excellentiae calidi & frigidi, humidi & siccis, ergo, &c. Probatur consequentia, quia omnium vitium corruptibilem vita per excellentiam contrarietatis corrumpitur, & per consequens impossibile est in eis esse vitam. Sextò, si aliqua partes elementi habeant sibi unitas substantias cognoscentes, maxime assignabitur eis tactus, qui est discretivus calidi & frigidi, & aliarum contrarietatum corruptentium, & qui inest omnibus animalibus ad preservationem à corruptentibus: quia partes elementi sunt corruptibiles, utpote contrarietatem habentes, licet secundum ipsum totum elementum sit incorruptibile. sed hic sensus non potest inesse corpori simplici, quia organum tactus oportet non habere actu contrarietates, sed potentia, quod solum convenit mixtis temperatis, ergo, &c.

CIRCA hanc propositionem: Elementa etsi secundum totum sint incorruptibilia, tamen singulae partes sunt corruptibiles, utpote contrarietatem habentes: notandum quod hoc non dicit S. Th. quasi partes elementum contrarietatem habeant, non autem totum elementum. hoc enim est falsum, cum qualitates elementorum secundum quas attenditur contrarietates, prius sint totius quam partium, utpote formam elementum consequentes: sed quia cum elementum contrarietatem habeat, quod est à suo contrario corruptibile, cum non sit incorruptibile secundum totum, eò quod (ut dicitur 2. Sen. d. 19. ar. 2. ad 2. & de malo. q. 5. ar. 5. ad 6.) elementa per virtutem corporis caelestis gubernentur, à quo actiones eorum regulantur, est secundum partes corruptibile. Potest etiam dici, quod partes elementi habent contrarietatem, non autem totum elementum quantum ad exercitium contrarietatis. licet enim unum elementum sit absolute loquendo contrarium alteri, ratione primarum qualitaturn, unum tamen non exercet contrarietatem contra alterum secundum totum agendo, scilicet ad eius destructionem, sed tantum secundum partes aliquas, secundum quas elementa inuicem transmutantur. Septimò, in elementis non apparet aliquis motus localis qui sit ab anima, sed solum motus naturalis, ergo, &c. probatur consequens, quia omne corpus vivens aliquo modo secundum animam localiter movetur, ut patet in corporibus caelestibus, si sunt animata: & in animalibus tam perfectis quam imperfectis, & plantis, quae moventur motu augmenti & decrementi, qui sunt aliquo modo secundum locum.

SCIENDVM quod motus augmenti & decrementi secundum se & primo non sunt motus locales, quia motus localis est ad aliquid extrinsecum à mobili, scilicet ad locum qui est in locante, non in locato: aut si est ad ubi intrinsecum qui sit respectus quidam consequens continentiam locati à loco, illud tamen ubi, non est quantitas: motus autem augmenti est ad quantitatem intrinsecam ei quod augeretur aut diminueretur. Consequenter tamen & secundario sunt motus locales, in quantum ad quod per augmentum accipit maiorem quantitatem, occupat maiorem locum quam prius occupabat: & minorem quantitatem per decrementum accipiens occupat minorem locum quam prius. Propter hoc non dicit absolute S. Th. omne vivens moveri localiter ab anima, nec motus augmenti & decrementi esse secundum locum, sed utriusque propositioni addidit, aliquo modo.

do. Posset autem ad omnes antepositas rationes dici, quod utriusque substantia intellectualis non vnitur elemento aut parti eius tamquam forma, ut argumenta probant, sed tamen vnitur ei ut motor. Ideo contra hoc arguit S. Th. primo de aëre: Aëris pars non est per seipsam terminabilis, ergo non potest aliqua eius pars determinata proprium motum habere propter quem substantia intellectualis sibi vniatur.

ADVERTENDVM est quod aëris pars dicitur non esse per seipsam terminabilis, quia cum sit corpus humidum, fuit quousque ad aliquid extrinsecum terminetur: & si à toto separaretur, non est secundum se figurabilis, ut aliquam ex seipso figuram retineat, sed accipit diversas figuras secundum quod ad diversa corpora terminatur: ex quo sequitur quod à circumstante aëre distinguere non potest, si sibi relinquatur, nullumque interponatur corpus. & quia omne quod motu proprio movetur habet proprios terminos, & propriam figuram omni alio distinctam: idem patet aëris non potest habere proprium aliquem & singularem motum sibi naturaliter convenientem, eo modo quo dicimus calum naturaliter ex inclinatione suae formae moveri ab intelligentia sibi appropriata, licet possit ab intelligentia pars aëris moveri tanquam ab agente omnino extrinseco & separato, ipsam à reliquo aëre separante & diuidente. Secundò, sequeretur quod substantia intellectualis non excederet in movendo aliquam determinatam partem alicuius elementi, quia oportet virtutem substantiae moventis limitari ad corpus mobile cui naturaliter vnitur tanquam proprio mobili. sed ridiculum est hoc, & etiam quod non excedat in movendo aliquod corpus mixtum, scilicet, non existens ipsius forma, ergo, &c. Tertiò, quia cum motus elementares possint ex aliis principiis causari, superfluum esset propter huiusmodi motus, naturaliter substantias intellectuales elementis vni. Ex his excluditur error Apuleij & Platoniorum quorundam dicentium daemonia esse animalia corpore aërea, &c. Item error Gentilium ponentium elementa esse animata. Item etiam error dicentium Angelos & daemones habere corpora sibi naturaliter unita de natura superiorum & inferiorum elementorum.

*Quod sunt aliqua substantia intellectuales corporibus non unita.*

Cap. 91.



EX praemissis autem ostendi potest esse aliquas substantias intellectuales corporibus penitus non unitas. ostensum est enim supra \* corporibus corruptis intellectus substantiam quasi perpetuam remanere. & si quid substantia intellectus quae remanet, sit una omnium, sicut quidam dicunt: de necessitate consequitur eam esse secundum suum esse à corpore separatam: & sic habetur propositum quod substantia intellectualis aliqua, sine corpore subsistat. Si autem plures animae intellectuales remaneant corporibus destructis, conveniet aliquibus substantiis intellectualibus absque corpore subsistere: praesertim cum ostensum sit quod animae non transeat de corpore ad corpus. convenit autem animabus esse à corporibus separatas per accidens: cum naturaliter sint formae corporum. eò autem quod est per accidens, oportet prius esse id quod est per se. sunt igitur aliqua substantiae intellectuales animabus secundum naturam priores, quibus per se inest sine corporibus subsistere.

2. Amplius, omne quod est de ratione generis, oportet de ratione speciei esse. sunt autem quaedam quae sunt de ratione speciei, non autem de ratione generis: sicut rationale est de ratione hominis, non autem de ratione animalis. quicquid autem est de ratione speciei, non autem de ratione generis: non est necesse omnibus speciebus generis inesse. multae enim species sunt irrationalium animalium: substantiae autem intellectuali secundum suum genus convenit quod sit per se subsistens, cum habeat per se operationem, sicut superius \* est ostensum. de ratione autem rei per se subsistentis, non est quod alteri vniatur, non est igitur de ratione substantiae intellectuali secundum suum genus quod sit corpori unita, etsi sit hoc de ratione alicuius intellectualis substantiae quae est anima. sunt igitur aliqua substantiae intellectuales corporibus non unitae.

3. Adhuc, natura superior in suo infimo contingit naturam inferiorem in eius supremo. natura autem intellectualis est superior corporali. contingit autem eam secundum aliquam partem sui, quae est anima intellectualis. oportet igitur quod sicut corpus perfectum per animam intellectualem est supremum in genere corporum, ita anima intellectualis quae vnitur corpori, sit infima in genere substantiarum intellectualium. sunt igitur aliquae substantiae intellectuales non unitae corporibus, superiores secundum naturam ordinem animae.

4. Item,



4 Item, si est aliquid imperfectum in aliquo genere, inuenitur ante illud secundum naturam ordinem, aliquid in genere illo perfectum. perfectum enim natura prius est imperfecto: formæ autem quæ sunt in materiis, sunt actus imperfecti: quia non habent esse completum. sunt igitur aliquæ formæ quæ sunt actus completi per se subsistentes, & specie completæ habentes. omnis autem forma per se subsistens absque materia, est substantia intellectualis: immunitas autem materiæ confert esse intelligibile, vt ex præmissis

\* Cap. 51. \* patet, sunt ergo aliquæ substantiæ intellectuales corporibus non vnitæ: omne autem corpus materiam habet.

5 Amplius, substantia potest esse sine quantitate: licet quantitas sine substantia esse non possit. substantia enim aliorum generum prima est tempore, ratione, & cognitione: sed nulla substantia corporea, est sine quantitate. possunt igitur quædam esse in genere substantiæ omnino absque corpore. omnes autem naturæ possibiles in rerum ordine inueniuntur: aliter enim esset vniuersum imperfectum: in sempiternis etiam non differt esse & posse. sunt igitur aliquæ substantiæ absque corporibus subsistentes, post primam substantiam, quæ Deus est: quæ non est in genere, vt

\* Cap. 80. in primo. 6 Adhuc, si ex aliquibus duobus inuenitur aliquid compositum, & alterum eorum inuenitur per se, quod est minus perfectum: & alterum quod est maius perfectum, & minus reliquo indigens, per se inuenitur. inuenitur autem aliqua substantia composita ex substantia intellectuali & corpore, vt

\* Cap. 63. ex præmissis \* patet. corpus autem inuenitur per se, sicut patet in omnibus corporibus inanimatis: multo igitur fortius inueniuntur substantiæ intellectuales corporibus non vnitæ.

7 Item, substantiam rei oportet esse proportionatam suæ operationi: quia operatio est actus & bonum substantiæ operantis. sed intelligere est propria operatio substantiæ intellectualis. oportet igitur substantiam intellectualem talē esse quæ cōpetat prædictæ operationi. intelligere autem cum sit operatio per organum corporeum non exercita, non indiget corpore nisi in quantum intelligibilia sumuntur à sensibilibus. hic autem est d. imperfectus modus intelligendi. perfectus enim modus intelligendi, est vt intelligantur ea quæ sunt secundum naturam suam intelligibilia. Quod autem non intelligantur nisi ea quæ non sunt secundum se intelligibilia, sed sunt intelligibilia per intellectum, est imperfectus modus intelligendi. si igitur ante omne imperfectum oportet esse perfectum aliquid in genere illo: oportet quod ante animas humanas quæ intelligunt accipiendo à phantasmatis, sint aliquæ intellectuales substantiæ intelligentes ea quæ sunt secundum se intelligibilia, non accipientes cognitionem à sensibilibus, ac per hoc omnino à corporibus secundum suam naturam separata.

\* Vel 12. hęc. com. 43. 8 Præterea, Arist. argumentatur sic in 11. Met. \* Motum continuum regularem, & quantum in se est indeficientem, oportet esse à motore qui non mouetur neque per se, neque per accidens, vt supra \* est probatum. plures etiam motus oportet esse à pluribus motoribus. motus autem cœli est continuus regularis, & quantum in se etiam indeficiens est: & præter primum motum sunt multi tales motus in cœlo: sicut per considerationes Astrologorum probatur. oportet igitur esse plures motores qui non moueantur neque per se, neque per accidens. nullum autem corpus

Lib. 1. c. 13. mouet nisi motum, vt probatum est. motor autem incorporeus vnitus corpori mouetur per accidens ad motum corporis: sicut patet de anima. oportet igitur esse plures motores qui neque sint corpora, neque corporibus vniti. motus autem cælestes sunt ab aliquo intellectu, vt supra probatum est. sunt igitur plures substantiæ intellectuales corporibus non vnitæ. His autem concordat sententia Dionysij 4. capitulo. de Diuin. nominibus dicentis de Angelis quod sicut immateriales & incorporei intelliguntur. Per hoc autem excluditur error Sadducæorum, qui dicebant spiritum non esse: & positio antiquorum naturalium, qui dicebant omnem substantiam corpoream esse.

Lib. 1. c. 20. Dionys. Error Sadu. Act. Apost. c. 23. Antiquorum solā materialem causa cognō. 1. Meta. Periarcho. c. 1. Tom. 4. 1. lib. 9 Item, si est aliquid imperfectum in aliquo genere, inuenitur ante illud secundum naturam ordinem, aliquid in genere illo perfectum. perfectum enim natura prius est imperfecto: formæ autem quæ sunt in materiis, sunt actus imperfecti: quia non habent esse completum. sunt igitur aliquæ formæ quæ sunt actus completi per se subsistentes, & specie completæ habentes. omnis autem forma per se subsistens absque materia, est substantia intellectualis: immunitas autem materiæ confert esse intelligibile, vt ex præmissis

Positio etiam Origenis, qui dixit quod nulla substantia post trinitatem diuinam absque corpore potest subsistere. & omnium aliorum ponentium omnes Angelos bonos & malos habere corpora naturaliter sibi vnita.

### Super Cap. 91.

**P**OST QVAM ostēdit S. Tho. esse aliquas substantias intellectuales corporibus vnitas, vult vltius ostendere & aliquas substantias intellectuales esse quæ corporibus vnitæ non sint. Circa hoc autem duo principaliter facit. Primò, ostendit esse aliquas tales substantias separatas. Secundò, de earum multitudine determinat ca. se. Quantum ad primum, arguit primò sic: Corruptis corporibus (vt superius est ostensum) intellectus substantia quasi perpetua remanet, ergo est aliqua substantia intellectualis sine corpore subsistens. probatur consequentia. Si illa substantia intellectus quæ remanet, est vna omnium, habetur propositum: si autem plures animæ remanent, ergo conuenit aliquibus substantiis intellectualibus quæ sunt animæ, absque corpore subsistere, ergo & sunt aliquæ intellectuales substantiæ, animabus secundum naturam priores, quibus per se inest sine corporibus subsistere. probatur secunda consequentia, quia omne quod est per accidens, prius est eo quod est per se. animabus autem conuenit per accidens esse à corporibus separatas, quum naturaliter sint formæ corporum.

ADVERTENDVM quod cum anima intellectiva non habeat completam speciem in se, sed sit pars speciei, per se sibi conuenit esse in corpore in quo complementum suæ speciei habet, sed per accidens manet à corpore separata, in quantum accidit sibi, quod corpus cui erat coniuncta corrumpatur. Nam si corpus à corruptione immune seruari posset, nunquam ipsa separaretur à corpore: & idē bene inquit S. Tho. quod conuenit animabus per accidens, esse à corpore separatas.

Secundò, substantiæ intellectuali conuenit secundum suū genus quod sit per se subsistens, quum per se operetur. ergo non est de ratione sui generis quod sit corpori vnita, quanuis hoc sit de ratione animæ. ergo, &c. patet prima consequentia, quia de ratione rei per se subsistentis non est quod alteri vnatur. Secunda verò probatur, quia licet quod est de ratione generis oporteat de ratione speciei esse: non tamen quicquid est de ratione speciei & non de ratione generis, est necesse omnibus speciebus generis inesse.

ADVERTE quod ista probatio vltimæ consequentiæ, licet videatur deducere ad hoc tantum quod non est necesse substantiam intellectualem esse corpori vnitam, & consequenter quod possibile est esse aliquam non vnitam corpori, tamen ex ipsa etiam concluditur effectalem substantiam corpori non vnitam: quia sicut differentia speciei non necessariò omnibus speciebus generis inest, ita de facto genus inuenitur in aliqua specie absque tali differentia: quia cum genus oppositis differentiis diuidatur, sicut inuenitur cum vna differentia in rerum natura, ita oportet, rei natura considerata vt cum alia inueniatur. vnde si genus substantiæ intellectualis inuenitur cum hac differentia quæ est esse vnitam corpori, oportet vt sit etiam cum opposita differentia, quæ est esse non vnitam corpori: & sic oportet esse aliquam substantiam intellectualem corpori non vnitam. Tertiò, anima intellectiva est infima in genere substantiarum intellectualium, ergo sunt aliæ substantiæ intellectuales ipsa naturaliter superiores corporibus non vnitæ. probatur antecedens, quia anima intellectiva vnitur supremo in genere corporum, natura autem superior in suo infimo contingit naturam inferiorem in eius supremo. Quomodo corpus humanum sit nobilius corpore cælesti, & per consequens supremum corporum, in superioribus est ostensum.

Quartò, sunt aliquæ formæ completæ, in specie per se subsistentes, ergo, &c. probatur antecedens, quia formæ quæ sunt in materia, sunt actus imperfecti. Si autem est aliquid imperfectum in aliquo genere, inuenitur ante illud secundum naturam ordinem aliquid in genere illo perfectum. Perfectum enim est natura prius imperfecto. Consequentia etiam probatur, quia omnis forma per se subsistens absque materia, est substantia intellectualis.

CIRCA istam propositionem: Si est aliquid imperfectum in aliquo genere, inuenitur ante illud secundum naturam ordinem aliquid in genere illo perfectum: aduertendum quod veritas huius propositionis non fundatur super hoc quod actus sit prior potentia, neque super hoc quod differentiarum vnus generis vna habeat rationem perfecti, alia rationem imperfecti: sed super hoc, quod perfectum est natura prius imperfecto, vt hic tangitur. Nam si est in natura id quod posterius est in aliquo ordine, conueniens est vt sit id quod est prius natura in illo ordine, cum imperfectum sit propter perfectum, & prius intendatur perfectum quam imperfectum: alioquin ille ordo & illud genus non haberet complementum suæ perfectionis in natura: exigit autem perfectio vniuersi vt vnusquisque ordo, habeat complementum suæ perfectionis. Quintò, Possunt esse in genere substantiæ quædam omnino absque corpore, quia substantia est prior aliis generibus tempore, ratione, & cognitione, & per consequens absque quantitate esse potest, ac etiam absque corpore quod non est sine quantitate, ergo &c. probatur cōsequentia, quia omnes naturæ possibiles in rerum ordine inueniuntur, tum quia aliter vniuersum esset imperfectum, tum quia in perpetuis non differt esse & posse.

CIRCA probationem antecedentis dubium non dissimulandum occurrit. Nam si ex eo quod substantia quæ est prædicamentum, est prior tempore, ratione, & cognitione omnibus aliis generibus, sequitur ipsam posse esse absque quantitate & corpore, ac eadem ratione sequeretur quod posset esse sine quocunque alio genere, sed hoc est contra doctrinā S. Th. tenentis prima par. q. 44. art. 1. ad primum, & de Potentia, q. 7. ar. 9. ad quintum, & quoli. 7. ad q. 4. art. 3. ad 4. quod creatura non potest esse absque relatione dependentiæ ad Deum, quæ est accidens: constat autem quod omnis substantia quæ est in genere est substantia creata, ergo nulla substantia in genere potest ab omni accidente separare: ergo per illud assumptum non probatur efficaciter antecedens, sed consequentia falsa est, scilicet substantia est prior tempore, ratione, & cognitione omnibus aliis generibus,



generibus, ergo potest esse absque quantitate.

CIRCA assumptum quoque ad probationem consequentiae dubitatur. Nam si omnes naturae possibiles in rerum ordine inveniuntur, sequitur Deum nullas posse species producere praeter eas quae sunt productae. omnes enim naturae ab ipso producibiles iuxta illam probationem sunt in actu. sed hoc est contra determinationem sancti Thomae tenentis prima parte quaest. 2. artic. 6. & de veri. quaest. 20. artic. 4. primo Sentent. dist. 44. quaest. 1. artic. 3. & superius in hoc secundo capit. 26. & 27. quod quibuslibet speciebus datis Deus potest producere nobiliores in infinitum, ergo &c.

CIRCA secundam denique probationem illius assumpti occurrit dubium. Cum enim assumitur quod in sempiternis non differt esse & posse, aut per sempiterna intelliguntur ea quae non habuerunt initium suae durationis, aut ea quae in sua natura incorruptibilia sunt. Si primo modo accipitur, non concluditur propositum, sed est petitio principii. oportet enim subsumere, sed substantiam per se subsistentes extra corpora sunt sempiternae, id est, non habent initium suae durationis: quod quidem non solum est falsum, sed includit quod probandum est scilicet tales substantiae esse. Si autem accipitur secundo modo, falsum est quod in illis non differat esse & potesse. Nam talia incorruptibilia secundum fidem prius fuerunt possibilia esse quam sint producta in actu, & sic non videtur ex illa propositione propositum confirmari.

Tex. com. 4. AD evidentiam primi dubij considerandum est, quod satis clarum est quod intendat Aristoteles 7. Metaphysicae. cum dicit de substantia quod est accidentis prior ratione & cognitione. quia enim accidentis ratio dependet a substantia, cum substantia ponatur in eius ratione, non autem substantiae ratio dependet a ratione accidentis, ideo substantia est prior ratione accidentis. Similiter quia cognitio substantiae non dependet a cognitione accidentis, loquor de cognitione intellectiva utriusque sed bene cognitio accidentis inquantum accidens est, dependet a cognitione substantiae, cum oporteat rationem substantiae in ratione accidentis poni: ideo dicitur substantia prior cognitione accidentis, vel etiam quia est prior perfectione cognitionis, quoniam ut inquit ibi Philosophus, scire tunc singula maxime putamus, quando quid est homo cognoscimus, aut ignis, magis quam cum quale, aut quantum, aut ubi. Sed dubium est quid intelligatur per illud quod dicitur ipsam esse tempore priorem. Nam hoc dicitur secundum interpretationem. Intelligit enim illud Averroes ibidem de accidentibus tantum rerum generabilium & corruptibilium, quia aut sunt accidentia frequentia compositum, & tunc certum est quod substantia composita illa tempore praecedat aut sunt accidentia concomitantia compositum inseparabiliter, & tunc licet ipsum compositum non praecedat talia accidentia tempore, materia tamen ex qua fit compositum, illa tempore praecedat sicut praecedat & compositum: & sic vniuersaliter verum est substantiam priorem tempore accidentibus rerum generabilium & corruptibilium, loquendo de accidentibus in actu, non de accidentibus in potentia, cuiusmodi apud ipsum sunt dimensiones inrerminatae. Scotus vero in secundo Sent. dist. prima quaest. 7. illud de substantia in comparatione ad omnia accidentia interpretatur. Vult enim quod nulla est contradictio ex parte substantiae, quin possit esse prior omni accidente duratione. S. Thomae autem in septimo Metaphysicae, exponit quod aliqua substantia inuenitur sine accidente, nullum autem accidens inuenitur sine substantia: & sic non quando cumque est substantia, est accidens, sed e contrario. Hanc sancti Thomae interpretationem exponunt quidam dicentes, quod intelligit de prima substantia quae est Deus, & quod nomine temporis intelligit omnem durationem. Sensus enim est substantia esse priorem duratione accidente, inquantum mensura substantiae, saltem Dei, quae est aeternitas, & mensura prior, duratione accidentium, quod est tempus. Ista interpretatio videtur ad fugiendum inuenia, quia cum tempus ponatur aeternum secundum Aristotelem, difficile est saluare primam substantiam quae est Deus, esse accidente priorem tempore, proprie accipiendo tempus. Per hanc autem viam facilis est euasio, quia non est inconueniens imò est verissimum, Deum esse priorem omni duratione temporis aeterni, inquantum est in aeternitate, quae est duratio secundum naturam prior & perfectior tempore, cum sit tota simul existens, ut inquit Boetius in quinto de Consolatione, Sed non videtur hoc ad mentem Aristotelem esse, quia cum superius in quinto libro declaratur quid sit prius tempore, non est conueniens ut hic dicat aliquid prius tempore ad alium sensum quam verba secundum datam ab ipso significationem importent, nisi nouam ipse significationem exponat. Praeterea non videtur hoc modo loquendi cum aliqua secundum durationem comparamus, non quandoque est hoc, est illud, quo modo videtur sancti Thomae. nisi fiat comparatio in tempore ex parte utriusque, cum quandoque sit aduerbium temporis. Et ideo saluo semper meliori iudicio, dicerem mentem sancti Thomae. hoc loco esse, quod sequendo positionem Aristotelem, ponentis mundum aeternum, substantia est prior accidente tempore non actu, sed potentia, quae dicit non repugnantiam, quem id modum etiam Scotus exponit, licet enim nullum fuerit tempus in quo fuerit substantia & non fuerit accidens apud Aristotelem, quia tamen Deus absque omni accidente est tanquam non habens ad accidens dependentiam, ideo non repugnat quantum est ex rationibus terminorum, ipsum & per consequens aliquam substantiam, esse in aliquo tempore in quo nullum sit accidens, & sic praecedere secundum durationem & secundum tempus imaginarium omne accidens. Vnde cum inquit S. Thomae. exponendo Aristotelem, quod non quandoque est substantia, est accidens, sed e contrario, subaudiendum est necessarium, quia videlicet non est necessarium quod quandoque est substantia, sit accidens, consideratis propriis rationibus substantiae & accidentis, licet per accidens quandoque est vnum, sit alterum, ex eo quod accidit substantiae, ut sic, quod mundus sit ab aeterno productus. Potest etiam exponi de substantia creata absolute inquantum communem rationem substantiae participat. Non enim repugnat quod sit aliqua substantia creata absque omni accidente considerata absolute ratione substantiae, & sic quod sit prior tempore accidente.

Com. 4.

2. et 1. Super  
4. rex.

Prosa 6.

SED contra primam expositionem S. Thomae. videtur esse quod Deus non ponitur in genere substantiae praedicamentalis: videtur autem Aristoteles de substantia praedicamentali loqui, cum dicit ipsam esse priorem tempore accidente. Respondendi ad hoc dupliciter potest, primo quod praedicamentum substantiae non accipit Philosophus proprie ut est vnum ge-

nus, sed ut substantiae nomine comprehenditur omnis substantia, tam scilicet infinita quam finita, & sic non negatur Deum esse in genere substantiae. Secundo quod licet Deus non sit in praedicamento substantiae tanquam sub ipso contentum & comprehensum, est tamen in ipso tanquam totius praedicamenti principium. Ex his patet quod Scotus in huius expositione, a sancto Thomae. non discordat. Quod si inuestitur quoniam ista est prioritas naturae, quia scilicet prius potest esse sine posteriori, sed non e conuerso: hic autem loquitur Aristoteles de prioritate temporis. Respondetur quod non est inconueniens prius tempore esse etiam prius naturae, cum ipse Aristoteles in fine capituli de priori & posteriori in quinto Metaphysicae, dicat omnes modos prioris & posterioris ad prioritatem & posterioritatem secundum naturam reduci, prout dicitur prius quod potest esse sine alio sed non e conuerso. Vnde & quod in aliquibus codicibus Graecis loco allegato 7. Metaphysicae, additur, & natura, in intelligendum est de prioritate naturae, secundum illum modum quo perfectiora sunt imperfectioribus priora, non secundum illum modum quo prius secundum naturam dicitur a quo non valet subsistendi consequentia. haec enim prioritas intelligitur in eo quod inquit substantiam esse priorem tempore, cum tale prius sit etiam non repugnantem modo dicto prius tempore: quod patet, quia exponendo quomodo intelligat substantiam esse tempore priorem, ait quod aliorum praedicamentorum nullum est separabile, sed substantia est separabilis. Separabilitas enim vnius ab altero & non e conuerso, est ratio vnius modi prioris secundum naturam. Si autem quaeratur quare non dicit ipsam esse priorem secundum naturam loco eius quod dicit ipsam esse priorem tempore, dicitur quod fecit ut distingueret illum modum prioris secundum naturam quo aliquid potest ab altero separari secundum esse, qui pertinet aliquo modo ad temporis prioritatem, ab illo modo quo dicitur prius secundum naturam id quod perfectius est, quem quidem modum posterius addidit, ut aliqui codices Graeci habent, dicens & ipsam esse naturae priorem. illum enim modum frequenter per ipsum nomen commune, scilicet prius naturae, significamus.

AD dubium ergo sequendo primam expositionem sancti Thomae. dicitur quod instantia non est ad propositum, quia dicitur substantia prior tempore ratione huius substantiae quae est Deus, in quo nullum est accidens: non autem ratione alicuius substantiae creatae. Sequendo vero aliam expositionem dicitur primo, quod utique substantia quantum est ex ratione substantiae & accidentis, potest esse sine omni accidente, cum non dependeat ab accidente secundum suum esse, sed tamen ex alio euenire potest quod nulla substantia creata possit esse absque aliquo certo & determinato accidente, sicut quod homo non possit esse sine risibilitate, quia risibilitas consequitur ad aliquid quod est de ratione hominis inquantum est homo. Vnde si sit aliquid accidentis quod non consequatur rationem propriam substantiae alicuius, illa potest esse sine eo. Dicitur secundo quod relatio dependentiae ad Deum concomitatur substantiam praedicamentalem, inquantum non est suum esse, sed est ens per participationem, & per consequens est ens ab alio causatum: & propter hoc quantum substantia praedicamentalis considerata solum ratione substantiae, in ea possit esse absque tali relatione, & sic sit prior tempore modo exposito, quia esse causatum non consequitur ratione subsistentis simpliciter, cum inueniatur aliquid ens subsistens non causatum, scilicet Deus: considerata tamen propria ratione inquantum scilicet est ens subsistens habens esse participatum, non potest aliqua substantia praedicamentalis esse sine tali relatione. Dicitur tertio, quod non est similis ratio de quantitate & de hac relatione, quia quantitas non consequitur ad substantiam praedicamentalem neque inquantum est ens subsistens, neque inquantum est tale ens subsistens quod habet esse participatum, non enim apparet quam necessariam dependentiam habeat ad rationem substantiae aut absolute sumptam, aut ad praedicamentum & genus limitatum. Vnde ratio sancti Thomae optime concludit de quantitate, si bene intelligatur, & suppleatur quod tanquam manifestum praetermittitur, non autem concluderet de relatione dicta. Valeret enim substantia praedicamentalis inquantum est subsistens & prior quantitate & aliis generibus tempore, ratione, & cognitione, & quantitas nullam habet rationem naturalis concomitantiae ad ipsam secundum propriam rationem accepta, ergo potest substantia praedicamentalis esse absque quantitate. Non autem valeret sic arguere de relatione dependentiae ad Deum, quia assumeretur falsum, scilicet quod relatio nullam habet naturalem concomitantiam ad substantiam praedicamentalem. Ex his patet quod non est accipienda consequentia sancti Thomae. ita nude sicut in obiectione supponitur, scilicet substantia praedicamentalis est prior tempore, ratione, & cognitione aliis generibus, ergo potest esse absque quantitate: sed oportet supplere in antecedente, & quantitas non habet naturalem concomitantiam ad ipsam, secundum propriam rationem consideratam. Et tunc manifeste apparet obiectionem adductam processum rationis non infringere. Simili modo interpretari oportet rationem S. Thomae in quaestionibus de Spiritu artic. 5. quae eadem videtur huius. Assumit enim hanc propositionem, si aliqua duo sunt quorum vnum ex altero non dependeat secundum suam rationem, possibile est illud sine alio inueniri. addendum enim est ad antecedens, & alterum non habet ad ipsum naturalem concomitantiam. Vnde ipsemet prima par. q. 44. artic. 1. arguens quod aliqua entia possunt esse absque relatione dependentiae ad Deum, ex eo quod nihil prohibet rem inueniri absque eo quod non est de ratione eius: habitu autem causati ad causam non videtur esse de ratione entium: respondet quod licet habitudo ad causam non intret diffinitionem entis quod est causatum, sequitur tamen ad ea quae sunt de eius ratione. Ex qua responsione datur intelligere maiorem esse intelligendam ut exposuimus.

AD secundum dubium responderetur, quod loquitur S. Thomae. de possibili ad effectuale perfectionem istius vniuersi pertinentem: vnde non dicit simpliciter quod omnes naturae possibiles inveniuntur, sed quod inveniuntur in rerum ordine, id est, in vniuerso, cuius vnitas est vnitas ordinis. certum est autem quod in ordine essentiali vniuersi istius sunt ea tantum quae ad ipsius vniuersi perfectionem pertinent, pertinent autem ad effectuale ordinem & perfectionem vniuersi non omnes naturae a Deo producibiles, sed omnes modi vniuersales essendi nobis cogniti: alioquin non esset vniuersum. non enim includeret omnes modos essendi: modi



autem essendi generales rerum per se subsistentium creaturarum sunt tres, scilicet esse materiale corruptibile, esse materiale incorruptibile, esse immateriale & incorruptibile: nec apparet quis alius modus essendi creaturarum esse possit. ideo vt vniuersum sit perfectum, cum possibile sit iste modus essendi, qui est esse immateriale & incorruptibile, & consequenter intellectuale, ad perfectionem vniuersi requiritur, vt sit iste etiam modus essendi.

Ad tertium dubium respondetur, quod illa propositio quæ est Aristoteli Physicorum. text. 32. habet veritatem in rebus incorruptibilibus, siue ponatur quod nunquam habuerit initium suæ durationis, siue quod incepit per creationem. Vt enim exponit Commen. ibidem, in secundo Cæl. comment. 33. & 34. & sancti Thom. de Potentia q. 3. artic. 14. ad quintum, illud intelligitur de potentia passiva secundum quam dicitur aliquid posse recipere quod non habet. vbi enim est talis potentia quæ est receptiva alterius forme quam habeat, illud est corruptibile, quia potentia passiva separata ab actu est principium corruptionis. Vnde sensus est, quod in perpetuis siue in incorruptibilibus non est potentia passiva separata ab actu substantiali, aut etiam ab alio actu habente rationem forme permanentis cum fuerit in subiecto, & alteram formam præexistentem expellente: ex quo sequitur quod sicut perpetuum non potest esse per corruptionem, ita non potest incipere per generationem, quia quæ ratione non est in ipso potentia quæ alium actum respiciat, eadem ratione non præcedit ipsum aliqua potentia quæ existens sub alia forma possit istius forme recipere, ex qua potentia hoc dicitur esse factum, quia talis potentia, cum forma quam habet priuationem alterius forme comparatur, & per consequens esset principium corruptionis. Sed licet ad hunc sensum habeat veritatem in omnibus, & per hoc non tollatur quin perpetua habere possint initium suæ durationis, tanquam prius existentia in potentia creatoris, postea verò per creationem in actum producta, accipit tamen eam sancti Thom. in ampliori sensu, in eo scilicet quo à Philosophis quibuscumque contra quos principaliter arguit, est accepta, scilicet quod in istis possibile est idem quod necessarium, quomodo inquit Commentator tertio Physicorum, commento 32. quod cum fuerit possibile aliquid esse de natura rerum æternarum, illud erit necessarium, non contingens. Tunc enim sequitur, si substantiæ intellectuales extra corpora subsistentes esse possunt, quod de facto sint in actu, quia possibile non dicitur de huiusmodi incorruptibilibus, per modum contingentis, quasi scilicet dicitur posse esse possint etiam non esse. Si autem dicatur quod ex hac propositione non solum concluditur quod sint, sed etiam quod fuerint ab æterno, quia ab æterno fuerunt, possibiles esse: Respondetur quod vtrique hoc concludi poterit: & si concludatur, habebit sanctus Thomas magis propositum suum contra illos Philosophos naturales, qui non distinguunt inter sensum & intellectum, dicebant omnem substantiam esse corpoream. Noluissent concludere nisi quod ad propositum attingebat. Ex his patet solutio rationis in oppositum. licet enim secundum fidem perpetua prius fuerint possibilis quam in actu, non tamen est verum secundum Philosophos contra quos argumentatur sancti Thom. vnde ipse accipit illam propositionem in sensu quo conceditur ab eis, non autem in sensu absolute & simpliciter vero. Sexto, Inuenitur substantia composita ex corpore & substantia intellectuali, & inuenitur corpus absque substantia intellectuali, ergo multo magis inueniuntur substantiæ intellectuales corporibus non vniti. probatur consequentia, quia si ex aliquibus duobus inuenitur aliquod compositum, & alterum eorum quod est minus, inuenitur per se, & quod est, maius perfectum & minus relinquo, indigenus inuenitur per se.

CIRCA hanc vltimam propositionem aduerte quod sumpta est ex octauo Physicorum, text. 37. & habet veritatem de iis quæ coniunguntur omnino per accidens. nā illa quæ per se logica perfectitate sunt coniuncta, inseparabilia sunt, ita quod vnum sine altero saltem naturaliter inueniri non potest, aut saltem illud quod ab altero necessario dependet, licet alterum ab ipso non dependeat necessario. Et vt inquit sanctus Thomas ibidem, vnum eorum quæ per accidens omnino coniunguntur, inueniri sine alio, si aliud inuenitur sine eo, est probabile: sicut quia dulcedo & albedo coniunguntur in saccharo, & album inuenitur sine dulci, vt in niue. Similiter dulce inuenitur sine albo vt in cassia, sed posse alterum illorum sine alio inueniri possibilitate logica, quæ dicit non repugnantiam terminorum, est necessarium: quia quæ per accidens coniunguntur, possunt non coniungi. de hac etiam propositione visum est in primo libro. Sed aduertendum, quod id quod per se conuenit inferiori, contingit per accidens superiori conuenire, sicut aliqua accidentia indiuidui ab ipso inseparabilia per se ad indiuiduū comparantur tanquam eius principia substantialia consequentia, quæ ad speciem comparata per accidens se habent, vt potest quæ principia speciei non consequuntur: sicut forte nigredo se habet ad coruum, & ideo non repugnat speciei inueniri sine illo accidente, licet indiuiduo repugnet. Similiter ergo in propositione esse formam corporis per se conuenit huic substantiæ intellectuali quæ est anima intellectualis, sed ad substantiam intellectualem absolute & in communi consideratam per accidens se habet. non enim est de ratione substantiæ intellectualis, neque ad eius rationem consequitur, quod sit forma corporis, cum intelligere per corporeum organum non exerceatur: ideo posse inuenire aliquam substantiam intellectualem quæ non sit forma corporis, sed sit sine corpore, est necessarium: ipsam verò inueniri de facto absque corpore, ex quo inuenitur corpus sine ipsa, probabile est, & naturæ rei consentaneum. Septimo, Non intelligere nisi per acceptionem à sensibilibus, & nisi ea quæ non sunt per se intelligibilia, sed sunt intelligibilia per intellectum, est imperfectus modus intelligendi: ergo oportet esse alium modum intelligendi perfectum, quo intelliguntur ea quæ secundum se sunt intelligibilia. ergo ante animas humanas quæ intelligunt accipiendo à phantasmatibus, oportet esse alias substantias intellectuales intelligentes ea quæ sunt secundum se intelligibilia, non accipientes à sensibilibus, & per hoc omnino à corporibus secundum naturam separatas. probatur prima consequentia, quia ante omne imperfectum oportet esse aliquid perfectum in genere illo. Secunda etiam probatur, quia substantiam rei oportet esse proportionatam suæ operationi. intelligere autem cum non exerceatur per organum, non indiget corpore, nisi in quantum intelligibilia sumuntur à sensibilibus.

ADVERTENDVM quod per ea quæ hic dicuntur, non intendit S. Thom. excludere omnino à cognitione animæ intellectuæ per se intellectuales, & à cognitione intelligentiarum ea quæ per se non sunt intelligibilia, sed intendit quod anima intellectualis, non intelligit perfecte & quidditative nisi res materiales: res autem immateriales, & si aliquo modo cognoscant, eas tamen non nisi imperfecte & nisi ex sensibilibus cognoscit: intelligentiæ verò cognoscunt quidem res materiales perfecte & quidditative, sed non per acceptionem à sensibilibus, & obiectum illis proportionatum est magis res immaterialis quam materialis: e contrario autem res materiales sunt obiectum proportionatum & connaturale animæ intellectuæ.

ATTENDENDVM etiam, cum dicitur esse imperfectum modum intelligendi sumendo intelligibilia à sensibilibus, & non intelligere nisi ea quæ non sunt secundum se intelligibilia, quod hoc non est sic intelligendum quasi res materiales non perfecte intelligantur. hoc enim esset falsum, sed quia intelligere absolute consideratum, est imperfectum, si non se extendat nisi ad materialia, & non sit nisi per acceptionem à sensibilibus. non enim habet omnem perfectionem quæ nata est intellectui secundum suam naturam conuenire, sed intelligere quod ad per se, & ad non per se intelligibilia extenditur, & ad sensus dependentiam non habet, est perfectum intelligere vniuersaliter & absolute. Octauo, & est ratio Aristoteli. 12. Metaphysicæ text. 43. Sunt plures motores corporum celestium qui non mouentur neque, per se, neque per accidens: ergo sunt multi motores qui neque sunt corpora, neque sunt corporibus vniti, ergo, &c. patet vltima consequentia, quia motus celestes sunt ab aliquo intellectu, vt supra probatum est 5. lib. 1. cap. 45. Secunda quoque ostenditur, quia corpus non mouet nisi motum, motor autem incorporeus vnitus corpori, mouetur per accidens ad motum corporis, vt patet de anima. antecedens autem probatur, quia sunt multi motus celestes continui & regulares, & quantum in ipsis est indeficientes: plures autem tales motus oportet esse à pluribus motoribus, qui neque per se, neque per accidens moueantur, qui scilicet moueantur per modum finis, vt dicitur in capite sequenti.

CIRCA hanc rationem dubium occurrit. Nam vt ostensum est in primo, cap. 13. de mente S. Thom. prima parte quæstione quinquagesima prima, articulo tertio ad tertium, & secundo Sent. distinct. 8. articulo. 4. ad quartum quæsitum, Si substantiæ mouentes corpora celestia vniuntur ipsis sicut motores mobilibus, non mouerentur per accidens, quia corpora celestia non recedunt de loco ad locum. sed ista ratio etiam inuenitur si vniatur ipsis vt formæ, quia nec magis recedunt de loco ad locum, ergo non potest concludi quod non sint huiusmodi motores vniti corporibus, quia non moueantur per accidens. diceretur enim quod dato quod essent corporibus vniti, non tamen per accidens mouerentur: & ideo illa propositio non videtur vniuersaliter vera. Motor incorporeus vnitus corpori, mouetur per accidens. Responderetur ex doctrina sancti Thomæ quæstione de Spiritu, articulo sexto ad nonum & octauo Physicorum haberi potest, quod aliter dicendum est de motore corporis celestis, si corpori celesti vniatur vt motor tantum, & aliter si ei vniatur vt forma. Si enim vniatur vt motor tantum, non est vnio inter illa secundum esse, sed tantum secundum virtutem, in quantum scilicet suam virtutem motuam ad corpus applicat. non conuenit autem motori, in quantum motor est, moueri per accidens ad motum corporis ab eo moti, nisi quia oportet mouens simul esse cum moto: & ideo recedente corpore moto ab vno loco, oportet vt & motor ab illo loco recedat: alioquin non esset simul cum moto. Si autem motum non recedat de loco in quo est, quantumcunque in illo loco circulariter moueatur, non oportet vt motor moueatur, quia semper est coniunctus mobili in illo loco. Et hoc intellige si motor toti mobili simul secundum suam virtutem vniatur: quasi vni tantum parti orbis determinatæ vniatur, quæ nunc est in oriente, nunc in occidente, oportet etiam ad hoc quod simul esset cum moto, vt ad motum illius partis etiam ipse motor per accidens moueretur. Sed si posuerimus motorem incorporeum vniti corpori celesti per modum forme dantis esse, non est vnio ibi per contactum virtutis tantum, sed secundum esse, ita quod est vnum & idem esse totius & partium compositi, & ideo secundum motum totius oportet & ipsum motorem moueri, per accidens tamen: quia parti essentiali, vt potest habentem idem esse cum toto, conuenit vt ad motum per se totius quomodo conuenit moueatur, siue de loco ad locum, siue circulariter in eodem loco per accidens moueatur: & ideo sicut totum cælum mouetur circulariter per se in quantum partes mutant locum realiter, ipsum verò totum mutat locum secundum rationem, ita per accidens motor coniunctus, vt forma dantis esse, eodem motu per accidens mouetur. Patet itaque & quod hic dicitur de motore incorporeo vnito corpori, & quod in primo dictum est, verum esse. hic enim loquitur sanctus Thomas de huiusmodi motore vnito per modum forme dantis esse, vt patet per exemplum de anima: ibi autem locuti sumus de ipso vt per modum motoris duntaxat vnitur. Vltimo confirmatur conclusio auctoritate Dionysij quarto capite de Diuinis nominibus. Excluditur etiam ex ipsa error Sadducæorum negantium spiritum esse, error antiquorum naturalium dicentium omnem substantiam esse corpoream, & error Origenis in libro Periparchon, & omnium aliorum dicentium omnes angelos tam bonos quam malos habere corpora sibi naturaliter vnita.

ATTENDENDVM circa omnes huiusmodi rationes in hoc capite adductas, quod non intendit sanctus Thomas probare necessitatem essendi substantiarum separatarum, quasi non potuerit eas Deus non producere absolute loquendo. hoc enim hereticum esset, quia poneretur Deum de necessitate naturæ agere. Sed vult ostendere conuenientiam & probabilitatem esse ipsarum, considerata rerum natura, propter quod sæpe in rationibus addidit, secundum naturæ ordinem, vt scilicet ostenderet se probare quid naturæ ordo exigat, non quid fieri absolute necessesse esset.



De multitudine substantiarum separatarum.

Cap. 92.



**S**CIENDUM est autem quod Aristot. probare nititur non solum esse aliquas substantias intellectuales absque corpore: sed etiam quod sunt eiusdem numeri cuius sunt motus deprehensi in coelo, neque plures neque pauciores. Probat enim quod non sunt aliqui motus in coelo qui a nobis deprehendi non possint, per hoc quod omnis motus qui est in coelo, est propter motum alicuius stellæ quæ sensibilis est. orbes enim deferunt stellas: motus autem deferentis est propter motum delati.

Item probat quod non sunt aliquæ substantiæ separatae a quibus non proveniant aliqui motus in coelo: quia cum motus coelestes ordinantur ad substantias separatas sicut ad fines: si essent aliæ substantiæ separatae quam istæ quas numerat, essent aliqui motus in eas ordinati sicut in fines: aliter essent motus imperfecti. unde ex his concludit quod non sunt plures substantiæ separatae, quam motus deprehensi, & qui possunt deprehendi in coelo: præsertim cum non sint plura corpora coelestia eiusdem speciei, ut sic etiam possint esse plures motus nobis incogniti. Hæc

autem probatio non habet necessitatem. In his enim quæ sunt ad finem, sumitur necessitas ex fine: sicut ipsemet docet in secundo Physicorum. non autem econverso. unde si motus coelestes ordinantur in substantias separatas sicut in fines, ut ipsemet dicit: non potest concludi necessario numerus substantiarum prædictarum ex numero motuum. Potest enim dici quod sunt aliquæ substantiæ separatae altioris naturæ quam illæ quæ sunt proximi fines motuum coelestium: sicut instrumenta artificialia sunt propter homines qui per eam operantur: & nihil prohibet esse alios homines qui per instrumenta huiusmodi non operantur immediate, sed imperant operantibus. Et ideo ipse Aristoteles hanc rationem non inducit quasi necessariam, sed

tanquam probabilem. dicit enim: \* Quare substantias & principia immobilia rationabile est tot æstimare: necessarium autem dimittatur fortioribus dicere. Restat igitur ostendendum quod sunt multo plures substantiæ intellectuales a corporibus separatae, quam sint motus coelestes. Substantiæ enim intellectuales secundum suum genus transcendunt omnem naturam corpoream. oportet igitur accipere gradum in prædictis substantiis secundum eleuationem earum supra corpoream naturam. Sunt autem quædam intellectuales substantiæ eleuatae supra corpoream substantiam secundum sui generis naturam tantum: quæ tamen corporibus vniuntur ut formæ: ut ex præmissis patet. & quia esse substantiarum intellectualium secundum suum genus nullam a corpore dependentiam habet, ut supra\* probatum est: inuenitur altior gradus dictarum substantiarum, quæ & si non vniuntur corporibus ut formæ, sunt tamen proprii motores aliquorum corporum determinantum. Similiter autem natura substantiæ intellectualis non dependet a mouendo: cum mouere sit consequens ad principalem eorum operationem, quæ est intelligere. erit igitur & aliquis gradus altior substantiarum intellectualium, quæ non sunt proprii motores aliquorum corporum, sed superiores motoribus.

Amplius, sicut agens per naturam agit per suam formam naturalem: ita agens per intellectum agit per formam intellectus: ut patet in his qui agunt per artem. sicut igitur agens per naturam, est proportionatum patienti ratione suæ formæ naturalis: ita agens per intellectum est proportionatum patienti, & facto per formam intellectus: ut scilicet huiusmodi sit forma intellectiva quæ possit induci per actionem agentis in materiam recipientem. oportet igitur proprios motores orbium qui per intellectum mouent, si in hoc opinionem Aristote. sustinere volumus, tales intelligentias habere, quales sunt explicabiles per motus orbium, & producibiles in rebus materialibus: sed supra huiusmodi conceptiones intelligibiles est accipere

aliquas vniuersaliores. intellectus enim vniuersalior apprehendit formas rerum quam sit esse earum in rebus. unde videmus quod vniuersalior est forma intellectus speculatiui quam practici: & inter artes practicas vniuersalior est conceptio artis imperantis quam exequentis. oportet autem substantiarum intellectualium gradus accipere secundum gradum intellectualis operationis quæ est eis propria. sunt igitur aliquæ substantiæ intellectuales supra illas quæ sunt proprii & proximi motores determinantum orbium.

Adhuc, ordo vniuersi exigere videtur ut id quod est in rebus nobilioribus, excedat quantitate vel numero ignobilioribus. ignobiliora enim videntur esse propter nobiliora, unde oportet quod nobiliora quasi propter se existentia multiplicentur quantum possibile est. & ideo videmus quod corpora incorruptibilia, scilicet coelestia, intantum excedunt corporalia, scilicet elementaria, ut hæc quasi non habeant notabilem quantitatem in comparatione ad illa. Sicut autem coelestia corpora digniora sunt elementaribus, ut incorruptibilia corruptibilibus: ita substantiæ intellectuales omnibus corporibus: ut immobile & immateriale mobile & materiali. excedunt igitur in numero intellectuales substantiæ separatae omnium rerum materialium multitudinem. non igitur comprehenduntur numero coelestium motuum.

Item species rerum materialium non multiplicantur per materiam, sed per formam. formæ autem quæ sunt extra materiam, habent esse completius & vniuersalioribus quam formæ quæ sunt in materia. nam formæ in materia recipiuntur secundum materiam capacitatem, non videntur igitur esse minoris multitudinis formæ quæ sunt extra materiam, quas dicimus substantias separatas, quam sint species materialium rerum. Non autem propter hoc dicimus quod substantiæ separatae sint species istorum sensibilium: sicut Platonici senserunt. Cum enim non possent ad prædictarum substantiarum notitiam peruenire nisi ex sensibilibus, posuerunt istas substantias esse eiusdem speciei cum istis, vel magis species istarum: sicut si aliquis non videret solem & lunam & alia astra, & audiret esse quædam corpora incorruptibilia, nominaret ea nominibus istorum corruptibilium, existimans ea esse eiusdem speciei cum istis: quod non esset possibile.

Similiter autem impossibile est substantias immateriales esse eiusdem speciei cum materialibus, vel species ipsarum, cum materia sit de ratione speciei horum sensibilium: licet non hæc materia quæ est proprium principium indiuidui: sicut de ratione speciei hominis sunt carnes & ossa: non autem hæc carnes & hæc ossa, quæ sunt principia Sortis & Platonis. Sic igitur non dicimus substantias separatas esse species istorum sensibilium, sed esse alias species nobiliores istis, quantum purum est nobilioris permixto: & tunc illas substantias esse plures oportet istis speciebus rerum materialium.

Adhuc, Magis est aliquid multiplicabile secundum suum esse intelligibile, quam secundum suum esse materiale. multa enim intellectu capimus quæ in materia esse non possunt: ex quo contingit quod cuilibet rectæ lineæ finitæ potest mathematicè fieri additio, non autem naturaliter. raritas etiam corporum, velocitas motuum, & diuersitas figurarum in infinitum augeri comprehenditur secundum intellectum: quanuis sit impossibile in natura sic esse. substantiæ autem separatae sunt in esse intelligibili secundum suam naturam. maior igitur multiplicitas in eis est possibilis quam in rebus materialibus secundum proprietatem & rationem persatam generis vtriusque. In perpetuis autem non differt esse & posse. excedit igitur multitudo substantiarum separatarum multitudinem materialium corporum. His autem attestatur sacra scriptura, dicitur enim Dan. 7. Millia millium ministrabant ei, & decies centena millia assistebant ei. & Dion. 13. cap. Coele. hyperar. dicit quod numerus illarum substantiarum excedit omnem materialem multitudinem. Per hoc autem excluditur error dicentium substantias separatas secundum

Contra Gent.

u 2

\* 12. Metaph.  
Tex. com. 48.

\* Tex. co. 23.

\* Tex. co. 48.

cap. 68.  
70.

\* Cap. 91.

Ex. 10. de Re  
pub. in Ti-  
meo. & Me-  
none.Ar 12. Met.  
Tex. 48.  
Arist. 9. Met.  
cap. 3.



Rabi Moy.  
lib. 2. c. 7.

numerum motuum celestium aut secundum numerum sphaerarum celestium esse. Et error Rabi moysi, qui dixit numerum angelorum qui in scriptura ponitur, non esse numerum separatarum substantiarum: sed virtutum in istis inferioribus: sicut si vis concupiscibilis dicatur spiritus concupiscencie: & sic de aliis.

Super Cap. 92.



ECVND O loco agit sanct. Thom. de multitudine substantiarum intellectualium. Circa quod duo principaliter facit. Primum enim agit de ipsa multitudine talium substantiarum secundum se. Secundum de distinctione ipsarum substantiarum quae ponuntur multae in capitulo sequenti. Quantum ad primum duo facit. Primum Aristotelis opinionem narrat. Secundum ostendit multo plures esse quam ille posuerit. Quantum ad primum duo facit. Primum ponit Arist. opinionem. Secundum eius rationem soluit. quantum ad primum ait quod Arist. posuit substantias separatas eiusdem numeri esse cuius sunt motus in caelo deprehensi, & qui deprehendi possunt, nec plures nec pauciores. Argumentabatur autem ad hoc, facta hac suppositione quod non sint aliqui motus in caelo qui a nobis deprehendi non possint, praesertim cum non sint plura corpora caelestia eiusdem speciei, quod probat, quia omnis motus qui est in caelo, est propter motum alicuius stellae quae sensibilis est. Nam orbis deferunt stellas, motus autem deferentis est propter motum delati. Tunc arguit sic. Non sunt aliquae substantiae separatae à quibus non proveniant aliqui motus in caelo, ergo non sunt plures quam motus deprehensi, & qui deprehendi possunt in caelo. patet consequentia ex supposito. antecedens verò probatur, quia si essent plures substantiae quam istae quas enumerat, essent & aliqui motus in ea ordinati. probatur sequela, quia aliter essent motus imperfecti, cum motus caelestes ordinentur ad substantias separatas sicut ad fines.

PRO notitia opinionis Aristot. advertendum quod duos ipse ordines posuit substantiarum intellectualium. Vnum scilicet earum quae sunt motrices corporum caelestium per modum efficientis, quae vocantur ab aliquibus animae caelorum. Alterum verò earum quae sunt fines proximi talium motuum, propter quas scilicet substantiae motrices movent. Primas posuit corporibus caelestibus vnitae esse sive per modum formae, sive per modum motoris tantum, secundum diversas sententias de animatione corporum caelestium, alias verò posuit omnino à corpore separatas. Necessitas autem ponendi istas substantias omnino à corpore separatas fuit, ut ostendit sanct. Thom. de spiritu art. 5. de mente Arist. quod cum (ut dictum est in prim. cap. motor incorporeus vnitus corpori moueatur per accidens ad motum corporis, sive vnatur sibi per modum formae, sive per modum motoris tantum, sed applicati ad vnam determinatam mobilis partem, & motum vniformem & regularem oporteat esse à motore qui non moueatur neque per se neque per accidens, ad saluandam vniformitatem & regularitatem caelestis motus oportuit ponere aliquas substantias omnino separatas, neque per se neque per accidens motas, quae motum caeli causent per modum finis, ut ab immobilitate finis vniformitatis & regularitatis motus proveniat. Hanc distinctionem substantiarum intellectualium dat intelligere sanct. Thom. de mente Arist. esse, cum inquit motus caelestis ordinari ad substantias separatas sicut ad fines. Sed hoc expressius ponit de spiritu creatur. art. 5. & 6. & Potentia quae est. 6. art. 6. & in opusculo 15. capitulo. 2. quod intulatur de Angelis. Sumitur autem haec distinctio ex Aristot. 12. metaphysicae text. 48. supposito istis quae in praecedentibus dixerat. Eam quoque tangit Auerr. 12. metaphysicae, commento. 41. quauis in libro de substantia orbis videatur velle quod idem sit mouens corpora caelestia vt agens & vt finis. Posuit ergo Aristot. 12. metaphysicae, tot substantias omnino separatas per modum finis mouentes, quot sunt motus qui deprehenduntur in caelo, aut qui deprehendi possunt: & quia motus apparentes in caelo sunt aut quinquagintaquinque aut quadraginta septem, secundum varias opiniones Astrologorum sui temporis, ideo totidem concludit esse substantias separatas, nec plures, nec pauciores. Circa illam conditionalem, si non essent aliqui motus ordinati ad substantias separatas positas praeter illas 55. aut 47. essent motus imperfecti: aduertendum quod hoc probatur, ex eo quod motus caelestes ordinantur ad substantias separatas sicut ad fines, hoc est quod omnis substantia separata est finis alicuius motus, ut dicitur 12. metaph. text. 48. Ex hoc enim sequitur quod motus corporum caelestium non debent esse pauciores substantiis separatis. finis enim huiusmodi non debet esse absque aliquo ordinato ad ipsum tanquam ad finem: ideo si essent plures substantiae separatae quam motus, sequitur quod non tot essent motus in caelo quot debent esse, & sic sequitur quod motus caelestes imperfecti essent, vt potest carentes motibus aliis qui esse deberent: sicut diceretur vniversitatem creaturarum esse imperfectam, si aliquo essendi modo careret, qui sibi ex natura sua deberet conuenire, vt superius est ostensum.

CIRCA suppositum pro ratione Arist. advertendum quod ideo additum est, praesertim cum non sint plura corpora caelestia eiusdem speciei, vt excludatur obiectio quam adducit Arist. 12. metaph. text. 49. Posset enim aliquis dicere quod nequeunt à nobis deprehendi omnes motus corporum caelestium, quia sunt plures mundi, & per consequens plura corpora caelestia eiusdem speciei: & ideo quamuis motus corporum caelestium istius mundi deprehendi à nobis possint, motus tamen alterius mundi sunt nobis incogniti. sed haec obiectio tollitur si ponatur non esse plura corpora caelestia eiusdem speciei.

CIRCA verò illam propositionem, Non sunt plura corpora caelestia eiusdem speciei: sciendum quod Auerr. in secundo Caeli, commento. 59. oppositum tenere videtur. Sed ostendit S. Thom. in secundo Caeli, lect. 16. opinionem eius esse falsam, & quod necesse est ponere corpora caelestia non esse plura eiusdem speciei, tum quia si essent eiusdem speciei, haberent easdem operationes, eosdem effectus, & eosdem motus, sicut apparet in aliis rebus naturalibus in quibus sunt plura indiuidua vnus spe-

ciei: tum quia repugnat perfectioni corporum caelestium. Nam apud Aristot. vniversum est perfectum, quia est vnum, ex quo habet vt constet ex tota materia suae speciei. Videmus etiam in inferioribus multa esse indiuidua vnus speciei propter aliquam impotentiam, quia aut vnus indiuiduum non potest semper durare, aut non recipit perfectam operationem speciei, vt maxime patet in nominibus, tum quia magis pertinet ad perfectionem vnus cuiusque naturae multiplicatio secundum speciem quae est formalis, quam multiplicatio secundum numerum quae est materialis. Nec valet, inquit ibidem S. Thom. ratio Comment. quia scilicet corpora caelestia essent materialia. Hoc enim multo magis sequitur si sint plura vnus speciei, quia multiplicatio indiuiduorum in vna specie fit per diuisionem materiae. Hoc enim habetur ab Aristot. 12. metaphysicae, text. 49. Sed nec oportet à corporibus caelestibus omnino remouere materiam.

ADVERTENDVM tamen quod oppositum eius quod dicit Auerr. in secundo Caeli, commento allegato, videtur tenere capite vltimo de substantia orbis. Sed hanc apparentem contradictionem soluit ipse Commentator in secundo Caeli, commento 49. vbi ait, Sed tamen debemus intelligere cum diximus ea esse conuenientia in specie, conuenientiam secundum prius & posterius, non secundum vniuersum in vna specie fit per diuisionem materiae. Hoc enim habetur ab Aristot. 12. metaphysicae, text. 49. Sed nec oportet à corporibus caelestibus omnino remouere materiam.

CIRCA probationem illius suppositi aduertendum, quod per illa verba, quae sensibilis est, vult habere sanct. Thom. de mete Arist. quod varietas stellae ad cuius motum ordinatur motus orbis, deprehendi potest ex sensu: & ideo omnes motus orbium, cum ex eis accidat varietas ista in motu stellae, aut deprehenduntur, aut possunt deprehendi: quod erat intentum.

Posita opinione Aristot. de multitudine substantiarum separatarum, secundo loco ad rationem eius respondet sanct. Thom. inquit, quod non habet necessitatem, tum quia si motus caelestes ordinantur in substantias separatas, sicut in fines: non potest concludi necessarium numerus earum ex numero motuum. in iis enim quae sunt ad finem, sumitur necessitas ex fine, secundo Physicorum, text. 23. non autem e contrario. Dicit enim non potest quod sunt aliae substantiae altioris naturae quam sint illae quae sunt proximi fines motuum caelestium: sicut instrumenta artificialia sunt propter homines qui per ea operantur: nihil tamen prohibet esse alios homines qui per instrumenta illa non operantur immediate, sed imperant operantibus: tum quia & ipse Aristot. ait se inducere illam rationem tantum probabiliter, non tanquam necessariam.

ADVERTE, quod licet ex numero eorum quae ordinantur ad finem maxime in rebus incorruptibilibus, possit argui numerus finium à posteriori: vbi vni ordinato ad finem vnus finis respondet, & vni finis respondet vnum duntaxat ordinatum ad finem, non potest tamen argui de necessitate numerus eorum quae pertinent ad idem genus ad quod pertinent finis. Licet enim ex multitudine generum instrumentorum ad diuersas artes pertinentium possit argui numerus generum artificum, quia tot sunt artificum genera, quot sunt genera instrumentorum artificialium ad diuersas artes pertinentium: non tamen potest argui necessitas illius numeri in natura hominis absolute, vt scilicet necessarium sint tot homines, & non plures, quot sunt genera instrumentorum ad ipsos homines, qui instrumentis illis vtuntur ordinati. possunt enim vt inquit sanct. Thom. esse plures alij homines qui per illa instrumenta non operantur. Similiter & si ex numero motuum ordinatorum ad substantias separatas, possit concludi quod sunt tot substantiae separatae, quae sunt fines ipsorum motuum, & vtuntur ipsis motibus immediate tanquam instrumentis, non tamen potest argui quod non sint plures substantiae separatae quam illae quae sunt fines motuum: possunt enim & aliae esse. Quod ergo inquit sanct. Thom. quod numerus substantiarum separatarum non potest concludi necessarium ex numero motuum, intelligitur de numero praeciso substantiarum separatarum, ita quod non sit nec maior nec minor: non autem intelligitur de numero illarum substantiarum quae sunt fines correspondentes absolute numero motuum, quauis enim necessitas finis non sit fumenda ex iis quae sunt ad finem, quia necessitas prioris non sumitur ex posteriori, sed magis ex fine fumatur necessitas eorum quae sunt ad finem: tamen numerus finium proximorum oportet correspondere numero eorum quae sunt ad finem, vbi vnum ordinatum ad finem requirit vnum per se finem, & vnus finis vnum tantum habet ad ipsum ordinatum, (vt iam diximus) & ex numero talium ordinatorum ad finem, potest à posteriori concludi numerus finium proximorum. Vnde illa propositio, omnis substantia separata est finis proximus alicuius motus caelestis, non est necessaria, vt inquit S. Thom. 12. metaphysicae.

Quantum ad secundum principale probatur substantias separatas multo plures esse quam sint motus caelestes, & arguitur primo sic: In substantiis separatis oportet accipere gradum secundum earum eleuationem supra naturam corpoream, cum esse ipsarum secundum genus suum transcendat omnem naturam corpoream: sed sunt aliquae substantiae intellectuales huiusmodi quae vniantur corporibus vt formae, & quia esse substantiarum intellectualium secundum genus earum nullam à corpore dependentiam habet, inuenitur altior gradus earum quae scilicet non vniantur corporibus vt formae, sed vt proprii motores tantum: ergo similiter cum substantia intellectualis non dependeat à mouendo, cum mouere sit consequens ad principalem eorum operationem, erit aliquis gradus altior earum quae scilicet non sunt proprii motores aliquorum corporum.

CIRCA rationem qua probatur substantias intelligibiles non dependere à mouendo, quia videlicet mouere consequitur ad eius principalem operationem quae est intelligere: considerandum est, quod cum vnumquodque sit propter suam operationem tanquam propter finem, vt dicitur secundo Caeli, & vnumquodque à suo fine dependeat, quia scilicet non habet esse nisi in ordine ad finem, oportet vt vnumquodque à sua operatione dependeat tanquam à fine.

ATTENDENDVM tamen quod non quaecumque operatio rei conueniens est eius fini, sed illa tantum quae est illi propria & principalis tanquam naturam primam & per se concomitans: illa autem quae sequitur primam operationem naturae, secundum quod in aliquo determinato inuenitur, non est finis ipsius naturae: & ideo non oportet vt ipsa dependeat natura quasi non possit esse nisi ad illam operationem sit ordinata.

Caeli text. 60.  
76. & seq.

Vbi supra in  
prim. text.

Text. com. 17.

12. Met. text.  
29. & seq. 8.  
Phy. text. com.  
45. & seq.

Supra text. 59



ordinata. Quia ergo propria & principalis operatio naturæ intellectualis est intelligere, non autem mouere: sed mouere consequitur ad intelligere illarum substantiarum quæ sunt proprii motores aliquorum corporum in quantum mouent per intellectum, ideo natura intellectualis non dependet à mouendo, quasi esse non possit nisi ad motum alicuius corporis sic ordinata, sed bene ab intelligendo dependet: quia nulla potest esse quæ non ordinetur ad intelligendum. Propterea bene infert S. Thom. naturam substantiæ intellectualis non dependere à mouendo, quia mouere est consequens ad intelligere, quæ est eius principalis operatio.

Secundò, Oportet gradus substantiarum intellectualium secundum gradum intellectualis operationis quæ est eis propria, accipere, sed supra conceptiones intelligibiles propriorum motorum orbium est accipere aliquas vniuersaliores conceptiones: ergo sunt aliquæ substantiæ intellectuales supra illas quæ sunt proprii & proximi motores determinatorum orbium, probatur minor, quia cum agens per intellectum oporteat proportionari patienti & factio per formam intellectus, ut scilicet huiusmodi sit forma intellectus, quæ possit induci per actionem agentis in materiam, sicut & agens per naturam est proportionatum patienti ratione suæ formæ, necesse est (lectando opinionem Aristot. in hoc scilicet quod substantia intellectualis sit ita ad aliquem motum determinata ut proprius motor, quod aliud mouere non possit) motores proprios orbium qui per intellectum mouent, habere tales intelligentias quæ sint explicabiles per motum orbium, & producibiles in rebus materialibus. supra autem huiusmodi conceptiones est accipere aliquas vniuersaliores, cum intellectus vniuersalius apprehendat formas rerum quàm sit esse earum in rebus, ut patet in intellectu speculatiuo & arte imperante, ergo, &c.

SED circa hanc rationem occurrit dubium, Et vniuersaliori enim apprehensione non videtur argui posse superior gradus naturæ intellectualis realiter separatus, & distinctus à gradu naturæ intellectualis particularis apprehendens: quia ut hic dicitur, forma intellectus speculatiui est vniuersalior forma intellectus practici, & tamen idem est intellectus practicus & speculatiuus in nobis. Vnde ad rationem dici poterit, quod proprius motor qui format conceptiones rerum particularium producibilium per motum, format etiam vniuersaliores conceptiones: sicut & artifex format & conceptiones particulares & conceptiones vniuersales, & sic non oportet supra proprios motores orbium esse altiores naturas intellectuales.

AD huius dubij explicationem duo sunt aduertenda quæ in fundamento huius rationis tanguntur. Cum enim dicitur quod substantiarum intellectualium gradus accipere oportet secundum gradum intellectualis operationis, quæ est eis propria, duo tanguntur, scilicet gradus intellectualis operationis, & proprietates illius gradus respectu intellectualis naturæ: ideo duo sunt declaranda. Vnum est, quomodo accipiendi sint isti gradus. Secundum, quomodo aliquis sit proprius gradus alicuius naturæ: & tunc manifesta erit dissolutio dubij. Quantum ad primum, sciendum quod quia intellectio sit secundum quod cognitum est in cognoscente, gradus intellectualis operationis accipiendi sunt secundum gradus specierum intelligibilium quibus cognitum est in cognoscente. Diuersificantur autem species intelligibiles in intellectu, & diuersos gradus habent secundum quod vna est vniuersalior alia in representando plura distinctè: quia quanto aliqua species plura distinctè representat, tanto perfectior est: sicut tanto aliqua natura perfectior est quanto plures perfectiones vnité continet. Sic enim species intellectus angelici sunt superioris gradus quàm species intellectus nostri, quia vna species intellectus nostri representat tantum vnā naturam vniuersalem distinctè, non autem singularia illarum naturarum: sed species intellectus angelici non solum naturas vniuersales, sed & ipsa particularia distinctè representant, & vna est multarum naturarum representatiua. quātō autem species sunt vniuersaliores, tantō & conceptiones ex illis speciebus elicite intelligentibus per illas species proportionatæ vniuersaliores sunt. Sequitur ergo quod gradus intellectus accipiuntur & secundum vniuersalitatem specierum intelligibilium, & secundum vniuersalitatem conceptionum in representando plura distinctè.

Quantum ad secundum notandum, quod non inconuenit quidem id quod est superioris gradus, & quod est inferioris, vni & eidē aliquo modo conuenire: sed quod vtrumque eidem tanquam aliquid sibi proprium conueniat, est impossibile: quia quod est superioris gradus, determinat sibi superiorem naturam, & quod est inferioris gradus, sibi inferiorem naturam: determinat sicut cognitio intellectus & sensitiua quæ sunt diuersorum graduum, conueniunt quidem vni naturæ scilicet homini, sed sensitiua non est homini propria, cum etiam brutis conueniat, & hominis non nisi in quantum cum brutis in natura sensitiua conuenientiam habet. Simili modo quauis diuersi gradus intellectualis operationis vni naturæ possint conuenire, non tamen vterque illi naturæ proprius esse potest, sed ille est proprius sibi, qui sibi soli ex ratione propriæ naturæ conuenit. Quia ergo naturæ intellectualis propria operatio ad quā ordinatur, est intelligere, oportet gradus naturæ intellectualis accipere secundum gradum intellectualis operationis, non cuiuscunque, sed illius quæ est propria vnicuique, ut scilicet qualem gradum tenet propria intellectualis operatio vnus naturæ intellectualis in comparatione ad propriam intellectiōem alterius naturæ intellectualis, talem gradum teneat natura ad naturam comparata. Vnde cum intellectio quæ est secundum vniuersaliores conceptiones, sit altioris gradus quàm intellectio quæ est per particulariores conceptiones, necesse est ut natura cuius proprium est per vniuersaliores conceptiones intelligere, sit altior illa natura cui proprium est per particulariores intelligere conceptiones: quāuis etiam per vniuersaliores conceptiones aliquid intelligat, in quantum de natura superioris participat. Et similiter si est natura quæ inferiorem gradum intellectiōis tanquam proprium habeat, conueniens est ut etiam sit natura aliqua cui superior gradus intelligendi sit proprius si superior gradus intellectiōis esse possit. Si ergo proprii motores orbium habent tanquam proprium intelligere per conceptiones, quas vocat hic S. Thom. intelligentias particulares, vtpote per motum orbium explicabiles & producibiles in rebus materialibus: cum sit altior gradus intellectiōis, qui videlicet est per conceptiones vniuersaliores, necesse est ut sint aliquæ naturæ intellectuales supra motores proprios orbium, quarum sit proprium

per vniuersaliores conceptiones modo dicto intelligere. Et in hoc consistit ratio sancti Thomæ.

AD argumentum autem in oppositum dicitur, quod conceptio intellectus speculatiui humani est vniuersalis solum ex parte obiecti representati, quia representat tantum naturam vniuersalem, non autem representat particularia distinctè, quia est elicitā à specie intelligibili à materialibus per intellectum agentem abstracta: conceptio autem vniuersalis, quam dicimus constituere gradum altioris intellectualis operationis, est vniuersalis, quia multorum est conceptio propria, licet non adæquata, sed excedens modo eiusdem naturæ & potentie cuius est cognoscere vniuersale, est etiam cognoscere particulare, licet non semper eodem modo: non autem cuius est cognoscere per particulares conceptiones, eius est cognoscere per conceptiones, vniuersales modo exposito, præsertim tanquam per sibi proprium, idcirco intellectus speculatiuus non differt in nobis à practico realiter, sed bene natura cui est proprium intelligere per conceptiones ad plura distinctè se extendentes, distinguitur à natura cui est proprium per conceptiones ad pauciora se extendentes intelligere. Quod autem sancti Thomæ adduxit ad manifestationem sui propositi, modum concipiendi intellectus speculatiui, non ideo factum est ut ostendatur intellectum humanum speculatiuum habere illum modum intelligendi qui gradum supra intellectiōem propriorum motorum constituit, sed solum ut ostenderetur intellectum absolute loquendo posse vniuersaliter res apprehendere quā sit in re, licet alio & alio modo hoc conueniat intellectui humano & intellectui angelico. Tertiò, Substantiæ intellectuales sunt digniores omnibus corporibus, ut immobile & immateriale mobili & materiali: ergo excedunt in numero omnem multitudinem rerum materialium, probatur consequentia, quia ordo vniuersi exigere videtur ut id quod est nobilior excedat quantitate vel numero ignobiliora: sic corpora celestia excedunt corpora elementaria. huius autem ratio est, quia ignobiliora sunt propter nobilitatem, & consequenter oportet ut nobiliora quasi propter se existentia multiplicentur quantum possibile est.

ADVERTENDVM circa conclusionem quod multitudinem substantiarum intellectualium excedere multitudinem rerum materialium, intelligitur quantum ad species rerum materialium, non quantum ad indiuidua, ut videtur in sancti Thomæ de Potentia, quæst. 6. articulo 6. & in ratione sequenti. Specierum enim materialium numerus, quasi incomparabiliter (ut dicitur prima quæst. 50. articulo 3.) à multitudine substantiarum separatarum exceditur, sicut corpora corruptibilia à corporibus celestibus quasi incomparabiliter secundum magnitudinem exceduntur. Et hoc significatur maximam esse multitudinem substantiarum separatarum. Cum enim multitudo specierum materialium magna sit, multitudo illam multitudinem quasi incomparabiliter excedens, non potest non esse maxima.

CIRCA probationem verò consequentiæ, aduertendum quod ea quæ sunt ad finem, accipiunt limitationem & determinationem ex fine, quia tot & tanta queruntur, quot & quanta sufficiunt ad ipsum finem, finis autem ipse in infinitum queritur, ut inquit sanctus Thomas ad Rom. 12. lect. & 1. Corinth. 11. lect. 3. Non enim queritur tanta aut tanta sanitas determinatè, si queratur sanitas ut finis, sed quanta haberi potest. propter hoc ait sanctus Thomas quod quia nobiliora sunt propter se, ideo oportet ut multiplicentur quantum possibile est. Quia tamen contingit id quod est finis respectu aliquorum, ad aliquem vltiorem finem ordinari, ideo quod ut finis non habet limitationem ut ad alium finem ordinatum limitationem quandam accipit: sicut sanitas quæ ordinatur ad aliquod opus exequendum, queritur tanta quanta ad illud opus sufficiat, & queritur saluato illo ordine ad finem quanta potest haberi. Sic etiam quia nobiliora in entibus, licet sint finis ignobiliorum, ordinantur tamen ad vniuersi totalem perfectionem sicut ad finem: ideo cum dicitur ipsa multiplicari oportere quantum possibile est, non est intelligendum de multiplicatione possibili absolute, ut ex superioribus patet, sed quantum possibile est secundum exigentiam totalis perfectionis istius vniuersi, propter quod assumptis S. Thomæ quod ordo vniuersi exigere videtur ut nobiliora excedant ignobiliora, dans videlicet intelligere quod loquitur de rerum multiplicatione non absolute, sed secundum exigentiam vniuersi.

CIRCA excessum nobiliorum supra ignobiliora, intelligendum est primo quod sanctus Thomas facit comparationem inter ea quæ per se pertinent ad perfectionem vniuersi, ut dicitur de Veri. quæst. 5. articulo 3. hæc autem sunt quæ habent perpetuitatem, ut substantiæ intellectuales, corpora celestia, & species rerum corruptibilia, non autem talium specierum indiuidua. ideo propositio sancti Thomæ in istis est intelligenda. quāto enim aliquod istorum quæ perpetuitatem habent est nobilior, tantō excedit quantitate vel numero ignobiliora. Intelligendum secundum quod nobilitas istorum dupliciter potest considerari. Vno modo secundum gradus específicos tantum, ut scilicet illud dicatur nobilior, quod nobiliori differentia specifica constituitur. Alio modo secundum gradus ordinis rerum in vniuerso, qui attenditur secundum diuersos modos essendi, ut scilicet dicatur perfectius in rebus quod ad superiorem & perfectiorem ordinem in vniuerso pertinet. Cum ergo dicitur, nobiliora in rebus oportere excedere numero vel quantitate ignobiliora, intelligendum est, non de nobilioribus secundum gradum specificum tantum, sed de nobilioribus secundum ordinem & modum essendi, scilicet de iis quæ ad superiorem & digniorem ordinem, & ad superiorem modum essendi pertinent. Vnde rollitur instantia quæ fieri posset de auro, argento, lapidibus preciosis, balsamo, & huiusmodi, quæ quidem sunt multis aliis corporibus nobiliora, & tamen neque magnitudine neque multitudine alia excedunt. constat enim quod de istis non intelligitur propositio S. Thomæ, quia non sunt superioris ordinis in vniuerso quàm alia corruptibilia, cum & ipsa de ordine corruptibilia sint, licet sint nobiliora secundum gradum specificum.

Quartò Formæ quæ sunt extra materiam, habent esse completius & vniuersalior quàm formæ quæ sunt in materia, quæ recipiuntur in materia secundum eius capacitatem: ergo non sunt minor multitudinis quàm sint species rerum materialium. probatur consequentia: quia etiam species rerum materialium non multiplicantur per materiam, sed per formam. Addit autem huic rationi S. Thomæ ut falsam dicatur suorum



interpretationem excludat, quod non propter hoc, cum scilicet ponimus substantias separatas habere esse completius & vniuersalius quam formæ quæ sunt in materia, & illas excedere, dicimus substantias separatas esse species horum sensibilium, vt Platonici decepti ex eo quod in earum notitiam non nisi ex sensibilibus venire possent, posuerunt, cum materia vniuersalis sit de ratione speciei horum sensibilium, sed dicimus ipsas esse alias species nobiliores istis, quantum purum est nobilius permixto.

CIRCA istam propositionem, Formæ quæ sunt extra materiam, habent esse completius & vniuersalius quam formæ quæ sunt in materia: attendendum quod non loquitur hoc loco Sanctus Thomas de vniuersalitate prædicationis & potentialis continentie, quemadmodum animal est vniuersalius homine, sed de vniuersalitate perfectionis continentie. Vt enim ex superioribus patet, & hic etiam tangitur, formæ quæ recipiuntur in materia, non habent omnem perfectionem essendi natam speciei conuenire, quia aliquam limitationem in esse suæ speciei accipiunt ex subiecto in quo recipiuntur. Formæ autem per se subsistentes omnino à materia separata non limitantur ad aliquem gradum essendi suæ speciei, sed habent omnem perfectionem essendi natam illi speciei conuenire: unde & dicuntur esse infinitæ, id est, illimitatæ in sua specie. Ad hunc ergo sensum dicuntur habere esse completius & vniuersalius: quia habent omne complementum & omnem perfectionem essendi suæ speciei: nature autem materiales non habent omne complementum sui esse, sed habent esse intra speciem limitatum: hoc autem est habere esse vniuersalius secundum continentiam perfectionalem.

CIRCA probationem consequentiam, attendendum quod posset aliquis dicere multitudinem specierum materialium esse maiorem multitudinem substantiarum immaterialium, quia illæ per materiam multiplicantur, quæ est in infinitum diuisibilis, dum subiicitur quantitati: materia autem non est in substantiis abstractis: ideo hoc excludens Sanctus Thomas ait quod multiplicatio talium specierum non est per materiam, sed per formam, propterea non est maior causa multiplicationis in speciebus materialibus quam in substantiis abstractis: ideo cum habeant perfectius esse, oportet iuxta præcedentem rationem vt aut sint plures illis, aut saltem non sint pauciores: unde hæc ratio est præcedentis rationis confirmatio.

ADVERTENDVM tamen, quod licet dicat Sanctus Thomas species rerum multiplicari per formam, & non per materiam, per hoc tamen non vult excludere materiam à ratione & quidditate specierum materialium, cum hic dicat materiam esse de ratione specierum sensibilium: sed intendit quod ipsa multiplicatio est à forma tanquam ab eo à quo sumitur differentia essentialis, secundum quam vna species ab alia differt. Materia enim licet ingrediatur quidditates rerum materialium propter conditionem formæ quæ talem aut talem materiam exigit, ab ipsa tamen non sumitur differentia essentialis, sed magis ratio generis: unde non est ratio multiplicationis specificæ, sed eam concomitatur.

CIRCA illam propositionem ultimo loco positam, Substantiæ separatae sunt species nobiliores sensibilibus, quantum purum est nobilius permixto: aduertendum quod non accipitur purum & permixtum vt idem sunt quod simplex & compositum ex multis alteratis, eo modo quo diffinitur mixtio in primo de Generatione, quod est miscibilium alteratorum vno, sed vt idem sunt quod separatum ab omni viliori se, & coniunctum viliori, vt idem sit permixtum quod impurum: sic enim constat quod purum est nobilius permixto, id est, impuro. Quinto, substantiæ separatae sunt in esse intelligibiles secundum suam naturam, ergo maior est possibilis multiplicitas in eis quam in rebus materialibus pensata proprietate & natura generis vtriusque: ergo ita est in actu, probatur prima consequentia, quia magis est aliquid multiplicabile secundum suum esse intelligibile quam secundum suum esse materiale, vt patet in linea, cuiuslibet enim lineæ finitæ potest fieri additio Mathematicæ, non autem naturaliter: idem est de raritate corporum, de velocitate motuum, & diuersitate figurarum quæ in infinitum augeri possunt secundum intellectum, non autem secundum naturam. Secunda quoque consequentia probatur, quia in perceptis non differt esse & posse.

CIRCA assumptum ad probationem primæ consequentiæ dubitatur: Nam species materialis in intellectu est tantum vna, in materia autem multiplicatur, ergo non est verum quod magis aliquid sit multiplicabile secundum esse intelligibile quam secundum esse materiale. Respondetur, quod propositio est vniuersaliter vera, nomine esse intelligibilis comprehendendo etiam esse imaginabile. Vnumquodque enim suo modo quo est multiplicabile, magis multiplicabile est secundum intellectum quam secundum naturam. Multiplicatio enim speciei est secundum indiuidua, multiplicatio generis est secundum species, multiplicatio verò formæ intensibilis (vt sic) est secundum maiorem intensionem, plura autem indiuidua possumus intelligere & imaginari esse in aliqua specie quam simul esse possint in natura, considerata duntaxat naturæ potentia, & plures species quam possint esse in genere secundum naturam, & formam magis intensam quam possint esse in natura. Ad rationem in oppositum dicitur, quod licet species in intellectu sit tantum vna secundum rationem specificam, & secundum esse specificum, secundum tamen esse numeralem suum apprehensum potest magis per intellectum aut imaginationem multiplicari simul quam secundum esse materiale extra intellectum.

CIRCA ea quæ enumerat Sanctus Thomas, tanquam augmentabilia in infinitum secundum intellectum, aduertendum secundum doctrinam ipsius sexto Physicorum, quod cum aliquid possit repugnare alicui ratione speciei & non ratione generis, & intellectus possit genus considerare per abstractionem à speciebus, non inconuenit quod aliquid conuenire possit generi secundum quod per intellectum apprehenditur, quod tamen sibi repugnat secundum esse limitatum ad speciem quod extra intellectum habet. Sic quia secundum generis rationem non repugnat vt cuiuslibet lineæ finitæ possit fieri additio, licet repugnet lineæ naturæ secundum propriam rationem considerata, ideo secundum apprehensionem intellectus & imaginationis qualibet lineæ finitæ potest dari maior: quod tamen est impossibile secundum naturam, & similiter dicendum est de raritate corporum, & velocitate motuum, & similibus. Confirmatur conclusio auctor. Daniel. 7. milia milium, &c. & Dionys. 14. ca. Cœle. hier. Excluditur autem per hanc error ponentium numerum substantiarum se-

paratarum secundum numerum motuum cœlestium (vt Arist. 12. Metaphysicæ posuit) aut secundum numerum sphaerarum cœlestium, vt scilicet Auicenna tenuit in sua Metaphysica, vt recitatur secundo Sent. dist. 3. quæst. 1. art. 3. Excluditur etiam error Rabbi Moyse ponentis numerum angelorum positum in scriptura non esse numerum substantiarum separatarum, sed virtutum in istis inferioribus, & etiam hominum diuina annuntiantium, vt additur in prima parte loco allegato.

### Quod substantiæ separatae non sunt multæ vnius speciei.

Cap. 93.



X his autem quæ de istis substantiis præmissa sunt, ostēdi potest quod non sunt plures substantiæ separatae vnius speciei.

Ostenfum est enim supra quod substantiæ separatae sunt quædam quidditates subsistentes. Species autem rei est quam signat diffinitio, quæ est signum quidditatis rei, unde quidditates subsistentes sunt species subsistentes, plures ergo substantiæ separatae esse non possunt nisi sint plures species.

2. Adhuc, quæcunque sunt idem specie, differentiæ autem numero, habent materiam, differentia autem quæ ex forma procedit, inducit diuersitatem speciei: quæ autem est ex materia, inducit diuersitatem secundum numerum. Substantiæ autem separatae non habent omnino materiam, neque quæ sit pars earum, neque cui vniantur vt formæ: impossibile est igitur quod sint plures vnius speciei.

3. Amplius, ad hoc sunt plura indiuidua in vna specie in rebus corruptibilibus, vt natura speciei quæ non potest perpetuo conseruari in vno indiuiduo, cōseruetur in pluribus. Unde etiam in corporibus incorruptibilibus non est nisi vnum indiuiduum in vna specie. Substantiæ autem separatae natura potest cōseruari in vno indiuiduo, eod quod sunt incorruptibiles, vt supra ostēsum est, non igitur oportet esse plura indiuidua in illis substantiis eiusdem speciei.

4. Item, id quod est speciei in vnoquoque, dignius est eo quod est indiuiduationis principium præter rationem speciei existēs, multiplicatio igitur specierum plus addit nobilitatis & perfectionis vniuerso, quam multiplicatio indiuiduorum in vna specie: perfectio autem vniuersi maxime consistit in substantiis separatis, magis igitur competit ad perfectionem vniuersi quod sint plures secundum speciem diuersæ, quam quod sint multæ secundum numerum in eadem specie.

5. Præterea substantiæ separatae sunt perfectiores quam corpora cœlestia, sed in corporibus cœlestibus propter eorum perfectionem non inuenitur nisi vnum indiuiduum vnius speciei: tum quia vnumquodque eorum constat ex tota materia suæ speciei: tum quia in vno indiuiduo est perfecte virtus speciei ad complendum illud in vniuerso ad quod sua species ordinatur: sicut præcipue patet in sole & luna, multo igitur magis in substantiis separatis non inuenitur nisi vnum indiuiduum in vna specie.

Super Cap. 93.



VM ostensum sit substantias separatas esse in magna multitudine, quia de ratione multitudinis est distinctio, restat ostendendum quomodo inter se tales substantiæ distinguantur. Circa hoc autem duo facit Sanctus Thomas. Primo ostendit omnes inter se specificè distingui. Secundo ostendit unde genus & species in ipsis sumantur cap. 95. Circa primum duo facit: Primo probat intentum, secundum infer vnum corollarium cap. sequenti. Quantum ad primum probatur non esse plures substantias separatas vnius speciei, & primo sic: Substantiæ separatae sunt quidditates subsistentes, ergo non possunt esse plures nisi sint plures species, probatur consequentia, quia quidditates subsistentes sunt species: quod patet, quia species est quam significat diffinitio quæ est signum quidditatis rei.

ATTENDENDVM hic, quod nomine quidditatis subsistentis intelligit Sanctus Thomas, quidditatem non receptam in aliqua materia indiuiduali, sed existentem per se absque omni susceptio. talis autem quidditas sic abstracta non potest esse nisi vna, quantumcunque etiam sit materialis, vt dicitur de Spiritu art. 8. sicut si esset albedo ab omni subiecto separata, esset tantum vna: & similiter humanitas, si esset præter omnia supposita existens. Unde & Plato ponens vniuersalia separata posuit speciem vnam separatam non habere diuersitatem indiuiduorum, sed esse tantum vnam. Huius

Idem 1. part. q. 50. art. 4. & in 2. se. d. 3. art. 4. & in q. de spi. creationis q. 8. Cap. 51.



Huius autem ratio est, quia forma non habet numeraliter distinguendi nisi ex se, ideo remotio susceptio remouetur distinctio numeralis. ipsius, & sic remanet tantum una. Et hoc est huiusmodi rationis fundamētum.

**Lecl. 10.** **ADVERTERE** quod ratio sumpta est ex Aristotele 12. Metaphysicæ text. 49. per hanc enim probat Aristoteles iuxta Sancti Thomæ interpretationem, primum principium immobile esse tantum unum, in omni autem materia non accipitur ab Aristotele & Sancti Thomæ omni susceptum in differentes, ut quidam male interpretantur, ut apparet ex Aristotele & Sancti Thomæ diligenter intentanti, sed accipitur materia proprie dicta, quæ est pura potentia in genere substantiæ, non enim hæc sermo est de differentia materiali accidentium, sed substantiarum, de quibus etiam loco allegato loquitur Aristoteles. In his enim verum est quod si sunt substantiæ per se subsistentes completæ in specie, & sunt plura, individua eiusdem speciei, oportet illa habere materiam partem sui, & sic esse composita ex materia & forma. Si autem sint substantiæ non completæ in specie, sed quæ sunt partes speciei, necesse est ut habeant materiam in qua recipiantur & individuantur, ut ex superius dictis apparet. Neque obstat quod Sancti Thomæ prima pars. quæ est. 50. articulo quarto, dat exemplum de plurificatione albedinis, quam constat plurificari non ex materia proprie dicta, quæ est pura potentia, sed ex subiecto quanto, quia non induxit Sancti Thomæ illud tantum exemplum, sed etiam similitudinem. Voluit enim per simile in aliis probare intentum: nam sicut albedines non multiplicantur nisi ex multiplicatione substantiæ corporalis quæ est susceptivum proprium accidentium materialium, ita substantiæ quæ conveniunt in specie, & differunt numero, non distinguuntur nisi per materiam individuantem quæ est proprium susceptivum formarum & naturarum substantiarum.

**ATTENDENDUM** etiam eundem dicitur, diversitatem, quæ ex forma procedit, inducere diversitatem speciei, quod intelligitur de differentia proveniente ex forma, secundum propriam rationem formæ, illa enim differentia quæ ex diversis formis secundum propriam rationem distinctis, hæc ex formis diversarum rationum procedit, est specifica, non autem si procedat ex formis materialiter tantum distinctis in una communi ratione convenientibus, sicut duæ anime intellectuales sunt distinctæ.

**Tex. com. 49.** **AD** hanc autem rationem ex Seco. 2. Sent. dist. 1. quæst. 7. duo dici possunt. Primum, quod Aristoteles idcirco posuit & 7. Metaphysicæ, text. 41. quod omne non habens materiam componentem, est idcirco quod quid est primum, & 12. Metaphysicæ quod talis natura de se est hæc, quia omne tale posuit formaliter necessarium. Cum enim quicquid potest esse in natura formaliter necessarium, sit in ea apud ipsum, & si possent esse plura individua, in ipso esse possent esse infinita, sequeretur tales substantiæ infinitas esse in actu. Sed fundamentum suæ positionis est falsum, & id quod sequitur ex ipso. Et sic negatur apud Seco. in hac parte Aristotelem.

Dici secundo posset ad illam propositionem: Differentia quæ ex forma procedit, inducit diversitatem speciei, quod verique est vera, si intelligatur quod differentia talis sit in forma tanquam in prima ratione differentia, sed tunc falsum est differentiam substantiarum separataram procedere ex forma, si autem intelligatur quod differentia quæcunque formarum inducat differentiam speciei, illa propositio est falsa. Primum eorum quæ dicitur Seco. non est ad mentem Aristotelem, quia non idcirco in septimo Metaphysicæ posuit in non habentibus materiam, unumquodque idem esse suo quod quid est, quia omne tale posuit formaliter necessarium, sed

**Tex. com. 49.** propter separationem à materia. Unde & in 12. Metaphysicæ assignat rationem quare primum principium immobile non multiplicatur secundum numerum, quia non habet materiam, ut ibi ex Averrois interpretatione apparet. Unde si volebat Seco. Aristoteles in hac parte negare, videns suam opinionem non posse cum Aristotele mente tenere, non erat afficiens pro causa negationis falsitatis principij, quod ipse pro principio ad illam conclusionem non posuit. Præterea, admissio etiam quod Aristoteles illud pro principio conclusionis assumeret, ad hoc responso non evadit eius rationem, quia ostensum est in præcedentibus verum esse id quod Seco. negat, scilicet quod omnis substantia à materia separata est formaliter necessaria, & quod ab intrinseco non potest deficere. Secundum etiam non tollit verum intellectum propositionis S. Thomæ. Intelligitur enim in primo sensu, in quo ipse Seco. eam concedit. Cum autem subiungitur falsum esse quod differentia substantiarum separataram ex forma ad illum sensum procedat, dicitur quod illud falsum non est, imò est verissimum. Prima enim ratio distinctionis in ipsis non potest esse materia, aut quantitas, cum sint à quantitate abstractæ & à materia, nec aliqua proprietas absoluta, quia tales proprietates supponunt suum subiectum individuum & distinctum, imò & per subiectum individuantur & distinguuntur, nec per solas echeitates, ut ipse Seco. ponit, quia inter illas echeitates nulla est oppositio aut ratio impossibilitatis: nihil autem est ratio distinctionis aliquorum nisi ratione alicuius oppositiois, tum quia individua eiusdem speciei conveniunt in hoc quod est habere echeitatem illam, tum in quo conveniunt duo supposita, non potest esse ratio distinctionis inter illa, relinquitur ergo quod ratio distinctionis in illis sit forma. Tercio, substantiæ separate natura cum sit incorruptibilis, potest conservari in uno individuo, ergo non oportet esse plura individua unius speciei, in illis probatur consequentia, quia ad hoc sunt plura individua in una specie in rebus corruptibilibus, ut natura quæ in uno individuo perpetuo conservatur non potest conservari in pluribus, quod patet hoc signo, quod in corporibus incorruptibilibus non est nisi unum individuum in una specie.

Ad hanc rationem quæ sumpta est ex secundo de Anima, text. 34. & 35. respondet Seco. ubi supra ad ultimum, quod licet in corruptibilibus ista sit una causa multiplicationis individuum in una specie, non tamen est præcisa causa, sed hæc, quia videlicet omnis natura quæ non est de se actus purus potest secundum illam realitatem, secundum quam est natura, esse potentialis ad realitatem illam quæ est hæc natura, sicut de se non

includit aliquam entitatem quasi singularem, ita non repugnat sibi quocunque tales entitates: & ita potest in quocunque talibus inveniri. Sed ista responsio Seco. non vadit ad mentem Sancti Thomæ. Non enim per hanc rationem concluditur quod non sit possibile esse plura individua in tali specie, ut existimat Seco. sed quod non oportet esse plura, ut patet in littera. Proceedit enim hæc ratio ex his quæ apud nos apparent nam cum videmus species dantur corporum corruptibilium habere plura individua, non autem species incorruptibilium, signum est multiplicationem in illis fieri propter eorum dantur corruptibilitatem secundum individua: & ideo cum individuum speciei immateriali sit incorruptibile, non est opus in illis tali individuum multiplicatione. Ratio autem, quam adducit Seco. non potest esse causa multiplicationis in actu individuum in rebus corruptibilibus, quia cum illa causa sit secundum ipsam omnibus quid daturis tam materialibus quam immaterialibus communis, quæ ratione individua in una specie rerum corruptibilium multiplicatur, eadem ratione individua in rebus incorruptibilibus multa essent, posita enim causa necesse est effectum poni: quod cum verum non sit, ut patet de sole & luna, patet quod illa non est præcisa causa multiplicationis in rebus corruptibilibus, sed magis ea quam de mente Aristotelem tangit Sancti Thomæ in d. 4. Quarta, Perfectio uniuersum maxime consistit in substantiis separatis, ergo magis competit quod sint plures secundum speciem, quam secundum numerum in eadem specie. Probatur ex sequentia, quia multiplicatio specierum plus nobilitatis & perfectionis addit uniuerso quam multiplicatio individuum in una specie: cum quod est speciei in uno quocunque dignius sit eo quod est individuationis principium.

**ADVERTENDUM** quod ista ratio non concludit de rebus materialibus, licet de rebus immaterialibus concludatur, quia res materiales corruptibiles non possunt in uno individuo perpetuari, sicut res immateriales: & ideo quamvis uniuersum perfectius esset pro tunc si omnes res materiales essent specie distinctæ, ita videlicet quod tot essent speciei distinctæ quot sunt distinctæ secundum numerum, non esset tamen simpliciter perfectius: quia continuè deficerent aliquæ speciei, & tandem nulla esset in ipso species rerum corruptibilium: sed in rebus immaterialibus permanet unaquæque species in perpetuum, cum sint incorruptibiles, idcirco si multitudo ipsarum non est numeralis tantum, sed specifica, uniuersum simpliciter est perfectius, utpote cuius principalior pars sit in multis speciei & multis gradus multiplicata, quæ multiplicatio est nobilior multiplicatione numerali in eadem specie.

**Quinto.** In corporibus celestibus propter eorum perfectionem non inuenitur nisi unum individuum unius speciei, ut quia unumquodque eorum constat ex tota materia suæ speciei, tum quia in uno individuo est perfectè virtus speciei ad id ad quod sua species ordinatur, ergo hoc multo magis est in substantiis intellectualibus quæ sunt perfectiores.

Ista ratio sumpta est ex primo Celi, text. 92. vsque ad 95. inclusivè, sed ad ipsam dicitur Seco. loco præallegato, quod verique si existimatur Aristotelem de corporibus celestibus, quia voluit quod tale corpus singulare fuerit ex tota materia suæ speciei tam potentiali quam actuali, tamen Theologi non concordant cum ipso, neque in principio neque in conclusione.

Ad hoc dicendum primum, quod non procedit hæc ratio ad probandum non posse esse plures substantias intellectuales in eadem specie, tanquam scilicet implicet contradictionem, quia hoc non est de mente sancti Thomæ, ut haberi potest ex tractatu contra Averroistas, ubi soluendo rationem quæ arguebatur Deum non posse multiplicare intellectus, tanquam illud contradictionem implicet, dicitur quod quamvis intellectus non habet naturalem causam multiplicationis, posset tamen sortiri multiplicationem ex supernaturali causa, nec esset implicatio contradictionis. Puto enim secundum mentem eius tenendum esse per diuinam potentiam absolventem posse esse plures angelos eiusdem speciei etiam stante hoc ordine uniuersi: & fortassis de facto sunt in una specie plures, licet nobis causa distinctionis eorum non sit manifesta. Quod autem aliquando (ut hic in aliquibus rationibus, & in prima parte quæst. quinquagesima, articulo quarto) dicitur quod hoc est impossibile, interpretari possumus quod est impossibile non simpliciter, sed quantum ad modos multiplicationis nobis notos, & quantum ad modum multiplicationis numeralis nobis ab Aristotele septimo & duodecimo Metaphysicæ traditum. Dicitur secundum, quod procedit hæc ratio ad probandum de facto non esse in substantiis abstractis plura individua unius speciei ex comparatione ad corpora celestia, quia sicut in illis propter eorum perfectionem non inuenitur nisi unum individuum in una specie, patet in sole & luna, quicquid sit de possibili: ita cum substantiæ separate sint perfectiores corporibus celestibus, probabile est quod non sit nisi una unius speciei. Respondendo secundo potest tenendo quod hæc ratio etiam de impossibilitate procedat, quod non concludit hoc esse simpliciter impossibile, sed quod est impossibile secundum opinionem Aristotelem, qui posuit non posse corpora celestia propter eorum perfectionem secundum numerum in eadem specie multiplicari. Si enim hoc secundum eius opinionem in corporibus celestibus propter eorum perfectionem inuenitur, multo magis in substantiis separatis quæ perfectiores sunt inueniuntur, & sic nulla ad hanc rationem est responsio ex verbis Seco. sumpta. Ipse autem Seco. in loco præallegato oppositum huius conclusionis de possibili loquendo tenuit, & suam opinionem multis rationibus confirmat, sed quia eas plenissime Capreolus in secundo Sentent. distinctione tertia, questione prima, euacuat, & eas & earum solutiones summam tantum tangemus. Arguit ergo primum: quia omnis quidditas quantum est de se, communicabilis est, cum nec ex perfectione sibi repugnet, nec ex imperfectione.

Secundo, quia quilibet quidditas potest intelligi sub ratione uniuersalis abique contradictione, quod non esset si de se esse hæc.

Tercio, quia potest Deus hunc angelum annihilare, & iterum istam speciem de nouo producere in alio individuo, non autem in eodem, secundum illos qui dicunt quoniam homo non posset idem numero resurgere, nisi eadem numero anima intellectiva remaneret.

Quarto, quia anima intellectiva, quæ sunt formæ puræ, distinguuntur numero in eadem specie.

Quinto, quia secundum Augustinum in Enchiridio capit. 28. inconueniens est quod aliqua species nature intellectualis sit tota damnata.



Sexto, quia vnus angelus esset formaliter infinitus, quia esset infinite communicabilis, si communicari posset.

Vltimo, in quolibet questione secunda arguit, quia ista opinio per plures articulos Parisienses est damnata, in quibus dicitur errorem esse quod Deus non possit facere plures intelligentias vnus speciei, quia non habent materiam. Item quod Deus non possit multiplicare indiuidua in vna specie sine materia. Item quod forma non recipiunt diuisionem nisi secundum materiam.

P R O solutione harum rationum reducenda sunt ad memoriam ea quæ in præcedentibus de differentiâ naturæ & suppositi dicta sunt. Ostensum est enim quod eum in rebus immaterialibus natura de se & non per aliquid additum sit hæc & indiuidua, in illis natura & suppositum non differunt per intrinsecam, quasi scilicet sint aliqua principia indiuiduantia naturam, quæ sint de ratione suppositi, non autem de ratione naturæ, sed per extrinsecam tantum distinguuntur, in quantum illi naturæ coniungitur esse, & alia accidentia quæ non sunt de ratione naturæ, neque de ratione suppositi, sed tamen illa excludit naturam & quidditas, suppositum autem non excludit. Gabrielitas enim dicit ea tantum quibus Gabriel est Gabriel, sed hoc Gabriel dicit habens Gabrielitatem. huic autem non repugnat habere aliquid aliud quam Gabrielitatem. Ex hoc sequitur quod natura immaterialis secundum se non est communicabilis neque vniuersalis multis suppositis, quia secundum se est hæc: sicut neque Sortes est communis multis per modum vniuersalis. vnde sicut forma quæ est in subiecto indiuiduatur per hoc quod est in isto subiecto, ita substantia intellectualis indiuiduatur per hoc quod non est nata in aliquo esse, vt dicitur de Spiritu, creat. articulo octauo ad quartum; & ita non est in ipsis ex parte rei distinctio vniuersalis & singularis, sed idem est omnino natura & hæc natura. Sed licet ita sit in re, quia tamen intellectus noster non potest quidditates immateriales secundum quod in seipsis sunt apprehendere, ideo apprehendit eas per modum rerum materialium, apprehendendo per modum abstracti & concreti, & per modum vniuersalis & particularis; apprehendit enim ipsam naturam tantquam essentiam quandam absolute, quantum ad principia, videlicet essentialia, quomodo apprehendit naturas materiales per abstractionem à principii indiuiduantibus: & quia natura materialis sic abstracta est vniuersalis, ideo & naturæ immateriali taliter abstractæ non repugnat ex modo considerationis intentionem vniuersalitatis attribui; apprehendit etiam naturam cum hoc esse, & cum iis accidentibus aduenientibus naturæ, quæ quidem non indiuiduant naturam, cum ipsa secundum se sit hæc, imò magis ex ipsa indiuiduantur: quia tamen natura in rebus materialibus ex particularibus quibusdam accidentibus & materia indiuiduatur, & sic hæc, quo fit vt natura vniuersalis & particularis distinguantur, sicut ea quorum vnum addit secundum suam rationem ad alterum, ideo dum intellectus noster apprehendit naturam immaterialem accidentibus particularibus coniunctam, apprehendit ipsam per modum particularis, sicque distinguit in illa naturam vniuersalem & particularem, ac si illa accidentia naturam indiuiduant. In hoc autem falsitas non accidit in intellectu, quia iste modus intelligendi se tenet tantum ex parte intellectus, non autem ex parte rei. non enim oportet vt idem sit modus intelligendi ex parte intellectus, & modus essendi ex parte rei, cum materialia immaterialiter intellectus apprehendat, & composita diuinitus intelligat. Istis suppositis.

Ad primam rationem in oppositum negatur assumptum, de communicatione qua vniuersale particularibus communicatur, de qua communicatione est hic sermo: & dicitur quod prouenit ex perfectione naturæ immaterialis quod non sit hoc modo communicabilis, vt patet de Spiritu, articulo octauo: quia videlicet natura immaterialis est superioris ordinis quam omnia corporalia.

Ad secundam dicitur, quod assumptum est verum ex parte nostri modi intelligendi, non autem ex parte rei, si intelligeretur secundum quod in se est: ideo secundum nostrum modum intelligendi non repugnat tali naturæ quod sit in multis indiuiduis, repugnat tamen ex parte rei. Vnde non est verum quod repugnet naturæ quæ de se sit hæc, vt per modum vniuersalis intelligatur quantum est ex modo intelligendi nostro, licet repugnet illi vt sit realiter in multis.

Ad tertiam dicitur, quod si Deus annihilaret angelum, & eandem speciem de nouo produceret, etiam eundem angelum numero recrearet. Non enim negamus idem numero posse per diuinam potentiam reparari. Quod autem dicitur, quod homo non posset resurgere nisi eadem anima numero remaneret, verum est, non quia non possit Deus animam annihilatam eandem numero reparare, sed quia si annihilaretur, & postmodum de nouo produceretur, non esset propriè hominis resurrectio, sed recreatio noua.

Ad quartam dicitur, quod non est eadem ratio de anima & de substantiis separatis, quia anima secundum naturam est forma corporis: ideo secundum commensurationem ad diuersa corpora multiplicatur anime, vt ostensum est diffusè in præcedentibus, substantia autem separata non est forma corporis. Ad quintam dicitur, quod non est inconueniens apud S. Tho. & Aug. quod tota vna species intellectualis sit damnata, imò multæ tales species sunt damnatæ. Sed bene inconueniens esset totam naturam angelicam esse damnatam. Loquitur autem Augustinus vt habetur de Spiritu, art. ad p. de natura angelica comparatiue ad naturam humanam tantquam de vna natura, propter vnum & eundem omnium earum ordinem ad beatitudinem. tota enim natura angelica nata est vno modo ad beatitudinem peruenire, vel ab ea deficere, statim scilicet post primam electionem completam, humana autem natura per decursum temporis.

Ad sextam dicitur primò quod non inconueniens est naturam vnam angelicam esse infinitam secundum quid, scilicet in sua specie. Dicitur secundò, quod vna species angelica non continet perfectionem infinitorum indiuiduorum, si ponatur non multiplicata, quia non solum non est nata esse in infinitis indiuiduis, sed nec in duobus.

Ad vltimam dicitur, primò quod illos articulos reuocauit Stephanus, Parisiensis Episcopus, anno Domini 1325. in quantum tangunt doctrinam S. Thom. Dicitur secundò, quod doctrina S. Thom. approbata est per Dominum Urbanum papam quintum, & Ioannem vigesimum secundum, imò & ab Urbano in extrauaganti quæ incipit, Laudabilis Deus in scientiis

suis, mirificè est commendata tanquam veridica & catholica, imò & mandauit vt eam conaretur totis viribus Tholofana vniuersitas ampliare: ideo de illis articulis non est nobis curandum. Dicitur tertio, quod illi articuli sunt directè contra doctrinam Comment. tenetis non posse intellectus humanos multiplicari secundum numerum propter eius immaterialitatem. Vnde sensus primi articuli est, quod est error dicere, quod quia intelligentiæ non habent materiam, tanquam scilicet partem suæ substantiæ, Deus non posset plures eiusdem speciei facere. Similiter secundus & tertius est intelligendus de materia quæ est pars rei multiplicabilis: vel etiam omnes intelligendi sunt de materia à qua forma secundum esse dependet: nullo autem istorum modorum assignamus nos pro causa multiplicationis substantiarum separatarum immaterialitatem, scilicet non esse ipsas compositas ex materia & forma, aut non dependere à materia secundum esse; sed esse eas omnino à materia separatas, quia videlicet neque sunt compositæ ex materia & forma, neque dependent à materia secundum esse, neque sunt formæ aliquo modo dantes esse materiæ. Dicitur vltimò, quod isti articuli ponuntur contra ponentes quod absolute diuinæ omnipotentie repugnat producere plura indiuidua in natura immateriali: nos autem hoc non dicimus vt patuit. Vnde dicti articuli non sunt contra mentem S. Thomæ.

### Quod substantia separata & anima non sunt vnus speciei.

Cap. 94.



X his autem vltius ostenditur quod anima non est eiusdem speciei cum substantiis separatis. Maior enim est differentia anime humanæ à substantia separata, quam vnus substantiæ separatae ab alia, sed substantiæ separatae omnes adinuicem specie differunt, vt ostensum est. multo igitur magis substantia separata ab anima.

2 Amplius, vnaquæque res habet propriū esse secundum rationem suæ speciei, quorum enim est diuersa ratio essendi, horum est diuersa species. esse autem anime humanæ & substantiæ separatae non est vnus rationis. nam in esse substantiæ separatae non potest communicare corpus, sicut potest communicare in esse anime humanæ, quæ secundum esse vnitur corpori, vt forma materiæ. anima igitur humana differt specie à substantiis separatis.

3 Adhuc, quod habet secundum seipsum speciem non potest esse eiusdem speciei cum eo quod non habet secundum se speciem, sed est pars speciei: substantia autem separata habet per seipsam speciem, anima autem non, sed est pars speciei humanæ. impossibile est igitur quod anima sit eiusdem speciei cum substantiis separatis: nisi forte homo esset eiusdè speciei cum illis, quod patet esse impossibile.

4 Præterea ex propria operatione rei percipitur species, eius operatio enim demonstrat virtutem quæ indicat essentiam. propria autem operatio substantiæ separatae & anime intellectiue est intelligere, est autem omnino alius modus intelligendi substantiæ separatae, & anime. nam anima intelligit à phantasmatibus accipiendo: non autem substantia separata: cum non habeat organa corporea in quibus oportet esse phantasmata. non sunt igitur anima humana & substantia separata vnus speciei.

Super Cap. 94.



X præmissis deducitur corollarie quod anima non est eiusdem speciei cum substantiis separatis: & arguitur sic, primò: Maior est differentia anime humanæ à substantia separata, quam vnus substantiæ separatae ab alia, ergo, &c. patet cōsequencia ex præcedenti capitulo, quia scilicet omnes substantiæ separatae differunt specie.

Secundò. Esse anime humanæ & substantiæ separatae nō est vnus rationis, quia in vno potest cōmunicare corpus, in alio verò non: ergo, &c. probatur cōsequencia, quia vnaquæque res habet propriū esse ratione suæ speciei. Nā quod est diuersa ratio essendi, est diuersa species.

C I R C A hanc rationē duo sunt attendenda. Primū est, quod (vt superius dictum est) esse actualis existentie cum sit vltima actualitas rei, per alium actū aut aliam differentiam determinari non potest, sed accipit determinationem & limitationem ex susceptiuo, quia videlicet hoc est esse illius naturæ: & illud est esse alterius, sicut esse hominis & esse equi distinguuntur, quia hoc est esse naturæ humanæ, & illud est esse naturæ equinæ sunt naturæ specie distinctæ, propter hoc bene inquit sanct. Thom. quod vnaquæque res habet propriū esse, secundum rationem suæ speciei, & quod ea quorum est diuersa ratio essendi, id est, esse diuersarum rationum, est diuersa species. Secundum est ex doctrina S. Thom. secundum Sentent. dist. 3. quæst. prima, articulo vltimò, quod cum differentie essentialis rerū sint nobis ignotæ, & maxime rerū immaterialiū, vt dicitur septimo Metaph. eas differentiis accidentalibus quæ ex essentialibus causantur, designa

3. de anima com. 5.

Idem in secundo Sent. dist. 3. art. 6.

Cap. præcedenti.




It. Olei Olivarum M<sup>ss</sup>  
~ Sal. ammoniac. crust dr. j.  
Q. n.

Die 29 Decemb 1753

Porto Rico







designatus, sicut causam demonstramus per effectum: inde est quod aliquando aliorum rerum multiplices assignantur differentie, secundum quod multa ad proprias & essentielles differentias consequuntur, verumtamen inter illas ea est prior differentia, quæ sumitur ex proprietatibus immediatis ex essentia & natura rei procedentibus. Hæc ergo differentia hic assignata inter substantias separatas & animam ex diuersa ratione essendi, non est essentialis differentia, quia esse rei creatæ non est de ipsius essentia, sed consequitur essentiam, & vnamquamque speciem & naturam consequitur esse distinctum ab esse alterius naturæ, sicut & ipsarum naturarum sunt diuersæ rationes. Vnde arguere à distinctione specifica esse ad specificam distinctionem naturarum, non est arguere à priori, sed à posteriori. Videtur autem ista differentia sumpta ex diuersitate essendi alias differentias assignatas præcedere, puta eam quæ est per esse cognoscituum cum discursu, & esse cognoscituum sine discursu, & eam quæ est habere mutabilem electionem, & habere immutabilem electionem: quia differentia substantiarum simplicium secundum speciem sumitur secundum gradum possibilitatis in eis: ex maxima autem possibilitate animæ intellectiue in natura intellectuali, quia tener in illa vltimum gradum, sicut materia prima tenet vltimum gradum in natura sensibili, statim prouenit quod suum esse materię communicatur, quod esse substantiarum separatarum non conuenit: ex hac deinde differentia alie quæ sunt à diuersis doctoribus assignatæ consequuntur. Et his patet quod Scotus non vadit ad mentem sancti Thomæ, dum in secundo Sen. distinctione prima, questione sexta, impugnatur primam radicem distinctionis inter substantiam separatam & animam, non esse hoc quod dicimus esse vniuersalem corpori, & non esse corpori vniuersalem. licet enim teneat sanctus Thomas distinguere istas substantias specificè per esse vniuersalem & non esse vniuersalem corpori, non dicit tamē istam esse primam radicem distinctionis, vt vniuersalem & non vniuersalem important habitudines, imò (vt ex dictis eius in secundo Sententiarum loco præallegato habetur) hæc distinctio præsupponit aliam distinctionem essentialem, quam, quia nobis est incongnita, per hanc & per alias differentias circunloquimur. Tertiò, substantia separata habet per seipsam speciem, non autem anima, sed est pars speciei, ergo, &c. probatur consequentia, quia quod secundum seipsum species habet, non potest esse eiusdem speciei cum eo quod non habet secundum se speciem, id est, quod secundum se non est species completa, sed pars speciei. Quartò, Est omnino alius modus intelligendi substantiam separatam & animam, ergo, &c. patet antecedens, quia anima intelligit à phantasmatibus abstrahendo, non autem substantia separata, cum non habeat organa corpora, consequentia verò probatur, quia ex propria operatione rei percipitur eius species.

CIRCA hanc rationem occurrit difficultas: Si enim diuersus modus intelligendi arguit diuersitatem specificam naturarum intellectiuarum, sequitur alterum duorum, aut scilicet quod anima separata est alterius speciei quam coniuncta, aut quod separata habeat eundem modum intelligendi quem habet coniuncta, scilicet à sensibilibus & phantasmatibus abstrahendo, horum autem vtrumque est impossibile, vt aperte liquet, ergo, &c.

AVGETVR quoque dubitatio, quia in questione de anima, articulo decimo quinto, ad decimum, dicitur, quod non diuersificatur species intellectualis operationis per hoc quod intelligibilia actu sunt accepta ex phantasmatibus, aut aliunde, ergo ex isto diuerso modo intelligendi non potest argui diuersitas specifica naturæ intellectualis, vt sit in hac ratione.

AD huius euidentiam considerandum, quod hoc loco arguit sanctus Thom. distinctionem specificam substantiarum ex diuerso modo intelligendi non quocumque, sed naturali, qui inquam naturam absolute consideratam naturaliter consequitur. Sicut enim vnamquamque naturam consequuntur determinatæ & propriæ passionēs, ita & determinatæ consequuntur operationes, ab operationibus consequentibus aliam naturam distinctam, ideo ex diuersa ratione operationum propriarum & naturam consequentium potest diuersitas argui naturarum, sicut & ex diuersitate aliarum proprietatum arguitur. Cum ergo modus intelligendi per abstractionem à phantasmatibus, & modus intelligendi per species connaturales & congenitas, sint diuersi modi modi cognoscendi & diuersarum rationum, oportet naturam cuius proprius & connaturalis modus intelligendi est per abstractionem à phantasmatibus, esse alterius speciei à natura, cuius proprius modus intelligendi est per connaturales species & congenitas. Quod cum vnus istorum modorum sit animæ connaturalis & proprius, alter verò sit substantiis separatis connaturalis, oportet vt illæ naturæ sint specificè distinctæ.

AD primum igitur argumentum in oppositum negatur sequela. Neutrum enim illorum sequitur. Nam diximus ex illis modis tunc argui diuersitatem specificam naturarum intellectiualium, quando vterque illorum proprius & naturalis naturæ intellectiue, cui attribuitur, sicut accidit in substantia separata & anima, modò non vterque istorum modorum animæ intellectiue coniunctæ & separatæ attribuitur tanquam proprius & naturalis ipsi animæ secundum naturam suam consideratæ, sed intelligere per abstractionem à phantasmatibus est sibi naturale, sicut & esse in corpore: intelligere autem per species à diuino lumine participatas, non est sibi naturale, vt dicitur prima parte, quæst. 89. articulo primo, & ostensum est superius: sed accidit sibi in quantum sibi accidit à corpore separari, & participare de natura substantiarum separatarum. ideo iste diuersus modus intelligendi non arguit diuersitatem specificam animæ intellectiue & separatæ, licet arguat diuersitatem specificam inter animam & substantiam separatam. Dico tamen, quod licet sit animæ præter naturam & accidentale, absolute loquendo, intelligere per species influxas, sicut accidentale sibi est habere esse à corpore separatam, considerata tamen ipsa habet taliter esse, scilicet abstractum & separatam à corpore, hoc est sibi naturale, & ideo non oportet ipsam animam naturam diuersificari, dum est coniuncta & separata, sed oportet modum essendi diuersum esse, & alterius ac alterius rationis. Vnde in questionibus de Veri. questione decimanona, articulo primo, ad quintum, dicitur, quod quauis eadem sit natura animæ ante mortem & post mortem quantum ad rationem speciei, non est tamen idem modus essendi, & per consequens nec idem modus operandi.

PRO declaratione secundi argumenti attendendum est, quod isti modi

intelligendi ad duo comparari possunt, scilicet ad obiectum cognitum, & ad cognoscentem, si ad obiectum cognitum referantur, sic non diuersificant speciem intellectualis operationis, vt sic, quia cum operatio accipiat speciem ex obiecto, dummodo sit idem formale obiectum operationum, ipsæ operationes erunt eadem specificè quantumcumque species intelligibiles à diuersis accipiantur. Si autem isti modi ad cognoscentem referantur, cum vt sic naturas, quibus conueniunt, diuersas requirant, si inquam sint illis vt proprii & naturales modi intelligendi, oportet vt etiam intellectiones specificè distinguantur, vt ab ipsa natura proficiunt. non enim inconuenit operationes diuersificari secundum speciem ad operantes comparatas, quæ tamē obiectiue sunt eiusdem speciei, sicut visio hominis & visio æqui sunt eiusdem speciei obiectiue: & in quantum visiones sunt, vt autem ad hominem & equum tanquam ad principia agentia referuntur, sic sunt diuersarum specierum, quia diuersas species diuersa accidentia & diuersas operationes consequuntur. Vnde & Albertus in primo de Anima, cap. penul. probat potentias sensitiuas in homine esse alterius speciei à potentiis sensitiuis in brutis propter diuersitatem specificam animarum ad quas consequuntur, & tamen vt potentie sunt, comparanturque ad obiecta, sunt eiusdem speciei propter unitatem formalem obiecti. Mens ergo sancti Thomæ est quod non diuersificatur species intellectualis operationis, vt operatio est ad obiectum relata, propter diuersam receptionem specierum intelligibilium cum illo, non obstante quod id obiectum habere possit, sed hoc non contrariatur iis quæ in hac ratione dicuntur. non enim repugnat intellectuales operationes, vt ad obiecta comparantur, eiusdem speciei esse, & tamen specie distingui, vt ad naturas intellectiuas comparantur, quarum vni naturale est vno doctorum modorum species accipere, alij verò altero, cum isti diuersi modi intelligendi naturam absolute consequentes, non possint nisi diuersis naturis attribui. vnus enim naturæ est tantum vnus modus agendi & operandi naturalis, sicut & vnus naturalis modus essendi.

*Quomodo accipiat genus & species in substantiis separatis.*

Cap. 95.



PORTET autem considerare secundum quid diuersificatur species in substantiis separatis. In rebus enim materialibus quæ sunt diuersarum specierum vnus generis existens,

*Idem p. p. 9. 50. artic. 2. ad 1.*

ratio generis ex principio materiali sumitur differentia speciei à principio formali. natura enim sensiuia ex qua sumitur ratio animalis, est materiale in homine respectu naturæ intellectiue ex qua sumitur differentia specifica hominis, scilicet rationale. Si igitur substantiæ separatæ non sunt ex materia & forma compositæ, vt ex præmissis patet: non apparet secundum quid in eis genus & differentia specifica accipi possit. Scire igitur oportet quod diuersæ rerum species gradatim naturæ entis possident. statim enim in prima entis diuisione inuenitur hoc quidem perfectum, scilicet ens per se, & ens actu: aliud verò imperfectum scilicet, ens in alio, & ens in potentia: & eodem modo discurrēti per singula apparet vnā speciem supra aliam aliquem gradum perfectionis adiacere: sicut animalia super plantas, & animalia progressiua super animalia immobilia. In coloribus etiam vna species alia perfectior inuenitur, secundum quod est albedini propinquior, propter quod Aristoteles in octauo Metaphysico. dicit quod distinctiones rerum sunt sicut numerus, in quo vnitas subtracta vel addita speciem numeri variat, per quemmodum in diffinitionibus si vna differentia subtrahatur vel addatur, diuersa species inuenitur. Ratio igitur determinatæ speciei consistit in hoc, quod natura communis in determinato gradu entis collocatur. & quia in rebus ex materia & forma compositis forma est quasi terminus, id autem quod terminatur per eam, est materia vel materiale, oportet quod ratio generis sumatur ex materiali, differentia verò specifica ex formali, & ideo ex differentia & genere fit vnum sicut ex materia & forma, & sicut vna & eadem est natura quæ ex materia & forma constituitur, ita differentia non addit extraneam quandam naturam super genus, sed est quædam determinatio ipsius naturæ generis, vt si genus accipiat animal pedes habens, differentia eius est duos pedes habens, quam quidem differentiam nihil extraneum super genus addere manifestum est. vnde patet quod accidit generi & differentie quod determinatio quædam quam differentia importat, ex alio principio causetur quam à natura generis, ex hoc quod natura quam signat diffinitio, est composita ex materia & forma,

*\* Cap. 50.*

*Tex. com. 10.*



& forma, sicut ex terminante & terminato. si igitur aliqua natura est simplex, ipsa quidem per seipsam erit terminata: nec oportebit quod habeat duas partes, quarum una sit terminans, & alia terminata. ex ipsa igitur ratione naturę sumetur ratio generis: ex terminatione autem eius secundum quod est in tali gradu entium, sumetur eius differentia specifica. Ex quo etiā patet quod si aliqua natura non est terminata, sed infinita in se, sicut supra ostensum est de natura diuina: non est in ea accipere neque genus neque speciem. quod est consonum his quę supra ostendimus.

Lib. 1. ca. 43.

Lib. 1. ca. 25.

Patet etiam ex præmissis quod cum diuersę species in substantiis separatis accipiantur secundum quod diuersos gradus sortiuntur in una autem specie non sunt plura indiuidua quod non sunt in substantiis separatis duę æquales secundum ordinem: sed una naturaliter est altera superior. Vnde Iob 38. dicitur, Nunquid nosti ordinem cęli. & Dionysius dicit decimo capite Cęlestis hierarchię, & sicut in tota angelorum multitudinē est hierarchia suprema media & infima: ita in qualibet hierarchia est ordo supremus, medius & infimus, in quolibet ordine supremi, medij & infimi.

Primo lib.

Periarcon.

Per hoc autem excluditur Origenis propositio, qui dixit à principio omnes substantias spirituales æquales creatas fuisse: inter quas etiam animas connumerat: diuersitas autem quę in huiusmodi substantiis inuenitur, quod quędam est vnita corpori, quędam non vnita, & quędam altior, quędam verò inferior: prouenit ex differentia meritum. ostensum est autem hęc differentiam graduum naturalem esse, & quod anima non est eiusdem speciei cum substantiis separatis: nec ipsę separata substantię adinueniem: nec etiam secundum ordinem naturę æquales.

Cap. 44. 93.

94.

## Super Cap. 95.



Quantum ad tertium tria deducuntur corollaria. Primum est, quod in natura infinita (vt est diuina) non est accipere neque genus neque differentiam. Secundum est, quod in substantiis separatis non sunt duę æquales secundum ordinem, cum omnes specie distinguantur, & diuersę species in eis accipiantur secundum diuersos gradus: quod etiam confirmatur auctore Iob 38. Nunquid nosti, & cetera, & Dionysius decimo. Cęlestis hierarch. Tertium est, quod error Origenis excluditur ponentis à principio omnes substantias spirituales æquales creatas esse, inter quas etiam animas connumerat: diuersitatem autem earum ex diuersitate meritum prouenisse. Ex præcedentibus enim hoc falsum esse constat.

Quantum ad secundum præmittit, quod cum diuersę rerum species gradatim naturam entis possideant, vt patet & in prima diuisione entis quę est per substantiam & accidentia, & per actum ac potentiam, & in aliis generum diuisionibus in species, propter quod dicitur octauo Metaphysicę text. comm. dicimo quod distinctiones rerum sunt sicut numerorum, in quibus vnitas addita vel subtracta variat speciem, ratio determinata speciei constituit in hoc quod natura cõmunis in determinato gradu entis collocatur. Ito supposito, quia ex rebus materialibus in cognitionem rerum immaterialium deuenimus, primum ostendit vnde genus & differentia in rebus materialibus accipiantur, secundum vnde in materialibus. Dicit ergo primum, quod in rebus ex materia & forma compositis ratio generis sumitur ex materiali, ratio verò differentię ex formali: quia in illis forma est quasi terminus: id autem quod per eam determinatur, ex materia vel materiale, ex hoc sequitur primum quod ex genere & differentia fit vnus sicut ex materia & forma: sequitur secundo quod differentia non addit extraneam naturam supra genus, sed est quędā determinatio ipsius vt patet in hoc genere animal, & hac differentia duos habens pedes, sicut vna & eadem est natura quę ex materia & forma constituitur: ex quo vltimius sequitur, quod addit generi & differentię determinationem quā differentia importat, ex alio principio causari quā naturam generis, ex eo inquam quod natura quam significat definitio, est ex materia & forma, sicut ex terminato & terminato composita. Secundum ostendit vnde sumatur in substantiis separatis genus & differentia, & ait quod ex ipsa ratione naturę sumitur ratio generis: ex terminatione autem eius secundum quod est in tali gradu entium, sumitur differentia, cuius ratio est quia natura simplex per seipsam est terminata, nec sumere est in ipsa partem terminatam, & partem terminantem.

Quantum ad tertium tria deducuntur corollaria. Primum est, quod in natura infinita (vt est diuina) non est accipere neque genus neque differentiam. Secundum est, quod in substantiis separatis non sunt duę æquales secundum ordinem, cum omnes specie distinguantur, & diuersę species in eis accipiantur secundum diuersos gradus: quod etiam confirmatur auctore Iob 38. Nunquid nosti, & cetera, & Dionysius decimo. Cęlestis hierarch. Tertium est, quod error Origenis excluditur ponentis à principio omnes substantias spirituales æquales creatas esse, inter quas etiam animas connumerat: diuersitatem autem earum ex diuersitate meritum prouenisse. Ex præcedentibus enim hoc falsum esse constat.

SED CIRCA hanc declarationem occurrit dubium. Secundum enim hanc doctrinam duo de genere & differentia in rebus compositis ex

materia & forma dicuntur. Vnum est, quod sumuntur ab aliquo formali & aliquo materiali, & datur exemplum de natura sensitiua & intellectiua, à quarum vna sumitur genus hominis quod est animal: ab altera verò sumitur rationale, quod est differentia. Alterum est, quod differentia non addit extraneam naturam supra genus. Ex his enim sequitur quod in rebus materialibus natura à qua sumitur genus, quę se habet vt materialis & determinabilis, & natura à qua sumitur differentia quę se habet vt formalis & determinans, sunt vna & eadem natura secundum rem, vt natura sensitiua & intellectiua in homine, sed distinguuntur ratione, inquantum eadem natura vt se habet per modum potentialis & determinabilis, distinguitur ratione à seipsa, vt se habet per modum forme & determinantis. Sed hoc idem inuenitur in rebus immaterialibus. vt enim habetur prima parte, quęstione quinquagesima, articulo secundo, ad primum, in eis vna & eadem natura est determinabilis, vno modo cõsiderata, & alio modo cõsiderata est determinans, & ab ipsa vt determinabilis est & per consequens potentialis, sumitur genus: ab ipsa verò vt est determinans & formalis, sumitur differentia. genus enim vbicumque ponatur, significat aliquid determinabile, & differentia aliquid determinans. ergo non conuenienter ponitur differentia acceptionis, generis, & differentię in rebus materialibus & in rebus immaterialibus, quia in illis sumuntur ab aliquo formali & aliquo materiali, in istis autem non: imò ex declaratione modis inuenitur in rebus materialibus concludi debere similes modis in rebus immaterialibus.

AD euidentiam huius & eorum quę tangit in hac subtili declaratione sancti Thom. sciendum primum, quod de genere dupliciter loqui possumus scilicet primo intentionaliter pro ipsa natura significata nomine primę intentionis, cui intellectus generis intentionem attribuit, puta pro hoc genere quod dico animal, & secundę intentionaliter pro ipsa vt delicti habitudine significata hoc nomine genus: quā naturę ab aliquo differentis limitandis cõsiderata, intellectus attribuit. Cum ergo quęrimus à quo sumatur genus & differentia, non quęrimus de genere & differentia secundę intentionaliter, sed primę intentionaliter, quęrimus enim à quo sumatur ratio illa, cui intellectus generis intentionem attribuit, & à quo sumatur ratio cui attribuitur intentio differentię. Sciendum secundum, quod vnaquęque species continet id quod sibi commune est cum aliis, & ultra hoc determinatum gradum in eo quod sibi & aliis est commune. ista autem duo in specie sunt vna & eadem res, quę scilicet est natura specifica: sicut natura sensitiua in homine, secundum quam conuenit cum brutis, & natura intellectiua secundum quam ab ipsis differt, non sunt in homine realiter distincta, sed sunt idem quod humanitas. Sed licet ista duo vna res sint, intellectus tamen potest de illa reformare plures conceptus, quorum vnus conueniat sibi secundum quod includit id quod multis est commune, qui est conceptus genericus, alius verò sibi conueniat in quantum continet gradum quo ab aliis sub illo comuni distinguitur, qui est conceptus differentialis: alius quoque sibi conueniat, vt vtramque simul perfectionem complectitur, qui est conceptus specificus: & sicut vnam & eandem rem intellectus diuersimodò concepit, ita diuersis nominibus eam mediandibus diuersis conceptibus significat, & illis diuersas intentiones attribuit scilicet generis, differentię, & speciei. Hoc autem non solum in compositis ex materia & forma inuenitur, sed etiam in substantiis immaterialibus, quia cum inter illas sit distinctio specifica, habent & aliquid in quo conueniunt, & aliquid quo inter se secundum determinatos gradus entis distinguuntur. Sciendum tertio, vt haberi potest ex doctrina sancti Thom. de Spiritu, articulo 24. & in tractatu de Esse & essentia, cap. 4. ac etiam secundo Sen. dist. quęst. 1. articulo, quod in rebus materialibus duo sunt à quibus sumitur ratio generis, & duo à quibus sumitur ratio differentię. scilicet id à quo proximę sumuntur, & id à quo remotę sumuntur & originaliter. proximum à quo sumitur, est ipsa natura speciei quę diuersos conceptus nata est fundare, vt diximus, & sic ab vna & eadem re proximę & immediatę sumitur genus & differentia, puta ab illa entitate, quę est humanitas, sumitur animal & rationale, & tam animal quā rationale illam significat, sub alia tamen & alia ratione. Animal quidem vt natura sensitiua est, rationale verò vt est intellectiua. Quod autem primum & originaliter fundat genus & differentiam, est materia & forma. diuersas enim perfectiones ordine quodam materia recipit à forma vna, sicut & diuersas formas nata est ordinatę recipere, ita quod sub vna perfectione comparatur ad aliam sicut potentiale ad actuale, sicut perfectibile ad perfectionem, & sicut determinabile ad determinans: forma verò est quę terminat potentialitatem materię dādo illi esse & complementum, & sic natura imperfecta à materia habet quod sit possibilis ad esse perfectum, in quantum materię potentialitas non completur per illud esse imperfectum, sed magis disponitur ad esse perfectum: quemadmodum in processu generationis per formam imperfectam disponitur ad perfectam esse autem perfectum habet à forma, quod sit actualitas & terminatio, in quantum forma per tale esse potentialitatem materię, & esse imperfectum terminat & complet: & propter hoc bene dicit hic quod à materia sumitur genus in rebus materialibus, aut à materiali, quia videlicet à tota natura speciei vt potentialis est sumitur proximę tanquam à natura per ipsum nomen generis significata: à materia verò sumitur remotę & originaliter tanquam à prima origine potentialitatis naturę: similiter & ab ipsa eadem natura specifica, vt actualis est & determinans, sumitur proximę differentia, tanquam à natura nomine differentię significata: à forma verò remotę & originaliter sumitur tanquam à prima actualitatis origine. In rebus verò immaterialibus non est distinctio proximi & remoti fundamenti, generis & differentię, cum ibi non sit compositio ex pluribus partibus, sed ab ipsa duntaxat natura vt conceptibili conceptu determinabili, sumitur ratio generis: & hoc est quod hic intendit sanctus Thom. cum inquit, quod ex ipsa ratione naturę scilicet absolute & indeterminatę cõsideratę sumitur genus, ex terminatione autem eius, secundum quod est in tali gradu entis, sumitur eius differentia specifica. Ex his patet quod in duobus conueniunt genus & differentia in rebus materialibus & in rebus immaterialibus, & in vno differunt. Conueniunt enim primo quantum ad hoc quod in vtriusque genus dicitur naturam determinabile, & differentia naturam determinantē, quod per se generi & differentię. Conueniunt secundo in hoc, quod est vna & eadem



& eadem natura secundum rem differens tantum secundum rationem, a qua proxime sumitur ratio generis, & ratio differentie in vtriusque, differunt autem secundum id quod generi & differentie accidit ut sunt in hoc, quia in rebus materialibus genus & differentia primordialiter & originaliter sumuntur a diversis partibus, scilicet a materia generis, & a forma differentie: in substantiis autem immaterialibus non sumuntur aliquo modo a diversis partibus speciei, cum sint naturae simplices, sed ipsa sola natura speciei, ut diversimode conceptibilis & significabilis est in a quo tam genus quam differentia sumitur.

Ad dubium ergo dicitur, quod vtrique (ut iam diximus) non differt acceptio generis & differentie in rebus immaterialibus ab eorum acceptione in rebus materialibus quantum ad rem a qua proxime sumuntur, ut argumentum probat, nec hoc intendit deducere sancti Thomae, sed differt tantum quantum ad primam originem & primam radicem talis acceptio- nis, quia in rebus materialibus materia & forma sunt origo generis & differentie, non autem in rebus immaterialibus, & hac differentia est quam sancti Thomae ex sua declaratione deducit.

Sed adhuc inquirendum restat, cum genus sumatur in substantiis intel- lectualibus ex ipsa natura intellectuali indeterminata considerata, differ- entia vero ex determinatione ad talem gradum entium, secundum quid ista determinatio ad certum gradum entium accipien- da sit.

Ad huius evidentiam considerandum est ex doctrina sancti Thomae secundum Sententiarum loco praellegato, & in tractatu de Ente & essen- tia, ac in tractatu de Natura generis, quod cum ratio substantiae quae est praedicamentale genus secundum mentem Avicennae sit habere esse aliud, a sua quidditate per se & non in alio, hoc est commune omni substantiae existenti in genere, quod in ea sit compositio ex essentia & esse, & quia essentia distincta ab esse comparatur ad suum esse sicut potentia ad actum, ideo in omni substantia existente in genere aliquid potentialitatis est, & aliquid actualitatis. Cum ergo genus dicat aliquid potentiale, oportet ut ab ipsa quidditate quae est potentialis ad esse, sumatur genus: differentia etiam cum ab esse quod est actuale, imo actus, sumi non possit, quia id a quo sumitur differentia, oportet esse de quidditate & essentia rei, esse autem non est de quidditate rei creatae, necesse est ut & ab ipsa quidditate sumatur, sed diversimode potest enim quidditas considerari absolute & indistincte, ut potentialis ad esse, & potest considerari ut propinqua ipsi esse, utpote determinata & constituta in aliquo gradu propinquo ad esse. Ab ipsa ut absolute potentialis est, sumitur ratio generis: ab ipsa vero ut determinata habet secundum quam appropinquat ad esse, sumitur differentia, & hoc commune est tam materialibus quam immate- rialibus. Sed in hoc differt res materialis ab immateriali, quod potentialitas quidditatis originem habet a materia quae est primum susceptivum, & primum subiectum: determinatio vero quidditatis sumitur originaliter a forma, cuius est potentialitatem materiam determinat: ideo non solum a quidditate ut determinabili, & ut determinata, sumitur in eis genus & differentia, sed etiam a materia & forma originaliter, ut superius ostendimus. In rebus autem immaterialibus cum non habeant materiam & for- mam, ab ipsa quidditate tantum & natura intellectuali absolute & indistincte accepta, ut est potentialis ad esse, sumitur genus, ab ipsa vero ut totaliter determinata & propinqua ad esse, sumitur differentia. Ex his patet propositum quod quaeritur. Quum enim differentia in eis sumatur ex recessu a potentialitate & propinquitatem ad esse, gradus specificus in ipsis sumitur secundum maiorem & minorem propinquitatem ad esse. quan- to enim aliqua natura intellectualis magis recedit a potentialitate, & magis appropinquat ad esse & ad actum, tanto est nobilior & superioris gra- dus, utpote magis propinqua perfectissimo enti, qui est Deus per maiorem participationem divini esse, quanto autem magis distat ab esse & actuali- tate, tanto est imperfectioris gradus, utpote magis elongata a primo actu, & minus de divino esse participans. Sed ut ait sancti Thomae, in tractatu de Natura generis, hos gradus nos cognoscere non possumus, sed illi tantum cognoscunt qui suam propinquitatem ad Deum, & elongationem a rebus compositis & corruptibilibus speculantur.

VL TER IV Sin ipso processu sancti Thomae duo sunt attendenda. Pri- mum est circa illam propositionem. Statim in prima entis divisione inue- nitur hoc quidem perfectum, scilicet ens per se & ens in actu: aliud vero imperfectum, scilicet ens in alio, & ens in potentia. Non enim hoc ita ac- ciendum est, quasi una & eadem entis divisio sit per substantiam & ac- cidens, & per actum & potentiam, sed quia sunt de primis divisionibus entis, quibus dividitur secundum determinatos modos ostendi. Ponit au- tem utranque divisionem tanquam unam primam divisionem, quia sese istae divisiones comitantur, in omni enim genere tam accedens quam substantia inveniuntur potentia & actus, ut dicitur 9. Metaphys.

Secundum est circa hanc propositionem, sicut una & eadem esse natura quae ex materia & forma constituitur, ita differentia non addit extraneam quandam naturam supra genus, hac enim similitudo duplicem sensum habere potest. Primus est, ut fiat comparatio generis & differentie ad ma- teriam & formam quae constituunt unam naturam: & sic non accipit sancti Thomae, quia licet ex illis fiat una natura, non tamen sunt una res materia & forma, ideo ex hoc non posset argui quod genus & differentia sint una res, ut vult habere sancti Thomae, sed tantum quod ex genere & differentia constituatur unum secundum logicam considerationem, scilicet species, sicut in esse naturae ex materia & forma unum constituitur. Alius sensus esse potest, ut fiat comparatio generis & differentie ad naturam constitu- ta per materiam & formam. Quia enim dictum est quod in rebus materialibus sumitur genus ab eo quod est materiale & potentiale, & differentia ab eo quod est formale & determinatum, & quod materia est id unde sumitur materialitas & potentialitas naturae, forma vero id a quo sumitur deter- minatio. Si illud potentiale quod sumitur a materia, constitueretur seorsum a materia, & illud formale & actuale quod a forma sumitur, seorsum constitueretur a forma, ita quod essent duae naturae, tunc certum esset dif- ferentiam quae id quod est formale importat, addere extraneam naturam ad genus. At quia una & eadem natura est quae ex materia & forma con- stituitur, & quae rationem potentialis a materia habet, & rationem for- malis a forma, ideo & ipsa differentia quae sumitur a formali, non addit extraneam naturam supra genus quod a materiali & materiali sumitur. Et hic est verus sensus quem sancti Thomae in ista comparatione intendit.

Quod substantiae separatae non accipiunt co- gnitionem ex sensibilibus.

Cap. 96.



X praemissis ostendi potest quod substantiae separatae non accipiunt intellectum cogni- tionem ex rebus sensibilibus.

Idem 1. part. 9.55. art. 2.

Sensibilia enim secundum suam naturam nata sunt apprehendi per sensum: sicut in- telligibilia per intellectum, omnis igitur substantia cogno- scitiva ex sensibilibus cognitionem accipiens habet cog- nitionem sensitivam: & per consequens habet corpus natu- raliter unitum: cum cognitio sensitiva sine organo cor- poreo esse non possit: substantiae autem separatae non ha- bent corpora naturaliter sibi unita, ut superius est ostensum. non igitur intellectum cognitionem ex rebus sensibili- bus sumunt.

\* Cap. 91.

2. Amplius, altioris virtutis oportet esse altius obiectum. virtus autem intellectiva substantiae separatae est altior quam vis intellectiva animae humanae, cum intellectus animae hu- manae sit infimus in ordine intellectuum, ut ex praemissis habetur. intellectus autem humanae animae obiectum est phantasma, ut supra dictum est quod est superius in ordi- ne obiectorum quam res sensibilis extra animam existens: sicut ex ordine virtutum cognoscitivarum apparet. obiectum igitur substantiae separatae non potest esse res existens extra animam, ut ab ea immediate accipiat cognitionem, neque phantasma. Relinquitur igitur quod obiectum in- tellectus substantiae separatae sit aliquid alterius phantasma- te. Nihil autem est altius phantasmate in ordine obiectorum cognoscibilium, nisi id quod est intelligibile actu. substantiae igitur separatae non accipiunt cognitio- nem intellectivam a sensibilibus, sed intelligunt ea quae sunt per se ipsa etiam intelligibilia.

Cap. 68.

Cap. 60.

3. Adhuc secundum ordinem intellectuum est ordo in- telligibilium: sed ea quae sunt secundum se ipsa intelligibi- lia, sunt superiora in ordine intelligibilium his quae non sunt intelligibilia, nisi quia nos facimus ea intelligibilia: eiusmodi autem oportet esse omnia intelligibilia a sensi- bilibus accepta. nam sensibilia non sunt secundum se in- telligibilia: huiusmodi autem intelligibilia sunt quae intel- ligit intellectus noster. intellectus igitur substantiae sepa- ratae cum sit superior intellectu nostro, non intelligit in- telligibilia a sensibilibus accepta, sed quae sunt secundum se intelligibilia actu.

4. Amplius, modus operationis propriae alicuius rei pro- portionaliter respondet modo substantiae & naturae ipsius: substantia autem separata est intellectus per se existens, non in corpore aliquo: operatio igitur intellectualis eius erit intelligibilem quae non sunt fundata in aliquo corpore. omnia autem intelligibilia a sensibilibus accepta sunt in aliquibus corporibus aequaliter fundata: sicut intelli- gibilia nostra in phantasmatis quae sunt in organis corpo- reis. substantiae igitur separatae non accipiunt cognitionem ex sensibilibus.

5. Adhuc, sicut materia prima est infimum in ordine re- rum sensibilibus, & per hoc est in potentia tantum ad om- nes formas sensibiles: ita intellectus possibilis infimus in ordine intelligibilium existens, est in potentia ad omnia intelligibilia, ut ex praemissis patet. sed ea quae sunt in or- dine sensibilibus supra materiam primam, habent in actu suam formam per quam constituuntur in esse sensibili: sub- stantiae igitur separatae quae sunt in ordine intelligibilium supra intellectum possibilem humanum, sunt in actu in esse intelligibili, intellectus enim accipiens cognitionem a sensibilibus, non est actu in esse intelligibili, sed in poten- tia: substantia igitur separata non accipit cognitionem a sensibilibus.

Cap. 59.

D. 134.

6. Adhuc, perfectio naturae superioris non dependet a natura inferiori: perfectio autem substantiae separatae cum sit

Opus. 42. c. 5.

Tex. com. I.



intellectualis, est in intelligendo, earum igitur intelligere non dependet à rebus sensibilibus sic quod ab eis cognitionem accipiat. Patet autem ex hoc quod in substantiis separatis non est intellectus agens & possibilis: nisi forte æquiuocè. intellectus enim possibilis & agens in anima intellectiua inueniuntur propter hoc quod accipit cognitionem intellectiua à sensibilibus. nam intellectus agens est qui facit species à sensibilibus acceptas esse intelligibiles: intellectus autem possibilis est in potètia ad omnes formas sensibilibus cognoscendas. cum igitur substantiæ separata non accipiant cognitionem à sensibilibus, non est in eis intellectus agens & possibilis. vnde & Aristoteles in tertio de Anima, intellectum possibilem & agentem inducens, dicit eos in anima oportere poni. Item manifestum est in eisdem quod localis distàtia cognitionem animæ separata impedire non potest. localis enim distàtia per se comparatur ad sensum, nō autem ad intellectum nisi per accidens, in quantum à sensu accipit. nam sensibilia secundum determinatam distàtiam mouent sensum: intelligibilia autem actu secundum quod mouent intellectum, non sunt in loco, cum sint à materia corporali separata. cum igitur substantiæ separata non accipiant intellectiua cognitionem à sensibilibus, in eorum cognitionem distàtia localis nihil operatur. Palam est etiam quod intellectuali operationi eorum non admiscetur tempus. sicut enim intelligibilia actu sunt absque loco, ita etiam sunt absque tempore. nam tempus consequitur motum localem. vnde non mensurat nisi ea quæ aliquantulum sunt in loco. & idè intelligere substantiæ separata est supra tempus: operationi autem intellectuali nostræ adiacet tempus ex eo quod à phantasmatis cognitione accipimus, quæ determinatum respiciunt tempus: & inde est quod in compositione & diuisione semper noster intellectus adiungit tempus præteritum vel futurum: non autem intelligendo quod quid est. intelligit enim quod quid est abstrahendo intelligibilia à sensibilibus conditionibus: vnde secundum illam operationem neque sub tempore neque sub aliqua conditione sensibilibus rerum intelligibile comprehendit. componit autem aut diuidit applicando intelligibilia prius abstracta ad res: & in hac applicatione necesse est cointelligi tempus.

Super Cap. 96.



**P**OSTQVAM determinauit sanctus Thomas de natura substantiæ intellectualis, & de vniōe ac separatione eius à materia, nunc de cognitione ipsius determinat. Circa hoc autè duo facit. Primò determinat de cognitione talis substantiæ ex parte cognoscentis. Secundò ex parte obiecti cogniti cap. 98. Circa primum duo facit. Primò agit de ipsa cognitione quantum ad actum primum. Secundò quantum ad actum secundum cap. sequenti. Circa primum duo facit. Primò ostendit propositum, secundò quedam corollaria deducit.

Quantum ad primum ponitur hæc conclusio: Substantiæ separata non accipiunt intellectiua cognitionem ex sensibilibus, id est, à rebus quæ sunt extra animam in materia: sicut videlicet intellectus hominis. Probatur primò, substantiæ separata non habent corpora sibi naturaliter unita: ergo non accipiunt intellectiua cognitionem ex sensibilibus. probatur consequentiā, quia omnis substantia cognoscitiua ex sensibilibus cognitionem accipiens, habet cognitionem sensitiua secundum quam nata sunt sensibilia secundum suam naturam apprehendi, & per consequens habet corpus sibi naturaliter unitum.

PRO declaratione huius rationis aduertendum est ex doctrina sancti Thomæ 1. parte, quæst. 55. artic. 2. ad 2. quod esse formæ in imaginatione, quod est esse sine materia, non autem sine materialibus conditionibus est medium inter esse formæ in materia, quod est cum materia & cum materialibus conditionibus & esse formæ in intellectu, quod & à materia & à materialibus conditionibus est abstractum: & quia de extremo ad extremum non peruenitur nisi per medium, ut patet ex quinto Physicorum. idè non posset substantia separata rem ab esse omnino materiali ad esse omnino immateriale transferre, nisi prius ad esse imaginabile reduceretur: quod cum hoc non possit, quia corpus non habet, idè non potest à sensibilibus cognitionem accipere, & hoc est fundamentum rationis hinc posita.

SED contra hoc fundamentum arguit Scotus 2. sen. d. 3. vlt. & 4. sent. d. 45. q. 2. ad 2. Primò, quia non oportet quod est medium virtuti minori, esse medium virtuti maiori: sed intellectus in substantia separata est perfectior quam in nobis: ergo non oportet, si imaginabile est in nobis medium, quod etiam similiter sit in angelo. Secundò, si esse imaginabile est est per se medium, aut est ex parte rei in se, aut ex parte potètiæ: si ex parte obiecti, tunc nec Deus posset intelligere nisi mediante phantasmate vel imaginatione: si ex potètia, sic non est necesse ut angelo sit medium,

quantis nobis sit medium. Aut etiam dici poterat quod non est medium nobis, sed extremum, ita quod esse imaginabile & esse sensibile sunt duo extrema, scilicet ex vna parte, vel quasi vnum extremum ad esse intelligibile.

Pro intelligentia huius rationis sanctus Thomas considerandum primò, quod duplex est medium, scilicet in essendo & in causando. Medium in essendo est quod secundum suum esse absolute mediat inter duo, ita quod est secundum se propinquius vnicuique illorum quam illa sint inter se: sicut locus medius inter duo loca, & tepidum inter calidum & frigidum: medium in causando est quod mediat inter causam & effectum tanquam propinquius & immediatius causans effectum, sicut homo generans est medium in causando inter solem generantem & hominem ab eo genitum.

Considerandum secundò, quod in vtroque modo duplex potest esse medium inter aliqua, scilicet medium per se primò, & medium secundariò. Medium per se primò, est id quod ex sua propria ratione habet ut sit medium inter illa, sicut hoc quod dico minus album, & hoc quod dico minus nigrum, est medium per se primò inter intensè album & intensè nigrum, medium verò secundariò est quod non ex propria ratione medium est, sed ex ratione eius cui primò & per se conuenit esse medium, sicut rubeum est medium secundariò inter album & nigrum, & vnusquisque medius color secundum se sumptus. Proportionaliter etiā medium in causando distinguitur in medium per se primò, & medium secundariò. Transitus ergo primò & per se medij quando ab extremo ad extremum transitur ita est necessarius, quod ab vno extremo ad alterum perueniri non potest naturæ ordine seruato, nisi per tale medium fiat transitus. non enim potest aliquod agens naturale aliquod corpus transmutare de summe albo in summe nigrum nisi illud prius transmutet ad minus album: licet Deus quod est supra ordinem naturæ illud possit absque medio. Similiter sol hominē generare non potest, nisi homine mediante. sed bene Deus hoc potest. Transitus verò medij secundariò non est ita necessarius, sed potest fieri transitus ab extremo ad extremum absque hoc quod per ipsum fiat transitus, sicut potest transire ab albo in nigrum absque transitu per rubeum.

Considerandum tertio, quod esse materiale & esse intelligibile, & esse imaginabile (nomine imaginabilis intelligendo omne esse in sensu) naturæ sensibili dupliciter attribui potest. Vno modo tanquam susceptiuo ab vno esse ad aliud transeunt. Alio modo tanquam principio actiuo cognitionis, ut scilicet sit conditio ipsius in quantum ad cognitionem sui agit. si consideretur esse imaginabile ut formæ sensibili tanquam subiecto attribuitur, sic est medium per se primò, in essendo inter esse materiale & intelligibile. Ex propria enim ratione de esse sensibili participat hoc quod est esse coniunctum conditionibus in diuidualibus, de esse non intelligibili participat hoc quod est esse sine materia, quod esse conuenire nō potest naturæ habenti esse in singularibus ut sic: & per consequens magis ad vtrumque istorum appropinquat quam ipsa inter se. Inde sequitur quod natura sensibilis non potest, naturali ordine seruato, ab esse omnino materiali reduci ad esse omnino immateriale, quod est esse intelligibile, nisi prius reducat ad esse imaginabile: quantum Deus qui supra ordinem naturæ est, illam possit ab vno ad aliud esse absque esse imaginabili deducere. Et idè cum substantiæ separata virtus sit ad ordinem naturæ determinata, non potest præter naturalem ordinem operari reducendo naturam sensibilem ab esse omnino materiali ad esse omnino immateriale, quod est esse intelligibile, absque medio esse, quod est esse imaginabile: sed si deberet ipsam de esse omnino materiali ad esse omnino immateriale in seipsa reducere, oporteret ut prius eā ad aliquod esse in sensu aut in imaginatione deduceret. Si etiam consideretur esse imaginabile ut naturæ sensibili tanquam principio motiuo ad intellectionem attribuitur, sic est etiam medium essentiale, & per se inter esse materiale naturæ sensibilis, & ipsius esse intelligibile quod ab ipsa producit. Nam natura omnino materialis nō potest esse immediatum agens ad causandum speciem intelligibilem in intellectu, nisi prius ad aliquod esse immateriale eleuetur, quod nihil agit sua virtute aliquid quod altioris ordinis sit. Si dicatur quod res materialis extra intellectum concurrat ad causandum speciem intelligibilem in intellectu, non quidem principaliter, sed ut instrumentum intellectus agentis, idè virtute ipsius eam causare potest, quantum illud propria virtute nō possit: hoc non valet, quia ut inquit sanctus Thomas prima parte, quæstione 45. articulo quinto, instrumentum non participat actionem causæ superioris, nisi in quantum per aliquod sibi proprium operatur ad effectum principalis agentis. vnde si materiale esse nullo modo potest in omnino immateriale agere, oportet si debeat conueniens instrumentum esse ad agendum in illud, quod ad aliquem gradum eleuetur quod in illud aliquo modo agere possit: quod vtrique fidum ad esse imaginabile reducit, quod aliquo modo in homine de ordine intelligibili est, in quantum à sua generatione est lumine intellectus agentis illustratum. Ratio ergo sancti Thomæ hic posita, & in prima parte declarata procedit ex naturali ordine, diuersorum esse naturæ sensibilis, secundum quod sibi attribuitur non tantum ut susceptiuo, sed etiā ut principio motiuo ad intellectionem sui. vnde & hic ostenditur non posse intellectiua cognitionem substantiarum separatarum ex sensibilibus sumi ex ipso ordine sensitiuæ cognitionis ad intellectiua, ex eo videlicet quod sensibilia in quantum sensibilia, id est, secundum quod sunt extra animam in materia, nata sunt apprehendi per sensum, & idè oportet sensitiua cognitionem præcedere cognitionem intellectiua quæ à sensibilibus accipitur: & sic naturam sensibilem prius mouere sensum oportet, & per consequens accipere aliquod esse immateriale, quàm moueat intellectum. non animalia ratione apprehenduntur per sensum, nisi quia sui similitudine in sensu causant. Scotus autem in hoc deceptus est, quod existimauit cum dixit sanctus Thomas nō posse intellectum angelicum formas materiales reducere ad esse intelligibile, nisi prius eas ad esse formarum imaginatarum reduceret, quod de ipsis esse naturæ sensibilis loqueretur, ut sibi cantum sicut susceptiuo attribuitur, tanquam videlicet intellectus, siue quodcunque aliud agens se habeat ut agens. & natura merè passiuæ se habeat, tanquam scilicet illud cui diuersa esse attribuitur, & nullo modo actiuè concurrat ad ista sua diuersa esse causanda, quod non est de mente sancti Thomæ. Neque enim apud ipsum neque apud Aristot. solus intellectus, aut quæcunque alia potètia, cognitione à sensibus accipiens,



ciptis, speciem intelligibilem aut sensibilem causar, sed oportet ut etiam obiectum ad eius causationem concurrat. Vnde vult quod nulla natura intellectualis potest dare esse omnino immateriale rei sensibili, nisi illi prius dederit esse imaginabile, neque potest uti ipsa re habente esse materiale ad causandum esse intelligibile, nisi res ipsa prius causauerit esse imaginabile in ipsa natura intellectuali. Sed et si natura etiam mere passiva ad omnia illa esse se haberet, adhuc non posset intellectus creatus ipsam naturam ab esse materiali, quod extra intellectum habet, ad esse intelligibile producere, nisi prius ad esse imaginabile per ipsam naturam intellectum reduceretur, ut ostendimus.

Ad primum ergo. Secundo in quantum contra hanc declarationem esse possunt, dicitur quod medium essentiale, quo modo diximus esse imaginabile inter esse materiale, & esse immateriale mediare, sicut est medium virtuti minori, ita est medium virtuti maiori inter virtutes naturales connumerata, cuiusmodi est virtus intellectualis substantia separata, cum sit medium essentiale & per se primum, licet virtuti supernaturali non oporteat esse medium, ut declarauimus. Ideo ratio sancti Thomae, ita de intellectu ipsius procedit, sicut de intellectu humano. Ad secundum dicitur primum, quod tripliciter potest intelligi esse imaginabile etiam per se medium ex parte obiecti in se, aut scilicet ut obiectum consideratur in ratione termini cognitionis, aut ut consideratur in ratione termini actionis precedentis cognitionem, per quam videlicet species intelligibilis producitur aut ut obiectum consideratur in ratione motui ad sui cognitionem. Primum modo sensus est, quod natura sensibilis non potest terminare intellectum alicuius cognoscentis secundum esse intelligibile, nisi prius terminet eius cognitionem imaginariam secundum esse imaginabile: & tunc dicitur dicitur quod non est medium per se ex parte obiecti precise & absolute, quia si sic esset, neque Deus (ut arguebatur) neque substantia separata posset ferri in esse intelligibile naturae sensibilis, nisi prius ipsam imaginaretur. Secundo modo sensus est, quod obiectum sensibile non potest accipere in intellectu alicuius esse intelligibile, nisi prius in ipso cognoscente accipiat esse imaginabile, siue quod idem est, non potest causari species intelligibilis rei sensibilis in intellectu, nisi prius in phantasia aut imaginatione intelligentis caueatur phantasma: & tunc dicitur quod esse imaginabile non est medium per se ex parte obiecti secundum se & absolute considerati, cum Deus species intelligibiles rerum sensibilibus mentibus angelicis concreauerit, in quibus phantasmata non possunt: sed bene ex parte obiecti, ut accipit talia esse per actionem abstractentis naturam a materia, & accipientis cognitionem a sensibilibus. non potest enim natura materialis naturae ordine considerato, virtute accipientis cognitionem a sensibilibus per abstractionem a singularibus omnino a materia & a materialibus conditionibus depurari, nisi prius depuretur a materia absque depuratione a materialibus conditionibus, quod fit secundum esse imaginabile. Tercio modo sensus est, quod obiectum habens esse in materia non potest mouere intellectum ad sui cognitionem causando in ipso speciem intelligibilem sui, nisi concurrere phantasmate ab ipso causato in imaginatione, & tunc esse imaginabile est medium per se ex parte obiecti absolute accepti. His duobus modis vltimis dicendum est, quod esse imaginabile est medium per se aliquo modo, ut patuit ex parte obiecti: non autem primo modo de quo argumentum procedebat. Dicitur secundum, quod est etiam medium per se ex parte potentiae creatae deducens naturam ab esse materiali ad esse intelligibile, cum (ut patuit in responsione ad primum) nullum cognoscentem creatum possit perducere per abstractionem naturam ab esse materiali & singulari ad esse intelligibile, nisi prius perducatur ad esse imaginabile. Dicitur tertio, quod esse imaginabile & esse sensibile in materia, non possunt habere rationem vnius extremi, aut duorum extremorum ex eadem parte, cum esse imaginabile sit posterius esse materiali extrinseco, & sit aliquo modo ipsius effectus, participetque aliquid de conditione esse materialis, & aliquid de conditione esse intelligibilis, ut superius patuit, & sic sit propinquius cuiuslibet extremo, quam vnum extremum alteri. Licet enim utrumque sit esse sensibile aliquo modo secundum quandam communem rationem, tamen esse imaginabile non est illud esse sensibile quod est naturae in materia extra animam existentis, sed superioris est gradus, quia illud est omnino materiale, istud vero est aliquo modo immateriale.

Secundo, Virtus intellectualis substantiae separatae est altior quam virtus intellectualis animae humanae: ergo habet altius obiectum quam res sensibilis extra intellectum existens, & quam phantasma. ergo habet per obiectum id quod est intelligibile actu, ergo non accipit cognitionem a sensibilibus. probatur prima consequentia: quia altioris virtutis oportet esse altius obiectum, obiectum autem intellectus humani est phantasma, quod est superius in ordine obiectorum, quam res sensibilis existens extra animam. secunda etiam consequentia patet, quia nihil est altius phantasmate in genere obiectorum cognoscibilium, nisi quod est actu intelligibile.

CIRCA istam propositionem, phantasma est superius in ordine obiectorum quam res sensibilis existens extra animam, aduertendum quod non inquit sanctus Thomas, phantasma esse absolute superius rebus sensibilibus, hoc enim esset falsum, cum phantasma sit accedens corporeum, natura autem sensibilis sit corporea substantia, sed addidit in ordine obiectorum, scilicet cognoscibilium, quia quantum obiectum cognoscibile magis recedit a materia, tanto est altius obiectum ut sic, cum vnumquodque sit per aliqualem abstractionem a materia cognoscibili, phantasma autem magis recedit a materia quam natura sensibilis existens extra animam. phantasma enim est sine materia, ut phantasma est, hoc est in quantum est similitudo rei extra animam existentis, quia non habet esse in materia naturali illius formae, licet sit coniunctum conditionibus materialibus quae sunt determinatio ad hic & nunc, & similia: res autem sensibilis extra animam habet esse in materia, & materialibus conditionibus est vnita, ut saepe numero diximus.

CIRCA fundamentum & efficaciam rationis considerandum est quod si intellectus habet moueri ab aliquo obiecto, & ab ipso cognitionem accipere, oportet ut illud sit obiectum intellectui connaturale & proportionatum, quia obiectum aliud non habet mouere ex se intellectum, licet fortassis cum obiecto proportionato moueri possit. Videmus enim quod licet intellectus noster aliquo modo substantias separatas cognoscat, non tamen ab illis cognitionem & species intelligibiles accipit, quia non sunt

obiecta intellectui nostro proportionata: sed a quidditatibus sensibilibus quae sunt obiecta sibi proportionata, accipit cognitionem, & species intelligibiles. Si ergo intellectus substantiae separatae a sensibilibus cognitionem acciperet, oportet ut illa essent obiecta sibi proportionata. hoc autem falsum est, quia cum altioris gradus sit intellectus in ipsis quam noster intellectus, illaque aut phantasmata sunt obiecta proportionata intellectui nostro, oportet ut intellectus separatus sit aliquid altius tanquam obiectum proportionatum. Ideo non est dicendum quod a sensibilibus cognitionem accipiant, sed quod intelligibilia in actu primo cognoscant, & in hoc consistit efficacia rationis. Ex his patet defectus rationis Scoti loco allegato, qui vult probare intelligibile in actu, non esse obiectum intellectus separati, quia obiectum adaequatum illius intellectus, non est vna natura immaterialis, sed aliquid commune secundum praedicationem, quod & materialibus & immaterialibus est commune. Dicitur enim quod non loquitur sanctus Thomas de obiecto adaequato, sed de obiecto connaturali & proportionato, a quo natus esset moueri intellectus separatus, si ab obiecto habet moueri. Sicut enim quidditas rei materialis est obiectum connaturale & motuum intellectus nostri, ita quidditas rei abstractae a materia habentis esse distinctum ab ipsa, est connaturale obiectum intellectus separati a quo haberet moueri, ut patet prima parte, quae est. 12. articulo quarto: & quia talis quidditas secundum se est actu intelligibilis, & secundum suum esse naturale, ideo bene inquit sanctus Thomas, quod intelligibile in actu est talis intellectus obiectum, scilicet connaturale & proportionatum. Tercio: Quae sunt secundum se ipsa actu intelligibilia, sunt superiora in ordine intelligibilium iis quae non sunt intelligibilia, nisi quia nos facimus ea intelligibilia, cuiusmodi sunt omnia sensibilia. ergo cum haec sint quae intellectus noster intelligit, tanquam scilicet obiecta proportionata a quibus cognitionem accipit, per se actu intelligibilia intelligit intellectus substantiae separatae, qui est superior intellectu nostro, tanquam scilicet obiecta sibi proportionata, patet consequentia, quia secundum ordinem intellectuum est ordo intelligibilium. Quarto, substantia separata est intellectus, id est, substantia intellectualis per se existens, non in corpore aliquo: ergo eius operatio intellectualis erit intelligibilium quae non sunt fundata in aliquo corpore. ergo non accipit cognitionem a sensibilibus, probatur prima consequentia, quia modus operationis propriae alicuius rei proportionaliter respondet modo substantiae & naturae ipsius. secunda quoque probatur, quia omnia intelligibilia a sensibus accepta sunt in aliquibus corporibus aliquo modo fundata, puta in phantasmatis quae sunt in organis corporeis.

Ad euidentiam huius rationis considerandum primum, quod per intelligibilia accepta a sensibilibus accipit sanctus Thomas, species intelligibiles causatas in intellectu via sensuum. tales enim species ut sunt quidditates tales materiales, non sunt secundum se actu intelligibiles quantum ad esse suum materiale, sed sunt factae actu intelligibiles ab intellectu eas a materia abstrahente. talia autem intelligibilia dicuntur in phantasmate fundari, quia in ipso latent, & sunt potentialiter tanquam in causa a qua speciem habent. intellectus enim agens causat species quantum ad esse immateriale ipsarum, sed quantum ad determinationem specificam, in quantum scilicet ista est species lapidis, aut equi, ab ipso phantasmate causatur per modum efficientis instrumentalis. Ideo enim ista est species lapidis, illa vero equi, quia ista causata est a phantasmate lapidis, illa vero a phantasmate equi: species vero quae sunt in intellectu substantiae separatae etiam rerum materialium, nullum habent fundamentum in corpore tanquam in causa productiva.

CONSIDERANDUM secundum, circa probationem primae consequentiae, quod ideo addidit sanctus Thomas, si proportionaliter, quia non oportet absolute modum naturae & operationis eundem esse, cum operatio sit alterius rationis a substantia & natura operantis. non enim oportet si natura est forma dans esse materiae, quod & operatio sit similiter forma dans esse materiae, ut patet de operatione intellectuali animae nostrae. Oportet autem ut modus operationis correspondeat modo naturae proportionaliter. Nam cum operatio ut sic habeat ordinem ad obiectum, ut ipsam terminat, & est eius principium per sui similitudinem, ab ipso quoque speciem accipit, modus conueniens operationi proprius alicuius est modus sui subiecti, in quantum est eius obiectum: & ideo modum operationis propriae correspondere modo naturae operantis proportionaliter est operationem terminari ad rem habentem similem modum essendi, cum modo naturae operantis tanquam ad proprium & proportionatum obiectum. Ex hoc optime sequitur, ut arguit sanctus Thomas, cum substantia separata sit intellectus non in corpore aliquo, quod & eius propria operatio terminabitur ad intelligibile non existens in aliquo corpore tanquam ad proprium & connaturale obiectum, sed ad obiectum a corpore separatum.

Quinto, Substantiae separatae sunt actu in esse intelligibili. ergo, & c. probatur antecedens, quia sicut esse in potentia tantum ad omnes formas sensibiles conuenit materiae primae quae est infimum quid, in ordine rerum sensibilibus, iis autem quae sunt supra materiam, conuenit habere in actu suam formam per quam constituuntur in esse sensibili, ita esse in potentia ad omnia intelligibilia conuenit infimo in ordine intelligibilium qui est intellectus humanus, substantiis autem separatis quae sunt supra intellectum possibilem humanum, conuenit esse in actu in esse intelligibili, consequentia etiam probatur, quia intellectus accipiens cognitionem a sensibilibus non est in actu in esse intelligibili, sed in potentia.

ADVERTENDUM, quod cum potentia secundum se aequaliter se habeat ad omnia sua obiecta sibi connaturalia & proportionata cognoscenda, debet se eodem modo secundum naturam habere ad species ipsorum obiectorum, quantum est ad habere aut non habere illa a natura. non est enim maior ratio quod sibi vnius species nescit a natura quam alterius, ideo si a natura habet quod vna careat, oportet ut omnibus careat. vnde videmus nullum intellectum nullius quidditatis materialis speciem habere a natura, sed ad omnes in potentia esse. Si autem vna sibi inest a natura, oportet & omnes alias inesse. propter hoc bene deducit sanctus Thomas ex eo quod intellectus substantiae separatae est altior intellectu humano, quod oportet absolute illum esse in actu in genere intelligibilium, id est, habere in se species intelligibiles a natura, quibus intellectus fit in actu in esse intelligibili, & per consequens ad nullam esse in potentia, quia videlicet



delicet si vnam habet, oportet vt habeat omnes, & nullo modo est in potentia ad intelligibile naturale. Sexto, Perfectio substantiæ separatae consistit in intelligendo: ergo eius intelligere non dependet à rebus sensibilibus sic quod ab eis cognitionem accipiat. probatur consequentia, quia perfectio naturæ superioris non dependet à natura inferiori.

CIRCA probationem consequentiæ occurrit dubium. Eodem enim modo probaretur quod intellectus humanus non accipiat cognitionem à sensibilibus, quia etiam natura humana intellectiua est nobilior natura sensibili non intellectiua.

Respondetur, quod assumptum illud intelligitur de perfectione naturæ, non quomodocunque, sed ad superiorem ordinem rerum pertinentis. sic enim (vt in superioribus est ostensum) natura inferioris ordinis non potest etiam instrumentaliter concurrere ad perfectionem naturæ superioris ordinis: & idcirco res sensibilis fit inferioris ordinis quam substantia separata, non potest ad eius perfectionem propriam operari. Non est autem eadem ratio de anima intellectiua, quia illa non est superioris ordinis quam sensibilia omnino, sed ad ordinem sensibilibus pertinet, vt pote in materia existens, licet in illo ordine supremum gradum teneat: & vltimus non mouetur à sensibilibus, nisi vt sunt lumine intellectus agentis facta intelligibilia in actu ratione phantasmatis iuxta modos in precedentibus explicatos: hoc autem modo sunt eiusdem ordinis cum intellectu, licet sint inferioris gradus in illo ordine. Quantum ad secundum principale, deducit Sanctus Thomas tria corollaria ex præmissis. Primum est: In substantiis separatis non est intellectus agens & possibilis, nisi forte æquiuocè: probatur dupliciter, tum videlicet quia non inueniuntur in anima, nisi propter hoc quod accipit cognitionem à sensibilibus. substantiæ autem separatae à sensibilibus cognitionem non accipiunt: tum quia de istis loquens Aristoteles 3. de Anima inquit eos in anima oportere poni.

Tex. com. 17.

ATTENDENDVM quod propriè loquendo intellectus possibilis dicitur, qui secundum se indifferens est ad formas intelligibiles, & ad priuationem illarum, qui scilicet est ad illas secundum se in potentia contradictionis. Impropiè autem potest dici intellectus possibilis intellectus qui informatur speciebus intelligibilibus, & ad eas comparatur sicut potentia ad actum. Primum modo negat sanctus Thomas intellectum possibilem in substantiis separatis, non autem secundo modo. Similiter propriè intellectus agens dicitur intellectus faciens intelligibilia in actu, ea quæ sunt secundum se intelligibilia in potentia, eorum species in intellectu possibilem imprimendo. impropiè autem potest dici intellectus agens lumen intellectuale, quo intellectus intelligibilia intelligit: & huc etiam propriè sumptum negat sanctus Thomas ab angelis, non autem impropiè sumptum ab eis negat. Propter hoc cum dixisset istas differentias intellectus non inueniri in substantiis separatis, addidit, nisi forte æquiuocè. Ex quo patet argumenta Scoti in secundo Sententiarum, dist. 3. q. vlt. non esse contra mentem sancti Thomæ. ipse enim probat in substantiis separatis esse intellectum possibilem impropiè dictum, quod non negat sanctus Thomas. Secundum corollarium est, Localis distantia cognitionem substantiæ separatae impedire non potest. patet, quia localis distantia non comparatur ad intellectum nisi per accidens, inquantum à sensu accipit, cum intelligibilia in actu secundum quod mouent intellectum, non sint in loco. substantia autem separata à sensibilibus cognitionem intellectiua non accipit.

ADVERTENDVM quod dupliciter possumus intelligere hoc corollarium. Primum supponendo localem aliquam distantiam inter substantiam separata, & obiectum cognoscibile: & tunc cum substantia separata non sit in loco nisi diffinitiuè, inquantum in loco aliquo operatur, non poterit vna substantia separata localiter ab altera distare nisi ratione distantie locorum in quibus operantur: & tunc sensus corollarij est, quod quantumcunque modo dicto sit distantia inter substantiam separata, & eius proprium obiectum, illa tamen nihil impedit cognitionem: cuius ratio est, quia distantia inter cognoscentem & cognitum nihil operatur aut impedit cognitionem, nisi inquantum cognoscibile habet mouere sensum, eò quod sensibilia secundum determinatam distantiam sensum moueant, cum determinant sibi locum: intelligibilia autem in actu, quia non determinant sibi locum, imò non sunt in loco, nisi ratione operationis extrinsecæ, in aliud non requirunt aliquam determinatam distantiam secundum quam moueant intellectum, sed à quacunque distantia mouere possunt. Secundò possumus intelligere corollarium, negando omnem distantiam localem inter substantiam separata, & substantiam intelligibilem. Vt sit sensus, quod distantia localis non habet impedire cognitionem substantiæ separatae respectu sui connaturalis obiecti: quia nulla est inter illa distantia localis, quæ neque talis substantia intelligens sit in loco, neque substantia quæ est eius connaturale obiectum, scilicet alia substantia separata. Licet autem vterque sensus veritatem habere possit, primus tamen videtur magis esse ad mentem sancti Thomæ. vnde negat simpliciter intelligibilia in actu non esse in loco, sed ait quod non sunt in loco, secundum quod mouent intellectum, quasi dicat, possunt quidem esse in loco: & per consequens distare localiter, sed tamen esse in loco non est conditio ipsarum, vt habent mouere intellectum, sicut in sensibilibus accidit, quæ mouent sensum, vt ad locum determinata sunt, & ad tempus.

SCIENDVM etiam, cum dicitur intelligibilia in actu mouere intellectum, quod hoc potest intelligi aut motione formali, aut motione effectiua. Si motione formali, sic est simpliciter verum quod intelligibilia in actu mouent intellectum substantiæ separatae, & omnem intellectum à quo intelliguntur, per speciem. sunt enim formæ intellectus mouentes formaliter intellectum ad intellectionem, si autem motione effectiua, sic propositio sancti Thomæ intelligenda est sub conditione, scilicet quod etiam si intelligibilia in actu mouerent intellectum substantiæ separatae causando suas species in illum: non tamen essent in loco secundum quod mouerent intellectum: & sic nulla distantia localis impedire posset quia substantia separata ab intelligibili in actu moueretur. Tercium corollarium est, Intellectuali operationi earum non admisceatur tempus. patet, quia intelligibilia in actu sicut sunt absque loco, ita etiam sunt absque tempore. Nam non mensurantur tempore, nisi quæ aliquo modo sunt in loco, cum tempus sequatur motum localem: operationi vero intellectus

nostri ex eo quod à phantasmatis cognitionem accipimus quæ determinatum tempus respiciunt, admisceatur tempus inde fit vt in compositione & diuisione semper intellectus noster adiungat tempus præsens, præteritum, aut futurum: non autem intelligendo quod quid est. intelligit enim quod quid est abstrahendo intelligibilia à sensibilibus conditionibus. componit autem & diuidit applicando intelligibilia prius abstracta ad res.

CIRCA principalem conclusionem dubitatur ex Scoto in secundo Sententiarum loco allegato. Arguit enim sic: Primum Substantia separata potest cognoscere singulare, vt hoc, & non potest illud cognoscere ex ratione vniuersalis, quia hæc natura, vt hæc, non continetur determinatè sub vniuersalitate. ergo cognoscitur per propriam speciem, sed non est probabile quod sint in ipsa. concretæ omnes species singularium possibilem sibi cognoscere, cum illa sint infinita. ergo aliquam speciem à singulari accipere potest. Secundo ex notitia quidditatum & vniuersalium non potest cognosci complexio contingens, sed existentie rerum vel non existentie sunt contingentes. ergo ad hoc vt huiusmodi cognoscat, non sufficit ipsam habere notitiam vniuersalium, ergo istam notitiam accipit à rebus. Confirmatur, quia rationes terminorum quorum habet species concretas, aut repræsentant determinatè me sedere cras, aut indeterminatè. Si determinatè, ergo impossibile est per ipsos terminos ipsam habere notitiam quod hoc sit contingens. Si indeterminatè, ergo per hos terminos nūquam habebit quod determinatè sedeam. ergo oportet quod accipiat aliunde notitiam huius.

Tertio, habet notitiam intuitiua singularis: ergo à singulari cognitionem accipit. probatur consequentia, quia ad cognitionem intuitiuam necessariò concurrunt ipsa res vt præsens. Confirmatur, quia impossibile est cognitionem intuitiuam esse per aliquam rationem eodem modo repræsentantem remanente & non manente.

CIRCA primum etiam corollarium dubitatur ex Scoto, vbi supra de intellectu agente: quia potentia actiua quæ est perfectionis in natura inferiori, non debet negari à natura superiori. sed intellectus agens est potentia actiua quæ est perfectionis in anima intellectiua, ergo, &c. Confirmatur ex eodem fundamento, quia perfectionis est in intellectu nostro quod habet aliquid quo actiue possit acquirere species omnium quidditatum. ergo non est negandum à perfectiori intellectu.

CIRCA secundum corollarium dubitatur etiam ex Scoto quarto Sententiarum, distinctione 45. quæst. 2. quia Augustinus in libro de Cura pro mortuis agenda, & Gregorius in Homilia dicunt quod anima separata nescit ea quæ hæc sunt. Item Aristoteles octauo Physicorum, ponit substantiam mouentem orbem esse præsentem illi parti, vnde motus incipit se, vbi est velocissimus. Septimo quoque Physicorum vult agens & patiens esse simul. ergo distantia localis impedit cognitionem.

CIRCA vltimum corollarium, vbi dicitur quod intellectus noster non adiungit tempus intelligendo quod quid est, sed componendo & diuidendo semper adiungit tempus præsens, præteritum, aut futurum, dubitatur, quia (vt psemet in hoc corollario dicit) idcirco operationi intellectuali nostræ adiacet tempus, quia à phantasmatis cognitionem accipimus, quæ determinatum respiciunt tempus: sed ita cognitio quod quid est, à phantasmatis accipitur, sicut compositio & diuisione. ergo quæ ratione vni operationi admisceatur tempus eadem ratione & alteri.

AD euidentiam eorum quæ contra principalem conclusionem obijciuntur, duo sunt intelligenda. Primum est ex doctrina sancti Thomæ prima parte, quæst. 57. art. 3. ad 4. & Veri. q. 8. artic. 9. & 11. quod species intelligibilis ad hoc requiritur ex parte cognoscens, vt per modum similitudinis rem cognitam cognoscenti repræsentet: actualis autem similitudo repræsentare non potest rem singularem in actu, nisi illa res sit sicut similitudo huius albi in oculo posito quod conseruaretur recedente hoc albo, ipsum non repræsentaret nisi cum esset in actu. species enim singularis, vt est rei singularis, repræsentat ipsam sub actuali existetia, quia condiciones rei materialis singularis est determinatio ad hic & nunc: idcirco quando ipsa res non est, talis species non est actu similitudo repræsentatiua ipsius, & quia relatio potest conseruare ex mutatione alterius extremorum tantum: idcirco potest contingere vt id quod non erat actualiter similitudo alicuius, incipiat esse illius similitudo per illius mutationem tantum, ipsa similitudine immobili permanente. Inde fit quod cum species quæ sunt in intellectu substantiæ separatae, sint repræsentatiue non solum quidditatis vniuersalis, sed omnium in diuiduorum quidditatis, vt inferius ostendetur: si aliqua singularia nondum sint, non est actu species quidditatis similitudo illorum actualis, sed potentialis. cum autem habet esse in natura, est eorum similitudo in actu: & idcirco quum non repræsentat species aliquid intellectui per modum obiecti intelligibilis, nisi cum est actu illius similitudo: sequitur quod species quæ prius non repræsentabat intellectui singularia nondum existentia, ea postmodum cum sunt in actu producta sibi repræsentat. hoc autem est non propter aliquam realem mutationem speciei, sed propter mutationem obiecti, quod prius non habebat naturam vniuersalem in actu, cuius ipsa species est repræsentatiua, & postmodum illam habet. Nam Sortes non existens non habet naturam humanam, existens autem habet illam: & idcirco nunc assimilatur speciei intelligibili per naturam quam habet in actu, & prius non assimilabatur, quia non habebat naturam per quam illi assimilaretur, vnde sanctus Thomas prima parte, quæst. 57. artic. 3. ad tertium, ait quod quæ futura sunt, nondum habent naturam per quam speciei angelicæ assimilantur. & de Mato, quæst. 16. artic. 7. ad 6. ait quod singularia antequam sint actu, non participant naturam speciei. & de verit. quæst. 8. artic. 12. ad 1. ait quod futura nondum habent naturam per quam speciebus angelicis assimilantur.

SED occurrit circa hoc dictum, dubium. Nam sanctus Thomas primo Metaphysicæ lectione prima, tenet quod ista propositio: Socrates est homo, est per se, quia si Socrates desiniretur, poneretur homo in eius definitione. Constat autem ex primo Posteriorum, quod omne per se est necessarium, & per consequens sempiternum. ergo hoc prædicatum, homo semper conuenit Sorti. ergo falsum est quod Socrates non existens nondum habet hominis quidditatem. Respondetur quod hominem conuenire Socrati, dupliciter potest intelligi. vno modo secundum logicam considerationem: alio modo secundum esse reale extra intellectum. Primo modo homo conuenit Socrati per se; & ista propositio, Socrates est homo,

Cap. 15.  
Tom. 4.  
Lib. 40. Ho.  
6.  
Tex. com. 84.  
Tex. com. 10.



homo, est per se, & sempiternæ veritatis, quia prædicatum est de ratione  
subiecti : & hoc modo intelligit sanctus Thomas in primo Metaph. illam  
propositionem esse per se. Secundo modo homo non conuenit Sorti per  
se & semper, sed tantum quando est in actu : & sic intelligitur quod alibi  
ait sanctus Thomas singularia antequam sint actu, non participare natu-  
ram speciei. Vbi aduertendum, quod aliter se habet species intelligibilis  
angeli ad quidditatem : & aliter ad indiuiduum quidditatis : quia quid-  
ditatem secundum se primò & per se representat : & quia quidditas secun-  
dum se considerata, habet tantum esse quidditatum, & abstrahit ab om-  
ni esse existentie : ideo ad hoc vt species intelligibili assimiletur, non re-  
quiritur vt aliquod esse existentie realiter habeat : singulare autem non  
representat primò, sed tantum inquantum participat quidditatem, & quia  
accidentia indiuiduant quidditatem & indiuiduum constituentia, cum  
sint extraneæ à quidditate, non concomitant quidditatem in esse quid-  
ditatiuo, sed tantum in esse reali : ideo ad hoc vt singulare quidditatem  
aliter participet, vt possit actu assimilari speciei intelligibili, requiritur vt  
sit in actuali existentia ipsam quidditatem in esse reali participans. Scien-  
dum secundò, quod illam distinctionem de notitia intuitiua & abstracti-  
ua non ponit sanctus Thomas sub illis verbis, neque etiam ad illum sensum,  
ad quem multi eam ponunt, scilicet vt notitia intuitiua sit, quæ ha-  
betur de re ab eque specie cognoscibilis, abstractiua verò sit quæ fit per spe-  
ciem. Apud sanctum Thomam enim nulla est notitia quæ sine specie fiat,  
aut aliquo vicem speciei gerente. Sed si notitiam intuitiuam vocemus eā  
quæ est de re existente vt existens est, huius de re particulari vt est particu-  
laris, abstractiuam verò quæ est de quidditate rei absolute, tunc eam in-  
ueniemus in doctrina sancti Thomæ, sed sub aliis verbis. distinguit enim  
sanctus Thomas notitiam primam parte, quæst. 87. artic. 1. & Verit. q. 10. ar. 1.  
in cognitionem quantum ad an est, & cognitionem quantum ad quid est.  
Prima verò parte q. 14. & de Verit. q. 2. artic. 6. ad 2. distinguit eam in notitiam  
visionis, & notitiā simplicis apprehensionis. quæ distinctiones æqui-  
valent distinctioni illi de intuitiua & abstractiua notitia modo exposte.

¶ I S T I S suppositis ad primum Scoti dicitur primò, quòd singulare cognosci per rationem & speciem vniuersalis, dupliciter potest intelligi: vno modo quòd intelligatur per speciem representatiuam vniuersalis præcisè & adquare: & sic conceditur quòd non cognoscitur per rationem vniuersalis, quia non includitur in ratione vniuersalis quantum ad suam singularitatem. Alio modo quòd cognoscatur absolute per speciem vniuersalis representatiuam, & sic negatur quòd per speciem vniuersalis nò cognoscatur. non enim repugnat vna & eandem speciem esse naturæ vniuersalis, & singularitatis eius representatiuam, licet principia indiuiduantia non continentur determinatè sub quidditate, tanquam videlicet de eius ratione existentia. Dicitur secundò ad consequens pro maiori intelligentia, quòd singulare cognosci per propriam speciem, dupliciter potest intelligi. Vno modo, vti illa species sit illi adquare, ita quòd per illam nihil aliud cognoscatur nisi ipsum: & tunc falsum est quòd cognoscatur per propriam speciem. Alio modo ita quòd cognoscatur per speciem quæ ipsum distinet & determinatè repræsentet, & sic per speciem propriam repræsentatur. Sed tunc non oportet esse tot species quot indiuidua, sed vna species quæ est repræsentatiua quidditatis, est excellentè repræsentatiua omnium conditionum naturalium, cuiuscunque indiuidui illius quidditatis.

Ad secundum dicitur, quod licet per notitiam quidditatum & vniuersalium, vt licet, non possit cognoscere conpluratio contingens, per speciem tamen quidditatis quæ non solum quidditatem, sed etiam omnes eius naturales condiciones repræsentat, cuiusmodi sunt species intellectus separati, potest talis conpluratio contingens cognosci: vnde non oportet talem cognitionem ex rebus ipsis cauſari in intellectu substantiæ separatæ.

in cognitionem ex rebus ipsi cadenti in intellectu intellectus separatus.  
Ad confirmationem dicitur, quod species terminorum repræsentant  
determinatè me sedere si sedeo, quia species naturæ humanæ in intellectu  
separato existens repræsentat ipsam quidditatè, & omnia eius singula-  
ria existèntia, omnesque singularem illorum conditiones actui illis in-  
herentes, & per talem etiam speciem habetur cognitio, quod hoc scilicet  
est me sedere, est còtingens, quia per eandem speciem cognoscit substantia  
separata quæ sùnt substantia in re, & quæ accidentalia sùnt, & secun-  
dum quod singularia variantur, ita per eandem speciem eorum variatio-  
nem cognoscit. Ad tertium negatur consequentia. Ad probationem dicen-  
tur, quod licet ad notitiam intuitivam occurrat necessariò res ut præsens,  
non tamen concurrat necessariò in ratione motui intellectus, sed in ra-  
tione terminantis actum cognitionis. Ad confirmationem dicitur, quod  
rationem & speciem eodem modo repræsentare rem manèntè & non manèntè  
res, dupliciter potest intelligi: vno modo ut uniformitas repræsentationis  
se teneat ex parte formæ repræsentatiss: alio modo ut se teneat ex parte rei  
repræsentatæ. si primo modo intelligatur, assumptum est falsum. per for-  
mam enim nullo modo in se variatam, & remanente ac re non manente  
repræsentantem, potest haberi cognitio intuitiva de re quandiu manet. si  
verò intelligatur secundo modo, negatur minor subintellecta. Non enim  
species angelo concreata, eodem modo repræsentat rem dum est & dum  
non est: si nec res repræsentata eodem modo se habet dum manet & dum  
non manet, loquendo de re singulari. Sed bene verum est, quod ipsam  
quidditatè absolute quantum ad ea quæ essentialiter quidditatis sùnt  
semper eodem modo repræsentat, siue res sit, siue non sit, quia illa non va-  
riantur: & quidditas absolute considerata abstrahit ab existèntia, & ab  
aliis particularibus conditionibus.

A D rationes contrarium corollarium, simul dicitur quòd illa propositio, quicquid perfectionis est in natura inferiori, multò magis est in natura superiori, habet veritatem tantum de iis quæ sunt eiusdem generis, nõ autem de iis quæ sunt diuersorum generù, & de perfectione quam nulla imperfectio concomitatur: quia aliquid potest esse perfectionis in natura inferiori, quod tamen esset imperfectio in natura superiori, propter imperfectionem aliquam concomitantem illam perfectionem, sicut generare sibi simile, est perfectionis in natura corruptibili, non autè in natura incorruptibili, quia hæc perfectionem cõcomitatur hæc imperfectio, quòd natura non potest in vno indiuiduo perpetuari, & in vno indiuiduo non habet omnem perfectionem quæ nata est sibi absolute conuenire: hæc autem imperfectio quæ huic perfectioni præsupponitur, repugnat naturæ incorruptibili, & maxime naturæ immateriali, idè in illa

natura non inuenitur ista perfectio naturæ corruptibilis. Similiter itaque in proposito habere virtutem adiuuam faciendi intelligibilia in potentia, esse actui intelligibilia, per quamdam abstractionem, præsupponit habere intellectum potentialem, nõ perfectum per formas intelligibiles: & quia ista imperfectio repugnat naturæ substantiæ separatae, cum sibi naturaliter conueniat opposita perfectio, (est enim earum intellectus naturaliter perfectus omnibus speciebus rerum creatarum) ideo neque sibi talis perfectio, quæ est intellectus agens, nata est conuenire. Quod si instetur, quia tunc natura superior erit minus perfecta quam natura inferior, quæ caret aliqua perfectione quæ inuenitur in natura inferiori, negatur consequentia: quia licet natura superior non habeat illam perfectionem inferioris naturæ formaliter, habet tamen aliquid excellentius ipsa, in quo continetur vnitè & per quamdam excellentiam perfectio inferioris naturæ, sicut in sole continetur calor & forma ignis excellenter.

Ad ea quæ contrafundunt corollarium obijciuntur, refpondetur & primò ad authoritates Augufti & Gregorij dicitur, quòd licet ponant animas feparatas non cognofcere ea quæ hic aguntur, hoc tamen non dicitur effe propter diftantià localem, fed propter aliam caufam quam tangit S. Thom. prima parte, q. 89. artic. 8. quia fcilicet animæ mortuorum fecundum ordinationem diuinam, & fecundum modum effendi quem habent, fegregatæ funt à conuerfatione viuientium, & coniunctæ conuerfationi fubftantiarum feparatarum. Ad authoritatem verò Ariftotelis dicitur, quòd nos non ponimus obiecta intelligibilia mouere effectiue intellectum fubftantiæ feparatæ: & ideo non oportet vt habeant ad illas localem propinquitatem, ficut vult Philofophus fubftantiam mouentem effe fimul cum moto. Dato etià quòd obiecta quæ funt intelligibilia, ad mouerent talem intellectum effectiue, adhuc non oporteret vt fimul effent cum illo localiter, fed requireretur propinquitas ordinis cuiusdam fcilicet vt intellectus effet mobilis & actiua bilis per tale obiectum, & obiectum effet fufficiens motuium ipfius, quoniam & talis intellectus, vt actiua bilis per obiectum, & ipfum obiectum vt motuium illius intellectus, non exigunt vt fiant in loco, ficut virtutem motiui corporis oportet effe illi propinquum fecundum locum, imò in eodem loco effe, in quantum corpus motuium effe in loco.

Ad id quod contra tertium corollarium obiectum est, dicitur quod non procedit contra mentem sancti Thomæ, si bene intelligantur quæ in corollario dicuntur. Aliud est enim operationi intellectus nostri adiacere tempus, & aliud intellectum in sua operatione adiungere tempus. Adiacere enim tempus operationi, est ipsum aliquo modo operatione mensurari. Nam tempus alicui adiacere, est illi adesse tanquam mensuræ mensurato: intellectum autem adiungere rebus operationi tempus, est ipsum simul cum re intellecta cointelligere tempus, tanquam mensuram rei intellectæ, & conceptionem quam format simul cum re significata alicui temporis differentiam consignificare. Dicitur ergo quod omni operationi tam prius videlicet qua cognoscitur quod quid est, quam secunda, quæ est compositio & diuissio, adiacet tempus, non quidem ratione sui, cum sit immaterialis & extra motum, sed ratione phantasmatis existentis in tempore & motu, eo quod sit forma existens in organo corporeo. Mensuratur enim intellectio nostra instanti temporis quo ad sui productionem, & tempore per accidens quo ad sui continuationem ratione phantasmatis, & sensus ac imaginationis, a quibus dependet, que in tempore & motu sunt, vt diximus: & est de mente S. Thomæ de Verit. q. 3. art. 14. ad 12. primo Sententiarum dist. 14. c. 38. art. 3. quarto Sententiarum dist. 49. quest. 3. art. 1. & 1.2. q. 113. artic. 7. ad quintum. Et sic verum est vniuersaliter quod inquit sancti Thomæ primo loco, scilicet quod operationi nostre intellectuali adiacet tempus, ex eo quod à phantasmatibus cognitionem accipimus, quæ determinatum tempus respiciunt. Sed licet hoc sit commune omni animæ operationi, differt tamē compositio & diuissio à simplici apprehensione quod quid est, quia cum intellectus apprehendit quod quid est, abstractendo intelligibilia à sensibilibus conditionibus, de quarum numero est tempus determinatum cum ipso quod quid est, non apprehendit tempus, quasi quidditatum ad aliquod tempus determinatum apprehendat. Sed cum componit aut diuidit, non solum ipsa operatio aliquo modo sub tempore cadit, sed etiam vnionem suæ compositionem prædicatam subiecto ex parte rei apprehendit sub determinato tempore: & illud tempus per propositionem consignificat, dicendo hoc esse, aut fuisse, aut futurum esse. Huius autem rationem assignat sancti Thomæ, quia componit aut diuidit applicatō intelligibilia prius abstracta ad res, scilicet extra animam existentes: & per consequens sensibilibus conditiones habentes, quæ sunt determinatio ad certum locum & certum tempus. Quod autem iste sit sensus verborum sancti Thomæ, quum inquit intellectum nostrum semper in compositione & diuisione adiungere tempus, scilicet quod cum re intellecta cointelligit tempus, apparet ex eius verbis vltimis, in quibus quasi exponens quod dixerat, ait quod intellectus componit aut diuidit applicatō intelligibilia prius abstracta ad res: & in hæc apprehensione necesse est cointelligi tempus. Patet ergo quod argumentum procedit ac si idem esset apud sancti Thomæ operationi intellectus adiacere tempus, & intellectum in sua operatione tempus adiungere. Hoc autem ostendimus falsum esse, ideo non procedit ratio contra intentum.

*Quòd intellectus substantiæ separatae semper  
actu intelligit.*

Cap. 97.



**I**X hoc autem apparet quòd intellectus substantiæ separatae est semper intelligens actu. Quòd enim est quandoque in actu, quandoque in potentia, mensuratur tempore: intellectus autem substantiæ separatae est supra tempus, vt\* probatum est. non est igitur quandoque intelligens actu, & quandoque non.

2 Item

\* Cap. 96.



2 Item, omnis substantia viuens habet aliquam operationem vitę in actu ex sua natura, quę inest ei semper: licet alia quędoque insint ei in potentia: sicut animalia semper nutriuntur, licet non semper sentiant. Substantię autem separatae sunt substantię viuentes, vt ex pręmissis patet, nec habent aliam operationem vitę nisi intelligere. oportet igitur quod ex sua natura sint intelligentes actu semper.

32. Metaph. 3 Item, substantię separatae mouet per intellectum corpora cęlestia secundum Philosophorum doctrinam: motus autem corporum cęlestium est semper continuus. intelligere igitur substantiarum separatarum est cōtinuum & semper. hoc autem idem sequitur etsi nō ponantur mouentes corpora cęlestia, cum sint altiores corporibus cęlestibus. vnde si propria operatio corporis cęlestis, quę est motus ipsius, est continua: multo magis propria operatio substantiarum separatarum, quę est intelligere.

4 Amplius, omne quod quandoque operatur, & quędoque non operatur, mouetur per se, vel per accidens. vnde & hoc quod non quandoque intelligimus, quandoque non, prouenit ex alteratione quę est circa partem sensibilem, vt dicitur in octauo Physicorum: \* sed substantię separatae non mouentur per se, quia non sunt corpora: neque mouentur per accidens, quia non sunt vnitę corporibus. igitur operatio propria quę est intelligere, est in eis continua, & non intercisā.

\* Tex. cō. 31.

Super Cap. 97.

**P**OSTQVAM determinauit sanctus Thomas de cognitione substantię separatae quantum ad actum primum, nūc de ipsa quantum ad actum secundum determinat, & ponit hęc conclusionem: Intellectus substantię separatae est semper intelligens actu. Quę conclusio intelligenda est non tantum de actu primo, sed etiam de actu secundo, vt ex rationibus apparet: non tamē ad hunc sensum, quasi semper actu omnia cognoscibilia cognoscant: sed quia semper est in aliqua actuali consideratione. Probatur autem primo, Intellectus substantię separatae est supra tempus: ergo non quandoque; est intelligens actu, quandoque verō in potentia, probatur consequentia, quia quod quandoque est in actu, quandoque in potentia mensuratur tempore.

CIRCA hanc rationem aduertendum, quod aliter loquendum est in substantiis separatis de actu intelligendi absolute cōsiderato, & aliter de ipso vt ad hoc determinatum obiectū terminatur in particulari. Si enim substantia separata aliquādo nullum haberet actum intelligēdi, ita quod esset omnino intelligens in potentia, & postmodum fieret actu intelligens, transiret de potētia accidentali omnino ad actum, & sic mutaretur, eod quod nullo modo prius haberet perfectionem quam de nouo poneretur accipere. Si autem non careret simpliciter actu intelligēdi, sed semper aliquid actu intelligeret, licet non semper hoc determinatum diceretur secundum quid transire de potētia ad actum, inquantum haberet actum quem prius non habebat secundum hanc particularem rationem, non tamen diceretur simpliciter transire de potētia ad actum, sic quod fieret de potētia intelligente actu intelligens, eod quod semper esset actu intelligens: licet non semper hoc determinatum, puta lapidem, intelligeret. Sic enim & apud nos cum homo dormiens, & nihil omnino considerans, postmodum euigilando incipit actu considerare, dicitur simpliciter transire de potētia ad actum, & de otio ad operationem. Si autem postquam fuit in actuali consideratione alius, desinat illud considerare, & aliud contemplari incipiat, non dicitur simpliciter transire de potētia ad actum considerandi, siue de otio ad operationem, licet secundum quid hoc dici possit. Vnde inferius cap. vltimo huius secundi lib. dicit sanctus Thomas, quod quum in intellectu substantię separatae est intelligentia, non est ibi proprius motus, quum non succedat actus potētię, sed actus actui. Propositio ergo sancti Thomę qua dicitur, quoniam quod est quandoque in actu, quandoque in potentia, mensuratur tempore, intelligitur de eo quod est simpliciter in potentia, & postmodum fit actu: quia cum proceditur de potētia ad actum, ibi est mutatio aliquo modo: mutatio autem omnis temporali subditur, aut instanti temporis, scilicet continui, non autem cum fit transitus ab vno actu ad alium vt sic. Secundo, substantię separatae sunt substantię viuentes, nec habent aliam operationem, vitę, nisi intelligere. ergo ex sua natura sunt semper intelligentes actu, probatur consequentia, quia omnis substantia viuens habet aliquam operationem vitę in actu ex sua natura quę inest ei semper, vt nutritio in animalibus.

CIRCA secundam partem antecedentis aduertendum quod cum dicitur substantiam separata nullam operationem habere nisi intelligere, per intelligere accipitur omnis operatio intellectiue partis, non autem solus actus intellectus, vt contra volūtatis actum distinguitur. Vocatur autem omnem actum partis intellectiue intelligere, tum quia ab ipso sumit denominationem pars intellectiua, tum quia ad ipsam alia operatio quę est voluntatis consequitur, & sic ponendo ipsum intelligere, ponitur etiam velle.

Tertio, substantię separatae secundum Philosophos mouent corpora cęlestia per intellectum. ergo, &c. patet consequentia, quia ille motus semper est continuus. si etiam non ponantur mouere corpora cęlestia, idem sequitur: quia si propria operatio corporis cęlestis quę est motus ipsius, est continua, multo magis & operatio propria substantiarum sepa-

rarum quę est intelligere, cum sint corporibus cęlestibus altiores.

Quarto, substantię separatae non mouentur neque per se, neque per accidens. cum neque sint corpora, neque virtutes in corpore. ergo, &c. Probatur consequentia, quia omne quod quandoque operatur, quandoque non operatur, mouetur per se vel per accidens, vt patet in nobis, vt dicitur octauo Physicorum. Aduertendum quod ista ratio sumpta est ex octauo Physicorum, vbi tex. 31. ostendit Arist. animal ex se quandoque moueri, quandoque verō quiescere, inquantum motor ab aliquo mouetur, & quandoque non mouetur. Similiter enim hic arguit sanctus Thomas, quum intelligere sit operatio substantię intellectiualis, ad quam naturaliter ordinatur, quod sibi quandoque conueniat, quandoque verō non conueniat, non potest prouenire, nisi quia ipsa substantia separata aliquando moueatur, aliquando moueatur, quia aliquando vno modo se habet, aliquando verō alio modo.

Si autem diceretur quod hoc operari potest libertas voluntatis, secundum quam aliquando vult intelligere, aliquando vult non intelligere. Respondetur, quod libertas non operatur ad intelligere vel non intelligere substantię separatae absolute, licet operetur ad intelligere aut non intelligere huius rei determinatę, aut illius. Cuius ratio est, quia ad actum intelligendi naturaliter ordinatur, iam seipsam & Deum naturaliter intelligit, alia verō liberę.

Quomodo vna substantia separata intelligit aliam.

Caput 98.



I autem substantię separatae intelligunt ea quę sunt per se intelligibilia, vt \* est ostensum: per se autem intelligibilia sunt substantię separatae (immunitas enim a materia facit aliquid esse per se intelligibile, vt ex superioribus patet) sequitur quod substantię separatae intelligant sicut propria obiecta substantias separatas. vnaquęque igitur & seipsam & alias cognoscet. seipsam quidem vnaquęque earū aliter cognoscit, quā intellectus possibilis seipsam.

Intellectus enim possibilis est vt potētia existens in esse intelligibili: fit autē actu per speciem intelligibilem: sicut materia prima fit actu in esse sensibili per formam naturalem. nihil autem cognoscitur secundum quod est potētia tantum: sed secundum quod est actu. vnde & forma est principium cognitionis rei quę per eam fit actu: similiter autem potētia cognoscitiua fit actu cognoscens per speciem aliquam. intellectus igitur possibilis noster non cognoscit seipsam nisi per speciem intelligibilem, qua fit actu in esse intelligibili, & propter hoc dicit Aristot. in tertio de Anima, quod est cognoscibilis sicut & alia, scilicet per species a phantasmatibus acceptas sicut per formas proprias. substantię autem separatae sunt secundum suam naturā vt actu existentes in esse intelligibili: vnde vnaquęque earum per seipsam per suam essentiam cognoscit, non per aliquā speciem alterius rei. cum autem omnis cognitio sit secundum quod in cognoscente est similitudo cogniti: vna autem substantiarū separatarum sit similis alteri secundum communem naturam generis: differant autem abinuicem secundum speciem, vt ex pręmissis apparet, videtur sequi quod vna earum aliam non cognoscat quantum ad propriam rationem speciei, sed solum quantum ad communem generis rationem.

Dicunt ergo quidam quod vna substantiarum separatarum est causa effectiua alterius. in qualibet autem causa effectiua oportet esse similitudinem sui effectus: & similiter in quolibet effectu oportet esse similitudinem suę causę, eod quod vnumquodque agens agit sibi simile. sic igitur in superiori substantiarum separatarum est similitudo inferioris, sicut in causa est similitudo effectus: in inferiori autem similitudo superioris est sicut in effectu est similitudo suę causę. in causis autem non vniuocis similitudo effectus est in causa eminentius: causę autem similitudo in effectu inferiori modo. tales autem causas oportet esse substantias separatas superiores respectu inferiorum, cum non sint vnius speciei: sed in diuersis gradibus constitutę: cognoscit igitur substantia separata inferior superiorē secundum modum substantię cognoscentis, non secundum modum substantię cognitę. sed inferiori modo, superior autem inferiorē eminentiori modo. Et hoc est quod in lib. de Causis dicitur quod intelligentia scit quod est sub se, & quod est supra se, per modum suę substantię: quia

Idē p. p. q. 96. artic. 2. \* Cap. 96.

1. lib. 44. cap. 75.

Tex. com. 15.

Arist. Tract. 9. Metaphys. Com. 4.



Cap. 50. quia alia est causa alterius. Sed cum superius sit ostensum quod substantiæ separatae intellectuales non sunt compositæ ex materia & forma, non possunt causari nisi per modum creationis: creare autem solius Dei est, ut supra est ostensum. non poterit igitur una substantiarum separatarum esse alterius causa.

Cap. 15. 2. Præterea ostensum est quod principales partes vniuersi omnes sunt à Deo immediate creatæ. nõ est igitur una earum ab alia: vnaquæque autem substantiarum separatarum est de principalibus partibus vniuersi: multo amplius quàm sol vel luna, cum vnaquæque earum habeat propriam speciem & nobiliorem quàm quævis species corporalium rerum. non igitur una earum causatur ab alia, sed omnes immediate à Deo. sic igitur secundum prædicta quælibet substantiarum separatarum cognoscit Deum naturali cognitione secundum modum suæ substantiæ per quam similes sunt Deo sicut causæ: Deus autem cognoscit eas sicut propria causa, earum omnium in se similitudinem habens. non autem hoc modo una substantiarum separatarum poterit cognoscere aliam, quæ una non sit causa alterius. Considerandum est igitur quod cum nulla huiusmodi substantiarum secundum suam essentiam sit sufficiens principium cognitionis omnium aliarum rerum: unicuique earum supra propriam substantiam oportet superaddere quasdam intelligibiles similitudines per quas quælibet earum alia in propria natura cognoscere possit.

Hoc autem sic manifestum esse potest. est enim proprium obiectum intellectus ens intelligibile: quod quidem comprehendit omnes differentias & species entis possibiles. quicquid enim esse potest, intelligi potest. cum autem omnis cognitio fiat per modum similitudinis, non potest totaliter suum obiectum intellectus cognoscere nisi habeat in se similitudinem totius entis, & omnium differentiarum eius: talis autem similitudo totius entis esse nõ potest nisi natura infinita, quæ non determinatur ad aliquam speciem vel genus entis, sed est vniuersale principium, & virtus actiua

Cap. 25. 43. totius entis: qualis est sola natura diuina, ut in primo ostensum est. omnis autem alia natura cum sit terminata ad aliquod genus & speciem entis, nõ potest esse vniuersalis similitudo totius entis. Relinquitur igitur quod solus Deus per suam essentiam omnia cognoscat: quælibet autem substantiarum separatarum per suam naturam cognoscit perfecta cognitione suam speciem tantum: intellectus autem possibilis nequaquam, sed per speciem intelligibilem, sicut supra dictum est. Ex hoc autem quod substantia aliqua est intellectualis, comprehensiva est totius entis: unde cum substantia separata per suam naturam nõ fiat actu comprehendens totum ens, ipsa in sua substantia considerata est quasi potentia ad similitudines intelligibiles quibus totum ens cognoscitur: & illæ similitudines erunt actus eius in quantum est intellectualis. Non autem est possibile quin istæ similitudines sint plures: quia iam ostensum est quod totius entis vniuersalis perfecta similitudo esse non potest nisi infinita. sicut autem natura substantiæ separata non est infinita, sed terminata: ita similitudo intelligibilis in ea existens non potest esse infinita, sed terminata ad aliquam speciem vel genus entis. unde ad comprehensionem totius entis requiruntur plures huiusmodi similitudines. Quando autem aliqua substantia separata est superior, tantò eius natura est diuinæ naturæ similior: & ideo est minus contracta, utpote propinquius antecedens ad ens vniuersale perfectum & bonum: & propter hoc vniuersaliore boni & entis participationem habens. & ideo similitudines intelligibiles in substantia superiori existentes, sunt minus multiplicatæ, & magis vniuersales. Et hoc est quod Dionysius 12. cap. Cœlest. hierar.

Paulo ante. dicit quod angeli superiores habent scientiam magis vniuersalem. Et in libro de Causis dicitur quod intelligentiæ superiores habent formas magis vniuersales. Summum autem huiusmodi vniuersalitatis est in Deo, qui per vnum, scilicet per essentiam suam, omnia cognoscit: infimum autem in intellectu humano, qui ad vnumquodque intelligibile indiget specie intelligibili propria & ei coæquata.

non est igitur per formas vniuersaliores apud substantias superiores imperfecta cognitio, sicut apud nos per similitudinem animalem per quam cognoscimus aliquid in genere tantum, imperfectiorē cognitionē habemus quàm per similitudinem hominis, per quam cognoscimus speciem completam. cognoscere enim aliquid secundum genus tantum est cognoscere imperfectè, & quasi in potentia: cognoscere autem in specie, est cognoscere perfectè, & in actu. intellectus autem noster quia infimum gradum tenet in substantiis intellectualibus, adeo particulatas similitudines requirit, quod unicuique cognoscibili proprio oportet respondere propriam similitudinem in ipso. unde per similitudinem animalis non cognoscit rationale: & per consequens nec hominem nisi secundum quid. similitudo autem intelligibilis quæ est in substantia separata, est vniuersalioris virtutis ad plura representanda sufficiens: & ideo non facit imperfectiorem cognitionē, sed perfectiorem. est enim vniuersalis virtus, ad modum forme agentis in causa vniuersali, quæ quantò fuerit vniuersalior, tantò ad plura se extendit, & efficacius producit. per similitudinem igitur vnā cognoscit & animal & differentias animalis, aut etiam vniuersaliori modo & contractiori secundum ordinem substantiarum prædictarum. Exempla igitur huius (ut dictum est) in duobus extremis accipere possumus, scilicet in intellectu diuino & humano. Deus enim per vnum, quod est sua essentia, cognoscit omnia; homo autem ad diuersa

cognoscendo, diuersas similitudines requirit: quinetiam quantò altioris fuerit intellectus, tantò ex paucioribus plura cognoscere potest. unde his qui sunt tardi intellectus, oportet exempla particularia adducere ad cognitionē de rebus sumendam. quum autem substantia separata in sua natura considerata sit in potentia ad similitudines quibus totum ens cognoscatur: nõ est æstimandum quod sit denudata ab omnibus huiusmodi similitudinibus. hæc enim est dispositio intellectus possibilis antequam intelligat, ut dicitur in tertio de Anima. neque est etiam æstimandum quod aliquas earum habeat in actu, & alias in potentia tantum: sicut materia prima in corporibus inferioribus habet vnā formam in actu, & alias in potentia. & sic intellectus possibilis noster quum iam sumus scientes, est actu secundum aliqua intelligibilia, secundum alia verò in potentia. quum enim illæ substantiæ separatae non moueantur neque per se neque per accidens, ut ostensum est, omne quod est in eis in potentia, oportet esse in actu; alias exirent de potentia in actum, & sic mouerentur per se vel per accidens. est igitur in eis potentia & actus quantum ad esse intelligibile, sicut in corporibus cœlestibus quantum ad esse naturalem: materia enim corporis cœlestis ita perficitur per suam formam, quod non remanet in potentia ad aliquas formas: & similiter intellectus substantiæ separatae totaliter perficitur per formas intelligibiles quantum ad cognitionem naturalem: intellectus autem possibilis noster proportionaliter se habet corporibus corruptibilibus quibus vnitur ut forma. sic enim fit actu habens quasdam formas intelligibiles, quod remanet in potentia ad alias.

Et propter hoc dicitur in libro de Causis, quod intelligentia est plena formis: quia scilicet tota potentialitas intellectus eius completa est per formas intelligibiles: & sic per huiusmodi intelligibiles species una substantia separata aliam intelligere potest.

Forè autem alicui videri potest, quod quum substantia separata per essentiam sit intelligibilis, nõ oportet ponere quod per aliquas species intelligibiles una ab alia intelligatur, sed per essentiam ipsius substantiæ intellectæ. hoc enim quod substantia aliqua per speciem intelligibilem cognoscatur, videtur accidere substantiis materialibus, ex hoc quod nõ sunt per suam essentiam intelligibiles actu: unde oportet quod per intentiones abstractas intelligantur. Huic etiam videtur consonare dictum Philosophi dicentis in vndecimo Metaphysicæ, quod in substantiis separatis à materia non differt intellectus, intelligere, & quod intelligitur. Hoc autem si concedatur, habet



3. de anima  
sex. com. 19.  
27.

dubitationes non paucas. Primò quidem quia intellectus in actu est intellectum in actu secundum doctrinam Aristotelis: difficile est autem videre quomodo una substantia separata sit vnum alteri dum intelligit ipsam.

3 Adhuc, omne agens vel operans operatur per suam formam cui operatio responderet: sicut calefactio calori: vnde & illud videmus, cuius specie visus informatur: non videtur autem esse possibile quòd una substantia separata sit forma alterius: quum habeat vnaquæque esse separatam ab alia: impossibile igitur videtur quòd una videatur ab altera per essentiam suam.

4 Amplius, intellectum est perfectio intelligentis. nò potest autem inferior substantia separata esse perfectio superioris: sequeretur etiam quòd superior inferiorem non intelligeret si per essentiam suam vnaquæque intelligeretur, & non per speciem aliam.

5 Item, intelligibile est intra intellectum quantum ad id quo intelligitur: nulla autem substantia illabitur menti, nisi solus Deus, qui est in omnibus per essentiam, præsentiam, & potentiam. impossibile igitur videtur quòd substantia separata per essentiam suam intelligitur ab alia, & nò per similitudinem eius in ipsa. Et hoc quidem oportet verum

3. de anima.  
sex. com. 19.  
27.

esse secundum sententiam Aristotelis, qui ponit quòd intelligere contingit per hoc quòd intellectum in actu sit vnum cum intellectu in actu. vnde substantia separata quamvis sit per se intelligibilis actu, non tamen secundum se intelligitur nisi ab intellectu cui est vnum. sic autem substantia separata seipsam intelligit per essentiam suam: & secundum hoc est idem intellectus, & intellectum, & intelligere. Secundum autem positionem Platonis, intelligere fit per contactum intellectus ad rem intelligibilem. sic igitur una substantia separata potest aliam per eius essentiam intelligere dum eam spiritaliter contingit: superior quidem inferiorem, quasi eam sua virtute concludens & continens: inferior verò superiorem quasi eam capiens ut sui perfectionem. Vnde & Dionysius dicit quarto cap. de Divinis nominibus, quòd superiores substantiæ intelligibiles sunt, quasi cibus inferiorum.

De Repub.  
cap. 6.

#### Super Cap. 98.

**P**

OSTQVAM determinavit S. Thom. de cognitione substantiæ separatae quo ad actum, nunc de ipsa quo ad obiectum determinat. Circa hoc autem duo facit. Primò agit de obiectis cognitis, secundò de ipsorum similitudine in intellectu & cognitione capitulo ultimo. Circa primum duo facit. Primò agit de obiecto immateriali, secundò de obiecto materiali, in cap. sequenti. Circa primum tria facit. Primò ostendit quamlibet substantiam separata, & seipsam & alias substantias separatas intelligere. secundò agit de modo quo seipsam intelligit. tertio de modo quo intelligit alias.

QVANTVM ad primum ostendit quòd quælibet substantia separata & seipsam & alias substantias separatas intelligat, & arguit sic. Substantiæ separatae sunt per se actu intelligibiles: ergo substantiæ separatae intelligunt sicut propria obiecta substantias separatas. ergo vnaquæque & seipsam & alias cognoscit, antecedens probatur, quia immunitas à materia facit aliquid esse per se intelligibile. consequentia prima etiam probatur, quia ostensum est superius quòd substantiæ separatae intelligunt ea quæ sunt per se intelligibilia, videlicet ut connaturalia & proportionata obiecta. Quantum ad secundum ostenditur modus quo substantia separata seipsam intelligit, & ponitur conclusio hæc: Substantia separata seipsam per seipsam intelligit, non autem per speciem alterius rei declaratur ex comparatione ad intellectum possibilem. Intellectus enim possibilis non intelligit se per seipsam, sed per speciem intelligibilem qua fit actu in esse intelligibili, quia est ut potentia in esse intelligibili, & fit actu per speciem intelligibilem, sicut materia fit actu in esse sensibili per formam naturalem. Nihil autem cognoscitur secundum quòd est in potentia, sed secundum quòd est in actu. Similiter potentia cognoscitiva fit actu cognoscens per speciem aliquam, propter quod dicitur 3. de Anima, text. 15. quòd est cognoscibilis, sicut & alia, scilicet per species à phantasmatis acceptas: substantiæ autem separatae sunt secundum suam naturam ut actu existentes in esse intelligibili.

CIRCA ea quæ hic dicuntur, multipliciter dubitatur. Primò nanque circa intellectum possibilem quòd cognoscat se per suam essentiam, non per species abstractas à phantasmatis: arguitur, quia S. Tho. prima parte, q. 89. art. 2. vult quòd anima separata cognoscat se per essentiam suam, sed est eadem natura animæ separata & coniuncta: ergo & coniuncta potest se per suam essentiam cognoscere. Secundò, circa ipsam conclusionem dubitatur, quia S. Thom. in tertio huius cap. si ponit differentiam inter essentiam divinam & essentiam substantiæ separata: quia essentia divina potest esse species intelligibilis intellectus, non autem essentia substantiæ separata: sed non posset seipsam per se intelligere, nisi essentia sua esset species intellectus ipsius. ergo, &c.

AD evidentiā primi dubij considerandum est quòd tota ratio quare intellectus possibilis, & consequenter etiam anima intellectiva, quæ per

ipsum intelligit, non cognoscat se per suam essentiam, sed per species à phantasmatis acceptas, hic assignatur, quia est potentia in genere intelligibilem, idcirco si debeat hoc ab anima removeri, scilicet quòd cognoscat se ex phantasmatis, & non per suam essentiam, oportet ut remouetur ab ipsa illa omnimoda potentialitas, secundum quā & dicitur pura potentia in genere intelligibilem. manere enim totali & sufficienti causa necesse est effectum remanere.

Sciendum ergo primò, quod anima intellectiva secundum substantiam suam est medium quoddam inter substantias separatas & res materiales. communicat enim cum rebus materialibus in quantum est forma dans esse materiæ & pars compositi materialis: cum substantiis verò separatis, in quantum est substantia immaterialis per se subsistens. nò dependens à materia: atque idcirco duplex modus essendi sibi convenire potest, scilicet per unionem ad materiā & cum separatione à materia: quorum vno cum rebus materialibus convenientiam habet, altero verò cum immaterialibus subsistentibus, ideo coniuncta in quantum huiusmodi est de ordine materialium: separata autem est de ordine immaterialium. vnde de ipsa secundum quòd est coniuncta, loquendum est sicut de formis materialibus: secundum verò quòd est separata, sicut de immaterialibus. Sciendum secundò, quod materialia secundum esse quòd habent in materia particulari, non sunt actu intelligibilia obiectivè, sed potètia tantum, nihil est enim actu intelligibile, nisi sit à materia separatum: ideo & ipsa anima ut coniuncta materiæ non erit actu intelligibilis per modum obiecti, utpote potens primò & per se terminare actum intelligendi, & ipsum potens intellectum perficere, sed in potentia tantum: alio tamè modo quam alia materialia dicitur intellectus in potentia. Illa enim sic sunt intelligibilia in potètia, quod ad genus intelligibilem non pertinet nisi in potètia remota. ordo enim intelligibilium est ordo immaterialium, eorū scilicet quæ neque ex materia & forma sunt composita, neque à materia secundum esse dependent. item materialia ab ipso intellectu qui à sensibilibus cognitionem accipit, sunt actu intelligibilia simpliciter, & potentia per se ipsa actuare intellectum, non quidè per acceptionem alicuius formæ, sed per separationem & depurationem à materia & materialibus conditionibus. Anima verò intellectiva coniuncta, sic est intelligibilis in potentia, quæ tamen ad ordinem intelligibilium secundum suam substantiam pertinet, cum neque ex materia & forma componatur, neque dependeat à materia secundum esse, sed sit subsistens. Similiter non reducitur ad actum in genere intelligibilium per depurationem à materia secundum esse, ut accidit dum separatur, sed per acceptionem formæ intelligibilis, sicut materia fit in actu in genere entium per acceptionem formæ substantialis. Est etiā in pura potentia ut intellectiva, quia non potest actu intelligere nisi per speciem intelligibilem acceptā à rebus fiat in actu, cum à principio suæ creationis nullam habeat speciem intelligibilem sibi congenitam: species autem intelligibilis sit id quo intellectus fit actu potens proximè intelligere, quod sanè sibi convenit, eò quod teneat ultimum gradum in genere intelligibilium, sicut materia prima in genere entium. At substantiæ separatae & earum intellectus secundum naturam suam sunt actu intelligibiles, quia subsistunt absque materia, quæ est cognoscibilitatis impedimentum: & ideo habent species intelligibiles sibi congenitas, quibus earum intellectus actuatur, habet quoque ut ex seipsis nullo alio interveniente principali agente, aut obiecto possint informare intellectum, aut per essentiam propriam, aut per propriam speciem in intellectu proportionato, si non sit eius specie à natura informatus. Nam non sunt alia ratione res materiales actu intelligibiles per actionem intellectus agentis, nisi quia sunt immateriales. idcirco & anima secundum quòd est à corpore separata, tanquam subsistens absque materia erit actu intelligibilis, utpote ex se ipsa potens intellectum actuare, & terminare actionem intelligendi. Nam & ipsæ naturæ materiales secundum quod per intellectum agentem à materia individuali separantur, sunt intelligibiles actu. Ex his sequitur, quòd sicut coniuncta nò potest seipsam per suam essentiam cognoscere, quia nò est actu intelligibilis obiectivè secundum se, sed tanquam ultimum gradum tenens in ordine immaterialium est pura potètia in genere obiectorum intelligibilium, ita quia est actu cognoscibilis obiectivè dum est separata, potest existere separata se per essentiam suam cognoscere. Si autem queratur, cum & esse separatam & esse coniunctam conveniat animæ & secundum vnum sit actu intelligibilis, secundum verò alterum intelligibilis in potètia. quare absolute S. Tho. dicit ipsam esse in genere intelligibilium sicut potentiam. Respondetur quod huius ratio est, quia vni corpori, ut superius ostendimus est sibi naturale, habere autem esse separatam est sibi præter naturam, ideo sicut absolute dicimus ipsam esse actum corporis, & natura ipsius esse ut corpori vniatur, & ita & hoc quòd concomitatur eam ut est vni corpori, scilicet esse potentiam in genere intelligibilium, illi tribuimus absolute, & dicimus illud sibi secundum naturam convenire: esse autem actu intelligibilem, quòd concomitatur ipsam secundum quòd est separata, non attribuimus sibi simpliciter, sed cum hac adiectione, secundum quòd est separata: & dicimus hoc sibi præter naturam convenire, sicut & esse separatam. Sic ergo in quantum est actu subsistens in genere entium, non autem ut est composita ex actu & potentia, neque ut est à materia secundum esse dependens, habet quòd actu contineatur in genere intelligibilium: in quantum verò habet esse vnitum materiæ, habet ut in ipso genere intelligibilium sit sicut potentia, non autem sicut actus, neque sicut habens actum. Ad dubium ergo dicitur, quòd nulla est contradictio in verbis sancti Thomæ, ut patuit. licet enim eadem sit natura animæ separata & coniuncta, accipiendo naturam pro essentia & substantia rei, est tamen aliud & aliud modus essendi: & ideo habet aliud & aliud modum intelligibilitatis.

AD evidentiā secundi dubij, considerandum ex doctrina S. Tho. de Verit. q. 8. artic. 6. ad secundum & sextum, quòd cum essentia substantiæ separatae & eius intellectus sit in duplici genere, scilicet in genere entis, & in genere intelligibilis, duplex ordo inter illa considerari potest, scilicet ordo in genere entium, & ordo in genere intelligibilium. Si considerentur ut sunt in genere entium, sic intellectus est in essentia sicut accidens in suo subiecto, & sicut potentia in substantia cuius est potentia. Si autem considerentur ut sunt in genere intelligibilium, sic est contrarius ordo, quia essentia comparatur ad intellectum sicut actus ad potentiam, & sicut species intelligibilis ad potentiam intelligentem, non quidem sicut species inherens, sed sicut species in se subsistens, faciens tamen vnum



vnum cum intellectu in esse intelligibili ad intelligendum. Aduertendum tamen quod licet essentia non inhereat intellectui, tanquam forma dans esse illi ad modum quo species intelligibilis intellectus nostri dat esse intellectui, est tamen maior vnio inter illa quam si esset species intelligibilis. Nam species intelligibilis non dat virtutem intelligendi potentia intellectui qua conuenit illi in quantum est potentia, sed prae-existentm virtutem aduat & perficit. essentia autem substantiae separatae dat suo intellectui omnem virtutem quam habet, & ipsam sustentat, ita quod ad essentiam intellectus ipse naturalem habet concomitantiam: ideo non est mirum si possit esse forma ipsius in esse intelligibili, id est, principium formale quo eligitur intellectionem, quamuis illi non det esse per modum inherens. Non enim requiritur species intelligibilis, nisi ut intellectus & intelligibile vniantur: quod quia non potest in aliis obiectis fieri per praesentiam suae substantiae in intellectu, per similitudinem inherens fiat necesse est, inter essentiam autem angeli & eius intellectum est longe maior vnio quam inter intellectum & speciem intelligibilem inherens. ideo ipsa essentia per se agere poterit vicem speciei intelligibilis ad sui cognitionem, perficiendo absque accidentaliter inherens suum intellectum in esse intelligibili, ita ut ex ipsa & intellectu fiat vnum in esse intelligibili, non autem in esse naturae, quod formaliter essentia det intellectui. Ex his patet vanas esse rationes Scoti in secundo Sententiarum, distinct. 3. quaest. 2. quibus nititur probare quod praesentia essentiae angeli ad intellectum, non potest esse illi ratio intelligendi, quia nihil potest agere per illud quod est ab ipso separatum. Dicitur enim primo, quod eius substantia non est separata ab ipso intellectu, tum quia vnitur sibi in esse intelligibili, tum quia essentia est fundamentum & radix virtutis intellectus, & ad ipsam naturaliter intellectus consequitur tanquam ab ipsa omne suum esse habens in genere causae materialis finalis & efficientis, ut inquit sanctus Thomas de anima & eius potentis. Dicitur secundo, quod quum substantia intellectiva & eius intellectus non se habeant sicut duo operantia, sed sicut vnum, quorum primum est id quod operatur, alterum vero est id quo illud proximè operatur. primum enim & principale intelligens est ipsa substantia intellectiva, intellectus autem est virtus qua intelligit, vnio obiecti cum intelligenteque requiritur ad intellectionem, si sit cum substantia intelligentis per identitatem est maior & efficacior ad intellectionem, quam si sit per informationem intellectus per speciem intelligibilem: magis enim est vnum cum intelligente quod est sibi realiter idem, quam quod eius intellectus accidentaliter informat: & ideo si substantia intelligens intelligat se per seipsam, non intelligit per aliquod ab ipsa separatum, sed per illud quod est magis vnum cum ipsa, quam si sibi per informationem vniretur, licet intellectui suo non vnatur per modum formae inherens, sed tantum per modum formae intelligibilis, in quantum scilicet est ei principium intellectionis. Quomodo autem id quo aliquid operatur, oportet esse formam eius, ostensum est superius, cap. 59. Ad id quod obicitur in oppositum, respondetur quod loquitur S. Thom. in tertio libro de Essentia substantiae separatae in ordine ad extrinsecos intellectus, non autem in ordine ad proprium intellectum, cum quo maximam habent vnionem. Nam non potest substantia separata esse forma extranei intellectus in esse intelligibili, eo quod nullam aliam vnionem cum extraneo intellectu habeat, & non sit secundum se actus tantum in esse intelligibili, sicut est diuina essentia, respectu autem proprii intellectus propter naturalem vnionem inter se, illa conditio, scilicet non esse actus tantum in esse intelligibili, non impedit quin ipsius forma esse possit in esse intelligibili habere enim id propter quod ponitur species in intellectu, scilicet vnionem cum intelligente.

Quantum ad tertium principale offenditur quomodo se habeat vna substantia separata ad intelligendum aliam. Circa hoc autem tria facit. Primo mouet dubium, secundo recitat opinionem quandam, & reprobat, tertio determinat veritatem. Primo ergo mouet dubium hoc: Substantiae separatae differunt ab inuicem secundum speciem, & vna est similis alteri secundum communem naturam generis: omnis autem cognitio fit secundum quod in cognoscente est similitudo cogniti, ergo vna non cognoscit aliam, nisi quantum ad communem rationem generis. Secundo falsam quandam responsionem narrat. Dixerunt enim quidam, quod quia vna substantia separata est causa effectiua alterius per modum causae aequiuocae, in qua similitudo effectus est eminentiori modo, e contrario autem in effectu est similitudo ipsius causae inferiori modo, cognoscit substantia separata inferiori superiore secundum modum substantiae cognoscentis, non autem secundum modum substantiae cognitae, sed inferiori modo, superior autem inferiori eminentiori modo cognoscit. Huic autem fauere videtur, quoniam in libro de Causis dicitur, quod intellectus scit quod est sub se, & quod est supra se per modum suae substantiae, quia vna est causa alterius. Sed ista opinio, inquit sanctus Thomas, stare non potest, tum quia substantiae separatae produci non possunt nisi per creationem: solius autem Dei est creare, tum quia principales partes vniuersi, cuiusmodi sunt substantiae separatae, omnes sunt à Deo immediate creatae ut superius est ostensum. Ad idque quod iste modus saluari poterit inter substantias separatas & Deum, ut scilicet vnaquaeque Deum cognoscat naturali cognitione secundum modum suae substantiae per quam ipsa assimilatur ut causae, Deus autem cognoscat eas sicut propria causa earum omnium in se similitudinem habens, non autem hoc modo vna cognoscere poterit aliam, cum vna non sit causa alterius.

Ad huius euidentiam sciendum quod licet substantia separata tam Deum quam seipsam naturali cognitione per propriam substantiam cognoscat, hoc tamen est diuersi modo. Nam per suam essentiam se perfecte & quidditative cognoscit, quia ipsa nata est facere de seipsa perfectissimam cognitionem, & est ratio cognoscendi suo intellectui, cui per modum speciei intelligibilis secundum totum suum posse vnitur: per ipsam autem suam essentiam non cognoscit Deum quidditative, quia essentia substantiae separatae non repraesentat Deum, nisi sicut effectus deficiens & inadequatus suam causam repraesentat: effectus autem deficiens & inadequatus non repraesentat causam quidditative. Sed tamen quia est perfectissimus effectus Dei inter creaturas, etiam per suam essentiam ipsum perfectiori modo cognoscit quam non ex sensibilibus cognoscimus; quantum enim effectus est perfectior, tanto est similior causae, & magis ducit in eius cognitionem. Attendendum tamen quod alio modo cognoscitur Deus à

nobis ex sensibilibus, quam à substantia separata ex sua essentia. Sensibilia enim quae sunt quaedam Dei similitudines, non sunt in intellectu nostro secundum suas essentias, ut possint per se esse intellectui rationes intelligendi Deum, neque etiam species intelligibiles ipsarum, licet sint aliquales Dei similitudo, constituunt ipsum intellectum in esse intelligibili per respectum ad ipsum Deum, quia habent repraesentare intellectui immediate illud tantum à quo causatae sunt proximè, naturam scilicet in phantasmate latentem. Inde fit quod Deum per sensibilia cognoscimus, non per modum simplicis intuitus, sed discursu quodam & inuestigatione per argumentationes ex ipsorum cognitione in Dei cognitionem deuenientes: substantiae autem separatae, quia secundum se sunt intelligibiles actu, & propriis intellectibus per seipsas per modum specierum intelligibilium vniantur, ideo sunt suo intellectui ratio cognoscendi Deum, cuius sunt immediate similitudines tanquam nobilissimae effectus ab ipso immediate producti: & ideo per suas essentias cognoscunt Deum, non tantum per modum quo vnum cognitum in alio cognito cognoscitur, sed etiam tanquam immediate per species intelligibiles, imperfecte tamen repraesentantur. Similiter ipsum non per discursum aut argumentatiua inuestigationem cognoscunt dum proprias essentias videt, aut dum ex essentis suis tanquam ex speciebus intelligibilibus ipsum intuentur, ut Scotus secundo Sententiarum, distinctione tertia, quaest. 9. argumentatur, sed simplici intuitu de Deo cognoscunt quicquid nos per discursum inuestigamus, & multa plura, neque enim cognitio ex aliquo tanquam ex specie est discursiva, ut patet in cognitione nostra quae quicquid est cognoscimus, neque cognitio qua videtur aliquid in alio, cum vnico actu vtrumque videatur, sicut res in speculo vnico actu videtur cum ipso speculo.

SED tunc occurrit dubium conformiter ad dubium motum in principio huius partis à sancto Thoma de cognitione mutua substantiarum separatarum. Effectus enim non ducit in cognitionem causae, nisi quantum ad illud in quo assimilatur causae. si ergo substantia separata cognoscit per propriam essentiam Deum, non cognoscit per suam essentiam ipsum, nisi quantum ad illud in quo sibi assimilatur, non autem quantum ad illud quo ab ipsa & ab aliis distinguitur. Sequitur ergo quod ab ipsa cognoscitur Deus in aliquo tantum communi sibi & substantiis separatis, non autem distinctum: quod non videtur dicendum, neque ad mentem sancti Thomae esse, quia sic non magis cognosceret Deum per suam substantiam, quam alias substantias separatas.

AD huius euidentiam aduertendum quod duplex est similitudo, vna secundum conuenientiam in natura tantum, sicut homo & equus conueniunt in natura animalis: alia secundum repraesentationem, sicut species intelligibilis rei intellectui assimilatur, & effectus in quantum effectus repraesentat causae suae causalitatem. differunt autem istae duae similitudines, quia prima similitudo ut sic nata est facere immediate cognitionem rei cuius est similitudo, tantum quantum ad ea quae sibi & illi sunt secundum naturam communia, sicut si homo & equus habeant conuenientiam tantum in natura animalis, ex hominis cognitione in quantum est similis equo, non potero de equo cognoscere, nisi animalis naturam, in qua & ipse & equus conueniunt: sed similitudo secundum repraesentationem nata est facere cognitionem etiam eius quo repraesentatur ab ipsa distinguitur, dummodo illud sit conditio conueniens repraesentato in quantum est causa similitudinis, sicut species intelligibilis quae est accidens intellectus, repraesentat quidditatem substantialem quantum ad omnia quae sunt de essentia ipsius, quia ipsa quidditas absolute fuit phantasmata ratio causandi ipsam speciem. Vtroque modo substantia separata est Dei similitudo in quantum enim est substantia intellectualis, cum ipso naturae similitudinem habet secundum analogiam: Nam & Deus substantia intellectualis est: in quantum vero est forma actu intelligibilis ab ipso Deo tanquam ab obiecto intelligibili producta, habet ut sit similitudo eius secundum repraesentationem in esse intelligibili: ideo per ipsam in quantum praecise substantia intellectualis substantia est, non cognoscitur de Deo nisi intellectualis in qua cum ipso similitudinem naturae habet: per ipsam vero in quantum est forma intelligibilis, & ratio intelligendi, non solum cognoscitur Deus quantum ad ea in quibus se cum conuenit secundum naturam, sed etiam quantum ad ea quibus ab ipsa distinguitur, quae tamen sibi conueniunt ut est ipsius causa: verbi gratia, quia per creationem eas Deus producit, & creatio potentiam infinitam requirit fundatam in infinitate essentiae: ideo per suam essentiam substantia separata cognoscit Deum tanquam infinitum secundum virtutem & perfectionem, & sic de aliis quae ad eius causalitatem requiruntur in causa. Non sic autem est de vna substantia separata respectu alterius, quia vna non est ab altera causata, ut secundum suum esse naturale possit esse alterius similitudo secundum repraesentationem similitudinis intelligibilis, licet sit similitudo in esse naturae absolute: ideo per vnam non posset alia cognosci, nisi quantum ad ea quae vtrique communia sunt. Vnde si vna debet alteram cognoscere distinctè, oportet ut in ipsa sit similitudo repraesentatiua eius, aut ab ipsa causata, aut causata à Deo, qui est etiam causa substantiae separatae secundum esse naturale quod in seipsa habet. Ad dubium ergo dicitur primo, quod substantia separata per seipsam cognoscit Deum distinctè loquendo de cognitione infra cognitionem quidditatiua: ut dicatur cognitio distincta, omnis cognitio qua cognoscitur res quantum ad aliquid quo ab aliis distinguitur. Dicitur secundo, quod antecedens est falsum de effectu qui non tantum est similitudo causae secundum naturam, sed etiam secundum repraesentationem in esse intelligibili, quo modo substantia separata est similitudo Dei.

Tertio loco declarat S. Thom. verum modum cognitionis vnus substantiae separatae ab alia simulque declarat modum omnem quo substantia separata alia se cognoscit. Et primo propositum ostendit, secundo remouet quoddam dubium.

Ponit autem quinque conclusiones. quarum prima est: Nulla substantia separata secundum essentiam suam est sufficiens principium cognitionis omnium aliarum rerum, sed vniciq; earum supra propriam substantiam oportet addere quoddam intelligibile similitudines per quas alia in propria natura cognoscere possit. probatur: Et primo quod ad primam partem sic, si per suam essentiam esset sufficiens principium cognitionis omnium, sequeretur quod esset similitudo totius entis & omnium differentiarum eius, hoc est impossibile. ergo, &c. probatur sequela: Intellectus



nō potest totaliter cognoscere suum obiectum nisi habeat in se similitudinem totius entis & omnium differentiarum eius, cum eius proprium obiectum sit ens intelligibile, quod comprehendit omnes species & differentias entis possibiles, & omnis cognitio fiat per modum similitudinis, ergo, &c. falsitas autem consequentis probatur, quia talis similitudo esse non potest, nisi natura infinita, quæ nō determinatur ad aliquam speciem vel genus entis, sed est vniuersale principium & virtus actiua totius entis, qualis est sola natura diuina: omnis autem alia natura est determinata ad aliquod genus & speciem entis, Quo ad secundam verò partem probatur: Ex hoc quod aliqua substantia est intellectualis, & comprehensiuu totius entis, sed non comprehendit actu totum ens per suam naturam, ergo in sua substantia considerata est quasi potentia ad similitudines intellectuales, quibus totum ens cognoscitur, & illæ erunt actus eius inquantum est intelligibilis, ergo, &c. Ex prima autem parte conclusionis inferunt sancti Thomas, quod solus Deus per suam essentiam omnia cognoscit: quilibet autem substantiarum separatarum cognoscit per suam naturam perfectam cognitione suam speciem tantum, sed intellectus possibilis se per speciem intelligibilem intelligit. Posset autem huic rationi instari dupliciter. Primo, quia licet omnes species entis & omnes differentie eius possibiles requirant infinitatem formæ intellectualis, si vnica forma debeat illi intellectui representare, quia entia possibilia sunt infinita, non tamen omnes species & differentie entis possunt in natura & substantia separata cognoscibiles, requirunt talem infinitatem in specie intelligibili qua cognoscuntur, illa enim non sunt infinita, sed finita, unde & in substantia separata non ponuntur infinitæ species superaddite eius substantiæ, sed finitæ; ideo non obstant limitatione & finitudine suæ substantiæ poterit per ipsam omnia à se materialiter cognoscibilia cognoscere, & non erit sibi opus speciebus intelligibilibus superadditis. Secundò: A quocunque naturaliter provenit omnium rerum intellectualium similitudo propria & perfecta, illud de necessitate est omnium intellectualium propria & perfecta similitudo, sed ab essentia substantiæ separata provenit huiusmodi similitudo naturaliter, ergo essentia substantiæ est omnium similitudo; cuius oppositum sumitur in hac ratione, maior probatur, quia ab aliquo non potest produci naturaliter similitudo alicuius, nisi & ipsum sit illi simile, minor verò probatur, quia ab essentia substantiæ separata proveniunt species intelligibiles omnium ab ipsa naturaliter intelligibilibus. Vt enim dicitur prima parte quæstionis quinquagesimæ quintæ & alibi, species per quas angeli intelligunt sunt eis connaturales.

Respondetur ad primum, quod non procedit hæc ratio ex infinitate cognoscibilium, sed ex determinatione substantiæ separata. Possibilia enim naturaliter à substantia separata cognoscibilia non sunt. Omnes species entis, & omnes differentie eius absolute per diuinam potentiam possibiles produci, sed omnes species entis quæ ad vniuersi huius perfectionem exiguntur quæ diuina sapientia ordinari vult, & istæ non sunt infinitæ, sed determinatæ: & de istis loquitur S. Thom. Veruntamen licet istæ sint finitæ, non possunt tamen omnes tanquam in sua similitudine in aliqua essentia quæ sit ad genus & speciem determinata contineri. Nam si aliqua natura adæquat omnia genera & omnes species ac differentias entis, iam nō est ad vnam speciem limitata, alioquin idem poneretur adæquari omnibus entibus secundum perfectionem, & non adæquari, sed intra genera & species entis tanquam particulare ens, & determinatam entis perfectionem habens contineri, quod impossibile esse constat. Cum ergo sola natura diuina sit infinita, & ad certum genus entis illimitata, sequitur vt arguebat S. Tho. quod ipsa sola rerum omnium intelligibilium sit similitudo.

Ad secundum debij euidentiā considerandum est ex doctrina S. Thom. prima secundæ quæstionis sexta, articulo quinto ad secundum, quod naturale aliquid dicitur dupliciter. Vno modo quod est à natura sicut à principio adiuo, sicut calefacere est naturale igni. Alio modo secundum principium passiuum, quia scilicet est rei innata inclinatio ad illud recipiendum à principio extrinseco, sicut motus est naturalis celo. Capreolus ergo secundo Sententiarum, distinctione tertia, quæstione secunda, ad octauum, contra secundam conclusionem, tenet species intelligibiles esse connaturales angelo primo modo tanquam eius proprietates: & sic, secundum ipsum concedendum est quod ab essentia angeli profuit actiue aliquo modo, per naturalem scilicet concomitantiam, sicut potentia animæ ab anima: & tunc ad argumentum poterit dici quod concludit verum aliquo modo. Essentia enim angeli est remota & radicalis similitudo omnium intelligibilium naturaliter ab ipso, sicut est remotæ & radicaliter principium intelligendi, sed non concludit contra mentem S. Thom. non enim intendit illud negare, sed solum quod essentia angeli sit proxima & immediata similitudo intellectualium naturaliter ab ipso. Posset autem confirmari Capreoli positio ex verbis sancti Thomæ secundo Sent. distinct. 3. quæst. 3. artic. 3. ad primum, vbi ait quod ex lumine intellectus angelici determinatur species eius quibus sit propria rerum cognitio. Nam ista determinatio non videtur aliter intelligi posse, quam quod species ex ipso lumine intellectus naturaliter oriuntur, ideo tantum se extendunt quantum & lumen ipsum.

Sed istud, saluo semper meliori iudicio, non videtur mihi bene dictum. Primo, quia id quod est determinatum per vnam differentiam qua ab omnibus aliis substantiis distinguitur, non potest esse aliarum substantiarum perfecta similitudo, quantum ad ea scilicet quibus ab ipso distinguuntur, neque inquam proxima neque remota. repugnat enim quod duæ substantiæ sint propriis differentis distinctæ, & quod vna sit alterius quantum ad eius propriam differentiam representatiua, vt in hac ratione vult sanctus Thomas. Secundò, quia quamuis ad aliquem sensum admitteretur essentiam angeli esse inferiorum remotam & radicalem similitudinem, nullo tamen modo potest concedi quod superiorum sit similitudo. Non enim superiora continentur in inferioribus virtualiter & eminenter, vt possint ab ipso in esse intellectuali produci, quod oportere. Dicere si angelus inferior esset radicalis similitudo angeli superioris, à qua species intellectualis ipsius naturali concomitantia proveniret.

Propter quod videtur mihi dicendum quod species intelligibiles angelorum non sunt eorum proprietates essentiam ipsorum materialiter consequentes, sed dicuntur eis connaturales dupliciter, scilicet & quia habent naturalem inclinationem vt eas simul à Deo immediate recipiant,

propter ipsorum perfectionem in genere intelligibilium, & quia eas omnes habent à sua creatione; sicut homines dicuntur natura filij iræ, quia hoc à natiuitate sua habent. Hoc autem videtur secundum intentionem sancti Thomæ esse. Nam vbicumque loquitur de hac materia ponit istas species à solo Deo provenire in mentibus angelicis, præcipue prima parte, quæstione quinquagesimæ quintæ, articulo secundo ad primum, & quæst. quinquagesimæ sextæ articulo secundo ad quartum, & secundo Sententiarum distinct. 3. quæst. 2. articulo 1. nunquam autem dicit ipsas ab essentia angeli provenire, licet dicat ipsas angelo connaturales esse: quod intelligendum est passiuè, sicut motus cæli dicitur carlo connaturalis, vt exposuimus. Vnde si quandoque in hac nostra expositione inueniatur quod species intellectus angelici sunt eius proprietates naturales, ad hunc sensum est intelligendum. Ad id autem quod pro Capreoli adducitur opinio, responderetur quod nomine luminis non intelligit sanctus Thomas ipsum intellectum, aut virtutem eius cognoscitiuam, subiungit enim quod illud lumen est totius rei similitudo: constat autem in doctrina eius, quod intellectus angeli nō ponitur secundum se rerum similitudo quantum ad materiam & formam, & alia quæ sunt propria rei, sed nomine luminis intelligit ipsammet speciem intelligibilem. his enim conuenit quod sint rerum similitudines quantum ad materiam & formam, inquantum sunt ab Ideis diuinis exemplatæ, quæ sunt rerum factiue non solum quantum ad formam, sed etiam quantum ad materiam. Dicuntur autem ex lumine intellectus determinari, quia ex seipsis quæ sunt quoddam lumen intellectus, sunt determinatæ ad propriam rerum cognitionem, ita quod intellectus angelicus nō indiget aliquid à rebus accipere per quod ad rerum cognitionem determinetur.

ADVERTE circa corollarium, quod illud non deducit S. Tho. ex hac sola conclusione nunc probata, sed ex ipsa simul cum præcedentibus. Est enim superius ostensum, quod intellectus possibilis non intelligit se nisi per species à phantasmatibus abstractas. similiter est ostensum substantiam separata se per suam essentiam intelligere. Istis si adiungatur conclusio nunc probata, & ratio conclusionis, vbi dicitur diuinam essentiam solam esse omnium similitudinem, optime sequitur solum Deum omnia per suam essentiam cognoscere, angelum autem per suam naturam seipsam tantum perfectam cognitione, intellectum verò possibilem se non per suam essentiam, sed per speciem intelligibilem.

ADVERTENDVM autem quod sanctus Thomas non dicit absolute quod substantia separata per suam essentiam, suam tantum speciem cognoscat, sed addidit perfectam cognitionem, vt daret intelligere quod per suam substantiam non potest quidem perfecte & quidditatiue alia à se cognoscere. quod autem alia per eam imperfectè quantum ad communes aliquas rationes cognoscere possit, nihil est quod prohibeat.

SECUNDA conclusio est: Impossibile est istas similitudines non esse plures. Probatur, quia sicut substantia separata natura non est infinita, sed determinata: ita nec similitudo in ea existens, dictum est autem quod totius entis vniuersalis perfecta similitudo esse non potest nisi infinita.

AD hanc rationem dici posset, quod licet similitudo siue species existens in intellectu substantiæ separata sit finita & determinata secundum esse, sicut & ipsa substantia à qua profuit, secundum tamen representationem est infinita. Non enim oportet (vt ex superius dictis apparet) similitudines secundum representationem, suo modo essendi, siue suo esse quod habet in intellectu, & quari.

SED si profundè consideretur intentum sancti Thomæ, patet responsionem hanc nullam esse. Pro cuius declaratione aduertendum est ex doctrina ipsius in quarto Sent. distinct. 49. quæstione secunda, articulo primo, quod in omni cognitione qua aliquid per propriam speciem cognoscitur, oportet vt similitudo cogniti recipiatur in cognoscete secundum eandem rationem speciei, apparet enim in visu, quod ad hoc vt albedinem cognoscat, necesse est vt in eo recipiatur albedo secundum eandem rationem speciei, quamuis alium essendi modum habeat. Similiter ad intellectum alicuius quidditatis, oportet in intellectu fieri similitudinem eiusdem rationis secundum speciem cum tali quidditate: quamuis contingat alium esse modum essendi ipsius. Nam forma existens intellectu est principium cognitionis, non secundum modum essendi quem habet vt obiectum, sed secundum rationem in qua communiatur cum re exteriori.

EX his sequitur quod species intelligibilis rei cognite non potest excedere in representando suam rationem & quidditatem, licet non oporteat representationem ipsius limitari secundum limitationem sui esse: & ideo si secundum suam rationem est naturæ limitatæ & determinatæ ad aliquod genus, aut ad aliquam speciem entis, non potest esse similitudo totius entis, & omnium generum eius representatiua: & sic esse infinita secundum representationem.

SI autem diceretur quod similitudo existens in intellectu, licet inquantum accidens & forma intellectus ad aliquod genus entis sit determinata, inquantum tamen est ipsa quidditas obiecti in esse cognoscibili, potest esse indeterminata, inquantum videlicet similitudo entis communis, sub quo omnia genera & omnes species continentur: hoc nihil est: tum quia ens non dicit aliquam entitatem omnibus entibus communem, quum non sit vniuersum: tum quia si etiam esset similitudo illius entitatis communis, quantum ad suam communitatem & vniuersalitatem tantum, non deduceret in cognitionem distinctam omnium entium, sed in communem & confusam.

Si postremò dicatur quod talis similitudo poterit esse similitudo omnium entium distincte, sed cuilibet enti inadæquata: patet quod hoc soli diuinæ essentia, quæ est extra omne genus, conuenire potest, non autem alicuius creature, quum omnis creatura sit ad aliquam speciem & quidditatem entis determinata, siue sit substantia, siue sit species intellectualis substantiæ, aut etiam accidentis, sicut enim non potest conuenire vt sit omnium entium forma contentiua inadæquata cuilibet, nisi ei quæ est infinita: ita hoc non potest conuenire speciei intellectuali, quum omnis species intellectualis sit aliqua quidditas creata, & nō possit esse quidditas omnium entium representatiua, nisi extra intellectum sit aliqua quidditas creata, quæ omnia entia contineat, & ad nullum genus, ad nullamque speciem secundum suam rationem sit determinata. Iam enim diximus speciem & rem representatam per ipsam oportere eiusdem rationis esse. Et sic constat fundamentum rationis adductæ optimum esse.

TERTIA



**TERTIA** conclusio est: Similitudines intelligibiles in substantia superiori existentes sunt minus multiplicatae & magis vniuersales, probatur. Primo ratione, quia quanto aliqua substantia separata est superior, tanto eius natura est Deo similior, & idcirco minus contracta, ut pote propinquius accedens ad ens vniuersale perfectum & bonum, ac propter hoc vniuersaliorem boni & entis participationem habens. Probat per secundam auctoritatem Dionysij, duodecimo cap. Caelestis hierarchiae, & auctoritate libri de Causis. Ex hoc concluditur primo differentia in natura intelligibili, quia videlicet summum vniuersalitatis huiusmodi est in Deo, qui per suam essentiam omnia cognoscit: infimum est in intellectu humano, qui ad vnumquodque intelligibile indiget specie intelligibili propria & ei coequata, supple, medium autem est in substantiis separatis, quae per species magis vniuersales intelligunt.

**CIRCA** conclusionem ipsam aduertendum est, quod dupliciter potest intelligi angelum siue intelligentiam superiorem per pauciores species intelligere. Vno modo secundum superioritatem in gradu specifico, ita videlicet quod omnis angelus alio secundum differentiam speciem superior per pauciores & vniuersaliores species intelligat quam inferior. Alio modo secundum superioritatem ordinis ad ordinem: ita scilicet quod angeli ad superiorem & nobiliorem angelorum ordinem pertinentes, per pauciores & vniuersaliores species intelligant quam angeli ordinis inferioris: omnes tamen eiusdem ordinis per aequales numero species intelligant: licet in eodem ordine angeli specificè nobiliores limpidius clariùque cognoscant. Licet autem ad vtrumque sensum conclusio possit intelligi, probabilius tamen videtur quod in secundo sensu sit accipiendum. Non enim probabile videtur ut angeli qui in eodem ordine sunt propinquissimi, secundum speciem hanc habeant diuersitatem, ut superior per pauciores species intelligat. Videmus enim quod multa animalia irrationalia secundum speciem distincta non sic distinguuntur quod vnum habeat plures vires sensitiuas alio, sed quia eadem numero potentias habentia, vnum perfectiores alio habet. Probabilius ergo est quod omnes angeli eiusdem ordinis per aequales numero species intelligant, sed angeli superioris ordinis intelligant per pauciores quam angeli inferioris ordinis: videturque hoc ad mentem Dionysij esse, qui angelos in hierarchias, ipsasque in ordines distinxit, & secundum hanc distinctionem de eorum dignitatibus determinat.

**SED** quia posset aliquis credere quod apud substantias separatas esset imperfectior cognitio quam in intellectu nostro, cum per species vniuersaliores intelligant, (apud nos enim per similitudinem generis, imperfectiorem cognitionem habemus de specie, quam per similitudinem speciei) hanc tacitam obiectionem secundo loco excludit sanctus Thomas, inquit non esse eandem rationem de intellectu nostro & de substantiis separatis: quia quum intellectus noster infimum gradum teneat in naturis intellectualibus, vniuersi cognoscibili proprio oportet respondere propriam similitudinem in ipso: unde per similitudinem animalis non cognoscit rationale, & per consequens nec hominem, nisi secundum quid. Similitudo autem intelligibilis quae est in substantia separata, est vniuersalioris virtutis ad plura representanda sufficiens: & ideo non facit imperfectiorem, sed perfectiorem cognitionem. per vnam enim similitudinem cognoscit animal & differentias animalis: aut etiam vniuersaliori modo & contractiori secundum ordinem substantiarum ipsarum. Declaratur & ex similitudine formae agentis in causa vniuersali, quae quanto fuerit vniuersalior, tanto ad plura se extendit: & ex istis duobus extremis, scilicet Deo qui vno omnia cognoscit, & hominis qui diuersis similitudinibus ad diuersa cognoscenda indiget, imò & in hominibus ipsis hoc apparet, quanto enim homo fuerit altioris intellectus, tanto ex paucioribus plura cognoscere potest.

**EX** his vult habere S. Th. quod cognitio quae habetur per species vniuersaliores, non est imperfectior ea quae habetur per particulariores species, quando ipsa vniuersalior species representat, non solum vniuersalem naturam, sed etiam omnes eius differentias, imò est perfectior, utpote efficacior, & ad plura distendit se extendens.

**ATTENDENDUM** autem, quum inquit per similitudinem animalis cognosci à substantia separata animal & differentias eius, aut etià vniuersaliori modo & contractiori, quod sensus est differentias animalis cognosci posse & ab aliqua substantia per speciem adequatam animali, & ab aliqua superiori substantia per speciem vniuersaliozem, & minus contractam specie animalis adequata, per speciem videlicet non tantum animalia, sed etiam aliqua alia representantem: ab inferiori verò substantia per speciem minus vniuersalem, & magis contractam, cognoscendo scilicet aliquas species animalis per vnam speciem, aliquas verò per aliam: haec autem diuersitas provenit ex eo quod vna substantia separata est superior, alia verò inferior.

**PRO** declaratione rationis ad conclusionem adductae aduertendum est, quod licet differentia sit inter substantiam & speciem intelligibilem in ipsa receptam quantum ad representationem: oportet tamen inter illas proportionem quandam esse, quum species huiusmodi, essentia substantiae separatae naturaliter conueniat. Differunt namque quantum ad representationem, quia quum vna species substantiae sit quidditas ab omni alia specie substantiali secundum propriam rationem distincta, habeatque suam differentiam substantialem à differentia alterius substantiae distinctam, vna non potest aliam distingere & quidditatiue representare, licet vna sit similis alteri secundum communem aliquam rationem generalem: species autem quae est in intellectu, est ipsa quidditas quae est extra intellectum, cuius dicitur species, licet alium modum essendi habeat. Species enim lapidis in intellectu est ipsa quidditas lapidis in esse intelligibili, ideo species quidditatem extrinsecam ex sua natura habet distinctam & propriè representare, & intellectum in ipsius cognitionem ducere: propter quod dicitur obiectum intelligibile esse per suam speciem & similitudinem intelligibilem vniuersum intellectui. Verum non obstantem ista differentia inter substantiam separata & eius speciem in representatione: oportet tamen inter ea proportionem quandam esse similem illi quae inter substantiam & propria accidentia inuenitur. videmus enim quod quanto substantia est perfectior, tanto perfectiora ab ipso prosunt accidentia, & eius actiua virtus est perfectior atque vniuersalior. Similiter quanto aliqua substantia est immaterialior, & minus limitata, tanto

naturalia eius accidentia magis immaterialia sunt, & minus limitata suo modo, minusque contracta. Nam accidentia quae consequuntur hominem ratione sensitiui, minus contracta materiali contractione sunt, & perfectiora accidentibus ipsum consequentibus ratione corporis, ut mouere se per apprehensionem & sentire nobilior est quam graue esse, & deorsum moueri per grauitatem. Similiter intelligere & esse susceptum disciplinæ, quod conuenit sibi in quantum est rationalis, nobilior est quam sentire. Quum itaque species intelligibiles quae sunt in substantia separata, sint quasi quaedam ipsius naturales proprietates, quum sint accidentia ad quae est naturaliter in potentia, optimè sequitur (ut deducit sanctus Thomas) quod quanto aliqua substantia separata est diuinae naturae similior, & minus contracta, vniuersaliozem boni & entis participationem habens, habeat etiam species nobiliores, & minus in sua representatione contractas: imò magis vniuersales, & plura representantes, sicut & ipsa substantia esse minus contracta, & magis à materia remotum habet, magisque ei quod maxime vnum est, & quod vno vniuersa comprehendit, appropinquat.

Hinc excluditur obiectio Scoti in secundo Sent. distin. 3. q. 10. qui hanc rationem & hic & in prima parte, q. 55. artic. 3. atque etiam alibi adductam nititur confutare, inquit enim non oportere ut intellectus similior Deo, assimiletur magis sibi in hoc quod est per pauciores species intelligere, sed in hoc quod est clariù & limpidius cognoscere. Sed patet ex dictis, quod necesse est etiam in hoc, quod est per vniuersaliores species intelligere, assimilationem fieri propter proportionem quam inter substantiam & eius naturales proprietates esse oportet. Vt enim habetur de Veritate, quæst. allegata, arti. decimo, quanto aliqua virtus est magis vnica, tanto est efficacior ad operandum: & ideo quanto, est altior, tanto inuenitur ex paucioribus operari, quae tamen ad plura se extendunt. hoc enim & in cognitiuis & in operatiuis virutibus apparet. Videmus enim quod ille qui est eleuatoris ingenij, ex paucis principiis ad varias conclusiones procedit, ad quas qui est habetioris ingenij non potest peruenire, nisi per particularia & coaptata principia. similiter architectus per vnam formam artis dirigitur in omnibus in quibus inferiores artifices per diuersa principia diriguntur.

**CIRCA** illud quod de speciebus intellectus nostri dicitur hoc loco, aduertendum est non sic intelligendum esse intellectum nostrum ad cognitionem cuiuscunque quidditatis exigere propriam & adequatam speciem, quasi per speciem vniuersalem quidditatis non possit modo quopiam aliam quidditatem intelligere, quum dicatur hic quod per speciem animalis cognoscitur & rationale & homo secundum quid: & prima parte q. 12. articulo decimo, ad primum, dicitur quod in specie hominis cognoscitur animal & rationale, & vniuersaliter verum sit quod per speciem totius cognoscuntur partes: sed intelligendum est de cognitione distincta & propria quia cognoscitur haec quidditas, ut ab omni alia quidditate essentialiter & secundum proprias differentias distinguitur. De hac enim cognitione hoc loco habetur sermo, quia modus quo substantia separata res distinctè cognoscit, inuestigatur, & de hac ponitur differentia inter substantiam separata & intellectum humanum, quod videlicet species intellectus humani quibus res & quidditates distinctè & propriè cognoscuntur, secundum diuersitatem rerum cognitarum sunt diuersae: vna autem species substantiae separatae sufficiens est ad plures quidditates representandas, & secundum ordinem ipsarum substantiarum in nobilitate & simplicitate sunt magis vniuersales, aut magis in representando contractae.

**SED** refutat tunc difficultas: dictum est enim quod species intelligibilis est eiusdem rationis cum quidditate per ipsam representata, & est eadem cum illa, licet in modo essendi differant. Sed vna quidditas non potest esse plures quidditates, non enim quidditas lapidis est quidditas plantae, ergo vna species intelligibilis non potest esse plurium quidditatum species.

**AD** huius euidentiam considerandum est, quod aliter loquendum est de specie ab obiecto causata, & aliter de ea quae intellectui substantiae separatae connaturalis est à Deo sibi communicata. Nam species ab obiecto causata, nata est solum illam quidditatem representare distinctè à qua causata est per modum obiecti, quia ex ipso obiecto à quo causatur, determinationem & limitationem habet: sed species quae non est ab obiecto causata, sed à Deo, non inconuenit quod plures quidditates in vno communi, quod sit primum adequatum speciei obiectum, contentas representet: quia sicut diuina essentia est propria ratio, & propria species omnium intelligibilium in adequata: tamen ita potest speciem intelligibilem in aliquo intellectu creare, quae vna existens sit propria species plurium quidditatum nulli illarum adequata, sed excellens vnamquamque habens aliquod commune illis pro obiecto adequato. nec hoc est inconueniens: sicut enim non inconuenit aliquam naturam digniorem secundum esse naturae continere inferiorum eminentem, in quantum habet quicquid perfectionis est in inferiori, & aliquid amplius, vnit tamen & secundum esse vnum reale, sicut anima intellectiua continet sensitiuam & vegetatiuam: ita non inconuenit vnam speciem intelligibilem superioris substantiae separatae continere eminenter species inferioris substantiae, & aliquid amplius in esse intelligibili & representatiuo, ut scilicet quicquid perfectionis est in inferiori specie, in superiori contineatur, & superior representet quicquid representat species inferior, & aliquid aliud.

**AD** dubium ergo dicitur, quod non inconuenit vnam quidditatem esse plures quidditates in esse intelligibili in adequata, siue eminenter. Eadem enim species quae est intelligibiliter quidditas lapidis, potest esse quidditas plantae eminenter, quamuis vna illarum non possit esse alia in esse naturali, sicut essentia diuina est omnium ratio eminenter & in adequata, licet ipsae res non sint eiusdem rationis extra intellectum, & sicut natura generis continet diuersas species potentialiter, quae tamen non sunt vniuersales rationis specificae, licet ista sit alio continentia quam continentia speciei.

**EX** ISTIS patet quomodo intelligendum sit quod dicitur prima parte, quæst. 55. artic. tertio, ad tertium: quod, inquam, species vniuersalis quae est in mente intellectus angelici, propter eius excellentiam potest esse propria ratio plurium. Non enim intelligendum est de eius excellentia in essendo, licet species angelus superioris habeat nobilior esse quam species angelus inferioris. Nam sanctus Thomas de Verit. questione octaua,



articulo decimo, ad ultimum, ponens differentiam inter species intellectus angelici & species intellectus nostri, dicit quod illæ sunt excellentiores rebus ipsis: idem vna potest esse propria ratio plurium: species autem intellectus nostri non sunt excellentiores rebus ipsis quantum ad representationem, licet sint excellentiores quantum ad modum essendi: idem vna non potest esse propria ratio plurium. Ex quibus apparet quod excellentia in essendo non est speciei intelligibili causa quare vna esse possit plurium propria ratio.

SED dupliciter potest dictum sancti Thomæ intelligi. Primò, quod excellentia vnius speciei intelligibilis super aliam in esse quidditativo est huius ratio. Quum enim (ut dictum est) species intelligibilis sit ipsa quidditas intellecta, si vna species sit plures quidditates vnite & simpliciter in esse intelligibili, illa potest esse ratio plurium: si autem non sit plures quidditates, hoc modo non poterit esse plurium propria ratio. quia ergo species angelici intellectus tales sunt in ordine ad species intellectus nostri, quod vna illarum est vnite plures quidditates, utpote ab essentia diuina quæ omnes quidditates vnite continet immediate prouenientes & illi propinquiores, istæ autem sunt tales quod vna ipsarum est tantum vna quidditas, utpote ab vna quidditate exteriori causata: idem vna illarum potest accipi ut propria ratio plurium, non autem vna istarum. Secundo potest intelligi quod huius ratio est existentia speciei angelice in representando. Quia enim vna species angelici intellectus non tantum vnam quidditatem perfectam & distinctam representat, sed plures: idem non solum est propria ratio vnius, sed accipi potest ut plurium propria, sicut quia essentia diuina est perfecta omnium rerum similitudo, idem potest accipi ut propria Idea plurium. hoc haberi potest ex loco allegato in quest. de Verit. Non obstat huic quod sanctus Thomas ibidem loquitur de specie angelica proportionaliter ad essentiam diuinam. Constat autem quod illa propter existentiam in essendo est propria ratio plurium. Dicitur enim primò quod huius ratio est existentia speciei angelice in representando, non autem in essendo. Non obstat etiam, quia nulla assignatur ratio propositi nisi verbaliter. probaretur enim idem per idem, scilicet quod idem species angelica vna existens est multorum distinctam representationem, quia excellenter representat id est non tantum vnum, sed plura. Dicitur enim quod optimè secundum istam expositionem assignatur ratio propositi. Non enim intendit ibi assignare rationem sancti Thomæ quare vna species angeli multa representet, sed quare vna existens potest esse propria ratio plurium, ita scilicet quod accipiat ut ratio vniuersiusque illorum ducens in propriam & distinctam cognitionem eius: huius enim conuenienter assignatur ratio: quia est similitudo plurium quantum ad ea quæ vniuersusque illorum sunt propria, sicut conuenienter assignatur ratio, quare species lapidis ducit in distinctam cognitionem naturæ lapidis, quia est eius perfecta similitudo: & sufficienter assignatur ratio, quare essentia diuina potest accipi ut propria Idea omnium creaturarum, quia est omnium creaturarum perfecta similitudo. Quia enim est secundum se omnium similitudo, si consideretur cum habitudine ad naturam hominis tantum, tanquam ad representatum per ipsam, in quantum huiusmodi est Idea hominis, & non alterius quidditatis, & sicut dicitur eius propria Idea, quamuis absolute & in se considerata sit omnium similitudo.

SED oritur ex dictis alia difficultas. sicut enim vna species intelligibilis superior continet perfectionem speciei intelligibilis inferioris, & propter hoc representat quicquid alia representat, & aliquid amplius, ita substantia separata superior continet perfectionem inferioris, cum sint specificæ & gradualiter distinctæ secundum maiorem & minorem propinquitatem ad Deum. ergo sicut per superiorem speciem representatur id quod etiam species inferior representat, ita per substantiam superiorem representabitur intellectui & ipsa & inferior: & ita superior substantia poterit per seipsam absque specie intelligibili cognoscere inferioris: cuius oppositum superius est ostensum.

Respondetur, ut ex verbis S. Thomæ. parte q. 55. art. 2. ad tertium, haberi potest, & secundo Sent. dist. 3. art. 1. ad tertium, quod licet superior substantia, sola substantia considerata, contineat inferioris perfectionem aliquid quo modo, non tamen contineat eam perfectam & secundum propriam rationem, sed secundum rationem communem ab ipsa superiori substantia perfectionis modo participatam, cum secundum propriam rationem sit ab ipsa specificæ distincta, sicut albedo aliquo modo continet alios colores, in quantum est ipsis perfectior, non tamen illos perfectæ, & secundum propriam rationem continet: & idem substantia superior non potest esse ratio cognoscendi inferioris: nisi secundum aliquam communem rationem: species autem vna intelligibilis potest perfectæ & secundum propriam rationem aliam speciem, in quantum species & similitudo, in esse intelligibili continere, ita quod non distinguatur ab ipsa secundum propriam rationem, quasi eam omnino à sua ratione excludens, sicut homo à sua ratione equum excludit, sed sicut continens perfectæ quicquid est in ipsa, & aliquid vltius, quemadmodum virtus actiua superior & vniuersalis continet virtutem inferioris particularem, & aliquid amplius, & sicut diuina essentia vna existens continet omnia perfectæ & secundum proprias rationes: & idem superior species representat quicquid representat inferior, & aliquid amplius: puta si inferior species ponatur tantum hominis naturam representare, superior species naturam hominis representabit, & ultra hoc naturam equi & naturas aliorum animalium. Et propterea species intelligibilis quæ est superior, potest ducere in noticiam propriam & distinctam eius quod per inferiorem speciem representatur. Huius exemplum in virtute solis possumus considerare: virtus enim solis in quantum accidens solis est, limitatur ad ipsam solis speciem, & ad certum genus accidentis, & non est virtus ignis. aliud enim accidens est virtus quæ est in sole, & aliud accidens est virtus quæ est in igne: ita tamen virtus in quantum est virtus actiua, non est determinata ad certa obiecta distincta ab obiectis in quæ potest virtus ignis, ita quod in obiecta virtutis ignis non possit, sed in alia tantum obiecta, imò in omnia potest in quæ ignis virtus potest, & in alia in quæ illa non potest: vnde verum est dicere virtutem solis esse virtutem ignis in quantum virtus est, & etiam aliquid amplius quam virtus ignis, sic & de specie intelligibili superiori dicendum

est: in quantum enim accidens intellectus est, distinguitur ab inferiori specie: sed in quantum est species & similitudo intellectualis, est ipsa species inferior eminenter.

ATTENDENDVM vltimò circa illud quod dicitur, hominem quantum fuerit altioris intellectus, tanto ex paucioribus plura cognoscere posse, quod illud non est sic accipiendum, quasi homo altioris ingenij per pauciores & vniuersaliores species intelligat. hoc enim repugnat et quod superius dictum est, in intellectu humano oportere vniuersum cognoscibile proprio propriam & adæquatam similitudinem respondere, sed ad principia complexa est referendum. quantum enim aliquis perspicacioris est ingenij, tanto ex vno principio plures conclusiones potest deducere. Ex hoc enim voluit sanctus Thomas ostendere, quod sicut vnus homo ex hoc quod est nobilioris ingenij, potest per vnum principium discurrendo multas propositiones cognoscere: ita proportionabiliter vna substantia separata ex eo quod est nobilior, & per consequens maioris virtutis intelligendi, potest per vnam speciem, plura intelligere quam inferior substantia, quæ quia debiliore est virtutis intellectus pluribus speciebus indiget. Quarta conclusio est: Intellectus substantie separatae totaliter perficitur per formas intelligibiles quantum ad cognitionem naturalem. Additur, quantum ad cognitionem naturalem, quia ut dicitur prima parte, q. 58. artic. 8. quantum ad ea quæ substantie separatae diuinitus reuelantur, nihil prohibet intellectum eorum esse in potentia. Probatur primò, quia non potest esse denudatus ab omnibus huiusmodi similitudinibus, ista enim est dispositio intellectus possibilis antequam intelligat, nec etiam aliquas habet in actu, aliquas in potentia, sicut materia prima se habet respectu suarum formarum, & sicut se habet intellectus noster quum sumus scientes, alias exire de potentia in actum, quod substantie separatae non conuenit, quæ non mouentur neque per se neque per accidens. Confirmatur primò per comparisonem ad corpora celestia, quæ proportionabiliter assimilantur. nam & materia corporis celestis ita perficitur per suam formam, quod ad aliquas formas in potentia non remanet. Confirmatur secundò autoritate libri de Causis, ubi dicitur quod intelligentia est plena formis.

SED circa has probationes dubitatur. Primò, circa rationem. licet enim substantie separatae ad mentem Aristotelis sint immobiles per se, & per accidens mutatione corporali, non tamen ex hoc haberi potest quod non possint exire de potentia ad actum intelligibilem, & sic spiritualiter alterari. 8. Phys. text. 52.

Secundò, circa confirmationem ex similitudine ad corpora celestia dubitatur. Primò ex Scotò in secundo Sent. distinctione tertia, quæstione vltima, & distinctione nona ad argumeta secundæ quæstionis. Non enim (ut ait) est eadem ratio de substantiis separatis & de corporibus celestibus, quia si qualitates & formæ naturales (de quibus oportet similitudinem accipere, vt ait Durandus, aliter similitudo non acciperetur ad propositum) non essent cōcretae corpori celesti, quum nihil sit datum ei vnde de possit illas qualitates acquirere, semper esset non perfectum, eò quod nulla causa naturalis posset illas in eo producere. nō sic autem est in proposito: substantia enim separata habet vnde cum aliis causis naturalibus cooperantibus possit rerum omnium cognitionem acquirere. Secundò ex Durando dubitatur, quia videtur falsum quod dicitur de corporibus celestibus, ipsa ad perfectiones accidentales comparando. Nam luna & stelle accipiunt lumen à sole, & sic eorum materia remanet in potentia ad formam quam non habet à principio. 2. Sent. dist. 5. quest. 6.

AD primum horum responderetur, quod cum posteriora à prioribus dependentiam habeant, & in ipsis aliquo modo fundentur oportet, omnem motum qui est existentis in potentia, fundari supra motum illum qui primus est inter motus huiusmodi, ut nihil subsit illi motui nisi per hoc quod subsit motui, qui est primus in illo genere. talis autem motus est motus corporum, idem omnem alium motum existentis in potentia, oportet dependere à motu corporeo, ut nihil moueatur tali motu de potentia ad actum, nisi & motu corporeo moueatur aut per se aut per accidens. videmus enim in intellectu nostro qui à potentia ad actum speciei intelligibilis mouetur, quod mouetur per accidens ad motum corporis, eò quod est virtus in corpore aliquo modo, scilicet ratione anime in quæ radicitur. Quum ergo constet substantiam separatam non moueri neque per se neque per accidens motu corporeo, quum neque sit corpus neque virtus in corpore, patet quod est extra genus illius motus qui est actus existentis in potentia, licet moueatur motu qui est actus existentis in actu: & idem ratio sancti Thomæ optima est, & habet ex sententia Aristotelis fundamentum. Ad secundum quod est Scoti, dicitur quod illa comparatio conueniens est. Nam sicut corpora prima à principio habuerunt omnem suam perfectionem naturalem in esse naturali, tam scilicet substantialem quam accidentalem, ita conueniens est ut primæ substantie intellectuales habuerint à principio omnem suam perfectionem naturalem in esse intelligibili, nec dissimilitudo inter illa conuenienter assignatur in naturis enim rerum consideratur quid ipsis naturaliter & ex natura conditione conueniat, non quid ratione extrinseci tantum sibi possit aut non possit conuenire: & idem quod Deus à principio corporibus celestibus omnes suas naturales perfectiones contulerit, non est referendum in defectum causarum naturalium, quæ illas producere non possent, sed in ipsam naturam referendum est, quæ quum sit incorruptibilis, exigit ut habeat potentiam totaliter per actum completam in quo à corporibus corruptibilibus differt. nisi enim eorum naturæ ab intrinseco conuenisset, non dedisset eas sibi Deus à principio in quo rerum naturas condidit, & similiter dicendum est de primis substantiis intellectualibus quantum ad eam esse intelligibile.

Est præterea ostensum superius non posse substantiam separatam accipere à sensibilibus cognitionem, idcirco illa dissimilitudo à Scot. posita videtur fuga magis quam aliquid rationis habere.

Ad secundum dici dupliciter potest. Primò, quod loquitur S. Thom. de illis perfectionibus corporis celestis quæ sibi per modum actus primi permanentis conueniunt, modò dicitur quod lumen quod à sole quædam eorum recipiunt, recipitur per modum passionis transeuntis in eis, vnde luna variatur lumine secundum diuersum aspectum ad solem. Secundo, dici potest quod loquitur S. Thom. de perfectionibus quæ naturæ sunt sibi naturaliter conuenire & ab intrinseco, non autem de iis quas solum ex



ex superioris actiuitate possunt participare, ut patet 1. parte, q. 8. art. 1. lumen autem quod recipit corpora celestia à sole, non est talis perfectio. Vnde ibidem inquit S. Tho. quod ad ea que substantiis separatis diuinitus reuelantur, nihil prohibet intellectus eorum esse in potentia, quia sic etiam corpora celestia, sunt in potentia quandoque ut illuminentur à sole. Ista responsio videtur melior, ut pote ex verbis S. Thomæ sumpta. Vltimo loco remouet S. Tho. dubium quoddam circa prædeterminata. posset enim aliquis dicere, quod licet res alias intelligat substantia separata per species, vna tamen ab alia per essentiam ipsius substantiæ intellectus intelligitur, quia per se ipsas sunt actus intelligibiles, & quia dicitur 12. Metaphy. tex. 51. quod in substantiis separatis non differt intellectus, intelligere, & quod intelligitur. Respondet S. Tho. quod hoc ponere multas habet difficultates, quia difficile est videre, quomodo conditiones forme intelligibilis sibi conuenire possint scilicet quomodo vna substantia sit vnus alteri, dum ipsam intelligit, & quomodo vna sit forma alterius, cum habeat vnaqueque esse separatim ab alia. Item quomodo substantia inferior possit esse perfectio superioris, & quomodo superior possit inferiorem intelligere. Item quomodo vna substantia sit intra intellectum alterius, cum non illabatur menti, sed hoc soli Deo conueniat. Ex istis itaque videtur impossibile esse quod substantia separata per essentiam suam intelligatur ab alia, & non per similitudinem eius in ipsa. Subiungit autem S. Tho. quod hoc est verum secundum sententiam Arist. scilicet quod ille modus est impossibilis, quia secundum ipsum intelligere contingit per hoc quod intellectus in actu sit vnus cum intellectu in actu. Ad primum autem in oppositum respondet, quod ratio non sequitur, quia licet substantia separata semper sit intelligibilis actu, non tamen intelligere nisi ab intellectu, cui est vnus. Ad secundum dicit quod non obstat propositio Aristotelis adducta, quia habet veritatem quando substantia separata seipsam per essentiam suam intelligit. tunc enim idem est intellectus, & intellectus, & intelligere.

AD VERTE quod ista propositio, quum substantia separata seipsam intelligit, idem est intellectus, & intellectus, & intelligere, apud Auer. est esse vera de omni substantia abstracta à materia, ut patet 12. Met. com. 51. & etiam com. 39. sed S. Thom. eam ibidem interpretatur de substantia prima tantum, hic autem eam tanquam vniuersaliter cōcessam ab Arist. accipit propter opinionem Comm. & quia nihil ad suum propositum referebat, vtrum illud existimauerit Arist. de omni substantia separata, an tantum de prima. secundum autem opinionem Plat. cui fauere videtur dictum Dionysij 4. cap. de Diuinis nominibus, non erit inconueniens vnam substantiam separata, aliam per eius essentiam intelligere secundum quod eam spiritualiter contingit. Posuit enim Plato intelligere fieri per contactum intellectus ad rem intelligibilem.

CIRCA istas rationes quibus probat S. Tho. vnam substantiam separata non cognoscere aliam per essentiam eius quæ cognoscitur, aduertendum quod non ponitur hic tanquam insolubiles, sed tanquam facientes difficultatem in via Arist. Vnde non dixit simpliciter quod illud sit impossibile, sed quod habet difficultates non paucas, & concludit quod videtur impossibile. non autem quod sit impossibile. Similiter in q. de Veri. q. 8. art. 2. cum posuisset easdem rationes, postquam respondet ad alia argumenta, ad ista non respondet, sed ait: Rationes autem illas quæ probant quod angelus non cognoscat angelum alium nisi per essentiam angelum vel videntis, cōcedimus, quamuis possit ad eas responderi aliquo modo. In quibus verbis dat intelligere rationes has quamuis aliquid probabilitatis habeant, solubiles tamen esse. Nam ad eas respondere posset vti responderetur si de diuina essentia fierent, ad probandum, videlicet, quod non posset à beatis per seipsam videri. Dico enim quod vna substantia potest esse vnus alteri per modum forme intelligibilis in esse intelligibili, licet non in esse naturæ, & quod non inconuenit inferiorem esse perfectionem superioris in tali esse intelligibili determinato, nec inconuenit quod menti illabatur per modum forme intelligibilis: quamuis inconueniens sit quod illabatur per modum causæ agentis, quomodo diuina essentia menti illabatur. Sed licet ad istas rationes ita responderi possit, apud tamen Aristotelem videntur aliquid apparenter habere, ex eo quod ipse 12. Metaphysicæ, text. 51. probat quod Deus non intelligit aliquid extra se, quasi scilicet habens in seipso aliquid aliud quo intelligat, quia illud perficeret intellectum eius, & esset illo nobilior, & sic non esset apud ipsum vniuersaliter verum quod substantia separata intelligeret aliam per ipsam substantiam intellectam sibi in esse intelligibili vnitam. De his vide sanctum Thomam in de Veri. vbi supra.

CIRCA rationem Platonis aduerte ex sancto Thoma vbi supra, quod nulla est, quia cognoscens & cognitum non se habent ut agens & patiens, sed sicut duo ex quibus fit vnus cognitionis principium, & idem ad cognitionem non sufficit contrarietas inter cognoscens & cognoscibile, nisi cognoscibile cognoscenti aliquo modo vniatur ut forma.

SE D circa hanc conclusionem & quasdam alias dubium occurrit. Sicut enim se habet intellectus humanus ad res materiales, ita intellectus vnius substantiæ separata ad alias substantias separatas: sed intellectus humanus si haberet aliquam naturam à numero sensibilibus naturarum, non posset alias naturas sensibiles intelligere, ergo si intellectus substantiæ separatae haberet aliquam naturam de numero substantiarum separatarum, non posset alias naturas separatas intelligere, sed vnaqueque ipsarum haberet vnam talem naturam determinatam, ergo vna non posset aliam intelligere, cuius oppositum est dictum. Respondere potest, quod illa similitudo tenet quātū ad hoc quod sicut quidditas rei materialis est proportionatum obiectum intellectus humani, ita quidditas substantiæ immaterialis est proportionatum & connaturale obiectum substantiæ separatae, non autem tenet quantum ad omnia. vnde 1. parte, q. 56. artic. 2. ad 1. negat S. Tho. consequentiam, quia licet vna natura materialis existens connaturalis intellectui impediret aliarum cognitionem: vna tamen natura spiritualis aliarum naturarum spiritualium cognitionem non impedit propter earum affinitatem inter se, cum non distinguantur nisi ordine quodam & secundum gradus diuersos eiusdem perfectionis. Sed hæc responsio licet sit vera, magnam tamē parit difficultatem. Videtur enim velle quod in naturis propinquis & affinis, vna aliarum cognitionem non impedit. hoc autem ad mentem Philosophi non videtur esse. Primum, quia propositio dicitur: quod recipiens debet esse denudatum à natura recepti, ut inquit Auer. 3. de Anima, com. 4. intelligitur à natura generis proximi rerum receptarum, &

sic ex eo quod natura intranea alicuius habet cum extranea affinitatem & propinquitatem, non tollitur quin vna cognitionem alterius impediatur. Secundum, quia ad rationem Arist. posset similiter dici, quod licet intellectus humanus haberet aliquam naturam sensibilem, puta naturam aëris, non tamen à cognitione aliorum prohiberetur: quia possent illæ naturæ esse propinquæ & distinguui ordine quodam secundum perfectiōis & imperfectiōis. Tertio, propinquitas ista & affinitas non remouet causam quare intus existens prohibeat extraneam, ergo, &c. probatur antecedens. Nam causa huius est, quia determinatum ex se ad certam naturam in actu, non potest ad alias naturas determinari. Habet enim Auer. primo Physicorum, commento 63. quod si materia prima haberet ex natura sua aliquam formam, non reciperet omnes formas: & similiter si haberet aliquam priuationem, non reciperet omnes priuationes: sed causa hæc remanet in naturis etiam affinis & propinquis, quoniam commune est omnibus naturis specificis actualibus quod vltima differentia vnius non potest per vltimam alterius diffinitam determinari, ergo, &c.

AD euidentiam horum duo sunt declaranda. Primum est, quæ sit causa in intellectu nostro quod natura sensibilis sibi connaturalis existens extraneam siue alienam naturam sensibilem prohiberet & excluderet. Secundum, quomodo illa S. Tho. responsio de illa naturarum propinquitate sit intelligenda. Quantum ad primum, quia dupliciter potest intelligi talem naturam inexistentem alias naturas ab intellectu proxime & excludere scilicet quātū ad receptionem ipsarum in intellectu per speciem intelligibilem, ut videtur Com. 3. de Anima, com. 4. interpretari, & quantum ad actuale ipsarum cognitionem, ut S. Thom. vltra Com. expositionem interpretatur, primum videndum est de causa propositi quantum ad primum sensum, secundum quantum ad secundum.

Quantum ad primum sensum quem sequitur Com. sciendum quod ipse huius causam assignat, propositionem etiam non cognoscentibus communem, scilicet quod recipiens debet esse denudatum à natura recepti. Hanc autem propositionem ipsemet exponit inquitens quod intelligitur quod substantia recipiens non sit substantia recepti secundum speciem. ratio autem huius est, quia aliter tunc res reciperet se, & mouens esset motus. nomine autem speciei, intelligere videtur non solum speciem specialissimam, quasi sufficientem vniuersaliter ut recipiens non sit eiusdem speciei specialissima cum recepto, quum ipse suam expositionem declarando det exemplum de visu & auditu respectu coloris & soni. constat enim quod visus non solum est denudatus à nigredine quam recipit, sed etiam à toto genere coloris: & quod si albedinem sibi connaturalem haberet, non posset nigredinem recipere, quantumcunque esset specificè à nigro distinctus.

Sed videtur nomine speciei intelligere naturam cuius recipiens est primum & per se receptiuum, & ad quod in potentia se habet, & à quo in quantum huiusmodi specificatur, siue sit natura generica, siue sit natura specifica. Sic enim quia visus est primum & per se receptiuus coloris, & auditus soni, idem & visus omnino à sui natura colorem excludit, & auditus sonum. hunc sensum insinuat ista ratio, quod aliter idem reciperet se: insinuat etiā ipsum, id quod inferius in eod. commento inquit Auer. quod videlicet intelligitur oportere recipiens esse denudatum à natura speciei recepti, non autem à natura generis maxime remoti, &c. intēdit enim quod est recipiens debet esse denudatum à natura quam primum & per se respicit, & à qua in quantum huiusmodi specificatur, non oportet tamen ut sit denudatum à genere illius naturæ. quāuis enim visus debeat esse à colore denudatus, ita quod nullus habeat colorem, non tamē debet esse denudatus à qualitate, quod est genus coloris, ita scilicet, quod nullam habeat qualitatem. Ostendunt etiam eundem sensum verba ipsius Commentatoris com. 5. cum exponens ipsam propositionem ait eam debere sic intelligi, quod non est necesse ut recipiens non sit aliquid in actu omnino, sed ut non sit in actu aliquid ex eo quod recipit. Istam autem propositionem sic intellectus dicit sanctus Thom. de veri. q. 22. artic. 1. ad 8. non esse vniuersaliter verā in potentia cognoscentiuis, sed quod fallit in habentibus obiectum vniuersale, continens scilicet omnia. Nam obiectum intellectus est quidditas, & tamen intellectus ipse non est ab omni quidditate denudatus, sed quidditas quidditas est: Dicit etiam ipsam non habere veritatem in sensu tactus, eo quod eius obiecta sint de necessitate animalis. Quia igitur recipiens debet esse denudatum à natura quam primum & per se respicit, & ad quā est in potentia, intellectus autē noster est in potentia ad quidditatem materialem, & est ipse primum & per se receptiuus, eo quod omnem quidditatem materialem cognoscere possit, idem debet ab omni quidditate sensibili denudatus esse: & propterea si esset sibi vna natura sensibilis connaturalis, illa prohiberet ne alia naturæ sensibiles in ipso reciperetur. Nam si quod est receptiuum alicuius naturæ, debet esse à tali natura denudatum, optimè sequitur, si non est à tali natura denudatum, quod illius naturæ non est receptiuum: sicut quia quod est coloratum, non est in potentia ad colorem, sed ad colorem habet idem nullius alterius coloris est susceptiuum, si vnum tanquam sibi connaturalem habet. Attendendum autem quod iste sensus propositionis declaratur non est ad propositum dubij moti, quia cum intellectus substantiæ separatae non sit in potentia ad suum obiectum tanquam potens eius speciem recipere, sed sibi omnium ab ipso naturaliter intelligibilium innatas habeat species, frustra quereretur an si vnam naturarum à se intelligibilem connaturalem habeat tanquam propriam quidditatem, per illam impediatur à receptione aliarum naturarum. Quantum ad secundum sensum scilicet quod intus apparens prohiberet extraneam cognitionem, considerandum est quod iste sensus videtur esse principaliter à Philosopho intētus, quia fortassis non repugnat quod aliquid habeat aliquā vnius naturæ aut vnius generis speciem, & tamen sit receptiuum aliarum specierum illius naturæ secundum esse intentionale. Videmus enim quod si ante oculos ponatur vitrum viride, per vitrum alia videtur colorata: hoc autē non potest esse nisi similitudo illorum visibilibus recipiatur in vitro tanquam in medio, cum cognitio fieri non possit nisi visibile per suam speciem vniatur videnti, & tamen color viridis est secundum suum esse naturale in vitro: est ergo sensus propositionis, quod intus apparens prohiberet non quidem omnem cognitionem extraneam, sed distinctam illius ac perfectā cognitionem. quamuis enim per vitrum viride alia visibilia videantur non videntur tamen distincte & perfecte secundum proprios colores, sed videntur viridia. Nam species ipsorum recepti in tali medio, ex illo colore inexistente accipiunt dispositionem hanc ut sua obiecta tanquam viridia



Lecl. 5. super  
tex. 4.

representent, licet ipsa alium colorem determinatum habeant. Potest tamen etiam Auer. interpretatio saluari, dicendo quod intus existens impedit ne alia recipi possint in potentia cognoscitiva, non quidem absolute, sed tanquam per speciem receptam cognoscibilia verè & distinctè secundum proprias naturas. Ratio autem istius propositionis sic intellecta nulla alia assignatur à diuo Thoma tertio de Anima, nisi hæc, quod illud intus apparens, quia esset connaturale intellectui, semper actu apparet, tanquam scilicet semper actu cognitum, & sic impediretur intellectus ab intelligendo alia. Fundatur autem hæc ratio super experientia. Videmus enim in rebus materialibus quod si aliquid actu ab aliquo sensu cognoscatur, pro tunc non potest aliud sensibile à tali potètia distinctè & completè cognosci. hoc enim patet per singulos sensus discurrendo. Hic autem sensus est ad propositum dubij, quæritur enim, vtrum sicuti noster intellectus aliam naturarum sensibilem haberet impediretur ab aliarum naturarum perfectè & distinctè cognitione, ita & substantia separata habens naturam determinatam in genere quidditatum immaterialium, ab aliarum immaterialium naturarum distincta cognitione per propriam naturam prohibeatur.

Quantum ad secundum principale, quomodo scilicet illa S. Th. responsio sit intelligenda, considerandum est, quia se in illa responsione ad prius dicta remittit, quod ipse in q. 50. i. partis art. 4. ac primum, determinat non sic distingui angelos specificè quasi vnus habeat aliquam perfectionem substantialem perfectioni alterius angeli superadditam, sed quia cum omnes conueniant in perfectione quæ est nobilissima in eis scilicet in intellectualitate, in illa perfectione distinguuntur secundum diuersos gradus, qui idè distinctionem specificam faciunt, quia à formis diuersorum graduum sumuntur. Vult ergo S. Th. in illa responsione de qua dubitatur, quod quia angeli sunt affines & propinqui inter se, vt potè in intellectualitate, quæ est vltima & nobilissima earum perfectio, distincti tantum ordine quodam secundum gradus ipsius, natura vnus angeli ipsum ab aliarum substantiarum separatarum cognitione non impedit, quantumcumque semper propriam naturam actu intelligat. Hoc autem in rebus materialibus non inuenitur, cum non distinguantur tantum per gradus eiusdem perfectionis, sed aut per diuersas perfectiones quarum vna est altera dignior & perfectior, sicut animata ab inanimatis distinguuntur: aut si distinguuntur formaliter secundum gradus tantum eiusdem perfectionis, sicut fortè est de formis elementorum: vltra istam distinctionem habent etiam distinctionem materialem quæ magnam differentiam inducit inter ipsa, idè vnus ipsorum inexistens naturaliter virtuti impedit aliarum naturarum cognitionem. Vult ergo S. Th. negare illam consequentiam, quia non est eadem ratio de naturis sensibilibus & de naturis spiritualibus. In naturis enim duntaxat materialibus propter earum materialitatem & distantiam habet veritatem, quod intus apparens prohibet extranei cognitionem, non autem in naturis spiritualibus in quibus est distinctio solum secundum eiusdem perfectionis gradus.

Ad primum ergo in oppositum dicitur primum, quod nō est mens Com. quod recipiens debeat esse denudatam à genere proximo recepti, sed à natura quam primo recipiens in quantum recipiens respicit, siue sit natura generica, siue specifica secundum se. Dicitur secundum, quod habet veritatem in cognoscitivis quæ sunt in potentia ad sua obiecta, non autem in eis quæ sunt in actu: qualis est intellectus substantiæ separata: idè illa propositio nō est ad propositum, vt superius est ostensum. Ad secundum dicitur, quod non est eadem ratio de naturis materialibus & de naturis spiritualibus, quia illa non sola distinctione formali secundum diuersos gradus eiusdem perfectionis distinguuntur, sicut naturæ spirituales, sed maiori siue multipliciori distinctione, vt dictum est.

Ad tertium, dicitur quod illa non est causa illius impedimenti, sed ea quam assignauimus, scilicet perpetua apparitio & cognitio actualis illius interioris existentis: quæ quidem causa, vt dictum est, facit impedimentum cognitionis in rebus materialibus, non autem in rebus spiritualibus.

Sed vltimus circa quasdam alias præmissarum conclusionum dubitatur. contra primam enim arguitur ex Durando apud Capreolum 2. Sent. dist. 3. q. 2. species representans rem aliquam, & res cuius est species, sunt eiusdem rationis specificè, licet differant in modo essendi: sed nulla species existens in intellectu substantiæ separata potest esse eiusdem rationis specificè cum substantiis rerum quas substantia separata intelligit, cum illa sit accidens, ergo substantias non intelligit per aliquas species superadditas.

Contra tertiam arguitur à Scot. & ab Aure. arguitur in Scot. 2. Sent. dist. 5. q. 10. quod substantia separata per vnam speciem non cognoscat distinctè plures quidditates, primum, quia vna ratio cognoscendi habet vnum obiectum adæquatum in quo includuntur perfectè omnia cognoscibilia per illam rationem, vt patet de essentia diuina, cui primum respondet ipsamet essentia per modum obiecti. Huius autem ratio est, & quia ratio intelligendi mensuratur ex obiecto, & quia nō potest esse ratio cognoscendi plura, ita q. sit propria ratio illorum, idè oportet vt contineat virtualiter rationes cognoscendi plurium, sed nō potest dari tale obiectum continens virtualiter plures quidditates, ergo, &c. Secundò vni speciei & rationi intelligendi correspondet vnus actus cognoscendi illi adæquatus. Sed est impossibile vnico actu cognosci plures quidditates distinctè apud S. Th. tenentem intellectum creatum nō posse simul plura distinctè cognoscere, ergo, &c. Aureolus quoque tangit argumeta Scot. Sed vnum addit ad probandum falsum esse, substantiā separatam quantum superior est ratio per pauiores & vniuersaliores species intelligere, arguit autem sic, Ponatur substantia separata quæ omnia per decem species intelligat, substantia superior intelligit per nouem, & illa superior intelligit per octo, & sic successiue, ergo potest vna talis substantia creati quæ omnia per vnam speciem intelligat, ergo si creetur alia superior illa, per suam essentiam non autem per speciem intelligit omnia, hoc est falsum, ergo, &c.

PR. O responsio ad obiectionem. contra primam conclusionem duo sunt notanda. Primum est, quod sicut imago alicuius rei dupliciter considerari potest scilicet materialiter in quantum est talis res, puta lignum aut lapis, & formaliter in quantum est huius imago: ita similitudo intelligibilis quæ est in intellectu, potest considerari & materialiter in quantum est talis entitas quæ est forma intellectus, & formaliter in quantum est similitudo intelligibilis huius rei. Si consideretur materialiter, sic non oportet similitudinem intelligibilem, & id quod per ipsam representatur, esse

eiusdem rationis, cum ipsa sit accidens intellectus, & res representata quandoque sit substantia: & ad hunc sensum intelligendus est S. Thom. de Veri. q. 3. art. 1. ad 3. eum inquit q. forma lapidis in anima est longè alterius naturæ quam forma lapidis in materia. Si autem formaliter consideretur, sic iuxta prædeterminata dicendum est q. est eiusd. rationis cum re representata, & sic intelligitur quod dicitur 4. Sent. loco superius allegato, & de Veri. q. 10. art. 4. ad 4. Secundum est, q. speciei intelligibili potest aliquid ex parte rei primò & adæquatè respondere, & aliquid secundariò & deficienter, sicut speciei animalis quæ est in mente substantiæ separata, primò & adæquatè natura animalis responderet, inadæquatè autem & deficienter natura hominis, aut natura equi, quia non tantum naturā hominis representat, sed etiam naturam aliorum animalium. Cum ergo dicitur de mente S. Th. speciem intelligibilem esse eiusd. rationis cum re per ipsam representata, si intelligatur adæquatè ipsam esse eiusd. rationis cum tali re, hoc habet veritatem de re quæ primò & adæquatè representatur: non autem de ea quæ secundariò representatur, & deficienter. Ad hanc enim representandam sufficit vt rationes eius eminenter contineat: sicut patet in diuina essentia quæ seipsam adæquatè representat, & primò, & est eiusd. rationis cum ipsa representata, alia autem à se secundariò & inadæquatè representat, & non est eiusd. rationis cum illis, sed earum rationes eminenter continet. Similiter species animalis quæ est in mente substantiæ separata, est eiusd. rationis cum animalis natura, quam primo representat imò vt superius diximus, & est de mente Alberti, tract. 1. super Porphy. c. 6. & 3. de Anima, ac etiam de intellectu & intelligibili, est ipsa natura animalis in esse intelligibili, non autem est eiusd. rationis cum natura hominis. Sed illam naturam in esse intelligibili eminenter continet, & idè illa etiam distinctè representat. Si autem intelligatur speciem esse eiusd. rationis cum re representata eminenter & inadæquatè, quia videlicet illam rem continet vnitè & eminenter cum aliis rebus & naturis quas representat: sic enim inueniunt speciem esse eiusd. rationis etiam cum vnoquoque eorum quæ sub eis adæquato obiecto continentur. Ex his patet ad obiectionem, procedit enim de specie materialiter sumpta, non autem formaliter.

SE. D. occurrit circa hanc responsionem dubium. Vt enim habetur in 1. Phys. quod verè est, nulli accidit, ergo videtur quod forma quæ est accidens intellectus, nullo modo possit esse eiusd. rationis cum quidditate extrinseca substantiali. Sed respondetur quod substantia secundum suum esse naturale nullius esse accidens potest, nihil autem inueniunt, quod quidditas substantialis secundum esse intelligibile quod habet in intellectu esse habeat accidentale. hoc enim non conuenit quidditati nisi in quantum intentionalter in intellectu recipitur.

AD euidentiam eorum quæ contra tertiam conclusionem obijcit Scot. considerandum est, q. dupliciter possumus intelligere vnam speciem plures quidditates representare. Primum quod illas representent non quidem primò & adæquatè, sed secundariò, in quantum in aliquo communi quod primò & adæquatè representatur cōueniunt, ita tamen quod non tantum quantum ad communem rationem represententur, sed etiam quantum ad earum proprias conditiones: & tunc non est dubium speciei plurius quidditatum representatiue correspondere aliquod vnum obiectum adæquatum tamen quod primò & per se representatum scilicet id quod omnibus illis quidditatibus est commune: verumtamen non oportet vnitatem talis obiecti esse reale extra animam, vt videlicet sit aliquid vnum realiter obiectum ad modum singularis, sicut species intelligibilis realiter est vna, sed sufficit q. illud habeat vnitatem formalem rationis, sicut vniuersale in suis singularibus est secundum rationem vnum. Causa autem quare species intelligibilis substantiæ separata potest distinctè representare plures quidditates sub vno communi contentas quod est vnum tantum secundum rationem est, quia illa species est representatiua primò illius communis non in abstractione tantum, sicut species intellectus nostri representant vniuersale, sed in concrectione ad ea per quæ determinatur in natura, sicut enim non inuenitur animal separatum à suis differentiis & speciebus, sed extra intellectum est diuisum in species, & substat conditionibus specierum, ita species intelligibilis huiusmodi quæ est causata à causatore omnium specierum & conditionum animalis, representat naturam animalis non in abstractione, sed diuisam in species, & propter hoc diuersas species animalis perfectè & distinctè representat, primò tamè & adæquatè ipsum commune & vnum secundum rationem, secundariò verò & cum quadam eminentia singulas eius species & specierum conditiones. Secundò possumus intelligere, quod omnes illas quidditates primò & immediate representent, non autem in quantum conueniunt in aliquo communi representato, sicut si diceremus diuinam essentiam esse omnium creaturarum primò & immediate representatiua, non vt sub vna ratione conueniunt, sed absolute vt vnaquæque distinguitur ab alia. Et sic etiam manifestè apparet quod non oportet ponere vniuersaliusque speciei intelligibilis vnum obiectum adæquatum esse. Licet autem primus sensus videatur verius accedere ad mentem sancti Thom. tum quia videmus non solum vni speciei in nobis, sed etiam vni habitui ex multis speciebus constituto vnam formalem rationem obiecti respondere, tum quia omnia quæ per vnam speciem intelliguntur in vno actu, cognoscuntur in modo, vt dicitur 1. par. q. 38. art. 2. sicut ad vnitatem motus requiritur vnitatem termini, ita ad vnitatem operationis requiritur vnitatem obiecti. Quia tamen vterque sensus potest sustineri, secundum vtrumque ad rationes Scot. respondetur. sequendo igitur primum sensum dicitur primum, quod maior est vera de vnitatem formalis rationis, sed minor in illo sensu est falsa. non enim inueniunt creaturam vnam hac vnitatem rationis formalis puta vnum genus plures quidditates continere perfectè ex parte rei contentæ, id est continere illas quantum ad omnia ad illas quidditates pertinentia, licet eas in quantum est vniuersale potentialiter contineat. Dicitur secundò, quod si intelligatur de obiecto vno vnitatem reali, maior est falsa, ad cuius primam probationem dicitur primum quod species intelligibilis quæ non est causata ab obiecto, cuiusmodi sunt species intellectus separati, non habent ex obiecto mensuram. Dicitur secundò admissio etiam quod ab obiecto mensurentur, quod non oportet talem vnitatem esse in obiecto secundum esse reale, qualis est realis vnitatem speciei, vt patet etiam in speciebus intellectus nostri. species enim animalis in vno intellectu est vna secundum esse reale, & tamen animal non est vnum secundum esse reale extra intellectum. Ad secundam dicitur, quod vna species potest esse



esse propria ratio plurium contentorum sub obiecto adæquato, non tamē adæquata: quod est dictum, potest esse proprium repræsentatiuum diuersorum, ita quod omnia propria vniuscuiusque illorum repræsentent, non tamen alicui illorum adæquatum repræsentatiuum esse potest, ita videlicet quod ipsum solū repræsentet, & nō aliud hoc enim repugnat ei quod dicitur ipsa esse plurium rationem. Vnde vna species intelligibilis potest dici propria ratio plurium, inadæquata tamen, & potest dici eminenter plurium rationes continere propter ipsius speciei perfectionem. Sequēdo autem secundum sensum quem Capreol. loco allegato videtur sequi, maior Scoti est falsā: ad cuius probationē primā, negatur assumptū vt prius de specie & ratione non cauēta ab obiecto. Nam si immediatē specie cauētur ab obiecto, quia ab vno vna duntaxat cauētur, idē vni speciei vni adæquatum obiectum distinctē & perfectē repræsentatum respōdet, sed vbi cauētur ab eo quod est omnium causa, non inconuenit vni speciei plura obiecta respondere, & illi nullum esse notum obiectum adæquatum. Ad secundum dicitur (vt prius) non esse inconueniens idem esse propriam rationem plurium vni cuiusque illorum inadæquatam. Veruntamen (vt iam dixi) primus modus respondendi videtur esse securior. Quomodo autem idem possit esse propria ratio plurium, ostensum est in Primo, vbi de cognitione Dei agebatur.

Ad secundū Scoti dicitur quod nō negat S. Tho. plura posse simul & vno actu intelligi, quādo per vnam speciem intelligitur, vt inferius ostendetur.

Ad rationem Aureoli dicitur primū quod non sufficit dicere ad mentem S. Tho. posse creari vnum angelum qui se per suā essentiam cognoscat, & omnia alia per vnam speciem, & quod si superior illo crearetur, ille nō intelligeret absque specie, sed per speciem vniuersaliorem, in quantum per illam plures rationes & conceptiones rerum cognosceret, tum quia sicut habet pro inconuenienti S. Tho. quod omnia per suam essentiam substantia separata cognoscat, ita & quod per vnam speciem intelligat omnia, vt hoc loco apparet: pro inconuenienti habet, tum quia non solum inquit superiores substantias per vniuersaliores species intelligere, sed etiam per pauciores, imō non ponit ipsas vniuersaliores nisi quia cum omnia illa repræsentant quæ per species inferiorum repræsentantur, pauciores tamen illis sunt: ex quo sequitur oportere vt etiam vniuersaliores sint. Dicitur secūdū, quod loquitur S. Tho. de cognitione substantiarum separatarum secundum ordinem nunc inter illas constitutum per Dionysium 12. cap. Cæli Hierarchie, qui creditur hæc à Paulo apostolo fuisse edocūdas, nobis manifestatum. Et idē cum ipse Dionysius posuerit superiores habere scientiam magis vniuersalem, hunc modum explicat S. Thom. ponendo supremam substantiam separatam per aliquas species intelligere, deinde descendendo, quāto substantia fuerit inferior, tantū in ipsa species intelligibiles multiplicari. Quid autem Deus possit facere ipsi diuinæ prouidentie ac præscientie relinquit.

Dicitur tamen tertio, quod posito illo casu creationis superiorum intelligentiarum, semper superior per pauciores species intelligeret, quia semper in inferioribus creatur nouæ species repræsentatiuæ nouarum naturarum quæ crearentur, & sic species inferiorum multiplicatis semper in inferioribus plures essent quā in superioribus: verbi gratia, si suprema substantia per duas species intelligeret, posito quod aliqua ipsa superior crearetur, illa superior per duas etiam species intelligeret. In ea enim quæ suprema erat, & per duas species intelligebat, poneretur species substantiæ nouiter creatæ, & sic non amplius per duas, sed per tres species intelligeret, & sic de aliis: vnde relinquitur quod semper superior de nouo creata per pauciores species intelligeret, non quidem per diminutionem binarij in substantia nouiter creatæ, sed per appositionem speciei in substantia inferiori. Istud haberi potest ex S. Thom. prima parte, q. 56. art. 2. ad quartum: vbi ait, quod si Deus instituisset facere plures angelos, aut plures naturas rerum, plures species intelligibiles mentibus angelicis impressisset. Aduertendum autem quod in tali casu nō solum in substantia nouiter creatæ essent pauciores species, sed etiam vniuersaliores. Nam per illas species intelligeret substantiam inferiorem, quæ se intelligit per suam substantiam, non autem per speciem: verisimile etiam est quod per suas species etiam naturali cognitione, (vt videtur velle S. Tho. secundum Sententiarum, distinct. 3. quæst. 2. articulo secundo ad secundum) intelligeret plures rerum rationes quā inferiores substantiæ.

*Quod substantia separata materialia cognoscunt.*

Cap. 99.

**P**

ER prædictas igitur formas intelligibiles substantia separata non solū cognoscit alias substantias separatas, sed etiam species rerum corporalium. Quum enim intellectus earum sit perfectus naturali perfectione, utpote totus in actu existens: oportet quod suum obiectum scilicet ens intelligibile, vniuersaliter comprehendat. sub ente autem intelligibili comprehenduntur etiam species rerum corporalium, eas igitur substantia separata cognoscit.

Adhuc, cum species rerum distinguantur sicut species numerorum, vt supra habitum est: oportet quod in specie superiori contineatur aliquo modo quod est in inferiori: sicut maior numerus continet minorem, quum igitur substantia separata sint supra substantias corporales, oportet quod ea quæ sunt in substantiis corporalibus per modum materiale, sint in substantiis separatis per modum intelligibilem. quod enim est in aliquo, est in eo per modum eius in quo est.

3 Item, si substantia separata mouent corpora celestia, vt Philosophi ponunt: quicquid prouenit ex motu corporum celestium, attribuitur ipsis corporibus sicut instrumentis, eo quod mouent mota, substantiis autem separatis mouentibus sicut principalibus agentibus. agunt autem & mouent per intellectum: sunt igitur causantes ea quæ fiunt per motum corporum celestium, sicut artifex operatur per sua instrumenta. formæ igitur eorum quæ generantur & corrumpuntur, sunt intelligibiliter in substantiis separatis. Vnde & Boetius in lib. de Tri. \* dicit quod ex formis quæ sunt sine materia, venerunt formæ quæ sunt in materia. Cognoscunt igitur substantia separata non solum substantias separatas, sed etiam species rerum materialium. nam si cognoscunt species generabilium & corruptibilium corporum tanquā propriorum effectuum, multo magis species corporum celestium quasi propriorum instrumentorum. Quia verò intellectus substantia separata est in actu habens omnes similitudines ad quas est in potentia, habet autem virtutē comprehendēdi omnes species & differentias entis: necesse est quod substantia separata quælibet cognoscat omnes res naturales, & totum ordinem earum.

Cum autem intellectus in actu perfectio, sit intellectus in actu: potest alicui videri quod substantia separata non intelligat res materiales. inconueniens enim videtur quod res materialis sit perfectio substantia separata.

Sed si rectē consideretur, res intellecta est perfectio intelligentis secundum suam similitudinem quam habet in intellectu: non enim lapis qui est extra animam, est perfectio intellectus possibilis nostri: similitudo autem rei materialis in intellectu substantia separata est immaterialiter secundum modum substantia separata, non secundum modum substantia materialis: vnde non est inconueniens si hæc similitudo dicatur esse perfectio intellectus substantia separata, sicut propria forma eius.

Super Cap. 99.

**P**

OST QVAM determinauit S. T. de obiecto immateriali cognitionis substantiarum separatarum, nūc de obiecto materiali determinat. Et primo de obiecto vniuersali. Secundū de obiecto particulari capit. sequenti. Circa primum duo facit. Primo de obiecto materiali determinat. Secūdū mouet dubium quoddam. Quantum ad primum ponitur conclusio hæc. Per prædictas formas intelligibiles substantia separata non solum cognoscit alias substantias separatas, sed etiam species rerum corporalium. probatur primū. Sub ente intelligibili etiam species rerum corporalium continentur, ergo substantia separata res materiales cognoscit. probatur consequentia, quia cum intellectus substantiarum separatarum sit perfectus naturali perfectione, oportet vt suum obiectum, scilicet ens intelligibile vniuersaliter comprehendat.

AD VERTE, fundamentum huius rationis esse, quod quia intellectus natus est informari similitudine aliqua omnium contentorum sub suo formali obiecto, cum cognitio non fiat nisi ratione similitudinis, idē cum intellectus substantia separata non sit in potentia ad aliquam speciem intelligibilem eorum quæ naturaliter cognoscere potest, sed omnes actu habeat, & intelligibile sit eius formale obiectum, oportet vt omnium intelligibilium species in seipso habeat, & sic possit intelligere omne intelligibile etiam materiale per species quibus est in actu.

Secundū, substantia separata sunt supra substantias corporales, ergo illæ sunt in ipsis aliquo modo, ergo intelligibiliter. probatur prima consequentia, quia in specie superiori continetur aliquo modo quod est in inferiori, vt patet in numeris. Secunda etiam probatur, quia quod est in aliquo, est in eo per modum eius in quo est.

AD VERTE, quod non dixit simpliciter & absolute San. Tho. in specie superiori contineri quod est in inferiori, sed addidit qualiter, quia non oportet vniuersaliter quod secundum substantiam superioris inferior species contineatur in superiori perfecte quantum ad omnia quæ ad omnia quæ ad ipsam pertinent, cum per propriam differentiam inferior ab ipsa distinguatur, sed oportet aliquo modo in superiori contineri. In iis enim quæ sunt eiusdem ordinis rerum, quod est inferioris gradus, continetur in eo quod est gradus superioris, in quantum in inferiori est aliqua participatio superioris, sicut in nigro est aliqua participatio albi, in quantum aliquid de luce participat, quod est formale in ipso. In iis autem quæ sunt diuersorum ordinum, ea quæ sunt inferioris ordinis, continentur in his quæ sunt superioris ordini perfecte & totaliter secundum aliquod esse non tamen secundum eundem modum essendi: sicut corpora corruptibilia virtute continentur in corporibus incorruptibilibus, sed incorruptibiliter, & omnes creaturæ continentur in Deo & incorruptibiliter & immaterialiter. Cum ergo substantia separata sint superioris ordinis quam res corporales, oportet vt in ipsis sint res corporales secundum modum substantiarum separatarum, vt scilicet sint in ipsis intelligibiliter, sicut ipse sunt intellectuales substantiæ, & sic dicuntur esse aliquo modo in ipsis, quia secundum modum ipsarum substantiarum separatarum, non autem secundum modum ipsarum rerum corporalium. Tertiū substantia separata causant ea quæ fiunt per motum corporum celestium, mouendo ipsa

Idem 1. p. q. 57. art. 1.

ipsa



ipsa cognoscunt omnia corpora. patet antecedens, quia quicquid prouenit ex motu corporum celestium, attribuitur ipsis corporibus celestibus ut instrumentis, substantiis autem separatis mouentibus ut principalibus agentibus. consequentia etiam patet, quia agunt per intellectum, unde species & naturas generabilium & corruptibilium cognoscunt tanquam propriorum effectuum naturas, species autem corporum celestium tanquam naturas propriorum instrumentorum. Confirmatur autho. Boet. in libro de Triui. libro primo ca. 3. Ex hoc corollarie concluditur, quod necesse est quamlibet substantiam cognoscere omnes res materiales, & totum ordinem earum: patet ex dictis, quia quamlibet habet virtutem comprehendendi omnes species & differentias entis, & intellectus earum habet actu omnes similitudines ad quas est in potentia. Quantum ad secundum posset contra hanc conclusionem argui, quia intellectus in actu est intellectus in actu, inconueniens autem videtur quod res materialis sit perfectio substantie separatae. Sed respondet S. Tho. quod non est inconueniens rem materialem secundum suam similitudinem immaterialiter existentem in intellectu substantie separatae esse illius perfectionem, sicut eius propriam formam. Nam res intellecta est perfectio intelligentis secundum similitudinem suam quam habet in intellectu. Non enim lapis qui est extra animam, est perfectio intellectus nostri possibilis.

ADVERTE cum dicitur, lapidem qui est extra animam, non esse perfectionem intellectus nostri, quod hoc dupliciter potest intelligi. Vno modo absolute quod quidditas lapidis existentis extra animam non sit in intellectu, & sic non intendit S. Tho. dictum est enim in precedenti cap. quod similitudo in anima, & res extra animam per ipsam representata, sunt eiusdem rationis, & sunt una & eadem quidditas. Alio modo quod non sit in intellectu secundum esse materiale quod habet extra animam, & sic intendit. Unde post illa verba subiungit, quod similitudo rei materialis in intellectu substantie separatae est immaterialiter secundum modum substantie separatae, non secundum modum substantie materialis: quasi velit dicere, licet res dicatur perficere intellectum ratione sua similitudinis, in quantum in intellectu est ipsa rei quidditas existens extra intellectum, non tamen quidditas ipsa est in intellectu secundum suum esse materiale, sed secundum esse immateriale & intelligibile, ita quod ipsa habens esse immateriale in intellectu, representat se ipsam habentem esse materiale extra intellectum, & secundum esse immateriale perficit intellectum.

*Quod substantia separata cognoscunt singularia.*

Cap. 100.

Idem. 1. p. q.  
57. Art. 1.



VIA vero similitudines rerum in intellectu substantie separatae sunt vniuersaliores quam in intellectu nostro, & efficaciores ad hoc quod per eas aliquid cognoscatur per similitudines rerum materialium, substantie separatae non solum cognoscunt res materiales secundum rationem generis vel speciei, sicut intellectus noster, sed etiam secundum indiuidua. Cum enim species rerum in intellectu existentes oporteat esse immateriales, non poterunt secundum quod sunt in intellectu nostro, esse principium cognoscendi singularia quae per materiam indiuiduantur: eo quod species intellectus nostri intantum sunt contractae virtutis, quod una ducit solum in cognitionem vnius. unde sicut similitudo naturae generis non potest ducere in cognitionem generis & differentiae, ut per eam species cognoscatur: ita similitudo naturae speciei non potest ducere in cognitionem principiorum speciei & indiuiduantium, quae sunt principia materialia, ut per eam indiuiduum in sua singularitate cognoscatur. Similitudo vero intellectus substantie separatae cum sit vniuersalis virtutis, una & immaterialis existens, potest ducere in cognitionem principiorum speciei & indiuiduantium, quae sunt principia materialia: ita quod per eam substantia separata non solum materiam generis & speciei, sed etiam indiuidui cognoscere possit per suum intellectum: nec sequitur quod forma per quam cognoscit, sit materialis, vel quod sit infinita secundum numerum indiuiduorum.

2. Adhuc, quod potest inferior virtus, potest & superior, sed eminentius: unde virtus inferior operatur per multa: ubi virtus superior per vnum tantum operatur. virtus enim quanto est superior, tanto magis colligitur & vnitur: contrario vero virtus inferior diuiditur & multiplicatur. unde videmus quod diuersa genera sensibilia quae quinque sensus exteriores percipiunt. una vis sensus communis apprehendit. anima autem humana est inferior ordine naturae quam substantia separata: ipsa autem cognoscitiva est vniuersali & singularium per duo principia, scilicet per sensum & intellectum substantia igitur separata quae est altior, cognoscit vtrumque altiori modo per vnum principium, scilicet intellectum.

3. Item species rerum intelligibiles contrario ordine perueniunt ad intellectum nostrum, & intellectum substantie separatae. ad intellectum enim nostrum perueniunt per viam resolutionis, scilicet per abstractionem a conditionibus materialibus indiuiduantibus: unde per eas singularia a nobis cognosci non possunt. ad intellectum autem substantie separatae perueniunt species intelligibiles quasi per viam compositionis. habet enim species intelligibiles ex assimilatione sui ad primam intelligibilem speciem intellectus diuini: quae quidem non est a rebus abstracta, sed rerum factiua. est autem factiua non solum formae, sed materiae quae est indiuiduationis principium. species igitur intellectus substantie separatae totam rem respiciunt, & non solum principia speciei, sed etiam principia indiuiduantia. non est igitur singularium cognitio subtrahenda substantiis separatis, licet intellectus noster singularia cognoscere non possit.

4. Praeterea, si corpora caelestia mouentur a corporibus separatis secundum Philosophorum positionem: cum substantia separatae agant & moueant per intellectum, oportet quod cognoscant mobile quod mouet, quod est quoddam particulare. nam vniuersalia immobilia sunt. Situs etiam qui renouantur per motum, sunt quaedam singularia quae non possunt ignorari a substantia mouente per intellectum. oportet igitur dicere quod substantia separatae singularia cognoscant istarum materialium rerum.

Super Cap. 100.



ECVND O agit S. Thom. de obiecto materiali particulari cognitionis substantie separatae. Et ponit hanc conclusionem: Per similitudines rerum materialium substantia separata non solum cognoscunt res materiales secundum rationem generis vel speciei, sicut intellectus noster, sed etiam secundum indiuidua. probatur primo. Similitudines rerum in intellectu substantie separatae sunt vniuersaliores quam in intellectu nostro, & efficaciores ad hoc quod per eas aliquid cognoscatur: ergo per similitudines rerum materialium non solum cognoscunt res materiales secundum rationem generis vel speciei, sicut intellectus noster, sed etiam secundum indiuidua. Antecedens simul & consequentia declaratur ex differentia specierum intellectus nostri, & specierum intellectus substantie separatae, quia illae immateriales existentes intantum sunt contractae virtutis, quod una ducit tantum in cognitionem vnius, ita scilicet quod per speciem generis non potest cognosci differentia, neque per similitudinem speciei potest indiuiduum in sua singularitate cognosci, per similitudinem autem intellectus substantie separatae vnam & immaterialem existentem non solum naturae generis & speciei, sed etiam indiuidui potest per intellectum cognosci. Addit autem S. Tho. quod propter hoc non oportet similitudinem huiusmodi esse materialem, aut esse infinitas similitudines secundum numerum indiuiduorum.

CIRCA ea quae dicit S. Tho. de similitudine intellectus nostri, quod inquam, cum sit immaterialis, & ducat solum in cognitionem vnius, non potest ducere in cognitionem principiorum indiuiduantium, aduertendum, quod loquitur de cognitione perfecta distincta. de hac enim verum est quod una species intellectus nostri non ducit in cognitionem plurius formaliter distinctorum, quemadmodum sunt genus & differentia, species & principia materialia indiuiduantia: unde de hac loquendo cognitione, cum species habeat esse omnino immateriale, & in intellectu erit primo & per se similitudo eius quod est immateriale, scilicet speciei aut generis, quae a materia in diuinali abstrahitur, & cum non possit plura formaliter distincta propter ipsius contractionem representare, sequitur quod non representet nisi naturam communem, non autem principia indiuiduantia quae a natura vniuersali formaliter distinguuntur.

CIRCA id quod dicitur formam qua substantia separata intelligit, non oportere esse materialem, nec etiam esse in ea infinitas species, quauis cognoscant indiuidua materialia quae sunt infinita, attendendum quod per hoc vult S. Tho. ponere dissimilitudinem inter species quibus substantia separata singularia cognoscit, & species quibus nos ea cognoscimus, quia enim nos non cognoscimus per se & directe singularia nisi per sensum, oportet speciem qua nos ea cognoscimus, esse sensibilem, & esse materialibus conditionibus subiectam, & sic aliquo modo materialem esse: species autem qua substantia separata singularia cognoscit, non est sensibilis, sed intelligibilis, & per consequens est immaterialis, sicut & intellectus quem perficit. Item species sensibilis quantos vnum singulare cognoscimus, est illi singulari adaequata, & ideo oportet in nobis species singularium cognitorum secundum ipsorum multitudinem multiplicari. species autem substantie separatae quae singulare cognoscit, non est illi singulari adaequata, sed ipsum excelsit, quia una & eadem est primo speciei representatiua, secundario vero singularium, & sic non oportet secundum singularium multitudinem species ipsorum multiplicari, ut sint infinitae species, sicut sunt infinita singularia, cum una & eadem specie omnia intelligantur. Ex his patet vanam esse rationem Scoti qua in secundo Sent. distinct. 3. quae est. vltima, arguit substantiam separatam non posse cognoscere singularia per species ingenas, quia tunc haberet infinitas species in actu. Patet enim ex his quod hoc nullo modo sequitur. Secundo, Anima humana est inferior ordine naturae quam substantia separata, & ipsa est cognoscitiva vniuersalium per intellectum, & singularium per sensum, ergo



ergo substantia separata quæ est altior, utrunque altiori modo per vnum principium, scilicet per intellectum cognoscitur, probatur consequentia, quia quod potest virtus inferior, potest virtus superior, sed eminentius.

C. I. R. C. A. hanc rationem occurrit dubium. Per ipsam enim ita probari poterit quod intellectus noster cognoscit singularia sicut de substantia separata. Sicut enim substantia separata est superior & altior anima humana, ita intellectus noster est virtus altior sensui: ergo si quia illa est superior anima humana, idem per vnum cognoscit vniuersalia & particularia, quæ anima per diuersas potentias cognoscit: eadem ratione, quia intellectus est superior sensui, poterit per se cognoscere omnia quæ per plures sensus cognoscuntur. Nec valet si dicatur quod hæc propositio, quicquid potest virtus inferior, potest virtus superior, intelligitur hoc loco de natura rei superioris completa in specie consequente alium gradum in ordine rerum, intellectus autem noster non est natura per se completa in specie, sed clauditur in illo rerum gradu in quo & homo. Hæc, inquam, responsum constat quod non est ad mentem S. Th. quia declarans illam propositionem, manifestat ipsam in sensu communi, qui vnus apprehendit diuersa genera sensibilem, quæ quingue sensibus exterioribus percipiuntur, manifestum est autem quod sensus communis non est magis natura completa in specie quam intellectus, ergo, &c.

A. D. huius euidentiam considerandum est primò, quod cum virtus duo respiciat, scilicet operationem & obiectum, dupliciter potest intelligi superiorem virtutem posse quicquid potest inferior, aut scilicet quia in omni obiectum potest in quod potest inferior, aut quia omnem operationem & omnem modum operationis potest habere quæ nata sunt inferiori conuenire. Rursus, cum operatio medium quoddam sit inter virtutem à qua egreditur & obiectum ad quod terminatur, & ex utroque aliquem modum habeat, potest intelligi aut de modo operationis sibi conuenienti, ut se tenet ex parte virtutis, aut de eo qui sibi conuenit ut se tenet ex parte obiecti. Considerandum secundò, quod dupliciter potest dici vna virtus superior alia. Vno modo, quia ad superiorem ordinem rerum pertinet, sicut virtus substantiæ separatæ est superior virtute corporea. Alio modo, quia in eodem ordine rerum superiorem gradum tenet, sicut virtus sensitiua interior est superior virtute sensitiua exteriori. Dicitur ergo primò quod quantum ad obiecta est vniuersaliter verum quod quicquid potest virtus inferior, potest virtus superior siue sit superioris ordinis, siue tantum superioris gradus, dummodo sint directæ subordinationatæ secundum eandem rationem. patet enim in iis quæ sunt superioris gradus tantum, ex eo quod videmus in sensu communi respectu sensuum particularium, in iis verò quæ sunt superioris ordinis, ex comparatione intellectus angelici ad sensum, ut hic ostenditur. in omnia enim in quæ potest sensus particularis, potest sensus communis: & in omnia in quæ potest sensus, potest intellectus Angelicus. Dicitur secundò, quod omnem operationem quam virtus inferior habet, & virtus habet superior, nisi ipsam aliquam conueniatur imperfectio quæ superiori non conueniat, ut superioris est ostensum. Dicitur tertio, quod quantum ad modum operationis se tenentem ex parte virtutis est vniuersaliter etiam verum quod quomodo potest operari virtus inferior potest virtus superior operari, vel modo excellentiori: patet, quia modus operandi talis sequitur modum essendi operandi. Dicitur quarto, quod quantum ad modum operationis se tenentem ex parte obiecti, virtus superioris ordinis potest nobiliori modo includente modum ignobiliorem eminenter operari: virtus autem superioris gradus tantum, potest eodem modo operari, non autem est necesse quod nobiliori modo operetur. Primum patet in Angelo cognoscente singularia materialia, non tantum quantum ad accidentia extrinseca, quò modo ea sensus cognoscit, sed etiam quantum ad eorum essentiam intrinsecam. Secundum etiam patet in sensu communi qui de singularibus cognoscit tantum accidentia, sicut & sensus exterior, non autem eorum quidditatem. Cum ergo hic dicitur quod quicquid potest virtus inferior, potest virtus superior, sed eminentius, datur intelligi & quod potest in omnia obiecta in quæ potest virtus inferior, & quod nobiliori modo operationis in illa potest. His præmissis dicitur ad dubium. Primò, quod per rationem hic adductam optime probatur quod substantia separata potest singularia cognoscere & eminentiori modo quam anima nostra per sensum, tam ex parte rei cognitur, & quia ea cognoscit vniuersaliter & immaterialiter, cum anima nostra per sensum diuissim & materialiter ea cognoscit, & quia ea cognoscit non tantum quantum ad extrinseca accidentia, ut sensus, sed etiam quantum ad essentiam quæ intrinseca est, in quantum species, quibus intelligit, repræsentant rem quantum ad essentiam & quantum ad principia indiuiduantia, sicut & essentia diuina à qua profiunt, est eorum causa quantum ad vtrumque. Dicitur secundò, quod utique per hanc rationem probari etiam potest, quod intellectus noster absolute consideratus, quantum scilicet ad sui naturam per abstractionem ab hoc vel ab illo modo essendi, potest cognoscere singularia materialia directè quantum ad eorum singularitatem. Nam ostendit S. Thom. prima part. quæst. 89. artic. 4. & de Veri. quæst. 19. artic. secundò, quod anima nostra separata singularia cognoscit. Dicitur tertio, quod non tamen per hanc rationem probari potest quod intellectus noster coniunctus singularia cognoscit & directè & quantum ad eorum singularitatem, non enim valet, intellectus noster secundum suam naturam absolute consideratus potest cognoscere singularia, utpote qui sit superior sensui, ergo coniunctus hoc potest. Dicitur quarto, quod per ipsam bene probari potest quod aliquo modo illa cognoscere potest, quantum scilicet ad eorum singularitatem indirectè, quantum verò ad eorum quidditatem directè, quod est ea excellentiori modo cognoscere quam sensus qui eorum tantum accidentia extrinseca cognoscit. Vnde S. Thom. prima parte, quæst. 86. artic. primo, cum quarto argumento ad partem falsam probasset intellectum nostrum cognoscere singularia, hac ratione, quod quicquid potest virtus inferior, potest virtus superior, respondet quod quicquid potest virtus inferior, potest virtus superior, sed eminentiori modo, & quia intellectus eminentius cognoscit id quod cognoscit sensus, simili modo respondens ad hoc argumentum de Veri. quæst. 19. artic. 4. ad quintum, ait, quod illud quod potest virtus inferior, potest virtus superior, non tamen semper eodem modo, sed quandoque alio altiori, & quod intellectus cognoscit singularia altiori modo quam sensus, cum ipse penetret ad ipsam naturam speciei quæ est in indiuiduis, ille vero indiuidua cognoscit tan-

tum quantum ad materiales dispositiones & accidentia exteriora. Ex quibus patet quod per illam propositionem, quicquid potest virtus inferior, potest virtus superior, potest etiam de intellectu nostro concludi quod aliquo modo singularia materialia cognoscere possit, sed de hac propositione dictum est etiam in primo libro cap. 61. Tertio Species intellectus substantiæ separatæ totam rem respiciunt, scilicet principia speciei, & principia indiuiduantia, ergo, &c. probatur antecedens, quia ea accipit non per viam resolutionis & abstractionis à conditionibus materialibus, ut intellectus noster, sed quasi per viam compositionis ex assimilatione sui ad primam intelligibilem speciem intellectus diuini, quæ non est à rebus abstracta, sed est ipsarum, & quantum ad formam & quantum ad materiam quæ est in indiuiduationis principium, factiua.

A. D. V. T. E. N. D. V. M. quod species intelligibiles peruenire ad intellectum substantiæ separatæ per modum compositionis, est ipsas intellectui repræsentare quidditatem cum compositione ad accidentia indiuiduantia, sicut forma intelligibilis diuini intellectus est factiua quidditatis cum tali compositione, species autem intelligibiles intellectus nostri perueniunt per viam resolutionis, quia quauis cauantur à re composita & vniuersa accidentibus indiuidualibus, ipsam tamen quidditatem solum repræsentant, & non cum concretionem ad accidentia indiuiduantia. Ad id tamen. Sancti Thom. (quasi) ut ostendat ibi esse quandam similitudinem compositionis, non autem veram compositionem. Nam sicut in essentia diuina vniuersa continentur quidditates materialis & accidentia, tamen ibi faciunt veram compositionem, sed ut in vna simplici virtute factiua vtriusque continentur, ita in specie intelligibili substantiæ separatæ vniuersa continentur, in quantum ipsa vna existens & quidditatem & accidentia repræsentat, in ea tamen veram compositionem non faciunt.

A. D. hanc rationem dicit Scotus 2. Sent. dist. 3. quæst. vltima, duo. Primò, quod posito quod res fluant à Deo quo ad materiam & quo ad formam, non tamen sequitur, ergo quo ad cognitionem singularitatis efficiunt in intellectu substantiæ separatæ, præsertim cum secundum sancti Thom. materia pertineat ad quod quid est. Secundò dicit, quod arguere, quoniam diuina essentia est ratio cognoscendi singulare & vniuersale, quod etiam species influit in mente substantiæ separatæ sit ratio illa cognoscendi, est committere fallaciam accidentis procedendo à magis perfecto ad minus perfectum affirmatiue. Ad primum horum dicitur primò, quod optime valet illa consequentia, quia cum secundum Augustinum res à Deo secundum duplex esse procedant, scilicet secundum esse materiale in seipsis, & secundum esse intentionale in mente substantiæ separatæ, sicut in esse naturali habent materiam & formam à Deo, ita consequens est ut & illa habeant in esse intentionali & repræsentatiuo in mente substantiæ separatæ: alioquin non tota res in esse naturæ producta à Deo esset in esse intentionali producta in substantia separata. Et quia cognitio reflexiva repræsentationem formæ intelligibilis, id est sequitur quod substantia separata cognoscat materiam & formam rerum, quod est cognoscere singularia in sua singularitate. Nec obstat quod apud Sanctum Thomam materia pertinet ad quod quid est, ex quo videtur quod etiam substantia separata, quauis cognoscat materiam, non tamen oportet quod cognoscat singulare in sua singularitate, dicitur enim quod licet ponat sancti Thom. materiam communem esse de ratione quidditatis, non tamen materiam indiuidualem de qua loquimur, cum dicimus Deum esse causam rei non solum quantum ad formam, sed etiam quantum ad materiam, & quod substantia separata cognoscit rem quantum ad materiam & quantum ad formam. Sic enim causare rem quantum ad materiam & formam, est causare ipsam quantum ad suam singularitatem: cognoscere ipsam quantum ad suam materiam, est ipsam quantum ad suam singularitatem cognoscere. Ad secundum dicitur, quod nulla committitur fallacia cum arguitur à magis perfecto ad minus perfectum affirmatiue, & in iis in quibus minus perfectum à magis perfecto tanquam ab alterius exemplari deductum est, quod enim conuenit exemplari, in quantum est ratio alicuius exemplari, necesse est & exemplari in quantum huiusmodi concordare, figuram enim Herculis quæ exemplatur ab eius imagine, in quantum est eius imago, oportet Herculi assimilari, sicut & eius imago illi assimilatur. Cum ergo species in mente substantiæ separatæ existentes (ut dicitur secundo Sent. dist. 3. quæstione vltima, articulo tertio) sint exemplata à propriis ideis rerum, in quantum sunt ipsarum rationes propriæ, & illæ ideæ repræsentent res quantum ad earum singularitatem, necesse est ut etiam species ipsæ, res quantum ad earum singularitatem repræsentent.

Quartò, Apud Philosophos corpora celestia mouentur à substantiis separatis, ergo substantiæ separatæ cognoscunt mobile quod mouent, & situs qui per motum renouantur, quæ sunt quedam singularia, ergo, &c. probatur antecedens, quia agunt & mouent per intellectum.

P. R. A. E. D. I. C. T. A. M. conclusionem quantum quidem ad hanc partem quod substantiæ separatæ cognoscant singularia, tenet etiam Scotus in secundo Sent. distinctione tertia, & distinctione nona. Sed quantum ad aliam partem, scilicet quod vna & eadem species sit repræsentatiua & quidditatis & omnium eius singularium in mente Angelica, reprehendit & arguit sic. Primò, quia sequeretur quod talis species esset infinita. vbi enim pluralitas numeralis concludit maiorem perfectionem, infinitas numeralis concludit infinitam perfectionem. Sic autem est in rationibus repræsentatiuis quod posse repræsentare plura concludit maiorem perfectionem, ergo posse repræsentare distincte infinita, concludit infinitam perfectionem in ratione repræsentante.

Secundò, Ratio repræsentans vniuersalis in se & in intellectu non repræsentat difformiter aliquid: ergo ista ratio vna quæ ponitur, vel repræsentabit simul opposita pertinentia ad existencias rerum naturaliter, & tunc semper repræsentabit opposita, & ita intelliget opposita, & consequenter nihil: vel repræsentabit alterum istorum determinatè, & ita nunquam reliquum repræsentabit. Si igitur quandoque habebit certam & determinatam cognitionem de vno oppositorum quantum ad existentiam, nunquam per eandem rationem habebit notitiam determinatam & certam de alio opposito. Adducit quasdam etiam alias rationes quibus probatur quod vniuersale cognitum non est ratio cognoscendi singulare distinctè, quia hoc non dicimus, sed tantum quod eadem species quæ est repræsentatiua naturæ, est etiam repræsentatiua singularium, & quod per vnam

Aug. Tho. 3.  
super Gen. ad  
lit. lib. 4. cap.  
32.



2. Sent. dist.  
3 q. 2. c. 7. ad 8.  
Conclusio.

vnam speciem substantia separata & vniuersale & singularia cognoscit, id est ad illa non oportet aliter responderi. Aure. quoque apud Capre. loco allegato superius arguit contra dictam conclusionem. Primo sic, & videtur ratio sumpta ex Auer. 3. de Anima, Comment. 22. & 23. Vniuersale & singulare sunt diuersae intentiones, & diuersa obiecta, ergo requirunt diuersas potentias, ergo substantia separata non potest per vnam virtutem, quae est intellectus, apprehendere vniuersale & particulare. Secundo, Species singularis repraesentat singulare modo quantitativo & materiali, scilicet ut hic & nunc, sed intellectui haec repugnant, ergo, &c. Ad primam. Scoti dicitur ex sententia sancti Thomae de Veri. quæst. 20. artic. 4. ad primum, quod non est inconueniens aliquam speciem esse infinitam secundum quid, finitam tamen simpliciter. Sicut enim infinita indiuidua numero vnius speciei sunt finita secundum speciem, in quantum ad vnam determinatam speciem pertinent, ita vna species infinitorum indiuiduorum representatiua est finita simpliciter, quia est determinata ad vnam speciem: sed est secundum quid infinita, in quantum est infinitorum indiuiduorum sub vna specie contentorum representatiua. Ad secundam respondetur quidam quod haec supponit falsum, scilicet quod species in mente substantia separata repraesentet coniunctionis contingentis durationem, tanquam rem repraesentatam: hoc autem est falsum. apud Sanctum Thomam. enim huiusmodi species repraesentat quidem naturam vniuersalem, & particularem, & coniunctionem eorum cum existentia in rerum natura, & cum quocunque alio esse accidentali & naturali, durationem autem talium coniunctionum non repraesentat tanquam rem repraesentatam: sed ipsa duratio est tanquam conditio sine qua coniunctio illa non repraesentatur: quod ex hoc conici potest, quia firmiter credimus substantias separatas non cognoscere futura contingentia. Si autem in ipsa esset indita similitudo sessionis nostrae crastinae, praesciret euidenter sessionem vbi coniungendam eras. Sed non videtur mihi haec responsio ad mentem sancti Thomae. esse, imò falsum assumere, scilicet quod duratio coniunctionis contingentis non sit res repraesentata per speciem substantia separata, sed tantum conditio rei repraesentata, sine qua non repraesentatur. hoc enim non videtur, propter duo. Primo, quia apud ipsum species existētes in substantia separata, repraesentant singularia, & omnia accidentia quae in singularibus sunt, ut patet de Veri. q. 8. ar. 11. ad 9. Sed in singularibus non solum est coniunctio contingens, sed etiam ipsum quādo, quod ad durationem pertinet, sicut & ipsum vbi, in ipsis est secundum opinionem ponentem quod vbi distinguitur à loco, & quando à tempore, ergo, &c. Secundo, apud Sanctum Thomam, substantia separata de singularibus cognoscunt simpliciter intuitu quicquid nos per compositionem & discursum cognoscimus, sed nos cognoscimus compositionem & durationem compositionis contingentis componendo, dum cognoscimus tempus praesentis mensuratur sessionem sortis. ergo idem multo magis substantia separata cognoscit, ergo duratio talis coniunctionis est res sibi per speciem repraesentata. Videntur autem decipi qui sic opinantur, quia cognitionem substantia separata voluit nostrae sensitiuae cognitioni commensurare, ut sicut visus noster non videt durationem visibilis, sed duratio praesens est conditio sine qua visibile non moueret sensum, neque visionem terminaret, ita sit de intellectu substantia separata: hoc autem falsissimum est, quia species illa longè perfectius singularia & omnes eorum conditiones repraesentant quam species in sensibus receptae. Nec sequitur si repraesentaretur per species talis duratio compositionis, quod substantia separata futura cognoscerent. non enim cognoscitur compositio neque eius duratio nisi quando est in actu, non autem quando est futura. Ad argumentum ergo Scoti aliter responderetur. Dicitur enim primo quod antecedens dupliciter intelligi potest secundum quod li difformiter repraesentare, potest se tenere aut ex parte repraesentantis, aut ex parte rei repraesentatae. Si enim accipiat ex parte repraesentantis, sic antecedens est verissimum. Si enim vniuersalis est ratio in se & in intellectu, constat quod ex sui multiformitate non repraesentat difformiter, sed tunc non infertur propositum. si autem accipiat ex parte rei repraesentatae, tunc antecedens ipsum falsum est. Potest enim vna ratio manens eadem in se & nullo modo variata quantum ad aliquid absolutum difformiter repraesentare aliquid propter difformitatem & mutationem rei repraesentatae. ex qua mutatione habet res, ut nunc vno modo assimiletur speciei intelligibili quae est in substantia separata, nunc vero alio modo. Ut enim dictum est superius cap. 96. singulare non habet actuale assimilationem ad huiusmodi species nisi quando est in actu: similiter non assimiletur illi secundum aliquam conditionem, nisi quando actu illi conditioni substat. Dicitur secundo, quod si loquamur de repraesentatione potentiali, aut fundamēntali, sic illa species, opposita ad existentiam rerum pertinentia sub tali aut tali conditione accidentali naturaliter repraesentant, ut sit simultas potentiae, non autem potentia similitatis. sunt enim naturae quantum in ipsis est repraesentare rem sub existentia talis conditionis accidentalis, & sub existentia oppositi successiue, secundum quod ipsum singulare modo est sub vno oppositorum, modo sub alio. Si verò loquamur de actuali repraesentatione, sic supposita existentia rei singularis, vnum oppositorum determinatè repraesentat, scilicet illud quod est in actu, loquendo de conditionibus huiusmodi accidentibus indiuidui: & cum arguitur, ergo aliud non repraesentabit, negatur consequentia, quia sicut naturaliter repraesentat hanc conditionem indiuidui dum est in actu, ita oppositam conditionem singularis existentis dum est actu, naturaliter repraesentat. Loquendo verò de existentia singularis absolute dicitur quod ipsam existentiam naturaliter repraesentat dum est, & nunquam repraesentat oppositum, quia ut dictum est, non repraesentat in actu singulare non existens actu.

VERVM TAMEN attendendum, cum dicimus speciem non repraesentare singulare non existens, quod loquimur de singulari futuro, quod videlicet nunquam fuit, tale enim nunquam habuit actuale assimilationem ad speciem, ideo quādiu est futurum, non repraesentatur. De singulari autem iam praeterito verum est quod ipsum etiam postquam praeterit, repraesentat sub non actuali existentia, eo quod habuerit actuale assimilationem ad speciem: vnde primo species repraesentat actuale existentiam singularis existentis, deinde eius non existentiam, postquam esse deserit propter solam quidem variationem singularis, non autem propter variationem speciei, nisi secundum diuersas habitudines. Ad pri-

mum Aureoli negatur antecedens, loquendo de diuersitate formali obiectorum in quantum obiecta sunt, ut ad substantiam separam referuntur. Per comparisonem enim ad potentias animarum quorum sunt motiua, vniuersale & particulare sunt obiecta formaliter distincta propter diuersum modum immutationis, scilicet vniuersalis & particularis, & ideo diuersas potentias requirunt in ordine autem ad substantiam separatam cuius non sunt motiua, sunt obiecta tantum materialiter distincta: ideo ab vna sola potentia intellectiua apprehendi possunt. Ad secundum dicitur, quod repraesentare modo quantitativo, dupliciter intelligi potest. Vno modo ex parte repraesentantis, & sic negatur maior, si vniuersaliter sumatur. Est enim verum duntaxat de specie singulari indiuiduo materiali adaequata, cuiusmodi non est species intellectus separati. Alio modo ex parte rei repraesentatae, & tunc minor est falsa. potest enim aliqua species intelligibilis immaterialis omnino ex parte sui existens, repraesentare rem materiale habentem modum quantitativum. Cetera vide apud Capreolum.

*Virum substantia separata naturali cognitione cognoscant omnia simul.*

Cap. 101.



VIA verò intellectus in actu, est intellectus in actu: sicut sensus in actu, est sensibile in actu: idem autem non potest simul esse multa in actu: impossibile videtur quod intellectus substantia separata habeat species intelligibilium diuersas, sicut iam supra dictum est. Sed sciendum est quod non omne illud est intellectus in actu cuius species intelligibilis actu est in intellectu. cum enim substantia intelligens sit etiam volens, ac per hoc sit domina sui actus: in potestate ipsius est postquam habet speciem intelligibilem, ut ea utatur intelligendo actu, vel si habet plures, ut utatur vna ipsarum. vnde & ea quorum scientiam habemus, non omnia actu consideramus. substantia igitur intellectualis per plures species cognoscens, utitur vna quam vult: ac per hoc simul actu cognoscit omnia quae per vnam speciem cognoscit. omnia enim sunt ut vnum intelligibile, in quantum sunt per vnum cognita, sicut & intellectus noster simul cognoscit multa adinuicem composita, vel relata ut vnum quoddam. ea verò quae per diuersas species cognoscit non cognoscit simul: & ideo sicut est intellectus vnus, ita est intellectus in actu vnum. est igitur in intellectu substantia separata quaedam intelligentiarum successio, non tamen motus proprie loquendo, cum non succedat actus potentiae, sed actus actui. Intellectus autem diuinus quia per vnum, quod est sua essentia, omnia cognoscit, & sua actio est sua essentia, omnia simul intelligit, vnde in intelligentia eius non cadit aliqua successio, sed suum intelligere est totum simul perfectum permanens per omnia secula seculorum, Amen.

EXPLICIT LIBER  
Secundus.

Super Cap. 101.



POSTQVAM determinauit Sanctus Thomas de cognitione substantia separata quantum ad eius obiecta absolute, ultimo loco determinat de similitudine ipsorum obiectorum in esse cognito. Et primo mouet dubium. Secundo respondet determinando veritatem. Quantum ad primum videtur quod non possint plura intelligibilia simul esse in intellectu substantia separata secundum suas species. Nam intellectus in actu est intellectus in actu: sed idem non potest simul esse multa in actu, ergo, &c. Responderet Sanctus Thomas. primo ad maiorem, quod non omne illud est intellectus in actu, cuius species intelligibilis est in intellectu, ut supponitur, quia cum substantia intelligens sit etiam volens, in potestate ipsius est postquam habet speciem intelligibilem, ut ea utatur actu intelligendo: & si plures habet, ut vna ipsarum utatur. Secundo ad minorem respondet, quod omnia quae per vnam solam speciem cognoscit substantia separata, simul actu cognoscit, & tunc illa sunt ut vnum intelligibile: sicut & intellectus noster multa simul cognoscit ut vnum: quae verò per diuersas species cognoscit, non simul cognoscit: & ideo sicut est intellectus vnus in actu, ita est vnum intellectus in actu. Ex his sequitur quod in intellectu substantia separata est quaedam intelligentiarum siue intellectuum successio, non tamen motus proprie loquendo, cum non succedat actus potentiae, sed actus actui. In intellectu autem diuino qui omnia simul intelligit, eo quod per suam essentiam omnia cognoscit, & sua actio est sua essentia, non cadit successio intelligentiarum, sed suum intelligere est totum simul, &c.



A D euidenciam eorum quæ hoc loco dicuntur, considerandum ex doctrina Sancti Thomæ de Veritate quæst. 8. art. 14. quod species intelligibiles dupliciter esse possunt actu in intellectu, scilicet in actu imperfecto quando per eas intellectus actu non considerat: & in actu perfecto, quando ad actum secundum ipsas considerat. Quando sunt in ipso actu imperfecto, dicitur intellectus in actu imperfecto, & similiter ipsa quorum sunt similitudines, sunt intellecta in actu imperfecto, siue intellecta in habitu. Quando autem sunt in ipso actu perfecto, tunc dicitur intellectus in actu perfecto. Cum ergo inquit Sanctus Thomas non omne illud esse intellectum in actu, cuius species est in intellectu, intelligendum est de intellectu in actu completo & perfecto, sic enim repugnat pluribus intellecta in actu simul esse in intellectu secundum rationem Algalzelis, sicut repugnat vnum corpus secundum eandem partem diuersis figuris figurari, non autem plura intellecta in actu imperfecto seu habitualiter.

SED occurrit dubium circa illud quod adducitur pro ratione illius dicti, quia scilicet substantia intelligens est etiam volens, & ideo in potestate eius est ut utatur specie ad intelligendum actu. hoc enim non videtur verum propter duo. Primum, quia species est agens naturale. Secundum, quia tunc substantia separata intelligens per aliquam speciem, prius vellet saltem prioritate naturæ intelligere per illam, sed voluntas non potest velle aliquid incognitum secundum Augustinum 10. Trinit. capit. 1. igitur illam volitionem præcedit cognitio illius speciei: & si illam cognitionem præcedit alia volitio, illam volitionem præcedit alia intellectio, & sic in infinitum. Ad primum potest primo responderi, ut respondet Cap. 1. 2. Sen. dist. 3. q. 2. ad argum. contra. 7. concludit quod licet species intelligibilis sit forma naturaliter agens, non tamen in actu existit nisi per voluntatem: & ideo non tollitur quin sit in potestate substantiæ intelligentis quod per ipsam intelligat aut non intelligat. Secundum responderi potest, & forte melius, quod species intelligibilis non est naturale agens neque sicut agens quod, neque sicut agens quo. Nam de ratione agentis naturalis ut quod, est quod sit determinatum ad vnum, ita quod non possit non agere si appropinquetur passo dispositio deductis impedimentis, ut ex nono Metaphysicæ patet: de ratione vero agentis naturalis quo, est quod agens sit ad vnum determinatum, & non possit per ipsum non agere. Constat autem quod neutrum conuenit speciei. neque enim agit in intellectu tanquam id quod ipsam producit, neque intellectus habens speciem per ipsam necessario intelligit, ut experimur in nobis. ideo magis dicendum est quod est principium formale intellectus liberum, non quidem in se formaliter habens libertatem (hæc enim est conditio principalis agentis) sed quia substantia ipsam habens, secundum eam liberè operatur.

Ad secundum dicitur, quod duplex est cognitio, vna confusa & indeterminata, alia distincta & determinata. Cognitionem distinctam & determinatam necesse est præcedere volitionem, non autem omnem cognitionem confusam, & sic non proceditur in infinitum. Intendit ergo Sanctus Thomas de cognitione distincta per speciem, non autem de cognitione confusa & indeterminata. In nobis enim ex aliquo occurrente sensui excitatur intellectus ad aliquam cognitionem confusam rei, & ex illa mouetur voluntas ad desiderium cognitionis distinctæ illius, & sic voluntas intellexit ad cognitionem distinctam illius mouet. In substantiis autem separatis, quia non est sensus cui aliquid ex improviso possit occurrere, ideo quod cognitio confusa & indeterminata non ab extrinseco proveniat, sed ab intrinseco. Cum enim suam substantiam semper actu videat substantia separata, & omnes suas naturales perfectiones semper species intelligibiles in suo intellectu existentes intuetur, in quantum eius naturales conditiones sunt ad res intelligendas ordinatæ, & ex hoc omnium a se naturaliter cognoscibilem habet confusam & indeterminatam cognitionem: unde in potestate sua est uti quacunque voluerit ad distinctam cognitionem. Potest etiam dici quod omnem cognitionem actualem præcedit volitio, excepta prima cognitione quam in intellectu Deus immediate causat: non tamen omnem volitionem præcedit necessarium actualis cognitio, sed sufficit ut præcedat cognitio actualis vel habitualis. Et propterea ad hoc quo aliquis velit uti vna specie earum quas habet, non requiritur aliqua actualis notitia, sed sufficit ipsa habitualis notitia per speciem, & libertas intelligentis. unde Commun. 3. de Anima, dicitur habitum esse quo quis utitur cum voluerit.

CIRCA responsum enim ad maiorem aduerte quod ex illa vult habere Sanctus Thomas quod idem potest esse multa aliquo modo in actu, in quantum illa sunt vnum, non autem in quantum sunt multa: & quia quæ per diuersas species in quantum diuersæ sunt intelliguntur, sunt multa intelligibilia formaliter, ideo intellectus non potest simul esse illa multa in actu perfecto: quæ verò per vnam speciem intelligitur, non sunt multa intelligibilia formaliter, sed vnum: ideo intellectus potest simul esse illa multa in actu perfecto, tunc enim sicut est vnum intellectus in actu, in quantum vnica specie intelligit, ita est vnum intellectum in actu, in quantum illa multa vnica specie intelliguntur.

ADVERTE autem (ut in superioribus patuit) quod non solum ex vnitatem speciei multa per vnam speciem repræsentata dicuntur vnum intelligibile, sed etiam ex vna formali ratione in ipsis inuenta. dictum est enim superius de mente Sancti Thomæ quod vni speciei intelligibili oportet vnam formalem rationem correspondere. Ex his hæc habent multa ut sint vnum intelligibile formaliter, sintque vno actu ab intellectu cognoscibilia. Patet autem hanc esse mentem Sancti Thomæ, quia hic in intellectu nostro exemplificat de multis adinuicem compositis vel relatis, quæ confit in vna communi ratione conuenire. Et prima parte loco allegato exemplificat de partibus continui & propositionis quæ in toto conueniunt, & de comparatis quæ conueniunt in vna comparatione.

CIRCA illud quod inquit Sanctus Thomas, Quoniam omnia quæ intelligentia per vnam speciem cognoscunt, simul actu cognoscunt, dubium curiosum occurrit: An inquam, ita illa cognoscant simul, quod omnia simul de necessitate cognoscant, non possitque vnum considerare alio non considerato: an potius dicatur sic posse omnia illa simul cognoscere, quod tamen vnum possit sine altero considerare si voluerit. Verbi gratia, cum omnia in diuina humana actu existentia per speciem quidditatis hominis cognoscant, dubium est an vtrouero specie quidditatis humanæ necessario omnes homines videat & consideret, non possitque de

vno homine considerare quin consideret de omnibus: an possit per eam de Imperatore considerare non considerando de rege Franciæ. Vtrumque enim videtur rationem habere. Nam quod necessario omnia videat, probari potest, quia species intelligibilis naturaliter & æqualiter omnia per ipsam intelligibilia actu existentia repræsentat: ergo si intellectus vna specie intelligit, non potest non considerare omnia per ipsam intelligibilia, cum ipsa species non possit illa non repræsentare. Cõfirmatur etiam, quia videmus quod Deus non potest non habere actualem considerationem de omnibus intelligibilibus, quia essentia diuina omnia saltem positiua naturaliter repræsentat. Quod autem non necessarium videat, argui potest, quia intellectus noster per speciem hominis intelligens, non omnia per illam speciem cognoscibilia de homine necessario considerat: nam potest de ipso considerare tantum quod substantia sit, non considerando quod sit animal, aut quod sit rationalis: ergo & angelus non omnia per vnam speciem ab ipso cognoscibilia necessario considerat. Sed licet vtraque pars huius dubij probabiliter sustentari possit, secunda tamen propter rationem adductam, & propter verba Sancti Thomæ mihi probabilior videtur. nam in quæst. de Veritate, quæst. 8. artic. 13. respondens ad secundum & ad vltimum argumentum, quibus probabatur quod angelus potest cognoscere cordium cogitationes, quia videt species & habitus in mente angelici existentes, negat consequentiam: ad secundum quidem, quia ex vna specie quam intellectus penes se habet, in diuersas cogitationes prodit, sicut per speciem hominis varia de homine possumus cogitare. Ad vltimum verò, quia ex vna habituali notitia multæ considerationes actuales progrediuntur. Ex his enim verbis apparet de mente Sancti Thomæ esse, quod angelus vna specie intellectualem utens, non necessario considerat omnia per ipsam cognoscibilia, sed potest quod voluerit ex illis considerare: & propter hoc non oportet ut cognoscens habitum aut speciem, cognoscat determinatè quid per illam speciem aut habitum intellectus consideret. Quapropter probabile mihi videtur, quod sit in libertate angeli uti vna specie intellectualem secundum beneplacitum suum. potest enim omnia simul distinctè cognoscere (si voluerit) quæ per vnam speciem cognosci possunt, eliciendo videlicet actum illi speciei adæquat: & potest ipsa uti ad vnum tantum, aut plura illorum intelligenda, non autem omnia, actum illi speciei inadæquatum & deficientem eliciendo.

AD rationem autem in oppositum respondetur, quod licet species intelligibilis naturaliter & æqualiter omnia per ipsam intelligibilia repræsentet habitualiter & imperfecto modo, non tamen actualiter & perfecte. Sed sicut ex intentione voluntatis suæ prouenit quod hac specie utatur, & consequenter quod actualiter in actu perfecto sit in intellectu, ita ex intentione eius prouenit quod ad considerationem istius aut illius per ipsam cognoscibilis applicetur.

AD confirmationem dicitur, quod non est eadem ratio de Deo & de angelo: quia essentia diuina actualiter & perfecte modo ex propria sui natura omnia a Deo intelligibilia repræsentat (de positiuis intelligo) & actualis sua repræsentatio ex eius voluntate non dependet: species autem intellectus angelici ex se non repræsentat actualiter & perfecte ipsum intelligibile per ipsam, sed tantum habitualiter & imperfectè: quod autem actualiter repræsentet, ex voluntate dependet.

CIRCA illam propositionem, in intellectu substantiæ separata est quedam intelligentiarum successio, non tamen motus propriè loquendo, cum non succedat actus potentia, sed actus actui: aduertendum quod dupliciter potest intelligi secundum quod in ante habitis dupliciter exposuimus, intelligere esse motum existentis in actu, non autè existentis in potentia. Si enim operationem intelligendi referamus ad intelligendū tanquā ad susceptiui, sic dicimus de mente Cõmentatoris quod est actus existentis in actu, in quantum est vltimum complementum, & non relinquit suum susceptiuium in potentia ad vltiorem actum, per ipsum ut sic acquirendum, ut facit motus propriè dictus. Secundum hunc sensum, in successione intellectuum non succedit actus potentia, sicut in motu terminus succedit motui constituenti subiectum in actu potentiali tendentē ad vltiorem actum, sicut potentia tendit ad actum, & perfectibile ad perfectionem, aut etiam sicut vna pars motus succedit ad alteram, sicut actus ad potentiam, & perfectius ad imperfectius: sed succedit actus completus alij actui completo, quia duo actus intelligendi substantiæ separata non sunt partes vnius actus imperfecti, neque vnus est potentia tendens ad alterum succedens, sed vnusquisque est actus completus constitutus intellectum in actu perfecto & vltimo respectu vnius intelligibilis. Si autem referamus intelligentiam ad intelligentem tanquā ad principium productiuium, ut sic, dum vna operatio alteri succedit, non succedit actus potentia, sed actus actui: quia vnusquisque istorum actuum attribuitur existenti in actu per speciem. sic enim intelligens, vnum actum prius producit per vnam speciem per quam est in actu, & posterius per aliam speciem, per quam est in actu, alium actum intelligendi producit: tunc actus siue existens in actu succedit existenti in actu, non autem existens in actu succedit existenti in potentia.

POTEST tamen aliquo modo in intelligentiis substantiæ separata dici, quod succedit actus potentia in quantum prius non habebat istum actum intelligendi, & postmodum habet. Sed non loquitur S. Tho. de ista successione qua prius intelligens habitu, postmodum intelligit actu: sed de successione diuersorum actuum intelligendi.

CIRCA id quod hic dicitur, intellectum simul intelligere ea quæ per diuersas species intelligit, quædam difficultates occurrunt. Primum, Substantia separata simul videt Deum per essentiam Dei, seipsam per essentiam suam, aliqua verò alia per alias species, ergo simul plura per plures species potest intelligere. Secundum, Substantiæ mouentes orbes semper intelligunt ipsum motum & mobile, ut superius dixit S. Th. cap. 97. & verisimile est quod etiam aliquid aliud intelligant, sed ista per species superadditas eiusdem rationis intelligunt, ergo, &c.

Tertio, Dammati semper cognoscunt pœnas quibus affliguntur, & etiam aliqua alia, sed hæc per species intelligunt, ergo, &c.

Quarto, Angelus (ut dicitur prima parte, quæst. 8. art. 4. ad primum) intelligendo rei quidditatem, intelligit quicquid rei attribui potest, vel remoueri ab ea: sed ab vnaquaque quidditate omnes aliz remoueri & negari possunt: ergo intelligendo vnam quidditatem, omnes quidditates intelligit,



intelligit, sed eas intelligit per species innatas, ergo, &c. Ad primum responsum est superius libro primo, ubi de scientia Dei agebatur. Ad secundum ex doctrina S. Thom. secundo Sent. dist. 11. quaest. 2. artic. 3. ad quartum, responderetur, & dicitur primo, quod substantia separata est sibi ratio cognoscendi omnia quae ad ipsam pertinent: & ideo cum motus corporis caelestis sit de pertinentibus ad substantiam mouentem, eo quod illi motui à sua creatione sit deputata, necesse est dicere quod substantia mouens caelum non per species innatas, sed per essentiam suam, & motum, & caelum in quantum est suum mobile cognoscat, licet non distinctè & quidditatiuè. Dicitur secundo, quod non inconuenit substantiam separatam simul per suam essentiam aliqua intelligere, & aliquid aliud per speciem, cum essentia & species intelligibilis sint rationes intelligendi diuersarum rationum, & vnum sit ratio alterius, ut ostensum est in primo libro: ideo non inconuenit substantiam separatam simul & quae ad ipsam pertinent, & aliquid aliud intelligere. Sed contra fundamentum huius responsionis videntur esse verba S. Th. de Veri. quaest. 9. artic. 4. ad 11. Dicit enim ibi quod vnus Angelus cogitationem alterius ad se loquentis per speciem qua cognoscit ipsum Angelum, videt, sed cogitatio talis est de pertinentibus ad Angelum audientem, ut dicit S. Th. in secundo Sent. loco allegato: ergo falsum est quod Angelus omnia ad ipsum pertinentia per suam essentiam cognoscat. Responderi potest quod per speciem innatam non intendit S. Th. in illo loco speciem intelligibilem ab essentia intelligentis distinctam, sed absolute principium formale cognitionis, quodcunque sit illud. Vult enim ibidem respondere, quod cogitatio Angeli loquentis non cognoscitur ab Angelo cui loquitur per aliquam particularem speciem cogitationis, sed per illudmet principium per quod ipsa essentia loquentis cognoscitur. Veruntamen pro declaratione supradictae responsionis, cum dicitur essentiam substantiae separatae esse rationem intelligendi omnia quae ad ipsam pertinent, attendendum est quod dupliciter hoc possumus interpretari. Vno modo, quod ipsa sola nulla alia concurrente specie sit principium formale intellectus illorum. Alio modo, quod ad horum cognitionem concurrant & essentia & illorum species intelligibiles, itaquam vnum totale principium intellectus illorum, sed tamen ipsa essentia sit ratio, ut ad vsum specierum huiusmodi intellectus conuertatur, in quantum cognitio perfecta essentiae exigit ut omnia ad ipsam spectantia cognoscantur. Licet autem vterque sensus probabiliter sustentari possit. Primus tamen magis ad intentionem S. Th. videtur esse. Si enim ideo diceretur substantia separata plura ad ipsam pertinentia simul intel-

ligere posse, quia essentia sua est ratio cognoscendi illa per proprias species: sic omnia ab ipsa naturaliter cognoscibilia simul posset intelligere. Nam ut dicitur de Veri. q. 8. art. 1. ad sextum, essentia Angeli est ei ratio cognoscendi omnia quae cognoscit ad hunc secundum sensum ad tertium, per idem fundamentum responderetur, quod cum anima separata se per essentiam cognoscat, ut dicitur prima par. quaest. 89. artic. 2. sicut dicit substantia separata cognoscendo essentiam suam, per ipsam omnia ad se pertinentia cognoscunt, ita de anima separata dicendum erit: & sic cum animarum cruciatus sint de pertinentibus ad ipsas, diceretur quod illos non per species, sed per suam essentiam cognoscunt, & sic non prohibetur simul cum ipsis aliquid aliud intelligere. Si autem instetur de animabus damnatarum post resurrectionem, quod tunc non intelligent se per essentiam, sicut nec modò dum corporibus vniuntur, & sic remanet eadem difficultas quae prius, responderi potest, quod anima etiam post resurrectionem reassumpto corpore se per essentiam cognoscat. Nam ut dicitur quarto Sent. dist. 50. quaest. 2. artic. 2. q. 1. ad secundum, anima post resurrectionem, propter corporis incorruptibilitatem, non ita trahetur ex corpore sicut modò trahitur. Ad quartum dicitur primò, iuxta ea quae dicuntur prima parte, quaest. 85. artic. quarto ad. 4. & de Veri. quaestione octaua, articulo decimoquarto ad secundum, & quoli. 7. articulo secundo, quod vtrique Angelus cognoscendo quidditatem alicuius cognoscit omnia à quibus illa res differt, ut in vna ratione differentiae conueniunt. Dicitur secundo, quod omnes alias quidditates videt, non vnumquamque distinctè & quidditatiuè intuendo, sed videndo rationem in qua conueniunt, ut à quidditate primò visa distinguuntur. Verbi gratia, quia homo per rationalitatem ab omnibus animalibus irrationalibus primò differt, ideo Angelus hominem intuendo, intuetur etiam irrationalitatem in qua omnia bruta conueniunt, à qua homo per rationalitatem distinguitur: & sic omnia bruta cognitione quadam confusa cognoscit, in quantum scilicet in irrationalitate conueniunt, & in vna ratione negationis & differentiae continentur. Dicitur tertio, quod hac cognitione omnia huiusmodi per speciem quidditatis à qua remoueri cognoscuntur Angelus intelligit: & quia non inconuenit quae vna specie cognoscuntur, simul intelligi, ideo omnes quidditates hoc modo simul intelligi nullum inconueniens est. Caetera quae ad hanc materiam pertinent, vide apud Capre. secundo Sent. dist. 3. q. 2. Et haec dicta sufficiant pro explanatione secundi libri ad omnipotentis Dei honorem, & Beati Thomae laudem.

*EXPLICIUNT COMMENTARIA IN SE-  
cundum librum Diui Thomae, de Aquino, contra Gentiles.*

D. THOMAE



# D. THOMÆ AQVINATIS

## DE VERITATE CATHOLICÆ

### FIDEI CONTRA GENTILES,

#### LIBER TERTIVS.

### CVM COMMENTARIIS

FRATRIS FRANCISCI DE SYLVESTRIS,  
Ferrariensis.

#### Caput 1.

#### PROOEMIUM.

**D**EVS magnus Dominus, & rex magnus super omnes deos. Quoniam non repellit Dominus plebem suam: quia in manu eius sunt omnes fines terræ: & altitudines montium ipse conspicit. Quoniam ipse est mare, & ipse fecit illud, & siccam manus eius formauerunt. Vnum esse primum entium, totius esse perfectionem plenam possidens, quod Deum dicimus, ostensum est superius, quod ex sui perfectionis abundantia omnibus existentibus esse largitur, ut non solum primum entium, sed & primum principium omnium esse comprobetur. Esse autem aliis tribuit non necessitate naturæ, sed secundum suæ arbitrium voluntatis, ut ex superioribus est manifestum, unde consequens est ut factorum suorum sit Dominus. nam super ea quæ nostræ voluntati subduntur, dominamur. hoc autem dominium super res à se productas perfectum habet, utpote qui ad eas producendas non exterioris agentis adminiculo indiget, nec materiæ fundamento, cum sit totius esse vniuersalis effector. Eorum autem quæ per voluntatem producuntur agentis, vnumquodque ab agente in finem aliquem ordinatur. bonum enim & finis est obiectum proprium voluntatis. unde necesse est, ut quæ ex voluntate procedunt, ad finem aliquem ordinentur. finem autem vltimum vnaquæque res per suam consequitur actionem: quam oportet dirigi ab eo qui principia rebus dedit per quæ agunt. Necesse est igitur ut Deus qui est in se naturaliter perfectus, & omnibus entibus ex sua potestate esse largitur, omnium entium rector existat, à nullo utique directus: nec est aliquid quod ab eius regimine excusetur, sicut nec est aliquid quod ab ipso esse non sortiatur. Est igitur sicut perfectus in essendo & causando, ita etiam & in regendo perfectus. Huius verò regiminis effectus in diuersis apparet diuersimodè secundum differentiam naturarum. Quædam nanque sic à Deo producta sunt, ut intellectum habentia, eius similitudinem gerant, & imaginem representent: unde & ipsa non solum sunt directa, sed & seipsa dirigentia secundum proprias actiones in debitum finem: quæ si in sua directione regimini diuino subdantur, ad vltimum finem consequendum ex diuino regimine admittuntur. repelluntur autem si secus in sua directione processerint. Alia verò intellectu carentia, seipsa in suum finem non dirigunt, sed ab alio diriguntur. quorum quædam incorruptibilia existentia, sicut in esse naturali pati non possunt defectum: ita in propriis actionibus ab ordine in finem eis præstitutum nequaquam exorbitant, sed indeficienter regimini primi regentis subduntur: sicut sunt corpora cælestia, quorum motus semper vniiformiter procedunt. Alia verò corruptibilia existentia naturalis esse pati possunt defectum, qui tamen per alterius perfectum completur. nam vno corrupto aliud generatur, & similiter in actionibus propriis à naturali ordine deficiunt: qui

tamen defectus per aliquod bonum inde proueniens compensatur. Ex quo apparet quod nec illa quæ ab ordine primi regiminis exorbitare videntur, potestatem primi regentis euadunt. nam & hæc corruptibilia corpora sicut ab ipso Deo condita sunt, ita potestati eius perfecte subduntur. Hoc igitur diuino repletus spiritu Psalmista considerans, ut nobis diuinum regimen demonstraret, primò describit nobis primi regentis perfectionem. Naturæ quidem in hoc quod dicit, Deus. Potestatis in hoc quod dicit, magnus Dominus. quasi nullo indigens ad suæ potestatis effectum producendum. Auctoritatis, in hoc quod dicit, Rex magnus super omnes deos: quia & si sint multi regentes, eius tamen regimini omnes subduntur. Secundò autem nobis describit regiminis modum. & quidem quantum ad intellectualia, quæ eius regimen sequentia, ab ipso consequuntur vltimum finem, qui est ipse: & ideo dicit, Quia non repellit Dominus plebem suam. Quantum verò ad corruptibilia, quæ etiam si exorbitet interdum à propriis actionibus, à potestate tamen primi regentis non excluduntur: unde dicit, Quia in manu eius sunt omnes fines terræ. Quantum verò ad cælestia corpora, quæ omnem altitudinem terræ excedunt, id est, corruptibilium corporum, & semper rectum ordinem diuini regiminis seruant: unde dicit, Et altitudines montium ipse conspicit. Tertiò verò, ipse vniuersalis regiminis rationem assignat: quia necesse est ut ea quæ à Deo sunt condita, ab ipso etiam regantur: & hoc est quod dicit, Quoniam ipse est mare, &c.

Quia ergo in primo lib. de Perfectione diuinæ naturæ profecti sumus, in secundo autem de Perfectione potestatis ipsius secundum quod est omnium rerum productor & Dominus: restat igitur in hoc tertio libro profecti de Perfecta authoritate, siue dignitate ipsius, secundum quod est omnium rerum finis & rector. Erit ergo hoc ordine procedendum, ut primò agatur de ipso secundum quod est rerum omnium finis. Secundò de regimine vniuersali ipsius, secundum quod vnam creaturam gubernat. Tertiò de speciali ipsius regimine, prout gubernat creaturas intellectum habentes.

#### Super Cap. 1.

**E**XPEDITO secundo libro in quo S. Th. de processu creaturarum à Deo determinauit, nunc tertius explanandus est liber, in quo de ordine creaturarum in Deum sicut in finem, determinatur. Circa hoc autem duo facit sanctus Thomas. Primò ponit proœmium. Secundò exequitur propositum. Proœmium in duas diuiditur partes. Primò enim ostenditur Deum habere regimen creaturarum. Secundò diuisio huius libri concluditur. Quantum ad primum supposito ex præcedentibus Deum esse primum entium, & omnium esse primum principium, duas ponit conclusiones S. Tho. Prima est: Deus habet dominium perfectum super res ab ipso productas. Probatur quo ad primam partem sic. Deus tribuit esse aliis per arbitrium suæ voluntatis, ergo habet omnium factorum suorum dominium. probatur consequentia, quia super ea quæ nostræ voluntati subduntur, dominamur. Quo ad secundam verò partem probatur, quia non indiget exterioris agentis adminiculo, nec materiæ fundamento, cum sit totius vniuersalis effector, id est, productor omnium quæ sunt in re. CIRCA istam propositionem, Super ea quæ nostræ voluntati subduntur, dominamur, attendendum quod intelligitur quantum ad illud secundum quod nostræ voluntati subduntur. Contingit enim quod aliqua subduntur nostræ voluntati quantum ad vnum, non autem quantum ad aliud, puta domus aliqua subest voluntati alicuius quantum ad vsum, non autem quantum ad ipsam substantiam domus: quia in libertate sua est habitare domum, aut non habitare, & concedere vsum alteri, aut non concedere,

1. à cap. 2. vsque ad 63.  
2. à cap. 64. vsque ad 83.  
3. à c. 84. vsque ad finem.



concedere, unde est dominus domus quantum ad usum, non autem quantum ad substantiam. Eodem modo si aliquis sit voluntati alicuius subditus quantum ad directionem & gubernationem ipsius, ille est dominus eius quantum ad directionem & gubernationem, non autem quantum ad alia, vtpote non se extendens vniuersaliter ad omnia quæ sunt in re. Unde hoc dominium est incompletum & imperfectum. Quia autem omnia voluntati diuinae subduntur vniuersaliter quantum ad omnia quæ sunt in re, & sic illi subditur, quod per solam voluntatem absque alterius adminiculo produci possunt, ideo Deus plenum & perfectum dominium super omnia creata habet, vt videlicet omnia secundum ipsius dispositionem in re eueniant. Secunda conclusio est: Deus est omnium creaturarum rector perfectus. Hanc conclusionem primò probat. Secundò manifestat diuersos modos regiminis Dei. Probat autem primam partem hac ratione. Deus ordinat res in finem, & earum actiones dirigit, ergo est earum rector. probatur antecedens quo ad res, quia ea quæ per voluntatem agentis producuntur, vnumquodque ab agente in finem aliquem ordinatur, cum bonum & finis sit proprium obiectum voluntatis quo verò ad actiones, quia vnumquodque & per suam actionem finem vltimum consequitur, & eam oportet dirigi ab eo qui principia rebus dedit per quæ agunt. Secundam verò partem probat: Deus est perfectus in essendo & causando, ergo est & in regendo perfectus.

Ad euidenciam eorum quæ circa hanc conclusionem dicuntur, aduertendum quod supponit S. Th. quod ordinare res in finem dirigendo operationes ad finem, & dando eis principia per quæ operantur, sit ipsas res regere & gubernare. hoc enim tanquam manifestum supponit, & tanquam nominis rationem dicens, vt patet i. parte, q. 103. art. 1. Unde & ibidem artic. 4. inquit, quod duo sunt effectus generales gubernationis diuinae, scilicet conferuatio rerum in bono, & motio earum ad bonum: & ideo ex eo quod Deus res à se productas ordinat in finem, concludit immediate ipsum esse rectorem omnium, suppressa maiore, quam veluti manifestum præmittit. Secundo loco ostendit quàm diuersis sit huius regiminis effectus, & ponit quod diuersimodè in diuersis ostenditur, quia quædam non solum diriguntur, sed etiam seipsa in finem dirigunt secundum proprias actiones, & ad consecutionem vltimi finis admittuntur si in sua directione diuino regimini subdantur: repelluntur autem si secus egerint: quædam verò ab alio tantum diriguntur. Sed hæc in duplici genere sunt. nam quædam sicut in esse naturali defectum pati non possunt, ita in propriis actionibus in deficienter regimini primi regentis subiiciuntur, & à suo ordine nunquam exorbitant, supple, nisi aliquid in eis præter naturam aut supra naturam Deus operetur. huiusmodi sunt corpora celestia, quorum motus semper vniuersaliter procedunt. quædam verò sicut in esse naturali pati possunt defectum, ita & in actibus propriis: quia tamen defectus per aliquod bonum inde proueniens compensatur. talia autem sunt corpora corruptibilia. hæc enim sicut ab ipso Deo condita sunt, ita potestati eius perfecte subduntur, quauis videantur ab ordine primi regiminis exorbitare.

Hic duo sunt attendenda. Primum est, quod res ordinata in finem ab alio, ex motione ipsius habet consequi finem quandiu sub ordine illius mouentis perseverat: sed quando ab intentione & motione primi mouentis digreditur, tunc finem ad quem ab agente mouetur, non consequitur. Quandiu enim sagitta subditur motioni recte sagittantis, finem ad quem à sagittante dirigitur consequitur. sed si ex aliquo impellente non substat ordini motionis à sagittante, sed alio deflectatur, finem consequi non poterit: idemque eueniret si sagitta esset aliquod mouens seipsum, & seipsam moueret non secundum impetum & motionem sagittantis, sed contra talem motionem, aut aliquo motu ab illo deuiante. oportet enim quod ad aliquem finem ab aliquo dirigitur, subdi motioni dirigitis, & illam sequi, si finem talem assequi debeat. non enim in finem superioris agentis aliquid peruenire potest nisi ex motione talis agentis, cum finem & agentem oporteat proportionari. Nam nunquam puer finem ad quem eum paedagogus dirigit, ex tali directione consequitur, nisi directioni tali subiiciatur. Propterea bene inquit S. Tho. quod ea quæ se dirigunt in finem, si in sua directione diuino regimini subdantur, ad vltimum finem consequendum ex diuino regimine admittuntur: repelluntur autem si secus egerint. Secundum est, quod corruptibilia quauis ab ordine sibi dato à primo regente exorbitent, puta cum arbor statuto tempore non floret, non tamen propter hoc à diuino regimine subtrahuntur, tum quia sic reguntur, vt deficere possint & impediri, tum quia etiam ex tali exorbitantia aliquid à Deo elicitur: & sic etiam dum talia corpora à naturali ordine exorbitant, ipsam exorbitantiam Deus ordinat, loco illius bonum aliquod substituendo. Sed de his omnibus inferius, cum de diuina agetur prouidentia, amplior sermo erit. Postremò vtramque conclusionem simul author Psalm. 46. & 94. Deus magnus Dominus, &c. quàm diligenter explanat, confirmat. Quantum ad secundum concludit intentionem huius tertij libri, eiusque generalem diuisionem, & ait, quod cum in antecedentibus determinatum sit de perfectione diuinae nature, ac etiam de perfectione potestatis ipsius, in hoc tertio li. de perfecta authoritate siue dignitate ipsius, secundum quod est omnium rector & finis, agendum est. Circa hoc autem agendum est primò de Deo, secundum quod est rerum omnium finis. Secundo de eius regimine. ca. 64. tertio specialiter de eius regimine circa naturas intellectuales.

### Quod omne agens agit propter finem.

Cap. 2.

Idem 1. p. q. 44. art. 4. & prima secundæ q. 1. art. 2.



**STENDENDVM** est igitur primò quod omne agens in agendo intendit aliquem finem. In his enim quæ manifestè propter finem agunt, hoc dicimus esse finem, in quo tendit impetus agentis. hoc enim adipiscens dicitur adipisci finem: deficiens autem dicitur deficere à fine intento: sicut patet in medico agente ad sanitatē, & homine currente ad certum terminum. Nec differt quantum ad hoc

vt rum quod tendit in finem, sit cognoscens, vel non. sicut enim signum est finis sagittantis, ita est finis motus sagittæ. omnis autem agentis impetus ad aliquid certum tendit. non enim ex quacūque virtute quauis actio procedit, sed à calore quidem calefactio, à frigore autem infrigidatio. unde & actiones secundum diuersitatem actiuorum specie differunt, actio verò quādoque quidem terminatur ad aliquod factum, sicut ædificatio ad domum, & sanatio ad sanitatem, quandoque autem non sicut intelligere & sentire. Et siquidem actio terminatur ad aliquod factum, impetus agentis per actionem tendit in illud factum, si autem non terminatur ad aliquod factum, impetus agentis tendit in ipsam actionem, oportet igitur quod omne agens in agendo intendat finem, quandoque quidem actionē ipsam, quandoque aliquid per actionem factum.

2 Adhuc, in omnibus agentibus propter finem, hoc esse vltimū finem dicimus, vltra quod agens non querit aliquid, sicut actio medici est vsque ad sanitatem, ea verò cōsecuta, non conatur ad aliquid vltius, sed in actione cuiuslibet agentis est venire ad aliquid vltra quod agens non querit vltra aliquid. alia enim actiones in infinitum tenderent, quod quidem est impossibile, quia cum infinita nō sit pertransire, agens agere non inciperet. nihil enim mouetur ad id ad quod impossibile est peruenire. Omne igitur agens agit propter finem.

3 Amplius, si actiones agentis procedat in infinitum oportet quod vel ex istis actionibus sequatur aliquod factum, vel nō. Si quidem sequatur aliquod factum: esse illius facti sequetur post infinitas actiones, quod autem præexistit infinita impossibile est esse, cum non sit infinita pertransire, quod autem impossibile est esse, impossibile est fieri: & quod est impossibile fieri, est impossibile facere. impossibile est igitur quod agens incipiat facere aliquod factum ad quod præexiguntur actiones infinitæ. Si autem ex illis actionibus non sequitur aliquod factum, oportet ordinē huiusmodi actionum esse vel secundum ordinem virtutū actiuarum, sicut si homo sentit vt imaginetur, imaginatur autē vt intelligat, intelligit autem vt velit. Vel secundū ordinem obiectorum, sicut si considero corpus vt considerē animam, quam cōsidero vt considerem substantiam separata, quā cōsidero vt cōsiderē Deum. nō autē est possibile procedere in infinitum neq; in virtutibus a quibus, sicut neq; in formis rerum, vt probatur in secundo Meta. \* forma \* To. 6. 10. enim est agendi principium. neque in obiectis, sicut neque in entibus, cum sit vnum ens primum, vt supra probatum est. nō est igitur possibile quod actiones in infinitum procedant. oportet igitur esse aliquid, quo habito conatus agentis quiescat. omne igitur agens agit propter finem.

4 Item, in his quæ agunt propter finem, omnia intermedia inter primum agens & vltimum finem, sunt fines respectu priorum, & principia actiua respectu sequentium. si igitur conatus agentis non est ad aliquid determinatum, sed actiones, sicut dictum est, procedunt in infinitum: oportet principia actiua in infinitum procedere, quod est impossibile, vt supra ostensum est. necesse est igitur quod conatus agentis sit ad aliquid determinatum.

5 Adhuc omne agēs vel agit per naturā, vel per intellectū: de agētib; autē per intellectū nō est dubium quin agant propter finem. agunt enim præcōcipientes in intellectu id quod per actionē consequuntur, & ex tali præcōceptione agunt. hoc enim est agere per intellectum. sicut autē in intellectu præcōcipiente existit tota similitudo effectus ad quam per actiones intelligētis peruenitur, ita in agēte naturali præexistit similitudo naturalis effectus, ex qua actio ad hunc effectum determinatur. nam ignis generat ignem, & oliua oliuam. sicut igitur agens per intellectum, tendit in finem determinatum per suam actionem, ita agens per naturam. omne igitur agens agit propter finem.

6 Amplius, peccatum non inuenitur nisi in his quæ sunt propter finem. nec enim imputatur alicui ad peccatum, si deficiat ab eo ad quod non est. medico enim imputatur ad peccatū, si deficiat à sanando naturā, non autē edificatori aut



aut grammatico, sed peccatum inuenimus in his quæ sunt secundum artem: sicut cum grammaticus non recte loquitur: & in his quæ sunt secundum naturam: sicut pater in partibus monstrosis. ergo tam agens secundum naturam, quam agens secundum artem, & à proposito, agit propter finem.

2 Item si agens non tenderet ad aliquem effectum determinatum, omnes essent ei indifferentes: quod autem indifferentes se habet ad multa, non magis vnum eorum operatur quam aliud: unde à contingente ad vtrumque non sequitur aliquis effectus, nisi per aliquid quod determinetur ad vnum. impossibile igitur esset quod ageret. omne igitur agens tendit ad aliquem determinatum effectum: quod dicitur finis eius.

*Dubitatio.*

Sunt autem aliquæ actiones quæ non videntur esse propter finem sicut actiones ludicræ & contemplatiuæ, & actiones quæ absque attentione sunt: sicut confectio barbae, & huiusmodi ex quibus aliquis opinari potest quod sit aliquid agens non propter finem. Sed sciendum quod actiones contemplatiuæ non sunt propter alium finem, sed ipse sunt finis: actiones autem ludicræ interdum sunt finis: sicut cum solum ludit propter delectationem quæ in ludo est. quandoque autem sunt propter finem: sicut cum ludimus ut postmodum fortius secundum agamus. actiones autem quæ sunt sine attentione, non sunt ab intellectu, sed ab aliqua subita imaginatione, vel naturali principio: sicut inordinatio humoris pruritus excitantis, est causa confectiois barbae quæ fit sine attentione intellectus. & tamen hæc ad aliquos fines tendunt, licet præter ordinem intellectus. Per hoc autem excluditur antiquorum naturalium error, qui ponebant omnia fieri ex necessitate materiarum: causam finalem à rebus penitus subtrahentes.

### Super Cap. 2.

**P**OSITO proemio, accedit S. Thom. ad primam partem propositi sui, scilicet iuxta diuisionem ab eo positam, scilicet ad determinandum de Deo secundum quod est rerum omnium finis. Circa hoc autem duo facit. Primum ostendit finem cuiuslibet rei esse bonum. Secundum omnia ordinari in Deum sicut in finem cap. 17. Circa primum duo facit. Primum ostendit omnia agere propter aliquid. Secundum cuiuslibet rei finem esse bonum cap. 16. Circa primum duo facit. Primum ostendit omnia agere propter finem. Secundum omnia agere propter bonum cap. sequenti. Circa primum duo facit. Primum probat propositum. Secundum remouet vnum dubium.

**A**DVERTENDO autem quod cum finis habeat rationem ultimi, & rationem causæ, in hoc cap. non agitur de fine ut habet rationem causæ, sed ut habet rationem ultimi. Arguit igitur primum sic, ad probandum quod omnia agunt propter finem: Omnis agentis impetus ad aliquid certum tendit, quandoque quidem ad actionem ipsam, quandoque verò ad aliquid factum per actionem, ergo omne agens in agendo intendit finem, aut actionem, quando actio non terminatur ad aliquid factum aut operatum per ipsam, si aliquid per ipsam efficiatur. probatur antecedens, tum quia non ex quacunque virtute quævis actio procedit, ut patet in calore & frigore: tum quia actiones specie differunt secundum diuersitatem actionum. consequentia quoque probatur, quia in manifeste agentibus propter finem, hoc dicimus esse finem in quod tendit impetus, id est, ad aliquid inclinatio & motio agentis, quia dum agens illud adipiscitur, dicitur adipisci finem: & dum ab eo deficit, dicitur deficere à fine intento, siue cognoscat finem siue non cognoscat, ut patet in medico sanante, & homine currente.

**A**DVERTE cum dicitur quandoque terminari actionem ad aliquid factum, ut domesticationem ad domum, & sanationem ad sanitatem: quandoque verò non, ut intelligere & sentire, quod intelligitur de facto ad cuius perfectionem ordinatur operatio, non autem de facto quod propter perfectionem operationis efficiatur. intelligere enim non habet aliquid factum per ipsam ad cuius perfectionem ordinatur, sed bene habet aliquid factum quod est ad complementum & perfectionem ipsius intellectus ordinatum, ideo dicitur absolute intellectione non habere aliquid factum per ipsam, domesticatio autem dicitur habere aliquid per ipsam factum, quia terminatur ad aliquid per ipsam productum, non tantum ad id quod producat propter perfectionem operationis, sed tantum ad id ad quod perficiendum ordinatur operatio. Unde bene dicitur quod in iis quæ habent aliquid tale factum, ipsum factum est finis: in iis autem quæ non habent aliquid tale factum, ipsa operatio est finis, quia videlicet in illis operatio intenditur propter factum ad cuius perfectionem ordinatur, in istis autem operatum intenditur propter ipsam operationem propter cuius complementum & perfectionem intenditur. Secundum: in actione cuiuslibet agentis est vire ad aliquid ultra quod agens non querit aliquid, ergo, &c. probatur consequentia, quia in omnibus agentibus propter finem, hoc esse ultimum finem dicimus, ultra quod agens non querit aliquid, ut sanitas respectu medici. probatur etiam antecedens, quia alias procederent in infinitum actiones, quod est impossibile: quia agens non inciperet agere, cum nihil moueatur ad id ad quod est impossibile peruenire, infinita autem non contingit pertransire. Tertiò, & est confirmatio præcedentis: Impossibile est ut actiones in infinitum

procedant, ergo oportet esse aliquid, quo habito conatus agentis quiescat, ergo, &c. probatur antecedens, si actiones agentis procedant in infinitum, aut ex illis sequitur aliquid factum, aut non. Non primum, quia impossibile est ut agens incipiat facere aliquid factum ad quod præexistit actio in infinitum. tale enim impossibile est esse, & per consequens impossibile est fieri, & sic illud facere est impossibile. Non etiam secundum, quia si accipitur ordo huiusmodi actionum secundum ordinem virtutum actiuarum, ut est ordo inter sentire, imaginari, intelligere, & velle, in quantum vnum est propter aliud, patet quod non est possibile procedere in infinitum in virtutibus actiuis, sicut neque in formis rerum, ex secundo Metaph. tex. 10. cum forma sit agendi principium. Si etiam accipitur ordo ipsarum secundum ordinem obiectorum, sicut est ordo in consideratione corporis, animæ, substantiæ separatae, & Dei, incipiendo à corpore, ut scilicet consideratio vnius sit ut deueniatur ad alterius considerationem, sic non est processus in infinitum, quia neque in obiectis est processus in infinitum, sicut neque in entibus, cum sit vnum primum ens, ut supra probatum est.

**C**IRCA istam rationem dubium occurrit. Posset enim aliquis dicere quod licet non sit processus in infinitum in obiectis per se ordinatis, sicut nec in entibus, tamen nihil prohibet esse processum in infinitum in accidentaliter ordinatis: & sic operationes possunt procedere in infinitum, sicut posita æternitate mundi generarentur res in infinitum, & generationes sibi in infinitum succederent. Et sic vnum agens potest producere vnam actionem propter aliam, & illam propter aliam in infinitum.

**R**ESPONDETUR quod aliud est loqui de actionibus per quas aliquid factum producit, & aliud de actionibus ex quibus nullum factum sequitur, cuiusmodi sunt intelligere & sentire. ubi enim sequitur aliquid factum, sicut in generationibus, est quidem processus in infinitum respectu diuersorum genitorum, quia in infinitum singularia generari possunt, sed respectu vnius obiecti producendi non potest esse processus in infinitum in actionibus: quia nunquam completeretur eius productio. Vbi autem ex actionibus non sequitur aliquid factum, non potest esse processus in infinitum ex processu obiectorum formalium in infinitum: quia formalia obiecta non sunt infinita. Sed bene potest esse processus in infinitum absolute circa materialia obiecta quæ sibi inuicem in infinitum succedunt, si agens in infinitum duraret: sed non potest esse processus in infinitum ordinatus: ita quod vna operatio sit propter aliam intentam, & illa propter aliam in infinitum: & hoc modo intelligitur quod hic dicit S. Thom. de processu in infinitum actionum, ex quibus nullum factum sequitur. talem enim ordinem non habent considerationes diuersorum singularium vnius nature, quia cognitio vnius illorum non potest esse ratio cognitionis alterius in infinitum procedendo, quia non omnia indiuidua sic sunt ordinata, ut vni quatuor sit ex se sit nobis notius quam alteri quod ad intellectum: & similiter est in omnibus aliis huiusmodi operationibus. Quartò, sequeretur principia actiua in infinitum procedere, hoc est falsum, ut est ostensum, scilicet in præcedenti ratione, ergo, &c. Probatur consequentia, quia in iis quæ agunt propter finem, omnia intermedia inter agens & ultimum finem, sunt fines respectu priorum, & principia actiua respectu sequentium.

**C**IRCA hanc rationem duplex occurrit dubium. Primum est, quia non videtur distinguere à præcedenti ratione. probatum est enim etiam per illam non esse processum in infinitum in actionibus, quia non proceditur in infinitum in virtutibus actiuis. Secundum est quia videtur supponere S. Thom. quod habet probare, scilicet quod sit aliquis ultimus finis agentis. hoc enim probandum est. Ad primum dicitur quod non est eadem hæc ratio cum præcedente, licet ad eam dependentiam habeat, quia in præcedenti ratione probatum est quod non est propter infinitatem virtutis actiuæ ut actiones in infinitum procedant, quia in illis non proceditur in infinitum: hic autem arguitur quod si in actionibus proceditur in infinitum, oportet ut ipsæ virtutes in infinitum procedant, quod falsum esse ostensum est. Ad secundum dicitur quod non supponit quod habet probare. intendit enim hæc vniuersalem probare, omne agens agit propter finem. hoc autem non supponit, sed supponitur in aliquibus quæ manifeste propter finem agunt, inueniri ultimum finem. sanans enim, ut sic, habet pro ultimo finem sanitatem, deinde ex eo quod inuenitur in illis quæ manifeste propter finem agunt, vult propositum deducere vniuersaliter. In illis enim manifestum est quod intermedia sunt fines respectu priorum, & principia actiua respectu posteriorum, sicut medicina ab artifice facta est causa sanitatis. Et ex hoc habetur quod si procedatur in infinitum in actionibus, ita quod conatus agentis non sit ad aliquid determinatum, priora facta erunt productiua posteriorum in infinitum, supposito quod agens agat vnum propter aliud in infinitum, & sic erunt infinita principia actiua & productiua.

Quintò tam agens per intellectum quam per naturam agit propter finem, ergo omne agens probatur antecedens, quod ad agentia quid per intellectum, quia agunt præcōceptionem in intellectu id quod per actionem consequuntur, & ex tali præcōceptione agunt. hoc est enim agere per intellectum. quod verò ad agentia naturalia, quia sicut in intellectu præcōcipiente præexistit tota similitudo effectus ad quam per actiones intelligentis peruenitur, ita in agente naturali præexistit similitudo naturalis effectus ex qua actio ad hunc effectum determinatur. ut patet in productione ignis & oliuæ.

**A**D eundem huius rationis quatuor ad id quod agit de naturalibus agentibus, considerandum, quod agens per intellectum, in aliquod determinatum tendit secundum directionem ipsius cōceptionis, quia agit per cōceptionem, quæ est similitudo alicuius determinati. cōceptio enim agentis non dirigit nisi in illud cuius est similitudo, quia omne agens producit formam similem formæ per quam agit, sicut domesticator per conceptionem domus ad nihil aliud producendum ordinatur quam ad domum: & quia ubi est eadem causa, debet idem effectus sequi: propterea cum etiam in agente naturali sit similitudo effectus naturalis ad quem actio agentis per similitudinem determinatur, sequitur ut etiam agens naturale agat propter aliquid ultimum, & sic agat propter finem. ultimum enim quod per suam actionem intendit agens naturale, est similitudo formæ per quam agit: sicut ultimum quod intendit agens per intellectum, est id cui per suam præcōceptionem assimilatur. impetus enim agentis sequitur inclinationem formæ per quam operatur. Et hoc est huius rationis fundamentum. Sextò in agente per artem, & in agente per naturam inuenitur peccatum, sicut cum grammaticus non loquitur recte, &



cum monstruosi partus producantur, ergo &c. probatur consequentia, quia peccatum non inuenitur nisi in iis quæ sunt propter finem. Nō enim imputatur alicui ad peccatum si deficiat ab eo ad quod non est, sicut non imputatur a dicatori aut grammatico si deficiat a sanando, sed bene medico imputatur.

A De euidentiā fundamenti huius rationis intelligendum ex doctrina sancti Thomæ 12. quæst. 21. artic. 1. & Malo. quæst. 2. artic. 1. quod peccatum siue in naturalibus siue in artificialibus secundum Aristot. 2. Physic. consistit in actu qui agit propter finem, non quidem ut peccatum agentis sit absolute non consequi finem, cum contingat aliquando ut agens nō consequatur finem, non propter defectum nature aut artis, sed aliunde, sic quod natura non digerat ferrum in stomacho, est, quia est indigestibile: & quod medicus non inducat sanitatem, aliquando accidit quia aut infirmus habet agilitudinem incurabilem, aut aliquod cōtra sanitatem agit: sed contingit agens peccare quando producit operationem non habentem debitum ordinem ad finem. medico enim imputatur si deficiat a sanando, quando propter defectum suæ operationis hoc euenit, quia scilicet non operatur secundum regulam artis, unde si etiam introduceret sanitatem non operando secundum regulas artis, nihilominus peccaret propter inordinatōem operationis. Propter quod, cum inquit sanct. Thom. medicum peccare si deficiat a sanando, intelligendum est si defectus sanationis proueniat ex eo quod a regulis medicinz diuertit. Fundamentum ergo rationis huius est hoc solum, scilicet quod peccatum inuenitur tantum in iis quæ sunt propter finem: non autem hoc, quod consistat in non assecutione finis absolute. Siue enim quis essequatur finem operando, siue non, satis est proposito quod ubique inuenitur peccatum, ibi inuenitur ordo ad finem. Septimo, si agens non tenderet ad aliquem determinatū effectū, impossibile esset ut ageret: quia omnes effectus essent illi indifferentes, quod autem indifferenter se habet ad multa, non magis vnum eorum operatur quam aliud, nisi determinetur per aliquid ad vnum.

A D hanc rationem dici posset quod agens multis actionibus agit, & quod determinetur ad aliquod agendum vna actione: sed quia illud ad aliud ordinat, & illud ad aliud infinitum: ideo non tendit ad aliquod vltimum quod sit eius finis. Sed hæc responsio non est ad mentem rationis, tum quia sufficit ad rationem quod vnaquæque actio habet aliquem determinatum effectum ab agente intentum. talis enim effectus erit finis agentis illa actione, & sic agens in quantum agens vnaquæque actione agit propter finem, cum agat ad aliquod determinatum, non autem in incertum: quod erat intentum: tum quia ostensum est supra actiones agentis non posse in infinitum procedere secundum ordinem vnius ad alterum. Quomodo autem a causa contingente ad vtrumlibet non sequatur effectus nisi per aliquid determinatur, declaratum est primo libro. Quantum ad secundum remouet sanct. Thom. dubium quoddam. Posset enim aliquis opinari quod sit agens aliquod non operans propter finem, quia actiones ludicæ & contemplatiuæ, & quæ absque intentione sunt, ut confectio barbz, non videntur propter finem aliquem esse. Respondet sanct. Thom. & dicit tria. Primum quod actiones contemplatiuæ non sunt propter aliquem finem, sed ipse sunt finis. Secundum quod actiones ludicæ sunt finis quando quis ludit solum propter delectationem quæ est in ludo, sunt autem propter finem cum ludimus ut postmodum fortius secundum agamus. Tertio quod actiones absque attentione factæ non sunt ab intellectu, sed aut ab aliqua subita imaginatione, aut a naturali principio: sicut inordinatio humorum pruritum excitans est causa illius confectiois barbz: & hæc actiones ad aliquos fines tendunt, licet præter ordinem intellectus.

C I R C A primum dictum aduertendū, quod ex ipso habetur non oportere ad hoc quod aliquid agat propter finem, ut eius operatio ad aliud tanquam ad fidem ordine, sed sufficit quod ipsa sit vltimum quod illa actione intenditur. siue enim agens intendat aliquod aliud præter operationem, siue ipsam tantum operationem, dicitur semper agere propter finem, id est, aliquid propter vltimū intentum.

C I R C A secundum dictum dubitatur, quia videtur implicari contradictio. Delectatio enim quæ est in operatione, est aliud ab operatione ludicæ, quia ipsa ad appetitum pertinet, operatio autem ad aliam potentiam. si ergo aliquis ludat propter delectationem quæ est in ludo, ipsa operatio ordinatur ad delectationem sicut ad finem, & per consequens operatio ipsa non est finis, & sic implicat dicere quod operatio ludicæ est finis quando quis ludit solum propter delectationem quæ est in ludo. Augetur dubitatio, quia 2. 2. quæst. 180. artic. 1. & 7. ad primum. dicitur quod contemplatio terminatur in effectū. Et hoc etiam cōtra primum dictum procedit. Respondetur ex doctrina sancti Thomæ 4. Sent. distinct. 49. quæst. 3. artic. 4. quæst. 3. quod delectatio consequens aliquā operationem, & ipsa operatio, non sunt consideranda tanquam duo bona, sed tanquam vnum: quia ex ipsis sit vna operatio perfecta, sicut ex perfectibili & sua perfectione: & ideo loquitur hic sanct. Thom. de operatione & delectatione tanquam de vno intento ab agente, non autem tanquam sint duo intenti, quorum vnum propter aliud intendatur: contra quem sensum procedit obiectio. Vtrum autem si considerentur tanquam duo intenti, delectatio sit finis, an magis operatio ad quam consequitur, ostendetur inferius cap. vigesimo sexto. Ad confirmationem dicitur pro nunc, quod loquitur ibidem sanctus Thom. de operatione, ut distinguitur a delectatione: secundum quem modum potest dici delectationem aliquo modo esse finem, licet non sit simpliciter finis, ut inferius ostendetur. hic autem loquitur de vtroque tanquam de vno intento, intento, ita quod delectatio & operatio simul intenti non ordinantur in contemplatione aut in tali operatione ludicæ ad alium finem, sed ipsa tunc cum sua delectatione coniuncta est finis & vltimum intentum.

C I R C A tertium dictum attendendum quod vniuersaliter sanctus Thom. per illud, quod huiusmodi quæ ex improvisis eueniunt actiones, non sunt quidem per intellectum ad aliquem finem ordinatæ, sed bene a natura aut imaginatione ad aliquod ordinatur, puta confectio barbz ad pruritum expulsiōem. Ex his excluditur error naturalium antiquiorum causam finalem a rebus abstractentium, omniāque ex necessitate materię fieri ponentium.

Quod omne agens agit propter bonum.

Cap. 3.



X hoc autem vltius ostensum est quod omne agens agit propter bonum. Inde enim manifestum est omne agens agere propter finem, quia quodlibet agens tendit ad aliquid determinatum. id autem ad quod agens

determinate tendit, oportet esse conueniens ei. non enim tenderet in ipsum nisi propter aliquam conuenientiam ad ipsum. quod autem conueniens est alicui, est illi bonum. ergo omne agens agit propter bonum.

2 Præterea, finis est in quo quiescit appetitus agentis vel mouentis, & eius quod mouetur: hoc autem est de ratione boni, ut terminet appetitū: nā bonū est quod omnia appetunt: omnis ergo actio & motus est propter bonum.

3 Adhuc, omnis actio & motus ad esse aliquo modo ordinari videtur: vel ut conseruetur secundum speciem vel indiuiduum, vel ut de nouo acquiratur: hoc autem ipsum quod est esse, bonum est: & ideo omnia appetūt esse. omnis igitur actio & motus est propter bonum.

4 Amplius, omnis actio & motus est propter aliquam perfectionem. si enim ipsa actio sit finis, manifestum est quod est perfectio secunda agētis. si autem actio sit transmutatio exterioris materiæ, manifestum est quod mouens intendit aliquam perfectionem inducere in remota: in quam etiam tendit mobile si sit motus naturalis. hoc autem dicimus esse bonum, quod est esse perfectum. omnis igitur actio & motus est propter bonum.

5 Item, omne agens agit secundum quod est actu: agendo autem tendit in sibi simile. igitur tendit in actū aliquem: actus autem omnis habet rationem boni: nam malum non inuenitur nisi in potentia deficiente ab actu. omnis igitur actio est propter bonum.

6 Adhuc, agens per intellectum, agit propter finem, sicut determinans sibi finem: agens autem per naturā, licet agat propter finem ut probatū est, non tamē determinat sibi finem: cum non cognoscat rationem finis: sed mouetur in finem determinatum sibi ab alio. agens autem per intellectum, non determinat sibi finem nisi sub ratione boni. intelligibile enim non mouet nisi sub ratione boni, quod est obiectum voluntatis. ergo & agens per naturam non mouetur, neque agit propter aliquem finem, nisi secundum quod est bonum: cum agenti per naturam determinetur finis ab aliquo appetitu. omne igitur agens propter bonum agit.

7 Item, eiusdem rationis est fugere malum, & appetere bonum: sicut eiusdem rationis est moueri a deorsum & moueri sursum. omnia autem inueniuntur malum fugere. nam agentia per intellectum, hac ratione aliquid fugiunt, quia apprehendunt illud ut malum. omnia autem agentia naturalia quantum habent de virtute, tantum resistent corruptioni, quæ est malum vniuersi cuiusque. omnia igitur agunt propter bonum.

8 Adhuc, quod prouenit ex alicuius agētis actione præter intentionem ipsius, dicitur a casu vel fortuna accidere. videmus autem in operibus naturæ vel semper vel frequentius quod melius est: sicut in plantis folia sic esse disposita, ut producant fructus: & partes animalium sic disponi, ut animal saluari possit. si ergo hæc eueniunt præter intentionem naturalis agentis, hoc erit accidens a casu vel fortuna. Sed hoc est impossibile. nam ea quæ accidunt semper vel frequentius, non sunt casualia, neque fortuita: sed quæ accidunt in paucioribus. naturale ergo agens intendit ad id quod melius est, & multo manifestius quod agit per intellectum: omne igitur agens intendit bonū in agendo. Item, omne quod mouetur, ducitur ad terminum motus a mouente & agente: oportet igitur mouens & motum ad idem tendere in quantum mouetur. quod autem mouetur, cum sit in potetia, tendit ad actum: & ita ad perfectum & bonum: per motum enim exit de potentia in actum.



actum. ergo & mouens & agens semper in mouendo & agendo intendit bonum. Hinc est quod Philosophi diffinientes bonum, dixerunt, Bonum est quod omnia appetunt. Et Dio. 4. capit. de Diui. nomi. dicit, quod omnia bonum & optimum concupiscunt.

## Super Cap. 3.



**S**TENS O quod omne agens agit propter finem, nunc ostendit sanctus Thom. quod omne agens agit propter bonum. Circa hoc autem duo facit. Primo ostendit propositum. Secundo inferit vnum corollarium cap. sequenti. Quantum ad primum probat, quod omne agens agit propter bonum. Et primo sic: Omne agens tendit ad aliquod determinatum, ergo ad aliquid sibi conueniens. non enim in ipsum tenderet nisi propter aliquam conuenientiam, ergo tendit ad bonum, quia quod est alicui conueniens, est illi bonum. Aduerte quod omne agens agit ad aliquod determinatum ex inclinatione aut directione consequente formam per quam agit. forma autem non dirigit nisi ad aliquid sibi simile & conforme, ideo illud determinatum propter quod agens operatur, est simile, conforme, & conueniens agenti in quantum tali forma agit. & super hoc fundatur prima consequentia rationis huius. Secundo: Finis est in quo quiescit appetitus agentis siue mouentis, & eius quod mouetur: ergo omnis motus & actio est propter bonum. probatur consequentia, quia hoc est de ratione boni, ut terminat appetitum, ut ex eius ratione patet.

SED videtur quod ista ratio non teneat, quia arguitur ex puris affirmatiuis in secunda figura sic arguendo: Finis est in quo quiescit appetitus: bonum est in quo quiescit appetitus, ergo bonum & finis sunt idem. Si ergo omne agens agit propter finem, sequitur quod etiam agat propter bonum.

**R**ESPONDETUR de mente Commen. 2. Physic. com. 23 & 4. Physicorum com. 33. & 41. Item secundo Cael. com. 23. quod non est inconueniens uti argumento in secunda figura ex ambabus propositionibus affirmatiuis, quando maior propositio conuertitur vniuersaliter: & hoc est manifestum per se, quia tunc syllogismus est virtute in prima figura. Conuerfa enim vniuersaliter maior, apparet syllogismus in prima figura esse: ideo Doctores, imo & Arist. ipse, non curat aliquando argumenta in debita forma explicite constituere, quando apparet ex propositionum euidencia ipsa forma secundum quam habet constitui. In proposito ergo non curauit S. Thom. de debita forma: quia maior propositio est vniuersaliter conuertibilis, sicut enim omnis finis agens ut sic, est in quo quiescat appetitus agens, ita omne in quo appetitus agens quiescat est finis. huius si subsumatur minor, scilicet bonum est in quo appetitus quiescat, optime sequitur prima figura, ergo bonum est finis. Tertio, Omnis actio & motus, ad esse aliquo modo ordinatur, ergo ad bonum. patet consequentia, quia hoc ipsum quod est esse, est bonum, scilicet fundametaliter, cuius signum est quod omnia appetunt esse. Quarto, Omnis actio & motus est propter aliquam perfectionem, aut scilicet propter ipsammet actionem, quae est perfectio secunda agentis, aut propter perfectionem inducendam in re mota, in quam etiam tendit mobile, si sit motus naturalis, ergo est propter bonum. patet consequentia, quia esse bonum idem est quod esse perfectum.

**A**DVERTENDUM cum dicitur quod in perfectionem ab agente introductam in re mota, tendit etiam mobile, si motus sit naturalis, quod in motu naturali tam agens quam mobile tendit in perfectionem ab agente causatam, in quantum vnumquodque illorum ad illam inclinatur: sed hoc est diuersimode, quia agens inclinatur ad introducendam illam in re mota ex actualitate formae per quam agit, mobile autem ut sic, ad illam suscipiendam inclinatur ex sua naturali potentialitate: quod non accidit in motu violento, ubi nulla est naturalis potentia in mobili ad illum motum. Quinto, Omne agens tendit in actum aliquem, quia agit in quantum est in actu, ergo tendit in bonum: quia omnis actus habet rationem boni, cum malum non inueniatur nisi in potentia ab actu deficiente. Sexto, Agens per intellectum non determinat sibi finem nisi sub ratione boni, quia intelligibile non mouet nisi sub ratione boni, quod est obiectum voluntatis, ergo & agens per naturam, quia licet agens per intellectum determinat sibi finem, non tamen agens per naturam, cum non cognoscat rationem finis, sed mouetur ex fine sibi ab aliquo intellectu determinatum.

**H**IC duo sunt attendenda. Primum est, quod non ideo dicitur intelligibile non mouere nisi sub ratione boni, quasi ipsum intellectum sub ratione boni moueat (hoc enim falsum esset, cum ratio boni non sit ratio formalis obiecti intellectus, sed magis ratio veri) sed hoc dicitur in ordine ad appetitum determinantis sibi finem per intellectum. Non enim agens per intellectum sibi determinat finem propter quem agit, nisi quia proponit sibi id propter quod vult operari, & ex cuius volitione mouetur ad operandum: & sic oportet ut intelligibile quod sibi tanquam finem determinat, moueat eius appetitum & antequam ad operationem procedat. intelligibile autem non mouet appetitum nisi sub ratione boni. Secundum est, quod non determinat sibi finem, commune est & agentibus absque cognitione, & brutis agentibus ex cognitione. ideo sanct. Thom. utrumque illorum nomine agens per naturam comprehendit. licet enim bruta aliquam cognitionem illius rei quae est finis habeant, ex qua ad operandum mouentur, illam tamen rem sub ratione finis non cognoscunt, cum non cognoscant quid sit finis, ut in praecedentibus est ostensum. Septimo, Omnia malum fugiunt tam agentia per naturam quam agentia per intellectum: quod constat, quia resistunt corruptioni, quae est malum, quantum possunt, ergo, &c. probatur consequentia: quia eiusdem rationis est fugere malum, & appetere bonum, sicut non moueri deorsum, & moueri sursum. Circa istam propositionem eiusdem rationis est fugere malum, & appetere bonum: aduertendum quod non ideo dicuntur eiusdem rationis, quasi sit vnum & idem actus fugere & appetere seu desiderare, sed quia sepe concomitantur, nullus enim fugit malum, nisi propter appetitum alicuius boni, quod per tale malum tollitur: sicut nullus fugit mortem nisi quia vitam appetit: & leue non recedit a loco deorsum naturaliter, nisi quia naturaliter appetit moueri sursum. Quidam, in operibus natu-

ra videmus vel semper vel frequentius quod melius est, ut in plantis & partibus animalium apparet, & hoc non est a casu, ergo naturale agens intendit quod est melius, & multo manifestius agens per intellectum, ergo, &c. minor patet, quia quae sunt semper vel frequenter, non sunt casualia vel fortuita, sed quae accidunt in paucioribus.

**A**TTE NDE hic ex secundo Physicorum, quod non solum quando agens producit quod frequentius euenit, agit propter finem, sed etiam quando quod in minori parte euenit, producit. non enim est casus aut fortuna nisi in actionibus quae propter aliquem finem fiunt. licet enim effectum qui in minori parte euenit, non intendat natura saltem primo & per se, non producit tamen illud, nisi quando agit ad id quod pro maiori parte euenit: ad quod cum ex aliquo impedimento peruenire non potest, id quod raro euenit, producit. Aduerte etiam quod agens per intellectum non semper aut pro maiori parte producit quod absolute melius est, sed quod melius est per comparisonem ad finem extrinsecum quem intendit: sicut domihcator non facit maiorem & meliorem domum quae esse possit, sed quae sit conueniens habitantibus, propter quorum habitationem eam facit. Nonò, Quod mouetur, tendit ad bonum, quia tendit ex potentia ad actum: ergo & agens & mouens, patet consequentia, quia cum omne quod mouetur, ducatur ad terminum motus ab agente & mouente, oportet ad idem tendere mouens & quod mouetur, in quantum mouetur. Confirmatur conclusio auct. dicentium bonum esse quod omnia appetunt, & Dion. 4. cap. de Di. no. dicentis quod omnia bonum & optimum concupiscunt.

**A**TTE NDE N D V M circa hoc cap. & praecedens quod per hoc quod probat sanct. Thom. omne agens agere propter bonum, & propter finem, non intendit agens agere propter aliud bonum, aut propter aliud finem a se distinctum, sed absolute loquitur, siue inquam agens agat propter se ipsum, siue propter aliud tanquam propter finem.

## Quod malum est praeter intentionem in rebus.

## Cap. 4.



**I**X hoc autem apparet quod malum est praeter intentionem in rebus, & incipit praeter intentionem agentium.

Idem 1. Sen. dist. 39. q. 2. art. 8. D. 788. c. 1200.

Quod enim ex actione consequitur, diuersum ab eo quod erat in intentione, siue intentionem manifestum est praeter intentionem accidere. malum autem diuersum est a bono quod intendit omne agens: est igitur malum praeter intentionem eueniens.

**2** Item, defectus in effectu & actione consequitur aliquem defectum in principiis actionis: sicut ex aliqua corruptione seminis sequitur partus monstruosus: & ex curritate cruris sequitur claudicatio. agens autem agit secundum quod habet de virtute actiua, non secundum id quod defectum virtutis patitur. secundum autem quod agit, sic intendit finem, intendit igitur finem correspondentem virtuti. quod igitur sequitur respondens defectui virtutis, erit praeter intentionem agentis: hoc autem est malum: accidit igitur malum praeter intentionem.

D 1061.

**3** Adhuc, ad idem tendit motus mobilis, & motio mouentis: mobile autem tendit per se ad bonum: ad malum autem per accidens, & praeter intentionem: quod quidem maxime in generatione & corruptione apparet: materia enim cum est sub vna forma, est in potentia ad formam aliam, & priuationem formae iam habitae: sicut cum est sub forma aeris, est in potentia ad formam ignis, & priuationem formae aeris: & ad utrumque transmutatio materiae terminatur simul: ad formam quidem ignis, secundum quod generatur ignis: ad priuationem autem formae aeris, secundum quod corrumpitur aer. non autem intentio & appetitus materiae est ad priuationem, sed ad formam. non enim tendit ad impossibile: est autem impossibile materiam non tantum sub priuatione esse: esse verò eam sub forma est possibile. igitur quod terminetur ad priuationem, est praeter intentionem, terminatur autem ad eam in quantum peruenit ad formam quam intendit: quam priuatio alterius formae de necessitate consequitur. transmutatio ergo materiae in generatione & corruptione per se ordinatur ad formam. priuatio verò consequitur praeter intentionem: & similiter oportet esse in omnibus motibus: & ideo in quolibet motu est generatio & corruptio secundum quid: sicut cum aliquid alteratur de albo in nigrum, corrumpitur album, & fit nigrum: bonum autem est secundum quod materia est perfecta per formam: & potentia per actum proprium: malum autem secundum



quod est priuata a<sup>ctu</sup> debito. omne igitur quod mouetur tendit in suo motu peruenire ad bonum. peruenit autem ad malum præter intentionem. igitur cum omne agens & mouens intendat ad bonum. malum prouenit præter intentionem agentis.

4 Amplius, in agentibus per intellectum & æstimationem quamcunque, intentio sequitur apprehensionem. in illud enim tendit intentio quod apprehenditur ut finis. si ergo perueniatur ad aliquod quod non habet speciem apprehensam, erit præter intentionem: sicut si aliquis intendat comedere mel, & comedat fel, credens illud esse mel: hoc erit præter intentionem. sed omne agens per intellectum, intendit aliquid secundum quod accipit illud sub ratione boni, sicut ex superioribus patet. si ergo illud non sit bonum, sed malum: hoc erit præter intentionem. agens igitur per intellectum, non operatur malum, nisi præter intentionem. cum igitur intendere ad bonum, sit commune agenti per intellectum, & per naturam: malum non consequitur ex intentione alicuius agentis, nisi præter intentionem.

Hinc est quod Dionys. dicit quarto cap. de Diuin. nom. quod malum est præter intentionem & voluntatem.

#### Super Cap. 4.



**E**x præmissis deducit corollarie sancti Thom. quod malum est præter intentionem in rebus, & incidit præter intentionem agentum. Rationeque huius corollarii de natura mali determinationem facit. Circa hoc autem duo facit. Primum determinat de natura mali. Secundum infert vnum corollarium cap. 17. Circa primum tria facit. Primum ostendit malum esse præter intentionem, quod immediate sequitur ex præcedentibus. Secundum agit de natura mali cap. 7. Tertiū de eius causalitate capitulo decimo. Circa primum tria facit. Primum ostendit propositum. Secundum mouet dubitationes capitulo sequenti. Tertiū respondet cap. 6. Quantum ad primum arguit primum sic: Malum est diuersum a bono quod intendit omne agens, ergo præter intentionem euenit: quia ex actione consequitur diuersum ab eo quod erat intentum ab agente, præter intentionem accidit.

Secundū: Agens intendit finem correspondentem virtuti: ergo quod sequitur, respondens defectui virtutis, est præter intentionem: ergo & malum. probatur antecedens, quia agens secundum quod agit, sic intendit finem: agit autem secundum quod habet de virtute actiua: non autem secundum quod defectum virtutis patitur. consequentia verò secunda probatur, quia defectus in effectu & actione consequitur aliquē defectum in principiis actionis, ut patet in partibus monstruosis, & claudicatione.

**A**D VERT E cum dicitur defectum in operatione & effectu consequi aliquem defectum in principiis actionis, quod defectus principij dupliciter potest accipi. Vno modo pro remotione alicuius perfectionis debite inesse principio, sicut defectus feminis agētis ad generationem. aliquando est remotio caliditatis debite inesse ipsi ad rectam generationem, à quocunque alterante proueniat. Alio modo pro impedimento principij ab extrinseco proueniente, sicut quod ignis non perfectē lignum aliquod comburat, potest ex interpositione alicuius corporis impediētis ne actio ignis ad lignum comple. & perueniat, prouenire. tunc enim aliquis defectus est agentis in quantum sua tota virtute, ex aliquo impediēte, uti non potest. Sed verum est quod iste defectus reducitur aliquo modo in defectum causæ intrinsecum, in quantum videlicet habet virtutem quæ impeditur, propter suam imperfectiōem potest. In proposito ergo accipitur defectus principij communiter, siue intrinsecus sit, siue extrinsecus, & intelligitur de principijs non solum actionis, sed etiam materialibus. cum enim accidit in effectu defectus, prouenit hoc aut ex defectu agentis, aut ex defectu materiæ. Tertiū, Mobile suo motu tendit ad formam, ad priuationem autem peruenit per accidens & præter intentionem, ergo intendit suo motu peruenire ad bonum. peruenit autem ad malum præter intentionem, ergo cum omne agens & mouens tendat ad bonum, malum prouenit præter agentis intentionem. antecedens declaratur in generatione & corruptione, ubi constat materiam non intendere priuationem, licet sit ad ipsam in potentia, cum impossibile sit ipsam esse sub priuatione tantum. declaratur etiam & in aliis motibus. prima verò consequentia probatur, quia bonum est secundum quod materia est perfecta per formam, & potentia per actum proprium, malum autem secundum quod est priuata a<sup>ctu</sup> debito. Secunda quoque probatur, quia ad idem tendit motus mobilis & motio mouentis, cum videlicet idem sit actus mouentis & mobilis, ut dicitur tertio Physicorum.

**A**D VERT E circa istam propositionem, Bonum est secundum quod materia est perfecta per formam, & potentia per actum proprium, & causæ addidit S. Thom. li. proprium, quia potentia bonum non est esse sub quocunque actu, sed tantum sub proprio & sibi debito, sicut non est bonum aqua esse sub caliditate, sed sub frigiditate quæ est perfectio sibi debita. licet enim omnis forma & actus secundum se sit perfectio quædam, non tamen est bonum aut perfectio vniuersaliusque, accipiendo perfectionem pro eo quod naturæ debetur, & secundum quam dicitur natura in suo esse completa.

**C**IRCA ea quæ dicuntur in hac ratione, multa occurrunt dubia. Primum est, quia appetitus & intentio materiæ nihil est aliud quam forma receptiua, ut est de mente S. Thom. Secundo Sententiarum, distinctione decima octaua, questione prima, articulo secundo, & de Veri. q.

vigesima secunda, articulo secundo, ad tertium: si ergo materia est in potentia ad priuationem, & ad ipsam per motum simul cum forma peruenit, sequitur quod materiæ appetitus & intentio sit ad priuationem: ergo repugnantiam includit quod hic dicitur, scilicet materiam esse in potentia ad priuationem, & tamen dum mouetur, non intendere priuationem. Secundum est, quia posset aliquis dicere quod materia licet quia non potest esse sub priuatione tantum, non appetat priuationem separatim & seorsum à forma, ipsam tamen simul cum forma appetit & intendit, sicut simul est in potentia ad vtrunque, & simul ad vtrunque tendit. Tertium est circa istam propositionem, materia non potest esse sub priuatione tantum. Potest enim argui contra ipsam argumētis Scoti tenentis, secundo Sententiarum, distinctione duodecima, questione secunda, materiam posse esse sine omni forma. Primum, Absolutum distinctum & prius alio absoluto potest esse sine contradictione absque illo. materia est absolutum distinctum, & prius forma quacunque, ergo, &c. Secundum, Deus dat esse materiæ mediante forma, quæ non est de essentia materiæ, ergo Deus sine forma potest dare esse materiæ. probatur consequentia, quia quicquid Deus absolutum facit in creaturis mediante causa secunda, quæ non est de essentia causati, potest facere sine illa. Tertiū, Deus immediatè creat materiam, ergo immediatè potest eam conseruare sine aliqua alia entitate absoluta posteriore. Quarto enim est necessitas absoluta connexionis materiæ ad formam, ergo, &c. probatur antecedens, quia tunc materia determinaret sibi de necessitate aliquam formam. quod enim determinat sibi aliquod genus, determinat sibi aliquam speciem in genere illo: & quod determinat sibi aliquam speciem, de necessitate determinat sibi esse in aliquo indiuiduo vno illius speciei. Confirmatur, quia materia se habet contingenter ad quamlibet formam, ergo & contingenter se habet ad totum genus formæ. Sequitur ergo ex istis quod non est absolutè impossibile materiam esse sub priuatione tantum. Ad primum dubium dicitur quod potentia materiæ ad priuationem non habet propriè & per se rationem potentie receptiue in comparatione ad ipsam priuationem, cum priuatio formaliter sumpta nullum esse ponat in materia, sed per accidens dicitur receptiua priuationis, in quantum est receptiua formæ quam potest amittere, & in quantum est receptiua alterius formæ cui necessariè coniungitur priuatio formæ quam habet: & ideo cum dicitur quod materia est in potentia ad priuationem formæ habitæ, intelligendum est per accidens & secundariò, ratione scilicet formæ cui coniungitur. Appetitus autem & inclinatio materiæ dicitur potentialitas & habilitas materiæ ad id quod per se respicit, non autem humilitas & potentialitas ad id quod respicit secundariò & per accidens, quia appetitus rei respicit eius perfectionem, non autem negationem perfectionis. Ad secundum dubium dicitur quod si priuatio æqualiter cum forma respiceretur à potentia, oporteret vtrunque simul intendi & appeti à materia, cum simul tendat ad ipsam: sed quia non per se materia respicit priuationem, sed tantum per accidens, in quantum coniungitur formæ, ideo non appetitur per se à materia simul cum forma, sed tantum per accidens, in quantum appetitur forma cui coniungitur, sancti Thom. autem loquitur hic de appetitu & intentione per se, non autem de appetitu per accidens.

**A**D euentiam tertij dubij considerandum quod materiam posse esse absque omni forma, & per consequens solum sub priuatione, dupliciter potest intelligi. Primum loquendo de possibili absolute secundum quod illud dicitur possibile, quod contradictionem non implicat & sic materiam posse absque omni forma, est non implicare contradictionem quod sit in actu, & nullam habeat formam. & quia à Deo fieri potest quicquid contradictionem non implicat, si illo modo possibile fuerit materiam esse absque forma, poterit Deus facere quod sit absque forma. Secundum loquendo de possibili per comparationem ad potentiam adiuam naturalem, & sic materiam posse esse absque omni forma, est posse per virtutem aliquam naturalem fieri ut habeat esse absque omni forma. Scotus ergo tenuit per potentiam diuinam materiam posse habere esse sine forma: & quod ipsum esse sine forma, contradictionem non implicat. S. Thom. autem 1. parte, questione sexagesima sexta, articulo primo, & de Potentia, q. 4. articulo 1. quoli. quæst. 3. artic. 1. tenet cum Auerr. secundum Physicorum, Comment. 12. & Auicenna secundum Metaphysicæ suæ c. 3. quod implicat contradictionem materiam actualiter existere absque omni forma, & per consequens non est aliquid à Deo factibile. Tunc enim esset aliquid actu sine actu, & aliquid esset ens quod non esset ad aliquem modum entis determinatum. Sed quia ab aliis Thomistis est hæc questio disputata, & præsertim à Capreolo in secundo Sen. distinct. duodecima. satis pro nunc sit ad argumenta Scoti respondere. Ad primum negatur materiam, quando duo absoluta necessaria habent inter se connexionem, non est enim vera vniuersaliter, ut patet in quantitate & qualitate, nam quantitas non potest esse in natura nisi habeat aliquam figuram, & tamen quantitas est aliquid absolutum prius qualitate. materia autem quantum ad a<sup>ctualitatem</sup> existentiam habet cum forma naturalem & necessariam connexionem. Vnde est quidem verum quod omne quod potest existere sine alio, non autem aliud sine ipso, est eo prius, non autem e contrario omne prius potest esse sine posteriori. Dicitur secundum quod illa maior propositio si habeat veritatem, tenet tantum in priori & posteriori, quorum vtrunque dicit aliquem actum, non autem in priori, quod nullum dicit actum, sed puram potentiam, cuiusmodi est materia prima. Dicitur tertio quod si habet veritatem, intelligitur de separatione à quocunque posteriori diuisum, non autem coniunctum. Animal enim licet possit absque vnaquaque specie sua diuisum & per se accepta existere, non potest tamen esse absque omni specie animalis coniunctum, ita quod sit animal in rerum natura in nulla specie animalis existens, eodem modo licet materia possit esse absque quacunque forma particulatim sumpta, non tamen potest esse absque omni forma coniunctim, ita quod in rerum natura existat nulli formæ subiecta. Ad secundum negatur consequentia: ad probationem dicitur quod assumptum est verum de causa secunda agente, non autem de formali. quicquid enim facit Deus mediante causa secunda efficiente, potest se solo operari absque causa secunda, non autem quicquid facit mediante causa formali, potest absque tali causa operari. non enim potest facere parietem album absque albedine. nam esse album est habere albedinē: modo Deus dat esse materiæ mediante forma tanquam causa formali, non autem tanquam causa efficiens: ideo ratio non sequitur. Et per hoc patet responsio ad tertium, licet

*Cuius in co.  
de Ente, &  
Essen. c. 5.*



Rationes contra determinatam veritatem.

Cap. 5.



VNT autem quædam quæ huic sententiæ ad-  
uersari videntur. Quod enim accidit præter  
intentionem agentis, dicitur esse fortuitum  
& casuale, & in paucioribus accidens: malum  
autem fieri non dicitur fortuitum & casuale, neque ut in  
paucioribus accidens, sed semper, vel in pluribus. in mate-  
rialibus enim semper generationi corruptio adiungitur.  
in agentibus etiam per voluntatem in pluribus peccatum  
accidit: cum difficile sit secundum virtutem agere: sicut  
attingere centrum in circulo, ut dicit Aristot. in 2. Ethic. \*Cap. 9.

D. 784.

non igitur videtur malum esse proueniens præter inten-  
tionem.

2. Item Arist. in 3. Eth. expresse dicit quod malitia est vo-  
luntariū. & probat per hoc quod aliquis operatur iniusta vo-  
luntariē. irrationabile autem est operantem voluntariē in-  
iusta, non velle iniustum esse: & voluntariē stupratem, non  
velle incontinentem esse: & per hoc etiam legislatores pu-  
niant malos quasi voluntariē operantes mala. non videtur  
igitur malum præter voluntatem vel intentionem esse.

\*Cap. 4.

3. Præterea, omnis motus naturalis habet finem inten-  
tum à natura: corruptio autem est mutatio naturalis, sicut  
& generatio: finis igitur eius, qui est priuatio habens ra-  
tionem mali, est intentus à natura, sicut etiam forma &  
bonum: quæ sunt generationis finis.

Super Cap. 5.



VIA contra determinatam veritatem aliquæ rationes sunt  
quæ difficultatem afferunt, ideo illas S. Thom. ut completa  
& integra veritas habeatur, primò adducit: secundò soluit  
cap. seq. quædam ad primum arguit primò sic: Malum in na-  
turalibus est semper cum generationi semper sit coniuncta  
corruptio. in voluntariis etiam peccatum in pluribus accidit, cum diffi-  
cile sit operari secundum virtutem. 2. Ethic. ergo malum non prouenit præ-  
ter intentionem. probatur consequentia, quia quod est præter intentionem,  
est fortuitum & casuale, & in paucioribus accidens. Secundò, tertio Ethic.  
dicitur quod malitia est voluntaria, ergo malum non est præter voluntatem  
vel intentionem. Tertio, Corruptio est mutatio naturalis, ergo finis eius,  
qui est priuatio habens rationem mali, est intentus à natura. probatur  
consequentia, quia omnis motus naturalis habet finem intentum.

Solutio rationum præmissarum.

Cap. 6.



T autem positarum rationum solutio manife-  
stior fiat, considerandum est quod malum con-  
siderari potest vel in substantia aliqua, vel in  
actione ipsius. Malum quidem in substantia  
aliqua est ex eo quod deficit ei aliquid quod  
natum est & debet habere. si enim homo non habet alas,  
non est ei malum: quia non est natus eas habere. si etiam  
homo capillos flavos non habet, non est malum: quia & si  
natus est habere, non tamen est ei debitum ut habeantur:  
est tamen malum si non habeat manus, quas natus est &  
debet habere, si sit perfectus: quod tamen non est malum  
aut. omnis autem priuatio si propriè & strictè accipiatur,  
est eius quod quis natus est habere & debet habere, in  
priuatione igitur sic accepta est ratio mali. materia autè  
cum sit in potentia ad omnes formas, omnes quidem na-  
ta est habere, nulla tamen est ei debita, cum sine quauis  
vna earum possit esse perfecta in actu. quælibet tamen ea-  
rum est debita alicui eorum quæ ex materia constituun-  
tur. nam non potest esse aqua, nisi habeat formam aquæ:  
nec potest esse ignis, nisi habeat formam ignis. priuatio  
igitur huiusmodi formæ comparata ad materiam non est  
malum naturæ: sed comparata ad id cuius est forma, est  
malum eius. sicut priuatio formæ ignis est malum ignis. &  
quia tam priuationes quàm habitus & formæ non dicuntur  
esse nisi secundum quod sunt in subiecto: si quidem priuatio  
sit malum per comparisonem ad subiectum in quo est,  
erit malum simpliciter: si autem erit malum alicuius, & non  
Contra Gent. y 3

Cap. 3.

licet enim Deus immediatè creet materiam per remotionem causæ me-  
diæ efficientis, non tamen per remotionem causæ mediæ formalis. Ad  
quartum negatur antecedens ad cuius probationem negatur consequen-  
tia. Ad probationem verò consequentiæ dupliciter responderi potest:  
primò quod assumptum habet veritatem duabus conditionibus obserua-  
tis. prima, quod tale determinans sibi genus, sit aliquid completum in  
actu. secundò quod genus quod sibi determinat, sibi sit essentialē. sic enim  
verum est omne quod determinat sibi genus, determinare sibi aliquam  
speciem illius generis: quia ut dicitur in Prædicamentis, quod est in ali-  
quo genere, est in aliqua specie illius generis: non autem verum est ubi  
altera illarum conditionum deficit, & multò minus verum est ubi deficit  
vtraque. In proposito autem deficit vtraque conditio, quia & materia non  
est ens completum in actu, cum sit pura potentia, neque forma, est de es-  
sentialē materiæ absolute sumptæ, ideo assumptum illud non habet verita-  
tem in proposito. Ratio autem quare materia quæ est ens incompletum  
vnà existens non determinat sibi aliquam speciem specialissimam de ge-  
nere substantiar, neque aliquod indiuiduum est, quia ratione suæ poten-  
tialitatis est susceptiua diuersarum formarum, & quia forma est id à quo  
vnumquodque speciem habet, ideo sicut est in potentia ad diuersas for-  
mas, ita est in potentia & indifferens ad diuersas species, & ad diuersa in-  
diuidua. Responderi secundò ad idem assumptum potest loquendo de  
genere extrinseco ab essentialē eius potentia quæ sibi illud genus determi-  
nat, quod dupliciter potest intelligi quod determinat sibi aliquod genus  
extrinsecum, determinare sibi speciem illius generis: vno modo, quod  
determinet sibi in essendo aliquam determinatam speciem illius generis:  
alio modo quod determinet sibi alteram illarum sub disunctione. Primo  
modo assumptum est falsum. Secundò modo est verum. Nam potentia vi-  
siva quæ determinat sibi colorem pro obiecto operationis, non determi-  
nat sibi album determinatè & signatè, ita quod non possit videre nisi al-  
bum, neque similiter pigrum, aut quemcunque alium colorem: non po-  
test tamen videre nisi videat aliquem colorem particularem, aut scilicet  
hunc aut illum. similiter hoc corpus, puta lignum, determinat non sibi  
locum, non tamen hunc locum sibi determinat signatè, sic quod non pos-  
sit esse sine hoc loco, sed verum est quod non potest esse secundum natu-  
ram nisi sit in hoc aut in illo loco, enumerando omnia loca. Pari modo  
non est necesse ut materia quæ determinat sibi formam in essendo, deter-  
minet sibi hanc signatè, puta formam hominis: ut sicut non potest esse si-  
ne forma, ita non possit esse sine forma hominis: sed bene oportet ut sibi  
determinet aliquam formam particularem sub disunctione. non enim  
potest esse in actu nisi sub aliqua particulari forma sit, aut hæc scilicet aut  
illa, omnes formas enumerando. Per hoc patet responsio ad confirmatio-  
nem. consequentia enim falsa est. Nam quod contingenter se habet ad  
quodlibet contentum sub genere signatè & determinatè acceptum, ut est  
verum, materiam contingenter se habere ad omnem formam, non oportet  
ut contingenter se habeat ad totum genus. vnde secundum ipsummet  
S. Thom. secundo Sententiarum, disunctione decimaquinta, ista conse-  
quentia neganda est, hoc corpus potest esse sine hoc loco, & sic illo, &  
sic de aliis designatè, ergo potest esse sine omni loco. Sed bene verum est  
quod id quod contingenter se habet ad omne contentum sub genere va-  
gè & indeterminatè ac sub disunctione acceptum, contingenter se habet  
ad totum genus: sed non dicimus ad hunc sensum materiam ad omnem  
formam contingenter se habere, imò necessariò se habet ad illam, quia  
non potest esse sine hac aut illa. Quartò in agentibus per intellectum &  
æstimationem quamcunque, malum est præter intentionem, ergo & in  
agentibus per naturam, ergo in omnibus agentibus. probatur antecedens,  
in huiusmodi agentibus intentio sequitur apprehensionem, cum tendat  
in id quod apprehenditur ut finis. ergo si perueniatur ad aliquid quod  
non habet speciem apprehensam, erit præter intentionem, sicut accidit  
in eo qui credens se comedere mel, comedit fel. Sed huiusmodi agens  
tendit in aliquid secundum quod accipit illud sub ratione boni: ergo si  
illud ad quod peruenitur, non sit bonum sed malum, erit præter intentionem.  
probatur quoque prima consequentia, quia tendere ad bonum est  
commune agenti per intellectum, & per naturam agentis.

ADVERTENDA hæc sunt duo. Primum est quod aliquid apprehen-  
dendi ut finem dupliciter potest intelligi. Vno modo ut cognoscatur illi  
conuenire finis rationem. Alio modo ut apprehendatur tanquam per se  
appetibile, apprehendendo scilicet illud tanquam conueniens absolute,  
non autem tanquam ad aliud utile. Primo modo conuenit tantum habentibus  
intellectum, quorum est cognoscere quid sit finis. Secundò autem  
modo etiam brutis conuenit. Propter hoc dicit S. Thom. non solum de  
agentibus per intellectum, sed etiam de agentibus per æstimationem  
quamcunque: sicut videlicet sunt bruta quæ naturali æstimatione ad suas  
mouentur operationes, quod intentio sequitur apprehensionem, quia  
tendit in illud quod apprehenditur ut finis. Nam & intentio aliquo modo  
conuenit brutis, ut declaratum est superius in secundo libro. Secundum  
est, quod licet agenti per naturam, & agenti per intellectum, diuersi-  
modè conuenit tendere in bonum, hoc tamen commune est vtrique quod  
intentio sequitur formam per quam agens operatur: & ideo sicut in agente  
per intellectum intentio sequitur apprehensionem per quam ipsum  
agit, & omne quod sequitur non conforme apprehensioni eius, est præter  
intentionem ipsius: ita intentio agentis per naturam sequitur formam  
per quam agens naturale agit: & omne quod euenit non conforme incli-  
nationi formæ agentis, est præter eius intentionem: & ideo cum malum  
ita discordet ab inclinatione formæ naturalis quæ ad bonum inclinat, si-  
cut ab apprehensione agentis per intellectum: sicut est præter intentionem  
agentis per intellectum: ita est præter agentis naturalis inten-  
tionem. Propter hoc optime sanct. Thom. ad ostendendum  
quod malum est præter intentionem agentis natura-  
lis, si est præter intentionem agentis per in-  
tellectum hac ratione vtitur, quod ten-  
dere ad bonum est commune vtri-  
que agenti. Vltimò confirma-  
tur conclusio auth. Dio,  
4. cap. de Diuin,  
nomin.



simpliciter: hominem igitur priuari manu, est malum simpliciter: materiam autem priuari forma aëris, non est malum simpliciter, sed est malum aëris. priuatio autem ordinis aut commensurationis debita in actione, est malum actionis. & quia cuilibet actioni est debitus aliquis ordo & aliqua commensuratio: necesse est ut talis priuatio in actione simpliciter malum existat. His igitur visis sciendum est quod non omne quod est præter intentionem, oportet esse fortuitum vel casuale, ut prima ratio proponebat. si enim quod est præter intentionem, sit consequens ad id quod est intentum vel semper, vel sicut frequenter: non eueniet fortuito vel casualiter, sicut in eo qui intendit dulcedine vini frui, si ex potatione vini sequatur ebrietas: semper vel frequenter non erit fortuitum, nec casuale: esset autem casuale, si sequeretur ut in paucioribus. malum ergo corruptionis naturalis etsi sequatur præter intentionem generantis, consequitur tamen semper. nam semper formæ vnius est adiuncta priuatio alterius: unde corruptio non euenit casualiter, neque ut in paucioribus: licet priuatio quandoque non sit malum simpliciter, sed alicuius, ut dictum est. Si autem sit talis priuatio, quæ priuat id quod est debitus generato, erit casuale & simpliciter malum: sicut cum nascitur partus monstruosi. hoc enim non consequitur de necessitate ad id quod est intentum, sed est ei repugnans: cum agens intendat perfectionem generati, malum autem actionis accidit in naturalibus agentibus ex defectu virtutis actiue. unde si agens habet virtutem defectiuam, hoc malum consequitur præter intentionem: sed non erit casuale: quia de necessitate est consequens ad talem agentem: cum tale agens vel semper vel frequenter patitur hunc virtutis defectum. erit autem casuale, si hic defectus raro talem comitatur agentem. In agentibus autem voluntariis intentio est ad bonum aliquod particulare, si debet sequi actio. nam vniuersalia non mouet, sed particularia, in quibus est actus, si igitur illud bonum quod intenditur, habeat coniunctam priuationem boni secundum rationem vel semper vel frequenter: sequitur malum morale non casualiter, sed vel semper vel frequenter: sicut patet in eo qui vult uti femina propter delectationem, cui delectationi adiuncta est inordinatio adulterij: unde malum adulterij non sequitur casualiter, esset autem casuale malum, si ad id quod intendit, sequeretur aliquod peccatum ut in paucioribus: sicut cum quis proiciens ad arem, interficit hominem. quod autem huiusmodi bona aliquis intendat, ut in pluribus quibus priuationes boni secundum rationem consequantur: ex hoc prouenit, quod plures viuunt secundum sensum, eo quod sensibilia sunt nobis manifesta, & magis efficaciter mouentia in particularibus, in quibus est operatio. ad plura autem talium bonorum sequitur priuatio boni secundum rationem. Ex quo patet quod licet malum præter intentionem sit, est tamen voluntarium, ut secunda ratio proponit, licet non per se, sed per accidens. Intentio enim est ultimi finis quem quis propter se vult: voluntas autem est etiam eius quod quis vult propter aliud, etiā si simpliciter non vult: sicut qui proicit merces in mare causa salutis, non intendit proiectionem mercium, sed salutem: proiectionem autem vult non simpliciter, sed causa salutis. Similiter propter aliquod bonum sensibile consequendum vult aliquis facere inordinatam actionem, non intendens inordinationem, neque volens eam simpliciter, sed propter hoc: & ideo hoc modo malitia & peccatum dicuntur esse voluntaria, sicut proieccio mercium in mari.

Eodem autem modo patet solutio ad tertiam obiectionem. Nunquam enim inuenitur mutatio corruptionis sine mutatione generationis: & per consequens nec finis corruptionis sine fine generationis. natura ergo non intendit finem corruptionis seorsum à fine generationis: sed simul vtrumque. Non enim est de intentione naturæ absoluta, quod est aer, ut sit aqua, sed quod sit aer: quo existente non est aqua: hoc ergo quod est esse aërem, intendit natura secundum se: hoc verò quod est non esse aquam, non in-

tendit nisi in quantum est coniunctum ei quod est esse aërem. sic igitur priuationes à natura non sunt secundum se intentæ, sed secundum accidens: formæ verò secundum se. Patet ergo ex præmissis quod illud quod est simpliciter malum, omnino est præter intentionem in operibus naturæ: sicut partus monstruosi: quod verò non est simpliciter, sed alicui malum, non est intentum à natura secundum se, sed secundum accidens.

Super Cap. 6.



POSITIS obiectionibus contra determinationem superius factam, accedit sanct. Thom. ad earum solutionem suo ordine. Pro solutione autem primæ rationis præmittit quatuor. Primum est, quod ratio mali in aliqua substantia est in priuatione strictè & propriè accepta, quæ scilicet est eius quod nata est habere, & debet habere, non autem in priuatione eius quod non nata habere, aut non debet habere, sicut homini malum est si non habeat manus, non autem si non habeat alas, aut non habeat capillos flavos. Secundum est, quod priuatio formæ comparata ad materiam non est eius malum, sed bene est malum naturæ, cuius est forma, sicut priuatio formæ ignis est malum ignis, non autem materiæ, quia licet materia nata sit habere omnes formas, nulla tamen est ei debita, cum sine vna quauis earum possit esse in actu perfecta: quælibet tamen earum est debita alicui eorum quæ sunt ex materia composita. Tertium est, quod cum tam priuationes quam habitus & formæ non dicantur esse nisi secundum quod sunt in subiecto, si priuatio sit malum per comparisonem ad subiectum in quo est, erit malum simpliciter: si autem, erit malum non simpliciter, sed alicuius. Quartum est, quod malum actionis est priuatio ordinis aut commensurationis debita in actione, quando & secundum quod debet inesse: & talis priuatio est simpliciter malum, quia cuilibet actioni est debitus aliquis ordo, & aliqua commensuratio. Ad euidenciam primi & secundi dicti aduertendum quod hoc dicitur aliquid debitus alicui quod ad eius integritatem & perfectionem requiritur, ita quod absque eo non dicitur secundum suam speciem perfectum in natura: hoc autem esse potest tam ad essentiam substantiæ, quam etiam ad complementum & perfectionem aliquam accidentalem pertinens. Homini enim debitus est quod animam rationalem habeat, & quod habeat manus si debeat dici perfectus homo in natura: & ideo priuatio huius dicitur malum hominis. homo enim carens manibus est imperfectus, & sic malum aliquod in ipso esse dicitur.

Ad euidenciam tertij dicti considerandum est, quod cum forma habeat rationem boni in quantum dat esse, ut dicitur 1. parte, q. 5. priuatio illi opposita habet rationem mali in quantum aufert aliquod esse. Idcirco ad videndum quomodo aliquod subiectum esse sub priuatione sit malum simpliciter, aut non simpliciter, respiciendum est ad modum quo forma & priuatio ad ipsum esse se habet, propter hoc sanct. Thom. ut ostendat quomodo dicatur malum aliquid simpliciter, accipit modum essendi priuationis & habitus illi oppositi. Quia enim forma cui opponitur priuatio ut sic, & priuatio non habet esse nisi in subiecto, ad sensum loquendo de priuatione (dicitur enim habere esse in subiecto, quia negat à subiecto formam & esse, non autem quia ipsa propriè habeat esse. est enim priuatio communiter etiam accepta, carentia formæ in aliquo subiecto) ideo secundum quod ad subiectum diuersimodè se habet, ita diuersimodè subiectum esse sub tali priuatione, est malum. quando enim priuat à subiecto in quo est, formam illi subiecto debitam, tunc est malum subiecti: & ideo absolute malum est subiectum esse sub tali priuatione, sicut absolute loquendo absque alia additione malum est hominem non habere manum, quia carere manu est malum in comparisonem ad hominem. quando autem non priuat à subiecto formam illi debitam, tunc non est malum simpliciter subiectum esse sub tali priuatione, cum non sit illa priuatio malum, ut ad illud subiectum comparatur. dicitur enim malum alicuius simpliciter quod ad ipsum comparatum est malum, non autem quod est malum ad alterum comparatum: sicut & bonum alicuius simpliciter dicitur quod est bonum in comparisonem ad illud, non autem quod est bonum in comparisonem ad aliud tantum. Potest tamen esse malum alicuius, sicut quia carere forma substantiali aëris, non est malum materiæ, cum non tollat formam materiæ debitam iuxta prædicta: materiæ carere forma aëris, non est absolute malum, sed est malum aëris: quia ex eo quod materia non habet formam aëris, tollitur aëris natura. Istis suppositis respondet sanct. Thom. ad obiectionem factam. Quantum enim ad materialia dicitur primum, quod non omne quod est præter intentionem, est casuale, & in paucioribus. corruptio enim naturalis & priuatio aliqua quæ sunt præter intentionem generantis, semper sequuntur generationem, licet priuatio quandoque non sit malum simpliciter, sed alicuius, ut dictum est. Dicitur secundum quod non est vniuersaliter verum malum esse ut in pluribus. priuatio enim quæ priuat aliquod debitus generato, est simpliciter malum, & casualis, ut cum nascuntur partus monstruosi, hoc enim non consequitur de necessitate ad id quod intenditur, sed ei repugnat. Dicitur tertio quod malum actionis consequitur defectum virtutis actiue, & est præter intentionem agentis habentis virtutem defectiuam: sed non est casuale quando agens vel semper vel frequenter talem defectum patitur, quia sequitur de necessitate ad agentem sic deficientem: est aut casuale, quando talis defectus raro concomitatur agentem. Quantum ad voluntaria dicitur primum, quod aliquando malum non est casuale, aliquando verò est casuale. Quando enim bonum particulare quod intenditur in actione, habet coniunctam priuationem boni secundum rationem vel semper vel frequenter, ut delectationi ingentem ex usu femine alterius, coniuncta est inordinatio adulterij, malum non sequitur casualiter: quando autem sequitur peccatum ut in paucioribus, malum est casuale, sicut cum quis proiciens ad arem, hominem interficit. Dicitur secundum quod idcirco huiusmodi bona ut in pluribus intenduntur, quibus priuationes boni rationis consequuntur, quia plures secundum sensum viuunt, eo quod sensibilia particularia, in quibus est operatio, sunt nobis manifesta, & efficacius moueant: ad plura autem sensibilia bonorum sequitur priuatio boni secundum rationem.



AD euidenciam eorum quæ hic dicuntur, ut sciatur quando malum in pluribus aut in paucioribus accidat, primò videndum est quomodo hoc in naturalibus se habeat. Secundò quo modo in voluntariis. Quantum ad primò sciendum ex doctrina S. Thom. 1. part. q. 63. art. 9. ad 1. & de Potentia, q. 3. art. 6. ad 3. & 2. Sen. dist. 1. q. 1. art. 1. ad 3. & dist. 34. ad 2. quòd in naturalibus malum considerari potest aut respectu totius naturæ, aut respectu alicuius determinatæ speciei in natura. Vtro modo, consideretur malum est in paucioribus: respectu quidem totius naturæ patet, quia est tatum in rebus corruptibilibus, quæ si considerentur in ratione quantitatis continentur, sunt multo minora corporibus celestibus. omnia enim corpora corruptibilia simul sumpta sunt multo minoris quantitatis quàm sint corpora celestia. Respectu etiam determinatæ speciei patet, quia actio semper secundum naturam euenit, nisi impediatur: raro autem accidit impedimentum. Unde videmus monstra pro minori parte euenire in natura. Attendendum tamen quòd licet defectus naturæ & operationum eius in tota vna specie pro minori parte accidat in vno tamen aliquo singulari potest contingere defectus actionis pro maiori parte propter defectum virtutis aut instrumenti, sicut apparet in claudicante & in generante monstruosos filios pro maiori parte: & ad hunc sensum intelligitur quòd inquit hoc loco S. Thomas, quòd malum consequitur semper aut frequenter in naturalibus, quum agens, scilicet singulare vel semper vel frequenter patitur virtutis defectum. Quantum ad secundum dicitur primò quòd in angelis malum ut in paucioribus fuit, quia pro maiori parte sequuta est operatio secundum convenientiam naturæ quæ est in ipsis tatum vna & intellectualis, sicut & actio naturalis pro maiori parte sequitur secundum naturam. Dicitur secundò quòd in hominibus considerata tota natura speciei quatum ad factibilia, malum est in paucioribus, quia ars operatur per modum naturæ, & sic deficit in paucioribus sicut & natura.

Quatum verò ad agibilia & moralia malum est in pluribus, quia quum sensibilia particularia multiplicentur magis, & sint pluribus nota, atque magis moueant quàm delectabilia secundum rationem, plures sequuntur delectabilia secundum sensum, quæ pro maiori parte habent coniunctam priuationem boni rationis: propter quod in ipsis est malum hominis in quantum est homo, quum sit homo per rationem, & consequenter debitum sit homini in quantum est homo, secundum rationem operari. & ad hunc sensum intelligitur quòd inquit Aristoteles secundo Topico, malum ut in pluribus euenire, & quòd hoc loco ait S. Thomas, quoniam ratio quare plures intendunt bona quibus priuationes boni rationis coniunguntur, est quia plures viuunt secundum sensum. Dicitur tertio quòd considerato vno indiuiduo & singulari, si sit in eo voluntas per habitus virtutum perfecta, malum euenit in paucioribus, quia habitus inclinat per modum naturæ, quæ in paucioribus deficit. Si autem voluntas sit per habitus virtutum deformata, malum ut in pluribus euenit, quia per huiusmodi habitus homo conformatur brutis, quæ pro maiori parte sequuntur naturæ impetum, ut inquit Boetius in quarto de Consol. profa tertia: & sic quum operationes ab habitu virtutis procedentes sint malum hominis in quantum est homo, eò quod contrarietur rationi, sequitur quòd talis pro maiori parte malum operetur. Si etiam voluntas nullo sit habitu perfecta, quum ut sit ad virtutem se habeat, & mala pluribus modis contingant quàm bona, in pluribus flectitur in malum, quum id quòd est perfectè & totaliter bonum, supposito præsertim quòd natura sit per peccatum vitiosa. Dicitur quartò de mente sancti Thom. de Potentia loco allegato, quòd licet malum tam naturæ quàm moris comparando effectus ad commune causam aliquando pro maiori parte eueniat siue natura in vniuersali, siue in aliquo singulari agente considerata, si tamen effectus ad proprias causas comparentur, nunquam inuenitur malum nisi in paucioribus. Quamuis enim partus monstruosus ad virtutem generatiuam comparatus absolute malum quoddam naturæ sit, in quantum non sequitur naturæ ordinem, ad virtutem tamen generatiuam deficientem tali modo comparatus non est malum, quum sit secundum inclinationem sui proprii principij: sed partus non monstruosus erit malum illius virtutis sic deficientis, quia euenit præter eius inclinationem: & cum illud raro eueniat, sequitur quòd effectus proprius illius causæ pro minori parte deficiat, & sic pro minori parte malum eueniat ad propriam causam comparatum. Similiter operatio circa delectabile secundum sensum comparata ad hominem absolute, est mala: comparata tamen ad appetitum sensibilem & naturam sensitiuam quæ est illius propria causa, inuenitur bona, quum sit secundum talis naturæ inclinationem, sicut & in brutis appetitum sensibilem sequentibus est bona. idè in huiusmodi operationibus circa sensibilia, ut ad naturam sensitiuam & appetitum sensibilem referuntur, in paucioribus est malum, quia pro maiori parte cum sensibili appetitu conueniunt, licet ut ad rationem & appetitum rationalem aut ad hominem absolute referuntur, pro maiori parte in ipsis sit malum: secundum quem sensum superioris sumus loquuti. Ex his patet intellectus eorum quæ inquit hoc loco sanctus Thomas, scilicet quòd malum semper aut frequenter accidit in operationibus ab agente deficiente proueniens, quando talis defectus semper aut frequenter virtutem agentis sequitur. hoc enim intelligitur comparando ipsam actionem ad virtutem agentis absolute, puta motum ad virtutem motiuam: quia tunc si defectus pro maiori parte eam concomiteretur, sequetur malum actionis pro maiori parte. si autem comparatio actionis fieret ad virtutem ut est sub tali defectu quomodo est causa propria actionis deficientis, tunc actio talis mala non erit tanquam carens debito ordine, cum sibi ut ad causam deficientem prouenit, non sit debitum habere perfectionem qua caret, sicut nec malum est homini carere alarum perfectione, quum non sit debitum ad hominis integritatem habere alas. Attendendum autem quòd in tota hac digressionem loquimur de malo simpliciter, ad sensum quem sanctus Thomas hic explicauit, non autem de malo alicuius alterius tantum: quia si de huiusmodi malo loqueremur, omnem actionem tam naturalem quàm voluntariam pro maiori parte sequitur malum. operationem enim bonam moraliter & secundum rationem concomitatur priuatio boni delectabilis secundum sensum, quæ priuatio est malum appetitus sensitiui: & generationem formæ introductæ concomitatur priuatio formæ abiectionis, quæ est malum naturæ corruptæ. Propter hoc dixit sanctus Thomas quòd malum, sic scilicet acceptum, aut semper aut pro maiori parte euenit in actionibus, & non euenit in paucioribus: & a casu. Ad secundam obie-

ctionem respondetur negando consequentiam, quia malum & est voluntarium, & est præter intentionem. intentio enim est tantum ultimi finis, quem quis propter se vult: voluntas autem est etiam eius quod quis vult propter aliud, etiam si simpliciter illud non vellet. ostenditur hoc exemplo proicietis merces in mare causa salutis, ubi proiectio mercium est volita per accidens: & similiter dicitur malitia volita non per se, sed per accidens, sicut aliquis vult propter bonum sensibile inordinatè actione.

ATTENDENDVM circa istam responsionem quòd sanctus Thomas, differentiam facit inter intentionem alicuius, & illius volitionem: quia id intendit voluntas & appetitus in quod propter se inclinatur, quia intentio propriè est factus appetitus circa finem, finis autem ut sit, est propter se volitus, sed volitio est non solum eius quod propter se volumus, sed etiam eius quod volumus propter aliud, sicut & sanitatem volumus & medicinam. Dicere ergo quòd malum sine malitia non est intentum, sed est præter intentionem, & tamen est volita per accidens, est dicere quòd non est volita propter se, sed tamen est volita propter aliud.

ADVERTENDVM secundò, quòd volitum per accidens dupliciter potest accipi. Vno modo quod totaliter subterfugit cognitionem volentis, & tamen est coniunctum per se volito: sicut volens bibere dulce, ignorans quòd illud sit venenum, dicitur velle venenum per accidens, & tale dicitur omnino per accidens esse volitum. Alio modo, quia cadit quidem sub cognitione volentis, sed tamen illud non vult nisi in quantum vult aliquod bonum cui coniungitur: imò si posset vnum ab alio separare, vellet vnum sine alio: sicut ille qui vult proicere merces in mare causa propriæ salutis, non vult mercium proiectionem nisi quia vult salutem suam, quam consequi non potest absque mercium perditione: & si posset salutem consequi absque damno mercium, non vellet earum perditionem. Malum ergo nunquam est volitum propter se, sed aliquando est volitum omnino per accidens: sicut quum quis vult proicere sagittam ad locum per quem non solent homines transire, si accidat ut proiciendo sagittam hominem interficiat, dicitur voluisse hominis interfecionem omnino per accidens, & nullo modo per se, neque inquam primò neque secundariò propter aliud. Aliquando verò non est volitum per accidens omnino, quasi scilicet non sit cognita deformitas & deordinatio actus voliti, sed est volitum per accidens, ut per accidens, ut per accidens distinguitur contra primò & per se, ut idem est quod per aliud: sicut quum quis vult consequi delectationem quæ est in adulterio, cognoscens illi coniunctam esse priuationem ordinis iustitiæ, vult illam deordinationem propter delectationem, in quantum vult delectationem cui necessariò illud malum coniungitur, & magis vult illud malum incurrere, quàm tali carere delectatione. Et ad hunc sensum inquit Philosophus malitiam & peccatum quandoque voluntaria esse. Nam non solum est voluntariū quòd propter seipsum volumus, sed etiam quod volumus propter aliud, licet secundum se sumptum non esset voluntarium: ut dicitur prima secunda, q. 6. art. 6. & propter hoc (ut dicitur in questionibus de Malo, q. 1. art. 3. ad 1.) non excusatur homo in huiusmodi à peccato, licet malum non sit propter se intentum, quia ad hoc ut sibi malum imputetur, sufficit quod sit propter aliud volitum, licet non sit volitum propter se. Quòd autem dixi hominis interfecionem ex iactu sagittæ esse volitum omnino per accidens à non considerante illud euenire debere, non contrariatur ei quòd ait S. Thom. Ma. q. 1. art. 3. ad 15. quòd scilicet dum accidens aliquod coniungitur effectui ut in paucioribus & raro, non oportet quòd agens intendens effectum per se, intendat aliquo modo effectum per accidens. accipit enim S. Thomas ibi effectum intendi per accidens, quando ex cognitione intenditur, non autem ut intendi per accidens dicitur quod coniungitur intento per se, etiam si non cognoscatur suo intento per se coniunctum esse.

Ad tertiam obiectionem respondetur, quòd priuatio non est intentata per se & seorsum à forma, sed per accidens, in quantum coniungitur formæ quæ est finis generationis: sicut & corruptio semper generationi coniungitur, declaratur exemplo corruptionis aquæ, & generationis aeris.

CIRCA hanc responsionem duo sunt aduertenda. Primum est quòd intentio quandoque propriè accipitur, & sic est tantum de eo quòd est finis, & est per se intentum: quandoque verò accipitur pro inclinatione appetitus ad quodcunque. quum ergo hic dicitur quòd natura vtrunque scilicet & finem generationis & finem corruptionis simul intendit, accipitur intentio communiter, non autem propriè, licet enim sit vnus & idem actus quo aliquid inclinatur ad finem, & ad id quòd est ad finem ut sicille tamen dicitur intentio respectu finis, non autem respectu ordinati ad finem: unde non est contradictio in verbis sancti Thomæ, quum in præcedenti responsione dixit malum non esse intentum, sed tantum volitum. hic autem dicit priuationem quæ est malum quoddam, esse simul intentum cum forma. ibi enim accipit intentionem propriè, hic autem communiter. Vel possumus dicere quòd malum non potest esse intentum proprio actu ad ipsum terminato, sed bene potest intendi actu qui ad bonum terminatur cui malum est coniunctum.

ADVERTENDVM secundò, quòd tam natura particularis generans & corruptans quàm vniuersalis intendunt primò & per se generationem & formam geniti, per accidens autem intendunt corruptionem & priuationem formæ præcedentis in materia, quia non potest esse generatio nisi per abiectionem formæ præcedentis. Aer enim agens in aquam & similiter virtus celestis, aeris generationem (ut hic dicitur) absolute & simpliciter intendunt, corruptionem verò quæ non intendunt, nisi quia generationi aeris necessariò coniungitur. Si enim posset natura generare aerem absque corruptione alterius naturæ, illud faceret, propter hoc inquit S. Thom. quòd natura non intendit finem corruptionis seorsum à fine generationis, sed simul intendit vtrunque. Quod verò aliquando inquit sanctus Thomas corruptionem esse de intentione naturæ vniuersalis, sed esse contra naturam particularem, intelligendum est de natura particulari quæ corrumpitur, quia nec se nec per accidens natura quantum est ex ratione suæ formæ suam corruptionem intendit: non autem intelligitur de natura corruptente aliam naturam, dum sibi simile generat. talis enim (ut dictum est) cum generatione per accidens intendit corruptionem, sicut & natura vniuersalis. Ex istis responsionibus deducit S. Thom. manifestum esse quòd malum simpliciter, est omnino præter intentionem in operibus naturæ: malum verò non simpliciter, sed alicui, est à natura intentum secundum accidens.



PRO intellectu eorum quæ hic dicta sunt, advertendum ex doctrina sancti Thomæ 4. dist. 36. quæst. 1. art. 1. ad secundum, quod duplex est natura intentio: una prima, alia secunda. Prima intentio est inclinatio naturæ absolute ad sibi simile & conforme secundum omnem sui perfectionem: secunda autem est ad sibi simile quantum fieri potest, supposito quod prima frustratur intentio, sicut & in artificialibus prima intentio artificis est ex supposita materia facere opus omni ex parte conforme arti, secunda autem est supposito quod non possit primum intentum assequi, facere ex ipsa materia simile arti quantum potest. Corruptio ergo & omnis defectus, sunt contra primam intentionem naturæ, quia natura prima intentione esse & perfectionem intendit: est tamen aliquis defectus de secunda intentione naturæ, quando enim natura non potest effectum ad maiorem perfectionem perducere, inducit ad minorem: sicut quado non potest facere masculum, facit feminam, quæ est mas occasionatus, ut dicitur decimo sexto de animalibus. Quod ergo inquit S. Thom. malum simpliciter esse omnino præter intentionem in operibus naturæ, sicut partus monstruosi, intelligendum est quod est præter primam naturæ intentionem, non autem quod sit præter secundam intentionem.

*Quid malum non est aliqua natura.*

Cap. 7.

Idem 1. p. 9.  
48. art. 1.  
Cap. præced.



**E**X his autem apparet quod nulla essentia est secundum se mala. Malum enim (ut dictum est) nihil est aliud quam privatio eius quod quis natus est & debet habere, sic enim apud omnes est usus huius nominis, malum. Priuatio autem non est aliqua essentia, sed est negatio in substantia, malum igitur non est aliqua essentia in rebus.

2. Adhuc, vnumquodque secundum suam essentiam habet esse: in quantum autem habet esse, habet aliquod bonum, nam si bonum est quod omnia appetunt: oportet ipsum esse bonum dicere: quum omnia esse appetant, secundum hoc igitur vnumquodque bonum est, quod essentiam habet: bonum autem & malum opponuntur, nihil igitur est malum secundum quod essentiam habet, nulla igitur essentia mala est.

3. Amplius, omnis res vel est agens, vel est facta, malum autem non potest esse agens: quia quicquid agit, agit in quantum est actu existens, & perfectum: & similiter non potest esse factum, nam cuiuslibet generationis terminus est forma & bonum, nulla igitur res secundum suam essentiam est mala.

4. Item, nihil tendit ad suum contrarium, vnumquodque enim appetit quod est sibi simile & conueniens. Omne autem ens agendo intendit bonum, ut ostensum est, nullum igitur ens in quantum huiusmodi est malum.

Cap. 3.

5. Adhuc, omnis essentia est alicui rei naturalis, si enim est in genere substantiæ, est ipsa natura rei, si verò sit in genere accidentis, oportet quod ex principiis alicuius substantiæ causetur: & sic illi substantiæ erit naturalis: licet forte alteri substantiæ non sit naturalis: sicut caliditas est naturalis igni, licet sit innaturalis aquæ, quod autem est secundum se malum non potest esse alicui naturale, de ratione enim mali est privatio eius quod est alicui natum in esse, & debitum ei, malum igitur quum sit eius quod est naturale, privatio non potest esse alicui naturale, unde quicquid naturaliter inest alicui, est ei bonum & malum, si ei desit, nulla igitur essentia est secundum se mala.

6. Amplius, quicquid habet essentiam aliquam, aut ipsamet est forma, aut habet formam aliquam, per formam enim collocatur vnumquodque in genere vel specie, forma autem in quantum huiusmodi habet rationem bonitatis, quum sit principium actionis, & finis quem intendit omne faciens, & actus quo vnumquodque habens formam, perfectum est, quicquid igitur habet essentiam aliquam, in quantum huiusmodi est bonum: malum igitur non habet essentiam aliquam.

7. Item, ens per actum & potentiam diuiditur, actus autem in quantum huiusmodi bonum est: quia secundum quod aliquid est actu, secundum hoc aliquid est perfectum, potentia etiam bonum aliquid est, tendit enim potentia ad actum: ut in quolibet motu apparet: & etiam est actui proportionata, non ei contraria: & est in eodem genere cum actu: & privatio non competit ei nisi per accedens, omne igitur quod est, quocunque modo sit, in quantum est ens, bonum est: malum igitur non habet aliquam essentiam.

8. Amplius, probatum est in secundo huius \* quod omne esse quocunque modo sit, est à Deo: Deum autem esse perfectam bonitatem, in primo huius \* ostendimus, quum igitur boni effectus malum esse non possit, impossibile est aliquid ens, in quantum est ens, esse malum. Hinc est quod Genesios primo dicitur: Vidit Deus cuncta quæ fecerat, & erant valde bona. Et Ecclesiastes tertio: Cuncta fecit bona in tempore suo. Et primæ ad Timotheum quarto: Omnis creatura Dei bona. Et Dionysius capit. quarto de Diuinis nominibus dicit quod malum non est existens, scilicet per se, nec aliquid in existentibus quasi accedens, sicut albedo vel nigredo. Per hoc autem excluditur error Manichæorum ponentium aliquas res secundum suas naturas malas esse.

\* Cap. 51.

\* Cap. 42.

Auth. sac. scriptura.

Super Cap. 7.



**P**OSTquam ostendit sanctus Thomas, malum esse in rebus præter intentionem: vult nunc ostendere quoniam nulla essentia est secundum se mala, accipiendo formaliter malum, scilicet pro ipsa priuatione perfectionis debite inesse.

Circa hoc autem duo facit. Primo ostendit propositum. Secundum mouet quædam dubia, & soluit in duobus capitulis sequentibus. Arguit ergo primo sic: Malum est privatio, ergo non est essentia aliqua in rebus, antecedens patet ex usu nominis, consequentia verò probatur, quia privatio non est aliqua essentia, sed negatio in substantia, id est in subiecto. Secundum, Vnumquodque secundum hoc bonum est, quod essentiam habet: ergo cum bonum & malum opponantur, nihil est malum secundum quod habet essentiam, ergo, &c. probatur antecedens, quia vnumquodque secundum suam essentiam habet esse, in quantum autem habet esse, habet aliquod bonum, cum omnia appetant esse.

ADVERTE circa istam propositionem, Vnumquodque secundum suam essentiam habet esse, quod hoc dupliciter potest intelligi. Vno modo quod ipsa rei essentia sit eius esse, & sic falsa est propositio, nec sic eam intelligit S. Thom. in solo enim Deo verum est quod eius essentia sit ipsius esse, ut in superioribus est ostensum. Alio modo quod ex ipsa rei essentia proveniat esse rei: & sic vera est propositio, & hic intenta, essentia enim simplex creata est causa formalis sui esse, & eius susceptivum: essentia verò composita ex materia & forma, est proprium susceptivum esse, & ita quod constituta essentia statim resultat esse suppositi, & sic dicitur res secundum essentiam habere esse: est etiam essentia rei compositæ causa formalis esse ratione suæ formæ quæ dat esse formaliter. Tertio, Malum nec est agens, neque factum, cum omne quod agit, agat in quantum est in actu & perfectum, & cuiuslibet generationis terminus sit forma & bonum: ergo malum non est res aliqua, patet consequentia, quia omnis res aut est agens, aut est facta. Quarto, Omne agens agendo intendit bonum, igitur nullum ens in quantum huiusmodi est malum, probatur antecedens, quia nihil tendit ad suum contrarium, sed ad simile & conueniens.

ADVERTE quod licet hæc ratio directe concludat nullum ens factum esse malum, ex hoc tamen relinquitur vniuersaliter malum nullum ens esse, si enim non est aliquid ens factum, multo minus erit ens aliorum factuum. Quinto, quod est secundum se malum, non potest esse alicui naturale: ergo nulla essentia est secundum se mala, probatur antecedens, quia malum est privatio eius quod est naturale, ut patet ex ratione mali, substantia enim alicuius est ipsa natura rei, accedens verò ex principiis alicuius substantiæ causetur.

CIRCA hanc propositionem, omne quod est de genere accidentis, oportet quod ex principiis alicuius substantiæ causetur, & sit illi naturale: dubitatur, Primo, quia sic omne accedens erit proprium, & nullum erit commune, accedens enim omne est illi naturæ proprium, cui est naturale, & ex cuius principiis causetur. Secundum, quia gratia & charitas sunt accidentia animæ, & tamen ex principiis nullius subiecti causantur, & nulli subiecto sunt naturalia.

AD euidentiam huius considerandum quod cum omne accedens habeat per substantiam diffiniri propter naturalem dependentiam accidentis ad subiectum, ut dicitur quod 9. quæst. 3. art. 1. ad 1. & ut dicitur in tractatu de Ente & essentia, differentia in accidentibus sumantur ex diuersitate principiorum ex quibus causantur: necesse est dicere omne accedens ex principiis alicuius substantiæ causari, licet multotiens illa principia sint nobis incognita: non oportet tamē ut omnia causentur à principiis propriis alicuius naturæ specificæ, sed sufficit quod causentur aut ex principiis generis aut speciei, aut etiam indiuidui, ut habetur ex eodem tractatu de Esse & essentia, sunt enim quædam accidentia propria generis, quædam speciei, quædam verò indiuidui. Sed tamen advertendum ex eodem tractatu & ex secundo Sen. d. 26. art. 2. ad secundum, quod ad accidentia causantur ex principiis subiecti quantum ad actum completum, sicut calor ab igne: quædam verò causantur quantum ad aptitudinem tantum, sicut diaphaneitas causatur ex principiis aeris, completur tamen aliquo illuminante extrinsecè: nam diaphanum in actu includit lucem, quæ non conuenit aëri ab intrinseco nisi quantum ad aptitudinem & habilitatē ad complementum actus. Quod ergo hic dicitur, omne accedens causari ex principiis alicuius substantiæ, & illi esse naturale, intelligitur aut quantum ad actum completum, aut quantum ad aptitudinem. Ad primum ergo in oppositum respondetur, quod utique omne accedens est proprium respectu alicuius subiecti aut generici, aut speciei, aut singularis quantum ad hoc quod est causari ex principiis subiecti modo declarato, & comparari ad ipsum sicut proprius actus ad propriam potentiam comparatur, & quantum etiam ad hoc quod est sustentari per subiectum, licet enim sint quædam accidentia, ut dicitur primo Sententiarum dist. 17. quæst. 1. art. 2. ad secundum, quæ principiis subiecti repugnant, & per violentiam introducuntur, sicut est de calore in aquam introducto, oportet tamen illa aut quantum ad actum completum



completum aut quantum ad aptitudinem & habilitatem determinare sibi aliquid subiectum secundum genus, aut speciem, aut indiuiduum, sine quo esse quantum ad alterum illorum non possunt. licet enim calor in aliquo esse secundum actum possit per violentiam, non tamen secundum aptitudinem & habilitatem est in illo.

Ad hunc sensum loquendo, nullum accidens est commune. Quod autem diuiditur accidens in proprium & commune, accipitur hæc diuisio per comparationem ad speciem specialissimam, aliquid enim vni speciei specialissimæ conuenit, vt risibilitas homini: aliquid verò conuenit pluribus speciebus, sicut albedo niui, lacti, cygno, & aliis. Ad secundum dicitur ex secundo Senteatiarum, loco præallegato, quod licet gratia & charitas non cauentur ex principiis subiecti quantum ad actum completum, receptibilitas tamē horum semper subiectum cōsequitur, & ex principiis subiecti causatur: & sic potest dici naturalis, vt patet in hoc quod est esse disciplinæ susceptibile. Posset etiam dici quod loquitur sanctus Thomas de accidentibus quæ per agens naturale causari possunt: gratia autem & charitas non sunt talia accidentia. Sexto, omnis essentia aut est forma, aut habens formam, quum vnumquodque collocetur in genere aut specie per formam, ergo est bona forma in quantum huiusmodi, habet rationem bonitatis, tum quia est principium actionis, & finis ab agente intentus, tum quia est actus quo vnumquodque est perfectum, ergo, &c. Secundo, actus in quantum huiusmodi bonum est, quum vnumquodque secundum quod est actus, sit perfectum. potentia etiam bonum aliquid est, quum ad actum tendat, & sit actui proportionata, non autem contraria, & sit in eodem genere cum ipso, priuatio autem non competat ei nisi per accidens, scilicet in quantum coniungitur forme: ergo omne ens in quantum ens est bonum, patet consequentia, quia ens per actum & potentiam diuiditur. Octauo, malum non potest esse effectus Dei, ergo, &c. probatur consequentia, quia omne esse quo cunque modo sit, est à Deo, vt in secundo huius est ostensum. antecedens quoque probatur, quia malum nō potest esse effectus boni, scilicet per se: Deus autem est ipsa essentia bonitatis. Confirmatur conclusio auctoritate Genes. primo & Ecclesiast. tertio: & 1. Tim. 4. & Dion. 4. ca. de Diuinis nom. Excluditur quoque Manichæorum error, ponentium aliquas res secundum naturas suas malas esse.

*Rationes contra præmissam conclusionem.*

Cap. 8.



IDE TVR autem quibusdā rationibus prædictæ sententiæ posse obuiari. Ex propria enim differentia specifica vnumquodque speciem sortitur. malum autem est differentia specifica in aliquibus generibus, scilicet in in habitibus & actibus moralibus. sicut enim virtus secundum suam speciem est bonus habitus, ita contrarium vitium est malus habitus secundum suam speciem: & similiter de actibus virtutum & vitiorum: malum igitur est dans speciem aliquibus rebus: est igitur aliqua essentia, & aliquibus rebus naturalis.

2 Præterea, vtrumque contrariorum est natura quædam. si enim nihil poneret, alterum contrariorum esset priuatio vel negatio pura: sed bonum & malum dicuntur esse contraria. malum igitur est natura aliqua.

Cap. 1. in 3 Item, Bonum & malum dicuntur esse genera contrariorū ab Aristotele in Postprædicamentis: cuiuslibet autē generis est essentia & natura aliqua: nā non entis non sunt species neque differentiæ: & ita quod non est, non potest esse genus: malum est igitur aliqua essentia & natura.

4 Adhuc, omne quod agit, est res aliqua: malum autem agit in quantum malum (repugnat enim bono, & corrumpit ipsum) malum igitur in quantum malum, est res aliqua.

5 Amplius, in quibuscunque inuenitur magis & minus, oportet quod sint res aliquæ habentes ordinem. negationes enim & priuationes non suscipiunt magis & minus. inuenitur autē inter mala vnum altero peius. oportet igitur (vt videtur) quod malum sit res aliqua.

6 Præterea, res & ens conuertuntur: est autem malum in mundo, ergo est res aliqua & natura.

Super Cap. 8.



CONTRA postam conclusionem quædam instantiæ sunt, quas primo recitat sanctus Thomas. Secundo soluit, cap. sequenti. Quantum ad primum arguit quidam, primo sic: Malum est differentia specifica habitus & actus moralis, quum vitium sit malus habitus secundum suam speciem, ergo dat speciem aliquibus rebus. ergo est aliqua essentia. Secundo, bonum & malum sunt contraria. ergo, &c. Probatur consequentia, quia vtrumque contrariorum est natura quædam. Tertio, bonum & malum dicuntur esse genera contrariorum ab Aristotele, ergo, &c. probatur consequentia, quia cuiuslibet generis est essentia & natura aliqua.

Quarto, malum agit. Corruptum enim bonum, ergo, &c. patet consequentia, quia omne quod agit, est res aliqua. Quinto inuenitur inter mala

vnum altero peius, ergo, &c. probatur consequentia, quia in quibus inuenitur maius & minus, oportet quod sint res aliquæ habentes ordinem. Sexto, malum est in mundo, ergo, &c. probatur consequentia, quia res & ens conuertuntur.

*Responsio ad prædictas obiectiones.*

Caput 9.



AS autem rationes non difficile est soluere. Malum enim & bonum in moralibus specificæ differentiæ ponuntur, vt prima ratio proponebat: quia moralia à voluntate dependēt. secundum hoc enim aliquid ad genus moris pertinet, quod est voluntarium. voluntatis autem obiectū est finis & bonum: vnde à fine speciem moralia fortiuntur: sicut & naturales actiones à forma principij actiui, vt calefactio à calore. quia igitur bonum & malum dicuntur secundum ordinem ad finem, vel priuationem ordinis: oportet quod in moralibus primæ differentiæ sint bonū & malum. vnius autem generis oportet esse vnam mensuram primam. moralium autem mensura est ratio. oportet igitur quod à fine rationis dicantur aliqua in moralibus bona vel mala. quod igitur in moralibus fortitur speciem à fine. qui est secundum rationem, dicitur, secundum speciem suam bonum. quod verò fortitur speciem à fine contrario fini rationis, dicitur secundum speciem suam malum, finis autem ille etsi tollat finem rationis, est tamen aliquid bonum, sicut delectabile secundum sensum, vel aliquid huiusmodi. vnde & in aliquibus animalibus sunt bona, & homini etiam, cum sunt secundum rationem moderata: & contingit quod est malum vni, esse bonum alteri: & ideo nec malum secundum quod est differentia specifica in genere moralium, importat aliquid quod sit secundum essentiam suam malum: sed aliquid quod secundum se est bonum: malum autem homini, in quantum priuat ordinem rationis quod est hominis bonum. Ex quo etiā patet quod malum & bonum sunt contraria secundum quod in genere moralium accipiuntur: non autem simpliciter accepta, sicut secunda ratio proponebat: sed malum priuatio est boni in quantum est malum. Eodem etiam modo potest accipi dictum quod malum & bonū, prout sunt in moralibus, sunt genera contrariorum: ex quo tertia ratio procedebat. Omnium enim contrariorum moralium vel vtrumque est malum, sicut prodigalitas & illiberalitas: vel vnum bonum, & alterum malum: sicut liberalitas & illiberalitas: est igitur malum morale & genus & differentia: non secundum quod est priuatio boni rationis, ex quo dicitur malum, sed ex natura actionis vel habitus ordinati ad aliquem finem qui repugnat debito fini rationis: sicut homo cæcus est hominis indiuiduum, non in quantum est cæcus, sed in quantum est hic homo: & irrationale est differentia animalis, non propter priuationem rationis, sed ratione talis naturæ ad quam sequitur remotio rationis. Potest etiam dici, quod Aristoteles dicit malum & bonum esse genera non secundum propriam opinionem, cum inter prima decem genera (in quorum quolibet inuenitur aliqua contrarietas) ea non connumeret: sed secundum opinionem Pythagoræ qui posuit bonum & malum esse prima genera & prima principia: & in vtroque eorum posuit esse decem prima cōtraria. Sub bono quidem finitum, par, vnum, dextrum, masculinum, quiescens, rectum, lucem, quadratum, & vltimò bonum. Sub malo autem infinitum, impar, plurale, sinistrum, foemininum, motum, curuum, tenebræ, altera parte longius, & vltimò malum. Sic autem & in pluribus librorum logicalium locis vtitur exemplis secundum sententiam aliorum Philosophorum quasi probabilibus secundum illud tempus.

Habet tamen & hoc dictum aliquam veritatem: nam impossibile est quod probabiliter dicitur secundum totū esse falsum. omnium enim contrariorum vnum est perfectum, & alterum diminutum, quasi priuationem quandam habens admixtam, sicut album & calidum sunt perfecta: frigidum

*Opinio Pythagoræ referente Arist. 1. Meta. ca. 5.*



frigidum verò & nigrum sunt imperfecta, quasi cum priuatione significata. quia ergo omnis diminutio & priuatio ad rationem mali pertinet, omnis autem perfectio & complementum, ad rationem boni: semper in contrariis alterum sub ratione boni videtur comprehendi, alterum ad rationem mali accedere: & secundum hoc bonum & malum genera contrariorum omnium esse videntur. Per hoc etiam patet qualiter malum repugnat bono, ex quo quarta ratio procedebat. secundum enim quod formæ & fini quæ habent rationem boni, & sunt agendi vera principia, est adiuncta priuatio contrariæ formæ, & finis contrarij: actio quæ sequitur ex tali forma & tali fine, attribuitur priuationi & malo per accidens quidem: nam priuatio secundum quod huiusmodi non est alicuius actionis principium. Propter quod bene 4. cap. de Diuinis nominibus dicit Dionysius, quod malum non pugnat contra bonum nisi virtute boni: secundum se verò est impotens & infirmum quasi nullius actionis principium. malum verò corrumpere dicitur bonum non solum agendo virtute boni, sicut expositum est: sed formaliter secundum se: sicut dicitur cæcitas corrumpere visum: quia est ipsa visus corruptio: per quem modum dicitur albedo parietem colorare, quia ipsa est parietis color. Dicitur autem aliquid altero magis & minus malum per recessum à bono. sic enim quæ priuationem importat, intenduntur & remittuntur, sicut inæquale & dissimile. dicitur enim inæqualius quod est ab æqualitate magis distans: & similiter dissimilius magis à similitudine recedens. unde & magis malum dicitur quod est magis priuatum bono, quasi magis à bono distans. priuationes enim non intenduntur quasi aliquam essentiam habentes, sicut æqualitates & formæ, ut quinta ratio procedebat, sed per augmentum causæ priuantis, sicut aer tantò tenebrosior est, quantò plura fuerint interposita obstacula. sic enim longius à lucis participatione distat. Dicitur etiam malum esse in mundo non quasi essentiam aliquam habeat, vel res quædam existat, ut sexta ratio procedebat, sed ea ratione, quia dicitur quod res aliqua mala est ipso malo, sicut cæcitas & quælibet priuatio esse dicitur, quia animal cæcitate est cæcum. Ens enim dupliciter dicitur, ut Philosophus in Met. docet. Vno modo secundum quod significat essentiam rei, & diuiditur per decem prædicamenta, & sic nulla priuatio potest dici ens. Alio modo secundum quod significat veritatem compositionis, & sic malum & priuatio dicitur ens, inquantum priuatione dicitur aliquid esse priuatum.

\* Lib. 5. tex.  
com. 14.

### Super Cap. 9.



Ad prædictas obiectiones respondetur à sancto Thom. Ad primam quidem dicitur primo, quod malum & bonum sunt differentia specificæ in moralibus: & prima, quia moralia cum à voluntate dependeant, accipiunt speciem à fine, quod est obiectum voluntatis, sicut & naturales actiones à forma quæ est principium actionis: bonum autem & malum dicuntur secundum ordinem ad finem vel priuationem ordinis tanquam à prima mensura. Dicitur secundo, quod cum à fine rationis dicantur in moralibus aliqua bona vel mala tanquam à prima mensura: quod in illis sumit speciem à fine contrarij rationis fini, dicitur secundum suam speciem malum. Dicitur tertio quod talis finis mali licet tollat finem rationis, est tamen aliquod bonum, declaratur exemplo delectabilis secundum sensum & similitum: unde malum secundum quod est differentia specifica, non importat aliquid quod sit secundum essentiam suam malum, sed quod secundum se est bonum: malum autem est inquantum priuat ordinem rationis, quod est hominis bonum. ex hoc vult negare sanctus Thomas, quod malum formaliter sumptum de quo intelligit conclusio, sit differentia specifica, licet sit verum de malo per accidens & concretivè sumptum.

CIRCA hanc propositionem, Bonum & malum dicuntur secundum ordinem ad finem, vel priuationem ordinis: considerandum quod hoc potest intelligi aut de bono & malo in communi, aut de bono & malo secundum quod in actionibus & habitibus inuenitur. Si primo modo intelligatur, duplicem habere sensum potest. Vnus est, quod bonum & malum sunt tantum in iis quæ propter finem nata sunt esse: bonum quidem, si sit ordinabile ad finem, & fini conueniens. malum autem, si non sit ordinabile ad finem, sed sit illi improprium, hic sensus non est verus: quia non solum bonum & malum inuenitur in his quæ sunt propter finem, sed etiam in fine, imò principaliter dicitur bonum de fine, quia ordinatum ad finem non habet rationem boni, nisi quia ordinatur ad bonum, aut caret ordine debito ad illum. Alius sensus esse potest, quod bonum & malum dicuntur aut secundum concomitantiam finis, aut secundum negationem talis concomitantiz. boni enim rationem concomitantur ra-

tio finis, si absolute & simpliciter sumatur bonum: mali autem rationem non concomitantur talis ratio, imò ipsam concomitantur priuatio finis. Nam si- cut malum absolute sumptum, est priuatio boni, ita priuatio finis ipsum concomitantur. Et hic sensus est verus. Si autem secundo modo intelligatur, sensus est quod bonus actus & bonus habitus, dicitur secundum quod ordinatur ad finem scilicet debitum, malus autem secundum quod caret ordine ad debitum finem. Licet autem utroque modo possit intelligi quod hic dicitur: videtur tamen intelligendum esse primo modo in sensu vero, scilicet de bono & malo in communi, tum quia absolute loquitur sanctus Thomas de fine, & nullam facit mentionem de fine debito, tum quia inconuenientius adaptatur præmissis. quia enim dixerat quod moralia sortiuntur speciem à fine: concludit quia finis & bonum sese concomitantur, similiter malum & negatio finis, ideò bonum & malum sunt prius differentia in moralibus scilicet extrinsecæ, à quibus sumuntur intrinsecæ differentia.

CIRCA secundum dictum responsionis aduertendum, quod finis rationis dicitur finis conformis recto iudicio rationis qui scilicet est secundum rectum iudicium rationis appetibilis: finis autem contrarij finis rationis est appetibile, quod contrariatur appetibili secundum rectam rationem, sicut delectabile secundum sensum non regulatum ratione contrariatur delectabili secundum rationem: & quia homo est homo per rationem, ideò bona moralia quæ sunt hominis inquantum est homo, accipiunt bonitatem & malitiam ex ordine ad bonum rationis, aut ad contrarium illi bono.

CIRCA tertium dictum duo sunt attendenda. Primum est quod bonum aut malum ex ordine ad alterum ut sic, non habet bonitatem aut malitiam nisi secundum bonitatem aut malitiam illius ad quod ordinatur: & ideò si illud secundum aliquid sit bonum, & secundum aliquid malum: ordinatum ad ipsum secundum aliquid erit bonum, & secundum aliquid erit malum. secundum enim quod terminatur ad rem bonam erit bonum, secundum verò quod ad rem habentem aliquid malitiz terminatur, erit malum talis ordo. nullam enim habet inquantum huiusmodi bonitatem aut malitiam nisi ex bonitate aut malitia eius ad quod ordinatur. ideò cum malum quod est differentia specifica in genere moralium, sit aliquid quod secundum se est bonum, & secundum aliquid est malum, inquantum videlicet priuat ordinem rationis quod est hominis bonum, apparet quod habitus malus est secundum aliquid bonus, scilicet inquantum respicit bonum: & secundum aliquid malus, inquantum videlicet respicit priuationem ordinis rationis illi bono coniunctam.

Secundum est, quod malum dicitur aliquid dupliciter, ut ponit sanctus Thomas 2. sententiarum, dist. 34. artic. 2. de mente Auicennæ in sua Metaph. scilicet per se & per accidens: malum per se est ipsa priuatio boni abstractè sumpta: malum per accidens est & ipsum subiectum talis priuationis, & quod ipsam in altero causat. Malum ergo quod ponitur differentia constitutiva in moralibus, non est per se & abstractè malum, sed est malum per accidens & concretivè: quod est dictum, non est ipsa priuatio boni formaliter & abstractè sumpta, sed est subiectum & natura cui coniungitur boni priuatio. ordo enim positus ad finem malum habet coniunctam priuationem ordinis ad finem debitum, ut dictum est, sicut & finis indebitus habet coniunctam priuationem finis debiti, unde dicitur malus per accidens, & concretivè, sicut & finis ad quem terminatur.

SED occurrit dubium: Nam si à fine specificatur habitus & actus moralis, aut specificatur ab illo secundum quod habet bonitatem, aut secundum quod habet priuationem & malitiam. Si inquantum aliquid bonitatis habet, sequitur quod habitus & actus non sit malus. quod enim dicit ordinem ad aliquid inquantum est bonum, non habet ex illo vltim malum. Si inquantum habet priuationem & malitiam, sequitur quod à malo per se & abstractè considerato specificetur: & sic etiam malum formaliter & per se sumptum erit differentia specifica in moralibus: quod negat hic & in alijs plerisque locis sanctus Thomas.

Respondetur quod diuisio est insufficiens si accipiantur bonitas & malitia finis secundum omnimodam præcisionem vnius ab alio. neque enim ratione bonitatis præcisè accepta per exclusionem malitiz, neque ratione malitiz præcisè accepta specificatur habitus & actus malus, sed ratione vnius ut alteri coniungitur. specificatur enim ab ipso bono ut est bonum tali priuationi & malitiz subitans: & similiter potest dici specificari à malitia non absolute, sed inquantum est in tali natura, ideò inquit sanctus Thomas prima parte, quæst. 48. artic. 1. ad secundum, quod malum inquantum malum non est differentia constitutiva, sed ratione boni adiuncti: & secundo Sententiarum, dist. 40. artic. 1. ad secundum, quod malum est differentia secundum quod fundatur in aliquo fine indebito voluntati, qui tamen non omnino bonitate caret. hic autem dicit quod malum secundum quod est differentia specifica in genere morum, non importat aliquid quod secundum essentiam suam sit malum, sed quod est bonum secundum se, malum autem homini. Ex quibus patet quod vtrumque dici potest, scilicet & quod finis indebitus specificat ratione malitiz secundum quod in bono fundatur, inquantum scilicet bonum non specificat nisi ut malitiz substat: & quod specificat ratione bonitatis, inquantum scilicet malitia non specificat nisi ut in bonitate fundatur, ita quod vnum sine alio non specificaret. Ratione autem cuius principaliter habeat specificare, videtur ex his quæ dicuntur prima parte, & secundo Sententiarum, dist. 34. & 40. & similiter in q. de Verit. quæst. 1. artic. 2. ad quintum, quod hoc habeat ratione bonitatis, licet ratione malitiz det malitiam habitui. Nam vult sanctus Thomas in locis præallegatis quod malum non constituit speciem ratione priuationis, sed ratione eius quod priuationi subternitur: & hic dicitur quod malum quod est differentia specifica, importat aliquid quod est secundum se bonum. Hoc etiam rationi consonum est, quia quum species dicat naturam quandam & essentiam, non habet specificari nisi per id quod naturam importat. Ad secundam obiectionem respondetur quod sunt contraria secundum quod in genere moralium accipiuntur. Malum autem inquantum malum est priuatio boni.

ADVERTE quod malum si formaliter & abstractivè sumatur (quod vocat sanctus Thomas malum inquantum malum non potest ad bonum habere contrarij rationem, quia est sola priuatio, & nullam naturam aut essentiam dicit formaliter, sed illi opponitur priuativè. Si autem sumatur subiectivè, scilicet pro subiecto priuationis, sic dicit essentiam aliquam & naturam

Anic. 11. Met. 9. Met. ca. 6.



& naturam priuationi subiectam, & sic potest habere rationem contrarij. Quia ergo malum in moralibus accipitur concretuè, pro actu scilicet aut habitu debito ordine & debita perfectione carente, ideo dicit sanctus Thoma quod in moralibus bonum & malum sunt contraria.

SE D tunc occurrit dubium in quaestionibus de Malo, quæst. prima, art. primo. Nam secundum id quod subternitur: ipsi malo, conuenit malum cum bono: ergo non contrariatur bono ratione substracti, sed in quantum malum est.

Respondetur, & dicitur primò secundum ipsum ibidem, (& est de mente Simplicij in Prædicamentis) quod malum non est priuatio quæ est in priuatum esse, ut mors, & cæcitas, sed est priuatio quæ est in priuari, sicut egritudo & ophthalmia, quorum vnum est via in mortem, & aliud via in cæcitatem: ideo malum dici potest contrariè, quia non priuat totum bonum sed aliquid de bono relinquit, in quantum fundatur in bono. Priuationes enim huiusmodi contrariè dici possunt in quantum adhuc retinetur de eo quod priuatur. Dicitur secundò quod licet non sufficiat ad rationem contrarietatis eius ad bonum id, in quo conuenit cum bono, sine hoc tamen contrarietas esse non posset, sicut licet id in quo conuenit nigrum cum albo, non sufficiat ad eorum contrarietatem, sine hoc tamen contrarietas non posset esse. Ideò conceditur quod malum morale non cõtrariatur bono solum ex ratione substracti, sed bene verum est quod contrariatur ex ipso simul cum priuatione: ita quod si omne bonum substractum remouetur, non habebit rationem contrarij, sed tantum rationem priuatiuè oppositi, imò oppositi contradictoriè.

Ad tertiam obiectionem dicitur primò conformiter ad præcedentia, quod bonum & malum prout sunt in moralibus, sunt genera contrariorum, quia in moralibus aut vtrunque contrarium est malum, sicut prodigalitas & illiberalitas, vel vnum est bonum & alterum est malum, sicut liberalitas & illiberalitas. Dicitur secundò quod tale malum morale est genus & differentia, non secundum quod est priuatio boni rationis, ex quo dicitur malum: sed ex natura actus vel habitus ordinati ad aliquem finem qui repugnat fini rationis, declaratur exemplo hominis cæci, & differentia huius, quæ est irrationale.

AD VERTE quod responsio tendit ad hoc, quod argumentum non est contra determinationem factam, quia cum dictum est malum nullam essentiam esse, intelligitur de malo formaliter & abstractè sumpto: propositio autem Aristotelis intelligitur de malo morali, quod est malum concretuè. Est enim habitus aut actus cui aliquid malum coniungitur, quum autem dicitur quod malum est genus & differentia, genus scilicet malorum, & differentia mali moralis à bono morali, non secundum quod est priuatio, sed ex natura actionis & habitus, intelligitur sicut in præcedenti responsione, quod ipsa priuatio non est genus & differentia, sed actus & habitus, secundum tamen quod tali subternuntur priuationi. Dicitur tertio, quod posset dici Aristotelem illud non dixisse secundum propriam opinionem, quemadmodum & in pluribus librorum logicalium secundum aliorum opinionem videtur exēplis, sed secundum Pythagoræ opinionem dicentis bonum & malum esse prima genera & prima principia, sub quorum viroque posuit decem prima contraria. Dicitur quarto, quod dictum Pythagoræ aliquam veritatem habet, quia omnium cõtrariorum vnum est perfectum, alterum diminutum quasi priuationem quandam habens admixtam. Omnis autem diminutio & priuatio ad rationem mali pertinet, & omnis perfectio & complementum ad rationem boni: & secundum hoc bonum & malum omnium contrariorum genera esse videntur, in quantum vnum sub ratione boni comprehenditur videtur, alteri vero ad rationem mali videtur accedere.

ADVERTENDVM hinc primò quod hæc responsio, quod inquam Aristoteles explicauit in Prædicamentis de bono & malo, tanquam de cõtrariis & generibus contrariorum, fuit Iamblici, ut recitat Simplicius in Prædicamentis. Quia enim Pythagoras duas rerum coordinationes fecit, scilicet vnam bonorum, & alteram malorum, & dicebat bonum & malum esse prima genera, & prima principia illarum contrariarum coordinationum: ideo Aristoteles opinionem Pythagoræ secutus, dixit bonum & malum esse contraria tanquam genera contrariorum.

Aduertendum secundò ex sancto Thoma secundo Sententiarum, dist. 34. loco præallegato, quod secundum modum illum quo dicitur bonum & malum simpliciter & vniuersaliter sumpta posse aliquo modo dici genera contrariorum, quæ videtur fuisse Theophrasti interpretatio, genus non accipitur secundum propriam significationem, pro eo scilicet quod vniuersè de pluribus differentibus specie in eo quod quid est prædicatur, sed improprie, prout omne quod sua communitate multa ambit & continet, potest dici genus. Et sic acceperunt Porphyriani nomen generis in illa propositione, ut Simplicius refert. Vnde quod Ammonius inquit ista dici genera, eo est quod in omnibus generibus inueniantur, quemadmodum & Plato genera entium posuit, ens, idem, diuersum, motum, & stationem, non autem quasi sint genera seorsum ab aliis decem generibus distincta. Aduertendum tertio, quum inquit sanctus Thomas, omnem diminutionem & priuationem ad rationem mali pertinere, quod non accipitur ibi malum simpliciter, prout in cap. 6. declarauit dici simpliciter malum, quod est malum subiecti in quo est, quado scilicet à subiecto priuat id quod natum est & debet habere. non enim est malum nigredini quod caret perfectione albedinis, sicut nec est malum hominis quod non habeat animam, sed accipitur malum vniuersaliter pro carentia perfectionis in aliquo quam aliquid sui generis natum est & debet habere. Ad quartam obiectionem dicitur primò ex sententia Dionysij 4. cap. de Diuinis nominibus, quod malum non agit nisi per accidens ratione boni cui adiungitur. Dicitur secundò quod malum dicitur corrumpere bonum non solum agendo virtute boni, sed etiam formaliter secundum se, sicut cæcitas dicitur corrumpere visum, quia est ipsa visus corruptio.

ADVERTE quod responsio est hæc, quod si loquamur de corruptente per modum efficientis, malum non corrumpit per se, sed per accidens. Si vero loquamur de corruptente formaliter, malum corrumpit per se, sed non oportet quod sit corruptens effectiue per accidens, quia videlicet coniungitur virtuti per se corruptenti, nec quod corruptens formaliter sit aliqua natura. Ad quintam obiectionem respondetur quod dicitur aliquid altero maius aut minus malum per recessum à bono, quia sic intenduntur & remittuntur priuationes, ut patet in dissimili & inæ-

quali. non enim intenduntur quasi aliquam essentiam habentes, sicut forma: sed per augmentum causæ priuati, quæ facit subiectum magis à forma distare. ostenditur exemplo tenebræ, quæ ex interpositione obstaculi prouenit in aere. Ex his patet falsam esse illam propositionem: In quibusque inuenitur magis & minus, oportet quod sint res aliquæ habentes ordinem. fallit enim in quibus dicitur magis & minus per recessum ab opposito. De magis & minus satis dictum est in præcedentibus quantum ad propositum spectat. Ad sextam obiectionem respondetur, quod cum ens dupliciter dicatur, ut patet quinto Metaph. scilicet secundum quod significat essentiam rei, & secundum quod significat veritatem compositionis: malum & priuatio non dicitur ens primo modo, sed secundo modo, in quantum priuatione dicitur aliquid esse priuatum: & malo dicitur aliqua res mala.

PRO declaratione huius responsionis considerandum ex doctrina sancti Thomæ in locis præallegatis, & ex Commentatore 5. Met. com. 4. quod ens primo modo sumptum, & ens secundo modo dictum dupliciter differit. Primò, quia ens quod significat essentiam rei de aliquo prædicatum, est prædicatum substantiale: ens verò quod significat compositionem intellectus, est prædicatum accidentale. Secundò, quia primum respondetur ad quaestionem quid est, secundum verò respondetur ad quaestionem an est. Vbi aduertendum quod an est, licet videatur prima facie querere de esse in rerum natura, non tamen querit de esse reali eius de quo queritur an sit, sed absolute queritur an verè de ipso affirmari possit quod sit in rerum natura, & an fundare possit veram compositionem intellectus, dicentis ipsum esse, aut de ipso aliquid affirmari, siue sit ut aliquid affirmatum: siue ut negatio: & ideo cum respondetur quod est, li est dicit veritatem compositionis intellectus, & est sensus quod vera est compositio intellectus dicentis quod est in rerum natura, & quod verè affirmari de aliquo, puta quia verum est aliquid esse priuatum, ut hominem esse cæcū, ita quod huiusmodi compositiones habent in ipsa priuatione fundamentum suæ veritatis. & licet in huiusmodi loquutionibus videatur significari priuationes aliquid esse habere in re, tamen significatur magis aliquid non esse formæ oppositæ, quam aliquid esse priuationis. Vnde Augustinus super illud: Tenebræ erant super faciem abyssi, ait quod sic dictum est: Tenebræ erant super faciem abyssi, ac si dictum esset, non erat lux super abyssum. & in tertio libro de Vita beata, cap. 3. ait quod locum aliquem habere tenebras, nihil aliud est quam lumen non habere.

SE D circa hoc dupliciter dubitatur. Primò, quia compositio intellectus non est vera, nisi sibi aliquid respondeat in re: si ergo priuatio nullum esse reale actualis existentie habeat extra intellectum, non erit vera compositio intellectus dicentis priuationem esse. Secundò, quia, ut sexto Metaphysicæ dicitur, verum & falsum distinguuntur à bono & malo, quia verum & falsum sunt in intellectu, bonum autem & malum sunt in rebus, ergo malum & priuatio aliquid esse prout in rebus.

AD primum respondetur, & dicitur primò quod compositio intellectus non oportet aliquid correspondere in re quod sit reale, aut esse reale habeat extra animam, patet enim quod huic compositioni veræ, non ens est non ens, nihil reale ex parte significati aut intellectui correspondet: sed bene oportet rem intellectam aut significatam proportionari & adæquari compositioni intellectus: & hoc significatur quum dicitur intellectum intelligere sicut est in re. Dicitur secundò quod si intellectus intelligeret priuationem habere esse reale positum in natura, falsè intelligeret, quia intellectum non esset adæquatum & proportionatum intelligenti. Sed hoc non intelligit cum dicit priuationem esse, sed tantum quod priuatio habet esse quomodo cunque sibi cõueniat esse, siue inquam modo habentis naturam aliquam & essentiam, siue modo negationum quæ sibi subiectum determinat: ideo non oportet ut isti compositioni correspondeat in re aliquid esse reale priuationis, sed sufficit quod habeat esse suo modo, scilicet ut negatio, cuius esse consistit, ut ipsum subiectum sit tale ex quo habet ut sit veræ propositionis fundamentum: & sic adæquetur compositioni de se factæ. Dicitur tertio, quod etiam tali compositioni responderet aliquid reale, scilicet subiectum carens forma, ex quo habet compositio ut sit vera: quia enim est in natura oculus carens potentia visuaria: ideo vera est ista compositio, cæcitas est. & ista, cæcitas est in oculo.

AD secundum dicitur, quod cum bonum & malum pertineant ad appetitum qui ad rem extra terminatur, non est bonum & malum primo in intellectu obiectiue ut cognitum: sed in ipsis rebus, ut terminas appetitum, bonum scilicet per se, malum verò per accidens. Item bonum tanquam ponens in re aliquam perfectionem, malum verò ut remotio & priuatio perfectionis, vnde de Ma. q. 1. art. 1. ad 2. dicit sanctus Thoma, quod malum, est quidem in rebus, sed ut priuatio, non autem aliquid reale, propterea ista consequentia non valet, malum non est primò in intellectu ut terminus intellectus siue ut cognitum, sed in rebus: ergo ponit aliquid esse reale in rebus. Si autem probetur consequentia sic, omne ens aut est reale, aut rationis: malum non est ens rationis, quia non conuenit rei partæ, ut est obiectiue in intellectu quæ est conditio entis rationis: ergo est ens reale. Respondetur, quod priuatio entis realis est quidem ens reale, non ut ponens ens reale in re, sed ut remotio entis realis. affirmatio enim & negatio ad idem genus pertinent, sed hoc non est contra responsionem, quia non est negatum priuationem esse ens reale per modum negationis, sed quod ponat formaliter aliquid esse reale in rebus. Vel dicendum quod diuisio adducta est insufficiens, non enim vnum quodque est aut ens reale, aut ens rationis, sed aut ens reale, aut ens rationis, aut negatio entis realis, aut negatio entis rationis.

Quod causa mali est bonum.

Cap. 10.



X præmissis autem concludi potest quod malum non causatur nisi à bono.

Si enim alicuius mali est causa malum, malum autem non agit nisi virtute boni, ut probatum est, \* oportet ipsum bonum esse causam

Tom. 3. lib. Genes. ad lit. imperf. c. 1. 4.

Idem 1. p. 2. 1. 49. art. 1.

\* cap. 9. sam

Teste Arist. 1. Met. cap. 5.

Simplic. cap. de Gener. & Ammonius cap. de Oppositis.



sam primariam mali.

2 Adhuc, quod non est, nullius est causa: omnem igitur causam oportet esse ens aliquod: malum autem non est aliquid, ut probatum est: \* malum igitur non potest esse alicuius causa. oportet igitur si ab aliquo causatur malum, quod illud sit bonum.

3 Item quicquid est propriè & per se alicuius causa, tendit in proprium effectum, si igitur malum esse per se alicuius causa, tenderet in proprium effectum scilicet malum: hoc autem est falsum: nam ostensum est \* quod omne agens intendit bonum: malum igitur per se non est causa alicuius, sed solum per accidens. omnis autem causa per accidens reducitur ad causam per se. solum autem bonum potest esse causa per se: sed malum non potest esse per se causa. malum igitur causatum est à bono.

4 Præterea, omnis causa vel est materia vel forma, vel agens vel finis: malum autem non potest esse neque materia neque forma. ostensum est enim supra quod tamens actu quam ens in potentia est bonum. Similiter non potest esse agens: cum vnumquodque agat secundum quod est actu, & formam habet. Neque etiam potest esse finis, cum

5 sit præter intentionem, ut probatum est. \* malum igitur non potest esse alicuius causa. si igitur aliquid sit causa mali, oportet quod sit à bono causatum. Cum autem bonum & malum sint opposita, vnum autem oppositorum non potest esse causa alterius nisi per accidens, sicut frigidum

6 calefacit, ut dicitur in 8. Physi. \* sequitur quod bonum non possit esse causa actiua mali nisi per accidens. Hoc autem accidens in naturalibus potest esse & ex parte agentis, & ex parte effectus. Ex parte quidem agentis, sicut cum agens patitur defectum virtutis: ex quo sequitur quod actio sit defectiua, & effectus deficiens, ut cum virtus membrum dirigentis est debilis, sequitur imperfecta decoctio, & humor indigestus: quæ sunt quædam mala naturæ. Accidit autem agenti in quantum est agens, quod defectum virtutis patiatur. non enim agit secundum quod deficit ei virtus, sed secundum quod habet aliquid de virtute. si enim penitus virtute careret, omnino non ageret. Sic igitur malum causatur per accidens ex parte agentis, in quantum agens est deficientis virtutis. propter quod dicitur quod malum non habet causam efficientem, sed deficientem: quia malum non sequitur ex causa agente, nisi in quantum est deficientis virtutis: & secundum hoc non est efficiens. In idem autem redit si defectus actionis & effectus proveniat ex defectu instrumenti, vel cuiusvisque alterius quod requiritur ad actionem agentis, sicut cum virtus motiua producit claudicationem propter tibie curvaturam, utroque enim agens agit, & virtute, & instrumento. Ex parte vero effectus malum ex bono causatur per accidens, tum ex parte materie effectus, tum ex parte ipsius forme. Si enim materia sit indispota ad recipiendam impressionem agentis, necesse est defectum sequi in effectu: sicut cum monstruosi partus sequitur propter materie indigestionem. Nec hoc imputatur ad aliquem defectum agentis, si materiam indispotam non transmutat ad actum perfectum. unicuique enim agenti naturali est virtus determinata secundum modum sue naturæ: quam si non excedat, non propter hoc erit deficiens in virtute: sed tunc solum quando deficit à mensura virtutis sibi debitæ per naturam. Ex parte autem forme effectus per accidens malum incidit, in quantum forme alicui de necessitate adiungitur privatio alterius forme: unde simul cum generatione vnius rei necesse est alterius rei sequi corruptionem: sed hoc malum non est malum effectus intenti ab agente, sicut in præcedentibus patet, sed alterius. Sic igitur in naturalibus patet quod malum per accidens tantum causatur à bono. Eodem autem modo & in artificialibus accidit. Ars enim in sua operatione imitatur naturam: & similiter peccatum in utraque inuenitur. In moralibus autem videtur aliter se habere. Non enim ex defectu virtutis sequi videtur morale vitium: cum infirmitas virtutis morale vitium vel totaliter tollat, vel saltem diminuat. infirmitas enim non meretur poenam

quæ culpæ debetur, sed magis misericordiam & ignoscetiam. voluntarium enim oportet esse moris vitium, non necessarium. Si tamen diligenter consideretur, inuenitur quantum ad aliquid simile, quantum vero ad aliquid dissimile. Dissimile quidem quantum ad hoc quod vitium morale in sola actione consideratur, non autem in aliquo effectu productio. nam virtutes morales non sunt factiue, sed actiue, artes autem factiue sunt: & ideo dictum est quod in eis similiter peccatum accidit sicut in natura: malum igitur morale non consideratur ex materia vel forma effectus, sed solum consequitur ex agente. In actionibus autem moralibus inueniuntur per ordinem quatuor actiua principia: quorum vnum est virtus executiua, scilicet vis motiua qua mouentur membra ad exequendum imperium voluntatis: unde hæc vis à voluntate mouetur, quæ est aliud principium. Voluntas vero mouetur à iudicio virtutis apprehensiue, quæ iudicat hoc esse bonum vel malum: quæ sunt voluntatis obiectiua, vnum ad prosequendum, aliud ad fugiendum. Ipsa autem vis apprehensiua mouetur à re apprehensa. Primum igitur actiuum principium in actionibus moralibus est res apprehensa, secundum vis apprehensiua, tertium voluntas, quartum vis motiua, quæ exequitur imperium rationis. Actus autem virtutis exequentis iam præsupponit bonum morale vel malum. non enim ad mores huiusmodi actus exteriores pertinent nisi secundum quod sunt voluntarij. unde si voluntatis sit actus bonus, & actus exterior bonus dicetur. malus autem, si ille sit malus. nihil enim ad malitiam moralem pertineret, si actus exterior deficiens esset defectu ad voluntatem non pertinente. claudicatio enim non est vitium moris, sed naturæ. huiusmodi igitur virtutis exequentis defectus moris vitium vel totaliter excusat vel minuit. Actus vero quo res mouet apprehensiuam virtutem, immunis est à vitio moris. mouet enim secundum ordinem naturalem visibile visum, & quodlibet obiectum potentiam passiuam. Ipse etiam actus apprehensiue virtutis in se consideratus, morali vitio caret: cum eius defectus vitium morale vel excusat vel minuat: sicut & defectus exequentis virtutis. pariter enim infirmitas & ignorantia excusant peccatum vel minuit. Relinquitur igitur quod morale vitium in solo actu voluntatis primo & principaliter inuenitur: & rationabiliter: cum ex hoc actus moralis dicatur, quia voluntarius est. In actu igitur voluntatis querenda est radix & origo peccati moralis. Videtur autem hanc inquisitionem consequi difficultas. Cum enim actus deficiens proveniat propter defectum actiui principij, oportet præintelligere defectum in voluntate ante peccatum morale: qui quidem defectus si sit naturalis, semper inhæret voluntati. semper igitur voluntas in agendo moraliter peccabit: quod actus virtutum falsum esse ostendunt. Si autem defectus sit voluntarius, iam est peccatum morale: cuius causa iterum inquirenda restabit: & sic ratio in infinitum deducet. Oportet ergo dicere quod defectus in voluntate præexistens non sit naturalis, ne sequatur voluntatem in quolibet actu peccare. Neque etiam casualis & fortuitus. non enim esset in nobis morale peccatum. casualia enim sunt impræmeditata, & extra rationem. est igitur voluntarius, non tamen peccatum morale: ne cogamur in infinitum procedere.

Quod quidem qualiter esse possit, considerandum est. Cuiuslibet siquidem actiui principij perfectio virtutis ex superiori actiuo dependet. agens enim secundum, agit per virtutem primi agentis. cum igitur secundum agens manet sub ordine primi agentis, indeficiet agere. deficit autem in agendo, si contingat ipsum ab ordine primi agentis deflecti: sicut patet in instrumento cum deficit à motu agentis. dictum est autem quod in ordine actionum moralium duo principia voluntatem præcedunt, scilicet vis apprehensiua, & obiectum apprehensum, quod est finis. cum autem unicuique mobili respondeat proprium motuum: non qualibet vis apprehensiua est debitum motuum cuiuslibet appetitus, sed huius hæc, & illius alia, sicut igitur



tur appetitus sensitiui proprium motuum est vis apprehensiva sensuualis: ita voluntatis proprium motuum est ratio ipsa.

Rursus cum ratio multa bona & multos fines apprehenderet, possit. cuiuslibet autem sit proprius finis: & voluntatis erit obiectum, & finis, & primum motuum, non bonum quodlibet, sed bonum quoddam determinatum. Quum igitur voluntas tendit in actum mota ab apprehensione rationis representanti sibi proprium bonum, sequitur debita actio. Quum autem voluntas in actione prorumpit ad apprehensionem apprehensiuam sensuualis, vel ipsius rationis aliquod aliud bonum representantis à proprio bono diuersum: sequitur in actione voluntatis peccatum morale. Præcedit igitur in voluntate peccatum actionis, defectus ordinis ad rationem, & ad proprium finem. Ad rationem quidem, sicut cum ad subitam apprehensionem sensus voluntas in bonum delectabile secundum sensum tendit. Ad finem verò debitum, sicut cum ratio in aliquod bonum ratiocinando deuenit: quod non est vel nunc vel hoc modo bonum: & tamen voluntas in illud tendit quasi in proprium bonum. hic autem ordinis defectus voluntarius est. nam in potestate ipsius voluntatis est velle & non velle: itemque est in potestate ipsius quod ratio actum consideret, vel à consideratione desistat: aut quod hoc vel illud consideret. Nec tamen iste defectus est malum morale. si enim ratio nihil consideret vel consideret bonum quodcumque, nondum est peccatum quousque voluntas in finem indebitum tendat: quod iam est voluntatis actus. Sic igitur tam in moralibus quam in naturalibus patet quod malum à bono non causatur nisi per accidens.

Super Cap. 10.

**P**OST QUAM determinauit sanctus Thomas de malo quantum ad eius naturam: nunc determinat de ipso quantum ad causalitatem. Circa hoc autem duo facit. Primum determinat de causa ipsius mali. Secundum ostendit quomodo ipsum sit aliorum causa, cap. 14. Circa primum duo facit. Primum ostendit quod malum non causatur nisi à bono. Secundum quod omne malum aliquo modo habet causam, cap. 15. Circa primum duo facit. Primum ostendit absolute quod non causatur nisi à bono. Secundum particulariter quod bonum sit eius causa subiectiua, cap. sequenti. Circa primum duo facit. Primum ostendit bonum esse causam mali. Secundum quomodo sit causa. Quantum ad primum ostendit quod bonum est causa mali: & arguit primum sic: Si malum sit causa alicuius mali, non agit nisi virtute boni, ut probatum est, ergo bonum est primaria causa mali.

ATTENDENDUM, quod ex hac ratione patet non excludere S. Thom. omnimodam causalitatem à malo, sed principalitatem causalitatis, quod etiam ex tertia ratione manifestatur.

Secundum, malum non est ens aliquod: ergo non potest esse causa alicuius, quia omnis causa est aliquid, ergo si malum ab aliquo causatur, oportet quod illud sit bonum.

ADVERTE, cum dicitur malum nullius esse causam, quod intelligitur de malo formaliter & abstractè sumpto, non autem de malo per accidens & concretivè dicto. Tertiò, malum non potest esse causa per se alicuius: quia cum omnis propriè & per se causa tendat in proprium effectum, malum tenderet in malum. ostensum est enim supra omne genus intendere bonum, ergo erit causa solum per accidens, ergo oportet malum causari à bono, quia causa per accidens reducitur ad causam per se: solum autem bonum potest esse causa per se.

CIRCA istam propositionem, Causa per accidens reducitur ad causam per se: advertendum quod eodem modo proportionaliter est intelligenda quo intelligitur effectum per accidens reduci ad effectum per se. in effectu autem non sic intelligitur quasi omnem effectum per accidens alicuius oportere esse effectum per se alterius causæ. hoc enim non est vniuersaliter verum, sed quia aut ipse alterius causæ est effectus per se, aut oportet esse aliquem effectum per se illius causæ, cuius ipse dicitur effectus per accidens, cui coniungatur. sic ergo non sic intelligitur omnem causam per accidens reduci ad causam per se, quasi præter causam per accidens alicuius effectus oporteat dari aliam causam quæ illius effectus sit causa per se, aut quod omnem causam per accidens alicuius effectus oporteat esse causam per se alterius effectus: sed quia oportet aut ipsam causam per accidens vnius esse causam per se alterius: sicut accidit in causa quæ dicitur causa alicuius per accidens, quia illud coniungitur suo per se effectui, & est præter intentionem causæ, aut quia oportet causam per accidens coniungi alicui quod sit alicuius causa per se, sicut accidit ubi dicitur aliquid causare aliud per accidens ex parte ipsius causæ, quia videlicet coniungitur causa per se, sicut dicimus muscum edificare per accidens, quando contingit eundem esse muscum & domificatorem. Malum autem dicitur causa per accidens mali non ex parte effectus, quia videlicet illud suo effectui per se coniungatur: cum malum, ut sic, nullum per se effectum habeat: ideo non oportet ut causalitas sua per accidens reducatur ad causalitatem per se, ita quod ipsum sit alicuius alterius causa per se, sed tantum quia oportet ut alicui coniungatur, quod alicuius effectus causa sit per se, quod est

solum bonum. Quartò, malum non potest esse, neque materia, neque forma, neque agens, neque finis, cum ostensum sit supra, tam ens actum, quam ens in potentia esse bonum, & vnumquodque agere secundum quod est actum, & habet formam, & malum sit præter intentionem, ergo non potest esse causa alicuius, ergo, &c.

Quantum ad secundum ostendit sanctus Thomas bonum non esse causam mali nisi per accidens, & primum ostendit quomodo hoc fit in naturalibus: secundum, quomodo in voluntariis fit. Quod non sit causa mali nisi per accidens, probat, quia vnum oppositorum non est causa alterius nisi per accidens, ut dicitur octavo Physicorum, text. 8. bonum autem & malum sunt opposita.

ADVERTENDUM quod malum & bonum possunt dupliciter accipi. Vno modo secundum generales rationes boni & mali. Alio modo secundum particulares rationes, sicut est ignis & privatio ignis. Si primo modo accipitur, sic bonum est causa mali sibi oppositi per accidens. & ad hunc sensum loquitur hic sanctus Thomas. Si verò secundo modo accipiantur, sic bonum non est causa per accidens mali sibi oppositi, sed alterius mali, sicut bonitas ignis non est causa mali ignis, sed causa mali aquæ: & hoc etiam per accidens, ut dicitur prima parte, quæst. 49. artic. primo, ad secundum. Quomodo autem bonum sit causa mali per accidens in naturalibus, declarat præmittendo vnam distinctionem. Hoc enim potest in naturalibus accipi & ex parte agentis, & ex parte effectus. Ex parte quidem agentis, sicut quando agens patitur defectum virtutis, ex quo sequitur quod actio sit defectiua, & effectus deficiens, ut patet in virtute debili membri digerentis: & quia agens & virtute agit & instrumento, idem iudicium est si etiam defectus actionis & effectus ex defectu instrumenti proveniat, sicut accidit in claudicatione. Hoc ergo modo causatur per accidens malum ex parte agentis, in quantum agens est deficiens virtutis, quia agenti in quantum agens est, accidit quod defectum virtutis patiatur. Et ex hoc verificatur quod dicitur malum non habere causam efficientem, sed deficientem, quia malum non sequitur ex agente, nisi in quantum est deficiens virtutis, & secundum hoc non est efficiens. Ex parte verò effectus causatur per accidens malum & ex parte materiæ effectus, & ex parte formæ. Ex parte materiæ, quando materia non est disposita ad recipiendum impressionem agentis, ut aliquando in partibus multostruosis accidit. Hoc non imputatur in defectum agentis si materiam ind dispositam non transmutat ad actum perfectum, quia unicuique agentis naturali est virtus determinata secundum modum suæ naturæ, ad agendum scilicet in materiam debitè dispositam. Ex parte verò formæ effectus accidit malum, in quantum formæ alicui de necessitate coniungitur privatio alterius formæ, & sic generationi vnius coniungitur alterius corruptio: hoc autem malum non est malum effectus intenti ab agente, sed alterius.

CIRCA primum modum per accidens, qui scilicet se tenet ex parte agentis, quum dicitur verificari per illum modum, quod malum habet causam deficientem, non autem efficientem: considerandum quod malum non habere causam efficientem, sed deficientem, dupliciter potest intelligi. Vno modo, quod procedit à causa nullo modo agente, sed secundum quod ab actione cessat, eo modo quo dicitur submersio navis à nauta absente, & non agente ad navis conseruationem provenire: & hic sensus non est hic intentus, quia hic queritur de malo coniuncto actioni, aut effectui producto, secundum quod refertur in causam illius effectus cui coniungitur. constat enim quod causa mali isto modo non est causa non agens, sed causando effectum cui malum coniungitur. Alio modo quod procedit à causa agente quidem, sed non procedit ab ipsa secundum illud quo est efficiens. hoc est per virtutem qua agit, in quantum virtus est & actus, sed in quantum patitur virtutis defectum: & sic est deficiens virtutis: & hic sensus est intentus. hoc enim nihil aliud est dicere, quam quod virtus qua causa operatur quantum ad illud quod habet de entitate, non est agentis ratio quare sequatur malum in actione eius aut in effectu, sed defectus virtutis est sibi ratio quare illud malum ex ipso sequatur. ita quod virtus est quidem forma qua agens producit effectum, cui coniungitur malum. sed non habet effectus & operatio malum coniunctum, nisi quia virtus agendi substat malo alicui & privationi. Et hoc est quod intellexit sanctus Thomas, dum dixit, quod malum non sequitur ex causa nisi in quantum est deficiens virtutis, & secundum hoc non est efficiens. defectus enim non est forma per quam agens agit, sed virtus: quoniam ut superius dixit, si agens penitus virtute careret, omnino non ageret. Potest etiam & alio modo intelligi quod malum non habet causam efficientem etiam per accidens. non habet enim talem quæ attingat sua actione ipsum malum, quia malum non potest actionem alicuius causæ terminare, ita scilicet quod per ipsam accipiat esse, sed habet causam deficientem, quæ inquam, quia habet virtutis defectum, producit effectum cui coniungitur malum.

ADVERTENDUM autem ex prima parte loco præallegato, & de Malo, quæst. prima, art. tertio, quod malum alterius coniunctum proprio & per se effectui agentis non reducitur in aliquem defectum agentis, sed in perfectionem suæ virtutis. ignis enim sua virtute intendit formam ignis in materiam introducere, & quia ad introductionem suæ formæ sequitur corruptio & privatio formæ quæ præcedebat in materia, ideo per accidens causat privationem & malum alterius formæ: & quanto ignis perfectior fuerit in virtute, tanto perfectius generatio ignem, corrumpit suum contrarium, malum autem proprium & per se effectus reducitur in defectum virtutis agentis vel materiæ, ut dictum est, sed tamen licet huius mali causa sit aliquo defectuum bonum, oportet tamen fieri reductionem ad aliquam priorem causam quæ non sit deficiens, sed perfecta: sicut patet in generatione partus multostruosi. malum enim huiusmodi quando ex parte agentis provenit, est defectus virtutis existentis in semine, & sic semen in quantum est deficiens, est per accidens causa multostruitatis. causa autem defectus virtutis in semine, est aliquod alterans inducens qualitatem aliquam contrariam qualitati ab bonam seminis dispositionem requisitæ. Huius autem agentis quantum fuerit virtus perfectior, tanto qualitatem hanc contrariam magis inducit, & maiorem defectum in semine causat. Ex quo patet quod proximum agens effectus deficiens, est agens deficiens, remota autem est agens perfectum & bonum.

SED occurrit circa declarationem factam, dubium. Nam sanctus Thomas, de Malo, quæst. 1. art. 1. ad octavum, ait quod malum simpliciter subiectivè & denomi-



& denominatiue sumptum producit effectum corruptum non agendo, sed de agendo. ergo bonum deficiens, quod vocat subiectum mali simpliciter, est causa mali effectus per cessationem ab actione, cuius oppositum est.

Respondetur quod tale bonum esse causam mali de agendo, potest intelligi dupliciter. Vno modo quod sit causa nullo modo agendo, & sic non intelligit sanctus Thomas. Alio modo defectiue agendo, hoc est agendo actione carente sua debita perfectione: & hoc modo intelligit. exponit enim seipsum ibidem subiungens, id est, per defectum actionis virtutis. debetur enim actioni feminis ut à virtute completa procedat, sique completi effectus productiua. hoc autem deficit in actione ex qua prouenit partus monstruosus, quia talis actio non habet perfectionem, ut sit completi & perfecti effectus productiua: & hoc sibi conuenit, quia à virtute deficiente procedit, & sic dicitur esse causa mali tale agens non agendo, sed de agendo, id est, non agendo perfecte, sed imperfecte & deficiente. Patet autem quod hoc determinationi factæ non contradicit. Eodem modo addit sanctus Thomas, & in artificialibus peccatum accidit, sicut scilicet in naturalibus. Secundo loco ostendit quomodo etiam in moralibus bonum sit causa mali per accidens. Et primo ostendit unde difficultas circa hoc oritur, secundo ostendit veritatem. Difficultas est: quia non videtur morale vitium ex defectu virtutis sequi, infirmitas enim virtutis aut totaliter tollit, aut saltem minuit morale vitium, eo quod oporteat vitium moris voluntarium esse, non necessarium: & ideo vitium non videtur in moralibus eodem modo esse sicut in naturalibus.

**ADVERTENDVM** quod vitium morale & peccatum non dicitur aliquid nisi voluntarium sit. Ideo defectus omnino praeueniens rationem voluntarij non potest esse ratio quod aliquid sit malum morale, quia quod habet defectum & est malum, ut à tali causa deficiente procedit, necessarium malum est: sicut quod procedit à virtute naturali defectiua, in quantum ab ipsa ut deficiens est, procedit, necessarium est malum: & ideo oportet ad hoc ut sit malum morale, ut ipsum aliquis defectus voluntarij præcedat, ratione cuius totum dicitur voluntarium. Propterea dixit sanctus Thomas quod infirmitas virtutis aut tollit aut diminuit morale vitium, quia tale vitium non est voluntarium, sed necessarium: & ideo meretur veniam, non autem penam. Quomodo autem infirmitas tollat aut diminuat rationem peccati: similiter & ignorantia quæ est defectus virtutis apprehensiuæ, vide in questionibus de Malo, quæst. 3. art. 11. & prima secundæ, quæst. 74. art. 1. & in aliis locis.

**AD prædictam autem difficultatem tollendam duo facit sanctus Thomas.** Primo ostendit in actu voluntatis querendam esse radicem & originem peccati morali: secundo ostendit quomodo illud sit ex parte voluntatis. Quantum ad primum dicit tria. Primum est, quod quantum ad aliquid similiter est malum in moralibus & in naturalibus, & quantum ad aliquid dissimiliter. Quantum enim ad hoc dissimiliter se habent, quod in naturalibus malum consideratur in actione & in effectu productio: in moralibus autem est vitium & malum in sola actione, quia virtutes morales non sunt factiue, sed actiue. ex hoc sequitur quod malum morale non consequitur ex materia vel forma effectus, sed ex agente solum, & in hoc videlicet assimilatur malo in naturalibus, quia in illis aliquod malum ex defectu agentis prouenit. Secundum est, quod quatuor sunt actiua principia in moralibus, scilicet virtus executiua in membris, voluntas quæ mouet virtutem executiuam, virtus apprehensiuæ iudicans hoc esse bonum vel malum quæ sunt voluntatis obiecta, cuius iudicio mouetur voluntas: & res apprehensa à qua virtus apprehensa mouetur. & sic primum mouens est res apprehensa: secundum, virtus apprehensiuæ: tertium, voluntas: quartum, vis executiua. Tertium est, quod actus virtutis exequentis præsupponit bonum morale vel malum, quia huiusmodi actus exteriores non pertinent ad mores nisi secundum quod ab actu voluntatis procedunt: & ideo defectus huiusmodi virtutis vitium moris vel totaliter excusat vel diminuit. Actus etiam quo res apprehensa mouet virtutem apprehensiuam, est immunis à vitio moris, quia quodlibet obiectum mouet potentiam secundum naturalem ordinem. Actus quoque virtutis apprehensiuæ in se consideratus vitio morali caret, cum eius defectus scilicet ignorantia, vitium aut excuset, aut minuat, sicut & infirmitas. Relinquitur ergo ut vitium morale in solo actu voluntatis primo & principaliter inueniatur, & rationabiliter, cum actus dicitur moralis, quia voluntarius: & consequenter in ipso querenda est origo actus morali.

**CIRCA** primum dictum aduertendum, quod virtutes morales dicuntur actiue, non etiam factiue, quia non sunt alieius effectus extrinseci productiue, quemadmodum artes, sed sunt directiue operationum quæ remanent in operante. faciunt enim rectam intentionem & inclinationem ad finem, ut dicitur tertio Sen. dist. 33. q. 1. art. 1. q. 2. ad secundum.

**CIRCA** tertium dictum considerandum ex doct. sancti Thomæ. 12. q. 38. art. 1. & tertio Sen. d. 23. q. 1. art. 4. q. 2. quod mos à quo virtutes morales denominantur, significat inclinationem naturalem vel quasi naturalem ad aliquid agendum: & quia inclinatio in nobis secundum quam in nobis est agere & non agere, est inclinatio voluntatis, ideo ille solus actus propriè dicitur moralis, qui aliquo modo voluntarius est: & sicut se habet actus ad hoc quod sit voluntarius, ita se habet ad hoc ut sit moralis. Dupliciter autem aliquis actus est voluntarius. Vno modo, quia est liberè elicitus à voluntate, sicut velle & eligere. Alio modo, quia est imperatus à voluntate, non autem elicitus, sicut ambulare, & considerare, & huiusmodi. Actus ergo qui sunt elicti à voluntate, essentialiter dicuntur morales: qui autem sunt imperati, sunt morales quantum ad usum, non enim sunt morales secundum speciem suam, ut in proprias causas referuntur, cum non sint actus elicti à voluntate, sed morales sunt in quantum à voluntate imperantur. Sicque aliquid de voluntario participant, sequitur ergo, quod si huiusmodi actus voluntarij à ratione separentur, comparèturque solum ad potestas à quibus eliciuntur, quod morales non sunt, & consequenter in ipsis nec bonum nec malum morale est. Propter hoc ergo dixit sanctus Thomas, de actu virtutis exequentis, & de actu virtutis apprehensiuæ in se considerato, id est, non habito respectu ad voluntatem, quod in ipso non est vitium morale. Constat enim quod non sunt voluntarij, nisi secundum quod à voluntate imperantur: ideo si secundum se considerentur, nullo habito ad voluntatem respectu, in ipsis malum morale esse non potest.

**SED** occurrit dubium: Nam sanctus Thomas in questionibus de Malo, quæst. 3. art. 3. tenet quod actus aliquis exterior est secundum se malus, ut furtum, homicidium, & similia, & 12. quæst. 20. primo & secundo Sententiarum dist. 49. quæst. 1. articulo tertio, vult quod actus exterior habeat propriam bonitatem conuenientem sibi ex materia & circumstantiis, ergo falsum est actum virtutis exequentis præsupponere bonum morale vel malum, & ipsum tunc tantum esse bonum, quando actus voluntatis est bonus: malum autem, quando actus voluntatis est malus.

Respondetur, ut haberi potest ex locis præallegatis, & præcipue de Malo eadem quæstione, articulo secundo ad sextum, quod dupliciter loqui possumus de bonitate vel malitia actus exterioris, scilicet de naturali, & de morali. si loquamur de naturali bonitate aut malitia, tunc ista conuenit actui exteriori humano secundum se, & non præsupponit actum voluntatis. Cum enim intantum dicatur aliquis actus humanus, in quantum est secundum rationem, accipit talis actus speciem ex obiecto, secundum quod ad rationem comparatur: & dicitur bonus, si sit circa materiam debitam secundum regulas rationis, ut pascere esurientem. malus autem, si cadat supra materiam indebitam, sicut subtrahere aliena. Si autem loquamur de bonitate aut malitia morali, sic semota voluntate non habet actus exterior bonitatem aut malitiam, ut scilicet talis actus dicatur culpa vel peccatum aut meritum, cum, ut dictum est superius, actus non pertineat ad morem, nisi in quantum voluntarius est. Loquitur ergo sanctus Thomas in locis præallegatis de bonitate aut malitia conueniente actui in esse naturæ actus humani, non autem de bonitate aut malitia morali, de qua est hic sermo.

**SED** contra hanc responsonem videntur esse verba sancti Thomæ dicentis de Malo, eadem quæstione, articulo tertio, quod ratio mali & peccati primordialiter inuenitur in actu exteriori, secundum quod est in apprehensione: peccatum autem nominat malum moris, & sic videtur quod etiam malum moris semota voluntate sit in actu exteriori.

Respondetur potest dupliciter, primo quod non accipit sanctus Thomas nomen peccati ut significat culpam & demeritum, sed prout omnis actus carens debita perfectione, potest dici peccatum etiam in naturalibus: & hoc videtur intelligere dum exponens quomodo talis actus malus sit primordialiter malus, inquit, quod hoc est, quia non est vestitus debitis circumstantiis: & ex hoc ipso quod est actus malus, id est, priuatus debito modo, specie & ordine, habet rationem peccati. Secundo potest responderi, quod rationem peccati inueniri in actu exteriori primordialiter, secundum quod est in intentione, dupliciter potest intelligi. Vno modo, quod prius formaliter quam actus voluntatis habeat rationem peccati moralis: & iste sensus non est verus, nec ibi intentus à sancto Thomæ, ut obiectio supponit: quod constat, quia inibi subiungit quod ratio culpæ & moralis mali completur secundum quod accidit actus voluntatis. Alio modo, quod fundamentaliter & originaliter peccatum & culpa prius est in actu exteriori apprehenso, quam sit formaliter & completiue in actu voluntatis: & iste sensus est verus & intentus à sancto Thomæ, quia malum naturæ actus exterioris, secundum quod est in apprehensione, ad voluntatem comparatur ut obiectum, ex quo habet voluntas liberè illud acceptans, ut sit formaliter & completiue mala in suo actu: & sic ipse actus malus est fundamentum, unde habet actus voluntatis in illum tendens ut sit moraliter malus. est enim malus moraliter actus voluntatis, qui in malum obiectum & non regularum ratione fertur, & est simile sicut dicimus veritatem esse fundamentaliter & originaliter in re: in intellectu autem nostro esse veritatem formaliter, sicut enim esse rei dicitur veritas originaliter, non quia veritas formaliter sit in re, sed quia intellectus est formaliter verus, ex eo quod conformatur in intellectu ipsi esse rei: actus exterior malus secundum esse naturæ dicitur malus moraliter: fundamentaliter, & originaliter, quia actus voluntatis liberè tendens ad ipsum, habet quod sit moraliter malus, ex eo quod in ipsum actum exteriorem malum secundum naturam fertur: & sicut non dicitur res vera formaliter, nisi denominatione extrinseca, quia scilicet est ad æquata intellectui, qui est formaliter verus: ita actus exterior in actu & in executione per imperium voluntatis positus, non dicitur formaliter malus malitia morali, nisi extrinsece, scilicet quia à malo actu morali voluntatis procedit. Et ideo ibidem subiungit sanctus Thomas, quod si accipiamus actus peccati secundum quod est in executione operis, secundum videlicet quod est formaliter moralis, primordialiter & per prius culpa est in voluntate. Patet ergo quod obiectio non est contrarie responsonem datæ, procedit enim ac si intenderet sanctus Thomas in loco allegato, quod actus exterior prius formaliter sit malus in genere moris, quam actus voluntatis. hoc autem ostendimus non esse ipsius intentum. Obiectiones autem ex Scoto. 40. distinct. secundo. Sent. & ex aliis, vide apud Capreolum in secundo, distinctione 42. probant enim multæ illarum, quod alia est bonitas actus exterioris in esse naturæ, & similiter alia malitia, quod conceditur: non autem probant quod alia sit ipsius bonitas aut malitia morali, quam bonitas & malitia actus voluntatis.

**OSTENDO** quod sumenda sit radix peccati morali in actu voluntatis, vult ulterius ostendere sanctus Thomas, quomodo hoc sit. Et primo tangit difficultatem quæ circa hoc accidit, secundum propositum manifestat. Difficultas est, quia quum actus deficiens proueniat propter defectum actiui principij, oportet ante peccatum morale præintelligere defectum in voluntate. Aut ergo ille defectus erit naturalis, & sic semper inhærebit voluntati, & semper voluntas in agendo moraliter peccabit, aut voluntarius erit, & tunc erit peccatum morale: cuius causa iterum querenda erit, & sic in infinitum.

Respondet sanctus Thomas, quod huiusmodi defectus in voluntate præexistens, non est naturalis propter rationem dictam, neque casualis aut fortuitus, quia tunc peccatum morale non esset in nobis, id est, in potestate nostra, sed est voluntarius: sed negatur quod tunc erit peccatum morale.

Ad huius autem declarationem dicit primo, quod cuiuslibet actiui principij secundi perfectio virtutis ex superiori agente dependet: & ideo quum agens manet sub ordine primi agentis, in deficiente agit: quum autem ab ordine primi agentis defleatur, deficit in agendo. Dicit secundum, quod quum in ordine operationum moralium voluntas præcedat duo principia, scilicet virtus apprehensiuæ, & obiectum apprehensum, quod est finis: proprium motuum voluntatis est ratio & bonum aliquod determinatum.



natum, scilicet bonum rationis, non autem quocunque vis apprehensiva, aut quodcunque bonum: ideo quum voluntas tendit in actum, mota ab apprehensione rationis representantis sibi proprium bonum, sequitur debita actio. Quum autem ad apprehensionem sensualis apprehensivæ, aut ipsius rationis representantis bonum diversum à proprio bono, in actionem promittitur: sequitur in actione voluntatis peccatum morale.

**S E Q U I T U R** ex his quod in voluntate defectus ordinis ad rationem & ad proprium finem, præcedit malum morale: sicut quum ad subitam apprehensionem sensus voluntas movetur in desiderabile secundum sensum: aut cum ratio in aliquod bonum quod non est nunc vel hoc modo bonum, ratio cinando devenit, & tamen voluntas in illud tanquam in proprium bonum tendit. Dicit tertio, quod hic voluntatis defectus voluntarius est, quia in potestate voluntatis est velle & non velle: & similiter ipsum actu considerare rationis. Dicit quarto quod iste defectus non est malum morale: quia si ratio non consideret, aut bonum quodcunque consideret, nondum est peccatum quousque voluntas in indebitum finem tendat, quod iam est voluntatis actus. Concludit ultimum, quod tam in moralibus quam in naturalibus malum à bono non nisi per accidens causatur.

**A D** evidentiam eorum quæ hic dicuntur, considerandum est quod causa secunda non agit nisi secundum quod à prima movetur: & ideo perfectio virtutis ipsius est secundum quod perfectio substat virtuti primæ causæ, quod si secundam causam contingat deficere in agendo propter defectum tantum primæ causæ: tunc defectus in actione secundæ causæ non reducitur in defectum ipsius secundæ causæ, sed primæ: sicut cum accidit motus imperfectus & deficient propter defectum virtutis motuæ, crure in sua debita dispositione manente, defectus ambulationis non reducitur in defectum cruris, sed virtutis motuæ tantum. Si autem deficiat secunda causa in agendo, quia non perfecte subditur primæ causæ, sed ab ea defleatur, tunc defectus actionis in defectum secundæ causæ reducitur, non in defectum primæ: sicut claudicatio habentis virtutem motuam perfectam, reducitur in defectum cruris, non perfecte virtuti motuæ substantis. Quum ergo dicit sanctus Thomas, quoniam quum agens manet sub ordine primi moventis, indeficienter agit, intelligitur de defectu qui in ipsius secundæ causæ defectum reduci habeat, & sibi debeat imputari. posset tamen in actione secundæ causæ accidere defectus propter defectum primæ causæ, sed tunc secundæ causæ non imputaretur, ipsa secunda causa manente sub ordine suæ causæ prioris, à qua tanquam à proprio motivo habet moveri.

**C I R C A** defectum quem ponit sanctus Thomas in voluntate præcedere actum moraliter malum, primo videndum est quomodo præcedat in voluntate, secundum quomodo sit voluntarius, tertio quomodo non sit malum morale. Quantum ad primum, considerandum quod duplex defectus voluntatis præcedit actum moraliter malum: unus remotus, ex quo habet voluntas, ut alij defectus in ipsa esse possint, & possit in agendo deficere, scilicet esse ex nihilo, sed hic defectus non sufficit ad hoc ut malum morale sit in voluntate: quia cum ille defectus sit naturalis, semperque voluntatem concomitatur, semper voluntas agendo peccaret. Alius est defectus proximus scilicet non actu substat suæ propriæ causæ: & iste defectus est causa proximamali actus moralis, eo modo quo negatio potest esse causa, iuxta superius determinata. voluntas enim ad operationem cui tali defectu procedens peccat. Primus defectus nunquam est simpliciter malum voluntatis, cum sit sibi naturalis, & secundum se duratione præcedit actum moraliter malum. Secundus autem quado voluntas non exit ad operationem non habet rationem mali simpliciter, quia substat & moveri ab apprehensione & proprio bono non est debitum semper voluntati, sed tantum quando ad operationem procedit. unde quod voluntas non substat apprehensioni, aut proprio bono quando non operatur hoc, non est malum eius simpliciter. Quando autem voluntas exit ad operationem, non substat apprehensioni rationis, aut bono rationis, sed sequens apprehensionem sensualem, aut allecta à bono, quod non est bonum rationis, tunc talis defectus est simpliciter malum, quia est carentia ordinis debiti pro tunc inesse voluntati. si ergo consideretur huiusmodi defectus secundum quod non est simpliciter malum, sic duratione præcedit peccatum morale, quia præcedit voluntatem operantem. Si autem consideretur secundum quod est malum simpliciter, sic non præcedit duratione actum malum voluntatis, sed ipsum concomitatur: secundum tamen rationem prius intelligimus voluntatem moveri ab apprehensione sensus, aut ab indebito bono, & consequenter carere ordine debito ad suam propriam motuam, quam actum eliciat: & sic talis defectus secundum rationem præcedit actum malum. Quantum ad secundum, sciendum quod aliquid potest dici voluntarium dupliciter. Vno modo, quia voluntas in illud tanquam in volitum per actum suum fertur: sicut sanare est voluntarium in medico qui vult sanare, hoc modo non dicitur defectus huiusmodi voluntarius, quum omni actui voluntatis præintelligatur. Alio modo dicitur voluntarium, quod est in potestate voluntatis, ut sit aut non sit: sicut actus voluntatis liberè elicitur dicitur voluntarius, non quia voluntas alio actu velit illum, sed quia in potestate voluntatis est ipsum producere vel non producere: & hoc modo defectus huiusmodi dicitur voluntarius. Est enim in potestate voluntatis procedere ad operationem sine tali ordine, aut non procedere, quia non necessarium à bono contrario bono rationis trahitur, aut ab apprehensione sensuali movetur, sed libera est, & ad veritatem se habens: & ideo huiusmodi defectus non oportet aliam causam querere, nisi voluntatis libertatē, ut dicitur secundo Sent. dist. 34. q. 1. art. 1.

Quantum ad tertium dicitur quod huiusmodi defectus secundum quod duratione actum malum præcedit, non est malum voluntatis morale, imò nec naturale, ut est ostensum. Secundum verò quod concomitatur malum morale, & ipsi coniungitur, sic est malum morale. unde de Malo, loco præallegato, ad decimum tertium, inquit sanctus Thomas quod accipit rationem culpæ ex hoc ipso quod cum tali defectu voluntas se applicat ad opus: quia tunc bonum quod per huiusmodi defectum privatur, est debitum voluntati & actui eius, secundum autem quod præintelligitur actui malo, & per se consideratur, sic etiam non habet rationem mali culpæ, nec poenæ: sicut nec quum præcedit duratione actum malum. Quum ergo inquit sanctus Thomas quod huiusmodi defectus non est malum morale, intelligendum est secundum se & absolute consideratus, non autem ut coniungitur cum actu voluntatis malo.

**E X** his quæ dicit hic sanctus Thomas, patet quod secus in secundo Sententiarum, distinctione 34. dum arguit defectibilitatem voluntatis non esse voluntati rationem peccandi, non accedit ad mentem sancti Thomæ. non enim ponit sanctus Thomas quod aptitudo ad deficientiendum sit voluntati proxima ratio peccandi, sed actualis defectus, quum scilicet non substat debito ordini ad operationem procedit. Similiter quum arguit quod defectus actualis non est causa huiusmodi mali, quia tunc ante primum defectum voluntatis esset defectus: constat quod mentem sancti Thomæ non assequitur, non enim ponit illum defectum esse malum moraliter, secundum quod actu malo præintelligitur, ut est ostensum. non est autem inconueniens, imò necessarium est ut ante primum defectum moraliter malum sit alius defectus rationem mali moralis non habens.

### Quod malum in aliquo bono fundatur.

#### Cap. II.



**X** præmissis etiam ostendi potest quod omne malum est in aliquo bono fundatum. Malum enim non potest esse per se existens, cum non sit essentiam habens, ut supra \* ostensum est. oportet igitur quod malum sit in aliquo subiecto. omne autem subiectum cum sit substantia quædam, bonum quoddam est, ut ex præmissis patet. omne igitur malum in bono aliquo est.

Idem 1. p. q. 49. art. 3. & de Malo. q. 1. art. 1. \* Cap. 7.

**2** Adhuc, malum privatio quædam est, ut ex præmissis patet. privatio autem & forma priuata in eodem subiecto sunt: subiectum autem formæ est ens in potentia ad formam, quod bonum est. nam in eodem genere sunt potentia & actus. Privatio igitur quod malum est, est in bono aliquo sicut in subiecto.

Cap. 6.

**3** Amplius, ex hoc dicitur aliquid malum, quia nocet, non autem nisi quia nocet bono. nocere enim malo, bonum est: quum corruptio mali sit bona. non autem noceret formaliter loquendo bono, nisi esset in bono. sic enim cæcitas hominis nocet inquantum in ipso est. oportet igitur quod malum sit in bono.

**4** Item, malum non causatur nisi à bono, & per accidens tantum: omne autem quod est per accidens reducitur ad id quod est per se. oportet igitur semper cum malo causato, quod est effectus boni per accidens, esse bonum aliquod, quod est effectus boni per se, ita quod sit fundamentum eius: nam quod est per accidens, fundatur super id quod est per se. Sed cum bonum & malum sint opposita, unum autem oppositorum non possit esse alterius subiectum, sed expellat ipsum: videtur alicui primo aspectu esse inconueniens si bonum subiectum mali esse dicatur. Non est autem inconueniens, si veritas perquiratur. nam bonum communiter dicitur sicut & ens, quum omne ens inquantum huiusmodi sit bonum, ut probatum est. non est autem inconueniens ut non ens sit in ente, sicut in subiecto. privatio enim qualibet est non ens: & tamen subiectum eius est substantia: quæ est ens aliquod: non tamen non ens est in ente sibi opposito sicut in subiecto. cæcitas enim non est non ens uniuersale, sed non ens hoc, quo scilicet tollitur visus. non est igitur in visu sicut in subiecto, sed in animali. Similiter autem malum non est sicut in subiecto in bono sibi opposito: sed hoc per malum tollitur: sed in aliquo alio bono: sicut malum moris est in bono naturæ. Malum autem naturæ quod est privatio formæ, est in materia quæ est bonum sicut etiam ens in potentia.

#### Super Cap. II.



**Q U O D** ostensum sit bonum esse causam per accidens mali, ostendit nunc sanctus Thomas particulariter quod est eius causa subiectiva. Circa hoc autem duo facit. Primum ostendit propositum, secundum infert unum corollarium, cap. seq. Circa primum duo facit. Primum, ostendit quod omne malum in aliquo bono fundatur: secundum remouet unum dubium. Arguit igitur primum sic: Malum non est per se existens, cum non habeat essentiam, ergo est in aliquo subiecto, ergo est in aliquo bono, quia omne subiectum cum sit substantia quædam, bonum quoddam est.

**P O S S E T** etiam aliquis ad hanc rationem negare primam consequentiam, quia licet malum non habeat essentiam, non oportet tamen ut sit in subiecto, cum sit negatio, & nullum habeat esse reale. Sed ista responsio non tollit rationem, quia aliter loquendum est de simplici negatione, & aliter de priuatione, cuiusmodi est malum formaliter sumptum: nam simplex negatio quum etiam de non ente dicatur, non requirit aliquod subiectum priuatum autem & malum est negatio circa determinatum subiectum, & ideo

non



non denominatur nisi ens: propterea cum malum sit in rebus, ut superius est ostensum, & non sit per se subsistens, oportet quod sit in alio tanquam in subiecto, non quidem per ens, aut dicens aliquam essentiam, sed sicut privatio perfectionis iuxta determinata, in quantum verè potest de aliquo affirmari propter absentiam formæ ab illo subiecto. Secundò, subiectum formæ est ens in potentia ad formam, quod bonum est, cum in eodem genere sit potentia & actus, ergo & malum est in bono, sicut in subiecto, cum malum sit privatio, forma autem & privatio sint in eodem subiecto.

POSSE TAD hanc rationem negari, quod ens in potentia sit bonum, quia si ex eo quod ordinatur ad bonum, dicitur bonum, eadem ratione cum ordinetur ad malum, scilicet ad privationem cuius est susceptiva, erit malum. Respondetur & dicitur primò, quod (ut superius dicebatur) materia ad bonum dicitur bonum quoddam, non autem ex ordine ad malum dicitur mala. Dicitur secundò (ut superius cap. sexto dictum est) quod privatio formæ non est malum materiæ, quia nulla forma determinata est debita materiæ, licet sit omnium susceptiva: malum autem dicitur privatio formæ debita inesse. Tertiò, malum dicitur, quia nocet, sed non nocet nisi bono, ergo est in bono. patet consequentia, quia non noceret formaliter bono, nisi esset in ipso. Minor verò probatur, quia nocere malo est bonum, quum corruptio mali sit bona.

CIRCA hanc propositionem, Malum non noceret formaliter bono, nisi esset in bono: advertendum est quod ideo addidit sanctus Thomas li formaliter, quia aliquid nocet dupliciter, ut dicitur secundo Sent. dist. 37. art. 1. ad tertium, scilicet formaliter, & hoc est ipsum nocumentum, siue ipsa boni ademptio vel privatio: & effectivè, & hoc est quod causat privationem boni, quod ergo activè alicui nocet, ut sic non est in eo, quantum ad proximum susceptivum nocimenti, sed bene quod formaliter nocet. Quarto, Malum causatur à bono per accidens, ergo, & c. probatur consequentia, quia cum omne per accidens reducatur ad per se, & in ipso fundetur, oportet ut cum malo qui est effectus per accidens boni, sit bonum aliquid qui est effectus per se, in quo malum fundetur. Quantum ad secundum remouet sanctus Thomas, dubium quoddam. Videtur enim primò aspectu, quod malum non sit in bono, cum sint opposita: sed respondetur quod cum bonum communiter dicatur, sicut & ens: sicut non est inconueniens quod non ens sit in ente, sicut privatio in substantia, ita non est inconueniens quod malum sit in bono. Dicitur tamen secundò, quod sicut non ens non est in ente sibi opposito, sed in alio, sicut cæcitas non est in visu, sed in animali: ita & malum non est in bono sibi opposito, sed in alio, sicut malum moris est in bono naturæ, & malum naturæ quod est privatio formæ, est in materia quæ est bonum, sicut etiam ens in potentia.

AD huius evidentiam considerandum est quod bonum & malum dupliciter considerari possunt. Vno modo quantum ad communem naturam (ut ita dixerim) vtriusque secundum præcisionem ab inferioribus, & quia sic vnum tollit totaliter reliquum, ut pote illi directè oppositum, vñ in alio esse non potest, vnde si poneretur aliquid per se bonum existere tanquam vniuersalis natura boni, in ipso nullum malum esse posset: sicut patet in Deo, qui est ipsa bonitas per se subsistens, in quo nullum est malum: & si aliquid esset per se & vniuersale malum, nullum bonum includeret, sed quia hæc esse non potest, cum malum dicat negationem boni in subiecto, ideo inquit Arist. quarto Ethic. quod seipsum destrueret. Alio modo quantum ad hoc particulare bonum & malum, & tunc dupliciter etiam vnumquodque illorum considerari potest. Vno modo secundum vniuersales rationes boni, & mali in ipsis saluatas, & sic quodlibet malum cuiuslibet bono opponitur: & secundum hoc dicit Aug. quod fallit dialecticorum regula, quæ dicit contraria simul esse non posse, quia sic malum inuenitur in eo qui vniuersalis ratio boni cõuenit. cum enim boni vniuersaliter sumptum non dicat aliquam determinatam perfectionem, sed perfectionem in communi, quicquid perfectionis res habeat, dicitur bona. Similiter quacunque perfectione sibi debita careat, dicitur mala: & sic propter amplitudinem rationis boni & mali potest esse ut idem secundum aliquid sit bonum, & secundum aliquid sit malum: & rationes quæ vniuersaliter sumptæ sunt oppositæ in eodè, possunt simul inueniri respectu diuersorum: sicut idem animal carens visu est simul bonum & malum: bonum in quantum est ens in actu, malum in quantum caret perfectione. Propter hoc sanctus Thomas assignat pro ratione quare simul esse possint bonum & malum, & vnum in altero fundari, ipsam boni amplitudinem & illimitationem. nec tamen sequitur quod contradictoria simul vera sint, si idem sit bonum & malum, quia non secundum idem, sed secundum diuersa dicitur bonum & malum. Alio modo considerari possunt boni particulare & malum secundum eorum particulares rationes: & sic non quodlibet malum opponitur cuiuslibet bono directè, sed determinato bono. iniustitia enim opponitur iustitiæ, non autem temperantiæ: & hoc modo non est malum in bono opposito, sed in alio bono: non enim iniustitia est in iustitia, sed in anima: neque cæcitas est in visu, sed in animali.

SED occurrir dubium, quia sanctus Thomas prima parte, q. 48. art. 3. ad tertium & in aliis locis videtur approbare sententiam Aug. dicentis in bono & malo fallere regulam dialecticorum, in quæstionibus autem de Malo. q. 1. art. 2. ad quintum, dicit quod non fallit etiam in his regula secundum veritatem, sed secundum quandam apparentiam prout malum absolute dictum, & bonum videtur oppositione habere. Dicit ad hoc potest vtrique dictum verum esse, sed diuersimodè. Nam si in bono malo particulari consideretur tantum vniuersales rationes boni & mali, secundum veritatem fallit illa regula, quia tunc vnum oppositorum est in altero. Ratio enim communis boni, & communis ratio mali, sunt rationes oppositæ, & ideo vnumquodque malum, in quantum malum absolute opponitur vniuersaliter bono in quantum absolute bonum est. Si autem in ipsis considerentur particulares rationes boni & mali, sic fallit regula secundum apparentiam tantum. Nam quia in hoc particulari bono saluatur vniuersalis ratio boni, & in hoc particulari malo vniuersalis ratio mali, videtur quod quodlibet malum etiam particulari ratione contrarietur cuiuslibet bono, ut tale bonum est, propter contrarietatem boni & mali in vniuersali: & sic dicitur hoc malum est in hoc bono, videtur quod vnum oppositorum sit in alio, sed non est sic, quia non quodlibet malum contrarietur cuiuslibet

bono, si secundum suas particulares rationes sumatur, licet secundum vniuersales rationes boni & mali habeant oppositionem.

CIRCA illam propositionem: Malum naturæ quod est privatio formæ, est in materia quæ est bonum, sicut etiam ens in potentia, considerandum quod materiam esse bonum, sicut etiam ens in potentia duplicem sensum habere potest. Vnus est, quod est bonum in potentia, non autem in actu, sicut non est ens in actu, sed in potentia. Alius est quod sicut est ens in potentia, ita est bonum in actu. Et vterque sensus quantum ad aliquid est verus. Dupliciter enim de bonitate materiæ primæ loqui possumus. Vno modo de bonitate quam habet à forma, dum ipsa actualiter informatur: & sic non est bona, nisi in potentia, dum caret ipsa forma. Alio modo de bonitate quam habet ab ipso ordine ad formam, & sic est aliquid bonum aliquo modo in actu. ipse enim ordo & ipsa aptitudo ad bonum, est bonum quoddam ratione termini quem respicit: & omne ordinatum ad bonum, sic, habet rationem boni: vnde & vilia cadunt sub diuisione boni. Vtrumque sensum tetigit sanctus Thomas prima parte, quæst. 5. articulo tertio, ad tertium. Videtur autem primus sensus hoc loco intendi propter comparisonem ad ens in potentia, vnde prima parte, quæst. allegata expressè ait, quod sicut est ens in potentia, ita & bonum in potentia.

### Quod malum non totaliter consumit bonum.

Cap. 12.



ATET autem ex prædictis quod quandoque multiplicetur malum, nunquam potest totum bonum consumere. Semper oportet quod remaneat mali subiectum, si malum remanet: subiectum autem mali est bonum. manet igitur semper bonum.

Sed cum contingat malum in infinitum intendi: semper autem per intentionem mali minuatur bonum: videtur in infinitum per malum diminui bonum. bonum autem quod per malum diminui potest, oportet esse finitum: nam infinitum bonum non est capax mali, ut in primo libro \* ostensum est. videtur igitur quod quandoque totum \* Cap. 39. tollatur bonum per malum. nam si ex finito aliquid finities tollatur, oportet illud quandoque per ablationem consumi. Non autem potest dici (ut dicunt quidam) quod sequens ablatio secundum eandem proportionem facta qua & prior in infinitum procedens, bonum non possit consumere, sicut in continui diuisione contingit. nam si ex bicubitali linea dimidium subtraxeris, itemque ex residuo dimidium, & sic in infinitum procedas, semper aliquid adhuc diuidendum remanebit: sed tamen in hoc diuisionis processu semper posterius subtractum oportet esse minus secundum quantitatem. dimidium enim totius quod prius subtrahebatur, maius est secundum quantitatem absolutam quam dimidium dimidij: licet eadem proportio maneat. hoc autem in diminutione qua bonum per malum diminuitur, nequaquam potest accidere: nam quantum bonum magis per malum fuerit diminutum, erit infirmius: & sic per secundum malum magis diminui poterit. rursumque malum sequens contingit esse æquale vel maius priore, vnde non semper secundo subtrahetur à bono per malum minor boni quantitas proportionem seruata eadem. Est igitur dicendum. Ex præmissis enim manifestum est quod malum totaliter bonum cui oppositum est, tollit, sicut cæcitas visum. oportet autem quod remaneat bonum, quod est mali subiectum, quod quidem in quantum subiectum est, habet rationem boni secundum quod est potentia ad actum boni quod priuatur per malum. quantum igitur minus fuerit in potentia ad illud bonum, tanto minus erit bonum. subiectum autem sit minus potentia ad formam, non quidem per solam subtractionem alicuius partis subiecti per hoc quod aliqua pars potentia subtrahatur, sed per hoc quod potentia impeditur per contrarium actum, ne in actu formæ exire possit, sicut subiectum tantò est minus potentia frigidum, quantum in eo magis calor augetur. Diminuitur igitur bonum per malum magis apponendo contrarium, quam de bono aliquid subtrahendo, quod etiam conuenit his quæ dicta sunt de malo. diximus enim quod malum incidit præter intentionem agentis, quod semper intendit aliquid bonum, ad quod sequitur exclusio alterius boni quod est ei oppositum. quantum igitur illud bonum ad quod præter intentionem agentis sequitur malum, magis multiplicatur, tantò potentia ad bonum contrarium diminuitur magis, & sic magis per malum dicitur diminui bonum. Hæc igitur diminutio

Idem 1. p. 9.  
48. art. 4. &  
2. q. 85. art. 5.



diminutio boni per malum non potest in naturalibus in infinitum procedere. nam formæ naturales & virtutes omnes terminatæ sunt, & perueniunt ad aliquem terminum, ultra quem porrigi non possunt. non potest igitur neque forma aliqua contraria, neque virtus contrarij agentis in infinitum augeri, ut ex hoc sequatur in infinitum diminutio boni per malum. In moralibus autem potest ista diminutio in infinitum procedere. nam intellectus & voluntas in suis actibus terminos non habent. potest enim intellectus intelligendo in infinitum procedere. Unde mathematicæ numerorum species & figurarum infinitæ dicuntur: & similiter voluntas in volendo in infinitum procedit. qui enim vult furtum committere, potest iterum velle, & aliud committere, & sic in infinitum. quanto autem voluntas magis in fines indebitos tendit, tanto difficilius redit ad proprium & debitum finem: quod patet in his in quibus per peccandi consuetudinem iam est habitus vitiatorum inductus. in infinitum igitur per malum moris bonum naturalis aptitudinis diminui potest: nunquam tamen totaliter tollitur: sed semper naturam remanentem comitatur.

## Super Cap. 12.



**X** præmissis deducit corollarie S. Tho. quod quantumcumque multiplicetur malum, nunquam potest totum bonum corrumpere. quod probat, quia oportet quod semper maneat mali subiectum quod est bonum. Sed mouet circa hoc corollarium dubium. Si enim ex finito aliquid finitius tollatur, oportet illud quandoque per ablationem consumi. sed per intentionem mali in infinitum semper minuitur bonum quod est finitum. ergo tolleretur quandoque totum bonum per malum. Ad hoc respondet quidam negando maiorem, quando sequens ablatio fit secundum eandem proportionem. patet enim in diuisione continui secundum partes proportionales, quod in infinitum procedit, & nunquam tamen tota quantitas consumitur. hoc autem modo dicunt fieri boni diminutionem. sed contra hæc responsum arguit sic S. Thom. in processu huiusmodi diuisionis semper quod posterius subtrahitur est minus, ut patet in diuisione quantitatis. Sed hoc in diminutione boni per malum nequaquam potest accidere, tunc quia quanto bonum per malum magis fuerit diminutum, erit infirmius. & sic per secundum malum magis diminui poterit, hoc est, ab ipso non minus, sed maius poterit tolli, tum quia malum sequens contingit esse maius priore aut æquale, & per consequens tollit aut maius aut æquale bonum.

**A**DVERTE quod S. Thom. per hæc verba, hoc in diminutione boni nequaquam potest accidere, non vult ponere impossibilitatem diminutionis boni secundum eandem proportionem, sed tantum non necessitatem talis diuisionis, ut patet prima parte, quæst. 48. art. 4. ad tertium. unde sensus est quod nequaquam potest esse in diminutione boni, ut semper necessario seruetur eadem proportio, cum contingat aut ex debilitate boni remanentis post subtractionem, aut ex qualitate vel maiestate mali posterioris in posteriori subtractione, aut maius, aut æquale subtrahi. Respondet igitur S. Thom. & dicit primò, quod malum tollit quidem totaliter bonum cui opponitur, sed tamen remanet subiectum: quod quum habeat, in quantum est subiectum, rationem boni, secundum quod est potentia ad actum boni, quod per malum priuatur, quantum minus fuerit in potentia ad illud bonum, tanto minus erit bonum. Dicit secundò, quod fit minus potentia ad formam, non per subtractionem alicuius partis ipsius subiecti, aut eius potentia, sed quia per contrarium actum impeditur ne in actum formæ exire possit: sicut tantò est minus potentia frigidum, quanto in eo magis calor augetur: & sic bonum diminuitur per malum magis apponendo contrarium, quam aliquid subtrahendo de bono. quanto enim bonum ad quod præter intentionem agentis sequitur malum, magis multiplicatur, tanto potentia ad bonum contrarium magis diminuitur: & sic per malum magis dicitur diminui bonum, in quantum videlicet per bonum cui malum coniungitur, tollitur magis potentia subiecti ad bonum quod per malum remouetur: in qua potentialitate consistit bonitas subiecti. Dicit tertio, quod hæc diminutio boni in naturalibus quidem non potest in infinitum procedere, quia neque forma contraria, neque virtus contrarij agentis potest in infinitum augeri, cum formæ naturales & virtutes sint terminatæ: sed in moralibus potest diminutio in infinitum procedere, quia & intellectus potest intelligendo in infinitum procedere: cuius signum est, quod mathematicæ species numerorum & figurarum dicuntur infinitæ: similiter voluntas in volendo in infinitum procedit. Volens enim furtum committere, potest velle & aliud quid committere in infinitum. Et sic in infinitum bonum naturalis aptitudinis per malum amoris diminui potest, cum quanto voluntas magis in fines indebitos tendit, tanto difficilius ad proprium & debitum finem redeat ut patet in his quibus per peccandi consuetudinem iam est habitus vitiatorum inductus: nunquam tamen talis aptitudo totaliter tollitur, sed semper naturam comitatur.

Ex his patet quod obiectio nulla est, quia procedit de diminutione quæ fit per subtractionem, non autem de ea quæ fit per appositionem contrarij: & etiam quia in naturalibus falsum est quod malum possit in infinitum intendi per huiusmodi appositionem, bonumque diminui in infinitum.

**A**DVERTE quod quanto potentia magis elongatur ab actu, & subiectum est minus habile ad eius susceptionem, tanto difficilius ad actum reducitur, ut patet in naturalibus & in artificialibus: & ideo signum elongationis potentia ab actu, est difficultas reductionis ad actum. propter hoc volens S. Thom. ostendere diminutionem naturalis aptitudinis per bonum per peccatum in infinitum, adducit pro signo quod quanto volun-

tas magis in indebitos fines tendit, tanto difficilius redit ad debitum finem: quod cum in infinitum possit tendere in indebitos fines, sicut & intellectus in infinitum potest diuersa intelligere, sequitur quod in infinitum talis difficultas augeri possit, & per consequens in infinitum elongari potentia ab actu, & in infinitum aptitudo diminui.

**A**D euidenciam huius responsonis, considerandum primò ex doctrina S. Thom. prima parte, loco allegato, & secundo Sententiarum, distinctione 34. artic. 4. Item in quæst. de Malo, quæst. 2. artic. 11. & 12. & prima secundæ, quæstione 85. artic. 1. & 2. quod triplex est bonum, scilicet illud cui malum opponitur, subiectum mali, & habilitas ipsius subiecti ad bonum: quam hic sanctus Thomas aptitudinem ad bonum vocat. Malum ergo, bonum cui opponitur, totaliter tollit: sicut cæcitas totaliter tollit visum: entitatem autem subiecti non modo non totaliter tollit, sed nec diminuit: sicut cæcitas nihil remouet à substantia oculi, sed ipsam habilitatem & aptitudinem subiecti ad bonum, quæ est potentia ad susceptionem actus, diminuit quidem modo dicto, concomitando scilicet in subiecto formam contrariam bono cui opponitur, & quæ totaliter tollit per quam formam impeditur subiectum à susceptione formæ oppositæ, non autem ipsam habilitatem totaliter tollit: quia cum comitatur substantiam & naturam subiecti, natura manente subiecti remanet semper ipsa habilitas. dat exemplum S. Thom. de habilitate aeris ad lumen, quæ quamuis per interpositionem corporis opaci inter ipsam & solem diminui possit in infinitum, nunquam tamen manente aere totaliter tollitur. Sitamen esset aliquid potens subiectum corrumpere, illud corrumpendo subiectum totaliter habilitatem subiecti remoueret. Unde quamuis ubi fit diminutio alicuius per subtractionem partium, oporteat finitum tandem totaliter consumi, ubi tamen fit diminutio & remissio per interpositionem impedimenti & obstaculi, non oportet ut finitum tandem consumatur. possunt enim impedimenta in infinitum apponi, quibus potentia & aptitudo magis elongatur ab actu, & tamen semper quantum ad aliquid potentia & aptitudo remanent. Considerandum secundò, quod cum prædicta habilitas & aptitudo ad bonum, intelligatur ut media inter subiecti naturam in qua fundatur sicut in radice, & bonum in quod tendit: diminutio habilitatis per appositionem impedimenti non intelligitur ut se tenet ex parte radices, quum per tale impedimentum non diminuitur natura subiecti, sed intelligitur ut ad bonum tendit per huiusmodi enim appositionem impeditur ne ad bonum in quod ordinatur perueniat. unde quanto plura apponuntur impedimenta, tanto magis impeditur & elongatur ab actu, quod est ipsam aptitudinem & habilitatem suæ inclinationis ad bonum diminui, ut ex parte ipsius termini consideratur. Unde obiectiones Durandi in secundo, distinct. 34. quæ procedunt de diminutione habilitatis huiusmodi ut se tenet ex parte subiecti, non procedunt contra sanctum Thomam. Diminutio enim habilitatis & intensio ut se tenet ex parte termini, non oportet ut fiat per aliquid inherens subiecto: licet forte hoc requiratur ad intensiorem & remissionem eius ut se tenet ex parte subiecti. Similiter obiectiones Scoti in 35. distinctione secunda. cõstat non procedere contra hanc determinationem, quia procedunt de diminutione quæ est per subtractionem, non autem de ea quæ est per appositionem impedimenti, & quæ non est per se, sed per aliud.

**S**ED occurrit dubium circa dicta. Videmus namque quod homo cæcus non potest per naturam visum recuperare: ergo non remanet in ipso habilitas & aptitudo naturalis ad visum, quia aptitudo naturalis potest per agens naturale in actum reduci. ergo malum totaliter tollit aptitudinem subiecti ad bonum.

**A**D hoc dicitur primò, quod hoc est vniuersaliter verum quod manente potentia ad aliquem actum, remanet semper eius habilitas ad actum, quæ in ipsa immediate fundatur, & remota potentia remouetur: quia ipsam potentiam necessario concomitatur. Et quia nulla priuatio ut sic tollit subiectum suum aut potentiam, cum illud sibi determinet, ut in quo sit suo modo: ideo nulla priuatio & nullum malum remouet à suo subiecto habilitatem ad formam in ipso immediate fundatam, licet contingat aliquando per aliquod agens corrumpi potentiam simul & habilitatem. Dicitur secundò, quod homo cæcus licet totaliter amiserit aptitudinem proximam ad actum videndi quæ in virtute visus fundabatur, remanet tamen in ipso aptitudo ad potentiam visivam, ut dicitur de Malo, q. 2. art. 12. ad tertium. & remanet etiã aptitudo ad actum videndi, tãquam in radice & fundamentum remoto. Cum probatur, quia non potest per naturam visum recuperare, dicitur quod hoc non est propter defectum aptitudinis, sed quia ut dicitur 1. 2. q. 85. artic. 2. ad 3. deest causa quæ possit reducere illam aptitudinem ad actum, formando organum quod requiritur ad videndum. Cum autem dicitur quoniam naturalis aptitudo potest per agens naturale in actum reduci: respondetur (ut haberi potest ex doctrina S. Thom. tertio, distinct. 1. q. 1. artic. tertio ad quartum) quod vniuersaliter aptitudo naturalis secundum suam speciem absolute considerata potest reduci in actum ab aliquo agente naturali, non autem oportet ut vnaquæque singularis aptitudo in actum reduci possit, quia propter aliquod impedimentum provenire potest ut in actum reduci non possit. Et sic dicitur quod aptitudo naturalis ad visum secundum speciem considerata reduci potest ad actum per agens naturale. Videmus enim per naturalem generationem talem aptitudinem impleri, in eo autem qui priuatus est visu, non potest per agens naturale reduci in actum, propter impedimentum quod superuenit. Cum enim ordine quodam respiciat visum & cæcitatem, quia scilicet non peruenit ad cæcitatem nisi per visum: non potest fieri reditus ab ipsa ad visum per agens naturale: quia cum materia ad diuersa se habet secundum ordinem, non potest ex posteriori redire in prius, ut inquit S. Thom. octauo Metaphysicæ ed. 3. cuiuslibet rei sit determinatus, modus generationis. ideo cum ponitur in animali cæcitas, ponitur impedimentum ne habilitas ad visum reduci possit ab agente naturali in actum. Nec obstat quod aliquando homo est cæcus à natiuitate, & sic non videtur quod materia semper perueniat ad cæcitatem per virtutem visivam. Dicitur enim quod licet tunc non habet prius virtutem visivam, habuisset tamen nisi fuisset impedita. Unde sicut corrumpens oculum dicitur corrumpere visum in eo existentem, & cæcitas concomitans est corruptio visus qui præfuit: ita causans impedimentum, aut contrariam dispositionem ad visum in generatione animalis, dicitur indirecè corrumpere visum, qui affuisset si non fuisset impeditus: & cæcitas concomitans est corruptio visus qui debebat adesse.



*Quid malum habet aliquo modo causam.*

*Caput 13.*

*Idem 1. p. 9.  
94. artic. 1.*



X prædictis autem ostendi potest quod etsi malum non habeat causam per se. cuiuslibet tamé mali oportet esse causam per accidens. Quicquid enim est in aliquo ut in subiecto, oportet quod habeat aliquam causam. cau-

*D. 197. secunda causa. malum autem est in bono sicut in subiecto, ut ostensum est. \* Cap. 11.*

2 Item, quod est in potentia ad utrumque oppositorum, non constituitur in actu alicuius eorum nisi per aliquam causam. nulla enim potentia facit se esse in actu. malum autem est privatio eius quod quis natus est & debet habere. ex hoc enim unumquodque dicitur malum esse. est igitur malum in subiecto quod est in potentia ad ipsum, & ad suum oppositum. oportet igitur quod malum habeat aliquam causam.

3 Adhuc, quicquid inest alicui præter suam naturam advenit ei ex aliqua alia causa. omnia enim in his quæ sunt sibi naturalia permanent: nisi aliquid aliud impediatur. unde lapis non fertur sursum, nisi ab aliquo projiciente: nec aqua calefit nisi ab aliquo calefaciente. malum autem semper inest præter naturam eius cui inest, cum sit privatio eius quod natum est aliquid & debet habere. igitur oportet quod malum semper habeat aliquam causam vel per se vel per accidens.

*\* Cap. 39.* 4 Amplius, omne malum consequitur ad aliquod bonum: sicut corruptio sequitur ad aliquam generationem. sed omne bonum habet aliquam causam præter primum bonum in quo non est aliquod malum, ut in primo libro ostensum est. omne igitur malum habet aliquam causam ad quam sequitur per accidens.

*Super Cap. 13.*



OSTQVAM ostendit sanctus Thomas quod malum non causatur nisi à bono si aliquod malum habet causam: nunc vult ostendere quod cuiuslibet mali oportet esse aliquam causam per accidens. Et arguit primò sic: Malum est in bono ut in subiecto: ergo, & c. patet consequentia, quia omne quod est in subiecto causatur, vel ex principiis subiecti, vel ex aliqua causa extrinseca. Secundò, Malum est in subiecto quod est in potentia ad ipsum & ad suum oppositum: ergo, & c. patet antecedens. consequentia verò probatur, quia quod est in potentia ad opposita, non constituitur in actu alicuius nisi per aliquam causam, cum nulla potentia faciat se in actu.

ADVERTE circa antecedens, quod non est universaliter verum (ut dicitur de Verit. quest. 21. artic. 2. ad primum) quod omne subiectum habens possit esse etiam subiectum privationis, quia aliquando habitus inest à natura, & à subiecto separari non potest. sed bene est universaliter verum, quod omne subiectum mali est etiam susceptivum boni oppositi. Et ideo non dixit quod omne subiectum formæ sit in potentia ad ipsam & ad suum oppositum, quod est privatio, sed e contrario quod subiectum mali est in potentia ad utrumque oppositum. Quum enim malum sit privatio (ut inquit) eius quod quis natus est & debet habere, necesse est ut in aliquo subiecto sit malum, illud sit in potentia & ad malum & ad bonum sibi oppositum, ita quod sit utriusque receptivum. Tertio, malum semper inest præter naturam eius cui inest, cum sit privatio perfectionis debite inesse. ergo, & c. probatur consequentia, quia quod advenit alicui præter naturam suam, advenit ei ex aliqua alia causa, ut patet in motu lapidis sursum, & in aqua quæ calefit. Quarto, Omne bonum præter primum habet aliquam causam: ergo & omne malum habet causam per accidens: quia omne malum consequitur ad aliquod bonum, sicut corruptio ad generationem.

*Quid malum est causa per accidens.*

*Caput 14.*



X eisdem etiam patet quod malum etsi non sit causa per se, est tamen causa per accidens. Si enim aliquid est causa alicuius per se: id quod accidit ei, est causa illius per accidens: sicut albus quod accidit ædificatori, est cau-

*D. 187.*

sa domus per accidens. omne autem malum est in aliquo bono: bonum autem omne est alicuius aliquo modo causa. materia enim est quodammodo causa formæ, & quodammodo econverso: & similiter est de agente & fine: unde non sequitur processus in infinitum in causis & causatis, si quodlibet est alicuius causa propter circulum inuentum

in causis & causatis secundum species diversas causarum. malum igitur est per accidens causa.

2 Adhuc, malum est privatio quædam, ut ex prædictis patet: privatio autem est principium per accidens in rebus mobilibus: sicut materia & forma per se: malum igitur est alicuius causa per accidens.

3 Præterea, ex defectu causæ sequitur defectus in effectu, defectus autem in causa est aliquod malum, non tamen potest esse causa per se: quia res non est causa per hoc quod est deficiens, sed per hoc quod est ens. si enim tota deficeret, nullius esset causa. malum igitur est alicuius causa per accidens.

4 Item, secundum omnes species causarum discurrèdo inuenitur malum esse per accidens causa. In specie quidem causæ efficientis, quia propter causæ agentis deficientem virtutem sequitur defectus in effectu & actione. In specie verò causæ materialis: quia ex materiæ in dispositione causatur in effectu defectus. In specie verò causæ formalis, quia uniformæ semper adiungitur alterius formæ privatio. In specie verò causæ finalis, quia in debito fini adiungitur malum, in quantum per ipsum finis debitus impeditur. Patet igitur quod malum est causa per accidens, & non potest esse causa per se.

*Super Cap. 14.*



OSTQVAM determinavit S. Thom. de causalitate mali quantum ad hoc quod causatur, nunc determinat de causalitate ipsius quantum ad hoc quod est aliorum causa: & ponit hanc conclusionem: Malum quamvis non sit causa per se, est tamen causa per accidens. Probatur, Primò, malum est in bono: ergo est causa per accidens. probatur consequentia, quia quod accidit causæ per se alicuius, est causa eius per accidens illius. omne autem bonum est alicuius aliquo modo causa, sicut materia formæ quodammodo, & econverso, & similiter est de agente & fine: & ex hoc tollitur processus in infinitum in causis & causatis, si quodlibet est alicuius causa.

CIRCA hanc rationem advertendum, quod causa per accidens secundum quod accidentalitas se tenet ex parte causæ, nihil operatur ad effectum, sicut cum domifactor ædificat, albedo quæ est causa ædificationis per accidens, nihil ad ædificium operatur, sed dicitur causare per accidens: quia subiectum cui accidit, & quod per ipsam denominatur, causat. Verum est enim dicere, quod album ædificat, quia quod albedini substat, ædificat. similiter ergo malum dicitur causa per accidens, non quia aliquid circa effectum boni producat, sed quia suppositum agens substat malitiæ. unde cum dicitur, malum operatur, verum est: quia quod malitiæ substat, & dicitur malum denominatiue, operatur. Advertèdū etiam, quod ideo addidit S. Thom. non sequi processum in infinitum in causis & causatis, si quodlibet est alicuius causa, ut remoueat instantiam quæ posset fieri contra assumptam hanc propositionem. Bonum omne est alicuius aliquo modo causa. Videtur enim sequi processum in infinitum in causis & causatis descendendo: quia si non procedatur in infinitum, oportet devenire ad aliquod bonum quod sit causatum, & nullo modo causa. Respondetur negando consequentiam, quia nunquam devenitur ad aliquod quod nullo modo sit causa: & tamen non proceditur in infinitum, quia quod effectus est unus in uno genere causæ, potest esse illius causa in alio. Secundò, privatio est causa per accidens in rebus mobilibus. ergo, & c. patet consequentia, quia malum est privatio quædam, supple. & omnis privatio malum quoddam est.

ADVERTE quod privatio quæ in primo Physicorum connumeratur cum materia & forma in numero principiorum naturalium, in quantum coniungitur materiæ, non est principium rerum, nisi in quantum transmutabilia sunt, secundum enim quod sunt aliqua transmutabilia, sic privatio est eorum principium. Si enim aliqua sunt transmutabilia substantialiter, sicut corpora inferiora, sic privatio formæ substantialis est illius principium per accidens, in quantum materiæ eius coniungitur privatio alterius formæ substantialis quam nata est habere, sicut materiæ aquæ coniungitur privatio formæ ignis. Si autem aliquid sit accidentaliter transmutabile, privatio formæ accidentalis est illius principium per accidens, ut est sic transmutabile, in quantum suæ substantiæ coniungitur privatio alterius formæ accidentalis, sicut subiecto albo ad nigredinem transmutabili coniungitur privatio nigredinis. Propter hoc non dixit S. Thom. absolute, quod privatio sit principium per accidens in rebus, sed in rebus mobilibus. Tertio, defectus causæ est causa per accidens defectus in effectu, & est quoddam malum. ergo, & c. probatur quod sit causa per accidens, quia res non est causa per hoc quod est deficiens, sed per hoc quod est ens, cuius signum est, quod si tota deficeret nullius esset causa.

ADVERTE quod causa formalis per se est id quo aliquid operatur, & quo elicit operationem. hoc autem non potest esse nisi ens, quia nihil operatur nisi in quantum est in actu: & ideo optime probatur quod malum formaliter sumptum non sit causa per se, quia res non est causa per hoc quod est deficiens, id est, defectus: privatio non est id quo operatur, & quo elicit operationem. Quarto, propter causæ efficientis deficientem virtutem sequitur defectus in actione & effectu. propter indispositionem materiæ causatur defectus in effectu. Vni formæ semper adiungitur privatio alterius formæ, accipiendo scilicet largè privationem. In debito fini coniungitur semper malum, in quantum per ipsum finis debitus impeditur. ergo secundum omnes species causarum malum est causa per accidens.

*Quod*



Quod non est summum malum, quod sit omnium  
malorum principium.

Cap. 15.

Cap. 16.

D. 8; 7.



X hoc autē patet q̄ non potest esse aliquod  
summum d̄ malū quod sit omnīū malorum  
principium. Summum enim malum oportet  
esse absque consortio omnis boni: sicut &  
summū bonum est, quod est omnino sepa-

Cap. 11. ratum a malo. nō potest autē esse aliquod malum omnino  
D. 291. separatū a bono: cūm ostensum sit quōd d̄ malum fun-  
datur in bono. ergo nihil est summū malum.

2 Adhuc, si aliquid est summū malum, oportet quōd per  
essentiam suam sit malum: sicut & summū bonum est, quod  
per suam essentiam bonum est. hoc autem est impossibile,  
cūm malum non habeat aliquam essentiam, vt sup̄a pro-  
batum est. Impossibile est igitur ponere summum malum  
quod sit malorum principium.

3 Item, illud quod est primum principium, non est ab ali-  
quo causatum: omne autem malum causatur a bono, vt  
ostensum est. non est igitur malum primum principium.

Cap. 9. & 10. 4 Amplius, malum non agit nisi virtute boni, vt ex prae-  
missis patet. primum autem principium agit virtute pro-  
pria. malum igitur non potest esse primum principium.

5 Præterea, cūm id quod est per accidens, sit posterius  
eo quod est per se, impossibile est quōd sit primū id quod  
est per accidens. malum autē non euenit nisi per accidens,

Cap. 4. & præter intentionem, vt probatum est. impossibile est igitur  
quōd malum sit primum principium.

6 Adhuc, omne malū habet causam per accidens, vt pro-  
batum est. primum autem principium non habet causam  
neque per se, neque per accidens: malum igitur non potest  
esse primum principium in aliquo genere.

7 Item, causa per se prior est, ea quæ est per accidens: sed  
Cap. præced. malum non est causa nisi per accidens, vt ostensum est: ma-  
lum igitur nō potest esse primum principium in aliquo ge-  
nere. Per hoc autem excluditur error Manichæorum po-  
nentiū aliquod summum malum, quod est principium  
primum omnium malorum.

Manich. test.  
Aug. Tom. 6.  
de Natura  
boni & mali:  
Cap. 41.

Super Cap. 15.



X omnibus prædictis deducit S. Thom. quōd non potest esse  
aliquod summum malum quod sit omnium malorū prin-  
cipium: & arguit primò sic: Non potest esse aliquod malum  
patet consequentia, quia summum malum oportet esse absq̄  
consortio omnis boni, sicut & summum bonum est omnino  
separatum ab omni malo. Secundò, malum nullam habet essentiam, ergo,  
&c. patet consequentia, quia oportet vt summū malum sit per essen-  
tiam malum, sicut & summū bonum est, quod est per essentiam bonum.  
AD VERTE quōd sit bonum dicitur & per essentiam & per parti-  
cipationem: ita si diceretur summum malum, oportet vt malum diuidi in  
malum per essentiam, & malum per participationem. summum autem  
malum non esset malum per participationem, alioquin non esset sum-  
mum malum: ideo necesse esset vt esset per essentiam suam malum, vt S.  
Thom. assumit. Tertiò, omne malum causatur a bono: ergo malum  
non est primum principium: cūm primum principium non sit ab aliquo  
causatum.

AD hanc rationem dici posset, quōd licet malum non sit primū prin-  
cipium simpliciter, est tamen aliquod malum primum principium a  
omnium malorum: sed hæc responsio nulla est, quia (vt ex superioribus pa-  
tet) oportet etiam in causatione mali resolutionem fieri in bonum, vt  
etiam in sequenti ratione tangitur. Quartò, malum non tangit nisi in vir-  
tute boni, ergo non potest esse primum principium, cūm tale agat virtute  
propria.

Quintò, malum non euenit nisi per accidens & præter intentionem, ergo  
non est primum, ergo non est primum principium. Probatur prima  
consequentia: quia per accidens est posterius eo quod est per se.

AD VERTE quōd ponentes esse summum malum principium om-  
nium malorum, existimauerunt malum esse primum, & per se effectum  
ipsius: & ideo hæc ratio optima est contra eos, si enim malum non produ-  
citur nisi per accidens, & præter intentionem, vt ex superioribus constat: sa-  
tis apparet, q̄ non potest esse primo & per se intentum: ex quo sequitur  
quod nō est aliquod primum principium mali, tanquam scilicet prima &  
per se causa mali, vt volebant Manichæi. Sextò malū omne habet causam  
per accidens, ergo non est primum principium, cūm illud nō habeat cau-  
sam neque per se, neque per accidens. Septimò, malum non est causa nisi  
per accidens, ergo non est primum principium, quia causa per se est prior  
causa per accidens. Ex his excluditur Manichæorum error, ponentiū  
aliquod summum malum, quod est principium omnium malorum.

Quod finis cuiuslibet rei est bonum.



I autem omne agens agit propter bonum, vt  
sup̄a \* probatum est, sequitur ulterius quod \* Cap. 3.  
cuiuslibet entis bonum sit finis. Omne enim  
ens ordinatur in finem per suā actionē, oportet  
enim quōd vel ipsa actio sit finis, vel finis  
actionis sit finis agentis, quod est eius bonum.

2 Amplius, finis rei cuiuslibet est in quod terminatur ap-  
petitus eius. appetitus autem cuiuslibet rei terminatur ad  
bonum. sic enim Philosophi diffiniunt bonū, quod omnia 1. Ethic. ca. 1.  
appetunt, cuiuslibet igitur rei finis est aliquod bonum.

3 Item, illud ad quod aliquid tēdit, cūm extra ipsum fue-  
rit, & in quo quiescit cūm ipsum habuerit, est finis eius:  
vnūquodque autē si perfectione propria careat, in ipsam  
mouetur, quantū in se est: si verò eā habeat in ipsa quiescit.  
finis igitur vnus cuiusq̄ rei est eius perfectio. perfectio au-  
tem cuiuslibet est bonum ipsius. vnūquodque igitur or-  
dinatur in bonum sicut in finem.

4 Præterea, eodem modo ordinatur in finem ea quæ co-  
gnoscunt finem, & ea quæ finem non cognoscunt: licet ea  
quæ cognoscunt finem, per se moueantur in finem: quæ au-  
tem non cognoscunt finem, tendunt in finem quasi ab alio  
directa: sicut patet de sagittante & sagitta. Sed ea quæ co-  
gnoscunt finem semper ordinantur in bonū, sicut in finem.  
nam voluntas quæ est appetitus finis præcogniti non ten-  
dit in aliquid, nisi sub ratione boni, quod est eius obie-  
ctum. ergo & ea quæ finem non cognoscunt, ordinantur in  
bonum sicut in finem, finis igitur omnium est bonum.

Super Cap. 16.



OSTQVAM ostendit S. Thom. quōd omnia propter ali-  
quid agunt, ostendit quōd cuiuslibet rei finis sit bonum: &  
arguit primò sic: Omne agens agit propter bonum, vt pro-  
batum est. ergo ipsum bonum est finis. probatur consequen-  
tia: quia omne agens ordinatur in finem per suam actionem,  
vel enim ipsa operatio est finis, vel finis actionis est finis agentis, quod est  
eius bonum.

ADVERTENDVM quōd quādo agens non intendit aliquid aliud  
præter ipsam operationem, sicut in speculatione accidit, ipsa operatio est  
finis, quando autem agens intendit aliquid aliud præter ipsam operatio-  
nem, sicut quum domificando aliquis intendit domum vel habitationem:  
tunc illud quod intenditur ab agente, est finis & agentis & actionis: agen-  
tis quidem sicut intendit ad illud per suam operationem peruenire:  
actionis verò tanquam eius quod ad ipsum ordinatur, propter hoc inquit  
S. Thom. quōd aliquando actionis finis, est finis agentis.

SED occurrit dubium. Quia aliquando agens intendit bonum alteri-  
us per suam actionem, sicut quum quis facit domum vt aliquis alius eam  
inhabitet. ergo falsum est quōd vniversally loquendo finis agentis sit  
eius bonum.

RESPONDETUR dupliciter. Primò, quōd finis agentis licet quan-  
doque sit aliquid extrinsecum, tamen est eius bonū & perfectio inquan-  
tum est agens, vt dicitur secundo Sent. dist. 17. art. ultimo, eō quōd moueat  
ipsum ad operandum, & per cōsequens ad actum ipsum reducat, ac etiam  
ex ipso fine aliquam perfectionem habeat operatio. Respondetur secūdo  
ex doctrina S. Thom. prima parte, q. 103. artic. 2. ad primum & secundum, q.  
bonum alicuius dicitur aliquando quo efficitur & actuatur vt forma: si-  
cut sanitas est bonum hominis sani: aliquando tanquam per ipsum ope-  
ratum, sicut domus est bonum domificatoris, aut aliquid huiusmodi: ali-  
quando sicut habitum vel possessum, vt ager emptus est bonum ementis,  
aliquando sicut representatum per ipsum, sicut Hercules est bonum ima-  
ginis quæ sit ad ipsum representandum. Et sic constat domum aut habita-  
tionem esse aliquo modo bonum domificatoris, licet sit quid extrinse-  
cum ab ipso. Vnde negatur consequentia. Stant enim simul, q. finis agen-  
tis sit alicuius alterius bonum vno modo, sit etiam alio modo agentis bo-  
num. Secundò arguitur: Appetitus cuiuslibet rei terminatur ad bonum, vt  
patet ex boni diffinitione, ergo, &c. probatur consequentia, quia finis rei  
est in quod terminatur eius appetitus.

ADVERTENDVM circa antecedens & probationem consequen-  
tiæ, quōd loquitur sanctus Thomas de terminatione primò & per se appe-  
titus. Vt enim dicitur prima parte, quæst. 20. artic. 1. bonum principalis &  
per se est obiectum voluntatis, malum autem secundariò & per aliud, in-  
quantum scilicet opponitur bono, non enim appetitus fugit aliquod ma-  
lum, nisi quia contrariatur bono in quod inclinatur per se: & sic appetitus  
rei terminatur ad bonum primò & per se, licet secundariò & per aliud ter-  
minetur ad malum fugiendo ipsum. similiter intelligendum est quod as-  
sumitur ad probationem consequentiæ. Finis enim rei est in quod primò  
& per se terminatur appetitus. Tertiò, finis vnus cuiusq̄que est eius perfe-  
ctio: ergo bonum, probatur antecedens, quia vnūquodque si caret perfe-  
ctione propria, mouetur ad ipsam, quantum in se est, id est, nisi impedi-  
atur: si autē ipsam habet, in ipsa quiescit: hæc autem est conditio finis:  
Quartò: Ea quæ cognoscunt finem, semper ordinantur in bonum sicut in  
finem, quia voluntas non fertur in aliquid nisi sub ratione boni, quod est  
eius obiectum: ergo etiam ea quæ finem non cognoscunt, & sic omnium  
finis est bonum, probatur consequentia, quia eodem modo ordinantur in  
finem ea quæ cognoscunt finem, & quæ finem non cognoscunt, licet ad  
illum diuersimodē moueantur.

Contra Gent.

2 2



CIRCA ea quæ in hac ratione dicuntur, duo occurrunt dubia. Primum est circa antecedentis probationem. Nam videtur insufficiens probatio. probandum enim erat vniuersaliter, quod cognoscencia finem ordinantur in bonum, & non probatur nisi de voluntate, cum tamen etiam bruta quæ non habent voluntatem, finem cognoscant. Secundum est circa probationem consequentiam. Videntur enim repugnare quod eodem modo omnia ordinantur ad finem, & tamen diuersimodè ad illum moueantur. Nam si diuersimodè mouentur ad finem, sequitur quod non sint eodem modo ad finem ordinata. Ad primum respondetur, quod per ea quæ cognoscunt finem, intelligit S. Thom. ea quæ finem cognoscunt sub ratione finis, quia non tantum cognoscunt id quod est finis, sed etiã ipsam finis rationem. hæc enim sunt quæ propriè dicuntur per se moueri ad finem: talia autem sunt ea tantum quæ habent intellectum, vt superius est ostensum, non autem bruta: & quia voluntas consequitur intellectum, ideo dum probatur quod voluntas ordinatur in bonum, probatur vniuersaliter quod cognoscencia finem ordinantur in bonum.

Ad secundum dicitur, quod li eodem modo, non importat similitudinem ordinis ad finem, sed est expressiuius veritatis. Est enim sensus, quia verum est carentia cognitioni ordinati & inclinati in finem, sicut verum est hoc de habentibus cognitionem finis. Et est simile sicut si diceremus de Sorte habente albedinem, posito quod etiam Plato sit albus, sed intensiorem habeat albedinem. Eodem modo Sortes est albus, & Plato, id est, ita verum est Sortem esse album, sicut verum est de Platone, obiectio autem procedit ac si similitudinem importaret. Potest secundo responderi, quod importat similitudinem quantum ad id à quo prouenit ordo & inclinatio. siue enim aliqua cognoscant finem, vt intellectus, siue non cognoscant, vt naturaliter mota: inclinatio & ordo sequitur cognitionem. appetitus enim finis in habentibus cognitionem, sequitur cognitionem appetitus: appetitus autem non habentis cognitionem, sequitur cognitionem non quidem appetentis, sed alicuius alterius ordinantis ipsum ad finem. Vnde secundo Physicorum dicitur quod opus naturæ est opus intelligentiæ. Et ideo optimè arguitur, quod si finis vnus est bonum, etiam & alterius finis est bonum: cum vtrouque talis ordinatio à cognitione proueniat. Sed licet in hoc sit similitudo, non oportet tamen esse similitudinem quod ad motum ad finem, vt si vnum per se moueatur ad finem, aliud etiam per se moueatur. Vnde nulla est contradictio.

Quod omnia ordinantur in vnum finem, qui est Deus.

Cap. 17.

Idem 1. p. 9.  
44. art. 4.



X hoc autem apparet quod omnia ordinantur in vnum bonum sicut in vltimum finem. Si enim nihil tendit in aliquid sicut in finem, nisi in quantum ipsum est bonum: oportet quod bonum in quantum bonum sit finis, quod igitur

est summum bonum, est maxime omnium finis. sed summum bonum est vnum tantum, quod est Deus: vt in primo libro

\* Cap. 41. probatum est. omnia igitur ordinantur sicut in finem in vnum bonum quod est Deus.

2 Item, quod est maximum in vnoquoque genere, causa est omnium illorum quæ sunt illius generis: sicut ignis qui est calidissimus, est causa caliditatis in aliis corporibus, summum igitur bonum quod est Deus, est causa bonitatis in omnibus bonis: ergo & est causa cuiuslibet finis quod sit finis: cum quicquid est finis, sit huiusmodi in quantum est bonum. propter quod autem est vnumquodque, & illud magis: Deus igitur maxime est omnium rerum finis.

3 Adhuc, in quolibet genere causarum causa prima est magis causa quam causa secunda, nam causa secunda non est causa nisi per causam primam. illud igitur quod est causa prima in ordine causarum finalium, oportet quod sit magis causa finalis cuiuslibet quam causa finalis proxima, sed Deus est prima causa in ordine causarum finalium, cum sit summum in ordine bonorum: est igitur magis finis vniuscuiusque rei quam aliquis finis proximus.

4 Amplius, in omnibus finibus ordinatis oportet quod vltimus finis sit finis omnium præcedentium finium: sicut si portio conficitur vt detur ægroto; datur autem vt purgetur, purgatur autem vt extenuetur, extenuatur autem vt sanetur: oportet quod sanitas sit finis & extenuationis & purgationis, & aliorum præcedentium. sed omnia inueniuntur in diuersis gradibus bonitatis ordinata sub vno summo bono, quod est causa omnis bonitatis: ac per hoc cum bonum habeat rationem finis, omnia ordinantur sub Deo, sicut fines præcedentes sub fine vltimo: oportet igitur quod omnium finis sit Deus.

5 Præterea, bonum particulare ordinatur in bonum commune sicut in finem, esse enim partis est propter esse totius. Vnde & boni gentis est diuini quam boni vnus hominis, bonum autem summum quod est Deus, est bonum commune: cum ex eo vniuersorum bonum dependeat, bonum

auté quo quælibet res bona est, & bonum particulare ipsius, & aliorum quæ ab ipso dependent. omnes igitur res ordinantur sicut in finem in vnum bonum, quod est Deus.

6 Item, ad ordinem agentium sequitur ordo in finibus. nam sicut supremum agens mouet omnia secundo agētia: ita ad finem supremi agentis oportet quod ordinentur omnes fines secundorum agētiū. quicquid enim agit supremum agens agit propter finem suum. agit autem supremum agens actiones omnium inferiorum agentium, mouendo omnes ad suas actiones, & per consequens ad suos fines: vnde sequitur quod omnes secundorum agentium actiones ordinantur à primo agente in finem suum proprium. agēs autem primum rerum omnium est Deus, vt in secundo probatum est. \* voluntatis autem ipsius nihil aliud finis est quam sua bonitas, quæ est ipsemet, vt in primo probatum est. omnia igitur quæcunque sunt facta vel ab ipso immediate vel mediantibus causis secundis, in Deum ordinantur sicut in finem: omnia autem entia sunt huiusmodi. nam sicut in secundo probatur, \* nihil esse potest quod ab ipso non habeat esse, omnia igitur ordinantur in Deum sicut in finem. \* Cap. 15.

7 Adhuc, finis vltimus cuiuslibet facientis in quantum est faciēs, est ipsemet. vt imur enim factis à nobis propter nos. & si aliquid aliquando propter alium homo faciat, homo refertur in bonum suum vel utile, vel delectabile, vel honestum. Deus autem est causa factiua rerum omnium: quarundam quidem immediate, quarundam autem mediante, siue mediantibus alijs causis, vt ex præmissis est manifestum. Est igitur ipsemet finis rerum omnium.

8 Præterea finis inter alias causas primatum obtinet, & ab ipso omnes alie causæ habent quod sint causæ in actu. agens enim non agit nisi propter finem, vt ostensum est: \* ex agente auté materia in actum formæ reducitur. Vnde materia fit actu huius rei materia, & similiter forma huius rei forma per actionem agentis: & per consequens per finem: finis etiam posterior est causa quod præcedens finis intendatur vt finis, non enim mouetur aliquid in finem proximum, nisi propter finem postremum: est igitur finis vltimus prima omnium causa. Esse autem primam omnium causam necesse est primo enti conuenire, quod Deus est, vt supra ostensum est. Deus igitur est vltimus omnium finis. Hinc est quod dicitur Prouerb. 16. Vniuersa propter semetipsum operatus est Deus. Et Apoca. vltimo, Ego sum alpha & omega: primus & nouissimus. \* Cap. 21.

Super Cap. 17.



OSTQVAM ostendit S. Thom. cuiuslibet rei finem esse bonum, consequenter vult ostendere Deum rerum omnium finem esse. Circa hoc autem duo facit. Primum ostendit Deum esse omnium finem. Secundum ostendit quomodo res in hunc finem diuersimodè ordinantur cap. 22. Circa primum duo facit. Primum ostendit Deum esse finem omnium: secundum quod qualiter sit finis, ostendit in cap. sequenti. Quantum ad primum ponit hanc conclusionem, Omnia ordinantur in vnum finem, qui est Deus. probatur primum: Bonum in quantum bonum est finis. ergo summum bonum est maxime omnium finis. sed hoc est tantum vnum, scilicet Deus. ergo, & c. probatur antecedens, quia nihil tendit in aliquid sicut in finem, nisi in quantum ipsum est bonum.

CIRCA antecedens & eius probationem aduertendum, quod li, in quantum specificat rationem formalem fundamenti causæ finalis. Nihil enim habet vt sibi conueniat ratio finis, vt scilicet sit id propter quod aliquid est, aut sit, nisi quia est bonum: & ideo oportet quod bonum in quantum bonum, id est, absolute secundum rationem boni consideratum, sit fundamentum rationis finis.

CIRCA primam consequentiam considerandum est, quod in summo bono saluatur tota ratio bonitatis actualiter, ita quod quicquid sub ratione boni continetur potentialiter, illud totum in summo bono continetur actualiter & perfectionaliter. Si enim aliqua esset bonitas quæ in ipso non inueniretur, iam non esset summum bonum: & ideo sicut bonum secundum communem & absolutam rationem boni acceptum (quod vocat sancti Thom. bonum in quantum bonum) est maxime finis, & omnium finis: ita & quod est summum bonum, necesse est vt sit omnium finis, & maxime finis, hoc est, non per dependentiam ab alio fine, sed primum & per se. Secundum, summum bonum qui est Deus, est causa bonitatis in omnibus bonis: ergo est causa cuiuslibet finis, quod sit finis: ergo est maxime omnium finis. probatur antecedens, quia maximum in vnoquoque genere, est causa omnium illius generis. prima consequentia probatur, quia quicquid est finis, est huiusmodi in quantum est bonum. secunda etiam consequentia probatur, quia propter quod vnumquodque, & illud magis. Tertiò, Deus est prima causa in ordine causarum finalium, cum sit summum in ordine bonorum: ergo est magis finis vniuscuiusque rei, quam



quàm aliquis finis proximus. probatur consequentia, quia in quolibet genere causarum, prima causa est magis causa quàm secunda. Quarto, Omnia ordinantur sub Deo, sicut fines præcedentes sub fine ultimo: ergo omnium finis est Deus. probatur antecedens, quia omnia inveniuntur in diuersis gradibus bonitatis ordinata sub vno summo bono. bonum autem habet rationem finis: consequentia verò probatur, quia in omnibus ordinatis ultimus finis est omnium præcedentium finis. declaratur in ordine saluationis.

ADVERTE, quod licet de ratione finis sit q. sit terminus appetitus, non tamen de ratione ipsius est quod sit ultimus terminus simpliciter, sed sufficit q. sit ultimus aut simpliciter, aut in ordine ad aliquid: ideo inuenitur finis ultimus, qui scilicet est simpliciter ultimus: & finis proximus, qui est ultimus quoddam in comparatione ad id quod propter ipsum sit. propterea non inconuenit quod vnus finis ordinetur ad alium, inquantum ipse non est ultimus simpliciter quod queritur, sed queritur propter aliud: & sic non inconuenit quod vnus finis sit finis alterius finis.

Quinto, Bonum summum, quod est Deus, est bonum commune, cum vniuersorum bonum ex ipso dependeat. bonum autem quo quælibet res est bona scilicet intrinsece, est bonum particulare ipsius, & aliorum quæ ab ipso dependent. ergo, &c. probatur consequentia, quia bonum particulare ordinatur ad bonum commune, sicut ad finem. sicut bonum proximum est propter esse totius: & ideo bonum gentis est diuinius quàm bonum vnus hominis. Ad probationem consequentiæ responderi fortè posset, quod bonum particulare ordinatur quidem sicut ad finem ad bonum commune, quod ex particularibus bonis constituitur, non autem ad bonum commune communitate causalitatis, quomodo Deus est bonum commune, cum tale bonum commune non constituitur ex particularibus bonis: & ideo ratio non sequitur.

Sed responsio hæc rationem non tollit: siue enim bonum commune constituitur ex bonis particularibus, siue non constituitur ex illis, semper bonum particulare ordinatur sicut ad finem ad bonum vniuersale. quando enim constituitur vniuersale bonum ex particularibus bonis, tunc esse particularis boni ordinatur ad boni esse vniuersalis: quando autem non constituitur tale bonum vniuersale ex particularibus bonis, sed est causa omnium particularium bonorum, quodlibet particulare bonum est propter vniuersale bonum participandum. ad hoc enim ipsum summum bonum & vniuersale agens, qui est Deus, particularia bona producit, vt seipsum secundum quādam similitudinem & participationem diffundat ac communicet: non quidem quod ipsa communicatio bonitatis diuina sit ultimus finis Dei agentis, sed quia bonitas ipsa est finis ex cuius amore Deus agit vltimèque ipsam creaturis communicare, vt habetur in questionibus de Potentia Dei q. 3. art. 13. ad 14. Sexto, Quicquid agit supremum agens scilicet Deus, agit propter finem suum, & ad eius finem omnes fines secundorum agentium ordinantur. ergo quæcunque facta ab ipso mediātē vel immediātē, ordinantur in Deum sicut in finem: ergo & omnia entia. Antecedens declaratur ex ordine finium qui sequitur ordinem agentium. probatur prima consequentia, quia finis diuina voluntatis est bonitas diuina, qui est ipse Deus. secunda quoque probatur, quia (vt probatum est in secundo libro) nihil esse potest, quod ab ipso esse non habeat.

ADVERTENDVM, quod sicut causalitas causæ efficientis est efficiere, producere, ita causalitas causæ finalis est appetere & desiderare, vt dicitur de Verit. q. 22. artic. 2. tanquam videlicet id ad quod aliud ordinatur, & amore cuius ab agente producit aliquid, aut conseruatur. ideo sicut ordo in causis agentibus attenditur secundum quod vnus mouet aliud effectiue ad agendum, & illud mouet aliud, & sic de aliis: ita ordo in finibus attenditur secundum quod hoc appetitum & desideratum est causa quod aliud appetatur & desideretur, & illud est causa quod aliud etiam appetatur. esse autem appetitum & desideratum, propter cuius appetitum aliud appetitur, est esse id in quod aliud ordinatur, & ideo sicut esse primum agens est esse agens, ex cuius motione omnia agentia agunt, ita esse vltimum finem, est esse finem ad quem omnes alij fines ordinantur. Propter hoc volens S. Tho. declarare quomodo ordo finium sequitur ad ordinem agentium, manifestat ex hoc, quod sicut supremum agens mouet omnia secunda agentia, ita ad finem supremi agentis oportet quod ordinentur fines secundorum agentium. primo enim & supremo agenti correspondet supremus finis, qui est vltimus finis simpliciter: & secundariis agentibus secundi fines correspondent. Septimo, Deus est causa factiua rerum omnium. ergo est omnium finis. probatur consequentia, quia vltimus finis cuiuslibet facientis in quantum faciens est ipsemet. videmus enim in nobis quod semper factum refertur in bonum agentis aut vtile, aut delectabile, aut honestum.

Aduerte primo, quod hæc ratio differt à præcedente, quia ibi arguebatur ex ordine finium, hic autem arguitur ex conditione agentis in quantum est agens.

ADVERTENDVM secundò quod ideo addidit S. Thom. in probatione consequentiæ, li. (inquantum agens) vt daret intelligere agens secundum suam substantiam consideratum non esse finem sui ipsius, sed tantum inquantum est agens. Nam Deus secundum suam entitatem, vt sic, non est finis sui ipsius, cum ipse ad nullum finem ordinetur, similiter agens particulare non est finis sui secundum suam substantiam, cum eius substantia sit propter aliquid aliud ab aliquo agente producta.

OCCVRRIT autem dubium circa hanc rationem duplex. Primum est, si omne agens agit propter bonum suum, inquantum agens est, sequitur quod aliud aliud à Deo sit bonum ipsius Dei. hoc autem est falsum, cum superius ostensum sit Deum esse suam bonitatem. ergo ratio nulla est. Secundum dubium est, quia videtur ex illa propositione, finis vltimus cuiuslibet facientis inquantum est, faciens est ipsemet, sequi oppositum eius quod intenditur. Nam si quodlibet agens, vt sic, est vltimus finis sui ipsius, sequitur quod Deus non sit vltimus finis omnium, quia vnus rei est tantum vnus vltimus finis.

Ad euidentiam primi considerandum ex doctrina sancti Thomæ secundo sententiarum, distinctione prima, questione secunda, articulo primo, & de Potentia Dei, loco præallegato, quod cum duplex sit finis, scilicet operis, & operantis: in hoc conuenit Deus cum aliis agentibus, q. ita ipse operatur propter aliquid aliud à se, tanquam propter finem operis, sicut & alia agentia, inquantum omne opus diuinum in aliquid est ordina-

tum, sicut creatio ordinatur ad esse creaturæ si formaliter consideretur, scilicet sub ratione actionis. Quantum autem ad finem operantis, qui est finis ab agente principaliter intentus, in aliquo conuenit Deus cum aliis agentibus, & in aliquo differt. conuenit quidem in hoc, q. ita operatur propter bonum suum, sicut & ipsa. differt autem, quia aliis agentibus, eo quod deficientia sint, & ideo suæ bonitati aliquid possit addi, conuenit agere propter desiderium finis, quod est agere ad aliquid bonum sibi acquirendum, saltem ad acquirendum similitudinem ad Deum in agendo, vt est de mente Comment. 12. Metaphysicæ, text. 36. Deo autem qui est bonitas infinita, & consequenter cuius bonitati nihil potest addi, nunquam conuenit agere propter desiderium boni, quasi agat vt sibi bonum aliquid acquirit: sed sibi conuenit agere tantum propter amorem finis & propriæ bonitatis quam in seipso habet. Ex hoc enim q. bonitatem suam perfectissimè amat, vult vt ipsa modo qui possibilis est communetur, scilicet secundum sui similitudinem. Agit ergo propter bonum suum volitum & amatum, non autem propter bonum desideratum & acquirendum, sicut creaturæ. Ad secundum dubium dicitur primo, quod agens secundum, est vltimus finis sui ipsius, inquantum est agens, non simpliciter, sed in genere, Deus autem est vltimus finis omnium agentium simpliciter, vt inferius ostendetur. Dicitur secundo, quod secundarium agens est vltimus finis sui actionis, non tanquam vltimum & principale bonum volitum, sed inter ea quibus vult per suam actionem acquirere bonum, qui vult bonum etiam alterius inquantum in proprium bonum refertur. Deus autem est vltimus finis, tanquam vltimum & principale bonum suum quod confectum creaturæ ordinatur. Vltimo, Finis vltimus est prima omnium causa: ergo Deus est vltimus omnium finis. Probatur antecedens, quia finis inter alias causas primatum obtinet, & ab ipso habent omnes causæ quod sint causæ in actu, cum agens non agat nisi propter finem: ex agente autem materia & forma, sicut actu materia & forma huius rei. Finis etiam posterior est causa quod præcedens finis intendatur vt finis. consequentia verò probatur, quia esse primam omnium causam, necesse est primo enti conuenire.

ADVERTENDVM, cum dicitur finem posteriorem esse causam finis prioris, quod intelligitur de posteriori, & priori in executione, non autem de posteriori & priori in intentione agentis. Posterior enim finis in executione, est prior in intentione: & ex hoc habet vt sit causa prioris finis. non enim (vt hic dicitur) mouetur aliquid in finem proximum, nisi propter finem postremum, scilicet intentum. Confirmatur conclusio auctoritate. Proverb. 16. Vniuersa propter semetipsum, &c. & Apoc. vltimo. Ego sum alpha, & omega.

### Quomodo Deus sit finis omnium.

Cap. 18.



EST AT igitur inquirendum quomodo Deus sit omnium finis: quod quidem ex præmissis fiet manifestum. Sic enim est vltimus finis omnium rerum, q. tamen est prius omnibus in essendo. finis autem aliquis inuenitur, qui etiam si primatū obtineat in causando, secundum q. est in re in re, est tamen in essendo posterior. Quod quidem cōtingit in quolibet, sine quæ agens sua actione constituit: sicut medicus constituit sanitatem per suam actionem in infirmo: quæ tamen est finis eius. Aliquis autem finis inuenitur qui sicut est præcedens in causando, ita etiam in essendo præcedit: sicut dicitur finis id quod aliquis sua actione vel motu acquirere intendit: vt locum sursum ignis per suum motum, & ciuitatem Rex per pugnam. Deus igitur sic est finis rerum, sicut aliquid ab vna quaque re suo modo obtinendum.

2 Adhuc, Deus est simul vltimus rerum finis, & primum agens, vt ostensum est. \* finis autem per actionem agentis constituitur non potest esse primum agens, sed est magis effectus agentis. nō potest igitur Deus sic esse finis rerum, quasi aliquid constitutum, sed solum quasi aliquid præexistens obtinendum. \* Cap. 17.

3 Amplius, si aliquid agat propter rem aliquam iam existentem, & per eius actionem aliquid constituitur: oportet quod rei propter quam agit, aliquid acquiratur ex actione agentis: sicut si milites pugnant propter ducem, cui acquiritur victoria, quam milites suis actionibus causant. Deo autem non potest aliquid acquiri ex actione cuiuslibet rei. est enim sua bonitas omnino perfecta, vt in primo libro \* ostensum est. Relinquitur igitur quod Deus sit finis rerum non sicut aliquid constitutum aut aliquid effectum à rebus, neque ita quod aliquid ei à rebus acquiratur: sed hoc solo modo, quia ipse rebus acquiritur. \* Cap. 38. & tribus sequentibus.

4 Item, oportet quod eo modo effectus tendat in finem, quo agens propter finem agit. Deus autem qui est primum agens omnium rerum, non sic agit quasi sua actione aliquid acquirat, sed quasi sua actione aliquid largiatur: quia non est in potentia vt aliquid acquirere possit, sed solum in actu perfecto, ex quo potest aliquid elargiri. Res



igitur non ordinantur in Deum sicut in finem cui aliquid acquiritur: sed ut ab ipso ipsummet suo modo consequantur, cum ipsemet sit finis.

Super Cap. 18.



**Q**UOD sit ostensum Deum esse omnium finem, restat inquirendum quomodo & qualiter sit rerum creatarum finis. Ad hoc autem ostendendum duo facit sanctus Thom. Primum ostendit qualiter sit finis omnium in communi, secundum particularem quomodo sit finis substantie intellectualis cap. 25. Circa primum duo facit. Primum ostendit Deum esse omnium finem, sicut ab unaquaque re suo modo obtinendum. Secundum quod hoc de ipso querunt omnia obtinere, ut illi assimiletur, in cap. sequenti. Quantum ad primum arguit primum sic: Deus sic est ultimus finis omnium rerum, quod tamen est prius omnibus in essendo: ergo est omnium finis tamquam aliquid ab ipsis obtinendum. Ad manifestationem autem antecedentis ponitur distinctio de duplici fine, quoniam, inquam, aliquis est qui primum obtinet in causando secundum quod est in intentione, est tamen in essendo posterius, ut sanitas: aliquis vero sicut in causando, ita in essendo precedit, ut locus sursum, quem ignis intendit suo motu acquirere.

**ADVERTENDUM**, cum dicitur finem aliquem tenere primum in agendo, esse tamen posterius in essendo, quod intelligitur de primatu in genere vel respectu huius, sicut sanitas, non autem simpliciter. Nam finis qui simpliciter primum in causando tenet, est etiam primus in essendo, scilicet Deus. Secundum, Deus est simul ultimus finis, & primum agens: ergo est finis non constitutus, sed preexistens obtinendus, probatur consequentia, quia finis per actionem agentis constitutus non potest esse primum agens, sed est magis effectus agentis. Tertiū, Deus sic est finis, quod non solum non constituitur, sed nec etiam sibi aliquid à rebus acquiritur, cum sit sua bonitas omnino perfecta: ergo hoc solo modo est finis rerum quod ipse rebus acquiritur. Quartum, Deus qui est primum agens omnium, non sic agit quasi sua actione aliquid acquirat, sed quasi aliquid per ipsam largiatur, ergo res ordinatur in Deum sicut in finem, non ut ei aliquid acquiratur, sed ut ipsum suo modo ab ipso consequantur. Probatur antecedens, quia Deus non est in potentia, sed in actu perfectio. consequentia quoque probatur, quia oportet quod eodem modo res tendant in finem, quo agens propter finem agit.

**CIRCA** antecedens huius rationis & precedentis dubium occurrit. Licet enim Deus sua actione non acquirat aliquid à quo informetur & actuatur intrinsece, acquirit tamen aliquid quod possideat, & sic videtur agere in rerum productione ad acquirendum aliquid sibi, sicut & Rex acquirit sibi ex pugna aliquam civitatem dicitur agere ad acquirendam sibi civitatem. Respondetur, quod licet ex creatione rerum sequatur subiectio creaturæ ad Deum, & actualis possessio ipsius, hoc tamen non auget Dei bonitatem, cum ipse bonis nostris non egeat, & omnia in ipso eminenter preexistant, ideo non produxit ipsas Deus propter bonum aliquod sibi acquirendum, sed propter earum bonum. Vnde, ut inquit Magister Sententiarum in secundo libro distinctione secunda, si queratur ad quid creatura sit creata, dicendum est ipsam creatam esse propter bonitatem Dei, scilicet quæ est ipse Deus, & propter ipsius creaturæ utilitatem.

Quod omnia intendunt assimilari Deo. Cap. 19.



**E**X hoc autem quod acquirunt diuinam bonitatem res creatæ, similes Deo constituuntur. Si igitur res omnes in Deum sicut in ultimum finem tendunt, ut ipsius bonitatem consequantur, sequitur quod ultimus rerum finis sit Deo assimilari.

2. Amplius, agens dicitur esse finis effectus, in quantum effectus tendit in similitudinem agentis. unde forma generati est finis generationis. sed Deus ita est finis rerum, quod est etiam primum agens earum. omnia igitur tendunt, sicut ad ultimum finem, Deo assimilari.

3. Item, in omnibus rebus euidenter apparet quod esse appetunt naturaliter, unde & si qua corrumpi possunt naturaliter corruptentibus resistunt: & tendunt illuc ubi conseruentur: sicut ignis sursum, & terra deorsum. secundum hoc autem esse habent omnia quod Deo assimilantur, qui est ipsum esse subsistens: cum omnia sint solum quasi esse participantia, omnia igitur appetunt quasi ultimum finem, Deo assimilari.

4. Præterea res omnes creatæ sunt quædam imagines primi agentis, scilicet Dei. agens enim agit sibi simile. perfectio enim imaginis est ut representet suum exemplar, per similitudinem ad ipsum. ad hoc enim imago constituitur, sunt igitur res omnes propter diuinam similitudinem consequendam, sicut propter ultimum finem.

5. Adhuc, omnis res per suum motum vel actionem tendit in aliquod bonum, sicut in finem, ut supra ostensum est. in tantum autem aliquid de bono participat, in quantum assimilatur primæ bonitati, quæ Deus est, omnia igitur per motus suos & actiones tendunt in diuinam similitudinem, sicut in finem ultimum.

Super Cap. 19.



**P**OSTQUAM ostendit S. Tho. Deum esse rerum omnium finem ab unaquaque re obtinendum, vult nunc ostendere ultimum rerum finem esse Deo assimilari. circa hoc autem duo facit. primum ostendit propositum, secundum remouet quædam dubia cap. 24. Circa primum duo facit. Primum ostendit quod omnia intendunt Deo assimilari quantum ad bonitatem, secundum quod intendunt sibi assimilari quantum ad causalitatem cap. 21. Circa primum duo facit. Primum ostendit quod omnia intendunt assimilari Deo quo ad bonitatem: secundum ostendit quod omnia tamen à diuina bonitate deficiunt, capitulo sequenti.

Quantum ad primum ponitur hæc conclusio, Ultimus finis rerum creatarum est Deo assimilari. Et arguitur primum sic: Res tendit in Deum sicut in ultimum finem, ut ipsius bonitatem consequantur: ergo intendunt tantum finem ultimum Deo assimilari. probatur consequentia, quia res creatæ ex hoc quod acquirunt diuinam bonitatem, similes Deo constituuntur.

**ADVERTERE** quod sanctus Thom. accipit antecedens ex precedenti capitulo. Cum enim ostensum sit ibidem in ultima ratione, quod res ordinatur in Deum sicut in finem, ut ipsum suo modo consequantur, non appetitur autem finis nisi in quantum habet rationem boni: sequitur quod res tendant in ipsum Deum tanquam in finem ultimum, ut eius bonitatem consequantur.

Secundum, Deus est ita finis rerum, quod est etiam primum agens earum. ergo, &c. probatur consequentia, quia agens dicitur finis effectus, in quantum effectus tendit in similitudinem agentis: cuius signum est, quod forma generati est finis generationis.

**ADVERTENDUM**, quod forma generati, cum sit similis formæ generantis, dupliciter considerari potest. Vno modo absolute & secundum se, alio modo ut similis formæ generantis. Primo modo non habet quod sit eius finis scilicet principaliter intentus finis generationis, ut a generante egreditur, sed secundo modo, ut vult S. Thom. prima parte, q. 44. artic. 4. ad secundum. ex hoc autem quod forma generati quæ est similis formæ generantis, ut sic est finis generationis, manifeste arguitur quod generans & agens intendit seipsum secundum quandam similitudinem communicare: & consequenter si agens ponatur finis sui effectus, hoc erit in quantum ipse effectus tendit in similitudinem agentis per acceptionem formæ similis formæ ipsius. Propterea S. Thom. ad ostendendum quod agens dicitur finis effectus, in quantum effectus tendit in similitudinem agentis, adduxit pro signo quod forma generati est finis generationis.

Tertiū, secundum hoc omnia habent esse, quod Deo, qui est esse subsistens, assimilantur: ergo omnia appetunt quasi ultimum finem Deo assimilari. probatur consequentia, quia omnia naturaliter appetunt esse: quod patet, quia & corruptentibus naturaliter resistunt, & illuc tendunt ubi conseruentur.

**CIRCA** istam propositionem, Omnia naturaliter appetunt esse: dubitatur. Nam quidam videntur appetere non esse, ut patet in iis qui se voluntarie occidunt, & in damnatis, de quibus dicitur Apoc. 6. Desiderabunt homines mori, & fugiet mors ab eis, apparet desiderium non esse. ergo non videtur verum quod omnia naturaliter esse appetant. appetitus enim non potest ferri in oppositum eius quod naturaliter appetitur.

**AD** euidentiam huius difficultatis, quæ sanè non parua est prius declarandum est quomodo non esse appeti possit. Deinde ad dubium respondendum. Sciendum itaque primum, quod cum nihil habeat rationem appetibilis nisi ratione boni, esse non habet quod appetatur nisi in quantum habet boni rationem. ut autem dicitur prima parte, q. 5. artic. 1. & de Verit. q. 21. artic. 5. & quæst. 22. artic. 1. ad septimum secundum esse substantiale non dicitur aliquid simpliciter & absolute bonum, sed tantum secundum quid: secundum autem perfectiones superadditas dicitur simpliciter bonum. ex quo sequitur quod esse substantiale est appetibile simpliciter & absolute, si sit debitis perfectionibus coniunctum, per se autem sumptum est appetibile tantum secundum quid. Sequitur etiam quod ipsum esse humanum coniunctum priuationi debitarum perfectionum, quod est esse in tristitiis aut malitia sine miseria, simpliciter & absolute malum est, ut dicitur de Verit. q. 22. loco allegato, tanquam oppositum bono simpliciter, licet secundum quid sit bonum, & ideo est simpliciter fugiendum, licet sit secundum quid appetibile. Vnde inquit Philosophus 9. Ethic. quod omnibus delectabile est esse, sed non oportet accipere malam vitam & corruptam, & eam quæ est in tristitiis.

Secundum attendendum est ex doctrina S. Thom. in illa responsione ad septimum, quod cum carere malo bonum sit, ut dicitur 5. Ethic. in appetendo, eiusdem rationis est esse bonum, & esse ablatium & corruptum mali. Similiter in fugiendo & detestando, eiusdem rationis est esse malum, & esse corruptum boni. sicut enim appetitur bonum, ita appetitur ablatio & remotio mali: & sicut quis fugit & detestatur malum, ita fugit & detestatur remotionem aut corruptionem boni, unde & hic dicitur quod corruptibilia naturaliter resistunt corruptentibus. Ex quo inferitur quod non esse in quantum est remotium mali, habet rationem boni, & est appetibile: in quantum autem est remotium boni, non est bonum, sed habet rationem mali, & consequenter non est appetibile, sed fugiendum & detestandum. Vnde quia esse cum miseria & tristitiis, quod est esse coniunctum priuationi debitarum perfectionum, est simpliciter malum & fugiendum, licet secundum quid sit bonum, ratione scilicet ipsius esse, non esse in quantum est ablatium & remotium miserie & poenalis vite: est simpliciter bonum, & simpliciter ac absolute loquendo est eligibile, licet sit malum secundum quid, & secundum quid fugiendum, in quantum tollit esse substantiale. quia verò esse secundum se consideratum bonum quoddam est, non esse in quantum remouet esse, malum est & fugiendum. Ex his patet intellectus eius quod dicitur prima parte, quæst. 5. artic. 2. ad tertium, & quarto Sent. dist. 5. quæst. 2. artic. 1. cum dicitur quod non esse secundum se non est appetibile, sed est appetibile per accidens in quantum est ablatium poenalis & miserie vite, intelligitur enim quod ipsum non esse solitariè & secundum propriam rationem consideratum, in quantum est pura negatio, esse non est appetibile, cum nullam habeat boni rationem, sed sit tantum priuatio & remotio boni. secundum autem quod habet suæ rationi hanc rationem adiunctam, quod est esse ablatium miserie & poenalis

Cap. 61.

Cap. 6.



penalis vita, sic est appetibile, quia sub illa ratione habet rationem boni, ut patuit. Tercio, attendendum est, quod appetere non esse aliquando potest esse secundum rectam rationem, aliquando vero contra rectam rationem. Si enim malum quod quis fugit, & quod per non esse remouetur, sit in veritate simpliciter malum, & simpliciter ac omnino fugiendum, sicut est malum & miseria damnatorum, potest secundum rectam rationem appeti non esse, in quantum est huiusmodi mali ablatum & remotionem: & hoc videtur intendere sanctus Thomas quarto Sententiarum loco præallegato. Cum enim dicat respondendo ad questionem quam mouit, verum damnum recte ratione & deliberatiua possint appetere non esse, quod possunt eligere non esse secundum deliberatiua ratione, quia hoc est eis melius quam esse, pater quod loquitur de recta ratione, alioquin non satisfaceret quæsitio. Si autem non sit simpliciter & omnino malum tanquam omnino fugiendum, sed tantum secundum falsam existimationem alicuius, tunc non potest appeti secundum rectam rationem non esse, in quantum est remotionem eiusmodi mali. Qui enim propter pecunie amissionem se suspendit, elegit non esse, sed non secundum rectam rationem, quia iste existimat carere pecuniarum esse malum simpliciter, & summum malum omnino fugiendum, eo quod vltimum finem in possessione pecunie constituit, & tamen in veritate non est sic. Similiter est de aliis qui ex falsa existimatione alicuius mali appetunt non esse. Habetur ergo ex prædictis primo, quod non esse per se solitarie consideratum non sit appetibile, quia nullo modo est bonum. Habetur secundo, quod non esse per accidens appetibile, in quantum est remotionem alicuius mali, quia sic est bonum per accidens, id est, ratione remotionis mali, quæ mali remotionem bonum quoddam est. Habetur tertio, quod non esse in quantum est mali remotionem, est secundum rectam rationem appetibile, si malum cuius est remotionem, sit simpliciter malum, & omnino fugiendum, ut est peccatum, & pena damnatorum. Habetur quarto, quod si malum quod per non esse aufertur, non sit simpliciter malum, nec omnino fugiendum, ut est pecuniarum amissio, sic non esse in quantum talis mali remotionem, non sit secundum rectam rationem eligibile.

SED ex dictis resultat vnum dubium. Videtur enim quod nullo modo non esse possit magis appeti quam esse sub quoque malo. Illud enim est magis appetibile quod magis habet de ratione boni. esse autem in tristitia aut miseria, habet aliquod de ratione boni. hoc enim in cludit ipsum esse substantiale, quod est aliquid bonum: non esse autem omnino, sub quoque ratione consideretur, nullam rationem boni habet, quia nullum esse ponit. ergo magis est eligendum esse sub mysteria quam omnino non esse: & per consequens nullo modo appetendum est non esse. Cõfirmatur etiam auctor. August. de libero arbitrio: Inquit enim, Considera quantum bonum est esse, quod & beati & miseri volunt. Maius enim est esse & esse miserum, quam omnino non esse.

AD hanc difficultatem tollendam considerandum est, quod cum non esse sub quacunque ratione negatiua consideratum, ut sic, non habeat rationem boni aut appetibilis, eo quod ratio boni fundetur in esse: oportet ad hoc ut ipsum sub ratione negatiua consideratum habeat rationem boni, quod ad aliquid esse & bonum, ratione cuius ipsum sit bonum & appetibile, resoluitur: & ideo inquit sanctus Thomas in prima parte loco præallegato, quod non esse non est bonum & appetibile nisi per accidens, in quantum scilicet quoddam esse appetitur, quo homo non sustinet priuari. quatuor enim concurrunt in ipso appetitu non esse. primum est aliquid esse, & bonum appetitum, puta felicitas, secundum est, malum per quod priuatur tale esse, puta miseria. tertium est remotionem talis mali, puta miserie. quartum est non esse quod appetitur, in quantum cum ipso est remotionem talis mali. ipsum ergo non esse ut remotionem mali, habet rationem boni & appetibilis, sed hoc sibi conuenit originaliter ratione illius esse quod est primo appetitum quod per se bonum est & appetibile. Vnde licet omnino non esse, ut sic, non sit bonum & appetibile, esse autem sub miseria aliquid habet bonitatis, non esse tamen in quantum remotionem mali, includit bonum aliquid ratione cuius remotionem mali fundamentaliter & originaliter appetitur.

AD dubium ergo negatur quod esse sub miseria & tristitia, magis habeat de ratione boni quam non esse, ut est remotionem miserie. Ad probationem negatur quod non esse, ut remotionem miserie nullam habeat rationem boni, & nullum esse dicat. licet enim non esse ratione negationis, in quantum est præcisè negatio, nullum esse ponat, fundamentaliter tamen & radicaliter ponit aliquid esse, puta felicitatem, ratione cuius refellitur esse sub miseria, & appetitur non esse tanquam miserie vitæ remotionem: propter quod ait S. Tho. in quarto Sent. ubi supra quod non esse, licet maxime malum sit in quantum priuatur esse, tamen valde bonum est in quantum priuatur miseria, quæ est maximum malorum. Vnde quod dixit Saluator noster Matth. 26. de Iuda: Melius erat ei si natus non fuisset homo ille, intelligitur quod ipsum non esse Iudæ fuisset ei melius per accidens quam esse, ratione scilicet mali quod per non esse remotionem fuisset, si non fuisset natus: cuius quidem mali remotionem est maxime appetenda, in quantum ipsum malum, scilicet æterna damnatio opponitur felicitati, quæ maxime appetibilis est. Habet & alias expositiones hoc dictum Saluatoris, sed de iis nihil ad propositum refert. Ad August. dicitur primo ex doctrina S. Tho. in quarto Sent. loco allegato, quod intelligit non esse non posse eligi per se, sed tantum per accidens modo dicto. Dicitur secundo, quod maius est esse & miserum esse quam omnino non esse, si non esse per se accipitur, pro sola scilicet negatione essendi, sed si cointelligatur cum tali non esse amotionem mali appoliti illi bono, quod est origo & fundamentum appetendi non esse: sic omnino non esse est maius & appetibilius ratione illius esse quod est radix & fundamentum appetitionis huiusmodi.

SED remanet adhuc dubium. Nam secundum hanc responsionem non appetitur remotionem mali quæ concomitatur non esse, nisi quia appetitur bonum quod illi malo opponitur. Hoc autem non videtur verum in eo qui appetit non esse. Nam omne esse accidentale præsupponit esse substantiale: & remotionem esse substantiale omne aliud esse remouetur. ergo si aliquis appetit non esse in rerum natura, non appetit aliquid aliud esse, ratione cuius appetat non esse. ergo falsum est quod non esse omnino includat aliquid esse ratione cuius appetitur non esse. Respondetur quod non sic dicimus non esse appetibile esse per accidens ratione alicuius esse appetiti quo homo non sustinet priuari, ut dicitur prima parte, quasi

appetitus in similitudine utriusque feratur, ut scilicet malum cõuenire & non esse omnino, & aliquid esse. hoc enim est appetere contra doctrinam. Sed intelligitur quod aliquid esse quod est appetibile, ex eo enim quod aliquis summè amat felicitatem, summè detestatur miseriam, per quam felicitate priuatur, & non sustinet ut perpetuè sit miser, ac priuatur felicitate. Et ideo cum videt se non posse miseriam ac priuationem felicitatis effugere nisi per non esse, appetit non esse, quo illud malum quod maxime detestatur, effugiat. Et sic patet quod esse & bonum, est ratio & fundamentum appetitionis non esse. appetibile enim non esse in quantum est remotionem mali: remotionem autem mali est appetibilis in quantum ipsum malum habetur odio. habetur autem odio malum, eo quod bonum oppositum appetatur & diligatur. Vnde est quidem similitudo appetitionis non esse & felicitatis, non autem appetitio similitudo ipsorum. Ex istis patet ad dubium principale, dicitur enim quod dictum S. Thom. quod est etiam Arist. 9. Ethicorum, scilicet quod omnia naturaliter appetunt esse, intelligitur de esse completo perfectionibus conuenientibus & debitis, ut ipse exponit in quarto Sententiarum loco præallegato. intelligitur etiam de appetitu per se: huius autem non repugnat quod aliqui appetant non esse per accidens, in quantum est remotionem mali, quod esse naturaliter desideratum priuat. Quarto, Omnes creaturæ sunt imagines primi agentis, scilicet Dei, ergo sunt propter eius similitudinem consequentiam sicut propter vltimum finem. probatur antecedens, quia omne agens agit sibi simile. consequentia etiam probatur, quia ad hoc imago constituitur, ut representet suum exemplar per similitudinem ad ipsum. Quinto, In quantum aliquid de bono participat, in quantum assimilatur primæ bonitati quæ est Deus: ergo omnia per suos motus & actiones tendunt in diuinam similitudinem. probatur consequentia, quia omnis res per suum motum vel actionem tendit in aliquid bonum sicut in finem.

ADVERTENDUM ex doctrina sancti Thomæ prima parte quæst. 6. artic. 4. & de Verit. quæst. 21. artic. 4. quod res non dicuntur hoc modo bonæ in ordine ad Deum, quasi ex solo respectu ad diuinam bonitatem denominentur bonæ, sicut medicina dicitur sana in ordine ad sanitatem animalis, sed quia habent in seipsis bonitatem quæ est similitudo quædam diuinæ bonitatis. Vnde cum dicitur hinc quod in quantum aliquid de bono participat, in quantum assimilatur primæ bonitati, intelligitur ad hunc sensum, quod vnumquodque in quantum est bonum, in quantum habet formam & bonitatem intrinsecam, quæ est similitudo quædam diuinæ bonitatis.

#### Quomodo res diuinam bonitatem imitentur.

Caput 20.



ATE T ergo ex his quæ dicta sunt, quod assimilari ad Deum est vltimus omnium finis. id autem quod propriè habet rationem finis, est bonum. tendunt igitur res in hoc quod assimilantur Deo propriè in quantum est bonum:

bonitatem autem creaturæ non assequuntur eo modo sicut in Deo est, licet diuinam bonitatem vnaquæque res imitetur secundum suum modum. Diuina enim bonitas simplex est quasi tota in vno consistens. ipsum enim diuinum esse, omnem plenitudinem perfectionis obtinet: ut in primo libro \* probatum est. vnde cum vnumquodque intantum sit bonum, in quantum est perfectum: ipsum diuinum esse est eius perfecta bonitas. idem enim est Deo esse, viuere, sapientem esse, beatum esse, & quicquid aliud ad perfectionem & bonitatem videtur pertinere: quasi tota diuina bonitas sit ipsum diuinum esse.

2 Rursum, quia ipsum diuinum esse est ipsius Dei existentis substantia. In aliis autem rebus hoc accidere non potest. ostensum est enim in secundo libro, \* quod nulla substantia creata est ipsum suum esse. vnde si secundum quod res quælibet bona est, non esset earum aliqua suum esse: nulla earum esset sua bonitas: sed earum quælibet bonitatis participatione bona est, sicut & ipsius esse participatione est ens.

3 Rursum, non omnes creaturæ in vno gradu bonitatis constituuntur. Nam quorundam substantia, forma & actus est, scilicet cui secundum id quod est, competit esse actu, & bonum esse. Quorundam verò substantia ex materia & forma composita est: cui cõpetit actu esse, & bonum esse: sed secundum aliquid sui, scilicet secundum formam. Diuina igitur substantia sua bonitas est: substantia verò simplex bonitatem participat secundum id quod est: substantia autem composita secundum aliquid sui. In hoc autem toto gradu substantiarum iterum diuersitas inuenitur quantum ad ipsum esse. Nam quorundam ex materia & forma compositorum totam materiam potentiam forma adimplet: ita quod non remanet in materia potentia ad aliam formam: & per consequens nec in aliqua alia materia potetia ad hanc formam: & huiusmodi sunt corpora

Contra Gent.

2 4



coelestia, quæ ex  
verò forma  
repleat totam materiæ potentiam: unde ad-  
nuc in materia remanet potentia ad aliam formam: & in  
aliqua materiæ parte remanet potentia ad hanc formam:  
sicut patet in elementis & elementariis. Quia verò privatio  
est negatio in substantia eius quod substantiæ potest inesse,  
manifestum est quod cum hac forma quæ non implet totam  
materiæ potentiam, adiungitur privatio formæ: quæ qui-  
dem adiungi non potest substantiæ cuius forma implet to-  
tam materiæ potentiam: neque illi quæ est forma per suam  
essentiā: & multo minus illi cuius essentia est ipsum suum  
esse. cum autem manifestum sit quod motus non potest esse  
ubi non est potentia ad aliud, quia motus est actus existen-  
tis in potentia: itemque manifestum sit quod malum est ipsa  
privatio boni: planum est quod in hoc ultimo substantia-  
rum ordine est bonum mutabile cum permixtione mali op-  
positi se habens: quod in superioribus substantiarum or-  
dinibus accidere non potest. possidet igitur hæc substan-  
tia ultimo modo dicta sicut ultimum gradum in esse: ita  
ultimum gradum in bonitate.

Inter partes etiam huius substantiæ ex materia & forma  
compositæ bonitatis ordo inuenitur. Cum enim materia sit  
ens in potentia secundum se considerata, forma verò sit actus  
eius. substantia verò composita sit actu existens per formam:  
forma quidem erit secundum se bona: substantia verò com-  
posita prout actu habet formam: materia verò secundum  
quod est in potentia ad formam. Et licet unumquodque sit  
bonum in quantum est ens, non tamen oportet quod materia quæ  
est ens solum in potentia, sit bona solum in potentia. ens enim  
absolutè dicitur bonum autè & in ordine consistit. non enim  
solum aliquid bonum dicitur quia est finis, vel quia est ob-  
tinens finem: sed etiā nondum ad finem pervenerit, dummodo  
sit ordinatum in finem, ex hoc ipso dicitur bonum. materia  
ergo non potest simpliciter dici ens ex hoc quod est potentia  
ens, in quo importatur ordo ad esse: potest autem ex hoc  
simpliciter dici bona propter ordinem ipsum: in quo ap-  
paret quod bonum quodammodo amplioris est ambitus quam  
ens. propter quod Dionysius dicit 4. cap. de Divinis nominibus. quod  
bonum se extendit ad existentia & non existentia, nam &  
ipsa non existentia scilicet materia, secundum quod intel-  
ligitur privationi subiecta, appetit bonum, scilicet esse. ex  
quo patet quod etiam sit bona. nihil enim appetit bonum nisi  
bonum. Est autem & alio modo creaturæ bonitas à boni-  
tate divina deficiens. Nam sicut dictum est, Deus in ipso suo  
esse summam perfectionem obtinet bonitatis: res autè crea-  
ta suam perfectionem non possidet in uno, sed in multis.  
quod enim est in supremo unitum, multiplex in infimis in-  
venitur. unde Deus secundum idem dicitur esse virtuosus,  
sapiens, & operans: creatura verò secundum diversa tan-  
toque perfecta bonitas alicuius creaturæ maiorem multi-  
plicitatem requirit quāto magis à prima bonitate distans  
invenitur. Si verò perfectam bonitatem non possit attingere,  
imperfectam retinebit in paucis: & inde est quod li-  
cet primum & summum bonum sit omnino simplex, substan-  
tiæque ei in bonitate propinquæ sint pariter & quantum  
ad simplicitatem vicinæ, infimæ tamen substantiæ inue-  
niuntur simpliciores quibusdam superioribus eis, sicut ele-  
menta animalibus & hominibus: quia non possunt pertin-  
gere ad perfectionem cognitionis & intellectus quam con-  
sequuntur animalia & homines. Manifestum est ergo ex  
dictis, quod licet Deus secundum suum simplex esse per-  
fectam & totam suam bonitatem habeat, creaturæ tamen  
ad perfectionem suæ bonitatis non pertinent per solum  
suum esse, sed per plura. unde licet quælibet earum sit bo-  
na in quantum est, non tamen potest simpliciter bona di-  
ci, si aliis careat quæ ad ipsius bonitatem requiruntur:  
sicut homo qui virtute spoliatus vitiis est subiectus, dicitur  
quidem bonus secundum quid, scilicet in quantum est  
ens, & in quantum est homo: non tamen bonus simpliciter,  
sed magis malus. non igitur cuilibet creaturarum idem est  
esse, & bonum esse simpliciter: licet quælibet earum bona  
sit in quantum est: Deo verò simpliciter idem est esse, & ef-

se bonum simpliciter. Si autem res quælibet tendit in di-  
vinæ bonitatis similitudinem sicut in finem, divinæ au-  
tem bonitati assimilatur aliquid quantum ad omnia quæ  
ad propriam pertinent bonitatem: bonitas autem rei non  
solum in esse suo consistit, sed in omnibus aliis quæ ad suam  
perfectionem requiruntur, ut ostensum est: manifestum  
est quod res ordinantur in Deum, sicut in finem, non solum  
secundum esse substantiale, sed etiam secundum ea quæ  
ei accidunt pertinentia ad perfectionem ipsius: & etiam  
secundum propriam operationem: quæ etiam pertinet ad  
perfectionem rei.

## Super Cap. 20.



Occasione præcedentis conclusionis aliquis existimaret  
sic creaturas divinam bonitatem imitari, quod illis eodem  
modo bonitas conveniat sicut Deo, vult S. Thom. osten-  
dere, quod sic divinam bonitatem imitantur, quod tamen ab  
ipsa deficiunt. Et ait, quod licet omnia tendant ad hoc quod  
assimilentur Deo in quantum est bonum, cum tendant in  
ipsum sicut in ultimum finem, bonum autè sit quod proprie habet rationem  
finis: non tamen creaturæ assequuntur bonitatem eo modo quo est in  
Deo, sed eam imitantur suo modo. & tangit duplicem differentiam boni-  
tatis divinæ ad bonitatem creaturæ. prima est quod divina bonitas est sim-  
plex, quasi tota in uno consistens, in quantum ipsum divinum esse omnem  
perfectionem continet, & est eius perfecta bonitas. unde Deo simpliciter  
idem est esse, & bonum esse simpliciter. res autè creata non possidet suam  
perfectionem & bonitatem in uno, sed in multis, quia quod est in sup-  
remo unitum, multiplex in infimis invenitur. non enim per solum suum esse  
pertingunt creaturæ ad perfectionem suæ bonitatis, sed per plura: &  
quāto creatura secundum suam bonitatem magis à prima bonitate distat,  
tāto eius perfecta bonitas maiorem multiplicitatem requirit, licet aliter  
sit si perfectam bonitatem non possit attingere. Unde licet quælibet crea-  
tura sit bona in quantum est, non tamen potest dici bona simpliciter, si aliis  
careat quæ ad ipsius bonitatem requiruntur: sicut homo vitiosus est bo-  
nus secundum quid, scilicet in quantum ens aut in quantum homo, non  
tamen bonus simpliciter, sed magis malus. Ex his sequitur quod cum res  
quælibet tendat in divinæ bonitatis similitudinem sicut in finem, quod  
ipsa ordinatur in Deum sicut in finem non solum secundum esse substan-  
tiale, sed etiam secundum ea quæ ei accidunt pertinentia ad eius perfe-  
ctionem, etiam secundum propriam operationem. Secunda differentia  
est quia Deus est sua bonitas, cum sit suum esse nulla autem creatura est  
suum esse & sua bonitas, sed est bona participatione bonitatis, sicut &  
participatione ipsius est ens. Et in hac etiam participatione multi sunt  
gradus. substantia enim simplex quæ est forma & actus, bonitatem & ef-  
fectu participat secundum id quod est: substantia autem composita ex  
materia & forma, bonitatem & esse actu participat secundum aliquid sui,  
scilicet secundum formam. Item in hoc gradu, scilicet substantiæ compo-  
sitæ invenitur diversitas quantum ad ipsum esse & bonitatem. Nam cor-  
pora coelestia quæ ex tota sua materia constant, habent materiam quæ  
non est in potentia ad aliam formam, & consequenter non habent for-  
mæ privationem adiunctam, sicut nec illi quæ est forma per suam essen-  
tiam, nec illi cuius essentia est ipsum suum esse, adiungitur privatio formæ.  
non est etiam in ipsis bonum mutabile, & admixtionem mali oppositi ha-  
bens, cum motus non possit esse ubi non est potentia ad aliud. corpora ve-  
rò inferiora quorum forma non replet totam capacitatem materiæ, habent  
materiam in potentia ad aliam formam: & ideo cum forma ipsa adiungitur  
privatio formæ, propter quod in huiusmodi corporibus est bonum  
mutabile permixtionem mali oppositi habens. Et hæc ultimum gradum  
tenent in bonitate sicut & in esse. Adhuc inter partes huiusmodi sub-  
stantiæ compositæ, bonitatis ordo inuenitur. Nam forma quæ est actus,  
est secundum se bona: substantia composita quæ est actu per formam, est  
bona secundum quod actu habet formam. materia verò quæ est ens in po-  
tentia, est bona secundum quod est in potentia ad formam. Si quis autem  
diceret materiam non esse bonam nisi in potentia, quia etiam non est  
ens nisi in potentia: responderetur quod non est eadem ratio de ente & bo-  
no, quia ens absolutè dicitur, bonum autem etiam in ordine consistit. idcirco  
licet materia non possit simpliciter dici ens ex eo quod est poten-  
tia ens, in quo importatur ordo ad esse, potest tamen simpliciter dici bo-  
na propter ordinem ipsum ad finem & bonum. Ex quo apparet bonum  
esse quodammodo amplioris ambitus quam ens, iuxta illud Dionysius  
4. cap. de Divinis nominibus, Bonum se extendit ad existentia & non  
existentia.

CIRCA primam differentiam inter bonitatem divinam & boni-  
tatem creaturæ (quæ est August. in octavo de Trinitate) cum dicitur quod  
quāto magis à bonitate prima distat creatura, tantò eius perfecta boni-  
tas maiorem habet multiplicitatem, licet aliter sit si non possit attingere  
perfectam bonitatem: advertendum quod per bonitatem perfectam vi-  
detur intelligere sanctus Thom. bonitatem quamcumque creaturam secun-  
dum perfectum modum ipsius: per imperfectam verò bonitatem secundum  
ipsius imperfectum modum. & est sensus, quod quāto natura magis à pri-  
ma bonitate distat, tantò bonitas quæ in superiori natura invenitur & infe-  
riori, maiorem multiplicitatem accipit in ipsa natura inferiori: sicut quia  
cognoscere sensibilia & intelligibilia est perfectio inventa in homine &  
in substantia separata: invenitur in substantia separata quæ minus distat  
à prima bonitate, unitè scilicet per unicum potentiam, quæ est intellectus:  
in homine autem qui magis à divina bonitate elongatur, multipliciter  
& diversimodum invenitur, per sensum, inquam, & intellectum: unde in huiusmo-  
di sese concomitantur propinquitas ad Deum secundum bonitatem, &  
vicinitas secundum simplicitatem, quæ enim simpliciora sunt, maiorem  
propinquitatem habent ad bonitatem divinam. propter hoc ait sanctus  
Thomas quod substantiæ summo bono quod est omnino simplex, in  
bonitate



bonitate propinqua, sunt pariter, id est, simul etiam ei quantum ad simplicitatem vicinæ, ubi autem inferiora ad bonitatem & perfectionem superioris naturæ pertingere non possunt, sed imperfectam quandam & sibi propriam habent perfectionem, non oportet quod quanto natura magis distat à prima bonitate, tanto magis habeat suam imperfectam bonitatem multiplicatam, imò potest bonitas esse multiplicior in natura magis propinqua bonitati diuinæ & perfectiori. unde in huiusmodi non sese concomitantur propinquitas in bonitate ad summum bonum, & vicinitas ad ipsum in simplicitate, cum aliquid inueniatur vicinior Deo in simplicitate, & tamen remotior sit in bonitate, sicut dat exemplum S. Thom. de elementis & animalibus ac hominibus. elementa enim quia non possunt pertinere ad perfectionem cognitionis & intellectus, sed habent imperfectam bonitatem, sunt quidem propinquiora Deo quantum ad simplicitatem, & habent suam bonitatem magis unitam, & tamen non sunt Deo magis propinqua quantum ad bonitatem quam animalia & homines: imò animalia & homines cum sint perfectiora, sunt Deo quantum ad bonitatem propinquiora, licet suam bonitatem magis diuisam & multiplicatam habeant. idcirco addidit S. Tho. licet aliter sit si non possit perfectam bonitatem attingere.

CIRCA id quod dicitur in eadem differentia hominem virtute spoliatum & subiectum virtutis non esse bonum simpliciter, imò malum, secundum quid tamen esse bonum, scilicet in quantum est ens, & in quantum est homo: aduertendum quod si in quantum est homo, duplicem specificationem potest facere, scilicet substantialem tantum, & substantialem simul cum accidentibus complementibus bonitatem & perfectionem hominis. hic ergo accipitur in quantum specificat substantiam hominis præcise, non autem ut specificat bonitatem hominis completam & perfectam accidentibus ad hominis bonitatem requisitis. Verum enim est dicere de homine perditio & sceleris, quod est bonus quantum ad bonitatem substantialem hominis, quia sibi nihil deficit de iis quæ ad constituendam hominis speciem requiruntur: & sic est bonus in quantum substantialiter homo, non autem est bonus quantum ad omnia quæ ad hominis perfectionem tam substantialem quam accidentalem requiruntur: cum careat virtute quæ hominis bonitatem absolutam complet: unde non est verum quod sit bonus in quantum homo, id est quantum ad omnia quæ ad completam hominis bonitatem requiruntur: alioquin esset verum simpliciter & absolute dicere quod est bonus: quod negat S. Thom. In secunda differentia quæ est authoris libri de Causis, circa illam propositionem Creatura participatione ipsius esse dicitur ens: considerandum quod illud duplicem sensum habere potest. vnus est quod ex ipso esse dicatur ens, tanquam ex eo à quo imponitur nomen entis, non tamen tanquam ex re principaliter nomine entis significata: sicut si diceremus hanc substantiam dici lapidem exlatione pedis, & sic verum est vnamquamque creaturam dici ens participatione ipsius esse, non autem per essentiam: quia nomen entis impositum est ab esse, quod in creatura distinguitur à rei essentia. Alius sensus est quod dicatur ens ex participatione esse tanquam ex eo quod primo & principaliter nomine entis significatur: & hoc est verum de ente participaliter sumpto, non autem de ipso sumpto nominaliter, est verum. Ut enim in primo libro patuit, entis participaliter sumpti esse est abstractum, nominaliter autem sumpti abstractum est essentia: & quia nomen concretum primo & principaliter significat suum abstractum, ens participaliter sumptum primo & principaliter significat esse, ens verò nominaliter sumptum primo & principaliter significat essentiam: ideo aliquid dicitur ens secundum quod ens participaliter sumitur per participationem ipsius esse: dicitur autem ens nominaliter accipiendo ens non per participationem esse, sed per suam essentiam. Intelligitur ergo propositio S. Tho. & de ente nominaliter sumpto quantum ad id à quo nomen est impositum, & de ente participaliter sumpto quantum ad id quod primo & principaliter significat.

CIRCA illam propositionem, Substantia simplex quæ est forma & actus, bonitatem & esse participat secundum id quod est: aduertendum quod non sic intelligitur quasi ipsa forma substantia sit sua bonitas & suus esse, sed quia cum composita habeant esse & bonitatem ab aliquo alio formaliter, scilicet à forma quæ est pars compositi, ipsa forma non habet esse & bonitatem ab alia forma, sed esse ab ipsa immediate nulla alia interueniente forma resultat. Circa illud dictum, Substantia composita participat bonitatem & esse actu secundum aliquid sui, scilicet secundum formam: aduertendum quod non est sensus, in composito, solam partem quæ est forma, habere esse & bonitatem, non autem compositum ipsum, & denominari quæ compositum ens & bonum à sua parte, sicut denominatur homo crispus à crispitudine capillorum: sed sensus est quod ipsum quidem totum est bonum & ens, sicut id quod habet esse & bonitatem, sed tamen ipsum esse & ipsam bonitatem accipit à sua parte, scilicet à forma, quæ primo sibi provenit esse.

CIRCA ea quæ rantur in differentia bonitatis corporum celestium & corporum inferiorum, multipliciter dubitatur. Primo quia tria à Philosopho primo Physico. ponuntur principia rerum naturalium, scilicet materia, forma, & priuatio: sed cælum est ens naturale, ergo oportet ista tria sibi inesse: ergo falsum est materiam cæli non adiungi priuationem. Secundò, quia videntur repugnare quod cælum habeat materiam, & tamen non habeat bonum mutabile. Ut enim arguit Commen. primo Cæl. comment. tertio, si corpus celeste est compositum ex materia & forma, sequitur quod sit generabile & corruptibile. Item quia ut habetur ex primo & septimo Physicorum, Materia est per quam aliquid potest esse & non esse. Tertio, quia non videtur posse saluari in substantiis inferioribus esse bonum mutabile cum permixtione mali oppositi, ut hic dicitur. Opposita enim non sunt in eodem simul.

Ad euidentiam primi dubij considerandum est quod Arist. in primo Physicorum inuestigat principia rerum naturalium in quantum naturalia per generationem & transmutationem fiunt, ut patet ibidem text. 68. ideo illa principia sunt querenda in rebus naturalibus quantum ad illud esse secundum quod transmutabilia sunt. si autem aliquod esse habeant transmutationi non subiectum, non sunt illa principia circa illud esse querenda. cælum autem secundum suum esse substantiale est ingenerabile & incorruptibile: ideo non oportet ex dictis ab Arist. in primo Phys. ponere hæc tria principia in cælo ut ad esse substantiale ordinantur: &

sic non oportet materiam cæli esse adiunctam priuationem: oportet tamen alia ex causa in cælo esse materiam & formam, quia videlicet est substantia corporea. formam enim corpoream oportet in aliquo susceptiuo esse: & illud est materia. Ad secundum dicitur quod nulla est repugnantia si considerentur verba S. Tho. quia licet cælum materiam habeat, illa tamen non est potentia ad aliam formam, nec est subiecta priuationi alterius formæ, ex quo habet aliquid ut sit transmutabile. Ad rationem ex Com. sumptam, quæ eunque fuerit Com. opinio de materia cæli, dicitur, quod si corpus celeste esset compositum ex forma & materia existente sub priuatione alterius formæ, vique esset generabile & corruptibile. modo non dicit sanct. Thom. materiam cæli esse huiusmodi, sed ipsam neque esse in potentia ad aliam formam, neque esse priuationi subiectam: ideo illud non sequitur ex eo quod ponitur materia in cælo. Similiter ad confirmationem ex Aristor. dicitur quod loquitur de materia subiecta priuationi, quæ est principium rerum transmutabilium, in quantum substantia liter transmutabilia sunt.

S E D contra hanc responsionem dubium affert processus Arist. Metaph. text. 30. Arguit enim primò quod oportet substantiam quæ mouet motu sempiterno, esse semper actu mouentem: deinde quod oportet eam esse substantiam quæ sit actus, non autem quæ sit in potentia, quia contingit quod potentia est, non esse. Ex quo vltius infert quod oportet ipsam esse sine materia. Ex hoc enim arguitur sic. Si esset aliqua materia quæ non esset principium corruptionis, non posset argui aliquid omnino carere materia ex eo quod non potest non esse. Sed Arist. concludit primam substantiam esse immaterialem ex eo quod non potest non esse, præsertim secundum expositionem sanct. Thom. ergo omnis materia est principium corruptionis. Si ergo in cælo ponatur materia, sequitur quod cælum secundum se sit corruptibile. Respondetur & dicitur primo quod Arist. ex illo processo non vult concludere primam substantiam esse omnino immaterialem, sed solum ipsam esse immaterialem per carentiam materie quæ est in potentia ad non esse. hoc enim suo proposito sufficit, quo vult ostendere oportere eam sempiternam esse. Unde dum concludit quod eius substantia est actus, non intendit quod sit omnino simplex forma, sed nihil est in eius substantia quod sit in potentia ad aliud esse. Dicitur secundò quod ipsam primam substantiam esse omnino immaterialem, habet Aristor. ex alio fundamento, ex hoc scilicet quod est primum mouens omnino immobile. Nam omne quod habet materiam, mobile est. Et sic constat quod processus ille Aristor. non tollit quin in aliquo sit materia, & tamen sit incorruptibile, quod materia sua non est subiecta priuationi, neque in potentia ad aliud esse, sicut inuenitur in cælo.

Ad tertium dicitur quod forma priuatio, similiter bonum & malum dupliciter considerari possunt. Vno modo secundum rationes communes & generales formæ & priuationis, siue boni & mali. Alio modo secundum particulares rationes, in quantum videlicet hæc est talis forma, & hæc talis priuatio, & hoc tale bonum, hoc verò tale malum. Si considerentur primo modo, sic sunt opposita in quantum ratio formæ & ratio priuationis formæ, similiter ratio boni & ratio mali sunt oppositæ rationes, sed hoc modo non inconuenit opposita simul esse in eodem, in quantum in eodem potest esse aliquid cui conuenit ratio formæ, & aliquid cui conuenit ratio priuationis. Si verò considerentur secundo modo, sic non quælibet priuatio cuiuslibet formæ, neque cuiuslibet boni quodlibet malum, sed determinata formæ determinata opponitur priuatio. formæ enim actus opponitur priuatio formæ actus, non autem priuatio formæ actus. Et secundum hanc considerationem forma & priuatio quæ sunt opposita, non possunt simul esse in eodem subiecto, sed bene forma & priuatio quæ sibi non opponitur, simul esse possunt. Propositio ergo sanct. Thom. intelligenda est de malo & bono non secundum particulares rationes oppositas, sed secundum generales rationes. talia autem opposita non inconueniunt simul in eodem esse.

CIRCA id quod dicitur, materia licet sit ens in potentia, esse tamen bonum in potentia, sed simpliciter, occurrit dubium. Primò, quia videtur hoc contradicere his quæ in hoc capitulo dicuntur. Dictum est enim quod licet vnaquæque creatura sit bona in quantum est, non tamen potest simpliciter bona dici si aliis careat quæ ad eius bonitatem requiruntur. Ex hoc autem arguitur sic: Ens in actu ex ipso esse remotis aliis perfectionibus non dicitur bonum simpliciter, ergo multò minus ens in potentia, non omni actu carens, dicitur bonum simpliciter. Secundò, quia de Verit. q. 21. artic. 2. ad tertium, dicitur quod materia est bona in potentia, non autem in actu, sicut est ens in potentia, & non in actu. Idem dicitur prima parte, quæst. 5. artic. 3. ad tertium.

Ad euidentiam huius dubij duo sunt consideranda. Primum est differentia quam hic ponit sanct. Thom. inter ens & bonum, hæc scilicet quod ens dicitur absolute, bonum autem etiam in ordine consistit: & ideo materia ex hoc quod est potentia ens, non potest dici simpliciter ens, sed bene propter ordinem ad esse & ad bonum dici simpliciter bonum. Vbi aduertendum est quod bonum & ens differunt, quia nomen entis dicitur tantum de his in quibus suum formale significatum inuenitur. illud enim tantum est ens, tanquam id quod est, cui conuenit habere esse, nomen verò boni dicitur non tantum de eo in quo formaliter inuenitur ratio boni, sed etiam de eo quod ad bonum habitudinem habet, sicut sanum non dicitur solum de animali in quo formaliter sanitas inuenitur, sed etiam de medicina, & cibo, & vrina quæ ad sanitatem animalis habitudinem habent. propterea inquit S. Thom. de Verit. q. 21. art. primo, quod primò & principaliter dicitur bonum ens perfectum alterius per modum finis: secundario autem dicitur bonum quod est ductum in hæc, prout vtile dicitur bonum, vel quod est naturæ consequi finem: sicut & sanum dicitur non solum habens sanitatem, sed etiam perficiens, conseruans, & significans bonum ergo dicitur primò de eo quod est finis, atque de eo quod iam finem obtinet, non propter ordinem quem habet ad bonum, sed quia in se perfectum est, & formaliter bonum, dicitur etiam de aliquo non ex eo quod in se perfectum sit, sed ex eo quod ordinem habet ad bonum, tanquam tendens ad ipsum. propter hoc dixit sanct. Thom. quod ens absolute dicitur bonum, verò etiam consistit in ordine, quia videlicet bonum dicitur non solum de eo quod actu habet esse & perfectionem, sed etiam de eo quod ad perfectionem tendit: ens verò dicitur de eo quod formaliter in seipso continet entitatem & esse. Secundum est, quod bonum simpliciter potest



potest duobus modis intelligi. Vno modo pro eo quod est formaliter bonum, tanquam videlicet in seipso habens bonitatis complementum, sicut dicimus quod animal est simpliciter sanum, medicina autem non est simpliciter sana. Alio modo pro eo quod absolute & absque additione dicitur bonum, sicut absolute dicimus, non solum quod animal est sanum, sed etiam quod medicina sana est. Hoc ergo secundo modo accipit sanctus Th. bonum simpliciter, cum inquit materiam primam esse simpliciter bonam. Non enim in quantum dicit ordinem ad bonum, dicitur bona cum hac additione in potentia, sicut dicitur ens non absolute sed in potentia, sed absolute & absque additione dicitur bona. Ad primum ergo in oppositum negatur consequentia. Nam absolute potest dici materia bona, in quantum dicit ordinem ad bonum, quia in quantum huiusmodi habet quicquid ad eius perfectionem pertinet, licet careat actu & bonitate sibi formaliter inhaerenti. Non enim dicitur bona (ut declaravimus) tanquam bonitatem habens, sed tanquam in bonitatem ordinata. Potest secundo dici quod dictum sancti Th. intelligitur de eo quod dicitur bonum tanquam in se bonitatem habens, non autem de eo quod dicitur bonum tanquam in bonitatem ordinatum. Ad secundum dicitur quod materia dupliciter potest considerari. Vno modo precise secundum se in quantum est pura potentia, id est, substantia omni carens actu sibi intrinseco, & essentiali. Alio modo in quantum subsistat ordini & aptitudini ac inclinationi ad bonum. Primo modo est bonum tantum in potentia, & sic intelligitur quod dicitur in locis allegatis: Secundo modo est bona in actu, & sic intelligitur quod hic dicitur. Vnde & in prima parte post verba adducta subiungit S. Thom. aliam responsionem dicens quod secundum Platonicos posset dici quod materia prima est non ens propter privationem adiunctam, sed tamen participat aliquid de bono, scilicet, ipsum ordinem vel aptitudinem ad bonum, de hoc etiam dictum est supra cap. 11.

CIRCA illud quod dicitur bonum esse quodammodo amplioris ambitus quam ens: notandum quod dupliciter possumus ambitum boni & entis considerare. Vno modo respectu eorum de quibus formaliter & intrinsece predicantur. Alio modo respectu eorum de quibus quomodo-cunque predicantur. Primo modo ens & bonum sunt æqualis ambitus, & sunt convertibilia secundum supposita. Secundo vero modo bonum est amplioris ambitus, quia nomen entis dicitur solum de iis in quibus inuenitur formaliter ratio entis & boni, nomen vero boni dicitur etiam de eo in quo non inuenitur formaliter ratio entis & boni, scilicet, de eo quod habet ordinem ad esse & bonum. Et quia ambitus alicuius communis propriè accipitur respectu eorum de quibus intrinsece & formaliter predicatur, non autem respectu eorum de quibus predicatur extrinsece, ideo non dixit sanctus Th. absolute quod bonum sit amplioris habitus quam ens, sed addidit, quodammodo.

SED contra dicta videtur esse sanctus Th. de Veri. quæst. 21. art. 2. & prima, parte q. 5. art. 2. ad 2. Inquit enim quod bonum non se extendit ad non entia quæ sunt entia in potentia, secundum predicationem, ergo bonum non est maioris ambitus quam ens, quia non ponitur maioris ambitus nisi quia dicitur de ente in potentia. Respondetur quod dictum sancti Th. intelligitur de predicatione formali & intrinseca. sic enim dictum est quod non predicatur de materia & ente in potentia, sed tantum extrinsece, sicut sanum de medicina. Aduertendum autem quod in prima parte & in questionibus de veritate interpretatur sanctus Th. dictum Dionysii, quantum ad causalitatem, quia enim bonum habet rationem finis, ad finem autem mouetur etiam ea quæ non sunt in actu, ideo causalitas finis quæ est appetit, videlicet cuius amore alia appetuntur & fiunt, etiam ad non existentia se extendit.

*Quod res intendunt assimilari Deo in hoc quod sunt causa.*

Cap. 21.



**L**his autem apparet, quod res intendunt diuinam similitudinem etiam in hoc quod sunt causa aliorum. Tendit enim in diuinam similitudinem res creata per suam operationem: per suam autem operationem una res fit causa alterius, ergo in hoc etiam res intendunt diuinam similitudinem, ut sint alii causa.

2. Adhuc, res tendunt in diuinam similitudinem, in quantum est bonus, ut supra dictum est. \* ex bonitate autem

\* Cap. 10. D. 468. Dei est quod aliis esse largitur. vnumquodque enim agit in quantum est actu perfectum: desiderant igitur generaliter res in hoc Deo assimilari, ut sint aliorum causa.

3. Amplius ordo ad bonum boni rationem habet, ut ex dictis est manifestum. \* vnumquodque autem per hoc quod est causa alterius, ordinatur ad bonum: bonum autem solum per se cognoscitur & causatur: malum autem per accidens tantum, ut ostensum est. esse igitur aliorum causa est bonum. secundum autem quodlibet bonum ad quod tendit aliquid, intendit diuinam similitudinem: cum quodlibet bonum creatum sit ex participatione diuinæ bonitatis. intendunt igitur res diuinam similitudinem in hoc quod sint aliorum causa.

4. Item, eiusdem rationis est quod effectus tendat in similitudinem agentis, & quod agens assimilet sibi effectum. tendit igitur effectus in finem in quem dirigitur ab agen-

te: agens autem intendit sibi assimilare patiens, non solum quantum ad esse ipsius, sed etiam quantum ad causalitatem. Sicut enim ab agente conferuntur effectui naturali principia per quæ subsistat, ita principia per quæ aliorum sit causa, sicut enim animal dum generatur, accipit a generante virtutem nutritiuam: ita etiam virtutem generatiuam. effectus igitur tendit in similitudinem agentis, ut ostensum est, non solum quantum ad speciem ipsius, sed etiam quantum ad hoc quod sit aliorum causa. sic autem tendunt res in similitudinem Dei, sicut effectus in similitudinem agentis. intendunt igitur res naturaliter assimilari Deo in hoc quod sunt causa aliorum.

5. Præterea tunc maxime perfectum est vnumquodque, quando potest alterum sibi simile facere. illud enim perfecte lucet, quod alia illuminare potest, vnumquodque autem tendens in suam perfectionem, tendit in diuinam similitudinem. per hoc igitur vnumquodque tendit in diuinam similitudinem, quod intendit in diuinam similitudinem, quod intendit aliorum causa esse. Quia verò causa in quantum huiusmodi superior est causato: manifestum est quod tendere in diuinam similitudinem per hunc modum ut sit aliorum causa, est superior perfectio in entibus.

6. Item, prius est vnumquodque in se perfectum, quam possit alterum causare, ut dictum est. hæc igitur perfectio vltimè accidit rei, ut aliorum causa existat. cum igitur per multa tendat res creata in diuinam similitudinem, hoc vltimè ei restat, ut diuinam similitudinem quærat per hoc quod sit aliorum causa. Vnde Dionysius dicit 3. cap. Cælest. hierar. quod omnium diuinus est Dei cooperatore fieri: secundum quod Apostolus dicit 1. Cor. 3. Dei adiutores sumus.

Super Cap. 21.



**S**TENSO quod res intendunt Deo assimilari quantum ad bonitatem, probat nunc sanctus Th. quod intendunt ei assimilari quantum ad causalitatem. Duplex autem potest esse sensus huius intenti. Vnus, quod omnis res creata inclinatur ad causandum aliquid, & ad hoc ut in causando assimiletur Deo. Alius, quod res creata quæ est alterius causa, per hoc quod aliud causat, tendit in diuinam similitudinem. Licet autem uterque sensus aliquo modo veritatem habeat, & possit literæ adaptari (videtur enim vnaquæque res in actu per suam formam posse aliquid causare, ut videtur Velle sancti Th. 1. Ethicor. le. 10. licet non omnis possit causare sibi simile in specie, & per consequens inclinatur ad causandum, & intendit in hoc assimilari Deo: similiter vnumquodque agens dum agit, intendit in agendo aliquam Dei similitudinem) secundus tamen sensus magis videtur hoc loco intendi, quantum ex rationibus constare potest. Circa hoc autem duo facit sanctus Th. primo enim probat propositum. Secundo circa finem capituli ostendit quod hæc assimilatio ad Deum in causando est superior rei perfectio. Quantum ad primum arguit primò sic: Res creata tendunt in diuinam similitudinem, per suam operationem, ergo intendunt in hoc diuinam similitudinem, ut sint alii causa, probatur consequentia, quia per suam operationem una res fit causa alterius.

PRO declaratione huius rationis attendendum quod hic non sumitur operatio communiter ut in c. seq. sed pro sola actione transeunte. vnde antecedentis sensus est, quod vnumquodque per suam actionem intendit Deo assimilari, similiter alia propositio in hoc sensu vera est, scilicet, quod per suam actionem una res est causa alterius. sensus ergo rationis est, quod ideo res creata in causando tendit in diuinam similitudinem, quia causat per suam actionem, per actionem autem intendit Deo assimilari tanquam per complementum suæ perfectionis.

Secundo, Res intendunt Deo assimilari in quantum est bonus, sed ipse ex sua bonitate aliis esse largitur, cum vnumquodque agat in quantum est actu perfectum, ergo res generaliter desiderat assimilari Deo in hoc quod sunt causa aliorum.

ADVERTE quod si generaliter positum in cōclusionē, potest distribuere pro omnibus rebus creatis absolute, & potest distribuere pro omnibus rebus habentibus virtutem causatiuam aliorum, & utroque modo iuxta ea quæ in principio diximus, verificari potest. videtur autem sequendo expositionem datam quod distribuatur pro causis actiuis tantum, ut sit sensus rationis, quod cum Deus ex sua bonitate dat esse rebus, res creata quæ aliorum sunt causa, causando diuinam bonitatem imitantur: & dum intendunt causare, intendunt diuinæ bonitatis similitudinem. Tertiò. Eff. se aliorum causam, est bonum. ergo in hoc quod res sunt aliorum causa, diuinam similitudinem intendunt. probatur antecedens, quia cum solum bonum per se cognoscatur & causetur, vnumquodque per hoc quod est causa alterius ordinatur ad bonum. ordo autem ad bonum, boni ratione habet, consequentia verò probatur, quia secundum quodlibet bonum ad quod aliquid tendit, intendit diuinam similitudinem: quia bonum creatum est ex participatione diuinæ bonitatis.

Quarto. Sic intendunt res in similitudinem Dei, sicut effectus in similitudinem agentis, ergo, &c. probatur consequentia, quia effectus tendit in similitudinem agentis non solum quantum ad speciem ipsius, sed etiam quantum ad hoc quod sit aliorum causa, cum agens intendat assimilare sibi patiens, non solum quantum ad esse, sed etiam quantum ad causalitatem, sicut



sicut patet in effectibus naturalibus, eiusdem autem rationis sit quod effectus tendat in similitudinem agentis, & quod agens assimilet sibi effectum.

CIRCA hanc ultimam propositionem aduertendum, quod licet aliqua dici possint esse eiusdem rationis multipliciter, tamen hoc loco accipitur esse eiusdem rationis pro eo quod est vnum ex alio inferri, & econuerso: ut si idem esse eiusdem rationis, quod esse mutue argumentationis, id est, quod vnum ex altero deducatur, & econuerso: sicut si dicemus quod eiusdem rationis est quod homo sit risibilis, & quod sit rationalis, quia videlicet vnum est causa alterius, & ex vno inferit reliquum, & econuerso, quia enim homo est rationalis, ideo est risibilis, & ex eo quod est rationalis, inferitur à priori quod est risibilis: & econuerso ex eo quod est risibilis, inferitur à posteriori quod est rationalis. ita in proposito quod agens intendat assimilare sibi effectum sua actione est causa quod effectus tendat in similitudinem agentis, & mutuo se inferunt: ideo bene dicitur quod sunt eiusdem rationis.

CIRCA istam propositionem, Agens intendit sibi assimilare patiens quantum ad causalitatem: aduertendum quod non intelligitur vniuersaliter de omni agente, & de eadem ratione causalitatis. Si enim intelligatur de eadem causalitate secundum speciem, intelligitur tantum de agente vniuocæ, tale enim causat in effectu principium actuum eiusdem rationis cum suo actiuo principio, sicut homo generans causat in homine genito virtutem generatiuam eiusdem rationis cum sua, & ideo assimilatur sibi effectum in causalitate in communi, sic extenditur etiam in agentia æquiuoca. Vnumquodque enim agens dat suo effectui qui est ens in actu formam quæ est principium alicuius actionis, & per consequens assimilatur sibi ipsum aliquo modo quantum ad causalitatem. Sed licet ita sit, propositio tamen S. Th. intelligitur de patiente quod natum est esse causa alterius, sensus est enim, agens intendit producere effectum sibi similem in agendo, si talis effectus natus sit alterius causa esse.

Quinto, Per hoc quod aliquid est alterius causa, tendit in suam perfectionem, cum tunc maxime vnumquodque perfectum sit, quando potest sibi simile facere: intellige in natura quæ est nata sibi simile facere, ut patet in eo quod lucet, & illuminare potest, ergo, & c. probatur consequentia, quia vnumquodque tendens in suam perfectionem, tendit in diuinam similitudinem.

ADVERTE quod ista ratio differt à tertia ratione, quia ibi consideratur esse causam ut est simpliciter absolute bonum tanquam ad bonum ordinem importans: hic autem consideratur esse bonum & perfectionem agentis, ideo sunt rationes formaliter distinctæ. Quantum ad secundum probat quod tendere in diuinam similitudinem in hoc quod est esse causam aliorum, est superior, id est, nobilior perfectio rei. Et probat ex duobus. Primo, quia causa in quantum huiusmodi est superior causato. Secundo, quia hæc perfectio vltimò accidit rei cum prius vnumquodque in se perfectum sit quàm possit alterum causare. Confirmatur quoque autho. Dionysij 3. cap. Cælestis hierarchia.

ATTENDENDUM hoc loco quod ista perfectio quæ est esse causam alterius, dupliciter considerari potest in ordine ad alias perfectiones. Vno modo præcendendo hanc perfectionem ab aliis formaliter, & sic ista perfectio non est simpliciter nobilior aliis, sed tantum secundum quid. Simpliciter enim nobilior est habere naturam & substantiam completam, quàm habere habitudinem causæ respectu alterius, si vnum ab altero præcindatur: licet hæc perfectio sit nobilior secundum quid, in quantum scilicet est completius perfectionis rei, & comparatur ad antecedentes perfectiones sicut actus ad potentiam. Alio modo considerari potest non præcendendo ipsam ab aliis, sed magis omnes alias includendo in quantum omnes alias rei intrinsecas perfectiones præsupponit: & sic esse causam aliorum, est nobilissima perfectio rei in quantum res antequam causet, non habet complementum suæ perfectionis, sed aliquid sibi perfectionis deest loquendo de re quæ ex sua causalitate aliquid perfectionis acquirit, dum autem est causa rei, habet suæ perfectionis complementum. Accipit ergo S. Tho. propositionem in secundo sensu, licet & in primo secundum quid habeat veritatem. Attendendum autem quod licet hoc capitulum exposuerimus de causalitate efficientis, quod magis videtur intendere S. Tho. posset tamen etiam exponi de omni causalitate, scilicet quod vnaquæque res creata in causando quomodocumque causet, intendit assimilationem diuinam, in quantum per suam causalitatem aliquo modo perficitur. Et sic dicemus quod etiam materia in hoc quod recipit & patitur, quod est eius operari, ut constat ex capitulo sequenti, tendit in bonum suum, & in assimilationem diuinam. Sed hoc minus videtur ad intentionem S. Thom. accedere.

*Quomodo res diuersimodè in suos fines ordinantur.*

Cap. 22.



EX præmissis autem manifestum esse potest quod vltimum per quod vnaqueque res ordinatur ad finem, est eius operatio: diuersimodè tamen secundum diuersitatem operationis. Nam quædam operatio est rei ut aliud mouentis, sicut calefacere & secare. Quædam verò est operatio rei ut ab alio motæ, sicut caleferi & secari. Quædam verò operatio est perfectio operantis actu existentis in aliud transmutandum non tendens: quorum primò differunt à passione & motu: secundò verò ab actione transmutatiua exterioris materia. huiusmodi autem operatio est sicut intelligere, sentire & velle. Vnde manifestum est quæ quæ mouentur vel operantur tantum, sine hoc quod moueant vel faciant, tendunt in diuinam similitudinem quantum ad hoc quod sunt in seipsis perfecta: quæ autem faciunt & mouent, in quantum huiusmodi, tendunt in diuinam similitudinem in hoc, quod sint

aliorum causa. quæ verò per hoc quod mouentur, mouent: tendunt in diuinam similitudinem quantum ad vtrumque. Corpora autem inferiora secundum quod mouentur motibus naturalibus, considerantur ut mota tantum, non autem ut mouentia nisi per accidens. accidit enim lapidi quod descendens aliquid obuias impellat. & similiter est in alternatione & aliis motibus. Vnde finis motus eorum est ut consequatur diuinam similitudinem quantum ad hoc quod sint in seipsis perfecta: utpote habentia propria formam, & proprium vbi. Corpora verò cælestia mouentur mota: vnde finis motus eorum est consequi diuinam similitudinem quantum ad vtrumque: quantum quidem ad propria perfectionem in quantum corpus cæleste sit in aliquo vbi in actu, in quo prius erat in potentia, nec propter hoc minus suam perfectionem consequitur: quauis ad vbi in quo prius erat actu, remaneat in potentia. Similiter enim & materia prima in suam perfectionem tendit per hoc quod acquirit in actu formam quæ prius habebat in potentia: licet & aliam habere desinat quæ prius actu habebat: sic enim successiue materia omnes formas suscipit ad quas est in potentia, ut tota eius potentia reducat in actu successiue, quod simul fieri non poterat. Vnde cum corpus cæleste sit potentia ad vbi sicut materia prima ad formam, perfectionem suam consequitur per hoc quod eius potentia tota ad vbi reducitur in actu successiue: quod simul non poterat fieri. In quantum verò mouendo mouent, est finis motus eorum consequi diuinam similitudinem in hoc quod sint causa aliorum. Sunt autem aliorum causa per hoc quod causant generationem & corruptionem & alios motus in istis inferioribus: motus igitur corporum cælestium in quantum mouent, ordinantur ad generationem & corruptionem quæ est in istis inferioribus. Non est autem incoueniens quod corpora cælestia moueant ad generationem horum inferiorum: quantum hæc inferiora corpora sint cælestibus corporibus indigniora: cum tamen finem oporteat esse potius eo quod est ad finem. generans enim agit ad formam generati: cum tamen generatum non sit dignius generante: sed in agētibus vniuocis sit eiusdem speciei cum ipso. intendit enim generans formam generati, quæ est generationis finis, non quasi vltimum finem, sed similitudinem esse diuini in perpetuatione speciei, & in diffusionem bonitatis suæ: per hoc quod aliis formam speciei suæ tradidit, & aliorum sit causa. Similiter autem corpora cælestia licet sint digniora inferioribus corporibus, non tamen intendunt generationem eorum & formas generatorum in actu educere per suos motus quasi vltimum finem: sed per hoc ad diuinam similitudinem tendentes quasi ad vltimum finem in hoc quod causa aliorum existant. Considerandum tamen quod vnumquodque in quantum participat similitudinem diuinæ bonitatis, quæ est obiectum voluntatis eius, in quantum participat de similitudine diuinæ voluntatis per quam res producantur in esse, & conseruantur, superiora autem diuine bonitatis similitudinem participant simplicius & vniuersaliter: inferiora verò particulariter, & magis diuissim: vnde & inter corpora cælestia & inferiora non attenditur similitudo secundum æquiparentiam, sicut in his quæ sunt vnius speciei: sed sicut vniuersalis agentis ad particularem effectum. sicut igitur particularis agentis in istis inferioribus intentio contrahitur ad bonum huius speciei vel illius: ita intentio corporis cælestis fertur ad bonum commune substantiæ corporalis, quæ per generationem conseruatur & multiplicatur & augetur. Cum verò (ut dictum est) qualibet res mota in quantum mouetur tendat in diuinam similitudinem, ut sit in se perfecta: perfectum autem sit vnumquodque, in quantum sit actu: oportet quod intentio cuiuslibet in potentia existentis sit ut per motum tendat in actum. quantum igitur aliquis actus est posterior & magis perfectus, tanto principalius in idipsum appetitus materia fertur. vnde oportet quod in vltiorē & perfectissimū actum quem materia consequi potest, tendat appetitus materiae quo appetit formam, sicut in vltimum finem generationis. In actibus autem formarum gradus quidam inueniuntur, nam materia prima est in potentia primum ad formam elementis:



elementi: sub forma verò elementi existens est in potentia ad formā mixti: propter quod elementa sunt materia mixti. Sub forma autem mixti considerata est in potentia ad animam vegetabilem: nā talis corporis anima actus est. Itēq; anima vegetabilis est in potentia ad sensitivam: sensitiva verò ad intellectivā. Quod processus generationis ostendit. Primò enim in generatione est fœtus viues vita plantæ. Postmodum verò vita animalis: demum verò vita hominis. Post hanc autem formam non inuenitur in generabilibus & corruptibilibus posterior forma & dignior. Vltimum igitur generationis totius gradus est anima humana: & in hanc tēdit materia, sicut in vltimam formam. Sunt ergo elementa propter corpora mixta: hoc verò propter viuentia, in quibus plantæ sunt propter animalia: animalia propter hominem: homo enim est finis totius generationis. Quia verò eadem res generatur & conseruatur in esse secundum ordinem præmissum in generationibus rerum, est etiam ordo in conseruationibus earundem. vnde videmus quòd corpora mixta sustentantur per elementorum congruas qualitates: plantæ verò ex mixtis corporibus nutriuntur: animalia ex plantis nutrimentum habent: & quedam etiam perfectiora & virtuosiora ex quibusdā imperfectioribus & infirmioribus. Homo verò vtitur omnī rerum generibus ad sui vtilitatem: quibusdā quidem ad esum, quibusdā verò ad vestitū: vnde & à natura nudus est institutus: vtpote potens ex aliis sibi vestitum præstare: sicut etiam nullum sibi cōgruum nutrimentū natura præparauit, nisi lac: vt ex diuersis rebus sibi cibum conquireret. Quibusdā verò ad vehiculum: nam in motus celeritate & in fortitudine ad sustinendos labores multis animalibus infirmior inuenitur, quasi aliis animalibus ad auxilium sibi præparatis. Et super hoc omnibus sensibilibus vtitur ad intellectualis cognitionis perfectionem. Vnde

*Psalm. 8.* & de homine in Psalmis dicitur, ad Deum directo sermone, Omnia subiecisti sub pedibus eius. Et Aristoteles dicit in primo Politicorū: quòd homo habet naturale dominū super omnia animalia. Si igitur motio ipsius celi ordinatur ad generationem, generatio autem tota ordinatur ad hominem, sicut in vltimum finem huius generis: manifestū est quòd finis motionis celi ordinatur ad hominem sicut in vltimum finem in genere generabilium & mobilium. Hinc est quòd Deuteronomio quarto dicitur: quòd Deus corpora cælestia fecit in ministerium cunctis gentibus.

## Super Cap. 22.

**P**OST QVAM ostendit S. Th. quòd omnia ordinantur in bonum & in diuinam similitudinem sicut in finem: nūc ostendit quomodo diuersimodè res in hunc finem ordinantur. Circa hoc autem duo facit. Primò ostendit propositum. Secundo vnum corollarium deducit capit. sequenti. Quantum ad primum ponit duas conclusiones. Prima est, Corpora inferiora secundum quòd motibus naturalibus mouentur, tendunt in diuinam similitudinem, quantum ad hoc vt sint in seipsis perfecta: secundum propriam formam & proprium vbi, non autem vt sint causa aliorum. Secunda est, Finis corporum cælestium est cōsequi diuinam similitudinem & quantum ad propriam perfectionem, & in hoc vt sint aliorum cause. Pro declaratione autem harum cōclusionum præmittit duo. Vnum est quòd diuersimodè res ordinantur in finem secundum diuersitatem operationis: quia vltimum per quod res ordinatur ad finem, est eius operatio. Alterum est, quòd quedam operatio est rei sicut mouentis, vt calefacere: quedam vt rei ab alio motu, sicut caleferi: quedam verò est perfectio operantis adu existētis in aliud transmutandum nō tendens, quorum primo, scilicet eo quòd est perfectio existētis in actu, differt à passione & motu, quæ videlicet sunt perfectiones existētes in potētia. Secundo verò, scilicet eo quòd in aliud transmutandum non tendit, differt à operatione transmutatiua exterioris materię, huiusmodi operatio est intelligere, sentire & velle.

*Cap. 64.* CIRCA primum dictum aduertendum (vt latius explicabitur inferius) quòd cum res extrinseca est finis alicuius vltimus, finis vltimus intrinsecus est id quo coniungitur res ipsi exteriori fini & ipsum adipiscitur formaliter: hoc autem est rei operatio, accipiēdo nomen operationis vt in hoc cap. sumitur. ideo bene hic dicitur quòd vltimum per quod vnaquæque res ordinatur ad finem, est eius operatio: quia videlicet per suam operationem vnaquæque res fini coniungitur.

CIRCA secundum attendendū, quòd licet operatio videtur ex modo significandi importare actionem, tamen quantum ad rem significatam non importat actionem tantum, sed est nomen commune actioni & passioni. accipitur enim hic operatio pro actu, primò & immediatè correspondente potētia, cuius videlicet potētia est principium immediatum, quo potētia autem diuiditur in actiuam & passiuam, quarum actiuā est id quo agens agit, passiuā verò est id quo patiens patitur: ideo & operatio ad quam dicitur potētia, diuiditur in actionem & passionem, vt pa-

tet in quæstionibus de Anima artic. 12. Propterea bene hoc loco ait sanctus Thom. quòd quedam operatio est rei vt aliud mouentis, id est, est actio: quedam verò est rei vt ab alio motu, id est, est passio. Iste suppositus probat primam conclusionem hac ratione. Ea quæ mouentur & operantur tantum absque eo quòd alia moueant vel faciant, tendunt in diuinam similitudinem, quantum ad hoc tantum vt sint in seipsis perfecta, cum habeant videlicet operationem illam tantum quæ est passio, sed corpora inferiora vt mouentur motibus naturalibus, considerantur vt mota tantum, non autem vt mouentia, nisi per accidens, ergo &c.

ADVERTENDVM quòd licet agens dum aliquid mouet, possit intendere aliquid aliud per talem motum. Præter perfectionem moti, sicut edificator præter domus perfectionem intendit habitationē & conseruationem rerum, motus tamē rei motu vt ad ipsam rem motam comparatur, non tendit nisi in finem motus rei motu acquirendum: quia passio & moueri vt sic præcise sumpta non sunt nisi ad hoc vt aliquid in mobili fiat, non autem vt mobile aliud causet, propterea bene assignatur motivatione: quare inferiora corpora secundum quòd mouentur motibus naturalibus, intendunt diuinam similitudinem quantum ad propriam perfectionem tantum, quia vt sic considerantur vt mota tantum, non autem vt mouentia: quia videlicet quæ mouentur & non mouent nec agunt, possunt quidem per motum propriam perfectionem assequi, non autem esse causa aliorum. Attendendum etiam quòd non inquit sanctus Thom. absolute corpora inferiora tendere in diuinam similitudinem solum quantum ad affectionem propriæ perfectionis, non autem quantum ad causalitatem: sed addidit secundum quòd mouentur motibus naturalibus. Nam & ipsa corpora inferiora proprias habent virtutes quibus aliquid possunt efficere, sicut ignis calefacit, & aqua humectat: & secundum hanc rationem cum moueant & agant, intendunt Deo assimilari etiam in causando: sed verum est quòd secundum quòd mouentur motibus naturalibus, quia non mouent per hoc quòd mouentur, sed mouentur tantum, nisi fortè per accidens moueant, sicut accidit lapidi quòd descendens impellat aliquod obuans: ideo vt sic nō tendunt in similitudinem diuinam in causando, sed tantum in acquirēdo propriam formā, aut proprium vbi, vt hic dicitur. Secundum verò conclusionem probat per hoc q. corpora cælestia mouentur motu. in quantum enim mouentur, tendunt in propriam perfectionem, eo q. sunt in aliquo vbi, in quo prius erant in potētia scilicet secundum partem, & sic intendunt consequi diuinam similitudinem quantum ad propriam perfectionem, sicut & alia corpora per suos motus naturales. in quantum verò mouēdo mouent, finis motus eorum est consequi diuinā similitudinem, in hoc q. sunt cause aliorum. Et quia sunt aliorū cause per hoc quòd causant generationem & corruptionem, & alios motus in istis inferioribus, ideo motus ipsorum in quantum mouēt, ordinatur ad generationem & corruptionem, quæ est in istis inferioribus.

ADVERTENDVM quòd licet corpora cælestia per suos motus sint causa non solum generationis & corruptionis in istis inferioribus, sed etiam aliorum motuum, vt hic dicitur: quia tamen principaliter intendunt esse substantiale rerum inferiorum, cuius generationi necessarii coniungitur corruptio, alias autem perfectiones accidentales non intendunt nisi vt ad perfectionem substantiæ conferunt: ideo quamuis dixerit S. Th. corpora cælestia esse per suos motus causas etiam aliorum motuum præter generationem & corruptionem, hoc tamen solum concludit, scilicet quòd eorum motus ordinantur ad generationem & corruptionem rerum, quia videlicet generatio & corruptio principaliter intenduntur, non autem alij motus. quamuis etiam possit dici q. nomine generationis & corruptionis omnes motus comprehendit, in quantum omni motui cōiungitur aliquo modo generatio & corruptio saltem accidentalis, dum terminus à quo deperditur, & terminus ad quem acquiritur.

SED contra ea quæ in hac secunda cōclusionē dicta sunt, mouet S. Th. duo dubia. Primū est circa illud quòd dictum est, corpus cæleste cōsequi suam perfectionem per motum in quantum sit in aliquo vbi in actu in quo prius erat in potētia. Nō videtur enim q. ex acquisitione talis vbi acquirat propriam perfectionem, quia dum acquirit vnum vbi, remanet in potētia ad vbi in quo prius erat in actu, & sic videtur imperfici. Secundum est circa id quòd dictum est corpora cælestia per suum motū ordinari ad generationem horum inferiorum. Nam finis potior est iis quæ sunt ad finem. corpora autem inferiora sunt indigniora corporibus cælestibus: nō ergo corpora cælestia per motum suum ordinantur ad generationem inferiorum. Ad primum horum respondet S. Tho. quòd propter hoc quòd corpus cæleste dum acquirit vnum vbi in actu, ad quod prius erat in potētia, remaneat in potētia ad aliud vbi in quo erat in actu, nihil minus suam perfectionem consequitur, quia corpus cæleste quod est in potētia ad vbi, sicut materia prima ad formam, suam perfectionem cōsequitur per hoc quòd tota eius potētia reducitur ad actum successiue, quod simul fieri non poterat: sicut & materia dum recipit vnam formam, licet aliam amittat, in suam perfectionem tendit, quia sic tota eius potētia ad actum reducitur successiue, quod non poterat simul fieri.

ADVERTENDVM hoc loco q. à perfectionibus successiuis, siue quæ in quadam successione acquiruntur, & aliter acquiri non possunt, subiectum habet perfici eo modo quo ipsa perfectio nata est habere esse in actu, quia subiectum non perficitur sua perfectione, nisi secundum quòd habet esse: & ideo secundum quòd perfectiones diuersimodè nate sunt esse in actu, ita diuersimodè habet per ipsas potētia perfici. Perfectio autē quæ esse in quadam successione nata est habere, nunquam totum suum esse simul habere potest in actu, sed per partem post partem, ita quòd vna parte adueniente, altera recedit, vt patet in motu & tempore: ideo subiectum habet perfici per eam non ipsam totam simul recipiendo, sed vnam partem post aliam, & in receptione posterioris partis amittendo priorē, sicut dum mobile vnam partem motus recipit, aliam partem amittit. Sed perfectio quæ esse in successione non habet, totum suum esse nata est simul habere, sicut anima: ideo subiectum secundum ipsam totam simul perficitur, & non vnam eius partem post aliam recipiendo. Quia ergo omnia vbi simul sumpta ad quæ corpus cæleste est in potētia, & omnes forme ad quas est in potētia materia prima ad sua subiecta comparata, habent rationem entis successiui, quia non possunt simul esse in suo subiecto, ideo & corpus cæleste habet perfici per ipsa vbi vnum post aliud recipiendo, & amittendo illud quòd habebat in actu, dum recipit illud ad quod



quod erat in potentia, nec aliter potest ab ipsis ubi perfici & actuari: & similiter materia prima habet perfici formis substantialibus successiue, amittendo priorem dum posteriorem recipit: nec aliter à multitudine formarum potest perfici. Propterea optimè respondet S. Tho. quod nihil minus consequitur suam perfectionem cælum dum acquirendo vnum ubi amittit aliud ubi: & idem ait de materia prima respectu formarum: quia inquam, hæc est natura talium actuum ut suas potentias cum tali successione perficiant. Vnde dicuntur simpliciter perfici, quamuis secundum quid possint dici imperfecti in quantum desinunt priore ubi, & priore forma actuari: sicut & omne subiectum dum recipit formam ad quam naturaliter inclinatur, simpliciter perfici dicitur, quamuis possit dici secundum quid imperfecti, in quantum ab ipso forma opposita præcedens abiicitur.

Sed circa hanc S. Th. resolutionem dubium occurrit, quia ipsemet in quæstionibus de Potentia Dei. q. 5. artic. 5. tenet quod finis motus cæli non est ut consequatur in actu ubi ad quod est in potentia, licet hoc Auen. dicere videatur. Et inferius ait non esse probabile ut finis motus cæli sit aliqua eius perfectio. Et in responsione ad septimum ait, q. cælum non perficitur per locum, sicut corpora inferiora quæ in proprio ubi conseruantur.

RESPONDETUR & dicitur primò quod dupliciter potest intelligi finem motus cæli esse ut consequatur in actu ubi ad quod est in potentia. Vno modo ut hoc quod dico, consequi in actu ubi ad quod est in potentia, in distinctè & indeterminatè sit finis motus cæli. Et sic non est verum, quia cum cælum in quocunque ubi ponatur, sit in potentia ad aliud ubi, nunquam posset cælum consequi finem suum, semper enim remanet in potentia ad aliud ubi. Et ad hunc sensum loquitur S. Thom. in quæstionibus de Potentia Dei. Alio modo ut ponatur aliquod ubi determinatum, puta oriens aut occidens, esse finem alicuius determinatæ partis motus cæli: & sic non inconuenit finem secundarium quidem, non autem principalem esse, ut consequatur ubi ad quod est in potentia. finis enim motus solistendens ab oriente ad occidentem, ut sic, est consequi finem occidentis. Ad hunc sensum loquitur hoc loco. Vnde non contradicere quod hic dicitur ei, quod primo loco ex quæstionibus de Potentia in oppositum affertur. Dicitur secundò quod dupliciter aliquid potest dici perfectio alicuius. Vno modo quia illud ad rei integritatem pertinet, aut est rei completum ad quod res per suam formam naturaliter inclinatur. Alio modo, quia est actus ad quem res naturalem aptitudinem habet, licet res non remanet incompleta & imperfecta si illo careat. Primo modo, ubi non est perfectio corporis cælestis, & sic intelligitur in loco allegato. Secundo modo est eius perfectio, & sic hoc in loco intelligitur. Ista responsio potest haberi ex ipso S. Tho. in loco allegato, & 4. Sent. d. 48. q. 2. art. 2. ad 2. Ad secundum dubium respondendo duo facit S. Thom. Primo satisfaci obiecti. Secundo declarat intellectum responsionis. Quæritur ad primum responderi substantialiter quod motus cæli ordinatur ad generationem horum inferiorum non tanquam ad vltimum finem, cum ille sit assimilari Deo in hoc quod causa aliorum existat, sed tanquam ad finem proximum. talem autem finem non oportet esse potiorum eo quod est ad finem, ut patet in agentibus vniuersis, sed tantum finem vltimum & principalem. Quantum ad secundum duo dicit. Primum est quod cum corpora cælestia sint superiora, & per consequens simplicius & vniuersaliora diuinæ bonitatis similitudinem participet quam inferiora, in quibus est talis similitudo particularis & diuina, ac per hoc magis assimilantur diuinæ voluntati, quia in tantum aliquid participat de similitudine diuinæ voluntatis in quantum participat de similitudine diuinæ bonitatis, quæ est eius obiectum, comparantur corpora cælestia ad inferiora sicut agens vniuersale ad particulare effectum, & corporis cælestis intentio fertur ad bonum commune substantiæ corporalis, sicut intentio particularis agentis in istis inferioribus contrahitur ad bonum huius aut illius speciei. Ex istis vult duo habere S. Tho. Vnum est quod cum dicitur cælum per suum motum ordinari ad generationem inferiorum, intelligendum est ipsum ordinari ad inferiorum generationem in communi, & ad commune bonum ipsorum, non autem ad generationem huius particularis, aut ad bonum eius in quantum huiusmodi, scilicet primo. hoc enim est agentis particularis, non autem vniuersalis. Alterum est, quod cum dicitur cælum per suum motum intendere diuinam similitudinem in causando, intelligendum est, quod intendit diuinam similitudinem in causando per modum agentis vniuersalis, non autem per modum agentis particularis.

ADVERTENDVM autem, ne videatur frustra sancti Thom. assumpsisse hanc propositionem, Vnumquodque in quantum participat similitudinem diuinæ bonitatis, in tantum participat de similitudine diuinæ voluntatis: quod cum diuina voluntas sit per cuius intentionem res producuntur & conseruantur in esse, vnumquodque assimilatur Deo in causando, in quantum eius intentio in causando assimilatur intentioni voluntatis ipsius. Ideo illud agens quod vniuersaliorum intentionem habet in causando magis diuinæ voluntati quæ vniuersalissima est assimilatur, quam illud quod particulariorem intentionem habet. vniuersaliorum autem intentionem habet id cuius bonitas & perfectio simplicior & vniuersalior est: quia effectus primò & per se alicuius agentis virtutis & perfectionis agentis proportionatur. Vnde cum corpora cælestia habeant simpliciorum & vniuersaliorum bonitatem vniuersalitate continentia perfectionis quam corpora inferiora, sequitur quod corporum cælestium intentio in agendo vniuersalior sit, atque ad vniuersalium bonum feratur, quam intentio inferiorum agentium. Et hæc est intentio sancti Thom. Secundum quod dicit sancti Thom. est quod quia tota generatio ordinatur ad hominem sicut ad vltimum finem in genere generabilium & mobilium, & motio cæli ordinatur ad generationem, sequitur quod finis motus cæli ordinatur ad hominem sicut in vltimum finem in genere generabilium & mobilium. Quod autem tota generatio ad hominem ordinetur, declarat ex duobus. Primò ex eo quod cum intentio cuiuslibet existentis in potentia, quod scilicet mouetur, sit ut per motum tendat in actum: quanto aliquis actus fuerit posterior & magis perfectus, tanto principalis mater appetitus quo appetit formam, in ipsum fertur, & in vltiorem ac perfectissimum actum quem consequi potest, fertur, sicut in vltimum finem generationis. constat autem ex ordine ipsarum formarum & ex ordine generationis, quod anima humana est vltima inter omnes formas & perfectissima: ideo in hanc tendit materia per generationem sicut in vltimum finem generationis: & sic homo est finis generationis. Secundò

declarat idem ex hoc quod homo videtur omnium rerum generibus ad sui vtilitatem, aliquibus inquam ad esum, aliquibus ad vestitum, aliquibus ad vehiculum, omnibus verò sensibilibus ad intellectuales cognitionis perfectionem: quod significatur in Psalmo, ubi dicitur, Omnia subiecisti sub pedibus eius. & Arist. ostendit primo Politicorum inquit, q. homo habet naturale dominium super omnia animalia. Cum ergo res conseruentur in esse secundum ordinem in littera enarratum in generatione, sequitur manifestè hominem esse finem totius generationis.

Ex istis vult habere sancti Thom. quod cum dictum est generationem esse finem proximum motus cæli, assimilationem autem ad Deum in causando esse finem vltimum, non sic est intelligendum quasi motus cæli non habeat alium finem vltimum quam assimilationem ad Deum in causando, sed quia ille est finis vltimus simpliciter: præter hunc autem habet alium finem vltimum, non quidem simpliciter, sed in genere generabilium & mobilium, scilicet hominem. Aduerte cum dicitur enarrando ordinem formarum, quod anima sensitiua est in potentia ad intellectum, & vegetabilis ad sensitiuum, quod non est intelligendum quasi anima sensitiua præcedens sit susceptiua intellectus, aut eadem possit fieri intellectus, sed quia materia existens sub sensitiua est in potentia ad intellectum, ut patet in processu generationis hominis: & similiter dicendum est de vegetabili respectu sensitiui.

PRO declaratione principalis responsionis ad dubium, ubi dicitur corpora cælestia intendere tanquam vltimum finem diuinam similitudinem in hoc quod causæ aliorum existant, aduertendum primò ex doctrina sancti Thom. secundo Sen. dist. 1. q. 2. art. 2. quod differt finis proportionatus rei quæ est ad finem, à fine improporionaliter esse excedere, quia proportionatus acquiritur secundum seipsum ei quod ad finem mouetur tanquam perfectio in ipso recepta, ut sanitas acquiritur ei quod ad sanitatem per medicinam mouetur: improporionaliter verò non acquiritur ut perfectio inhærens ei quod ad ipsum mouetur, sed aliqua eius similitudo. Cum ergo diuina bonitas sit finis improporionaliter excedens omnem rem creatam, non potest acquiri à cælo per motum suum ita ut sit forma eius, sed acquiritur aliqua eius similitudo. Ideo cum dicitur quod similitudo diuina in causando est vltimus finis motus corporum cælestium, per hoc non excluditur quin diuina bonitas sit eius vltimus finis, imò magis manifestatur ipsam esse vltimum finem, qui à corpore cælesti, nisi per quandam similitudinem haberi non potest.

ADVERTENDVM secundò quod cum dicitur diuinam similitudinem in causando esse vltimum finem huius motus, dupliciter potest intelligi. Vno modo quod ipsum causare in quo saluatur quædam similitudo diuina, sit eius finis, & sic non intelligitur hic, cum ipsa operatio siue ipsum causare ut sic tendat in aliud, scilicet in effectum. Alio modo quod vltimus finis sit assimilatio ad Deum, causare autem sit id secundum quod cælum hanc similitudinem intendit & consequitur: & hic sensus est hic intentus, ipsa enim similitudo ad Deum secundum se est finis intentus, causare autem est id secundum quod cælum talem similitudinem & ipsum Deum per quandam similitudinis participationem consequitur. Habetur hic sensus ex S. Thom. primo Sent. dist. 37. q. 4. artic. 1. ad secundum.

Sed dubium circa hoc occurrit, quia S. Tho. in quæstione allegata superius de Potentia Dei, impugnatur hanc opinionem quam hic sequitur, dicentem scilicet q. finis motus cæli sit assimilari ad Deum in causando. Poniturque finem huius motus esse determinatam multitudinem animarum, ita q. motus cæli est propter implendum numerum electorum. Respondetur q. opinionem hic positam quæ est Philosophorum reprobat ibi S. Th. non tanquam falsam, cum dicat ipsam posse rationabiliter sustineri, sed quia alia opinio quæ est Theologorum, sibi probabilior videtur. Vnde cum vtraque opinio sit probabilis apud ipsum, ibi sequitur opinionem Theologorum, hic autem Philosophorum opinionem sequitur. Hoc autem facit, quia cum hunc librum aduersus gentes scripserit, accipit tanquam vera ea quæ probabiliter sustineri possunt, & ab ipsis conceduntur, ut faciliorem aduersus ipsos viam habeat, non autem ea quæ ipsi nullo modo admitterent.

Quod cælum mouetur ex aliqua intellectuali substantia.

Cap. 23.



EX præmissis etiam ostendi potest primum motum motus cæli esse aliquid intellectuum. Nihil enim secundum propriam speciem agens intendit formam altioris sua forma. intendit enim omne agens sibi simile: corpus autem cæleste secundum quod agit per motum suum, intendit vltimam formam, qui est intellectus humanus: quæ quidem est altior omni forma, ut ex præmissis patet. corpus igitur cæli non agit ad generationem secundum propriam speciem, sicut agens principale, sed secundum speciem alicuius superioris agentis intellectualis, ad quod se habet corpus cæleste sicut instrumentum ad agens principale. agit autem cælum ad generationem secundum quod mouetur: mouetur igitur corpus cæleste ab aliqua intellectuali substantia.

Adhuc, Omne quod mouetur, necesse est ab aliquo moueri, ut superius probatum est. corpus igitur cæli ab aliquo mouetur. Aut ergo illud aliud est omnino separatum ab eo, aut est ei vnitum, ita quod compositum ex cælo & mouente dicatur mouere seipsum, in quantum vna pars eius est mouens, & alia mota. Si autem sic est, omne autem mouens seipsum est viuum & animatum: sequitur quod cælum sit animatum: non autem alia anima quam intellectuali.

non

Idem 1. p. q. 70. art. 3. secundum Sententiam dist. 14. ar. 3.

Cap. præced.

Lib. 1. cap. 13.



non enim nutritiua, cum in eo non sit generatio & corruptio: neque sensitiva, cum non habeat organorum diuersitatem: sequitur ergo quod moueatur ab anima intellectiva. Si autem mouetur a motore extrinseco: aut illud erit corporeum, aut incorporeum, & si quidem corporeum, non mouet nisi motu, ut ex superioribus patet. oportebit ergo & illud ab alio moueri, cum autem non sit procedere in infinitum in corporibus, oportebit deuenire ad primum mouens incorporeum, quod autem est penitus a corpore separatum, oportet esse intellectualem, ut ex superioribus patet. motus igitur celi quod est primum corporeum, est ab intellectuali substantia.

Lib. I. c. 44.

3 Item, corpora graua & leuia mouentur a generante & remouente prohibens, ut probatur in 8.<sup>a</sup> Physicorum. non enim potest esse quod forma in eis sit mouens & materia mota. nihil enim mouetur nisi corpus, sicut autem elementorum corpora sunt simplicia, & non est in eis compositio nisi materiae & formae: ita & corpora caelestia sunt simplicia. si igitur mouentur sicut & graua & leuia, oportet quod moueantur a generante per se, & a remouente prohibens per accidens, hoc autem est impossibile. nam illa corpora ingenerabilia sunt, utpote non habentia contrarietatem: & motus eorum impediri non possunt. oportet igitur quod moueantur illa corpora a mouentibus per apprehensionem: non autem sensitivam, ut ostensum est: ergo intellectuam.

\* Tex. c. 32.

4 Amplius, si principium motus caelestis est sola natura absque apprehensione aliqua: oportet quod principium motus celi sit forma caelestis corporis: sicut & in elementis. licet enim formae simplices non sint mouentes, sunt tamen principia motuum. ad eas enim consequuntur motus naturales, sicut omnes aliae naturales proprietates: non autem potest esse quod motus caelestis sequatur formam caelestis corporis, sicut principium actuum. sic enim forma est principium motus localis, in quantum alicui corpori secundum suam formam debetur aliquis locus in quem mouetur ex vi suae formae tendentis in locum illum: quem quia dat generans, dicitur esse motor: sicut igni secundum suam formam competit esse sursum: corpori autem caelesti secundum suam formam non magis congruit vnum ubi quam aliud, non igitur motus caelestis principium est sola natura: oportet igitur quod principium motus eius sit per apprehensionem mouentis.

5 Adhuc, natura semper ad vnum tendit: unde quae sunt a natura, semper sunt eodem modo, nisi impediatur: quod est in paucioribus. quod igitur ex sui ratione habet diffinitatem, impossibile est quod sit finis in quem tendit natura, motus autem secundum suam rationem est huiusmodi, quod enim mouetur in quantum huiusmodi, dissimiliter se habet & nunc & prius. impossibile est igitur quod natura intendat motum propter seipsum. intendit igitur quietem per motum, quae se habet ad motum, sicut vnum ad multa, quiescit enim quod similiter se habet nunc & prius. si enim motus celi sit a natura tantum, esset ordinatus in aliquam quietem: cuius contrarium apparet: cum sit continuus. non est igitur motus celi a natura, sicut a principio actiuo, sed magis a substantia intelligente.

6 Item, omni motui qui est a natura sicut a principio actiuo, oportet quod si accessus ad aliquid est naturalis, quod recessus ab eodem sit innaturalis, & contra naturam: sicut graue accedit deorsum naturaliter: recedit autem inde contra naturam. si igitur motus celi esset naturalis, cum tamen ad occidentem naturaliter, contra naturam ab occidente recedens in orientem rediret. hoc autem est impossibile. in motu enim caelesti nihil est violentum & contra naturam. impossibile est igitur quod principium actuum motus caelestis sit natura. est igitur principium actuum eius aliqua vis apprehensiva, & per intellectum mouens, ut ex praedictis patet, mouetur igitur corpus caeleste a substantia intellectuali. Non tamen est negandum motum caelestem esse naturalem, dicitur enim esse aliquis motus naturalis non solum propter actuum principium, sed etiam propter passiuum: sicut patet in generatione simplicium corporum: quae quidem non potest dici naturalis ratione principij actiuus. mouetur enim id naturaliter a principio actiuo, cuius princi-

pium actiuum est intra. natura enim est principium motus in eo quo est, principium autem actiuum in generatione simplicis corporis est extra. non est igitur naturalis ratione principij actiuus, sed solum ratione principij passiuus, quod est materia cui inest naturalis appetitus ad formam naturalem. sic ergo motus caelestis corporis quantum ad actuum principium non est naturalis, sed magis voluntarius & intellectualis: quantum vero ad principium passiuum est naturalis. nam corpus caeleste habet naturalem aptitudinem ad talem motum. Hoc autem manifeste apparet si habitudo consideretur caelestis corporis ad suum ubi. patitur enim & mouetur vnumquodque secundum quod est in potentia: agit vero & mouetur secundum quod est actu: corpus autem caeleste secundum suam substantiam consideratum inuenitur ut in potentia indifferenter se habens ad quodlibet, ubi sicut materia prima ad quamlibet formam, sicut praedictum est. aliter autem est de corpore graui & leui quod in sua natura consideratum non est indifferens ad omnem locum, sed ex ratione suae formae determinatur sibi locus. natura igitur corporis grauis & leuis est principium actuum motus eius: natura vero corporis caelestis est motus ipsius passiuum principium. unde non debet alicui videri quod violententer moueatur, sicut corpora graua & leuia quae a nobis mouentur per intellectum. corporibus enim grauib & leuib inest naturalis aptitudo ad contrarium motum ei quo mouentur a nobis: & ideo a nobis mouentur per violentiam: licet motus corporis animalis quo mouetur ab anima, non sit ei violentus in quantum est animatum, & si sit ei violentus in quantum est graue quoddam. corpora autem caelestia non habent aptitudinem ad motum contrarium: sed ad illum quo mouentur a substantia intelligente. unde simul est voluntarius quantum ad principium actuum, & naturalis quantum ad principium passiuum. Quod autem motus celi est voluntarius secundum actuum principium, non repugnat unitati & conformitati caelestis motus, ex hoc quod voluntas ad multa se habet: & non est determinata ad vnum: quia sicut natura determinatur ad vnum per suam virtutem, ita voluntas determinatur ad vnum per suam sapientiam, qua voluntas dirigitur infallibiliter ad vnum finem. Patet etiam ex praemissis quod in motu celi non est contra naturam, neque accessus ad aliquod ubi, neque recessus ab eo. hoc enim accidit in motu grauium & leuium propter duo. Primum quidem, quia intentio naturae est determinata & in grauib & in leuib ad vnum locum. unde sicut naturaliter tendit in ipsum, ita contra naturam recedit ab eo. Secundum, quia duo motus quorum vno accedit ad medium, & altero recedit, sunt contrarij. Si autem accipiat in motu grauium & leuium non ultimus locus, sed medius: sicut ad ipsum acceditur naturaliter, ita ab ipso naturaliter receditur: quia totum stat sub vna intentione naturae: & non sunt motus contrarij, sed vnus & continuus. ita autem est in motu caelestium corporum: quia naturae intentio non est ad aliquod ubi determinatum, ut iam dictum est. motus etiam quo recedit corpus circulariter motum ab aliquo signo, non est contrarius motui quo illuc accedit: sed est vnus motus & continuus: unde quodlibet ubi in motu celi est sicut medium, & non sicut extremum in motu recto. Non differt autem quantum ad praesentem intentionem vtrum corpus caeleste moueatur a substantia intellectuali coniuncta quae sit anima eius, vel a substantia separata: & vtrum vnumquodque corporum caelestium moueatur a Deo, vel nullum immediate, sed mediantibus substantiis intellectualibus creatis: aut primum tantum immediate a Deo, alia vero mediantibus substantiis creatis, dummodo habeatur quod motus caelestis est a substantia intellectuali.

Super Cap. 23.



X iis quae in praecedenti capitulo dicta sunt deducit hoc corollarium S. Thom. quod primum motuum motus celi est aliquid intellectuum. Circa hoc autem duo facit. Primum ostendit propositum, secundum remouet quaedam dubia. Quantum ad primum arguit primum sic. Corpus caeleste secundum quod agit per motum suum, intendit ultimum formam qui est intellectus humanus, qui quidem est altior omni forma scilicet



scilicet in formante: ergo non agit ad generationem per propriam speciem, sicut agens principale, sed secundum speciem alicuius superioris agentis intellectualis, cuius ipsum est instrumentum: ergo mouetur ab aliqua intellectuali substantia, probatur prima consequentia, quia nihil secundum propriam speciem agens intendit formam altiore suam formam, cum omne agens intendat sibi simile. Secunda consequentia probatur, quia cælum agit ad generationem secundum quod mouetur.

ADVERTENDVM quod agens agere secundum propriam speciem, est eius naturam & formam esse sibi principalem rationem agendi. dicimus enim quod equus secundum propriam speciem generat equum, quia natura equi est sibi principalis ratio generandi, & propria virtus equi est causa principalis talis generationis. Cum ergo dicitur quod cælum non agit ad generationem secundum propriam speciem, intelligitur quod natura & forma cæli non est sibi propria & principalis ratio, & virtus qua ad generationem agit, sed aliqua virtus intellectualis à qua mouetur, est id cuius virtute ad generationem agit tanquam eius instrumentum. Secundum, Corpus cæli mouetur ab aliquo, ergo aut illud est ei vnitum, ita quod compositum ex cælo & mouente dicatur mouere seipsum, aut est illi extrinsecum. Si primum, ergo cælum est animatum, cum omne mouens seipsum sit viuum & animatum: non anima nutritiua, cum non sit in eo generatio & corruptio: non sensitiva, cum non habeat organum diuersitatem, ergo intellectiua, ergo &c. Si secundum, aut illud mouens erit corporeum, aut incorporeum. Si corporeum, oportebit illud ab alio moueri: & cum non sit processus in infinitum in corporibus, scilicet ordinatis essentialiter, oportebit deuenire ad primum mouens incorporeum: quod autem est penitus incorporeum, est intellectuale, ut ex superioribus patet, ergo &c. idem sequitur si ponatur ab incorporeo immediate moueri. Tertiò, Sicut corpora graua & leuia sunt simplicia, ita & corpora cælestia: ergo si mouentur à natura, mouebuntur sicut illa. Sed illa mouentur à generante & remouente prohibens, non autem ita quod formam eis sit mouens, & materia mota, cum nihil moueatur nisi corpus: ergo & similiter corpora cælestia mouebuntur, hoc autem est impossibile, cum ipsa sint ingenerabilia, ut pote non habetia contrarietatem & motus eorum impediri non possit, ergo mouentur à mouentibus per apprehensionem: non per apprehensionem sensitiuam, ergo per intellectiua.

CIRCA istam rationem qua probatur graua & leuia moueri à generante & remouente prohibens, quia videlicet non possunt moueri sic quod forma sit mouens, & materia mota, dubitatur. Posset enim responderi, ut respondent aliqui qui huiusmodi corpora à seipsis moueri dicunt, quod non sic mouentur à seipsis quasi forma præcisè sumpta sit mouens, & materia sit mota, sed quia totum est mouens, & totum est motum. Sed verum est quod totum est mouens ratione formæ, quia videlicet forma est sibi principium quo mouetur, est autem motum ratione materiæ ita quod materia est sibi principium quo mouetur, & sic tam mouens quam motum constat esse corpus. Sed quia ista responsio non satisfaciatur, ostenditur ex verbis & intentione Com. in octauo Physicorum. com. 30. à quo sanctus Thom. hanc rationem sumpsit. Ibi enim probat quod corpora simplicia non mouentur ex se, quia nullum eorum potest diuidi in motorem & motum, & quod non potest dici corpus simplex diuidi in motorem & motum, eo quod diuidatur in materiam & formam, quoniam inquit materia prima non est existens actu. Patet enim ex his verbis quod ad hoc ut aliquid dicatur seipsum mouere per se, non sufficit ut diuidatur in actum & potentiam, quorum vno sit mouens tanquam ratione mouendi, altero vero sit motum tanquam ratione qua mouetur, sed requiritur ut diuidatur in duas partes quarum qualibet sit ens in actu, & vna sit mouens, altero vero mota. Et sic cum corpus simplex in huiusmodi partes diuidi non possit, manifestum est ut deducit sanctus Thom. quod seipsum non mouet scilicet per se, quamuis per accidens possit se mouere, ad motum, videlicet eius quod per ipsum mouetur, sicut & nauta per accidens mouetur ad motum nauis. De quo modo motionis intendit Auer. cum inquit 3. Cæ. com. 27. & 4. Cæ. com. 2. quod lapis mouet se in quantum est grauis in actu, & mouetur in quantum est in potentia inferiori. Vult enim quod graue ex eo quod est actu graue, mouet per se medium: ad motionem autem medium mouetur a se per accidens, in quantum est in potentia ad locum deorsum, sicut nauta qui per se mouet nauem in quantum habet virtutem motiuiam, mouetur per accidens à se ad motum nauis in quantum est in potentia ad locum ad quem nauis suo motu peruenit. Quarto. Si non esset motus cæli per apprehensionem, sed esset, à sola natura principium eius esset forma cæli, sicut in elementis quorum formæ licet non sint mouentes, sunt tamen principia motuum, cum ad eas sequantur motus naturales, sicut & alie proprietates naturales. hoc autem est impossibile, quia forma est principium motus localis in quantum corpori debetur aliquis locus in quem vi sua: formæ mouetur, ut patet in igne: corpori autem cælesti secundum suam formam non magis congruit vnum vbi quam aliud, ergo &c.

CIRCA motum grauium & leuium aduertendum primò, quod ideo dicitur forma non esse mouens, sed principium motus, quia non est mouens principale tanquam mouens quod, sed est id quo generans mouet, & est principium quo ipsum motum mouetur.

ADVERTENDVM secundum quod ex verbis sancti Thom. in hac ratione habetur intellectus positionis suæ in superioribus explicatus de motu grauium & leuium. Ex hoc enim quod dicitur motus naturales horum corporum consequi ad eorum formas sicut & alie proprietates, & quod forma est principium motus in quantum debetur aliquis locus corpori in quem mouetur ut formæ tendentis in illum locum. Item quia generans dat talē formā, ideo dicitur esse motor, datur intelligi quod non dicitur generans ideo mouere huiusmodi corpora quasi noua motione nouoque impulsu illa ad sua loca propellat, sed quia dedit ipsis formas ad quas deductis impeditis per quandam naturalem resultantiam consequuntur tales motus. Ex hoc enim sequitur quod in eadem causam reduci oportet & formas & tales motus sicut in eandem causam reducuntur forma & alie proprietates naturaliter formam consequentes.

CIRCA id quod dicitur corpori cælesti non magis congruere vnum vbi quam aliud secundum suam naturam: aduertendum, quod bene addidit sanctus Thom. secundum suam naturā. Dicitur enim aliquis locus congruere alicui corpori secundum suam naturam, quando rei natura peti-

citur in loco, ita quod extra locum suum non habet complementum suæ perfectionis, sicut igni conuenit secundum suam naturam esse sursum, quia in loco sursum conseruatur, & perfectius atque actualius suis proprietatibus perficitur: hoc autem non inuenitur in corpore cælesti, ut scilicet substantia cæli aliquam à loco perfectionem accipiat, cum non conseruetur à loco: ideo secundum suam naturam non magis sibi congruit vnum quam aliud. in quantum tamen ad rerum generationem ordinatur (ut dicitur 4. Sent. dist. 48. vbi supra) magis congruit sibi vnus locus quam alius: quia per sui presentiam & propinquitatem ad aliqua corpora aliquem effectum causat quem non causat vbi est absens. Quintò, Si motus cæli esset à natura tantum, esset ordinatus ad aliquam quietem: sed contrarium huius apparet, cum sit continuus: ergo &c. probatur consequentia, quia cum natura semper ad vnum tendat nisi impediatur, non potest esse finis naturæ id quod diffinitatem habet, motus autem diffinitatem habet: quia quod mouetur, dissimiliter se habet nunc & prius, ergo motus non potest esse finis in quem tendit natura, sed intendit quietem per motum, quæ ad motum comparatur sicut vnum ad multa, quiescit enim quod similiter se habet nunc & prius.

CIRCA probationem falsitatis consequentis aduertendum, quod motum aliquem esse continuum dupliciter potest intelligi. Vno modo quia partes eius ad vnum communem terminum copulantur, & sic non accipit hoc loco sanctus Thomas, quia non repugnat aliquem motum esse hoc modo continuum, & tamen esse ordinatum ad aliquam quietem, ut patet de motu grauis qui est cotinuuus, & ad quietem in loco deorsum ordinatum. Alio modo quia est perseverans, & nunquam interumpitur quiete, & sic accipitur hic, motus enim qui nunquam habet terminum in actu, non ordinatur ad quietem, quia motus ad quietem ordinatus aliquando cessat, scilicet per successionem suæ aduentum quietis. Vnde cum motus cæli nunquam actu terminetur, sed vna circulatio alteri circulationi continetur, & secundum Philosophos nunquam talis motus sit cessaturus, constat quod ad nullam quietem est ordinatus.

CIRCA istam propositionem, Quod quiescit, similiter se habet nunc & prius: considerandum, quod intelligitur de nunc & priori temporis mensurantis quietem, non autem de priori temporis ipsam præcedentis ita quod sensus est, quod acceptis quibuscunque duobus instantibus temporis mensurantis quietem alicuius, in illis quod quiescit, est in eadem dispositione. Vtrum autem aliquid possit quiescere in aliquo toto tempore, & tamen in ultimo instanti illius temporis, aliter se habere dicitur secundum doctrinam sancti Thom. prima parte, questione quinquagesima tertia, art. tertio, quod non ibi enim, quia de ratione quietis est quod quiescens non se habeat aliter nunc quam prius, concludit quod in quolibet nunc temporis mensurantis quietem quiescens est in eodem, id est, in eadem dispositione, in primo, scilicet in medio & in ultimo instanti. Habet enim pro impossibili quod aliquid in toto aliquo tempore tamen mensura, scilicet ad æquata quietis quiescat, & tamen in ultimo instanti illius sit sub alia dispositione & forma, cum quiescere in aliquo, toto tempore in aliquo, sit esse in illo in quolibet instanti illius temporis. huius autem ratio est (ut colligi potest ex loco præallegato, & primo Sententiarum, distinctione trigesima septima, questione quarta, articulo tertio, & est de mente Arist. & Commen. sexto Physicorum) quia omnis instantanea transmutatio est terminus alicuius motus. omne enim quod transmutatur est, prius transmutabatur: & omne quod generatur est, prius generabatur, ut patet ibidem Com. 59. ideo non potest esse ut aliquid in ultimo instanti alicuius temporis sit transmutatum, & tamen in toto tempore præcedente quiescerit.

ADVERTENDVM autem quod non est idem dicere aliquid toto vno tempore esse sub vna forma, in ultimo vero instanti illius temporis esse sub alia forma, & aliquid quiescere toto vno tempore sub vna forma, in instanti vero ultimo transmutatum esse ad aliam formam. potest enim aliquid esse sub vna forma, & tamen sub illa non quiescere, sed transmutari, sicut patet in eo quod mouetur ad generationem, & in ultimo instanti est generatum. illud enim manet toto tempore aliquo esse forma præcedenti, non tamen quiescit sub illa, sed per alterationem est incorruptum, & continuè dum alteratur alio & alio modo se habet sub ipsa forma dum continuè magis oppropinquat ad corruptionem vsque ad hoc instans, & alterius generationem. Sic autem intellecta propositione sancti Thom. manifestum est argumentum Scoti in secunda distinctione, secundo Sent. quest. vndecima, nullius esse momentis. Arguit enim primò, quia sequeretur quod in ultimo instanti prolationis, verborum consecrationis esset ibi forma panis, quia illa præfuit toto tempore prolationis. Secundo quia cum aliquo toto tempore præfuit quiescit in esse tenebroso, in ultimo instanti illius esset tenebroso, & ita illuminatio non fieret in instanti. Si autē dicatur inquit quod illuminatio est terminus motus localis. Contra, ponatur quod sol sit creatus de nouo, & medium præexistens: constat quod illuminatio non erit terminus motus localis. Nunc etiam ista illuminatio non est per se terminus motus localis, sed aliquid vbi acquisitum ipsi soli, nec potest per hoc euadi quin aer quiescit sub esse tenebroso vsque ad hoc instans. Ad primum dicitur primò quod non est contra sensum propositionis quæ intelligitur secundum naturæ cursum, & de possibilitate naturali, hic autem arguitur de eo quod miraculose & supernaturaliter fit. Dicitur secundum quod licet toto tempore prolationis verborum sit forma panis, non tamen quiescit, quia per verborum successionem quæ est quidem motus, panis magis sit propinquus ut definit per conuersionem in corpus Christi: & ratione huius motus prolationis verborum, cuius terminus est conuersio in corpus Christi, fieri præcedit factum esse, sicut in generatione generari præcedit generatum esse ratione alterationis præcedentis cuius est terminus, ut patet quarto Sententiarum distinctione vndecima, articulo tertio, questione secunda ad tertium. Ad secundum dicitur quod aer non quiescit toto tempore præcedente illuminationem, cum secundum cursum naturæ illuminatio sit terminus motus localis. secundum enim quod soli magis ad ærem per motum localem appropinquat ipse aer est magis propinquus acceptioni luminis, vnde secundum motum solis ad ærem dicitur aer ad lumen accedere, & tenebroso esse recedere successiue, non per amissionem partis post partem, sed maiorem & minorem appropinquationem ad lumen. Sicut enim materia per alterationem disponitur ad susceptionem formæ substantialis, & ad abiectionem formæ quæ habet, propter quod dicitur moueri ad formam, licet ipsam secundum se totam



totam in vltimo instanti duntaxat recipiat, ita per motum localem Solis propter quem aer sitipfi Soli magis propinquus, aer disponitur ad luminis susceptionem, quæ est in instanti, & propter huius successiuam appropinquationem dicitur moueri ad lumen. Cùm autem instatur primò de sole nouiter creato, dicitur quòd non est contra propositum, quia non loquimur de eo quòd Deus per creationem facere potest, sed de eo quòd cursui naturali congruit. Potest secundò dici quòd illa creatio corporis luminosi supplet vicem motus localis. Cùm obicitur secundò, quia illuminatio non est per se terminus motus localis, negatur de noua illuminatione, licet enim illuminatio simpliciter non sit per se primò terminus suus intrinsecus terminus huius motus localis, noua tamen illuminatio est per se terminus secundarius & extrinsecus. Cùm obicitur tertio, quòd hoc non obstat æt quicquid sub esse tenebroso vsque ad vltimum instanti, patet ex præcedentibus hoc falsum esse. licet enim fuerit sub esse tenebroso vsque ad vltimum instanti, non tamen sub tali esse quicquid, quia licet non esset subiectum motus alicuius ad lucem, in Sole tamen erat motus ad eius illuminationem & expulsionem tenebræ ordinatus. Sextò, illo dato sequeretur quòd cælum contra naturam ab occidente recedens rediret ad orientem: hoc est impossibile, cùm in motu cælesti nihil sit violentum & contra naturam, ergo &c. probatur consequentia, quia motus cæli ad occidentem est naturalis, in motu autem qui est à natura tanquam à principio actiuo, si accessus ad aliquid est naturalis, recessus ab eo est innaturalis, vt patet in graui.

**ADVERTE** quòd non dixit Sanctus Thomas. absolute in motu qui est à natura, si accessus est naturalis, recessus est innaturalis, sed addidit tanquam à principio actiuo, quia videlicet si motus sit naturalis tantum propter principium passiuum, hoc non oportet, sicut enim accessus est naturalis, ita & recessus potest esse naturalis, vt patet in motu materiæ ad formam, sicut enim ad formam naturaliter accedit, ita ab ipsa naturaliter recedit. Quantum ad secundum intendit sanctus Thomas dubia quedam ex præcedentibus suborientia mouere. Primum est cùm dictum sit motum cæli non esse duntaxat à natura, sed à substantia intellectuali, videtur sequi quòd motus cæli non sit naturalis. Ad hoc respondet quòd illud non sequitur, licet enim non sit naturalis ratione principij passiuum in quantum cælum naturalem aptitudinem habet ad talem motum, sicut & generatio simplicium corporum est naturalis ratione materiæ cui inest naturalis appetitus ad formam naturalem, non autem ratione principij actiuum, cùm illud sit extra, natura autem sit principium motus eius in quo est. Declaratur autem propositum, quia vnumquodque patitur & mouetur secundum quòd est in potentia agit verò & mouetur secundum quòd est actu: corpus autem cæleste secundum suam substantiam consideratum inuenitur vt in potentia indifferenter se habens ad quodlibet vbi, sicut materia prima ad omnem formam: quod non inuenitur in corpore graui & leui quod in sui natura consideratum non est indifferens ad omnem locum, sed ex ratione suæ formæ sibi determinatur locus. Ex hoc deducitur quòd motus grauium & leuium quando à nobis per intellectum mouentur, est violentus, quia ipsis inest naturalis aptitudo ad contrarium motum ei quo à nobis mouentur: licet motus corporis animalis ab anima non sit violentus, in quantum est animatum, non autem motus corporum cælestium est violentus, quia corpora cælestia non habent aptitudinem ad contrarium motum, sed ad illum quo mouentur à substantia intelligente.

**ATTENDENDVM** primò quòd cùm natura diuidatur per materiam & formam, & natura sit principium motus eius in quo est, ad hoc vt motus sit naturalis, sufficit quòd secundum inclinationem alterius horum, scilicet materiæ aut formæ procedat, & ideo non inconuenit motum esse naturalem ex sola aptitudine materiæ & naturæ per modum potentie ad talem motum, licet principium actiuum motus sit extrinsecum. Attendendum secundò cùm dicitur motum grauium & leuium à nobis esse violentum, quia habent naturalem aptitudinem ad contrarium motum, quòd hoc intelligitur de aptitudine determinata ad talem motum cum repugnantia ad oppositum motum, non autem de aptitudine indifferente ad vtrumque motum: sicut est in cælo aptitudo indifferens ad omnia vbi. Attendendum tertio cùm inquit sanctus Thomas cælum secundum suam naturam indifferenter se habere ad quodlibet vbi, quòd ideo ad id id secundum naturam, quia licet ex intentione substantiæ mouentis possit cælum ad aliquod vbi determinari, considerata tamen natura cæli secundum se non est ad aliquod vbi determinatum. Attendendum quarto quòd anima (vt dicitur prima parte, questione sexagesima secunda, articulo secundo ad secundum) quantum est de se, nata est mouere in quamlibet partem, ideo necesse est motum animalis qui est ab anima naturalem esse, sicut & in grauib & leuib motus qui est à forma ipsorum, est naturalis. Est enim motus naturalis, qui est à principio intrinseco. propterea bene hic dicitur quòd motus corporis animalis in quantum est animatum, non est ei violentus, licet sit ei violentus in quantum est graue quoddam. corpus enim animalis quamuis sola anima informetur, & non alia forma, in quantum tamen informatur anima vt anima est, habet moueri in quamlibet partem: in quantum autem informatur anima vt est forma corporis quam grauitas consequitur, habet moueri tantum deorsum: & ideo dicitur octauo Physicorum quòd animal totum quidem seipsum naturaliter mouet, corpus autem secundum quòd est corpus contingit natura & extra naturam moueri.

**CIRCA** dicta duplex occurrit dubium, primum est. Nam Comment. octauo Physicorum, comment. 27. vult motum corporis cælestis esse simpliciter naturalem & ex parte animæ, & ex parte corporis: ergo non est verum quòd hic dicitur, scilicet quòd est naturalis tantum ratione principij passiuum. Secundum dubium est: Si anima nata est mouere ad omnem partem, animalis corpus in quantum animatum, indifferens est ad omnem motum & ad omnem locum, & tamen motus eius naturalis ex parte formæ: ergo ex eo quòd cælum est indifferens ad omne vbi, non sequitur (vt deduxit sanctus Thomas) quòd sit motus eius naturalis ex parte principij passiuum tantum, sed potest esse naturalis etiam ex parte principij actiuum. Ad primum horum dicitur primò quòd Comment. videtur in hac re variè esse locutus, in loco enim allegato videtur quòd motus cæli sit naturalis tam ex parte principij actiuum quam ex parte principij passiuum, in primo autem Cæli comment. 5. & secundo Cæli comment. 3. videtur velle

quòd sit naturalis tantum ex parte principij passiuum. Pro concordia autem dictorum eius, & etiam ad sanctum Thomam posset dici præmissa aliorum responsione, quòd motus dupliciter potest dici, naturalis ex parte principij actiuum. vno modo quia principium actiuum motus est sibi intrinsecum vt forma eius, & sic motus cæli non est naturalis neque apud sanctum Thomam neque apud Commen. quia principium actiuum motus eius est forma abstracta secundum esse. Alio modo quia principium actiuum motus est natum tale corpus mouere absque resistentia, & est illi corpori appropriatum ad mouendum: & hoc modo intelligit Commen. ipsum motum cæli esse naturalem ex principio actiuo. accipit enim cælum pro aggregato ex intelligentia & corpore cælesti. Vnde in primo Cæli Commen. allegato ait, quòd formæ abstractæ secundum quod sunt formæ abstractæ, innatæ sunt vt illud quòd mouetur ab eis, sit corpus neque graue neque leue, sicut innatæ sunt vt moti ab eis sit rotundum, & sicut innatæ est forma ignis vt habeat materiam propriam. Et octauo Physicorum loco adducto vult quòd motus cæli sit per principium in eo, ita quòd in suo corpore non est principium contrarium motui animæ. Nomine autem cæli etiam ibi accipit aggregatum ex corpore cælesti & intelligentia mouente, quæ aliquo modo dici potest anima eius in quantum est illi appropriata ad mouendum. Patet igitur non esse contradictionem neque inter dicta Commen. neque inter Commen. & sanctum Thomam. cum sanctus Tho. loquatur de naturali motu ex principio actiuo primo modo, Commen. autem de naturali secundo modo loquatur. Ad secundum respondetur, quòd motus potest dici naturalis ex parte formæ dupliciter. Vno modo quia est à forma intrinseca non agente per apprehensionem, sed merè naturaliter mouente. Alio modo quia est à forma intrinseca non agente per violentiam, sed quæ nata est taliter mouere, & mobile natum est ab ipsa taliter moueri vt illi formæ subiicitur. In differentia ergo ad diuersa vbi, arguit motum non esse naturalem ex parte formæ primo modo, id est, non esse secundum inclinationem formæ mouentis absque apprehensione, quia forma talis inclinat ad vnum determinatè, & sic sanctus Thomas arguit ex indifferencia cæli ad omnia vbi, quòd eius motus non est naturalis ex parte suæ formæ, cùm illa sit forma merè naturalis. Talis autem indifferencia non arguit motum non esse naturalem secundo modo, quia forma per apprehensionem agens potest suum mobile ad diuersa mouere secundum diuersitatem apprehensionum, & sic non inconuenit mobile esse indifferens ad diuersa vbi, in quantum natum est à tali forma moueri, & motum eius esse naturalem in quantum mouetur à forma intrinseca sic nata mouere, ipsumque sic ab ipsa natum est moueri in quantum tali formæ subiicitur, licet aliunde ad oppositum duntaxat motum inclinetur. Vnde ad obiectionem negatur quòd motus animalis vt est anima, sit naturalis ex parte formæ eo modo quo loquitur sanctus Tho. hoc loco de motu naturali ex parte formæ, dum loquitur de motu cæli. Secundum dubium quòd remouet sanctus Tho. est, Posset enim aliquis arguere quòd motus cæli non sit voluntarius, quia est vnus & vniformis, voluntas autem ad multa se habet, & nō est determinata ad vnum. Sed respondet quòd voluntas determinatur ad vnum per suam sapientiam qua dirigitur infallibiliter ad vnum finem, sicut natura determinatur ad vnum per suam virtutem: ideo quòd motus cæli sit voluntarius, non repugnat eius vnitati & conformitati.

**AD** huius responsionis euidenciam considerandum est, quòd cùm voluntas sequatur cognitionem intellectiuiam, & ab ipsa tanquam à sua regula dirigatur, licet considerata ratione volūtatis absolute volūtatis sit causa indifferens & non determinata ad vnum, in quantum tamen sequitur iudicium intellectus iudicantis aliquid esse volendum & faciendum, determinationem habet ad illud, ita quòd propter illud determinatur, agit, & potest ad aliquem finem vniformiter & infallibiliter mouere, quando & cognitio qua dirigitur, est infallibilis & certa, & ipsa voluntas impediti non potest in suo effectu. Et sic cùm voluntas substantiæ mouentis cælum impediri non possit, dirigaturque à sapientia infallibilis & certa ad vnum finem, ipsa intellectualis substantia vniformiter mouet cælum & infallibiliter ad finem quem intendit in mouendo. Et non se habet ad motum cæli vt causa indeterminata, sed vt limitata ad vnum. Tertium dubium quòd excludit, est: Si enim motus cæli est naturalis, videtur quòd in motu cælesti possit aliquid esse contra naturam in motu grauium & leuium. Respondet ex præmissis quòd non est simile, neque enim accessus ad aliquod vbi in motu cæli, neque recessus ab eo est contra naturam, sicut in grauib & leuib, tum quia in grauib & leuib motus naturæ intentio determinata est ad vnum locum ad quem accessus est naturalis, & à quo recessus est contra naturam: tum quia motus quo acceditur ad medium, (intellige de medio mundi) & motus quo receditur ab eo, sunt contrarij: naturæ autem intentio in motu cæli, secundum quam scilicet naturam, dicitur eorum motus naturalis, non est ad aliquod vbi determinatum: & motus quo circulariter recedit ab aliquo signo, non est contrarius motui quo ad ipsum accedit, sed est vnus & continuus, sicut enim & accessus & recessus grauii & leuii respectu loci medij inter extranea est naturalis, & nō sunt motus contrarij, sed est vnus motus continuus, quia totū scilicet accessus & recessus talis, stat sub vna intentione naturæ, ita & in cæli motu. Nā quodlibet vbi, in motu cæli est sicut medium in motu recto, nō sicut extremum.

**ADVERTE** quòd motus grauius quo receditur à medio mundi, tendit ad locum sursum sibi contrariū & quia motus sursum & motus deorsum corporis grauis sunt contrarij, vt pote ad contraria loca tendentes, ideo bene hic dicitur quòd motus quorum vno natura accedit ad medium, & altero recedit, sunt contrarij: motus autem cæli quo acceditur ad aliquod signum non est contrarius ei quo receditur ab eo, quia motus quo receditur ab aliquo signo, non est ad vbi contrariū ei ad quod acceditur, cùm in motu circulari non sit contrarietas secundum aliquam puncta in circulo designata, prout sunt puncta ipsius circuli, licet possit aliquo modo secundum illa esse appositio, prout sunt extranea dimetri secundum quam mensuratur maxima distantia in circulo, vt ait sanctus Tho. primo Cæli in expositione rex. 87. Vltimum dubium est: Nam quia dictum est motum cæli esse à substantia intellectuali, posset aliquis querere, Vtrum illa substantia sit coniuncta corpori cælesti, vt sit anima eius, an sit separata, & vtrum sit prima substantia quæ immediate mouet cælum, an substantia creata qua mediante moueat, aut prima substantia moueat primum, & alie alia. Respondet sanctus Tho. quòd nihil refert quodcunque horum



horum dicatur, dummodo habeatur quod motus celestis est à substantia intellectuali.

ADVERTENDUM quod S. Thom. nihil aliud vult ex hoc suo processu habere nisi quod motus cæli non est naturalis tantum, sed partim naturalis, & partim voluntarius, hoc autem habetur siue ponatur quod substantia intellectualis mouens sit forma cæli, siue ponatur quod sit separata. Cum enim de ratione mouentis non sit quod sit intrinsecum motui, potest mouens voluntarium & esse intrinsecum & esse extrinsecum. motus enim progressus hominis qui est ab anima coniuncta, est voluntarius: & motus rotæ ab homine separato est voluntarius. Propterea bene dicitur hic quod nihil refert ad propositum quodcunque illorum dicatur.

*Quod omnia appetunt bonum, etiam qua cognitione carent. Caput 24.*

\* Cap. 23.



I autem corpus cæleste à substantia intellectuali mouetur, ut \* ostensum est: motus autem corporis cælestis ordinatur ad generationem in inferioribus: necesse est quod generationes & motus istorum inferiorum procedant ex intentione substantiæ intelligentis. In eundem enim fertur finem intentionis principalis agentis, & instrumenti. cælum autem est causa inferiorum motuum secundum suum motum quo mouetur à substantia intellectuali. sequitur ergo quod sit sicut instrumentum intellectualis substantiæ. sunt igitur formæ & motus inferiorum corporum à substantia intellectuali causatæ & intentæ sicut à principali agente, à corpore verò cælesti sicut ab instrumento. oportet autem quod species eorum quæ causantur & intenduntur ab intellectuali agente, præexistant in intellectu ipsius, sicut formæ artificiatorum præexistunt in intellectu artificis: & ex eis deriuantur in effectus. omnes igitur formæ quæ sunt in istis inferioribus, & omnes motus determinantur à formis intellectualibus, quæ sunt in intellectu alicuius substantiæ vel aliquarum. Et propter hoc dicit Boëtius in lib. de Trinit. \* quod formæ quæ sunt in materia venerunt à formis quæ sunt sine materia. Et quantum ad hoc verificatur dictum Platonis quod formæ separatæ sunt principia formarum quæ sunt in materia: licet posuerit eas per se subsistentes, & causantes immediate formas sensibiles: nos verò ponimus eas in intellectu existentes, & causantes formas inferiores per motum cæli.

\* Lib. 1. ca. 3.

Quia verò omne quod mouetur ab aliquo per se, & non secundum accidens, dirigitur ab eo in finem sui motus, corpus autem cæleste mouetur à substantia intellectuali, & causat per sui motum omnes motus in istis inferioribus: necessarium est quod corpus cæleste dirigatur in finem sui motus per substantiam intellectualem, & per consequens inferiora corpora in proprios fines. Sic igitur non est difficile videre qualiter naturalia corpora cognitione carentia moueantur & agant propter finem. Tendunt enim in finem sicut directa in finem à substantia intelligente per modum quo sagitta tendit ad signum directa à sagittate. sicut enim sagitta consequitur inclinationem ad signum siue ad finem determinatum ex impulsione sagittantis: ita corpora naturalia consequuntur inclinationem in fines naturales ex mouentibus naturalibus ex quibus sortiuntur suas formas & virtutes & motus. Vnde etiam patet quod quodlibet opus naturæ est opus substantiæ intelligentis. nam effectus principalis attribuitur primo mouenti dirigenti in finem, quam instrumentis ab eo directis: & propter hoc operationes naturæ inveniuntur ordinate procedere ad finem, sicut operationes sapientis. Planum igitur sit quod ea etiam quæ cognitione carent, possunt operari propter finem, & appetere bonum naturali appetitu, & appetere diuinam similitudinem, & propriam perfectionem. Non est autem differentia siue hoc siue illud dicatur. nam per hoc tendunt in suam perfectionem, quod tendunt ad bonum: cum vnumquodque intantum bonum sit, in quantum est perfectum. secundum verò quod tendit ad hoc quod sit bonum, tendit in diuinam similitudinem. Deo enim assimilatur aliquid in quantum bonum est: bonum autem hoc vel illud particulare habet quod sit appetibile in quantum est similitudo primæ bonitatis. Propter hoc igitur tendit in proprium bonum, quia tendit in diuinam

similitudinem, & non econuerso. Vnde patet quod omnia appetunt diuinam similitudinem quasi vltimum finem. Bonum autem suum cuiuslibet rei potest accipi multipliciter. Vno quidem modo secundum quod est eius proprium ratione individui: & sic appetit animal suum bonum cum appetit cibum quo in esse conseruatur. Alio modo, secundum quod est eius ratione speciei: & sic appetit proprium bonum animal, in quantum appetit generationem proles, & eius nutritionem: vel si aliquid aliud operetur ad conseruationem vel defensionem individuorum suæ speciei.

Tertio verò modo ratione generis: & sic appetit proprium bonum in causando agēs æquiuocum, sicut cælum. Quarto autem modo ratione similitudinis analogiæ principiorum ad suum principium: & sic Deus qui est extragenus, propter suum bonum omnibus rebus dat esse. Ex quo patet quod quanto aliquid est perfectioris virtutis, & eminentius in gradu bonitatis, tanto appetitum boni communioem habet, & magis in distantibus à se bonum querit & operatur. nam imperfecta ad solum bonum proprii individui tendunt: perfecta verò ad bonum speciei: perfectiora verò ad bonum generis: Deus autem qui est perfectissimus in bonitate, ad bonum totius entis. vnde non immerito dicitur à quibusdam quod bonum in quantum huiusmodi, est diffusum, quia quanto aliquid inuenitur melius, tanto ad remotiora bonitate suam diffundit: & quia in quolibet genere quod est perfectissimum, est exemplar & mensura omnium quæ sunt illius generis: oportet quod Deus qui est in bonitate perfectissimus, & suam bonitatem communissime diffundens, in sua diffusionem sit exemplar omnium bonitatem diffundentium. in quantum enim vnumquodque comunius bonitatem diffundit in alia, sit aliorum causa. Hinc etiam patet quod vnumquodque tendens ad hoc quod sit aliorum causa, tendit in diuinam similitudinem, & nihilominus tendit in suum bonum. Non est ergo inconueniens si motus corporum cælestium & actiones motorum eorum dicantur esse aliquantulum propter hæc corpora quæ generantur & corrumpuntur, quæ sunt eis indigniora. non enim sunt propter hæc sicut propter vltimum finem, sed intendentes horum generationem intendunt suum bonum, & diuinam similitudinem, tanquam vltimum finem.

*Super Cap. 24.*



POST QVAM ostendit S. Thom. omnia diuinam similitudinem appetere in causando, & omnia agere propter finem, vult nunc quædam dubia circa hæc remouere. Nam cum sint dicta duo: vnum, quod omnia agunt propter finem alterum, quod omnia agentia agunt propter assimilationem ad Deum: circa vtrumque vult quibusdam rationibus, quæ adduci contra determinatam veritatem possunt, satisfacere. Contra primum enim argui posset sic: Naturalia non arguunt propter finem, ergo non omnia propter finem agunt. Probatur antecedens, quia naturalia cognitione carent, nihil autem intendit sua actione aliquid determinatum nisi ab aliqua cognitione dirigatur. Contra secundum sic posset instari. Omnia agunt naturali appetitu propter suam perfectionem, tanquam propter finem, ergo non propter diuinam similitudinem.

Ad primum horum respondet, quod naturalia tendunt in finem sicut directa à substantia intelligente, eo modo quo sagitta dirigitur à sagittante, eo quod consequantur inclinationem in fines naturales ex mouentibus intellectualibus ex quibus sortiuntur suas formas & virtutes, & motus, sicut sagitta ex impulsione sagittantis tendit ad determinatum signum: ex quo sequitur quod quodlibet opus naturæ est opus substantiæ intelligentis, cum principalis effectus attribuitur primo mouenti dirigenti, quam instrumentis ab eo directis. Ostendit autem propositum dupliciter. Primo ex ordine agentium. Secundo ex ordine operum naturæ. Quantum ad primam viam arguitur sic: Corpus cæleste à substantia intellectuali mouetur: sed motus cæli ordinatur ad generationem in istis inferioribus, ergo generationes & motus horum inferiorum procedunt ex intentione substantiæ intelligentis: ergo omnia inferiora corpora à substantia intellectuali in proprios fines dirigitur. probatur prima consequentia: quia cælum est sicut instrumentum substantiæ intellectualis, cum sit causa inferiorum motuum secundum suum motum quo à tali substantia mouetur: in idem autem fertur finis & intentio principalis agentis & instrumenti. Secunda consequentia probatur, quia quod mouetur per se ab aliquo, & non secundum accidens, dirigitur ab eo in finem sui motus: cælum autem mouetur à substantia intellectuali, & causat per sui motum omnes motus in istis inferioribus, ergo per eam dirigitur in finem sui motus, ergo, &c. Ex primo consequenti inferit sanctus Thom. veritatem haberi eius quod dicitur à Boëtio in lib. primo de Trin. cap. 3. & à Platone de Processu formarum materialium à formis immaterialibus: quia cum species eorum quæ causantur & intenduntur ab intellectuali agente,

Contra Gent.

A



præstant in intellectu ipsius, & ex eis deriuantur in effectus, tanquam scilicet ex exemplaribus, ut patet in artifice, omnes formæ sensibiles & eorum motus determinantur à formis intellectuales quæ sunt in intellectu alicuius substantiæ intellectuales, si scilicet ab una tantum mouentur, puta à prima, aut aliquarum si à pluribus mouentur, puta à prima mediantibus secundis. Differimus autem in duobus à Platone, quia Plato posuit illas formas esse per se subsistentes, & immediate causare formas sensibiles, nos autem ponimus eas in intellectu existere, & causare inferiores formas per motum cæli.

CIRCA rationem qua probatur cælum esse instrumentum substantiæ intellectuales, aduertendum (ut habetur in præcedenti libro à sancto Thoma: & de veritate, quæst. 27. artic. 4. & in plerisque aliis locis) quod ratio instrumenti in quantum instrumentum est, ut moueat in quantum motum à principali agente: & ideo si cælum habet quod sit causa inferiorum motuum per motum quo mouetur à substantia intellectuali, optime sequitur quod eius sit instrumentum.

CIRCA illam propositionem: In idem fertur finis & intentio principalis agentis & instrumenti: aduertendum quod licet instrumentum ex propria forma aliquid operetur in quantum tamen instrumentum à principali mouente motum, ut dicitur 4. dist. prima, art. 4. semper aliquid ultra propriam virtutem operatur: ideo licet alia possit esse intentio principalis agentis & instrumenti in quantum virtute propria præcisè operatur, in quantum tamen per modum instrumenti operatur, oportet ut tendat ad illud ad quod per motum principalis agentis ordinatur: & sic oportet eandem intentionem & eundem finem esse utriusque in quantum huiusmodi. Loquitur ergo S. Thomas de intentione & fine instrumenti formaliter, in quantum videlicet est instrumentum. Sed aduertendum quod aut corruptus est textus, & debet sic habere: In eundem enim fertur finem intentio & principalis agentis & instrumenti: aut li, & exponendum est pro id est, ut li intentio sit expositio li finis, sitque sensus: In idem fertur finis, id est, intentio. Nam aliquando nomine finis utimur pro intentione, quia intentio est tantum finis. Dicimus enim finis meus est peruenire ad beatitudinem, id est, intendo ad beatitudinem peruenire.

CIRCA probationem secundæ consequentiæ attendendum primum, quod cum mouens per accidens, quod inquam mouenti per se coniungitur, ut hoc loco de mouente per accidens loquitur Sanctus Thomas, nihil ad effectum operetur, non agatque propter finem, non habet id quod mouetur, ut ad aliquid à tali mouente dirigatur, dicimus quidem album edificari per accidens, quia accidit edificatori esse album: domus tamen ad nullum finem ab alio in quantum huiusmodi dirigitur, sed mouens per se, hoc est ex forma & virtute propria, habet dirigere quod mouetur ad finem motus, quia omne agens & mouens per se agit, & mouet propter aliquem finem ad quem intendit per motum peruenire, sicut domificator dirigit lapides motos & cæmentum & ligna ad formam domus ad quam per motum istorum peruenitur, idcirco optime assumit sanctus Thomas quod omne quod mouetur ab aliquo per se & non secundum accidens, dirigitur ab eo in finem sui motus. Attendendum secundum, quod idcirco ex eo quod corpus cæleste dirigitur in finem sui motus à substantia intellectuali, deducit sanctus Thomas tanquam manifestum omnia corpora inferiora à tali substantia in proprios fines dirigi, quia ex eodem fundamento utrumque deducitur, ex hoc inquam quod omne quod mouetur ab aliquo per se, dirigitur ab eo in finem motus. Quum enim ita corpora inferiora per se moueantur à substantia intellectuali, sicut superiora, sequitur quod sicut propter hoc superiora diriguntur in finem sui motus à substantia intellectuali, ita & inferiora in suos fines ad quos per suos motus perueniunt, à tali substantia dirigantur. Secunda ratio est à signo, quia videlicet operationes naturæ inveniuntur ordinate procedere sicut operationes sapientis.

ADVERTE, ut dicitur secundo Sent. distinctione 41. quæstione prima, articulo primo, quod ordinare per modum ostendens finem, absolute est rationis ordinare autem per modum perfectè ostendens finem, est rationis perfectè per habitum, puta sapientiz: & ideo primo Metaphysicæ dicitur, quod sapientis est ordinare. Idcirco ubi in operationibus inuenitur ordinatus processus, signum est huiusmodi operationes ab aliquo sapiente & per intellectum agente aut immediate aut mediate procedere. Ad secundum dubium respondet sanctus Thomas negando consequentiam: quia inquam nihil differt siue hoc dicatur siue illud, id est, quodcumque illorum dicatur, habetur quod appetunt diuinam similitudinem: & vnum alterum non excludit: imò vnum infert reliquum. Hoc autem dupliciter declaratur. Primum sic, per hoc tendunt naturalia in propriam perfectionem, quod tendunt ad bonum per hoc verò quod tendunt ad bonum tendunt in diuinam similitudinem: quia Deo aliquid assimilatur in quantum est bonum. Vltimus, bonum particulare habet quod sit appetibile in quantum est similitudo primæ bonitatis, ergo tendit vnumquodque in proprium bonum, quia tendit in diuinam similitudinem, & non econuerso: ergo omnia appetunt diuinam similitudinem tanquam vltimum finem.

CIRCA istam propositionem, bonum particulare habet quod sit appetibile in quantum est similitudo primæ bonitatis, considerandum, quod in re quæ appetitur, est ipsum esse quod appetitur, & ratio appetibilis: sicut in visibili est id quod videtur, puta Sortes, & ratio videndi, scilicet color. Dicere ergo quod bonum hoc habet quod sit appetibile in quantum est similitudo primæ bonitatis, est dicere quod similitudo ad diuinam bonitatem est sibi ratio quare appetatur: ex quo sequitur quod non potest aliquid tendere in bonum per modum appetibilis quin tendat in diuinam similitudinem: sicut non potest aliquid videri quin videatur color, idem enim actus (ut dicitur 1.2. q. 12. ar. 4.) cadit super obiectum & super rationem obiecti. sequitur etiam quod in tali appetitione primum appetitum est diuinam similitudinem, & per consequens vltimus finis: quia quod est ratio appetitionis alicuius, est principalis appetitum. Propterea optime deduxit S. Thom. ex illa propositione quod omnia appetunt diuinam similitudinem tanquam vltimum finem. Secundum declaratur sic. Quantum aliquid est perfectioris virtutis & eminentius in gradu bonitatis, tanto appetitum communiorem habet, & magis in distantibus à se bonum querit & operatur: ergo Deus in diffusione suæ bonitatis est exemplar & mensura omnium bonitatem diffundentium: ergo vnumquodque tendens ad hoc quod sit aliorum causa, tendit

in diuinam similitudinem, & nihilominus tendit in bonum suum. Antecedens declaratur ex duobus. Primum ex diuerso modo appetendi proprium bonum. Appetit enim aliquid bonum suum aliquando secundum quod est eius proprium ratione individui: & sic animal suum bonum appetit cum appetit cibum quo conseruatur in esse: aliquando secundum quod est eius ratione speciei, id est, secundum quod est bonum speciei, sic & animal appetit generationem proles, & eius nutritionem, & si qua sunt conseruantia & defendentia individui suæ speciei: aliquando secundum quod est eius ratione generis: & sic agēs æquiuocum, ut cælum, appetit proprium bonum in causando, appetendo scilicet bonum sui generis, puta corporis, aliquando secundum quod est eius ratione analogiæ principiatorum ad suum principium: & sic Deus propter suum bonum dat esse omnibus rebus. Secundum declaratur antecedens ex eo quod à quibusdam dicitur, scilicet quod bonum in quantum huiusmodi est diffusiuum. quantum enim aliquid inuenitur melius, tanto ad remotiora, id est, ad magis distantia secundum naturam bonitatem suam diffundit. Prima verò consequentia probatur. In quolibet genere, quod est perfectissimum, est exemplar & mensura omnium quæ sunt illius generis: sed Deus est perfectissimus in bonitate, & suam bonitatem communissime diffundit, ex quo scilicet habet quod sit perfectissimum in genere causæ: quia in quantum vnumquodque magis bonitatem diffundit in alia, fit altior causa, ergo, &c. secunda autem consequentia non probatur, sed relinquitur pro manifesta. Si enim alia agentia exemplantur in agendo à Deo & eius bonitate, sequitur quod agendo tendant in diuinam similitudinem, & in suum bonum. Ex hoc excluditur obiectio quædam tacta etiam superius, quia posset alicui videri quod motus corporum cælestium & actiones motorum eorum non sint propter corpora quæ generantur & corrumpuntur, cum sint eis indigniora. Dicitur enim quod non est inconueniens ut sint aliqui aliter propter ipsa, cum non sint propter ipsa tanquam propter vltimum finem, sed propter bonum suum, & propter diuinam similitudinem.

CIRCA istam propositionem, Quantum aliquid perfectioris virtutis est, & eminentius in gradu bonitatis, tanto appetitum boni communiorem habet, dubium occurrit. Ex hoc enim sequitur quod Deus agat propter appetitum boni communissimi, cum ipse perfectissimæ bonitatis sit, quod etiam manifestè hic dicitur à S. Thom. ubi ait quod Deus dat omnibus esse propter bonum suum, secundum quod est eius ratione similitudinis analogiæ principiatorum ad suum principium. Huius autem oppositum videretur haberi de Potentia, quæst. 3. artic. 15. ad 14. ubi dicitur quod Deus agit ex amore finis, non autem ex appetitu finis.

Ad huius euidentiam considerandum est quod appetitus nomine dupliciter utimur pro nunc: quandoque quidem tanquam nomine particularis cuiusdam actus appetitus, qui alio nomine vocatur desiderium: & sic non agit Deus propter appetitum finis, quia appetitus hoc modo sumptus est rei non habitus, Deo autem nihil deest quod sua actione sibi velit acquirere, quandoque verò nomine appetitus utimur tanquam communi nomine ad omnia appetitus opera, ut etiam amare sit quoddam appetere: & sic non inconuenit Deum habere appetitum boni communissimi, & agere propter appetitum talis boni in quantum operatur & dat esse rebus, eo quod vult huiusmodi bonum: & hoc modo hic accipitur nomen appetitus: in quæstionibus autem de Potentia Dei accipitur primo modo.

SED aduertendum cum dicimus Deum agere propter bonum suum ratione similitudinis analogiæ, &c. quod hoc dupliciter possumus intelligere. Vno modo quod hoc bonum suum sit bonitas sua, quæ in seipso formaliter est bonus. Alio modo quod hoc bonum suum sit bonum formaliter inherens creaturæ. Si primo modo accipiamus, sic sensus est quod propter amorem suæ bonitatis, ad quam omnia habent quandam analogiam & similitudinem, propter bonum communissimum tamen ab omnibus per quandam similitudinem participatum, dat omnibus esse: & tunc bonum suum respectu ipsius habet rationem finis operantis, iuxta distinctionem de fine positam à sancto Thoma secundo Sententiarum, dist. prima, quæst. 2. art. primo. Si secundo modo intelligamus, sensus est quod Deus dat esse omnibus rebus, quia vult bonum omnium rerum, quod est quædam participata similitudo diuinæ bonitatis: & sic ad ipsam habet quædam analogiam & proportionem, ut etiam ipsum bonum creaturæ dicatur bonum Dei proportionaliter, in quantum est similitudo suæ bonitatis: & tunc bonum suum habet rationem finis operis, non autem operantis. Vult enim creaturam omnem ex operatione diuina consequi similitudinem quandam diuinæ bonitatis. ipsa autem diuina bonitas est id ex cuius amore vult ut eius similitudo communetur creaturæ. licet autem utroque modo, quod hic dicitur, possit habere veritatem, videtur tamen in secundo sensu accipiendum, dum inquit quod bonum suum quod vult Deus, est suum ratione similitudinis analogiæ principiatorum ad suum principium. ex hoc enim dat intelligere quod bonum ab ipso intentum in rerum creatione tanquam fine operis, est bonum principiatorum: quod est etiam bonum Dei secundum quandam analogiam & proportionem ad ipsius essentialem bonitatem.

### Quod intelligere Deum, est finis omnis intellectualis substantia. Cap. 25.



VVM autem omnes creaturæ etiam intellectu carentes ordinantur in Deum sicut in finem vltimum, ad hunc autem finem pertinent omnia, in quantum de similitudine eius aliquid participant: intellectuales creaturæ aliquo specialiori modo ad ipsum pertinent: scilicet per suam propriam operationem intelligendo ipsum. vnde oportet quod hoc sit finis intellectualis creaturæ, scilicet intelligere Deum. Vltimus enim finis cuiuslibet rei est Deus, ut ostensum est. intendit igitur vnumquodque sicut vltimo fini Deo coniungi, quantum magis sibi possibile est. Vicinius

Idē 1. p. q. 2. art. 4. & 2. q. 16. artic. 7. ad primū.

Cap. 18.



Vicinius autē cōiūgitur aliquid Deo per hoc q̄ ad ipsam substantiam eius aliquo modo pertingit (quod fit dum aliquid quis cognoscit de diuina substantia) quā dum consequitur eius aliquam similitudinē. substantia igitur intellectuali tendit in diuinā cognitionē sicut in vltimū finē.

2 Item, Propria operatio cuiuslibet rei est finis eius. est enim secunda perfectio ipsius: vnde quod ad propriā operationem bene se habet, dicitur virtuosum, & bonum: intelligere autem est propria operatio substantiæ intellectualis. ipsa igitur est finis eius. quod igitur est perfectissimum in hac operatione hoc est vltimus finis & præcipue in operationibus quæ non ordinantur ad aliqua operata: sicut est intelligere & sentire. cū autem huiusmodi operationes ex obiectis speciem recipiant, per quæ etiam cognoscuntur: oportet quod tantō sit perfectior aliqua istarum operationum, quantō eius obiectum est perfectius: & sic intelligere perfectissimū intelligibile, quod Deus est, est perfectissimum in genere huius operationis quæ est intelligere. cognoscere igitur Deum intelligendo, est vltimus finis cuiuslibet intellectualis substantiæ. Potest autem aliquis dicere intellectualis quidem substantiæ vltimum finem consistere in intelligendo optimum intelligibile: non tamen illud quod est optimum intelligibile huius vel illius intellectualis substantiæ est optimum intelligibile simpliciter. Sed quantō aliqua intellectualis substantia est altior, tantō suum intelligibile optimum est altius: & ideo suprema intellectualis substantia creata habet pro intelligibili optimo id quod est optimum simpliciter: vnde eius facilitas erit in intelligendo Deum. Cuiuslibet verō inferioris substantiæ intellectualis fœlicitas erit intelligere aliquod inferius intelligibile: quod est tamen altissimum eorum quæ ab ipsa intelliguntur. Et præcipue intellectus humani, videtur quod non sit intelligere optimum intelligibile simpliciter propter eius debilitatem. habet enim se ad cognoscendum illud quod est maximē cognoscibile: sicut oculus noctuæ ad Solem. Sed manifestē apparet quod finis cuiuslibet substantiæ intellectualis etiam inferioris est intelligere Deum. ostensum est enim suprā quod omnium entium vltimus finis in quem tendunt, est Deus. intellectus autem humanus etsi sit infimus in ordine intellectualium substantiarum, est tamen superior omnibus intellectu carentibus. cū ergo nobilioris substantiæ non sit ignobilior finis, erit etiā intellectus humani finis ipse Deus: vñ quodq; autē intelligēs cōsequitur suū finē vltimū per hoc quod ipsum intelligit, vt ostēdū est. intelligēdo igitur pertingit intellectus humanus ad Deū sicut ad finē.

3 Adhuc, sicut res intellectu carentes tendunt in Deum sicut in finem per viam assimilationis: ita substantiæ intellectuales per viam cognitionis, vt ex prædictis patet, res autem intellectu carentes etsi tendant in similitudinem proximorum agentium, non tamen ibi quiescit naturæ intentio: sed habet pro fine assimilationem ad summum bonum, vt ex dictis patet: etsi imperfectissimē ad hanc similitudinem possint pertingere. Intellectus igitur quantumcunque modicum possit de diuina cognitione percipere, illud erit sibi pro vltimo fine magis quā perfecta cognitio inferiorum intelligibilium.

4 Amplius, vñ quodque maximē desiderat suum vltimum finem. Intellectus autem humanus magis desiderat, & amat, & delectatur in cognitione diuinorum: quamuis modicum quidem de illis percipere possit, quā in perfecta cognitione quam habet de rebus infimis. est igitur vltimus finis hominis intelligere quoquo modo Deum.

5 Adhuc, vñ quodque tendit in diuinam similitudinē sicut in proprium finem. illud igitur per quod vñ quodque maxime Deo assimilatur, est vltimus finis eius. Deo autē assimilatur maxime creatura intellectualis per hoc quod intellectualis est. hāc enim similitudinē habet præ ceteris creaturis: & hoc includit omnes alias: in genere autem huius similitudinis magis assimilatur Deo secundum quod intelligit actū, quā secundum quod intelligit in habitu vel potentia: quia Deus semper actū intelligens

est, vt in primo lib. \* probatum est. & in hoc quod intelligit actū, maximē assimilatur Deo secundum quod intelligit ipsum Deum. nam ipse Deus intelligendo se, intelligit omnia alia, vt in primo lib. \* probatum est. intelligere igitur Deū est vltimus finis omnis intellectualis substantiæ.

6 Item, quod est tantū propter aliud diligibile, est propter illud quod est tantū propter se diligibile: non enim est abire in infinitum in appetitu naturæ: quia desiderium naturæ frustraretur: cū non sit possibile pertransire infinita. omnes autem scientiæ & artes & potentiæ practicæ sunt tantū propter aliud diligibiles, nam in eis finis non est scire, sed operari. Scientiæ autem speculatiuæ sunt propter seipsas diligibiles: nam finis earū est ipsum scire. Nec inuenitur aliqua actio in rebus humanis, quæ non ordinetur ad alium finem, nisi cōsideratio speculatiua. Nam etiā ipsæ actiones ludicæ quæ videntur absq; fine fieri, habent aliquem finem debitum, scilicet vt per eas quodammodo mente releuati, magis simus postmodum potentes ad studiosas operationes: aliās esset semper ludendum, si ludus propter se quæreretur: quod est inconueniens. Ordinatur igitur artes practicæ ad speculatiuas: & similiter omnis humana operatio ad speculationem intellectus sicut ad finem. In omnibus autem scientiis & artibus ordinatis ad illam videtur pertinere vltimus finis, quæ est præceptiua & architectonica aliarum: sicut ars gubernatoria ad quā pertinet finis naui, qui est vsus ipsius, est architectonica & præceptiua respectu naui factiua. Hoc autem modo se habet Philosophia prima ad alias scientias speculatiuas: nam ab ipsa omnes aliæ dependent, vtpote ab ipsa accipientes sua principia & directionē contra negantes principia: ipsa quæ prima philosophia tota ordinatur ad Dei cognitionem sicut ad vltimum finem: vnde & scientia diuina nominatur. est ergo cognitio diuina finis vltimus omnis humanæ cognitionis & operationis.

7 Adhuc, in omnibus agentibus & mouentibus ordinatis, oportet quod finis primi agentis & motoris sit vltimus finis omnium: sicut finis ducis exercitus est finis omnium sub eo militantium. Inter omnes autem hominis partes intellectus inuenitur superior motor: nam intellectus mouet appetitum proponendo ei suum obiectum. Appetitus autem intellectiui, qui est voluntas, mouet appetitus sensitiuos, qui sunt irascibilis & concupiscibilis: vnde & concupiscentiæ non obediunt nisi voluntatis imperium adfit. Appetitus autem sensitiuus adueniente cōsensu voluntatis mouet iam corpus. Finis igitur intellectus est finis omnium actionū humanarū: finis autē & bonum intellectus est verū: & per cōsequēs vltimus finis, primū verū. est igitur vltimus finis totius hominis & omnium operationum & desideriorū eius, cognoscere primū verum, quod est Deus.

8 Amplius, naturaliter inest omnibus hominibus desiderium cognoscendi causas eorum quæ videntur: vnde propter admirationem eorum quæ videbātur, quorū causæ latebant homines, primō philosophari cœperunt: inuenientes autem causam quiescebant. Nec fuit inquisitio quousque perueniatur ad primā causam: & tunc perfectē nos scire arbitramur, quādo primā causam cognoscimus. Desiderat igitur homo naturaliter cognoscere primam causam quasi vltimū finem: prima autē omnium causa Deus est: est igitur vltimus finis hominis cognoscere Deum.

9 Præterea, cuiuslibet effectus cogniti naturaliter homo causam scire desiderat. intellectus autē humanus cognoscit ens vniuersale: desiderat igitur naturaliter cognoscere causam eius, quæ solū Deus est, vt in secundo lib. \* probatum est. non est autem aliquis affectus finem vltimum quousque naturale desiderium quiescat: non sufficit igitur ad felicitatem humanam, quæ est vltimus finis, qualiscunque intelligibilis cognitio, nisi diuina cognitio adfit quæ naturæ desiderium quietet sicut vltimus finis. est igitur vltimus finis hominis ipsa Dei cognitio.

10 Amplius, corpus quod naturali appetitu tendit in suum vbi: tantō vehementius & velocius mouetur, quantō magis appropinquat fini, vnde probat Aristoteles in primo

\* Cap. 44.

\* Cap. 46.

\* Cap. 19.



\* *Tex. Com.* de Cælo\*, quod motus naturalis rectus non potest esse ad infinitum, quia non magis moueretur postea quam prius. Quod igitur vehementius in aliquid tendit postea quam prius, non mouetur ad infinitum, sed ad aliquid determinatum tendit. Hoc autem inuenimus in desiderio sciendi. quanto enim aliquis plura scit, tanto maiori desiderio affectat scire. tendit igitur desiderium naturale hominis in sciendo ad aliquem determinatum finem. Hoc autem non potest esse aliud quam nobilissimum scibile, quod Deus est: est igitur cognitio diuina finis ultimus hominis. Ultimus autem finis hominis, & cuiuslibet intellectualis substantiæ felicitas siue beatitudo nominatur. hoc enim est quod omnis substantia intellectualis desiderat tanquam ultimum finem: & propter se tantum. est igitur beatitudo & felicitas ultima cuiuslibet substantiæ intellectualis cognoscere Deum.

Hinc est quod dicitur Matth. 5. Beati mundo corde, quoniam ipsi Deum videbunt. & Ioan. 17. Hæc est vita æterna, ut cognoscant te solum Deum verum. huic etiam sententiæ  
\* *Cap. 10.* Aristoteles in ultimo Ethicorum \* concordat, ubi ultimam hominis felicitatem dicit esse speculatiuam quantum ad speculationem optimi speculabilis.

Super Cap. 26.

**P**OST QVAM ostendit sanctus Thomas qualiter Deus omnium sit finis, vult nunc ostendere qualiter particulari modo est finis substantiæ intellectualis. Circa hoc autem tria facit. Primo ostendit quod intelligere Deum est finis intellectualis creaturæ. Secundo inquit qualis cognitio de Deo sit eius finis, capit. 38. Tertiò conditiones huius finis ostendit, cap. 52. Quia autem finis substantiæ intellectualis est felicitas. Circa primum duo facit. Primo ostendit quod intelligere Deum, est eius finis & felicitas. Secundo ex hoc falsas de felicitate opiniones excludit cap. 27. Circa primum duo facit primum probat propositum: secundo mouet quædam dubia & soluit capitulo sequenti. Quantum ad primum proponit quod omnes quidem creaturæ pertinent ad Deum tanquam ad finem ultimum, in quantum de similitudine eius aliquid participant: creaturæ tamen intellectuales quodam specialiori modo ad ipsum pertinent, scilicet intelligendo ipsum, ideo finis ipsarum est Deum intelligere. Intelligitur conclusio de intelligentia Dei in communi, non descendendo ad cognitionem quæ per essentiam habetur, aut per creaturas, aut quouis alio modo. Probatur autem primum sic: Ultimus finis cuiuslibet rei est Deus, ergo intendit vnunquodque sicut ultime fini Deo coniungi quanto magis sibi possibile est. ergo substantia intellectualis tendit in diuinam cognitionem sicut in ultimum finem. primam consequentiam relinquit pro manifesta. Secunda verò probatur, quia vicinior coniungitur aliquid Deo dum ad eius substantiam aliquo modo cognoscendo pertingit, quam dum aliquam eius similitudinem consequitur.

Sed circa probationem huius consequentiæ dubitatur. Videtur enim falsum quod magis & vicinior aliquid coniungatur Deo cognoscendo, quam aliquam eius similitudinem participando, loquendo de cognitione Dei absolute, de qua loquitur sanctus Thomas in hoc capite. Nam in cognitione Dei quæ à nobis habetur in via de Deo, non cognoscitur Deus, nisi per speciem & similitudinem alicuius creaturæ, ergo Deus in tali cognitione non coniungitur nobis nisi per quandam sui imperfectam & deficientem similitudinem receptam in nobis, sicut & aliis rebus coniungitur in quantum species creaturæ quæ à nobis cognoscitur est quædam imperfecta similitudo Dei. ergo non magis coniungimur Deo cognoscendo, quam eius similitudinem participando. Responderetur quod hic non fit comparatio coniunctionum ad Deum per acceptionem ipsius Dei à creatura, quasi aliæ creaturæ accipiant aliquam similitudinem Dei, substantia autem cognoscens recipiat ipsam Dei substantiam ut supponit obiecto, sed fit comparatio coniunctionum ad ipsum Deum per modum cuiusdam attentionis, iuxta quod habetur primo Sententiarum, dist. 37. quæst. 1. art. 2. & sic dicitur quod vicinior coniungitur aliquid Deo per cognitionem substantiæ diuinæ, quam per acceptionem similitudinis eius. Per cognitionem enim quæ est operatio cognoscens manens in cognoscente, ipsum cognoscens aliquo modo attingit ipsam substantiam diuinam tanquam suæ operationis obiectum, licet non attingat ipsam tanquam inherenter sibi secundum esse. Per acceptionem autem alicuius participatæ similitudinis ipsius, res non attingit substantiam diuinam, sed tantum quandam eius similitudinem. & sic vicinior coniungitur res Deo per cognitionem quam per acceptionem cuiusque participatæ perfectionis. Secundo, intelligere est propria operatio substantiæ intellectualis, ergo est eius finis: ergo quod est perfectissimum in hac operatione, est ultimus finis ergo, &c. probatur prima consequentia, quia propria operatio cuiuslibet rei est eius finis, cum sit eius secunda perfectio, & quod ad propriam operationem bene se habet si dicitur virtuosum & bonum. secunda consequentia est manifesta: tertia verò probatur, quia intelligere Deum est perfectissimum in genere huius operationis. cum huiusmodi operationes ex obiectis speciem recipiant, & ex eis cognoscatur, Deus autem sit perfectissimum intelligibile.

CIRCA istam propositionem operatio propria cuiuslibet rei est finis eius, duo sunt attendenda. Primum est, quod duplex potest esse finis rei, ut dicitur 4. Sent. dist. 49. quæst. 1. art. 1. vnus extrinsecus, ultimus scilicet ad cuius affectionem res tendit: alius intrinsecus, illa scilicet operatio qua res suo fini extrinsecò primo coniungitur. Intelligitur ergo propositio sancti Thomæ non de fine extrinsecò, sed de intrinsecò. Secundum est, quod cum operationis nomen dupliciter accipi possit, scilicet prout nominat actionem, & prout nominat omne complementum potentie, secundum

quod superius cap. 22. diuisa est operatio in actionem & passionem, hoc loco non accipitur primo modo sed secundo modo. finis enim lapidis secundum quod naturaliter mouetur, non est aliqua actio ab ipsa producta, sed esse in loco deorsum. vnde in 4. Sent. loco allegato, hanc propositionem sanctus Thomas ponens, ait quod finis cuiuslibet rei est operatio propria, vel per operationem propriam ad finem venit. Nominem ergo operationis intelligitur hic complementum rei & perfectio rei qua primo suo extrinsecò fini coniungitur, si habeat extrinsecum finem. vnde prima probatio huius propositionis hic inducitur, quia operatio est secunda perfectio rei, id est, ultimum complementum perfectionis. perfectio enim rei diuiditur in primam tantum & secundam. verum tamen est quod res aliquam naturalem habens operationem quæ est actio, ipsam actionem pro fine habet: vnde & secundo Cæli, tex. 17. dicitur quod vnunquodque est propter suam operationem.

CIRCA secundam probationem dictæ propositionis aduerte. Cum dicatur virtuosus homo & bonus simpliciter, ex eo quod est bene dispositus & suo fini proportionatus, illud per comparisonem ad quod dicitur homo virtuosus & bonus, erit finis hominis: & vniuersaliter vnumquodque habet pro fine illud per comparisonem ad quod simpliciter dicitur bonum in suo genere, sicut bonum aurum est quod habet naturam & dispositionem suo fini ad quem ordinatur congruenter. Cum ergo virtuosum & bonum dicatur in ordine ad propriam operationem (est enim virtus, ut dicitur secundo Ethicorum, quæ bonum facit habentem. & opus eius reddit bonum, quod aliis verbis sanctus Thomas. expressit dicens, quod omne quod ad propriam operationem bene se habet, dicitur virtuosum & bonum) necesse est operationem propriam esse finem vniuscuiusque rei.

CIRCA illam propositionem, & præcipue in operationibus quæ non ordinantur ad aliqua operata. attendendum, quod non apparet quomodo immediate hæc verba præcedentibus coniungantur, & ideo aut aliquid deficit, puta hoc, sicut & in aliis operationibus, & præcipue &c. vel debet esse immediate post primam propositionem in principio rationis positam, post hæc scilicet propria operatio cuiuslibet rei est finis. Quomodo autem ponatur, ideo illam ponit sanctus Thomas. quia etsi in aliquibus operationibus dubium sit in iis scilicet quæ ordinantur ad aliqua operata (in illis enim ipsa operata videtur fines esse, ut in superioribus patuit) in illis tamen quæ ad alia operata non ordinantur, magis apparet quod ipse operationes sint fines.

CIRCA illam propositionem, Huiusmodi operationes ex obiectis speciem recipiunt, aduerte ex doctrina sancti Thomæ. 1. parte quæst. 14. art. 5. ad tertium, quod intelligitur de principali obiecto, non autem de obiecto quod in alio cognoscitur. Habet etiam veritatem de ipso principali obiecto ratione suæ speciei existentis in cognoscete quæ est principium operationis, quia omnis operatio specificatur ex principio formali operationis. Ex hoc tollitur contradictio quæ videtur esse in doctrina sancti Thomæ. dum aliquando dicit operationes specificari ex obiectis, aliquando verò dicit illas ex formalibus principiis specificari. Id enim vtrouque dicitur, quia obiecta non specificant nisi in quantum sunt formalia principia operationis per suas species, aut etiam per seipsa si in aliquibus id contingat.

A D hanc rationem responderi posset (inquit sanctus Thomas) quod ultimus finis substantiæ intellectualis consistit quidem in intelligendo optimum intelligibile, non tamen optimum intelligibile cuiuslibet earum est optimum intelligibile simpliciter, sed secundum gradum ipsarum est gradus optime intelligibilium ab ipsis: & ideo felicitas supremæ substantiæ est in intelligendo optimum intelligibile simpliciter, qui est Deus. aliarum autem felicitas est in intelligendo alia optime intelligibilia inferiora secundum earum gradus. Et præcipue videtur de intellectu humano, quod eius non sit intelligere optimum intelligibile simpliciter, quia ad cognoscendum maxime intelligibile se habet sicut oculus non ad Sole.

Sed contra hanc responsionem arguitur probando quod finis cuiuslibet substantiæ intellectualis etiam inhæret Deum intelligere. primum, Omnium enim ultimus finis est Deus, ut ex superioribus patet, ergo & intellectus humani. ergo Deum intelligere, est ultimus eius finis. patet consequentia, quia intellectus humanus, id est, anima intellectiua est superior omnibus intellectu carentibus, nobilioris autem substantiæ non est ignobilior finis. Secunda quoque consequentia probatur, quia ut ostensum est supra, vnumquodque intelligens consequitur finem suum ultimum per hoc quod ipsum intelligit. Secundo, res intellectu carēs non quiescunt in similitudine ad proxima agentia, sed habent pro fine assimilationem ad summum bonum, etsi imperfectè ad eam possint pertingere. ergo & intellectus quantumcunque modicum de Deo cognoscere possit, illud erit sibi pro ultimo fine magis quam perfecta cognitio inferiorum intelligibilium. probatur consequentia, quia sicut illa tendunt in Deum sicut in finem per viam assimilationis, ita substantiæ intellectuales per viam cognitionis. Tertiò, intellectus humanus magis desiderat, amat, & delectatur in cognitione diuinorum etiam modica, quam in perfecta infirmarum rerum cognitione, ergo &c. probatur consequentia, quia vnumquodque maxime desiderat suum finem. Tertiò, principaliter arguitur ad conclusionem. Deo maxime assimilatur creatura intellectualis per hoc quod est intellectualis, cum hanc præ cæteris habeat creaturis, & omnes alias hæc similitudo includat, & in hoc genere similitudinis magis Deo assimilatur cum intelligit actum, quam cum intelligit habitum vel potentiam, quia Deus est semper intelligens actum, & in hoc quod intelligit actum, maxime assimilatur Deo secundum quod ipsum Deum intelligit, cum ipse Deus intelligat omnia alia, ergo &c. probatur consequentia, quia illud per quod vnumquodque maxime Deo assimilatur, est ultimus eius finis, cum vnumquodque tendat in diuinam similitudinem sicut in ultimum finem.

CIRCA illam propositionem: Similitudo ad Deum in natura intellectuali includit omnes alias, aduertendum, quod cum similitudo sit conuenientia in forma, secundum conditionem formæ, oportet esse similitudinis conditionem: natura autem intellectualis omnes gradus formales aliarum rerum virtualiter continet, sicut & anima intellectiua omnes alias formas vnité continet. Nam continet esse, continet viuere, continet sentire, continet moueri secundum locum: ideo quod assimilatur Deo in natura intellectuali, assimilatur ipsi quantum ad omnes perfectiones ostendit secundum quas aliæ creaturæ illi assimilantur. propterea bene inquit sanctus



sancti Thomae hanc similitudinem omnes alias similitudines includere & continere. Quarto, omnes artes practicae & omnis humana operatio ordinatur ad speculationem intellectus sicut ad finem: omnis speculatio ordinatur ad Metaphysicam, Metaphysica quantum ad ea quae antecedunt cognitionem traditam de Deo, ordinatur ad Dei cognitionem, sicut ad ultimum finem: ergo cognitio Dei est finis omnis humanae cognitionis & operationis. Probatur primum antecedens, quia quod est tantum propter aliud diligibile, est propter illud quod est propter se tantum diligibile, quum non sit in infinitum abire in appetitu naturae: alioquin frustraretur naturae appetitus. omnes autem scientiae & artes & potentiae practicae sunt tantum propter aliud diligibiles: cum earum finis sit operari. Scientiae autem speculativae, cum earum finis sit scire, sunt propter se ipsas diligibiles, nec inveniuntur aliqua actio in rebus humanis excepta speculatione, quae non ordinatur ad alium finem: quod maxime manifestatur ex ludicris operationibus quae videntur absque fine fieri. Nam & ipsae habent aliquem finem debitum, scilicet releuationem mentis, & maiorem potentiam ad studiosas operationes, aliis esset semper ludendum. Secundum vero antecedens probatur, quia à prima philosophia omnes aliae scientiae speculativae dependent, tanquam ab ipsa sua accipientes principia, & ab ipsa contra negantes principia directè. In omnibus autem scientiis & artibus ordinatis ad illam videtur pertinere ultimus finis quae est praecipua & architectonica aliarum, ut patet de arte gubernatoria navis, respectu navis factiua.

CIRCA hanc rationem tria sunt quae dubietate afferunt. Primum est, quia dicitur, omnes practicas scientias ordinari ad opus, & speculativas esse per se ipsas diligibiles. Hoc enim videtur falsum, quia aliquis potest addiscere scientias practicas, ad hoc tantum ut sciat, & aliquis potest addiscere speculativam scientiam propter lucrum. Secundum est, quia dicitur omnem humanam operationem ordinari ad speculationem intellectus, ut ad finem. hoc enim videtur falsum, quia multas operationes homo facit non ordinans eas ad speculationem: imò nihil de speculatione cogitans. Tertium est, quia adducitur pro ratione: quare actiones ludicae non queruntur propter se, quia videlicet aliis esset semper ludendum. Ista autem ratio non videtur sufficiens, quia quum hic dicatur speculationem queri propter se, sequitur quoddam semper sit contemplationi insistentium. hoc autem videtur falsum, cum nullus inveniatur qui semper contemplationi insistant, ergo &c.

AD evidentiam primi dubij considerandum est, quod hic loquitur sanctus Thomas de scientia practica & speculativa in quantum huiusmodi sunt, & de his quae sibi per se conveniunt: non autem de his quae ipsis accidunt ex intentione addiscendis: scientiae autem practicae in quantum practicae est conveniunt ut ad opus aliquod extra intellectum ordinetur, ut patet ex ratione ipsius. dicitur enim scientia practica quae est de rebus operabilibus in quantum operabilia sunt: talis autem notitia per se ad opus ducit ordinem, & habet ut ipsum proportionem tanquam ad illud propter quod, ut sic est inuenta, & à natura data sunt nobis principia ad eam inveniendam. Quamvis autem quandoque non sequatur ex ipsa scientia opus, non tollitur propter hoc quin ad opus sicut ad finem ex se ordinetur, sicut si ex medicina non sequatur sanitas, aut etiam medicina ad alium effectum ab aliquo ordinetur quam ad sanitatem, non sequitur quod medicina secundum se habeat pro fine sanitatem, & ad illam in quantum est medicina ordinetur. Similiter speculatio secundum naturam suam, in quantum scilicet est speculatio, non habet quod ad aliud ordinetur tanquam ad finem, sed magis propter se ipsam queratur, licet aliqua speculatio in quantum est deficiens & imperfecta, ad perfectiorem ordinetur, sicut aliae scientiae speculativae ad Metaphysicam, tanquam ad perfectiorem & altiorum cognitionem ordinantur. Quia tamen non inconuenit aliquid rei praeter suam naturam ab extrinseco convenire, ideo non inconuenit ut ex intentione acquirentis scientiam, cognitio practica propter se queratur, & speculativa ad aliquid aliud ordinetur, sed hoc ipsis per accidens, & praeter naturam ipsarum cõuenit. Dicitur ergo ad dubium, quod non procedit ratio contra sanctum Thomam, quia arguitur de eo quod per accidens istis scientiis attribuitur. Sanctus Thomas autem loquitur de eo quod ipsis convenit per se & secundum propriam naturam.

PER hoc etiam patet solutio ad secundum. licet enim aliquis suas actiones quae conveniunt homini in quantum homo est, & ut ab aliis distinguitur, quae scilicet ratione sunt regulatae, ad speculationem non ordinet, omnes tamen secundum naturam suam sunt ad contemplationem ordinabiles, & ad illam proportionem habent vel mediare vel immediate, in quantum aliquo modo ad ipsam disponunt, aut causando aliquid speculationi deferunt, sicut ludicae actiones quibus animus recreatur, & sit promptior ad speculationem: aut speculationis impedimenta remouendo, sicut actiones virtutum moralium inordinatas remouet passiones quae habent ad speculationem deturbare, & sic de aliis actionibus quibus aut mediare aut immediate ad speculationem homo iuuatur. Ad tertium dicendum, quod utique semper insistentium esset speculationi intellectus per se loquendo, & natura speculationis considerata, tunc quia (ut dicitur 12. quæst. 35. art. 5. ad tertium) contemplatio secundum se nunquam habet rationem mali cum nihil aliud sit quam consideratio veri, quod est bonum intellectus: tum quia est finis: finis autem queritur in infinitum, ut dicitur à sancto Thom. 2. 2. 12. 1. 1. tum quia delectationi quae est in considerando, nihil est contrarium, ut dicitur primo Topicorum, cap. 10. & decimo Ethicorum cap. 8. quod intelligendum est per se, ut notat sanctus Thom. allegato. Vnde beati qui nihil habent à contemplatione retrahens, semper vacant contemplationi. Per accidens tamen contingit ut contemplationi non sit semper insistentium propter varias necessitates humanae vitae, & quia ex longa & diuturna contemplatione fatigatur homo, ex eo quod ad speculationem huius vitae oporteat opus virium sensitiuarum concurrere.

Ludus autem non habet ex se vnde sibi semper sit insistentium. Et si enim ut dicitur 2. 2. 168. artic. secundo, ad tertium, ipsae operationes ludae secundum suam speciem non ordinantur ad aliquem finem, ut patet 10. Ethic. cap. 7. delectatio tamè quae in ludo habetur, ordinatur ad aliquam animae recreationem & quietem: unde & hic dicitur, quod tales ludicae actiones quae videntur absque fine fieri, habent aliquem finem debitum, ratione scilicet delectationis coniunctae, & superius in hoc tertio libro capit. secundum dictum est, quod actiones ludicae interdum sunt finis, quandoque autem sunt propter finem, quod etiam intelligendum est ratione delectationis adiunctae.

nem, quod etiam intelligendum est ratione delectationis adiunctae.

Quinto, finis intellectus est finis omnium actionum humanarum: ergo ultimus finis totius hominis & omnium desideriorum & actionum eius est cognoscere primum verum, qui est Deus. patet consequentia, quia finis & bonum intellectus est verum, & per consequens primum verum est ultimus finis. antecedens verò probatur, quia inter omnes hominis partes intellectus inuenitur superior motor, quod patet ex ordine mouentium in homine. In omnibus autem agētibus & mouētibus ordinatis, finis primi agentis & motoris est ultimus finis omnium, ut patet in exercitu.

AD VERTE, quod accipiendo motorem communiter ut se extendit ad mouentem per modum finis, & ad mouentem per modum efficientis, intellectus est primus motor in homine: quia mouet voluntatem per modum finis: quod significauit sanctus Thom. dū dixit quod mouet appetitum proponendo ei suum obiectum. Nam bonum & finis est obiectum voluntatis. accipiendo autem motorem pro mouente per modum efficientis, voluntas est primus motor, in quantum omnes alias animae vires aut per essentiam, aut per participationem rationales ad operationem mouet. Quomodo autem se habeat intellectus ad voluntatem in mouendo per modum finis, satis dictum est in primo libro.

Sexto, naturaliter inest omnibus hominibus desiderium cognoscendi causas eorum quae videntur, ut patet ex philosophandi origine, nec sistit inquisitio quousque perueniatur ad primam causam: ad quam cum peruenimus, arbitramur nos perfecte scire, ergo naturaliter homo desiderat cognoscere primam causam tanquam ultimum finem. ergo &c.

AD VERTE ND VM quod ista ratio supponit finem omnis humanae inquisitionis & cognitionis esse ultimum hominis finem, quia ex superioribus rationibus constat omnes actus humanos ad speculationem intellectus secundum se ordinē habere. Septimo, intellectus humanus cognoscit ens vniuersale, id est ens in quantum ens. ergo naturaliter desiderat cognoscere causam eius, sed hec causa est Deus: ergo cognitio Dei est ultimus finis. non autem cognitio qualiscunque alterius intelligibilis sufficit ad humanam felicitatem. probatur prima consequentia, quia cuiuslibet effectus cogniti homo naturaliter causam scire desiderat. Secunda etiam probatur, quia non est aliquis affectus finem ultimum quousque eius naturale desiderium quiescat.

CIRCA efficaciam huius rationis dubium occurrit. Sicut enim homo naturaliter desiderat cognoscere causam entis communis, ita particularium rerum desiderat causas particulares cognoscere, & sicut non quietatur naturale desiderium ex cognitione cuiuscunque intelligibilis, nisi ad sit & cognitio Dei, ita non quietatur naturale desiderium ex sola Dei cognitione, qui est vniuersalis omnium causa, nisi ad sit & particularium causarum cognitio. ergo sicut hic arguitur quod cognitio Dei est finis, quia si ipsa non ad sit, non est naturali desiderio satisfactum: ita concludi poterit quod finis ultimus hominis erit cognitio particularium causarum: quia nisi illa ad sit cognitioni causae vniuersalis quae est Deus, non quiescit naturale hominis desiderium. Responderetur quod ratio sancti Thomae procedit supposito naturali ordine nostrae cognitionis, quo ex cognitione inferiorum in superiorum cognitionem ascendimus, puta ex his quae mouentur, ascendimus in cognitionem substantiarum separatarum, & ex illarum cognitione in Dei cognitionem peruenimus, & cognitio inferiorum ad cognitionem superiorum ordinatur, & illi praesupponitur naturaliter. iste enim est naturalis ordo nostrae cognitionis, non autem ut à suprema causa ad inferiorum cognitionem descendamus, ac si cognitio illius ad inferiorum cognitionem ordinetur.

ISTO ergo ordine supposito optime procedit ratio sancti Thomae. quodcunque enim intelligibile creatum cognouerimus, restat adhuc naturale desiderium cognoscendi causam entis vniuersalis, quae est Deus: illa autem habita, nulla vltior cognitio desideratur. ideo illa est ultimus finis, non autem cognitio alterius intelligibilis. Non est ergo eadem ratio de cognitione causae vniuersalis quae est Deus, & de cognitione causarum propriarum, quia cognitio causae istius vniuersalis includit praesuppositiue cognitionem causarum particularium ex qua causatur, sicut affectio finis praesupponit affectionem mediorum ordinatorum ad finem: & ad vltiorem cognitionem non ordinatur, & ideo ipsa posita completur desiderium: ipsa autem non posita non completur: & propter hoc est ultimus finis. cognitio autem causarum particularium non includit cognitionem primae causae tanquam medium ad ipsam ordinatum, imò ipsa illius cognitionem naturali ordine respicit tanquam id quod perfectius: & ideo quamuis ipsa ponatur, non propter hoc naturale desiderium cognoscendi Deum, sicut habita euacuatione beneficio medicinae adhuc desideratur sanitas.

AD VERTE autem quod ista ratio differt à precedente, quia in illa arguitur ex eo quod Deus est rerum prima causa, hic autem arguitur ex eo quod Deus est causa immediata entis in quantum ens. Vltimò, quanto aliquis plura scit, tanto maiori desiderio affectat scire: ergo naturale hominis desiderium in sciendo, ad aliquem determinatum finem tendit, hoc autem non potest esse aliud quam nobilissimum scibile, quod est Deus, ergo &c. probatur consequentia, quia quod vehementius tendit in aliquid quam prius, non mouetur ad infinitum, sed ad aliquid determinatum tendit, quod probatur ex corpore naturaliter moto & ex Arist. ratione primo Caeli, text. 44. Ex praedictis inferat sanctus Thom. corollarie, quod quia ultimus finis cuiuslibet creaturae intellectualis felicitas siue beatitudo nominatur, substantiae intellectualis beatitudo & felicitas est cognoscere Deum. Confirmatur autem auctoritate Math. 5. Ioan. 17. & Arist. in vltimo libro Ethicorum.

Quod felicitas in actu voluntatis non consistit.

Cap. 26.



VIA verò intellectualis substantia sua operatione pertingit ad Deum non solum intelligendo, sed per actum etiam voluntatis desiderando & amando ipsum, & in ipso delectationem habendo: potest alicui videri quod

Contra Gent.

A 3



*D. 271.* vltimus finis & vltima hominis foelicitas non fit in cognoscendo<sup>d</sup> Deum, sed magis in amando, vel aliquo alio actu voluntatis se habendo ad ipsum: præcipue cum obiectum voluntatis sit bonum quod habet rationem finis: verum<sup>d</sup> etiam quod est obiectum intellectus non habeat rationem finis nisi in quantum & ipse est bonum. vnde non videtur homo consequi vltimum finem per actum intellectus, sed magis per actum voluntatis.

*D. 752.* 2 Præterea vltima perfectio operationis est delectatio quæ perficit operationem, sicut pulchritudo iuventutem, vt in decimo Ethicorum Philosophus dicit \*. Si igitur perfecta operatio est vltimus finis, videtur quod vltimus finis magis sit secundum operationem voluntatis quam intellectus.

3 Adhuc, delectatio videtur ita propter se desiderari, quod nunquam propter aliud. stultum enim est querere ab aliquo quare velit delectari. hæc autem est conditio vltimi finis, vt scilicet propter se queratur: est igitur vltimus finis magis in operatione voluntatis quam intellectus, vt videtur.

4 Item, in appetitu vltimi finis maxime omnes concordant, cum sit naturalis: plures autem querunt delectationem quam cognitionem: magis igitur videtur esse finis delectatio quam cognitio.

5 Amplius, voluntas videtur esse altior potentia quam intellectus: nam voluntas mouet intellectum ad finem. intellectus enim actu considerat quæ habitu tenet cum aliquis voluerit. Actio igitur voluntatis videtur nobilior quam actio intellectus. magis igitur videtur vltimus finis, quæ est beatitudo, consistere in actu voluntatis, quam in actu intellectus. Hoc autem esse impossibile manifeste ostenditur. Cum enim beatitudo sit proprium bonum intellectualis naturæ, oportet quod secundum id intellectuali naturæ conueniat, quod est sibi proprium, appetitus autem non est proprium intellectualis naturæ, sed omnibus rebus inest, licet sit diuersimodè in diuersis: quæ tamen diuersitas procedit ex hoc quod res diuersimodè se habent ad cognitionem. Quæ enim omnino cognitione carent, habent appetitum naturalem tantum. Quæ verò habent cognitionem sensitiuam, & appetitum sensibilem habent: sub quo irascibilis & concupiscibilis continentur. Quæ verò habent cognitionem intellectiuam, & appetitum cognitioni proportionatum habent, scilicet voluntatem. Voluntas igitur secundum quod est appetitus, non est proprium intellectualis naturæ: sed solum secundum quod ab intellectu dependet: intellectus autem secundum se proprius est intellectuali naturæ. Beatitudo igitur vel foelicitas in actu intellectus consistit substantialiter & principaliter magis quam in actu voluntatis.

*D. 215.* 2 Adhuc, in omnibus potentiis quæ mouentur à suis obiectis, obiecta sunt naturaliter priora actibus illarum potentialium: sicut motor naturaliter prior est quam moueri ipsius mobilis. Talis autem potentia est voluntas. appetibile enim mouet appetitum: obiectum igitur voluntatis est prius naturaliter quam actus eius. Primum igitur eius obiectum præcedit omnem actum ipsius: non potest ergo actus voluntatis primum volitum esse, hoc autem est vltimus finis quæ est beatitudo: impossibile est igitur quod beatitudo siue foelicitas sit ipse actus voluntatis.

3 Præterea, in omnibus potentiis quæ possunt conuerti in suos actus, prius oportet quod actus illius potentie feratur in obiectum aliquod, & postmodum feratur in suum actum. Si enim intellectus intelligit se intelligere, prius oportet ponere quod intelligat rem aliquam, & consequenter quod intelligat se intelligere. nam ipsum intelligere quod intellectus intelligit, alicuius obiecti est: vnde oportet quod vel procedatur in infinitum, vel si est deuenire ad primum intellectum: hoc non erit ipsum intelligere, sed aliqua res intelligibili. Similiter oportet quod primum volitum non sit ipsum velle, sed aliquid aliud bonum. primum autem volitum intellectualis naturæ est ipsa beatitudo siue foelicitas: nam propter hoc volumus quæcunque volumus: impossibile est igitur foelicitatem essentialiter in actu voluntatis consistere.

4 Amplius, vnumquodque secundum ea quæ constituit substantiam eius, habet naturæ suæ virtutem. differt enim verus homo à picto per ea quæ substantiam hominis constituunt: vera autem beatitudo non differt à falsa secundum actum voluntatis: nam eodem modo se habet voluntas in desiderando, vel amando, vel delectando quicquid sit illud quod sibi proponitur vt summum bonum, siue verè, siue falsò, vt autem verè sit summum bonum quod vt tale proponitur, vel falsò, hoc differt ex parte intellectus. beatitudo igitur siue foelicitas in intellectu essentialiter magis quam in actu voluntatis consistit.

5 Item, si aliquis actus voluntatis esset ipsa foelicitas, hic actus esset, aut desiderare, aut amare, aut delectari: impossibile est autem quod desiderare sit vltimus finis. Est enim desiderium secundum quod voluntas tendit in id quod nondum habet: hoc autem contrariatur rationi vltimi finis. Amare etiā non potest esse vltimus finis: amatur enim bonum non solum quando habetur, sed etiam quando non habetur: ex amore enim est quod non habitum desiderio queratur: etsi amor iam habiti perfectior sit, hoc causatur ex hoc quod bonum habetur amatum. Aliud est igitur habere bonum quod est finis, quam amare: quod ante habere est imperfectum, post habere perfectum. Similiter autem nec delectatio est vltimus finis. Ipsum enim habere bonum, causa est delectationis: vel dum bonum nunc habitum sentimus, vel dum prius habitum memoramur, vel dum in futuro habendum speramus: non est igitur delectatio vltimus finis: nullus ergo actus voluntatis potest esse substantialiter ipsa foelicitas.

6 Adhuc, si delectatio esset vltimus finis, ipsa secundum seipsam esset appetenda. hoc autem est falsum. refert enim quæ delectatio appetatur ex eo ad quod consequitur delectatio. nam delectatio quæ consequitur bonas & appetendas operationes, bona est & appetenda: quæ autem malas, mala est & fugienda. habet igitur quod sit bona & appetenda ex alio: non est igitur ipsa vltimus finis, quod est foelicitas.

7 Adhuc, rectus ordo rerum conuenit cum ordine naturæ. nam res naturales ordinantur in suum finem absque errore. In naturalibus autem est delectatio propter operationem, & non e converso. videmus enim quod natura illis operationibus animalium delectationem apposit, quæ sunt manifeste ad fines necessarios ordinatæ: sicut in vsu ciborum, qui ordinatur ad conseruationem indiuidui, & & in vsu venereorum, qui ordinatur ad conseruationem speciei. nisi enim adesset delectatio, animalia à prædictis vsibus necessariis abstinere. impossibile ergo est quod delectatio sit vltimus finis.

8 Item, delectatio nihil aliud esse videtur quam quietatio voluntatis in aliquo bono conuenienti: sicut desiderium est inclinatio voluntatis in aliquod bonum consequendum. sicut autem homo per voluntatem inclinatur in finem, & quietatur in illo: ita corpora naturalia habent inclinationes naturales in fines proprios: quæ quidē quietantur sine iam adepto. Ridiculum autem est dicere quod finis motus corporis grauis non sit esse in loco proprio, sed quietatio inclinationis qua in hoc tendebat. Si enim hoc principaliter natura intenderet vt inclinatio quietaretur, non daret eam: dat autem eam vt per hoc in locum proprium tendat: quo consecuto quasi fine, sequitur inclinationis quietatio: & sic quietatio talis non est finis, sed cōcomitans finem. Nec igitur delectatio est finis vltimus, sed concomitans ipsum. multò igitur magis nec aliquis voluntatis actus est foelicitas.

9 Adhuc, si alicuius rei sit aliqua res exterior finis: illa eius operatio dicitur esse finis vltimus per quam primò consequitur rem illam: sicut his quibus pecunia est finis, dicitur etiam possidere pecuniam finis: non autem amare neque concupiscere: Finis autem vltimus substantiæ intellectualis est Deus: illa igitur operatio hominis est substantialiter eius beatitudo vel foelicitas per quam primò attingit ad Deum: hoc autem est intelligere: nā velle non possumus quod non intelligimus. Est igitur vltima foelicitas hominis



hominis in cognoscendo Deum per intellectum substantialiter, & non in actu voluntatis.

Iam igitur per ea quæ dicta sunt, patet solutio in contrarium obiectorum. Non enim si felicitas per hoc quod habet rationem summi boni est obiectum voluntatis: propter hoc necesse est quod sit substantialiter ipse actus voluntatis: ut prima ratio procedebat. Immo ex hoc ipso quod est primum obiectum, sequitur quod non actus eius ut ex dictis apparet. Nec etiā oportet quod omne id quod res quocunque modo perficitur, sit finis illius rei, sicut secunda ratio procedebat. Est enim aliquid perfectio alicuius dupliciter. Vno modo, ut habentis iam speciem. Alio modo, ut ad speciem habendam: sicut perfectio domus secundum quod iam habet speciem, est id ad quod species domus ordinatur, scilicet habitatio. Non enim domus fieret nisi propter hoc. Vnde & in diffinitione domus oportet hoc poni, si debeat diffinitio esse perfecta. perfectio vero ad speciem domus est tam id quod ordinatur ad speciem constituendam sicut principia substantialia ipsius, quam id quod ordinatur ad speciei conseruationem: sicut appodiacula quæ sunt ad sustentationem domus: quàm etiam illa quæ faciunt ad hoc quod vsus domus sit conuenientior: sicut pulchritudo domus. Illud igitur quod est perfectio rei secundum quod iam habet speciem, est finis ipsius: ut habitatio est finis domus. Et similiter propria operatio cuiuslibet rei quæ est quasi vsus eius, est finis ipsius. Quæ autem sunt perfectiones rei ad speciem, non sunt finis rei, imo res est finis ipsarum. materia enim & forma sunt propter speciem. Licet enim forma sit finis generationis, non tamen est finis iam generati, & speciem habentis: imò ad hoc queritur forma, ut species sit completa. Similiter conseruatiua rem in sua specie, ut sanitas & vis nutritiua, licet perficiant animal, non tamē sunt finis animalis, sed magis eōuerso. Ea etiam quibus aptatur res ad proprias operationes speciei perficiendas, & ad debitum finem congruentius consequendum: non sunt finis rei, sed magis eōuerso: sicut pulchritudo hominis, & robur corporis, & alia huiusmodi: de quibus dicit Philosophus in primo Ethicorum, \* quod organicè deferuiunt felicitati. Delectatio autem est perfectio operationis: non ita quod ad ipsam ordinetur operatio secundum suam speciem, sed ordinatur ad alios fines: sicut comestio ordinatur ad conseruationē indiuidui: sed est similis perfectioni quæ ordinatur ad speciem rei: nam propter delectationē attētiū & decentius operationi insitimus in qua delectamur. Vnde

\* Cap. 12. D. 619. ad ipsam ordinetur operatio secundum suam speciem, sed ordinatur ad alios fines: sicut comestio ordinatur ad conseruationē indiuidui: sed est similis perfectioni quæ ordinatur ad speciem rei: nam propter delectationē attētiū & decentius operationi insitimus in qua delectamur. Vnde

\* Cap. 4. in decimo Ethicorū \* Philosophus dicit quod delectatio perficit operationem, sicut decor iuuentutem: qui quidem

Ad 3. est propter eum cui inest iuuentus, & non econuerso. Neque autem quod delectationem non propter aliqd volunt homines, sed propter seipsam, est sufficiens signum quod delectatio sit vltimus finis, sicut tertia ratio concludebat. Nam delectatio etsi nō sit vltimus finis, est tamen vltimum finem concomitans: quum ex adeptione finis delectatio

Ad 4. confurgat. Non autem plures querunt delectationem quæ est in cognoscendo, quàm cognitionē: sed plures sunt qui querunt delectationes sensibiles, quàm cognitionem intellectus: & delectationem ipsam consequentem: quia ea quæ exterius sunt, magis nota pluribus existunt: eo quod

Ad 5. a sensibilibus incipit humana cognitio. Quod autē quinta ratio proponit, voluntatem esse altiore intellectu quasi eius motiuam, falsum esse manifestum est. Nam primò & per se intellectus mouet voluntatem. Voluntas enim in quantum huiusmodi mouetur à suo obiecto, quod est bonum apprehensum: voluntas autē mouet intellectum quasi per accidens, in quantum scilicet intelligere ipsum apprehenditur ut bonum: & sic desideratur à voluntate: ex quo sequitur quod intellectus actu intelligit, & in hoc ipso voluntatem præcedit. Nunquam enim voluntas desideraret intelligere nisi prius intellectus ipsum intelligere apprehenderet ut bonum. Et iterum voluntas mouet intellectum ad operandum in actu per modum quo agens mouere dicitur. Intellectus autem voluntatem per modum quo finis

mouet. nam bonum intellectum est finis voluntatis: agens autem est posterior in mouendo quàm finis. nam agens non mouet nisi propter finem: vnde apparet intellectum simpliciter esse altiore voluntate: voluntatem verò intellectu per accidens, & secundum quid.

## Super Cap. 26.



V M in præcedenti capite determinatum sit felicitatem & beatitudinem in intellectu Dei consistere, in hoc capite vult sanct. Thom. quædam dubia remouere quibus posset alicui videri quod magis in actu voluntatis consisteret.

Circa hoc autem tria facit. Primò mouet dubia. Secundò probat beatitudinem in actu voluntatis non posse consistere. Tertiò ad obiecta respondet. Quantum ad primum adducuntur quinque rationes quibus videtur quod felicitas magis in actu voluntatis consistat, quàm in actu intellectus. Prima est: Obiectum voluntatis est bonum quod habet rationem finis. & verum quod est obiectum intellectus, non habet rationē finis nisi in quantum est bonum: ergo homo non consequitur vltimum finem per actum intellectus, sed magis per actum voluntatis.

Secunda est: Vltima perfectio operationis est delectatio, ut patet decimo Ethic. ergo, &c. probatur consequentia, quia perfecta operatio est vltimus finis. Tertia est: Delectatio ita propter se videtur desiderari, quod nunquam propter aliud, ergo est vltimus finis, ergo, &c. Quarta est, Plures querunt delectationem quàm cognitionem, ergo, &c. probatur consequentia, quia in appetitu vltimi finis maxime omnes concordant, cum sit naturalis. Quinta est, Voluntas est altior potentia quàm intellectus, quia mouet intellectum ad finem, ergo actio voluntatis est nobilior actio intellectus, ergo, &c. Quantum ad secundum probat S. Thom. istis non obstantibus quod est impossibile vltimam hominis felicitatem in actu voluntatis consistere: & arguit primò sic: Beatitudo secundum illud intellectuali naturæ conuenit, quod est sibi proprium. ergo in actu intellectus substantialiter consistit & principaliter magis quàm in actu voluntatis. probatur antecedens, quia beatitudo est proprium bonum intellectus naturalis. consequentia verò probatur, quia intellectus secundum se est proprius intellectuali naturæ, voluntas autem secundum quod est appetitus, non est ei propria, sed solum secundum quod ab intellectu dependet, cum appetitus omnibus rebus insit diuersimodè, tamen secundum quod diuersimodè se habent ad cognitionem, ut patet per appetitus & naturas discurrendo.

ADVERTENDVM quod voluntas habet quod sit appetitus, in quo cum appetitu aliarum rerum conuenit, & habet ut consequatur intellectum, in quo ab aliarum rerum appetitu differt. nam appetitus naturalis formam naturalem consequitur. sensitiuus autem sensitiuam. Licet ergo voluntas sit propria intellectuali naturæ, non tamen habet ut sit illi propria in quantum absolute est appetitus, sed in quantum est intellectus appetitus. ideo tota proprietates ipsius ad intellectuales naturam est ex intellectu, sicut proprietates appetitus naturalis ad rem naturalem est ex naturali forma, & proprietates sensitiui appetitus ad animal est ex sensu. Propterea bene inquit S. Thom. quod intellectus secundum se hoc est non propter dependentiam ex aliqua alia virtute, est proprius intellectuali naturæ, voluntas autem est proprius eius secundum quod ab intellectu dependet. Secundò, primum obiectum voluntatis præcedit omnem actum eius, ergo eius actus non potest esse primum volitum, ergo non potest esse beatitudo. probatur anteced. quia in omnibus potentis quæ mouentur à suis obiectis, obiecta sunt naturaliter priora actibus illarum potentiarum, sicut motor præcedit naturaliter moueri. voluntas autem est talis potentia, cum moueatur ab appetibili. Prima consequentia patet, secunda verò probatur, quia primum volitum est vltimus finis, quæ est beatitudo.

ADVERTENDVM quod cum beatitudo dupliciter accipi possit, vti in superioribus paruit. scilicet quatum ad communem rationem beatitudinis, quæ est ratio summi boni, & quatum ad rationē particularem eius, in quo ratio summi boni saluatur: cum dicitur quod primum volitum est vltimus finis, quæ est beatitudo, accipitur beatitudo non solum quantum ad communem rationem summi boni per se & absolute acceptam: sed etiam quantum ad particularem rationem eius in quo summi boni ratio saluatur. Nam hic loquitur S. Thom. non de prioritate durationis, sed de prioritate perfectionis. perfectissimum autem appetibile & volubile est id in quo summi boni ratio inuenitur, accipiendo summum bonum ut per se extenditur & ad vltimum finem extrinsecum creaturæ intellectus, qui est Deus: & ad vltimum finem intrinsecum, qui est adeptio illius extrinseci finis. & hoc dicitur primum obiectum volutaris, & primum volitum propter quod omnia alia sunt volenda, & hoc naturaliter omnem actum voluntatis præcedit, sicut esse obiectum præcedit naturaliter actum potentie quam mouet, ea scilicet prioritate qua dicitur natura prius, à quo non conuertitur subsistendi consequentia. Idcirco cum nihil seipso secundum eandem rationem naturaliter prius sit, optime sequitur, ut deducit S. Thom. quod actus voluntatis non potest esse ipsa beatitudo: quod est primum volitum.

Tertiò, in omnibus potentis quæ possunt conuertere in suos actus, oportet quod prius actus illius potentie feratur in obiectum aliquod, & postmodum feratur in suum actum, ut patet in intellectu prius intelligente aliquod obiectum, quàm intelligat se intelligere. ergo primum volitum non potest esse ipsum velle. sed aliquid aliud bonum, ergo nec potest esse essentialis beatitudo. probatur secunda consequentia, quia primum volitum intellectus naturæ est ipsa beatitudo. propter hoc enim volumus quæcunque volumus.

AD hoc rationem posset ex verbis Scoti in quarto Sententiarum, distinctione 49. quæstione quarta, dici quod utique voluntatis actus non est primum volitum, sed hoc est obiectum ad extra, & consequenter non est finis omnino vltimus propter quem omnia volumus: & hoc concludit ratio, huic tamen non repugnat quin magis appropinquet ad simpliciter vltimum extra ipse actus voluntatis, quàm actus intellectus, & ex hoc habeat quod sit vltimus finis intrinsecus, & beatitudo essentialis



intrinsicam. Secundò, posset hæc ratio reprehendi tanquam per fallaciam æquiuocationis peccans. Nam quum dicitur quòd primum volitum non est ipsum velle, quia potentia prius fertur in obiectum aliquod quàm in suum actum: ibi accipitur primum volitum prioritate durationis, cum autem subsumitur quòd primum volitum est beatitudo, accipitur primum volitum prioritate perfectionis: quod patet, quia adducitur pro ratione quòd propter hoc volumus quæcunque volumus. hæc enim est conditio & ratio perfectissimi voliti.

Ad tollendam autem hanc Scoti responsionem considerandum est ex doctrina sancti Thomæ prima secundæ, quæstione vndecima, articulo tertio, & quarto, distinctione 49. quæst. 2. articulo quarto, quæstione tertia, quòd quum duplex sit finis vltimus, vnus scilicet extrinsecus, qui ad nullum omnino finem ordinatur, alius verò intrinsecus, qui scilicet & ipse ad nullum vltiorem finem ordinatur intrinsecum, & finis intrinsecus sit assequutio quædam finis extrinseci, siue operatio quæ fini exteriori primò coniungitur: isti duo fines simul sumpti habent rationem vnus voliti, inquantum vnus est ratio volendi alterum: & ideo vtrunque habet rationem primi voliti in suo ordine, dum enim aliquis vult pecuniam tanquam vltimum finem, simul vult pecuniam & consequentem pecuniam, aut possessionem ipsius, inquantum est eius assequutio, ita quòd & pecunia & assequutio pecuniarum habent rationem vnus voliti: & sicut apud ipsum pecunia est primum volitum, ita & eius assequutio, vnus sicut extrinsecus finis, alterum sicut intrinsecus.

Si etiam in vera beatitudine & vero vltimo fine voluntas vult simul Deum & assequutionem eius: nec vult Deum sicut vltimum suum finem sibi acquirendum nisi simul volendo eius assequutionem, inquantum est eius assequutio: vnde & vtrunque simul est primum volitum, Deus quidem primum volitum extrinsecum, assequutio autem inquantum huiusmodi primum volitum intrinsecum. Ex hoc sequitur optimè (ita concludit ratio) quòd actus voluntatis non potest esse vltimus finis etiam intrinsecus nedom extrinsecus, sic arguendo: Vltimus finis tam intrinsecus quàm extrinsecus est primum volitum, quia vterque simul est id propter quod omnia aut scilicet explicite aut implicite volumus: sed actus voluntatis non est primum volitum, ergo nullo modo est vltimus finis. probatur minor, quia primum in quod fertur potentia quæ super actum suum reflectitur, non est actus ipsius potentie, sed aliquid aliud in quod fertur sicut in obiectum. oportet enim quemlibet huiusmodi actum habere aliquod obiectum à se distinctum ad quod potentia ordinem habeat, & in quod per ipsum actum feratur, vt patet in omnibus huiusmodi potentis discurrendo. sed voluntatis obiectum est volitum & appetibile, ergo oportet vt prius voluntas velit aliquid aliud quàm suum actum: & sic eius actus non potest esse primum volitum. Constat itaque responsionem Scoti non infringere rationem sancti Thomæ: & quòd ipsa ratio optimè concludit actum voluntatis non posse esse vltimum finem etiam intrinsecum. Ad secundum respondetur, quòd per primum volitum intelligit sanctus Thomas non primum duratione tantum, nec primum perfectione, vt sic, sed primum secundum naturam absolutè. tale autem dicitur quòd præsupponitur aliis volitis, ita quòd aliis positus ipsum ponitur, & ipso remoto alia remouentur: & in hoc sensu vera est vtraque propositio. Nam verum est quòd velle non potest esse primum volitum, quia præsupponit aliud volitum, scilicet obiectum ad quod terminatur ipsum velle. Si enim ponitur velle, oportet esse aliquid ad quod terminetur: & si non ponitur aliud obiectum ad quod terminetur, non potest poni ipsum velle. oportet enim omnem actum & operationem ad aliquod obiectum terminari, quum ab ipso speciem sumat. Similiter verum est quòd primum volitum est beatitudo, primum dico secundum naturam, quia nihil præsupponitur volitum prius propter quod beatitudinem quis velit, sed omne quod quis vult, propter ipsam vult beatitudinem, aut explicite, aut implicite, quia virtus vltimi finis in omni volito saluetur, sicut & virtus primi efficientis in omnibus secundis efficientibus saluatur. Quum autem dicitur quòd ratio adducta pro secunda propositione probat de primitate secundum perfectionem, dicitur quod vtrique ex illa ratione concludi potest beatitudinem esse primum volitum primitate perfectionis, quia primitas perfectionis in causis efficientibus & finalibus concomitatur primitatem naturæ. Prima enim causa efficiens secundum naturam, quæ scilicet omnibus aliis præsupponitur, est perfectissima omnium causarum efficientium: & primum simpliciter volitum, ad quod scilicet omnia volita ordinantur tanquam in vltimum finem est perfectissimum volitum: verumtamen ex illa ratione concludi etiam potest beatitudinem esse primum volitum prioritate naturæ. Prius enim natura volumus id propter quod omnia volumus, quàm quæcunque alia. Et ad hoc concludendum inducitur à sancto Thoma. Ex hoc enim quòd propter beatitudinem volumus quæcunque volumus, patet quòd beatitudo ad alium vltiorem finem non ordinatur, & quòd omnia à nobis volita ad ipsum tanquam ad vltimum finem tendunt, in quo consistit ratio primi voliti secundum naturam.

ATTENDENDVM autem quòd ista ratio differt à priori, quia in præcedenti probatur actum voluntatis non esse primum volitum ex ordine naturali inter obiectum & actum voluntatis absolute considerata inquantum est actus: in hac autem ratione idem probatur ex ordine inter obiectum & actum voluntatis, inquantum & ipse potest habere rationem voliti.

Quartò, vera beatitudo à falsa differt ex parte intellectus, non autem ex parte voluntatis, quum voluntas eodem modo se habeat in amando vel desiderando, vel delectando quicquid illud sit quòd sibi proponitur vt summum bonum, siue verè, siue falsè. Vtrum autem verè vel falsò sit summum bonum, differt ex parte intellectus: ergo, &c. probatur consequentia, quia vnumquodque secundum ea quæ constituunt substantiam eius, habet suæ naturæ veritatem, sicut verus homo differt à pseudo per ea quæ substantiam hominis constituunt. sed videtur ista ratio deficere. Quum enim dicitur quòd vera beatitudo differt à falsa ex parte intellectus, aut intelligitur quòd ex aliquo ad intellectum pertinente differat tanquam ex forma, aut quòd talis differentia per actum intellectus cognoscatur. Si primo modo accipitur, tunc illa propositio à tenentibus beatitudinem intrinsecam esse actum voluntatis, negabitur. non enim apud ipsos ex aliquo ad intellectum pertinente vera beatitudo à falsa di-

stinguitur, sed ex eo quod ad voluntatem pertinet. Si autem secundo modo intelligatur, falsa est consequentia, & probatio nulla est, si sic arguatur: Vnumquodque secundum ea quæ constituunt substantiam eius, habet suæ naturæ veritatem: sed vera beatitudo cognoscitur distinguere à falsa per intellectum, non autem per voluntatem: ergo quod pertinet ad intellectum, est de essentia & substantia beatitudinis: non autem quod pertinet ad voluntatem: iterum negatur consequentia, quia arguitur ex propositionibus non syllogizatis. Responderetur quòd ratio optimè concludit si bene intelligatur. Dicitur enim quòd propositio illa: Vera beatitudo differt à falsa ex parte intellectus, intelligitur in primo sensu, scilicet quòd ex aliquo ad intellectum pertinente formaliter differat à falsa. Et licet Scotus eam fortè negaret, est tamen vera, & probari potest si natura intellectus & voluntatis consideretur. Ad cuius euidentiam considerandum est quòd cum voluntatis obiectum sit bonum cognitum, & voluntas non feratur in obiectum nisi secundum quòd per intellectum proponitur, & secundum eam rationem secundum quam sibi proponitur, non refert quantum ad voluntatem vtrum illud quòd sibi proponitur tanquam summum bonum & beatitudo, sit secundum veritatem summum bonum necne: quia dummodo sibi offeratur sub ratione summi boni, ad quam rationem naturalem habet inclinationem, in ipsum feretur acceptando: & ideo iudicium de vera beatitudine non potest sumi ex ipsa voluntate, quasi in hoc quòd est verè beatitudo, feratur voluntas amando illud, & in ipso se oblectando, in eo autem quòd non est vera beatitudo non se oblectet. Sed bene iudicium de vera beatitudine sumitur ex ipso intellectu. Cum enim beatitudo & summum bonum sit perfectum bonum & summa perfectio creaturæ intellectualis, inquantum intellectualis est, illud verè est beatitudo & summum bonum hominis, quod est verè perfectum bonum & summa perfectio ipsius inquantum est intellectualis natura: quod autem non est verè talis perfectio, non est verè summum bonum ipsius. Natura verò intellectualis habet vt intellectualis dicatur, ex eo quòd habet intellectum: ideo vera beatitudo à falsa ex ordine ad intellectum formaliter differt. Et sic constat quòd si debeat poni beatitudo essentialiter consistere in actu intellectus aut in actu voluntatis, magis ponenda est in actu intellectus. Et hoc est intentum rationis sancti Thomæ.

Quintò, neque desiderare, neque amare, neque delectari, est ipsa felicitas, ergo, &c. Probatur antecedens quantum ad omnes partes. Non enim est desiderium, quia desiderium est non haberi, quod contrariatur rationi vltimi finis. Non amor, quia aliud est habere bonum quod est finis, quàm amare, quum ante habere sit imperfectum, post habere verò sit perfectum. Non etiam est delectatio, quia causatur ex eo quòd est habere bonum. Nam amatur bonum etiam antequam habeatur, & amor habiti perfectior est ex hoc quòd bonum habetur amatum. Non etiam est delectatio, quia causatur ex eo quòd est habere bonum.

ADVERTENDVM primò quòd in hac ratione præsupponitur felicitatem formalem & intrinsecam consistere in consequentia vltimi finis extrinseci, siue obiecti talis felicitatis: quod expresse ponitur prima secundæ, quæstione quinta, articulo primo & quarto. Item, quarto Sententiarum, distinctione 49. articulo septimo, quæstione secunda. hoc enim supposito constat quòd repugnat rationi vltimi finis, scilicet formalis & intrinseci, vt hic dicitur, quòd sit actus ad id quod nondum habetur terminatus. non enim actus qui est non habiti, inquantum huiusmodi est consequentia finis extrinseci, quum consequentia rei importet quandam habitationem ipsius: & propterea desiderium quod ad non habitem terminatur, & amor rei absentis, non possunt esse vltimus finis intrinsecus, quæ dicimus felicitatem: amor autem qui est iam habiti, & delectatio quæ ex re iam habita & possessa causatur, non possunt esse ipsa finis consequentia, qui est vltimus finis, sed ipsam præsupponunt, quum præsupponant præsentiam & habitationem obiecti beatifici. Et sic patet quòd ratio sancti Thomæ optima est. Ad ipsam tamen responderet Scotus in loco præallegato, quòd vtrique per actum voluntatis, qui est desiderium, non est assequutio finis: negatur tamen quòd per amorem qui est rei præsentis, non sit talis finis assequutio, imò dicitur quòd per amorem est finis assequutio primò primitate perfectionis, licet sit per intellectum aliqua ipsius assequutio prior prioritate generationis.

SEDI ista responsio rationem sancti Thomæ non tollit, tum quia amare non est consequi rem amatam, neque inquam primò, neque secundariò, quum amor sit etiam rei absentis, & quando est rei præsentis, nihil aliud sit quàm complacentia quædam appetitus in re præsentis & habita: complacentia autem talis non est rei consequentia: sed ex ipsa causatur, & tanto est maior, quàm est perfectior consequentia rei amatæ, & quàm maior est vnio secundum rem amantem & rei amatæ.

SI autem adducatur dictum sancti Thomæ, prima secundæ, quæstione 28. articulo primo, ad tertium, dicentis quòd amor est magis vnitiuus quàm cognitio. Dicitur primo, quòd ibi fit comparatio cognitionis nostræ in via ad amorem. Dicitur secundò, quòd amor est magis vnitiuus causaliter, vt patet in illo articulo, quia amor facit quòd amans querat sibi rem amatam vnire. Dicitur tertio, quòd amor est magis vnitiuus formaliter secundum affectus vnionem: est enim formaliter ipsa vnio secundum coaptationem affectus ad amatum, vt ibidem ostendit sanctus Thomas. Nos autem hic loquimur de vnione secundum rem quæ fit per consequentiam vltimi finis extrinseci. vnumquodque enim nititur vniri sibi realiter suum vltimum finem. Talis autem vnio fit secundum intellectum, inquantum diuina essentia vnitur intellectui beatorum, non per similitudinem, sed per seipsam. non autem fit per amorem nisi fortè inquantum amor includit vnionem illam per intellectum. Vnde cognitio qua beati vident Deum, est magis vnitiua quàm amor ipsius inquantum huiusmodi præcise.

Sextò, delectatio non est vltimus finis, ergo multò magis neque aliquis alius actus voluntatis. Antecedens tripliciter probatur. Primò, quia non est secundum se appetenda, sed hoc habet ex operationibus quas consequitur, est enim bona & appetenda quæ bonas & appetendas operationes consequitur, fugienda autem quæ consequitur malas, & consequenter non potest habere rationem vltimi finis. Secundò, quia in naturalibus est delectatio propter operationem, & non econuersò, vt patet in vsu ciborum & venereorum, quorum vnum ordinatur ad conseruationem indiuidui, alterum ad conseruationem speciei, rectus autem ordo rerum



terum conuenit cum ordine naturæ, quia & ordo naturæ est absque errore, sicut scilicet & ordo rerum absolutè. Tertiò, delectatio nihil aliud esse videtur quam quietatio voluntatis in aliquo bono conuenienti, sicut desiderium est inclinatio in aliquod bonum consequendum, ergo nõ est vltimus finis, sed ipsum concomitans. Probatur consequentia ex rebus naturalibus, quæ etiam ipsæ & in suos fines inclinantur, & quietantur sine alio adepto. Nam finis motus grauis est quietatio inclinationis qua in locum proprium tendebat. non enim natura daret inclinationem si principaliter intenderet ut inclinatio quietaretur, sed dat eam ut in proprium locum tendat: quo consequuto quasi sine, sequitur inclinationis quietatio.

CIRCA consequentiam huius rationis quam sanctus Thomas non probat, aduertendum quod quia delectatio maximè ad se appetitum trahit, quod ad rationem vltimi finis pertinere videtur, & est concomitans omnem adaptionem boni conuenientis, maximè videtur habere rationem vltimi finis inter omnes actus appetitus. Vnde etiam Aristoteles in decimo Ethicorum relinquit sub dubio, quid principalius ad beatitudinem pertineat, cognitio scilicet, an delectatio: propterea pro manifesto relinquit sanctus Thomas, si delectatio non est vltimus finis, quod multò minus alij actus appetitus, de quibus minus videtur, sunt finis vltimus.

CIRCA primam probationem antecedentis dubitatur, quia licet delectatio sit appetenda ex bonis operationibus, hoc tamen non tollit quin ipsa sit propter se appetenda tanquam finis. Nam non est appetenda ex huiusmodi operibus tanquam ex fine, id quod tolleretur rationem vltimi finis sed tanquam ex causa aliquo modo ipsius productiua. vnde inquit sanctus Thomas prima secundæ, quæst. 2. art. 6. ad primum, quod delectatio propter se & non propter aliud appetitur, si li propter, dicat causam finalem. est autem appetibilis propter aliud, si li propter, dicat causam motiuam aut formalem.

CIRCA secundam probationem etiam dubium occurrit ex sancto Thom. 1. 2. q. 4. artic. 2. ad secundum. ibi enim tenet quod secundum sensitiuum appetitum, qui est in animalibus, operationes queruntur propter delectationem: sed constat quod brutum secundum naturam instinctum ad suas operationes mouetur, ergo in naturalibus operatio est propter delectationem, non econuersò, cuius oppositum in hac ratione fuitur. Ad tertiam probationem respondet Scotus, quod si delectatio accipitur pro passione appetitus quæ est perfectio superueniens operationi, conceditur quod ipsa consequitur affectionem finis, non solum primam generationem, sed etiam primam perfectionem, quia consequitur actum amandi vel fruendi sine viro, & sic conceditur quod ista non est vltimus finis. Si autem accipitur pro actu elicitò à voluntate quietatiuo ipsius, negatur quod consequatur primam affectionem finis primitate perfectionis, imò est sic prima affectio finis, licet sequatur aliquam affectionem finis, id est, eius præsentiam per intellectum. Ad primum horum dicitur primò, quod aliquid potest dici bonum & appetibile dupliciter. Vno modo in esse naturæ. Alio modo in genere moris. Primò modo consideratur bonitas rei absolute secundum quod in se est. Secundo modo consideratur in ordine ad rectam rationem. dicitur enim bonum moraliter, quod est conforme & proportionatum rectæ rationi, & est secundum rectum rationem appetibile. Propositio ergo hæc, Delectatio non est secundum se appetenda, sed ex operationibus quas consequitur, est intelligenda in genere moris, non autem secundum esse naturæ. Sic enim verum est quod ex se non est appetenda, quia ex se non dicitur aliquod bonum concors rationi, aut discordans ab ea, sed ex operationibus quod illi sit conformis aut diffinis: in esse tamen naturæ est bona & appetibilis secundum se: propter quod inquit sanctus Thomas. quarto Sen. d. 49. q. 3. art. 4. quod delectatio in quantum delectatio aliquod bonum nominat. Dicitur secundò, quod dupliciter aliquid potest dici propter se appetendum. Vno modo, quia ad alium vltiorem finem omnino diuersum nõ ordinatur, propter quæ acquirendum habeat appetitum. Alio modo, qui ex sua propria ratione habet bonitatem propter quam appetatur, & non ratione alicuius appetibilis cui coniungatur. vtrumque autem ad rationem vltimi finis requiritur, scilicet & ut vltiorem finem non ordinetur, & ut ex seipso habeat sufficientem bonitatem & appetibilitatem tam in esse naturæ quam in genere moris. patet enim quod Deus, qui est vltimus finis extrinsecus, vtrumque habet conditionem: & similiter Dei cognitio quæ habetur in patria, quæ neque ad alium vltiorem finem intrinsecum ordinatur, neque est bona & appetibilis ex aliquo intrinsecò cui ut eius dispositio coniungatur sed ex ipsa appetibilis est delectatio autem beatorum est ad alium finem omnino extraneum non ordinatur, quia concomitatur vltimum finem, caret tamen secunda perfectione. nõ enim ex propria ratione habet quod sit bona & appetibilis moraliter, sed ratione operationis, quam comitatur. vnde prima secundæ, questione trigesima quarta, articulo tertio ad tertium, inquit sanctus Thomas, quod delectatio non habet, quod sit optimum ex hoc quod est delectatio, sed ex hoc quod est perfecta quies in optimo. bene ergo procedit ratio sancti Thomæ. Nam probatur delectationem non esse vltimum finem ex defectu secundæ conditionis, quam vltimo fini inesse oportet, quia videlicet ex propria ratione non est appetenda moraliter, sed ex ratione alicuius adiuncti ad quod ipsa delectatio consequitur.

Ad secundum dicitur, quod ordo inter operationem & delectationem brutorum dupliciter considerari potest. Vno modo in comparatione ad appetitum sensitiuum ipsum brutum. Si comparatur ad institutorem naturæ, & talis ordinis, sic delectatio est appositio operationibus propter ipsas operationes, non autem operationes sunt institutæ propter delectationes, intendens enim institutor naturæ conseruationem indiuidui, & multiplicationem indiuiduorum in eadem specie, ut animalia operationibus vacent per quas indiuidua & conseruantur & multiplicentur, illis delectationes appositæ quibus ad prædictas operationes alliciuntur. Si autem ad appetitum brutum comparatur, cuius obiectum est bonum delectabile secundum sensum, sic eorum ratio per ipsum appetitum operationes ad delectationes ordinantur, in quantum bruta operationes propter delectationes querunt. Loquitur ergo in hoc loco sanctus Thomas de illo ordine comparando ad intentionem instituentis naturam & ordinem: in loco autem allegato loquitur de ipso ordine comparando ipsum ad appetitum sensitiuum.

SED videtur ista responsio non satisfacere. bruta enim non mouentur ex seipsis ad suas operationes, sed naturali necessitate mouentur secundum inclinationem sibi datam à datore naturæ: ergo ordo appetitionis brutalis non contrariatur ordini intentionis instituentis naturam, sed eius adimplet intentionem, ergo illa distinctio nulla est.

Respondetur quod duplex est intentio instituentis naturam in ordine huiusmodi, vna est prima & principalis, alia est secundaria. Prima & principalis est, ut indiuidua & species per operationes conseruentur, & ad hoc operationibus adiuncta est delectatio. Secundaria est, ut querat operationes ex appetitu delectationis, & ad hoc data est brutis naturalis inclinatio ad querendum operationes propter delectationes, sicut si diceremus quod lex proponens præmia studiosarum operationum, primò & principaliter intendit ut homo studiosis operibus vacet, & ad hoc ordinat præmium. secundariò autem & accessoriè intendit quod homo allectus præmio querat propter præmium consequendum studiosas operationes. Distinctio ergo data intelligenda est per comparationem ad primam intentionem instituentis ordinem, & per comparationem ad appetitum sensitiuum, qui mouetur secundum intentionem secundam instituentis: & sic constat quod licet bruta moueantur secundum inclinationem datam sibi ab institutore naturæ, ordo tamen ab ipso appetitu seruatus distinguitur ab ordine primo & principaliter intento ab institutore naturæ, sicut ordo secundariò intentus ab ordine principaliter intento, & ad ipsum ordinatus.

Ad responsionem Scoti ad tertiam rationem dicitur quod nõ euacuat rationem sancti Thomæ: supponit enim vnum falsum, scilicet quod beatitudo formalis & intrinseca essentialiter consistat in perfectissima coniunctione ad finem extrinsecum, quæ est perfectissima extensiuè.

Hoc autem est falsum. Nam aliud est loqui de beatitudine quantum ad omnimodam eius perfectionem tam essentialem quam accidentialem: aliud est loqui de ipsa quantum ad eius duntaxat perfectionem essentialem & specificam, & quantum ad perfectissimam operationem secundum se, quæ est in beatitudine. Ad omnimodam enim ipsius perfectionem requiritur & visio & delectatio ipsam visionem concomitans, sed ad essentialem eius perfectionem & specificam sola visio Dei per essentialiter pertinet, & per consequens sola vnio perfecta, quia scilicet anima attingit Deum in se, ut pote per suam essentialiter in anima existentem, vnio autem quæ est per actum voluntatis ad beatitudinem, consequitur & ipsam perficit vnionem, propter quod sit aut per possibile aut per impossibile delectatio separaretur à visione, videns Deum esset quidem beatus essentialiter, non autem completiue, quia careret perfectione beatitudinem concomitante. Vnde contra Scoti responsionem sic argui potest. Id quod vltimum finem formaliter consequitur & præsupponit, non est essentia beatitudinis intrinseca & formalis, sed actus voluntatis quæ Scotus appellat quietatiuum, præsupponit vltimum finem siue beatitudinem formalem, ergo non est essentia huiusmodi beatitudinis. probatur maior, Voluntas non potest elicere actum sui quietatiuum nisi habito à voluntate vtroque fine, scilicet & extrinseco & intrinseco, quia ad vtrumque finem simul mouebatur, dum volens Deum appetebat illum sibi vniri & coniungi: motus autem non cessat nisi habito fine: ergo actus elicitus à voluntate eius quietatiuus præsupponit habitationem vtriusque finis: ergo præsupponit beatitudinem formalem in beato. Si dicitur quod eadem operatio est hic affectiua perfectæ finis extrinseci & quietatiua, ut dicit Scotus: Contra, supponitur primò, quod quilibet actus voluntatis terminatur ad aliquod obiectum, & quod obiectum quietationis voluntatis est bonum præsens, hoc est de mente omnium Philosophorum. Supponitur secundò, quod idem sit obiectum desiderij dum est absens, & quietationis voluntatis dum est præsens. patet enim hoc in omni appetitu. Tunc sic. Actus desiderij erat circa vltimum finem, non solum extrinsecum, sed etiam intrinsecum & formalem, quia beatus antequam esset beatus, non solum desiderabat Deum, sed etiam assequutionem Dei, & vnionem ad ipsum secundum seipsum: ergo & obiectum quietationis est nõ solum vltimus finis extrinsecus, sed etiam finis intrinsecus, qui est formalis beatitudo: ergo ipse actus quietatiuus non est formalis beatitudo, sed ipsam præsupponit præsentem in beato.

Patet prima consequentia per secundum præsuppositum: patet quoque secunda consequentia per primum.

Septimò principaliter arguitur: Finis vltimus substantiæ intellectualis est Deus, ergo illa operatio hominis est substantialiter eius beatitudo, per quam primò attingit ad Deum: ergo est intelligere, non autem actus voluntatis. probatur prima consequentia, quia si alicuius rei sit aliqua res exterior finis, illa eius operatio dicitur esse finis vltimus, per quam consequitur rem illam, ut patet in habentibus pecuniam pro fine. Secunda etiam probatur, quia velle non possumus quod non intelligimus.

AD hanc rationem secundum Scotum ubi supra responderi potest, quod li primò potest importare aut primitatem secundum generationem, aut primitatem secundum perfectionem. Si importet primitatem secundum generationem, negatur prima consequentia, & assumptum ad eius probationem. Si importet primitatem secundum perfectionem, negatur vltima consequentia, quia licet intelligere secundum ordinem generationis præcedat velle, non tamen per ipsum homo primò attingit Deum primitate perfectionis, sed per actum voluntatis.

CONTRA hanc responsionem argui potest ex supradictis, quia videlicet non illa assequutio quæ est perfectior ex parte voluntatis se tenens tanquam complementum perfectionis, habet rationem beatitudinis formalis essentialis: sed illa quæ est prima ordine generationis, per quam tamen perfectè attingitur finis, & quæ est causa omnium aliarum coniunctionum, & earum mensura. Probatur enim primò ex exemplo adducto, quia si finis avari est pecunia, ipsa prima assequutio pecunie quæ ipsam pecuniam habet, in seipsa est finis intrinsecus, non autem aliquid ad voluntatem pertinet. Dicimus enim quum primum assequutus fuerit pecuniam in seipsa, ipsum ad suum finem peruenerit. Probatur etiam ratione: Illa assequutio est beatitudo, in quam fertur voluntas & per defectum & per quietationem tanquam in vltimum finem intrinsecum simul voluntum cum fine extrinseco: sed ista ordine generationis præcedit omnem assequutionem quæcunque ponatur per actum voluntatis, ergo, &c. Probatur minor. Obiectum quietationis voluntatis præsupponit præsens esse



esse volenti antequam quietetur, quia voluntas non quietatur nisi habito sine ad quem movebatur: illa autem assequutio in quam fertur quietatio voluntatis tanquam in ultimum finem est eius obiectum, ergo presupponitur esse præsens: & sic via generationis præcedit unionem quæ per actum quietationis fieri dicitur. Eadem autem ratio est de omni actu voluntatis qui obiectum præsens requirit.

N E ex illis autem ideo imperfectiorem actum esse visionem Dei quam delectationem, quia est prior generatione. Nam tunc prius generatione est imperfectius, quando est est tantum prius generatione: sed quando non est tantum generatione, sed etiam causalitate effectiva aut formaliter prius, tunc est perfectius: & sic est de visione quæ est prior generatione & causalitate quam delectatio, sicut anima dicitur suis potentiis prior & subiectum suis propriis passionibus.

Quam ad tertiam huius capituli partem respondet sanctus Thomas obiectionibus in principio adductis huius capituli. At primam quidem respondet ex præcedentibus, quod ista ratio potius concludit oppositum eius quod intenditur, ex hoc enim quod felicitas, quia habet rationem summi boni est, primum obiectum voluntatis, non sequitur quod sit substantialiter actus voluntatis, imò sequitur quod actus voluntatis non sit, ut superius est deductum.

ADVERTENDVM ex doctrina sancti Thomæ quarto Sententiarum, distinctione 49. questione prima, articulo primo, questione secunda; & quolibet articulo decimo, quæst. 9. artic. 1. quod beatitudinem esse in voluntate dupliciter potest intelligi. Vno modo, quod sit eius obiectum: & sic conceditur quod est in voluntate, quum sit summum bonum, & ultimus finis bonum autem & finis sit obiectum voluntatis. Alio modo, quod sit aliquis actus voluntatis, & sic dictum est quod beatitudo essentialiter non potest esse in voluntate, sed magis est in intellectu: unde esse obiectum voluntatis, non infert esse voluntatis actum. Et ideo concedens hoc loco S. Thom. quod felicitas sit obiectum voluntatis, & per consequens quod sit in voluntate obiectivè, negat illam consequentiam, ergo est actus voluntatis, siue ergo est in voluntate formaliter & subiectivè, imò, ut inquit oppositum sequitur.

ADVERTENDVM quoque, quod ex isto habetur solutio vnius rationis Scoti loco præallegato, quæ arguit quod voluntas immediatius fertur in Deum, sicut in finem ultimum ex hoc, quia finis ultimus in quantum huiusmodi est obiectum voluntatis. Pater enim quod vtrique sequitur quod formaliter fertur in Deum voluntas sub ratione ultimi finis quam intellectus: quia ratio ultimi finis est formale in obiecto voluntatis, non autem in obiecto intellectus: non tamen sequitur quod in ipsum immediatius fertur, quia voluntas non fertur in suum proprium obiectum, nisi prius sit apprehensum & cognitum per intellectum, & voluntati per intellectum propositum sub ratione boni: & ideo per prius & consequenter immediatius terminatur actus intellectus ad Deum sub ratione ultimi finis, tanquam videlicet in rem cognitam, quam voluntatis actus ad ipsum terminetur. Quum enim obiectum formale vnius potest esse alterius potentie obiectum materiale, sicut color, quod est obiectum formale visus, est obiectum materiale contentum sub obiecto intellectus, potest vna potentia prius & immediatius ferri in obiectum formale alterius, in quantum ad ipsum materialiter terminatur, quam feratur potentia cuius est obiectum formale, sed bene verum est quod potentia cuius illud est formale obiectum, in ipsum formaliter quam quæcunque alia potentia fertur. Ad secundam responderetur, quod aliquid est perfectio alicuius dupliciter. Vno modo, ut iam habentis speciem, sicut habitatio est perfectio ad quam species domus ordinatur: & in diffinitione domus oportet hoc poni si debeat diffinitio esse perfecta. Alio modo ut ad speciem habendam, sicut principia substantialia domus quæ ad eam constituendam ordinantur, & appodiacula quæ ad eius conservationem faciunt, & pulchritudo per quam visus domus est convenientior. Prima perfectio rei est finis ipsius, sicut habitatio est finis domus: propria operatio cuiuslibet rei, quæ est quasi usus eius, non autem secunda, imò res est finis ipsius, declarat in materia & forma quæ constituunt speciem: in sanitate & virtute nutritiva quæ animalis naturam conservant: in pulchritudine quoque corporis & robore quæ speciem ornant, & de quibus dicitur primo Ethicorum, cap. 12. quod organicè deferuntur felicitati. Delectatio ergo est perfectio operationis non primo modo, tanquam videlicet operatio ad ipsam secundum suam speciem ordinatur, sed secundo modo, quia videlicet ordinatur ad operationem, ut inquam propter delectationem attentius & decentius operationi insistantur. unde perficit operationem sicut decor iuventutem, ut dicitur decimo Ethicorum, cap. 4. quem constat esse propter eum cui inest iuventus, non autem e converso: ideo non sequitur quod ipsa delectatio sit finis.

Ad evidentiam huius responsionis, quæ pulcherrima est, considerare oportet primum, quod ista diffinitio de duplici perfectione sic intelligenda est, quod quædam est perfectio rei iam constitutæ in sua specie, propter quam scilicet ipsa res in sua specie constituitur: & ad quam species constituta ordinatur, sicut habitatio est perfectio domus, & operatio rei est eius perfectio, ista enim perfectio presupponit speciem constitutam, & habet rationem finis, quia propter ipsam perfectionem res fit: quædam vero est perfectio quæ ad ipsam habendam speciem ordinatur, aut inquam ad eam simpliciter constituendam, aut ad eam decenter aptandam & ornandam: & talis perfectio manifestum est quod non est finis, quia res in specie constituta non ordinatur ad ipsam, sed e contrariò ipsa perfectio est propter speciem & perfectionem rei. Et sic aperte constat quod delectatio quum sit perfectio operationis secundo modo, quæ scilicet est propter operationem, non est finis operationis, sed e contrariò operatio est eius finis, est enim ut operatio continuetur, & ut attentius fiat.

Considerandum secundo iuxta doctrinam sancti Thomæ, prima secundæ, questione trigesima tertia, articulo quarto, quod ultimus finis dupliciter accipi potest. Vno modo pro eo propter quod omnia fiunt. Alio modo pro bono completivè superueniente, ut idem sit finis quod ultimum complementum perfectionis. Ex eo ergo quod delectatio quæ est in beatitudine, est perfectio operationis ipsam sequens & concomitans, sequitur quod sit ultimus finis secundo modo, non autem primo modo, de quo sine est sermo in proposito.

ADVERTENDVM autem quum inquit sanctus Thomas quod oportet

habitationem poni in diffinitione domus, si debeat diffinitio esse perfecta, quod, ut dicitur in primo Sententiarum, distinctione prima, in expositione literæ, & secundo Sententiarum, distinctione vigesima septima, articulo secundo ad novum, duplex est diffinitio: quædam quæ completitur totum esse rei, secundum quod ex omnibus causis constituitur, & ad omnes ordinem habet: quædam vero quæ non omnes causas completitur, sed vnam tantum, aut plures. Prima est perfectissima, secunda vero est minus perfecta. Quia ergo habitationem esse finem domus posuit, ideo dixit quod si debeat perfectissime diffiniri, oportet & habitationem in eius diffinitione poni. Finis enim rei est vna causarum quæ ad esse rei concurrunt: non autem si imperfectè diffiniatur, oportet in eius diffinitione poni habitationem, sed potest per vnamquamque aliarum causarum per se aut cum alia causa diffiniri.

Ad tertiam obiectionem respondetur negando consequentiam, quia delectatio ultimum finem concomitatur, & ex hoc scilicet habet ut non quærat ab hominibus propter aliud, licet non sit ultimus finis.

SE D statim ex ista responsione insurgit dubium. Videtur enim dici oppositum eius quod dictum est in præcedenti responsione. Ibi enim dictum est quod delectatio in comparatione ad operationem est similis perfectioni quæ ordinatur ad speciem rei, & quod res est id propter quod aliquid: ex quo apparet quod delectatio quæritur propter aliud: hic autem dicitur quod delectationem volunt homines non propter aliud.

AD evidentiam & responsionis S. Thomæ, & huius dubij, duo sunt attendenda. Primum est, quod duo requiruntur ad rationem ultimi finis: vnum est, quod non quærat propter aliud: alterum, quod omnia alia ad ipsum tanquam ad finem ordinentur. Finis enim est id propter quod aliquid sit & desideratur: ideo quantumvis alicui conveniat hoc quod est non quæri propter aliud, si non propter ipsum omnia alia quærantur, non habet rationem ultimi finis.

Propter hoc optime dixit sanctus Thomas quod delectationem ab hominibus quæri non propter aliud, sed propter seipsam, non est sufficiens signum quod delectatio sit ultimus finis: quasi dicat, illa quidem est contradictio ad rationem ultimi finis requisita, non tamen est eius totalis ratio, sed præter illam aliquid aliud requiritur, scilicet quæ propter ipsum omnia alia desiderentur & fiant. Secundum est, quod (ut dicitur quarto, Sentent. distinctione 49. questione tertia, articulo quarto) delectatio & operatio ad quam consequitur, se habent non sicut duo bona, sed sicut vnum bonum, in quantum delectatio est perfectio operationis. Sicut enim ex perfectione & perfectibili fit vna res perfecta, ita ex operatione & delectatione fit vna perfecta operatio quæ est felicitas. Unde est quod sicut operatio ultima & perfectissima hominis ad nullam aliam intrinsecam perfectionem hominis ordinatur, ita neque delectatio quæ ipsam concomitatur & perficit: ideo non consuevit quæri quare aliquis velit delectari. Nā in his quæ fini sunt coniuncta, ut in eodem articulo ad tertium dicitur, talis quæstio non fit, quum statim appareat illa esse appetibilia, sicut & finis cuius sunt perfectiones. Sed licet delectatio non quærat propter aliud aliud ab ipsa separatam tanquam per ipsam acquirendum, ipsa tamè ordinatur ad operationem quam concomitatur tanquam ad finem, sicut & omnis perfectio superaddita speciei, quæ scilicet ad eius conservationem aut decorem pertinet, ad ipsam speciem sicut ad finem ordinatur, ut superius dixit sanctus Thomas: & ideo quæritur delectatio propter operationem cui coniungitur, in quantum appetens suam operationem perfectam, appetit & delectationem, sine qua non est operatio omnino perfecta.

AD obiectionem igitur dicitur, quod non est contradictio, quia quum dicitur quod delectatio ordinatur ad operationem sicut ad finem, & per consequens quod quæritur propter aliud, intelligitur quod ordinatur ad aliquid cui coniungitur tanquam ad finem, & consequenter secundum se habet, ut propter illud quærat. Quum autem dicitur quod delectatio non propter aliud volunt homines, intelligitur quod non volunt illam loquendo de delectatione quæ Dei visionem concomitatur, siue quæ ad felicitatem pertinet propter aliquem alium finem intrinsecum ab ipsa separatam. unde dixit sanctus Thom. in responsione, quod licet delectatio non sit ultimus finis, est tamen ultimum finem concomitans: & ex hoc habet ut non propter aliud quærat: ac si diceret, quia coniungitur ultimo fini, & ipsum concomitatur, ideo non quæritur propter alium finem acquirendum ab ipsa separatam, non est tamè ultimus finis, quia ordinatur ad alium finem quem concomitatur. hæc autem constat nullam contradictionem includere.

Ad quartam respondetur negando antecedens de delectatione, quæ est in cognoscendo, de qua scilicet est sermo in proposito, licet sit verum de delectationibus sensibilibus quas plures quærent, quam cognitionem intellectus, & quam delectationem ipsam consequentem, quia quæ exterius sunt, id est sensibilia, magis nota pluribus existunt. Quomodo delectationes sensibiles sint potiores quo ad nos quam spirituales, licet simpliciter spirituales sint potiores corporalibus & sensibilibus, multis rationibus ostendit sanctus Tho. quarto Sententiarum, distinctione 49. questione tertia, articulo quinto.

Ad quintam respondetur negando antecedens. Ad cuius probationem dicitur primum, quod intellectus primò & per se movet voluntatem, quia voluntas in quantum huiusmodi movetur à suo obiecto, quod est bonum apprehensum: voluntas autem movet intellectum quasi per accidens, in quantum videlicet ipsum intelligere apprehenditur ut bonum: & sic desideratur à voluntate, ex quo sequitur quod actu intellectus intelligit. Dicitur secundò quod etiam in hoc ipso intellectus voluntatem præcedit, quia voluntas non desideraret intelligere nisi intellectus prius apprehenderet intelligere ut bonum. Dicitur tertio, quod voluntas movet intellectum per modum agentis, intellectus autem movet voluntatem per modum finis, agens autem est posterior in movendo quam finis.

AD evidentiam huius responsionis considerandum primum quod licet dupliciter comparari possint intellectus & voluntas, scilicet absolute secundum suas rationes, & in ratione motui & mobili, quia tamen obiecto adducta non arguit nobilitatem voluntatis supra intellectum nisi in quantum habet rationem motui & mobili deo sanctus Thomas in responsione non facit mentionem de nobilitate vnius supra aliam, nisi in quantum in ratione motui & mobili consideratur: & vult quod etiam in hoc intellectus



lectus est simpliciter prior voluntas, voluntas autem est intellectus prior tantum secundum quid. In prima parte autem quæst. 82. articulo tertio: & de Verit. quæst. 22. articulo vndecimo, comparat istas potentias secundum proprias rationes, ostenditque intellectum etiam secundum propriam rationem esse nobiliorem voluntate simpliciter, voluntatem autem esse nobiliorem secundum quid intellectum.

Considerandum secundum quod intellectus existit in actu respectu boni mouet voluntatem non per aliquid aliud à quo moueatur ut sic, sed per seipsum in quantum habet rationem obiecti voluntatis. Nam voluntas & quilibet appetitus sequens cognitionem habet per se moueri à suo obiecto, quod est bonum apprehensum, eo modo quo dicitur ab obiecto moueri. hoc enim quod est mouere appetitum, conuenit bono apprehenso ex sua ratione & ex sua forma: ideo inquit sanctus Thomas, quod intellectus primò & per se mouet voluntatem, id est, per propriam formam, & non per aliquid aliud cui per prius ex se conueniat esse sufficiens motuum voluntatis. Voluntas autem ex seipsa non habet ut possit mouere intellectum ad intelligendum, sed in quantum mouetur ab alio, scilicet ab intellectu. Oportet enim quod voluntas prius moueatur ad desiderandum ipsum intelligere ab intellectu apprehendente intelligere sub ratione boni, & illud proponente voluntate, antequam intellectum ad actum considerationem moueat. Et ideo ait sanctus Thomas, quod voluntas mouet intellectum quasi per accidens, non scilicet omnino per accidens, sed quasi, quia mouet aliquo modo per aliud, in quantum videlicet prius mouetur ab ipso intellectu ad desiderium ipsius intelligere: & nisi esset mota ad huiusmodi desiderium, non moueret intellectum.

Considerandum tertio, quod licet causæ sint sibi inuicem causæ, ut patet secundo Physicorum, & quinto Metaphysicæ, illud tamen quod mouet secundum nobiliorem rationem causandi alterum, dicitur simpliciter nobilior illo in quantum causatum & moriū, licet secundum quid possit dici ignobilior, id est, secundum illam rationem mouendi qua ab illo mouetur: sicut quia nobilior est causalitas formæ quam causalitas materiz, forma est nobilior simpliciter materia in ratione causæ: est autem ignobilior materia secundum quid in quantum causatur materialiter ab ipsa, ita etiam quia finis causalitatis est prima inter omnes causalitates: ideo si aliquid moueat alterum per modum finis, & ab ipso per modum efficientis moueatur, erit ipso simpliciter nobilior & altius in quantum motuum, licet sit ignobilior secundum quid, id est, in quantum ab ipso efficienter mouetur. Propter hoc, quia intellectus mouet voluntatem per modum finis: voluntas autem mouet intellectum per modum efficientis, concludit sanctus Thomas quod in ratione motui absolute intellectus est simpliciter altior voluntate: voluntas autem est altior intellectu secundum quid. Quomodo autem appetibilis & intellectus moueant voluntatem per modum finis ostensum est in primo libro, cap. 44.

Considerandum vltimo pro declaratione præmissorum, quod visio Dei dupliciter considerari potest. Vno modo absolute quantum ad suam entitatem: alio modo in quantum est consequutio & habitio vltimi finis extrinseci qui est Deus. Quum ergo inquit sanctus Thomas, visionem Dei esse essentialiter felicitatem, loquitur de visione non quantum ad eius substantiam absolute, quia ut sic non habet rationem summi boni, quod sit accitio intellectus & boni finitū, sed in quantum est consequutio & habitio summi boni, quia ut sic habet quandā infinitatē, & habet rationem summi boni intrinseci, & consequenter habet rationem vltimi finis formalis creaturæ.

Ex prædictis patet, quod licet præmium correspondeat merito, in quantum maiori merito datur maius præmium, non tamen eiusdem potentiz est meritum & præmium, sed meritum attribuitur voluntati quæ est principium agendi & merendi, præmium verò attribuitur intellectui cuius est recipere. nam meritum consistit in agendo, præmium verò in recipiendo. Est tamen idem suppositum quod meretur, & quod præmiū capit.

CONTRA istam conclusionem in hoc capite multipliciter probatur, multæ adducuntur rationes à Scoto & aliis, quas Capreolus in quarto Sentent. distinctione quadagesima nona, quæstione secunda, & primo, distinctione prima, egregie soluit: ideo nobis prætermittendæ sunt.

Satis pro nunc sit scire quod aliquæ earum probant voluntatem & aliquid actum ipsius esse nobiliorem intellectu & actibus eius in via: quod non negamus: & cum arguitur ex eo quod charitas est nobilior habitibus intellectuales, & ex eo quod secundum Anselmum in libro, Cur Deus homo, peruersus ordo est velle amare, ut intelligas, hæc enim vera sunt pro statu viæ, qui est status meriti, in quo charitas tenet primum locum tanquam primum motuum ad merendum, sunt autem falsa pro statu patriæ qui est status præmij. Nec valet ratio Scoti quarto Sent. distinct. 49. quæst. 4. quæ arguit ex hoc quod in via charitas est perfectior habitibus intellectuales, voluntatis capacitate esse maiorem capacitate intellectus etiam in patria, eo quod eadē sit capacitas in via & in patria, aut saltem sibi proportionentur. Dicitur enim quod nobilitas charitatis supra habitibus intellectuales in via non arguit maiorem capacitem voluntatis etiam in via, quia quod perficiatur hic nobiliori habitu quam intellectus, non est ex maiori capacitate, maior enim est simpliciter capacitas intellectus quam voluntatis, cum intellectus natus sit in seipso diuinam essentiam recipere per modum formæ intelligibilis, & lumen gloriæ per modum habitus: sed sua capacitas non potest impleri in via, capacitas autem voluntatis impleri potest. Cum autem dicitur quod est eadem capacitas in via, & in patria, aut proportionatur: respondetur quod utique capacitas vniuscuiusque istarum potentialium est eadem in via, & in patria, si simpliciter consideretur: quia per variationem status non variatur natura intellectus aut voluntatis super quam fundatur earum capacitas. Si tamen consideretur quantum ad reductionem ad actum, non est eadem capacitas intellectus in via & in patria, quia in via secundum conditionem status viæ præcisè potest reduci in actum respectu aliarum perfectionum, non autem respectu essentia diuinæ per modum formæ intelligibilis & respectu luminis gloriæ per modum habitus permanentis. in patria autem potest reduci in actum respectu istorum, imò de facto actuatur in patria. Vnde capacitas intellectus absolute loquendo maior est quam capacitas voluntatis: sed ista capacitas intellectus non potest impleri in via, sicut impleretur capacitas voluntatis, quæ etiam in via recipit charitatem, quæ est ipsius suprema perfectio, nomine charitatis comprehendendo simul & actum & habitum.

SED contra prædicta vnam tantum adduxerim dubitationem ex his quæ Capreolus tangit. Arguunt enim quidam sic secundum Philosophum secundum Priorum, & octauo Ethicorum, cuius oppositum est peius, ipsum est melius, sed odium Dei quod opponitur amori ipsius, peius est quam ignorantia, quæ opponitur cognitioni Dei: ergo & amor Dei est melior visione Dei, ergo magis in amore Dei consistit essentia beatitudinis quam in eius visione, quum beatitudo consistat in perfectissimo actu.

Ad huius euidentiam considerandum quod amare Deum, & cognoscere Deum dupliciter considerari possunt. Vno modo, per inclusionem vnius ab altero, sed non e converso, secundum scilicet quod amare includit cognoscere, non autem cognoscere includit amare. Alio modo præscindendo vnum formaliter ab altero, vtrumque scilicet considerando secundum suam propriam rationem qua ab alio distinguitur. Item, tripliciter possunt ista comparare ad inuicem, aut scilicet absolute, aut pro statu viæ, aut pro statu patriæ. Si loquamur de istis actibus, secundum quod vnus alterum includit, & non e converso, sic quamuis ratio non concludat, quia illa regula non tenet in his quorum vnum alterum includit, & non e converso, conceditur tamen quod amare Deum (quod includit cognoscere Deum) siue absolute accipitur, siue ut est in via, siue ut est in patria, est perfectius quam cognoscere, ut pote includens ipsum cognoscere, & aliquid amplius: sed nos superius non sumus loquuti hoc modo de actu voluntatis, ut inquam includit visionem Dei, quia non sumus loquuti de felicitate quantum ad omnem eius perfectionem per modum extensionis, sed de ipsius ut formaliter distinguitur: & probauimus quod visio est magis essentia beatitudinis, quam quicunque actus voluntatis. Si autem loquamur de ipsius secundum præcisionem vnius ab altero: Dicitur primò quod absolute loquendo cognoscere melius est quam amare ceteris paribus, quia (ut superius dixit sanctus Thomas) simpliciter intellectus est nobilior quam voluntas, cum moueat primò & per se voluntatem, & moueat per modum finis, quæ est prima causarum: vnde cognoscere Deum comparatur ad amare, sicut causa ad effectum: constat autem causam suam effectum nobiliorem esse. Quum autem arguitur, quia odium Dei peius est quam non cognoscere Deum: dicitur quod non arguitur ad mentem illius regulæ, quia intelligitur quod illud est melius cuius oppositum est peius quam oppositum alterius secundum eandem rationem oppositionis acceptum. modo dicitur quod non accipitur hic oppositum cognitionis secundum eandem rationem oppositionis qua odium opponitur amori, huic enim opponitur odium contrarie, cognitioni autem opponitur ignorantia priuatiue, aut per modum negationis. Vnde si accipiantur opposita eodem modo, ut scilicet oppositum amoris sit non amare, sicut oppositum cognitionis accipitur non cognoscere, falsum est absolute loquendo, quod oppositum amoris sit peius quam oppositum cognitionis, imò peius est ignorare Deum quam non amare ipsum, quia est priuatio maioris perfectionis. Dicitur secundò, quod dilectio in via quantum ad aliquid præeminet cognitioni, scilicet in mouendo ad actionem meriti, ut dicitur prima secundæ, quæst. 4. artic. 4. Sed non loquimur nos hoc loco de istis secundum quod insunt homini in via: ideo non est contra mentem sancti Thomæ. Dicitur tertio, quod in patria, quomodo in hoc loco sanctus Thomas istos actus considerauit, scilicet ut est visio Dei per essentiam, & ut est amor & dilectio Dei visi per essentiam, ratio non sequitur sed peccat, sicut contra primum dictum peccabat, quia non accipiuntur opposita eodem modo, si enim accipitur oppositum priuatiue ad amorem Dei, sicut ignorantia accipitur priuatiue, priuatio visionis diuinæ essentia est peior priuatione amoris, quia priuat maius bonum quam sit amor: vnde & essentialis miseria damnatorum non in priuatione amoris diuini aut delectationis, sed in priuatione visionis diuinæ consistit.

SED vltierus contra prædictam conclusionem, difficultatem afferunt verba sancti Thomæ prima parte, quæst. 82. artic. 4. & 108. arti. 6. ad tertium: vbi tenetur quod dilectio Dei præeminet cognitioni eius, eo quod respectu superioriorem dilectio præminet cognitioni, & sit ea melior, quum voluntas feratur in rem prout in se est, intellectus autem actio consistat in hoc quod ratio rei intellectæ sit in intellectu, superiora autem nobiliori modo sint in seipsis quam in anima. Quum ergo beatitudo essentialiter consistat in nobilissima hominis operatione, ut est de mente Aristotelis decimo Ethicorum, videtur ex autoritate allegata, quod in actu voluntatis beatitudo essentialiter consistat, non autem in actu intellectu. Arguit etiam Scotus loco præallegato ex istis verbis, quod actus voluntatis est simpliciter nobilior actu intellectu: ex quo similiter sequitur quod in ipso beatitudo essentialiter consistat. Arguit autem primò sic: actus voluntatis respectu superiorum est nobilior actu intellectu, ergo ille in genere est nobilior illo in genere. probatur consequentia, quia si optimum est nobilior optimo, & genus genere, vel species specie, ut habetur tertio Topicorum, cap. 4. Secundò, actus ille est perfectior qui coniungit obiecto nobiliori: sed actus voluntatis nobiliori coniungit quam actus intellectus: ergo & c. probatur minor, quia coniungit rei ut est in se: actus autem intellectus rei ut est in cognoscente coniungit: obiectum autem beatificum simpliciter est nobilior in se, quam ut est in cognoscente. Ad hanc sancti Thomæ autoritatem respondet Capreolus primo Sententiarum, distinct. prima, quæst. prima: similiter & alij Thomistæ, quod intelligenda est de dilectione Dei & eius cognitione in via, vbi Deus ab intellectu per similitudines deficientes cognoscitur, non autem in patria vbi Deus per suam essentiam vnitur intellectui beatorum.

SED ista responsio licet facilius difficultatem hanc euadat, non videtur tamen mihi esse ad mentem Sancti Thomæ. Nam in prima parte, quæst. 108. loco allegato, dicit illa verba respondendo ad argumentum quo arguebatur in conuenienter ordinem Seraphim collocatum esse à Dionysio super ordinem Cherubim. Nam quum Seraphim nomē sit impositum ab amore, Cherubim verò nomen à scientia, & scientia sit prior amore, videtur quod superiore loco collocandus erat ordo Cherubim: inferior verò Seraphim. Hanc igitur obiectionem remouet sanctus Thomas, negando quod cognitio Dei sit prior Dei dilectione, imò inquit dilectio hæc præminet cognitioni, sicut & dilectio omnium quæ sunt ipso cognoscente superiora, licet cognitio eorum quæ sunt in cognoscente inferiora, præminet dilectioni. constat autem quod ordines angelorum à Dionysio sunt ordinati non prout sunt in via, sed prout sunt in patria. Nam de mente ipsius Dionysij primam hierarchiam ab alijs distinguit sanctus

Cap. 1. Sent. dist. 1. quæst. 1. ad arg. contra quartam conclusionem.

2. Prior. cap. 21. 8. Ethic. cap. 6.

Cap. 25.

Cap. 8.

Text. com. 30. Text. 2.

Scot. 4. dist. 49. quæst. 4.

Capit. I.



sanctus Thomas, per hoc quod rerum rationes in Deo immediate cognoscunt, & in hac dicit quod Cherubin supereminenter diuina secreta cognoscunt. Secundo etiam Sententiarum, distinctione nona, articulo septimo, inquit, quod a principio creationis quodammodo fuit distinctio ordinum, non tamen secundum ultimum complementum, sed per diuersum donum gratuitum tanquam per principium formale & complementum, & distinctio, 5. quest. 2. artic. 2. ad tertium, inquit, quod ordines distinguuntur secundum gradum in primo essentiali, & breuiter ex processu S. Thom. ubi loquitur de ordinatione angelorum, apparet quod ordines in ipsis distinguuntur secundum quod sunt in statu beatitudinis. Quum ergo ponat dilectionem Dei præminere cognitioni eius secundum quod a dilectione denominantur Seraphin, a cognitione verò denominantur Cherubin, manifestè relinquitur verba S. Thom. intelligenda esse de dilectione huiusmodi, & cognitione, non tantum secundum quod sunt in via, sed etiam secundum quod sunt in patria.

PR. OPTER quod videtur mihi respondendum secundum determinationem sancti Thom. prima parte, quest. 82. artic. 3. & de Verit. quest. 22. artic. 11. ubi absolute loquitur, non determinando se ad statum viæ, aut ad statum patriæ.

Considerandum est igitur primò, quod dupliciter potest attendi eminentia vnius operationis super aliam. Vno modo simpliciter, alio modo secundum quid. Simpliciter consideraretur eminentia huiusmodi quando consideratur ex parte obiectorum formalium secundum se: & sic illa operatio est altera dignior & excellentior, cuius formale obiectum est secundum se nobilius & altius obiecto alterius. Consideratur autem eminentia huiusmodi secundum quid, quando consideratur ex parte rerum in quibus obiecta eorum formalia inveniuntur: & sic illa operatio dicitur altera dignior, cuius obiectum formale inuenitur in re altiori & digniori. Considerandum secundò, ut est de mente sancti Thomæ in locis prælegatis, quod cum actio intellectus proueniat ex eo quod intelligibile recipitur in intellectu, actio verò voluntatis ex eo quod voluntas inclinatur in ipsam rem prout est in se, si res quæ intelligitur habeat nobilius esse in intellectu quam in seipsa, cognitio illius res præminet secundum quid eius dilectioni. Si autem econuersò res, quæ amatur, habeat nobilius esse in seipsa quam in intellectu, dilectio præminet cognitioni. Dicitur ergo primò quod cognitio Dei simpliciter & secundum se est altior dilectione eius ut dilectio est, quia obiectum eius formale, quod est verum, est nobilius bono, quod est obiectum formale dilectionis, fertur enim intellectus in Deum formaliter sub ratione veri: voluntas autem in ipsum sub ratione boni cognitio formaliter fertur. Veri autem ratio est nobilior ratione boni cogniti formaliter fertur. Veri autem ratio est nobilior ratione boni cogniti, ut declaratur prima parte loco allegato. Vnde dictum sancti Thomæ assumptum in obiectione non est intelligendum de præminetia hac, quæ scilicet est præminetia simpliciter & secundum se. Dicitur secundò quod eminentia secundum quid dilectio Dei præminet eius cognitioni in quocunque statu, quia Deus cum sit superior quocunque intelligente creato, perfectius habet esse in seipso quam in quocunque intelligente creato: & ad hunc sensum intelligenda sunt verba sancti Thomæ, dilectio enim Dei etiam in patria præminet secundum quid eius cognitioni, in quantum ipse ut actum dilectionis terminat, habet esse nobiliori modo cogniti, ut declaratur auctum cognitionis. Vnum enim terminat ut est in seipso, aliud verò ut est in intellectu aliquo modo. Et sic sequitur secundum sensum illud responsionis S. Thomæ, quod quia dilectio Dei præminet secundum quid eius cognitioni, ordo Seraphin qui nominatur a dilectione Dei, sit superius ordine Cherubin, qui a cognitione denominatur.

SED contra hanc responsionem triplex insurgit dubium. Primum est, quia videtur falsum quod in patria Deus habeat nobilius esse in seipso quam in intellectu, cum sit in intellectu beatorum non per aliquam similitudinem, sed per essentiam suam. Secundum est, quia ordines angelorum Seraphin & Cherubin videntur & collocandi secundum id quod conuenit dilectioni & cognitioni simpliciter & secundum se, non autem secundum id quod conuenit ei secundum quid. Si ergo cognitio præminet dilectioni, similiter non erit satisfactum argumento cui intendit respondere S. Thom. per hoc quod dicitur dilectionem Dei præminere cognitioni eius, si intendat de eminentia secundum quid. Tertium est, quia illa operatio circa Deum videtur simpliciter melior quæ magis Deo coniungit, beatitudo enim quæ est nobilissima creaturæ intellectualis perfectio, consistit in perfectissima coniunctione ad Deum: sed dilectio Dei magis coniungit Deo quam ipsius cognitio. Nam sancti Thomæ, in prima parte, questione centesima octaua, articulo allegato, videtur hoc intendere, dum inquit quod Seraphin excedunt in hoc quod est omnium supremum, scilicet Deo vniri, in præcedenti verò articulo ad quintum dixerat, quod nomen Seraphin imponitur ab excessu charitatis, ergo dilectio Dei est simpliciter & non tantum secundum quid melior Dei cognitione.

AD primum horum dici potest, quod licet Deus sit per suam essentiam in intellectu beatorum, non tamen tollitur quin in seipso habeat esse perfectiori modo quam in intellectu. Esse enim Dei existentis in intellectu beati, dupliciter considerari potest. Vno modo ordine ad ipsam Dei essentiam existentem in intellectu. Alio modo in ordine ad intellectum cui diuina essentia per modum formæ intelligibilis, vnitur. Primo modo esse Dei in intellectu beatorum in ipso Deo secundum se est æquè perfectè. Sed secundo modo est perfectius in Deo, secundum quod est in se quam ut est in intellectu, quia ut dicitur de Verit. quest. 8. artic. 2. ad tertium, diuina essentia non coniungitur intellectui beatorum secundum totum modum suum, sed secundum modum intellectus, & ut dicitur artic. 4. ad secundum, intellectus creatus non coniungitur diuinæ essentiae secundum totum posse ipsius diuinæ essentiae. Item quarto Sentent. distinct. 49. q. 2. artic. 4. ad secundum, dicitur quod intellectus vnius beati perfectius substat diuinæ essentiae quam alterius intellectus: & artic. 5. ad quartum, dicitur quod essentia diuina, quæ est omnium ratio, non coniungitur intellectui Deum videtur ut est omnium ratio, sed ut est ratio aliorum. Quia igitur Deus perfectius esse habet in seipso quam in intellectu in ordine ad intellectum, ut scilicet ipsum actuat in esse intelligibili, & cognitio prouenit ex eo quod intelligibile est in intellectu per modum actuantis ipsum in esse intelligibile, dilectio autem terminatur ad rem ut est in seipsa: ideo

optimè saluatur quod etiā in patria dilectio præminet cognitioni eminentia secundum quid. Ad secundum dicitur primò, quod ordinatio ordinum Cherubin & Seraphin conuenienter sumitur secundum eminentiam secundum quid inter dilectionem Dei & eius cognitionem, non autem secundum eorum eminentiam simpliciter: quia considerantur operationes istæ in angelis non secundum ordinem ad ipsa obiecta formalia secundum se, quæ sunt verum absolute, & bonum absolute, sed secundum ordinem ad ista ut sunt in Deo, cum distinguantur ordines primæ hierarchiæ ex ordine ad Deum, in quo omnes rationes rerum immediate videt. dictum est autem quod eminentia inter dilectionem & cognitionem, quæ est ex parte rerum in quibus inuenitur verum & bonum, est eminentia secundum quid. Dicitur secundò quod in ista eminentia secundum quid includitur etiam eminentia simpliciter Seraphin ad Cherubin, in quantum excellentia dilectionis huius ordinis ad cognitionem Cherubin includit etiam excellentiorem Dei cognitionem. sicut enim ardentius Deum diligit, ita ipsum perfectius cognoscunt, ut inquit sanctus Thom. locis prælegatis.

Ad tertium dicitur quod dilectio Dei non magis Deo coniungit reali coniunctione simpliciter quam eius cognitio in patria, sed tantum secundum quid, in quantum scilicet complet accidentaliter perfectam coniunctionem quæ est per cognitionem, tanquam illi ultimè superueniens: ipsa tamen secundum se non est coniunctio faciens Deum esse secundum se in beato, sed tantum est coniunctio secundum effectum quæ importat complacentiam quandam in re habita & coniuncta, & adaptationem quandam effectus ad rem amatam. Vnde S. Thom. quarto Sent. distinct. 42. q. 1. articulo primo, questione secunda ad quintum, inquit, quod per affectum perfectius homo Deo coniungitur quam per intellectum, in quantum coniunctio quæ est per affectum superuenit perfectæ coniunctioni, quæ est per intellectum, perficiens & decorans eam. Ad primum Scoti dicitur, regula Philosophi intelligitur de iis quorum vnum est nobilius altero simpliciter, & non tantum secundum quid: modo dictum est quod dilectio Dei non est nobilior eius cognitione simpliciter, sed tantum secundum quid: ideo non sequitur quod dilectio secundum genus suum sit intellectio nobilior. Ad secundum dicitur, primò quod duplex est obiectum, scilicet materiale & formale, sicut formale obiectum visus est color, quia omnia ad visum referuntur sub ratione colorati, materiale verò est hoc vel illud coloratum: similiter voluntatis formale obiectum est bonum, quia omnia referuntur ad ipsam sub ratione boni, materiale verò est hoc vel illud bonum. intellectus quoque formale obiectum est ens aut verum, sed materiale est hoc aut illud ens, siue hoc aut illud verum. Dicitur secundò, quod aliter loquendo est de actibus vnius potentie, & aliter de actibus diuersarum potentiarum, quia actus diuersarum potentiarum cum distinguantur secundum obiecta formalia, nobilitas ipsorum secundum formalium obiectorum nobilitatem est consideranda, sicut nobilitas est intelligere quam sentire, quia intelligibile est nobilius quam sensibile: actus autem vnius potentie cum distinguantur tantum per obiecta materialia, habent distinctionem in nobilitate ex ipsorum materialium obiectorum nobilitate, sicut videre album est nobilius quam videre nigrum ceteris paribus. Maior ergo Scoti si fiat comparatio inter actus diuersarum potentiarum, habet veritatem de actu coniungente nobiliori obiecto formali, non autem de coniungente nobiliori obiecto materiali: modò actus voluntatis non coniungat nobiliori obiecto formali quam intellectus, sed tantum materiali. Nam ut declarat sancti Thomæ, parte, q. 82. vbi supra, obiectum formale intellectus nobilius est obiecto voluntatis, vt potest simpliciter & abstractius. actus enim intellectus terminatur ad verum formaliter, actus verò voluntatis ad bonum cognitum: ideo minor ad sensum, in quo maior est vera, negatur. Quum autem probatur, quia actus voluntatis terminatur ad rem ut est in se, actus autem intellectus terminatur ad eam ut est in intellectu, dicitur quod illi modi essendi accipiuntur tanquam conditiones obiecti materialis actus intellectus & voluntatis terminantes, non autem tanquam diuersæ rationes formales obiectorum. si autem in maiori fiat comparatio inter actus ad eandem potentiam pertinentes, sic maior est vera etiam de actu coniungente nobiliori obiecto materiali: sed tunc non est ad propositum, quia constat quod actus intellectus & voluntatis non sunt vnius potentie actus, sed diuersarum.

### Quod felicitas humana non consistit in delectationibus corporalibus.

Caput 27.



EX præmissis autem apparet quod impossibile est felicitatem humanam consistere in delectationibus corporalibus, quarum præcipuæ sunt in cibis & venereis.

Ostensum\* est enim quod secundum naturæ ordinem delectatio est propter operationem, & non econuersò. si igitur operationes non fuerint vltimus finis, delectationes consequentes eas neque sunt vltimus finis, neque concomitantes vltimum finem. Cõstat autem quod operationes quas consequuntur prædictæ delectationes, non sunt vltimus finis. ordinantur autem ad aliquos fines manifestos: sicut comestio ad conseruationem corporis: coitus autem ad generationem prolis. delectationes igitur præmissæ non sunt vltimus finis, neque vltimū finem concomitantes: non est igitur in his ponenda felicitas.

2 Adhuc, volūtas est superior quam appetitus sensitivus: mouet enim ipsum, sicut superius dictū est. in actu autem voluntatis

Idem 12. q. 9. art. 1. & de ver. quest. 2. art. 12. & 1. 2. q. 2. art. 6. Cap. præc.

Cap. 25. D. 171.



\* Cap. 26. voluntatis non consistit foelicitas, sicut iam supra \* ostensum est. multo igitur minus in delectationibus praedictis quae sunt in appetitu sensitivo.

3 Amplius, foelicitas est quoddam bonum hominis proprium. Non enim bruta possunt dici foelicia, nisi abusu: delectationes autem praemissae sunt communes hominibus & brutis: non est igitur in eis ponenda foelicitas.

4 Item, ultimus finis est nobilissimum eorum quae ad rem pertinent: habet enim rationem optimi. haec autem delectationes non conveniunt homini secundum id quod est nobilissimum in ipso, quod est intellectus: sed secundum sensum: non est igitur in talibus delectationibus ponenda foelicitas.

5 Amplius, summa perfectio hominis esse non potest in hoc quod coniungitur rebus se inferioribus, sed per hoc quod coniungitur alicui rei altiori: finis enim est melior, eo quod est ad finem. Delectationes autem praemissae consistunt in hoc quod homo secundum sensum coniungitur aliquibus se inferioribus, scilicet sensibilibus quibusdam: non est igitur in talibus delectationibus ponenda.

6 Amplius, quod non est bonum nisi secundum quod est moderatum, non est secundum se bonum, sed accipit bonitatem a moderante. Vnus autem praedictarum delectationum non est bonus homini nisi sit moderatus. aliter enim delectationes se invicem impedirent: non sunt igitur haec delectationes secundum se bonum hominis. Quod autem est summum bonum, est per se bonum: quia quod per se bonum est, melius est eo quod est per aliud. non sunt igitur tales delectationes summum hominis bonum, quod est foelicitas.

7 Item, in omnibus quae per se dicuntur, sequitur magis ad magis si simpliciter sequatur ad simpliciter: sicut si calidum calefacit, magis calidum magis calefacit: & maxime calidum maxime calefacit. Si igitur delectationes praemissae essent secundum se bonae: oporteret quod maxime uti eis esset optimum. Hoc autem patet esse falsum. nam nimis usus eorum reputatur in vitium, & est etiam corpori noxius, & similitum delectationum impeditivus. Non sunt igitur per se bonum hominis: in eis igitur non consistat humana foelicitas.

8 Praeterea, actus virtutum sunt laudabiles ex hoc quod ad foelicitatem ordinantur. Si igitur in delectationibus praemissis consisteret humana foelicitas, actus virtutis magis esset laudabilis in accedendo ad has delectationes, quam in abstinendo ab eis. Hoc autem patet esse falsum: nam actus temperantiae maxime laudatur in abstinendo a delectationibus: unde ab hoc denominatur: non est igitur in delectationibus praemissis hominis foelicitas.

\* Cap. 28. 9 Amplius, finis ultimus cuiuslibet rei Deus est \*, ut ex praemissis patet. illud igitur oportet ultimum finem hominis poni per quod maxime appropinquat ad Deum. per

D. 357. praedictas autem delectationes homo impeditur a maxima appropinquatione ad Deum, quae fit per contemplationem, quam maxime praedictae delectationes impediunt, utpote ad sensibilia maxime hominem immergentes: & per consequens ab intelligibilibus retrahentes. non est igitur in delectationibus corporalibus foelicitas humana ponenda. Per hoc autem excluditur error Epicureorum in his voluptatibus foelicitatem hominis ponentium: ex quorum persona dicit Salomon Ecclesiastes 5. Hoc itaque visum est mihi bonum, ut comedat quis & bibat, & fruatur letitia ex labore suo: & haec est pars illius. & Sapien. 2. Ubique relinquamus signa letitiae: quoniam haec est pars nostra, & haec est sors nostra. Excluditur etiam error Cerinthianorum, qui in ultima foelicitate post resurrectionem mille annos in regno Christi secundum carnales ventris voluptates fabulantur futuros: unde & chiliastrae quasi millenarii sunt appellati. In Graeco enim χίλια idem est quod mille. Excluduntur etiam Iudaeorum & Saracenorum fabulae, qui retributiones iustorum in praedictis voluptatibus ponunt: foelicitas enim virtutis est praemium.

Super Cap. 27.



OSTENDIT sanctus Thomas quod intelligere Deum est finis intellectualis naturae & eius foelicitas, vult nunc ascendendo secundum ordinem bonorum excludere falsas de foelicitate opiniones. Circa hoc autem duo facit.

Primò, excludit falsas opiniones. Secundò, concludit veritatem per inductionem cap. 37. Circa primum quatuor facit. Primò, ostendit quod foelicitas non consistit in voluptate. Secundò quod non in bonis exterioribus, cap. sequenti. Tertiò, quod non in bonis corporis cap. 32. Quartò, quod non in bonis animi quantum ad aliquas animae operationes, cap. 33. Quantum ad primum ostendit, quod foelicitas in delectationibus sensibilibus non consistit, inter quas praecipue sunt in cibis & venereis constitutae: & arguit primò sic, Operationes quas consequuntur huiusmodi delectationes, non sunt ultimus finis, sed ad alios fines ordinantur, ut comestio ad conservationem corporis, coitus ad generationem, ergo neque sunt ultimus finis, neque ultimum finem concomitantur, ergo, & c. probatur prima consequentia, quia ut ostensum est, secundum naturam ordinem delectatio est propter operationem, non e converso. Secundò, in actu voluntatis non consistit foelicitas, ergo multo minus in delectationibus huiusmodi quae sunt in appetitu sensitivo. cum voluntas sit superior appetitu sensitivo. Tertiò, & est ratio Aristot. primo Ethicorum, Delectationes huiusmodi sunt communes hominibus & brutis, ergo, & c. patet consequentia, quia foelicitas est bonum hominis proprium, & non convenit brutis, nisi abusu. Quartò, Huiusmodi delectationes non conveniunt homini secundum id quod est nobilissimum in ipso, quod est intellectus, ergo, & c. probatur consequentia, quia ultimus finis est nobilissimum eorum quae ad rem pertinent. Quintò, Tales delectationes consistunt in hoc quod homo coniungitur aliquibus se inferioribus, ergo, & c. probatur consequentia, summa perfectio hominis est per hoc quod coniungitur rei altiori se, non autem inferiori, cum finis sit melior eo quod est ad finem.

CIRCA istam propositionem, Finis est melior illis quae sunt ad finem, dubium occurrit, quia ut superius de mente Aristot. dictum est, vnum quodque est propter suam operationem tanquam propter finem, operatio autem non est melior operante, cum non sit subsistens, sicut est ipsum operans.

RESPONDETUR quod cum duplex sit finis, scilicet extrinsecus & intrinsecus, ista propositio intelligitur de fine extrinsecus & principali, cui res appetit coniungi, & ad quem res tanquam ad suum finem ordinatur: operatio autem non est finis extrinsecus, sed intrinsecus, inquantum per ipsam res suo fini exteriori coniungitur: ideo non oportet ipsam secundum se esse nobiliorem operante. licet sit aliquo modo nobilior ipso, inquantum est exterioris finis affectio. Sextò, Vnus harum delectationum non est bonus homini nisi sit moderatus, quia aliter se mutuo impedirent: ergo non sunt secundum se bonum hominis, ergo, & c. Probatur prima consequentia, quia quod non est bonum nisi secundum quod est moderatum, non est secundum se bonum, sed accipit bonitatem a moderante. secunda probatur, quia quod est summum bonum, est per se bonum. Septimò, & est confirmatio praecedentis. Maxime vii de delectationibus non est optimum, cum nimis usus ipsarum reputetur in vitium, & sit corpori noxius, & similitum delectationum impeditivus, ergo non sunt per se bonum. ergo, & c. probatur prima consequentia, quia in omnibus quae per se dicuntur, sequitur magis ad magis, si simpliciter sequatur ad simpliciter.

ADVERTE quod sanctus Thomas non dixit absolute quod in omnibus in quibus simpliciter sequitur ad simpliciter, magis sequatur ad magis, sed dixit in omnibus quae per se dicuntur: quia in iis quae dicuntur per accidens, illa regula quae est Philosophi non habet veritatem. non enim valet, ut inferius dicitur cap. 139. Album est muscum, ergo magis album est magis muscum. sed bene valet. Album est segregatum visus, ergo magis album est magis segregatum. Octavo, Si ita esset actus virtutis, esset magis laudabilis in accedendo ad has delectationes quam in recedendo ab eis: quia ex hoc virtutes laudabiles sunt, quod ad foelicitatem ordinantur, sed hoc est falsum, ut patet in actu temperantiae: ergo, & c. Nonò, Per delectationes praedictas homo impeditur a maxima appropinquatione ad Deum quae fit per contemplationem, ergo, & c. probatur consequentia, quia illud est finis, scilicet intrinsecus hominis, per quod maxime appropinquatur ad Deum, qui est finis ultimus, scilicet extrinsecus. Ex iis inquit S. Thom. excluditur Epicureorum error, in quorum persona loquitur Salomon Ecclesiastes 5. hoc itaque visum, & c. & Sap. 2. ubi quod relinquamus, & c. & error Cerinthianorum qui & Chiliastrae sunt appellati quasi millenarii, eo quod mille annos voluptatum carnalium post resurrectionem futuros fabulantur. Excluduntur etiam fabulae Iudaeorum & Saracenorum qui retributiones iustorum in praedictis voluptatibus ponunt.

ADVERTENDUM quod ponentium foelicitatem in voluptate consistere, aliqui immoderatas & excessivas voluptates, secundum quem modum illis videntes vitiosi dicuntur, esse foelicitatem posuerunt, ut vulgus qui ad hoc ducitur, ut inquit Philosophus primo Ethicorum, eo quod videat complures principes qui maxime foelices esse videntur, instar Sardanapali vitam voluptuosam agere. Alij vero posuerunt foelicitatem in voluptate moderata consistere, ut Epicurus & Aristippus & alij Philosophi istorum sectatores. Nam de Epicureis inquit sanctus Thomas primo Ethicorum lect. 5. quod maxime colebant virtutes, eo quod viderent multa vitia esse voluptati impedimento, ait etiam Torquatus apud Ciceronem in libro de Finibus bonorum & malorum, voluisse Epicurum non posse iucundè vivi, nisi sapienter, honestèque viatur, nec sapienter, honestè, iuste, nisi iucundè. movebantur autem iis rationibus ad ponendam voluptatem summum bonum: primò, quia omnia appetit voluptatem, & pueri inquam, & infantes, & bruta. secundò, quia dolor est summum malum, & maxime fugiendum. tertiò, quia omnia ad voluptatem videntur ordinari etiam virtutes ipsae. Sed ad primam harum dicitur de mente S. Thom. 12. quæst. 2. artic. 6. ad 3. & 4. Sentent. distinct. 49. quæst. 3. artic. 4. quod licet omnia appetant voluptatem, non tamen sequitur ipsam esse summum bonum, quia non appetunt ea nisi quia appetunt bonum, cui voluptas coniungitur: & sic voluptas a natura ad bonum ordinatur, ut superius patuit, cum loquebamur de delectatione. Huius sententiae videtur etiam Cicero esse

Cap. 5.



esse in loco allegato. Nam ad hanc respondens rationem, ait quod non ut voluptatem expetat, natura mouet infantem, sed tantum ut seipsum diligat, ut integrum saluumque velit. Omne enim animal simul ut ortum est, & seipsum & omnes suas partes diligit. Ad secundam rationem dicitur negando assumptum. non enim dolor est summum malum, nec omnis dolor est fugiendus, ut patet in viro forti. Ad tertiam dicitur, quod non ordinantur omnia ad voluptatem, sed bene voluptas extendendo nomen voluptatis ad delectationem etiam intellectualem concomitatur actum vniuscuiusque virtutis. Loquendo autem de voluptate corporea, ut Epicurus loquebatur, falsissimum est quod virtutes ad voluptatem ordinantur. Vnde & falsum est quodlibet addita huiusmodi voluptate fieri melius, licet quodlibet bonum addita delectatione sit melius, in quantum delectatio est quies in bono adepto, & perficit operationem, sicut pulchritudo perficit iuuentutem.

### Quod felicitas non consistit in honoribus.

#### Cap. 28.

Idem prima  
parte 2. q. 2.  
artic. 2.

\* Cap. 26. &  
27.

**E**X prædictis patet quod etiam nec in honoribus est summum hominis bonum, quod est felicitas. Finis enim ultimus hominis & sua felicitas est eius perfectissima operatio, ut ex superioribus patet. honor autem hominis non consistit in sua operatione, sed alterius ad ipsum qui ei reuerentiam exhibet. non est igitur felicitas hominis in honoribus ponenda.

2 Adhuc, quod est propter alterum bonum & desiderabile, non est ultimus finis: tale autem est honor. non enim aliquis recte honoratur nisi propter aliquod aliud bonum in eo existens: & propter hoc homines honorari querunt. quasi boni alicuius quod in eis est, testimonium habere volentes: vnde & magis gaudent homines à magnis & sapientibus honorari. Non est igitur in honoribus felicitas hominis ponenda.

3 Amplius, ad felicitatem per virtutem peruenitur: operationes autem virtutum sunt voluntariæ, aliter enim non essent laudabiles: oportet igitur felicitatem esse aliquid bonum ad quod homo sua voluntate perueniat. Hoc autem quod honorem assequatur, non est in potestate hominis, sed magis in potestate honorantis. non est igitur in honoribus felicitas humana ponenda.

4 Item, omne dignum honore non potest nisi bonis inesse: honorari autem possunt etiam mali: melius est igitur fieri honore dignum, quam honorari: non est igitur honor summum hominis bonum.

5 Præterea, summum bonum est perfectum bonum: perfectum autem bonum non compatitur aliquod malum: cui autem inest aliquod malum, impossibile est esse beatum: impossibile est igitur esse malum cui adest summum bonum. potest autem aliquis malus honorem consequi. Non est igitur honor summum hominis bonum.

#### Super Cap. 28.

**S**TENSO quod felicitas in delectationibus sensibilibus non consistit, ostendendum restat quod neque in bonis exterioribus consistat, quæ fortunæ bona dicuntur. Et primo quod non in honoribus. Et arguitur primo sic. Honor hominis non consistit in eius operatione, sed alterius ipsi reuerentiam exhibentis: ergo in honoribus non est felicitas. patet consequentia, quia felicitas hominis est eius perfectissima operatio, ut patuit.

Secundo, & est ratio Arist. primo Ethicorum: Honor est propter aliud: quia non honoratur aliquis recte nisi propter aliquod bonum in ipso existens, & propter hoc homines honorari querunt, quasi volentes testimonium habere inexistens ipsis boni, ergo, &c.

ATTENDE quod non dixit absolute S. Thom. quod aliquis non honoratur nisi propter aliquod bonum in ipso existens, sed addidit recte, quia sola virtus est debita causa honoris, aut inquam propria virtus, aut aliena quæ in aliquo honoratur, in quantum illius personam gerit, ut dicitur 2. 2. quæst. 36. artic. 3. ideo si honor recte debeat exhiberi alicui, oportet ut ei propter virtutem exhibetur. Si autem propter diuitias solas aliquis honoraretur, non recte sibi exhiberetur honor, sed male & peruersè. Tertio, & est etiam Aristot. ratio, Quod aliquis honorem consequatur, non est in potestate eius, sed honorantis, ergo, &c. probatur consequentia, quia ad felicitatem per virtutes peruenitur: operationes autem virtutum sunt voluntariæ. Sed videtur ista ratio non concludere, sicut enim honor non est in potestate honorati, sed honorantis, ita neque visio Dei est in potestate videntis Deum, sed tantum in potestate Dei videntis se in intellectu creaturæ. Constat autem ex superioribus, quod visio aut cognitio Dei est felicitas intellectuæ nature, ergo quod honor non sit in potestate honorati, sed honorantis, non tollit quin possit esse felicitas.

RESPONDETUR, quod utique absolute loquendo non est in potestate hominis consequi beatitudinem, quasi scilicet propria virtute possit illam adipisci, sed supposita motione diuina qua animam mouet, & de-

terminatione diuinæ voluntatis statuentis ut bene operantes beatitudinem assequantur, est in potestate hominis ut ad beatitudinem perueniat, aut non sic est de honore, quia nec absolute nec ex aliqua suppositione quæ sit in actu, potest homo necessario assequi honorem, cum omnino sit in facultate honorantis honorare aliquem, aut non honorare. Et præterea visio Dei quamuis à Deo dependeat tanquam à prima causa beatitudinis, est tamen operatio hominis beati, non autem honoris: est operatio honorati: ideo non est eadem ratio de visione Dei, & de honore. Quarto, Melius est fieri honore dignum quam honorari, cum esse dignum honore solis bonis inesse possit: honorari autem etiam possint mali, ergo honor non est summum bonum. Quinto, Potest aliquis malus honorem consequi, ergo, &c. probatur consequentia, quia impossibile est esse malum cui adest summum bonum: cum summum bonum sit perfectum bonum, scilicet omnino & consequenter non compatiatur secum aliquod malum.

ADVERTE quod S. Thom. nullus in particulari nominat huius positionis authores, quia fortassis nulli hæc positio Philosophum eius fundatorem habuit. Sed videtur esse ut ponitur primo Ethicorum, opinio præstantium virorum, & qui rebus agendis sunt apti. Fundamentum autem eius est, quia honor est præmium virtutis, ut dicitur quarto Ethicorum: præmium autem virtutis est felicitas, ut in primo Ethicorum dicitur. Sed hæc ratio falso innititur fundamento. Honor enim non est verum præmium virtutis, ut inquit S. Thom. 2. 2. q. 2. art. 2. ad primum & 2. 2. q. 103. art. 1. ad secundum, sed est maius bonum quod possit ab hominibus dari, honor enim in rebus humanis & corporalibus primum locum tenet, & ideo dicitur præmium virtutis ab Aristot. non quidem sufficiens, ut ibidem dicitur, sed quale potest dari ab hominibus.

### Quod felicitas hominis non consistit in gloria humana.

#### Cap. 29.

**E**X quo etiam apparet quod nec in gloria quæ est in celebritate famæ, consistit summum hominis bonum. Est enim gloria, secundum Tullium, frequens de aliquo fama cum laude, & secundum Ambrosium, clara cum laude notitia. Ad hoc autem volunt homines innotescere cum laude & claritate quadam, ut ab eis, quibus innotescunt, honorentur: est igitur gloria propter honorem quæ sita. Si igitur honor non est summum bonum, multo minus gloria.

2 Adhuc, laudabilia bona sunt secundum quæ aliquis ostenditur ordinatus ad finem: qui autem ordinatur ad finem, non dum est ultimum finem assecutus. Laus igitur non attribuitur ei qui iam est ultimum finem assecutus: sed magis honor, ut Philosophus dicit in primo Ethicorum. non potest igitur gloria esse summum bonum, cum principaliter in laude consistat.

3 Amplius, cognoscere nobilius est quam cognosci: non enim cognoscunt nisi quæ sunt nobiliora in rebus: cognoscuntur autem etiam infima. Non potest igitur summum hominis bonum esse gloria, quæ consistit in hoc quod aliquis cognoscatur.

4 Item, cognosci aliquis non desiderat nisi in bonis: in malis autem querit latere. cognosci igitur bonum est & desiderabile propter bona quæ in aliquo cognoscuntur: illa igitur sunt meliora: non est igitur gloria quæ in hoc consistit quod aliquis cognoscatur summum hominis bonum.

5 Præterea, summum bonum oportet esse perfectum, cum quietet appetitum: cognitio autem famæ in qua gloria humana consistit est imperfecta: est enim plurimum incertitudinis & erroris habes. Non potest igitur talis gloria esse summum bonum.

6 Item, id quod est summum hominis bonum oportet esse stabilissimum in rebus humanis. naturaliter enim desideratur diuturna boni constantia. Gloria autem quæ in fama consistit, est instabilissima. Nihil enim est mutabilius opinione & laude humana. Non est igitur talis gloria summum hominis bonum.

#### Super Cap. 29.

**S**ECUNDO ostenditur quod nec in mundana gloria consistit summum hominis bonum, primo sic: Honor non est summum bonum, ergo multo minus gloria. probatur consequentia, quia gloria queritur propter honorem, cum secundum Tullium & Ambrosium consistat in celebritate famæ: ad hoc autem volunt homines cum laude innotescere, ut honorentur.

SED occurrit vnum dubium. Nam ut dicitur 2. 2. loco præallegato in præcedenti cap. ad 3. gloria est effectus honoris & laudis: ergo non videtur quod sit propter honorem, imò magis sit honor propter gloriam, sicut causa est propter suum effectum.

RESPON



**R**ESPONDETUR, quod gloria & est effectus honoris, & est causa, ex hoc enim quod testificatur de bonitate alicuius, fit quod per honorem clarescit bonitas eius in notitia plurimorum, in quo consistit gloria. ex hoc autem quod bonitas alicuius clarescit, mouetur homines ad illius honorem. ille igitur qui gloriam querit, eam finaliter ad honorem ordinat, quia ipsam querit tanquam honoris causam, non autem tanquam eius effectum. Secundo, gloria principaliter in laude consistit: ergo non potest esse summum bonum, probatur consequentia, quia laus non attribuitur ei qui iam est ultimum finem affectus, sed magis honor, cum laudabilia sint secundum quæ aliquis ordinatur ad finem.

**A**DVERTE quod antecedens habet sancti Thomae. tanquam manifestum ex diffinitionibus glossæ positæ ab ipso in prima ratione. Nam Tullius eam sic definit, quod est frequens de aliquo fama cum laude. & Ambrosius super epistolam ad Romanos, quod est clara cum laude notitia. ex his namque diffinitionibus apparet gloriam ad laudem pertinere. Tertiò, Gloria consistit in hoc quod aliquis cognoscatur, ergo & c. probatur consequentia, quia nobilior est cognoscere quam cognosci, cum cognoscere nobilioribus rebus conveniat, cognosci verò etiam infimis.

Quartò, Ex eodem fundamento arguitur. Gloria consistit in hoc, quod aliquis cognoscatur, ergo & c. probatur consequentia, quia cum cognosci non desideret quis nisi in bonis, constat ipsa bona meliora esse propter quæ cognosci est desiderabile.

Quintò, Cognitio famæ in qua gloria humana consistit, est imperfecta, quod plurimum incertitudinis habeat & erroris, ergo & c. patet consequentia, quia summum bonum oportet esse perfectum, cum quietet appetitum. Sextò, Gloria quæ in fama consistit, est instabilissima, ergo & c. patet consequentia, quia id quod est summum hominis bonum, oportet esse stabilissimum in rebus humanis, cum naturaliter desideretur diuturna boni constantia.

*Quod felicitas hominis non consistit in diuitiis.*

Cap. 30.

Idem. 1. 2. q.  
2. artic. 3.



**E**X hoc autem apparet quod nec diuitiæ sunt summum hominis bonum. Non enim appetuntur diuitiæ nisi propter aliud. per se enim nihil boni inferunt, sed solum utimur eis vel ad corporis sustentationem, vel ad aliquid huiusmodi: quod autem est summum, est propter se desiderandum, & non propter aliud. non sunt igitur diuitiæ summum hominis bonum.

2. Adhuc, eorum possessio vel conservatio non potest esse summum hominis bonum, quæ maximè conferunt homini in hoc quod emittuntur. diuitiæ autem in hoc maximè conferunt quod expenduntur. hoc enim earum usus est, non potest igitur diuitiarum possessio esse summum hominis bonum.

3. Amplius, actus virtutis laudabilis est secundum quod ad felicitatem accedit: magis autem est laudabilis actus liberalitatis & munificentiae quæ sunt circa pecunias, ex hoc quod pecuniæ emittuntur, quàm ex hoc quod conservantur. unde & ab hoc nomina harum virtutum sumuntur: non consistit igitur hominis felicitas in possessione diuitiarum.

4. Item, illud in cuius consecutione summum hominis bonum est, oportet esse hominem melius: diuitiis autem homo est melior: cum sint res quædam ad usum hominis ordinatæ: non est igitur in diuitiis summum hominis bonum.

5. Præterea, summum hominis bonum fortunæ non subiaceret: nam fortuita absque studio rationis eveniunt: oportet autem quod per rationem homo proprium finem consequatur: in consecutione autem diuitiarum maximum locum habet fortuna: non est igitur in diuitiis humana felicitas constituta.

6. Amplius, hoc evidens fit per hoc quod diuitiæ inuoluntariè amittuntur, & quod malis evenire possunt, quos necesse est summo bono carere: & quod instabiles sunt, & alia huiusmodi quæ ex superioribus rationibus colligi possunt.

Super Cap. 30.



**T**ERTIO ostenditur quod nec diuitiæ sunt summum hominis bonum, & arguitur primò sic. Non appetuntur diuitiæ nisi propter aliud, in quantum utimur eis vel ad corporis sustentationem, vel ad aliquid aliud huiusmodi. ergo non sunt summum bonum, quod est propter se, & non propter aliud desideratum. Secundo, Diuitiæ in hoc maximè conferunt, quod expenduntur, ergo earum possessio non potest esse summum bonum: probatur consequentia, quia illarum rerum possessio non potest esse summum hominis bonum: quæ maximè conferunt homini in hoc quod emittuntur. Ista ratio particulariter probat de diuitiis, quas Aristoteles primo Poli-

ticorum artificiales vocat, cuiusmodi sunt pecuniæ. Tertiò, Magis laudabilis est actus liberalitatis & magnificentiæ ex hoc quod pecuniæ emittuntur, quàm ex eo quod conservantur: cuius signum est, quod ex hoc nomina harum virtutum sumuntur, ergo felicitas in possessione pecuniarum non consistit, probatur consequentia, quia actus virtutis laudabilis est eo quod ad felicitatem accedit.

**A**D evidentiam huius rationis considerandum est ex doctrina sancti Thomæ 2. 2. quæst. 127. quod duo sunt actus liberalitatis circa pecuniam habitam. Vnus est uti pecunia, quod in ipsius emissionem consistit. Alius est conservare ipsam ad idoneum usum. inter hos actus usus pecuniæ siue eius emissio est principalis, utpote ad quem alius ordinatur, ideo magis laudabilis est usus pecuniæ quàm ipsius conservatio: & ex hoc videtur sancti Thomae concludere quod possessio pecuniarum non est felicitas. quia si sic esset, tunc esset magis laudabilis actus liberalitatis, qui est conservare pecunias, quàm usus eius qui est emittere. quia tantò actus virtutis est laudabilis, quantò ad felicitatem accedit. conservatio autem magis accedit ad possessionem pecuniæ quàm emissio, per quam aliquis ab ipsarum possessione recedit. unde & Aristot. 4. Ethic. ait quod usus pecuniarum in dando & erogando consistere videtur, quia capere & conservare magis possessio est. hoc autem constat esse falsum. idcirco in pecuniarum possessione felicitas consistere non potest.

**C**IRCA illam propositionem, Nomina liberalitatis & munificentiae trahuntur ab eo quod emittuntur pecuniæ, considerandum secundum doctrinam sancti Thomae loco allegato, quod hoc nomen liberalitatis convenienter ab emissionem sumptum esse videtur, quia cum aliquis à se emitit aliquid, quodammodo illud à sua custodia & dominio liberat, & animum suum ab eius affectu liberum esse demonstrat. hoc idem in Græco idiomate inspicere possumus. dicitur enim liberalitas Latine, Græcè ελευθεριότης, quod nomen ab hoc verbo ελευθερώ originem ducit. hoc autem verbum Latine significat liberum facio, quod in ipsa emissionem pecuniarum fit, per quam à suo dominio aliquis eam liberat.

**A**DVERTE quod ista ratio differt à priori, quia hæc procedit ex ordine actuum liberalitatis, & ex eorum bonitate, illa autem procedit ex utilitate quæ homini provenit ex pecuniis.

Quartò, Homo diuitiis melior est, cum ad eius usum ordinentur, ergo, & c. patet consequentia, quia summum hominis bonum, oportet hominem melius esse. Quintò, In consecutione diuitiarum maximum locum habet fortuna, ergo, & c. probatur consequentia, quia summum hominis bonum fortunæ non subiaceret, cum fortuita absque studio rationis eveniant, homo autem per rationem proprium finem consequatur.

**C**IRCA istam propositionem, Summum hominis bonum fortunæ non subiaceret, dubitatur, quia Philosophus secundo Physicorum ait, quod fortuna & felicitas circa idem esse videntur. *Tex. cō. 47.*

**R**ESPONDETUR ex doctrina sancti Thomæ 4. dist. 49. artic. 1. quæst. 1. ad 5. quod fortuna & felicitas sunt quidem circa idem subiectum, quia utraque non nisi in rationalibus esse potest: non autem sunt circa idem obiectum, quia fortuna est eorum quæ propter aliud aguntur, quando aliquid præter intentionem accidit. felicitas autem non ad aliud ordinatur, & est quæ ab omnibus intenditur. Sextò, Diuitiæ inuoluntariè amittuntur, & malis evenire possunt, qui summo bono carere debent, & sunt instabiles, ergo, & c.

**A**DVERTE circa primam conditionem hic positam, quod ratione summi boni est quod per violentiam alicui detrahi non possit, cum præter legem Evangelicam, quæ ponit beatam vitam æternam esse, ut patet Math. 23. etiam secundum Boetium & Tullium in libro de Finibus bonorum & malorum, ac etiam secundum Aristotelem primo Ethicorum, felicitas sit bonum per se sufficientissimum, & per consequens stabile ac perpetuum. nam ut Tullius ibidem ait, Si aliquid sit esse beatum, id oportet totum poni in potestate sapientis. Nam si amitti vita beata potest, beata esse non potest. sancti Thomae etiam 12. quæst. 5. artic. 4. probat beatitudinem amitti non posse si fuerit perfecta. idcirco si diuitiæ amitti per violentiam possunt, in ipsis felicitas consistere non poterit, & earum possessio longè est à beatitudine aliena.

**S**ED quod in diuitiis consistat felicitas, arguitur ex duobus. Primò, quia ex quinto Ethicorum, habetur quod numisma ad hoc est inventum, ut sit fideiussor habendi quodcumque homo voluerit. constat autem secundum Boetium tertio de Consolatione, quod felicitas est status omnium bonorum aggregatione perfectus. Secundò, quia Aristot. 1. Politic. ait, quod desiderium circa pecunias & diuitias, scilicet artificiales est infinitum, hoc autem ad summum bonum pertinere videtur, ut eius desiderium sit infinitum. Ad hæc respondet sancti Thomae 2. 2. quæst. artic. 1. Ad primum quidem quod intendit Aristot. pecunia haberi posse omnia venalia, non autem simpliciter omnia, quia spiritalia bona quæ venalia non sunt, pecunia haberi non possunt. Ad secundum autem, quod aliter est infinitum desiderium pecuniarum, & aliter desiderium summi boni: quia quando habentur quæcumque temporalia cōtemnuntur, & alia appetuntur, eo quod magis eorum insufficiētia cognoscatur cum habetur, summum autem bonum quantò perfectius possidetur, tantò magis amatur, ideo ratio nulla est.

*Quod felicitas non consistit in potentia mundana.*

Cap. 31.



**S**IMILITER autem nec in mundana potentia summum hominis bonum esse potest. Cum in ea obrinenda plurimum fortuna possit, & instabilis sit, & non subiaceat hominis voluntati, & plerumque malis adueniat: quæ summo bono repugnant, ut ex præmissis patet.

2. Item, homo maximè dicitur bonus secundum quod ad summum bonum attingit: secundum autem quod habet potentiam, non dicitur bonus neque malus. non enim est bonus omnis qui potest bona facere: neque malus est aliquis ex hoc

Idem 1. 2. q.  
2. art. 4.

Cap. præcep.  
c. 9.

Cap. 5. c. 6.



hoc quod potest mala facere. summum igitur bonum non consistit in hoc quod est esse potentem.

3 Adhuc, omnis potentia ad alterum est: summum autem bonum non est alterum: non est igitur potentia summum hominis bonum.

4 Amplius, illud quo quis potest & bene & male uti, non potest esse summum hominis bonum. melius enim est quo nullus malè uti potest. Potentia autè aliquis bene & male uti potest: nam potestates rationales ad opposita sunt: non est igitur potestas humana summum hominis bonum.

5 Præterea, si aliqua potestas est summum bonum, oportet illam esse perfectissimam. Potestas autem humana est imperfectissima. radicitur enim in hominū volūtatis & opinionibus, in quibus est maxima inconstantia: & quāto magis reputatur potestas, tāto à pluribus dependet: quod etiā ad eius debilitatē pertinet, cum quod à multis dependet, destrui multipliciter possit. non est igitur in potestate humana summū hominis bonū. Felicitas igitur hominis in nullo bono exteriori cōsistit, cum omnia exteriora bona, quæ dicuntur bona fortunæ, sub prædictis contineantur.

Super Cap. 31.



**V**ARTO ostenditur quod nec in mundana potētia summum hominis bonum esse potest, & arguitur primò sic: In ea obtinenda fortuna plurimum potest, & est instabilis, & non subiacet hominis voluntati, & plerumque malis aduenit, quæ omnia summo bono repugnant, ergo &c.

**ADVERTENDVM** ex 1.2. quæst. 2. artic. 4. quod ad beatitudinē per principia intrinseca homo ordinatur, cum ad ipsam naturaliter ordinetur, ideo bene ex eo quod aliqua bona ab extrinseco tantum proveniunt, & præterea à fortuna, concluditur illud summum non esse hominis bonum, & in ipso beatitudinem non consistere. Secundò, si sic esset, homo diceretur bonus secundum quod habet potentiam, quia homo maximè dicitur bonus secundum quod ad summum bonum attingit: sed hoc est falsum, quia non est bonus omnis qui potest bona facere, ergo &c. Tertiò, omnis potentia est ad alterum, non autem summum bonum, ergo &c.

**ADVERTET** quod potestas, ut patet 5. Metaphysicæ, habet rationem principij, principium autem ad alterum dicitur scilicet ad id quod est à principio. ideo bene hinc dicitur quod potentia ad alterum est. Quartò, Potentia quis potest bene & malè uti, cum potētiæ rationales ad opposita sint, hoc autem repugnat summo hominis bono, ergo &c. Quintò, Potestas humana est imperfectissima, quia radicitur in hominū volūtatis & opinionibus, in quibus est maxima inconstantia: & quāto magis reputatur, tantò à pluribus dependet, & cōsequenter multipliciter destrui potest. ergo &c. patet consequentia, quia si aliqua potestas est summum bonum, oportet illam esse perfectissimam. Concludit ex supradictis sanct. Thom. vniuersaliter quod in nullo bono exteriori consistit felicitas hominis, cum omnia talia bona sub prædictis contineantur.

**CONTRA** hanc conclusionem argui potest, tum quia per potestatem homines sunt Deo proximi, tū quia per potētiā sufficit quis sibi & aliis.

**S**ED nullum istorum conuincit, non quidem primum, quia, ut inquit sanct. Thom. loco præallegato ad primum, non sufficit ad beatitudinem quod homo appropinquet ad Deum quantum ad potestatem, sed requiritur etiam quod appropinquet quantum ad bonitatem, quod non conuenit homini ex humana potētia, cum illa possit bene & malè uti, Deus autem non possit sua potestate nisi bene uti, cum sua potestas sit sua bonitas. Non etiam secundum vrget, quia non sufficit ad beatitudinem quod aliquis sit in aliquibus sufficiens sibi & aliis, sed exigitur quod id quo sufficit sibi & aliis, se habeat tantum ad bonum, non autem ad bonum & malum, sicut est in potentia mundana.

Quod felicitas non consistit in bonis corporis.

Cap. 32.

Idem 1.2. 4.  
2. artic. 5. &  
q. 3. artic. 3.



**V**OD autem nec in corporis bonis, cuiusmodi sunt sanitas, pulchritudo & robur, sit hominis summum bonum, per similia manifestè apparet. Hæc enim etiam bonis & malis communia sunt, & instabilia sunt, & voluntati non subiacent.

2 Præterea, anima est melior corpore quod nō uiuit: nec prædicta bona habet nisi per animam. bonum igitur animæ, sicut intelligere, & alia huiusmodi, est melius quàm bonum corporis: non est igitur corporis bonum summum hominis bonum.

3 Adhuc, hæc bona sunt homini & aliis animalibus communia: felicitas autem est proprium hominis bonum: non est igitur in præmissis bonis hominis felicitas.

4 Amplius, multa animalia quantum ad bona corporis sunt homine potiora: quædam enim sunt velociora homi-

ne, quædam robustiora. & sic de aliis. Si igitur in his esset summum hominis bonum. non esset homo optimum animalium: quod patet esse falsum. non est igitur felicitas humana in bonis corporis consistens.

Super Cap. 32.



**I**S O quod felicitas non consistit in bonis fortunæ, vult ostendere sanct. Thom. quod nec in bonis corporis, cuiusmodi sunt sanitas, pulchritudo, robur, & huiusmodi, consistit, quemadmodum Carneades Academicus existimauit. Probat, tum quia hæc bona sunt bonis & malis communia, & instabilia sunt, & voluntati nō subiacent: tum quia bonum animæ est melius bono corporis, sicut anima est melior corpore, tum quia huiusmodi bona sunt homini & aliis animalibus communia, tum quia cum multa animalia quātum ad bona corporis sint homine potiora, sunt enim quædam ipso velociora, & quædam robustiora, & sic de aliis, sequeretur quod homo non esset optimum animalium.

**S**ED circa tertiam rationem dubitatur, quia videtur magis ex illo assumpto oppositum concludi. Quātò enim bonum est communius, tantò est diuinius, ut dicitur primo Ethicorum. ergo si bonum corporis est communius quàm quodcunque aliud bonum spirituale hominis, ut pote & homini & bruto conueniens, sequitur quod sit diuinius, & sic magis in ipso consistit felicitas, quàm in bono spirituali. Contra etiam conclusionem arguitur à quibusdā. Primò sanitas conferuat esse. ergo est optimum: sicut & ægrotudo pessima est, quia, tollit esse. Secundò, sanitas remouetur omne hominis bonum, ergo, &c. Tertiò, Omnium terribillissimum est mors, ergo summum appetibile est viuere. per locum à contrariis, ergo, &c. Ad primum horum respondetur ex doctrina sanct. Thom. in quarto Sententiarum eodem articulo ad tertium, quod propositio assumpta habet veritatem de communi secundum participationem vnius & eiusdem rei secundum numerum: quod enim est communius isto modo, est diuinius, sicut diuina natura est communis omnibus, in quantum omnes ipsa secundum aliquam similitudinem participant: non autem habet veritatem de communi secundum prædicationem, quo modo bonum corporis est communius quàm bonum spirituale hominis, ideo ratio non infringit propositum. Ad primum contra conclusionem dicitur, quod magis concludit oppositum, tum quia ex eo quod sanitas ad cōseruationem esse ordinatur, sequitur quod nō sit summum bonum: tum quia nec ipsa cōseruatio humani esse potest vltimus finis humanæ voluntatis & rationis: quod ostendit sanct. Thom. 2. quæst. 2. art. 5. quia impossibile est quod rei ordinatæ ad aliud sicut ad finem, cōseruatio in esse sit eius vltimus finis. manifestum est autem quod homo ordinatur ad aliud sicut finem, cum ipse non sit summum bonum. Ad rationem ergo negatur consequentia. Ad secundum negatur assumptum, imò etiam sanitas remota remanent multa bona hominis, puta bonum intellectus, & bonum virtutis. Ad tertium dicitur, quod mors est omnium terribillissimum inter mala corporalia, ideo nihil aliud sequitur nisi quod viuere est summum appetibile inter bona corporalia, non autem quod sit summum bonum simpliciter.

Quod felicitas non consistit in parte sensitua.

Cap. 33.



**P**E Readem etiam apparet quod neque summum hominis bonum est in bonis sensitiuæ partis. Nam hæc etiam bona sunt homini & aliis animalibus communia. Idem 1.2. q. 3. artic. 3.

2 Item, intellectus est melior sensu: bonum igitur intellectus est melius quàm bonum sensus: non igitur summum hominis bonum in sensu consistit.

3 Adhuc, maximæ delectationes secundum sensum sunt in cibis & venereis, in quibus oporteret esse summum bonum si in sensu esset, non est autem in his: non est igitur in sensu summum hominis bonum.

4 Amplius, sensus diligitur propter vtilitatē, & propter cognitionem. tota autē vtilitas sensuum ad corporis bona refertur: cognitio autē sensus ad intellectiua ordinatur: unde animalia intellectu carentia non delectantur in sentiēdo nisi per comparationem ad vtilitatē ad corpus pertinentem: secundum quod per sensus cognitionem consequuntur cibos vel venerea: non est igitur in parte sensitiua summum hominis bonum quod est felicitas.

Super Cap. 33.



**P**OSTQVAM ostendit sanct. Thomas quod felicitas non consistit in bonis fortunæ, neque in bonis corporis, vult nunc ostendere quod in nulla animæ operatione consistit. Et primò ostendit, quod summū hominis bonū non est in bonis sensitiuæ partis. probat autem hoc, tum quia hæc sunt homini & brutis communia: tum quia bonum intellectus est melius sensus, sicut intellectus est melior sensu: tū quia oporteret esse summum bonum in cibis & venereis, cum maximæ delectationes secundum sensum in illis sint: tum quia sensus diligitur propter vtilitatem, & propter cognitionem: vtilitas autem ista ad corporis bona refertur, & cognitio sensitua



sensitiva ad intellectum suam ordinatur.

ADVERTENDUM secundum doctrinam sancti Thomae 1.2. quæst. 3. artic. 2. quod licet in operatione sensuum non consistat essentialiter beatitudo, ipsa tamen aliquo modo ad hominis beatitudinem pertinet. Ad imperfectam enim beatitudinem qualis in hac vita haberi potest, antecedenter concurrunt. In quantum operatio intellectus operationem sensus præcedit. Ad perfectam autem beatitudinem, qualis habetur in patria concomitantem se habet, quia secundum Augustinum in epistola ad Dioscorum post resurrectionem ex animæ beatitudine fiet quædam redōdantia ad corpus & ad sensus corporeos, ut in sui operationibus perficiantur.

Tom. 2. epist. 36.

*Quod ultima hominis felicitas non consistit in actibus virtutum moralium.*

Cap. 34.

Idem supra.



APPARET autem quod nec in operationibus moralibus consistit ultima felicitas hominis. Felicitas enim humana non est ad ulteriorem finem ordinabilis, si sit ultima: omnes autem operationes morales sunt ordinabiles ad aliquid aliud. Quod patet ex his quæ inter eas sunt præcipuæ. Operationes enim fortitudinis quæ sunt in rebus bellicis ordinantur ad victoriam & ad pacem. Stultum enim esset propter se tantum bellare. Similiter operationes iustitiæ ad servandum pacem inter homines ordinantur: per hoc quod unusquisque quiete quod suum est possidet: & similiter patet in omnibus aliis: non est igitur in operationibus moralibus ultima hominis felicitas.

Adhuc, virtutes morales ad hoc sunt, ut per eas conservetur medium in passionibus intrinsecis, & exterioribus rebus. Non est autem possibile quod modificatio passionum vel rerum exteriorum sit ultimus finis humanæ vitæ, cum ipsæ passionibus & exteriores res sint ad aliud ordinabiles: non est igitur possibile quod in actibus virtutum moralium sit ultima hominis felicitas.

Amplius, cum homo sit homo ex eo quod est rationem habens: oportet quod proprium eius bonum, quod est felicitas, sit secundum id quod est proprium rationi. magis autem est proprium rationis quod ipsa in se habet, quam quod in alio facit. Cum igitur bonum moralis virtutis sit quoddam a ratione in rebus aliis a se institutum, non poterit esse optimum hominis, quod est felicitas: sed magis bonum quod est in ipsa ratione situm.

Cap. 19.

Item, ostensum est supra \* quod finis omnium rerum ultimus est assimilari ad Deum: illud igitur secundum quod homo maxime assimilatur Deo, erit eius felicitas: hoc autem non est secundum actus morales: cum tales actus Deo attribui non possint nisi metaphoricè. non enim Deo convenit habere passionibus vel aliqua huiusmodi quæ sunt circa actus morales: non est igitur ultima felicitas hominis quæ est ultimus eius finis, consistens in actibus moralibus.

Præterea, felicitas est proprium hominis bonum: illud igitur quod est maxime proprium hominis inter omnia bona humana respectu aliorum animalium: est in quærenda eius ultima felicitas: huiusmodi autem non est virtutum moralium actus: nam alia animalia aliquid participat vel liberalitatis vel fortitudinis: intellectualis autem actionis nullum animal aliquid participat: non est igitur ultima hominis felicitas in actibus moralibus.

Super Cap. 34.



ECVNDUM ostendit quod ultima felicitas hominis non consistit in operationibus moralibus, id est, in actibus virtutum moralium, ut Diogenes Cynicus posuit, & Stoicorum schola. Et arguit primo sic: Omnes morales operationes sunt ordinabiles ad aliud, sicut actus fortitudinis ad victoriam & pacem, & actus iustitiæ ad servandum pacem inter homines, ergo in ipsis non ultima hominis felicitas. probatur consequentia, quia felicitas humana non est ad ulteriorem finem ordinabilis, si sit ultima.

CIRCA probationem consequentiæ advertendum est, quod secundum mentem Aristotelis 10. Ethicorum & sancti Thomae ibidem. lect. 12. & in quæst. de Virtutibus quæst. 1. art. 5. ad 8. & 3. Sen. distinct. 34. quæst. 1. art. 4. & clarius de Veri. quæst. 14. art. 2. duplex est humana felicitas, una scilicet activa sive civilis, quæ consistit primo in actu prudentiæ, quo homo & se & alios gubernat: & secundario in actibus aliarum virtutum moralium, alia speculativa, quæ est actus sapientiæ, scilicet contemplatio summæ veritatis, quia autem activa felicitas ad speculativam ordinatur veluti quædam eius dispositio, ideo non est simpliciter ultima felicitas, licet sit summum bonum in genere vitæ actiæ & civilis, propter hoc ergo dixit sanctus Thomas hoc loco quod

felicitas humana non est ordinabilis ad aliud, si sit ultimarum, ut præservare se a felicitate activa & civili, quæ quidem est aliqua hominis felicitas, sed est ad aliam ordinata, & non est ultima. Simili ratione in principio capituli proposuit quod ultima felicitas hominis non consistit in operationibus virtutum moralium: ut inquam daret intelligere quod non negat aliquam felicitatem humanam in actibus huiusmodi virtutum consistere, sed quod negat in illis ultimam felicitatem esse, quæ est simpliciter summum hominis bonum, & non solum in aliquo genere. Secundum modificatio passionum vel rerum exteriorum non potest esse ultimus finis humanæ vitæ, cum ipsæ passionibus & res exteriores sint ad illud ordinabiles, ergo &c. probatur consequentia, quia virtutes morales ad hoc sunt, ut per eas in huiusmodi medium conservetur.

ADVERTE ex doctrina sancti Thomae in plerisque locis, præsertim 1.2. quæst. 60. artic. 2. quod virtutes morales distinguuntur, quia quædam sunt sicut circa materiam circa passionibus, sicut temperantia circa concupiscentias: quædam vero sunt circa operationes, sicut iustitia circa emptiones, venditiones, commutationes, & huiusmodi, ideo hic dicitur quod virtutes morales ad hoc sunt, ut per eas conservetur medium in passionibus intrinsecis, quæ scilicet sunt motus appetitus sensitivi, non autem extrinsecus duntaxat illarum: & exterioribus rebus operationibus & rebus circa quas huiusmodi exteriores operationes sunt. Tertiò bonum moralis virtutis est quoddam a ratione in rebus aliis a se institutum, ergo non est optimum hominis quod est felicitas, probatur consequentia, quia proprium hominis bonum est secundum id quod est proprium rationi, cum homo sit homo, ex eo quod est rationem habens, magis autem proprium rationis est quod ipsa in se habet quam quod in alio facit.

ADVERTENDUM ex sancti Thomae 3. sen. dist. 33. art. 1. q. 1. & 2. quod bonum virtutis moralis est bonum rationis, id est, bonum quod est ratione regulatum. nam ratio dirigit & regulat omnes actus humanos: & in tantum aliquis actus humanus est bonus, in quantum rationi conformatur, ideo hic dicitur quod bonum moralis virtutis est bonum a ratione in aliis a se institutum, quia videlicet in motibus appetitus & operationibus quæ a virtute morali moderationem accipiunt, quæ sunt alia a ratione, attenditur bonum ex ordine ad rationem, & ipsi actus qui a virtute morali produciuntur, qui sunt a ratione extrinseci, sunt boni in quantum rationi conformantur. Quartò, illud secundum quod homo maxime assimilatur Deo, est eius felicitas, cum finis omnium rerum sit Deo assimilari, ut ostensum est supra, hoc autem non est secundum actus morales, cum tales actus Deo non conveniant nisi metaphoricè, eo quod ipsi non conveniant passionibus, vel aliqua huiusmodi circa quæ sunt actus morales, ergo &c.

ADVERTENDUM hoc loco, quod licet summum bonum aliarum rerum consistat in aliquo bono ad quod per propriam operationem perveniunt, puta in gravi esse deorsum, hoc tamen in homine esse non potest, quia quod in illis est summum bonum in Deo formaliter non inveniunt, est id in quo maxime Deo assimilari possunt. In homine autem non est sic. Nam præter assimilationem ad Deum tanquam ad exemplar, quantum ad ea quæ Deo formaliter non conveniunt, habet in se unde illi assimilatur secundum eandem rationem operationis supremæ quæ Deo convenit, scilicet secundum intelligere & velle, secundum quæ creata maxime Deo appropinquant. ideo optime arguit sanctus Thomas. ultimam hominis felicitatem non consistere in operationibus moralibus, ex eo quod per ipsas homo non maxime Deo assimilatur, cum illæ Deo non conveniant, sed alia habeat in se per quæ magis appropinquant ad Deum, & illi magis assimilatur, scilicet intelligere & velle, quæ etiam sunt nobilissimæ operationes divinæ: unde & Aristoteles decimo Ethicorum ostendit in contemplatione maxime consistere hominis felicitatem, quia dicitur quod beati sunt, hanc solam operationem habent, non autem morales operationes, ideo secundum illam maxime homines dii similes sunt.

Cap. 10.

SED occurrit vnum dubium. Videtur enim hæc velle sancti Thomae quod nullæ virtutes morales Deo proprie conveniant, sed tantum metaphoricè, hoc autem in primo libro dixit verum esse de virtutibus moralibus, quæ sunt circa passionibus. sed de iis quæ circa operationes sunt, ut sunt iustitia & liberalitas, vult quod proprie Deo conveniant. Respondetur ex iis quæ ibidem dicit sanctus Thomas in prima parte quæst. 21. artic. primo. 12. quæst. 61. artic. 5. Item quarto Sententiarum, distinctione 46. artic. primo, quod huiusmodi virtutes morales quæ sunt circa actiones, dupliciter accipi possunt, scilicet secundum quod circa civiles actiones humanas sunt, & secundum quod absolute & communiter circa actiones versantur. Primo modo non conveniunt Deo ut dicitur 10. Ethicorum. Iustitia enim humana est circa emptiones & venditiones ac depositiones & huiusmodi: similiter liberalitas, circa dationes pecuniarum & huiusmodi, quæ non attribuitur Deo proprie: & sic intelligit sanctus Thomas hoc loco. Secundo autem modo Deo conveniunt, & sic intellige superius primo libro. est enim Deus rerum omnium naturalium distributor, & bonorum omnium largitor absque retributione, proprie loquendo. Vide ibi primo libro cap. 94.

Cap. 10.

Quintò, actus morales non sunt maxime proprii homini inter bona humana respectu aliorum animalium, sed tantum actio intellectualis, cum alia animalia aliquid vel liberalitatis vel fortitudinis participent non autem intellectualis operationis, ergo &c. probatur consequentia, quia felicitas est proprium hominis bonum, & ideo quærenda est in eo quod est maxime proprium homini.

ADVERTE quod bruta non dicuntur liberalitate & fortitudine participare, quasi istæ virtutes illis conveniant, sed quia habent aliquos actus similes actibus illarum virtutum, ad quos quædam non per electionem moventur, quod est de ratione virtutis, sed per naturalem instinctum.

ATTENDENDUM etiam quod Stoici ad ponendum felicitatem in actibus moralibus movebantur, ut videtur Cicero in libro de Finibus bonorum & malorum tangere, quia solum honestum bonum esse dicebant, honestum autem dicebant in virtute consistere, secundum quam homo bonus dicitur. sed eorum ratio non concludit. Respondetur enim ex doctrina sancti Thomae 1. parte, quæst. 6. art. 6. & 2.2. quæst. 145. quod honestum dupliciter accipi potest. Vno modo ut dividit bonum humanum nobis per experientiam notum, ut proprie videtur accipere doctores dividentes bonum in utile, delectabile & honestum: & sic honestum dicitur, quod in rebus humanis est per se eligibile tanquam existens secundum rationem ordinatum. & honestum idem est quod virtus. sed tunc falsum est quod hoc

Contra Gent.

B



neſtū ſit ipla vltima hominis ſclicitas, imò ad iplam ſclicitatem ſicut ad finem ordinatur, quamvis in ſe etiā aliquā rationē bonitatis habeat, etiam ſi nihil aliud boni nobis per iplum proveniret. Alio modo poteſt accipi ut dividit bonum in cōmuni, ut ſcilicet omne quod pro ſe appetitur, honeſtū dicitur: & ſic falſum eſt quòd virtus tantum habeat rationē honeſti, imò ipla Dei contemplatio magis habet rationē honeſti, quia ita propter ſe appetitur, quòd nullo modo appetit propter aliud. virtus autem ita propter ſe eſt appetibilis, quòd etiam propter aliud, ſcilicet propter cōſequendam beatitudinem eſt appetibilis.

*Quòd vltima hominis ſclicitas non conſiſtit in actu prudentia. Cap. 35.*



**P**X hoc etiam apparet quòd neque in actu prudentiæ eſt vltima hominis ſclicitas. Actus enim prudentiæ eſt ſolū circa ea quæ ſunt moralium virtutum: non eſt autem in actibus moralium virtutum vltima hominis ſclicitas: neque igitur in actu prudentiæ.

2 Aduç, vltima ſclicitas hominis eſt in optima hominis operatione: optima autem hominis operatio ſecundū id quòd eſt proprium hominis, eſt in comparatione ad perfectiſſima obiecta. Operatio autē prudentiæ non eſt erga obiecta perfectiſſima intellectus vel rationis non enim eſt erga neceſſaria, ſed erga contingentia operabilia. Non eſt igitur in eius operatione vltima hominis ſclicitas.

3 Amplius, quòd ordinatur ad alterum ſicut ad finē, non eſt vltima hominis ſclicitas. Operatio autem prudentiæ ordinatur ad alterum ſicut ad finem: tum quia omnis practica cognitio, ſub qua continetur prudentia, ordinatur ad operationem, tum etiam quia prudentia facit hominem bene ſe habere in his quæ ſunt ad finem eligenda: ſicut patet per Ariſtotelem in ſexto Ethicorum. \* non eſt igitur in operatione prudentiæ vltima hominis ſclicitas.

\* Cap. 26.

Cap. 13.

D 177

Cap. 1.

4 Item, animalia irrationabilia non participant aliquid ſclicitatis, ſicut probat Ariſtoteles in primo Ethicorum. participant autē quædam eorum aliquid prudentiæ, ut patet per eundem in primo Meta. igitur ſclicitas non conſiſtit in operatione prudentiæ.

*Super Cap. 35.*



**T**ERTIO oſtenditur quòd neque in actu prudentiæ eſt vltima hominis ſclicitas, ut Diogenes Cynicus, & Stoic voluerunt, quamvis in ipſo ſit actiua & ciuiliſ ſclicitas, ut in precedenti capitulo de mente Ariſtoteliſ dictum eſt, & arguitur primò, quia actus prudentiæ eſt ſolū circa ea quæ ſunt virtutum moralium, in quibus nō eſt vltima hominis ſclicitas. Secundo, quia vltima ſclicitas hominis eſt in optima hominis operatione, quæ eſt circa perfectiſſima obiecta. Prudentiæ autem operatio non eſt circa nobiliſſima obiecta intellectus vel rationis, cum ſit circa contingentia tantum. Tertio, quia actus prudentiæ ordinatur ad aliud ſicut ad finem, tum quia eſt practica cognitio tum quia prudentia facit hominem bene ſe habere in iis quæ ſunt ad finem, ut patet ſexto Ethicorum.

Quarto quia bruti aliquid prudentiæ participant, ut patet primo Metaphyſicæ: nihil autē participat ſclicitatis, ut primo Ethicorum oſtenditur.

CIRCA primam rationem aduertendum ex doctrina ſancti Thomæ. 1.2. quæſt. 13. art. 3. ad 1.3. diſt. 23. quæſt. 1. art. 4. quæſt. 2. ad 3. de Verit. Cardinalibus artic. 1. ad 3. quòd prudentia eſt media inter intellectuales virtutes & morales eſt enim ſecundū eſſentiam & ſubiectum virtus intellectualis, ſecundū materiam verò moralis, cum ſit recta ratio agibilium, & ſit virtutum moralium directiua. ideo hic dicitur quòd actus prudentiæ eſt ſolū circa ea quæ ſunt virtutum moralium, ſcilicet tanquam circa materiam.

Cap. 4. & 6.

CIRCA ſecundam rationē aduertendum ex ſancti Thomæ 1.2. quæſt. 17. artic. 4. ad 2. & art. 5. ad 3. & 2.2. quæſt. 47. art. 5. & eſt de mente Ariſt. 6. Ethicorum, quòd licet prudentia & ars ſint de numero virtutum intellectualium ſecundū eſſentiam & ſecundū ſubiectum, diſtinguitur tamen ab habitibus intellectualibus ſpeculatiuis, quia illi ſunt circa neceſſaria, iſta autem ſunt circa contingentia aliter ſe habere. ars enim eſt circa factibilia, quæ ſcilicet in materiam exteriorē traſeunt, prudentia verò circa agibilia, quæ ſcilicet ſunt operationes immanentes in agente. eſt enim humanarum electionum regulatrix & gubernatrix: electio autem conſequitur iudicium rationis de agendis, quòd iudicium eſt circa contingentia, ut dicitur 1.2. quæſt. 13. art. 6. ad 2. ideo bene hic dicitur quòd prudentia eſt circa contingentia.

CIRCA tertiā rationē aduertendū ex doctrina ſancti Thomæ. de Verit. q. 5. art. 1. quòd cum duo in rebus agibilibus ſint conſideranda, ſcilicet finis, & ea quæ ſunt ad finē, affectionē & bonā diſpoſitionē ad finē faciūt virtutes morales, prudentia verò dirigit in eis quæ ſunt ad finē inquantū dirigit conſilium & electionē quæ ſunt circa ea quæ ſunt ad finē. ideo hic dicitur quòd prudentia facit hominem bene ſe habere in iis quæ ſunt ad finem.

Cap. 6.

CIRCA quartam attendendum, quòd bruti aliquid prudentiæ participant dicuntur, non quia virtus prudentiæ aliquo modo in ipſis ſit, cum in ipſis non ſit ratio: prudentia autē ſit recta ratio agibilium, ut dicitur ſexto Ethicorum. Sed quia in operibus ſuis aguntur ſimili modo quo prudens operatur. quemadmodum enim prudens in ſuis operibus ordinare procedit, ut pote ex ratione quid ſibi agendum ſit deliberans, ita bruti, ut

1.2. quæſt. 13. art. 2. ad 3. & in primo Metaphyſicæ ſancti Thomæ. inquit ex naturali inſtinctu ad ordinatiſſimas quafdam operationes inclinatur, utpote à diuina arte directā. Vnde prudentia in ipſis dicitur naturalis quædam exiſtimatio de conuenientibus proſequendis & nociuis fugiendis, non autem cognitio qua cum deliberatione vnum ordinatur ad finem alteri & iudicatur eſſe præeligendum, quòd propriè ad rationem pertinet. Cap. 1. Lect. 1.

*Quòd ſclicitas non conſiſtit in operatione artis.*

*Caput 36.*



**P**A TET etiam quòd neque in operatione artis: quia etiā artis cognitio practica eſt: & ita ad finem ordinatur: & ideo ipla non eſt vltimus finis.

2 Præterea, operationū fines ſunt artificia: quæ non poſſunt eſſe vltimus finis humanæ vitæ: cum magis nos ſumus fines omnium artificialium. Omnia enim propter hominis vſum ſunt. Non poteſt igitur in operatione artis eſſe vltima ſclicitas.

*Super Cap. 36.*



**Q**UARTO oſtenditur quòd nec in operatione artis vltima hominis ſclicitas conſiſtit: & arguitur, tum quia cognitio artis eſt practica, & ita ad finem ordinatur: tum quia artificialia ſunt fines artis: illa autem non ſunt finis humanæ vitæ, ſed e contrariò nos artificialium finis ſumus: cum omnia propter vſum hominis ſiant, ſcilicet aut immediate, aut mediātē.

*Quòd vltima hominis ſclicitas conſiſtit in contemplatione Dei.*

*Caput 37.*



**S**IGITUR vltima ſclicitas hominis non conſiſtit in exterioribus quæ dicuntur bona fortunæ, neque in bonis corporis, neque in bonis animæ quantum ad ſenſitiuam partem, neque quantum ad intellectualem ſecundum actus

moralium virtutum, neque ſecundum intellectuales quæ ad actionem pertinent, ſcilicet artem & prudentiam: relinquitur quòd vltima hominis ſclicitas ſit in contemplatione veritatis. Hæc enim ſola operatio hominis eſt ſibi propria, & in qua nullo modo aliquid aliud communicat: hoc etiam ad nihil aliud ordinatur ſicut ad finem: cum cōtemplatio veritatis propter ſeipſam queratur. Per hanc etiam operationem homo ſubſtantiis ſuperioribus coniungitur per ſimilitudinem: quia hoc tantum de operationibus humanis in Deo & in ſubſtantiis ſeparatis eſt. Hæc etiam operatione ad illa ſuperiora coniungitur cognoscendo ipſa quocunque modo. Ad hæc etiam operationem homo ſibi magis eſt ſufficiens, utpote ad eam parum auxilio exteriorum rerum egens. Ad hanc etiam omnes aliæ operationes humanæ ordinari videntur ſicut ad finem. Ad perfectionem enim contemplationis requiritur incolumitas corporis, ad quam ordinantur artificialia omnia quæ ſunt neceſſaria ad vitam. Requiritur etiam quies à perturbationibus paſſionum, ad quam peruenitur per virtutes morales & per prudentiam: & quies ab exterioribus paſſionibus, ad quam ordinatur totum regimen vitæ ciuiliſ: ut ſic, ſi rectè conſiderentur, omnia humana officia ſeruire videantur contemplantibus veritatem. Non eſt autem poſſibile quòd vltima hominis ſclicitas conſiſtat in contemplatione quæ eſt ſecundum intellectum principiorum, quæ eſt imperfectiſſima, ſicut maxime vniuerſalis rerum cognitionem in potentia continens: & eſt principium non finis humani ſtudij, à natura nobis proveniens, non ſecundum ſtudium veritatis, neque etiam ſecundum ſcientias quæ ſunt de rebus inſimis: cum oporteat ſclicitatem eſſe in operatione intellectus per comparationem ad nobiliſſima intelligibilia. Relinquitur igitur quòd in contemplatione ſapientiæ vltima hominis ſclicitas conſiſtat, ſecundum diuinorum conſiderationem. Ex quo etiam patet inductionis via, quòd ſuprà rationibus eſt probatum, quòd vltima ſclicitas hominis non conſiſtit niſi in contemplatione Dei.

Super



Super Cap. 37.



**STENSO** quod felicitas in nullo prædictorum consistit, concludit sanct. Thom. ipsam in Dei contemplatione consistere. Circa hoc autem duo facit. Primum præmittit quasdam conclusiones. Secundum infert propositum. Prima conclusio est. Ultima hominis felicitas consistit in contemplatione veritatis. Probatur dupliciter. Primum inducendo per omnia, in quibus potest videri felicitas consistere, & arguitur sic: Non consistit in bonis fortunæ, non in bonis corporis, non in bonis animæ quantum ad partem sensitivam, neque quantum ad intellectivam secundum actus morales, aut secundum actus prudentiæ, & artis, ergo in contemplatione veritatis.

**ADVERTENDVM** quod actus virtutum moralium ponitur ad partem intellectivam pertinere, non quia sint actus ab intellectu elicti, cum sint actus appetitus: sed quia sunt actus ratione regulati, in quantum appetitus sensitivus hominis, in quo sunt virtutes morales, quæ sunt circa passionem, subditur rationi: appetitus autem intellectivus, in quo sunt virtutes quæ sunt circa operationes, per rationem dirigitur. Secundum arguitur ex conditionibus veræ felicitatis quas Aristoteles primo & decimo Ethicorum ponit. Contemplatio veritatis est homini propria, hæc non ordinatur ad aliud sicut ad finem, cum propter se ipsam quærat: per hæc homo substantiis superioribus coniungitur per similitudinem, cum hæc sola de humanis operationibus in Deo & substantiis separatis sit. Per hanc superioribus ipsa cognoscendo aliquo modo coniungitur, ad hanc homo sibi magis est sufficiens ut pote parum ad eam auxilio exteriorum rerum egens, ad eam omnes aliæ operationes ordinari videntur sicut ad finem. artificialia enim quæ sunt ad vitam necessaria, ad incoluitatem corporis ordinantur, quæ requiruntur ad contemplationis perfectionem. per virtutes quoque morales & per prudentiam & artem pervenitur ad quietem à perturbationibus passionum, scilicet interiorum: regimen verò totius vite civiliis ordinatur ad quietem ab exterioribus passionibus. quæ quietes ad contemplationem requiruntur, ergo &c.

**ADVERTENDVM** primum ex sancti Thomæ 1.2. quæst. 4. art. 6. quod bona corporis dispositio ad veritatis contemplationem requiritur tam in hac vita quam in patria, nõ quidem ut ad ipsam beatitudinis operationem conferens, sed tanquam excludens inualitudinem quæ eam impedire posset.

**ADVERTENDVM** secundum cum dicitur, quod homo ad veritatis contemplationem est magis sibi ipsi sufficiens, quod licet (ut hic dicitur) omnes artes & omnia officia humana servare videantur contemplantibus veritatem, non tamen auxilio omnium indiget homo de necessitate ad contemplandum, sed per se habet vim contemplandi, rebus autem exterioribus non indiget nisi ad corporis sustentationem. In vita autem activa illis indiget non solum ad corporis sustentationem, sed etiam ad opera virtutis. liberalis enim ad actum liberalitatis indiget divitiis, quas aliis possit impartiri, & sic de multis aliis virtutibus moralibus. ideo hic dicitur quod homo parum indiget rebus exterioribus ad veritatis contemplationem, & quod est magis sufficiens sibi ad hæc, quam scilicet ad operationes vite actiue in quas non potest nisi rebus exterioribus abundet. Secunda conclusio est. Ultima felicitas hominis nõ consistit in contemplatione quæ est secundum intellectum principiorum scilicet primorum. probatur, tum quia est imperfectissima, ut pote maxime universalis, & rerum cognitionem in potentia continens: tum quia est principium, non autem actus humani studij, ut pote à natura, non autem per studium virtutis proveniens.

**ADVERTE** quod cognitio primorum principiorum naturaliter cognitorum dupliciter considerari potest. Vno modo ut est ipsorum principiorum per se. secundo modo ut est cognitio aliquo modo conclusionum in ipsis virtualiter contentarum. Cum ergo hic dicitur quod illa cognitio est imperfectissima, non intelligitur ut est ipsorum principiorum secundum se. sic enim est perfectissima, cum sit maxime certa & evidentissima. sed intelligitur ut est conclusionum in ipsis contentarum. sic enim est cognitio univialis & potentialis, non autem actualis & distincta: & ideo respectu conclusionum est imperfectissima.

Tertia conclusio. Ultima felicitas hominis non est in contemplatione veritatis secundum scientias quæ sunt de rebus infimis. probatur, quia oportet felicitatem esse in operatione intellectus per comparisonem ad nobilissimam intelligibilem.

**ADVERTE** ex doctrina sancti Thomæ 1.2. quæst. 3. artic. 6. quod res non perficitur aliquo inferiori se, nisi in quantum in ipso est aliqua participatio superioris. unde cum res sensibiles sint intellectu inferiores, non perficitur intellectus earum formis, in quantum tales formæ sunt, sed in quantum in eis participatur aliquid simile alicui quod est supra intellectum, scilicet lumen intelligibile, vel aliquid huiusmodi. Cui ergo felicitas ultima hominis dicitur cognitionem intellectus perfectissimam qua aliquo intelligibili perficitur, impossibile est ut consistat in scientia quæ est de rebus infimis, id est, de rebus sensibilibus, quæ sunt intellectu humano inferiores: & in hoc consistit ratio conclusionis. Ex prædictis conclusionibus infert sanct. Thom. conclusionem principaliter intentam, scilicet quod in contemplatione sapientiæ, quæ inquam est secundum divinorum considerationem, ultima hominis felicitas consistit. Ex qua ulterius constat per viam inductionis quod in contemplatione Dei ultima hominis felicitas consistit, id quod superius multis rationibus est ostensum.

*Quod felicitas humana non consistit in cognitione Dei  
qua communiter habetur a pluribus.*

Cap. 38.

Idem opin. 3.  
cap. 104.

**N**quirendum autem relinquitur in quali Dei cognitione ultima felicitas substantiæ intellectualis consistit. Est enim quædam communis & confusa Dei cognitio, quæ quasi omnibus hominibus adest siue: hoc sit per hoc quod Deus esse sit per se motus, sicut alia demonstrationis principia, si-

cut quibusdā videtur, ut in primo lib. est dictum: siue (quod magis verum videtur) quia naturali ratione statim homo in aliqualem Dei cognitionem pervenire potest. Videntes enim homines res naturales secundum ordinem certum currere, cum ordinatio absque ordinatore non sit, percipiunt ut in pluribus aliquem esse ordinatorem rerum quas videmus. Quis autem, vel qualis, vel si vnus tantum est ordinator naturæ, nõdum statim ex hac cõmuni consideratione habetur: sicut cum videmus hominem moveri, & alia opera agere: percipimus in eo quãdam causam harum operationum quæ aliis rebus nõ inest: & hæc causam animam nominamus: nondum tamen scientes quid sit anima, si est corpus, vel qualiter operationes prædictas sufficiat. Non est autem possibile hanc cognitionem ad felicitatem sufficere. felicitatem enim operationem esse oportet absque defectu. Hæc autem cognitio est multorum errorum admixtionem suscipiens. Quidam enim rerum mundanarum non alium ordinatorem esse crediderunt, quàm corpora cælestia: unde corpora cælestia deos esse dixerunt. Quidam verò ulterius ipsa elementa quæ ex eis generantur, quasi æstimates motus & operationes naturales quas habent, non ab alio ordinatore eis inesse, sed ab eis alia ordinari.

Quidam verò humanos actus non alicuius ordinationi subesse credentes, nisi humanæ: homines qui alios ordinant, deos esse dixerunt. ista igitur Dei cognitio non sufficit ad felicitatem.

1 Amplius, felicitas est finis humanorum actuum: ad prædictam autem cognitionem non ordinatur humani actus sicut ad finem: imò quasi statim à principio omnibus adest. non igitur in hac Dei cognitione felicitas consistit.

3 Item, nullus per hoc vituperabilis apparet, quia felicitate caret: quinimo carentes ea & in ipsam tendentes laudantur. Ex hoc autem quod prædicta Dei cognitione aliquis caret, maxime vituperabilis apparet. designatur enim per hoc maxime hominis stoliditas, quod tā manifesta Dei signa nõ percipit: sicut stolidus reputaretur qui hominem videns habere animam, eum nõ comprehenderet.

Vnde & in Psal. dicitur, Dixit insipiens in corde suo non est Deus. non est igitur hæc Dei cognitio quæ ad felicitatem sufficiat.

4 Amplius, cognitio quæ habetur de re tantum in cõmuni, non secundum aliquid sibi proprium, est imperfectissima: sicut cognitio quæ habetur de homine ex hoc quod mouetur. Est enim huiusmodi cognitio per quam res cognoscitur in potentia tantum: propria enim in cõmunibus potentia cõtinentur: felicitas autem est operatio perfecta: & summum hominis bonum oportet esse secundum id quod est actu, & non secundum quod est potentia tantum: nõ potentia per actum perfecta habet boni rationem. Non est igitur præmissa Dei cognitio ad felicitatem nostram sufficiens.

Super cap. 38.



**OSTOYAM** ostendit sanct. Thom. felicitatem substantiæ intellectualis in Dei contemplatione consistere, vult nunc ostendere in quali Dei cognitione consistat. Circa hoc autem duo facit. Primum ostendit in qua Dei cognitione non consistat felicitas. Secundum in qua consistat, circa finem cap. 3. Circa primum ostendit primum quod felicitas non consistit in cognitione Dei quæ communiter habetur a pluribus, & duo facit. Primum declarat conclusionem. Secundum eam probat. Quantum ad primum inquit quod per cognitionem communem Dei intelligit confusam quandam cognitionem quæ quasi omnibus adest, siue quia secundum aliquos cognoscitur Deum esse tāqua per se notum, siue (quod verius est) quia videtur naturali ratione oportere esse aliquem ordinatorem rerum quas videmus: quis autem vel qualis sit, & an vnus tantum sit ordinator naturæ, nõ habetur statim ex hac cõmuni consideratione: declaratur per similitudinem cognitionis animæ ex motu & operibus aliis. Hanc igitur cognitionem Dei inquit sanct. Thom. ad felicitatem non sufficere.

**ADVERTENDVM** primum, quod S. Tho. duas opiniones deesse Dei tangit superius in 1. lib. adductas: quarum vna dicebat quod Deus esse demonstrari nõ potest, eod quod sit per se notum nobis, sicut & nota nobis sunt prima principia demonstrationis: altera verò dicebat, quod non est per se notum nobis. & quia prima opinio falsa est, & secunda vera, ideo inquit sanct. Thom. secundum verius est: quia tamē ambæ opiniones in hoc cõveniunt, quod aliqua cognitio Dei cõmunis est quasi omnibus, ideo veramque ad sui propositi confirmationem adduxit. Advertendum secundo, quod non dixit hanc confusam Dei cognitionem omnibus adesse, sed quasi omnibus, quia hæc actualis cognitio ab aliquibus remouetur propter impedimentum virtutis sensitivæ: sunt enim quidā quibus defectus rationis inest,

Contra Gent.

B 2

Cap. 10.

Cap. 11.



ed eundem modum affectus. Iste autem virtutes sensibiles interiores, ut patet in animalibus: & istis hanc ad valis cognitio non adest, sed omnibus ratione virtutibus videtur quod adque in esse. Nullus enim huiusmodi est cui non aliquando inest consideratio quod aliquis universi gubernator sit. Unde & Cicero in 1. q. Tusculanarum ait, quod nulla gens tam fera est, & nemo hominum tam immanis, cuius mentis non imbuerit deorum opinio. Quantum ad secundum arguitur primo sic, Hec cognitio multorum errorum admixtionem suscipit, ut patet ex eo quod quidam corpora caelestia, quidam vero ipsa elementa, ut pote a quibus secundum eos alia ordinantur, & eorum motus & actiones a nullo ordinatore eis insunt, quidam vero homines qui alios ordinant, deos esse dixerunt, ergo &c. patet consequentia, quia felicitas oportet operationem perfectam esse. Secundo, Ad istam cognitionem non ordinantur humanae actiones sicut in finem, imò quasi a principio, ab usu videlicet rationis omnibus adest, ergo &c. patet consequentia, quia felicitas est finis humanorum actionum.

**ADVERTE**, quod de ratione felicitatis, cum sit ultimus finis, est ut sit ultima perfectio ad quam homo suis operibus bene adis nititur pervenire, ideo ex eo quod illa confusa cognitio a principio adest, ut pote a natura proveniens, optime arguit sanctus Thom. in ipsa humana felicitate non consistere. Tertio, Ex eo quod praedicta cognitione aliquis caret, maxime vituperabilis apparet, & stolidus reputatur, iuxta illud Psalmi. Dixit insipiens, &c. ergo &c. probatur, quia nullus per hoc vituperabilis apparet, quia felicitate caret: quinimodo caret es ea, & in ipsam tendentes laudantur.

**ADVERTE** quod caret felicitate, non est vituperabile, si secundum se accipiat, ut patet in hominibus vivitibus, & in pueris in solo originali decedentibus in quantum sunt particulares personae: & sic intelligit sanctus Thom. Carere tamen felicitate sua culpa, ut in damnatis contingit. vituperabile est ratione culpa adiuncta, quae voluntaria est. Quarto, Talis cognitio est imperfectissima, quia huiusmodi cognitio est per quam res cognoscitur in potentia tantum, cum propria in communibus potentia contineatur, ergo &c. probatur consequentia, quia felicitas est, operatio perfecta, & summum hominis bonum oportet esse secundum id quod est in actu, & non id quod est in potentia, cum potentia perfecta per actum habeat boni rationem.

**ADVERTE** quod ultima verba scilicet potentia perfecta per actum habet boni rationem, adducitur pro ratione praecedentis propositionis, & est sensus, quod ideo summum bonum hominis non est id quod est in potentia, quia quod est in potentia, ut sic non habet rationem boni, cum careat actu ex quo aliquid habet ut sit bonum, sed omnem perfectionem & bonitatem habet in quantum potentia est perfecta per actum: sic enim arguitur: Quod est in potentia ut sit, non habet rationem boni, sed tantum quod habet actum: ergo quod est in potentia, non potest esse summum bonum. oppositum enim consequentis repugnat antecedenti.

*Quod felicitas humana non consistit in cognitione Dei, qua habetur per demonstrationem.*

Cap. 39.

Opus. 3. cap.  
264. & 12. q.  
66. artic. 5.  
ad 2.



**VERSUS** est quaedam alia Dei cognitio altior quam praemissa, quae de Deo per demonstrationem habetur: per quam magis ad propriam ipsius cognitionem acceditur: cum per demonstrationem remoueat ab eo multa per quorum remotionem ab aliis discretus intelligitur.

Ostendit enim demonstratio Deum esse immobilem, aeternum, incorporeum, omnino simplicem, unum, & alia huiusmodi, quae in lib. 1. \* de Deo ostendimus. Ad propriam autem alicuius rei cognitionem pervenitur non solum per affirmationes, sed etiam per negationes. sicut enim proprium hominis est esse animal rationale, ita proprium eius est non esse inanimatum neque irrationale: sed hoc interest inter utrumque cognitionis propriae modum, quod per affirmationes propria cognitione de re habita scitur quid est res, & quomodo ab aliis separatur: per negationes autem habita propria cognitione de re scitur quod est ab aliis discreta: tamen quid sit, remanet ignotum: talis autem est propria cognitio quae de Deo habetur per demonstrationes. Non est autem nec ista ad ultimam hominis felicitatem sufficiens. ea enim quae sunt alicuius speciei, perveniunt ad finem illius speciei ut in pluribus: ea vero quae sunt a natura, sunt semper vel in pluribus: deficiunt autem in paucioribus propter aliquam corruptionem. Felicitas autem est finis humanae speciei, cum omnes homines ipsam naturaliter desiderant. Felicitas igitur est quoddam commune bonum possibile provenire omnibus hominibus, nisi accidat aliquibus impedimentum quo sint orbi. Ad praedictam autem cognitionem de Deo habendam per viam demonstrationis pauci perveniunt propter impedimenta huius cognitionis, quae in principio libri \* tetigimus. non est igitur talis cognitio essentialiter ipsa humana felicitas.

\* Cap. 4. primi libri.

Cap. 10.

2. Adhuc, esse in actu, est finis existentis in potentia, ut ex praemissis patet. felicitas igitur quae est ultimus finis, est actus cui non adiungitur potentia ad ulteriorem actum: talis autem cognitio per viam demonstrationis de Deo habita remanet adhuc in potentia ad aliquid ulterius de Deo cognoscendum, vel eadem nobiliori modo, posteriores enim co-

nati sunt aliquid ad divinam cognitionem pertinet ad iungere his quae a prioribus inveniuntur tradita. non est igitur talis cognitio ultima hominis felicitas.

3. Amplius, felicitas omnem miseriam excludit. nemo enim simul miser & felix esse potest: deceptio autem & error magna pars miseriae est, hoc est enim quod omnes naturaliter fugiunt. Praedicta autem cognitioni quae de Deo habetur, multiplex error adiungi potest: quod patet in multis qui aliqua vera de Deo per viam demonstrationis cognoverunt, qui suas estimationes sequentes, dum demonstratio eis deesset, in errores multiplices inciderunt. Si autem aliqui fuerunt qui sic de divinis veritatem inveniunt demonstrationis via, quod eorum estimationi nulla falsitas adiungeretur: patet eos fuisse paucissimos: quod non congruit felicitati quae est communis finis: non igitur est in hac cognitione de Deo ultima hominis felicitas.

4. Praeterea, felicitas in operatione perfecta consistit: ad perfectionem autem cognitionis requiritur certitudo: unde scire aliter non dicimur nisi cognoscamus: quod impossibile est aliter se habere, ut patet in primo Posteriorum. cognitio autem praedicta multum incertitudinis habet: quod demonstrat diversitas scientiarum de divinis, eorum qui hoc per viam demonstrationis inveniunt conati sunt: non est igitur in tali cognitione ultima felicitas.

5. Item, voluntas cum consecuta fuerit ultimum finem, quietatur eius desiderium: ultimus autem finis omnis cognitionis humanae est felicitas. illa igitur cognitio Dei essentialiter est ipsa felicitas, quia habita non restabit alicuius scibilis desideranda cognitio. talis autem non est cognitio quam Philosophi per demonstrationes de Deo habere potuerunt: quia adhuc illa cognitione habita alia desideramus scire, quae per hanc cognitionem nondum sciuntur: non est igitur in tali cognitione Dei felicitas.

6. Adhuc, finis cuiuslibet in potentia existens est, ut ducatur in actum. Ad hoc enim tendit per motum quo movetur in finem: tedit autem unumquodque ens in potentia ad hoc quod sit actu, secundum quod est possibile. aliquid enim est existens in potentia, cuius tota potentia potest reduci in actum: unde huius finis est, ut totaliter in actum reducatur: sicut graue extra medium existens est in potentia ad proprium ubi: aliquid vero cuius potentia tota non potest simul in actum reduci: sicut patet de materia prima: unde per suum motum appetit successivum in actum diversarum formarum exire, quae sibi propter earum diversitatem simul inesse non possunt. Intellectus autem videtur esse in potentia ad omnia intelligibilia, ut in secundo dictum est. Duo autem intelligibilia possunt simul in intellectu possibili existere secundum actum primum quae est scientia: licet forte non secundum actum secundum, quae est consideratio. Ex quo patet quod tota potentia intellectus possibilis potest reduci simul in actum. hoc igitur requiritur ad eius ultimum finem, qui est felicitas. hoc autem non facit praedicta cognitio quae de Deo per demonstrationem haberi potest: quia ea habita adhuc multa ignoramus. non est igitur talis cognitio Dei sufficiens ad ultimam felicitatem.

Super Cap. 37.



**SCIVENDO** ostendit sanctus Thom. quod non sufficit ad humanam felicitatem cognitio Dei quae per demonstrationem habetur. Sed notat primum, quod per demonstrationem habetur altior cognitio de Deo, & magis acceditur ad propriam eius cognitionem, quam per praemissam, eo quod per demonstrationem remouentur ab eo multa, per quorum remotionem ab aliis discretus intelligitur. demonstratur enim ipsum esse immobilem, aeternum, incorporeum, &c. Notat secundum, quod cum ad propriam rei cognitionem perveniatur non solum per affirmationes, sed etiam per negationes, differt tamen inter istos modos propriae cognitionis, quia per affirmationes proprias scitur de re quid est, & quomodo ab aliis separatur: per proprias vero negationes scitur quod est ab aliis separata, sed quid sit, remanet ignotum: & talis est propria cognitio quae habetur de Deo per demonstrationes. De hoc modo cognoscendi Deum per negationes determinatum est in primo libro cap. 14.

1. **ISTIS** praesuppositis probatur conclusio. Primum sic: Felicitas est quoddam commune bonum possibile provenire omnibus hominibus, nisi accidat aliquibus impedimentum quo sint orbi. sed ad praedictam cognitionem pauci perveniunt propter impedimenta huius cognitionis quae in lib. sunt tracta, ergo &c. probatur maior, quia quae sunt unius speciei, perveniunt ad finem illius speciei, ut in pluribus, eo quod quae sunt a natura, aut

Text. Com. 7.

Cap. 4.



aut semper aut in pluribus sint, & raro deficient, felicitas autem est finis humanæ speciei, cum ipsam omnes homines naturaliter desiderant.

**ADVERTTE** cum dicitur omnes homines naturaliter desiderare beatitudinem quod hoc iuxta superius dicta intelligitur de felicitate formaliter sumpta, id est, de felicitate quantum ad communem rationem nomine felicitatis importat, quæ est ratio perfecti & completi boni, naturaliter enim unusquisque desiderat complementum suæ perfectionis, & supremum suum bonum. non autem intelligitur de felicitate materialiter sumpta id est de eo cui convenit ratio summi boni. item intelligitur quantum ad specificationem actus, non autem quantum ad exercitium.

**CIRCA** istam rationem multipliciter dubitatur. Primo circa processum rationis. videtur enim fieri transitus ab esse ad possibile. & à possibili ad esse. Nā ad probationem maioris assumitur quod ea quæ sunt unius speciei, perveniunt ad finem illius speciei ut in pluribus, & concluditur quod felicitas est bonum possibile provenire omnibus hominibus, nisi accidat impedimentum aliquibus: cui deberet concludi, quod est bonum ad quod omnes aut plures homines perveniunt. Similiter sub maiori subsumitur minor de ineffe, sed pauci perveniunt ad illam cognitionem, cum tamen deberet subsumi, pauci possunt ad illam pervenire. Et sic videtur processus falsus esse. Secundum, quia per hanc rationem probaretur quod etiam felicitas quæ in hac vita haberi potest, non consistit in cognitione Dei & substantiarum separatarum qualis potest haberi. Nam & pauci ad ipsam perveniunt: quod est contra Arist. 1. & 10. Ethic. Tertiū, quia per hanc rationem etiam probaretur quod visio Dei per essentiam, non est humana felicitas. Nā & ad hanc pauci perveniunt iuxta illud Mat. 20. Multi sunt vocati, pauci verò electi.

Ad primum horum respondetur, quod non est in hoc processu error. Nam maior licet videatur loqui de possibili tantum, intelligitur tamen & de ineffe. Sensus enim est quod felicitas est bonum quod potest omnibus adesse. id est ad cuius consecutionem nullus prohibetur, nisi sint aliqui obiculi, id est carere aliquo principio naturæ, & per consequens plures ad ipsam quandoque perveniunt. Unde ex illa propositione dat intelligitur sanctus Thom. sensum & sequentium præcedentium propositionum.

**ILLIUS** enim propositionis, Eaque sunt unius speciei, perveniunt ad finem illius speciei, ut in pluribus: sensus est quod maior pars eorum quæ continentur sub specie, habet potentiam perveniendi ad finem ultimum speciei, habetque sufficientia principia ad eius consecutionem, & consequitur ipsum finem, sicut & in aliis rebus naturalibus in paucioribus evenit quod effectus secundum speciem inclinationem non eveniat. Similiter & hæc propositio, Ad prædictam cognitionem de Deo habendam per viam demonstrationis pauci perveniunt: eodem modo intelligenda est. Sensus est enim quod ad cognitionem Dei per demonstrationem habendam pauci sunt qui non impediuntur, quia plures sunt quibus ad hunc impedimentum ad talē cognitionem, de quibus in 1. lib. dictum est quāquam qui illis impedimentis caret. Ad secundum dicitur primo, quod felicitas perfecta etiam naturalis in hac vita haberi non potest: patet etiam per Arist. in locis prælegatis: unde cognitio substantiarum separatarum quæ per scientias speculativas acquiritur, non est perfecta felicitas, sed quædam perfecta felicitatis participatio. Dicitur secundo, quod non sequitur ex hoc processu felicitatem possibilem haberi in hac vita non consistere in cognitione Dei & substantiarum separatarum qualis in hac vita haberi potest. licet pauci in hac ad ipsam pervenire possint.

**ILLA** enim propositio, Eaque sunt unius speciei, possunt ad finem illius speciei, ut in pluribus pervenire: habet veritatem simpliciter considerata natura, & de fine naturæ absolute sumpto, non autem considerata natura secundum statum aliquem determinatum, puta secundum statum huius vitæ. unde dicitur quod considerata natura humana secundum se, & considerato fine talis naturæ, plures pervenire possunt ad illum finem, qui est cognitio substantiarum separatarum: & plures ad ipsum perveniunt saltem post mortem, non oportet autem quod ad illum finem plures in hac vita perveniunt, quia sunt in hac vita multa quæ ad consecutionem talis finis impediunt. Si quæ tamen consequuntur aliquam similitudinem felicitatis in hac vita, eorum felicitas in cognitione substantiarum separatarum consistit. Dicitur tertiū, quod aliter loquendum est de iis quæ ab alio tantum moventur ad finem consequendum, & aliter de iis quæ sua operatione libere ad finem acquisitionem seipsa movent. In illis enim quæ ab alio tantum moventur ad finem, plura consequuntur finem, si ad finem moventur: & quia naturalia habent aliquod principium in se, per quod à dante naturam moventur ad finem: ideo pro maiori parte finem consequuntur. In istis autem quæ seipsa movent propria operatione ad acquirendum finem, verum est quod ut in pluribus ad finem perveniunt, non quidem absolute, sed si ad acquisitionem finis operentur: & ideo si omnes homines scientiæ speculativæ vacarent, tenderentque ad substantiarum separatarum cognitionem possibilem in hac vita haberi pro maiori parte ad hunc finem pervenirent, sed quia propter occupationes huius vitæ, & propter studij laborem pauci ad hanc acquirendam cognitionem operantur, ideo pauci ad ipsam perveniunt, & sic pauci consequuntur naturæ rationalis finem. Ad tertium dicitur, quod hæc ratio concludit de fine qui naturæ virtute acquiri potest, ut patet ex propositione hac assumpta, ea quæ sunt à natura, sunt semper vel in pluribus: deficient autem in paucioribus: visio autem Dei per essentiam, est finis virtutem naturæ excedens, ideo non oportet ipsum pluribus hominibus advenire, sed sufficit ut paucioribus adveniat, licet omnes homines sint vocati ad finem & ad gloriam. Inferius verò ostendit sanctus Thom. quod nec ipsa naturalis felicitas ad quam omnes saltē post mortem perveniunt, est completa felicitas hominis. Secundum. Cognitione de Deo per demonstrationem habita remanet in potentia ad aliquid ulterius de Deo cognoscendum vel eadē nobiliori modo. posteriores enim conati sunt aliquid traditis de Deo ab antiquioribus adiungere, ergo &c. probatur consequentia, quia felicitas quæ est ultimus finis, est actus cui non adiungitur potentia ad ulteriorem actum, cum esse in actu sit finis existentis in potentia.

Sed non videtur ista ratio concludere: per ipsam enim probaretur quod nullus videns divinam essentiam est beatus, quia cum nullus videntium Deum ipsum comprehendat, visioni cuiuslibet beati adiungitur potentia ad aliquid de Deo cognoscendum vel eadē nobiliori modo. Respondetur quod dupliciter loqui possumus de potentia. Vno modo ut nominat tantum carentiam alicuius perfectionis, cum aptitudine ad eam suscipiendam, & sic conceditur quod visioni cuiuscunque beati adiungitur potentia ad perfectiorem actum, sed de potentia hoc modo sumpta non est fer-

mo in hac ratione. Alio modo, ut nominat huiusmodi carentiam formæ, & aptitudinem ad ipsam, & ultra hoc tendentiam ad perfectionem, quando scilicet carens perfectione ad illam movetur, & sic accipitur potentia hoc loco. Ille enim qui novit aliquid de Deo per demonstrationem, conatur aliquid ulterius de ipso cognoscere, vel idem nobiliori modo, vel saltem posteriores aliquid cognitioni ab aliis traditæ conatur adiungere: quod est signum, cognitioni habitæ adijungi potentiam ad ulteriorem ad id tendentem & motam. modo dicitur quod potest hoc modo non adijungi visioni beatorum, quia neque videns Deum secundum aliquod gradum movetur ad querendam visionem secundum altiorum gradum, sed eius appetitus in illo gradu visionis quæ habet quietatur: nec qui posterius efficitur beatus, quærit addere ad visionem alterius beati, cum talis visio non habeatur per rationis inquisitionem, sed per Dei gratiam. sed de iis erit inferius latior sermo. Tertiū, Prædictæ cognitioni multiplex error adiungi potest, ut patet in multis qui aliquid de Deo per demonstrationem cognoscunt, dum circa aliqua eis demonstratio deesset, in multis erroribus inciderunt, ergo &c. probatur consequentia, quia felicitas omnem miseriam excludit: deceptio autem & error est magna pars miserie, unde omnes eam naturaliter refugiunt. Si dicatur quod aliqui absque adiunctione erroris veritatem de Deo via demonstrationis inveniunt patet eos fuisse paucissimos: quod non congruit felicitati scilicet naturali, quæ est communis finis: id est, omnibus aut pluribus conveniens.

**ADVERTENDVM** ex doctrina sancti Thom. 1. quæst. 2. art. 4. & 2. 2. quæst. 30. art. 1. quod cum miseria felicitati opponatur, felicitas autem sit bonum intellectualis naturæ tantum, oportet & miseriam propriè loquendo esse malum intellectus tantum naturæ, siue inquam contrarietur appetitui naturali ipsius, siue appetitui electivo. quia ergo error & deceptio intellectus est malum ipsius intellectus, & per consequens magni hominis mali cū per intellectum homo sit homo, ideo dixit sanctus Thom. quod error & deceptio est magna pars miserie.

Quartū, Prædicta cognitio multum incertitudinis habet, quod demonstrat diversitas scientiarum de Divinis eorum qui via demonstrationis processerunt, ergo &c. probatur consequentia, quia felicitas in operatione perfecta consistit: ad perfectionem autem cognitionis requiritur certitudo, ut patet primo Posteriorum.

**SED** videtur quod antecedes huius rationis contradictione implicet. Si enim cognitio per demonstrationem habetur, demonstratio autem facit scire, non dicimus autem aliquid scire (ut habetur primo Posteriorum) nisi cognoscamus quod impossibile est aliter se habere, quod est habere certam cognitionem: sequitur quod cognitio per demonstrationem sit certa, & sic dicere cognitionem habitam de Deo per demonstrationem habere multum incertitudinis, est dicere contradictoria.

**RESPONDERE** potest dupliciter. Primo quod non loquitur sanctus Thom. in illo antecede præcise de cognitione Dei quæ per demonstrationem causatur, quia ut deducitur, talis cognitio certitudinē habet: sed de cognitione tali simul cum aliis cognitionibus adiunctis, quando aliquis cum cognitione habita de Deo per demonstrationem, per discursum & ratiocinationem probabilem devenit in aliquam aliam cognitionem Dei non per demonstrationem. Accepta enim hac totali cognitione, in ipsa est multum incertitudinis, non ratione conclusionis demonstratæ, sed ratione eorum quæ probabiliter ita esse existimantur. Secundum respondere potest iuxta ea quæ dicta sunt in primo lib. cap. 5. quod non loquitur sanctus Thom. de cognitione quæ aliquis habet per veram demonstrationem apud ipsum existentem, quæ scit esse demonstrationem (quia ut arguitur, oportet talē cognitionem esse certā) sed loquitur de cognitione à Philosophis per demonstrationem aliis tradita. ista enim incertitudinem habet apud eum qui docetur, licet non apud docentem. Quamvis enim aliquis Philosophus tradat conclusionem verissimè demonstratam, tamen multi de huiusmodi conclusionibus dubitant, eo quod vim demonstrationis factæ ignorent, quando præsertim videant à diversis, qui sapientes videntur, diversa, & opposita doceri. & ista videtur esse intentio sancti Thom. contra quæ obiectio facta locū hāc habet. Quinto, illa cognitio est essentialiter felicitas, quia habita non est habitus scibilis desideranda cognitio: sed talis non est cognitio prædicta, cum illa habita alia desideremus scire non dū per illā cognitionem scita, ergo &c. probatur maior, quia felicitas est ultimus finis cognitionis humanæ, voluntas autem cum fuerit ultimus finem consecuta, quæritur eius desiderium. Sexto, Intellectus videtur esse in potentia ad omnia intelligibilia, ergo ad eius ultimum finem qui est felicitas, requiritur ut sit totaliter reductus ad actum, ergo &c. probatur prima consequentia, quia finis cuiuslibet existentis in potentia est ut educatur in actum, secundum quod est possibile, ut scilicet cuius potentia tota non potest reduci in actum simul, reducat in actum successivè, ut est in materia prima respectu formarum, cuius verò potentia tota potest in actum reduci, totaliter in actum reducat. duo autem intelligibilia possunt simul in intellectu possibili esse secundum actum: primum licet forte non secundum actum secundum, secundum quoque consequentia probatur, quia habita cognitio de Deo quæ per demonstrationem haberi potest, ad huc multa ignoramus.

**ADVERTTE** circa antecedes, quod si videtur, non ponitur tanquam dubitationem continens, sed ut idem significat quod est manifestum. Nam clarum est intellectum posse omnia intelligibilia cognoscere, cum cognoscat materiam primam quæ est minime entitatis: & Deum qui perfectissimus est, & maxime à sensibus remotus.

**ADVERTENDVM** quoque circa probationem primæ consequentia, quod cum velit probare sanctus Thom. sequi ultimum finem intellectus esse ut sit totaliter reductus in actum, assumit quod duo intelligibilia possunt simul esse in intellectu, cum tamen videatur quod debuerit assumere omnia intelligibilia simul posse esse in intellectu, hoc enim facit ut ostendat quod eadē ratio est de duobus intelligibilibus totaliter diversis, & de omnibus. nihil enim videtur repugnare quod plura intelligibilia possint simul esse, nisi quia sunt formæ eiusdem generis, ut pote eandē potestatem respiciunt. Si autem hoc non obstat duobus intelligibilibus, non obstat etiam omnibus: sicut & Philosophus quarto Physic. arguit, si duo corpora possint simul esse in eodem loco, quod infinita simul esse possunt.

**ATTENDENDVM** etiam cum ait, licet forte non secundum actum quæ est consideratio, quod non ideo addidit forte, quasi apud ipsum dubium sit an duo intelligibilia possint simul esse in intellectu secundum actum perfectum, cum



determinaverit in precedentibus ipsa illo modo simul in intellectu esse non posse, sed ut ostenderet non referre ad suum propositum quodcumque illorum oppositorum dicatur. Sufficit enim sibi quod duo intelligibilia, imò omnia possunt in intellectu simul esse in actu primo, quicquid sit de actu secundo: quia cum per cognitionem habitam de Deo demonstrationis via non sint omnia intelligibilia in actu, neque primo qui est habitus scientia, neque secundo qui est consideratio, optime sequitur quod ultima hominis felicitas in tali cognitione non consistit.

*Quod felicitas humana non consistit in cognitione Dei  
qua est per fidem.*

Cap. 40.

**E**ST autem & alia Dei cognitio quantum ad aliquid superior cognitione prædicta, quæ scilicet Deus ab omnibus per fidem cognoscitur: quæ quidem quantum ad hoc cognitionem, quæ de Deo per demonstrationem habetur, excedit: quia quædam de Deo per fidem cognoscimus, ad quæ propter sui eminentiam ratio demonstrans pervenire non potest, sicut in principio huius operis dictum est. \* non est autem possibile neque in hac Dei cognitione ultimam hominis felicitatem consistere.

Felicitas enim est perfecta humani intellectus operatio, sicut ex dictis patet. in cognitione autem fidei inveniuntur operatio intellectus imperfectissima quantum ad id quod est ex parte intellectus: quamvis maxima perfectio inveniatur ex parte obiecti. non enim intellectus capit illud cui assentit credendo: non est igitur neque in hac Dei cognitione ultima hominis felicitas.

Item, ostensum est supra, \* quod ultima felicitas non consistit principaliter in actu voluntatis: in cognitione autem fidei principalitatem habet voluntas. Intellectus autem assentit per fidem his quæ sibi proponuntur, quia vult, non autem ex ipsa veritatis euidencia necessarii tractus. Non est igitur in hac cognitione ultima hominis felicitas.

Adhuc, qui credit, assensum præbet his quæ sibi ab alio proponuntur, quæ ipse non videt. Vnde fides magis habet cognitionem auditui similem quam visioni. Non autem crederet aliquis non visis ab aliquo propositis, nisi æstimaret eum perfectiorem cognitionem habere de propositis quam ipse habeat qui non videt. Aut igitur æstimatio credentis est falsa: aut oportet quod proponens habeat perfectiorem cognitionem propositorum: quod & si ipse non solum cognoscit ea, sed quasi ab aliquo alio audiens: non potest hoc in infinitum procedere. esset enim vanus & absque certitudine fidei assensus. non enim inveniatur aliquod primum ex se certum quod certitudinem fidei credentium afferret. non est enim possibile fidei cognitionem esse falsam neque vanam, ut ex dictis patet in principio libri. \* & tamen si esset falsa & vana, in tali cognitione felicitas non posset consistere. Est igitur aliqua hominis cognitio de Deo altior cognitione fidei: siue ipse homo proponens fidem immediate videat veritatem, sicut Christo credimus: siue à vidente immediate accipiat, sicut credimus Apostolis & Prophetis. Cum igitur in summa Dei cognitione felicitas hominis consistat, impossibile est quod consistat in fidei cognitione.

Amplius, per felicitatem cum sit ultimus finis, naturale desiderium quietatur. cognitio autem fidei non quietat desiderium, sed magis ipsum accendit, quia unusquisque desiderat videre quod credit: non est igitur in cognitione fidei ultima hominis felicitas.

Præterea, cognitio de Deo dicta est finis in quantum ultimo fini rerum, scilicet Deo, coniungit, per cognitionem autem fidei non fit res credita intellectui præsens perfectè: quia fides de absentibus est, non de presentibus.

Vnde & Apostolus dicit 2. Cor. 5. quod quandiu per fidem ambulamus, peregrinamur à Domino: si tamen per fidem Deus præsens affectui, cum voluntarie credens Deo assentiat: secundum quod dicitur Ephe. 3. habitare Christum per fidem in cordibus nostris. Non est igitur possibile quod in cognitione fidei ultima felicitas humana consistat.

Super Cap. 40.



**T**ERTIO ostenditur, quod neque in cognitione habita de Deo ab omnibus per fidem, quæ excedit cognitionem de ipso per demonstrationem habitam, in hoc quod quædam per fidem de Deo cognoscimus, ad quæ propter sui eminentiam demonstratio pervenire non potest, ut in primo dictum est, humana felicitas non consistit. Probatur autem primo sic. In cognitione fidei inveniuntur operatio intellectus imperfectissima ex parte intellectus, non autem ex parte obiecti, cum intellectus non capiat illud cui assentit credendo: ergo in tali cognitione non consistit felicitas. probatur consequentia, quia felicitas est perfecta intellectus operatio.

Ad euidenciam antecedentis considerandum quod cum operatio intellectus sit quasi quoddam medium inter intellectum & obiectum. ex utroque bonitate aliquam & perfectionem accipit, ex obiecto quidem, in quantum tantum est operatio intellectus perfectior secundum speciem, quantum ad obiectum formale perfectius terminatur. ex intellectu vero sumitur eius perfectio in quantum intellectus per quam obiectum clarius & euidencius certitur, est perfectior, ex eo quod magis de lumine se tenet ex parte intellectus participat. Actus ergo fidei ex parte obiecti formalis est maxime perfectus, quia ut habetur 2. 2. quæst. 1. artic. 1. de Verit. quæst. 14. artic. 8. & 3. Sen. dist. 24. art. 1. eius obiectum formale est veritas prima, quæ omnem aliam rationem formalem intelligibilem excedit. sed ex parte intellectus est imperfectus, quia neque per lumen naturale intellectus, neque per lumen fidei infusus videtur id quod creditur in particulari. ut scilicet intellectus videat & clare apprehendat id quod creditur verum esse, videndo habitudinem prædictam ad subiectum, licet lumen fidei faciat intellectum videre ea quæ fidei substant, esse credenda, ut dicitur 1. 2. quæst. 1. artic. 4. ad 2. & 3. sed adhuc intellectus particulari credibili ex imperio voluntatis inclinatus intellectum ad eius assensum. Hoc est ergo quod dicit sanctus Thomas. quoniam inquam in cognitione fidei inveniuntur operatio intellectus imperfectissima ex parte intellectus, cum intellectus non capiat, id est, non comprehendat, neque clare & appetere videat illud cui assentit credendo. Prima enim principia ipso suo lumine immediate videt intellectus, conclusiones vero scitas videt ex principiis à quibus illas dependere cognoscit. sed propositiones creditas neque immediate in seipsis videt ex suo, aut ex superaddito lumine fidei, neque per solutionem ad aliquid visum & appatens intellectui, & propterea imperfectissima est illarum cognitio ex parte intellectus. Secundò, Voluntas in cognitione fidei principalitatem habet, quia intellectus assentit per fidem iis quæ sibi proponuntur, quia vult, non autem ex ipsa euidencia rei necessariò tractus, ergo &c. probatur consequentia, quia ultima felicitas hominis non consistit principaliter in actu voluntatis.

Ad euidenciam antecedentis considerandum ex doctrina sancti Thome. secunda secunda questione secunda, articulo secundo, tertio Sententiarum, distinctione vigesima tertia, questione secunda articulo secundo: & de Verit. quæst. decima quarta, articulo primo, quod fides cum intellectu qui est habitus primorum principiorum, & cum scientia qui est habitus conclusionum demonstrationis, convenit in hoc, quod ita per fidem intellectus est determinatus totaliter ad unam partem contradictionis, sicut per habitum principiorum, & per habitum conclusionum, sed differt quantum ad causam determinationis. Circa prima enim principia determinatur intellectus ex ipsismet principis & lumine naturali intellectus: quia statim in cognitionis terminis, ipsorum & veritas apparet & manifesta est intellectui. Circa conclusiones vero determinatur intellectus virtute primorum principiorum, ex ipsa inquam ratione qua ostenditur conclusio à veritate primorum principiorum dependere, quæ ratio cogit intellectum ad assentiendum conclusioni: & sic in cognitione tam primorum principiorum quam conclusionum deducitur ex illis, intellectus determinatur ex ipsa rei euidencia, & ex ratione quam apud seipsum habet. Circa ea autem quæ sunt fidei, determinatur immediate intellectus non ex aliquo existente in intellectu, sed ex ipsa voluntate credentis, qui eligit determinatè adhaerere uni parti quia est aliqua ratio qua iudicatur bonum esse & conveniens, assentire & adhaerere dicenti & revelanti, utpote quia revelans est dignus fide, & non falleret: quæ quidem ratio in quantum ostendit bonum esse ut rei propositæ adhaereatur, sufficit movere voluntatem & ipsam inclinare ad eligendum assentire illi determinatè, licet non sufficiat per se movere intellectum ad assentiendum, cum nullam rei euidenciam faciat voluntas autem sic mota ex illa ratione imperat intellectui ut firmiter adhaereat huic parti determinatè, puta quod Deus est trinus in personis & unus in essentia. Propterea ergo optime inquit sanctus Thomas. quod in cognitione fidei principalitatem habet voluntas. Vnde & Augustinus ait quod cetera potest homo nolens, credere non nisi volens.

ADVERTENDVM tamen cum inquit sanctus Thomas. in probatione antecedentis, quod intellectus assentit iis quæ sunt fidei, quia vult quod impropria locutio est, consueta tamen apud Philosophos. Non enim proprie loquendo intellectus vult. cum intellectus & voluntas sint potentie distinctæ, sed dicitur intellectus credere, quia vult in quantum ex imperio voluntatis movetur ad credendum. Vnde proprie dicitur quod homo per intellectum credens assentit iis quæ sunt fidei, quia vult: improprie vero intellectus credit, quia vult in quantum homo per intellectum movetur à voluntate credit.

Tertio. Est aliqua cognitio hominis de Deo altior cognitione fidei, siue ipse homo proponens fidem immediate videat veritatem, ut de Christo credimus: siue immediate à vidente accipiat, sicut credimus Apostolis & Prophetis, ergo &c. patet consequentia, quia in summa Dei cognitione felicitas hominis consistit: probatur antecedens, credens habet cognitionem similem magis auditui quam visioni, cum præbeat assensum iis quæ sibi ab alio proponuntur quæ ipse non videt. sed non crederet quis proponenti non videnti, nisi existimaret eum de illis perfectiorem notitiam habere quam ipse habeat. ergo cum ista existimatio non sit falsa, cum fides non possit esse falsa, ita erit quod proponens habeat perfectiorem cognitionem propositorum: non est autem processus in infinitum, ut scilicet hic ab alio audiat, & ille ab alio in infinitum. tunc enim esset vanus & absque certitudine fidei assensus, quia non esset devenire ad aliquod primum certum quod certitudinem fidei eorum qui creduntur afferret, quod fidei non convenit

Cap. 44. & sequen.

Cap. 24. & sequen.

\* Cap. 6. 1. libri.

fit tamen



conuenit: ergo est deuenire ad aliquē videntē ea quæ proponit, ergo &c.

CIRCA istam propositionem, Fides magis habet cognitionē similem auditui quā visioni: aduertendū ex doctrina sancti Thomæ 2.2. quæst. 1. ar. 4. & 3. Sent. dist. 2.4. ar. 2. quod illa videri dicuntur intellectu, quorū essentia intellectu præsentiatur, & quæ vel ex seipsis intellectu ad sui cognitionem mouet, vel per aliud ex se cognitū ab intellectu: ea autē de quibus est fides, non sunt intellectu secundum suam essentia præsentiata, tanquam per se aut per aliud cognitum mouentia intellectu, ideo cognitio fidei non est visio intellectiva propriè loquēdo de visione, quāuis largo modo possit dici visio, inquantū omnis cognitio visio potest dici: & propterea visioni corporali non assimilatur, sed magis assimilatur auditui, quia auditu cognoscimus ea quæ cū nobis præsentiata nō sunt, nobis recitantur, & similiter per fidem adhæremus iis quæ nostro intellectu non videmus.

CIRCA processum autem huius rationis statim occurrit dubiū, quia posset aliquis dicere, quod licet in cognitione eorū quæ ab alio proponuntur credenda & non videntur, sit deuenire ad aliquem habentem claram eorum notitiam, nō tamē oportet ut illud primū habens euidentiā taliū sit aliquis homo, sed est Deus à quo aliquis homo, puta Moyses, siue quicunque alius Prophetarū primū & immediatē cognitionem fidei accepit, & illi aliis proposuit credenda, & illi aliis quousque ad nos peruenit. Et sic vltima consequentia non tenet, scilicet, ergo est aliqua hominis cognitio de Deo altior cognitione fidei, sed quod cognitio Dei de iis quæ nobis credenda proponuntur, est altior nostra cognitione fidei.

AD euidentiā huius difficultatis considerandū est ex doctrina sancti Thomæ 2.2. quæst. 1. ar. 1. & de Verit. quæst. 18. ar. 3. quod cū fides sit ex auditu, ut dicitur ad Rom. 10. sicut duplex est auditus, & locutio, scilicet exterior siue corporalis, & interior ac spiritalis: ita duplex est fides. Vna quæ oritur in cordibus fidelium per auditū exteriorē, cū scilicet Deus per aliquos homines aliis credenda proponit: & ista est fides quæ nobis siue communi statui fidelium cōuenit, ex eo quod adhæremus reuelationibus Prophetarū & Apostolorū factis, qui suis prædicationibus fideles ad fidē traxerūt. Alia est quæ oritur in aliquibus per spirituale locutionē, qua Deus aliquibus per internam inspirationē credēda reuelat nullo hominis ministerio vtes. sicut est fides Apostolorū & Prophetarū, qui ab ipso Deo per intrinsecam illuminationē sunt de credēdis instructi, quæ alios docere debeant. Conueniūt vtrique fides in hoc quod vtrique habet pro formali obiecto diuinam veritatē, propter quod dicitur esse vna fides modernorū & antiquorū. conueniūt etiam quia vtraque est ænigmatica cognitio, inquantum per nullā ipsarū videtur essentia diuina siue veritas prima, neque inquam per seipsam, neque per rationē naturālē. differūt autē primū secundū quādam nobilitatē ex modo recipiēdi. nobilius est enim & altius cognitio fidei à Deo per internā illuminationē accipere, quā mediāntibus hominibus per exteriorē locutionē: quia per primū modū Deus est magis præsens homini, & homo magis de propinquo ad Deum accedit, & propter ea habet sub ænigmatica cognitione minus obscurā notitiā de iis quæ credit, & magis firmā ac stabiliē, quā per secundū modū. Differūt secūdō, ut patet ex iis quæ dicit sanctus Thom. ibidē in 2.2. quod licet quantum ad id quod est formale in obiecto fidei, fides sit in omnibus fidelibus cōmuniter, inquantū videlicet in iis quæ fidei sunt omnes in hæret primæ veritati, assentiendo illis, eō quod sunt à Deo reuelata: quāvis tamē ad ea quæ materialiter credenda proponuntur, est differētia, quia primū qui diuinitas per intrinsecā illuminationē de rebus diuinis sunt instructi, quædam de diuinis mysteriis manifesta & aperta cognitione cognoscere potuerūt, quæ nos solum lumine fidei nō possumus nisi credēdo cognoscere: sicut & in præsentī statu quædam sunt credita ab vno, quæ sunt manifestē scita ab alio, ut Deus esse vnū. Ad dubiū ergo dicitur quod dupliciter possumus interpretari processum sancti Thomæ. Primū ut velit deducere ad hoc, quod oportet deuenire ad aliquā cognitionē hominis de Deo altiorē omni cognitione fidei, ut pote per quā vidēatur clarē omnia quæ sunt per fidē tradita: & sic non videtur intendere, quia nō ponit ipse quod primū qui acceperunt fidē per internā illuminationē, sicut Apostoli & Prophetæ, sicut etiā angeli ante confirmationē, & homo ante peccatū, habuerint clarā & euidentiā notitiā omnium quæ sub fide nostra cadunt, licet (ut diximus) ponat de Adam ante peccatū, & de Angelis ante confirmationē posse dici quod quædam de diuinis mysteriis aperte cognouerint quæ nos per fidē tenemus, similiter ab alio homine fidem nō acceperunt, & per consequens nō oportet reducere eorū fidē in aliquē hominis altiorē cognitionē de Deo quā sit cognitio fidei, sed oportet omnī fidē vltimō reducere in diuinā cognitionē & diuinā sapientiā, à qua ad nos diuina mysteria perueniūt. Secundū possumus interpretari quod oportet deuenire ad aliquā cognitionē hominis de Deo altiorē fide, quā pro præsentī statu cōmuniter omnes fideles habēt, & sic videtur intelligere, tum quia in principio capituli ostēdit se loqui de cognitione qua Deus ab omnibus per fidē cognoscitur, tum quia deducit quod oportet deuenire ad aliquod primū quod ex se, id est, nō ex relatione alterius hominis certum sit de iis quæ creduntur, & aliis credētibz certitudinē afferat, sufficit autem ad hoc, ut aliquis sit qui à Deo per internā illuminationē cognitionē fidei acceperit, sicut enim iis qui ab alio aliquid immediatē audit, dicitur ex se habere certitudinem quod ille id dixerit, quia non ab alio id accepit, sed per se audiuit, ille autē qui nō immediatē ab illo audiuit, sed ab alio qui audiuit, nō dicitur ex se certus esse quod primū id dixerit, sed narrātū se audiuisse credit: ita qui ea quæ sunt fidei, ab aliis hominibus dicentibus ea esse à Deo reuelata, audiunt, non ex seipsis habent de illis certitudinē tanquā de reuelatis, sed tantum credunt ea prædicantibus, qui autem à Deo acceperunt per internam illuminationem, certō sciunt ex seipsis virtute diuini luminis in eis infusi esse sibi illa à Deo reuelata: & ex hoc aliorum fides habet certitudinem, & nō procedit in infinitum. Vult ergo habere S. Tho. quod est aliqua hominis cognitio de Deo altior cognitione fidei quam communiter fideles habent, scilicet cognitio primorum, quibus facta est à Deo fidei reuelatio. illa enim est perfectior, quia & abundantior lumine facta est, & certior in hoc quod cognoscebāt manifestē illa quæ cognoscebant & prædicabant sibi fuisse à Deo reuelata, & etiam quia de aliquibus claram notitiā habuerunt, de quibus nos fidem duntaxat habemus, & quoniam poterant tanquam magis Deo propinqui per illam illuminationem plura manifestē cognoscere de diuinis mysteriis & affectibus quā nos possumus. Vnde explicans sanctus Thom. esse ali-

quam hominis cognitionem de Deo altiorē fide. declarat per distinctionem, siue inquires ipse homo fidem proponens immediatē videat veritatem, sicut credimus Christo: siue à vidente immediatē accipiat, sicut credimus Apostolis & Prophetis: ac si diceret, quomodo cumque fides ad nos ex hominibus perueniat, siue inquantum immediatē ex ipso Christo clarē vidente ea quæ nobis credēda proponit, siue ex hominibus qui non habent euidentiā omnium quæ nobis proponunt sed eorum cognitionem accipiunt ab aliquo habente euidentiā, sicut sunt Apostoli & Prophetæ: oportet ut sit deuenire ad hominem habentem perfectiorem notitiā de iis quæ nobis credenda proponit, quā communis status hominum per fidem habeat. Si enim ipse habeat euidentiā horum quæ proponit, constat quod eius notitiā est altior. Si autem non habeat claram notitiā, sed ab eo accipiat immediatē per internam illuminationem qui claram notitiā habet, constat etiam quod eius notitiā est altior nostrā, utpote propinquo clarā notitiā, & per consequens minus aliquo modo obscura, & magis firma ac stabilis, magisque à dubietatis motibus se iuncta. Patet igitur quod obiectio non est contra intentionem rationis, quia non intendit sanctus Thom. deducere (ut obiectio supponit) quod oportet deuenire ad cognitionem hominis videntis clarē & manifestē omnia quæ credimus, sed absolutē quod est deuenire ad aliquam cognitionem hominis nostrā fide, quæ nostro scilicet statui competit, perfectiorem, siue illa sit visio clara eorum quæ credimus, sicut est in Christo, siue sit, à clara illorum visione per internam inspirationem causata, ut fuit in Apostolis & Prophetis.

ATTENDENDUM autē, quod cū dicitur siue ipse homo proponens fidem immediatē videat veritatem, siue à vidente immediatē accipiat, quod li immediatē dupliciter potest construi. Vno modo, ut in prima determinat illud participium proponens, ut sit sensus quod immediatē proponens, puta Christus qui immediatē Apostolis & etiam Iudæis fidē proposuit, videat, id est, apertē & clarē cognoscat veritatē eorū quæ nos credimus: in alia verō determinet li accipiat, ut sit sensus, quod proponēs fidem accipiat immediatē cognitionem ab habente claram notitiā, & non mediāntibus hominibus quibus fuerit prius facta de credēdis reuelatio. Alio modo quod determinet in vtraque propositione vidētē, ut sit sensus, siue iis qui proponit fidem videat immediatē veritatem, siue accipiat ab eo qui immediatē videt. Licet autem vterque sensus literā adaptari possit, secundum tamen mihi cōuenientiōr videtur, cū secundum ipsum in vtraque li immediatē referatur ad vnā intentionem. Pro quo sciendum ex doctrina sancti Thomæ in quæstione de Veritate adducta articulo primo ad secundum, & articulo tertio quod cognoscere veritatem de Deo contingit dupliciter. Vno modo per ipsam diuinam essentiam vniat intellectu, ut est in beatis. Alio modo per aliquam speciem intellectualem, siue sit species à creaturis accepta, siue sit à Deo in intellectu causata. prima dicitur cognitio immediata, quia videlicet non est per aliquam speciem quæ sit similitudo Dei tanquam per medium. Secunda verō dicitur mediata: quia est mediante tali similitudine, prima etiam est clara notitiā veritatis, quia per ipsam videtur ipsa Dei essentia de quo veritates cognoscuntur. Secunda autem est ænigmatica & obscura, quia similitudo illa per quam est cognitio non repræsētat Deum perfectē, sed imperfectē & deficienter. Sensus ergo propositionis sancti Thomæ est quod est aliqua cognitio hominis de Deo altior cognitione fidei quæ communiter habetur, siue ipse homo proponens credenda cognoscat veritatem videndo ipsam diuinam essentiam per ipsammet, & per consequens videndo clarē & apertē veritatem eorum quæ proponit sicut Christus, qui cū simul esset viator & comprehensor, ipsam diuinam essentiam videbat: siue cognoscat veritatem non quidem vidēdo diuinam essentiam, & per consequens non videndo clarē, sed accipiēdo cognitionem à vidente ipsam sicut Prophetæ & Apostoli qui per aliquā similitudinē spirituale diuinæ sapientiæ qua Deus & se & alia cognoscebat in eorū mētibus impressā, veritatē eorū quæ nobis proposuerūt credēda cognouerūt.

ATTENDENDUM quoque quod apostoli dupliciter à vidente essentiam diuinā cognitionē fidei susceperunt, scilicet à Christo qui beatus erat, per corporalem auditum: & à Deo per internā illuminationē, quādo spiritu sanctum acceperunt. Videtur autem sanctus Thom. hic loqui de cognitione Apostolorum secundum quod ipsam à Deo acceperūt, non autem secundum quod eam acceperūt à Christo: quia illa sola cognitio hominis viatoris de Deo est altior communi fide quæ per interionem inspirationem & per similitudinem diuinæ sapientiæ menti impressam accipitur: vnde & ipsos in eodem ordine cum Prophetis ponit, quos constat à solo Deo, non autem ab homine, talem cognitionem accepisse: & in quæstionibus de Veritate vbi suprà, ait quod in Apostolis & Prophetis orta est fides per auditum interionem.

SED occurrit dubium. Nam etiam fides nostra est infusa in mente cuiuscunque fidelis, & est quoddā spirituale lumē: & sic videtur quod fides primorum qui tradiderunt fidem nobis, non sit altior nostra fide, quia illam habuerint per internam inspirationem, non autem nos.

RESPONDETUR quod duo ad fidē requiruntur, scilicet q. homini credibilia proponantur quæ explicitē credere debet, & assensus credentis ad ea quæ proponuntur. Quantum ad secundum, fides nostra & fides primorū fidelium conueniunt, in vtrisque enim est habitus infusus quo iis quæ credenda proponuntur, homo firmiter adhæret & assentit, & quo illuminatur intellectus ad cognoscendum illa esse credenda, sed quantum ad primum differunt, quia nobis quibus ab hominibus per auditum corporalem credenda proponuntur voces significatiue exhibentur exterius, quæ sunt signa illarum rerum quæ debemus explicitē credere: illis autem qui à Deo per internam inspirationem huiusmodi rerum cognitionem accipiunt, exhibetur non exterior vox, sed aliquid diuinæ essentia signum, scilicet aliqua spiritalis similitudo diuinæ sapientiæ qua explicitē credenda innotescunt. Vnde sanctus Thom. de Verit. quæst. 13. articulo primo, ad vltimum, ponit differētiā inter prophetiam & fidem, quia prophetia perficit intellectum secundum se, & ideo oportet ut ea ad quæ propheta est instructus, possit distinctē inspicere. fides autem perficit intellectum in ordine ad affectum: vnde nihil habet nisi ut per ipsam intellectus sit paratus ad assentiendū iis quæ Deus credi mandat: & sic non oportet quod habēs habitum fidei distinctē cognoscat omnia credibilia. Ex quibus patet, quod licet tam fides nostra quā antiquorū, qua



rebus fidei firmiteſ adhæremus, ſit à Deo cauſata in mente fidelis, & ſit quoddam lumens ſciens nos cognoscere credibilia in communi, ſcilicet quòd ſint credenda: ea tamen quæ explicite credere debemus, illis altiori modo & altiori lumine propoſita ſunt, ſcilicet lumine diuinæ ſapien- tiæ à mentibus ipſorū participato, quod poteſt quoddam propheticū lum- men appellari: nobis autem ſenſibili voce à noſtro intellectu adiuuenta proponuntur: & propter hoc illorū cognitio eſt altior, vt pote firmior & ſtabilior noſtra, ac etiā aliqua ex parte manifeſtior, inquantū per illam in- ternā illuminationē ad plura diuina myſteria cognoscēda mens eorū ex- tēdebat, & minus obſcurē & diſtinctē ſingula credēda cognoscebat: vnde cōſequentia adducta non tenet. Quarto, Cognitio fidei nō quietat de- ſiderium, ſed magis accēdit, quia vnusquisque deſiderat videre quod cre- dit, ergo &c. probatur cōſequentia, quia per felicitatem quietatur deſi- derium. Vltimo, Per cognitionē fidei nō ſit res credita præſens intellectui perfectē, cū ſit de abſentibus, vt patet per Apoſtolū 2. Corint. 5. ergo &c. probatur cōſequentia, quia cognitio de Deo dicta eſt finis inquantum vltimo fini rerum, ſcilicet Deo coniungit. Addit ſanctus Thom. quod ſit ta- men per fidem Deus præſens affectui cū credens voluntariē Deo aſſen- tiat, quod ſignificat Apoſtolus Eph. 3.

ADVERTENDVM quòd res dicitur præſens intellectui perfectē quando ſecundū ſuam eſſentiā intellectui preſentatur aut per ſeipſam, aut per ſui perfectam & adæquatam ſimilitudinē. Dicitur autē præſens affe- ctui quādo in ipſam per amorē affectus inclinatur, quia ergo Deus de quo aliqua creditur per ſuā eſſentiā, nō præſentatur intellectui, ſed bene affe- ctus ipſius in illū inclinatur, vt pote volēs aſſentire iis quæ ab ipſo dicun- tur, quòd nō eſſet, niſi affectus inclinaretur in Deū. ideo bene hic dicitur quòd per cognitionē fidei nō ſit res credita præſens intellectui perfectē, licet inquam fiat præſens imperfectē, ſed bene per fidem ſit Deus præſens affectui. Poſſet etiam dici quòd per fidem ſit Deus præſens affectui cōſe- quenter, inquantum ex fide quis in Dei amorem accenditur.

*Quòd homo non poteſt in hac vit a cognoscere ſubſtantias ſeparatas per ſtudiū & inquisitionem ſcientia- rum ſpeculatiuarum, vt voluit Auempace.*

Cap. 41.



**H**ABET autem & adhuc aliam cognitionem de Deo intellectualis ſubſtātia. Dictū eſt enim in lib. 2. \* q. intellectus ſubſtātia ſeparata cognoscendo eſſentiā ſuā, cognoscit & quòd eſt ſupra ſe, & quòd eſt ſub ſe, & ſecūdū modum ſuæ ſubſtātiæ: quòd præcipuē neceſſe eſt ſi illud quòd eſt ſupra ipſam, ſit cauſa eius: cū oporteat in effectibus ſimilitudinē inueniri cauſæ. Vnde cū Deus ſit cauſa omnī ſubſtantiarū intellectualiū creaturarum, vt ex ſuperioribus pater: neceſſe eſt q. intellectuales ſubſtātiæ ſeparatæ cognoscendo ſuā eſſentiā cognoscant per modū viſionis cuiusdā ipſum Deū. Res enim illa per intellectu viſionis modo cognoscitur, cuius ſimilitudo in intellectu exiſtit: ſicut & ſimilitudo rei corporaliter viſæ eſt in ſenſu videntis. Quicūque ergo intellectus apprehēdit ſubſtātiā ſeparatam cognoscēdo de ea quid eſt, videt Deum altiori modo quā aliqua prædictarū cognoscāt. Quia ergo quidam poſuerūt vltimam felicitatem hominis eſſe in hac vita per hoc quòd cognoscūt ſubſtātiās ſeparatas: conſiderandum eſt utrū homo in hac vita poſſit ſubſtātiās ſeparatas cognoscere. Hoc autē quæſtionē habet. Intellectus enim noſter ſecundum ſtatum præſentem nihil intelligit ſine phan- taſmate: quòd ita ſe habet ad intellectu poſſibile quo in- telligimus, ſicut ſe habēt colores ad viſum, vt patet ex his quæ in ſecūdo tractata ſunt. ſi igitur per cognitionē intel- lectuā, quæ eſt ex phātaſmatibus, poſſit peruenire aliquis noſtrū ad intelligendas ſubſtātiās ſeparatas, poſſibile erit quòd aliquis in hac vita intelligat iſtas ſubſtātiās ſeparatas: & per cōſequēs vidēdo ipſas ſubſtātiās ſeparatas parti- cipabit modū illius cognitionis quo ſubſtātia ſeparata intelligens ſe, intelligit Deum. Si autem per cognitionem quæ eſt ex phātaſmatibus nullo modo poſſit peruenire ad intelligendas ſubſtātiās ſeparatas: nō erit poſſibile quòd homo in ſtatu huius vitæ prædictum modum diuinæ cog- nitionis aſſequatur. Quòd autem ex cognitione quæ eſt per phan- taſmata, ad intelligendum ſubſtātiās ſeparatas peruenire poſſimus, aliqui diuerſimodē poſuerunt. Auempace nanque poſuit quòd per ſtudiū ſpeculatiua- rum ſcientiarum poſſumus ex his intellectis quæ per phan- taſmata cognoscimus, peruenire ad intelligēdas ſubſtāti- as ſeparatas. Poſſumus enim actione intellectus extrahe- re quidditatem rei cuiuſlibet habentis quidditatem quæ non eſt ſua quidditas. Eſt enim intellectus natus cogno- ſcere quālibet quidditatem inquantum eſt quidditas: cū

intellectus proprium obiectum ſit quòd quid eſt. Si autem illud quòd primò per intellectu poſſibile intelligitur, eſt aliquid habens quidditatē: poſſumus per intellectu poſſi- bile abſtrahere quidditatē illius primò intellectu: & ſi illa quidditas habeat quidditatē, poſſibile erit iterū abſtra- here quidditatē illius quidditatis: & cū nō ſit procedere in infinitū, oportet q. ſtetur alicubi. Poteſt igitur intelle- ctus noſter peruenire via reſolutionis ad cognoscendam quidditatē ſubſtātiæ ſeparatæ nō habentē aliā quiddita- tē. talis autē eſt quidditas ſubſtātiæ ſeparatæ: poteſt igitur intellectus noſter per cognitionem quæ ex phātaſmatibus accipitur, peruenire ad intelligēdas ſubſtātiās ſeparatas. Procedit autē ad oſtēdendū idē per aliā ſimilē viā. Ponit enim q. intellectu vnus rei, vt puta equi, apud me & apud te multiplicatur ſolum per multiplicationē ſpecierū ſpiri- tualiū quæ ſunt diuerſæ in me & in te: oportet igitur quòd intellectu quòd nō ſuſtēatur in aliqua huiusmodi ſpecie, ſit idē apud te & apud me: ſed quidditas intellecti quā in- tellectus noſter natus eſt abſtrahere, vt probatū eſt, nō ha- bet aliquam ſpeciem ſpiritualē & indiuidualē: cū quid- ditas intellecti nō ſit quidditas indiuidui neq. ſpiritualis neque corporalis: cū intellectu inquantum eſt huiusmodi ſit vniuerſale: intellectus igitur noſter natus eſt intellige- re quidditatē cuius intellectus eſt vnus apud omnes: talis autem eſt quidditas ſubſtātiæ ſeparatæ: eſt igitur intelle- ctus noſter natus cognoscere ſubſtātiā ſeparatam. Si au- tem diligenter conſideretur, viā iſtā friuolā inuenientur. Cū enim intellectum inquantum huiusmodi ſit vniuer- ſale: oportet q. quòd quidditas intellecti ſit quidditas ali- cuius vniuerſalis, ſcilicet generis vel ſpeciei: quidditas au- tem generis vel ſpeciei horū ſenſibilium, cuius cognitio- nem intellectuam per phan- taſmata accipimus, compre- hendit in ſe materiam & formam. Eſt igitur omnino diſſi- milis quidditati ſubſtātiæ ſeparatæ, quæ eſt ſimplex & im- materialis. non eſt igitur poſſibile quòd per hoc quòd in- telligitur quidditas rei ſenſibilis per phan- taſmata, intelli- gatur quidditas ſubſtātiæ ſeparatæ.

2 Præterea, nō eſt eiſdē rationis forma quæ ſecundum ſe non poteſt ſeparari ab aliquo ſubiecto, cū illa quæ ſeparatur ſecundū eſſe à tali ſubiecto: licet vtrāque ſecundū conſiderationem accipiat abſque tali ſubiecto. nō enim eſt eadē ratio magnitudinis & ſubſtātiæ ſeparatæ: niſi po- namus magnitudines ſeparatas medias inter ſpecies & ſenſibilia, ſicut aliqui Platonici poſuerunt, quidditas autē generis vel ſpeciei rerū ſenſibilium non poteſt ſeparari ſe- cundum eſſe ab hac indiuiduali materia: niſi forte ſecun- dū Platonicos ponamus rerum ſpecies ſeparatas: quòd eſt ab Ariſtot. improbatum. eſt igitur omnino diſſimilis quid- ditas prædicta à ſubſtantiis ſeparatis quæ nullo modo ſunt in materia: non igitur per hoc quòd hæ quidditates intel- liguntur, ſubſtātiæ ſeparatæ intelligi poſſunt.

3 Adhuc, ſi quidditas ſubſtātiæ ſeparatæ detur eſſe eiſdē rationis cum quidditate generis vel ſpeciei iſtorum ſenſibilium: nō poterit dici q. ſit eiſdē rationis ſecū- dum ſpeciem: niſi dicamus quòd ſpecies horum ſenſibiliū ſint ipſæ ſubſtātiæ ſeparatæ: ſicut Platonici poſuerūt. Remanet igitur quòd non erunt eiſdē rationis niſi quantum ad ra- tionem quidditatis, inquantum eſt quidditas. Hæc autē eſt ratio communis, generis ſcilicet & ſpeciei & ſubſtātiæ. Non igitur per has quidditates de ſubſtātiis ſeparatis ali- quid intelligi poterit, niſi remotum genus ipſarū. Cogni- to autem genere non propter hoc cognoscitur ſpecies, ni- ſi in potentia. Non poterit igitur intelligi ſubſtātia ſepa- rata per intellectu harum quidditarum.

4 Amplius, maior eſt diſtancia ſubſtātiæ ſeparatæ à ſen- ſibilibus quā vnus ſenſibilis ab alio: ſed intelligere quid- ditatē vnus ſenſibilis nō ſufficit ad intelligēdā quid- ditatē alterius ſenſibilis. cæcus enim natus per hoc quòd in- telligit quidditatem ſoni, nullo modo poteſt peruenire ad intelligēdā quidditatem coloris: multo igitur minus per hoc quòd intelligat quis quidditatem ſenſibilis ſubſtātiæ, poterit intelligere quidditatem ſubſtātiæ ſeparatæ.

Item,

\* Cap. 98.

Cap. 15. 2. lib.

Ariſtot. 10. Et hi. cap. 10.

Cap. 8. & 59. & 73.

D. 75.

Ex Plat. Ti- meo de ſimi- tur.

Pla. Ibidem. 1. Met. tex. com. 2. 4. & ſeq.

Ex Platonis Timeo colligi- tur.



Item, si etiam ponamus quod substantiæ separatae orbes moueant, ex quorum motibus causantur formæ sensibilium: hic modus cognitionis substantiæ separatae ex sensibilibus non sufficit ad sciendam quidditatem ipsarum. nam per effectum scitur causa, vel ratione similitudinis quæ est inter effectum & causam: vel in quantum effectus demonstrat virtutem causæ: ratione autem similitudinis ex effectu non poterit sciri de causa quid est, nisi sit agens vnius speciei: sic autem non se habent substantiæ separatae ad sensibilia. ratione autem virtutis hoc etiam non potest esse, nisi quando effectus adæquat virtutis causæ. tunc enim per effectum tota virtus causæ cognoscitur: virtus autem rei demonstrat substantiam ipsius. Hoc autem in proposito dici non potest. nam virtutes substantiarum separatarum excedunt effectus sensibiles omnes quos intellectu comprehendimus: sicut virtus vniuersalis effectum particularem, non est igitur possibile quod per sensibilem intellectum deuenire possimus ad intelligendum substantias separatas.

Adhuc, omnia intelligibilia in quorum cognitionem deuenimus per inquisitionem & studiū, ad aliquam scientiarum speculatiuarum pertinet. Si igitur per hoc quod intelligimus naturas & quidditates istorum sensibilium, peruenimus ad intelligendas substantias separatas, oportet quod intelligere substantias separatas cōtingat per aliquā scientiarum speculatiuarum. Hoc autem non videmus, non est enim aliqua speculatiua scientia quæ doceret de aliqua substantiarum separatarum quid est, sed solum quia sunt, non est igitur possibile quod per hoc quod intelligimus naturas sensibiles, perueniamus ad intelligendas substantias separatas. Si autem dicatur quod est possibile esse aliquam talem scientiam speculatiuam, quamvis adhuc non sit inuenta: hoc nihil est: quia non est possibile per aliquā principia nobis nota ad intelligendas substantias prædictas deuenire. omnia enim propria principia cuiuscunque scientiæ dependent ex principiis primis indemonstrabilibus per se notis: quorum cognitionem à sensibilibus accipimus: ut patet in fine Posteriorum. sensibilia autem non sufficienter ducunt in cognitionem rerum immaterialium, ut per superiores rationes est probatum. non est ergo possibile aliquam scientiam esse per quam ad intelligendas substantias separatas perueniri possit.

Super Cap. 41.

**Q**UARTO ostendit sanctus Thom. quod felicitas hominis non consistit in cognitione Dei habita ex quidditatiua cognitione substantiarum separatarum. Circa hoc autem duo facit. Primo ostendit discurrendo per Philosophorum positiones quod homo in statu vigenon potest substantias separatas quidditatiue cognoscere. Secundo declarat quod in cognitione substantiarum separatarum, qualem illi philosophi posuerunt, non consistit humana felicitas, cap. 44. Circa primum duo facit. Primo proponit intentum. Secundo exequitur propositum in hocmet capitulo. Quantum ad primum notat primum ex superius ostensis in secundo libro, quod substantiæ separatae ex eo quod Deus est ipsarum causa, cognoscendo suam essentiam, quæ est quædam Dei similitudo, cognoscunt ipsum Deum per modum cuiusdam visionis, eo quod res illa per intellectum modo visionis cognoscatur, cuius similitudo in intellectu existit, ut patet ex visu corporali. Notat secundò tanquam ex præcedentibus sequens, quod quicunque intellectus apprehendit quidditatiue substantiam separatam, videt Deum altiori modo quam aliqua prædictarum cognitionum cognoscatur, id est, quam communis ipsius cognitione quæ omnibus adest, cognitione demonstratiua & cognitione per fidem. Notat tertio, quod quia quidam posuerunt vltimam felicitatem hominis esse in hac vita per hoc quod cognoscit substantias separatas, considerandum est utrum homo in hac vita possit peruenire ad cognoscendum substantias separatas ex phantasmatibus, qui est modus sibi proprius in hac vita. si enim hoc possit, possibile erit quod quis in hac vita intelligat substantias separatas, & per consequens videat ipsas participabit modum illius cognitionis quo substantia separata intelligens se intelligit Deum. Si autem illud non possit, non erit possibile ut homo in statu viæ prædictum modum diuinæ cognitionis assequatur.

CIRCA primum dictum considerandum, quod rem videri per intellectum, dupliciter dicitur. quandoque enim idem est quod ipsius essentiam perfecte ut in se est cognosci, aliquando verò prout distinguitur contra cognosci per relationem alterius & per auditum: & sic cognosci per similitudinem sui existentem in intellectu est videri. Cum ergo hic dicitur quod substantia separata cognoscendo se cognoscit Deum per modum visionis, non accipit visionem primo modo, quia ut alibi ostendit, substantia creata naturali cognitione non potest videre diuinā essentiam, ut in se est, sed accipit visionem secundo modo, ut scilicet cognoscere Deum modo visionis distinguitur contra cognoscere ipsum per fidem, quod est per auditum cognoscere, de quo modo tractatum est in præcedenti capite.

CIRCA secundum & tertium dictum aduertendum, quod sicut videns aliquid in quo aliud representatur, videt & ipsum representatum, licet

videat ipsum in alio, non in se, sicut videns speculum videt ea quæ in speculo representantur, ita cognoscens per intellectum aliquam essentiam perfecte quæ est alterius intelligibilis naturalis similitudo, cognoscit etiam ea quæ per talem essentiam representantur, dum ipsa essentia & ut re cognita, & ut ratione cognoscendi virtutis: sicut quia diuina essentia est similitudo omnium creaturarum representatiua, ideo Deus suam essentiam intuendo, omnia alia intuetur, quia ergo substantia separata essentia est quædam similitudo Dei per cuius inspectionem ipsa substantia separata Deum naturali cognitione cognoscit, ideo si intellectus humanus in via ad hoc perueniat quod ipsam essentiam substantiæ separatae perfecte cognoscat, ipsum etiam Deum naturaliter per essentiam substantiæ separatae representatum cognoscat. Propterea in secundo dicto inquit sanctus Thom. quod quicunque intellectus apprehendit substantiam separatam cognoscendo de ipsa quid est, videt Deum altiori modo quam fide & demonstratione cognoscatur: quia videlicet cognoscere ipsum secundum quod per essentiam substantiæ separatae representatur intellectui cognoscentis, est cognoscere ipsum altius quam per creaturas sensibiles, & per auditum ab aliis. In tertio quoque dicto ait, quod intellectus noster videndo substantias separatas participabit modum illius cognitionis quo substantia separata intelligens se intelligit Deum: quia scilicet sicut ex eo quod substantia separata intelligens suam essentiam virtutis ipsa etiam ut ratione intelligendi Deum, cuius est participata similitudo: ita & intellectus noster intelligens essentiam substantiæ separatae intelliget per ipsam cognitam Deum & sic erit similis modus cognitionis ex parte mediæ cognoscendi in quo Deus cognoscetur.

Quantum ad secundum ostendit sanctus Thom. intellectum nostrum non posse ex phantasmatibus cognoscere quidditates substantiarum separatarum. Circa hoc autem tria facit. Primo ostendit quod non potest eas cognoscere eo modo quo posuit Auempace. Secundo quod non eo modo quo posuit Alexander cap. sequenti. Tertio quod non eo modo quo posuit Auerrois cap. 43. Circa primum duo facit, Primo ponit positionem Auempacis, Secundo illam improbat: posuit ergo Auempace, quod per studium scientiarum speculatiuarum ex his intellectis quæ per phantasmata cognoscimus, possumus peruenire ad intelligendas substantias separatas. Hoc autem dupliciter declarat. Primo per intellectum possibilem qui natus est cognoscere quamlibet quidditatem in quantum est quidditas, cum eius proprium obiectum sit quod quid est, possumus abstrahere quidditatem cuiuslibet habentis quidditatem, quod non est sua quidditas, & sic cum non sit procedere in infinitum, erit successiue deuenire via resolutionis ad cognoscendam quidditatem substantiæ non habentem aliam quidditatem, qualis est quidditas substantiæ separatae. Hanc viam, ut inquit Com. 3. de Anima, com. 36. tetigit Auempace in epist. quam appellauit Continuationem intellectus. Secundo idem declarat in lib. de Anima, quia intellectus noster natus est intelligere quidditatem cuius intellectum est idem apud omnes. talis autem est quidditas substantiæ separatae, assumptum declaratur, quia cum intellectum vnius rei apud me & apud te multiplicetur solum per multiplicationem specierum spiritualium, oportet ut intellectum quod in huiusmodi specie non sustentatur, sit idem apud me & apud te, quidditas autem intellecti quam intellectus noster natus est abstrahere, cum non sit quidditas in diuini, eo quod intellectum in quantum huiusmodi sit vniuersale, non habet aliquam speciem spirituales & indiuiduales.

ADVERTE circa secundam viam huius positionis, quod per formas spirituales secundum quas dicit Auempace diuificari intellecta, intelligit non species intelligibiles, sed species & formas imaginabiles, ut S. Thom. exponit 4. Sen. dist. 49. quæst. 2. art. 1. sicut enim natura speciei non diuificatur nisi ut principiis indiuiduantibus est coniuncta, ita (inquit Auempace) forma intellecta non diuificatur nisi secundum quod diuersis formis imaginabilibus coniungitur, quæ scilicet indiuiduales sunt, & conditiones indiuidui representant. Vtraque istarum viarum conuenit in hoc fundamento, quod quia intellectus noster potest abstrahere quidditates rerum materialium, ideo etiam potest cognoscere quidditates separatas. propter hoc dicit S. T. secundam viam esse similem primæ. Arguit sanctus Thom. hoc fundamentum, quod etiam Themistius fuit, frivolum esse cum ipsa Auempace positione. Primo sic: Quidditas vniuersalis scilicet generis vel speciei, horum sensibilium quæ est quidditas intellecti, cuius cognitionem intellectuā per phantasmata accipimus comprehendit in se materiam & formam, ergo est omnino dissimilis quidditati substantiæ separatae quæ est simplex & immaterialis, ergo non potest per hoc quod intelligitur quidditas rei sensibilis per phantasmata, intelligi quidditas substantiæ separatae.

ADVERTENDVM quod licet per id quod est omnino dissimile alteri secundum propriam differentiam, possit deueniri in aliqualem ipsius cognitionem in quantum in aliquo communi conueniunt, aut in quantum vnum est alterius effectus, sicut per cognitionem creaturarum deuenimus in cognitionem Dei, non possumus tamen per ipsum deuenire in talem illius cognitionem qualis est cognitio qua videtur ipsa quidditas, ut est in seipsa: cum vnumquodque quod per alterum cognoscitur, aut per simile cognoscatur, aut aliquo modo per contrarium, ideo optime arguit S. Th. ex eo quod est omnimoda dissimilitudo inter quidditatem materialem, & quidditatem immaterialem, non posse per quidditatis materialis cognitionem quidditatem immaterialem cognosci. Secundo, & est confirmatio præcedentis: Quidditas generis vel speciei rerum sensibilium non potest separari secundum esse ab hac indiuiduali natura nisi forte pretermisso Aristotele velimus Platonem sequi, ergo est omnino dissimilis substantiis separatis, ergo & c. probatur prima cōsequentiā, quia non est eiusdem rationis forma quæ secundum se non potest separari ab aliquo subiecto, cum illa quæ separatur secundum esse, licet vtraque secundum considerationem accipiatur absque tali subiecto, sicut non est eadem ratio magnitudinis, & substantiæ separatae. Tertio, Si huiusmodi quidditates ponantur esse eiusdem rationis, hoc non erit nisi quantum ad rationem quidditatis in quantum est quidditas, cum non possint esse eiusdem rationis secundum speciem, nisi forte Platonicos sequamur ponentes species horum sensibilium esse ipsas substantias separatas: ergo per sensibiles quidditates de substantiis separatis non poterit aliquid intelligi nisi remotum genus ipsarum, ergo & cetera. Probatur prima cōsequentiā, quia ratio quidditatis est ratio communis generis scilicet & speciei substantiæ.



substantiæ. Secunda etiam probatur, quia cognito genere non propter hoc cognoscitur species, nisi in potentia.

Ad evidentiam huius rationis considerandum quod quidditas dicitur essentia rei secundum quod per definitionem significatur: essentia autem proprie convenit substantiis & completè, sicut & substantia sola completè & proprie diffinitur, & habet esse, ideo dicit S. Tho. de quidditate quod eius ratio est communis generis & speciei substantiæ, quia videlicet tam genus quam species substantiæ, sunt quidditates quædam secundum quod in abstracto significantur, & solæ substantiæ proprie & perfectè quidditatem habent, sicut & diffinitionem. Alia litera habet genus & speciei & substantiæ: & tunc esset sensus, quod est communis omni generi, omni speciei, & omni substantiæ, scilicet completæ. Ex hoc ergo quod ratio quidditatis est communis generi & speciei substantiæ, habetur quod est veluti remorum genus cuiuslibet substantiæ separatæ, siue nomine generis intelligamus id quod proprie genus est, scilicet substantiæ quæ est genus generalissimum, quæ est communis & omnibus generibus & omnibus speciebus sub ea contentis: siue nomine generis intelligamus rationem omnem communem pluribus generibus & pluribus speciebus, sicut substantia diuisa per primam & secundam de genere generalissimo substantiæ prædicatur, & de omnibus speciebus substantiæ & indiuiduis: & ideo utro modo accipiat genus, sequitur quod per cognitionem quidditatum materialium non poterit cognosci de substantiis immaterialibus nisi genus remotum ipsarum, scilicet substantia & quidditas in qua solæ materiales & immateriales quidditates conveniunt, ut substantiæ & quidditates sunt, quia non potest vnum ducere in cognitionem alterius ratione similitudinis inter ipsa, nisi quantum ad illam rationem in qua conveniunt & similia sunt.

Quartò, intelligere quidditatem vnius sensibilis, non sufficit ad intelligendam quidditatem alterius sensibilis. non enim cæcus natus per hoc quod intelligit quidditatem soni, intelligit coloris quidditatem. ergo, &c. probatur consequentia, quia maior est distantia substantiæ separatæ à sensibilibus quam vnius sensibilis ab alio. Quintò, si ponamus substantias, separatæ ex motibus orbium causare formas sensibiles, hic modus non est in proposito sufficiens, & arguitur sic: Neque ratione similitudinis sensibilium ad substantias separatæ, neque ratione virtutis demonstrat potest ex quidditate sensibilis cognosci quidditas substantiæ separatæ. ergo, &c. antecedens probatur per primam quidem parte, quia sensibilia non sunt eiusdem speciei cum substantiis separatæ, pro secunda verò parte, quia nullus effectus sensibilis adæquat virtutem substantiæ separatæ, cum virtutes substantiarum separatarum excedant effectus omnes sensibiles quos intellectu comprehendimus, sicut virtus vniuersalis effectum particularem. Consequenter quoque ostenditur, quia per effectum non scitur causa nisi aut ratione similitudinis inter causam & effectum, aut inquantum effectus demonstrat virtutem causæ. De materia huius rationis determinatum est in præcedentibus. Sextò, per nullam scientiarum speculatiuarum contingit scire de aliqua substantiarum separatarum quid est, cum nulla hoc doceat, sed tantum quia sunt. ergo, &c. probatur consequentia, quia omnia intelligibilia in quorum cognitionem per inquisitionem & studium devenimus, ad aliquam scientiarum speculatiuarum pertinent. Si dicatur quod possibile est esse aliquam talem scientiam speculatiuam, quamvis adhuc non sit inuenta, hoc nihil est, quia sensibilia non sufficenter ducunt nos in cognitionem rerum immaterialium, ut est ostensum: omnia autem principia cuiuscunque scientiæ dependent ex principiis primis indemonstrabilibus per se notis, quorum cognitionem à sensibilibus accipimus.

Ad evidentiam huius rationis considerandum ex doctrina sancti Thome super Boetium tractatum in ultimo, quod cum tam in demonstrationibus quam in inuentionibus diffinitionum in scientiis speculatiuis semper procedatur ex aliquo prius noto, & non sit processus in infinitum in huiusmodi resolutione, necesse est devenire ad aliqua prima per se nota tam in propositionibus quam in conceptibus, sicut sunt primæ propositiones indemonstrabiles, & conceptio entis omnibus notissima: & similiter conceptio vnius & aliorum huiusmodi, quo fit ut ea tantum via demonstrationis aut diffinitionis in scientiis cognosci possint ad quæ hæc ipsa naturaliter nota se possunt extendere, quæ sunt prima nostræ cognitionis principia, sicut & causa particularis non potest nisi contenta sub vniuersali causa producere. Ista autem nobis naturali lumine intellectus agentis nota sunt, quo quidè lumine nihil homini manifestatur, nisi inquantum per ipsum phantasmata fiunt actu intelligibilia. phantasmata autem à sensu accipiuntur, ideo ista principia naturaliter nota non se extendunt nisi ad ea quorum cognitio ex iis quæ sensu percipimus, accipere possumus. Propterea optime deducit sanctus Thomas ex eo quod per quidditates sensibiles non possumus quidditates immateriales cognoscere, quod nulla scientia speculatiua humana potest esse quæ nos ducat in noticiam huiusmodi quidditatum, cum omnes scientiæ ex talibus principiis naturaliter notis procedant. Ex his rationibus relinquit sanctus Thomas tanquam manifestam rationem Avempace solutionem. Constat enim utramque consequentiam falsam esse scilicet hanc: Intellectus noster potest abstrahere quidditatem, ergo potest cognoscere quidditatem per se abstractam. similiter & hanc: Intellectus noster natus est intelligere quidditatem cuius intellectus est vnus apud omnes, ergo & quidditatem immaterialem ac separatam.

Si quis autem diceret quod Avempace non adducit illas rationes tanquam demonstratiuas simpliciter, sed tanquam ostendentes à signo, (ex eo enim quod videmus intellectum intelligere quidditatem abstractam, & ipsam abstrahere etiam si in infinitum esset abstrahibilis, signum nobis est quod etiam quidditates per se ipsas abstractas potest intelligere) responderetur quod illud non est sufficiens signum: quia quantumcunque intellectus noster multas abstrahere possit quidditates, omnes illæ quidditates per ipsum abstractæ sunt aliquo modo eiusdem rationis, inquantum omnes sunt quidditates rerum materialium: quidditas autem ex se separata non est eiusdem rationis cum quidditatibus per intellectum abstractis, quum sit omnino extra genus materialium: ideo non est simile.

*Quod non possumus in hac vita cognoscere substantias separatæ, ut posuit Alexander.*



VIA verò Alexander posuit quod intellectus possibilis est generabilis & corruptibilis, ut raph. de An. ma. lib. 1. cap. de Intellectu agente. Cap. 62.

possibile ut talis virtus supra materialia eleuetur: posuit quod intellectus possibilis noster nunquam possit pervenire ad intelligendas substantias separatæ: posuit tamen quod nos secundum statum præsentis vitæ possumus substantias separatæ intelligere: quod quidem ostendere nitentur hoc modo. Vnumquodque quando pervenerit ad complementum in sua generatione, & ad ultimam perfectionem suæ substantiæ: complebitur operatio propria sua, siue actio, siue passio: sicut enim operatio substantiam sequitur, ita operationis perfectio perfectionem substantiæ. unde animal cum fuerit ex toto perfectum, poterit per se ambulare. Intellectus autem habitualis, nihil est aliud quam species intelligibiles factæ per intellectum agentem existentes in intellectu possibili. operatio est duplex: vna ut faciat intellecta in potentia esse intellecta actu: quam habet ex parte intellectus agentis. secunda est, intelligere intellecta in actu. hæc enim duo homo potest facere per habitum intellectualem. quædo igitur complebitur generatio intellectus in habitu, complebitur in ipso utraque præmissarum operationum. semper autem accedit ad complementum suæ generationis dum novas species intellectas acquirit: & sic necesse est quod quandoque generatio compleatur, nisi sit impedimentum: quia nulla generatio est ad infinitum tendens. Complebitur igitur quandoque utraque operationum intellectus in habitu per hoc quod omnia intellecta in potentia faciet in actu: quod est complementum primæ operationis: & per hoc quod intelliget omnia intelligibilia separatæ & non separatæ. Quum autem intellectus possibilis non possit intelligere substantias separatæ iam secundum eius opinionem, ut dictum est: intendit quod intelligemus per intellectum in habitu substantias separatæ: inquantum intellectus agens qui ab ipso ponitur substantia separatæ, fiet forma intellectus in habitu & in nobis ipsis: ita quod per eum intelligemus sicut nunc intelligimus per intellectum possibile: & cum de virtute intellectus agentis sit facere omnia intellecta in actu, quæ sunt intelligibilia in potentia, & etiam intelligere substantias separatæ: in statu illo intelligemus omnes substantias separatæ, & omnia intelligibilia non separatæ. Et secundum hoc per hanc cognitionem quæ est ex phantasmatibus, pervenimus in cognitionem substantiæ separatæ, non quod ipsa phantasmata intellecta per ea sint medium aliquod ad cognoscendas substantias separatæ, prout accedit in scientiis speculatiuis, sicut posuit opinio superior: sed inquantum species intelligibiles sunt quædam dispositiones in nobis ad talem formam quæ est intellectus agens. Et hoc est primum in quo differunt hæc duæ opiniones. Unde quando intellectus in habitu fuerit perfectus per huiusmodi species intelligibiles in nobis factas ab intellectu agente, fiet ipse intellectus agens nobis forma, ut dictum est: & nominat ipsum intellectum adeptum, de quo dicunt Aristoteles. dicere, quod sit ab extrinseco. Et sic, licet in scientiis speculatiuis non sit perfectio ultima humana, sicut superior ponebat opinio: per eas tamè homo disponitur ad ultimam perfectionem consequendam. Et hoc est secundum in quo differt secunda opinio à prima. Tertiò autem differt per hoc quod secundum primam opinionem intelligere intellectum agentem est causa quod continetur nobiscum: secundum verò hanc secundam opinionem est econversò. nam propter hoc quod nobiscum continuatur ut forma, intelligimus ipsum & alias substantias separatæ. Hæc autem irrationaliter dicuntur. Intellectus enim in habitu sicut intellectus possibilis ponitur ab Alexander esse generabilis & corruptibilis. æternum autem non potest fieri forma generabilis & corruptibilis secundum eum. propter hoc enim ponit

*Alex. lib. 1. ca. de Intellectu agente. 2. de Generat. animalium cap. 3.*



ponit intellectum possibilem qui vnitur nobis vt forma, esse generabilem & corruptibilem: intellectum verò agentem qui est incorruptibilis, esse substantiam separatam. cum igitur intellectus agens secundum Alexandrum ponatur esse quædam substantia separata æterna impossibile erit quod intellectus agens fiat forma intellectus in habitu.

2. Præterea, forma intellectus in quantum est intellectus est intelligibile: sicut forma sensus est sensibile. non enim recipit intellectus aliquid per se loquendo nisi intelligibiliter: sicut nec sensus nisi sensibiliter. Si igitur non potest intellectus agens esse intelligibile per intellectum in habitu, impossibile erit quod sit forma eius.

3. Item, intelligere aliquo tripliciter dicimur. Vno modo sicut intelligimus intellectum qui est virtus à qua egreditur talis operatio. vnde & ipse intellectus intelligere dicitur: & ipsum intelligere intellectus, sit intelligere nostrum. Alio modo sicut specie intelligibili: quia quidem dicimur intelligere, non quasi ipsa intelligat, sed quia vis intellectiva perficitur per eam in actu: sicut vis visiva per speciem coloris. Tercio modo sicut medio per cuius cognitionem deuenimus in cognitionem alterius. Si igitur homo quandoque per intellectum agentem intelligat substantias separatas, oportet aliquo modorum dictorum hoc dici. non autem dicitur hoc modo tertio: quia non concedit Alexander quod intelligat intellectum agentem vel intellectus possibilis vel intellectus in habitu: nec etiam secundo modo: quia intelligere per speciem intelligibilem attribuitur virtuti intellectivæ: cuius illa speciei intelligibilis est forma. Nec autem concedit Alexander quod intellectus possibilis vel intellectus in habitu intelligat substantias separatas. vnde non potest esse quod sic intelligamus substantias separatas per intellectum agentem sicut intelligimus aliqua per speciem intelligibilem. Si autem sicut per virtutem intellectivam: oportet quod ipsum intelligere intellectus agentis sit intelligere hominis. hoc autem esse non potest, nisi ex substantia intellectus agentis & substantia hominis fiat vnum secundum esse. impossibile est enim si sint duæ substantiæ secundum esse diuersæ, quod operatio vnus sit operatio alterius. Erit igitur intellectus agens vnum secundum esse cum homine, non autem secundum esse accidentale: quia iam non esset intellectus agens substantia, sed accidens. sic enim ex colore & corpore fit vnus secundum esse accidentale. Relinquitur igitur quod intellectus agens sit cum homine vnum secundum esse substantiale. erit igitur vel anima humana, vel pars eius, & non aliqua substantia separata: sicut Alexander ponit. non igitur secundum opinionem Alexandri potest poni quod homo intelligat substantias separatas.

4. Amplius, si intellectus agens quandoque fiet forma istius hominis, ita quod per ipsum intelligere possit: eadē ratione poterit fieri forma alterius hominis per ipsum similiter intelligentis: sequitur ergo quod duo homines simul per intellectum agentem intelligent sicut per formam suam. hoc autem est ita, quod ipsum intelligere intellectus agentis sit intelligere intelligentis per ipsum, vt iam dictum est. erit ergo idem intelligere duorum intelligentium: quod est impossibile. ratio etiā sua friuola est omnino. Primum quidem, quia quando perficitur generatio alicuius generis, oportet quod perficiatur sua operatio, sed tamen secundum modum sui generis, non autem secundum modum generis altioris. Quum enim perficitur generatio aeris, habet generationem & motum completum sursum: non tamen vt moueatur ad locum ignis. similiter autem cum completur generatio intellectus in habitu, cōplebitur eius operatio quæ est intelligere secundum suum modum, non autem secundum modum quo intelligunt substantiæ separata, vt scilicet intelligat substantias separatas. vnde ex generatione intellectus in habitu non potest concludi quod homo quandoque intelligat substantias separatas. Secundo, quia eiusdem virtutis est complementum operationis cuius est operatio ipsa. si igitur intelligere substantias separatas est complementum operationis intellectus in habitu, sequitur quod intellectus in

habitu intelligat quandoque substantias separatas: quod Alexander non ponit: sequeretur enim quod intelligere substantias separatas contingeret per scientias speculativas, quæ sub intellectu in habitu cōprehenduntur. Tercio, quia eorum quæ generari incipiunt, completur generatio vt in pluribus, cum omnes generationes rerum sint à causis determinatis quæ consequuntur effectus suos vel semper vel in maiori parte. Si igitur ad completionem generationis sequitur etiam complementum actionis: oportet etiam quod operatio cōpleta consequatur ea quæ generatur, vel semper, vel in maiori parte. intelligere autem substantias separatas non consequuntur, qui ad generationem intellectus in habitu student, neque in pluribus, neque semper: quoniam nullus professus est se ad hanc perfectionem peruenisse. non est igitur complementum operationis intellectus in habitu intelligere substantias separatas.

## Super Cap. 42.

**E**XCLVSA Auempaces positione, vult S. Thom. & Alex. positionem excludere. Vnde primò eius positionem, vt ab Auerr. in tertio de Anima recitatur, explicat, atque ad opinionem Auempaces cōparat. Secundo eam reprobat. Tercio eius rationi respondet. Posuit ergo primò Alexander quod nunquam intellectus noster possibilis potest peruenire ad cognoscendas substantias separatas. quia est generabilis & corruptibilis, vt pote existēs preparatio humanæ naturæ, consequens commixtionem elementorum, vt in secundo habitu est. Posuit secundo quod hoc non obstante nos possumus secundum statum præsentis vitæ substantias separatas intelligere, quia cum quādo vnumquodque peruenit ad complementum generationis, & ad vltimam perfectionem suæ substantiæ complectitur, eius operatio propria, siue actio, siue passio quando intellectus habitualis, qui nihil aliud est quàm species intelligibilis facta per intellectum agentem, existens in intellectu possibili, fuerit completa generatio, dum scilicet non acquireret amplius novas species cōplebitur eius duplex operatio. omnia enim intellecta in potētia facit in actu, quod est complementum illius suæ operationis quæ est facere intellecta in potētia esse intellecta in actu: intelligit etiam omnia intelligibilia separata & non separata, in quo completur eius secunda operatio, quæ est intelligere intellecta in actu. Quomodo aliqua operatio sit actio, & aliqua passio, ostēsum est superius in hoc tertio lib. cap. 22. Posuit tertio quod cum intellectus possibilis non possit tales substantias intelligere, intelligimus ipsas per intellectum in habitu in quantum intellectus agens, qui secundum ipsum est substantia separata, fiet forma intellectus in habitu in nobis ipsis, ita quod per eum intelligamus, sicut nunc per intellectum possibilem, cum ipsius sit facere omnia intellecta in actu quæ sunt intelligibilia in potētia, & intelligere substantias separatas. Ex his sequitur primò, quod per cognitionem quæ est ex phantasmatibus, peruenimus in cognitionem substantiæ separata, non tanquàm phantasmata intellecta sint medium ad ipsas cognoscendas, vt cōtingit in scientiis speculatiuis secundum opinionem Auempaces, sed in quantum species intelligibiles sunt quædam dispositiones in nobis ad talem formam quæ est intellectus agens. Sequitur secundo quod in scientiis speculatiuis non est perfectio vltima humana, vt posuit Auempace, sed per eas homo disponitur ad vltimam perfectionem consequendam, scilicet ad hoc vt intellectus agens fiat nobis forma ipsiusque intellectum sic formatum nominat Alexander intellectum adeptum, de quo dicitur aliqui Aristot. dicere quod sit ab extrinseco. Sequitur tertio, quod per hoc quod continuatur nobiscum intellectus agens vt forma, intelligimus ipsum & alias substantias separatas, non autem intelligere intellectum agentem, est causa quod continuetur nobiscum, vt voluit Auempace.

Quia S. Tho. in secundo de operatione Alexandri ait, hominem per intellectum in habitu siue per habitum intellectualem facere intelligibilia in actu: in tertio verò dicto ait hoc per intellectum agentem fieri: considerandum est, quod hoc vtrique illorum attribuitur, sed diuersimodè. Duplīter enim loqui possumus de intelligibili in actu, scilicet quātum ad actum primum, & quātum ad actum secundum. Esse intelligibile in actu primo, est esse abstractum à materia, & esse vnitū intellectui per modum formæ quæ intelligit, esse verò intelligibile in actu secundo, est actu aliter obiecti actui intelligēdi, & esse eius terminum. Tripliciter ergo possumus quantum ad hoc ponere diuersitatem inter intellectum agentem, & intelligibilem habitum, qui dicitur alio nomine species intelligibilis. Vno modo, quia intellectus agens facit intelligibilia in actu primo, in quantum causat in actu possibili species intellectuales à phantasmatibus abstractas, species verò intellectualis facit intelligibilia in actu secundo, in quantum intellectus factus in actu per speciem, format conceptum in quo sibi res actualiter obicitur tanquàm terminus intrinsecus actus intelligēdi. Secundo modo, comparando vtrumque ad actum primum, quia intellectus agens facit intelligibilia in actu primo efficienter, species verò intelligibilis formaliter, quia species ipsa est id quo res dicitur actu intelligibilis in intellectu. Tercio modo cōparando vtrumque ad actum secundum, quia intellectus agens facit intelligibilia in actu secundo mediātē, species verò immediātē tanquàm forma, per quam intellectus possibilis conceptum & verbum producit. Ideo inquit S. Tho. quod hanc actionem quæ est intelligibilia in potētia facere intelligibilia in actu, habet intellectus in habitu ex parte intellectus agentis. Contra hanc opinionem arguit S. Th. sic primò. Intellectus in habitu, sicut & intellectus possibilis ponitur ab Alexandro generabilis & corruptibilis. ergo impossibile est quod intellectus agens fiat eius forma. probatur consequētia, quia secundum ipsum intellectus agens ponitur quædam substantia separata æterna: æternū autē non potest fieri forma generabilis & corruptibilis secundum eum, qui propter hoc ponit intellectum possibilem esse generabilem & corruptibilem, quia vnitur nobis vt forma.

ADVERTE



**ADVERTE**, quod ista propositio Alex. æternū non potest esse forma rei generabilis & corruptibilis, nō est vniuersaliter vera (nam anima intellectiua potest esse æterna scilicet, ab æterno producta, & tamen est forma rei generabilis & corruptibilis, scilicet corporis humani) sed habet veritatem de forma à materia dependente secundum esse à materia. Nam sequitur, à materia secundum esse dependet: ergo nō potest esse sine materia, ergo materia corrupta & ipsum corrumpatur necesse est. ergo non est æternum: sed si etiam aliquid sit æternum (voco æternum quod non habet principium suæ durationis) non repugnat sibi quod sit forma rei corruptibilis eleuata supra ipsam, & ab ipsa nō dependens secundum esse. Secundo, forma intellectus in quantum intellectus est intelligibile, quum intellectus non recipiat aliquid per se loquendo, nisi intelligibiliter. ergo si intellectus agens non potest esse intelligibile per intellectum in habitu, impossibile est ut sit forma eius.

**ADVERTENDVM** quod hæc ratio concludit duo dicta Alexandri non posse simul stare, scilicet quod intellectus agens sit forma intellectus in habitu, & quod intellectus in habitu non intelligat intellectum agentem, sed tantum sit dispositio ad hoc ut intellectus agens nobis vniatur ut forma, ut per ipsum intelligamus, ut voluit Alexander.

**CIRCA** id quod dicitur, Intellectum nihil recipere per se loquendo nisi intelligibiliter, attendendum quod addidit per se loquendo, quia per accidens, id est, ratione virium sensitiuarum, potest dei recipere aliquid non intelligibiliter, puta dum læso organo phantasia impeditur à sua operatione. tunc enim dicitur per accidens recipere: quia id quo ad suam operationem indiget, materialiter alteratur, & materialiter recipit. Tercio, si homo per intellectum agentem intelligat: quandoque substantias separatas, intelligit ipsas, aut sicut virtute intellectiua à qua egreditur operatio quæ est & intelligere intellectus, & intelligere nostrum: aut sicut specie intelligibili qua perficitur vis intellectiua: aut sicut medio per cuius cognitionem deuenimus in cognitione alterius. Non tertium, quia nec intellectus possibilis, nec intellectus in habitu, secundum Alexandrum intelligit intellectum agentem. Non etiam secundum, quia intelligere per speciem intelligibilem attribuitur virtuti intellectiue, cuius illa species intelligibilis est forma. non concedit autem Alexander quod intellectus possibilis aut intellectus in habitu intelligat substantias separatas. Non denique primum, quia intelligere intellectus agentis esset intelligere hominis. hoc autem esse non potest secundum positionem Alexandri, quia tunc intellectus agens nō esset substantia separata, ut ipse voluit. probatur sequela, quia non potest esse ut idem sit intelligere hominis, & intellectus agentis, nisi ex substantia intellectus agentis & substantia hominis fiat vnum secundum esse, cum impossibile sit duas esse substantias diuersas secundum esse, & quod operatio vnius sit operatio alterius: non autem fiet ex illis vnum secundum esse accidentale, quia tunc intellectus agens non esset substantia. ergo secundum esse substantiale, ergo vel erit anima humana, vel pars eius, scilicet potentialis, & per consequens non substantia separata.

**CIRCA** illam propositionem, Impossibile est esse duas substantias diuersas secundum esse, & quod operatio vnius sit operatio alterius, aduertendum ex doctrina S. Thomæ, tertio Sent. dist. 18. art. 2. ad quintum, quod dupliciter potest actio dici, vna scilicet simpliciter, & aggregatione. simpliciter potest operatio vnius dici operatio alterius dupliciter, scilicet simpliciter, & per adiunctionem. Simpliciter dicitur operatio vnius esse alterius operatio, quando eadem numero operatio quæ ab vno egreditur, etiā egreditur ab alio: & sic hoc est impossibile. Secundum adiunctionem autem, quando operatio vnius adiungitur operationi alterius ad vnius effectus productionem: quod contingit quando vnum agens non potest per se perficere effectum, sed multi simul sicut quum multi simul trahunt nauē, sunt multæ actiones simpliciter, ut actio egreditur ab agente, sed est vna actio aggregatione: & vnius actio potest dici actio alterius, in quantum vnus actione alterius iuuatur ad complementum effectum. Loquitur ergo S. Tho. ad primum sensum, non ad secundum. Quarto, Quia ratione intellectus agens fiet forma quandoque istius hominis, eadem ratione & alterius. ergo tunc per intellectum agentem duo homines intelligēt, sicut per formam suam. ergo erit idem intelligere duorum intelligentium, cum sic per intellectum agentem homo intelligat, quod eius intelligere sit intelligere intelligentis per ipsum, hoc autem est impossibile, ergo &c.

**AD** fundamentum positionis Alexandri, scilicet quod complementum operationis intellectus in habitu sit intelligere substantias separatas, respondet sanctus Thomas. negando ipsum, & primo respondet ad eius rationem, dicens quod cum perficitur generatio alicuius generis, eius quidem operatio perficitur, sed tamen secundum modum sui generis, non autem secundum modum alicuius generis: & sic completo intellectu in habitu completur eius intelligere secundum modum suum, non autem secundum modum substantiarum separatarum, ut scilicet substantias separatas intelligat. Secundo probat illud fundamentum esse falsum, dupliciter. Primo, quia si intelligere substantias separatas sit complementum operationis intellectus in habitu, quandoque intelliget substantias separatas: & per consequens per scientias speculatiuas quæ continentur sub intellectu in habitu, intelligerentur substantiæ separata: quod Alexander non ponit. Secundo, quia intelligere substantias separatas, consequeretur eos qui ad generationem intellectus in habitu student, aut semper, aut in pluribus: cum enim eorum quæ generari incipiunt, generatio ut in pluribus compleatur, si ad completionem generationis sequitur complementum actionis, oportet completam operationem pluribus eorum quæ generantur aduenire. hoc autem constat esse falsum, quinimo nullus professus est se ad hanc perfectionem deuenisse, ergo &c.

**CIRCA** primam harum rationum dubitatur, quum inquit sanctus Thomas, quod Alexander non ponit intellectum in habitu intelligere quandoque substantias separatas. Videtur enim hoc contradicere ei quod superius narrauit in secundo dicto Alexandri. Nam ibi dixit Alexander vultisse quod completo intellectu in habitu, complebitur eius secunda operatio, per hoc quod intelliget omnia intelligibilia separata & non separata.

Respondetur, quod posuit Alexander (ut ex supradictis patet) intellectum in habitu non intelligere substantias separatas, tanquam id à quo egreditur ipsa operatio: & sic in hac prima ratione intendit S. Tho. posuit tamen quod per ipsum homo intelligit, in quantum est dispositio ad hoc ut intellectus agens vniatur nobis, ut forma per quam intelligamus: unde

dicitur intellectus in habitu apud Alexandrum intelligere substantias separatas nō formaliter quidē, sed dispositiue, & sic intellexit S. Tho. superius.

*Quod non possumus intelligere in hac vita substantias separatas sicut posuit Auerrois.*

Cap. 43.



**VIA** verò maxima difficultas est in opinione Alexandri ex hoc, quod ponit intellectum possibilem in habitu totaliter corruptibilem, Auerrois faciliorem viam se existimauit aduenisse ad ostendendum quod quandoque intelligamus substantias separatas, ex hoc quod ponit intellectum possibilem incorruptibilem, & à nobis secundum esse separatum: sicut & intellectum agentem.

Ostendit enim primò, quod necesse est ponere quod intellectus agens se habeat ad principia naturaliter cognita à nobis, vel sicut agens ad instrumentum, vel sicut forma ad materiam. Intellectus enim in habitu quo intelligimus, non solum habet hæc actionem quæ est intelligere, sed etiam hanc quæ est facere intellecta in actu. vtrumque enim experimur in nostra potestate existere. hoc autem quod est facere intellecta in actu, magis propriè notificat intellectum in habitu quàm intelligere: quia prius est facere intellecta in actu quàm intelligere. Sunt enim quedam in nobis facta intellecta in actu naturaliter, non ex studio aut ex nostra voluntate: sicut prima intelligibilia. hoc autem facere intellecta in actu, non contingit per intellectum in habitu, per quem fiunt intellecta in actu ea quæ scimus ex studio: sed magis sunt initium intellectus in habitu. unde & habitus horum intelligibilium ab Aristotele in sexto Ethicorum intellectus dicitur. fiunt autem intellecta in actu per solum intellectum agentem. per hoc autem fiunt intellecta in actu alia quæ ex studio scimus. facere igitur hæc consequentia intellecta in actu, est actio & intellectus in habitu quantum ad prima principia, & ipsius intellectus agentis. vna autem actio nō est duorum, nisi vnum eorum comparatur ad alterum sicut agens ad instrumentum, vel sicut forma ad materiam. oportet igitur quod intellectus agens comparatur ad prima principia intellectus in habitu, vel sicut agens ad instrumentum, vel sicut forma ad materiam. Quod quidem qualiter possit esse sic ostendit: Intellectus possibilis cum sit secundum eius positionem quedam substantia separata, intelligit intellectum agentem, & alias substantias separatas, & etiā prima intellecta speculatiua: est igitur subiectum vtrorumque. Quacūque autem conueniunt in vno subiecto, alterum eorum est sicut forma alterius: sicut cum color & lux sint in diaphano sicut in subiecto: oportet quod alterum, scilicet lux, sit quasi forma alterius, scilicet coloris. hoc autem necesse est quādo habet ordinem adinuicem, non in his quæ per accidens coniunguntur in eodem subiecto, sicut albedo & musica. Sunt autem intellecta speculatiua, & intellectus agens ordinem adinuicem habentia: cum intellecta speculatiua sint facta intellecta in actu per intellectum agentem. habet se igitur intellectus agens ad intellecta speculatiua quasi forma ad materiam, oportet igitur quod cum intellecta speculatiua sint nobis copulata per phantasmata quæ sunt quasi quoddam subiectum ipsorum, quod etiam intellectus agens continetur nobiscum in quantum est forma intellectuum speculatiuorum, quando igitur intellecta speculatiua sunt in nobis solum in potentia, intellectus agens cōtinuatur nobiscum solum in potentia. quando autem aliqua intellecta speculatiua insunt in nobis in actu, & aliqua in potentia, continuatur nobis partim in actu, & partim in potentia: & tunc dicimur moueri ad cōtinuationem prædictam: quia quantò plura intellecta in actu fuerint in nobis facta, perfectius intellectus agens continuatur in nobis. Hic autem perfectus motus ad cōtinuationem sit per studium in sciētiis speculatiuis, per quod vera intellecta acquirimus & falsæ opiniones excluduntur, quæ sunt extra ordinem huius motus: sicut monstruosa extra ordinē naturalis operationis. unde & ad hunc perfectum iuuant se homines sicut

\*3. de Anima com. 36.

Cap. 7.



cut iuuant se inuicē in scientiis speculatiuis. quando ergo omnia intellecta in potētia fuerint in nobis facta in actu, tūc intellectus agēs perfectē copulabitur nobis vt forma, & intelligemus per ipsum perfectē: sicut nunc perfectē intelligimus per intellectū in habitu. Vnde quum ad intellectum agentē pertineat intelligere substantias separatas, intelligemus tūc substantias separatas, sicut nunc intelligimus intellecta speculatiua: & hoc erit vltima hominis felicitas, in qua homo erit sicut quidā Deus. Huius autē positionis destructio ex præmissis sufficienter apparet. procedit enim ex suppositione multorū quæ in superiorib⁹ sunt improbata. Primò quidem suprà ostēsum est, q̄ intellectus possibilis nō est aliqua substantia separata à nobis secundum esse: vnde non oportebit q̄ sit subiectum substantiarum separatarum, præcipuē cum Aristoteles dicat, q̄ intellectus possibilis est in quo est omnia fieri. vnde videtur quod sit subiectū solum illorū quæ sunt facta intellecta.

Lib. 2. c. 59.  
3. de Anima,  
text. com. 18.

Lib. 2. cap.  
76. & 78.  
3. de Anima,  
text. com. 18.

2 Item, de intellectu agente etiam suprà ostēsum est quod non est aliqua substantia separata, sed pars animæ: cui Aristoteles attribuit hanc operationem, scilicet facere intellecta in actu, quæ est in nostra potestate. vnde non oportebit quod intelligere per intellectum agentem sit nobis causa quod possumus intelligere substantias separatas: aliās semper intelligeremus eas.

3 Adhuc, si intellectus agens est substantia separata, non copulatur nobiscum nisi per species factas intellectas in actu secundum eius positionem: sicut nec intellectus possibilis: licet intellectus possibilis se habet ad illas species sicut materia ad formam. intellectus autem agens econuerso sicut forma ad materiam. species autem factæ intellectæ in actu copulantur nobis secundum eius positionem per phantasmata, quæ ita se habent ad intellectum possibilem, sicut colores ad visum: ad intellectum verò agentem sicut colores ad lucem, vt ex verbis Aristotelis in tertio de Anima \* patet. non autem lapidi in quo est color, potest attribui neque actio visus vt videat, neque actio solis vt illuminet: ergo secundum positionem prædictam homini non poterit attribui neque actio intellectus possibilis vt intelligat substantias separatas, neque actio intellectus agentis, vt faciat intellecta in actu.

\* Tex. c. 30.  
& Sen. c. 18.

4 Amplius, secundum positionem prædictam intellectus agens non ponitur continuari nobiscum vt forma, nisi per hoc quod est forma speculatiuorū intellectuum, quorum etiam ponitur forma, per hoc quod eadem actio est intellectus agentis, & illorum intellectuum, scilicet facere intellecta in actu. non igitur poterit esse forma nisi secundum quod communicant in actione eius intellecta speculatiua. Hæc autem non communicant in actione eius quæ est intelligere substantias separatas: quum sint species rerū sensibilium: nisi redeamus ad opinionē Auempace, qui quidditates substantiarū separatarū posuit cognosci per ea quæ intelligimus de istis sensibilibus. nullo igitur modo per viam prædictā poterimus intelligere substantias separatas.

5 Præterea, intellectus agens secundum alium ordinem comparatur ad intellecta speculatiua quorū est factiuus, & ad substantias separatas quarū non est factiuus, sed cognoscitiuus tantum secundum eius positionem. non igitur oportet si copuletur nobis per hoc quod est factiuus intellectuum speculatiuorū, quod copuletur nobis secundum quod est cognoscitiuus substantiarum separatarum: sed in tali processu est deceptio manifestē secundū accidens.

6 Adhuc, si per intellectum agentem cognoscimus substantias separatas, hoc non est inquantum intellectus agēs est forma huius vel illius intellecti speculatiui, sed inquantum sit forma nobis. sic enim per ipsum possumus intelligere. Fit autem forma nobis etiam per prima intellecta speculatiua, secundum quod ipse dicit. ergo statim à principio homo potest per intellectum agentem intelligere substantias separatas. Si autem dicatur quod non sit nobis perfectē forma per quādam intellecta speculatiua intellectus agens, vt per ipsum possumus intelligere substantias separatas. Hoc non est nisi quia ipsa intellecta

speculatiua nō adæquant perfectionem intellectus agentis in intelligendo substantias separatas: sed nec omnia intellecta speculatiua simul accepta adæquant illam perfectionem intellectus agentis secundum quod intelligit substantias separatas. quum omnia hæc non sint intelligibilia nisi inquantum sunt facta: intellecta illa verò sunt intelligibilia secundum suam naturam. non igitur per hoc quod omnia speculatiua intelligibilia sciemus, oportebit quod ita perfectē intellectus agēs fiat nobis forma, quod per ipsum intelligamus substantias separatas. vel si hoc nō requiritur, oportebit dicere quod intelligēdo quodlibet intelligibile, intelligimus substantias separatas.

### Super Cap. 43.



OST opinionem Auempace & Alexandri venit confutanda Auerro. opinio. ideo sanct. Thom. primò ipsam opinionem explicat, secundò eam refellit. Quantum ad primum inquit, quod quia maxima in opinione Alexandri est difficultas ex hoc quod ponit intellectum possibilem in habitu esse totaliter corruptibilem, Auerro. faciliorem viam se inuenisse existimauit ad ostendendum nos quandoque substantias separatas intelligere, ex hoc quod intellectum possibilem incorruptibilem ponit, & à nobis secundum esse separatum, sicut & intellectum agentem. Vnde dixit primo in tertio de Anima commento 36. quod intellectus agens ad principia à nobis naturaliter cognita se habet aut sicut agens ad instrumentum, aut sicut forma ad materiam, quia facere intellecta in actu est actio & intellectus in habitu, & intellectus agentis: vna autem actio non est duorum, nisi vnum eorum comparetur ad alterum, sicut agens ad instrumentum, vel sicut forma ad materiam. Ad manifestationem autem primæ propositionis notat quod intellectus in habitu quo intelligimus, non solum habet hanc actionem quæ est intelligere, sed etiam hanc quæ est facere intellecta in actu: quod quidem declarat, quia per ipsum intellectum in habitu quātum ad prima principia quæ sunt intellecta in actu, per solum intellectum agentem sunt intellecta in actu, aliāque ex studio acquirimus. Sed licet vtraque istarū actionū conueniat intellectui in habitu, facere tamen intellecta in actu, magis notificat intellectum in habitu, quā intelligere: quia prius est facere intellecta in actu quā intelligere. Dixit secundò, quod hoc modo intellectus agens comparatur ad prima intellecta quomodo forma ad materiam. Nam cum intellectus possibilis secundum ipsum sit substantia separata, intelligit intellectū agētem & alias substantias separatas, & etiam prima intellectiua speculata, ideo oportet vt sit subiectum vtrorumque. quæcunque autem conueniunt in vno subiecto, & habent ordinem adinuicem sicut habent intellecta speculatiua, & intellectus agens qui ea facit intellecta in actu, alterum eorum est sicut forma alterius, vt patet in luce respectu coloris, quorum vtrumq; recipitur in diaphano. Ex quo sequitur quod cum intellecta speculatiua sint nobis copulata per phantasmata, quod etiam intellectus agens copuletur nobis inquantum est ipsum forma. Dixit tertio, quod secundum quod intellecta speculatiua copulantur nobis aut in potentia, aut in actu completo, aut partim in actu, & partim in potentia, ita proportionaliter & intellectus agens nobis copulatur. Vnde quāto plura intellecta in actu in nobis fuerint facta, tantò perfectius intellectus agens continuatur nobis. perfectus autem motus ad continuationē istam, sit per studium in scientiis speculatiuis, & ad hunc perfectum se iuuat homines, sicut & in scientiis speculatiuis. Dixit quarto, quod cum omnia intellecta in potētia fuerint in nobis facta in actu, tunc intellectus agens perfectē copulabitur nobis vt forma, & tunc per ipsum intelligimus substantias separatas sicut nunc perfectē intelligimus per intellectum in habitu, & hoc erit vltima hominis felicitas, in qua homo erit sicut quidam Deus.

CIRCA primum dictū Auerro. considerandū primò, q̄ quando duo ad vnā operationē ordine quodam concurrunt, ita scilicet quod vni operatio per alterum conuenit, oportet quod vnum comparetur ad alterum, aut sicut agens principale ad instrumentum, sicut artifex in sectione se habet ad serram, aut sicut forma ad materiam, sicut in calefactione se habet calor ad ignem, conueniunt autem isti duo modi, vt inquit S. Tho. prima parte q. 88. art. 1. quia vtrōque vnum comparatur ad alterum, sicut perfectio ad perfectibile & sicut actus ad potentiam. Cum ergo intellectus agens & intellectus in habitu conueniant in vna operatione quæ intellectui in habitu per intellectum agentem communicatur, oportet quod alter illorum modorum comparetur intellectus agens ad intellectum in habitu. Et licet vtroque modo comparetur, prætermisso tamen primo modo Auerro. prosequitur secundum, vt pote magis deseruientem sibi, & magis congruentē suæ positioni, dum arbitratur tam intellectum agentē quā intellectum in habitu recipi in intellectu possibili. quæ enim in vno subiecto conueniunt tanquam ad vnā operationem, illi etiam subiecto conueniunt ordinata, conuenientius dicitur se habere vt forma & materia, quā vt agens principale & instrumentum, quāuis & illud de ipsis verè aliquando dici possit. Non approbo autem interpretationē quorundam Auerroistarum dicentium, q̄ in principio intellectus agens, est agens respectu intellectus speculatiui, & intellectus in habitu respectu eiusdem est instrumentum, in fine verò vnum est vt forma, alterum vt materia. Nam assignat Auerro. rationem quare vnum est vt forma, & alterū vt materia: quia ista actio quæ est facere intellecta speculatiua in actu, est vtriusque actio. constat autem quod ista actio conuenit istis in principio generationis huius speculatiui respectu nostri. ergo iste respectus formæ ad materiam, non conuenit eis tantum in fine, sed etiam in principio.

Attendendum secundò, cum dicitur quod intellectui in habitu, conuenit facere intelligibilia in actu: & intelligere, q̄ per intellectum in habitu duo possumus intelligere, scilicet aut habitu primorum principiorū tantum, vt videlicet distinguitur ab habitu conclusionū ex primis principis deductarum, qui apud Auerroem intellectus speculatiuus vocatur, aut habitum omnia intellecta facta, tam videlicet prima quā secundaria comprehen-



comprehendentem. Primo modo non videtur accipi ab Auer. Nam cum intelligere fiat cum quadam receptione intelligibili in actu, ratione cuius inquit Auer. 3. de Anima, commento 36. quod est actio de genere passionis hoc quod est intelligere, non conueniet ipsi habitui primorum principiorum, neque ratione ipsorum principiorum, neque ratione intellectus agentis, cuius sunt instrumentum, & sic non poterit dici de intellectu in habitu quod sibi vtrique illarum actionum conueniat. Accipitur ergo secundo modo. aperte enim hinc constat vtramque illarum actionum intellectui in habitu conuenire: ratione tamen diuersorum quæ in ipso includuntur. sibi enim in quantum est circa prima principia, conuenit hoc, quod est facere intellecta in actu virtute intellectus agentis, cuius sunt veluti instrumenta & veluti materia: nam primo conuenit intellectui agentis talis actio: ipsi autem primis principii ratione intellectus agentis, in quantum ex ipsis à nobis per intellectum agentem naturaliter cognitis, studio & exercitio alia à nobis innotescunt. Vnde sanctus Thomas de mente Auero. inquit, quod facere intellecta secundaria in actu, est actio intellectus in habitu, quantum ad prima principia, & intellectus agentis, quasi diceret, est actio intellectus in habitu, non quidem quantum ad omnia sub ipso contenta, sed tantum ratione primorum principiorum. Alia autem actio quæ est intelligere ea quæ ex studio & voluntate nostra facta sunt intellecta in actu, cuiusmodi sunt intentiones rerum materialium, conuenit huic intellectui in quantum est circa ipsa secundaria intellecta, sed ratione intellectus possibilis. Nam sicut intellectus agens est primum cui conuenit facere intellecta in actu, ita intellectus possibilis est primum cui conuenit ea recipere & intelligere. Attendendum tertio, cum dicitur ab Auerr. de mente Alexandri, quod facere intellecta in actu est priusquam intelligere: & propterea magis notificat intellectus in habitu, quod triplicem prioritatem hic possumus intelligere, scilicet prioritatem nobilitatis, prioritatem præsuppositionis, & prioritatem appropriationis. omnibus enim istis modis verificari potest, quod facere intellecta in actu, est priusquam intelligere, ut scilicet receptionem intellectus in actu dicit. Est enim nobilitate prius, quia, ut inquit Auerr. illud est de genere actionis, istud verò de genere positionis. Constat autem quod agere nobiliter est quam recipere, saltem respectu vnius & eiusdem. Est etiam prius naturaliter tanquam præsuppositum alteri. Nam prius intelligimus fieri intellecta in actu, quam illa recipi: est etiam prius secundum appropriationem, quia hoc est proprium intellectui, non autem illud, quia facere intellecta in actu, nulli animali, virtuti conuenit, nec etiam proportionatiter, sed recipere intellecta in actu conuenit etiam sensui proportionatiter. nam & sensus recipit sensata in actu. Propter has prioritates conuenienter dicitur quod magis propriè notificatur natura intellectus in habitu, per hoc quod est facere intellecta in actu, quam per hoc quod est intelligere. Nam magis propriè notificatur natura alicuius per propria & digniorem, & naturaliter priorem operationem, quam per eam quæ communis est sibi & aliis, & est indignior & posterior. Attendendum quarto, cum inquit S. Thom. prima intellecta esse initium intellectus in habitu, quod hoc dupliciter potest intelligi. Vno modo ut prima pars rei dicitur eius initium, sic enim constat quod prima intellecta sunt initium intellectus in habitu. Nam primum per intellectum agentem solum sunt ipsa prima intellecta in actu, deinde per intellectum agentem simul cum primis intellectis sunt intellecta alia quæ studio & exercitatione acquirimus. Alio modo ut causa effectiua rei dicitur eius initium, & sic etiam prima principia sunt initium intellectus in habitu, quantum ad secundaria intellecta, sunt enim ipsorum causa. Propter vtrumque horum Arist. habitum primorum principiorum, ut ab habitu aliorum distinguitur siue ut prima pars à secunda, siue ut causa à effectu, vocauit intellectum, quia videlicet ab ipso tota nostra cognitio intellectiua originatur, sicut & à virtute intellectiua.

CIRCA secundum dictum Auerr. attendendum, quod ad hoc ut intellectus possibilis aliquid essentialiter intelligat, necesse est ut ex ipso & intelligibili fiat vnum, ut multoties de mente Aristotelis superius est dictum. hoc autem non potest esse, nisi aut ipsum intelligibile sit omnino idem quod intelligens, aut in ipso intellectu recipiatur. Ideo Auer. arbitratu intellectum agentem esse substantiam à materia separatam, & per se actu intellectam, ac distinctam ab intellectu possibili, ex hoc quod intellectus possibilis ipsum intellectum agentem intelligit, concludit quod intellectus possibilis est subiectum intellectus agentis, quemadmodum & aliorum intellectuum.

SED dubium occurrit circa id quod dicitur intellectum possibilem esse subiectum intellectus in habitu. Nam oppositum videtur dici ab Auero. in tercio de Anima, commento 20. ubi vult quod habitus scientiarum sunt in virtute cogitatiua, sicut in subiecto, id quod etiam sanctus Thomas in secundo libro de mente Auerr. adduxit. Respondetur quod non pro eodem accipiuntur habitus scientiarum, qui est in cogitatiua secundum Commentatorem, & intellectus in habitu, qui ab ipso ponitur in intellectu possibili. nam per habitum scientiarum qui est in cogitatiua, accipit quandam dispositionem & habilitatem ex studio & exercitio in cogitatiua causatam, qua facilius & promptè homo est dispositus ad copulationem cum intellectu possibili, ut in comm. allegato patet: per intellectum autem in habitu intelligit ipsa intellecta, siue ipsas intentiones & similitudines intelligibiles, quæ in intellectu possibili ponuntur, & nobiscum per phantasmata copulantur.

CIRCA vlt. dictum, cum ait Auerr. quod in perfecta copulatione intellectus agentis cum homine homo erit sicut Deus, aduerte quod dupliciter possumus istam similitudinem interpretari. Primo, quod sit similitudo quantum ad cognitionem substantiarum immaterialium duntaxat, & maxime ipsius Dei, & tunc sensus est, quod homo vltimate felix est sicut Deus, quia sicut Deus substantias separatas, & præsertim seipsum perfecte cognoscit, in quo eius beatitudo consistit, ita & homo cum fuerit perfecte intellectui agenti copulatus, substantias separatas & Deum intelliget. Secundo modo potest importari similitudo quantum ad vniuersalitatem entium & cognitorum. sicut enim Deus in se rerum omnium perfectione continet, & omnia cognoscit, ita & homo cum & omnia intellecta & intellectus agens sibi fuerint perfecte copulata, erit omnia intelligibiliter, & omnia cognoscet. Cætera quæ circa hanc opinionem tanguntur, in secundo libro sunt explicata.

SED contra ipsam arguit multipliciter S. Thomas, quoniam proce-

dit ex suppositione multorum quæ in superioribus sunt improbata. Primo hoc fundamentum, scilicet quod intellectus impossibilis sit substantia separata, est superius improbatum. ergo propter illud fundamentum non oportet ut sit subiectum substantiarum separatarum, ut arguit hæc opinio. Confirmatur, quia videtur apud Arist. quod sit subiectum solum eorum quæ sunt intellecta in actu, cum dicat quod est quod est omnia fieri. Aduerte, quod substantiæ separatae sunt quidem intellecta in actu, quia sunt omnino abstracta à materia: sed hoc conuenit eis per naturam, non per actionem intellectus agentis, ideo non habent recipi in intellectu possibili, cuius est recipere ea duntaxat quæ per intellectum agentem sunt intellecta in actu.

Secundo, intellectus agens non est substantia separata, sed pars animæ cui Aristot. attribuit hanc operationem, scilicet facere intellecta in actu, quæ est in nostra potestate. ergo non oportet quod intelligere per ipsum, sit nobis causa quod possumus intelligere substantias separatas, probatur consequentia: quia aliàs semper eas intelligeremus.

ADVERTENDVM primo, quod secundum positionem prædictam tota ratio quare possumus intelligere substantias separatas, est, quia nobis continuari potest intellectus agens, cuius est intelligere substantias separatas, & quod per continuationem eius perfectam nobiscum illas intelligemus. Si autem ponamus quod intellectus agens sit pars animæ, sequitur quod sit semper nobis secundum suam essentiam vnitus. ideo optime dedit S. Thom. quod per ipsum semper substantias separatas intelligamus. Siquis autem diceret, quod licet intellectus agens sit pars animæ, & per consequens sit semper vnitus nobis secundum substantiam, non tamen est nobis semper vnitus secundum omnem suam actionem & virtutem, sed tunc tantum quoniam intellectus possibilis fuerit perfectus omnibus intellectis in actu, ideo non sequitur quod homo semper intelligat substantias separatas. Hoc nihil est, quia non ponitur secundum prædictam positionem requiri intellecta in actu nobis continuari, ad hoc quod substantias separatas intelligamus, nisi quoniam vnus medium & dispositio ad hoc ut intellectus agens nobis copuletur secundum suam substantiam, quia tunc per ipsum possumus substantias separatas intelligere. ergo secundum Aueroem sola vnio substantiæ intellectus agens nobiscum est causa quod intelligamus substantias separatas. vnio enim secundum actionem & virtutem intelligendi substantias separatas, sequitur copulationem substantiæ eius nobiscum. ergo si posuerimus nullam requiri dispositionem acquisitam ad hoc quod nobis substantia intellectus agentis vniamur, sed sit semper nobis naturaliter vnitus, ut pote pars animæ existens, sequitur quod semper per ipsum substantias separatas intelligamus.

CIRCA hoc quod ait S. Thom. Aristot. attribueret intellectui agentis hanc operationem, quæ est facere intelligibilia in actu, quæ operatio est in nostra potestate: aduertendum quod per intellectum in actu, duo significari possunt, scilicet aut ipsa sola species intelligibilis in intellectu possibili causata, aut quodcunque intellectum quod actum intelligendi terminat. Per intellectum ergo in actu non est accipiendum hoc loco quodcunque obiectum terminans actum intelligendi, quia hoc facere pertinet ad intellectum possibilem, & ad habitum primorum principiorum, secundum quod intellectus format conceptum quidditatis rei, vel per discursum pervenit ad cognitionem actualem eius quod in potentia tantum cognoscebat: sed accipiendæ sunt species intelligibiles. has enim ipse intellectus agens in intellectu possibili simul cum phantasmate immediate causat, & dicitur hoc esse in potestate nostra, quia est in nostra potestate phantasmari, & sic ordinare phantasmata in imaginatione, ut sine conueniens instrumentum intellectus agentis ad causandam huiusmodi speciem. non enim quæcunque phantasmata confusa & inordinata sunt eius conueniens instrumentum. Tertio, secundum hæc positionem nec intellectus agens nec intellectus possibilis copulatur nobiscum nisi per species factas intellectas in actu: intellecta in actu nobis non copulantur nisi per phantasmata: phantasmata secundum Aristot. se habent ad intellectum possibilem sicut colores ad visum, ad agentem sicut colores ad lucem. ergo neque actio intellectus possibilis homini potest attribui, ut intelligat substantias separatas, neque actio intellectus agentis, ut facit intellecta in actu. probatur consequentia, quia constat quod lapidi in quo est color, sicut scilicet phantasmata in homine, neque actio visus attribui potest ut videat, neque actio lucis ut illuminet. Quarto, secundum hanc positionem intellectus agens non potest esse forma in nobis, nisi secundum quod in actione eius intellecta speculatiua communicant, sed in hac operatione quæ est intelligere substantias separatas, communicare non possunt, cum sint species rerum sensibilium. ergo & maior constat, quia intellectus agens non ponitur continuari nobiscum ut forma, nisi per hoc quod est forma intellectuum speculatiuorum. istorum etiam ponitur forma per hoc quod eorum, & intellectus agentis est eadem actio, scilicet facere intellecta in actu.

ADVERTE quod hæc ratio habet pro fundamento, quod cum duæ actiones intellectui in habitu conueniant, ut superius est ostensum, sicut intellectus agens non ponitur forma intellectuum speculatiuorum quantum ad prima intellecta, nisi in quantum actio intellectus agens, quæ est facere intellecta in actu, est etiam actio ipsorum intellectuum: ita etiam non debet poni forma ipsorum quantum ad secunda intellecta, quibus conuenit alia actio quæ est intelligere, eo scilicet modo quo ipsa dicuntur intelligere, quia videlicet intellectus possibilis & homo per illa intelligit, nisi quia actio intellectus agentis, quæ est intelligere substantias separatas, est etiam actio ipsorum: quod cum non sit, quia talia intellecta secundaria sunt species rerum sensibilium: ex quidditatibus autem sensibilibus non possunt cognosci substantiæ separatae, ut contra Auempace est ostensum: sequitur quod intellectus agens non potest ipsorum forma esse: & per consequens neque forma in nobis: & sic constat quod ista positio quæ ponit quod substantias separatas possumus intelligere per hoc quod intellectus agens continuatur nobiscum ut forma, vana est & friuola. Quinto, aliter intellectus agens comparatur ad intellecta speculatiua, quorum est factiuius: & aliter ad substantias separatas quarum est intellectiuius tantum secundum Auerois positionem. ergo non oportet si copulatur nobis per hoc quod est illorum factiuius, quod copuletur etiam secundum quod est separatorum cognoscitiuius: sed est deceptio secundum accidens.

ADVERTE quod in hac argumentatione: intellectus agens vnitur nobis ut forma, per hoc quod est factiuius intellectuum sensibilium, sed ipse



ipse intelligit substantias separatas: ergo & hoc modo nobis copulatur: committitur manifeste (vt ait sanct. Thomas) deceptio & fallacia accidentis. ex eo enim quod intellectus agens & homo sunt aliquo modo vnita arguitur tanquam si omnibus modis essent vnita in quo fallacia accidentis committitur. vnde supposita opinione Commentatoris, quod intellectus agens sit substantia separata, dicitur ad illam minorem: Intellectus agens intelligit substantias separatas, quod accidit intellectui agenti quod intelligat substantias separatas, secundum quod vnitur nobis, quia illud conuenit sibi non secundum quod nobis copulatur, sed secundum quod a nobis est separatus, sicut accidit animali quod sit genus inquantum est idem homini, licet vere animal sit genus. Sexto, per intellectum agentem possumus intelligere substantias separatas, inquantum ipse sit forma in nobis. ergo homo a principio hoc potest, sed hoc ista positio non dicit, ergo, &c. probatur consequentia, quia sit forma in nobis etiam per prima intellecta speculatiua, supple quæ nobis a principio insunt.

Si dicatur quod intellectus agens non sit perfectæ forma per quædam intellecta speculatiua, vt per ipsum possumus intelligere substantias separatas, sed per omnia. Contra hoc non est, nisi quia ipsa intellecta speculatiua non adæquant virtutem intellectus agentis in intelligendo substantias separatas: sed nec omnia simul adæquant illam perfectionem, cum non sint intelligibilia nisi quia facta sunt intellecta illa verò sint intelligibilia secundum suam naturam, ergo, &c.

ADVERTE quod hæc ratio supponit quod intellectus agens secundum positionem prædictam non fiat forma in nobis nisi quia sit forma in intellectuum speculatiuum, illorum verò non fiat forma, nisi quia communicant in actione quæ est intelligere substantias separatas, vt in quarta ratione est ostensum. Sic enim constat quod aut a principio possumus intelligere substantias separatas, quia a principio sunt in nobis prima intellecta naturaliter nota, quibus mediante intellectus agens sit forma in nobis: aut si hoc non potest esse, quia prima intellecta cum non adæquent virtutem intellectus agentis, non possunt in illa operatione communicare: sequitur quod nunquam illud possumus, quia nec omnia quæ facta sunt intellecta possunt in illa operatione communicare, cum nec etiam omnia illa simul sumpta intellectus agentis virtutem adæquent.

*Quod vltima felicitas hominis non consistit in cognitione substantiarum separatarum, qualem prædicta opinionēs fingunt.* Caput 44.

**N**ON est autem possibile felicitatem humanam in tali cognitione substantiarum separatarum ponere: sicut prædicti Philosophi posuerunt. Vanum enim est, quod est ad finem quem non potest consequi, quum igitur finis hominis sit felicitas, in quam tendit naturale ipsius desiderium, non potest poni felicitas hominis in eo ad quod homo peruenire non potest, alioquin sequeretur quod homo esset in vanum, & naturale eius desiderium esset inane: quod est impossibile. Quod autem intelligere substantias separatas homini sit impossibile secundum prædictas positiones, ex dictis est manifestum. non est igitur in tali cognitione substantiarum separatarum felicitas hominis constituta.

Præterea, ad hoc quod intellectus agens vnatur nobis vt forma, ita quod per ipsum intelligamus substantias separatas: requiritur quod generatio intellectus in habitu sit completa secundum Alex. vel quod omnia intellecta speculatiua sint facta in nobis in actu secundum Auerroem: quæ duo in idem redeunt. nam secundum hoc intellectus in habitu generatur in nobis, secundum quod intellecta speculatiua sunt in nobis in actu. Omnes autem species rerum sensibilium sunt intellectæ in potentia. Ad hoc igitur quod intellectus agens copuletur alicui, oportet quod intelligat in actu per intellectum speculatiuum omnes naturas rerum sensibilium, & omnes virtutes & operationes & motus eorum, quod non est possibile alicui hominem scire per principia scientiarum speculatiuarum, per quas mouemur ad continuationem intellectus agentis, vt ipsi dicunt: quum ex his quæ nostris sensibus subsunt, ex quibus sumuntur principia scientiarum speculatiuarum, non possit perueniri ad omnia prædicta cognoscenda. Est igitur impossibile quod aliquis homo ad illam continuationem perueniat per modum ab eis assignatum. non est igitur possibile quod in tali continuatione sit hominis felicitas.

Adhuc, dato quod talis continuatio hominis ad intellectum agentem sit possibilis qualem ipsi describunt, planum est quod talis perfectio paucissimis hominum aduenit, in tantum quod nec ipsi nec aliqui quantumcunque in scientiis speculatiuis studiosi & periti ausi sunt talem perfectionem de se profiteri: quinimo omnes plurima a se afferunt ignorata, sicut Arist. quadraturam circuli & rationes ordinis corporum celestium, in quibus, vt ipsemet

dicat in secundo de Cælo, \* non nisi topicas rationes reddere potest. Et quid sit in eis necessarium, & eorum motoribus aliis referuat in vndecimo Metaphysicæ. \* felicitas autem est quoddam commune bonum ad quod plures peruenire possunt, nisi sint orbat, vt Aristoteles dicit in primo Ethicorum. & hoc etiam verum est de omni fine naturali alicuius speciei: quia ipsum consequuntur ea quæ sunt illius speciei, vt in pluribus. non est ergo possibile quod vltima hominis felicitas in continuatione prædicta consistat.

Patet autem quod nec Aristoteles (cuius sententiam sequi conantur prædicti Philosophi) in tali continuatione hominis vltimam felicitatem opinatus est esse. Probat enim in primo Ethicorum quod \* felicitas hominis est operatio ipsius secundum virtutem perfectam, vnde necesse fuit quod de virtutibus determinaret, quas diuisit in virtutes morales & intellectuales. Ostendit autem in 10. eiusdem libri, \* quod vltima felicitas hominis est in speculatione, vnde patet quod non est in actu alicuius virtutis moralis, nec prudentiæ, nec artis, quæ tamen sunt intellectuales. Relinquitur igitur quod sit operatio secundum sapientiam, quæ est præcipua inter tres residuas intellectuales, quæ sunt sapientia, scientia, & intellectus, vt ostendit in sexto Ethicorum. \* Vnde & in decimo Ethicorum, \* sapientem indicat esse felicem: sapientia autem secundum ipsum est vna de scientiis speculatiuis, caput aliarum, vt dicitur in sexto Ethicorum. \* & in principio Metaphysicæ, scientiam quam in illo libro tradere intendit, sapientiam nominat. Patet ergo quod opinio Arist. fuit quod vltima felicitas, quam homo in hac vita acquirere potest, sit cognitio de rebus diuinis, qualis per scientias speculatiuas haberi potest. Ille autem posterior modus cognoscendi res diuinas non per viam scientiarum speculatiuarum, sed quodam generationis ordine naturali, est constitutus ab expositioribus quibusdam.

#### Super Cap. 44.

**P**OSTQVAM ostendit sanctus Thomas non posse nos intelligere substantias separatas, sicut prædicti Philosophi posuerunt, vult nunc ostendere quod in cognitione huiusmodi substantiarum separatarum non consistit humana felicitas: & arguit primo sic: Intelligere substantias separatas, est homini impossibile secundum prædictas positiones, vt ex dictis patet, ergo in tali cognitione ipsarum non est felicitas humana constituta, probatur consequentia, quia tunc homo esset in vanum, & naturale eius desiderium de felicitate, quæ est finis hominis, esset inane.

ADVERTE, quod cum vanum dicatur (vt patet ex Arist. 2. Phy.) quod non consequitur finem ad quem est, ex eo assumit sanct. Thom. in vanum fieri quod sit ad aliquem finem ad quem peruenire non potest. sic enim constat quod talem nunquam finem consequitur, iccirco si homo ordinatur ad cognoscendas substantias separatas tanquam ad finem, & impossibile est vt illas cognoscat sequitur (vt deducit sanct. Thom.) quod sit factus in vanum. simili ratione sequitur quod naturale desiderium sit inane & frustrum, quia videlicet nunquam implebitur.

ATTENDENDVM tamen, quod licet non repugnet aliquid esse finem naturæ, & tamen impediri in aliquibus particularibus naturam ne illum finem assequatur, vt in operibus naturæ videmus, repugnat tamen aliquid esse finem naturæ & esse impossibile vrad illud natura perueniat, quia natura non inclinatur neque mouet ad impossibile, vt dicitur secundo Cæli text. 1. idem sanct. Tho. primo proponit, quod non potest poni felicitas hominis, quæ est eius finis, in eo ad quod homo peruenire non potest: deinde illud probat, quia si admitteretur illud esse finem & felicitatem, tunc homo in vanum esset, quod nullus sapiens de aliqua tota natura diceret, licet de aliquo individuo naturæ non sit inconueniens quod sit in vanum respectu alicuius finis, quando scilicet non peruenit ad aliquem finem a natura intentum. Secundum, Ad hoc vt intellectus agens copuletur alicui, oportet quod intelligat actu per intellectum speculatiuum omnes naturas rerum sensibilium, & omnes virtutes & operationes & motus eorum, sed hoc est impossibile alicui scire per principia scientiarum, per quas (vt ipsi dicunt) mouetur ad ipsam continuationem. ergo impossibile est quod homo ad illam continuationem perueniat per modum ab illis assignatum, ergo &c. maior probatur, quia tam secundum Alexandrum quam secundum Auer. ad hoc vt intellectus agens vnatur nobis vt forma, requiritur quod omnia intellecta speculatiua sint facta in nobis in actu: omnes autem rerum sensibilium species sunt intellectæ in potentia, minor quoque probatur, quia ex his quæ nostris sensibus subsunt, ex quibus prædicta principia sumuntur, non potest perueniri ad omnia prædicta cognoscenda.

CIRCA hoc quod dicitur neminem posse omnium sensibilium naturas & omnes virtutes, & operationes, & motus eorum intelligere, considerandum quod hoc non dicit impossibilitatem simpliciter, quæ inquam est impossibilitas per implicationem contradictionis: non enim cum dico, homo omnia huiusmodi cognoscat, prædictum repugnat subiecto, sed dicit impossibilitatem quæ est ex defectu aut debilitate potentie, sicut dicimus hominem ægrum non posse ambulare sic enim quia prima principia ex quibus in nobis originatur scientia, debilia in nobis sunt,

\* Tex. 61.

\* Tex. 36. &amp; infra.

Cap. 13.

\* Cap. 17.

\* Cap. 20.

\* Cap. 4.

\* Cap. 8.

\* Cap. 8.

9. de Anima.  
de v. som. 36.

non



non se extenduntque nisi ad ea quæ sensibus subsunt, aut ad quæ per huiusmodi sensata manuducitur, nequimus per huiusmodi principia omnia prædicta cognoscere. Nam quæ vnius hominis sensibus subsunt, non valent in omnium nos rerum sensibilibus noticiam ducere, neque ratione similitudinis, neque ratione causalitatis, multa enim & quasi infinita sunt, quorum vnum neque est alteri simile, neque illius est aliquo modo effectus aut causa. Tertiò, Data etiã possibilitate huiusmodi continuationis hominis ad intellectum agentem, constat quòd talis perfectio paucissimis hominum aduenit, nec etiam ipsis Philosophis, vnde omnes plurima à se asserunt ignorata, sicut patet de Aristot. circa quadraturam circuli, & circa ea quæ ad corpora cælestia pertinent. ergo, &c. probatur consequentia, quia felicitas, vt dicitur primo Ethicorum, est quoddam commune bonum, ad quod plures peruenire possunt, nisi sint orbat, id est, nisi careant aliquo principio ad acquirendam virtutem necessario, quemadmodum amentibus accidit, in quibus est defectus rationis propter aliquam virium sensitiuarum indispositionem: verum etiam est hoc de omni fine naturali alicuius speciei.

CIRCA probationem consequentiæ attendendum est, quòd illud assumptum habet veritatem de felicitate naturali ad quam virtute suæ naturæ potest peruenire vnusquisque. vnde & subiunxit S. Thom. quòd illud verum est de omni fine naturali. Nam cum natura in paucioribus deficiat, ea quæ sunt vnius speciei, pro maiori parte habent principia sufficientia ad acquisitionem finis suæ speciei, & dum mouentur ad illum, tandem eum assequuntur: idcirco cum non pluribus, imò forte nullis eorum qui studio vacant & acquisitioni scientiarum, contingat vt ad illam perfectam continuationem cum intellectu agente per suum studium perueniant, manifestè relinquitur felicitatem hominis naturalem, siue vltimum eius naturalem finem in prædicta continuatione non consistere.

Quartò, Aristoteles primo Ethicorum probat felicitatem hominis esse operationem ipsius secundum virtutem perfectam: in decimo autè ostendit ipsam esse in speculatione, & vt ex ipso ibidem habetur, in actu sapientiæ consistit: sapientiæ autem apud ipsam sexto Ethicorum & primo Metaphysicæ est vna de scientiis speculatiuis, & est caput aliarum scientiarum. ergo opinio Aristot. cuius sententiam prædicti sequi conantur, fuit quòd vltima hominis felicitas quam homo in hac vita acquirere potest, sit cognitio de rebus diuinis qualis per scientias speculatiuas haberi potest. ergo non consistit secundum ipsum in tali continuatione, sed iste modus cognoscendi res diuinas post ademptionem scientiarum speculatiuarum, est ab ipsis expostioribus, scilicet Alexandro & Auerroë, confictus.

CIRCA Aristot. opinionem statim occurrit dubium. Nam constat quòd pauci sunt in comparisonem ad totam hominum multitudinem qui perueniant ad illam cognitionem rerum diuinarum, quæ per scientias speculatiuas habetur, sed de ratione felicitatis secundum ipsum Aristot. est, quòd plures ad eam perueniant, ab ipsaque pauciores deficiant. ergo in tali cognitione non consistit humana felicitas, & sic ex ipsius dicto sequitur oppositum suæ positionis. Respondetur, quòd non est de ratione felicitatis huius vitæ apud Aristot. quòd maior pars hominū ad illam perueniat, sed quòd possit sua virtute peruenire, & quòd si moueatur ad illam, suo motu eam assequatur, quia pauci homines sunt qui sint orbat, & principis naturalibus ad acquirendam virtutem careant: & sic etiam pauci sunt qui studio & acquisitioni scientiarum speculatiuarum vacent, qui eam cognitionem rerum diuinarum, in qua humana felicitas consistit, non assequantur. Vnde non sequitur oppositum positionis ipsius ex suo dicto.

Si autè instetur ex verbis sancti Thomæ hic & in præcedentibus, quòd finem naturalem alicuius speciei consequuntur ea quæ sunt illius speciei, vt in pluribus, & sic non sufficit quòd possint illum assequi, & quòd dum mouentur ad illum, eum assequantur. Dicitur vt superius etiam respondebatur, quòd vtique finem naturalem alicuius speciei maior pars eorum quæ sub specie continentur, assequitur: non tamen oportet vt in quolibet statu illius naturæ hoc eueniat, sed sufficit quòd in aliquo statu contingat, sic autem verum est quòd finis naturalis hominis est rerum diuinarum cognitio, ad quam homo potest naturaliter peruenire, & quòd maior pars hominum ad illam peruenit, aut fortè omnes, non quidem in hac vita, sed post mortem, licet modum quo tunc res diuinas homo intelligit, ab Aristotele non habeamus. Vnde & ipse Aristot. posuit, quòd homo non consequitur felicitatem perfectam in hac vita, sed suo modo, quasi veller dicere quòd aliquando post hanc vitam perfectam beatitudinem assequetur, quæ est absolutè finis humanæ naturæ. In hac autem vita homo quidem consequi potest beatitudinem imperfectam, sed & pauci sunt qui ad eam perueniant, quia pauci sunt qui in scientiis speculatiuis se exercent propter impedimenta huius vitæ, de quibus dictum est in præcedentibus. Vnde cognitio rerum diuinarum in hac vita per scientias speculatiuas acquisita, non est simpliciter finis humanæ naturæ, sed est finis ipsius pro statu mortali, in quo multa sunt impedimenta & retractantia à consecutione talis finis.

Quòd non possumus aliquo modo in hac vita  
intelligere substantias separatas.

Cap. 45.



VIA igitur secundum modos prædictos substantiæ separatae non possunt cognosci à nobis in vita ista: inquirendum restat vtrum aliquo modo in vita ista substantias ipsas separatas intelligere possimus. Quod autem hoc sit possibile, nititur ostendere Themistius per locum à minori. Substantiæ enim separatae sunt magis intelligibiles quàm materialia. hæc enim sunt intelligibilia in quantum sunt facta intellecta in actu per intellectum agentem: illa verò

sunt secundum seipsa intelligibilia. si ergo intellectus noster comprehendit hæc materialia, multò magis natus est intelligere illas substantias separatas. Hæc autem ratio secundum diuersas opiniones de intellectu possibili diuersimodè iudicanda est. Si enim intellectus possibilis non sit virtus à materia dependens, & sit iterum secundum esse à corpore separatus, vt Auer. ponit, sequetur quòd nullum necessarium ordinem ad res materiales habeat: vnde quæ sunt magis intelligibilia in seipsis, erunt ei magis intelligibilia: sed tunc sequi videtur quòd cum nos à principio per intellectum possibilem intelligamus, quòd à principio intelligamus substantias separatas: quòd patet esse falsum. Sed hoc inconueniens euitare Auerrois nititur secundum ea quæ de eius opinione dicta sunt: quæ patet esse falsa ex præmissis. Si autem intellectus possibilis non est à corpore separatus secundum esse, ex hoc ipso quòd est tali corpori vnitus secundum esse, habet quendam necessarium ordinem ad materialia, vt non nisi per illa ad aliorum cognitionem peruenire possit: vnde non sequitur si substantiæ separatae in seipsis sint magis intelligibiles, & propter hoc sint magis intelligibiles intellectui nostro. Et hoc demonstrant verba Aristot. in secundo Metaph.

Dicit enim ibidem \* & difficultas intelligendi res illas accidit ex nobis, non ex illis. Nam intellectus noster se habet ad manifestissima rerum, sicut se habet oculus vespertilionis ad lucem solis. Vnde per materialia intellecta non possunt intelligi substantiæ separatae: vt supra ostensum est. Sequitur itaque quòd intellectus possibilis noster nullo modo possit intelligere substantias separatas. Hoc etiam apparet ex ordine intellectus possibilis ad agentem. Potentia enim passiva ad illa solum est in potentia, in quæ potest proprium eius actiui, omni enim potentia passiva responderet potentia actiua in natura: aliàs potentia passiva esset frustra, cum non possit reduci in actum nisi per actiuiam: vnde videmus quòd visus non est susceptivus nisi colorum qui illuminantur per lucem: intellectus autè possibilis cum sit virtus quodammodo passiva, habet proprium agens sibi respondens scilicet intellectum agentem: qui ita se habet ad intellectum possibilem, sicut se habet lux ad visum, non est igitur intellectus possibilis in potentia nisi ad illa intelligibilia quæ sunt facta per intellectum agentem. vnde & Aristot. in 3. de Anima \* describens vtrumque intellectum, dicit quod intellectus possibilis est quo est omnia fieri: agens verò quo est omnia facere: vt ad eadem vtriusque potentia referri intelligatur, huius actiua, illius passiva. Cum ergo substantiæ separatae nō sint factæ intellectæ in actu per intellectum agentem, sed solum materialia: ad hæc sola se extendit possibilis intellectus: non igitur per ipsum possumus intelligere substantias separatas. Propter quod Aristot. congruo exemplo usus est, nam oculus vespertilionis nunquā potest videre lucem solis: quamuis Auerrois hoc exemplum deprauare nitatur, dicens quod simile non est de intellectu nostro ad substantias separatas, & oculo vespertilionis ad lucem solis, quantum ad impossibilitatem sed solum quantum ad difficultatem: quod tali ratione probat ibidem: quia si illa quæ sunt intellecta secundum se, scilicet substantiæ separatae, essent nobis impossibiles ad intelligendum, frustra essent: sicut si esset aliquod visibile quod à nullo visu videri possit. Quæ quidem ratio quàm friuola sit, apparet. Etsi enim à nobis nunquam illæ substantiæ intelligerentur, tamen intelliguntur à seipsis. vnde nec frustra intelligibiles essent: sicut nec sol frustra visibilis est, vt Aristot. exemplum prosequamur, quia non potest ipsum videre vespertilio: cum possit ipsum videre homo, & alia animalia: sic ergo intellectus possibilis, si ponitur corpori vnitus secundum esse, nō potest intelligere substantias separatas. Interest tamē qualiter de substantia ipsius sentiatur. Si enim ponatur esse quædam virtus materialis generabilis & corruptibilis, vt quidam posuerunt: sequitur quòd ex sua substantia determinatur ad intelligendum materialia: vnde necesse est quòd nullo modo possit intelligere substantias separatas: quia impossibile

Cap. 44.

\* Text. 65.

\* Text. 65.

Secundo Ad.  
com. primo.

Idem p. part.  
q. 88. art. 1.

3. de Anima.  
cap. 50.



2. lib. 1. 59. &  
60.

impossibile erit ipsum esse separatū. Si autem intellectus possibilis quamvis sit corpori vnitus, est tamen incorruptibilis, & a materia non dependens secundum suum esse, sicut supra ostendimus: sequitur quod obligatio ad intelligendas res materiales accidat ei ex vnione ad corpus. vnde cum anima a corpore tali fuerit separata, intellectus possibilis intelligere poterit ea quæ secundum se sunt intelligibilia, scilicet substantias separatas, per lumen intellectus agentis, quod est similitudo in anima intellectualis luminis quod est in substantiis separatis.

Et hæc est sententia nostræ fidei de intelligendo substantias separatas a nobis post mortem, & non in hac vita.

Super Cap. 45.

**I**S O quod non possumus substantias separatas intelligere in hac vita per illos modos quos prædixit Philosophi posuerit, restat inquirendum an sit aliquis modus quo ipsas in hac vita intelligere possimus. Circa hoc autem duo facit S. Thom. Primò ostendit quod dictum est, secundo remouet quoddam dubium in capite sequenti. Circa primum duo facit. Primò ostendit nos non posse in hac vita tales substantias intelligere. Secundo inquit an aliquando illas intelligere possimus. Circa primum duo facit. Primò adducit rationem Themistij, quæ probat nos posse substantias separatas intelligere. Secundo ad eam respondet, & simul suū confirmat propositum. Quæcum ad primū arguit Themistius in tertio suæ Paraphrasis lib. cap. 50. sic per locū à minori, Substantiæ separatae sunt magis intelligibiles quam materialia, cum sint secundum seipsa intelligibilia, illa verò fiant intelligibilia per intellectum agentem. ergo si noster intellectus comprehendit hæc materialia, multò magis natus est intelligere substantias separatas.

ADVERTE, quod hæc ratio dicitur à minori esse, quia minus videtur quod noster intellectus comprehendat minus intelligibilia quam comprehendat magis intelligibilia, & tamen illa comprehendit.

AD hanc rationem respondet S. Thom. quod secundum diuersas opiniones de intellectu possibili est iudicanda, & dicit primò quod secundum opinionem Auerrois ponentis ipsum esse substantiam à corpore separatam, rectè procedit ratio, quia quum tunc nullum necessarium ordinem ad res materiales habeat, ea quæ sunt magis intelligibilia in seipsis erunt ei magis intelligibilia. Sed tamen hoc dato sequitur quod non à principio substantias separatas intelligamus, quum à principio intelligamus per intellectum possibilem: hoc autem constat esse falsum: & licet hoc inconueniens nitatur Auerro. evitare secundum ea quæ dicta sunt superius, de copulatione intellectus agentis, patet tamen ex præmissis illa esse falsa.

CIRCA hanc opinionem Auerrois considerandum quod dicitur intellectus possibilis habere necessarium ordinem ad res materiales, quod nihil nisi ex rebus materialibus cognoscere potest: non habere autem ordinem ad res materiales dicitur, quando ab ipsis in intelligendo dependentiam non habet. Quando ergo ponitur omnino à materia separatam, & per consequens nullum ad res materiales necessarium ordinem in intelligendo habere, tunc obiectum sibi conaturale erit intelligibile à materia secundum se separatam, vt pote secundum in modo essendi conueniens. ideo quæ sunt magis intelligibilia in seipsis, erunt apud Auerro. ei magis intelligibilia: sicut quia nos ponimus animam intellectuam esse materiam intelligibilem: sicut quia nos ponimus animam intellectuam esse materiam intelligibilem in seipsis, scilicet materialia quæ opere intellectus agentis fiunt actu intellecta. Dicit secundò, quod si ponatur intellectus possibilis non esse separatam, sed esse corpori coniunctum secundum esse, cum ex hoc necessarium ordinem habeat ad materialia, non sequitur si substantiæ separatae sunt in seipsis magis cognoscibiles, quod propter hoc sint magis cognoscibiles intellectu nostro, quia vt superius est ostensum, per materialia intellecta non possunt substantiæ separatae intelligi. Confirmatur hæc responsio ex verbis Aristot. 2. Metaph. tex. 2. dicentis, quod difficultas intelligendi res illas accidit ex nobis, non ex illis, id est, non prouenit ex eo quod illæ res minus intelligibiles sint, quam alia intelligibilia à nobis, sed ex debilitate intellectus nostri, qui quum sit vnitus corpori secundum esse, rebus materialibus est obligatus.

IN hac responsione tangit S. Thom. primam rationem ad probandum quod intellectus vnitus corpori substantias separatas intelligere non possit, hæc scilicet, Per materialia intellecta non possunt intelligi substantiæ separatae. ergo, & probatur consequentia, quia intellectus coniunctus non nisi per materialia ad cognitionem aliorum peruenire potest.

ADVERTENDUM autem, quia S. Thom. concludit in hac ratione nullo modo posse intelligi substantias separatas ab intellectu coniuncto, quod non accipitur hic modus intelligendi ex parte rei cognitæ, quasi velit concludere quod nihil de substantiis separatis intelligamus. non enim vult hoc ostendere, sed accipitur modus ex parte cognoscētis: & est sensus quod intellectus coniunctus nullum habet modum quo quidditates substantiarum separatam in seipsis intelligere possit.

Secunda ratio ad idem est: Substantiæ separatae non sunt factæ intellectu in actu per intellectum agentem, sed solum materialia. ergo ad sola materialia se extendit intellectus possibilis. probatur consequentia, quia potentia passiva ad illa solum est in potentia, in quæ potest eius proprium actuum, cum omni potentia passiva respondeat potentia activa in natura, ne sit frustra, declaratur in visu. intellectus autem possibilis qui est virtus quodammodo passiva, habet tanquam proprium agens intellectum agentem: declaratur ex verbis Aristot. in 3. de Anima.

CIRCA illam propositionem: Omni potentia passiva respondet potentia activa in natura: aduertendum quod dupliciter potest accipi potentia passiva. Vno modo pro omni potentia receptiva alicuius formæ: quo modo etiam potentia obediētiā potest dici potentia passiva: & de tali non intelligitur propositio S. Thomæ: potētiā enim obediētiā non respōdet aliqua potentia activa in natura, id est, potentia creaturæ, quum non sit potentia ad formam naturalem, sed sufficit ad hoc vt non sit frustra,

strā, quod sit aliquod agens ipsam potētiā reducere in actū, quod est agēs diuinū. Alio modo potest accipi pro potentia duntaxat receptiva formæ naturalis, & de tali intelligitur propositio prædicta. nisi enim tali potētiā responderet potentia activa in natura, non posset in actu reduci naturaliter: potentia enim passiva, vt inquit S. Thom., non reducit in actum, nisi per potentiam actiuam: & per consequens esset frustra passiva potentia, si sibi nulla activa naturalis responderet.

ADVERTENDUM etiā, quū dicitur intellectus esse virtutē quodammodo passivā, quā addidit S. Thom. li. quodammodo, vt daret intelligere quod intellectus possibilis non est omnino potentia passiva vt materia prima, sed est aliquo modo potentia passiva, & aliquo modo potentia activa. in quantum enim recipit speciem à suo obiecto, est passiva potētiā: in quantum verò factus in actu per speciem obiecti producit intellectiōē, est aliquo modo potentia activa, siue productiva, vt in superioribus ostēdimus.

Confirmatur ista ratio exemplo Aristotelis dicentis ita se habere intellectum nostrum ad manifestissimam naturā, sicut se habet oculus vespertilionis ad lucem Solis.

SED ad hoc exemplum inquit Auerro. quod difficultatem cognoscendi substantias separatas vult Arist. per ipsum ostēdere, non autem impossibilitatē. Vnde quod non sit impossibile eas cognoscere, arguit, quia aliis essent frustra, sicut si esset aliquod visibile quod à nullo videri posset.

Respondet S. Thom. hanc consequentiam friuolam esse, quia quamvis à nobis auctum intelligerentur, tamen intelligerentur à seipsis, & sic non essent frustra intelligibiles, sicut nec Sol frustra visibilis est, quumvis à vespertilionē videri non possit, cum ipsum alia videre possit.

ADDI TIPS E. Thom. in 2. Metaph. aliam rationē falsitatis illius consequentiæ, inquit quod cognitio intellectus nostri non est finis substantiarum separatam, sed magis econuerso. ideo non sequitur eas esse frustra, si non intelligantur à nobis, quum illud frustra sit, quod non consequitur finem ad quem est.

CIRCA hanc consequentiam Auerrois, & responsionem S. Thom. laborant multi Auerroistæ, volentes ostendere eam esse necessariā, & responsionem S. Thomæ nullam esse. Ioannes enim de Landuno in tertio de Anima dupliciter eam declarat. Primò sic. Inquit enim non supponi à Commentatore, quod finis substantiarum separatam sit intelligi à nobis, vt videtur intelligere S. Thom. 2. Metaph. sed supponit eas esse à nobis naturaliter cognoscibiles, eò quod sub eius obiecto primo & adæquato, scilicet sub ente contineantur, & per consequens quod sint naturale motuum intellectus nostri. Tunc deducit sic consequentiam, Substantiæ separatae sunt à nobis naturaliter cognoscibiles. ergo si nos non possumus eas naturaliter cognoscere, erunt frustra. probatur consequentia, quia frustra est potentia activa cui non responderet in natura potentia passiva. intelligibile autem est motuum intellectus.

Secundò, eam deducit volens quod quamvis intelligi à nobis non sit finis principalis earum, est tamen secundarius earū finis, quum agant primò propter se, secundariò propter alia, vt dicitur secundum Caeli, cōmētō vigesimo primo. ideo si nequeant à nobis intelligi, sequitur quod sint frustra quantum ad finem secundarium: & sic natura aliquid ociose egisset.

Alij, sicut Rugerius in tractatu suo de intellectu, misso beato Thomæ pro responsione ad tractatum suum contra Auerroistas, illam cōsequentiā sic deducit: Intellectus noster non potest intelligere substantias separatas. ergo sunt simpliciter ignoratæ. ergo natura ociose egit. probatur prima consequentia, intellectus noster non potest intelligere Deum: ergo nulla mediarum intelligentiarū potest illum intelligere, quia si non est Deus receptibilis in maximo receptiuo in genere abstractorum, cuiusmodi est intellectus noster, nec in minus receptiuo illius generis ergo nulla mediarum potest intelligere mediā, & per consequens nec seipsam. ergo sunt simpliciter ignoratæ: quia neque sunt intellectu à primo intellectu, quum nihil intelligat extra se, nec à seipsis, nec ab intellectu nostro ergo sunt ociosæ: & sic sequitur à primo ad vltimum, intellectus noster non potest substantias separatas intelligere. ergo sunt ociosæ.

Alij dicunt non fuisse mentem Auerrois probare substantias separatas esse possibile à nobis intelligi, sed quod quādoque eas intelligamus. Supponit autē eas esse aptas intelligi simpliciter ab omni intellectu, & quod intellectus noster sit natus eas intelligere. Tunc sic, Si intellectus noster non intelligeret quandoque substantias separatas, tunc non esset intellectum ab alio id quod in se est natū intelligi aptitudine mutua, scilicet eam ex parte intelligibilis, quā ex parte intellectus. ergo natura ociose egisset.

Sed quod isti modi rationem Commentatoris non saluet, facile est videre. Prima quidē deductio constat quod supponit falsum, scilicet quod substantiæ separatae sint à nobis naturaliter cognoscibiles, loquendo de cognitione ipsarum in seipsis, id est per proprias species. De hoc enim loquimur in proposito: & quum probatur, quia continentur sub obiecto adæquato intellectu. negatur consequentia. non enim valet, hoc continetur sub obiecto adæquato intellectu nostro: ergo est à nostro intellectu cognoscibile per propriam speciem. sufficit enim quod qualitercunque cognoscatur, quia licet ens sit obiectum adæquatum intellectui nostro, in quantum omne cōtēctum sub ente est aliquo modo ab intellectu nostro cognoscibile, & econuerso, non tamen est obiectum proportionatum, vt possit perfectè quantum ad omnia sub ipso cōtēctum comprehendere: sed tale obiectum est quidditas rei materialis. Ad secundam deductionem eiusdem modi dicitur primò, quod intellectus substantiarum separatam non est finis ipsarum, neque principalis, neque secundarius: quia neque sunt principaliter productæ propter cognitionē earum à nobis, sed propter bonitatem diuinam, tanquam propter finem extrinsecum, aut propter bonum vniuersi tanquam propter finem intrinsecum: neque eius productionem naturæ author ad hoc ordinauit, vt à nobis intelligerentur, cum ad earum essentias cognoscendas non possit intellectus noster per sensibilia, à quibus cognitionem accipit, peruenire: & licet agant aliquid secundaria intentione propter nos, non sequitur quod nostra cognitio sit finis secundarius ipsarum secundum earum naturam consideratam, sed quod sumus secundarius finis alicuius operationis earum.

AD deductionem Rugerij negatur prima consequentia. Ad eius probationē negantur omnes consequentiæ intermediae quicquid sit de consequentibus illarum. Prima quidem, quia non sequitur, si intellectus noster non potest Deum intelligere, quod nec mediæ intelligentiæ illum



intelligere possint, cum intellectus noster sit pura potentia in genere intelligibilem, non autem mediè intelligentiæ, ut ostensum est in secundo libro. Probatio etiam illius nulla est: maxime enim receptivum in genere aliquo potest intelligi dupliciter, aut scilicet quod est maxime receptivum ab actu illius generis, & maxime est in potentia: sicut materia prima potest dici maxime receptiva in genere materialium, aut quia est maxime proportionatum formæ, sicut corpus organicum potest dici maxime receptivum animæ. Si accipiat maxime receptivum in genere abstractorum primo modo, negatur assumptum. stat enim quod aliquid sit receptibile in eo quod est magis in actu, & non sit receptibile in eo quod est minus in actu: sicut anima rationalis est receptibilis in corpore organico, & tamen non est receptibilis immediate in sanguine, aut in materia prima non disposita. Si autem accipiat maxime receptivum secundo modo, negatur quod intellectus noster sit maxime receptivus in genere abstractorum formæ diuinæ, imò quod intellectus est superior, tantò est illius formæ magis receptivus. Secunda etiam consequentia falsa est, quia intelligentia media non intelligit naturaliter Deum per formam illi adæquatam, & tamen intelligit se & alias medias.

Ultima præterea consequentia non tenet, quia dato quod mediè intelligentiæ nec à nobis nec à seipsis intelligantur, adhuc tamen non sunt omnino ignoratæ: quia intelliguntur à prima: & quum arguitur quia prima intelligentia nihil intelligit extra se, hoc est falsum & contra Aristotelem, ut superius est ostensum: & secundum aliquos etiam contra Commentatorem ipsum, quum omnia entia apud ipsum contineantur in mente primi entis, sicut formæ artificiales in mente artificis, ut inquit 12. Metaphysicæ, com. 18. & 36. Ad tertium modum respondetur & dicitur primo quod falsum est Commentatorem velle probare nos quandoque intelligere substantias separatas: non autem quod hoc non sit impossibile. Ex verbis enim ipsius expresse constat hoc esse contra mentem eius. Inquit enim, sed hoc non demonstrat, res abstractas intelligere esse impossibile, sicut inspicere solem est impossibile vesperilioni: quoniam si ita esset, tunc ociose egisset, quia fecisset id quod est in se naturaliter intellectum, non intellectum ab alio. Nam quod inquit, quoniam si ita esset non potest referri nisi ad id quod antea dixerat, cuius vult rationem assignare: dixerat autem quod illud exemplum Aristotelis non demonstrabat impossibilitatem cognoscendi substantias separatas: ideo & illud antecederet intelligendum est de non impossibilitate cognitionis.

Dicitur secundo, quod ex ipsis verbis Commentatoris apparet quod non supponit ista quæ iste dicit. Nam ipsemet Com. superius in hoc eodem commento, primò ostendit quid intelligat per intellectum in se naturaliter. Distinguit enim ipsum contra id quod ab intellectu agente fit intellectum in actu: quod autem fit intellectum in actu ab intellectu agente, dicitur intellectum in actu, quia habet per ipsum intellectum agentem conditionem ex qua habet aliquid ut possit actum intellectus terminare, scilicet abstractionem à materia. ergo sic dicit aliquid esse secundum naturam suam intellectum in actu, quia est naturaliter abstractum à materia, ex quo habet ut sit naturæ intelligibilis, non autem quia habet naturalem ordinem ad hunc aut illum intellectum. Et sic patet quum arguit Commentator, quod natura ociose egisset, quia fecisset in se naturaliter intellectum, non intellectum ab aliquo, quod non supponit substantias separatas esse naturaliter intelligibiles à quocunque intellectu, sed ipsas esse naturæ intelligibiles per seipsas: & quia dato quod non intelligantur ab intellectu nostro, possunt intelligi ab alio intellectu, & etiam cognitio nostra non est finis ipsarum. ideo apud S. Thom. non sequitur quod natura ociose circa ipsas egisset.

Quantum ad secundum principale ostendit S. Thom. an aliquando possit intellectus humanus cognoscere substantias separatas, & duo dicit. Primum est, quod si ponatur intellectus virtus quædam esse materialis generabilis & corruptibilis, nullo modo potest intelligere substantias separatas, quia erit impossibile ipsum esse separatum, & determinatur ad intelligendum materialia. Secundum est, quod si ponatur incorruptibilis, & à materia independentem secundum esse, quævis corpori sit virtus, obligatio ad intelligendas res materiales accidit ei ex vniõne ad corpus, ideo separata anima à corpore poterit immaterialia intelligere per lumen intellectus agentis, quod est similitudo luminis existens in substantiis separatis.

CIRCA hanc determinationem S. Thom. duo sunt faciendi. primò declaranda est eius positio, secundò obiectionibus quibusdam, quæ contra ipsam sunt, est respondendum. Quantum ad primum considerandum est, quod res aliqua dupliciter cognosci potest. Vno modo per aliud cognitum. Alio modo per seipsam, & utroque modo dupliciter etiam potest cognosci, vno modo perfecte, alio modo imperfecte. Cognoscitur res per aliud cognitum quando cognoscitur non per speciem propriam quæ ipsam immediate intellectui repræsentat sed per speciem alterius cognitum, ex cuius cognitione intellectus in eius notitiâ deuenit. cognoscitur verò per se quando per propriam speciem ipsam immediate intellectui repræsentantem cognoscitur. Perfectè cognoscitur, quando aut per propriam speciem, aut per aliquod cognitum, quod ipsam quantum ad ultimas eius differentias repræsentat, cognoscitur, sicut cum per speciem hominis cognoscimus quid est homo perfectè, & per effectum adæquatam causæ cognoscimus quid est causa. Imperfectè verò cognoscitur quando aut per speciem, aut per aliud cognitum non ducitur intellectus ad cognoscendum ultimas rei differentias, sed ad cognitionem alicuius tantum prædicati, siue substantialis, siue accidentalis. Cum ergo S. Thom. id quod negat de intellectu coniuncto respectu substantiarum separatarum, affirmat de intellectu separato, accipienda est ista differentia non quantum ad omnia, sed quantum ad aliquem modum cognitionis. Conueniunt enim in hoc intellectus noster coniunctus & separatus, quod neque coniunctus neque separatus potest cognoscere perfectè & quidditatiuè substantias separatas. coniunctus quidem, quia ut arguebatur superius, & prima quæst. 88. & de Anima q. 16. & super Boët. trin. q. 4. & secundo Metaphysicæ, sensibilia ex quorum cognitione intellectus coniunctus in cognitione substantiarum separatarum deuenit, non possunt deducere intellectum in cognitionem quod quid est ipsarum, cum neque sint effectus earum adæquati, neque illis perfectè assimilentur, imò valde dissimilia sint. eo quod ipsa sint materialia, & ipsæ sint immateriales. Separatus autem, quia ut habetur prima q. 89, art. 2. & in q. de anima, species substantiarum separatarum sunt

altiores virtute intellectiva intellectus nostri, sicut & substantia naturaliter separata est superior natura animæ.

Differunt autem, primò, quia intellectus coniunctus non potest cognoscere substantias separatas in seipsis, id est, per proprias species eas immediate in intellectu repræsentantes: quia illæ non possunt causari in intellectu via sensus à quo cognitio omnis intellectiva originem ducit. separatus autem hoc potest, quia intelligit per species à diuino lumine in intellectum influxas. Differunt secundo, quia cognitio intellectus separati de substantiis separatis, licet non sit perfectè & quidditatiuè, est tamen altior & perfectior quàm cognitio intellectus coniuncti de ipsis, quia ipse species quibus intellectus separatus intelligit perfectè ipsas repræsentant, quàm res sensibiles quibus coniunctus in earum notitiâ manu ducitur. Vnde probabile est, quod plura de substantiis separatis separatus intelligat intellectus noster, & clarius quàm coniunctus, puta quod aliquas condiciones cognoscat quibus vna ab altera discernitur secundum quod mutua cõuersatio exigit, & mutua locutio intellectus actualis, licet earum quidditates propter debilitatem virtutis intellectus non perfectè comprehendat, sicut aliquis homo hebetioris sensus alium hominem quantum ad aliqua accidentia propria cognoscit, quibus eum ab aliis hominibus discernit, licet eius indiuiduales condiciones discernere, & sensu penetrare non possit. Oportet enim dicere, quod animæ damnatorum demones videant, quorum de societate tristitiam habent.

Quod autem dixi intellectum separatum intelligere substantias separatas imperfecto modo, intelligendum est de intelligentiis, non autem de animabus, quia (ut inquit S. Thom. in loco præallegato primæ partis) vna anima separata alias animas separatas quantum ad naturam specificam perfectè cognoscit, cum sint vnius generis, item intelligendum est de cognitione naturali, quia quantum ad cognitionem beatam anima separata videt diuinam essentiam perfectè & quidditatiuè substantias separatas cognoscit. Ex his patet quod mens S. Thom. hoc loco, ut in aliis locis explicatur, est quod intellectus coniunctus non potest cognoscere substantias separatas in seipsis, hoc est, per proprias species in ipso existentes, sed bene separatus hoc potest: non autem quod coniunctus non possit eas perfectè & quidditatiuè cognoscere, sed bene separatus. Et si aliquando inueniretur dicere quod coniunctus cognoscat illas quantum ad quia est, non autem quantum ad quid est, relinquens quod separatus cognoscat illas quantum ad quid est, per cognitionem quid est, non accipit cognitionem perfectam quæ ad ultimas rei differentias se extendit, sed cognitionem qua intellectus rem in seipsa intuetur, non autem in aliquo effectu. sic enim videtur ipsa substantia rei, & non tantum effectus ex quo deuenit in eius cognitionem, vnde dicitur per illam cognosci quid est, quia cognoscitur substantia quæ significatur per quid: per illam autem qua cognoscitur res per effectum, dicitur cognosci res quantum ad quia est, sicut & demonstratio per effectum & à posteriori dicitur ab Aristotele primo Posteriorum, demonstratio quia.

SE D occurrit dubiū. Si enim intellectu separato naturale est, in quantum est separatus, ut intelligat per species sibi diuino lumine influxas, quemadmodum inquit S. Thom. prima parte. Videtur conueniens ut sibi tales species infundantur, quæ sunt virtutis sui proportionatæ, & quibus perfectè res possit intelligere, nam & aliis substantiis separatis datæ sunt species eorum virtutibus proportionatæ, ergo perfectè & quidditatiuè anima separata substantias alias separatas intelliget. Ad hoc dicitur primò quod loquendo quantum ad exigentiâ naturæ, non possunt dari intellectui nostro separato species intelligibiles quibus perfectè substantias separatas intelligat: quia cum formæ intelligibiles recipiantur in intellectu secundum modum ipsius intellectus, quemadmodum vniuersaliter verum est quod vnum quodque recipitur in alio secundum modum recipientis, & intellectus noster quantumcunque separatus sit inferioris & imperfectioris ordinis quàm substantiæ separata, necesse est ut substantiæ separata recipiantur in ipso intelligibiliter imperfectiori modo quàm sint in seipsis naturaliter: & per consequens quod intellectus ipsas imperfectiori modo, quàm sint in seipsis cognoscibiles, apprehendat. Vnde species infusæ sunt quidem virtuti intellectus nostri proportionatæ, in quantum sicut virtus ipsius est ad intelligendum substantias separatas imperfectè, ita sibi dantur species imperfectè, eas intellectu ipsius repræsentantes: non tamen conueniens est dari sibi species quibus illas perfectè intelligat, quia eius naturæ non conuenit. Dicitur secundo, quod non est eadem ratio de intellectu nostro & de intellectu intelligentiarum: quia cum omnes intelligentiæ sint vnius ordinis, vnaquæque illarum nata est alias perfectè intelligere, ideo dantur eis species quæ ipsis alias intelligentiis perfectè repræsentent: intellectus autem noster est inferioris ordinis ad intelligentias, videtur enim est. Vnde sicut quia intellectus noster est inferioris ordinis ad substantias separatas, non cognoscit ipsas perfectè, neque recipit species ipsas perfectè repræsentantes, ita quia intelligentiæ sunt inferioris ordinis ad Deum, ipsum naturali cognitione perfectè non cognoscit, neque speciem aliquam recipiunt quæ ipsis Deum perfectè repræsentet.

ADVERTENDUM autem, cum inquit S. Thom. animæ separatas intelligere substantias separatas per lumen intellectus agentis, hoc non est sic accipiendum, quasi ipsum lumen intellectus per se sufficiat ad huiusmodi intellectum absque additamento alicuius speciei intelligibilis, aut quod intellectus agens suo lumine faciat substantias separatas intellectas in actu, causando earum species in intellectu possibili, sicut circa materialia se habet: sed quia (ut dicitur in quæst. de anima, art. 15. ad septimum) per intellectum possibilem recipiunt anima species effluentes à substantiis superioribus: per intellectum verò agentem habebit virtutem ad intelligendum. In anima enim coniuncta intellectus agens duo facit. Nam & intelligibilia in potentia facit intelligibilia in actu, & dat intellectui possibili virtutem ad intelligendum per modum cuiusdam luminis, ita quod virtus animæ ad intelligendum est tam ex intellectu possibili, quàm ex intellectu agente. In anima verò separata non facit intelligibilia in actu, cum in ipsa non sint phantasmata quæ ad faciendâ intelligibilia in actu, simul cum intellectu agente requiruntur. Addidit autem hoc sanctus Thomas, quod anima separata intelligit substantias separatas per lumen intellectus agentis, ut ostenderet non deesse animæ virtutem qua possit substantias separatas intelligere per influentiam specierum ex superiori lumine, quum habeat in se similitudinem quandam intellectus actualis.



le qualis luminis existentis in substantiis separatis receptum à communi causa vtrorumque, videlicet à Deo: licet dum est corpori coniuncta, propter motus corporeos & occupationes sensibiles retineatur ne possit huiusmodi superiores influxus recipere. Attendendum etiam, quum inquit sancti Thomae, obligationem ad intelligenda materialia accidere intellectui humano in quantum est vnitus corpori, quod si accidere non accipitur ut idem est quod accidentaliter aduenire, per se enim & naturaliter, non secundum accidens conuenit intellectui coniuncto obligatio ad intelligenda materialia, sicut sibi naturale est vniri corpori, ut in multis locis S. Thomae ostendit, & superius in secundo libro est ostensum, sed accipitur ut idem est quod conuenit & congruere congruit enim & conuenit animae talis obligatio ad materialia secundum illum statum, quo est corpori vnita, non autem secundum statum quo est à corpore separata.

1. 10. G. ad.  
de Anima. q.  
37. 1. Ethic. 6.  
9. & 10. Eth.  
cap. 3.

Quantum ad secundum contra hanc S. Thomae determinationem arguitur à quibusdam dupliciter. Primò, intelligere substantias separatas est nobilissima operatio animae humanae, ut patet ex primo & decimo Ethicorum. & corpus humanum est eius propria materia, ergo per vnionem ad corpus non impeditur à cognitione substantiarum separatarum, probatur consequentia, quia nulla forma impeditur à sua nobilissima operatione propter vnionem eius ad propriam materiam.

Secundò, generatio vnus speciei non impeditur à corpore nisi quia corpus habet contrariam dispositionem dispositioni requisitae ad eius generationem. sed corpus humanum nullam habet dispositionem contrariam dispositioni quam exigit receptio specierum intelligibilium ex superiori influentia: ergo per vnionem ad corpus non impeditur talis specierum receptio: ergo neque impeditur cognitio substantiarum separatarum per talem vnionem. Confirmatur: bonum simpliciter alicuius naturae non impeditur propter bonum simpliciter eiusdem naturae: intelligere autem substantias separatas est bonum simpliciter naturae humanae, & vnio ipsius ad corpus est etiam eius bonum simpliciter, ergo, &c.

In praecedentibus capit.

Ad hanc dicitur primò, quod si arguens intendat arguere de cognitione perfecta & quidditatiua, negatur quod intelligere substantias separatas hoc modo sit summa perfectio animae humanae, & quod sit eius perfectio simpliciter, imò nulla est eius perfectio, quum, (ut dictum est superius,) eas quidditatiue cognoscere sit sibi impossibile naturaliter loquendo. Similiter conceditur quod ab illa cognitione non impeditur per vnionem ad corpus, non enim dicitur res impediri nisi ab eo quod potest sibi conuenire. Si autem intendat concludere quod intellectus coniunctus ita potest substantias separatas per proprias species intueri, sicut separatus.

TUNC ad primam dicitur primò, quod Philosophus non loquitur de ea cognitione substantiarum separatarum quae habetur per earum species, sed de ea quae ex sensibilibus acquiritur: & de hac conceditur quod non impeditur intellectus ex vnione ad corpus, imò per talem vnionem augetur.

Dicitur secundò, quod licet intelligere substantias separatas per species infusas, sit nobilissima animae humanae operatio, in quantum intelligere per conuersionem ad superiora (ut inquit S. Thomae prima parte, q. 89. art. 1.) est nobilior quam intelligere per conuersionem ad phantasmata, & etiam in quantum est clarior noticia, quae de nobilissimis rebus haberi ab anima humana possit, non tamen ista cognitio est naturalis animae simpliciter, sed tantum in quantum habet esse separatum, ut dicitur in quaest. de anima, quaest. 1. art. 7. & q. 17. ad secundum: & prima parte, loco allegato, ideo negatur consequens.

AD cuius probationem dicitur quod licet nulla forma impediatur à sua nobilissima operatione naturali per vnionem ad propriam materiam: per talem tamen vnionem impediri potest à sua nobilissima operatione quae est ei praefer naturam, cuiusmodi est dicta operatio: nec inconueniens est ut forma vnatur materiae, licet impediatur ab aliqua nobili cognitione sibi conuenienti praefer naturam, quando ex tali vnione de aliis rebus perfectiorem & distinctiorem cognitionem acquirit, quam si non esset vnita, sic autem est in anima humana. Nam ut declarat S. Thomae locis praedictis, si anima non acciperet cognitionem à sensibilibus via sensuum, sed intelligeret per species intelligentiis separatis proportionatas, haberet de rebus confusam tantum & imperfectam cognitionem.

AD secundam negatur maior, quia potest impediri ex corpore receptio alicuius formae intelligibilis in anima, non propter contrarietatem dispositionis corporis ad dispositionem quam illa forma requirit, sed quia ex vnione ad corpus, anima habet naturalem ordinem ad res materiales & phantasmata, ut nihil possit nisi ex sensibilibus & phantasmatibus intelligere. modus enim operandi vnus cuiusque sequitur eius modum essendi, cum vnusquodque operetur secundum quod est in actu: ut in superioribus est ostensum. Possit etiam negari minor, intelligere enim per conuersionem ad superiora requirit separationem à materia, cuius signum est, quod dormientibus & alienatis à sensibus quaedam reuelationes fiunt, quae sensu videntibus non conueniunt: corpus autem est quoddam materiale, & animam ad quandam aliquo materialitatem trahit.

AD confirmationem negatur quod intelligere substantias separatas illo modo sit animae bonum simpliciter: sed est bonum animae secundum quod habet esse separatum: quod quidem esse separatum (ut dicitur prima parte, quaestione adducta) non est animae naturale, sed praefer naturam.

POSSENT adduci & argumenta Scoti in primo Sententiarum, distinctione tertia, quaestione prima, quibus ostendit nos in hac vita posse substantias separatas quantum ad quid est cognoscere, sed quia concedit non posse substantias separatas à nobis perfecte cognosci in hac vita, licet aliquem de ipsis proprium & substantialem conceptum habere possimus: & hoc idem tenet S. Thomae. & differentia tantum est in verbis, quia illa cognitio apud Scotum vocatur cognitio quid, quamuis sit imperfecta: apud sanctum Thomam verò vocatur magis cognitio quia est: ideo non est opus eius argumenta soluere. Alia quae circa hanc materiam difficultatem in doctrina sancti Thomae. asserre possent, vide superius libro secundo.

Quod anima in hac vita non intelligit seipsam per seipsam.

Cap. 46.



IDE TVR autem difficultas quaedam contra praedicta asserri ex quibusdam Augustini verbis, quae diligenter pertractanda sunt. Dicit enim in nono de Trinitate, q. mens sicut corporearum rerum notitias per sensus corporis colligit, sic incorporearum rerum per semetipsam. ergo & seipsam per seipsam nouit: quoniam ipsa est incorporea.

Cap. 3.

Ex his enim verbis videtur quod mens nostra se per seipsam intelligat: & intelligendo se, intelligat substantias separatas: quod est contra praedicta.

Inquirere ergo oportet, quomodo anima nostra per seipsam intelligat se. Impossibile est autem dici quod per seipsam intelligat de se quid est.

1 Per hoc enim fit potentia cognoscitiua actu cognoscens, quod est in ea id quo cognoscitur. Et si quidem sit in ea in potentia, cognoscit in potentia: si autem in actu, cognoscit in actu: si autem medio modo, cognoscit in habitu. Ipsa autem anima semper adest sibi actu, & nunquam in potentia vel in habitu tantum. si igitur per seipsam anima seipsam cognoscit quid est: semper actu intelliget de se quid est. quod patet esse falsum.

2 Adhuc, si anima per seipsam cognoscit de se quid est: omnis autem homo animam habet: omnis igitur homo cognoscit de anima quid est: quod patet esse falsum.

3 Amplius, cognitio quae fit per aliquid naturaliter nobis inditum, est naturalis: sicut principia indemonstrabilia quae cognoscuntur per lumen intellectus agentis. Si igitur nos de anima scimus quid est, per ipsam animam, hoc erit naturaliter notum. In his autem quae naturaliter nota sunt, nullus potest errare. in cognitione enim principiorum indemonstrabilium nullus errat. nullus igitur erraret circa animam quid est, si hoc anima per seipsam cognosceret. quod patet esse falsum, quum multi opinati sint animam esse hoc vel illud corpus: & aliqui numerum vel harmoniam. non igitur anima per seipsam cognoscit de se quid est.

4 Amplius, in quolibet ordine, quod est per se, est prius eo quod est per aliud, & principium eius. quod ergo est per se notum, est prius notum omnibus quae aliud cognoscunt, & principium cognoscendi ea: sicut prima propositiones conclusionibus. Si igitur anima per seipsam de se cognoscit quid est, hoc erit per se notum, & per consequens primò notum, & principium cognoscendi alia. hoc autem patet esse falsum: nam quid est anima, non supponitur in scientia quasi notum, sed proponitur ex aliis inquirendum. non igitur anima de seipsa cognoscit quid est per seipsam. Patet autem quod nec ipse Aug. hoc voluit. Dicit enim in 10. lib. de Trin. q. anima cum sui notitia quaerit, non velut absente se quaerit cer nere, sed praesentem se curat discernere: non ut cognoscat se quasi non norit, sed ut dinoscat ab eo quod alterum nouit. Ex quo dat intelligere, quod anima per se cognoscit seipsam quasi praesentem, non quasi ab aliis distinctam. vnde & in hoc dicit alios errare, quod animam non distinxerunt ab illis quae sunt ab ipsa diuersa. per hoc autem quod scitur de re quid est, scitur res prout est ab aliis distincta. vnde & definitio quae signat quid est res, distinguit diffinitum ab omnibus aliis. non igitur voluit Aug. quod anima de se cognoscat quid est per seipsam. \* Nec Arist. hoc voluit. Dicit enim 3. de Anima, quod intellectus possibilis intelligit se sicut alia. intelligit enim se per speciem intelligibilem quae fit actu in genere intelligibili. in se enim consideratus, est solus in potentia ad esse intelligibile: Nihil autem cognoscitur secundum quod est in potentia, sed secundum quod est in actu. vnde substantia separata, quarum substantiae sunt ut aliquid actu ens in genere intelligibilium, de se intelligunt quid sunt per suas substantias. Intellectus verò possibilis noster per speciem intelligibilem per quam fit actu intelligens. vnde & Arist. in 3. de anima \* ex ipso intelligere demonstrat naturam intellectus possibilis, scilicet quo fit immixtus, & incorruptibilis, ut ex praemissis patet. Si igitur secundum intentionem Augustini mens nostra per seipsam nouit seipsam, in quantum de se cognoscit quod est. ex hoc enim ipso quod percipit

\* per cognoscunt

\* Text. cō. 15.

\* Text. com. 3.

& infra.

quod  
sic



se agere, percipit se esse: agit autem per seipsum: unde per seipsum de se cognoscit quod est. Sic ergo & de substantiis separatis anima cognoscendo seipsum cognoscit quia sunt; non autem quid sunt, quod est earum substantias intelligere. Cum enim de substantiis separatis hoc quod sint intellectuales quædam substantia cognoscamus, vel per demonstrationem, vel per fidem, neutro modo hanc cognitionem accipere possumus, nisi hoc ipsum quod est intellectuale, anima nostra ex seipsa cognoscat. Unde & scientia de intellectu animæ oportet uti ut principio ad omnia quæ de substantiis separatis cognoscimus. non autem oportet, quod si per scientias speculativas possumus pervenire ad sciendum de anima quid est, quod possumus ad sciendum quid est de substantiis separatis per huiusmodi scientias devenire: nam intelligere nostrum per quod pervenimus ad sciendum de anima nostra quid est, multum est remotum ab intelligentia substantiæ separata. potest tamen per hoc quod scitur de anima nostra quid est, perveniri ad sciendum aliquod genus remotum substantiarum separatarum: quod non est earum substantias intelligere. Sicut autem de anima scimus quia est per seipsum, in quantum eius actus percipimus; quid autem sit, inquirimus ex actibus, & obiectis, per principia scientiarum speculativarum: ita etiam de his quæ sunt in anima nostra, scilicet potètiis & habitibus, scimus quidem quia sunt, in quantum actus percipimus; quid verò sint, ex ipsorum actuum qualitate invenimus.

Super Cap. 45.



VIA contra prædictam determinationem videtur esse quædam Augustini verba, ideo S. Tho. (ut ostendat Augustinum contra hanc veritatem non sentire) eius verba examinat, ostenditque illa nullatenus suæ sententiæ repugnare. Verba Augustini in nono de Trinitate hæc sunt: Mens sicut corporearum rerum notitias per sensus corporis colligit, sic incorporearum rerum per semetipsam. ergo & seipsum per seipsum novit, quoniam est incorporea. Ex quibus verbis videtur velle Aug. quod mens seipsum per seipsum intelligat, & intelligendo se intelligat substantias separatas: & per consequens quod in hac vita possumus cognoscere substantias separatas: quod est contra prædicta.

AD istam authoritatem Augustini dicit duo S. Thom. Primum est, quod non est mens eius quod anima nostra possit per seipsum de se intelligere quid est, hoc est, quod ipsamet sit principium quo se quantum ad quid est intelligat, eo modo quo species intelligibilis hominis est principium quo devenitur in cognitionem quidditatis & essentiae hominis: ostenditque & quod hoc est impossibile, & quod est contra mentem Augustini & Aristotelis. Arguit autem primum: Si hoc esset, semper anima intelligeret de se quid est: hoc patet falsum esse. ergo probatur sequela, quia quum potentia cognoscitiva sit actu cognoscens per hoc quod cognitum est in ipsa, si est in ea in potentia, cognoscit in potentia: si in actu, cognoscit in actu. si medio modo cognoscit in habitu. ipsa autem anima semper adest sibi actu, & nunquam in potentia vel in habitu tantum. Videtur autem quod ratio hæc non concludat: imò eam solvit S. Tho. in q. de Verit. q. 10. art. 8. ad novum, inquitens quod sicut non oportet ut semper intelligatur actu illud cuius notitia habitualiter habetur per intentiones in intellectu existentes, ita non oportet quod mens semper actualiter intelligatur, cuius notitia inest nobis habitualiter, per hoc quod ipsa eius essentia intellectui nostro est præsens. Ex quibus patet illam conditionalem & assumptam ad eius probationem, scilicet quod anima nunquam adsit sibi in habitu tantum, falsam esse.

AD huius evidentiam considerandum est, quod cum ad hoc ut aliquid intelligatur duo requirantur, scilicet quod sit intellectum in actu, & quod fiat vnum cum intelligente: quantum magis intellectum in actu fuerit vnum cum intelligente, tanto magis habet ut à tali intellectu intelligatur, ideo si fuerit vnum cum ipso, non totaliter in actu, sed partim in potentia, & partim in actu intelligitur ut inquit S. Tho. non in actu perfecto, sed partim in actu, & partim in potentia, quod est habitualiter intelligibile: aut sit vnum cum ipso perfecte in actu, perfecte & secundum actualē considerationem intelligitur. Aliter autem contingit intelligibile esse vnum cum intelligente quum idem intelligit seipsum per seipsum immediate; & aliter quum intelligit aliud à se: cum enim aliquid intellectum in actu intelligit se per seipsum, ita quod sola præsentia sit sibi ratio quod à seipso cognoscatur; intelligens & intellectum sunt omnino vnum, quia essentia intelligentis, & id quo intelligit, sunt omnino eadē res: cum autem intelligēs intelligit aliud aliud à se, non sunt omnino vnum & idem intelligēs, & intellectum, siue id quo intelligit, sed sunt vnum per quandam unionem, in quantum videlicet intellectum vnitur intelligenti aut per suam substantiam, aut per speciem intelligibilem. Vnam autem & eadē rem numero non contingit esse magis & minus siue perfectius & imperfectius eandem sibi ipsi sed semper est eadem sibi realiter perfecto modo: sed bene vnum & idem contingit perfectius & minus perfecte alteri vniri. Ideo si perfecta identitas est ratio quod aliquid seipsum cognoscat quidditativē, oportet quod illud seipsum semper quidditativē cognoscat, quum nunquam tale intellectum sit idem cum intelligente imperfecto modo, sed semper sit illi perfecto modo idem. non autem si vnio perfecta intellecti cum intelligente est causa quod aliquid actu intelligatur, oportet quod semper intelligatur actu, quia non semper eius est perfecta vnio cum intelligente, sed aliquando imperfecta.

EX his patet processum S. Thom. efficacem esse. Quia enim anima sibi semper adest per identitatem, & nunquam in potentia vel in habitu tantum quod est esse aliquo modo vnum, aliquo modo non vnum, si intelligenti præsentia sit & identitas ad seipsum est sibi ratio quod seipsum quidditativē intelligat, sequitur quod seipsum semper intelligat propter perfectam unionem & præsentiam ad seipsum quæ semper illi adest. Unde responsio ad rationem sancti Thomæ nulla est, nec est simile de eo quod cognoscitur per intentionem suam existentem in intellectu: & de anima se per seipsum cognoscente, ut ostensum est, quia tunc intelligibile non est semper vnum intellectui perfecto modo, sicut anima sibi ipsi, sed aliquando imperfecto modo: idcirco aliquando cognoscitur actu, aliquando verò habitu tantum. Quid autem intendat S. Thom. in illa responsione, dicitur in conclusione secunda. Secundò, hoc datur, omnes homines cognoscerent de anima quid est, cum omnes habeant animam: hoc est falsum, ergo, &c. Tertio, sequitur quod quid sit anima, erit naturaliter notum, ergo nullus circa animam quid est erraret. hoc est falsum, ut constat ex variis opinionibus de natura animæ. ergo, &c. probatur prima consequentia, quia cognitio quæ sit per aliquid naturaliter nobis inditum, est naturalis ut patet de primis principiis quæ cognoscuntur per lumen intellectus agentis. Secunda quoque probatur, quia in his quæ naturaliter nota sunt, nullus errare potest, ut etiam circa prima principia patet.

CIRCA istam propositionem: Cognitionis quæ sit per aliquid naturaliter nobis inditum, est naturalis: advertendum quod cognitio potest dici naturalis dupliciter. Vno modo ut distinguitur contra supernaturaliter habitam, siue contra acceptam à superiori lumine quàm sit lumen intellectus agentis: & sic omnis cognitio à nobis virtute principij naturalis quomodocunque, siue inquam mediata, siue immediate acquisita, dicitur naturalis, hoc modo non accipitur hic. Alio modo ut distinguitur contra cognitionem per studium & exercitium acquisitam, & sic dicitur cognitio naturalis, illa quæ statim absque inquisitione aliqua in intellectu causatur: & hoc modo accipitur hic. Nam talis per principium aliquod naturale immediate, id est, nulla mediante cognitione causatur in nobis, sicut primorum principiorum cognitio immediate à lumine intellectus agentis causatur, non quidem actualis, sed habitualis: quia ut superius de mente sancti Thomæ est ostensum, intellectus agens non est ipse habitus primorum principiorum, sed est eius causa, illuminando phantasmata quæ ex sensibus accipiuntur. Quarto, si illud est, erit per se notum quid est anima, ergo erit primum notum & principium cognoscendi alia. hoc est falsum, quum non supponatur in scientia quasi notum quid est anima, sed proponatur inquirendum, ergo &c. Patet prima consequentia, quia per ipsammet animam erit notum. Secunda verò probatur, quia in quolibet ordine quod est per se, est prius eo quod est per aliud, & principium eius. Quinto, ostenditur, & hoc esse de mente Augustini, autoritate ipsius in nono de Trinitate, ubi vult quod anima cognoscat quidem seipsum quasi præsentem, non tamē quasi ab aliis distinctā, quod esset cognoscere ipsam quid est. Nam scitur de re quid est, quando scitur prout est ab aliis distincta.

EX hoc etiam patet quod in verbis in principio capituli adductis non voluit Augustinus quod anima cognoscat de se quid est per seipsum. Sexto arguitur autoritate Aristotelis: Intellectus possibilis intelligit se sicut alia: ut dicitur tertio de anima, textu 16. ergo non per seipsum.

AD EVIDENTIAM antecedens notat sanctus Thomas, quod aliter loquendum est de intellectu nostro, & aliter de substantiis separatis. Intellectus enim noster in se consideratus est solum in potentia ad esse intelligibile: nihil autem cognoscitur secundum quod est in potentia, sed secundum quod est in actu: ideo se intelligit non per seipsum, sed per speciem intelligibilem, qua fit in actu in genere intelligibilem & actu intelligens. substantia autem separata, quia sunt aliquid actu in genere intelligibilem, de se intelligunt quid sunt per suas substantias.

QVOMODO anima intellectiva (pro eodem enim hic accipitur anima intellectiva, & intellectus possibilis, & mens, quia consideratur ipsa anima ut virtutem intelligendi habet) sit pura potentia in genere intelligibilem, & constituitur in actu per speciem intelligibilem, ostensum est in secundo libro.

VNUM tantum occurrit dubium quod in illo loco tactum non fuit. Nam multoties de mente Aristotelis tertio de anima dictum est, quod anima intellectiva virtute intellectus agentis facit res materiales actu intelligibiles, quæ prius erant intelligibiles in potentia. hoc enim falsum videtur. Nam non potest facere intelligibilia in actu, nisi quod est actu intelligibile, sicut non potest facere actum calidum, quod non est actu calidum, ergo anima intellectiva est in genere intelligibilem non sicut pura potentia, sed sicut existens in actu. Respondetur quod dupliciter aliquid potest dici intelligibile in actu in ratione obiecti. Vno modo, quia ex natura sua actu intelligibile, siue ex natura suæ speciei habet ut possit primo movere aut terminare intellectum. Alio modo, quia non est ex natura suæ speciei actu intelligibile, sed ex alia sibi accidentaliter advenit. Quod facit aliquod intelligibile in actu, primo modo oportet esse ut sit intellectum in actu secundum se, sicut Deus qui intelligentias producit, est secundum se maxime intelligibilis: sed hoc modo intellectus agens non facit intelligibilia in actu, non enim producit res materiales per se subsistentes extra materiam individualement. Quod autem facit aliquod intelligibile in actu secundo modo, non oportet ut sit secundum se actu intellectum, sed sufficit quod sit aliquid de genere intelligibilem & substantiarum intellectivarum natum acquirere perfectionem suam ab alio. hoc autem modo anima intellectiva per intellectum agentem facit intelligibilia in actu, in quantum res quæ in seipsis materiales sunt, facit immateriales, non quidem in seipsis & extra intellectum, sed in intellectu possibili, ex qua immaterialitate habent ut sint actu intelligibiles. ideo anima intellectiva ut factiva talium intelligibilium, est quidem actu intelligibilis, sicut id quo aliquid est intelligibile in actu. non autem sicut id quod ex se natum est intelligi. unde sanct. Thom. in quest. de Verit. quest. 10. artic. 8. in responsione ad decimum secundo loco solutorum, ait quod lumen intellectus agentis per seipsum à nobis intelligitur in quantum est ratio specierum intelligibilium faciens eas intelligibiles actu, sicut lux corporalis videtur in quantum est ratio visibilis: visibilis & prima questio. 87. articulo 1. inquit quod lumen intellectus agentis est actus ipsorum intelligibilium. Si autem instetur quod tunc



res materialis intelligibilis facta perfectius erit in genere intelligibilium quam anima intellectiva, quia & erit de genere intelligibilium, & in illo genere se habebit sicut a res, sive sicut ens in actu. Dicitur quod non est inconueniens rem materiale ut abstractam esse secundum quid perfectiori modo in genere intelligibilium, quam anima secundum participationem quidam ab alio accepta, non autem per suam essentiam simpliciter. tamen anima intellectiva habet esse perfectius in illo genere, quia ipsa licet infimum locum teneat inter substantias intellectuales, est tamen per se in illo genere uti substantia per se subsistens & intellectiva, & etiam ut intelligibilis actu ut quo aliud est actu intelligibile. natura autem materialis non est in illo genere ut substantia per se subsistens, nec ut natura intellectiva, sed per esse accidentale quod habet in intellectu, secundum quod est virtute intellectus agentis immaterialis effectus. secundum quod inquit S. Tho. est quod intentio beati Augustini est medium seipsam cognoscere per seipsam, in quantum de se cognoscit quod est, id est, in quantum cognoscit se esse & sic cognoscendo seipsam cognoscit de substantiis separatis quia sunt, non autem quid sunt, nisi ex seipsa anima cognosceret, hoc ipsum quod est intellectuale, nequaquam cognoscere sive per demonstrationem, sive per fidem aliquas substantias intellectuales esse, cuius signum est, quod scientia de intellectu animæ oportet ut tanquam principio ad omnia quæ de substantiis separatis cognoscimus.

PROBAT autem S. Tho. quod anima se esse per seipsam cognoscit, sic anima ex eo quod percipit se agere, percipit se esse; sed agit per seipsam; ergo & se esse per seipsam cognoscit.

SED quia posset aliquis instare, licet anima per seipsam non cognoscit de se quod est, sed tantum quia est, per scientias tamen speculativas potest devenire ad hoc ut cognoscit de se quod est. ergo quavis per cognitionem qua anima cognoscit se esse, non devenimus ad cognitionem substantiarum separatarum, nisi quia sunt: per scientias tamen speculativas ad illam pervenire poterimus. Respondet S. Tho. quod non est eadem ratio, quia intelligere nostrum per quod devenimus ad cognoscendum quid est anima, est multum remotum ab intelligentia substantiarum separatarum, id est, ab ipso intelligere qui est actus. Ad id autem quod tamen cognoscendo quid est anima, potest perveniri ad sciendum aliquod genus remotum substantiarum separatarum. Infert postremo ex dictis hoc corollarium, quod simile est de iis quæ sunt in anima nostra, scilicet de habitibus & potentiis, sicut & de anima, quia in quantum eorum actus percipimus, scimus quia sunt: quod verò sunt, ex actuum qualitate invenimus.

CIRCA rationem qua probatur animam se esse per seipsam cognoscere, dubitatur ex illa enim maiore videtur sequi oppositum intenti, sic arguendo: Anima ex eo quod percipit se agere, percipit se esse: sed si agere non est ipsamet, ergo se esse per aliud, non per seipsam cognoscit. Unde in prima parte concludit S. Thom. quod Sortes vel Plato non per ipsam animam, sed per eius actus cognoscit se habere animam.

Respondetur ex doctrina sancti Thomæ, de Verit. q. 10. artic. octavo & nono, quod dupliciter potest anima cognosci esse, scilicet actualiter & habitualiter. Si loquamur de cognitione actuali, sic animam non cognoscit aliquis se habere per ipsam animam, sed per suos actus, puta per sentire, intelligere, moveri & huiusmodi: & de hac cognitione loquitur sanctus Thomas prima parte. Si verò loquamur de cognitione habituali, sic aliquis per ipsammet animam, ex eo scilicet quod est sibi præsens, cognoscit se habere animam. Ratio ergo sancti Thomæ concludit non de cognitione actuali, sed de cognitione habituali: hoc enim quod anima actualiter se esse cognoscit, quia cognoscit se agere, quum ipsa per seipsam sit principium illius actionis, qua cognita cognoscitur esse anima; sequitur quod ipsa præsentia animæ est ratio quare sit potens exire in actum cognitionis sui ipsius, quod est ipsam se esse per seipsam habitualiter cognoscere. Cuius deductur ex illa maiore ratio ad oppositum, dicitur quod utique concluditur per illam, animam non per seipsam, sed per aliud scilicet per suos actus cognoscere seipsam actualiter: non autem quod non cognoscatur habitualiter per seipsam; imò ex illam maiore, subsumpta minore quam subsumit S. Tho. scilicet quod per seipsam agit, sequitur quod per seipsam habitualiter cognoscatur.

AD evidentiam autem huius responsionis duo sunt consideranda. Primum est, quod actus & operationes animæ dupliciter cognosci possunt. Vno modo quantum ad esse ipsorum. Alio modo quantum ad ipsorum conditionem & naturam. Primo modo sunt medium per quod anima devenit in cognitionem sui ipsius: a qualem quod sit, ex eo enim quod aliquis cognoscit se operari operationes animæ, cognoscit se habere animam, ideo dicit S. Thom. quod ex hoc quod percipit se agere cognoscit se esse, ut daret intelligere quod non qualiscunque cognitio actuum ducit in cognitionem esse animæ, sed illa cognitio qua cognoscit aliquis sibi inesse animæ actus.

Secundo autem modo sunt principium cognitionis animæ, quantum ad quid est. unde dicit S. Thom. quod Aristot. ex ipso intelligere demonstrat naturam intellectus possibilis, scilicet quod sit immixtus & incorruptibilis. Secundum est, quod aliquid per essentiam suam cognoscere se esse actuali cognitione, est præsentiam suæ essentia ad intellectum facere actualiter cognosci quod ipsum est nullo requisito, sicut substantiam separatam dicimus se semper actu cognoscere per seipsam, quia ipsa sola præsentia suæ substantia ad eius intellectum facit ut seipsam actu intelligat. Cognoscere autem se esse habituali cognitione per suam essentiam, est ipsam solam præsentiam essentia facere ut ipsum sit potens progredi in actum cognitionis suæ essentia. Quia ergo sola præsentia animæ in aliquo, non facit ut aliquis actualiter cognoscat se animam habere, alioquin unusquisque semper actualiter cognosceret se habere animam, quia semper anima sibi est præsens; sed requiritur quod ab ipsa anima egrediantur actus, in quibus ipsius animæ existentia cognoscatur, sicut cum cognoscitur alicui inesse aliqua actio, cognoscitur inesse principia talis actionis: ideo bene inquit S. Thom. quod anima actuali cognitione non cognoscit per essentiam suam se esse; habitualiter autem per suam essentiam cognoscit, quia non requiritur aliquis habitus ad hoc ut percipiat se & quid in seipsa agatur, sed ad hoc sufficit ipsa animæ essentia quæ menti est præsens, sicut & ex ea progrediuntur actus in quibus esse cognoscitur. Unde sanctus Thom. in sua ratione, ex eo quod anima per se, hoc est per virtutem suæ naturæ agit, concludit, quod per seipsam intelligit

de se quod est, scilicet habitualiter, in quantum per eius præsentiam potens est aliquis cognoscere de ipsa quod sit, eliciendo actus in quibus cognoscitur.

SE D multa circa hanc declarationem insurgunt dubia. Primum est: Anima in nullum actum cognitionis potest exire, nisi per speciem intelligibilem aduetur, cum sit pura potentia in genere intelligibilium, ut superius est dictum. ergo per essentiam suam neque potest aliud à se intelligere, neque intelligere se intelligere, neque se esse, sed indiget aliquo habitu siue aliqua specie ad hoc ut percipiat se esse: ergo non per solam suam præsentiam potest aliquis cognoscere se habere animam. ergo non cognoscit se esse habitualiter per suam essentiam.

Secundum est, quia superius dixit S. Tho. quod anima semper adest sibi, non secundum potentiam vel in habitu tantum, sed in actu. ergo non cognoscit se esse habitualiter per seipsam, per illud enim aliquid habitualiter tantum cognoscitur quod est habitualiter in intellectu. Tertium est, sicut per actus animæ cognoscitur anima esse, ita per ipsos devenitur in cognitione eius quid est, licet alio & alio modo. ergo si quia per seipsam producit actus in quibus cognoscitur ipsam esse, dicitur seipsam cognoscere habitualiter quod sit, eadem ratione dicitur & seipsam se habitualiter cognoscere quantum ad quid est.

PR O solutione primi dubij considerandum est, quod cum operatio demonstrat omne suum principium esse, quia non potest operatio esse nisi omnia eius principia ponantur, quomodo cumque aliqua sint principia operationis, præsertim proxima, illa per operationem cognoscuntur: & si talis operatio sit cognitio, ipsa sola præsentia vniuscuiusque principij est ratio ut illud principium possit cognosci esse, cum omne principium cognitionis per se in suo ordine ad operationem concurrat. Sicut enim calor est ratio, quare calidum possit calefacere, ita quodlibet principium cognitionis est ratio quare cognoscens possit cognoscere elicere: & quia ex cognitione naturæ est cognosci principium cognitionis esse, sicut ex quacunque operatione potest principium operationis cognosci: ideo præsentia principij cognitionis, in cognoscens est ratio ut cognoscens possit cognoscere illud principium esse. Unde & natura intellectiva quæ per seipsam est principium intellectus, per modum intellectui nomine naturæ intellectivæ comprehendendo intellectum, est sibi ratio ut cognoscat se intelligere, & sic cognoscat se esse: & similiter species intelligibilis quæ concurrat ad intellectum per modum formæ actuantis intellectum, per solam suam præsentiam in intellectu est ratio ut cognoscat esse ab eo qui novit ad actum intellectus speciem aliquam intelligibilem concurrere, in quantum per seipsam in suo ordine est causa intellectus, & per intellectum cognoscitur esse. idem est de omni habitu intellectus, & sic patet quod per seipsam præsentia animæ quæ species intelligibilis, & habitus est id per quod aliquis est potens cognoscere se habere animam aut se habere specie intelligibile, aut habitu. Ex his patet quia consequentia non valent: Anima intellectiva non potest exire in actum intellectus, nisi per speciem intelligibilem aduetur: ergo per essentiam suam non potest intelligere se intelligere, neque se esse, tanquam ratio ex parte cognoscentis se tenens, & medium quo se habitualiter intelligat: non enim species intelligibilis facit ut anima habeat potentiam intellectivam, cum illa propriam naturam animæ consequatur: sed bene sequitur, ergo non potest se intelligere per seipsam, tanquam per totale & completum principium productivum intellectus: sicut non sequitur, species intelligibilis non potest exire in actum intellectus, nisi simul cum potentia intellectiva, & nisi adit intentio applicans speciem ad actum: ergo non est per seipsam ratio ut cognoscat possit esse, tanquam principium intellectus: sed bene sequitur, ergo non est totale principium talis intellectus actualis. Ad secundum dicitur quod animam adest sibi dupliciter potest intelligi. Vno modo absolute quantum ad suam naturam absolute considerata. Alio modo præcise tanquam ratio cognoscendi apud intellectum: primo modo intellexit S. Thom. in prima ratione huius cap. Anima enim non aliquando est eadem sibi ipsi imperfecte, aliquando perfecte, ut possit dici adest sibi aliquando secundum habitum, aliquando secundum actum: sed semper perfecte ut sibi est declaratum: & ideo deducebat sanctus Thom. quod anima semper de se intelligit actum quid est, si ex eo sola anima de se cognoscit quid est, quia adest sibi absolute per identitatem, quum semper sibi perfecto modo adsit. In hac autem responsione sumpta ex questionibus de Veritate, animam adest sibi intelligit S. Thom. secundo modo. Non enim inconuenit animam adeste intellectui ut rationem alicuius cognitionis habitualiter, in quantum ipsa præsentia animæ apud intellectum est ratio quod ipsa potens sit cognoscere seipsam quantum ad esse: non autem est ratio quod actualiter se intelligat. Unde & non oportet si anima est sibi hoc modo præsens semper quod semper intelligat actum: sufficit quod semper sit potens se intelligere: sicut & semper quandiu est, potens est agere per modum virtutis intellectivæ.

Ad tertium dicitur quod non est eadem ratio de cognitione animæ quantum ad quia est, & quantum ad quid est, quia ad cognitionem quia est habitalem, sufficit quod sit productiva actus per quem cognoscitur, & adsit intellectui, hoc autem sibi per seipsam convenit ad cognitionem autem quid est, exigitur ut sit aliquid intellectum in actu, quia nihil est medium, tanquam species, aut per modum speciei intelligibilis, quo aliquid cognoscitur quantum ad quid est etiam habitualiter, nisi sit aliquid intellectum in actu. propter hoc enim ponitur quod per ipsas res materiales non potest cognosci quid sunt, nisi virtute intellectus agentis fiant actus intelligibiles per speciem in intellectu possibili causatam: anima autem intellectiva non est in actu intellecta per seipsam ut est corpori coniuncta, sed per species à phantasmatibus abstractas. ideo per seipsam non cognoscit de se etiam habitualiter quid est, sed tantum potentialiter, licet sit productiva actus per quem natura animæ investigatione quadam & deductione cognoscitur.

CIRCA illud quod dicitur, quoniam nec etiam per fidem accipere possemus hanc cognitionem quæ sit quædam substantia intellectuales, nisi anima nostra ex seipsa cognosceret quod intellectuale est: advertendum quod hoc non dicitur quasi per illam cognitionem qua anima cognoscendo se esse cognoscit quod intelligibile est, causetur cognitio fidei per aliquam naturalem argumentationem qua cognoscamus substantias aliquas separatas & intellectuales esse: cognitio enim fidei infusa, ut sic, non



dependet necessarii ex aliqua naturali argumentatione: sed sic intelligendum est, quod sicut in aliis quæ sunt fidei, oportet præcognosci quid per nomina importetur, alioquin intellectus illis non adhæreret etiam per fidem, quia nihil de significato propositionum intelligeret; ita illam cognitionem qua cognoscimus, siue per demonstrationem, siue per fidem, esse aliquas substantias intellectuales separatas, oportet ut præcedat cognitio qua ex ipsa anima per actus suos cognita cognoscimus certò aliquod intellectuale esse, quia per illam cognitionem scimus quid sit substantias intellectuales esse.

CIRCA corollarium aduertendum ex doctrina S. Thom. in loco allegato de Verit. quod licet habitus & alia quæ sunt in anima nostra, cognoscamus quantum ad quia sunt, in quantum ex illis ipsius actus percipimus: quid verò sint, ex actuum qualitate inueniamus, sicut est de anima. Et tamen duæ cognitiones aliter ordinantur circa habitus quam circa animam. cognitio enim de habitibus quia sunt, præsupponit cognitionem quid sunt: non autem cognitio quia est de anima præsupponit cognitionem quid est de ipsa, cum multi sciant se habere animam, qui nesciunt quid est anima: cuius ratio est, quia non potest per actus cognosci aliquod principium inesse nobis, nisi præcognoscatur illud esse principium talis actus: sicut non possum ex aliquo actu cognoscere iustitiam esse in me, nisi sciam iustitiam esse principium illius actus. habitus autem per essentiam suam est principium talis actus, ita videlicet quod essentia sua consistit in hoc, quod est esse principium talis actus, sicut quid est iustitia, consistit in hoc quod est esse per quam quis reddit unicuique quod suum est: ideo non potest cognosci per actum quod aliquis habitus nobis inest nisi præcognoscatur quid est ille habitus. Dum autem cognoscitur animam esse principium alicuius actus, non cognoscitur per hoc eius essentia, quia suum quid est non consistit in hoc quod est esse principium talis actus, quum non per suam essentiam sit principium actus, scilicet, immediate, sed per potentiam: ideo non oportet præcognosci de ipsa quid est, dum cognoscitur eam in nobis esse, sed sufficit cognoscere in ipsa esse potentiam talis actus productivam.

*Quod non possumus in hac vita videre Deum  
per essentiam.*

Cap. 47.

Idem prima  
prima q. 12.  
art. 11. & in  
4. Sen. di. 49.  
12. art. 21. q.  
10. art. 11.



I autem substantias separatas in hac vita intelligere non possumus propter connaturalitatem intellectus nostri ad phantasmata: multò minus in hac vita diuinam essentiam videre possumus, quæ transcendit omnes substantias separatas. 2. Huius autem signum hinc etiam accipi potest: quia quantò magis mens nostra ad contemplanda spiritualia eleuatur, tantò magis abstrahitur à sensibilibus. vltimus autem terminus quo contemplatio pertingere potest, est diuina substantia. vnde oportet mentem quæ diuinam substantiam videt, totaliter à corporeis sensibus esse absolutam vel per mortem, vel per aliquè raptum. Hinc est quod dicitur ex persona Dei, Exod. 33. Non videbit me homo, & viuet. Quod autem in sacra scriptura aliqui Deum vidisse dicuntur, oportet intelligi hoc fuisse per aliquam imaginariam visionem, seu etiam corporalem, prout scilicet per aliquas corporeas species vel exterius apparentes vel interius formatas in imaginatione, diuinæ virtutis præsentia demonstrabatur: vel etiam secundum quod aliquæ spirituales substantiæ aliquam cognitionem de Deo intelligibilem perceperunt. Difficultatem autem afferunt quædam verba Aug. ex quibus videtur quod in hac vita possumus intelligere ipsum Deum. dicit enim in nono lib. de Trinit. \*quod in æterna veritate ex qua omnia facta sunt, formam secundum quam sumus, & secundum quam vel in nobis vel in corporibus vera & recta ratione quid operamur, visu mentis conspiciamus: atque inde conceptam rerum veracem noticiam apud nos habemus. Duodecimo etiam Cōfess. dicit: Si ambo videmus verum esse quod dicis, & ambo videmus verum esse quod dico, ubi quæso id videmus? nec ego utique in te, nec tu in me: sed ambo in ipsa quæ supra mentes nostras est incommutabili veritate. In libro etiam de Vera religione dicit quod secundum veritatem diuinam de omnibus iudicamus. In libro autem Soliloquiorum dicit, quod prius est veritas cognoscenda per quam possunt alia cognosci. quod de veritate diuina intelligere videtur. Videtur ergo ex verbis eius quod ipsum Deum qui sua veritas est, videamus, & per ipsum alia cognoscamus.

Ad idem etiam pertinere videntur verba eiusdem, quæ \* Cap. 2. ponit in 12. de Trinit. \* sic dicens: Rationis est iudicare de istis corporalibus secundum rationes incorporales & sempiternas, quæ nisi supra mentem humanam essent, incommutabiles profectò non essent. Rationes autem incommu-

tabiles & sempiternæ alibi quàm in Deo esse non possunt: cum solus Deus secundum fidei doctrinam sit sempiternus. Videtur igitur sequi quod Deum in ista vita videre possumus: & per hoc quod eum & in eo rerum rationes videmus, de aliis iudicamus. Non est autem credendum quod Aug. in verbis præmissis senserit quod in hac vita Deum per suam essentiam intelligere possumus, cum contrarium dicat in lib. de Videndo Deum ad Paulinam. Qualiter igitur illam incommutabilem veritatem vel istas rationes æternas in hac vita videamus, & secundum eam de aliis iudicemus, inquirendum est. Veritatem quidem in anima esse ipse Aug. in lib. Soliloquiorum confitetur. vnde ab æternitate veritatis immortalitatem animæ probat. Non solum autem sic veritas est in anima, sicut Deus per essentiam in rebus omnibus dicitur, neque sicut in rebus omnibus est per suam similitudinem, prout vnaquæque res intantum dicitur vera, in quantum ad Dei similitudinem accedit, non enim in hoc anima rebus aliis præfertur. Est ergo speciali modo in anima in quantum veritatem cognoscit, sicut igitur animæ & res aliæ veræ quidem dicuntur in suis naturis, secundum quod similitudinem illius summæ naturæ habent, quæ est ipsa veritas: quum sit suum intellectum esse: ita id quod per animam cognitum est, verum est in quantum illius diuinæ veritatis quæ Deus cognoscit, similitudo quædam existit in ipsa. Vnde & glossa super illud Psalmistæ: Diminutæ sunt veritates à filiis hominū: dicit quod sicut ab vna facie resultant multe facies in speculo: ita ab vna prima veritate resultant multe veritates in mentibus hominum. Quamuis autem diuersa à diuersis cognoscantur & credantur vera, tamen quædam sunt vera in quibus omnes homines cōcordant, sicut sunt prima principia intellectus tam speculatiui quàm practici: secundum quod vniuersaliter in mētibus hominum diuinæ veritatis quasi quædam imago resultat. In quantum ergo quælibet mens quicquid per certitudinem cognoscit, in his principiis intuetur, secundum quæ de omnibus iudicatur facta resolutione in ipsa: dicitur omnia in diuina veritate vel in rationibus æternis videre & secundum eas de omnibus iudicare. Et hunc sensum confirmant verba Augustini in Soliloquiis, qui dicit quod scientiarum spectantia videntur in diuina veritate, sicut visibilia in lumine solis, quæ constat non videri in ipso corpore solis, sed per lumen quod est similitudo solaris claritatis in aëre & similibus corporibus relictæ. Ex his ergo verbis Augustini non habetur quod Deus videatur secundum suam substantiam in hac vita, sed solum sicut in speculo: quod & Apostolus de cognitione huius vitæ confitetur dicens 1. Cor. 13. Videmus nunc per speculum. Quod etsi mens humana de propinquiore Dei similitudinem repræsentet quàm inferiores creature: tamen cognitio Dei quæ ex mēte humana accipi potest, non excedit illud genus cognitionis quod ex sensibilibus sumitur, quum & ipsa de seipsa cognoscat quid est, per hoc quod naturas sensibilibus intelligit, ut dictum est. vnde nec per hanc viam cognosci Deus altiori modo potest quàm sicut cognoscatur causa per effectum.

Super Cap. 47.



STENSO quod in hac vita substantias separatas nullo modo quidditatiuè possumus intelligere, deducit vltius sanct. Thom. quod multo minus essentiam Dei videre possumus in hac vita, nos videlicet puri viatores, ut excludamus Christum, qui simul erat cōprehensor & viator. Circa hoc autem duo facit. Primò probat propositum. secundò remouet quasdam obiectiones. Quatum ad primū arguit primò ratione sic: Non possumus in hac vita intelligere substantias separatas, propter cōnaturalitatem intellectus nostri ad phantasmata, ergo multò minus essentiam diuinā videre possumus, probatur consequentia, quia diuina essentia transcendit omnes substantias separatas, & per consequens magis distat à phantasmatibus quàm aliæ substantiæ separate. Secundò arguit à signo. Quantò magis mens nostra ad contemplanda spiritualia eleuatur, tantò magis abstrahitur à sensibilibus, ergo ad diuinam essentiam videndam quæ est vltimus terminus contemplationis, oportet mentem totaliter à sensibus corporeis esse absolutam vel per mortem vel per raptum. Confirmatur author. Exod. 22.

ADVERTENDUM, quod ex probatione sumpta à signo, quum videlicet dicitur oportere mentem ad hoc ut videat diuinā essentiam, esse totaliter abstractam à sensibus per mortem vel per raptum: dat S. Thom. intelligere quid intendant per hanc vitam, dum dicit, quod in hac vita videre essentiam diuinā non possumus. Nō enim per hanc vitam intelligitur esse naturale

To. 2. ep. 112.  
præfer. cap. 4.  
& 5.

To. 1. lib. 2. c.  
18. & 19.

Lib. 1. c. 8.

Tom. 3. lib. 4.  
cap. 7.

Aug. to. 1. lib.  
12. Cōf. c. 25.

Eod. to. c. 31.

Eod. to. c. 15.  
lib. 1.



naturale hominis viuens, sed intelligit exercitium sensuum circa sensibilia: & est sensus, quod homo utens sensibus videre non potest diuinam essentiam, sed oportet ad eam videndam quod abstrahatur ab usu omnium sensuum, vel per mortem in qua etiam amittitur esse hominis naturale: vel per raptum, in quo stante esse naturali hominis superioris naturae, abstrahitur mens ab eo quod sibi per naturam conueniebat, scilicet ab eo quod est intelligere per phantasmata.

**ADVERTENDUM** ulterius ex doctrina S. Thomae de Veri. q. 15. quod ad visionem diuinæ essentiae non requiritur per se loquendo abstractio animæ à corpore secundum esse, imò nec etiam abstractio eius ab operibus partis vegetatiuæ, cum operatio intellectus huiusmodi operationibus non admisceatur, & ad ipsas non requiratur intentio ut per eam actus oporteat intentionem ab operatione intellectus auerti, sed requiritur abstractio ab operationibus sensitiuis, quia intellectus operationibus sensibilibus admisceatur: & ita ex sensibilibus eius puritas quodammodo inquinatur: & etiam quia tam operationi sensus quam intellectus oportet intentionem adesse, & ita intentio ad vnam retrahit ab alia: ideo non dixit sanctus Thomas quod oporteat animam à corpore separari, aut ab omni alia operatione abstrahi ad hoc ut diuinam essentiam intueatur, sed quod oportet ipsam totaliter à corporeis sensibus esse absolutam, vel per mortem, vel per aliquem raptum. Attendendum tamen, quod secundum commune quidem cursum & communem diuinæ gubernationis ordinem non potest quis videre diuinam essentiam, nisi anima separetur à corpore, per miraculum tamen (ut tenet S. Thom. 1. q. 13. art. 11. ad 2. & de Veri. quæst. 19. artic. 11. & 4. Sen. dist. 49. quæst. 2. art. 7.) potest fieri ut quis in hac vita existens à sensibus abstractus ipsam videat. Communem igitur modum tetigit S. Thom. cum dixit quod oportet mentem esse totaliter à sensibus corporeis absolutam per mortem: particularem verò modum & miraculosum tetigit dum addidit, vel per raptum, dās intelligere quod potest quidem absolute per potentiam diuinam fieri ut quis in hac vita Dei essentiam videat, non tamen est pro statu vite potentia aliqua in anima humana, neque per principia naturalia, neque per habitus vite infusos per quam possit Dei essentiam inueniri.

**QVARE** autem oportet in tali visione animam totaliter à sensuum operationibus abstrahi, assignat sanctus Thom. in loco allegato, & 2. q. 75. art. 4. duplicem rationem, quarum vna est, quia anima in qua omnes potentie cognoscitiue radicanur, non potest simul habere intentionem ad actus plurium potentiarum, nisi illi actus sint adinuicem tanquam vnus actus ordinati: ideo cum totaliter attendit ad actum vnius potentie, oportet ut ab actu alterius potentie abstrahatur, sicut apparet in illo in quo operatio visus fortissime intenditur, non enim percipit auditu eaque dicuntur. In visione autem diuinæ essentiae oportet totam animæ intentionem colligi. cum diuinæ essentia sit vehementissimum intelligibile, ad quod pertingere non potest nisi toto conamine in illud tendat, ideo necesse est ut omnino fiat abstractio à corporeis sensibus. Alia est quia oportet cum intellectus supra communem modum eleuatur ad videndum summum immaterialium, scilicet diuinam essentiam, ut etiam in illo actu virtutum sensitiuarum abstrahatur omnino. Quantum ad secundum adducit S. Thom. duas instantias. Prima est quia in sacra scriptura aliqui vidisse Deum dicuntur, ut videlicet pater de Iacob Gen. 32. & de Moyse, Num. 12. & de Isaia, Isa. 6. Respondet autem (& est de mente Dionys. 4. cap. Cælestis hierarchie) quod hoc intelligendum est aut secundum imaginariam vel corporalem visionem, vel per aliquas corporeas species aut exterius aut interioris formatas, in quibus diuinæ virtutis præsentia demonstrabatur, aut etiam secundum quod aliquæ spirituales substantiæ aliquam de Deo intelligibilem cognitionem perceperunt.

**CIRCA** hanc secundam partem responsionis aduertendum quod S. Thom. tangit responsionem Gregorii, quæ ponitur in glo. Gen. 32. interpretatur enim Gregorius huiusmodi visiones de visione spirituali qua sanctorum mentes in vita diuino adiutæ lumine Deum contemplantur, qua visione habetur aliqua perfectior cognitio de Deo quam per lumen naturale, aut per res sensibiles: cum illud supernaturale lumen sit expressior Dei similitudo quam sit lumen naturale intellectus, & quam sint res sensibiles. Et quia diuinæ reuelationes (ut inquit S. Thom. super Isaia 6. & super Matth. 2.) ad homines non perueniunt nisi mediantibus angelis, ideo hoc dicitur quod aliquando sunt tales visiones secundum quod spirituales substantiæ aliquam de Deo intelligibilem veritatem perceperunt, scilicet diuinitus instructi, supple & illam hominibus reuelant. & propter hoc dicuntur tales vidisse Deum, in quantum ab angelis in persona Dei diuinam reuelationem acceperunt. Fortassis autem est corruptus text. debetque sic habere: vel etiam secundum quod aliqui spirituales aliquam cognitionem de Deo intelligibilem perceperunt, & tunc planus est sensus. aliqui enim res diuinas sub figuris corporalibus diuinæ virtutis præsentiam demonstrantibus percipiunt, aliqui verò ex intrinseca illuminatione absque corporalibus figuris.

**SED** attendendum quod licet hic modus sit communis quo aliqui dicuntur vidisse Deum, Paulum tamē & Moysen S. Thom. excipit in quæst. de Veri. quæst. 10. artic. 11. ad primum, & quæst. 13. art. 2. & prima quæst. 2. artic. 11. ad secundum, & 4. Sen. dist. 49. quæst. 2. articulo septimo, & hoc de mente August. 12. super Genesim ad literam, & in libro de Videndo Deum ad Paulinam. Nam de istis concedit quod diuinam essentiam in hac vita viderint: sed tamen per omnimodam abstractionem à sensibus. Secunda instantia est, quia August. in nono & in duodecimo de Trinit. in duodecimo Confessionum. in lib. de Vera rel. & in lib. Soliloquiorum videtur velle quod ipsum Deum qui veritas est, videamus, & per ipsum alia cognoscamus. Respondet S. Thom. & dicit primum, quod non est credendum in illis locis intendere August. quod in hac vita diuinam essentiam videre possimus, cum contrarium dicat in lib. de Videndo Deum ad Paulinam. Dicit secundum, quia August. vult incommutabilem veritatem vel rationes æternas, id est, formas intellectuales in diuino intellectu existentes, in hac vita videamus, & secundum eam de aliis iudicemus, quod cum veritas scilicet subsistens sit (secundum etiam Aug. in libro Soliloquiorum) in anima, & non solum sicut Deus in omnibus rebus per essentiam inuenitur, neque sicut in omnibus rebus est per suam similitudinem, quia in hoc aliis rebus non præfertur, sed spirituali modo in quantum cognoscitur, sicut omnes res veræ dicuntur in suis naturis secundum quod similitu-

dinem illius summæ naturæ quæ est ipsa veritas, habet, ita id quod per animam est cognitum, est verum in quantum illius diuinæ veritatis, quam Deus cognoscit, similitudo quædam existit in anima, quod quidē ostenditur per glo. super illud Psalmi, Diminuta sunt veritates à filiis hominum. Et quia quædam sunt vera in quibus omnes homines concordant, sicut sunt prima principia tam practica quam speculatiua, secundum quod vniuersaliter in mentibus hominum diuinæ veritatis quasi quædam imago inuenitur, in quantum quicquid mens per certitudinem cognoscit, in his principis intuetur, & per ea de omnibus iudicat, dicitur omnia in diuina veritate vel in rationibus æternis videre, & secundum eas de omnibus iudicare: quem sensum etiam Augustinus ipse in Soliloquiis confirmat. Ex his patet quod ex verbis Augustini superius allegatis non habetur quod Deus videatur in hac vita secundum suam substantiam, sed solum sicut in speculo, ut etiam dicitur primo Corinthiorum 13. Dicit tertio quod quamuis hoc speculum quod est mens humana, propinquius Dei similitudinem repræsentet, id est, sit similitudo Deo propinquior quam res inferiores, cognitio tamen Dei quæ ex ipsa accipi potest, non excedit genus cognitionis quod ex sensibilibus sumitur, cum & de seipsa quid sit, per naturā sensibilibus cognoscat. Vnde nec altiori modo per hanc viam cognosci Deus potest quam sicut cognoscitur causa per effectum.

**CIRCA** hoc vltimum dictum considerandum est quod non dixit S. Thom. cognitionem de Deo ex mente in qualescit in quodam speculo cognoscitur, non esse altioiem Dei cognitione, quam ex sensibilibus naturis accipimus, sed dixit illam non excedere hoc genus cognitionis, quasi videlicet ad superius quoddam cognitionis genus pertineat, quia illa quidem cognitio est altior eo: quod quanto effectus est nobilior, & maxime causa appropinquat, tanto cognitio causæ per illum effectum sit altior & perfectior. constat autem mentem humanam esse nobiliorem effectum Dei quocunque effectus sensibili, non est tamen cognitio superioris generis. cum enim duplex genus cognitionis ex parte rei cognite superius sit tactum, scilicet cognitio quid est, & cognitio quia: item duplex ex parte cognoscentis, scilicet cognitio ex phantasmatibus sumpta, & cognitio sumpta ex participatione superioris luminis: cognitio sumpta de Deo ex mente humana, ita est cognitio originaria ex phantasmatibus, sicut & cognitio de ipso immediate ex sensibilibus sumpta: quia ipsa cognitio quam habet anima de seipsa quantum ad quid est, oritur ex cognitione naturarum sensibilibus, ut superius est ostensum: & per consequens cognitio Dei ex ipsa mentis cognitione à phantasmatibus originatur, similiter talis cognitio ita est cognitio causæ per effectum inadaquatam, quæ dicitur cognitio: quia est, sicut & cognitio Dei immediate ex sensibilibus sumpta: quia nullus effectus est qui sit diuinæ naturæ adæquatus, & sic patet quod utraque harum cognitionū ad idem genus pertineat, licet vna sit altior & perfectior altera in illo genere.

*Quod vltima felicitas hominis non sit in hac vita.*

Cap. 51.



**I** ergo humana felicitas vltima non consistat in cognitione Dei qua communiter ab omnibus vel pluribus cognoscitur secundum quandam æstimationem cōfusam, neque iterum in cognitione Dei qua cognoscitur per viam demonstrationis in scientiis speculatiuis, neque in cognitione Dei qua cognoscitur per fidem, ut in superioribus est ostensum: non autem est possibile in hac vita ad altioiem Dei cognitionem peruenire, ut per essentiam cognoscatur, vel saltem ita, quod aliæ substantiæ separatæ intelligantur, ut ex his possit Deus quasi de propinquiori cognosci, ut ostensum est: oportet autem in aliqua Dei cognitione felicitatem vltimam poni, ut supra probatum est: impossibile est quod in hac vita sit vltima hominis felicitas.

**Item**, vltimus finis hominis terminat eius naturalem appetitū, ita quod eo habito nihil aliud quæritur. Si enim adhuc mouetur ad aliud: nondum habet finem in quo quiescat. Hoc autem in hac vita accidere non potest. quantum enim plus aliquis intelligit, tanto magis in eo desiderium intelligendi augetur, quod est omnibus naturale: nisi fortē aliquis sit qui omnia intelligat. quod in hac vita nulli vnquam accidit qui esset solum homo: nec est possibile accidere: cum in hac vita substantias separatas, quæ sunt maxime intelligibilia, cognoscere non possimus, ut ostensum est. non est igitur possibile vltimam hominis felicitatem in hac vita esse.

**Adhuc**, omne quod mouetur in finem desiderat naturaliter stabiliri & quiescere in illo, vnde à loco quo corpus naturaliter mouetur, non recedit nisi per motum violentum qui contrariatur appetitui. felicitas autem est vltimus finis, quæ homo naturaliter desiderat. est igitur hominis desiderium naturale ad hoc quod in felicitate stabilia- tur, nisi igitur cum felicitate pariter immobiliterque stabilitatem consequatur, nondum est felix, eius desiderio naturali nondū quiescente. Cum igitur aliquis felicitatem consequitur, pariter stabilitatem & quietem consequitur.

Contra Gent.

C 4

Aug. tom. 3.  
super Gen. ad  
lit. li. 12. c. 4.  
& seq. idem  
ad Paul. tom.  
2. epist. 112.  
c. 11.

Cap. 41. &  
seq.

\* Cap. 38. &  
duob. seq.  
D. 42.  
\* Cap. 41.  
vsque ad 46.  
\* Cap. 37.



vnde & omnium hæc est de felicitate conceptio, quod de sui ratione stabilitatem requirat. propter quod Philosophus dicit in primo Ethicorum \*, quod non æstimamus felicem Chamæleonta quendam. In vita autem ista non est aliqua certa stabilitas. cuilibet enim quantumcunque felix dicatur, possibile est infirmitates & infortunia accidere, quibus impeditur ab operatione, quæcunque sit illa in qua ponitur felicitas. non igitur est possibile in hac vita esse ultimam hominis felicitatem.

4 Amplius, inconueniens videtur & irrationale quod tempus generationis alicuius rei sit magnum, tempus autem durationis ipsius sit paruum. sequeretur enim quod natura in maiori tempore suo fine priuaretur. vnde videmus quod animalia quæ paruo tempore viuunt, paruum etiam tempus ad hoc quod perficiantur habent. Si autem felicitas consistat in perfecta operatione secundum virtutem perfectam, vel intellectualem vel moralem, impossibile est eam aduenire homini nisi post tempus diuturnum: & hoc maxime in speculatiuis apparet, in quibus ultima felicitas hominis ponitur, vt ex prædictis patet, nam vix in ultima ætate homo ad perfectam speculationem scientiarum peruenire potest. tunc autem vt plurimum modicum restat humanæ vitæ. non est igitur possibile in hac vita ultimam hominis felicitatem esse perfectam.

5 Præterea, felicitatem perfectam quoddam bonum omnes consentunt, aliàs appetitum non quietaret. perfectum autem bonum est, quod omnino caret admixtione mali: sicut perfectum album est quod est omnino impermixtum nigro. Non est autem possibile quod homo in statu istius vitæ omnino sit immunis à malis non solum corporalibus siue carnalibus, quæ sunt fames, sitis, frigus, & alia huiusmodi: sed etiam à malis animæ. nullus enim inuenitur qui non aliquando inordinatis passionibus inquietetur: qui non aliquando prætereat medium in quo virtus consistit, vel in plus vel in minus: qui non etiam in aliquibus decipitur, vel saltem ignoret quæ scire desiderat: aut etiam debili opinione concipiat ea de quibus certitudinem habere vellet. non est igitur aliquis in hac vita felix.

6 Adhuc, homo naturaliter refugit mortem, & tristatur de ipsa non solum vt nunc cum eam sentit & eam refugit, sed etiam cum eam recogitat. hoc autem quod non moriatur homo, non potest assequi in hac vita. non est igitur possibile quod homo in hac vita sit felix.

7 Amplius, felicitas ultima non consistit in habitu, sed in operatione. habitus enim propter actus sunt. sed impossibile in hac vita continuè agere quæcunque actione. impossibile est igitur in hac vita hominem totaliter esse felicem.

8 Item, quātō aliquid est magis desideratū & dilectum, tātō eius amissio maiorē dolorē & tristitiā affert. felicitas autem maxime desideratur & amatur. Maxime igitur eius amissio tristitiā habet. Sed si sit in hac vita ultima felicitas, certū est quod amittetur saltē per mortē: & nō est certum utrū duratura sit vsq; ad mortē, cum cuilibet homini possibile sit in hac vita accidere morbos, quibus totaliter ab operatione virtutis impeditur: sicut phrenesim & alia huiusmodi in quibus impeditur rationis vsus. semper igitur talis felicitas habebit tristitiā naturaliter annexā. non erit igitur perfecta felicitas. Potest autē aliquis dicere, quod cum felicitas sit bonū intellectualis naturæ, perfecta & vera felicitas est illorum in quibus natura intellectualis perfecta inuenitur, id est, in substantiis separatis. In hominibus autē inuenitur imperfecta per modū participationis cuiusdā. ad veritatē enim intelligendā plenē nō nisi per quēdā inquisitionis motū pertingere possunt: & ad ea quæ sunt secundum naturā maxime intelligibilia, omnino deficiunt, sicut ex dictis patet. vnde nec felicitas secundum suam perfectam rationē potest omnibus hominibus adesse: sed aliquid ipsius participat etiā in hac vita. Et hæc videtur fuisse sententia Arist. de felicitate. vnde in primo Ethic. \* vbi inquit vtrum infortunia tollant felicitatem: ostēso quod felicitas sit in operationibus virtutis quæ maxime permanentes in hac vita esse videtur: cōcludit illos quibus talis

perfectio in hac vita quidē adest, esse beatos vt homines, quasi non simpliciter ad felicitatem pertingentes, sed modo humano. Quod autem prædicta responsio rationes præmissas non euacuet, ostendendum est. Hoc enim etsi naturæ ordine substantiis separatis sit inferior, creaturis tamen irrationalibus superior est. perfectior igitur modo suum finem vltimum consequitur quā illa: illa verò sic perfecte suum finem vltimum consequuntur, quod nihil aliud quærunt. graue enim cum fuerit in suo vbi, quiescit: animalia etiam cum fruuntur delectationibus secundum sensum, eorū naturale desiderium quietatur. oportet igitur multo fortius quod cum homo peruenit ad suum finem vltimum, naturale eius desiderium quietetur. Sed hoc non potest fieri in vita ista: ergo homo non consequitur felicitatem, prout est finis proprius eius, in hac vita, vt ostensum est. oportet ergo quod consequatur post hanc vitam.

2 Adhuc, impossibile est naturale desiderium esse inane: natura enim nihil facit frustra. esset autem inane naturæ desiderium, si nunquam posset impleri. est igitur implebile desiderium naturale hominis: non autem in hac vita: vt ostensum est. oportet igitur quod impleatur post hanc vitam. est igitur felicitas vltima hominis post hanc vitam.

3 Amplius, quandiu aliquid mouetur ad perfectionem, nōdum est in vltimo fine: sed omnes homines cognoscendo veritatē semper se habent vt moti & tendentes ad perfectionem: quia illi qui sequuntur, semper inueniunt alia ab illis quæ à prioribus inuenta sunt, sicut dicitur in secundo Metaphysicorum \*, non igitur homines in cognitione veritatis sic se habent quasi in vltimo fine existentes. cum igitur in speculatione per quam quæratur cognitio veritatis, maxime videatur vltima hominis felicitas in hac vita consistere, sicut etiam ipse Aristot. probat in decimo Ethicorum, \* impossibile est dicere quod homo in hac vita vltimum finem suum consequatur.

4 Præterea, omne quod est in potentia, intendit exire in actum, quandiu igitur non est ex toto factum in actu, non est in suo fine vltimo: intellectus autem noster est in potentia ad omnes formas rerum cognoscendas: reducitur autem in actum cum aliquam earum cognoscit: ergo non erit ex toto in actu nec in vltimo suo fine, nisi quando omnia saltem ista materialia cognoscit. sed hoc non potest homo assequi per scientias speculatiuas, quibus in hac vita veritatem cognoscimus. non est igitur possibile quod vltima felicitas hominis sit in hac vita. Propter hæc autem & huiusmodi rationes Alexander & Auerrois posuerunt vltimam felicitatem hominis non esse in cognitione humana, quæ est per scientias speculatiuas: sed per continuationem cum substantia separata, quam esse credebant possibilem homini in hac vita. Quia verò Aristot. vidit quod non est alia cognitio hominis in hac vita quā per scientias speculatiuas: posuit hominem non consequi felicitatem perfectam, sed suo modo. In quo satis apparet quantum angustiam patiebantur hinc inde eorum præclara ingenia, à quibus angustis liberabimur, si ponamus secundum probationes præmissas homines ad veram felicitatem post hanc vitam peruenire posse, anima hominis immortali existente: in quo statu anima intelliget per modum quo intelligunt substantiæ separata, sicut in secundo huius operis ostensum est. erit igitur vltima felicitas hominis in cognitione Dei quam habet humana mens post hanc vitam per modum quo ipsum cognoscunt substantiæ separata. Propter quod Matth. 5. Dominus mercedem in cælis nobis promittit, & Matth. 22. dicit quod sancti erunt sicut angeli, qui vident Deum semper in cælis, vt dicitur Matth. 18.

#### Super Cap. 48.



X præmissis infert S. Thom. vnum corollarium, scilicet quod impossibile est in hac vita esse vltimā hominis felicitatem, & arguit primò ex prædictis sic: In aliqua Dei cognitione oportet vltimam felicitatē poni, vt superius est ostensum: sed non in aliqua cognitione quæ possit in hac vita haberi, vt ex prædictis constat, ergo non potest in hac vita esse vltima hominis felicitas. Secundò in hac vita non potest terminari

\* Tex. com. 1.

\* Cap. 10.

10. Eth. 6. 10.

Cap. 81.

\* Cap. 14.

Cap. 37.

Cap. 45.

\* Cap. 14.



terminari appetitus sciendi, cum quanto plus aliquis intelligit: tanto magis in eo desiderium intelligendi augeatur, nisi sit aliquis qui omnia intelligat: quod nulli vnquam qui esset solum homo accidit, nec etiam potest accidere: cum substantias separatas cognoscere non possimus in hac vita. ergo, &c. probatur consequentia, quia vltimus finis hominis terminat eius naturalem appetitum, ita quod eo habito nihil aliud quaeritur.

ADVERTENDVM, quod cum dicimus vltimam hominis felicitatem non posse esse in hac vita: intelligimus de homine puro, non autem de Christo, qui in hac vita erat comprehensor siue beatus & viator. propterea dixit sanctus Thomas, quod nulli qui esset solum homo, accidit vt omnia intelligeret, ne inquam Christum excluderet, qui omnia intelligebat, sed ipse erat non solum homo, sed etiam Deus. Tertiò in vita ista non est aliqua certa stabilitas, quia cuilibet possunt aduenire infirmitates & infortunia quibus impeditur ab operatione, quacunque sit in qua ponitur felicitas, ergo, &c. probatur consequentia, quia cum aliquis felicitatem consequitur, pariter consequitur & stabilitatem, vt patet ex omni conceptione de felicitate. propter quod inquit Aristoteles primo Ethicorum, quod non existimamus felicem Chamæleonem, id est, eum qui variatur in vita, sicut Chamæleon animal, quod ad præsentia cuiusque coloris (exceptis tamen quibusdam coloribus, vt refert Plin. 8. lib.) colorem mutat, patet etiam ratione, quia cum naturale desiderium hominis sit ad hoc vt in felicitate stabiliatur, sicut & omne quod mouetur in finem naturalem, desiderat stabiliri & quiescere in illo, vt patet ex rebus naturalibus quæ non nisi violenter recedunt à loco naturali, nisi cum felicitate pariter stabilitatem consequeretur, non esset eius naturali desiderio satisfactum: & sic non esset felix.

AD beatitudinem pertinere stabilitatem, probat sanct. Thom. 1. 2. q. 5. artic. 4. præter rationem hic adductam, etiam ex ipsa visione diuina contra opinionem Origenis, qui aliquorum Platoniorum errorem sequutus, posuit, quod post vltimam beatitudinem homo potest fieri miser. requirit ibi. Quartò impossibile est aduenire homini imperfectam operationem secundum virtutem speculatiuam vel moralem, nisi post diuturnum tempus, & maxime speculatiuam quia vix homo in vltima ætate, & quando vt plurimum modicum restat humanæ vitæ, ad perfectam speculationem sciendi peruenire potest: ergo non potest in hac vita vltima hominis felicitas perfecta esse, si felicitas in tali operatione consistit. promittitur consequentia, quia videtur inconueniens & irrationabile qd tempus generationis alicuius rei sit magnum, tempus autem durationis eius sit paruum. probatur, & quia natura suo fine maiori tempore priuaretur: & quia in animalibus videmus oppositum.

ADVERTENDVM, quod circa generationem alicuius animalis non est inconueniens quod tempus generationis sit maius tempore vitæ, cum videamus aliquod animal natum statim mori: sed inconueniens videtur quod talis sit ordo naturæ alicuius speciei, quod pro maiori parte tempus generationis excedat tempus vitæ. Videmus enim, vt inquit S. Thom. quod quæ paruo tempore viuunt, paruo tempore perficiuntur. Quintò, non est possibile quod homo in statu huius vitæ omnino sit immunis à malis non solum corporis, sed etiam animæ, cum nullus sit qui non aliquando inordinatis passionibus inquietetur, non aliquando prætereat medium, in quo consistit virtus, non circa cognitionem aut modum cognoscendi deficiat. ergo non potest in hac vita esse felix. probatur consequentia, quia perfectum bonum est quod omnino caret admixtione mali, felicitatem autem omnes perfectum bonum consistunt esse. Sextò, quod non moriatur, non potest assequi homo in hac vita, ergo, &c. probatur consequentia, quia homo naturaliter refugit mortem, & tristatur de ipsa etiam dum eam recogitat.

ADVERTE quod huic rationi subintelligenda est alia propositio quam tanquam manifestam S. Tho. præmittit, scilicet quod hominis felicitas appetitus totaliter impletur.

CIRCA autem ipsam rationem dubitatur, quia videtur posse ad oppositum retorqueri, sic arguendo: Homo naturaliter refugit mortem, & tristatur de ipsa, ergo felicitas hominis non est post mortem, ergo est in hac vita. probatur prima consequentia, quia ex opposito consequentis infertur oppositum antecedentis. sequitur enim felicitas hominis esse post mortem, ergo mors ordinatur ad felicitatem tanquam medium necessarium, ergo naturaliter appetitur, quia si finis naturaliter desideratur, etiam media necessaria ad finem naturaliter desiderantur, ergo non naturaliter eam homo refugit, neque de ipsa tristatur.

AD hoc negatur prima consequentia, & ad probationem negatur assumptum: ad cuius probationem negatur secunda consequentia. dicitur enim ex doctrina S. Thom. 4. Sentent. distinct. 49. artic. 1. ad vltimum, quod quamuis homo naturaliter desideret finem, non tamen naturaliter desiderat ea quæ sunt ad finem: sed ea appetitu rationali desiderat consiliando de ipsis & eligendo ea: imò stant simul quod aliquid secundum se sit odibile, & appetitui naturali repugnans: & tamen propter finem aliquem eligatur, sicut sectio membri appetitur propter sanitatem: & tamen sanitas naturaliter desideratur, & sectio habetur naturaliter odio, ita etiam in proposito finis naturaliter appetitur, & mortem naturaliter quilibet refugit, & tamen per mortem ad finem peruenitur, & propter ipsum finem appetitu rationali mors appetitur & eligitur. Ex quo patet illam consequentiam esse nullam, mors ordinatur ad felicitatem tanquam medium necessarium: ergo naturaliter appetitur, sicut & ipsa felicitas: ista consequentia forte teneretur in rebus carentibus ratione, quia in illis est vnica duntaxat natura: non autem in homine, in quo sunt duæ naturæ aliquo modo, scilicet corruptibilis & incorruptibilis: voluntas enim bonum vtriusque naturæ naturaliter desiderat, cum vtrique sit de perfectione suppositi. ideo malum vniuscuiusque illarum naturali appetitui contrariatur. Secundo, impossibile est in hac vita agere continue quamcunque adionem, ergo, &c. probatur consequentia, quia vltima felicitas non in habitu sed in actione consistit quantum scilicet ad ipsam beatitudinis essentiam.

Octauò, felicitas quæcunque ponatur in hac vita, semper habet tristitiam naturaliter annexam, ergo non erit perfecta felicitas. probatur antecedens, quia amissio felicitatis, vt pote rei maxime desiderabilis, maxime tristitiam habet, quæcunque autem felicitas in hac vita ponatur, certum est quod amittetur saltem per mortem, & non est certum quod durare debeat vsq; ad mortem, cum multa possint accidere in hac vita quibus homo

totaliter ab operatione virtutis impeditur, puta phrenesis, supple, & ista certitudo amissionis & incertitudo diuturnitatis felicitatis non est absq; tristitia.

ADVERTE quod hæc ratio à sexta differt: quia ibi considerabatur quod appetitus hominis non potest in hac vita impleri, cum naturaliter appetat non mori, & hoc assequi non possit, hic autem consideratur admixtio tristitiæ cum bono in quo felicitas poneretur.

AD has rationes responderi posset quod probant felicitatem perfectam non posse esse in hac vita, quod vtrique conceditur: quia ista cōuenit tantum substantiis separatis, in quibus est perfecta natura intellectualis: non autem probat felicitas quæ nata est homini conuenire, quæ est imperfecta, quod cum in homine sit natura intellectualis imperfecta, non possit in hac vita haberi. confirmatur responsio ex Aristot. primo Ethicor. cum enim ostendit felicitatem esse in operibus virtutum, quæ maxime permanentes sunt: dixit eos quibus in hac vita talis perfectio adest, esse beatos vt homines: quasi diceret illos esse non simpliciter beatos, sed modo humano. Sed hæc responsio (inquit sanct. Thom.) rationes præmissas non euadit, & arguitur primò sic: Oportet cum homo ad vltimum suum finem peruenit, vt naturale eius desiderium quietetur, cum irrationabilia quibus homo naturæ ordine superior est, sic perfecte finem suum vltimum consequatur, vt nihil aliud quaerant, vt patet in graui & in brutis: sed hoc non potest esse in hac vita. ergo felicitatem prout est finis proprius, homo consequi non potest in hac vita, ergo post hanc vitam consequetur. Secundo, naturale desiderium hominis est implebile, alioquin esset inane, sed non in hac vita impleri potest, vt ostensum est, ergo implebitur post hanc vitam, ergo, &c. Tertiò, homines in hac vita non se habent in cognitione veritatis quasi in vltimo fine existentes, sed semper se habent vt moti & tendentes ad perfectionem, cum illi qui sequuntur, semper inueniant alia ab iis quæ priores inueniunt, vt dicitur secundo Metaphy. ergo, &c. probatur consequentia, quia in speculatione per quam quaeritur cognitio veritatis vltima, videtur felicitas hominis in hac vita consistere, vt ipse etiam Arist. decimo Ethicorum probat.

ADVERTE, quod hæc ratio tenet de felicitate naturali quæ per studium & exercitium in speculatiuis scientiis quaeritur, de qua Philosophi sunt loquuti. oportet enim talem esse perfectissimam cognitionem quæ haberi & acquiri per tale exercitium potest, & ad hanc cognitionem nullus in hac vita peruenit: non autem procedit de felicitate supernaturali, quia secundum hanc rationem probaretur quod nec etiam post hanc vitam posset homo felicitatem adipisci, cum nullus videretur diuinam essentiam sit in vltimo fine cognitionis veritatis, eo quod nullus diuinam essentiam comprehendere possit, nisi forte dicamus quod quilibet videns diuinam essentiam est in fine cognitionis veritatis quantum ad cognitionem specierum creaturarum: quia vt dicitur inferius, quilibet beatus in diuina essentia omnes naturas creatas intelligit, & etiam quantum ad modum cognoscendi ipsum Deum: nullus est enim aliorum modus cognoscendi Deum, quam ipsum per essentiam videre, & sic ratio de omni fine concluderet. Quartò, homo per scientias speculatiuas quibus in hac vita veritatem cognoscimus, non potest omnia, nec etiam materialia cognoscere, ergo, &c. probatur consequentia, quia cum id quod est in potentia, intendat exire in actum, & intellectus noster sit in potentia ad omnes formas rerum, non erit ex toto in actu neque in vltimo suo fine, nisi quando omnia saltem ista materialia cognoscit, confirmatur autoritate Alexandri & Auerrois. Ad autoritatem autem Arist. dicitur quod quia videtur non esse aliam cognitionem hominis in hac vita quam per scientias speculatiuas, posuit hominem non consequi felicitatem perfectam, sed suo modo. supple, non autem posuit quod felicitas quæ est proprius finis vltimus hominis, non sit perfecta felicitas, & quod in hac vita suum proprium vltimum finem assequatur.

ADVERTENDVM, vt inquit sanctus Thomas in 4. Sent. distinct. 10. allegata, eodem artic. quæst. 1. quod Aristot. in lib. Ethicor. de hac tantum felicitate hominis locutus est, quæ est quædam participatio veræ beatitudinis secundum quod homo est perfectus in bonis rationis speculatiue principaliter, & præterea secundariò: aliam autem quæ est post hanc vitam, nec asseruit, nec negauit: ideo quod hoc loco dicitur ipsum Aristot. posuisse hominem non consequi beatitudinem in hac vita perfectam, sed suo modo: non est intelligendum quasi posuerit hominem in hac vita consequi beatitudinem imperfectam. perfectam autem post hanc vitam: sed quia posuit quidem in lib. Ethic. hominem consequi posse beatitudinem imperfectam in hac vita, qualis inquam sibi in hac vita potest euenire: etiam autem post hanc vitam perfectam sit felicitatem habiturus, non determinat. Ex prædictis inferit S. Thom. quod nos liberamur ab angustia quam præclara ingenia Philosophorum passa sunt ponitum secundum probationes præmissas, homines ad veram post hanc vitam felicitatem peruenire posse anima immortali existente: quando intelligit per modum substantiarum separatarum, vt in secundo libro est ostensum. vltimo loco ex vniuerso superiori processu de felicitate inferit S. Thom. primam conclusionem principaliter intentam hanc, scilicet vltima hominis felicitas erit in cognitione Dei post hanc vitam quam habebit mens humana per modum substantiarum separatarum.

Quod substantia separata non vident Deum per essentiam, ex hoc quod cognoscunt eum per suas essentias.

Caput 49.



PORTET autem inquirere vtrum hæc ipsa *Idē 1. 1. q. 12. art. 4. & q. 64 ar. 1. ad 2.* cognitio, qua substantiæ separata & animæ post mortem cognoscunt Deum per suas essentias, sufficiat ad ipsarum vltimam felicitatem.

Ad cuius veritatis indagationem primò ostendendum est, quod per talem modum cognitionis non cognoscitur diuina essentia. Contingit enim ex effectu causam



causam cognoscere multipliciter. Vno modo secundum quod effectus sumitur ut medium ad cognoscendum de causa quod sit, & quod talis sit: sicut accidit in scientiis quae causam demonstrant per effectum. Alio modo ita quod in ipso effectu videatur causa in quantum similitudo causae resultat in effectu: sicut homo videtur in speculo propter suam similitudinem, & differt hic modus à primo. nam in primo sunt duae cognitiones effectus & causae: quarum una est alterius causa: nam cognitio effectus est causa quod cognoscatur causa eius. In modo autem secundo una est visio utriusque. simul enim dum videtur effectus, videtur & causa in ipso. Tertio modo ita, quod similitudo causae in effectu sit forma qua cognoscit causam suus effectus: sicut si arca haberet intellectum, & per formam suam cognosceret artem à qua talis forma velut eius similitudo processit. nullo autem istorum modorum per effectum potest cognosci causa quid est, nisi sit effectus causae adaequatus, in quo tota virtus causae exprimitur. Substantiae autem separatae cognoscunt Deum per suas substantias, sicut causa cognoscitur per effectum: non autem primo modo, quia sic eorum cognitio esset discursiva: sed secundo modo, in quantum una videt Deum in alia: & modo tertio, in quantum quaelibet earum videt Deum in seipsa: nulla autem earum est effectus adaequatus virtutis Dei, ut in secundo libro ostensum est. \* non est igitur possibile quod per hunc modum cognitionis ipsam diuinam essentiam videant.

\* Cap. 26.  
27.

2. Amplius, similitudo intelligibilis per quam intelligitur aliquid secundum suam substantiam, oportet quod sit eiusdem speciei, vel magis speciei eius: sicut forma domus quae est in mente artificis, est eiusdem speciei cum forma quae est in materia, vel potius speciei eius. non enim per speciem hominis intelligitur de asino vel equo quid est: sed ipsa natura substantiae separatae non est idem specie cum natura diuina: quinimò nec genere, ut in primo libro ostensum est. \* non est igitur possibile quod substantia separata intelligat diuinam substantiam per propriam naturam.

\* Cap. 25.

3. Item, omne creatum ad aliquod genus vel speciem terminatur: diuina autem essentia est infinita, comprehendens in se omnem perfectionem totius esse, ut in primo libro ostensum est. \* Impossibile est igitur quod per aliquod creatum diuina substantia videatur.

D. 468.

\* Cap. 43.

4. Praeterea, omnis intelligibilis species per quam intelligitur quidditas vel essentia alicuius rei, comprehendit in representando rem illam. unde & orationes signantes quod quid est, terminos & rationes & diffinitiones vocamus. Impossibile est autem quod aliqua similitudo

D. 485. creata totaliter Deum à representet, cum quaelibet similitudo creata sit alicuius generis determinati: non autem

\* Cap. 25. Deus, ut in primo ostensum est. \* non igitur est possibile quod per aliquam similitudinem creatam diuina substantia intelligatur.

D. 461. 5. Amplius, diuina substantia est suum esse, ut in primo ostensum est. \* ipsum autem esse substantiae separatae est

\* Cap. 25.

\* Cap. 52. aliud quam sua substantia, ut in secundo probatum est. \* essentia igitur substantiae separatae non est sufficiens medium quo Deus per essentiam suam videri possit: cognoscit tamen substantia separata per suam substantiam de Deo quia est, & quod est omnium causa, & eminens omnibus, & remotus ab omnibus non solum quae sunt, sed etiam quae mente creata concipi possunt: ad quam etiam cognitionem de Deo nos utique pertingere possumus. per effectus enim de Deo cognoscimus quia est, & quod causa aliorum est, & aliis supereminens, & ab omnibus remotus: & hoc est ultimum & perfectissimum nostrae cognitionis in hac vita. unde Dionysius dicit in libro de Mystica Theologia, quod Deo quasi ignoto coniungimur. quod quidem contingit dum de Deo quid non sit cognoscimus, quid verò sit, penitus manet ignotum. Unde & ad huius sublimissimae cognitionis ignorantiam demonstrandam de Moysè dicitur Exod. 20. quod accessit ad caliginem in qua erat Deus. Quia verò natura inferior in sui summo non nisi ad infimum superioris naturae attingit, oportet quod haec co-

gnitio ipsa sit eminentior in substantiis separatis quam in nobis. Quod per singula patet. Nam quanto propinquior & expressior alicuius causae effectus cognoscitur, tanto euidenter apparet de causa eius quod sit. Substantiae autem separatae quae per seipsas Deum cognoscunt sunt propinquiores effectus, & expressius Dei similitudinem gerentes, quam effectus per quos nos Deum cognoscimus. Certius ergo sciunt substantiae separatae & clarius quam nos quod Deus est.

6. Rursus, cum per negationes ad propriam cognitionem rei quoquo modo perueniatur, ut supra dictum est: quanto plura & magis propinqua quis ab aliquo remota esse cognouerit, tanto magis ad propriam cognitionem ipsius accedit: sicut magis accedit ad propriam hominis cognitionem qui scit eum non esse neque inanimum, neque insensibilem: quam qui scit solum eum non esse inanimatum: licet neuter sciat de homine quid sit. substantiae autem separatae plura cognoscunt quam nos, & quae sunt Deo magis propinqua: & per consequens suo intellectu plura & magis propinqua à Deo remouent quam nos. magis igitur accedunt ad propriam ipsius cognitionem quam nos: licet nec ipsae per hoc quod seipsas intelligunt, diuinam essentiam videant.

Cap. 39.

7. Item, tanto aliquis alicuius altitudinem magis nouit, quanto altioribus scit eum esse praelatum: sicut etsi rusticus sciat regem summum esse in regno: quia tamen non cognoscit nisi quosdam regni infimos officiales cum quibus aliquid habet negotij: non ita cognoscit regis eminentiam sicut aliquis qui omnium principum regni dignitatem nouit, quibus scit regem esse praelatum, quamuis neuter altitudinem regiae dignitatis comprehendat. nos autem non scimus nisi quaedam infima entium. licet ergo sciamus Deum omnibus entibus eminere, non tamen ita cognoscimus eminentiam diuinam sicut substantiae separatae, quibus altissimi rerum ordines noti sunt, & eis omnibus superiorem Deum esse cognoscunt.

8. Ulterius, manifestum est quod causalitas alicuius causae & virtus eius tanto magis cognoscitur, quanto plures & maiores eius effectus innotescunt. Ex quo manifestum sit quod substantiae separatae causalitatem Dei & eius virtutem magis cognoscunt quam nos: licet nos omnium entium eum esse causam sciamus.

Super Cap. 49.



OSTENDIT QUAM ostendit sanctus Thomas humanam felicitatem consistere in Dei cognitione quam habet anima separata ad modum substantiarum separatarum: quia substantiae separatae duobus modis in diuinam cognitionem feruntur, scilicet cognoscendo ipsum per essentias suas, & videndo ipsum per ipsas essentias: vult nunc ostendere in quatuor cognitionum beatitudo consistat. Circa hoc autem quatuor facit. Primo probat, per illum modum quo substantiae separatae per suas essentias Deum cognoscunt, non cognosci diuinam essentiam: secundo ipsam per illum modum aliquam habere de Deo cognitionem circa medium capituli ostendit: tertio probat quod in illa cognitione non quiescit substantiarum separatarum desiderium, in sequenti capitulo: quarto in eodem capitulo propositum infert, ex quibus tanquam manifestum vult haberi quod felicitas in cognitione Dei qua eius substantia videtur, consistit.

Quantum ad primum arguit primo sic, substantiae separatae cognoscunt Deum per suas substantias, sicut causa cognoscitur per effectum in adaequatum, ergo impossibile est quod essentiam Dei videant per suas essentias. probatur consequentia, quia cum tribus modis ex effectu cognoscatur causa, scilicet tanquam ex medio per quod cognoscitur quod sit, & quod talis sit, in quo modo cognoscitur effectus una cognitione, & alia cognitione causa, tanquam medio in quo causa videtur, in quantum similitudo causae resultat in effectu: sicut homo videtur in speculo, quomodo una cognitione & causa videtur & effectus: & tanquam medio quo, siue tanquam similitudine causae existente in effectu qua ipse effectus cognoscit causam: sicut esset de arca si haberet intellectum, & cognosceret artem à qua processit: per nullum istorum modorum cognosci potest de causa quid est, nisi effectus sit causae adaequatus, in quo tota virtus causae exprimitur.

Ad euidenciam autem antecedentis inquit S. Thom. quod substantiae separatae vident Deum per suas essentias tanquam causam per effectum: non primo modo: quia sua cognitio esset discursiva: sed secundo modo, in quantum una videt Deum in alia: & tertio modo in quantum videt Deum in seipsa. De materia huius rationis dictum est in superioribus. Hoc tamen attendendum, quod ideo duos modos videndi Deum ex suis essentia substantiis separatis S. Thom. attribuit, unum quo una videt Deum in alia, alterum quo videt Deum in seipsa, quia licet utraque substantia sit medium



medium eiusdem rationis, considerata utriusque natura, siue materialiter: non tamen est eiusdem rationis in ratione medij in hac cognitione: quia cum vna cognoscat Deum in seipsa, ipsa cognoscentis essentia se habet tanquam species intelligibilis quæ est medium quo elicitur intellectus: dum autem videt Deum in alia, essentia illius alterius non est medium veluti species intelligibilis, cum per seipsam non sit in intellectu cognoscentis: sed tantum per suam similitudinem, sed est medium in ratione obiecti cogniti, in quo aliud videtur sicut quæ sunt in speculo, videntur in ipso speculo vno.

**ATTENDENDUM** etiam cum inquit sanctus Thomas, quod substantiæ separate cognoscunt Deum per suas essentias, sicut causa per effectum cognoscitur, non tamen primo modo, quod per hoc excluditur obiectio Scoti secundo Sententiarum distinctione tertia, quæ est, arguentis cognitionem angelis esse discursivam, quia cognoscit causam per effectum. patet enim ex his quæ dixit sanctus Thomas, quod non omnis cognitio causæ per effectum est discursiva, quia non semper alia est cognitio causæ, & alia cognitio effectus, ut vnius cognitio possit esse causa cognitionis alterius: sed tunc tantum quando causa cognoscitur per effectum talem per medium prius cognitum, & demonstrativum causæ: hoc autem modo non cognoscit substantia separata Deum per effectum, sed aut utendo sua essentia tanquam species intelligibilis, aut vna cognitione simul cognoscendo effectum & causam quam in ipso effectum cognoscit. Secundo, Nam substantiæ separate non est eiusdem speciei cum substantia diuina, ergo, &c. probatur consequentia, quia similitudo intelligibilis per quam intelligitur aliquid secundum substantiam, oportet quod sit eiusdem speciei, vel magis speciei eius, ut patet de domo in materia, & in mente artificis. ratio autem est, quia per speciem intelligibilem vnius naturæ non cognoscitur de altero quid est, tanquam scilicet per proprium representativum quidditatis.

**CIRCA** probationem consequentiæ duo sunt attendenda. Primum est quod iocundo loquens sanctus Thomas, de specie intelligibili, inquit sub distinctione, quod oportet ipsam esse eiusdem speciei cum re intelligibili, vel magis speciei, quia ad suum propositum nihil refert quod illorum dicatur, sufficit enim sibi quod oportet ut sit eiusdem speciei, nam ut dicebat, per speciem hominis non intelligitur de asino vel equo quid est, similiter etiam in aliis. sicut enim nisi intelligens fieret vnum cum re intelligibili, non intelligeret ipsam, ita nisi fieret vnum secundum rationem speciem, non intelligeret eius rationem & quidditatem. similitudinem enim secundum eandem rationem requiritur ad cognitionem essentia, quod tamen intelligendum est aut formaliter aut eminenter. siue enim species per quam aliquid intelligitur, sit omnino & præcisè eiusdem rationis cum intelligibili, siue eminenter ipsum contineat, per illam potest intelligibilis essentia cognosci propter hoc, cum omnis forma creata à diuina natura deficiat, quia nec ipsam eminenter continet, nec est eiusdem rationis cum ipsa, imò est inferioris ordinis, ut dicitur prima parte, quæst. 12. artic. 2. non potest per quamcunque formam creatam diuina essentia cognosci, sed licet sanctus Thomas utatur distinctione, videtur tamen magis declinare ad hoc quod forma intelligibilis sit species rei intelligibilis, possunt enim dupliciter comparari intelligibile & similitudo eius in intellectu. Vno modo tanquam duo singularia vnius naturæ, differentia secundum modum essendi, sicut domus in mente & domus in materia possunt dici duæ singulares domus, quarum vna habet esse materiale, altera immateriale: & tunc dicuntur vnius speciei. Alio modo ut species, & eius cuius est species, sicut humanitas & homo, siue humanitas & Sortes, & tunc non dicuntur propriè vnius speciei, sed vnum dicitur species alterius. Videtur autem hic secundus modus convenientior esse: quia cum species intelligibilis in intellectu nostro inquantum species alienius intelligibilis non sit limitata conditionibus & accidentibus individualibus illius naturæ cuius est species, licet sit indiuiduata inquantum est accidens receptum in intellectu, non potest dici indiuiduum illius naturæ propriè loquendo, non enim species hominis in intellectu est hic homo, puta, Sortes aut Plato, sed comparatur ad rem extra intellectum, sicut natura ad id quod talem naturam habet, sicut si poneretur separata ab omnibus indiuiduis secundum esse & per se subsistens, ut est separata secundum intellectum, quemadmodum posuit Plato, non compararetur ad ea quæ sunt illius speciei sicut vnum indiuiduum ad aliud, sed sicut natura & species ad id cuius est natura aut species: ideo convenientius dicitur talis similitudo esse species rei intelligibilis quam esse eiusdem speciei cum illa. Secundum est quod ideo sanctus Thomas non dixit absolute similitudinem intelligibilis quia intelligitur aliquid, esse eiusdem speciei vel speciem eius, sed addidit per quam cognoscitur secundum substantiam, quia non inconuenit per aliquam similitudinem quæ non est species rei intellectæ, ipsam aliquo modo intelligi, puta quantum ad an est, & quantum ad aliqua prædicata communia, sed bene repugnat ut per talem speciem cognoscatur res perfectè & quidditatiuè, quod est cognoscere ipsam quantum ad substantiam & essentiam. Tertiò, Omne creatum ad aliquod genus vel speciem determinatur, diuina autem essentia est infinita, ergo, &c.

**ADVERTE** quod fundamentum huius rationis est, quia oportet inter speciem & rem intellectam esse adæquationem vel continentiam secundum eminentiam speciei ad rem intellectam, ita quod quicquid est in re substantialiter, contineatur in similitudine & specie intelligibili intelligibiliter: alioquin intelligibile in sua cognitione quidditatiua non perfectè vniretur intelligenti. Ex hoc enim habetur quod forma quæ est ad aliquod genus determinata, non potest esse species intelligibilis essentiam illimitatam representans, quia tunc inter speciem & rem intellectam non esset adæquatio: ideo cum quilibet forma creata sit ad aliquod genus vel speciem determinata, essentia autem diuina sit supra omne genus, optime sequitur per nullam formam creatam posse diuinam essentiam cognosci. Ex his patet responsum Aureoli à Capreolo adductum quarto Sent. distinct. 49. quæst. 5. insufficientem esse, consistit enim in hoc quod sufficit formam intelligibilem esse adæquatam intelligibili in representando: non autem oportet ipsam esse adæquatam in essendo: & quia forma limitata ad genus potest esse natura illimitata adæquata in representando, licet non sit adæquata in essendo: iocundo falsum est quod per formam limitatam non possit cognosci natura illimitata. Unde actus quo videtur

diuina essentia, est limitatus & finitus, & tamen est expressa similitudo ipsius secundum Augustinum & alios sanctos. constat autem quod hæc responsio non auadit argumentum. Nam non potest esse adæquatio in representando cognoscibiliter aliquid cognoscibile, nisi sit similitudo in natura secundum eandem rationem naturæ, licet non secundum eundem modum essendi. Nam non potest esse representatio obiectiua apud intellectum nisi ex obiecto in actu & intellectu in actu fiat vnum, ut patet tertio de Anima. non fit autem vnum intelligibile cum intellectu, nisi quia natura intelligibilis vnitur intellectui: licet quandoque secundum alium modum essendi quam sit in seipsa, non vnitur autem natura intelligibilis intellectui per hoc quod aliquid aliud inferius ipso & imperfectius est in intellectu, sed quia ipsa met secundum eandem rationem est & in intellectu & in seipsa, quantumcunque secundum modum essendi varietur. ideo non potest aliquid apud intellectum adæquari intelligibili in representando, nisi adæquetur illi secundum rationem naturæ, inquantum scilicet est forma intelligibilis: licet non adæquetur ei inquantum est talis entitas quæ accidentaliter informat intellectum. non enim ut inquit sanctus Thomas in 4. Sentent. distinct. 49. quæst. 2. artic. 1. forma existens in intellectu vel sensu est principium cognitionis secundum modum essendi quem habet, sed etiam secundum rationem in qua cum re exteriori communicat. De hoc, quomodo scilicet forma intelligibilis se habeat ad rem intellectam, satis dictum est in 2. lib. Quod autem inquit Aureolus de actu intelligenti quod est similitudo diuinam essentiam representans, falsum est. Ad authoritates sanctorum dicitur quod cum dicunt cognitionem rei esse illius similitudinem: per cognitionem non intelligunt ipsum actum, sed principium cognitionis quæ est species intelligibilis, aut verbum & conceptus, ubi formatur verbum & conceptus.

**ADVERTE**NDUM autem quod hæc ratio à præcedenti differt, quia in illa considerabatur identitas requisita inter speciem intelligibilem & rem intellectam, in ista autem consideratur adæquatio secundum naturam inter illa. sicut autem adæquatio fundatur super aliqua unitate, ita ista ratio est confirmatio præcedentis. Quartò, Impossibile est quod aliqua similitudo creata totaliter Deum representet, cum quilibet talis sit alicuius generis determinati, non autem Deus, ergo, &c. probatur consequentia, quia omnis species intelligibilis per quam intelligitur quidditas vel essentia alicuius rei, comprehendit in representando rem illam, ut patet ex orationibus significantibus quod quid est, quæ dicuntur termini, & rationes, & definitiones.

**ADVERTE**NDUM quod etiam ista ratio præcedentis est confirmatio. Nam supposita adæquatione naturæ inter speciem & rem intellectam, quod erat fundamentum præcedentis rationis, procedit hæc ratio ex adæquatione in representando quæ super naturæ adæquatione fundatur. Quintò, Diuina essentia est suum esse, non autem essentia substantiæ separata, ergo, &c.

**ADVERTE** quod ex eodem fundamento procedit hæc ratio ex quo præcedentes processerunt, scilicet quod oportet speciem, & eius cuius est species, eiusdem rationis esse, aut quod species eminenter ipsum intelligibile contineat: id autem cuius essentia non est ipsum suum esse, non potest esse eiusdem rationis cum eo cuius essentia est suum esse, quia hoc est ipsum esse subsistens: illud verò non est esse subsistens, sed aliquid habens esse participatum, & ideo deficit ab ipso esse subsistente: & per consequens non potest ducere in cognitionem quidditatiuam illius. Quantum ad secundum offendit sanctus Thomas per suam essentiam substantiam separatam aliquam de Deo habere cognitionem: & ponit duas conclusiones: quarum vna est, substantia separata per suam essentiam cognoscit de Deo quia est, quod est omnium causa, quod est omnibus rebus emines, & quod est remotus ab omnibus quæ sunt, & quæ mente humana concipi possunt. probatur, quia nos ad hanc cognitionem utique per eius effectus pertingere possumus, quod est vltimum & perfectissimum nostræ cognitionis in hac vita: quod probatur ex Dionysio in libro de Mystica Theologia, dicente quod Deo quasi ignoto coniungimur, inquantum videlicet de ipso cognoscimus quid non est: quid autem est, penitus ignoramus. Idem datur intelligi Exod. 20. ubi de Moyse dicitur quod accessit ad caliginem in qua erat Deus.

**ALTERA** conclusio est: Prædicta cognitio est eminentior in substantiis separatæ quam in nobis. probatur primo in communi, quia natura inferior in sui supremo non nisi ad infimum superioris accingit, id est, accedit per quandam participationem. secundò probatur descendendo ad particulares cognitiones quas de Deo habemus. Quantum quidem ad cognitionem quia est, quia substantiæ separatæ quæ per seipsas Deum cognoscunt, sunt propinquiores effectus & expressiores Dei similitudines quam effectus per quos nos Deum cognoscimus. quantum autem propinquior & expressior alicuius causæ effectus cognoscitur, tanto euidentiùs de causa apparet quod sit. Quantum verò ad cognitionem quæ cognoscitur quod est remotus ab omnibus, quia substantiæ separatæ plura cognoscunt quam nos, & quæ sunt Deo magis propinqua, & per consequens plura & magis propinqua à Deo remotum quam nos, quantum autem aliquis plura & magis propinqua ab aliquo remota esse cognouerit, tãd magis ad propriam cognitionem ipsius accedit, ut patet in cognitione de homine. Quantum quoque ad cognitionem eminentiæ ipsius, quia substantiis separatæ altissimi rerum ordines noti sunt, nos autem non nisi quædam infima entium cognoscimus, tanto autem quis altitudinem alicuius magis nouit, quanto altioribus sit eum esse prælatum. declaratur exemplo rusticæ & primatis cognoscentium regis eminentiam. Quantum denique ad causalitatem probatur, quia manifestum est quod causalitas alicuius causæ & virtus tanto magis cognoscitur, quanto plures & maiores eius effectus innoteceant.

**CONTRA** hanc determinationem sancti Thomæ possent adduci argumenta Scoti in loco præallegato, quibus probat possibile esse & rationabile, quod substantia separata intelligat distinctè Deum per aliquam speciem suæ menti impressam, & quia videlicet homo in statu innocentie habebat cognitionem de Deo, non tantum in communi, sed etiam in speciali, & consequenter multò magis substantia separata, & quia Paulus potuit meminisse eius quod viderat, & quia matutina cognitio qua res distinctæ in verbo videntur, præcessit in angelis cognitionem vespertinam secundum Augustinum, sed quia non sunt contra mentem S. Thomæ in hoc

Aug. Tom. 2.  
de Triu. l. 1.  
c. 17. &  
cel. Moni.  
33.

Aug. To 9.  
libr. 4. super  
S. m. ad lit.  
cap. 32.



in hoc loco, ideo non est in ipsis multum immorandum. Non enim negat S. Thom. quin substantiæ separatae per suas essentias, aut per aliquam formam creatam cognoscant Deum aliqua distincta cognitione, cum dicat quod cognoscit ipsum esse aliorum causam, & omnibus rebus eminere, atque etiam quod omnibus creaturis sit remotus, quæ pertinent ad aliquam propriam & distinctam cognitionem de Deo, sed vult quod talis cognitio per eorum essentias non potest esse quiddam cognitio. Unde conceditur quod utique homo in statu innocentie habuit altiore cognitionem de Deo quam nos habeamus, & substantia separata altiore quam homo in illo statu: neutra tamen cognitio pertinet ad cognitionem quid est. De Paulo autem dicitur quod per nullam formam creatam vidit essentiam diuinam, & quod post raptum recordabatur rerum quas viderat per similitudines ipsarum quæ apud ipsum remanserunt, non per aliquam similitudinem Dei, ut dicitur de Verit. quæst. 8. artic. 5. ad 5. De cognitione matutina secundum quam res videntur in verbo essentialiter viso, negatur quod præcesserit cognitionem vespertinam, & fuerit ante beatitudinem, licet forte ad mentem Augustini cognitio matutina qua cognouit aliquo modo angelus res in verbo imperfecte per essentiam ipsius angeli viso, præcesserit ipsius beatitudinem, ut inquit S. Tho. de Verit. quæst. 8. artic. 3. ad 1. & 4. Sent. distinct. 49. quæst. 2. artic. 6. ad 1.

*Quod in naturali cognitione quam habent substantia  
separata de Deo, non quiescit eorum  
naturale desiderium.*

Cap. 50.



ON potest autem esse quod in tali Dei cognitione quiescat naturale desiderium substantiæ separatae.

Omne enim quod est imperfectum in aliqua specie, desiderat consequi perfectionem illius speciei. Qui enim habet opinionem de re aliqua quæ imperfecta illius rei est notitia, ex hoc ipso incitatur ad desiderandum illius rei scientiam. Prædicta autem cognitio quam substantiæ separatae habent de Deo, non cognoscunt ipsius substantiam plenè, est imperfecta cognitionis speciei. non enim arbitramur nos aliquid cognoscere si substantiam eius non cognoscamus. unde & principium in cognitione alicuius rei est scire de ea quid est. Ex hac igitur cognitione quam habet substantiæ separatae de Deo, non quiescit naturale desiderium, sed incitatur magis ad diuinam substantiam videndam.

2 Item, ex cognitione effectuum incitatur desiderium ad cognoscendum causam: unde & homines philosophari inceperunt causas rerum inquirentes: non quiescit igitur sciendi desiderium naturaliter omnibus substantiis intellectualibus inditum, nisi cognitis substantiis effectuum, etiam si substantiam causæ cognoscant. per hoc igitur quod substantiæ separatae cognoscunt omnium rerum, quarum substantias vident, esse Deum causam: non quiescit naturale desiderium in ipsis, nisi etiam ipsius Dei substantiam viderant.

3 Adhuc, sicut se habet quæstio propter quid, ad quæstionem quia: ita se habet quæstio quid est, ad quæstionem an est. nam quæstio propter quid, quærit medium ad demonstrandum quia est aliquid: puta quia luna eclipsatur: & similiter quæstio quia est, quærit medium ad demonstrandum an est, secundum doctrinam traditam in secundo posteriorum. videmus autem quod videntes naturaliter quia est aliquid, scire desiderant quid est ipsum, quod est intelligere eius substantiam. non igitur quietatur naturale sciendi desiderium in cognitione Dei qua scitur de ipso solum quia est.

4 Amplius, nihil finitum, desiderium intellectus quietare potest. quod exinde ostenditur, quod intellectus quolibet finito dato aliquid ultra molitur apprehendere. unde qualibet de linea finita data aliquam maiorem molitur apprehendere: & similiter in numeris: & hæc est ratio infinitæ additionis in numeris & lineis mathematicis. Altitudo autem & virtus est finita cuiuslibet substantiæ creatæ. non igitur intellectus substantiæ separatae quiescit per hoc quod cognoscit substantias creatas quantumcunque eminentes, sed adhuc naturali desiderio tendit ad intelligendum substantiam quæ est altitudinis infinitæ, ut in 1. lib. ostensum est de substantia diuina.

Cap. 43.

5 Præterea, sicut naturale desiderium inest omnibus intellectualibus naturis ad sciendum: ita inest eis naturale desiderium ignorantiam seu nescientiam pellendi. substantiæ autem separatae (sicut iam dictum est) cognoscunt prædicto cognitionis modo substantiam Dei esse supra se, & supra omne id quod ab eis intelligitur: & per consequens sciunt diuinam substantiam sibi esse ignotam. tendit igitur naturale ipsorum desiderium ad intelligendam diuinam substantiam.

6 Item, quanto aliquid est fini propinquius, ex maiori desiderio tendit ad finem. unde videmus quod motus naturalis corporum in fine intèditur. intellectus autem substantiarum separatarum propinquiores sunt diuinæ cognitioni quam noster intellectus; intensius igitur desiderant Dei cognitionem quam nos: nos autem quantumcunque sciamus Deum esse, & alia quæ supra dicta sunt, non quiescimus desiderio, sed adhuc desideramus Deum per essentiam suam cognoscere. multo igitur magis substantiæ separatae hoc naturaliter desiderant. non igitur in cognitione Dei prædicta eorum desiderium quietatur. Ex quibus concluditur quod vltima felicitas substantiæ separatae non est in illa cognitione Dei qua Deum cognoscunt per suas substantias, cum adhuc eorum desiderium ducat eos usque ad Dei substantiam. In quo etiam satis apparet quod in nullo alio quærèda est vltima felicitas quam in operatione intellectus, cum nullum desiderium tam in sublime ferat sicut desiderium intelligendæ veritatis. omnia namque desideria nostra vel delectationes cuiuscunque alterius quod ab homine desideratur, in aliis rebus quiescere possunt: desiderium autem prædictum non quiescit nisi ad summum rerum cardinem & factorem peruenerit. propter quod conuenienter sapientia dicit Eccles. 24. Ego in altissimis habito & thronus meus in co. nub. Et Prouer. 10. dicitur quod sapientia ancillas suas vocat ad arcem. Erubescat igitur qui felicitatem hominis tam altissimè sitam in infimis rebus quærunt.

Super Cap. 50.



VANTVM ad tertium ostendit S. Tho. quod in cognitione illa quam habent substantiæ separatae de Deo per proprias essentias, non quiescit earum naturale desiderium, & arguit primo sic: Prædicta cognitio de Deo est imperfecta cognitionis speciei, quia non arbitramur nos aliquid cognoscere si substantiam eius non cognoscamus: & principium in rei cognitione est scire de ipsa quid est, vnam scilicet particularem cognitionem rei ad aliam comparando. ergo, & c. probatur consequentia: quia omne quod est imperfectum in aliqua specie, desiderat consequi perfectionem illius speciei, ut patet de habente opinionem de aliqua re, qui desiderat de ipsa habere scientiam. Secundo, substantiæ separatae cognoscunt omnium rerum quarum vident substantias, Deum esse causam. ergo, & c. probatur consequentia, quia ex cognitione effectuum incitatur desiderium ad cognoscendum causas: & non quiescit desiderium sciendi omnibus substantiis intellectualibus naturaliter inditum, nisi cognitis substantiis effectuum, etiam si substantiam causæ cognoscant. Tertio, videntes quia de aliquo, naturaliter sciendi desiderant de ipso propter quid est: ergo videntes an est, desiderant scire quid est, quod est intelligere rei substantiam: ergo etiam non quietatur naturale desiderium sciendi in cognitione Dei qua scitur de ipso solum an est: probatur prima consequentia, quia sicut se habet quæstio propter quid ad quæstionem quia, ita se habet quæstio quid est, ad quæstionem an est, ut dicitur secundo posteriorum: utrobique enim quaritur de medio demonstrandi. Quomodo se habeant istæ quæstiones, ostensum est in annotationibus nostris in secundo posteriorum. Quarto, Altitudo & virtus cuiuslibet substantiæ creatæ est finita, ergo intellectus substantiæ separatae non quiescit per hoc quod cognoscit substantias creatas quantumcunque eminentes, sed ad substantiam infinitam cognoscendam tendit. probatur consequentia, quia nihil finitum potest desiderium intellectus quietare. videmus enim quod quolibet finito, puta linea, aut numero dato, aliquid ultra molitur apprehendere. Quinto, substantiæ separatae sciunt substantiam diuinam sibi esse ignotam, cum cognoscant prædicto cognitionis modo ipsam esse supra se, & supra omne quod ab ipsis intelligitur. ergo, & c. probatur consequentia, quia omnibus naturis intellectualibus inest naturale desiderium ignorantiam seu nescientiam pellendi, sicut & naturale desiderium sciendi.

Sexto, intellectus substantiarum separatarum propinquiores sunt diuinæ cognitioni quam noster intellectus, ergo intensius desiderant diuinam cognitionem quam nos, ergo, & c. probatur prima consequentia, quia quanto aliquid est fini propinquius, ex maiori desiderio tendit in finem. declaratur in motibus rerum naturalium. Secunda verò consequentia probatur, quia nos quantumcunque de Deo prædicta sciamus, non quiescimus desiderio, sed adhuc desideramus Deum per essentiam videre.

AD VERTE ex doctrina sancti Thom. 1. 2. c. 1. & 2. c. 1. & 2. c. 8. quod motus naturalis est velocior in fine quam in principio: quia principium formale

Cap. præced.

Text. 1.



formale quo corpus naturale mouetur, ex propinquitate ad proprium locum confortatur. Sicut autem ex confortatione principij naturalis propter appropinquationem ad proprium locum, motus est intensior & velocior, ita possumus dicere quod quāto aliquid à natura est propinquius fini, tantō magis inclinatur ad finem. & sic quia intellectus substantiæ separatae secundum suam naturā est propinquior cognitioni diuinā quam noster intellectus, ut pote superioris ordinis, ideo magis inclinatur in diuinam cognitionem quam noster intellectus. Et sic possumus hanc rationem interpretari quod fundetur super propinquitatem intellectus substantiæ separatae absolute considerati ad cognitionem Dei. Possumus etiam interpretari eam ut fundetur super propinquitatem intellectus huiusmodi non absolute considerati, sed accepti ut stat sub cognitione, assimilando cognitionem naturalem ipsius motui rerum naturalium. Tunc enim procedet ratio, quod quia intellectus substantiæ separatae ex eo quod cognoscit Deum naturaliter, quantum ad aliquam propinquior est diuinā cognitioni quam intellectus noster ex sua naturali cognitione quam habet de Deo, quia est clarior & eminentior cognitio substantiæ separatae de Deo, ut in precedenti capitulo est ostensum, quā natura ideo maiori desiderio inclinatur ad cognoscendam diuinam substantiam quam noster intellectus. Quantum ad quartum infert sanctus Thomas solutionem eius quod in cap. 48. proposuerat, scilicet quod vltima felicitas substantiæ separatae non consistit in illa cognitione Dei qua ipsum per suas essentias cognoscunt, probatur, quia per ipsam non quietatur earum naturale desiderium, sed adhuc fertur vsque ad Dei substantiam. Concludit vltimū ex praedictis quod in nullo alio querenda est vltima hominis felicitas quā in operatione intellectus. probatur, quia nullum aliud desiderium tam in sublimē fertur, quā desiderium cognoscendae veritatis, cum omnia alia desideria in aliis rebus quiescere possint, desiderium autem praedictum non quiescat nisi ad summum rerum cardinem & factorem peruenit: quod etiam ostenditur auctor. Eccl. 24. & Prou. 10. Vltimo loco mundanos homines reprehendit, qui hominis felicitatem tam altissime sitam, in infimis rebus quaerunt.

CIRCA illam propositionē, omnia alia desideria in aliis rebus quiescere possunt: attendendum quod non est mens sancti Thomae dicere quod aliquid aliud à Deo possit ita appetitum quietare, ut nihil aliud appetatur simpliciter: quia, ut patet, hoc repugnet antedictis, sed quod accepto quocunque desiderio circa aliquod determinatum appetibile creatum, potest ita quiescere in illo desiderium, quod nihil vltimū de illo desiderabit, puta desiderans dulce potest inuenire aliquod ita dulce, quod nihil dulcius desiderabit, & sic de aliis. desiderium autem cognoscendae veritatis in nullius creati cognitione quietatur, sed tantum in cognitione substantiæ diuinæ.

ADVERTENDUM postremū quod ex istis relinquit sanctus Thomas manifestum, vltimam hominis suae intellectualis naturae felicitatem in ea cognitione consistere, qua ipsa diuina substantia videtur: id quod ex toto precedenti processu principaliter intendebatur, quia nihil aliud (ut est ostensum) naturale hominis desiderium potest quietare.

### Quomodo Deus per essentiam videatur.

#### Cap. 51.



VM autem impossibile sit naturale desiderium esse inane: quod quidem esset, si non esset possibile peruenire ad diuinam substantiam intelligendam, quod naturaliter omnes mentes desiderant: necesse est dicere quod possibile est substantiam Dei videri per intellectum & à substantiis intellectualibus separatis, & animabus nostris. Modus autem huius visionis satis iam ex dictis, qualis esse debeat, apparet. ostensum enim est supra quod diuina substantia non potest videri per intellectum in aliqua specie creata. vnde oportet si Dei essentia videatur, quod per ipsammet essentiam diuinā intellectus ipsam videat: ut sic in tali visione diuina essentia sit & quod videtur, & quod videtur. Cum autem intellectus substantiam aliquam intelligere non possit, nisi fiat actu secundum aliquam speciem informantem ipsum, quā sit similitudo rei intellectae: impossibile potest alicui videri quod per essentiam diuinam intellectus creatus possit videre ipsam diuinam substantiam quasi per quandam speciem intelligibilem: cum diuina essentia sit quoddam per seipsum subsistens. & in primo ostensum sit, \* quod Deus nullius potest esse forma. Ad huiusmodi igitur intelligentiam veritatis considerandum est quod substantia quā est per seipsam subsistens, est vel forma tantum, vel compositum ex materia & forma. illud igitur quod est ex materia & forma compositum non potest alteri esse forma: quia forma in eo iam est contracta ad illam materiā, ut alterius rei forma esse non possit. illud autem quod sic est subsistens, ut solum tamen sit forma: potest alteri esse forma, dummodo esse suum sit tale, quod ab aliquo alio participari possit: sicut in secundo ostendimus de anima humana. si verō esse suum ab altero participari non possit, nullius rei forma esse potest.

sic enim per suum esse determinatur in seipso, sicut quae sunt materialia per materiam. hoc autem sicut in esse substantiali vel naturari inuenitur, sic & in esse intelligibili considerandum est. cum enim intellectus perfectio sit verum: illud intelligibile erit ut forma tantum in genere intelligibili, quod est veritas ipsa, quod conuenit soli Deo: nam cum verum sequatur ad esse: illud tantum sua veritas est, quod est suum esse: quod est proprium soli Deo, ut in secundo ostensum est. alia igitur intelligibilia subsistentia non sunt, ut puta forma in genere intelligibilium, sed ut formam in subiecto aliquo habentes. est enim vnumquodque eorum verum, non veritas, sicut & est ens, non autem ipsum esse. manifestum est igitur quod essentia diuina potest comparari ad intellectum creatum ut species intelligibilis qua intelligit: quod non contingit de essentia alicuius alterius substantiæ separatae: nec tamen potest esse forma alterius rei secundum esse naturale. sequeretur enim quod simul cum aliquo vnita constitueret vnā naturam: quod esse non potest: cum essentia diuina in se perfecta sit in sui natura. species autem intelligibilis vnita intellectui non constituit aliquam naturam, sed perficit ipsum ad intelligendum: quod perfectioni diuinæ essentiae non repugnat. Hæc igitur visio immediata Dei repromittitur nobis in scriptura 1. Corinth. 13. videmus nunc per speculum in ænigmate, tunc autem facie ad faciem. quod corporali modo nephās est intelligere, ut in ipsa diuinitate corporalem faciem imaginemur: cum ostensum sit Deum incorporeum esse: neque etiam sit possibile ut nostra corporali facie Deum videamus: cum visus corporalis qui in facie nostra residet, non nisi rerum corporalium esse possit. sic igitur facie Deum videbimus, quia immediate eum videbimus, sicut hominem quem facie ad faciem videmus. Secundum autem hanc visionem maxime Deo assimilamur, & eius beatitudinis participes sumus. nam ipse Deus per suam essentiam suam substantiam intelligit: & hæc est felicitas. Vnde dicitur primo Ioannis tertio, Cum autē apparuerit, similes ei erimus, & videbimus eum sicut est. & Luca 22. Dominus dicit: Ego dispono vobis sicut disposuit mihi Pater meus regnum, ut edatis & bibitis super mensam meam in regno meo. quod quidem de corporali cibo & potu non potest intelligi: sed de eo qui in mensa sapientiæ sumitur, de quo à Sapientia dicitur Prouerborum 9. Comedite panes meos, & bibite vinum quod miscui vobis. super mensam ergo Dei manducant & bibunt, qui eadem felicitate fruuntur, qua Deus felix est, videntes eum illo modo quo ipse videt seipsum.

#### Super Cap. 51.



OSTENDIT sanctus Thomas veram felicitatem in visione diuinæ substantiæ consistere, vltimū conditionis huius visionis manifestare intendit. Circa hoc autem duo facit. Primum manifestat conditiones in particulari eorum quæ ad talem visionem concurrunt. Secundo communiter conditiones ostendit, cap. 16. Circa primum tria facit. Primum ostendit conditiones eius ex parte intellectus. Secundum ex parte obiecti, cap. 55. Tertio ex parte ipsius actus, cap. 57. Circa primum duo facit. Primum ostendit quæ sit forma qua intellectus beati videt diuinam essentiam. Secundum quid requiratur ad hoc ut talis forma recipiatur in intellectu, capitulo sequenti. Circa primum duo facit. Primum præmittit vnā conclusionem necessariam ad ea quæ dicenda sunt. Secundum propositum declarat. Quantum ad primum ponit hanc conclusionem. Possibile est substantiam Dei videri per intellectum & à substantiis intellectualibus separatis & ab animabus nostris. probatur. Naturaliter omnes mentes desiderant per intellectum substantiam Dei intelligere, ergo possibile est ut ad illam cognitionem perueniant. patet consequentia, quia aliter naturale desiderium esset inane.

HOC loco attendendum diligenter quod non infert sanctus Thomas quod naturale desiderium esset inane, si intellectus non videret substantiam diuinam, sed si non esset possibile ipsum peruenire ad diuinam substantiam intelligendam: quia non dicitur desiderium naturæ esse inane si in aliquo indiuiduo non adimpleatur, sed si non sit in indiuiduis naturæ non orbatis potentia & capacitas ad impletionem talis desiderij. Si enim in indiuiduis non esset talis potentia, nunquam naturæ desiderium adimpleretur: sed si in illis sit capacitas rei desideratae, naturæ desiderium quandoque in aliquo indiuiduo adimpletur, & hoc sufficit ad hoc ut non sit inane & frustra.

DVBIVM autem difficile insurgit, quomodo desiderium videndi diuinam substantiam sit naturale, cum nulla creatura intelligibilis possit ad illam visionem propria virtute peruenire, ut in sequentibus ostendetur.

Item

1 lib. cap. 20.

Idem p. p. q. 12. ar. 1. q. 52. dist. 99.

Cap. 49.

D. 485.

\*Cap. 22. 27.

Cap. 68.



Item cum dicat S. Thom. in plerisque locis præsertim 1. 2. q. 5. artic. 3. & 4. Sentent. distinct. 49. quæst. 1. artic. 3. quæst. 1. atque de Verit. quæst. 22. artic. 7. quod beatitudo, licet secundum communem rationem naturaliter appetatur, in particulari tamen siue quantum ad particularem rationem eius in quo ratio summi boni saluatur, non appetitur naturaliter.

RESPONDENT quidam quod hoc desiderium non est naturale naturæ rationali absolute consideratæ, sed ut est ad beatitudinem ordinatæ & supposita reuelatione effectuum gratiæ & gloriæ quorū Deus est causa, ut Deus est in se absolute, non ut vniuersale agens.

SED hoc non videtur esse ad mentem S. Thom. primò quia cum superius cap. 49. ostenderit quod substantiæ separata per suas essentias aliqua cognoscit de Deo, in cap. 50. probat quod in tali cognitione qua per suas essentias Deum cognoscunt, non quiescit eorum naturale desiderium, sed magis incitatur ad diuinam substantiam videndam: & sic huiusmodi naturale desiderium sequitur cognitionem qua substantia separata cognoscit Deum per essentiam ipsius substantiæ separata. constat autem quod cognitio Dei qua cognoscitur Deus à substantia separata per ipsius substantiæ separata essentiam, non præsupponit cognitionem effectuum gratiæ & gloriæ: ergo desiderium videndi Deum non dicitur naturale ex præsuppositione reuelationis effectuum gratiæ & gloriæ, sed est naturale intelligibili naturæ quantum ad cognitionem causæ ex quocunque effectu. Secundo, quia ratio quam adducit sanctus Thom. 1. part. q. 12. artic. 1. & superius tetigit ad probandum quod naturaliter substantia intellectualis desideret cognoscere substantiam diuinam, fundatur super hoc quod ex cognitione effectuum incitatur desiderium ad cognitionem causæ, & non quietatur desiderium quantumcunque substantia effectus cognoscatur, nisi cognoscatur substantia causæ. constat autem hanc propositionem sancti Thomæ non determinari ad cognitionem effectuum gratiæ & gloriæ, sed ad cognitionem quorumcunque effectuum extendi, & ad omnis causæ cognitionem vnde illam propositionem confirmat ex hoc signo, quod propter hoc homines cœperunt philosophari. ergo hoc naturale desiderium non innascitur solum ex cognitione effectuum gratiæ & gloriæ. Tertiò, quia tunc tale desiderium inesset tantum cognoscētibz effectus supernaturales gratiæ & gloriæ: hoc autem est falsum: quia ut inquit S. Thom. in hoc 3. Contra Gentiles, cap. 51. & 57. hoc desiderium omni inest intellectui, ergo, &c.

PROPTER quod videtur mihi aliter dicendum, saluo semper meliori iudicio. Ad cuius euidentiam considerandum est primò, quod cum naturale desiderium naturæ intellectualis, in quantum intellectualis est, sit actus elicitus voluntatis, ut habetur prima secundæ, quæstione decima, articulo primo, & omnis actus voluntatis præsupponat aliquam cognitionem intellectus, dicitur naturale desiderium naturæ intellectualis in quantum huiusmodi, quod ad aliquam cognitionem intellectus de necessitate consequitur. Et in proposito naturale desiderium videndi diuinam essentiam, est actus voluntatis de necessitate consequens quantum ad specificationem actus illam cognitionem qua cognoscitur per effectus, quia est de Deo. Nam ut in præcedenti capite in prima ratione tetigit sanctus Thomas, cognitio qua cognoscitur Deus infra cognitionem substantiæ eius est imperfecta cognitionis species. omne autem quod est imperfectum in aliqua specie, desiderat cōsequi perfectionem illius species. Considerandum secundò quod cum Deus sit & prima omnium causa effectiua, & verè sit obiectum supernaturalis beatitudinis, ad quam creatura intellectualis est per diuinam providentiam ordinata, dupliciter potest visio diuinæ essentia & naturæ considerari. Vno modo in quantum est visio essentia primæ causæ absolute. Alio modo in quantum est visio obiecti supernaturalis beatitudinis, & consequenter in quantum talis visio est summum bonum intellectus naturæ ad quod per diuinam providentiam est ordinata tanquam ad vltimum finem. Cum ergo dicitur quod desiderium videndi naturam diuinam est nobis naturale, intelligitur de natura absolute considerata respectu: talis visionis ut primo modo consideratur: non autem ut consideratur secundo modo. Tunc enim tale desiderium continetur in illo vniuersali desiderio sciendi quo naturaliter desideratur cognitio quid est causæ, cognitio ipsius quia est ex effectibus. Hoc autem continetur in vniuersali desiderio sciendi, quod inquit Aristoteles primo Metaphysicæ nobis esse naturale. Et sic naturaliter desideramus visionem Dei in quantum est visio primæ causæ, non autem in quantum est summum bonum. Naturaliter enim cognosci potest quod sit aliorū causa: non autem naturaliter scimus quod sit obiectum supernaturalis beatitudinis, & quod eius visio sit summum bonum: imò aliqui dicunt summum bonum in voluptate, aliqui verò in diuitiis, aut in aliquo alio bono creato consistere. Ad primum in oppositum dicitur, quod naturalis appetitus dupliciter accipi potest. Vno modo pro appetitu formæ naturalem consequente. Alio modo pro actu elicitu voluntatis, qui ad aliquā apprehensionem, de necessitate consequitur vel quantum ad exercitium actus, vel quantum ad specificationem tantum. Si appetitus: naturalis primo modo accipitur, sic inconueniens est aliquid appeti naturaliter in quod virtute naturæ non possit perueniri: quia forma naturalis non inclinatur ad id quod naturæ facultatem excedit. Si autem secundo modo naturalis appetitus accipitur, sic non est inconueniens quod appetitus in aliquid naturaliter feratur in quod virtute propriæ naturæ non potest intellectualis creatura peruenire. Istant enim simul quod aliquid desideretur naturaliter ex præsuppositione alicuius cognitionis, & tamen ad illud sola virtute naturæ non possit perueniri: sed sufficit ut habeantur ea quibus natura sit capax talis finis, & eorum quæ ducunt ad finem, auxilioque alterius ad illum perueniri possit. Vnde sanctus Thomas super Boetio de Trin. quæstione vltima, articulo vltimo ad quintum ait, quod quamuis homo naturaliter in finem vltimum inclinatur, scilicet sub communi ratione beatitudinis: non tamen potest naturaliter illum consequi, propter eminentiam ipsius, sed per gratiam tantum. sunt enim nobis indita principia quibus nos possumus ad cognitionem perfectam substantiarum separataram præparare, non tamen quibus ad eam possumus attingere, ut in illo ar. dicitur. Ex hoc patet quod visio diuinæ essentia dicitur finis supernaturalis, non quia nullo modo naturaliter desideretur, sed quia non potest ad ipsam ex solis naturæ principijs perueniri: sicut omnes naturaliter desiderant vltimum finem & beatitudinem sub communi ratione summi & perfecti boni, & tamen nullus ad hanc rationem summi boni propria vir-

tute potest peruenire. Ad secundum dicitur quod sanctus Thom. in illis locis loquitur de naturali appetitu visionis diuinæ essentia in quantum est summum bonum, & ut terminatur ad Deum ut est obiectum supernaturalis beatitudinis: non autem ut est visio primæ causæ absolute. Visio enim illo modo non appetitur naturaliter natura absolute considerata: sed tantum ut natura est ad ipsam ordinata tanquam ad vltimum finem, & supposita reuelatione quod ipsa sit summum bonum & felicitas, ut dictum est in primo libro.

SED contra hanc responsionem remanet dubium adhuc. Nam sanctus Thom. 1. parte, q. 52. artic. 2. ostendit quod angeli indigerunt gratia ad hoc ut conuerterentur in Deum: quia videre Deum per essentiam, est supra naturam cuiuslibet intellectus creati. sed desiderare visionem Dei per essentiam, est conuersio appetitus in Deum, ergo hoc desiderium præsupponit gratiam, & sic non est naturale. Responderi ad hoc dupliciter potest. Primò ex 2. Sent. dist. 5. q. 2. artic. 1. quod dictum sanctus Thom. intelligitur de conuersione angeli meritoria vltimi finis, non autem de simplici desiderio. Secundo responderi potest iuxta prædeterminatam, quod loquitur ibidem sanctus Thomas de conuersione in Deum quæ dicit amorem quo diligitur Deus tanquam finis vltimus, & obiectum beatitudinis supernaturalis, propter quod omnia alia diliguntur: non autem de simplici desiderio quo desideratur eius cognitio per essentiam ut est visio primæ causæ: & hæc responsio meo iudicio est magis ad mentem sancti Thomæ: Nam cum inquit angelos indigere gratia ad hoc ut conuerterentur in Deum, loquitur de conuersione in Deum ut est vltimus finis, & obiectum beatitudinis supernaturalis, id est, illius beatitudinis quæ per gratiam habenda est. Desiderium autem illud videndi Deum quod insurgit ex consideratione effectuum ipsius, est absolute inclinatio in cognitionem essentia eius prout est causa rerum, quocunque eius essentia videatur. ideo non est conuersio in Deum qua diligitur Deus super omnia ut est obiectum supernaturalis beatitudinis, & propter quem omnia diligantur. Ad hanc enim conuersionem requiritur cognitio qua sciatur illam visionem Dei per essentiam esse vltimum finem nobis promissum, ad quem omnia nostra dirigere debemus, & quem per diuinam gratiam sumus assecuturi. talis autem cognitio non habetur nisi ex reuelatione diuina. Quantum ad secundum ponit sanctus Thomas hanc conclusionem. Ad hoc ut intellectus desiderium diuinam videat, oportet ut ipsam per ipsammet videat, ita ut sit & quod videtur, & quo videtur. probatur, Non potest videri diuina essentia per aliquam speciem creatam, ut ex superioribus patet. ergo si videtur, oportet ut per ipsammet videatur.

SED contra hanc conclusionem mouet sanctus Thomas dubium. Id enim quod intellectus aliquid intelligit, est forma intellectus per quam sit in actu, sed diuina essentia est per se subsistens, & nullus potest esse forma, ut in primo libro est ostensum, ergo, &c. Responderi, & dicit primò quod sicut in esse substantiali, vel naturali substantia per seipsam subsistens, quod est composita ex materia & forma, non potest alteri esse forma propter contractionem formæ ad illam materiam, substantia verò subsistens quæ est forma tantum, potest alteri esse forma si esse suum ab aliquo alio participari possit, sicut de anima humana ostensum est in secundo huius, non autem si esse suum ab altero participari non possit, quia sic esse suum determinaretur in seipsa sicut materialia per materiam sic & in esse intelligibili considerandum est. Dicit secundò quod cum intellectus perfectio sit, verum illud intelligibile erit ut forma tantum in genere intelligibilium quod est veritas ipsa: & quia verum sequitur ad esse, illud tantum est sua veritas, quod est suum esse. Dicitur tertio quod soli Deo conuenit ut sit forma tantum in genere intelligibilium, quia solus ipse est sua veritas, sicut & suum esse. Alia verò subsistentia non sunt ut puta forma in genere intelligibilium, sed ut formam in aliquo subiecto habentes, cum vnum quodque eorum sit verum, non veritas sicut est ens, non autem ipsum esse. Ex his concluditur responsio ad obiectionem, & dicitur quod essentia diuina potest comparari ad intellectum creatum ut species intelligibilis qua intelligit, non autem essentia alicuius alterius substantiæ separata. Cum autem instatur quod Deus nullus potest esse forma, responderetur quod hoc intelligitur secundum esse naturale, non autem secundum esse intelligibile. ratio diuersitatis est, quia primo modo sequeretur quod simul cum aliquo vnita constitueret vnā naturam, quod esse non potest, cum essentia diuina in se perfecta sit in sui natura. Secundo autem modo hoc non sequitur, quia species intelligibilis vnita intellectui non constituit aliquam naturam, sed perficit ipsum ad intelligendum, quod perfectioni diuinæ essentia non repugnat.

CIRCA hoc quod dicitur de subsistente quod est forma tantum, quod inquam si esse eius ab alio participari non possit, per esse suum determinatur in seipsa sicut materialia per materiam: aduertendum est quod duplicem hæc verba sensum habere possunt. Vnus est, quod per ipsum esse talis res subsistens indiuiduaretur, sicut res materiales per materiam signatam indiuiduantur, ita quod esse in illo esset principium indiuiduationis, sicut materia signata in rebus materialibus est indiuiduationis principium. Et sic non intelligitur. Nam secundum doctrinam S. Thom. substantiæ separata à seipsis indiuidua sunt, non autem per aliquid superadditum, ut patet vbiunque de hac materia loquitur. Alius est quod esset incommuniabilis & indiuidua, ex hoc quod suum esse ab alio participari non possit: & hic sensus est verus, & hic intentus. Nam ut est de mente sancti Thomæ in quæst. de Spiritu. articulo octauo ad quartum, & decimum tertium, & ut ostensum est supra in secundo libro, forma separata à materia indiuiduatur per hoc quod non est nata in aliquo esse. Confirmatur ista responsio, quia congruit iis quæ in sacra scriptura dicuntur. Secundum enim hunc modum videbimus Deum facie ad faciem, ut nobis promittitur, primo Corinthiorum decimotercio. quia cum immediate videbimus sicut hominem quem facie ad faciem videmus: non autem quia corporali modo sumus eum visuri, cum nec ipse Deus corpus sit, nec visus corporalis nisi rerum corporalium esse possit. Similes etiam Deo, & eius beatitudinis participes erimus ex hoc modo videndi, ut dicitur primo Ioannis tertio, quia & ipse Deus suā substantiam per ipsammet intelligit. Super mēsam etiā Dei edemus & bibemus, ut promittitur Luca 22. in quantum eadem felicitate fruemur qua Deus est felix, videntes cum illo modo quo ipse seipsum videt, & sic de cibo & potu qui in mentis sapientia sumitur, de quo fit mentio Prouerb. 9. participabimus.

CIRCA



CIRCA hanc declarationem quomodo essentia diuina vnatur intellectu creato per modum speciei intelligibilis, quam etiam ponit sanctus Thom. in quæst. de Verit. quæst. 8. artic. 1. & 4. Sentent. distinct. 49. quæst. 2. artic. 1. considerandum est diligenter quod nulla alia ratione ponitur hic species intelligibilis constituitur intellectui in actu, nisi quia per se ipsum ad intelligendum, hoc est quia ex eius vnione ad intellectum fit intellectus potens. Scire autem intelligendi circa id quod per ipsam obiectiue representatur intellectu, quod absque ipsa non poterat: & quia diuina essentia non repugnat sic vniri intellectui vt per ipsam intellectus sit potens eam intelligere, ideo conuenienter dicitur quod vnitur intellectu vt forma in esse intelligibili. Differenter tamen vnitur intellectu species intelligibilis alicuius rei intellectus, & diuina essentia. Species enim intelligibilis vnitur intellectu & actu ipsam in esse intelligibili non per se ipsam immediate, sed per suum esse reale, quod est ab ipsa distinctum. non enim species intelligibilis est suum esse, sicut nec ipsa quidditas cuius est species est illud esse quod habet extra intellectum, diuina autem essentia existens in intellectu per modum forme intelligibilis actu intellectum non per aliquid aliud ab ipsa distinctum quod sit eius formalis effectus, sed per se ipsam, quia ipsa non distinguitur a suo esse, sed est ipsum esse subsistens in intellectu quam extra. Vnde sicut intellectus dicitur in actu per speciem intelligibilem in genere intelligibilium in quantum ab ipsa habet aliquod esse reale, per cuius acceptionem fit potens ad intelligendum per speciem, ita dicitur in actu per diuinam essentiam, in quantum ab ipsa absque alio esse medio habet vt sit potens actu intelligere tanquam a formali principio intellectus. Ex quo patet quod non sic dicitur vniri essentia diuina intellectu in esse intelligibili tanquam forma, quasi det aliquid esse formaliter intellectu quod dicatur esse intelligibile, sed quia est intellectui per se ipsam ratio & principium formale intelligendi. Vnde respondens sanctus Thom. ad argumentum quoddam quo arguebatur Deum per aliquam similitudinem creatam videri, prima q. 12. art. 2. ad tertium, ait quod sicut alie forme intelligibiles, quæ non sunt sui esse, vnuntur intellectu secundum aliquod esse quo informant ipsum intellectum. & faciunt ipsum in actum diuinam essentiam quæ est ipsum esse, vnitur intellectu faciens ipsum in actu per se ipsam.

SE D circa præfatam responsionem sanctus Thom. quædam occurrunt dubia. Primum est circa substantiam responsionis quæ consistit in hoc quod diuina essentia non potest esse forma alicuius secundum esse naturale, secundum autem esse intelligibile non repugnat sibi esse formam intellectus. Contra hoc enim videtur esse ratio sanctus Thom. quia probat contra Commentatorem, & tertio de Anima, & in secundo libro huius & plerisque aliis locis non posse nos intelligere per intellectum, si ponatur intellectus esse substantia separata. Arguit enim hoc fundamento sumpto ex Aristotelis de Anima quia id quo aliquid operatur, oportet esse formam eius, dantem scilicet formaliter esse: ergo apud sanctum Thom. non stant simul quod aliquid sit principium operandi alicui, & non sit forma eius secundum esse: ergo diuina essentia non potest esse intellectu ratio intelligendi, nisi sibi vnatur secundum esse tanquam forma dante esse intelligendi, ergo non stant simul hæc dicit sanctus Thom. scilicet quod diuina essentia non potest esse forma alicuius secundum esse naturale, & quod est intellectu forma per quam intelligit. Secundum dubium est circa hoc quod dixit, nulli substantia separata conuenire vt sit forma intelligibilis intellectus: hoc enim repugnare videtur ei quod superius in secundo libro dixit, scilicet quod substantia separata se per se ipsam intelligit ita quod est quod intelligitur, & quo intelligitur. Tertium dubium est circa id quod dictum est quod species intelligibilis vnita intellectu non constituit aliquam naturam, hoc enim contrariatur ei quod alibi dicit sanctus Thomas de mente Aristotelis, scilicet: quod constituitur intellectus in actu. Quartum dubium est circa id quod dicitur exponendo dictum Apostoli quod videbimus Deum facie ad faciem, in quantum videbimus eum immediate per illum modum quo videbitur per suam essentiam ita quam per formam intelligibilem, sicut homines facie ad faciem videmus. Ista enim metaphora non videtur conuenienter exponi. Cum enim aliquis videt hominem facie ad faciem, non sic videt hominem quasi ille sit forma visibilis qua oculus videt, sed videt per speciem causatam ab illo in oculo, ergo per hoc quod videbimus Deum per ipsammet diuinam essentiam, non conuenienter exponitur quod videbimus eum facie ad faciem. Ad primum horum respondetur primo vt in secundo lib. cap. 59. responsum est, quod mens sanctus Thom. in illa responsione est, quod id quo aliquid operatur tanquam potentia operandi, vel tanquam primo & principali principio ab operante distincto, oportet esse formam eius dantem illi esse, non autem loquebatur de eo quo aliquid operatur tanquam perfectiue virtutis ad operandum, quo modo dicimus substantiam diuinam esse principium quo intellectus ipsam videt: sed licet non oporteat id quo aliquid operatur tanquam completiue virtutis, esse eius formam in essendo, oportet tamen vt aliquam cum ipso habeat vnionem. Si enim esset omnino separatam, non posset esse illi ratio agendi. Nam & essentia diuina vnitur intellectu beati in quantum vtrumque est in anima, diuina quidem essentia sicut operans in ipsam intinsec, quo modo dicitur Deus in rebus esse: intellectus autem sicut eius proprietas: similiter essentia angeli quæ angelus seipsum intelligit, & eius intellectus, vnuntur inter se, in quantum intellectus est essentie proprietas, in ipsamque radicitus, & ab ipsa omnem vim intelligendi habet. Posset secundum responderi quod illa propositio sanctus Thom. est vera de eo quo aliquid operatur, cuius esse ab eius essentia distinguitur: & non habet ex se cum operante aliam realem vnionem: quia talis forma non actu aliquid extrinsecum, nisi dando illi formaliter esse: essentia autem diuina non est talis forma, imò ipsa est suum esse, ideo per se ipsam potest intellectum actuale ad intelligendum absque eo quod illi det esse formaliter. Ad secundum dubium dicitur quod loquitur hoc loco sanctus Thom. de substantia separata respectu alieni intellectus: non enim potest esse forma intelligibilis alieni intellectus, cum non sit veritas, vt dicebat sanctus Thom. sed habens veritatem: sed respectu proprii intellectus non inuenitur quod habeat rationem forme intelligibilis, licet non sit veritas: quia ipsa naturalis vnio essentie cum intellectu, sufficit ad hoc vt per ipsam intellectus intelligat, sicut essentia composita ex materia & forma non potest esse alteri principium essendi: sed bene suo supposito cui naturaliter vnitur. Ad tertium dubium dicitur quod

mens sanctus Tho. in illis verbis est ex specie intelligibili, & intellectu non constitui aliquam vniam naturam ab vtroque distinctam, sicut ex forma substantiali & materia constituitur compositum ab vtroque aliquo modo distinctum: non autem quod non constituitur aliquod vnum quod est species intelligibilis & intellectus vt vnita sunt ad vniam operationem: quod vnum vocamus intellectum in actu. Ad quartum dicitur quod illa interpretatio Metaphoræ conuenientissima est, supponit enim S. Thom. quod omnis cognitio quæ habetur de Deo per quamcunque speciem intelligibilem intellectus nostri, est cognitio Dei mediata, quia scilicet videtur Deus in alio viso, quia omnis forma creata existens in intellectu nostro, prius representat in esse obiectiuo rem creatam, cuius est species adæquata, quam Deum: & sic intellectus per rem creatam cognitam tendit in diuinam cognitionem. propterea si aliqua cognitio Dei debet esse in nobis de ipso immediate, necesse est vt sit per formam increatam, quæ est diuina essentia: vnde circa cognitionem Dei pro eodem accipiuntur cognitio Dei immediata, & cognitio Dei per eius essentiam. Metaphora ergo in hoc consistit, quod sicut homo videns alium hominem facie ad faciem, videt ipsum absque alio modo cognito per quod videatur, ita in patria videbimus eum immediate: quod prouenit ex eo quod videbimus eum per essentiam diuinam: licet Metaphora in eo quod adductum est, habeat aliquam dissimilitudinem ad id cui attribuitur. non enim oportet quantum ad omnia esse similitudinem in Metaphoricis locutionibus.

Quod nulla creata substantia potest sua naturali virtute peruenire ad videndum Deum per essentiam.

Cap. 52.



NON est autem possibile quod ad istum visionis diuinæ modum aliqua creata substantia ex virtute propria possit attingere. quod enim est superioris naturæ proprium, non potest consequi natura inferior, nisi per actionem superioris naturæ cuius est proprium: sicut aqua non potest esse calida nisi per actionem ignis. videre autem Deum per ipsam diuinam essentiam, est proprium naturæ diuinæ: operari autem secundum propriam formam est proprium cuiuslibet operantis: nulla igitur intellectualis substantia potest videre Deum per ipsam diuinam essentiam, nisi Deo hoc faciente.

2. Amplius, forma alicuius propria non fit alterius, nisi eo agente. agens enim facit sibi simile in quantum formam suam alteri communicat. videre autem substantiam Dei impossibile est: nisi ipsa diuina essentia sit forma intellectus quo intelligit, vt probatum est. impossibile est igitur quod aliqua substantia creata ad illam visionem perueniat nisi per actionem diuinam.

3. Adhuc, si aliqua duo debeant adinuicem copulari, quorum vnum sit formale, & aliud materiale: oportet quod copulatio eorum copuletur per actionem quæ est ex parte eius quod est formale: non autem per actionem eius quod est materiale. forma enim est principium agendi: materia verò principium patiendi. ad hoc autem quod intellectus creatus videat Dei substantiam, oportet quod ipsa diuina essentia copuletur intellectu in forma intelligibili, sicut probatum est. non est igitur possibile ad hanc visionem perueniri ab aliquo intellectu creato nisi per actionem diuinam.

4. Item, quod est per se, causa est eius quod est per aliud. intellectus autem diuinus per seipsum diuinam essentiam videt: nam intellectus diuinus est ipsa essentia diuina qua Dei substantia videtur, vt in primo probatum est. \* intellectus autem creatus videt diuinam substantiam per essentiam Dei quasi per aliud à se. hæc igitur visio non potest aduenire intellectu creato nisi per actionem Dei.

5. Præterea, quicquid excedit limites alicuius naturæ, non potest sibi aduenire nisi per actionem alterius: sicut aqua non tendit sursum nisi ab aliquo alio mota. videre autem Dei substantiam, transcendit limites omnis naturæ creatæ: nam cuiuslibet naturæ intellectuali creatæ proprium est vt intelligat secundum modum suæ substantiæ: substantia autem diuina non potest sic intelligi, vt supra ostensum est. impossibile est igitur perueniri ab aliquo intellectu creato ad visionem diuinæ substantiæ nisi per actionem Dei, qui omnem creaturam transcendit. Hinc est quod Rom. 6. dicitur, Gratia Dei vita æterna. in ipsa enim diuina visione ostendimus esse hominis beatitudinem quæ vita æterna dicitur: ad quam sola Dei gratia ducimur: & dicimur peruenire,

Idē p. q. 12.  
art. 4. & 4.  
Sent. dist. 6.

\* Cap. 45.

Cap. 49.

lect. 7. super  
text. 7.

Cap. 59. text.  
com. 4. & in  
fra.

Cap. 98.

3. de Anima  
lect. 8.



peruenire, quia talis visio omnē creaturæ facultatem excedit: nec est possibile ad eam peruenire nisi diuino munere: quæ autem sic adueniunt creaturæ, Dei gratiæ deputantur. Et Ioan. 14. dicit, Ego manifestabo ei meipsum.

Super Cap. 52.



**S**TENSO quod diuina essentia est forma intelligibilis intellectus videntis Deum, ostendit sanctus Thomas quæ sit dispositio requisita ad hanc formam suscipiendam, & ad hanc habendam visionem. circa hoc autem duo facit, primo ostendit intellectum suam virtute non posse ad diuinam essentiam visionem peruenire. Secundum quod ad hoc indiget aliqua diuini luminis influentia, cap. seq.

Quantum ad primum ponitur hæc conclusio: Non est possibile quod ad visionem Dei per ipsam essentiam diuinam aliqua creata substantia ex virtute propria possit attingere, scilicet sufficienter. Probatur primo: videre Deum per ipsam diuinam essentiam est proprium diuinæ naturæ: quia operari secundum propriam formam est proprium cuiuslibet operantis: ergo in illum modum visionis diuinæ non potest creatura intellectualis nisi Deo hoc faciente, probatur consequentia: quia quod est proprium superioris naturæ, non potest consequi natura inferior nisi per actionem superioris naturæ cuius est proprium: sicut aqua non potest esse calida nisi per actionem ignis.

**ADVERTENDVM** quod hic non accipitur proprium prout excludit omne extraneum à subiecto, pro eo scilicet quod conuenit alicui soli, & nulli extraneo ab ipso, sicut risibilitas est proprium hominis: quia sic ratio assumeret quod haberet probare. probandum enim est quod videre Deum illo modo nulli alij à Deo conueniat, sed accipitur proprium pro eo quod est naturale alicui secundum id quo ab alijs differt. hoc enim est fundamentum & ratio quod aliquid conueniat alicui soli, sicut ideo risibilitas conuenit soli homini, quia sequitur rationalitatem per quam homo ab omnibus alijs distinguitur, sensus ergo rationis est, quod quia videre Deum per ipsam diuinam essentiam, est naturale Deo quantum ad id quo ab alijs distinguitur, sicut & cuiuslibet agentis naturale est per propriam formam operari: quod autem est sic naturale superiori naturæ, non potest naturaliter inferiori naturæ conuenire: sed si sibi conueniat, hoc est per actionem superioris naturæ, sicut esse calidum, quod est naturale igni, non conuenit aquæ nisi per ignis actionem: ideo videre Deum illo modo non potest alicui rationali creaturæ naturaliter conuenire. Secundo, forma alicuius propria non fit alterius nisi eo agente, agens enim facit sibi in quantum suam formam communicat: ergo si diuina essentia sit forma intellectus, quod requiritur in visione diuina, hoc non potest esse nisi per actionem ipsius, ergo, &c. Aduerte circa probationem antecedentem quod vult arguere sanctus Thomas ex conuersione propositionum sic, Agens facit sibi simile suam formam communicando: & nullo alio modo facit sibi simile: ergo e conuerso si aliquid sit simile alicui secundum propriam eius formam, talem formam accipit ab ipso cuius illa est propria forma.

**ADVERTENDVM** etiam quod ista ratio à præcedenti differt: quia illa procedit ex eo quod ipsa visio Dei per essentiam est propria superioris naturæ, hæc verò procedit ex eo quod diuina essentia est propria forma Dei. Tercio, ad hoc quod intellectus videat diuinam essentiam, oportet quod ipsa diuina essentia copuletur intellectui vt forma intelligibilis, ergo, &c. probatur consequentia: quia si aliqua duo debeant adinuicem copulari, quorum vnum sit formale, & aliud materiale, oportet quod eorum copulatio fiat per actionem quæ est ex parte eius quod est formale: non autem per actionem eius quod est materiale, cum forma sit agere, materia verò pati.

**CIRCA** probationem consequentiæ aduertendum quod supponit S. Tho. tanquam manifestum non fieri copulationem formalem & materialis nisi per aliquam actionem, non enim forma vnitur materiæ nisi per actionem alicuius. supponit etiam quod per nullius alterius actionem alicuius quæ est essentia diuinæ, aut ipsius intellectus potest diuina essentia copulari intellectui creato, quia diuina essentia cum non sit materialis, non potest per abstractionem à materia actione intellectus agentis vniri intellectui possibili, nec etiam per alicuius alterius superioris agentis actionem, cum diuina essentia sit supremi agentis natura, ideo relinquatur quod hoc fiat aut per actionem intellectus cuius est intelligere, aut per actionem Dei qui intelligitur. Istis suppositionibus optime procedit ratio. Actio enim per quam fit istorum duorum copulatio, magis se tenet ex parte diuinæ essentia quam ex parte intellectus, cum intellectus comparatur ad illam sicut materia ad formam: ideo non per propriam virtutem intellectus vnitur diuinæ essentia, & per consequens non videt ipsam propria virtute, sed virtute Dei habentis naturam diuinam sic talis copulatio, & talis visio. Quarto, intellectus creatus videt diuinam substantiam per essentiam Dei quasi per aliud à se, ergo, &c. probatur consequentia: quia intellectus diuinus per seipsum videt diuinam essentiam, cum sit ipsa diuina essentia, vt in primo est ostensum: quod autem est per se, causa est eius quod est per aliud. Quinto, videre Dei substantiam transcendit limites omnis naturæ creatæ, ergo, &c. patet consequentia: quia quicquid excedit limites alicuius naturæ, non potest sibi conuenire nisi per actionem alterius: vt patet de motu sursum in aqua, antecedens verò probatur: quia cuiuslibet naturæ intellectuali creatæ proprium est vt intelligat per modum suæ substantiæ, substantia autem diuina non potest sic intelligi: vt supra est ostensum.

**ADVERTENDVM** quod modus proprius intelligendi humanæ naturæ est, vt ex sensibilibus cognoscat, proprius autem modus substantiæ separatae est, vt intelligat non per acceptionem à sensibilibus, sed per ipsas substantias separatas, & per species à diuino lumine susceptas. Superior autem ostensum est substantiam diuinam nullo illorum modorum posse intelligi, idcirco inquit sanctus Thomas ostensum esse diuinam substantiam non posse intelligi secundum modum proprium intellectualis substantiæ.

**CIRCA** istam propositionem, Cuiuslibet naturæ intellectuali creatæ

proprium est vt intelligat secundum modum suæ substantiæ: considerandum ex doctrina sancti Thomæ prima questione duodecima, articulo quarto, & questione octuagesima nona, articulo secundo, quod cum intellectus fiat per hoc quod intellectus aliqua forma intelligibili actatur, operatio autem suo principio formali proportionatur, vt scilicet nobilioris principij nobilior sit propria operatio, & perfectioris perfectior: & vt non possit se extendere ultra conditionem ipsius: ideo necesse est vt modus intellectus accipiat ex conditione speciei intelligibilis, quia intellectus intelligit, cōditio autem speciei intelligibilis proportionatur naturæ intelligenti, quia videlicet in quantum species est rei intellectæ, ex conditione naturæ intelligentis suæ perfectionis accipit determinationem, & limitationem. Nam si natura intelligens rem aliquam sit eiusdem modi essendi cum re intellecta, species intelligibilis quæ naturaliter rem illam intelligit, erit perfecta forma rei intellectæ propter adæquationem intelligentis ad rem intellectam in modo essendi: si autem natura intelligens sit inferioris modi essendi quam sit res intellecta, forma ipsa intelligibilis erit imperfecta forma intelligibilis rei intellectæ, ipsam non quidditatiue sed imperfectè repræsentans, & sic imperfectiori modo est in tali intelligente quam sit in seipsa. sequitur ergo quod & cognitio alicuius rei intellectæ proportionatur modo naturæ cognoscentis: quia videlicet si natura cognoscentis adæquat rem cognitam quantum ad modum essendi, cognitio naturalis intelligentis de tali re erit perfecta eius cognitio, si autem natura cognoscentis sit inferioris ordinis & modi essendi quam res intellecta, cognitio quam naturaliter habet de tali re, non erit perfecta & quidditatiua illius cognitio, sed erit perfecta illius cognitione inferior, & consequenter perfecta rei huiusmodi cognitio erit supra naturalem cognitionem talis naturæ cognoscentis. Propterea bene inquit sanctus Thomas prima questione duodecima, articulo quarto, quod quia cuiusque cognoscentis cognitio est secundum modum naturæ cognoscentis, si modus essendi alicuius rei cognita excedat modum naturæ cognoscentis, oportet quod cognitio illius rei sit supra naturam illius cognoscentis, quia igitur omnis natura intellectualis creata est limitata naturæ & finitæ, à natura diuina deficiens, omnes species intelligibiles intellectualis naturæ creatæ quibus naturaliter intelligit, in hoc conueniunt, quod sunt formæ limitatæ & finitæ, naturas limitatas & finitas repræsentantes, à diuinaque natura & quidditate secundum suam rationem & repræsentationem longè deficientes: & ideo per huiusmodi species diuina essentia quidditatiue cognosci non potest: sed omnis talis cognitio ab eius perfecta cognitione deficiens est. Ex his patet instantias Scoti primo Sententiarum, dist. 3. quæst. 3. Quo. lib. quæst. 14. articulo secundo, & quarto Sententiarum distinctione quadragésima quæst. 11. contra sanctum Thomam, nullius esse momenti. Non enim intendit sanctus Thomas (vt ille putat) oportere esse inter naturam intelligentem & obiectum naturaliter, & quidditatiue cognitum æqualitatem absolutè, vel excessum naturæ intelligenti, sed intelligit oportere esse inter obiectum & naturam cognoscentis talem proportionem, vt illud obiectum naturæ sit cognosci per species intelligibiles tali naturæ conuenientes & connaturales, & quia species illi connaturales sunt quæ sunt similitudines rerum eiusdem ordinis, sicut vel inferioris ordinis in proposito, quibus debetur idem modus essendi generalis, ideo inter cognoscentis & cognitum debet esse conuenientia in eodem modo essendi, aut excessus cognoscentis ad cognitum. Nec valet quod adducit in oppositum de oculo vidente cælum & terram quæ tamen secundum ipsum non conueniunt in eodem modo essendi, cum ipse sit corruptibilis, illa verò incorruptibilia, & de specie intelligibili, quæ non habet eundem modum essendi cum obiecto, cum illa habeat esse accidentale, obiectum autem habeat esse substantiale. Dicitur enim primo quod oculus & cælum a terra conueniunt in hoc modo essendi generali: quia sunt naturæ habentes esse in materia indiuiduali: licet sub hoc genere oculus habeat esse corruptibile, illa autem habeat esse incorruptibile. Dicitur secundum quod species intelligibilis rei materialis conuenit in modo essendi cum re materiali: non quidem quantum ad modum essendi particularem quem habet vt intellectum in forma: sed quantum ad eum qui sibi debetur naturaliter in quantum est talis natura & talis quidditas, dictum est enim superius quod forma quæ est in intellectu, est eiusdem speciei, imò est speciei rei intellectæ, ideo sicut rei intellectæ conuenit talis modus essendi qui est habere esse substantiale in materia ita speciei intelligibili eius debetur tale esse naturaliter, in quantum est species siue natura rei intellectæ, licet præter naturam ex actione intellectus agentis & cōditione intellectus possibilis habeat alium modum essendi in subiecto in quo est. vnde sunt eiusdem modi essendi sibi naturaliter debiti, licet non sint eiusdem modi essendi quantum ad esse quod actualiter habent, non etiam sequitur quod angelus inferior nunquam cognosceret superiorem: nam dicimus quod omnes angeli in eodem modo essendi generali conueniunt, sunt enim tria genera essendi, secundum quos accipiuntur tres rerum ordines, vt ponit sanctus Thomas prima questione 12. art. 4. scilicet esse in hac materia indiuiduali in quo conueniunt omnia sensibilia materialia esse: separatim à materia distinctum tamē ab essentia cuius est in quo omnes angeli conueniunt, licet in illo genere habeant gradus, & esse à materia omnino separatim: quod non distinguitur ab essentia, qui modus essendi conuenit soli Deo. quod præterea inferit, quoniam tunc intellectus etiam cum lumine gloriæ non poterit videre Deum, quia Deus excedit intellectum etiam lumine gloriæ illustratum: hoc autem est falsum: non cogit nam primo responderi potest vt alij respondent, quod non est contra mentem sancti Thomæ: quia non dicit naturam inferioris modi essendi nullo modo posse cognoscere naturam superioris modi essendi: sed quod non potest illam propriis viribus cognoscere, siue propria virtute quantum ad quidditatem cognitionem. vnde si consequens absolute intelligatur, negatur consequentia, si autem negatur de cognitione naturali, quæ est ex virtute propriæ naturæ, & de quidditatiua cognitione: negatur falsitas consequentis. Sed quia posset aliquis dicere, quod licet intellectus per se non possit videre diuinam essentiam naturaliter, est tamen sibi naturalis hæc visio vt stat sub lumine gloriæ, sicut licet aqua non sit naturaliter calefacere si per se sumatur: & quantumcumque sit calida, nunquam sibi, in quantum est aqua, hoc conuenit, naturaliter tamen aquæ in quantum calida est conuenit naturaliter calefacere: quia illa actio naturaliter consequitur calorem, ideo secundo responderi



respondenti potest negando absolute consequentiam, & ad probationem negatur quod Deus excedat intellectum ut illustratum lumine gloriæ illo excessu qui impedit ipsius visionem, imò intellectus sic illustratus est eiusdem ordinis cum Deo, ut declarabitur capitulo sequenti.

CONFIRMATUR prima conclusio auctoritate Apostoli Rom. 8. dicentis, Gratia Dei vita æterna, quod ideo dicitur, quia ad ipsam visionem Dei in qua beatitudo consistit quæ vita æterna dicitur, non potest homo nisi diuino munere peruenire, cum creaturæ facultatē excedat, quæ enim sic adueniunt creaturæ diuinæ gratiæ deputantur. Confirmatur secundo Ioan. 14. dum dicitur, Ego manifestabo ei meipsum.

*Quod intellectus creatus aliqua influentia diuini luminis indiget ad hoc ut Deum per essentiam videat.*

Cap. 53.

Idem 1. 1. q. 12. art. 5. 4. Sen. dist. 49. q. 1. 2. q. 5. art. 5. 6.



PORTET autem quod ad tam nobilem visionem intellectus creatus per aliquam diuinæ bonitatis influentiam eleuetur.

Impossibile enim est quod id quod est forma alicuius rei propria fiat alterius rei forma, nisi res illa participet aliquam similitudinē illius cuius est forma propria: sicut lux non fit actus alicuius corporis, nisi aliquid participet de diaphano. essentia autem diuina est propria forma intelligibilis intellectus diuini, & ei proportionata. nam hæc tria in Deo sunt vnum: intellectus, quo intelligitur, & quod intelligitur. impossibile est igitur quod ipsa essentia Dei fiat intelligibilis forma alicuius intellectus creati, nisi per hoc quod aliquam diuinam similitudinem intellectus creatus participat. hæc igitur diuinæ similitudinis participatio necessaria est ad hoc quod Dei substantia videatur.

2 Adhuc, nihil est susceptiuū formæ sublimioris nisi per aliquam dispositionē ad illius capacitatem eleuetur. proprius enim actus in propria potentia fit. essentia autem diuina est forma altior omni intellectu creato. ad hoc igitur quod essentia diuina fiat intelligibilis species alicuius intellectus creati (quod requiritur ad hoc quod diuina substantia videatur) necesse est quod intellectus creatus aliqua dispositione sublimiori ad hoc eleuetur.

3 Amplius, si aliqua duo prius fuerint non vnita, & postmodum vniantur: oportet quod hoc fiat per mutationem vtriusque, vel alterius tantum. Si autem ponatur quod intellectus aliquis creatus de nouo incipiat Dei substantiam videre, oportet secundum præmissa quod diuina essentia copuletur ei de nouo ut intelligibilis species. impossibile est autē quod diuina essentia moueatur, sicut supra ostensum est. oportet igitur quod talis vnio incipiat esse per mutationem intellectus creati. quæ quidem mutatio aliter esse non potest nisi per hoc quod intellectus creatus aliquam dispositionem de nouo acquirat. Idem autem sequitur si detur quod à principio suæ creationis tali visione aliquis intellectus creatus potiatur. nam si talis visio facultatem naturæ creatæ excedit, ut probatum est, potest intelligi quis intellectus creatus in specie suæ naturæ consistere absque hoc quod Dei substantiam videat. vnde siue à principio siue postmodum Deum videre incipiat, oportet eius naturæ aliquid superaddi.

4 Item, nihil potest ad altiores operationem eleuari nisi per hoc quod eius virtus fortificatur. contingit autem dupliciter alicuius virtutis fortificari. Vno modo per simplicem ipsius virtutis intensiōem: sicut virtus actiua calidi augeatur per intentionem caloris ut possit efficere vehementiorem actionem in eadem specie. alio modo per nouæ formæ appositionem, sicut diaphani virtus augeatur ad hoc ut possit illuminare, per hoc quod fit lucidū actu per formam lucis receptam in ipso de nouo. & hoc quidem virtutis augmentum requiritur ad alterius speciei operationem consequendam. virtus autem intellectus creati naturalis non sufficit ad diuinam substantiam videndam, ut ex prædictis patet. ergo oportet quod augeatur ei virtus ad hoc quod ad talem visionem perueniat. non sufficit autem augmentum per intensiōem naturalem virtutis: quia talis visio non est eiusdem rationis cum visione na-

turali intellectus creati: quod ex distantia visorum patet. oportet igitur quod fiat augmentum virtutis intellectiue per alicuius nouæ dispositionis adaptionem.

Quia verò in cognitionem intelligibilem ex sensibilibus peruenimus, etiam sensibilis cognitionis nomina ad intelligibilem cognitionem transumimus, & præcipue quæ pertinet ad visum, qui inter cæteros sensus nobilior est & spiritalior, ac per hoc intellectui affiniore: & inde est quod ipsa intellectualis cognitio nominatur visio: & quia corporalis visio non completur nisi per lucem: ea à quibus intellectualis visio perficitur, lucis nomen assumunt. vnde & Arist. 3. de Anima, \* intellectum agentem luci assimilatur, \* Tex. 18. 18. ex eo quod intellectus agens facit intelligibilia in actu: sicut lux quodammodo facit visibilia in actu. illa igitur dispositio qua intellectus creatus ad intellectualem diuinæ substantiæ visionem extollitur, congruē lux gloriæ dicitur: non propter hoc quod facit intelligibile in actu, sicut lux intellectus agentis: sed per hoc quod facit intellectum potentem actu intelligere. Hoc autem est lumen de quo in Psalm. dicitur: In lumine tuo videbimus lumen, scilicet diuinæ substantiæ. Et Apoc. 21. dicitur: Ciuitas, scilicet beatorum, non eget sole neque luna: nam claritas Dei illuminabit illam. & Isa. 60. dicitur: Non erit tibi amplius sol ad lucendū per diem: neque splendor lunæ illuminabit te: sed erit tibi Dominus in lucem sempiternam: & Deus tuus in gloriam tuam. Inde est etiam quia Deo est idem esse quod intelligere, & est omnibus causa intelligendi: quod dicitur esse lux. Ioan. 1. Erat lux vera, quæ illuminat omnē hominem venientem in hunc mundum. & 1. Ioan. 1. Deus lux est. & in Psalm. Amictus lumine sicut vestimento. & propter hoc etiam tam Deus quàm angeli in sacra scriptura in figuris igneis describuntur propter ignis claritatem.

D. 486.

Psalm. 35.

Psalm. 103.

Super Cap. 53.



Intellectus creatus virtute propriæ naturæ diuinæ essentiam videre non potest, inquirendum restat quid sit illud quo ad talem visionem indiget: ideo hoc volens ostendere S. Thom. duo facit. Primum ostendit quid sit illud requisitum: secundum remouet quædam dubia, cap. sequenti. Circa primum duo facit. Primum probat quod ad tam nobilem visionem intellectus creatus per aliquam diuinæ bonitatis influentiam eleuetur. secundum quia ista influentia à theologis lumen gloriæ nominatur. rationem huius nominis assignat. quantum ad primum arguitur primum sic, Essentia diuina est propria forma intelligibilis intellectus diuini & ei proportionata, cum in Deo hæc tria sint idem, intellectus, quo intelligitur, & quod intelligitur. ergo impossibile est quod fiat intelligibilis forma intellectus creati, nisi per hoc quod aliquam similitudinem diuinam intellectus creatus participat, ergo, &c. probatur prima consequentia, quia impossibile est propriam alicuius rei formam fieri formam alterius rei, nisi participet aliquam similitudinem eius cuius est propria forma. declaratur exemplo lucis.

Ad hanc rationem posset aliquis dicere quod lumen naturale intellectus creati est ista similitudo diuinæ quæ ad susceptionem diuinæ essentiae per modum formæ intelligibilis requiritur: ideo non requiritur aliqua alia similitudo superaddita intellectui. Sed quia sanctus Thomas hanc obiectionem in sequenti capitulo excludit, ideo illuc usque differatur. Secundum, essentia diuina est forma altior omni intellectu creato, ergo ad hoc ut fiat eius forma intelligibilis, quod requiritur ad hoc ut videatur, necesse est quod aliqua dispositione sublimiori ad hoc eleuetur, aliqua scilicet similitudine diuinæ. probatur consequentia: quia nihil est susceptiuum formæ sublimioris, nisi per aliquam dispositionem ad illius capacitatem eleuetur, cum proprius actus fiat in propria potentia.

CIRCA assumptum ad probationem consequentiæ aduertendū quod illa propositio assumpta habet veritatem de forma quæ vltima & principalis, non autem de forma quæ introducitur tanquam dispositio ad vltiorem formam. non enim si ad principalem formam suscipiendam requiritur aliqua dispositio, etiam ad suscipiendam dispositionem requiritur alia dispositio: quia aliquid potest esse immediate capax alicuius dispositionis, & non erit capax immediate formæ principalis. in formis enim naturalibus videmus quod materia est immediate receptiua alicuius dispositionis ad aliquam formam substantialem, puta ad animam, & tamen non recipit animam nisi mediantibus aliquibus dispositionibus. Ex hoc patet solutio rationis Durandi arguentis quod esset processus in infinitum, si diuina essentia, quia est forma supernaturalis, non posset recipi in intellectu creato, nisi disponatur dispositione supernaturali. nam & illa dispositio, inquit Durandus, requirit aliam supernaturalem dispositionem: & sic in infinitum procedetur. Dicitur enim quod non est processus in infinitum: quia ipsum lumen gloriæ cum sit dispositio ad diuinam essentiam suscipiendam, non requirit aliam dispositionem supernaturalem procedentem: sed intellectus est ex se illius immediate capax: licet non sit immediate capax diuinæ essentiae: sed oportet ad ipsam per lumen gloriæ eleuari. Circa probationem assumpti illius aduertendum, quod ex eo quod oportet propriū actum in propria potentia fieri, optime sequitur nihil esse susceptiuum formæ sublimioris, nisi per supernaturalem aliquā dispositionē eleuetur. nam si forma est supra naturalem facultatem

Contra Gent.

D



& capacitatem alicuius, sequitur quod illud non sit eius propria potentia: quia tunc non esset supra eius capacitatem naturalem: & ideo si debet fieri propria potentia, oportet ut aliquid sibi addatur quod supra naturam eius sit, & sic naturæ est ut per aliquid supra naturam ad eius capacitatem eleuetur. Tertio, si ponatur aliquis intellectus creatus de nouo incipere videre diuinam essentiam, oportet ut de nouo sibi diuina essentia copuletur ut species intelligibilis: non autem per mutationem diuinæ essentia, ergo per mutationem intellectus: quod non potest esse nisi quia aliquam dispositionem de nouo acquirat. probatur consequentia: quia duo non possunt de nouo vniri nisi per mutationem vtriusque, vel alterius ratiōem. Idem etiam sequitur si detur quod à principio creationis suæ tali visione aliquis intellectus creatus potatur: quia si talis visio facultatem naturæ creatæ excedit, potest intelligi intellectus creatus in specie suæ naturæ consistere absque hoc quod dictam essentiam videat. & sic ad talem visionem oportet aliquid naturæ superaddi.

AD VERTE fundamentum huius rationis circa intellectum qui ponitur à principio suæ creationis videre diuinam essentiam, esse, quod licet inter naturam à principio videntis Deum, & visionem, non sit ordo durationis, ita quod prius duratione sit natura per se quam sit cum visione, est tamen inter illa ordo naturæ & intellectus, in quantum potest intelligi natura absque hoc quod talem habeat visionem: & tunc cum visio illa naturæ facultatem excedat, ut superius est ostensum, in illo priori in quo intelligitur sine tali visione & in sola virtute naturæ consistere, intelligitur ut indigens aliqua dispositione ipsum ad diuinam visionem eleuante: & sic non minus sequitur in vidente à principio suæ creationis diuinam essentiam, quod oportet aliquid eius naturæ superaddi, quam in eo qui de nouo eam videre incipit. Quarto, virtus intellectus creati non sufficit ad videndam diuinam essentiam, ergo ad hoc ut ad talem visionem perueniat, oportet ut eius virtus augeatur: sed non sufficit augmentum per intentionem naturalis virtutis: quia talis visio non est eiusdem rationis cum visione naturali intellectus: ut patet ex distantia visorum. ergo fit per nouam dispositionis adaptionem, prima consequentia probatur, quia nihil potest ad altiore operationem eleuari nisi per hoc quod eius virtus fortificetur. secunda vero declaratur ex duplici modo fortificationis virtutis, per simplicem inquam virtutis intentionem, & per nouam formam appositionem.

CIRCA probationem minoris, cum dicitur diuinam illam visionem non esse eiusdem rationis cum naturali visione intellectus creati, declaraturque ex distantia obiectorum: aduertendum quod diuina essentia distat maxime à quocunque intelligibili cognoscibili naturaliter & quidditatiue ab increato, quia est altioris ordinis quocunque naturaliter intelligibili perfecte ab intellectu creato. nam substantia im materialis omnino, cuius tamē esse ab ipsa essentia distinguitur, & quæ est obiectum proportionatum substantiis separatis, est intelligibile superioris ordinis quam substantia materialis, quæ est obiectum connaturale & proportionatum intellectus humani: substantia autem diuina est superioris ordinis quam substantia immaterialis creata, & quam substantia materialis: ideo sicut intellectio substantiarum separatarum propter altitudinem sui obiecti & speciei à qua elicitur, est altioris rationis quam intellectio humani intellectus: ita visio diuinæ essentia est alterius rationis quacunque naturali & quidditatiue visione intellectus creati, ex hoc autem optimè sequitur quod per solam intentionem virtutis naturalis non potest intellectus creatus ad illam attingere: quia ut habetur hic à sancto Thom. cum sit duplex augmentum, scilicet per intentionem virtutis, & per nouam formam appositionem, primum augmentum non eleuat virtutem ad operationem altiorē & superioris rationis quam sit operatio naturalis illius virtutis, sed ad vehementiorem actionem in eadem specie: sicut cum augeatur calidi virtus per intentionem caloris, non eleuatur calidum in quantum huiusmodi nisi ad hoc ut possit vehementius calefacere: sed bene secundum augmentum potest eleuare ad aliquam actionem superioris rationis in quam virtus prius nullo modo poterat: sicut diaphanum per suspensionem lucis potest illuminare, quod prius facere non poterat. Secundo loco ostendit sanctus Thom. nominis rationem, inquit quod congruè prædicta dispositio lux gloriæ dicitur, non quia facit intelligibile in actu, sicut lux intellectus agentis, sed quia facit intellectum patientem actu intelligere. Cum enim ex sensibilibus in intelligibili cognitionem veniamus, nomina sensibilibus cognitionis, & maxime visus, qui affinis est intellectui, utpote nobilior & spiritalior existens, ad intellectualem cognitionem transsumimus: vnde intellectualem cognitionem dicimus visionem: & ea à quibus intellectualem visio perficitur, lucis nomen assumit, ut patet etiam ex Aristotelis tertio de Anima, intellectum agentem luci assimilante. De hoc lumine gloriæ loquitur scriptura in Psal. Apocalypsi 21. & Isaia 60. Eadem ratione etiam Deus dicitur lux Ioan. 1. & 1. Ioan. 1. & in Psal. & similiter tam Deus quam angeli in scripturis in figura ignis propter ipsius claritatem describuntur.

*Rationes contra prædictam determinationem,  
& earum solutiones.*

Cap. 34.

Prima obiectio.



BIICIET autem aliquis contra prædicta. Nullum enim lumen adueniens visui potest visum eleuare ad videndum ea quæ naturalem facultatē visus corporalis excedunt, non enim potest visus videre nisi colorata, diuina autem substantia excedit omnē intellectus creati capacitatē, magis quam intellectus excedat capacitatem sensus, nullo igitur lumine superueniente intellectus creatus eleuari poterit ad diuinam substantiam videndam.

Præterea, lumē illud quod in intellectu creato recipi-

tur, creatum aliquid est, ipsum ergo in infinitum à Deo distat. non sic igitur per huiusmodi lumen intellectus creatus ad diuinæ essentia visionem eleuari potest.

3 Item, si hoc quidē potest facere lumen prædictum propter hoc quod est diuinæ substantia similitudo: cum omnis intellectualis substantia ex hoc ipso quod intellectualis est, diuinam similitudinem gerat: ipsa natura cuiuslibet intellectualis substantia ad visionem diuinam sufficit.

4 Adhuc, si lumē illud creatum est: nihil autem prohibet quod est creatum, alicui rei creatæ connaturale esse: poterit aliquis intellectus creatus esse, qui suo connaturali lumine diuinam substantiam videbit: cuius contrarium ostensum est. *Cap. 32.*

5 Amplius, infinitum in quantum huiusmodi incognitum est, ostensum autem est in primo \* Deum esse infinitum. non igitur potest diuina substantia per lumen prædictum videri. *\* Cap. 43.*

6 Adhuc, oportet esse proportionē intelligentis ad rem intellectam: non est autem aliqua proportio intellectus creati in lumine prædicto perfecti ad substantiam diuinam: cum adhuc remaneat distantia infinita: non potest igitur intellectus creatus ad diuinam substantiam videndam per lumē aliquod eleuari. Ex huiusmodi autē rationibus aliqui moti sunt ad ponendū quod diuina substantia nunquā ab aliquo intellectu creato videtur. Quæ quidē positio & verā creaturæ rationalis beatitudinē tollit, quæ non potest esse nisi in visione diuinæ substantia, ut ostensum est: & authoritati sacrae scripturæ contradicit, ut ex superioribus patet, vnde *Cap. 32.*

tanquā falsa & hæretica abiicienda est. Rationes autē prædictas non difficile est soluere. Diuina enim substantia non sic est extra facultatem intellectus creati, quasi aliquid omnino extraneū ab ipso: sicut est sonus à visu, vel substantia immaterialis à sensu (nā ipsa diuina substantia est primū intelligibile, & totius intellectualis cognitionis principium) sed est extra facultatem intellectus creati, sicut excedēs virtutē eius: sicut excellentia sensibiliū sunt extra facultatē sensuū. vnde & Philosophus in secundo Metaphysicæ, \* *\* Tex. com. 6.* dicit quod intellectus noster se habet ad rerū manifestissimā, sicut oculus nocturæ ad lucē solis, indiget igitur confortari intellectus creatus à aliquo diuino lumine ad hoc quod diuinam essentiam videre possit: per quod prima ratio soluitur. *D. 486.*

Huiusmodi autem intellectum creatum ad Dei visionem exaltat: non propter eius indistantiam à diuina substantia, sed propter virtutē quam à Deo sortitur ad talem effectum: licet secundum suum esse à Deo in infinitum distet, ut secunda ratio proponebat. non enim hoc lumen creatum intellectum Deo coniungit secundum esse, sed secundum intelligere solū. Quia verò ipsius Dei propriū est ut suā substantiam perfecte cognoscat: lumen prædictum Dei similitudo est, quantum ad hoc quod ad Dei substantiam videndam perducit: hoc autem modo nulla intellectualis substantia similitudo Dei esse potest, cum enim nullius substantia creatæ simplicitas sit æqualis diuinæ, impossibile est quod totam perfectionē creatæ substantia habeat in eodē. hoc enim est propriū Dei, ut in primo \* ostensum est: qui *\* Cap. 28.* secundū idem est ens intelligens & beatus. igitur oportet aliud esse in substantia intellectuali creata lumen quo diuina visione beatificatur, & aliud quodcūque lumē in quo specie suæ naturæ completur, & proportionaliter suā substantiam intelligit, ex quo patet solutio tertiæ rationis. Quarta verò soluitur per hoc quod visio diuinæ substantia omnem naturalem virtutem excedit, ut ostensum est. vnde & lumē quo intellectus creatus perficitur, ad diuinæ substantia visionem oportet esse supernaturale. Neque autem diuinæ substantia visionem impedire potest, quod Deus dicitur esse infinitus, ut quinta ratio proponebat. nō enim dicitur infinitus priuatiue, sicut quantitas, huiusmodi enim infinitum rationabiliter est ignotum: quia est quasi materia carens forma, quæ est principium cognitionis, finis enim & terminus est forma: sed dicitur infinitus negatiue, quasi forma per se subsistens, non limitata per materiā recipientē. vnde quod sic est infinitum, maxime cognoscibile est secundum se. Proportio autem intellectus creati est quidem



quidem ad Deum intelligendum non secundum commensurationem aliquam proportionem existente, sed secundum quod portio significat quamcunque habitudinem vnius ad alterum, vel materiæ ad formam, vel causæ ad effectum: sic enim nihil prohibet esse proportionem creaturæ ad Deum secundum habitudinem intelligentis ad intellectum: sicut & secundum habitudinem effectus ad causam. ut patet solutio sextæ objectionis.

Super Cap. 54.

**Q**UIA contra prædictam determinationem quædam objectiones fieri possunt, ex quibus aliqui moti sunt ad ponendum quod nunquam ab aliquo intellectu creato diuina essentia videatur, quod & veram beatitudinem creaturæ rationalis tollit & authoritati sacre scripturæ contradicit, & ideo tanquam falsum & hæreticum est abiciendum: ne aliquis relinquantur dubitandi locus, eas vult S. Thom. excludere. Prima obiectio est. Diuina substantia excedit omnem capacitatem intellectus creati, magis quàm intelligibile excedat capacitatem sensus: ergo nullo lumine superueniente intellectus creatus ad ipsam videndam poterit eleuari. probatur consequentia, quia visus nullo lumine superueniente potest eleuari ad ea quæ eius naturalis facultatem excedunt. Respondetur quod diuina essentia non sic est extra facultatem intellectus creati, quasi sit aliquid omnino extraneum ab ipso, sicut sonus ad visum, & substantia immaterialis ad sensum, cum ipsa sit primum intelligibile, & totius intellectus cognitionis principium, sed sicut excedens virtutem eius, eo modo quo sensibilibus excellentiæ sunt extra facultatem sensum, ut patet ex secundo Metaph.

ADVERTERE responsionem consistere in hoc, quod dupliciter potest intelligi diuinam essentiam excedere capacitatem intellectus creati. Vno modo tanquam nullo modo contenta sub eius adæquato & primo obiecto, sicut sonus excedit capacitatem visus: & tunc negatur assumptum. Diuina enim essentia continetur sub ente, siue etiam sub intelligibili quod est intellectus obiectum. Alio modo tanquam contentum quidem sub eius obiecto, sed inproportionatum sibi, eo modo quo excellens visibile dicitur alicuius visus capacitatem excedere, & tunc negatur consequentia, quia potentia potest per aliquam dispositionem confortari, ut in tale excedens obiectum possit, in quod virtute propria non poterat. probatio autem consequentiæ nulla est, quia procedit de excessu primo modo quomodo intelligibile excedit sensum.

CIRCA istam propositionem, Deus est primum intelligibile, & totius intellectus cognitionis principium, aduertendum ex doctrina S. Thom. quæst. 88. artic. 3. & super Boetium de Tri. q. 1. art. 1. quod hoc non ideo dicitur quasi primum ordine durationis quod à nobis intelligitur, sit Deus, & per ipsum cognitiua alia intelligamus, sed quia est primum dignitate & intelligibilitate contentum sub hoc quod dico intelligibile, & est causa cognoscitiuæ virtutis qua intelligimus. Ex hac responsione patet obiectionem illam Scoti nullam esse, quia arguit, quod si intellectus creatus virtute suæ naturæ non potest videre diuinam essentiam propter excessum modi essendi ipsius supra modum essendi intellectus, nunquam beati videbunt Deum, quia nulla potentia potest eleuari supra suum obiectum adæquatum. Patet enim quod licet eleuetur intellectus per lumen gloriæ ad videndum diuinam substantiam, non tamen eleuatur supra suum obiectum adæquatum, sed eleuatur ad aliquid contentum sub suo obiecto adæquato quod erat sibi naturaliter inproportionatum, sicut excellens visibile est inproportionatum visui. Secunda obiectio est, Lumen illud in infinitum distat à Deo, cum sit aliquid creatum: ergo per ipsum ad illam visionem non potest intellectus creatus eleuari. Respondetur negando consequentiæ, quia lumen illud non exaltat intellectum creatum ad talem visionem propter eius indistantiam à diuina substantia, sed propter virtutem quam ad talem effectum à Deo sortitur, licet ab eo secundum esse in infinitum distet. hoc autem non inconuenit, puta non coniungit Deo secundum esse, sed secundum intelligere solum. sensus huius responsionis est, quod lumen gloriæ non ideo eleuat intellectum creatum ad visionem Dei, quia non distat in infinitum à Deo, sicut intellectus creatus distat, sed quia habet virtutem vniendi intellectum Deo per modum dispositionis secundum esse intelligibile: quæ quidem virtus alicui etiam distanti in infinitum secundum esse à Deo potest conuenire. ideo ex eo quod in infinitum distat à Deo secundum esse, non sequitur quod possit intellectum ad talem visionem eleuari per modum dispositionis. Nam & distantia in infinitum essentia diuinæ ab intellectu creato secundum esse naturale, non est causa quare non possit naturaliter ab intellectu creato videri, sed inproportio in esse intelligibili, quia videlicet intelligēs creatus & diuina essentia non sunt eiusdem ordinis, sed essentia diuina ad superiorem ordinem pertinet: talis autem inproportio per lumen gloriæ tollitur, in quantum facit intellectum creatum esse eiusdem ordinis cum diuina essentia in esse intelligibili, tanquam videlicet faciens ipsum esse propriam potentiam, & propriam ac proportionatum susceptum diuinæ essentia per modum formæ intelligibilis.

Tertia obiectio est: Omnis intellectualis substantia ex hoc ipso quod intellectualis est, diuinam similitudinem gerit, ergo sufficit ad visionem diuinam. probatur consequentia, quia ponitur lumen gloriæ eo quod sit diuinæ substantiæ similitudo.

Respondetur negando consequentiæ: & ad probationem dicitur quod substantia intellectualis non est eodem modo similitudo quomodo lumen gloriæ quod est similitudo quantum ad hoc quod ad Dei substantiam videnda producit: quia quælibet substantia creata à diuina simplicitate deficiat, impossibile est ut totam suam perfectionem habeat in eodē, sicut habet Deus: ideo aliud est in substantia intellectuali creata lumen quo diuina visione beatificatur, & aliud quodcumque lumen quo in specie suæ naturæ constituitur, & proportionaliter suam substantiam intelligit.

ADVERTENDUM, quod cum non omnis similitudo eodem modo se habeat ad diuinam substantiam, quod sanè diuersitas graduum na-

turarum demonstrat, non omnis similitudo diuinæ naturæ producit ad visionem ipsius, sed aliqua illa scilicet quæ ad hoc à Deo est instituta, ut talem visionem per modum dispositionis intellectui creato superuenienti efficiat: ideo non valet, substantia intellectualis est similitudo diuinæ substantiæ, ergo & ipsa sufficit ad visionem diuinam: quia non sufficit quæcumque similitudo ad hoc, sed quidam determinatus modus similitudinis, scilicet ut sit ex sua ratione naturalis dispositio ad diuinam essentiam per modum formæ intelligibilis recipiendam: qui sanè modus nulli substantiæ intellectuali creatæ conuenire naturaliter potest. Ex hac responsione patet responsio ad obiectionem factam in præcedenti capitulo contra primam rationem. Quarta obiectio est: Lumen illud est creatum, ergo poterit ipsum intellectus creatus esse, qui Deum suo connaturali lumine videbit. probatur consequentia, quia nihil prohibet quod est creatum, alicui rei creatæ connaturale esse. Respondetur negando consequentiæ, quia quum visio illa omnem virtutem naturalem excedat, oportet & lumen ipsum quo intellectus creatus ad talem visionem perficitur esse supernaturale. ex eo patet assumptum ad probationem consequentiæ falsum esse.

AD euidentiam huius responsionis considerandum ex doctrina sancti Thomæ 4. dist. 49. q. 2. artic. 6. & de Veri. q. 8. artic. 3. quod cum ad visionem diuinæ essentia requiratur ut ipsa vniatur per modum formæ intelligibilis intellectui, & quia ipsa excedit capacitatem intellectus creati, ut ponatur lumen gloriæ eleuans ipsum per modum dispositionis, ad hoc ut sit talis formæ capax, sicut ipsa forma est supernaturalis, ita oportet ipsum lumen esse supernaturale, quia vltima dispositio ad formam & forma, sunt vnius ordinis quo ad naturalitatem & supernaturalitatem: quoniam si forma est naturalis, & dispositio naturalis esse oportet, si autem forma est supernaturalis, oportet & dispositionem esse supernaturalem: ideo licet lumen gloriæ possit communicari intellectui creato, non tamen potest illi sic communicari ut sit sibi connaturale. Vnde inquit S. Thom. 1. parte, quæst. 12. artic. 5. ad vltimum, quod non posset esse naturale creaturæ, nisi creatura esset naturæ diuinæ: quod est impossibile, sicut dispositio vltima ad formam ignis non potest esse naturalis, nisi habenti formam ignis. Vnde falsum est quod omne creatum possit alicui rei creatæ esse connaturale. sunt enim multæ formæ creatæ, ut gratia, charitas, & huiusmodi, quæ ex nullius creaturæ principiis innasci possunt, & per consequens nulli possunt creaturæ connaturales esse. Ex hoc patet responsio ad argumentum Scoti arguentis, quod si per lumen gloriæ intellectus sit sufficiens ad videndum Deum, possibile erit per aliquam formam creatam naturaliter videre Deum, quia & cæcus supernaturaliter illuminatus naturaliter videt. patet enim quod consequentia nulla est, nec est simile de cæco supernaturaliter illuminato, & de habente supernaturaliter lumen gloriæ, quia vis visua est naturalis forma, quæ scilicet homini secundum suam rationem est connaturalis, licet in hoc homine sit supernaturaliter causata: lumen verò gloriæ est forma supernaturalis: quod autem conuenit alicui ex forma supernaturali, non dicitur illi absolute naturaliter conuenire, licet possit dici aliquo modo sibi naturale, in quantum talem habet formam, siue ut tali formæ substantiat, sicut aquæ calidæ in quantum calida est, naturale est calefacere, licet ex ipso calore non habeat aqua ut virtute propriæ naturæ calefaciat. Diceretur, quod licet lumen gloriæ per essentiam non possit esse forma naturalis rei creatæ, cum sit proprium Deo, lumen tamen gloriæ per participationem quod est lumen creatum nihil prohibet esse alicui creaturæ connaturale. Respondetur, quod neque per essentiam sumptum, neque per participationem potest lumen huiusmodi esse connaturale creaturæ. cum enim secundum suam rationem habeat quod sit vltima dispositio ad essentiam diuinam per modum formæ suscipiendam, in quocumque gradu etiam infimo consideretur, non potest esse connaturalis, nisi ei cui diuina essentia est connaturalis forma, cum, ut dictum est, forma & dispositio sint vnius ordinis quo ad naturalitatem, sicut & vltima dispositio quantumcumque minima ad animam non potest esse naturalis, nisi cui naturalis forma est ipsa anima.

Quinta obiectio est: Deus est infinitus: ergo per lumen prædictum videri non potest patet consequentia, quia infinitum, in quantum huiusmodi, est ignotum. Respondetur, quod licet infinitum priuatiue, sicut quantitas, sit ignotum, quia caret forma quæ est principium cognitionis, infinitum tamen negatiue, quod est forma per se subsistens, non limitata per materiam, quomodo Deus, qui est infinitus, est secundum se maxime cognoscibile. De materia huius responsionis satis dictum est in præcedentibus. Sexta obiectio est, Non est aliqua proportio intellectus creati perfecti etiam lumine gloriæ ad substantiam diuinam, cum adhuc remaneat distantia infinita. ergo, &c. patet consequentia, quia oportet esse proportionem intelligentis ad rem intellectam. Ista obiectio differt à secunda, quia ibi arguebatur ex distantia luminis gloriæ à Deo. hic autem arguitur ex distantia intellectus perfecti tali lumine ad Deum, & ex inproportionem ex tali distantia proueniente. Respondetur quod non est quidem inter intellectum creatum & Deum proportio, secundum aliquam commensurationem, ita scilicet quod vnum alterum mensuret modo quantitatis secundum proportionem dupli aut tripli, aut huiusmodi: est tamen inter illa proportio, secundum quod proportio quamcunque habitudinem vnius ad alterum, vel materiæ ad formam, vel causæ ad effectum significat, supple, talis autem proportio sufficit ad visionem Dei.

AD euidentiam huius responsionis considerandum est, quod lumen gloriæ dupliciter considerari potest. Vno modo in quantum est accedens creatum informans intellectum secundum aliquod esse naturale sibi. Alio modo, in quantum est dispositio vltima ad susceptionem diuinæ essentia per modum formæ intelligibilis. Primo modo esse longè alterius ordinis quam sit diuina essentia, cum sit entitas non solum diuina natura, sed etiā omni substantia inferior. Secundo modo est eiusdem ordinis cum diuina natura, utpote dispositio vltima ad ipsam, sicut dispositio ad formam substantiam, in quantum quidem entitas habens esse accidentale, non est eiusdem ordinis cum ipsa forma: in quantum tamen vltima dispositio ad ipsam est eiusdem ordinis: sese enim inseparabiliter concomitantur. nam posita tali dispositione in materia, necesse est poni formam: & posita forma necesse est ipsam dispositionem poni, non enim inconuenit, aliquid in quantum est talis entitas esse vnius ordinis in quantum verò ad aliud respicit, alterius ordinis esse, sicut visio diuinæ essentia in quantum est actus intellectus, & entitas finita, non habet rationem summi



boni in quantum tamen est vno quædam ad summum bonum, & affectio eius, habet summi boni rationem. Lumen ergo gloriæ in quantum est vltima dispositio ad susceptionem diuinæ essentia, est eiusdem ordinis cum ipsa, & ad eundem essendi modum pertinet, licet in quantum hæc entitas accidentalis sit inferioris ordinis, & ideo dum intellectum ad tam sublimem formam disponit, ipsum ad diuinum ordinem eleuat, & facit proportionatum diuinæ naturæ, ea proportionem quæ requiritur inter cognoscens & cognitum, ad quam nihil aliud requiritur, quam vt intellectus sit natus recipere intelligibile per modum formæ in esse intelligibili, & ipsum intelligibile sit natum in ipso taliter recipi. Propter hoc inquit sanctus Thomas in locis præallegatis, quod per lumen gloriæ rationalis creatura efficitur Deiformis, iuxta illud 1. Ioan. 3. Quum apparuerit, similes ei erimus; in quantum videlicet habet formam ad diuinum ordinem pertinentem. Nec obstat quod diuinæ essentia est suum esse, non autem lumen gloriæ, quia licet quæ pertinent ad eundem ordinem per modum formatum principalium, eodem modo se habeant ad suum esse, & habeant esse proprium eiusdem rationis, non tamen quæ pertinent ad eundem ordinem, vnum per modum formæ principalis, alterum per modum dispositionis ad formam, oportet habere esse proprium eiusdem rationis, sed sufficit ordo & proportio inter illa dispositionis & formæ, quia dispositio non dicitur illius ordinis ex esse proprio, sed ex ordine ad formam illius ordinis: sicut formæ substantiales vnius ordinis habent eodem modo esse: vltima autem dispositio ad formam substantialem, non habet eodem modo esse quantum ad proprium suum esse, quum esse accidentale habeat. non enim dicitur eiusdem ordinis & pertinere ad eundem modum essendi cum forma substantiali, quia habeat esse & modum essendi eiusdem rationis cum ipsa, sed quia vltimate disponit ad formam talem modum essendi habentem. Ex hac responsione sancti Thomæ patet solutio ad argumentum Durandi arguentis, quod lumen gloriæ non reddit intellectum de proportionato proportionatum, quia obiectum excedit in infinitum intellectum etiam cum lumine gloriæ. Patet enim ex dictis quod ista distantia infinita non tollit quin intellectus sit proportionatus obiecto per modum intelligentis ad intellectum. licet enim lumen gloriæ non remoueat distantiam infinitam quæ est inter intellectum creatum & diuinam essentiam, remouet tamen proportionem quæ erat inter illa; & hoc sufficit ad hoc vt per ipsum intellectus creatus fiat potens ipsam intelligere: quia distantia sola secundum esse naturæ, non impedit cognitionem, sed improprio obiecti ad potentiam: quod contingit quando obiectum est supra ordinem obiecti proportionati potentia, & ab ea perfecte cognoscibilis.

PRÆTER hæc obiectiones sunt rationes Scoti tertio Sent. dist. 14. q. 2. & quarto Sent. dist. 49. q. 11. contra prædictam conclusionem: quæ quidem licet ex prædictis facile possint solui, vt tamen clarior earum sit solutio, adducendæ sunt. Arguitur igitur primo sic: Lumen gloriæ requiritur ad diuinam visionem, aut vt per ipsum intellectus sit susceptius visionis, aut vt sit actius. Non primum, tum quia nullo modo per habitum suscipitur actus, tum quia susceptium ordinatum ad multas formas maxime ordinatur ad perfectissimam: beatitudo autem est perfectissima formarum ad quas ordinatur anima humana, ergo anima maxime ad illam ordinatur: ergo eam immediate recipit. Non etiam secundum, quia nec propter obiectum, quia quod sit in se maxime intelligibile, per se sufficit, & etiam quia illud esset species obiecti quam non ponit: nec propter potentiam, tum quia ipse intellectus forte meretur passiuè ibi se habet: tum quia habitus non est simpliciter principium agendi, sed sic agendi, ergo, &c. Secundo, in anima est potentia passiuæ naturaliter receptiua beatitudinis: ergo sibi respondet aliqua potentia actiua naturalis, ergo non requiritur supernaturale lumen. Tertiò, lumen gloriæ, sicut & quodcumque accidens, est imperfectius quam sit natura intellectualis. ergo poterit esse aliqua natura intellectualis, quæ ex puris naturalibus Deum videbit: probatur confessione, quia perfectio inferior potest vnité contineri in perfectione superiori. Quarto, quicquid potest Deum mediante causa secunda effectiua, potest sine illa, sed lumen gloriæ ponitur vt efficiat visionem, ergo, &c.

Ad primum dicitur primo, quod non requiritur lumen gloriæ ad hoc vt intellectus sit visionis susceptius, sed bene ad hoc vt sit susceptius essentia diuinæ per modum formæ intelligibilis, vt superius paruit. Vnde prima probatio quæ probat quod non requiritur propter suscipiendam visionem, non est contra mentem sancti Thomæ. Ad secundam in quantum per ipsam concludi posset quod non requiritur propter suscipiendam diuinam essentiam, negatur consequentia, quia mutatur modus maioritatis in modum immediationis, non enim sequitur si anima maxime ordinatur ad diuinam essentiam suscipiendam, quod illam absque media dispositione recipiat. Dicitur secundo, quod requiritur lumen gloriæ etiam ad eliciendum actum visionis, non quidem propter obiectum, quasi ipsum non sit sufficiens intelligibile, sed in quantum virtus intellectus per ipsum fortificatur modo superius dicto, sine quo non posset concurrere eum obiecto ad talem visionem eliciendam. Nec tamen hoc dicimus quasi tale lumen & intellectus sint duo partialia agentia huius visionis, vt obicit Durandus, sed quia lumen ipsum est intellectui ratio agendi per modum fortificantis virtutem ad id quod absque ipso non posset: & ad hunc sensum intelligitur dictum sancti Thomæ in Quoli. 7. art. 1. vbi ait quod lumen gloriæ facit hoc respectu diuinæ essentia in intellectu, quod facit respectu aliorum intelligibilium, quæ non sunt lux, tantum species rei intellectæ simul & lumen, nam cum species intelligibilis duo habeat, scilicet & quod perficit intellectum, & quod facit intellectum esse vnum cum intelligibili (nam intellectus informatur specie intelligibili, qui dicitur intellectus in actu, est idem cum intellectu in actu) lumen gloriæ facit id quod facit species intelligibilis, non quidem quantum ad secundum, sed quantum ad primum, perficit enim adeo intellectum ad videndum Deum, quod non indiget alia similitudine creata; sed intellectus est per ipsum lumen factus efficax ad eliciendam visionem Dei simul cum ipsa diuinæ essentia sibi per seipsum vnita. Ad primam probationem in oppositum negatur, quod intellectus se habeat merè passiuè ad hanc visionem, imò sicut dum specie intelligibili naturali informatur concurrat actiue ad intellectionem eius quod sibi per speciem repræsentatur, ita dum informatur essentia diuinæ mediante lumine gloriæ, ad visionem ipsius essentia concurrat actiue. Ad secundam negatur quod habitus siue disposi-

tio superueniens potentia intellectus non sit principium simpliciter agendi respectu alicuius determinatæ operationis. constat enim quod species intelligibilis lapidis est intellectui ratio simpliciter intelligendi lapidem, sic etiam & lumen gloriæ fortificat intellectum, vt possit in diuinam visionem, in quam nullo modo propria virtute potest. Ad secundum negatur antecedens. Licet enim in anima sit capacitas recipiendi diuinam visionem, in quantum est natura intellectualis: non est tamen capacitas receptiua illius ab agente naturali dumtaxat, sed est receptiua illius occurrente diuina natura vnité seipsam intellectui, vt formam intelligibilem, & eleuante intellectum, vt possit illam visionem elicere, & sic magis dicitur potentia passiuæ obediens quàm naturalis. Ad tertium dicitur, quod lumen gloriæ licet in quantum accidet creatum sit imperfectius substantia intellectuali: in quantum tamen ad ordinem diuinum pertinet tãquam dispositio vltima ad essentiam diuinam in esse intelligibili est perfectius quacumque substantia intelligibili creata, ideo non potest vnité in substantia creata contineri. Nam vt ex superioribus patet, naturalis proprietates naturæ superioris quâuis sit accidens, non potest communicari naturæ inferiori, vt illud naturaliter habeat, nisi in naturam superiore transferatur, quia vt proprietates superioris naturæ ad ordinem superiore pertinet. Ad quartum dicitur, quod Deus potest quidem sine causa media effectiua producere omnem actionem quam mediante alia causa producit, non tamen potest sine illa causa producere, ita quod dicatur illa secunda causa per illam operationem operari, sic enim conceditur quod Deus illam entitatem quæ est visio diuinæ essentia, potest per se absque lumine gloriæ, & etiam absque intellectu creato producere, non tamen potest sic eam producere, quod intellectus per eam videat diuinam essentiam, nisi concurrat intellectus ipse creatus ad producendam visionem sufficienter dispositus, & eleuatus per lumen gloriæ ad ipsam diuinam formam suscipiendam & ad eliciendam talem visionem. Aduertendum autem quod nunc per ecclesiam in Clemenina, Ad nostrum, de Hereticis damnatis dicentes, quod anima non indiget lumine gloriæ eleuante ipsam ad videndum Deum: nec videlicet glossa Aureoli dicitis, quod lumen gloriæ ibi intelligitur actus secundus supernaturalis, non autem aliquid per modum habitus se habens. Constat enim quod ecclesia voluit determinare id quod inter Theologos de lumine gloriæ vertebatur in dubium. Manifestum est quod Theologi loquebantur de tali lumine tantum de aliqua dispositione ad videndam diuinam essentiam requisita, & non de actu secundo supernaturali. oportet ergo & determinationem ecclesiæ ad hunc sensum accipere. Item ipsa verba textus huic expositioni repugnant: damnatur enim positio dicens, quod anima non indiget lumine gloriæ eleuante ipsam ad videndum Deum. Considerandum postremo ex doct. S. Thom. de Veri. q. 13. art. 2. & q. 20. art. 2. Item 2. 2. q. 185. art. 3. ad secundum, quod lumen gloriæ dupliciter potest haberi, vno modo per modum formæ connaturalis factæ & permanentis: voco connaturaliter factam, non tanquam ex principiis naturæ prouenientem, sed tanquam fixam in subiecto, & per modum naturæ inclinatem, eo modo quo dicimus habitum per modum naturæ inclinare, alio modo per modum passionis transeuntis. Primo modo illustratur beati lumine gloriæ in patria. Secundo modo illustrati sunt aliqui qui in hac vita existentes diuinam essentiam viderunt, vt de Moyse, & Paulo tenet Augustinus, nullo autem modo aliquis videre potest diuinam essentiam, nisi altero illorum modorum lumine gloriæ fuerit illustratus. Quod autem inquit S. Thomas in 4. Sent. dist. 49. q. 2. art. 6. & de Veri. q. 10. art. 11. quoniam miraculose fieri potest diuina virtute, vt aliquis intellectus creatus non habens nisi dispositiones viæ eleuetur ad videndum Deum per essentiam, intelligendum est per exclusionem formæ supernaturalis se habentis per modum formæ connaturalis & permanentis, non autem dispositionis se habentis per modum passionis transeuntis. intellectus enim creatus potest miraculose Deum videre, quamuis lumen gloriæ per modum formæ permanentis non habeat: non autem potest Deum videre si non habeat dispositionem per modum passionis transeuntis aduenientem. Sunt alia quædam obiectiones Aureoli, à Capreolo in quarto Sent. dist. 49. q. 4. recitata: sed quia non sunt directe contra mentem S. Thomæ & ex præcedentibus earum solutio patet, relinquuntur ad præsens.

*Quod intellectus creatus non comprehendit diuinam essentiam.*

Cap. 55.



VIA verò cuiuslibet actionis modus sequitur efficaciam actiui principij (magis enim calefacit, cuius calor virtuosior est) oportet quod etiam modus cognitionis sequatur efficaciam principij cognoscendi, lumen au-

tem prædictum est quoddam diuinæ cognitionis principium, cum per ipsum eleuetur intellectus creatus ad diuinam substantiam videndam. oportet igitur quod modus diuinæ visionis commensuretur virtuti prædicti luminis. lumē autem prædictum multum deficit in virtute à claritate diuini intellectus: quum claritas diuini intellectus sit infinita, lumen autem istud finitum: quia recipitur in substantia finita. Impossibile est igitur quod per huiusmodi lumen ita perfecte diuina substantia videatur, sicut eam videt intellectus diuinus. Intellectus autem diuinus substantiam illam videt ita perfecte, sicut perfecte visibilis est. Veritas enim diuinæ substantia, & claritas intellectus diuini sunt æqualia: imò magis sunt vnum. impossibile est igitur quod intellectus creatus per lumen prædictum videant diuinam substantiam ita perfecte sicut perfecte est

Idem p. p. q. 12. art. 7. & 1. 2. q. 4. art. 3. & 4. Sen. d. 49.

D. 366.



est visibilis. Omne autem quod comprehenditur ab aliquo cognoscente, cognoscitur ab eo ita perfecte sicut cognoscibile est. qui enim nouit quod triangulus habet tres angulos æquales duobus rectis, quasi opinabile quoddam probabilitate, quia sic à sapientibus dicitur, nondum hoc comprehendit: sed solum ille qui nouit hoc quasi quoddam scibile per medium quod est causa: impossibile est igitur quod intellectus creatus diuinam substantiam comprehendat.

2 Adhuc, virtus finita non potest adæquare in sua operatione obiectum infinitum. substantia autē diuina quoddam infinitum est per comparisonem ad omnem intellectum creatum: quum omnis intellectus creatus sub certa specie terminetur. impossibile est igitur quod visio alicuius intellectus creati adæquet in videndo diuinam substantiam: scilicet ita perfecte ipsam videndo, sicut visibilis est. nullus igitur intellectus creatus ipsam comprehendere poterit.

3 Amplius, omne agens intantum perfecte agit, in quantum perfecte participat formam quæ est operationis principium: forma autē intelligibilis qua diuina substantia videtur, est ipsa diuina essentia: quæ etsi fiat forma intellectus creati, non tamē intellectus creatus capit ipsam secundum totum posse: nō igitur ita perfecte ipsam videt sicut ipsa visibilis est: non ergo comprehenditur ab intellectu creato.

4 Item, nullum cōprehensum excedit terminos comprehendentis. si igitur intellectus creatus diuinam substantiam comprehenderet, diuina substantia non excederet limites intellectus creati, quod est impossibile: impossibile est igitur quod intellectus creatus diuinam substantiam comprehendat. Non autem sic dicitur quod diuina substantia ab intellectu creato videtur: non tamen comprehenditur, quasi aliquid eius videatur, & aliquid nō videatur: quum diuina substantia sit simplex omnino: sed quia non ita perfecte ab intellectu creato videtur, sicut visibilis est: per quem modum dicitur opinans conclusionem demonstrationem cognoscere, sed non comprehendere: quia non perfecte ipsam cognoscit, scilicet per modum scientiæ: licet nulla pars eius sit quam non cognoscat.

Super Cap. 55.

**P**OST QUAM declarauit S. Thom. condiciones beatitudinis ex parte intellectus se tenentes, vult consequenter de conditionibus eius se tenentibus ex parte obiecti cogniti determinare: & ponit duas conclusiones: quarum prima est ista: Impossibile est quod intellectus creatus diuinam essentiam comprehendat. Hanc autem conclusionem primò probat, secundò declarat. Quantum ad primū arguit sic. Primò, Impossibile est quod intellectus creatus videat diuinā substantiam ita perfecte, sicut perfecte visibilis est. ergo impossibile est quod ipsam cōprehendat. probatur antecedens. Modus diuine visionis commensuratur virtuti luminis gloriæ, quum sit quoddam diuine cognitioni principium. cuiuslibet autē actionis modus sequetur efficaciam principij actiui: sed ipsum lumen deficit à virtute & claritate diuini intellectus, cum illa sit infinita, & lumen finitum. ergo per ipsum non ita perfecte videtur diuina substantia sicut eam videt intellectus diuinus: intellectus autem diuinus illam ita perfecte videt, sicut perfecte visibilis est, cum veritas diuine substantiæ & claritas diuini intellectus sint æqualia, imò sit vnum, ergo, &c. consequentia verò probatur, quia omne quod comprehenditur ab aliquo cognoscente, cognoscitur ita perfecte sicut cognoscibile est, declaratur ex cognitione quæ habetur de triangulo.

ADVERTENDVM quod propositio hic assumpta, scilicet Cuiuslibet actionis modus sequitur efficaciam principij actiui, in proposito intelligitur non de efficacia principij formalis actuantis potentiam, quæ aliquo modo est actiua, sicut est virtus cognoscitiua, quia de hoc alia formabitur ratio, sed de efficacia principij se tenentis ex parte potētiæ actualis per formam. sic enim lumen gloriæ se habet ad diuinam visionem, in quantum enim eleuat intellectum ad ipsam cognitionem, & disponit ipsam ad susceptionem diuine essentiae per modum speciei intelligibilis, ex parte potētiæ intellectiue se tenet, & secundum eius mensuram est efficacia intellectus ad intelligendum, & modus diuine visionis, quia non solum ex efficacia formæ, sed etiam ex efficacia potētiæ intellectiue oportet operationem modificari. Secundò, Substantia diuina quoddam infinitum est per comparisonem ad omnem intellectum creatum, id est in ratione obiecti intelligibilis, ergo nullus intellectus creati visio potest adæquare diuinam substantiam in videndo, ita scilicet perfecte eam videndo, sicut visibilis est, ergo, &c. probatur antecedens, quia virtus finita, cuiusmodi est intellectus creatus, qui sub certa specie determinatur, non potest in sua operatione adæquare obiectum infinitum.

ATTENDENDVM, quum loquitur hic S. Thom. de virtute finita intellectus creati, quod non accipit virtutem naturalem duntaxat ipsius, sed ipsam ut etiam vigoratur per lumen gloriæ: quia quum lumen gloriæ in se sit virtutis finita, non potest eleuare intellectum ad hoc vt sit virtutis

infinita in intelligendo, sed semper remanet virtutis finita, & per consequens semper remanet obiecto infinite cognoscibili inæquatus, licet per tale lumen factus sit illi obiecto proportionatus, vt possit illo intelligibiliter actuari. non enim omne alteri proportionatum illi adæquatur, sicut materia prima istorum inferiorum est proportionata ad vnāquamque inferiorem formam substantialem suscipiendam: non tamen est vnique adæquata: sed dum vna non habet, remanet adhuc capax alterius formæ substantialis. Tertio, intellectus creatus diuinam essentiam quæ est forma intelligibilis qua videtur, non capit secundum totum suum posse, ergo, &c. probatur consequentia, quia omne agens intantum perfecte agit, in quantum perfecte participat formam quæ est actionis principium.

AD euidentiam antecedentis considerandum est ex doctrina sancti Thomæ de Verit. quæst. 3. art. 2. ad 3. & 4. Sent. dist. 49. quæst. 2. artic. 3. ad 6. quod aliter loquendum est de diuina essentia secundum se considerata, & aliter de ipsa secundum quod intellectui vnitur. Si enim secundum se consideretur, tunc ipsa nata est de se perfectam notitiā causare, quia non modo est sibi maxime similis, sed est etiam eadem, & secundum se est forma intelligibilis in actu. Sed si consideretur secundum quod intellectui vnitur, sic secundum modum vnionis facit etiam sui cognitionem, quia tunc consideratur intellectio vt operatio non ipsius tantum, sed vt compositi ex intellectu & ipsa in esse intelligibili. Si enim secundum totum suum posse vnitur intellectui, sicut vnitur intellectui diuino, qui est infinitæ virtutis, & est illi maxime proportionatus per lumen increatum & infinitum, sic facit de se totalem & completam notitiā, ita quod tantum cognoscitur quantum cognoscibilis est. si autem non vnitur intellectui secundum totum suum posse, non facit de se completam & omnimodam cognitionem. sic autem se habet ad omnem intellectum creatum. Nam quum sit forma subsistens, alium modum habet in quantum est quædam res subsistens, & alium secundum quod est actus talis subiecti, quod non conuenit formæ accidentali quæ non habet alium modum in se à modo quem habet in suo subiecto: hic autem modus eius secundum quod est actus intellectus, est secundum quod intellectus pertingit ad hoc vt per ipsam perficiatur. non perficitur autem nisi mediante lumine creato & finito, ideo non potest illi secundum totum suum posse, quod est infinitum, vniri: & per consequens non potest per ipsam eam intelligere modo infinito quo cognoscibilis est, sed secundum maiorem aut minorem participationem dicti luminis sibi magis aut minus vnitur, & perfectius aut imperfectius videtur.

ADVERTENDVM quoque quod hæc ratio differt à prima, quia prima procedebat ex efficacia principij productiui se tenentis ex parte potētiæ secundum se. hæc autem procedit ex participatione formæ, quæ est principium formale operationis. Quarto, tunc diuina substantia non excederet limites intellectus creati, quia nullum comprehendens excedit limites comprehendentis, siue inquam in comprehensione quātitatis dimensionis, siue in comprehensione quantitatis virtualis. hoc autem est impossibile ergo, &c. Quantum ad secundum declarat S. Thom. conclusio nem, inquiens, quod non sic intelligitur diuinam substantiam non comprehendit ab intellectu creato, quasi aliquid eius videatur, & aliquid non videatur, sed quia non ita perfecte videtur, sicut visibilis est: quo modo dicitur aliquis non comprehendere conclusionem demonstrationem, de qua opinionem tantum habet, quia non perfecte eam cognoscit, scilicet per scientiam: licet nulla pars eius sit quam non cognoscat.

AD euidentiam huius declarationis considerandum est ex doctrina S. Thom. in locis præallegatis, & 1. parte, q. 12. art. 7. ad tertium, quod quum diuina essentia sit omnino simplex, nihilque in ipsa sit diuersitatis, non potest à beatis videri quin tota videatur, vt etiam dicitur, neque etiam potest esse aliquis modus realis in ipsa, qui beatorum lateat: ideo quum dicitur quod non vnitur intellectui creato secundum totum suum posse, siue secundum omnem suum modum: & quod non cognoscitur perfecte, sicut cognoscibilis est: non sensus est quod modus aliquis realis diuine essentiae sit qui intellectui non vnitur, & quod sit aliquis modus Dei qui non videatur, propter quem dicitur imperfecte à nobis cognosci: imò videns Deum, videt omnem eius modum, & videt quod infinitè existit, & quod est infinitè cognoscibilis: sed sic intelligitur, quod intellectus creatus non attingit modum diuine essentiae ad plenum, dum actuatur per ipsam in esse intelligibili, sed actuatur inferiori modo quam ipsa nata sit secundum se actuare, quia actuatur secundum dispositionem luminis creati existentis in ipso intellectu imperfecte. vnde secundum quidem totum suum posse, & secundum omnem suum modum materialiter, siue quantum ad entitatem ipsius posse, & quantum ad entitatem sui modi sumptum vnitur intellectui beatorum, cum suum posse, & suus modus sit sua essentia: sed non vnitur formaliter secundum totum suum posse, & secundum omnem suum modum, quia non vnitur secundum omnem habitudinem quæ importatur nomine posse, & nomine modi suæ intellectualitatis. secundum enim se potest facere intellectionem infinitam: non vnitur autem intellectui creato secundum habitudinem ad intellectionem infinitam, sed secundum habitudinem ad intellectionem finitam: & ex hoc provenit quod modus obiecti secundum se non proportionatur modo cognoscentis, imò modus cognoscentis est longe inferior modo obiecti, quum ipsum obiectum sit infinitè cognoscibile: intellectus autem videndo Deum, eum non infinitè, sed finite intelligit, id quod ex imperfectione intellectus creati euenit, non autem ex defectu diuine naturæ. Et est simile, sicut si diceremus (vt vtamur exemplo S. Thom. in prima parte) quod aliquis probabiliter scit aliquam conclusionem esse demonstrabilem, licet ipsam demonstrationem non cognoscat, sed probabili ratione. tunc enim illam imperfectè cognoscit, non quia aliquam partem illius propositionis ignoret, aut aliquem modum cognoscibilitatis ipsius, sed quia modus ipsius in cognoscendo, est imperfectior modo cognoscibilitatis propositionis, quum ipse eam probabiliter solum cognoscat. ipsa verò non solum probabiliter, sed etiam demonstratiue sit cognoscibilis. Vnde quum dicitur quod intellectus beati non videt Deum eo modo quo cognoscibilis est, intelligitur ad hunc sensum, quod modus intellectus in intelligendo non adæquat illum modum quo Deus secundum se cognoscibilis est.

Contra Gent. D 3



*Quòd nullus intellectus creatus videndo Deum, videt omnia quæ per diuinam essentiam videri possunt.*

*Cap. 56.*



**E**X hoc autem apparet quòd intellectus creatus, etsi diuinam substantiam videat, non tamen omnia cognoscit quæ per diuinam substantiam cognosci possunt. Tunc enim solùm necesse est quòd cognito aliquo principio omnes eius effectus cognoscantur per ipsum, quādo principium comprehenditur intellectu: sic enim principium aliquod secundum suam totam virtutem cognoscitur, quando omnes eius effectus cognoscuntur qui causantur ex ipso. per diuinam autem essentiam alia cognoscuntur sicut cognoscitur effectus ex causa. quū igitur intellectus creatus non possit<sup>d</sup> diuinam substantiam cognoscere sic quòd ipsam comprehendat: non est necessarium quòd videndo ipsam, omnia videat quæ per ipsam cognosci possunt.

**2.** Item, quantò aliquis intellectus est altior, tantò plura cognoscit vel secundum rerum multitudinem, vel secundum earundem plures rationes: intellectus autem diuinus excedit omnem intellectum creatum: plura igitur cognoscit quàm intellectus aliquis creatus. non autem cognoscit aliquid nisi per hoc quòd suam essentiam videt, vt in 1. lib. \* est ostensum, plura igitur sunt cognoscibilia per essentiam diuinam, quàm aliquis intellectus creatus per ipsam videre possit.

\* Cap. 46.

**3.** Adhuc, quantitas virtutis attenditur secundum ea in quæ potest: idem igitur est cognoscere omnia in quæ potest aliqua virtus, & ipsam virtutem comprehendere. diuinam autem virtutem, quum sit infinita, non potest aliquis creatus intellectus comprehendere, sicut nec essentiam eius, vt \* probatum est, neque igitur intellectus creatus potest cognoscere omnia in quæ diuina virtus potest. omnia autem in quæ diuina virtus potest, sunt per essentiam diuinam cognoscibilia. omnia enim cognoscit Deus, & non nisi per essentiam suam. non igitur intellectus creatus videns diuinam substantiam, videt omnia quæ in Dei substantia videri possunt.

\* Cap. 55.

**4.** Amplius, nulla virtus cognoscitiua cognoscit re aliquam, nisi secundum rationem proprii obiecti. non enim visu cognoscimus aliquid nisi in quantum est coloratum. proprium autem obiectum intellectus est quod quid est, id est, substantia rei, vt dicitur in tertio de Anima \*. igitur quicquid intellectus de aliqua re cognoscit, cognoscit per cognitionem substantiæ illius rei. vnde in qualibet demonstratione per quam innotescunt nobis propria accidentia, principium accipimus quod quid est, vt dicitur in libro Posteriorum. Si autem substantiam alicuius rei intellectus cognoscat per accidentia, sicut dicitur in primo de Anima \*, quòd accidentia magnam partem conferunt ad cognoscendum quod quid est: hoc est per accidens, in quantum cognitio intellectus oritur à sensu: & sic per sensibilia accidentium cognitionem oportet ad substantiæ intellectum peruenire: propter quod hoc non habet locum in mathematicis, sed in naturalibus tantum.

\* Tex. com. 9.

2. Post. tex. com. 1.

\* Tex. cō. 11.

Quicquid igitur est in re, quod non potest cognosci per cognitionem substantiæ eius, oportet esse intellectui ignotum. quid autem velit aliquis volens non potest cognosci per cognitionem substantiæ ipsius. Nam voluntas non tendit in sua volita omnino naturaliter: propter quod voluntas & natura duo principia actiua ponuntur. Non potest igitur aliquis intellectus cognoscere quid volens velit, nisi fortè per aliquos effectus: sicut quum videmus aliquem voluntariè operantem, scimus quid voluerit. Aut per causam: sicut Deus voluntates nostras sic. & alios suos effectus cognoscit per hoc quòd est nobis causa volendi. Aut per hoc quòd aliquis alteri suam volutatem insinuat: vt cum aliquis suum effectum loquendo exprimit. Cum igitur multa ex simplici Dei voluntate dependeant,

2. lib. c. 27. vt partim ex superioribus patet, & adhuc erit amplius ma-

nifestum: intellectus creatus etsi Dei substantiam videat, non tamè omnia cognoscit quæ Deus per suam essentiam videt. Potest autem aliquis cōtra prædicta obicere quòd Dei substantia est aliquid maius quàm omnia quæ ipse facere, vel intelligere, vel velle potest præter seipsum. vnde si intellectus creatus Dei substantiam videt, potest, multò magis possibile est quòd omnia cognoscat quæ Deus per seipsum vel intelligit, vel vult, vel facere potest. Sed si diligenter consideretur, non est eiusdem rationis aliquid cognosci in seipso, & in sua causa. quædam enim in seipsis de facili cognoscibilia sunt, quæ tamen in suis causis non de facili cognoscuntur. verum est igitur quòd maius est intelligere diuinam substantiam, quàm quicquid aliud præter ipsam quod in seipso cognosci potest. perfectioris autem cognitionis est cognoscere diuinam substantiam, & in ea eius effectus videre, quàm cognoscere diuinam substantiam sine hoc quòd videatur effectus in ipsa. Et hoc quidem quòd diuina substantia videatur absque comprehensione ipsius, fieri potest: quòd autem omnia per ipsam intelligi possint & cognoscantur, hoc absque comprehensione non potest accidere, vt ex prædictis apparet.

*Super Cap. 56.*



**S**ECVNDA conclusio est: Intellectus creatus etsi diuinam substantiam videat, non tamen omnia cognoscit quæ per diuinam substantiam cognosci possunt. Circa hanc autem duo facit S. Thom. primò eam probat, secundò remouet quoddam dubium. Probatur primò sic. Per diuinam essentiam alia cognoscuntur, sicut cognoscitur effectus ex causa. ergo non est necessarium quòd intellectus creatus videndo ipsam omnia videat quæ per ipsam videri possunt, probatur consequentia, quia tunc solū necesse est vt cognito aliquo principio omnes eius effectus per ipsum cognoscantur, quando principium comprehenditur intellectu, quia tunc cognoscitur secundum totam suam virtutem, intellectus autem creatus comprehendere non potest diuinam essentiam.

**A**D euidentiam antecedentis duo sunt attendenda. vnum est, quòd licet essentia diuina sit intellectui creato videndi Deum medium cognoscendi per modum speciei intelligibilis, non tamen solū illo modo est medium intelligendi creaturas, sed etiam sic medium cognitum in quo alterum cognoscitur, quia beati videntes diuinam essentiam, aliquos Dei effectus cognoscunt in ipsa cognita & visa, ideo dicitur in antecedente quòd per diuinam essentiam aliquid cognoscitur sicut effectus cognoscitur ex causa. effectus enim cognoscitur ex causa, quando causa cognita effectus ipse cognoscitur, non faciendo pro nunc differentiam inter cognosci in causa, & cognosci ex causa. Alterū est, quòd dupliciter possumus intelligere res alias à Deo contineri in ipso secundum hoc cognoscibile, vno modo sicut res sunt in speculo, alio modo sicut effectus est in causa: differunt autem isti duo modi, quia res per speculum representantur, in ipso distinctionem habent. alia est enim imago Sortis in speculo, & alia imago Platonis, sed effectus in causa contenti nullam habent in causa distinctionem, sed est vna virtus causæ illorum omnium productiua. Primum non potest dici de Deo si propriè loquamur, vt inquit S. Thom. de Veri. q. 8. art. 4. & q. 12. art. 6. quia res in Deo qui simplicissimus est, nullā habent distinctionem, & si aliquādo dicunt doctores diuinam essentiam esse speculum, Metaphoricè dicitur, & intelligitur quantum ad hoc tantum quòd res in ipsa videri possunt, non autem quantum ad hoc quòd in ipsa distinctionem habeant. Secundum autem conuenienter dicitur, quia Deus omnium causa est per se cognoscibilis, & omnia in ipso vnita sunt tanquam in vna simplicissima virtute contenta. Quia ergo vnum quodque sicut est in aliquo, ita in ipso cognoscitur, cum omnia contineantur in Deo sicut effectus in causa: conuenientissimè dicitur, quòd cognoscuntur per essentiam diuinā, sicut effectus cognoscitur ex causa. Neque contra hoc videtur ratio Scoti & aliorum dicentium, quòd omnia videntur in Deo sicut in speculo, quia omnia per diuinam essentiam representantur distinctè sicut per speculum. Dicitur enim quòd falsum est omnia distinctè per diuinam essentiam representari, sicut res representantur per speculum. Nam speculum representat distinctè, non tantum ex parte rei representatæ, sed etiam ex parte sui, in quantum res in ipso distinctionem habent. per essentiam autem diuinam res distinctè representantur, non quidem ex parte diuinæ essentiæ quasi in ipso distinctionem habeant, sed ex parte ipsarum rerum, in quantum nihil est in quacunque re per quod ab aliis rebus distinguitur, quod non clarissimè per diuinam essentiam representetur.

**C**IRCA hanc rationem, in quantum fundatur in hoc, quòd si intellectus videt diuinam essentiam, videret omnia cognoscibilia per ipsam, eam comprehenderet, arguitur, primò ab Aureolo & Gottefrido. Cognoscere omnia in Deo contingit & extensiuè & intensiuè: & ex primo non sequitur comprehensio, sed ex secundo, quia perfectio cognitionis attenditur per se penes intensiōem, sed cognitio omnium in diuina essentia potest esse tantum extensiuè, & non intensiuè, ergo ex omnium cognitione in Deo non necessariò inferitur comprehensio ipsius. Secundò arguitur à Scoti tertio. Sent. dic. 14. q. 2. si duo insunt vni ordine quodam, ita quòd vnum est tota ratio quare insit aliud, si videns primum non comprehendit illud cui inest, multò minus videns secundum illud comprehendit, vt patet de duabus passionibus ordinariè vni subiecto inherentes, sed Deo inest infinitas intensiua: & ista est ratio quòd omnia sint in ipso, & ad videre infinitatem intensiuam non sequitur comprehensio Dei, vt patet ergo



ergo ad videre omnia in Deo, non sequitur comprehensio Dei. Tertiò per eundem arguitur. Cognoscens unum effectum in verbo, neque effectum comprehendit, neque verbum, ut est illius causa. ergo neque quocunque effectus cognoscantur, comprehenditur verbum. ergo, &c. Contra etiam assumptum ad probationem consequentiae, scilicet quod tunc solum cognitio aliquo principio omnes eius effectus cognoscuntur per ipsum quando comprehenditur intellectu, arguit Scotus inquantum in eo implicite includitur quod cum plures effectus in causa cognoscuntur, ipsa causa perfectius cognoscitur. Primò, quia causa inquantum causa nullam perfectionem accipit a causato. Secundo, quia accepto aliquo principio ut noto in aliquo gradu, aut per ipsum eius cognitione non aucta potest aliqua conclusio cognosci, aut non: si sic, habetur propositum: si non, ergo principium in hoc gradu non est principium. Confirmatur, quia notitia quid est, non perficitur per notitiam quia est, ergo, &c.

PRO solutione primi considerandum est, quod aliter loquendum est de cognitione effectuum Dei in seipsis, & aliter de cognitione ipsorum in causa. Si enim cognoscerentur omnes huiusmodi effectus in seipsis, & non in essentia diuina: cognosceretur perfectè & comprehensivè virtus diuina extensivè tantum, quia solum cognosceretur quantum ad extensionem eius ad omnes suos effectus. cognoscere enim causam quantum ad omnem suam causalitatem ex cognitione effectuum, est ipsam perfectè cognoscere & comprehendere, quàm ad causalitatis extensionem, quod est extensivè comprehendere causam inquantum causa est: non autem est ipsam causam essentiam intensivè comprehendere, quod est cognoscere ipsam tantum quantum cognoscibilis est. Si autem cognoscantur omnes effectus Dei in essentia diuina, ita quod essentia visa sit ratio videndi: omnia in Deo extensivè cognosci est impossibile, nisi intensivè cognito Deo tantum quantum cognoscibilis est: quod absque comprehensione non est. huius autem ratio est, quia cum effectus à Deo producibiles sint secundum speciem infiniti, eo quod quacunque specie data potest perfectiorem speciem producere, & illa data aliam perfectiorem, & sic in infinitum: & oporteat ut quantum plures huiusmodi effectus in causa cognita cognoscuntur, tantò perfectius cognoscatur causa, sicut quantum plures conclusiones in vno principio cognoscuntur, tantò perfectius cognoscitur principium: necesse est ut cum cognitione effectuum diuinorum infinitorum perfectissime cognoscatur Deus, & cognoscatur tantum quantum cognoscibilis est, quod est comprehendere ipsum & perfectè cognoscere intensivè: sicut si cognita veritate vnius principij, cognoscantur in ipsa omnes conclusiones in ipso principio virtualiter contentae: ipsum principium & perfectè cognoscitur quantum cognoscibile est, & idcirco comprehenditur, & non solum simul, quod omnes conclusiones in ipso virtualiter contentae, extensivè cognoscantur in ipsa veritate principij cognita, tanquam in ratione cognoscendi: & tamen non comprehendantur siue non cognoscantur perfectè intensivè in ipso principio, cum claritas cognitionis conclusionis sit ex resolutione ad sua principia. Tunc ad primè argumentum negatur quod possint omnes effectus Dei in ipso cognito infinitè extensivè videri, & non videantur infinitè intensivè, quia sicut clara notitia conclusionis habetur per resolutionem in sua principia, quando scilicet videtur à principiis necessariò dependere, ita clara notitia effectuum habetur per resolutionem ad omnes suas causas: & ideo sicut quando in principio videtur necessitas omnium conclusionum in ipsa contentorum, ipsum principium cognoscitur quantum cognoscibile est, & sic cognoscuntur conclusiones perfectè, sicut sunt cognoscibiles: ita quando in prima causa videtur omnes effectus sui cum omnibus suis causis, videntur omnes effectus infinitè intensivè, id est, visione intensivè infinita, inquantum ipsa causa in qua cognoscuntur, cognoscitur tantum quantum cognoscibilis est, & idcirco effectus cognoscuntur per ipsam tantum quantum cognoscibiles sunt. Ad secundum dupliciter responderi potest: Primò quod maior habet veritatem duntaxat in his quae eundem modum essendi habent in tertio, non autem quando diuersum modum essendi habent: infinitas autem intensiva & effectus Dei, non habet eodem modo esse in ipso, quia infinitas formaliter inest, effectus autem virtualiter, propter quod cognita essentia cognoscitur infinitas intensiva, non autem ipsa cognita cognoscuntur omnes effectus in ipsa. Responderi secundo potest, quod infinitatem intensivam & infinitatem extensivam in Deo videri dupliciter contingit, vno modo materialiter, alio modo formaliter. Materialiter videtur, quando videtur illa entitas quae est infinitas, & sic omnes virtutes diuinam essentiam, videntur vtrunque infinitatem, quia sua infinitas nihil aliud est quàm sua essentia. formaliter autem videtur quando videtur sub ratione infinitatis, quando cognoscitur essentia diuina, ut infinitam perfectionem habens absque limitatione ad aliquem determinatum gradum essendi, & ut habens virtutem productivam effectuum infinitorum absque termino ultra quem nihil aliud produci possit. Hoc autem dupliciter cognosci contingit. Vno modo quantum ad quia est tantum: & sic omnes videntes Deum, vident infinitatem Dei tam intensivam quàm extensivam. Nam & hoc multi Philosophi ex consideratione rerum sensibilium cognoverunt. Probauerunt enim Deum esse finitè virtutis, & perfectionis infiniti. Alio modo, quantum ad distinctam cognitionem vtriusque infinitatis, & sic beati neutram infinitatem cognoscunt. cognoscere enim infinitatem intensivam Dei isto modo, est cognoscere particulariter & distinctè omnes gradus perfectionis in ipsa contentos, qui infiniti sunt, secundum quod unus ab alio distinguitur formaliter, sicut cognoscere perfectionem animae intellectus distinctè & perfectè, est cognoscere in ipsa distinctè omnes gradus essendi in ipsa vnité contentos, scilicet gradum virtutis, gradum sensitiui, & gradum intellectui. Cognoscere autem distinctè infinitatem virtutis extensivam Dei, est cognoscere omnes habitudines eius ad quoscunque effectus producendos, horum autem nullum conuenit videnti Deum, quia ex vtroque cognitionis modo sequitur comprehensio diuinæ substantiae. ex cognitione enim infinita sequitur comprehensio virtutis: ex comprehensione verò virtutis sequitur essentia comprehensio, cum virtus proportionetur essentiae. Ad argumentum ergo negatur minor quantum ad hanc partem, scilicet quod ad cognitionem infinitatis intensivam hoc secundo modo non sequatur comprehensio Dei. Si autem primo, aut secundo modo, conceditur minor, & totum argumentum, sicut enim ex cognitione infinitatis intensivæ materialiter sumptæ, aut etià formaliter sumptæ quantum ad quia est tantum, non sequitur

comprehensio Dei ita & ad cognitionem omnium effectuum in Deo per virtutem ipsius extensivam materialiter cognitam, aut etiam formaliter quantum ad quia est, non sequitur diuinam essentiam esse comprehensam. Proportionaliter ergo fumendo vtrunque infinitatem eodem modo sequitur comprehensio, & non comprehensio.

AD tertium negatur assumptum, si effectus cognoscatur quantum ad omnia quae nata sunt sibi per potentiam diuinam conuenire, quo modo refertur in Deum sicut in causam. Sic enim comprehenditur & effectus & verbum inquantum est illius causa, scilicet, proportionaliter ad ipsum effectum, quod est verbum non simpliciter, sed secundum quid comprehenditur: sicut cognoscere omnes effectus à Deo producibiles in verbo, non est absque comprehensione simpliciter ipsius verbi.

AD primum Scoti contra assumptum ad probationem consequentiae dicitur primò, quod non dicimus nos cognitionem principij accipere perfectionem à cognitione conclusionum, & similiter cognitionem causae accipere perfectionem à cognitione effectuum, sed dicimus vnam cognitionem alteram concomitari, quia quòd est perfectior cognitio causae, tantò plures effectus in ipsa cognoscuntur: & e converso quòd plures effectus in causa cognoscuntur, tantò causa perfectius cognoscitur. Dicitur secundo, quod hoc habet veritatem quando causa & principium est per se sufficiens ratio cognoscendi effectum nullo alio requisito, quo modo dicimus diuinam essentiam esse per se sufficientem rationem cognoscendi suos effectus. Tunc enim impossibile est ut in causa eodè modo cognita cognoscatur nunc plures, nunc pauciores effectus, cum idem manens idem semper faciat idem, loquendo de causa per se sufficienti: ideo cognitio plurium effectuum in causa praesupponit perfectiorem causae cognitionem, licet eam non causet. Ad secundum dicitur quod non potest per principium cognitum illo gradu aliqua conclusio de nouo cognosci, nisi aucta principij cognitione. cum enim illa conclusio non videatur in principio sic cognito à principio, signum est illam cognitionem principij non esse per se sufficientem rationem cognoscendi conclusionem. cum arguitur contra, quia tunc principium in illo gradu non esset principium. negatur consequentia de principio habituali. licet enim per illud principium sic cognitum non cognoscatur illa conclusio, in ipso tamen est unde possit per ipsum cognosci si perfectiori modo cognoscatur: de principio verò actualiter principiante & causante conceditur quod non erit principium respectu illius conclusionis. Ad tertium dicitur sicut ad primum, non enim dicimus cognitionem quid est, perfici per cognitionem quia est, sed bene dicimus non posse esse perfectiorem cognitionem quia est, per cognitionem quid est, tanquam per causam sufficientem & praecisam, nisi praesupposita cognitione quid est, perfectiori. Secundo: Intellectus diuinus excedit omnem intellectum creatum. ergo plura cognoscit quàm intellectus creatus possit cognoscere. ergo plura per essentiam diuinam cognoscit quàm intellectus creatus videre per ipsam possit. probatur prima consequentia, quia intellectus diuinus excedit omnem intellectum creatum, quantum autem intellectus est altior, tantò plures res cognoscit, aut plures rerum rationes. Secunda verò probatur, quia Deus non cognoscit aliquid, nisi per hoc quod essentiam suam videt.

CIRCA probationem primae consequentiae aduertendum est, quod sub distinctione dixit sanctus Thom. altiorum intellectum plures res, aut plures rerum rationes cognoscere, quia non est simpliciter necessarium quod intellectus altior plures res cognoscat. omnes enim substantiae separatae easdem res cognoscunt naturali cognitione, & tamen vna est altior altera, sed sufficit quod aut plures res cognoscat, aut plures rationes, id est, plura intelligibilia, & plura praedicata de eisdem rebus. Tertiò: Diuinam virtutem nullus intellectus creatus comprehendere potest: ergo neque omnia potest cognoscere in quae diuina virtus potest: sed omnia in quae diuina virtus videns diuinam substantiam, non videt omnia quae in Dei substantia videri possunt. probatur antecedens, tum quia virtus diuina est infinita, tum ex comparatione ad essentiam diuinam. prima verò consequentia probatur, quia ex opposito consequens infertur oppositum antecedens. cognoscere enim omnia in quae aliqua virtus potest, infertur comprehendere ipsam virtutem.

AD VERTE ex conclusione huius rationis, quod pro eodem accipit S. Thom. intellectum creatum cognoscere omnia quae per diuinam substantiam cognosci possunt, id quod in principio capituli propositum est, & ipsum cognoscere omnia quae in Dei substantia cognosci possunt, quod hic concluditur. ut enim dictum est superius, videntes Deum per essentiam vident aliqua per ipsam essentiam non modò tanquam, per speciem intelligibilem, sed etiam tanquam per aliquid cognitum in quo alia videntur. Et sic videre per substantiam diuinam, & videre in diuina substantia, pro eodem accipiuntur. Quartò: Intellectus videns Deum non cognoscit ea quae ex simplici eius voluntate dependent: ergo non cognoscit omnia quae Deus per suam essentiam videt: consequentia relinquatur nota ex eo quod constat Deum illa ipsa cognoscere per essentiam suam, quae ex Dei voluntate dependent. antecedens verò probatur sic. Propriè obiectum intellectus est quod quid est, id est, substantia rei, ut dicitur tertio de Anima. ergo quicquid intellectus de aliqua re cognoscit, per cognitionem substantiae illius rei cognoscit. ergo quod non potest cognosci per cognitionem substantiae rei, oportet quod intellectui sit ignotum, sed quid aliquis velit, non potest cognosci per cognitionem substantiae ipsius, cum non feratur in volita omnino naturaliter. ergo quid aliquis velit, non potest aliquis intellectus cognoscere, nisi forte per aliquos effectus, aut per causam, sicut Deus cognoscit voluntates nostras per hoc quod est nobis causa volendi, aut per hoc quod aliquis suam voluntatem alteri manifestat. ergo, &c. probatur prima consequentia ratione quidem, quia nulla virtus cognoscitiva cognoscit rem aliquam, nisi secundum rationem propriè obiectam, ut in visu apparet. signo autem, ex hoc quod in demonstratione per quam innotescunt nobis propria accidentia, principium accipimus quod quid est, ut dicitur primo Posteriori. quod autem substantiam rei aliquis cognoscat intellectus per accidentia, ut dicitur primo de Anima, hoc sibi accidit inquantum eius cognitio oritur à sensu. unde habet locum in naturalibus tantum, non autem in mathematicis, in quibus scilicet demonstrationes à priori & à causa procedunt.

AD euidentiam antecedentis considerandum est quod eum voluit ab aliquo



dupliciter considerari possit, scilicet, & materialiter quantum ad entitatem ipsius, & formaliter inquantum habet rationem voliti, ipsum cognosci à nobis dupliciter potest, aut inquam materialiter quantum ad eius entitatem, aut formaliter inquantum volitum. Si primo modo accipiat, sic non est inconueniens quòd cognoscamus aliquid quod quis vult, possum enim ego cognoscere domum quam aliquis vult & desiderat. si autem accipiat formaliter, sic non potest cognosci quid aliquis velit, nisi illis modis assignatis. Et si enim domum ego cognoscam quam aliquis vult, non tamè cognosco quòd sit ab ipso volita, nisi ex aliquo effectu, aut ex ipsius manifestatione. Antecedens ergo intelligendum est de volitis à Deo formaliter, quæ non cognoscuntur visa substantia Dei: non enim vidēs Deum, videt ex hoc ipsum velle hoc aut illud.

CIRCA probationem antecedentis, considerandum quòd dupliciter possumus loqui de ordine cognitorum: vno modo secundum se, alio modo quo ad nos, secundum se habent accidentia rei per ipsius substantiam cognosci, cum substantia sit secundum se notior accidente: quo ad nos autem in aliquibus est conuerso, quia nos à sensibus cognitionem accipimus, quorum est rei accidentia extrinseca cognoscere. procedit ergo probatio S. Thom. secundum ordinem cognitorum secundum se, non autem quo ad nos, quia intellectus creatus videns Deum de quo hic principaliter intenditur, & aliqua in Deo videns ordinatè, secundum quòd in ipsis secundum se est ordo, videt.

ADVERTENDVM etiam quòd ratio intendit concludere ex impossibilitate intellectus nostri in via, non quidem impossibilitatè, sed non necessitatè in patria. ex hoc enim quòd intellectus noster in via non potest ex cognitione substantiæ alicuius cognoscere, quid ille velit propter non naturalem dependentiam volitionis à substantia, vult habere quòd non est necessarium vt videns substantiam alicuius videat quid velit, & sic non est necesse quòd videns substantiam diuinam videat quid Deus velit, cum multa velit Deus liberè, quod vocat S. Thom. hoc loco simplici voluntate velle, & per consequens eorum volitio non habeat necessariam dependentiam ad substantiam diuinam. non vult autem per hoc excludere quin videns substantiam diuinam possit per ipsam aliqua volita videre, quia cum essentia diuina ab intellectu diuino vt exemplar siue vt ratio volitorum cognoscatur, potest etiam ipsa essentia volitatem Dei vniui intellectui creato, vt exemplar & ratio aliquorum volitorum inquantum ab ipso volita sunt: & sic per essentiam diuinam poterunt cognosci aliqua quæ à simplici voluntate diuina dependent.

CIRCA illam propositionem: Voluntas non tendit in sua volita omnino naturaliter, aduertendum quòd addidit S. Thom. li omnino, vel quia ad aliqua sua volita naturaliter tendit voluntas. Vult enim naturaliter vltimum finem & esse & viuere, & alia quæ sunt de integritate naturæ: ad alia verò volita liberè se habet, inquantum illa potest acceptare & repudiare: & ideo non omnino naturaliter ad sua volita se habet, sed partim naturaliter, & partim liberè, respectu scilicet diuerforum obiectorum: & sic differt voluntas ab alio principio quòd est natura. ipsa enim ad omnia sua obiecta naturaliter tendit. Vel quia voluntas creata licet in aliquid naturaliter feratur quantum ad specificationem, non tamen quantum ad exercitium actus sola naturæ conditione cōsiderata. Quantum ad secundum remouet S. Thom. obiectionem quandam. Posset enim aliquis contra prædictam conclusionem sic obicere: Substantia diuina est aliquid maius quam omnia alia ab ipso, sed intellectus creatus Dei substantiam videre potest: ergo multò magis omnia alia potest intelligere. Respondet autem quòd quum dupliciter aliqua cognosci possint, scilicet in seipsis & in sua causa, maius est intelligere diuinam substantiam quam quicquid aliud præter ipsam quod in seipso cognosci potest: sed perfectioris cognitionis est cognoscere diuinā substantiam & eius effectus in ipsa quam diuinam substantiam absque effectu cognitione in ipsa, quia diuina substantia absque eius comprehensione videri potest: omnia autem per ipsam intelligi absque eius comprehensione fieri non potest.

AD euidentiam huius responsionis considerandum est quòd cognosci in seipso, est per propriam speciem cognosci quæ ipsius primò est representatiua, non autè alicuius alterius: & per consequens est cognosci non mediante alio cognito, cognosci autem in alio, est cognosci per speciem alterius, & per consequens est cognosci in alio cognito, priusque per speciem representato: diuina ergo essentia & omnes eius effectus dupliciter cognosci possunt. vno modo vt diuina essentia per propriam speciem quæ est ipsamet: & similiter omnes eius effectus per propriam speciem, siue vnam, siue plures cognoscatur: & tunc absque dubio maius est diuina essentia in ratione cognoscibilis quam omnes eius effectus: quum omnes effectus etiam simul sumpti, eò q. habeant esse receptum & creatum, non adæquant diuinam essentiam, quæ est ipsum esse subsistens, in cognoscibilitate, sicut nec in entitate: & idcirco maius est cognoscere diuinam essentiam in seipso, quam omnes eius effectus in seipsis, & non in ipsa essentia: sed si accipiat diuina essentia per se vt cognita per seipsam, & omnes effectus vt cogniti in ipsa essentia, maius quiddā sunt in ratione cognoscibilis omnes effectus diuini cogniti in essentia, quā ipsa diuina essentia cognita absque suis effectibus: & sic maius est cognoscere omnes effectus Dei in ipsa essentia diuina, quam cognoscere ipsam essentia absque effectu cognitione: quia perfectius cognoscitur essentia si in ipsa omnes eius effectus cognoscatur, quam si cognoscatur absque suorum effectu cognitione. vnde sicut perfectius cognoscibile est Dei essentia secundum omnes eius rationes quæ in ipsa perfectionaliter includuntur, quam ipsamet, secundum vnam duntaxat rationem, puta secundum rationem sapientiæ accepta: & propterea maius est cognoscere ipsam secundum omnes huiusmodi rationes, quam secundum vnam tantum: ita perfectius est omnia in ipsa cognoscere absque hoc quòd in ipsa eius effectus videantur. Vnde ad obiectionem factam patet falsum esse quòd maius quiddam sit diuina essentia per se in ratione cogniti, quam omnes effectus in ipsa cogniti vt sic, & q. maius sit ipsam solā cognoscere, quam cū ipsa omnes effectus intueri, de qua cognitione effectuum loquimur in proposito.

SED quia dictum est essentiam diuinam esse quid maius quam omnes eius effectus, secundum quòd vnumquodque ipsorum in seipso cognoscitur, videtur sequi si diuinam essentiam in seipso cognoscere possumus, quòd omnes effectus ipsius saltem in seipsis cognoscere possumus, licet in essentia diuina videri nō possint, quia qui potest cognoscere maius in-

telligibile, potest cognoscere minus intelligibile, vt dicitur tertio de Anīma. Quod sanè si concedatur, videtur sequi quòd diuina essentia comprehendere poterit, vt arguebatur, si in diuina substantia cognoscerentur. Nam si cognoscuntur omnes effectus diuinæ virtutis, cognoscitur perfectè virtus eius & comprehenditur, vt patet in tertia ratione superius adducta. Ad comprehensionem autem virtutis sequitur posse comprehendere essentia, quia virtus essentiam sequitur. Respondetur quantum ad prædicta tertia ratione, & de Verit. quæst. 20. artic. 5. apparet, quod non solum in diuina essentia non possunt omnes diuini effectus cognosci, sed nec etiam in seipsis, scilicet distinctè. Dico distinctè, quia nihil prohibet vt confusè intelligantur secundum quòd in aliquo communi conueniunt. Quum autem probatur, quia cognoscens maius intelligibile, potest cognoscere minus intelligibile, dicitur primò (vt glossat S. Thom. de Verit. quæst. 8. artic. 4. ad 17.) quòd authoritas illa Aristot. intelligitur quando intellectus maius intelligibile perfectè cognoscit: nō autè si cognoscat illud imperfectè. modò constat ex supradictis quòd intellectus videns Deum, non perfectè cognoscit, quum non comprehendit. ideo ratio non sequitur. Dicitur secundò (vt habetur ex quæst. Verit. quæst. 20. artic. 5. ad primum & quartum) quòd vera est illa propositio si minus possit per se offerri intellectui, modò omnia à Deo producibilia non possunt per se offerri intellectui, sicut non potest esse quòd sit factum omne possibile à Deo produci, quia tunc sua potentia esset limitata ad creaturas actu existentes. Ex ista responsione sancti Thom. patet solutio cuiusdam rationis Gotofredi arguentis quòd ex cognitione omnium in diuina essentia non sequitur comprehensio essentia, quia inquit omnia alia à Deo si ponentur, non adæquant infinitum Dei esse. Patet enim ex prædictis quòd omnia secundum quiddam quòd in seipsis cognosci possunt, non adæquant esse infinitum Dei, secundum tamen quòd in diuina essentia cognosci possunt, quia simul tunc & ipsa & essentia diuina tanquam vnum obiectum accipiuntur, illud adæquant.

CONTRA prædictam conclusionem arguit idem Gotofredus in 6. Quoli. q. 3. & Durandus, probantes quòd beati saltem vident essentias omnium creabilium, licet omnia absolute non videant. Primò, intellectus creatus clarè videns diuinā essentia, videt in ipso omnia quæ naturaliter & ex necessitate representantur. talia sunt omnes quidditates rerū possibilem produci, ergo, &c. Secundò, omnis creatura in Deo est creatrix essentia. ergo æqualiter se habent vt videantur per creatricem essentiam. Scotus etiam loco præallegato arguit sic: Quilibet intellectus est receptiuus cuiuscunque visionis in verbo diuini: ergo & coniunctim simul respectu omnium obiectorum, ergo, &c. probatur prima consequentia, quia si duo possunt simul inesse, quia non opponuntur, & infinita talia possunt simul inesse. Potest etiam argui ex verbis S. Thom.: Beati cognoscunt de Deo quid est: ergo cognoscunt omnia ad quæ virtus eius se extendit. ergo cognoscunt omnia producibilia à Deo. antecedens est S. Thom. de Verit. q. 8. artic. 1. ad 8. & 4. Sent. d. 49. q. 2. artic. 3. prima verò consequentia probatur: Beati vident quid est Deus. ergo videt distinctè omnes gradus perfectionis eius essentielles: alioquin non cognoscerent ipsum quidditatuè, sed cognitis omnibus eius gradibus perfectionalibus cognoscunt omnia ad quæ virtus eius se extendit, quum virtus eius tantum se extendat quantum sunt gradus perfectionis in eo imitabiles à creatura. ergo si vident quid est Deus, vident omnia ad quæ virtus eius se extendit.

AD primum horum patet solutio ex superius dictis. Nam maior est falsa. Ad hoc enim quòd intellectus videns diuinam essentia, videat omnia quæ per ipsam naturaliter representantur, non sufficit qualiscunque vnio ipsius ad intellectum, & qualiscunque ipsius cognitio, sed requiritur vt intellectui vnietur secundum totum suum posse. hoc autem non conuenit intellectui creato, cum non vnietur sibi nisi mediante aliqua participatione finita luminis gloriæ, sed magis aut minus attingit ipsam intellectus secundum quòd magis aut minus de lumine gloriæ participat. ideo non oportet vt omnis vidēs ipsam, omnia per eam naturaliter representata videat, sicut nec videns speculum omnia videt per speculū representata, nisi speculum suo visu comprehendat. Ad secundum negatur consequentia. licet enim omnia in Deo sint creatrix essentia, inquantum ipsa Dei essentia est omnium ratio & similitudo, non tamen vnietur intellectui creato ipsa essentia vt omnium ratio, sed vt aliquorum, & vni intellectui vnietur vt ratio plurium, alicui verò vt ratio pauciorum. Ad tertium quod est Scoti negatur consequentia. Ad probationem dicitur primò, quòd supponit vnum falsum, scilicet quòd pluribus visionibus videantur plura in diuina essentia. dicimus enim quòd vnica visione videtur diuina essentia, & omnia quæ in ipsa videntur. Dicitur secundò quòd ratio quare duo possunt cognosci in diuina essentia, non est quia illorum visiones non opponantur, sed quia illarum positionem non cōcomitur aliquod impossibile: hoc autem quòd omnia producibilia in diuina essentia cognoscantur, concomitur vnum impossibile, scilicet diuinam substantiam ab intellectu creato comprehendere. ideo aliqua determinata & finita in diuina essentia cognosci possunt, non autem infinita à Deo producibilia: sicut dari duas diuisiones continui in actu non repugnat, sed bene dari simul omnes eius diuisiones posibles, quia ad secundum sequitur hoc impossibile, quòd infinitum erit in actu: ad primum autem nullum sequitur impossibile. Ad vltimum dicitur, quòd beatos cognoscere de Deo quid est, dupliciter potest intelligi. Vno modo quia ipsum cognoscit per propriam formam intelligibilem, ipsius essentiam & quidditatem immediate intellectui representantem. Alio modo quia cognoscunt essentia eius quantum ad omnes gradus perfectionis in ea per eminentiam contentos, distincta cognitione, eo modo quo nos dicimus cognoscere quid est homo, quia cognoscimus omnia genera distinctè, & omnes differentias quæ de ipso essentialiter prædicantur. Cum ergo dicit S. Thom. q. beati vident quid est Deus, intendit de cognitione quid est primo modo: non autè secundo modo. Nam beati non vident distinctè omnes diuinas perfectiones quæ sunt infinitæ, licet videant illam simplicem essentia immediate infinitas perfectiones vnite & simpliciter absque vlla distinctione continentem, in quo à cognitione viæ differt cognitio beatorum. Nam in via non videtur à nobis Deus per propriā formā quæ eius essentia immediate representet intellectui, sed per formam creaturæ quæ immediate creaturam representat, in qua Deus sicut causa in effectu cognoscitur: ideo cognitio viæ nō dicitur cognitio quid est, sed bene cognitio patriæ. Ad



Ad sensum ergo in quo conceditur antecedens, negatur prima consequentia. Ad probationem etiam negatur consequentia, cum probatur, quia aliquis non cognosceret ipsum quidditativè, negatur de cognitione quidditativa primo modo. Ad illam enim cognitionem quid est, non requiritur ut videantur omnes essentiae diuinæ perfectiones distincte: sed sufficit ut essentia ipsa in se per propriam formam immediatè videatur, non autem in alio cognoscatur. vnde 4. Sentent. ubi supra, ad 5. inquit S. Thom. quod non videbitur Deus creatis, sicut videtur res per suam diffinitionem, cuius essentia comprehenditur.

*Quod omnis intellectus cuiuscunque gradus particeps esse potest diuinæ visionis.*

Cap. 57.



VVM autem ad visionem diuinæ substantiæ intellectus creatus quodā supernaturali lumine sublimetur, ut patet ex dictis, \* non est aliquis intellectus creatus ita secundum naturam infimus, qui nō ad hanc visionem possit eleuari.

Ostensum est enim quod lumen illud nō potest esse aliqui creaturæ connaturale, sed omnem creaturam excedit secundum virtutem: quod autem sit virtute supernaturali, non impeditur propter naturæ diuersitatem, cum diuina virtus sit infinita. vnde in sanatione infirmi quæ fit miraculose, non differt vtrum aliquis parum vel multum infirmetur. diuersus igitur gradus naturæ intellectualis nō impedit quin infimum in tali natura ad illam visionem perducipossit prædicto lumine.

Adhuc, Distantia intellectus secundum ordinem naturæ supremi ad Deum est infinita in perfectione & bonitate: eius autem distantia ad intellectum infimum est finita. finiti autem ad finitum non potest esse infinita distantia. igitur distantia quæ est inter infimum intellectum creatum & supremum, est quasi nihil in comparatione ad illam distantiam quæ est inter supremum intellectum creatum & Deum. quod autem est quasi nihil, non potest variationem sensibilem facere: sicut distantia quæ est inter centrū terræ & visum, est quasi nihil in comparatione ad distantiam quæ est inter visum nostrum & spheram octauā, ad quam tota terra comparata obtinet locū puncti. & propter hoc nulla sensibilis variatio fit per hoc quod Astrologi in suis demonstrationibus vtuntur visu nostro quasi centro terræ. nihil ergo differt quicumque intellectus sit qui ad Dei visionem per lumen prædictum eleuetur, vtrum summus, vel infimus, vel medius.

Item, supra probatum est quod omnis intellectus naturaliter desiderat diuinæ substantiæ visionem. naturale autem desiderium nō potest esse inane. quilibet igitur intellectus creatus potest peruenire ad diuinæ substantiæ visionem, non impediēte inferioritate naturæ.

Hinc Mat. 22. Dominus hominibus repromittit gloriam angelorum. Erunt inquit, de hominibus loquens, sicut angeli Dei in cælo. & Apoc. 10. eadem mensura hominis & angeli esse perhibetur. propter quod sæpe in scriptura sacra angeli in forma hominum describuntur, vel in toto, sicut patet de angelis qui apparuerunt Abraham in similitudine virorum, Gen. 18. vel in parte, sicut patet de animalibus, Ezech. 1. de quibus dicitur, quod manus hominis erāt sub pennis eorum. Per hoc autem excluditur error quorundam qui dicebant quod anima humana quantumcunque eleuetur, non potest ad æqualitatem superiorum intellectuum peruenire.

Super cap. 57.



OSTQVAM ostendit sanctus Thom. conditiones beatitudinis ex parte intellectus & ex parte obiecti, vult nunc eius conditiones ex parte actus videndi ostendere. Et ponit tres conclusiones. Prima est ista, Nullus intellectus creatus est ita secundum naturam infimus, qui nō ad hanc visionem possit eleuari. probatur primò, Quod sit virtute supernaturali, non impeditur propter naturæ diuersitatem, sed eleuatio ad hanc visionem sit virtute supernaturali, cum fiat à Deo per lumē quod nulli creaturæ est connaturale, sed omnem creaturæ virtutem excedit, ut superius est ostensum, ergo, &c. probatur maior ratione quidem, quia diuina virtus est in-

fnita. A signo verò, quia in miraculosa sanatione infirmi nō differt vtrum aliquis parum vel multum infirmetur.

CIRCA maiorem propositionem aduertendum quod habet veritatem supposito quod illud non magis implicet contradictionem in vna natura quā in altera. nō enim virtute supernaturali fieri posset ut lapis videret Deum, quia repugnat lapidi talis visio, & contradictionem implicat lapidem Deum videre. esset enim natura intellectualis & immaterialis secundum virtutem, & simul etiam omnino naturalis. nulli autem intellectui creato repugnat videre Deum, neque aliqua contradictio implicatur cum dicitur hanc aut illam naturam intellectualē videre Deum. ideo illa maior propositio in proposito veritatē habet. Circa istam propositionē, in sanatione infirmi non differt vtrum aliquis parum aut multum infirmetur: attendendum ex doctr. sancti Thom. prima parte, quæst. 105. art. 8. quod hoc intelligitur per comparationem ad diuinam potentiam. quodcunque enim factum in comparatione diuinæ potentiae est minimum, ideo tam facile est Deo ex magna ægritudine sanare quā ex parua: sed bene per comparationem ad virtutem naturæ differt vtrum aliquis infirmus sanetur ex magna, aut ex parua ægritudine, quia maius miraculum est statim sanare ex magna ægritudine quā sanare ex parua, quia illud magis naturæ facultatem excedit.

Secundò, Distantia quæ est inter infimum intellectum creatum & supremum, est quasi nihil in cōparatione ad illam quæ est inter supremum intellectum creatum & Deum, cum illa sit finita, ista autem sit infinita. ergo nihil differt quicumque intellectus sit qui ad Dei visionem per tale lumen eleuatur, siue inquam sit supremus, siue infimus, siue medius. probatur consequ. quia quod est quasi nihil, non potest facere variationem sensibilem. declaratur exemplo. Nam visu nostro vtuntur Astrologi in demonstrationibus suis tanquam centro terræ, eod quod distantia eius à centro sit quasi nihil in comparatione distantiae visus nostri ad spheram octauam. Pro declaratione huius rationis aduertendum est, quod distantia supremi intellectus creati à Deo, & distantia infimi intellectus ab eodem, in hoc conueniunt, quod vtrique est infinita, cum sit finiti ad infinitum. differunt autem, quia maior est distantia infimi quā distantia supremi, in quantum minus perfectionis habet infimus quā supremus. non enim inconuenient vnum infinitum esse maius alio infinito, vt ostensum est in præcedentibus: sed tamen quia illa quantitas distantiae quam addit distantia infimi supra distantiam supremi, quæ nihil aliud est quā distantia inter infimum & supremum creatum, nihil notabile est in comparatione ad distantiam supremi à Deo, sed est quasi nihil, sicut dimensio finita addita dimensioni infinitæ, quasi nihil est in comparatione ad dimensionem infinitam, & nullam sensibilem variationem facit: ideo pro æquali distantia vtrique reputatur: & propterea sicut distantia supremi intellectus à Deo non impedit quin ipse supremus intellectus ad visionem ipsius per lumen gloriæ possit eleuari: ita non impedit distantia quæ est inter infimum intellectum & Deum. Et in hoc fundatur hæc ratio. Tertiò, omnis intellectus naturaliter desiderat substantiæ diuinæ visionem, ut superius est ostensum. ergo, &c. probatur consequentia, quia naturale desiderium non potest esse inane. Confirmatur autoritate Mat. 22. & Apoc. 10. Confirmatur etiam hoc signo, quod in sacra scriptura angeli in figura hominum describuntur vel in toto vel in parte, ut patet Gen. 18. & Ezech. 1. Per hoc autem excluditur error dicentium humanam animam non posse ad æqualitatem superiorum intellectuum peruenire.

ADVERTE quod opinio quæ hic excluditur, videtur esse Eustathij in Comment. 6. Ethic. vnde expressè sanctus Thom. eam illi ascribit 2. Sent. distinct. 9. artic. 8. habet autem veritatem si intelligatur quantum ad naturalem operationem. quantumcunque enim virtute naturæ & studio humanus intellectus eleuetur, nunquam ad æqualitatem superiorum intellectuum peruenire potest. Si autem intelligatur de eleuatione per lumen supernaturale, sic est falsa, quia ut dicitur loco præallegato, & prima parte quæst. 108. artic. 8. non solum ad eandem societatem cum angelis, & ad eundem modum videndi Deum per gratiam homines perueniunt, sed etiam aliqui homines aliquibus angelis in beatitudine superiores erunt, & quantum ad hunc sensum reprobat,ur.

*Quod vnus alio perfectius Deum videre potest.*

Caput 58.



VIA verò modus operationis consequitur formā quæ est operationis principium, visionis autē quia intellectus creatus substantiam diuinam videt, principium quod-  
dam est lumē prædictum, ut ex dictis patet: Idē prima p. q. 11. ar. 6. & 4. Sent. dist. 46. Cap. 55.

neceffe est quod secundum modum huius luminis sit modus diuinæ visionis. possibile est autem huius luminis diuersos esse participationis gradus, ita quod vnus eo perfectius illustretur quā alius. possibile est igitur quod vnus Deum videntium perfectius alio videat, quamuis vterque videat eius substantiam.

Adhuc, in quocunq; genere est aliquod summum quod excedit alia, est etiam inuenire magis & minus secundum maiorem propinquitatem vel distantiam ab ipso, sicut aliqua sunt magis & minus calida secundum quod magis & minus appropriantur ad ignem qui est summè calidus: Deus autem suam substantiam perfectissimè videt, utpote qui solus eam comprehendit, ut supra ostensum est. \* igitur & eum videntium vnus alio magis vel minus eius substantiam videt, secundum quod magis vel minus ei appropinquat.

3 Amplius,

\* Cap. 55.



3 Amplius, Lumen gloriæ ex hoc ad diuinam visionem eleuat, quod est similitudo quædam intellectus diuini, sicut iam dictum est. contingit autem aliquid magis vel minus assimilari Deo. possibile est igitur aliquid perfectius vel minus perfecte diuinam substantiam videre.

4 Item, quum finis proportionaliter respondeat his quæ sunt ad finem: oportet quod sicut aliqua diuersimodè præparantur ad finem, ita diuersimodè participant finem: visio autem diuinæ substantiæ est vltimus finis cuiuslibet intellectualis substantiæ, vt ex dictis patet. intellectuales autem substantiæ nō omnes æqualiter præparantur ad finem. quædam enim sunt maioris virtutis, & quædam minoris. virtus autem est via ad felicitatem. oportet igitur quod in visione diuina sit diuersitas quod quidā perfectius & quidā minus perfecte diuinam substantiam videant. Hinc est quod ad hanc felicitatis differentiā designandam Dominus dicit Ioan. 14. In domo patris mei mansiones multæ

\* Iovin. test.  
Hier. libr. 1.  
contra Iovin.  
& August.  
To. 6. Here.  
Cap. 82.  
Cap. 25.

sunt. Per hoc autem excluditur error\* quorundam dicentium omnia præmia esse æqualia. Sicut autem ex modo visionis apparet diuersus gradus gloriæ in beatitudine ex eo quod videtur, apparet gloria eadem. nam cuiuslibet felicitas ex hoc est quod Dei substantiam videt, vt probatum est. idem ergo est quod omnes beatos facit: non tamen ab eo omnes æqualiter beatitudinem capiunt. Vnde prædictis non obuiat quod Dominus Matth. 20. omnibus laborantibus in vinea, licet non æqualiter laborauerint, idem tamen præmium reddendum docet, scilicet denariū: quia idem est quod omnibus datur in præmium ad videndum & ad fruendum, scilicet Deus. In hoc etiam considerandum est quod quodammodo contrarius est ordo corporalium & spiritualium motuum. omnium enim corporaliū motuum est idem numero primū subiectum, fines verò diuersi: spiritualium verò motuum, scilicet intellectualium apprehensionum & voluntatum, sunt quidem diuersa subiecta prima, finis verò numero idem.

Super Cap. 58.

**S**ECUNDA conclusio est: Vnus videntium Deum, perfectius eum alio videt. Circa autem hanc conclusionem duo facit S. Thom. Primò ipsam probat. Secundò respondet cuidam tacite inquisitioni, cap. sequenti. Quantum ad primum, arguit primò sic: Lumen gloriæ est quoddam principium visionis diuinæ: ergo secundum modum luminis est modus diuinæ visionis. ergo vnus alio perfectius videt. probatur prima consequentia, quia modus operationis cōsequitur formam quæ est operationis principium. Secunda verò probatur, quia possunt esse huius luminis diuersi participationis gradus, ita quod vnus eo perfectius illustratur quàm alius.

SED circa probationem primæ cōsequentie statim occurrit dubium: licet enim modus operationis consequatur formam quæ est principium operationis, non tamen sequitur quod visio diuina sequatur modum luminis. lumen enim illud non est principium operationis per modum formæ quæ intellectus intelligit, sed per modum dispositionis cuiusdam: vnde videtur esse æquiuocatio de principio operationis. Responderetur quod hic nulla committitur æquiuocatio: per formā enim quæ est principium operationis, non intelligit sanctus Thomas formam completiue actuantem subiectum ad operandum, sed formam actuantem subiectum initiatiue ad operationem, per quam scilicet redditur capax vltimæ & principalis formæ, quia quum secundum eius modum subiectum substat vltimæ formæ per quam operatur completiue, ab ipsa regulatur modus operationis originaliter: & hoc modo lumen gloriæ est principium visionis diuinæ: quia enim ipsum lumen dat intellectui facultatem substandi diuinæ essentia per modum formæ intelligibilis, & etiam facultatem intelligendi Deū: ipsum est ordo diuinæ visionis: & ideo secundum eius quantitatem sumitur originaliter diuinæ visionis modus, quantum est ex parte intellectus: proxime autem sumitur secundum modum substandi diuinæ essentia, tanquam formæ intelligibili, qui modus secundum modum variationis luminis gloriæ in diuersis variatur.

Dixi autem lumen gloriæ esse originem diuersorum modorum visionis diuinæ, quantum est ex parte intellectus, quia etiam secundum modum charitatis ponit sanct. Thom. prima parte quæst. 12. art. 6. esse modum dictæ visionis: & sic charitas est origo per modum disponentis & aptantis animam ad susceptionem talis luminis, sed ipsa nō est in intellectu, sed in affectu. Secundò, Deus suam substantiam perfectissimè videt, vtpote qui solus eam comprehendit: & sic scilicet visio sua est summum in genere visionis diuinæ, ergo, &c. probatur consequentia, quia vbi est summum, ibi est magis & minus secundum maiorem appropinquitatem & distantiam à summo, declaratur exemplo calidi. Tertio, contingit aliquid magis aut minus assimilari Deo, ergo, &c. probatur cōsequentia, quia lumen gloriæ ex hoc ad visionē prædictam eleuat, quod est similitudo quædam intellectus diuini, supple ad eundem ordinem, cum ipso pertinet in esse intelligibili. Quarto, sicut aliqua diuersimodè præparantur ad finem, ita diuersimodè participant finem, cum finis respondeat proportionaliter his quæ sunt ad finem, sed visio diuinæ substantiæ est vltimus finis intel-

lectualis substantiæ, & ad ipsum non æqualiter omnes præparantur, cum quædam sint maioris virtutis, quædam minoris, & virtus sit via ad felicitatem. ergo visionem diuinam diuersimodè participant.

ADVERTE quod virtus quæ assumitur hic ad probationem secundæ partis minoris propositionis, non accipitur pro facultate intellectus ad videndum Deum secundum quam etiam diuersificatur diuina visio, sed accipitur pro virtute quæ est habitus electivus, quod quisque per viam merendi ad felicitatem ordinatur. Sic enim constat quædam naturas intellectuales, imò quosdam etiam homines esse maioris virtutis, & quosdam minoris. Confirmatur conclusio auth. Ioan. 14. Per hoc excluditur error dicentium omnia præmia esse æqualia, quia idem videtur ab omnibus scilicet Dei substantia: vnde Matth. 20. Dominus inæqualiter laborantibus idem præmium reddendū docet scilicet denarium. Licet enim idem sit quod omnes beatos facit, & quod omnibus datur in præmium, scilicet Deus, de quo intelligitur auth. allegata. non tamen ab eo omnes beatitudinem æqualiter capiunt. Hanc resolutionem explicat sanct. Thom. 1.2. quæst. 5. art. 2. & 4. Sentent. dist. 49. quæst. 1. art. 4. & tangit prima parte, q. 12. art. 6. inquit quod dupliciter loqui possumus de beatitudine scilicet obiectiue & formaliter. obiectiue omnes beati sunt æqualiter beati, quia obiectum cuiuslibet beati est Deus, qui solus est summum bonum, formaliter autem non sunt omnes æqualiter beati, quia non omnes æqualiter Deum adipiscuntur, sed aliqui perfectiori modo, aliqui imperfectiori modo, dum aliqui ipsum perfectius vident, aliqui verò imperfectius, vt est ostensum. Ex dictis infert sanct. Thom. quod quodammodo est contrarius ordo corporalium motuum & spiritualium: quia illorum omnium est idem numero primum subiectum, fines verò diuersi: spiritualium verò scilicet intellectualium apprehensionum & voluntatum sunt diuersa prima subiecta, finis verò est numero idem.

ADVERTENDVM quod non dixit S. Thomas istos ordines simpliciter esse contrarios, sed quodammodo, quia sunt contrarij non omnibus modis, sed aliquo modo, quantum quidem ad subiecta differunt, quia omnium motuum corporalium est idem primum subiectum, cum omnium formatum corporalium primum subiectum sit materia prima, & consequenter sit primum subiectum omnium corporalium accidentium: motuum autem spiritualium non est idem primum subiectum, quia non est vnum subiectum numero omnium intellectuum susceptivum. Quantum verò ad finem non omnino differunt, quia Deus est omnium creaturarum & omnium operationum aliquo modo finis remotus, vt superius est ostensum: & sic omnes operationes in vno fine communi aliquo modo conueniunt, sed differunt, quia diuersificantur quantum ad particularem finem. diuersi enim motus corporales ad diuersos particulares fines ordinantur. spirituales autem motus ad vnum particularem finem diriguntur scilicet ad Deum qui dicitur particularis finis, in quantum particulari quodam modo ipsum attingunt creaturæ intellectuales, quo non attingunt aliæ creaturæ. ipsum enim sua operatione scilicet intellectione & affectione immediatè attingunt & adipiscuntur: quod aliis creaturis non conuenit.

Quod videntes diuinam substantiam, omnia aliquo modo vident.

Cap. 59.

**V**IA verò visio diuinæ substantiæ est vltimus finis cuiuslibet intellectualis substantiæ, vt patet ex dictis: omnis autem res cum peruenit ad vlt. finem, quiescit appetitus eius naturalis: oportet quod naturalis appetitus substantiæ intellectualis diuinā substantiam videntis omnino quiescat. Est autem appetitus naturalis intellectus, vt cognoscat omniū rerum genera, & species, & virtutes, & totum ordinem vniuersi: quod demonstrat humanum studium erga singula prædictorum. Quilibet igitur diuinam substantiam videntium cognoscit omnia supradicta.

1 Amplius, Si in hoc sensus & intellectus differunt, vt patet in 3. de Anima, \* quod sensus à sensibilibus excellentibus corrumpitur vel debilitatur, vt postmodum minora sensibilia percipere nō possit: intellectus autem quia non corrumpitur nec impeditur à suo obiecto, sed solum perficitur postquam intellexit maius intelligibile, non minus poterit alia intelligibilia intelligere, sed magis. summum autem in genere intelligibile est diuina substantia. intellectus igitur qui per lumen diuinum eleuatur ad videndum Dei substantiam, multò magis eodem lumine perficitur ad omnia alia intelligenda quæ sunt in rerum natura.

2 Adhuc, Esse intelligibile nō minoris ambitus est, quàm esse naturale, sed fortè maioris. intellectus enim natus est omnia quæ sunt in rerum natura intelligere: & quædam intelligit, quæ non habent esse naturale, sicut negationes & priuationes. quæcūq; igitur requiruntur ad perfectionem esse naturalis, requiruntur etiam ad perfectionem esse intelligibilis, vel etiam plura. perfectio autem esse intelligibilis est cum intellectus ad suum finem vlt. peruenit, sicut perfectio esse naturalis in ipsa rerum constitutione consistit.

Idem pr. par.  
q. 12. art. 8.  
Capit. 25. &  
50.

\* Text. com. 7.



consistit. omnia igitur quæ Deus ad perfectionem vniuersi produxit, intellectui se videndi manifestat.

Cap. preced.

3 Item, Quamuis videntium Deum vnus alio perfectius eū videat, vt ostensum est: quilibet tamen ita perfecte eum videt, quod impletur tota capacitas naturalis: quinimo ipsa visio omnem capacitatem naturalem excedit, vt ostensum est. oportet igitur quod quilibet videns diuinam substantiam in ipsa diuina substantia cognoscat omnia ad quæ se extendit sua capacitas naturalis. capacitas autem naturalis cuiuslibet intellectus se extendit ad cognoscenda omnia genera, species & ordinem rerum: hæc igitur quilibet Deum videt in diuinâ substantiam cognoscat. Hinc est quod Dominus Moyse petenti diuinæ substantiæ visionem respondit Exo. 33. Ego ostendam tibi omne bonum. & Greg.

Greg. 4. lib. dial. cap. 33.

Quid est quod ibi nesciant, qui scientem omnia sciunt? Si autem præmissa diligenter considerentur, patet quod quodammodo videntes diuinâ substantiâ omnia vident, quodammodo vero modo non. Si enim per omnia, illa intelligantur quæ ad vniuersi perfectionem pertinent, manifestum est ex dictis quod videntes diuinâ substantiâ, omnia videt, vt rationes modo inductæ ostendunt. cum enim intellectus sit quodammodo omnia quæcunque ad perfectionem naturæ pertinent: omnia etiam pertinent ad perfectionem esse intelligibilis. propter quod secundum Aug. super Gene. ad litteram, quæcunque facta sunt per Dei verbum vt in prima natura subsisterent, fiebant etiam in intelligentia angelica, vt ab angelis intelligerentur. de perfectione autem naturalis esse sunt naturæ specierum, & earum proprietas & virtutes. ad naturas enim specierum intentio naturæ fertur. indiuidua enim sunt propter speciem. pertinet igitur ad perfectionem intellectualis substantiæ, vt omnium specierum naturas & virtutes & propria accidentia cognoscat. hoc igitur in finali beatitudine consequitur per diuinæ essentiae visionem. Per cognitionem autem naturalium specierum & indiuidua sub speciebus huiusmodi existentia cognoscuntur ab intellectu Deum vidente, vt ex his quæ dicta sunt supra de cognitione Dei & angelorum, potest esse manifestum. si verò per omnia intelligantur omnia quæ Deus suam essentiam videndo cognoscit, nullus intellectus creatus omnia in Dei substantia videt, vt superius ostensum est. Hoc autem considerari potest quantum ad plura. Primò quidem quantum ad ea quæ Deus facere potest, sed nec facit, nec facturum est vnquam. omnia enim huiusmodi cognosci non possunt nisi eius virtus comprehenderetur, quod non est possibile alicui intellectui creato, vt supra ostensum est.

Cap. 55. & 56.

Hinc est quod dicitur Iob. 11. Forscā vestigia Dei comprehendes, & vsque ad perfectum omnipotentem repereris, excelsior celo est, & quid facies? profundior inferno, & vnde cognosces, longior terra mensura eius, & latior mari. non enim hæc dicuntur quasi dimensionibus quantitati Deus sit magnus, sed quia eius virtus non limitatur ad omnia quæ magna esse videntur, quin possit etiam maiora facere. Secundò, quantum ad rationem rerum factarum, quas omnes cognoscere non potest intellectus nisi diuinam bonitatem comprehendat. Ratio enim cuiuslibet rei factæ sumitur ex fine quem facies intendit. Finis autem omnium à Deo factorum diuina bonitas est. Ratio igitur rerum factarum est vt diuina bonitas diffundatur in rebus. Sic igitur aliquis omnes rationes rerum creaturarum cognosceret, si cognosceret omnia bona quæ in rebus creatis secundum ordinem diuinæ sapientiæ provenire possunt: quod esset diuinam bonitatem & etiam sapientiam comprehendere: quod nullus intellectus creatus potest. Hinc est quod dicitur Ecclesiast. 8. Intellexi quod omnium operum Dei non possit homo inuenire rationem. Tertiò, quantum ad ea quæ ex sola Dei voluntate dependent, sicut prædestinatio, electio, & iustificatio: & huiusmodi quæ ad sanctificationem pertinent creaturæ. Hinc est quod dicitur 1. ad Corinth. 2. Quæ hominis sunt, nemo nouit nisi spiritus hominis qui in ipso est: ita & quæ sunt Dei nemo nouit nisi spiritus Dei.



VIA ostensum est quod videntium Deum vnus alio perfectius videt: posset aliquis quærere vtrum sit tanta inæqualitas, quod nulla rerum multitudo sit quam omnes videant, an magis sint quædam quæ ab omnibus in essentia diuina videantur: ideo ad hanc quæstionem vult S. Thom. respondere. Circa hoc autem duo facit. Primò ostendit quæ sunt illa quæ in diuina essentia ab omnibus videtur. Secundò remouet quoddam dubiū circa medium huius cap. Quantum ad primū ponit hanc conclusionem: Quilibet diuinam substantiam videntiū cognoscit omnia genera & species, & virtutes, & totū ordinem vniuersi. probatur primò: Appetitus naturalis intellectus est, vt omnia prædicta cognoscat vt demonstrat humanum studium erga singula horum, ergo, &c. probatur consequentia, quia oportet quod appetitus naturalis substantiæ intellectualis diuinam substantiam videtis omnino quiescat, cum quiescat appetitus naturalis cuiuslibet rei cum ad vltimum finem peruenerit. Secundò, intellectus per lumen gloriæ eleuatur ad videndum Dei substantiā, quæ est summum in genere intelligibile: ergo multò magis eodē lumine perficitur ad omnia alia intelligenda quæ sunt in rerū natura. ergo, &c. probatur consequentia, ex differentia posita inter intellectum & sensum, tertio de Anima, quia videlicet intellectus postquam intellexerit magis intelligibile, nō minus poterit alia intelligibilia intelligere, imò magis cum non corrumpatur nec impediatur à suo obiecto, sed solum perficitur, hoc autem non conuenit sensui respectu sensibilis, eodē quod ab excellentibus sensibilibus corrumpatur vel debilitetur.

ADVERTE quod non oportet quidem si aliquo lumine intellectuali manifestatur maius intelligibile, quod manifestetur eodem etiam minus intelligibile, ita quod videatur in maiori, sed bene probabile est quod lumen eleuans intellectum ad diuinam essentiam videndam, quæ est excellentissimū intelligibile natū omnia representare clarissimè eleuet etiam ad videndum rerum omnium naturalium species & naturas, quæ sunt illius diuinæ substantiæ effectus, in quibus diuina bonitas relucet.

SED dubium occurrit circa hanc rationem. Nam ex ipsa non solum videtur posse concludi quod beati videant omnia ad vniuersi ordinem pertinentia, sed quod absolute omnia videant. Nam ita omnia à Deo producibilia sunt minus intelligibilia quam diuina essentia, sicut & omnia prædicta. Respondetur quod hæc ratio inducitur ad excludendum responsionem quæ ad præcedentem rationem posset dari. Posset enim aliquis dicere, quod quamuis naturale desiderium naturæ intellectualis sit ad cognoscendum omnia prædicta, impeditur tamen ab horum cognitione propter diuinæ essentiae, quæ videtur, excellentiam, sicut sensus ab excellentibus sensibilibus ne minus sensibilia cognoscat impeditur. sed ista responsio per hanc rationem excluditur, vt patet ex ipso rationis processu. ideo ex ipsa concludi non potest quod beati omnia absolute in Deo videant, sed tantum quod excellentia intelligibilis diuini non impedit quin illa beati videant in Deo quæ naturaliter scire desiderant. Tertiò, Quæ requiruntur ad perfectionem esse naturalis, requiruntur etiam ad perfectionem esse intelligibilis, vel etiam plura: sed perfectio esse intelligibilis est cum intellectus ad suum finem peruenerit scilicet ad videndum Deum sicut perfectio esse naturalis in rerum constitutione consistit. ergo omnia quæ ad perfectionem vniuersi produxit Deus, intellectui videnti se manifestat. probatur maior, quia esse intelligibile non est minoris ambitus quam esse naturale, sed forte maioris: cum intellectus etiam negationes & priuationes intelligat quæ non habent esse naturale.

ADVERTENDVM, quod ratio consistit in hoc quod cum intellectus peruenerit ad suum finem, qui est videre diuinam substantiā, habebit complementum perfectionis in esse intelligibili: perfectio autem intellectus in esse intelligibili est intelligere: ideo cum peruenerit ad videndum Deum, habebit completam cognitionem totius esse intelligibilis, alioquin nō peruenerit ad vltimum suum finem, cum adhuc remanere aliquid ab eo intelligendum: omnia autem quæ pertinent ad perfectionem esse naturalis, pertinent etiam ad perfectionem esse intelligibilis, cum vnumquodque sit intelligibile in quantum est in actu: ideo oportet vt videat omnia ad esse naturæ pertinentia. Quartò, Quilibet videntiū Deum ita perfecte eū videt, quod impletur tota eius capacitas naturalis, imò excedit, igitur omnia videt ad quæ se extendit sua capacitas naturalis. ergo, &c. probatur secunda consequentia. prima enim est manifesta, quia capacitas naturalis cuiuslibet intellectus extendit se ad omnia prædicta cognoscenda. Confirmatur author. Domini. Exo. 33. & author. Gregor.

ADVERTENDVM, quod istam Gregorij auctoritatem in quarto Dialogorum scilicet quid est quod non videant, qui videntem omnia videt, videtur S. Thom. ex eo quod eam ad confirmationem prædictorum inducit interpretari, nō de omnibus simpliciter, sed de omnibus generibus, speciebus, virtutibus & ordine vniuersi. In prima verò parte q. 12. art. 8. ad 1. & de Verit. q. 8. artic. 4. eam interpretatur quantum ad sufficientiam medijs, quia diuina essentia est quantum in seipsa est sufficiens medium demonstrationis rerum omnium. Addit etiam in quæst. Verit. aliam expositionem, scilicet quod potest intelligi de iis quæ pertinent ad substantiam beatitudinis. Nam vt ibidem dicitur ad 12. quamuis nulla cognitio creaturæ sit de substantia beatitudinis tanquam beatificans, aliqua tamen cognitio creaturæ pertinent ad beatitudinem quasi necessaria ad aliquem actum beati, puta ad gubernationem eorum qui eius curæ committuntur, vel ad laudandum, sicut sunt creaturæ ex quibus perfectio vniuersi constat, sed ista expositio est quasi eadem cum ea quæ hic ponitur. Quantum ad secundum remouet quoddam dubium S. Thom. quod ex prædictis videtur insurgere. Nam dictum est in superioribus, quod videntes Deum non vident omnia, hic verò dicitur quod omnia vident, & sic videntur contradictoria dici. Respondetur quod nulla est contradictio, sed vtrumque est verum, si rectè intelligatur. Si enim per omnia intelligantur quæ ad vniuersi perfectionem pertinent, sic videntes Deum omnia vident, vt patet ex rationibus superius inductis. Replicat autem vnā rationem quæ sibi forte videbatur subtilior, scilicet hanc, quia cum intellectus sit quodammodo omnia, quæcunque ad perfectionem naturæ pertinent, etiam pertinent ad perfectionem esse intelligibilis. Vnde secundum Aug. super Gene. ad litteram, talia non solum facta sunt per Dei verbum, vt in propria natura subsisterent, sed etiam in intelligentia angeli, vt intelligerentur ab eis. hæc autem sunt natura



tura specierum, & earum proprietates & virtutes, cum ad species naturæ intentio feratur, ergo hæc cognoscere pertinet ad perfectionem intellectus naturalis naturæ, ergo hoc in finali beatitudine per visionem diuinæ essentia consequitur, per cognitionem quoque specierum naturalium cognoscuntur & indiuidua sub speciebus existētia, ut patet ex dictis superius de cognitione Dei & angelorum, si verò per omnia intelligantur omnia quæ Deus suam essentiam intelligendo cognoscit, nullus intellectus creatus omnia in Dei substantia videt. Nō enim videt omnia quæ Deus facere potest, & nunquam faciet. Non etiam videt omnium rerum factarum rationes, ut dicitur Ecclesi. 8. Non denique videt omnia quæ ex sola Dei voluntate dependent, sicut sunt prædestinatio, electio, iustificatio, & huiusmodi. Duo prima probantur, quia vnum non posset esse sine comprehensione diuinæ virtutis, quod superius ostensum est esse impossibile, & ostenditur etiam author. Iob. 11. alterum verò non posset esse sine comprehensione diuinæ bonitatis & diuinæ sapientia: quia cum ratio rerum factarum sit, ut bonitas Dei diffundatur in rebus, aliquis rerum omnium rationes cognosceret, si cognosceret omnia bona quæ in rebus creatis secundum ordinem diuinæ sapientia: provenire possunt, quod esset diuinam bonitatem & etiam sapientiam comprehendere. Tertium verò probatur auctoritate Apostoli primæ Corinthiorum secundo.

CIRCA prædicta duo occurrūt dubia. Primum est, quia S. Tho. prima parte, q. 12. art. 8. ad ultimum, inquit, quod cognoscere singularia non est de perfectione intellectus creati, & quod ad hoc naturale desiderium rationalis creaturæ non fertur, relinquens quod illa non videntur in Deo, hic autem videtur oppositum dici. Nam inquit quod per cognitionem naturalium specierum cognoscitur indiuidua sub huiusmodi speciebus existentia ab intellectu vidente Deum. Secundum dubium est, quia hic dicitur quod omnes rerum factarum rationes non potest intellectus creatus cognoscere, in loco verò præallegato dicitur quod naturale desiderium rationalis creaturæ est ad sciendum omnia illa quæ ad perfectionem intellectus pertinent: & hæc sunt species & genera rerum, & rationes eorum quæ in Deo videbit quilibet diuinam essentiam videns. Ad primum horum respondetur, quod singularia dupliciter considerari possunt. Vno modo quantum ad ipsorum naturam indiuiduatam, secundum quam sub specie continentur: & quantum ad ea quæ sibi conveniunt secundum naturalem ordinem vniuersi, & sic vult hic S. Tho. quod ad videndum Deum videantur per cognitionem naturalium specierum: & hoc quidem probabile est, quia sicut substantia: separata, ut superius est ostensum, videndo cognitione naturali speciem, vident omnia illius indiuidua eorum existentia, eo quod species intelligibilis naturæ specificæ sit etiam eorum similitudo: ita cum cognitio beati nō sit inferior cognitione naturali substantia: separata, conueniens est quod videntes per diuinam essentia: quæ est omnium similitudo aliquam naturam & speciem, videant per illam omnia indiuidua illius naturæ. Alio modo considerare possunt quantum ad ea quæ ipsi ex diuina ordinatione proveniunt, aut etiam quæ ad ipsius creaturæ voluntatem pertinent, & sic intelligit in prima parte. Vnde concludit dicit, quod cognoscere alia singularia & cognita, & facta eorum non est de perfectione intellectus creati, sic enim verum est quod videntes Deum non vident omnes homines videndo omnia quæ illis in diuina ordinatione succedunt, & eorum omnes cogitatus: & similiter non vident omnia ad quæ alia singularia ex diuina institutione ordinantur, sed de iis tantum videt quantum perfectio beatitudinis requiritur, ut dicitur de Verit. vbi supra & quarto Sent. dist. 49. q. 3. art. 1. hoc autem exigit perfectio beatitudinis ut videant quæ ad ipsos pertinent, sicut sunt vota & orationes & deuotiones hominum qui eis afficiuntur, & eorum implorent auxilium, & alia huiusmodi, & sic aliqua singularia quantum ad ea quæ ad eorum propriam voluntatem & diuinam ordinationem pertinent cognoscunt, non autem omnia, licet omnia illa cognoscant in quantum sunt huius naturæ singularia, & quantum ad ea quæ sibi secundum ordinem naturæ conueniunt. Vnde etiam Gregorius opinio in 12. libro Moralium, quam approbat S. Tho. in loco præallegato, magis quam opinionem Aug. in libro de Cura pro mortuis agenda, sic est intelligenda. Cum enim, inquit, quod qui intus Dei claritatem vident, nullo modo credendum est quod sit foris aliquid quod ignorant, intelligendum est de iis quæ ad ordinem naturæ pertinent, non autem de omnibus absolute, quæ singularibus quomodocunque conueniunt.

SED remanet dubium utrum omnia singularia tam præsentia quam futura videant beati in diuina essentia, an tantum quæ præsentia sunt. Si enim ponatur quod videant singularia etiam futura, videtur hoc esse contra mentem sancti Thomæ. Primo, quia hic dicitur quod cognoscunt indiuidua sub speciebus existentia: constat autem quod futura sub speciebus non existunt. Secundo quia prima parte, q. 12. art. 8. ad ultimum, tenet quod non cognoscunt ea quæ nondum sunt. Tercio, quia prima parte, q. 89. art. 8. tenet quod vident omnia præsentia quæ hic aguntur, sicut angeli. Si verò ponatur quod cognoscant tantum singularia præsentia, cum per successione fiat præsentia, sequitur quod in visione beata successio erit & mutatio, quod est contra Aug. ultimum de Tri. Potest ad hoc dici, quod utraque pars sustentari potest. Possumus enim primo tenere, quod beati vident tantum præsentia quæ hic aguntur, iuxta ea quæ dicuntur prima parte, q. 89. Et cum instatur quod tunc esset successio & mutatio, dicitur primo, quod dupliciter potest intelligi successio in visione beata. Vno modo extrinsecè, alio modo intrinsecè. Si accipitur intrinsecè, non sequitur quod sit ibi successio, quia est vnus tantum actus visionis beatificæ semper manens, qui neque intenditur, neque remittitur, quamuis aliqua singularia prius non videantur, & postmodum videantur, sicut si ponatur angelus per speciem hominis considerare naturam humanam, & eius singularia eadem visione durante, & nullo modo in se variata potest videre homines aliquos, quos prius non videbat, quia antequam essent, non participabant actu specie humana, ut simul cum ipsa videri possent, postquam autem sunt producti, actu humana participant natura. Si verò accipitur extrinsecè, non est inconueniens esse successione in visione huiusmodi, in quantum ad singularia terminatur, id est, quod illa singularia successiue terminent talem visionem. Et si arguatur, quia non possunt plura cognosci in causa, nisi perfectius causa cognoscatur: dicitur quod hoc verum est de iis quæ per se cognoscuntur in causa, non autem de iis quæ cognoscuntur in causa, in quantum participant actu rem per se cognitam, quia tunc sufficit, ut quod prius eo non

participabat, nunc actu participet, sic autem est de singularibus. Nam illa terminant illam visionem non per se, sed in quantum specie participant, & prius non sunt actu, postmodum verò sunt. Dicitur secundo quod illud euenit absque mutatione ipsius visionis in se, sed per mutationem tantum ipsorum singularium. Possumus secundo tenere, quod beati eo modo quo singularia cognoscunt in Deo, non solum præsentia, sed & præterita & futura simul vident, absque scilicet illa extrinsecæ successione, eo quod & visio illa æternitate mensuretur aliquo modo, & videntur species rerum per diuinam essentiam quæ est & specierum & singularium omnium similitudo. Non obstat autem primo quod hic dicitur, quia intelligitur de singularibus existentibus sub speciebus pro quacunque temporis differentia. Non obstat secundo quod dicitur quæst. 12. primæ partis, quia illud intelligitur de speciebus quæ nunquam erunt, sed tamen à Deo produci possunt. Non obstat tertio, quod adducitur ex quæst. 89. primæ partis, quia licet ibi dicatur quod cognoscuntur omnia præsentia quæ hic aguntur, de quo in illo loco quærebatur, non tamen dicitur quod sola præsentia videant. Licet autem prima responsio fortassis sustentari possit, quod non assero, iuxta ea quæ libro primo, cap. 15. dicta sunt, videtur tamen mihi quod secunda sit magis amplectenda in doctrina S. Thomæ. Nam q. 8. art. 12. ad 2. de angelis beatis loquens ait, quod quantum ad visionem qua vident res in verbo, indifferenter se habent ad cognoscendum præsentia & futura: cap. etiam sequentibus immediate tenet, quod eorum quæ videntur in diuina essentia, vnum non videtur prius, & aliud posterius, sed omnia simul & vnico actu videntur. Ad secundum dubium respondetur, quod rationes rerum hoc loco dicuntur intelligibilia quæ de rebus cognosci possunt, omnia scilicet quæ intellectus potest intelligere rebus inesse. huiusmodi autem sunt in duplici differentia, quædam enim sunt quæ naturam rei & quidditatem necessarii concomitantur, ut sunt naturales virtutes & proprietates rei: & tales ex perfecta cognitione quidditatis cognosci possunt. Et de his intelligit S. Tho. prima parte: vnde etiam hic dicit, quod beati omnium specierum naturas & virtutes & propria accidentia cognoscunt, quædam verò sunt quæ rebus secundum quod diuinæ providentiæ substant, conueniunt, & tales non cognoscuntur cognita natura & quidditate rei: & de his loquitur sanctus Thomas hic, cum dicit beatos non cognoscere omnes rationes rerum factarum. illæ enim rationes sunt habitudines rebus factis conuenientes in ordine ad finem, qui est bonitas diuina. Vnde loquitur sanctus Thomas de his rationibus inquit quod ratio rei factæ sumitur ex fine quem agens intendit. istud enim verum est de ratione conueniente rei ut facta est, & ad aliquem finem ordinata. Cognoscere igitur omnes habitudines & ordinationes possibiles conuenire rebus creatis ut diuinæ providentiæ substant, esset cognoscere omnes gradus diuinæ bonitatis, quibus diffundi potest: quod esset diuinam bonitatem comprehendere. Quod cum impossibile sit, impossibile est ut rerum creatarum cognoscantur omnes huiusmodi rationes quæ ipsi ex diuina providentia & sapientia possunt conuenire. Postremo citata ea quæ in hoc cap. dicta sunt, aduertendum est quod hoc loco indifferenter locutus est S. Tho. de omnibus beatis, quia ea quæ omnibus conueniunt determinauit, hoc enim commune est omnibus beatis, quod vident omnia ad perfectionem naturæ vniuersi pertinentia: non autem vident omnia quæ Deus suam essentiam videndo cognoscit. In aliis autem locis, scilicet de Veri. loco præallegato, & q. 20. art. 4. & 3. Sent. dist. 14. & 4. Sent. dist. 49. vbi supra, differentiam quandam ponit inter animā Christi & alios beatos. Vult enim quod anima Christi scit omnia quæ cognoscit Deus scientia visionis, quæ scilicet pro aliqua temporis differentia habent esse, siue ad esse naturæ pertinent, siue ad esse gratia: & ordinem diuinæ providentiæ & prædestinationis. Vnde etiam scit omnia singularia, & omnes singulares actus omnium, & cordis abscondita. Alij autem de prædictis plura aut pauciora cognoscunt secundum quod diuinam essentiam perfectius aut imperfectius vident. Addit autem vnum in 4. Sent. scilicet nihil prohibet dicere, quod post diem iudicii omnes beati scient omnia prædicta quæ Deus scit scientia visionis: nō quidem videndo diuinam essentiam, quia tunc omnes essent æqualiter beati, sed quædam quidem in diuina essentia, alia verò per reuelationem ab anima Christi omnia huiusmodi vident, & ab alijs superioribus beatis: quod quidem non per nouas illuminationes, sed per continuationem illuminationis fiet: sicut si imago emur solem quiescentem illuminare æterem. Vnde Apoc. 21. dicitur, quod claritas Deum illuminabit ciuitatem beatorum, & lucerna eius est agnus.

Quod videntes Deum, omnia simul vident in ipso.

Cap. 60.



VVM autem ostensum sit quod intellectus creatus diuinam substantiam videns, in ipsa Dei substantia omnes species rerum intelligat: quæcunque autem vna specie videntur, oportet simul & vna visione videri, cum visio principio visionis respondeat: necesse est quod intellectus qui diuinam substantiam videt, non successiue, sed simul omnia contempletur.

2 Item, summa & perfecta felicitas intellectualis naturæ in Dei visione consistit, ut supra \* ostensum est. felicitas autem non est secundum habitum, sed secundum actum, cum sit vltima perfectio, & vltimus finis: ea igitur quæ videtur per visionem diuinæ substantia: qua beati sumus, omnia secundum actum videntur: non ergo vnum prius, & aliud posterius.

3 Adhuc, Vnaquæque res cum venerit ad suum vltimum finem, quiescit, cum omnis motus sit ad acquirendum finem, vltimus autem finis intellectus est visio diuinæ substantia: ut supra

2. lib. 1. 98. & seq.

Greg. lib. 12.  
Mor. cap. 13.  
super Iob.  
Aug. Tom. 4.  
cap. 13.

Idem part. 1.  
q. 12. art. 10.

\* Cap. 15.



\* Cap. 15. *supra* \* ostensum est. Intellectus igitur diuinam substantiam videns non mouetur de vno intelligibili in aliud: omnia igitur quæ per hanc visionem cognoscit, simul actu considerat.

D. 488. 4 Amplius. In diuina substantia intellectus<sup>d</sup> omnes rerum species cognoscit, vt ex prædictis patet. quorundam autem generum sunt species infinitæ: sicut numerorum & figurarum & proportionum. intellectus igitur in diuina substantia videt infinita: non autem omnia ea videre posset nisi simul videret: quia infinita non est transire: oportet igitur quod omnia quæ intellectus in diuina substantia videt, simul videat.

\* Cap. 16. Hinc est quod August. in 15. de Trin. \* dicit: Non erunt tunc volubiles nostræ cogitationes ab aliis in alia euntes & redeuntes: sed omnem sciētiam nostram vno simul conspectu videbimus.

Super Cap. 60.

**T**ERTIA conclusio est: Intellectus qui diuinam substantiam videt, non successiue, sed simul omnia contemplatur. Probatur primò, Visio principio visionis respōdet. ergo quæ vna specie videntur, oportet vna visione videri, sed intellectus videns diuinam substantiam, omnes rerum species in ipsa intelligit. ergo, &c. Circa istā probationem: Quæcūq; vna specie videntur, oportet vna visione videri, dubitatur, quia vna specie potest vnus intellectus diuersa diuersis temporibus de repræsentatis per illā speciem considerare: & sic illa non simul, sed successiue cognoscere. Vnde non solum hoc experimur in nobis, sed etiam de substantiis separatis. dictum est superius, quod singularia vnus speciei non cognoscunt nisi quando sunt in actu: successiue autem sunt actu: ideo illa successiue cognoscunt: & tamen omnia per vnā speciem cognoscunt, quæ est naturæ specificæ similitudo, ergo, &c. Respondetur quod illa propositio non intelligitur de quacūq; specie, sed de ea quæ semper actu & distincte omnia sua obiecta repræsentat, quemadmodum diuina essentia repræsentat, intellectui beati omnia genera & species rerum. Species autē intellectus nostri non repræsentat semper distincte & in actu omnia quæ per ipsam sunt cognoscibilia: & similiter species intellectus separati nō semper in actu repræsentat omnia singularia vnus speciei: ideo instat adductæ non sunt contra propositum. Secundò, Ea omnia quæ videntur per visionem diuinæ substantiæ, quæ beati sumus, secundum actum videntur, quia felicitas consistit in actu, non in habitu. ergo non vnū prius altero videtur, ergo, &c. Tertiò, Vltimus finis intellectus est visio diuinæ substantiæ. ergo cum videt diuinam substantiam, non mouetur de vno intelligibili in aliud. ergo, &c. probatur prima cōseq. quia vnaquæq; res cum venerit ad suum vlt. finem, quiescit. Quartò, intellectus in diuina substantia omnes rerum species cognoscit: ergo videt infinita: ergo omnia simul videt. probatur prima cōseq. quia quorundam generum vt numeri, figuræ, & proportionis, sunt species infinitæ. Secunda verò probatur, quia nisi simul omnia illa videret, non videret omnia, quum infinita non sit pertransire.

CONTRA hanc propositionem Intellectus in diuina substantia videt infinita: Scotus in 3. Sent. dist. 14. q. 2. tenens quod anima Christi nō videat omnia simul in verbo, sed successiue quodcūque voluerit intelligi: arguit dupliciter. Primò, quia impossibile est potentiam finitam perfectæ attentione videre simul infinita, cum attentio ad plura obiecta simul sit minus perfectæ. Secundò, quia perfectio illius animæ excederet in infinitum alias animas. Tertiò arguitur Adā, Deus nō potest facere infinita simul esse in actu: ergo nec possunt simul intelligi ab intellectu creato, quia non pōt intellectus creatus plura cognoscere in verbo, quā Deus possit facere.

Ad primum horum negat assumptum, quādo illa infinita vnica specie illa distincte repræsentate cognoscuntur. attentio enim ad plura cognita, non diminuit perfectionem cognitionis ipsorum, nisi quando per plures species cognoscuntur: in proposito autē illa infinita non videntur ab anima Christi per plures species, sed per vnā quæ est diuina essentia. Ad secundū dicitur, q. non est inconueniens animā Christi excedere perfectione infinita secundum quid alias animas, cuiusmodi est perfectio cognitionis infinitorū. ista enim non est perfectio infinita simpliciter, cum nō cognoscat illa efficacia, infinita, & alia infinita remaneant cognoscenda præter illa quæ cognoscit: sed est infinita tantum materialiter & extrinsece, & infinitate secundum quid, sicut & ipsa visā sunt secundum quid tantum infinita. Si autem arguatur vt arguit Adam, Ille actus æquipolleret infinitis actibus specificè distinctis: ergo esset simpliciter infinitus. Dicitur quod consequentia est falsa, quāuis enim ille actus æquipolleret infinitis actibus specificè distinctis distinctione magis materiali quā formali, non tamen esset simpliciter infinitus, quia sicut infinitæ species numerorum non sunt quoddam simpliciter infinitum secundum perfectionem, quum sint ad genus numeri determinatæ, ita nec cognitiones illæ essent infinitæ secundum perfectionem simpliciter, quia essent determinatæ ad numeri cognitionē vltra quam multæ alie cognitiones relinquuntur. Si vltius arguatur, quia beatus tāto plura videt in Deo, quāntum ipsum perfectius cognoscit: & sic videtur si infinita videt in Deo, q. Deum infinitè cognoscat, & consequenter q. infinitè alios beatos excedat: dicitur iuxta prædicta q. sicut ea quæ videt in Deo, sunt infinita tantum secundum quid, ita videt diuinam essentiam infinitè secundum quid, & sic etiam excedit alios beatos infinitè secundum quid: sicut infiniti dies excludunt dies finitos infinitè secundum quid, non autem simpliciter, quia non sunt simpliciter infiniti, sed tantum secundum quid, quum sint ad naturā temporis & dierum determinati. Ad tertium negatur consequentia, & ad probationem negatur assumptum. actualis enim existentia repugnat infinitis, non autē actualis cognitio per vnū quod infinita simul distincte repræsentat. Confirmatur conclusio auctoritate Augustini decimoquinto de Trinitate.

Quod per visionem Dei aliquis sit particeps vitæ æternæ.

Cap. 61.



X hoc autem apparet q. per visionem prædictam intellectus creatus vitæ æternæ sit particeps. In hoc enim æternitas à tēpore differt, q. tempus in quadā successione habet esse: æternitatis verò esse est totū simul. iam autem \* ostensum est, q. in prædicta visione nō est aliqua successio: sed omnia quæ per illam videntur, simul & vno intuitu videntur: illa ergo visio in quadam æternitatis participatione perficitur. est autem illa visio quædam vitæ actio enim intellectus est vitæ quædam. fit ergo per illam visionem intellectus creatus vitæ æternæ particeps.

\* Cap. præced.

2 Item, Per obiecta actus specificatur. obiectum autem prædictæ visionis est diuina substantia secundum seipsam, non secundum aliquam eius similitudinem creatam, vt supra ostensum est. esse autem diuinæ substantiæ in æternitate est, vel magis est ipsa æternitas: ergo visio prædicta in participatione æternitatis est.

Cap. 51.

3 Adhuc, si aliqua actio sit in tempore, hoc erit vel propter principium actionis quod est in tēpore, sicut actiones rerum naturalium sunt temporales, vel propter operationis terminum: sicut substantiarum spiritualium quæ sunt supra tempus quas exercet in res temporali subditas: visio autem prædicta non est in tempore ex parte eius quod videtur, cum hic sit substantia æterna, neq; etiam ex parte eius quo videtur, quod etiam est substantia æterna, neq; etiam ex parte videntis, quod est intellectus, cuius esse non subiacet tempori, cum sit incorruptibilis, vt supra probatum est: igitur visio illa secundum æternitatis participationem: vt pote omnino transcendens tempus.

Lib. 2. c. 79.

4 Amplius, Anima intellectiua est creata in cōfinio æternitatis & temporis, vt in lib. de Causis dicitur. \* Et ex præmissis potest esse manifestum, quia est vltima in ordine intellectuum: & tamen eius substantia est eleuata supra materiam corporalem non dependens ab ipsa: sed actio eius secundum quam cōiungitur inferioribus quæ sunt in tempore, est tēporalis: ergo actio eius secundum quam cōiungitur superioribus quæ sunt supra tēpus, æternitatis participat. Talis autē est maximè visio qua substantiā diuinam videt: ergo per huiusmodi visionē in participatione æternitatis fit: & eadē ratione quicūq; alius intellectus creatus Deum videt. Hinc est quod Dominus dicit Ioan. 17. Hæc est vitæ æternæ vt cognoscant te solum Deum verum.

\* Propositio-  
ne 2.

Super Cap. 61.



OSTQVAM posuit S. Thom. vnus cuiusque ad beatitudinem concurrentis particulares conditiones, nunc cōditiones generales manifestat. Et ponit tres cōclusiones, quarum prima est, Per visionem diuinæ essentiae intellectus creatus sit vitæ æternæ particeps. probatur primò: Visio prædicta in quadam æternitatis participatione consistit, & est vitæ quædam, ergo, &c. probatur antecedens quo ad primam quidem partem sic: In prædicta visione non est aliqua successio, ergo, &c. probatur consequentia, quia æternitas in hoc à tempore differt, quod tempus in quadam successione habet esse: æternitatis verò esse est totum simul. quod ad secundum verò, quia actio intellectus est quædam vitæ: supple secundum quod vitæ sumitur pro operatione seipsum mouentis ad operationem.

SED videtur ista ratio deficiere, quia supponit nullam esse aliam durationem quā tempus & æternitatem, & ideo quia visio beata non mensuratur tempore, concludit quod in quadam æternitatis participatione perficitur. hoc autem suppositum est falsum, quia datur alia mensura durationis media scilicet æuū, vt patet 1. part. q. 10. & 1. Sent. dist. 19. & in multis aliis locis. ergo, &c. Respondetur quod ratio optimè propositum concludit, quia intentio S. Tho. est in illa ratione ostendere, q. illa operatio est extra tempus omnino, & ideo alia mensura mensuratur, quæ aut est æternitas, aut participatio æternitatis: & ideo nō oportebat distinguere inter æuū & æternitatem, sed vtrunque æternitatis nomine complexus est. Secundò, esse diuinæ substantiæ in æternitate consistit vel magis est ipsa æternitas, ergo visio eius in participatione æternitatis consistit. probatur consequentia, quia per obiecta specificatur actus.

ADVERTTE quod ex eo q. per obiecta specificatur actus, vult habere S. Tho. quod actus de perfectione obiecti participet, sicut vnusquodque particeps est perfectionis formæ à qua specificatur. ideo si specificatur visio ab æternitate, oportet vt æternitate aliquo modo participet. Sed videtur quod ista ratio non concludat, quia per eam etiam concluderetur per intellectionem vitæ aliquem fieri participem vitæ æternæ. Is enim qui distinctionem æternitatis considerat, habet intellectionem, cuius obiectum est



est æternitas. ergo si quia obiectum diuinæ visionis est in æternitate, vel est ipsa æternitas videns diuinam essentiam, est particeps vitæ æternæ: sequitur quod & iste erit particeps vitæ æternæ.

Respondetur quod non est eadem ratio de considerante ratione æternitatis in hac vita, & de videte diuinam essentiam, quia dupliciter potest aliquid dici æternitate participare. Vno modo extrinsece tantum: & sic ille qui æternitatem considerat, aliquo modo æternitate participat extrinsece, in quantum sua operatione æternitatem aliquo modo attingit, licet imperfecto modo: sed de hac participatione non loquitur S. Thom. Alio modo intrinsece, tanquam videlicet ad ordinem æternorum pertinens: & sic videntes diuinam essentiam æternitatis sunt particeps, non autem is qui in via æternitatis rationem considerat, quia ille tantum hoc modo æternitatem cognoscendo, participat æternitate, qui ipsam æternitatis entitatem perfecte vt in se esse intuetur. hoc enim non potest esse nisi ad ordinem diuinæ nature intellectus sit eleuatus. Nam dictum est supra, quod oportet perfecte cognoscentem aliquid vnius ordinis ad illum ordinem pertinere, aut ad ordinem superiorem: & similiter quum operatio specificetur ex obiecto, sic specificatur, vt ad ordinem obiecti sui pertineat: quando illud obiectum per se immediate & perfecte attingit, quando autem illud obiectum imperfecte tantum, & in alio intuetur non specificatur vt ad eius ordinem pertineat, sed tantum extrinsece quadam & imperfecta specificatione. est enim magis quædam dispositio ad speciem illius cognitionis, quam sit aliquod complementum in specie. Tercio, visio hæc non est in tempore ex parte eius quod videtur: neque ex parte eius quod videtur, cum vtique sit substantia diuina quæ est æterna: neque etiam ex parte vidētis, cum esse intellectus non subiaceat tempori, eo quod sit incorruptibilis, ergo, &c. probatur consequentia, quia si aliqua actio sit in tempore, hoc est propter aliquod illorum trium. Quarto, Actio animæ intellectiue secundum quam coniungitur inferioribus quæ sunt in tempore, est temporalis: ergo eius actio, secundum quam coniungitur superioribus, quæ sunt supra tempus, æternitatem participat, talis autem maxime est diuina visio, ergo, &c. probatur prima consequentia, quia anima intellectiua est creata in confinio æternitatis & temporis, vt dicitur in libro de Causis, vt pote existens vltima in ordine intellectu, & eleuata tamen supra materiam corporealem. Confirmatur auth. Ioan. 17.

CIRCA ea quæ dicta sunt, occurrit dubiū: Rationes enim supradictæ non videntur concludere, saltem pro maiori parte, nisi quod visio diuina mensuratur aliqua mensura supra tempus. ad hoc autem videtur sufficere quod æuo mensuretur. nam æuum est supra tempus, & est quædam æternitas participata, vt sepe numero ait S. Tho. cū sit mensura esse secundum se intransmutabilis. Remanet ergo dubium, an vidētes diuinā essentia dicantur vitæ æternæ particeps, quia eorum visio mensuretur æuo, vel potius quia mensuretur aliqua alia mensura quæ sit æternitas, & sit supra æuum.

AD huius euidentiā considerandū est, quod cum æternitas, æuum, & tempus distinguantur ex parte mēsuratorum, vt patet 1. q. 10. in hoc quod entitas mensurat esse diuinum, æuum mensurat creaturas immutabiles & incorruptibiles, tempus verò motum & res corruptibiles, ad cognoscendū quæ mensura aliqua operatio mensuretur, videndum est ad quem ordinē istorum mensurabilium pertineat, quia si ad ordinē diuini esse spectet, mensurabitur æternitate: si ad ordinem creaturarum immutabilium, æuo mensurabitur: si autem ad ordinem mutabilium, mensurabitur tempore. Considerandum secundum quod operatio beatifica in quantum beatifica est, ad ordinem rerum mutabilium & corruptibilium pertinere non potest, quia ipsa tota simul est, & ex se deficere non potest, sed habet esse indefectibile. Sandi enim vt dicitur 4. Sent. dist. 49. q. 1. art. 2. q. 3. ad vltimum, ex hoc quod Deo adhærebunt, stabilitatem ex diuino munere consequentur, vt scilicet transmutari non possint. Non potest etiam ad ordinē creaturarum immutabilium pertinere propter duo. Primum, quia ad illum ordinem pertinent solum creaturæ substantiales, & quæ virtute naturali creaturæ fieri possunt, quæ enim naturalem virtutem creaturæ excedunt, intra naturalem ordinem creaturæ non continentur. operatio autem beatifica neque est substantia, neque virtute aliqua creaturæ produci potest, vt sit alicui creaturæ naturali, cum per diuinam virtutem diuinamque essentiam per modū formæ intelligibilis elicatur. Secundum, quia alia est immutabilitas operationis beatificæ, & alia immutabilitas substantiæ incorruptibilis. Nam talis substantia licet sit immutabilis secundum esse substantiale, & non habeat secundum tale esse successionē, neque prius aut posterius, admittit tamen secum mutabilitatem, & prius & posterius secundum successionem affectionum & intellectiōnū, ita quod verē dicitur ipsam esse mutabilem secundum operationes: operatio autē beatifica non solum est immutabilis, & tota simul quātum ad suū esse, sed nec etiā patitur secum aliquā mutationem & successionem secundum quam ipsa mutari dicatur. Relinquitur ergo quod talis operatio ad ordinē diuine operationis & diuini esse pertineat veluti quædam diuinæ beatitudinis similitudo participata. Sicut enim diuina operatio in se immutabilis est, nullamque secum admittit mutationē quæ ipsa mutetur, omnemque virtutē excedit creaturæ, & ita operatio beatifica. Ex his responsio ad dubiū clarissime patet. Dicitur enim quod operatio beatifica mensuratur æternitate, vt tenet S. Tho. 4. Sent. loco allegato, & 1. q. 10. art. 3. & art. 5. ad primum & Quod lib. 10. q. 2. art. 1. non autem tempore aut instanti temporis, aut æuo propter adductas rationes. Sed attendendum est, quod operationem beatificam æternitate mensurari dupliciter intelligi potest. Vno modo quod ipsa æternitas secundum se sit mensura talis visionis. Alio modo, quod aliqua alia mensura superior æuo, sed Dei æternitate inferior sit eius mensura, quæ nullum aliud nomē habet, nisi quod vocatur æternitas participata. Vtrumque quidem sustineri posset de mente S. Tho. quia vtique ex eius verbis potest haberi: verum tamen videtur mihi quod magis sit tenendum de mente ipsius, ipsam æternitatem quæ diuinum esse mensurat, visionis beatæ mensuram esse. moueor ad hoc, quia in quarto Sent. postquam ostendit quod neque tempore mensuratur, neque æuo, concludit quod propria eius mensura est ipsa æternitas, & etiam quia vbique de mensura durationis mentionem facit, nunquam nisi tres mensuras ponit, scilicet æternitatem, æuum, & tempus: & vltimam visio beatæ vt sic ad ordinem diuinum pertinet, vt ostendimus: videmus autem omnia quæ sunt vnius ordinis, vna mensura mensurari. omnia enim generabilia & corruptibilia mensurantur tempore, & omnia creata incorruptibilia mensurantur æuo: vnde dicere oportet, quod omnia quæ diuini

ordinis sunt, æternitate mensurentur. Aduertendum est tamen, quod sicut ad ordinē diuinum aliquid pertinet essentialiter & primò, sicut Deus, aliquid verò secundario, & per quandam participationem, vt visio beatifica, in quantum variationi non subest, & est supra omnem naturæ facultatem: ita & aliquid mensuratur æternitate per se & adæquate, vt Deus: aliquid verò tanquam mensura excedente & ab ipso participata, sicut ipsa visio beatæ vt sic. Quum enim visio hæc non pertineat ad ordinem diuinum tanquam diuinam perfectionem adæquantem, sed tanquam aliquid de diuina perfectione quæ Deo naturalis est participata, non est inconueniens si in quantum ad ordinem diuinum pertinet, non habeat mensuram adæquatam, sed tantum excedentem. Vnde S. Tho. loco præallegato in quarto Sententiarum ad tertium, ait quod æternitas non est communicabilis homini, ita quod sit eius mensura adæquata, aut alicuius quod in ipso est: potest tamen homini communicari secundum aliquam participationem, ita quod sit particeps æternitatis quia diuina operatio mensuratur. Quod autem dixit, quoniam æternitas est propria mensura eius, per propriam mensuram non intellexit mensuram adæquatam, sed mensuram sui ordinis, & quæ sola mensuratur. Si quis autem aliam partem tenere veller, posset dicere quod sicut beatus sit particeps illius visionis quæ Deus seipsum videt, ita quod habet aliquam operationem in se quæ est quædam similitudo participata illius diuinæ visionis, ita sit particeps æternitatis in quantum sua operatio mensuratur adæquate aliqua mensura sibi inexistente quæ est quædam participata similitudo veræ æternitatis. Et quod S. Thom. illam nomine æternitatis comprehendit: & quod non oportet omnia quæ sunt vnius ordinis, vnam habere mensuram, nisi eodem modo ad eundem ordinem pertineant: modo vt dictum est, Deus & visio beatæ non eodem modo ad diuinum ordinem pertinent.

SE D contra prædicta arguit Scotus quarto Sententiarum, dist. 49. q. 6. artic. 1. Si sic esset, sequeretur actum in quantum informatum, esse immutabiliorem substantia ipsius actus, cum per se actus in quantum informatum mensuretur æternitate: secundum autē suam substantiam mensuretur æuo. sed hoc est impossibile, quia impossibile est id quod conuenit alicui per acciden, esse immutabilius eo cui inest, ergo, &c. Secundum, æternum sicut est totum simul, ita caret potentia non essendi, sed hoc nulli creato conuenit, ergo, &c. Tercio, operatio beatifica non est eminentioris permanentiæ quàm substantia intellectualis: ergo non mensuratur æternitate, sed æuo. probatur antecedens, quia est eius acciden, & consequenter minus nobilis. Quarto, sicut visio Dei dicitur æterna in scriptura sacra, ita & poena damnatorum: sed poena damnatorum non est æterna aliqua æternitate ab æuo distincta, ergo, &c.

AD primum horum dicitur primò, quod non ponit S. Thom. vt opinatur Scotus, visionem diuinam secundum suam substantiam mensurari æuo, secundum verò suam formam mensurari æternitate, quasi substantia eius & sua forma intrinsece sint duo distincta, sed quod cum ipsa visio æternitate mensuretur, hoc non conuenit sibi in quantum absolute est intellectio ab intellectu creato elicit, sed in quantum est talis intellectio quæ est diuinæ essentia: visio: sicut dicimus aliquid conuenire homini in quantum rationalis est, quod non conuenit sibi in quantum est animal, licet animal & rationale sint vna res in homine. Dicitur secundum, quod illa formatio quæ conuenit illi visioni, non se habet ad intellectiōnem absolute sumptam tanquam aliquid omnino extraneum ab ipsa secundum rem, sed tanquam differentia ad genus quæ cum illo quidem est idem secundum rem, secundum autem formalem rationem accidet generi, sicut se habet rationale ad animal: & quod isto modo accidentaliter se habet aliud, non inconuenit maiorem immutabilitatem habere ex propria ratione, quàm habeat illud cui secundum rationem intelligitur aduenire: & sic dicimus quod illi intellectiōni quæ videtur diuinā substantia, conuenit maior immutabilitas ratione differentia quàm ratione generis, id est, in quantum illa visio, quàm in quantum intellectio absolute. Vnde ratio non est contra mentem S. Tho. Ad secundum dicitur, quod æternum simpliciter caret omni modo potentia non essendi, tam videlicet logica quàm naturali, & tam ab intrinseco, quàm ab extrinseco: æternum autem secundum participationem sufficit quod caret potentia non essendi naturali, quia videlicet per nullam virtutem naturæ possit deficere, & quod careat omni mutabilitate à principio intrinseco, sic autem visio huiusmodi est æterna, & caret potentia ad non esse, sicut enim nulla virtute naturæ potest sufficienter produci, ita nulla virtute naturæ potest deficere, neque in ipsa aut in eius successu est potentia ad eius priuationem, in quantum visio beatifica est. Ad tertium dicitur secundum doctrinam S. Thom. 1. q. 10. art. 3. ad 2. quod non eodem modo est visio diuina æterna, & poena damnatorum. Licet enim poena damnatorum secundum quod caret fine, possit aliquo modo dici æterna: non est tamen verē æterna, cum sit cum quadam transmutatione quæ æternitati repugnat. dicitur enim Iob 24. quod ad nimium calorem transibunt ab aquis niuium.

Quod videntes Deum, in perpetuum eum videbunt.

Cap. 62.



X hoc autem apparet quod illi qui vltimā felicitatē consequuntur, ex visione, diuina nunquam ab illa decident.

Omne enim quod quandoque est, & quandoque non est, tempore mensuratur: vt patet in 4. Phys. \* visio autē prædicta quæ intellectuales creaturas facit beatas, non est in tempore, sed in æternitate. impossibile est ergo quod ex quo illius particeps aliquis sit, ipsam amittat.

2 Adhuc, Creatura intellectualis non peruenit ad vltimum finem nisi quando eius desiderium naturale quietatur. Sicut autē naturaliter desiderat felicitatē, ita naturaliter desiderat felicitas perpetuatē. Cum enim in sua substantia sit

\*Tem. co. 117.



tia sit perpetua: illud quod propter se desiderat, & nō propter aliud, desiderat ut semper habendum. Non igitur esset felicitas vltimus finis, nisi perpetuū permaneret.

3 Amplius, Omne illud quod cum amore possidetur, si sciatur quod quandoque amittatur, tristitiam infert. visio autē prādicta quā beatos facit, cum sit maximē delectabilis & maximē desiderata, à possidentibus eam maximē amatur. ergo impossibile esset eos nō trīstari si scirēt se quandoque eam amissuros: si autem nō esset perpetua, hoc sciendoque iam enim ostensum est, \* quod videndo diuinam substantiam, etiā alia cognoscunt quā naturaliter sunt: vnde multo magis cognoscunt qualis illa visio sit, vtrum perpetua, vel quandoque desitura: non ergo talis visio adesset eis sine tristitia: & ita non esset vera felicitas quā ab omni malo immunem reddere debet, ut suprà ostensum est.

4 Item, Quod mouetur naturaliter ad aliquid sicut ad finem sui motus non remouetur ab eo nisi per violentiam: sicut graue cum proicitur sursum. cōstat autem ex prādictis quod omnis substantia intellectualis naturali desiderio tendit ad illam visionem. nō igitur ab illa deficiet nisi per violentiam. nihil autem tollitur per violentiā alicuius nisi virtus auferētis sit maior virtute causantis. visionis autem diuinæ causa est Deus, ut suprà probatum est. ergo quum nulla virtus diuinam virtutem excedat, impossibile est quod illa visio per violentiam tollatur. in perpetuū ergo durabit.

5 Adhuc, Si aliquis videre desinat quod primò videbat: aut hoc erit quia deficiet ei facultas vidēdi: sicut cum aliquis moritur, vel cecatur, vel aliquo aliter impeditur. aut erit quia non vult amplius videre: sicut cum aliquis auertit visum à re quam prius videbat: vel quia obiectum subtrahitur: & hoc est cōmuniter verū, siue de visione sensus, siue de intellectuali visione loquamur. Substantiæ autem intellectuali videnti Deum non potest deesse facultas videndi Deum, neque per hoc quod esse desinat, cum sit perpetua, ut suprà ostensum est: neque per defectum luminis quod Deum videt: cum lumen illud incorruptibiliter recipiatur secundum cōditionem & recipientis & dantis. neque potest ei deesse voluntas tali visione fruendi, ex quo percipit in illa visione esse suam vltimam felicitatem: sicut non potest velle nō esse felix. neque etiam videre desinet per subtractionē obiecti, quia obiectū illud quod est Deus, semper eodem modo se habet: nec elongatur à nobis nisi inquantum nos elōgamur ab ipso. impossibile est igitur quod visio illa Dei quā beatos facit, vnquam deficiat.

6 Præterea, Impossibile est quod aliquis à bono quo fruitur, velit discedere, nisi propter aliquod malum quod in fruitione illius boni æstimatur, saltem propter hoc quod æstimatur impedimentum maioris boni. sicut enim nihil desiderat appetitus nisi sub ratione boni: ita nihil fugit nisi sub ratione mali: sed in fruitione illius visionis non potest esse aliquid malum, quum sit optimum ad quod creatura intellectualis peruenire potest: neque etiam potest esse quod ab eo qui illa fruitur visione, æstimetur in ea esse aliquid malum, vel aliquid eo melius: cum visio illius summæ veritatis omnem falsam æstimationem excludat. impossibile est igitur quod substantia intellectualis quæ Deum videt, vnquam illa visione carere velit.

7 Item, Fastidium alicuius quo prius aliquis delectabiliter fruebatur, accidit propter hoc quod res illa aliquam immutationem facit in re, corrumpēdo vel debilitando virtutem ipsius. Et propter hoc vires sensibiles (quibus accidit fatigatio in suis actionibus propter immutationē corporaliū organorum à sensibilibus, à quibus etiam si fuerint excellētia, corrumpuntur) fastidiunt post aliquod tempus frui eo quod prius delectabiliter sentiebāt: & propter hoc etiam intelligēdo fastidium patimur post longam vel vehementem meditationē: quia fatigantur potentiæ videntes corporaliū organis, sine quibus cōsideratio intellectus nostri compleri nō potest. diuina autē substantia non corrumpit, sed maximē perficit intellectum: neque ad eius visionem concurrunt aliquis actus qui per organa corporalia exerceatur: impossibile est igitur quod illa visio ali-

quem fastidiat, qui prius ea delectabiliter fruebatur.

8 Amplius, nihil quod cum administratione consideratur, potest esse fastidiosum: quia quandiu sub admiratione est, adhuc desiderium manet. diuinā autē substantia à quolibet intellectu creato semper cum admiratione videtur: quum nullus intellectus creatus eam comprehendat. impossibile est igitur quod substantia intellectualis illam visionem fastidiat: & ita non potest esse quod per propriam voluntatem ab illa visione deficiat.

9 Adhuc, Si aliqua duo fuerint prius vnita, & postmodum separētur, oportet quod hoc accidat per mutationē alicuius eorum. Relatio enim sicut non incipit esse de nouo absque mutatione alterius relatorū: ita nec absque mutatione alterius de nouo esse desinit. intellectus autem creatus videt Deū per hoc quod ei quodammodo vnitur, ut ex dictis patet. si ergo visio illa desinat vnione huiusmodi desinere: oportet quod hoc fiat per mutationē diuinæ substantiæ vel intellectus ipsam vidētis. quorum vtrumque est impossibile.

Nam diuina substantia est immutabilis, ut in 1. lib. \* ostēsum est. substantia etiā intellectualis eleuatur supra omnem mutationem, quum Dei substantiam videt. impossibile est quod aliquis decidat ab illa felicitate qua Dei substantiā videt.

10 Item, Quoties aliquid est Deo propinquius, qui est omnino immobilis, tantō est minus mutabile, & magis perseuerans: vnde quædam corpora propter hoc quod longē distantia à Deo, nō possunt in perpetuum durare, sicut dicitur in secundo de Generatione. \* sed nulla creatura potest Deo vicinius appropinquare quā quæ eius substantiā videt. creatura igitur intellectualis quæ Dei substantiam videt, summam immobilitatem consequitur: non igitur possibile est quod vnquam ab illa visione deficiat. Hinc est quod in Psalmis dicitur: Beati qui hab. in do. tua. do. in se. se. laud. Et alibi: Non commouebitur in æternum qui habitat in Hierusalem. Et Isaia 33. Oculi tui videbunt Hierusalem ciuit. op. tab. quod ne. trans. po. nec auf. cla. eius in sem. & omnes funiculi eius non rum. quia fo. ibi mag. Dominus Deus noster. Et Apoca. 3. Qui vicerit, faciam il. co. in temp. d. m. & fo. non egredi. amplius. Per hoc autem excluditur error Platoniorum, qui dicebant animas separatas postquam felicitatem vltimam adeptæ fuissent, iterū ad corpora incipere velle redire, & finita felicitate illius vitæ iterum miseris vitæ huius inuolui. Et etiam error Origenis, qui dixit animas & angelos post beatitudinem iterum posse ad miseriam deuenire.

#### Super Cap. 62.

**S**ECUNDA conclusio est: Illi qui vltimam felicitatem consequuntur ex visione diuina, nunquam ab illa decident. Probatur primò: Prādicta visio non est in tempore, sed in æternitate, ergo amitti non potest. Probatur consequentiā: quia quod quandoque est, quandoque nō est, scilicet per potentiam intrinsecam, mensuratur tempore, ut dicitur quarto Physicorum. Secundo, Si non perpetuū felicitas permaneret, nō quietaretur naturale desiderium in ea, ergo non esset vltimus finis. Probatur prima cōsequentiā, quia sicut natura intellectualis naturaliter desiderat felicitatem, ita naturaliter desiderat felicitatis perpetuitatē, eō quod ipsa sit perpetua, & consequenter quod propter se desiderat & non propter aliud, desiderat ut semper habendum. Secunda quoque consequentiā probatur, quia nō peruenit huiusmodi natura ad vltimum finem, nisi quando eius naturale desiderium quietatur.

AD euidentiam huius rationis considerandum, quod aliter loquendum est de his quæ propter aliud quærentur, & aliter de his quæ quærentur propter se. id enim quod quæritur propter aliud, non habet ut quærat ut tanquam semper habendum, quia adueniente eo propter quod quærebatur, cum non quærat nisi ad aliud acquirendum, non amplius desideratur, sicut medicina quæ propter sanitatem quæritur, habita sanitate nō desideratur ulterius: sed id quod propter se, duntaxat & nullo modo propter aliud quæritur, habet ut quærat ut tanquam semper habendum quādiu manet appetens, quia habet ex se sufficientem bonitatem propter quam appetatur: & ideo cum non appetatur nisi quia bonum secundum se, cum semper sit bonum, appetitur ut semper habendum: sic quia sanitas est secundum se quoddam bonum naturæ, & quæritur propter se, naturaliter desideratur ut semper habenda. Optimè ergo probauit S. Thom. naturam intellectus naturaliter desiderare felicitatis perpetuitatem, eō quod ipsa existens perpetua, id quod propter se desiderat, & non propter aliud, quo modo felicitatem desiderat, appetit ut semper habendum. Tertiò, Nisi sic esset, talis visio non adesset sine tristitia, & ita non esset vera felicitas. probatur sequela: Visio hæc à possidentibus eam maximē amatur, cum sit maximē delectabilis, & maximē desiderata. ergo si sciatur quandoque amittenda, non est sine tristitia: quia quod cum amore possidetur, si sciatur quod quandoque amittatur, tristitiam infert: sed si non sit perpetua,

Cap. 51.

\* Cap. 15.

\* Ten. c. 59.

Psalm. 83.

Psalm. 124.

Plato qui desumitur ex Phædro Phædone, & 10. de Repub. Orig. 3. Per ryarchon. c. 6.

Cap. 5. secundum de libri.

bcw



beati hoc sciunt, quia si vidēdo essentiam diuinā cognoscunt quæ sunt in natura, multo magis cognoscunt an illa visio sit perpetua necne, ergo, &c. Quarto, Omnis substantia intellectualis naturali desiderio tendit ad illam visionem, ergo ab illa non deficiet nisi per violentiam, ergo in perpetuum durabit. probatur prima consequentia, quia quod mouetur naturaliter ad aliquid sicut ad finem sui motus, non remouetur ab eo nisi per violentiam, ut patet in graui. Secunda verò probatur, quia cum nihil tollatur per violentiam alicuius, nisi virtus auferretur sit maior virtute causantis: nulla autem virtus sit quæ excedat virtutem diuinam quæ est causa huius visionis, impossibile est quod per violentiam tollatur.

AD VERTE quod ista ratio supponit hanc visionem non cessaturam propter voluntariam subtractionem diuinæ actionis, sed diuinam essentiam continuat ad ipsam in beatis operari, ut patet in sequenti ratione. Quinto, Non potest substantia intelligibilis videns Deum definire videre ipsum, quia possit sibi deesse facultas videndi, aut per hoc quod ipsa designat, aut propter defectum luminis quo videtur quum sit perpetua, & lumen illud incorruptibiliter recipiatur ex conditione & recipientis & dantis: neque quia sibi possit deesse voluntas tali visione fruendi quam percipiat in illa esse suam vltimam felicitatem, sicut non potest non velle esse felix, neque per subtractionem obiecti, quia obiectum illud quod est Deus, semper eodem modo se habet: nec elongatur à nobis nisi in quantum nos elongamur ab ipso, ergo, &c. probatur consequentia, quia non definit aliquis videre quod primo videbat, nisi propter aliquod prædictorum.

CIRCA secundi impedimenti remotionem, scilicet quod beato non potest deesse voluntas tali visione fruendi, sicut non potest non velle esse felix, considerandum quod licet in via felicitas sub communi ratione felicitatis non moueat voluntatem de necessitate quantum ad exercitium actus, sed tantum quantum ad actus specificationem absolute loquendo, tamen ut superius dictum est, ex hac suppositione quod apprehendatur practice, & proponatur voluntati sub ratione appetendi pro nunc omnibus consideratis, non potest voluntas non velle, sicut non potest intellectui proponi primum principium quin statim illi actualiter assentiat. Cum ergo inquit S. Thom. quod videnti Deum non potest deesse voluntas fruendi illa visione, sicut non potest non velle non esse felix, intelligendum est stante illa practica apprehensione felicitatis, sic enim proportionaliter sibi respondent diuina essentia & felicitas in communi, quia diuina essentia clare visa necessario mouet voluntatem, & felicitas in communi practice propofita voluntati modo dicto necessario acceptatur.

CIRCA remotionem tertij impedimenti, scilicet quod non potest obiectum beatitudinis subtrahi, aduertendum quod dupliciter posset subtrahi obiectum visionis, aut scilicet quia ipsum variatur in se, sicut si quod erat album fiat nigrum, aut quia ipso in se non variato remouetur debita propinquitas, sicut si longe ponatur album quod prius erat visui sufficienter propinquum, propter vtrumque horum remouendum inquit sanctus Thomas, quod obiectum diuinæ visionis non subtrahitur, quia Deus semper eodem modo se habet, id est, in se nullam variationem habet, & etiam nunquam elongatur à nobis. Sexto, & est confirmatio præcedentis cum duabus sequentibus, probatur enim quod non potest deficere ex propria voluntate ipfius beati. In fruitione illius visionis non potest esse aliquod malum, cum sit optimum ad quod creatura rationalis peruenire potest, hæc potest esse quod ab eo qui tali visione fruitur æstimetur in ea esse aliquod malum vel aliquid eo melius, cum illa visio omnem falsitatem excludat, ergo impossibile est quod videns Deum velit illa visione carere, probatur consequentia, quia impossibile est ut aliquis velit à bono quo fruitur discedere nisi propter aliquod malum quod in fruitione illius boni existimat, saltem propter hoc quod existimatur impedimentum maioris boni. Ad hanc rationem posset dici, quod ille qui fruitur Deo, posset velle carere illa visione non propter aliquod malum coniunctum ei, neque quia sit impedimentum maioris boni, sed ad experiendum propriam libertatem, scilicet an posset à tali visione & fruitione ad horam desistere. sed ista responsio nulla est, tum quia hoc non posset esse nisi quia experientiam propriæ libertatis existimaret maius bonum quam diuinam visionem & fruitionem, & sic existimaret continuationem talis visionis esse maioris boni impedimentum, tum quia videns Deum naturali necessitate iudicat illud obiectum omnibus pensatis esse pro tunc summè diligendum super omnia, nec est in potestate ipsius tale iudicium suspendere, quia illa visio qua clare videt Deum, ad quam tale iudicium de necessitate consequitur, non est in potestate sua: stante autem illo iudicio quo virtute visionis diuinæ iudicatur Deum esse pro tunc summè diligendum, constat quod non potest videns Deum iudicare pro tunc bonum esse se suspendere actum fruitionis ad experiendum propriam libertatem, quia hoc iudicium cōtrariatur illi alij iudicio, ideo responsio hæc efficaciam rationis non tollit. Septimo, Diuina substantia non corrumpit, sed maxime perficit intellectum, neque ad eius visionem concurret actus qui per corporalia organa exerceatur, ergo non potest illa visio aliquem fastidium alicuius quo prius aliquis delectabiliter fruebatur, accidit propter hoc quod res illa aliquam mutationem facit in re corrumpendo vel debilitando virtutem ipsius, ut patet in operatione virium sensitiuarum, & in operatione intellectus nostri in hac vita quæ sine potentiis organicis compleri non potest. Octauo, Diuina substantia à quolibet intellectu creato semper cum admiratione videtur, cum eam non comprehendat, ergo non potest illam visionem substantia intellectualis fastidire, ergo neque ab illa potest propria voluntate desistere, probatur prima consequentia, quia nihil quod cum admiratione consideratur, potest esse fastidiosum, eo quod semper desiderium maneat.

CIRCA hanc rationem dubium occurrit: quia si cum admiratione videtur diuina substantia à beatis, videtur quod beati desiderium non impleatur, tum quia ut hic dicitur, quandiu aliquid est sub admiratione, adhuc desiderium manet, tum quia admiratio est cum ignorantia, & ex admiratione incitatur desiderium cognoscendi causam quæ ignoratur.

AD huius evidentiā duo sunt consideranda, vnum est quod licet admiratio in nobis proprie importet duo, ut ex primo Metaph. elici potest, scilicet quod causa illius quod admiratur, sit occulta, & in eo appareat aliquid per quod videatur contrarium debere esse eius quod miramur, propter

quod quoddam sciēdi causam desiderium excitatur, sicut cum ferrum videmus ascendere, miramur: tamen largo modo aliquando admiratio sumitur pro apprehensione alicuius ut excedentis omnino propter sui magnitudinem capacitatem cognoscentis. cum ergo hic dicitur quod diuina substantia à quolibet intellectu creato semper cum admiratione videtur, accipitur admiratio secundo modo, non autem primo modo, quia ut arguebatur, beati non desiderant quidem alicuius rei cognitionem quam non habeant, semper tamen vident se à magnitudine diuinæ maiestatis superari, & eius visionem à perfecta Dei comprehensione deficere. Alterum est quod desiderium (ut dicitur 1.2. q. 33. art. 2.) dupliciter potest accipi, vno modo proprie secundum quod importat appetitum rei non habentem, alio modo secundum quod importat intentionem affectus quæ fastidium tollit. cum ergo hic dicitur quod quandiu aliquid sub admiratione est, adhuc desiderium manet, accipiendum est desiderium secundum proportionem ad admirationem. si enim accipitur admiratio ut importat cognitionem eius quod admiratur cum ignorantia causæ & ex estimatione quod aliter esse deberet, sic quandiu aliquid sub admiratione est, desiderium primo modo manet: quia admirans petit cognitionem causæ quam non habet. si autem accipitur admiratio pro cognitione substantiæ alicuius ut excedentis in sua intelligibilitate facultatem cognoscentis, sic eam concomitatur desiderium secundo modo, quod importat intentionem affectus fastidium tollentem: & sic cum beatis sit ista admiratio, eo quod videntes diuinam substantiam eam non comprehendant cognoscantque incomprehensibilem esse, atque semper sint in hac admiratione, manet in ipsis semper desiderium fruendi Deo, id est, intensus affectus ad visionem Dei & delectationem eam consequentem, propter quod de angelis qui perfectè Deum cognoscunt & delectantur in ipso, dicitur 1. Petri. 1. quod desiderant in eum prospicere. Ad hunc itaque sensum procedit ratio S. Thom. Nondum hæc visio non potest definire propter mutationem diuinæ substantiæ cum sit immutabilis, neque propter mutationem intellectus ipsam vidētis, cum eleuetur in hoc supra omnem mutationem, ergo, &c. probatur consequentia, quia si aliqua duo prius fuerunt vnita, & postmodum separentur, oportet quod hoc accidat per mutationem alicuius eorum. relatio enim non incipit, neque definit esse absque mutatione alterius relatorum, intellectus autem creatus videt Deum per hoc quod ei quodammodo vnitur.

AD VERTE TEND V M circa fundamentum huius rationis, quod licet intellectus quilibet creatus sit secundum suam naturam aliquo modo mutabilis, secundum tamen quod ad visionem diuinæ substantiæ eleuatur sit Dei munere quantum ad ea quæ ad talem visionem exiguntur omnino immutabilis, quia enim, ut dictum est superius, eleuatur ad hoc ut sit diuini ordinis, de ratione autem diuini ordinis est immutabilitas: ideo ut dicitur 4. Sent. dist. 49. quæst. 1. art. 2. q. 3. ad 4. sicut immutabilitas Deo cōuenit per naturam, ita beati ex diuino munere stabilitatem consequuntur, ut transmutari non possint, scilicet quantum ad beatam visionem: & sic intelligendum est quod hic dicitur substantiam intellectualem eleuari supra omnem mutationem cum Dei substantiam videt. Decimo, Nulla creatura potest Deo amplius appropinquare quam quæ eius substantiam videt, ergo illa summam immutabilitatem consequitur, supplet quantum ad illam visionem, ergo, &c. probatur prima consequentia, quia quantum aliquid est Deo propinquius, qui est omnino immobilis, tanto est minus mutabile & magis perseverans, declaratur exemplo corporum, & authorit. Arist. 2. de Generatione text. 9. confirmatur author. Psal. & Isa. 45. ac Apocal. 3. Per hoc autem & Platoniorum & Origenis in libro Periarchon error excluditur, qui voluerunt animas post beatitudinem iterum posse ad miseriam deuenire.

SED contra prædicta in quantum aliquibus rationibus conclusum est, beatum non posse velle diuinam visionem carere, & per consequens voluntatem beati necessario velle & amare diuinam essentiam clare visam, arguitur ex Scoti primo Sententiarum dist. 1. quæst. 4. primum quando principium elicitiuum non necessario elicit, nec habens principium illud necessario agit: sed charitas quæ est principium elicitiuum fruitionis, non necessario illam elicit in patria, quia nec etiam in via necessario eliciebat, ergo nec voluntas necessario fruitur. Secundo, aut finis mouet ad istum actum, aut potentia, si finis, patet quod nulla est necessitas: quia ad nullum actum creatum necessario mouet, si voluntas, tunc sic. Diuersa approximatō passī ad agens non causat necessitatem, sed intensiorem actionem: ut patet de calido respectu calefactibilium. sed diuersa præsentia obiecti cogniti puta visi & non visi non videtur esse nisi quædam diuersa approximatō eius ad voluntatem, ergo istud non diuersificat necessitatem & non necessitatem. Arguitur etiam ab alijs primò sic. Obiectum quod non replet totam capacitatem potentie, non immutabiliter mouet voluntatem. sed tale obiectum est Deus, cum voluntas diligens Deum sit in potentia ad multas alias dilectiones, ergo, &c. Secundo, non est ponendum id quod libertatem voluntatis auferat: sed hæc immutabilitas voluntatis, tollit eius libertatem, ergo, &c. Tertio, ita in via iudicamus Deum esse summè diligibilem sicut in patria, & tamen in via non necessitatur voluntas circa ipsum Deum, ergo nec in patria. Quarto ponuntur quidam casus, primus est si Deus det alicui fruitionem suam ad horam, & certificet ipsum quod post horam illam non habebit, constat quod talis potest velle carere illa visione, cum non sit sibi impossibile conformare se Deo in volito. secundus est, si Deus præcipiat beato ut conetur suspendere amorem quo amat illum clare visum, constat quod talis poterit illum amorem suspendere. tertius est, si Deus ostenderet videnti se esse futurum eius perpetuus afflictor, vel annihilator & huiusmodi, constat quod apprehenderetur sub ratione displicibilis, & per consequens voluntas posset cum non velle. quartus est, si aliquis damnandus videret Deum & cognosceret penam aliquam sibi futuram, constat quod eius gaudium per dolorem diminueretur, & posset Deus facere quod haberet tantum dolorem quod excluderet omne gaudium, ergo, &c. Arguitur etiam contra istam determinationem: quia videtur esse contra mentem S. Thom. Nam de Verit. q. 22. art. 6. vult quod voluntas est libera quo ad exercitium actus quantum scilicet ad velle & non velle in quolibet statu nature, & respectu cuiuslibet obiecti, ergo in patria non necessitatur respectu Dei clare visi quantum ad actus exercitium.

PRO solutione argumentorum Scoti considerandum est quod licet intellectus

Cap. 53.



intellectus creati Deus sit obiectum tam in via quam in patria: inquantum & in via & in patria cognosci potest, sub alia tamen ratione est obiectum in via, & sub alia ratione in patria. in via enim non obicitur nobis nisi ut obfcurè & in ænigmate cognitus, ac per aliud: in patria verò est obiectum ut clarè cognitus, & per se: & quia voluntas non fertur nisi in bonum cognitum, sicut alio modo cognoscitur in via, & alio modo in patria: ita voluntas alio modo se habet in ipsum in via, & alio modo in patria. quia enim hic videtur in speculo, non autem in seipso & in propria ratione, & non videtur clarè, nisi in ratione summi boni & ultimi finis contineri: ideo voluptas quæ in ultimum finem sibi sub ratione ultimi finis propositum naturaliter fertur, non necessariò fertur in Deum, nec in ipso immobilizatur: quia ex illa cognitione non sequitur de necessitate iudicium illud quo iudicetur esse summè diligendus: in patria verò quia clarissimè videtur in diuina substantia esse summi boni & ultimi finis ratione, voluntas in ipsum necessariò fertur, & immobilizatur in ipso habet, eò quòd illud iudicium quo iudicatur sic visus esse summè volendus & diligendus, non est in potestate beati, cum illud necessariò sequatur ex clara visione eius quod est verè summum bonum, & summè diligibile.

Ad primum igitur Scoti dicitur quòd minor est falsa: ad probationem negatur consequentia: quia in via non proponebatur voluntati obiectum eo modo & sub eadem ratione qua sibi proponitur in patria. in via enim proponitur tanquam aliquid in ænigmate & in alio cognitum: in patria autem sibi proponitur tanquam clarè & in seipso visum, & ita quæ manifestè cognitum quòd sit præ omnibus diligendum. Ad secundum dicitur quòd utrumque scilicet & finis & potentia mouent ad istud actum hoc est ad hunc actum concurrunt, & ex utroque aliquo modo prouenit necessitas: ex fine quidem quia est obiectum conuenientissimum naturæ intellectualis, & est summæ bonitatis: ex parte autem voluntatis, quia voluntas est talis naturæ ut propositum sibi ultimo fine sub ratione summè diligibilis clarè cogniti, necessariò in illud inclinatur, sicut intellectus primis principiis necessariò assentit. cum probatur quòd non ex fine, quia non necessariò mouet ad aliquod ens creatum, dicitur quòd non sic dicitur ad actum necessarium ipse finis mouere quasi necessariò per modum efficientis moueat, & non sit in eius potestate non agere, sed quia est tanta bonitas ut propositum voluntati clarè ut in seipso natum sit inclinare voluntatem per modum finis, ita quòd voluntas non poterit ipsam non appetere, cum verò probatur quòd non ex voluntate ista necessitas proueniat, dicitur, quòd maior appropinquatio passivæ ad agens dupliciter potest intelligi, aut scilicet secundum localem distantiam tantum, ut dicantur proximiora illa quæ in locis sunt minus ab invicem distantibus, aut secundum adhaerentiam, ad rationem magis propriam agentis, ut illud magis dicatur appropinquare alicui, quòd secundum rationem illi magis propriam adhaeret. si primo modo accipiatur approximatō, sic admittitur maiore, quæ tamen fortassis non est vera, negatur minor: si secundo modo accipitur, sic minor quidem est vera: quia dum voluntati proponitur Deus non visus, sed in speculo cognitus, adhæret Deus voluntati non per suam essentiam in se, sed secundum quandam rationem à creaturis acceptam. cum verò proponitur voluntati tanquam clarè visus, adhæret sibi secundum ipsam suam essentiam & propriam suam rationem quæ sibi est intima: sed maior ratio est falsa: quia stat aliquod obiectum sub propria ratione & essentia propositum voluntati necessitate voluntatem: quod non necessitat ipsam sub ratione ab aliis rebus accepta propositum, sicut sanitas perfectè cognita necessitat appetitum naturalem, quæ non cognita nisi in quandam confusione & obscuritate, non necessitat. Ad primum aliorum negatur minor. dicitur enim voluntatis capacitatem obiectum aliquod adimplere, quando nihil extra ipsum appetentem relinquatur tanquam suæ perfectionis complementum, ut dicitur 1. 2. quæst. 1. artic. 5. sic autem Deus clarè visus se habet ad voluntatem: nam cum peruenit substantia intellectualis ad visionem diuinæ essentia, complementum suæ perfectionis habet, & nullam aliam perfectionem desiderat: cum autem probatur quia voluntas diligens Deum est in potentia ad multas alias dilectiones, negatur consequentia sub intellectu. per hoc enim quòd obiectum aliquod satiat voluntatem, non excluditur quin cum ipso aliquid aliud amare possit, sed excluditur amor alterius rei omnino extraneus ab amore illius obiecti, qui scilicet ab illo nullo modo procedit, & sic illius complementum. dicitur enim quòd beatus diligens Deum non potest habere amorè alicuius alterius rei qui ab amore Dei non originetur: sed quicquid amat & vult, amat & vult in ordine ad essentiam diuinam, & ex eius amore, & ex hoc dicitur voluntatis capacitatem adimplere. Ad secundum negatur minor. immutabilitas enim ex inclinatione naturali voluntatis proueniens non tollit ipsius libertatem, cum necessitas naturalis inclinationis libertati non repugnet quæ aliquis à coactione est liber secundum Augustinum, scilicet de ciuitate Dei, & sancti Thomæ de Verit. quæst. 4. artic. 1. ad 20. sed bene necessitas coactionis: quia coactio est tantum ab extrinseco, naturalis autem inclinatio est ab intrinseco. Ad tertium dicitur primò, quòd staret illo iudicio etiam in via quòd iudicamus Deum esse summè diligibilem pro nunc omnibus pensatis nihilque tale iudicium impediens, voluntas necessariò illum diligit: & quando manet tale iudicium, manet ille voluntatis actus, ut dicebatur superius de beatitudine secundum vniuersalem rationem acceptam, dicitur secundò, quòd voluntas non immobilizatur in illo actu in via sicut in patria, quia illud iudicium in via est in potestate nostra propter obscuram & ænigmaticam Dei cognitionem: & potest homo ab illo iudicio & etiam ab actuali consideratione Dei cessare: aut quia talis consideratio iudicatur impeditua melioris boni, aut quia fatigatur homo in tali consideratione propter fatigationem virium sensitiuarum: aut ob aliquas alias causas quarum nulla erit in patria ubi clarissimè videtur natura diuina ut in se esse, & ubi nulla est deceptio, & nulla fatigatio, & non potest iudicari aliquid esse melius illa visione diuina: unde non est eadè ratio in via & in patria.

Ad casus propositos dicitur in communi quòd mens sancti Thomæ est loqui de voluntate beatorum quantum ad id quod sibi conuenit secundum se & secundum communem legem, non autem quantum ad illud quod circa illos Deus disponere potest, quia illud accidit beatitudini & sibi non conuenit per se: in particulari autem ad primum casum dicitur quòd utique tunc talis velle carere illa visione post horam: quia videns Deum à voluntate diuina discordare non potest: talis tamen non

potest pro illa hora velle carere illa visione tanquam ipsam fastidians. Ad secundum dicitur quòd casus non est admittendus: quia Deus non precipit impossibile. Beatum autem suspendere amorem illum est sibi omnino impossibile, stante illa visione & iudicio quo ex virtute illius visionis iudicatur Deus pro tunc esse omnibus pfectis summè diligendus, quia ad illum amorè illis stantibus naturaliter inclinatur, nec est ille amor in eius potestate. Ad tertium casum dicitur quòd talis non apprehenderet Deum sub ratione displicibilis: quia licet videat ipsum futurum esse eius punitorem, non tamen iudicat ipsum esse malum, cum videat ipsum esse essentia bonitatis, & nihil posse nisi optimè & iustissimè facere. Ad quartum casum dicitur quòd gaudium illius de essentia diuina clarè visa ex illo non minueretur: imò fortassis nullus esset dolor: quia tale gaudium & illa pœna non sunt contraria: sicut & in Christo dolor passionis non minuebat gaudium fruitionis beate.

Ad id quod ultimò inducitur ex verbis sancti Thomæ, respondet Capreolus 1. dist. 1. quæst. 3. mentem sancti Thomæ in illo loco esse, quòd voluntas respectu cuiuscunque obiecti potest suspendere actum in quocunque statu, in quo sibi potest proponi sub ratione boni exitus in actum, vel cessatio ab actu: in patria autem non potest proponi sub ratione boni cessare à dilectione Dei secundum se: ideo dictum sancti Thomæ non obstat determinationi factæ. Sed istud saluo semper meliori iudicio non videtur mihi esse ad mentem sancti Thomæ. Ex hac enim responsione admittitur absolute quòd in patria voluntas circa Deum non est libera quo ad exercitium actus, in autoritate autem adducta hoc videtur negare sancti Thomæ. dum connumerans statum beatorum inter status naturæ, dicit voluntatē esse liberam in quolibet statu naturæ circa quodcunque obiectum, in quo etiam includitur quòd sit libera erga Deum à beatis visum. ideo posset aliter dici, scilicet quòd cum actus voluntatis sequatur cognitionem: sicut dupliciter possumus loqui de cogitatione qua beati cognoscunt Deum, scilicet de cognitione beatifica, & de cognitione non beatifica, ita dupliciter loqui possumus de actu voluntatis erga Deum. si enim loquamur de illa cognitione Dei in qua essentia beatitudinis consistit, quæ scilicet est cognitio Dei per ipsam diuinā essentiam clarè visi, sic voluntas non potest non habere actum dilectionis circa Deum: quia non potest intellectus iudicare ipsum pro tunc non esse diligendum, & consequenter cessatio à tali dilectione non potest proponi voluntati sub ratione boni. si autem loquamur de cognitione quam habent beati de Deo, aut ex habitu hinc acquisito, aut ex reuelatione, aut aliquo alio modo secundum quasunque alias particulares rationes, sic non necessariò fertur voluntas beati in Deum sic cognitum: quia sicut intellectus potest cessare ab illo iudicio quo iudicat Deum ut sic cognitum esse diligendum: quia potest à tali cognitione & consideratione cessare, & consequenter potest proponere voluntati sub specie boni cessationem ab illo actu, ita & voluntas potest ab illo actu cessare: & sicut intellectus non necessatur in illa cognitione ad inducendum Deum esse diligibilem sub ratione cognitum, ita nec voluntas necessatur ad illum diligendum. Mens ergo sancti Thomæ est quòd etiam in statu beatorum voluntas circa Deum absolute est libera quantum ad exercitium actus in quantum potest alicuius actum liberè elicere circa ipsum aliqua cognitione non beatifica cognitum. huic autem non repugnat quòd circa ipsum ut visione beatifica cognitum, non sit libera, sed determinata: quo modo loquimur hic de voluntate beatorum circa Deum: & hanc responsionem etiam ipse Capreolus in 2. dist. 1. quæst. 1. videtur magis quam aliam acceptare.

*Qualiter in illa vltima felicitate omne desiderium hominis completur.*

*Caput 63.*



**E**X præmissis autem apparet quòd in illa felicitate quæ prouenit ex visione diuina, omne desiderium humanum impletur, secundum illud Psal. Qui replet in nobis desiderium tuum. *Psalm. 102.*

Et omne humanum studium ibi suam consumptionem accipit. Quod quidem patet discurreti per singula. Est enim quoddam desiderium hominis in quantum intellectualis est de cognitione veritatis: quod quidè homines consequuntur per studium contemplatiuæ vitæ. Et hoc quidem maxime in illa visione consummabitur, quando per visionem primæ veritatis omnia quæ intellectus naturaliter scire desiderat, ei innotescunt, ut ex supradictis apparet. Est etiam quoddam hominis desiderium secundum quod habet rationem qua inferiora disponere potest: quod quidem consequuntur homines per studium actiuæ & ciuilis vitæ: quod desiderium principaliter ad hoc est, ut tota hominis vita secundum rationem disponatur: quod est viuere secundum virtutē. cuiuslibet enim virtuosi finis in operando est propriæ virtutis bonum, sicut fortis ut fortiter agat, hoc autem desiderium tunc omnino complebitur, quando ratio in summo vigore erit diuino lumine illustrata, ne à recto deficere possit. Consequuntur etiam ciuilem vitam quædam bona quibus homo indiget ad ciuiles operationes: sicut honoris sublimitas, quam homines inordinatè appetentes, superbi & ambitiosi fiunt. ad summam autem honoris altitudinem per illam visionem Dei homines sublimantur, in quantum Deo quodammodo vniuntur,

*Contra Gent.*

*E*

*August. To.  
3. li. 5. de Ci-  
uit. Dei. cap.  
9. & 10.*

*Cap. 59.*



Cap. 51. ut supra ostensum est. Et propter hoc sicut ipse Deus rex seculorum est: ita & beati ei coniuncti reges dicuntur, Apocal. 20. Regnabunt cum Christo. Consequitur etiam civilem vitam aliud appetibile, quod est fama celebritas: per cuius inordinatum appetitum homines inanis gloriæ cupidi dicuntur. Beati autem per illam visionem redduntur celebres, non secundum hominum, qui decipi & decipere possunt, opinionem: sed secundum verissimam cognitionem & Dei & omnium beatorum: & ideo illa beatitudo in scriptura sacra frequentissime gloria nominatur, sicut in Psal.

Psal. 149. dicitur: Exultabunt sancti in gloria. Est etiam & aliud in civili vita appetibile, scilicet diuitiæ, per cuius inordinatum appetitum & amorem homines illiberales & iniusti fiunt: in illa autem beatitudine est bonorum omnium sufficientia, in quantum beati perfruuntur illo quod comprehendit bonorum omnium perfectionem. Propter quod dicitur Sapientia 7. Venerunt mihi omnia bona pariter cum

Psal. 111. illa. Et in Psal. dicitur. Gloria & diuitiæ in domo eius. Est etiam tertium hominis desiderium, quod est sibi & aliis animalibus commune, ut delectationibus perfruatur: quod homines maxime consequuntur secundum vitam voluptuosam: & per eius immoderantiam intemperati & incontinentes fiunt. in illa verò felicitate est delectatio perfectissima: tantò quidem perfectior ea quæ secundum sensum est, quia & bruta animalia perfruuntur: tantò intellectus est altior sensu, tantò etiam illud bonum in quo delectabimur, maius est omni sensibili bono, & magis intimum & magis continuè delectans, quātò etiam illa delectatio est magis pura ab omni permixtione contristantis, aut sollicitudinis alicuius molestantis, de qua dicitur in Psal. Inebriabuntur ab ubere. do. t. & tor. vo. t. po. cos. Est etiam naturale desiderium omnibus rebus commune per quod cōseruationem sui desiderant, secundum quod possibile est: per cuius immoderantiam homines timidi redduntur, & nimis à laboribus sibi parcentes: quod quidem desiderium tunc omnino complebitur, quando beati perfectam sempiternitatem consequuntur, ab omni nocumēto securi, secundum illud Isa. 49. & Apocal. 21. Non esurient neque sitient: ambulabunt, neque cadet super illos sol, neque vllus æstus.

Sic igitur patet quod per diuinam visionem cōsequuntur substantiæ intellectualis veram felicitatem, in qua omnino desiderium quietatur: & in quo est plena sufficientia omnium bonorum, quæ secundum Aristotelem ad felicitatem requiruntur. Vnde & Boëtius dicit quod beatitudo est status omnium bonorum cōgregatione perfectus. Huius autem perfectæ & vltimæ felicitatis in hac vita nihil est adeo simile sicut vita contemplantium veritatē secundum quod est possibile in hac vita: & ideo Philosophi qui de illa felicitate vltima plenam notitiam habere non poterunt, in cōtemplatione quæ est possibilis in hac vita, vltimam felicitatem hominis posuerunt. Propter hoc etiam inter alias vitas in scriptura diuina magis cōtemplatiua commendatur, dicente Domino Lucæ 10. Maria optimam partem elegit, scilicet cōtemplationem veritatis: quæ non auferetur ab ea. incipit enim cōtemplatio veritatis in hac vita, sed in futura consummatur: actiua verò & ciuilis vita huius vitæ terminos non transcendunt.

10. Ethic.  
cap. 7.  
3. lib. de cōsa-  
la. prosa 2.

### Super Cap. 63.



ERTIA conclusio est In illa felicitate quæ prouenit ex visione diuina, omne desiderium humanum impletur, ut in Psal. dicitur, & omne humanum studium ibi consummationem accipit. probatur discurrendo per omnia in quæ humanus appetitus fertur, & quæ secundum Aristotelem ad felicitatem requiruntur. In illa enim visione consummatur desiderium hominis secundum cōtemplatiuam vitam de cognitione veritatis, quod sibi conuenit in quantum est natura intellectualis, quia ei innotescunt omnia quæ intellectus naturaliter scire desiderat, ut ex supradictis patet. complebitur etiam desiderium eius secundum actiuam & ciuilem vitam, quod sibi conuenit secundum quod habet rationem qua inferiora disponere potest. ciuilis enim vitæ multa sunt appetibilia, scilicet viuere secundum virtutem, ad quod principaliter tendit honoris sublimitas, famæ celebritas, & diuitiæ, quæ omnia in illa visione homines consequuntur: Primum quidem, quia ratio in summo vigore erit diuino lumine illustrata, ne à recto deficere possit, secundum verò, quia beati ad summam honoris altitudinem sublimantur in quantum Deo vniuntur, cuius signum est quod

regnabunt cum Christo, ut dicitur Apoc. 20. Tertium autem, quia per illam visionem redduntur celebres non opinione hominum qui decipi & decipere possunt, sed secundum verissimam cognitionem Dei & omnium beatorum, vnde illa beatitudo in Psal. gloria nominatur. Quartum denique, quia in illa beatitudine beati perfruuntur illo quod bonorum omnium perfectionem comprehendit, quod ostenditur & Sapientia 7. & in Psal. Adimplebitur etiam desiderium delectationis quod homini & omnibus animalibus est commune, & sibi secundum vitam voluptuosam conuenit: quia in illa felicitate est delectatio perfectissima, ut dicitur in Psal. & tantò perfectior ea quæ est secundum sensum, quātò intellectus est altior sensu, & tantò est magis pura ab omni permixtione contristantis aut sollicitudinis molestantis, quātò illud bonum in quo delectabimur, maius est omni sensibili bono, & magis intimum, & continuè delectans. complebitur etiam desiderium cōseruandi esse, quod est sibi & omnibus rebus commune, quia beati perfectam sempiternitatem consequuntur ab omni nocumēto securi, ut dicitur Isa. 48. & Apoc. 21. & sic patet rectè dixisse Boëtium, quod beatitudo est status omnium bonorum aggregatione perfectus. Infert postremo sanctus Thomas, quod huic perfectæ & vltimæ felicitati nihil in hac vita est adeo simile sicut vita cōtemplatiua, & propter hoc Philosophi in cōtemplatione veritatis quæ possibilis est in hac vita, vltimam hominis felicitatem posuerunt, & etiam à Domino vita cōtemplatiua magis commendatur Lucæ 10. tanquam magis diuturna quàm actiua. incipit enim in hac vita, sed in futura consummatur.

CIRCA complementum desiderij delectationis aduertendum, quod simpliciter & absolute loquendo delectationes spirituales sunt potiores corporalibus, licet corporales sint quod ad nos vehementiores. sanctus Thomas autem loquitur hoc loco de ipsis secundum ordinem earum per se & absolute, & agit paucis verbis multas rationes, quas in prima secundæ quæstione 31. articulo quinto, & quarto Sententiarum distinctione quadagesimanona, quæstione tertia, articulo quinto, explicite ponit. Vna est quod cum ad delectationem requiratur bonum coniunctum, id cui coniungitur, & ipsorum coniunctio: quantum ad omnia hæc, delectatio spiritualis est potior corporali, quantum quidem ad id cui bonum coniungitur, quia pars intellectiua est multo nobilior & magis cognoscitiua quam sensitiua. hoc tangitur hic cum dicitur, quod intellectus est altior sensu, quantum etiam ad bonum coniunctum, quia bonum spirituale est maius & magis dilectum quàm corporale, cuius signum est quia homines multa sustinent incommoda, & maximis delectationibus corporalibus abstinere, propter honorem, famam, & huiusmodi quæ sunt spiritualia bona. hoc tangitur hic cum dicitur quod illud bonum intelligibile est maius omni bono sensibili, quantum verò ad ipsam coniunctionem, quia res spirituales intellectæ intimius vniuntur nobis quàm res corporales per sensum apprehensæ, quia intellectus pertingit vsque ad intimam rei quidditatem: per sensum autem coniungimur rebus corporalibus quasi superficialiter tantum, cum extrinsecata tantum apprehendamus accidentia: hoc tangitur hic cum dicitur, quod illud bonum est magis intimum. Alia ratio est quia spirituales delectationes sunt diuturniores, vtpote ex causis incorruptibilibus & immobilibus prouenientes, corporales verò delectabilia sunt corruptibilia, hæc retigit sanct. Thom. cum dixit quod bonum illud est continuè delectans. Alia postremo ratio est, quia delectationes spirituales sunt sine motu, & totæ simul & consequenter puriores, corporales verò sunt cum motu ex quo lassitudine inducunt, hanc quoque sanct. Thom. hic tangit, cum ait quod delectatio beatorum est magis pura ab omni permixtione contristantis.

CIRCA id quod dicitur vitam cōtemplatiuam incipere in hac vita, & consummari in futura, aduertendum quod hoc non ideo dicitur quasi cōtemplatio quæ est in hac vita maneat in futura eodem modo: quia ut inquit supra 2.2. quæst. 180. articulo 8. ad primum, motus cōtemplandi non idem est hic & in patria, sed quia vita cōtemplatiua manet quod ad eosdem adus quos habebat in vita. sicut enim in hac vita est aliqua cōtemplatio diuinæ veritatis, ita & in patria, licet ista sit imperfecta, illa verò perfecta intelligitur etiam ratione charitatis erga Deum. in qua principium & finem vita cōtemplatiua habet. Vnde inquit Gregorius super Ezechielem quod cōtemplatiua hic incipit, ut in cælesti patria perficiatur: quia amoris ignis qui hic ardere inchoat, cum ipsum quem amat viderit, in amore ipsius amplius ignescit.

CIRCA conclusionem principaliter intentam occurrit dubium. Non enim videtur in illa felicitate per diuinam visionem desiderium hominis compleri. Nam anima beata desiderat vnitri corpori, & corporis beatitudinem quam nondum habet. Item aliquis beatus desiderat salutem alicuius quam ille nondum est adeptus, ergo per visionem diuinæ essentia desiderium hominis non completur.

RESPONDETUR ex doctrina sancti Thomæ prima secundæ, quæstione quarta, articulo quinto ad quintum, quod compleri desiderium beati potest dupliciter intelligi, vno modo ex parte appetibilis, alio modo ex parte appetentis. Animæ ergo separata desiderium totaliter quiescit ex parte appetibilis: quia habet id quod suo appetitui sufficit, sed non totaliter impletur ex parte appetentis, quia illud obiectum non possidet secundum omnem modum quo possidere veller. Hanc ego responsionem sanct. Thom. sic intelligo, quod non ita adimpletur anima beata desiderium ex visione diuinæ essentia quod in ipsa nullus sit desiderij motus: cum, ut arguebatur, aliqua alia desideret, vnde & 1.2. quæst. 67. artic. 4. ad tertium, & 3. Sen. dist. 26. art. vlt. quæst. 2. inquit sanct. Thom. q. animæ beatæ non dicuntur propriè sperare gloriam corporis, sed tantum desiderare, & quarto Sententiarum dist. quadagesima quinta, quæstione tertia, articulo tertio ad primum, inquit quod sancti martyres habent desiderium de obtinenda stola corporis, & de societate sanctorum qui saluati sunt. sed dicitur adimpleri eius desiderium ex parte rei desideratæ in quantum habet perfectissimum sufficientissimum bonum quod desiderabat tanquam vltimum suum finem propter quem omnia alia volebat, in cuius adptione eius essentialis felicitas consistit, licet illud non habeat omnibus modis quibus veller, quia non habet illud ut corpus beatificans. tale enim obiectum sufficit eius appetitui: tum quia remotis omnibus aliis est essentialiter beata ex eius adptione, vtpote habens summum bonum, tum quia adptioni illius facit ut omne q. desiderat, infallibiliter consequatur.

Homel. 14.

Nau



Nam cum non desideret nisi quod videt Deum velle, & voluntas Dei semper impleatur, sequitur quod & eius desiderium semper impletur, siue de vnione ad corpus, siue de societate saluandorum, siue de quocunque alio, vnde inquit sanctus Thomas prima secundæ, loco præallegato, quod gloria corporis quam desiderant beati, habet inuitabilem causam. Ad hunc ergo sensum intelligitur quod hic dicitur, per diuinam visionem substantias intelligibiles veram felicitatem consequi, in qua omne desiderium quietatur: quia videlicet per illam habetur summum bonum, quod omne desiderium continet, & quod præ omnibus tanquam finis vltimus desideratur, & cuius adeptione essentia beatitudinis consistit, & etiã quia in ipso est inuitabilis ratio & causa adimpletionis cuiuscunque desiderij, sicut eius qui nondum adeptus est pecuniam, dicitur quodammodo desiderium rei habendæ quietatum esse: quando scit se quandoque voluerit posse pecuniam obtinere.

SE D tunc insurgit aliud dubium. Nā perfecta felicitas requirit perfectam quietationem desiderij & ex parte appetibilis, & ex parte appetentis, cum omnis motus naturalis ad quietem tendat, felicitas autem sit terminus appetitus, ergo si in anima separata non est quietatio totalis desiderij ex parte appetentis, non habebit perfectam felicitatem.

RESPONDE TVR, quod de perfecta felicitate beati dupliciter possumus loqui. Vno modo quantum ad perfectionem essentialē felicitatis. Alio modo quantum ad perfectionem essentialē simul & concomitantem secundum quod beatitudo nominat statum omnium bonorum aggregatione perfectum. Si loquamur de prima perfectione, sic anima separata est perfecte beata, quia videt Deum in quo essentia beatitudinis consistit, nec remanet in ipsa aliquod desiderium respectu huius. Si verò loquamur de eius perfectione secundo modo, sic vique conceditur quod non est perfecte beata. Vnde sanctus Thomas quarto Sent. distinctione quadagesimano-na, questione prima, articulo quarto, tenet quod post resurrectionem augebitur beatitudo sanctorum extentiue in quantum anima gaudebit non solum de bono proprio, sed etiam de bono corporis, imò etiam vult quod aliquo modo augebitur intensiue, non quidem perfectius Deum videndo ex parte obiecti, sed quia ex vnione ad corpus eius operatio efficacior erit. In quarto etiam libro huius contra Gentiles, capitulo septuagesimono, ait quod anima separata nondum habet felicitatem perfectam, quia nondum eius desiderium totaliter quietatur.

*Quod Deus sua prouidentia gubernat vniuersa.*

*Capit. 64.*



**E**X his autem quæ præmissa sunt, sufficienter habetur quod Deus rerum omnium est finis. Ex quo haberi potest vterius quod ipse sua prouidentia gubernat & regit vniuersa. Quandoque enim aliqua ordinatur ad aliquem finem, omnia dispositioni illius subiacent, ad quem principaliter pertinet ille finis, sicut in exercitu apparet, omnes enim partes exercitus & eorum opera ordinantur ad bonum ducis, quod est victoria, sicut in vltimo finē: & propter hoc ad ducem pertinet totum exercitum gubernare. Similiter ars quæ est de fine, imperat & dat leges arti quæ est de his quæ sunt ad finem: vt ciuilis militari, militaris equestri, & ars gubernatoria nauifactioni. Cum igitur omnia ordinentur ad bonitatem diuinam sicut in finem, vt ostensum est: oportet quod Deus ad quē principaliter illa bonitas pertinet, sicut substantialiter habita & intellecta & amata, sit gubernator omnium rerum.

2 Adhuc, Quicumque facit aliquid propter finem, vtitur illo ad finem. ostensum est autem supra, quod omnia quæ habent esse quocunque modo, sunt effectus Dei: & quod Deus omnia facit propter finem, qui est ipse. ipse igitur vtitur omnibus dirigendo ea in finem, hoc autem est gubernare. est igitur Deus per suam prouidentiam omnium gubernator.

3 Amplius, Ostensum est quod Deus est primum mouens non motum: primum autē mouens nō minus mouet quā secundum mouentia, sed magis: quia sine eo non mouēt alia. omnia autem quæ mouentur, mouentur propter finem, vt supra ostēsum est. mouet igitur Deus omnia ad fines suos, & per intellectum. ostensum est enim supra quod non agit per necessitatem naturæ, sed per intellectū & voluntatem. nihil autem est regere & gubernare per prouidentiam, quā mouere per intellectum aliqua ad finē. Deus igitur per suam prouidentiam gubernat & regit omnia quæ mouentur in finem, siue moveantur corporaliter, siue spiritaliter: sicut desiderans dicitur moueri à desiderato.

4 Item, Probatum est quod corpora naturalia mouentur & operantur propter finem, licet finem non cognoscant, ex hoc quod semper vel frequentius accidunt in eis quod melius est: & non aliter fierent per artem. Impossi-

bile est autem quod aliqua non cognoscentia finem operentur propter finem, & ordinatē perueniant in ipsum, nisi sint mota ab aliquo habente cognitionem finis: sicut sagitta dirigitur ad signum à sagittante. oportet ergo quod rota operatio naturæ ab aliqua cognitione ordinetur: & hoc quidē mediātē vel immediātē oportet reducere in Deum. oportet enim quod omnis inferior ars & cognitio à superiori principia accipiat, sicut in scientiis operatiuis & speculatiuis apparet. Deus igitur sua prouidentia mundum gubernat.

5 Adhuc, Ea quæ sunt secundum suam naturam distincta, in vnum ordinem non conueniunt nisi ab vno ordinante colligantur in vnum. In vniuersitate autem rerum sunt res distinctæ, & contrarias naturas habentes, quæ tamē omnes in vnum ordinem conueniunt, cum quædam operationes quorūdam excipiunt: quædam autem à quibusdam iuuantur, vel etiam operantur: oportet igitur quod sit vniuersorum vnus ordinator & gubernator.

4 Amplius, Eorum quæ circa cælestium corporum motus apparent, ratio assignari non potest ex necessitate naturæ, cum quædam eorum habeant plures quibusdam & omnino diffformes: oportet igitur quod illorum motuum ordinatio sit ab aliqua prouidentia: & per consequens omnium inferiorum motuum & operationum quæ per illos motus disponuntur.

7 Item, Quātō aliquid propinquius est causæ, tantō plus participat de effectu ipsius. vnde si aliquid tantō participatur perfectius ab aliquibus, quantō alicui rei magis appropinquat: signum est quod illa res sit causa illius quod diuersimodē participatur. Sicut si aliqua sint magis calida secundum quod magis oppropinquant igni: signum est quod ignis sit causa caloris. Inueniuntur autem aliqua tantō perfectius ordinata esse quātō sunt Deo magis appropinqua. nam in corporibus inferioribus quæ sunt maximē à Deo distantia, naturæ similitudine, inuenitur esse defectus aliquando ab eo quod est secundum cursum naturæ, sicut patet in monstruosis & aliis casualibus: quod nunquam accidit in corporibus cælestibus: quæ tamē sunt aliquo modo mutabilia: quod non accidit in substantiis intellectualibus separatis. Manifestum est autem quod Deus est causa totius ordinis rerum: est igitur ipse per suā prouidentiam gubernator totius vniuersitatis rerum.

8 Adhuc, Sicut supra probatum est, Deus res omnes in esse produxit nō ex necessitate naturæ, sed per intellectum & voluntatem. intellectus autem & voluntatis & ipsius non potest esse alius finis vltimus nisi bonitas eius, vt scilicet, eam rebus communicare: sicut ex præmissis apparet. res autem participant diuinam bonitatem per modum similitudinis in quantum ipsæ sunt bonæ. id autem quod est maximē bonum in rebus creatis est bonum ordinis vniuersi, quod est maximē perfectum, vt Philosophus dicit. Cui etiam consonat diuina scriptura Genesis primo, cum dicitur, Vidit Deus e. quæ fe. & e. valde bona. cum de singulis operibus dixisset simpliciter quod erant bona. Bonum igitur ordinis rerum creatarum à Deo est id quod est præcipuē volitum & intentum à Deo: nihil autem aliud est gubernare aliquam rem quā ei ordinem imponere: ipse igitur Deus omnia suo intellectu & voluntate gubernat.

9 Amplius, Vnumquodque intendens aliquem finem magis curat de eo quod est propinquius fini vltimo. quia hoc est etiam finis aliorum. vltimus autem finis diuinæ voluntatis est bonitas ipsius cui propinquissimū in rebus creatis est bonum ordinis totius vniuersi, cum ordinetur ad ipsum sicut ad finem omne particulare bonum huius vel illius rei: sicut minus perfectum ordinatur ad id quod est perfectius. vnde & quælibet pars inuenitur esse propter suum totum: id igitur quod maximē curat Deus in rebus creatis, est ordo vniuersi. est igitur gubernator ipsius.

10 Item, Quælibet res creata consequitur suam vltimam perfectionē per operationem propriam. nā oportet quod vltimus finis & perfectio rei sit ipsa operatio, vel operationis terminus aut effectus: forma verò secundum quam

Contra Gent.

E 2

Idē. 1. q. 9. art. 2.

Capit. 17. & 18.

2. lib. cap. 15.

Capit. 2. 2. lib. 23. & 24.

Cap. 2.

Capit. 23. & 24. Lib. 2.



*Tex. com. 4.* res est, est perfectio prima, ut patet in secundo de Anima. ordo autem rerum creaturarum secundum distinctionem naturarum & graduum ipsarum procedit ex diuina sapientia, sicut in secundo ostensum est, ergo & ordo operationis per quam res creatæ magis appropinquant ad vltimum finem. Ordinare autem actiones aliquarum rerum ad finem, est gubernare ipsas. Deus igitur per suæ sapientiæ prouidentiam rebus gubernationem & regimen præstat. Hinc *Psal. 99.* est quod scriptura Deum Dominum & Regem profiterur, *Psal. 46.* secundum illud *Psal. Dominus ipse est Deus. Et idem, Rex omnis terræ Deus. Regis enim est & domini suo imperio regere & gubernare subiectos: vnde & rerum cursum sacra scriptura diuino præcepto ascribit Iob nono, Qui præcipit soli & non oritur: & stel. clau. qua. sub signa. & *Psal. 149.* Præceptum po. & non præ.*

*Emped. refte* Per hoc autem excluditur error antiquorum naturalium qui dicebant omnia ex necessitate materiæ prouenire. *Aristot. 2.* lium qui dicebant omnia ex necessitate materiæ prouenire. *Phy. text. 43.* re: ex quo sequebatur omnia à casu accidere, & non ex aliquo quo prouidentia ordine.

*Emped. refte*  
*Aristot. 2.*  
*Phy. text. 43.*  
*re: ex quo*  
*sequebatur*  
*omnia à casu*  
*accidere, &*  
*non ex ali-*  
*quo quo*  
*prouidentia*  
*ordine.*

## Super Cap. 64.

**P**OST QVAM determinauit sanctus Thomas de Deo secundum quod est rerum omnium finis, nunc vult de regimine ipsius vniuersali secundum quod omnem creaturam gubernat determinare. Circa hoc autem duo facit. Primum agit de ipsa diuina prouidentia secundum se. Secundum de eius conditionibus capit. 94. Circa primum duo facit. Primum agit de prouidentia & gubernatione diuina secundum quod ad omnia communiter se extendit. Secundum ut se extendit particulariter ad homines cap. 84. Circa primum duo facit. Primum agit de ipsa prouidentia. Secundum de ordine executionis diuinæ prouidentia cap. 77. Circa primum duo facit. Primum ostendit in communi Deum vniuersa sua prouidentia gubernare. Secundum ostendit in particulari de aliquibus quod sub diuina prouidentia continentur capitulo sequenti. Quantum ad primum ponitur hæc conclusio: Deus sua prouidentia gubernat & regit vniuersa. Ad euentiam huius conclusionis antequam probetur, considerandum est quod prouidentia & gubernatio se habent sicut ratio practica, quæ scilicet ordinatur ad aliquius operationem: & executio rei ordinatæ per cognitionem, sicut se habent ratio domus producendæ in mente domificatoris existens, & productio domus. Nam prouidentia propriè loquendo nihil aliud est quam Idea & exemplar ordinis rerum in suis fines, cum proposito talem ordinem in rebus exequendi. vnde diffiniens eam sanctus Thomas. prima parte, quæst. 22. ait quod est ratio ordinis rerum in finem. accipitur enim in hac diffinitione ratio pro conceptione practica in mente diuina existente regulatiua ordinis rerum ad suos fines, sicut ars diuina est exemplar rerum secundum quod egrediuntur à Deo, & in suis gradibus collocantur. quamuis etiam extenso nomine prouidentia, ipsa ex cogitatione ordinis rerum in finem, quæ dicitur diuini intellectus terminatum ad ideam & exemplar talis ordinis, possit prouidentia nuncupari.

ATTENDENDVM tamen quod nomine rationis ordinis rerum in finem non accipitur exemplar quo representatur tantum ipsa habitudo & ordo vniuersi cuiusque rei ad suum proprium finem, sed quo etiam representantur practice & disponuntur in mente diuina ea quæ conferunt ad finis affectionem, & ea quæ à finis consecutione possunt impedire. patet primo Sententiarum distinct. 39. quæst. 2. art. 1. Prouidendo enim Deus vniuerso, in mente sua disponit ad quem finem vnaquæque res sit ordinanda, & quæ illi sint conferenda tanquam vtilia ad finem, atque etiā quæ sint remouenda à natura tanquam impedienda finis affectionem: sicut quia homo ordinatur ad rerum cognitionem per intellectum datur sibi corporalius complexio naturæ quod intellectus cognoscere deferuere possit, non autem corpus animi aut equi, quod magis talem cognitionem impediret. Considerandum quoque quod dupliciter possumus loqui de conferentibus ad finem & impediuntibus ab eo. Vno modo respectu primi & principalis prouisi, quod est vniuersum, & tunc intelligendum est ad prouidentiam pertinere disponere & tribuere omnia cōferentia ad finem, & remouere omnia impediētia tam extrinseca quam intrinseca: quia prouidentia respectu ipsius vniuersi est non solum de ordine ad finem, sed etiam de euentu finis, qui est manifestatio & communicatio diuinæ bonitatis tali modo, & ordo partium in vniuerso qui ad talem communicationem & manifestationem ordinatur. Alio modo respectu eorū quæ secundario prouidentur, tanquam scilicet ad perfectionem vniuersi ordinata, & tunc ad prouidentiam pertinet remouere omnia intrinseca impediētia à natura, ut scilicet res non habeat in natura sua aliquid per quod sit improporionata fini proprio ad quod ordinatur, non autem ad ipsam pertinet remouere omnia extrinseca impediētia ab omnibus huiusmodi: quia non omnia sic sunt prouisa ut omnino finem consequantur, sed aliqua sic sunt prouisa ut habeant ordinem & proportionem ad suum finem, sed tamen possint à consecutione finis impediri. Cum ergo dicitur quod Deus sua prouidentia gubernat vniuersa, datur intelligi quod apud ipsum est practica cōceptio & idea ordinis vniuersi cuiusque rei ad suum finem, quod significatur nomine prouidentia, & quod operatur ad hoc omnia ad suos fines dirigantur: quod nomine gubernationis exprimitur. Probatum itaque conclusio primo fit: Omnia ordinantur ad bonitatem diuinam sicut ad finem, ergo Deus ad quem principaliter illa bonitas pertinet sicut substantialiter habita & intellecta & amata, est omnium rerum gubernator. probatur consequentia: quia quandoque aliqua ordinantur ad aliquem finem, omnia dispositioni illius subiacent ad quem principaliter

pertinet ille finis. probatur exemplo exercitus, & artium subordinatarum. partes enim exercitus: & eorum opera ordinantur ad bonum ducis, scilicet ad victoriam: & ideo ad ducem pertinet totum exercitum gubernare. Similiter ars quæ est de fine, imperat & dat leges arti quæ est de iis quæ sunt ad finem, ut ciuilibus militari, militaris equestri, & ars nauis gubernatoria nauifaciunt.

ADVERTENDVM quod cum dicitur bonitatem diuinam esse à Deo substantialiter habitam & intellectam & amata, quod possumus accipere li substantialiter ut determinatum omnium sequentium. aliter enim à nobis intelligitur & amatur bonitas diuina, & aliter à Deo. à nobis enim intelligitur & amatur non tanquam existens de substantia nostra, sed tanquam aliquid à nostra substantia extraneum. ideo non substantialiter intelligitur aut amatur, sed accidentaliter. prout omne extraneum ab aliquo dicitur illi accidentale, non etiam actus quo eam intelligimus & amamus, est nostra substantia, sed accidens, ideo & hac quoque ratione ipsam non intelligimus & amamus substantialiter. à Deo autem intelligitur & amatur tanquam propria substantia, & tali actu qui est sua substantia, ita quod in ipso intelligens, intellectus, & intellectus, similiter amans, quod amatur, & ipse actus amandi, sunt vnum substantialiter in ipso: & propterea bene dicitur quod est ab ipso & intellecta & amata substantialiter. Possumus etiam accipere ut determinatum tantum li habita, ita quod sit sensus quod est habita tanquam eius substantia, & est principaliter intellecta & principaliter amata. Secundum: Deus vult omnibus dirigendo ea ad finem, ergo, &c. probatur consequentia, quia dirigere ad finem est gubernare. antecedens verò probatur, quia omnia quæ habent quocunque modo esse, sunt effectus Dei facti propter finem, cui est ipse: quicunque autem facit aliquid propter finem, vult illo ad finem. Tertium: Deus est primum mouens non motum: & per intellectum, ut ex superioribus patet, est mouens: ergo mouet omnia per intellectum ad suos fines: ergo gubernat omnia quæ mouentur in finem, siue moueantur corporaliter siue spiritualiter: sicut desiderans dicitur moueri à desiderato, probatur consequentia, quia primum mouens non minus sed magis mouet quam secundaria mouentia, cum sine eo non moueant alia: & omnia quæ mouentur, propter aliquem finem moueantur, ut supra est ostensum. secunda verò consequentia probatur, quia nihil aliud est regere & gubernare per prouidentiam quam mouere per intellectum aliqua ad finem.

CIRCA id quod addidit sanctus Thomas conclusioni scilicet sicut desiderans dicitur moueri à desiderato spiritualiter, aduertendum quod licet motus propriè non dicatur nisi in corporibus, transuertunt tamen est nomen motus ad significandum omnem operationem etiam inanimatam in agente: & sic dicitur aliquod operans tali operatione moueri dum operatur, licet suus motus non sit actus existentis in potentia, sed actus existentis in actu: & hoc dicitur moueri spiritualiter, quia videlicet ille motus non est accidens corporale & extrinsecum, sed spiritualis operatio. cum ergo hic dicitur quod desiderans mouetur à desiderato, spiritualiter intelligitur quod mouetur ab ipso non quemadmodum corpus mouetur ab aliquo per receptionem aliquius forme partibiliter, sed secundum quod operans dicitur moueri ad operationem ab eo quod est suæ operationis aliquo modo causa: & quia desideratum est causa desiderij per modum finis, ideo dicitur desiderans à desiderato spiritualiter moueri. Cum ergo Deus sit primum mouens non motum non solum in genere causæ efficientis, in quantum omnis causa efficiens in virtute eius operatur, sed etiam in genere causæ finalis, in quantum nihil habet rationem appetibilis nisi ex participatione ipsius qui est primum appetibile: idcirco gubernat omnia quæ mouentur ad finem, siue corporaliter moueantur, siue spiritualiter, aut scilicet tanquam ab efficiente, aut tanquam à fine. Quartum: Corpora naturalia mouentur propter finem, licet finem non cognoscant: sicut probatum est superius, scilicet capitulo tertio, ex hoc quod semper in eis accidit quod melius est vel frequentius, & etiam quia non aliter fierent per artem: ergo tota operatio naturæ ab aliqua cognitione ordinatur: ergo à Deo mediātē vel immediātē, ergo, &c. probatur prima consequentia, quia impossibile est quod aliqua non cognoscentia finem, operentur propter finem, & ordinatē in ipsum perueniant, nisi ab aliquo cognoscente finem moueantur, ut patet de sagitta. secunda quoque probatur, quia omnis inferior ars & cognitio à superiori principia accipit, ut in scientiis speculatiuis & operatiuis apparet.

AD euentiam secundæ probationis antecedentis considerandum quod cum ars imitetur naturam quantum potest, ut dicitur secundo Physicorum, si ars faceret ipsas res naturales sicut facit res artificiales ad eam similitudinem, eas eodem modo faceret sicut natura facit. manifestum est autem quod ars faceret eas propter aliquem finem, quia manifestum est quod agentis per intellectum est propter aliquem finem operari, ideo & naturam oportet in operibus suis aliquem finem intendere, & hæc est ratio quam intendebat sanctus Thomas. per illa verba, & non aliter fierent per artem.

CIRCA secundam consequentiam & eius probationem considerandum quod sicut est ordo in causis mouentibus & finalibus, ita quod inferior causa non agit nisi in virtute causæ superioris, ita tam in cognitionibus practicis quam speculatiuis est similis ordo, quod inferior scientia non causat suarum conclusionum cognitionem nisi in virtute superioris & nobilioris cognitionis, & quia virtus scientiæ continetur in principiis, ideo oportet in illius principijs saluari virtutem superioris scientiæ, quod fit in quantum à superiori scientia illa accipit tanquam nota. Patet enim in scientiis nostris quod omnes scientiæ accipiunt principia à Metaphysica, quæ est superior in quantum in earum principijs saluatur virtus primorum principiorum quæ à Metaphysico consideratur. in practicis etiam patet quod inferiores artes regulantur secundum principia sibi tradita à superiori arte, sicut ars militaris à ciuili accipit principia quibus regulatur, & ars factiua nauis accipit cognitionem qualiter oportet esse nauem à gubernatoria arte, & ideo cum cognitio & ars diuina superior sit omni alia arte & cognitione, oportet ut ab ipsa omnis alia ars omnisque alia cognitio reguletur & dirigatur, & idcirco si aliqua diriguntur in finem ab aliqua inferiori cognitione, necesse est ut etiam à cognitione diuina talis ordo dependeat in quantum illa cognitio inferior à superiori cognitione dirigitur & regulatur. Quintum: In vniuersitate rerū sunt res distinctæ & contrariæ in vnum ordinem cōuenientes, cum



cum quædam quorundam operationes excipiunt, & quædam à quibusdam iuuentur vel etiam operentur, id est, fiant & producantur. accipitur enim hoc loco, operatur, in passiva significatione, ergo, &c. probatur cōsequētia, quia ea quæ sunt secundum naturā distincta non conueniunt in vnum ordinem nisi ab vno ordinante colligantur in vnum.

Ad euidētiā huius rationis considerandum est quod cum duplex sit ordo vniuersi, vt dicitur duodecimo Metaphysicæ, scilicet ordo partium vniuersi inter se & in toto, & ordo vniuersi totius ad Deum tāquam ad finem, propriè loquendo, vt dicitur de Veri. quæst. 5. artic. 1. ad nonum, dispositio respicit ordinem partium ad inuicem: quia disponi dicuntur aliqua secundum quod in diuersis gradibus collocantur à Deo: prouidentia verò respicit illum ordinem qui est totius ad finem, quod non solum circa vniuersum intelligendum est, sed etiam circa vnamquamque res particularem: quia dispositio respicit ordinem partium rei si habet partes, & ordinem quem habet in vniuerso ad alias partes: prouidentia verò respicit ordinem ipsius ad suum finem, est enim idea sue exemplar ordinis vniuersi quæ rei ad suum finem in mente diuina existens. Quod autem dicitur 1. quæst. 22. artic. 1. & 2. Sententiarum distinct. 39. quæst. 2. artic. 1. dispositionem respicere vtrumque ordinem, intelligendum est non secundum proprietatem vocabuli, sed secundum eius extensionē & transflationem. quia enim ordo partium vniuersi est propter ordinem ipsius ad Deum (sic enim ordinatur vt ipsum vniuersum consequi possit diuinæ bonitatis similitudinem, & vt ipso diuinæ bonitatis abundantia manifestari possit) ideo nomen dispositionis extensionem est ad significandum etiam exemplar sue ideæ talis ordinis in finem. patet ista expositio ex ipsis sancti Thomæ verbis. Nam in prima parte vt ostenderet se loqui non secundum proprietatem vocabuli, sed secundum quandam nominis extensionē, dixit non absolūtè quod dispositio sit talis, sed quod dispositio potest dici tam ratio ordinis rerum in finem, quā ratio ordinis partium in toto. Posset etiam dici quod ordo rerum in finem dupliciter accipi potest. Vno modo ex parte rei ordinatæ tantum, quādo scilicet res habet dispositionem per quam est tali fini conueniens & proportionata, sicut ordo medicinz ad finem ex parte ipsius est vt sit taliter disposita, quod sit sufficiens talem morbum curare aut tales humores educere, & ad huiusmodi effectū proportionem habet. Alio modo potest accipi ordo ad finem ex parte applicationis rei ad consecutionem sui finis, secundum quod ipsa actualis applicatio ad consequendum finem potest dici ordo ad finem, sicut cum quis sumit medicinam dicitur ipsam ad sanitatem actualiter ordinare in quantum eam propter consequendum sanitatem sumit. Si accipitur ordo ad finem primo modo, sic pertinet ad dispositionem, quia ad ordinem partium inter se aut in toto consequitur ordo & propositio ipsius ad finem. non sunt enim partes conuenienter ordinatæ nisi ex ipsis resultat in toto conuenientia & proportio ad finem: & sic vterque ordo ad dispositionem pertinet. dum enim Deus similitudinē suæ bonitatis statuit communicare creaturis, excogitat in mente sua partes vniuersi sic inter se ordinandas esse, & ex ipsis sic ordinatis vniuersum esse futurum aptum fini quem intendit, scilicet ad manifestationem bonitatis suæ eo modo quo ipsam vult manifestari: & secundum istum ordinem excogitatur propositio creaturas efficere: & hoc est disponere apud seipsum vniuersum. Ad hunc sensum loquitur sanctus Thomas in prima parte, & primo Sententiarum. Si autem accipitur ordo ad finem secundo modo, sic ad prouidentiam pertinet. Nam prouidentia est exemplar & idea non solum proportionis, sed etiam directionis & applicationis rerum ad finis affectionem, & eorum quæ ad ipsum consequendum conferre possunt, aut etiam possunt impedire, cum proposito producendi eas ad finem suo modo, scilicet fallibiliter aut infallibiliter illis quæ ad hoc conferre possunt in tali natura inductis, & quæ impedire possunt à natura exclusis, vt primo Sententiarum loco præallegato constat. Ad hunc sensum loquutus est in questionibus de Veritate. talis enim ordo ad finem, non ad dispositionem, sed ad prouidentiam pertinet. Si autem magis alicui placeat Capreoli expositio in primo Sententiarum distinct. 40. articulo 2. dicentis quod correxit in questionibus de Veritate in quod in primo Sententiarum dixit, illam sequatur: sed meminerit quod dicitur primo Sententiarum in prima etiam parte dici. Capreolum autem sex numero ad alia proposita dixisse tenendum esse, quod in summa tenuit sanctus Thomas, quoniam illud sit eius vltimum testamentum. huic enim non concordat si dicamus ea quæ in prima parte dixit, esse in questionibus de Veritate retractata. Quare melius erit vtrumque dictum saluare aut aliquo modorum distorere, aut alio aliquo meliori, quā dicere vnum per aliud retractari: sed licet dispositio diuina à prouidentia secundum rationem distinguatur, quia tamen dispositio prouidentiam cōcomitur, & ordinatur ad ipsam, ideo sex numero actum dispositionis sancti Thomæ attribuit prouidentie, & ex ipso prouidentiam diuinam concludit: quod sanè in hac ratione facit. Nam ex eo quod res distinctas in vnum ordinem vniuersi colligit, concludit ipsum gubernatorem & ordinatorem omnium esse, indifferenter vtendo nomine gubernatoris & ordinatoris diuersarum naturarum in vnum. Sex 6. eorum quæ circa cælestium corporum motus apparent, assignari non potest ratio ex necessitate naturæ, cum quædam ipsorum plures habeant quibusdam, & omnino difformes: ergo oportet illorum motuum ordinationem esse sub aliqua prouidentia, & per consequens omnium inferiorum motuum & operationum quæ per illos disponuntur.

Ad euidētiā huius rationis considerandum est quod cum natura determinetur ad vnum, vbi in iis quæ rei alicui conueniunt, videtur aliqua multiplicitas & variatio, oportet illud non naturæ sed alicui alteri principio attribuire. ideo cum motus cælorum varij sint, & vniuersi cæli sint plures motus etiam difformes, vt motus ab oriente, & motus ab occidente, & motus trepidationis ostendit sphaeræ, ipsos in naturam referre non oportet, quasi ideo cælum illis motibus moueatur, quia natura ad illos motus impellat, sed in aliquo principio quod illos cælestes motus ad aliquem finem dirigit & ordinat: & secundum hoc procedit hæc ratio. Aduertendum tamen quod non intendit sanctus Thomas motus cælorum naturales nullo modo esse. sunt enim naturales ex parte materiæ in quantum cælum habet in sua natura aptitudines vt talibus motibus ab intellectu moueatur, vt inquit secundo Physicorum, & in plerisque aliis locis, sed vltimos non esse naturales ex parte formæ & ex parte principij actiui, vt possit dici quod ex necessitate naturæ quæ est forma proueniunt, &

non ab agente per intellectum & voluntariò sunt ordinati. Septimò: Inueniuntur aliqua tantò perfectius ordinata, quāto sunt Deo magis propinqua, vt patet in corporibus cælestibus, quæ nunquam deficiunt ab eo quod est secundum cursum naturæ: sicut inferiora corpora: & in substantiis intellectualibus quæ neque etiam mutabiles sunt, ergo Deus est causa totius ordinis rerum, ergo, &c. probatur prima consequentia, quia si aliquid tantò participatur perfectius ab aliquibus, quāto alicui rei magis appropinquat, signum est quod illa res sit causa eius quod diuersimodè participatur, declaratur in calidis ex appropinquatione ad ignem, hoc autem prouenit, quia quāto aliquid propinquius est causæ, tantò plus participat de effectu ipsius. Octauò: Id quod est maximè bonum in rebus creatis est bonum ordinis vniuersi, quod est maximè perfectum secundum Philosophum 12. Metaphysicæ, & etiam vt in Gene. primo datur intelligi, ergo bonum ordinis vniuersi est id quod est præcipuè volitum & intentum à Deo, ergo Deus suo intellectu & voluntate omnia gubernat, probatur prima consequentia, quia intellectus & voluntatis diuinæ per quæ Deus operatur (vt in superioribus patet) finis vltimus est bonitas, vt scilicet eam rebus communicaret. res autē participat diuinā bonitatem per modum similitudinis in quantum sunt bonæ. secunda verò cōsequētia probatur, quia nihil aliud est gubernare aliquam rem, quā ei ordinem imponere.

CIRCA probationem primæ cōsequētiæ aduerte quod ex istis duabus propositionibus scilicet, Bonitas Dei est finis vt communicetur: & res participant diuinam bonitatem per modum si similitudinis in quantum sunt bonæ, relinquit sanctus Thomas. tanquam manifestè sequens quod quāto res sunt magis bonæ, tantò sunt magis volitæ & magis intentæ, quia bonitati diuinæ magis assimilantur. ex quo patet quod si ordo vniuersi est maximè bonum in rebus creatis, est etiam maximè volitus & intentus: quæ erat consequentia probanda.

CIRCA hanc propositionem, intellectus & voluntatis diuinæ non potest esse alius finis vltimus nisi bonitas eius, vt scilicet eam rebus communicaret: aduertendum primò vt in antè habitis de mente sancti Thomæ de Potentia, questione tercia, articulo decimo quinto, ad quartum, dictum est: quod hoc non sic intelligitur, quasi ipsa diuinæ bonitatis communicatio sit vltimus diuinæ voluntatis finis, tunc enim ipsa similitudo communicata, & per consequens aliquid creatum, esset finis Dei: sed quia sua bonitas est suus finis ex cuius amore eam vult communicare. Aduertendum secundò quod idcirco sanctus Thomas de vltimo fine mentionem facit, quia cum per vltimum finem intelligat finem operantis, quem scilicet per suum opus principaliter intendit, relinquere vult non esse inconueniens Deum agere ad alium finem præter suam bonitatem, qui scilicet non sit vltimus ipsius finis, sed sit finis operis, ad quem videlicet res creata producit, puta assimilatio ad Deum aut quodcunque aliud ad quod res creata ordinatur. Nonò, & est confirmatio præcedentis rationis. Bonum ordinis vniuersi est propinquissimum in rebus creatis bonitati diuinæ, quæ est finis diuinæ voluntatis, ergo hunc ordinem maximè curat Deus, ergo, &c. probatur prima consequentia, quia vnumquodque intendens aliquem finem magis curat de eo quod est propinquius fini vltimo, cum hoc sit etiam finis aliorum. antecedens verò probatur, quia ad illud bonum ordinatur, vt patet in partibus quæ ordinantur ad esse totius. Decimò ex eodè fundamento arguitur, Ordo rerum creatarū distinctionem naturarum & graduum ex diuina sapientia producit, ergo & ordo operationis, ergo, &c. probatur prima consequentia, quia per operationem res magis appropinquat ad vltimum finem, eodè quod per ipsam res consequatur suam vltimam perfectionem, cum vltimus finis & perfectio rei sit vel operatio, vel operationis terminus aut effectus, sicut eius perfectio prima est forma, vt dicitur secundo de Anima rex. 5. Secunda etiam probatur, quia ordinare actiones aliquarum rerū ad finem, est ipsas gubernare.

CIRCA istam propositionem, Vltimus finis rei & perfectio, est vel operatio, vel operationis terminus aut effectus: considerandum est, vt etiam in præcedentibus est ostensum, quod operatio aut effectus operationis dicitur vltimus finis & perfectio rei non secundum quod perfectio nominata actum existentem in perfectibili, si vniuersaliter loquamur: cum non omnis operatio maneat in operante, accipiendo operationem pro quocunque actu secundo, sed secundum quod nominat vltimam actualitatem rei: res enim illi operationi suo modo coniuncta vel effectus, non remanet in potentia ad vltiorem actum, ita quod operatio vel eius effectus rem in potentia constituat ad vltiorem actum, sicut forma constituit rem cuius est forma, in actu quidem: primo, sed in potentia ad actum secundum, quando enim ex operatione nihil relinquitur, vt in operationibus immanētibz inuenitur: aut etiā in aliquibus operationibus transiens, tunc ipsa operatio est vltimus finis, & vltima rei perfectio: quia est vltimum ad quod res ordinatur: & ipsa res vnita tali operationi siue subiectiue siue secundum virtutem qua ab ipsa egreditur operatio, habet vltimum suum complementum, quod est vni quomodo cunque actualiter suæ operationi. quando autem aliquid per ipsam operationem efficitur, vt in domesticatione accidit: tunc terminus siue effectus talis operationis est vltimus finis & vltima rei perfectio: quia vltimum ad quod est in potentia, est effectus, & per quandam continuationem suæ virtutis cum effectu constituitur vltimate in actu, ita quod non constituitur ex ipso effectu res operans in potentia ad vltiorem actum: sed est eius potentia vltimate completa.

Confirmatur conclusio auctoritate Psalmi. vbi Deus vocatur Dominus & Rex. regis enim & domini est suo imperio regere & gubernare subditos. Confirmatur etiam quia diuino præcepto rerum cursus ascribitur lob. nono, & in Psalmis. Per hoc excluditur error antiquorum naturalium dicentium omnia ex necessitate materiæ, & consequenter à casu, & non ex ordine prouidentie prouenire.

Quod Deus conseruat res in esse. Cap. 65.



X HOC autem quod Deus res sua prouidentia regit, sequitur quod in esse conseruet. Ad gubernationem enim aliquorū pertinet omne illud per quod suum finem consequuntur. secundum

Idem 1. l. q. 10. artic. 1.



hoc enim aliqua regi vel gubernari dicuntur, quod ordinantur in finem: in finem autem ultimum quem Deus intendit, scilicet bonitatem diuinam ordinantur res non solum per hoc quod operantur, sed per hoc quod sunt: quia inquantum sunt, diuinæ bonitatis similitudinē gerunt, quod est finis rerum, ut supra \* ostensum est. Ad diuinam igitur prouidentiam pertinet quod res conferuntur in esse.

\* Cap. 19. 20.

2. lib. cap. 23. 24.

2 Item, oportet quod idem sit causa rei & conseruationis ipsius. nam cōseruatio rei non est nisi continuatio esse ipsius. ostensum est autem supra, quod Deus per suum intellectum & voluntatem est causa essendi omnibus rebus. igitur per suum intellectum & voluntatem conseruat res omnes in esse.

3 Item, nullū particulare agēs vniuocū potest simpliciter esse causa speciei: sicut hic homo non potest esse causa speciei humanæ. esset enim causa hominis, & per cōsequēs sui ipsius: quod est impossibile. est autem causa hic homo huius hominis per se loquēdo: hic autem homo est per hoc quod natura humana est in hac materia quæ est indiuiduationis principium: hic igitur homo nō est causa hominis nisi inquantū est causa quod forma humana fiat in hac materia: hoc autem est esse principium generationis huius hominis. patet ergo quod nec hic homo, nec aliquod aliud agēs vniuocum in natura est causa nisi generationis, vel huius, vel illius rei. Oportet autem ipsius speciei humanæ esse aliquam per se causam agētem: quod ipsius cōpositio ostendit, & ordinatio partium quæ eodem modo se habet in omnibus, nisi per accidēs impediatur: & eadē ratio est de omnibus aliis speciebus rerum naturalium. Hæc autem causa est Deus vel mediātē vel immediātē. ostensum est enim \*, quod ipse est omnium rerum causa prima: oportet ergo quod ipse se hoc modo habeat ad conseruationem specierum, sicut se habet hoc generans in natura ad generationē cuius est per se causa: generatio autem cessat cessante operatione generantis: ergo & omnes rerum species cessarent cessante operatione diuinā. igitur ipse per suam operationem conseruat res in esse.

\* Lib. 1. Cap. 6.

8. Phy. 100. 35. & seq.

\* Lib. 1. Cap. 22. D. 461.

4 Adhuc, licet alicui existenti accidat motus, tamē motus est præter esse rei. nullum autem corporeum est causa alicuius rei nisi inquantū mouetur: quia nullū corpus agit nisi per motum, ut Aristoteles probat. nullū igitur corpus est causa esse alicuius rei inquantum est esse, sed est causa eius quod est moueri ad esse: quod est fieri rei. esse autem cuiuslibet rei est esse participatum, cum non sit res aliqua præter Deū suum esse, ut supra \* probatum est. & sic oportet quod ipse Deus qui est suum esse, sit primo & per se causa omnis esse. Sic igitur se habet ad esse rerū operatio diuinā, sicut motio corporis mouentis ad fieri & moueri rerum factarum vel motarum. impossibile autem est quod fieri vel moueri alicuius rei maneat cessante motione mouentis. Impossibile est igitur quod esse alicuius rei maneat nisi per operationem diuinā.

5 Amplius, sicut opus artis præsupponit opus naturæ, ita opus naturæ præsupponit opus Dei creantis. nam materia artificialium est à natura: naturalium verò per creationem à Deo: artificialia autem conseruantur in esse virtute naturalium: sicut domus per soliditatem lapidū: omnia igitur naturalia non conseruantur in esse nisi virtute Dei.

6 Item, impressio agentis non remanet in effectu cessante actione agentis, nisi vertatur in naturam effectus. formæ enim generatoris & proprietates ipsorum remanent in eis post generationem: quia efficiuntur eis naturales: & similiter habitus sunt difficilē mobiles: quia vertuntur in naturam: dispositiones autem & passionēs siue corporales siue animales manēt aliquantulum post actionem agentis: sed nō semper, quia insunt ut in via ad naturam: quod autem pertinet ad naturam superioris generis, nullo modo post actionem agentis manet: sicut lumen non manet in diaphano recedente illuminante: esse autem non est natura vel essentia alicuius rei creatæ, sed solius Dei, ut in primo ostensum est, nulla igitur res manere potest in esse cessante operatione diuinā.

D. 461. Cap. 21. 22.

Gen. 1.

7 Adhuc, circa rerum originem duplex est positio: una fidei, quod res de nouo fuerunt à Deo productæ in esse, & positio quorundam Philosophorum, quod res ab æterno à Deo fluxerunt: secundum autem utrāque positionē oportet dicere quod res conseruantur à Deo in esse. nam si res à Deo productæ sunt inesse postquā non fuerunt, oportet quod esse rerum diuinam voluntatem conseruatur, & similiter non esse: quia permisit res non esse quādo voluit, & fecit res esse cum voluit. tādū igitur sunt quādiu Deus eas esse vult. sua igitur voluntas conseruatrix est rerum. si autem res ab æterno à Deo fluxerunt, non est dare tempus aut instans in quo primò à Deo effluerūt. aut igitur nunquam à Deo productæ sunt, aut semper à Deo earum esse procedit quādiu sunt: sua igitur operatione res in esse conseruat. Hinc est quod dicitur Heb. 1. Porras omnia verbo virtutis suæ. & August. dicit 4. super Gen. ad literam. Creatoris potentia & omnipotentis atque omnitenentis virtus causa est subsistendi omni creaturæ: quæ virtus si ab eis quæ creata sunt regendis aliquando cessaret: similiter cessaret eorum species, omnisque natura cōcideret. neque enim sicut structuram ædium cum fabricauerit quis, abscedit, atque illo cessante atque abscedente stat opus: ita mundus vel in istu oculi stare poterit si ei regimen Deus subtraxerit. Per hoc autem excluditur quorundā loquentium in lege Maurorum positio, qui ad hoc quod sustinere possent mundum Dei conseruatione indigere, posuerunt omnes formas esse accidentia, & quod nullum accidens durat per duo instantia: ut sic semper rerum formatio esset in fieri: quasi res non indigeret causa agente nisi dum est in fieri. Vnde & aliqui eorum dicuntur ponere quod corpora indiuisibilia, ex quibus omnes substantias dicunt esse compositas, quæ sola secundum eos firmitatem habent, possunt ad horam aliquam remanere, si Deus suam gubernationem rebus subtraxerit. Quorum etiam quidam dicunt quod res esse nō desineret, nisi Deus in ipsa accidens desitionis causeret: quæ omnia patet esse absurda.

Super Cap. 65.



OSTQVAM ostendit sanct. Thom. Deum omnia sua prouidentia gubernare in communi, nunc vult particulariter de aliquibus ostendere quod ad ea diuina extenditur gubernatio. Circa hoc autem tria facit. Primò ostendit quod esse rerum subditur diuinæ gubernationi. Secundò quod omnium operationes illi subduntur, capitulo sexagesimo tertio. Tertiò quod singularia, cap. 76. Circa primum duo facit. Primò ostendit quod omnia à Deo conseruantur in esse. Secundò, quod nihil dat esse nisi in virtute Dei, capitulo sequenti. Quantum ad primum arguit primò sic. In bonitatem diuinā ordinantur res sicut in finem Dei, non solum per hoc quod operantur, sed etiam per hoc quod sunt. ergo earum conseruatio in esse pertinet ad diuinam prouidentiam. probatur antecedens, quia res inquantum sunt, similitudinem diuinæ bonitatis gerunt, quod est finis earum, scilicet intrinsecus, ut supra est ostensum. consequentia quoque probatur, quia cum regi & gubernari aliqua dicantur secundum quod ordinantur ad finem, omne id per quod aliqua suum finem consequuntur, ad gubernationem pertinet.

Secundò, Deus per suum intellectum & voluntatem est causa essendi omnibus rebus, ergo, &c. probatur consequentia, quia cum conseruatio rei non sit nisi continuatio esse ipsius, oportet quod idem sit causa rei & conseruationis ipsius.

CIRCA probationem consequentiæ aduertendum est ex doctrina sanct. Thomæ de Potentia questione quinta, articulo primo ad secundum, & 1. quest. 104. articulo primo, quod eadem est actio secundum rem quæ Deus res producit in esse quæ dicitur creatio, & quæ eas conseruat, quæ dicitur conseruatio, sed ratione distinguuntur, quia creatio importat in sua ratione respectum ad rem secundum quod incipit esse, & dicit ordinem durationis saltem imaginariæ ad non esse præcedens, secundum quod ipsa nos vtimur tenentes secundum fidem mundum habuisse initium suæ durationis. creare enim sic sumptum est aliquid ex nihilo facere de nouo. si autem acceperimus creationem ut nominat tantum productionem alicuius ex nihilo, sic diceret respectum productionis ad esse rei non includendo nouitatem ipsius, sed ordinem naturæ ad non esse rei. conseruatio autem ultra habitudinem productionis ipsius esse rei dicit continuationem influxus & productionis ipsius esse, & ordinem esse rei ad mensuram præcedentem in qua habuit esse, scilicet quod talis actio non sit tempore interrupta, ideo hic dicitur quod conseruatio est cōtinuatio esse rei, id est productio esse rei sine interruptione.

SE D insurgit contra dicta dubium, ex Aureolo apud Capreolum in secundo Sent. distinct. 1. quest. 1. Nam creatio & vniuersaliter omnis productio creaturæ non habet quod duret nisi per instans, alioquin nō posset Deus annihilare productum post primum instans, & sic productum esset ex se necesse esse, conseruatio autem importat continuationem: & sic habet quod duret plusquam per instans, ergo productio & conseruatio non sunt una & eadem actio. Cōfirmatur, quia Deus communicat actionem & productio-

Simplicij 8. Phy. com. 8. in digre. contra Tom. grama. & Plato nisi ut patet apud Plotinū Enchir. 5.

August. T. 1. cap. 12.



productionem creaturæ, non autem conseruationem, ergo &c.

**A**d huius euidentiā considerandū est quod cum dupliciter de creatione & conseruatione possimus loqui, scilicet quantum ad eorum entitates absolute, & quantum ad eorum proprias rationes que nominibus creationis & conseruationis importantur. Si loquamur de ipsis quantum ad eorum entitates, sic cum nihil aliud sint quam diuina actio quæ est substantia diuina, constat quod eodem modo sunt æterna, & eodem modo habent quod durent non tantum per instans temporis, sed semper, sicut & diuina substantia est æterna & nunquam deficit. Si autem loquamur de ipsis quantum ad eorum proprias rationes, sic aliter loquendum est accipiendo creationem prout includit nouitatem essendi in creatura, quo modo hoc nomine vtuntur catholici: & aliter ipsam accipiendo prout talest nouitatem non includit. Si enim primo modo accipiat, sic habet creatio quod duret tantum per instans, quia cum creatura accipiat esse à Deo de nouo, in primo tantum instanti sui esse, relatio importata formaliter nomine creationis quæ terminatur ad creaturam secundum quod de nouo esse accipit ut sic, durat tantum per instans: conseruatio autem habet ut duret quandiu esse rei creatæ durat, vnde illa actio quæ in primo instanti esse creaturæ habet rationem creationis, in toto tempore sequenti illud instans habet rationem conseruationis, quia est actio continuans esse rei, non quidem esse continuè influens per modum inceptions, sed esse prius productum manutens. Si autem acciperemus creationem ut solum influxum essendi importat absque nouitate, quo modo entia ab æterno producta possent dici esse creatæ: sic non est de ratione creationis quod duret per instans fluens, aut per tempus, sed tantum ut sit actio influens esse rei. Si enim poneretur res ab æterno creatæ, & nunquam defineret, & ipsa creatio semper maneret sicut & conseruatio, eadē actio diuina semper haberet rationem creationis & rationem conseruationis, alia tamen esset ratio creationis & alia ratio conseruationis, quia ipsa actio ut connotans habitudinem tantum influxum essendi, nulla materia præsupposita diceretur creatio. eadem ut connotans habitudinem manutentis esse prius habitū diceretur conseruatio.

**A**d argumentū ergo negatur antecedens, si accipiantur creatio & conseruatio quantum ad ipsam substantiam actionis: & patet quod probatio nihil facit contra hunc sensum, quia cum possit esse ipsa entitas creationis absque hoc quod per ipsam aliquid creetur, sicut antequam mundus crearetur: ipsa erat, licet tunc non haberet rationem creationis: constat quod nulla res creata ex se est ens necesse esse, & quod quælibet potuit non produci & nunquam esse. Si autem accipiantur istæ actiones quantum ad eorum formales rationes, concessio antecedente de creatione quæ importat nouitatem essendi in effectu, conceditur etiam consequens, nam verum est quod creatio & conseruatio non sunt vna & eadem actio formaliter siue quantum ad earum formales rationes: nec oppositum huius dicimus, imò distinguimus ipsa ratione superius est ostensum. Si autē acciperetur creatio ut nouitatem essendi non includit, sed ut dicit tantum influxum essendi, negaretur etiam antecedens, & ad probationem negaretur sequela: quia sicut non habet quod duret per instans, ita etiam non habet quod duret per aliquod determinatum tempus, cum duratio temporis aus instantis transiens sit præter eius rationem, neque determinata duratio ad eius rationem consequatur.

**V**TRVM autem res quam Deus producit per creationem, necessariò per aliquod tempus maneat, dicitur quod vtrique hoc necessarium est necessitate suppositionis. Nam supposito quod à Deo accipiat esse, necesse est quod per aliquod tempus esse habeat, quia rerum permanentium dari non potest vltimum esse, alioquin instans esset immediatum instanti: imò oportet quod per infinitum tempus duret si sit ab æterno producta: nec tamen sequitur quod sit ens ex se necesse esse, tū quia potuit non produci, tū quia non est tempus adeo paruum quin ante illud eam Deus potuerit annihilare: sicut etiam supposito quod producat motus, necesse est ut per aliquod tempus esse habeat, & tamen motus non est ens necesse esse. Ad confirmationem negatur consequentia. non enim valet ista consequentia: Deus communicat esse lapidi, & sibi non communicat sapientiam, ergo esse diuinum & eius sapientia non sunt vna & eadem res: sed bene sequitur quod non sint idem secundum rationem, ita in proposito ex eo quod Deus non communicat conseruationem rei creatæ, conseruat autem actionem, non sequitur quod non sint vna actio materialiter, sed solum quod formaliter distinguantur. antecedens etiam fortasse falsum est. Nam locus est conseruatiui locati, & vna res creata per aliam conseruatur tanquam per instrumentum diuina virtutis. Tertio Deus est per se causa specierum, ergo se habet hoc modo ad conseruationem ipsarum sicut hoc generas in natura ad generationem, cuius generationis est causa per se: sed cessante operatione generanti, cessat generatio, ergo & omnes rerum species cessant cessante operatione diuina, ergo &c. Antecedens probatur in specie humana, speciei humanæ oportet esse aliquam per se causam agentem, ut patet ex compositione & ordine partium in omnibus non impeditis seruata: ergo Deus mediātē vel immediātē eam causat, cum sit omnium rerum prima causa. prima verò consequentia probatur simul & declaratur ex eo quod nullum particulare agens vniucum potest simpliciter esse causa speciei, sed tantum huius indiuidui. nō enim hic homo est causa speciei humanæ, quia sic esset causa hominis, & per consequens esset causa sui ipsius: sed est causa generationis huius hominis per se loquendo, in quantum est causa quod forma humana fiat in hac materia.

**C**IRCA istam propositionem, Nullum particulare agens vniucum potest simpliciter esse causa speciei, aduertendum primo, quod per causam simpliciter speciei intelligit sanctus Thomas causam ipsius secundum quod est talis species, & non cū aliqua adiectione considerata: & intelligit de causa per se, ut patet de Potentia, questione quinta. articulo primo, & prima questione centesima quarta: ubi hanc rationem etiam ponit. Dupliciter autem aliquid potest dici causa per se alicuius: vno modo ex parte causæ, alio modo ex parte effectus. Dicitur causa per se alicuius effectus ex parte causæ, quando causat illud virtute propriæ naturæ: non autem quia alterius naturam formaliter participat, aut quia causæ per se coniungatur, sicut dicimus ignem per se calefacere: aquam verò quæ est calida, non calefacere per se, sed per aliud, quia calefacit in quantum aliquid naturæ ignis participat: & dicimus domificatorem per se ædifica-

re, non autem album sed per accidens: ex parte verò effectus dicitur causa per se alicuius effectus, quando effectus secundum suam naturam & rationem habet ab illa causa dependentiam, non autem quia coniungatur alicui ad quod prius causalitas terminetur secundum quod est tale, sicut dicimus ædificatorem per se ædificare: album autem aut rixam ex domo exortam causare per aliud aut per accidens. In proposito ergo sumenda est causa per se ex parte vtriusque. Nā cum hic dicatur quod indiuiduum nō est causa simpliciter speciei, & alibi quod nō est causa speciei in quantum huiusmodi, datur intelligi quod per se sumitur ex parte effectus. dicitur enim causa alicuius speciei simpliciter, quæ est causa ipsius nulla sibi facta adiectione, sicut causa humanæ speciei dicitur quæ hominem causat illa autem quæ non causat hominem, sed hunc hominem, non dicitur simpliciter causa speciei humanæ. Similiter cum dicitur aliquā causa speciei in quantum huiusmodi, constat quod li in quantum huiusmodi, determinat rationem effectus. Ex eo verò quod dicitur prima parte, ubi supra, indiuiduum vnius speciei non esse per se causam formæ alterius in quantum est talis forma, datur intelligi etiam accipi perfectitatem ex parte causæ.

**C**ONSIDERANDVM secundum, quod quia causa per se speciei directæ habet causalitatem supra essentiam speciei in quantum est talis essentia, & ipsam specificam rationē adæquat, oportet quod in quocunque essentia speciei reperitur, illud sit à tali causa causatum: vnde oportet ut causalitas talis causæ ad totam speciem se extendat, & ad omnia sub specie contenta. propter hoc optimè deducit sanctus Thomas, quod si hic homo esset causa speciei humanæ, esset causa hominis, & sic esset causa sui ipsius, cum ipse sit homo.

**C**ONSIDERANDVM tertio ex doctrina sancti Thomæ de Potentia, questione quinta, articulo primo: & secundo Sententiarū distinctione decima octaua, questione secunda, articulo primo, quod cum per se causa totius speciei non possit esse aliquod ipsius indiuiduum, necesse est ut causa ipsius sit aliquid superioris ordinis, & superioris gradus: non enim quod est inferioris ordinis, ipsius potest esse causa, cum causa per se & principalis non possit suo effectu ignobilior esse, quod autem est superioris ordinis, & superioris gradus ad speciem, non est eiusdem rationis cum ipsa, ideo non est ipsius agens vniucum, sed æquiuocum, & sic quod est causa speciei in quantum huiusmodi, oportet agens æquiuocum esse, non autem vniucum. propter hoc non dixit absolute sanctus Thomas quod nullum particulare agens sit causa simpliciter speciei, sed ad id idem vniucum, quod inquam sit sub specie contentum, & speciei rationem participet.

**C**ONSIDERANDVM postremo quod licet hic homo non sit primo causa hominis in quantum homo est, sed tantum huius hominis, est tamen secundariò causa hominis, quia hic homo cuius est causa, est etiam homo, nec possunt separari ita quod hic homo non sit homo: & ita quod est causa primi, oportet secundi etiam causam esse. propter hoc dixit sanctus Thomas, quod hic homo est causa huius hominis per se loquendo, quasi diceret, secundariò tamen & per aliud est causa etiam hominis: vnde & subiunxit quod hic homo non est causa hominis nisi in quantum est causa quod forma humana fiat in hac materia.

**C**IRCA istam propositionem, Nec hic homo nec aliquod agens vniucum in natura est causa nisi generationis huius vel illius rei: aduertendum quod tangit sanctus Thomas distinctionem quam expresse ponit prima parte, scilicet quod duplex est agens, quoddam quod est causa effectus quantum ad eius fieri tantum, quoddam verò quod est causa effectus etiam quantum ad esse. Agens vniucum est causa effectus quantum ad fieri tantum, ita quod ipsum fieri tantum dependet à causa, non autem est causa ipsius quantum ad esse, ita quod esse effectus dependeat ab ipso scilicet per se. Nam cum esse sit effectus formaliter ipsam formam consequens, illud tantum est causa rei per se quantum ad esse esse quod est causa per se formæ in quantum forma est: quod verò est causa nō formæ in quantum forma, sed formæ quantum ad receptionem sui in materia, non est causa per se rei quantum ad eius esse, sed tantum quantum ad eius generationem, quod est dictum quantum ad receptionem formæ in materia. propter hoc dixit sanctus Thomas, quod agens vniucum est causa generationis tantum huius vel illius rei. sicut enim æquiuocum agens habet pro effectu per se ipsam speciem absolute, ita agens vniucum habet pro effectu per se huius particularis rei generationis, ideo sicut cessante actione huius particularis agens vniucum cessat generatio rei quæ generabatur, ita cessante actione agens æquiuoci supra speciem cessat ipsa species.

**S**ED circa prædicta quædam occurrunt dubia. Primum est circa illam conditionalem, si hic homo esset causa speciei humanæ, esset causa sui ipsius. Nam non videtur ista conditionalis habere veritatem nisi ex ista propositione, Quod est causa alicuius formæ secundum rationem ipsius formæ, est causa omnium illa ratione participantium. sed ista propositio falsa esse videtur. Nam Deus est causa entis in quantum est ens, & tamen non est causa omnis entis, quia non est causa sui ipsius: & calum est causa corporum inferiorum in quantum corpora sunt & tamen non est causa omnium eorum, quia non est causa sui ipsius, ergo &c. Secundum est circa illud quod dictum est hunc hominem non esse causam hominis per se, sed huius hominis. Nam hoc videtur falsum, quia omne agens vniucum per se agit sibi simile secundum formam, sed similitudo vnius hominis ad aliū est secundum quod conueniunt in natura speciei, ergo hic homo est causa per se naturæ speciei. Tertium est circa id quod dictum est hunc hominem nō esse causam nisi generationis huius vel illius rei. Nā de ratione generationis (ut patet per Physicā) est quod terminetur ad esse rei, ergo quod est causa generationis alicui rei, est etiam causa esse ipsius, ergo hic homo non est causa solum generationis huius rei sed etiam esse.

**A**d primum horum dicitur quod illa propositio ex qua dependet veritas illius conditionalis est vera, & puto ipsam esse veram de quacunque ratione, siue inquam specifica sit siue generica, siue analogica, quia etiam videmus in potentiis cognoscitiuis quod si potentia respiciat obiectum secundum aliquam formalem rationem, se extendit ad omnia quibus illa ratione conuenit. visus enim se extendit ad omnes colores, & intellectus ad omne ens. Ad improbationem dicitur quod Deus non est causa entis in quantum ens si proprie loquamur, sed entis creati, & sic non oportet quod sit causa sui ipsius, sed omnium quibus conuenit ratio entis creati: & similiter calum non est causa corporis in quantum corpus est, sed cor-



poris generabilis & corruptibilis in quantum huiusmodi: ideo non oportet quod sit causa sui ipsius, quia sibi illa ratio non convenit: & vniuersaliter loquendo nihil est causa per se alicuius secundum illam rationem sub qua & ipsum continetur, vt ex supra dictis patet. Ad secundum dicitur, quod dupliciter potest dici agens agere per se sibi simile secundum formam. Vno modo vt per se generat hunc hominem, qui est sibi simile secundum terminatur, quæ scilicet eandem formam recipit quam agens habet: & sic verum est agens vniuersum agere per se sibi simile secundum formam. hic enim homo per se generat hunc hominem, qui est sibi similis secundum humanitatem. Alio modo vt sit modus causæ secundum quod terminatur ad formam secundum quam attenditur similitudo: & tunc non est verum quod agens agat per se sibi simile secundum formam, id est, quod agat formam secundum quam attenditur similitudo in quantum talis forma est. hic enim homo non primo generat humanitatem, sed secundario, vt dictum est, in quantum facit quod in hac materia introducat speciem formæ. Ad tertium dicitur, quod non intelligit sanctus Thomas agens particulare vniuersum nullo modo causare esse, quia vt arguebatur, generatio terminatur ad esse rei, & per consequens generans dat esse genito, sed quod esse rei non est eius per se effectus, sed tantum generatio & fieri rei. vt enim superius dictum est de mente ipsius in prima parte, si agens non est causa formæ in quantum huiusmodi, non erit per se causa esse quod ipsam consequitur. Cum enim causa formæ per se dicatur, quæ dat esse formæ in quantum huiusmodi, id quod non est causa formæ in quantum huiusmodi, non potest esse causa per se esse ipsius formæ secundario tamen & quasi indirecte est causa eius, quia est causa receptionis formæ speciei in materia: ex qua receptione resultat esse huius individui, & consequenter esse speciei. Vnde potest dici quod singulare vniuersum est causa per se productionis esse formæ in hac materia, sicut hoc modo est etiam causa formæ, non autem est per se causa ipsius esse formæ in quantum huiusmodi, id est, secundum quod est in factum esse.

Quarto, Supponitur quod licet alicui existenti accidat motus, tamen motus est præter esse rei. Tunc sic, Corpus est causa eius quod est moueri ad esse quod est fieri rei, Deus autem est primo & per se causa omnis esse, ergo sic se habet operatio diuina ad esse rerum sicut motio corporis mouentis ad fieri & moueri rerum facturum & motum. sed impossibile est quod fieri vel moueri alicuius maneat cessante motione mouentis, ergo & quod esse alicuius rei maneat nisi per operationem diuinam, est impossibile. probatur antecedens quantum quidem ad primam partem, quia cum nullum corpus agat nisi per motum, non est causa alicuius rei nisi in quantum mouetur. quantum vero ad secundam partem, quia Deus est suum esse, alia vero habent esse participatum.

CIRCA probationem primæ partis antecedentis considerandum est quod illam dupliciter possumus interpretari. Primo vt arguatur ex motu quo ipsum corpus agendo mouet materiā aut mobile, arguendo sic: Nullum corporeum est causa alicui rei nisi in quantum ipsa res mouetur: quia nullum corpus agit nisi per motum secundum quem aliquod mobile mouetur, ergo nullum corpus est causa esse alicuius rei in quantum est esse, sed est causa eius quod est moueri ad esse: & tunc tenet consequentia per ea quæ dicuntur in questionibus de Potentia Dei loco allegato, scilicet quod cum corpus non agat nisi mouendo, non potest esse causa formæ nisi quantum se extendere potest causalitatis transmutationis. hoc autem est in quantum disponit materiā, & educit formam de potentia materiæ, ideo corpus est causa formæ solum quantum ad hoc quod educitur de potentia materiæ, quod est fieri rei generatæ, non autem quantum ad esse formæ absolute. Secundo eam possumus interpretari vt arguatur ex motu quo ipsum corpus ab alio mouetur: sic arguendo, Nullum corporeum est causa alicuius rei nisi in quantum ipsum corpus mouetur: quia nullum corpus agit nisi per motum quo ipsum mouetur: ergo corpus non est causa nisi eius quod est moueri ad esse: & tunc tenet illa consequentia ex vi istius propositionis quod esse effectus proportionatur esse formæ per quam agens agit vt sic. ex hac enim sequitur quod cum esse formæ corporis agentis in quantum est esse, non sit principium quo agens agit, sed in quantum sibi adiungitur moueri, quia non agit nisi in quantum mouetur, quod esse rei in quantum est esse, non sit effectus corporis agentis, sed tantum in quantum substat ipsi moueri, & sic corpus non est causa esse rei absolute, sed eius quod est moueri ad esse. Huic expositioni fauere videtur propositio supposita, scilicet quod licet alicui existenti accidat motus, tamen motus est præter esse rei. ex hac enim habetur quod licet corpus agat per motum quo mouetur, non oportet tamen quod agat per ipsum esse in quantum est esse: quia motus est præter esse rei. Vtræque expositio adaptari potest literæ. Quinto, Artificialia conseruantur in esse virtute naturalium, sicut domus per soliditatem lapidum, ergo naturalia non conseruantur nisi virtute Dei. probatur consequentia, quia sicut opus artis præsupponit opus naturæ, ita opus naturæ præsupponit opus Dei creatoris. materia enim artificialium est à natura: & materia naturalium est à Deo per creationem.

ADVERTENDVM circa istam rationem, quod sicut in naturalibus agens vniuersum est causa rei quantum ad fieri tantum, ita & in artificialibus. Nam cum forma domus, quæ est compositio & ordo, consequatur virtutem naturalem quarundam rerum, edificator non facit domum, nisi adhibendo illa, & applicando ipsa sibi inuicem, scilicet cementum, lapides & ligna quæ sunt susceptiua & conseruatiua talis compositionis & ordinis, sicut cocus coquit cibum adhibendo virtutem naturalem actionis ignis: vnde artifex non est directe & per se causa formæ rei artificialis in quantum huiusmodi, sed est causa introductionis ipsius in hac materia adhibendo virtutes naturales, ideo non conseruantur in esse artificiali per artificem, cum ab ipso non dependeat per se & directe forma, sed per virtutem rerum materialium ad quam ipsa forma consequitur. Propter hoc dictum est in hac ratione quod artificialia conseruantur in esse virtute naturalium. Sexto, Esse non est natura vel essentia alicuius rei creatæ, sed solius Dei, ergo nulla res potest remanere in esse cessante operatione diuina. probatur consequentia, quia impressio agentis non remanet in effectu cessante actione agentis, nisi vertatur in naturam. declaratur ex formis & proprietatibus rerum naturalium generatarum, & ex habitibus, & ex hoc quod id quod pertinet ad naturam superioris generis scilicet per formaliter & non tantum virtualiter in ipso existens, non manet post

actionem agentis, sicut patet de lumine.

CIRCA istam deductionem sancti Thomæ statim occurrit dubium. Nam licet esse non sit natura vel essentia alicuius rei creatæ, consequitur tamen formam quæ est de essentia rei creatæ: & hoc videtur sufficere ad hoc quod possit manere cessante operatione diuina. illa enim propositio, Impressio agentis non remanet in effectu cessante actione agentis nisi vertatur in naturam, intelligitur de eo quod vertitur in naturam non solum tanquam existens de essentia rei, sed etiam tanquam consequens essentiam: quod patet: quia datum est exemplum de proprietatibus rerum generatarum, & de habitibus, vnde consequentia natura esse videtur, & male per illam propositionem assumptam probata. Respondetur quod ratio nis deductio bona est si bene intelligatur. Supponit enim sanctus Thomas, tanquam manifestum, quod esse à natura rei creatæ non potest effluere tanquam à causa efficiente, cum nulla res seipsam in esse producat, vnde si assumitur quod nec etiam est essentia aut natura rei: habetur quod nullo modo in naturā vertitur eo modo quo accipitur hoc loco verti in naturam. illa enim propositio, Impressio agentis non remanet cessante actione agentis nisi vertatur in materiam: intelligitur sic, nisi scilicet aut fiat de essentia rei, aut ad essentia rei tanquam ab efficiente originetur. ideo dat exemplum sancti Thomæ. & de forma rei generatæ quæ est de ipsius essentia, & de proprietatibus quæ efficienter ab essentia originantur. Exemplificatur etiam de habitibus qui sunt difficile mobiles, quia etiam ex actibus frequentatis illa qualitas quæ est habitus, est facta naturæ conueniens & quasi eius proprietates ab ipsa resultans, ex quo habet vt cum difficultate amittatur.

Septimo, Si res fuerunt à Deo de nouo productæ in esse, vt fides ponit, ergo esse rerum diuinam voluntatem consequitur, & similiter non esse: quia permisit res non esse quando voluit, & fecit eas esse quando voluit, ergo tandiu sunt quandiu Deus esse vult: ergo sua voluntas est conseruatric rerum. Si autem ab æterno fluxerunt à Deo, vt aliqui Philosophi voluerunt, non est dare tempus aut instans in quo primo à Deo effluerunt, ergo aut nunquam sunt productæ, quod est falsum. aut semper à Deo esse eorum procedit quandiu sunt, ergo &c.

CIRCA primam partem huius rationis aduertendum quod supponit voluntatem Dei esse causam voliti, ex hoc autem sequitur quod quia vult rem tandiu esse, ipsa est causa durationis rei continuando eius esse.

CIRCA secundam verò partem dubitatur. posset enim ad ipsam responderi quod consequentia non tenet. stat enim quod sunt res à Deo productæ, & quod non sit dare tempus aliquod aut instans in quo primo effluerunt à Deo, & tamen non semper esse rerum à Deo procedat. dicitur enim quod productæ sunt quidem in instanti, in nullo tamen instanti determinato sunt productæ, vt possit assignari vnum instans in quo sit verum dicere in hoc instanti sunt productæ.

SED ista responsio nulla est: quia si in vno instanti duntaxat res sunt productæ, & non in pluribus, aut in omnibus producit, illud oportet instans determinatum esse, & posse demonstrari secundum intellectum, quia vnumquodque instans est determinatum & distinctum à quolibet alio instanti, & tunc erit verum dicere quod in illo instanti res primo productæ sunt: quod repugnat ei quod est esse ab æterno productum. sequitur ergo bene vt deducebat sanctus Thomas. res sunt à Deo productæ, & non est aliquid instans in quo primo productæ sunt neque aliquod tempus, ergo semper & in quolibet instanti producuntur non quidem per inceptionem essendi, sed per manentiam esse accepti.

CONFIRMATVR conclusio author. Apost. Heb. 1. & August. 4. super Genes. ad literam. Per hoc excluditur error quorundam loquentium in lege Maurorum ponentium omnes formas esse accidentia, & rerum formationem esse semper in fieri, & sic non indigere res conseruante post earum factionem, quorum quidam dicuntur proponere corpora indiuisibilia ex quibus substantiæ secundum ipsos componuntur, posse ad horam cessante Dei gubernatione remanere, quidam verò dicunt quod res non desineret esse, nisi Deus in ipsa accedens definitionis, id est, deficientiæ & definitionis causa foret.

CIRCA conclusionem principalem dubium occurrit. Nam sunt aliqua quæ nullam habent intrinsecam potentiam ad deficiendum, sicut intelligentiæ & corpora cælestia: ergo remota omni actione post eorum productionem non deficient, ergo non indigent conseruatione: item sequeretur quod agens naturale corrumpens vinceret actionem Dei conseruantis. Ad primum horum dicitur quod licet illa non habeant potentiam intrinsecam ad non esse, scilicet materiam priuationi subiectam, suum tamen esse præsupponit influxum diuinæ virtutis, & ideo extrinsecè possunt non esse, scilicet per subtractionem diuini influxus, propterea indigent Deo conseruante ipsa in esse: sicut indigent ipso producente: vnde prima consequentia est falsa. Ad secundum negatur sequela. quia sicut Deus conseruat rem quandiu vult, ita coagit corruptenti quando non vult eam amplius conseruare & suum subtrahit influxum ab eo quod corrumpitur & desinit esse.

Quod nihil dat esse, nisi in quantum agit in virtute diuina.

Cap. 66.



X hoc autem manifestum est quod omnia inferiora agentia non dant esse, nisi in quantum agunt in virtute diuina. Nihil enim dat esse nisi in quantum est ens actus: Deus autem conseruat res in esse per suam prouidentiam vt ostensum est. \* ex virtute igitur diuina est quod aliquid det esse. \* Cap. 65.

2 Amplius, Quando aliqua agentia diuersa sub vno agente ordinantur, necesse est quod effectus qui ab eis communiter fit sit eorum secundum quod vniuntur in participando motum & virtutem illius agentis. Non enim plura faciunt vnum, nisi in quantum vnum sunt: sicut patet quod omnes



omnes qui in exercitu sunt, operantur ad victoriam causandam, quam causant secundum quod sunt sub ordinatione ducis: cuius proprius effectus victoria est. ostensum est autem in primo, quod primum agens est Deus. cum igitur esse sit communis effectus omnium agentium (nam omne agens facit esse actum) oportet quod hunc effectum producant in quantum ordinantur sub primo agente, & agunt in virtute ipsius.

3 Item, In omnibus causis agentibus ordinatis, quod est ultimum in generatione, & primum in intensione, est proprius effectus primi agentis: sicut forma domus quæ est proprius effectus ædificatoris, posterius provenit quam præparatio cimenti, & lapidum, & lignorum, quæ sunt per artifices inferiores qui subsunt ædificatori. in omni autem actione esse in actu, est principaliter intentum, & ultimum in generatione. nam eo habito quiescit agentis actio, & motus patiens. est igitur esse proprius effectus primi agentis, scilicet Dei: & omnia quæ dant esse, hoc habent in quantum agunt in virtute Dei.

4 Amplius, Ultimum in bonitate & perfectione inter ea in quæ potest agens secundum, est illud in quod potest ex virtute agentis primi. nam complementum virtutis agentis secundi est ex virtute agentis primi. quod autem est in omnibus agentibus perfectissimum, est esse. qualibet enim natura vel forma perficitur per hoc quod est actu: & comparatur ad esse in actu, sicut potentia ad actum ipsum. igitur esse est quod agentia secunda agunt in virtute primi agentis.

5 Item, Secundum ordinem causarum est ordo effectuum. primum autem in omnibus effectibus est esse. nam omnia alia sunt determinationes ipsius. igitur esse est proprius effectus primi agentis, & omnia alia agunt ipsum in quantum agunt in virtute primi agentis. secunda autem agentia quæ sunt quasi particulantes & determinantes actionem primi agentis, agunt sicut proprios effectus alias perfectiones quæ determinant esse.

6 Præterea, Quod est per essentiam tale, est propria causa eius quod est per participationem tale: sicut ignis est causa omnium ignitorum: Deus autem solus est ens per essentiam suam: omnia autem alia sunt entia per participationem: nam in solo Deo esse est sua essentia: esse igitur cuiuslibet existentis est proprius effectus eius: ita quod omne quod producit aliquid in esse, hoc facit in quantum agit in virtute Dei. Hinc est quod dicitur Sapientiæ primo, Creavit Deus ut essent omnia. & in pluribus scripturæ locis dicitur, quod Deus omnia facit. Et in libro de Causis dicitur quod nec intelligentia dat esse, nisi in quantum est diuina, & in quantum agit in virtute diuina.

Super Cap. 66.



STENSO quod Deus res omnes in esse conseruat, vult sanctus Thomas ostendere quod inferiora agentia non dant esse nisi in quantum agunt in virtute diuina: & arguit primo sic. Nihil dat esse nisi in quantum est ens actu: sed res conseruatur in esse actu per prouidentiam diuinam: ergo quod aliquid dat esse, habet ex virtute diuina. Secundo, Esse est communis effectus omnium agentium. ergo omnia hunc effectum producant, in quantum ordinantur sub primo agente qui est Deus, & agunt in virtute ipsius. probatur antecedens, quia omne agens facit esse actum, intellige directe aut indirecte, primo aut secundario. consequentia verò probatur, quia cum plura non faciant vnum nisi in quantum sunt vnum, quando diuersa agentia sub vno agente ordinantur, necesse est quod effectus qui ab eis communiter fit, sit eorum secundum quod vniuntur in participando motum vel virtutem illius agentis. declaratur ex eo quod in exercitu videtur. Tertiò, in omni actione, esse in actu est principaliter intentum, & ultimum in generatione, cum eo habito cessat actio agentis, & motus patiens, ergo esse est proprius effectus primi agentis, scilicet Dei, & omnia alia illud agunt in virtute ipsius. probatur consequentia, quia in omnibus agentibus ordinatis quod est ultimum in generatione, & primum in intentione, est proprius effectus primi agentis. declaratur in domesticatione. Quarto, quod est in omnibus agentibus perfectissimum, est esse. ergo, &c. probatur antecedens, quia qualibet natura vel forma perficitur per hoc quod est esse actu, & ad ipsum comparatur sicut potentia ad actum. consequentia verò probatur, quia ultimum in bonitate & perfectione inter ea in quæ potest agens secundum, est illud in quod potest ex virtute primi agentis, cum complementum suæ virtutis sit ex virtute agentis primi.

CIRCA assumptum ad probationem antecedentis considerandum est quod in primo libro est ostensum. esse est actualitas ultima, quæ nullo alio actu potest aduari: sed si limitatur, hoc est non per aliquem actum, sed per

susceptum tantum & potentiale: ideo quantumcunque forma sit actus quidam, comparata tamen ad ipsum esse, habet rationem potentialis: nam licet sit causa formalis essendi: quia tamen non constituitur in rerum natura nisi per ipsum esse tanquam per ultimam actualitatem: necesse est quod ad ipsum habeat comparationem potentie ad actum. Quintò, Primum in omnibus effectibus est esse, cum omnia alia sint determinationes ipsius, intellige per modum potentialis & susceptiui, non autem per modum actus. ergo est prius effectus primi agentis: & secunda agentia quæ sunt quasi particulantia & determinantia actionem primi agentis, agunt sicut proprios effectus alias perfectiones quæ determinant esse, ergo, &c. probatur prima consequentia, quia secundum ordinem causarum est ordo effectuum.

CIRCA istam propositionem, Secunda agentia determinant actionem primi agentis: aduertendum, quod hoc non est sic intelligendum quasi secunda agentia aliquid erga diuinam actionem ut in se est operentur, cum sua actio sit sua substantia, sed intelligitur ut ex superioribus constat, secundum quod ipsa mediantibus causis secundis ad actum aliquid determinatur. sic enim virtus diuina & actio secundum quod in secunda causa recipitur, accipit limitationem & determinationem ex conditione causæ secundæ tanquam ex susceptiui conditione: quia vnumquodque recipitur in alio per modum recipientis.

SED occurrit dubium. videtur enim contradictio in verbis S. Thom. Nam in tertia ratione assumit quod esse in actu est principaliter intentum, & ultimum in generatione. in hac autem ratione assumit quod primum in omnibus effectibus est esse: & videtur intelligere de primo in generatione: quia addit quod omnia alia sunt determinationes ipsius, & etiam quia si intelligeret de primitate perfectionis, hæc ratio non differret à præcedenti, in qua assumit quod esse est perfectissimum. Respondetur ut dictum est superius in secundo lib. cap. 22. quod esse absolute sumptum ut comparatur ad hoc vel ad illud esse, est primum in generatione, sicut in determinato, ut autem comparatur ad terminum cuiuscunque productionis ut actus ad potentiam, sic est ultimum tanquam complementum omnis perfectionis. Sextò, Deus solus est ens per essentiam, cum ipse solus sit suum esse, ergo esse cuiuslibet existentis est proprius Dei effectus, ergo, &c. probatur prima consequentia, quia quod est per essentiam tale, est propria causa eius quod est per participationem tale.

ADVERTE quod multæ supradictarum rationum ex eodem fundamento procedunt, ex eo scilicet quod esse est proprius effectus Dei: sed tamen quia illud fundamentum pluribus & diuersis ostenditur mediis, plures sancti Thom. constituit rationes, confirmatur conclusio auct. Sap. primo. & auct. libri de Causis propositione 22.

Quod Deus est causa operandi omnibus operantibus.

Cap. 67.



X hoc autem apparet quod Deus est causa omnibus operantibus ut operentur. Omne enim operans est aliquo modo causa essendi vel secundum esse substantiale, vel accidentale: nihil autem est causa essendi nisi in quantum agit in virtute diuina, ut ostensum est. \* omne \* Cap. 66. igitur operans operatur per virtutem Dei.

2 Adhuc, Omnis operatio quæ consequitur aliquam virtutem, attribuitur sicut causæ illi rei quæ dedit illam virtutem: sicut motus grauium & leuium naturalis consequitur formam ipsorum secundum quod sunt grauias & leuias: & ideo causa ipsorum motus dicitur esse generas qui dedit formam. omnis autem virtus vniuscuiusque agentis est à Deo sicut à principio omnis perfectionis: ergo cum omnis operatio consequatur aliquam virtutem, oportet quod cuiuslibet operationis causa sit Deus.

3 Amplius, Manifestum est quod omnis actio quæ non potest permanere cessante impressione alicuius agentis, est ab illo agente: sicut manifestatio colorum non posset esse cessante actione solis quæ aërem illustrat: vnde non est dubium quin sol sit causa manifestationis colorum. Et similiter patet de motu violento qui cessat cessante violentia impellentis. sicut autem Deus non solum dedit esse rebus cum primo esse inceptum, sed quamdiu sunt, esse in eis causat, res in esse conseruans: ut ostensum est. \* ita non solum \* Cap. 65. cum res primo conditæ sunt, eius virtutes operatiuas indidit: sed semper eas in rebus causat: vnde cessante influentia diuina, omnis operatio cessaret. omnis igitur rei operatio in ipsum reducitur sicut in causam.

4 Item, Quicquid applicat virtutem actiuam ad agendum, dicitur esse causa illius actionis. artifex enim applicat virtutem rei naturalis ad aliquam actionem, dicitur esse causa illius actionis: sicut cocus decoctionis quæ est per ignem. sed omnis applicatio virtutis ad operationem est principaliter & primò à Deo. Applicantur enim virtutes operatiuæ ad proprias operationes per aliquem motum vel corporis vel animæ. Primum autem principium vtriusque motus est Deus.



est Deus, est enim primum mouens omnino immobile, vt  
 \* Lib. 1. c. 13. supra ostensum est. \* & similiter omnis motus voluntatis  
 quo applicantur aliquæ virtutes ad operandum, reduci-  
 tur in Deum sicut in primum appetibile, & in primum vo-  
 lentem, omnis igitur operatio debet attribui Deo sicut  
 primo & principali agenti.

5 Adhuc, In omnibus causis agentibus ordinatis sem-  
 per oportet quod causæ sequentes agant in virtute causæ  
 primæ: sicut in rebus naturalibus corpora inferiora agunt  
 in virtute corporum cælestium: & in rebus voluntariis om-  
 nes artifices inferiores operantur secundum imperium  
 supremi architectoris. In ordine autem causarum agen-  
 \* Cap. 13. tium Deus est prima causa, vt in primo ostensum est. \* ergo  
 omnes causæ inferiores agentes agunt in virtute ipsius.  
 Causa autem actionis magis est id cuius virtute agitur,  
 quam etiam illud quod agit, sicut principale agens magis  
 agit quam instrumentum. Deus igitur principalis est cau-  
 sa cuiuslibet actionis, quam etiam secundæ causæ agētes.

6 Item, Omne operans per suam operationem ordina-  
 tur ad finem vltimum, oportet autem quod vel operatio  
 ipsa sit finis, vel operatum, quod est operationis effectus.  
 Ordinare autem res in finem est ipse Dei, vt supra osten-  
 sum est. \* oportet igitur dicere quod omne agens in vir-  
 tute diuina agat, ipse igitur est qui est causa actionis om-  
 nium rerum.

Hinc est quod dicitur Isa. 26. Omnia opera nostra ope-  
 ratu es in nobis Domine. Et Io. 15. Sine me nihil potestis  
 facere. Et Philip. 2. Deus est qui operatur in nobis velle &  
 perficere pro bona voluntate. Et hac ratione frequenter  
 in scriptura naturæ effectus operationi diuinæ attribuuntur:  
 quia ipse est qui operatur in omni operante per natu-  
 ram vel per voluntatem: sicut illud Iob 10. Nonne sicut lac  
 mulisti me, & sicut caseum me coagulasti, pelle & carni-  
 bus vestisti me, ossibus & nervis compegisti me. & in Psal.  
 Intonuit de cælo Dominus & altissimus dedit vocē suam:  
 gran. & carbonēs ignis.

#### Super Cap. 67.

**P**OST QVAM ostendit S. Thomas diuinam prouidentiam  
 ad esse rerum omnium se extendere, vult nunc ostendere  
 quod ad omnium rerum operationes se extendit. circa hoc  
 autem duo facit. Primò ostendit propositum, secundò re-  
 mouet quædam dubia, cap. 75. circa primū tria facit. Primò  
 ostendit propositum, secundò infert quoddam corollarium, cap. sequēti.  
 Tertiò quædam falsam opinionem excludit, cap. 69. Quantum ad primū  
 ponit hanc conclusionem, Deus est causa omnibus operantibus vt operen-  
 tur, probatur primò, omne operans est aliquo modo causa essendi vel se-  
 cundum esse substantiale, vel secundum esse accidentale: sed nihil est  
 causa essendi nisi in quantum agit in virtute diuina, ergo esse operans ope-  
 ratu per virtutem Dei.

ADVERTE quod licet altera præmissarum existente negatiua con-  
 clusio affirmatiua nō possit inferri regulariter, & secundum debitam for-  
 mam arguendi, non curans tamen de forma arguendi hoc loco S. Thom.  
 affirmatiuam conclusionem altera præmissarum existente negatiua in-  
 fert: quia in illa negatiua manifestè includitur affirmatiua ad debitam for-  
 mam requisita, scilicet hæc, Omne quod est causa essendi, agit in virtute  
 Dei: vnde ex illis propositionibus sic argui formaliter potest, Omne quod  
 est causa essendi, agit in virtute Dei: sed omne operans est causa essendi,  
 sua scilicet operatione, ergo omne operans agit in virtute Dei. Secundò,  
 Omnis virtus vniuscuiusque agentis est à Deo sicut à principio omnis  
 perfectionis: ergo cuiuslibet operationis Deus est causa, probatur conse-  
 quentiā, quia omnis operatio quæ consequitur aliquam virtutem, attri-  
 buitur sicut causæ illi rei quæ dedit illam virtutem, vt patet de motu gra-  
 uium & leuium qui attribuitur generanti: omnis autem operatio, conse-  
 quitur aliquam virtutem. Tertiò, Cessante influentiā diuinā omnis ope-  
 ratio cessaret, & omnis operatio in Deum sicut in causam reduci-  
 tur, probatur consequentiā, quia omnis actio quæ non potest permanere cessante  
 impressione alicuius agentis, est ab illo agente, declaratur in manifesta-  
 tione coloris à sole, & in motibus violentis, antecedens verò probatur:  
 quia sicut Deus non solum dedit esse rebus cum primò esse inceperunt,  
 sed quandiu sunt, eas in esse conseruans causat in eis esse: ita non solum  
 cum res primò conditæ sunt, eis virtutes operatiuas indidit: sed semper  
 eas in rebus causat.

ADVERTE quod fundamentum huius rationis est: quoniam quic-  
 quid est causa causæ, est etiam causa effectus, ex hoc enim sequitur, cum  
 virtus sit causa operationis, & Deus sit semper causa virtutis, quādiu ma-  
 net virtus, quod Deus sit etiam causa operationis. Quartò, Omnis appli-  
 catio virtutis ad operationem est principaliter & primo à Deo, ergo, &c.  
 probatur antecedens, quia applicatur virtutes operatiuæ ad proprias ope-  
 rationes per aliquem motum vel corporis vel animæ, puta apprehensio-  
 nis & appetitus, primum autē principium vtriusque motus est Deus, cum  
 sit primum mouens omnino immobile, & omnis motus voluntatis redu-

catu in Deum sicut in primum appetibile, & in primum volentem, con-  
 sequentiā verò probatur, quia quicquid applicat aliquam virtutem ad  
 agendum, dicitur causa illius actionis.

ADVERTENDVM quod cum voluntas sit & causa secunda aliquo  
 modo agens respectu suæ operationis, & talis causa quæ est appetitus, du-  
 plicem habet comparationē ad Deum, vna est sicut ad primum agentem:  
 alia sicut ad primum appetibile, nam Deus mouet voluntatem ad opera-  
 tionem & per modum agentis, & per modum finis. S. Thom. ergo ad si-  
 gnificandum hanc duplicem comparationem dicit, quod motus voluntatis  
 quo applicantur aliquæ virtutes ad operandum, reduci-  
 tur in Deum sicut in primum appetibile, in quo signatur ordo ad ipsum tanquam ad  
 finem: & sicut in primum volentem, in quo signatur ordo in ipsum sicut  
 in primum mouens, & in primum agens. Quintò, in ordine causarum  
 agentium Deus est prima causa, ergo omnes causæ inferiores agunt in  
 virtute eius, ergo est principalis causa cuiuslibet actionis quam causæ  
 secundæ agentes, probatur prima consequentiā: quia in omnibus causis  
 agentibus ordinatis semper oportet quod causæ sequentes agant in vir-  
 tute causæ primæ, declaratur in rebus naturalibus, & voluntariis, secunda  
 quoque probatur, quia causa actionis magis est id cuius virtute agitur,  
 quam id quod agit: sicut principale agens magis agit quam instrumentum.  
 Sextò, ordinare res in finem est ipse Dei, vt supra est ostensum, ergo  
 omne agens in virtute Dei agit, ergo &c, probatur prima consequentiā,  
 quia omne operans per suam operationem ordinatur ad finem vltimum:  
 cum oporteat vel operationem ipsam esse finem, vel eius effectum, con-  
 firmatur author, Isa. 26. Ioan. 15. & Philip. 2, confirmatur etiā, quia frequen-  
 ter in scriptura naturæ effectus operationi diuinæ attribuuntur, iuxta il-  
 lud Iob 40. Nonne sicut lac, &c. & in Psal. Intonuit de cælo, &c.

ADVERTENDVM quod ex istis rationibus apparet Deum multi-  
 pliciter esse causam operationis creature: ex prima enim & secunda ha-  
 betur quod est illius causa tanquam dans creaturæ virtutem qua operatur  
 ex tertia habetur quod est causa tanquam ipsam virtutem creaturæ con-  
 seruans in esse, ex quarta habetur quod est causa tanquam applicans vir-  
 tutem creaturæ ad operationē, ex quinta habetur quod est causa tanquam  
 agens principale quod mouet secundarium agens, ex sexta verò habetur  
 quod est causa tanquam dirigens vniuscuiusque operationem in finem.

SED contra prædicta arguitur à quibusdam. Dubitat enim Aureolus  
 apud Capreolum loco allegato quomodo non superfluit alterum ipso-  
 rum agentium, si ab utroque eadem actio procedit: & quare non produ-  
 ceret vnum agens illam actionē sine alio, si sufficiens procedit ab utro-  
 que. Durandus verò querit quomodo eadem actio possit sufficenter esse  
 à Deo & creatura: cum illis non sit vna virtus. Sed quæ eorum quæstis  
 satisfiat à sancto Thoma inferius, cap. 69. non oportet hic aliter responde-  
 re. Cætera quæ ad hanc conclusionē pertinere possent, & ad rationes ad-  
 ductas, in secundo libro vbi de creatione agebatur, sunt pertractata.

#### Quod Deus est vbique, & in omnibus rebus.

#### Cap. 68.

**E**X hoc autem apparet quod Deus necesse est  
 esse vbique, & in omnibus rebus.

Mouēs enim & motum oportet simul esse,  
 vt probat Philosophus in septimo Physico-  
 rum. \* Deus autē omnia mouet ad suas ope-  
 rationes, vt ostensum est. \* est igitur in omnibus rebus.

Item, Omne quod est in loco vel in re quacunque, ali-  
 quo modo contingit ipsam, res enim corporea est in ali-  
 quo, sicut in loco secundum contactum quantitatis di-  
 mensiuæ, res autem incorporea in aliquo esse dicitur se-  
 cundum contactum virtutis: cum careat dimensiuā quan-  
 titate, sic igitur se habet res incorporea ad hoc quod sit in  
 aliquo per virtutem suam, sicut se habet res corporea ad  
 hoc quod sit in aliquo per quantitatem dimensiuam, si au-  
 tem esset aliquod corpus habens quantitatem dimensiuam  
 infinitam, oporteret illud esse vbique, ergo si sit aliqua res  
 incorporea habens virtutem infinitam, oportet quod sit  
 vbique, ostensum est autem in primo, \* Deum esse infinitæ  
 virtutis, est igitur vbique. \* Cap. 43.

2 Adhuc, Sicut se habet causa particularis ad particula-  
 rem effectum, ita se habet causa vniuersalis ad vniuersa-  
 lem effectum, oportet autē causam particularem proprio  
 effectui particulari adesse simul, sicut ignis per suā essen-  
 tiam calefacit, & anima per suam essentiam vitam corpori  
 confert. Cum igitur Deus sit causa vniuersalis totius esse,  
 vt in secundo ostensum est: \* oportet quod in quocunque  
 est inuenire esse, ei ad sit diuina præsentia. \* Cap. 6.

3 Amplius, Quodcunque agens est præsens tantum vni  
 suorum effectuum, eius actio non potest deriuare ad alia,  
 nisi illo mediante, eo quod agens & patiens oportet esse  
 simul: sicut vis motiua non mouet alia membra nisi me-  
 diante corde. Si igitur Deus esset præsens vni tantum suo-  
 rum effectuum, vt pote primo mobili, quod ab eo imme-  
 diatè mouetur: sequeretur quod eius actio non posset ab  
 alia

Avr. 2. dist. 1.  
 Cap. 2. dist. 1.  
 quest. 1.

Idē 1. x. q. 8.  
 artic. 1. in 3.  
 Sent. dist. 37.  
 q. 1. art. 1.

\* Text. com.  
 1. & 10. &  
 infra.  
 \* Cap. 67.

\* Cap. 43.

\* Cap. 6.



ab alia deriuare nisi illo mediante. Hoc autem est inconueniens. Si enim alicuius agentis actio non potest deriuare ad alia nisi mediante aliquo primo: oportet quod illud proportionaliter respondeat agenti secundum totam eius virtutem. aliter enim non posset agens tota sua virtute vt: sicut videmus quod omnes motus quos potest causare virtus motiua, expleri possunt per cor. non est autem aliqua creatura per quam posset expleri quicquid diuina virtus facere potest: cum diuina virtus excedat in infinitum quamlibet rem creatam, vt apparet ex his quæ in primo ostensa sunt. \*inconueniens est igitur dicere quod diuina actio non se extēdat ad alia nisi mediante vno primo. non est igitur præsens in vno tantum suorum effectuum, sed in omnibus. eadē enim ratione opinabitur si quis dicat eum esse in aliquibus, & non in omnibus: quia quocunque modo effectus diuini accipiantur, non sufficienter explere poterunt diuinæ virtutis executionem.

4 Præterea, necesse est vt causa agens sit simul cum suo effectu proximo & immediato: in qualibet autē re est aliquis effectus proximus & immediatus ipsius Dei. ostensum est enim in 2. quod solus Deus creare potest: in qualibet autem re est aliquid quod per creationem causatur: in rebus quidem corporalibus prima materia: in rebus autem corporeis simplices earum essentia: vt apparet ex his quæ in secundo sunt determinata. oportet igitur simul Deum adesse in omnibus rebus: præsertim cum ea quæ de non esse ad esse produxit, continuū & semper in esse conseruet, vt ostensum est. Hinc est quod dicitur Hier. 23. Cælum & terram ego impleo. & in Psalm. Si ascendero in cælum, tu illic es: & si descendero ad infernum, ades. Per hoc autem excluditur error quorundam dicentium Deum in aliqua parte mundi determinatē esse, puta in primo cælo, & in parte orientis, vnde est principium motus cæli: quorum tamen dictum sustineri posset, si sanē accipiat: vt scilicet non intelligamus Deum aliqua determinata mundi parte esse conclusum: sed quia omnium corporearum motionum principium secundum naturæ ordinem ab aliqua determinata incipit parte, Deo mouente: propter quod & in sacra scriptura Deus dicitur specialiter esse in cælo, secundum illud Isa. vlt. Cælum mihi sedes est. & in Psalm. Cælum cæli Domino, &c. sed ex hoc quod præter naturæ ordinē etiam in infimis corporibus Deus aliquid operatur, quod virtute cælestis corporis causari non potest, manifestē ostenditur Deum non solum cælesti corpori, sed etiam infimis rebus immediatē adesse. Non est autem æstimandum Deum sic esse vbique, quod per locorum spacia diuidatur, quasi vna pars eius sit hic, & alia alibi: sed totus vbique est. Deus enim cum sit omnino simplex, partibus caret. Neque sic simplex est, sicut punctus, qui est terminus continui, & propter hoc determinatum situm in continuo habet: vnde non potest vnus punctus nisi in vno loco indiuisibili esse: Deus autem indiuisibilis est, quasi omnino extra genus continui existens: vnde non determinatur ad locum vel magnū vel paruum ex necessitate suæ essentia, quasi oporteat eum esse in aliquo loco: cum ipse fuerit ab æterno ante omnem locum: sed immensitate suæ virtutis attingit omnia quæ sunt in loco: cū sit vniuersalis causa essendi, vt dictū est. sic igitur ipse totus est vbique est: quia per simplicem suā virtutem vniuersa attingit.

Non est tamen æstimandum quod sic sit in rebus, quasi in rebus mixtis. ostensum est enim in primo, quod neque materia neque forma est alicuius, sed est in operibus per modum causæ agentis.

#### Super Cap. 68.



X præmissis infert S. Thomas hoc corollarium, Deus est vbique & in omnibus rebus. circa hoc autem duo facit. Primo ostendit propositū. secundō excludit quasdam falsas existimationes, circa finem cap. Quantum ad primum arguit primō sic. Deus mouet omnia ad suas operationes: vt ostensum est: ergo est in omnibus rebus. probatur consequentia, quia mouens & motum oportet esse simul: vt dicitur septimo Physicorum.

Ad hanc rationem dicit Scotus secundo Sent. dist. 2. quæst. 5. quod aut nihil valet: aut oppositum concludit eius quod intendit, aut enim inquit

intendit concludere Deum esse præsentem omnibus, hoc est esse mouentem, & tunc est petitio principij, & conclusio nihil ad propositum: quia intendit concludere immensitatē Dei secundum quam est præsens omnibus. idem enim est principij & conclusio. aut intendit concludere illam præsentiam quæ competit Deo in quantum est immensus: & sic ex operatione alicubi sequitur præsentia illa, & concluditur ex hoc quod est in omnibus per operationem, à posteriori: ergo prius naturaliter erit præsens in quantum immensus, quā in quantum operans.

RESPONDETUR quod intendit S. Thom. concludere Deum esse in omnibus, & esse omnibus, præsentem, id est, habere habitudinē similitatis & præsentia mouentis immediati ad res creatas: & non est petitio principij: quia concluditur relatio inesse ex fundamento relationis. quia enim Deus mouet omnes res: ideo concluditur sibi conuenire habitudinem præsentia quæ talem motionem concomitatur: sicut ex eo quod aliquis generauit, concluditur ipsum esse aut fuisse patrē. Dicitur secundo, quod talis præsentia secundum immensitatem, hoc est, quod Deus non tantum vni, sed omnibus adest, concluditur ex operatione non à posteriori, sed à priori secundum rationem, tanquam videlicet ex ratione talis præsentia & similitatis. Deum enim operari in omnibus, est ratio quod sit in omnibus, non autem ex eo quod est in omnibus, operatur in illis. Secundo, Deus est virtutis infinitæ, ergo, &c. probatur consequentia, quia cum dupliciter contingat aliquid esse in loco scilicet, secundum contactum quantitatis dimensuræ, vt corpus: & secundum contactum virtutis, vt res incorporea: sic se habet res incorporea ad hoc quod sit in aliquo per suam virtutē, sicut se habet res corporea ad hoc quod sit in loco per quantitatem dimensuram: corpus autem infinitū quantitatiū esset vbique, ergo & virtus in corporea infinita, ergo, &c. Tertiō, Causam particulare oportet adesse simul suo proprio effectui, ergo & vniuersalem totius esse quæ est Deus, cum vnaquæque ad suum effectum eodem modo comparatur: ergo in quocunque inuenitur esse, oportet vt adsit diuina præsentia.

ADVERTENDUM, quod cum Deus sit vbique, & in omnibus per modū agentis immediati, vt declarabitur, & duplex sit immediatio agentis scilicet secundum suppositū agens & secundū virtutem agendi: prima ratio & secunda probant Deum esse in omnibus sicut causa immediata immediatione virtutis. hæc autem tertia ratio probat quod sit in omnibus sicut causa immediata immediationi suppositi. Quarto, Si Deus esset præsens vni tantum suorum effectuum, vt pote primo mobili quod ab ipso mouetur immediatē, sequeretur quod eius actio non posset ad alia deriuare nisi illo mediante, hoc autē est inconueniens, ergo, &c. probatur consequentia, quia quocunque agens est præsens tantum vni suorum effectuum, eius actio non potest deriuari ad alia nisi illo mediante, sicut virtus motiua se habet ad corratio est quia agens & patiens oportet esse simul. Falsitas verō consequentis probatur, quia sequeretur esse aliquam creaturam per quam posset expleri quicquid diuina virtute facere potest: quod constat falsum esse, cum diuina virtus excedat in infinitū quamlibet re creatam: probatur sequela, quia si actio agentis non potest ad alia deriuari nisi mediante aliquo primo, oportet vt illud proportionaliter respondeat agentis secundum totam eius virtutem, aliter non posset agens tota sua virtute vt. declaratur in virtute motiua animalis. Idem sequitur inquit S. T. si ponatur Deum esse in aliquibus, non in omnibus.

CIRCA istam propositionem. Primum mobile à Deo immediatē mouetur occurrit dubium, quomodo in via sancti Thom. sit intelligendum. Aliqui enim tenent quod ipsum ita immediatē mouet, quod nulla alia intelligentia inter Deum & cælum mediat à qua ipsum cælum immediatē mouetur: sed ipse Deus solus est causa primum mobile mouens. Mouetur autem, quia 12. Metaph. reprehendit Auićenā ponentem primum mobile nō moueri immediatē à Deo, sed à prima intelligentia creata. Alij verō tenent quod non mouet immediatē, sed mediante intelligentia. Ego dicere saluo semper meliori iudicio quod nomine primi mobilis duo possumus intelligere, scilicet aut ipsum solum corpus primi cæli quod mouetur ab alio, aut aggregatum ex tali corpore & intelligentia illi appropriata, quomodo accipit Philosophus primum mobile dum, ponit ipsum moueri à seipso, & diuidi in duas partes, scilicet in partem mouentem, & in partem motam. Si accipiat primum mobile pro aggregato ex corpore cæli & intelligentia mouente appropriata, sic mouetur immediatē à Deo secundū mentem Aristot. si autem accipiat primum corpus cæli duntaxat quod ab alio mouetur, sic non mouetur à Deo immediatē, sed mediante intelligentia. Mouetur ad hoc primō, quia sancti Thom. 12. Metaph. 6. exponens illa verba Arist. Mouet autem sicut appetibile, ait quod primum mouens mouet sicut appetibile, quia motus cæli est propter ipsum sicut propter finem causatus ab aliquo proximo mouente quod mouet propter primum mouens impossibile, vt assimilet se ei in causando, & explicet in actu id quod est virtute in primo mouente. ex his enim verbis constat quod ponit de mente Arist. primum motorem non mouere immediatē corpus cæli, sed etiam alium motorem proximum. Secundo, quia vt ostensum est superius in secundo lib. tenet sancti Thom. de mente Arist. esse, quod sint duo ordines intelligentiarum, vnus scilicet mouentium effectiue, alius mouentium per modum finis: & quod quodlibet cælum habet duos motores realiter distinctos, vnum mouentem effectiue alterum tanquam finem propter quem mouetur. Ex his constat quod Deus non mouet corpus cæli effectiue absque media intelligentia, quia si immediatē moueret, tunc oporteret esse aliam intelligentiam propter quam moueret sicut propter finem: quod repugnat superius ab ipso demonstratis. Tertiō, quia in q. de Ver. q. 5. ar. 8. ait quod tam à S. quam à Philosophis dicitur quod omnia corporalia mediantibus angelis à diuina prouidentia reguntur, in quantum, scilicet mouet superiora corpora Quarto, quia superius in primo lib. cap. 13. dixit, quod postquam ostēdit Aristoteles esse aliquem primum motorem qui est pars mouētis seipsum, inuestigat vltimū in Meta. alium motorem omnino separatū, qui est Deus. quod autem reprobat opinionem Auićen. nō obstat, quia non reprobat illam principaliter nisi quantum ad rationem quam ponit. Non enim reputat sancti Thom. verum quod à Deo nō possit nisi vnum immediatē prouenire, sicut voluit Auićen. Quantum verō ad conclusionem conuenit cum ipso accipiendo cælū pro ipso corpore præcisē. Sed accipiendo cælum & primum mobile pro aggregato, discordat ab ipso, quia Auićen. in proposito non distinxit inter mouere per motum finis, & mouere per motū efficientis: ideo absolute negauit Deum mouere

Lecl. 9. super  
Text 4.  
Auićen. tract.  
9. Metaph. 4.

Cap. 70.

Tract. 9. Metaph. cap. 9.



mouere immediatè primum mobile. S. Thom. verò inter huiusmodi motiones de mente Aristot. distinctionem ponens dixit, quòd non obstante quòd Deus immediatè causauerit intelligentiam orbi appropriatam, non inconuenit tamen quòd etiam illius mobilis seipsum mouentis sit causa immediata, quantum ad motum in genere causæ finalis, eo modo quo dictum est primum motorem mouere sicut appetibile & desideratum. Aliæ enim intelligentiæ motrices inferiorum orbium mouent propter aliam intelligentiam creatam immediatè, prima autem intelligentia creata mouens effectiue primum orbem non mouet propter aliam intelligentiam creatam, sed immediatè propter ipsum Deum, & sic cõueniens ordo mouentis ad mobile seruatur, dum primum mobile seipsum mouens immediatè mouetur à prima substantia quæ est Deus, tanquam uidelicet à fine proximo causante in intelligentia mouente appetitum quo mouet orbem, inferiora autem mobilia ab inferioribus intelligentiis mouentur propriè per modum finis. Ad hunc sensum intelligendz sunt omnes auctor. Aristot. & Commen. quibus dicitur primam causam mouere primum mobile immediatè. Accipitur enim primum mobile pro illo aggregato seipsum mouente, & intelliguntur de illa motione qua appetibile dicitur immediatè causare desiderium sui in parte mouente eius quod seipsum mouet. Ad hunc etiam sensum intelligitur quòd hic dicitur primum mobile à Deo immediatè moueri, & est sensus primū mobile à Deo tanquam à causante in ipso desiderium sui immediatè mouetur, &c.

CIRCA probationem falsitatis consequentis etiam dubitatur, quia non videtur sequi si actio Dei non posset ad alia nisi mediatè vno primo deuenire, quòd esset aliqua creatura quæ ei secundum totam suam virtutem responderet. Non enim idem iudiciū est de virtute Dei, & de virtute creaturæ, quia creatura tota sua virtute vti potest: ideo oportet vt primum per quod ad alia eius actio peruenit, sit tale, quòd per ipsum omnes effectus illius virtutis expleri possint. Deus autem nō potest tota sua virtute vti sic, vt possit aliquando exhauriri per productionem omnium per ipsam producibilem, ideo si sit aliquid primum per quod oporteat diuinam actionem ad alia deuenire, nō est necesse vt illud diuinam virtutem adæquet absolute, sed sufficit vt sit tale quòd per ipsum expleri possint omnes effectus quos Deus se producturum determinauit.

AD huius euidentiam considerandum est, quòd aliter loquendum est de medio actionis, ex voluntate & dispositione agentis electo, & aliter de medio absolute actionis agētis necessario. Licet enim aliquis possit sibi aliquid statuere quo omnem suum effectum, quem determinauit producere, expleat, sicut potest artifex sibi instrumentum aliquod fabricare quo utatur ad omnia illa opera quæ disponit operari, & ideo non oportet illud simpliciter adæquate virtutem artificis, sed sufficit vt adæquet dispositionem & propositum illius de producendis per instrumentum. quando tamen medium est absolute necessarium ad actionem agentis, secundum quòd absolute est talis natura, ita quòd non nisi per illud potest agēs vilo modo operari, necesse est vt illud virtutem adæquet, quia sicut actio agentis secundum suam rationem vt est absolute actio ipsius secundum suam speciem considerati, agentis virtutem adæquat: ita oportet vt medium necessarium ad expletionem virtutis ipsam virtutem adæquet: alioquin virtus agentis posset absque ipso ad aliquem effectum terminari, & per consequens eius actio, & sic non esset medium vniuersaliter necessarium ad actionem agentis: & hoc habet veritatem tam in Deo quam in creatura, cum hæc veritas ex rationibus terminorum oriatur. Si enim est medium necessarium ad omnem actionem agentis, oportet vt sine ipso virtus operari non possit. hoc autem est ipsum virtutem adæquare in ratione instrumenti, ideo etiam in Deo repugnat quòd aliquid sit mediū omnino necessarium per quod suos effectus producat, & illud medium non adæquat virtutem diuinam. Cum autem dicitur quòd virtus diuina exhauriri non potest, conceditur, oportet tamen illud necessarium medium esse tale, quòd per ipsum tota diuina virtus expleri possit, si ipsa virtus esset totaliter exhauribilis: quòd cum hoc nulli creaturæ conuenire possit, cum omnis creatura à diuina virtute in infinitum superetur, oportet dicere quòd nullum est medium absolute necessarium per quod actio diuina ad alia habeat peruenire. Quartò, In qualibet re sit aliquid effectus proximus & immediatus Dei, cū in qualibet re sit aliquid quod per creationem causatur, in corporealis materia prima, in rebus incorporeis simplices earum essentia, folius autem Dei sit creare, vt ostensum est in secundo, ergo adest omnibus rebus, præsertim cum ea quæ de non esse ad esse produxit, continuò & semper in esse conseruet. probatur cõsequētia, quia necesse est vt causa sit simul cū suo effectu proximo & immediato.

AD VERTE, ex eo quòd inquit hoc loco S. Thomas, necesse esse vt causa sit simul cum suo effectu proximo & immediato, quòd illud quod dicit, de Potentia, quæstione tertia, articulo decimo ad tertium, scilicet quoniam sufficit quòd mouens & motum sint simul in principio motus, non intelligitur de mouente proximo & immediato, sed de mouente principali & primo. Confirmatur conclusio auctori. Hier. 23. & Psal. 138. Per hoc autem excluditur error quorundam dicentium Deum in aliqua parte mundi determinatam esse, puta in primo cælo, & in parte orientis. Quod tamen sustineri potest, si intelligatur quòd omnium motionū corporearum principium secundum naturæ ordinem ab aliqua determinata incipit parte Deo mouēte, secundum etiam quòd scriptura Isai. vltimo & in Psal. 113. ponit Deum in cælo esse. Prædicta opinio sic exposita est Aristot. in fine octauæ Physicorū. Addit autem sanctus Thomas quòd quia etiam in infimis rebus aliquid Deus præter naturæ ordinem operatur, ostendit Deum etiam in infimis rebus immediatè adesse. Quantum ad secundum excludit S. Thomas quasdam falsas existimationes. Aliquis enim posset existimare sic Deum esse vbique quasi per locorū spatia secundum partes diuisatur. Hoc autem inquit non est verum, sed est totus vbique, cum sit omnino simplex. Aliquis etiam posset existimare, quòd esset simplex, sicut punctus, sed nec hoc inquit est verum, sed est indiuisibilis tanquam omnino extra genus continui existens, ideo non determinatur ad locum magnum vel paruum ex necessitate suæ essentia, quasi oporteat cum esse in aliquo loco, sed cum sit vniuersalis causa essendi, attingit omnia quæ sunt in loco suæ virtutis immensitate. Posset vltèrius aliquis credere, quòd ita sit in rebus quasi sit in ipsis mixtus. At nec hoc inquit est verum, cum neque sit forma neque materia alicuius rei, sed est in rebus per modum causæ agentis.

CIRCA existentiam Dei in loco & in aliis rebus considerandum primum, quòd substantiam immaterialem esse in aliquo, cum nihil aliud dicat quàm coniunctionem quandam & præsentialitatem ad ipsum, sicut multipliciter dicitur aliquid esse coniunctum & præsens alteri, ita multipliciter dicitur vna substantia immaterialis in aliqua re esse. In proposito ergo duobus modis contingit vnum coniungi & esse præsens alteri. Vno modo sicut causa coniungitur & adest suo effectui. oportet enim causam & effectum eius proximum simul esse, vt dictum est superius. Alio modo, sicut locatum coniungitur & præsens est loco in quantum locum replet. Quia ergo Deus est causa omnium rerum, & etiam ipsius loci in quantum res quædam est, ideo hic dicitur quòd Deus est in operibus suis per modum causæ agentis: quia verò est causa omnium quæ loca replent, dicitur particulari modo esse vbique & in omnibus locis, in quantum loca sunt, tanquam uidelicet replens effectiue omnia loca, & hoc significat cum dicitur quòd immensitate suæ virtutis attingit omnia quæ sunt in loco.

CONSIDERANDVM secundò, quòd sicut in similitudine & contactu corporū aut locati & loci duo sunt, scilicet substantia quæ est id quod dicitur esse simul cum altero, & id quo talis substantia dicitur simul cum alia esse, scilicet quæritas dimensua, ita in similitudine & contactu quo Deus dicitur in rebus esse, duo sunt, scilicet substantia diuina quæ est id quod est in rebus, & eius continuata operatio, quæ est id quo hoc sibi conuenit propter hoc sæpè numero dicitur à S. Thoma quòd Deus & quælibet substantia spiritualis est in loco per operationem, quia uidelicet ipsa substantia est id quod est in loco, operatio verò est sibi ratio existendi in loco, sicut substantia corporis continetur loco, dimensio verò est sibi ratio quòd à loco contineatur: & sicut nō oportet substantiam corpoream prius esse in loco quàm propriis dimensionibus attingat locum, sed vtunque simul est vnum sicut quo, alterum sicut quod, ita nō oportet Deum & substantia spirituale prius esse in loco quàm operetur in loco, sed vtunque simul est in loco, substantia sicut quod, operatio verò sicut quo. licet enim operari præsupponat esse, non tamen operari in loco præsupponit esse in loco in spiritualibus, sicut licet quantitas præsupponat substantiam in qua sit, non tamen quantitatem esse in loco siue contingere locum præsupponit substantiam esse in loco, sed econuerso.

CONSIDERANDVM tertio, quòd in doctrina sancti Thom. dubium admodum est quid nomine operationis intelligat, dum inquit quòd substantia intellectualis est in loco per operationem. Capreolus enim in secunda distinctione, quæstione prima, secundi, tenet quòd nomine operationis intelligitur non solum vera operatio transiens, sed quæcunque vnio ad cælum, aut præsentia, aut quodcunque aliud per modum operationis transiens in rem corpoream locatam designatum: & sumit fundamentum ex verbis sancti Thom. Quol. primo, articulo 4. vbi ait per operationem esse intelligendum non solum motionem, sed quancunque vnitionem qua sua virtute substantia se vnit corpori præfendendo vel continendo, vel quocunque alio modo. Alij verò dicunt, quòd nomine operationis intelligitur alterum istorum trium, scilicet aut cõtinuata exterior operatio, aut cõtinuata attentio cum interruptione exterioris operationis, sicut angeli custodientes homines continuò attendunt vt res bene succedat, licet non continua operatione exteriori ibi aliquid agant, aut habitualis applicatio angeli ad operationem: quia scilicet virtus eius sit in vltima dispositione ad opus, & deducta sint omnia impedimenta. Quodcunque istorum affuerit, dicitur angelus esse in loco per operationem. Sumit autem hæc opinio fundamentum & ex dictis in illo Quol. & ex eo quod dicitur prima parte quæst. 52. articulo 1. scilicet quòd angelus est in loco per applicationem virtutis angelicæ ad aliquem locum qualitercunque. Mihi autem saluo meliori iudicio videtur quòd nulla istarū expositionum sit ad mentem sancti Thom. Prima enim videtur ponere quòd operatio nihil aliud dicat quàm habitudinem ipsius substantiæ ad locum. Non video autem quomodo possit esse talis noua habitudo vnionis ad locum in substantia separata, nisi sit aliquod aliud fundamentum nouum ad quod sequatur: alioquin dicendum erit quòd ipsa substantia angeli est in loco per seipsum, quia ipsa est fundamentum proximum talis habitudinis. Nec videlicet si dicitur quòd habet pro fundamento virtutem talis substantiæ, quia virtus vt virtus actiua non habet vt vnietur alteri nisi ratione operationis, qua alterum cõtingit aut effectiue aut formaliter, nihil enim suam virtutem ad alterum applicat nisi agendo in illud. Secunda autem interpretatio videtur directè esse contra mentem S. Thom. prima parte quæst. 113. articulo 6. ad tertium, vbi inquit, quòd etiam inter dum derelinquit angelus hominem custoditum loco, non tamen derelinquit eum quantum ad effectum custodiæ, quia etiam cum est in cælo cognoscit quid circa hominem agatur, nec indiget mora temporis ad motum localem, sed statim potest adesse. Ex quo patet quòd ad hoc vt angelus dicatur esse in aliquo loco, non sufficit vt habeat continuatam attentionem ad locum, aut sit proxime dispositus ad operandum, deductaque sint omnia impedimenta, sed requiritur vt ibi aliquid agat exteriori actione. Vnde & secundo Sententiarum distinctione vndecima, articulo quarto, ad quintum, dicitur quòd angelus quamuis non semper sit præsens, potest tamen semper custodire in quantum effectus eius manet post actionem suam. Propter quòd videtur mihi dicendum, quòd nomine operationis debeat intelligi operatio transiens qua effectus aliquis in loco aut re locata producit, ita quòd angelus ibi est vbi operatur tali operatione. Si autem nulla tali operatione agit in aliquem locum, nullo modo dicitur ibi esse: vnde si nullibi operatur, hoc modo nullibi est. Non oportet autem sollicitari qua operatione agit in cælum empyreum, aut in aliquem alium locum in quo dicitur esse, quia sicut non nobis plene cognita est natura angelica, neque cæli empyrei natura, ita nec nobis notæ sunt omnes operationes quibus potest aliquid in cælo empyreo & in corporibus operari. Videtur autem hæc interpretatio esse ad mentem S. Thom. primo Sententiarum, distinctione trigesima septima, quæst. tertia, articulo 1. Nam acceptans illam opinionem quæ ait angelum esse in loco per operationem, inquit, Dico quòd angelus & quælibet substantia incorporea non potest esse in corpore vel in loco nisi per operationem qua effectum aliquem in eo causat præfendendo vel ministrando, & declarans tunc effectum subiungit, quòd hoc est conferendo corpori locato non quidem esse, sed aliquid ad esse superadditum, scilicet vel motum, vel lumen, vel aliquid huiusmodi. Ecce quòd nomine operationis intelligit operationem transiētem qua aliquis effectus

Caiet. 1. part.  
9. 52. art. 1.

Cooll



causatur in re. Ad id autem quod inquit sanctus Thomas in Quolibet. respondetur quod non illud dicitur quasi vellet nomine operationis & contactus virtualis intelligi aliud quam veram actionem transeuntem, sed ut daret intelligere nomine operationis non esse solam motionem localem intelligendam, sed omnem operationem transeuntem in corpus, quæcunque sit illa. Nam & substantia præstans corpori, & illud sua virtute continens, aliquid illud potest efficere. Similiter omnis vnitio qua angelus sua virtute se vnit ad corpus, est secundum aliquam operationem transeuntem, licet non oporteat eam esse localem motionem. Eodem modo intelligendum est quod dicitur in prima parte, angelum esse in loco per applicationem suæ virtutis qualitercunque.

SED circa prædicta occurrit duplex dubium. primum est, Nam secundum doctrinam sancti Thomæ. Angelus non potest transmutare corpora ad formam, sed tantum ad motum localem, ergo circa corpus non potest habere aliam operationem quam mouere localiter, si ergo non moueat localiter, non poterit dici esse in corpore aut in loco per operationem transeuntem, cuius oppositum est dictum. Secundum est, quia demones & animæ damnatæ sunt in inferno, & animæ beatæ sunt in cælo: non apparet autem quam operationem ibi habeant.

AD primum respondetur primum, quod dictum sancti Thomæ intelligitur de transmutatione ad formam omnino materialem, non autem de transmutatione ad formam aliquo modo spiritualement. Hanc enim potest angelus producere. Vnde sanctus Thomas loco præallegato ait, quod angelus est in loco in quantum operatur circa aliquod corpus locatum, vel motum, vel lumen, vel aliud huiusmodi. Respondetur secundum, quod licet angelus non possit corpus virtute propria formaliter transmutare, potest tamen hoc virtute diuina, ut est de mente sancti Thomæ in quæst. de Dæmonibus, art. 9. ad 3. & 12. Sed non videtur ista responsio ad mentem sancti Thomæ esse. Nam ipse vbi que tenet quod angeli non possunt in imaginationem aliquam speciem imaginatam imprimere, ex hoc quod non possunt corpora secundum formam transmutare, constat autem quod tales formæ habent esse spirituale, cum sint rerum sensibilium in re, ergo responsio nulla. Respondetur quod cum dicitur angelum posse causare aliquam formam habentem esse spirituale, intelligitur quod illud esse sit esse naturale talis formæ, non autem quod sit esse intentionale in anima. Nam esse intentionale formæ in anima habet causari ab ipsa forma naturale esse habente tanquam eius similitudo. Ad secundum dubium dupliciter potest responderi. Primum, quod angelus virtute propria habet esse in loco per actionem suam transeuntem, sed virtute superioris potest etiam per passionem ab alio, in loco esse, & ita dicitur esse in igne inferni, quia ille ignis virtute diuina ipsum alligatum tenet, ne alibi esse & operari possit: & idem de animabus est dicendum. Sed quia sanctus Thomas in quarto Sententiarum, dist. 44. q. 3. art. 3. quæst. luncula, videtur velle quod talis detentio & alligatio existentiam eius in igne sicut in loco præsupponat, ideo secundo responderi potest, quod aliquid in ignem agunt, aut scilicet motum, aut aliquid aliud nobis occultum: non possuntque in aliud corpus operari, similiter de animabus quæ ponuntur in cælo esse, dicendum est quod aliquid ibi operantur, quicquid sit illud. Considerandum quartum, quod quia angelus est in loco non sicut aliter & dimensiuè, quemadmodum corpus, sed tantum sicut mouens in moto, & operans in operato, oportet ut secundum modum quo substantia mouens essentialiter ad motum distincta, est in ipso, & operans in operato, accipiamus angelum esse in loco. Mouens autem non est in moto ratione alicuius quod sit in mouente, sed ratione actionis transeuntis in passum vniuersis, & quodammodo colligant mouens & motum: ideo & angelum esse in loco, modo sibi per se conuenienti, non exigit ut id ratione cuius dicitur esse in loco, sit in ipso angelo, sed requiritur ut sit in moto & passo, cuius oppositum conuenit corpori. Nam quia est in loco sicut aliter & dimensiuè tanquam commensuratum loco, oportet ut per quantitatem suam sit in loco, non autem per quantitatem in alio corpore existentem, nihil enim commensuratur alicui primo ratione extrinsecæ quantitatis, sed ratione propriæ & sibi intrinsecæ. Quod ergo dicitur Deum esse in omnibus rebus tanquam causam agentem: intelligitur quod non est in rebus sicut aliter & localiter ad modum rei quantæ, sed sicut operans est in eo quod operatur, ita quod agere & operari in rebus est ratio præfentialitatis eius ad res: quod etiam aliquando vocat sanctus Thomas esse in loco per contactum virtutis.

SED circa prædicta duplex occurrit dubium à diuo Thomæ. prima parte, quæst. 52. & pri. Sententiarum, dist. 37. quæst. 3. art. 2. t. 1. Primum est, utrum sicut Deus simul est in pluribus locis, ita angelus in pluribus locis simul esse possit. Facit enim in hac re dubium, prætermisissis iis quæ ab aliis dicuntur, quia cum angelus esse in loco nihil aliud sit quam ipsum esse per extrinsecam operationem præsentem loco (ut ex superioribus constat) vnum angelum simul esse in pluribus locis continget, si in pluribus locis simul operabitur, hoc autem non videtur impossibile angelo, ergo videtur quod simul in pluribus locis esse possit, quod est contra determinationem sancti Thomæ, in locis præallegatis, minor probatur. Non minoris virtutis est angelus quam corpus cæleste: sed cæleste corpus simul in pluribus locis inferioribus operatur & diuersis operationibus, quod patet, quia in diuersis locis diuersos effectus producit, ergo multo magis hoc potest angelus. Secundum est, Vtrum in vno & eodem loco simul esse possint plures angeli. Et videtur quod sic, quia vnus homo videtur à pluribus dæmonibus obsideri. Dicitur enim de illo obsessio qui narratur curatus à Domino, quod in ipso erat dæmonum legio, hoc autem est contra determinationem sancti Thomæ, vbi supra.

AD euidentiā primi dubij considerandum est ex doctrina sancti Thomæ. in locis adductis, quod non inconuenit loca quæ particulatim & diuisim considerata sunt plura, simul sumpta in comparatione ad vnam virtutem se habere tanquam vnum totalem locum constituentia, sicut plures domus & plures vici vnam ciuitatem constituunt. Dicitur ergo de mente sancti Thomæ, quod vnus angelus non potest esse simul in pluribus locis, ut plura sunt, id est, in quantum accipiuntur ut duo loca totaliter distincta, quia ab vna virtute finita non potest nisi vna operatio provenire simul, & consequenter nisi vnus effectus, sed bene potest esse in pluribus locis per modum vnius loci, ut scilicet vnum totalem locum constituent. Sicut potest angelus omnia vnius ciuitatis loca simul destruere in quantum operationi angeli tota ciuitas pro vno loco & adæquato & totali responderi potest

enim angelus in loco magno esse & in loco paruo, & simul in pluribus locis, dummodo possint ut vnum locum integritate aliquo modo accipi.

AD argumentum in oppositum negatur quod cælum per vnicam virtutem possit immediatè operari in pluribus locis, potest quidem per plures virtutes in pluribus partibus cæli, puta in pluribus stellis existentes, plures operationes producere, & in pluribus locis, ut plura sunt, operari, sed per vnicam virtutem hoc non potest. cum autem probatur, quia in diuersis locis diuersos effectus producit, dicitur quod illos effectus non producit immediatè, sed mediante vno effectu quem in pluribus locis, ut vnum locum constituunt, immediatè producit, puta mediāte lumine aut calore, aut aliquo huiusmodi. Nam primus & immediatus effectus vnius virtutis cælestis in diuersis subiectis diuersam limitationem, ut inde diuersi effectus possint provenire, sicut virtus causæ vniuersalis in causa particulari limitationem accipit. Angelus autem non dicitur esse eo modo quo est in loco, nisi vbi immediatè operatur: ideo licet in pluribus locis possit mediātè operari sicut & cælum, non tamen propter hoc dicitur simul in pluribus locis esse.

AD secundi dubij euidentiā considerandum primum, quod plures angelos simul esse in vno loco dupliciter potest intelligi. Vno modo formaliter, alio modo materialiter. Nam quum angelus non sit in loco nisi per operationem qua producit aliquid in loco, locus materialis angeli est illa res quæ est locus aut in loco, absolute, & secundum se considerata, locus vero formalis est ipsa res quæ est locus, ut effectus operationis angelicæ in se habet: ideo plures angelos esse simul in vno loco materialiter sumpto, est ipsos in vna re locata aut in vna re quæ est locus absolute sumpta simul operari: ipsos autem simul esse in vno loco formaliter sumpto, est in vno materiali loco vnum & eodem numero effectum producere. Considerandum secundum, quod plures angelos simul producere vnum & eundem effectum, dupliciter intelligi potest. Vno modo, quod quilibet ipsorum sit causa per se sufficiens totalis & immediata: alio modo, quod quilibet ipsorum se habeat ut causa insufficientis & partialis, sicut se habet plures trahentes nauem ad vnum nauis tractum. Dicitur ergo primum, quod plures angelos esse simul in vno loco materiali non est impossibile. Nam nulla est ratio quare in vnam & eandem rem non possint plures angeli diuersis operationibus diuersos effectus producendo operari, quia nec hoc aliis causis repugnat, ostensum est enim supra angelum esse in loco non solum per motum localem, sed etiam per alios effectus. Dicitur secundum, quod plures esse simul in vno loco formaliter tamen causas partiales immediatas eiusdem numero effectus, non est quidem impossibile, quum etiam hoc aliis causis conuenire possit: videtur tamen inconueniens, præsertim de angelis qui ex diuina ordinatione operantur in loco. Nam cum vnus sufficiat effectui ad quem mittitur per se solum aut virtute propria, aut virtute diuina producere, superfluum videtur ut duo ad vnum effectum tanquam partiales & insufficientes cause concurrant. Dicitur tertio quod plures angelos esse simul totaliter & adæquatè in pluribus locis, hoc est, quod vnum & eundem numero effectum simul in eodem loco producant tanquam immediatæ causæ & totales ipsius, est simpliciter impossibile apud diuum Thomam & apud Aristotelem. Quod enim ista sit mens sancti Thomæ patet prima parte loco allegato artic. 3. & primo Sententiarum, dist. 37. quæst. 3. art. 3. vbi expressè ponit quod impossibile est ut duæ causæ completæ sint immediatè vnius & eiusdem rei. Idem etiam expressè tenet quinto Metaphysicæ, cap. de causa, cap. 1. Quod verò sit etiā de mente Aristotelis, patet secundo Physicorum, text. 30. & quinto Metaphysicæ, cap. de causa. Vbi postquam dixit quod eiusdem contingit esse multas causas, ut statum, artem, statum, & c. subiungit, sed non eodem modo, sed hoc quidem sicut materia, illud autem ut vnde motus. Idem tenet Commentator secundo Physicorum, & quinto Metaphysicæ, exponendo illa verba, sed non eodem modo. Hoc est etiam de mente Themistij, & Alberti in eisdem locis. Ratio autem huius est, tum quia si vnus effectus numero à pluribus causis totalibus eiusdem generis & eiusdem ordinis proveniret, effectus per se & determinatus non haberet causam determinatam. Nam si ab vna causa procedit, & ab alia etiam potest procedere simul, sequitur quod prima non est per se & determinata eius causa. causa enim sine qua effectus aliquis esse potest, non est illius effectus per se & determinata causa, nec valet dicere, quod dependet ab vtraque ut sunt vnum, quia illas causas esse vnum in causando, si quilibet est per se sufficiens & totalis causa, non tollit quin effectus absque quacunque illarum per se sumpta possit esse, & per consequens relinquitur quod nulla illarum sit per se & determinata causa ipsius.

SED contra hanc determinationem duplex occurrit dubium. Primum est absolute contra illam probationem. Vnus effectus non potest esse à pluribus causis immediatis eiusdem generis totalibus. Nam fingamus duo corpora luminosa eiusdem rationis & virtutis æque proxima alicui secundum se totum medio primo illuminabili perfectæ, id est, in summo à quouis eorum, aut etiam ut tollatur omnis calumnia per Dei potentiam ipsa corpora luminosa in eodem loco ponantur, quæritur vtrum tale medium illuminabitur ab altero illorum corporum tantum, aut ab vtroque. non ab altero tantum, quia non apparet ratio quare magis ab vno quam ab altero debeat illuminari, ergo ab vtroque, sed vtrumque illorum est causa sufficiens & totalis illius effectus, ergo, &c. Secundum dubium est contra principale propositum. Ponamus quod vnus angelus velit in vno instanti aliquem effectum producere, & eundem effectum vnus alius angelus in eodem instanti producere velit, sitque vnusquisque illorum sufficiens ad talis effectus productionem per se sumptus, & vnus illorum cogitationem alterius circa productionem ignoret. Tunc arguitur sic: vnusquisque illorum in illo & eodem instanti applicabit virtutem suam & suam volitionem ad illum effectum, ergo vnusquisque ipsorum illum producat, & est vnusquisque sufficiens & totalis causa talis effectus, ergo plures angeli simul erunt in eodem loco formaliter totaliter, cuius oppositum est dictum.

AD primum istorum dicitur, quod aut à nullo illorum corporum tale medium illuminabitur, aut ambo concurrent ad illum effectum tantquam causa partialis, ita scilicet quod neutrum secundum totam suam virtutem agat, sed secundum partem virtutis. Nam cum vnum quodque ipsorum ad productionem illius effectus inclinatur per se, vnum alteri repugnat, tanquam suæ causalitatis impeditiuo, & ideo necesse erit aut ut nullum ipsorum

Themist. 2.

Physic. ca. 8.

sup. 30.

Alber. 2.

Physic. tract.

2. cap. 6.



ipforum agat vno alterum omnino prohibente, aut vt neutrum sua virtute totaliter vtatur, sed ambe ad illum effectum tanquam partiales cause concurrant. Ad secundum dicitur primo. Si loquamur de angelis beatis, quod nullus ipforum circa corporalia operatur, nisi ex ordinatione diuina, vt videtur velle sancti Thomae primo Sent. distinct. 37. quæst. 3. artic. 3. & ideo casus non est possibilis nisi supponeremus Deum impossibile præcipere. Dicitur secundum, Si loquamur de duobus angelis malis, aut etiam de duobus bonis, considerata in ipsis sola virtute naturæ, quod aut nullus illorum operaretur vno alterum impediēte, aut partialiter ad illum effectum concurrerent, vt de corporibus luminosis dicebatur. licet enim cogitatio vnus angeli non sit alteri manifesta quandiu manet in ipso solum, quum primum tamen ad aliquod extrinsecum applicatur, cognosci potest, & ideo se mutuo impediunt, sicut duo homines se aliquando impediunt à productione alicuius effectus vno alteri repugante.

SE D adhuc remanet dubium. Nam cum angelus in instanti aliquem effectum producere possit, applicet vnusquisque istorum angelorum suam virtutem ad passum in vno & eodem instanti, si vnus alium impedit, quæritur quando impedit, aut enim impedit ante instans applicationis virtutis, aut in illo instanti, aut in tempore vel in instanti sequenti. non ante instans applicationis virtutis, quia tunc vni angelo non est nota alterius cogitatio non in ipso instanti, quia in ipso producit applicatio virtutem, cum in instanti producat, in talibus autem simul sit produci & productum esse, non potest aut impedi quia effectus producat quando iam productus est. non etiam in instanti aut tempore sequenti, cum iam in præcedenti instanti fuerit productus, ergo nullo modo vnus alium impedit. Respondetur quod vnus alium impedit in instanti applicationis virtutis, non quidem applicationis existētis in executione in illo instanti, sed quæ esset nisi impediatur. vnus enim impedit alterum ne applicetur virtus passo per actuale productionem effectus in illo instanti in quo effectum imperat. Nam in instanti talis imperij proueniret effectus nisi impediatur. Cum arguitur, quia in illo instanti producit effectus per applicationem virtutis, negatur. nullum enim instans est in quo tunc sit actualis applicatio virtutis agendo, sed tantum est instans in quo esset talis applicatio nisi impediatur.

SE D adhuc remanet dubium: Nam cum angelus agat per voluntatem, à virtute ipsius non prouenit nisi quod ipse vult euenire, sed in illo instanti nullus ipforum vult alterum impedi, cum vnus de alio non cogitet quādo impeditur, sed tantum velit effectum producere, ergo nullo modo vnus illorum impedit alium in instanti in quo productio effectus imperat. Dicitur primo, quod licet à virtute angeli non proueniat per se nisi quod ipse vult euenire, potest tamen per accedens aliud euenire dum eius voluntati resistitur ne effectus intentus eueniat. Dicitur secundum, quod vnus angelus in tali casu dicitur alium impedi non ex parte ipsius angeli, virtutem scilicet eius debilitando & diminuendo, sed tantum ex parte passi, reddendo scilicet ipsum indispotum ad susceptionem effectus ab illo, quod est formaliter, non autem actu impedi, iuxta ea quæ dicit S. Thom. 4. Sent. distinct. 17. quæst. 1. artic. 5. quæst. 2. artic. 2. Nam ex dispositione vltima & præsentia vnus angeli potentis aliquem effectum totaliter producere in passum, redditur passum indispotum & impotens ad suscipiendum illum effectum ab alio angelo tanquam à totali causa: & ideo si vterque angelus sit vltimate dispositus ad producendum illum effectum pro vno & eodem instanti, vterque illorum indispotus formaliter passum ad suscipiendum eundem effectum ab alio, & sic à nullo producat.

AD rationem principalem huius dubij dicitur quod cum angelus per suam operationem possit esse in loco magno & paruo, & etiā in loco indiuisibili secundum doctrinā S. Thom. quando in vno corpore sunt multi demones, non dicuntur esse plures in vno loco proprio, sed in pluribus locis propriis, non dicuntur vnus in vna parte corporis, & alius in alia operatur hominem excruciendo, vel aliquid aliud agendo.

CONTRA fundamentum principale conclusionis, scilicet quod ideo Deus est in omnibus rebus, quia rebus omnibus dat esse & illas conseruat, arguitur ex dictis Scoti primo Sententiarum, distinct. 37. Primo, soli conuenit agere vbi non est, quia generat mineram in visceribus terræ vel aliquid mixtum, & ibi non est, & hoc agit sua forma substantiali, quia non substantia non potest generare substantiam, ergo ex operatione Dei in rebus non potest argui quod sit in rebus. Secundo, quod agens creatum non possit agere in aliquod distans nisi prius agat in propinquum, hoc non est nisi aut quia concurrunt in ipso agente duæ potentie actiue subordinatæ, quarum vna habet proximum pro passo proportionato, alia verò habet reliquum passum remotum proportionatū, aut propter defectum virtutis agentis, ex quo prouenit quod prius producat formam imperfectiorem quā perfectionem. sed nulla harum conditionum in Deo reperitur, cum sit omnipotens, ergo potest agere in distans. Tercio, voluntas æquæ potest velle distans sicut propinquum, sed Deus omnipotens causat suo velle quicquid vult, ergo potest etiam causare aliquid distans. Quarto, non oportet præintelligere Deum in aliqua parte vniuersi, vt ibi aliquid causet, sed magis econuerso quod prius sit ibi secundum potentiam vbi prius aliquid causet, ergo licet per impossibile non esset ibi præsens secundum essentiam, posset tamen ibi causare, probatur antecedens, quia ante mundi creationem præsentia immensitatis non præexigebatur præsentia potentia, vt potentia esset, imò potentia prius habuit terminum suum quā esset præsentia secundum essentiam.

AD euidētiam horum considerandum est, quod vniuersaliter quidem verum est inter agens & passum oportere esse aliquem contactum virtutis. Non enim esset intelligibile quod vnus agat in aliud, & quod illud sua virtute non contingat: agens autem contingere sua virtute passum, esset, agens in ipsum passum operari: sed quia contingit agens operari in vnus immediatè, sicut manus mouet baculum, & operari in aliquod mediante altero, sicut manus mediante baculo mouet lapidem, ideo contingit agens aliquid sua virtute contingere immediatè, aliquid verò mediatè, scilicet mediante aliquo eius virtutè ad passum deferente, sicut autem in contactu quantitatio vnus non potest alterum immediatè tangere quin substantia eius illi sit immediata, ita impossibile est quod vnus sua virtute aliud immediatè contingat non mediante aliquo eius virtutem deferente, quin illi immediata sit eius substantia: sed sicut alius est

contactus quantitatio, & alius est contactus virtutis, ita alia est immediatio substantiæ secundum contactum quantitatio, & alia secundum contactum virtutis. Secundum enim contactum quantitatio attenditur immediatio secundum situationem, ita videlicet quod inter duas substantias sitas non mediat alia substantia sita. Secundum verò contactum virtutis attenditur immediatio non situationis, cum aliquando agens non subsit situi, puta agens spirituale, sed actuationis patientis ab agente, ita scilicet quod inter agens & patientis non mediat aliud agens à quo ipsum patientis actuetur, & hæc dicitur immediatio causalitatis. sicut autem immediatio siue simultas quantitatum & ratio immediationis situalis substantiarum quæ illis quantitibus subsunt, & ex earum immediatione mediatio situalis substantiarum arguitur, ita immediatio actionis agentis in passum & receptionis patientis ab agente est ratio immediationis agentis & patientis secundum causalitatem, & ex illorū immediatione arguitur agentis & patientis immediatio. Quod si agens sit spirituale, & per consequens non determinatum situi, non tantum potest dici agens esse immediatum passo, sed etiam in illo esse: tanquam videlicet ipsum per modum efficientis immediatè actans, & ibi existens vbi est ipsum passum, vt dicitur primo Sententiarum, distinct. 1. quæst. 1. artic. 1. Attendendum tamen quod substantiam spiritualement ibi esse vbi est id in quod agit, siue esse in eodem situi, vbi est illud, dupliciter potest intelligi. Vno modo, quod informetur situi, & illi commensuretur, sicut & corpus in quod agit, & hoc non est verum: quia situi & loco sola habentia quantitatem commensurantur. Alio modo per indistinctionem, quia videlicet non est distincta & separata à loco & situi illius corporis, & etiā per causalitatem, & per causalitatis præsentiam: causalitatis dico actualis, non autem potentialis tantum, & hoc modo intelligitur esse vbi est corpus in quod agit. Ex his patet quod impossibile est aliquid agere immediatè in aliquod passum quin illud sit immediatè, & simul cum illo immediatione causalitatis, & per indistinctionem loci. Si enim ab ipso distantia causalitatis distaret, iam non esset immediatè agens, quia inter ipsum & passum mediareretur aliud agens. De hac ergo similitudine quæ scilicet est secundum contactum virtutis, & secundum immediationem causalitatis, loquitur sanctus Thomas cum dicit Deum esse in omnibus rebus, non autem de similitudine situali, cum substantia immateriali non cōueniat situari proprie loquendo, eo quod careat quantitate. Hæc autem simultas siue existentia Dei in rebus nihil aliud formaliter importat quā habitudinem præsentia: Dei ad res creatas, operationem quā in ipsis immediatè operatur cōcomitantem, sicut præsentia & immediatio situalis duarum substantiarum importat habitudinem præsentia: vnus ad alterum, immediationem situum & quantitatum concomitantem: & similiter est de existentia cuiuslibet substantia: separatæ in loco. Non enim est in omni loco quem sua virtute contingit, sed in illo in quem immediatè operatur. Scotus autem infat contra sanctum Thomam, ac si poneret Deum aliquo situi cōtineri, & non posse agere nisi in id quod est sibi propinquum secundum situm, quod longe alienum est à mente ipsius, vt patuit.

VTRVM autem vnus corpus possit immediatè agere in aliquo distans ab eo secundum situm, dicitur quod non de mente Aristotelis septimo Physicorum. huius autè ratio est, quia sicut virtus corporis, vt sic, est virtus materialis & in quanto recepta, & sine corpore exerceri non potest, & ita contactus virtutis inter corpora non potest esse sine contactu quantitatio & materiali. Sicut enim se habet virtus ad quantitatem, ita videtur se habere contactus illius virtutis ad cōtactum secundum quantitatem. Istis præmissis, ad argumenta Scoti facile est respondere. Ad primum quidem negatur antecedens. est enim falsum, vt patuit, siue intelligatur de immediatione secundum situationem, siue de immediatione secundum causalitatem. Ad probationem dicitur quod ea quæ in visceribus terræ virtute solis generantur, non immediatè generantur à sole, sed mediatè, in quantum sol prius agit in corpora sibi propinqua, & illis mediantibus deferatur virtus solis ad terræ viscera. Cum autem dicitur quod non substantia non potest generare substantiam, hoc quidem verum est tanquam principale agens, sed quod hoc agat tanquam instrumentū substantia: non inconuenit: calor enim naturalis in animalibus generat carnem instrumentally, in quantum videlicet est instrumentum animæ. Ad secundum negatur maior. ex alio enim potest illud prouenire. Nam si loquamur de similitudine & distantia secundum causalitatem, de qua loquimur in proposito, illud prouenit ex ipsa ratione immediati agentis. Nam si agens ageret in distans secundum causalitatem, iam non esset immediatè agens, vt patuit. Si verò loquamur de similitudine & distantia secundum situationem, hoc prouenit ex conditione virtutis corporeæ: quia enim, vt diximus, est virtus materialis & recepta in quanto, sibi cōuenit vt nullo corpus immediatè contingat, nisi illa se quantitatiue tangant. Ad tertium dicitur primo quod voluntas diuina non potest velle aliquid distans à Deo, quia ab ipso nihil neque secundum situm localem distat, cum non sit situatus, neque secundum distantiam causalitatis modo præposito, cum nihil sit in rerū natura quod non immediatè à diuina actione attingatur. Vnde prima parte q. 8. artic. 1. ad tertium, ait S. Thom. q. hoc ad maximam Dei virtutem pertinet, quod immediatè in omnibus agit, & ideo nihil est ab eo distans. Ad quartum negatur consequentia. licet enim oporteat præintelligere Deum operari in aliquo quantum ad nostrū modum intelligendi, antequam sit secundum essentiam præsens, in quantum operari est ratio q. Deus sit in re aliqua, non sunt tamen separabilia secundum rem, sed vnus necessariò alterum concomitatur. non enim omne prius potest esse absque posteriori, præsertim quando est naturalis sequela ad alterum, & vnus est ratio alterius: sicut quia simultas & contactus quantitatis substantia: corporeæ est ratio similitudinis substantia:, si remoueretur contactus quantitatis, remoueretur simultas situalis substantia: corporeæ, & licet simultas quantitatis sit prior secundum intellectū substantia: corporeæ similitudine, posito tamen contactu & similitudine quantitatum, necesse est poni substantiarum quæ illis quantitibus subsunt similitudinem, ita in proposito cum relationis præsentia: Dei ad creaturam ratio sit operatio ipsius in creaturam, non potest operatio diuina à tali præsentia: essentia: separari. Alia argumēta facit Scotus in secundo, dist. 2. quæst. 6. ad probandum quod angelus non est in loco per operationem: sed illa plenissime soluta sunt à Capreolo & aliis Thomistis: ideo illa prætermittenda duxi, præsertim quia ex dictis facile eorum solutio haberi potest.

2. Sent. dist.  
2. q. 1. art. 3.  
Et Caiet. p. p.  
q. 53. art. 1.  
De



De opinione eorum qui à rebus naturalibus proprias  
subtrahunt actiones.

Cap. 69.

De hac opin.  
Av. 12. Me-  
taph. com. 18.

D. 324.

Cap. 11.

Plato. in Ti-  
meo. 10. de  
republica. & ali-  
bi.  
Tract. 9. Me-  
taph. cap. 4.  
& 5.



**E**X præmissis autem quidam occasionem er-  
randi sumpserunt, putantes quod nulla crea-  
tura habet aliquam actionem in productio-  
ne effectuum naturalium, ita scilicet quod  
ignis non calefacit, sed Deus<sup>d</sup> causat calo-  
rem præsentem igne: & similiter dicunt in aliis omnibus effe-  
ctibus naturalibus. Hunc autem errorem rationibus con-  
firmare conati sunt, ostendentes nullam formam neque  
substantialem neque accidentalem nisi per viam creatio-  
nis produci in esse. non enim possunt formæ & accidentia  
fieri ex materia: cum non habeant materiam partem sui:  
vnde si fiant, oportet quod fiant ex nihilo, quod est creari:  
& quia creatio solius Dei actio est, ut in secundo ostensum  
est, sequi videtur quod solus Deus tam formas substantia-  
les quam accidentales in natura producat. Huic autem po-  
sitioni partim etiam quorundam Philosophorum opinio  
concordavit. Quia enim omne quod per se non est, ab eo  
quod est per se, derivatum invenitur: videtur quod formæ  
rerum quæ non sunt per se existentes, sed in materia, pro-  
veniant ex formis quæ per se sine materia sunt: quasi for-  
mæ in materia existentes sint quædam participationes illa-  
rum formarum quæ sine materia sunt. Et propter hoc Pla-  
to posuit species rerum sensibilium esse quasdam formas  
separatas, quæ sunt causæ essendi his sensibilibus secun-  
dum quod eas participant. Avicenna verò posuit omnes  
formas substantiales ab intelligentia agente effluere: ac-  
cidentales autem formas esse ponebat materiæ dispositio-  
nes quæ ex actione inferiorum agentium materiam dispo-  
nentium proveniebant: in quo à priori stultitia declina-  
bat. Huius autem signum esse videbatur, quod nulla vir-  
tus activa invenitur esse in istis corporibus nisi acciden-  
talis forma, sicut qualitates activæ & passivæ, quæ non vi-  
dentur esse ad hoc sufficientes, quod substantiales formas  
causare possint.

3 Inveniuntur etiam quædam in istis inferioribus quæ  
non generantur ex similibus, sicut animalia ex putrefa-  
ctione generata. vnde videtur quod horum formæ ex al-  
terioribus proveniant principis: & pari ratione aliæ formæ  
quarum quædam sunt multò nobiliores.

4 Quidam verò ad hoc argumentum assumunt ex natura-  
lium corporum imbecillitate ad agendum. nam omnis corpo-  
ris forma est adiuncta quantitati: quantitas autem impe-  
dit actionem & motum: cuius signum ponunt, quia quan-  
tum additur in quantitate alicui corpori, tantò fit ponde-  
rosius, & tardatur motus eius: vnde ex hoc concludunt  
quod nullum corpus sit actuum, sed passivum tantum.

5 Hoc etiam nititur ostendere per hoc quod omne pa-  
tiens est subiectum agenti: & omne agens præter primum  
quod causat, requirit subiectum inferius se: nulla autem  
substantia est inferior corporali: vnde videtur quod nul-  
lum corpus sit actuum.

6 Addunt etiam ad hoc, quod corporalis substantia est  
in ultima distantia à primo agente: vnde non videtur eis  
quod virtus activa perveniat usque ad substantiam corpo-  
ralem: sed sicut Deus est agens tantum: ita substantia corpo-  
ralis, cum sit infima in genere rerum, sit passiva tantum.  
Propter has igitur rationes ponit Avicenna in lib. Fontis  
vitæ, quod nullum corpus est actuum: sed virtus substan-  
tiæ spiritualis pertransiens per corpora, agit actiones quæ  
per corpora fieri videntur. Quidam etiam loquētes in le-  
ge Maurorum dicuntur ad hoc rationem inducere, quod  
etiam accidentia non sint ex actione corporum: quia ac-  
cidents non transit à subiecto in subiectum: vnde reputant  
impossibile quod calor trāseat à corpore calido in aliud  
corpus ab ipso calefactum: sed dicunt omnia huiusmodi  
accidentia creari à Deo. Ad præmissas autem positiones  
multa inconuenientia sequuntur. Si enim nulla inferior  
causa, & maxime corporalis, aliquid operatur: sed Deus  
operatur in omnibus solus: Deus autem non variatur per

hoc quod operatur in rebus diuersis: non sequetur diuer-  
sus effectus ex diuersitate rerum in quibus operatur. hoc  
autem ad sensum apparet falsum. non enim ex appositio-  
ne calidi sequitur infrigidatio, sed calefactio tantum: ne-  
que ex semine hominis sequitur generatio nisi hominis.  
non ergo causalitas effectuum inferiorum, est ita attribuenda  
diuinæ virtuti quod subtrahatur causalitas inferiorum  
agentium. Item contra rationem sapientiæ est ut sit ali-  
quid frustra in operibus sapientis. Si autem res creatæ nul-  
lo modo operantur ad effectus producendos, sed solus  
Deus operetur omnia immediate: frustra essent adhibita  
ab ipso aliæ res ad producendos effectus. repugnat igitur  
prædicta positio diuinæ sapientiæ.

Adhuc, Quod dat alicui aliquid principale, dat eidem  
omnia quæ cōsequuntur ad illud: sicut causa quæ dat cor-  
pori elementari gravitatem, dat ei motum deorsum: face-  
re autem aliquid actu, consequitur ad hoc quod est esse  
actu, ut patet in Deo. ipse enim est actus purus, & est pri-  
ma causa essendi omnibus, ut supra ostensum est. si igitur  
communicavit aliis similitudinem suam quantum ad esse,  
inquantum res in esse produxit: consequens est quod com-  
municavit eis similitudinem suam quantum ad agere: ut  
etiā res creatæ habeant proprias actiones. Amplius, Per-  
fectio effectus determinat perfectionem causæ. maior enim  
virtus perfectiorem effectum inducit. Deus autem est per-  
fectissimus agens. oportet igitur quod res ab ipso crea-  
tæ perfectionem ab eo consequantur: detrahare ergo per-  
fectioni creaturarum, est detrahare perfectioni diuinæ vir-  
tutis. Sed si nulla creatura habet aliquam actionem ad  
aliquem effectum producendum, multum detrahitur per-  
fectioni creaturæ. ex abundantia enim perfectionis est  
quod perfectionem quam habet, possit alteri communi-  
care: detrahit igitur hæc positio diuinæ virtuti.

Item, Sicut est boni bonum facere, ita summi boni est  
aliquid optimè facere: Deus autem est summum bonum, ut  
in primo ostensum est\*. igitur eius est facere optimè om-  
nia: melius autem est bonum quod alicui collatum, sit  
multorum commune, quàm quod sit proprium: quia bonum  
commune semper invenitur esse diuinus quàm bonum  
vnius tantum: sed bonum vnius fit multis commune, si ab  
vno in alia derivatur: quod non potest esse nisi inquantum  
diffundit ipsum in alia per propriam actionem. si verò po-  
testatem non habet illud in alia transfundendi, manet si-  
bi ipsi proprium. sic igitur Deus rebus creatis suam boni-  
tatem communicavit, ut vna res quod accepit, possit in  
aliam rem trāsfundere. detrahare ergo actiones proprias  
à rebus creatis est diuinæ bonitati derogare.

Adhuc, Subtrahere ordinem rebus, est eis subtrahere id  
quod optimè habet: nam singula in seipsis sunt bona: simul  
autem omnia sunt optima propter ordinem vniuersi. sem-  
per enim totum melius est partibus, & finis ipsarum. si au-  
tem à rebus subtrahantur actiones, subtrahitur ordo rerum  
ad invicem. rerum enim, quæ sunt diuersæ, secundum suas na-  
turas, non est colligatio in ordinis unitatem, nisi per hoc  
quod quædam agunt, & quædam patiuntur. inconueniens  
igitur est dicere quod res non habent proprias actiones.

Amplius, Si effectus non producitur ex actione rerum  
creatarum, sed solum ex actione Dei: impossibile est quod  
per effectus manifestetur virtus alicuius causæ creatæ. non  
enim effectus ostendit virtutem causæ nisi ratione actionis  
quæ à virtute procedens ad effectum terminatur. natura au-  
tem causæ non cognoscitur per effectum, nisi inquantum per  
ipsum cognoscitur eius virtus quæ naturam cōsequitur. si  
igitur res creatæ non habeant actiones ad producendum  
effectus. sequitur quod nunquā natura alicuius rei creatæ  
poterit cognosci per effectum: & sic subtrahitur nobis om-  
nis cognitio scientiæ naturalis, in qua præcipuè demon-  
strationes per effectum sumuntur. Item, Apparet per indu-  
ctionem in omnibus quod simile agat suum simile: id autem  
quod generatur in rebus inferioribus, non est forma tan-  
tum, sed cōpositum ex materia & forma. nam omnis genera-  
tio ex aliquo est, scilicet ex materia, & ad aliquid, scilicet  
ad

Lib. 1. cap. 13.  
& 16. & 2.  
lib. cap. 15.

\*Cap. 14.



ad formam: oportet igitur quod generans non sit forma tantum, sed compositum ex materia & forma. non igitur species rerum separatarum, ut Platonici posuerunt: neque intelligentia agens, ut posuit Auicenna. est causa formarum quæ sunt in materiis: sed magis hoc compositum ex materia & forma. Item, Si agere sequitur ad esse in actu, inconueniens est quod actus perfectior actione destituatur. perfectior autem actus est forma substantialis quam forma accidentalis. Si igitur formæ accidentales quæ sunt in rebus corporalibus habent aliquas actiones, multo magis forma substantialis habet aliquam propriam actionem. non est autem eiusmodi actio disponere materiam: quia hoc fit per alterationem, ad quam sufficiunt formæ accidentales. igitur forma generantis est principium actionis, ut forma substantialis introducat in generatum. Rationes autem quas inducunt, facile est soluere. Quum enim ad hoc aliquid fiat, ut sit: sicut forma non dicitur ens, quasi ipsa habeat esse, sed quia per eam compositum est: ita nec forma proprie fit, sed incipit esse per hoc quod compositum sit reductum de potentia in actum quæ est forma. Nec etiam oportet ut omne quod habet aliquam formam quasi participatam, recipiat eam immediate ab eo quod est essentialiter forma: sed immediate quidem ab alio quod habet similem formam, simili modo scilicet participatam: quod tamen agat in virtute illius formæ separata, si qua sit talis, sic enim agens similem effectum sibi producit. Similiter etiam nec oportet quod quia omnis actio inferiorum corporum fit per qualitates actiuas & passiuas, quæ sunt accidentia: quod non producat ex actione earum nisi accidens: quia illæ formæ accidentales sicut causantur à forma substantiali, quæ simul cum materia est causa propriorum accidentium: ita agunt in virtute formæ substantialis. quod autem agit in virtute alterius, producit effectum similem non sibi tantum, sed magis ei in cuius virtute agit: sicut ex actione instrumenti fit in artificio similitudo artis: ex quo sequitur quod ex actione formarum accidentalium producantur formæ substantiales inquantum agunt instrumentaliter in virtute substantialium formarum.

In animalibus verò quæ ex putrefactione generantur causatur forma substantialis ex agente corporali, scilicet corpore caelesti, quod est primum alterans. unde oportet quod omnia mouentia ad formam in istis inferioribus agant in virtute illius: & propter hoc ad producendas aliquas formas imperfectas sufficit virtus caelestis absque agente vniuoco. Ad producendas autem formas perfectiores, sicut sunt animæ animalium perfectorum, requiritur cum agente caelesti agens vniuocum, talia enim animalia non generantur nisi ex semine. Et propter hoc dicit Aristoteles in secundo Physicorum \* quod homo generat hominem, & sol. Non est autem verum quod quantitas impediatur actionem formæ nisi per accidens, inquantum scilicet omnis quantitas continua est in materia: forma autem in materia existens quum sit minoris actualitatis, est per consequens minoris virtutis in agendo: unde corpus quod habet minus de materia & plus de forma, sicut ignis, est magis actiuum.

Supposito autem modo actionis quam forma in materia existens habere potest, quantitas coauget magis quam minuat actionem. nam quanto corpus ignis fuerit maius, supposita æquæ intensa caliditate, tanto magis calefacit: & supposita grauitate æquæ intensa, quanto magis fuerit corpus graue, tanto velocius mouebitur motu naturali: & inde est quod tardius mouetur motu innaturali, quia igitur corpora graui sunt tardioris motus innaturalis, quum fuerint maioris quantitatis, non ostenditur quod quantitas impediatur actionem, sed magis quod coaugeat ipsam. Non oportet etiam quod corpus omne careat actione propter hoc quod in ordine rerum substantia corporalis est infima secundum suum genus, quia etiam inter corpora vnum est superius altero, & formalius, & magis actiuum: sicut ignis est respectu inferiorum corporum: nec tamen etiam infimum corpus excluditur ab agendo. manifestum

est enim quod corpus non potest agere se toto, cum sit compositum ex materia, quæ est ens in potentia: & forma, quæ est actus. Agit enim vnumquodque secundum quod est actu. Et propter hoc omne corpus agit secundum suam formam: ad quam comparatur aliud corpus, scilicet patiens secundum suam materiam, ut subiectum, inquantum materia eius est in potentia ad formam agentis. Si autem econuerso ad formam corporis patientis sit in potentia materia corporis agentis, erunt agentia & patientia adinuicem: sicut accidit in duobus corporibus elementaribus. sin autem erit vnum tantum agens, & alterum tantum patiens respectu illius: sicut est comparatio corporis caelestis ad corpus elementare. Sic igitur corpus agit in subiectum non ratione totius corporis, sed formæ per quam agit. Non est etiam verum quod corpora sint in vltima remotione à Deo. Cum enim Deus sit actus purus, secundum hoc aliqua magis vel minus ab eo distant, secundum quod sunt plus vel minus in actu vel in potentia. illud etiam in entibus est extremè distans à Deo, quod est potentia tantum, scilicet materia prima: unde eius tantum est pati, & non agere. corpora verò cum sint composita ex materia & forma, accedunt ad diuinam similitudinem in quantum habent formam quam Aristoteles in primo Physicorum \* nominat Diuinum quoddam. & propter hoc secundum quod habet formam, agunt: secundum verò quod habent materiam, patiuntur. Ridiculum autem est dicere quod ideo corpus non agat, quia accidens non transit de subiecto in subiectum: non enim hoc modo dicitur corpus calidum calefacere, quod idem numero calor qui est in calefaciente corpore, trāseat ad corpus calefactum: sed quia virtute caloris qui est in calefaciente corpore, alius calor numero fit actu in corpore calefacto, qui prius erat in eo in potentia. Agens enim naturale non est traducens propriam formam in alterum subiectum: sed reducens subiectum quod patitur de potentia in actum: non igitur auferimus proprias actiones rebus creatis, quamuis omnes effectus rerum creaturarum Deo attribuamus, quasi in omnibus operanti.

## Super Cap. 69.



OSTQVAM ostendit sanctus Thomas Deum esse omnibus operantibus causam operandi, vult nunc quendam errorem ex præmissis exortum excludere. Sumpsit enim quidam ex hoc quod dictum est, Deum esse omnibus operantibus causam operandi, & quod in omnibus operatur occasione dicendi, quod nulla creatura habet aliquam actionem in productione esse autem naturalium, ita scilicet quod ignis non calefacit: sed causat Deus calorem præsentis ignis. Circa hunc autem errorem duofacit. Primum, ipsum excludit. Secundo, remouet quoddam dubia cap. sequenti. Circa primum tria facit. Primum, ponit sectatores huius erroris cum eorum fundamentis. Secundo, ipsum errorem confutat. Tertiò, ad fundamenta errantium responder. Quantum ad primum. Quidam scilicet Saraceni, ut recitat Commentator 12. Metaphysicæ text. 18. & 9. Metaphysicæ commento 7. hunc errorem tenuerunt hac ratione, quod formæ non possunt nisi per creationem produci, cum ex materia fieri non possint, eo quod non habeant materiam partem sui: creare autem solius Dei est. Quidam verò alij ponentes formas quæ sunt in materia, provenire à formis quæ sunt per se sine materia, concordant prædictæ opinioni. Posuit enim Plato ideas esse causas essendi iis sensibilibus. Auicenna verò posuit substantiales formas ab intelligentia separata effluere: declinabat autem à priori stultitia in hoc quod ponebat accidentales formas esse materiae dispositiones, & à naturalibus agentibus provenire. Mouebantur autem primum, quia omne quod non est per se, provenit ab eo quod est per se: secundò, quia nulla virtus actiua inuenitur esse in istis inferioribus, nisi accidentalis forma: tertiò, quia animalia genita ex putrefactione non generantur ex sibi similibus. Quidam verò sicut Auicenna in libro de Materia & forma, ut est apud Albertum primo Physicorum, quem appellauit Librum Fontis vitæ, eo quod ex ipso tanquam ex fonte vita fluat intellectus, & scientia, ponens nullum corpus esse actiuum, sed virtutem substantiæ spiritalis per corpora trāseuntem actiones agere quæ per corpora fieri videntur, addiderunt has rationes. Primum, quia omnis corporis forma est adiuncta quantitati, quantitas autem impedit actionem & motum: quod patet, quia per adiectionem quantitatis corpus fit ponderosius, & tardatur motus eius. Secunda, quia nulla substantia est inferior corporali: omne autem agens præter primum quod causat, requirit subiectum inferius se. Tertia, quia corporalis substantia est in vltima distantia à primo agente. Quidam verò in lege Maiorum, ut recitat Rabbi Moyses, dicentes omnia accidentia creari à Deo, addiderunt hanc rationem, quia accidens non transit à subiecto in subiectum. Quantum ad secundum arguitur contra prædictas positiones, primum sic: Si nulla inferior causa & maxime corporalis aliquid operatur, sed solus Deus, non sequeretur diuersus effectus ex diuersitate rerum in quibus Deus operatur, cum ipse Deus non varietur per

\* Tex. c. 16.

\* Text. c. 48.



per hoc quod operatur in diuersis rebus. hoc autem ad sensum apparet esse falsum, ergo, &c.

**ADVERTE**, quod si aliqua causa operetur per appositionem alicuius alterius & præsentialitatem, non possunt appositione diuersorum diuersi effectus prouenire, nisi aut propter diuersam actionem eorum quæ apponuntur inquantum in ipsis actio primi agentis limitatur, aut propter aliquam mutationem & variationem causæ, ex eo quod per appositionem diuersorum operatur. Si ergo ponatur quod diuersa appositio in actione Dei nihil agant, & quod Deus non varietur ex appositione diuersorum in quibus operatur, sicut in re præsentis suæ actioni, & per quam sua actio transeat, non poterit saluari quomodo ex appositione diuersorum sequantur diuersi effectus à Deo, puta quomodo ex appositione calidi sequitur calefactio, & non infrigidatio, nisi forte per accidens, & ex semine hominis opposito sequitur generatio hominis & sic de aliis, & hoc est huius rationis fundamentum. Quia verò dici posset quod ista diuersitas effectuum ex applicatione diuersorum prouenit, non quia ista appositio aliquid agit, neque quia ex appositione diuersorum Deus varietur, sed quia Deus statuit apponendo ignem calefacere, & hominem generare apponendo semen hominis: ideo ut hoc remoueat sanctus Thomas addidit secundam rationem, & arguit secundo loco sic: Si Deus solus omnia immediate operaretur, frustra essent ab ipso adhibite alie res ad producendos effectus, sed est contra rationem sapientie ut aliquid sit frustra in operibus sapientis, ergo, &c. Tertiò, Deus communicauit aliis similitudinem suam quantum ad esse, ergo communicauit eis suam similitudinem quantum ad agere, ergo ut etiam res creatæ habent proprias operationes, probatur consequentia, quia facere aliquid actum consequitur ad esse actum, ut patet in Deo: quod autem dat aliquid principale dat eidem omnia quæ consequuntur ad illud, scilicet aut necessariò aut secundum conuenientiam & dicentiam, declaratur in dante grauitatem, qui etiam dat motum deorsum. Quartò, si nulla creatura habet actionem ad aliquid effectum producendum, multum detrahitur perfectioni creaturæ, cum ex abundantia perfectionis sit quod perfectionem quam habet, possit alteri communicare, ergo detrahitur perfectioni diuine virtutis, probatur consequentia, quia cum perfectio effectus determinat perfectionem causæ, oportet quod à Deo qui est perfectissimus agens, creaturæ perfectionem consequatur: & sic dum detrahitur perfectioni creaturæ, detrahitur & perfectioni Dei.

**CIRCA** istam propositionem, Perfectio effectus determinat perfectionem causæ, considerandum est, quod duplicem sensum habere potest. Vno modo ut intelligatur secundum realem efficientiam, & sic non accipitur hic, cum sit manifestè falsa. Constat enim quod perfectio effectus nihil agit in causa ut possit causare determinationem perfectionis ipsius, sed magis perfectio causæ ponit terminum perfectionis effectus. Unde hic dicitur pro manifestatione dictæ propositionis quod maior virtus perfectiorem effectum inducit. Alio modo ut intelligatur arguitur & secundum quandam illationem & consequentiam, & hoc modo hic accipitur. Cum enim maior virtus causet perfectiorem effectum, potest ex perfectione effectus inferri à posteriori causæ perfectio, & ubi in effectu maior fuerit perfectio, potest inferri, maiorem perfectionem in causa esse.

**SED** tunc occurrit dubium. Nam licet ubi causa de necessitate naturæ agit, derogans perfectioni effectus deroget etiam causæ perfectioni, quia ubi perfectio effectus minor fuerit, necesse est perfectionem talis causæ minorem esse, ubi tamen causa non agit secundum necessitatem naturæ, sed secundum suam determinationem, & propositum suæ voluntatis, derogando effectui: non oportet ut sit derogatum causæ, cum sit causam voluntariè agentem perfectissimam esse in se, & tamen paruam perfectionem suo effectui dare velle. Deus autem est causa voluntaria creaturarum, non autem causa agens ex necessitate naturæ, ergo quamuis ponatur aliquam perfectionem creaturæ deesse, ex hoc non derogatur virtuti diuinæ quin sit perfectissima.

Respondetur & dicitur primò, quod utique ista ratio non videtur induci à sancto Thom. tanquam demonstratiua, sed tanquam probabilis & persuasiva. Dicitur secundo, quod dupliciter loqui possumus de diuina virtute. Vno modo secundum quod in se ipsa est. Alio modo secundum quod creaturis communicatur, & nobis ex eius effectibus manifestatur. Si primo modo consideretur, sic dum derogatur perfectioni effectus, non oportet derogari perfectioni causæ: & iuxta hunc sensum procedit obiectio. Si autem secundo modo consideretur, sic derogando perfectioni creaturæ derogatur perfectioni diuinæ virtutis, quantum enim minor perfectio fuerit in creaturis, tantò diuina bonitas & virtus erit ipsis minus communicata: & quòd minor perfectio cognouerimus in creaturis, tantò minus & imperfectius diuina virtus nobis ex creaturis innotescit. Et secundò hunc sensum probabilis ratio sancti Thom. Cum enim communicare suam perfectionem videatur consequi saltem secundum quandam conuenientiam ad esse in actu perfectum, sicut & Deus, qui est actus purus, est etiam prima causa efficiendi omnibus, probabile videtur quod Deus qui dat esse actu creaturis, det etiam illis ut agant: & si ponatur quod det esse actu absque hoc quod agant, videtur bonitati diuinæ derogari, utpote quæ non communicauerit se ipsam, & nobis se non manifestauerit secundum communicationem operationis quasi debita creaturæ. Posset etiam sustineri quod hæc ratio necessariò concludit, dicendo quod operari & agere virtualiter, hoc est habere virtutem agendi, necessariò consequitur ad hoc, quod est esse in actu perfecto & completo secundum conditionem propriam nature, & ideo dans esse actu completè, necessariò dat etiam virtutem agendi: & sic si ponatur non posse conuenire creaturæ, ut agat, sequitur diuinam virtutem imperfectam poni, utpote quæ non possit creaturæ dare esse perfectum & completum. Nec valet quod dicitur, Deum esse agentem voluntarium, quia etiam agens voluntarium habens virtutem producendi aliquid in actu completo, potest etiam illi dare id quod ad esse in actu perfecto consequitur: imò si dat primum, necessariò dat secundum. Prima tamen responsio videtur melior, quia dicentes creaturam nullam habere posse actionem, negant quod habere virtutem agendi consequatur necessariò esse in actu. Quintò, & est confirmatio præcedentis, Deus est summum bonum, ergo eius est optimè omnia facere, ergo sic rebus creatis suam bonitatem communicauit, ut vna res quod accepit, possit in aliam rem transfundere, ergo detrahente proprias actiones à rebus creatis, est diuinæ bonitati derogare, probatur prima consequentia, quia sicut boni est bona facere,

ita summi boni est aliquid optimè facere, id est, ipsum decet optimè facere secundum rei factæ exigentiam. Secunda quoque probatur, quia melius est bonum quod alicui collatum sit multorum comune, quam quod sit proprium, cum bonum quantum communius, tantò diuinius: bonum autem vnus fit multis commune si ab vno in alia per propriam actionem deriuatur. Sextò, subtrahere à rebus actiones est ab eis ordinem earum adinuicem subtrahere, ergo est subtrahere eis id optimum quod habent, ergo primum est inconueniens: probatur antecedens, quia diuersarum naturarum non est colligatio in ordinis vnitate nisi per hoc, quod quædam agunt, & quædam patiuntur, prima verò consequentia probatur, quia singula in seipsis sunt bona, simul autè omnia sunt optima, propter ordinem vniuersi, cum totum semper sit melius partibus, & finis earum. Septimò, effectus non producuntur ex actione rerum creaturarum, ergo impossibile est quod per effectus manifestetur virtus alicuius causæ creatæ, ergo nunquam natura alicuius rei creatæ poterit cognosci per effectum, ergo subtrahitur nobis omnis cognitio scientiæ naturalis in qua præcipue demonstrationes per effectum sumuntur, probatur prima consequentia, quia effectus non ostendit virtutem causæ nisi ratione actionis quæ à virtute procedens ad effectum terminatur. Secunda verò probatur, quia natura rei creatæ non cognoscitur per effectum nisi inquantum per ipsum cognoscitur virtus quæ naturam consequitur. Octauò, apparet per inductionem, quod simile agat suum simile, sed quod generatur in rebus inferioribus, non est forma tantum, sed compositum ex materia & forma, cum generatio sit ex materia, & ad formam terminetur, ergo generans est compositum ex materia & forma, ergo non est species rerum separata, ut Platonicus voluerunt, neque intelligentia agens, ut voluit Auicenna. Aduerte quod ista ratio sumpta est ex Aristotele septimo Metaphysicæ contra Platonem, & conuincit tam Platonicos quam Auicennam, quia supponebat vnum falsum, scilicet quod sola forma generaretur, non autem compositum, & non poterant saluare aliquam generationem vniuocam esse. Nonò, & est ratio particulariter contra Auicennam. Formæ accidentales quæ sunt in rebus corporalibus, habent proprias actiones, scilicet per Auicennam, ergo & formæ substantiales, ergo cum eius actio non sit disponente materiam, quia ad hoc sufficit formæ accidentales, forma generatilis est principium introductionis formæ substantialis in generatum, probatur prima consequentia, quia cum agere consequatur ad esse in actu, inconueniens est quod actus perfectior, qui est forma substantialis, actio destituatur, quando scilicet formæ accidentali conueniat. Quantum ad tertium respondet sanctus Thom. rationibus prædictæ opinionis. Ad rationem quidem primam, quæ erat Saracenorum, respondet, quod sicut forma dicitur ens non quasi ipsa habeat esse, scilicet primo, sed quia per eam compositum est, ita nec proprie fit, sed incipit esse per hoc quod compositum sit reductum de potentia in actum quæ est forma.

**ADVERTE** quod sanctus Thom. ex his vult habere quod non oportet formam creati, licet ex materia non fiat, quia ipsa non est id quod fit, sed est id quod compositum fit, & consequenter nulla productio ad ipsam primò terminatur. Ad primam rationem pro Platonis opinione & Auicennæ respondet, quia non oportet ut habens formam quasi participatam recipiat eam immediate ab eo, quod est essentialiter forma, sed immediate ab aliquo habente formam simili modo participatam, quod tamen agat virtute illius formæ separatæ si qua sit talis.

**ADVERTE** quod sub dubitatione dixit de forma separatæ si qua sit talis, quia non putat verum esse ideas separatas quas Plato posuit, nec esse intelligentiam vnā creatam cuius sit omnes formas substantiales inferioribus dare ad modum Auicennæ. Sed tamen quia non est intentionis suæ hoc loco de eorum positionibus disputare, ideo respondet, admissa etiam eorum positione quantum ad esse illarum substantiarum separatarum. Ad secundam respondet, quod licet omnis actio inferiorum corporum fiat per qualitates actiuas & passiuas, quæ sunt accidentia, non tamen oportet quod non producatur ex earum actione, nisi accidens, quia agunt virtute formæ substantialis, & sic ex earum actione producuntur formæ substantiales inquantum agunt instrumentaliter in virtute formarum substantialium. Ad tertiam dicit primò, quod in genitis ex putrefactione forma generatur non ex substantia separata immediate, sed ex agente corporali, scilicet ex cælesti corpore. Dicit secundò, quod licet ad producendas aliquas formas imperfectas sufficiat virtus cælestis absque agente vniuoco, eò quod corpus cæleste sit primò alterans in cuius virtute omnia mouentia ad formam in istis inferioribus agunt, ad producendas tamen formas perfectiores, sicut sunt formæ animalium perfectiorum, requiritur cum agente cælesti agens vniuocum, quia talia animalia non generantur nisi ex semine, id est, nisi cum virtute corporis cælestis concurrente semine.

**AD** euidentiam huius responsionis considerandum est quod licet hic non fiat mentio nisi de virtute corporis cælestis in productione eorum quæ per putrefactionem generantur, in septimo tamen Metaphysicæ, lectione octaua, ponit sanctus Thom. & est de mente Auerrois 12. Metaphysicæ, commento 13. quod præter virtutem corporis cælestis est etiam in materia ex qua generantur huiusmodi animalia, aliquod principium simile virtuti actiuæ, quæ est in semine, ex quo huiusmodi animalium animæ causantur: quia tamen huiusmodi principium & virtus non prouenit ab anima, sicut virtus quæ est in semine ex quo perfecta animalia generantur, sed tantum à corpore cælesti in quo virtualiter omnes forme generantur sicut in principio actiuo continentur: ideo generatio formarum soli corpori cælesti attribuitur hoc loco, & in aliis etiam locis, diciturque se habere virtutem solis ad horum generationem, sicut virtutem formatiuam quæ est in semine in generatione perfectiorum.

**VTRVM** autem idem secundum speciem possit ex putrefactione & ex semine generari videtur secundum sanctum Thom. doctrinam, quod sic. Nam 10. Metaphysicæ lectione 6. & lectione octaua, ubi ex proposito hanc materiam determinat, tenet hoc de mente Aristotelis esse in naturis imperfectis. Videtur autem hoc rationabile esse. Nam in multis huiusmodi, ut in apibus quæ Commentator videtur dicere vtroque modo generari 12. Metaphysicæ, commento 18. videmus eandem figuram esse, eadem accidentia, eadem operationes, eodem motus, eademque organa motus: item eadem conseruantia, eademque corruptentia, ex quibus solentur in cognitionem specierum deuenire: & hac ratione videtur Scotus ad confirmationem positionis S. Thom. in primo Sent. dist. 2. quæst. 7. Est etiam



expressa mens Aristotelis 7. Metaphysicæ, tex. 23. vt etiam ex textu Græco apparet, vbi ait quoddam quædam eadem & ex spermate fieri & sine spermate.

SED circa hoc difficultatem faciunt primò verba Aristotelis primo de Generatione animalium, cap. 1. & 16. vbi vult quoddam quædam non ex coitu animalium prodeunt, sed ex putri materia, licet generent, non tamen sui generis prolem procreant. Secundo, difficultatem afferunt quædam dicta sancti Thomæ quæ contrarium sonare videntur. Nam prima pars quæst. 71. artic. 1. ad primum, ait quoddam illa quæ naturaliter generantur ex semine non possunt naturaliter sine semine generari. Primò quoque Sent. dist. 10. artic. 5. ait quod idem in specie non est per putrefactionem & seminationem. De Potentia etiam quæst. 4. artic. 11. ad primum, ait quoddam animalia generata ex semine & ex putrefactione in genere conueniunt, & specie differunt. Inde de Verit. etiam quæst. 12. artic. 2. ad quartum, videtur admitti re quod mures generati ex semine non possunt esse eiusdem speciei cum illis qui ex putrefactione generantur. Tertiò, difficultatem afferunt rationes Auerr. 8. Physicorum, commento 45. & in Paraphrasi de Generatione animalium libro 1. cap. 1. prima est: Si materiz sunt diuersæ: & formæ sunt diuersæ, sed constat aliam materiam esse rem putrem, & aliam sanguinem menstruum. ergo, &c. maior probatur, tum quia alioquin non esset forma propria huius materiz, & tunc quodlibet posset ex quolibet generari, tum quia materiz essent ociosæ. Secunda est, Si sic esset, tunc eadē species esset à natura & à casu. hoc autem est falsum: tum quia quod fit à natura, opponitur ei quod fit à casu, tum quia nulla species est à casu. Tertia est, Si quod generatur ex semine, posset idem generari ab agente æquiouoco per putrefactionem, aut hoc fieri de necessitate & semper, aut in pluribus, aut raro. Si primum, ergo nunquam generabitur ex semine. Si secundum, ergo naturaliter generabitur æquiouocē: & sic raro generabitur ex semine, quod falsum esse constat. Si tertium, ergo generabitur à casu: hoc autē dictū est superius speciei repugnare. ergo, &c. Quarta est: Vnius rei est tantum vnus modus procedendi ex alio. ergo, &c. Ad rationem autem superius adductam pro positione sancti Thomæ, dici posset ex his quæ in Paraphrasi adducta habentur, quod similitudo inter genita per putrefactionem & per seminationem, non necessariò arguit identitatem specificam, quia sensus non potest in omnibus iudicare id in quo species vna est aut plures. Nam etiam inter naturale & artificiale tanta poterit esse similitudo, quod iudicabitur ipsa esse vnum secundum speciem, vt patet de argento à natura genito, & de argento per artem alchimiz producto.

PRO solutione istorum dubiorum sciendum quoddam ea quæ ex putrefactione generantur sunt in duplici differentia. Quædam enim sunt quæ hunc determinatum generationis modum sibi à natura vendicant vt ab agente tantum æquiouoco & ex putri materia generantur: quædam verò sunt quæ ita ab agente æquiouoco ex putri materia generantur, quod etiam ab agente vniuoco per seminationem possunt generari. Vtrumque autem genus ex sua nature imperfectione hoc habet vt ab agente æquiouoco generari possit ex materia putri. Sed primum genus imperfectius est quam secundum. In primo enim genere vermes quidam collocantur, & huiusmodi. In secundo verò mures, ranæ, & similia. Quæ primo modo generantur ex putrefactione, constat quod cum nullo genito per seminationem idē specie esse possunt. repugnat enim quoddam talis natura per putrefactionem tantum generetur, & quod etiam per seminationem. Vnde huiusmodi aut nullo modo generant, aut si generant, diuersum quiddam generant à sua specie, quod nec mas est nec femina, puta vermiculos quosdam, vt inquit Aristoteles loco allegato, cap. 16. Quæ autem secundo modo generantur, manifestum est quod cum aliquo per seminationem producto idem secundum speciem esse possunt: & ideo non inconuenit vt sibi simile secundum speciem generent.

AD authoritatem ergo Aristotelis dicitur quod non est vniuersaliter de omnibus genitis per putrefactionem intelligenda, sed de iis tantum quæ ad primum genus spectant, quæ inquam habent à natura vt ex putri tantum materia & ab agente æquiouoco generantur. ex his enim aliqua sunt quæ non generant secundum Aristotelis mentem, in prædicto capite, vt culices & vermiculi: aliqua verò sunt quæ generant quidem, sed alterum genus, vt pulices, muscæ, & huiusmodi. si instetur quod sit authoritas prædicta vniuersaliter de omnibus intelligenda, quia ratio quam adducit ad omnia se extendit, hæc scilicet: Si ex coitu eorum quæ non ex animalibus orta sunt, animalia oriuntur: hæc si eiusdem generis essent, primum quoque eorum parentum talem esse oporteret. Si autem dissimilia essent, sed quæ coire inter se possent, rursus ex his alia quædam natura procrearetur, & alia ex ea, & ita in infinitum. Dicitur quod hæc ratio non vniuersaliter concludit de omnibus, sed tantum de primo genere. Nam si ex his quæ habent vt tantum ex putri materia & ab agente æquiouoco generantur, produceretur aliquid simile secundum speciem per seminationem: sequitur quod & parentes essent talis nature quæ posset per seminationem procreari. hoc autem est impossibile per suppositum. Si etiam masculus & femina producerentur diuersa à parentibus secundum speciem, & ipsa similiter alia diuersa procrearent, & sic in infinitum, quod abhorret natura. De secundo autem genere loquendo non est inconueniens si producant aliquid sui generis, quod & parentes habeant similem ortū, id est, quod habeant naturam quæ simili modo in ipsis quantum est ex se procreari potuisset per seminationem.

AD difficultatem quæ ex verbis sancti Thomæ oritur, respondetur. Ad dictum primæ partis dicitur quod non intendit negare sanct. Thom. quin aliqua genita ex semine possint etiam eadem secundum speciem ex putri materia generari, sed quod ea quæ ex inclinatione & virtute actiua propriè nature generantur ex semine, non possunt ex virtute huiusmodi suæ nature per putrefactionem generari. virtus enim actiua vnius nature ad vnum modum producendi determinatur: huic autem non repugnat quod possint per virtutem corporis celestis gerentem vicem virtutis talis nature ex putri materia generari. Ad dictum primi Sent. dicitur similiter quod sensus illorum verborum est, idem in specie non esse à virtute actiua suæ nature vtroque illorum modorum: potest etiam dici sensum esse, quod idem in specie non producit per se ex seminatione & putrefactione, ad causas particulares comparando. Nam vt inquit sanct. Thom. 7. Metaphysicæ, generatio animalis ex putrefactione si ad causas particulares hic inferius agēs referatur, inuenitur per accidens & casualis, quia præter intentionem caloris qui putredinem causat, est, quod ex putrefa-

ctione hoc animal generetur. Ad dictum in quæst. de Potentia dicitur, quod intelligitur de iis quæ ex putrefactione tantum propter summam nature imperfectionem habent generari, non autē vniuersaliter de omni per putrefactionem genito. Hunc autem sensum exprimit 3. Sent. dist. 33. art. 2. quæst. 4. ad primum, si bene inspicatur. Ad dictū ex quæst. de Verit. potest primò dici quod secundum mentē Com. loquitur. Vnde & in arguendo, ipsum allegat. Potest secundo dici quod non loquitur vniuersaliter de toto genere murium ex putrefactione genitorum, sed de quadā eorū specie determinata quæ ex putrefactione tantum generari potest. talis enim species distinguitur ab illa specie murium qui & ex seminatione & ex putrefactione possunt generari. Ad rationes deinde ex Auerroē sumptas respondetur. Ad primam quidem dicitur, quod materia proximè duplex est, vna inexistens ac permanens in re genita, sicut caro, & os, materia humani corporis sunt: alia verò transiens, & in re genita non permanens, sicut sanguis mēstruus corporis humani materia est. si maior de prima materia intelligatur, ipsa est vniuersaliter vera, sed dicitur quod materia talis in genitis ex semine & ex putrefactione quæ eiusdem speciei sunt, eiusdem est rationis in vtriusque. Non enim virtute celestis corporis ex putri materia tale animal generatur, nisi per ipsam virtutem ad eam materiz dispositionem reducat, quam talis forma requirit. Si verò intelligatur de secunda materia, ipsa habet veritatem in naturis tantum perfectis. Nam sunt nature aliquæ quæ non tantum ex materia ad aliquam perfectionem reducta tanquam ex materia transiente produci possunt, sed etiam ex materia imperfectè disposita & putri. Ad primam enim probationē dicitur, quod licet cuiuslibet materiz specificæ sit vna forma specifica propria ex qua constituitur, non tamen oportet vt cuiuslibet huiusmodi materiz sit vna propria forma, quæ scilicet ex ipsa sola materia educi possit. Videmus enim in homine quod ex cibis diuersarum specierum sanguinis natura generatur, non tamen sequitur quod quodlibet possit ex quolibet generari. Determinat enim sibi forma materiz alicuius generis determinati, ita quod ex materia extra illud genus educi non possit, licet rex speciebus pluribus illius generis educatur. licet enim ex multis speciebus rerum generetur sanguis, non tamen ex vnaquaque re. Ad secundam quoque probationem patet quod consequentia falsa est. Ad secundam rationē dicitur iuxta doctrinā Arist. 7. Metaphysicæ, tex. 22. & sanct. Thom. ibidē, quod non inconuenit aliam speciem secundum aliquid sui indiuidui fieri à natura, & secundum aliud fieri à casu, si ad causas particulares fiat relatio. vnde negatur falsitas consequētis si ad ipsas causas particulares huiusmodi generatio referatur. si autē in virtutem celestem referatur generatio ex putrefactione, negatur consequētia. Est enim vt dicit ibidē 8. Thom. de intentione virtutis celestis vt educatur in actu omnes formæ quæ sunt in potentia materiz. Ad primā probationē consequētis, dicitur quod licet fieri à natura, & fieri à casu, sint modi ex se oppositi, non inconuenit tamen vt in ordine ad diuersas causas vni & eidem speciei conueniant. inuenit enim thesauri quæ ab vno est intentā, alteri euenit per accidens. Ad secundum dicitur, quod licet nulla tota species sit a casu, non inconuenit tamen quod aliquod indiuiduum speciei in ordine ad aliquam causam inferiorum eueniat à casu. Ad tertiam rationem dicitur primò, quod si absolute loquamur, rarius huiusmodi animal generatur ex putrefactione quam ex seminatione. Dicitur secundo, quod si in causam celestem generatio ex putrefactione referatur, in pluribus euenit. pro maiori enim parte ex materia taliter putrefacta virtus celestis animal huiusmodi generat. Vt enim superius de mente sanct. Thom. dictum est, de intentione virtutis celestis est, vt omnes formæ quæ in materia sunt in potentia educantur in actu: ideo sicut aliz cause naturales effectus ad quos naturaliter inclinatur pro maiori parte, si in materiam agant dispositam, producant, ita & de celo dicendum est. Cum autem contra primum dictum instatur, quia tunc species esset à casu: negatur consequētia: quod enim absolute aliquid raro eueniat non facit vt à casu euenire dicatur. alioquin coniunctio omnium Planetarum in signo piscium, quæ rarissime euenit, diceretur à casu esse: sed tunc dicitur aliquid à casu accidere, quando præter intentionem agentis eius effectus raro coniungitur, vt ex secundo Physicorum patet. Cum etiam contra secundum dictum arguitur, quia tunc tale animal naturaliter æquiouocē generabitur, dicitur quod hoc non est inconueniens, dictum est enim & quod huiusmodi animalia propter imperfectionem suæ nature habent vt ab agente æquiouoco produci possunt, & quod virtus celestis ad horum generationem inclinatur. Ad quartam rationem potest primò responderi, quod assumptū illud habet veritatem in naturis tantum perfectis, non autem in naturis imperfectis. Potest secundò responderi, quod habet veritatem de modo quod à supposito nature ipsa natura communicatur. Nam cum suppositum nature in quantum huiusmodi non generet nisi virtute actiua talis nature, virtus autē nature ad vnum modum communicationis limitetur, sequitur quod ipsum nature suppositum vno tantum modo generat, huic autem non repugnat quod à virtute vniuersali possit etiam talis natura alio modo communicari. Si autem contra hoc instetur, quia productiones diuersarum rationum ad terminos specie distinctos terminantur, cum motus accipiant specie ex terminis: dicitur quod hoc verum est de productionibus quæ sunt diuersarum rationum essentialiter, non autem de iis quæ accidentaliter sunt diuersarum rationum, cuiusmodi sunt generatio per putrefactionem, & generatio per seminationem eiusdem nature specificæ. Hæc enim non sunt diuersarum rationum, nisi quia vna est ab agente vniuoco, alia verò ab agente æquiouoco, non quidem vt ab agente vniuoco distinguatur, sed vt ipsius agentis vniuoci virtutem in se continet.

AT TENDENDVM autem, quod licet Com. ex rationibus adductis videatur opinioni sanct. Thom. repugnare, ex iis tamen quæ alibi dicit, videtur quod illi opinioni concordet. Nam de igne quæ constat aliquando ab agente vniuoco generari, ponit tertio Cæl. commento 46. & 12. Metaphysicæ commento 18. quod etiam per motū localem, & ex lapide, & consequenter ab agente æquiouoco generetur. Propter quod videtur aliquibus quod dictum ipsius 8. Physicorum, sit de naturis perfectis duntaxat, de quibus tantum ibi exemplificat, intelligendum. Ad responsum enim quod data est ad rationē pro opinione sanct. Thom. dicitur quod non satisfacit. Dato enim quod aliquando propter similitudinē in figura & colore non possimus percipere diuersitatem aliquorū specificā cernere: similitudo tamen in figura & operatione, & motu atque motuū organīs, conueniētiāque in eisdem



123456789 10 11 12 13 14 15

16  
17  
18  
19  
20



gp





in eisdem conseruantibus & corruptibilibus, non videtur esse inter ea quæ diuersa sunt specie, & ideo conuenientia in istis, identitatis specificæ sufficiens indicium est. Non enim à posteriori aliter in cognitionem vnitatis aut diuersitatis specificæ deuenimus, nisi ex horum consideratione.

Ad primam rationem Auicennæ, dicit primò sanctus Thomas, quod quantitas non impedit actionem formæ nisi per accidens, in quantum omnis quantitas continua est in materia: forma autem quæ est materia, quum sit minoris actualitatis, est etiam minoris virtutis in agendo. Dicit secundò quod supposito modo actionis quam forma in materia existens habere potest, quantitas non minuit, sed magis auget actionem & motum naturalem, licet corpora grauiora sint tardioris motus innaturalis, cum fuerint maioris quantitatis.

CIRCA illam propositionem: Omnis quantitas continua est in materia: aduerte quod determinat se sanctus Thomas ad quantitatem continuam, & quia de illa intendebat obiectio, & quia secundum aliquos quantitas discreta inuenitur etiam in rebus immaterialibus, licet enim apud ipsum quantitas discreta inueniatur tantum in rebus materialibus, sicut & continua: vt tamen absolutior sit eius responsio, & magis à calumnia aliena, determinauit se ad quantitatem continuam, de qua nullus in via Aristoteli dubitat quin materiam consequatur. Ad secundam dicit primò quod licet corporalis substantia sit infima in ordine rerum, non tamen oportet vt omne corpus careat actione, quia etiam inter corpora vnum est superius & formalius & magis actiuum altero, vt patet de igne respectu inferiorum corporum. Dicit secundò quod nec etiam infimum corpus excluditur ab agendo, quia omne corpus agit secundum suam formam ad quam comparatur aliud corpus secundum suam materiam vt subiectum, in quantum eius materia est in potentia ad formam agentis: quod si e conuerso etiam ad formam corporis patientis sit in potentia materia corporis agentis, erunt agentia & potentia adinuicem, vt in elementis accidit: fin autem, vnum erit agens tantum, alterum verò tantum patiens respectu illius, sicut se habet cælum ad elementa. Ad tertiam respondet, negando quod corpus sit in maxima distantia à Deo, materia enim prima quæ est pura potentia, est illa quæ maximè distat à Deo, qui est actus purus: ideo ipse est paritantum, non autem agere: corpora verò accedunt ad diuinam similitudinem in quantum habent formam, ideo agunt secundum quod formam habent, patiuntur verò secundum quod habent materiam.

Ad rationem Maurorum respondet, quod ridicula est, quia non dicitur corpus calidum calefacere, quasi idem numero calor qui est in calefaciente corpore transeat in corpus calefactum, sed quia virtute eius sit alius calor numero actus in corpore calefacto, qui prius erat in eo in potentia, & hoc est commune omni agenti naturali.

AD VERTE ex sancto Thoma de potentia, quæst. 3. artic. 7. quod illa propositio: Idem accidens non migrat de subiecto in subiectum, intelligitur de eodem accidente secundum numerum, non autem quin simile secundum speciem virtute accidentis in aliquo subiecto existentis in aliud subiectum induci possit.

*Quomodo idem effectus sit à Deo & à naturali agente. Cap. 70.*



**Q**UIBUSDAM autè difficile videtur ad intelligendū quod effectus naturales attribuuntur Deo, & naturali agenti. Nam vna actio à duobus agentibus non videtur progredi posse, si igitur actio per quam naturalis effectus produ-

ducitur, procedit à corpore naturali, non procedit à Deo. Item, Quod potest fieri sufficienter per vnum, superfluum est quod fiat per multa. videmus enim quod natura non facit per duo instrumenta quod potest facere per vnum. cum igitur virtus diuina sufficiens sit ad producendos effectus naturales: superfluum est adhibere ad eosdē effectus producendos etiam naturales virtutes: vel si virtus naturalis sufficiens ter proprium effectum producit, superfluum est quod diuina virtus ad eundem effectum agat.

Præterea, Si Deus totum effectum naturalem producit, nihil relinquitur de effectu naturali agenti ad producendum. non videtur igitur esse possibile quod eosdē effectus Deus producere dicatur quos res naturales produciunt. Hæc autem difficultatem non afferunt si præmissa considerentur. In quolibet enim agente est duo considerare, scilicet rem ipsam quæ agit, & virtutem qua agit: sicut ignis calefacit per calorem: virtus autè inferioris agentis dependet à virtute superioris agentis, in quantum superius agens dat virtutē ipsam inferiori agenti per quam agit, vel conseruat eam: aut etiam applicat eam ad agendum, sicut artifex applicat instrumentum ad proprium effectum, cui tamen interdum formam non dat per quam agit instrumentum, nec conseruat, sed dat ei solum motum. Oportet igitur quod actio inferioris agentis non solum sit ab eo per virtutem propriam: sed per virtutem omnium superiorum agentium. agit enim in virtute omnium & sicut agens infimum inuenitur immediatum actiuum, ita virtus primi agentis inuenitur immediata ad producendum effectum. nam virtus infimi agentis non habet quod

producat hūc effectum ex se, sed ex virtute superioris proximi: & virtus illius ex virtute superioris: & sic virtus supremi agentis inuenitur ex se productiua effectus, quasi causa immediata: sicut patet in principiis demonstrationum quorum primum est immediatum. Sicut igitur non est inconueniens quod vna actio producat ex aliquo agente, & eius virtute: ita non est inconueniens quod producat idem effectus ab inferiori agente, & à Deo: ab utroque immediate, licet alio & alio modo. Patet etiam quod si res naturalis producat proprium effectum, non est superfluum quod Deus illum producat: quia res naturalis non producit ipsum, nisi virtute diuina. neque est superfluum si Deus per se ipsum potest omnes effectus naturales producere, quod per quasdā alias causas producantur. Non enim hoc est ex insufficientia diuinæ virtutis, sed ex immensitate bonitatis ipsius per quam suam similitudinem rebus communicare voluit, non solum quantum ad hoc quod essent, sed etiam quantum ad hoc quod aliorum causæ essent. his enim duobus modis creaturæ cōmuniter omnes diuinam similitudinem consequuntur, vt supra ostensum est. Per hoc etiam decor ordinis in rebus creatis apparet. Patet autem quod non sic idem effectus causæ naturali & diuinæ virtuti attribuitur, quasi partim à Deo, & partim à naturali agente fiat: sed totus ab utroque secundum alium modum: sicut idem effectus totus attribuitur instrumento & principali agenti etiam totus.

*Super Cap. 70.*



**E**XCVSA opinione illorum qui proprias actiones à rebus creatis subtrahunt, vult sanctus Thomas soluere quædam dubia quæ aliquibus circa præmissa difficultatem afferunt. Non enim videtur aliquibus possibile esse quod effectus naturales attribuantur Deo & naturali agenti: & arguunt sic. Primò, Vna actio à duobus agentibus non videtur progredi, ergo, &c. Secundò, diuina virtus sufficit ad effectus naturales producendos: ergo superfluum est adhibere naturales virtutes: vel si naturalis virtus sufficit, superfluum est quod diuina virtus agat, ergo, &c. Tertiò, si Deus totum effectum naturalem producit, nihil relinquitur de effectu naturali agenti ad producendum, ergo, &c.

Ad primum respondet sanctus Thomas, quod cum in quolibet agente sit consideranda rem quæ agit, & virtutem per quam agit, virtus inferioris agentis dependet à virtute superioris agentis, in quantum superius agens dat virtutem inferiori agenti per quam agit vel conseruat eam, vel applicat ad agendum dando illi solum motum, ideo actio inferioris agentis sit ab eo non solum per propriam virtutem, sed etiam per virtutem omnium superiorum agentium: & sicut agens infimum inuenitur immediatum actiuum, ita virtus primi agentis inuenitur immediata ad producendum effectum. Ex quo sequitur, quod sicut non est inconueniens vnam actionem producere ab agente & eius virtute, ita non est inconueniens eundē effectum à Deo & inferiori agente immediate produci, licet alio & alio modo, à Deo scilicet immediate virtutis, ab inferiori verò agente immediate suppositi agentis.

CIRCA illam propositionem, superius agens dat inferiori agenti virtutem per quam agit, vel conseruat eam, vel applicat ad agendum: aduertendum ex doctrina sancti Thomæ de potentia, quæst. 3. artic. septimo, ad septimum, duplex vis ad agendum rebus creatis inest dum agunt, vna est forma habens esse firmum & ratum in natura per quam agunt tanquam propria & naturali virtute, alia est vis quæ est intentio sola virtutis diuinæ habens esse in completum per modum quo colores sunt in aëre, & virtus artis in instrumento, & ista vis non conuenit rebus nisi quando actualiter operantur & agunt tanquam diuinæ virtutis instrumenta, sicut & virtus artis non remanet in instrumento, nisi quando ipso virtutis operationem artis. Deus ergo dat à rebus naturalibus utramque virtutem, sed secundum tantum illis cōmunicat dum eas ad operationem applicat: ideo dixit sanctus Thomas, quod superius agens dat inferiori agenti virtutem per quam agit vel conseruat eam, quod pertinet ad primam virtutem, vel applicat ad agendum, quod per secundam virtutem efficitur.

De immediate virtutis & suppositi dictum est in præcedentibus, ideo satis est nunc vnum exoriens dubium excludere, videtur enim quod virtus supremi agentis non sit productiua effectus quasi causa immediata, vt hic dicitur. Sicut enim primum agens operatur per secundam agentiam tanquam per instrumenta, ita virtus primi agentis virtutibus secundorum agentium tanquam instrumentis, sed quia primum agens operatur per secundam tanquam per instrumenta, ipsum non dicitur agens immediatum, sed mediatum: & infimum agens, vt hic dicitur, est immediatum actiuum: ergo quia primi agentis virtus agit per virtutes secundorum tanquam per instrumenta, ipsa non erit immediata causa effectus, sed mediata. Respondetur quod in hac obiectione accidit deceptio, quia accipitur ordo eodem modo in virtutibus & in suppositis agentibus, cum dicimus vnum operari per alterum, & eodem modo accipitur immediate, hoc autem non sic est, sed ordo qui consideratur in suppositis, cum dicimus vnum suppositum per aliud operari, est ordo descensus: ordo verò qui in virtutibus consideratur, est ordo ascensus. Cum enim dicimus vnum suppositum agere per aliud, intelligimus quod agit per ipsum tanquam per instrumentum ab eo motum ad aliquod producendum, sicut cum dicimus fabrum lignarium facere scamnum per

*Contra Gent.*

*F. 2*

*\* Cap. 2. Liber  
ius lib.*



ferram: & ideo si multa agentia ad unam operationem concurrunt dum dicimus unum operari per aliud, ibi consideratur descensus quidam à supremo agente non moto vique ad infimum agentem motum, sed cum dicimus virtutem unius agere per virtutem alterius, intelligimus ipsius virtutem ab alterius virtute tanquam ab agente siue tanquam à superiori forma dependere, in quantum ab ipsa ad suam operationem mouetur: & sic ubi multæ virtutes fuerint subordinatæ, vt vna dicatur per alteram operari, ibi consideratur ascensus quidam à virtutibus motis ad virtutes moventes. Ex quo sequitur quod cum dicimus aliquod agens esse immediatum, intelligimus post ipsum non esse aliud suppositum agens ab ipso motum. Cum autem dicimus aliquam virtutem esse immediatè productiuam effectus, intelligimus ipsam non habere ante se aliam virtutem à qua moueatur, sed ipsam esse ex se productiuam effectus, vt hic dicitur. Vnde hanc immediationem virtutis assimilatur sanctus Thomas immediationi primi principij. Nam & primum principium dicitur immediatum, quia ex propriis terminis virtutem habet, & veritas ipsius à nullius alterius propositionis veritate dependet. Cum ergo dicitur, quod sicut primum agens operatur per secundam agentiam tanquam per instrumentum, ita virtus primi agentis vtitur virtutibus secundorum agentium tanquam instrumentis, hoc admissio negari potest consequentia, quia vt ostensum est, alia est immediatio suppositi agentis, & alia immediatio virtutis, secundum quod ipsi vtuntur Philosophi. Potest etiam negari illud assumptum, quia ratio instrumenti conuenit propriè ipsi agenti, non autem virtuti instrumenti: & si aliqua virtus dicatur virtus instrumentalis, hoc non dicitur quasi ipsa virtus sit instrumentum, sed quia est instrumenti virtus. Si autem velimus alio modo vt vocabulis quam Philosophi vtantur, & vocare virtutem immediatè agentem illam qua nulla est inferior virtus mota ad productionem effectus, sic nullum inconueniens esset dicere, quod sicut primum agens non est immediatum effectui secundum suppositum, ita neque est immediatum secundum virtutem, sed hoc effectus abuti vobis in Philosophia.

SED circa prædicta adhuc dubitatur. Nam videtur sanctus Thomas oppositum eius quod hic dicitur, alibi dicere. Hic enim ait quod idem effectus proveniunt à Deo immediatè immediatione virtutis, ab inferioribus autem immediatè immediatione suppositi. In primo autem Sententiarum, distinctione 37. questione 1. articulo 1. ad quartum, videtur velle quod Deus sit immediata causa omnium etiam immediatione suppositi. Nā postquam dixit quod virtus Dei est immediatissima omnibus, subiungit, sed quia ipsemet est sua virtus, & ideo non tantum est immediatum principium operationis in omnibus, sed immediatè in omnibus operans: quod in aliis causis non contingit. In questionibus autem de Potentia Dei, quæst. 3. articulo 7. in fine, postquam conclusit quod Deus est causa operationis cuiuslibet in quantum eius virtute omnis alia virtus agit, subiungit, & cum iis coniunxerimus quod Deus sit sua virtus, & quod sit intra quamlibet rem, sicut tenens rem in esse, sequetur quod ipse in quolibet operante immediatè operetur. Ex quibus videtur velle, quod Deus in omnibus immediatè operetur, non tantum immediatione virtutis, sed etiam immediatione suppositi.

A De euidentiali huius dubij notandum est primò, quod differentia est inter agens corporeum & Deum quantum ad existentiam in rebus & similitudinem cum eis, quia substantia rei corporeæ non dicitur esse in alia re propriè loquendo à se distincta, nisi quia localiter ab ea continetur. Vnde vnum corpus esse in alio est ipsum ab alio localiter contineri. Similiter vnum corpus non dicitur simul esse cum alio corpore nisi aut quia ambo sunt in eodem loco, sicut miraculosè fieri potest: aut quia sunt immediatè situata, ita videlicet quod inter situm unius & situm alterius non mediat alterius corporis situs. Deus autem secundum proprium modum suum & aliarum substantiarum separatam dicitur esse in rebus quantum ad substantiam & essentiam suam per localem continentiam & situalem, sed per causalitatem. Vnde ipsius substantiam esse in rebus, est ipsum esse causam immediatam, id est, habere habitudinem agentis proximi ad ipsas res: & similiter ipsum esse simul cum rebus, est ipsum esse rerum immediatam causam, considerandum secundò, quod aliter dicitur absolutè aliquod agens corporeum esse agens immediatum, & aliter Deus. Agens enim corporeum dicitur agens immediatum quando inter situm suum substantiæ & situm sui effectus non mediat situaliter aliud agens corporeum ab ipso motum. Non enim dicitur substantia corporea immediata alteri, nisi quia extremitas suæ quantitatis est simul cum extremitate quantitatis sui effectus, aut passus in quod agit, vt patet ex his quæ dicuntur quarto Physicorum. Sed Deus absolutè dicitur agens immediatum alicuius rei, quando inter ipsum & effectum non est aliud agens secundum ordinem causalitatis, non autem secundum ordinem situs. Sciendum tertio, quod quia substantia corporea non est idem cum virtute qua agit, non oportet si virtus eius est in aliqua re extrinseca, quod in ea sit sua substantia, quum substantia eius non dicatur esse nisi ubi situaliter collocatur: virtus autem dicatur esse etiam ubi aliquid per ipsam causaliter attingitur. quia verò substantia diuina est idem quod sua virtus, ideo ubi est eius virtus, ibi est eius substantia. Ex quo sequitur, quod si propriè volumus loqui, non sufficit ad hoc vt corpus aliquod dicatur in aliud immediatè agere, quod virtus eius sit immediata passio secundum causalitatem, sed requiritur etiam quod ipsum agens sit proximum passio situaliter & secundum suppositum agens, quia immediatio in corporibus propriè loquendo attenditur secundum ordinem situs. Vnde quamuis virtus solis in ordine virtutum corporalium dicatur immediata iis quæ in visceribus terræ generantur, in quantum proxima agentia virtute eius operantur, non tamen conuenienter dicitur quod sol est illorum agens immediatum, cum inter ipsum & illa multa sint agentia corporalia media secundum situm. Et quando dicimus quod sol immediatè illa generat, illud improprie dicitur, quia videlicet dicitur illa generare, non quia ipse agit, sed eo quod agentia proxima eius virtute generent. Ad hoc autem quod Deus dicatur agens immediatum absolutè, sufficit vt eius virtus sit immediata causaliter, quia immediatio in Deo est tantum secundum ordinem causalitatis: & ideo cum sua substantia sit idem quod sua virtus: ubi est sua virtus, est etiam sua substantia, & ipsa causat immediatè id quod ab eius virtute immediatè causatur.

Sciendum quartò, quod aliud est dicere absolutè Deum esse agens im-

mediatè in omnibus rebus, & aliud est dicere Deum esse agens in omnibus immediatè immediatione suppositi: quia ad primum sufficit quod res immediatè attingat sua virtute, id est, quod ipse sit agens, & inter ipsam virtutem Dei & effectum non sit aliqua virtus superior per quam agit. quum enim sit idem in ipso agens & virtus, non tantum dicitur quod alia agentia agant in virtute ipsius, sed etiam quod ipse agit immediatè sua virtute. ad secundum verò requiritur quod inter Deum & res nulla sit causa ipsi coagens tanquam ab ipso mota, sed quod se solo proximè operetur. Ad dubium ergo dicitur primò quod non est mens sancti Thomæ, ubi allegatur quod Deus differat ab aliis agentibus, quia illa agant immediatè immediatione suppositi tantum, Deus autem agit immediatè & immediatione virtutis, & immediatione suppositi: quia istud implicaret. si enim Deus esset immediatè agens immediatione suppositi omnibus effectibus aliarum causarum, alia causa non ageret immediatè immediatione suppositi, nisi diceremus quod inter Deum & alias causas non est ordo per se in causando secundum supposita agentia: cuius oppositum omnis schola & Philosophorum & theologorum tenet, & maxime apparet in hoc loco ex sancto Thoma & in aliis locis allegatis. Dicitur secundò quod mens eius est quod Deus non solum ad effectus aliarum causarum sic se habet quod virtus eius sit effectibus immediata, & ipse causæ dicantur agere immediatè per eius virtutem, non autem ipse dicatur absolutè sua virtute immediatè agere, sicut accidit in primo agente corporali, vt declarauimus, sed sicut virtus eius est omnibus rebus immediata, & est principium quo agendi in omnibus, ita ipse dicitur agere sua virtute immediatè, vt principium, quod absolutè cum sit idem realiter cum ipsa, & ubi est virtus eius secundum causalitatem, sit etiam ipse Deus eodem modo. In hoc enim differt Deus ab aliis primis agentibus quæ sunt corpora respectu effectus à proxima causa producti, quia primum agens corporeum non dicitur propriè immediatum agens sicut quod, sed tantum virtus eius est, sicut quo in inferiora agentia agunt, quia non est inferioribus agentibus secundum suam substantiam in quibus est sua virtus, neque est idem quod virtus ipsa, vt idem sit agens quo, & agens quod: Deus autem quia est idem quod sua virtus, & est ubi ipsa est non tantum habet vt eius virtus sit quo agentia secunda agant, sed etiam habet vt sit agens quod, in eodem ordine quo sua virtus est agens quo, vt scilicet immediatè agat immediatione virtutis, & non per virtutem alterius agentis, & vt dici absolute possit, Deus immediatè in omnibus operatur. Cum hoc autem fiat quod aliqua agat mediatè immediatione suppositi, dum causis naturalibus vtitur tanquam instrumentis non solum virtutis suæ, sicut inferiores causæ corporeæ sunt instrumentum virtutum superiorum corporum, sed etiam ipsius Dei agentis.

SED circa istam responsionem remanent quædam dubia. Primum est: Nam secundum dicta, verum est absolute loquendo, quod Deus immediatè producit vnuquodque, quia sua virtute immediatè attingit omnia: & hoc videtur ab omnibus concessum. Ego vnum est quætere vtrum Deus sit causa omnium immediatè, in aliquorum sit causa mediata, aliquorum verò immediata: & tamen hoc à præclarissimis Philosophis in dubium vertitur, & aliqui dicunt Deum aliqua immediate produxisse, aliqua verò mediate. Secundum dubium est. Aut loquimur de virtute diuina secundum seipsam, vt est in Deo, aut quantum ad eius intentionem & similitudinem in agentibus inferioribus receptam. Si primo modo, non est verum quod ipsa sit in agentibus inferioribus, sed est tantum in Deo, sicut & Dei sapientia in solo Deo est secundum seipsam. Si verò secundo modo loquamur, sic falsum est quod Deus sit ipsa virtus, quum virtus illo modo sit accidens in creatura.

AD primum dupliciter potest responderi. Primò quod dum Philosophi quærent vtrum Deus sit causa effectiua immediata omnium, non quærent de immediatione virtutis, quia hoc pro manifesto & confesso tenent: sed quærent de immediatione suppositi, an scilicet omnia per se solum produxerit in esse nullo alio agente cooperante: vel potius an aliqua per se solum produxerit alia verò produxerit aliis causis cooperantibus. Et sic non est vnum quæsitum, sed multas patitur difficultates. Secundò responderi potest quod non ab omnibus Philosophis conceditur quod Deus agit immediatè in omnibus rebus secundum virtutem eo modo quo nos dicimus virtutem diuinam esse omnibus immediatam, quia videlicet per se omnem rem attingit, & nulli causæ agit nisi in quantum virtus primi agentis eam applicat ad operationem, & ea vtitur sicut instrumento: sed aliqui dixerunt quod Deus quædam immediatè produxit, ipsa scilicet sua virtute attingendo, quædam verò mediantè, dando videlicet causis ipsorum virtutes naturales quibus operantur, & eas in esse conservando, non autem illa sua virtute immediatè attingendo: & ideo conuenienter etiam quæritur à Philosophis, an Deus omnia secundum suam virtutem immediatè producat. Ad secundum dubium respondetur, quod accidit deceptio, quia imaginamur diuinam virtutem esse in rebus eo modo quo forma substantialis aut accidentalis dicitur esse in suo susceptiuo, quum tamen ipsam esse in rebus, non sit ipsam rebus per modum formæ inherere, sed res contingere, eas in esse producendo. Dicitur ergo quod loquimur de virtute diuina secundum quod in se est. Cum autem arguitur contra, quia sic non est in causis inferioribus, negatur, dicitur enim quod est in causis inferioribus per modum operantis in illas, licet non per modum formæ inherentis. agit enim immediatè quandam sui participationem in omnibus causis inferioribus, & cum illa participata similitudine simul immediatè ipsarum effectus attingit, accipitur enim tanquam vna virtus, ipsa virtus in Deo existens, & eius intentio in causis inferioribus producta, sicut ars quæ est in mente artificis, & eius intentio in instrumento recepta, pro vna virtute accipiuntur. Ad secundum negat sanct. Thom. consequentiam, non enim est superfluum si res naturalis producat proprium effectum, quod Deus illum producat, quia res naturalis non producit illum nisi virtute diuina. Neque etiam superfluum est si Deus potest per seipsam omnes effectus naturales producere, quod per alias quasdam causas producantur, quia ex immensitate bonitatis suæ voluit suam similitudinem rebus communicare non solum quantum ad hoc quod essent, sed etiam quantum ad hoc quod essent aliorum causæ, & etiam quia per hoc decor ordinis in rebus creatis apparet.

AD VERTE quod cum dicatur superfluum ad operationem, aut quod non est ad operationem necessarium, aut quod non solum non est necessarium, sed



sed etiam propter nullum bonum aut propter nullam utilitatem adducitur, quum dicitur quod res naturalis non producit effectum nisi virtute diuina: datur intelligi quod non est superfluum Deum agere ad effectum naturæ, quasi sine ipso talis effectus produci possit, imò necessarium est Deum agere ad talem effectum, quia remota virtute diuina per quam res naturalis agit, ipsa non posset agere, sicut remota virtute artis, terra non posset scamnum operari. Quum verò dicitur Deum suam similitudinem voluisse rebus communicare, & quantum ad esse, & quantum ad operari: datur intelligi non esse superfluum actionem rerum creatarum in productione effectuum Dei secundo modo, quia licet non sit necessaria quasi sine ipsa Deus effectum producere non possit, ex hoc tamen magis manifestatur diuina bonitas, & maior decor in rebus creatis apparet, & sic non inutiliter concurrunt. Ad tertium negat assumptum, totus enim effectus ab utroque agente fit, sed secundum alium modum, sicut totus effectus attribuitur & principali agenti & instrumento, vni scilicet rāquam ex se operanti, alteri verò rāquam operanti in virtute alterius.

*Quod diuina prouidentia non excludit malum totaliter à rebus.*

Cap. 71.

Idem prima  
parte, quest.  
22. artic. 2.  
ad 2.



X his etiam apparet quod diuina prouidentia quæ res gubernat, non impedit quin corruptio, & defectus, & malum in rebus inueniatur. Diuina enim gubernatio qua Deus in rebus operatur, non excludit operationem causarum secundarum, sicut iam \* ostensum est. contingit autem prouenire defectum in effectu propter defectum causæ secundæ agentis absque eo quod sit defectus in primo agente: sicut cum in effectu artificis habentis perfectæ artem contingit aliquis defectus propter instrumenti defectum: & sicut hominē cuius vis motiua est fortis, contingit claudicare non propter defectum virtutis motiue, sed propter tibie curuitatem. contingit igitur in his quæ aguntur & gubernantur à Deo, aliquem defectum, & aliquod malum inueniri propter defectum secundorum agentium, licet in ipso Deo nullus sit defectus.

2 Amplius, Perfecta bonitas in rebus creatis non inueniretur nisi esset ordo bonitatis in eis, ut scilicet quædam sint aliis meliora: non enim implerentur omnes gradus possibiles bonitatis, neque etiam aliqua creatura Deo assimilaretur: quantum ad hoc quod alteri emineret. Tolleretur etiam summus decor à rebus, si ab eis ordo distinctorum & disparium tolleretur: & quod est amplius, tolleretur multitudo à rebus inæqualitate bonitatis sublata: cum per differentias quibus res ab inuicem differunt, vnum altero melius existat: sicut animatum inanimato, & rationale irrationali. Et sic si æqualitas omnimoda esset in rebus, non esset nisi vnum bonum creatum: quod manifestè perfectioni derogat creaturæ. gradus autem bonitatis superior est, ut aliquid sit bonum quod non possit deficere à bonitate. inferior autē eo est, quod potest à bonitate deficere. utrumque igitur gradus bonitatis perfectio vniuersi requirit. ad prouidentiam autem gubernantis pertinet perfectionē in rebus gubernatis conseruare, non autē eam minuire. Igitur non pertinet ad diuinam prouidentiam ut omnino excludat à rebus potentiam deficiendi à bono. Hæc autem potētia sequitur malū: quia quod potest deficere, quādoque deficit: & ipse defectus boni malum est, ut supra ostensum est, non est igitur ad diuinam prouidentiam pertinet, ut omnino malum à rebus gubernatis prohibeat.

Cap. 7.

3 Adhuc, optimum in gubernatione qualibet est, ut rebus gubernatis secundum modum suum prouideatur. In hoc enim regiminis iustitia cōsistit. Sicut igitur esset contra rationem humani regiminis, si impedirentur à gubernatore ciuitatis homines agere secundum sua officia, nisi fortē quādoque ad horam propter aliquam necessitatem: ita esset contra rationem diuini regiminis si non sineret res creatas agere secundum modum propriæ naturæ. Ex hoc autem quod creaturæ sic agunt, sequitur corruptio & malum in rebus: cum propter contrarietatem & repugnantiam quæ est in rebus, vna res sit alterius corruptiua. non est igitur ad diuinam prouidentiam pertinet, malum omnino à rebus gubernatis excludere.

Cap. 4.

4 Item, impossibile est quod agens operetur aliquod malum, nisi propter hoc quod intendit aliquod bonum, si-

cut ex superioribus apparet. prohibere autē cuiuscunque boni intentionem vniuersaliter à rebus creatis non pertinet ad prouidentiam eius qui est omnis boni causa. sic enim multa bona subtraherentur ab vniuersitate rerum: sicut si subtraheretur igni intentio generandi sibi simile, ad quam sequitur hoc malum quod est corruptio rerum combusti- biliū: tolleretur hoc bonū quod est generatio ignis, & cōseruatio ipsius secundum suam speciem: non est igitur diuinæ prouidentia malum totaliter à rebus excludere.

5 Adhuc, Multa bona sunt in rebus, quæ nisi mala essent, locū non haberent: sicut esset non patientia iustorum, si non esset malignitas persequentium: nec esset locus iustitiæ vindictiue, si delicta non essent in rebus etiam naturalibus non esset vnius generatio, nisi esset alterius corruptio. si ergo malum totaliter ab vniuersitate rerum per diuinam prouidentiam excluderetur, oporteret etiā bonorum multitudinē diminui: quod esse non debet, quia virtuositas est bonum in bonitate, quā in malitia malum, sicut ex superioribus patet. igitur non debet per diuinam prouidentiam totaliter malum excludi à rebus.

6 Amplius, Bonū totius præeminet bono partis. ad prudentem igitur gubernatorem pertinet negligere aliquem defectum bonitatis in parte, ut fiat augmentum bonitatis in toto: sicut artifex abscondit fundamentum sub terra, ut tota domus habeat firmitatem. sed si malum à quibusdam partibus vniuersi subtraheretur, multum deperiret perfectionis vniuersi, cuius pulchritudo ex ordinata bonorum & malorum adunatione cōsurgit, dum mala ex bonis deficientibus proueniunt: & tamē ex eis quædam bona consequuntur ex prouidentia gubernantis: sicut & silentij interpositio facit cantilenam esse suauem. non igitur per diuinam prouidentiam debuit malum à rebus excludi.

7 Adhuc, Res aliæ, & præcipuē inferiores, ad bonū hominis ordinantur sicut ad finem. si autem nulla mala essent in rebus, multum de bono hominis diminueretur: & quantum ad cognitionem, & quantum ad boni desiderium vel amorem. Nam bonum ex comparatione mali magis cognoscitur: & dum aliqua mala perpetrantur, ardētius bona optamus: sicut quantum bonum sit sanitas, infirmi maximē cognoscunt, qui etiam ad eam magis exardent quam sani: non igitur pertinet ad diuinam prouidentiam mala à rebus totaliter excludere.

Propter quod dicitur Isa. 45. Faciens pacem & creans malum. Et Amos 3. Non est malum in ciuitate quod Deus non fecerit. Per hoc autem excluditur quorundam error, qui propter hoc quod mala in mundo euenire videbant, dicebant Deum non esse: sicut Boëtius in primo de Consolatione \* introducit quendam Philosophorum quærentem, si Deus est, unde malum est. esset autem econtrario arguendum: si malum est, Deus est. non enim esset malum sublatum ordine boni, cuius priuatio est malum: hic autē ordo non esset, si Deus non esset.

Tollitur etiam & erroris occasio per præmissa illis, qui diuinam prouidentiam vsque ad hæc corruptibilia extendi negabant, propter hoc quod in eis multa mala euenire conspiciant. Solā autē incorruptibilia diuinæ prouidentia subdi dicebāt, in quibus nullus defectus nec malū aliquid inuenitur. Per hoc etiā tollitur errandi occasio Manichæis, qui duo prima principia agentia posuerunt, bonum & malum, quæ sub prouidentia Dei bonum locum habere non possent. Soluitur etiā quorundā dubitatio, utrum scilicet actiones malæ sint à Deo. Nam cum ostensum sit, \* omne agens actionem suam producere in quantum agit virtute diuina: & ex hoc Deum esse omnium & effectuum & etiam actionum causam: itemque ostensum sit, quod malum & defectus in his quæ prouidentia diuina reguntur, accidat ex conditione secundarum causarum, in quibus potest esse defectus: manifestum est quod actiones malæ secundum quod deficientes sunt, non sunt à Deo, sed à causis proximis deficientibus. quantum autem ad id quod de actione & de entitate habent, oportet quod sint à Deo: sicut claudicatio est à virtute motiua quantum ad

\* Prosa 4.  
vltima mediū.

Teste Aug.  
Tom. 6. lib. de  
Natura boni.  
Contra Mani-  
cheos, cap. 41.  
\* Cap. præ.

In hoc Cap.



id quod habet de motu: quantum verò ad id quod habet de defectu, est ex curuitate cruris.

Super Cap. 71.



**P**OST QVAM ostendit sanctus Thomas diuinam prouidentiam ad esse & ad actiones omnium rerum se extendere, vult nunc quædam dubia circa hanc communem de omnibus prouidentiam excludere. Sunt autem quatuor dubia, quæ in quatuor istis capitulis sese consequentibus excludit. Primum dubium est, quia videtur ex quo Deus omnium esse conferuat, & omnia ad proprias operationes applicat, quod omne malum debeat à rebus creatis excludere. Ad hoc autem excludendum ponitur hæc conclusio: Diuina prouidentia quæ res gubernat, non impedit quin corruptio, & defectus, & malum in rebus inueniatur. probatur primo, contingit inueniri defectum in effectu propter defectum causæ secundæ absque eo quod sit defectus in primo agente, ut contingit in effectu artificis habentis perfectam artem, & in claudicatione hominis habentis virtutem motuam fortem. ergo in his quæ aguntur & gubernantur à Deo contingit defectum & malum inueniri propter defectum secundorum agentium, licet in ipso Deo nullus sit defectus. probatur consequentia, quia gubernatio quam Deus in rebus operatur, non excludit operationem secundarum causarum.

AD VERTE quod cum bonum secundum mentem Dionysij consistat ex integra causa, malum verò ex singulis defectibus, quando ad vnum effectum plures causæ concurrunt ad hoc ut ipse effectus sit omnino completus requiritur ut omnes causæ sine defectu sint: ad hoc autem vti aliquis defectus in ipso, sufficit in altera illarum causarum defectum esse. vnde videmus etiam in argumentationibus & syllogismis, quod ad inferendum propositionem vniuersalem affirmatiuam requiritur vtrunque præmissarum & vniuersalem & affirmatiuam esse: ad concludendum autem particularem aut negatiuam, sufficit alteram illarum aut particularem esse aut negatiuam: idcirco optime inquit sanctus Thomas, quod contingit defectum & malum in effectu esse propter defectum secundæ causæ, dato quod nullus in prima causa sit defectus. Secundo, ad diuinam prouidentiam non pertinet ut omnino à rebus excludat potentiam deficiendi à bono, ergo neque ut omnino excludat malum. probatur consequentia, quia potentiam deficiendi sequitur malum, cum id quod potest deficere, quandoque deficiat, & ipse defectus boni malum sit, ut supra est ostensum. antecesserit verò probatur. Si excluderet talem potentiam deficiendi, tolleretur gradus bonitatis, & inæqualitas in rebus, ergo tolleretur perfecta bonitas in rebus creatis. sed hoc non conuenit prouidentie, cum ad prouidentiam gubernantis pertineat perfectionem in rebus gubernatis conferuare, non autem eam minuere. ergo, &c. probatur prima sequela, quia gradus bonitatis superior est, ut aliquid sit bonum non potest deficere à bonitate, inferior ut sit bonum potest deficere. Secunda verò probatur, quia sublata inæqualitate à rebus & graduum diuersitate, tolleretur multitudo à rebus, & non esset nisi vnum bonum creatum, cum per differentias quibus res abinueniuntur, vnum altero melius existat. Item, tolleretur summus decor à rebus. Item, non impleteretur omnes gradus possibiles bonitatis. Item, nulla creatura assimilaretur Deo quantum ad hoc, quod alteri eminere: quæ omnia perfectio vniuersi requirit. ergo, &c.

AD VERTE quum dicitur, quod non impleterentur omnes gradus bonitatis possibiles, quasi velit sanctus Thomas, dicere quod in vniuerso debent esse omnes gradus possibiles bonitatis, quod hoc tripliciter potest habere veritatem, ut ex superioribus constare potest. Vno modo, ut intelligatur de gradibus vniuersalibus quibus primo diuiditur ens, sicut sunt necessarium & contingens, non autem de gradibus specificis bonitatis: alio modo, ut intelligatur de gradibus per se ad huius vniuersi perfectionem spectantibus, non autem de omnibus gradibus entium possibilibus absolute à Deo producti. Tertio modo, ut intelligatur de gradibus possibilibus produci à Deo, supposita diuinæ sapientie determinatione. omnes enim qui per diuinam sapientiam sunt determinati ut sint, debent esse in vniuerso.

Tertio, optimum in qualibet gubernatione est ut gubernatis secundum modum suum prouideatur: quia in hoc regiminis iustitia consistit: ergo esset contra rationem diuinam regiminis si non sineret res creatas agere secundum modum propriæ naturæ. ergo, &c. declaratur prima consequentia ex proportionem ad regimen humanum, in quo fieret contra iustitiam, si impediretur à gubernatore ciuitatis homines agere secundum suam officia: nisi forte quandoque ad horam propter aliquam necessitatem. Secunda verò probatur, quia ex hoc quod creaturæ sic agunt secundum modum propriæ naturæ, sequitur corruptio & malum in rebus propter contrarietatem & repugnantiam in rebus existentem.

AD VERTE quod sanctus Thomas, addidit de humano regimine loquens, nisi forte ad horam &c. ut daret intelligere, quod non est contra rationem diuinam regiminis, quod aliquando impediatur rem aliquam à suo naturali cursu, sicut cum impediuit ignis actionem erga pueros illos missos in fornacem ignis, de quibus habetur Danielis tertio, & cum tempore Iosue fecit solem contra Gabaonitas stare, ut habetur Iosue decimo, & de multis aliis miraculose factis ad manifestationem potentie & diuinitatis suæ, aut etiam ad aliorum sanctitatem demonstrandam, aut secundum aliquam aliam diuinæ sapientie rationem.

Quarto, impossibile est quod agens operetur aliquod malum nisi propter hoc quod intendit aliquod bonum, ut ex superioribus apparet, sed prohibere cuiuscunque boni intentionem vniuersaliter à rebus creatis non pertinet ad prouidentiam eius qui est omnis boni causa. ergo, &c. probatur minor, quia tunc multa bona subtraheretur ab vniuersalitate rerum, sicut si subtraheretur igni intentio generandi sibi simile ad quod sequitur corruptio rerum combustibilium, tolleretur generatio ignis, & eius conservatio secundum speciem.

AD Hanc rationem fortassis aliquis diceret, quod licet non pertineat ad prouidentiam diuinam prohibere intentionem boni, ad ipsam tamen pertinet prohibere malum quod bono intento coniungitur. Sed hæc responsio nulla est, quia est aliquod malum inseparabiliter coniunctum bono determinato, sicut corruptio alicuius necessario coniungitur gene-

rationi ignis, cum non possit forma ignis in materia induci nisi per abiectionem formæ præexistentis: ideo non potest permitti quod intentio ignis de generando sibi simile adimpleatur, nisi etiam permittatur corruptio illius substantiæ ex qua generatur ignis.

Quinto, si malum per diuinam prouidentiam omnino excluderetur à rebus, oporteret etiam bonorum multitudinem diminui, puta iustorum patientiam, iustitiam vindictarum, generationem: sed hoc esse non debet, quia virtuosius est bonum in bonitate quam malum in malitia, ut ex superioribus patet. ergo, &c.

CIRCA hoc vltimum dictum aduertendum, ut superius habuimus c. 9. quod nullum est à Deo excellens malum, quod omne bonum excludat, quia oportet ut malum omne fundetur in bono, & secundum se est impossibile & infinitum, ut Dionysius inquit 4. cap. Di. no. ac contra bonum non repugnat nisi virtute boni. ideo dixit sanctus Thomas, quod bonum est virtuosius in bonitate quam malum in malitia, quia videlicet non potest bonum à malo totaliter excludi, neque potest malum nisi ratione boni agere: bonum verò propria virtute agit. Sic exponit sanctus Thomas. 3. Sen. dist. 27. art. 3. ad tertium. Sed occurrunt duo dubia. Primum est, licet malum fundetur in bono, est tamen aliquod malum quod videtur excellentius esse in malitia quam bonum quod sequitur ad ipsum in bonitate, sicut peccatum mortale excedere videtur quodcumque bonum creatum & illi præponderare, cum sit contra bonum infinitum: puta persecutio iustorum præponderat iustorum patientiæ. ergo videtur magis ad diuinam prouidentiam pertinere quod excludat aliqua particularia bona non permittendo mala ad quæ illa bona sequuntur, quam quod permittat illa mala vnde aliqua bona proueniant. Secundum est circa illud quod dicitur, non esset locus iustitiæ vindicandi si delicta non essent, ex quo vult habere sanctus Thomas, quod permittit Deus delicta, ut sit hoc bonum quod est iustitia vindicatura. Ex hoc enim videtur sequi quod Deus deleatur in pœnis, quod est crudelitas: nam permittit aliquem peccare ut habeatur occasio puniendi, non est nisi eius qui deleatur in pœnis.

AD primum horum dicitur, quod dupliciter loqui possumus de bono ex malo consequente. Vno modo secundum se, alio modo ut ad vniuersi perfectionem pertinet, tanquam eius pars constitutiva, si consideretur bonum quod ex malo consequitur, secundum se absolute, sic non inconuenit illud minus bonum esse quam remotionem mali, & per consequens minus esse appetendum: sicut minus bonum absolute est generatio aquæ ex igne, quam remotio corruptionis ignis quæ generationem aquæ concomitatur, quia ignis est maius bonum quam aqua. si autem consideretur vult constitutum integritatis & perfectionis vniuersi, sic quodlibet secundum se bonum quod ex malo aliquo occasionatur est melius remotione illius mali, quia ex tali bono vniuersum est extensius saltem perfectius, in quantum aliquis gradus bonitatis est in vniuerso, qui non esset, si malum illud omnino prohiberetur, & sic vniuersam suam integritatem & complementum suum habet. Vnde dicendum est, admissio etiam quod malum culpæ plus habeat malitiæ quam bonum inde proueniens secundum se consideratum habeat bonitatis, si tamen consideretur, ut ad perfectionem & integritatem vniuersi ordinatur, cuius bonum est summum inter bona creata & principaliter intentum à prouidentia diuina, sic plus habet bonitatis quam culpa. habeat malitiæ, si culpa formaliter accipitur, ut scilicet importat actum debito ordine priuatum, ideo pertinet ad prouidentiam diuinam magis permittit malum culpæ ex quo aliquis gradus bonitatis in vniuerso resultat, quam prohibere malum ex cuius prohibitionem sequeretur priuatio alicuius gradus perfectionis in vniuerso, & eius integritatis diminutio. Sed quia videtur velle sanctus Thomas quod bonum sit non solum in ordine ad vniuersi perfectionem excellentius in bonitate, quam malum in malitia, sed etiam aliquo modo secundum se consideratum, cum inquit absolute, quod virtuosius est bonum in bonitate, quam malum in malitia: ideo dicitur secundo, quod hoc etiam admissio (quod fortassis non est verum) dictum sancti Thomæ intelligitur de bono propter se eligibili, tale enim dicitur esse virtuosius in bonitate, quam malum in malitia, quia huiusmodi bonum magis est natum ad se trahere omnino sua bonitate appetitum, quam malum sit sua malitia natum omnino repellere appetitum suum fugam efficere: cuius ratio est, quia bonum secundum se est eligibile nihil habet vnde sit fugiendum, cum nullam habeat rationem mali adiunctam, proprie accipiendo malum, sed ipsum malum habet in se aliquid per quod potest aliquo modo eligi, cum, ut superius est ostensum, omne malum in aliquo bono fundetur. Vnde cum dicitur quod peccatum magis habet de malitia quam bonum inde sequens habeat de bonitate, negatur. licet enim extrinsecus & obiecte habeat quandam infinitatem, intrinsecus tamen ut dictum est in quantum dicit actum debito ordine priuatum, non tantum habet de malitia quantum bonum habet de bonitate.

AD secundum dicitur, quod non est crudelis Deus dum permittit delicta, ut sit hoc bonum quod est iustitia punitiua: neque deleatur in pœnis, quia hoc non agit quia velit punitionem delicti in quantum est malum peccantis, sed hoc permittit, quia magis vult & diligit bonum vniuersi quam bonum particulare istius. ad bonum enim vniuersi requiritur ut sint nature defectibiles, & liberi arbitrij: ex quo sequitur ipsas deficere, & Deus ipsas suos cursus agere sinens, aliquem etiam bonitatis gradum elicit, ex quo vniuersum extensius perfectius est. Dico extensius, quia sanctus Thomas primo Sententiarum, dist. 49. artic. 3. ad quintum, ait quod sunt quædam mala quæ si non essent, vniuersum perfectius esset, sicut sunt mala culpæ: sed hoc intelligitur de perfectione intensiua vniuersi quantum ad speciem humanam. esset enim perfectior natura humana intensiue, quantum scilicet ad perfectionem accidentalem, non autem quantum ad perfectionem essentialem, si nullum esset peccatum, quam si aliqua committantur peccata. Nam & de perfectione extensiua in eodem lib. dist. 44. artic. 2. ad 5. loquens, ait quod vniuersum in quo nihil esset mali, non esset tantum bonitatis quantum hoc vniuersum, quia non essent tot bonæ nature in illo sicut in isto. Sexto, si malum à quibusdam partibus vniuersi subtraheretur, multum deperiret perfectionis vniuersi, ergo non est per prouidentiam excludendum. probatur antecedens, quia pulchritudo vniuersi ex ordinata bonorum & malorum adunatione confurgit, dum mala ex bonis deficientibus proueniunt, & ex eis quædam bona consequuntur: sicut & interpositio silentij facit cantilenam esse suauem, consequentia verò probatur, quia cum



cum bonum totius præmineat bono partis, ad prouidentem gubernatorem pertinet negligere aliquem defectum in parte, ut fiat augmentum bonitatis in toto. declaratur exemplo domificatoris, qui abscondit fundamentum sub terra, ut tota domus habeat firmitatem.

**A D V E R T E** quod ista ratio à præcedenti differt, quia prima procedebat de perfectione substantiali quæ in partibus consistit, hæc autem de perfectione concomitante substantialiam, scilicet de pulchritudine & decore vniuersi procedit. Septimò, multum de bono hominis diminueretur & quantum ad cognitionem, & quantum ad desiderium & amorem boni, ergo, &c. probatur antecedens, quia bonum ex comparatione mali magis cognoscitur, & dum aliqua mala perperrantur, ardentius bona optamus declaratur exemplo sanitatis. consequentia verò probatur, quia aliz res præcipue inferiores, ad bonum hominis ordinantur sicut ad finem.

**C I R C A** probationem consequentiz aduertendum quod addidit sanctus Thom. præcipue inferiores, quia (vt inquit secundo Sent. dist. 1. q. 2. artic. 3.) omnes quidæ creaturæ aliquo modo sunt propter hominem à Deo factæ, inquantum ex omnibus creaturis prouenit aliqua utilitas homini, sed particulari modo creaturæ inferiores ordinantur ad hominem sicut ad finem, inquantum tendunt in assimilationem ipsius tanquam superioris, secundum quod per hoc summæ bonitati assimilantur. Vnde & 2. de Anima dicitur animam rationalem esse vltimum finem intentum à natura inferiori. hoc autem modo substantiæ separatæ non sunt propter hominem, cum ipsæ sint nobilioris & superioris naturæ. Confirmatur conclusio auth. Isai. 45. & Amos 3.

**S E D** contra conclusionem in hoc cap. probatam occurrit dubium ex his quæ dicit sanctus Thom. 1. parte, quæst. 22. art. 2. inquit enim quod cum omne agens agat propter finem, tantum se extendit ordinatio effectus in finem quantum se extendit causalitas primi agentis: & videtur velle quod etiam econuerso tantum se extendat causalitas primi agentis, quantum se extendit ordinatio ad finem, dum subiugit, quod ex hoc cõtingit in operibus alicuius agētis aliquid prouenire non ad finem ordinatum, quia effectus ille consequitur ex aliqua alia causa præter intentionem agentis. Ex hoc igitur arguitur sic: Nihil à Deo ordinatur ad finem ad quod non se extendat eius causalitas: sed Dei causalitas ad malum culpæ non se extendit: ergo malum culpæ non ordinatur à Deo ad aliquem finem, ergo non cadit sub prouidentia, quæ est ratio ordinis rerum in finem: ergo prouidentia excludit saltem malum culpæ.

**A D** huius euidentiam considerandum ex doctrina sancti Thomæ de Verit. quæst. 5. artic. 4. quod dupliciter aliquid sub diuina prouidentia cadit. Vno modo tanquam ordinatum ad aliud, & tãquam id ad quod aliud ordinatur, sicut actus generationis qua homo generat hominem perfectum, ordinatur ad hominis naturam, & ad ipsum vis generantis ordinatur. Alio modo tanquam id quod ordinatur ad aliud, non autem aliquid ordinatur ad ipsum, sicut actus deficiens quo monstra generantur inquantum huiusmodi. Primi respectu dicitur prouidentia approbationis, respectu verò secundi, dicitur prouidentia concessionis & permissionis secundum Damascenum in secundo. Dicitur ergo quod ista propositio, Tantum se extendit causalitas primi agentis, quantum se extendit ordinatio effectuum in finem, habet veritatem de ordinatione eorum quæ cadunt sub prouidentia approbationis, non autem de ordinatione eorum quæ cadunt sub prouidentia concessionis & permissionis. modo dicitur quod malum cadit sub prouidentia concessionis, non autem approbationis, vt ibi declarat sanctus Thom. ordinatur enim à Deo ad aliquam utilitatem, sed nihil ad ipsum ordinatur, ideo ratio non sequitur. Posset secundum dici, quod loquitur sanctus Thomas de ordinatione non quorumcunque, sed effectuum, vt patet ex eius verbis: modo constat quod peccatum inquantum huiusmodi non est aliquis effectus, cum sit negatio siue priuatio, ideo non oportet quod causalitas diuina ad ipsum se extendat, quamuis ordinetur. Per hanc conclusionem excluditur error negantium Deum esse, quia videbant mala in mudo euenire, vt est apud Boetium primo de Consolatione cum tamen magis concludi debeat Deum esse, quia malum est: non enim esset malum subtrahendo ordine boni, qui non esset Deo non existente.

**A D V E R T E** quod cum bonum vniuersi consistat in ordine partium eius ad totum, & in ordine totius ad Deum, non potest esse malum in vniuerso nisi per remotionem alicuius ordinis debiti inesse alicui parti. malum enim est priuatio boni debiti inesse. non esset autem debitum partibus inesse talem ordinem, nisi ex aliquo ordinante & statuente, quæ dicitur Deum, talem ordinem habuissent: ideo malum præsupponit ordinem à Deo rebus inditum, propter hoc optimè inquit sanctus Thom. quod magis arguendum est Deum esse, quia malum est, quam Deum non esse. Tollitur etiam erroris occasio & iis qui negabāt ad hæc corruptibilia diuinā prouidentiam extendi propter hoc quod in eis multa mala euenire conspiciantur: & Manicheis qui duo principia agentia bonum, scilicet & malum posuerunt, quasi sub prouidentia Dei bonum locum habere non posset. soluitur postremo quorundā dubitatio, vtrū scilicet actiones malæ sint à Deo. Patet enim ex dictis quod secundum quod deficientes sunt, non sunt à Deo, sed à causis proximis deficientibus, quantum verò ad id quod habent de actione & entitate, sunt à Deo: declaratur in claudicatione, quæ quantum ad id quod habet de motu, est à virtute motiua: quantum verò ad id quod habet de defectu, est ex curuitate cruris.

**A D V E R T E**, quod ex ista responsione habetur effectum causæ secundæ reduci in causam primam quantum ad illud quod agit, inquantum substat ordini ipsius primæ causæ, & inquantum ab ipsa mouetur. quantum verò ad id quod prouenit ex ipsa, non inquantum substat ordini primæ causæ, & ab ea mouetur, sed inquantum deficit à debita perfectione & ordine, non oportet vt in primam causam reducat.

**S E D** occurrit vnum dubium. Nam mouens causam secundam ad actionem quam semper & inseparabiliter concomitatur defectus & malum, videtur non solum esse causa bonitatis actionis, sed etiam malitiæ concomitantis: vnde vt habetur ex secundo Physicorum, quod pro maiori parte euenit, non dicitur esse præter intentionem, sed sunt aliquæ operationes humanæ habentes semper annexam malitiam, puta odium Dei, ergo si Deus est causa entitatis actionis, oportet dicere quod etiam sit causa malitiæ, & deformitatis coniunctæ, & sic, non refertur illa operatio inquantum deficiens est solum in causam proximam deficientem.

Respondetur ex doctrina sancti Thom. de Mal. q. 3. art. 2. quod malitiam

consequi inseparabiliter actum aliquem, dupliciter potest intelligi. vno modo vt consequatur ipsum absolute consideratum secundum entitatem suam, alio modo, vt consequatur ipsum secundum quod à tali agente, puta à libero arbitrio procedit. Primo modo nulla deformitas peccati cõcomitatur aliquem actum, quia si essentia illius actus odiendi Deum produci à libero arbitrio creaturæ à solo Deo produceretur, non esset malus actus & deformis, quia non malè fieret, vnde ad hunc sensum minor est falsa, sed bene deformitas talis concomitatur actum aliquem vt procedit à libero arbitrio creaturæ subdito regulis diuinis, & regulis rationis. Sed tunc negatur maior, licet enim ille actus non possit ab homine sine deformitate procedere, quia nunquam ab ipso procedit nisi inquantum discrepat à sua regula, potest tamen agens primum mouere causam ad agendum entitatem actionis, & non agere ad deformitatem, similiter potest intendere vnum alio non intento, sicut in eo qui claudus est, virtus motiua agit quidem motum quantum ad id quod bonitatis est, non agit tamen defectum motus qui est ex ipsa claudicatione, quāvis semper ille defectus motum istius concomitetur, sed prouenit tantum ex defectu instrumenti. Quod autem adducitur ex secundo Physicorum non valet, quia loquitur Arist. de eo quod concomitatur rem absolute secundum suam entitatem. De hac materia habes à Capreolo in secundo Sententiarum, distinctione 37. vnum duntaxat bene aduertendum, quod quamuis Deus producat actionem odij, & totam illam entitatem possit per se producere: si produceret immediate essentiam illius actus, non propter hoc diceretur Deus habere se odio, aut velle se non esse, sicut homo per illum actum dicitur Deum habere odio, quia ad hoc vt aliquis per actum odij dicatur alium habere odio, non sufficit quod essentia illius actus sit ab illo immediate causata, sed requiritur quod sit operatio ab ipsius voluntate deficiente immediate elicitæ: actus autem ille odij immediate à Deo produci non esset operatio à voluntate diuina deficiente elicitus, sed esset effectus quidam diuinæ actionis suppletis vicem etiam secundarij agentis.

*Quod diuina prouidentia non excludit contingentiam à rebus. Cap. 72.*



**I C V T** autem diuina prouidentia non excludit vniuersaliter malum à rebus: ita etiam non excludit contingentiam, nec necessitatem rebus imponit.

Iam enim ostensum est \* quod operatio prouidentiz qua Deus operatur in rebus, non excludit causas secundas: sed per eas impletur inquantum agunt virtute Dei. Ex causis autem proximis aliqui effectus dicuntur necessarij vel contingentes, non autem ex remotis causis. nam fructificatio plantæ est effectus contingens propter causam proximam, quæ est vis germinatiua, quæ potest impediri & deficere, quamuis causa remota, scilicet sol, sit causa ex necessitate agens. cum igitur inter causas proximas multa sint quæ deficere possunt, non omnes effectus qui prouidentiz subduntur, erunt necessarij, sed plurimi sunt contingentes.

2 Adhuc, Ad diuinam prouidentiam pertinet, vt gradus entium qui possibiles sunt, adimpleantur, vt ex supra dictis \* patet. ens autē diuiditur per contingens & necessarium: \* Cap. 71. & est per se diuisio entis. Si igitur diuina prouidentia excluderet omnem contingentiam, non omnes gradus entium conseruarentur.

3 Amplius, Quando aliqua sunt propinquiora Deo, tantò magis de eius similitudine participat: & tantò magis distat, tantò magis à similitudine ipsius deficiunt. Illa autem quæ sunt Deo propinquissima, sunt omnino immobilia, scilicet substantiæ separatæ, quæ maxime ad Dei similitudinem accedunt, qui est omnino immobilis: ea autem quæ sunt his proxima, & mouentur immediate ab his quæ semper eodem modo se habent, quandam immobilitatis speciem retinent, in hoc quod semper eodem modo mouentur: sicut corpora cælestia: sequitur ergo quod ea quæ cõsequuntur ad ista, & ab eis mota, longius ab immobilitate Dei distant: vt scilicet non semper eodem modo moueantur: & in hoc ordinis pulchritudo apparet. omne autē necessarium inquantum huiusmodi, semper eodem modo se habet: repugnaret igitur diuinæ prouidentiz ad quam pertinet ordinem in rebus statuere & conseruare, si omnia ex necessitate euenirent.

4 Præterea, Quod necessariū est esse, semper est: nullum autem corruptibile semper est. si igitur diuina prouidentia hoc requirit, quod omnia sint necessaria: sequitur quod nihil sit in rebus corruptibile, & per consequens nec generabile. subtraheretur ergo à rebus tota pars generabilium & corruptibilium: quod perfectioni derogat vniuersi.

Contra Gent.

F 4

Damas. li. 2.  
Ortho. fid. ca.  
19.

Exclu. err.  
amicorū Iob.  
vt dicitur ca.  
22.

Tex. com. 48.



3 Adhuc, In omni motu est quædam generatio & corruptio. nam in eo quod mouetur, aliquid incipit, & aliquid definit esse. si ergo omnis generatio & corruptio subtraheretur subtracta contingentia rerum omnium, ut ostensum est, consequens est quod & motus subtraheretur à rebus, & omnia mobilia.

6 Item, Debilitatio virtutis alicuius substantiæ & eius impedimentum ex aliquo contrario agente, est ex aliqua eius immutatione. si ergo diuina prouidentia non impedit motum à rebus, neque etiam impediatur debilitatio virtutis ipsarum, aut impedimentum ex resistētia alterius. ex virtutis autem debilitate & eius impedimento, contingit quod res naturalis nō semper eodem modo operatur, sed quandoque deficit ab eo quod competit sibi secundum suam naturam: ut sic naturales effectus non ex necessitate proueniant, non igitur pertinet ad prouidentiam diuinam quod rebus prouisis necessitatem imponat.

7 Amplius, In his quæ prouidentia debite reguntur, non debet esse aliquid frustra. cum igitur manifestū sit causas aliquas esse contingentes, ex eo quod impediri possunt ut non producant suos effectus, patet quod contra rationem prouidentie esset quod omnia ex necessitate cōtingerent. non igitur diuina prouidentia necessitatem rebus imponit, contingentiam à rebus vniuersaliter excludens.

Super Cap. 72.

**S**ECVNDVM dubium est, quia videtur si ad omnia diuina prouidentia se extendit, quod omnia de necessitate eueniant. Ad hoc excludendum ponit sanct. Thom. hanc conclusionem: Diuina prouidentia nec contingentiam nec necessitatem à rebus excludit. probatur primo. Operatio diuine prouidentie non excludit causas secundas, sed ex causis secundis effectus aliqui dicuntur contingentes vel necessarij, non autem ex causis remotis, ut patet in fructificatione plantarum quæ est cōtingens, quamuis sol sit causa ex necessitate agens, ergo non omnes effectus qui prouidentie subduntur, erunt necessarij.

**A**DVERTE cum dicitur solem esse causam ex necessitate agentem, quod dupliciter potest dici aliqua causa necessariò agens. Vno modo, quia à suo effectu impediti nullo modo potest: & sic non accipitur hic, quia effectus ad quos virtus corporis celestium se extendit, multoties impediuntur. Alio modo, quia necessariò ad productionem effectus quantum est ex se, tendit nisi impediatur: & hoc modo intelligitur solem ex necessitate agere. Sol enim à sua naturali dispositione alterari non potest: & ideo motu suo & suo lumine, nisi impediatur per aliquod resistens, effectum suum quantum est ex se necessariò producit, ut dicitur de Verit. quest. 6. art. 3. ad tertium. Sed de hoc satis dictum est in superioribus, & latius dicitur inferius cap. 86. Secundò, tunc nō omnes gradus entium conseruantur, sed hoc est cōtra diuinam prouidentiam ad quam pertinet ut gradus entium scilicet communes iuxta prius dicta qui possibiles sunt adimpleantur, ergo, &c. probatur sequela, quia ens diuiditur per se in necessarium & contingens. Tertio, Omnia de necessitate euenire repugnat diuine prouidentie, ergo, &c. probatur antecedens, quia ad diuinā prouidentiam pertinet ordinem in rebus statuere & conseruare: omnia autem de necessitate euenire tollit ordinem rerum secundum propinquitatē & elongationem à Deo, in quo ordinis pulchritudo apparet, dum quædā scilicet substantiæ separatae tanquam Deo propinquissime sunt omnino immobilēs, quædam verò, scilicet corpora celestia, aliquam speciem immobilitatis recipiunt, in hoc quod semper eodem modo mouentur: quædā autem, quæ scilicet ad ista consequuntur, longius ab immobilitate distant, ut scilicet non semper eodem modo moueantur, & per consequens non necessariò eueniant.

**C**IRCA id quod intenditur in hac ratione scilicet quædā magis elongari à Deo, & quædam minus, dubium occurrit. Nam omnes creaturæ in infinitum distant à Deo, cum ipse sit infinitæ perfectionis, creatura verò finitæ, ergo vnū non magis distat à Deo quam alterum. ab infinitè enim distanti vnū non magis altero distat. Respondetur negando cōsequentiā, licet enim ab eo à quo aliqua infinitè distarent secundum sitalem distantiam, vnū non posset forte altero magis distare, ab eo tamen à quo aliqua distant in infinitū secundum perfectionem, vnū magis altero distare potest, quantum enim aliquid minus habet de perfectione, tantò magis à perfectissimo distat: & quantum aliquid magis de perfectione habet, tantò magis ipsi perfectissimo appropinquat, licet sua perfectio ab illa infinita perfectione in infinitum distet. Nā talis appropinquatio & elongatio nihil aliud importat quam participationē maioris aut minoris perfectionis ab illa infinita perfectione, siue maiorem aut minorem similitudinem cum illa, ut habetur Quodlibet. art. 1. ad primum. Non inconuenit, autem aliquas esse illius infinitæ perfectionis participationes, quarum vna sit in se altera perfectior, licet omnes à prima in infinitum distent. Quarto, si diuina prouidentia requirit ut omnia sint necessaria, nihil esset in rebus corruptibile, neque per consequens generabile, & sic subtraheretur à rebus tota pars generabilium & corruptibilium, sed hoc derogat perfectioni vniuersi, ergo, &c. probatur antecedens, quia necessarium semper est, nullum autem corruptibile semper est. Quintò, & est confirmatio præcedentis rationis. Subtraheretur à rebus motus & omnia mobilia, quia subtraheretur generatio & corruptio subtracta contingentia rerum omnium, in omni autem motu est generatio & corruptio, cum in omni eo quod mouetur, aliquid incipiat esse, & aliquid definat esse. Sextò, diuinā

prouidentia nō impedit motum à rebus, ergo neque impeditur debilitatio virtutis ipsarum aut impedimentum ex resistētia alterius: ergo non omnibus prouisis imponitur necessitas. Probatur prima cōsequentiā, quia debilitatio virtutis alicuius substantiæ & eius impedimentum ex aliquo contrario agente est ex aliqua eius immutatione. Secunda verò probatur, quia ex virtutis debilitate & eius impedimento contingit quod res naturalis quandoque deficit ab eo quod sibi competit secundum naturam, ut sic effectus non ex necessitate proueniant. Septimò, Manifestū est aliquas causas esse contingentes, ex eo quod à suorum effectū productione possunt impediri, ergo contra rationem prouidentie esset quod omnia euenirent de necessitate. probatur consequentiā: quia in his quæ debite prouidentia reguntur, non debet aliquid esse frustra, tales autem causæ debiles frustra essent.

**C**IRCA probatam conclusionem occurrit dubium ex Aureolo apud Capreolum in primo Sent. dist. 40. sed quia illud soluitur ex his quæ dicit sanct. Thom. inferius, ubi de certitudine diuinæ prouidentie determinauit, non est opus circa ipsum hoc loco immorari.

Quod diuina prouidentia non excludit arbitrij libertatem. Cap. 73.

**E**X quo etiam patet quod prouidentia diuina voluntatis libertati non repugnat. Cuiuslibet enim gubernantis prudentis gubernatio ad perfectionem rerum gubernatarū ordinatur, vel adipiscendam, vel augendam, vel cōseruandam. Quod igitur perfectionis est, magis conseruandum est per prouidentiam, quam quod est imperfectionis & defectus. In rebus autem inanimatis causarum contingentia ex imperfectione & defectu est. secundum enim suam naturam sunt determinata ad vnum effectum, quem semper consequuntur, nisi sit impedimentum vel ex debilitate virtutis, vel ex aliquo exteriori agente, vel ex materiæ indispotione: & propter hoc causæ naturales agentes non sunt ad vtrumque, sed ut frequentius eodem modo suum effectum producant: deficient autem rarò. Quod autem voluntas sit causa contingens, ex ipsius perfectione prouenit: quia non habet virtutem limitatam ad vnum, sed habet in potestate producere hūc effectum vel illum: propter quod est contingens ad vtrumlibet. magis igitur pertinet ad prouidentiam diuinam cōseruare libertatem voluntatis, quam contingentiam in naturalibus causis.

2 Amplius, Ad prouidentiam diuinam pertinet ut rebus vtatur secundum modum earum: modus autem agendi cuiuslibet rei cōsequitur formam eius quæ est principium actionis: forma autem per quam agit voluntariè agēs, non est determinata. agit enim volūtas per formam apprehensam ab intellectu: nam bonum apprehensum mouet voluntatem ut eius obiectum: intellectus autem non habet vnā formam effectus determinatam, sed de ratione sua est, ut multitudinem formarum comprehendat: & propter hoc voluntas multiformes effectus producere potest. non igitur ad rationem prouidentie pertinet quod excludat libertatis voluntatem.

3 Item, Per gubernationem cuiuscunque prouidentis res gubernatæ deducuntur ad finem cōuenientem: vnde & de prouidentia diuina Gregorius Nissenus dicit quod est voluntas Dei, per quam omnia quæ sunt, conuenientem deductionem accipiunt: finis autem vltimus cuiuslibet creaturæ, est ut consequatur diuinam similitudinem, sicut supra \* ostensum est. esset igitur diuinæ prouidentie repugnans, si alicui rei subtraheretur illud per quod assequitur diuinam similitudinem. Agens autem voluntarium assequitur diuinā similitudinem in hoc quod liberè agit. ostensum est enim in primo lib. \* liberum arbitrium in Deo esse: non igitur per prouidentiam subtrahitur voluntatis libertas.

4 Adhuc, Prouidentia est multiplicatiua bonorum in rebus gubernatis. Illud ergo per quod multa bona subtraherentur à rebus, non pertinet ad prouidentiam. Si autem libertas voluntatis tolleretur, multa bona subtraherentur. Tolleretur enim laus virtutis humanæ, quæ nulla est, si homo liberè non agat. Tolleretur etiā iustitia præmiantis & punientis, si non liberè homo ageret bonum vel malum. Cessaret etiam circumspectio in consiliis, quæ de his quæ ex necessitate aguntur, frustra tractarentur. Esset igitur

Idem prima parte, q. 22. art. 2. ad 4.

Greg. Nisse. Philo. lib. 8.

\* Cap. 17. huius lib.

\* Cap. 88.



igitur contra prouidentiam rationem si subtraheretur voluntatis libertas. Hinc est quod dicitur Ecclesiastici decimo quinto: Deus ab initio constituit hominem, & reliquit illum in manu consilij sui. & iterum: Ante hominem vita & mors: bonum & malum: quod placuerit ei, dabitur illi. Per hoc autem excluditur error & opinio Stoicorum qui secundum ordinem quandam causarum intransgressibilem, quem Græci *ἀναγκή* vocabant, omnia ex necessitate dicebant provenire.

Stoici teste  
Greg. N. 8. e.  
lib. 6. Phil.  
cap. 3.

Super cap. 73.

**T**ERTIVM dubium est, quia videtur diuina prouidentia libertatem arbitrij tollere. Ad hoc excludendum ponit sanctus Thomas hanc conclusionem: Prouidentia diuina, voluntatis libertati non repugnat. probatur primo. Quod perfectionis est, magis conseruandum est per prouidentiam, quam quod est imperfectionis & defectus: sed in rebus inanimatis causarum contingentia ex imperfectione & defectu est. Quod autem voluntas sit contingens, ex ipsius perfectione provenit: ergo magis pertinet ad diuinam prouidentiam libertatem voluntatis conseruare, quam contingentiam. in naturalibus causis: ergo &c. maior probatur, quia prouidentis gubernatio ad perfectionem rerum gubernatur, vel adipiscendam, vel augendam, vel conseruandam ordinatur. minor vero probatur, quod ad primam quidem partem, quia illæ sunt secundum suam naturam ad vnum effectum determinate, quem semper consequuntur, nisi sit impedimentum vel ex debilitate virtutis, vel ex aliquo exteriori agente, vel ex indispositione materię. Quo ad secundam vero partem, quia voluntas non habet virtutem determinatam ad vnum, sed habet in potestate producere hunc vel illum effectum: propter quod est ad vtrumlibet contingens.

CIRCA istam propositionem: Quod voluntas sit contingens, ex ipsius perfectione provenit, dubium occurrit. Licet enim libertas voluntatis quantum ad hoc quod est posse in diuersa ad finem ordinata, proveniat ex eius perfectione, in quantum (vt hic dicitur) non habet limitationem ad vnum, sed supra diuersa potestatem habet: quantum tamen ad hoc quod est posse in bonum & malum, & posse mutari, vt videlicet possit non velle quod prius volebat, provenit ex imperfectione voluntatis, quia (vt inquit sanctus Thomas in questionibus de Malo, questione decima sexta, articulo quinto) primum horum provenit in quantum liberum arbitrium inuenitur in natura deficere potest: alterum vero provenit ex eo quod inuenitur in natura mutabili, ergo non est vniuersaliter verum quod libertas & contingentia voluntatis ex ipsius perfectione proveniat.

Respondetur quod ista ratio concludit prouidentiam non tollere liberum arbitrium absolute, non determinando modum liberi arbitrij: ideo sufficit ad veritatem illius propositionis assumptæ, vt id quod est commune omni libero arbitrio tanquam ipse per se conueniens in quantum huiusmodi, illi ex perfectione conueniens, scilicet hoc quod est posse in diuersa ordinata ad finem, & non esse determinatum ad vnum, licet aliquid aliud conueniat libero arbitrio ex imperfectione nature in qua est, & per accidens. Vnde sanctus Thomas non ostendit voluntatis contingentiam ex perfectione provenire nisi ex eo quod libero arbitrio per se conuenit, scilicet ex eo quod non determinatur ad vnum, sed habet in potestate sua in diuersa ferri.

Secundo. Ad prouidentiam diuinam pertinet, vt rebus vtatur secundum modum earum, sed modus voluntatis est, vt multiformes effectus producere possit, ergo, &c. probatur minor, quia forma per quam agit voluntarie agens, scilicet forma per intellectum apprehensa, non est determinata, cum non habeat intellectus vnam formam effectus determinatam, sed multitudine formarum comprehendat: modus autem agendi cuiuslibet rei consequatur formam eius quæ est actionis principium.

AD euidentiam huius rationis considerandum est ex doctrina sancti Thomæ de Veri. quæst. 24. art. 2. quod cum appetitus cognitioem sequatur (bonum enim apprehensum, siue bonum cognitum est eius obiectum) tota ratio libertatis ex modo cognitionis dependet: vnde si iudicium virtutis cognoscitur non sit in potestate alicuius, sed sit aliunde determinatum, nec appetitus liber erit & indifferens, sed erit ad vnum determinatus sicut in brutis accidit. quia enim ovis videns lupum non potest iudicare ipsum non inimicum, sed est sibi naturaliter inditum iudicium quo ipsum inimicum & esse fugiendum iudicat, ideo non potest ipsum non fugere. Si autem iudicium non sit naturaliter vt vnum determinatum, sed sit in potestate iudicantis vt hoc iudicet, vel oppositum, etiam appetitus talem virtutem cognoscitiam consequens indeterminatus erit & liber: sicut videmus in hominibus esse. quia enim homo videns lupum potest iudicare ipsum esse fugiendum, & potest iudicare ipsum non fugiendum, ideo in potestate voluntatis est eligere fugam, & eligere permanentiam. propter hoc inquit sanctus Thomas in hac ratione, quod voluntas potest multiformes effectus producere, quia forma per quam voluntarium agens agit, non est determinata: quod quidem intelligendum est de effectibus ad finem ordinatis, & subinueniunt non subordinatis. si enim loquamur de effectibus inter se ordinem habentibus per comparationem ad finem, etiam appetitus brutorum in multiplices effectus potest. videmus enim aues primum colligere paleas & lutum, deinde nidum construere ad generationem filiorum: & apes videmus primum flores colligere, deinde mellificare, vt cibum habeant in hieme. Homo autem sicut per intellectum potest multas formas & naturas apprehendere, & diuersa iudicare conuenientia ad finem quorum vnum alteri non subordinatur, ita voluntate ferri potest in diuersa ordinata ad finem inter se nullum habentia ordinem.

SED occurrit dubium ex Scoto in 1. Sen. dist. 38. Nullus enim actus præueniens actum voluntatis potest esse liber, sed est naturalis, cum liberum arbitrium nihil aliud sit quam voluntas, ergo actus intellectus præueniens voluntatem non est liber, sed naturalis. ergo falsum est quod voluntas possit in multiplices effectus, quia forma intellectus sit indeterminata.

Et potest confirmari ista ratio Scoti, quia à potentia indeterminata non potest provenire actio nisi ipsa potentia ab aliquo determinetur, vt dicitur Commen. 2. Phæzyc. commento 48. ergo oportet inuenire aliquid aliud à quo intellectus ad hoc iudicium determinetur vel ad aliud istud autem non apparet quid sit ante omnem voluntatis actum.

AD huius euidentiam considerandum est, quod dupliciter potest dici aliqua operatio libera. Vno modo, quia est operatio per electionem voluntatis producta & elicitata: alio modo, quia est operatio procedens à potentia non magis determinata ad hoc particulare obiectum quam ad illud. neque magis ad hoc iudicium quam ad illud. Operatio primo modo libera dicitur proprie & formaliter libera, quia vt dicitur prima parte, quæst. 83. art. 3. proprium liberi arbitrij est electio, cum ex hoc dicatur liberi arbitrij, quod possumus vnum recipere alio recusato. Secundo autem modo operatio libera non dicitur proprie & formaliter libera, sed tantum originaliter & radicaliter, in quantum ex tali operatione habet appetitus ipsam sequens, quod vnum alteri possit præligere, & non sit determinatus ad vnum. Primo igitur modo operatio intellectus præueniens omnem actum voluntatis non est libera. repugnat enim quod omnem actum voluntatis præueniat, & quod sit per electionem elicitata, cum electio sit actus voluntatis. Sed bene potest esse libera secundo modo, quia est aliqua operatio intellectus cuius oppositum potuisset intellectus elicere. intellectus enim iudicat aliquid esse prosequendum quod potuisset iudicare fugiendum esse, ex quo etiam apparet quod si actus dicatur naturalis vt naturale opponitur libero primo modo sumpto, actus præueniens omnem actum voluntatis est naturalis. Si autem accipiat vt opponitur libero secundo modo sumpto, vt naturalis operatio dicatur, quæ provenit à potentia ad vnum determinata, sic non omnis talis actus est naturalis. Vnde in primo sensu admissis omnibus præmissis negatur vltima consequentia obiectionis facta: in secundo vero sensu negatur antecedens. Ad confirmationem dicitur, quod intellectus ad vnum iudicium determinatur magis quam ad alium per consilium & discursum rationis à sensu originatum, ex quo per resolutionem ad aliqua principia nota ad tale iudicium pervenit, cum tamen posset per alium discursum & aliam rationem aliud iudicium facere, verbi gratia, si ante oculos alicui proponatur panis & ferrum, iste famescens cognoscens illum esse panem, & illud esse ferrum, considerat panem esse conuenientem cibum humanæ naturæ, & argumentatur ipsum magis esse pro nunc eligendum quam ferrum, ex eo quod nouit hominem non posse viuere nisi conuenienti cibo nutriatur. potuisset tamen ex alio principio iudicare esse pro tunc præligendum ferrum, puta si cuperet domum edificare, & cognosceret ad edificationem domus necesse esse vt ferro compaginatur ligna, aut quod per ipsum pariete stabiles reddantur & firmi. Et sic patet quod non deest intellectui secundum se indeterminato, aliquid ad certum iudicium determinans ante omnem actum voluntatis circa id de quo iudicatur. Tertio. Repugnat diuinæ prouidentie, quod rei subtrahatur illud per quod assequitur diuinam similitudinem, ergo per ipsam non subtrahitur libertas voluntatis. probatur antecedens, quia per gubernationem cuiuscuque rei: videntis res gubernatæ deducuntur ad finem conuenientem, vt ex Gregorio Nissenso probatur, finis autem cuiuslibet creaturæ est vt diuinam similitudinem consequatur. consequentia vero ostenditur ex eo quod agens voluntarium diuinam similitudinem assequitur ex eo quod liberè agit, cum in Deo etiam sit liberum arbitrium.

Quarto. Si libertas voluntatis tolleretur, multa bona subtraherentur, scilicet laus virtutis, iustitia præmiantis & punientis circumspectio in consiliis, &c. ergo esset contra prouidentiam rationem ipsam tollere. probatur consequentia, quia prouidentia est multiplicata bonorum in rebus gubernatis. Confirmatur conclusio author. Eccle. 15. Per hoc excluditur opinio Stoicorum ponentium omnia ex necessitate provenire secundum quandam ordinem causarum intransgressibilem, quem Græci *ἀναγκή* vocabant.

Quod diuina prouidentia non excludit casum & fortunam.

Caput 74.

**E**X præmissis etiā apparet quod diuina prouidentia non subtrahit à rebus casum & fortunam. In his enim quæ in minori parte accidunt, dicuntur esse fortuna & casus. si autem non proveniret aliqua vt in minori parte, omnia ex necessitate acciderent. nam ea quæ sunt contingentia vt in pluribus, in hoc solo à necessariis differunt, quod possunt in minori parte deficere. Esset autem contra rationem diuinæ prouidentie, si omnia ex necessitate contingerent, vt ostensum est. igitur & contra rationem prouidentie diuinæ esset, si nihil fieret fortuitum & casuale in rebus.

Cap. 73.

2 Amplius, Contra rationem prouidentie esset si res prouidentie subiectæ non agerent propter finem: cum prouidentia sit omnia ordinare in finem. Esset etiam contra perfectionem vniuersi, si nulla res corruptibilis esset, nec aliqua virtus deficere potens, vt ex supradictis patet. ex hoc autem quod aliquod agens propter finem deficit ab eo quod intendit, sequitur aliqua casu contingere. esset igitur contra rationem prouidentie & perfectionis rerum, si non essent aliqua casualia.

Capitul. 71.  
& 72.

3 Aduc, multitudo, & diuersitas causarum ex ordine prouidentie diuinæ, & dispositionis procedit. Supposita autem causarum dispositione oportet vnam alteri quandoque



doque concurrere, per quam impediatur vel iuuetur ad suum effectum producendum. Ex concursu autem duarum causarum vel plurium contingit aliquid casualiter euenire dum finis non intētus ex concursu alicuius causæ provenit: sicut inuentio debitoris ab eo qui ibat ad forū causa emendi aliquid, provenit ex hoc quod debitor etiā ad forum venit. Non est igitur diuinæ providentiæ contrarium, quod sint aliqua fortuita, & casualia in rebus.

4 Item, quod non est, nō potest esse alicuius causa: unde oportet quod vnumquodque sicut se habet ad esse, ita se habeat ad hoc quod sit causa. Oportet igitur quod secundum diuersitatem ordinis in entibus sit diuersitas etiam ordinis in causis. Ad perfectionem autē rerum requiritur quod nō solum sint in rebus entia per se, sed etiā entia per accidens. Res enim quæ non habent in sua substantiā ultimam perfectionem, oportet quod perfectionem aliquam consequantur per accidentia: & tantō per plura, quātō magis à Dei simplicitate distant. Ex hoc autē quod aliquod subiectum habet multa accidentia, sequitur quod sit aliquod ens per accidens. Nam subiectum & accidens, & etiā duo accidentia vnus subiecti sunt vnum per accidens: sicut homo albus, & muscum album. Oportet igitur ad perfectionem rerum quod sint etiam quædam causæ per accidens: ea autem quæ ex causis aliquibus procedunt per accidens, dicuntur accidere à casu, vel à fortuna. Non est igitur contra rationem providentiæ, quæ perfectionē rerum conseruat, vt aliqua fiant vel casu, vel fortuna.

4 Præterea, ad ordinem diuinæ providentiæ pertinet vt sit ordo & gradus in causis: quātō autē est aliqua superior causa, tantō est maioris virtutis: unde eius casualitas ad plura se extendit. Nullius autem causæ naturalis intentio se extendit vltra virtutem eius, esset enim frustra. Oportet ergo quod intentio causæ particularis non se extendat ad omnia quæ contingere possunt: ex hoc autem contingit aliquid casualiter vel fortuito, quod eueniunt aliqua præter intentionem agentium. Ordo igitur diuinæ providentiæ exigit quod sit casus & fortuna in rebus. Hinc est quod dicitur Ecclesiast. 9. Vidi nec velocium esse cursum, &c. sed tempus casumque in omnibus, scilicet inferioribus.

#### Super Cap. 74.



**Q**UARTVM dubium est, quia posita diuinā providentia videtur excludi casus & fortuna. quod enim est prouidum, non est fortuitum aut casuale, cum ista præter intentionem agentis eueniant. Si ergo omnia quæ in vniuerso contingunt, sunt prouisa, sequitur quod nihil erit casuale & fortuitum. Ad hoc autem remouendum ponit sanctus Thomas hanc conclusionem: Diuinā providentia non subtrahit à rebus casum & fortunam, probatur primò. Si non prouenirent aliqua à casu & fortuna, non prouenirent aliqua in minori parte, ergo omnia ex necessitate acciderent, sed hoc est contra rationem diuinæ providentiæ, vt superius est ostensum. ergo, &c. probatur antecedens, quia fortuna & casus dicuntur in iis quæ in minori parte accidunt, prima verò consequentia probatur, quia ea quæ sunt contingencia, vt in pluribus, à necessariis differunt hoc solo, quod possunt in minori parte deficere.

**ATTENDE** circa primam consequentiam, & eius probationem, quod cum tria sint effectuum genera, quædam scilicet quæ semper à sua causa proueniunt, quæ necessaria dicuntur: quædam quæ pro maiori parte eueniunt, sicut effectus causarum naturalium inferiorum, quæ dicuntur contingencia, vt in pluribus: quædam verò quæ raro & pro minori parte eueniunt à sua causa, sicut monstra, quæ dicuntur raro contingencia. Si remouerentur raro contingencia, remoueri necesse est & contingencia vt in pluribus, quia raro contingencia proueniunt ex eo quod aliqua causæ à suis producendis effectibus impediuntur aliquando, sed raro. ex eo autem quod causa aliquando impeditur, sed raro, sequitur quod pro maiori parte suos effectus producat, & sic quod sint contingencia vt in pluribus, sequitur necessariò, ex eo quod ponuntur contingencia vt in paucioribus & e conuerso. ideo etiā vno remoto remouetur & reliquum, & e conuerso, sicut in conuertibilibus accidit. remotis autem contingentiis vt in paucioribus, & contingentibus vt in pluribus sequitur illa sola esse in entibus quæ semper eueniunt, quæ dicuntur ex necessitate euenire. ideo optime infert sanct. Thomas, si nihil euenit in minori parte, quod omnia eueniunt de necessitate.

**S**ED occurrit dubium. Posset enim aliquis dicere, quod præter contingencia vt in pluribus, & contingencia vt in paucioribus, sunt etiam contingencia ad vtrumlibet, vt sunt ea quæ à voluntate procedunt. ideo quantus ponatur nihil esse à casu & in minori parte, & per consequens nihil esse pro maiori parte, non sequitur quod omnia sint ex necessitate, sed poterunt aliqua esse ad vtrumlibet contingencia.

Respondetur ex doctrina sancti Tho. secundo Physicorum, lec. 8. & est

de mente Auer. ibidem commento 48. quod ex causa contingenti ad vtrumlibet nihil prouenit nisi per aliquid determinetur ad vnum, cum sit in potentia: ideo vt possit in actum exire, & effectum aliquem producere, oportet quod aut pro maiori parte illum producat, aut in minori parte: & sic oportet vt effectus proueniens à causa quæ est ad vtrumlibet secundum se considerata, aut in maiori parte proueniat, aut in minori, & nullus sit effectus ad vtrumlibet contingens vt natus est in actum educi, cum non proueniat ab causa nisi in quantum determinata est ad vnum. A causa enim ad vtrumlibet in quantum ad vtrumlibet est, nullus potest effectus prouenire: propterea optime sequitur si nihil euenit in maiore parte, & nihil in minori parte, quod omnia semper de necessitate eueniant. Secundo, Contra rationem providentiæ esset si res prouidentia subiectæ non agerent præter finem, cum prouidentia sit omnia ordinare in finem. Esset etiam contra perfectionem vniuersi, si nulla res corruptibilis esset, & nulla virtus potens deficere: ergo & si non essent aliqua casualia, contra rationem providentiæ & contra perfectionem vniuersi esset. probatur consequentia, quia ex eo quod aliquid agens præter finem deficit ab eo quod intendit, sequitur aliqua casu contingere. Tertiò, Ex ordine diuinæ providentiæ & dispositionis multitudinis & diuersitas causarum prouenit. Supposita verò causarum dispositione oportet quandoque vnam per alteram impediri vel iuari ad effectum producendum: ex concursu autem plurium causarum contingit aliquid casualiter euenire dum finis non intētus prouenit, vt inuentio debitoris ab eo qui vadit ad forum non ob hanc causam. ergo diuinā providentia non excludit casualia.

**A**D VERTE quod ex concursu plurium causarum, contingit aliquid casualiter euenire per comparationem ad aliquam illarū causarum concurrentium, aut per comparationem ad vtramque, dum aliquid euenit præter intentionem aut vnus illarum aut vtriusque, sicut cum aliquis vadit ad forum vt inueniat debitorem, debitor autem ad forum vadit non vt inueniatur à creditore, sed vt aliquid emat, inuentio debitoris à creditore est casualis per comparationem ad debitorem tantum, quia præter eius intentionem euenit. cum autem à Domino mittuntur duo ferri vt sibi obuiant, illis hoc ignorantibus, concursus duorum feruorum non intenditur sibi obuiare, est respectu vtriusque casualis. Per comparationem autem ad superiorem causam ordinantem concursum talium causarum & effectuum ex earum concursu proueniens, non dicitur concursus ipse, aut effectus inde proueniens casualis esse, cum non sit præter eius intentionem, sed sit intentus, propter quod dicit sanct. Thom. prima parte, quæst. 22. art. 2. ad primum, quod respectu causæ vniuersalis nullus effectus dicitur casualis, cum nihil ab eius ordine subtrahi possit.

**S**ED occurrit dubium. Videtur enim S. Thomas dicere contrariò, cum ait euenire aliquid casualiter dum finis non intētus prouenit. Nam de ratione finis est quod sit intentus. est enim cuius gratia aliquid fit, ergo repugnat quod aliquid sit finis, & tamen non sit intentum.

Respondetur, quod finis dupliciter accipi potest. Vno modo materialiter, quantum scilicet ad ipsam rem absolutè quæ terminat actionem. Alio modo formaliter scilicet pro re quæ terminat actionem vt habet rationem causæ finalis. Secundo modo repugnat quod aliquid sit finis, & non sit intentum. Primò verò modo non repugnat: & sic intelligitur dictum sancti Thom. Nam constat quod effectus fortuitus in quantum huiusmodi non est finis actionis quam terminat nisi materialiter. Quartò, Ad perfectionem rerum requiritur quod non solum sint entia per se, sed etiam entia per accidens, ergo ad perfectionem earum requiritur quod sint etiam causæ quædam per accidens: ergo non est contra providentiam quæ rerum perfectionem conseruet, quod aliqua fiant à casu. probatur antecedens, quia cum res non habeant in sua substantia ultimam perfectionem, oportet vt aliquam per accidentia consequantur, & per plura quandoque. ex hac autem sequitur esse ens per accidens, cum subiectum & accidens, & etiam plura accidentia vnus subiecti sint vnum & ens per accidens. prima verò consequentia probatur, quia cum quod non est, non possit esse alicuius causa, oportet vt secundum quod vnumquodque se habet ad esse, ita se habeat ad hoc quod sit causa. & per consequens quod secundum diuersitatem ordinis in entibus sit diuersitas etiam ordinis in causis. Secunda verò consequentia probatur, quia ea quæ ex causis aliquibus procedunt per accidens, dicuntur à casu accidere vel à fortuna.

**C**IRCA assumptum ad probationem secundæ consequentiæ dubium occurrit, quia non videtur vniuersaliter verum ea quæ ex causis per accidens eueniunt, esse à casu vel à fortuna. Cum enim dicimus quod muscum ædificat, non dicimus domum fieri à casu aut à fortuna, & sic de multis aliis.

**R**ESPONDETUR quod non est intētio sancti Thomæ dicere omnia quæ per accidens eueniunt, à casu esse aut à fortuna, sed quod aliqua quæ per accidens eueniunt ex aliquibus causis, quæ scilicet sunt præter intentionem agentis, & in minori parte coniunguntur effectui per se, à casu & à fortuna proueniunt.

**C**IRCA istam propositionem, Vnumquodque sicut se habet ad esse, ita se habet ad hoc quod sit causa, dubitatur: Nam album habet esse per accidens, & tamen est per se causa disgregationis visus. Multæ etiam aliæ sunt causæ quæ habent esse per se, & tamen sunt causæ per accidens alicuius præter earum intentionem euenientis.

Respondetur quod ista propositio intelligitur, quod omnis causa talem modum causalitatis habet, qualem modum habet essendi, ita quod sibi proportionaliter respondent modus causandi & modus essendi causæ, & intelligitur de esse non quocunque, sed de eo secundum quod rei attribuitur causalitas. si enim illud esse conueniat rei per se, & causalitas sibi conueniet per se. si autem illi conueniat per accidens, & causalitas sibi per accidens conueniet: & sicut dicitur de istis modis per se & per accidens, ita intelligitur de aliis modis essendi & causandi puta de primo & secundario, de quo & quod. Cum autem dicitur primò, quod album habet esse per accidens, & tamen per se disgregat, dicitur quod nomine albi duo possumus intelligere scilicet aut ipsam albedinem, secundum quod habet esse in subiecto, aut ipsum subiectum albedine informatum, puta lignum aut parietem. Si ipsam albedinem intelligamus, negatur quod habeat esse per accidens, tanquam videlicet sit quoddam ens per accidens, imò est ens per se, vt ens per se opponitur enti per accidens: non autem vt opponitur enti in alio, est enim natura quædam ad vnum genus & ad



Et ad unam speciem determinata, & similiter est per se causa disgregationis, quia ista propositio est per se alium disgregat. Si autem intelligamus subiectum albedine informatum, ut dicamus quod lignum aut paries disgregat: sic dicitur quod alium per accidens disgregat, non autem per se. sicut enim alium per accidens predicatur de ligno, ut patet quinto Metaphysicæ cap. de Ente, ita & disgregare per accidens de ipso predicatur: & sic lapis habet esse alium per accidens, & per accidens disgregationem visus causat, quia hoc facit in quantum accidit sibi esse alium. Cum secundum dicitur quod causa multæ per se habentes esse, sunt causæ per accidens, negatur loquendo de esse ratione cuius sibi causalitas attribuitur. sicut enim fodiens sepulchrum per accidens inuenit thesaurum, & dicitur causalitatis inuentionis per accidens, ita habet aliquod esse per accidens ratione cuius ista causalitas sibi per accidens attribuitur. hoc enim si inuenit in quantum est inuentiuus thesauri, esse autem thesauri inuentiuum accidit fodienti sepulchrum in quantum huiusmodi. Ista enim propositio, Fodiens sepulchrum est inuentiuus thesauri, per accidens est: similiter in aliis causis per accidens, semper causalitas consequitur aliquod ens per accidens, scilicet predicationem per accidens alicuius de eo cui attribuitur causalitas. Sic enim ab Aristotele accipitur ens per accidens quinto Metaphysicæ, quando scilicet vnum de altero per accidens predicatur, & hoc siue accipiat per accidens ex parte causæ tantum, quando scilicet id quod accidit causæ per se, dicitur causa per accidens: siue accipiat per parte effectus, quando videlicet aliquid non intentum coniungitur effectui per se. Nam etiam tunc oportet aliquid predicari per accidens de causa per se alterius effectus, ex quo causæ illi talis effectus per accidens attribuitur. Quia vero, Ad ordinem diuinæ providentiæ pertinet ut sit ordo & gradus in causis: sed quædā aliqua causa est superior, tantū est maioris virtutis, & per consequens ad plura eius causalitas se extendit, ergo ordo diuinæ providentiæ exigit ut causa superior sit quæ ad plura se extendat quā causa inferior: ergo etiā exigit quod aliquid eueniat præ intentionem causæ inferioris & particularis, ergo & quod sit casus & fortuna. probatur secunda consequentia, quia cum nullius causæ intentio se extendat ultra virtutem eius, quia esset frustra, utpote non potens adimpleri per ipsam causam, intentio causæ particularis non se extendit ad omnia quæ contingere possunt, scilicet ex superiori causa, & per consequens aliqua euenire possunt præter eius intentionem. Tertia verò consequentia probatur, quia ex hoc contingit aliquid casualiter vel fortuito, quod aliquid præter gentium intentionem eueniunt.

ADVERTE quod in hac deductione aliquæ propositiones interpositæ sunt, quas S. Thomas non posuit brevitati studens, hoc enim ideo factum est, quia illas ipse manifeste dat intelligere, & ad completam & formalem deductionem exiguntur.

CONFIRMATUR conclusio author. Eccl. 9. Vidi nec velocium esse cursum, sed tempus, cuiusque in omnibus, exponit sanctus Thomas, scilicet inferioribus.

### Quod providentia diuina sit singularium contingentium.

#### Caput 75.



**I**X his autem quæ ostensa sunt, manifestum sit quod diuina providentia provenit usque ad singularia generabilia & corruptibilia. Non enim videtur horum non esse providentiam nisi propter eorum contingentiam: & quia in eis multa casualiter & fortuito eueniunt. In hoc enim solum differunt ab incorruptibilibus, & vniuersalibus corruptibilibus, quorum dicunt providentiam esse: providentiæ autem non repugnant contingentia, & casus, & fortuna, & neque voluntarium, ut ostensum est. nihil igitur prohibet horum providentiam esse sicut incorruptibilibus & vniuersalium.

2. Adhuc, Si Deus horum singularium a providentiam non habet, aut hoc est quia non cognoscit ea, aut quia non potest, aut quia non vult horum curam habere. Non autem potest dici quod Deus singularia non cognoscat, ostensum enim est supra \*, quod Deus eorum notitiam habet. Nec etiam potest dici quod Deus eorum curam habere non possit, cum eius potentia sit infinita, ut supra probatum est \*. Neque etiam hæc singularia gubernationis non capacia sunt, cum videamus ea gubernari rationis industria, sicut patet in hominibus: & per naturalem instinctum, sicut patet in apibus & multis animalibus brutis, quæ quodam naturali instinctu gubernantur. Neque etiam potest dici quod Deus non velit ea gubernare: cum voluntas ipsius sit vniuersaliter omnis boni: bonum autem eorum quæ gubernantur, in ordine gubernationis maxime consistit. Non igitur potest dici quod Deus horum singularium curam non habet.

3. Amplius, Omnes causæ secundæ in hoc quod causæ existunt, diuinā similitudinem consequuntur, ut ex supradictis patet \*. inuenitur autem hoc communiter in causis producentibus aliquid, quod curam habent eorum quæ producuntur: sicut animalia naturaliter nutriunt foetus

suos. Deus igitur curam habet eorum quorum causa existit: est autem causa etiam istorum particularium, ut ex supradictis patet. habet igitur eorum curam.

4. Item, Ostensum est supra \* quod Deus in rebus creatis non ex necessitate naturæ agit, sed per voluntatē & intellectū.

Ea autem quæ aguntur per voluntatem & intellectū, curæ providentiæ subduntur: quæ in hoc consistere videtur, quod per intellectum aliqua dispensentur. Diuinæ ergo providentiæ subduntur ea quæ ab ipso aguntur, ostensum est autem supra \*, quod Deus operatur in omnibus causis secundis, & omnes rerum effectus reducuntur in Deum sicut in causam: & sic oportet quod ea quæ in istis singularibus aguntur, sint sicut ipsius opera. Igitur hæc singularia, & motus, & operationes ipsorum diuinæ providentiæ subiacent.

5. Præterea, Stulta est providentia alicuius, qui non curat ea, sine quibus ea quæ curat, non possunt esse. Constat autem quod si omnia deficerent particularia, quod vniuersalia eorum remanere non possunt. Si igitur Deus vniuersalia tantum curat, singularia verò ista omnino derelinquit: stulta & imperfecta erit eius providentia.

Si autem dicat aliquis quod horum singularium Deus curam habet usque ad hoc quod conferuntur in esse, non autem quantum ad alia, hoc omnino esse non potest. nam omnia alia quæ circa singularia accidunt, ad eorum conservationem vel corruptionem ordinantur. si ergo Deus habet curam singularium quantum ad eorum cōservationem: habet etiam curam omnium circa eam contingentium. Potest autem aliquis dicere quod sola cura vniuersalium sufficit ad particularium conservationem in esse. Prouisa sunt enim cuilibet speciei ea per quæ quodlibet indiuiduum illius speciei potest conservari in esse, sicut data sunt animalibus organa ad cibum sumendum & dirigendum, & cornua ad protegendum se: utilitates autem horum non deficiunt nisi in minori parte, cum ea quæ sunt à natura, producant effectus suos vel semper, vel frequenter: & sic non possunt omnia indiuidua deficere: et si aliquid deficiat. Sed secundum hanc rationem omnia quæ circa indiuidua contingunt, providentiæ subiacebunt, sicut & cōservatio eorum in esse: quia singulari alicuius speciei nihil potest accidere quod non reducatur aliquo modo ad principia illius speciei. Si igitur singularia non magis subiacent diuinæ providentiæ quantum ad cōservationem in esse, quā quantum ad alia.

6. Præterea, In comparatione rerum ad finem talis ordo apparet, quod accidentia sunt propter substantias, ut per ea perficiatur: in substantiis autem materia est propter formam, per hanc enim participat diuinam bonitatem, propter quam omnia facta sunt, ut supra ostensum est. \* Ex quo patet quod particularia sunt propter naturā vniuersalem: cuius signum est quod in his in quibus potest natura vniuersalis conservari per vnum indiuiduum, non sunt multa indiuidua vnius speciei. sicut patet in luna & sole. Cum autem providentiā sit ordinatiua aliquorum in finem: ideo oportet quod ad providentiam pertineant & fines, & ea quæ sunt ad finem. Subiacent enim providentiæ non solum vniuersalia, sed etiam singularia.

7. Adhuc, hæc est differentia inter speculatiuam cognitionem & practicā, quod cognitio speculatiua, & ea quæ ad ipsam pertinent, perficiuntur in vniuersali: ea verò quæ pertinent ad cognitionem practicā, perficiuntur in particulari. Nam finis speculatiuæ est veritas, quæ primò & per se & in immaterialibus consistit, & in vniuersalibus. finis verò practicæ est operatio quæ est circa singularia. Vnde medicus non curat hominem in vniuersali, sed hunc hominem: & ad hoc est tota scientia medicinæ ordinata. Constat autem quod providentia ad practicā cognitionem pertinet, cum sit ordinatiua rerum in finem. Esset igitur imperfecta Dei providentia, si in vniuersalibus consisteret, & usque ad singularia non perueniret.

8. Itē, cognitio speculatiua magis perficitur in vniuersali quā in particulari: quia magis sciuntur vniuersalia quā particularia: & propter hoc vniuersalissimorum principiorum

Idem 1. part.  
2. 2. 2. 2. 2.

D. 472.

\* Lib. 1. c. 65.

\* Lib. 1. c. 22.

\* Presenti  
lib. cap. 21.

Lib. 2. cap. 15.

\* Lib. 1. cap.  
23. & 24.

\* Cap. 70.

\* Cap. 18.  
huius lib.



principiorum cognitio est communis. Ille verò est perfectior in scientia speculatiua, qui non solum vniuersalem, sed propriam cognitionem de rebus habet. Nam qui cognoscit in vniuersali tantum, cognoscit rem solum in potentia: propter quod discipulus de vniuersali cognitione principiorum reducitur in propriam cognitionem conclusionum per magistrum qui vtramque cognitionem habet: sicut aliquid reducitur de potentia in actum per ens actu. Multò igitur magis in scientia practica perfectior est qui nò solum in vniuersali, sed etiam in particulari res disponit ad actum. Diuina igitur prouidentia quæ est perfectissima, vsque ad singularia se extendit.

9 Amplius, cum Deus sit causa entis in quantum est ens, vt supra ostensum est, \* oportet quòd ipse sit prouisor entis in quantum est ens. prouidet enim rebus in quantum est causa earum. quicquid ergo quocumq; modo est, sub eius prouidentia cadit. singularia autem sunt entia, & magis quàm vniuersalia: quia vniuersalia non subsistunt per se, sed sunt solum in singularibus. Est igitur diuina prouidentia etiam singularium.

10 Item, Creaturæ diuinæ prouidentia subduntur prout ab ipso in finem vltimum ordinantur, qui est bonitas sua: participatio igitur diuinæ bonitatis à rebus creatis est per diuinam prouidentiam: bonitatem autem diuinam participant etiam singularia cōtingentia. oportet ergo quòd etiam ad ea diuina prouidentia se extendat. Hinc est quòd dicitur Matth. 10. Duo passeres asse veneunt, & vnus ex eis non cadit in terram sine patre meo. Et Sapient. 8. Attingit à fine vsq; ad finem fortiter. id est, à primis creatis vsq; ad infima eorum. Ezech. etiā 9. arguitur opinio quorundam qui dicebant, Derelinquit Dominus terrā: Dominus nò videt. & Iob. 22. Circa cardines cæli perambulat, nec nostra cōsiderat. Per hoc autem excluditur opinio quorundam qui dixerunt qd diuina prouidentia non se extendit vsque ad hæc singularia: quam quidem opinionem quidam Aristoteli imponunt, licet ex verbis eius haberi non possit.

### Super Cap. 75.



OSTQVAM ostendit sanctus Thomas in communi diuinam prouidentiam ad omnium esse, omniumque operationes se extendere, vult particulariter demonstrare quoniam etiam ad singularia cōtingentia se extendit. Circa hoc autem duo facit. Primò ostendit quòd sub diuina prouidentia hæc singularia cadunt. Secundò quòd immediate, capitulo sequenti. Quantum ad primum ponit hæc conclusionem: Diuina prouidentia peruenit vsque ad singularia generabilia & corruptibilia. probatur primò. Prouidentia non repugnat neque contingentia, neque casus, & fortuna, neque voluntarium, vt ostensum est: ergo nihil prohibet horum esse prouidentiam, sicut incorruptibilem & vniuersalem. probatur consequentia, quia non videtur horum non esse prouidentiam nisi propter aliquod illorum in quibus solum corruptibilia ab incorruptilibus differunt, & vniuersalibus corruptibilia de quibus dicunt prouidentiam esse, illi videlicet, qui negant horum singularium esse prouidentiam.

Secundò. Deus horum notitiam habet, vt superius est ostensum: neque non potest ipsorum curam habere, cum eius potentia sit infinita, neque hæc singularia gubernationis capacia non sunt, cum videamus ea & industria rationis gubernari vt homines, & per industriam naturalem vt apes & bruta: neque Deus non vult ipsa gubernare, cum volūtas eius vniuersaliter sit omnis boni bonum autem eorum quæ gubernantur, in ordine gubernationis maxime consistat, ergo, &c. probatur cōsequentia, quia si Deus istorum prouidentiam non haberet, esset propter alterum prædictorum. Tertiò, Causæ secundæ in hoc quòd causæ existunt, diuinam similitudinem consequuntur, sed ipsæ eorum quæ producant curam habent, vt patet in animalibus, ergo & Deus: sed Deus est omnium istorum particularium causa, ergo &c. Quartò, Deus in rebus creatis non ex natura necessitate agit, sed per volūtatē & intellectum, ergo suæ prouidentia subduntur omnia quæ ab ipso agunt, ergo & hæc singularia & motus & operationes. probatur prima consequentia, quia ea quæ per voluntatem & intellectum aguntur, curæ prouidentis subduntur, quæ in hoc consistere videtur, quòd per intellectum aliqua dispensentur. Secunda verò probatur, quia Deus in omnibus causis secundis operatur, & omnes effectus in ipsum reducuntur sicut in causam. Quintò. Si Deus vniuersalia tantum curat, sequitur quòd stulta & imperfecta sit eius prouidentia, quia stulta est prouidentia alicuius qui non curat ea sine quibus ea de quibus curam habet, esse non possunt. Cōstat autem quòd si omnia particularia deficerent, vniuersalia eorum remanere non possent. Si dicatur quòd horum singularium Deus curam habet vsque ad hoc quòd conferuntur in esse, non autem quantum ad alia: cōtra arguitur, quia omnia alia quæ circa singularia accidunt, ad eorum cōseruationem vel corruptionem ordinantur, ergo si Deus eorum cōseruationem curat, etiam de omnibus circa ipsa contingentibus curam habet. Si dicatur quòd sola cura vniuers-

salium sufficit ad particularium cōseruationem in esse, quia cuiuslibet speciei prouisa sunt ea per quæ indiuiduum illius speciei potest cōseruari in esse, vt patet in animalibus, & utilitates horum non deficiunt nisi in minori parte, & sic non possunt omnia indiuidua deficere, licet aliquod indiuiduum deficere possit: secundum hanc rationem omnia quæ circa indiuidua accidunt, prouidentia subiacent, quia singularibus alicuius speciei nihil potest accidere quòd non reducatur aliquo modo ad principia illius speciei, vel scilicet tanquam alicuius illorum cōseruationem, vel tanquam corruptiūm, ergo, &c. Sextò. Ad prouidentiam pertinet & finis, & ea quæ sunt ad finem, ergo & vniuersalia & singularia. probatur antecedens, quia prouidentia est ordinatiua aliquorum in finem consequentia verò probatur, quia particularia sunt propter naturam vniuersalem; quòd ratione quidem ostenditur, quia in comparatione rerum ad finem talis ordo apparet, quòd accidentia sunt propter substantiam, vt scilicet per ea perficiatur: materia verò est propter formam, cum per hanc participet diuinam bonitatem propter quam omnia sunt facta. Signo autem ostenditur, quia in quibus natura vniuersalis per vnum indiuiduum cōseruari potest, non sunt multa indiuidua vnius speciei, vt patet in luna & sole.

DVERTE quòd ex hoc quòd accidentia sunt propter substantiam tanquam naturæ perfectiua, & materia est propter formam, deducit tanquam manifestum singularia propter naturam vniuersalem esse, quia singularitatis principium est materia accidentibus in diuisualibus limitata, quæ dicitur materia signata. Ex hoc enim optimè sequitur propositum. nam si indiuiduum non habet indiuiduationem suam quæ à natura vniuersali distinguitur nisi ex materia & accidentibus, si ipsa accidentia ordinantur ad naturam substantiæ, & materia ad formam ex qua sumitur ratio speciei, sequitur manifestè ipsa singularia ad speciem ordinari. Seprimò. Prouidentia ad practicam cognitionem pertinet, cum sit ordinatiua rerum in finem, ergo imperfecta esset Dei prouidentia si ad particularia non perueniret. probatur consequentia, quia speculatiua cognitio, & ea quæ ad ipsam pertinent, perficiuntur in vniuersali, cum finis ipsius sit veritas, quæ primò & per se in immaterialibus consistit & in vniuersalibus, ea verò quæ ad cognitionem practicam pertinent, perficiuntur in particulari, cum finis ipsius sit operatio quæ est circa singularia. declaratur exemplo medici.

ADVERTE cum dicitur, quòd ea quæ pertinent ad cognitionem practicam, perficiuntur in particulari: ea verò quæ pertinent ad cognitionem speculatiuam, perficiuntur in vniuersali, quòd per ea quæ pertinent ad istas scientias, non intelligit sanctus Thomas. obiecta circa quæ versantur, sed ea quæ ex parte ipsius actus cognoscendi se tenent. Nam ipsa cognitio practica principalis obiecti, perfecta erit, si in particulari cognoscatur & secundum particulares conditiones quibus operabilis est. Similiter ad perfectam argumentationem practicam requiritur vt ex aliquo particulari principio procedat, & vt ad particularem conclusionem terminetur: & vniuersaliter loquendo, perfectio cognitionis practica principalis obiecti exigit vt omnia quorum cognitio ad illius cognitionem requiritur, particulariter considerentur, & non tantum secundum vniuersales rationes: & hoc est omnia requisita ad practicam cognitionem perfici in particulari. Similiter dicuntur omnia requisita ad speculatiuam cognitionem perfici in vniuersali in quantum cognitio intellectiva omnia quæ exiguntur ad cognitionem principalis obiecti, debet circa vniuersales rationes versari, & similiter omnis argumentatio tali cognitioni deferens debet ex vniuersalibus procedere. Octauò. Cognitio speculatiua magis perficitur in vniuersali quàm in particulari, cum magis sciatur vniuersalia quàm particularia: propter quòd vniuersalissimorum principiorum cognitio est communis: sed ille est perfectior in scientia speculatiua, qui non solum vniuersalem, sed propriam cognitionem de rebus habet. ergo multo magis in scientia practica perfectior est qui non solum in vniuersali, sed etiam in particulari res disponit ad actum: ergo diuina prouidentia quæ est perfectissima, vsque ad singularia se extendit. probatur minor, quia qui cognoscit in vniuersali, cognoscit re, scilicet sub ipso contentam tantum in potentia, declarat per signum exemplo magistri.

ADVERTENDVM quòd fundamentum huius rationis est, quoniam si cognitio speculatiua cuius est vniuersalia duntaxat speculari, est perfectior de aliqua re quando non solum cognoscitur de ipsa ratione cōmunes sibi & aliis, sed etiam propria ipsius ratio cognoscitur qua ab aliis distinguitur, multo magis cognitio practica cuius est disponere aliquid ad hoc vt sit in actu, quòd primò rebus singularibus conuenit, perfectior erit, si res non solum in vniuersali, sed etiam in particulari disponat ad hoc vt in actu sint.

CIRCA istam propositionem, Cognitio speculatiua magis perficitur in vniuersali quàm in particulari: considerandum, quòd cum cognitionis perfectio ex parte cognoscentis in duobus consistat, scilicet in certitudine & euidencia, nihil aliud datur intelligi per supradictam propositionem quàm quòd certior & euidencior intellectui est cognitio speculatiua vniuersalis obiecti, quàm rei singularis, quia ipsa vniuersalia certius & euidencius cognoscuntur tali cognitione speculatiua, qua scilicet rei veritas apprehenditur, quàm particularia materialia quæ mutabilia sunt & variabilia. Et ad hunc sensum procedit signum ad ductum, quòd videlicet vniuersalissimorum principiorum cognitio est cōmunis. Nam cognitio quæ omnibus est communis, est certissima & euidencissima, vt pote quæ ex ipso solo lumine naturali intellectus, quod omnibus commune est, proueniat. hoc enim signū est, quòd cognitio speculatiua vniuersalium perfectior est quàm singularium, & quòd magis sciuntur vniuersalia quàm particularia, id est, certius & euidencius: vt sic arguatur à signo. Quomodo magis aliqua principia à particularitate recedunt, tanto eorum cognitio perfectior est, vt pote & euidencior & certior, si videlicet secundum seipsa formaliter sumantur, & quantum ad eorum simplicem veritatem, ergo singularia minus sciuntur quàm vniuersalia. patet consequentia, quia quādo aliquid est tale per recessum & elongationem, ab aliquo signum est quòd illud aut non est tale, aut quòd minus tale est quàm ea quæ ab ipso distant: sicut quia tantò aliquid est magis intelligibile quāto magis à materia recedit, ideo materiam dicimus esse minime intelligibilem, & minus quàm ea quæ à materia sunt separata. Antecedens

Ecd. 87. vt  
Auer. 12.  
Met. com. 37.  
52.



Antecedens verò probatur, cognitio vniuersalissimorum principiorum est perfectissima, ergo, &c. probatur antecedens. cognitio quæ omnibus inest, est perfectissima & certissima atque euidentissima, vt pote ab ipso communi lumine intellectuæ quod est omnis cognitionis fons & origo proueniens: vniuersalissimorum autem principiorum cognitio est omnibus communis, ergo, &c.

CIRCA illam propositionem, Qui cognoscit rem in vniuersali tantum, cognoscit ipsam solum in potentia: aduertendum, quod sicut non inconuenit aliquid esse vnum actu, & potentia aliud, sicut aqua est actu humida, & potentia calida: ita non inconuenit aliquid secundum se cognosci in actu: & tamen in ipso aliud potentialiter cognosci, in quantum per ipsum potest intellegi in alterius ignoti notitiam deuenire, vel in quantum aliud in re cognita potentialiter continetur. quia ergo in vniuersali natura potentialiter continetur minus vniuersalia, sicut in genere potentialiter continentur suæ species, & in principiis potentialiter continentur conclusiones: ideo si consideretur vniuersalioris cognitio in quantum est cognitio talis naturæ absolute, sic est ipsius actualis cognitio. si autem consideretur in quantum est cognitio eorum quæ in ipso potentialiter continentur, sic est cognitio potentialis. propterea non dixit sanctus Thom. quod qui cognoscit vniuersale cognoscit ipsum in potentia: sed quod qui cognoscit rem in vniuersali, id est, qui cognoscit aliquid re cognoscendo solum vniuersale in quo potentialiter continetur, ipsam rem in potentia solum cognoscit. propter hoc adducit signum de discipulo, qui cum habet cognitionem vniuersalium principiorum, indiget tamen magistro reducendo ipsum in actum cognitionis conclusionum quas potentialiter tantum in vniuersalibus principiis cognoscebat.

Nonò. Quicquid est quocunque modo, sub Dei prouidentia cadit, singularia sunt entia, & magis quam vniuersalia quæ non subsistunt per se solum, sed sunt in singularibus, ergo ipsorum est prouidentia. probatur maior, quia cum Deus sit causa entis in quantum ens, est etiam eius prouisor, cum rebus prouideat in quantum est earum causa.

CIRCA probationem maioris, aduerte quod sicut potentia cognoscitur quæ fertur in aliquod obiectum, in quantum tale, fertur in omne in quo illud obiectum inuenitur (visus enim quia fertur in colore in quantum color est, fertur in omne coloratum) ita causa actiua quæ habet pro obiecto aliquid in quantum tale, est causa omnium in quibus illud inuenitur in quantum huiusmodi. ideo cum Deus sit causa entis in quantum ens, erit causa omnis entis quocunque sit ens: siue quomodocunque habeat esse, & idem dicendum est de prouisore, quia prouisor entis in quantum ens est, est prouisor omnium quæ quocunque modo habent esse. Et ex hoc fundamento procedit ratio.

CIRCA istam propositionem, Singularia sunt magis entia quam vniuersalia: attendendum, quod dupliciter potest aliquid dici magis ens altero. Vno modo, quia est perfectioris naturæ & perfectioris essentię, & isto modo non intelligitur hic. Non enim aliam essentiam & aliam naturam habent singularia quam habeant earum species, vt possit dici essentia singularis perfectior esse quam essentia speciei, sed ipsa essentia speciei est etiam essentia indiuidui, in ipso determinatis accidentibus limitata: imò si per intellectum naturæ vniuersalis à principiis indiuiduantibus secedatur, inuenitur perfectior, vt pote actualior, & magis à potentialitate materiæ remota. Alio modo quia magis existit, & sibi per prius conuenit esse actualis existentiæ tanquam ei quod est, quam alteri: & hoc modo hic intelligitur: quod patet ex ratione quæ assignat sanctus Thomas, quia scilicet vniuersalia non subsistunt per se, id est, non habent esse à singularibus separata, sed sunt solum in singularibus. ex hoc enim datur intelligi quod singularia dicuntur esse magis entia, quia per se ipsa habent esse, & non in alio cui per prius esse conueniat.

Decimò. Bonitatem diuinam participant singularia contingentia, ergo &c. probatur consequentia, quia cum creaturæ diuinæ prouidentie subdantur prout ab ipso in finem vltimū qui est bonitas sua ordinantur, participatio diuinæ bonitatis à rebus creatis est per diuinam prouidentiam.

CONFIRMATVR conclusio author. Math. 10. Sap. 8. Et etiam quia Ezech. 9. & Iob 22. arguitur opinio dicentium quod Deus nostra non considerat. Per hoc excluditur opinio quorundam dicentium diuinam prouidentiam ad singularia ista non extendi, quam Aristoteli quidam imponunt, licet ex eius verbis haberi non possit.

ADVERTE quod opinio quæ hic tangitur, est Auerois. 12. Metaphysicæ, commento 17. & commento 32. ponit enim quod Deus habet prouidentiam de singularibus tantum in quantum dispositio propria indiuidui inuenitur in aliquo modo speciei, & non nisi secundum quod communicant in natura communi, & quod si aliqua sunt sine solitudine, proueniunt ex necessitate materiæ, non ex diminutione agentis: & hanc videtur velle esse Aristot. opinionem. Sed vt ait sanctus Thom. ex verbis Aristot. super quibus se Auerois fundat, hoc haberi non potest, vt patet ipsa eius verba considerantibus, imò vt ostendit sanctus Thom. de Verit. quæst. 5. art. 3. ex ipso habetur oppositum in eo quod ponit duplicem ordinem in vniuerso, scilicet ordinem partium vniuersi inter se, & ordinem totius vniuersi ad Deum, atque primum ordinem esse propter secundum, ex hoc enim patet cum partes vniuersi corruptibiles & incorruptibiles sint ordinatæ adinuicem, & ordo ipsarum sit propter ordinem vniuersi ad primum principium, quod in vno ordine prouidentie principij exterioris conueniunt & corruptibilia & incorruptibilia.

ADVERTENDVM vltius ex doctrina sancti Thomæ loco allegato, quod opinio Auerois posset habere veritatem si intelligeretur quod indiuidua corruptibilia non sunt propter se prouisa, sed tantum propter aliud. Nam propter se prouisa sunt ea in quibus essentialis perfectio vniuersi consistit, vt sunt omnia indiuidua incorruptibilia, & species rerum incorruptibilium: indiuidua autem corruptibilia sunt prouisa propter perpetuum esse speciei tantum, non autem propter se. Dicuntur enim aliquæ partes propter se esse prouisæ quando non sunt principaliter intentæ propter aliquam aliam partem, licet ex ipsis aliqua utilitas aliis partibus proueniat. propter aliud autem dicuntur prouisæ quando principaliter sunt propter aliam partem. Sic enim dicuntur indiuidua corruptibilia esse prouisa propter aliud, quia propter hoc primum sunt volita, vt perpetuum esse speciei saluetur: ipsæ autem species & alia incorruptibilia sunt propter se volita, quia principaliter propter ipsum vniuersum &

propter diuinam bonitatem sunt volita. Non repugnat enim quod sint propter se volita, & quod sint volita propter perfectionem vniuersi, quia in hoc perfectionem vniuersi constituunt, in quantum à Deo habent esse, & in suis naturis subsistunt, quo modo inquit sanctus Thom. de Potentia quæstione 5. artic. 4. quod ista duo non repugnant, Deum velle vniuersitatem creaturarum propter seipsam, & Deum velle illam propter seipsam, quia vult creaturarum vniuersitatem propter bonitatem suam, vt scilicet eam suo modo imitentur & representent. hoc autem faciunt in quantum ab ea habent esse, & in suis naturis subsistunt.

### Quod prouidentia Dei sit singularium immediatè.

Caput 76.



VIDAM autem concesserunt prouidentiam diuinam vsque ad hæc singularia procedere, sed quibusdā mediantibus causis. Pessit enim Plato (vt Gregorius Nissenus dicit) triplicem prouidentiam: quarum prima est summi Dei, quæ primò & principaliter prouidet propriis, id est, omnibus spiritalibus & intellectualibus, consequenter verò toti mundo quantum ad genera & species & vniuersales causas quæ sunt corpora celestia. Secunda verò est, quæ prouidetur singularibus animalium, & planetarum, & eorum generabilium & corruptibilium quantum ad eorum generationem & corruptionem, & mutationes alias: quam quidem prouidentiam Plato attribuit diis qui cælum circumueunt. Aristoteles verò horum qualitatem attribuit obliquo circulo. Tertiā verò prouidentiam ponit rerum quæ ad humanam vitam pertinent: quam quidem attribuit quibusdā de monibus circa terram existentibus, qui secundum ipsum humanarum actionum sunt custodes. Sed tamen secundum Platonem secunda & tertia prouidentia à prima dependent: nam Deus summus secundos & tertios statuit prouisores. Hæc autē positio catholica fidei consonat quantum ad hoc, quod omnium prouidentiam reducit in Deum sicut in primum auctorem. Videtur autem sententiæ fidei repugnare quantum ad hoc quod non omnia particularia diuinæ prouidentie dicuntur esse subiecta. Quod ex prædictis ostendi potest. Habet enim Deus immediatam singularium cognitionem, non quasi ea in suis causis cognoscens tantum, sed etiam in seipsis: sicut in primo huius operis est ostensum. \* Inconueniens autem \* videtur quod singularia cognoscens, eorum ordinem non velit, in quo bonum præcipuum rerum constat: cum voluntas sua sit totius bonitatis principium. oportet igitur quod sicut immediatè singularia cognoscit, ita immediatè eorum ordinem statuatur.

2. Amplius, ordo qui per prouidentiam in rebus gubernatis statuitur, ex ordine illo prouenit quem prouisor in sua mente disposuit: sicut & forma artis quæ fit in materiā ab ea procedit quæ est in mente artificis. oportet autem ubi sunt multi prouisores vnus sub alio, quod ordinem contentum superior inferiori tradat: sicut ars inferior accipit principia à superiori. si igitur secundi & tertij prouisores ponuntur esse sub primo prouisore, qui est Deus summus: oportet quod ordinem statuendum in rebus à summo Deo accipiant. Non est autem possibile quod iste ordo sit in eis perfectior quā in summo Deo: quinimo omnes perfectiones per modum descensus ab eo in aria proueniunt, vt ex superioribus patet. oportet autem quod ordo rerum sit in secundis prouisoribus non solum in vniuersali, sed etiam quantum ad singularia: alias non possent sua prouidentia in singularibus ordinem statuere: multò magis ordo singularium est in diuinæ prouidentie dispositione.

3. Adhuc, In his quæ humana prouidentia reguntur, inuenitur quod aliquis superior prouisor circa quædam magna vniuersalia per seipsam excogitat qualiter sint ordinanda: minorum verò ordinem ipse non excogitat: sed aliis inferioribus excogitandum relinquit: & hoc quidem contingit per eius defectum in quantum vel singularium minorum conditiones ignorat: vel non sufficit ad omnium ordinem excogitandum propter laborem & temporis prolixitatem, quæ requireretur. Huiusmodi autē defectus longè sunt à Deo: nā ipse omnia singularia cognoscit: nec intelligendo laborat

Idem. 1. p. 9. 22. art. 2.

Greg. Nyss. Philo. lib. 8. cap. 3.

2. de Genes. Tex. 1. 58.

\* Cap. 15.

Cap. 69.



*Lib. 2. cap. 49.* laborat, aut tempus requirit: cum intelligendo seipsum omnia alia cognoscat, sicut supra ostensum est, ipse igitur omnium singularium ordinem excogitat: eius igitur providentia est omnium singularium immediatè.

*Lib. 1. cap. 17. & 67. huius libri.* 4 Item, In rebus humanis inferiores prouisores per suam industriam ordinem excogitant in his quorum gubernatio eis à presidente committitur: quam quidem industriam à presidente habere non possunt, sed vsum ipsius. Si verò à superiore eam haberent, iam ordinatio per superiorem fieret: ipsi autem essent illius ordinationis non prouisores sed executores. Cōstat autem per supradicta, quòd omnis sapientia & intellectus à summo Deo in omnibus intellectibus causatur: nec intellectus aliquis potest aliquid intelligere nisi virtute diuina: sicut nec aliquid agens operatur nisi inquantum agit virtute ipsius, est igitur ipse Deus immediatè sua providentia omnia dispensans: quicumque verò sub ipso prouisore dicuntur, sunt prouidentie ipsius executores.

5 Præterea, superior prouidentia dat regulas prouidentie inferiori, sicut politicus dat regulas & leges duci exercitus, qui dat regulas & leges Centurionibus & Tribunis. Si igitur sub prima prouidentia Dei summi sunt alie prouidentie: oportet quòd Deus illis secundis vel tertiis prouisoribus det regulas sui regiminis. Aut ergo dat regulas & leges vniuersales, vel particulares. Si autem dat eis vniuersales regulas regiminis, cum vniuersales regulæ non possint semper ad particularia applicari, & maximè in rebus mobilibus, quæ non semper eodem modo se habent: oporteret quòd illi prouisores secundi vel tertij quòdque præter regulas sibi datas ordinaret de rebus suæ prouisioni subiectis, haberent ergo iudicium super regulas acceptas, quando secundum eas oporteret agere, & quando eas prætermittere oporteret. Quod esse non potest: quia hoc iudicium ad superiorem pertinet, nam eius est interpretari leges, & dispensare in eis, cuius est eas condere. hoc igitur iudiciū de regulis vniuersalibus datis oportet quòd fiat per supremum prouisorem. Quod quidem esse non posset si se ordinationi singularium immediatè non immisceret. Oportet igitur secundum hoc quòd sit horum immediatus prouisor. Si verò secundi & tertij prouisores à summo prouisore particulares regulas & leges accipiunt manifestè apparet quòd horum singularium ordinatio sit immediatè per prouidentiam diuinam.

6 Amplius, semper prouisor habet iudicium de his quæ ab inferioribus prouisoribus ordinantur, vtrum sint bene ordinata, nec ne. Si igitur secundi prouisores vel tertij sint sub Deo primo prouisore, oportet quòd Deus iudicium habeat de his quæ ab eis ordinantur: quod quidem esse non potest, si horum singularium ordinem non considerat. Habet igitur ipse per seipsum curam de singularibus.

*\* Cap. 67.* 7 Adhuc, Si Deus per seipsum immediatè inferiora singularia non curat, ideo est, vel quia ea despicit, vel ne eius dignitas inquinetur, vt quidam dicunt. hoc autem irrationabile est: nam dignus est prouidè aliquorum ordinationem excogitare, quàm in eis operari. Si igitur Deus in omnibus operatur, sicut supra ostensum est, nec in hoc aliquid eius dignitati derogatur, quinimo pertinet ad eius vniuersalem & summam virtutem: nullo modo despicendum est ei, vel eius dignitatem commaculat, si circa hæc singularia immediatè prouidentiam habeat.

8 Item, omnis sapiens qui prouidè sua virtute vtitur, in agendo, moderatur suæ virtutis vsum, ordinans ad quid & quantum proueniat: aliàs virtus in agendo sapietiam non sequeretur. Cōstat autem ex præmissis quòd diuina virtus in operando vsque ad infima rerum peruenit, igitur diuina sapientia est ordinatiua, qui, & quor, & qualiter ex eius virtute progrediantur effectus etiam in infimis rebus, est igitur ipse immediatè sua prouidentia omnium rerum ordinem excogitans.

Hinc est quod dicitur Rom anorum 13. Quæ à Deo sunt, ordinata sunt. & Iudith. 9. Tu fecisti priora: & illa post illa cogitasti: & hoc factum est quod ipse voluisti.



VM sit ostensum diuinam prouidentiam vsque ad singularia corruptibilia se extendere, restat ostendendum quòd sit istorum singularium immediatè. Circa hoc autem duo facit S. Thom. Primò recitat opinionem Platonis. Secundò ostendit in quo à veritate fidei catholice discrepet.

Quantum ad primū Plato (vt Gregorius Nissenus narrat) triplicem prouidentiam posuit. Primam summi Dei, quæ est primò principaliter de spiritualibus & intellectualibus: secundario verò de toto mundo quantum ad genera, & species, & corpora celestialia. Secunda est eorum qui cælos circumueiunt, quæ se extendit ad singularia generabilia & corruptibilia quantum ad eorum generationem & corruptionem, & alias mutationes, quorum tamen qualitatem Arist. in secundo de Generatione, 8. obliquo circulo ascribit. Tertia verò est quorundam dæmonum circa terram existentium, quæ est rerum ad humanam vitam pertinentium. Dixit tamen quòd secunda & tertia prouidentia à prima dependet. Quantum ad secundum ait sanctus Thomas quòd hæc opinio catholice fidei consonat quantum ad hoc quòd omnium prouidentiam reducit in Deum sicut in primum actorem: videtur autem illi repugnare quantum ad hoc quòd non omnia particularia dicit diuinæ prouidentie immediatè esse subiecta. Ideo contra ipsam arguitur, primò sic. Deus habet immediatè singularium cognitionem in seipsis, vt in primo libro est ostensum, ergo immediatè eorum ordinem statuit, probatur cōsequentia, quia cum voluntas Dei sit totius bonitatis principium, inconueniens videtur quòd singularia cognoscens eorum ordinem nec velit, in quo præcipuum bonum rerum consistit.

Ad euidentiā huius rationis & etiam conclusionis, considerandum primò est, quòd cum duo ad prouidentiam pertineant, scilicet excogitatio ordinis rerum prouisarum ad suos fines, & executio ordinis excogitati, sicut diceretur Deus immediatè prouidere rebus quantum ad executionem si per seipsum solum nulla interueniente causa media res ad suos fines perduceret, ita dicitur immediatè prouidere quantum ad ordinis excogitationem, quia ipse in mente sua excogitat: quomodo vnumquodque singulare suum finem consequi debeat, & quæ impedimenta remouenda sint, atque quæ sint impendenda adiumenta, vultque vnumquodque ad proprium finem esse dispositum, vt ad illum possit peruenire suo modo, scilicet contingenter vel necessario: non autem imponit alii alteri vt excogitet ordinem ipsorum singularium ipso talem ordinem non excogitante, sicut rex præposito ciuitatis imponit vt excogitet ordinem ciuitati conuenientem, quod esset mediātè prouidere. Vnde Deus immediatè prouidentiam de omnibus habere hoc modo, nihil aliud est quàm actum immanentem diuini intellectus excogitantem ordinem in rebus non solum ad ordinem generum & specierum per se terminari, sed etiam ad ordinem vniuscuiusque singularis extendi, quauis illum ordinem excogitatum mediātibus secundis causis exequatur, vt in frequentibus ostenditur, sicut si diceremus regem per seipsum excogitare omnem ordinem ciuitati conuenientem, & velle illum seruari, ipseque imponeret ministris suis vt illum ordinem seruarent. Considerandum secundo, quicquid prouidentia essentialiter pertineat ad intellectum, cum sit ratio eorum quæ ordinantur ad finem in quantum huiusmodi, quia tamen est cognitio practica, quæ scilicet per voluntatē ad opus ordinatur includit etiam voluntatem finis, & voluntatem ordinandi res in finem: ideo volens sanctus Thomas ostendere quòd Deus qui cognoscit singularia, habet etiam ipsorum prouidentiam, nominat voluntatem ex qua prouidentia complementum habet, quum inquit, quòd inconueniens est vt Deus singularia cognoscens, eorum ordinem non velit. Secundo, Supponit quòd ordo qui per prouidentiam in rebus gubernatis statuitur, ex ordine illo proueniat quem prouisor in sua mente disposuit, vt ex artificialibus constat. Tunc sic. Vbi sunt multi prouisores vnus sub alio, oportet quòd ordinem contentum superiori inferiori tradat, sicut ars inferior accipit principia à superiore, ergo si secundi & tertij prouisores ponuntur sub primo, qui est Deus summus, vt scilicet voluit Plato, oportet quòd ordinem statuendum in rebus à summo Deo accipiat, ergo ordo singularium est sub diuinæ prouidentie dispositione, probatur vltima consequentia, quia oportet quòd ordo rerum sit in secundis prouisoribus non solum in vniuersali, sed etiam quantum ad singularia, aliàs non posset in singularibus sua prouidentia ordinem statuere, non est autem possibile quòd iste ordo sit in eis perfectior quàm in summo Deo, cum omnes perfectiones per modum descensus ab eo in alia proueniant, ergo, &c.

Ad hanc rationem posset aliquis dicere, quòd inferior prouisor accipit à superiori ordinem in rebus statuendum in vniuersali, non autem in particulari: sicut & inferior scientia accipit à superiori principia sua, non autem conclusiones quæ ex illis principiis deducuntur. Sicut etiam dixerimus quòd præpositus ciuitatis accipit a rege ordinem in ciuitate imponendum, non in particulari, sed tantum in vniuersali, in quantum sibi à rege committitur vt ciuitati ordinem imponat. Sed si bene processus huius rationis consideretur, patet quòd hæc responsio eam non euacuat. Cum enim (vt suppositum est) ordo in rebus statuendus prius sit in mente prouisoris, oportet vt vbi sunt multi prouisores subordinati, in mente vniuscuiusque sit ratio ordinis statuendi, & vnus cognitionem & excogitationem illius ordinis à superiori accipiat, huic si addatur quòd à supremo prouisore qui est summus Deus, non potest esse excogitatus iste ordo imperfectiori modo quàm ab inferioribus prouisoribus, optimè sequitur, cum alij prouisores illum ordinem in particulari considerent, quòd à Deo non tantum in vniuersali excogitetur, quòd est imperfectiori modo excogitari, sed etiam in particulari. Nam cognitio rei in vniuersali tantum est cognitio ipsius solum in potentia. Cum autem datur primò exemplum de scientia superiori à qua scientia inferior accipit principia tantum, non autem conclusiones, dicitur quòd hoc est, quia scientia superior non est perfecta cognitio conclusionum inferioris scientie, licet in se ipsa sit scientia perfectior. Si autem aliquis esset perfectior scientie conclusiones, eas inferiori traderet in particulari, non autem in vniuersalibus principiis duntaxat, sicut accidit de magistro respectu discipuli, ipse enim illi tradit cognitionem illarum conclusionum in particulari quæ



ipse prius nouit, & postea discipulo tradit. Similiter exemplum adductum de Rege non obstat, quia in illo casu rex non perfectus habet in mente sua ordinem rerum, sed imperfectiori modo quam presuppositus qui in particulari ciuitatis ordinem excogitat, non tantum in vniuersali, sicut Rex, ut patet in ratione sequenti. Tertiò, Quod aliquis superior prouisor circa vniuersalia quædam magna per seipsum excogitet qualiter sint ordinanda, minorum verò ordinem aliis inferioribus excogitandum relinquat, prouenit aut quia singularium minorum condiciones ignorat, aut quia non sufficit ad omnium ordinem excogitandum propter laborem & temporis prolixitatem quæ requireretur. Sed huiusmodi defectus longe sunt à Deo, cum ipse omnia singularia cognoscat, nec intelligendo laboret, aut tempus requirat, intelligendo enim seipsum alia cognoscat, ergo, &c. Ista ratio est præcedentis confirmatio. Quartò, Omnis sapientia & intellectus à summo Deo in omnibus intellectibus causatur, nec intellectus aliquis potest aliquid intelligere nisi virtute diuina, ut in aliis agentibus patet, ergo, &c. probatur consequentia ex rebus humanis in quibus videmus quod superior non excogitat ordinem eorum quæ curæ inferiorum committuntur: quia non dat inferioribus industriam qua illorum ordinem excogitant. Si autem illam daret, iam ordinatio periculum fieret, inferiores verò essent executores tantum.

**AT T E N D E** quod ratio hæc fundatur in hoc quod Deus ad actiones omnium rerum operatur, ut superius est ostensum, non solum dando agentibus virtutes per quas operantur, sed etiam dando vsum ipsarum virtutum, id est, applicando eas ad operationes: propter quod dicitur ad omnem effectum immediatè operari immediate virtutis, ex hoc enim sequitur quod ad omnem intellectionem & excogitationem ordinis concurrat ut immediatum agens, & sic per ipsum fiat talis ordinatio.

**S E D** tunc occurrit dubium, non enim videtur secundum hunc sensum ratio esse ad propositum. Nam hic intendit ostendere sancti Thomæ quod Deus omnium ordinem in seipso excogitet, hæc autem ratio concludit quod excogitationem in aliis causat.

**R E S P O N D E R I** ad hoc dupliciter potest, Primò quod licet principale intentum sit ostendere quod Deus per seipsum in mente sua omnium ordinem excogitet, tamen quia contra positionem Platonis arguitur ponentis quod non immediatè aliquid circa singularia ordinat, voluit secundariò ostendere quod immediatè ordinat ea quæ singularibus conueniunt, in quantum immediatè causat in quocunque ordinante illam ordinis excogitationem quam mente concipit. Secundò potest responderi quod supponit sanctus Thomas. Deum agere per intellectum & voluntatem, ut in superioribus ostendit. Ex hoc autem sequitur, si ordinem singularium in mente inferiorum prouisorum causat, quod illum ordinem prius ipse in sua mente concipiat. Quintò, Superior prouidentia dat regulas prouidentie inferiori, ut patet in politico qui dat regulas duci exercitus, & ille centurionibus & tribunis: ergo si sub prouidentia summi Dei sunt alie prouidentie, aliis prouisoribus dat sui regiminis regulas, aut ergo dat vniuersales tantum regulas, aut particulares. Si vniuersales tantum, sequitur quod alii prouisores haberent iudicium super regulas acceptas, quando secundum ipsas oporteret agere, & quando eas pretermittere oporteret, quia vniuersales regulæ non possunt semper ad particularia applicari, maxime in rebus mobilibus: & ideo oportet quandoque præter eas aliquid de rebus ordinare: hoc autem esse non potest, quia hoc iudicium ad superiorem pertinet, cum eius sit leges interpretari, & in eis dispensare, cuius est eas condere. Si verò dat particulares regulas, patet quod horum particularium ordinatio immediatè erit per diuinam prouidentiam.

**A D V E R T E** circa istam propositionem, Ad superiorem pertinet suas leges interpretari & in eis dispensare, ex doctrina sancti Thomæ prima secundæ, questione 96. articulo sexto, & quarto Sententiarum distincti. 15. quæst. 3. quod hoc intelligitur regulariter, & ad hunc sensum proposito deferunt: in casu autem subito non pariente tanquam moram ut ad superiorem recurrere possit, potest etiam inferior superioris legem interpretari, quia tunc necessitas habet dispensationem annexam. Sextò, Semper prouisor superior habet iudicium de iis quæ ab inferioribus prouisoribus ordinantur utrum sint bene ordinata nec ne: ergo & Deus habet iudicium de iis quæ ab inferioribus ordinantur, ergo singularium ordinem considerat, ergo, &c.

**A D V E R T E** quod cum vniuersaliter sit verum quod superior prouisor habeat iudicium de iis quæ ab inferioribus ordinantur, hoc differenter accidit in hominibus & in Deo. In hominibus enim hoc contingit quod posterius quam inferiores, superior rerum ordinem considerat, quia inferiores prius aliquem ordinem statuunt, deinde statutus ordo ad superioris iudicium deferunt: in Deo autem non est sic, quia ipse ab alio cognitione non accipit, imò est omnis cognitionis causa, sed ipse omnium ordinem per se considerat, & ex suo ordine in mente constituto de inferiorum ordinationibus iudicat. Septimò, Si Deus inferiora non curat, aut hoc est quia vel ea despiciat vel ne eius dignitas inquinetur, ut quidam dicunt, non propter primum, quia dignius est prouidè aliquorum ordinationem excogitare, quam in eis operari, & tamen Deus in singularibus operatur, non etiam propter secundum, quia per hoc nihil eius dignitati derogatur quinimò pertinet ad eius vniuersalem & summam virtutem. Octauò, Diuina virtus in operando vsque ad infima rerum peruenit, igitur diuina sapientia est ordinatiua qui, & quot, & qualiter ex eius virtute consequentia, quia omnis sapiens qui prouidè sua virtute vitur in agendo, moderatur suæ virtutis vsum ordinans ad quid, & quantum proueniat aliis: virtus in agendo sapientiam non sequeretur. Confirmatur conclusio aucto. Roman. 13. & Iudith. 9.

*Quod executio diuine prouidentie fit mediantibus causis secundis.*

Cap. 77.



**A T T E N D E N D U M** est autem quod ad prouidentiam duo requiruntur: ordinatio scilicet, & ordinis executio. Quorum primum fit per virtu-

tem cognoscitiuam: unde qui perfectioris cognitionis siue cogitationis sunt, ordinatores aliorum dicuntur. sapientis enim est ordinare. Secundum verò fit per virtutem operatiuam, e contrario autem se habet in his duobus, nam tantò perfectior est ordinatio, quantò magis descendit ad minima. minimorum autem executio concedit inferiorem virtutem effectui proportionatam. In Deo autem quantum ad utrumque summa perfectio inuenitur. Est enim in eo perfectissima sapientia ad ordinandum, & virtus perfectissima ad operandum. Oportet ergo quod ipse per sapientiam suam omnium ordines disponat, etiam minimorum: exequatur verò minima siue infima per alias inferiores virtutes, per quas ipse operatur: sicut virtus vniuersalis & aliorum in inferiorem & particularem virtutem. Conueniens est igitur quod sint inferiores virtutes agentes diuinæ prouidentie executrices.

2 Item, Ostensum est supra, quod diuina operatio non excludit operationes causarum secundarum: ea verò quæ ex operationibus secundarum causarum proueniunt, diuinæ prouidentie subiacerent, cum Deus omnia singularia ordinaret per seipsum, ut supra ostensum est, sunt igitur secundæ causæ diuinæ prouidentie executrices. Cap. 69  
Cap. præced.

3 Adhuc, Quantum virtus alicuius agentis est fortior, tantò in magis remota suam operationem extendit: sicut ignis quantum est maior, tantò magis remota calefacit. Hoc autem non contingit in agente quod non agit per medium, quia quodlibet in quod agit, est sibi proximum. cum igitur virtus diuinæ prouidentie sit maxima, per aliqua media ad vltimam suam operationem producere debet.

4 Amplius, Ad dignitatem regentis pertinet ut habeat multos ministros & diuersos sui regiminis executores: quia tantò altius & magis suum dominium ostendit, quantò plures in diuersis gradibus ei subduntur. Nulla autem dignitas alicuius regentis est comparabilis dignitati diuini regiminis. conueniens igitur est quod per diuersos gradus agentium fiat diuinæ prouidentie executio.

5 Præterea, conuenientia ordinis perfectionem prouidentie demonstrat: cum ordo sit proprius effectus prouidentie. Ad conuenientiam autem ordinis pertinet ut nihil inordinatum relinquatur. perfectio igitur diuinæ prouidentie requirit ut excessum aliquarum rerum supra alias ad ordinem conuenientem reducat. Hoc autem fit cum ex superabundantia aliquorum magis habentium prouenit aliquod bonum minus habentibus. cum igitur perfectio vniuersi requirat quod quædam aliis abundantius diuinam bonitatem participant, ut supra ostensum est: exigit diuinæ prouidentie perfectio, ut per ea quæ plenius diuinam bonitatem participant, executio diuini regiminis compleatur. Lib. 2. cap. 45.

6 Adhuc, Nobilior est ordo causarum quam effectuum: sicut causa potior est effectui. magis igitur in eo perfectio prouidentie demonstratur. si autem non essent aliquæ causæ medię exequentes diuinam prouidentiam, non esset in rebus ordo causarum, sed effectuum tantum. exigit igitur diuinæ prouidentie perfectio, quod sint causæ medię exequentes ipsam. Hinc est quod in Psal. dicitur, Benedicite Dominum omnes virtutes eius. mi. eius qui. fa. vo. eius. & alibi, Ignis, grando, nix, glacies, spiritus procellarum quæ faciunt verbum eius. Psal. 102.  
Psal. 148.

Super cap. 77.



**P O S T Q V A M** determinauit sancti Thomæ de diuinæ prouidentie & gubernatione quantum ad ipsam rerum ordinationem, determinat de ipsa quantum ad ordinis executionem. Circa hoc autem tria facit. Primò agit de executione diuinæ prouidentie in communi. Secundò in speciali. cap. sequenti. Tertiò facit dictorum epilogum, cap. 83. Quantum ad primum ponit hanc conclusionem, Secundæ causæ sunt diuinæ prouidentie executrices.

**A D** cuius euidentiā considerandum, quod cum executio diuinæ prouidentie nihil aliud importet quam operationem ordinis præconcepti, idem est dictum, quod secundæ causæ sunt diuinæ prouidentie executrices, & quod Deus ordinem in rebus excogitatum non per seipsum immediate causat immediate suppositi, sed mediantibus causis secundis, ita quod causæ secundæ sint instrumenta & ministri Dei causantis ordinem creaturarum, probatur itaque conclusio primò sic. In Deo inuenitur summa perfectio



perfectio quantum ad ordinationem, & quantum ad executionem. quorum utrumque ad providentiam pertinet, ergo per se & per suam sapientiam omnium etiam minimorum ordinem disponit, exequitur verò minima per alias inferiores virtutes per quas operatur. ergo, &c. probatur. quia ordinatio fit per vim cognoscitivam: sapientis enim est ordinare, executio verò fit per virtutem operativam. in Deo autem est perfectissima sapientia ad ordinandum, & perfectissima virtus ad operandum. consequentia verò probatur, quia tanto perfectior est ordinatio, quanto magis ad minima descendit: minimorum verò executio inferiorem virtutem effectui proportionatam concedet.

ADVERTE cum dicitur quod per se & per suam sapientiam Deus ordinem etiam minimorum disponit, quod si per se, & suam sapientiam, excludit medium per quod rerum ordinem disponat. dicitur enim aliquis ordinem aliarum rerum per alterum disponere quantum ad ipsam ordinationem existentem in mente, quando ipse illarum ordinem non excogitat in particulari, sed aliter suo imperio ipsum in sua mente disponit, quando verò ipse talem ordinem apud se per suam sapientiam excogitat, dicitur per se talem ordinem statuere & disponere, non autem per illud medium. forma enim quam intellectus in seipso concipit, fit in intellectu non mediante alio supposito, sed immediate. Vnde cum Deus in sua mente quoruncunque etiam minimorum ordinem excogitet, dicitur per se & per suam sapientiam, id est, immediate ordinem rerum omnium disponere, non immediate tantum virtutis, ut quidam arbitrantur, sed etiam immediate supposito. Nec obstat quod videtur ratio humana mediare inter Deum & actus humanos ab ipso ordinatos. Dicitur enim quod licet etiam ratio humana actus humanos in seipso ordinet, non tamen ratio humana est medium quo Deus in mente sua illos actus disponat, sicut neque est medius per quod divina intellectio ad illos terminetur, sed bene est medium quo Deus ordinationem illorum actuum in ipsa mente humana causat, cuius causationi præsupponitur ordo in mente divina dispositus, sicut regula & exemplar illius humanæ ordinationis, sicut omnis causa inferior est medium quo Deus causat effectum illius causæ inferioris, non est tamen medium quo Deus illum effectum practice intelligat, imò illa practica cognitio præsupponitur productioni effectus.

Secundo. Ea quæ ex actionibus secundarum causarum proveniunt, divinæ providentiæ subiacent, ergo, &c. Probatur antecedens, quia Deus omnia singularia ordinat per seipsum, scilicet in mente sua. Tertiò. Quantum virtus alicuius agentis est fortior, tanto magis in remota suam operationem extendit, ut patet in igne, sed virtus divinæ providentiæ est maxima, ergo ad remotissima suam operationem extendit, ergo per media debet ad ultimam suam producere operationem. probatur ultima consequentia, quia non contingit in agere quod non agit per medium, ut suam operationem ad remotissima extendat, cum quodlibet in quod agit, sit sibi proximum.

CIRCA istam rationem dubitatur, videtur enim falsum quod virtus divina ad remotissima se extendat, in quo tota vis rationis consistit. Nam probat S. Thomas superius quod Deus est ubique, quia in qualibet re est aliquis effectus proximus & immediatus ipsius Dei, ergo nihil est ab ipso remotum. Augetur secundo dubitatio, quia in prima parte, quaestione octava, articulo primo, ubi quaeritur utrum Deus sit in omnibus rebus, hanc rationem soluit. Nam cum sic arguisset, quantum aliquod agens est virtuosius, tanto ad magis distans eius actio procedit: Deus est virtuosissimus agens, ergo eius actio pertingere potest ad ea etiam quæ ab ipso distat, nec oportet quod sit in omnibus. Respondet q. hoc ad maximam virtutem eius pertinet, quod immediate in omnibus agit, & ideo nihil est distans ab eo.

AD huius evidentiam duo sunt consideranda. Primum est, quod multis modis una res potest esse distans ab alia: uno modo secundum distantiam sitalem, sicut duo corpora inter quæ mediat aliud corpus: alio secundum distantiam naturæ & perfectionis, sicut homo & planta inter quæ mediant naturæ animalium imperfectiores homine & perfectiores planta. Tertiò secundum distantiam agentis & passi in quantum huiusmodi, sicut inter cælum & terram in quam cælum agit, mediant alia elementa in quæ cælum prius agit quam in terram, & quæ prius patiuntur à cælo quam terra. Illa ergo propositio, quantum virtus alicuius agentis est fortior, tanto in magis remota suam operationem extendit, formaliter intelligitur de distantia passi ad agentis in quantum huiusmodi, quia quantum agens est virtuosius, tanto in plura potest agere, quorum unum agit in aliud, & unum ab alio patiatur, & tanto inter ipsum & ultimum passum plura patientia & agentia mediant. Secundum verò diversam conditionem agentium & patientium huic distantie adiungitur alia distantia, sed illa accidit agenti & passo, in quantum huiusmodi. Si enim agens & patiens, sint corpora distantia agentis & passi in quantum sunt agens & patiens adiungitur distantia sitalis, quia diversa corpora diversos habent situs. Si autem sint res incorporeæ, adiungitur distantia naturarum. In proposito, cum dicitur Deus agere in remotissima, non potest intelligi secundum distantiam sitalem, cum Deus nullo contineatur situ, sed ubique adsit. Non etiam potest intelligi secundum distantiam naturæ solum, quia non esset ad propositum, starent enim simul quod Deus ageret in ea quæ ab ipso maxime distat secundum naturæ perfectionem, & tamen non ageret in ea mediantibus aliis causis, sed per seipsum solum, & sic non sequeretur quod secundæ causæ essent executrices divinæ providentiæ. relinquitur ergo quod intelligatur secundum distantiam in ratione agentis & passi: agit enim Deus in remotissimum passum, in quantum per multa media agentia & passa suam operationem ad aliquod passum extendit. Secundum est, quod dupliciter loqui possumus de effectu Dei. Uno modo quantum ad omnia quæ sunt in ipso: alio modo quantum ad aliqua. Si loquamur quantum ad omnia quæ sunt in effectu, sic non est verum quod Deus agat in distans in ratione passi, quia in quolibet effectu est aliquid quod à solo Deo producit. ea enim quæ per creationem producantur, à solo Deo immediate producantur, ut substantiæ rerum immaterialium, & materia prima in rebus corporalibus, ut patuit in secundo libro: & sic inter Deum & eius effectum quantum ad ista non mediant alia agentia & passa, ut possit dici agere in distans in ratione passi. Si autem intelligatur quantum ad aliquid, sic verum est, quod agit in aliquid sicut in distans, quia videlicet in aliquo est aliquid, quod mediantibus causis secundis Deus operatur, puta operatio aut aliquid superueniens bonum: simili-

liter illa propositio, Quantum virtus agentis est fortior, tanto in magis remota suam operationem extendit, si debeat esse univ ersaliter vera, intelligitur quantum ad aliquid repertum in effectu, non autem quantum ad omnia.

ATTENDENDUM autem quod non concludit absolute S. Thomas in hac ratione quod Deus per aliqua media suam operationem extendat, sed quod debet extendere, quia non est necessarium quod Deus per medias causas agentes operetur, imò potest per seipsum omnem effectum producere: sed voluit ex eo quod in rebus creatis videmus virtuosiorē causam per plura media ad ultimum suam operationem extendere, concludere decens esse & conveniens, ut Deus cuius virtus est perfectissima, per aliqua media operetur. hoc enim significat li producere debet. Ad primū ergo in oppositum dicitur, quod utique nihil est à Deo remotum in ratione passi quantum ad omnia quæ sunt in ipso, quia in omnibus rebus creatis est aliquid à solo Deo per creationem productum, sunt tamen aliqua ab ipso remota & distantia quantum ad aliqua quæ in ipsis producantur. Similiter dicitur ad secundum. Nam nihil aliud intendit sanctus Thomas nisi quod in omnibus entibus est aliquid immediate causatum à Deo, & sic nihil est distans à Deo quantum ad omnia quasi Deum in se non habeat tanquam immediatum agens alicuius existentis in ipso: huic autem non repugnat quod aliquid à Deo distet in ratione passi quantum ad aliquid in ipso à Deo causatum. Quartò, Ad dignitatem regentis pertinet ut habeat multos ministros & executores sui regiminis, quia per hoc magis eius dominium manifestatur. ergo, &c. probatur consequentia, quia nulla dignitas alicuius regentis comparabilis est dignitati diuini regiminis. Quintò, Perfectio diuinæ providentiæ requirit ut excessum aliquorum rerum supra alias ad ordinem convenienter reducat, sed hoc fit cum ex superabundantia aliquorum habentium magis, provenit aliquod bonum minus habentibus: ergo exigit diuinæ providentiæ perfectio ut per ea quæ plenius diuinam bonitatem participat, quæ ad perfectionem univ ersi exiguntur, executio diuini regiminis compleatur. antecedens probatur, quia convenientia ordinis perfectionem providentiæ demonstrat: ad convenientiam autem ordinis pertinet ut nihil inordinatum relinquantur. Sextò, Si non essent causæ aliquæ mediæ diuinæ providentiæ exequentes, non esset in rebus ordo causarum, sed effectuum tantum: hoc est inconueniens. ergo, &c. probatur secunda pars antecedentis, quia cum ordo causarum sit nobilior quam effectuum, sicut causa potior est effectu, in eo magis perfectio providentiæ demonstratur. Confirmatur autoritate Psal. 102. & 148.

Quod mediantibus creaturis intellectualibus alia creatura reguntur à Deo. Cap. 78.



VIA verò ad providentiam diuinam pertinet ut ordo seruetur in rebus: congruus autem ordo est ut à supremis ad infima descendatur proportionaliter: oportet quod diuina providentia secundum quandam proportionem usque ad res ultimas perveniat. Hæc autem proportio est, ut sicut supremæ creaturæ sunt sub Deo, & gubernantur ab ipso: ita inferiores creaturæ sint sub superioribus, & regantur ab ipsis. Inter omnes autem creaturas sunt supremæ intellectuales, ut ex superioribus patet. \* exigit igitur \* Cap. 49. diuinæ providentiæ ratio ut cæteræ creaturæ per creaturas rationales regantur. huius lib.

2 Amplius, Quæcunque creatura exquirat diuinæ providentiæ ordinem, hoc habet in quantum participat aliquid de virtute sibi providentis, sicut instrumentum non movet nisi in quantum per motum participat aliquid de virtute principalis agentis. quæ igitur amplius de virtute diuinæ providentiæ participant, sunt executivæ diuinæ providentiæ in illa quæ minus participant. Creaturæ autem intellectuales plus aliis de ipsa participant. Nam cum ad providentiam requiratur dispositio ordinis quæ fit per cognoscitivam virtutem, & executio quæ fit per operativam: creaturæ rationales utramque virtutem participant: reliquæ verò creaturæ virtutem operativam tantum: per creaturas igitur rationales omnes aliæ creaturæ sub diuina providentia reguntur.

3 Adhuc, Cuicumque à Deo datur aliqua virtus, datur ei in ordine ad effectum ipsius virtutis. Sic enim optime omnia disponuntur, dum unumquodque ordinatur ad omnia bona quæ ex ipso nata sunt provenire. Virtus autem intellectiva de se est ordinativa & regitiva: unde videmus quod quando coniunguntur in eodem, virtus operativa sequitur regimen virtutis intellectivæ: sicut in homine videmus quod ad imperium voluntatis movetur membrum. Idem etiam apparet si in diversis existat. nam illi omnes qui excedunt in virtute operativa, oportet quod dirigantur ab illis qui in virtute intellectiva excedunt: exigit igitur diuinæ providentiæ ratio quod creaturæ aliæ per creaturas intellectuales regantur.

4 Item, Virtutes particulares natæ sunt moveri à virtu-



tibus vniuersalibus: vt patet tam in arte quam in natura. constat autem quod virtus intellectiua est vniuersalior omni alia virtute operatiua. nam virtus intellectiua continet formas vniuersales: omnis autem virtus operatiua raturum est ex aliqua propria forma operantis: oportet igitur quod per virtutes intellectuales moueantur & regantur omnes alie creaturæ.

5 Præterea, In omnibus potentiis ordinatis vna est directiua alterius, quæ magis rationem cognoscit. Vnde videmus in artibus, quod ars illa ad quam pertinet finis ex quo sumitur ratio totius artificij, dirigit illam, & imperat ei quæ artificij operatur: sicut ars gubernatoria nauifaciendi: & illa quæ formam inducit, imperat ei quæ materiam disponit. Instrumeta autem quæ non cognoscunt aliquam rationem, reguntur tantum. cum ergo solæ intellectuales creaturæ rationes ordinis rerum creaturarum cognoscere possint: earum erit regere & gubernare omnes alias creaturas.

6 Adhuc, Quod est per se, est causa eius quod est per aliud: solæ autem creaturæ intellectuales operantur per seipsas, vtpote suarum operationum per liberum voluntatis arbitrium dominæ existentes: alie verò creaturæ ex necessitate naturæ operantur, tanquam ab alio motore. creaturæ igitur intellectuales per suam operationem sunt motiue & regitiue aliarum creaturarum.

Super Cap. 78.

**P**OST QVAM ostendit S. Thom. quod Deus ordinem suæ providentiæ per secundas causas exequitur, vult in particulari ipsum ordinem diuinæ executionis manifestare. Circa hoc autem tria facit. Primò ostendit quod per intellectuales substantias alie reguntur à Deo. Secundò quomodo substantiæ intellectuales ab ipso gubernentur, cap. seq. Tertiò quod corpora inferiora per superiora reguntur, cap. 82.

QVANTVM ad primum ponit hanc conclusionem, Exigit diuinæ providentiæ ordo vt ceteræ creaturæ per creaturas rationales, id est, intellectuales regantur. probatur primò. Ad diuinam providentiam pertinet vt ordo seruetur in rebus: ergo vt secundum quandam proportionem vsque ad vltimas res perueniat: ergo vt ceteræ creaturæ per rationales gubernentur. probatur prima consequentia, quia congruus ordo est vt à supremis ad infima proportionaliter descendatur. Secunda verò probatur, quia hæc proportio est vt scilicet supremæ creaturæ sub Deo sunt, & ab ipso gubernantur, ita inferiores sint sub superioribus, & ab ipsis regantur: inter omnes autem creaturas sunt supremæ intellectuales. Secundo. Quicunque creatura exequitur diuinæ providentiæ ordinem, hoc habet in quantum participat aliquid de virtute sibi providentis. declaratur exemplo instrumenti. ergo quæ amplius de virtute diuinæ providentiæ participant, sunt executiua ipsius in illa quæ minus participant: creaturæ intellectuales plus de illa participat, cum ipsæ & virtutem cognoscitiuam, scilicet intellectualem, & virtutem operatiuam ad providentiam requisita participant, reliquæ verò creaturæ tantum virtutem participant operatiuam, ergo, &c. Tertiò. Quicunque datur aliqua virtus à Deo, datur ei in ordine ad effectum illius virtutis. sed virtus intellectiua est de se ordinatiua & regitiua, ergo, &c. probatur maior, quia sic optime omnia disponuntur. minor verò declaratur, quia quando coniungitur in eodem, virtus operatiua sequitur regimen virtutis intellectiue: sicut in homine membra imperio voluntatis mouentur. Si etiam in diuersis existant, idem apparet. Nam qui in virtute operatiua excédit, oportet ab illis qui in virtute intellectiua excédunt, dirigi, scilicet secundum debitum & conuenientem ordinem: aliquando tamen oppositum videmus, sed etiam tunc qui videtur regere alios, magis in veritate reguntur ab illis qui ingenio præstant, & à quibus consilium capiunt, quam ipsi regant sapienter. Quarto. Virtus intellectiua est vniuersalior omni alia virtute operatiua, ergo, &c. probatur antecedens, quia virtus intellectiua continet formas vniuersales: omnis autem virtus operatiua est tantum ex aliqua propria forma operantis. consequentia verò probatur, quia virtutes particulares naturæ sunt moueri à virtutibus vniuersalibus, vt patet tam in arte quam in natura.

AD VERTE quod differentia ista inter virtutem intellectualem & virtutem operatiuam sic intelligenda est, quod virtus operatiua est determinata & limitata, in quantum vnam determinatam formam & singularem consequitur: & ideo ait S. Thom. quod est tantum ex aliqua propria forma operantis, virtus autem intellectiua apprehendit formas vniuersales non limitatas per materiam: & ideo potest ad plura se extendere in quantum forma vniuersalis multis modis potest determinari & limitari. hoc autem virtuti intellectiue conuenit, quia substantia intellectualis non est limitata per materiam, sicut forma corporalis, sed est à materia absoluta. Quintò. Solæ intellectuales creaturæ rationes ordinis rerum creaturarum cognoscere possunt, ergo, &c. probatur consequentia, quia in omnibus potentiis ordinatis illa est directiua alterius, quæ magis cognoscit rationem, propter quam scilicet sic est agendum, declaratur in ordine agentium per artem. Sextò. Solæ creaturæ intellectuales per seipsas operantur, vtpote suarum operationum per liberum arbitrium dominæ existentes: alie verò creaturæ ex necessitate naturæ operantur tanquam ab alio motore, ergo, &c. probatur consequentia, quia quod est per se, est causa eius quod est per aliud.

Quod substantiæ intellectuales inferiores reguntur per superiores. Cap. 79.



VM autè inter creaturas intellectuales quædam sint alie altiores, vt ex superioribus patet: oportet quod inferiores intellectuales naturarum per superiores gubernentur.

Lib. 2. à cap. 91. vsque ad 95.

2 Adhuc, Virtutes magis vniuersales sunt motiue virtutum particularium, vt dictum est. superiores autem inter intellectuales naturas habent formas magis vniuersales, vt supra ostensum est. sunt igitur regitiue inferiorum intellectuales naturarum.

Cap. præced.

Lib. 2. c. 98.

3 Item, Potentia intellectiua quæ est propinquior principio, semper inuenitur regitiua intellectuales virtutis quæ magis à principio distat. Quod quidem apparet tam in scientiis speculatiuis quam in actiuis. Nam scientia speculatiua quæ accipit ab alia principia ex quibus demonstrat, dicitur esse illi subalternata: & scientia actiua quæ est propinquior fini, qui est principium in operatiuis, est architectonica respectu magis distantis: cum ergo inter intellectuales substantias quædam sint primo principio, scilicet Deo propinquiores, vt supra ostensum est, ipsæ erunt aliarum regitiue.

Cap. 49. præced.

4 Adhuc, Superiores intellectuales substantiæ perfectius diuinæ sapientiæ influentiam in seipsis recipiunt, cum vnūquodque recipiat aliquid secundum modum suum: per sapientiam autem diuinam omnia gubernantur: & sic oportet quod ea quæ magis participant diuinam sapientiā, sint gubernatiua eorum quæ minus participant. Substantiæ igitur intellectuales inferiores gubernantur per superiores. dicuntur igitur superiores spiritus & angeli, in quantum inferiores spiritus dirigunt, quasi eis annunciando. nam angeli quasi nuntij dicuntur & ministri, in quantum per suam operationem exequuntur etiam in rebus corporalibus diuinæ providentiæ ordinem, nam minister est quasi instrumentum animatum secundum Philosophum. Et hoc est quod dicitur in Psal. 103. Qui facis angelos tuos spiritus, & ministros tuos ignem vrentem.

8. Ethic. c. 7. & 1. Politic. 3.

Super Cap. 79.



OST QVAM ostendit S. Thom. quod per substantias intellectuales reguntur ceteræ creaturæ à Deo, consequenter vult ostendere quomodo substantiæ spirituales gubernentur ab ipso. Circa hoc autem duo facit. Primò ostendit inferiores intellectuales substantias per superiores gubernari. Secundo de ordine ipsarum determinat cap. sequenti.

Quantum ad primum ponitur hæc conclusio: Inferiores substantiæ intellectuales per superiores reguntur: & arguit primò sic: inter intellectuales naturas quædam sunt alie altiores, ergo, &c.

AD VERTE quod S. Thom. consequentiam tanquam per se ex antedictis manifestam aliter non probat. Nam in præcedenti capitulo ostensum est, quod ordo congruus est vt inferiora per superiora gubernentur. Secundo. Virtus magis vniuersales sunt motiue particularium virtutum, sed superiores inter intellectuales naturas habent formas magis vniuersales, vt in secundo est ostensum, ergo, &c.

AD EVIDENTIAM huius rationis considerandum est, quod supponit S. Thom. substantiam intellectualem operari per formam intellectualem, & tantum eius virtutem extendi, quantum forma intellecta scilicet prædicta se extendit. ideo cum deberet subsumere quod superiores substantiæ habent virtutes magis vniuersales, hoc prætermisso subsumit eius probationem, scilicet quod habent formas magis vniuersales, intellige non vniuersalitate potentialitatem includente, quomodo animal est vniuersale, sed vniuersalitate perfectionis & actualitatis, quomodo forma solis dicitur vniuersalis. sic enim formæ siue conceptus superiorum substantiarum intellectuales sunt magis vniuersales in quantum pura distincte repræsentant, & sunt plurium exemplaria. Tertiò. Superiores substantiæ intellectuales sunt propinquiores primo principio, scilicet Deo, ergo sunt aliarum regitiue. probatur consequentia, quia potentia intellectiua quæ est propinquior principio, tanquam scilicet sua cognitione illi magis appropinquans, semper inuenitur regitiua intellectuales virtutis, quæ magis à principio distat. declaratur in scientiis & speculatiuis & actiuis. Quarto. Superiores substantiæ intellectuales perfectius diuinæ sapientiæ influentiam in seipsis recipiunt, ergo, &c. probatur antecedens, quia vnūquodque recipit aliquid secundum modum suum. consequentia verò probatur, quia cum per sapientiam diuinam omnia gubernentur, ea quæ sapientiam diuinam magis participant, sunt gubernatiua eorum quæ minus participant. Confirmatur tam ista conclusio quam præcedens ex nominibus attributis superioribus speciebus, dum dicitur in Psal. 103. Qui facis angelos tuos spiritus, & ministros tuos ignem vrentem. dicuntur enim angeli, id est, nuntij, in quantum inferiores dirigunt eis annunciando. dicuntur verò ministri in quantum in rebus corporalibus diuinæ providentiæ ordinem exequuntur.

Contra Gent.

G



Idem 1. p. 7.  
108. art. 5.

**Q**UVM autem corporalia per spiritualia regantur, ut ostensum est: corporaliū autem sit quidā ordo: oportet q̄ superiora corpora per superiores intellectuales substantias regantur, inferiora verò per inferiores. Quia verò quātō aliqua substantia est superior, tantō virtus eius est vniuersalior: virtus verò intellectualis substantiæ est vniuersalior: virtute corporis superiores quidē inter intellectuales substantias habēt virtutes nō explicabiles per aliquā virtutem corporeā: & ideo non sunt corporibus vnitæ: inferiores verò habēt virtutes particularatas explicabiles per aliquā corporea instrumēta: & ideo oportet q̄ corporibus vniatur. Sicut autē superiores inter substantias intellectuales sunt vniuersalioris virtutis, ita etiā & perfectius diuinā dispositionē ab ipso recipiunt in hoc q̄ vsque ad singularia ordinis rationē cognoscūt, per hoc q̄ à Deo accipiūt. hęc autē diuinæ ordinationis manifestatio diuinitus facta vsq; ad vltimas intellectualium substantiarū pertingit: sicut dicitur Iob 25. Nūquid est numerus militū eius: & super quē nō surget humē eius: sed inferiores intellectus nō in ea perfectione ipsam recipiūt, q̄ per eā singula quæ ad ordinē diuinā prouidentur spectant, ab ipsis exequenda cognoscere possint: sed solum in quadā cōmunitate, quātoq; sunt inferiores, tātō per primā illuminationē diuinitus acceptā, minus in speciali diuini ordinis cognitionē accipiūt, in tāto q̄ intellectus humanus qui est infimus, secundum naturālē cognitionē, solum quorundā vniuersalissimorū notitiā habet. Sic igitur substantiæ intellectuales superiores, perfectiorē cognitionē prædicti ordinis immediatē cōsequuntur à Deo: quā quidem perfectionē oportet q̄ aliæ inferiores per eas consequantur, sicut suprà diximus, q̄ vniuersalis discipuli cognitio per cognitionē magistri, qui in speciali cognoscit, perducitur ad perfectū. Hinc est quod Dion. de supremis intellectualibus substantiis, quas primā Hierarchiæ, id est, sacri principatus, nominat. 7. cap. Cælest. Hierarchiæ dicit, q̄ nō per alias substantias sanctificatæ, sed ab ipsa diuinitate in ipsa immediatē extēduntur, etiā ad immaterialē & inuisibilem pulchritudinē quātū fas est in cōtēplationē adducūt: & ad diuinorum operū scibiles rationes, & per has dicit suppositas cælestiū essentiarū dispositiones erudiri. Sic ergo altiores intellectus in altiori principio cognitionis perfectionē suscipiūt. In qualibet autē dispositione prouidentia ipsa ordinatio effectū ex forma agentis deriuatur: oportet enim effectus à causa secundū aliquā similitudinē procedere. Quod autē agens suæ formæ similitudinē effectibus cōmunicet, est propter aliquē finē. Primū ergo principū in dispositione prouidentia est finis: Secundū forma agētis. Tertiū ipsa dispositio ordinis effectuum. Supremū igitur in ordine intellectus est q̄ in fine ordinis ratio atq̄ datur, secundū autē q̄ in forma: tertium verò q̄ ipsa ordinis dispositio in seipsa nō in aliquo altiori principio cognoscatur. Vnde & ars quæ cōsiderat finē, est architectonica respectu eius quæ cōsiderat formā sicut gubernatoria respectu nauifaciū. Ea verò quæ cōsiderat formā, respectu eius quæ cōsiderat solum ordinē motuum qui ordinatur ad formā: sicut nauifaciua respectu manus artificis. Sicut ergo inter illos intellectus qui immediatē in ipso Deo perfectā cognitionē ordinis prouidentia diuinā percipiunt, est quidā ordo: quia supremi & primi ordinis prouidentia rationē accipiūt in ipso vltimo fine, qui est diuinā bonitas. Quidā tamē eorū aliis clarius: & isti dicuntur Seraphim, quasi ardentes \* vel incendētes: quia per incendium solet designari intensio amoris vel desiderij, qui sunt de fine. Vnde Dionys. dicit 7. cap. Cælestis Hierarchiæ q̄ ex hoc eorū nomine designatur, & immobilitas eorū erga diuinā feruens, & conplexibilis reductio inferiorū in Deū sicut in finē. Secūdi autē rationē prouidentia in ipsa forma diuinā perfectē cognoscūt: & hi dicuntur \* Cheru-

\* Seraphim.

\* Cherubin.

bin, quod interpretatur scientiæ plenitudo. Scientia enim per formā scibilis perficitur. Vnde dicit Dion. q̄ talis nominatio signat quod sunt contemplatiui in prima operatrice virtute diuinæ pulchritudinis. Tertiij verò ipsam dispositionem diuinorum iudiciorum in seipsa considerant: & hi dicuntur throni \*. nam per thronum potestas iudiciaria designatur, secundum illud. Sedes super thronū qui iud. iusti. Vnde dicit Dionysius, quod per hanc denominationē designatur quod sunt Deiferi, & ad omnes diuinās susceptiones familiariter apti. Non autem sic præmissa intelligenda sunt, quasi aliud sit diuinā bonitas, & aliud diuinā essentia, & aliud scientia rerum dispositionem continens: sed quia secundum hoc alia & alia est eius cōsideratio. Itē inter ipsos etiā inferiores spiritus qui diuini ordinis per eos exequendi perfectam cognitionē per superiores spiritus consequuntur, oportet ordinem esse, nam qui inter eos sunt altioris virtutis, etiā sunt vniuersalioris in cognoscendo: vnde cognitionē ordinis prouidentia in principiis & causis magis vniuersalibus adipiscuntur: inferiores verò in causis magis particularibus, altioris enim intellectus esset homo qui ordinē omnīū naturalīū considerare posset in corporibus cælestibus, quā qui indiget ad perfectā cognitionē ad inferiora prospicere. Illi igitur qui in causis vniuersalibus quæ sunt mediæ inter Deū qui est vniuersalissima causa, & causas particulares, possunt ordinē prouidentia perfectē cognoscere; mediij sunt inter illos qui in ipso Deo rationē prædicti ordinis cōsiderare sufficiūt: & eos qui in causis particularibus necesse habēt considerari. Et hi à Dionysio ponuntur in media Hierarchia: quæ sicut à supremo dirigitur, ita dirigit infimam, ut dicit in 8. cap. Cælestis Hierarchiæ. Inter has etiā intellectuales substantias oportet q̄ ordo quidā existat. nam ipsa vniuersalis prouidentia dispositio distribuitur quidē primò in multos executores: quod quidē fit per ordinē dominationū: \* dominorū enim est præcipere quid alij exequantur. Vnde Dionys. dicit 8. c. Cælest. Hierar. q̄ nomē Dominationis designat aliquā anagogen suppositā omni seruituti & omni subiectioni superiorē. Secūdo autē ab operante & exequente distribuitur & multiplicatur ad varios effectus: quod quidē fit per ordinē Virtutū, \* quarū ordo, ut dicit Dionysius ibidē, significat quandā fortem vtilitatem in omnes Deiformes operationes nō relinquentē sui imbecillitate aliquē Deiformē motum. Et sic patet quod principium vniuersalis operationis ad hunc ordinem pertinet, vnde videtur q̄ ad hunc ordinē pertineat motus cælestiū corporū, ex quibus sicut à quibsdā causis vniuersalibus consequuntur particulares effectus in natura: & ideo virtutes cælestiū nominantur Luc. 21. vbi dicitur, Quod virtutes cælorum mouebuntur, & ad eos etiā spiritus pertinere videtur executio diuinorū operū quæ præter naturæ ordinem sunt: & ideo ista sunt sublimissima in diuinis ministeriis: propter quod dicit Gregorius, q̄ virtutes dicuntur illi spiritus per quos signa frequentius fiunt. Et si quid aliud vniuersale & primum est in ministeriis diuinis exequendis, conueniēs est ad hunc ordinē pertinere. Tertiò verò vniuersalis prouidentia ordo iam in effectibus institutus incōsufus custoditur dum cohibetur ea quæ possent hūc ordinē perturbare: quod quidē pertinet ad ordinem potestatum. Vnde Dionysius dicit ibidē, q̄ nomen \* potestatum importat quandam bene ordinatā & infusam circa diuinās susceptiones ordinationem. Et ideo Gregorius dicit quod ad hunc ordinem pertinet contrarias potestates arcere. Infimi autem inter superiores intellectuales substantias sunt, qui ordinem diuinā prouidentia in particularibus causis cognoscibilem diuinitus accipiunt: & hi immediatē rebus a humanis præponuntur. vnde Dionysius \* de eis dicit, quod ista tertia dispositio spirituum humanis Hierarchiis per consequentia præcipit. per res autem humanas intelligendæ sunt omnes inferiores naturæ & causæ particulares quæ ad hominem ordinantur, & in vsum hominis cedunt, sicut patet ex præmissis. Inter has etiam quidam ordo existit, nam

\* Throni.  
Psal. 9.

\* Dominationes.

\* Virtutes.

\* Potestates.

Gregor. hom. 34. super. Eu.

D. 161.  
\* De tertia  
Hierarchia  
& infima.



exequitur: &amp; similiter etiā in aliis ordinib. est cōsiderādū.

Super Cap. 80.



OST QVAM ostendit S. Thom. substantias inferiores intellectuales à Deo per superiores gubernari, vult consequenter de ordine ipsarum substantiarum intellectualium determinare. Circa hoc autē duo facit. Primò agit de ordine substantiarum intellectualium separatarum, quos angelos appellamus. Secundò de ordine hominum inter se, cap. sequenti. Circa primum duo facit. Primò agit de ordinatione angelorum secundum opinionem Dionysij. Secundò opinionem Gregorij opinioni Dionysij comparat, circa finem capituli. Circa primum duo facit. Primò præmittit quādam ad intelligentiam ordinationis Dionysij necessaria, secundò ipsam opinionem profecquitur.

QVANTVM ad primum præmittit primò, quòd cū corporalia per spiritualia regantur, oportet vt ordo spiritualium & corporalium sibi respondet, vt scilicet superiora corpora per superiores spiritus, inferiora verò per inferiores regantur. Aduertendum quòd non est sic intelligendum quòd hic dicitur quasi accepta tota multitudine substantiarum intellectualium absolute suprēma substantia corpora regant, (hoc enim falsum est, vt ex sequentibus patebit) sed quia accepta multitudine spirituum gubernantium corpora, illi qui superiora corpora regunt, sunt superiores, qui verò regunt inferiora, sunt inferiores. Secundò quòd præmittit, est quòd quia quāto aliqua est superior, tantò virtus eius est vniuersalior, & virtus substantiæ intellectualis est vniuersalior virtute corporis: superiores substantiæ intellectuales habent virtutes non explicabiles per aliquam virtutem corpoream, & ideo non sunt corporibus vniuersaliores verò habent virtutes particulas per corporea instrumenta explicabiles, & ideo oportet quòd corporibus vniuersalior.

ADVERTE quòd istam differentiam substantiarum intellectualium dupliciter intelligere possumus. Vno modo, vt sit differentia illarum tantum intellectualium substantiarum quas nos angelos dicimus, Philosophi verò substantias separatas appellant, & tunc sensus est, quòd superiores inter istas habent virtutes non explicabiles per corpora, quia in aliquos effectus possunt ad quos corpora se extendere non possunt, eo quòd virtus ipsarum sit vniuersalior virtute corporum, tam illa videlicet virtute quæ ipsis naturaliter conuenit, quàm illa quæ nata est illis instrumentaliter conuenire: ideo non vniuersaliores corporibus: inferiores verò habent virtutes quæ per corpora explicari possunt, eo quòd in nullum effectum possint quem per corpora non valeant explicare, ideo corporibus vniuersaliores: & tunc intelligendum erit virtutem ipsarum esse virtutem corporum vniuersaliores, quæ inquam per se corporibus conuenit, non autem quæ illis nata est instrumentaliter conuenire. Sed ista expositio non videtur conueniens, cum quia falsum est quòd inferiores angeli non possint in aliquem effectum quem per corpora explorare non possint. possunt enim illuminare intelligibiliter confortando sua actione intellectum humanum, vt dicitur prima parte, quæst. centesima vndecima, articulo primo, quòd non sit instrumentaliter per corpus, cum quia licet possint vt ad aliquem earum effectum aliquo corpore sicut instrumento, applicando particularia agentia suis passivis: ex hoc tamen non sequitur quòd oporteat ipsas corporibus vniuersaliores, tanquam videlicet de necessitate hoc earum naturis conueniat, vt hic ait S. Thom. in 2. d. 2. cap. 56. & 2. d. 2. Sent. dist. 8. art. 1. & in aliis locis, angeli non habent corpora sibi naturaliter vnita, cum quia ista differentia nihil propositum deferret. inducitur enim ad ordinem Hierarchiarum manifestandum, ad hoc autem prædictus sensus in nullo deferret, ideo secundo modo exponendus est hic locus, vt ponatur differentia inter substantias separatas, & animam intellectualem, quia enim substantia quāto superior est, tantò vniuersaliores habet virtutes, sicut corpora cælestia corporibus inferioribus, cum substantia intellectualis sit superior substantia corporali, sequitur quòd virtus substantiæ intellectualis est vniuersalior virtute corporali, vt potest potens in aliquam operationem quæ per corpus exerceri non potest, sed differentia est inter ipsas substantias intellectuales, quia quædam sunt quæ nullam habent virtutem, cuius operatio habeat per corpus exerceri, & istæ sunt superiores substantiæ, quos angelos dicimus. In his enim non est nisi virtus intellectiva & appetitiva, quarum nulla per corpus exercetur: neque etiam virtus motiva ipsarum instrumento corporeo indiget, cum ipsa ab intellectu & voluntate non distinguatur: ideo non sunt corporibus vnitz tanquam formæ, licet diuina dispositione aliquæ ipsarum corporibus cælestibus, vt motrices vniuersaliores: quædam verò sunt quæ licet habeant aliquas virtutes corpus excedentes, habent tamen aliquas quæ sine corpore expleri non possunt, sicut sunt animæ humanæ quæ habent intellectum & voluntatem, quæ nullo corpore organo indigent: habent verò virtutes sensitiuas & vegetatiuas, quæ sine corporeo instrumento exerceri non possunt, & ideo ad hoc vt possint exire in actum hāram virtutū, necesse est vt corporibus vniuersaliores tanquam formæ. Ista differentia proposita deferret, quia per hoc vult habere S. Thom. quòd cū angeli sint substantiæ intellectuales à corporibus separatae, diuinas illuminationes in ipsa intelligibili puritate percipiunt: animæ verò intellectuales, quia sunt corporibus vnitz, & via sensuum cognitionem accipiunt, ipsas diuinas illuminationes sub sensibilibus similitudinibus recipiunt, vt inquit Dionysius 1. c. Cælestis Hierarchiæ: ideo aliam oportet esse Hierarchiā angelorum, eo quòd sit alius modus angelorū recipiendi diuinas illuminationes, & alius modus hominū. Ex quo vltius vult habere q. de Hierarchia angelorum conuenienter determinandum est separatim ab hominū Hierarchia. Tertiū quòd præmittit, est, quòd sicut superiores substantiæ intellectuales sunt vniuersaliores virtutis, ita & perfectiō diuinā dispositionē à Deo suscipiunt: in hoc, q. vsque ad singularia ordinis rationē cognoscunt, id est, non solum cognoscunt dispositionē vniuersalē rerū quam Deus in sua mente disposuit, puta q. disposuit vniuersum esse propter manifestationem diuinæ bonitatis, & motum corporum cælestium ordinauit ad generationem horum inferiorum, & similia, sed etiam à Deo accipiunt cognitionem ordinis vniuersi cuiusque rei singularis, quem Deus in ipso concepit, sicut enim cognoscunt ad quid ordinatur graue, ad quid leue, ad

Contra Gent.

C. 3

nam in rebus humanis est aliquod bonum cōmune, quod quidem est bonum ciuitatis<sup>d</sup> vel agentis, quod videtur ad principatum<sup>e</sup> ordinem pertinere. vnde dicit in eodem capitulo, quòd nomen principatus designat quoddā dominium cum ordine sacro, propter quod Danielis decimo fit mentio de Michael principe Iudæorum: & principe Persarum & Græcorum. & sic dispositio regnorum & inuatio dominationis de gente in gentem, ad ministeriū huius ordinis pertinere oportet. instructio etiam eorum qui inter homines existunt principes, de his quæ ad administrationem sui regiminis pertinent, ad hunc ordinem spectare videntur. Est etiam aliquod humanum bonum quod non in communitate consistit, sed ad vnumquemque pertinet secundum seipsum, non tamen vni soli est vtile, sed multis: sicut quæ sunt ab omnibus & singulis credenda & seruanda: sicut ea quæ sunt fidei, & cultus diuinus, & alia huiusmodi. & hoc ad archangelos<sup>f</sup> pertinet: de quibus Gregorius dicit quòd summa nunciant: sicut Gabrielem archangelum nominamus, quia vnigeniti verbi incarnationem nunciauit: quod ab omnibus credendū est. Quoddam verò humanum bonum est ad vnumquodque singulariter pertinens: & hoc ad ordinem pertinet angelorum, de quibus Gregorius dicit quòd infima nunciant. vnde & hominum custodes esse dicuntur, secundum illud Psal. 90. Angelis suis mandauit de te, vt custodiānt te in omnibus viis tuis, &c. vnde & Dionysius dicit quòd archangeli medij sunt inter principatus & angelos, habentes aliquid commune cum vtrisque: cum principatibus quidē inquit inferioribus angelis ducatum præstant: nec immeritò, quia quæ sunt propria in humanis, secundum ea quæ sunt communia dispensari oportet. cum archangelis verò, quia annunciat angelis, & per angelos nobis, quorum est manifestare hominibus quæ ad eos pertinent secundum vniuersi cuiusque analogiam, propter quod & commune nomen vltimus ordo quasi speciale sibi assumit, quia scilicet officium habet nobis immediatè nunciandi. & propter hoc archangeli nomen compositum habent ex vtroque, dicuntur enim archangeli, quasi principes angeli. Assignat autem & Gregorius aliter cælestium spirituum ordinationem. Nam principatus inter medios spiritus connumerat post dominationes immediatè: virtutes verò inter infimos ante archangelos. Sed diligenter inspicientibus vtraque ordinatio in modico differt: nam secundum Gregorium principatus dicuntur, non qui gentibus præponuntur, sed qui etiam ipsis bonis spiritibus principantur, quasi præfidentes in ministeriorum diuinorum executione: dicit enim, quòd principari est inter alios priorē existere. hoc autem secundum assignationem ante dictam, diximus ad virtutem ordinem pertinere. virtutes autem secundum Gregorium sunt, quæ ad quādam particulares operationes ordinantur, cum aliquo speciali casu præter communem ordinem, oportet aliqua miraculose fieri, secundum quam rationem satis conuenienter cum infimis ordinantur: vtraque autem ordinatio ex verbis Apostoli auctoritatem habere potest. Dicit enim Ephes. 1. Constituens illum, scilicet Christum, ad dexterā suam in cælestibus supra omnem principatum, & potestatem, & virtutem, & dominationem. In quo patet quòd ascendendo, supra potestates principatus posuit: & supra has virtutes, supra quas dominationes collocauit: quem ordinem Dionysius obseruauit. Ad Coloss. autē primo, loquens de Christo dicit, Siue throni, siue dominationes, siue principatus, siue potestates, omnia per ipsum & in ipso creata sunt: in quo patet, quòd à thronis incipiens, descendendo sub eis dominationes, sub quibus principatus, & sub his potestates posuit, quem ordinem Gregorius obseruauit. De Seraphin autem fit mentio Isaia 6. de Cherubin autem Ezechielis 1. de archangelis in canonica Iudæ, cum Michael archangelus cum diabolo disputas, &c. De angelis autem in Psalmis vt dictū est. Est autē in omnibus ordinatis virtutibus hoc commune, quia in vi dū superioris omnes inferiores agūt, vnde id q. diximus ad Seraphin ordinē pertinere, omnes inferiores ex virtute ipsius



quid ordinetur calidum, ad quid ordinetur frigidum, ad quid talis herba ordinetur, ad quid verò talis, ita de mysteriis gratiæ, & de hominum salute, & de aliis quæ particulariter per diuinam dispositionem sunt ordinata, particularem habent cognitionem, & non tantum vniuersalem.

ADVERTENDVM quod in hoc dicto per substantias superiores intellectuales intelligit angelos, sicut & in secundo dicto: quod pater, quia inferior loquens de angelis infimæ Hierarchiæ vocat ipsos infimos inter superiores intellectuales substantias. Quartum quod præmittit, est, quod hæc diuinæ ordinationis manifestatio diuinitus facta vsque ad vltimas intellectuales substantiarum pertingit, vt ostenditur Iob. 25. inferiores tamen per eam singula quæ ad ordinem diuinæ prouidentie spectant ab ipsis exequenda cognoscere non possunt, sed solum in quadam communitate, & quanto inferiores sunt, tanto per primam illuminationem diuinitus acceptam minus in speciali diuini ordinis cognitionem accipiunt, in tantum quod humanus intellectus secundum naturalem cognitionem quorundam tantum vniuersalissimorum notitiam habet, ex hoc autem datur intelligi, quod cum dictum est in tertio dicto superiores substantias vsque ad singularem ordinis rationem cognoscere, hoc intelligitur de genere ipsarum substantiarum quæ supra humanam animam sunt, non autem de singulis illius generis, ad illud enim genus substantiarum pertinet ordines rerum in particulari cognoscere, non autem ad omnes illius generis substantias.

AD euidentiam eius quod hic dicitur, considerandum est, quod videtur S. Thom. duplicem illuminationem ponere in substantiis separatis per acceptionem supernaturalem luminis à Deo: vnam, quæ rerum cognitionem habent in diuinæ essentie visione: aliam verò, secundum quod de iis quæ in diuina essentia non vident, illuminentur à Deo. De prima illuminatione loquens hoc loco inquit, quod hoc est commune omnibus huiusmodi substantiis, quod manifestatio ordinationis diuinæ, scilicet de rebus creatis, secundum quod diuinæ prouidentie subsunt, ad ipsas pertingit: nam peruenit vsque ad vltimas aliarum substantiarum. Omnes enim dum vident diuinam essentiam, vident quidem omnia genera & species, atque earum virtutes & proprietates, videntque omnium creaturarum ordinem per diuinam sapientiam statutum & excogitatum, vt ex superioribus patet, sed inter istas quantum ad hoc est differentia, quod inferiores angeli in diuina essentia non accipiunt ad eam perfectam cognitionem ordinis diuinæ prouidentie, vt cognoscere possint singula exequenda ab ipsis quæ ad ordinem diuinæ prouidentie spectant, sed solum in quadam communitate: & tanto minus in speciali diuini ordinis cognitionem accipiunt, quanto sunt inferiores: superiores autem perfectam & particularem accipiunt cognitionem. Hoc enim ex iis quæ superius ostensa sunt, cum de Beatitudine sermo fuit, facile est cognoscere. Ibi enim dictum est, quod non omnes videntes diuinam essentiam vident omnes rerum dispositiones, siue omnes earum ordines, vt diuinæ prouidentie subsunt, excepta anima Christi, sed aliqui plures, aliqui pauciores, ex quo sequitur quod multæ habitudines rerum & ordinationes ex diuina prouidentia rebus conuenientes à superioribus beatis in diuina essentia cognoscuntur distincte, quæ ab inferioribus non cognoscuntur distincte, sed confuse, siue in aliquo communi, sicut de mysterio incarnationis inquit S. Thom. 1. parte, q. 57. art. 5. quod omnes angeli cognitione qua vident res in verbo, illud in generali à principio cognouerunt, quia est quoddam generale principium ad quod omnia eorum officia ordinantur, quantum autem ad speciales conditiones non sunt omnes à principio edocti, sed aliqui de ipsis plura, aliqui verò pauciora cognouerunt: & aliqui posteriori à superioribus edocentur, secundum quod eorum officiis congruit. Declarat autem hoc S. Thom. proportionaliter ex naturali cognitione. Videmus enim quod intellectus humanus qui inter omnes substantias intellectuales est infimus, naturali cognitione solum quorundam vniuersalissimorum notitiam habet, scilicet notitiam primorum principiorum sibi inditam natura, cum tamen videlicet superiores intellectus distinctam de rebus habeant notitiam, ostensum est enim supra esse illis inditam omnium notitiam quæ naturaliter cognoscere possunt. Ex hoc enim apparet, quod etiam secundum supernaturalem cognitionem quantum intellectus angelicus est inferior, tanto minus distinctam de rebus ad mysteria gratiæ pertinentibus, & de iis quæ à sola diuina voluntate dependent, notitiam habent, oportet enim in illis cognitionis gratiæ modum naturalem cognitioni proportionari. Attendendum autem quod per primam illuminationem diuinitus acceptam non potest hoc loco intelligi cognitio angelorum per naturale lumen habita, quia secundum illam cognitionem non distinguuntur angeli per hoc quod superiores habeant magis distinctam cognitionem de rebus ex parte ipsarum rerum cognitarum, inferiores verò minus distinctam, cum (vt patet ex secundo libro) omnes habeant connaturales species rerum quæ ad eorum naturalem cognitionem spectant, represententque illæ species & naturas vniuersales & singulares existentia distincte: ideo oportet vt intelligatur de prima supernaturali illuminatione qua supernaturali lumine illuminantur. Quintum, Quod præmittit ex præcedentibus sequens, est, quod substantiæ intellectuales superiores perfectiorem cognitionem dicti ordinis immediate consequuntur à Deo, eamque alii inferiores per ipsas consequuntur, quod manifestatur exemplo discipuli, cuius vniuersalis cognitio per cognitionem magistri qui in speciali cognoscit, perducitur ad perfectum, & author Dion. 7. cap. Cælestis Hierarchiæ.

AD huius euidentiam considerandum est ex doctrina S. Thomæ in 1. parte, q. allegata, & q. 106. art. 4. quod superiores angeli perfectius diuinam essentiam contemplantur plura & altiora mysteria de iis quæ pertinent ad dispositionem vniuersi, & præcipue ad salutem electorum, in ipsa Dei visione cognoscunt quam inferiores: ideo dicuntur immediate accipere à Deo perfectiorem cognitionem de ordine creaturarum quam inferiores, qui in diuina essentia tot diuina mysteria non cognoscunt. Sed licet inferiores non habeant de diuinis mysteriis tantam cognitionem videndo diuinam essentiam quantum superiores, illarum tamen rerum notitiam quam superiores habet ipsi per reuelationem à superioribus factam consequuntur: quamuis in superioribus remaneat excellentior & clarior notitia de iis quæ inferioribus reuelant, sicut vnam, aut eandem rem plenius intelligit magister quam discipulus qui ab eo addiscit.

SED circa prædicta dubium occurrit. Nam vt in præcedentibus est

ostensum, de mente S. Thom. beati videndo diuinam essentiam vident in eo omnia quæ ad ipsos spectant, vnde quarto Sent. dist. 45. q. 3. art. 1. tenet, quod in verbo vident orationes tam vocales quam mentales quæ ad ipsos diriguntur: ex quo dicere necesse est, quod à principio suæ beatitudinis quilibet omnes orationes ad ipsum dirigendas cognoscatur, alioquin in visione rerum in diuina essentia successio esset contra prædeterminatam: ergo male dicitur hic quod inferiores intellectus per primam illuminationem non cognoscunt singularem quæ ad ordinem diuinæ prouidentie spectant ab ipsis exequenda, sed solum in quadam communitate. Respondetur & dicitur primo, quod angelis beatis sufficit scire in vniuersali quæ sint à se agenda, cognoscendo scilicet officium ad quod sunt deputati ex diuina dispositione: non autem requiritur ad eorum beatitudinem vt singula in particulare cognoscant quæ sibi sunt in futurum committenda. Nec ad hoc naturalem eorum desiderium fertur. In humanis enim administrantibus qui regis iussa exequuntur, apparet quod eorum quiescit desiderium, si sciant quod sit suum officium apud regem, nec quærunt, qui sapientes sunt, omnia scire in particulari quæ per ipsos in futurum sunt ex regis impositione exequenda. Dicitur secundo, quod orationes ab hominibus ad sanctos directæ causam habent creatam, ideo non est præsumptio nisi quis sanctorum eas scire desideret. ea autem quæ sunt per angelos ex ordine diuinæ sapientiæ exequenda, ex mera & simplici voluntate dependent: ideo velle ea scrutari, temeritatis magnæ esset ac præsumptio: nec ideo nullus recta voluntate potest eorum agnitionem desiderare. Vnde quod dicitur sanctos in diuina essentia videre vniuersa quæ ad eos spectant, intelligendum est de iis quæ ex causa creata dependentiam habent, non autem de iis quæ in sola diuinæ voluntatis dispositione sunt constituta tanquam per eos erga alios exequenda. Quantum ad secundum ex istis præsuppositis ostendit S. Thom. ordinem inter substantias ipsas intellectuales, & cum à Dionysio distinguantur angeli in tres Hierarchias, id est, sacros principatus, & quælibet Hierarchia tres ordines habeat: Hierarchias sic distinguit S. Thom. de mente Dionysij.

IN QVIT enim, quod distinguuntur secundum diuersum modum accipiendi cognitionem perfectam ordinis diuinæ prouidentie. Nam angeli primæ Hierarchiæ in alio principio, in ipso scilicet Deo, immediate talem cognitionem accipiunt, intellige videndo ea quæ inferioribus reuelant in ipsa diuina essentia, sicut sunt ea quæ à principio suæ beatitudinis cognoscunt, aut etiam accipiendo eorum cognitionem immediate à Deo per reuelationem, & sic videndo in lumine diuinæ reuelationis. Nam vt dicitur prima parte, locis præallegatis, vsque ad diem iudicii semper noua aliqua supremis angelis reuelantur de iis quæ pertinent ad dispositionem vniuersi, & præcipue ad salutem electorum. Angeli verò secundæ siue mediæ Hierarchiæ non accipiunt hanc perfectam cognitionem immediate in Deo per visionem diuinæ essentie, aut per immediatam illuminationem à Deo, sed eam ab angelis primæ Hierarchiæ per illuminationem consequuntur, & in causis vniuersalibus creatis quæ sunt mediæ inter supremam causam qui est Deus, & causas particulares, diuinæ prouidentie ordinem cognoscunt. Angeli autem infimæ Hierarchiæ ordinem prouidentie in particularibus causis cognoscibilem diuinitus accipiunt, id est cognitionem talis ordinis in causis particularibus per illuminationem ab angelis secundæ Hierarchiæ factam consequuntur. Nam ista cognitio dicitur diuinitus infimis angelis aduenire, quia à Deo originem habet, aut per essentiam viso, aut immediate aliqua mysteria & secreta supremis angelis reuelante.

Notat autem S. Thom. quod ideo angeli secundæ Hierarchiæ per causas vniuersaliores cognoscunt quam angeli infimæ Hierarchiæ, quia sunt vniuersaliores in cognoscendo, sicut & vniuersalioris sunt virtutis. Altiore enim intellectus esset homo qui ordinem omnium naturalium consideraret posset in corporibus cælestibus, quam qui indiget ad perfectam cognitionem ad inferiora prospicere: & ideo conuenienter ponuntur à Dion. in media Hierarchia, vt pote qui in causis vniuersalibus quæ sunt mediæ inter Deum, & causas particulares possunt ordinem prouidentie perfecte cognoscere.

ADVERTENDVM hoc loco, quod cum conditiones rerum particularium, & ordinationes ipsarum secundum determinationem diuinæ prouidentie à Deo mediantibus causis creatis proueniunt, ita quod ad ipsum ordinem executioni mandandum concurrat causa vniuersalissima, quæ est ipse Deus, causa vniuersalis creata, & causa particularis, oportet vt angeli, quorum natura est cognoscere, per vniuersalissimos conceptus, illas particularium conditiones & ordinationes in vniuersalissima causa cognoscant, illi autem quorum est cognoscere per conceptus minus vniuersales, illas cognoscant per causas vniuersales creatas, quæ videlicet propinquiores sunt vniuersalissimæ causæ, illi autem quorum est cognoscere per conceptus magis particulares, illas conditiones in causis magis particularibus cognoscant: ratio huius est, quia ubi aliquid cognoscitur in causa, oportet conceptui intelligentis proportionaliter correspondere causam, vt scilicet conceptui vniuersaliori correspondeat vniuersalior causa, non dicitur enim aliquis vniuersalior conceptus, nisi quia sibi aliquid vniuersalior obiectum responderet: & sic conceptui vniuersaliori quo cognoscitur aliquid in causa, ipsam videlicet causam in qua virtualiter continetur cognoscendo, oportet vniuersalior causam respondere. Ostensum est autem superius in secundo libro, superiores angelos habere vniuersalior cognitionem, vt pote per vniuersaliores species intelligentes, & vniuersalior conceptu plura distincte cognoscere: ideo conuenientissimè à Dionysio & sancto Thoma attribuitur supremis angelis cognitio ordinis diuinæ prouidentie in ipsa suprema omnium causa, mediis autem cognitio huiusmodi ordinis in causis vniuersalibus creatis, infimis verò cognitio in causis particularibus. Hoc autem possumus exemplariter declarare, primo in malis. Nam Deus ab æterno determinauit igne absumere Sodomam & Gomorram propter demerita. Huius autem incendij tres causæ fuerunt, scilicet, iustitia diuina, tanquam causa vniuersalissima: peccata in communi, tanquam causa vniuersalis: hoc peccatum particulare, quod est contra naturam, tanquam particularis causa. Dicemus quod angeli primæ Hierarchiæ in diuina essentia, quæ est vniuersalissima omnium causa, aut per reuelationem ipsi à Deo immediate factam, conflagrationem futuram harum urbium diuinam iustitiam considerantes cognouerunt, & hanc notitiam inferioribus angelis



gelis mediæ Hierarchiæ per reuelationem communicant: angelos mediæ Hierarchiæ dicemus per reuelationem & illuminationem sibi à superioribus factam, considerantes malitiam illorum populorum in cõmunis, siue eorum peccata, in qua omnia eorum peccata cognouerunt, sciuisse q̃ talis conflagratio futura esset. De infinitis verò dicemus, quòd illuminationi ab angelis mediæ Hierarchiæ conflagrationem hanc cognouerunt, considerantes in particulari peccatum contra naturam, quòd in iuuenes exercebant. sic enim constat q̃ superiores vniuersaliori conceptu, plura videlicet distinctè repræsentante, & in vniuersalioris causæ cognitione, dictum ordinem harum ciuitatum ad conflagrationem à Deo institutum & præordinatum cognouerunt, inferiores verò conceptu minus vniuersali, utpote pauciora repræsentante cognouerunt, & in causa minus vniuersali. Secundò in bonis. Nam Deus ordinauit Petrum & Paulum per martyrium saluandis virtute passionis Christi, quæ est vniuersalis causa humanæ salutis. huius enim vniuersalissima causa fuit Deus, causa vniuersalis passio Christi, martyrium verò eorū causa particularis. Dicemus quòd angeli primæ Hierarchiæ hanc diuinam ordinationem in ipsa diuina essentia cognouerunt, aut in lumine à Deo immediatè accepto: verbi gratia, diuinam bonitatem considerantes, qua vult aliquos homines ad beatitudinem perducere: angeli autem mediæ Hierarchiæ ab angelis primæ Hierarchiæ illuminationem ordinis diuinam ordinationem, virtutem passionis Christi considerantes cognouerunt: sed in finem Hierarchiæ angeli à media illuminatione & directi ipsam ordinationem in ipsa martyrij consideratione, cognouerunt Petrum & Paulum esse in cælesti patria virtute martyrij coronandos.

QVANTVM autem ad distinctionem ordinum in qualibet Hierarchia contentorum, inquit S. Thom. quòd cum ordines primæ Hierarchiæ in hoc conueniant, quòd omnes à Deo immediatè cognitionem ordinis diuinæ prouidentie accipiunt, in hoc distinguuntur, quòd primi & supremi illius Hierarchiæ rationem ordinis prouidentie accipiunt in ipso vltimo fine, qui est bonitas diuina, quidam tamen eorum aliis clarius, & isti Seraphin dicuntur, id est ardentes siue incandescentes. Secundi verò prædictam ordinis rationem in ipsa forma diuina perfectè cognoscunt, & hi dicuntur Cherubin, quòd interpretatur scientiæ plenitudo. Tertij verò dispositionem diuinorum iudiciorum in seipsa considerant, & non in aliquo altiori principio, & hi dicuntur Throni, quia per thronum potestas iudicialis significatur. Ne autem aliquis occasionem errandi accipiat, inquit S. Thom. quòd non sunt sic præmissa intelligenda, quasi aliud sit diuina bonitas, aliud diuina essentia, & aliud scientia rerum dispositionem continens, sed quia secundum hoc est alia & alia consideratio, id est, ratione & consideratione nostra distinctis conceptibus apprehenduntur.

SED occurrit dubium. Videtur enim cõtradictio quædam esse in verbis S. Thom. Nam ponit commune esse omnibus spiritibus primæ Hierarchiæ, ut rationem diuinorum operum in ipso Deo immediatè cognoscant, posterius autem dicit quòd Throni dispositionem diuinorum iudiciorum in seipsa cognoscunt, non in aliquo altiori principio. Ad huius euidentiam considerandum est, quòd sicut in rebus à Deo ordinatis inuenitur, & assimilatio ad Deum tanquam finis intrinsecus, & forma secundum quam Deo assimilantur, & ipsa ordinatio effectuum, secundum quòd vnus effectus ad alium ordinatur, aut sicut causa ad effectum, aut sicut materia ad formam, aut quocūque alio modo: ita oportet in Deo tria considerare secundum rationem distincta, istis tribus quæ in effectibus inueniuntur correspondentia, & sic ponitur diuina bonitas tanquam finis propter quem Deus omnia prouidet, correspondens fini effectibus intrinseco. ponitur essentia diuina tanquam forma per quam in effectibus propriæ formæ producuntur: ponitur dispositio siue ordinatio qua Deus in mente sua ordinem in effectibus ponendum statuit. ista ergo ordinatio diuini intellectus in ipsa mente diuina existens potest cognosci cognoscendo bonitatem diuinam per se sub ratione qua distinguuntur ab essentia & ipsa ordinatione: & similiter potest cognosci in essentia, in quantum habet rationem formæ, ad cuius similitudinem res producuntur: ex formæ enim consideratione potest cognosci quomodo alia sint ordinanda ad hoc vt talis forma proueniat. potest & tertio cognosci in seipsa talis ordinatio, in quantum consideratur secundum propriam rationem, ut distinguuntur ab essentia & bonitate, & videtur nō in alio ad quod prius terminetur cognitio. Ex his apparet quòd nulla est cõtradictio in verbis S. Thom. non enim intendit quòd throni dispositionem rebus inherentem in seipsa videant, vt in ipsis rebus existentem, non in ipso Deo, vt obiecto supponit, sed quòd in ipso Deo videtur scientiam diuinam & cognitionem rerum ordinatam secundum se, ut distinguuntur ratione ab essentia diuina & bonitate, non autem in bonitate aut essentia, quæ dicuntur altiora principia sicut finis, & forma sunt nobiliora motu, quo aliqua in finem diriguntur & formam. Patet autem hoc ex eo quòd remouens errorem dictum, inquit, quòd hoc non est intelligendum quasi aliud sit bonitas diuina, aliud essentia, aliud scientia rerum dispositionem continens. ex his enim liquet quòd per dispositionem diuinorum iudiciorum in seipsa cognitam, intellexit ipsam scientiam diuinam rerum dispositionem continentem, non autem eam dispositionem quæ rebus inheret.

ADVERTENDVM tamen, q̃ ex parte rei non ponitur talis distinctio quasi throni diuinorum iudiciorum dispositionem in seipsa videant, non autem videant bonitatem & essentiam. vnico enim actu quo vident essentiam diuinam, vident & bonitatem & scientiam, sed hoc est secundum considerationem intellectus nostri distinguentem ipsum actum videndi Deum, secundum quòd ad diuersa obiecta secundum rationem distincta terminatur, & ab hoc diuersa nomina imponentem. Primos enim nominamus ab ipsa Dei cognitione, vt ad bonitatem terminatur, & dicimus eos Seraphin. Secundos verò ab ipsa cognitione vt ad diuinam essentiam terminatur, vocamus Cherubin. Tercios verò ab ipsa cognitione, vt terminatur ad scientiam rerum ordinatam, Thronos appellamus.

ORDINES secundæ Hierarchiæ sic distinguuntur, quòd cum omnes conueniant in hoc, quòd cognoscunt ordinem diuinæ prouidentie per considerationem vniuersalem causarum, primi distribuunt vniuersalis prouidentie dispositionem in multis executores, & vocantur Dominationes. Nam domini est præcipere quid alij exequantur. Vnde Dionys. 3. cap. Cælest. Hierarchiæ dicit, quòd nō mē dominationis significat aliquam anagogen, &c. Secundi verò, qui sunt exequentes, distribuunt, & multi-

plicant ipsam dispositionem prouidentie ad varios effectus, & vocantur Virtutes. sunt enim veluti vniuersales executores, vnde ad hunc ordinem pertinet principium vniuersalis operationis, & videtur ad ipsos pertinere motus cælestium corporum, ex quibus tanquam ex vniuersalibus causis particulares effectus consequuntur, videtur etiam ad eos pertinere executio diuinorum operum quæ præter naturæ ordinem fiunt. Infimi autem custodiunt inconcussum ordinem diuinæ prouidentie in effectibus institutum: cohibendo ea quæ possent hunc ordinem perturbare, & dicuntur potestates.

CIRCA autoritatem Dionysij ad ductam ad manifestationem primi ordinis, vbi dicitur quòd nomen denominationis designat aliquam anagogen superpositam omni seruituti, considerandum quòd licet anagoges nomine Græci recessum significent, & classis emissionem, vt est apud Suidam, tamen hic accipitur pro celsitudine & excellentia, vt etiam Latinus interpretatur videtur interpretari. Nam à verbo anago deducitur: quòd non solum recedo significat, sed etiā superago: vnde & anagoge potest etiam superagationem, siue eminentem actionem significare, & inde ad significandam excelsam intelligentiam trahi.

TERTIÆ Hierarchiæ ordines conueniunt in hoc, quòd est cognoscere ordinem diuinæ prouidentie in particularibus causis & rebus humanis, id est, inferioribus naturis & causis particularibus quæ ad hominē ordinantur, & in eius vsum veniunt, præponuntur, sed differunt: quia ad primos qui vocantur Principatus, pertinet bonum commune in rebus humanis, quòd est bonum ciuitatis vel gentis, & sic ad hos pertinet regnorum dispositio, mutatio dominationis de gente in gentem, & instructio eorum qui sunt aliorum principes, in iis quæ ad administrationem regiminis pertinent. Ad medios autem, qui vocantur archangeli, pertinet bonum quòd non in communitate consistit, sed ad vnumquemque pertinet secundum seipsum, non est tamen vni soli utile, sed multis, vt sunt quæ ab omnibus credenda sunt & seruanda, sicut quæ sunt fidei, & cultus diuini, & huiusmodi. Ad infimos autem qui nomen commune recipiunt, & angeli vocantur, pertinet bonum humanum quòd ad vnumquodque singulariter pertinet.

ATTENDENDVM vnum hoc loco ex doctrina S. Thom. 1. parte, q. 108. art. 5. quòd licet aliqui inferiorum ordinum ab aliqua imperfectione particulariter nominentur, per hoc tamen non excluditur quin illa in superioribus ordinibus inueniatur: imò quicquid perfectionis inuenitur in inferioribus spiritibus, in superioribus etiam inuenitur secundum quandam excellentiorem modum, sed ab illa nominatur inferior ordo, non autem superior: quia illa perfectio est quasi adæquans inferiori ordini, & summa perfectio in ipso inuenta: non autem est suprema perfectio quam superior ordo habet, sicut Throni denominantur à cognitione ordinis diuinæ prouidentie in ipsa mente diuina. Cherubin autem licet hanc ipsam perfectionem habeant, non tamen ab ipsa denominantur, sed à superiori perfectione, id est, ad hoc quòd est inspicere in essentia diuina, tanquam in forma vniuersorum intelligibilium, dictum prouidentie ordinem, & sic de aliis est dicendum.

QVANTVM ad secundum principale, comparat S. Thom. ordinationem Dionysij ad Gregorij ordinationem, & ait quòd differunt, quia cum Dionysius Principatus in vltima posuerit Hierarchia, Virtutes verò in media: Gregorius econtrario Principatus in media Hierarchia collocat, ponitque immediatè post Dominationes, Virtutes verò in vltima Hierarchia ante archangelos collocat. Sed circa horum differentiam duò dicit S. Thom. Primò, quòd vtraque ordinatio in modico differt. Nam apud Gregorium Principatus dicuntur, non solum qui gentibus præfunt, vt videlicet Dionysius interpretatur, sed etiam qui ipsis bonis spiritibus principantur, quasi præfides in ministerio diuinorum executione. ideo vbi Dionysius Virtutes, quibus hoc attribuit, posuit, Gregorius posuit Principatus. Item apud Gregorium Virtutes dicuntur, quæ ad quasdam particulares operationes ordinantur, cum aliqua contingit miraculosè fieri: secundum quam interpretationem satis conuenienter cum angelis infimæ Hierarchiæ ordinantur. ideo vbi Dionysius posuit Principatus, Gregorius Virtutes collocauit. Dicit secundò, quòd vtraque ordinatio ex verbis Apostoli autoritatem habere potest. Ordinatio quidem Dionysij ex ordine qui seruatur ascendendo, ad Ephesios primo. Ordinatio verò Gregorij ex ordine posito, ad Colossenses primo, descendendo. De aliis autem spiritibus de quibus dictum est supra, quos Apostolus in illa enumeratione non nominat, ostendit sanct. Thom. in quibus locis sacre scripturæ fiat mentio. Vltimò notat, quòd in omnibus ordinatis virtutibus hoc sit commune, quòd cum in vi superioris virtutis omnes inferiores agunt, id quòd dicimus ad Seraphin ordinem pertinere, scilicet incēdere, omnes inferiores ex virtute ipsius exequuntur, & similiter est in aliis ordinibus considerandum.

CIRCA differentiam inter Dionysium & Gregorium aduerte, quòd S. Thom. in secundo Sententiarum, distinctione nona, art. 3. ad finem, tenet ordinationem Dionysij rationabiliorem esse, licet & Gregorij ordinatio rationabilis sit. Addit autem quòd Gregorius non multum intensionis apposit ad ordinationem istorum spirituum, sed solum ordines angelorum voluit numerare.

CIRCA vltimum quòd notat S. Thom. considerandum primò, quòd triplicem intentionē in illis verbis possumus accipere. Vna est, quòd omnes inferiores species possunt in omnem effectum in quem possunt Seraphin, sed in virtute ipsorum Seraphin, non autem virtute duntaxat propria. Alia est quòd inferiores ordines omnem effectum, in quem possunt, agunt in virtute superiorum, & ipsorum Seraphin: quorum ordo primum locum tenet. Tertia est, quòd si inferiores agunt aliquem effectum ad Seraphin spectantem, illum agunt in virtute Seraphin. Omnes isti sensus habere virtutem possunt. Primus quidem, quia cum virtutes ordinatæ dicantur, quarum vna mouet alteram ad operandum, & quarum vna per alteram operatur, oportet omnes effectus qui à prima procedunt, in quantum cum aliis ordinatur, per inferiores virtutes expleri posse. Nam si in aliquem effectum posset, qui non posset per inferiores expleri, iam quantum ad illum effectum non haberet ordinem cum inferioribus ordinibus: & sic sequitur quòd cum respectu diuinorum mysteriorum, Seraphin primum locum teneant, ab ipsisque vsque ad infimum ordinem reuelationis huiusmodi



secretorum perveniunt, quidquid possunt Seraphin in huiusmodi mysteriis exequendis, possunt & inferiores, virtute tamen ipsorum Seraphin. Secundus etiam sensus veritatem manifestam continet, quia causa inferior non agit, nisi in virtute causae superioris. Tertius idem sensus manifeste verus est. Nam satis constat quod effectus primae causae non potest per secundam produci, nisi vi ipsius primae causae, sed licet omnes isti sensus veri sint, possint tamen textui applicari, primus tamen sensus hic videtur intendi. Nam ut dicitur 1. parte, q. 112. art. 2. ad 2. superiores angeli communicant propria dona, a quibus denominantur, mediantibus inferioribus angelis.

Considerandum secundum, quod hoc notavit S. Thom. ut remoueret dubium quoddam quod oriri posset. Ex iis enim quae dicta sunt superius, habetur quod angeli primae Hier. non exercent aliquid circa inferiora, sed ab operatione circa Deum nominantur: huic autem videtur ob stare, quod unus de Seraphin missus est ad incendendum labia prophetae, ut habetur Isaia sexto. sed per hoc quod hic dicitur, respondetur, & est de mente Dionysij 13. cap. C. 1. est. Hierarchia, quod ille angelus non fuit de ordine Seraphin, sed de ordinibus inferioribus: vocatur autem nomine Seraphin, quia illum effectum qui est incendere, fecit virtute Seraphin. Nam cum Seraphin ardentes siue incendentes dicantur, ad ipsos pertinet homines in Deum incendere, mediate quidem, non autem immediate.

CIRCA istam Hierarchiarum & ordinum distinctionem considerandum est, quod licet S. Thom. diversimode in diversis locis loquatur, tamen si diligenter consideretur, omnes isti modi in unum facile reduci possunt. Quod manifestari facillime potest, si per ipsos distinctionis modos discurramus. Inter Hierarchias enim ponit hoc loco distinctionem, quia angeli primae Hierarchiae ordinem divinae providentiae in divina essentia vident, angeli mediae Hierarchiae vident in causis vniuersalibus, sed infimae Hierarchiae angeli in causis particularibus intuentur. In prima vero parte quaestione 118. articulo primo, sexto, hanc differentiam ponit, quod prima Hierarchia accipit rationes rerum prout procedunt ad Deum, secunda vero prout dependet a causis vniuersalibus, sed tertia secundum quod huiusmodi rationes a causis particularibus dependent. At in secundo Sententiarum distinctione 9. articulo tertio ait, quod prima Hierarchia accipit cognitionem diuinorum effectuum in ipsa prima causa vniuersali, secunda Hierarchia cognoscit res in vniuersalibus rerum rationibus, tertia vero Hierarchia res in propriis rationibus cognoscit. Diligenter autem consideranti apparet, quod duo ultimi modi ad illum qui hic ponitur, reducuntur. Nam conueniunt in hoc omnes isti modi, quod Hierarchiae distinguuntur secundum diuersum modum recipiendi diuinas illuminationes. Illi enim ordines qui vniuersaliorum cognitionem ex sui natura habent, sic diuinas illuminationes recipiunt, ut per illas cognoscant ea quae agenda sunt, in aliquo vniuersaliori principio, sicut ille qui eleuatoris ingenij est, in vno principio sibi tradito a magistro multas conclusiones cognoscit, quas non cognoscit ille qui est hebetioris & tardioris ingenij, illi vero ordines qui particulariorem cognitionem ex natura sua habent, per illas diuinas illuminationes cognoscunt, quae sunt agenda in aliquo particulariori principio. Modus ergo qui tangitur in prima parte, idem est cum isto qui hic tangitur, quia non videtur esse differentia inter illos, nisi quod in vno accipitur differentia ex parte cognitionis rationum rerum, in alia vero ex parte cognitionis ordinis diuinae providentiae, & tamen quantum ad hoc non est differentia nisi in nomine. Nam quod hic vocat sanctus Thomas ordinem diuinae providentiae, vocat in prima parte q. 22. art. 1. rationes rerum. per ista enim nomina nihil aliud significatur quam id quod Deus ordinavit per suam providentiam, in rebus efficere. prius enim intelligimus esse in mente diuina conceptum ideam & exemplar ordinis ponendi in rebus, quam talis ordo in ipsis rebus ponatur, & talis idea taleque exemplar dicitur ordo per diuinam providentiam statutus, in quantum est eiusdem rationis cum ipso extrinseco ordine aliquo modo, eo modo quo dicimus exemplar domus producenda in mente domificatoris existens esse domum in esse intelligibili, dicitur etiam ratio rei prout conceptus rei existens in mente diuina dicitur eius ratio & similitudo. Vnde idem dictum est, cognoscere ordinem diuinae providentiae, & cognoscere rationes rerum in ipso Deo, quod cognoscere quid Deus in mente sua determinauerit in rebus creatis efficere, siue quem ordinem in aliquibus rebus ponere excogitauerit. Modus autem tactus in secundo sensu cum duobus primis quantum ad aliquid conuenire videtur. Nam diuini effectus secundum quorum cognitionem dicuntur distinguere Hierarchias simul cognoscuntur cum ordine diuinae providentiae in mente diuina existente & rationibus rerum. Diuinae enim providentiae effectus producendi in rebus, qui nihil aliud sunt quam ordines quidam in ipsis ponendi, de quibus tanquam de futuris producendis illuminantur angeli, in mente diuina primum habent esse per eorum rationes & exemplaria: ideo cognito ipso ordine in mente diuina existente, cognoscuntur effectus diuini secundum illum ordinem producendi. Videtur autem modus ille differre ab aliis quantum ad hoc. Illi enim ponunt angelos mediae Hierarchiae cognoscere rationes diuinorum operum in causis creatis: iste vero modus ponit, quod cognoscunt in rationibus rerum quae sunt in intellectu. Sed dupliciter possumus, quantum ad hoc, inter istos modos conuenientiam inuenire: primo dicendo, quod per causas creatas in duobus primis modis nihil aliud intelligitur quam ipsi conceptus in mente angelica existentes, qui in tertio modo rationes rerum vocantur, secundum quos operantur illos effectus in quibus Deo ministrant. Nam, ut ibidem dicitur, formae per quas angeli cognoscunt, sunt operantur ad minus respectu effectuum in quibus Deo ministrant, & quia in superioribus ordinibus huiusmodi conceptus sunt vniuersaliores, in inferioribus vero sunt particulariores, in quantum superiores vnico conceptu plura cognoscunt quam inferiores: ideo dicuntur angeli mediae Hierarchiae in vniuersalibus causis cognoscere, inferiores vero in causis particularibus. Secundo, possumus conuenientiam inuenire, dicendo quod vnus modus alium infert. Cum enim causa vniuersalior non cognoscatur a superioribus angelis, nisi conceptu vniuersaliori, ex eo quod ponitur superiores angelos cognoscere aliquid faciendum per diuinam providentiam, dum per diuinam illuminationem videndo causam vniuersalem, vident ipsam per diuinam providentiam talis effectus esse ordinatam: sequitur quod illum effectum in ratione & conceptu vniuersali cognos-

cant, & idem dicendum est de cognoscendo in causa particulari. Cognoscens enim in consideratione passionis Christi esse saluandum Petrum per ipsam Christi passionem, cognoscit Petrum esse saluandum ex illo conceptu, quo Christi passionem cognoscit, qui conceptus est conceptus vniuersalis respectu conceptuum, qui formantur de causis particularibus salutis alicuius, sicut & ipsa passio Christi est communis causa omnium saluandorum: cognoscens vero Petrum esse saluandum per martyrium in seipso consideratum, quae est particularis causa salutis ipsius, cognoscit illud per conceptum particularem quem de martyrio format. Iste modus magis videtur esse de mente sancti Thomae, si eius processus bene consideretur.

CIRCA distinctionem etiam ordinum vnius Hierarchiae videtur esse diuersitas. Nam hic angelos primae Hierarchiae distinguit per hoc quod Seraphin ordinem diuinum prouidentiae in diuina bonitate vident, Cherubin in diuina essentia, Throni in seipso, siue in ipsa Dei scientia rerum ordinatrice. Angelos mediae distinguit, quia Dominationes distribuunt in multos executores dispositionem diuinam prouidentiae, quid alij exequantur praecipientes: Virtutes tanquam exequentes & operantes, dictam dispositionem distribuunt & multiplicat ad varios effectus: Potestates cohibent ea quae possent dictum ordinem perturbare. Angelos infimae distinguit, quia ad Principatus pertinet boni communis gubernatio, ad archangelos gubernatio bonorum quae ad vnumquodque secundum seipsum pertinet, sed multis sunt vtilia: ad angelos pertinet gubernatio boni quod ad vnum singulariter pertinet. In prima vero parte distinguit angelos primae Hierarchiae, quia Seraphin excellunt in hoc quod est Deo vniri, qui est finis creaturarum. Cherubin supereminenter Dei secreta cognoscunt, Throni deum in seipsis familiariter recipiunt, rationes rerum in ipso immediate cognoscendo, quod est proprium totius primae Hierarchiae. Angelos secundae distinguit, quia ad dominationes pertinet distinctio eorum quae agenda sunt, ad virtutes pertinet praebere facultatem ad implendum, ad potestates ordinare qualiter ea quae sunt praeccepta vel distincta possint impleri. Angelos tertiae sic distinguit, quod Principatus incipiunt actiones, & alios ducunt, angeli simpliciter exequuntur, archangelis medio modo se habent. Sed in secundo Sententiarum ut supra angelos primae Hierarchiae distinguit, quia Seraphin ab actu amandi, quo perficitur voluntas denominantur, Cherubin ab actu videndi quo perficitur intelligentia, Throni ab actu comprehensionis, siue retentionis quo perficitur memoria. Angelos mediae distinguit, quia ad Dominationes pertinet dirigere in omnibus diuinis mysteriis, ad virtutes pertinet adiuuare & propugnare, ut non sit impossibile praestari exitu diuina mysteria, ad Potestates pertinet sententiarum quid vniciueque debeat. Angelos tertiae sic distinguit, quod Principatus habent actum limitatum ad vnam provinciam. Archangelis habent actum limitatum ad vnum hominem, sed de iis quae pertinent ad bonum multorum quae expleantur per actum vnius personae. Angeli vero habent actum limitatum ad vnum hominem de iis quae ad ipsum tantum pertinent. Omnes autem isti modi possunt in vnum reduci hoc modo. Quantum enim ad primam Hierarchiam conueniunt omnes modi hic enumerati, quod angeli primae Hierarchiae accipiunt cognitionem diuinorum operum immediate in ipso Deo, sed quia Deus & est Deus, & primum principium & ultimus finis, hic dicitur quod accipiunt hanc cognitionem omnes in ipso Deo non limitando ad aliquam rationem: in prima vero parte dicitur quod omnes hanc cognitionem accipiunt in fine qui est Deus, in secundo vero sensu dicitur quod accipiunt hanc cognitionem in prima causa vniuersali, idem tamen per omnia ista nomina significatur, sed in diuersis locis diuersas Dei condiciones secundum nostrum modum intelligendi distinctas considerauit. Quod dicitur in prima parte Seraphin in hoc excellere quod est vniri Deo: in secundo vero sensu quod ab actu amandi denominantur: idem est cum eo quod hic dicitur, scilicet quod accipiunt cognitionem in fine, qui est diuina bonitas. Nam per omnia haec dicta significatur quod ab amore denominantur. Nam per amorem amans fingitur in re amata, & illi vnitur: & similiter quia intensius amant ipsum finem, & ex intenso amore totam aciem intellectus in ipso figunt, dicuntur accipere cognitionem in bonitate diuina, secundum quod est finis vehementer amatus. Cum dicitur de Cherubin quod supereminenter Dei secreta cognoscunt, quod denominantur ab actu videndi, quod cognoscunt perfecte in ipsa diuina forma, significatur plenitudo scientiae istorum angelorum dum vident rerum ordinem in essentia diuina, quae est forma omnis intelligibilis. Hoc autem dicitur non quod Seraphin qui sunt superiores, non tanta eminentia diuina secreta cognoscant, sed quia hoc in Cherubin est nobilissimum: Seraphin vero & eminentius ipsa diuina secreta vident, & ardētius omnibus Deo per amorem vniantur, ideo ab ista maxima vnione tanquam a perfectissimo actu in ratione vniciueque denominantur. De thronis patet quod omnia dicta referuntur ad vnum. Denominantur enim tanquam infimi illius Hierarchiae ab eo quod est commune toti primae Hierarchiae, & ex quo prima Hierarchia ab inferioribus distinguitur, ab eo scilicet quod est videre rationes rerum in ipso Deo, quia nihil illo excellentius habent: ideo dicuntur Deum in se tenere, tanquam videlicet eum sua cognitione perseueranter & immutabiliter amplectentes, & videre diuinam mentis ordinationem & cognitionem in seipsis. Quantum ad secundam Hierarchiam patet quod omnes modi in hoc conueniunt, quod ad ipsam pertinet dispositio vniuersalis de agendis, sicut & in causis vniuersalibus ordinem diuinum prouidentiae cognoscunt. Circa Dominationes quoque patet nullam esse differentiam: omnia enim ad hoc tendunt, quod ipsarum est distinguere ea quae agenda sunt, & praecipere ut exitu praestentur, sicut architector distinguit circa aedificium esse aptandos lapides, esse complandanda ligna, esse cementum terendum, praecipitque ut haec fiant, sed per se nihil horum exequitur. Quae de Virtutibus dicuntur, videntur esse differentia, sed omnia tamen in hoc concordant, quod sunt primi inter exequentes, tanquam videlicet aliquod primum & vniuersale in diuinis ministeriis per se exequentes, puta corporum caelestium motum, & aliis executoribus tradendo quid vnusquisque agere debeat: circa tamen vniuersalem gubernationem, hoc autem quod est Virtutes esse primos in executione diuinorum operum, & distributores ministeriorum vniuersalium, trahit secum hoc quod est iuuare ut omnia fiat, & propugnare ac defendere sua virtute ne aliquid impediatur executionem diuinam prouidentiae.



tiæ, quod est præbere facultatem ad agendum. Quæ de Potestatibus dicuntur, ad hoc tendunt, quod Potestatum est ordinem diuinæ providentiæ in effectibus institutum inconcussim custodire, cohibendo sua sententia ea quæ possent hunc ordinem perturbare, & determinare quod hoc ad hunc pertinet, non autem ad illum: & propter hoc dicuntur etiam ordinare qualiter ea quæ præcepta sunt impleri possint.

Quantum ad tertiam hierarchiam omnes modi conueniunt in hoc, quod hæc hierarchia habet actus suos circa res humanas, scilicet circa inferiores naturas ad hominem ordinatas. Quæ autem de Principatibus dicuntur, ad hoc tendunt, quod regnis & ciuitatibus præponitur, & ideo dicuntur quasi incipientes actionem circa huiusmodi, & alios ducentes ad executionem suorum operum circa res humanas. Archangelis conuenit secundum omnes modos gubernatio eorum quæ multitudinē conducunt, & ad vnumquemque pertinent: ideo dicuntur aliqua per se ipsa exequi circa res humanas, scilicet magna: inferiores verò in aliqua diti-gunt veluti eorum principes & doctores: ideo inter principatus & angelos medij collocantur. In his quæ de ultimo ordine angelorum dicuntur, constat nullam esse differentiam. Reliqua quæ ad hanc materiam pertinent, sunt diffusè tractata in locis præallegatis.

De ordinatione hominum ad inuicem & ad alia.

Cap. 81.



INTER alias verò intellectuales substantias humana animæ infimum gradum habet, quia sicut supra \* dictum est, in sui institutione cognitionem ordinis providentiæ diuinæ in sola quadam vniuersali cognitione suscipiunt,

ad perfectam verò ordinis singularium cognitionē oportet, quod ex ipsis rebus in quibus ordo diuinæ providentiæ iam particulariter institutus est, perducantur. vnde oportuit quod haberet organa corporea per quæ a rebus corporalibus cognitionem haurirēt: ex quibus tamē propter debilitatem intellectuales luminis perfectā notitiam eorum quæ ad hominem spectant, adipisci non valent, nisi per lumen superioris spiritus adiuuentur, hoc exigēte diuina dispositione, vt inferiores per superiores spiritus perfectionem acquirant, vt supra \* ostensum est. quia tamen aliquid homo de lumine intellectuali participat, ei secundum providentiæ diuinæ ordinem subduntur animalia bruta, quæ intellectu nullo modo participant. Vnde dicitur Gen. 1. Faciamus hominem ad imaginem & similitudinem nostram: scilicet, secundum quod intellectum habet, & præst. pi. ma. & vo. ce. & be. re. animalia verò bruta, etsi intellectu careant, quia tamen cognitionem aliquā habent plantis & alijs quæ cognitione carent, secundum diuinæ providentiæ ordinem præferuntur. vnde dicitur Genes. 1. Ecce dedi vobis omnem her. af. se. su. terram: & vni. li. quæ habent in semetipsis sementem generis sui, vt sint vobis in escam & cunctis animantibus terræ. Inter ea verò quæ penitus cognitione carent, vnum subiacet alteri, secundum quod vnum est altero magis potentius in agendo. non enim participant aliquid de dispositione providentiæ, sed solum de executione. Quia verò non habet intellectum, & sensum, & corporalem virtutem, hæc in ipso adinuicē ordinantur secundum diuinæ providentiæ dispositionē ad similitudinem ordinis qui in vniuerso inuenitur. nam virtus corporea subditur sensitiuæ & intellectiue virtuti veluti exequens earum imperium: ipsa verò sensitiua potentia intellectiue subditur, & sub eius imperio continetur. Ex eadē ratione & inter ipsos homines ordo inuenitur. nam illi qui intellectu præminent, naturaliter dominantur: illi verò qui sunt intellectu deficientes, corpore verò robusti à natura videntur instituti ad seruiendum, sicut Aristoteles dicit in sua Politica, cui etiam concordat sententia Salomonis, qui dicit Proverbia 17. vnde decimo, Qui stultus est, seruiet sapiēti. Et Exo. 18. dicitur: Prouide de omni plebe viros sapientes, & timentes Deum, qui iudicent populum omni tempore. Sicut autem in operibus vnius hominis ex hoc inordinatio provenit, quod intellectus sensualem virtutem sequitur, sensualis verò virtus propter corporis indispositionem trahitur ad corporis motum, vt in claudicantibus apparet: ita & in regimine humano inordinatio provenit ex eo quod non propter intellectus præminentiam aliquis præst, sed vel robore corporali dominium sibi usurpat, vel propter sensualem affectionē ali-

quis ad regendum præficitur: quam quidem inordinatio-nē nec Salomon tacet: qui dicit Ecclesiast. 10. Est malum quod vidi sub sole quasi per errorē egrediēs à facie principis, positū stultum in dignitate sublimi. Huiusmodi autē inordinatio diuinā providentiam non excludit. provenit enim permissione diuina ex defectu inferiorum agētium, sicut & de alijs malis dictum est. Sed neque per huiusmodi inordinationem totaliter naturalis ordo peruertitur: nam stultorum dominium infirmū est, nisi sapientū cōsilio roboretur. Vnde dicitur Prou. 20. Cogitationes consiliiis roborabuntur, & gubernaculis tractata sunt bella. & 24. Vir sapiēs fortis est, & vir doctus robustus & validus, quia cū dispositione inititur bellū: & erit salus vbi multa consilia. & quia consilians regit eum qui cōsiliū accipit, & quodāmodo ei dominatur, dicitur Prou. 17. Quod seruus sapiens dominabitur filiis stultis. patet ergo quod diuina providentia omnibus rebus ordinem imponit, vt sic verū sit quod dicit Apostolus Roman. 13. quæ à Deo sunt, ordinata sunt.

Super Cap. 81.



OSTQVAM determinauit S. Thom. de ordinatione angelorum, vult de hominum ordinatione determinare. Et triplicem ordinem in hominibus ponit, vnum hominem ad alias res, alium eorum quæ in homine inueniuntur, tertium hominum inter se. Primus ordo est, quod animæ humanæ inter intellectuales substantias infimum gradum tenent, quia in sui institutione, vt supra dictum est, scilicet in cap. præcedenti, cognitionem ordinis diuinæ providentiæ in sola quadam vniuersali cognitione suscipiunt: ad perfectam verò singulorum cognitionem, ex ipsis rebus in quibus talis ordo iam particulariter est institutus perducuntur. propter quod data sunt eis organa corporea, sed tamen ex ipsis rebus perfectam cognitionem de iis quæ ad homines spectant adipisci non valent, nisi per lumen superioris spiritus adiuuentur, hoc diuina dispositione exigente, vt inferiores per superiores spiritus perfectionem acquirant: bruta verò omnia secundum diuinæ providentiæ ordinem homini subduntur, quia aliquid de lumine intellectuali participant, vt patet Gen. 1. Bruta quia cognitionē aliquam habent, plantis & alijs cognitione carentibus præferuntur, vt etiam Gen. 1. habetur. eorum verò quæ cognitione carent, vnum subiacet alteri, in quantum vnum est potentius altero in agendo: participant enim solum de executione, non autem de dispositione providentiæ. Secundus ordo est, quod ad similitudinem ordinis in vniuerso, virtus corporea in homine subditur sensitiuæ & intellectiue virtuti, vt exequens eorum imperium, sensitiua verò potentia intellectiue subditur, & sub eius imperio continetur. Tertius ordo est, quod inter homines illi qui intellectu præminent, naturaliter dominantur: qui verò sunt intellectu deficientes, corpore verò robusti, à natura videntur instituti ad seruiendum, vt ostenditur in Politicis, & Prou. 11. & Exod. 18. Si autem instetur quoniam inuenitur in regimine humano quod aliquis non propter intellectus eminentiam alijs præst, sed vel robore humano sibi dominium usurpat, vel propter sensualem affectionem aliquorum ad regendum præficitur, quod Salomon non tacet Ecclesiast. 10. & sic videtur quod ille tertius ordo non sit secundum diuinam providentiam: Respondet S. Thom. & dicit duo. Primum est, quod ista ordinatio non excludit diuinam providentiam, provenit enim ex permissione diuina propter defectum inferiorum agentium, sicut & de alijs malis superius dictum est. Dicit secundum, quod per huiusmodi inordinationē nō totaliter naturalis ordo peruertitur, quia stultorum dominium infirmum est, nisi sapientum cōsilio roboretur, vt habetur Prouer. 20. & 24. consilians autem regit eum qui cōsiliū accipit, & ideo ei quodammodo dominatur, vt habetur Prou. 17. Cōcludit vltimò S. Thom. ex auctoritate Apostoli, Rom. 13. quod diuina providentia omnibus rebus ordinem imponit.

CIRCA primum ordinem aduertendum primum, quod sicut multa per inferiores angelos exequenda non cognoscuntur ab ipsis perfectā cognitione, nisi per illuminationem à superioribus factam, ita & secreta diuinæ providentiæ quæ ad homines pertinent, ab ipsis hominibus non nisi per reuelationem ab angelis acceptam cognoscuntur perfectē, vt sic seruetur diuinæ providentiæ ordo, dum inferiora per superiora gubernantur, & reducuntur in Deum. ideo sicut vna Hierarchia angelorum ponitur sub alia, in quantum vna ab alia de diuinis mysteriis illuminatur, ita cōuenienter ponuntur sub cælestibus spiritibus, vt ab ipsis de diuinis rebus instruantur. Nam vt dicitur, propter debilitatē intellectualem luminis in hominibus non possunt homines de iis quæ ad ipsum hominem spectant, ex solo scilicet ordine solaquæ diuinæ providentiæ dispositione, per res à quibus cognitionem capiunt, perfectam notitiam habere. Considerandum secundum, quod sicut bruta licet prudētiam non habeant, aliquam tamen habent prudentiæ similitudinem, in quantum in suis operibus ordinatē procedunt, ita providentiam quidem non habet cum ratione finis non cognoscant, vt superius est ostensum, aliquam tamen similitudinem providentiæ participant, in quantum per cognitionem operantur diuersa quorum vnum est propter aliud, ac si ipsa vnum ad aliud tanquam ad finem ordinarent, cum tamen agant propter finem, nō tanquam ordinantia ex seipsis aliquid ad finem, sed tanquam ab alio directā & mota, sicut sagitta à sagittante. Quum ergo videtur ex modo dicendi S. Tho. innuere, quod bruta aliquid providentiæ participant, cum de illis dixit, quod quia cognitionem aliquam habent, præferuntur cognitione carentibus: de his verò quæ cognitione carent, dixit quod non participant aliquid de dispositione providentiæ, sed tantum de executione: illud dicit propter quandam similitudinem providentiæ in ipsis existentem, non quia aliquid veræ providentiæ in sua cognitione habeant.

Contra Gent.

G 4

\* in c. præc.  
circa princip.

\* Cap. 79.



Quod corpora inferiora reguntur à Deo  
per superiora.

Cap. 82



ICVT autem in substantiis intellectualibus est superius & inferius: ita etiam in substantiis corporalibus. Substantiæ autem intellectuales reguntur à superioribus, ut dispositio diuinæ prouidentie proportionaliter descendat usque ad infima, sicut iam dictum est. ergo pari ratione inferiora corpora per superiora disponuntur.

2 Amplius, quātō aliquod corpus est superius loco, tantō inuenitur esse formalius. & propter hoc rationabiliter locus superior est locus inferioris. nam formæ est continere, sicut loci. aqua enim est formalior terra: aer, aqua: & ignis aere: sed corpora cælestia sunt omnibus loco superiora. ipsa igitur sunt magis formalia omnibus aliis: ergo magis actiua: agūt ergo in inferiora corpora: & sic ea per inferiora disponuntur.

3 Item, Quod est in sua natura perfectum absque contrarietate, est vniuersalioris virtutis quàm illud quod in sua natura non perficitur nisi in contrarietate. contrarietas enim est ex differentiis determinantibus & contrahentibus genus. vnde in acceptione intellectus, quia est vniuersalis, species contrariorum non sunt contrariæ, cum sint simul. corpora autem cælestia sunt in suis naturis absque omni contrarietate perfecta. non sunt enim leuia, neque sunt graui, neque calida, neque frigida. corpora verò inferiora non perficiuntur in suis naturis, nisi cum aliqua contrarietate. & hoc etiam motus eorū demonstrat: nam motui circulari corporum cælestium non est aliquid contrariū: vnde nec in eis violentia esse potest: motus autem inferiorum corporum contrarij sunt, scilicet motus deorsum motui sursum. corpora ergo cælestia sunt vniuersalioris virtutis quàm corpora inferiora. vniuersales autem virtutes sunt motiæ particularium, sicut ex dictis \* patet. corpora ergo cælestia mouent & disponunt corpora inferiora.

\* Cap. 78.

\* Cap. 78.

4 Adhuc, Ostensum est suprà, \* quod per substantias intellectuales omnia alia reguntur: corpora autem cælestia sunt similia substantiis intellectualibus quàm alia corpora, inquantum sunt incorruptibilia: sunt etiam eis propinquiora, inquantum ab eis immediatè mouentur, ut suprà ostensum est. per ipsa igitur regūt inferiora corpora. 5 Præterea, Oportet primum principium motus esse aliquid immobile. quæ ergo magis accedunt ad immobilitatem, debent esse aliorum motiua. corpora autem cælestia magis accedunt ad immobilitatem primū principij quàm inferiora, quia non mouentur nisi vna specie motus, scilicet motu locali: alia verò corpora mouētur omnibus speciebus motus. corpora igitur cælestia sunt motiua & regitiua omnium inferiorum corporum.

Lib. 2. c. 70.  
80. huius.

6 Amplius, Primum in quolibet genere est causa eorum quæ sunt post. inter omnes autem alios motus primus est motus cæli. primò quidem, quia motus localis est primus inter omnes motus, & tempore, quia solus potest esse perpetuus: ut probatur in octauo Physicorum: \* & naturaliter, quia sine ipso non potest esse aliquis aliorum motuum. non enim augmentatur aliquid, nisi præexistente alteratione, per quam quod prius erat dissimile, conuertatur & fiat simile. neque alteratio potest esse nisi præexistente loci mutatione: quia ad hoc quod fiat alteratio, oportet quod alterans sit magis propinquum alterato nunc quàm prius est etiam perfectione prior, quia motus localis non variat rem secundum aliquid ei inhærens, sed solum secundum aliquid extrinsecum. & propter hoc est rei iam perfectæ. Secundò, quia etiam inter motus locales est motus circularis prior, & tempore, quia solus ipse potest esse perpetuus, ut probatur in octauo Physicorum: \* & naturaliter: quia est magis simplex & vnus, cum non distinguatur in principium, medium & finem, sed totus sit quasi medium. & etiā perfectione: quia reflectitur ad principium. Tertiò, quia solus motus cæli inuenitur semper regularis & vni-

formis. In motibus enim naturalibus grauium & leuium fit additio velocitatis in fine, in violentis autem additio tarditatis. Oportet ergo quod motus cæli causa sit omnium aliorum motuum.

6 Adhuc, Sicut se habet immobile simpliciter ad motum simpliciter, ita se habet immobile secundum hunc motum ad motum talem. id autem quod est immobile simpliciter, est principium omnis motus, ut suprà probatum est. quod ergo est immobile secundum alterationem, est principium omnis alterationis. corpora autem cælestia sola inter corpora sunt inalterabilia: quod demonstrat dispositio eorum, quæ semper eadē inuenitur. est ergo corpus cæleste causa omnis alterationis in his quæ alterantur, alteratio autem in his inferioribus est principium omnis motus: nam per alterationem peruenitur ad augmentum & generationē: generans autem est motor per se in motu locali grauium & leuium. oportet ergo quod cælum sit causa omnis motus in istis inferioribus corporibus. Sic ergo patet quod corpora inferiora à Deo per corpora superiora reguntur.

Lib. 2. c. 13.

Super Cap. 82



OSTQVAM ostendit sanctus Thomas qualis sit ordo in substantiis intellectualibus, vult de ordine corporum determinare: & ponit hanc conclusionem: Inferiora corpora per superiora disponuntur: probatur primò. Substantiæ intellectuales inferiores reguntur à superioribus, ut dispositio diuinæ prouidentie proportionaliter usque ad infima descendat: ergo & inferiora corpora per superiora. Probatur consequentia, quia etiam in corporibus est superius & inferius, sicut in substantiis spiritualibus. Secundò, corpora cælestia sunt superiora loco, ergo magis formalia, ergo magis actiua, ergo in inferiora agunt, ergo, &c. probatur prima consequentia, quia quātō a quo corpus est superius loco, tantō inuenitur esse formalius: probatur à signo, quia locus superior est locus inferioris, quod est signum ipsum esse formaliorē, quum formæ sit continere, sicut & loci. probatur etiam ex ordine elementorum.

ADVERTE circa probationem antecedentis à signo, quod non intendit arguere sanctus Thomas in secunda figura sic: Formæ est continere, locus superior continet inferiorem, ergo est forma. tunc enim argueretur in secunda figura ex puris affirmatiuis contra regulas syllogismorum: sed intendit arguere ex similitudine & proportionē loci ad formam in hoc quod est continere, sic arguendo: Forma & locus conueniūt in hoc quod est continere, ergo ille locus qui est alterius contentiuus, magis accedit ad rationem formæ: sed locus superior est contentiuus inferioris, ergo est ipso formalior. Attendendum tamen quod licet tam formæ quàm loci sit continere: hoc tamen est aliter & aliter. dicitur enim locus continere quantitatiue inquantum quātitate corporis locati in seipso comprehendit: forma autem dicitur continere formaliter & virtualiter, inquantum dat esse & speciem corpori: quādiu enim sub forma manet, suum esse & suam speciem tenet: cum verò recesserit forma, & esse & speciem amittit.

CIRCA probationem primæ consequentiæ & alias adductas consequentiæ, considerandum ex doctrina sancti Thomæ secundo Cæli, lect. 10. quod cum continens habeat rationem determinantis & finientis, contentum autem habeat rationem terminati & finiti, rationabiliter corpus continens naturaliter aliud corpus ponitur magis habere de ratione formæ quàm contentum. formæ enim est determinare & finire, materie verò determinari & finiri per formam: & quia quātō corpus naturali ordine est superius loco, tantō magis ad inferiora comparatur, sicut continens ad contenta. ideo conuenienter dicitur quod est etiam formalius. quia verò forma est actus, ideo etiam tale corpus est aliis actualius: & quia vnumquodque agēs agit per suam formam, sequitur etiam quod sit magis actiuum. Tertiò, corpora cælestia sunt in suis naturis absque omni contrarietate perfecta: corpora verò inferiora non perficiuntur in suis naturis, nisi cum aliqua contrarietate. ergo corpora cælestia sunt vniuersalioris virtutis quàm inferiora, ergo ea mouent & disponunt. Probatur antecedēs exemplariter in aliquibus contrarietatibus, & ex motibus. quia motui circulari cælestium corporum non est aliquid contrarium: & idcirco in eis violentia esse non potest: motus autem inferiorum sunt contrarij. Prima verò consequentia probatur, quia quod est in natura sua perfectum absque contrarietate, est vniuersalioris virtutis quàm id quod non perficitur nisi in contrarietate. declaratur, quia contrarietas est ex differentiis contrahentibus genus: cuius signum est, quod in acceptione intellectus, quia est vniuersalis species contrariorum non sunt contrariæ. secunda verò consequentia probatur, quia vniuersales virtutes sunt motiæ particularium.

CIRCA antecedens considerandum quod corpora inferiora perfici in sua natura cum contrarietate, dupliciter potest intelligi. Vno modo quia eorum natura ex contrariis componitur. & sic non intelligitur hic. Nam elementa quæ sunt de numero corporum inferiorum, cum sint corpora simplicia, non sunt composita ex contrariis. Alio modo potest intelligi, quia eorum naturam & eorum formam naturalem consequitur aliqua qualitas, cui qualitas alterius corporis contrariatur: & sic intelligitur. Nam ignis naturam concomitatur siccitas & caliditas, quibus humiditas & frigiditas aliorum corporum contrariatur. Nulla autem huiusmodi qualitas naturam corporum cælestium concomitatur.

CIRCA probationem antecedentis dubitatur. Nam motus corporis cælestis ab occidente ad orientem videtur contrariari motui eiusdem ab oriente ad occidentem, cum sint ad loca maximè distantia. ergo falsum est quod motui corporum cælestium nihil sit contrarium. Confirmatur, quia

\* Tex. c. 54.  
8 seq.

\* Tex. c. 64.



quia motui circulari contrariatur motus rectus.

A D euidenciam huius considerandum ex doctrina sancti Thomae primo Caeli, lect. 8. quod cum motus circularis sit ab eodem in idem, non possunt in ipso assignari duo termini maxime distantes qui ipsum motum terminent, tanquam terminus à quo, & terminus ad quem. etsi enim aliquod punctum maxime distet à termino à quo incipit motus, quod scilicet ab ipso per diametrum distat, illud tamen non est terminus talis motus, sed medij rationem habet, quo fit ut talis motus non possit dici esse inter contrarios terminos. Vnde motus primi mobilis ab oriente in occidentem non est ab istis punctis tanquam à termino ad terminum, sed tanquam à termino ad medium per quod ipsum mobile ad orientem redit. Ex hoc sequitur quod motus corporis caelestis non possunt sic inter se habere diuersitatem, quod sint motus facti inter contrarios terminos, sicut motus sursum & motus deorsum, quorum vnus est à medio ad circumferentiam, alius à circumferentia ad medium: sed quia quod est terminus vnus, est medium alterius, ad quod contrariis viis perueniunt, sicut primum mobile quod mouetur ab oriente, recedit ad orientem per occidentem transiens, qui est terminus motus, à quo motus planetarum incipit, & ad quem terminatur: & e converso motus planetarum incipiens ab occidente transit per orientem, quod est principium motus primi mobilis. Ad illud autem quod est medium motus vnus mobilis, & principium alterius, diuersis viis ista mobilia perueniunt. Nam primum mobile ab oriente versus occidentem per hemisphaerium superius transiens redit ad occidentem per hemisphaerium inferius: planeta autem ab oriente per hemisphaerium inferius transiens, per hemisphaerium superius ad occidentem redit: & sic ad orientem utroque motu perueniunt diuersis viis: quod non facit contrarietatem motuum, sed diuersitatem: ideo illi motus corporum caelestium non sunt contrarii, licet sint diuersi. Tangit etiam duas alias rationes sanctus Thomas ibidem, quare isti motus non sunt contrarii: quarum vna est, quia illi motus non sunt super eisdem polis, cum videlicet vnus sit super polis mundi, alius vero super polis zodiaci. Alia vero est, quia non sunt in eodem circulo, sed motus planetarum est in inferioribus circulis, & per consequens non sunt inter eosdem terminos, neque in eadem distantia sunt: oportet autem contrarietatem attendi circa eandem distantiam, ut patet in motibus rectis, quorum contrarietates consistit in distantia centri & circumferentiae. Ad argumentum ergo negatur quod motus corporum caelestium ab occidente in orientem rediens in occidentem, sit contrarius motui circulari ab oriente in occidentem, redeuntique in orientem: cum probatur, quia sunt inter terminos maxime distantes. dicitur primum, quod hoc est falsum, quia oriens est terminus à quo & terminus ad quem vnus illorum motuum, & occidens alterius. dicitur secundum quod licet oriens & occidens accipiantur in eodem circulo tanquam duo termini maxime distantes, ut eorum distantia mensuratur diametro, quae est maxima linea rectarum ab vno puncto circumferentiae ad aliud punctum ductarum, non sunt tamen maxime distantes vt sunt termini motus facti super lineam curuam, imò in motu primi mobilis punctum quod dum recedit mobile ab occidente, magis appropinquat orientis puncto à quo primum recedit primum mobile, secundum distantiam mensuratam linea curua procedendo secundum ordinem motus, magis distat à puncto orientis quam punctum occidentis. Verbi gratia, sit circulus a. b. c. d. ita quod a. & c. diametraliter opponantur procedendo ab a. ad b. & ad c. & ad d. & postremo redeundo ad a. magis distat d. ab a. quam c. quia maior est arcus inter a. & d. quam arcus inter a. & c. sicut in zodiaco maior est distantia inter principium Arietis & principium Capricorni procedendo ab Ariete ad Taurum, & successiue secundum ordinem signorum redeundo ad principium Arietis, quam inter ipsum principium Arietis & principium Librae quae diametraliter opponuntur. maior est enim arcus inter principium Arietis & principium Capricorni secundum dictum ordinem, quam sit arcus inter principium Arietis & principium Librae, cum iste sit semicirculus, ille vero sit maior semicirculo: & vt breuiter dicatur, in circulo non sunt duo termini maxime distantes si eorum distantia linea curua sine arcu mensuretur, nisi forte darentur duo puncta immediata in circulo, quorum vnus esset principium, & alter esset finis: quod constaret impossibile esse. Dicitur tertio, quod posito quod essent duo termini maxime distantes, adhuc non sequitur tales motus esse contrarios, quia ultra hoc requireretur quod illi motus essent super eodem axe, & super eisdem polis, quod in proposito non contingit. Ad confirmationem dicitur secundum sanctum Thomam ibidem quod si motus rectus contrariatur motui circulari, hoc est tantum ratione differentiarum eiusdem generis: differentia enim eiusdem generis sunt contrariae, vt dicitur 10. Metaphysicae: secundum tamen quod contrarietas accipitur per excessum & defectu differentiarum sub eodem genere, vt exponit S. Thom. quinto Physicorum, non sunt autem contrarii isti motus ratione specierum, secundum quod vna species est alterius corruptiua, quomodo dicimus motui corporum caelestium nihil esse contrarium. non inconuenit enim isto modo esse contrarietatem in corporibus caelestibus, sicut est contrarietas secundum par & impar, & similia, licet ibi non sit contrarietas corruptiua.

CIRCA probationem primae consequentiae, cum declaratur ex conditione intellectus, attendendum est sensum illius declarationis esse, quod quia intellectus noster est vniuersalis in sua acceptione, hoc est, quod non limitatur ad accipiendum magis hanc naturam limitatam quam illam, imò etiam ipsam naturam generis absque omni determinatione ad aliquam speciem apprehendere potest, & potest perici absque determinatione per aliquam differentiam genus contrahentem, ideo species contrariarum in ipso nullam habent contrarietatem, licet contraria repraesentent. illimitatio enim & vniuersalitas intellectus facit ut sit ab omni contrarietate alienus, & vt in ipso omnia intelligibilia quantumcumque in propriis naturis sint contraria, congregari possint absque contrarietate: & hoc signum est, quod contrarietas alicuius naturae ad alia prouenit ex limitatione ipsius per aliquam differentiam genus contrahentem.

ATTENDENDUM tamen, quod non ita intelligendum est contrarietatem prouenire ex differentiis limitantibus, quasi omnes species quae differentii eiusdem generis constituuntur, sint contrariae aut habeant contrarias qualitates, sed quia in illis speciebus in quibus huiusmodi contrarietas inuenitur hoc ex ipsarum differentii prouenit. Ex hoc vero sequi-

tur quod natura quae est absque omni contrarietate perfecta, est vniuersalioris perfectionis & virtutis quam natura quae in aliqua contrarietate perficitur. Nam si contrarietas sequitur limitationem naturae per aliquam differentiam, sequitur quod natura quae est ab omni contrarietate remota, nulla illarum differentiarum sit limitata ex quibus contrarietas prouenit, sed sit supra omnes huiusmodi naturas & differentias, & per consequens quod non sit limitata ad operationem vnus talium naturarum tantum, puta ignis, aut aeris, sed sua virtute vniuersaliorisque talium naturarum virtutem excedat, & sic sit vniuersalioris virtutis. Quarto, corpora caelestia sunt similia substantiis separatis quam alia corpora, in quantum sunt incorruptibilia, & sunt eis propinquiora in quantum ab eis immediate mouentur. ergo, & c. probatur consequentia, quia per substantias intellectuales omnia alia reguntur. Quinto, quae magis accedunt ad immobilitatem debent esse aliorum motiua, quia primum principium motus oportet esse aliquid immobile, corpora caelestia sunt magis immobilia quam inferiora, in quantum vna tantum specie motus mouentur, scilicet motu localis: inferiora vero omnibus speciebus motus mouentur. ergo, & c. Sexto, motus caeli est primus inter omnes alios motus. ergo est causa omnium aliorum motuum. probatur consequentia, quia primum in quolibet genere est causa eorum quae sunt post. antecedens probatur, quia motus localis primus est inter omnes motus, tempore, natura, & perfectione, & similiter circularis est primus inter motus locales: & solus motus caeli inuenitur regularis & vniuersalis. Prima pars probatur, quia motus localis solus potest esse perpetuus, vt dicitur octauo Physicorum, text. 54. & sine ipso non potest esse aliquis aliorum motuum, vt patet discurrendo per species motus, & non variat rem secundum aliquid ei inhaerens, scilicet absolutum, sed tantum secundum extrinsecum, scilicet secundum locum: & ideo est rei iam perfectae. Secunda vero pars probatur, quia solus circularis motus potest esse perpetuus, vt probatur octauo Physicorum, text. 64. & est magis simplex & vnus, cum non distinguatur in principium medium, & finem, sed totus sit quasi medium, & reflectatur ad principium. Tertia vero pars probatur ex comparatione ad motus grauium & leuium, qui intenduntur in fine.

CIRCA probationem antecedentis considerandum primum, quod prius natura aliquando accipitur vt distinguitur contra prius duratione: & sic tam prius ordine generationis quam prius perfectione, dicitur prius natura: aliquando vero vt distinguitur contra prius ordine generationis, vt inquam idem est quod prius perfectione, cum dicitur hic quod motus localis est naturaliter prior, datur intelligi quod accipitur prius natura primo modo, non autem secundo modo, quum distinguatur contra prius perfectione: sic enim ordine praesuppositionis motus localis est prior, in quantum ab omnibus aliis motibus praesupponitur.

Considerandum secundum, quod motus circularis dicitur esse totus quasi medium, non autem diuidi in principium, medium & finem, quia in motu locali circulari non est accipere aliquid signum à quo incipiat totum mobile recedere aliquod, ad quod vltimo perueniat, quum totum simul mutet locum secundum rationem, non autem secundum rem, & in circulo nullum punctum sit principium, & nullum sit finis, nisi secundum signationem intellectus.

SED circa praedicta multiplex dubium occurrit. Primum est: Motus accipit dignitatem & perfectionem à termino ad quem vt vult S. Thom. prima parte, q. 45. art. 1. ad secundum: sed terminus ad quem motus localis, non est perfectior termino ad quem aliorum motuum, & praesertim generationis: ergo non est perfectior aliis motibus, vt dicebatur. Secundum est: Vbi non sunt extrema, ibi non est medium, cum medium non dicatur nisi in ordine ad extrema. ergo si motus circularis non diuiditur in principium, medium & finem, non poterit dici totus habere rationem medij. Tertium est: Motus qui non habet principium & finem, est perpetuus. Ergo si motus circularis non habet principium & finem, omnis motus circularis erit perpetuus: hoc est falsum, ergo, & c. Quantum est: Motus circularis semper est in fine, vt dicitur primo Meteororum. ergo falsum est quod non diuiditur in principium, & finem.

A D primum horum respondent quidam, quod motus dupliciter accipi potest. Vno modo quantum ad entitatem suam, secundum quam est, & secundum quam est idem termino. Alio modo secundum suam formalem rationem. Si primo modo accipitur, sic conceditur quod motus localis non est perfectior aliis: si autem accipitur secundo modo, sic est alius perfectior: quia cum motus ad suum terminum comparatur sicut potentia ad actum, & sicut imperfectum ad perfectum: quanto terminus est imperfectior, tanto motus est perfectior, quia est priuatio minoris perfectionis: sicut quanto terminus est perfectior, tanto motus est imperfectior, utpote maioris perfectionis priuatio. sed licet ista responsio sit doctissimorum virorum, Capreoli scilicet, in secundo Sent. distinct. 14. & Pauli Socinatis septimo Metaphysicae, q. 25. non videtur tamen mihi vera, neque ad mentem Philosophi & sancti Thomae esse. Nam à quo quocumque aliquid habet speciem, ab eo accipit dignitatem & perfectionem sibi ex sua ratione conuenientem, cum perfectio essentialis rei speciei perfectionem consistat. constat autem ex quinto Physicorum, quod motus à termino ad quem speciem accipit, ergo & ab ipso perfectionem capit. Si ergo terminus ad quem motus localis est imperfectior terminis aliarum mutationum, non potest motus localis secundum suam formalem rationem esse aliis mutationibus perfectior, & sic repugnant quod in quantum est idem termino, sit imperfectior aliis, & quod secundum suam propriam rationem sit perfectior. Propterea dicendum mihi videtur, quod quum motus dicat respectum ad mobile & ad terminum motus, eo quod sit actus mobilis, in quantum mobile est, siue in quantum ad terminum motus tendit, dupliciter possumus de eius perfectione loqui. Vno modo de ea quae sibi conuenit ex ordine ad terminum motus. Alio modo de ea quae sibi conuenit ex ordine ad substantiam. Prima sibi conuenit formaliter & ex propria ratione, utpote sibi conueniens ex eo à quo in quantum est motus, speciem accipit. Secunda vero sibi conuenit materialiter & extrinsece, utpote sibi conueniens ex mobili quod est materia eius. Si ergo quantum ad formalem eius perfectionem consideretur loci mutatio, sic non est aliis mutationibus perfectior, sed imperfectior. si vero quantum ad sui materialem & extrinsecam perfectionem consideretur, sic aliis mutationibus perfectior est: quod est dictum quod eius substantiam substantiis aliorum perfectius & actualius est. Nam



est. Nam motus localis requirit subiectum suum in quantum huiusmodi in potentia, aut ad aliquod extrinsecum tantum, scilicet ad locum, aut in potentia ad ubi, quod relationem dicit, non autem in potentia ad aliquam formam absolutam intrinsecam: omnes autem alie mutationes requirunt subiectum in potentia ad formam intrinsecam, aut substantialem, aut accidentalem, cum variant subiectum de forma in formam. Primum dictum ostenditur primò autoritate sancti Thomæ, prima parte, loco allegato, ubi de mutationibus formaliter sumptis loquens vult, quod motus dignitatem ad perfectionem à termino ad quem accipit. Secundò etiam ostenditur ex questionibus Ma. q. 16. artic. 10. Ibi enim ex ordine motuum qui eis secundum propriam rationem conveniunt, arguit substantiam spiritualement posse movere corpora localiter, licet ea formaliter movere non possit, quia effectus debiles possunt fieri immediate à remotiori agente. Contra enim in hac ratione includi, quod loci mutatio secundum suam rationem, & debiliior & imperfectior est aliis mutationibus. Secundum verò dictum probatur, quia Aristoteles 8. Physicorum, text. 58. hunc motum aliis perfectiorem esse ex subiecti perfectione declarat. Vnde Commentator hoc modo eius rationem format. Trālatio est rei perfectioris: sed quod est rei perfectioris, est perfectius, ergo, &c. constat enim quod ista propositio, quod est rei perfectioris, est perfectius, habet veritatem de perfectione materiali formæ. Vtrumque postremò dictum simul ostenditur ex responsione quam dat sanctus Thomas ad primum argumentum, loco allegato in questionibus de Malo. Nam cum arguisset substantiam spiritualement non posse movere localiter corpora, quia motus localis est aliis perfectior: non potest autem aliis mutationibus movere, respondet quod motus localis est perfectior propter perfectionem mobilis, in quo secundum ipsum minimam fit variatio. Manifestum est enim hanc responsionem ad hoc tendere, quod motus localis non est formaliter & simpliciter perfectior, sed tantum secundum quid & materialiter. Propterea 8. Physicorum in expositione textus 59. formans rationem Aristoteli ait. Quāto aliquis motus minus remouet à mobili, tantò subiectū eius est perfectius: & sic ipse motus etiam est perfectior quodāmodo: motus localis est huiusmodi, ergo, &c. Ex his enim patet quod vult loci mutationem esse non formaliter & simpliciter aliis perfectiorem, sed secundum quid & materialiter, cum proponat motum qui minus remouet à subiecto, habere subiectū perfectius, & ex hoc ipsum esse perfectiorem quodāmodo.

AD rationem verò alterius opinionis dicitur quod super falso fundatur, scilicet quod motus nō sit aliud quā priuatio termini. hoc enim falsissimum est. Nam motus nō est formaliter priuatio, sed actus subiecti priuati termino motus, & per motum tendentis ad illum.

SED circa hanc determinationem duplex occurrit dubium. Primum est, motus primi mobilis est mensura omnium aliorum motuum, vt patet 10. Metaphys. text. 4. sed vnumquodque mensuratur primo & perfectissimo sui generis. ergo talis motus est secundum suam rationem prior & perfectior aliis motibus, & nō tantum materialiter ratione subiecti, ergo, &c. Secundum est: Probat sanctus Thomas & hic, & in plerisque aliis locis, quod omnes motus corporales reducuntur in motum corporum celestium sicut in causam, quia motus localis est aliis prior tempore, natura, & perfectione: sed esse causam aliorum videtur sibi ex propria ratione convenire, cum ab ipso habeat corpus celeste quod aliorum motuum sit causa. Nam apud sanctum Thomam cessante motu cæli, omnes alij motus naturales cessabunt, ergo, &c.

AD primum respondetur, quod duplex quantitas in motu considerari potest, secundum quam sibi potest attribui mensurari. vna est quantitas essentialis & quidditatiua, secundum quam in genere entium & in genere motus determinatur gradum tenet. alia est quantitas velocitatis & tarditatis, inquantū videlicet in maiori aut minori tempore tantum de spatio pertransitur, secundum quam dicitur determinatur gradum in velocitate tenere. Si loquamur de motu quantum ad eius primam quantitatem, sic non est verum quod omnes alij motus loci mutatione mensurentur, sed omnium ipsorum generatio est mensura. cognoscitur enim quæ mutatio sit formaliter & quidditatiue perfectior aut imperfectior, ex eo quod magis aut minus ad perfectiorem generationis appropinquat. Si verò de motu loquamur quantum ad aliam eius quantitatem, sic omnes alij motus motu locali primi mobilis mensurantur, tanquā videlicet motu velocissimo & simplicissimo: sed ista perfectio non convenit sibi ex absoluta motus localis ratione, sed ex eo quod est primi mobilis motus, cui convenit quod velocissime & simplicissime moueatur. ideo non sequitur quod ex sua formali ratione sit aliis perfectior, sed tantum materialiter & ex subiecto. Ad secundum similiter dicitur quod convenit motui corporis celestis esse causam aliorum non ex formali motus ratione, sed ex perfectione subiecti. quia enim requirit subiectum in potentia tantum ad ubi, non autem ad aliam formam intrinsecam absolutā, ideo solus potest convenire primo corpori celesti, quod suo motu est omnium aliorum motuum causa. vnde minor assumpta est falsa. Ad cuius probationem dicitur quod non habet corpus celeste à motu, quod sit aliorum motuum causa tanquam à forma per quam agat, sed tanquam à dispositione sibi ad hoc vt moueat necessaria, quia proprium est corporis vt non agat actione sibi conueniente, inquantū corpus est, nisi moueatur: & propter hoc cessante motu, cessat illa celestis corporis actio. Ad secundum dubiū dicitur quod non inquit S. Tho. totum motum esse medium absolute, sed quasi medium quia videlicet non est propriè medium, eò quod non habeat principium neque finem in magnitudine quæ pertransitur, vt arguebatur, sed habet quandam similitudinem medi, inquantum est aliquod extensum, sicut enim extensum in linea quod est inter indiuisibilia ad quæ linea terminatur, est medium inter illa: ita totus motus circularis consideratur vt extensio quædam motus: & ideo quandam medi similitudinem habet: deficit tamen à propria ratione medi inquantum non est in ipso accipere duo extrema in actu quibus terminetur, sicut & in circulo nulla sunt talia duo extrema. Ad tertium dubiū dicitur, quod licet motus circularis non habeat principium & finem per comparisonem ad magnitudinem super quam fit motus, habeat tamen principium & finem durationis secundum quod ad diuisionem temporis diuiditur. est enim aliquod instans à quo incipit corpus circulare moveri, & aliquod instans ad quod eius motus terminetur. ideo nō sequitur quod omnis motus circularis sit perpetuus. Ad quartum dubiū dicitur de mente Aristotelis octauo Physi-

corum, quod motus circularis potest dici semper esse in principio, in medio & in fine, quia in magnitudine circulari quodlibet punctum potest accipi vt principium, & vt medium, & vt finis, eò quod nullum sit punctum in tali linea quod sit actu principium, aut finis, sed secundum nostram signationem potest signari aliqua pars mobilis, & in loco continente signari aliquod punctum principio illius partis correspondens, & sic dicere quod mobile incipit à tali signo magnitudinis moveri, eritque signum illud principium à quo incipit motus secundum signationem nostrā, non secundum rem: cum ergo hic dicitur quod motus circularis non habet principium neque finem, intelligitur secundum rem, inquantum quod circulariter mouetur, semper in eodem loco reali manet secundum rem, non estque ex parte magnitudinis aliquod principium aut aliquis finis in actu, quod verò dicitur ipsum semper esse in fine in primo Meteororum, intelligitur quantum ad potentialem signationem nostram, secundum quam possumus quodlibet punctum magnitudinis accipere tanquam principium, & tanquam finem motus alicuius partis mobilis. Septimò, corpora celestia sola inter corporalia sunt inalterabilia, scilicet alteratione corruptiua. ergo sunt causa omnis alterationis. ergo sunt causa omnis motus in istis inferioribus. probatur prima consequentia, quia sicut se habet immobile simpliciter ad motum simpliciter, ita immobile secundum hunc motum ad motum talem, quando considerentur secundum quod vni attribuantur in ratione causæ alterius, sic generans grauium hunc ordinem habet, quod primò alterat materiam ex qua debet graue generari, secundò generat graue, tertio dat motum localem, & sic alteratio alios motus præcedit. Si autem vni attribuantur in ratione mobilis, ita quod sit vnum & idem mobile omnibus illis motibus, generatio omnes alios motus præcedit. omnis enim motus scilicet alterationis, & augmenti & localis, præsupponit subiectum suum in actu, hoc autem fit per generationem. Si autem isti motus in diuersis mobilibus considerentur, sic motus localis præcedit alterationem, quia non potest aliquid de nouo alterari, nisi alterans & alteratum fiant propinqua, quod nō fit sine motu locali, aut alterantis, aut alterati: alteratio verò præcedit generationem, quia nō potest aliquid generari, nisi prius per alterationem disponatur propria materia ex qua debet generari, generationem verò alij motus sequuntur: ordo ergo motuum hic assignatus in istis inferioribus, qui est de mente Arist. 8. Physic. intelligitur secundum quod in mobilibus considerantur.

### Epilogus predictorum.

#### Cap. 83.

**E**X omnibus autem his quæ ostensa sunt colligere possumus, quod quātum ad ordinis excogitationem rebus imponendi, Deus omnia per seipsum disponit. Vnde super illud Iob. 33. Quem posuit alium super orbem quem fabricatus est: dicit Gregor. mundum quippe per seipsum regit, qui per seipsum condidit. & Boetius 4. de Consolatione, Deus per se solum cuncta disponit. Sed quantum ad executionem inferiorem per superiora dispensat: corporalia quidem per spiritualia. Vnde Gregor. dicit in 4. dialogo, in hoc mundo visibili nihil nisi per inuisibilem creaturam disponi potest: inferiores verò spiritus per superiores. vnde dicit Dionys. 4. ca. Cælest. Hierarc. quod cælestes essentia intellectuales primò in seipsas diuinam edunt illuminationem, & in nos deferunt quæ supra nos sunt manifestationes. Inferiora etiam corpora per superiora. Vnde Dionys. dicit 4. cap. de Diu. Nom. quod sol generationem visibilium corporum confert, & ad vitam ipsam mouet, & nutrit & auget & perficit, & mundat, & renouat. De his autem omnibus simul dicit Aug. in 3. de Trin. Quem admodum corpora grossiora & inferiora per subtiliora & potentiora quodam ordine reguntur: ita omnia corpora per spiritum vitæ rationalem, & spiritus rationalis peccator, per spiritum rationalem iustum.

#### Super Cap. 83.

**C**OLLIGIT ex omnibus præmissis sanctus Thom. quod Deus omnia per seipsum disponit quantum ad excogitationem ordinis rebus imponendi, quod etiam ostendit Greg. super Iob. 33. & Boetius 4. de Conso. quātum verò ad executionem inferiora per superiora gubernant, corporalia quidem per spiritualia, quod & Grego. 4. dial. ostendit: inferiores verò spiritus per superiores, vt est de mente Dionys. 4. cap. Cæ. Hierar. inferiora etiam corpora per superiora, vt ibidem tenet Dionysius. Confirmantur omnia prædicta author. August. tertio de Trinit.

Quod



Quid corpora caelestia non imprimant in intellectus nostros.

Caput 84.



**E** his autem quæ præmissa sunt in promptu apparet quod eorum quæ sunt circa intellectum, corpora caelestia causæ esse non possunt. Iam enim ostensum est quod diuinæ providentiæ ordo est ut per superiora regantur interiora, & moueantur: intellectus autem ordine naturæ omnia corpora excedit ut ex prædictis patet. impossibile igitur quod corpora caelestia agant in intellectum directè. non igitur possunt esse causa per se eorum quæ sunt circa intellectum.

2 Adhuc, Nullum corpus agit nisi per motus, ut probatur in octauo Physicor. \* quæ autem sunt immobilia, non causantur ex motu. nihil enim causatur ex motu alicuius agentis nisi in quantum mouet: passum autem mouetur: quæ igitur sunt omnino extra motum non possunt esse causata à corporibus caelestibus. Sed ea quæ sunt circa intellectum, sunt omnino extra motum per se loquendo, sicut patet per Philosophum in septimo Physicorum. \* quinimo per quietem à motibus fit anima prudens & sciens, ut ibidem dicitur. impossibile est ergo quod corpora caelestia sint per se causa eorum quæ sunt circa intellectum.

3 Amplius, Si nihil causatur ab aliquo corpore nisi in quantum mouet dum mouetur: oportet omne illud quod recipit impressionem alicuius corporis moueri; nihil autem mouetur nisi corpus, ut probatur in sexto Physicorum. \* oportet ergo omne id quod recipit impressionem alicuius corporis, esse corpus, vel aliquam virtutem corpoream. ostensum est autem in secundo, quod intellectus neque est corpus, neque virtus corporea. impossibile est igitur quod corpora caelestia directè imprimant in intellectum.

4 Item, Omne quod mouetur ab aliquo, reducit ab eo de potentia in actum. nihil autem reducit ab aliquo de potentia in actum, nisi per id quod est actus: oportet ergo omne agens & mouens esse aliquo modo actu respectu eorum ad quæ passum & motus est in potentia. corpora autem caelestia non sunt actu intelligibilia, cum sint quædam singularia sensibilia. quum igitur intellectus noster non sit in potentia nisi ad intelligibilia in actu, impossibile est quod corpora caelestia directè agant in intellectum.

5 Adhuc, Propriæ operatio rei consequitur naturam ipsius quæ rebus generatis per generationem acquiritur simul cum propria operatione. sicut patet de graui & leui quæ habet statim proprium motum in termino suæ generationis, nisi sit aliquid impediens, ratione cuius generans dicitur mouens. illud ergo quod secundum principium suæ naturæ non est subiectum actionibus corporum caelestium, neque secundum operationem suam potest ei esse subiectum. pars autem intellectiua non causatur ab aliquibus principiis corporis, sed est omnino ab extrinseco, ut supra probatum est. operatio igitur intellectus non directè subiaceret corporibus caelestibus.

6 Amplius, Ea quæ causantur ex motibus caelestibus, temporibus subduntur, quod est numerus primi motus caelestis. qui igitur omnino abstrahunt à tempore, non sunt caelestibus motibus subiecta. intellectus autem in sua operatione abstrahit à tempore sicut & à loco. considerat enim vniuersale quod est abstractum ab hic & nunc: non igitur operatio intellectualis subditur caelestibus motibus.

7 Adhuc, Nihil agit ultra suam speciem: ipsum autem intelligere transcendit speciem & formam cuiuslibet corporis agentis: quia omnis forma corporea est materialis & indiuiduata. ipsum autem intelligere habet speciem à suo obiecto, quod est vniuersale & immateriale. vnde nullum corpus per formam suam corpoream intelligere potest. multo igitur minus possit quodcunque corpus causare ipsum intelligere in alio.

8 Item, Secundum illud quo aliquid vnitur superioribus, non est inferioribus subiectum: anima autem nostra secundum quod intelligit, vnitur substantiis intellectuali-

bus, quæ sunt superiores ordine naturæ corporibus caelestibus. non enim potest anima nostra intelligere nisi secundum quod lumen intellectuale inde sortitur. impossibile est igitur quod intellectualis operatio directè motibus caelestibus subdatur.

9 Præterea, Huic rei fidem faciet si consideremus ea quæ à Philosophis circa hoc dicta sunt. Antiqui enim Philosophi naturales, ut Democritus, Empedocles, & huiusmodi posuerunt quod intellectus non differt à sensu, ut patet in quarto Metaphysicæ text. com. 21. & in tertio de Anima: & ideo sequebatur quod intellectus sit quædam virtus corporea sequens corporum transmutationem. & ideo dixerunt quod cum transmutatio inferiorum corporum sequatur transmutationem superiorum corporum, intellectualis etiam operatio sequitur corporum caelestium motus, secundum illud Homeri: Talis est intellectus in diis & hominibus terrenis, qualem in die inducit pater virorum deorumque, id est, sol, vel magis Iupiter, quem dicebant summum Deum, intelligentes per ipsum totum cælum, ut patet per Augustinum in libro de Ciuitate Dei. \* Hinc etiā processit Stoicorum opinio, qui dicebant cognitionem intellectus causari ex hoc quod imagines corporum nostris mentibus imprimuntur, sicut speculum imagines, & pagina recipit literas impressas absque hoc quod aliquid agat, ut Boëtius narrat in quinto de Consol. Prosa 4. & Met. 4. secundum quorum sententiam sequebatur quod maximè ex impressione corporum caelestium intellectuales notiones nobis imprimerentur.

Vnde & Stoici fuerunt qui præcipuè necessitate quadam fatali hominum vitæ duci posuerunt. Sed hæc positio inde falsa apparet, ut Boëtius ibidem dicit, quod intellectus componit, & diuidit, & comparat suprema ad infima, & cognoscit vniuersalia & simplices formas quæ in corporibus non inueniuntur. & sic manifestum est quod intellectus non est sicut recipiens tantum imagines corporum, sed habet aliquam virtutem corporibus altiore. nam sensus exterior, qui solum imagines corporum recipit, ad prædicta se non extendit. Omnes autem sequentes Philosophi intellectum à sensu discernentes, causam nostræ scientiæ non aliquibus corporibus, sed rebus immaterialibus attribuerunt, sicut Plato ponit causam nostræ scientiæ esse ideas, Aristoteles autem intellectum agentem. Ex his omnibus accipere quod ponere corpora caelestia esse causam nobis intelligendi, est consequens opinionem eorum qui ponebant intellectum à sensu non differre, ut patet etiam per Aristotelem in libro de Anima. \* hanc opinionem manifestum est esse falsam. igitur manifestum est & eam esse falsam quæ ponit corpora caelestia esse nobis causas intelligendi directè. Hinc est quod sacra scriptura causam nostræ intelligentiæ attribuit non alicui corpori, sed Deo, Iob. 25. Vbi est Deus qui fecit me: qui dedit carmina in nocte: qui docet nos super iumenta terræ, & super volucres cæli erudit nos. & in Psalm. 93. Qui docet hominem scientiam. Sciendum est tamen quod licet corpora caelestia directè intelligentiæ nostræ causæ esse non possint, aliquid tamen ad hoc operantur indirectè. licet enim intellectus non sit virtus corporea, tamen in nobis intellectus operatio compleri non potest sine operatione virtutum corporearum, quæ sunt imaginatio, & vis memoratiua & cogitatiua, ut ex superioribus patet. & inde est quod

impeditis harum virtutum operationibus propter aliquam indispositionem corporis, impeditur operatio intellectus: sicut patet in phreneticis & lethargicis & aliis huiusmodi: & propter hoc etiam bonitas dispositionis corporis humani facit aptum ad bene intelligendum, in quantum ex hoc prædictæ vires fortiores existunt. vnde dicitur in secundo de Anima, \* quod molles carne, aptos mente videmus. dispositio autem corporis humani subiaceret caelestibus motibus. Dicit enim August. in quinto de Ciuitate Dei, \* quod non vsquequaque absurdè dici potest ad solas corporum differentias afflatus quosdam valere fideos. Et Damascenus dicit in 2. libro, quod alij & alij planetæ

\* Lib. 4. c. 11.

D. 766.

\* Vbi supra.

\* Lib. 2. c. 73. circa finem.

\* Tex. c. 94.

\* Cap. 6. & cap. 7. ultra medium.

Lib. 2. orth. fidelis, cap. 7. netæ



netæ diuerſas complexionēs & habitus, & diſpoſitiones in nobis conſtituunt: ideo indirec̃te corpora cæleſtia ad bonitatem intelligentiæ operatur. & ſic ſicut medici poſſunt iudicare de bonitate intellectus ex corporis complexionē, ſicut ex diſpoſitione proxima: ita aſtologus ex motibus cæleſtibus, ſicut ex cauſa remota talis diſpoſitionis. Et per hunc modum poteſt verificari quod Ptolemæus in Centiloquio dicit: Cū fuerit Mercurius in natiuitate alicuius in aliqua domorum Saturni, & ipſe fortis in eſſe ſuo, dat bonitatem intelligentiæ medullit̃s in rebus.

Super Cap. 84.

**P**OST QVAM determinauit ſanct. Thom. de diuina prouidentia ſecundū quod omnia communiter ſe extendit, nūc incipit agere de ipſa ſecundū quod particulariter ſe extendit ad homines. Circa hoc autem duo facit. Primū offendit ad quibus humanæ electiones gubernentur, ſecundū quædam corollaria inferit cap. 91. Circa primum tria facit. Primū offendit quod corpora cæleſtia non ſunt cauſa humanarum electionum, ſecundū quod neque ſubſtantia ſeparatæ, cap. 88. tertio quod diuinæ prouidentia ſubduntur, cap. 90. Circa primum duo facit. Primū offendit quod corpora cæleſtia non imprimant in intellectus noſtros, ſecundū quod non ſint cauſa electionum noſtrarum, capitulo ſequenti. Quantum ad primum ponuntur duæ conſequentia. Prima eſt: Egrum quæ ſunt circa intellectum corpora cæleſtia cauſa per ſe eſſe non poſſunt direc̃te. Probatur primū ſic: Intellectus ordine naturæ omnia corpora excedit: ergo impoſſibile eſt quod corpora cæleſtia agant in intellectum direc̃te, ergo non poſſunt eſſe per ſe cauſa eorum quæ ſunt circa intellectum, probatur conſequentia, quia diuinæ prouidentia ordo eſt ut per ſuperiora regantur inferiora & moueantur.

AD euidentiam huius rationis conſiderandum eſt, quod ex parte effectus dicitur cauſa per ſe alicuius effectus quæ propria uirtute & propria actione attingit effectum ſecundum ſeipſum, non ratione alicuius alterius cui coniungatur. Illa uero dicitur eſſe cauſa per accidens, quæ non attingit propria actione effectum ſecundum ſeipſum, ſed aliquid aliud cui coniungitur, ſicut dicimus fodientem ſepulchrum eſſe cauſam per ſe ſepulchri inuentionis autem theſauri eſſe cauſam per accidens. Conſiderandum ſecundū, quod vnum agere in aliud dupliciter contingit. Vno modo direc̃te, alio modo indirec̃te. Dicitur aliquid in aliud direc̃te agere, quando actio eius & influxus ad ipſum tanquam ad paſſum pertingit aliquod in ipſo cauſando. Indirec̃te autem dicitur agere quando eius actio non pertingit ad ipſum cauſando aliquid in eo, ſed pertingit ad aliquid aliud ex quo in ipſo aliquid reſultat. Primo modo dicimus ignem agere in quamquam calefacit. Secundo modo dicimus ignem agere in homines inter quos ex acceptione aquæ calidæ diſcordia eſt exorta.

Conſiderandum tertio, quod agere direc̃te in aliquod paſſum neceſſario inferitur ex hoc quod eſt eſſe cauſam per ſe eius quod fit in tali paſſo. Non enim poteſt aliquid agens eſſe per ſe cauſa alicuius in aliquo facti, niſi in ſubiectum & paſſum direc̃te agat. Nam quod ab agente cauſatur in aliquo, oportet per aliquam agentis actionem terminatam ad paſſum tanquam ad ſubiectum fieri, non autem ex hoc quod eſt direc̃te, inferitur agere per ſe, quia etiam agens per accidens direc̃te agere poteſt, in quantum ſua actione aliquid attingit, licet non primo ſed per aliud. Agere etiam in paſſum indirec̃te neceſſario inferitur ex hoc quod eſt eſſe cauſam per accidens eius quod fit in paſſo. Et quia quando aliquid cauſans neceſſario ſequitur ad aliquod antecedens, neceſſario etiam ex negatione conſequentis inferitur negatio antecedentis: ideo ſanct. Thom. ex eo quod corpora cæleſtia non direc̃te agunt in intellectum noſtrum, inferit quod non ſunt per ſe cauſa eorum quæ in intellectu ſunt. neque enim per ſe cauſant ea quæ in intellectu ſunt, neque eorum actio intellectum attingit.

Secundū. Ea quæ ſunt circa intellectum, ſunt omnino extra motum per ſe loquendo, ut patet ſextimo Phyiſic. imò per quietem à motu fit anima prudens & ſciens, ergo, &c. probatur conſequentia, quia cū nihil cauſetur ex motu niſi in quantum agens mouet, paſſum autem mouetur, quæ ſunt immobilia, tanquam omnino extra motum, non cauſantur ex motu, corpus autem non agit niſi per motum.

AD VERTE quod addit ſanct. Thom. ad antecedens per ſe loquendo, quia ea quæ in intellectu ſunt, per accidens poſſunt in motu eſſe ratione phantaſmatum ad intellectionem concurrentium. Tertio, intellectus neque eſt corpus, neque uirtus corporea: ergo non poſſunt corpora cæleſtia in ipſum direc̃te imprimere, probatur conſequentia, quia cū nihil cauſetur à corpore, niſi in quantum dum mouetur, mouet, oportet id quod impreſſionem corporis recipit, moueri: nihil autem mouetur, niſi corpus. Quarto, omne agens & mouens oportet aliquo modo eſſe actum, reſpectu eorum quæ cauſat: ſed corpora cæleſtia non ſunt actus intelligibiles, quum ſint ſingularia ſenſibilia: ergo non poſſunt cauſare intelligibilia, ergo, &c. probatur maior, quia omne quod mouetur ab aliquo, reducit̃ur ab eo de potentia in actum: nihil autē reducit̃ur in actum, niſi per id quod eſt actus. Vltima uero conſequentia probatur, quia intellectus noſter non eſt in potentia niſi ad intelligibilia in actu, ſcilicet tanquam ad formas in ipſo immediate recipiendas. Iſta ratio probat particulariter cælum non eſſe cauſam ſpeciei intelligibilis. Quinto, quod ſubditur, corpori cæleſti ſecundum ſuam operationem, ſubditur etiam illi ſecundum principium ſuæ naturæ, ſed pars intellectiua nō cauſatur ab aliquibus principiis corporalibus, ſed eſt omnino ab extrinſeco, ergo eius operatio non ſubditur corporibus cæleſtibus. maior probatur, quia propria operatio rei conſequitur naturam ipſius rei, quæ rebus generatis per generationem acquirit̃ur ſimul cum propria operatione, declaratur in graui & leui.

CIRCA iſtam rationem duplex occurrit dubium. Primum eſt, quia ſi nihil poteſt ſubdi ſecundum operationem corpori quod non cauſatur ab ipſo ſecundum ſuam ſubſtantiam, ſequitur quod homo non poterit eſſe

cauſa operationis alicuius instrumenti, cuius non eſt cauſa: quod tamen uidetur manifeſte falſum: eſt enim cauſa incisionis enſis, & tamen non eſt eius cauſa. Secundum eſt, quia quamuis maior ſit uera de actione conſequentē neceſſario naturam ſtatim niſi impediatur: non tamen ſequitur quod cauſa intellectionis ſit etiam cauſa naturæ intellectiue, quia intellectio non eſt talis operatio, ut patet.

AD primum dicitur primū, quod ratio procedit de operatione conſequentē naturam per ſe, non autem de operatione instrumenti, quæ non conuenit instrumenti niſi per nouum motum quo ab aliquo mouetur. Actio enim instrumenti magis attribuitur uenti instrumenti, quam ipſi instrumenti, nam magis dicimus hominem incidere lignum quam gladium.

AD ſecundum dicitur quod iſta ratio uidetur concludere de actione intellectus agentis, quæ eſt facere intelligibilia in actu, ſive actuare intellectum poſſibilem. Nam ſicut in precedenti ratione offendit corpus cæleſte non eſſe cauſam ſpeciei intelligibilis, ita hac ratione offendit quod non eſt cauſa illius actionis qua intellectus agens ipſas ſpecies intelligibiles format: ideo propoſitio aſſumpta optimè propoſitum inferit, quia iſta operatio intellectus agentis naturaliter conſequitur intellectum agentem poſitis phantaſmatibus conuenientibus in imaginatione & debite diſpoſitis, ſicut calefactio naturaliter conſequitur ignem: propterea ſicut generans ignem qui eſt cauſa calefactionis, eſt etiam cauſa naturæ ignis, ita & quod eſt cauſa operationis intellectus agentis, oportet eſſe cauſam naturæ ipſius.

Sexto, intellectus in ſua operatione abſtrahit à tempore, ſicut à loco quum conſideret̃ vnuerſale, quod eſt abſtractum ab hīc & nunc, ergo, &c. probatur conſequentia, quia ea quæ cauſantur ex motibus cæleſtibus, temporē ſubduntur, quod eſt numerus primi motus.

ATTENDENDVM primū quod conuenienter ſanctus Thomas ex obiecto intellectus in quantum huiusmodi arguit operationem intellectus non eſſe in tempore, quia quum eſt abſtractum à loco & tempore, non conueniat vnuerſali ſecundum quod eſt in ſingulari, imò ut ſic ſit determinatum ad certum tempus & ad certum locum: habet autem ſeparationem ab iſtis conditionibus ſecundum quod eſt obiectum intellectus, neceſſe eſt ut ipſa intellectio quæ ex obiecto intellectu in quantum intellectu eſt ſpecificatur, ſit extra tempus, oportet enim naturam rei ex forma ſpecificante ad modum eſſendi determinari. Attendendum ſecundū quod licet operatio intellectus per ſe non ſit in tempore, per accidens tamen ſibi admixcet̃ur tempus ratione phantaſmatum quæ ad ipſam exiſtunt, ut in precedentibus de mente ſancti Thomæ eſt oſtenſum, ſicut & ipſum vnuerſale quod per ſe abſtrahit à loco & tempore negatiue, ratione tamen ſingularis in quo eſt, ad certum locum & certum tempus determinatur. Septimū. Intelligere tranſcendit ſpeciem & formam cuiuſlibet corporis agentis, ergo nullum corpus per formam ſuam corpoream poteſt intelligere: ergo multo minus poteſt in alio ipſum intelligere cauſare, probatur prima conſequentia, quia nihil agit ultra ſuam ſpeciem, tanquam ſcilicet primum & per ſe agens, antecedens uero probatur, quia forma corporea eſt materialis & indiuidua, intelligere autem habet ſpeciem ab obiecto quod eſt vnuerſale & immateriale.

CIRCA vltimam conſequentiam dubium occurrit. Nam multa ſunt quæ agens in ſeipſo cauſare non poteſt, & tamen in alio cauſat. Sol enim cauſat formas in iſtis inferioribus: quas tamē in ſeipſo non cauſat, quamuis ergo aliquid in ſeipſo non cauſat operationem intelligendi, non tamen ſequitur quod in alio cauſare nō poſſit. Reſpondetur quod iſta conſequentia tenet de actu intelligendi, in quantum excedit formam agentis. Si enim corpus non poteſt intellectionem in ſeipſo cauſare propter exceſſum ſupra eius formam & ſpeciem corporis: multo magis non poterit propter eandem rationem ipſam in alio cauſare, magis enim uideretur ſi haberet cauſalitatē ſuper talem actum, quod illum in ſeipſo cauſare, quam in alio, eo quod ſit operatio immanens: quod ſi hoc nō poteſt, multo minus & aliud poterit. Non ergo illa conſequentia tenet in uirtute illius propoſitionis, agens quod non poteſt aliquid in ſeipſo cauſare, neque illud cauſare in alio poteſt, ut obiecto ſupponit, ſed uirtute iſtius. Quod non poteſt in ſeipſo cauſare intellectionem propter exceſſum ipſius intellectionis ſupra formam & ſpeciem eius, multo minus poteſt illum in alio cauſare: iſta autem manifeſte veriſſima eſt, idcirco ſanct. Thom. illam conſequentiam tanquam per ſe manifeſtam non curauit probare.

Octauo. Anima noſtra intelligit ſecundum quod vnitur ſubſtantiis intellectualibus, quæ ſunt ſuperiores ordine naturæ corporibus cæleſtibus, ergo, &c. probatur antecedens, quia anima non poteſt intelligere, niſi ſecundum quod lumen intellectuale inde fortitur, conſequentia uero probatur, quia ſecundum illud quo aliquid vnitur ſuperioribus, non eſt inferioribus ſubiectum.

AD euidentiam huius rationis, conſiderandum eſt quod illud quo aliquid quaſi per quandam continuationē ſuperioribus vnitur, cū fit quædam ſuperioris participatio, ad naturam ſuperioris pertinere uidetur, licet excellentiori modo in illo inueniatur, vnde ex ſuperiori & inferiori quantum ad illud quodammodo efficitur vnum, aut ſaltem inter illa eſt talis immediatio, ut nihil dignius inter illa poſſit mediare: & iccirco quod eſt illo ſuperiori inferiori, eſt etiam inferiori ordine naturæ, eo quod ſi illi ſuperiori continuatur: & per conſequentes ſicut non poteſt in ſuperiorem naturam agere, ita non poteſt agere in illud quod ei continuatur quantum ad illud in quo vniuntur, cū ergo ratione luminis intellectualis ſit quædam continuatio inter animam humanam & ſuperiores intellectus, & operatio intellectualis à tali lumine procedat, optimè ſequitur quod corpora cæleſtia quæ ſunt inferiora ſubſtantiis intellectualibus, in humanum intellectum direc̃te agere non poſſint, ſicut neque in ſuperiores intellectus, & ſecundum hoc procedit hæc ratio. Nonō, & eſt ratio direc̃te contra poſitionem Philoſophorum: Ponere corpora cæleſtia eſſe cauſam nobis intelligendi, eſt conſequens opinionem eorum qui ponebant intellectum non differre à ſenſu, ut patet ex philoſopho ſecundo de Anima text. centefimo quinquageſimo. ſed hæc opinio eſt falſa, ergo, &c. Ad manifeſtationem maioris inducit primū opinio nem Democriti, & Empedoclis, & aliorum antiquorum naturalium philoſophorum, qui ponentes intellectum non differre à ſenſu, dixerunt quod cū tranſmutatio inferiorum corporum ſequatur tranſmutationem corporum ſuperiorum



riorum, intellectualis etiam operatio sequetur corporum celestium, motus, manifestatur auctoritas Homeri exposita per Augustinum 4. de Ciuit. cap. 11. dicentis quod talis est intellectus in diis & hominibus terrenis, qualem in die inducit pater vicorum deorumque. Inducit secundo opinionem Stoicorum ponentium necessitate quadam fatali hominum vitam induci, dicebant enim cognitionem intellectus causari ex eo quod imagines corporum nostris mentibus imprimuntur, ut narrat Boëtius quinto de Consolatione. Contra quam opinionem ex ipso Boëtio arguitur, quia intellectus componit & diuidit, & comparat suprema ad infima, & cognoscit vniuersalia & simplices formas quæ in corporibus non inueniuntur, & ad quæ sensus exterior non se extendit. Inducuntur tertio contra prædictas opiniones Plato & Aristot. qui ponentes à sensu intellectum differre, causam nostræ scientiæ non corporibus, sed rebus immaterialibus attribuerunt, ille ideis, iste intellectui agenti. Inducitur & auth. scriptu. Iob 25. & Psalmistæ ubi dicitur: Qui docet hominem scientiam.

Secunda conclusio est: Licet corpora celestia directa intelligentiæ nostræ causa esse non possint, aliquid tamen ab hoc indirectè operantur, agendo scilicet in aliquod ex quo aut iuuatur, aut impeditur actio intellectus. Probatur, quia in nobis operatio intellectus compleri non potest sine operante virtutum corporearum, quæ sunt imaginatio, & vis memoratiua, & cogitatiua, cuius signum est duplex. Vnum est, quod impeditis harum virtutum operationibus propter aliquam corporis indispositionem, operatio intellectus impeditur, ut in phreneticis, id est mente captis, & lethargis, id est obliuiosis accidit. Aliud est, quod bonitas dispositionis corporis humani facit aptum ad bene intelligendum, ex hoc quod prædictæ vires fortiores existunt, ut patet ex secundo de Anima: dispositio autem corporis humani subiaceret corporibus celestibus, ut patet ex Augustino, quinto Ciuit. cap. 6. & ex Damasceno secundo libro. Ex quo infert sanct. Thom. primò, quod sicut medicus de bonitate intellectus iudicare potest ex corporis dispositione sicut ex dispositione proxima, ita astrologus ex motibus celestibus facit ex causa remota. Secundo, infert Ptolemæi dictum in centiloquio circa bonitatem intelligentiæ secundum hunc modum verificari posse, dum inquit quod quum fuerit Mercurius in natiuitate alicuius in aliqua domo Saturni: & ipse fortis in esse suo, dat bonitatem intelligentiæ medullitus in rebus.

SE D contra hanc secundam conclusionem & eius corollaria potest argui rationibus Ioannis Pici, hominis ingeniosissimi, in libro aduersus astrologos, tenentis corpora celestia esse causas vniuersales horum inferiorum: & diuersitatem effectuum in istis inferioribus contingentium in causas tantum proximas, non autem in aliquas constellationes siue syderum positiones esse referendam. Ex quo sequitur diuersitatis intellectuum ex diuersa corporis dispositione prouenientis causam esse aliquam particularem virtutem, non autem diuersam syderum positionem. Quo fit ut etiam falsum sit posse astrologum de bonitate intellectus ex motibus celestibus iudicare, ut hic dicitur, & dictum Ptolemæi quod sanctus Thomas verificare nititur, saluari non posse. Arguit enim primo sic: Cælum esse causa vniuersalis, causa vniuersalis non distinguit effectus, sed tantum causa proximæ tam specificæ quam singulares, ergo cælum non est causa diuersitatis effectuum in istis inferioribus.

Confirmatur primò, Nulla est syderum positio sub qua de leone leo, de equo equus non nascatur, ergo diuersitas rerum non positioni syderum, sed diuersitati particularium causarum est ascribenda. Confirmatur secundò, Natos simul eodem momento ex diuersis parentibus intra eadem eiusdem tamen regionis latitudinem & longitudinem, fortuna, ingenio, corpore diuersissimos videmus, ergo eorum diuersitas à particularibus causis, quæ diuersæ sunt, non à syderum positione, quæ vna est, prouenit. Secundò principaliter arguit sic: Cælum in hæc inferiora agit lumine duntaxat & motu, à quibus non aliud materiæ communicatur quam motus, lux, & calor, sed hæc ab omnibus fluunt stellis, ergo non sunt diuersi influxus cælorum secundum variam syderum positionem.

AD huius difficultatis euidentiam considerandum est, primò ex doctrina sancti Thomæ primo Sententiarum, distinct. 38. artic. 5. & in plerisque aliis locis, quod cum causa prima & vniuersalis, effectus particulares mediantibus causis secundis efficiat, oportet virtutem ipsius in causa secunda recipi, ut quasi per ipsam ad effectum deferatur, quia autem vnum quodque recipitur in alio per modum recipientis, accipit virtus vniuersalis causæ limitationem quandam & determinationem ad determinatos effectus ex secunda causa in qua recipitur. Idcirco dictum est superius multos effectus contingenter euenire, quamuis prima causa sit necessaria, propter contingentiam secundæ causæ, in qua primæ causæ virtus limitationem accipit. & eadem ratione dum aliqua vniuersalis causa ad generationem equi agit, mediante equo generat equum: & dum agit ad generationem bouis, mediante boue generat bouem. pari ratione dum agit mediante equo debilis virtus, equum debilem & imbecillum generat: & dum equo fortis mediante agit, fortem equum producit & robustum. & sic de aliis. Videtur ergo decipi Picus, vir alioquin doctissimus, quia cum cælum vniuersalem causam esse viderit, rerum diuersitatem in eius virtutem referri non posse putauit: quum tamen oppositum ob hanc rationem sit existimandum. Si enim cælum vniuersalis causa est, sine qua corporeum nullum nec agit nec agere potest, fateri nos necesse est cælum esse omnium diuersitatis causam, utpote quod omnes causas secundas ad agendum moueat, à quibus diuersi effectus proueniunt. Propterea ponimus diuersitatem ingenij à cæli impressione: indirectè tamen & ex transuerso atque occasione quadam prouenire, quoniam cælum veluti vniuersalis causa diuersas dispositiones corporeas, secundum quas sensitiuæ vires variantur, efficiat, quibus in suo opere virtus intellectus. Sed harum dispositionum corporearum varietatem, non sic in cælum referimus, quasi ab ipso solo nulla media interueniente causa proueniat, sed quia cælum secunda causa virtutis quæ vigoriosior efficitur, dum agit cælo in tali dispositione existente, quam si taliter dispositus non esset, ipsum etiam cælum mediante aliqua particulari causa remouet impedimenta, quibus cōueniens materię dispositio, aut etiam actio secundæ causæ agentis impediri posset. Non enim inconueniens est ex secundis causis aliquem effectum prouenire, ut sunt instrumenta alterius agentis, qui ex virtute duntaxat propriæ naturæ non eueniret, sicut videmus operatione artis fieri mirabiles effectus, mediante igne & aliis causis naturalibus, qui ab illis duntaxat causis

naturalibus non prouenirent. Considerandum secundo ex doctrina sancti Thomæ, secundo Sententiarum, distinctio 35. quæst. 1. art. 3. & prima parte, quæst. 117. artic. 4. in quæst. de spir. articulo octauo ad duodecimum, & secundo Cæli, lectione decima, quod licet motu & lumine vniuersæ agent stellæ, tanquam virtute omnibus communis: præter tamen communem lucis virtutem habent singulæ stellæ proprias virtutes, quibus diuersorum effectuum sunt effectrices, quæ virtutes speciem vniuersaliusque stellæ cōsequuntur, & quia secundum quod suo motu diuersimodè se habet stella ad aliam stellam, & ad inferiora diuersos effectus efficit, ideo secundum diuersos aspectus & cōiunctiones diuersimodè imprimunt stellæ. & diuersimodè operantur secundum quod inferior stella participat de virtute superioris stellæ, & secundum quod ex pluribus virtutibus agentibus aliquid efficitur quod vnica sola virtute fieri non posset, aut etiam secundum quod vna stella ex determinata sua virtute nata est aliam stellam aut iuuare, aut impedire à suo proprio effectu, sicut videmus in inferioribus rebus vnā causam aliam iuuare, aliam verò impedire. Nam causa aliqua iuuatur ad suum effectum ex appositione calidi, quæ ex frigidi appositione impeditur. Sic etiam dicimus opinionem Ptolemæi hæc recitatam sequentes, quod si fuerit Mercurius in natiuitate alicuius in aliqua domo Saturni, & ipse fortis in esse suo, iuuatur ex illa positione Mercurius ad causandum, mediantibus tamen causis secundis, quibus virtutur ut instrumentis, eam dispositionem corporis quæ fit viribus sensitiuis conuenientissima, quia virtutum sensitiuarum dispositione efficitur ut aliquis operatione intellectus efficacissimè ut possit, unde quis optimi ingenij dicatur esse. Et ideo optimè, inquit sanctus Thomas, quod astrologus ex motibus, aut ex positione syderum de bonitate ingenij iudicare potest, tanquam ex causa remota: de qua bonitate medicus ex corporis habitudine tanquam ex causa proxima iudicabit. Vnde quod ait Picus noster, si quam virtutem præter lumen & motum habent astræ, illam vniuersalem ad omnia inferiora esse falsissimū est. sunt enim aliquæ virtutes stellis ad determinatos effectus datæ, non ad omnes, licet communi luminis natura in omni hæc inferiora aliquid possint, & illæ tamen virtutes vniuersales dici possunt, in quantum non tantum ad vnum indiuiduum sunt determinatæ, sed in multa indiuidua, & in multiplices sui effectus differentias extenduntur, & multis particularibus causis vario modo dispositionis cooperantur.

QUIA autem meum institutum est non aliorum opinionem impugnare, sed tantum S. Thom. dicta in hoc libro interpretari, eaque ab omni calumnia defendere, in impugnatione huius opinionis non immorabor, sed ad obiecta tantum respondebo.

AD primum itaque absolute loquedo, negatur minor. dico enim quod causa vniuersalis distinguit effectus mediantibus causis secundis, quod est propriū causæ corporeæ vniuersalis, licet per seipsam huiusmodi causæ tales effectus non distinguat. si autem intelligatur quod causa vniuersalis non habet in seipsa diuersas virtutes, quibus diuersos effectus efficiat: sed hoc est secundarum causarum proprium: dicitur primò quod non est inconueniens causam vniuersalem corpoream secundum diuersas partes habere diuersam virtutem ad diuersos effectus mediantibus causis particularibus producendos: sicut diuersæ artes diuersis instrumentis vtuntur ad diuersos effectus: cælum autem, nomine cæli intelligendo vniuersalitatem orbium & stellarum, dicimus habere diuersas virtutes secundum diuersitatem orbium & stellarum: & esse causam vniuersalem non solum in quantum motu & lumine in omnia operatur, sed etiam in quantum huiusmodi diuersis virtutibus in omnia inferiora agit, vna videlicet virtute vnum effectum producendo, & alia alium. Dicitur secundò, quod etiam qualibet stella potest dici causa vniuersalis, licet aliquam virtutem habeat distinctam à virtute alterius stellæ, producatque aliquem effectum distinctum ab effectu alterius: tum quia motu & lumine quæ sunt omnibus corporibus celestibus cōmunia, in hæc inferiora agit, tum quia propria virtute suam speciem & naturam consequente in diuersos effectus potest inquantum in ipsa multarum causarum particularium virtutes vnite continetur, sicut & in luce omnes effectus inferiores contineri vnite Picus autumat.

AD primam confirmationem negatur consequentia. quod enim de leone non generetur nisi leo, etiam virtute syderum est, quia cælum non agit particulares effectus nisi mediante causa secunda, & ad diuersos ac determinatos effectus producendos virtutur diuersis ac determinatis causis secundis, sicut artifex diuersis instrumentis ad diuersos effectus virtutur. Vnde sicut non valet, ars fabrilis per tale instrumentum non producit nisi tale effectum, & per tale non nisi tale: ergo diuersitas horum effectuum non dependet ab artifice, sed tantum ab instrumentis: ita non valet, quomodo cūq; sydera disponantur, à talibus causis particularibus non proueniunt nisi tales effectus, ergo solæ causæ secundæ sunt causæ diuersorum effectuum, & non syderum positio. Dicitur secundò, quod licet de equo non nascatur nisi equus, aliqua tamen syderum dispositio est sub qua equus potens est equum generare, quæ non existentem non generaret: quæ tamen dispositio non consistit in indiuisibili, sed latitudinem habet, & sic de aliis. Vnde videmus quædam animalia certis anni temporibus esse generationi apta, quæ aliis anni temporibus non generant. Ad secundam confirmationem negatur consequentia. Quod enim diuersæ sint fortunæ aut dispositiones eodem momento nascentium, & in eadem longitudine & latitudine, non arguit syderum positionem non agere in hæc inferiora, sed arguit ipsam non necessariò agere, & cæli influxum accipere limitationem in causa secunda. quia enim corpora celestia non agunt nisi in materia, & non nisi mediantibus agentibus particularibus: potest influxus corporum celestium impediri, & ex materiæ indispositione, & ex indispositione particularis agentis, in quo cæli virtus limitationem accipit. vnde stant simul quod syderum positio sit nata hunc effectum producere, & tamen in vno non producat ex aliquo impediendo, siue sit causa inferior, siue etiam alia constellatio: in alio verò in quo impedienda non accidit, producat. propterea conceditur quidem quod diuersitas horum effectuum in causas secundas tanquam in causas proximas referatur: negatur tamen quod diuersi effectus in diuersis syderum positiones, tanquam in causas remotas referri non debeant. Possent autem ex opposito sic argui. Filij qui ex eisdem parentibus generantur, & sunt ab eodem magistro & præceptore instituti, eisdemque cibis educati, inueniuntur diuersorum



uerforum morum, & diuersa ac varia fortuna agitari. ergo eorum diuersitas non ex particularibus agentibus, sed ex diuersa syderum positione aliqua ex parte provenit. Ad secundam rationem principalem dicitur primò, quòd antecedens est falsum. vt enim ostensum est de mente sancti Thomæ, sydera præter motum & lucem habent proprias virtutes eorum species consequentes, quibus determinatos effectus in hæc inferiora produciunt. Dicitur secundò, quòd admissio etiam antecedente consequentia non tenet, quia, vt dicitur de spirit. creat. articulo præallegato, lux non est eiusdem rationis in omnibus stellis, ideo præter communes effectus consequentes communem lucis naturam vnumquodque sydus suo lumine aliquem particularem effectum producere potest.

SED contra prædictas responsiones in quantum ponunt præter lucem esse in stellis particulares virtutes, præsertim contra dictum sancti Thomæ secundo Cæli, quòd omnia caelestia corpora secundum communem virtutem luminis habent calefacere, secundum autem proprias virtutes habent etiam infrigidare, arguit Picus sic: Lux quæ in corporibus caelestibus ponitur, aut continet eminenter omnes quatuor primas qualitates, aut non. si primum, arguitur sic: Non potest alicui ex propria ratione conuenire aliquid imperfectius, eò quòd illi cõuenit ex communi natura, quum semper differentia vniuersali contrarior differentia perfectionis gradum adiungat: sed qualitas illa quæ continet omnem qualitatem, perfectior est ea quæ tantum frigoris est effectiua. ergo, &c. Si secundum, tunc sic: Nulli competit ex propria natura aliquid repugnans proprietatibus illi à communi natura conuenientibus, sed calefacere conuenit stellis ex communi virtute lucis, ergo frigus efficere, non potest alicui illarum ex propria & peculiari virtute conuenire.

AD euidenciam illius dicti sancti Thomæ, & etiam eorum quæ dicta sunt, considerandum est quòd dupliciter possumus intelligere cælum siue stellam per propriam virtutem infrigidare, & alios effectus facere, per communem autem naturam lucis calorem efficere. Vno modo quòd illa propria virtus sit qualitas realiter à luce distincta. Alio modo quòd sit ipsa lux determinata ad speciem huius stellæ, ita quòd hæc lux in quantum lux absolute, siue secundum communem lucis naturam habeat calefacere, in quantum verò talis lux consequens, videlicet terminata huius stellæ speciem & naturam, puta Saturni, habeat infrigidare, & alios determinatos effectus producere. Licet autem uterque sensus saluari possit ad mentem sancti Thomæ videtur tamen in locis præallegatis ad secundum declinare. Nam diuersitatem effectuum à stellis provenientium diuersarum stellarum radiis tribuit, expresse autem in secundo Sentent. vbi supra ait, quòd præter naturam lucis quæ communis est omnibus corporibus caelestibus, quælibet stella habet virtutem determinatam consequentem suam speciem, ratione cuius lux eius & motus habet vel infrigidare vel humectare, similiter 2. Sentent. distinct. 13. artic. 4. ait, quòd omnis alteratio quæ est in inferioribus, perficitur per virtutem luminis, quia cælum est primum alterans, hoc autem intelligo de stella cui lumen est connaturale. secundum enim illud lumen in quantum est tale lumen, vniuersos suos effectus operatur qui sibi proprii sunt, sed si lumen sibi ab extrinseco proveniat, & variatione quadam, sicut videmus in luna, fortassis oportet tunc naturalem ipsius virtutem qua infrigidat & humectat, distinctam esse à lumine recepto quo alicuius calefacit, sed quicumque sensus teneatur, obiectio non procedit, quanquam contra primum sensum magis videatur afferri. Vnde cum quaeritur an lux contineat eminenter omnes quatuor primas qualitates, tenendo primum sensum, dicitur quòd non, sed tantum continet calorem & qualitatem quæ calorem concomitatur, cum autem arguitur contra, quia nulli conuenit ex propria natura aliquid repugnans ei quòd conuenit sibi ex natura communi, licet hoc propriè veritatem habeat de natura communi essentiali, dicitur tamè quòd hoc verum est de eo quòd repugnat intrinsecè naturæ communi, aut eius naturali proprietati: falsum autem de eo quòd repugnat illi extrinsecè, scilicet ratione effectus tantum, modo dicitur quòd quia cælum est ab omni contrarietate remotum, virtus calefactiua in ipso & virtus frigefactiua non sunt contrariae, neque intrinsecè opponuntur, sicut neque species contrariorum in intellectu sunt contrariae, sed extrinsecè tantum opponuntur, in quantum vna est productiua caloris, & alia est frigoris productiua, quæ sunt qualitates oppositæ, ideo non inconuenit vt simul sint in corpore caelesti. In causa enim vniuersali non inconuenit virtutes quæ in particularibus causis sunt dispersæ & contrariae, vniui & esse absque contrarietate, sicut omnes creaturarum virtutes in Deo quàm maximè vniuntur, & huius ratio est, quia in causa vniuersali non oportet esse effectum secundum eandem rationem, sed sufficit vt eminentiori modo sit in ipsa & virtualiter tantum sicut calor productus à sole non est in sole secundum suam specificam rationem, sed tantum virtualiter, in quantum in luce est virtus productiua caloris. vnde si instaretur quòd contrarij effectus requirunt contrarias causas, constaret quòd hoc habet veritatem de causis particularibus tantum & vniuocis, non autem de causis æquiuocis, cuiusmodi est cælum. Tenendo autem secundum sensum dicitur, quòd in luce alicuius stellæ habentis infrigidare, & alias qualitates efficere, omnes illæ qualitates eminenter continentur, non in quantum lux est absolute, quia vt sic habet tantum calefacere, sed in quantum est talis lux consequens hanc stellam. cum autem arguitur contra, quia non potest alicui conuenire ex propria ratione aliquid imperfectius eo quòd illi conuenit ex communi natura, constat quòd non arguitur contra prædictum sensum, quia non dicimus quòd vltra lucem continentem omnes illas qualitates sit alia virtus in stella effectiua tantummodo frigiditytis, sed quòd lux sua, quæ in quantum lux, est tantum effectiua caloris in quantum est lux hanc stellam consequens, habet virtutem, vt etiam sit effectiua aliarum qualitarum, & aliorum effectuum, quod est perfectius quàm calefacere tantum. dicitur præterea quòd qualitas illa quæ est frigoris effectiua, secundum quòd est in cælo, non est imperfectior ea quæ est omnium quatuor qualitarum effectiua, cum sint vna & eadem virtus secundum rem: sicut nec virtus diuina hominis productiua in Deo est imperfectior virtute productiua omnium.

SED resultat aliud dubium. Videtur enim sequi si in vna stella est virtus calefactiua, & virtus effectiua frigiditytis, siue sint vna, siue diuersæ virtutes, quòd simul causabit in eodem calorem & frigus, puta quòd lux simul calefaciet & infrigidabit aërem, cum stella sit agens naturale, hoc

autem est impossibile. Dicitur primò, quòd cum cælum sit causa vniuersalis & corporea, non agit in hæc inferiora nisi mediantibus causis secundis: ideo non sequitur quòd in vno & eodem contrarias qualitates inducat, sed in diuersis secundum quòd causæ particulares in diuersa subiecta operantur. mediante enim igne aliqua calefaciet, mediante verò aqua alia infrigidat & humectat. Dicitur secundo, quòd etiam diuersitas materię facit ad diuersitatem effectuum, sicut enim cælum eadem luce indurat lutum, & liquefacit ceram propter diuersam materię dispositionem, ita diuersa materię dispositio facit vt aliquid à cælo calore accipiat, non autem frigiditytatem. e contrario verò aliud recipiat frigus, non autem calorem. Dicitur tertio, quòd fortassis secundum opinionem tenentium quòd formæ contrariæ in gradibus remissis possint in eodem subiecto simul esse, non est inconueniens quòd in vno & eodem simul causentur à cælo frigus & calor in gradibus in quibus se compatiuntur. si ponamus cælum aliquid ad calorem aut frigus immediatè, hoc est nõ mediatè particulari agente calido aut frigido diuersis suis virtutibus alterare puta aërem, sicut enim non inconuenit si ligno appropinquetur calidum & frigidum & calidum sit fortius, lignum accipere caliditatem ab vno: ab altero verò aliquem gradum frigiditytis, non repugnantem gradui illius caloris: ita non inconuenit astrum puta lunam simul in aëre causare frigiditytatem ratione propriæ virtutis, aliquem verò gradum caloris virtute luminis in ipso causare. Vnde quamuis lunæ magis sit infrigidare virtute propriæ qualitatē quàm calefacere ex communi lucis natura, causat tamen in aëre ab ipsa infrigidato aliquem etiam caloris gradum suæ frigidityti non repugnantem: propter quod noctes plenilunij dicuntur ab Aristotele in libro de partibus animalium esse calidiores, quia videlicet quantum plus luminis habet luna, tantò magis aërem secundum aliquem gradum calefacit, licet semper frigiditytatem intensiorem calore propria virtute introducat. Potest etiam dici, quòd non sequitur vt ab vna stella contrariæ qualitates simul in eodem causentur, sed tantum quòd vna virtus aliam impedit ne suum effectum in alio producat, sicut enim aqua calefacta impedit per caliditatem aduenientem ne infrigidet, & ideo tantum calefacit: ita luna quæ secundum proprietatem suæ naturæ est infrigidatiua, adueniente luminis plenitudine impeditur ne aërem infrigidet, aut ne tantum frigiditytis efficiat: nec hoc est inconueniens in luna ponere, quia receptio luminis non est sibi contra naturam, sed naturalis. ideo sicut sibi naturale est remotio luminis infrigidare, ita naturale est sibi adueniente lumine calefacere, aut minus infrigidare. Hæc dixerim quantum mihi pro nunc occurrit, si quid melius menti succurrerit, iuuante Deo, illud in medium promam.

*Quòd corpora caelestia non sunt causæ voluntatum & electionum nostrarum.*

Cap. 85.

**E**X hoc autem vltèrius apparet quòd corpora caelestia non sunt voluntatum nostrarum neque electionum causa. Voluntas enim in parte intellectiua animæ est: vt patet per Philosophum in tertio de Anima. \* si igitur corpora caelestia non possunt imprimere directè in intellectum nostrum, vt ostensum est: \* neque etiam in voluntatem nostram directè imprimere poterunt. 2. Amplius, Omnis electio & actualis voluntas in nobis immediatè ex apprehensione intellectuiali causatur. bonum enim intellectum est obiectum voluntatis, vt patet in 3. de Anima. \* & propter hoc non potest sequi peruersitas in eligendo nisi intellectus iudicium deficiat in particulari eligibili, vt patet per Philosophum in 7. Ethic. \* corpora autem caelestia non sunt causæ intelligentiæ nostræ: ergo nec electionis nostræ possunt esse causæ.

3. Item, Quæcunque ex impressione corporum caelestium in istis inferioribus eueniunt, naturaliter cõtingunt: quum hæc inferiora sint naturaliter sub illis ordinata. si ergo electiones nostræ eueniunt ex impressione corporum caelestium, oportet quòd naturaliter eueniant, vt scilicet sic homo naturaliter eligat operari suas operationes, sicut naturali instinctu bruta operantur, & naturaliter corpora inanimata mouentur. non ergo erunt propositum & natura duo principia agentia, sed vnū tantum, quod est natura: cuius contrarium patet per Arist. in 2. Physic. \* non est ergo verum quòd ex impressione corporum caelestium nostræ electiones proveniant.

4. Præterea, Ea quæ naturaliter fiunt, determinatis mediis producuntur ad finem: vnde semper & eodem modo cõtingunt. natura enim determinata est ad vnum: electiones autem humanæ diuersis mediis tenduntur ad finem tam in moralibus quàm in artificialibus. non igitur electiones humanæ fiunt naturaliter.

5. Amplius, Ea quæ naturaliter fiunt, vt plurimum rectè fiunt. natura enim non deficit nisi in paucioribus. si igitur homo

Lib. 4. cap. 5.

Idem 1. p. 1.  
115. art. 4.

\* Text. cõ. 42.

\* Cap. 84.

\* Text. cõ. 51.

\* Cap. 5.

\* Text. cõ. 49.



homo naturaliter eligeret: vt in pluribus electiones eius essent rectæ, quod patet esse falsum. non igitur homo naturaliter eligit: quod oporteret, si ex impulsu corporum cælestium eligeret.

6 Item, Ea quæ sunt eiusdem speciei, non diuersificantur in operationibus naturalibus quæ naturam speciei conferuntur. vnde omnis hirundo similiter facit nidum, & omnis homo similiter intelligit prima principia quæ sunt naturaliter nota. electio autem est operatio consequens speciem humanā. si igitur homo naturaliter eligeret, oporteret quod omnes homines eodem modo eligerent: quod patet esse falsum tam in moralibus quam in artificialibus.

7 Adhuc, Virtutes & vitia sunt electionū principia propria. nam virtuosus & vitiosus differunt ex hoc quod contraria eligunt: virtutes autem politicæ & vitia non sunt à nobis à natura, sed ex assuetudine, vt probat Philosophus in secundo Ethicor. \* ex hoc quod quales operationes assuescimus, & maxime à puero, ad tales habitum habemus. ergo electiones nostræ non sunt nobis à natura. non ergo causantur ex impressione corporum cælestium secundum quam res naturaliter procedunt.

8 Adhuc, Corpora cælestia non imprimunt directe nisi in corpora, vt \* ostensum est. Si igitur sint causa electionum nostrarum, aut hoc erit in quantum imprimunt in corpora nostra, aut in quantum imprimunt in exteriora, neutro autem modo sufficienter possunt esse causa electionis nostræ, non enim est sufficiens causa nostræ electionis quod aliqua corporalia nobis exterius præsententur. patet enim quod ad occursum alicuius delectabilis, puta cibi vel mulieris, temperatus non mouetur ad eligendum ipsum: in temperatus autem mouetur. Similiter etiam non sufficit ad nostram electionem quæcunque immutatio posset esse in nostro corpore ab impressione corporis cælestis, quoniam per hoc non sequantur in nobis nisi quædam passionem vel magis vel minus vehementes. passionem autem quantumcunque vehementes non sunt causa sufficiens electionis, quia per easdem passionem incontinens inducitur ad eas sequendum per electionem: continens autem non inducitur. non potest igitur dici quod corpora cælestia sint causa nostrarum electionum.

9 Amplius, Nulla virtus datur alicui rei frustra: homo autem habet virtutem iudicandi & consiliandi de omnibus quæ per ipsum operabilia sunt, siue in vsu exteriorum rerum, siue in admittendo & repellendo in intrinsecas passionem. Quod quidem frustra esset, si electio nostra causaretur à corporibus cælestibus non existens in nostra potestate. non est igitur possibile quod corpora cælestia sint causa nostræ electionis.

10 Præterea, Homo naturaliter est animal politicum vel sociale. Quod quidem ex hoc apparet, quod vnus homo non sufficit sibi si solus viuatur: propterea quod natura in paucis hominibus prouidit sufficienter, dans ei rationem per quam possit sibi necessaria ad vitam præparare, sicut cibum, indumenta, & alia huiusmodi, ad quæ omnia operanda non sufficit vnus homo. vnde naturaliter inditum est homini vt in societate viuatur. sed ordo prouidentie non aufert alicui rei quod est sibi naturale: sed magis unicuique prouidetur secundum suam naturam, vt ex dictis patet, non igitur per ordinem prouidentie sic est homo ordinatus, vt vita socialis tollatur: tolleretur autem, si electiones nostræ ex impressionibus corporum cælestium prouenirent, sicut naturalis instinctus aliorum animalium.

Frustrā etiam darentur leges & præcepta viuendi, si homo electionum suarum dominus non esset: Frustrā etiam adhiberentur præmia & pœnæ bonis & malis, ex quo non est in nobis hæc vel illa eligere: his autem definitibus statim socialis vita corrumpitur. non ergo homo est sic secundum ordinem diuinæ prouidentie institutus, vt electiones eius ex motibus cælestium corporum proueniant.

11 Adhuc, Electiones hominum ad bona & mala se habent. si igitur electiones nostræ ex motibus stellarum prouenirent, sequeretur quod stellæ per se essent causa malarum

electionum: quod autem est malum, non habet causam in natura. malum incidit ex defectu alicuius causæ, & non habet causam per se, vt supra ostensum est. \* non est igitur possibile quod electiones nostræ directe & per se à corporibus cælestibus proueniant sicut ex causis. Potest autem aliquis huic rationi obuiare, dicendo quod omnis mala electio ex alicuius boni appetitu prouenit, vt supra ostensum est, sicut electio adulterij prouenit ex appetitu boni delectabilis quod est in venereis: ad quod quidem bonum vniuersale aliqua stella mouet: & hoc necessarium est ad generationem animalium perficiendam. nec debuit hoc commune bonum prætermitti propter malum particulare huiusmodi, qui ex hoc instinctu elegit malum. Hæc autem responsio sufficiens non est, si ponantur corpora cælestia per se causa electionum nostrarum, vt pote per se imprimantur in intellectum & voluntatem: nam impressio vniuersalis causæ recipitur in vnoquoque secundum modum suum. effectus ergo stellæ mouentis ad delectationem quæ est in coniunctione ordinata ad generationem, recipietur in quolibet secundum modum sibi proprium: sicut videmus quod diuersa animalia habent diuersa tempora & diuersos modos commixtionis secundum congruentiam suæ naturæ, vt Aristotelis dicit in libro de historiis Animalium. recipient ergo intellectus & voluntas impressionem illius stellæ secundum modum suum. cum autem aliquid appetitur secundum modum intellectus & rationis, non accidit peccatum in electione: quæ quidem semper ex hoc mala est, quod non est secundum rationem rectam. non igitur si corpora cælestia essent causa electionum nostrarum, esset vnquam in nobis electio mala.

12 Amplius, Nulla virtus actiua se extendit ad ea quæ sunt supra speciem & naturam agentis, quia omne agens agit per suam formam, sed ipsum velle transcendit omnem speciem corporalem, sicut & ipsum intelligere. sicut enim intelligimus vniuersalia, ita & voluntas nostra in aliquod vniuersale fertur: puta odimus omne latronum genus, vt Philosophus in sua Rhetorica. nostrum igitur velle non causatur à corpore cælesti.

13 Præterea, Quæ sunt ad finem, proportionantur fini. electiones autem humanæ ordinantur ad felicitatem, sicut ad vltimum finem. quæ quidem non consistit in aliquibus corporalibus bonis, sed in hoc quod anima coniungatur per intellectum rebus diuinis, vt supra ostensum est, tam secundum sententiam fidei, quam secundum Philosophorum opiniones. corpora igitur cælestia non possunt esse causa electionum nostrarum.

Hinc est quod dicitur Hier. 10. A signis cæli nolite metuere quæ timent gentes: quia leges populorum vanæ sunt. Per hoc autem excluditur positio Stoicorum, qui ponebant omnes actus nostros, & etiam electiones nostras secundum corpora cælestia disponi. quæ etiam dicitur fuisse positio antiqua Phariseorum apud Iudæos. Priscilianistæ huiusmodi erroris etiam rei fuerunt, vt dicitur in libro de hæresibus. Hæc etiam fuit opinio antiquorum naturalium, qui ponebant sensum & intellectum non differre. Vnde Empedocles dixit, quod voluntas augetur in hominibus sicut in aliis animalibus ad præsens, id est secundum præsens momentum ex motu cæli causante tempus, vt Aristot. introducit in lib. de Anima. Sciendum tamen est quod licet corpora cælestia non sint directe causa electionum nostrarum quasi directe in voluntates nostras imprimantur, indirecte tamen ex his aliqua occasio nostris electionibus præstetur, secundum quod habet impressionem super corpora, & hoc dupliciter. Vno quidem modo, secundum quod impressiones corporum cælestium in exteriora corpora sunt nobis causa alicuius electionis: sicut cum per corpora cælestia disponitur aer ad frigus intensum: eligimus calorem ad ignem, vel aliqua huiusmodi facere quæ congruunt tempori. Alio modo secundum quod imprimunt in corpora nostra ad quorum immutationem insurgit nobis aliqui motus passionum, vel per eorum impressionem efficitur habiles ad aliquas passionem: sicut cholericum sunt

\* Cap. 15. huius lib.

\* Cap. 14. huius lib.

Lib. 5. cap. 9.

Lib. 2. cap. 4.

Ca. 25. & 37.



sunt prout ad iram: vel secundum quod ex eorum impressione causatur in nobis aliqua dispositio corporalis quæ est occasio alicuius electionis, sicut cum nobis infirmantibus eligimus accipere medicinam. Interdum etiam ex corporibus celestibus actus humani causantur: in quantum ex indispositione corporis aliqui amentes efficiuntur visu rationis privati, in quibus proprie electio non est, sed mouetur aliquo naturali instinctu sicut & bruta. Manifestum est autem & experimento cognitum, quod tales occasiones siue sint exteriores siue interiores, non sunt causa necessaria electionis: cum homo per rationem possit eis resistere vel obedire: sed plures sunt qui impetus tales naturales sequuntur: pauciores autem, id est soli sapientes, qui occasiones male agendi & naturales impetus non sequuntur. Et propter hoc dicit Ptolemæus in Centiloquio, quod anima sapiens adiuvat opus stellarum, & quod non poterit astrologus dare iudicia secundum stellas, nisi vim animæ & complexionem bene cognouerit: & quod astrologus non debet dicere rem specialiter, sed vniuersaliter: quia scilicet impressio stellarum in pluribus fortitur effectum: qui non resistit inclinationi quæ est ex corpore: non autem semper in hoc vel illo qui fortè per rationem naturali inclinationi resistit.

## Super Cap. 85.



ICVT ostensum est corpora celestia non agere per se directè à intellectu humano, ita quod non agant in voluntatem S. Thom. vult ostendere. Circa hoc autem duo facit. Primò ostendit quod calum virtute propria humanæ electionis non est causa. Secundò, quod nec virtute animæ mouetur cap. 87. Circa primum duo facit. Primò ostendit propositum, secundò vt magis propositum confirmetur, ostendit nec etiam naturales effectus in istis inferioribus à calo de necessitate sequi, cap. sequenti. Quantum ad primum ponit quatuor conclusiones. Prima est, Corpora celestia neque voluntatum nostrarum, neque electionum sunt causa scilicet per se & directè. Probatur primò: Non possunt imprimere directè in intellectum: ergo neque in voluntatem. probatur consequentia, quia voluntas est in parte intellectiua animæ, vt patet tertio de Anima text. 42. Secundò, Non sunt causa intelligentie nostræ. ergo, &c. probatur consequentia, quia omnis electio & actualis volitio in nobis immediatè causatur ex apprehensione intellectuali, quod constat, tum quia bonum intellectum est obiectum voluntatis, tertio de Anima text. 51. tum quia peruersitas in eligendo non provenit nisi intellectus iudicium deficiat in particulari eligibili, vt dicitur septimo Ethic. cap. 5.

CIRCA processum huius rationis dubium occurrit. Videtur enim procedere ratio ex hoc fundamento, quod intelligentia est causa immediata electionis, ex hoc namque videtur sequi quod nihil possit mediare inter intelligentiam & electionem, ex quo causatur electio: & ideo si aliquid debet esse causa electionis, oportet vt sit causa intelligentiæ à qua electio immediatè causatur, sed videtur hoc fundamentum ad propositum non valere. Nam intelligentia apud Diuum Thomam non mouet voluntatem nisi per modum finis & formæ, illi videlicet obiectum presentando, non est autem inconueniens, vt voluntas ab vno immediatè moueatur tanquam à fine & tanquam à specificante eius operationem, ab alio verò moueatur tanquam ab efficiente & quantum ad exercitium, vt est de mente sancti Thomæ 1.2. quæst. 9. artic. 3. ad 3. poterunt ergo esse simul vera ista, & quod intelligentia est immediata causa electionis, & quod etiam ipsa corpora celestia sint illius causæ, in alio videlicet genere causæ. Confirmatur obiectio, quia non obstante ista immediate, ponit S. Thom. inferius Deum esse causam actus voluntatis. ergo illa immediatio non remouet causalitatem alterius causæ supra electionem. Respondetur quod ex illa immediate causalitatis intelligentiæ supra electionem, in quantum excludit aliam causam mediam, non procedit ratio, quia quum illa non sit immediatio nisi in genere causæ finalis & formalis, non habet excludere nisi aliam causam mediam in eodè genere, non autem in genere causæ efficientis, vt obiectio tangit. Sed dupliciter possumus hanc rationem interpretari. Primò, dicendo quod procedit ex illa immediate in quantum includit quandam continuationem illarum operationum, & naturalem ordinem vnius ad alteram. quæ enim sic colligata sunt, talem ordinem habent inter se, quod nihil potest esse causa posterioris per modum causæ effectiue extrinsecæ, quod non sit causa prioris. quia enim risibilitas immediatè ab essentia hominis causatur, non potest esse causa risibilitatis quod non est causa naturæ humanæ. Similiter ergo quia electio immediatè causatur ab intelligentia, & non potest esse nisi præsupposita intelligentia. ideo non potest aliquid esse causa electionis, quod non est causa intelligentiæ. Vnde & Deus qui est causa electionis, est etiam intelligentiæ causa, vt inferius ostendetur. Sed quia fortè ista propositio, quod non est causa prioris, non est causa posterioris, habet veritatem tantum si accipiat causalitatem in eodem genere, puta quod nihil potest esse causa finalis alicuius causati immediatè ab aliquo fine, nisi sit causa finalis illius finis, & nihil potest esse causa efficiens alicuius dependentis immediatè ab alio efficiente, nisi sit causa efficiens illud prioris à quo dependet: non apparet autem quare in genere causæ efficientis non possit aliquid esse causa alicuius dependentis ab alio immediatè in genere causæ finalis absque hoc quod illius causæ finalis sit causa effectiua: ideo secundo respondetur, quod ex illa immediate causalitatis vult habere sanctus Thomas, quod intelligentia & electio ad eundem rerum ordinem

pertinet. Ad id enim appetitus in nobis est illius ordinis cuius est cognitio ad quam immediatè sequitur. Nam actus appetitus sensitui est eiusdem ordinis cum apprehensione sensitua à qua immediatè causatur: vtrique enim ad genus sensibile pertinet. Similiter actus appetitus intellectui scilicet voluntatis, est eiusdem ordinis cum apprehensione intellectus à qua causatur immediatè. vtrumque enim ad genus intelligibile pertinet, & ad tale genus intelligibile qualis est operatio naturæ intellectiue humanæ: & quia actus ad eundem ordinem rerum pertinentes eodem modo debet ab aliquo extrinsecò efficiente posse aut non posse causari: ideo quod est causa vnius, etiā alterius causa esse potest: & quod non potest esse causa vnius, nec etiam alterius potest esse causa. si ergo corpora celestia intellectiue apprehensionis causa esse non possunt, nec etiam electionis causa esse poterunt. Aduertendum autem quod ista ratio à præcedenti differt, quia illa procedit ex eo, quod intellectus & voluntas ad eandem animæ partem pertinent, hæc autem quia actus intellectus & actus voluntatis eiusdem ordinis sunt, veluti propria causa, & proprius effectus. Quomodo autem peruersitas electionis sequatur defectum iudicii in particulari eligibili, diffuse ostendit S. Thom. 1.2. q. 19. art. 5.

Tertio, si electiones nostræ proveniunt ex impressione corporum celestium, naturaliter euenirent: sed hoc est inconueniens, ergo, &c. prima pars antecedentis probatur, quia quæcunque ex impressione corporum celestium in istis inferioribus eueniunt, naturaliter contingunt, quum sint hæc inferiora sub illis naturaliter ordinata. Secunda verò pars probatur, quia tunc non essent propositum & natura duo principia agentia, sed vnum tantum scilicet natura, contra Arist. 2. Physic.

CIRCA probationem primæ partis antecedentis, aduertendum quod supponit S. Thom. corpora celestia esse naturaliter agentia, sicut & alia corpora: hoc enim supposito optimè sequitur, si electiones nostræ ex impressione celestium proveniunt, quod naturaliter euenirent. quæ enim naturali ordine subduntur actioni naturaliter agentis, oportet vt naturaliter moueantur, & vt mota naturaliter agent, non autem ex electione & propositio, quia talia agunt secundum quod ab alio mouentur & diriguntur, non autem seipsa ad suas operationes mouent, vt patet in brutis & in grauibus & leuib. Quare, electiones humanæ diuersis modis tendunt ad finem tam in moralibus, quam in artificialibus: ergo non sunt naturaliter. ergo, &c. probatur consequentia, quia cum natura sit ad vnum determinata, quæ naturaliter sunt, determinatis mediis producitur ad finem: cuius signum est, quod semper eodem modo contingunt. Quintò, si homo naturaliter eligeret, vt in pluribus electiones eius essent rectæ. hoc autem patet esse falsum, ergo, &c. probatur assumptum, quia quæ naturaliter sunt, vt plurimum recte sunt, cum natura in paucioribus deficiat. Ad hanc rationem posset aliquis dicere quod non eodem modo corpora celestia sunt causa electionum in omnibus, sed in aliquibus sunt causa malarum electionum, & isti vt in pluribus male eligunt, & in paucioribus bene: in aliquibus verò sunt causa bonarum electionum, & isti in paucioribus eligunt male: & sic saluatur in vnoquoque quod naturale deficit in paucioribus. sed hæc responsio non tollit rationem, quia si corpora celestia imprimunt directè in voluntatem tantquam existentia directè causa humanæ electionis, & non tantum indirectè per actionem in corpus, mouebunt voluntatē secundum ipsius conditionem & inclinationem in quantum voluntas est, sicut & alia subiecta eorum impressionibus mouentur ab ipsis secundum conditionem suæ naturæ. vt grauius deorsum, & leuius sursum. voluntas autem quantum est de se, habet ordinem ad rectam electionem, cum eius obiectum sit bonum: electio autem non rectè ex aliquo defectu provenit. ideo optimè sequitur, si voluntas eligit secundum impressionem corporum celestium, quod pro maiori parte rectè eligit, & non dabitur impressio quæ ad malas electiones pro maiori parte inclinet & moueat voluntatem, licet aliquando posset voluntas non rectè eligere, sicut & in aliis naturalibus causis videmus quod aliquando à suo cursu & ordine deficiunt. Quomodo autem homo in maiori aut in minori parte deficiat, ostensum est superius. Sextò, si homo naturaliter eligeret, omnes homines eodem modo eligerent. hoc patet tam in moralibus quam in artificialibus esse falsum, ergo, &c. probatur conditionalis, quia electio est operatio consequens speciem humanam: quæ autem sunt eiusdem speciei, non diuersificantur in operationibus naturalibus quæ speciè consequuntur, vt patet de hirundinibus similiter nidificantibus, & de hominibus similiter prima principia intelligentibus. Septimò: virtutes politicæ & vitia non sunt nobis à natura, sed ex assuetudine, vt 2. Ethic. probatur, ergo neque electiones, ergo, &c. probatur consequentia, quia virtutes & vitia sunt electionum principia propria: differunt enim vitiosus & virtuosus ex hoc quod contraria eligunt.

ADVERTE quod quatuor rationes immediatè superius adductæ sunt confirmationes tertiarum rationum.

CIRCA istam propositionem: Virtutes & vitia sunt electionum principia propria, considerandum ex doctrina S. Thom. in q. de Virt. art. 8. & 1.2. q. 63. art. 1. item 3. Sent. dist. 33. q. 2. art. 3. quod cum electio sit eorum quæ sunt ad finem, inclinatio voluntatis in finem proximum in quantum in finem vltimum ordinatur, dicitur electio: & ad hunc sensum dicitur 5. Ethic. quod electio est principalis actus virtutis moralis. dicitur ergo virtus politica siue moralis esse propria causa electionis, quia inclinatio voluntatis in proximum finem, siue recta electio proximi finis, est à virtute tanquam à propria causa. quæ scilicet ex sua natura determinatur ad faciendum rectam electionem de fine tanquam ad proprium & principalem actum: & similiter vitium est causa determinata ex sua ratione ad faciendum peruersam electionem de fine proximo tanquam ad proprium actum & principalem.

CIRCA illam propositionem, Virtutes politicæ & vitia non sunt nobis à natura, aduertendum ex doctrina S. Thom. in quæst. de Virt. art. 8. 1.2. q. 63. tertio Sent. dist. 33. q. 1. art. 2. quod ista propositio intelligitur de virtute quantum ad ipsum complementum, & eius perfectam rationem. Nam originaliter & secundum aptitudinem tam actiua quam passiuam virtutes sunt à natura, partim quiddè secundum naturæ speciem, prout aptitudo ad virtutem est communis omnibus hominibus: partim autè secundum naturam indiuidui, secundum quod quidam præ aliis sunt apti ad virtutem, quantum verò ad virtutem non potest dici quod etiā sit originaliter & secundum aptitudinem actiua à natura speciei humanæ in quantum huiusmodi, quia vitium vniuersi cuiusque rei videtur esse quod non sit disposita secundum quod conuenit suæ naturæ, vt dicitur 1.2. quæst. 71. artic. 1. & 2. vnde vitium ab Augustino

tertio



rectio de libero arbitrio dicitur contra naturam esse. Ostendit, Corpora celestia non agunt directe nisi in corpora, ut est ostensum superius: aut ergo sunt causa nostrarum electionum in quantum in imprimunt in corpora nostra, aut in quantum imprimunt in corpora exteriora. Secundum non est sufficiens causa nostre electionis, quia patet quod ad occursum delectabilis, puta cibi aut mulieris, temperatus non mouetur ad eligendum, intemperatus vero mouetur. Non etiam primum, quia ex impressione corporum celestium in nostra corpora non sequuntur in nobis nisi quædam passionibus magis aut minus vehementes: constat autem quod per easdem passionibus in continens inducitur ad eas sequendum per electionem, continens autem non &c.

**ADVERTE** quod sanctus Thomas arguit eælum non esse causam sufficiens nostre electionis per impressionem in corpora: non autem nullo modo esse causam, ut ostendat quod aliquo quidem modo sunt causa nostre electionis per impressionem in corpora, per modum scilicet disponentis, & aliquo modo inclinantis, ut inferius ostenditur: non tamen est causa per modum perficientis sue sufficientis ad electionem causandam. dicitur enim sufficiens causa ad cuius actionem statim sequitur effectus, quomodo ostensum est eælum non esse electionis causam. Nono, si electio non esset in nostra potestate, sed à corporibus celestibus causeretur, frustra homo haberet virtutem iudicandi & cõsulendi de omnibus ab ipso operabilibus sue in vfu exteriorum rerum, siue in admittendo & repellendo intrinsecas passionibus: sed nulla virtus datur alicui frustra, ergo, &c. Decimo, tolleretur vita socialis hominis: sed hoc est inconueniens, ergo, &c. Prima pars antecedentis probatur, quia frustra darentur leges & præcepta viuendi, & frustra adhiberetur præmia & pœne bonis & malis, ex quo non esset in nobis hæc velle illa agere: istis autem deficientibus statim vita socialis corrumpetur. Secunda vero pars antecedentis probatur, quia homo est naturaliter animal politicum & sociale, cuius signum est, quod vnus homo non sufficit sibi si solus viuatur, quum natura in paucis homini sufficienter prouiderit, sed dederit ei rationem qua sibi possit prouidere. ordo autem prouidentie non aufert alicui quod est sibi naturale.

**CIRCA** istam propositionem: Natura in paucis homini sufficienter prouidit, dubium occurrit: quia natura non deficit in necessariis, ut dicitur secundo cæli textu. com. 50.

Respondetur ex doctrina sancti Thomæ. 1. quæst. 76. artic. 5. ad 4. & quæst. 91. artic. 3. ad secundum. Itē de Verit. quæst. 1. artic. 7. & de Anima, artic. 1. octauo ad 20. quod licet natura non sufficienter prouiderit homini in particulari, dando scilicet sibi omnia quibus indiget: quia hoc non poterat fieri, tum ex corporis cõplexione, quæ nõ patitur aliqua naturalia instrumenta, quæ in aliis animalibus inveniuntur, puta durum coriũ, plumas, cornua, & huiusmodi: tum etiam ex ratione quæ est in finitatem conceptionem, & sufficienter tamen illi prouidit in communi dādo ei principia scilicet rationem & manus, quibus de omnibus necessariis possit sibi prouidere.

Vndecimo, tunc stellæ essent per se causa malorum electionum, quum electiones hominum ad bona & mala se habeant, sed hoc est impossibile, quia malum non habet causam in natura, quum incidat ex defectu alicuius causæ, ergo, &c.

**AD** hanc rationem posset aliquis dicere quod omnis mala electio ex appetitu alicuius boni prouenit, ut supra dictum est, sicut electio adulterij ex appetitu boni delectabilis, ad quod quidem bonum vniuersale aliqua stella mouet tanquam necessarium ad generationem: & sic non sequitur quod malum habeat causam per se, sed per accidens, sed hæc responsio (inquit sanctus Thomas) sufficiens non est, si ponatur corpora celestia per se causa nostrarum electionum tãquam directè imprimant in intellectum & voluntatem: quia tunc nunquam erit in nobis electio mala, quum enim impressio causæ vniuersalis recipiatur in vnoquoque secundum modum suum, effectus stellæ mouetis ad delectationem ordinatam ad generationem, recipietur in intellectu & voluntate secundum modum suum, sicut & in brutis diuersimodè recipitur secundum congruentiam suæ naturæ, quum autem aliquid appetitur secundum modum intellectus & rationis, non accidit peccatum in electione quæ semper ex hoc mala est, quod non est secundum rectam rationem, ergo, &c.

**ADVERTE**NDVM quod impugnatio responsionis datæ ad hoc tendit, quod ipsa non saluat eælum esse causam omnium nostrarum electionum, imò magis ipsam rationem confirmat, quia si eælum est causa in nobis per se boni appetitus tantum, sequitur quod sit causa tantum bonæ electionis, illa enim inclinatio in bonum, puta delectabile à cælo data, recipitur in nobis secundum modum intellectus & rationis, & per consequens erit bona electio, cum ergo sint in nobis etiam aliquæ actiones malæ, sequitur quod eælum nõ sit causa omnium nostrarum electionum, aut ergo oportet dicere quod eælum non causa nostrarum sit omnium electionum, quod est intentum in hac ratione, aut si est causa omnium, quod etiam ipsas malas electiones per se causet, & sic malum habebit causam per se, ut ratio deducebat.

Duodecimo, ipsum velle transcedit omnem speciem corporalem, sicut & intelligere, quum ipsa etiam voluntas in aliquod vniuersale feratur sicut & intellectus, odio enim habemus omne latronum genus, ergo, &c. probatur consequentia, quia nulla virtus actiua se extendit ad ea quæ sunt supra speciem & naturam agentis, ergo, &c. quum omne agens per formam suam agat, ista ratio explicata est in cap. præcedenti. Tertiodecimo, electiones humanæ ordinantur ad felicitatem, quæ non consistit in corporalibus bonis, sed in hoc quod anima per intellectum rebus diuinis coniungitur, ergo, &c. probatur cõsequetia, quia quæ sunt ad finem, proportionantur fini.

**CIRCA** hanc rationem occurrit dubium: quia non solum electio ordinatur ad felicitatem intellectiua, sed etiam exteriora opera quibus mereamur ipsam felicitatem, si ergo quia electio ordinatur ad felicitatem, sequitur quod non subducitur corporibus celestibus, sequitur per eandem rationem quod neque ipsa exteriora opera cadent sub corpore celestium influxu. Præterea licet oporteat quod ordinatur ad finem, esse sic proportionatum fini, quod sit tale ut per ipsum finis possit haberi, nõ tamen oportet sic esse proportionatum quod sit eiusdem naturæ cum finis: aliquot omnis res creata esset naturæ diuinæ, cum omnia ad Deum ordinentur tanquam ad finem, ergo quauis electio ordinetur ad spirituale felicitatem, non tamen oportet ut sit tantæ spiritualitatis, sicut est ipsa felicitas, ac per hoc à cælorum influxu subtrahatur. Respondetur quod illa pro-

positio, quod ordinatur ad finem, oportet fini esse proportionatam, intelligitur ad hunc sensum, ut habetur quarto sent. dist. 49. quæst. 1. artic. 1. quæst. 3. ad 3. quod oportet esse talia ut per ipsa possit res sufficienter ad finem peruenire. vnde cum coniunctio ad deum per intellectum, siue cognitio intellectiua dei sit finis proprius creaturæ intellectuales, præsertim existentis in gratia, oportet ut operationes quibus ad illum finem tendit, sint tales ut ad illam visionem & intellectum, & perducere possint. Sed hoc non possunt si sint aliquid corporeum siue à corporis influetia dependens: quia res corporeæ ut sic, non est medium proportionatum ad rem incorpoream & omnino spiritualement inducendam: ideo oportet ut tales operationes sint à corporis influetia absolutæ. si ergo electiones ponantur à corporibus celestibus directè & per se dependere, non poterunt esse medium per modum meriti quo homo perueniat ad felicitatem: & si sunt medium, oportet illas ab influxibus corporum celestium non causari, & in hoc consistit ratio sancti Thomæ.

**AD** primum autem objectionem dicitur, quod opera extrinseca in se non ordinantur ad felicitatem, secundum scilicet quod in ipsis consideratur sola natura operis extrinseci: puta largitio pecuniarum, aut aliquid huiusmodi: sed in quantum sub electione cadunt, non enim habent rationem meriti, nisi in quantum voluntaria sunt, & sic ratio merendi conuenit ipsi ex electione charitate informata: propterea electio ipsa est fundamentum omnium operum quæ ad felicitatem ordinantur, & ideo illam oportet fini huiusmodi proportionari. Ad secundam dicitur, quod nõ est mens sancti Thomæ inter finem & ea quæ ordinantur ad finem, oportere esse conuenientiam in natura specifica, cum ipse dica loco præallegato conuenientiam inter ista non esse conuenientiam secundum genus, sed oportere esse inter illa proportionem dictam. Confirmatur conclusio auct. Hier. 10. Per hoc autem excluditur positio Stoicorum, quæ etiam dicitur fuisse Phariseorum apud Iudæos, & quam fecerunt Priscillanistæ, ut dicitur in libro de hæresib. & quæ etiam antiquorum Philosophorum fuit ponentium intellectum à sensu non differre, ut ostenditur auct. Empedoclis. Secunda conclusio est indirectè ex corporibus celestibus aliqua occasio nostris electionibus præstatur, secundum quod habent impressionem super corpora declaratur, & ex impressionibus in exteriora corpora, sicut cum aere disposito ad frigus intensum, eligimus ad ignem caleferi, & ex impressionibus in corpora nostra, sicut cum ad ipsorum immutationem insurgunt aliqui motus passionum, vel per eorum impressionem efficiuntur habiles ad aliquas passiones, sicut cholericus sunt proni ad iram: vel causatur in nobis aliqua dispositio corporalis quæ est occasio alicuius electionis, sicut cum ægotamus, eligimus accipere medicinam.

**AD** euidenciam huius conclusionis considerandum ex doctrina sancti Thomæ. 1. Sententiarum, dist. 46. artic. 2. ad tertium, quarto Sentent. dist. 38. quæst. 2. artic. 1. ad quartum, & 2. quæst. 43. artic. 1. ad tertium, quod occasio dupliciter potest accipi, aliquando quidem pro causa insufficienti & imperfecta, sed per se aliquando verò pro causa per accidens, quæ aliquid quidem operatur, sed ad illum effectum cuius dicitur occasio vel causa per accidens eius operatio non attingit, sed tantum ad aliquid, cui aliquo modo coniungitur effectus cuius dicitur causa per accidens, sicut produciens domum, dicitur causa discordiæ nacentis ex ipsa: eælum ergo dicitur esse occasio nostrarum electionum, secundo modo: quia sua actio non attingit quidem ipsam electionem, sed tamen attingit aliquam corporalem dispositionem cui coniungitur ex propria nostra voluntate aliqua electio, vnde dicitur ex corporum celestium impressione nostra occasionali electio.

Tertia conclusio est, interdum ex corporibus celestibus actus humani causantur, probatur, quia aliquando ex corporis indispositione aliqui amentes sunt vfu rationis priuati, in quibus propriè non est electio, sed aliquo naturali instinctu mouentur sicut bruta.

**ADVERTE**NDVM quod operationes amentium siue eorum qui vfu rationis sunt priuati, non sunt propriè operationes humanæ, cum non sint libere & ex iudicio rationis prouenientes, ex quo operatio aliqua habet quod sit hominis operatio in quantum est homo, sed quia extrinsecus habet similitudinem actuum humanorum, vocat eas sanctus Thomas actus humanos, dant tamè intelligere eas non esse propriè humanas actus, cum subiungit quod in eis non est propriè electio: est quidem in eis similitudo quædam electionis, dum vnum prosequuntur, & aliud repellunt, quemadmodum & bruta, non est tamen propriè electio, quum non sit in eis consilium & rationis inquisitio cuius terminus est humana electio, vnde magis dicendum est de istis, quod brutaliter quam quod humaniter viuunt: quia videlicet non reguntur iudicio rationis, sed naturali æstimatione, sicut brutia: quod primum regulatum operum ipsorum non est ratio, sed virtus æstimatoria, siue cogitativa: & quia corpora celestia directè imprimunt in organa sensuum, & per hæc impressionem immutant ipsos sensus: ideo dicitur hic, quod ipsa in amentibus sunt causa humanorum actuum: in quantum videlicet ipsam cogitativam per accidens immutant ad organi immutationem secundum quam immutationem amentes ad operationem mouentur, quo fit ut sæpenumero tales futura aliqua prædicant de iis quæ ex influxu corporum celestium proueniunt in quantum mouentur ad iudicandum ex aliqua corporum celestium in interioribus vires sensitiuas impressione.

Quarta conclusio est: Occasiones eligendi ex corporibus celestibus prouenientes, siue interiores, siue exteriores, non sunt causa necessaria electionis, probatur, quia experimèto hoc cognouit, est, eò quod homo per rationem potest eis resistere vel obedire, quamuis plures sint qui tales naturales imperus prosequuntur, pauci autem, scilicet soli sapientes non sequuntur.

Confirmatur auct. Ptolomæi in Centiloquio dicentis, & quod anima sapiens adiuvat opus stellarum, & quod astrologus nisi vim animæ & complexionem bene cognouerit, non potest per stellas dare iudicia, & quod non debet rem specialiter dicere, sed vniuersaliter tantum. huius dicti assignat rationem sanctus Thomas, quia impressio stellarum in pluribus fortitur effectum, qui non resistunt inclinationi datæ, non autem semper in hoc vel in illo qui in forte per rationem naturali inclinationi resistit.

**CIRCA** ea quæ hic dicuntur de occasione nostrarum electionum ex impressione corporum celestium, in quantum ex ipsorum impressione efficiuntur ad aliquas passiones habiles & inclinati, attendendū quod non



propter hoc ponit sanctus Thomas mores hominum esse sufficienter ab impressione corporum celestium, ut scilicet ex eorum impressione aliqui efficiuntur temperati, aliqui vero intemperati, aliqui iusti, aliqui vero iniusti, ut aliqui fortassis astrologorum fabulantur, quum mores humani ex voluntate dependeant, in quam ostensum est corpora celestia directe non agere: sed hoc tantum vult, quod ex impressione corporum celestium aliqui ad aliquas passiones inclinationem habent, à quibus aliqui mores hominum occasionantur ratione imperum passionis non regulante. Ex hoc enim quod aliqui inclinantur ad delectationis appetitum, efficiuntur suæ voluntate intemperati: & ex hoc quod aliqui inclinantur ad iram, efficiuntur iracundi & crudeles: verumtamen ex impressionibus celestibus sunt inclinationes ad huiusmodi passiones: potest tamen homo & ipsarum passionum impetum moderari, & contra ipsas operari & assuescere.

NON valent autem contra hunc sensum rationes Pici, quibus contra astrologos argumentatur, mores hominum à cælo non fieri. arguit enim contra hoc, tum quia si ex cælo esset inclinatio ad aliquod flagitium, huiusmodi inclinatio non tam in naturam cæli quam in ipsum deum naturæ autorem esset referenda: quod sane est pietati magnopere aduersum: tum quia hoc esset facere optimos dei seruos, scilicet cælos, malorum auctores & ministros: tum quia non est conveniens ordini & institutioni naturæ, ut optimæ & principales partes procurent fieri quæ ratio naturæ fieri nollit: tum quia non convenit causis superioribus efficientibus semper, deficientibus nunquam, ad deficientem invitare, qui autem ad peccandum invitatur, ad deficientem invitatur, cum qui peccat, non faciat aliquid, imò deficiat: tum quia tota natura, præsertim superior, naturalis & diuinæ legis observationi favere fortè posset, non autem obesse & aduersari.

A Distas enim rationes simul quidem dicitur, quod non dicimus cælum ad aliquod flagitium invitare, directe volentem in ipsum inclinando, imò de mente sancti Thomæ 1.2. quæst. 2.4. art. 1. passiones ad quas directe appetitum sensualem incitant, non sunt flagitia aut moraliter mala, si secundum se considerentur, quomodo ab impressionibus corporum celestium causantur, quum ut sic communes sint hominibus & brutis, sed inveniuntur in eis boni aut mali morales secundum quod subiacent imperio voluntatis & rationis. vnde inquit Philosophus 2. Ethicor. quod Passiones non laudamus, neque vituperamus. Non enim laudatur aut vituperatur qui timet aut irascitur, sed qui aliquantulum scilicet secundum rationem aut contra rationem. huic autem non repugnat quod tales passiones inquantum ratione non regulantur, sint occasiones quædam flagitiorum, quomodo frigus etiam exterioris aeris est occasio eligendi ignem. nam stant simul quod aliqua naturalis passio sensualem appetitum. nec bona nec mala moraliter sit secundum se, & tamen sit occasio alicuius peccati in eo qui sequitur, puta adulteri aut homicidii, & sic cælum non inclinet voluntatem ad peccatum in ipsam voluntatem agendo, sed tantum occasione & indirecè passiones in sensuali appetitu excitando.

Sigillatim autem respondendo ad singulas rationes, ad primam dicitur quod illud vnde dicitur cælum occasionaliter & indirecè inclinare ad aliquod flagitium, scilicet passio quam voluntas sponte sequitur: non est inconueniens in deum sicut in primam causam refertur, si secundum se consideretur, sicut & omnis alius naturalis effectus in ipsum refertur: quia ut sic, malum non est, nec ad peccatum inclinatur: sed est malum quoddam, & ad peccatum inclinatur inquantum est præter ordinem rationis: vnde si non dicitur deus ad peccatum inclinare, sed esse causam alicuius, quod si ratione non regulatur, inclinatur ad peccatum. quod autem ratione non regulatur, non est ex deo, sed ex nobis: idcirco ipse non est nobis causa aut occasio peccati, sed est causa boni, quod quia ratione non regulatur, est peccati occasio. Ad secundam similiter dicitur: non enim facimus corpora celestia esse malorum auctores, sed esse causam alicuius secundum se boni in genere naturæ, quod propter defectum rationis regulantis est malæ electionis occasio. Ad tertiam patet per idem, non enim dicimus quod corpora celestia procurent fieri peccata, ut etiam ostendimus. similiter patet quod non dicimus corpora celestia invitare hominem ad deficientem, ut quarta ratio ponit, sed aliquam corporalem impressionem, aut sensualem aliquem motum efficere, vnde sumitur peccati & defectus occasio quando ratione non regulatur. Per idem patet ad ultimam rationem, non enim dicimus quod corpora celestia obstant aut aduersentur observationi diuinæ legis, nisi valde remotè causando aliquas passiones, sed id quod obstat legis observationi, est ipsa ratio quæ passionibus non imponit debitum modum: vnde fit ut voluntas motum sensuali appetitus in sua electione sequatur.

ADVERTENDUM postremo ex doctrina sancti Thomæ 1. quæst. 115. articulo 4. & de Verit. quæstione 5. articulo 10. quod licet tam intellectus quam voluntas à corporibus celestibus indirecè moueri dicta sint in hoc & in præcedenti capitulo, inquantum impressio ipsorum in corpus aut vires corporeas sensitiuas facta, in ipsa redundat, hoc tamen diuersimodè inuenitur in ipsis. intellectus enim ex necessitate accipit à viribus sensitiuis, cuius signum est quod turbata imaginatiua vel cogitatiua, aut memoratiua, ex necessitate turbatur actio intellectus: voluntas autem non ex necessitate sequitur inclinationem appetitus inferioris, sed est in potestate ipsius sequi passiones, vel eas refutare, ideo sequitur quod impressio corporum celestium secundum quam vires inferiores immutari possunt, minus pertingit ad voluntatem quam ad intellectum. hoc ego sic intelligo, quod quum cognitio fiat secundum quod cognitum recipitur in cognoscente per actionem ipsius cogniti suam similitudinem in ipso causantis, & obiectum intellectus sit phantasma in viribus interioribus sensitiuis receptum, necesse est ad hoc quod intellectus intelligat ut moueatur ab imaginatiua & aliis viribus sensitiuis, à quibus sicut ab obiecto naturaliter mouetur. huiusmodi etiam virium sensitiuarum operatio necessarii exigitur ad operationem actualem intellectus, ut superius in secundo libro est ostensum. ideo facta aliqua immutatione in viribus sensitiuis per impressionem corporum celestium, necessarii intellectus aliquam in sua operatione variationem accipit, sicut variata causa necesse est effectum variari. volitio autem sit non secundum quod volitum recipitur in voluntate, sed secundum quod voluntas in volitum inclinatur: secundum quem ordinem voluntas comparatur ad appetitum sensitiuum sicut mouens ad motum, ut dicitur tertio de Anima: ideo non est necesse quod facta immutatione appetitus sensitiui per corporum celestium impres-

sionem, in actu voluntatis variatio aut mutatio fiat, sed semper in sua libertate manet ut secundum inclinationem appetitus sensitiui eligat, aut contrario modo.

*Quod corporales effectus in istis inferioribus non sequuntur ex necessitate à corporibus celestibus.*

### Caput 86.



NON solum autem corpora celestia humanæ electionis necessitatem inferre non possunt, sed nec etiam corporales effectus in istis inferioribus ex necessitate ab eis procedunt. Impressiones enim causarum naturalium recipiuntur in effectibus secundum recipientium modum: hæc autem inferiora sunt fluxibilia, & non semper eodem modo se habentia, propter materiæ quæ est in potentia ad plures formas: & propter contrarietatem formarum & virtutum. non igitur impressiones corporum celestium recipiuntur in istis inferioribus per modum necessitatis.

2 Item, A causa remota non sequitur effectus de necessitate, nisi etiam sit causa media necessaria: sicut & in syllogismis ex maiori de necessitate, & minori de contingenti, non sequitur conclusio de necessitate. Corpora autem celestia sunt causæ remotæ: proximæ autem causæ inferiorum effectuum sunt virtutes actiue & passiue in istis inferioribus quæ non sunt causæ necessariae, sed contingentes. possunt enim deficere ut in paucioribus: non ergo ex corporibus celestibus sequuntur in istis inferioribus corporibus effectus de necessitate.

3 Præterea, Motus celestium corporum semper est eodem modo: si igitur effectus celestium corporum in istis inferioribus corporibus ex necessitate peruenirent, semper eodem modo se haberent quæ in inferioribus sunt. non autem semper eodem modo se habent, sed ut in pluribus. non igitur ex necessitate proueniunt.

4 Adhuc, Ex multis contingentiis non potest fieri vnum necessarium: quia sicut quodlibet contingentium per se deficere potest ab effectu, ita & omnia simul. constat autem quod singula quæ in istis inferioribus sunt ex impressione celestium corporum, sunt contingencia. Non igitur connexio eorum quæ in istis inferioribus contingunt ex impressione celestium corporum, sunt necessaria. manifestum est enim quod quodlibet eorum impediri potest.

4 Amplius, corpora celestia sunt agētia naturaliter, quæ requirunt materiam in quam agant. non igitur ex actione corporum celestium tollitur id quod materia requirit. Materia autem in quam agunt corpora celestia, sunt corpora inferiora: quæ cum sint corruptibilia secundum suam naturam: sicut deficere possunt ab esse, ita ab operari, & sic eorum natura hoc habet, ut non ex necessitate producant effectus, non igitur ex necessitate proueniunt effectus celestium corporum in corporibus inferioribus. \* Si autem aliquis fortè dicat quod necessariū est quod effectus corporum celestium compleantur, nec tamen per hoc tollitur possibilitas à rebus inferioribus, eò quod quilibet effectus est in potentia antequam fiat: & tunc dicitur possibilis: quando autem iam est in actu, transit à possibilitate in necessitatem: & totum hoc subiacet celestibus motibus: & sic non tollitur quin aliquando effectus sit possibilis: licet necessarium sit effectū illum quandoque produci (sic enim Albumasar in primo libro sui introductorii defendere nititur possibile) \* Non est autem possibile quod secundum hunc modum possibile defendatur. possibile enim quoddam est quod ad necessarium sequitur: nam quod necesse est esse, possibile est esse. quod enim non possibile est esse, impossibile est esse: & quod impossibile est esse, necesse est non esse: igitur quod necesse est esse, necesse est non esse: hoc autem est impossibile. ergo impossibile est quod aliquid necesse sit esse: & tamen non sit possibile illud esse: ergo possibile esse sequitur ad necesse esse. Hoc autem possibile non est necessarium defendere: quia non contra hoc effectus ex necessitate causari dicuntur: sed contra possibile



possibile quod opponitur necessario: prout dicitur possibile quod potest esse & non esse. Non autem dicitur aliquid per hunc modum possibile & contingens ex hoc solum quod quandoque sit in potentia, & quandoque in actu, ut prædicta responsio præsupponit. nam sic etiam in motibus celestibus est possibile & contingens. non enim semper est coniunctio vel oppositio solis aut lunæ in actu: sed quandoque quidem in actu, quandoque autem in potentia: quæ tamen necessaria sunt, cum de his dentur demonstrationes: sed possibile vel contingens quod opponitur necessario, hoc in sua ratione habet, quod non sit necesse illud fieri quando non est: quod quidem est quia non de necessitate sequitur ex causa sua. sicut enim dicimus Sortem esse seculum, esse contingens: ipsum autem esse moriturum, esse necessarium: quia secundum horum ex causa sua de necessitate sequitur: non autem primum. si ergo ex motibus celestibus de necessitate, sequitur quod eorum effectus sint quandoque futuri: tollitur possibile & contingens, quod necessario opponitur. \* Sciendum est autem, quod ad probandum effectus celestium corporum ex necessitate provenire, Avicenna in sua Metaphysica vtitur tali ratione. Si enim effectus aliquis celestium corporum impeditur, oportet quod hoc sit per aliquam causam voluntariam vel naturalem: omnis autem causa voluntaria vel naturalis reducitur ad aliquod celeste principium: ergo impedimentum effectuum celestium corporum procedit ex aliquibus celestibus principiis. impossibile est ergo quod si totus ordo celestium corporum simul accipiatur, quod effectus eius vnquam cessetur: unde concludit quod corpora celestia faciunt necessario esse debere effectus in istis inferioribus tam voluntarios quam naturales. Hæc autem ratio, ut Aristoteles in secundo Physicorum dicit, \* fuit quorundam antiquorum: qui negabāt casum & fortunam, per hoc quod cuiuslibet effectus est aliqua causa determinata: posita autem causa, ponitur effectus de necessitate: & sic cum omnia de necessitate proveniant, non est aliquid fortuitum neque casuale. Hanc autem rationem ipse Aristoteles soluit in sexto Metaphysicæ, negando duas propositiones, quibus hæc ratio vtitur: quarum vna est, quod posita causa quacunque necesse sit eius effectus poni. Hoc enim non oportet in omnibus causis: quia aliqua causa licet sit per se & propria causa sufficiens alicuius effectus: potest tamen impediri ex concursu alterius causæ, ut non sequatur effectus. Alia propositio est quam negat: quod non omne quod est quocunque modo, habet causam per se, sed solum ea quæ sunt per se: quæ autem sunt per accidens, non habent aliquam causam: sicut quod sit musicum, habet aliquam causam in homine: quod autem homo sit simul albus & musicus, non habet aliquam causam. quæcunque enim sunt simul propter aliquam causam, ordinem habent, adinuicem ex illa causa: quæ autem sunt per accidens, non habent ordinem adinuicem. non igitur sunt ex aliqua causa per se agente, sed solum per accidens hoc euenit. Accidit enim doceri musicam, quod doceat hominem albū. est enim præter eius intentionem: sed intendit docere disciplinæ susceptible. Sic ergo proposito aliquo effectu dicemus, quod habuit aliquam causam ex qua non de necessitate sequebatur: qui poterat impediri ex aliqua alia causa concurrente per accidens: & licet illam causam concurrentem habet reducere in aliquam causam altiorē, tamen ipsum concursum qui impedit, non est reducere in aliquam causam: & sic non potest dici, quod impedimentum huius effectus, vel illius procedit ex aliquo celesti principio. unde oportet dicere, quod effectus corporum celestium ex necessitate proveniant in istis inferioribus. \* Hinc est quod Damasc. dicit in secundo libro, quod corpora celestia non sunt causa generationis alicuius eorum quæ fiunt, neque corruptionis eorum quæ corrumpuntur: quia scilicet non ex necessitate ex eis effectus proveniunt. Aristoteles etiam dicit in secunda de Somno & vigilia, \* quod eorum quæ in corporibus sunt signorum etiam celestium velut aquarum & ventorum multa non eueniunt: si enim

aliquis alius vehementior isto accadat motus, quod futurum est signum non fit: sicut & multa consulta bene, quæ fieri expediebat, dissoluta sunt propter alias digniores inchoationes. Prolemæus etiā in Quadripartio dicit: Rursus nec æstimare debemus, quod superiora procedunt inevitabiliter: ut ea quæ diuina dispositione contingunt: & quæ nullatenus sunt vitanda, necnon quæ veraciter & ex necessitate proveniunt. In Centiloquio etiam dicit: Hæc indicia quæ tibi trado, sunt media inter necessarium & possibile.

Super Cap. 86.



LTÉRIVS ut magis apparet voluntatem nostrā à corporibus celestibus necessitatem non pati, vult sanctus Thomas ostendere, quod non solum humanæ electioni necessitatem inferre non possunt: verum etiam quod nec corporales effectus ab ipsis in istis inferioribus de necessitate proveniunt. circa hoc autem duo facit. Primum ostendit propositum. Secundum responderet ad quandam Avicennæ rationem.

QUANTVM ad primum, arguit primum sic, Hæc inferiora sunt fluxibilia, & non semper eodem modo se habentia propter materiam quæ est in potentia ad plures formas, & propter contrarietatem formarum & virtutum, ergo impressiones corporum celestium non recipiuntur in istis per modum necessitatis. probatur consequentia, quia impressiones causarum naturalium recipiuntur in effectibus secundum recipientium modum. Secundum, corpora celestia sunt causæ remotæ inferiorum effectuum: propriæ autem causæ sunt virtutes actiue & passivæ in istis inferioribus, quæ sunt causæ contingentes, cum possint deficere ut in paucioribus, ergo, &c. probatur consequentia, quia à causa remota non sequitur effectus de necessitate, nisi etiam sit causa media necessaria. declaratur per similitudinem in syllogismo, in quibus minori existente contingente, non sequitur nisi conclusio contingens, quamvis maior sit necessaria.

ADVERTE quod per effectus in istis inferioribus provenientes intendit sanctus Thomas omnes illos effectus particulares qui in subalternari regione sūt, de quibus omnibus prima ratio procedit, siue inquam à celo immediatè provenire ponantur, siue mediantibus particularibus causis, ista autem secunda ratio probat de effectibus illis tantum qui à celo mediantibus inferioribus virtutibus proveniunt. Tertiū, si sic esset, tunc semper eodem modo se haberent quæ in inferioribus sunt. hoc est falsum. ergo, &c. probatur assumptum, quia motus celestium corporum semper eodem modo est.

ADVERTE quod hæc ratio fundatur super hac propositione manifeste, effectus de necessitate proveniens à causa semper eodē modo se habente, eodem modo semper euenit. Quarto, singula quæ in istis inferioribus sunt ex impressione corporum celestium, sunt contingencia, cum quodlibet eorum impediri possit, ergo connexio eorū quæ est in inferioribus ex calorū impressione contingunt, non est necessaria. probatur consequentia, quia ex multis contingentibus non potest fieri vnum necessarium, cum ita omnia simul deficere possint, sicut & quodlibet contingentium.

ADVERTE quod ista ratio directè concludit contra illos qui dicunt connexionem eorum quæ hinc sunt impressione corporum celestium, necessariam esse, licet aliqua contingentem eueniant. Quinto, ex actione corporum celestium non tollitur quod materia requirit, cum opera celestia sint naturaliter agentia quæ requirunt materiam in quam agant: sed materia in quam corpora celestia agunt, sunt corpora inferiora corruptibilia secundum naturā, quæ sicut ab esse, ita ab operari deficere possunt, & per consequens non de necessitate producant effectus, ergo, &c.

ADVERTE quod ista ratio differt à prima & à secunda, quia cum inferiora corpora ad superiora comparari possint, & ut materia tantum, & ut agens secundum & instrumentale ad principale agens, tripliciter possumus considerare corpora inferiora. primum ut habent rationem materiæ tantum in quam corpora celestia agant: & secundum hanc considerationem procedit prima ratio. secundum ut habent rationem proximi agentis tantum in ordine ad effectus celestes ipsius mediantibus productos, & iuxta hoc procedit secunda ratio. tertiū ut simul habent & rationem materiæ & rationem secundarij & instrumentalis agentis in ordine ad ipsum calorem: & secundum hoc hæc quinta ratio procedit. Concluditur enim effectus calorū non de necessitate in istis inferioribus euenire: quia cum inferiora deficere possint ab operari secundum rationem suæ naturæ, impressio corporum celestium hoc ab ipsis non remouet. agens enim non remouet à materia in quam agit & qua vtitur sicut instrumentum, id quod ipsi materiæ debetur, & quod in materia præsupponitur: sed supposita conditione ipsius ea ad suum effectum vtitur. licet enim agens aliquando remoueat à materia qua simpliciter vtitur, ut materia, dispositiones præexistentes, & nouas dispositiones introducat, ut patet in generatione, quia videlicet repugnat formæ introducendæ, à materia tamen in quam agit tanquam in instrumentum quo ad suum effectum vtitur, non remouet naturales ipsius dispositiones quas ut materiæ dispositiones præsupponit, non autem sicut terminum à quo suæ actionis aut motus. Ad has rationes fortè dici posset ut Albumasar in principio sui Introductorij nititur defendere possibile, quod necesse esse effectus corporum celestium compleri, non tamen per hoc tollitur possibilitas à corporibus inferioribus: quia quilibet effectus est in potentia antequam fiat, quando autem iam est in actu, transit in necessitatem, & sic non tollitur quin effectus aliquando sit possibilis. licet necesse sit effectum illum quandoque produci. Sed non potest, inquit sanctus Thomas. hoc modo possibile defendi, quod declaratur: quia cum duplex sit possibile, quoddam scilicet quod ad necessariū sequitur: aliud verò quod necessario opponitur, primum non oportet defendere, quia contra hoc non dicitur effectus ex

Contra Gent.

H 2

\* Opinio  
Avicennæ, quæ  
habetur 10.  
Metaph. cap. 1.

\* Text. com.  
4. infra.

\* Text. com. 7.

\* Damasc. e.  
7. circa me-  
dium.

\* Pers. finem  
libri.



necessitate causari, sed secundum, non dicitur autem hoc modo aliquid possibile aut contingens ex hoc solum quod quandoque sit in potentia, quandoque in actu, quia sic etiam in motibus celestibus inueniretur possibile, & contingens: sed possibile hoc modo sumptum in hoc habet in sua ratione, quod non sit necesse illud fieri quando non est: quia videlicet non sequitur de necessitate ex sua causa, declaratur in sessione Sortis contingenti, & in morte ipsius necessaria, ergo si ex motibus celestibus sequitur de necessitate quod eorum effectus quandoque sint futuri, tollitur possibile & contingens quod necessario opponitur.

Ad euidentiā huius impugnationis considerandum est, quod iuxta hanc responsionem possibile dupliciter accipitur: vno modo ut opponitur impossibile, & sic dicitur possibile quod non est impossibile esse, siue cui non repugnat esse: & quia non solum contingens, sed etiam necessarium non est impossibile esse, alioquin ut deducit sanctus Thomas, necesse esset, effectus necesse non esse, cum impossibile esse sit necesse non esse: ideo inquit quod tale possibile ad necessarium sequitur, sicut id est, magis vniuersale, sequitur ad minus vniuersale ut animal ad hominem. Alio modo accipitur possibile ut opponitur necessario: & tunc possibile id est quod contingens, quod scilicet potest esse & non esse, sicut necessarium non potest non esse. si ergo effectus corporum celestium de necessitate eueniunt, qui videlicet non possunt non euenire, sequitur quod non sunt contingentes euenire & non euenire, & sic quod non sunt possibles possibilitate opposita necessario, ideo ponentes effectus celi necessario euenire non possunt saluare possibile quod opponitur necessario. Quantum ad secundum adducitur ratio Auicennae 10. Metaphysicæ suæ cap. 1. ad probandum quod ex necessitate corporum celestium effectus eueniant. Arguebat enim: Si effectus celestium corporum impeditur, hoc fit per causam aut naturalem aut voluntariam: sed omnis talis causa ad aliquod celeste principium reducit, ergo illud impedimentum procedit ex aliquibus celestibus principis. ergo si totus ordo celestium corporum simul accipitur, impossibile est quod eius effectus vnuquam cesset. Hanc rationem dicit sanctus Thomas. fuisse etiam quorundam Philosophorum naturalium negantium causam & fortunam per hoc quod secundum ipsos cuiuslibet effectus est aliqua causa determinata: posita autem causa de necessitate ponitur effectus. Respondet autem de mente Arist. sexto Metaphysicæ tex. septimo, & dicit primum quod falsa est ista propositio, posita quacunque causa necesse est eius effectum poni: quia propria & per se sufficiens causa alicuius effectus potest impediri ex concursu alterius causæ ne sequatur effectus. Dicit secundum, quod etiam alia propositio est falsa, omne quod est quocunque modo, habet causam per se. non enim est vera de iis quæ sunt per accidens, sed tantum de iis quæ sunt per se. declarat in albo & musico, quæ non sunt simul per aliquam causam, cum non habeant ordinem ad inuicem: quæcunque autem sunt simul per aliquam causam, ordinem habeant ex illa causa. Dicit tertio ad rationem Auicennæ respondendo, quod propositio aliquo effectu dicemus quod habuit aliquam causam ex qua non de necessitate sequebatur, quia poterat impediri ex aliqua causa concurrente per accidens: & licet illam causam concurrentem effectus reducere in aliquam causam altiorē, ipsam tamen concursum qui impedit, non est reducere in aliquam causam: & sic falsum est quod impedimentum huius effectus ex aliquo celesti principio proveniat. Quantum ad tertium confirmatur conclusio auctoritate Damasceni in secundo libro, auctoritate Aristot. in secundo de Somno & vigilia, & auctoritate Ptolemæi in Quadripartito, & Centiloquio.

Ad euidentiā responsionis ad rationem Auicennæ & antiquorum Philosophorum, considerandum primum quantum ad illam propositionem, aliqua causa licet sit per se & propria causa sufficiens alicuius effectus, potest tamen impediri, quod causa aliqua dicitur sufficiens quando tantam virtutem habet ex propria forma, ut nulla alia causa sui ordinis concurrente possit effectum producere, sicut ignis est causa sufficiens calefactionis: potest enim se solo nulla alia particulari causa effectiua concurrente calefacere. per oppositum autem dicitur causa insufficiens, quæ non habet ex propria forma tantam virtutem ut se sola nulla alia causa sui ordinis concurrente possit effectum producere, sicut cum multi simul trahunt nauem, quam nullus eorum posset per se trahere, dicitur vnusquisque illorum causa insufficiens illius tractus. non inconuenit autem quod aliqua causa habeat tantam virtutem quanta requiritur ad productionem alicuius effectus, & tamen impediatur ab illius effectus productione, sicut potest impediri ignis à calefactione alicuius, puta ligni ex aliquo vehementer frigido, aut eius virtutem & calorem remittente, aut aliqua contrariam dispositionem in lignum introducente. unde non valet ista consequentia, hæc causa propter aliquod superueniens impedimentum non producit hunc effectum, ergo non est causa sufficiens illius effectus, potest enim impediri, & tamen secundum se esse sufficiens: cuius signum est, quia remotis impedimentis nulla alia coadiuvante causa sui ordinis illum effectum produceret. ex hoc enim conuincitur ipsam tantam habere virtutem quantum illius effectus productio exigit. unde cum dicitur quod causa est ad quæ de necessitate sequitur effectus, intelligitur de causa sufficiente, non impedita. Optime igitur dictum est ab Aristotele & diuo Thoma non esse verum quod quacunque causa posita necesse est effectum poni; & quod potest esse aliqua causa propria sufficiens alicuius effectus, quæ tamen suum effectum propter aliquod impedimentum superueniens non consequetur.

CONSIDERANDVM secundum circa hanc propositionem, effectus per accidens non habet causam per se: quod dupliciter potest considerari effectus per accidens, vno modo absolute, & secundum se inquantum est ens, alio modo inquantum est effectus per accidens, si consideretur secundo modo, sic manifestum est quod non habet causam per se: ad quamcunque enim causam comparatur ut effectus per accidens, constat quod illa non est eius causa per se, licet alicuius alterius effectus causa per se. Oportet enim causas effectibus proportionaliter respondere, ut habetur secundo Physicorum, ut scilicet effectui per se correspondat causa per se, effectui vero per accidens causa per accidens respondeat. si autem primo modo consideretur, sic non inconuenit aliquem effectum per accidens habere aliquam causam per se aliquo modo: cum enim effectus per accidens non possit reduci in causam per se inquantum huiusmodi, ut dicitur in quæst. 15. art. 6. & in fine primi lib. Perihermenis à sancto Thoma, quia

non est verè ens quum non sit verè vnum, si contingat tamen aliquem effectum qui secundum se & in ordine ad causas proximas non est verè vnus, eò quod duo includat, nullum inter ex propriis naturis ordinem habentia, aliquam vnitatem & aliquem ordinem habere per comparationem, ad aliquam causam, non inconuenit illum effectum habere causam per se, quia talis effectus licet per cōparationem ad aliquas causas sit effectus per accidens, per comparationem tamen ad aliam causam erit effectus per se, sicut concursus duorum seruatorum secundum se, & ad particulares vtriusque causas comparatas, est ens per accidens, quia motus vnus serui ad motum alterius secundum se nullum ordinem habet: similiter inuentio alterius conserui cum ambulatione serui nullum ordinem nullamque vnitatem secundum propriam naturam habet, neque secundum propriam causam, ideo huiusmodi concursus si referatur in virtutem motiua vtriusque, aut in eorum intentionem, non habet causam per se, sed tantum causam per accidens, cum virtus motiua aut intentio vnus non habeat efficaciam super alterius motum & intentionem: si autem consideretur huiusmodi seruatorum concursus in comparatione ad dominum eos mittentem ut concurrerent & sibi obuiarent, iam isti motus & inuentio conserui cum motu habent aliquam vnitatem ordinis si referantur in intentionem domini mittentis & ordinatis vnum motum cum alio, & motum vnus ad intentionem conserui: & ideo ut sic talis concursus est effectus per se, & habet causam per se, cum ergo dicitur quod effectus per accidens non habet causam per se, intelligitur de ipso inquantum est effectus per accidens & inquantum est ens per accidens, non autem inquantum est aliquo modo ens per se, & effectus per se.

CONSIDERANDVM tertio, quod licet omnis effectus per accidens in istis inferioribus excepto malo culpæ referatur in Deum sicut in causam per se: quia respectu illius sunt effectus per se & ordinati & intenti, & aliqui etiam referantur sicut in causam per se in virtutem corporis celestis, non tamen omnes huiusmodi effectus in virtutem celestem reducuntur sicut in causam per se, imò aliqui etiam per accidens inueniuntur ad corpus celeste comparati. nam cum effectus qui euenit præter intentionem alicuius causæ, sit ab ipsa per accidens, & intentio causæ nihil aliud sit quam inclinatio ipsius ad productionem effectus, quidquid euenit præter inclinationem causæ, siue sit aliquod positum, siue sit aliquid priuatum, euenit per accidens à tali causa. quia ergo cælum est causa agens in hæc inferiora ut in pluribus, & aliquando deficiens, scilicet in paucioribus, si inclinetur verbi gratia ad tempestatem excitandam, & non eueniat tempestas, sed serenitas ex concursu alicuius causæ impediens, dicitur & ipsa serenitas & non euentus tempestatis per accidens esse in ordine ad cælum influxum, eò quod præter eius intentionem & inclinationem sit: similiter si anima hominis agendo in corpus ad aliquid inclinatur, & voluntas quæ non subditur celesti corpori, directè contrarium eligit, dicitur in ordine ad cælum fieri per accidens quod voluntate sit, quia præter eius inclinationem sit & præter eius intentionem. Ex his patet verum esse quod inquit sanctus Thomas respondendo ad rationem Auicennæ, quod inquam non oportet omnes celestes effectus de necessitate euenire, eò quod oporteat omnem effectum reduci in aliquam causam per se, quia effectus poterat impediri ex aliqua causa per accidens concurrente, ne eueniret, & quod licet contingat illam causam impedimentum in aliquod celeste principium reducere, ipsa tamen non impedit talem effectum nisi ratione cōcursus, cum virtute & inclinatione causæ ad talem effectum, qui concursus per accidens est. accidit enim huic causæ secundum quod hoc tempore est ad productionem istius effectus inclinata, ut simul sit alia causa quæ illo eodem tempore aliquid agat quod sit sui effectus impeditum: talis autem concursus per accidens non habet aliquam causam naturalem per se, sed tantum per accidens, licet causa concurrens, quæ habet impedire secundum se, aliquam habeat causam.

SED contra prædicta occurrunt duo dubia. Primum est, quia videtur quod talis concursus diuersarum causarum habeat causam per se contra id quod hic dicitur. nam causa concurrens quæ impedit, non agit nisi virtute cæli: cum omnes causæ inferiores agant in virtute superioris. similiter causa quæ erat disposita ad productionem sui effectus, virtute cæli ad suum effectum inclinabatur: ergo vtrique causa particularis simul ab vna causa, scilicet virtute celesti mouebatur ad suum effectum, ergo earum concursus erat per se intentus à cælo. probatur vltima consequentia, quia inquit sanctus Thomas sexto Metaphysicæ quod floritio huius herbe vel illius si referatur ad particularem virtutem quæ est in hac planta vel in alia, nullum ordinem videtur habere ad floritionem alterius, imò videtur per accidens quod hac herba florente illa floreat, quia causa floritionis vnus non est causa floritionis alterius. si autem virtutem corporis celestis quæ est causa communis referatur, inuenitur concursus harum floritionum non esse per accidens, sed esse ordinatus ab aliqua causa prima quæ simul mouet vtramque herbam ad floritionem. Ex his enim patet quod vbi causæ concurrentes ab eadem causa simul mouentur, talis concursus non est per accidens: & per consequens si à cælo diuersæ causæ particulares simul ad operationem inclinantur, sequitur quod illarum cōcursus non erit per accidens, sed per se intentus. ex hoc vltius sequitur, quod nihil est per accidens in istis inferioribus in ordine ad virtutem cæli, cum omnes causæ concurrentes quarum vna alteram impedit, à virtute cæli moueatur. Secundum dubium est, quia non videtur hic assignare sanctus Thomas. aliam rationem quare non oportet omnem effectum reducere in causam per se, nisi quia effectus per accidens habet causam concurrentem diuersarum causarum agentium quarum vna impedit reliquam, cuius concursus non est aliqua causa per se. cōtra hoc autem videtur effectum ipsius sexto Metaphysicæ, vbi ponit quod potest per accidens non euenire effectus corporis celestis propter indispositionem materiæ, ergo non omnis euentus per accidens habet pro causa concursum diuersarum causarum agentium.

AD euidentiā primi dubij considerandum est, quod licet cælum sit vniuersalis causa omnium effectuum naturalium in istis inferioribus, sunt tamen in cælo virtutes diuersæ & diuersi influxus diuersarum stellarum & diuersarum constellationum: quæ quidem virtutes licet, si secundum se considerentur, sint inter se ordinatæ, secundum tamen quod in operatione exeunt, & ad suos effectus terminantur, nullum per se ordinem videntur habere, cum virtus vna ad alterius effectum non se extendat. sicut



sicut enim omnes potentie animæ secundum se sunt ordinatæ, inquantum ex intentione & inclinatione animæ ab eius essentia originatur, ideo illarum concursus in vna animæ essentia est per se & ab anima intentus, & à Deo creante animam: multæ tamen ipsarum quantitas ad actuale operationem per se ordinem non habent, sed concursus ipsarum operationum per accidens est, sicut quod visu aliquid videre, gustus aliquid dulce percipere, per accidens est, cum neque actio visus requiratur ad actionem gustus, neque econverso. ita omnes virtutes cæli sunt quidem ordinatæ inquantum illarum ordinem Deus qui est earum immediata causa statuit, concursus tamen actualis operationis vnius cum actuali operatione alterius, siue effectus vnius cum effectu alterius potest per accidens esse, sicut per accidens est quod vna stella mouente aliquam materiam ad frigiditatem, alia stella aliam materiam aut eadem ad caliditatem tunc moueat, si ad ipsas particulares virtutes respiciatur, quo fit ut si ab vna virtute cælesti mouentur diuersæ causæ ad agendum, concursus illarum causarum in agendo fit per se in ordine ad cælestem virtutem: quia est secundum inclinationem & intentionem vnius virtutis simul utramque causam ad operationem mouentis, si autem diuersæ causæ particulares à diuersis virtutibus cælestibus non subordinantur simul ad suos effectus mouentur, concursus illarum causarum in agendo per accidens est etiam ad virtutes cælestes relatus, quia non mouentur ad agendum ex intentione vnius virtutis, sed ex intentione diuersarum virtutum non habentium inter se ordinem quantum ad suas actuales operationes & suos effectus, & per consequens non intendunt aliquam vnitatem inter operationes & effectus. Dicitur ergo quod mens sancti Thomæ hoc loco est quod non semper concursus causarum agentium habet causam per se virtutem cælestem, quia non semper ab eadem virtute cælesti mouentur ad proprias actiones. In sexto autem Metaphysicæ vult quod aliquando habet causam per se virtutem cælestem: quia ab vna & eadem virtute cælesti mouentur ad agendum, sicut duæ herbe mouentur quodammodo ab vna virtute cælesti ad floritionem, quia autem concursus causæ dispositæ & ordinatæ ad productionem alicuius effectus cum causa impediente ne ille effectus eueniat, non est ex vna virtute cælesti utramque causam ad operandum mouente, sed ex diuersis, quarum vna mouet vnam ad productionem vnius effectus, altera verò mouet alteram ad actionem impediendam alterius actionem, ideo concursus illarum causarum quarum vna impedit alteram, non est per se etiam ad cælestem virtutem relatus: & quia hic sanctus Thom. loquitur de tali concursu ex quo causa à suo effectu impeditur, ideo absolute inquit quod est per accidens, & non habet causam per se aliquod cælestis principium. In sexto verò Metaphysicæ loquitur de concursu causarum vniuersaliter, siue scilicet sit concursus causarum se impediendum, siue causarum non se impediendum, ideo non dixit absolute concursum ipsarum non habere causam cælestem, sed dixit aliquem concursum, scilicet causarum non impediendum posse habere causam per se cælestem virtutem.

Ad argumentum ergo negatur prima consequentia, quia licet in causis sese impediuntibus, utraque causarum ad suas actiones à virtute cælesti inclinatur, non autem ab vna virtute cælesti mouentur, sed à diuersis: & ideo concursus illarum particularium causarum per accidens est etiam ad virtutem cæli comparatus. Si autem instaretur quod licet istæ causæ quarum vna impedit alteram ad diuersas virtutes cælestes referantur, oportet tamen illas tandem in primum motum cæli referre, qui est vnus, & sic occurrit ipsarum habebit causam per se ipsum cæli motum: dicitur quod motus cæli non agit in hæc inferiora per se mediatis virtutibus cælorum & stellarum: ideo vt mouet istas causas inferiores, non habet rationem vnius causæ, sed plurium ratione diuersarum virtutum quibus mouet, licet in se sit vnus: propterea non oportet harum causarum concursum propter vnitatem motus cælestis habere causam per se. Si ite instetur quod omnes particulares stellarum virtutes ab vniuersali virtute primi orbis in hæc inferiora influunt dependet, omnis enim causa inferior in virtute superioris causæ agit, & sic omnis concursus inferiorum agentium ab vna virtute dependet, & consequenter est per se. Respondetur quod dupliciter potest illa vniuersalis virtus considerari. Vno modo in sua vniuersalitate absolute, vt est in ipso primo orbe: alio modo vt est in aliqua virtute inferiori limitata, ad aliquemque particularem effectum determinata. si concursus inferiorum agentium ad ipsam vniuersalem virtutem primo modo sumptam comparatur, sic vtiq; conceditur quod omnis concursus inferiorum causarum naturalium est per se, nullusque est per accidens, eo quod ab vna numero causa omnis inferior virtus agens, simul ad agendum mouetur, si autem ad ipsam secundo modo considerata sumpta referatur, concursus ad aliquam virtutem potest esse per accidens. Si enim agentia aliqua inferiora sese impediunt non referuntur in illam virtutem vt vna est, sed vt inferioribus est multiplicata, & multipliciter limitata, acciditque illi sic limitatæ, vt dum ad hunc particularem effectum aliquam causarum particularium mouet, ad alium effectum alio modo limitata simul moueat: & ideo præter intentionem eius est quod aliqua causa impediens simul agat. Dicitur ergo sanctus Thom. non intelligitur primo modo, sed secundo. Nam & cum dictum est aliquem effectum naturalem in istis inferioribus euenire per accidens in ordine ad cælestem virtutem, non est hoc in primo sensu accipiendum, quasi videlicet aliquis effectus naturalis possit præter inclinationem omnium virtutum cælestium aut illius primo vniuersalis virtutis in sua vniuersalitate sumptæ euenire, sed est accipiendum in secundo sensu. Non enim inconuenit quod non eueniat in istis inferioribus effectus ad quem hæc particularis virtus cælestis, aut etiam vniuersalis illa virtus in hac particulari virtute limitata inclinatur: sed alius propter alias causas præter eius intentionem & inclinationem eueniat.

Ad secundum dubium respondetur, & dicitur primo, supposito, quod sanctus Thomas loquitur de concursu causæ agentis impediens, quod dupliciter possumus loqui de effectu corporis cælestis, scilicet aut de eo quem producit mediante aliqua particulari causa potenti deficere, aut de eo quem per ipsum immediate producit, si loquamur de illo quem mediante aliqua causa deficiente producere potest, sic potest esse quod non sequatur effectus ex aliqua causa efficiente impediende actionem alterius causæ vt ab ipsa egreditur, si autem loquamur de illo quem immediate producit, sic non potest impediri per actionem alicuius causæ

agentis quæ impedit ipsam actionem vt egredietur ab agente, cum virtus cælestis debilitari aut alterari non possit, sed impediri potest ex parte materiz: quia cum virtus cælestis non agat nisi per motum, & sit finita & limitata, requirit materiam dispositam & determinatam ad susceptionem influxus cælestis. contingit autem aliquando vt materia non sit disposita ad susceptionem talis influxus, aut propter grossitatem suam, aut propter frigiditatem, vel caliditatem, vel aliquid huiusmodi, siue illa indispositio sit à natura, siue sit ab aliquo extrinseco agente causata, & tunc propter concursum talis materiz indispositæ cum virtute cæli per accidens euenit, vt non sequatur cælestis effectus, non ergo id quod dicitur sexto Metaphysicæ contradicit ei quod hic dicitur, quia ibi loquitur sanctus Thomas de effectu cuius ipsum tantum cælum est causa, hic autem loquitur de effectu cæli mediante causa contingente producibili. Dicitur secundo quod ex verbis sancti Thom. non habetur hic quod loquatur de concursu tantum causæ agentis impediens actionem alterius vt egreditur ab agente: sed indifferenter loquitur de concursu, siue sit concursus per accidens causæ agentis impediens actionem vt egreditur ab agente, siue sit concursus causæ agentis impediens, eo quod materiam dispositam reddat, siue sit concursus in plus tantum materiz ex propria natura indispositæ. in omni enim huiusmodi concursu verum est, quod licet causa impediens secundum se possit in aliquo cælestis principium referri, non tamen omnis concursus habet causam per se cælestem virtutem, sed est aliquis concursus qui cum sit per accidens, non potest in vnam cælestem causam referri.

ADVERTENDUM vltimò, quod hæc determinatio sancti Thom. scilicet quod corpora cælestia non agunt de necessitate in istis inferioribus, non contradicit ei quod superius multoties est dictum, scilicet quod motus cæli, aut quod cælum est causa necessaria. Illud enim intelligitur, vt inquit sexto Metaphysicæ, quod corpora cælestia & eorum motus & actiones quantum in ipsis est, necessitatem habent, quia videlicet neque ipsa corpora corruptibilia aut alterabilia sunt, neque quantum ex ipsis est, possunt non agere: huic autem non repugnat quod effectus eorum possint deficere propter indispositionem materiz vel propter contingentiam aut libertatem secundarum causarum.

Quod motus cælestis corporis non sunt causa electionum nostrarum ex virtute anime mouentis.

Capitulum 87.



ST tamen attendendum quod Avicenna vult quod motus cælestium corporum sint nostrarum electionum causæ: non quidem per occasionem tantum, sicut supra dictum est, sed per se. Ponit enim corpora cælestia esse animata:

unde oportet cum motus cælestis sit ab anima, & sit motus corporis, quod sicut inquantum est motus corporis, habet virtutem transmutandi corpora: ita inquantum est ab anima, habeat virtutem imprimendi in animas nostras: & sic motus cælestis sit causa electionum nostrarum & voluntatum. ad quod etiam redire videtur positio Albumasar \* in primo sui Introductorij. Hæc autem propositio irrationalis est. Omnis enim effectus qui est per instrumentum aliquod ab efficiente procedens, oportet esse proportionatum instrumento sicut & agenti. non enim quolibet instrumento vitmur ad quemlibet effectum: unde illud non potest fieri per aliquod instrumentum ad quod nullo modo se extendit actio instrumenti. actio autem corporis nullo modo se extendit ad immutationem intellectus & voluntatis, vt supra ostensum est, nisi forte per accidens, inquantum ex his immutatur corpus, sicut prædictum est: impossibile est ergo quod anima cælestis corpori, si sit animatum, in intellectum & voluntatem imprimat mediante motu cælestis corporis.

2 Amplius, Causa agens particularis in agendo similitudinem gerit causæ agentis vniuersalis, & est exemplum eius. si autem anima humana in aliam animam humanam aliquid per operationem corporalem imprimeret: sicut cum per significationem vocis suam intelligentiam patitur: actio corporalis quæ est ab vna anima, non peruenit ad aliam nisi mediante corpore, vox enim prolata immutat organum auditus: & sic à sensu percepta peruenit eius signatum vsque ad intellectum. si igitur anima cælestis aliquid imprimat in animas nostras per motum corporum: actio illa non peruenit vsque ad animam nostram, nisi per mutationem corporis nostri, quæ quidem non est causa nostrarum electionum, sed occasio tantum, sicut ex præmissis patet. \* non igitur erit motus cælestis causa nostræ electionis nisi per occasionem tantum.

3 Item, Cum mouens & motum oporteat simul esse, vt probatur in septimo Physicorum \*: oportet quod à primo mouente perueniat motus vsque ad vltimum quod

Contra Gent.

H 3

Idem 1. 1. q. 115 artic. 4. Opinio Avic. 10. Meta. sup. cap. 1. Cap. 85.

\* Albumasar in probatio prædicta opin.

Cap. 84. & 85.

\* Cap. 85. in fine.

\* Tex. 10. infra.



mouetur, quodā ordine: ut scilicet mouens per id quod est sibi proximum moueat id quod est ab eo distans: corpori autem celesti quod moueri ponitur ab anima sibi coniuncta, propinquius est corpus nostrum quam anima quæ non habet ordinem ad corpus celeste, nisi mediante corpore. quod ex hoc patet: quia intellectus separatus nullum habet ordinem ad corpus celeste, nisi forte mouentis ad motum. immutatio igitur corporis celestis ab anima eius procedens non pertinet ad animam nostram nisi mediante corpore: ad motum autem corporis non mouetur anima nisi per accidens: nec immutationem corporis sequitur electio, nisi per occasionem: ut dictum est. motus igitur celestis non potest esse causa electionis nostræ per hoc quod est ab anima.

Cap. 85.

Præterea, secundum positionem Auicennæ & quorundam Philosophorum aliorum, intellectus agens est quædam substantia separata, quæ quidē agit in animas nostras inquantum facit intellecta in potentia esse intellecta in actu. hoc autem fit per abstractionem ab omnibus materialibus dispositionibus, ut patet ex his quæ dicta sunt in secundo libro. quod igitur agit directe in animam, non agit in eam per motum corporeum, sed magis per abstractionem ab omni corporeo. anima igitur cæli si sit animatum, non potest esse causa electionum nostrarum vel intelligentiarum per motum cæli. Per easdem etiam rationes potest probari quod motus cæli non sit causa electionum nostrarum per virtutem substantiæ separatæ. si quis ponat cælum non esse animatum, sed à substantia separata moueri.

\* Cap. 76. &  
79.

Super Cap. 87.



VIA ad prædicta in cap. 85. posset aliquis dicere, quod licet cælum virtute corporea non possit esse causa nostrarum electionum, potest tamen earum esse causa virtute animæ mouentis, vult factus Thomas hanc euasione excludere, & duo facit. Primo enim recitat quorundam opinionem: secundum eam remouet.

QUANTVM ad primum, inquit quod Auicenna posuit motus celestium corporum esse causam nostrarum electionum, non per occasionem tantum, sed per se. cum enim motus celestis secundum ipsum sit ab anima, & sit motus corporis, dixit quod sicut inquantum motus corporis habet virtutem transmutandi corpora, ita inquantum est ab anima, habet virtutem imprimendi in animas nostras. ad idem etiam inquit sancti Thomæ opinio Albumasar in primo sui Introductorij redit.

QUANTVM ad secundum, arguit contra prædictam positionem primo sic: Actio corporis celestis nullo modo se extendit ad immutationem intellectus & voluntatis nisi forte per accidens, ut supra est ostensum: ergo anima celestis corporis si sit animatum, non potest in intellectu & voluntate imprimere mediante motu celestis corporis. probatur consequentia: quia cum omnem effectum qui per instrumentum aliquid ab efficiente procedit oporteat esse proportionatum instrumento sicut agenti, illud non potest per aliquod instrumentum fieri ad quod nullo modo se extendit actio instrumenti.

AD hanc rationem fortasse diceret aliquis quod principium petit. nam hoc probandum est, quod actio corporis nullo modo se extendat ad immutationem intellectus & voluntatis. Dicitur enim quod licet actio corporis, ut corporis est, absolute non se extendat ad immutationem intellectus & voluntatis, ad eam tamen se extendit inquantum est instrumentum animæ mouentis: sicut & ab ipso sancti Thomæ ponitur quarto Sententiarum, dist. quarta, quæst. 1. artic. 1. eo quod res sensibilis quæ est sacramentum, inquantum est Dei instrumentum, causat in anima characterē suæ ornatum quandam quæ est species qualitatis, cum tamen corpus propria virtute in spiritum agere non possit. Sed si diligenter hæc ratio consideretur, apparebit non esse in ipsa petitionem principij, sed eam efficacem esse, & recto ordine procedere. Aliud est enim instrumentum posse in aliquem effectum in quem non posset virtute propriæ naturæ, & aliud est ipsum posse attingere aliquod passum in ipso aliquam formam causando, quod passum sua propria actione attingere non posset. primum enim non est dubium posse instrumento conuenire. nam calor naturalis animalis potest virtute animæ tanquam eius instrumentum generare carnem quam propria virtute generare non posset. secundum verò est omnino impossibile. Non enim potest instrumentum aliquem effectum virtute principalis agentis in aliquod passum inducere quod sua propria actione attingere non possit. Videmus enim calorem, qui est animæ instrumentum, sua propria actione quæ est calefactio, attingere corpus in quod cibus virtute animæ conuertitur. similiter videmus quod ferra omnem illam materiam sua propria actione quæ est scindere, attingit, in quam ars per ipsam tanquam per instrumentum formam artificialem inducit. secundum ergo hunc sensum procedit ratio sancti Thomæ. Nam cum illud non possit per aliquod instrumentum fieri ad quod nullo modo se extendit actio propria instrumenti, neque scilicet per modum inducētis formam, neque per modum disponētis aliquo modo materiam aut subiectum, neque per modum aliquo modo agentis in illud passum, & actio propria corporis celestis nullo modo se extendere possit ad immutationem intellectus & voluntatis, scilicet aut formam principalem inducendo, aut disponendo directe in ipsum intellectum & voluntatem agendo, ut superius est ostensum: manifeste, sequitur non posse corpus celeste esse instrumentum animæ mouentis ad immutandum intellectum aut voluntatem: nec assumi-

tur quod est probandum, quia probandum est quod cælum non potest esse causa electionum nostrarum ut instrumentum animæ mouentis. assumitur autem quod cælum sua propria actione non potest attingere intellectum & voluntatem, quod longè diuersum est à conclusione. Et est simile ac si quis probaret ex ferro non posse per ferram instrumentaliter fieri scilicet animam: quia actio propria ferræ quæ est scindere & diuidere, non potest ferram attingere. Quod autem obicitur de sacramento euasione characterem in anima, non obstat: quia aliter loquendum est de instrumento diuinæ virtutis, & aliter de instrumento virtutis creatæ. virtus enim creata cum non utatur instrumento nisi ad agendum, præsupponit in instrumento quo utitur ad aliquem effectum, virtutem naturalem quæ possit attingere passum in quod agere intendit: alioquin non magis utetur vno instrumento quam alio. unde videmus in artificialibus ad diuersos effectus diuersa aptari instrumenta, & secundum diuersitatem materiæ in quam ars operari intendit, diuersa accipi instrumenta, quæ sua actione materiam possint attingere. idem etiam in naturalibus videmus. virtus autem diuina virtus sacramentis non tantum ad agendum, sed etiam ad significandum: unde à Theologis ponuntur non solum in genere causæ, sed etiam in genere signi: ideo non præsupponit virtutem actionem naturalem in ipsis, quia possint agere in animam in quam intendit Deus gratiam per ipsa causare, sed præsupponit in ipsis conuenientiam naturalis actionis ipsorum ad significandum actionem Dei in animam, & effectus ipsorum ad significandum effectum diuinum. virtutem autem quæ possint in animam operari, illis supernaturaliter tribuit, sicut quia aqua baptismatis per suam actionem naturalem quæ est corpus abluere & mundare, est conueniens signum spiritualis ablutionis & mundationis quæ fit in baptismo per gratiam: propterea ipsum assumit Deus tanquam instrumentum ad causandum gratiam, dans sibi supernaturalem virtutem quæ possit suam naturalem actionem circa corpus exercendo etiam supernaturaliter in anima aliquam dispositionem ad gratiam introducere, sicut & ingeni inferni dat virtutem animarum detentiam, quam sibi nulla virtus creata dare potest. Ratio ergo sancti Thomæ optime procedit in proposito ubi agitur de instrumento virtutis creatæ, non autem procedere de instrumento virtutis diuinæ, ideo cum Capreolus in 4. Sententiarum dist. 1. quæst. 1. respondens ad argumentum Durandi, inquit non esse vniuersaliter verum instrumentum agere naturaliter & virtute propria aliquam actionem circa quancumque materiam, circa quam agit supernaturaliter, & in virtute alterius, si intelligatur non esse vniuersaliter verum, propter instrumentum diuinæ virtutis, est bene dictum. si autem intelligatur non esse vniuersaliter verum, quia sit etiam aliquod instrumentum virtutis creatæ quod nullam actionem naturalem possit habere circa materiam circa quam in virtute agentis naturalis operatur, non potest bene dictum. non enim ut arguebatur posset ratio hic posita saluari, neque saluari posset ratio posita de Verit. quæst. 5. art. 10. ad 5. quæ arguit sancti Thomæ, quod quia instrumentum spiritualis agentis non agit per virtutem spirituale, nisi quia agit per virtutem corporealem: secundum autem virtutem corporealem non agit corpus celeste nisi in corpus, ideo & actio corporis celestis, quæ est secundum virtutem spirituale, non potest ad animam pertinere. Secundò. si vna anima humana in aliam humanam aliquid per operationem corporealem imprimit, talis actio corporalis non peruenit ad aliam animam nisi mediante corpore. declaratur exemplo manifestationis intelligentiæ per vocem significatiuam, ergo si anima celestis aliquid imprimit per motum corporeum, actio illa non peruenit vsque ad animam nostram nisi per mutationem corporis nostri, sed illa non est causa nostrarum electionum, scilicet sufficiens, sed occasio tantum, ergo, &c. probatur prima consequentia, quia causa agens particularis in agendo similitudinem gerit causæ vniuersalis, & est eius exemplum. Tertio, corpori celesti quod moueri ponitur ab anima coniuncta, propinquius est corpus nostrum quam anima: ergo immutatio corporis celestis ab anima eius procedens non pertingit ad animam nostram nisi mediante corpore, ergo motus corporis celestis non potest esse causa nostræ electionis, scilicet directe per hoc quod est ab anima. probatur antecedens, quia anima nostra non habet ordinem ad corpus celeste nisi mediante corpore, cuius signum est quod intellectus separatus nullum habet ordinem ad corpus, nisi forte mouentis ad motum. prima verò consequentia probatur, quia cum mouens & motus oporteat esse simul, oportet ut à primo mouente proveniat motus ad vltimum quod mouetur ordine quodam, ut scilicet mouens per id quod est sibi proximum, moueat id quod est ab eo distans. secunda quoque consequentia probatur: quia ad motum corporis non mouetur anima nisi per accidens, nec immutatio corporis sequitur electio nisi per occasionem.

AD VERTE quod ista ratio est persuasiva tantum ad hominem Auicennæ



centum sectatorem: quia si intellectus agens apud Auicennam est substantia separata, & agit in animam nostram cauendo in ipsa species intellectus a materialibus & corporalibus conditionibus abstractas, signum euidens est, si quid directè in animam nostram agat, illud non agere in ipsam per motum corporeum. non est autem ratio absolute concludens, quia apud Aristotelem & sanctum Thomam falsum est, ut superius in secundo libro est ostensum, intellectum agentem substantiam separatam esse. Vltimo inquit sanctus Thomas, quod per easdem rationes probari posset motum celi non esse nostrarum electionum causam per virtutem substantie separatæ.

Quod substantia separata creata non possunt esse causa directæ electionum & voluntatum nostrarum.

Caput 88.



NON est autem æstimandum, quod animæ cælorum si quæ sint, vel quæcunque aliæ substantiæ intellectuales separatæ creatæ possint directè voluntatem nobis immittere, aut electionis nostræ causam esse. Omnium enim creatorum actiones sub ordine diuinæ providentiæ continentur: vnde præter leges ipsius agere non possunt. Est autem providentiæ lex, ut vnumquodque immediatè à proxima sibi causâ moueatur: causa igitur superior creata tali ordine prætermisso, nec mouere, nec agere potest: proximum autem motuum voluntatis est bonum intellectum: quod est suum obiectum: & mouetur ab ipso sicut visus à colore. nulla igitur substantia creata potest mouere voluntatem nisi mediante bono intellecto. Hoc autem est in quantum manifestat ei aliquid esse bonum ad agendum: quod est persuadere: nulla igitur substantia creata potest agere in voluntatē, vel esse causam electionis nostræ, nisi per modum suadetis.

Item, ab illo agente aliquid natum est moueri & pati, per cuius formam reduci potest in actum: nam omne agens agit per formam suam: voluntas autem reducitur in actum per appetibile quod motum desiderij eius quietat, in solo autem bono diuino quietatur desiderium voluntatis, sicut in vltimo fine, ut ex supradictis patet. solus igitur Deus potest mouere voluntatem per modum agentis.

Adhuc, sicut in re inanimata se habet inclinatio naturalis ad proprium finem, quæ appetitus dicitur naturalis: ita se habet in substantia intellectuali voluntas, quæ dicitur appetitus intellectualis. Inclinationes autem naturales dare, non est nisi illius qui naturam instituit: ergo & voluntatem inclinare in aliquid non est nisi eius qui est, naturæ intellectualis causa. Hoc autem solius Dei est, sicut ex superioribus patet. ipse igitur solus voluntatem nostram in aliquid inclinare potest.

Amplius, Violentum, ut dicitur in tertio Ethicorum, est cuius principium est extra, nihil conferente vim passio. Si igitur voluntas moueatur ab aliquo exteriori principio, erit violentus motus. Dico autem moueri ab extrinseco principio quod moueat per modum agentis, & non per modum finis: violentum autem voluntario repugnat. Impossibile est igitur quod voluntas moueatur à principio extrinseco quasi ab agente: sed oportet quod omnis motus voluntatis ab interiori procedat: nulla autem substantia creata coniungitur animæ intellectuali quantum ad sua inferiora nisi solus Deus, qui solus est causa ipsius, & sustinens eam in esse. à solo igitur Deo potest motus voluntarius causari.

Adhuc, Violentum opponitur naturali & voluntario motui: quia utrumque oportet quod sit à principio intrinseco. Agens autem exterius sic solum naturaliter mouet, in quantum causat immobili intrinsecum principium motus, sicut generans quod dat formam grauitatis corpori graui generato, mouet ipsum naturaliter deorsum. Nihil autem aliud extrinsecum mouere potest absque violentia corpus naturale, nisi forte per accidens, sicut remouens prohibens, quod magis vititur motu naturali vel actione quam causet ipsum: illud igitur solum agens potest causare motum voluntatis absque violentia, quod causat principium intrinsecum huius motus, quod est potentia ipsa voluntatis. Hoc autem est Deus qui animam solus creat, ut

in secundo ostensum est. solus igitur Deus potest mouere voluntatem per modum agentis absque violentia. Hinc est quod dicitur Proverbiorum vigesimo primo. Cor regis in manu Domini: & quocunque voluerit, inclinabit illud. Et ad Philipenses secundo: Deus est qui operatur in nobis & velle & perficere pro bona voluntate.

Super cap. 88.



OSTENDIT sanctus Thomas: corpora cælestia non esse directè nostrarum electionum causam, vult consequenter ostendere quod nec etiam substantiæ separatæ ipsarum sunt causa, sed solus Deus. circa hoc autem duo facit. Primum ostendit propositum. Secundo ostendit malè à quibusdam exponi auctoritates sacræ scripturæ quibus ostenditur Deum esse causam nostrarum electionum, cap. sequenti.

Quantum ad primum ponitur hæc conclusio: neque animæ cælorum si quæ sunt, neque aliæ substantiæ intellectuales separatæ creatæ possunt directè voluntatem, id est, actum voluntatis nobis immittere, aut electionis nostræ causam esse. probatur primum sic: providentiæ lex est ut vnumquodque immediatè à proxima sibi causâ moueatur. ergo causa creata superior tali ordine prætermisso nec mouere nec agere potest, ergo intellectualis substantia non potest mouere voluntatem nisi mediante bono intellecto, ergo non potest agere in voluntatem nisi per modum suadetis. probatur prima consequentia, quia cum omnes creatorum actiones sub ordine diuinæ providentiæ contineantur, præter leges ipsius agere non possunt. Secunda verò probatur, quia proximum motuum voluntatis est bonum intellectum, quod est eius obiectum, & mouetur ab ipso sicut visus à colore. Tertia quoque probatur, quia mouere voluntatem mediante bono intellecto, est manifestare ei aliquid esse bonum ad agendum, quod est persuadere. Videtur autem hæc ratio inefficax esse, posset enim dici quod cum loquamur hic de motione voluntatis ab alio per modum efficientis, non videtur ad propositum esse quod bonum intellectum sit proximum motuum voluntatis: quia bonum non mouet voluntatem per modum efficientis, sed per modum finis & obiecti: vnde stant simul quod intellectualis substantia moueat effectiue & proximè voluntatē, & quod voluntatis motuum proximū per modum obiecti sit bonum intellectum: & sic non remouetur ordo diuinæ providentiæ per hoc quod intellectualis substantia immediatè moueat voluntatē. negatur enim quod bonum cognitum sit proximum motuum voluntatis effectiue.

A diuini euidentiā considerandum est ex doctrina sancti Thomæ in quest. Verit. quest. 22. artic. 9. quod cum actus voluntatis sit quasi medius inter potentiam & obiectum, immutatio voluntatis ab aliquo per modum efficientis potest considerari vel ex parte voluntatis, vel ex parte obiecti. Ex parte voluntatis illud solum habet effectiue immutare voluntatem, quod intra ipsam operatur ipsum actum voluntatis cauendo, quod scilicet est intra ipsam, & eius actum operatur. ex parte verò obiecti dicitur illud effectiue immutare voluntatem, quod non operatur intrinsecè in voluntate, sed extrinsecè voluntati obiectum proponit. Tale autem dicitur mouere voluntatē indirectè, quia hoc solum agit quod facit apparere aliquid esse bonum, ex qua apparitione voluntas in illud bonum se ipsam mouet: & si quidem tale obiectum proponat quod sit natum voluntatē necessitate, aut ad eliciendum operationem circa ipsum, quod pertinet ad exercitium actus, aut si eliciat actum, quod eius actus sit prosequutio, aut sit fuga, quod est necessitate quo ad specificationem actus, tunc dicitur tale sufficere mouere voluntatem ex parte obiecti, non quidè cauendo ipsum voluntatis actum, sed proponendo tale obiectum, & faciendo ut illud taliter bonum appareat, quod ad eius presentiam voluntas necessitetur in se ipsa talem producere actum, siue potius homo per voluntatem, ut in superioribus est ostensum, si autem proponat obiectum quod non sit natum necessitate voluntatem, sicut sunt omnia creata, tunc dicitur mouere voluntatem ex parte obiecti per modum persuadentis tantum, & aliquid indirectè inclinantis, non autem per modum necessitatis ad actum. suasio enim non cogit inuitū, ut Augustinus dicit in lib. 83. quest. Ista ergo ratio optime procedit de motione voluntatis à substantia intellectuali effectiue, quia enim non potest aliquid creatum immutare voluntatem effectiue, nisi proponendo bonum cognitum, & faciendo illud apparere bonum, cum bonum cognitum sit obiectum voluntatis & obiectum sit proximum motuum potentie: ideo concluditur quod substantia intellectualis non potest mouere voluntatē, nisi mediante bono intellecto, & consequenter nisi per modum persuadentis, & indirectè voluntatem inclinantis. Ad obiectionem ergo dicitur, quod licet queramus hic de motione per modum efficientis, & bonum intellectum non moueat voluntatem nisi per modum finis, non propter hoc tollitur efficacia rationis, quia hoc est vniuersaliter verum in ordine diuinæ providentiæ, quod superior creatura non mouet, nisi mediante proxima causa in quocunque genere causæ agat. ideo cum immediatum & proximum motuum ipsius sit bonum intellectum, quod mouet per modum finis & forme, licet non per modum efficientis, sicut & quælibet potentia habet proximè à suo obiecto moueri, necesse est si aliqua substantia intellectualis mouet voluntatem, ut illam mediante bono intellectu moueat, & consequenter moueat non intrinsecè operando in voluntatem, sed tantum indirectè & extrinsecè.

Advertendum autem: cum inquit sanctus Thomas voluntatem moueri à bono, sicut visum à colore, quod hoc intelligendum est absolute, non autem quantum ad eundem modum motionis. Secundo, in solo bono diuino quietatur desiderium voluntatis sicut in vltimo fine, ergo solus Deus potest mouere voluntatem per modum agentis. probatur consequentia: quia ab illo agente aliquid natum est moueri & pati, per cuius formam reduci potest in actum, cum omne agens agat per formam, voluntas autem reducitur in actum per appetibile quod motum desiderij eius quietat. Sed videtur ista ratio non concludere, primum, quia negari potest consequentia, ad cuius probationem diceretur, quod si assumptum intelligatur ad hunc sensum, quod ab illo solo agente aliquid natum est moueri & pati, per cuius formam reduci potest in actum secundum totam



suam potentialitatem, falsum est. nam materia prima potest reduci in actum ab agente aliquo à quo non reducitur in actum quod ad omnem eius potentialitatem. si autem intelligatur secundum partem suæ potentialitatis, sic falsum est ab illo solo appetibili voluntatem reduci in actum, quod motum desiderij eius quietat, nam & illud appetibile quod non quietat motum desiderij, reducit voluntatem ad actum, ut patet per experientiam. Secundo, quia si debeat rectè subserviire minori propositioni, debet intelligi quod appetibile est forma per quam agens mouet voluntatē, hoc autem est falsum, quia appetibile nominat terminum motus voluntatis, non autem formam qua agens aliquod intrinsecè in voluntatem operatur. Tercio, quia si quid concludit ista ratio, concludit quod solus Deus potest mouere voluntatem per modum quietantis ipsam siue eius desiderium: diceretur autem quod hoc admissio non sequitur nihil aliud agere in voluntatem, quia licet alia non agant in ipsam causando quietem desiderij, agent tamen causando amorem qui desiderium præcedit, & causando ipsum desiderij motum.

Ad huius euidenciam considerandum est primò, quòd cum dupliciter possit intelligi aliquid esse causam voluntatis humanæ & electionis nostræ per modum agentis intrinsecè in potentiam voluntatis, scilicet aut tanquam agens sufficiens & adequatum voluntati: sicut intellectus agens sufficiens & adequatum intellectui possibili, aut tanquam agens insufficiens, potens scilicet inclinare voluntatē in volitum, sed non potens eam necessitate ad eliciendum actum volendi quietantem voluntatem. Per primam rationem probauit sanctus Thom. nullo modo posse moueri intrinsecè voluntatē à substantia intellectuali, sed tantum extrinsecè: per hanc autem rationem probat particulariter quòd solus Deus potest sufficienter & tanquam agens adequatum mouere intrinsecè voluntatem per modum sufficientis agentis. In tertia verò ratione probat particulariter quòd etiam per modum agentis intrinsecè quomodocunque inclinantis solus Deus voluntatem mouere potest.

CONSIDERANDVM secundò quòd bonum & appetibile quòd est obiectum voluntatis, est causa formalis à qua voluntas habet reduci in actum, & à qua eius operatio specificatur: sed illud solum appetibile habet sufficienter & adequatè reducere voluntatem in actum, tanquam scilicet forma extrinseca, quòd ipsam natum est quietare ne aliud ulterius appetibile desideret: quia si aliquid appetibile non est natum quietare omnino voluntatem, constat quòd illud non sufficienter & adequatè potest voluntatem in actum reducere. cum volitione enim illius remanere poterit alterius rei desiderium, & sic non erit totaliter voluntas reducta ad actum.

CONSIDERANDVM tertio, quòd cum omne agens agat per formam per quam mobile reduci habet in actum, necesse est si appetibile est forma à qua in actum reducitur voluntas, quòd appetibile sit forma agentis intrinsecè in voluntatem. agit enim vnumquodque formaliter per suam formam qua est in actu: & si aliquid debet agere in voluntatem tanquam agens sufficiens & adequatum, oportet vt forma eius qua est in actu, & qua agit in voluntatem, sit appetibile, & bonum quòd natum est voluntatem quietare omnino, ne aliquid aliud ulterius desideret: & quia solum bonum diuinum, quòd scilicet est vniuersale bonum & vltimus finis, potest omnino quietare voluntatem, cum voluntas in solo vltimo finire quietetur, ideo illud solum erit agens sufficiens & adequatum ac proportionatum voluntati, cuius propria forma est bonum diuinum: & quia hoc est solus Deus, ideo solus Deus est tale agens: & hoc est huius rationis fundamentum: vnde sic potest ratio formari: ab illo agente aliquid natum est moueri & pati scilicet sufficienter & adequatè, per cuius formam potest in actum reduci scilicet omnino, sed à solius Dei forma potest voluntas reduci omnino in actum: ergo ab ipso solo potest effectiue sufficienter & adequatè moueri & pati. Maior probatur: quia omne agens agit per formam suam. minor verò probatur sic: ab illius solius forma voluntas potest omnino in actum reduci, cuius forma est appetibile quòd motum desiderij voluntatis quietat, cum per hoc solum omnino reducatur formaliter voluntas in actum: sed solius Dei forma scilicet bonum ipsum diuinum, est huiusmodi appetibile, cum ipsum solum bonum diuinum sit vltimus finis, ergo, &c. Constat igitur quòd hæc ratio efficax est ex notis procedens, vnde ad primam instantiam dicitur quòd assumptum ad probationem consequentiæ sic intelligendum est vt diximus, ab illo solo agente natum est aliquid moueri & pati tanquam ab agente sufficienti proportionato & adequato, per cuius formam reduci potest in actum omnino. constat autem propositionem hanc sic intellectam non habere calumniam. nam materia à nullo agente particulari reducitur in actum sufficienter & adequatè quantum ad totam suam potentialitatem. Ad secundam dicitur quòd optimè subsumitur minor propositio, vt patuit in vltima formatione rationis, nam licet appetibile nominet terminum motus appetitus, est tamen causa formalis motus voluntatis: & ideo si aliquid debet effectiue operari in voluntatem intrinsecè eam reducendo ad actum volitionis, oportet vt per ipsum appetibile agat tanquam per formam suam, vt sic appetibile sit principium & terminus motus voluntatis. nam & voluntas non mouet se ad eam quæ sunt ad finem nisi actuata aliquo modo fine: inquantum videlicet ex eo quòd in actu habet volitionem finis, causat in se volitionem eorum quæ sunt ad finem, & homo non causat in se volitionem finis per voluntatem nisi ipso fine sit actuatus ex parte intellectus. nisi enim cognitionem finis habeat, non potest velle finem: sicut & agens naturale non potest formam in materiam introducere, nisi eam in se habeat aut formaliter, aut virtualiter, vt sic forma sit principium & terminus actionis. Ad tertiam conceditur quòd ista ratio solum concludit quòd solus Deus potest mouere voluntatem per modum ipsam quietantis & agentis adequati: imò potius ex eo quòd solus potest sua forma voluntatem quietare, concluditur quòd ipse solus est qui sufficienter & adequatè mouere eam potest. Tercio, inclinationes naturales dare nõ est nisi illius qui naturam instituit, ergo & voluntatem inclinare in aliquid nõ est nisi eius qui naturam intellectualem est causa. hoc autem est solus Dei, ergo, &c. probatur prima consequentia, quia sicut in re inanimata se habet inclinatio naturalis, quæ appetitus naturalis dicitur, ad proprium finem, ita se habet in substantia intellectuali voluntas, quæ dicitur appetitus intellectualis.

Ad euidenciam huius rationis considerandum est quòd cum appeti-

tus non sit nisi quædam inclinatio consequens formam, voluntas quæ nominat appetitum naturæ intellectualis in aliquid, licet istæ inclinationes sint diuersorum generum & diuersorum modorum, sicut autem in natura intellectuali est considerare & virtutem qua potest actu intelligere, & actum intelligendi ac formam intellectam, secundum quæ dicitur actu intelligens: ita ex parte inclinationis intellectualis duo sunt consideranda, scilicet virtus qua natura intellectualis potest inclinari actualiter in aliquid, & operatio talis virtutis secundum quam dicitur natura intellectualis actu volens. Prima est virtutis siue habitualis inclinatio, cui nomen voluntatis est imposuit: & hæc proportionaliter responderet naturæ intellectuali potenti actualiter intelligere. Secunda verò est actualis inclinatio proportionaliter respondens intellectualis naturæ operationi. vnde sicut in rebus inanimatis appetitus est inclinatio naturæ in aliquid, & dicitur appetitus naturalis, ita in natura intellectuali appetitus est inclinatio naturæ intellectualis inquantum intellectualis est, propterea omnis actus voluntatis est inclinatio actualis ipsius naturæ intellectualis: & dare inclinationem actualem tali naturæ & inclinare voluntatem, pro eodem accipiuntur. manifestum est autem quòd inclinatio naturæ in aliquid non provenit nisi ab ipsa natura & à dante naturam, tanquam scilicet à causante ipsam inclinationem. de tali enim motione procedit ratio, sicut motus grauis deorsum non est nisi à forma grauis, & à generante datæ eam formam. ideo manifestè relinquitur actum voluntatis à solo Deo causari, qui naturam intellectualem secundum fidem solus causat, & ab ipsa intellectuali natura volente.

Quartò, si voluntas moueatur ab aliquo exteriori principio per modum scilicet agentis, non per modum finis, erit motus violentus: sed violentum repugnat voluntario, ergo non potest motus voluntatis ab extrinseco agente provenire, sed ab interiori, ergo à solo Deo potest causari. probatur assumptum per definitionem violenti tertio Ethicorum. probatur verò vltima consequentia, quia nulla substantia creata coniungitur animæ intellectuali quantum ad sua interiora: sed solus Deus, qui solus est causa ipsius, & sustinet ipsam in esse.

ADVERTERE quòd dupliciter potest aliquod agens esse extrinsecum alicui mouenti & operanti, vno modo virtualiter tantum, quia videlicet forma qua operans operatur, est ab ipso causata, licet ipsam non conferuet in esse, & per consequens in ipso remanet virtus agentis, sicut generans graui dicitur virtualiter contineri in graui ratione grauitatis sibi datæ ab ipso generante. Alio modo non tantum virtualiter, sed etiam secundum essentiam propriam: sicut substantia immaterialis quæ non solum dedit operandi formam qua operatur, sed etiam ipsam formam sua actione cõseruat in esse, quomodo dictum est superius Deum esse in omnibus rebus per essentiam, inquantum omnibus dat esse, & omnia in esse cõseruat. ad hoc ergo vt operatio alicuius ab aliquo mouente causata non sit violenta, requiritur quòd ipsum agens & mouens ad talem operationem sit intrinsecum operanti, aut secundum essentiam & virtutem simul, aut secundum virtutē formæ qua operans operatur, si enim mouens nullo illorum modorum fuerit intrinsecum, operatio erit violenta, vt pote penitus ab extrinseco proveniens. substantia autem creata nullo istorum modorum est intrinseca naturæ intellectuali: quòd dedit intelligere sanctus Thom. dum dixit quòd solus Deus causat ipsam: per quòd excluditur quòd substantia creata non est illi intrinseca virtualiter ratione formæ qua operatur: & quòd sustinet ipsam in esse: per quòd excluditur quòd substantia creata non est illi intrinseca per essentiam: ideo optimè sequitur, si ponatur ipsam mouere voluntatem directè causando voluntatis actum, quòd erit violentus.

SED occurrit dubium. sicut enim dicit sanctus Thomas secundo Physicorum, quòd motus celestis est naturalis non ratione formæ, sed materię, inquantum cælum habet aptitudinē naturalem ad hoc vt moueatur: ita in proposito poterit dici quòd motus voluntatis licet sit ab intellectuali substantia creata extrinseca, non sequitur quòd sit violentus, quia voluntas habet aptitudinem naturalem ad hoc vt moueatur à tali substantia.

RESPONDETUR quod aliter loquendum est de motu quo quod aliquod passum habet vt moueatur tantum, & aliter de motu qui est operatio eius quòd dicitur moueri, quia cum motus sit actus existens in potentia, naturalis motus considerari potest non tantum ratione formæ, sed etiam ratione materię ex qua aliquid habet quòd sit in potentia, & propter hoc motus cæli dicitur naturalis, quia habet potentiam naturalem ad hoc vt tali motu moueatur: operatio autem est actus existentis in actu per formam. ideo ad hoc vt operatio sit naturalis, vt naturale distinguitur contra violentum, requiritur quòd principium actuum talis operationis sit intrinsecum, aut secundum sui essentiam, aut secundum virtutem formæ qua operans operatur, propter hoc si nullo modo ex aliquo intrinseco voluntas moueatur ad suam operationem, sed tantum ab agente extrinseco, erit eius operatio violenta. si dicatur quòd in tali motione eius operatio erit ab intrinseco, & ab extrinseco inquantum erit ab ipsa potentia voluntatis & substantia intellectuali, & sic non erit omnino ab extrinseco: hoc non valet, quia vt ex præcedenti ratione patuit, operatio quæ conuenit rei per modum inclinationis cuiusdam, cuiusmodi est operatio voluntatis, non potest provenire à substantia intellectuali creata mediante aliquo principio interiori, cum non sit causa illius principij interioris. ideo si substantia intellectualis creata moueret effectiue voluntatem ad actum, ille motus esset omnino ab extrinseco, & non mediante voluntate tanquam mediante principio intrinseco ad actum inclinante: sicut si graue moueretur ab aliquo quòd naturam grauis nõ causaret, ille motus non esset motus naturalis grauis: vt dicitur prima secundæ quæstionæ 6. sed esset alius motus violentus, puta motus sursum, motum enim naturalem ex parte formæ non potest causare quòd non est aliquid causa naturæ, vnde ille qui lapidem deorsum proicit, non mouet lapidem deorsum causando ipsum motum, sed applicat grauitatem ad suum opus. generans autem quòd dedit sibi grauitatem, dicitur mouens.

CIRCA illam declarationem, Dico autem moueri ab extrinseco quòd moueat per modum agentis, & non per modum finis: aduerte quòd ex hoc declaratur definitio violenti, qua dicitur quòd violentum est cuius principium est extra. intelligitur enim de principio actiui, non de principio finali: quia quamuis finis à quo aliquis mouetur, sit extrinsecus ab eo quòd mouetur: non tamen talis motus dicitur violentus, imò est motus



motus naturalis si sit motus ab ultimo sine proveniens. Quinto, illud solum agens potest causare motum voluntatis absque violentia, quod causat principium intrinsecum huius motus, quod est voluntas: sed hic est solus Deus, qui solus animam creat, ergo solus Deus voluntatem movere potest per modum agentis absque violentia, probatur assumptum, quia violentum opponitur naturali & voluntario motui, eod quod utrumque illorum oportet esse à principio intrinseco: agens autem exterius sic solum naturaliter movet in quantum causat in mobili intrinsecum principium motus, nihil aliud extrinsecum movere potest absque violentia corpus naturale, nisi forte per accedens, sicut removens prohibens, quod magis videtur motu vel actione quam ipsum causat.

CIRCA hoc ultimum dictum adverte ex doctrina sancti Thom. 1.2. quæst. 16. art. 1. quod usus rei alicuius importat applicationem eius ad aliquam operationem, quia ergo removens impedimentum quod prohibebat motum corporis naturalis, quodammodo applicat naturam ipsius corporis ad suum motum, qui est quasi eius operatio in quam naturaliter inclinatur, & in quam tendit ex se nisi impediatur, & per consequens applicat ad perveniendum ad naturalem & proprium locum, non autem dat illi corpori motum virtute propriæ naturæ illum causandæ: ideo convenientissimè dictum est quod removens prohibens magis videtur motu vel actione quam ipsum causat.

ADVERTE quod ista ratio differt à præcedenti, quia præcedens procedebat ex eo quod oportet principium motus voluntarij esse intrinsecum, substantia autem creata non est intrinseca animæ intellectui. ista autem procedit ex comparatione voluntarij ad naturalem, quæ sicut communi ratione opponuntur violento, ita in hoc conveniunt, quod sicut extrinsecum agens non movet naturaliter & absque violentia nisi causet in mobili intrinsecum principium motus: ita etiam in mouente ad actum voluntarium oportet contingere. Quod cum substantia creata non sit causa voluntatis quæ est principium intrinsecum actus voluntarij, sed solus Deus, sequitur ut non possit movere voluntatem ad actum voluntarium. ista tamen ratio est præcedentis quædam confirmatio. confirmatur conclusio auth. Prover. 11. & ad Philip. 1.

Quod motus voluntatis causatur à Deo, & non solum à voluntate.. Cap. 89.



VIDAM verò non intelligentes qualiter motum voluntatis Deus in nobis causare possit absque præiudicio libertatis voluntatis, conati sunt has autoritates malè exponere, ut scilicet diceret quod Deus cau-

sat in nobis velle & perficere, in quantum dat nobis virtutem volendi, non autem sic quod faciat nos velle hoc vel illud, sicut Origines exponit in 3. Periarchon, liberum arbitrium defendens contra autoritates prædictas. Et ex hoc processisse videtur opinio quorundam, qui dicebant quod providentia non est de his quæ sub sunt libero arbitrio: scilicet de electionibus: sed providentia refertur ad exteriores eventus. non enim qui eligit aliquod consequi vel perficere, puta edificare vel ditari, semper poterit ad hoc pervenire: & sic eventus actionum nostrarum non subiacent libero arbitrio, sed providentia disponuntur. Quibus quidem autoritatibus sacra scripturæ resistitur evidenter. Dicitur enim Isaia 26. \* Omnia opera nostra operatus es in nobis Domine. unde non solum virtutem volendi à Deo habemus, sed etiam operationem.

2 Præterea, hoc ipsum quod Salomon dicit, Quocunque voluerit vertet illud: ostendit non solum diuinam causalitatem ad potentiam voluntatis extendi, sed etiam ad actum ipsius.

3 Item, Deus non solum dat rebus virtutem, sed etiam nulla res potest propria virtute agere, nisi agat in virtute ipsius, ut supra ostensum est. \* ergo homo non potest virtute voluntatis sibi data uti, nisi in quantum agit in virtute Dei. illud autem in cuius virtute agens agit, est causa non solum virtutis, sed etiam actus: quod in artifice apparet: in cuius virtute agit instrumentum etiam quod ab hoc artifice propriam formam non accipit, sed solum ab ipso applicatur ad actum. Deus igitur est causa nobis non solum voluntatis, sed etiam volendi.

4 Amplius, Perfectius inuenitur ordo in spiritualibus quam in corporalibus: in corporalibus autem omnis motus causatur à primo motu: oportet igitur quod in spiritualibus omnis motus voluntatis à prima voluntate causetur, quæ est voluntas Dei.

5 Adhuc, Superius ostensum est quod Deus est causa omnis actionis & operatur in omni agente: est igitur causa motuum voluntatis.

6 Item, arguit Arist. in 8. Eudemicæ ethicæ per hunc modum: Huius quod aliquis intelligat, consilietur, & eligat,

& velit, oportet aliquid esse causam, quia omne novum oportet quod habeat aliquam causam. si autem est causa eius aliud consilium & alia voluntas præcedens, cum non sit procedere in his in infinitum, oportet devenire ad aliquid quod est melius ratione: nihil autem est melius intellectu & ratione, nisi Deus: est igitur Deus primum principium nostrorum consiliorum & voluntatum.

Super Cap. 87.



VIA ad autoritates in superiori cap. adductas peruersum quidam nituntur dare intellectum: ideo sanctus Thomas vult eorum interpretationem excludere, suamque positionem confirmare. circa hoc autem duo facit. Primum ponit eorum interpretationem, secundò illam reprobat.

QUANTUM ad primum inquit, quod quidam non intelligentes qualiter motum voluntatis Deus in nobis causare possit absque præiudicio libertatis & voluntatis, cum inquit Apostolus, quod Deus est qui operatur in nobis velle & perficere: exponunt dicentes hoc intelligi debere in quantum dat nobis virtutem volendi: non autem quia faciat nos velle hoc aut illud, & ista est expositio Orig. in 3. Periarchon. ex hoc etiam videtur processisse opinio dicentium providentiam non esse de electionibus, sed de exterioribus eventibus: quia nō semper qui eligit aliquid consequi, poterit ad illud pervenire, & sic eventus actionum non subduntur libero arbitrio, sed providentia disponuntur.

QUANTUM ad secundum arguitur contra hanc interpretationem, ostendendo quod non solum virtutem volendi à Deo habemus, sed etiam operationem voluntatis, primò quia Isaia 26. dicitur: Omnia opera nostra operatus es in nobis Domine.

Secundò, quia cum inquit Salomon loco superius allegato: Cor regis in manu Domini, & quocunque voluerit vertet illud: ostendit diuinam causalitatem non solum ad potentiam voluntatis extendi, sed etiam ad actum ipsius. Tertio arguitur ratione, homo non potest virtute voluntatis sibi data uti nisi in quantum agit in virtute Dei: ergo Deus est causa non solum voluntatis, sed etiam volendi. probatur antecedens: quia nulla res potest propria virtute agere, nisi agat in virtute Dei, ut superius est ostensum, consequentia verò probatur, quia illud in cuius virtute agens agit, est causa non solum virtutis, sed etiam actus. declaratur in artifice respectu instrumenti. Quarto in corporalibus omnis motus à primo motu causatur, ergo & omnis motus voluntatis causatur à prima voluntate. probatur consequentia: quia perfectius inuenitur ordo in spiritualibus quam in corporalibus. Quintò, superius est ostensum quod Deus est causa omnis actionis, & operatur in omni agente, ergo, &c. Sextò arguitur ratione Arist. in octavo Eudemicæ ethicæ, id est, ethicæ ad Eudemum scriptæ: nam libri Ethicorum qui habentur in usu, sunt ad Nichomachum scripti. Quod aliquis intelligat, consilietur, eligat, & velit, oportet aliquid esse causam: quæ si est aliud consilium & alia voluntas præcedens, oportet devenire ad aliquod primum, cum non sit procedere in his in infinitum: ergo Deus est primum principium nostrorum consiliorum & voluntatum. probatur assumptum, quia omne novum oportet quod habeat aliquam causam. consequentia verò probatur, quia illud primum oportet esse aliquid melius ratione, nihil autem est melius intellectu & ratione nisi Deus.

AD evidentiam huius rationis considerandum est quod in isto processu quo proceditur ab intellectu ad voluntatem, & à voluntate ad intellectum, oportet tam ex parte intellectus quam ex parte voluntatis devenire ad aliquod primum cuius Deus sit proxima causa per modum agentis totalis & sufficientis. nam operationis naturalis causa agens est ille qui dat naturam, sicut generans graue dat illi motum primò & per se, sicut agens quod movet. unde cum sit aliqua operatio naturalis tam intellectus quam voluntatis, & Deus sit naturæ intellectualis immediata causa, operatio naturalis tam intellectus quam voluntatis est à Deo tanquam ab agente quod talem actionem producit, ab intellectu verò & voluntate tanquam à forma qua producit: sicut motus deorsum est à gravitate tanquam à forma qua generans movet gravia. ex parte ergo voluntatis in prædicto processu oportet devenire ad aliquod primum qui omnes alios voluntatis actus præcedat, qui actus est volitio finis, in hac vita quidem sub communi ratione ultimi finis, siue sub communi ratione summi & perfecti boni: in statu verò patriæ etià sub particulari ratione, scilicet diuinæ essentiae clarè visæ. Ista autem actus est naturalis in via quo ad specificationem actus: in quantum si volitati proponatur summum bonum, & ipsa actum circa ipsum summum bonum eliciat, talis actus necessarius est profectio, non autem fuga: in patria est necessarius etiam quod ad exercitium actus, in quantum voluntas videtis diuinam essentiam clarè, necessarius elicit actum amoris & fruitionis circa ipsam. Unde iste actus quædam ad illud quod habet naturalitatis & necessitatis, habet Deum pro principali causa, non autem voluntatem nostram, nisi sicut dictum est. ex parte etiam intellectus oportet devenire ad aliquod primum actum naturalem. licet enim volitionem eorum quæ sunt ad finem, præcedat consilium & inquisitio, & tale consilium præcedat volitio finis, & consilii & inquisitionis in quantum liberè consiliamur, quia tamen voluntas non fertur in bonum, nisi sit cognitum & apprehensum per intellectum, ideo necesse est esse aliquem actum intellectus qui omnem actum voluntatis præcedat, & per consequens sit naturalis, ut pote nullo modo à voluntate procedens: unde & istum actum oportet referre in Deum, sicut in causam proximam principalem, ut dictum est de actu voluntatis. Quis autem sit iste actus, videtur dicendum quod sunt illæ cognitiones siue complexæ siue incomplexæ, quas absque electione, sed naturali inclinatione intellectus elicimus præsentem aliquo obiecto in intellectu, aut à principio, cum primum incipimus uti ratione & intellectu, aut cum primum incipimus de aliquo cognoscibili & appetibili considerare, rationabile enim videtur ut ex phantasmatis & intellectu agente agentibus in intellectu.

Opin. Orig.  
Alia opin.

Improbatio.

Cap. 70. huius lib.

Cap. 70.



intellectum possibile moueatur naturaliter intellectus ad alicuius cognitionem ante omnem electionem, & ante omnem volitionem, cum non sit processus in infinitum in cognitionibus intellectus ordinatis, & oporteat ad aliquam deuenire cognitionem, quæ à voluntate non impèretur, & per consequens merè naturalis sit. hæc autem dixerim non quia alio modo Deus non possit intellectum & voluntatem mouere ad aliquam operationem quàm dando illi naturam ad quam de necessitate sequitur talis operatio positis iis quæ ex parte intellectus & voluntatis requiruntur, posita scilicet specie intelligibili in intellectu, & bene dispositis viribus interioribus apprehensivis, & posito appetibili in esse intellectu quo obiectum voluntatis fit in actu, sed quia iste est modus conueniens naturæ intelligibili, secundum quem eius operationes tandem habent reduci ad aliquos primos actus qui sunt in Deum tanquam in principalem causam referendi. Est autem & alius modus quo Deus aliquando intellectum & voluntatem mouet, non ex naturali inclinatione propriæ naturæ secundum se, sed ex sola motione qua applicat intellectum ad intelligendum & considerandum aliquod obiectum, & voluntatem ad aliquid volendum mouet: qui quidem actus licet non dicatur naturalis tamen naturæ principia consequens, dicitur tamen naturalis inquantum fit virtute superioris naturæ dantis omnibus & esse & operationem. est enim vnaquæque natura disposita ad obediendum primæ omnium causæ.

Ex his patet vanas esse rationes Hærici à Capreolo recitatas secundo Sententiarum dist. 25. quibus arguit primum motum voluntatis non esse à Deo: tum videlicet quia secundum generalem administrationem Deus omnia mouet, non tamen dicitur motus aliorum esse à Deo, nisi sit à causa vniuersali: tum quia tunc voluntas non esset libera, & domina suorum actuum.

Ad primum enim patet, quod non est eadem ratio de voluntate & de aliis, quia motus aliarum rerum habet aliquas causas particulares in quas referri habent. sicut motus grauium & leuium refertur in generantem à quo principium formale motus acceperunt, motus autem naturalis intellectus & voluntatis, quo dicitur creatura intellectualis naturaliter intelligere & velle, non habet aliquam causam principalem proximam nisi Deum: quia ipse solus est causa proxima & immediata naturæ intellectus, ad quæ huiusmodi operationes naturaliter consequuntur modo exposito, sicut motus deorsum ad formam grauitatis: deo motus naturales aliarum non ita sunt Deo attribuendi, sicut motus intellectus & voluntatis.

Ad secundum etiam patet quod non est inconueniens voluntatem non esse liberam & dominam respectu omnium suorum actuum, ad actus enim ad quos naturaliter & necessariò inclinatur à Deo, non habet libertatem inquantum naturales sunt & necessarij, & secundum illos ut sic non meretur & demeretur, sed habet alios actus liberos, eos videlicet ad quos ipsam mouet Deus non tanquam necessariò volentem, sed liberè: sicut sunt actus circa ea quæ sunt ad finem, sine quibus finis haberi potest: sicut etiam est actus circa vltimum finem in via quantum ad eius exercitium, mens ergo rationis est quod oportet deuenire ad aliquam primam cognitionem intellectus quam nullum cõsilium & nulla volitio præcedit, quæ sit eius causa, & huius cognitionis causa est Deus qui dedit talem naturam intellectui, ut in talem cognitionem præsentem obiecto in intellectu, & bene dispositis phrasmatibus tendat necessariò, similiter oportet deuenire ad aliquem actum voluntatis quem nullus alius actus voluntatis neque aliquod cõsilium præcedit ut causa, & ipsius Deus est causa, qui voluntati dedit naturalem inclinationem in illum actum, aut quatum ad exercitium, aut quantum ad specificationem.

CIRCA ipsam conclusionem quæ exponit Deum esse causam actuum voluntatis, dubitatur ex Scoto 37. dist. 2. Sent. in 2. quæsitio. Primò, nulla potentia habet perfectè in sua potestate effectum qui non potest causari ab ea immediate, nec ab aliqua causa cuius causatio non est in potestate illius potentie: quia quod habet perfectè effectum in sua potestate, potest se solo in illum, vel causatio cuiuslibet concurrentis est in eius potestate: sed causatio Dei non est in potestate voluntatis creatæ, ergo si Deus necessariò concurrat immediatè, ut causa, scilicet immediatè respectu volitionis creatæ, voluntas creata non habet plenè in sua potestate illam volitionem. hoc est falsum. ergo, &c.

CONFIRMATVR, quia quod ab alio determinatur ad aliquid, nõ habet perfectè illud in sua potestate. Secundò, illud non est contingens propter habitudinem sui ad aliquam causam, ad cuius euentum causa superior est determinata, cuius causæ determinationem necessariò sequitur determinatio omnium causarum inferiorum: sed si voluntas diuina est causa immediatè meæ volitionis, iam est aliqua causa determinata respectu eius, scilicet voluntas Dei, & determinationem eius necessariò concomitatur determinatio volutatis meæ respectu eiusdem, igitur illud velle non est contingens, hoc est falsum. ergo, &c. Tertiò, cum Deus sit causa prior voluntate, quæritur an in illo priori signo Deus causet immediatè rectitudinè perfectam in velle, an non: si primum, sequitur quod voluntas in secundo signo non peccat, quia non causat in effectum oppositum eius quod prima causa causat. si secundum, idem sequitur, quia non potest in velle rectum, non habendo autè velle rectum, si habere non potest, nõ peccat. sequitur ergo quod voluntas peccare nõ potest. Quartò, tunc Deus esset totalis causa volitionis, ergo voluntas nullà haberet causalitatem supra volitionem: quia cum totali causa alicuius nihil aliud potest causare in eodem genere causæ. Quintò, aliqua est totalis causa sui effectus, ergo etià voluntas, ergo Deus non causat immediatè volitionem.

Ad omnia ista argumenta patet faciliter responsio ex iis quæ superius in primo libro de Scientia & Voluntate sunt determinata: verumtamen, ut etiam magis eorum inefficacia constet, supposito bono intellectu conclusionis, scilicet quod Deus immediatè causat actum voluntatis immediatione virtutis, non autem immediatione suppositi. sicut & de actibus aliarum virtutum superius est ostensum, voluntas autem causat ipsam volitionem immediatè immediatione suppositi, non autem immediatione virtutis. dicitur ad primum quod habere perfectè in sua potestate effectum dupliciter potest intelligi: vno modo, quia illum potest producere & nõ producere, & à nulla alia causa dependentiam habet in illius effectus productione: & sic neque voluntas, neque quæcunque alia causa creata habet effectum perfectè in sua potestate, quia omnis causa creata necessariò dependet à prima causa sicut in essendo, ita & in causando: alio modo, quia

potest producere effectum & nõ producere, supposita prima causa à qua dependet, & à nulla causa ad producendum, aut ad non producendum necessitatur: & sic conceditur quod voluntas habet perfectè in sua potestate volitionem suam: & ad hunc sensum negatur maior, scilicet enim simul quod aliqua causa secunda, secundum se & absolute possit producere & non producere effectum, & tamen causatio alterius superioris causæ non sit in eius potestate, quia ut in superioribus est ostensum, stat libertas secundæ causæ cum necessitate immutabilitatis, siue cum necessitate suppositionis primæ causæ. Ad probationem negatur assumptum. Non enim oportet ut quod habet in potestate suum effectum, illum se solo omnino possit efficere: sed sufficit ut se solo tanquam proximo agente possit illum efficere, nec etiam exigitur ut causatio cuiuslibet concurrentis sit in eius potestate, sed sufficit ut in eius potestate sit causatio causæ concurrentis sui ordinis, quæ scilicet sit causa proxima.

Ad confirmationem patet per idem: quia potest aliquid determinari ab alio ad effectum, & tamè habere illud in sua potestate, secundo modo superius dicto, eod quod causa prima mouet vnamquamque causam secundam ad suum effectum secundum conditionem ipsius causæ secundæ, causam enim non potentem deficere sic ad suum effectum determinat, ut ipsum necessariò absolute producat. causam autem quæ deficere potest, ita determinat, ut tamen absolute deficere possit in producendo. Ad secundum dicitur primò quod vique non dicitur aliquis effectus contingens in ordine ad voluntatem nostram tanquam ad primam radicem contingentie & libertatis, sed in ordine ad sapientiam & voluntatem diuinam, ut superius est ostensum, inquantum scilicet Deus determinat aliquid quod euenire necessariò, & istis dedit causas necessarias: alias verò euenire contingenter, & istis dedit causas contingentes. Dicitur secundo, quod maior est falsæ de causa superiori quæ est determinata non necessariò absolute, sed voluntariè, & est causa effectus aliarum causarum tam secundum esse quàm secundum modum necessitatis aut contingentie. Istò enim modo Deus est causa determinata ad productionem creaturarum: quia videlicet liberè se determinat ad ipsarum productionem, cum posset absolute oppositum determinare, modo in superioribus ostensum: licet ista determinatio sit necessariò necessitate immutabilitatis. Item determinat ut talis effectus necessariò, talis verò contingenter eueniat, & eius determinationem sequitur determinatio omnium causarum, quia videlicet effectus quos determinat per istas causas euenire necessariò, ipsæ causæ necessariò producant: illos verò quos determinat per illas causas contingenter & liberè euenire, ipsæ causæ efficiunt contingenter. Cum ista tamen contingentia absoluta effectus in ordine ad suam causam proximam superius est ostensum stare necessitate suppositionis, quia dicitur effectus contingens euenire necessariò & infallibiliter, supposito quod Deus velit illum euenire voluntate consequente & volutate completa. Ad tertium dicitur, quod non datur ex parte rei aliquod signum prius in quo Deus ante ipsam voluntatem producat volitionem nostram: si autem sit sermo de prioritate secundum nostrum modum intelligendi, dicitur quod in illo priori in quo intelligimus volitionem quæ est peccatum, terminare actionem diuinam antequam ad voluntate producat, Deus dat volitioni perfectam bonitatem, quæ nata est sibi conuenire secundum suam entitatem absolutam, & in ordine ad Deum, non autem illam quæ nata est sibi conuenire inquantum ab humana voluntate procedit. Cum inferitur ex utroque membro quod tunc voluntas in secundo signo non peccat, negatur consequentia. Ad primæ consequentiæ probationem dicitur quod illa deformitas quæ conuenit actui volitionis ut à voluntate humana dependet, non opponitur bonitati & rectitudini quam Deus in illo actu causat, sed rectitudini quam causat humana voluntas. bonitas enim naturæ & in ordine ad Deum, & materia moralis quæ sumitur ex ordine ad voluntatem creatam, non opponuntur, imò vnum fundatur in alio, sed bene opponuntur bonitas ex voluntate humana, & malitia ex eadem proueniens circa eundem actum. Ad secundæ consequentiæ probationem negatur quod secundum istam intellectus considerationem non possit voluntas in aliquid quod causa prior in primo signo non produxit, imò potest in rectitudinem quæ nata est actui conuenire, ut à voluntate humana producat, talis enim bonitas est habitudo ad regulas diuinas & regulas rationis, secundum quas debet humana voluntas regulari. non inconuenit autem actum aliquam habitudinem habere secundum quod procedit ab humana voluntate, quam non habet secundum quod à Deo procedit: quia non producit ipsum actum volitionis nostræ tanquam per ipsum formaliter volens sicut voluntas humana.

Ad quartum dicitur quod causa totalis potest dupliciter accipi. Vno modo pro causa quæ se sola operatur, omnemque aliam causam excludit, & tunc negatur antecedens. quamvis enim Deus actum voluntatis producat immediatè, non tamen est isto modo causa totalis, imò secum assumit ipsam voluntatem ad causationem illius actus. sic autem est causa totalis eorum quæ per creationem producit, quia in creatione nullà creaturam assumit. Alio modo pro causa sufficiente in suo ordine, & tunc negatur consequentia. cum causa sufficienti in vno ordine, stat causa sufficienti alterius ordinis, & sic cum causalitate primæ causæ stat causalitas alterius causæ tanquam causæ proximæ.

PER hanc distinctionem patet solutio ad quintum. Nam si accipitur totalis causa primo modo, sic antecedens est falsum. nulla enim causa creata potest agere non concurrente prima causa, & sic nulla est causa totalis isto modo. si autem accipitur secundo modo, negatur vltima cõsequentia. licet enim voluntas sit causa sufficiens suæ volitionis tanquam causa proxima, non tamen excluditur quin Deus ad illam tanquam proxima causa concurrat.

*Quod electiones & voluntates humana subduntur diuine providentiæ,*

Cap. 20.



X quo patet quod oportet etiam voluntates humanas & electiones diuinæ providentiæ subditas esse. Omnia enim quæ Deus agit, ex ordine

idem 1. 2. 9. 22. artic.



ordine prouidentia suæ agit. cum igitur ipse sit causa electionis & voluntatis nostræ: & electiones & voluntates nostræ diuinæ prouidentia subduntur.

\* Cap. 78. *huius lib.* 2. Amplius, omnia corporalia per spiritualia administrantur, sicut superius est ostensum. \* spiritualia autem agunt in corporalia per voluntatem. Si igitur electiones & motus voluntatum intellectualium substantiarum ad Deiprouidentiam non pertinent: sequitur quod etiā corporalia ipsius prouidentia subtrahantur: & sic totaliter nulla erit prouidentia.

\* Tex. cō. 44. 3. Item, Quāto aliqua sunt nobiliora in vniuerso, tantō oportet quod magis participant ordinem in quo bonum vniuersi consistit. Vnde Aristot. in 2. Physic. \* arguit antiquos philosophos, qui ponebant casum & fortunam in constitutione celestium corporum, non autem in inferioribus rebus. Substantiæ autem intellectuales sunt nobiliores substantiis corporalibus. Si igitur substantiæ corporales quantum ad suas substantias & actiones cadunt sub ordine prouidentia: multo magis substantiæ intellectuales.

4. Præterea, Ea quæ sunt propinquiora fini, magis cadunt sub ordine qui est ad finem: nā eis mediantibus etiam alia ordinantur in finem. actiones autem substantiarum intellectualium propinquius ordinantur in Deum sicut in finem, quā actiones aliarum rerum, sicut supra ostensum est: magis igitur cadunt actiones intellectualium substantiarum sub ordine prouidentia quæ Deus omnia in seipsum ordinat, quā actiones aliarum rerum.

\* Cap. 10. 5. Adhuc, Gubernatio prouidentia ex amore diuino procedit, quo Deus res à se creatas amat: in hoc enim præcipue consistit amor, quod amās amato bonum velit. quāto ergo Deus aliqua magis amat, tantō magis sub eius prouidentia cadunt. Hoc autem & sacra scriptura docet in Psal. 140. dicens: Dominus custodit omnes diligentes se. Et etiam Philosophus in 10. Ethico. \* tradit dicens, quod Deus maximè curat de his qui diligunt intellectum tantum de suis amicis. ex quo etiam habetur quod maximè substantias intellectuales amat: sub eius igitur prouidentia cadunt earum voluntates & electiones.

\* Cap. 30. 6. Amplius, Bona interiora hominis quæ ex voluntate & electione depēdent, sunt magis propria hominis, quā illa quæ extra ipsum sunt: vt adeptio diuitiarum, vel si quid aliud est huiusmodi. vnde per illa homo dicitur esse bonus: non autem per ista. Si igitur electiones humanæ & voluntatis motus non cadunt sub diuina prouidentia, sed solum exteriores prouentus: verius erit quod res humanæ sint extra prouidentiam, quā quod prouidentia sub sint: quod quidem ex persona blasphemantium inducitur, Iob 22. Circa cardines celi perambulat: nec nostra considerat. & Ezech. 9. Dereliquit Dominus terram: & Dominus non videt. & Tren. 3. Quis est iste qui dixit vt fieret domino non iubente? Videntur autem quædam in doctrina sacra secundum prædictam sententiam sonare. Dicitur enim Eccles. 15. Deus ab initio constituit hominem, & reliquit illum in manu consilij sui. & infra: Apposuit tibi aquam & ignem, ad quod volueris, porrige manum tuam. Ante hominem vita & mors, bonum & malum: quod placuerit ei, dabitur illi. & Deut. 3. Considera quod hodie proposuerim in conspectu tuo vitam & bonum, & e conuerso mortem & malum. Hæc autem verba ad hoc inducuntur, vt homines esse liberi arbitrij ostendantur: non vt eorum electiones à diuina prouidentia subtrahantur. Et similiter quod Gregor. Nyssenus dicit in libro quem de homine fecit, prouidentia est eorum quæ non sunt in nobis: non autem eorum quæ sunt in nobis. & Damas. eum sequens dicit in secundo libro \* quod ea quæ sunt in nobis, Deus prænoscit: sed non prædeterminat. exponenda sunt vt intelligantur ea quæ sunt in nobis diuinæ determinationi non esse subiecta, quasi ab ea necessitatem accipientia.

Super Cap. 90.



Ostquam ostendit S. Tho. q. humanæ electiones neque corporibus celestibus subduntur, neque substantiis intellectualibus creatis, sed soli Deo: vult vltius ostendere illas diuinæ prouidentia subiectas esse. Circa hoc autem duo facit. Primò ostendit propositum: secundo remouet quasdam instantias.

Q V A N T V M ad primum, arguit primò sic, Primò Deus est causa electionis & voluntatis nostræ, ergo electiones & voluntates nostræ eius prouidentia subduntur. probatur consequentia, quia omnia quæ Deus agit, ex ordine prouidentia suæ agit. Secundo, Nisi sic esset, sequeretur quod corporalia à diuina prouidentia subtraheretur, & sic totaliter nulla esset prouidentia. Probatur sequela, quia omnia corporalia per spiritualia administrantur, & spiritualia agunt in corporalia per voluntatem.

A D V E R T E, quod S. Tho. in hac ratione propositum suum extendit, probans non solum humanas electiones, sed etiam aliarum substantiarum intellectualium volitiones diuinæ prouidentia subdi. hoc autem facit, quia tam substantiæ separata quā animæ humanæ in hoc quod intellectuales substantiæ creatae sunt, in quantum huiusmodi, vnius ordinis sunt, vniuseque conditionis. fundamentum autem huius rationis est, quia quod non habet prouidentiam de administratore aliquarum rerum quod ad actum quo illas administrat, neque etiam de ipsis rebus administratis prouidentiam habet. ordo enim effectus consequitur suæ causæ intentionem & actionem. ideo sequitur si Deus non habet prouidentiam de actibus voluntatis quibus creatura spiritualis corporalia administrat ipsos ordinando ad suos fines, quod neque corporalia prouidentiam habebit. Tertio, Substantiæ intellectuales sunt nobiliores substantiis corporalibus. ergo si ista quantum ad suas substantias & actiones cadunt sub ordine diuinæ prouidentia, multo magis & illa. probatur cōsequētia, quia quāto aliqua sunt nobiliora in vniuerso, tantō oportet quod magis participant ordinem in quo bonum vniuersi consistit. declaratur autoritate Philosophi reprehendentis antiquos Philosophos secundo Physicorū, text. 44. q. casum & fortunam in superioribus, non autem in inferioribus ponent. Quarto, Actiones substantiarum intellectualium propinquius ordinantur in Deum sicut in finem, quā actiones aliarum rerum, vt est ostensum superius: ergo magis cadunt sub ordine prouidentia quæ Deus omnia in seipsum ordinat, quā actiones aliarum rerum. probatur consequentia, quia quæ sunt propinquiora fini, magis cadunt sub ordine qui est ad finem, cum etiam alia eis mediantibus ordinantur ad finem.

A D euidētiā huius vltimæ propositionis considerandum est, quod sicut est ordo in causis efficientibus, ita & in causis finalibus ordo inuenitur. sicut enim in causis efficientibus id quod est immediatum primæ causæ, in cōparatione ad ipsam habet rationē moti, in cōparatione autē ad inferiora habet rationē mouētis, & mediante ipso inferius à prima causa mouetur: ita in causis finalibus quod est proximū vltimo fini, in cōparatione ad vltimū finē habet rationē ordinati ad finē, in cōparatione autem ad remota à fine habet rationē finis, & mediante ipso alia ordinantur ad finē vltimū: sicut quia euacuatio cholera propinquior est sanitati inducendæ quā sumptio medicina, ideo cholera euacuatio quæ ordinatur ad sanitatem sicut ad finē, est finis sumptionis medicina, & ipsa sumptio medicina ordinatur mediante illa euacuatione ad sanitatē, sumit enim aliquis medicinā propter sanitatē consequendā, inquantū per ipsam putat euacuandam cholera. & sic patet q. mediantibus iis quæ sunt fini propinquiora, alia ad finem ordinantur. in proposito verò alia creatura ordinatur ad Deum, sicut ad finem mediantibus substantiis intellectualibus, quia non manifestant diuinam bonitatem nisi in quantum prius perfectiones substantiarum intelligibilium aliquo modo manifestat, in quibus maximè diuina bonitas manifestatur. superiora enim in entibus sunt quodammodo inferiorum exemplaria, excedentia tamen. Quinto, Quāto magis Deus aliqua amat, tantō magis sub eius prouidentia cadunt, sed Deus substantias intellectuales maximè amat, ergo, &c. maior probatur, quia gubernatio prouidentia ex amore diuino procedit, quo Deus res à se creatas amat, cum in hoc præcipue consistat amor, quod amās amato bonum velit. Confirmatur autoritate Psal. 140. Dominus custodit, &c. minor & maior simul autoritate Arist. 10. Ethicorum probantur. Sexto, Si solum exteriores prouentus cadunt sub prouidentia, & non humanæ electiones, sequitur q. verius erit res humanas esse extra prouidentiam, quā quod prouidentia sub sint, sed hoc ex persona blasphemantium inducitur Iob. 22. & Ezech. 9. & Thren. 3. ergo, &c. probatur assumptum, quia bona interiora hominis quæ ex voluntate & electione depēdent, sunt magis propria hominis quā illa quæ extra ipsum sunt: cuius signum est, quod per illa homo dicitur esse bonus, non autem per ista.

Q V A N T V M ad secundum remouet sanct. Thom. quasdam instantias. Prima est, quia Eccles. 15. & Deuter. 3. videtur dici, quod Deus hominem sibi ipsi reliquit. Sed inquit sanct. Thom. quod verba illa inducuntur non vt hominum electiones à diuina prouidentia subtrahantur, sed vt liberi esse arbitrij ostendantur. Secunda est, quia & Gregorius Nyssenus in lib. de homine. & Damas. in 1. lib. videtur dicere quod ea quæ sunt in nobis, diuinæ prouidentia non sub sint, sed responderet quod nihil aliud intēdunt quā quod ea quæ in nobis sunt, à diuina determinatione necessitatem non recipiunt.

A D huius euidētiā considerandum est ex iis quæ habentur de Veri. quæst. 5. artic. 5. quod licet omnia creata diuinæ subdantur prouidentia, diuersimodè tamen hoc conuenit substantiis intellectualibus, & aliis. ceteræ enim creaturae sic cadunt sub diuina prouidentia, quod sunt prouisa tantum & ordinata: substantiæ autem intellectuales sic sub ipsa cadunt, q. non solum prouisa sunt & ordinata sed etiam sunt prouidentes & ordinantes & seipsas & alia, quia verò ipsæ non sunt prouidentie finis, sed etiam in Deum ordinantur sicut in finem, inquantum sunt ordinata, inquantum rectitudinem suæ prouidentia ex regula diuina sortiuntur: & quia q. non est sibi ipsi regula, sed per regulam extrinsecam in suo opere dirigi habet, potest aliquando in operando à rectitudine deficere. ideo si cadunt sub diuina prouidentia substantiæ intellectuales, vt in opere suæ prouidentia deficiere possint, & peccare, & per cōsequēs in suis operibus libertatē habent: & ideo ex hoc q. eorum electiones & volitiones sub diuina prouidentia cadunt, non sequitur q. ab illa necessitatem sic vel sic eligendi habent. quomodo



Quomodo res humana ad superiores causas reducuntur.

Caput 91.



**E**X his ergo quæ supra ostensa sunt, colligere possumus quomodo humana ad superiores reducuntur causas: & non aguntur fortuito. Nam electiones & voluntates immediatè à Deo disponuntur: cognitio verò humana ad intellectum pertinet à Deo mediantibus angelis ordinatur: ea verò quæ ad corporalia pertinent, siue sint interiora, siue exteriora, in vsum hominis, venientia à Deo mediantibus angelis & cælestibus corporibus dispensantur. Huius autem ratio generaliter vna est.

Nam oportet omne multiforme & mutabile, & deficere potens, reduci sicut in principium in aliquod vniforme & immutabile, & deficere non valens: omnia autem quæ in nobis sunt, inveniuntur esse multiplicia, variabilia, & defectibilia. Patet enim quod electiones nostræ multipliciter habent, cum in diuersis & à diuersis diuersa eligantur. Mutabiles etiam sunt: tum propter animi leuitatem, qui non est firmatus in fine vltimo: tum etiam propter mutationem rerum quæ nos extrà circumstant. Quod autem defectibiles sint, hominum peccata testantur. diuina autem voluntas vniformis est: quia vnum volendo, omnia alia vult: & immutabilis & deficiens est, vt ostensum est in primo.

Ca. 23. & 25.

\* oportet ergo omnium voluntatum & electionum motus in diuinam voluntatem reduci, non autem in aliquam aliam causam: quia solus Deus nostrarum voluntatum & electionum causa est. Similiter autem intelligentia nostra multiplicationem habet: quia ex multis sensibilibus veritatem intelligibilem quasi congregamus. Est etiam mutabilis: quia ex vno in aliud discurrendo procedit, ex notis ad ignota proueniens. Est etiam defectibilis propter permixtionem phantasie & sensus: vt errores hominum ostendunt. Angelorum autem cognitiones sunt vniformes: quia ab ipso vno veritatis fonte, scilicet Deo, accipiunt veritatis cognitionem. Est etiam immobilis: quia non discurrendo ab effectibus in causas, aut econuerso, sed simplici intuitu puram veritatem de rebus intuentur. Est etiam indefectibilis: cum ipsas rerum naturas seu quidditates intueantur per seipsas: circa quas non potest intellectus errare: sicut nec sensus circa propria sensibilia: nos autem quidditates rerum ex accidentibus & effectibus cognoscimus. oportet ergo quod nostra intellectualis cognitio reguletur per angelorum cognitionem. Rursus de corporibus humanis & exterioribus quibus homines vtuntur, manifestum est quod est in eis multiplicitas commixtionis & contrarietatis: & quod non semper eodem modo mouentur: quia motus eorum non possunt esse continui: & quod defectibilia sunt per alterationem & corruptionem: corpora autem cælestia sunt vniformia, vt pote simplicia, absque omni contrarietate existentia: motus etiam eorum sunt vniformes, continui, & semper eodem modo se habentes: nec in eis potest esse corruptio vel alteratio. Vnde necessarium est quod corpora nostra & alia quæ in vsum nostrum veniunt, per motum cælestium corporum regulentur.

Super cap. 91.



**E**X his quæ prædicta sunt, tria inferuntur sancti Thomæ corollaria. Primum est, quod humana non aguntur fortuito, quasi scilicet à nullo ordinata & intentia, sed sic ad superiores reducuntur causas, quod electiones & voluntates immediatè à Deo disponuntur: cognitio intellectualis à Deo mediantibus angelis ordinatur, corporalia verò siue interiora, siue exteriora in vsum hominis venientia, à Deo mediantibus angelis & cælestibus corporibus dispensantur. Licet autem ista ex præcedentibus manifesta sint, omnia tamen vnica ratione simul probatur, & arguitur sic. Omne multiforme mutabile & deficere potens, oportet reduci sicut in principium in aliquod vniforme, & immutabile, & deficere non valens, sed omnia quæ in nobis sunt, inveniuntur multipliciter variabilia & defectibilia: illa verò alia opposito modo se habent. ergo, &c. probatur minor quod ad omnes partes, quod ad electiones nostras quidem probatur, quia in diuersis, & à diuersis diuersa eliguntur, & multipliciter habentur, cum & mutabiles sint, tum propter animi leuitatem qui non est firmatus in vltimo fine, tum propter mutationem rerum quæ nos circumstant, & vt peccata testantur, sunt defectibiles: diuina autem voluntas, quia volendo vnum omnia vult, vniformis est, & immutabilis & indeficiens, vt superius est ostensum.

sum. quod ad intelligentiam verò nostram probatur, quia cum ex multis sensibilibus veritatem intelligibilem quasi congregemus, ipsa multipliciter habet: & cum ex vno in aliud discurrendo procedamus, est mutabilis, propter permixtionem quoque phantasie & sensus defectibilis est, vt errores hominum ostendunt, econtrario verò Angelorum cognitio, cum ab vno forte veritatis scilicet Deo cognitionem accipiant, est vniformis. cum autem non discurrant, sed puram veritatem simplici intuitu intueantur, est immobilis: cum verò ipsas rerum quidditates per seipsas intueantur circa quas non potest intellectus errare, est indefectibilis: quo verò ad corporalia humana manifestatur, quia in ipsis est multiplicitas commixtionis & contrarietatis, & non semper eodem modo mouentur, cum motus eorum non possint esse continui: & per alterationem & corruptionem deficere possint: econtrario autem corpora cælestia sunt simplicia, & absque omni contrarietate, & motus eorum sunt continui, & semper eodem modo se habentes. nec in eis potest esse corruptio vel alteratio scilicet corruptiua.

**A**D VERTE cum dicitur quod ex multis sensibilibus veritatem intelligibilem quasi congregamus, quod li quasi potest accipi similitudinariè ratione li congregamus. Non enim propriè congregamus veritatem ex sensibilibus, cum ipsa veritas non sit in sensibilibus formaliter, sed in intellectu. dicimus tamen similitudinariè congregare, tanquam ibi præexistat veritas, quia licet formaliter veritas in ipsis non existat, præexistit tamen in ipsis originaliter & fundamentaliter. potest etiam accipi tanquam expressum veritatis, quia ita est, quod aggregatio multarum veritatum in intellectu nostro ex multis sensibilibus originatur & causatur.

**C**IRCA secundam partem corollarii, cum dicitur, cognitionem nostram intellectualem à Deo mediantibus angelis ordinari, aduertendum est quod non sic est hoc intelligendum quasi cognitio angelica sit causa productiua intellectus nostræ, tanquam agens immediatè in intellectu, quomodo Deus est causa humanæ electionis agendo in voluntate: sed ad hunc sensum intelligitur, vt haberi potest ex doct. sancti Thomæ. prima quæst. 113. ar. 1. & 2. Sen. dist. 11. quod cum homines per diuinam prouidentiam ad beatitudinem supernaturalem ordinentur, suam autem prouidentiam in inferiora Deus per superiora exequatur, homines qui inferiores sunt ad angelos, ad boni sui cõsequutionem per Angelos mouet. Nam quia multipliciter homo in rebus agendis variari & deficere potest, ideo data est à Deo hominibus Angelorum custodia, per quos ad bonum regulentur & dirigantur, ac instruuntur. Hæc autem instructio (vt habetur 2. S. vbi supra ad vltimum. & de Ver. q. 11. ar. 3.) fit secundum quod disponunt & illustrant phantasiam quibus homo vitur in intelligendo, vt ex illis rectam cognitionem accipiat, & suo etiã lumine intellectuali lumen intellectus humani confortant, vt vigorosi sit ad veritatem percipiendam. Vnde cognitionem humanam ordinari & regulari per cognitionem angelicam, est ipsum angelum modis dictis instruere hominem, & docere ipsum de iis quæ ipse angelus nouit.

**S**ED refutat ex his dubium. Sicut enim per Angelos regulantur homines quod ad cognitionem, ita regulantur quod ad affectum, vt patet locis præallegatis. ergo sicut reducitur cognitio humana in cognitionem angelicam tanquam sui regulam, ita & volitio humana reducenda est in volitionem angelicam sicut in regulam. ergo malè ista duo diuidit & separat S. T. cognitionem in Angelos referens, electionem autem in Deum.

**R**ESPONDETUR quod electio dupliciter regulari potest, vno modo tanquam à fine & forma: alio modo tanquam ab agente & efficiente. Primo modo regulatio electionis pertinet etiam ad Angelos, in quantum instruunt hominem circa cognitionem de agendis. dictum est enim superius, quod bonum cognitum mouet voluntatem per modum finis & formæ, & quod substantiæ separatæ mouent voluntatem per modum persuasantis: non autem secundo modo ad ipsos pertinet regulare, sed hoc modo regulare electionem est solius Dei, qui solus cum voluntate humana est causa nostrarum electionum. quia ergo hic intendit sancti Thomæ. ostendere quomodo res humanæ ad superiores causas efficientes reducuntur, & regulare electionem per modum efficientis est solius Dei, regulare verò intellectum effectiue est etiam angelorum, in quantum effectiue illuminant intellectum, & phantasiam quæ effectiue intellectum ad cognitionem mouent, ideo vnum retulit in angelos tanquam in inuariabilem regulam, alterum verò retulit in Deum.

**C**IRCA illud quod dictum est cognitionem Angelorum esse indefectibilem, attendendum ex doct. sancti Thomæ. 1. parte q. 58. ar. 5. & in quæst. de malo, quæst. 16. ar. 6. quod hoc intelligendum est de cognitione ipsorum circa ea quæ ab ipsis naturaliter cognosci possunt, non autem de ipsorum cognitione vt ad supernaturalia se extendit: circa enim huiusmodi errare possunt & deficere, eorum natura considerata, licet Angeli beati circa illa etiam non decipiatur, neque errant: quia cum volutates eorum sit regulata non applicat intellectum ad iudicandum de iis quæ eorū facultatē excedit.

**C**IRCA id quod dicitur cognitionem Angeli esse immobilem, aduertendum quod illud non sic est intelligendum quasi in cognitione Angeli nulla sit successio: cum enim ostensum sit in præcedentibus, quod non omnia simul cognoscunt, necesse est in ipsis successionem esse secundum quod cognoscunt diuersa, sed intelligitur de immobilitate opposita discurui intellectus nostri. vt enim hic dicitur, & ostensum est superius, non discurrunt à notis ad ignota, sed causam & effectum, principium & conclusionem vno actu apprehendunt & intuentur.

Quomodo dicitur aliquis bene fortunatus, & quomodo adiunatur homo ex superioribus causis.

Caput 92.



**E**X his autem apparere potest quomodo aliquis possit dici bene fortunatus. Dicitur enim alicui homini bene secundum fortunam contingere, quando aliquod bonum accidit sibi præter intentionem: sicut cum aliquis



aliquid fodiens in agro inuenit thesaurum quem non querebat. Contingit autem aliquem operantem præter intentionem operari propriam: non tamen præter intentionem alicuius superioris cui ipse subest: sicut si dominus aliquis præcipiat alicui seruo quod vadat ad aliquem locum quod ipse alium seruū iam miserat illo ignorante: inuentio conserui est præter intentionem serui missi: non autem præter intentionem domini mittentis: & ideo licet per comparationem ad hunc seruū sit fortuitum & casuale: non autem per comparationem ad dominum: sed est aliquid ordinatum. cum igitur homo sit ordinatus secundum corpus sub corporibus cælestibus, secundum intellectum verò sub angelis; secundum voluntatem autem sub Deo: potest contingere aliquid præter intentionem hominis, quod tamen est secundum ordinem cælestium corporum, vel dispositionem angelorum, vel etiam Dei. Quamuis autem Deus solus directè ad electionem hominis operetur: tamè actio angeli operatur aliquid ad electionem hominis per modum persuadentis: actio verò corporis cælestis per modum disponentis: in quantum corporales cælestium corporum impressiones in corpora nostra disponunt ad aliquas electiones. Quando igitur aliquis ex impressione cælestium corporum & superiorum causarum secundum prædictum modum inclinatur ad aliquas electiones sibi viles, quarum tamen utilitatem propria ratione non cognoscit, & cum hoc ex lumine intellectualium substantiarum illuminatur intellectus eius ad eadem intelligenda, & ex diuina operatione inclinante inclinatur eius voluntas ad aliquid eligendum sibi vile, cuius rationem ignorat: dicitur esse bene fortunatus: & e contrario malè fortunatus, quando ex superioribus causis ad cōtraria eius electio inclinatur: sicut de quodam dicitur Hiere. 22. Scribe virum istum sterilem: virum qui in diebus suis non prosperabitur. Sed in hoc est attendenda differentia: nam impressiones corporum cælestium in corpora nostra causant in nobis naturales corporum dispositiones: & ideo ex dispositione relicta ex corpore cælesti in corpore nostro dicitur aliquis non solum bene fortunatus aut malè, sed etiam benè natus aut malè: secundum quem modum Philosophus dicit in magnis Moralibus, quod bene fortunatum esse, est esse bene natum. Nō enim potest intelligi quod hoc ex natura intellectus diuersa procedat, quod unus vilia sibi eligat, & alius nociua præter rationem propriam: cum natura intellectus vel voluntatis in omnibus hominibus sit vna. diuersitas enim formalis induceret diuersitatem secundum speciem. diuersitas autem materialis inducit diuersitatem secundum numerum. vnde secundum quod intellectus hominis illustratur ad aliquid agendum, vel voluntas à Deo instigatur non dicitur homo bene natus, sed magis custoditus vel gubernatus. Rursus attendenda est circa hæc alia differentia. nam operatio angeli & corporis cælestis est solum sicut disponens ad electiones: operatio autè Dei est sicut perficiens. cum autem dispositio quæ est ex corporis qualitate, vel intellectus persuasionem, necessitatem ad eligendum non inducat: non semper homo eligit id quod angelus custodiens intendit: neque illud ad quod corpus cælestis inclinatur: semper tamen hoc homo eligit quod Deus operatur in eius voluntate. vnde custodia angelorum interdum cassatur, secundum illud Hiere. 1. Curauimus Babylonem: & nō est curata. & multo magis inclinatio cælestium corporum: diuina verò prouidentia semper est firma. Est etiam & alia differentia consideranda: nam cū corpus cælestis non disponat ad electionem nisi in quantum imprimit in corpora nostra, ex quibus homo incitatur ad eligendum per modum quo passionem inducit ad electionem: omnis dispositio ad electionem quæ est ex corporibus cælestibus, est per modum alicuius passionis: sicut cum quis inducitur ad aliquid eligendum per odium, vel amorem vel irā, vel aliquid huiusmodi. Ab angelo verò disponitur aliquis ad eligendum per modū intelligibilis cōsiderationis absque passione. Quod quidem contingit dupliciter. quādoque enim illuminatur intellectus hominis ab ange-

lo ad cognoscendum solum quod aliquid est bonum fieri: non autem instruitur de ratione propter quam est bonum, quæ sumitur ex fine: & ideo homo quādoque æstimat quod aliquid sit bonum fieri: sit tamen quæreretur quare, responderet se nescire: vnde quādoque perueniet in finem vtilē quē non præconsiderauit, erit sibi fortuitū. quādoque verò per illuminationem angeli instruitur, etiā quod hoc sit bonū, & de ratione quare est bonū, quæ dependet ex fine: & sic quādo peruenit ad finem quē præconsiderauit, nō erit fortuitum. Sciendum est etiam quod vis actiua spiritualis naturæ sicut est altior quā corporalis, ita & est vniuersalior. vnde non ad omnia ad quæ se extendit humana electio, se extendit dispositio cælestis corporis.

Rursus virtus humanæ animæ vel etiam angeli est particularis in comparatione ad virtutem diuinā, quæ est vniuersalis respectu omnium entium. Sic ergo aliquod bonum accidere potest homini, & præter propriam intentionem, & præter inclinationem cælestium corporum, & præter angelorum illuminationem, non autem præter diuinam prouidentiam quæ est gubernatiua sicut & factiua. entis in quantum est ens. vnde oportet quod omnia sub se cōtineat. Sic ergo aliquid fortuitum bonum vel malum potest contingere homini & per comparationem ad ipsum, & per comparationem ad cælestia corpora, & per comparationem ad angelos, non autem per comparationem ad Deum. Nam per comparationem ad ipsum non solum in rebus humanis, sed nec in qualibet alia re potest esse aliquid casuale & improuisum.

Quia verò fortuita sunt quæ sunt præter intentionem: bona autem moralia præter intentionem esse nō possunt, cum in electione consistant: respectu eorum non potest dici aliquis benè vel malè fortunatus: licet respectu eorum possit aliquis dici benè vel malè natus: quādo ex naturali dispositione corporis est aptus ad electiones virtutum vel vitiorum. Respectu autem exteriorum bonorum quæ præter intentionem homini euenire possunt, potest dici homo & bene natus, & bene fortunatus: & à Deo gubernatus, & ab angelis custoditus. Consequitur autem ex superioribus causis & aliud auxilium, quantum ad exitus suarum actionum. Cum enim homo & eligere habeat & prosequi quod eligit: in vtroque à causis superioribus adiuvatur interdum & impeditur: secundum electionem quidem, ut dictum est, in quantum homo vel disponitur ad aliquid eligendum per cælestia corpora, vel illustratur per angelorum custodiam, vel etiam inclinatur per operationem diuinam. Secundum executionem verò in quantum homo consequitur ex aliqua superiori causa robur & efficaciam ad implendum quod eligit, quæ quidem non solum à Deo & ab angelis esse potest, sed etiā à corporibus cælestibus, in quantum talis efficacia in corpore sita est. manifestum est enim quod etiam inanimata corpora quasdam vires & efficacias à cælestibus corporibus consequuntur: & etiam præter eas quæ ad qualitates actiuas & passivas elementorum consequuntur: quas etiam nō est dubium cælestibus corporibus esse subiectas: sicut quod magnes attrahit ferrum habet ex virtute cælestis corporis: & lapides quidam & herbæ alias occultas virtutes. Vnde nihil prohibet quod etiam aliquis homo habeat ex impressione corporis cælestis aliquam efficaciam in aliquibus corporibus faciendis, quas alius non habet: puta medicus in sanando: & agricola in plantando: & miles in expugnando. Hanc autem efficaciam multo perfectius Deus omnibus largitur ad sua opera efficaciter exequenda.

Quātum ergo ad primum auxilium quod est in eligendo, dicitur Deus hominem dirigere. quantum verò ad secundum auxilium, dicitur hominem confortare: & hæc auxilia tanguntur simul in Psal. 26. vbi dicitur: Dominus illuminatio mea & salus mea, quem timebo? quantum ad primum, Deus protector vitæ meæ: à quo trepidabo? quantum ad secundum. Sed inter hæc duo auxilia est differentia duplex. Prima quidem, quia ex auxilio primo adiuvatur homo tam in his quæ virtuti hominis subdantur, quā

etiam



etiam in aliis. Sed secundum auxilium ad illa tantum se extendit ad quæ virtus hominis valet. quod enim homo fodiens sepulchrum inueniat thesaurum, ex nulla hominis virtute procedit: unde respectu talis prouentus adiuuari potest homo in hoc quod instigetur ad querendum ubi est thesaurus. non autem in hoc quod ei aliqua virtus detur ad thesaurum inueniendum. In hoc autem quod medicus sanet, vel miles in pugna vincat, potest adiuuari in hoc quod eligat conuenientia ad finem: & in hoc efficaciter exequatur per virtutem à superiori causa adeptam: unde primum auxilium est vniuersalius.

Secunda differentia est, quia secundum auxilium datur ad prosequendum efficaciter ea quæ intendit: unde cum fortuita sint præter intentionem, ex tali auxilio non potest dici homo propriè loquendo bene fortunatus sicut potest dici ex primo, ut supra ostensum est. contingit autem homini bene vel malè secundum fortunam quandoque ipso solo agente: sicut cum fodiens in terram inuenit thesaurum quiescentem: quadoque autem actione alterius causæ concurrens: sicut cum aliquis vadens ad forum causa emendi aliquid, inuenit debitore quæ non credebatur inuenire. In primo autem euentu homo adiuuatur ad hoc quod aliquid sibi bene contingat secundum hoc solum quod dirigitur in eligendo illud cui coniunctum est per accidens aliquod commodum: quod prouenit præter intentionem. In secundo autem euentu oportet quod vterque agens dirigatur ad eligendum actionem vel motum unde sibi occurrant. Oportet autem & aliud considerare circa ea quæ dicta sunt. dictum est enim quod ad hoc quod homini aliquando bene contingat vel malè secundum fortunam, & ex Deo est, & à corpore cælesti esse potest, in quantum homo à Deo inclinatur ad eligendum aliquid cui coniunctum est aliquod commodum vel incommodum quod eligens non præconsiderat: & in quantum à corpore cælesti, ad tale aliquid eligendum sic disponitur. Hoc autem commodum vel incommodum relatum quidem ad electionem hominis, est fortuitum: relatum verò ad Deum, ratione amittit fortuiti, non relatum ad corpus cæleste. quod sic patet. Non enim aliquis euentus amittit rationem fortuiti, nisi reducatur in causam per se: virtus autem cælestis corporis est causa agens non per modum intellectus & electionis, sed per modum naturæ: naturæ autem est proprium tendere ad vnum, si ergo aliquis effectus non est vnus, non potest per se causa eius esse aliqua virtus naturalis. cum autem aliqua duo sibi per accidens coniunguntur, non sunt verè vnum: sed solum per accidens: unde huius coniunctionis nulla causa naturalis per se causa esse potest. si ergo iste homo ex impressione cælestis corporis instigetur per modum passionis (ut dictum est) ad fodiendum sepulchrum: sepulchrum autem & locus thesauri non sunt vnū nisi per accidens, quia non habent aliquem ordinem adinuicem: virtus cælestis corporis non potest per se inclinare ad hoc totum quod iste fodiat sepulchrum, & locum ubi est thesaurus. Sed aliquis per intellectum agens potest esse causa inclinationis in hoc totum: quia intelligentis est multa ordinare in vnum. Patet etiam quod homo qui scire thesaurum ibi esse, posset alium ignorantem mittere ad fodiendum sepulchrum in loco eodem: ut præter intentionem suam inueniret thesaurum.

Sic igitur huiusmodi fortuiti euentus reducti in causam diuinam amittunt rationem fortuiti: reducti verò in causam cælestem nequaquam. Per eandem etiam rationem apparet quod homo non potest esse bene fortunatus vniuersaliter ex virtute corporis cælestis, sed solum quantum ad hoc vel illud. Dico autem vniuersaliter ut aliquis homo habeat in natura sua impressionem cælestis corporis: ut eligat semper & in pluribus aliqua quibus sint coniuncta per accidens aliqua commoda vel incommoda: natura enim non ordinatur nisi ad vnum. Ea autem secundum quæ homini accidit bene vel malè secundum fortunam, non sunt reducibilia in aliquod vnum: sed sunt indeterminata & finita, ut Philosophus in secundo Physicorum

dicit: \* & ad sensum patet. non est ergo possibile quod aliquis habeat in natura sua eligere semper ea ad quæ etiam per accidens sequuntur aliqua commoda: sed potest esse quod ex inclinatione cælesti inclinatur ad eligendum aliquid cui coniungatur per accidens aliquod commodum: & ex alia inclinatione aliud, & ex tertia tertium: non autem ita quod ex vna inclinatione inclinetur ad omnia, ex vna autem diuina dispositione potest homo ad omnia dirigi.

Super cap. 92.



Secundum corollarium est. Aliquis dicitur bene fortunatus ex superioribus causis, scilicet Deo, angelis, & cælo, & etiam ex causis inferioribus dicitur quis infortunatus. Circa hoc autem tria facit sanctus Thomas. Primum ostendit quomodo homo est ex superioribus causis fortunatus. Secundum, quomodo quantum ad exitum suarum actionum ex superioribus causis iuuatur. Tertio remouet quædam dubia. Circa primum tria facit. Primum declarat propositum, secundum ostendit differentiam superiorum causarum in hoc quod est efficere hominem fortunatum. Tertio ostendit respectu quorum dicitur quis bene aut malè fortunatus. Primum ergo ostenditur hominem ex superioribus causis fortunatum esse, & arguitur sic. Dicitur alicui homini bene secundum fortunam contingere, quando aliquod bonum accidit sibi præter intentionem, sed contingit aliquod bonum euenire homini præter intentionem propriam secundum dispositionem corporis cælestis, angeli, & Dei, ergo &c. maiorem non probat sanctus Thomas: quia ex iis quæ in secundo Physicorum dicuntur, est manifesta, & exemplo intentionis thesauri declaratur, sed ponit minoris probationem & declarationem, quam quidem minorem formaliter ipse non ponit, sed ex suo processu dat intelligere. probat autem sic. Contingit aliquem operari præter intentionem propriam, non tamen præter intentionem alicuius superioris cui ipse subest, declaratur exemplo domini mittentis seruum, ut alium seruum inueniat, quem tamen ille præter suam intentionem inuenit, sed homo est ordinatus secundum corpus sub corporibus cælestibus, secundum intellectum sub angelis, secundum voluntatem sub Deo, ergo, &c. Secundum declarat conclusionem inquires, quod cum Deus directè ad electionem operetur, actio verò angeli operetur per modum persuadentis, & actio corporis cælestis per modum disponentis, quado aliquis ex impressione corporum cælestium inclinatur ad alias electiones sibi vtilis, quarum tamen vtilitatem propria ratione non cognoscit, & cum hoc ex lumine intellectus substantiæ illuminatur eius intellectus ad eadem intelligenda, & ex diuina operatione inclinatur eius voluntas ad aliquid vtile eligendum: cuius rationem ignorat, dicitur esse bene fortunatus, e contrario verò malè fortunatus, quando ex superioribus causis ad contraria eius electio inclinatur, sicut de quodam dicitur Iere. 22. Scribe virum istum sterilem, virum qui in diebus suis non prosperabitur, &c. Sensus est quod dicitur aliquis bene fortunatus, quando ad ampliora bona ex istarum causarum superiorum dispositione peruenit quam excogitauerit: dicitur verò malè fortunatus, quado ab iis quæ prudenter disponit, deficit, & ad inopinata mala deuenit.

CIRCA illam propositionem, Ex lumine intellectus substantiæ intellectus hominis illuminatur, attendendum quod dupliciter potest intellectus humanus ab intellectu angelico illuminari, ut habetur ex doctrina sancti Thom. prima parte quæst. 102. articulo primo & de Veritate quæst. 11. articulo 3. Primum quidem per infusionem luminis spiritualis habentis esse intentionale, & per influxum in intellectu humano, eo modo quo virtus artis recipitur in instrumento. sic enim per tale lumen quod est quædam similitudo intentionalis luminis angelici, confortatur intellectus humanus ad aliquid intelligendum quod non intelligeret & non consideraret sine huiusmodi lumine. Alio modo non per infusionem alicuius luminis in intellectu, sed per formationem tantum intellectus specierum in imaginatione quæ ex commotione spirituum, in quibus species sensatæ conseruantur, formari possunt. ex huiusmodi enim formis sic virtute angelica in imaginatione formati intellectus aliquam cognitionem accipit, & aliquid considerat tanquam bonum, quod non consideraret: & quia omne quo aliquid manifestatur, lumen est, talis species potest lumen dici. hoc autem non sic intelligo quasi sint isti duo modi separati omnino, & concurrere non possint, imò cum primo concurrat etiam secundus, sed quia potest secundus fieri sine primo. ipsa enim sola specierum formatio in imaginatione ex qua aliquam intellectus notionem accipit, illuminatio dici potest. Secundum ostenditur quomodo diuersimodè dicitur homo bene fortunatus aut malè in ordine ad huiusmodi causas, & ponuntur multe differentie. Prima est, quia ex dispositione relicta in nostro corpore à corpore cælesti, ex qua homo ad alias electiones inclinatur, dicitur aliquis non solum bene aut malè fortunatus, sed etiam bene aut malè natus, ut patet ex Philosopho in magnis Moralibus: ex illuminatione verò intellectus ad aliquid agendum vel instigatione voluntatis à Deo, non dicitur homo bene aut malè natus, sed magis custoditus vel gubernatus: cuius ratio est, quia impressiones corporum cælestium in corpora nostra causant in nobis naturales corporum dispositiones, quod enim vnus præter rationem propriam eligat vtilia, alius verò nociua, non potest prouenire ex diuersa natura intellectus, cum illa in omnibus sit vna. Na diuersitas formalis induceret diuersitatem secundum speciem, diuersitas verò materialis inducit diuersitatem secundum numerum.

AD VETE sensum istius differentie esse, quod non dicitur vnus bene natus & alius malè, nisi ex diuersitate quæ in natiuitate hominibus prouenit, ut scilicet ille dicatur bene natus, qui ex sua natiuitate habet dispositionem in natura ad ea quæ sibi vtilia sunt: ille verò malè natus, qui ex sua natiuitate habet ut ad sibi nociua disponatur. talis autem diuersitas in hominibus ex natiuitate proueniens, non potest attendi ex dispositione diuersa intellectus & voluntatis secundum se, cum intellectus & voluntas



& voluntas essentiam animæ immediate consequantur, & in ipsa sola radicentur: ipsa autem animæ essentia si secundum se consideretur, non habet diuersitatem, sed sit vnus rationis & vnus dispositionis. si quam autem habeat distinctionem & diuersitatem, hoc ex diuersitate materię proveniat, ex quo indiuiduatur: sed bene attenditur diuersitas in hominibus à natiuitate secundum diuersam corporis dispositionem, ideo cum dicatur aliquid bene euenire aut malè hominibus ex deo & substantiis separatis, in quantum in intellectum agunt & in voluntatem, non dicitur aliquis bene aut malè natus ex istis causis, eo quod ex ipsis non proueniat à natiuitate diuersitas dispositionis intellectus & voluntatis. dicitur autem gubernatus & custoditus, in quantum diuersi diuersimodè secundum intellectum & voluntatem diriguntur ad suas electiones & intelligentias. Ex corporibus verò celestibus conuenienter dicitur aliquis bene aut malè natus, quia ab ipsis prouenit à natiuitate & conceptione dispositiones variez corporales: secundum quas vnus ad vtilia disponitur eligenda, & alius ad nocua.

Secunda differentia est, quia homo non semper eligit id quod angelus custodire intendit, neque id ad quod celeste corpus inclinat, semper autem eligit id quod Deus in eius voluntate operatur. vnde custodia angelorum interdum causatur, iuxta illud Hieremias primo: Curauimus Babylonem, & non est curata. & multo magis celestium corporum inclinatio causatur, diuina verò prouidentia semper est firma. Ratio huius diuersitatis est, quia operatio angeli & corporis celestis est solum sicut disponēs, dispositio autem quæ est ex corporis qualitate, vel intellectus persuasione, non inducit necessitatem ad eligendum, sed operatio Dei est sicut perficiens. Ista differentia ex superioris dictis satis est manifesta, illud solum est ad memoriā reuocandum, quod licet necessarium sit ex suppositione voluntatem velle id ad quod Deus eam mouet, absolute tamen continget vult & liberè. Tertia differentia est inter corpus celeste & angelum, quia videlicet omnis dispositio ad electionem ex corporibus celestibus est per modum alicuius passionis, scilicet amoris vel odij, vel iræ, vel huiusmodi, eo quod corpora celestia non disponat ad electionem, nisi in quantum imprimunt in corpora nostra, ex quibus incitatur homo ad eligendum per modum quæ passionis inducunt ad electionem. dispositio verò ad eligendum est ab angelo per modum intelligibilis considerationis absque passione, aut scilicet cum illuminatur intellectus ab ipso ad cognoscendum solum quod aliquid est bonum fieri, non autem instruitur propter quem finem: quo casu cum homo peruenit ad finem vtilem non preconsideratum, erit sibi fortuitum: aut cum instruitur & quod hoc fieri sit bonum, & propter quem finem: quo casu non est fortuitum quando peruenit ad finem.

ADVERTE, ex superioribus, quod dupliciter corpora celestia in corpora nostra agendo sunt nobis causa electionis, aut scilicet causando aliquas dispositiones ex quibus sumus ad aliquas passiones habiles, sicut cholericis sunt prout ad iram: aut causando aliquam dispositionem ex qua aliquis motus passionis insurgit, sicut ex nimia frigiditate corpori adueniente insurgit appetitus ignis, & ex nimia caliditate appetitus refugii calida. quia ergo ex corporibus celestibus non instigatur homo ad aliquid eligendum nisi altero illorum modorum, ideo bene dicitur hic quod dispositio ad electionem ex corporibus celestibus est per modum passionis, in quantum videlicet non inclinat ad eligendum, nisi aliquam passionem excitando, ex qua natus est appetitus intellectus ad aliquid trahi & inclinari. Inclinat autem appetitus intellectus à passione, v. habetur prima secundæ quæstione nona, articulo 2. & quæstio 10, articulo 3, ex ea parte qua mouetur ab obiecto: in quantum homo aliquam dispositionem per passionem aliquid iudicat esse conueniens & bonum, quod extra passionem existens non iudicaret. & ideo per hunc etiam modum dispositio corporalis ex corporibus celestibus proueniens ad electionem inclinat, in quantum est origo & fundamentum, ex quo prouenit illud iudicium quo aliquid bonum & conueniens iudicatur: & ideo dicitur per modum passionis inclinare.

Quarta differentia est, quia aliquid bonum potest accidere homini non solum præter propriam intentionem, sed etiam præter corporum celestium inclinationem, & præter illuminationem angelorum, non autem præter prouidentiam diuinam, & consequenter aliquid fortuitum bonum vel malum potest homini contingere per comparisonem ad ipsum, & ad illas alias causas, non autem per comparisonem ad deum. ratio huius diuersitatis est, quia vis à diuina spiritualis sicut est altior quam corporalis, ita est vniuersalior: & propterea non ad omnia ad quæ se extendit humana electio, se extendit dispositio celestis corporis. Item virtus humana vel etiam angeli est particularis in comparisonem ad virtutem diuinam quæ est vniuersalis respectu omnium entium, & per consequens per comparisonem ad ipsam in nulla re potest esse aliquid casuale & improuisum.

AD euentiam huius differentie considerandum est quod aliter loquendum est de causa particulari, & aliter de causa vniuersali. Quia enim causa vniuersalis in plura potest quam causa particularis, non inconuenit aliquid fieri secundum ordinem causæ vniuersalis quod non fit secundum ordinem causæ particularis: & per consequens non inconuenit aliquid esse per se intentum à causa vniuersali, quod fit præter intentionem causæ particularis, & idcirco sit casuale in comparisonem ad causam particularem licet non sit casuale in ordine ad causam vniuersalem. causa autem particularis non potest in aliquid in quod non possit causa vniuersalis, quum non agat nisi eius virtute: ideo non potest aliquid esse per se in ordine ad causam particularem quod tamen sit per accidens & fortuitum in ordine ad causam vniuersalem, imo si sit causa adeo vniuersalis, quod omnes causas particulares contineat, nihil omnino in ordine ad ipsam poterit per accidens siue fortuito euenire: quia ergo anima rationalis vniuersalior est, quo scilicet ad intellectionem & volitionem, quam sit virtus celi: ideo non inconuenit aliquid euenire per se per comparisonem ad ipsam, quod est per accidens & fortuitum in ordine ad virtutem celi: sicut quum virtus celi inclinat ad vnum puta ad iram & vindictam, & tamen homo ex voluntate & libero arbitrio eligit mansuetus esse, parcere quæ inimico, quod enim iste mansuetus sit, parca quæ inimico, est per se respectu hominis, sed est per accidens in ordine ad virtutem & inclinationem syderum. Similiter quum Deus maximus omnem causam parti-

culem tam naturaliter agentem, quam liberè sub se contineat, atque vnamqueque applicet ad operationem, vt superius est ostensum: constat nihil posse esse per accidens & fortuitum in comparisonem ad ipsum, sed omne quod in rebus euenit, excepto malo culpa, in quantum huiusmodi, est ab ipso prouisum & intentum. Secundò ostenditur respectu quorum dicitur quis bene aut malè fortunatus, & ponitur duplex conclusio. Prima est: Respectu moralium non potest quis dici bene vel malè fortunatus, sed bene aut malè natus. Probatur prima pars: quia bona meliora non possunt præter intentionem esse. Secunda verò pars probatur, quia ex corporis dispositione naturali est quis aptus ad electionem virtutum vel vitiorum. Secunda conclusio est: Respectu bonorum exteriorum potest dici homo bene natus, & bene fortunatus, & à deo gubernatus, & ab angelis custoditus.

ADVERTE quod bona moralia dicuntur actus voluntarij, & sub electione cadentes. Nam proprium moralium actuum est quod voluntarij sint, ideo bene dicitur quod moralia non possunt præter intentionem esse. repugnat enim quod aliquid voluntariè fiat, & quod præter intentionem eueniat respectu eiusdem.

ADVERTE etiā quod Deo attribuitur gubernatio hominis, angelis verò custodia, quia ad gubernationem pertinet hominem dirigere in finem: primum autem & principale inter ea quæ hominis sunt, per quod homo ad finem peruenit per opera meritoria, est electio, quia nihil potest habere rationem meriti, nisi in quantum sub electione cadit: ideo quia Deus solus est causa humane electionis interius agendo, sibi gubernationem hominis sanctus Thomas attribuit. ad custodiam autem hominis pertinet instructio de agendis: & quia per illuminationem angelorum homines de huiusmodi instruuntur, idcirco angelis hominis custodia attribuitur. Quantum ad secundum principale, ostenditur quomodo quantum ad exitus suarum operationum homo à causis superioribus adiuvatur. Et ponitur duplex auxilium: vnum est secundum quod adiuvatur homo, vel impeditur à superioribus causis quantum ad ipsam electionem modis dictis. aliud est secundum quod consequitur robur & efficaciam ad exequendum quod eligit, quæ quidem efficaciam non solum à Deo & angelis esse potest, sed etiam à corporibus celestibus, in quantum in corpore sita est, vt est efficacia medici in sanando, agricolæ in plantando, militis in expugnando, declaratur in rebus inanimatis quæ fortuitur efficaciam præter eas virtutes quæ qualitates actiue & passiuæ elementorum consequuntur, sicut quod magnæ attrahit ferrum: sed multo perfectius hanc efficaciam ad sua opera efficaciter consequenda Deus hominibus elargitur. Quantum ad primum auxilium, scilicet in eligendo, dicitur deus hominem dirigere: quantum verò ad secundum dicitur confortare. Hæc auxilia tanguntur simul in Psalmo 26, quum dicitur, deus illuminatio &c.

ADVERTE, cum dicitur medicum in sanando consequi efficaciam à superioribus causis, quod hoc intelligitur de operatione medici, quia ipse aliqua opera medicinalia exequitur, quia si loqueremur de inclinatione ad eligendum medicinam quæ sit egroti conueniens, hoc ad primum auxilium pertineret, quo scilicet quis adiuvatur ad eligendum vtilia. Inter ista auxilia, inquit sanctus Thom. duplex est differentia. Prima est, quia ex primo auxilio adiuvatur homo tam in iis quæ virtuti homini subduntur, quam etiam in aliis, sicut iuuari potest homo in hoc quod instigetur ad querendum vbi est thesaurus, non autem in hoc quod detur ei virtus ad inueniendum thesaurum, cum ex nulla hominis virtute procedat, quod fodiens sepulchrum, inueniat thesaurum. Secundum autem auxilium ad illa tantum se extendit, ad quæ virtus hominis, videlicet vt quod medicus sanat, vel miles vt vincat in pugna potest adiuvari non solum in hoc quod eligat conuenientia ad finem, sed etiam vt per virtutem à superiori causa acceptam efficaciter exequatur: vnde primum auxilium est vniuersalius.

CIRCA illā propositionem: Non potest iuuari homo vt ei detur virtus ad thesaurum inueniendum, dubiū occurrit, quia aliquis sciens vbi positus est thesaurus, habet virtutē ipsum thesaurum inueniendi, vnde ipsum querendo ex intentione inuenit. ergo non inconuenit quod homini ex superioribus causis detur virtus ad thesaurum inueniendum. Respondetur quod per virtutem inueniendi thesaurum duo possumus intelligere, scilicet aut virtutem per modum virtutis dirigentis operationem, siue inuentionem thesauri, aut virtutem per modum virtutis corporalis exequentis. primo modo non inconuenit alicui dari virtutem inueniendi thesaurum, quia non inconuenit alicui reuelari & dari cognitionem thesauri per quam ad eius inuentionem dirigatur. Secundo verò modo non potest dari talis virtus, quia virtus executiua quæ est in membris, non terminatur ad ipsam thesauri inuentionem, nisi mediante aliqua operatione terminata ad aliquem effectum, cui inuentione thesauri coniungitur, siue sit ambulatio, siue effusio sepulchri, siue quodcunque aliud tale. coniunctio autem inuentionis thesauri cum termino talis operationis, per accidens est: cuius signum est, quod non semper aut pro maiori parte illi coniungitur, non enim semper aut in maiori parte fossione sepulchri, aut inuentioni ad talem locum talis inuentione thesauri est coniuncta: ideo nullam habet causam naturalem per se, vt superius est ostensum: & propterea virtus quæ est in membris ad fossionem sepulchri, aut ad aliquam similem actionem, non potest dici virtus inuentiua thesauri, quasi ex sua ratione ad talem effectum ordinetur, licet aliquando ab ipsa talis effectus per accidens eueniat & præter eius intentionem siue inclinationem. de tali ergo virtute intendit sanctus Thomas quod non potest dari homini, non autem de prima.

AD rationem in oppositum dicitur, quod sciens vbi est thesaurus reconditus & occultatus, habet virtutem directiuam ad inuentionem thesauri, scilicet cognitionem qua dirigatur ad illam operationem per quam deuenitur ad thesauri inuentionem, non autem habet virtutem per modum exequentis ipsam quæ dicitur virtus thesauri inuentiua. Secunda differentia est, quia ex secundo auxilio quum detur homini ad prosequendum efficaciter ea quæ homo intendit, non potest dici propriè loquendo, homo bene fortunatus, sed bene ex primo, aut videlicet ipso solo agere, vt cum adiuvatur ad hoc solum, vt eligat illud cui coniungitur effectus aliquod commodum quod prouenit præter intentionem, vt in inuentione thesauri, aut actione alterius causæ concurrente, secundum videlicet quod duo agentia diriguntur ad aliquam actionem vel motum, sicut cum vadit ad forum



ad forum causa aliquid emendi, inuenit debitorem præter intentionem. Quam ad tertium remouet sanctus Thomas duo dubia quæ ex dictis oriri possent. Quia enim dictum est ex cælo & ex deo inclinari hominem ad electionem alicuius cui coniungitur aliquid commodum vel incommodum, posset primò aliquis querere, Vtrum illud commodum vel incommodum sit fortuitum in ordine ad istas causas sicut in ordine ad hominis intentionem. Respondet autem quod illud commodum vel incommodum quod relatum ad hominis electionem est fortuitum, relatum ad Deum amittit rationem fortuiti, nõ autem ad corpus cælestis relatum: cuius ratio est, quia effectus fortuitus non est vnus: & ideo non potest habere causam per se aliquam virtutem naturalem, cum natura sit proprium tendere ad vnum: virtus autem cælestis est causa agens non per modum intellectus, sed per modum naturæ: vnde virtus cælestis licet possit per modum passionis, vt dictum est, ad fossionem sepulchri instigare, non tamen potest per se inclinare ad hoc totum quod iste effodiat sepulchrum & locum ubi est thesaurus. agens autem per intellectum, quia intelligentis est multa ordinare in vnum, potest esse causa inclinationis in hoc totum. Declaratur, quia etiam homo qui sciret thesaurum ibi esse, posset ignoranter mittere ad fodiendum sepulchrum in loco thesauri, vt illum præter intentionem suam inueniret.

CIRCA hoc duplex occurrit dubium. Primum est, quia S. Thom. in sexto Metaph. videtur oppositum dicere eius quod hic dicitur. Nam ibi ait quod multi effectus per accidens in istis inferioribus inueniuntur, si in causam cælestem referantur, inueniuntur non esse per accidens: hic verò dicitur, quod cum aliqui effectus per accidens coniunguntur, talis coniunctionis nulla causa naturalis per se causa esse potest, & per consequens neque virtus corporis cælestis, constat autem hæc opposita esse. videtur etiam opponi ei quod in principio capituli dictum est, scilicet quod potest contingere aliqui præter intentionem hominis, quod tamen est secundum ordinem corporum cælestium. Quod enim est secundum corporum cælestium ordinem, nõ est fortuitum per comparationem ad corpora cælestia.

Secundum dubium est, quia quod hic dicitur de agente per intellectum, scilicet quod potest esse causa inclinationis in hoc totum, scilicet quod iste fodiat sepulchrum & locum thesauri, videtur contradicere ei quod superius dixit, non posse adiuvare hominem in hoc quod datur ei virtus ad inueniendum thesaurum.

AD euidentiam primi dubij considerandum primò est, quod cum nulum ens per accidens, in quantum per accidens est, habeat causam per se, nullus effectus per accidens in comparatione ad vnā causam, potest esse per se in ordine ad aliam causam, nisi amittat in ordine ad ipsam rationem entis per accidens, si autem illam rationem amittat, & accipiat rationem entis per se, potest ab illa causa per se dependere. Considerandum secundo, quod aliter loquendum est de effectibus in euentibus humanis provenientibus, & aliter de effectibus naturalibus. Nam effectus qui fortuitò accidunt hominibus, non solum per accidens se habent ad effectum intentum ab homine, faciuntque cum illo vno per accidens, sed etiam per accidens se habent ad effectum ad quem corpora cælestia inclinant, puta cum homo fodiens sepulchrum præter suam intentionem inuenit thesaurum, ista thesauri inuentio per accidens se habet ad fossionem sepulchri intentam ab homine in quantum huiusmodi, & secundum se ad illam fossionem ordinem non habet tanquam ipsam per se concomitemur: cum videamus pro minori parte illa duo coniungi: per accidens etiam se habet ad illam fossionem sepulchri, in quantum homo ex inclinatione cælesti sepulchrum fodit, cum raro eueniat vt qui ex inclinatione cælesti sepulchrum fodit, inueniat thesaurum. In effectibus autem naturalibus inueniuntur, quod aliqui effectus per accidens se habent ad proprium effectum alicuius causæ, in quantum est illius effectus, qui tamen ad illum effectum vt à causa cælesti provenit, per se ordinem habet: sicut floritio vnus herbæ alia herbæ florentis ad floritionem alterius herbæ, in quantum à virtute illius herbæ provenit, secundum se ordinem non habet: sed per accidens habet ad illam, cum virtus vnus herbæ causalitatem nullam habeat super floritionem alterius: quia tamen potest esse vt ab vna virtute cælesti proveniat vtriusque herbæ floritio eodem tempore, ideo floritio vnus quæ per accidens erat in comparatione ad floritionem alterius, vt est ipsius herbæ proprius effectus, in comparatione ad ipsammet floritionem prout à virtute cælesti dependet, habet ordinem per se eò quod se se aut semper, aut pro maiori parte concomitemur tanquam ab vna & eadem causa provenientem.

Ex his sequitur quod cum in euentibus humanis id quod est vnum per accidens comparatū ad corpus cælestis, non amittit rationem per accidens vniti & coniuncti cum effectu ab homine intento, cum virtus cælestis directè non agat super voluntatem humanam, quæ locum principalis agentis inter causas creatas tenet respectu illius effectus ad quem fortuitus euentus consequitur, & euentus fortuitus raro effectui intento coniungatur, non potest habere vnā causam cælestem per se vtriusque effectus coniunctionem intendentem, sed bene aliqui effectus naturalis qui in ordine ad aliquam causam particularem est vnum cum alio per accidens, potest in ordine ad causam cælestem esse vnum per se cum illo, ideo potest habere vnā causam per se naturalem quæ sit vna virtus cælestis. Ad dubium ergo dicitur primò, quod ea quæ dicit sanctus Thomas in 6. Metaph. non contradicunt iis quæ hic dicuntur, quia ibi loquitur in effectibus naturalibus, in quibus possunt aliqui effectus inueniri, qui licet non habeant ordinem per se in comparatione ad causas particulares, possunt tamen habere ordinem per se in comparatione ad causam cælestem, hic autem loquitur in euentibus humanis in quibus effectus nõ habentes ordinem inter se non possunt habere ordinem per se etiam ad causam cælestem ordinari. Et si aliquando videatur sanctus Thomas dicere quod impossibile est aliquam virtutem cælestem esse causam eorum quæ hic aguntur per accidens, siue casu, siue à fortuna (in quo & effectus naturales videntur includere, vt maxime videtur haberi prima parte, quæst. 116. artic. 1.) dicitur quod non intendit absolute nullum eorum quæ hic per accidens sunt posse à virtute cælesti per se procedere, sed quod in quantum per accidens est & casuale secundum esse quod habet extra intellectum, & nullum per se ordinem habens, non potest reduci in causam cælestem, sed bene in causam intelligentem reduci potest, quæ in illis quæ nullum per se ordinem habent in natura, potest ordinem ponere secundum

quod per intellectum apprehenduntur. Hunc sensum dat ipse intelligere, dum prima parte, quæst. art. 6. loquens de concursu per accidens causæ alicuius impediens actionem alterius causæ, inquit quod talis concursus non habet causam in quantum est per accidens. Dicitur secundo quod ea quæ in principio capituli dicuntur non contradicunt iis quæ hic dicuntur. Dupliciter enim potest intelligi aliquid esse secundum ordinem corporis cælestis. Vno modo directè & per se, quomodo scilicet virtus cælestis aut est causa illius per se immediatè, aut est causa alicuius quod est per se illius causæ sicut floritio herbæ dicitur esse secundum ordinem corporis cælestis. Alio modo occasionaliter tantum & indirectè, quando videlicet non est causa per se illius neque mediata, neque immediata, sed est tantum causa alicuius quod est illius alterius occasio propinqua aut remota. Cum ergo dicitur in principio capituli aliquid posse contingere præter intentionem hominis, quod est secundum ordinem cælestium corporum, intelligitur de ordine cæli occasionaliter, dicitur enim cælum ordinare ad aliquod commodum vel incommodum, in quantum imprimendo in corpus, voluntatem aliquo modo inclinat ad eligendum aliquid, ex quo prouenit sibi utilitas: quem sensum dat intelligere etiam hoc loco, dum inquit homini contingere bene aut malè secundum fortunā ex corpore cælesti, in quantum ab ipso disponitur ad eligendum aliquid cui coniunctum est aliquid commodum vel incommodum: hoc autem non repugnat ei quod dictum est tale commodum vel incommodum fortuitum esse ad cælum relatum, quum autem probatur, quia quod est secundum ordinem corporum cælestium, non est fortuitum per comparationem ad ipsa: dicitur quod illud est verum de eo quod est secundum ordinem ipsorum directè & per se, nõ autem de eo quod est secundum ordinem ipsorum occasionaliter. Ad secundum dubium respondetur, quod dupliciter potest intelligi inclinari hominem ad illud totum. Vno modo accipiendo virtutem per quam habeat ordinem ad illius totius effectus productionem: & ad hunc sensum intelligitur quod dictum est superius, non posse dari homini virtutem ad inuentionem thesauri, quæ scilicet sit virtus executiva in membris existens. Alio modo ex eo quod ad totum effectum mouetur ex intentione alicuius causæ mouentis, licet non totus effectus sit secundum propriam ipsius intentionem, sed tantum aliqua pars eius: & sic intelligitur hoc loco, constat autem hæc oppositionem non habere. Secundum quod dubitari posset. Quia enim dictum est hominem esse bene fortunatum ex cælo & ex deo, querere aliquis posset an homo dicatur ex cælo vniuersaliter fortunatus, ita scilicet quod in sua natura habeat impressionem cælestem ad eligendum semper vel in pluribus aliqua quibus commoda coniungantur per accidens. Respondet S. Thom. quod ex vna virtute cælesti nõ potest quis esse vniuersaliter bene fortunatus, sed solum quantum ad hoc vel ad illud, quia natura non ordinatur nisi ad vnum: ea autem secundum quæ accidit homini bene vel malè secundum fortunam, nõ sunt reducibilia in aliquid vnum, sed sunt infinita & indeterminata, vt secundo Physicorū dicitur, & ad sensum patet: sed bene potest esse vniuersaliter fortunatus, ita quod ex vna cælesti inclinatione inclinatur ad eligendum aliquid cui per accidens coniungatur aliquid commodum, & ex alia inclinatione aliud, & ex tertia tertium, & sic de aliis. Ex vna verò diuina dispositione potest homo ad omnia dirigi, & per consequens esse vniuersaliter bene fortunatus.

AD euidentiam huius responsionis considerandum est, quod differt virtus naturalis corporum cælestium à virtute diuina, quia Deus aliqua in inferioribus ordinat & disponit. Virtus enim cælestis cum sit naturalis, non potest vna existens ad multa inclinare quæ in aliquid vnum per se non vniuntur, quia virtus nature ad vnum tendit: virtus autem diuina quæ res ordinat, est sua conceptio qua vniuersaliter cuncta disponit: & quia Deus vnico conceptu omnia apprehendit & intuetur, atque distincta & multa in vnum ordinat: ideo vnica dispositione omnia prouidet & gubernat. propter hoc bene dicitur quod per vnica virtutem, cælestem non potest homo esse vniuersaliter bene fortunatus, quasi ex vnica impressione cælesti inclinatur semper ad eligendum vtilia, sed bene ex vna diuina dispositione & ordinatione potest homo esse ordinatus ad eligendum semper aut pro maiori parte ea quæ sibi vtilia sunt: & sic esse vniuersaliter bene fortunatus, dū ad omnes suas electiones, aut ad maiorem partem ipsam præter eius intentionem aliqua commoda consequuntur. Ex his quæ dicta sunt, patet non esse omnino remouendum quin homo possit ex cælo bene aut malè fortunatus dici, vt voluit Ioannes Picus, vir alioquin omnifariam eruditissimus. Nec ratio quā assumpsit ex hoc capite, hoc probat, quia videlicet effectus fortuitus cum effectu intento non est vnum per se, sed tantum per accidens: effectus autem qui est vnus per accidens, non potest in vnā causam naturalem reduci. Nā, vt exposuimus, ex hac ratione non inferitur, nisi quod aggregatum effectui intento & fortuito non est ab aliqua virtute cælesti: & per consequens quod non potest sic aliquis dici ex cælo fortunatus quasi ad illud totū ex syderum impressione inclinatur: quod vtrique concedimus, & est de mente S. Thom. sed per hanc rationem non probatur non posse hominem esse occasionaliter à cælo & siderum positione fortunatum, in quantum ex aliquo siderum afflatu ad aliquas electiones occasionaliter inclinatur, ad quæ aliqua sequuntur commoda. imo vult sanctus Thomas hominem hoc pacto posse dici ex corporum cælestium impressione fortunatum. Et ad hunc sensum intelligenda sunt verba Augustini quinto De ciuitate dei iniquitatis, non vique quaque absurdè dici posse ad solas corporum differentias afflatus quosdam valere sydereos, ex quibus videlicet corporum differentis huiusmodi actiones occasionari possunt.

De fato, an sit, & quid sit.

Caput 93.

X his autem quæ præmissa sunt, apparet quid sit de fato sentiendum.



Videntes enim homines multa in hoc mūdo per accidens contingere, si causæ particulares considerentur, posuerunt quidam quod nec

Idem est part.  
quæst. 116.



nec etiam ab aliquibus superioribus causis ordinentur, & his videbatur fatum esse nihil omnino. Quidam verò in aliquas ea altiores causas reducere sunt conati, ex quibus tamen cum quadam dispositione ordinatè procedant: & hi fatum posuerunt, quasi ea quæ videntur à casu contingenter, sint ab aliqua causa effata siue præloquuta & præordinata vt essent. Horum autem quidam omnia quæ hîc accidunt à casu contingere, reducere sunt conati sicut in causis in cælestia corpora: etiam electionis humana dispositione syderum cui omnia cum quadam necessitate subdi ponebant, fatum appellantes. quæ quidem positio impossibilis est & à fide aliena, vt ex superioribus patet.

Cap. 71. & seq.

Lib. 4. de Civ. sol. Prosa 4.

Quidam verò in dispositione diuinæ prouidentie omnia reducere voluerunt quæcumque in his inferioribus casu contingere videntur. vnde omnia fato agi dixerunt, ordinationem quæ est in rebus ex diuina prouidentia, fatum nominantes. Vnde Boëtius dicit, quòd fatum est inhærens rebus mobilibus dispositio, per quam prouidentia suis quæque necit ordinibus. In qua fati descriptione dispositio pro ordinatione ponitur. Rebus autem inhærens ponitur, vt distinguatur fatum à prouidentia. nam ipsa ordinatio secundum quòd in mente diuina est, nondum rebus impressa, prouidentia est: secundum verò quòd iam est explicata in rebus, fatum nominatur. Mobilibus autem dicit, vt ostendat quòd ordo prouidentie à rebus contingentiam & mobilitatem non aufert, vt quidam posuerunt. Secundum hanc ergo acceptionem, negare fatum est prouidentiam diuinam negare. Sed quia cum infidelibus nec nomina debemus habere communia, ne ex consortio nominum possit sumi erroris occasio: nomine fati non est à fidelibus liberè vtendum, ne videamur illis assentire, qui malè de fato senserunt, omnia necessitati syderum subiicientes. Vnde Augustinus dicit in quinto de ciuitate Dei: Si quis virtutem vel potestatem Dei nomine fati appellat: sententiam teneat, linguam corrigat. Et Gregorius Homel. 10. dicit secundum eundem intellectum: Absit à fidelium mentibus, vt fatum aliquid esse dicant.

\* Cap. 1.

Super Cap. 93.



**E**RTIVM quod infert S. Thom. ex prædictis, est quid de fato sit sentiendum. Circa hoc autem duo facit. Primò remouet falsas opiniones de fato, secundò, veram opinionem ponit. Quantum ad primum tangit duas opiniones. Prima est eorum qui fatum nihil omnino esse dixerunt, eò quòd ea quæ per accidens eueniunt à causis particularibus, à nulla superiori causa ordinari putabant. Aduerte quòd hanc opinionem Augustinus in quinto de ciuitate Dei attribuit Tullio, qui vt in superioribus est ostensum, vifus est in libris de Diuinatione prouidentiam negare & fatum, præsertim circa res humanas. Secunda est illorum qui posuerunt fatum aliquid esse, dicentes ea quæ videntur à casu contingere, esse ab aliqua altiori causa præordinata vt essent: & ista omnia etiam electiones humanas, conati sunt in corpora cælestia tanquam in causas reducere, fatumque appellabant ipsam dispositionem syderum, cui omnia cum quadam necessitate subdi ponebant, sed hanc positionem impossibilem esse ex superioribus constat: vbi scilicet ostensum est, ea quæ ad intellectum & voluntatem pertinet, non subdi directè corporibus cælestibus, & quòd non omnia etiam corporalia à corporibus cælestibus de necessitate proueniunt. Item quæ ea quæ per accidens sunt, & fortuita, non possunt in vnam naturalem causam reduci, qualis est virtus corporis cælestis. Quantum ad secundum ponit opinionem veram, & ait quòd hi qui ea quæ casu eueniunt, in dispositionem diuinæ prouidentie reducerunt, dixerunt ordinationem quæ est in rebus ex diuina prouidentia, esse fatum. Ostendit autem hoc per diffinitionem Boëtij de fato positam quarto de Consol. inquitis quòd fatum est inhærens rebus mobilibus dispositio, per quam prouidentia suis quæque necit ordinibus. Exponens autem S. Thom. hanc diffinitionem, ait quòd dispositio pro ordinatione ponitur, dicitur rebus inhærens, vt distinguatur à prouidentia quæ est ordinatio in mente diuina existens, nondum rebus impressa, dicitur etiam mobilibus, vt ostendatur quòd ordo prouidentie à rebus contingentiam & mobilitatem non aufert, vt quidam posuerunt. Hoc itaque modo, inquit S. Thom. negare fatum, est negare diuinam prouidentiam. Veruntamen quia cum infidelibus nec nomina debemus habere communia, nomen fati non est à fidelibus in vsum sumendum, ne videamur illis assentire qui omnia necessitati syderum subiecerunt. Confirmatur autem Aug. 5. de Civit. & Greg. in homilia Epiphaniæ.

CIRCA expositionem diffinitionis datæ à Boëtio de fato, considerandum primò, quòd cum dispositio duo significet, scilicet, qualitatem quandam, secundum quòd habitus & dispositio ponitur prima species qualitatis, & ordinem qui est relatio: fatum dicitur dispositio non secundum quòd nomen dispositionis significat qualitatem, sed secundum quòd significat ordinem. nam Aug. fatum seriem causarum nominat, id est ordinem: propter hoc dicit S. Thom. quòd in hac diffinitione dispositio pro

ordinatione ponitur. Considerandum secundò, quòd per ordinationem diuinam in rebus explicatam duo possumus intelligere, scilicet aut ordinem effectuum diuinæ prouidentie ad ipsam prouidentiam, secundum quòd in rebus effectum est id quòd diuina prouidentia ordinauit: aut ordinem causarum secundarum ordinarum ad aliquos effectus diuinæ prouidentie producendos. Quum ergo inquit S. Thom. ordinationem diuinam secundum quòd est rebus impressa, esse fatum: intendit ordinationem impressam, non quidem ipsi inferioribus effectibus, sed causis mediis quibus ordine quodam diuinæ prouidentie dispositio ad inferiora descendit, vt patet 1. parte, quæst. 116. artic. 2. Nam fatum habet aliquo modo rationem causæ respectu inferiorum effectuum, ratione, scilicet, ipsarum causarum superiorum ordinarum, licet ad diuinam prouidentiam comparetur vt eius effectus: propter quòd (vt inquit S. Thom. 1. sent. dist. 30. q. 2. art. 1. ad quintum) dicitur fatum quasi quoddam effatum diuinæ ordinationis, sicut verbum vocale est quoddam effatum interioris conceptus. Considerandum tertio, quòd fatum ipsum siue series & ordo causarum mediarum ad productionem inferiorum effectuum prouisorum, secundum seipsum quidem mobile est & variabile ac impedibile, quum corporales effectus in inferioribus fiant à corporibus cælestibus variabiliter & contingenter: & multo magis electiones humanas, propter hoc inquit S. Thom. dixisse Boëtium ipsum mobilibus inhætere, vt ostenderet diuinæ prouidentie ordinem qui ab ipsa per causas medias ad inferiora peruenit, non auferre contingentiam & mobilitatem à rebus. Secundum autem quòd subest diuinæ prouidentie, immobilitatem & necessitatem forsitur, vt inquit S. Thom. 1. parte q. allegata art. 3. non quidem absolutam, sed ex suppositione & secundum modum qui diuinæ prouidentie subest, scilicet vt contingenter & defectibiliter causet. Secundum quòd in superioribus dictum est hanc conditionalem esse veram, si Deus hoc futurum esse præsciuit, hoc erit, sed de his satis dictum est in præcedentibus, & in cap. seq. dicitur.

ATTENDENDVM postremò, quòd tres modos acceptionis fati tangit hoc loco S. Thom. Vnus est secundum quòd ordinatio effectuum in mente diuina existens, quæ dicitur prouidentia, fatum nuncupatur, sed hoc (vt dicitur prima parte vbi supra) causaliter dicitur, non essentialiter. Alter est secundum quòd ipsa ordinatio secundarum causarum ad producendos effectus prouisos, dicitur fatum. Tertius verò est prout fatum dispositio syderum dicitur, cuncta quadam necessitate producens. Modus autem hic duos illos modos cõplectitur quos Ioannes Picus in quarto aduersus astrologos libro ponit, quorum vnus est, vt fatum dicatur causarum series ordoque nexu necessario cuncta producens: alter verò est, vt ipsa syderum constitutio, cum quid aut nascitur, aut concipitur, aut inchoatur, fatum nominatur. Horum enim modorum secundum sub primo contineri constat, veluti particulare sub vniuersali, & pars in toto continetur. esse enim syderum constitutionem, cum aliquid aut nascitur, aut concipitur, in hoc quòd est esse seriem causarum necessariò cuncta producẽtem, manifestò comprehenditur. Præter modos prædictos alium adducit ipse Picus modum fati ex sententia Alexandri ex Aphrodisiæ in libro de fato ad principes Seuerum & Antonium, vt ipsa scilicet natura quæ aliud ab electione principium est, fatum dicatur, in qua significatione dici potest quòd ignis fato calefacit, & sol illuminat: & cum quis dissoluto corporis temperamento moritur, quòd fato moritur: cum verò ex equo precipitatur vel gladiis occiditur, non moritur fato: in quem modum de Didone Virgilius dicit: Sed quia nec fato, merita nec morte peribat. Sed licet quintuplex huius nominis fatum significatio sit, visitata tamen apud eos qui fati nomine vtuntur, vt præcipue sunt Stoici, significatio est, syderum dispositio in qua quisque natus est vel conceptus, cuncta quæ homini eueniunt, siue per se, siue per accidens & fortuitò, necessariò & inuitabiliter producens. & ideo licet catholicis fati nomine ipsam diuinam prouidentiam intelligat, aut dispositionem secundarum causarum ex diuina prouidentia constitutam, ne tamen ad visitatam significationem ipsum nomen fati videatur assumere, etiam ab ipso nomine iuxta August. consilium debet abstinere: atque cum de humanis euentibus sermo incidit, debet potius dicere cuncta diuina prouidentia regi quàm fato.

Cap. 4.

De certitudine diuinæ prouidentie.

Cap. 94.



**D**IFFICULTAS autem quædam ex præmissis suboritur. Si enim omnia quæ hîc inferior aguntur, etiam contingentia prouidentie diuinæ subduntur, oportet (vt videtur) vel prouidentiam non esse certam, vel omnia ex necessitate contingere. ostendit enim Philosophus in sexto \* Metaphysicæ, quod si omnè effectum ponimus habere aliquam causam per se: & iterum quod quælibet causa per se posita, necessariò sit effectum poni: sequetur quòd omnia futura ex necessitate eueniant. Si enim quilibet effectus habeat causam per se, quodlibet futurum erit reducere in aliquam causam præsentem vel præteritam: vt si quærat de aliquo vtrū sit occidendus à latronibus, huiusmodi effectum præcedit causa, scilicet occurus latronum. hunc autè effectum præcedit alia causa, scilicet quòd ipse exiit domum. hunc autem adhuc alia, quòd vult quærere aquam, quam quidem præcedit causa, scilicet sitis: & hæc causatur ex comestione salforū quæ iam est vel fuit. si ergo causa posita necesse est effectum poni: necesse est quòd si comedit salia, quòd sitiat. & si sitit, quòd velit quærere aquam. & si vult quærere aquam, quòd exeat domum. & si

\* Text. Cõ. 7.

Contra Gent.

I



exeat domum, quòd occurrant ei latrones: & sic occurrant, quòd occidatur: ergo de primo ad vltimum necesse est hunc comedentem salia à latronibus occidi.

Concludit ergo Philosophus non esse verum quòd posita causa necesse est effectum poni: quia aliqua causa est quæ potest deficere. neque iterum verum est quòd omnis effectus habeat per se causam, quia quod est per accidens, scilicet istum volentem aquam querere, occurrere latronibus, non habet aliquam causam. Ex hac ratione apparet quòd non omnes effectus reducuntur in aliquam causam per se præteritam vel præsentem, quæ posita necesse sit poni effectum ex necessitate contingere. Vel ergo oportet dicere quòd non omnes effectus diuinæ providentiæ subdantur: & sic diuina providentia non est de omnibus: quòd prius fuit ostensum: vel quòd non est necessarium quòd providentia posita effectus eius ponatur: & sic providentia non est certa: aut est necessarium quòd omnia ex necessitate contingant. providentia enim non solum est in præterito, sed æterno: quia nihil potest esse in Deo non æternum.

2. Adhuc, Si diuina providentia est certa, oportet hanc conditionalem esse veram: si Deus providit hoc, hoc erit. huius autem conditionalis accidens est necessarium, quia est æternum: ergo consequens est necessarium. Oportet enim omnis conditionalis consequens esse necessarium, cuius antecedens est necessarium: & hoc ideo quia consequens est sicut conclusio antecedentis, quicquid autem ex necessario sequitur, oportet esse necessarium: sequitur igitur si diuina providentia est, quòd omnia ex necessitate proveniant.

3. Amplius, Si aliquid est prouisum à Deo, puta quòd talis sit regnaturus: aut ergo possibile est accidere quòd non regnet, aut non. siquidem non est possibile ipsum non regnare, ergo impossibile est ipsum non regnare: ergo necessarium est eum regnare: si autem possibile est eum non regnare, possibili autem posito non sequitur aliquid impossibile: sequitur autem diuinam providentiam deficere: non est igitur impossibile diuinam providentiam deficere, aut igitur oportet si omnia sint prouisa à Deo, quòd diuina providentia non sit certa, aut quòd omnia ex necessitate eueniant.

4. Item, Argumentatur sic Tullius in libro de Diuinatione. \* Si omnia à Deo prouisa sunt, certus est ordo causarum. Si autem hoc verum est, omnia fato aguntur: quòd si omnia fato aguntur, nihil est in nostra potestate: nullum est ergo volutatis arbitrium: sequitur ergo quòd tollatur liberum arbitrium, si diuina providentia sit certa: & eodem modo sequitur quòd omnes causæ contingentes tollantur.

5. Præterea, Diuina providentia causas medias non excludit, ut supra ostensum est. inter causas autem sunt aliquæ contingentes, & deficere potentes: deficere igitur potest providentiæ effectus. non est igitur Dei providentia certa. Oportet autem ad horum solutionem aliqua repetere ex his quæ supra posita sunt: ut manifestum fiat quòd nihil diuinam providentiam effugit, & quòd ordo diuinæ providentiæ omnino immutari non potest: nec tamen oportet quòd ea quæ ex providentia diuina proveniunt, ex necessitate cuncta proveniant.

Primò namque considerandum est, quòd quum Deus sit omnium existentium causa, rebus omnibus conferens esse, oportet quòd suæ providentiæ ordo omnes res complectatur: quibus enim esse largitus est, oportet quòd & conseruationem largiatur, & perfectionem in vltimo fine conferat. Quum autem in quolibet providente duo considerari oporteat, scilicet ordinis præmeditationem, & præmeditati ordinis institutionem in rebus quæ providentiæ subdantur, quorum primum ad cognoscitiuam virtutem pertinet, aliud verò ad operatiuam: hoc inter utramque differt, quòd in præmeditando ordinem, tantò est providentia perfectior, quantò magis usque ad minimam ordo providentiæ potest produci. Quod enim nos omnium particularium ordinem præmeditari non possu-

mus circa ea quæ sunt disponenda à nobis, ex defectu nostræ cognitionis provenit, quæ cuncta singularia completi non potest. tantò autem unusquisque in providendo solertior habetur, quantò plura singularia præmeditari potest. cuius autem prouisio in solis vniuersalibus consisteret, parum de prudentia participaret. Simile autem in omnibus operatiuis artibus considerari potest. Sed in hoc quòd ordo præmeditatus rebus imponitur, tantò est dignior & perfectior providentia gubernantis, quantò vniuersalior est, & per plura ministeria suam explicat præmeditationem: quia & ipsa ministeriorum dispositio magnam partem prouisi ordinis habet. oportet autem quòd diuina providentia in summo perfectionis consistat, quia ipse est simpliciter & vniuersaliter perfectus, ut in primo

libro \* ostensum est. in providendo igitur suæ sapientiæ præmeditatione sempiterna omnia ordinat, quantumcunque minima videatur. quæcunque verò rerum aliquid operantur, instrumentaliter agunt ab eo mota, & ei obtemperando ministrant ad ordinem providentiæ ab æterno, ut ita dicam, excogitatum explicandum in rebus. Si autem omnia quæ agere possunt, necesse est ut in agendo ei ministrent: impossibile est quòd aliquod agens diuinæ providentiæ executionem impediatur sibi contrarium agendo. Neque etiam possibile est diuinam providentiam impediri per defectum alicuius agentis vel patientis, cum omnis virtus actiua & passiua sit in rebus secundum diuinam dispositionem causata. Impossibile est etiam quòd impediatur diuinæ providentiæ executio per providentis immutationem, cum Deus sit omnino immutabilis, ut

supra \* ostensum est. relinquitur ergo quòd diuina prouisio omnino cassari non potest. Deinceps autem considerandum est: quòd omne agens intendit ad bonum & melius quòd potest, ut supra \* ostensum est. bonum autem & melius non eodem modo considerantur in toto & in partibus. in toto enim bonum est integritas quæ ex partium ordine & compositione relinquitur. vnde melius totum quòd sit inter partes eius disparitas, sine qua ordo & perfectio totius esse non potest, quam quòd omnes partes essent æquales, vnaquæque earum perueniente ad gradum nobilissimam partis. quælibet autem pars inferioris gradus in se considerata melior esset si esset in gradu superioris partis, sicut patet in corpore humano: dignior enim pars esset pes hominis, si oculi pulchritudinem & virtutem haberet. corpus autem totum esset imperfectius, si ei pedis officium deesset. ad aliquid igitur tendit intentio particularis agentis & vniuersalis. nam particulare agens tendit ad bonum partis absolute, & facit eam quantò meliorem potest: vniuersale autem agens tendit ad bonum totius, vnde aliquis defectus est præter intentionem particularis agentis qui est secundum intentionem agentis vniuersalis: sicut patet quòd generatio foemina est præter intentionem naturæ particularis, id est, huius virtutis quæ est in hoc semine, quæ ad hoc tendit, quod perficiat conceptum quanto magis potest. Est autem de intentione naturæ vniuersalis, id est, virtutis vniuersalis agentis ad generationem inferiorum, quòd foemina generetur, sine qua generatio multorum animalium compleri non posset. & eodem modo corruptio & diminutio & omnis defectus est de intentione naturæ vniuersalis, non autem naturæ particularis: nam quælibet res fugit defectum, tendit verò ad perfectionem quantum in se est. Patet ergo quod de intentione particularis agentis est quòd effectus suus fiat perfectus quantumcunque potest in genere suo. de intentione autem naturæ vniuersalis est quòd hic effectus fiat perfectus tali perfectione, puta perfectione masculi: ille autem perfectione foemina. Inter partes autem totius vniuersi prima distinctio apparet secundum contingens & necessarium. Superiora enim in entibus sunt necessaria & incorruptibilia & immobilia: à qua quidem conditione tantò magis deficiunt, quantò in inferiori gradu constituuntur, ita quòd infima corrumpuntur quidem quantum ad esse suum: mouetur verò quantum ad suas dispositiones. suos

etiam

\* Lib. 2. b.  
Aug. lib. 5.  
de iust. Dei,  
cap. 9.

Cap. 77.

\* Cap. 28.

\* Lib. 1. c. 13

\* Cap. 3.  
huius lib.



etiam effectus non de necessitate, sed contingenter produ-  
cunt. Quodlibet igitur agens quod est pars vniuersi, in-  
tendit in quantum potest in suo esse & naturali dispositio-  
ne persistere, & suum stabilire effectum. Deus autem qui  
est vniuersi gubernator, intendit quod effectum eius hic  
quidem stabilietur per modum necessitatis, hic autem cōtin-  
genter, & secundum hoc diuersas causas eis adaptat: his quidē  
necessarias, his autem contingentes. cadit igitur sub ordine  
diuinæ providentiæ non solum hunc effectum esse, sed hunc  
effectum esse contingenter, alium autem necessariū. & se-  
cundum hoc quædam eorum quæ diuinæ providentiæ  
subduntur, sunt necessaria, quædā verò contingencia, non  
autem omnia necessaria. Patet ergo quod et si diuina providē-  
tia sit per se causa huius effectus<sup>d</sup> futuri, est etiā præsens  
& præteriti: magis autē ab æterno: non tamen sequitur, ut  
prima ratio procedat, quod effectus sit de necessitate futu-  
rus. Est enim diuina providentia per se causa quod hic ef-  
fectus contingenter proueniat, & hoc cassari non potest.  
Ex quo etiā patet, quod hæc cōditionalis est vera, si Deus  
prouidit hoc futurum, hoc erit: sicut secunda ratio pro-  
cedebat. sed sic erit sicut Deus prouidit illud esse futurū:  
prouidit autem illud esse futurum contingenter: sequitur  
ergo infallibiliter quod erit cōtingenter, non necessario. Pa-  
tet etiam quod hoc quod ponitur prouisum esse a Deo ut sit  
futurum, si sit de genere contingentium, poterit non esse  
secundum se considerandum. sic enim prouisum est ut sit  
contingens potens non esse: non tamen est possibile quod  
ordo providentiæ deficiat quin contingenter eueniant. &  
sic tertia ratio soluitur. Vnde potest poni quod iste non sit  
regnaturus, si secundum se cōsideretur: non autem si cō-  
sideretur ut prouisum. Illud autem quod Tullius obiicit,  
secundum præmissa friuolum apparet. Cum enim diuinæ  
providentiæ non solum subdantur effectus, sed etiam cau-  
sæ & modi essendi, ut ex præmissis patet: nō sequitur quod  
si omnia Dei providentia aguntur, quod nihil sit nobis. sic  
enim sunt à Deo prouisa, ut per nos liberè fiant. Neque  
etiam defectibilitas causarum secundarum quibus me-  
diantibus effectus diuinæ providentiæ producuntur, cer-  
titudinem providentiæ potest auferre, ut quinta ratio pro-  
cedebat: cum ipse Deus in omnibus operetur: & pro suo  
arbitrio voluntatis, ut supra ostensum est. vnde ad eius pro-  
videntiam pertinet ut causas defectibiles quandoque de-  
sinat deficere, quandoque eas absque defectu conseruet.  
Ea verò quæ ad necessitatem prouisorum à Deo possent  
assumi ex certitudine scientiæ, supra \* soluta sunt, quum  
de Dei scientia ageretur.

## Super Cap. 94.

**P**OSTQUAM ostendit S. Thom. omnia diuinæ providen-  
tiæ subdi, vult de ipsius diuinæ providentiæ qualitate deter-  
minare. Circa hoc autem duo facit. Primò agit de ipsius cer-  
titudine, secundò de eius ratione cap. 97. Circa primum duo  
facit. Primò ostendit quod diuina providentia sit certa. Se-  
cundo quod eius certitudo vitilatem orationis non excludit cap. 98.  
Circā primum tria facit. Primò ponit ea quæ videntur difficultatem in hac  
re facere. Secundo propositum probat: tertio ad obiecta respondet. Quan-  
tum ad primum tangit quinque quæ videntur difficultatem afferre. pri-  
mum est, quia probat philosophus sexto Metaph. quod si ponamus omnē  
effectum habere causam per se, & quod qualibet causa per se posita, ne-  
cessè est effectum poni: sequitur quod omnia futura de necessitate eue-  
niant, ergo oportet dicere aut quod non omnia diuinæ providentiæ sub-  
duntur, cuius oppositum ostensum est supra: aut quod providentia posita  
non est necesse eius effectum poni, & per consequens quod non est certa,  
aut quod omnia de necessitate contingant, cum providentia sit ab æter-  
no. Secundum est, quia tunc hæc cōditionalis erit vera: Si Deus hoc pro-  
vidit, hoc erit. & per consequens sicut antecedens est necessarium, cum  
sit æternum, ita & consequens necessarium erit: oportet enim omnis con-  
ditionalis consequens esse necessarium: cuius antecedens est necessariū:  
& sic sequitur quod omnia ex necessitate proueniant. Tertium est, si prouisum  
est à Deo quod aliquis sit regnaturus, aut possibile est quod regnet, aut nō.  
si secundū, ergo impossibile est ipsum non regnare. ergo necesse est ipsum  
regnare. si primū, possibili posito in esse, nullū sequitur impossibile, sequi-  
tur autem diuinā providentiam deficere. ergo hoc non est possibile, & sic  
oportet si omnia à Deo prouisa sunt, aut quod providentia non sit certa,  
aut quod omnia de necessitate eueniant. Quartum est, quia ut argumen-  
tatur Tullius in lib. 1. de Dignatione: Si omnia sunt prouisa, omnia agun-  
tur fato, & nullum erit voluntatis arbitrium, & eadem ratione omnes cau-  
sæ contingentes tollentur. Quintum est, quia providentia causas medias

contingentes & deficere valentes non tollit. ergo providentiæ effectus  
deficere potest, ergo, &c.

Quantum ad secundum, duæ ponuntur conclusiones. Prima est, Diui-  
na prouisio omnino cassari non potest. Probatur duobus suppositis quæ  
in præcedentibus sunt ostensa. Vnum est, quod diuinæ providentiæ ordo  
omnes res complectitur, cum sit omnium existentium causa omnibus re-  
bus conferens esse, & per consequens omnibus conseruationem largiēs,  
& perfectionem in ultimo fine conferens, qui scilicet est assimilari Deo.  
Alterum est, quod cum tanto perfectior sit providentia in præmeditando or-  
dinem, quanto magis vsque ad minima ordo providentiæ potest perdu-  
ci, in hoc verò quod ordo præmeditatis rebus imponitur, sit dignior &  
perfectior providentia gubernantis quanto vniuersalior est, & per plura  
ministeria suam explicat præmeditationem, quia & ipsa ministeriorum  
dispositio magnam partē prouisi ordinis habet, oportet cum diuina pro-  
videntia in summo perfectionis consistat, ut in prouidendo, suæ sapiētiz  
præmeditatione sempiterna, omnia ordinet quantumcumque minima vi-  
deantur: quæcunque verò aliquid operantur, instrumentaliter agant ab  
eo mota, & ei obtemperando ministrent ad ordinem providentiæ ab  
æterno (ut ita dicatur) excogitarum, explicatum in rebus.

ADVERTE, quod addit S. Thom. (ut ita dicatur) ut det intelligere  
quod non est proprie dictum ordinem providentiæ diuinæ esse excogi-  
tatum: cum in Deo non sit virtus cogitativa, sed impropria locutio est  
nominando ipsum actum intellectus, cogitationem ex aliqua similitudi-  
ne cogitativæ ad intellectum. Istis suppositis arguitur sic, Diuinæ pro-  
videntiæ executio impediri non potest, eo quod aliquid agens impediatur si-  
bi contrarium agendo, cum omnia quæ agere possunt, necesse sit ut ei in  
agendo ministrent: neque etiam propter defectum alicuius agentis aut  
patientis, cum omnis virtus actiua & passiva sit in rebus secundum diui-  
nam dispositionem causarum: neque denique per ipsius providentiæ muta-  
tionem, cum Deus sit omnino immutabilis, ut supra est ostensum. ergo  
diuina prouisio omnino cessari non potest.

AD huius evidentiā considerandum est primò, quod aliter loquen-  
dum est de diuina virtute, & aliter de virtute corporum celestium, licet  
utraque sit vniuersalis. Diuinæ enim virtuti quia omnibus causis dat vir-  
tutem agendi, & omnes causas sunt eius instrumenta, nihil resistere potest  
in contrarium ipsius virtutis agendo. Si enim in cōtrarium ipsius ageret,  
iam non esset eius instrumentum, quia non ageret ut motum à Deo. Si-  
militer sibi non potest deficere virtus actiua aut passiva quibus operetur  
tāquam causis mediis, si Deus velit per causas medias operari, cum ipse  
infinitæ suæ potentiz omnibus causis secundis eam quam voluerit pos-  
sit virtutem tribuere: virtuti autem celestis particulari potest aliqua causa  
resistere sibi contrarium agendo, puta si aliqua stella inclinet ad imbrem,  
potest esse aliqua causa illi resistens ad siccitatem operando. vniuersali  
etiam virtuti celestis corporis resistere potest liberum arbitrium, quod  
(ut superius est ostensum) virtuti celesti directè non subditur. Similiter  
potest deficere virtuti celesti causa media sufficiens, puta si inclinet vir-  
tus celestis ad generationem masculi, potest isti influxui deficere in ali-  
qua generatione virtus actiua hominis generantis, quando videlicet vir-  
tus hominis generantis quæ cælum virtutis, fuerit debilis & impotens: po-  
test denique virtuti celesti deficere conueniens dispositio materiæ quam  
suæ actioni præsupponit, cum sit agens corporeum limitatæ virtutis. ideo  
ordo virtutis celestis ad aliquem effectum multipliciter cassari potest &  
impediri: ordo autem diuinæ providentiæ cassari non potest: & propte-  
rea iste ordo est certus, ille verò incertus & fallibilis. Considerandum se-  
cundo ex doctrina S. Thom. Verit. quæst. 6. artic. 2. quod alia est certitudo  
cognitionis, & alia certitudo ordinis. certitudo enim cognitionis atten-  
ditur quantum ad hoc quod ista existimatur de re sicut est: certitudo ve-  
rò ordinis attenditur in hoc, quod causa infallibiliter suum effectum pro-  
ducit. Cum ergo dicitur quod diuina providentia est certa, intelligitur  
quod effectus quilibet diuinæ providentiæ infallibiliter eueniat: & hoc  
significauit S. Thom. cum dixit quod diuina prouisio omnino cassari non  
potest. dicitur enim ordinatio & prouisio aliqua cassari posse, quando  
impeditur potest, ne quod ordinatum est eueniat.

SED occurrit dubium, Videretur enim S. Thom. oppositum eius quod  
hic dicitur in q. Verit. q. 6. artic. 1. & 2. Sent. dist. 40. q. 1. artic. 2. tenere. Ibi enim  
tenetur quod prædestinatio à providentia in hoc differt, quod prædestina-  
tio respicit ordinem saluandorum in beatitudinem & euentum ordinis:  
vnde non est nisi eorum qui gloriam consequuntur. providentia vero re-  
spicit ordinem in finem tantum, non autem euentum ordinis, quia non  
omnia quæ ad finem ordinantur, finem consequuntur. omnes enim ho-  
mines per diuinam providentiam ordinantur ad beatitudinem, & tamen  
non omnes beatitudinem consequuntur. Ex his enim videtur velle quod  
ordo diuinæ providentiæ non est certus & infallibilis, imò quod cassa-  
ri potest.

Respondetur & dicitur primò, quod aliter loquendum est de prou-  
dentia quantum ad communem rationem providentiæ, & aliter quan-  
tum ad modum aliquem ipsius particularem: sicut aliter loquendum est  
de animali quantum ad communem rationem animalis, & aliter quātum  
ad aliquam eius determinatā speciem. Si loquamur de providentia quan-  
tum ad communem eius rationem in quantum absolute providentia est,  
sic providentia respicit ordinem in finem tantum, non autem euentum,  
& finis consecutionem: ideo de intellectu eius nihil aliud est quàm ratio  
ordinis vniuersalisque rei in suam finem particularem, & in communem  
finem qui est diuina bonitas. Si autem loquamur de providentia quātum  
ad aliquem particularem eius modum, sic non inconuenit quod etiam  
euentum & consecutionem finis recipiat, sicut patet in hoc particulari  
modo providentiæ, qui dicitur prædestinatio, & in illo modo prouiden-  
tiæ quo res necessariæ prouidentur, ac etiam in illo modo quo vult ali-  
quod contingens finem suum consequi. Dicitur secundo, quod est vni-  
uersaliter verum ordinem diuinæ providentiæ in rebus prouisus possum,  
eo modo quo ad diuinam providentiam spectat, certum esse & infallibi-  
lem, & cassari non posse, ut hic dicitur, & etiam habetur 1. parte. q. 22. artic. 2.  
ad primum, & artic. 4. Item quæst. 23. artic. 6. Item quæst. 103. q. 7. Quum enim  
dupliciter aliqua ordinentur in finem à diuina providentia, vno modo  
quia per diuinam providentiam determinatur tantum ut habeant ea  
quibus ad suum finem peruenire possint: alio modo, quia non solum per



ipsam determinatur ut habeant ea quibus ad finem possint peruenire, sed etiam ut ad ipsum finem perueniant: utroque modo determinatio diuina prouidentia est certa & infallibilis. ea enim quae sic ad finem ordinantur, ut non solum habeant ea quibus finem assequi possint, sed etiam ut ipsum finem assequantur, utrumque infallibiliter consequuntur. ea uero quae solum primo modo ordinantur ad finem, infallibiliter consequuntur ea quibus suum finem assequi possint. Quod ergo hic dicitur, intelligitur ad hunc sensum, quod infallibiliter euenit id quod per diuinam prouidentiam est ordinatum, eo modo quo ordinatum est & prouisum. In quaest. autem de Verit. & in primo Sententiarum loquitur sanctus Thomas de prouidentia, quod ad id quod conuenit sibi secundum communem rationem prouidentia, & intelligitur quod non omnia per diuinam prouidentiam ordinata ad aliquem finem consequuntur finem suum, sed bene omnes ordinati ad beatitudinem per diuinam praedestinationem beatitudinem consequuntur: quia aliqua primo modo tantum per prouidentiam diuinam ordinantur ad finem: & sic ordo ille ad finem est fallibilis per comparationem ad causas particulares, non autem per comparationem ad diuinam prouidentiam, quae non ordinauit ut illi qui finem non consequuntur, consequerentur finem, sed hoc tantum ut haberent conuenientiam ad assequutionem finis. Constat autem quod non contradicunt, prouidentiam non recipere exitum ordinis ad finem respectu omnium quae per diuinam prouidentiam aliquo modo ordinantur ad finem, sed respectu aliquorum recipere ordinem in finem tantum, non autem euentum ordinis, & tamen ordinem intentum eo modo quo est prouisum cessari non posse, sed esse certum & infallibilem. Si autem instetur, quia prouidentia ad voluntatem consequentem pertinet, voluntas autem consequens semper impletur, & sic videtur quod prouidentia euentum ordinis in omnibus respiciat, & consequenter quod dicitur de Verit. erit falsum & retractatum in prima parte, & hoc loco: Respondetur quod cum prouidentia duo includat, scilicet uolitionem finis aliquo modo, & uolitionem ordinis rerum ad finem respectu ordinis rerum ad finem pertinet ad voluntatem consequentem: & sic semper impletur quod est prouisum, quia omne quod est prouisum, ut habeat ordinem ad aliquem finem, illum ordinem sequitur respectu autem finis pertinet ad uoluntatem antecedentem quantum ad aliqua prouisa, ut uult sanctus Thomas Verit. & primo Sententiarum. per prouidentiam enim (ut ibi dicitur, omnes homines ad beatitudinem ordinantur, & tamen non omnes beatitudinem consequuntur, licet quantum ad aliqua etiam ad voluntatem consequentem pertineat. Vnde assumptum falsum est quantum ad prouidentiam respectu finis, si uniuersaliter sumatur. Secunda conclusio est: Ex certitudine & infallibilitate diuinæ prouidentiae non oportet ut omnia quae ex diuina prouidentia eueniunt, de necessitate eueniant. Ad huius autem probationem supponit sanctus Thomas duo. primum est, quod cum omne agens tendat ad bonum & melius quod potest, & bonum ac melius non consideretur eodem modo in toto & partibus, imò melius foret parti si ad gradum superioris partis perueniret: melius autem toti est disparitas inter partes, sine qua ordo & perfectio totius esse non potest, ut in corpore humano declaratur. differentia est inter agens particulare, & agens uniuersale, quia agens particulare tendit ad bonum partis absolute, & facit eam quantum meliorem potest in genere suo: uniuersale autem agens tendit ad bonum totius, unde aliquis defectus est praeter intentionem particularis agentis, qui est secundum intentionem agentis uniuersalis. declaratur in generatione feminae, & in corruptione & diminutione, quae sunt de intentione naturae uniuersalis, id est virtutis uniuersalis agentis, non autem de intentione naturae particularis, quum quaelibet res fugiat defectum, tendat uero ad perfectionem quantum in se est. Secundum suppositum est, quod inter partes uniuersi prima distinctio apparet secundum cōtingens & necessarium. superiora enim in entibus sunt necessaria, incorruptibilia, & immobilia: infima uero corrumpuntur quantum ad esse, mouentur quantum ad suas dispositiones, & suos effectus contingentem producant. Iste suppositus uult sic arguere: Quodlibet agens quod est pars uniuersi, intendit quantum potest in suo esse & dispositione naturali persistere, & suum stabile effectum. Deus autem qui est uniuersi gubernator, intendit quod effectum eius hic quidem stabilizatur per modum necessitatis, hic uero contingenter: & secundum hoc diuersas causas eis adaptat. ergo cadit sub ordine diuinæ prouidentiae non solum hunc effectum esse, sed hunc esse contingenter, alium uero necessarium. ergo quaedam eorum quae diuinæ prouidentiae subduntur, sunt necessaria, quaedam uero contingencia, & non omnia necessaria, ergo, &c. antecedens pro utraque sui parte patet ex suppositis: prima uero & secunda consequentia ex se est manifesta.

CIRCA istam propositionem: Aliquis defectus est praeter intentionem particularis agentis qui est secundum intentionem uniuersalis agentis: considerandum primo, quod intentio proprie loquendo in intellectu alius tantum inuenitur. est enim actus uoluntatis tendentis in finem, quia tamen intentio huiusmodi est inclinatio quaedam uoluntatis consequens apprehensionem rei per modum finis, transumptum est nomen intentionis ad significandum inclinationem formae naturalis in aliquid, & secundum hoc dicitur aliquid esse secundum intentionem naturae uniuersalis, quia uirtus causae uniuersalis ad illud inclinatur, & alia ad ipsum mouet aliquid uero dicitur secundum intentionem naturae particularis, quia uirtus causae particularis ad illud inclinationem habet. Considerandum secundum, quod quia uirtus consequitur formam, non autem materiam (agit enim unum quodque secundum quod est in actu, non autem secundum quod est in potentia) ideo dicitur proprie aliquid esse de intentione naturae, quod est secundum formam inclinationem, non autem quod rei conuenit ratione materiae, licet & id quod rei conuenit ratione materiae, dicatur sibi naturaliter conuenire. corruptio ergo & defectus & diminutio alicuius rei non sunt de intentione ipsius rei, quia non est secundum inclinationem formae, cum forma sit dare esse & perficere, sed bene in aliis quibus ex necessitate materiae sequuntur, & propter hoc illi defectus dicuntur naturales. Nam & materia natura est, ut patet secundo Physicorum, bene ergo hic dicitur, quod corruptio & defectus rei est praeter intentionem naturae siue agentis particularis, licet sit de intentione agentis uniuersalis intendentis multiplicationem indiuiduorum, & conseruationem generationis, quod sine aliquarum rerum corruptione esse non potest, Con-

siderandum tertio ex doctrina S. Thom. 4. Sent. dist. 46. q. 4. art. 4. ad secundum, quod non inconuenit aliquid esse praeter primam intentionem naturae particularis, quod tamen est de secunda intentione ipsius quando scilicet inclinatio uirtutis naturalis primo est ad unum: secundario autem si illud euenire non potest, est ad alterum. Cum ergo hic dicitur formae generationem esse praeter intentionem agentis particularis, intelligitur de prima tantum intentione, non autem de secunda. Nam licet uirtus quae est in semine, prima intentione feratur ad generationem masculinam, tamen si illud aut ex defectu materiae, aut ex quauis alia causa euenire non potest, fertur secundario ad generationem femininam, tanquam ad id quod primo intentio est propinquum.

Quantum ad tertium respondetur obiectionibus factis. Ad primam quidem negatur ista consequentia, diuina prouidentia est causa huius effectus futuri, & est non solum in praesenti & praeterito tempore, sed ab aeterno, ergo talis effectus est de necessitate futurus. diuina enim prouidentia est per se causa quod hic effectus contingenter eueniat, & hoc cassari non potest.

AD VERTE sensum responsionis huius esse, quod non est verum posita causa per se alicuius effectus, quia posita necesse est effectum poni, oportere effectum euenire necessario absolute, sed verum est oportere effectum euenire eo modo quo sub causa continetur. Si enim sit causa effectus quantum ad esse suum absolute, non autem quantum ad modum necessitatis aut contingentiae, utique oportet quod talis effectus de necessitate eueniat absolute: & ad hunc sensum procedit ratio Aristotelis. Si autem sit causa effectus non tantum quantum ad esse, sed etiam quantum ad determinatum modum producendi, scilicet necessitatis aut contingentiae, oportet effectum necessario euenire cum illo modo, quia ergo sub diuina prouidentia continentur res non secundum esse solum, sed etiam secundum modum producendi, in quantum per diuinam prouidentiam determinatum est quomodo res quaelibet euenire debeat, & non est per ipsam determinatum ut omnia de necessitate eueniant, sed quod quaedam eueniant necessario, ut motus calorum, quaedam uero contingenter, ut haec inferiora non sequitur omnia necessario euenire absolute, sed infallibiliter aliqua euenire ex necessitate, aliqua uero contingenter. Ad secundum per idem respondetur quod scilicet illa conditionalis est uera, & quod illud consequens est necessarium, scilicet hoc erit, sed eo modo quo est prouisum. si enim est prouisum quod contingenter eueniat, infallibiliter eueniet contingenter. Ad tertium dicitur eodem modo, quod possibile est ipsum non regnare si secundum se consideretur, id est, si consideretur suum esse absolute in ordine ad suam causam proximam, quia prouisum est ut contingenter hoc eueniat: si autem consideretur ut est prouisum, id est quantum ad modum eueniendi sibi ex diuina prouidentia taxatum, est impossibile quod contingenter non eueniat.

AD VERTE quod S. Thom. paucis uerbis satisfaciunt rationi. quam si ad omnes propositiones assumptas applicare uoluerimus, dicendum est: Cum quiritur utrum possibile sit hunc non regnare aut non, dicitur quod possibile est ipsum non regnare absolute & in se consideratum, in ordine, scilicet ad causam particularem: est autem impossibile ipsum non regnare contingenter ut est prouisum. Cum impugnatur prima pars, quia possibile posito in esse nullum sequitur impossibile. sequitur autem diuinam prouidentiam deficere, & non esse certam: negatur minor, quia diuinæ prouidentiae non subest quod iste sit regnaturus absolute necessario, sed quod sit regnaturus contingenter. Vnde non potest poni in esse quod iste non regnet contingenter, stante ista suppositione quod sit prouisum ut contingenter regnet: licet secundum se consideratus possit non regnare. si autem ponatur in esse quod iste non regnet, sequitur non esse prouisum quod effectus regnaturus absolute, non autem contingenter quod prouidentia deficiat. Cum autem impugnatur secunda pars, conceditur quod ipsum necessarium est ipsum regnare contingenter, non autem absolute. Ex quibus patet illam conditionalem quae inferit, scilicet si omnia sint prouisa a Deo, quod aut prouidentia non est certa, aut omnia ex necessitate eueniant: non sequi ex praemissis si intelligatur omnia de necessitate euenire absolute. si autem intelligatur omnia euenire de necessitate eo modo quo prouisa sunt, conceditur. Nam altera pars illius consequentis est uera, scilicet secunda pars. Ad quartum negatur consequentia, ut patet ex praemissis. Cum enim prouidentiae subdantur non solum effectus, sed etiam causa & modi efficiendi, non sequitur si omnia prouidentiae subduntur, quod nihil sit in nobis: aliqua enim sic sunt prouisa, ut per nos liberè fiant.

Ad quintum negatur consequentia, quia cum Deus in omnibus operetur, & pro sua arbitrio uoluntatis, ad eius prouidentiam pertinet ut causas defectibiles quandoque deficere sinat, quandoque a defectu conseruet. Sensus igitur responsionis est, quod aliquando Deus produens aliquem effectum mediante causa defectibili, non permittit ipsam deficere, & consequenter ille effectus infallibiliter ad diuinam prouidentiam euenit, licet mediante causa contingenti & deficere potenti: & ideo infallibilitas & certitudo diuinæ prouidentiae, non tollit contingentiam quae effectui secundum se conuenit in ordine ad causam proximam.

VB I attendendum ex doctrina S. Thom. de Verit. quæst. 6. artic. 3. quod dupliciter inuenimus ordinem respectu alicuius effectus esse certum: Vno modo ex eo quod una causa particularis suum effectum ex ordine diuinæ prouidentiae infallibiliter producit. Alio modo ex eo quod multae causae quarum quaelibet potest deficere, ad consecutionem unius effectus a Deo ordinantur loco eius quae deficit, vel ne deficiat: sic videmus perpetuitatem speciei saluari in rebus corruptibilibus non per unicum indiuiduum, sed per successionem unius ad alterum, diuina prouidentia sic gubernante, ut non deficiant omnia uno deficiente. Si ergo loquamur de effectibus necessariis, illa infallibiliter eueniunt non tantum in ordine ad diuinam prouidentiam, sed etiam in ordine ad suas causas proximam. si autem loquamur de effectibus contingentibus, illi infallibiliter eueniunt, non in ordine ad proprias causas, sed in ordine ad diuinam prouidentiam, quae tot adminicula apponit quod illorum propriae causae non deficiunt. propterea inquit S. Thom. quod ad diuinam prouidentiam pertinet, ut causas defectibiles quandoque a defectu conseruet. Vltimo addit sanctus Thomas supra, ubi de Scientia Dei agebatur, soluta esse ea quae ad necessitatem prouisorum possent assumi ex certitudine praesentiae.

AD euentia eorum quae hic dicuntur, considerandum est, quod utique



difficillimum est certitudinem diuinæ providentiæ cum contingentiâ causarum & libertate arbitrij concordare, ut de certitudine prædeterminationis inquit S. Thom. de Veri. quæst. sexta art. 3. propter imbecillitatem in quam humani ingenij non valentis diuina sua virtute penetrare. Optimus tamen modus euadendi difficultates quæ circa hoc insurgunt, est modus qui hic tangitur, scilicet quod cum diuinæ providentiæ, & effectus, & causæ subsint non solum secundum esse, & secundum operationem, sed etiam secundum modum essendi, & secundum modum operandi: non oportet omnia naturalia aut humana absolute euenire ex necessitate, sed euenire ex necessitate suppositionis & immutabilitatis, eo modo quo prouisa sunt, scilicet contingenter & libere ea quæ determinauit Deus ut libere & contingenter eueniant, necessario autem quæ determinauit necessitate euenire. Per hoc enim fundamentum, ut paruit, soluit sanctus Thomas omnes adductas instantias, & per ipsum possunt etiam alie instantiæ solui.

Arguit enim Aureolus apud Capreolum primo Sententiarum, distinctione 40. artic. 1. primo, omne quod infallibiliter eueniet, immutabiliter eueniet, quia idem importatur per utrunque. sed quod est prouisum, infallibiliter eueniet: ergo immutabiliter. ergo sic eueniet effectus diuinæ providentiæ quod mutari non poterit. Secundo manente conditione immutabili fatum est conari ad tollendum illud quod est immutabile, illa conditione manente. sed manifestum est quod diuina providentia immutabilis permanet, & stante providentia id quod est prouisum, non potest non euenire. ergo fatum est conari aut consilium de eo quod prouisum est. quum ergo omnia sint prouisa, sequitur quod omnis conatus & omne consilium sit vanum.

Ad primum horum, per hoc fundamentum dicitur, quod omne prouisum infallibiliter utique & immutabiliter eueniet, eo modo quo prouisum est: non tamen omne huiusmodi eueniet infallibiliter & immutabiliter absolute. aliqua enim sic prouisa sunt ut proueniant à causa proxima fallibili & mutabili. Ad secundum dicitur quod fatum est conari ad tollendum illud quod est immutabile, manente conditione immutabili, eo modo quo illud est immutabile illa conditione manente. modo dicitur quod manente diuina providentia immutabili, id quod est prouisum est immutabile, eo modo quo prouisum est, non autem absolute: ideo fatum est conari ad tollendum quin illud contingenter eueniat quod prouisum est ut eueniat contingenter, aut quin necessarii eueniat quod est prouisum ut eueniat necessario. non autem fatum est conari ad tollendum illud absolute: ideo non est vanus omnis conatus, nec est vanum omne consilium.

NO AUTEM approbo responsionem illam quæ dicit, quod Deus ex sua altiori quam cogitare possimus excellentia, sic rerum euentibus prouidet, ut esse prouisum à Deo sequatur aliquid altius quam euitabilitas vel ineuitabilitas: hoc enim nihil dictum est. Nam cum euitabile & non euitabile contradiçtoriè opponantur, sicut posse non euenire & non posse non euenire, oportet de re prouisa alterum illorum dici, scilicet aut quod euitabilis sit, aut quod non sit euitabilis: & sic remanet eadem difficultas, quia videtur sequi in certitudine diuinæ providentiæ, si ponatur quod sit euitabilis: necessitas autem omnium si ponatur quod sit ineuitabilis, ideo responsio quæ sumitur ex S. Thom. hoc loco, conuenientior est, & melius satisfaci.

SED contra istam responsionem sancti Thomæ posset aliquis sic instare: Accipio aliquem effectum prouisum ut eueniat, à causa tamen contingenti, certum est quod providentia duo respicit, scilicet quod ipse effectus eueniat, & quod eueniat contingenter, puta Antichristus. Quæro quantum ad primum, utrum scilicet Antichristus fallibiliter eueniet, ita scilicet quod possit non euenire: an eueniet infallibiliter, ita scilicet quod possit non euenire. si dicis quod fallibiliter: ergo providentia non est certa. si dicis quod infallibiliter: ergo necessario secundum se eueniet, & sic sequitur id quod dicis esse prouisum ut contingenter eueniat, necessario euenire absolute. Respondetur quod euenire fallibiliter ab aliqua causa dupliciter potest intelligi. Vno modo, quod posita causa ad agendum disposita possit non euenire, quod proprie dicitur euenire fallibiliter. Nam fallibiliter euenire dicitur in ordine ad causam positam in actu, & hoc modo prouisum ut eueniat, non euenit fallibiliter à diuina providentia, sed infallibiliter, quia diuina providentia est efficacissima, & non statim simul quod aliquid sit prouisum, & non eueniat modo quo est prouisum: non tamen propter hoc sequitur quod necessario absolute eueniat, sed tamen quod eueniat necessario ex suppositione, id est, facta hac suppositione quod prouisum sit ut eueniat, eo modo quo prouisum est, ut eueniat scilicet contingenter, sicut necessarium est sortem moueri, facta hac suppositione quod currat, & tamen absolute contingenter mouetur, sicut & contingenter currit. Unde sicut valet, sicut si Sortes currit, Sortes mouetur: sed currit, ergo mouetur ita valet, si hoc est prouisum ut eueniat eueniet: sed est prouisum ut eueniat, ergo eueniet, sed sicut non valet si Sortes currit, Sortes mouetur, sed Sortes currit, ergo mouetur necessario & infallibiliter: ita non valet si hoc est prouisum, eueniet: sed est prouisum, ergo eueniet necessario & infallibiliter absolute. Alio modo quod ipsum secundum se possit non esse, & non produci, quod tamen improprie dicitur fallibiliter euenire, & hoc modo omnia prouisa fallibiliter eueniunt, quia sicut Deus ab æterno determinauit ut ista ventura essent, ita potuit non determinare, siue determinare oppositum absolute loquendo, cum ea quæ Deus producit, libere producat: & sic quod est nunc prouisum, non esset: non tamen ex hoc sequitur diuinam providentiam esse incertam, sed quod de eo cuius est providentia ut sit, potuit non esse huiusmodi providentia absolute, licet ipsa providentia posita mutari non possit.

SI AUTEM iterum instetur, iam facta est ista suppositio, quod prouisum est ut Antichristus eueniat, & ista suppositio mutari non potest: ergo ineuitabiliter Antichristus eueniet. Dicitur quod ineuitabiliter Antichristus eueniet eo modo quo prouisum est, scilicet contingenter, quia contingenter euenire inseparabiliter coniunctum est huic quod est Antichristum euenire secundum quod est prouisum. Nam non est prouisum quod Antichristus eueniat, nisi cum hac conditione, quod eueniat contingenter: & ideo per diuinam providentiam sunt illi causæ contingentes preparatæ ad hoc ut contingenter eueniant.

Vnum postremo dixerim, quod cum euidenti ratione ostendi possit

diuinam providentiam esse certam, & experientia videamus nos liberi arbitrij esse, cum pro nostro arbitrio multa faciamus, obsecrum autem sit & difficile quomodo certitudo diuina cum libertate arbitrij possit stare: possit, fatuum est negare nos liberi arbitrij esse, aut diuinam providentiam non esse certam, quorum apertam & manifestam notitiam habemus, propter obscuritatem & inevidentiam eius quod nostrum ingenium superat nostrisque viribus capere non possumus. Quomodo autem cum certitudine diuinæ providentiæ stet libertas arbitrij, possumus hoc exemplo declarare. Si quis debilem viribus & volentem aliquo proficisci iuaret sustinendo ne caderet in via, sicque eum ad aliquem destinationem locum absque defectu perduceret, suis tamen pedibus gradientem, diceretur utique quod iste perduxit ad terminum absque defectu cum qui sibi relictus fuisset, multoties in itinere cecidisset: & tamen hoc non obstante hic suis pedibus ad terminum peruenit, & quantum est ex se, defectibiliter, cum viribus debilis esset. simili ratione cum per diuinam providentiam homo ad aliquem finem perducitur, Deo eius voluntate mouente, & adiuuante, atque vniuersam mouente impedimentis, homo quidem libere & propria voluntate ac quantum est ex ipso defectibiliter operatur, adiutus tamen per diuinam providentiam, in quantum huiusmodi, infallibiliter ad illum finem peruenit.

*Quod immobilitas diuinæ providentiæ utilitatem orationis non excludit.*

Cap. 25.



CONSIDERARE etiam oportet quod sicut diuinæ providentiæ immobilitas necessitatem rebus prouisis non imponit: ita etiam nec orationis utilitatem excludit. Non enim ad hoc oratio ad Deum fuditur, ut æternam providentiæ dispositio immutetur, hoc enim impossibile est, sed ut aliquis aliud quod desiderat assequatur à Deo. Pius enim desiderijs rationalis creaturæ cōueniens est quod Deus assentiat: non tanquam desideria nostra moueant immobilem Deum: sed ex sua bonitate procedit ut cōuenienter desiderata perficiat. Quum enim omnia naturaliter bonum desiderant, ut supra probatum est: ad supereminentiā autem diuinæ bonitatis pertineat quod esse & bene esse omnibus ordine quodam distribuatur: consequens est ut secundum suam bonitatem desideria pia quæ per orationem explicantur, adimpleat.

2. Adhuc, Ad mouentem pertinet ut illud quod mouetur, producat ad finem. ynde & per eandem naturam aliquid mouetur ad finem, & consequitur finem, & in eodē quiescit. Omne autem desiderium est quidam motus ad bonum, qui quidem non potest rebus inesse nisi à Deo: qui est per essentiam suam bonus, & fons bonitatis. mouens enim omne mouet ad aliquid simile sibi. ad Deum igitur pertinet secundum suam bonitatem quod desideria nostra conuenientia quæ per orationem explicantur, ad effectum conuenientem perducatur.

3. Item, Quanto aliqua sunt propinquiora mouenti, tanto efficacius impressionem mouentis assequuntur: nam & quæ propinquiora sunt igni, magis ab ipso calefiunt: substantiæ autem intellectuales propinquiores sunt Deo, quam substantiæ naturales inanimatæ. efficacior est igitur impressio diuinæ motionis in substantiis intellectualibus, quam in substantiis aliis naturalibus. corpora autem naturalia in tantum participant de motione diuinā, quod naturalem appetitum boni consequuntur ex ea, & etiam appetitus complexionem: quod quidem fit, dum proprios fines consequuntur: multo igitur magis intellectuales substantiæ desideriorum suorum quæ per orationem suā Deo offerunt impletionem consequuntur.

4. Amplius, De ratione amicitie est quod amans velit impleri desiderium amati, in quantum vult eius bonū & perfectionem: propter quod dicitur quod amicorum est idem velle. Ostensum est autem suprā, quod Deus suam creaturam amet, & tanto magis vnamquamque: quanto plus de bonitate participat, quæ est primum & principale amatum ab ipso. vult igitur impleri desideria rationalis creaturæ quæ perfectissime diuinam bonitatem participat inter ceteras creaturas. sua autem voluntas est perfectissima causa rerum. est enim causa rerum per suā voluntatem, ut suprā ostensum est. ad bonitatem igitur diuinā pertinet ut impleat desideria rationalis creaturæ sibi per orationem proposita.

5. Præterea, Bonum creaturæ derivatum est secundum quādam similitudinē à bonitate diuinā. hoc autem maxi-



mè commendabile in hominibus apparet, vt iuste petentibus assensum non denegent. ex hoc enim vocantur liberales, clementes, misericordes, & pij. maximè igitur hoc ad diuinam bonitatem pertinet, vt pias orationes exaudiat. Hinc est quod dicitur in Psal. Voluntatem timentium se faciet, & orationes eorum exaudiet. & saluos faciet eos. & Matth. 7. Dominus dicit: Omnis qui petit, accipit: & qui querit, inuenit: & pulsanti aperietur.

Super Cap. 95.



**Q**UIA ostensum est superius diuinæ prouidentie immobilitatem, necessitatem rebus prouisis non imponere, vult S. Thom. ostendere quod nec etiam vtilitatem orationis excludit. Circa hoc autem duo facit. Primò ostendit propositum. Secundò ostendit quod non est inconueniens si non semper petitiones orantium admittuntur à Deo cap. seq. Quantum ad primum præmissum quod non ad hoc oratio funditur ad Deum, vt æterna prouidentie dispositio immutetur, sed vt quis id quod desiderat, assequatur, arguitur primò sic. Ad supereminentiam diuinæ bonitatis pertinet, vt esse, & bene esse omnibus ordine quodam distribuatur, sed omnia naturaliter bonum desiderant: ergo conueniens est vt secundum suam bonitatem desideria pia quæ per orationem explicantur, adimpleat.

**ADVERTE**, quod sensus huius rationis est, quia ad diuinam bonitatem pertinet distribuere esse, & bene esse omnibus ordine quodam, id est, dare rei vnam bonitatem mediante alia, & vt causis mediis ad conferendam bonitatem rebus secundum conditionem suæ naturæ. ordo autem naturalis vniuscuiusque rei ad bonum est mediante desiderio, quia naturaliter quælibet res tendit ad bonum suum mediante inclinatione, quæ hic vocatur desiderium: conueniens est vt Deus det creaturæ bonum suum mediante desiderio boni, sicut & mediantibus aliis causis aliquos producit effectus. hoc autem est adimplere creaturæ desiderium: ideo conueniens est vt desiderium creaturæ adimpleat: creatura autem rationalis suum desiderium per orationem explicat. ergo conueniens est vt Deus adimpleat creaturæ rationalis desideria per orationem explicata.

**CIRCA** autem ipsam conclusionem aduertendum ex doct. S. Thom. 2. 2. q. 83. art. 1. & 4. Sen. dist. 15. quod oratio vt hic loquimur de oratione, & de qua theologi multa determinant, nihil aliud significat quam petitionem quantumquam homo Deo facit. Vnde Aug. in libro de verbis Domini ait quod oratio petitio quædam est: & Damascenus in tertio lib. ait quod oratio est petitio decentium à Deo. Sicut autem impetrare propriè est actus rationis, quia per imperium applicatur subditi ab imperante ad consecutionem eius quod desideratur, in quo ordinatio quædam dispositio aliquid per aliud esse faciendum importatur, ita oratio ad rationem pertinet, est enim actus rationis ordinantis aliquo modo, vt aliquid per alium fiat qui inferior non est dum illud per ipsum fieri petit. Sed licet oratio sit formaliter actus rationis, præsupponit tamen desiderium tantquam principium à quo causatur. est enim petitio executionis desiderij à Deo. ideo oratio vocalis quæ immediatè significat actum rationis deprecantis, mediatè significat ipsum desiderium voluntatis, sicut principium & originem à quo procedit. Ex his sequitur quod idem est dicere Deum adimplere desideria per operationem explicata, & Deum adimplere orantium preces. Sed licet idem sint, per primum tamen magis natura orationis explicatur. Propterea S. Thom. vt magis naturam orationis explicaret, cum proposuerit per immobilitatem prouidentie vtilitatem orationis non excludi, & per consequens probandum esset Deum aliquando mediantibus orationibus aliqua bona conferre: concludit quod conueniens est Deum desideria pia quæ per orationem explicantur adimplere.

**ADVERTENDVM** etiam, quod non dicit S. Thom. absolute conueniens esse vt Deus desideria impleat, sed vt pia adimpleat desideria. nõ enim omnia desideria per orationem explicata merentur exaudiri, puta si quis complementum alicuius peccati peteret: sed illa quæ sunt de necessariis & vtilibus ad salutem, quæ pia desideria dicuntur. Secundò, Omne desiderium est quidam motus ad bonum, qui non potest rebus inesse nisi à Deo. ergo, &c. probatur antecederet quo ad secundam partem, quia Deus est per essentiam bonus, & fons bonitatis. quo ad primam verò partem, quia mouens omne mouet ad aliquid simile sibi. consequentia verò probatur, quia ad mouentem pertinet vt illud quod mouetur, perducatur ad finem: cuius signum est, quod per eandem naturam aliquid mouetur ad finem, & consequitur finem, & in eo quiescit.

**CIRCA** istam propositionem, Motus desiderij ad bonum non potest esse in rebus nisi à Deo: aduertendum quod per hoc non intendit sanct. Thom. excludere causas proximas desiderij, sed hoc tantum vult habere, quod iste motus est à Deo tanquàm à prima & principali causa, in quantum talis motus ad bonum non prouenit à libero arbitrio, nisi vt mouetur à Deo, si enim sit desiderium naturæ, constat quod est à Deo, cum ipse sit omnis naturæ author. si verò sit desiderium voluntatis, constat ex præcedentibus quod ipse solus mouet voluntatem, & ad operationem applicat, interior operando.

Tertiò, Efficacior est impressio diuinæ motionis in substantiis intellectualibus quàm in substantiis aliis naturalibus: sed naturalia per motionem diuinam naturalem appetitum boni cōsequuntur & appetitus complexione, assequendo proprios fines: ergo multò magis intellectuales substantiæ: probatur maior, quia quælibet aliqua sunt propinquiora mouenti: tanto efficacius impressionem mouentis consequuntur, vt patet de his quæ ab igne calefiunt: substantiæ autem intellectuales sunt propinquiores Deo quàm substantiæ naturales inanimatæ.

Quartò, Deus creaturam suam amat, & magis eam quæ plùs de bonitate eius participat, vt ostensum est suprà. ergo vult desideria creaturæ rationalis impleri, quæ perfectissimè diuinam bonitatem participant. ergo, &c. probatur prima consequentia, quia de ratione amicitie est quod amas velis impleri desiderium amati, in quantum vult eius bonum. vnde dicitur quod amicorum est idem velle. Secunda verò probatur, quia voluntas

Dei est perfectissima causa, cum ipse per suam voluntatem sit causa rerum. Quintò, est maximè commendabile in hominibus, vt iuste petentibus assensum, non negent, quum per hoc vocentur liberales, clementes, misericordes, & pij. ergo, &c. probatur consequentia, quia bonum creaturæ desiderium est per quandam similitudinem à bonitate diuina. Confirmatur auth. Psalm. & Matthæi septimo.

Quod petitiones orationum non semper admittuntur à Deo.

Cap. 96.



**N**ON est autem inconueniens si quadoque petitiones orantium non admittantur à Deo. Ea enim ratione ostensum est, quod Deus desideria rationalis creaturæ adimplet, in quantum desiderat bonum. Quandoque autem contingit quod id quod petitur, non est verum bonum, sed apparet simpliciter autem malum. non est igitur talis oratio à Deo exaudibilis. Hinc est quod dicitur Iac. 4. Petitis & non accipitis, eo quod malè petatis. Similiter autè ex hoc quod Deus ad desiderandum mouet, ostensum est conueniens esse quod desideria impleat. mobile autem ad finem motus non producit à mouente, nisi motus cōtinuetur. Si igitur motus desiderij per orationis instantiā non continuetur, non est inconueniens si oratio effectum debitum non sortiatur. Hinc est quod Dominus dicit Lucæ 18. quoniam oportet semper orare, & non deficere. & 1. Thes. 5. dicit Apostolus: Sine intermissione orate. Rursus ostensum est, quod Deus rationalis creaturæ decenter desiderium implet, in quantum ei appropinquat: appropinquat autem quis ei per contemplationem, & deuotam affectionem, & humilem & firmam intentionem. Illa igitur oratio quæ sic Deo non appropinquat, non est à Deo exaudibilis. Vnde in Psal. dicitur: Respexit in orationem humilium. & Iac. 1. Postulet autem in fide, nihil hæsitans. Item ostensum est quod ratione amicitie Deus vota piorum exaudit. qui igitur à Dei amicitia declinat, non est dignum vt eius oratio exaudiat. Hinc est quod Prou. 28. dicitur: Qui declinat aurem suam ne audiat legem, oratio eius erit execrabilis. & Isaia 1. Quum multiplicaueritis orationem, non exaudiam. manus enim vestre sanguine plenæ sunt. Ex hac autem radice procedit, quod quandoque aliquis Dei amicus non exauditur quando pro his rogat qui non sunt Dei amici, secundum illud Hierem. 7. Tu ergo noli orare pro populo hoc: nec assumes pro eis laudem & orationem, & non obsistas mihi quia non exaudiam te. Contingit autem quandoque quod aliquis ex amicitia denegat quod petitur ab amico, quia cognoscit hoc ei esse nocuum vel cōtrarium ei magis expedire: vt medicus infirmanti quandoque denegat, quod petit, considerans quod non expedit ei ad salutem corporis consequendā. Vnde cum ostensum sit quod Deus ex amore quem ad creaturam rationalem habet, eius desideria impleat per orationem sibi propositam: non est mirandum si quandoque eorum etiā quos præcipuè diligit, petitionem non implet, vt impleat quod petenti magis expedit ad salutem. Propter quod à Paulo stimulum carnis non amouit, quāuis hoc ter peteret: prouidens hoc ei esse vile ad humilitatis conseruationem, vt habetur 2. Corint. 12. vnde & Matth. 20. quibusdam dicitur: Nescitis quid petatis. Romanorū 8. dicitur: Nam quid oremus sicut oportet, nescimus. Et propter hoc Augustinus dicit in epistola ad Paulinum & Therasiam: Bonus Dominus, qui non tribuit sæpe quod volumus, vt quod malleamus, attribuat. Patet igitur ex præmissis quod eorum quæ sunt à Deo, causa sunt orationes, & pia desideria. Ostensum est autem suprà \* quod diuina prouidentia causas alias non excludit, quin potius ordinat eas ad hoc quod ordo quæ apud se statuit, rebus imponatur: & sit causa secundæ prouidentie non repugnant, sed magis prouidentie exequitur effectum. Sic ergo orationes apud Deum efficaces sunt, non tamen ordinem immutabilem diuinæ prouidentie soluunt: quia & hoc ipsum quod tali petenti hoc concedatur, sub ordine diuinæ prouidentie cadit. Simile est ergo dicere non esse orandum vt aliquid cōsequamur à Deo:



à Deo: quia ordo suæ prouidentiae est immutabilis: ac si diceretur quod non esset ambulandum ut perueniamus ad locum, nec comedendum ut nutriamus: quæ omnia patet esse absurda. Excluditur ergo ex præmissis duplex error circa orationem. Quidam enim dixerunt nullum esse orationis fructum. quod quidem dicebant tam illi qui negabant diuinam prouidentiam omnino, sicut Epicurei, quam illi qui res humanas diuinæ prouidentiae subtrahebant, sicut aliqui Peripateticorum. necnon & illi qui omnia quæ prouidentiae subsunt, ex necessitate contingere arbitrabantur, sicut Stoici. Ex his enim omnibus sequitur quod nullus sit orationis fructus, & per consequens quod omnis deitatis cultus fiat in vanum. qui quidem error tangitur Malach. 3. Dixistis, inquit, vanus est qui seruit Deo: & quod emolumentum quia custodiimus præcepta eius, & quia ambulauimus tristes coram Domino exercituum. Quidam verò e contrario diuinam dispositionem vertibilem orationibus esse dicebant, sicut Aegyptij dicebant quod fatum orationibus & quibusdam imaginibus siue subfumigationibus siue incantationibus vertebatur. & ad hunc sensum pertinere videntur quædam quæ in scripturis diuinis dicuntur, secundum id quod prima facie apparet ex eis. Dicitur enim Isaia 38. quod Isaia ex mandato domini dixit Ezechia regi: Hæc dicit Dominus: dispone domui tuæ, quia morieris tu, & non viues. & post orationem Ezechia factum est verbum Domini ad Isaiam, dicens: Vade & dic Ezechia: Audiui orationem tuam, ecce ego adiiciam super dies tuos quindecim annos. & Hier. 18. dicitur ex persona Domini: Repente loquar aduersum gentem, & aduersum regnum, & eradicem & destruam, & disperdam illud. si poenitentiam egerit gens illa à malo suo quod loquutus sum aduersum eam, agam & ego poenitentiam super malo quod cogitavi, ut facerem ei. Et Ioelis 2. Cōuertimini ad dominum Deum vestrum, quia benignus & misericors est. quis scit si conuertatur, & ignoscat Deus. Hæc autem si secundum superficiem intelligantur, ad inconueniens ducunt.

Sequitur enim primò, quod voluntas Dei sit mutabilis. Item, quod aliquid ex tempore Deo adueniat: & vltius, quod aliqua quæ temporaliter in creaturis sunt, sint causa alicuius existentis in Deo: quæ sunt manifestè impossibilia, sicut ex superioribus patet. aduersantur autem autoritatibus sacrae scripturæ quæ infallibilem continent veritatem & expressam. dicitur enim Num. 23. Non est Deus quasi homo, ut mentiatur, nec ut filius hominis ut mutetur. dixit ergo & non faciet, locutus est & non implebit. & 1. Reg. 15. Triumphator in Israel non parces, & poenitudine non flectetur: neque enim homo est ut agat poenitentiam. & Malac. 3. Ego Dominus, & non mutor. Si quis autem diligenter consideret circa prædicta, inueniet quod omnis error qui in his accidit, ex hoc prouenit, quod non consideratur differentia inter vniuersalem ordinem & particularem: cum enim omnes effectus ordinem adinuiem habeant secundum quod in vna causa conueniunt oportet tantò communiorem ordinem esse, quantò est vniuersalior causa. vnde ab vniuersali causa quæ Deus est, ordo proueniens necesse est quod omnia complectatur. nihil igitur prohibet aliquem particularem ordinem vel per orationem vel per aliquem alium modum immutari. est enim extra illum ordinem aliquid quod possit ipsum immutare. propter quod non est mirum si Aegyptij reducetes rerum humanarum ordinem in corpora caelestia, posuerunt fatum ex stellis proueniens aliquibus orationibus & ritibus posse immutari. nam extra caelestia corpora & supra ea est Deus, qui potest caelestium corporum impedire effectum, qui in istis inferioribus ex illorum impressione secutus erat: sed extra ordinem complectentem omnia non potest poni aliquid per quod possit ordo ab vniuersali causa dependens eueri: propter quod Stoici qui in Deum sicut in causam vniuersalem omnium ordinis rerum reductionem considerabant, ponebant quod ordo institutus à Deo nulla ratione possit immutari. Sed in

hoc iterum à consideratione vniuersalis ordinis recedebant, quod ponebant orationes ad nihil viles esse, tanquam arbitrentur voluntates hominum & eorum desideria, ex quibus orationes procedunt, sub illo vniuersali ordine non comprehendunt. cum enim dicunt, quod siue orationes fiant, siue non, nihilominus idem effectus sequitur in rebus ex vniuersali ordine eorum: manifestè ab illo vniuersali ordine vota orantium sequestrant. si enim hæc sub illo ordine comprehendantur, sicut per alias causas, ita & per hæc ex diuina ordinatione aliqui effectus sequuntur. idem ergo erit excludere orationis effectum, & communium aliarum causarum. Quod si aliis causis immobilitas diuini ordinis effectus non subtrahit, neque orationum efficaciam tollit. Valent igitur orationes non quasi ordinem æternæ dispositionis immutantes, sed quasi sub tali ordine etiam ipsæ existentes. nihil autem prohibet per orationum efficaciam aliquem particularem ordinem alicuius inferioris causæ immutari Deo faciente, qui omnes supergreditur causas. Vnde sub nulla necessitate ordinis alicuius causæ continetur. sed e conuerso omnis necessitas ordinis inferioris causæ continetur sub ipso quasi ab eo institutus. in quantum ergo per orationem immutatur aliquid de ordine inferiorum causarum instituto à Deo propter orationes priorum, dicitur Deus conuerti vel poenitere: non quod æterna eius dispositio mutetur: sed quia mutatur aliquis effectus. Vnde & Greg. dicit, quod non mutat Deus consilium, quamuis quandoque mutet sententiam, non tamen illam quæ exprimit dispositionem æternam, sed illam sententiam quæ exprimit ordinem inferiorum causarum: secundum quem Ezechias erat moriturus, vel gens aliqua pro peccatis suis punienda. talis autem immutatio sententiæ Dei transumpta locutione dicitur poenitentia, in quantum Deus ad poenitentis similitudinem se habet, cuius est mutare quod fecerat: per quem modum dicitur & metaphorice irasci, in quantum puniendo facit irascentis effectum.

## Cap. 96.



VIA ex rationibus præcedentis capitis posset aliquis existimare, quod orationes nostræ semper debeant à Deo exaudiri, vult S. Thom. falsam hanc existimationem excludere. Circa hoc autem tria facit. Primò ostendit quod non est inconueniens si orantium petitiones non semper admittuntur à Deo. secundò ex præmissis colligit principale intentum capiti præcedentis. quosdam errores excludit. Primum ostendit per prædictas rationes discurrendo, primò. Ex prima ratione habetur quod Deus adimplet desideria creaturæ rationalis, in quantum bonum desiderat: sed non semper quod petitur, est verum bonum, sed apparet malum verò simpliciter. ergo talis oratio non est exaudibilis, intellige ex misericordia Dei. quandoque enim exauditur ad vindictam, ut inquit S. Thom. 2. 2. q. 83. art. 16. dum Deus permittit peccatorem amplius ruere in peccata. Vnde Aug. inquit quod Deus quandoque negat propitius, quod concedit iratus. Ista ratio tangitur Iacob. 4. Secundò. ex secunda ratione idem habetur, quia Deus ad desiderandum mouet, sed mobile ad finem motus non perducitur à mouente, nisi motus continuetur. ergo si desiderij motus per orationis instantiam non continuetur, non est inconueniens si oratio debet non consequatur effectum. Habetur hæc ratio ex Luc. 18. & 1. Thess. 5. Tertiò. Ex tertia habetur idem. Ostensum est enim quod Deus rationalis creaturæ decenter desiderium implet in quantum ei appropinquat, sed Deo quis appropinquat per contemplationem & deuotam affectionem, & humilem ac firmam intentionem. ergo ubi ista desunt, oratio non est exaudibilis, quantum scilicet est ex merito orationis. Ista ratio habetur ex Psal. & Iacob. primo. Quarto. Idem ex ratione amicitie in quarta ratione est ostensum. ergo qui à Dei amicitia declinat, non est dignus ut eius oratio exaudiat. Habetur hæc ratio Prou. 28. & Isaia primo. Ex eadem radice procedit quod aliquis Dei amicus non exaudit, quando scilicet pro iis rogat qui non sunt Dei amici, ut habetur Hier. 7.

CIRCA istam propositionem, Qui à Dei amicitia declinat, non est dignus ut eius oratio exaudiat, attendendū, quod non ideo hoc dicitur quasi nullus peccator exaudiat à Deo, quia etiam peccatores quandoque exaudiuntur, ut est de mente Aug. super Io. & Chrys. super Mat. sed quia licet quandoque exaudiat, hoc tamen est non quasi ex iustitia, sed ex pura misericordia. Vnde non dixit S. Thom. quod illius oratio non est exaudibilis, sed quod non est dignus exaudiri, quasi diceret quod non meretur exaudiri, licet eum quandoque ex misericordia Deus exaudiat.

Quinto, ex eodem fundamento arguitur. Quandoque aliquis ex amicitia denegat quod petitur ab amico, quia cognoscit hoc ei esse nocuum, & contrarium ei magis expedire, ut patet in medico. ergo & Deus quandoque eorum quos præcipue diligit, petitione non implet, ut impleat quod petenti magis expediat ad salutem. vnde stimulus carnis à Paulo non amouit propter humilitatis cōseruationem, ut habetur 1. Cor. 12. Confirmatur author. Math. 20. Rom. 8. & Aug. ad Paulinum & Therasiam.

EX præmissis rationibus aduertendum est, quod quatuor tanguntur Contra Gent.



conditiones orationis quibus omnibus existentibus semper exauditur, & quantum aliqua deficiente non semper oratio habet efficaciam impetrandi, quæ quidem conditiones tanguntur in glossa Lucæ super illam parabolam: *Quis vestrum habebit amicum, &c.* scilicet quod piè, perseveranter pro se, & quod ad salutem pertinet, petatur. Nam prima, tertia, & quarta ratio ostendit aliquam orationem non exaudiri, aut propter defectum primæ conditionis, aut videlicet quia non petitur bonum utile ad salutem, sed contrarium salutis, aut quia deficiunt aliæ conditiones ex parte orantis requisitæ, in quantum est orans, quæ in tertia ratione explicantur, aut quia deficit charitas, quod est non piè orare. Nam ut inquit S. Thom. 4. Sent. dist. 15. q. 4. art. 6. ad ultimum. hoc quod dicitur piè, includit omnes circumstantias virtutis, quibus ordinatur actus ex parte agentis. Propter defectum secundæ ostendit secunda ratio quandoque orationem non exaudiri, quia videlicet non petitur perseveranter. Propter defectum tertiæ ostendit quarta ratio in secunda sui parte aliquem non exaudiri: quando, scilicet, orat non pro se, sed pro alio. Quinta verò ratio ostendit aliquem non exaudiri propter defectum quartæ conditionis: quia videlicet non petitur utile ad salutem, nec tamen petitur quod manifestè salutis est contrariū: ubi verò omnes prædictæ conditiones affuerint, semper Deus hominem audit: ut inquit S. Thom. in art. præallegato, & etiam 2. 2. q. 83. art. 15. ad 2. & non solum iustum, sed etiam peccatorem. Si autem queratur quomodo oratio peccatoris huiusmodi conditiones habere possit, cum non sit in charitate, & consequenter non piè oret, dicitur ex doctrina S. Thom. 4. Sent. ubi supra ad primum, & 2. 2. eadem q. art. 16. ad 2. quod peccator non potest piè orare quasi eius oratio habitu pietatis informetur, quæ alio nomine dicitur religio: potest tamen piè orare in hoc quod petit aliquid ad pietatem pertinet, quando, scilicet, petit aliquid quod non contrariatur Deo & salutis: sed aliquid quod in honorem Dei & utilitatem propriæ salutis pertinet: sicut etiam dicitur aliquis quandoque iustum vel le & operari, licet non ex habitu iustitiæ operetur. Quantum ad secundum confirmatur conclusio præcedentis articuli ex supradictis tali ratione, eorum quæ sunt à Deo, scilicet, aliquorum, causæ sunt orationes & desideria, ergo orationes apud Deum efficaces sunt, nec tamen ordinem immutabilem diuinæ providentiæ solvunt, imò quod tali petenti hoc concedatur, sub tali ordine cadit, probatur consequentia, quia diuina providentia causas alias non excludit, imò ordinat eas ad executionem statuti ordinis apud se. Confirmatur, quia dicere propter illam immutabilitatem non esse orandum, ut aliquid consequamur a Deo, est simile ac si diceretur non esse ambulandum ut ad locum perveniamus, nec esse comedendum ut nutriamur: quæ patet esse absurda. Quantum ad tertium, excluduntur duo errores: Primus est eorum qui dicebant nullum esse orationis fructum: qui quidem error erat & negantium omnino diuinam providentiam, ut faciebant Epicurei: & subtrahentium res humanas diuinæ providentiæ, ut quidam Peripatetici faciunt, scilicet, Auerrois secundum opinionem S. Thom. & ponentium omnia quæ diuinæ providentiæ subsunt ex necessitate contingere, ut Stoici arbitrabantur. Ex his enim omnibus sequebatur etiam quod omnis deitatis cultus in vanum fieret. tangitur hic error Mala. 3. Secundus error est dicentium diuinam dispositionem veritatem orationibus esse: qui error fuit Aegyptiorum dicentium fatum orationibus & imaginibus & fumigationibus verti. huic errori fauere videntur quædam auctoritates script. sacræ. Isai 38. de reuocatione mortis Ezech. & Hier. 18. & Isai. 4. Sed ad ipsas respondet S. Thom. & dicit primò, quod si secundum superficiem intelligantur, deducunt ad hoc quod voluntas Dei sit mutabilis, quod aliquid, scilicet, reale ex tempore Deo adueniat, & quæ quæ in creaturis temporaliter sunt, sint causa alicuius existentis in Deo: quæ sunt manifestè impossibilia, & auctoritati sacræ script. aduersantur, quæ infallibilem continent veritatem, & expressam, scilicet, Num. 23. 1. Reg. 15. & Mala. 3. Dicit secundò, quod error qui in his accidit, ex hoc provenit, quod non consideratur differentia inter vniuersalem ordinem & particularem: cum tamen tantò communior sit ordo quāto causa fuerit vniuersalior. differentia autem est inter istos ordines: quia nihil prohibet aliquem particularem ordinem immutari per orationem vel per aliquem alium modum, cum extra illum ordinem aliquid sit quod potest illum immutare. ordo autem ab vniuersali causa (quæ est Deus) dependens mutari non potest, quia extra hunc ordinem non potest aliquid poni per quod possit euerti. Quia ergo Aegyptij reducebant rerum humanarum ordinem in corpora cælestia, dicebant fatum ex stellis proveniens posse aliquibus orationibus & ritibus immutari. extra enim corpora cælestia & supra ea Deus est, qui potest cælestium corporum impedire effectum secundum. Stoici verò in Deum sicut in causam omnium rerum ordinem referentes ponebant ordinem institutum à Deo nulla ratione posse immutari: sed in hoc recedebant à consideratione vniuersalis ordinis, quod ponebant orationes ad nihil viles esse, tanquam voluntates hominum & desideria sub illo vniuersali ordine non comprehendantur. si enim comprehendantur sub illo ordine, sicut per alias causas, ita & per hæc ex diuinæ ordinatione aliqui effectus sequuntur. vnde idem est excludere rationum effectus, & communium aliarum causarum. Dicit tertio, quod non valent orationes quasi ordinem diuinæ dispositionis immutantes, sed quasi sub tali ordine existentes. Dicit quarto, quod per orationis efficaciam particularis ordo inferioris causæ immutari potest, Deo fauente, sub quo necessitas ordinis inferioris causæ continetur tanquam ab eo institutus. Dicit quinto ad prædictas auctoritates, quod per orationem piorum dicitur Deus conuerti vel poenitere, non quasi æterna eius dispositio immutetur, sed quia per ipsam immutatur aliquid de ordine inferiorum causarum instituto ab ipso. Vnde Gregorius ait, quod non mutat Deus consilium, quanuis quandoque mutet sententiam, non eam scilicet quæ exprimit dispositionem æternam, sed quæ ordinem inferiorum causarum exprimit, secundum quam Ezechias erat moriturus, & gens aliqua pro peccatis punienda. Dicit sexto, quod hæc sententiæ mutatio dicitur transumptiuè poenitentia, in quantum ad similitudinem poenitentis se habet, sicut & metaphorice dicitur Isai. 61.

CIRCA positionem Stoicorum, aduerte quod S. Thom. non reprehendit ipsam in hoc quod ponebat ordinem diuinæ providentiæ immutari non posse (ut enim patet ex dictis, hoc est verissimè & auctoritatibus sacræ script. comprobatur) sed quantum ad hoc eam reprehendit, quod ponebat orationes ad nihil viles esse, in hoc enim manifestè errabat, quia sicut sub ordine diuinæ providentiæ continentur aliæ particulares causæ in quantum

Deus ordinavit se aliquos effectus eis mediantibus producturum: ita & orationes sub ordine diuinæ providentiæ continentur, sicut causæ quibus mediantibus Deus aliqua se facturum ordinavit. Vnde Greg. in libro Dialogorum ait, quod ea quæ sancti viri orando efficiunt, ita prædestinata sunt, ut precibus obtineantur. Ex quibus patet quod valet orationes ad hoc, ut ordo diuinæ providentiæ circa aliquos particulares effectus executioni mandetur. Ea verò quæ ad immobilitatem diuinæ voluntatis pertinent, superius in primo libro sunt explanata, ideo non oportet circa illa immorari.

### Quomodo diuinæ providentiæ dispositio habeat rationem.

Cap. 97.



**I**n his autem quæ præmissa sunt, manifestè videri potest, quod ea quæ sunt per diuinam providentiam dispensata, sequuntur aliquam rationem. Ostensum est enim quod Deus per suam providentiam omnia ordinat in diuinam bonitatem, sicut in finem, non autem hoc modo, quod aliquid diuinæ bonitati per ea quæ sunt accrescat: sed ut similitudo suæ bonitatis in quantum possibile est imprimatur in rebus. quia verò omnem creatam substantiam à perfectione diuinæ bonitatis deficere necesse est, ad hoc ut perfectius diuinæ bonitatis similitudo rebus communicaretur, oportuit esse diuersitatem in rebus, ut quod perfectè ab vno aliquo representari non potest, per diuersa diuersimodè perfectiori modo representaretur. nam & homo cum mentis conceptum vno vocali verbo videt sufficienter exprimi non posse, verba diuersimodè multiplicat ad exprimendam per diuersa suæ mentis conceptionem, & in hoc etiam diuinæ perfectionis eminentia considerari potest, quod perfecta bonitas quæ in Deo est vnità & simpliciter, in creaturis esse non potest nisi secundum modum diuersum & per plura. Res autem per hoc diuersæ sunt, eò quod formas habent diuersas, à quibus speciem sortiuntur.

Sic igitur ex fine sumitur ratio diuersitatis formarum in rebus. Ex diuersitate autem formarum sumitur ratio ordinis in rebus, cum enim forma sit secundum quam res habet esse: res autem quælibet secundum quod habet esse, accedat ad similitudinem Dei, qui est ipsum suum esse simplex: necesse est quod forma nihil sit aliud quàm diuina similitudo: participata in rebus. Vnde conuenienter Arist. in 1. Physic. de forma loquens, dicit: quod est diuinum quoddam & appetibile. Similitudo autem ad vnum simplex considerata, diuersificari non potest, nisi secundum quod magis & minus similitudo est propinqua vel remota. quanto autem aliquid propinquius ad diuinam similitudinem accedit, perfectius est: vnde in formis differentia esse non potest, nisi per hoc quod vna perfectior existit quàm alia. propter quod Aristot. in 8. Meth. diffinitiones per quas naturæ rerum & formæ signantur, assimilant numeris, in quibus species variantur per additionem vel subtractionem unitatis. ut ex hoc detur intelligi quod formarum diuersitas diuersum gradum perfectionis requirit. Ex hoc euidenter apparet naturas rerum speculanti. Inueniet enim si quis diligenter consideret, gradatim rerum diuersitatem compleri. nam supra inanimata corpora inueniet plantas: & super has irrationabilia animalia, & super has intellectuales substantias: & in singulis horum inueniet diuersitatem, secundum quod quædam sunt aliis perfectiora, in tantum quod ea quæ sunt suprema inferioris generis, videntur propinqua superiori generi, & econuerso sicut animalia immobilia sunt similia plantis. Vnde & Dion. 7. c. de dist. nom. ait quod diuina sapientia coniungit fines primorum principii secundorum. vnde patet quod rerum diuersitas exigit, quod non sint omnia æqualia, sed sit ordo in rebus & gradus. Ex diuersitate autem formarum secundum quas rerum species diuersificantur, sequitur & operationum differentia. cum enim vnum quodque agat secundum quod est actu (quæ enim sunt in potentia, secundum quod huiusmodi, inueniuntur actionis expertia. est autem vnumquodque ens actu per formam) oportet quod operatio rei sequatur formam ipsius. oportet ergo quod si sint diuersæ formæ, quod habeant diuersas operationes: quia verò per propriam actionem res quælibet ad proprium finem pertingit, necesse est, & proprios fines

\* Tex. 6. 81.

\* Tex. 6. 10.



fines diuersificari in rebus, quāuis sit finis vltimus omnibus communis. Sequitur etiam ex diuersitate formarum diuersa habitudo materiæ ad res. cum enim formæ diuersæ sint, secundum quod quædam sunt aliis perfectiores: sunt inter eas aliquæ intantum perfectæ, quod sunt per se subsistentes, & perfectæ, ad nihil indigentes materiæ fulcimento. Quædam verò per se perfectè subsistere non possunt, sed materiam pro fundamento requirunt: vt sic illud quod subsistit, non sit forma tantum, nec materiam tantum, quæ per se non est ens actu, sed compositum ex vtroque. Non autem possent materia & forma ad aliquid vnū constituendū conuenire, nisi esset aliqua proportio inter ea: si autem proportionata oportet ea esse, necesse est quod diuersis formis diuersæ materiæ respōdeant. vnde fit vt quædam formæ requirant materiam simplicem, quædam verò materiam compositam: & secundum diuersas formas diuersam partium compositionem oportet esse cōgruentem ad speciem formæ & operationem ipsius. Ex diuersa autem habitudine ad materiam sequitur diuersitas agentium & patientium. cum enim agat vnumquodque ratione formæ, patiatur verò & moueatur ratione materiæ, oportet quod illa quorum formæ sunt perfectiores & minus materiales, agant in illa quæ sunt magis materialia, & quorum formæ sunt imperfectiores. Ex diuersitate autem formarum & materialium & agentium sequitur diuersitas proprietatum & accidentium. cum enim substantia sit causa accidentis, sicut perfectum imperfecti, oportet quod ex diuersis principiis substantialibus diuersa accidentia propria consequantur. Rursus, cum ex diuersis agentibus sint diuersæ impressiones in patientibus: oportet quod secundum diuersa agentia, diuersa sint accidentia quæ ab agentibus imprimuntur.

Patet ergo ex dictis, quod cum per diuinam essentiam rebus creatis diuersa accidentia & actiones & passionis & collocationes distribuuntur, non hoc absque ratione accidit. Hinc est quod sacra scriptura rerum productionem & gubernationem sapientiæ & prudentiæ diuinæ attribuit. Dicitur enim Prouerb. 3. Dominus sapientia fundauit terram: stabiliiuit cælos prudentia: sapientia illius eruperunt aby. & nu. rore concre. & Sapient. 8. dicitur de Dei sapientia, quod attingit à fine vsque ad finem fortiter: & disponit omnia suauiter. & 11. eiusdem dicitur: Omnia in mensura & numero & pondere disposuisti Domine. vt per mensuram, quantitatem siue modum aut gradum perfectionis vniuscuiusque rei intelligamus. per numerum verò diuersitatem & pulchritudinem specierum consequentem ex diuersis perfectionis gradibus. per pondus verò inclinationem diuersa ad proprios fines & operationes, & ad propria agentia & patientia & accidentia, quæ sequuntur distinctionem specierum. In prædicto autem ordine secundum quem ratio diuinæ prouidentiae attenditur, primum esse diximus diuinam bonitatem quasi vltimum finem, qui est primum principium in agendis. De hinc verò rerum numerositatem, ad quam constituendam necesse est gradus diuersos in formis & materiis, & agentibus & patientibus, & actionibus, & accidentibus esse. sicut ergo prima ratio diuinæ prouidentiae simpliciter est diuina bonitas, ita prima ratio in creaturis est earum numerositas: ad cuius conseruationem & cōstitutionem omnia alia ordinari videntur. Et secundum hoc videtur esse rationabiliter à Boetio dictū in princ. suæ Arithmeticæ, quod omnia quæcunque à primæua rerum natura cōstituta sunt ex numerorum videntur ratione esse formata. Est autem considerandum quod operatiua ratio & speculatiua partim quidem conueniunt, & partim differunt. conueniunt quidem in hoc, quod sicut ratio speculatiua incipit ab aliquo principio, & per media deuenit ad conclusionem intentam: ita ratio operatiua incipit ab aliquo principio, & per aliqua media deuenit ad operationem vel operatum quod intenditur. principium autem in speculatiuis est forma, & quod quid est in operatiuis verò finis, quod quandoque est forma, quandoque aliquid aliud. principium etiam in specu-

latiuis semper oportet esse necessarium. in operatiuis autem quandoque quidem est necessarium, quandoque autem non: necessarium enim est hominem velle felicitatem vt finem: non necessarium autem velle domus ædificationem. Similiter in demonstratiuis semper posteriora ad priora de necessitate sequuntur: non autem in operatiuis semper, sed tunc solum quando ad finem non nisi per hanc viam perueniri potest: sicut necessarium est volenti ædificare domum, quod quærat ligna, sed quod quærat abietina ligna, hoc ex simplici voluntate ipsius dependet, nō autem ex ratione domus ædificandæ. sic igitur quod Deus suam bonitatem amet, hoc necessarium est: sed ex hoc non necessariò sequitur quod per creaturas repræsentetur, cum si ne hoc diuina bonitas sit perfectæ. vnde quod creaturæ in esse producantur, etsi ex ratione diuinæ bonitatis originem habeant, tamen ex simplici Dei voluntate dependet. Supposito autem quod Deus creaturis suam bonitatem communicare secundum quod est possibile velit, per similitudinis modum, ex hoc rationem accipit, quod sint creaturæ diuersæ, nō autem ex necessitate sequitur quod secundum hanc vel illam perfectionis mensuram, aut secundum hunc vel illum numerum rerum. Supposito autem ex diuina voluntate, quod hunc numerum in rebus statuere velit, & hanc vnicuique rei perfectionis mensuram, ex hoc rationem accipit quod habeat formam talem, & materiam talem. Et similiter in omnibus patet. Manifestum igitur fit, quod diuina prouidentia secundum rationem quandam res dispensat: & tamen hæc ratio sumitur ex suppositione voluntatis diuinæ. Sic igitur per præmissa duplex error excluditur, eorum scilicet qui credunt quod omnia simplicem voluntatem sequantur absque ratione: qui est error loquentium in lege Saracenorum, vt Rabi Moyses dicit: secundum quos nulla differentia est quod ignis calefaciat & inrigidet, nisi quia Deus ita vult. Excluditur etiam error eorum qui dicunt causarum ordinem ex diuina prouidentia secundum modum necessitatis provenire. quorum vtrunque patet esse falsum ex dictis. Sunt autem quædam verba sacre script: quæ videntur omnia simplici voluntati Dei attribuire: quæ non dicuntur ad hoc vt ratio tollatur à prouidentia dispensatione, sed vt omnium primum principium Dei voluntas ostendatur, sicut iam dictum est: sicut illud Psalm. 134. Omnia quæcunque voluit Dominus fecit. & Iob. 11. Quis dicere ei potest, cur ita facis? Et Roman. 9. Voluntati enim eius quis resistit? Et August. dicit 3. de Trin. non nisi Dei voluntas causa prima sanitatis & ægritudinis præmiorum atque poenarum, gratiarū atque retributionum. sic ergo cum quæritur propter quid de aliquo effectu naturali, possumus reddere rationem ex aliqua proxima causa, dum tamen sicut in primam causam reducamus omnia in voluntatem diuinam: sicut si quæritur quare lignum est calefactum ad præsentiam ignis: dicitur quod calefactio est naturalis actio ignis: hoc autem quia calor est proprium accidens eius: hoc autem consequitur propriam formam eius: & sic inde quousque perueniatur ad diuinam voluntatem. vnde si quis responderet quærenti quare lignum calefactum est, quia Deus voluit, conuenienter quidem responderet, si intendit reducere quæstionem in primam causam: inconuenienter verò, si intendit omnes alias excludere causas.

## Super. Cap. 97.



OSTQVAM determinauit sanctus Thomas de certitudine diuinæ prouidentiae, nunc de eius rationabilitate determinat. Circa hoc autem tria facit. Primò ostendit quod ea quæ sunt per diuinam prouidentiam ordinata, habent aliquam rationem. Secundò excludit quosdam errores ibi, sicut igitur per præmissa. Tertiò infert vnum corollarium, eam dicit, sic ergo cum quæritur. Circa primum duo facit. Primò, ostendit propositum. Secundò, ostendit quod licet sit aliqua ratio diuinæ prouidentiae, est tamen aliquid in creaturis quod ex simplici Dei voluntate dependet. Quantum ad primum probat propositum tali ratione, ex fine sumitur ratio diuersitatis formarum ex diuersitate formarum sumitur ratio ordinis rerum, id est diuersitas graduum in naturis rerum: ex diuersitate formarum sequitur operationum differentia ac finium, & diuersa habitudo materiæ ad res: ex hac diuersa materiæ habitudine sequitur diuersitas agentium



rium & patientium: ex diuersitate formarum, & materialium, & agentium sequitur diuersitas proprietatum & accidentium: ergo cum per diuinam prouidentiam diuersa accidentia & actiones & passionis & collocationes scilicet secundum superius & inferius distribuuntur, non absque ratione accidit. Prima pars antecedentis probatur, Deus per suam prouidentiam omnia ordinat in bonitatem suam, sicut in finem, ut similitudo illius quantum possibile est imprimatur in rebus, sed non potest diuina bonitas ab vno aliquo perfecte representari, cum quilibet creatura ab eius perfectione deficiat: ergo ad hoc perfectioni modo representaretur, oportuit esse diuersitatem in rebus, sed res sunt diuersae, eo quod diuersas formas habet a quibus specie sortuntur, ergo, &c. probatur prima consequentia per simile in explicatione conceptus mentalis per verbum vocale, nam cum homo videt mentis conceptum vno vocali verbo sufficienter exprimi non posse verba ad illum exprimendum multiplicat, confirmatur quoque, quia per diuersitatem creaturarum diuinæ perfectionis eminentia considerari potest. Secunda vero pars antecedentis probatur, in formis differentia esse non potest, nisi per hoc quod vna perfectior existit quam alia. ergo & diuersitas rerum quæ est per formam, exigit quod in ipsis sit ordo & gradus, ergo, &c. probatur assumptio. Forma nihil aliud est quam similitudo diuinæ participata in rebus ut patet ex primo Physicorum, & quia secundum ipsam res habet esse, per hoc autem quod res habet esse, ad similitudinem Dei accedit: similitudo ad vnum simplex considerata diuersificari non potest nisi secundum quod magis & minus est propinqua vel remota, quanto aliquid propinquius ad diuinam similitudinem accedit perfectius est, ergo in formis differentia esse non potest nisi per hoc quod vna est perfectior alia. confirmatur autoritate Philosophi in 8. Metaphysicis assimilantis formas & naturas rerum numeris. ostenditur quoque ex ordine inanimatorum, plantarum, irrationalium, & rationalium, in quibus videmus diuersitatem secundum quod quædam sunt aliis perfectiora, in tantum quod ea quæ sunt suprema inferioris generis, videntur propinqua superiori generi, ut e converso: & etiam Dio. 7. cap. de diuinis nominibus ait. aduerte quod loquitur S. Thom. de diuersitate quæ est in formis, quæ dicitur diuersitas formalis, quæ scilicet sumitur ex diuersa ratione forme, talis enim diuersitas exigit ordinem inter illas scilicet quod vna sit superior, & altera inferior. tertia pars antecedentis probatur quo ad primam partem sic: operatio rei consequitur formam eius, ergo si sint diuersæ formæ, habent diuersas operationes, probatur antecedens, quia vnumquodque agit secundum quod est in actu: est autem in actu per formam. Quod ad secundam partem probatur: quia per propriam actionem res quælibet ad proprium finem pertingit. Quod ad tertiam vero partem probatur sic: præter formas per se subsistentes sunt quædam quæ per se subsistere non possunt, sed materiam pro fundamento requirunt: ergo oportet inter materias & formas esse proportionem, ergo necesse est quod diuersis formis diuersæ materię respondeant, ut scilicet quædam formæ requirant materiam simplicem: quædam vero compositam, & secundum diuersas formas oportet esse diuersam partium compositionem, probatur prima consequentia: quia non possent materia & forma ad aliquid vnum componendum conuenire, nisi esset aliqua proportio inter illa. Quarta pars antecedentis probatur, vnumquodque agit ratione forme, patitur vero ratione materię, ergo quorum formæ sunt perfectiores, & minus materiales, agunt in illa quorum formæ sunt imperfectiores, & magis sunt materialia. Quinta vero pars antecedentis probatur quo ad primam quidem & secundam partem: quia cum substantia sit causa accidentis, sicut perfectum imperfecti, oportet quod ex diuersis principiis substantialibus diuersa accidentia propria consequantur. Quo ad tertiam vero partem, quia ex diuersis agentibus sunt diuersæ impressiones in patientibus. Confirmatur conclusio auct. scripturæ & rerum productionem & gubernationem sapientiæ & prudentiæ attribuentis, ut Proverb. 3. Sapient. 8. & 11. ubi dicitur, Omnia in mensura & numero & pondere constituta sunt. Ex prædictis inferitur rationabiliter esse dictum a Boetio in primo sue Arithmetice, quod quæcunque à primæ rerum naturâ constituta sunt, ex numerorum videntur ratione esse formata. in prædicto enim diuinæ prouidentie ordine positum est primam rationem simpliciter esse diuinam bonitatem, primam vero rationem in creaturis esse rerum numerositatem, ad quam constituendam necesse est gradus diuersos in formis & materiis & agentibus & patientibus & actionibus & accidentibus esse.

CIRCA istas duas propositiones: Per diuinam prouidentiam omnia ordinantur in bonitatem diuinam, ut similitudo eius quantum possibile est, imprimatur rebus, & non potest diuina bonitas ab vno aliquo perfecte representari: aduerte quod dupliciter illas possumus interpretari. primo quod per ipsas non intendit sanctus Thom. velle Deum per multitudinem creaturarum suam bonitatem absolute sumptam manifestare, & rebus imprimere quantum possibile est, ut licet tantum & quantum importent adæquationem absolute inter bonitatem diuinam representabilem à creatura, & similitudinem creaturarum representationem, neque multitudinem creaturarum perfecte secundum æqualitatem representare diuinam bonitatem absolute, quam vna creatura perfecte representare non potest, sed loquitur de bonitate diuina, ut manifestada secundum determinationem diuinæ sapientiæ, sicut enim per suam sapientiam Deus determinauit suam bonitatem secundum quandam similitudinem communicare & manifestare, ita determinauit ipsam secundum aliquos gradus perfectionis communicare. de ista ergo similitudine diuinæ bonitatis rebus imprimenda sic per eius sapientiam determinata loquendo Deus per suam prouidentiam determinauit, ut quantum possibile est, imprimatur rebus, id est, ut rebus imprimatur perfectioni modo quo imprimi potest, & tantum quantum creatura patitur natura: unde cum creaturæ conuenire non possit ut omnes gradus bonitatis diuinæ secundum determinationem diuinæ sapientiæ communicandi in vno aliquo manifestentur & imprimantur, oportuit diuersitatem esse in rebus, similiter vna creatura non potest diuinam bonitatem representare perfecte, id est, secundum omnes gradus secundum quos Deus eam manifestare decreuit, sed bene vniuersas creaturarum illam representare perfecte, id est, secundum omnes illos gradus, licet non perfecte absolute, quia sunt infiniti alij gradus diuinæ bonitatis secundum quos manifestari posset: sed quia sanctus Thom. inferius videtur accipere tanquam prius in diuina voluntate, hoc quod est velle communicare bonitatem diuinam quantum possibile est, quam hoc quod est vel-

le eam communicare secundum istos determinatos gradus perfectionis: ideo secundò possumus interpretari quod licet in quantum, non importat adæquationem communicationis bonitatis diuinæ ad possibilitatem receptionis creaturæ absolute, ut sit sensus quod Deus vult ut similitudo bonitatis suæ imprimatur rebus secundum omnem gradum qui non repugnat creaturæ. sunt enim multi gradus diuinæ similitudinis quos non repugnat in creaturis esse, & tamen Deus non determinauit illos creaturis communicare: sed explicat & specificat genus & rationem communicationis & impressionis. cum enim forma alicuius tripliciter possit intelligi alteri communicari scilicet secundum eandem rationem & eundem modum essendi, secundum eandem rationem tantum, & solum secundum quandam similitudinis participationem: sensus est quod per diuinam prouidentiam statuitur ut similitudo diuinæ bonitatis imprimatur rebus: non quidem secundum eandem rationem: neque secundum illum modum essendi quo bonitas diuina est in seipsa, quæ scilicet vnitè & indiuisibiliter omnem perfectionem continet, quia iste modus non est possibilis creaturæ: sed per quādam similitudinis diffusionem, per illum enim modum creaturæ potest diuina bonitas communicari. iste autem modus est, ut quod vnitè continetur in diuina bonitate, in creaturis multipliciter recipiatur, & per hunc etiam modum dicitur tota vniuersitas creaturarum perfectioni modo representare diuinam bonitatem quam vna sola creatura, unde non intendit S. Thom. in 1. propositione quod in vno non possit perfecte representari absolute: in multis autem possit per acceptionem naturæ diuinæ secundum eandem rationem quā in Deo est, sed quod non ita perfecte modo in vno manifestari potest sicut in multis secundum acceptionem aliqualis similitudinis bonitatis diuinæ.

CIRCA illam propositionem: Ex diuersitate formarum & materialium sequitur diuersitas proprietatum & accidentium: aduertendum quod ex materia secundum se in quantum huiusmodi ut à forma præscinditur, non sequuntur aliquæ proprietates aut accidentia, cum ut sic dicat potentiam passivam, sed dicuntur aliqua huiusmodi consequi materiam, quia consequuntur formam, ut est in materia taliter disposita: secundum enim diuersitatem materię sequuntur ex forma diuersa accidentia, & etiam quia ex natura composita ex forma & materia secundum diuersam conditionem materię sequuntur diuersa accidentia. unde quod dicitur hic ex diuersitate formarum & materialium sequi diuersa accidentia, intelligendum est de forma & materia coniunctim, non diuisim.

CIRCA illam interpretationem quam hic ponit sanctus Thom. mensuræ, numeri, & ponderis existentium in rebus, aduertendum quod aliter exponit ea hoc loco, & aliter 1. quæst. 5. & Ver. q. 21. hic enim exponit ea secundum quod in vniuersitate rerum inueniuntur: in illis vero locis exponit secundum quod inueniuntur in vnaquaque re creatæ, secundum tamen eadem consideratur in rerum vniuersitate: & in vnaquaque re, ut patet conferenti ex quæ hic dicuntur, ad ea quæ dicuntur in locis præallegatis.

CIRCA ipsam conclusionem aduertendum quod non ideo ponitur diuinam prouidentiam habere rationem, quasi aliquid sit causa ipsius ex parte Dei prouidentis, sed quia ex parte particularium effectuum prouidentia potest assignari aliqua ratio & aliqua causa cum interrogatur quare hoc est. cum enim queritur quare est, diuersitas formarum in rebus creatis, respondetur finis pro causa, scilicet ut manifestetur diuina bonitas in rebus, quæ per vnum manifestari non poterat. si vero queritur quare in perfectionibus rerum inuenitur ordo, ita quod vna est maior, & altera minor, redditur pro causa proxima ipse formarum ordo, quia scilicet formarum vna est altera perfectior, alia vero imperfectior, & sic de aliis: & idcirco non potest dici quod Deus absque ratione gubernet creaturas: licet ipse naturæ diuinæ intellectus prouidentis causam non habeat. Secundo, ostendit sanctus Thomas, quod ratio secundum quam diuina prouidentia res dispensat, sumitur ex suppositione diuinæ voluntatis: ad huius autem manifestationem præmititur quod operatiua ratio siue argumentatio aut inquisitio operatiua, & inquisitio speculatiua conueniunt quidem in hoc, quod incipiunt ab aliquo principio, & per media ad aliquod intentum deueniunt: sed differunt primò, quia in speculatiuis principium est forma, & quod quid est: in operatiuis vero est finis, qui quandoque est forma, quandoque aliquid in aliud. Secundo, quia in speculatiuis principium oportet semper esse necessarium, ut hominem velle esse felicitatem, quandoque vero non, ut hominem velle domus ædificationem. Tertio, quia in speculatiuis semper posteriora ad priora de necessitate sequuntur, non autem in operatiuis, sed tunc tantum quando ad finem non nisi per hanc viam perueniri potest, sicut ei qui vult domum ædificare, quamvis velit ædificare domum ex sua simplici voluntate, non autem ex ratione domus, necessarium est quod quærat ligna. isto supposito probatur intentum sic, quod creaturæ producantur in esse, quamvis ex ratione diuinæ bonitatis habeat originem, tamen ex simplici Dei voluntate dependet: & similiter quod suam bonitatem secundum hanc vel illam perfectionis mensuram communicare velit, aut secundum hunc vel illum numerum rerum, supposito tamen quod Deus velit bonitatem suam secundum quod possibile est creaturis communicare, ex hoc rationem accipit, quod creaturæ sint diuersæ: & supposito quod Deus hunc numerum rerum & hanc vniuersitatem rei perfectionis mensuram statuere velit, ex hoc rationem accipit: quod habeat formam talem, & materiam talem, ergo quamvis prouidentia diuina secundum quandam rationem res dispenset, sumitur tamen hæc ratio ex suppositione diuinæ voluntatis. Probatur antecedens quo ad primam partem, quia quamvis Deus suam bonitatem necessariò amet, non tamè necessariò sequitur quod per creaturas representetur, cum siue hoc diuina bonitas sit perfecta, similiter quamvis Deus velit bonitatem secundum quod possibile est communicare creaturis, non sequitur tamen necessariò quod secundum hanc aut illam perfectionis mensuram velit communicare: cum videlicet secundum aliam perfectionem manifestari & communicari possit.

CIRCA secundam differentiam inter operatiuam & speculatiuam rationem, aduertendum quod principium in operatiuis esse necessarium accipitur secundum proportionem ad principium necessarium in speculatiuis. cum enim intellectus recipiat verum tanquam obiectum, voluntas vero bonum & appetibile principium ex quo procedit ratio speculatiua scilicet scientifica quæ ad veritatis cognitionem tendit, oportet esse necessarium



neceſſitate veritatis, ita ſcilicet quod neceſſariam veritatem contineat, & falſum eſſe non poſſit. principium verò rationis practicæ, quod non tendit principaliter ad veritatis cognitionem, ſed ad operationem alicuius appetitû & amari, quando eſt neceſſarium, intelligitur habere neceſſitatem appetibilitatis, ita ſcilicet quod non appeti non poſſit. hoc modo dicimus quod beatitudo quæ eſt finis hominis, eſt principium neceſſarium rationis practicæ, quia non poteſt ipſam voluntas non velle, ſi in actum exeat circa ipſam. ſimiliter cum in diuino intellectu & diuina voluntate aliquem ordinem ponimus ſecundum noſtrum modum intelligendi, dicimus bonitatem diuinam eſſe principium neceſſarium: quia Deus ipſam neceſſariò amat, & ex ratione ſux perfectionis habet quod ametur, & quod non poſſit non amari: propter quod dixit ſanctus Thom. quod produciò creaturæ habet originem ex ratione diuinæ bonitatis, ſecundum quam videlicet cõuenit ſibi quod neceſſariò Deus eam amet. e contrario autem dicitur in operatiuis principium nõ eſſe neceſſarium quando non eſt neceſſariò appetibile, ſicut & in ſpeculatiuis diceretur principium non neceſſariò in ſe contineret veritatem neceſſariam, ſed poſſet eſſe falſum. hoc modo dicimus quod domus ædificanda non eſt principium neceſſarium: quia non neceſſariò homo vult ædificare domum, eò quod nõ conueniat domui ædificandæ ex propria ratione vt ametur & deſideretur, ſed ex libera hominis voluntate proueniat.

CIRCA rationem aduertendum quòd hunc ordinem in diuina voluntate san<sup>ct</sup>. Thom. ponit ex parte scilicet volitorum, non ex parte ipsius voluntatis, quòd inquam primò Deus vult bonitatem suam, secundò vult eam communicare, tertio vult diuersitatem creaturarum esse, quarto vult ipsam secundum istos determinatos perfectionis gradus communicare creaturis, quinto vult huic rei dare hanc materiam, & hanc formã, illi verò illam. in hoc ordine autem primò est necessariò volitum absolutè, tertium est volitum ex suppositione secundi: vltimò verò est volitum ex suppositione tertij: sed alia intermedia ex mera libera voluntate diuina procedunt, sicut cum diuersis viis potest quis ad aliquem locum tendere, quòd istam eligat, ex eius libera voluntate prouenit.

Quantum ad secundum principale, ex prædictis sancti Thomæ duos excludit errores, scilicet & loquenti in lege Saracenorum, ubi Rabi Moyses ait, dicentium omnia simpliciter dei voluntatem abque ratione sequi: & aliorum dicentium causam ordinem ex diuina providentia per modum necessitatis sequi, & licet, inquit sancti Thomæ, quædam verba facere scripturæ videantur omnia simpliciter dei voluntati attribueræ, vt in Psalm. & Iob. 21. & Rom. 9. & etiam August. 3. Tri. videtur dicere, tamen non dicuntur ad hoc vt ratio tollatur à providentiæ dispensatione: sed vt omnino primum principium dei voluntas ostendatur. Quantum ad tertium inferitur collariæ, quòd cum queritur propter quid de aliquo effectu naturali possumus reddere rationem ex aliqua causa proxima, tamen sicut in primam causam reducamus omnia in voluntatem diuinam, declarat exemplariter, quum videlicet queritur quare lignum est calefactum ad præsentiam ignis. Si enim respondeatur, quia deus voluit, conuenienter responderetur: quia reducatur questio in causam primam: inconvenerienter vero si aliter excludatur causæ.

*Quomodo Deus possit aut non possit facere prater  
ordinem suae providentiae.*

Cap. 98.

**E** præmissis autem accipi potest duplicis ordinis consideratio: quorum vnus quidem dependet ex prima omnium causa: vnde & omnia complectitur: alius particularis qui ex aliqua causa creata dependet, & continet illa quæ illi subduntur, & hic quidem multiplex est secundum diuersitatem causarum quæ inter creaturas inueniuntur: vnum tamen eorum sub altero continetur: sicut & causarum vna sub altera existit: vnde oportet quod omnes particulares ordines sub illo vniuersali ordine contineantur, & ab illo descendât, qui inueniuntur in rebus: secundum quod à prima causa dependent. huiusmodi exemplum in politicis considerari potest. nam omnes domestici vnius patris familiæ ordinem quandam adinuicem habent: secundum quod ei subduntur. Rursus autem tam ipse pater familiæ, quam omnes alij qui sunt sue ciuitatis, ordinem quandam adinuicem habent, & ad principem ciuitatis: qui iterum cum omnibus qui sunt in regno, aliquem ordinem habent ad regem. Ordinem autem vniuersalem secundum quæ omnia ex diuina prouidentia ordinantur, possumus considerare dupliciter, scilicet quantum ad res quæ subduntur ordini. & quantum ad ordinis rationem, quæ ex principio ordinis dependet. ostensum est autem in secundo, \* quod res ipsæ quæ à Deo sub ordine ponuntur: proueniunt ab ipso, non sicut ab agente necessitatem naturæ, vel cuiuscunque alterius: sed ex simplici voluntate, maxime quantum ad primam rerum institutionem. relinquitur ergo quod præter ea quæ sub ordine diuinæ prouidentię cadunt, Deus aliqua facere potest, non autem est eius virtus ad has vel illas res obligata. Si autem consideremus prædictum ordinem

quantum ad rationem à principio dependentē, ſicut præter ordinem illum Deus facere non poteſt. ordo enim ille procedit (vt dictum eſt) ex ſcientia & voluntate Dei omnia ordinante in ſuam bonitatem ſicut in finem. non eſt autem poſſibile quòd Deus aliquid faciat quod non ſit ab eo volitum. cum creaturæ ab ipſo non procedant naturaliter, ſed per voluntatem, vt \* oſtenſum eſt. neque etiam eſt poſſibile ab eo aliquid fieri quòd eius ſciētiæ nō comprehendatur, quum voluntas eſſe non poſſit niſi de aliquo noto: neque iterum eſt poſſibile quòd in creaturis aliquid faciat quod in ſuam bonitatem non ſit ordinatum ſicut in finem : quum ſua bonitas ſit proprium obiectum voluntatis ipſius. ſimiliter autem quum Deus ſit omnino immutabilis, impoſſibile eſt quòd aliquid velit quod prius noluerit: aut aliquid de nouo incipiat ſcire, vel in ſuam ordinet bonitatem. nihil igitur Deus facere poteſt quin ſub ordine ſuæ prouidentię cadat : ſicut non poteſt aliquid facere quod eius operationi nō ſubdatur: poteſt tamen alia facere quàm ea quæ ſubdūt ſuis prouidentię vel operationi, ſi abſolutè conſideretur eius poteſtas: ſed nec poteſt facere aliqua quæ ſub ordine prouidentię ipſius ab æterno non fuerunt, eò quòd mutabilis eſſe non poteſt. Hanc autem diſtinctionem quidam non conſiderantes in diuerſos errores inciderunt. Quidam enim immobilitatem diuini ordinis ad res ipſas quæ ordini ſubduntur, extendere conati ſunt, dicentes quòd omnia neceſſe eſt eſſe ſicut ſunt, in tantum quòd quidam dixerūt, quòd Deus non poteſt alia facere quàm quæ facit : contra quod eſt quòd habetur Matth. 26. An putas quia nō poſſum rogare patrem meum, & exhibebit mihi pluſquàm duodecim legiones angelorum. Quidam autem econuerſo mutabilitatem rerum quæ diuinæ prouidentię ſubijciuntur, immutabilitatem diuinæ prouidentię tranſtulerunt, de eo carnaliter ſentiente quòd Deus ad modum carnalis hominis ſit in ſua voluntate mutabilis: cōtra quod dicitur Numeri 23. Nō eſt Deus quaſi homo vt mentiar, nec vt filius vt mutetur. Alij vero contingentiam diuinæ prouidentię ſubtraxerunt: contra quos dicitur Thren. 3. Quis eſt iſte qui dixit vt fieri aliquid domino non iubente?

Lib. 2. c. 88.

Super Cap. 98.

**P**OSTquam de diuina prouidentia ostensum est quod ad omnia se extendat, vult sanctus Thomas ostendere quomodo præter ipsam Deus agere possit. Circa hoc autem duo facit. Primum ostendit quod Deus aliquo modo potest agere præter ordinem suæ sapientie, aliquo verò modo non. Secundo ostendit quod potest agere præter ordinem rebus inditum cap. sequenti. Circa primum tria facit. Primum ponit quasdam distinctiones. Secundo ostendit propositum. Tertiò quosdam errores eliminat. Quantum ad primum duas tangit distinctiones. Prima est, duplex est ordo, vnus vniuersalis qui dependet ex prima causa, & omnia complectitur: alius particularis, qui scilicet ex aliqua causa creata dependet, & continet ea quæ illi causæ subduntur. talis autem est multiplex secundum causarum diuersitatem, & vnus eorum sub altero continetur, sicut vna causa sub alia, & omnes sub illo vniuersali ordine continentur, & ab illo descendunt, cum inueniantur in rebus secundum quod à prima causa dependent. declaratur per exemplum in politicis: omnes enim domestici vnus patris familiaris ordinem quandam habent secundum quod ei subduntur.

ADVERTENDVM quòd quum omnes effectus vnius causæ ordi-  
nem quandam habeant secundum quòd ab vna causa dependunt, vt dixit  
S. Thom. superius cap. 96. vbi inquam plures effectus ab vna causa procedunt,  
secundum quòd multiplices sunt causæ, ita multiplices sunt ordines  
effectuum ab illis causis dependentium: & sicut aliqua est causa vniuersalis  
à qua omnia secundum suum effectum dependunt, aliqua verò parti-  
cularis à qua determinati effectus proueniunt: ita duplex est ordo, scilicet  
vniuersalis, quia omnia complectitur: & particularis, quia aliquos tantum  
complectitur effectus, ordo autem qui est inter effectus vnius causæ,  
si comparatur ad principium ipsius ordinis, est vnus: si autem comparatur  
ad ipsos effectus sub causa contentos, & ab ipsa ordine quodam procedentes,  
dum vnus alium præcedit, alius verò sequitur, habet multiplici-  
tatem secundum effectuum ordinatorum multitudinem. est etiam vnus per  
comparationem ad principalem finem illius causæ, in quantum omnia ad  
vnum finem qui est causa intentus ordinantur, quia ergo sanctus Thomas  
loquitur de ordine rerum per comparisonem ad causam & principium  
ordinis, ideo de ordine contentorum sub vna causa loquitur, tanquam de  
vno ordine, & comparat ipsum ad ordinem contentorum sub alia causa  
tanquam ad aliquod vnum. Secunda distinctio est, quòd ordinem vniuer-  
salem secundum quem omnia ex diuina prouidentia ordinantur, possumus  
considerare & quantum ad res quæ subduntur ordini, & quantum  
ad ordinis rationem quæ ex principio ordinis dependet.

ADVERTE quòd per rationem ordinis intelligit sancti Thom. speciem



ciem & naturam ordinis, quæ ex principio ordinis sumitur. Cùm enim prius & posterius in aliquo ordine dicantur per comparationem ad principium ordinis, ut dicitur quinto Metaphysicæ, & ponit sanctus Thomas Quolibet quinto, quæstione duodecima articulo primo, & primo Sententiarum distinctio 20. articulo tertio, ex ipso principio accipit ordo speciem, sicut aliquis est ordo secundum locum, aliquis est ordo secundum tempus, in quantum vnus accipitur per comparationem ad principium loci, alius verò per comparationem ad aliquod principium temporis. potest ergo considerari ordo rebus statutus ex diuina prouidentia aut ex parte rerum quibus imponitur & determinatur ordo, aut ex parte sui principij ex quo ipse ordo habet ut dicatur ordo diuinæ prouidentie, & diuinæ voluntatis & scientiæ, sicut si diceremus ordinem aliquorum secundum locum posse considerari, aut in quantum est ordo talium rerum, aut in quantum est ordo secundum locum: & iste est sensus huius distinctionis. Quantum ad secundum, ponuntur due conclusiones. Prima est, Deus potest aliquid facere præter ea quæ sub ordine diuinæ prouidentie cadunt, nec est eius virtus ad has vel illas res obligata. probatur: res proueniunt à Deo non per necessitatem naturæ vel cuiuscunque alterius, ut ostensum est in secundo li. sed ex simplici eius voluntate, maxime quantum ad primam rerum institutionem, ergo, &c.

ADVERTE quod addit sanctus Thomas vel cuiuscunque alterius, ut ostendat quod Deus neque per necessitatem naturæ agit, neque per necessitatem voluntatis, neque per necessitatem intellectus, aut iustitiæ, quia quouis istorum modorum de necessitate ageret, sequeretur quod non posset Deus aliquid facere præter ea, quæ sub ordine diuinæ prouidentie cadunt. Vnde quidam eorum qui hoc asserbant, mouebantur, quia dicebant Deum agere de necessitate naturæ, & per consequens eius virtutem esse ad certos effectus limitatam, quidam verò, quia dicebant Deum agere de necessitate sapientiæ & iustitiæ suæ. Propterea utroque fundamento destructo, ex præcedentibus relinquit sanctus Thom. eorum positionem falsam esse.

ADVERTE etiam quod addit, maxime quantum ad primam rerum institutionem, quia ut in secundo est ostensum, licet primi effectus diuini ex simplici voluntate diuina dependant, posteriores tamen effectus habent aliquam necessitatem ex suppositione. Secunda conclusio est, Deus non potest præter dictum ordinem facere, si consideretur quantum ad rationem à principio dependentem. probatur, ordo ille procedit ex scientia & voluntate Dei omnia ordinante in suam bonitatem sicut in finem: sed non potest præter dictum ordinem facere, ergo, &c. probatur minor discurrendo per singula. Non enim potest esse quod fiat aliquid à Deo quod non sit ab eo volitum, cùm res ab eo per voluntatem procedant: neque quod eius scientia non comprehendatur, cùm voluntas non possit esse nisi de aliquo noto: neque quod in suam bonitatem non sit ordinatum sicut in finem, cùm bonitas suæ sit proprium obiectum suæ voluntatis, similiter cùm Deus sit omnino immutabilis, non potest esse quod aliquid vellet quod prius noluerit, aut quod de nouo aliquid incipiat scire, vel in suam ordinem bonitatem.

CONCLVDITVR ergo utranque conclusionem comprehendendo, quod nihil potest Deus facere quin sub ordine suæ prouidentie cadat, sicut non potest aliquid facere quod eius operationi non subdatur, licet alia possit facere quam ea quæ eius prouidentie & operationi subduntur, si absolute consideretur eius potestas: nec etiam potest facere aliqua quæ sub ordine prouidentie eius ab æterno non fuerint, cùm sit immutabilis.

AD euidentiam istarum conclusionum considerandum est, quod cùm queritur utrum Deus possit facere præter ordinem suæ prouidentie, duplex potest esse questio. Primum est, ut fiat comparatio potentie diuinæ secundum se ad prouidentiam quam Deus habet de rebus in ordine ad obiecta vniuersale, & est sensus, utrum potentia diuina ad alia obiecta se extendat quam ad illa quæ sub diuina prouidentia cadunt: & ad hunc sensum posita est prima conclusio quod sit. Idem enim est dicere, Deus potest aliquid facere præter ea quæ sub diuina prouidentia cadunt: & dicere, potentia diuina ad alia obiecta se extendit quam sint obiecta quæ sub diuina prouidentia cadunt: quod sanè verum est, quia ut dicitur x. q. 25. artic. 1. ipsum posse Dei non subiacet præordinationi diuinæ, cùm sit naturale. Secundo potest esse questio ut fiat comparatio ipsius actualis productionis rerum ad præordinationem diuinam ex scientia & voluntate dependentem. & est sensus, utrum possit esse in actu quod operatio diuina ad aliquid se extendat, ad quod non se extendat diuina præordinationis: & ad hunc sensum posita est secunda conclusio. Idem enim est dicere, præter ordinem diuinæ prouidentie secundum suam rationem à principio dependentem consideratum Deus non potest facere, & dicere, non potest esse quod Deus aliquid actualiter faciat, & illud non sit præordinatum, hoc enim verissimum est, quia ut dicitur loco præallegato, ipsum facere Dei subiacet diuinæ præordinationi, licet ipsum posse facere illi non subiaceat.

CONSIDERANDVM secundò, quod ex duobus contingere posset, ut aliquid Deus faceret quod non est præordinatum, & sic ageret præter ordinem prouidentie, aut videlicet quia illud faceret absque cognitione & voluntate, quæ sunt principia illius præordinationis, sicut dicitur aliquid fieri ab homine præter eius cognitionem, quando illud quod facit, non cognoscit, aut quia sua præordinatio mutaretur, ordinando videlicet aliquid quod prius non ordinauit, sicut diceretur hominem posse facere præter cognitionem quam nunc habet, quia potest habere nouam aliquam cognitionem, & secundum illam operari. Vtrumque ergo istorum remouet sanctus Thomas à Deo in sua ratione. Primum, cùm ait non esse possibile ut Deus aliquid faciat quod non sit volitum, & scientia sua comprehendens, ac in diuinam bonitatem ordinatum. Secundum verò cùm ait, quod est impossibile ut Deus aliquid velit quod prius noluerit, aut quod de nouo incipiat scire, vel in suam ordinem bonitatem. pater enim omnia ista sensum cõpositum includere, scilicet quod aliquid prius non sit in diuina voluntate & scientia, & postea sit in illis: quod mutationem in Deo ponit.

ADVERTENDVM quoque circa id quod addit sanctus Thomas, si absolute consideretur eius potestas, quod dat intelligere vulgatam illam distinctionem de potentia Dei absoluta & ordinaria, si enim potentia Dei

absolute consideretur, nullo scilicet habito respectu ad determinationem diuinæ sapientiæ, potest Deus alia facere præter ea quæ eius prouidentie & operationi subduntur. si autem consideretur ut exequitur imperium sapientiæ & voluntatis quibus determinauit Deus hos effectus esse producos & alios, quomodo considerata nominatur à nobis potentia ordinaria, sic non potest Deus alia facere quam ea quæ eius prouidentie subijciuntur.

QUANTVM ad tertium, tres excluduntur errores ex inconsideratione prædictæ distinctionis proueniens. Primus est eorum qui dixerunt omnia necesse esse, sicut & adhuc amplius quod Deus non potest alia facere quam quæ facit, immobilitatem diuini ordinis ad res ipsas quæ ordini subduntur extendentes: contra quos est autoritas Matth. 16. An non putas, &c. Secundus est eorum qui contrario rerum mutabilitatem quæ subduntur prouidentie, immutabilitatem diuinæ prouidentie transulerunt, ponentes Deum ad modum hominis esse in sua voluntate mutabilem: contra quos est autoritas Numeri vigesimo tertio: Non est Deus, &c. Tertius est eorum qui dixerunt diuinam prouidentiam ad contingentiam non se extendere: contra quos est autoritas Threnorum 3. Quis est iste, &c.

ADVERTE quod primus error & tertius sunt directè contra primam conclusionem, secundus verò est contra secundam.

*Quod Deus potest operari præter ordinem rebus inditum, producendo effectus absque causis proprijs.*

Capit. 29.



ESTAT autem ostendere quod præter ordinem ab ipso rebus inditum Deus agere possit. Est enim ordo diuinitus institutus, ut inferiora per superiora moueantur à Deo, ut supra dictum est. potest autem Deus præter hunc ordinem facere, ut scilicet ipse effectum aliquem in inferioribus operetur, nihil ad hoc agente superiori agente. in hoc enim differt agens secundum necessitatem naturæ, ab agente secundum voluntatem, quia ab agente secundum necessitatem naturæ effectus non potest sequi, nisi secundum modum virtutis actiue: vnde agens quod est maxime virtutis, non potest immediate producere effectum aliquem paruum: sed producit effectum suæ virtuti proportionatum: in quo tamen inuenitur quandoque minor virtus quam in causa: & sic per multa media tendens à causa suprema prouenit aliquis paruus effectus: in agente autem per voluntatem non est sic. nam agens per voluntatem, statim sine medio potest producere quemcunque effectum, qui suam non excedat virtutem. artifex enim perfectissimus potest facere opus quale faciat artifex & imperfectus. Deus autem operatur per voluntatem, & non per necessitatem naturæ, ut supra \* ostensum est: igitur minores effectus qui fiunt per causas inferiores, potest facere immediate absque secundis causis.

Adhuc, virtus diuina comparatur ad omnes virtutes actiuas sicut virtus vniuersalis ad virtutes particulares, sicut per supradicta patet. virtus autem actiua vniuersalis ad particularem effectum producendum determinari potest dupliciter. vno modo per causam mediam particularem, sicut virtus actiua cælestis corporis determinatur ad effectum generationis humanæ per virtutem particularem quæ est in semine, sicut & in syllogismis virtus propositionis vniuersalis determinatur ad particularem conclusionem per assumptionem particularem. alio modo per intellectum qui determinatam formam apprehendit: & eam in effectum producit. diuinus autem intellectus non solum est cognoscitiuus suæ essentia, quæ est quasi vniuersalis virtus actiua: neque etiam tantum vniuersaliū & primarum causarum, sed omnium particularium, sicut per supradicta patet. potest igitur producere immediate omnem effectum quem producit quodcunque particularem agens.

Amplius, cùm accidentia consequantur principia substantialia rei: oportet quod ille qui immediate substantiam rei producit, possit immediate circa ipsam rem operari quæcunque ad substantiam eius consequuntur. generans enim quod dat formam, dat omnes proprietates & motus consequentes. ostensum est autem supra, quod Deus in prima rerum institutione omnes res per creationem immediate produxit in esse. potest igitur immediate vnāquamque

Capit. 82. & quinq; antecedentibus.

\* Cap. 23. lib. 1.

Capit. 67. & sequentibus.

Cap. 67.

Lib. 2. c. 21.



quamq; rem producere siue mouere ad aliquem effectum absque mediis causis.

4 Item, Ordo rerum profuit in res secundum, quod est præcogitatus in intellectu ipsius: sicut videmus in rebus humanis, quod princeps ciuitatis ordinem apud se præmeditatum cuilibet imponit, intellectus autem diuinus non est determinatus ad hunc ordinem de necessitate, ut nullum alium ordinem intelligere possit: cum & nos alium ordinem per intellectum apprehendere possumus. potest enim intelligi à nobis quod Deus hominem ex terra absq; femine formet, potest igitur Deus præter inferiores causas effectum illis causis proprium operari.

5 Præterea, Licet ordo rebus inditus a prouidentia diuina bonitatem suo modo præsentet, non tamen ipsam re præsentat perfecte: cum non pertingat bonitas creaturæ ad æqualitatem bonitatis diuinæ, quod autem non repræsentatur perfecte per aliquod exemplatum, potest iterum præter hoc alio modo repræsentari. repræsentatio autem diuinæ bonitatis in rebus est finis productionis rerum à Deo, ut supra ostensum est, non est igitur voluntas diuina determinata ad hunc ordinem causarum & effectuum, ut non possit velle effectum aliquem in inferioribus producere immediate absque aliis causis.

6 Adhuc, vniuersa creatura magis est Deo subdita quam corpus humanum sit subditum animæ eius. nam anima est corpori proportionata ut forma ipsius: Deus autem omnem proportionem creaturæ excedit. ex hoc autem quod anima imaginatur aliquid, & vehementer afficitur ad illud, sequitur aliquando immutatio in corpore ad sanitatem vel ægritudinem absque actione principiorum corporaliū quæ sunt nata in corpore ægritudinem vel sanitatem causare. multo igitur magis ex voluntate diuina potest effectus aliquis sequi in creaturis absq; causis quæ naturæ sunt secundum naturam illum effectum producere.

7 Præterea, secundum naturæ ordinem virtutes actiuæ elementorum sub virtutibus actiuis corporum caelestium ordinantur: proprium autem effectum virtutum elementarium interdum virtus caelestis efficit absque actione elementi: sicut patet cum sol calefacit absque ignis actione. multo igitur magis & diuina virtus absque actione causarum creaturarum potest producere proprios effectus earum. Si autem quis dicat, quod cum ordinem istum rebus Deus indiderit, non potest esse absque mutatione ipsius ut præter ordinem ab ipso institutum operetur in rebus effectus absque propriis causis producendo: ex ipsa rerum natura repellipotest. Ordo enim inditus rebus à Deo, secundum id, est quod in rebus frequenter accidere solet, non autem vbique, vel secundum id quod est semper, multa enim naturalium causarum effectus suos producunt eodem modo ut frequenter: non autem ut semper. nam quandoque licet ut in paucioribus aliter accidit, vel propter defectum virtutis agentis, vel propter materiæ indispositionem: vel propter aliquod fortius agens: sicut cum natura in homine generat digitum sextum non tamen propter hoc deficit, aut mutatur prouidentia ordo. nam & hoc ipsum quod naturalis ordo institutus secundum ea quæ sunt frequenter, quandoque deficiat, prouidentia subest diuinæ. si ergo per aliquam virtutem creatam fieri potest, ut ordo naturalis mutetur, ab eo quod est frequenter, ad id quod raro, absque mutatione prouidentia diuinæ: multo magis diuina virtus quandoque aliquid facere potest sine prouidentia suæ præiudicio, præter ordinem naturalibus inditum rebus à Deo. Hoc enim ipsum ad suæ virtutis manifestationem facit interdum. nullo enim modo melius manifestari potest quod tota natura diuinæ subiecta est voluntati, quam ex hoc quod quandoque ipse præter ordinem naturæ aliquid operatur. Ex hoc enim apparet quod ordo rerum processit à Deo non per necessitatem naturæ, sed per liberam voluntatem. Nec debet hæc ratio friuola reputari, quod Deus aliquid facit in naturam, ad hoc quod Deus se mentibus hominum manifestet: cum supra ostensum sit, quod omnes creaturæ corporales ad naturam in-

tellectuum ordinantur quodammodo sicut in finem. Ipsius autem intellectualis naturæ finis est diuina cognitio, ut in superioribus est ostensum. non est ergo mirum si ad cognitionem de Deo intellectuali naturæ præbendam sit aliqua mutatio in natura corporali.

## Super Cap. 99.



VM ostenderit sanctus Thomas quo pacto possit Deus præter ordinem suæ sapientiæ agere, vult vterius ostendere quomodo agere possit præter ordinem ab ipso rebus inditum. Circa hoc autem duo facit. Primum propositum ostendit. Secundo de ipsis rebus à Deo præter ordinem naturæ factis determinat, cap. sequent. circa primum tria facit. Primum propositum probat. Secundo remouet quoddam dubium. Tertiū assignat rationem prætermissionis huius ordinis à Deo. Quantum ad primum, proponit hæc conclusionem, quod præter ordinem à Deo rebus inditum, quod est ut inferiora per superiora moueantur, potest ipse facere effectum, scilicet aliquem in inferioribus agendo nihil ad hoc operante superiori agente, qui inquam infra Deum sit: & arguit primum sic. Deus operatur per voluntatem, & non per necessitatem naturæ, ergo statim sine medio potest producere quemcunque effectum qui suam non extendat virtutem, ergo minores effectus qui sunt per causas inferiores, potest facere immediate absque causis secundis. Consequentia prima probatur, tum ex differentia inter agens per necessitatem naturæ, & agens per voluntatem, quia videlicet agens naturale maximæ virtutis non potest immediate producere aliquem effectum paruum, sed bene agens per voluntatem tunc exemplo artificis, perfectissimus enim artifex potest facere opus quale facit artifex imperfectus, secunda verò relinquatur pro manifesta.

CIRCA consequens primæ consequentiæ aduertendum quod ista dictio, statim, propriè quidem significat sine intermissione, & tempore immediate sequenti, siue paruo interiecto tempore, sed & ab hoc etiam deriuatur ad significandum idem quod immediate in mediatione causalitatis & efficientia, quasi dicatur aliquis effectus statim produci ab aliqua causa, quia inter causam & talem effectum non cadit duratio alterius producti à tali causa aut alia causa operans. Cum ergo dicitur quod agens per voluntatem statim sine medio potest producere effectum quemcunque qui suam non extendat virtutem, non accipitur li statim in propria significatione: quia hic non intendit S. Thom. immediate in duratione inter causam & effectum tractare, sed accipitur transumptiue, ut idem est quod nullo mediante effectū, nullaue intercedente alia causa, vnde li sine medio, est expositio illius termini statim.

CIRCA differentiam hæc assignatam inter agens per necessitatem naturæ, & agens per voluntatem, considerandum quod agens per necessitatem naturæ agit per formam per quam est in actu, vnde hic dicitur quod ab ipso non potest sequi effectus nisi secundum modum virtutis actiuæ, modo illius formæ: agens verò per voluntatem, agit, per formam quam & concipit, iccirco oportet effectum causæ agentis de necessitate naturæ proportionari formæ per quam agens est in actu, effectum autem agentis per voluntatem proportionari conceptioni & ordinationi agentis, ideo bene inquit sanctus Thomas quod agens naturale quod est maximæ virtutis, non potest immediate, hoc est nulla alia concurrente interiori causa producere paruum effectum, sed producit effectum suæ virtutis proportionatum, agens verò per voluntatem, sicut artifex perfectissimus potest facere effectum immediate, qualem ipsum facit agens imperfectum, potest enim perfectissimus artifex opus tale concipere quale imperfectus artifex facit, & facere opus ad similitudinem illius formæ conceptæ nullo interueniente imperfecto artifice, sed agens naturale perfectissimæ virtutis necessitatio agit effectum suæ formæ naturali similem, & per consequens non potest seipso solo paruum & eius virtuti improporionatum opus efficere.

OC CVR RIT autem in verbis sancti Thomæ dubium. Inquit enim agens max. virtutis producere immediate effectum suæ virtutis proportionatum, & tamen addit quod in tali effectū inuenitur quandoque minor virtus quam in causa. videtur enim esse contradictio quod effectus sit virtutis causæ proportionatus, & tamen quod in ipso sit minor virtus quam in causa. nam si in eo est minor virtus quam in causa, iam non est virtutis causæ proportionatus.

RESPONDETUR quod dupliciter contingit effectum esse proportionatum causæ. Vno modo per æqualitatem perfectionis, ut patet in iis quæ à causa vniuoca producuntur. homo enim genitus est apulis perfectionis essentialis cum homine generante. Alio modo per adæquationem causalitatis & dependentia: quia videlicet causalitatis causæ non potest ad aliquid maius se extendere, & ipse effectus est nobilissimus quod ab ipsa dependere potest, effectum primo modo virtutis causæ proportionatum oportet esse æqualis virtutis ad agendum cum sua causa: videmus enim quod effectus vniuocus suæ causæ cum ad perfectū venerit potest omnem effectum producere quem sua causa poterat, quantum est ex conditione formæ, licet aliquando ex indispositione materiæ impediatur, & tunc effectum esse proportionatum virtutis causæ, & ipsum esse minoris virtutis, contradictionem implicat. Effectum verò secundo modo proportionatum virtutis causæ, non oportet esse æqualis virtutis cum suæ causa, ut patet in effectū causæ æquiuocæ. Nullus enim solis effectus ab ipso immediate productus est æqualis virtutis cum sole. continetur enim effectus in sua causa æquiuoca secundum similitudinem formæ excellentioris, ut in plerisque locis inquit sanctus Thomas, & ideo effectus huiusmodi esse proportionatum hoc modo virtutis causæ, & ipsum esse minoris virtutis quam sit causa, nullam implicat contradictionem. Hoc secundo modo accipit S. Thom. effectum esse proportionatum virtutis causæ, non autem primo modo: ideo obiectio non sequitur.

Secundo, virtus diuina comparatur ad omnes virtutes actiuas sicut virtus vniuersalis ad virtutes particulares, effectus Deus agens per intellectum, qui est cognoscitiuus non solum primarum & vniuersalium causarum



terum, sed omnium particularium: ergo potest immediate producere omnem effectum quem producit quodcumque particulare agens, probatur consequentia, quia causa vniuersalis ad particularem effectum producendum determinari potest duplici modo, scilicet per causam particularem mediam, vt virtus solis ad hominem per virtutem quæ est in semine: & virtus propositionis vniuersalis per assumptionem particularis propositionis, & per intellectum qui determinatam formam apprehendit, & eam ad effectum producit.

Ad euidentiā huius rationis considerandum quod ad hoc vt vna causa possit in effectum alterius causæ, requiritur & quod habet virtutem quæ ad illum effectum se extendat, & qd ad illum effectum sit determinata. quodcumque enim illorum deficeret, non posset ille effectus ad tali causam pertinere. Vt ergo ostenderet sanctus Thomas, quod Deus habet virtutem se extendentem ad omnes particulares effectus assumptis quod virtus diuina comparatur ad omnes virtutes actiue, sicut virtus vniuersalis ad virtutes particulares. virtus enim vniuersalis ad omnem effectum causæ particularis se extendit, cum causa particularis agat virtutem causæ vniuersalis, vt autem ostenderet quod virtus diuina vniuersalis ad omnem effectum particularem determinari potest absque concursu alterius causæ particularis, assumptis quod intellectus diuinus est cognoscitiuus nō solum suæ essentiae, quæ est tanquam vniuersalis virtus actiua, & primarum causarum, sed etiam omnium particularium. Determinatur enim causa vniuersalis agens per intellectum ad particularem effectum non solum per causam particularem mediam, sed etiam quandoque per solam determinationem intellectus ad effectum concursu alterius causæ particularis.

SED videtur ratio hæc non valere. non enim videtur sequi: Edificator habet virtutem ad domum producendam se extendentem, & non solum causas vniuersales domus cognosci, sed etiam particulares, & particularia instrumenta, ergo potest immediate domum producere, indiget enim certis & determinatis instrumentis, sine quibus domum efficere nō potest, ergo. Nec etiam valet, Deus habet virtutem sed ad omnem particularem effectum extendentem, & cognoscit omnium particulares causas, ergo vnumquemque effectum potest immediate producere.

DICITVR quod ratio optime cōcludit si bene intelligitur. Fit enim comparatio virtutis diuine vniuersalis, non ad instrumenta aliqua habentia solum rationem instrumenti, quæ scilicet non per propriam formam, sed tantum vt mora à principali agente operantur, sed ad causas particulares per proprias formas sibi similes effectus producentes, & causæ ipsi vniuersali subordinatæ. Tunc enim ratio sic procedit, in omni effectum potest diuina virtus absque propria illius causæ, ad quem per suum intellectum determinari potest: sed ad omnem effectum cuiuscunque agentis particularis potest determinari per suum intellectum, ergo potest in omnem effectum absque propria causæ illius in quod potest quodcumque agens particulare, maiorem supponit ex præcedentibus. vbi ostensum est diuinam voluntatem diuinamque scientiam efficacissimas esse per se ad agendum quicquid fuerit diuino intellectu conceptum tanquam producendum. minorem verò probat, quia intellectus diuinus intelligit nō solum causas vniuersales, sed etiam particulares, & per consequens potest virtutem diuinam determinare ad effectus particularium causarum. Ex quo patet instantiam contra rationem adductam nullam esse, tum quia non fit in hac ratione comparatio virtutis diuine ad particulares causas, tanquam ad instrumenta præcisè, vt fit in instantiam adductam: tum quia edificatoris scientia & voluntas non sunt per se efficacia ad domum producendam, sicut diuina scientia & diuina voluntas. Tertiò, Deus in prima rerum institutione omnes res per creationem immediate produxit in esse, ergo potest immediate vnamquamque rem producere siue mouere ad aliquem effectum absque mediis causis, probatur consequentia, quia cum accidentia consequantur principia substantialia rei, ille qui immediate substantiam rei producit, potest immediate circa ipsam rem operari quæcumque ad substantiam eius consequuntur, vt patet de generante.

ADVERTE quod venerationis consistit in hoc, quod quamvis inferiores causæ habeant effectivalem ordinem ad superiores, vt sine ipsis in suas actiones naturales & innaturales effectus nō possint, Deo hæc ipsum ordinem statuentem. (non enim ignis calefaceret aut generaret alium ignem, si motus cæli cessaret) potest tamen Deus qui vniuersa immediate creauit, mouere vnamquamque rem ad suam operationem naturalem consequentem rei substantiam absque concursu superioris causæ agentis, sicut cessante motu cæli posset mouere ignem ad calefactionem: quia cum immediate produxerit rei substantiam secundum suam speciem, potest etiam ipsam rem mouere immediate ad omnem operationem naturam rei consequentem: sicut generans dans formam, dat etiam omnes proprietates & motus consequentes, similiter cum immediate omnia per creationem produxerit, constat qd etiam nunc potest vnumquemque effectum immediate producere, absque mediis causis scilicet causarum concursu: ex quo patet quod agere potest præter ordinem rebus ab ipso inditum. Quartò, ordo rerum profuit à Deo in res secundum quod est in intellectu ipsius præmeditatus, declaratur per similitudinem in rebus humanis. princeps enim ciuitatis ordinem apud se præmeditatus cuiuslibet imponit: sed intellectus diuinus nō est ad hunc ordinem de necessitate determinatus, vt nullum alium intelligere possit: ergo potest præter inferiores causas effectum illis causis proprium operari, probatur minor: quia & nos possumus alium ordinem rerum intelligere, puta quod Deus hominem ex terra absque femine formet. Quintò, representatio diuinæ bonitatis in rebus est finis productionis rerum à Deo. intellige de fine ipsis rebus intrinseco: sed potest diuina bonitas præter hunc ordinem rerum alio modo representari: ergo voluntas diuina non est determinata ad hunc ordinem causarum & effectuum, quin alium velle possit, ergo, &c. probatur minor, quam tamen sanctus Thom. implicite duntaxat ponit, quia ordo rebus inditus non representat diuinam bonitatem per se: sed quod autem non representatur perfecte per aliquod exemplum, potest iterum alio modo representari.

CIRCA consequens illarum, aduertendum quod dupliciter potest intelligi voluntatem diuinam non esse ad hunc ordinem determinatam, & posse alium ordinem velle. Vno modo vt intelligamus diuinā voluntatem posse definire velle hunc ordinem rerum quem rebus imposuit, & posse aliam voluntatem alterius ordinis de nouo habere: & ad hunc sensum non intelligitur, hoc enim esset ponere immutabilitatem in diuina

voluntate. Alio modo vt intelligamus diuinā voluntatem non habere necessariam habitudinem & inclinationem ad hunc ordinem rebus impositum, quasi non potuerit alium ordinem velle ab æterno, sed necessarium hunc ordinem voluerit: & ad hunc sensum intelligitur, & est verum. Ostensum est enim in superioribus voluntatem diuinam ad nullam rem creatam, necessariam habere habitudinem, cum nulla res creata sit talis, vt sine ipsa diuina bonitas esse non possit, vnde sicut dicimus Deum ab æterno hunc ordinem rerum voluisse, ita dicimus ipsum potuisse alium ordinem rerum velle, & quod de facto alium ordinem aliquando in aliquibus rebus fore præter ordinem naturæ ab æterno voluit: vt patet in iis quæ Deus quandoque miraculose operatur, quæ non est dicendum non esse à Deo ab æterno volita & præordinata, cum diuina voluntas sit immutabilis. Sextò, ex hoc quod anima aliquid imaginatur, & vehementer ad illud afficitur, sequitur aliquid immutatio in corpore ad sanitatem vel ægritudinem absque actione principiorum naturalium quæ nata sunt sanitatem vel ægritudinem causare: ergo multo magis ex voluntate diuina potest aliquid effectus in creaturis sequi absque causis eius naturalibus, probatur consequentia: quia vniuersa creatura magis est Deo subdita quam corpus humanum animæ eius, cum anima sit corpori proportionata vt eius forma, Deus autem omnem proportionem creaturæ excedat, & per consequens maiorem virtutem habeat & amplioem.

Ad euidentiā antecedentis considerandum est, quod illud non sic est intelligendum quasi imaginatio animæ per se immediate causet sanitatem vel ægritudinem in corpore. hoc enim negat sanctus Thomas 3. q. 7. art. 3. ad 3. & inferius cap. 103. sed quia ex imaginatione sequuntur alique passionibus appetitus per quas aliquid modo variatur motus cordis & spirituum ex quibus retrahis ad cor, vel ad membra diffusis, quandoque sequitur alteratio in corpore ad ægritudinem, vel sanitatem, præcipue quando materia est disposita. Quod verò inquit sanctus Thomas, quod ab imaginatione fit talis immutatio absque actione principiorum naturalium, quæ nata sunt ægritudinem vel sanitatem causare, intelligitur quod non fit mediātibz omnibus principiis quibus solent huiusmodi alterationes naturali ordine provenire: puta mediante putrefactione alicuius humoris, aut mediā e aliqua cibi indigestione in stomacho, sed ex sola causatione passionis ab ipsa imaginatione causata, ex qua passione variatur motus cordis & spirituum sequuntur huiusmodi alterationes. Septimò, proprium effectum virtutum elementarium interdu virtus cælestis efficit absque actione elementis, sicut cum sol calefacit absque ignis actione: ergo multo magis diuina virtus absque actione causarum creaturam potest earum proprios effectus producere, patet consequentia, quia naturæ ordine virtutes actiue elementorum sub virtutibus corporis cælestis continentur, sicut scilicet omnes alie virtutes sub diuina continentur virtute.

SED videtur in hac ratione assumere S. Thom. oppositum eius quod in prima ratione assumpsit. Ibi enim dixit quod ab agente per necessitatem naturæ non potest sequi effectus nisi secundum modum virtutis actiue: & ideo agens maxime virtutis non potest immediate producere paruum effectum: ex quo sequitur calum quod est agens de necessitate naturæ, & est maxime virtutis, non posse immediate producere calorem, qui ignis effectus est, cum paruum effectus sit in comparatione ad virtutem cælestem: aut effectum cuiuscunque alterius inferioris. huius autem oppositum in hac ratione dicit.

RESPONDETVR quod nulla est contradictio: non enim contradicunt, solem non producere paruum effectum, siue effectum elementum immediate se solo, & ipsum quandoque producere effectum elementarem, puta calorem absque elementi actione: nam licet absque ignis actione sol quandoque calefaciat aquam aut ferrum, non tamen hoc se solo agit immediate, sed per multa media hic paruum effectum à sole provenit. Si autem inquit quoniam sanctus Thom. in questionibus de malo quæst. 16. articulo nono & decimo, inquit debilem effectum ab agente remoto provenire, & dat exemplum de sole immediate causante generationem imperfectorum animalium: respondetur quod nō intendit removere omne medium in huiusmodi causis quæ naturaliter operantur, sed tantum agens vniuersum cum effectu. sensus enim est, quod debilis effectus potest provenire ab agente remotiori, nullo agente vniuerso ad illius productionem concurrente.

Quantum ad secundum remouet quoddam dubium. Posset enim aliquis contra determinationem factam hac ratione instare: Deus ordinem istum rebus indidit, ergo non potest esse absque eius mutatione, vt præter hunc ordinem operetur: sed ipse mutari non potest, ergo, &c. Respondet sanctus Thom. negando consequentiam, quia ordo rebus inditus non est vt vbiq; vel semper idem eueniat, sed vt frequenter, & in paucioribus aliter accidat, vel propter defectum virtutis, vel propter materię indispositionem, vel propter aliquod fortius agens: sicut cum natura generat hominem cum sex digitis in manu: & vtrunque sub diuina providentia cadit. vnde in oppositum rationis arguitur sic: per aliquam virtutem creatam fieri potest, vt ordo naturalis mutetur ab eo quod est frequenter, in id quod est raro, absque mutatione providentiæ, ergo multo magis diuina virtus aliquid facere potest sine præiudicio providentiæ suæ, præter ordinem rebus naturalibus inditum.

Ad euidentiā huius responsionis considerandum est, quod sicut Deus ab æterno ordinat vt alique causæ pro maiori parte suos effectus producerent, ita ordinat ab æterno, vt pro minori parte deficerent, & ideo absque providentiæ præiudicio euenit quod quandoque deficiant, similiter sicut ab æterno Deus per suam providentiam ordinavit, vt talis ordo & talis cursus in rebus naturalibus esset: ita ab æterno ordinavit se quandoque facturum præter hunc ordinem rebus inditum: & ideo absque mutatione suæ providentiæ est qd quandoque præter hunc ordinem institutum operetur. Quantum ad tertium, ostendit sanctus Thomas propter quod Deus quandoque præter naturæ ordinem agat: & dicit ipsum hoc interdum facere ad suæ virtutis manifestationem, quia nullo modo melius manifestari potest, quod tota natura diuinæ subiecta sit voluntati, quam per hunc modum per quem ostenditur qd libera voluntate operatur est Deus rerum ordinem. Nec debet friuola hæc ratio reputari, quia cum omnes creature corporales ad intellectualem ordinem, naturæ autem intellectualis finis sit: diuina cognitio: non est mirum si ad præbendam rationali creaturæ cognitionem de Deo, aliqua mutatio in natura corporali fiat. Quod

ordinavit  
ordinavit



*Quod ea que Deus præter naturam ordinem facit,  
non sunt contra naturam.*

Cap. 100.

D. 1076.



**C**ONSIDERANDUM tamen videtur, quod licet Deus interdum præter ordinem rebus inditum aliquid operetur, nihil tamen facit contra naturam. Cum enim Deus sit actus purus, omnia verò alia habeant aliquid de potentia admixtum: oportet quod Deus comparetur ad omnia sicut mouens ad motum: & actiuum ad id quod est in potentia. Quod autem est in potentia secundum ordinem naturalem respectu alicuius agentis: si aliquid imprimatur in ipsum ab illo, non est contra naturam simpliciter, etsi sit aliquando contrarium particulari formæ quæ corrumpitur per actionem huiusmodi. Cum enim generatur ignis, & corrumpitur aer igne agente, est generatio & corruptio naturalis. quicquid igitur à Deo fit in rebus creatis, non est contra naturam, etsi videatur esse contra ordinem proprium alicuius naturæ. Adhuc, cum Deus sit primum agens, ut supra ostensum est, omnia quæ sunt post ipsum, sunt quasi quædam instrumenta ipsius. Ad hoc autem sunt instrumenta instituta: ut deferuiant actioni principali agentis dum mouentur ab ipso. unde talis instrumenti materia & forma esse debet, ut sit competens actioni quam intendit principale agens, & propter hoc non est contra naturam instrumenti, ut moueatur à principali agente: sed est ei maxime conueniens. neque ergo est contra naturam cum res creata mouetur qualitercumque à Deo. sic enim instituta sunt, ut ei deferuiant. Præterea in agentibus etiâ corporalibus hoc videtur, quod motus qui sunt in istis inferioribus corporibus ex impressione superiorum, non sunt violenti, neque contra naturam, quamuis non videantur conuenientes motui naturali quem corpus inferior habet secundum proprietatem suæ formæ, non enim dicimus quod fluxus & refluxus maris sit motus violentus, cum sit ex impressione cælestis corporis: licet naturalis motus aquæ sit solum ad vnam partem, scilicet ad medium. multo igitur magis quicquid à Deo fit in qualibet creatura, non potest dici violentum, neque contra naturam. Item prima mensura essentia & naturæ cuiuslibet rei est Deus, sicut primum ens, quod est omnibus causa essendi. Cum autem per mensuram de vnaquaque res sumatur iudicium: oportet hoc naturale dici unicuique rei, per quod conformatur suæ mensuræ. Hoc igitur erit naturale unicuique rei, quod à Deo ei inditum est: ergo etsi adhuc eidem rei à Deo aliquid aliter imprimatur, non est contra naturam. Amplius, omnes creature comparatur ad Deum sicut artificata ad artificem, sicut ex præmissis patet. unde tota natura est sicut quoddam artificiatum diuinæ artis. Non est autem contra rationem artificij, si artifex aliquid aliter operetur in suo artificio, etiam postquam ei primam formam dedit, neque ergo est contra naturam si Deus in rebus naturalibus aliter operetur aliquid quam consuetus cursus naturæ habet. Hinc est quod Augustinus dicit: Deus creator & conditor omnium creaturarum, nihil contra naturam facit: quia id est naturale cuique rei quod facit à quo est omnis modus, numerus, & ordo naturæ.

Super Cap. 100.



**P**OSTQUAM ostendit sanctus Thomas Deum posse præter naturam ordinem operari, vult de his quæ sic præter naturam ordinem à Deo fiunt, determinare. Circa hoc autem duo facit. Primum determinat de ipsis in ordine ad naturam. Secundum in ordine ad rationem miraculi, cap. seq. Quantum ad primum ponitur hæc conclusio, licet Deus interdum præter ordinem rebus inditum aliquid operetur, nihil tamen facit contra naturam. probatur primo. Deus comparatur ad omnia sicut mouens ad motum, & sicut actiuum ad id quod est in potentia. ergo quicquid in rebus creatis à Deo fit, non est contra naturam. probatur antecedens, quia Deus est actus purus: omnia verò alia habent aliquid de potentia admixtum, consequentia verò probatur, quia quod est in potentia secundum ordinem naturalem respectu alicuius agentis, si aliquid imprimatur in ipsum ab illo, non est contra naturam simpliciter: etsi sit ali-

quando contrarium particulari formæ quæ corrumpitur per actionem huiusmodi, declaratur in generatione ignis corrupto aëre.

CIRCA probationem antecedentis aduertendum, quod cum omne agens agat in quantum est actu, vnumquodque tantum agit, quantum est in actu. videmus enim quod ignis qui est cæteris elementis actualior & formalior, est ipsis etiam magis actiuus. similiter vnumquodque patitur in quantum est in potentia: & quanto magis aliquid est in potentia, tanto magis est passiuum: ideo quod simpliciter est actus, omnem prorsus potentiam excludens, & omnem actualitatem includens, comparatur ad vnumquodque quod aliquid habet potentialitatis sicut actiuum ad passiuum, & sicut motiuum ad mobile, tanquam videlicet in se continens actum, ad quem vnumquodque est in potentia. propterea optime probauit S. Thom. Deum comparari ad omnia sicut motiuum ad mobile, & sicut actiuum ad id quod est in potentia, ex eo quod ipse est actus purus, nullo scilicet modo per aliquam potentiam contractus aut limitatus, omnia verò alia aliquid habeant potentialitatis admixtum.

CIRCA consequens illarum considerandum est quod aliquid fieri contra naturam, nihil aliud est quam ipsum fieri contra ordinem & inclinationem alicuius nature. Dicitur ergo aliquid esse simpliciter & vniuersaliter contra naturam, quando est contra omnem ordinem & inclinationem cuiusque nature. dicitur verò esse contra aliquam naturam particularem, quando est contra illius ordinem & inclinationem. quod ergo Deus facit in rebus, potest quidem esse contra aliquam naturam particularem in quantum id quod fit, est contra ordinem & inclinationem propriam formæ alicuius nature: non autem potest esse contra naturam simpliciter & vniuersaliter, cum illud fiat secundum ordinem & dispositionem naturæ vniuersalissimæ, quæ est Deus, à quo vnumquodque suum ordinem proprium habet suamque propriam actionem, & ad hunc sensum intelligitur conclusio illata.

AD euidentiam eius quod assumitur ad probationem consequentia, attendendum est quod dicitur aliquid esse in potentia secundum ordinem naturalem respectu alicuius agentis, quando ex natura sua habet ut sit susceptiuum alicuius formæ à tali agente aut alicuius motus: & ideo si aliqua forma aut aliquis motus in ipso à tali agente recipitur, non dicitur illud fieri simpliciter contra naturam, cum sit secundum ordinem naturalem patientis ad agens, licet possit esse contra naturam inclinationem formæ illius: sicut in exemplo sancti Thom. cum ex aëre ab igne per ipsius aëris corruptionem generatur ignis, non dicitur huiusmodi generatio, neque huiusmodi corruptio simpliciter contra naturam esse: imo est naturalis, eo quod secundum naturalem ordinem aër natus sit ab igne corrumpi, & natus sit ut ex ipso per actionem ignis possit ignis generari: est tamen talis corruptio aliquo modo contra naturam, in quantum est contra inclinationem formæ aëris: in quo sensu dicitur secundo Calii, quod corruptio & senium & defectus omnis contra naturam est. Secundo, omnia quæ sunt post Deum, sunt quasi quædam instrumenta ipsius, ergo non est contra naturam cum res creata mouetur quali ercunquæ à Deo. Antecedens probatur, quia Deus est primum agens: consequentia verò, quia cum instituta sint instrumenta ut deferuiant actioni principalis agentis, non est contra naturam instrumenti ut moueatur à principali agente.

AD euidentiam huius rationis, considerandum est ex doctrina sancti Thomæ 4. dist. 1. artic. 4. & dist. 4. quæst. 1. ad primum, & in plerisque aliis locis, quod de ratione agentis instrumentalis, est esse mouens motum, & omnis causa quæ non mouet nisi mota, habet rationem instrumenti: ideo cum causa secunda non moueat nisi mota à prima, consequens est quod habeat rationem instrumenti respectu primæ. propterea optime probat S. Thom. quod omnia quæ sunt sub Deo, sunt tanquam ipsius instrumenta, eo quod est primum agens.

SED videtur ista ratio non concludere. posset enim aliquis dicere, licet omnis causa secunda sit instrumentum causæ primæ, non tamen sequitur quod non moueatur contra naturam qualitercumque moueatur: quia cum diuersa instrumenta sint diuersis effectibus proportionata, si quis utatur in instrumento ad aliquid cui non sit proportionatum, est contra naturam instrumenti quod sic moueatur.

RESPONDETUR quod instrumentum in quantum est instrumentum alicuius principalis agentis, semper proportionatur actioni quam ipsum principale agens intendit. unde hic dicit sanctus Thomas, quod materia & forma talis esse debet, ut sit competens actioni principalis agentis. unde si quis vellet uti in instrumento alicuius artis ad aliquid cui proportionatum non esset, iam non esset instrumentum respectu illius agentis, utpote ipsi non deferuiens. omnia autem sic Deus creauit, ut sint sibi instrumenta, & deferuiant actioni quam in creaturas exercere determinauit, siue frequenter, siue raro aliquid in ipsis efficere determinauerit: & ideo qualitercumque à Deo moueantur res create, non sunt impropportionata illi motioni, cum adhuc instituta à Deo sint, ut ab ipso quandoque taliter moueantur: & naturæ talis sortite sint à Deo, ut taliter ab ipso moueri possint. recte igitur nihil à Deo in ipsis fit quod sit simpliciter contra naturam. licet ut dicebatur, sit quandoque contra propriam inclinationem formæ alicuius. Unde ad argumentum dicitur, quod licet res diuersæ quæ sunt instrumenta diuinæ virtutis, sint diuersis actionibus & motibus propriis secundum inclinationem propriam formæ proportionatæ, & vna res sit impropportionata actioni alterius: in quantum tamen vnaquæque est instrumentum diuinæ virtutis, nulla est impropportionata actioni & motioni quam Deus in ea intendit efficere. Tertio, motus qui sunt in inferioribus cor. oribus ex impressione superiorum, non sunt violenti, neque contra naturam, ut patet in fluxu & refluxu maris: ergo multo magis quod fit à Deo in quacunque creatura, non potest dici violentum, aut contra naturam.

ADVERTENDUM hoc loco quod sicut omnia creata comparantur ad Deum sicut instrumenta, ita & inferiora corpora sunt instrumenta superiorum. in quantum non mouent neque operantur, nisi à superioribus mota, unde huiusmodi inferiora corpora dupliciter considerari possunt, vno modo in quantum sunt talia corpora habentia talem formam & talem naturalem inclinationem: alio modo in quantum sunt instrumenta corporum cælestium, nata ab ipsis moueri secundum eorum intentionem. Quod ergo fit in ipsis à corporibus cælestibus, est naturale ipsis, in quantum sunt



sunt cælestium corporum instrumenta. Naturale est enim instrumento ut à principali agente moueatur: potest tamen esse innaturale inquantum sunt corpora talia habentia talem formam, & talem inclinationem quæ est ad oppositum, sicut diximus de motu fluxu & refluxu maris, hic enim est naturalis aquæ maris, inquantum est instrumentum à corpore cælesti motum: est autem sibi contra naturam, inquantum est corpus graue naturaliter ad medium tendens.

ADVERTENDVM etiam quodd S. Thom. fluxus & refluxus maris nullam aliam causam assignat, nisi impressionem corporis cælestis: quia in hac parte sequutus est opinionem Albumasar secundo libro maioris Introductionis, & Commentatoris in tertio Celi commento, qui nullam aliam præter hanc assignat causam. alij tamen alias causas assignant. Nam Adelandus quidam (vt refert Picus tertio aduersus astrologos libro, capitulo decimo quinto) ex opinione Saracenorum dicit huiusce motus causam esse quodd cum ipsa sibi maris brachia obuiare atque confluere impetu concito properent, obiectu montium aut etiam terra situ ab ipso naturali motu deficientes ad superius vnde moueri incipiunt referantur. Alij hunc accessum & recessum maris in vapores & ventos excitatos in aqua referunt, quorum motu atque impulsu tumultuat aqua atque calefit, ac iccirco locum quærit ampliorem quod se diffundat, adiuuantibus etiam superioribus ventis, qui aquæ summa ad infernas partes propellentes, interno flatui obuiant, atque ab ipsis ad superna propelluntur, quo fit vt eructans aqua abundet, tumescat quæ. vbi autem vis illa spirituum dissolutis vaporibus confaccescit, subsidunt aquæ, & in angustias se contrahentes ab occupatis locis descendunt.

ADVERTENDVM quoque inter eos, qui hunc maris accessum recessumque cælorum impressionibus tribuunt, differentiam esse, sunt enim quibus placeat augmentum & decrementum luminis in luna esse huiusce rei causam. Aliis verò & etiam Diuo Thomæ in tractatu de occultis operibus naturæ & potentia q. 6. art. 1. ad 17. visum est hoc ipsum esse in lunæ motum referendum, vt scilicet ipsa ascendente ascendat & aqua, descendat autem ipsa descendente.

CIRCA id quod inquit sanctus Thomas, motum aquæ naturalem esse solum ad vnā partem, scilicet ad medium, occurrit dubium. videtur enim experientia in oppositum: nam cum effoditur terra aquæ vnita, videmus ipsam aquam ascendere, & consequenter à medio recedere. quod quidem videtur naturale esse aquæ, sicut & graue naturaliter, remoto impediēte, descendit.

RESPONDETVR quodd ascensus illius aquæ non est naturalis, sed ab aliquo propellente ipsam sit huiusce sit alia aqua, siue aliquid aliud: cuius signum est quodd si à lateribus declinior defodiatur locus, statim in illum descendit. Quartò, id est naturale vnicuique per quod conformatur suæ mensuræ, sed prima mensura cuiuscunque naturæ est Deus, ergo vnicuique rei naturale est quod est ei à Deo inditum, ergo, &c. minor probatur, quia de vnaquaque re per suam mensuram sumitur iudicium. minor verò, quia Deus est primum ens, quod est omnibus efficiendi causa. Quintò, non est contra rationem artificij, si artifex aliter aliquid operetur in suo artificij, etiam postquam ei suam formam dedit, ergo neque contra naturam est si aliquid Deus aliter in rebus naturalibus operetur quam consuetus naturæ cursus habeat. probatur consequentia: quia omnes creaturæ comparantur ad Deum sicut artificia ad artificem, confirmatur conclusio author. August. 26. contra Faustum.

ADVERTENDVM quodd istæ duæ vltimæ rationes concluduntur ad sensum præcedentium, scilicet quodd non est contra naturam simpliciter & vniuersaliter, si aliquid Deus in rebus naturalibus aliter operetur quam consuetus cursus naturæ habeat, nō autem quodd non sit contra naturam alicuius particularis formæ, modo præ exposito.

#### De miraculis.

#### Cap. 101.

**I**TEM quæ præter ordinem communiter in rebus statutum quandoque diuinitus sunt miracula dici solent. Admiramur enim aliquid cum effectum videntes causam ignoramus. Et quia causa vna & eadem à quibusdam interdum est cognita & à quibusdam incognita: inde contingit quodd videntium simul aliquid effectum aliqui mirantur, & aliqui non mirantur. Astrologus enim non miratur videns eclipsim solis, quia cognoscit causam: ignarus autem huius scientiæ necesse habet admirari, causam ignorans. sic igitur est aliquid mirum quo ad hunc, non autem quantum ad illum. illud ergo simpliciter mirum est, quodd habet causam simpliciter occultam, & hoc sonat nomen miraculi: vt scilicet sit de se admirationem plenum non quodd ad hunc vel quodd ad illum tantum. Causa autem simpliciter occulta omni homini est Deus. probatum est enim supra \* quodd eius essentiam nullus homo in statu huius vitæ intellectu capere potest. Illa igitur simpliciter miracula dicenda sunt, quæ diuinitus sunt præter ordinem communiter seruatum in rebus. Horum autem miraculorum diuersi sunt gradus & ordines, nam summum gradum inter miracula tenent in quibus aliquid fit à Deo quodd natura nunquam facere potest, sicut quodd duo corpora sint simul, & quodd sol retrocedat aut stet: quodd mare diuisum transeuntibus iter præbeat.

Et inter hæc etiam ordo attenditur: nam quanto maiora sunt illa quæ Deus operatur, & quanto magis sunt remota à facultate naturæ: tanto miraculum maius est: sicut maius est miraculum quodd sol retrocedat, quam quodd mare diuidatur. Secundum autem gradum in miraculis tenent illa in quibus Deus aliquid facit quodd natura facere potest, sed non per illū ordinem. Opus enim naturæ est quodd aliquid animal viuat, videat, & ambulet, sed quodd post mortem viuat, post cæcitatem videat, post debilitatem claudus ambulet: hoc natura facere non potest: sed Deus interdum miraculose operatur. Inter hæc etiā miracula gradus attenditur secundum quodd id quodd fit, magis est à facultate naturæ remotum. Tertius autem gradus miraculorū est, cum Deus facit quodd consuetum est fieri operatione naturæ, tamen absque naturæ principiis operantibus: sicut cum aliquis à febre curalibi per naturam, virtute diuina curatur: & cum pluit sine operatione principiorum naturæ.

#### Super Cap. 101.

**P**OSTQVAM determinauit S. Thom. de iis à Deo sum præter solum cursum naturæ in ordine ad naturam, nunc determinat de ipsis quantum ad rationem miraculi. circa hoc autem duo facit. Primò de ipsis miraculis determinat. Secundò ostendit quibus conueniat miracula facere, cap. sequenti. Circa primum duo facit. Primò ostendit quæ possint dici miracula. Secundò ponit miraculorum gradus & ordines. Quantum ad primum inquit, quodd illa simpliciter dicenda sunt miracula, quæ diuinitus sunt præter ordinem communiter seruatum in rebus: hoc autem declarat, quia miraculum dicitur quasi de se admiratione plenum. illud autem simpliciter mirum est, quodd habet causam simpliciter occultam: causa autem simpliciter occulta Deus est.

AD euidentiam secundæ propositionis notat, quodd cum tunc admiremur aliquid, cum effectum videntes causam ignoramus, aliquid quidem est mirum quantum ad hunc hominem tantum, non autem simpliciter, quando alicui causa apparentis effectus est ignota, non est autem ignota omnibus, vt patet in eo qui videns eclipsim solis admiratur: aliquid verò est simpliciter mirum, quando causa alicuius effectus est simpliciter omnibus occulta.

AD huius euidentiam considerandum est ex doctrina ipsius potentia, q. 6. artic. 2. & 2. Sent. dist. 18. ad 3. quodd ad rationem miraculi simpliciter & propriè dicti duo requiruntur, secundum quodd duo ad admirationem pertinent, vt haberi potest ex primo Metaphysicæ. vnum est causa secundum se nobis occulta qualis est Deus, vt scilicet illud quodd miraculum est, sit à solo Deo productum aut factum. Alterum est vt in re sit vnde videatur aliter debere euenire, sicut resuscitatio mortui est à solo Deo, & corpus mortuum in se habet vt perpetuò careat vita, & sic habet in se vnde non debeat in ipso vita causari, & iccirco miraculum dicitur. vbi altera istarum conditionum deficit, non est propriè miraculum. Vtraque conditio hoc loco tangitur. prima dum dicitur illa simpliciter dicenda esse miracula, quæ diuinitus sunt. secunda, cum dicitur præter ordinem communiter seruatum in rebus, ex hoc enim quodd aliquid præter talem ordinem sit, constat quodd in re est vnde aliter fieri debeat.

Propter defectū secundæ conditionis creatio vniuersi non est miraculosa, quia non est in re vnde aliter esse debeat, imò naturali ordine sic esse debet, cum solus Deus sit totius esse author. Similiter animarum creatio non est miraculosa: quia non potest aliter anima habere esse, & consuetus ordo productionis est vt homine materiam disponente, à Deo creetur in materia. Si tamen Deus aliquam animam crearet absque opere hominis materiæ disponētis, talis creatio esset miraculosa, vt pote præter consuetum modum eueniens. Eadem ratione non est miraculosa iustificatio impij quæ communiter fit: quia anima rationalis cum sit ad imaginem Dei facta, secundum naturam suam capax est Dei per gratiam: & à solo Deo iustificatio fieri potest: & propterea non est præter ordinem naturæ creatæ. licet enim voluntas impij tendat in malum, & sic videatur habere ordinem ad oppositum iustificationis secundum iustitiæ exigentiam, quia tamen iustificatio non fit præter ordinem propriæ causæ quæ est Deus, cuius solius est iustificare, iccirco non est miraculosa: sicut nec calefactio aquæ ab igne miraculosa: licet sit contra inclinationem formæ aquæ. aliqua tamen iustificatio potest esse miraculosa, si scilicet fiat præter consuetum cursum iustificationis, sicut fuit iustificatio Pauli, qui statim quādam perfectam iustitiam accepit.

ADVERTENDVM tamen quodd licet propriè loquendo creatio & iustificatio non sint miracula, quia completam rationem miraculi non habent, impropriè tamen & imperfectè dici possunt miracula: quia sunt magna opera, & à solo Deo fieri possunt, qui est causa nobis occulta: & ideo quādoque à doctoribus inter opera miraculosa connumerantur. vnde S. Tho. 1. 2. q. 113. art. vlt. inquit, quodd in operibus miraculosis consideretur, quodd sola virtute diuina fieri possunt, quantum ad hoc creatio & iustificatio, & vniuersaliter omne opus quodd à solo Deo fieri potest, miraculosum dici potest. Quantum ad secundum enumerat S. Thom. gradus miraculorū, & ponit tres gradus. Supremus est quādo aliquid fit à Deo quodd natura nunquam facere potest, vt cum duo corpora sint simul, & similia. & in hoc gradu etiam ordo est: quia quanto aliqua maiora sunt, & magis à facultate naturæ remota, tāto maiora miracula sunt. Secundus est quando Deus aliquid facit quodd natura facere potest, sed non per illum ordinem: sicut cum homo post mortem redit ad vitam & in hoc etiam gradu quodd est magis à facultate naturæ remotum, maius miraculum est. Tertius est, quando Deus facit quodd consuetum est fieri operatione naturæ: tamen absque naturæ principiis operantibus.

AD

Idem 1. p. q. 105. art. 8.

\* Capit. 47. huius lib.



Ad evidentiam huius distinctionis considerandum est ex prima parte, quæst. 205. ar. 8. quod ad supremum gradum pertinet illa quæ sunt omnino supra naturam quantum ad substantiam facti, ita videlicet quod id quod fit à Deo, nullo modo potest à natura fieri. Ad secundum gradum pertinent illa quæ à natura quidem fieri possunt, sed non in hoc, sicut vita à natura quid fieri potest, sed non in corpore animalis mortui: unde quod hic ait sanctus Thomas, quod non possunt à natura fieri per illum ordinem, intelligitur non de ordine actualis productionis formæ, sed de ordine & sequela formæ productæ ad conditionem subiecti. Exemplificauit enim sanctus Thomas de ambulatione claudi post debilitatem, de vita alicuius post mortem, & de visione post cæcitatem. Ad tertium gradum pertinent illa quæ excedunt facultatem naturæ quantum ad ipsum ordinem faciendi & modum operandi, puta quia fiunt statim, & non secundum consuetum cursum & ordinem naturæ, sicut eum qui statim à febre curatur, & cum aër statim absque naturalibus causis condensatur in pluuias.

CIRCA magnitudinem miracolorum considerandum est, quod non est idem dicere aliquid esse magis opus Dei altero eius opere, & illud esse maius miraculum: potest enim esse maius opus Dei, & tamen erit minus miraculum. Nam dicitur maius opus Dei, quod est nobilius & excellentius, & magis diuinam virtutem manifestat: dicitur autem maius miraculum, quod magis rationem miraculi participat, quæ consistit in hoc quod aliquid à Deo fiat, & quod in re sit aliquid ex quo videatur quod aliter fieri debeat. Non inconuenit autem quod aliquid sit excellentius altero, & magis diuinam virtutem manifestet, & tamen minus habeat de ratione miraculi, ut puta quia non est in natura creata vnde debeat aliter euenire, cum ad illud nullum ordinem habeat natura actiua creata, sed ipsum sit supra ordinem omnium producibilium, à natura sic dicimus creationem vniuersi, & iustificacionem impij, esse maiora opera diuina quam sit sanatio subita alicuius à febre, licet ista sanatio sit maius miraculum, utpote magis de ratione miraculi habens. propter hoc inquit sanctus Thomas, 1.2. ar. præallegato ad primum, quod quædam miraculosa opera licet sint minor quam iustificacio impij quantum ad bonum quod fit, plus tamē habent de ratione miraculi, intellige, quia habent quicquid ad rationem miraculi pertinet, iustificacio autem hoc tantum habet ad rationem miraculi, quod à Deo fit, qui est causa secundum se nobis occulta.

CIRCA dicta autē duplex occurrit dubium. Primum est, quia dictum est quod primum gradum inter miracula tenent, quæ quantum ad substantiam facti à natura nunquam facere potest. huic enim videtur contradicere id quod dicitur prima parte, quæstione supra allegata, artic. 7. ad 1. ubi dicitur quod creatio & iustificacio non dicuntur proprie miracula: ubi dicitur quod creatio & iustificacio non dicuntur proprie miracula: quia non sunt nata fieri per alias causas. ex hoc enim sequitur quod ea facta à Deo quæ natura facere non potest, non solum non sunt suprema miracula, sed nec proprie sunt miracula: quod est oppositū eius quod hic dictum est. Secundum dubium est quia inter suprema miracula enumerat sanctus Thomas, quod mare diuisum transeuntibus iter præbeat, hoc enim non videtur verum, imò nec videtur miraculum, quia posset fieri virtute angeli quæ est virtus in natura creata: nam secundum doctrinam ipsius materia corporalis obedit Angelis quantum ad motum localem. constat autem quod talis diuisio maris potest per motum localem aquæ fieri, ergo, &c.

Ad primum horum dupliciter responderi potest: primò ex doctrina sancti Thomæ de potentia Dei, & secundo Sententiarum locis allegatis, quod dictum in prima parte intelligitur, quando nec etiam est in re vnde aliter esse debeat. quia enim tunc solum miramur de aliquo, quando videtur nobis quod aliter esse debeat, illa quæ nullo modo quantum ad substantiam facti à natura fieri possunt, nec est in ipsis vnde oppositum esse debet, proprie miracula dici non possunt: quia in seipsis non habent admirationis causam: & hoc modo creatio & iustificacio impij proprie loquendo miracula non sunt: quia non sunt nata fieri ab alia causa quam à Deo: & non habet in se res vnde sic non debeat esse: non est ergo contradictio, quia hic ponuntur in supremo gradu miracolorum ea quæ nullo modo natura facere potest, & in te est vnde aliter debeat euenire, de his autem non loquitur sanctus Thomas in loco præallegato primæ partis: sed tantum de his quæ à natura fieri non possunt, nec etiam est in re vnde oppositum esse debeat. Secundò potest responderi ex doctrina sancti Thomæ, 4. Sent. dist. 17. artic. 4. & 1.2. artic. præallegato, quod dictum primæ partis intelligitur quando in recipiente est naturalis ordo ad recipiendum talem effectum à solo Deo & à nullo alio. hoc enim signant illa verba, non sunt nata fieri per alias causas, quasi diceretur ideo creatio & iustificacio non sunt miracula, quia susceptiua creationis passiuæ & iustificacionis secundum naturæ ordinem sunt huiusmodi effectus susceptiui à solo Deo, non autem à quacunque causa creata. ita enim non sunt, ut sic, præter ordinem naturæ, cum fiant ut eorum naturalis ordo exigit: & ideo proprie miracula non sunt, illa enim quæ sunt miracula, non habent in recipientem ordinem naturalem ad illum effectum à solo Deo immediate recipientem, siue non sunt ex se nata illum effectum à solo Deo immediate recipere: & ideo cum fiunt, non fiunt secundum ordinem suæ naturæ, sed præter eorum naturalem ordinem, ex hoc patet nullā esse in dictis sancti Thomæ contradictionem. Nam cum hic ponuntur inter suprema miracula ea quæ à natura nullo modo fieri possunt, intelligitur de illis effectibus ad quos suscipiendos à solo Deo immediate non est consuetus ordo nature, cum verò dicitur in prima parte, illa non esse miracula quæ non sunt nata fieri per alias causas, intelligitur de his & quæ per alias causas fieri non possunt, & quorum susceptiua habet naturalem ordinem & aptitudinem ad hoc ut illos effectus immediate à solo Deo recipiant.

SE D tunc remanet dubium, quomodo inquam in anima recipiēte gratiam per iustificacionem, sit ordo naturalis ad gratiam, cum sit donum Dei supernaturale, sicut & gloria. Dicitur quod dupliciter potest ordo alicuius susceptiui ad aliquam formam dici naturalis, vno modo quia consequitur naturam susceptiui per comparationem ad aliquod agens creatum, quod hoc loco vocatur agens naturale: & sic non intelligitur ordinem animæ ad gratiam esse naturalem. Alio modo quia natura susceptiui est capax illius formæ, & ad hoc est instituta à Deo & ordinata, ut ab ipso solo talem formam suscipiat, & non ab alio. nec talis natura in se habet aliquid illi formæ repugans, talis enim potentia potest dici obedientialis aliquo modo, inquantum est ad formam à solo Deo suscipiendam: potest

etiam dici aliquo modo naturalis, inquantum natura subiecti est à Deo ad illam formam secundum institutionem diuinam ordinata, & facta est illius formæ secundum se capax: & hoc modo in anima est ordo naturalis ad gratiam. Hominem enim Deus à principio instituit, ut esset secundum animam gratiæ & beatitudinis capax, eamque (nisi sibi ipsi impedimento esset) nancisceretur à Deo. Ad hunc sensum intelligitur dictum Augusti in libro de Prædestinatione sanctorum, quod posse habere fidē, sicut & charitatem, naturæ est hominum, talis autem ordo naturalis non inuenitur in operibus miraculosis quæ à solo Deo fiunt. Non enim sol est secundum naturam suam à Deo ordinatus ad retrocessionem, sed magis ut continuè procedat, licet præter hunc ordinem consuetum tempore Iosue fecerit eum Deum retrocedere. similiter est in alijs.

Ad secundum dubium posset primò dici, quod talis diuisio maris rubri qualis fuit tempore Pharaonis, non potest fieri virtute aliqua creata: & cum procatur quia materia corporalis obedit Angelis quantum ad motum localem: diceretur quod illud habet veritatem ubi non immutatur ordo naturæ à Deo institutus, vnde inquit sanctus Thomas, de malo quæst. 6. artic. 9. ad 2. quod dæmones non possunt humani corporis lineamenta in bestialia veraciter commutare, quia hoc est præter ordinem à Deo naturæ inditum & articulo. 10. ad vltimum ait quod dæmones licet possint mouere aliquam partem terræ, non tamen possunt mouere totam terram, quia non est proportionatum naturæ eorum ut mutet ordinem elementorum mundi. In ista autem maris rubri diuisione mutaretur aliquo modo ordo naturæ institutus à Deo. instituit enim Deus mare continuum & instabile ac fluidum, sicut & totam terram immutabilem fecit: & sic accipitur ipsum mare propter magnam aquarum copiam tanquam totum elementum aquæ, ut sicut non posset virtus angelica totam terram scindere in partes, ita non possit ipsum mare illo modo diuidere. Secundò responderi potest, quod sanctus Thomas exemplum illud ponit secundum mentem illorum philosophorum, qui posuerunt quod substantiæ separate mouent tantum corpora cælestia immediate, non autem possunt hæc inferiora nisi mediātē motu cæli mouere: quam opinionem tenere videtur Aristoteles. Nam voluit sanctus Thomas exemplificare non tantum secundum fidei veritatem, sed etiam secundum Philosophorum opinionem, dans exemplum in ijs quæ etiam Philosophi à virtute creata fieri non posse concederent.

### Quod solus Deus potest miracula facere.

Caput 102.



EX præmissis autem ostendi potest, quod solus Deus potest facere miracula.

Idem 1. p. 9  
110. artic. 4.

Quod enim est sub ordine totaliter constitutum, non potest præter ordinem illum operari. omnis autem creatura est constituta sub ordine quē Deus in rebus statuit: nulla ergo creatura potest supra hūc ordinē operari: quod est miracula facere. 2. Item, quando aliqua virtus finita proprium effectum operatur ad quem determinatur, non est miraculum: licet posset esse mirū alicui, qui illam virtutē non comprehendit: sicut mirum videtur ignaris quod magnes trahit ferrum, vel quod aliquis paruus piscis sit retinens nauē. omnis autem creaturæ potentia est limitata ad aliquem determinatum effectum, vel ad aliquos. quicquid ergo virtute cuiuscunque creaturæ fiat non potest dici miraculum proprie: et si sit mirum creaturæ virtutem illius non comprehendenti. Quod autem sit virtute diuina, quæ cum sit infinita, de se incomprehensibilis est, verè miraculum est.

3. Amplius, omnis creatura in sua actione requirit subiectū aliquod in quod agat: solius autem Dei est ex nihilo aliquid facere, ut supra ostensum est: \* nihil autem quod requirit in sua actione subiectum, potest agere, nisi illa ad quæ subiectum est in potentia. Hoc enim agens in subiectum aliquod operatur, ut educat illud de potentia in actum. Nulla igitur creatura sicut nec creare potest, ita & nec agere potest in aliqua re, nisi quod est in potentia illius rei. fiunt autem multa miracula diuinitus, dum in re aliqua fit diuina virtute quod non est in potētia illius rei: sicut quod mortuus reuiuiscat, & quod sol retrocedat, & quod duo corpora sint simul. Hæc igitur miracula nulla virtute creata fieri possunt.

4. Adhuc, subiectum in quod agitur, ordinem habet & ad agens quod reducit ipsum de potentia in actum, & ad actum in quem reducit. sicut ergo subiectum aliquod est in potētia ad aliquem determinatum actum, & non ad quemlibet: ita non potest reduci de potentia in actum determinatum, nisi per agens aliquod determinatum. Requiritur enim agens diuersimodè ad reducendum in diuersum actum. Nā cum aër sit in potentia ignis & aqua: alio agente fit actus ignis, & alio aqua. similiter etiam patet quod materia corporalis in aliquem actum perfectum non re-

\* Lib. 1. cap. 6.



ducitur à sola virtute vniuersali agente: sed oportet esse aliquod agens propriū per quod determinetur impressio vniuersalis virtutis ad determinatum effectum. In actum autem minus perfectū potest materia corporalis sola virtute vniuersali absque particulari agente. Animalia enim perfecta non solum generantur ex sola virtute celestis: sed ad hoc requiritur determinatum semen. Ad generationem verò quorundam imperfectorum animalium sola virtus celestis sufficit sine semine. effectus igitur qui in his inferioribus fiunt, sint nati fieri à causis vniuersalibus superioribus sine operatione causarum particularium inferiorum, non est miraculum si sic fiant: sicut non est miraculum quod animalia ex putrefactione sine semine nascantur. Si autem non sunt nati fieri per solas causas superiores, requiruntur ad eorum complementum causæ inferiores particulares. Cum autem aliquis effectus producit ab aliqua causa superiori mediantibus propriis principiis, non est miraculum. Nullo igitur modo virtute superiorum creaturarum aliqua miracula fieri possunt.

5 Amplius, eiusdem rationis esse videtur quod aliquid operetur ex subiecto: & quod operetur id ad quod est in potentia subiectum: & quod ordinatè operetur per determinata media. Nam subiectum non fit in potentia propinqua ad vltimū nisi cum fuerit actu in medio. sicut cibus non est statim in potentia caro, sed cum fuerit conuersus in sanguinem: omnis autem creatura necesse habet vti subiecto ad hoc quod aliquid faciat: nec potest facere nisi ad quod subiectum est in potentia, vt ostensum est \*. ergo non potest facere aliquid nisi subiectum reducat in actum per determinata media. miracula igitur quæ sunt ex hoc quod aliquis effectus producit non illo ordine quo naturaliter fieri potest, virtute creaturæ fieri non potest.

6 Adhuc, inter species motus ordo quidem naturalis attenditur. Nam primus motus est motus localis: vnde & causa aliorū existit. primum enim in quolibet genere causa inuenitur eorum quæ in illo genere cōsequuntur. omnis autem effectus qui in his inferioribus producit, per aliquam generationem vel alterationem necesse est vt producat. oportet igitur quod per aliquid localiter motum hoc proveniat, si fiat ab aliquo agente incorporali, quod propriè localiter moueri non possit. effectus autem qui fiunt à substantiis incorporeis per corporea instrumenta, non sunt miraculosi. corpora enim non operantur nisi naturaliter. non igitur substantiæ incorporeæ creatæ possunt aliqua miracula facere propria virtute: & multo minus substantiæ corporeæ, quarum omnis actio naturalis est. solius igitur Dei est miracula facere. ipse enim est superior ordine sub quo vniuersa continentur à cuius prouidentia totus hic ordo fuit: eius etiam virtus cum sit omnino infinita, non determinatur ad aliquem specialem effectum, neque ad hoc quod effectus illius producat aliquo determinato modo vel ordine. Hinc est quod in Psal. 135. dicitur de Deo: Qui facit mirabilia magna solus.

Super Cap. 102.

**P**OST QVAM ostendit sanctus Thomas quæ sint illa opera quæ miracula sunt, vult vltius quibus conueniat miracula facere, manifestare. Circa hoc autem duo facit. Primò ostendit quod solus Deus miracula facere potest. Secundò quod aliz substantiæ spirituales aliqua mira operantur, quæ vera miracula non sunt, cap. seq. Quia autem hæc propositio, solus Deus potest miracula facere, duas habet expositiones, scilicet, Deus potest miracula facere, & nullus alius à Deo hoc potest. vtramque in hoc cap. probat sanct. Thom. & primò secundam, secundò primam. Arguit igitur primò sic: omnis creatura est constituta sub ordine quem Deus in rebus statuit, ergo nulla creatura potest supra hunc ordinem operari, quod est miracula facere. probatur consequentia: quia quod est sub ordine totaliter constitutum, non potest præter illum ordinem operari.

Ad euidenciam huius rationis considerandum est ex doctrina sancti Thom. prima parte quæst. 110. artic. 4. quod ad rationē miraculi non sufficit quod aliquid sit præter ordinem & inclinationem alicuius particularis virtutis creatæ, sed requiritur quod sit præter ordinem totius virtutis creatæ, id est, quod nulla virtus creatæ illum effectum cum omnibus eius conditionibus possit efficere: cōstat autem quod particularis virtus creatæ non potest operari præter ordinem totius naturæ creatæ, cum operetur secundum ordinem & inclinationem suam, qui ordo continetur sub vniuersali ordine vniuersitati creaturarū à Deo imposto, sicut pars con-

tinetur in suo toto: & ideo nulla virtus creatæ potest miracula facere, secundum hoc procedit hæc ratio.

VNDE & illa propositio quam assumit sanct. Thom. scilicet quod est sub ordine totaliter constitutum, non potest præter illum ordinem operari, intelligitur ad huc sensum, quod si aliquid secundū omne suam virtutem sub aliquo totali ordine tanquam pars illius ordinis contineatur, illud non potest præter illum totalem ordinem operari: oppositum enim implicat contradictionem, si enim aliquid sua virtute operetur præter aliquem totalem ordinem, sequitur vt secundum suam virtutem extra totum illum ordinem sit, cum operetur id ad quod nulla virtus in illo ordine contenta se potest extendere: & sic si ponatur aliquid in aliquo toto ordine contentum potest totum illum ordinem operari, ponitur idem secundum suam virtutem in aliquo ordine esse, & non esse in illo ordine. Secundò, omnis creaturæ potentia est limitata ad aliquem determinatū effectum vel ad aliquos: ergo quicquid virtute cuiusque creaturæ fiat, non potest propriè miraculum dici, sed bene quod sit diuina virtute quæ infinita est, & idcirco incomprehensibilis. probatur cōsequ. quia quando aliqua virtus finita propriū effectum operatur ad quem est determinata, non est miraculum.

Ad huius euidenciam considerandum est ex doctrina sancti Thomæ loco præallegato ad secundum, & quæstione centesima decima quarta, articulo quarto. item secundo Sententiarum distinctione decima octaua, quæstione prima, articulo tertio, & quarto Sententiarum distinctione decima septima, quæstione prima, articulo quinto, quod aliquid miraculum potest dupliciter dici: vno modo quod ad nos tantum, alio modo simpliciter. Quod ad nos dicitur miraculum, cum aliquid sit præter ordinem naturæ creatæ nobis notæ per virtutem creatam nobis ignotam, licet in se cognoscibilis & comprehensibilis sit ab intellectu creato. Simpliciter autem miraculum dicitur quod sit præter ordinem totius naturæ creatæ per virtutē secundum se à quocūque intellectu creato incomprehensibilem. Quia ergo quæcunque virtus finita, qualis est omnis virtus creatæ, est ab aliquo intellectu creato comprehensibilis, & per consequens non est causa simpliciter occulta, virtus autem infinita est incomprehensibilis, & per consequens omnino occulta: ideo optimè inquit sanctus Thomas illa quæ fiunt à virtute finita, non esse simpliciter miracula, sed posse esse mira illi qui huiusmodi virtutem ignorat, & per consequens miracula quo ad illum: sicut mirum est apud ignorantem virtutem magnetis, quod per ipsam attrahatur ferrum: & ignorat virtutem piscis Echeneidis seu Remoræ mirum videtur quod nauem detineat. illa verò quæ à virtute fiunt infinita, qualis est diuina virtus, verè & simpliciter miracula esse intellige, si ad sint & aliz conditiones in præcedenti capite expositæ.

Tertiò, nulla creatura potest agere in aliqua re, nisi quod est in potentia illius rei: ergo sunt multa miracula quæ nulla virtute creatæ fieri possunt. probatur antecedens, quia cum solius Dei sit creare: omnis creatura in sua actione requirit subiectum: nihil autem tale potest agere nisi illa ad quæ subiectum est in potentia: cum non operetur nisi vt subiectum educat de potentia in actum. consequentia verò probatur, quia fiunt multa miracula diuinitus, dum in re aliqua fit diuina virtute quod non est in potentia illius rei. sicut quod mortuus reuiuiscat, quod sol retrocedat, quod duo corpora sint simul.

AD VERTE quod in ista ratione per potentiam subiecti intelligitur potentia naturalis simpliciter, quomodo dicitur subiectum esse in potentia ad formam de eius potentia per agens naturale educibilem: non autem intelligitur potentia obediens, secundum quam dicitur aliquid impotentia ad quodcunque Deus in ipsum efficere voluerit: quia sic omnia miracula in quacunque re facta, sunt in potentia illius rei.

AD VERTE etiam quod ista ratio non probat vniuersaliter nulla miracula virtute creatæ fieri posse, sed quædam. Nam etiam Deus quadoque miraculose operatur in re id ad quod est in potentia naturali, licet alio modo illud efficiat, sicut cum aliquem à febre statim ad sanitatē reducit: & ideo ex hoc quod virtus creatæ non agit in re nisi id ad quod est in potentia naturali, non poterat concludi vniuersaliter nulla miracula per virtutem creatam fieri posse.

Quartò, & est confirmatio præcedentis rationis. Effectus secundum quos subiectum reducit de potentia in actum, aut nati sunt fieri per solas causas superiores, aut non, sed nullo illorum modorum est miraculum, ergo nullo modo virtute superiorum causarum aliqua miracula fieri possunt. Maior probatur, quia cum subiectum in quod agens agit, habeat ordinem, & ad agens per quod reducit ad actum, & ad actum in quem reducit: sicut est in potentia ad determinatum actum, ita ad determinatum agens. ostenditur hoc ex eo quod agens diuersimodè requiritur ad reducendum in diuersum actum, idque exemplis declaratur. minor verò probatur quantum ad primam partem exemplariter. non enim est miraculum cum animalia ex putrefactione sine semine generantur. Quod ad secundam verò partem, quia ad complementum effectuum qui non sunt nati fieri per solas causas superiores, requiruntur causæ inferiores particulares. Cum autem effectus producat à causa superiori mediantibus propriis principiis, non est miraculum.

CIRCA probationem maioris aduertendum, quod sanctus Thomas ordinem subiecti ad formam & ad agens sumit ex diffinitione potentie passiuæ posita quinto Metaphisicæ. Diffinitur enim quod est principium transmutandi ab alio in quantum aliud. Ex hoc autem habetur quod subiectum de cuius potentia aliquis actus educitur, ducit ordinem non solum ad actum in quem per transmutationem educi potest, sed etiam ad agens à quo habet transmutari, & in actum reduci. Ex hoc autem vltius sequitur, quod cum naturalitas potentie sit modus ipsius, & potentia passiuæ in sua ratione ducat ordinem ad actum & ad agens, quod dicitur potentia naturalis illa sola quæ respicit ad actum qui non est supra ordinem naturalium actuum, & habet pro proprio actiōe aliquid agens, quod in ordine agentium naturalium contineatur. sicut enim potentia passiuæ in communi sumpta habet diffiniri per actum & per agens: ita potentia passiuæ naturalis habet diffiniri per actum naturalem, & per agens naturalem: quemadmodum & violenta potentia dicitur, quæ est susceptiua actus violenti, id est, sibi repugnantis ab agente in ipsam per violentiam: ex quo patet error Scoti in primo Sententiarum, quæstione prima prologi, tenentis

\* Cap. 2. secū.  
di lib.



tenentis quod finis noster qui est visio diuinæ essentia, sic naturalis anima nostra, sed supernaturaliter acquisibilis, patet enim hoc esse falsum, quia nulla virtute creata potest anima in actum illius finis educi, & per consequens anima ad illum non habet naturalem potentiam simpliciter, sed tantum obedientialem, licet in illa aliquid naturalitatis sit, ut dictum est in præcedentibus, in quantum natura eius constituta est capax illius beatitudinis, & est ad illa à prima sua institutione à Deo ordinata. Potest autem opinio Scoti sustineri si per talem potentiam naturalem intelligatur nuda capacitas potentia, & non repugnantia ad talem actum, ut videtur velle in Quolib. quaest. 14.

ADVERTENDVM quoque quod ista ratio procedit ex eodẽ fundamento ex quo præcedens processit, scilicet ex hoc quod nulla creatura potest in aliquo efficere nisi quod est in potentia subiecti. huic enim fundamento si adiungatur quod superius dictum est, scilicet quod miraculum est præter ordinem totius creaturæ, optimè procedit ratio. si enim à creatura id solum fieri potest quod de subiecti potentia educitur: quod autem de potentia subiecti educitur, aut naturam est educi in actum ab vniuersalibus causis tantum: aut ab illis mediantibus causis propriis: necesse est ut omne quod fit à creatura, altero illorum modorum fiat, sed quod fit eo modo & eo ordine quo naturam est fieri, non est miraculum, cum sit secundum naturæ ordinem, non præter ordinem naturæ. nihil igitur quod fit à superioribus creaturis, est miraculum. Quinto ex eodem fundamento arguitur, Omnis creatura necesse habet uti subiecto ad hoc quod aliquid faciat: nec potest facere nisi ad quod subiectum est in potentia. ergo non potest aliquid facere nisi subiectum reducat in actum per determinatam media, ergo, &c. probatur prima consequentia, quia eiusdem rationis videtur esse quod aliquid operetur ex subiecto, & quod operetur id ad quod subiectum est in potentia, & ordinatè per determinatam media, quia subiectum non fit in potentia propinqua ad vltimum nisi cum fuerit actu in medio. declaratur in cibo in carnem transmutando. Secunda verò probatur quia miracula sunt ex eo quod aliquis effectus producit non illo ordine quo naturaliter fieri potest.

CIRCA primam consequentiam probationem considerandum est, quod subiectum quod est in potentia ad plures actus, illos non confusè, sed ordine quodam respicit, ut in 2. lib. cap. 2. est ostensum. oportet enim ipsum prius actuari per actum priorem via generationis, & postmodum per actum posteriorem, quia actus prior est potentialis respectu actus posterioris, & per ipsum disponitur subiectum ad susceptionem actus posterioris, ut patet in generatione carnis ex cibo, quæ oportet prius in sanguinem conuertere quam in carnem: & in generatione hominis ex sanguine menstruo, in qua oportet prius transmutari materiam ad vegetatiuum & sensitiuum quam ad intellectiuium. quia ergo virtus quæ necessariò in sua actione requirit subiectum, non facit nisi id ad quod subiectum est in potentia, & eo modo quo est in potentia, necesse est ut ipsum subiectum reducat in actum secundum ordinem actuum ad quos est in potentia, & ideo non potest ipsum in vltimum actum reducere nisi prius ad priores actus reducat, quod est ordinatè per determinatam media operari, & hoc est fundamentum illius consequentia. Sexto, Motus localis est causa omnium aliorum motuum, ergo effectus qui in istis inferioribus fit ab agente in corporali, qui propriè localiter moueri non potest, oportet ut per aliquod localiter motum proveniat. ergo substantia incorporea creatrix virtute propria miracula facere non possunt, ergo multo minus substantia corporea: ergo, &c. probatur antecedens, quia motus localis est primus motuum, primam autem in quolibet genere est causa sequentium. prima verò consequentia probatur, quia effectus qui in inferioribus produciuntur, scilicet ab agente creato, necesse est ut per aliquam generationem vel alterationem producantur. Secundo probatur, quia effectus qui sunt à substantiis incorporeis per corporea instrumenta, non sunt miraculosi, cum corpora non operentur nisi naturaliter. Tertiò verò, quia omnis actio substantia corporea est naturalis, scilicet appetit & manifestè loquendo de propria actione.

ADVERTE cum inquit S. Tho. agens incorporeu non posse propriè localiter moueri, quod idcirco addidit propriè, quia sicut sustinet incorporeæ improprie sunt in loco (sunt enim in loco, quia in loco operantur, non autem quia circumscribantur loco) ita & improprie possunt dici localiter moueri, quia videlicet successiue sua virtute diuersa loca contingunt, non autem quia diuersa loca occupent successiue per continentiam à loco.

LICET de motu Angeli incidenter occurrerit mentio, quia tamen materia hæc in doctrina sancti Thomæ difficillima est, non erit ab re si pauca quædam explicauero. Tria enim in prima parte quaestione quinquagesima tertia dicuntur, quæ difficultatem afferre videntur. Primum est, quod præter motum localem Angeli discontinuum potest etiam esse aliquis motus ipsius continuus, quia videlicet potest successiue dimittere locum diuisibilem in quo prius operabatur, successiue ac per partes alium locum occupando. Secundum est, quod talis motus sit in tempore continuo, quod à tempore mensurante motum cæli, distinguitur. Tertiū est, quod nullus motus Angeli neque inquam continuus neque discretus potest in instanti esse.

CIRCA enim primum, dubium occurrit. Ipse enim diuus Thomas in primo articulo illius quaestionis motum localem Angeli describens inquit, quod necesse est ut motus localis Angeli nihil aliud sit quam diuersi contractus diuersorum locorum successiue, & non simul. Ex hoc enim arguitur sic: Motus localis Angeli nihil aliud est quam diuersi contractus diuersorum locorum successiue: sed diuersi contractus Angelici sibi succedentes, secundum diuersas operationes sunt: ergo motus localis Angeli diuersas eius operationes circa locum requirit, sed diuersæ operationes Angeli non sunt continuæ, cum vnaquæque suo instanti mensuretur, ergo, motus Angeli continuus esse non potest. Confirmatur, quia ipsemet diuus Thomas hac motus ratione in primo Sententiarum distinctione trigesima septima, quaestione quarta, Angeli motum tenet non esse continuum.

CIRCA secundum, dubium occurrit primum, quia Quolibet tertiò, articulo quinto ostenditur, quod quia omnes motus continui conueniunt in vno genere in quantum sunt mensurabiles, ideo possunt habere vnam mensuram communem, & idcirco omnium motuum continuorum potest esse vnum tempus commune. si ergo ponatur motus aliquis Angeli

esse continuus, non inconuenit quod eodem tempore continuo cum aliis motibus mensuretur. Secundo, cum dicitur motus Angeli esse continuus, aut nomine motus intelliguntur ipse operationes immanentes in Angelo, quibus effectus exterior imperatur & producit, aut effectus per tales operationes in loco producti, aut alia operationes transeuntes. Non primum, quia operatio quælibet immanens in Angelo tota simul producit, & instanti temporis discreti tanquam in mensura adæquata mensuratur, sicque plures eiusmodi operationes non possunt continuo tempore mensurari. Si secundum, sic non inconuenit operationes Angelicas tempore mensurante motu cælestem mensurari. effectus enim angelicæ operationis tali tempore mensurari non inconuenit, sicut neque effectus diuinum. Si tertium, cum actio transiens sit idem quod suus terminus, actio qua Angelus mouet cælum, erit idem quod ipse motus cæli: & sic cum motus cæli tempore mensuretur, & ipsa actio Angeli mensurabitur tempore communi, & sic motus Angeli erit in tempore communi.

CIRCA tertium etiam dubitatur. Nam illa mutatio per quam terminus à quo totus simul abiicitur, & terminus ad quem totus simul acquiritur, est instantanea mutatio, patet enim hoc in generatione substantiæ, & in illuminatione quæ instantaneæ mutationes dicuntur, patet enim ratione. Nā quod mouetur in tempore, oportet ut partim sit in termino à quo, & partim in termino ad quem, ut habetur sexto Physicorum. hoc autem non inuenitur ubi totus vnus terminus simul abiicitur, & alius totus simul acquiritur, ergo, &c. Sed in ipsa actio Angeli vnus totus locus simul deseritur, & alius totus simul occupatur, ergo motus discretus Angeli est in instanti, licet motus eius continuus sit in tempore sicut & motus corporum.

AD euidentiam primi dubij considerandū primum, quod cum Angelus non diffiniatur ad locum per operationem, secundum quod ab eius egreditur essentia, sed secundum quod terminatur ad operatum in loco, ut inquit sanctus Thomas primo Sententiarum, distinctione trigesima septima, quaestione quarta, articulo secundo, ad videndum quomodo Angelus de loco ad locum continuè aut discretè moueatur, ad ipsas operationes respiciendum est, secundum quod ad operatum circa diuersa loca operatur, & quia in prima parte quaestione quinquagesima tertia proportionaliter ad motum localem corporis de motu continuo Angeli loquitur, ex motu corporis oportet in cognitionem motus Angelici deuenire.

CONSIDERANDVM secundò, quod cum motus localis corporis secundum quod successiue est, ad diuisionem magnitudinis diuidatur, & secundum magnitudinis continuationem continuitatem habeat, sicut magnitudo est vna quidem continuitate, sed tamen plures habet partes quarum vna non est alia, ita motus corporis super magnitudine est quidem vnus continuitate, sed tamen plures habet partes, quarum quælibet est motus. diuersis partibus magnitudinis correspondentes. Vnde potest dici quod in transitu corporis super vnam magnitudinem est vnus totalis motus, sed plures motus partiales ex quibus ipse totalis motus integratur, sicut & magnitudo totalis ex pluribus partibus, quarum quælibet est magnitudo, constituitur. Sic ergo proportionaliter de motu locali Angeli loquendo, cum Angelus motu continuo mouetur priorem locum successiue deferendo, & posteriorem successiue secundum ordinem partium occupando, oportet ut ibi sit vnus contactus vnaque operatio totalis secundum continuitatem: sicut & ipsa loca in quibus continuè mouetur, continuitatem habent: sed tamen iste contactus istaque operatio plures habet partes secundum quod pluribus partibus magnitudinis applicatur per aliquod operatum in ipsis: & ideo potest dici quod in tali motu continuo est vnus quidè contactus totalis, sed multi partiales. Vtrum autem secundum quod operatio egreditur ab essentia, in tali motu continuo sint multi contactus partiales, dicendum videtur quod si solo imperio & actu voluntatis Angelus in corpora operetur, ita quod executio ab imperio non distinguatur realiter, non est possibile ut sit pluralitas aliqua in ipso contactu. non enim potest ibi esse vnum velle continuitatem habens ex pluribus partibus sibi succedentibus integratum, cum omnis operatio immanens Angeli sit tota simul & indiuisibilis. non etiam possunt esse plura imperia, pluribus locis quæ in motu continuo pertranseuntur ab Angelo correspondentia, quia eum loca pertranseunt ab Angelo in tali motu, sint infinita: sicut & in motu corporis, oportet dicere quod in fine motus Angelus infinitos actus volendi eliciisset: quod manifestè est impossibile. infinitum enim pertransiri non potest. Si autem in corpora Angelus per aliquam operationem verè & formaliter transeunt operetur, dicendum est quod eodem modo in tali contactu ut egreditur ab essentia, est vnitas totalis & pluralitas partialis, sicut & in ipso ut terminatur ad operatum in loco. Nam cum talis contactus & operatio sit idem quod operatum, sicut & in actionibus corporalibus motus & actio est idem quod terminus motus, sicut ipsum operatum successiue & diuisibilitatem habet, ita & ipsa actio successiue & partibiliter ab ipso Angelo operante progreditur.

EX ISTIS facillè patet ad dubium responsio. Dicitur enim quod in motu etiam continuo Angeli sunt plures contactus aliquo modo secundum quod ad operatum terminantur. Nam est ibi vnus contactus totalis, sunt verò plures partiales contactus: & hoc sufficit ad intentionem sancti Thomæ. Quam autem instatur, quia diuersæ operationes angeli non continuantur, dicitur quod hoc verum est de operationibus immanentibus ut egrediuntur ab essentia angeli: verum est etiam de operationibus transeuntibus totalibus: sed falsum est de operationibus partialibus. Potest enim (ut dictum est) vna operatio angeli vrad operatum terminatur, successiue habere & partibilitatem: & sic ex pluribus partibus integrari, quarum quælibet potest dici partialis operatio, secundum quod per ipsam pars magnitudinis pertranseunt attingitur.

AD confirmationem respondetur, quod si dicta sancti Thomæ in primo Sententiarum voluerimus tanquam non retractata per dicta in prima parte sustentare, dupliciter possumus vtrumque dictum concordare. Primum quod in primo Sententiarum loquitur de motu Angeli quo plura loca pluribus operationibus totalibus & omnino distinctis attingit, in prima verò parte loquitur vniuersaliter de motu quo plura loca pluribus quomodocumque attingit, operationibus, siue inquam sint totales & omnino distinctæ, siue sint partiales. Secundò quod in primo Sententiarum loquitur de natura motus angelici quantum est ex parte Angeli.



Nam cum ipse sit extra magnitudinem, non convenit sibi continuitas in suo motu ex parte substantiæ suæ. in prima verò parte loquitur de natura motus angelici tam ex parte angeli quam ex parte magnitudinis in qua operatur, & super quam dicitur localiter moveri, & ideo posuit aliquid motum eius posse esse discretum, aliquid verò posse esse continuum, ex eo quod potest & vnum locum totum simul dimittere, & potest locum in quo prius erat secundum partes successivè deferere, & alium eodem modo successivè occupare.

**Q V A N T V M** ad secundum dubium attendendum est primò ex doctrinâ Aristot. decimo Metaph. tex. quarto & deinceps, quod mensura propria alicuius debet esse cognata siue eiusdem naturæ cum mensurato, non solum secundum convenientiam in natura communi & genericâ, sed etiam secundum convenientiam in natura speciali, quâ ad id secundum quod aliquid mensurabile est. oportet enim lineam lineâ mensurari, superficiem superficie, pondus pondere, & sic de aliis. & ideo sicut aliqua in natura conveniunt aut distinguuntur in quâ mensurabilia sunt: sic possunt aut non possunt vna mensura mensurari. quæ enim in vna ratione particulari siue specificâ conveniunt, in quâ mensurabilia sunt, vna specificâ mensura mensurari possunt: quæ autem vna ratione genericâ participant, sed non vna specificâ, vna mensura genericâ possunt mensurari, non autem vna secundum speciem: quæ verò in vna ratione tantum analogâ conveniunt, possunt vna mensura analogâ mensurari, non autem vna genericâ & vniocâ. loquimur autem de mensura per se & propria, non autem de mensura per accidens aut excedente.

**C O N S I D E R A N D V M** secundum, quod cum motus sit alterius rationis quàm tempus etiam in ratione quanti non convenit motui mensurabili secundum se totum ut primo mensuretur tempore, sed oportet ut motu alio mensuretur, primo scilicet & simplicissimo in genere motuum: mediante autem ipso primo motu potest mensurari tempore, ex eo quod tempus est numerus primi motus: & ideo si sint aliqui motus qui ad primum motum ordinem & dependentiam habeant tanquam ad exemplar suum & tanquam perfectissimum & simplicissimum sui generis, tempore numerante primum motum mensurari possunt. Si autem sint aliqui motus qui talem ordinem ad primum motum non habeant, tempore illum motum mensurante non habent mensurari. Quia ergo motus localis angeli non est eiusdem rationis cum motu corporis cuiuscunque, sed æquivoce dicuntur moveri localiter Angelus & corpus, ideo motus localis angeli à motu cæli non dependet, neque mensuratur, & cõsequenter neque mensurari habet tempore qui est numerus motus cæli. Et hæc est ratio propter quam tenet sanctus Thom. tempus mensurans motum angelicum non esse idem cum tempore motum cæli & alios motus corporales mensurante.

**A T T E N D E N D V M** tamen quod dupliciter potest Angelus dici localiter moveri. Vno modo per se, alio modo per accidens. Per se dicitur continuo motu moveri, quando sua operatio successivè diversa loca immediatè contingit, vnum per partem post partem relinquendo, & alium eodem modo occupando. Per accidens verò, quando vnum corpus motu continuo movetur, per cuius motum successivè ad diversa loca præsentiam habet, ex eo quod corpus ab ipso motu successivè diversa occupat loca, sicut cum movetur corpus ab eo assumptum, aut lapidem vnum de loco ad locum. Quod ergo dictum est angeli motum non mensurari communi tempore, intelligendum est de motu eius per se, non autem de motu per accidens. In motu enim per accidens semper est in eodem loco per se, licet per accidens moveatur: sicut ille qui fedit in naui, & ad motum navis movetur, est in eodem loco per se, sed per accidens movetur ad motum navis.

**S E D** circa dicta dubium occurrit. Nam licet alia sit ratio motus localis angeli, & alia ratio motus localis corporum, conveniunt tamen uterque motus in eadem ratione continuitatis. Nam uterque à continuitate magnitudinis continuitatè habet, cum ergo habeat motus mensurari tempore cæli motum mensurante ratione continuitatis suæ, videtur quod uterque eodem tempore mensuretur, non obstante quod dicantur æquivoce motus locales. Et sic ratio sancti Thom. non videtur concludere.

**R E S P O N D E T V R** & dicitur primò, quod licet ab aliquo eodem isti motus continuitatem habeant scilicet à magnitudine, non est tamen eadem ratio continuitatis in eis. Nam continuitas motus localis corporum est continuitas, aut locorum successivè circumscribentium ipsum corpus motum, aut diversorum, ubi quæ in corpore moto successivè recipiuntur: & ulterius eius continuitas non solum provenit ex continuitate magnitudinis super quam fit motus, sed etiâ ex continuitate corporis quod movetur. Continuitas autem motus angeli est continuitas diversorum contactuum partialium quibus Angelus diversa loca contingit: & eius continuitas ex continuitate sola magnitudinis super quam fit motus provenit, non autem ex aliqua continuitate eius quod movetur.

**D I C I T V R** secundò, quod ex communi ratione continuitatis non habent aliqua ut vna mensura specificâ mensurentur, alioquin & longitudo & superficies & motus & pondera vna mensura mensurari deberent, sed ex particulari continuitatis ratione: & ideo licet vna quædam sit communis ratio continuitatis in omnibus motibus tam angelicis quàm corporalibus, quia tamè alia & alia ratio particularis continuitatis est in ipsis: ideo alia & alia propria mensura mensurantur: licet illæ propriè mensuræ in communi ratione temporis continui conveniant.

**V T R V M** autem motus continuus angeli sit in genere quantitatis: videtur dicendum quod si ipsa operatio angeli nihil aliud sit quàm eius imperium, ut videtur velle sancti Thom. Quodlibeto sexto, articulo secundo, & quæst. de Ma. quæstione decima sexta, articulo primo ad 14. & de spiritu. articulo sexto ad octavum, ipse motus angeli quantum est ex parte operationis, non est de genere quantitatis, cum sit actio immanens sed ex parte effectus producti non inconuenit ut sit in prædicamento quantitatis per accidens, sicut & alij motus. Si autem operatio ipsa sit operatio verè transiens, quæ est idem realiter cum termino operationis, sic non videtur inconueniens quod & ipsa in genere quantitatis sit per accidens, tanquam scilicet à magnitudine continuitatem habens, & similiter tempus quod talem operationem continuam mensurat, quamvis posset etiam fortassis dici, quod licet ipsa operatio ut accidens quoddam rei quantæ sit quantæ per accidens, quantitate de genere quantitatis, ut tamen

operatio & motus continuus angeli non est in genere quantitatis, sed est continua continuitate transcendente. sicut enim successio operationum immanentium in angelo quæ motum eius discretum constituunt, non ponitur in genere quantitatis, nec tempus motus mensurans huiusmodi motum est in genere quantitatis, sed est numerus transcendens: ita motus continuus angeli non est in genere quantitatis, sed transcendens, & tempus ipsum mensurans est tempus transcendens. Quantitas enim quæ est prædicamentum, non nisi in rebus materialibus inuenitur. Sed hæc habet probabiliter dicta.

**A D** argumenta autem superius adducta responderetur. Ad primum quidem dicitur primò, quod fortassis sanctus Thomas ibi tenuit nullum motum angeli esse continuum, & propter hoc dixit omnes motus continuos vno tempore mensurari, sed in prima parte tenuit aliquid motum angelicè esse continuum, ideo sequendo determinationem eius in prima parte, non est tenendum quod alibi dixit: quæ enim dicit in summa, sunt tenenda. Dicitur secundò sustinendo dicta in præfatio. Quolibet. quod ibi loquitur de motibus continuis, qui vniocè dicuntur motus non autem de istis qui dicuntur motus æquivoce, cuiusmodi sunt motus angeli, & motus corporum. Dicitur tertio, quod sicut isti motus aliquo modo proportionaliter analogicè dicuntur motus, ita tempore vno vnitatè analogicè & proportionis mensurantur: omnes enim mensurantur tempore continuo, licet alia ratio sit huius temporis, & alia ratio illius.

**A D** secundum dicitur primò, quod nomine motus angelici intelligimus non ipsam operationem immanentem inquantum immanens est, sed aut effectum ad quem ipsa operatio immanens terminatur, inquantum dicta terminat actionem, aut aliquam actionem angeli verè transeuntem, & continuitatem habentem. Cum instatur contra primum, quia non inconuenit effectum talem communi tempore mensurari: dicitur quod licet non sit inconueniens aliquid effectum operationis angelicæ tempore communi mensurari, inconuenit tamen effectum de quo loquimur, ut terminat successivè operationem angeli, & ut est motus quo per se dicitur Angelus moveri, tali mensurari tempore, cum ut sit sit alterius rationis à motu cæli. Cum verò instatur contra secundum, quia cum ipsa actio transiens sit idem cum termino actionis, actio qua Angelus motu continuo mouet cælum, mensurabitur tempore communi, sicut & ipse motus cæli: dicitur quod ratio supponit falsum, scilicet quod dum Angelus mouet cælum, dicatur ipse per illum motum continuè per se moveri. hoc enim falsum est. Nam si ponatur Angelus immediatè suam virtutem applicare toti cælo, cõstat quod Angelus per illum motum non mutat locum, neque secundum se totum, neque secundum partem, cum ipsum cælum secundum se totum non mutat locum, & consequenter per talem motum Angelus localiter non mouetur. Si autem (quod verius videtur & conformius doctrinæ Aristotelis octauo physicorum) Angelus mouet cælum applicando virtutem suam partibus sibi succedentibus in oriente, tunc motus ille angeli non est continuus, sed discretus. nõ enim sic tangit successivè quod priorem partem successivè deferat, & successivè aliam partem attingat, sed vni parti alicuius quantitatis applicat suam virtutem, & illam simul totam deferendo alteri parti toti eiusdem quantitatis, aut etiam maiori vel minori simul applicatur, secundum quod multæ partes ad orientem perueniunt: & sic licet cælum continuè moveatur, ipse tamen Angelus mouendo cælum non continuo motu sed discretè mouetur. Si verò poneretur angelus affixus determinatæ parti orbis, & rotari cum illa parte ad motum orbis, tunc illo quidem motus per accidens moueretur, & sic non esset inconueniens dicere iuxta prædicta, quod in tempore communi moueretur: sed nos de motu eius per se, nõ autem de motu per accidens loquimur.

**A D** euidentiam tertij dubij considerandum primò, quod cum motus sit transitus quidam de termino à quo ad terminum ad quem, transitus autem iste nihil aliud dicat quàm recessum ab vno termino, & accessum ad alium, nihil aliud est mutationem aliquam in instanti aut in tempore esse, quàm ipsum recessum ab vno termino & accessum ad aliud mensurari tempore aut instanti. Vnde cum quæritur nunquid motus localis angeli sit in instanti, nihil aliud quæritur quàm an transitus angeli de loco ad locum, siue an recessus eius ab vno loco & accessus ad alium locum, in instanti fiat.

**C O N S I D E R A N D V M** secundò conformiter ad doctrinam sancti Thomæ quarto Sententiarum, distinctione vndecima, quæstione tertia, articulo tertio, quæstione secunda ad tertium, quod quando in aliqua transmutatione datur vltimum esse termini à quo, quia scilicet datur aliquod instans in quo mobile est in ipso, ita quod immediatè post illud instans in ipso non erit, & etiam datur primum esse termini ad quem, quia scilicet datur aliquod instans in quo verum est dicere mobile nunc est in isto termino, & immediatè ante hoc non erat: tunc illa duo instantia ad ipsam mutationem siue ad illum transitum de termino ad terminum pertinent, vnum scilicet sicut principium durationis eius, alterum verò sicut finis. Cum enim aliquid de albo per medios colores transit in nigrum, instans in quo vltimo fuit sub albedine, est talis alterationis principium, instans verò in quo primò est sub nigro, est eius finis. neque enim aliud habet principium, neque alium finem intrinsecum suæ durationis. Vnde duo habet vtrumque instans. primum enim est finis quietis præcedentis, & initium motus sequentis: secundum verò est finis motus præcedentis, & principium sequentis quietis. quando autem non datur vltimum esse termini à quo, quia videlicet non datur vltimum instans in quo mobile est sub ipso, transitus de vno termino in alium terminum non includit duo instantia, sed vnum tantum, in quo videlicet mobile primò est sub termino ad quem, & primò non est sub termino à quo. in toto enim tempore præcedenti fuit in termino à quo, & in illo instanti primo non est in eo, vnde illius transmutationis, si per se solam fumatur, ut scilicet ab omni alio motu distinguitur, idem instans est principium & finis. Et propter hoc tales mutationes dicuntur instantaneæ, quia videlicet in eodem instanti incipiunt & terminantur. Patet hoc generatione ignis ex aëre, quæ ponitur terminus alterationis ad formæ substantialis introductionem ordinatæ. Nam quia in toto aliquo tempore materia est sub forma aëris, & non datur vltimum instans in quo sub ipsa fuerit, in vltimo autem instanti illius temporis est sub forma ignis: ideo seclusa præcedenti alteratione sumptus transitus materiæ de forma aëris ad formam ignis, vnum



vnum duntaxat instans includit, in quo est principium & finis ipsius transitus, & propter hoc generatio substantialis ignis dicitur mutatio instantanea. Ex hoc apparet necesse esse id quod sepe numero dicit sanctus Thomas. videlicet huiusmodi mutationes instantaneas aliquos motus sunt termini. Nam si in tempore precedente instantaneam introductionem formae substantialis in materia, quae uisus materia sub forma praecedenti, non posset in ultimo instanti illius temporis primo abici praecedens forma, & sequens primo introduci, ut in eodem instanti esset principium & finis mutationis: quia quod quiescit in aliquo toto tempore, in eadem dispositione est in ultimo instanti illius temporis, in qua fuit in toto tempore praecedenti. Vnde oportet quod aut in eodem instanti materia sit sub utraque forma, quod est omnino impossibile: aut quod mobile non quiescit sub termino a quo in tempore praecedente ipsum instans, sed motum sit ab ipso per maiorem appropinquationem ad terminum ad quem. Et sic oportet quod illa subditio introductio termini ad quem, & definitio termini ad quem, aliquem motum consequatur.

CONSIDERANDUM tertio, quod Angelus dum localiter mouetur motu discontinuo, pluribus scilicet contactibus plura loca successiue secundum se tota contingendo, quia unusquisque istorum contactuum est instantaneus, utpote vno instanti temporis discreti mensuratus: oportet dicere quod in tali motu datur ultimum instans in quo fuit in loco a quo recedit, & datur etiam primum instans in quo est in termino ad quem accedit. quia enim durat duntaxat per instans, habent & primum esse suum, & suum ultimum esse. Hoc autem habet proprium motus angeli discontinuus, quia mensuratur tempore discreto, in quo vnum instans alteri instanti immediate succedit: ut terminus a quo non solum habeat ultimum instans sui esse, sed etiam habeat primum instans sui non esse. in instanti enim in quo primum est terminus ad quem, terminus a quo, primum non est: quod in iis quae per instans tantum tempore discreti durat, non inuenitur. licet enim habeant ultimum instans sui esse, non tamen habent primum instans sui non esse: deo ut ex praecedentibus constat, motus discretus angeli non vnum tantum instans includit, sed duo, in quorum vno est ultimum in loco a quo recedit, in alio vero est in loco ad quem accedit, non enim angelum localiter moueri est ipsum vnum locum occupare. (hoc enim sibi conuenit etiam in primo instanti quo primum contingit locum) sed est recedere ab vno loco, & alium ad locum accedere, siue vnum locum deserere, & alium occupare: hoc autem duo includit instantia in motu angeli.

Ex his sequitur quod male Capreolus concedit Gregorio in secundo Sententiarum distinctione sexta quod si angelum in eodem praecise instanti recedere a termino a quo in quo est in termino ad quem, si enim recessus a termino a quo accipitur ut accessum ad terminum ad quem concomitatur, constat quod iste recessus non est in vno duntaxat instanti, sed in duobus instantibus, in quorum vno dicitur recedere per positionem de praesenti, & negationem de futuro. In alio vero dicitur recessus per negationem de praesenti, & positionem de praeterito: & sic talis recessus est in tempore: sicut & in motu continuo recessus a termino a quo coniunctus accessui ad terminum ad quem per totum motum non mensuratur aliquo instanti, sed tempore mensurante motum. Sed si nomine recessus velimus accipere tantum primum non esse termini a quo, utique verum esset quod in instanti in quo est in termino ad quem recedit: sed hoc est improprie dictum, non enim dicitur recedere Angelus a termino a quo in instanti in quo primum est in termino ad quem, sed dicitur tunc recessus. Quod si per recessum a termino a quo intelligatur instantanea derelictio termini a quo, magis dicendum est quod recedit in instanti, in quo est in ipso termino a quo, quam in instanti, in quo est in termino ad quem. Nam vbi datur ultimum esse termini a quo, recessus a termino a quo per positionem de praesenti, non per negationem, ut in omnibus motibus continuis apparet. Cum enim corpus aliquod mouetur a loco ad locum, verum est dicere quod in primo instanti sui motus recedit a loco in quo erat secundum se totum: quia verum est dicere, hoc corpus in hoc instanti secundum se totum est in hoc loco, & immediate post hoc non erit in ipso secundum se totum, ergo nunc recedit ab hoc loco, non autem dicitur recedere in aliquo instanti in quo primum non sit, cum illud non inueniatur. Similiter idem inuenitur in motu aliarum rationis & alius motibus. Cum autem suum propositum probat Gregorius, quia quando aliquid simul deserit aliquod totum, simul deserit ipsum, & deseruit dicitur quod illud verum est quando illud quod deserit, habet primum sui non esse, sed non ultimum esse: sicut cum materia simul deserit vnam formam substantialem, & simul aliam totam accipit: tunc enim dicitur deserere, quando primum non est in illo, non est autem verum vbi res quae deseritur, habet ultimum sui esse, & primum sui non esse, quia tunc dicitur primum deserit quando ultimum est, non autem quando primum non est.

CONSIDERANDUM postremo, quod cum instans dicat aliquod indiuisibile temporis, vbi plura instantia sibi succedentia inueniuntur, ibi necesse est tempus inueniri, quia ibi est numerus prioris & posterioris in motu, in quo ratio temporis consistit. Sed hoc aliter inuenitur in tempore continuo, & aliter in tempore discreto. Nam vbi sunt plura instantia temporis continui, ibi necesse est esse tempus, non quidem ex ipsis instantibus tanquam ex partibus constitutum: sed intra ipsa instantia tanquam intra terminos suos continentem, omne enim tempus finitum intra duo instantia continetur, sicut & omnis motus continuus intra duo mutata esse, siue intra duo indiuisibilia motus. Vbi autem sunt plura instantia temporis discreti, ibi necesse est esse tempus, non quidem intra ipsa instantia contentum, sed ex ipsis instantibus tanquam ex suis partibus constitutum, sicut enim motus discontinuus angeli ex indiuisibilibus constat, ita & tempus quo mensuratur.

Ex istis sequitur quod diuus Thomas ex consideratione eorum quae in mutationibus corporalibus inueniuntur, ingeniose tam in prima parte quaestione quinquagesima tertia, quam in primo Sententiarum, distinctione trigesima septima Quolibet, vnde in art. 4. & nono art. 9. conclusit motum angeli non esse in instanti, sed in tempore. Vbi enim inquit plura sunt instantia sibi succedentia, ibi necessarium est tempus, cum ibi sit numeratio prioris & posterioris in motu, sed in motu angeli sunt multa instantia sibi succedentia, igitur motus angeli est in tempore. probatur minor ex superioribus dictis, quia videlicet vbi datur ultimum esse termini a quo, & pri-

mu esse termini ad quem, ibi oportet esse plura instantia ad tempus mensurans illum motum pertinentia, ut est ostensum.

AD rationem autem in oppositum adductam respondetur, quod si motus localis angeli dicatur vnius loci occupatio quomodocumque, utique conceditur quod in instanti potest esse. Nam etiam si Angelus nullibi fuisset, & inciperet operari in aliquo loco, diceretur locum occupare in instanti quo sua operatio mensuraretur, & sic conceditur maior, & totum argumentum, sed ista est impropria acceptio motus localis, nec sic accipimus motum localem angeli. Si autem motus localis angeli dicatur transitus eius de loco ad locum, siue recessus ab vno loco, & accessus ad alium locum, quae est propria acceptio motus localis, negatur maior assumpta. Quod enim terminus a quo totus simul desideratur, & terminus ad quem totus simul acquiratur, non sufficit ad hoc ut motus sit instantaneus, sed praeter hoc requiritur quod non datur ultimum esse termini a quo, sicut in generatione substantiali & in illuminatione non datur. Si enim mobile in vno instanti deferat totum locum per positionem de praesenti, & negationem de futuro, in alio vero instanti totum alium locum simul acquirat, hoc arguit motum esse discontinuum, non autem arguit ipsum esse in instanti: ut patet ex praedictis. Ad probationem dicitur quod esse partim in termino a quo, & partim in termino ad quem requiritur ad motum continuum, non autem ad motum discretum, sicut nunc loquimur de motu angeli. Nam de motu eius continuo non est dubium quin sit in tempore.

CIRCA rationem qua probatur effectus factus a substantiis incorporeis per corporea instrumenta, non esse miraculosos, quia videlicet corpora non operantur nisi naturaliter, dubium occurrit. Aut enim si naturaliter accipitur ut distinguitur contra supernaturaliter, ut idem sit naturaliter operari quod operari secundum ordinem naturae creatae, aut ut distinguitur contra voluntarium, ut sit idem naturaliter operari quod operari ex necessitate naturae, non autem liberè & ex electione: quocumque modo intelligatur, posset aliquis dicere illam rationem sufficientem non esse. Nam si primo modo accipitur, diceretur quod licet corpora non operentur nisi naturaliter in quantum virtute propria operantur, possunt tamen in quantum sunt instrumenta agentis incorporei, supernaturaliter, & per consequens miraculose operari. Si autem secundo modo intelligatur, dicitur quod licet corpora non operentur nisi naturaliter, nihil tamen prohibet quin possint esse instrumentum agentis incorporei ad miracula facienda. Nam & Deus per corpora aliquando miraculose operatur tanquam per instrumenta, sicut cum ad tactum ossium Heliis cadauer reuixit, ut habetur 4. Regum 13. cap.

RESPONDETUR quod hic accipitur naturaliter ut distinguitur contra supernaturaliter, & praeter naturae ordinem dicuntur enim agentia corporea naturaliter tantum operari, quia operantur secundum ordinem & inclinationem naturae, & nihil praeter naturae ordinem operantur. Sed considerandum ex doctrina sancti Thomae de potentia, quod est sexta, art. 3. quod ea quae sunt mediis actionibus naturalibus, miracula proprie non sunt: quia ea duntaxat verè miracula sunt quae abque naturalibus actionibus a causa supernaturali sunt, unde licet aliqui mirabiles effectus fiant a substantiis separatis mediis virtutibus corporeis naturalibus, in quo virtus corporea secundum se non potest, sicut in operibus artis aliquos effectus mirabiles fieri videmus per aliqua instrumenta quos ipsa instrumenta per se facere non possunt: illi tamen effectus miracula non sunt, sed quod mediante actione virtutis naturalis fiant.

CONSIDERANDUM vltimè, quod dupliciter potest intelligi corpus esse instrumentum agentis incorporei. Vno modo per actionem propriam virtutis cooperando ad eius effectum. Alio modo deferendo tantum virtutem agentis incorporei, & eam praesentando materiae in qua fit effectus. Primo modo corpus habet propriam rationem instrumenti, non autem secundo modo, licet & sic possit aliquo modo instrumentum dici, quoniam ut dicitur prima parte, quaestione quadragesima quinta, articulo quinto, causa instrumentalis non participat actionem causae principalis, nisi in quantum per aliquid sibi proprium dispositiue operatur ad effectum principalis agentis. Cum ergo dicitur quod corpora possunt praeter ordinem naturae operari in quantum sunt instrumenta agentis incorporei, negatur, loquendo de agente incorporeo creato. huius enim agentis incorporei corpus non potest esse instrumentum ad agendum aliquem effectum in istis inferioribus, nisi primo modo: ut inquitia vltimè sancti Thomae in cap. sequenti, & in plerisque aliis locis, substantiae separatae non possunt transmutare materiam corporealem ad formam nisi medijs actionibus naturalibus, quando autem aliquid fit ab agente incorporeo mediante naturali actione agentis corporei, illud non est praeter ordinem naturae, etiam si per sola agentia corporea fieri non possit. habet enim naturae ordo ut aliquid fiat per actionem corpoream, in quantum ipsa virtus agens incorporea, quod sine agente incorporeo fieri non possit. sicut per instrumentum in quantum agit in virtute principalis agentis, potest aliquid fieri ultra virtutem instrumenti absolute consideratam, fit enim lectus virtute artis per ferram, qui sola virtute ferrae non fieret. Cum dicitur secundò quod Deus aliquando miraculose operatur per corpora, hoc utique conceditur: quia Deus quandoque virtutem corpoream tanquam deferente suum imperium ad res, ut de Potentia quaestione allegata, articulo quarto: & secunda secundae quaestione centesima decima octaua, articulo primo haberi potest, quo solo imperio miraculose operatur, non autem virtutem corpoream tanquam cogente per propriam virtutis actionem ad opus miraculosum. Et si Deus aliquid in rebus efficeret mediante naturae actione, illud non esset miraculum, sicut si per appositionem medicamenti naturalis aliquem sanaret. Non sic autem est de agente incorporeo creato, ut dictum est. Ex his patet optime probari ea quae sunt a substantiis incorporeis per corporea instrumenta, non esse miracula: hac ratione, quia corpora non operantur nisi naturaliter. Vt enim ostensum est, ea quae sunt medijs actionibus naturalibus, non sunt praeter ordinem naturae, quia ordo naturae sic habet ut ista tali modo fiant. Secundo loco probat sanctus Thomas alteram exponentem, scilicet Deus miracula facere potest, probat autem per oppositas condiciones tactas in superioribus rationibus, quia videlicet ipse est superior ordine vniuersi, utpote a cuius providentia totus hic ordo fuit, cuius oppositum dicebatur de creatura in prima ratione: & quia virtus eius, utpote infinita, non est



determinata ad aliquem specialem effectum, aut ad aliquem determinatum modum vel ordinem producendi, cuius oppositum in aliis rationibus de virtute creata dicebatur.

*Quod substantiæ spirituales aliqua miracula operantur, quæ tamen non sunt verè miracula.*

Caput 103.



**E**VI autem positio Auicennæ, quod substantiis separatis multo magis obedit materia ad productionem alicuius effectus, quam contrariis agentibus in natura: unde ponit quod ad apprehensionem prædictarum substantiarum sequitur interdum effectus aliquis in istis inferioribus vel pluuiarum, vel sanicatis alicuius infirmi absque aliquo corporeo agente medio. Cuius quidem signum ab anima nostra accepit, quæ cum fuerit fortis in sua imaginatione, ad solam apprehensionem immutatur corpus: sicut cum quis ambulans super trabem in alto positam cadit de facili, quia imaginatur casum ex timore: non autem caderet si esset trabes illa posita super terram: unde casum timere non posset. Manifestum est autem quod ad solam apprehensionem animæ calefit corpus: sicut accidit in concupiscentibus vel iratis: aut etiam in frigidatur: sicut accidit in timentibus. Quandoque etiam immutatur ex forti apprehensione ad aliquam ægritudinem, puta febrem, vel etiam lepram. Et per hunc modum dicit quod si anima sit pura, non subiecta corporalibus passionibus, & fortis in sua apprehensione, quod obedit apprehensioni eius non solum corpus proprium, sed corpora etiam exteriora: adeo quod ad eius apprehensionem sanetur aliquis infirmus, vel aliquid aliud huiusmodi. Et hoc, ponit esse causam fascinationis: quia anima alicuius vehementer affecta in maliuolentia, habet impressionem nocumeti in aliquem, maxime puerum, qui propter corporis teneritudinem est facile susceptivus impressionum. Unde vult quod multo ad apprehensionem substantiarum separatarum, quas ponit animas vel motores orbium, sequatur aliqui effectus in istis inferioribus absque electione alicuius corporalis agentis. Hæc autem positio satis consona est aliis suis positionibus. Ponit enim quod omnes formæ substantiales effluant in hæc inferiora à substantia separata: & quod corporalia agentia non sunt nisi disponentia materiam ad suscipiendam impressionem agentis separati. Quod quidem non est verum secundum Aristotelis doctrinam, qui probat in septimo Metaphysicæ, quod formæ quæ sunt in materia, non sunt à formis separatis, sed à formis quæ sunt in materia. sic enim inuenitur similitudo inter faciens & factum. Exemplum etiam quod sumitur de impressione animæ in corpus, non multum adiuuat eius intentionem. Non enim ex apprehensione sequitur aliqua immutatio corporis, nisi apprehensioni adiuncta fuerit affectio aliqua, ut gaudii, vel timoris, vel concupiscentiæ, aut alterius passionis. Huiusmodi autem passionis accidunt cum aliquo determinato motu cordis: ex quo sequitur ulterius immutatio totius corporis, vel secundum motum localem, vel secundum alterationem aliquam: unde adhuc remanet quod apprehensio spiritualis non alterat corpus nisi mediante motu locali. Quod autem de fascinatione inducit: non ob hoc accidit, quod apprehensio vnius immediate immutat corpus alterius: sed quia mediante motu cordis immutat corpus coniunctum: cuius immutatio peruenit ad oculum, à quo infici potest aliquid extrinsecum, præcipue si sit facile immutabile: sicut etiam oculis monstratur inficit speculum. Substantia igitur spiritualis creata propria virtute nullam formam inducere potest in materiam corporealem quasi materiam ad hoc sibi obediente, ut exeat in actum alicuius formæ, nisi per motum localem alicuius corporis. Est enim hoc in virtute substantiæ spiritualis creatæ ut corpus obediat sibi ad motum localem: mouendo autem localiter aliquod corpus, adhibere potest aliqua naturaliter actiua ad effectus aliquos producendos: sicut etiam ars

fabrilis adhibet ignem ad molliificationem ferri: hoc autem non est miraculosum proprie loquendo. Unde relinquitur quod substantiæ spirituales creatæ non faciunt miracula propria virtute. Dico autem propria virtute: quia nihil prohibet huiusmodi substantias spirituales inquantum agunt virtute diuina, miracula facere: quod etiam ex hoc videtur, quod vnus ordo angelorum specialiter deputatur (ut Gregorius dicit) ad miracula faciendæ: qui etiam dicit quod quidam sancti interdum miracula faciunt ex potestate, non solum ex intercessionem. Considerandum tamen est quod cum res aliquas naturales vel angeli vel demones adhibent ad aliquos determinatos effectus, vtuntur eis quasi instrumentis quibusdam: sicut medicus vtitur ut instrumentis aliquibus herbis ad sanandum. Ex instrumento autem procedit non solum suæ virtuti correspondens effectus, sed etiam aliquid ultra propriam virtutem: inquantum agit in virtute principalis agentis. Serra enim & securis non possunt facere lectum, nisi inquantum agunt ut motæ ab arte, & ad talem effectum: nec calor naturalis posset carnem generare, nisi virtute animæ vegetabilis, quæ vtitur ipso quasi quodam instrumento. Conueniens est igitur quod ex ipsis rebus naturalibus proueniant aliqui altiores effectus ex hoc quod spirituales substantiæ eis vtuntur quasi instrumentis quibusdam. Sic ergo licet tales effectus simpliciter miracula dici non possint, quia ex naturalibus causis proueniunt: mirabiles tamè redduntur nobis dupliciter. Vno modo ex hoc quod per spirituales substantias tales causæ modo nobis inconstituto ad proprios effectus apponuntur: unde ingeniosorum artificum opera mira redduntur, cum ab aliis non percipitur qualiter operantur. Alio modo ex hoc quod causæ naturales appositæ ad effectus aliquos producendos, aliquid virtutis sortiuntur ex hoc, quod sunt instrumenta spiritualium substantiarum: & hoc magis accedit ad rationem miraculi.

Super cap. 103.



**C**VM ostensum sit solum Deum posse miracula facere, vult sanctus Thomas ostendere quod licet substantiæ separatæ non possint aliquid quod verè miraculum sit efficere, possunt tamen aliquos effectus mirabiles nobis facere. Circa hoc autem duo facit. Primo ostendit propositum, secundo de mirabilibus quæ per artem magicam sunt determinat cap. sequenti. Circa primum tria facit. Primo remouet quandam Auicennæ opinionem per quam posset ad vltimam rationem superioris capitis responderi. Secundo rationem supra positam declarat & confirmat. Tertiò propositum declarat. Quantum ad primum ait quod Auicenna ponens multo magis obedire materiam substantiis separatis quam contrariis agentibus in natura, posuit ad eam apprehensionem aliquos effectus in istis inferioribus vel pluuiarum vel sanationis interdum sequi absque aliquo corporeo agente medio. Hoc autem à signo sic ostendit. Ad apprehensionem animæ nostræ cum fuerit fortis in sua imaginatione, immutatur corpus, aut ad motum localem, cadendo scilicet ex alta trabe: aut ad calorem, ut in concupiscentibus vel iratis, aut ad frigiditatem, ut in timentibus, aut ad febrem quandoque, aut ad lepram: & non solum corpus proprium obedit apprehensioni animæ nostræ sed etiam si anima fuerit pura non subiecta corporalibus passionibus, & fortis fuerit in sua apprehensione, corpora exteriora illi obediunt, ut per fascinationem ostenditur, ergo multo magis ad apprehensionem substantiarum separatarum quæ sunt animæ vel motores orbium, sequuntur aliqui effectus in istis inferioribus absque actione alicuius corporalis agentis. Consonat autem, inquit sanctus Thomas, hæc positio aliis Auicennæ positionibus videlicet huic, Quod omnes formæ substantiales in hæc inferiora à substantia separata effluant: & huic, quod agentia corporalia materiam solum ad suscipiendam impressionem agentis separatis disponunt.

**A**DVERTENDVM, ut ostendit sanctus Thomas de Potentia, quæst. 6. artic. 3. quod hæc Auicennæ positio scilicet quod absque agente corporeo substantiæ separatæ formas quandoque imprimere possint, ex illa positione quæ tenet formas à substantia separata in materiam effluere, agentia verò corporalia materiam tantum disponere: hæc deductione sequitur. Materia obedit substantiæ separatæ ad receptionem formæ substantialis, ergo non erit inconueniens si etiam obediat ad recipiendum dispositiones ad formam, cum hoc minoris virtutis sit, ergo præter ordinem corporalium agentium aliquas formas solo imperio imprimere potest. Contra autem hanc opinionem arguit sanctus Thomas inueniens illam opinionem ex qua hæc originatur, non esse veram secundum doctrinam Aristotelis, qui septimo Metaphysicæ probat formas quæ sunt in materia, non esse à formis separatis, sed à formis existentibus in materia. sic enim inuenitur similitudo inter faciens & factum. Ad signum autem assumptum ex anima nostra inquit falsum esse quod ex sola apprehensione animæ aliqua corporis immutatio fiat, imò hoc non fit nisi mediante motu locali, cum non sequatur ex apprehensione corporis immutatio nisi apprehensioni fuerit

Hom. 34. in  
Evang.

Idem 1. part.  
q. 110. art. 4.  
Auicenn. li. 8.  
de animal. c.  
4. lib. 6.  
et art. 4. c. 2.

Ex. com. 18.  
et seq.



fuerit adiuncta affectio aliqua huiusmodi autem affectiones & passiones cum aliquo determinato motu cordis accidunt, ex quo sequitur alterius totius corporis immutatio. Ad id quod inducit de fascinatione, respondet hoc non esse, quia apprehensio vnius immediate immutat corpus alterius, sed quia mediante motu cordis immutat corpus coniunctum, cuius immutatio ad oculum peruenit, à quo infici potest aliquod extrinsecum, præcipue si sit facile immutabile, sicut oculus mensuratur inficit speculum.

CIRCA impugnationem opinionis Auicennæ ab Aristotele sumptam septimo & octavo Metaphysicæ contra Platonis ideas arguente, & hic à dicto Thoma breuiter tractam, advertendum est, quod sic arguit Aristoteles ibidem. Quod sit simile est facienti, sed id quod proprie sit, non est forma vel materia, sed compositum: ergo agens quod facit res naturales per generationem existere, non est forma à materia separata, sed compositum ex materia & forma, maior probatur, quia omne agens agit sibi simile. minor verò, quia eius est fieri, cuius est esse: compositum autem est quod proprie est, forma verò est id quod aliquid est. In hanc autem rationem attendendum, primò circa maiorem propositionem & eius probationem, quod ibi est sermo de faciente immediato reducens formam de potentia in actum.

ATTENDENDUM secundò, quod illa similitudo inter faciens & factum quod est compositum, intelligitur ad hunc sensum iuxta doctrinam sancti Thomæ prima quæstio 116. articulo 2. & quæstio 117. articulo 3. quod agens ipsum vel est compositum, sicut ignis generans ignem, vel ipsum totum compositum quantum ad formam & materiam virtute continet, quod est proprium Dei. Unde quod dicitur materiam non obedire substantiæ separata ad susceptionem formæ ita quod immediate possit formam in materiam inducere, intelligitur (ut dicitur de Potentia loco præallegato) de substantiâ separata creata, cuius virtus & essentia est ad determinatum genus limitata, non autem de substantiâ increata, cuius virtus est infinita.

CIRCA id quod de fascinatione dicitur advertendum ex doctrina sancti Thomæ ubi supra quæstio 117. ad 2. quod ex vehementi commotione anime ad malitiam, quæ fit cum aliquo inordinato motu cordis, ut maxime in vetulis contingit, immutantur spiritus vitales, præsertim in oculis, ad quos subtiliores spiritus proveniunt, oculi autem talium spirituum exhalatione aërem inficiunt cōtinuum vsque ad determinatum spacium, & sic facit aspectum inficitur aliquod corpus, præsertim tenerum, & facile impressionis susceptivum, quale est corpus pueri: & hoc modo etiam specula si fuerint nova & munda, ex aspectu mulieris patientis mensura quantum contrahunt impuritatem, ut dicitur in libro de Somno & vigilia. Secundo rationem prædictam præcedentis capitis declarat & confirmat inquit, quod in virtute substantiæ spiritualis est, ut corpus sibi obediat quantum ad motum localem per quem adhibere potest aliqua naturaliter actum ad effectus aliquos producendos, sicut ars fabrilis ignem ad molificationem ferri addit, supple, & nullo alio modo potest materiam immutare. Hoc autem proprie miraculosum non est: ergo substantiæ spirituales creantur miracula propria virtute facere non possunt, licet hoc possint ut in virtute diuina agunt, ut patet ex Gregorio ponente vnum ordinem angelorum miraculis faciendis deputatum esse, & aliquos sanctos ex potestate facere miracula, non solum ex intercessione.

Ad evidentiam huius vltimò dicti considerandum est, quod duos modos tangit sanctus Thomas de mente Gregorii in secundo libro dialogorum quibus miracula sancti efficiunt. Vnus est per intercessionem, dam scilicet sua oratione expressa impetrant à Deo miracula fieri. Alius est per potestatem illis à Deo concessam, sicut loca quibus rustici ligatus tenebatur, ad sancti Benedicti aspectum extempera sunt soluta, ut beatus Gregorius narrat, dupliciter autem exponit sanctus Thomas sanctos miracula facere ex potestate. Nam de potentia Dei exponit hoc esse per quandam virtutem aliquibus sancti supernaturaliter infusam, non quæ in ipsis sit per modum habitus aut formæ permanentis, quia sic miracula facerent quandoque vellet, sed quæ est per modum formæ intentionalis, quæ non remanet nisi ad præsentiam agentis, sicut lumen in aëre, & motus in instrumento. Secunda verò secundum quæstionem 178. articulo primo ad 1. ponit hoc esse in quantum non præcedente manifesta oratione ad nutum hominis Deus miraculose operatur, sicut cum petrus Ananiam & Sapphiram mentientes in reprobando morti tradidit. Secundum enim hanc interpretationem videtur dicendum sanctos aliquando miracula facere ex potestate: non proprie quidem quasi in seipsis habeant aliquam virtutem faciendi miracula, sed secundum similitudinem in quantum ad eorum nutum Deus quandoque miraculum facit absque manifesta oratione ipsorum quæ miraculosum opus exposcant, sicut ad nutum regis sunt ea quæ vult fieri propter potestatem in ipso existentem. Potest tamen ista secunda sancti Thomæ interpretatio ad primum sensum etiam accipi, ut dicatur Deus ad nutum alicuius sancti miraculose operari, in quantum ipso manifeste non rogante Deus illi virtutem faciendi miraculum per modum intentionalis formæ infundit. Quare autem substantiis separatis conueniat corpora posse localiter moueri: licet non possint ea ad formam transmutare, ostendit sanctus Thomas prima quæstione centesimæ octauæ, articulo tertio, & Potentia Dei, ubi supra, & de Malo, quæstione decimaseptima, articulo decimo, hac ratione, quia motus localis est primus motuum, & ideo sibi conuenit ut alij motus à substantiâ spirituali ipso mediante proveniant. Tertio ostendit à substantiis separatis aliquos effectus nobis mirabiles provenire. Hoc autem duobus suppositis ostendit. Primum est, quod cum angeli vel demones res naturales ad aliquos determinatos effectus adhibent, eis quasi quibusdam instrumentis vtuntur. Secundum quod ex hoc deducitur est, quod conueniens est ut ex rebus naturalibus aliqui aliores effectus proveniant, in quantum eis tanquam instrumentis spirituales vtuntur substantiis: quia ex instrumentis procedit effectus non solum suæ virtuti correspondens, sed etiam ultra propriam virtutem, in quantum agit in virtute principalis agentis, ut patet in terra, & in securi, & calore naturali. Illis suppositis inquit sanctus Thomas huiusmodi effectus, qui inquam à substantiis spiritualibus adhibitis causis naturalibus sunt, reddi nobis mirabiles dupliciter. Vno modo in quantum à substantiis spiritualibus naturales cause modo nobis inconuerso ad proprios effectus opponuntur, quo modo artificiosorum actuum opera miramur. Alio modo ex eo quod naturales cause ad effectus

aliquos producendos appositæ aliquid sortiuntur virtutis ex hoc quod spiritualium substantiarum sunt instrumenta, & hoc magis ad miraculi rationem accedit.

ADVERTENDUM quod primus modus quo substantiæ spirituales aliquos effectus operantur, qui nobis mirabiles sunt, est quando operatur effectus corporalium causarum tantum, quos miramur aut quia adhibent propria actiua modo nobis occulto, sicut si videremus fecari lignum, & feram occulte appositam non videremus, miramur aut quia aliquas causas adhibent quatum nos virtutem ignoramus, sicut si adhibito magnetem miramur quod ferrum attraheretur, virtutem magnetis ignorantes: aut quia celerius adhibent causas naturales quam nos adhibere possimus, aut quia eas adhibent illis horis in quibus virtus celestis quam certius hominibus cognoscunt ad effectus intentos magis cooperatur. Ad secundum autem modum pertinent effectus, qui virtute corpora per se produci non possunt, sed tantum ut ipsa tanquam instrumento virtus virtutis incorporea. Hæc autem ad rationem miraculi magis dicitur accedere, quia tales effectus sunt magis supra naturam virtutis creatæ nobis cognitæ: quæ est virtus corporea. quanto enim magis aliquid est supra facultatem naturæ nobis cognitæ, tanto magis de ratione miraculi participat: cum de ratione miraculi sit quod sit supra facultatem naturæ aliquo modo, ut superius patuit.

Quod opera magorum non sunt solum ex impressione celestium corporum.

Caput 104.



VERVNT autem quidam dicentes quod huiusmodi opera nobis mirabilia quæ per artes magicas fiunt, non ab aliquibus spiritualibus sunt substantiis, sed ex virtute celestium corporum. Cuius signum videtur, quod ab exercitiis

huiusmodi opera, stellarum certus situs consideratur. Adhibetur etiam quedam herbarum & aliarum corporalium rerum auxilia quasi ad præparandam inferiorem materiam ad suscipiendam influentiam virtutis celestis. Hoc autem expresse aduersatur apparentibus. Cum enim non sit possibile ex aliquibus corporeis principiis intellectum causari, ut supra probatum est: impossibile est quod effectus

\* Cap. 84.

qui sunt proprii intellectualis naturæ, ex virtute celestis corporis causentur. In huiusmodi autem operationibus magorum apparent quedam quæ sunt propria rationalis creaturæ opera. Redduntur enim responsa de furtis sublati, & de aliis huiusmodi: quod non possit fieri nisi per intellectum. non igitur est verum omnes huiusmodi effectus sola virtute celestium corporum causari.

Præterea, ipsa loquela proprius actus est rationalis naturæ. Apparent autem aliqui colloquentes hominibus in prædictis operationibus, & ratio cinantes de diuersis: non est igitur possibile quod huiusmodi fiant sola virtute celestium corporum. Si quis autem dicat quod huiusmodi apparentia non sunt secundum sensum exteriorem, sed secundum imaginationem tantum: hoc quidem primò non videtur verum. non enim alicui apparent formæ imaginatæ quasi res veræ, nisi fiat alienatio ab exterioribus sensibus, quia non potest esse quod similitudinibus attendatur tanquam rebus nisi ligato naturali indicio. sensus, huiusmodi autem colloquutiones & apparitiones fiunt ad homines qui vtuntur liberè sensibus exterioribus. non est igitur possibile quod huiusmodi visa vel audita sint secundum imaginationem tantum.

Deinde, ex quibuscumque formis imaginatis non potest alicui provenire intellectualis cognitio ultra facultatem naturalem vel acquisitam sui intellectus: quod & in somnis patet: in quibus etsi sit aliqua præsignatio futurorum, non tamè quicquid videtur somnia, eorum significata intelligit: per huiusmodi autè visa vel audita quæ apparent in operibus magorum, plerumque aduenit alicui intellectualis cognitio aliorum, quæ vi intellectus facultatè excedit: sicut reuelatio occultorum thesaurorum: manifestatio futurorum: & quædoque etiam de aliquibus documentis scientiæ alicuius aliquibus vera respondetur. oportet ergo quod vel illi apparentes & colloquentes non videant secundum imaginationem tantum: vel saltem quod hoc fiat virtute alicuius intellectus superioris, quod homo per huiusmodi imaginationes in cognitionem talium adducatur, & non fiat hoc solum virtute celestium corporum.



4 Adhuc, quod virtute celestium corporum fit, est effectus naturalis: nam formæ naturales sunt quæ in inferioribus causantur ex virtute celestium corporum. quod igitur nulli rei potest esse naturale, nõ potest fieri virtute celestium corporum. quædam autem talia fieri dicuntur per operationes prædictas: sicut quod ad præsentiam alicuius quæcunque fera ei pandatur: quod aliquis inuisibilis reddatur: & multa huiusmodi narrantur. non est igitur possibile hoc fieri virtute celestium corporum.

5 Amplius, cuiusque virtute celestium corporum confertur quod posterius est, confertur & ei quod prius est. moveri autem per se consequitur ad habere animam: animatorum enim proprium est quod moveant seipsa: impossibile est igitur fieri virtute celestium corporum quod aliquod inanimatum per se moveatur, fieri autem hoc per magicas artes dicitur, quod aliqua statua per se moveatur, aut vocem emittat. non est igitur possibile quod effectus magicarum artium fiat virtute celestium. Si autem dicatur quod statua illa sortitur aliquod principium vitæ virtute celestium corporum: hoc est impossibile. Principium enim vitæ in omnibus viventibus est forma substantialis. vivere enim est esse viventibus, ut Philosophus dicit in secundo de Anima. Impossibile est autem quod aliquid recipiat aliquam formam substantialem de novo nisi amittat formam quam prius habuit. generatio enim unius est corruptio alterius. in fabricatione autem alicuius statuae nõ adicitur aliqua forma substantialis, sed fit transmutatio solum secundum figuram, quæ est accidens. manet enim forma cupri vel alicuius huiusmodi. non igitur possibile est quod huiusmodi statuae sortiantur aliquod principium vitæ.

6 Adhuc, si aliquid per principium vitæ moveatur, necesse est quod habeat sensum. mouens enim est sensus vel intellectus. intellectus autem in generabilibus & corruptibilibus non est sine sensu: sensus autem non potest esse ubi nõ est tactus: nec tactus sine organo mediè temperato. talis autem temperies non inuenitur in lapide vel cera vel metallo ex quo fit statua, non igitur possibile quod huiusmodi statuae moveantur per principium vitæ.

7 Amplius, viuentia perfecta non solum generantur ex virtute celesti, sed etiam ex semine. hoc enim generat hominem, & sol. quæ verò ex sola virtute celesti sine semine generantur, sunt animalia generata ex putrefactione, quæ inter alia ignobiliora sunt. si igitur per virtutem celestem solam huiusmodi statuae sortiantur principium vitæ per quod moveant seipsa, oportet ea esse ignobilissima inter animalia: quod tamen esset falsum, si per principium vitæ intrinsecum operarentur. nam in earum actibus apparent nobiles operationes, cum respondeant de occultis. non est igitur possibile quod operentur vel moveantur per principium vitæ.

8 Item, effectum naturalem virtute celestium corporum productum contingit inueniri absque artis operatione. Et si enim aliquo artificio aliquis operetur ad generationem ranarum, vel aliorum huiusmodi: contingit tamen generari ranas absque omni artificio. si ergo virtute celestium corporum huiusmodi statuae quæ per artem necromanticam fiunt, sortiantur principium vitæ, erit inuenire generationem talium absque huiusmodi arte. Hoc autem non inuenitur. Manifestum est igitur quod huiusmodi statuae non habent principium vitæ, neque mouentur virtute celestis corporis. Per hoc autem excluditur positio Hermetis, qui sic dixit, ut Augustinus refert. 8. de ciui. Dei. \* Deus sicut effector est deorum celestium: ita homo fictor est deorum qui in templis sunt humana proximitate contenti. statuas dico animatas, sensu & spiritu plenas, tantaque facientes, & talia statuas futurorum præcias: easdè de somniis & multis aliis rebus prædicentes, & imbecillitates hominibus facientes, eosque curantes, tristitiam, lætitiāque dantes pro meritis.

Hæc autem positio auctoritate diuina destruitur. dicitur enim in Psal. Simulachra gentium argentum & aurum, opera manuum hominum: os habent & nõ loquentur, ne-

que enim est spiritus in ore ipsorum. Non videtur autem omnino negandum quin in prædictis ex virtute celestium corporum aliquid virtutis esse possit: ad illos tamen solos effectus quos virtute celestium corporum aliqua inferiora corpora producere possunt.

Super cap. 10.



OSTQVAM ostendit factus Thomas quod spirituales substantiæ quosdam effectus producere possunt qui nobis mirabiles sunt, quia maxime in magorum operibus mirabiles effectus apparent, vult de ipsorum causa tractare. Citat hoc autem duo facit. Primo ostendit quod huiusmodi effectus non proueniunt ex sola virtute celestium corporum. Secundo quod ab aliqua substantia spirituali proueniunt, cap. sequenti. Quantum ad primum dixerunt quidam huiusmodi opera non ab aliquibus substantiis spiritualibus fieri, sed ex virtute celestium corporum: cuius signum videtur quod stellarem situm ad huiusmodi opera obseruatur, & adhibetur quædam herbatum & aliarum rerum corporalem auxilia.

SED contra ipsos arguit sanctus Thomas ex iis quæ in operibus magorum apparent. Primo, in operationibus magorum apparent quædam quæ sunt propria rationalis naturæ opera, sicut quod redduntur responsa de furtis sublati, & aliis huiusmodi, ergo non omnes magorum effectus sola virtute celestium corporum causari possunt. probatur consequentia, quia impossibile est quod effectus qui sunt proprii intellectualis naturæ, ex virtute celestis corporis causentur. Secundo, & est confirmatio præcedentis rationis, Apparent aliqui colloquentes hominibus in huiusmodi operationibus, & colloquentes de diuersis, ergo, &c. probatur consequentia, quia loquela proprius est actus rationalis naturæ. Si quis autem dicat huiusmodi apparentias non secundum exteriorem sensum sed secundum imaginationem tantum fieri: contra arguitur, tum quia huiusmodi apparitiones sunt ad homines qui vtuntur liberè sensibus, non apparent autem alicui formæ imaginatæ quasi res veræ, nisi fiat alienatio à sensibus exterioribus, cum non possit similitudinibus attendi tanquam rebus, nisi ligato iudicio sensus tum quia plerumque per huiusmodi visum aduenit alicui intellectualis cognitio aliquorum quæ sui intellectus facultatem excedunt, vt est reuelatio occultorum thesaurorum, manifestatio futurorum, & responsio veritatis de documentis alicuius scientiæ. Ex formis autem imaginatis nõ potest alicui prouenire intellectualis cognitio ultra facultatem naturalem vel acquisitam sui intellectus: quod ex somniis ostenditur, in quibus etsi aliqua sit præsignatio futurorum, non tamen quicunque videt in somnia, eorum significata intelligit.

AD EVIDENTIAM vtriusque rationis considerandum, primum quod ea dicitur propria opera rationalis naturæ quæ à sola intellectuali natura prouenire possunt: sicut propria opera animalis dicuntur quæ ab animali solo proueniunt & à nullo alio: sicut sentire est proprium animalis opus, quia sola animalia sentiunt. Constat autem quod respondere de furtis sublati, & colloqui hominibus, atque cum eis de diuersis ratiocinari, solum naturæ habenti intellectum conuenit, quæ per voces suos conceptus homini manifestat: ideo huiusmodi opera vocat sanctus Thom. propria naturæ intellectualis opera.

ADVERTENDVM secundò, cum inquit, ex formis imaginatis non posse prouenire alicui intellectuali cognitionem ultra facultatem naturalem vel acquisitam, quod facultas intellectus humani est duplex, vt hic tangitur, vna scilicet naturalis, altera acquisita. Cum enim vt dicitur, prima parte quæst. 83. articulo 2. ad secundum, facultas quandoque nominet potestatem expeditam ad operandum, secundum quod intellectus habet potestatem expeditam ad cognoscendum, sic dicitur ad cognitionem habere facultatem. Dupliciter autem intellectus habet potestatem aliquid expeditè cognoscendi, aut scilicet ex solis principiis naturalibus, cuiusmodi sunt intellectus possibilis, intellectus agens, habitus principiorum, & interiorum sensuum dispositio. & hæc dicitur naturalis facultas hominis ad intellectionem: aut non ex solis naturalibus principiis, sed ex aliquo habitu acquisito sicut intellectus geometricus habet potestatem expeditè cognoscendi geometricalia. ex eo quod habitum habet geometricæ: & talis facultas dicitur facultas acquisita. Ad hoc autem vt intellectus hominis siue secundum naturalem siue secundum acquisitam facultatem in aliquam cognitionem feratur, requiruntur quidam phantasmata, quæ hic dicuntur formæ imaginatæ: sed tam ex sola formatione phantasmatum non potest intellectus in aliquam intellectionem quæ naturalem aut acquisitam facultatem intellectus excedat, quia ipsa phantasmata non concurrunt ad intellectionem nisi aut sicut instrumenta intellectus, quibus mediantebus imprimunt species in intellectu possibili ab intellectu agente, aut sicut obiecta in quibus homo naturam intelligit per speciem intelligibilem existentem in intellectu representatam. propterea infert sanctus Thom. oportere vt illi apparentes vel colloquentes non videantur secundum imaginationem tantum: vel si talis visio sit secundum imaginationem, quod fiat virtute alicuius intellectus superioris adducens hominem per tales imaginationes in cognitionem talium quæ sunt supra intellectus alicuius hominis facultatem.

ADVERTENDVM autem, quod non loquitur sanctus Thom. de facultate tantum intellectus ad intelligendum absolute & in communi, sed etiam de facultate huius aut illius hominis, secundum quod vnus homo est naturaliter ingeniosior alio, aut eruditior. Sic enim contingit quod est supra facultatem intellectus vnus hominis, non esse supra facultatem intellectus alterius: sicut cognoscere ordinem motus corporum celestium est supra facultatem rusticæ & idiotæ, non autem supra facultatem astrologi quando ergo aliquid ostenditur alicui per opera magorum quod capacitatem sui intellectus excedit, licet forte alterius capacitatem non excedat, oportet vt in eam cognitionem si fiat per immutationem phantasie & imaginationis, virtute alicuius superioris intellectus producatur: & sola virtus celestis cum formis imaginatis non sufficit. fit autem huiusmodi cognitio supra alicuius hominis facultatem, secundum doctrinam sancti Thom. secundo Sententiarum distinctione septima, quæstione secundæ articulo.



artem, in quantum aut phantasmata præexistencia in imaginatione ipsius hominis illustrantur lumine superioris intellectus & componuntur aut diuiduntur, ut ex ipsis sic illustratis ab intellectu aliquæ intentiones eliciantur, ex quibus in intellectu possibili resultat aliquorum cognitio ad quam eliciendam illustratio intellectus agentis non sufficeret: aut nouæ species in imaginatione formantur secundum aliquam transmutationem organi corporalis & spirituum, ab aliquo intelligente ipsa phantasmata ad aliquorum cognitionem ordinante.

CIRCA id quod inquit S. Thomas in somnis fieri aliquam præsignationem futurorum, & tamen non omnem videntem somnia, eorum significata intelligere: aduertendum secundum eius doctrinam in secundo Sent. loco prælegato ad sextum, & secunda secunda qua sit. 95. art. 6. quod in somnis potest esse præsignatio futurorum quatuor modis. Primo quando ab eadem causa naturali intrinseca provenit somnium & futurum euentus, sicut cum ex pituitate dominio somniat quis se dulcia comedere, significatur aut futurum morbus, aut futura salus, utriusque enim ipsum pituita datur minimum quandoque causa est. Secundo quando ex virtute corporis celestis relinquuntur in corpore & imaginatione aliquæ impressiones & aliqui motus quæ sunt signa motuum celestium in corporibus inferioribus, & ex ipsis motibus figurantur in imaginatione imagines & similitudines illorum effectuum ad quos disponunt motus celestes, sicut & quædam sunt animalia quæ suis motibus futuram tempestatem prænotant. Tercio quando à Deo ministerio angelorum aliqua in somnis reuelantur hominibus, ut patet in his quæ prophetis quandoque sunt reuelata. Quarto, quando operatione demonum aliqua dormientibus apparet, ex quibus quandoque ipsis aliqua futura ab ipsis demonibus cognita reuelantur. Quia ergo contingit sæpenumero aliqua in somnis apparere quæ aliquorum futurorum sunt signa, & tamen somnians non intelligit quid per illa somnia significetur, sicut accidit Pharaoni: ideo inquit sanctus Thomas in somnis quandoque futura præsignari, & tamen somniantem non intelligere quæ significantur. Tercio arguit, Per operationes prædictas sunt aliqua quæ nulli rei naturalia esse possunt, sicut quod ad præsentiam alicuius quæ liber fera ei prædatur, quod alicuius inuisibilis reddatur, & huiusmodi: ergo per has operationes sunt quæ virtute corporum celestium fieri non possunt, probatur consequentia, quod sit virtute celestium corporum, est effectus naturalis: ergo quod nulli rei naturale esse potest, non potest fieri virtute celestium corporum, ergo &c. probatur antecedens, quia formæ naturales sunt quæ in inferioribus causantur, ex virtute corporum celestium.

Ad evidentiam huius rationis considerandum est, quod eam inducit sanctus Thomas ad ostendendum quod imagines quæ per magos constituntur ad hos effectus ut scilicet eas supra se deferens reddatur inuisibilis, aut ad eius præsentiam quælibet fera ei pandatur, non faciunt hos effectus ex aliqua virtute sibi à corporibus celestibus indita & impressa, ut ipsi magi dicunt. Et fundamentum rationis est, quia formæ quæ à corporibus celestibus in hæc inferiora producantur, non sunt formæ artificiales, cum hæc ab arte fiant, sed sunt formæ naturales de potentia materię eductæ. Solæ enim huiusmodi formæ in virtute corporum celestium continentur: ideo si quæ actiones proveniant ab huiusmodi imaginibus quæ non proveniant ab aliqua forma naturali, non proveniunt ex illis virtute corporum celestium. Cõstat autem quod reddere hominem inuisibilem & huiusmodi non consequitur aliquam formam naturalem realem: ideo non possunt illæ actiones in virtutem corporis celestis referri.

Vnde illa propositio quam assumit sanctus Thomas, scilicet: Quod sit virtute corporum celestium, est effectus naturalis, sic intelligitur quod virtute corporum celestium non sit aliquid à corporibus inferioribus, nisi virtute celestis corporum sit aliquid à corporibus inferioribus, nisi quod formæ naturalem alicuius rei consequitur, cum corpora per formas operentur: à corpore autem celesti sola forma quæ alicui rei est naturalis proveniat: non autem forma artificialis. Vtrum autem sit aliquid naturale quod hominem reddat inuisibilem, ut de eliotropia dicitur, si herba sui nominis inungatur, quemadmodum refert Albertus secundo libro mineralium, videtur dicendum quod non secundum S. Thomam. Nam de ipso lapide dicit Albertus quod oportet ut sit sacratu, & quibusdam characteribus mixtu, quod est signum illam virtutem sibi à natura non inesse. Si autem esse alicui rei naturale inniretur, dicendum esset quod non virtutem magi eare cui naturaliter conveniet ad huiusmodi effectum, sed imaginibus à se factis & consecratis, tanquam huiusmodi virtutis imaginibus non ratione formæ naturalem materię ex qua fiunt conveniant: sed ratione consecrationis & characterum. Quod autem inquit sanctus Thomas nulli rei naturali posse esse ut per ipsam hominem inuisibilis reddatur: tunc exponendum erit quod non intelligitur simpliciter nulli rei hoc naturaliter convenire posse, sed nulli rei quæ magi virtutem in constitutione suam imaginum, hoc esse naturale: & hoc supponitur ex doctrina ipsorum de imaginibus, quæ docent imagines debere fieri ex auro, argento, cera, & huiusmodi, quæ constat hanc virtutem à natura non habere: & nunquam eliotropiam lapide hominatur, nisi forte æquinoctio de nomine eliotropia, ut decipiant. Quarto, fieri non potest virtute celestium corporum quod aliquod inanimatum per se moveatur: sed hoc dicitur fieri per magicas artes, ergo &c. probatur maior, quia movetur per se consequitur ad habere animam. cuiuscunque autem virtute celestium corporum conferitur quod posterius est, conferitur & quod prius est. Si dicatur quod statua illa magica sortitur aliquod principium vitæ virtute corporum celestium, contra hoc arguitur. Primo, in fabricatione alicuius statue non abicitur aliqua forma substantialis, quia manet forma cupri vel alicuius huiusmodi: ergo statua huiusmodi non sortitur aliquam formam substantialem, ergo neque aliquod principium vitæ. Probatur prima consequentia, quia impossibile est quod aliquid de novo formam substantialem recipiat nisi priorem formam abiciat, cum generatio vitæ sit alterius corruptio: Secunda vero, quia principium vitæ in omnibus viventibus est forma substantialis, cum vivere viventibus sit esse, ut dicitur secundo de Anima.

Ad hanc rationem potest dici secundum Hermetis sententiam, cuius est prædicta responsio, quod non oportet semper ad generationem forme substantialis priorem formam corrumpi, sed tunc tantum quando talis forma sit per extractionem de materia. forma autem huiusmodi statua non sit per educationem de materia, sed per inductionem eius in materia.

ideo ratio non sequitur. Sed hæc responsio nulla est, tum quia cum celum sit agens naturale, non potest formam substantialem inducere in materiam quæ de potentia materię non educatur: tum quia plures formæ substantiales non possunt esse in eodem, ut superius est ostensum, & in pluribus locis sanctus Thomas ostendit. Secundo, contra principalem responsionem arguitur. In huiusmodi statu per se motus non est sensus tactus, ergo neque omnino sensus, ergo neque principium vitæ. Probatur antecedens, quia tactus non invenitur sine organo mediæ temperato: talis autem temperies non invenitur in lapide, cera, aut metallo ex quo fit statua. Probatur prima consequentia, quia sensus non potest esse ubi non est tactus. Secunda vero, quia movens in his, scilicet quæ localiter ex se moventur, est sensus vel intellectus, intellectus autem in generabilibus & corruptibilibus non est sine sensu. Diceretur forte ad hanc rationem secundum Hermetis sententiam, quod huiusmodi statu non habent sensum vivum: cum sensibus animalium generabilium, sed alterius rationis. Sed hoc est voluntarie dictum & absque ratione, quia cum huiusmodi statu sint res corruptibiles, necesse est in ipsis ponere principium motus si ex se moveantur, tale quale ponit Aristoteles in omnibus corruptibilibus quæ seipsa movent scilicet, sensum: & si sensus eiusdem rationis ponitur in hominibus & in imperfectissimis animalibus, multo magis eiusdem rationis erit sensus in huiusmodi statu si animata sunt & habent sensum, cum ipsis infimis animalibus, puta ostris & conchyliis, quibus secundum materiam mixturem videntur esse propinquæ. Tercio, si huiusmodi statu per solam virtutem celestem sortitur principium vitæ per quod moveant seipsa, oportet ea esse ignobilissima inter animalia, hoc autem est falsum, si per principium vitæ intrinsecum operentur, ergo, &c. probatur consequentia, quia vivencia quæ ex sola virtute celesti generantur, sunt ignobiliora inter alia animalia, ut patet in genitibus ex putrefactione, falsitas autem consequentis probatur, quia in earum actibus apparent nobiles operationes, cum respondeant de occultis. Quarto, si virtute corporum celestium sortitur principium vitæ per artem necromanticam, erit inveniente talium generationem absque huiusmodi arte, hoc autem non invenitur, ergo, &c. probatur consequentia, quia effectum naturalem virtute celestium corporum productum contingit inveniri ab arte artis operatione, sicut quamvis aliquo artificio quis ad generationem ranarum operetur, contingit tamen ranas absque omni artificio generari. Per hoc excluditur positio Hermetis ab Augustino recitata 8. lib. de Civitate Dei: quæ etiam auctoritate divina in Psalmis destruitur. Notat ultimum S. Thomas non esse omnino negandum quin in prædictis ex virtute corporum celestium aliquid virtutis esse possit ad illos solos effectus, quos virtute corporum celestium aliqua inferiora corpora producere possunt.

SED circa hoc ultimum dictum dubium occurrit, quia S. Thomas, secunda secunda, qua sit. 96. art. 2. videtur velle huiusmodi imaginibus nullam posse inesse virtutem ex corporibus celestibus, præter eam quæ materię naturali ex qua fiunt convenit. In tractatu etiam de Occultis operibus naturæ, tenet non esse possibile ut aliquid indiuiduum alicuius speciei aliquam virtutem permanentem transcendentem virtutem elementorum obtineat, præter alia indiuidua eiusdem speciei, ex hoc quod est sub determinato situ corporum celestium generatur. Hæc autem contradicere videntur iis quæ hic dicuntur.

Ad huius evidentiam considerandum est, quod cum in rebus artificialibus duo sint, scilicet materia naturalis ex qua fiunt, & forma artificialis, quæ est accidens: dupliciter imagines huiusmodi necromantice aut etiam astrologice considerare possumus, aut scilicet quantum ad materiam putantur vel argenti ex qua constituuntur, aut quantum ad formam artificialem quam sortuntur per artem. Si considerentur quantum ad materiam, aut figuram artificialem, sic nullam virtutem ex corporum celestium impressione sortuntur, ut dicitur in secunda de loco prælegato, &c. Quod in articulo 14. cum forma artificialis nihil aliud sit quam compositio, ordo, & figura, ut dicitur primo Physicorum, quæ nullius actionis aut passionis principium esse possunt. Si autem considerentur quantum ad materiam ex qua constituuntur, sic virtutem aliquam ad agendum habere possunt, nec inconuenit aliquam virtutem habere imaginem ex hoc quod sub tali syderum positione per aliquam transmutationem & alterationem materię sunt: certo quodam & determinato modo facta est, quam non habet aliud indiuiduum eiusdem speciei. Licet enim omnem virtutem formam specificam consequentem quam vnum indiuiduum vnius speciei puta auri habet, omne aliud indiuiduum eiusdem speciei habeat non inconuenit tamen vnum indiuiduum ex hoc quod sub certa constellatione alteratur & transmutatur per liquefactionem, aut per quamcunque aliam alterationem, aliquam virtutem ex corporum celestium impressione sortiri, quam alia indiuidua eiusdem speciei quæ sub tali constellatione non sunt illo modo & ordine alterata & transmutata non habent, aut enim per fusionem & liquefactionem sub aliqua syderum positione in certam figuram redactum, aliquid virtutis habet ad aliquos effectus: quam aliud aurum non habet: non quidem quod talis virtus ipsi insit, sicut puta leonis, aut scorpionis, aut cuiuscunque alterius celestis signi materię naturali impressæ, sed inest ipsi auro aut ceræ, aut alteri materię ex qua fit imago ob alterationem & transmutationem sui factam sub tali syderum positione, concurrente igne, & aliis agentibus particulatibus, certo modo & ordine per artem ipsi materię applicatam: vnde etiam aliud aurum simili modo sub eadem syderum positione per ignem alteraretur, etiam si figuram illam non haberet, eandem virtutem nancisceretur. Inhibentur autem huiusmodi figuræ auro aut ceræ aut ceræ per magos aut astrologos ex pacto expresse vel tacite cum demonibus inito ad hominum deceptionem, ut est de mente Augustini de Civitate Dei. Nam cum sciant demones, materię sic sub tali constellatione alterata transmutata virtutem ex corporum celestium impressione inesse posse, hanc vanam & superstitiosam opinionem homines inducunt, ut figuram leonis aut alterius planete in materiam illam imprimerent, quasi in ipsa figuræ quæ similis est celesti figuræ, eiusmodi virtus inest, & aliquid numinis sit in stellis. Iadaverunt etiam homines ad credendum tales imagines ex figura impressa habere virtutem ex corpore celesti ad aliquos effectus ad quos nullo modo corpora inanimata etiam virtute corporum celestium se extendere possunt, ut ostensum est supra, cum tamen ipsi demones sint, qui eiusmodi effectus operantur. Signum autem quod ex aliquo pacto cum demonibus

Opusc. 34.

Tex. com. 63.

Tom. 5. l. 10.  
de Civitate  
Cap. 11.Alber. Mag.  
lib. 2. in c. 5.



demonibus infuso hant prædictæ imagines, est quod licet quædam aut characteres quidam ipsis imprimuntur, sine quibus dicunt huiusmodi imagines efficaciam non habere: aut aliquas observationes servantur quæ nihil ex se ad aliquem effectum valent, sicut quod statua fodiatur in terra in uerfo capite, & similia, manifestum est enim (vt dicitur in sequenti cap.) quod licet & characteres nullam habent efficaciam ad agendum, sed sunt tantum signa ad aliquem intellectum cui aut expresse supplicatur aut tacite. Potest etiam dici, quod cunctæ imagines huiusmodi figuræ ab iis qui magi non sunt, sed astrologi & nihil aliud observatur in constitutione huiusmodi imaginum, nisi vt sua certa hant constellatione, imprimuntur celestis figura, non quasi sua figura virtutem habeat celestem, sed ad significandum quod virtus aliqua inest illi materię, causata ab illo sydere cuius figura imagini est impressa. Quod ergo hoc loco dicitur huiusmodi imaginibus ex virtute celestium corporum aliquid virtutis inesse posse, intelligitur non ratione figuræ & forme artificialis, sed ratione materię naturalis alteratę ex qua huiusmodi imagines fiunt, in secunda secunda autem ubi negat S. Thom. ipsa aliquid virtutis inesse posse, loquitur de ipsis ratione figuræ & forme artificialis: & sic nulla est contradictio. Quod verò secundo loco adducitur extrahatur de occultis operibus naturę, nō obstat proposito, quia ibi vt ex processu apparet, loquitur S. Thom. de virtute substantiali in formam consequente: hic autem sermo est de virtute nouiter alicui materię naturali per alterationem certo & determinato ordine facta incommunicata & impressa.

**ADVERTENDVM** autem quod huiusmodi imagines habere virtutem ad illos solos effectus quos virtute corporis celestis aliquid corpora inferiora producere possunt, dupliciter possumus intelligere, primo quod possunt habere aliquid virtutis, quæ aliquibus aliis corporibus est naturalis, & nō aliam, puta quæ sicut magnes ex ratione proprię forme virtutis celi coagente ferri ad se trahere potest, ita alicui imagini aut necromanticę, aut astrologicę ex impressione corporis celestis dari potest vt ferri ad se trahat: & hec de aliis virtutibus quæ corporibus mixtis virtutis celi naturaliter conueniunt. Secundo, quod non solum possunt habere virtutem quæ alicui corpori mixto secundum suam speciem est naturalis, sed etiam possunt habere aliquid virtutis ex celi impressione, quæ nulli corpori mixto naturaliter conuenit, sed tamen hæc virtus ad illos tantum effectus se potest extendere, qui per corpora inferiora virtute celi fieri possunt, non autem ad alios. Videtur autem mihi primū sensum esse ad mentem sancti Thomæ, non autem secundum, tum ex modo loquendi, tum quia superius in vna ratione dixit, quod nulli rei est naturale, nō posse fieri virtute celestium corporum. Videtur enim velle, quod virtus corporea quæ alicui corpori est naturalis, possit virtute celi illi imaginibus communicari ad similes effectus, licet materię ex qua fit imago, talis virtus ex ratione proprię speciei nō conueniat sicut figuræ cereę potest virtute celi communicari vt sanguinis fluxum reprimat, quod naturaliter conuenit Saphiro. vnde & de Potencia, q. 6. art. 10. inquit quod ad aliqua quæ magicis artibus fieri videntur, scilicet ad quasdam corporum transmutationes, naturalium corporum superiorum & inferiorum vires sufficere possunt. Huius autem rei causam esse puto, quia in virtute solis continentur omnes forme tam substantiales quam accidentales quæ in corporibus inferioribus inueniuntur: & ideo sicut ferro virtute forme ignis agentis in ipsum communicatur virtus calefaciendæ, ita & virtute celi in qua forma ignis continetur, potest causari aliqua forma accidentalis in aliquo qua poterit calefacere, licet illa virtus sibi naturalis non sit.

**SE** d tunc dubium remanet, quia virtutes & actiones talium imaginum sunt diuturnę, virtutes autem & actiones quæ non sunt alicui naturales, non sunt diuturnę, vt patet in aqua calefacta quæ calefacit, sed nō diu remanet calefacta vt possit calefacere. Respondetur quod licet virtutes quæ sunt alicui præter naturam, si ab agentibus particularibus cui tales virtutes naturaliter conueniunt, in ipso causentur, non sunt diuturnę, si tamen ab agente vniuersali, cuiusmodi est cælum, imprimantur, possunt esse diuturnę, quæ enim in inferioribus virtute superiorum fiunt, non sunt simpliciter præter naturam, licet aliquando sint præter hanc naturam particularem talis speciei, vt pote eius formam specificam non consequentia, vt superius patuit, & ideo diuturna esse possunt, & per consequens per huiusmodi virtutes in quantum in ipsis virtus celestis saluatur, ad aliquos effectus prædictæ imagines efficaciam habent. Potest etiam dici, quod virtus celestis quæ in istis imaginibus continetur, non est perpetuū in hac imaginis materia, sed tantum durat quantum influxus illius celestis dispositionis, ex quo causata est, durat sicut virtus calefaciendæ in aqua tantum durat quantum durat in ipsa virtus ignis calefacientis. Ex his sequitur quod si virtute naturali aliquorum corporum fieri potest vt aliquis ad amorem, odium, concupiscentiam vel aliquid huiusmodi ex corporali quapiam transmutatione concitetur, aut etiam in amentia cadat, quod non est inconueniens dicere, per prædictas imagines simile virtute celi fieri posse. Et eadem ratione si potest homo virtute naturali aliquorum corporum ab huiusmodi passionibus per corporis transmutationem liberari, non inconuenit debere eadem per huiusmodi imagines virtute celi posse fieri.

**I**n hoc tamen aduertendum est, quod cum corpus non agat nisi per tactum eius in quod immediate agit, fatuum est dicere quod ex virtute imaginis ad ignem posset possit mulier aliqua in alia domo existens desiccari & torqueri. oportet enim si quæ virtus ad aliquam corporis transmutationem virtute celi imagini adest, vt ipsa imago contactu quodam siue mediatu siue immediato corpus alterandum tangat. Nō enim magnes attrahit ad se ferrum nisi sit in tanta propinquitate quod ipsum ferrum aut per se immediate tangat, aut per alium in quo eius virtus recipiatur. Hæc autem dixerim de imaginibus, saluo semper meliori iudicio, cui me & in hoc aliis libenter submitto.

**ATTENDENDVM** autem quod hoc vltimum dictum appositum S. Th. pro solutione rationis quæ signo opposita opinio arguebat. Cum enim arguebatur opera magorum virtute corporum celestium fieri, hoc videlicet signo, quod a magis stellarum certus situs consideratur, & corporalium rerum adhibentur auxilia. Respondetur quod hoc ideo fit, quia ad aliquos magorum effectus & corpora celestia & alia corpora operantur: præter hos tamen effectus alias operata per magos fiunt ad quæ virtus corporea non se extendit, vt in rationibus patuit: & ideo oportet ea in aliquem intellectum referre,

Vnde magorum operationes efficaciam habeant.

Cap. 105.



**N**uestigandum autem relinquitur vnde artes magicæ efficaciam habent: quod quidem facile perpedit potest, si modus operationis earum attendatur. In suis enim operationibus vtuntur vocibus quibusdam significatiuis ad determinatos effectus producendos: vox autem in quantum est significatiua, non habet virtutem nisi ex aliquo intellectu vel ex intellectu proferentis, vel ex intellectu eius ad quem proferitur. Ex proferentis quidem intellectu, sicut si aliquis intellectus sit tantę virtutis quod sua conceptione res possit causare: quam quidem conceptionem vocis officio producendis effectibus quodammodo præsentat, ex intellectu autem eius ad quem sermo dirigitur: sicut cum per significationem vocis in intellectu recepta audiens inducitur ad aliquid faciendum. Nō autem potest dici quod voces illæ significatiuæ a magis prolatae efficaciam habent ex intellectu proferentis. quum enim virtus essentiam consequatur, virtutis diuersitas essentialium principiorum diuersitatem ostendit. Intellectus autem communiter hominum huius dispositionis inuenitur, quod eius cognitio ex rebus causatur magis quam sua conceptione res causare possit. Si igitur sint aliqui homines qui verbis conceptionem sui intellectus exprimentibus res possint transmutare propria virtute, erunt alterius speciei, & dicentur æquiuocę homines.

**2** Amplius, virtus faciendi non acquiritur per disciplinam, sed solum cognitio aliquid faciendi: per disciplinam autem aliquid acquirunt quod huiusmodi operationes magicæ efficiat, non est igitur in eis ad huiusmodi effectus producendos virtus aliqua, sed cognitio sola. Si quis autem dicat quod huiusmodi homines a sua natiuitate ex virtute stellarum sortiuntur præ ceteris virtutem prædictam: ita quod quantumque alij instruantur, qui hoc ex natiuitate non habent efficaces in huiusmodi operibus esse non possunt: primo quidem dicendum est, quod corpora celestia super intellectum imprimere nō possunt, vt supra \* ostē- \* Cap. 84. sum est. nō igitur ex virtute stellarum sortiri potest intellectus alicuius hanc virtutem, quod representatio suæ conceptionis per vocem sit alicuius effectiua. Si autem dicatur quod etiam imaginatio aliquid in prolatione vocum significatiuarum operatur, super quam possunt corpora celestia imprimere, cum huiusmodi operatio sit per organum corporale: hoc non potest esse quantum ad omnes effectus qui per huiusmodi artes fiunt. Ostēsum est enim quod non possunt omnes effectus virtute stellarum produci: ergo neque ex virtute stellarum aliquis sortiri potest hanc virtutem, vt eosdem effectus producat. Relinquitur igitur quod huiusmodi effectus compleantur per aliquem intellectum ad quem sermo proferentis huiusmodi voces dirigitur. Huius autem signum est: nam huiusmodi sunt, supplicationes, adiurationes, aut etiam imperia quasi ad alterum colloquentis.

**3** Item, in observationibus huius artis vtuntur quibusdam characteribus & figuris determinatis. figura autem nullius actionis principium est, neque passionis: aliis mathematica corpora essent actiua & passiua, nō ergo potest per figuras determinatas disponi materia ad aliquem naturalem effectum suscipiendum, non ergo vtuntur magi figuris aliquibus quasi dispositionibus: relinquitur ergo quod vtuntur eis solum quasi signis, non enim est aliquid determinatum dare, signis autem non vtuntur nisi ad alios intelligentes. habent ergo magicæ artes efficaciam ab illo intelligente ad quem sermo magi dirigitur. Si quis autem dicat quod figurę aliq̃ue appropriantur aliquibus celestium corporum, & ita corpora inferiora determinantur per aliquas figuras ad aliquorum celestium corporum impressiones suscipiendas: videtur non rationabiliter dici, non enim ordinatur aliquod patiens ad suscipiendas impressiones agentis, nisi per hoc quod est in potentia, illa ergo



ergo tantum determinat ipsum ad specialem impressionem suscipiendam, per quam in potentia sit quodammodo. per figuras autem non disponitur materia ut sit in potentia ad aliquam formam: quia figura abstrahit secundum suam rationem ab omni materia & forma sensibili: cum sit quoddam mathematicum. non ergo per figuras & characteres determinatur aliquod corpus ad suscipiendam aliquam influentiam celestis corporis.

4. Præterea, figuræ aliquæ appropriantur corporibus celestibus ut effectus ipsarum. nam figuræ inferiorum causantur à corporibus celestibus: prædictæ autem artes non utuntur characteribus aut figuris quasi effectibus celestium corporum, sed sunt effectus hominis operantis per artem. appropriatio igitur figurarum ad aliqua celestia corpora, nihil ad propositum facere videtur.

D. 613. 5. Item, per figuras non disponitur aliqua materia naturalis ad formam, ut ostensum est. corpora igitur in quibus sunt impressæ huiusmodi figuræ, sunt eiusdem habilitatis ad recipiendum influentiam celestem cum aliis corporibus eiusdem speciei. Quod autem aliquid agat in vnum eorum quæ sunt æqualiter disposita propter aliquid sibi appropriatum ibi inuentum, & non in aliud, non est operantis per necessitatem naturæ, sed per electionem. patet ergo quod huiusmodi artes figuris utentes ad effectus aliquos producendos, non habent efficaciam ab aliquo agente per naturam, sed ab aliqua intellectuali substantia per intellectum agentem. Hoc etiam demonstrat, & ipsum nomen quod talibus figuris imponunt, characteres eos dicentes. Character enim signum est, in quo datur intelligi quod figuris huiusmodi non utuntur, nisi ut signis exhibitis alicui intellectuali naturæ. Quia verò figuræ in artificialibus sunt quasi formæ specificæ, potest aliquis dicere quod nihil prohibet quin constitutionem figuræ quæ dat speciem imagini, consequatur aliqua virtus ex influentia celesti, non secundum quod figura est, sed secundum quod causat speciem artificiatam quod ad ipsam virtutem ex stellis. Sed de literis quibus inscribitur aliquid in imagine, vel aliis characteribus, nihil aliud potest dici, quam quod signa sunt: unde non habent ordinem nisi ad aliquem intellectum: quod etiam ostenditur per sacrificia, prostrationes, & alia huiusmodi quibus utuntur: quæ non possunt esse nisi signa reuerentiæ exhibitæ alicui intellectuali naturæ.

Super Cap. 105.

**P**OST QUAM ostendit sanctus Thom. quod magorum opera corporum celestium virtute fieri non possunt, vult deinceps vestigare unde magicæ artes efficaciam habeant. Et ponit hanc conclusionem. Artes magicæ ab aliqua intellectuali natura habent efficaciam. Circa hoc autem duo facit. Primum ostendit quod ab intellectuali substantia efficaciam habent. Secundum, ostendit quod talis substantia intellectualis non est bona, cap. sequent. Quantum ad primum probat propositum, præmittendo duo. Primum est, Magi in suis operationibus utuntur quibusdam vocibus significatiuis ad determinandos effectus producendos. Secundum est, quod vox in quantum significatiua non habet virtutem nisi aut ex intellectu proferentis, si tum intellectus sit tantæ virtutis, quod sua conceptione res causare possit, quam vocis officio producendis effectibus quodam modo præsentat: aut ex intellectu eius ad quem sermo dirigitur, cum per significationem vocis in intellectum receptam ad aliquid faciendum inducitur. Tunc sic arguitur. Aut voces illæ significantiæ à magis prolatae efficaciam habent ex intellectu proferentis, aut ex intellectu eius ad quem sermo proferentis huiusmodi voces dirigitur. non primum, ergo secundum. probatur minor dupliciter: primo, quia si sint aliqui homines qui verbis conceptionem sui intellectus exprimentibus res propria virtute transmutare possint, erunt alterius speciei ab aliis hominibus: equivoce dicentur homines. cum enim virtus essentiam consequatur, virtutis diuersitas essentialium principiorum diuersitatem ostendit. intellectus autem communiter hominum huius dispositionis inuenitur, quod eius cognitio ex rebus causatur magis quam sua conceptione res causare possit. Secundum, quia per disciplinam aliqui acquirunt quod huiusmodi operationes magicæ efficiant: virtus autem faciendi non acquiritur per disciplinam, sed solum faciendi cognitio. Nec potest dici quod huiusmodi homines ex sua natiuitate virtute stellarum præ cæteris hanc virtutem fortiantur, ita quod quantumcunque alij instruantur qui hoc ex natiuitate non habent, efficaces in huiusmodi operibus esse non possunt: quia ostensum est supra quod corpora celestia super intellectum imprimere non possunt. si dicatur quod etiam imaginatio aliquid in prolatione vocis significantiarum operatur super quam possunt corpora celestia hoc non potest esse quantum ad effectus qui per huiusmodi artes fiunt, cum ostensum sit supra non omnes huiusmodi effectus virtute stellarum produci posse. Confirmatur hæc ratio, quia voces significantiæ quibus magi utuntur, inuocationes

sunt, supplicationes, adiurationes, aut etiam imperia quasi ad alterum colloquuntur.

CIRCA id quod dicitur, vocem in quantum significatiuam non habere virtutem, aduertendum quod addidit S. Thom. in quantum significatiuam, quia non inconueniret vocem in quantum est cum motu aëris inferioris & exterioris sonum deferentis, aliquid virtutis habere: sed in quantum significatiua virtutem non habet, quia significatio ex parte vocis nihil aliud est quam habitudo rationis signi ad signatum, constat autem huiusmodi habitudinem virtutem adiuuam non habere.

CIRCA aliud dictum, quoniam scilicet si homines aliqui verbis res propria virtute transmutare possent, essent cum aliis homines æquiuoce considerandum est quod idcirco addit sanctus Thom. propria virtute, quia non inconuenit hominem suis verbis aliquid posse transmutare virtute alterius, sicut sacerdos virtute diuina verbis consecrationis panem in corpus Christi conuertit.

CIRCA id quod dicitur virtutem faciendi non acquiri per disciplinam, dubium occurrit. Ars enim & quælibet scientia practica est forma actiua. forma autem actiua rationem virtutis habet. sed hæc per disciplinam acquiruntur, ergo falsum est virtutem faciendi per disciplinam non acquiri. Respondetur quod dupliciter accipi potest nomen virtutis. Vno modo ut significat ipsam potentiam actiuam quæ agens agit, sicut calorem dicimus ignis esse virtutem. Alio modo per eo quod superadditur potentie tanquam eius completum per modum formæ permanentis, quo modo habitus appetitus dicuntur virtutes morales, & habitus intellectus virtutes intellectuales. Virtus ergo hoc loco non accipitur secundo modo, secundum quem modum ars & scientia practica potest virtus nuncupari, sed primo modo. nam (ut inquit sanctus Thom. inferius lib. 4. cap. 77.) per habitum non datur nobis aliquid posse, sed ut bene aliquid vel male agamus: & ad hunc sensum falsum est quod omnis forma quæ aliquo modo est operativa, sit virtus. Secundum principaliter arguitur. Magi in observationibus huius artis utuntur quibusdam characteribus & figuris determinatis, & non tanquam quibusdam dispositionibus materiæ ad aliquem naturalem effectum, ergo solum quasi signis, ergo habent magicæ artes efficaciam ab illo intelligente ad quem sermo dirigitur. Probatur secunda pars antecedentis, quia figura nullius actionis aut passionis est principium: aliis mathematica corpora essent actiua & passiuia. consequentia verò prima probatur, quia non est aliud determinatum dare. secundum verò probatur, quia signis non utimur nisi ad alios intelligentes. Si quis diceret, quod quia aliquæ figuræ appropriantur aliquibus celestium corporum, ideo inferiora corpora determinantur per aliquas figuras ad aliquorum corporum celestium impressiones suscipiendas, tanquam scilicet similes habentia figuras, & illis appropriatas: hoc non videtur rationabiliter dici. Primum, quia per figuras non disponitur materia ut sit in potentia ad aliquam formam: cum figura secundum suam rationem tanquam quoddam mathematicum abstrahat ab omni materia & forma sensibili: illa verò tantum determinent patiens ad specialem impressionem suscipiendam per quæ in potentia sit quodammodo, cum non ordinetur patiens ad suscipiendas impressiones agentis nisi per hoc quod est in potentia. Secundum, quia aliquæ figuræ appropriantur corporibus celestibus ut effectus ipsarum, cum in istis inferioribus ab ipsis causentur: prædictæ autem artes non utuntur characteribus & signis quasi effectibus celestium corporum, sed sunt effectus hominis operantis per artem: & sic appropriatio figurarum nihil ad propositum facere videtur. Tertium, quia corpora in quibus sunt impressæ huiusmodi figuræ, sunt eiusdem habilitatis ad recipiendam influentiam celestem cum aliis corporibus eiusdem speciei, cum per figuram non disponatur aliqua materia naturalis ad formam, quod autem aliquid agat in vnum eorum quæ sunt æqualiter disposita propter aliquid sibi appropriatum ibi inuentum, & non in aliud, non est operantis per necessitatem naturæ, sed per electionem. Confirmatur propositum ex ipso nomine talibus figuris imposito, dum scilicet eas characteres dicunt, nam cum character signum sit, id est, quod Græce dicitur character, Latine signum dicatur, datur intelligi quod illis non utuntur, nisi ut signis alicui naturæ intellectuali exhibitis. Posset autem aliquis ad prædicta dicere quod constitutionem figuræ quæ dat speciem imagini, consequatur ex aliqua influentia celesti aliqua virtus, non secundum quod figura est, sed secundum quod causat speciem artificiatam quod ad ipsam virtutem ex stellis. Sed tamen de literis inscriptis, vel aliis characteribus non potest dici, nisi quod signa sint. Confirmatur per sacrificia & prostrationes quibus utuntur, quæ non possunt esse nisi signa reuerentiæ alicui intellectuali naturæ exhibitæ.

CIRCA fundamentum principale huius rationis, scilicet, Figura nullius actionis principium est neque passionis, dubium occurrit ex duplici capite. Primum, quia figura videtur adiuuare ad motum, aut etiam ipsum impedire. Nam corpora lata tardius descendunt, acuta autem velocius. Secundum, quia anima non causatur in materia nisi organata, determinatam figuram habente. hoc autem non esset nisi figura esset materiæ dispositio. ergo, &c.

CIRCA etiam fundamenti probationem, quia videlicet corpora mathematica non sunt actiua & passiuia, & quia mathematica abstrahunt à materia & forma sensibili, dubitatur. Posset enim aliquis dicere ad intentionem Alberti in secundo libro Mineralium, & antiquorum magorum, quod licet mathematica secundum rationem abstrahant à materia & forma sensibili, non abstrahunt tamen ab istis secundum esse: & ideo licet ut in abstractione mathematica considerantur, non sint principia actionis aut passionis, secundum tamen quod sunt in materia sensibili secundum suum esse, sunt & actionis & passionis principia, sic enim sunt quodammodo naturalia. Item quantitas mathematicum quiddam est, & tamē ut dicitur 3. parte, quæst. 77. artic. 2. ipsa est prima dispositio materiæ, ergo non repugnat mathematicis esse materiæ dispositionem.

Ad huius evidentiam considerandum est, quod figura proprie accipitur de qua est hic sermo, nihil aliud est, ut habetur ex sancto Thom. 3. sent. dist. 16. quæst. 2. artic. 1. ad primum, quam qualitas ex terminatione quantitatis resultans: & ideo sicut quantitas est mathematicum quiddam, ita & figura mathematica autem abstrahunt à materia sensibili secundum suam rationem, licet sint in tali materia secundum esse, & ideo secundum rationem abstrahunt ab actione & passione, quæ non sunt nisi ratione materiæ aut formæ



formæ sensibilis, omne enim, agens corporeum agit in alterum per aliquam sensibilem formam & materialem: & omne quod patitur, per sensibilem materiam patitur, cui cōuenit alterari. Figura ergo veluti quoddam mathematicum existens, cum à forma & materia sensibili secundum suam rationem abstrahatur, non potest esse id quo agens agit tanquam principio actiuo: neque potest esse id quo patiens patitur & alteratur, itaque principio passiuo, per quod scilicet subiectum sit alicuius formæ receptiuum: & sic dicitur quod neque actionis neque passionis principium esse potest. Cum autem contrā arguitur primum, quia videtur figura adiuuare ad motum, aut etiam ipsum impedire: dicitur quod hoc non est, quia ipsa figura sit principium quo mouens mouet, aut motum mouetur, sed quia secundum diuersitatem figurarum sit diuersa applicatio mouentis ad motum: secundum autem diuersam applicationem mouentis & moti, virtus mouentis magis aut minus penetrat id quod mouetur, & sic velociorem aut tardiores motum causat, vnde 4. celi, text. 4. & 45. ponit Arist. & Com. corpora grauius acuta figuræ esse diuisa continuorum citò, non autem corpora lata. Cùm arguitur 2. quod anima non introducit nisi in materia organizata & debet figurata, dicitur quod hoc non est quia figura sit dispositio materiæ per quam sit animæ susceptiua, sed quia anima talem materiæ dispositionem requirit ad quam talis figura consequitur. Nam diuersas formas materiales diuersæ figuræ consequuntur: propter quod figura est maximum indicium speciei in aliquo per se vno. Cùm etiam ratio sancti Thom. impugnatur, quia licet mathematica abstrahât à materia sensibili, sed etiam requiritur, vt in sua ratione materiam sensibilem includat: cùm enim id quod agit, sit ipsum compositum ex materia & forma, & sit aliquod sensibile, necesse est vt principium quo naturaliter agit, ad materiam sensibilem secundum se ordinem & dependentiam habeat. Similiter oportet vt dispositio materiæ naturalis ad suscipiendam aliquam formam ad ipsam materiam secundum suam naturam habeat ordinem & dependentiam, sicut & forma ad quam disponit, ordinem & dependentiam ad materiam habet, quod autem ordinem & dependentiam secundum propriam naturam habet ad materiam, sine materia intelligi aut diffiniri nō potest. igitur necesse est vt principium agendi aut patiendi naturaliter in sua ratione materiam includat, sitq; de genere naturalium, non autem de genere mathematicorum. Cùm vltimo loco inducitur auth. S. Tho. dicentis q. quantitas est prima dispositio materiæ, dicitur quod dispositio materiæ dupliciter accipi potest. Vno modo pro eo quo materia præparatur ad alicuius formæ susceptionem, & sit ad eam in potentia. Alio modo pro omni accidentie materiæ inherente: quantitas ergo est prima materiæ dispositio. secundo modo in quantum est primum accidens inherens materiæ, & omnia alia accidentia ad materiam mediante quantitate referuntur, vt dicitur loco præallegato, non est autem dispositio primo modo, nisi forte dicatur dispositio sine qua nō ideo q. adducitur nō est cōtra propositum.

CIRCA id quod videtur velle S. Thom. figuras scilicet quæ sunt in huiusmodi imaginibus, non esse effectus corporum celestium, dubitatur, quia huiusmodi figuræ per motum sunt: omne autem quod sit per motum, à corpore celesti dependere videtur, ergo, &c.

AD huius evidentiam considerandum est, quod aliter loquendum est de figuris naturalibus rerum corporalium, & aliter de figuris quæ per artem fiunt. Cùm enim cælum sit agens naturale, & sit causa omnis formæ naturalis, oportet figuras naturaliter ad formas aliquas substantiales consequentes, in cælum sicut in causam vniuersalem omnium inferiorum corporalium referri. Figuræ autem per artem introductæ non consequuntur formam naturalem substantialem, sed sunt ad similitudinem conceptionis quæ est in mente artificis & secundum ipsius artificis arbitrium, ideo virtus corporis celestis quæ se ad formas duntaxat naturales extendit, non se extendit ad huiusmodi artificiales figuras. Ad id ergo quod in oppositum arguitur, potest primum dici, quod licet huiusmodi figuræ per motum fiant, non tamen fiunt per motum naturalem, sed per motum voluntarium ab artifice proueniente. soli autem motus naturales à primo motu dependent non autem voluntarij, vt est de mente sancti Thom. in quest. 16. de Malo, art. 10. ad quintum. Possit secundò dici, quod cælum est causa omnis effectus prouenientis ex motu, si ipsum motum naturaliter consequatur, non autem si consequatur motum solum ex intellectu & voluntatis dispositione, vt figura artificialis motum consequitur. Nec valet quod dicunt antiqui magi, vt refert Alberto loco præallegato, dicunt enim quod omnia artificialia in quantum huiusmodi à virtutibus celestibus proueniunt, quia natura quæ à virtute celesti mouetur, est principium artis, dum voluntas, nisi renitatur trahitur à natura, vt in pueris apparet, qui præostendunt in se habilitates ad vnam artem vel aliam, in qua si exercitentur, perfecti fiunt. Si autem reludentur, & alias exerceant, nunquam propter naturæ ad illam artem ineptiam perfectionem consequuntur. Ad hoc enim dicitur primum, quod si ista ratio aliquid probat, hoc tantum probat quod figuræ ad quas faciendas aliqui à natura inclinantur, aliquo modo à corporibus celestibus procedunt. Sed hoc proposito non obstat, quia figuræ magorum non tantum fiunt ab habentibus naturalem inclinationem ad eas faciendas, sed etiam ab iis qui naturalem hanc inclinationem non habent: vnde per hanc rationem non potest vniuersaliter concludi, quod figuræ huiusmodi virtute celesti fiunt. Dicitur secundò, admissò quod omnes facientes prædictas imagines, si ad illam artem naturalem haberent inclinationem, non sequitur ea quæ per artes magicas fiunt, virtute celesti fieri. Inclinantur enim aliqui ad aliquam artem à natura, in quantum ex corporis & virium inferiorum dispositione sunt ad acquisitionem illius artis idonei: sed postquam acquisierint artem, non operantur per ipsam vt ipsa à corpore celesti mouetur, sed vt ea pro suo arbitrio magus vtiatur, & prout in mente sua disponit: vnde non est necesse quod figura per artem producta sit virtutis celestis effectus. Non enim effectus inferioris causæ refertur in superiorem, nisi illum inferiori causa producat vt à superiori mouetur.

CIRCA introductionem vltimæ responsionis quæ per magos dati potest, dubitatur, quia sanctus Thom. 2. 2. quest. 96. tenet quod artificialia nullam virtutem fortuantur ex corporibus celestibus, huic autem videtur repugnare quod constitutionem figuræ consequatur aliqua virtus, secun-

dum quod causas speciem artificiat. Sed aduerendum quod dupliciter possumus hanc responsionem interpretari. Primum quidem itaque sancti Thom. eam veluti veram de figura acceptet, non autem de literis & characteribus: sed tunc intelligenda est conformiter ad superius dicta in præcedenti capite, non quidem quod figuratum, in quantum artificiale est, aliquam virtutem fortiat ex stellis, cùm oppositum huius dictum sit de mente ipsius S. Thom. 2. 2. loco præallegato sed quod ipsum artificiatum ratione transmutationis & alterationis factæ circa materiam in constitutione figuræ sub certa constellatione aliquam virtutem sortiri potest ex stellis, & hac ratione potest dici aliquo modo, quod constitutione figuræ in quantum figura est forma artificiat, quæ illius speciem cōstituit, aliqua virtus consequitur, non ratione scilicet figuræ in quantum huiusmodi, sed ratione subiecti alterati & cōstituti per ipsam in specie artificiat. Vnde non inquit S. Thom. absolute, quod constitutionem figuræ consequitur virtus ex influencia cæli, sed addit secundum quod causas speciem artificiat, quod adipiscitur virtutem ex stellis, quasi dicat, illam constitutionem & fabricationem figuræ non consequitur virtus celestis, vt est figuræ constitutio, sed vt est cum alteratione & transmutatione materiæ naturalis à corpore celesti quæ in specie artificiat per talem figuram constituitur. Secundò, possumus interpretari prædictæ responsionis introductionem, quod videlicet non acceptet ipsam S. Thom. tanquam veram, sed admittat tanquam magorum quandam fugam quantum ad figuram, ostendatque quantum ad literas & characteres hanc eos fugam capere non posse. Vult enim dicere, licet aliquomodo possint supra dictas rationes magi effugere dicendo, quod figuram in quantum figura est, nulla virtus ex corpore celesti consequitur, ipsam tamen in quantum speciem artificiat causat, aliqua virtus consequi potest: tamē non possunt prædictas rationes magi effugere quantum ad literas, quas imaginibus inscribunt, & quantum ad characteres. Constat enim ista artificiatas imaginibus speciem non dare.

*Quod substantia intellectualis qua efficaciam præstat magicis operibus, non est bona.*

Caput 106.



ST autē vltius inquirendum quæ sit hæc intellectualis natura, cuius virtute tales operationes fiunt. Et primum quidem apparet quod non sit bona & laudabilis. Præstare enim patrociniū aliquibus quæ sunt contraria virtuti, non est alicuius intellectus bene dispositi: hoc autem sit ex huiusmodi artibus, sicut enim plerunque adulteria, furta, homicidia, & alia huiusmodi maleficia procurantur: vnde vtentes his artibus, malefici vocantur, non est ergo bene disposita secundum virtutem intellectualis natura cuius auxilio huiusmodi artes inniuntur.

Item, non est intellectus bene dispositi secundum virtutem familiarē esse, & patrociniū exhibere sceleratis, & non quibuslibet optimis viris: huiusmodi autē artibus vtuntur plerunque homines scelerati. non est igitur intellectualis natura, cuius auxilio hæc artes efficaciam habent, bene disposita secundum virtutem.

Adhuc, intellectus bene dispositi est reducere homines in ea quæ sunt hominū propria bona: quæ quidem sunt bona rationis, abducere igitur ab istis pertrahendo ad aliqua minima bona, est intellectus indecenter dispositi, per huiusmodi autē artes non adipiscuntur homines aliquem profectum in bonis rationis, quæ sunt scientiæ & virtutes: sed in quibusdam minimis: sicut in inuentione furtorum: & in deprehensione latronum: & his similibus. non igitur substantiæ intellecti quæ quarum auxilio hæc artes vtuntur, sunt bene dispositæ secundum virtutem.

Amplius, in operationibus prædictarum artium illuso quædam videtur & irrationabilitas. requirit enim huiusmodi artes hominem re venerea non attrectatum: cùm tamen plerunque adhibeantur ad illicitos cōcubitus conciliandos: in operatione autem intellectus bene dispositi nihil irrationale & sibi diuersum apparet: non igitur huiusmodi artes vtuntur patrociniū intellectus bene dispositi secundum virtutem.

Præterea, non est bene dispositus secundum intellectum, qui per aliqua scelera commissa prouocatur ad auxilium alicui ferendum: hoc autem sit in istis artibus: nam aliqui in executione harū leguntur innocētes pueros occidisse: non igitur sunt boni intellectus quorum auxilio ista fiunt.

Item, bonum propriū intellectus est veritas. cùm igitur boni sit bonū adducere: cuiuslibet intellectus bene dispositi esse videtur alios perducere ad veritatē. In operibus autem magorum plerunque fiunt quibus ludificantur homines,



homines, & decipiantur: intellectus igitur cuius auxilio vtuntur, non est bene dispositus secundum morem.

7 Adhuc, intellectus bene dispositus veritate allicitur, in qua delectatur: non autem mendaciis. magi autem in suis inuocationibus vtuntur quibusdam mēdaciis quibus alligant eos quorū auxilio vtuntur: comminatur enim quādam impossibilia, sicut quod nisi ille qui inuocatur, opem ferat: inuocans cælum comminuet, aut sidera deponet, vt narrat Porphyrius in epistola in Anebiotē. Illæ igitur intellectuales substantiæ quibus adiuuantibus operationes magorum perficiuntur, non videntur esse bene dispositæ secundum intellectum.

8 Amplius, non videtur esse habentis intellectum bene dispositum, vt si sit superior, imperanti sibi subdatur sicut inferior: aut si sit inferior, vt sibi ab eo quasi superiori supplicari patiat. magi autem inuocant eos, quorum auxilio vtuntur, suppliciter, quasi superiores: cum autem aduenerint, imperant eis quasi inferioribus: nullo igitur modo videntur esse bene dispositi secundum intellectum. Per hoc autem excluditur error Gentilium, qui huiusmodi operationes diis attribuebant.

Super cap. 106.



150 quod opera magorum à substantia intellectuali efficiantur habent, vult consequenter ostendere sanctus Thom. quod talis substantia non est bona nec laudabilis. Circa hoc autem duo facit. Primum ostendit quod huiusmodi substantia non est bona & laudabilis. Secundum de eius malitia inquit capitulo sequenti. Quantum ad primum arguit prius: sic: Ex magicis artibus præstat patrociniū aliquibus quæ sunt contraria virtuti, scilicet, adulteriis, & huiusmodi maleficiis: vnde & iis vtentes artibus malefici vocantur: ergo intellectualis natura non est bene disposita secundum virtutem cuius auxilio magicæ artes vtuntur. probatur consequentia, quia præstat patrociniū aliquibus quæ sunt contraria virtuti, non est alicuius intellectus bene dispositi. Secundum, huiusmodi artibus vtuntur plerumque homines scelerati, ergo, &c. Probatur consequentia, quia non est intellectus bene dispositi secundum virtutem, familiarem esse, & patrociniū exhibere sceleratis, & non quibuslibet optimis viris. Si diceretur de mente Theophrasti ad prædictas rationes, quod substantia intellectualis præstans efficaciam magicis operibus non est per se mala, sed tantum per accidens, in quantum à Magis trahitur ad vsum malorum, sicut & virtus alicuius herbarum bona est, tamen efficitur mala alicui in quantum peruersi medici eis male vtuntur: patet hoc nihil esse, quia substantia intellectualis huiusmodi voluntarie ad opera magorum concurrat, & non trahitur ab ipsis ad malum vsum quemadmodum inanimata: & ideo si ad opera mala concurrat, hoc non est nisi ex eius mala dispositione. Tercio, per huiusmodi artes non adipiscuntur homines aliquid in profectum in bonis rationis, quæ sunt scientiæ & virtutes, sed in aliquid in profectum in malis, vt est inuentio furtorum, & latronum depræhensio, & huiusmodi, ergo, &c. probatur consequentia, quia cum intellectus bene dispositi sit reducere homines in bona rationis quæ sunt hominum propria bona, adducere ab istis pertrahendo ad aliqua minima bona, est intellectus indecenter dispositi.

ADVERTENDUM quod licet per magicas artes aliquando accipiantur aliqua documenta scientiarum, pro maiori tamen parte exercentur ad aliqua minima: ideo quum inquit S. Thomas, quod per huiusmodi artes non adipiscuntur homines profectum in bonis rationis, intelligitur pro maiori parte. Vel intelligendum est de profectu in bonis rationis quo ad iudicium de agendis, & quo ad operationes virtutum, non autem quo ad cognitionem speculatiuam tantum. Videmus enim homines qui huiusmodi artibus vtuntur, per eas non proficere in actibus virtutum, quæ sunt rationis bona, sed magis ad vitia trahi, & à vero rationis iudicio abhorre. Quarto, in operationibus prædictarum artium illusio quædam videtur, & irrationalitas: requirunt enim hominem re venerare non attrahunt, cum tamen quandoque adhibeantur ad illicitos concubitus conciliandos, ergo, &c. probatur consequentia, quia in operatione intellectus bene dispositi nihil irrationabile & sibi diuersum apparet. Quinto, aliqui in executione harum artium leguntur innocentes pueros occidisse, ergo, &c. probatur consequentia quia non est bene dispositus secundum intellectum qui per aliqua scelera commissa prouocatur ad auxilium alicui ferendum.

ADVERTENDUM quod intellectus nomine in præmissis rationibus non accipit S. Thom. potentiam intellectualem præcisè sumptam, sed naturam intellectualem: quæ dicitur bene disposita secundum virtutem & secundum morem, quando secundum regulas rationis & intellectus in suas operationes dirigitur, malè autem quando non secundum huiusmodi regulas operatur. Quia ergo verum iudicium intellectus habet vt non feratur auxilium iis qui ad aliquod suum commodum assequendum grauiā committunt scelera, imò vt repellantur & impediuntur, ideo non est illa substantia intellectualis bene disposita quæ huiusmodi hominibus auxilium præbet. Sexto, in operibus magorum sunt aliqua quibus ludificantur homines & decipiuntur, ergo, &c. probatur consequentia, quia cum bonum proprium intellectus sit veritas, & boni sit bonum adducere, intellectus bene dispositi videtur esse alios perducere ad veritatem.

Septimo, Magi in suis inuocationibus vtuntur quibusdam mendaciis quibus alligant eos quorū auxilio vtuntur, vt quod nisi inuocatus opem ferat, inuocans cælum comminuet, aut sidera deponet, vt Porphyrius in epistola ad Anebiotem narrat, ergo, &c. probatur consequentia, quia

intellectus bene dispositus veritate allicitur, in qua delectatur, non autem mendaciis. Octauo, Magi inuocant eas substantias suppliciter quasi superiores: cum autem aduenerint, imperant eis quasi inferioribus, ergo, &c. probatur consequentia, quia non videtur esse habentis intellectum bene dispositum, vt si sit superior imperanti sibi subdatur sicut inferior, aut si sit inferior, vt sibi ab eo quasi superiori supplicari patiat.

ADVERTENDUM quod licet Matth. 3. ponat glossa vñ gradum humilitatis, in quo est omnis iustitia subesse scilicet minori, nō est tamen humilitatis gratia, subesse inferiori arroganti sibi imperium supra superiorem, & illi obedire, imò esset contra rationem & contra ordinem institutum à Deo, qui inferiora per superiora gubernat. ideo bene hīc dicitur quod non est intellectus bene dispositi si sit superior, vt subdatur imperanti sibi sicut inferior. Vltimò inquit S. Thom. quod per hoc error Gentilium excluditur huiusmodi operationes diis attribuentium.

Quod substantia intellectualis, cuius auxilio magicæ artes vtuntur, non est mala secundum suam naturam.

Cap. 107.



NON est autem possibile quod sit naturalis malitia in substantiis intellectualibus: quarum auxilio magicæ artes operantur. In illud enim in quod aliquid tendit secundum suam naturam, non tendit per accidens, sed per se: sicut graue deorsum. sed si huiusmodi substantiæ intellectuales secundum suam naturam essent malæ, naturaliter in malum tenderent. non igitur per accidens, sed per se tendunt ad malum. hoc autem est impossibile. ostensum est enim supra \* quod omnia per se tendunt ad bonum, & nihil tendit ad malum, nisi per accidens. Non igitur huius intellectuales substantiæ sunt secundum suam naturam malæ.

\* Capit. 16. huius lib.

2 Adhuc, quidquid est in rebus, oportet quod causa vel causatum sit, alioquin ad alia ordinem non haberent: aut igitur huius substantiæ sunt causæ tantum, aut etiam causata. Si causæ tantum, malum autem non potest esse causa alicuius nisi per accidens, vt supra \* ostensum est: omne autem quod est per accidens, oportet reduci ad id quod est per se: oportet igitur quod in eis sit aliud prius quàm eorum malitia, per quod sint causæ. primum autem in vnoquoque est eius natura & essentia: non igitur secundum suam naturam sunt malæ huiusmodi substantiæ.

\* Capit. 14. huius lib.

Idem etiam sequitur si sint causata. nam nullum agens agit nisi intendens ad bonum: malum ergo non potest esse effectus alicuius causæ nisi per accidens, quod autem causatur per accidens tantum, non potest esse secundum naturam: cum omnis natura determinatum modum habeat quo procedit in esse. non est igitur possibile quod huiusmodi substantiæ sint malæ secundum naturam.

3 Amplius, vnumquodque entium habet proprium esse secundum modum suæ naturæ: esse autem in quantum huiusmodi est bonum: cuius signum est quod omnia esse appetunt. si igitur huiusmodi substantiæ secundum suam naturam essent malæ, nullum esse haberent.

\* Lib. 2. c. 15.

4 Item, ostensum est supra \*, quod nihil potest esse quin à primo ente esse habeat & quod primum ens est summum bonum. cum autem omne agens in quantum huiusmodi agat sibi simile, oportet quod ea quæ à primo ente sunt, bona sint. prædictæ igitur substantiæ secundum quod sunt, & naturam aliquam habent, non possunt esse malæ.

5 Amplius, impossibile est aliquid esse quod sit vniuersaliter priuatum participatione boni. cum enim idem sit appetibile & bonum, si aliquid esset omnino expers boni, nihil haberet in se appetibile: vnicuique autem est appetibile suum esse. oportet igitur quod si aliquid secundum suam naturam dicatur malum, quod hoc non sit quasi simpliciter malum sed quia est malum huic, vel quantum ad hoc: sicut venenum non est simpliciter malum, sed huic cui est nocuum: vnde quod est aliud venenum, est alteri cibum. hoc autem contingit ex eo, quod bonum particulare quod est proprium huius, contrarium est bono particulari quod est proprium alterius: sicut calor qui est proprium ignis, contrarius frigori quod est bonum aquæ, & destruit ipsum



ipsum illud igitur quod secundum suam naturam ordinatur in bonum non particulare, sed simpliciter: impossibile est quod secundum hunc modum possit naturaliter dici malum: tale autem est omnis intellectus: nam eius bonum est in propria operatione quæ est vniuersaliū, & eorum quæ sunt simpliciter. non est igitur possibile quod aliquis intellectus secundum suam naturam sit malus non solum simpliciter, sed nec etiam secundum quid.

6 Item, in vnoquoque habente intellectum naturali ordine intellectus mouet appetitum: proprium enim obiectum voluntatis est bonum intellectum: bonum autem voluntatis est in eo quod sequitur intellectum, sicut in nobis bonum est, quod est secundum rationem: quod autem est præter hoc, malum est. naturali igitur ordine substantia intellectualis vult bonum. impossibile est igitur quod illæ substantiæ intellectuales quarum auxilio magicæ artes vtuntur, sint naturaliter malæ.

7 Præterea, cum voluntas tendat in bonum intellectum naturaliter, sicut in proprium obiectum & finem, impossibile est quod aliqua intellectualis substantia malā secundum naturam habeat voluntatem, nisi naturaliter intellectus erraret circa iudiciū boni. nullus autē intellectus talis potest esse: falsa enim iudicia in operationibus intellectus sunt sicut monstra in rebus naturalibus, quæ non sunt secundum suam naturam, sed præter naturam. nam bonum intellectus & eius finis naturalis est cognitio veritatis. impossibile est igitur quod aliqua intellectualis substantia sit qui naturaliter in iudicio veri decipiatur. neque igitur possibile est quod sit aliqua substantia intellectualis habens naturaliter malam voluntatem.

8 Aduc, nulla potentia cognoscitiua deficit à cognitione sui obiecti, nisi propter aliquem defectum aut corruptionem suam: cum secundum propriam rationem ad cognitionem talis obiecti ordinetur, sicut visus non deficit à cognitione coloris, nisi aliqua corruptione circa ipsum existente, omnis autem defectus & corruptio est præter naturam, quia natura intendit esse & perfectionem rei: impossibile est igitur quod sit aliqua virtus cognoscitiua quæ naturaliter deficiat à recto iudicio sui obiecti: proprium autem obiectum intellectus est verum: impossibile est igitur quod sit aliquis intellectus naturaliter circa cognitionem veri oberrans: neque igitur voluntas aliqua naturaliter potest à bono deficere. Hoc etiam autoritate sacræ scripturæ confirmatur. dicitur enim primæ Thimoth. 4. Omnis creatura Dei bona. Vnde Genes. 1. Vidit Deus cuncta quæ fecit, & erant valde bona.

Per hoc autem excluditur error Manichæorum ponentium huiusmodi substantias intellectuales quas dæmones consueto nomine dicimus, vel diabolos, esse naturaliter malas. Excluditur etiam opinio quæm Porphyrius narrat in Epistola ad Anebrionem, dicens quosdam opinari esse quoddam spirituum genus cui exaudire magos sit proprium: natura fallax, omniforme, simulans Deos & dæmones, & animas defunctorum: & hoc est quod efficiat hæc omnia quæ videntur esse vel bona vel praua, cæteraque circa ea quæ verè sunt bona, nihil operulari: imò verò ista nec nosse, sed & mala cōsiliare, & insimulare atque impedire & inuidere virtutis sedulos sectatores: & plenum esse temeritatis & fastus: gaudere odoribus, adulationibus capi. Hæc quidem Porphyrij verba malitiæ dæmonum, quorum auxilio artes magicæ vtuntur, satis apertè declarant: in hoc autem solo reprehensibilia sunt, quod hanc malitiam naturaliter eis dicit ineffe.

Super Cap. 107.

**P**OST QVAM ostendit sanctus Thom. quod substantia intellectualis cuius auxiliomagicæ artes vtuntur, est mala, nunc quomodo mala sit vult explicare. Circa hoc autem duo facit. Primò ostendit quod non est mala secundum suam naturam. Secundò ostendit quod est voluntariè mala, capitibus sequentibus. Quantum ad primum, ponit hæc conclusionem: Non est possibile quod sit naturalis malitia in substantiis intellectualibus cuius auxiliomagicæ artes vtuntur. Pro cuius declaratione notandum est ex doctrina sancti Thomæ in quæst. de Malo. quæstio. 16. articulo 2. quod quum

dupliciter possit intelligi malitiam alicui esse naturalem, scilicet quia vel malum est eius natura, aut aliquid naturæ, aut aliquid naturam eius consequens, vel quia est eis naturalis inclinatio ad malum. Ad vtrumque sensum intelligitur hæc conclusio, & ideo aliquæ rationes probant quod tales substantiæ non habent naturalem inclinationem ad malum: aliquæ verò probant quod non sunt in seipsis malæ, tanquam malitia sit ipsorum natura. Arguit itaque primò sic: Si naturaliter huiusmodi substantiæ in malum tendunt, per se tendunt ad malum: hoc est impossibile, ergo, &c. probatur consequentia, quia quod tendit in aliquid secundum suam naturam, in illud tendit per se, non per accidens, sicut graue deorsum. falsitas verò consequentis probatur, quia omnia per se tendunt ad bonum, ad malum verò nihil tendit nisi per accidens.

Ad euidentiā consequentiæ attendendum est ex doctrina sancti Thomæ primo posteriorum, cap. de per se, quod ista dictio per se importat in subiecto habitudinem causæ respectu eius quod sibi dicitur conuenire per se. ita quod quando subiectum vel aliquid eius est causa eius quod sibi attribuitur, tunc dicitur illud sibi conuenire per se. Ex hoc autem constat quod si aliquid alicui conueniat secundum propriam naturam, ita quod natura sit ratio quod illud sibi conueniat, oportet illud sibi per se non autem per accidens conuenire: & sic optime sequitur si substantia intellectualis mala est secundum naturam, ita quod inclinari ad malum in quantum malum, sibi ratione propriæ naturæ conueniat, quod per se tēdat ad malum, non autem per accidens. Secundò, aut huiusmodi substantiæ sunt causæ aut causatæ, alioquin ad alia ordinem non haberent. si causæ. tunc sic: Malum non est causa alicuius nisi per accidens: sed quod est per accidens oportet reduci ad per se. ergo oportet in eis esse aliud primum quam eorum malitia per quod sint causæ. primum autem in vno quoque est eius natura & essentia. ergo, &c. Si sunt causatæ, tunc sic: Malum non potest esse effectus alicuius causæ nisi per accidens, cum omne agens agendo bonum intendat. sed quod causatur per accidens tantum, non potest esse secundum naturam, cum omnis natura determinatum modum habeat quod procedit in esse. ergo, &c.

CIRCA primam partem huius rationis dubium occurrit, quia licet omne per accidens reducatur in id quod est per se, non oportet tamen vt illud quod est per se, coniungatur ei quod est per accidens in eodem. Nam quod est causa inuentionis thesauri per accidens, non est necesse vt sit per se illius causæ, sed bene reducitur in aliquam superiorem causam quæ est eius causa per se: & sic non est necesse si substantia intellectualis sit alicuius causa per accidens, quod in ipsa sit aliquid per quod sit causa per se.

Respondetur, quod licet respectu vnius & eiusdem effectus non oporteat idē esse causam per se & per accidens, oportet tamē vt quod est causa per accidens, coniungatur ei quod est causa per se, vel sit idem cum ipso aut respectu vnius aut respectu diuersorum. Album enim quod est causa per accidens domus, coniungitur domificatori qui est causa per se domus: & fodiens sepulchrū qui est causa per accidens inuentionis thesauri, est causa per se sepulchri. Et ideo si aliqua substantia aliquid habeat in se, puta malitiam, ex quo habet vt sit tantum causa per accidens, & nullo modo per se, necesse est vt sit aliquid etiam in ipsa per quod possit esse per se causa aut eiusdem aut alterius effectus. Vnde non intulit sanctus Thom. quod oportet in eis esse aliquid prius quam eorum malitia, per quod sint causæ mali, sed absolute per quod sint causæ. Obiectio autem procedit de causa per se & per accidens respectu vnius & eiusdem effectus duntaxat. Vel potest inueniri dici, quod non est mens sancti Thomæ vt obiectio supponit, quod est causa per accidens alicuius effectus, esse etiam illius causam per se per aliquam naturam in ipso existentem, sed quod si aliquid sit causa per accidens alicuius per aliquid in ipso existens, necesse est aliquid aliud in ipso esse per quod conueniat sibi esse causam per se, quia causa per accidens accidentalitate se tenente ex parte causæ dicitur quæ coniungitur causæ per se. Tertio, si huiusmodi substantiæ essent malæ secundum suam naturam, nullum esse haberent, ergo, &c. probatur consequentia, quia vnum quodque entium habet esse secundum modum suæ naturæ, esse autem in quantum huiusmodi est bonum, vnde omnia ipsum appetunt. Aduerte quod ista consequentia probatur à destructione consequentis. valet enim, habent aliquid esse: ergo sunt bonæ secundum naturam, quia esse est quoddam bonum, & conuenit rei secundum modum suæ naturæ. Quarto, Ea quæ à primo ente sunt, bona sunt, quia omne agens agit sibi simile, primum autem ens est summum bonum, sed nihil potest esse quin à primo ente habeat esse, ergo, &c.

Quintò, Autalis substantia esset simpliciter mala, aut mala huic, & quantum ad hoc, sicut venenum est malum huic cui est nocivum, cum tamen alteri sit cibis, non simpliciter, quia impossibile est aliquid esse quod sit vniuersaliter priuatum participatione boni. cum enim idem sit appetibile & bonum, tale nihil haberet in se appetibile. constat autem quod vnicuique appetibile est suum esse, non etiam huic, quia cum hoc contingat ex eo quod bonum particulare quod est proprium huius, contrarium est bono particulari quod est bonum alterius, sicut calor ignis contrariatur frigori aquæ, quod secundum suam naturam ordinatur in bonum non particulare sed simpliciter, impossibile est vt etiam secundum hunc modum possit dici naturaliter malum. tale autem est omnis intellectus. bonum enim eius est in propria operatione quæ est vniuersaliū, & eorum quæ sunt simpliciter.

AD euidentiā huius rationis considerandum est primò, quod cum simpliciter, duo habeat significata. significat enim idem quod absolute & absque additione, & idē quod vniuersaliter, hoc loco accipitur in secunda significatione, cum dicitur quod nihil est simpliciter malum. sensus enim est, quod nihil existens in natura est vniuersaliter, & omni ex parte malum. vnde ad hoc insinuandum inquit sanctus Thom. quod impossibile est aliquid esse quod sit vniuersaliter priuatum participatione boni. Similiter sensus est de intellectu, quod non fertur in aliquid particulare bonū, sed in bonum simpliciter, id est vniuersaliter sumptum. vnde quod inquit, & eorū quæ sunt simpliciter, est expositio eius quod dixerat propriam operationem intellectus esse vniuersaliū. Considerandum secundò ex doctrina sancti Thomæ. 1. parte quæst. 63. art. 4. quod bonum vniuersale à bono particulari differt, quia bono vniuersali nullum malum coniunctum esse potest. cum enim malum dicatur ex priuatione alicuius perfectionis, dicere bono vniuersali esse coniunctum aliquid malum, est dicere



dicere quòd bonum vniuersale aliqua perfectione careat, & sic non erit bonum vniuersale, siue accipiat bonum vniuersale secundum perfectionem, siue secundum prædicationem: bono autem particulari potest aliquod malum coniunctum esse, quia non inuenitur aliqua rem particularem vnā habere perfectionē, & alia perfectione carere, sicut igitur coniungitur hoc malum quod est esse consumptuum aliorum. Ex quo sequitur, quòd cum omnis natura in bonum aliquo modo tendat, illud quod in bonum vniuersale secundum naturam tendit nullo modo, nec per se inquam, nec per accidens in malum tendit secundum naturam: cum bono vniuersali nullum malum sit coniunctum: quod verò secundum naturam tendit in aliquod particulare bonum, potest naturaliter tendere in aliquod malum, per accidens tamen, in quantum, videlicet bono ad quod ordinatur aliquod malum coniungitur. Vnde cum natura intellectualis non in bonum particulare, sed in bonum vniuersale tendat, quod est obiectum suæ operationis, sequitur quòd nullo modo naturaliter tendat in malum. Ex quo relinquitur, vt inferat sanctus Thomas, quòd non est possibile, vt aliquis intellectus secundum suam naturam sit malus, non solum simpliciter, tanquam videlicet tendens in vniuersaliter malum, cum nullum existens sit vniuersaliter malum, sed nec etiam secundum quid, tanquam videlicet tendens in aliquod bonum cui coniungatur malum alterius, cum tendat in bonum vniuersale cui nullum malum coniungi potest. vniuersale enim est obiectum intellectus & voluntatis.

SE D occurrit duplex dubium. Primum est, quia posset aliquis dicere, quòd licet bono vniuersali secundum perfectionem, quale est bonum diuinum, nullum malum coniunctum esse possit, bono tamen vniuersali secundum prædicationem non inconuenit aliquod malum coniunctum esse, quia huiusmodi vniuersale bonum habet esse in bono particulari, cui aliquod malum coniungi potest: intellectus autem & voluntas ordinantur in bonum vniuersale secundum prædicationem tanquam in obiectum, non autem in bonum vniuersale secundum perfectionem. vnde ex sancto Thoma, prima parte loco allegato habetur, quòd ordinatur in aliquod bonum secundum communem rationem boni: ideo non sequitur si natura intellectualis ordinatur in bonum vniuersale secundum naturam, quod non ordinetur naturaliter ad aliquod malum saltem per accidens. Secundum dubium est, quia dicitur aliquod bonum esse malum aliquo modo etiam in quantum est malum alicui, vt patet hoc loco: sed Deus est malus damnatis, in quantum eos punit, ergo Deus est aliquo modo malus, sed aliquid naturaliter inclinatur in Deum, scilicet substantia intellectualis, quæ diligit ipsum naturaliter: vt ostendit sanctus Thomas, 1. parte quæst. 60. art. 5. & tamen natura intellectualis ordinatur in bonum vniuersaliter, ergo falsum est quòd hæc dicitur, illud scilicet quòd secundum suam naturam ordinatur in bonum non particulare, sed simpliciter non posse dici malum etiam secundum quid, in quantum scilicet est malum alicui.

AD primum horum dicitur, quòd licet bono vniuersali particulari- zato in bono, hoc aliquod malum adiungi possit, ipsi tamen absolute & secundum præcisam rationem vniuersalis boni accepto nullum malum adiungitur, quia sicut ratio vniuersalis boni secundum se abstrahit ab omni particulari bono, ita ab omni malo abstrahit quòd bonum particulare concomitatur. vniuersali enim nihil in quantum huiusmodi sibi contrarium adiungi potest, sicut animali rationali non potest irrationale coniungi: intellectus autem & voluntas feruntur secundum naturam formaliter in ipsum bonum secundum vniuersalem boni rationem, non secundum aliquam particularem rationem. Nam intellectus apprehendit bonum simpliciter, & voluntas similiter appetit bonum simpliciter, & absolute appetendo naturaliter bonum vt sic, non autem hoc aut illud bonum nisi materialiter, in quantum videlicet in ipso saluatur ratio boni. Ad secundum dubium dicitur, quòd rimò quòd loquitur sanctus Thomas, de eo quod malum alicui ex perfectione suæ naturæ: quia videlicet eius naturam concomitatur esse alteri nociuum, quòd enim ordinatur naturaliter in bonum cui taliter coniungitur malum, naturaliter inclinatur in illud malum per accidens: siue in malum secundum quid: & si aliquid ordinatur in bonum cui non conueniat hoc modo ratio mali, non dicitur naturaliter inclinari in malum etiam secundum quid, modo dicitur quòd esse nociuum damnatis non concomitatur naturam diuinam tanquam eius sequens perfectionem, sed Deo conuenit ex libera eius voluntate, ideo ratio nō sequitur. Dicitur secundò, quòd loquitur sanctus Thomas, de inclinatione rei in bonum tanquam in per se & proprium obiectum, quia scilicet si ratio aliqua mali concomitatur tale bonum, dicitur res naturaliter inclinari in malum secundum quid, si autem nulla ratio mali illi bono iungatur, non dicitur etiam secundum quid inclinari naturaliter in malum, modo licet natura intellectualis naturaliter inclinetur in Deum, non tamen inclinatur in ipsum sicut in per se & proprium obiectum, sed in vniuersalem rationem boni, ideo ratio non sequitur, Sextò, naturali ordine substantia intellectualis vult bonum, ergo &c. probatur antecedens, quia in habente intellectum, bonum voluntatis est in eo quòd sequitur intellectum: sicut in nobis bonum est quòd est secundum rationem: quòd autem est præter hoc malum est, naturali autem ordine intellectus mouet appetitum. Quomodo voluntas naturaliter & ex necessitate feratur in bonum ostensum est in præcedentibus. Similiter quomodo intellectus moueat voluntatem. Septimò, Nullus intellectus naturaliter errat circa iudiciū boni, ergo, &c. probatur antecedens, quia cum bonum intellectus & eius finis naturalis sit cognitio veritatis, falsa iudicia in operationibus intellectus sunt sicut monstra in rebus naturalibus, quæ non sunt secundum naturam, sed præter naturam, consequentia verò probatur, quia cum voluntas tendat naturaliter in bonum intellectum sicut in proprium obiectum & finem, impossibile est quòd aliqua substantia intellectualis naturaliter malam habeat voluntatem, nisi naturaliter erret circa iudiciū boni.

Confirmatur prædicta ratio: Intellectus circa cognitionem veri naturaliter oberrare non potest: ergo neque voluntas naturaliter à bono deficere potest. probatur antecedens quia cum potētia cognoscitiua secundum rationem ordinetur ad cognitionem sui obiecti, nulla deficit ab eius cognitione, nisi propter aliquem defectū aut corruptionem: declaratur in visu: omnis autem corruptio & defectus est præter naturam scilicet particularem, cum natura intendat esse & perfectionem rei. Confirmatur conclusio autoritate Apostoli, 1. ad Timotheum 4. & Gen. 1. Excluditur per hoc Manichæorum error, & opinio quam Porphyrius in epistola ad Ane-

briorem narrat, quæ quidem malitiam dæmonum quorum auxilio artes magicæ vtuntur, aperte declarat: sed in hoc reprehensibilis est, quòd hanc malitiam eis naturaliter inesse dicit.

*Rationes quòd in demonibus non possit esse peccatum.*

Cap. 108.



I autem in dæmonibus non est naturalis malitia, ostensum est autē supra eos esse malos, necessariò relinquitur quòd sint voluntate mali: oportet igitur inquirere quomodo hoc possibile sit: videtur enim omnino hoc impossibile esse. Ostensum \* est enim in secundo nullam substantiam naturalem esse corpori naturaliter vnita, nisi animam humanam: vel secundum quosdam animas corporum cælestium, de quibus inconueniens est æstimare quòd sint malæ: cum motus cælestium corporum sit ordinatissimus, & totius ordinis naturalis quodammodo principium: omnis autē alia cognoscitiua potētia præter intellectum vtitur organis corporalibus animatis. Non est ergo possibile quòd in huiusmodi substantiis sit aliqua virtus cognoscitiua nisi intellectus: quicquid igitur cognoscunt, intelligunt. In eo autem quòd quis intelligit, nō errat. Ex defectu enim intelligendi prouenit omnis error. Non potest igitur esse aliquis error in cognitione substantiarum talium. Nullum autem voluntatis peccatum potest esse absque errore, quia voluntas semper tendit in bonum apprehensum: vnde nisi in apprehensione boni erretur, non potest in voluntate esse peccatum. Videtur igitur quòd in huiusmodi substantiis non possit esse voluntatis peccatum.

2 Adhuc, in nobis peccatum voluntatis accidit circa ea de quibus in vniuersali scientiam veram habemus, per hoc quòd in particulari impeditur iudiciū rationis ex aliqua passione rationem ligante. Hæ autem passionēs in demonibus esse non possunt: quia hæ passionēs sunt partis sensitivæ, quæ nullam habent operationem sine organo corporali. Si igitur huiusmodi substantiæ separatæ habent rectam scientiam in vniuersali, impossibile est quòd per defectum cognitionis in particulari voluntas in malum tendat.

3 Amplius, nulla virtus cognoscitiua circa propriū obiectū decipitur, sed solum circa extraneū. visus enim non decipitur in iudicio colorum, sed dū homo per visum iudicat de sapore vel de specie rei, in hoc deceptio accidit. Proprium autem obiectum intellectus est quidditas rei, in cognitione igitur intellectus deceptio accidere nō potest, si puras rerum quidditates apprehendat. Sed omnis deceptio intellectus accidere videtur ex hoc quod apprehendit formas rerum permixtas phantasmatis, vt in nobis accidit. talis autem modus cognoscendi nō est in substantiis intellectualibus corpori non vnitis, quia phantasmata non possunt esse absque corpore. Non est igitur possibile quòd in substantiis separatīs accidat error in cognitione: ergo neque peccatum voluntatis.

4 Item, in nobis falsitas accidit in operatione intellectus componentis & diuidentis, ex hoc quòd non absolute rei quidditatem apprehendit, sed rei apprehensæ aliquid componit. In operatione autē intellectus qua apprehendit quòd quid est, non accidit falsum nisi per accidens: secundum quod in hac etiam operatione permiscetur aliquid de operatione intellectus componentis & diuidentis: quòd quidem contingit in quantum intellectus noster non statim, sed quodam inquisitionis ordine ad cognoscendam quidditatem rei alicuius pertingit: sicut cum primò apprehendimus animal, & diuidentes per oppositas differētiās altera relictā vnā generi apponimus quousque perueniamus ad diffinitionem speciei. In quo quidē processu potest falsitas accidere, si accipiatur vt differentia generis id quod non est generis differentia. sic autem procedere ad cognoscendum de aliquo quòd quid est, est intellectus ratiocinando discurrentis de vno ad aliud: quòd nō competit substantiis intellectualibus separatīs, vt supra ostensum est. non



est. non videtur igitur quod possit aliquis error accidere in cognitione huiusmodi substantiarum: unde nec in voluntate earum peccatum accidere potest.

5 Præterea, quum nullius rei appetitus tēdat nisi in proprium bonū: impossibile videtur id cuius est singulariter vnum solum bonum, quod in suo appetitu erret: & propter hoc etsi peccatum accidat in rebus naturalibus propter defectum cōtingentem in executione appetitus, nunquam tamen peccatum accidit in appetitu naturali, semper enim lapis tendit deorsum, siue perueniat sine impedimento. In nobis autem peccatum accidit in appetendo: quia quū sit natura nostra composita ex spiritali & corporali, sunt in nobis plura bona. aliud enim est bonum nostrum secundum intellectum, & aliud secundum sensum, vel etiam secundum corpus. horum autem diuersorum quæ sunt hominis bona, ordo quidam est, secundum quod id quod est minus principale, ad principalius referendum est: unde peccatum voluntatis in nobis accidit cū tali ordine non seruato appetimus id quod est bonum secundum quid, contra id quod est nobis bonum simpliciter. talis autem compositio & diuersitas bonorū non est in substantiis separatis, quinimo omne eorum bonum est secundum intellectum. Non est igitur in eis possibile quod sit peccatum voluntatis, vt videtur.

6 Adhuc, in nobis peccatum voluntatis accidit ex superabundantia, vel defectu, in quorum medio virtus cōsistit: unde in his in quibus non est accipere superabundantiam & defectum, sed solum medium, non contingit voluntatem peccare. Nullus enim peccare potest in appetendo iustitiam. nam ipsa iustitia medium quoddam est. Substantiæ autem intellectuales separatæ non possunt appetere nisi bona intellectualia. Ridiculum est enim dicere quod bona corporalia appetant qui secundum suā naturam incorporei sunt: aut bona sensibilia, in quibus non est sensus, in bonis autem intellectualibus non est accipere superabundantiam, nam secundum se media sunt superabundantiæ & defectus: sicut verum est medium inter duos errores, quorum vnus est secundum plus, alter secundum minus: unde & sensibilia & corporalia bona per hoc in medio sunt, quod secundum rationem sunt, sic non videtur igitur quod substantiæ intellectuales separatæ secundum voluntatem peccare possint.

7 Amplius, magis à defectibus remota videtur substantia incorporea quàm corporalis: in substantiis autem corporeis quæ sunt à contrarietate remotæ, nullus defectus accidere potest. scilicet in corporibus cælestibus: multo igitur minus in substantiis separatis & à contrarietate remotis & à materia & à motu, ex quibus videtur defectus aliquis posse contingere, aliquod peccatum contingere potest.

Super Cap. 108.

**P**OSTQVAM ostendit S. Tho. quod substantia intellectualis non est secundum naturam mala, vult consequenter ostendere qd voluntariè mala sit. Circa hoc autem tria facit. Primò ponit rationes ad oppositum. Secundò determinat veritatem cap. seq. Tertiò obiectionibus respondet. Quantum ad primum arguitur primò quatuor rationibus ex hoc quod nullum peccatum voluntatis potest esse absque errore, in intellectu autem substantiæ separatae non potuit error peccatum præcedere.

Quia ratio est, quia omne bonum substantiarum separatarum est in intellectu impossibile autem videtur vt id cuius est vnum solum bonum, & in quo non est diuersorum bonorum cōpositio, in suo appetitu erret: propter quod videmus qd nūquam in appetitu naturali accidit peccatum: in nobis autem accidit peccatum, & bonum secundum sensum. Sexta est, quia substantiæ separatae non possunt appetere nisi bona spiritalia in quibus non est superabundantia neque defectus: in quibus autem hæc non sunt, sed solum medium, non contingit voluntatem peccare. Septima est, quia in substantiis corporalibus à contrarietate remotis scilicet in corporibus cælestibus, nullus defectus accidere potest, ergo & multo minus in substantiis separatis.

Quod in demonibus possit esse peccatum, & qualiter.

Cap. 109.



**Q**UOD autem in demonibus sit peccatum voluntatis, manifestum est ex autoritate sacre script. Dicitur enim 1. Ioan. 3. quod diabolus ab initio peccat. & Ioan. 8. de diabolo dicitur

quod est mendax, & pater est mēdaci: & quod homicida erat ab initio. Et Sapientia secundo dicitur, quod inuidia diaboli mors introiit in orbem terrarū. Si quis autem se qui vellet Platoniorū positiones, facilis esset via ad soluendū prædicta. Dicunt enim dæmones esse animalia corpore aërea: & sic cū habeat sibi corpora vnita, potest in eis esse etiam pars sensitua: unde & passiones quæ nobis sunt causa peccati, eis attribuunt, scilicet iram & odium, & alia huiusmodi propter qd dicit Apuleius, qd sunt animo passiuæ. propter hoc etiam quod vniti corporibus prohibentur secundum positionem Platonis. forte posset in eis aliud genus cognitionis poni quàm intellectus: nā secundum Platonem etiam anima sensitua incorruptibilis est: unde oportet quod habeat operationem cui non communice corpus: & sic nihil prohibet operationem sensitua animæ inueniri in substantia aliqua intellectuali, quamuis corpori non vnita: & per consequens passiones: & sic manet in eis eadē radix peccandi quæ est in nobis. Sed vtrunque præmissorum est impossibile. Quod enim non sint aliquæ aliæ substantiæ intellectuales vnitæ corporibus præter animas humanas, ostensum est supra. Quod autem operationes sensitua animæ nō possint esse sine corpore, hinc apparet quod corrupto aliquo organo sentiendi, corrumpitur operatio vna sensus: sicut corrupto oculo visio deficit: propter quod corrupto organo tactus, sine quo non potest esse animal, oportet quod animal moriatur.

Ad euidentiā autem præmissæ dubitationis considerandum est quod sicut est ordo in causis agentibus, ita etiā in causis finalibus: vt scilicet secundarius finis à principali dependeat, sicut secundarium agens à principali dependet, accidit autem peccatum in causis agentibus quando secundarium agens exit ab ordine principalis agentis: sicut cū tibia deficit propter suā curuitatem ab executione motus quem virtus appetitiua imperabat, sequitur claudicatio: sic igitur & in causis finalibus, cū finis secundarius non continetur sub ordine principalis finis, est peccatum voluntatis, cuius obiectum est bonum & finis: quælibet autem voluntas naturaliter vult illud quod est proprium volentis bonum scilicet ipsum esse perfectum, & non potest cōtrarium huius velle. in illo igitur volente nullo potest peccatū voluntatis accidere, cuius bonū est vltimus finis: quod non continetur sub alterius finis ordine, sed sub eius ordine omnes alij fines cōtinētur. huiusmodi autē volens est Deus: cuius esse est summa bonitas, quæ est vltimus finis. in Deo igitur peccatum voluntatis esse non potest: in quocunque autem alio volente cuius proprium bonum necesse est sub ordine alterius boni contineri, potest peccatum accidere voluntatis, si in sua natura cōsideretur. licet enim naturalis inclinatio voluntatis insit vnicuique volenti ad volendum & a mandum suipsius perfectionem, ita qd contrarium huius velle non possit, non tamen sic est ei inditum naturaliter, vt ita ordinet suam perfectionem in alium finem, qd ab eo deficere nō possit: cū finis superior non sit suæ naturæ proprius, sed superioris naturæ. relinquatur igitur suo arbitrio qd propriam perfectionem in superiore ordinet finem. in hoc enim differunt voluntatem habentia ab his quæ voluntate carent, qd habentia voluntatem ordinant se & sua in finem: unde & liberi arbitrij esse dicuntur. quæ autem voluntate carent, non ordinant se in finem, sed ordinantur à superiori agente quasi ab alio acta in finem, non autem à seipsis. potuit igitur in voluntate substantiæ separatæ esse peccatū ex hoc qd proprium bonum & perfectionem in vltimū finem non ordinauit, sed inhæsit proprio bono vt fini. Et quia ex fine necesse est vt regulæ actionis sumatur: necesse est vt ex se ipsa in quo finem constituit, alia regulariter disponderet, & vt eius voluntas ab alio superiori non regularetur: hoc autem soli Deo debetur. Et secundum hoc intelligendum est, qd appetit Dei æqualitatem, non quidem vt bonum suum esset diuino bono æquale. hoc enim in intellectu eius cadere non poterat, & hoc appetēdo appeteret se nō esse: cū distinctio specierum secundum diuersos gradus rerū proueniat

Idem 1. part.  
quest. 63. ar.  
1. & 2. Sent.  
dist. 5. quest.  
1. artic. 1.



ueniat, vt ex supradictis apparet. velle autē alios regula-  
re, & voluntatem suam à superiori non regulari, est velle  
præesse, & quodammodo non subiici; quod est peccatum  
superbiæ: vnde conuenienter dicitur, quod primum pec-  
catum demonis fuit superbia. Sed quia ex vno errore cir-  
ca principium varius & multiplex error consequitur: ideo  
ex prima ordinatione voluntatis quæ fuit in dæmone, con-  
secutum est multiplex peccatum in voluntate ipsius, & odij  
ipsius ad Deū vt resistentē suę superbię, & punientē iustif-  
icæ suam culpam, & inuidiæ ad hominem, & multa alia  
huiusmodi. Considerandum est etiam, quod cum proprium  
alicuius bonum habet ordinem ad plura superiora, libe-  
rum est volenti vt ab ordine alicuius superiorum recedat,  
& alterius ordinem non derelinquat, siue sit superior, siue  
sit inferior: sicut miles qui ordinatur sub rege, & sub duce  
exercitus, potest voluntatem suam ordinare in bonum du-  
cis, & non regis, aut econuerso, sed si dux ab ordine regis  
recedat, bona erit voluntas militis recedentis à voluntate  
ducis, & dirigentis voluntatem suam in regem, mala autem  
voluntas militis sequentis voluntatem ducis contra vo-  
luntatem regis. ordo enim inferioris principis dependet  
ab ordine superioris. substantiæ autem separatæ non so-  
lum ordinantur sub Deo, sed vna etiam earum ordinatur  
sub alia à prima vsque ad vltimam, vt in secundo ostensum  
est: & quia in quolibet volente sub Deo potest esse pecca-  
tum voluntatis, si in sua natura consideretur: possibile fuit  
quod aliqua de superioribus, aut etiam suprema inter  
omnes peccaret secundum voluntatem.

Et hoc quidem satis probabile est non enim in suo bo-  
no quieuisset, sicut in fine, nisi suum bonum valde perfectū  
esset. potuit igitur fieri, quod de inferioribus aliqua per  
propriam voluntatem bonum suum ordinarent in ipsam,  
recedentes à diuino ordine, quæ similiter peccauerunt:  
aliæ verò seruantes in motu suæ voluntatis diuinum ordi-  
nem, ab ordine peccantis, quamuis superioris secundum  
naturæ ordinem, recte recederent. Quomodo verò in bo-  
nitate vel malitia immobiliter vtrorumque voluntas per-  
seuerat, ostenditur in quarto \*. hoc enim pertinet ad pœ-  
nas vel præmia bonorum vel malorum. Hoc autem differt  
inter hominem & substantiam separatam, quod in vno  
homine sunt plures appetitus virtutes, quarum vna sub al-  
tera ordinatur: quod quidem in substantiis separatatis non  
cōtingit: vna tamen earum est sub altera: peccatum autem  
in voluntate contingit qualitercunque appetitus inferior  
deflectatur. Sicut igitur peccatum in substantiis separatatis  
esset vel per hoc, quod aliqua earum inferior deflecteret  
ab ordine alicuius superioris sub ordine diuino ma-  
nentis: ita in homine vno contingit peccatum dupliciter.  
Vno modo per hoc quod voluntas humana bonum pro-  
prium non ordinat in Deum: quod quidem peccatum est  
commune sibi & substantiæ separatæ. Alio modo per hoc  
quod bonum inferioris appetitus non regulatur secundum  
superiorem: puta quando delectabilia carnis, in quæ con-  
cupiscentia tendit, volumus non secundum ordinem rati-  
onis, huiusmodi autem peccatum non contingit in sub-  
stantiis separatatis esse.

## Super. Cap. 109.



**P**OSITIS obiectionibus quibus arguebatur in demoni-  
bus peccatum esse non posse, vult S. Thom. veritatem de-  
terminare: & ponit quatuor conclusiones. Prima est. In  
demonibus est peccatum voluntatis, id est secundum actum  
voluntatis. Primo probatur auctoritate primæ Ioan. 3. Ioan. 8. &  
Sap. 2. secundo probatur ratione. Et primo concluditur  
falsa Platoniceorum posito. Secundo ponitur vera ratio. Positio Platonice-  
orum est, quod demones sunt animalia æthera habentia partem sensitivā,  
& passiones quæ sunt nobis causa peccati, scilicet iram, odium, & similia.  
Vnde Apuleius inquit quod sunt animo passiva, possunt etiam fortasse ser-  
cundum positionem Platonis poni in substantia intellectuāli aliqua quæ  
uis non vnita corpori cognitio sensitiva, & per consequens passiones. Cum  
enim anima sensitiva secundum ipsum sit incorruptibilis, oportet quod  
habeat operationem cui non comunicet corpus, & sic maneat in eis eadē  
dem ratio peccandi, quæ est in nobis, scilicet passio. Sed vtrumque isto-  
rum est impossibile, inquit S. Thom. primum quidem, quia ostensum est fu-

præ non esse alias substantias intellectuāles vnitas corporibus præter ani-  
mas humanas. Secundum verò, scilicet quod operationes animæ sensitivæ  
possint esse sine corpore. hinc falsum esse constat, quod corrupto aliquo  
organo sentiendi corrumpitur operatio sensus: vt patet in visu & tactu.  
Pro vera ratione notat primò S. Thom. quod sicut in causis agentibus se-  
cundarius agens à principali dependet, ita & in causis finalibus secunda-  
rius finis à principali dependetiam habet: & quod sicut peccatum in cau-  
sis agentibus accidit quando secundarius agens exit ab ordine principali  
agentis, vt patet in claudicatione: ita peccatum voluntatis cuius obie-  
ctum est bonum & finis, est cum finis secundarius non continetur sub or-  
dine principali finis. Notat secundo, quod quilibet voluntas naturaliter  
vult illud quod est proprium volentis bonum, scilicet ipsum esse perfe-  
ctum, & non potest contrarium huius velle: ideo in illo volente cuius pro-  
prium bonum est vltimus finis, non contentus sub alio fine, sed sub cuius  
ordine omnes alij fines cōtinentur, nullum peccatum voluntatis accide-  
re potest. huiusmodi autem volens est solus Deus, cuius esse est summa bo-  
nitas, quæ est vltimus finis. In quocunque autem alio volente cuius pro-  
prium bonum necesse est sub ordine alterius boni contineri, potest pec-  
catum voluntatis accidere, si in sua natura consideretur, quia licet natu-  
ralis inclinatio voluntatis insit vnicuique volenti ad volendum & aman-  
dum sui ipsius perfectionem, non est tamen ei naturaliter inditum vt ita  
ordinet suam perfectionem in alium finem, quod ab eo deficeret non pos-  
set. cum finis superior non sit suæ naturæ proprius, sed superioris naturæ,  
sed hoc suo arbitrio relinquatur: quod sane patet ex differentia inter vo-  
luntatem habentiam, & ea quæ voluntate carent, quæ non sunt liberi ar-  
bitrij. Ex his infert sanctus Thomas, quod in voluntate substantiæ sepa-  
ratæ peccatum esse potuit ex hoc quod proprium bonum propriamque  
perfectionem in vltimum finem non ordinauit, sed in hæc proptio bo-  
no vt fini.

Ad euidentiam eorum quæ hic dicuntur, aduertendum primò, quod  
sicut alia est causalitas agentis, & alia causalitas finis, ita alia est depen-  
dentia vnius causæ agentis ab alia, & alia dependentia causæ finalis ab alio  
fine. Causalitas enim causæ agentis consistit in hoc quod est efficere: cau-  
salitas verò causæ finalis consistit in hoc quod est appeti tanquam id cuius  
gratia alia appetuntur & sunt ab agente ideo causam agentem secun-  
dariam dependere à causa principali nihil aliud est quam ipsam efficere  
coefficientem & mouente ipsam principali agente: ipsam verò deficere ab  
ordine principali agentis: nihil aliud est quam ipsam efficere aliquid  
non secundum quod principalis agentis motus & influentia in ipsam exi-  
git, sed secundum proprii defectus conditionem. Similiter ergo in cau-  
sis finalibus nihil aliud est secundarium finem à principali fine depende-  
re, quam ipsum appeti propter appetitum principalis finis, sicut medici-  
na appetitur propter appetitum sanitatis: & si hunc secundarium non con-  
tineri sub ordine principalis finis est ipsam appeti non propter appeti-  
tum & amorem principalis finis, sed propter se tantum. Ideo sicut pec-  
catum in agentibus naturalibus contingit, quando secundarius agens pro-  
ducit effectum, & non secundum influentiam & causalitatem principalis  
agentis, vt cum producantur monstra, ita in voluntariis peccatum acci-  
dit cum secundarius finis appetitur non propter appetitum principalis  
finis, sed propter seipsum, quia tunc quæ voluntas fertur in aliquem se-  
cundarium finem, non secundum quod exigit causalitas principalis finis  
quæ est vt propter ipsum amorem & appetitum omnis alius finis secun-  
darius appetatur, sed tantum secundum ipsum secundarium finem condi-  
tionem.

Ad verum tendimus secundò ex doctrina sancti Thomæ in q. 107.  
art. 7. quod sicut non accidit peccatum in natura quādo aliquid pro-  
ducitur secundum ordinem & inclinationem naturæ, ita etiam in volun-  
tatis non accidit peccatum quando voluntas vult id ad quod inclinatur  
naturaliter, & cuius oppositum velle non potest in quantum huiusmodi  
sed quia contingit ei quod voluntas naturaliter appetit, cōiunctum esse  
aliquid aliud quod non est naturaliter volitum, sed liberè: ideo in ap-  
petitu illius naturaliter voliti potest esse peccatum non quidem ratione  
sui absolute, sed ratione adiuncti, respectu cuius voluntas libera est, quia  
ergo vnicuique volenti est naturalis inclinatio voluntatis ad proprium  
bonum & sui ipsius naturalem perfectionem, ad ordinem autem proprii  
boni in vltimum finem, non est naturalis inclinatio voluntatis, ita quod  
ab appetitu sui boni secundum talem ordinem deficere non possit: ideo  
non est peccatum in appetitu propriæ perfectionis in quantum huiusmodi  
in his quorum proprium bonum sub bono proprio alterius cōtinetur  
tanquam secundarius finis sub principali, sed est peccatum si propria per-  
fectio appetatur non propter amorem alterius boni sub quo continetur  
sua perfectio, & sub quo ordine appeti debet pro illa scilicet mensura in  
qua ad hoc tenetur. Ideo optime infert S. Thom. quod in substantia intel-  
lectuali isto modo peccatum esse potuit, quod proprium bonum non ordi-  
nauerit in vltimum finem, sed illi in hæc se vt fini, id est, quod suam na-  
turalem perfectionem amauerit, non propter amorem vltimi finis qui est  
Deus, sed propter seipsum tantum, in ea videlicet vltimate complacendo,  
cum tamen deberet aliquod vltius bonum vltimate amare, & ad ipsum  
naturale suum bonum ordinare tanquam ad finem.

Ad tertium tendimus tertio cum Deus dupliciter conside-  
rari possit scilicet vt est principium naturæ, & vt est obiectum super-  
naturalis beatitudinis, peccatum angeli non fuit eo quod non ordinauerit  
bonum suum in Deum vt est naturalis boni principium, quia naturale est  
angelis suum bonum illo modo propter Deum amare: sed fuit eo quod suum  
bonum non ordinauit in Deum, vt est obiectum supernaturalis beatitu-  
dinis, suam scilicet perfectionem amando vltimate, nullo modo superna-  
turali beatitudine ad quem Deus ipsum ordinauerat considerata. Vnde in  
prima parte inquit S. Thom. quod peccauit, quia appetiit vt finem vltimum  
beatitudinis, id ad quod virtute suæ naturæ poterat peruenire, auertens  
suum appetitum à beatitudine supernaturali quæ est ex gratia Dei.

Ad verum tendimus quarto cum inquit S. Thom. in secundariis vo-  
lentibus peccatum esse posse si in sua natura considerentur, quod ideo  
addidit in sua natura considerentur, quia non in conuenientia substantiæ in-  
tellectuali fieri impeccabilem per gratiam, sicut beati omnes in tali sta-  
tu sunt in quo peccare non possunt, non quidem ex conditione naturæ,  
sed ex gratiæ dono.



CONSIDERANDVM vltius ex doct. S. Thom. 4. d. 26. q. 1. art. 2. quod naturale aliquid esse homini, dupliciter intelligi potest: vno modo, quia ex principis naturæ de necessitate causatur: alio modo, quia ad illud natura inclinat, sed mediante libero arbitrio completur: quia ergo non voluit omnino negare S. Thom. naturale esse volenti creato ordinare suam perfectionem in alium finem (est enim sibi naturale aliquo modo, in quantum ex ratione ad hoc inclinatur supposita reuelatione diuina de supernaturali fine) sed tantum quod hoc non est sibi naturale primo modo, ideo non absolute dixit non esse sibi inditum naturaliter, vt ordinem suam perfectionem in alium finem, sed addidit, ita q. ab eo deficere non possit, quasi diceret, illud quidem est sibi aliquo modo naturale in quantum ex ratione ad ipsum inclinationem aliquam habet, non tamen est sibi naturale tanquam ex principis naturæ de necessitate causatur.

CIRCA id quod dicitur in voluntate substantiæ separatæ peccatum esse potuisse ex hoc q. proprium bonum in vltimum finem non ordinauit, sed inhæsit proprio bono, vt fini, aduertendum est quod duplex Theologorum positio fuit de peccato demonis. quidam enim dixerunt quod peccatum eius in hoc fuit, q. appetiit vt finem vltimū, id ad quod virtute suæ naturæ poterat peruenire, id est, proprium bonum, & propriam perfectionem sibi naturaliter conuenientem, tanquam vltimum finem, & tanquam suam finalem beatitudinem amauit: & in ipsa delectatus est, non curans de supernaturali beatitudine per gratiā habenda: quæ in visione Dei per essentiam consistit. Alij vero dixerunt eum in hoc peccasse, q. illam beatitudinem quæ datur ex gratia, appetiit quidem vt vltimum finem, sed voluit ipsam habere non ex diuino auxilio, sed per virtutem suæ naturæ, intelligit non quidem positū, quasi hoc totum fuerit volitum ab eo, scilicet, beatitudo quæ datur ex gratia, & ipse modus habendi, scilicet, per propriam virtutem, sed negatiuē, in quantum, scilicet, voluit talem beatitudinem, & nihil considerauit de gratia & auxilio diuino, cum tamē eam appetendo deberet tanquam ex diuina habendam gratia appetere. huius opinionis videtur esse Anselmus, cū inquit, q. illud appetiit ad quod peruenisset si stetit. Licet autem S. Thom. hanc secundam opinionē videatur sequi in 2. Sent. dist. 3. q. 1. art. 2. & in q. de Malo, q. 16. art. 3. tamen hic & in prima parte, quæst. 63. art. 3. videtur magis primæ opinionis adhærere. In hoc enim videtur angelus similitudinem Dei appetiisse, vt sicut Deus seipso & suo naturali bono est beatus, ipseque sibi finis vltimus est, ita & ipse angelus ex modo appetendi voluit sibi ipse esse vltimus finis, & suo naturali bono esse beatus, tanquam suam naturalis perfectio summum bonum esset ad nullum aliud perfectius bonum ordinatum. In idem tamen istæ duæ positiones aliquo modo (vt inquit sanctus Thomas prima parte, loco præallegato) redeunt. secundum vtramque enim positionem appetiit finalem beatitudinem per suam virtutem habere. Si enim propriam & naturalem perfectionem, quæ est eius naturalis cognitio, aut quæcunque eius naturalis perfectio ex naturæ principis proueniens tanquam summum bonum & finalem beatitudinem amauit, constat quod finalem beatitudinem voluit per propriam virtutem habere: quia naturalis perfectio ex principis naturæ proueniens, ex propria virtute procedit. Si etiā beatitudinem quæ aliis datur ex gratia, voluit & appetiit habere non ab alio, constat quod implicite & interpretatiue voluit à seipso & per propriam virtutem finalem beatitudinem assequi.

SE D circa prædicta dubium occurrit. Si enim vt hic dicitur angelo nō est naturaliter inditum vt suam perfectionem ordinet ad alium finem, sed hoc suo arbitrio relinquatur, potestque ab hoc ordine deficere, sequitur quod angelus in primo instanti peccare potuerit. hoc autem pro falso & inconuenienti S. Thom. vbique habet, ergo & dictum illud verum esse nō potest. Quod autem istud sequatur, ostenditur sic: Angelo in primo instanti non erat naturaliter inditum vt suam perfectionem in alium finem ordinaret, sed poterat in tali ordinatione deficere, ergo poterat se diligere, & non propter Deum, sed omnis actus electiui in habente gratiam secundum doct. S. Thom. est meritorius, aut demeritorius, ergo ille actus fuisset aut meritorium aut peccatum: sed non fuisset meritorium, cum nullus actus sit meritorius nisi in Deum actus aut virtute tendat, ergo fuisset peccatum, & ita in primo instanti peccasset. Ad huius euidentiam considerandum est, quod cum gratia naturam secundum modum ipsius naturæ inclinet (omnis enim forma inclinat suum subiectum secundum modum ipsius subiecti, vt est de mentis S. Thom. 1. q. 62. art. 3. ad 2.) oportet secundum modum naturalitatis aut libertatis naturæ angelicæ ad ea quæ ad ordinem naturæ pertinent, esse ipsius inclinationem ad Deum ad quem gratia charitatisque inclinant. Secundum autem mentem S. Thom. 2. parte q. 63. art. 5. & 6. angelus absolute quidem potest in bonum & malum in primo tamen instanti sui esse naturaliter & determinatē mouetur in bonum, ita quod in malum moueri non potest. Similiter ergo gratia in qua angeli sunt creati, absolute quidem cum libertate quadam naturam angelicam inclinabat in Deum, sicut in vltimum finem, ita quod poterat angelus & diligere se propter Deum, & se non propter Deum diligere: in primo tamen instanti determinatē & necessariō in dilectionem Dei inclinabat, ita quod non poterat actum dilectionis circa se elicere quin se propter Deum diligeret. Ad dubium ergo negatur consequentia. Ad probationem autem dicitur quod ex falso fundamento procedit, quod scilicet angelus in primo instanti esset liber ad diligendum se propter Deum, & ad diligendum se non propter Deum. Ad authoritatem enim S. Thom. dicitur quod in arbitrio angeli esse vt se diligat in ordine ad Deum, & sine tali ordine, dupliciter potest intelligi, scilicet absolute siue aliquando & pro omni durationis mensura. Primo modo verum est, & ad illum sensum loquitur S. Thom. Nam oppositō modo inclinabatur voluntas angeli ad suum bonum naturale, & ad hunc ordinem ad Deum. In naturale enim bonum naturaliter inclinabatur, ita quod eius oppositum velle nullo tempore poterat. in hunc autem ordinem absolute loquendo liberē per gratiam inclinabatur, ita quod quandoque poterat diligere bonum suum sine ordine ad Deum, & ita de facto in secundo instanti euenit quod aliqui se sine tali ordine dilexerunt. Secundo vero modo falsum est, neque ad illum sensum loquitur S. Thom. Non enim in primo instanti suæ creationis angelus liber erat, vt in ipso posset diligere se propter Deum & non propter Deum, sed ad hoc ex gratia determinatus erat, vt diligendo se, diligeret propter Deum, non poteratque se & non propter Deum diligere.

CIRCA primum modum peccati angelorum quem sequitur hoc lo-

co S. Thom. dubium non dissimulandum occurrit. Si enim peccauerunt angeli, quia conuersi sunt in proprium bonum tanquam in vltimū finem, aut hoc fuit per actum amoris naturalis, aut per actum amoris electiui. Non quidem primum, quia (vt habetur prima parte q. 60. art. 3.) dilectio naturalis semper est recta. Non etiam secundum, quia inquit S. Thom. superius in hoc cap. q. inest vnicuique naturalis inclinatio voluntatis ad volendum & amandum sui ipsius perfectionem, ita q. contrarium huius velle non potest: ergo non apparet quomodo circa naturale bonum potuerunt angeli peccare. Respondetur fortē de mente S. Thom. in hoc cap. q. licet voluntas naturaliter feratur in proprium bonum volentis absolute sumptum, in ipsum tamē sub ratione vltimi finis fertur liberē & electiue, quia videlicet in potestate volentis est ordinare bonum naturale volentis in vltiorem finem, aut non ordinare, sed sistere in ipso tanquam in vltimo fine. Sed licet ita oporteat secundum mentem diui Thomæ respondere, non videtur tamen hæc responsio sequendo eius principia dubio satisfacere. Si enim ratio vltimi finis fuisset volita in bono naturali, ita quod voluntas amasset proprium & naturale bonum volentis, & in ipso amasset hanc conditionem quæ est vltimum finem esse, responsio vique sufficeret dubium euacuetur: sed quia tenet S. Thom. angelos non peccasse per electionem mali, sed tantum per amorem boni indebito modo ex parte electionis, volendo scilicet proprium bonum, & non ordinando illud in vltiorem finem in quem debeat ordinare, causamque huius deordinationis in considerationem talis ordinis fuisse tenet, vt patet cap. seq. ideo non videtur per illam responsionem dubium tolli. Arguitur enim sic: In instanti in quo peccauerunt angeli per conuersionem ad proprium bonum, aut peccauerunt per actum conuersionis merē naturalis in proprium bonum absque ordine ad vltiorem finem, aut per actum aliquo modo electiuium, aut per carentiam actus electiui quem debebant habere. Non primum, quia in actu merē naturali non potest esse peccatum. Non secundum, quia circa bonum naturale non potest esse actus voluntatis electiui, nisi illud voluntati proponatur cum aliqua conditione non naturali, cum bonum naturale velit naturaliter, & contrarium eius velle non possit, vt dictum est in instanti autem in quo angelus peccauit, non fuit positum voluntati bonum naturale cum hac conditione non naturali, scilicet cum ordine ad vltiorem finem, cum peccauit ex inconsideratione talis ordinis: ergo non fuit actus electiuius circa propriū bonum, non in quantum ordinabatur ad vltiorem finem. Non etiam tertium, quia tunc primum peccatum angeli fuisset peccatum omissionis, non autem peccatum superbiæ, vt tenet S. Thom.

AD euidentiam huius difficultatis considerandum est, q. dupliciter volitio potest dici electiua. Vno modo quantum ad exercitium actus, quia videlicet est in potestate voluntatis elicere illam vel non elicere. Alio modo quantum ad specificationem actus, quia, scilicet, si voluntas egrediatur ad operationem circa aliquod obiectum, potest illud acceptare vel respicere. Dicitur ergo primum, q. mota difficultas fundatur super falso fundamento, scilicet, q. voluntas sic naturaliter feratur in bonum naturale volentis, q. non sit libera quantum ad exercitium actus, sed ille actus semper ex necessitate concomitetur naturam, hoc enim falsum est. Nam licet voluntas sic naturaliter feratur in bonum naturale, q. eius oppositū velle non possit, vt hoc loco inquit S. Thom. est tamen in eius potestate elicere actum volendi circa ipsum vel non elicere, & continuare tale actum, vel ab ipso cessare. Dicitur secundum, quod responsio data bona est, & ad mentem S. Thom. licet enim voluntas angeli si habeat operationem circa eius bonū naturale, non possit illud non amare, potest tamen amare illud cum ordine ad aliud bonum, & sine tali ordine: vnde talis actus quo peccauit angelus, & fuit naturalis in quantum ferebatur in bonum naturale, & fuit electiuius in quantum ferri poterat in illud cum ordine ad vltiorem finem & sine tali ordine. Cum autem dicitur q. dilectio naturalis semper est recta, intelligendum est hoc de ea quæ merē naturalis est, non autem de illa quæ est partim naturalis, & partim libera, talis enim ea parte quæ est naturalis, semper est recta, sed ea parte quæ est libera, potest esse recta & non recta. Ad rationem autem contra hanc responsionem, dicitur quod peccauit per actum conuersionis in proprium bonum, non quidem merē naturalis nec merē electiui, sed partim naturalis, & partim electiui quantum ad specificationem actus, merē autem electiui quantum ad eius exercitium. Cum autem contra hoc arguitur, quia non potest esse actus electiuius circa bonum naturale, nisi illud proponatur voluntati cum aliqua conditione non naturali: dicitur primum quod hoc est falsum. Sufficit enim quod actus sit in potestate voluntatis quo ad exercitium, & quandoque elicitur, teneatur intellectus considerare de aliqua conditione non naturali & voluntas eligens teneatur cum illa conditione eligere. Vnde cum angelus in secundo instanti sui esse teneretur de ordine sui boni naturalis ad bonum supernaturale considerare, si actum conuersionis in seipsum volebat elicere, sicque teneretur se in ordine ad Deum, vt est obiectum beatitudinis supernaturalis, diligere, quia actus suæ dilectionis liberē absque tali ordine elicitur, peccauit. Nec tamen sequitur quod primum eius peccatum fuerit ommissio nisi concomitanter, in eo scilicet modo quo in omni peccato est alicuius circumstantiæ ommissio.

SE D circa hanc responsionem occurrit dubium. Tenet enim sanctus Thomas quod angelus semper seipsum actu intelligit, vt patet de Verit. q. 8. art. 6. ad septimum. Sed volitio sequitur cognitionem, ergo & semper seipsum diligit: ergo actus quo diligit se, nunquam est liber, sed semper concomitatur naturam, & est secundum naturæ inclinationem, sicut neque cognitio quæ seipsum cognoscit. Respondetur quod intelligitur dictum sancti Thomæ de cognitione speculatiua, non autem de cognitione practica qua iudicat se esse amandum & diligendum pro tunc, hanc autem cognitionem sequitur voluntas, non autem speculatiua, ideo non est contra responsionem. Vnde quod dicitur in q. de Malo, q. 16. artic. 2. ad sextum, quod voluntas angeli semper vult, sicut eius intellectus semper intelligit, non est intelligendum circa vnum determinatum obiectum, sed absolute, quia scilicet sicut angelus semper aliquid considerat, scilicet modum vnum, modo aliud considerando, ita semper aliquid vult, modo scilicet volendo vnum, modo aliud. Si quis autem velle tenere quod actus dilectionis quo angelus diligit se sit actus naturalis tam quo ad exercitium actus, quam quo ad eius specificationem, haberet primum dicere, quod in nullo instanti angelus qui peccauit habuit actum peccati explicitē & purē



& pure electum, sed semper in suo actu naturali perseveravit, cum semper eodem modo sibi suum bonum naturale fuerit presentatum. Haberet secundò dicere, quòd in secundo instanti in quo boni conuersi sunt ad Deum, suus actus fuit interpretatiue electus, in quantum poterat se diligere cum ordine ad Deum sicut & boni, & hoc tenebatur facere: quòd cum non fecerit, per electione interpretatiue peccauit. Haberet tertid dicere, quòd secundum instans in quo peccauit, non fuit aliquod instans suo actui intrinsecum, mensuras ipsum actum peccati, sed fuit instans extrinsecum mensuras, scilicet bonorum angelorum electionem, in quo & ipse debebat in Deum conuerti, nisi forte diceretur quòd licet non habuerit nouum actum dilectionis suorum naturalium in aliquo nouo instanti illi actui intrinsecum, habuit tamen nouum actum imperij, eo modo quo voluntati conuenit imperare, quo actu voluntas imperauit intellectui ut intente & exacte bona naturalia consideraret, ex qua intensa consideratione secuta est intensa dilectio naturalium, ex quo deinde secuta est inconsideratio ordinis ad Deum, quæ fuit causa peccati, ut videtur velle S. Thom. in cap. sequenti. Et sic dicitur peccasse in secundo instanti, mensuranti scilicet illud imperium voluntatis, quia in illo tenebatur cum suorum naturalium dilectione etiam diligere Deum ut obiectum beatitudinis supernaturalis.

Secunda conclusio est: Substantia intellectualis peccauit appetendo æqualitatem Dei. Probatur hac ratione: Substantia intellectualis voluit ut ex se ipsa alia regulariter disponeret, & ut eius voluntas ab alio superiori non regulareretur, ergo, &c. Probatur consequentia, quia illud soli Deo debetur. Antecedens verò probatur, quia ex fine necesse est, ut regulæ actionis sumantur, in se ipsa autem finem constituit. Declarat autem sanctus Thomas, quòd hoc non sic intelligitur quasi appetierit ut bonum suum esset diuino bono æquale, id quia hoc in intellectu eius cadere non poterat, tum quia appeteret non esse sequum distinctio specierum secundum diuersos gradus rerum proueniat, sed intelligitur modo tacto in ratione.

Ad euidentiam rationis considerandum est, quòd non sic est intelligendum antecedens quasi explicitè & tanquam rem appetitam voluerit angelus omnia alia regulariter disponere, & voluntatem suam à superiori non regulari, sed implicitè & interpretatiue ex modo appetendi illud voluit. Sicut si quis appeteret se posse episcopos instituere, nihil de auctoritate summi pontificis cogitans, diceremus quòd iste appeteret summum pontificatum, non quidem explicitè, sed implicitè & consequentiue ex modo appetendi, quia instituere episcopos non per alterius auctoritatem ad summum pontificem spectat.

SE D contra prædicta arguit Scotus secundo Sententiarum, distinctioe sexta, questione prima. Primò enim arguit quòd angelus potuit appetere æqualitatem Dei absolutam, & non tantum secundum quandam similitudinem. Primò, quia potuit se amare amore amicitie, & potuit sibi concupiscere omne bonum concupiscibile, cum voluntas secundum utrumque actum habeat totum ens pro obiecto, æqualitas autem Dei sit quoddam bonum concupiscibile secundum se: tum quia impossibilitas non obstat, cum voluntas possit esse impossibile, ut dicitur tertio Ethicorum, & damnati habeant odio Deum, & peccas possit velle Deum non esse, & velle illam eminentiam Dei esse in aliquo. Secundò, quia voluntas secundum Augustinum in libro 83, quæst. 30, potest uti fruendis, & frui vtendis. Secundò, ad rationes sancti Thomæ respondet. Ad primam quidem dicit primò quòd sufficit sola simplex apprehensio ad hoc quòd appetitus appetat illud apprehensum alteri, sicut intellectus apprehendens albedinem, & apprehendens coruum, potest velle albedinem corui. Dicitur secundò, quòd intellectus simplex potest apprehendere æqualitatem Dei sine errore. Ex his duobus sequitur falsum esse quòd assumit sanctus Thomas, scilicet quòd in intellectu substantie separate non potest cadere, quòd bonum suum sit æquale bono diuino. Ad secundum dicit primò, quòd voluntas potest velle consequenter se non esse, sicut peccas mortaliter vult aliquid in quo non vult se subesse Deo, & in hoc ex consequenti vult se non esse, quia non potest esse nisi subsit Deo. Dicit secundò quòd non oportet ut velit consequens si vult antecedens, quòd consequens non est de per se intellectu antecedentis, nunc autem consequens, scilicet angelum non esse, non est de intellectu antecedentis, scilicet eius quòd est ipsum fieri æqualem Deo, ideo ratio non sequitur.

PRO horum solutione considerandum est primò, quòd appetitus non fertur in aliquid nisi in quantum illud existimatur prosequendum aut fugiendum & conueniens aut disconueniens appetenti aut alteri quo appetens tanquam seipso vtitur, quum obiectum appetitus sit bonum, bonum autem habeat rationem perfectiui. ideo quantumcunque aliquid secundum suam naturam bonum sit, nisi existimetur conueniens appetenti, nunquam appetetur. Non existimatur autem aliquid conueniens alicui nisi existimetur esse eius perfectum: perfectio autem aliquid subiecti perficit in quantum illi dat esse. propterea ad hoc ut aliqua perfectio appetatur, necesse est ut existimetur ut potens sibi vniri aliquo modo secundum esse: ex quo sequitur ut quod quis existimat impossibile inesse sibi, non possit ab eo appeti & desiderari: & sic si æqualitas ad Deum existimatur, ab angelo tanquam impossibilis sibi inesse, non potest ab ipso appeti & desiderari. nunc autem ita est, quòd cum angelus antequam peccaret, naturalem cognitionem haberet integram & non corruptam, neque videlicet per passionem, quum in ipso non sit passio, neque per peccatum, non poterat in ipso esse falsa existimatio circa naturaliter cognita, ut impossibile tanquam possibile existimaret, & per consequens quum naturaliter cognosceret quòd esse suum esset ab aliquo superiori participatum vt potest suam naturam perfectè cognoscens, non poterat tanquam possibile existimare, quòd suum esse ipse esse subsistenti & à nullo superiori participatum, quale esse diuinum, æquaretur. idcirco huiusmodi æqualitatem absolutam appetere non potuit, & hoc est fundamentum primæ rationis. Nec valet distinctio Scoti loco præallegato, scilicet quòd quædam est volitio efficax, & quædam est volitio complacentiæ, & quòd licet volitio efficax non sit rei impossibilis, volitio tamen complacentiæ potest esse impossibilis, & in ea consistit meritum & demeritum. Constat enim falsissimum esse, quòd aliqua volitio, quæ est cum pleno consensu, possit esse rei absolute & per se impossibilis, quam scilicet esse omnino repugnat: cuiusmodi est creaturam æquare creatori, licet aliqua volitio possit esse eius, quòd est impossibile per accidens & vt nunc. Nullus enim (ut eius

ut ex exemplo) pleno consensu desiderat sanitatem, quam putat se assequi non posse pro nunc, nisi quia se esse sanum tãquam aliquod absolute possibile existimat, & putat sibi sanitatem conuenientem esse, & naturam humanam proportionatam, & velle eam sibi pro nunc esse possibilem. Considerandum secundò, quòd cum (ut hic dicitur) diuersitas specierum secundum diuersos gradus rerum proueniat, non potest aliquid ad gradum superioris naturæ peruenire, nisi speciem mutet, in aliamque speciem transmutetur, & definat esse talis speciei, sicut aer non potest ad gradum naturæ ignis peruenire, nisi in speciem ignis transmutetur, & definat esse aer: ideo non potest angelus ascendere ad diuinam naturam gradus, nisi proprium amittat esse, & quia naturale desiderium inest vnique ad conseruationem proprii esse, ac vnumquodque naturaliter refugit non esse, & angelus naturaliter cognoscit, quòd ascendendo ad æqualitatem Dei, posito quòd esset possibile, ipse esse defineret. ideo non potest esse quòd diuinam æqualitatem absolutam appetat. Quòd si, instetur quia licet vnumquodque naturaliter appetat esse, tamen per accidens & concomitanter aliquis ut miseriam fugiat, appetit non esse, sicut accidit in his qui se ex desperatione occidunt, & q. similiter angelus appetit se, non se per accidens & secundariò appetendo, scilicet diuinam æqualitatem quam sine sui destitutione assequi non potest. Respondetur primò ex doctrina sancti Thomæ in quæst. allegata de Malo, in responsione ad quintum oppositum, quòd aliter loquendum est de appetitu remotionis alicuius mali, & aliter de appetitu conseruationis alicuius boni. Cum enim aliquis vult à se aliquid remoueri, vtur se tanquam termino à quo, & quia terminus à quo non est necesse in motu saluari, ideo potest aliquis secundariò se appetere non esse, dum appetit catere miseris. cum autem aliquis vult aliquid bonum sibi, vtur se tanquam termino ad quem, & quia huiusmodi terminus necesse est saluari in motu, ideo non potest sibi appetere aliquid bonum, quòd videat sine sui destructione haberi non posse. constat autem quòd angelus appetendo diuinam bonitatem, appeteret sibi aliquid bonum, ideo non est simile de ipso, & de eo qui à miseria appetit liberari. Respondetur secundò, quòd non esse per accidens, etiam non appetitur nisi quia appetitur remotio alicuius mali: in appetitu autem æqualitatis diuinæ, patet quòd nulla appetitur remotio mali, sed appetitur sibi bonum, ideo consequentia nulla est.

Ad rationes Scoti in oppositum respondetur. Ad primam quidem negatur quòd angelus possit sibi concupiscere omne bonum, non enim potest sibi concupiscere bonum quòd absque sui destructione cõsequi non posset. Cum dicitur quòd actus concupiscentiæ & amicitie habent omne ens pro obiecto, negatur, non enim ad inanimata est amicitia, nec potest, ut dictum est, quispiam recta ratione manente ex parte obiecti appetiti sibi appetere bonum sui corruptiuum. Ad secundum dicitur, quòd etiam impossibilitas rei appetitæ huic appetitui angeli obstat. Nec valet quòd dicitur tertio Ethicorum, voluntatem esse impossibilem, quia vt dicitur q. de Malo, loco præallegato ad nonum, illa est quædam voluntas incompleta, qua aliquis illud quòd existimatur impossibile, velle si possibile esset: non autem est voluntas deliberationem sequens & completum iudicium quo iudicatur aliquid esse volendum in qua meritum & demeritum consistit: vnde ibidem Philosophus inquit quòd electio non est impossibile, sed voluntas. Est enim electio appetitus præcõsiliati, & (vt ibidem inquit Commentator) est eorum quæ in nobis sunt, id est, quæ nostro opere assequi possumus. si quis autem aliter electionis nomen accipit, ad Aristotelis mentem non loquitur. Non etiam obstat quòd damnati habent odio Deum, & vellent ipsum non esse, & similiter peccator. Hoc enim per accidens est, in quantum apprehendunt ipsum sub ratione inferentis poenam à qua vellent liberari: hoc autem prouenit ex perturbatione cognitionis in ipsis, quæ perturbatio in angelis ante peccatum esse non potuit. Præterea hic loquimur de appetitu per se, non autem de appetitu per accidens, quia dicentes angelum peccantem appetiisse æqualitatem diuinam absolutam, dicebant ipsum talem æqualitatem appetiisse per se. Non est etiam verum, quòd peccator possit appetere alteri creaturæ æqualitatem diuinam, nisi hoc sibi possibile appareat, quæ falsa existimatio in angelo ante peccatum non potuit inueniri. Ad tertium dicitur primò, quòd illud dictum intelligitur de voluntate sequente peruersum iudicium rationis, quòd, ut diximus, in angelo ante peccatum esse non potuit. Dicitur secundò, quòd si intelligatur esse de voluntate vniuersali, hoc habet veritatem quantum ad modum appetendi tantum, non autem quantum ad rem appetitam, in eo in quo non est perturbatio cognitionis: & sic conceditur quòd voluntas angeli fruebatur peccando vtendis, in quantum ordinando proprium bonum ad bonum diuinum, implicitè suum bonum tanquam summum bonum amabat, & tanquam vltimum finem, quòd est frui vtendis: ex hoc autem non sequitur quòd appetierit tanquam rem per se appetitam, absolutam æqualitatem diuinam.

NON valent præterea responsiones Scoti ad rationes sancti Thomæ. Nam prima quidem responsio duo falsa dicit. Vnum est, quòd sufficit simplex apprehensio ad hoc ut appetat illud apprehensum alteri. Constat enim ex superioribus hoc falsum esse, quia appetitus sequitur illam cognitionem qua iudicatur aliquid conueniens aut non conueniens appetenti, aut alteri cui aliquid appetitur. Vnde Philosophus tertio de Anima, textu. 46, probat quòd intellectus speculatiuus non mouet, quia nihil speculatur agibile, neque quicquam dicit de fugibili & prosequibili. Secundo etiam de anima, text. 154, ostendit quòd phantasia non mouet secundum quòd sanctus Thomas exponit, quia secundum ipsam nos habemus tanquam in pictura considerantes difficultia & conuenientia: non enim voluntas potest velle albedinem corui, nisi iudicet intellectus quòd bonum & conueniens est coruum esse album, & per consequens quòd illud possibile est esse, loquendo de perfecta & completa voluntate. Alterum est, quòd intellectus simplex potest apprehendere æqualitatem Dei absque errore. Constat enim hoc falsum esse, loquendo de apprehensione quam sequitur appetitus, de qua est sermo in proposito, non autem de cognitione qua apprehenditur absolute quid est æqualitas Dei. Nam enim æqualitas sit relatio quædam duorum adinuicem, non potest apprehendi æqualitas diuina tanquam appetenda, nisi apprehendatur tanquam aliquid mediū inter diuinam perfectionem, & perfectionem alterius, ut scilicet apprehendatur aliquid esse æquale Deo tanquam bonum & conueniens. hoc autem non fit simplici apprehensione, sed compositione intellectus, quòd heri



non potest absque errore si apprehendatur talis æqualitas inter Deum & creaturam. Secunda etiam responsio nulla est. Nam ut ex superioribus patet, non potest voluntas velle ex cōsequenti se non esse quantum ad rem appetitam, nisi sit error aut ignorantia ex parte intellectus: quod diximus non posse esse in angelo ante peccatum, cum naturaliter cognoscat se assequi diuinam æqualitatem non posse absque sui destructione. Tertia conclusio est. Conuenienter dicitur quod primum peccatum dæmonis fuit superbia, probatur, quia velle alios regulare, & voluntatem suam à superiori non regulari, est velle præesse & quodā modo non subiici, quod est peccatum superbiæ.

CIRCA hanc conclusionem & eius probationem dubium occurrit. Nam præesse & non subiici aut accipitur tanquam res volita, aut rāquam concomitans volitionem. Si accipitur primo modo, tunc velle præesse & non subiici, ad superbiam quidem pertinet inquantum est speciale peccatum. Sed hoc non fuit in primo peccato angeli, cum dicat S. Thom. 1. parte quæst. 63. art. 1. ad quartum, & declaratum est superius, quod peccatum angeli non fuit in hoc quod elegerit aliquid malum, sed tantum ex parte electionis inordinatæ. Si verò secundo modo accipitur, tunc velle præesse & non subiici, non constituunt specialem rationem peccati superbiæ: sed est conditio sequens omne peccatum, & sic non sequitur quod primum peccatum angeli fuerit superbia secundū speciem suam, vt conclusio ponit.

AD huius evidentiā considerandum est ex doctrina S. Thom. 2. 2. q. 161. & in quæst. de Ma. q. 8. quod proprium obiectum superbiæ est bonum magnum & excellens, aliquo modo improporcionatum appetenti, & propriam eius mensuram excedens: unde diffinitur superbia, quod est inordinatus appetitus excellentiæ, siue peruersa celsitudinis appetitus. Contingit autem in huiusmodi appetitu excellentiæ multipliciter mensuram excedere: ideo multæ sunt superbiæ species, quæ tamen omnes in hoc conueniunt, quod regula rationis & diuina ordinatio contemnuntur: unde non subdi regulæ & ordinationi diuinæ est effectus superbiæ, si consideretur in aliquo actu extra voluntatem, & omne peccatum concomitatur, omnis enim peccans inquantum huiusmodi, diuinum præceptum & diuinam regulam transgreditur, & sic non subditur diuinæ regulæ. Si autem consideretur ut est in affectu & actu volendi, inquantum scilicet quis vult non subdi diuinæ regulæ, sic est superbia. Sed aduertendum quod hoc dupliciter potest contingere. Vno modo ut illud se teneat explicite ex parte rei volitæ, quia scilicet vel est res principaliter volita, vel est eius modus expressè volitus, inquantum aliquis aut vult primò hanc existentiam quæ est nulli subiici, aut vult aliquod bonum, & vult illud habere non secundum mensuram à superiore traditam, sed secundum quod sibi bonum iudicat, ita quod & ipsum bonum est primò volitum, non subiectum autem in illo habendo est secundariò volita tanquam eius conditio & modus. Alio modo ut illud se teneat ex parte modi appetendi tantum, & non ex parte rei volitæ explicite, inquantum scilicet aliquis vult & amat aliquod bonum creatum in quo nulla est repugnantia secundum se ad rationem, sed in eo sibi complacet & delectatur non secundum ordinem diuinæ regulæ, talis enim ex modo appetendi vult non subiici Deo, licet non ex parte rei expressè volitæ, in quo cum nullum aliud peccatum interueniat, oportet illud peccatum superbiæ esse, ad quam superioris contemptus pertinet. Peccatum ergo superbiæ dæmonis fuit velle præesse, & non subiici secundo modo, non autem primo modo, ut ex superioribus patet. Secundum enim modum quem hic sequitur S. Thom. eius superbia in hoc fuit, quod proprio bono inhæsit, non ordinando illud ad aliud bonum sicut debebat ordinare secundum diuinam regulam qua tenetur quis ipsum Deum ut obiectum supernaturales beatitudinis super omnia amare, & ad ipsum ordinare omne aliud bonum: in qua quidem transgressione patet ipsum non voluisse subiici, quia superiorem ex modo appetendi non cognouit, fuisseque inordinatum amorem propriæ excellentiæ, quod ad superbiam pertinet. Secundum verò alium modum quem alibi sequitur S. Thom. eius superbia in hoc fuit, quod beatitudinem supernaturalem quæ in clara Dei visione consistit, desiderauit, non desiderando ipsam ex diuina gratia assequi, cum tamen deberet ipsam tanquam ex gratia Dei habendam desiderare: in quo etiam constat ipsum ex modo appetendi voluisse non subiici Deo quantum ad beatitudinis affectionem ex gratia, ubi est inordinatus appetitus boni spiritualis & excellentiæ.

ADVERTENDVM autem non dixisse S. Thom. simpliciter, quod velle alios regulare, & ab alio voluntatem eius non regulari, sit velle præesse & non subiici, sed addidisse quodammodo, quia videlicet non appetit angelus nullo modo subiici Deo: hoc enim appetere non potuit, ut dicitur in prima parte, & aliis locis præallegatis, nam appetiisset se non esse, cum nulla creatura esse possit, nisi per hoc quod sub Deo esse participat. appetit tamen secundum aliquem modum aliis præesse creaturis, & non subiici Deo, quantum scilicet ad hoc quod alia regularer, & eius voluntas in volendo à nullo alio regulareretur. suæ enim naturæ dignitatem considerans, & in ea sese oblectans, ex modo appetendi voluit à se bonitatem & beatitudinem in alios deriuari, esseque regulam & legem agendorum ab aliis. Istis suppositis ad dubium dicitur, quod neutro aliorum modorum propriè loquendo accipitur velle non subiici, ut ex dictis patet, sed accipitur tanquam inclusum in modo appetendi, & tanquam interpretatiue volitum, ex eo quod in libertate angeli erat velle spirituale bonum cum attentione ad diuinam regulam, & sine attentione ad illam, velle autem non subiici diuinæ regulæ, etiam hoc modo ad superbiam pertinet. Nam differt superbia ab aliis peccatis, ut dicitur secunda conclusio quæst. 162. art. 6. & 7. quia in aliis peccatis auersio à Deo est cōsequens: ad superbiam autem cuius actus est Dei contemptus, per se pertinet. Hoc autem non sic intelligendum est quasi in omni superbiæ actu, non subiici diuinæ regulæ, sit res explicite volita, sed quia de ratione superbiæ est ut ab aliis peccatis distinguitur, diuinæ regulæ nolle subiici, aut inquam ex parte rei explicite appetitur aut ex modo appetendi. Cum enim actus superbiæ sit actus appetitus in magnum & excellens bonum tendentis, non potest esse in ipso actu superbiæ alia ratio peccati, nisi quia tale bonum appetitur non secundum mensuram & regulam diuinam, & ita ex eo quod est non subiici diuinæ regulæ secundum quod est in affectu, tanquam scilicet aut expressè aut interpretatiue volitum, propria superbiæ ratio constituitur. In aliis autem peccatis non est auersio quantum ad effectum se-

cundum se, non enim qui vult furari, habet in affectu suo hoc quod est non subiici Deo, tanquam formale constitutum suæ rationis, sed hoc quod est accipere aliena inuito Domino. Sed talis auersio ex parte effectus omne peccatum concomitatur. Nam quodcumque peccatum quis committat, aueritur à Deo, dum diuinum præceptum, diuinamque regulam transgreditur.

ADVERTENDVM autem quod aliter loquendum est de hoc quod est velle non subiici diuinæ regulæ, secundum quod se tenet ex parte rei volitæ, & aliter secundum quod se tenet ex parte modi volendi tantum. Secundum enim quod se tenet ex parte rei volitæ, necesse est quod sub actuali consideratione cadat, cum enim voluntas non feratur in incognitum, si quis vult rem aliquam & aliquam eius conditionem per se, necesse est ut & rem & modum volitum cognoscat. Secundum autem quod ex parte modi volendi se tenet, non est necesse ut sub actuali consideratione cadat, sufficit enim ut quis teneatur de regula superioris & eius subiectione, pro tunc consideratione, & non consideret, & hoc modo euenit dæmoni. Considerans enim proprium bonum, perfectionem scilicet suæ naturæ & cognitionis naturalis, & illud libero à se modo supra expositio amans, tenebatur de ordine ipsius ad Deum tanquam ad summum bonum & vltimum finem considerare, suumque bonum ordinare in illum: quod quia non fecit, per superbiam peccauit, est enim ibi contemptus diuinæ regulæ interpretatiue. Similiter si beatitudinem supernaturalem appetit, tenebatur de diuina gratia considerare, & eam tanquam ex diuina gratia habendam appetere: quod quia non fecit, superbiendo peccauit. Ex his patet vnam esse opin. Scoti 2. Sent. dist. 6. q. vltima, tenentis quod peccatum dæmonis non fuit superbia propriè dicta, sed magis ad luxuriam reducitur, quia fuit immoderata complacentia sui, quæ propter delectationem quam importat, ad luxuriam pertinet. Constat enim ex dictis quod propria superbiæ fuerit, cum fuerit immoderatus appetitus excellentiæ, nec obstat quod fuerit immoderata complacentia sui, & habeat delectationem adiunctam, quia delectatio immoderata appetitui propriæ excellentiæ coniuncta & sui complacentia non habet rationem superbiæ tollere. Sicut enim magnum & excellens bonum accipitur tanquam conueniens, & ex hoc habet rationem delectabilis, ita in appetitu ipsius prima deordinatio & deformitas est, quod tale bonum excellens inordinatè appetitur: & secundariò est immoderata complacentia sui tanquam delectabilis. Et præterea ad luxuriam propriè dictam non pertinet omnis delectatio, sed inordinata delectatio circa sensibilia tactus, qualia sunt venerea. Quarta conclusio est: Ex prima inordinatione voluntatis quæ fuit in dæmone, consecutum est multiplex peccatum in voluntate ipsius, scilicet odij ad Deum, ut resistentem suæ superbiæ, & punientem iustissimè suam culpam: & inuidiæ ad hominem, & alia huiusmodi, scilicet quæ ex superbia & inuidia oriuntur, declaratur, quia ex vno errore circa principium varius & multiplex error consequitur.

ADVERTENDVM ex doctrina S. Thom. in plerisque locis, præsertim 4. Sent. dist. 48. q. 1. art. 3. ad 2. & 50. q. 2. art. 1. q. 5. & 22. q. 34. art. 1. quod Deus secundum se, quum sit ipsa bonitas, haberi odio non potest, sed secundum effectus qui inordinatæ voluntati contrariatur, potest haberi odio, ideo explicans odium dæmonum ad Deum addidit, ut resistentem suæ superbiæ & punientem iustissimè suam culpam.

Quantum ad secundum ponitur modus & ordo peccandi & non peccandi angelorum. Et præponuntur duæ conclusiones. Prima est, possibile est quod aliqua de superioribus substantiis aut etiam suprema peccaret, probatur, quia in quolibet volente sub Deo, voluntatis peccatum esse potest si in sua natura consideretur. Secunda est: valde probabile est quod suprema inter omnes peccauerit, probatur, quia non quiescisset in suo bono sicut in fine, nisi suum bonum valde perfectum esset. Ex his inferit S. Thom. potuisse fieri quod de inferioribus aliquæ propria voluntate bonum suum ordinarent in suprema recedentes à diuino ordine, quæ similiter peccauerunt: alie verò seruantes in motu suæ voluntatis diuinum ordinem, ab ordine superioris peccantis rectè recederent, declaratur, quia substantiæ intellectuales non solum ordinantur sub Deo, sed etiam vna earum à prima usque ad vltimam ordinatur sub altera, quod autem proprium bonum alicuius habeat ordinem ad plura superiora, liberum est volenti ab eius suis illorum ordine recedere & non recedere, ut patet in milite qui sub rege & sub duce exercitus ordinatur, & bona est voluntas militis dirigentis voluntatem suam in regem, & à voluntate ducis recedens si dux ab ordine regis recedat: contrario autem est mala si voluntatè ducis contra voluntatè regis sequatur. Addit autem S. Thom. quomodo in bonitate & malitia vtriusque voluntas perseveret, ostenditur in 4. libro.

CIRCA secundam conclusionem attendendum ex doctrina sancti Thom. 1. parte q. 63. art. 7. & secundo Sententiarum, dist. 6. artic. 1. quod duplex opinio Theologorum de angelo peccante fuit. Damascenus enim Platonicoz opinionem sequutus, tenet quod maior angelorum peccantium fuit terrestri ordini prælatus. Gregorius verò in homilia de centum ouibus, tenet quod superior fuit inter omnes: ideo sanctus Thomas non loquitur assertiue in hac re, sed opinionem Gregorij probabilem putat ratione assignata.

SED contra istam rationem instari posset, quia aut inferiores substantiæ quiescerant etiam ipsæ in bono suo sicut in fine, aut bonum suum ordinauerunt ad supremam sicut ad finem. Si detur primum, constat quod bonum suum non est ita perfectum sicut bonum supremæ, & tamen quiescerunt in ipso sicut in fine: ergo excessus bonitatis supremæ substantiæ supra bonitatem aliarum non est sufficiens ratio quare in seipsa sicut in fine quiesceret, & per consequens ratio conclusionis est nulla. Si detur secundum, sequitur quod non similiter peccato superbiæ peccauerunt inferiores substantiæ ex inordinato appetitu propriæ excellentiæ sicut supremæ, in hoc enim nullam excellentiā appetiissent, ut pote supponentes se inferiori, & à superiori, scilicet à Deo recedentes. hoc autem est contra S. Thom. tenentem quod omnes peccato superbiæ peccauerunt, ergo, &c.

AD euidentiam huius dubij considerandum est ex doctrina sancti Thomæ locis præallegatis, quod inferiores angeli peccantes, in aliquo cum suprema peccante conueniunt, & in aliquo ab ipsa fuerunt differentes. Conueniunt enim primò in hoc quod suam vltimam beatitudinem virtute propriæ naturæ consequi voluerunt, non autem ex diuina gratia sicut voluit & suprema. Conueniunt secundo, quod sicut suprema voluit ut omnes



omnes inferiores beatitudinem quam ipsa propria virtute volebat assequi, per eius gratiam obtinerent, ita etiam inferiores volebant in alios inferiores ipsam beatitudinem transfundere. Conueniunt tertiò, quod si cur suprema non sic volebat virtute naturæ beatitudinem assequi, & in alios transfundere quasi prima simpliciter causa & à Deo nullam dependentiam habens, sed tanquam sub Deo in naturam operante existens, & ab ipso naturalem virtutem habens, non indigens tamen ad beatitudinis assequutionem diuina supra naturæ virtutem, ita & in inferioribus fuit. Differunt autem primò, quia peccatum primi angeli ordine naturæ & causalitatis peccatum aliorum præcessit, in quantum suam affectionem inferioribus manifestans fuit illis exemplum & occasio peccati. Differunt secundò, quia suprema cum ordine naturæ & perfectionis immediatè sub Deo esset, & omnibus aliis emineret: voluit quidem sine gratia diuina beatitudinem consequi, sed tamen voluit sub Deo esse tanquam sub superiore virtutem sibi naturalem dante quæ beatus esset: inferiores autem non solum sub Deo, sed etiam sub ipsa superiori substantia peccante esse voluerunt, tanquam sub prima quæ sua naturali virtute beata esset, & cuius beatitudo esset beatitudinis aliorum exemplar, sicut & natura eorum erat illius naturæ inferior, & ideo elegerunt subesse ipsi supremæ substantiæ in hoc quod ipsum haberent principem ad assequendam beatitudinem ab ipsa gratia virtute duntaxat naturæ.

ADVERTENDVM autem quod sicut suprema substantia non appetit beatitudinem assequi virtute naturæ, tanquam modus assequutionis esset expressè volutus, neque appetit expressè alij præesse, & beatitudinem in alios transfundere, sed tantum ex modo appetendi & implicitè, ita inferiores non elegerunt expressè subesse supremæ & eam habere principem ad assequendam beatitudinem virtute naturæ, & non ex gratia diuina, sed tantum ex modo appetendi. Ex eo enim quod exemplo supremæ substantiæ tanquam ipsius superioris secundum naturam, motus sunt ad hanc volitionem sic deformatam, & eam sunt imitatur, sequitur quod ipsam supremam substantiam tanquam principem in peccando habere voluerunt, & consequenter illi voluerunt subesse: sicut si miles videns ducem suum furari, exemplo eius ad furandum moueretur, ipsum tanquam superiorem suum imitari volens, diceretur quod veller ducem suum principem esse non solum in militia, sed etiam in furto.

SED occurrit vnum dubium. Si inferiores angeli appetierunt beatitudinem non ex gratia diuina, sed virtute duntaxat naturæ assequi sicut & supremus, sequitur quod diuinam æqualitatem appetierunt. Nam angelum in hoc diuinam æqualitatem appetiisse S. Thom. ostendit: quod voluit per virtutem propriæ naturæ beatitudinem vltimam habere. Huius autem oppositum videtur dicere S. Thom. secundo Sententiarum, dist. 6. art. 1. vbi ait quod non est probabile creatoris æqualitatem aliquo modo illi spiritum appetiisse, qui etiam alteri creaturæ subiectus erat. Respondetur quod vtrique omnes diuinam æqualitatem secundò similitudinem aliquo modo appetierunt, & in hoc eorum fuit superbia. Quod autem dicitur secundo Sententiarum dupliciter possumus interpretari, sequendo illam opinionem quod beatitudinem supernaturalem inordinatè appetierint: quam opinionem tenet S. Thom. ibidem in secundo Sententiarum. Primò, quod intelligitur inferiorum spiritum non appetiisse ex se & primo diuinam æqualitatem ex consideratione propriæ pulchritudinis & dignitatis, sed tantum ad nobilissimam creaturam occasione illam appetendi accepisse: prima autem substantia intellectualis ex se primò talem æqualitatem appetit, dum suæ naturæ dignitatem considerans, beatitudinem illam quæ in visionem Dei per essentiam consistit, suæ naturæ conuenientem, vt erat, existimauit, eamque obtinere voluit, nihil de diuina considerans gratia. Secundo potest intelligi quod illam diuinam æqualitatem non appetiit, quam dicitur primum angelum appetiisse, vt scilicet toti multitudini angelorum præficeret, & in omnes beatitudinem transfunderet. ex consideratione enim propriæ naturæ, cum non esset omnibus naturæ ordine superior, non videbatur ex modo appetendi hoc appetere, sed tantum quod eam in inferiores aliquo modo transfunderet.

ISTIS præmissis ad dubium principale primò dici potest, quod inferiores peccantes quieuerunt in proprio bono, sicut in fine vltimo, quem admodum & suprema quæ peccauit: nec propter hoc tollitur ratio hic posita, quia non intendit ex hoc quod absolute prima substantia peccans in suo bono quieuit, arguere S. Thom. ipsam aliis digniorum fuisse, vt obiectio supponit, sed ex hoc quod primò & nullius alterius exemplo & occasione mota in suo bono quieuit tanquam in vltimo fine. Vnde & quod hic videtur dicere S. Thom. quod inferiores ordinauerunt bonum suum in primam substantiam peccantem, non est intelligendum tãquam ad vltimum finem, sed tanquam in exemplum & occasionem peccandi, in quantum peccando non sunt secutæ diuinam regulam, sed appetierunt sibi beatitudinem conformiter ad appetitum primæ substantiæ peccantis, amantes scilicet proprium bonum tanquam vltimum finem: quem admodum & suprema quæ peccauit: non autem ordines bonum suum in beatitudinem ex gratia obtinendam, vt lege diuina ordinatum erat. Potest secundò dici, quod supremus angelus peccauit eo quod non ordinauit proprium bonum, & propriam perfectionem in Deum tãquam in obiectum supernaturalem beatitudinis, sed in proprio bono tanquam in fine vltimo quieuit: inferiores verò peccauerunt eodem modo, scilicet quia non ordinauerunt proprium bonum in supernaturalem beatitudinem & in Deum, vt est supernaturalis beatitudinis obiectum, non tamen quieuerunt in proprio bono tanquam in fine vltimo, sed ordinauerunt bonum suum in superiorem angelum peccantem tanquam in finem. Sicut enim est mala voluntas militis non ordinata in bonum regis sicut in finem, sed in bonum ducis exercitus contra voluntatem regis, puta si quærat ducem exercitus diuitem se suis operibus facere in præiudiciū victoriæ quam rex intendat: ita peccatum in inferioribus angelis fuit, quod bonum suum amauerunt propter bonum primi angeli peccantis, scilicet in quantum est alio modo exemplatum ab ipso angelo seipsum tanquam vltimum finem amante, & ipsum primum angelum amauerunt propter se, non autem propter Deum, eius pulchritudinem & excellentiam contemplan- tes, sicut & ipse seipsum tanquam vltimum finem amauit, cum tamen ipsum deberent propter Deum tanquam propter vltimum finem amare, & hoc videtur velle verba S. Thom. cum inquit, quod potuit fieri quod de inferioribus aliqua per propriam voluntatem bonum suum ordinarent, in

ipso recedentes à diuino ordine. Cum autem contra hoc instatur, quia tunc non peccasset peccato superbiæ, negatur. Dicitur enim quod hanc excellentiam inordinatè appetierunt, vt beatitudinem vltimam virtutis suæ naturæ consequerentur, non indigerentque diuina gratia ad eam adipiscendam, quam excellentiam sub diuino ordine existentes non consequerentur. dum enim proprium bonum in primam substantiam vltimatè tanquam in vltimum finem referunt, quiescendo scilicet in illius amore, & nullum vltius bonum supernaturale desiderantes, sequitur quod beatitudinem vltimam virtutis suæ assequi volunt, cum in amorem & cognitionem illius primæ substantiæ peccantis naturali virtute ferantur.

QVANTVM ad tertium facit S. Thom. comparisonem substantiæ separatæ ad hominem in peccando. Conueniunt enim, inquit in hoc, quod tam in homine quàm in substantia separatæ contingit peccatum ex hoc quod voluntas proprium bonum non ordinat in Deum: differunt autem, quia cum in vno homine sint plures appetitus virtutes, quarum vna sub altera ordinatur, non autem in substantia vna separatæ, & peccatum in voluntate contingat: qualitercunque appetitus inferior defleatur, contingit esse peccatum in homine, etiam per hoc quod bonum inferioris appetitus non regulatur secundum superiorem appetitum. Hoc autem modo peccatum in substantiis separatatis esse non potest.

ADVERTENDVM ex doctrina S. Thom. in quæst. de Malo quæst. 16. artic. 2. quod cum appetitus nihil aliud sit quàm inclinatio quædam in appetibile, & inclinatio consequatur aliquam formam, sicut appetitus naturalis consequitur formam naturalem, ita appetitus sensitivus aut intellectus sequitur formam apprehensam: ideo vbi est apprehensio tam sensitiua quàm intellectiua, sicut est in homine, est etiam appetitus tam sensitivus quàm intellectivus: vbi autem est tantum apprehensio intellectiua, sicut est in substantiis separatatis, ibi est tantum appetitus intellectivus: & quia non potest malum accidere in appetitu ex hoc quod discordet ab apprehensione quam sequitur, sed ex hoc quod discordat ab aliqua superiori regula, cum apprehensio sensitiua habeat pro regula rationem, & cognitio rationis habeat pro regula diuinam sapientiam, contingit in hominis appetitu esse peccatum. & quia sensitiua apprehensio quam sequitur appetitus, non regulatur ratione, & quia ratio humana non regulatur diuina lege & sapientia. In substantiis autem separatatis peccatum esse potest per hoc duntaxat, quia intellectualis eorum cognitio diuinam sapientiam & lege non regulatur. Ordo ergo qui hic ponitur inter potentias appetituum, ipsis conuenit ratione apprehensionum quas consequuntur, quia cum regulate pertineat ad cognitionem, non habet superior appetitus mouere inferiorem per modum regulantis & dirigentis, nisi quia cognitio superioris ordinis eam quæ est ordinis inferioris habet dirigere.

#### Solutio rationum præmissarum.

Cap. 110.



IC ergo hæc quæ obiecta sunt, non difficile est soluere. Non enim cogimur dicere quod error fuit in intellectu substantiæ separatæ iudicando aliquid bonum quod bonum non sit: sed non considerando bonum superius ad quod primum bonum referendum erat: cuius quidem considerationis ratio potuit esse voluntas in proprium bonum intensè conuersa. est enim liberū voluntati in hoc vel in illud magis vel minus conuerti. Patet etiam quod non appetiit aliquid bonum, nisi vnum quod est sibi proprium: sed in hoc fuit peccatum, quod prætermisit superius bonum in quod debuit ordinari. sicut enim in nobis peccatum est ex hoc quod bona inferiora, scilicet corporis, appetimus absque ordine rationis: ita in diabolo peccatum fuit in hoc quod proprium bonum non retulit ad diuinum bonum.

Patet etiam quod medium virtutis etiam prætermisit, in quantum se superiori non subdidit: & sic plus dedit sibi quàm debuit: Deo autem minus quàm ei deberetur: cui omnia debet esse subiecta vt primæ regulæ ordinanti. Manifestum est igitur quod in peccato illo non est prætermisum mediū per superabundantiā passionis: sed solum per inæqualitatem iustitiæ quæ est circa operationes. In substantiis enim separatatis operationes esse possunt, passionibus verò nequaquam. Nec etiam oportet quod in superioribus corporibus nullus potest esse defectus, quod propter hoc in substantiis separatatis peccatum esse non possit. corpora enim & quæ ratione carent aguntur tantum, & non agunt seipsa, non enim sui actus dominium habent: vnde non possunt exire à regula primi ipsa agentis & mouentis, nisi per hoc quod rectitudinem primæ regulæ sufficienter recipere non possunt: quod quidem contingit ex indispositione materiæ, & propter hoc superiora corpora in quibus indispositio materiæ locum non habet, nūquam à rectitudine primæ regulæ deficere possunt. Substantiæ verò rationales siue intellectuales non tantum aguntur, sed



etiam agunt sed ad proprios actus: quod quidem tanto magis inuenitur in eis, quanto perfectior est ipsarum natura. quorum enim natura est perfectior, est & perfectio eorum virtus in agendo: unde naturæ perfectio non impedit quin peccatum in eis accidere possit modo prædicto, ex hoc scilicet quod seipsum inhaerent, ordinem superioris agentis non attendentes.

Super Cap. 110.

**A**d rationes superius adductas quibus arguebatur substantiam spirituales peccare non posse, responder S. Thom. Ad primas quidem quatuor quæ procedebat ex hoc, quod nullum peccatum voluntatis potest esse absque errore, in intellectu autem substantiarum separatarum non potuit error peccatum præcedere, respondet, quod non cogimur dicere errorem fuisse in intellectu substantiæ separatae, iudicando aliquod bonum quod non sit bonum, sed tantum non considerando bonum superius ad quod proprium bonum referendum erat, cuius considerationis ratio esse potuit voluntas liberè in proprium bonum intensè conuersa.

Ad euidentiā huius responsionis considerandum primò, quod non potest esse peccatum in voluntate nisi sit aliquo modo defectus in ratione, quia voluntas non exit in actum, nisi mediante apprehensione intellectus: sed iste defectus potest contingere dupliciter. Vno modo per falsum iudicium intellectus, puta dum iudicat aliquod bonum esse quod non est bonum. Alio modo per hoc, quod intellectus non considerat id quod tenetur considerare, dum voluntas ad electionem exit. Quia ergo substantia separata volens & desiderans finalem beatitudinem quæ in visione Dei consistit, debebat desiderare ex gratia diuina se illam obtenturam, & amas bonum proprium debebat illud in Deum ultimè referre: ideo dum appetiit beatitudinem non considerando de gratia diuina qua illam obtineret, & dum propriū bonum amauit, non considerando de ordine ipsius ad diuinum bonum, fuit defectus in ipsius intellectu, qui consideratio dicitur. propter hoc inquit S. Thom. quod non fuit error in intellectu substantiæ separatae iudicando bonum id quod non erat bonum, sed non considerando bonum superius.

CONSIDERANDVM secundò ex doctrina S. Thom. in q. de Malo, q. 1. art. 3. quod in omnibus quorum vnum oportet esse alterius mēsuram, malum quidem est non regulari & non mensurari sua regula: verū tamen non attendere actū ad regulam & mensuram, secundum se malum non est, quia non potest anima nec tenetur semper actū ad regulam attendere: sed malum est in hoc, quod quis non attendens ad regulā operis, ad opus procedit, sicut artifex non peccat ex eo quod non semper tenet mensuram, sed ex hoc quod tenens mensuram procedit ad incidendum. Simili modo non fuit peccatum in angelo secundum se, eo quod de diuina regula non considerauerit, sed ex eo quod ad diuinam regulam non attendens ad electionem aut naturalis aut supernaturalis boni processit: ideo quod inquit S. Thom. fuisse errorem in intellectu substantiæ separatae in considerando superius bonum, non sic intelligendum est quasi ipsa inconsideratio fuerit primum peccatum, sed quia peccauit appetendo bonum non attendens ad diuinam regulam secundum quam ipsa appetitio erat regulanda.

CONSIDERANDVM tertio, quod licet in eligendo teneatur substantia intellectualis vti regula diuina tanquam propriæ electionis mensura, non tamen requiritur quod semper actū ad regulam attendat, dum ad electionem procedit, sed sufficit ut virtute vtatur diuina regula, ut dicitur de Virt. q. 2. art. 11. dum scilicet aliquando ordinat omnia sua in Deū, & postmodum contraria intentio non interuenit. virtus enim primi propositi in omnibus sequentibus manet. Sed licet hoc in posterioribus actibus verum sit, inquantum scilicet virtus primi actus saluatur in ipsis, in primo tamen actū voluntatis electiuo hoc saluari non potest, cum ipsum nullus alius electiuus actus præcedat, cuius virtus in ipso saluatur. ideo oportet ut ipsa substantia volens in primo actū suo purè & merè electiuo ad diuinam regulam actū attendat: quod si non facit, peccat. Ratio ergo quare in primo actū purè ac merè electiuo substantia intellectualis peccauit, est quia habuit electionem non considerando de diuina regula ad quam eligendo tenebatur actū attendere: & sic ponitur inconsiderationem fuisse peccati angelici qualiter & conditionem.

CONSIDERANDVM vltimò, quod huiusmodi quod est non vti regula, non oportet aliam quidem causam primam & radicalem quærere præter voluntatis libertatem, ut dicitur loco præallegato: sed tamen aliqua causam proximam à libertate voluntatis prouenientem possumus assignare, quia enim intellectus creatus non potest plura simul intelligere inquantum huiusmodi, dum ad considerationem vnus intensè conuertitur, necesse est ut à consideratione alterius retrahatur, & eodè modo dicendum est de voluntate, quod scilicet dum in amorem vnus intensè conuertitur, non potest aliud diuersum ut sic, amare: & ita possumus dicere quod libertas voluntatis qua quis vult vnum intensè considerare, est prima causa inconsiderationis alterius, proxima autem causa est intensæ vnus consideratio. Propter hoc volens S. Thom. vtamque causam inconsiderationis diuinæ regulæ substantiæ separata assignare, inquit & quod ratio illius inconsiderationis potuit esse voluntas in proprium bonum intensè conuersa, subintelligit & intensæ consideratio proprii boni, & quod liberum est voluntati in hoc vti illud magis aut minus conuertere.

SED tunc occurrit dubium, Si enim ratio illius considerationis fuit voluntas in proprium bonum intensè conuersa, quia voluntas intellectus non possunt simul in diuersa ferri, sequitur quod illa opinio quæ ponit angelum peccasse eo quod supernaturalem beatitudinem appetierit, & non ex gratia diuina teneri non possit. Voluntas enim angeli in proprium bonum intensè conuersa non potuit simul ferri in supernaturale bonum, & sic non peccauit bonum supernaturale appetendo: aut si simul potuit in illud ferri, eadem ratione potuit simul velle illud bonū ex gra-

tia, & simul de ipsa diuina gratia potuit intellectus considerare: & sic intenta conuersio voluntatis in proprium bonum non fuit ratio illius inconsiderationis, cum talis consideratio posset cum illa intensæ conuersione in proprium bonum stare.

RESPONDETUR & dicitur primò, quod S. Thom. hoc loco respondet conformiter ad positionem quam sequitur, quæ inquam ponit angelum peccasse eo quod proprium bonum non ordinauerit in vltimum finem, sed illi ut fini inhaerere. Secundum hanc enim dicitur, quod ratio quare non considerauit de superiori bono ad quod proprium bonum ordinandum erat, potuit esse intensæ consideratio, & intensæ dilectio naturalium bonorum. Et aduertendum, quod non dicitur ita absolute fuisse, sed ita potuisse esse: quia per certitudinem & euidentiā ea quæ ad angelorum peccatum attinent, attingere non possumus. Ex quo patet, quod non oportet responsionem hic datam alteri opinioni applicare. Dicitur secundò, quod etiam alteri opinioni potest hæc responsio conuenienter adaptari. Intellectus enim & voluntas licet in diuersa ferri non possint inquantum sunt diuersa, possunt tamen in diuersa ferri inquantum sunt aliquo modo vnū: sicut voluntas simul vult id quod est ad finem inquantum huiusmodi, & ipsum finem: & sic simul voluntas bonum proprium angeli intensè amando, potuit simul sibi supernaturale bonum appetere tanquam vltimam proprii boni perfectionem. Cum autem instatur, quod eadem ratione potuit simul supernaturale bonū appetere ex diuina gratia, dicitur quod vtique potuit simul angelus appetendo sibi supernaturale bonum appetere illud ex diuina gratia, sicut boni angeli fecerunt, sed potuit etiam fieri ut tantus esset amor beatitudinis & sui quo sibi supernaturalem beatitudinem appetiit, ut ad diuinam gratiam non attenderet, & sic illa non apprehenderentur per modum vnus. Constat enim quæpiam aliquando tanto ardore aliquid optare, quod de modo adipsi considerate negligit. Et ideo dicit S. Thom. ita potuisse fieri, non autem absolute ita fuisse.

Ad quintam obiectionem respondet, quod vtique non appetiit substantia separata, nisi vnum bonū quod est sibi proprium, sed peccauit eo quod prætermiserit superius bonum in quod debuit ordinari.

Ex hac responsione patet illam propositionem, id cuius est vnum solum bonum, & in quo non est diuersorum bonorum compositio, in suo appetitu errare non potest: falsam esse. Etsi enim fortassis peccare nō possit, ut dicitur in q. de Malo. q. 16. art. 2. ad 9. appetendo aliquid malum sibi quasi bonum, quia propter simplicitatē naturæ non est in ipso dare quod sit aliquid sibi bonum secundum vnā partem quod non sit sibi bonum secundum aliam. potest tamen peccare appetendo proprium bonum non secundum regulam superioris.

Ad sextam obiectionem respondet, quod substantia separata peccando prætermisit medium virtutis inquantum se superiori ordini non subdidit. sibi enim plus dedit quàm debuit, Deo autem minus. Dicitur secundò, quod in tali peccato non est prætermisum medium propter superabundantiam passionis, sed solum per inæqualitatem iustitiæ quæ est circa operationes.

Ex hac responsione patet falsum esse quod in rebus spiritualibus non sit superabundantia & defectus in ordine ad suam regulam. potest enim in ipsis esse superabundantia & defectus, inquantum potest quis transgredi regulam & mensuram secundum quam appeti debent secundum magis & minus.

ADVERTENDVM autem, quod duplex est virtutum moralium materia, scilicet passio & operatio, circa quæ virtus mediū ponit. medium rationis circa passionem consistit in hoc, ut quis secundum quod recta ratio dicit, sese habeat circa passionem. medium vero circa operationes generaliter loquendo consistit in hoc, ut quis in dando & accipiendo seruet æqualitatem. Contingit ergo peccando transgredi mediū aut circa passionem, dum scilicet interioribus passionibus non secundum commensurationem ad regulam rationis quis afficitur: aut circa actiones, dum scilicet aliquis æqualitatem in dando & accipiendo non seruat, sed sibi plus accipit quàm debeat, alteri verò minus dat quàm conueniat. Quia itaque passionem non sunt in substantiis separatis, sed bene operationes, ideo inquit S. Thom. ab ipsis non esse prætermisum medium per superabundantiam passionis, sed per inæqualitatem iustitiæ quæ est circa operationes.

SED tunc occurrit dubium. Videtur enim secundum hanc responsionem, quod primum peccatum angeli non fuerit superbia, sed iniustitia: cuius oppositum est supra.

RESPONDETUR, quod iniustitia dupliciter accipi potest. Vno modo vt importat inæqualitatem in actionibus exterioribus quæ sunt vnus hominis ad alterum hominem, & sic est vitium speciale, & nō fuit in substantia separata peccata. Alio modo prout importat inæqualitatem quandam inter Deum & hominem, contra regulam diuinæ sapientiæ operantem, & sic concomitatur omne peccatum, & fuit in angelo peccante. Cum autem inferatur, ergo primum peccatum angeli non fuit superbia, negatur consequentia, ad sensum doctorum. Dicitur enim quod primum peccatum speciale fuit superbia, habuit tamen generales conditiones, quæ omne peccatum concomitantur.

Ad septimam obiectionem respondet non esse eandem rationem de substantia separata & de corporibus celestibus. corpora enim celestia, sicut & omnia quæ ratione carent agunt tantum, & non seipsa agunt, & vltra hoc in ipsis materiæ indispositio locum non habet. ideo nunquam à rectitudine primæ regulæ deficere possunt, licet alia corpora ex dispositione materiæ aliquando rectitudinem primæ regulæ sufficienter recipere non possint: substantiæ autem intellectuales nō agunt tantum sed etiam seipsa ad proprios actus agunt, & tanto magis, quanto perfectior est eorum natura, ideo naturæ perfectio non impedit quin in ipsis peccatum accidere possit ex hoc quod sibiipsis inhaerent ordinem superioris agentis non attendentes.

ADVERTENDVM quod per primam regulam possumus intelligere eam quæ est simpliciter prima respectu omnium, quæ est diuinæ sapientiæ dispositio & ordinatio. possumus etiam primā accipere proportionaliter ad regulata, vt prima regula corporum celestium sit substantia mouens, prima verò regula substantiæ separata sit diuina sapientia, & prima regula corporum inferiorum sint corpora celestia. Si secundo modo accipiatur, sic, cum ex superioribus constet ex dispositione materiæ



sepenumero evenire ut effectus in istis inferioribus non sequatur secundum ordinem corporis celestis, manifestum est quod corpora inferiora quandoque non sufficienter suscipiunt rectitudinem primæ regulæ. Sed si primo modo accipimus, dubium remanet quomodo corpora propter indispotionem materiæ possint à rectitudine primæ regulæ deficere, cum diuinæ sapientiæ omnis materiæ dispositio sit subiecta. Sed dicendum quod regulæ diuinæ sapientiæ nihil aliud sunt quam ordinationes & dispositiones rerum quibus à diuina sapientia res in suas actiones & in suos fines ordinantur; quæ quidem regulæ pertinent ad voluntatem diuinam antecedentem. Vt autem ex superioribus patet, non inconuenit voluntatem diuinam antecedentem quandoque non impleri; ideo licet omnis materiæ dispositio diuinæ sapientiæ subsit, non inconuenit tamen aliquam virtutem corpoream esse à diuina sapientia ordinatam ad productionem alicuius effectus, & tamen effectum illum propter materiæ indispotionem non sequi, sicut virtus humani seminis ordinata est ad productionem hominis cum duabus manibus, & tamen nascitur homo quandoque cum vna tantum manu.

CIRCA prædicta, quia ostensum & angelum potuisse peccare, & de facto peccasse, dubium est in doctrina S. Thom. quod morè ponenda sunt in angelis peccantibus. Aliqui enim Thomistarum ponunt duas tantum, scilicet primum instans in quo omnes angeli fuerunt boni, & beatitudinem meruerunt; secundum verò in quo mali peccauerunt, & fuerunt miseri, boni verò fuerunt beatificati. Alij verò ponunt tria instantia, & dicunt quod in primo omnes habuerunt actum merè naturalem, in secundo mali demeruerunt, & boni meruerunt, in tertio boni fuerunt beati, mali verò miseri. Licet autem vtraque opinio sustentari aliquo modo possit: prima tamen videtur expresse esse de mente S. Thom. 1. parte q. 63. artic. 5. ad 4. & art. 6. in cor. ad 4. Sed in hac opinione dubium primum facit quomodo in doctrina S. Thom. possit sustineri quod in primo instanti omnes habuerunt actum liberum, quod requiritur ad actum meritorium, tum quia in q. Mal. q. 16. art. 4. ad 14. 15. & 22. videtur velle primum actum angelorum fuisse naturalem: tum quia prima parte, ubi supra 6. ad 3. inquit quod in primo instanti habuerunt motum naturalem in bonum: tum quia ibidem, ad quartum, ait quod primum instans respondet operationi angelicæ qua in se ipsam conuertit per vespertinam cognitionem. Secundo dubium facit quomodo in secundo instanti potuerunt peccare, si in primo meruerunt, cum teneat S. Thom. prima parte ubi supra ad tertium, & in alijs locis quod angeli habent liberum arbitrium inflexibile post electionem. sed ad hoc dicitur in quarto libro, ubi agitur de immutabilitate voluntatis humanæ post mortem.

Ad primum ergo dubium respondens Capreolus in 2. Sent. dist. 4. ad hanc opinionem declinans quod primus actus angelorum fuerit naturalis, dupliciter verba S. Thom. interpretatur, ubi inquit in prima parte omnes habuisse actum meritorium in primo instanti. Primum, quod meruerunt non eliciendo actum meritorium, sed quia per gratiam quam habebat, digni erant beatitudine. Secundo quod habuerunt actum meritorium qui fuit dilectio electiua ad Deum, sed ipsorum meriti gratia informata, & debitis circumstantiis vestita. Sed nulla istarum expositionum videtur mihi esse ad mentem S. Thom. Non quidem prima, quia ipse in prima parte ubi supra art. 6. expresse ostendit se loqui de merito, qui est actus liberi arbitrii gratia informatus. Non etiam secunda, quia ad actum meritorium non sufficit quod sit actus electiuius habentis gratiam, sed requiritur, quod eliciatur secundum intellectionem gratiæ & charitatis quæ sunt principium merendi: ista autem inclinatur ad diligendum Deum propter se, & alia propter Deum, vt obiectum supernaturale beatitudinis, vt ostendit sanctus Thom. tertio Sententiarum, & secunda secundæ, & in plerisque alijs locis. ergo non potest esse aliquis actus meritorius nisi virtualiter saltem. & non tantum habitualiter includat dilectionem Dei, dictum est autem superius quod primus actus non potest virtualiter includere dilectionem huiusmodi, cum ipsum nullus actus electiuius aut etiam naturalis præcedat. Propterea videtur tenendum de mente S. Thom. quod omnes meruerunt in primo instanti per actum liberi arbitrii qui fuit dilectio electiua Dei vel proprii boni in ordine ad Deum, vt est principium supernaturalis beatitudinis.

Ad primum autem in oppositum responderi potest, quod S. Thomas aliam viam secutus est in questionibus de Malo, & aliam in prima parte, eod quod vtraque saluari possit. Nam in quaest. de Malo tenuit illam viam quæ ponit angelum peccasse, quia indebito modo, id est, non ex gratia appetit beatitudinem supernaturalem quæ in visione Dei consistit. In prima verò parte tenuit opinionem, quæ ponit quod peccatum angeli fuit in hoc, quod ad seipsum inordinatè conuersus est, absque ordine scilicet ad Deum & ad regulæ diuinæ voluntatis, vt est superius declaratum. Vnde sicut in istis locis securus est diuersas vias circa obiectum voluit ab angelo peccante, ita non est inconueniens dicere, quod etiam quantum ad primum actum angelorum diuersas opiniones sit securus, tenens scilicet in prima parte, quod omnes in primo instanti habuerunt actum liberi arbitrii & meritorium: in quaest. autem de Malo tenens quod primus eorum actus fuerit naturalis.

Ad secundum dicitur primum, quod licet actus primus fuerit electiuius, non tamen fuit purè electiuius, sed habuit aliquid naturalitatis. fuit enim liber quantum ad exercitium actus, & quantum ad specificationem ad hanc vel illam obiecti conditionem, sed fuit naturalis quantum ad determinationem ad bonum. erat enim angelus in primo instanti ita determinatus ad bonum, quod non poterat malè velle, licet posset diligere se cum ordine ad Deum vt est author beatitudinis supernaturalis: & sine tali ordine, in quo tamè non peccasset si se dilexisset sine tali ordine, quia non tenebatur ad hoc in primo instanti. motus est autem in seipsum cum tali ordine, diuino adiutus beneficio. Intendit ergo S. Thom. loco allegato, quod naturalem motum habuit ad bonum in comuni, & ad suum bonum naturale, nec poterat suam perfectionem non velle, supposito quod circa ipsam actum eliceret, non enim poterat malè velle, non autem quod habuerit actum merè naturalem.

Ad tertium dicitur, quod licet primum instans responderit operationi qua angelus in seipsum conuersus est cognitione vespertina, non tamè sequitur quod talis operatio fuerit merè naturalis: quia etiam cognitio qua quis cognoscit se esse amandum in ordine ad Deum, & quæ refer-

tur ad laudem Dei, est cognitio vespertina, quando est per medium creaturæ, cognitio verò illa est matutina, quæ refertur in laudem Dei, sed est per medium increatum, vt declarat sanctus Thomas de Verit. quaest. 8. artic. penultimo & ultimo.

ADVERTENDVM tamen, quod aliter conuenit angelo mereri in primo instanti, & aliter in secundo, vt est de mente S. Thom. Quolib. 9. art. 8. & 1. part. q. 63. art. 5. ad 4. & art. 6. ad 3. Nam meritum quod in primo instanti fuit, potuit mortificari, & impediri ne ad beatitudinem perduceret: non autem meritum quod fuit in secundo instanti in bonis: cuius ratio est, quia cum in primo instanti non fuerit plena libertas extensiuè, eod quod non posset in illo angelus malè velle, sed in secundo instanti fuerit omnimoda libertas, ad malum videlicet & bonum, oportet viam angelorum consistere ex duobus instantibus, in quorum vltimo tenebatur adualiter se referre in Deum tanquam in vltimum finem, vt pote in illo plenum habens liberi arbitrii vsum. vnde meritum in primo instanti non erat meritum vltimatè, sed sicut in via tantum & impedibile: meritum autem in secundo instanti erat meritum sicut in termino viæ, & vltimatè, quod impediri non poterat quin ad beatitudinem perduceret, vt pote vltima existens dispositio ad beatitudinem. Vnde & quod inquit S. Thom. 1. parte q. 63. art. 4. & 63. quod meritum in angelis præcessit præmium duratione, intelligitur de merito quod fuit in primo instanti, quod scilicet erat meritum vt in via tantum, & sicut dispositio remota ad beatitudinem: non autem de merito quod fuit in secundo instanti: quod inquam fuit meritum vt in termino viæ, & vt vltima dispositio ad beatitudinem. illud enim est meritum ex gratia imperfecta, istud autem est meritum ex gratia consummata: sicut & in Christo qui erat simul viator & comprehensor, gratia perfecta erat principium promerendi, sicut enim in eodem instanti est contritio in eo qui iustificatur, & gratia infusio secundum doctrinam S. Thom. 1. 2. & in q. de Verit. & in rebus naturalibus in eodem instanti est vltima dispositio ad formam, & formæ introductio: ita in eodem instanti est meritum vltimum & beatitudo in angelis. Ex his patet rationem. Scoti dist. 5. secundi Sen. qua contra S. Thom. probat non potuisse esse in secundo instanti meritum & præmium bonorum angelorum, eod quod S. Thom. dicat meritum præcedere præmium duratione, nullam esse, quia loquitur S. Thom. de merito vt in via, non autem de merito vt in termino viæ secundum quod ipsemet expo. Quolib. 9. art. 8. Patet etiam eam rationem nullam esse, quæ probat si omnes angeli in primo instanti meruerunt, nullos potuisse ponere obiectum in secundo instanti, quia videlicet tunc omnes meruerunt vsque ad nunc præmiationis, merentes autem vsque ad nunc præmiationis in illo sunt præmiati. Dicitur enim quod mali non meruerunt vsque ad nunc præmiationis inclusiuè, imò in illo demeruerunt. Nec est verum quod in nunc præmij sint omnino extra viam: imò nunc in quo primo præmium erant accepturi, erat illius terminus viæ intrinsecus, in quo vltimatè poterant mereri aut demereri, & simul accipere penam aut præmium.

ADVERTENDVM autem, quod licet Christus per eandem gratiam & esset beatus & mereretur, sicut angeli in secundo instanti: hoc tamen non fuit eodem modo. Nam angeli in secundo instanti meruerunt sibi essentiali beatitudinem, non autem Christus, sed sibi animæ impassibilitatem & gloriam corporis, nobis autem beatitudinem meruit essentiali.

HÆC dicta sunt sequendo aliorum opinionem dicentium angelos bonos in secundo instanti & meruisse, & accepisse beatitudinè. diligentius tamen considerando, non videtur mihi de mente S. Thom. esse, quod aliqui angeli in secundo instanti meruerint. Primum, quia in prima parte q. 62. art. 4. & 5. tenet non posse angelum simul habere fruitionem & suam fruitionem mereri: cum vnum sit gratiæ imperfectæ, alterum verò gratiæ perfectæ & consummatæ, & etiam quia vt dicitur de Verit. questione vltima, articulo 5. ad statum merendi requiritur vt desit sibi id quod quis mereri dicitur. Secundo, quia ipse ibidem art. 5. tenet quod angeli per vnicum actum meritorium ad beatitudinem perueniunt. q. verò 63. art. 5. & 6. tenet quod omnes in primo instanti meruerunt. Ex his enim duobus expresse sequitur, quod in secundo instanti non meruerint. Nam si in secundo meruerunt, cum etiam meruerint in primo, sequitur quod non per vnum actum meritorium, sed per duos ad beatitudinem perueniunt. Si dicatur quod loquitur S. Thom. in illis locis de merito vt in via tantum, non autem de merito vt in termino viæ: hoc non videtur secundum mentem ipsius esse. Nam q. 63. artic. 5. & 6. vult quod cum demones meruerint in primo instanti, fuissent in secundo instanti beati nisi posuissent obstaculum peccando, ergo sola absentia impedimenti sufficiebat secundum ipsum ad hoc vt beatitudinem acciperent, non autem aliud meritum requirebatur. Præterea cum diligentissimè in prima parte quaest. 62. vsque ad quaest. 65. de beatificatione & damnatione angelorum determinauerit, si eius intentionis fuisset duplex extitisse meritum in angelis, vnum vt in via simpliciter, alium verò vt in termino viæ: esset profecto reprehendendus, quod de ista meritorum diuersitate nullam prorsus fecerit mentionem. Cum enim determinauerit angelum per vnum actum meritorium ad beatitudinem peruenire, debuisset sanè declarare de quo merito illud esset intelligendum. Nam & in prima secundæ questione centesima duodecima, articulo secundo loquens de præparatione ad gratiam, cum viderit quod duplex erat ad gratiam præparatio, vna scilicet quæ simul est cum gratia, alia quæ gratiam præcedit, de vtraque in responsione ad primum fecit mentionem. Cum ergo de vno tantum merito angelorum mentionem fecerit, dicendum est quod in ipsis vnum duntaxat fuisse meritum voluit, & illud quidem in primo ipsorum instanti. Propter quod sequendo determinationem eius in prima parte, saluo semper meliori iudicio, dicendum est primum, quod in processu angelorum siue ad beatitudinem siue ad miseriam, duo fuerunt instantia, in quorum primo absolute loquendo nullo modo demereri & peccare potuerunt, sed bene potuerunt non mereri negatiuè, & mereri: & de facto omnes meruerunt. In secundo verò potuerunt absolute & mereri, & demereri, & de facto aliqui demeruerunt, & facti sunt miseri: alij verò facti quidem sunt beati, sed non meruerunt. Quod enim potuerint mereri & non mereri negatiuè, id est, nullum habere meritum, patet quia in primo instanti meruerunt per actum liberi arbitrii, vt dicitur ibidem articulo sexto: ergo potuerunt non elicere illum actum meritorium: alioquin ille actus non fuisset liber, libertas enim oppo-



sita se habet, ergo potuerunt carere merito. Quod verò in eodem primo instanti non potuerint peccare & demereri, probat S. Thom. quæst. præallegata, art. 5. & de Malo q. 16. art. 4. ponens quod in primo instanti erant determinati ad bonum. Quod autem in secundo instanti absolute loquendo potuerint mereri, manifestè ex hoc constat, quod cum aliquando mereri potuerint, eo quod essent ad beatitudinem ordinati, & essent creati in gratia, si non meruissent in primo instanti, sicut possibile fuit eos non mereri, in secundo instanti meruissent. Dicendum est secundò, quod hac suppositione facta, quod in primo instanti omnes meruerunt, omnes quidem peccare & demereri potuerunt in secundo instanti, sed in ipso nullo mereri potuit, ratio primi est, quia non repugnat quod angelus in termino viæ per peccatum gratia priuatur, & similiter sit confirmatus in malo. Ratio verò secundi est, quia repugnat meritum & præmium in eodem instanti esse, cum (vt dictum est) meritum à gratia imperfecta proveniat, præmium verò à gratia consummata.

SED contrariam determinationem insurgunt quædam dubia. Primum est. Si posito quod angelus in primo instanti meruerit, in secundo instanti non potuit mereri, sequitur quod in nullo instanti angelus haberet libertatem ad bonum & malum, & per consequens nunquam haberet plenam libertatem, hoc autem est inconueniens, ergo, &c. probatur consequentia. Nam in primo instanti secundum hanc opinionem potuit tantum in bonum, in secundo verò tantum in malum, sed non datur plura instantia duobus in via angelorum, ergo in nullo instanti fuerunt liberi ad bonum & malum.

SECUNDUM dubium est. Si in secundo instanti boni fuerunt beati, & in illo non meruerunt, mali verò demeruerunt, sequitur quod via bonorum & malorum angelorum non fuerit æqualis. Nam in secundo instanti boni fuerunt omnino extra viam, cum in ipso nullo haberent meritum, sed tantum præmium, & sic via eorum fuit tantum per primum instans, mali verò adhuc fuerunt in via, quia demeruerunt, & ita eorum via per duo instantia durauit.

TERTIUM dubium est. Sicut se habet operatio meritoria ad beatitudinem, ita operatio demeritoria ad miseriam & damnationem, per meritum enim deuenitur ad beatitudinem, per demeritum verò ad damnationem, sed vt dicitur 2. Sent. dist. 11. art. 1. quandoque aliquis ponitur in vltima perfectione quæ est beatitudo, & ratio eius non est meritoria, ergo quando aliquis ponitur in vltima imperfectione quæ est damnatio, nulla eius operatio est demeritoria, ergo malè ponitur quod in eodem instanti secundo angelus peccauit & fuit damnatus. Confirmatur, quia secundo Sent. dist. 7. quæst. 1. art. 2. dicitur quod angeli confirmantur in bono vel malo post conuersionem & auersionem.

QUARTUM dubium est, quia S. Thom. Quoli. 9. art. 8. & 2. Sent. dist. 5. art. vltimo, tenet in eodem instanti angelos meruisse vt in termino viæ, & fuisse beatos.

AD primum dubium dicitur, quod angelum habuisse libertatem ad bonum & malum in secundo instanti, posito quod in primo meruerit, dupliciter intelligi potest. Vno modo de libertate ad bonum meritorium & malum, quod est peccatum. Alio modo de libertate ad bonum absolute quodcumque sit illud, & ad peccatum. Si primo modo accipiatur, negatur falsitas consequentis. Dicitur enim primò, quod non derogat libertati naturæ secundum se, quod ex aliquo sibi voluntarie addito tollatur in aliquo instanti vsus & exercitium libertatis sibi absolute conuenientis. Sicut enim non derogat absolute libertati Sor. qua potest sedere & non sedere, quod posita voluntaria sessione eius in aliquo tempore, pro illo non habeat libertatem sedendi & non sedendi quantum ad exercitium, quia quando sedet, pro tunc non potest non sedere: ita non derogat absolute libertati angeli qua absolute potest mereri & demereri, quod ex actu meritorio ab ipso liberè & voluntarie in primo instanti elicit tollatur exercitium talis libertatis in secundo instanti, in quantum posito merito in primo instanti, sequitur in secundo instanti beatitudo, nisi impedimentum aliquod peccatum opponatur. Dicitur secundo, quod licet facta illa suppositione in nullo instanti angelus possit vti libertate ad bonum & malum, in secundo tamen instanti est ipsa libertas in actu primo & signato, quia est potentia qua poterat absolute bene & malè velle, nisi in primo instanti meruisset, sicut in tempore quo aliquis sedet, manet potentia libera qua posset sedere & non sedere, si non sederet in actu. Dicitur tertio, quod licet in nullo instanti angelus tunc habeat libertatem ad bonum meritorium, & malum, in toto tamen tempore ex primo & secundo instanti constituto hanc habeat libertatem, in quantum in primo instanti potest mereri, in secundo verò potest demereri. Si autem intelligatur secundum modo, de bono scilicet in communi & absolute, siue inquam sit meritorium siue non meritorium, negatur consequentia. Ex eo enim quod ponitur in secundo instanti non potuisse mereri, non tollitur libertas ad bonum & malum simpliciter, sed tantum ad bonum meritorium. Nam in secundo instanti licet angelus non posset mereri, poterat tamen conuerti ad Deum conuersione beatifica, quod est quoddam bonum, & auerti ab eo, quod est malum.

AD secundum dubium negatur consequentia. Nam licet bonus angelus non meruerit in secundo instanti, malus verò demeruerit, non tollitur tamen quin eodem modo secundum instans pertineret ad viam bonorum sicut ad viam malorum. Dicitur enim quod via omnium angelorum ex duobus constabat instantibus, in quantum omnes in primo potuerunt mereri, in secundo verò omnes potuerunt mereri & demereri absolute loquendo, aut saltem demereri, supposito quod in primo instanti meruerint. Cum probatur, quia boni omnino fuerunt extra viam, dicitur primò, quod non magis fuerunt extra viam quam mali. Sicut enim mali fuerunt in via, non sicut distantes à termino, sed sicut existentes in termino viæ (ipsum enim secundum instans erat terminus viæ ipsorum) ita & boni. Dicitur secundo, quod ad hoc quod aliquis angelus in aliquo instanti sit in via, sicut in termino viæ, non requiritur quod in ipso mereatur actu aut demereatur, sed sufficit quod in ipso absolute potuerit & mereri & demereri, aut saltem demereri.

SED non videtur hæc responsio difficultatem tollere. Si enim secundum instans pertinebat ad viam angelorum, sequitur quod angelus in secundo instanti esset viator: & per te erat etiam comprehensor, cum in illo esset beatus: ergo simul erat viator & comprehensor. hoc autem est in-

conueniens, cum hoc soli Christo conueniat, ergo, &c. Respondetur & dicitur primò, quod viator proprie dicitur qui est in via sicut distans à termino viæ, non autem qui est in via vt terminus viæ existens, hoc enim videtur velle S. Thom. Quolibet allegato ad secundum, & ideo quia angelus bonus in secundo instanti non erat in via, sicut distans à termino sed sicut existens in termino viæ in quo beatitudinem accipit: ideo proprie non erat viator, sed comprehensor tantum. Dicitur secundo, quod si accipitur viator pro eo qui quomodocumque est in via, siue sit ibi vt distans à termino viæ, siue vt in termino viæ existens, in quo absolute loquendo poterat mereri & non mereri, non est inconueniens dicere, quod in secundo instanti erat simul viator & comprehensor. Cum autem dicitur hoc esse proprium Christo, respondetur quod non est verum: nisi accipiendo pro eo qui est in via, vt distans à termino viæ. Christus enim erat viator in quantum distabat ab impassibilitate animæ & à gloria corporis quam suis operibus merebatur, & erat comprehensor in quantum simul diuina essentia suebatur.

AD tertium dubium negatur similitudo in proposito. licet enim in hoc conueniat meritum, & demeritum, quod meritum disponit ad gloriam, sicut demeritum ad miseriam: tamen in hoc differunt, quod meritum iuxta prædicta aliquid beatitudini repugnat in cludit, scilicet gratiam imperfectam, demeritum autem in cludit quod ad damnationem habeat repugnantiam. Ad confirmationem potest primò dici, quod illud dicitur S. Thom. intelligitur supponendo quod in primo instanti non meruerint. Videtur enim in secundo sensu sequi illam opinionem, quod angelus peccauerit appetendo sibi indebitè supernaturalem beatitudinem: secundum quam opinionem (vt superius dictum est) ponitur quod in primo instanti non meruerunt, sed habuerunt actum circa naturalia duntaxat. Potest & secundo dici, quod non intendit S. Thom. ponere aliquod instans post instans auersionis in quo confirmantur in malo: sed sensus est quod in ipso actu auersionis stabiliuntur in malo, sicut & in ipso actu conuersionis quæ fuit in secundo instanti, fuerunt in bono confirmati.

AD quartum dubium dicitur in locis allegatis (vt expressè ex ipsis verbis apparet) non loquitur S. Thom. secundum suam opinionem, sed secundum opinionem eorum qui dixerunt angelos post primum instans simul accepisse gratiam & gloriam: quam opinionem in secundo Sent. dicit tunc fuisse communiorē. Vnde cum multi modi accipiendi beatitudinē assignarentur ab iis qui illam opinionem sequebantur, habendo, scilicet, eam cum merito, aut absque merito, ostendit ipse illum modum probabiliorē esse qui ponit angelum simul meruisse & fuisse beatum, ponitque modum quo ad dubia insurgentia, saluando illam opinionem, responderi posset, sed sicut eorum opinionem non tenet neque ibi neque in prima parte, sed illam opinionem probabiliorē putat quæ ponit angelos in gratia fuisse creatos, & prius meruisse, deinde fuisse beatos: ita nec illas resolutiones acceptat, imo oppositum earum expressè in prima parte ponit. Quocirca velle determinationem eius in prima parte contra verborum sensum ad intellectum eorum quæ in illis locis inducit, glossare, est eius opinionem ad aliorum opinionem, quam non approbat velle trahere. Attendendum autem, quod ista instantia quæ ponimus ad viam angelorum pertinere, non sunt accipienda ad modum instantium temporis continui quæ rapit transseunt, sed sunt instantia temporis discreti, quæ vt aliàs dictum est, alicui parti temporis continui coexistere possunt.

● ECUNDUM istam viam parat rationes Scoti contra S. Thom. nullas esse. Nam in vna supponit nos dicere angelum in secundo instanti meruisse, hoc autem non dicimus. Cum autem in alia assumit, quod merentes vsque ad nunc præmiationis in ipso nunc præmium accipiunt, constat hoc falsum esse, si vniuersaliter in omni natura intelligatur. tale enim nunc non est nunc præmiationis in angelis, nisi sub hac conditione, si nullum apponatur in ipso impedimentum. Nec est simile de instanti mortis hominis, & de instanti præmiationis angelorum. Nam homo in instanti mortis non habet esse, sed habet suum primum non esse, non enim datur vltimum esse rei permanentis, ideo in ipso instanti operari non potest. angelus autem in nunc præmiationis habet esse, ideo sibi non repugnat & operationem aliquam in ipso habere, & demeritum.

*Quod speciali quadam ratione creatura rationales diuina prouidentia subduntur.*

### Cap. III.



**E**X his quidem quæ supra determinata sunt, manifestum est quod diuina prouidentia ad omnia se extendit: oportet tamen aliquam rationem prouidentia specialē obseruari circa intellectuales & rationales naturas præ aliis creaturis. Præcellunt enim alias creaturas & in perfectione naturæ, & in dignitate finis. In perfectione quidem naturæ: quia sola creatura rationalis habet dominium sui actus, liberè se agens ad operandum: ceteræ verò creaturæ ad opera propria magis aguntur quam agant, vt ex supradictis patet, in dignitate autem finis, quia sola creatura intellectualis ad ipsum vltimum finem vniuersi sua operatione pertingit, scilicet cognoscendo & amando Deum: alia verò creaturæ ad finem vltimum pertingere non possunt nisi per aliqualem similitudinis ipsius participationem. omnis autem ratio operis variatur secundum diuersitatem finis, & eorum quæ operationi subiiciuntur: sicut ratio operandi per artem diuersa est secundum diuersitatem finis & materiæ. aliter enim operatur medicus ad ægritudinem pellendā, & ad sanitatem conseruandam: atque

Cap. præ.



atque aliter in corporibus diuersimodè complexionatis & similiter oportet in regimine ciuitatis diuersam rationem ordinis obseruari secundum diuersas conditiones eorum qui subijciuntur regimini: & secundum diuersa ad quæ ordinantur. oportet enim aliter disponi milites ut sint præparati ad pugnam: & artifices ut bene se habeant circa sua opera. sic igitur & alia est ordinis ratio secundum quam creaturæ rationales prouidentia diuinæ subduntur: & alia secundum quam ordinantur ceteræ creaturæ.

## Super Cap. 111.



**P**OSTQUAM determinauit sanctus Thomas de diuina prouidentia secundum quod ad omnia se extendit, vult de ipsa secundum quod creaturæ rationales sibi ipsa particulari modo continentur, determinare. Circa hoc autem duo facit. Primum ostendit rationales creaturas aliter per diuinam prouidentiam disponi quam alias creaturas, secundum quod in conditione propriæ naturæ ab aliis differunt. Secundum quod etiam aliter disponunt secundum quod ab aliis differunt finis dignitate. cap. 147. Circa primum duo facit. Primum ostendit creaturas rationales speciali quodam modo diuinæ prouidentia subdi. Secundum de ipso particulari modo quo diuinæ prouidentia subduntur determinat in cap. sequenti.

**Q**UANTVM ad primum ponit hanc conclusionem. Necesse est aliquam rationem prouidentia specialem circa intellectuales & rationales creaturas præ aliis creaturis obseruari. probatur. Creaturæ rationales præcellunt alias creaturas in perfectione naturæ, & in dignitate finis: ergo alia est ordinis ratio secundum quam creaturæ rationales prouidentia diuinæ subduntur, & alia secundum quam ordinantur ceteræ creaturæ. probatur antecedens, quia sola creatura rationalis habet dominium sui actus, liberè se agens ad operandum, ceteræ verò creaturæ magis aguntur quam agant, & sola ad ipsum vltimum finem vniuersi sua operatione pertingit, scilicet cognoscendo & amando Deum: alie verò creaturæ ad ipsum pertingere non possunt nisi per aliquam similitudinem ipsius participationem. consequentia verò probatur, quia omnis ratio operis variatur secundum diuersitatem finis, & eorum quæ operationi subijciuntur: & declaratur, & in artibus, & in regimine ciuitatis. Nam aliter operatur medicus ad ægritudinem pellendam, & aliter ad sanitatem conseruandam, atque aliter in corporibus diuersimodè complexionatis. In regimine etiam ciuitatis oportet aliter disponi milites, ut sint præparati ad pugnam, & aliter artifices, ut bene se habeant circa sua opera.

Ad horum euidentiā duo sunt notanda. Vnum est, quod nomine rationis hoc loco intelligitur diuinæ prouidentia & dispositionis ac gubernationis modus, ideo esse aliquam specialem rationem prouidentia circa creaturas rationales nihil aliud est quam ipsas particulari quodam modo ordinari & disponi in mente diuina atque etiam particulari modo gubernari. Alterum est, quod non ideo ponitur hoc loco differentia finis creaturæ rationalis à fine ceterarum creaturarum, quasi Deus non sit omnium creaturarum finis (huius enim oppositum est supra) sed quia eum Deus sit vltimus omnium creaturarum finis, diuersimodè tamen est finis rationalis creaturæ & aliorum, estque creaturæ rationalis nobiliori modo finis quam ceterarum. alie enim ad ipsum Deum secundum se sua operatione non pertingunt, sed tantum ad aliquam ipsius similitudinem: creaturæ verò rationales sua operatione attingunt Deum, dum ipsam Dei essentiam secundum seipsam intelligunt & contemplantur, ipsumque Deum in seipso amant, quod sit vltimus finis creaturæ rationalis, qui nihil aliud est quam operatio qua ipsum Deum secundum se attingit, sit perfectior formalis fine ceterarum creaturarum, qui est operatio, aliquam tantum Dei similitudinem participatam attingens.

*Quod creaturæ rationales gubernantur propter seipsas:  
alia verò in ordine ad eas.*

## Cap. 112.



**R**IMVM igitur ipsa cognitio intellectualis naturæ secundum quam est domina sui actus, prouidentia curam requirit, qua sibi propter se prouideatur: aliorum verò conditio qui non habent dominium sui actus, hoc indicat, quod eis non propter ipsa cura impendatur, sed velut ad alia ordinatis.

Quod enim ab altero tantum agitur, rationem instrumenti habet: quod verò per se agit, habet rationem principalis agentis: instrumentum autem non queritur propter seipsum: sed ut eo principale agens utatur: vnde oportet quod omnis operationis diligentia quæ circa instrumenta adhibetur, ad principale agēs referatur sicut ad finem. Quod autem circa principale agēs vel ab ipso, vel ab alio adhibetur in quantum est principale agens, propter ipsum est: disponuntur ergo à Deo intellectuales creaturæ quasi propter se procuratæ: creaturæ verò alie quasi ad rationales creaturas ordinatæ.

2. Adhuc, quod dominium sui actus habet, liberum est in agendo: liber enim est qui sui causa est. quod autem quadam necessitate ab alio agitur ad operandum, seruituti subiectus est. omnis autem alia creatura naturaliter seruituti subiecta est: sola verò natura intellectualis libera est. in quolibet autem regimine liberis prouidetur propter seipsos: seruis autem ut sint in vsum liberorum. sic igitur per diuinam prouidentiam intellectualibus creaturis prouidetur propter se: ceteris autem creaturis propter ipsas.

3. Amplius, quodocunque sunt aliqua ordinata ad finem aliquem: si qua inter illa ad finem pertingere non possunt per seipsa, oportet ea ordinari ad illa quæ finem consequuntur, quæ propter se ordinantur in finem, sicut finis exercitus est victoria, quam milites consequuntur per proprium actum pugnando: qui soli propter se in exercitu quaruntur: omnes autem alij ad alia officia deputari, puta ad custodiendum equos, ad operandum arma, propter milites in exercitu quaruntur. constat autem ex præmissis finem vltimum vniuersi Deum esse, quem sola intellectualis natura consequitur in seipso, eum scilicet cognoscendo & amando: ut ex dictis patet. sola igitur intellectualis natura propter se est quæ sita in vniuerso: alia autem omnia propter ipsam.

4. Item, in quolibet toto partes principales propter se exiguntur ad constitutionem totius, alia verò ad conseruationem, vel ad aliquam meliorationem earum. Inter omnes autem partes vniuersi nobiliores sunt intellectuales creaturæ: quia magis ad similitudinem diuinam accedunt: natura ergo intellectuales sunt propter se à diuina prouidentia procuratæ: alia verò omnia propter ipsas.

5. Præterea, manifestum est partes omnes ordinari ad perfectionem totius. Non enim est totum propter partes, sed partes propter totum sunt: naturæ autem intellectuales maiorem habent affinitatem ad totum quam alie naturæ. nam vnaquæque intellectualis substantia est quodammodo omnia, in quantum totius entis comprehensua est suo intellectu: quælibet autem alia substantia particularem solam entis participationem habet. Conuenienter igitur alia propter substantias intellectuales prouidentur à Deo.

6. Adhuc, sicut agitur vnumquodque cursu naturæ, ita natum est agi. sic autem videmus res cursu naturæ currere, quod substantia intellectualis omnibus aliis vitur propter se vel ad intellectus perfectionem, quia in eis veritatem speculatur: vel ad suæ virtutis executionem, & scientiæ explicationem, ad modum quo artifex explicat artis suæ conceptionem in materia corporali: vel etiam ad corporis sustentationem, quod est vniuersi animæ intellectuali, sicut in hominibus patet: manifestum est igitur, quod propter substantias intellectuales omnia alia diuinitus prouidentur.

7. Amplius, quod aliquis propter se querit, semper querit. quod enim propter se est, semper est: quod verò aliquis propter illud querit, non opus est quod semper querat, sed secundum quod competit ei propter quod queritur. esse autem rerum ex diuina voluntate profluxit, ut ex superioribus est manifestum. quæ igitur semper sunt in entibus, sunt propter se à Deo volita: quæ autem non semper sunt, non propter se, sed propter aliud, substantiæ autem intellectuales maxime accedunt ad hoc quod sint semper: quia sunt incorruptibiles: sunt autem mutabiles solum secundum electionem: ergo substantiæ intellectuales gubernantur, propter se: alia verò propter ipsas. Non est autem ei, quod præmissis rationibus est ostensum, contrarium quod omnes partes vniuersi ad perfectionem totius ordinantur, sic enim ad perfectionem totius omnes partes ordinantur, in quantum vna deseruit alteri. sicut in corpore humano apparet, quod pulmo in hoc est de perfectione corporis, quod deseruit cordi: vnde non est contrarium pulmonem esse propter cor, & propter totum animal: & similiter non est contrarium alias naturas esse propter intellectuales & propter perfectionem vniuersi. si enim deessent ea quæ

Cap. 112.

2 lib. cap. 23.



ea quæ requirit substantiæ intellectualis perfectio, non esset vniuersum completum.

Similiter etiam prædictis non obuiat quod indiuidua sunt propter proprias species, per hoc enim quod ad suas species ordinantur, ordinem habent vltimus ad intellectualem naturam, non enim aliquod corruptibilem ordinatur ad hominem propter vñ indiuiduum hominis tantum, sed propter totam humanam speciem, toti humanæ speciei non posset aliquod corruptibilem deservire, nisi secundum suam speciem totam: ordo ergo, quo corruptibilia ordinantur ad hominem, requirit quod indiuidua ordinentur ad speciem. Per hoc autem quod dicimus substantias intellectuales propter se à diuina providentia ordinari: non intelligimus quod ipsa vltimus non referantur in Deum & ad perfectionem vniuersi, sic igitur propter se procurari dicuntur & alia propter ipsa: quia bona quæ propter diuinam providentiam fortiuntur, non eis sunt data propter alterius vtilitatem: quæ verò aliis dantur, in eorum vsum ex diuina ordinatione cedunt. Hinc est quod dicitur Deuteron. 4. Ne videas solem & lunam & cætera astra, & errore deceptus adores ea quæ creauit dominus Deus tuus in ministrum cunctis gentibus quæ sub cælo sunt, & in Psalmo dicitur: Omnia subiecisti sub pedibus eius, oues & boues vniuersas, insuper & pecora campi, & Sapientia 13. Tu autem dominator virtutis cum tranquillitate iudicas, & cum magna reuerentia disponis nos. Per hoc autem excluditur error ponentium homini esse peccatum si animalia bruta occidat, ex diuina enim providentia naturalia bruta in vsum hominis ordinantur: vnde absque iniuria homo eis vtitur occidendo, vel quolibet alio modo: propter quod & dominus dixit ad Noë Genes. 9. Sicut olera virentia dedi vobis omnem carnem.

Si quæ verò in sacra scriptura inueniantur prohibentia aliquid crudelitatis in animalia bruta committi, sicut de aue cum pullis non occidenda: hoc fit vel ad remouendum hominis animum à crudelitate in homines exercenda: ne aliquis exercendo crudelia circa bruta, ex hoc procedat ad homines: vel quia in temporale damnum hominis prouenit animalibus illata læsio siue inferentis siue alterius, vel propter aliquam significationem: sicut Apostolus exponit illud de non ligando ore bouis triturantis.

1. Cor. 9.

### Super Cap. 112.



**STENSO** quod speciali quodam modo creaturæ rationales diuinæ providentiæ subduntur, vult S. Thom. de hoc speciali modo determinare. Circa hoc autem duo facit. Primum ponit vnum modum qui omnibus substantiis intellectualibus est communis. Secundum alium ponit, qui rationalibus tantum in quibus est pluralitas indiuiduorum, conuenit, cap. seq. Quantum ad primum modum duo facit. Primum ostendit creaturas rationales propter se prouideri, cæteras verò tanquam ad rationales ordinatas. Secundum remouet quædam dubia.

**Q V A N T V M** ad primum arguit primum ex ipso dominio operationis, sic, Creatura intellectualis secundum suam cognitionem est domina sui actus, alia verò sui actus dominium non habent: ergo creaturæ intellectuales à Deo prouidentur quasi propter se à Deo procuratæ, aliz verò creaturæ quasi ad rationales ordinatæ, probatur consequentia, quia quod ab altero tantum agitur, rationem instrumenti habet: quod verò per se agit habet rationem principalis agentis, omnis autem diligentia quæ circa instrumentum adhibetur, ad principale agens tanquam ad finem refertur: quod verò circa principale agens vel ab ipso vel ab alio in quantum est principale agens adhibetur, propter ipsum est: cum instrumentum non quærat propter ipsum, sed vt eo principale agens vtatur.

**C I R C A** id quod dicitur intellectualem naturam secundum suam cognitionem esse sui actus dominam, aduertendum est, quod hoc non dicitur quasi libertas formaliter in intellectu residere, vt enim dicitur de Veri. 4. 24. artic. 6. formaliter residet in voluntate, sed quia radix libertatis est ipse intellectus, vt in eadem questione declaratur artic. 2. vnde & 1. 2. q. 17. artic. 1. ad secundum, dicitur quod radix libertatis sicut subiectum est voluntas: sed sicut causa, est ratio.

**C O N T R A** istam rationem instari posset, quod non rectè propositum concludat. Aut enim non concludit intentum, aut oportet subintelligere propositionem quæ falsa est. Cum enim dicitur cæteras creaturas habere rationem instrumenti, quia aguntur tantum, aut intelligitur quod habeant rationem instrumenti per comparisonem ad Deum tanquam ad principale agens, ipsis tanquam instrumentis vtentem, aut intelligitur quod hoc habeant per comparisonem ad creaturas rationales quarum sint instrumenta. Si primum non sequitur quod cæteræ creaturæ ad rationales ordinentur, sed ad Deum cuius sint instrumenta. Si secundum, falsum videtur esse quod assumitur, scilicet quod omnes aliz creaturæ sint intellectuales naturæ instrumenta. Non enim apparet quomodo

per omnes creaturas ad suum finem operentur, sicut per instrumenta operatur artifex. Et præterea cum dicitur cæteras creaturas agi tantum, ex quo habent rationem instrumenti, intelligitur ipsa agi à Deo, non autem à creaturis intellectualibus: ergo non est intelligendum ipsa esse creaturæ intellectuales instrumenta, sed Dei.

**R E S P O N D E T V R** quod cæteras creaturas habere rationem instrumenti, intelligitur tam per comparisonem ad Deum quam ad creaturas intellectuales, ex eo enim quod aguntur tantum, & nō seipsa ad proprios actus agunt, habent quod & sint instrumenta Dei agentis, & etiam creaturæ rationalis seipsam liberè mouentis, & omnia alia in nobilitate excedentis. Cuius autem instatur primum quia non apparet quomodo per omnes creaturas intellectualis natura ad suum finem operetur, dicitur quod in hoc per omnes creaturas operatur, quod omnibus ad propriam vtilitatem aliquo modo, sicut inquit S. Thom. de homine secundo Sententiarum, distinctione prima, questione prima, articulo tercio, quod ex viliibus & etiam nociuis sibi vtilitas prouenit, eo quod per hoc humilior sit, & in viliibus Dei gloriam & sapientiam considerat. Similiter ea quæ in vsum operis eius non veniunt, in eius vtilitatem cedunt dum de eis aliquam cognitionem habet vel in vniuersali vel particulari.

**C V M** secundo instatur quia intelligitur ea agi à Deo non autem à creaturis intellectualibus: dicitur quod licet quantum ad actiones naturæ agantur à Deo dante illis naturam, tamen ex hoc non sequitur ea esse Dei solummodo instrumenta. Ex eo enim quod aguntur, & suarum operationum dominium non habent, sequitur & quod Dei sint instrumenta, & quod ab ipso etiam creaturæ intellectuales, vt pote liberè operantur, & ad hoc dignioris existentis sint instrumenta instituta, tanquam ad eius vtilitatem, & ad eius vsum ordinata, semper enim imperfectius propter perfectius est.

**S E C V N D O.** Omnis alia creatura seruituti naturaliter subiecta est. Sola verò natura intellectualis est libera, ergo, &c. probatur antecedens, quia quod habet sui actus dominium, liberum est, est enim liber qui est sui causa, qui scilicet propter seipsum est & operatur, quod autem quidam necessitate ab alio agitur ad operandum, seruituti subiectum est, consequentia verò probatur, quia in quolibet regimine liberis prouidetur propter seipsos, seruis autem vt sint in vsum liberorum.

**T E R T I O.** Sola intellectualis natura consequitur Deum qui est vltimus finis vniuersi in seipso, eum scilicet cognoscendo & amando, ergo, &c. probatur consequentia, quia quando sunt aliqua ad aliquem finem ordinata, quæ ad illum per seipsam pertingere non possunt, oportet ordinari ad illa quæ finem consequuntur, quæ propter se ordinantur in finem, declaratur in exercitu, cuius finis est victoria, ad quam milites propter se queruntur: custodientes autem equos, & arma facientes queruntur propter milites.

**A D V E R T E** quod milites qui ad victoriam ordinantur, dicuntur propter se queri, non secundum quod li propter se importat rationem finis absolute, repugnat enim vt querantur propter victoriam tanquam propter finem, & tamen ipsi sint absolute finis: sed li propter se, excludit ordinem ad aliquid aliud ordinatum ad finem: & est sensus, quod non queruntur in vsum alterius ordinati ad consequendum victoriam, sed queruntur vt suo actu & sua virtute victoriam consequantur.

**Q V A R T O.** Inter omnes partes vniuersi nobiliores sunt intellectuales naturæ, quia magis ad similitudinem diuinam accedunt, ergo, &c. probatur consequentia, quia in quolibet toto partes principales propter se exiguntur ad constitutionem totius, aliz verò ad conseruationem, vel ad aliquam earum meliorationem.

**Q V I N T O.** Naturæ intellectuales maiorem aſſinitatem habent ad totum quam aliz naturæ, quia vnaqueque est quodammodo omnia in quantum totius entis suo intellectu comprehensua est, quælibet autem alia substantia participationem solam entis participationem habet, ergo, &c. probatur consequentia, quia partes ordinantur ad perfectionem totius, cum propter ipsum sint non autem econuerso.

**A D V E R T E N D V M** quod hæc ratio procedit ratione cuiusdam similitudinis inter vniuersum & naturam intellectualem. Sicut enim totum vniuersum omnia continet, ita etiam intellectualis substantia sua cognitione totum ens comprehendit: & ideo sicut entia particularia ad totum vniuersum ordinantur, ita etiam ad substantiam intellectualem.

**A D V E R T E N D V M** quoque quod iccirco de aliis substantiis loquens sanctus Thomas addit li solam, inquit quod solam entis participationem particularem habent, ne aliquis existimet naturam intellectualem non habere entis particularem participationem, sed esse vniuersalem, habet enim & ipsa particularem entis participationem, quia est ad certum & determinatum gradum entis limitata, sed ab aliis differt naturis, quia illa solam entis particularem participationem habent, & non sunt aliquo modo omnia: natura autem intellectualis, quæuis sit ad certum gradum entis secundum esse naturæ limitata, est tamen aliquo modo omnia, secundum virtutem cognoscitiuam, quæ est omnium comprehensua. Sexto. Secundum cursum naturæ substantia intellectualis omnibus aliis vtitur propter se vel ad intellectus perfectionem, vel ad virtutis executionem, & explicationem scientiæ, quomodo artifex explicat suæ artis conceptionem in materia corporali, vel ad corporis vñi animæ intellectuali sustentationem, ergo, &c. probatur consequentia, quia sicut agitur vñumquodque cursu naturæ, ita natum est agi, id est, ita institutum est agi ab auctore naturæ. Septimo. Quæ semper sunt in entibus sunt propter se à Deo volita: quæ autem non semper sunt, non propter se volita sunt, sed propter aliud, sed substantiæ intellectuales maxime ad hoc accedunt, quod sint semper, cum incorruptibiles sint secundum esse, mutabiles verò tantum secundum electionem, ergo, &c. probatur maior, quia quod propter se quis querit, semper querit, cum quod propter se est, semper sit: quod verò quis propter aliud querit, nō oportet quod semper illud querat, sed secundum quod competit ei propter quod queritur, esse autem eternum ex diuina prouenit voluntate.

**C I R C A** probationem maioris attendendum, quod tanquam cōuerribilia accipit sanctus Thomas semper queri, & propter se queri, quia vt dicitur hic, quod propter se est, id est cuius esse non ordinatur ad aliud, est semper: & etiam econuerso quod est semper, eius esse non est propter aliud aliud, sed propter ipsum: iccirco cum probandum esset, Quæ semper sunt



sunt in entibus, esse propter se a Deo volita, assumi quod propter se quis querit, semper querit: cum tamen secundum rectum argumentationis modum deberet assumi, quod semper quis querit, propter se querit. Hoc enim facit vt ostenderet, quantum ad rem attinet, nihil referre vtra illarum propositionum assumatur ad maioris probationem, cum sint conuertibiles.

SED duplex occurrit dubium. Primum est circa istam propositionem: Quod aliquis propter se querit, semper querit. Non enim volens sanitatem quæ propter se queritur, semper ipsam vult, quia non semper de ipsa cogitat. Secundum est circa illam propositionem: Quod propter se est, semper est. Nam mundus propter se est eo modo quo hic accipitur propter se esse, id est, non propter aliquam aliam vniuersi partem: & tamen non est semper, quia accipit initium sui esse, ergo, &c.

AD primum dicitur, quod non est sensus illius propositionis, vt quod propter se queritur, semper actu secundo queratur, vt obiectio supponit: sed quod voluit propter se semper habitualiter saltem est volutum, quia quandoque voluntati proponatur, voluntas illud vult, cuius ratio est, quia id propter se queri dicitur, quod in se sufficientem bonitatem habet ex qua appeti debeat, & non tantum habet bonitatem & appetibilitatem ex ordine ad aliud, tale autem quandoque proponitur acceptatur à voluntate & appetitur, cum ratio boni sit ratio appetibilis: & sic sanitas quandoque voluntati proponitur, appetitur & amatur, non sic autem est de medicina quæ non appetitur semper quandoque proponitur voluntati, sed tunc tantum quando quis videt se non posse allequi sanitatem absque medicina.

AD secundum dicitur, quod sensus illius propositionis est, quod id quod habet esse propter seipsum, & propter propriam bonitatem, non autem habet esse tantum ad aliquam partem vniuersi ordinatum, itaque videlicet ad hoc tantum productum in esse, vt sit alteri vtile, in se non habet vnde deficere debeat quantum est ex suo esse, cum non sit productum nisi ad hoc vtr sit, non autem ad hoc vt in alterius utilitatem cedat: sed cuius esse est ad alterum ordinatum, est determinatum ad tempus in quo vtile est ei ad quod ordinatur, ita quod illi non conuenit habere esse nisi quando alterius utilitas exigit: & propter hoc in entibus quod propter se productum est, habet semper esse postquam est productum, quod autem non propter se, sed propter aliud tantum est productum in esse, non est semper, sed aliquando esse definit. obiectio autem procedit ac si li semper acciperetur, vt idem est quod absque durationis initio, quem sensum loquens sanctus Thomas de substantiis separatis excludit, dum non inquit, eas absolute semper esse, sed maxime ad hoc accedere, quod semper sint, eo quod sint incorruptibiles.

CIRCA id quod dicitur substantias intellectuales esse secundum electionem mutabiles, aduertendum quod non est sic hoc intelligendum quasi sint de bona electione in malam electionem mutabiles, aut econuerso de mala in bonam, sicut in hominibus accidit, sed quia inter bonas earum electiones est successio, dum nunc vnā rem eligunt, nunc aliam, & similiter est de malis electionibus: quia inquam huc vnā malam electionem habent, nunc aliam.

QUANTVM ad secundum remouet S. Thom. quasdam obiectiones quæ heri possent. Posset enim instari ex duobus, quod non omnia ad creaturas intellectuales ordinantur, tum videlicet quia ad perfectionem vniuersi ordinantur omnes eius partes, tum quia indiuidua propter proprias species sunt.

AD primam respondet, quod ad perfectionem totius omnes partes ordinantur in quantum vna deseruit alteri, declaratur in pulmone, qui est de perfectione corporis humani in quantum cordi deseruit: & sic non est contrarium alias naturas esse propter intellectuales, & propter perfectionem vniuersi, quia si deessent ea quæ substantiæ intellectualis perfectio requirit, non esset vniuersum perfectum.

ADVERTENDVM, quod licet vnus rei sit vnus tantum vltimus finis, non inueniunt tamen vnus esse plures fines subordinatos: sicut reubarum ordinatur ad purgationem cholerae, & ad sanitatem: ideo non inueniunt alias naturas proximè ad naturam intellectualem ordinari, in quantum sibi ex omnibus aliis naturis aliqua prouenit utilitas & aliquo modo ad sui perfectionem omnia alia exiguntur, vt ostensum est supra, & tamen vltius ordinari ad perfectionem vniuersi.

AD secundum respondet, quod indiuidua per hoc quod ad suas species ordinantur, vltius ordinem ad intellectualem naturam habent, quia nullum corruptibilem ordinatur ad hominem propter vni indiuiduum hominis tantum, sed propter totam speciem humanam: huic autem non posset aliquod corruptibilem deseruire, nisi secundum totam suam speciem, & sic ordo corruptibilem ad hominem requirit ordinem indiuiduum ad speciem.

ADVERTENDVM quod aliter loquendum est de ordine naturæ particularis alicuius indiuidui, & aliter de ordine instituentis naturam vniuersitatem. non inueniunt enim naturam alicuius indiuidui ordinare aliquod corruptibilem ad vni indiuiduum hominis tantum, sicut virtus digestiua sortis concoctionem cibi ad ipsius sortis nutritionem ordinat, sed diuina sapientia partes vniuersi ordinans & produciens in esse, non pro luxit aliquam naturam corruptibilem propter vni hominis indiuiduum tantum, sed propter humanam speciem. Quod ergo hic dicitur de ordine corruptibilem ad hominem, intelligitur quantum ad ordinem ex primo naturæ institutore prouenientem, non autem de ordine huius naturæ particularis & singularis.

POTESSET etiam instari, quod creaturæ intellectuales propter se à diuina prouidentia non ordinantur, quia tunc non ordinarentur in Deum, & in perfectionem vniuersi.

SED respondet S. Thom. sequelam illam falsam esse, quia illud non dicitur quasi non ordinetur vltius in Deum & vniuersi perfectionem, sed quia bona quæ per diuinam prouidentiam fortuantur, non sunt eis propter alterius utilitatem data: quæ vero aliis dantur in eorum vsum esse diuina ordinatione cedunt.

CONFIRMATVR conclusio auth. Deuter. 4. Psalm. 8. & Sapient. 12. Per hoc autem excluditur error ponentium peccatum esse occidere brutam animalia. hoc enim falsum esse constat ex eo quod per diuinam prouidentiam naturalis ordine in vsum hominis ordinantur, vt patet Genesis nono. Si vero inueniatur prohiberi in sacra scriptura crudelitas in bruta,

hoc fit aut ad remouendum hominis animum à crudelitate in homines exercenda, aut quia illata læsio animalibus in temporale damnum hominis cedit, aut propter aliquam significationem, sicut ab Apostolo exponitur illud de non ligando ore bouis triturantis, scilicet quod intelligitur de predicatoribus, vt de suo labore viuere possint. 1. Corinth. 9.

ADVERTENDVM ex doctrina sancti Thomæ secunda secunda, questione sexagesima quarta, articulo primo ad tertium, quod aliquando quidem peccatum est occidere bruta, vnde & in sacra scriptura opponitur poena occisoris, vt patet Exodi vigesimo secundo, de occidente bouem aut ouem alterius: sed tamen hoc non est ratione occisionis ipsius bruti secundum se, sed ratione damnificationis proximi in re sua, quod pertinet ad peccatum furti, aut rapinae. propterea dicitur hoc loco aliquando prohiberi in scriptura brutorum læsio, eo quod inde damnum homini proueniat.

*Quod rationalis creatura dirigatur à Deo ad suos actus non solum secundum ordinem ad speciem, sed etiam secundum quod congruit indiuiduo.*

Cap. 76.

**E**X hoc autem apparet quod sola rationalis creatura dirigatur à Deo ad suos actus non solum secundum congruentiam speciei, sed etiam secundum congruentiam indiuidui. Omnis enim res propter suam operationem esse videtur operatio enim est vltima perfectio rei. sicut igitur vnumquodque à Deo ad suum actum ordinatur, secundum quod diuinæ prouidentia substat, creatura autem rationalis diuinæ prouidentia substat, sicut secundum se gubernata & prouisa non solum propter speciem, vt aliæ corruptibiles creaturæ: quia indiuiduum quod gubernatur solum propter speciem, non gubernatur propter seipsum: creatura autem rationalis propter seipsum gubernatur, vt ex dictis manifestum est. sic igitur solæ rationales creaturæ directionem à Deo ad suos actus accipiunt non solum propter speciem, sed etiam secundum indiuiduum.

2. Adhuc, quæcunque directionem habent in suis actibus solum secundum quod pertinet ad speciem, non est in ipsis agere vel non agere, quæ enim consequuntur speciem, sunt communia & naturalia omnibus indiuiduis sub specie contentis. naturalia autem non sunt in nobis. si igitur haberet directionem in suis actibus solum secundum congruentiam speciei, non esset in ipso agere vel non agere: sed oporteret quod sequeretur inclinationem naturalem toti speciei communem, vt contingit in omnibus irrationalibus creaturis. Manifestum est igitur quod rationales creaturæ actus directionem habent non solum secundum speciem, sed etiam secundum indiuiduum.

3. Amplius, sicut supra ostensum est, diuina prouidentia ad omnia singularia se extendit etiam minima: quibuscunque igitur sunt aliquæ actiones præter inclinationem speciei, oportet quod per diuinam prouidentiam regulentur in suis actibus præter directionem quæ pertinet ad speciem. Sed in rationali creatura apparent multæ actiones ad quas non sufficit inclinatio speciei: cuius signum est quod non similes sunt in omnibus, sed variae in diuersis. oportet igitur quod rationalis creatura dirigatur à Deo ad suos actus non solum secundum speciem, sed etiam secundum indiuiduum.

4. Item, Deus vnicuique naturæ prouidet secundum ipsius capacitatem. tales enim singulas creaturas condidit, quales aptas esse cognouit vt per suam gubernationem peruenirent ad finem. Sola autem creatura rationalis est capax directionis qua dirigatur ad suos actus, non solum secundum speciem, sed etiam secundum indiuiduum. habet enim intellectum & rationem vnde percipere possit quomodo diuersimodè sit aliquid bonum vel malum secundum quod congruit diuersis indiuiduis temporibus, & locis. sola igitur creatura rationalis dirigatur à Deo ad suos actus non solum secundum speciem, sed etiam secundum indiuiduum.

5. Præterea, creatura rationalis sic diuinæ prouidentia subiaceret, quod non solum ab ea gubernatur, sed etiam rationem prouidentia vtcunque cognoscere potest. vnde sibi competit etiam aliis prouidentiam & gubernationem exhibere.



exhibere: quod non contingit in ceteris creaturis quæ solum providentiâ participant in quantum providentiâ subduntur. Per hoc autem quod aliquis facultatē providendi habet, potest etiam suos actus dirigere & gubernare. participat igitur rationalis creatura diuinam providentiam non solum secundum gubernari, sed etiam secundum gubernare. Gubernat enim se in suis actibus propriis, & etiâ alia: omnis autem inferior providentiâ diuinâ providentiâ subditur quasi suprema: gubernatio igitur actuum rationalis creaturæ in quantum sunt actus personales ad diuinam providentiam pertinet.

6 Item, Actus personales rationalis creaturæ sunt proprii actus qui sunt ab anima rationali. anima autem rationalis non solum secundum speciem est perpetuitatis capax, sicut alia creaturæ: sed etiam secundum individuum actus ergo rationalis creaturæ à diuinâ providentiâ diriguntur non solum ea ratione quæ ad speciem pertinent, sed etiam in quantum sunt personales actus. Hinc est quod licet diuinâ providentiâ omnia subdantur: tamen in scripturis sacris specialiter ei hominum cura attribuitur, secundum illud Psalmistæ. Quid est homo quod memores eius: aut filius hominis quia reputas eum? & primæ Corinthiorum nono: Nunquid Deo cura est de bobus? quæ quidem ideo dicuntur, quia de humanis actibus Deus curam habet, non solum prout ad speciem pertinent, sed etiam secundum quod sunt actus personales.

Super Cap. 113.

**S**ECUNDO loco ponit sanctus Thomas modum particularem quo creaturæ rationales à diuinâ providentiâ gubernantur. Circa hoc duo facit. Primo ostendit creaturam rationalem solum ad suos actus dirigi, non solum secundum congruentiam speciei, sed etiam secundum congruentiam individui. Secundo circa ipsa individua modum diuinæ gubernationis ponit capite sequenti. Quantum ad primum, advertendum quod actus individuum naturales, aut quorum principium est in ipsis, sunt actus & individui & speciei in quantum naturam omnibus individuis communem consequuntur. Sed differunt actus creaturæ rationalis ab actibus aliorum: quia actus aliorum ordinantur ad speciei conservationem & perfectionem, & in eis non attenditur nisi bonum speciei secundum se: & si attenditur bonum individui, hoc non est nisi in quantum ad speciem ordinatur: in actibus vero intellectualis naturæ attenditur non tantum bonum & perfectio speciei, sed etiam bonum individui secundum se. & ideo dicitur quod sola creatura rationalis ad suos actus dirigitur non solum secundum quod congruit speciei, sed etiam secundum quod congruit individuo: id est non solum illius actus Deus propter bonum speciei dirigit & regulat, sed etiam secundum quod ad bonum individui spectant, quia videlicet in illa non solum intendit speciei conservationem, sed etiam ipsius individui bonum, etiam si in bonum speciei non cederet. Arguit autem primo sic. Creatura rationalis (scilicet secundum individuum) diuinæ providentiæ substat, sicut secundum se gubernata & prouisa, non solum propter speciem vel alia creaturæ, ergo directionem à Deo ad suos actus accipit non solum propter speciem, sed etiam secundum individuum. probatur antecedens, quia individuum quod gubernatur solum propter speciem, non gubernatur propter seipsum. consequentia vero probatur, quia cum res propter suam operationem esse videatur, vnumquodque ad suum actum gubernatur secundum quod diuinæ providentiæ substat.

AD evidentiam huius rationis considerandum est, quod propter se gubernari dupliciter accipi potest. Vno modo ut excludit omnem ordinem ad aliud. & sic gubernari propter se excludit gubernari propter alterius bonum. Et hoc modo non intelligitur naturæ rationalis individuum propter se gubernari. ostensum est enim superius ipsam intellectualem naturam ad vniuersi perfectionem ordinari. Alio modo ut excludit ordinem ad alterum tantum, quod scilicet non tantum est volitum & intentum propter alterum, sed etiam propter bonum proprium, ita quod in se habet unde sit volitum, etiam si ad aliud non ordinetur: & sic gubernari propter se non excludit etiam ordinem ad aliud. potest enim vnde & idem hoc modo & propter se gubernari, & propter aliud, in quantum videlicet & ad bonum alterius ordinatur, & etiam in se habet unde sit volitum. & hoc modo accipitur hoc loco naturam rationalem etiam secundum individuum esse propter se gubernatam & prouisam. Secundo, si ita non esset, in homine non esset agere vel non agere, sed oporteret quod naturalem inclinationem communem toti speciei sequeretur. hoc est falsum, ergo, &c. probatur consequentia, quia in eis quæ diriguntur in suis actibus solum secundum quod pertinet ad speciem, non est agere vel non agere: cum ea quæ consequuntur speciem sint communia & naturalia omnibus individuis sub specie contentis, naturalia autem non sunt in nobis.

AD evidentiam huius rationis considerandum est, quod aliter loquendum est de ipsa facultate agendi vel non agendi, & aliter de operatione quæ huiusmodi subditur facultati. Nam facultas agendi vel non agendi naturalis est homini, & totam speciem consequitur: nec est in nobis ipsam habere vel non habere: ipsa vero operatio quæ huiusmodi subditur facultati, non est naturalis, nec totam speciem consequitur accipiendo natura-

le pro eo quod naturam de necessitate consequitur, nulli enim est operatio humana in quantum huiusmodi quæ quantum ad exercitium de necessitate natura sequatur. Nam licet intelligere dicatur homini esse naturale, in quantum potentia intellectiva est homini naturalis, non tamen ipsum actu intelligere sic est homini naturale, ut naturam de necessitate sequatur: alioqui oporteret ut homo semper intelligeret positus iis quæ ad agendum necessaria sunt ex parte intellectus, sed est in hominis potestate intelligere actu vel non intelligere, & sic etiam hic determinatus actus intelligendi non consequitur totam speciem humanam, licet facultas intelligendi totam speciem consequatur. sensus ergo consequentiæ S. Tho. est, quod si dirigitur homo in suis actibus solum secundum quod ad speciem pertinet, non esset in homine facultas quæ posset actionem actu producere, & ipsam operationem prætermittere, sed ipsam naturali necessitate produceret, quia illa operatio consequeretur speciem, & sic esset naturalis, & per consequens non esset in hominis facultate.

Tertio, In rationali creatura apparent multe actiones ad quas non sufficit inclinatio speciei, ergo, &c. probatur antecedens hoc signo, quod actiones illæ non sunt similes in omnibus, consequentia vero probatur, quia cum diuinâ providentiâ ad omnia singularia etiam minima se extendat in quibuslibet sunt aliquæ actiones, præter inclinationem speciei, oportet quod in illis per diuinam providentiam regulentur præter directionem quæ pertinet ad speciem.

ADVERTENDUM hoc loco quod cum actio principio actionis proportionetur, necesse est ubi idem formale principium, & eodem modo se habes inuenitur, ut & ibi similis inueniatur operatio, videmus enim quod omnes artifices eandem artis perfectionem habentes si secundum illam artem operentur, eodem modo operantur. Cum ergo ea quæ ad speciem pertinent, eodem modo in omnibus speciei individuis inueniatur, oportet ut operatio quæ speciem consequitur, eodem modo ab omnibus fiat: & si eodem modo ab omnibus non fiat, non est operatio quæ communem speciem consequatur necessarii, & ideo convenienter adducit sanctus Tho. pro signo aliquas actiones in hominibus esse præter inclinationem speciei, quod non in omnibus similes sunt. Quarto, Sola creatura rationalis est capax directionis quæ dirigitur ad suos actus, non solum secundum speciem, sed etiam secundum individuum, cum habeat intellectum & rationem, unde percipere possit quomodo diversimode sit aliquid bonum vel malum secundum quod congruit diversis individuis temporibus & locis, ergo, &c. probatur consequentia, quia Deus vnicuique naturæ prouidet secundum ipsius capacitatem, cum tales, considerit quales aptas esse cognouit ut per suam gubernationem peruenirent ad finem.

ADVERTE iuxta ea quæ in precedentibus dicta sunt, quod differt homo ab aliis animalibus in hoc, quod alia individua animalium sunt tantum propter speciei conservationem producta, & ideo omnes eorum actiones quibus etiam ipsum individuum conservatur in esse, ad ipsum speciei bonum ordinantur, in quantum per huiusmodi manutentionem individuorum species conservatur. unde non sunt capacia ad hoc ut dirigantur in suas operationes, nisi in quantum bonum & perfectio speciei exigit. hominis autem vnumquodque individuum non solum est propter speciei conservationem productum, sed etiam propter se, cum anima vniuersaliusque perpetua sit & immortalis, & corpus ab ea ordinem ad immortalitatem habeat. ideo actiones individui humani non solum ad bonum speciei ordinantur, sed etiam ad bonum & perfectionem ipsius individui: & propterea vnumquodque individuum hominis capax est directionis ad suos actus non solum secundum quod bonum & perfectio speciei exigit, sed etiam secundum quod exigit bonum & perfectio individui secundum se: & propter hoc datus est vnicuique homini intellectus quo possit percipere quomodo diversis individuis sit diversimode aliquid bonum vel malum. Sensus ergo illius antecedentis est, quod sola creatura rationalis capax est directionis ad suos actus, non solum quantum ad actus qui speciem consequuntur, sed etiam quantum ad actus huius individui, in quantum est hoc individuum ab alio hominis individuo distinctum: & non solum secundum quod exigit bonum & perfectio speciei, sed etiam secundum quod exigit bonum & perfectio individui in quantum huiusmodi. Quinto, Creatura rationalis participat diuinam providentiam non solum secundum gubernari, sed etiam secundum gubernare se in suis actibus propriis & etiam alia, ergo gubernatio actuum creaturæ rationalis in quantum sunt actus personales ad diuinam providentiam pertinent. probatur consequentia, quia inferior providentiâ subditur diuinæ quasi suprema. antecedens vero probatur, quia creatura rationalis sic diuinæ providentiæ subiaceat, quod non solum ea gubernatur, sed etiam rationem providentiæ utcumque cognoscere potest.

CIRCA istam propositionem, Creatura rationalis rationem providentiæ cognoscere potest, considerandum est quod hic per rationem providentiæ duo possumus intelligere, scilicet aut rationem & causam gubernationis rerum à Deo, quæ gubernatio etiam quandoque providentiâ nominatur: aut conceptionem diuini intellectus ordine rerum in finem, quæ providentiâ dicitur. Primo modo sensus est, quod cognoscit propter quid, talis res sic gubernatur, talis vero sic, puta quod corpora inferiora Deus gubernat per corpora celestia: quia celestia sunt nobiliora & excellentiora, utpote incorruptibilia. Secundo vero modo sensus est, quod homo cognoscit ipsam dispositionem diuini intellectus de rerum ordine in finem, & sic est constructio intransitiua, ut sit sensus, cognoscit rationem providentiæ, id est, rationem quæ est in ipsa providentiâ. nam providentiâ ratio quædam est, ut ex superioribus constat. Vtroque modo dicti S. Tho. possumus interpretari, quia ex utroque sensu optime sequitur intentum. Ex hoc enim quod homo cognoscit ordinem diuinæ gubernationis existentem in rebus, habet ut seipsum & alia ad similitudinem diuinæ gubernationis possit gubernare. similiter ex hoc quod cognoscit ipsam diuinam providentiam quæ est in mente diuina, potest gubernare se & alia, quod brutis non conuenit quæ talem cognitionem non habent. Sed licet uterque sensus adaptari possit literæ, secundus tamen videtur magis intentus esse illa dictione, utcumque apposita, cum ait creaturam rationalem sic subdi diuinæ providentiæ, quod rationem providentiæ utcumque cognoscere potest. idem enim videtur esse acsi diceret, non potest quidem creatura rationalis perfecte cognoscere rationem diuinæ providentiæ, cognoscendo videlicet ipsam diuinam mentem ut in se est, quemadmodum







actus humani ab ipso homine quādam participatam similitudinem diuinę prouidentię habente gubernentur, necesse est vt homo aliquam habeat à Deo regulam & legem qua actus suos dirigat, quę scilicet lex sit quędam diuinę prouidentię participatio.

Tertio, Illis solū conuenit dari legem qui sui operis rationem cognoscunt, hoc autem soli conuenit rationali creaturę. ergo illi soli fuit conueniens legem dari. maior probatur, quia lex est quędam ratio & regula operandi.

CIRCA probationem maioris considerandum est ex doctrina sancti Thomę, prima secundę, quęstione nonagesima, quod ratio hoc loco accipitur pro eo quod per actum intellectus constituitur, quo modo omnis conceptus per actum intellectus productus, siue complexus, siue incomplexus, dicitur ratio. ille ergo conceptus quem ratio practica format de actionibus exercendis, qui conceptus est quędam vniuersalis propositio de agendis, dicitur ratio & regula actionis, quia secundum quod intellectus determinat aliquam actionem oportere fieri, ita est exercenda. Nihil ergo aliud est dicere legem esse rationem & regulam operandi, quā legem esse conceptionem intellectus practici, secundum quam operatio est dirigenda & regulanda, quemadmodum & operatio artificialis per artem in mente artificis existentem regulatur. Ista ratio & ea quę immediate sequitur, probat non solū hominibus oportere leges dari, sed etiam quod solis hominibus inter animalia sint dandę. Quarto. Illis danda est lex in quibus est agere & nō agere, hoc autem soli creaturę rationali conuenit, ergo, &c.

ADVERTENDVM, quod ratio quare illis tantū danda est lex, in quorum potestate est agere vel non agere, est, quia vt dicitur prima secundę, quęstione & loco allegato, lex regula quędā est & mēsurā actuum secundum quam aliquis inducitur ad agendum, vel ab agendo retrahitur. ad illa enim ad quę quis ex naturę necessitate inducitur, non oportet vt per legem superadditam naturę inducatur, & multo minus necessarium est, vt per legem ab illis retrahatur, cū impossibile sit vt non fiant eo modo quo naturę necessitas exigit, vnde & brutis non datur proprię lex: quia naturali instinctu ad suas actiones aguntur, sed ad ea quę quis potest agere & non agere, induci quis potest vt agat, aut etiam ne agat retrahi. ideo circa ea necesse est dari legē, vt per ipsam fiat actuum liberorum directio. Quinto, Creatura rationalis finem suum vltimum in Deo & à Deo consequitur, ergo, &c. probatur consequentia, quia ab eo vnusquisque legis capax legem suscipit, à quo ad finem producit, sicut inferior artifex ab architectore, & miles à duce exercitus, huius autem ratio est, quia cuiuslibet operis ratio à fine sumitur, lex autem ratio operis est.

CONFIRMATVR conclusio autoritate Hieremię decimo tertio. Et Osee octauo.

*Quod lex diuina principaliter ordinat hominem in Deum.*

Cap. 115.

**E**X hoc autem sumi potest ad quid lex diuinus data principaliter tendat. Manifestum est enim quod vnusquisque legislator ad suum finem principaliter per leges homines dirigere intendit: sicut dux exercitus ad victoriam: & rector ciuitatis ad pacem: finis autem quem Deus intēdit est ipsemet Deus: lex igitur diuina hominem principaliter in Deum ordinare intendit.

2. Adhuc, lex, sicut dictum est, est quędam ratio diuinę prouidentię gubernantis rationali creaturę proposita. sed gubernatio prouidentis Dei singula ad proprios fines ducit, per legem igitur diuinitus datam homo ad suum finem præcipuē ordinatur. finis autem humanę creaturę est adhærere Deo: in hoc enim felicità eius consistit, vt supra \* ostensum est. ad hoc igitur principaliter lex diuina hominem dirigit, vt Deo adhæreat.

\* Cap. 37.

3. Amplius, intentio cuiuslibet legislatoris est, eos quibus legem dat, facere bonos: vnde præcepta legis debent esse de actibus virtutum. illi igitur actus à lege diuina præcipuē intenduntur, qui sunt optimi: sed inter omnes humanos actus illi sunt optimi, quibus homo adhæret Deo, vt pote fini propinquiores: ergo ad hos actus præcipuē lex diuina ordinat homines.

4. Item, illud præcipuum debet esse in lege, ex quo lex efficaciam habet, quod homo subditur Deo: non enim aliquis alicuius regis lege arctatur qui ei subditus non est. hoc igitur præcipuum in diuina lege esse debet, vt mens humana Deo adhæreat.

Hinc est quod dicitur Deuteronomij decimo: Et nunc Israël quid dominus Deus tuus petit à te, nisi vt timeas dominum Deum tuum, & ambules in vijs eius, & diligas eum: ac seruias domino Deo tuo in toto corde tuo, & in tota anima tua?



**P**OSTQVAM ostendit sanctus Thomas necessarium fuisse vt homini à Deo lex daretur, nunc vult ostendere quid sit illud quod diuina lex intendat. Circa hoc autem duo facit. Primo ostendit quid intendat de necessitate præcepti. Secundo quid intendat de utilitate consilij, capitulo centesimo trigésimo. Circa primum duo facit. Primo, determinat de præceptis, quę præsupponuntur præceptis decalogi, quę sunt præceptum amoris, & præceptum fidei, vt dicitur prima secundę, quęstione centesima, articulo quarto ad primum. Secundo, de præceptis decalogi determinat, capitulo centesimo decimo octauo. Circa primum duo facit. Primo, ostendit quod homo per diuinam legem ordinatur ad Deum. Secundo, quomodo ad Deum ordinatur, capitulo sequenti.

QVANTVM ad primum ponitur hæc conclusio. Lex diuina hominem principaliter in Deum ordinare intendit. Probatur primò sic. Finis quem Deus intēdit, est ipsemet Deus. igitur lex diuina hominem in Deum principaliter ordinare intendit: probatur consequentia, quia vnusquisque legislator ad suum finem homines per leges principaliter inducere intendit, vt patet in duce exercitus, & rectore ciuitatis. Secundo, finis humanę creaturę est adhærere Deo, cū in hoc eius felicità consistat, ergo, &c. probatur consequentia, quia cum lex sit quędam ratio diuinę prouidentię gubernantis rationali creaturę proposita, & gubernatio Dei prouidentis singula ad proprios fines ducat, per legem diuinitus datam homo ad suum finem præcipuē ordinatur.

AD horum evidentiam attendendum primò, quod licet diuina prouidentia quantum ad entitatem quam dicit in Deo, sit vna simpliciter, & nullam in se pluralitatem habeat, sicut & diuina scientia, ex parte tamen obiectorum ad quę terminatur, multiplicitatem habet, quia multa sunt quę sub prouidentia cadunt & variis modis ad suos fines produciuntur: & sic possumus dicere in Deo esse plures prouidentias, & plures rationes ordinis rerū in finem: verbi gratia quod ratio ordinis corporum celestium in finem suum est vna prouidentia, siue vna ratio prouidentię diuinę, & ratio ordinis rerum corruptibilium in suos fines, est alia prouidentia, & alia ratio prouidentię diuinę: & similiter ratio ordinis humanorū actuum in finem, est alia diuinę prouidentię ratio. propter hoc ergo dixit sanctus Thomas, quod lex est quędam ratio diuinę prouidentię, non autem quod sit absolutē ratio diuinę prouidentię, vt inquam ostenderet legem diuinitus datam non esse vniuersaliter diuinam prouidentiam secundum scilicet quod ad omnia prouisa se extendit, sed etiam diuinę prouidentię particularem rationem qua humani actus produciuntur ad finem.

ATTENDENDVM secundò ex doctrina sancti Thomę, quęstione præallegata articulo quarto, quod ad hoc vt ratio aliqua & ordinatio intellectus practici rationem legis habeat respectu hominis, requiritur vt promulgetur, & ipsa promulgatione in notitiam hominum, quibus talis lex imponitur, deueniat, alioquin vim obligandi non haberet. idcirco legem diuinitus datam explicans ait, quod est quędam ratio diuinę prouidentię gubernantis rationali creaturę proposita, id est, promulgata, & in hominum notitiam per Moysen & alios atque per sacram scripturam deducta.

Tertio, Illi actus à lege diuina præcipuē intenduntur, qui sunt optimi: sed inter omnes humanos actus illi sunt optimi quibus homo adhæret Deo, vt pote fini propinquiores. ergo, &c. probatur maior, quia intentio cuiuslibet legislatoris est eos quibus legē dat, bonos efficere: vnde & præcepta legis debent esse de actibus virtutum.

CIRCA istam propositionem, Intentio cuiuslibet legislatoris est eos quibus legem dat, bonos facere, aduertendum est. sicut sanctus Thomas. 1. 2. q. 93. art. 1. quod intelligitur hoc aut simpliciter, aut secundum quid. Si enim legislator intendat bonum simpliciter, tunc intendit facere subditos simpliciter bonos: si autem intendat bonum vtile vel delectabile sibi vel diuinę iustitię repugnās, tunc intendit facere bonos non simpliciter, sed in ordine ad tale regimen, vt scilicet subditi sint bene obediētes suo regi mini, quod est bonum in ordine ad tale regimen. Bonus tamen legislator semper intendit bonos simpliciter facere.

Quarto, Lex diuinitus data ex hoc apud homines efficaciam habet, quod homo subditur Deo. ergo, &c. probatur antecedens, quia non arctatur lege regis qui ei subditus non est. consequentia verò probatur, quia illud principium debet esse in lege, ex quo lex efficaciam habet.

SED videtur ista ratio non valere. propter hoc enim quod lex diuina efficaciam habet ex eo quod homo subditur Deo, non sequitur nisi quod præcipuum in diuina lege est, vt homo sit subditus Deo: hoc autem nō est adhærere Deo, quod intendebatur. Aliud enim est esse alicui subditum, & aliud illi adhærere.

RESPONDETVR, quod ratio optimè procedit. Adhærere enim hoc loco non sumitur secundū situm propinquitatē, sed secundum mentis adhesionem: & ideo subditum esse Deo per obedientiam, qua aliquis se diuinę legi voluntariē subijcit, idem est quod Deo per voluntatem adhærere: & propterea dum infertur vnum, idem est ac si alterum inferretur. Confirmatur conclusio autorit. Deuteronomij decimo.

*Quod finis legis diuinę est dilectio Dei.*

Caput 116.



**V**IA verò intentio diuinę legis ad hoc principaliter est vt homo Deo adhæreat: homo autem potissimè adhæret Deo per amorem: necesse est quod intentio diuinę legis principaliter ordinetur ad amandum. Quod autem per amorem homo maximè Deo adhæreat, manifestū est. Duo enim sunt in homine quibus Deo potest adhærere, intellectus scilicet & volūtas. nā secundum inferiores animas



animæ partes Deo adherere non potest, sed inferioribus rebus. adhesio autem quæ est per intellectum, completionem recipit per eam quæ est voluntatis: quia per voluntatem homo quodammodo quiescit in eo quod intellectus apprehendit. voluntas autem adheret alicui rei vel propter amorem, vel propter timorem: sed differenter. nam ei quidem cui inhæret propter timorem, inhæret propter aliud: ut scilicet euitet malum, quod si non adheret ei, imminet. ei verò cui adheret propter amorem, adheret propter seipsum. quod autem est propter se, principaliter est eo quod est propter aliud. adhesio igitur amoris ad Deum, est potissimus modus ei adherendi. hoc igitur est potissimum intentum in diuina lege.

2 Item, finis cuiuslibet legis, & præcipue diuinæ est homines facere bonos. homo autem dicitur bonus ex eo quod habet voluntatem bonam per quam reducit in actum quicquid boni in ipso est. voluntas autem bona est ex eo quod vult bonum, & præcipue maximum bonum quod est finis. quantum igitur huiusmodi boni magis voluntas vult, tantum magis homo est bonus: sed magis vult homo id quod vult propter timorem tantum. \* nam quod vult propter timorem tantum, dicitur mixtum inuoluntarium: sicut aliquis vult in mari projectionem mercium propter timorem: ergo amor summi boni, scilicet Dei, maxime facit bonos, & est maxime intentum in diuina lege.

3 Præterea, bonitas hominis est per virtutem. virtus enim est quæ bonum facit habentem: unde & lex intendit homines facere virtuosos: & præcepta legis sunt de actibus virtutum: sed de conditione virtutis est ut virtuosus & firmiter & delectabiliter operetur: hoc autem facit maxime amor. nam ex amore aliquid firmiter & delectabiliter facimus. amor igitur boni est vltimum intentum in lege diuina.

4 Adhuc, legislatores imperio legis editæ mouent eos quibus lex datur. in omnibus autem quæ mouentur ab aliquo primo mouente, tantum aliquid perfectius mouetur, quantum magis participat de motione primi mouentis, & de similitudine ipsius. Deus autem qui est legis diuinæ dator, omnia facit propter suum amorem. qui igitur hoc modo tendit in ipsum, scilicet amando perfectissime mouetur in ipsum. omne autem agens intendit perfectionem in eo quod agit: hic igitur est finis totius legislatoris, ut homo Deum amet. Hinc est quod dicitur primæ ad Timotheum 1. finis præcepti charitas est. Et Matthæi 22. dicitur quod primum & maximum mandatum in lege est, Diliges dominum Deum tuum. Inde est quod lex noua tanquam perfectior dicitur lex amoris: lex autem vetus, tanquam imperfectior, dicitur lex timoris.

Super Cap. 116.

**S**ECUNDO loco ostendit sanctus Thomas qualis sit adhesio quam diuina lex intendit. Circa hoc autem duo facit. Primum ostendit quod talis adhesio est per amorem. Secundum, quod est etiam per finem, cap. 18. Quia autem in Dei amore amor proximi continetur: Primum probat quod diuina lex hominem ad Dei amorem ordinat. Secundum quod ad amorem proximi, capite sequenti.

QUANTVM ad primum ponit hanc conclusionem. Intentio diuinæ legis principaliter ordinat ad amandum Deum. Et arguit primum sic. Homo principaliter adheret Deo per amorem, ergo, &c. patet consequentia, quia intentio diuinæ legis principaliter est ad hoc, ut homo Deo adheret: antecedens verò probatur, quia cum intellectu & voluntate solum homo adherere Deo possit, non autem secundum inferiores vires, adhesio quæ est per intellectum, completionem recipit per eam quæ est per voluntatem, per quam homo quodammodo quiescit in eo quod intellectus apprehendit, voluntas autem ei cui inhæret propter timorem, inhæret propter aliud, ut scilicet euitet malum sibi imminens si non adheret: ei verò cui adheret propter amorem, adheret propter seipsum, quod autem est propter se, principaliter est eo quod est propter aliud.

Ad huius rationis euidenciam considerandum est, quod actum quo voluntas alicui adheret, dupliciter considerare possumus. Vno modo per præcisionem ab actu intellectus apprehendentis rem volitam. alio modo ut actum intellectus includit, in quantum non est nisi rei cognitæ. Si accipiat per præcisionem secundum quod ab actu intellectus formaliter distinguitur: sic per voluntatem non maxime homo Deo adheret et absolute loquendo, sed magis per intellectum, cum cognitio fiat per hoc quod cognitum recipitur in cognoscente, & intellectus in actu sit intellectum in actu: velle autem sit inclinatio in rem volitam. Si verò accipiat per inclusionem actus intellectus, sic maior adhesio est per voluntatem quam

per intellectum. magis enim Deo adheret qui Deum in seipso habet per cognitionem, & in eo per amorem aliquo modo quiescit, quam qui tantum cognoscit Deum, & ipsum non amat. & hoc modo accipit S. Thom. maiorem esse adhesionem per voluntatem ea quæ est per intellectum: quod patet ex eo quod ait adhesionem quæ est per intellectum, accipere complementum per eam quæ est voluntatis. ex hoc enim dat intelligere quod maior est adhesio per voluntatem & intellectum simul, quam adhesio quæ est per solum intellectum, quia illa quæ est per intellectum tantum, caret complemento suæ perfectionis, quæ verò per intellectum est & voluntatem, habet suæ perfectionis complementum.

Secundo, Amor summi boni maxime facit bonos, ergo, &c. probatur consequentia, quia finis cuiuslibet legis & maxime diuinæ est homines facere bonos. antecedens verò probatur sic. Homo dicitur bonus ex eo quod habet bonam voluntatem per quam reducit in actum quicquid boni, scilicet superadditi est in ipso. voluntas autem bona est ex eo quod vult bonum, & præcipue maximum bonum, quod est finis. ergo quantum magis huiusmodi bonum voluntas vult: tanto magis homo est bonus, sed magis vult homo quod vult propter amorem, quam id quod vult propter timorem tantum, cum volitum per timorem mixtum sit inuoluntarium, ergo, &c. Tertio, Bonitas hominis est per virtutem, cum hæc bonum faciat habentem: unde & lex intendit facere virtuosos, & præcepta legis sunt de actibus virtutum. ergo amor boni est vltimum intentum in lege diuina. probatur consequentia, quia de conditione virtutis est, ut virtuosus & firmiter & delectabiliter operetur, quod maxime facit amor.

ADVERTE, quod hæc ratio supponit intentionem legis esse ut homines bonos efficiat. sic enim cum homo sit bonus ex eo quod per amorem virtutis operatur, quia bonus est per virtutem, virtus autem exigit ut per amorem operetur, alioquin non operetur firmiter & delectabiliter quod est de ratione virtutis: optime sequitur intentionem legis diuinæ esse, ut homo diligat, & maxime summum bonum: qui est Deus.

Quarto, Legislatores imperio legis editæ mouent eos quibus lex datur. ergo intendunt ut perfectissime moueantur. ergo intentio totius legislatoris est ut homo Deum amet. probatur prima consequentia, quia omne agens intendit perfectionem in eo quod agit, scilicet quantum potest, & quantum natura effectus exigit. Secunda verò probatur, quia qui tendunt in Deum ipsum amando, perfectissime mouentur in ipsum. huius autem ratio est, quia in omnibus quæ mouentur ab aliquo primo mouente, tanto aliquid perfectius mouetur, quanto magis participat de motione & similitudine primi mouentis: Deus autem qui est diuinæ legis dator omnia facit propter amorem suum.

CONFIRMATVR autoritate primæ ad Timotheum primo, & Matthæi vigesimo secundo. Ex his inferit sanctus Thomas conuenienter legem nouam tanquam perfectiorem dici legem amoris: veterem verò legem tanquam imperfectiorem dici timoris legem.

CIRCA hoc corollarium, dubium occurrit. Lex enim vetus ita est lex hominibus a Deo data, sicut lex noua quæ est lex euangelij. sed offensum est legem diuinam ad amorem Dei homines ordinare, non autem ad timorem. ergo lex vetus non debet dici magis lex timoris quam amoris: aut si timoris lex dicenda est, falsum est quod lex diuina ad amorem ordinet, vniuersaliter loquendo.

Ad huius euidenciam considerandum est ex doctrina sancti Thomæ, prima secunda, questione centesima septima, articulo primo, quod lex vetus & noua non distinguuntur quasi sint duæ leges omnino duos habentes fines, imò ipsarum vna est finis, scilicet ut homines subdantur Deo, sed distinguitur sicut perfectum & imperfectum in eadē specie. lex enim vetus imperfectior est lege noua, & remotius ordinat ad finem legis: & ideo lex vetus quæ dabatur imperfectis, dicebatur lex timoris, quia inducebantur homines ad obseruantiam præceptorum & subiectionem Dei per penarum comminationem: lex autem noua quæ datur perfectioribus, dicitur lex amoris, quia cum eius principalitas consistat in ipsa gratia cordibus indita, non propter timorem penarum, sed propter amorem virtutis & Dei, inducit homines ad præceptorum obseruantiam. unde est præcepta charitatis darentur in lege veteri, non tamen ipsa lex ad hoc inclinabat, ut propter amorem diuinum obseruarentur præcepta: in lege autem noua dantur præcepta charitatis, & per ipsam legem quæ principaliter consistit in gratia spiritus sancti, fidelium cordibus indita, inclinatur homo perse tanquam ad aliquid proprium, ut propter amorem Dei illi sit subiectus, illique per amorem inhæreat. Quod ergo dicitur legem diuinam ad hoc tendere, ut homo Deum diligat, intelligendum est de lege diuina secundum suam perfectionem sumpta, non autem de ipsa secundum quod imperfectioribus datur: & ideo inferit S. Tho. quod lex noua tanquam perfectior dicitur lex amoris, ac si diceret: cum dictum est legem diuinam ad amorem Dei intendere, intelligitur de lege perfecta, qualis est lex noua, & lex euangelij in cordibus hominum descripta: unde dicitur lex amoris non autem intelligitur de lege imperfecta, qualis est lex vetus in tabulis descripta, quæ lex timoris dicitur. Et per hoc patet solutio ad obiecta.

Quod diuina lege ordinamur ad dilectionem proximi.

Cap. 117.

**E**X hoc autem sequitur, quod diuina lex dilectionem proximi intendat. Oportet enim vnionem esse affectus inter eos quibus est vnus finis communis. communicant autem homines in vno vltimo fine beatitudinis, ad quem diuinitus ordinantur: oportet igitur quod vniantur homines adinuicem mutua dilectione.

2 Adhuc, quicumque diligit aliquem, consequens est ut etiam diligat dilectos ab eo, & eos qui coniuncti sunt ei. homines

\*Vt dicit Philosophus 3. Ethic. c. 2.



homines autem dilecti sunt à Deo quibus suis ipsius fructum quasi ultimum finem prædisposuit. oportet igitur ut sicut aliquis sit dilector Dei, ita etiã fiat dilector proximi.

3 Amplius, cum homo sit naturaliter animal sociale, indiget ab aliis hominibus adiuuari ad consequendum proprium finem: quod convenientissimè fit dilectione mutua inter homines existente. ex lege igitur Dei quæ homines in ultimum finem dirigit, præcipitur in nobis mutua dilectio.

4 Item, ad hoc quod homo diuinis vacet, indiget tranquillitate & pace: ea verò quæ pacem perturbare possunt, præcipue per dilectionem mutuam tolluntur. cum igitur lex diuina ad hoc ordinet homines, ut diuinis vacent: necessarium est quod ex lege diuina in hominibus mutua dilectio procedat.

5 Præterea, lex diuina profertur homini in auxilium legis naturalis. est autem omnibus hominibus naturale ut se inuicem diligant: cuius signum est quod quodam naturali instinctu homo cuilibet homini etiam ignoto subuenit in necessitate, puta reuocando ab errore viæ: erigendo à casu, & aliis huiusmodi: ac si omnis homo omni homini esset familiaris & amicus: igitur ex diuina lege mutua dilectio hominibus præcipitur. Hinc est quod dicitur Ioan. 13. Hoc est præceptum meum, ut diligatis inuicem. Et primò Ioan. 14. Hoc mandatum habemus à Deo: ut qui diligit Deum, diligat & fratrem suum. Et Matth. 22. dicitur quod secundum mandatum est, Diliges proximum tuum, &c.

Super Cap. 107.



VM ostensum sit quod homo per diuinam legem ordinatur ad Deum, vult nunc ostendere sanctus Thomas quod per ipsam etiam ad proximi amorem ordinatur, & arguit primò sic. Communicat homines in vno ultimo fine beatitudinis, ad quem diuinitus, hoc est per diuinam legem ordinantur. ergo oportet ut inuicem mutuam dilectione, probatur consequentia, quia oportet vniorem esse affectus inter eos quibus est vnus finis communis.

ADVERTE quod efficacia huius rationis in hoc consistit, quod intendens aliquem finem, intendit etiam id quod talem finem concomitatur. Lex autem diuina intendit homines ad amorem Dei ordinare tanquam ad finem: convenientiamque hominum ad hunc ultimum finem cõcomitatur mutua hominum dilectio, sicut & in omnibus aliis videmus quod cõmunitas in vno fine mutuo se diligunt, ut homines vnus artis. ergo & diuina lex mutua hominum dilectionem intendit.

Secundò, Homines dilecti sunt à Deo, quibus sui ipsius fructus quasi ultimum finem prædisposuit. ergo oportet ut sicut aliquis sit dilector Dei, ita & proximi dilector fiat, ergo, &c. probatur prima consequentia, quia quicumque diligit aliquem, cõsequens est ut etiam diligat dilectos ab eo, & omnes qui coniuncti sunt ei.

ADVERTE hic, ne errad occasionem sumas, quod non sic accipiendum est quod hic dicitur, Deum prædisposuisse fructum sui hominibus tanquam ultimum finem, quasi substantia ultimi finis sit ipsa Dei fructio, ut à visione præcindit, sed quia fructio est complementum ultimi finis, sicut decor completit iuventutem. Aut etiam dicendum, quod nomine ultimi finis nō accipit sanctus Thomas ipsam solam beatitudinis substantiam: sed ipsam beatitudinem omni ex parte, id est, tam accidentaliter quam essentialiter completam: & nomine fructus non accipit ipsum actum voluntatis præsum, sed aggregatum ex visione Dei & delectatione, tunc enim verissimum est quod completa beatitudo & ultimus finis consistit in fructione Dei, id est diuinæ essentia, visione & delectatione. tunc enim verissimum est quod completa beatitudo & ultimus finis consistit in fructione Dei, id est diuinæ essentia, visione, & delectatione talem visionem concomitante, vñ præcedentibus est ostensum. Tertiò, Homo indiget ab aliis hominibus iuari ad consequendum ultimum finem, cum sit animal sociale: sed hoc fit cõuenientissimè mutua dilectione inter homines existente. ergo ex lege quæ homines in ultimum finem dirigit, præcipitur nobis mutua dilectio.

ADVERTE fundamentum huius rationis esse, legem diuinam quæ homines mouet & inducit ad ultimi finis consecutionem, ordinari etiam ad illud quod maxime conueniens est ad consequendum finem: statuens enim finem ordinat etiam ea quæ ad finis cõsecutionem maxime conueniunt: mutua autem dilectio inter homines conuenientissimè cõfert ad ultimi finis consecutionem, quia ea existente vnus homo ab aliis maxime iuuatur in consecutione finis, ideo lex diuina ordinatur etiam ad proximi dilectionem. Quarto, Lex diuina ad hoc ordinat homines, ut diuinis vacent, ergo, &c. probatur consequentia, quia ad hoc quod homo diuinis vacet, indiget tranquillitate & pace: ea verò quæ pacem perturbare possunt, præcipue per dilectionem mutuam tolluntur. Quintò, Est omnibus hominibus naturale ut se inuicem diligant, ut multis signis constat, ergo, &c. probatur consequentia, quia lex diuina profertur homini in auxilium legis naturalis.

ADVERTENDVM ex doctrina S. Thom. 2. 2. quæst. 98. artic. 6. quod lex diuina data fuit hominibus propter defectum legis naturalis, quæ propter exuberantiam peccatorum erat obscurata, & primò data fuit lex veteris tanquam imperfecta, deinde lex noua tanquam perfecta, ut homines

per imperfectam legem ad perfectam manderentur. ideo inquit S. Thom. hoc loco, quod lex diuina datur homini in auxilium legis naturalis. Confirmatur conclusio auth. Ioan. 15. & 1. Ioan. 4. & Matth. 22.

Quod per diuinam legem homines ad rectam fidem obligantur.

Cap. 118.



X hoc autem apparet quod per diuinam legem homines ad rectam fidem obligantur. Sicut enim amationis corporalis principium est visio quæ est per oculum corporalem: ita etiam dilectionis spiritualis initium esse oportet visionem intelligibilem diligibilis spiritualis. visio autem illius intelligibilis spiritualis, quod est Deus, in presenti haberi non potest à nobis nisi per fidem: eo quod naturalem rationem excedit & præcipue secundum quod in eius fructione nostra beatitudo consistit: igitur ex lege diuina in fidem rectam inducimur.

2 Item, lex diuina ad hoc ordinat hominē, ut sit totaliter subditus Deo: sicut homo subditur Deo amādo quantum ad intellectum: non autem credendo aliquid falsum: quia à Deo, qui est veritas, nullum falsum homini proponi potest. vnde qui credit aliquid falsum, non credit Deo. ex lege igitur diuina ordinantur homines ad fidem rectam.

3 Adhuc, quicumque errat circa aliquid quod est de essentia rei, non cognoscit illam rem: sicut si aliquis apprehenderet animal rationale æstimans hoc esse hominē, non cognosceret hominem. secus autem esset si erraret circa aliquid accidentium eius: sed in compositis qui errat circa aliquid principiorum essentialium, etsi nō cognoscat rem simpliciter, tamen cognoscit eam secundum quid: sicut qui existimat hominē esse animal irrationale, cognoscit eum secundum genus suum. in simplicibus autem hoc nō potest accidere: sed quilibet error totaliter excludit cognitionē rei. Deus autem est maxime simplex: ergo quicumque errat circa Deum, nō cognoscit Deum: sicut qui credit Deū esse corpus, nullo modo cognoscit Deum: sed apprehendit aliquid aliud loco Dei. secundum autem quod aliquid cognoscitur, secundum hoc amatur & desideratur. qui ergo errat circa Deū, nec amare potest Deum, nec desiderare ipsum ut finem. cum igitur lex diuina ad hoc tendat, ut homines ament & desiderant Deum: oportet quod ex lege diuina homines obligentur ad rectam fidem habendam de Deo.

4 Amplius, falsa opinio ita se habet in intelligibilibus sicut vitium virtuti oppositum in moralibus. nam bonum intellectus est verum, sed ad legem diuinam pertinet vitia prohibere: ergo ad eam etiam pertinet falsas opiniones de Deo, & de his quæ sunt Dei excludere.

Hinc est quod dicitur Hebræorum vndecimo: Sine fide impossibile est placere Deo. & Deuteronomi sexto: antequam alia præcepta legis ponantur, præstituitur recta fides de Deo, cum dicitur. Audi Israël: dominus Deus tuus vnus est. Per hoc autem excluditur error quorundam dicentium quod nihil refert ad salutem hominis cum quacunque fide seruiat Deo.

Super Cap. 118.



OSTENDIT S. Thom. quod lex diuina ad Dei amorem hominem ordinat, consequenter ostendit quod etiam ipsum ordinat ad fidem. Et ponit hanc cõclusionem: Per diuinam legem homines ad rectam fidem obligantur, probatur primò sic. Dilectionis spiritualis initium esse oportet visionem intellectualem, declaratur ex similitudine amationis corporalis. Sed visio illius spiritualis intelligibilis quæ est Deus, haberi non potest à nobis, nisi per fidem, & præcipue secundum quod in eius fructione nostra beatitudo consistit, eo quod naturalem rationem excedat: igitur, &c.

AD EVIDENTIAM huius rationis considerandum est, quod cum superius ostensum est, legem diuinam inducere homines ad amorem secundum suum statum perfectum, id est, secundum quod data est tempore gratia, illud intelligendum est de amore Dei quo diligitur tanquam ultimus nostræ beatitudinis finis, ad huiusmodi autem cognitionem non possumus ascendere nisi per fidem qua credimus Deum esse nostræ vitæ beatitudinis obiectum, ideo lex diuina quæ primò nos ad Dei amorem inducit, secundariò etiam ad rectam inducit fidem, sine qua Deum amare non possumus, & hoc est huius rationis fundamentum.

ADVER



**ADVERTENDVM** ulterius, quod amor propriè dicitur in appetitu sensitivo, licet etiam ad appetitum intellectuum transferatur, ut habetur tertio Sententiarum, distinctione vigesima septima, quæst. 2. art. 1. dilectio autem dicitur in appetitu intellectivo, quia ergo amor rei corporalis ad appetitum sensitivum pertinet, in quantum huiusmodi: amor vero rei spiritualis ad voluntatem: amorem rei corporalis vocavit S. Thomas amationem, quo significatur exitus in actum amoris sensitivi, amor vero rei spiritualis dilectionem appellavit.

**ATTENDENDVM** etiam cum dicitur amationis corporalis principium esse visionem quæ est per oculum aut quod non loquitur sanctus Thomas de amatione corporali univèrsaliter, sed de aliqua, de ea scilicet quæ aliquis in rem visam inclinatur: aut nomine visionis per oculum, omnem sensivam apprehensionem intelligit. ponit autem visionem per oculum, quia per hanc præcipue homines ad amorem inducuntur. Secundo, Lex divina ad hoc ordinat hominem, ut sit totaliter subditus Deo, ergo, &c. probatur consequenter, quia sicut subditur homo Deo amando quantum ad voluntatem, ita credendo quantum ad intellectum non autem aliquod falsum credendo, quia à Deo qui est veritas, nullum falsum homini proponi potest, tanquam scilicet credendum.

**SED** occurrit dubium. Videtur enim quod lex divina inducat ad credendum aliquod falsum. Nam cum Deus præcepit Abraham ut suum filium immolaret, per hoc inducitur Abraham ad credendum filium suum esse à se occidendum, quod tamen erat falsum, ergo, &c. Dicitur quod per illud præceptum non inducitur Abraham ad credendum filium suum esse à se interficiendum, nisi sub hac conditione, nisi præceptum revocaretur: & hoc verum erat, non autem falsum. Nam verè erat à ipso interficiendus, nisi Deus præceptum revocasset. Quomodo autem fidei non possit subesse falsum, ostendit sanctus Thomas 2. 2. quæst. 1. articulo 3. & tertio Sententiarum distinctione 24. quæst. 1. articulo 1. Tertio. Qui errat circa Deum, non cognoscit Deum, sed apprehendit aliquid loco Dei, ergo qui errat circa Deum, nec amare ipsum potest, nec desiderare, sed lex divina ad hoc tendit, ut homines Deum amant & desiderant, ergo, &c. probatur consequenter. Primo, quia secundum quod aliquid cognoscitur, secundum hoc amatur & desideratur, antecedens vero probatur ex differentia inter composita & simplicia, quia in compositis qui errat circa aliquod principium essentialium, etsi rem non cognoscit simpliciter, cognoscit tamen eam secundum quid, puta secundum genus, in simplicibus autem, cuiusmodi est Deus, quilibet error, scilicet circa essentialia, totaliter excludit rei cognitionem.

**AD** huius rationis evidentiam considerandum primo, quod omnibus simplicibus commune est ut ex pluribus partibus eorum essentia non componatur, ideo quævis in rebus simplicibus creatis accipitur genus & differentia in quantum in ipsis esse differt ab essentiali secundum propriam quæritatem, ad quod per remotionem illæ accipiuntur, ut in superioribus est ostensum: in ipsis tamen generi & differentia diversæ partes non correspondent, sicut in rebus materialibus accidit, in quibus genus sumitur à materia, & differentia à forma, ideo non potest errare quis circa diffinitionem ipsarum remanente cognitione ipsarum secundum genus quantum est ex parte rei, quia remota differentia ab ipsis quantum ad id quod est in te, non remanet aliquid ipsius à quo sumatur genus, cum ab eodem utrunque sumatur, unde si quis existimaret intelligentiam movetur orbem Saturni, esse substantiam corpoream, nullo modo apprehenderet ipsam intelligentiam substantiam, quia ipsa est genus substantiæ non sumitur ab alio ad essentialiam eius pertinentem, quam eius differentia quæ est incorporea: & ideo errore circa differentiam eius existentem non remanet aliquid apprehensum de ipsa ex parte rei quod generi eius correspondeat. Et si enim tunc videretur aliquid eius apprehendi, quia de ipsa apprehenditur substantia quæ est sibi communis & aliis, hoc tamen non est verum, quia substantia non est eius genus, nisi logicè & secundum rationem, quia substantia non autem Metaphysicè & ex parte rei.

**CONSIDERANDVM** secundo, quod substantia creatæ simplicis à prima substantia quæ simplicissima est differt, quod in ipsis aliquid accidentale est, in prima autem substantia nullum est accidens, sed quicquid in ipsa est, eius est essentia: ideo quia ut hic dicitur, cum errore circa accidentia rei fiat rei cognitio, potest circa accidentia substantiæ simplicis creatæ errare quis ipsam manente eius cognitione circa substantiam, quia vero in simplicibus error circa unum essentialium tollit omnino rei cognitionem, ideo omnis error circa Deum cui omnia sunt essentialia, totaliter ipsius cognitionem aufert, propterea absolute inquit sanctus Thomas quod quicumque errat circa Deum, ipsum non cognoscit. Quarto, Ad legem divinam pertinet vitia prohibere, ergo & falsas opiniones excludere de Deo & de iis quæ Dei sunt, ergo, &c. probatur consequenter, quia cum bonum intellectus sit verum, ita se habet falsa opinio in intelligibilibus, sicut vitium virtutis oppositum in moralibus.

**CONFIRMATVR** conclusio auctoritate Apostoli Heb. 11. & Deut. 6. Per hoc autem excluditur error dicentium nihil referre ad hominis salutem quacunque fide servit Deo.

**ADVERTENDVM**, quod error hic adductus optime ex dictis excluditur. si enim recta fides per legem divinam intenditur, & hæc ipsa recta fides nobis præcipitur, ubi recta fides non fuerit, lex divina non servatur, & per consequens ad salutem perveniri non poterit. Constat autem quod non omnis fides est recta, cum una dicat alteri contraria, ideo impossibile est ut in quacunque fide homo salvetur, sed tantum in recta salvari quis potest.

*Quod per sensibilia quadam mens nostra dirigitur in Deum.* Caput 119.



**VI**A vero naturale est homini ut per sensus cognitionem accipiat, & difficillimum est sensibilia transcendere, prout est divinitus homini ut etiam in sensibilibus rebus divinarum ei commemoratio fieret, ut per hoc hominis intentio magis revocaretur ad divina. Ille etiam

cuius mens non est valida ad divina in seipsis contemplanda: & propter hoc instituta sunt sensibilia sacrificia quæ homo Deo offert: non propter hoc quod Deus eis indigeat, sed ut representetur homini, quod seipsum & omnia sua debet referre in ipsum sicut in finem, & sicut in creatorem & gubernatorem, & dominum univèrsorum. Adhibentur etiam homini quædam sanctificationes per quasdam res sensibiles quibus homo lauitur, aut vngitur, aut pascitur, aut potatur, cum sensibilibus verborum prolatione: ut homini representetur, per sensibilia intelligibilibus donorum processum in ipso ab extrinseco fieri à Deo, cuius nomine sensibilibus vocibus exprimitur. Exercentur etiam ab hominibus quædam sensibilia opera, non quibus Deum excitent, sed quibus seipsos prouocent in divina sicut prostrationes, genuflexiones, vocales clamores, & cantus: quæ non sunt quasi Deus his indigeat, quæ omnia novit: & cuius voluntas est immutabilis: & affectum metis & etià motum corporis non propter se acceptat, sed propter nos facimus: ut per hæc sensibilia opera intentio nostra dirigatur in Deum, & affectio accedatur: simul etià per hoc Deum profiteamur animæ & corporis auctore, cui & spiritualia & corporalia obsequia exhibemus. Propter hoc non est mirum si hæretici qui corporis nostri Deum esse auctorem negant, huiusmodi corporalia obsequia Deo fieri reprehendant. In quo etiam apparet quod se homines esse non meminerunt, dum sensibilibus sibi representationem necessariam non iudicant ad interiorem cognitionem & affectionem, nam experimèto apparet quod per corporales actus anima excitatur ad aliquam cognitionem vel affectionem: unde manifestum est convenienter etiam corporalibus quibusdam nos uti ad mentis nostræ elevationem in Deum. In his autem corporalibus Deo exhibendis cultus Dei consistere dicitur. Illa enim colere dicimur, quibus per nostra opera studium adhibemus. Circa Deum autem exhibemus studium nostro actu: non quidem ut proficiamus ei: sicut enim alias res nostris operibus colere dicimur: sed quia per huiusmodi actus proficimus in Deum: & quia per interiores actus directe in Deum tendimus, ideo interioribus actibus propriè Deum colimus, sed tamen & interiores actus ad cultum Dei pertinent, in quantum per huiusmodi actus mens nostra elevatur in Deum, ut dictum est. Hinc est quod Dei cultus religio nominatur: quia huiusmodi actibus quodammodo homo se ligat ut ab eo non euagetur: & quia etiam quodam naturaliter instinctu se obligatum sentit ut Deo suo modo reverentiam ei impendat, à quo est sui esse & omnis boni principium. Hinc est etiam quod religio nomen accipit pietatis: nam pietas est per quam honorem debitum parentibus impendimus: unde convenienter quod Deo parenti omnium honor exhibetur, pietatis esse videtur: propter hoc qui his quæ ad divinum cultum pertinent, aduersantur, impij dicuntur. Quia vero Deus non solum est nostri esse causa & principium, sed totum nostrum esse in potestate ipsius est, & totum quod in nobis est, ipsi debemus: ac per hoc quod verè dominus noster est, id quod in honorem Dei exhibemus, servitium dicitur. est autem Deus dominus non per accides, sicut omnis homo, sed per naturam: ideo aliter debetur servitium Deo, & aliter homini cui per accides subdimur, & qui habet aliquod particulare in rebus dominium, à Deo derivatur. unde servitium quod debetur Deo, specialiter apud Græcos Latrìa vocatur.

*Super Cap. 119.*



**OSTQVAM** determinavit sanctus Thomas de præceptis quæ ad præcepta decalogi præsupponuntur, incipit de ipsis decalogi præceptis determinare: Circa hoc autem duo facit. Primo determinat de præceptis quibus homo ordinatur ad Deum. Secundo de præceptis quibus ad proximum ordinatur, cap. 121. Circa primum duo facit. Primo ostendit, quod per divinam legem ordinatur homo ad cultum divinum. Secundo ostendit, quod ille cultus nulli alij est exhibendus, cap. sequenti. Circa primum tria facit. Primo ostendit convenienter per divinam legem huiusmodi cultum qui in quibusdam corporalibus rebus consistit, esse ordinatum. Secundo quorundam opinionem reprehendit. Tertio ponit congruentiam nominum quibus huiusmodi cultus nominatur. Quantum ad primum ponit hæc

Contra Gent.

M



conclusionem. Conuenienter homini diuinitus prouisum est, ut etiam in sensibilibus rebus diuinorum sibi commemoratio fieret. probatur. Connaturalis est homini ut per sensus accipiat cognitionem, & difficillimum est transcendere sensibilia. ergo hominis cuius mens non est valida ad diuina in seipsis contemplanda, reuocanda erat intentio ad diuina, quod est legis intentio per sensibiles res. Quomodo autem per sensibilia in diuina lege contenta eleuaretur mens hominis in Deum, ostendit sanctus Thomas per singula genera discurrendo. Sacrificia enim sensibilia quæ Deo homo offert, sunt instituta, non quia eis Deus indigeat, sed ut homini representetur quod seipsum & omnia sua debet referre in Deum sicut in finem, tanquam in creatorem & gubernatorem & dominum vniuersorum. Satisfactiones per res sensibiles quibus homo lauitur aut vngitur, & huiusmodi, cum sensibilibus verborum prolatione, sunt instituta ut homini per sensibilia representetur donorum intelligibilium in ipso processum ab extrinseco fieri, & à Deo cuius nomen sensibilibus vocibus exprimitur. Prostrationes verò, genuflexiones, & huiusmodi sunt instituta, non ut per huiusmodi excitetur Deus quasi Deus eis indigeat, sed ut seipsos homines prouocent ad diuina, & simul cum hoc profiteantur Deum animæ & corporis auctorem esse, cui & corporalia & spiritualia obsequia exhibemus.

Quantum ad secundum inquit sanctus Thomas non esse mirum si hæretici qui corporis nostri Deum esse auctorem negant, huiusmodi corporalia obsequia Deo fieri reprehendant. Sed & ipsi reprehenduntur, quia non meminerunt se homines esse, dum sensibilibus sibi representationem necessariam esse non iudicant ad interiorum cognitionem & affectionem: cuius oppositum experimento apparet. Quantum ad tertium quinque nominum rationes assignat sanctus Thomas, quibus exhibitione horum corporalium Deo nuncupamus. Dicitur enim primò cultus Dei, quia colere dicimur quibus per nostra opera studium exhibemus circa Deum autem exhibemus studium nostro actu non ad eius profectum, sed ad nostrum: addit quoque quod interioribus actibus propriè Deum colimus, quia per ipsos directè tendimus, exteriores tamen actus & ipsi ad cultum Dei pertinent, in quantum per ipsos mens nostra eleuatur in Deum. Dicitur secundo huiusmodi cultus, religio, quia homo huiusmodi actibus se quodammodo ligat ne à Deo euagetur, & etiam quia quod naturali instinctu se obligatum sentit ut Deo suo modo reuerentiam impendat. Dicitur tertio ipsa religio, pietas, quia Deo parenti omnium per ipsam hominor exhibetur: & propterea dicuntur impij qui iis quæ ad diuinum cultum pertinent, aduersantur. Dicitur quarto, id quod in honorem exhibemus, seruitium: quia totum nostrum esse in potestate Dei est: & totò quod in nobis est, ipsi debemus, propter quod verè dominus noster est. Dicitur quinto, latría, quia enim Deus est dominus, non per accidens, sicut omnis homo qui scilicet dominium habet, sed per naturam: ideo aliter debetur seruitium Deo, & aliter homini cui per accidens subdimur, in quantum aliquod particulare in rebus dominium habet, & suum dominium derivatur à Deo, supra scilicet naturæ debitum: ideo seruitium quod Deo debetur, apud Græcos specialiter Latría vocatur.

CIRCA nomen hoc, diuinus cultus, siue Dei cultus, aduertendum est ex doctrina sancti Thomæ 2. 2. quæst. 81. artic. 1. quod colere dicimur aliqua, quando ea vel recordatione vel honorificatione vel præsentia frequentamus, sicut agricolæ dicuntur, quia agros colunt, & eos sua præsentia & opera frequentant: & incolæ dicuntur, quia colunt loca quæ inhabitant. In hunc sensum intelligenda sunt verba ipsius hoc loco, cum ait quod colere dicimur ea quibus per nostra opera studium adhibemus: sensus enim est, quod ea dicimur colere quæ nostris operibus, studio, & diligentia frequentamus: sed aliqua nostris operibus frequentamus ad illorum profectum, sicut colimus agros ut fructificent: Deum autem non dicimur nostris operibus frequentare ad ipsius profectum & utilitatem, sed cum recordatione & honorificatione frequentamus, quia per huiusmodi actus proficimus in Deum, ut dictum est supra. propter hoc exhibitio honoris quem Deo per sensibilia exhibemus, sed in primis per interiorè ipsius recordationem & venerationem, conuenienter Dei cultus nominatur, quia est frequens recordatio Dei & honorificatio.

CIRCA id quod dicitur hominem esse dominum per accidens, Deum verò per naturam, attendendum est quod aliter loquendum est de dominio quo vnus alium regular & dirigit in operibus suis: & aliter de dominio quo quicquid est in subdito, est domini & illi debetur. Item aliter loquendum est de aptitudine ad dominandum, & aliter de actuali dominatione. Si loquamur de dominio primo modo, sic quantum ad aptitudinem & conuenientiam dominationis aliqui homines non per accidens, sed per naturam sunt domini. Vigentes enim ingenio naturaliter sunt domini, ut dicitur Proverb. 11. Qui stultus est, sapienti seruiet. Et est Philosophi in sua Politica. Quantum verò ad actualem dominationem non est aliquis per naturam dominus, sed per accidens, in quantum aliqui eligunt vnus directioni & gubernationi subiecti esse, & sæpenumero videmus eos qui ingenio vigent, subditi & regulari, crassos verò & rudes regere ac gubernare. Si verò loquamur de dominio secundo modo, sic manifestum est quod homini per accidens conuenit. videmus enim cum qui alicuius alterius verè dominus erat, & cuius alter erat seruus, fieri alterius seruum, quod est signum huiusmodi dominum non esse secundum naturam, cum naturalia non variantur, sed magis per accidens & præter naturam homini conuenire. De hoc ergo secundo dominio loquitur sanctus Thomas hoc loco, quod patet ex eo quod de Dei dominio loquens inquit, quoniam totum quod in nobis est, ipsi debemus, ac per hoc verè dominus noster est. Potest etiam intelligi de actuali dominatione quam etiam diximus homini per accidens conuenire. Primum tamen melius est.

CIRCA nomen Latría considerandum est, quod non sic Dei cultum significat apud Theologos quasi hæc sit propria nominis significatio. Ut enim Suidas & alij Græci dicunt, latría est seruitus siue seruitium pro modo. Deducitur enim originaliter ab hoc nomine Latron, quod præmium & mercedem significat: Sed puto à catholicis Græcis nomen hoc assumptum esse ad significandum particulariter Dei cultum seruitiumque quod Deo impenditur, quia Deo seruitium animo sincero exhibentes, magnum præmium, magnamque mercedem expectant.

Quod latría cultus soli Deo est exhibendus.

Cap. 120.



VERVNT autem aliqui qui latría cultum non solum primo rerum principio exhibendum existimauerunt, sed omnibus etiam creaturis, quæ supra homines sunt. Vnde quidam licet opinaretur Deum esse vnum primum &

vniuersale rerum principium, latriam tamen exhibendam æstimauerunt primò quidem post summum Deum substantiis intellectualibus celestibus, quas deos etiam vocabant: siue essent substantiæ omnino à corporibus separatae, siue essent animæ orbium aut stellarum. Secundo etiam quibusdam substantiis intellectualibus quas vnitas esse credebant corporibus aëreis, quos dæmones esse dicebant: & tamen quia supra homines eos esse credebant, sicut corpus aëreum est supra terrestre: huiusmodi etiam substantias colendas diuino cultu ab hominibus ponebant: & in comparatione ad homines deos illos esse dicebant, quasi medios inter homines & deos. & quia animas bonorum per hoc quod à cordore separantur, in statum altiorum quam sit status præsentis vitæ, transire credebant, etiam animabus mortuorum quas heroicas aut manes, vocabant, diuinum cultum exhibendum esse opinabantur. Quidam verò Deum esse animam mundi æstimantes, crediderunt quod toti mundo & singulis eius partibus esset cultus diuinitatis exhibendus: non tamen propter corpus, sed propter animam, quam Deum esse dicebant: sicut & homini sapientiam honor exhibetur, non propter corpus, sed propter animam. Quidam verò etiam ea quæ infra hominem sunt secundum naturam, homini tamen colenda esse dicebant diuino cultu: in quantum in eis participatur aliquid virtutis superioris naturæ: & cum quasdam imagines per homines factas fortiri crederet aliquam virtutem supernaturalem, vel ex influentia celestium corporum, vel ex præsentia aliquorum spirituum, dicebant his imaginibus diuinum cultum esse exhibendum: quas etiam imagines deos vocabant: propter quod & idololatrá sunt dicti: quia latría cultum idolis, id est, imaginibus impendebant. Est autem irrationabile ponentibus vnum tantum principium separatam, cultum diuinum alteri exhibere. Cultum enim Deo exhibemus, ut dictum est, non quia ipse hoc indigeat, sed ut in nobis firmetur etiá per sensibilia opinio vera de Deo: opinio autem de hoc quod Deus sit vnus supra omnia exaltatus, per sensibilia firmari non potest in nobis nisi per hoc quod ei aliquid separatim exhibemus: quod dicimus cultum diuinum. patet ergo quod vera opinio de vno principio debilitatur, si cultus diuinus pluribus exhibetur.

2 Præterea, sicut dictum est supra, huiusmodi cultus exterior homini necessarius est ad hoc quod anima hominis excitetur in spiritualem reuerentiam Dei: ad hoc autem quod animus hominis ad aliquid moueatur, multum operatur consuetudo. nã ad consueta facilius mouetur. habet autem hoc humana consuetudo, quod honor qui exhibetur ei qui summum locum in republica tenet, puta regi vel imperatori, nulli alij exhibetur. est igitur animus hominis exercitandus ad hoc quod estimet esse vnum summum rerum principium. per hoc quod ei exhibeat quod nulli alteri exhibetur, & hoc dicimus latría cultum.

3 Item, si cultus latría alicui deberetur quia est superior, & non quia summus: cum hominum vnus alio sit superior & etiam angelorum: sequeretur quod vnus homo exhibere latriam alteri deberet, & angelus angelo: & cum ille inter homines qui superior est quantum ad vnum sit inferior quantum ad aliud: videretur quod mutuo sibi homines latriam exhibere deberent, quod est inconueniens.

4 Adhuc, secundum hominum consuetudinem pro speciali beneficio spiritualis retributio debetur: est autem quoddam speciale beneficium quod homo à Deo summo percipit, scilicet creationis suæ. ostensum est enim in secundo libro \*, quod solus Deus creator est. debet ergo homo aliquid speciale Deo reddere in recognitionem beneficii

De hoc testis est Aug. Tom. 6. de Hærese.

Hec apud August. tom. 6. de ciuit. Dei lib. 8. cap. 16. & 17. & lib. 9. cap. 11.

Var. ut refert August. ubi supra, lib. 7. cap. 6.

Trime. test. August. ubi supra lib. 8. cap. 24.

\* Cap. 2.



nem beneficij specialis: & hoc est latræ cultus.

5 Amplius, latræ seruitium dicitur: seruitium autem domino debetur. Dominus autem propriè & verè est qui alijs præcepta operandi dispensat, & à nullo regulam operandi sumit, qui enim exequitur quod à superiori fuerit dispositum, magis est minister quàm dominus. Deus autem qui est summum rerum principium, per suam prouidentiam omnia ad debitas actiones disponit, vt supra ostensum est, vnde & in sacra scriptura & angeli superiora corpora ministrare dicuntur & Deo cuius ordinationem exequuntur, & nobis, in quorum utilitate actiones eorum proueniunt. non est igitur cultus latræ, qui summo debetur domino, exhibendus nisi summo rerum principio.

6 Item, inter alia quæ ad latræ pertinent, singulare videtur esse sacrificium. nam genuflectiones, prostrationes & alia huiusmodi honoris indicia etiam hominibus exhiberi possunt: licet alia intentione quàm Deo. sacrificium autem nullus offerendū censuit alicui, nisi quia eum Deum aestimauit, aut aestimare se sinxit. Exterior autem sacrificium representatiuum est interioris veri sacrificij: secundum quod mens humana seipsam Deo offert. Offert autem se mens nostra Deo, scilicet quasi suæ creationis principio, quasi suæ operationis auctori, quasi suæ beatitudinis fini: quæ quidem conueniunt soli summo rerum principio. ostensum est autem supra, \* quod animæ rationalis causa creatrix solus Deus summus est. ipse enim solus hominis voluntatem potest inclinare ad quodcunque voluerit, vt supra \* ostensum est. Patet etiā ex superioribus quod in eius solius fruitione vltima hominis consistit felicitas: soli igitur summo Deo homo sacrificium & latræ cultum offerre debet: non autem substantiis quibuscunque spiritualibus. Licet autem positio quæ ponit Deum summum non esse aliud quàm animam mundi, magis à veritate recedat, vt supra ostensum est. Illa verò quæ ponit Deum separatum esse, & ab ipso existere omnes alias intellectuales substantias siue separatas siue corpori coniunctas, sit vera. Hæc tamen potentia rationalius mouetur ad exhibendum latræ cultum diuersis. exhibendo enim latræ cultum diuersis rebus, videntur vni summo Deo latræ exhibere: ad quem secundum eorum positionem diuersæ partes mundi comparantur, sicut ad animam hominis diuersa corporis membra. Sed etiam ei ratio obuiat. Dicunt enim mundo non esse exhibendum latræ cultum ratione corporis, sed ratione animæ: quam Deum esse dicunt. Licet autem corpus mundi diuisibile sit in partes diuersas, anima tamen indiuisibilis est. nō est igitur diuinitatis cultus diuersis rebus exhibendus, sed vni tantum.

2 Adhuc, si mundus ponitur animam habere quæ totum animet, & omnes partes ipsius, non potest hoc intelligi de anima nutritiua vel sensitiua: quia harum partium animæ operationes nō cōperunt omnibus partibus vniuersi. dato etiam quod mundus haberet animam sensitiuam, vel nutritiua, non propter huiusmodi animas deberetur ei latræ cultus: sicut nec brutis animalibus, nec plantis. relinquitur ergo, quod hoc quod dicunt Deum cui debetur latræ, esse animā mundi, intelligatur de anima intellectuali: quæ quidem anima nō est perfectio determinatarum partium corporis, sed aliquo modo respicit totum: quod etiam in nostra anima, quæ est ignobilior, patet. non enim intellectus habet aliquod organum corporale, vt probatur in tertio de Anima \*. non igitur exhibendus esset cultus diuinitatis diuersis partibus mundi, sed toti mundo, propter animam eius secundum eorum radicem.

3 Amplius, si secundum eorum positionem vna tantum sit anima quæ totum mundum animat, & partes omnes ipsius: mundus autem non dicitur Deus nisi propter animam: erit ergo vnus tantum Deus: & sic cultus diuinitatis non deberetur nisi tantum vni. si verò sit vna anima totius, & diuersæ partes iterum habeant diuersas animas: oportet eos dicere quod animæ partiu sub anima totius ordinentur. eadem enim est proportio perfectionum & perfectibilium. existentibus autem pluribus substantiis intellectuali-

bus ordinatis, illi tantum debetur latræ cultus, quæ summum locum in eis tenet, vt ostensum est contra aliam positionem. non erit igitur exhibendus latræ cultus partibus mundi, sed solum toti.

4 Præterea, manifestum est quasdam partes mundi non habere animam propriam: eis igitur non erit exhibendus latræ cultus: & tamen ipsi colebant animas & mundi elementa, scilicet terram, aquam, ignem, & alia huiusmodi inanimata corpora.

5 Item, manifestum est, quod superius nō debet inferiori latræ cultum: homo autem superior est ordine naturæ ad minus omnibus inferioribus corporibus, quādo perfectiorem habet formam: non igitur ab homine esset exhibendus latræ cultus inferioribus corporibus, si propter proprias eorum animas eis cultus deberetur. Eadem etiam inconuenientia sequi necesse est, si quis dicat quod singulæ partes mundi habeant proprias animas, non autem totum habet aliquam animam cōmunem. Oportebit enim quod suprema pars mundi habeat animam nobiliorem, cui soli secundum præmissa debetur latræ cultus. His autem positionibus irrationabilior est illa quæ dicit imaginibus esse latræ cultum exhibendum. Si enim huiusmodi imagines habent virtutem aut aliquam dignitatem ex corporibus cælestibus, nō propter hoc debetur eis latræ cultus, cum nec ipsis corporibus cælestibus debeatur: nisi forte propter eorum animas, vt quidam posuerunt. hæc autem imagines ponuntur virtutem aliquam cōsequi ex corporibus cælestibus secundum eorum corporalem virtutem.

2 Præterea, manifestū est, quod non cōsequuntur ex cælestibus corporibus tam nobilē perfectionē sicut est anima rationalis: sunt ergo infra gradum dignitatis cuiuslibet hominis: non igitur ab homine debetur eis aliquis cultus.

3 Adhuc, causa potior est effectus: harū autem imaginum factores sunt homines. nō igitur homo debet eis aliquem cultum. Si autem dicatur, quod huiusmodi imagines habent aliquam virtutem aut dignitatem ex hoc quod eis adhærent, aliquæ spirituales substantiæ: hoc etiam non sufficit, quum nulli spirituali substantiæ debeatur latræ cultus nisi soli summo.

4 Præterea, nobiliori modo anima rationalis adhæret corpori hominis, quàm aliqua spiritalis substantia adhæreat prædictis imaginibus. adhuc igitur homo remanet in maiori dignitate quàm prædictæ imagines.

5 Adhuc, quum huiusmodi imagines interdum ad aliquos noxios effectus fiant: manifestum est quod si per aliquas spirituales substantias effectum sortiantur, quod illæ spirituales substantiæ sint vitiosæ: quod etiam manifestius probatur hoc quod responsionibus decipiunt, & aliqua contraria virtuti exigunt à suis cultoribus: & sic sunt bonis hominibus inferiores: non ergo eis debetur latræ cultus. Manifestum est ergo ex dictis quod latræ cultus soli vni summo Deo debetur.

Hinc est quod dicitur Exo. 22. Qui immolat dijs, occidetur, præter domino soli. & Deuter. 6. Dominū Deum tuum adorabis, & illi soli seruiēs. & Romanorum primo dicitur de Gentilibus: Dicētes enim se esse sapientes, stulti facti sunt, & mutauerūt gloriam incorruptibilis Dei in similitudinem imaginis corruptibilis hominis, & volucrum & quadrupedum & serpentum. & infra: Qui commutauerunt veritatem Dei in mendacium, & coluerunt & seruierunt creaturæ potius quàm creatori, qui est super omnia Deus benedictus in secula. Quia ergo indebitum est quod latræ cultus alteri exhibetur quàm primo rerum principio, ad indebita autem incitare nō est nisi rationalis creaturæ malè dispositæ: manifestum est quod ad prædictas indebitas culturas instinctu dæmonum homines prouocati fuerunt, qui se etiam loco Dei hominibus colendos exhibuerunt, diuinum appetentes honorem.

Hinc est quod dicitur in Psal. 95. Omnes dii gentiu dæmonia. & primæ Corinth. 10. Quæ immolant gentes dæmoniis & nō Deo. Quia igitur est principalis legis diuinæ intentio, vt homo Deo subdatur, & ei singularē reuerentiā



exhibeat, non solam corde sed etiam ore & opere corporali: ideo primitus Exo. 20. ubi lex diuina proponitur, interdicitur cultus plurium deorum, ubi dicitur: Non habebis Deos alienos coram me, & non facies tibi sculptile, neque omnem similitudinem. Secundum indicitur homini ne irreuerenter diuinum nomen ore pronunciet, ad confirmationem scilicet alicuius falsi: & hoc est quod dicitur: Non assumes nomen Dei in vanum: tertio indicitur requies secundum aliquod tempus ab exterioribus exercitiis, ut mens diuinæ contemplationi vacet. ideo dicitur: Memento ut diem sabbathi sanctifices.

Super Cap. 12.



SECUNDO loco ostendit sanctus Thomas, quod diuinus cultus non est alij exhibendus quam primo omnium principio. Circa hoc autem duo facit. Primum falsas quasdam opiniones adducit. Secundum eas impugnat. Quantum ad primum, ait quod fuerunt quidam qui latræ cultum non solum primo rerum principio exhibendum existimauerunt, sed etiam omnibus creaturis quæ supra homines sunt. Quidam enim existimauerunt latræ exhibendam post summum Deum primum substantiis intellectualibus celestibus quas deos vocabant, siue essent omnino separata, siue essent animarum orbium aut stellarum: secundum demonibus, quos dicebant esse substantias intellectuales corporibus aëris unitas, & deos in comparatione ad homines esse ponebant, tanquam videlicet medios inter homines & deos. tertio animabus bonorum defunctorum, quos heroes aut manes dicebant. quidam verò dixerunt diuinitatis cultum toti mundo & singulis eius partibus exhibendum esse, non ratione corporis, sed ratione animæ, existimabant enim Deum esse animam mundi. quidam verò vltius existimauerunt quibusdam imaginibus esse diuinum cultum exhibendum, eo quod eas fortiter crederent quasdam virtutes supernaturales, vel ex influentia celestium corporum, vel ex præsentia aliorum spirituum, unde & isti dicti sunt idololatæ, quia latræ cultum idolis, id est imaginibus impendebat. Quantum ad secundum, huiusmodi opiniones impugnat sanctus Thomas. Et primo primam, secundum secundam, tertio tertiam. Circa primam, ostendit quod irrationabile, est ponentibus vnum tantum principium separatum, cultum diuinum, id est, illum honorem, illamque reuerentiam quæ Deo per sacrificia & huiusmodi res exhibetur, alteri exhibere. & arguit primo sic, Opinio de hoc quod Deus sit vnus supra omnia exaltatus, per sensibilia firmari non potest in nobis, nisi per hoc quod ei aliquod separatum exhibemus, quod dicimus cultum diuinum, ergo, &c. probatur consequentia, quia si cultum Deo exhibemus, ut dictum est, in nobis firmatur etiam per sensibilia vera opinio de Deo. Secundum, cultus huiusmodi exterior homini necessarius est, ut supra diximus, ad hoc quod anima hominis excitetur in spirituale reuerentiam Dei. hoc autem fit si Deo exhibetur quod nulli alteri exhibetur, ergo, &c. minor probatur, quia ad hoc vt animus hominis moueatur, multum valet consuetudo, habet autem hoc humana consuetudo, quod honor qui exhibetur supremo in republica, puta regi vel imperatori, nulli alij exhibetur. Tertio, si cultus latræ alicui deberetur, quia est superior, non quia summus, sequeretur quod Angelus angelo, & vnus homo alteri, & quod mutuo sibi homines latræ exhibere deberent: hoc est inconueniens, ergo, &c. probatur sequela, quia vnus Angelus altero angelo, & vnus homo altero superior est: & homo qui superior est quantum ad vnum, est inferior quantum ad aliud. Quarto, est quoddam speciale beneficium quod a summo Deo recipitur, scilicet creatio, ergo debet homo in eius recognitionem aliquid speciale Deo reddere: & hic est latræ cultus, probatur consequentia, quia secundum hominum consuetudinem pro speciali beneficio specialis retributio debetur. Quinto, solus Deus est Dominus omnium, ergo, &c. probatur consequentia, quia latræ seruitium dicitur: seruitium autem domino debetur, antecedens verò probatur, quia Dominus verè & propriè est, qui aliis præcepta operandi dispensat, & a nullo regulam operandi sumit, alij enim ministri dicuntur: Deus autem qui est summum rerum principium, per suam providentiam omnia ad debitas actiones disponit: unde & in sacra scriptura, & angeli & superiora corpora ministrare dicuntur. Sexto, sacrificium est solum summo Deo exhibendum, licet genuflexiones, prostrationes, & alia huiusmodi honoris indicia hominibus exhiberi possint, alia tamen intentione quam Deo, ergo & latræ, probatur consequentia, quia inter alia quæ ad latræ pertinent, singulare est sacrificium, antecedens verò probatur. Sacrificium est Deo offerendum, ut patet ex omnium opinione, sed exterius sacrificium est representatiuum interioris veri sacrificij, secundum quod mens humana seipsam Deo offert, ergo illi soli est exterius sacrificium offerendum, cui sese mens humana offert sacrificando: sed soli summo Deo sese offert, ergo, &c. probatur minor subsumpta. Offert se mens nostra Deo quasi suæ creationis principio, actionis actori, & beatitudinis fini, sed hæc omnia soli summo rerum principio conueniunt, ut ex superioribus patet, ergo, &c.

ATTENDENDUM hoc loco, quod sanctus Thomas argumentatur ex sacrificijs quæ verè & iniuste Deo exhibentur per diuinam legem, vultque ista sacrificia soli summo Deo esse exhibenda, & non alijs, de his enim verum est quod representant interius sacrificium quo anima sese Deo offert tanquam creationis principio, &c. Si enim de sacrificijs per idololatras factis esset sermo, posset aliquis dicere quod representant sacrificium quo mens sese ei cui sacrificatur offert, non tanquam creationis principio, sed tanquam aliquid minus & diuinitatis habenti.

ADVERTENDUM secundum, quod ex verbis quibus sanctus Thomas ait prostrationes & alia huiusmodi quæ ad latræ pertinent, hominibus exhiberi posse, potest haberi sensus conclusionis hic probatæ. Cum enim dicitur latræ cultum nulli alij quam Deo exhibere, intelligendum

est quantum ad omnia quæ ad latræ pertinent, licet quantum ad alia quæ pertinentia ad latræ possit alicui alij exhiberi, item quantum ad ea exteriora quæ alteri exhiberi possunt, intelligendum est quod non exhibeantur alteri ea intentione qua exhibentur Deo, scilicet vt alteri exhibeantur tanquam primæ causæ, & tanquam bonorum omnium authori. Sic enim proprie ad cultum diuinum & ad latræ spectant. Secundum, impugnat sanctus Thomas secundam opinionem. Et primo comparat eam ad primam positionem, dicens quod licet magis a veritate recedat ista positio quæ Deum nihil aliud esse quam animam mundi dicit, & ea quæ ponit Deum separatum esse, & ab ipso omnes substantias intellectuales existere, sit vera: isti tamen rationabilius mouentur ad exhibendum latræ cultum diuersis, quia exhibendo diuersis rebus videtur vni summo Deo exhibere, ad quem secundum eorum positionem diuersæ partes comparantur, sicut ad animam hominis diuersa corporis membra. Secundum, contra ipsam positionem arguit primo sic: secundum ipsos mundo est latræ cultus exhibendus, non ratione corporis, sed ratione animæ, quam Deum esse dicunt, ergo non diuersis rebus, sed vni tantum quod est exhibendus, probatur consequentia, quia anima indiuisibilis est. Possent autem ad hanc rationem dicere, quod diuersis quidem rebus est latræ cultus exhibendus, sed tamen ratione vnus in omnibus existens. Sed hæc responsio nulla est, quia satis est sancti Thomæ habere quod aëri in quantum aër est, non est latræ cultus exhibendus, nec igni, nec alijs partibus vniuersi, secundum quod vna ab altera distinguitur, sed vni tantum quod in omnibus existit, & per consequens inconuenienter dicitur omnibus partibus vniuersi esse diuinum cultum exhibendum. Secundum, cum dicunt Deum esse animam mundi cui debetur latræ, necesse est vt intelligant de anima intellectua, tum quia operationes sensitiuæ & vegetatiuæ non competunt omnibus partibus vniuersi, tum quia etiā si illas haberent, propter eas non eis deberetur latræ cultus, sicut nec brutis, non plantis, ergo secundum ipsarum radicem non diuersis partibus mundi, sed toti mundo esset latræ cultus exhibendus, probatur consequentia, quia anima intellectua non est perfectio determinatarum partium corporis, vt contra aliam positionem respicit totum, ut patet de nostra anima. Tertio, secundum eorum positionem, aut est tantum vna anima quæ totum mundum & eius omnes partes animat, aut vna totius, & diuersarum partium diuersa: si primum, sequitur quod diuinitatis cultus vni tantum debeat, cum mundus non dicatur Deus nisi propter animam. si secundum, etiam idem sequitur, quia oportet vt animæ partium ordinentur sub anima totius, eadem enim est proportio perfectionum & perfectibilium, existentibus autem pluribus substantiis intellectualibus ordinatis, illi tantum debetur latræ cultus, quæ summum locum in eis tenet, vt ostensum est contra aliam positionem. Item manifestum est quasdam partes non habere animam propriam, ergo eis non erit latræ cultus exhibendus, & tamen ipsi inanimata corpora debeant. Item homo superior est ordine naturæ ad minus omnibus inferioribus corporibus, cum perfectiorem habeat formam: non ergo illis esset ab homine exhibendus latræ cultus, si propter eorum formas eis latræ cultus deberetur, probatur consequentia, quia superius non debet inferiori latræ cultum. Eadem inconuenientia sequitur, inquit sanctus Thomas, si quis dicat partes singulas mundi habere proprias animas, non autem totum aliquam communem. oportet enim supremam mundi partem habere animam nobiliorem, cui soli secundum præmissa debetur latræ cultus. Tertio, contra tertiam positionem de imaginibus, quam dicit sanctus Thomas irrationabiliorem esse, arguit primo sic, Corporibus celestibus non debetur latræ cultus, nisi forte propter eorum animas, ergo neque imaginibus, quia aliquam virtutem habeant aut dignitatem ex corporibus celestibus secundum eorum corporale virtutem, ut isti dicebant. Secundum. Sunt infra gradum cuiuslibet hominis, quia non consequuntur ex corporibus celestibus tam nobilem perfectionem, sicut est anima rationalis, ergo, &c. Tertio harum imaginum factores sunt homines, ergo, &c. probatur consequentia, quia causa potior est effectu. Si dicatur quod habent aliquam virtutem aut dignitatem ex hoc quod eis adherent aliquæ spirituales substantiæ, hoc non sufficit, tum quia nulli spirituali substantiæ debetur latræ cultus nisi soli summæ, tum quia nobiliori modo anima rationalis adheret corpori hominis quam spiritualis substantia imaginibus, & sic adhuc homo remanet in maiori dignitate, scilicet tanquam nobiliori forma constitutus in esse: tum quia cum huiusmodi imagines interdum ad aliquos noxios effectus fiant, manifestum est si per spirituales substantias effectum fortiantur, quod illæ sunt viciose, & per consequens sunt bonis hominibus inferiores.

ADVERTENDUM, quod si diuinus cultus debetur alicui ab hominibus, non debetur illi nisi ratione cuiusdam excellentiæ in bonitate supra homines, ideo si aliquæ substantiæ etiam intellectuales in bonitate non excellent homines, imò sint illis inferiores, sicut substantiæ intellectuales quibus imagines prædictæ suum fortiantur effectum, quæ male sunt & viciose, sunt bonis hominibus in bonitate inferiores: sequitur quod a bonis hominibus non est illis substantiis diuinus cultus exhibendus: & secundum hoc procedit vltima ratio hic inducta: Confirmatur intentum principale author. Exo. 22. & ad Roman. 5.

Ex his inferunt sancti Thomæ duo corollaria. Vnum est, quod ad prædictas indebitas culturas instinctu demonum homines provocati fuerunt, patet, quia ad indebita excitare non est nisi rationalis creaturæ malè dispositæ. Confirmatur autem hoc. Psal. & 1. Corint. 10. Alterum est, quod quia principalis intentio diuinæ legis est vt homo Deo subdat, & ei singulis reuerentia exhibeat, non solum corde, sed & ore & opere corporali. ideo primitus interdicitur plurium Deorum cultus: secundum inducitur ne irreuerenter diuinum nomen ore pronuncietur, per ipsum falsum confirmando: tertio, vt mens diuinæ contemplationi vacet, inducitur requies per aliquod tempus ab exterioribus exercitiis. Exo. 20.

CIRCA latræ adorationem soli Deo exhibendam, considerandum est, quod ipsam esse soli Deo exhibendam, intelligitur primo & per se, quia secundario & per aliud non inconuenit vt alicui alij exhibeatur: sicut & honor regi exhibendus, eius legato exhibetur ratione regis, cuius personam representat. Sic enim inquit sancti Thomæ, tertia quæst. 25. & tertio Sen. dist. 9. est adoranda imago Christi, & crux adoratione latræ, in quantum Christum crucifixum representant, ita quod vno actu adorationis adoratur ipse Christus & crux, aut eius imago, in quantum Christum representant.



representant, sed ille actus primò & per se ad Christum terminatur, secundariò autem & ratione Christi representari terminatur ad crucem aut ad imaginem. Notat autem sanct. Thom. in locis præallegatis, quòd imago dupliciter considerari potest. Vno modo in quantum est talis res, puta lignum aut lapis. Alio modo in quantum est imago, id est in quantum stat sub respectu representatiui. Si consideretur primo modo, non est adoranda adoratione latriæ, cum sit quid irrationale, cui conuenire non potest ut per se & actu separato ab alterius adoratione adoretur, id quod sibi conueniret si in quantum est talis res adoraretur. Si verò secundo modo consideretur, sic non inconuenit ipsam adorari latria, quia cum (ut dicitur ab Aristot. in libro de memoria & reminiscencia) vnus & idem sit motus in imaginem in quantum est imago, & in rem cuius est imago, eadem est adoratio qua adoratur imago Christi, in quantum est Christi imago, & qua ipse Christus adoratur; & per consequens, sicut adoratio qua Christus adoratur, est latria, ita & adoratio qua adoratur eius imago in quantum huiusmodi latria, est.

Nec valent argumenta Holcor arguentis non debere adorari Christi imaginem latria, tum quia latria soli Deo debetur, nulla autem imago est Deus, tum quia idem honor deberetur Deo & creaturæ, tum quia taliter adorans conuerteretur aliud à Deo esse Deum: honorans enim aliquem latria, confitetur illum esse Deum. Constat enim ex prædictis soli Deo deberi latriam primò & per se, alij autem à Deo non inconuenire exhiberi latriam per aliud, id est in quantum est dei imago, seu eius representatiuum. Cõstat etiam non esse inconueniens eundem honorem deberi Deo & creaturæ, sed Deo primò & per se, creaturæ in quantum est Dei representatiua. Non sequitur etiam ut adorans imaginem Dei confiteatur aliquid aliud à Deo esse Deum, non enim adorans aliquid latria confitetur illud esse Deum, nisi ad illud primò & per se eius adoratio terminetur. Per hæc etiam patet responsio ad Durandum arguentem, quòd nunquam reuerentia exemplaris vel signati debetur signo vel imagini, quia quantumcunque sit idem motus animæ in imaginem, & in rem significatam nunquam tamè dicitur anima imaginem in quantum imaginem esse idem cū exemplari. Patet enim quòd nò ideo dicimus latriam deberi imagini Dei in quantum est eius imago, quia anima dicat vnū esse alterum, sed quia eodem actu adorationis quo adoratur imago Dei in quantum eius imago, adoratur ipse Deus tanquam id quod primò & per se adoratur: ipsa verò imago ratione Dei cuius est representatiua, adoratur, non est autem conueniens imaginem Dei simul cum ipso Deo latria adorari, sicut non est inconueniens finem regem & eius legatum honorari, dum ipse legatus in quantum personam regis representat honoratur. esset autem inconueniens si imago Dei non se adoraretur latria ad quod Deus non honoraretur, quia tunc adoraretur ut talis res, non autem ut Dei imago.

Quæstione 3.  
de adoratione  
cruci & ima-  
gini.

Ex his patet etiam responsio ad ea quæ obicit Ioannes Mirandula in sua apologia. Arguit enim primò: Imago ut sit, est distincta ab imaginato, ergo si ut sit determinat adorationem latriæ, sequitur quòd aliquid aliud à Deo adorabitur latria. Secundò, si imago & imaginatum sint vnum totale obiectum adorationis, aut huius totalis obiecti altera pars est ipsa imago quæ est ens creatum respectum, aut non. Si primum, sequitur quòd aliqua res creata de genere relationis saltem partialiter terminabit adorationem latriæ, quod videtur male catholicum. Si secundum, ergo non debet dici ex illis duobus fieri vnum obiectum totale. Tertiò, auctoritas Philosophi non iuuat, quia intendit Philosophus quòd motus recordatiuus quo anima recordatione mouetur in imaginem ut imago, terminatur etiam ad imaginatum: & etiam habet veritatem ad hunc sensum, quòd habens conceptum distinctum vnus intelligit esse aliud. Quòd autem omnis motus animæ maxime volutatis, sit idem in imaginem & in imaginatum, hoc nullo modo intèdit Philosophus, patet à simili, quia sæpe dicit sanct. Thom. quòd idem est motus voluntatis quo fertur in finem, & in ea quæ sunt ad finem, cum vult ea propter finem, & tamen certum est secundum eum quòd ille motus ut attingit finem, est fructio: ut autem attingit ea quæ sunt ad finem, est usus, & non fructio.

Ad primum enim patet ex dictis quòd non est inconueniens, ut aliud à Deo terminet secundariò & per aliud adorationem latriæ, in quantum videlicet illud adoratur ut habens ad illud respectum representatiui. Ad secundum similiter dicitur, quòd sunt vnum totale obiectum adorationis, cuius obiecti vna pars est ratio quod adoratio simul ad aliam terminetur: neque est inconueniens quòd res creata respectum includens, & sic aliquo modo ad genus relationis spectans, terminet secundariò & ratione alterius latriæ adorationem. Nec hoc est male catholicum, imò dicere oppositum magis est à catholica fide alienum, cum secundum catholicæ ecclesiæ ritum videamus cruci fieri genuflexiones, prostrationes, supplicationes, & alia huiusmodi quæ ad latriæ adorationem pertinent.

Ad tertium dicitur primò quòd dictum Philosophi maxime ad propositum facit, quia ubi vnum propter alterum, ibi est vnum tantum: & sic ubi vnum propter alterum adoratur, ibi est vnum tantum totale quod adoratur, & per consequens vnus actus adorationis ad vtrumque terminatur. & vniuersaliter apud Aristotelem, verum est quòd est vnus motus animæ in imaginem in quantum imago est, & in imaginatum, quicunque motus animæ sit ille, quia tunc ut vnum animæ obiectum considerantur: & per consequens vno actu anima fertur in vtrumque dum actualiter simul in ipsa fertur. Dicitur secundò, quòd dictum sancti Thomæ non obstat, imò propositum confirmat, quia ipse vult eundem esse actum voluntatis quo quis vult finem, & ea quæ sunt ad finem, in quantum vult ea propter finem: ut habetur in quæstionibus Verit. quæstione vigesimatercia, articulo vltimo, & prima secundæ, quæstione duodecima, articulo quarto licet ille actus ut determinatur ad finem, aliquando habeat nomen fructiois: ut verò terminat ad ea quæ sunt ad finem, habeat nomen usus. In proposito verò actus ille vnus adorationis quo adoratur Deus & eius imago simul, non potest esse latriæ respectu vnus: respectu verò alterius alia adoratio, quia ipsi actus quibus vtrumque extrinsecus aut intrinsecus adoratur, sunt actus in quibus proprie latria consistit.

Quòd diuina lex ordinat hominem secundum rationem  
circa corporalia & sensibilia.



ICVT autè per corporalia & sensibilia mens hominis eleuari potest in Deum, si quis eis in reuerentiam Dei debito modo utatur: ita etiam eorum indebitus usus mentem vel à Deo totaliter abstrahit, dū in inferioribus rebus constituit voluntatis finis, vel mentis intentionem à Deo retardat dum ultra quam necesse sit ad huiusmodi res afficitur. est autem diuina lex ad hoc principaliter data, ut homo adhæreat Deo. pertinet igitur ad legem diuinam ordinare hominem circa corporalia & sensibilia affectionem & usum.

2 Adhuc, sicut mens hominis ordinatur sub Deo, ita corpus sub anima ordinatur, & inferiores vires sub ratione, pertinet autem ad diuinam prouidentiam, cuius quidè ratio homini à Deo proposita diuina lex est, ut singula suum ordinem teneant. est igitur sic homo ordinandus lege diuina, ut inferiores vires rationi subdantur, & corpus animæ & exteriores res ad necessitatem homini deferuiant.

3 Amplius, quælibet lex rectè proposita inducit ad virtutem. virtus autem in hoc consistit, quòd tam interiores affectiones quam corporaliū rerum usus ratione regulentur. est igitur hoc lege diuina statuendum.

4 Præterea, ad vnumquemque legistatorem pertinet ea lege statuere, sine quibus lex obseruari nō potest: cum autè lex rationi proponatur, homo legem nō sequeretur, nisi alia omnia quæ pertinent ad hominem, rationi subderentur: pertinet igitur ad legem diuinam præcipere, ut omnia quæ sunt hominis, rationi subdantur. Hinc est quòd dicitur Rom. 12. Rationabile obsequium vestrum. & 1. Thess. 4. Hæc est voluntas Dei, sanctificatio vestra. Per hoc autè excluditur quorundam error, dicentium illa solum esse peccata, quibus proximus aut offenditur aut scandalizatur.

#### Super Cap. 121.



OSTQVAM determinauit sanctus Thomas de diuina lege quantum ad præcepta quibus homo ordinatur ad Deum, vult de ipsa determinare quantum ad præcepta ordinantia hominem in proximum. Circa hoc autem duo facit: primò præmittit quòd dam necessarium: secundò profectur intentionem. Præmittit autem quòd ad legem Dei pertinet ordinare hominem circa corporalia & sensibilia. Sed circa hoc duo facit. Primò ostendit in generali quòd ad legem diuinam pertinet ordinare hominem circa corporalia & sensibilia affectionem & usum. Secundò, quomodo ordinet hominem circa venereorum & ciborum usum, per quædam ostendit cap. sequenti. Quam ad primum arguit primò sic: Corporalia & sensibilia indebitus usus mentem vel à Deo totaliter abstrahit, dum in ipsis constituitur voluntatis finis: vel mentis intentionem à Deo retardat, dum ultra quam necesse est ad huiusmodi res afficitur. ergo ad legem diuinam pertinet hominem circa rerum huiusmodi affectionem & usum ordinare, probatur consequentia, quia diuina lex ad hoc est principaliter data, ut homo adhæreat Deo.

ADVERTENDVM est quòd cum vltimus finis sit tantum vnus, quando mens vni rei tanquam vltimo fini adhæret, nihil aliud pro tunc tanquam vltimum finem amare potest. Propterea bene inquit sanct. Tho. quòd indebitus corporaliū usus mentem à Deo totaliter abstrahit, dum in ipsis constituitur voluntatis finis, qui videlicet dum in re corporea finis voluntatis constituitur, ita quòd nihil ulterius desideratur, aut amatur, sed res ipsa corporea amatur super omnia, mens omnino Deum deserit ipsum non amando, quòd per mortale peccatum fit, quando verò ad huiusmodi res non tanquam ad vltimum finem afficitur, sed est tantum aliqua circa ipsas inordinatio manente habituali ordine ad Deum tanquam ad finem, sicut accidit dum quis venialiter peccat, non abstrahitur mens à Deo totaliter, cum suum tanquam finem habitualiter habeat, sed retardatur à Deo mentis intentio, quia per huiusmodi inordinatas affectiones circa corporalia profectus ille spiritualis impeditur quo homo magis per amorem actuale adhæret Deo: & consecutio gloriæ, quæ in Dei visione consistit, per huiusmodi inordinationem retardatur, ut dicitur de Malo, quasi 7. artic. 2. ad 14. Secundò. Pertinet ad diuinam prouidentiam, ut singula suum ordinem teneant: sed lex diuina est ratio prouidentia à Deo homini proposita, ergo ad ipsam pertinet ordinare sic hominem, ut in eo singula suum ordinem teneant. sed sicut mens hominis ordinatur sub Deo, ita corpus sub anima ordinatur, & inferiores vires sub ratione: ergo sic est homo ordinandus diuina lege, ut interiores vires rationi subdantur, & corpus animæ, & exteriores res ad necessitatem homini deferuiant, ergo, &c.

ADVERTENDVM quòd (sicut patuit ex præcedentibus) diuina prouidentia est ratio ordinis omnium rerum in finem, & per consequens, cum omnia hominem quomodocunque pertinentia sub diuina prouidentia cadant, ipsa prouidentia est etiam rerum humanarum ratio: & quia lex nihil aliud est quam ratio & regula qua aliquorum actus diriguntur, ideo conuenienter dicitur quòd lex actuum humanorum est ratio diuina prouidentia homini à Deo proposita & manifestata. Advertendum etiam, quia in conclusione apponitur particula quæ non videtur in Contra Gent.



præmissis assumpta scilicet ut exteriores res ad necessitatem homini deserviant, quod aut in re. deficit scriptorum vitio illa particula, in præmissis, autem subintelligitur, cum dicitur quod corpus sub anima ordinatur: sicut enim corpus hominis sub anima ordinatur tanquam ipsa imperfectius, ita exteriores res corporales sub homine continentur, cuius forma est anima intellectiva. Tertio, Quælibet lex recte proposita inducit ad virtutem, ergo, &c. probatur consequentia, quia virtus in hoc consistit, quod tam interiores affectiones quam corporaliū rerū vsus ratione regulentur.

ADVERTERE, quod ideo dicit sanctus Thomas, legem recte propositam inducere ad virtutem, non autem absolute legem: quia possunt esse aliquæ leges per tyrannos propositæ quæ non inducant ad virtutem, sed ad malum: sed istæ non sunt leges rectæ, imò peruersæ, & malè institutæ. Quarto, Cum lex rationi proponatur, homo legem non sequeretur, nisi alia omnia, quæ pertinent ad hominem, rationi subderentur, ergo ad legem divinam pertinet præcipere, ut omnia quæ sunt hominis, rationi subdantur. probatur consequentia, quia ad unumquemque legislatorem pertinet ea lege statuere sine quibus lex servari non potest.

AD EVIDENTIAM huius rationis considerandum est, quod cum gubernare sit superioris respectu inferioris, non datur alicui lex secundum quam debet aliud regulare & gubernare, nisi illud eius imperio supponatur: frustra enim daretur alicui lex secundum quam aliquod regnum gubernaret, nisi ipsum regnum ei supponeretur, quia ergo lex divina proponitur à Deo, & datur humanæ rationi ad hoc, ut omnes actus hominis in quantum homo est regulet & gubernet, necesse est ut ipse homo quantum ad omnia sua rationi subiciatur, & consequenter quantum ad omnem affectionem & usum rerum corporalium. Et hoc est huius rationis fundamentum. Confirmatur conclusio auctoritate apostoli, Romanorum 12. & 1. Thessaloni. 4. Excluditur verò per hoc error dicentium, illa sola esse peccata, quibus proximus aut offenditur aut scandalizatur.

ADVERTENDUM quod hic error optinè ex dictis excluditur, cum enim peccatum sit contra divinam legem, & contra rationem operari, divina autem lex, & humana ratio modum circa rerum sensibilibus affectionem & usum imponat, non solum quis peccat si proximum offendat aut scandalizet, sed etiam si indebitè & contra rationis ordinem sensibilibus afficiatur, aut eis utatur indebitè.

*Qua ratione fornicatio simplex secundum legem divinam sit peccatum: & quod matrimonium sit naturale.*

Cap. 122.



**E**X hoc autem apparet unam esse rationem quorundam dicentium, fornicationem simplicem non esse peccatum. Dicunt enim: Sit aliqua mulier à viro soluta, quæ sub nullius potestate vel patris vel alicuius alterius existat, si quis ad eam accedat ea volente, non facit illi iniuriam, quia sibi placet, & sui corporis habet potestatem: & alteri non facit iniuriam, quia sub nullius potestate esse ponitur: non videtur igitur esse peccatum. Non autem videtur esse responsio sufficiens, si quis dicat quod facit iniuriam Deo. Non enim Deus à nobis offenditur nisi ex eo quod contra nostrum bonum agimus, ut dictum est, hoc autem non apparet contra hominis bonum, unde ex hoc non videtur Deo aliqua iniuria fieri. Similiter etiam non videtur sufficiens responsio quod per hoc fiat iniuria proximo qui scandalizatur. Contingit enim de aliquo quod secundum se non est peccatum, aliquem scandalizari, & sic sit peccatum per accidens, nunc autem non agimus an fornicatio simplex sit peccatum per accidens, sed per se. Oportet igitur ex superioribus solutionem inquirere. Dictum est enim, quod Deus uniuscuiusque curam habet secundum id quod est ei bonum, est autem bonum uniuscuiusque quod finem suum consequatur: malum autem eius est quod à debito fine divertat, sicut autem in toto, ita & in partibus considerari oportet: ut scilicet unaquæque pars hominis, & quilibet actus eius finem debitum fortitur. semen autem etsi sit superfluum quantum ad individui conservationem, est tamen necessarium quantum ad propagationem speciei, alia verò superflua, ut egestio, vrina, sudor, & similia, ad nihil necessaria sunt: unde ad bonum hominis pertinet solum quod emittantur: non solum autem hoc requiritur in semine, sed ut emittatur ad generationis utilitatem, ad quam coitus ordinatur: frustra autem esset hominis generatio, nisi & debita nutritio sequeretur, quia generatum non remaneret debita nutritio subtrahita, sic igitur ordinata debet esse seminis emissio, ut sequi possit & generatio conveniens, & geniti educatio. Ex quo patet quod contra hominis bonum est omnis emissio seminis tali modo quod generatio sequi non possit: & si ex proposito hoc agatur, oportet esse peccatum. Dico autem modum ex quo generatio sequi non potest secundum se: sicut omnis emissio seminis sine naturali conjunctione maris & foemina: propter quod huiusmodi peccata contra naturam dicuntur. Si autem per accidens generatio ex emissionem seminis sequi non posset, hoc non est contra naturam, nec peccatum: sicut si contingat mulierem sterilem esse.

Similiter etiam oportet contra bonum hominis esse, si semen taliter emittatur, quod generatio sequi possit, sed educatio conveniens impediatur. Est enim considerandum, quod in animalibus in quibus sola foemina sufficit ad prolis educationem, mas & foemina post coitum nullo tempore commanent, sicut patet in canibus. Quæcunque verò animalia sunt in quibus foemina non sufficit ad educationem prolis, mas & foemina simul post coitum commanent quousque necessarium est ad prolis educationem & instructionem: sicut patet in quibusdam auiibus, quarum pulli non statim postquam nati sunt possunt cibum sibi querere, cum enim auis non nutriat lacte pullos (quod in promptu est velut à natura præparatum, sicut in quadrupedibus accidit) sed oporteat quod cibum alienum pullis querat, & præter hoc in cibando eos foueat: non sufficeret ad hoc sola foemella: unde ex divina providentia est naturaliter inditum mari in talibus animalibus, ut commaneat foemellæ ad educationem foetus, manifestum est autem quod in specie humana foemina minime sufficeret sola ad prolis educationem, quum necessitas humanæ vitæ multa requiratur quæ per unum solum parari non possunt, est igitur conveniens secundum naturam humanam ut homo post coitum mulieri commaneat, & non statim abscedat, indifferenter ad quamcunque accedens, sicut apud fornicantes accidit. Non autem huic rationi obstat, quod aliqua mulier suis diuitiis potens est, ut sola nutriat foetum: quia relictum naturalis in humanis actibus non est secundum ea quæ per accidens contingunt in uno individuo, sed secundum ea quæ tota sepeciem consequuntur. Rursus considerandum est quod in specie humana proles non indiget solum nutritione quantum ad corpus, ut in aliis animalibus, sed etiam instructione quantum ad animam, nam alia animalia habent naturaliter suas providentias, quibus sibi providere possunt: homo autem ratione vivit, quem per longi temporis experimentum ad prudentiam pervenire oportet: unde necesse est ut filij à parentibus quasi experti instruatur, nec huiusmodi instructionis sunt capaces mox geniti, sed post longum tempus, & præcipue quæ ad annos discretionis pervenitur. Ad hanc etiam instructionem longum tempus requiritur: & tunc hanc etiam propter impetum passionum quibus corrumpitur æstimatio prudentiæ, indigent non solum instructione, sed etiam repressione, ad hoc autem mulier sola non sufficit, sed magis in hoc requiritur opus maris, in quo est ratio perfectior ad instruendum, & virtus potentior ad castigandum, oportet igitur in specie humana non per parum tempus insistere promotioni prolis sicut in auiibus, sed per magnum spacium vitæ, unde cum necessarium sit marem foemina commanere in omnibus animalibus quousque opus patris necessarium est proli, naturale est homini quod non ad modicum tempus, sed diuturnam societatem habeat vir ad determinatam mulierem, hanc autem societatem matrimonium vocamus. Est igitur matrimonium homini naturale: & fornicarius coitus qui est præter matrimonium, est contra hominis bonum, & propter hoc oportet ipsum esse peccatum: nec tamen oportet reputari leve peccatum esse, si quis seminis emissionem procuret præter debitum generationis, & educationis finem, propter hoc quod aut nullum peccatum est, si quis aliqua sui corporis parte utatur ad alium usum, quam ad eum ad quem est ordinata secundum naturam: ut si quis, verbi gratia, manibus ambulet: aut pedibus operetur aliquid manibus operandum: quia per huiusmodi inordinatos vsus bonum hominis non multum impeditur: inordinata verò seminis emissio repugnat bono naturæ, quod est conservatio speciei: unde post peccatum homicidij, quo natura humana iam in actu existens destruitur, huiusmodi genus peccati videtur

Cap. præ.







nullo modo fiat cōtra hominis bonum: in isto autem fiat, sed quia per illa non multum impeditur hominis bonum, per hoc autem multum impeditur. Potest secundò responderi, quòd non est malum hominis, quòd quis prætermittit operationem & vsum partis à natura intento, vtatur parte ad aliū vsum: quia omni corporis parte potest homo vti vt instrumento etiam ad aliū vsum quā sit à natura instituta: sed bene malū hominis est, si operatio naturalis & vsum propriū partis totaliter fiat quòd non sit cōueniens finem quem natura per talem vsum & operationē intēdit, imò illi cōtrarietur. sicut accidit inordinata seminis emissionē. vnde quod inquit sanct. Thom. malum vniuscuiusque esse quòd à debito fine diuertat, intelligendum est non per cessationē propriæ operationis & vsum, vbi res non est ad continuam aliquam operationē instituta, sed per incoēuenientiam & improprietatem propriæ operationis & proprii vsum ad finem à natura intentum. Ad secundum dicitur, quòd aliter loquendum est de eo qui cessat à speciei propagatione per cessationē ab opere speciei ad propagationē ordinatā, & aliter de eo qui operationem ad speciei propagationē ordinatā operatur, modo quo talis propagatio sequi nō potest: quia ille non producit actum debito ordine priuatum, nec agit contra bonum naturæ, cum talis propagatio sufficienter per alios expleatur, sed iste bene agit contra bonum naturæ, & illi iniuriatur: quia actionem quā agit suo debito fine priuat, in praiudicium prolis quæ inde nasci posset, aut quæ est nascitura, nam (vt habetur ex doctrina sancti Thomæ, secunda, secundæ, quæst. 154. artic. 2. & 4. Sent. dist. 26. artic. 2.) ad id quòd natura inclinat tanquam ad perfectionem multitudinis necessarium, non obligatur quilibet homo per modum præcepti, vbi per alios satisficit: aliis qualibet ad agriculturam obligaretur, quæ est cōmunitati necessaria: sed sufficit vt aliqui de multitudine illud exequantur: vbi autem quis naturæ operationem exercet, tenetur illam sic exercere vt naturæ finis non impediatur quantum est ex ipso modo agendi per se.

CIRCA id quòd refert sanctus Thomas ex responsione, attendendum est quòd cum inordinata seminis emissio ideo sit peccatum, quia per se actus inordinatus est, & est contra bonum speciei humanæ, grauitas ipsius inter alia peccata quibus sit contra bonū hominis, attendenda est secundū malum quòd inde sequitur humanæ speciei: malum autem quòd sit humanæ speciei per ipsam, vt hic dicitur, est impedimentum generationis aut educationis prolis nascituræ, quæ nondum actū speciem participat: malum verò quòd per homicidium fit, est priuatio educationis & vitæ hominis iam nati & actū speciem participantis, quia ergo maius malum naturæ humanæ est nocumentum in vita & educatione hominis iam nati, & actū speciem participantis quā hominis nascituri, & in potentia tantum speciem habentis, vt pote qui ex multis causis impediri potest: & hoc maius malum est quā nocumentum in exterioribus rebus: ideo cōuenienter dictum est post peccatum homicidij, huiusmodi genus peccati secundum locum tenere, scilicet inter peccata quæ sunt contra hominis bonum. Confirmatur prima conclusio auctoritate diuina. Leuitici quidem 18. & 1. Corinth. 6. quātum ad hoc quòd omnis emissio seminis ex qua proles sequi non potest, sit illicita. Deuter. verò 23. & Tobie 6. & 1. Corinth. 6. quātum ad hoc quòd fornicatio & omnis coitus præter propriam vxorem sit illicitus. Per hoc autem excluditur error dicentium in emissione seminis non esse maius peccatum quā in aliarum superfluitatum emissionē, & dicentium fornicationem non esse peccatum.

ADVERTENDVM autē quòd S. Thom. ex dictis relinquit solutam aduersariū rationem. Constat enim illā consequentiam non valere: nō sit in fornicatione iniuria mulieri, nec alicui alij homini in cuius potestate sit, ergo non est peccatum. Nā sit actus ex se inordinatus: & sit contra hominis bonum, vt est ostensum, & ideo est peccatum.

ADVERTENDVM etiam quòd per illam propositionem in principio determinationis positam, scilicet Deus vniuscuiusque curam habet secundum id quòd est ei bonum, vult inferre sanct. Thom. per diuinam legem cōuenienter esse prohibitam fornicationem, & omnem inordinatam seminis emissionem. Cum enim Deus gubernet vnumquodque ordinando ipsum ad id quòd est ei bonū, & per consequens remouendo quòd est ei malum, & bonum sit homini vt omnem seminis emissionem taliter procuret vt sit generationi & educationi prolis cōueniens, pertinet ad diuinam legem secundum quam homo gubernatur, vt emissionem seminis illi fini improprietatam prohibeat.

CONTRA rationem sancti Thomæ, quæ probat fornicationem esse peccatum, infertur à quibusdam multipliciter, sed rationes eorum procedunt ex his quæ per accedens in fornicario actū possunt inueniri. Ratio autem sancti Thomæ fundatur in eo quòd per se cōuenit fornicationis: ex quo ratio peccati fumenda est: ideo rationem sancti Thomæ non infringunt: quia autem eas sigillatim Reueren. cardinalis Caeteran. in secunda secundæ, quæst. 154. artic. 2. sufficientissimè soluit, in eis soluendis nunc nobis elaborandum non est.

### Quid matrimonium debet esse indiuisibile.

Cap. 123.

Idem 4. Sen.  
dist. 33. quæst.  
2. artic. 1.



I quis autem rectè consideret, prædicta ratio non solum ad hoc producere videtur, vt societas maris & foeminae, quam matrimonium appellamus, sit diuturna, sed etiam quòd sit per totam vitam. Possessiones enim ad conseruationem naturalis vitæ ordinantur: & quia naturalis vita, quæ conseruari non potest in patre perpetuò, quasi quadam successione secundum speciei similitudinem conseruatur in filio secundum naturam: est cōueniens vt in his quæ sunt patris, succedat & filius. naturale est igitur vt sollicitudo patris ad filium maneat vsque ad finē vitæ suæ. si igitur sollicitudo patris de filio, causat etiam in auibz

commanentiam maris & foeminae: ordo naturalis requirit quòd vsque ad finem vitæ in humana specie pater & mater simul commaneant. Videtur etiam æquitati repugnare si prædicta societas dissoluatur. foemina enim indiget mare nō solum propter generationem, sicut in aliis animalibus, sed etiam propter gubernationem: quia mas est & ratione perfectior, & virtute fortior: mulier verò ad viri societatem assumitur propter necessitatem generationis. cessante igitur fecunditate mulieris & decore, impeditur ne ab alio assumatur. Si quis igitur mulierem assumens tempore iuuentutis quò & decor & fecunditas ei adfuit, eam dimittere posset postquam ætate prouecta fuerit: damnum inferret mulieri contra naturalem æquitatem.

2 Item, manifestè apparet inconueniens si mulier virum dimittere posset: cum mulier naturaliter viro subiecta sit tanquā gubernatori. nō est autē in potestate eius qui alteri subiicitur, vt ab eius regimine discedat. contra naturalem igitur ordinem esset si mulier virū deserere posset. si ergo vir deserere posset mulierē, non esset æqua societas viri ad mulierem, sed seruitus quædam ex parte mulieris.

3 Præterea, naturalis quædam sollicitudo inest hominibus de certitudine prolis: quòd propter hoc necessarium est, quia filius diuturna patris gubernatione indiget. quæcunque igitur certitudinem prolis impediunt, sunt contra naturalem instinctū humanæ speciei: si autē vir posset mulierē dimittere, vel mulier virū, & alteri copulari, impediretur certitudo prolis, dum mulier à primo cognita, postmodū à seruo cognosceretur. est igitur cōtra naturalem instinctum speciei humanæ quòd mulier à viro separetur. sic igitur non solum diuturnam, sed indiuiduam oportet esse in humana specie maris & foeminae coniunctionem.

Amplius, amicitia quāto maior est, tātò debet esse firmior & diuturnior: inter virum autem & vxorem maxima amicitia esse videtur. adunantur enim non solum in actu carnalis copulæ, quæ etiam inter bestias quandam suauem amicitiam facit, sed ad totius domesticæ conuersationis consortium: vnde in signum huius, homo propter vxorem, & patrē & matrem dimittit, vt dicitur Gen. 2. incoēueniens est igitur quòd matrimonium sit omnino dissolubile. Vt rōs autem considerandum est, quòd inter naturales actus sola generatio ad bonum commune ordinatur: nam coëstio & aliarum superfluitatum emissio ad indiuiduum pertinet. generatio verò ad conseruationem speciei. vnde cum lex instituitur ad bonum commune, ea quæ pertinent ad generationem prolis, oportet legibus ordinari & diuinis & humanis. leges autem positæ oportet quòd ex naturali instinctu procedāt, si humanæ sunt: sicut & in scientiis demonstratiuis omnis humana inuentio ex principiis naturaliter cognitis initium sumit. si autem diuinæ sunt, non solum instinctum naturæ explicant, sed etiam defectus naturalis instinctus suppleunt: sicut ea quæ diuinitus reuelantur, superant naturalis rationis capacitatem. cum igitur instinctus naturalis sit in specie humana ad hoc quod coniunctio maris & foeminae sit indiuidua, & quod sit vna vniū: oportuit hoc lege humana ordinatum esse. lex autem diuina super naturalem quandam rationem apponit ex significatione inseparabilis cōiunctionis Christi & Ecclesiæ: quæ est vna vniū. sic igitur inordinationes circa actum generationis nō solum instinctui naturali repugnant, sed etiā leges diuinas & humanas transgrediuntur: vnde ex hoc etiam magis circa hoc peccatur ex inordinatione quā circa summationem cibi aut alterius huiusmodi, quia verò necesse est ad id quòd est optimum in homine, alia omnia ordinari: coniunctio maris & foeminae nō solum sic est ordinata legibus secundum quòd ad prolem generandam pertinet, vt est in aliis animalibus, sed etiam secundum quòd cōuenit ad bonos mores: quos ratio recta disponit vel quātum ad hominem secundum se, vel secundum quòd homo est pars domesticæ familiæ aut ciuilis societatis: ad quos quidem bonos mores pertinet indiuidua cōiunctio maris & foeminae. sic enim fidelior amor vniū ad alterum erit, dum cognoscunt se indiuisibiliter cōiunctos. erit etiam vtriūque sollicitior



licitior cura in rebus domesticis, dū se perpetuū cōman-  
furos in earūdem rerum possessione aſtimant. ſubtrahunt  
etiam ex hoc diſcordiarum origines, quas oporteret  
accidere ſi vir vxorē dimitteret, inter eum & propinquos  
vxoris: & ſi firmior inter affines dilectio. tolluntur etiam  
adulteriorum occaſiones, quā darentur ſi vir vxorem di-  
mittere poſſet: aut econuerſo. per hoc enim daretur via  
facilior ſollicitandi matrimonia aliena. Hinc eſt q̄ dicitur  
Matthēi 19. & primæ Corinthiorū ſeptimo: Ego autem di-  
co vobis, vxorem à viro non diſcedere. Per hoc autem ex-  
cluditur conſuetudo dimittentium vxores: q̄ tamen in ve-  
teri lege permiſſum fuit Iudæis propter eorum duritiā,  
quia ſcilicet proni erant ad occiſionē vxorum. permiſſum  
ergo fuit minus malum ad excludendum maius malum.

## Super Cap. 123.



**P**OST QVAM oſtendit ſanct. Thom. quod matrimonium  
eſt homini naturale, vult de matrimonij conditionibus  
determinare: & ponit quatuor conditiones in iſtis qua-  
tuor capitulis. Prima eſt, quod matrimonium debet eſſe  
indiuſibile & indiſſolubile, ſive debet per totam vitam  
durare. quod idem eſt. circa hanc autem declarandam duo  
facit. primo probat quod ſecundum naturā inclinationem matrimonium  
debet eſſe indiſſolubile. ſecundo probat quod talis indiſſolubilitas con-  
ſequenter humanis & diuinis legibus eſt inſtituta. Quantum ad primum  
arguit primo ſic: Naturale eſt vt ſollicitudo patris ad filium maneat vſque  
ad finem vitæ ſux. ergo naturalis ordo requirit quod vſque ad finem vitæ  
in humana ſpecie pater & mater ſimul commaneat. probatur conſequen-  
tia, quia etiam in auibus ſollicitudo patris de filio cauſat commanentiam  
maris & femina: antecedens verò probatur: quia cū naturalis vita quæ  
in patre perpetuū conſeruari non poſſet, quaſi quadam ſucceſſione con-  
ſeruetur in filio, conueniens eſt ſecundum naturam vt in his quæ ſunt  
patris, ſcilicet poſſeſſionibus ad conſeruationem vitæ naturalis ordina-  
tis, ſuccedat & filius.

**ADVERTENDVM** eſt, quod quia educatio proliſ & eius guberna-  
tio non ſit conuenienter à patre, niſi etiā opus matris cōcurrat, cū pro-  
les cōmune illorum bonū ſit, & vtroque indigeat, quandiu durat ſollicitu-  
do patris de filio, ex natura inclinatur pater ad commanendum matri ſine  
qua non eſſet conueniens educatio filij: & ideo ſi ſecundum naturam ſol-  
licitudo patris de filio eſt per totam patris vitam in qua pater filio theſau-  
rizat. eſt ſecundum naturā inclinationem vt etiam per totum tempus vitæ  
ſux femina commaneat. & hoc eſt huius rationis fundamētum. Secundò,  
eſt contra naturalem æquitatem prædictæ ſocietatis diſſolutio, ergo &c.  
probatur antecedeſ. Femina indiget marē non ſolum propter generatio-  
nem, ſed etiam propter gubernationem, quia mas eſt ratione perfeſtor,  
& virtute fortior: mulier verò ad viri ſocietate aſſumitur propter neceſſi-  
tatem generationis: ſed ceſſante fecunditate & decore mulieris impedi-  
tur ne ab alio aſſumatur, ergo damnum inferretur mulieri contra naturalem  
æquitatem ſi dimitteretur à viro.

**ADVERTENDVM** eſt quod naturalis æquitas habet vt ex benefi-  
cio benefactor gratiam & commodum ab eo cui ſit beneficium reportet,  
non autem damnum, ideo contra naturalem æquitatem eſt vt benefactori  
damnum ex ſuo beneficio inferatur. ſi autem mulier poſt ſuam fecundi-  
tatem & decorem quam in viri beneficium dedit præbendo ſe illi ad ge-  
nerationem ſociam, dimitteretur à viro, illi ex ſuo beneficio damnum in-  
ferretur, quia indigens viro tanquā gubernatore poſt ſecunditatis & de-  
coris tempus non inueniret à quo aſſumeretur, & à quo gubernaretur:  
ideo talis diſmiſſio contra naturalem ordinem eſſet, & in hoc ratio con-  
ſiſtit. Tertiò, contra naturalem ordinem eſſet, ſi mulier virum deſe-  
rere poſſet. ergo ſi vir mulierem poſſet deſerere, non eſſet æqua ſocie-  
tas viri ad mulierem, ſed ſeruitus quædam ex parte mulieris. antecede-  
ns probatur, quia non eſt in poteſtate eius qui alteri ſubditur, vt ab eius  
regimine diſcedat. mulier autem eſt naturaliter viro ſubiecta, tanquam  
gubernatori. Quarto, quæ certitudinem proliſ impediunt, ſunt contra na-  
turalem inſtinctum humanæ ſpeciei, ſed ſi vir mulierem poſſet dimittere,  
& mulier virū, & alteri copulari, impederetur certitudo proliſ, ergo, &c.  
probatur maior, quia cū filius diuturna patris gubernatione indigeat,  
ineſt naturalis ſollicitudo hominibus de certitudine proliſ. minor verò  
probat, quia mulier à primo cognita, poſtmodū à ſecundo cognoscitur.

**SED** videtur hæc ratio inefficax eſſe. Non enim tollitur certitudo pro-  
liſ niſi antequā naſcatur proles mulier ab alio cognoscatur. nam poſt-  
quam nata eſt proles, ſi mulier ab alio cognoscatur, non tollitur propter  
hoc proliſ prius natæ certitudo: & ſic non cōcluditur per hanc rationem  
perpetua & indiuiſibilis ſocietas maris ad feminam, ſed tantum ſocietas  
& indiſſolutio ante proliſ generationē. Reſpondetur quod iſta ratio non  
concludit directè oportere ſocietatem viri & mulieris per totam vitam  
durare, ſed eſſe quandam obligationem mutuam inter illos, vt mulier ſic  
primo viro obligata ſit, quod alteri quā ipſi copulari non poſſit: & con-  
ſequenter, ſi debet eſſe æqua ſocietas, nec vir alteri miſceri, quia per con-  
cubitū mulieris cum alio viro certitudo proliſ tolleretur. Ex hoc autem  
quod mulier & vir ſibi mutuò obligantur tempore quo generationi ſunt  
apti, relinquit ſanct. Thom. manifeſtum ex præcedētibz rationibus oportere  
etiam per totam vitam huiusmodi ſocietatem durare. Quintò videtur  
virum & vxorē maxima amicitia eſſe videtur propter adunationem eorū  
non ſolum in actu carnalis copulæ, quæ etiam inter beſtias quandam  
ſuauem amicitiam facit, ſed etiā ad totius domeſticæ conuerſationis con-  
fortium: cuius ſignum eſt quod propter vxorem homo patrē & matrem  
dimittit, vt dicitur Genēſis ſecundo: ergo &c. probatur cōſequentia, quia  
amicitia quāto maior eſt, tantò debet eſſe firmior & diuturnior.

Secundo loco oſtendit ſanct. Thom. quod oportuit lege humana & di-

uina ordinari vt matrimonium ſit indiſſolubile. & etiam quod ſit vna vnus.  
Probat autem hoc dupliciter. primò, ea quæ pertinent ad generationem  
proliſ, oportet legibus & diuinis & humanis ordinari: ſed leges humanæ  
ex naturali inſtinctu proueniunt, vt ex demonſtratiuis ſcientiis oſtendit-  
ur: diuina autem leges non ſolum naturæ inſtinctum explicat, ſed etiam  
defectus naturalis inſtinctus ſupplet: ergo hiſ legibus debet circa ge-  
nerationem ordinari id quod eſt ſecundum naturalem inſtinctum. ſed natu-  
ralis inſtinctus in ſpecie humana eſt, quod coniunctio maris & femina  
ſit indiuiſua, & vnus ſit vnus: ergo hoc debuit humana lege ordinari: hoc  
autem lex diuina quandam ſupernaturalem rationem apponit ex ſignifi-  
catione inſeparabilis coniunctionis Chriſti & Eccleſiæ, ſi eſt vna vnus:  
aſſumptum probatur, quia lex inſtituitur ad bonum commune. inter na-  
turales autem actus ſola generatio ad bonum ordinatur ſcilicet ad ſpeciei  
conſeruationem. Ex iſta ratione inferit ſanctus Thomas quod quia inor-  
dinationes circa actum generationis non ſolum inſtinctui naturali re-  
pugnant, ſed etiam leges diuinas & humanas tranſgreditur, magis circa  
hoc peccatur ex inordinatione quā circa ſumptionem cibi aut al-  
terius huiusmodi.

**CIRCA** id quod dicitur leges humanas ex naturali inſtinctu proce-  
dere, conſiderandum eſt ex doctrina S. Thom. 1.2. q. 95. art. 2. quod hoc in-  
telligitur non de iniuſta lege quæ propriè non eſt dicenda lex, imò legis  
corruptio, ſed de iuſta. cū enim dicatur aliquid iuſtum ex eo quod eſt  
rectum ſecundum regulam rationis: prima autem regula rationis ſit lex  
naturæ, omnis lex humanitas poſita intantum habet de ratione legis, in-  
quantum à lege naturæ deriuatur. Quomodo autē diuerſi modè leges ali-  
quæ à naturali lege deriuantur, oſtendit ibidem ſanct. Thom.

**CIRCA** id quod dicitur diuinam legem indiuiſibilitati coniunctio-  
nis maris & femina: quæ per legem humanam eſt ordinata, apponere ſu-  
pernaturalem quandam rationem ex ſignificatione inſeparabilitatis con-  
iunctionis Chriſti & Eccleſiæ, eſt vna vnus, duo ſunt attendenda: vnum  
eſt ex doct. ſancti Thom. 4. Sent. diſt. 33. quæſt. 2. art. 1. quod inſeparabilitas  
viri & mulieris aliter conſideratur in matrimonio ſecundum quod eſt in  
officium naturæ, quo modo determinatio eius ad legem humanam perti-  
net, & aliter ſecundum quod eſt Eccleſiæ ſacramentum, ſecundum quem  
modum ad diuinam pertinet legem. Primo enim modo inſeparabilitas  
non eſt de prima intentione matrimonij, quia non ordinatur ad proliſ  
procreationem & educationem ac inſtructionem quouſque ad perfectam  
ætate peruenierit, quod eſt de prima intentione naturæ: hoc enim abſque  
tali perpetua ſocietate eſſe poſſet, ſed ordinatur ad hoc quod ei prouide-  
atur in poſterum per totam eius vitam, per hæreditatis ſcilicet & alio-  
rum bonorum diſmiſſionem: quod videtur eſſe de ſecunda intentione natu-  
ræ. ſecundo autem modo inſeparabilitas eſt de prima matrimonij in-  
tentione. intenditur enim primò in matrimonio ſecundum quod eſt in-  
ſtitutum Eccleſiæ ſacramentum, vt per ipſum indiuiſibilitas coniunctio-  
nis Chriſti & Eccleſiæ ſignificetur: & hoc ſignificatur per matrimonij in-  
diuiſibilitatem: & quia per diuinam legem inſtituta ſunt ſacramenta. ideo  
conuenienter dicitur hanc rationem ſignificationis eſſe indiuiſibilitati  
matrimonij appoſitam. Alterum eſt, quod quia aliquādo diſpenſatum fuit  
diuinitus ſuper pluralitate vxorum, & poſſet etiam diſpenſari ſi fieret di-  
ſpenſatio ſuper vxorum pluralitate, & per conſequens matrimonij ſocie-  
tas non eſſet indiuiſua: matrimonij ſacramentum non ſignificaret indi-  
uiſibilitatem coniunctionis Chriſti & Eccleſiæ, quia non ſignificaret con-  
iunctionem Chriſti & Eccleſiæ inquantum eſt vna, licet poſſet ſignificare  
talem coniunctionem inquantum in Eccleſia eſt graduum diſtinctio, vt  
inquit ſanct. Thom. 4. Sent. diſt. 33. art. 2. Sed ſi eſt tantum vna vnus, vt eſt  
per Chriſti legem inſtitutum, talis indiuiſibilitas cōiunctionis Chriſti &  
Eccleſiæ ſignificatur per huiusmodi matrimonij indiuiſibilitatem, ideo  
addidit S. Thom. ſi eſt vna vnus. Secundò, coniunctio maris & femina:  
non ſolum eſt ordinata legibus ſecundum quod ad prolem generando  
pertinet, ſed etiam ſecundum quod pertinet ad bonos mores, quos recta ratio  
diſponit. ſed ad bonos mores pertinet indiuiſua coniunctio maris & fe-  
mina: quia ſic eſt amor fidelior vnus ad alterū & eſt virtusque ſollicitior  
cura in rebus domeſticis, ſubtrahuntur diſcordiarū origines inter virum  
& propinquos vxoris: & firmior ſic inter affines dilectio, tolluntur etiam  
adulteriorum occaſiones. ergo, &c. probatur maior, quia ad id quod eſt  
optimum in homine, alia omnia ordinari oportet.

Confirmatur conſeſſio auth. Matth. 19. & 1. Cor. 7. Excluditur verò per  
hoc conſuetudo dimittentium vxores: & licet hoc in veteri lege fuerit  
Iudæis permiſſum, hoc fuit propter duritiā eorum ad cuiusdā maius  
malum, quia videlicet proni erant ad occiſionem vxorum.

**AD** huius euidentiam conſiderandum eſt ex doctrina ſancti Thom. 4.  
Sent. art. allegato, quæſt. iuncta ſecunda, quod duplex opinio fuit de libel-  
lo repudij permiſſo Iudæis. Quidam enim dixerūt quod Iudæi repudian-  
do vxores non peccabant, ſed eis erat ex permiſſione diuina licitum, quia  
hoc eſſe peccatum non eſt per legem aut prophetas indicatum. & habet  
hæc opinio fundamentum ex verbis Chriſtoſtomi iniquientis, quod à pec-  
cato abſtulit culpam legiſlator quādo repudium permiſit. Alij verò dixe-  
runt quod dantes libellum repudij, à peccato non excuſabantur, quanuis  
excuſarentur à pœna ſecundum leges infligenda. vnde dicit quod libel-  
lum repudij Moſes Iudæis permiſit propter maius malum cohibendum,  
ſcilicet vxoricidiū: ſicut permiſſum eis fuit extraneis ſcenerari, ne fratri-  
bus ſuis ſcenerarentur. Sed licet (vt ibidem inquit ſanct. Thom.) prima opi-  
nio probabilis ſit, ſecunda tamen communis tenetur, & ideo ipſam vide-  
tur ſequi hoc loco, dū inquit quod permiſſum fuit minus malum ad ma-  
ius malum excludendum.

## Quod matrimonium debeat eſſe vnus ad vnam.

## Capit. 124.



**C**ONSIDERANDVM autē videtur quod  
innatum eſt mentibus omnium animalū quæ  
coitu vtuntur, quod conſortium in compari  
non compatiuntur: vnde propter coitum pu-  
gnæ in animalibus exiſtunt: & quidem quan-  
tum ad



tum ad omnia animalia est vna cōmunis ratio: quia quodlibet animal desiderat liberē frui voluptate coitus, sicut & voluptate cibi: quæ quidem libertas impeditur per hoc quod ad vnam plures accedant: aut econuerso, sicut in libertate cibo fruendi impeditur aliquod animal si cibum quem ipsum sumere cupit, aliud animal vsurpet: & ideo similiter propter cibum & propter coitū animalia pugnant. In omnibus autem est ratio specialis, quia, vt dictum est, homo naturaliter desiderat certus esse de prole: quæ quidem certitudo omnino tolleretur si plures esset vnus. ex naturali igitur instinctu procedit quod sit vna vnus: sed in hoc differentia consideranda est. quantum enim ad hoc quod vna fœmina à pluribus maribus non cognoscatur, vtraque prædictarum rationum concurrunt: sed quātum ad hoc quod vnus mas plures fœminas non cognoscat, non facit ratio secunda. nō enim certitudo prolis impeditur si vnus mas plures fœminas cognoscat. facit autem contra hoc ratio prima. nam sicut libertas vtendi fœmina tollitur à marē si fœmina habeat alium: ita & eadem libertas à fœmina tollitur si mas habeat plures: & ideo quia certitudo prolis est principale bonum quod ex matrimonio queritur, nulla lex aut consuetudo humana permittit quod vna esset plurium vxor. Fuit etiam hoc inconueniens reputatum apud antiquos Romanos, de quibus refert Val. Maximus \* quod credebatur nec propter sterilitatem fidem conjugalem debere dissolui.

Cap. præced.

\* Lib. 2. de memorabilibus dictis, c. 1.

2. Item, in omni animalis specie in quo patri inest aliqua sollicitudo de prole, vnus mas non habet nisi vnam fœminam: sicut patet in omnibus auiibus quæ simul nutriūt pullos. nō enim sufficeret vnus mas auxilium præstare in educatione prolis pluribus fœminis. In animalibus autē in quibus maribus nulla est sollicitudo de prole, indifferēter mas habet plures fœminas, & fœmina habet plures mares: sicut in canibus, gallinis, & huiusmodi. cū autem masculo inter omnia animalia sit magis cura de prole in specie humana: manifestum est quod naturale est homini quod vnus mas vnam fœminam habeat, & econuerso.

3. Adhuc, amicitia in quadam æqualitate consistit. si igitur mulieri nō licet habere plures viros, quia hoc est contra certitudinem prolis, licet autem viro habere plures vxores: nō esset liberalis amicitia vxoris ad virū, sed quasi seruilis, & hæc etiā ratio experimēto cōprobatur. quia 2. apud viros habētes plures vxores quasi ancillæ haberentur.

4. Præterea, amicitia intensā non habetur ad multos, vt patet per Philosoph. in 6. Ethico. \* si igitur vxor habet vnum virum tantum, vir autem plures vxores, non erit æqualis amicitia ex vtraque parte: nō igitur erit amicitia liberalis sed quodammodo seruilis.

\* Cap. 5.

5. Amplius, sicut dictum est, matrimonium in hominibus oportet ordinari secundum quod competit ad bonos mores: est autem contra bonos mores quod vnus habeat plures vxores, quia ex hoc consequitur discordia in domestica familia, vt experimento patet. non est igitur conueniens quod vnus homo habeat plures vxores. Hinc est quod dicitur Gē. 2. Erunt duo in carne vna. Per hoc autem excluditur cōsuetudo habentium plures vxores, & opinio Platonis qui posuit vxores debere esse communes: quem in noua lege secutus est Nicolaus vnus ex septem diaconibus,

#### Super Cap. 124.



SECUNDA matrimonij cōditio est, vt sit vnus ad vnam. Licet autem hæc conclusio in præcedenti capite sit aliquatenus tacta: quia tamen non est ibi probata, sed magis supposita, ideo hoc loco probat eam sancti Thom. arguit autem primò sic: Quodlibet animal desiderat frui liberē voluptate coitus, sicut & voluptate cibi: sed hæc libertas impeditur per hoc quod ad vnam plures accedunt, aut econuerso: ergo ex naturali instinctu procedit quod sit vna vnus. minor declaratur & ex libertate fruendi cibo: quæ impeditur si cibum quem vnus animal sumere cupit, aliud animal vsurpet: & signo hoc quod similiter propter cibum & propter coitum animalia pugnant. Secundo, & est ratio specialis in hominibus: Homo naturaliter desiderat certus esse de prole, sed hæc certitudo omnino tolleretur si plures essent vnus, ergo, &c. Addit autem sanctus Thom. quod differentia est in hoc, quod est plurium non est vnus, quia ad hoc quod vna fœmina à pluribus non cognoscatur vtraque dictarum rationum concurrunt: quantum verò ad hoc quod vnus mas plu-

res fœminas non cognoscat, concurrunt tantum prima ratio, non autem secunda. certitudo enim prolis propter hoc non tollitur: sed bene tollitur à fœmina libertas vtendi viro, quod prima ratio tangebat: quo infertur quod quia certitudo prolis est principale bonum quod ex matrimonio queritur, nulla lex aut consuetudo humana permittit quod vna esset plurium vxor. vnde & hoc apud antiquos Romanos fuit inconueniens reputatum, teste Valerio.

CIRCA id quod dicitur certitudinem prolis esse principale bonum quod queritur ex matrimonio, attendendum est quod illud non dicitur, quasi principale finis matrimonij absolute sumptus sit prolis certitudo: nō enim certitudo prolis est finis principalis, sed prolis generatio & educatio: sed quia sine ipsa nō potest esse educatio prolis, quod est principalis finis matrimonij simul cū procreatione. Vnde cū dicitur esse principale bonum matrimonij, intelligendum est non tanquam eius principalis finis, sed tanquam principalem finem necessariū concomitantem.

ATTENDENDVM etiā ex doctrina S. Tho. 4. Sent. dist. 33. q. 1. art. 1. ad septimum, quod vnum virum habere plures vxores non est contra primam præceptam naturæ, sed contra secundam: quæ ex primis deriuatur: quia nec tollit totaliter, nec impedit aliquid primum finem, quem natura ex matrimonio intendit, scilicet, procreationem prolis & eius educationem, cū vnus homo sufficiat pluribus vxoribus educandis, & educandis, filiis ex eis natis: sed bene secundum finē qui est cōmunicatio operum quæ sunt in vita necessaria, multum impedit, cō quod nō facillè possit esse pax in familia vbi vni viro plures vxores coniunguntur. vna autem vxorem habere plures viros est cōtra primam præceptam legis naturæ, quia quantum ad aliquid tollitur bonum prolis omnino, scilicet quantum ad eius educationem quæ per prolis incertitudinem respectu patris remouetur. quantum verò ad aliquid impeditur, scilicet quantum ad procreationem: quia vix potest accidere si mulier post primam imprægnationem iterū ab alio imprægnetur, quin corruptio accidat quantum ad vtrumque forē vel quantum ad alterum: quia ergo non ita circa prima legis naturæ præcepta quæ sunt quasi communes conceptiones in speculatiuis ratio obscuratur, sicut circa secunda ipsius præcepta: ideo licet aliqua lex humana aut consuetudo apud aliquos obtrinerit vt vnus vir plures vxores habere possit, nulla tamen lege aut consuetudine, vt hic dicitur, permittitur est vt vna mulier plures habeat maritos. Secundo, masculo inter omnia animalia maxime est cura de prole in specie humana, ergo naturale est homini vt vnus mas vnam fœminam habeat, & econuerso, probatur consequentia, quia in omni animalis specie in qua patri est cura de prole, vnus mas non habet nisi vnam fœminam: non enim sufficeret vnus mas auxilium præstare in educatione prolis pluribus fœminis.

CIRCA hoc vltimum dictum attendendum est, quod hoc non habet veritatem nisi in maribus quæ sunt alterius speciei ab homine. de homine enim dictum est de mente sancti Thomæ, quod vnus sufficit plurium vxorum filiis educandis, sed tunc videtur quod ratio nihil concludat de homine, negaretur enim consequentia, & diceretur ad probationem, quod non oportet si in aliis animalibus in quibus patri inest sollicitudo de prole, vnus mas non habet nisi vnam fœminam, quod hoc etiam sit in homine: & ratio huius est: quia in aliis vnus mas non sufficit plurium filiis educandis, in homine autem sufficit.

Respondetur, quod hæc ratio ex quadam similitudine procedit, sicut enim sollicitudo quæ inest patri de prole, est aliis animalibus ratio quod sit vnus: ita & in hominibus: sed vnam esse vnus est illis secundum primam naturæ inclinationem, quia aliter nō posset proles educari, quod est primum bonum intentum à natura: in homine autem est ex secunda inclinatione naturæ, quia ex solitudine de prole, naturali instinctu prouenit, vt vir & vxor commaneant, & consequenter vt inuicem in operibus vitæ necessariis communicent, quod non conuenienter fieret si vnus vir plures vxores haberet, quia pax in familia impeditur. Vnde sic vult sancti Thom. arguere: sicut quum in coniunctione maris & fœminæ naturaliter inclinatur animalia, prima intentio est naturæ ad prolis educationem, ita secunda intentione naturæ ab illa primā proueniente inclinatur homo ad communicationem mutuum operum vitæ inter marem & fœminam, sed alia animalia (quia ex pluralitate fœminarum vnus impeditur prolis educatio) à natura habent primò vt vnus mas vnam tantum fœminam habeat, ergo quum etiam ex pluralitate vxorum vnus viri dicta operum vitæ communicatio impediatur, est ex secundo instinctu naturæ vt vnus vir vnam tantum vxorem habeat: & etiam econuerso vna vnus habeat virum: quia etiam & multo magis tolleretur pax in familia si vna esset plurium. Quarto, si mulieri nō licet habere plures viros, licet autem viro habere plures vxores, non esset liberalis amicitia vxoris ad virum, sed quasi seruilis: sed hoc est inconueniens, ergo, &c. probatur consequentia, & ratione, quia amicitia in quadam æqualitate consistit: & experimento, quia apud viros plures vxores habentes, vxores quasi ancillæ habentur.

ADVERTENDVM est, quod probatio consequentiæ ad hoc tendit, quod sicut se habet vir ad vxorem in amicitia, ita & vxor se habet ad virum eadem proportionem seruata, quia amicitia in quadam æqualitate scilicet proportionis consistit: sed vxore non potente habere plures viros, si vir plures habeat vxores, videtur se habere vir ad illas tanquam ad ancillas & omnino subiectas ergo & amor ipsarum ad virum erit seruilis, non liberalis. Quintò, & est præcedentis rationis confirmatio: amicitia intensā non habetur ad multos, vt patet 8. Ethic. ergo si vxor habet vnum tantum virum, vir verò habeat plures vxores, nō erit æqualis amicitia ex vtraque parte, ergo non liberalis, sed quasi seruilis: quia videlicet vxor intense diligit virum, non autem vir vxorem. Sextò, est cōtra bonos mores, quod vnus habeat plures vxores, ergo &c. probatur cōsequentiā, quia matrimonium in hominibus debet ordinari secundum quod ad bonos mores pertinet, antecedens verò probatur, quia ex hoc sequitur discordia in familia, vt experimento patet.

AD hanc dicit Durandus apud Capreolum 4. Sent. d. 33. quod nihil valet, quia per accidens est vt non sit pax vbi sunt plures vxores, ex eo scilicet quod quādoque sunt litigiosæ: sed ipse non videt quod licet quandoque in alio casu pluralitas vxorum pacem compatiatur, tamen pro statu naturæ corruptæ eam vt in pluribus impedit, quum zelotipiam & pluralis inconuenientia pariat: ars autem & lex non considerat solum ea quæ sunt per se



per se & necessaria, sed etiam ea quæ ut in pluribus accidunt. Confirmatur conclusio autoritate Genes. 2.

Per hoc verò excluditur consuetudo habentium plures uxores, & opinio Platonis ponentis uxores debere esse communes, & etiam Nicolai qui vnus ex septem diaconibus fuit.

SED circa hoc dubium occurrit. Videtur enim superius dictis contradicere, ubi dictum est, quod nulla lex aut consuetudo humana permittit vt vna esset plurium vxor. Si enim Plato voluit uxores esse communes, contra quod voluit vnam esse plurium.

Respondetur quod opinio Platonis quæ hic refertur, accipitur non secundum veritatem, sed secundum quod Aristoteles Platoni in secundo Politicorum imponit. Vt enim inquit S. Tho. in quarto de Regimine principum, cum Socrates & Plato fuerint super omnes philosophos virtutibus dedit, non videtur credibile eos talem communitatem instituisse qualem illis Aristoteles imponit, vt scilicet mulieres quantum ad concubitus omnibus communes essent, quia hoc est magis bestiale quam humanum: sed ipsi voluerunt uxores esse omnibus communes quantum ad effectum amoris, & mutuam dilectionem, non autem quantum ad concubitus. Nicolaus autem diaconus illud posuit, non quia ita bonum esse iudicaret, sed auctoritati Platonis innixus, quem existimauit ex Aristotelis relatione voluisse uxores quantum ad concubitus esse communes.

CONTRA prædictam conclusionem argui potest multipliciter. Primo, quando finis secundarius præiudicat fini principali, negligendus est finis secundarius propter principalem, sed aliquando pacifica habitatio cum vna vxore præiudicat generationi qui est finis principalis, quia illa vxor est sterilis, ergo, &c. Secundo, licet ex causa renuntiari iure suo non minus in parte quam in toto: sed per hoc quod vir emitit votum castitatis, in totum præiudicat alteri: per hoc verò quod contrahitur cum secunda, solum in parte: ergo si de licentia vxoris & eius consensu licet viro emitte castitatis votum, pari ratione propter sterilitatem vxoris de licentia primæ vxoris licet accipere secundam. Tertiò, papa potest dispensare in solemnii voto continentie propter defectum hæredis, ergo poterit dispensare vt princeps habet, sterilem mulierem ea viuente aliam accipiat.

AD huius euidenciam considerandum est, quod quum habere plures uxores sit contra naturæ præcepta secundaria, eius solius est hoc præceptum tollere, & in hoc dispensare, qui naturæ est institutor, & naturæ talem dedit inclinationem, tali quæ præcepta. eius enim est soluere legem, cuius est cedere: & ideo cum solus Deus sit naturæ institutor, ipse in hoc dispensare potest, & ad ipsum solum pertinet hæc dispensatio, non autem ad aliquem alium nisi ex diuina commissione.

NEC obstat huic quod in votis dispensari potest, quorum tamen adimpletio est de iure diuino & naturali. non enim cum prælati dispensant in voto, dispensant in præcepto iuris naturalis, vel diuini: vt inquit sanctus Thomas secunda secundæ, quæst. 88. art. 10. sed determinat in casu aliquo hoc non esse materiam congruam voti, quod prius erat materia congrua: & ideo neque propria auctoritate, neque auctoritate alicuius hominis potest quis plures simul habere uxores.

AD primum ergo dicitur, quod maior est falsa, si intelligatur quod à quocunque sit negligendus propria auctoritate finis secundarius, si autem intelligatur quod ex dispensatione diuina sit negligendus, cõceditur. & eadem ratione conceditur, quod auctoritate diuina quis possit plures uxores habere.

AD secundum dicitur primum, quod non tantum ex hoc non potest vnus vir habere plures uxores, quia vna habeat in virum plenum ius, sed quia hoc est contra naturalis iuris præcepta & diuini: cõtra quæ nullus absque diuina dispensatione licet agere potest: & ideo quantumcunque vna vxor diuini iurisdictioni quam habet in viri corpus renuntiare voluerit, remanet tamen naturæ præceptum cõtra quod agere nemini licet. Dicitur secundò, quod non est simile de voto continentie factò de vxoris licentia, & de alterius vxoris acceptione. sicut enim non repugnat logi naturæ vt aliquis particularis homo ad matrimonium non contrahat, ita non repugnat vt ab actu matrimoniali de vxoris licentia abstineat: habere autem aliam vxorem præter primam, legi naturæ menti humanæ impressæ repugnat, ideo potest vir consentiente vxore castitatem vouere: non autem plures habere uxores. Ad tertium dicitur primum, quod assumptum apud sanctum Thomam est falsum, vt patet secunda secundæ, quæst. 88. art. 7. licet & 4. Sent. distinct. 38. quæst. 1. art. 4. alterius fuerit opinionis. Dicitur secundò, quod illo admissò adhuc non sequitur intentum: quia, vt dictum est superius, in dispensatione voti non dispensatur in præcepto iuris naturalis aut diuini, sed tantum declaratur in tali casu illud non esse conuenientem materiam voti: in dispensatione verò plurium vxorum fieret contra ius naturale & ius diuinum.

ALIA argumenta facit Aureolus, quibus probat quod habere plures uxores sit contra prima naturæ præcepta, & quod nullo modo ibi cadere possit dispensatio, etiam à Deo: vide apud Capreolum loco allegato.

*Quod matrimonium non debet fieri inter propinquos.*

Cap. 125.



PROPTER huiusmodi etiã causas rationabiles ordinatum est legibus quod certæ personæ à matrimonio excludantur, quæ secundum originem sunt coniunctæ: nam cum in matrimonio sit diuersarum personarum coniunctio, illæ personæ quæ debent se reputare quasi vnum propter eandem originem, conuenienter à matrimonio excluduntur: vt dum se per hoc vnū esse recognoscunt, feruentius se diligant.

Item, cum ea quæ inter virum & vxorē aguntur, quan-

dam naturalem verecundiam habeant: ab his mutuo agendis illas personas prohiberi oportuit, quibus propter coniunctionem sanguinis reuerentia debetur. quæ quidem ratio videtur in veteri lege inducta, propter hoc quod dicitur, Turpitudinem sororis tuæ nō discooperias: & similiter de aliis.

3 Præterea, ad corruptionem bonorum morum pertinet, quod homines sint nimis dediti voluptatibus coitus: quia cum hæc voluptas maximè mentem absorbeat, impediretur ratio ab his quæ rectè agenda essent. sequeretur autem nimius voluptatis vsus, si liceret homini per coitum coniungi illis personis quibus commorandi habet necessitatem, sicut sororibus & aliis propinquis: quia talibus occasio coitus subtrahi non posset. conueniens igitur fuit bonis moribus vt talis coniunctio legibus inluberetur.

4 Adhuc, delectatio coitus maximè corrumpit æstimationem prudentiæ: multiplicatio igitur talis delectationis repugnat bonis moribus. talis autem delectatio augetur per amorem personarum quæ cõiunguntur. esset igitur contrarium bonis moribus propinquis coniungi, quia in eis coniungeretur amor, qui est ex communione originis, coniunctione amoris concupiscentiæ: & multiplicato amore, necesse est magis animam delectationibus subdi.

5 Amplius, in societate humana hoc est maximè necessarium, vt sit amicitia inter multos: multiplicatur autem amicitia inter homines, dum personæ extraneæ per matrimonia colligantur. conueniens fuit igitur legibus ordinari, quod matrimonia contraherentur cum extraneis personis, & non cum propinquis.

6 Adhuc, inconueniens est vt illis personis aliquis socialiter coniungatur, quibus naturaliter debet esse subiectus: naturale autem est quod aliquis parentibus sit subiectus: ergo inconueniens esset quod cum parētibus aliquis matrimonium contraheret, cum in matrimonio sit quædam coniunctio socialis. Hinc est quod dicitur Leui. 18. Omnis homo ad proximam sanguinis sui non accedat. Per hoc autem excluditur consuetudo eorum qui propinquis suis se carnaliter commiscunt. Sciendum est autem, quod sicut naturalis inclinatio est ad ea quæ sunt vt in pluribus, ita lex posita est secundum id quod in pluribus accidit. non est autem prædictis rationibus contrarium, si in aliquo aliter possit accidere. non enim propter bonum vnius debet prætermitti bonum multorum, cum bonum multitudinis semper sit diuini quod bonum vnius. nec tamē defectus qui in aliquo posset accidere, omnino absque medela remaneat, residet apud legislatores & eis similes auctoritas dispensandi in eo quod cõmuniter est statutum, secundum quod est necessarium in aliquo casu particulari: & siquidē lex sit humana, per homines similem potestatem habentes dispensari potest. si autem lex sit diuinitus posita, auctoritate diuina dispensatio fieri potest, sicut in veteri lege ex dispensatione indultum videtur uxores plures habere, & concubinas & vxoris repudium.

Super Cap. 125.



TERCIA matrimonij conditio est, quod non debet fieri inter propinquos, & ideo propter causas rationabiles ordinatum est legibus quod certæ personæ à matrimonio excludantur, quæ secundum originem sunt coniunctæ. Et primum arguitur sic. Id ex quo personæ quæ per eandem originem sunt vnium, occasionem habent se feruentius diligendi, rationabiliter ordinatur: sed hoc evenit ex eo quod à matrimonio excluduntur, ergo, &c. probatur minor, quia cum in matrimonio sit diuersarum personarum coniunctio, dum diæ personæ excluduntur à matrimonio, se non esse diuersas omnino, sed esse vnum recognoscunt: vnitas autem inter aliquos dilectionem causat. Secundo, ea quæ inter virum & vxorem aguntur, quandam naturalem verecundiam habent: ergo ab his mutuo agendis illas personas prohiberi oportuit quibus propter sanguinis coniunctionem reuerentia debetur. & hæc ratio tangitur in veteri lege, cum dicitur, turpitudinem sororis tuæ non discooperias. consequentiam non probat sanctus Thomas, sed relinquit manifestari, quia ea quæ verecundè sunt, cauetur ne fiant erga personas quibus reuerentia debetur. Tertiò, si liceret homini per coitum coniungi personis quibus cõmorandi habet necessitatem, sicut sororibus & aliis propinquis, sequeretur nimius voluptatis vsus: quia talibus occasio coitus subtrahi nō posset. sed ad corruptionem bonorum morū pertinet quod homines sint nimis dediti voluptatibus coitus ergo, &c. Quarto, & est confirmatio præcedentis: multiplicatur delectatio coitus, sed hæc multiplicatio repugnat bonis moribus, cū talis delectatio maximè



maximè corrumpat bonum prudentiæ, ergo, &c. probatur sequela: quia in eis multiplicaretur amor, dum amor qui est ex communione originis & connutritione, amor concupiscentiæ iungeretur: multiplicato autem amore, necesse est magis animâ delectationibus subdi. Sed videtur quod ista ratio assumat contrarium eius quod dictum est in prima ratione. Ibi enim dicebatur quod ex eo quod personæ coniunctæ repelluntur à matrimonio, occasionem habent se seruientis diligendi. hoc autem dicitur, quod si inter illas esset matrimonium, multiplicaretur amor, quæ contraria videtur. Potest dici quod in prima ratione loquitur S. Tho. de honesto amore & ordinato: hic autem de inhonesto & inordinato amore, ex quo nimis & inordinatus delectationis vsus proveniret, loquitur. Quinto, multiplicatur amicitia inter homines, dum personæ extraneæ per matrimonia coniunguntur, ergo conueniens fuit legibus ordinari ut matrimonia cum extraneis contraherentur, & non cum propinquis. probatur consequentia: quia in societate humana necessarium est ut sit amicitia inter multos. Sexto, naturale est quod aliquis parentibus sit subiectus, ergo inconueniens esset quod cum parentibus quis matrimonium contraheret. probatur consequentia, quia in matrimonio est quædam coniunctio socialis. Confirmatur conclusio auth. Leuit. 18. Per hoc autem excluditur consuetudo seculariter propinquis commiscendum.

**ADVERTENDVM** est, quod non omnes istæ rationes ex eodem fundamento procedunt. Cum enim matrimonij finis sit triplex, primarius scilicet boni prolis, secundarius scilicet concupiscentiæ repressio, & per accidens, scilicet amicitie multiplicatio, & hominum confederatio, ut inquit S. Thom. 4. Sent. d. 40. secunda ratio & vltima procedunt ex eo quod matrimonium cum iis qui coniunguntur sanguine, aliquo modo impedit matrimonij finem primarium: impeditur enim ne cõuenienti modo proli concipiendæ vacetur ob reuerentiam aut subiectionem vnius ad alterum. Tertia & quarta procedunt ex eo quod impeditur secundarius finis, prima verò & quinta procedunt ex eo quod finis per accidens impeditur.

**ATTENDENDVM** vltius, ut habetur loco allegato, quod in lege naturali solus pater & mater à matrimonio repellantur, reliqui verò gradus propter humani generis propagationem permittebantur: de lege verò diuina est ut illæ personæ quas oportet in eadem domo conservari, repellantur à matrimonio, quæ Leui. 18. enumerantur: sed secundum legem humanam plures alij consanguinitatis gradus sunt prohibiti, ex quo patet quod consanguinitas quantum ad aliquas personas impedit matrimonium de iure naturali, quantum verò ad aliquas de iure diuino, quantum verò ad aliquas de iure humano. propter hoc aliquæ prædictarum rationum probant de iis tantum qui iure naturali prohibentur, ut pater & mater, aliquæ verò de iis qui iure diuino prohibentur scilicet de iis quos simul necesse est commorari, sed alie etiam de iis qui humanis legibus prohibentur, scilicet de omnibus vsque ad quartum gradum inclusiue.

Notat autem sanct. Thom. primo quod quia sicut naturalis lex est ad ea quæ sunt ut in pluribus, ita & lex posita est secundum id quod in pluribus accidit, non est prædictis rationibus contrarium, si in aliquo aliter possit accidere, puta quod minuatur in aliquo concupiscentiæ si copuletur forori, quia propter bonum vnius non debet multorum bonum pratermitti.

Notat secundum quod ne defectus qui in aliquo posset accidere, absque medela remaneat, residet apud legislatores & eis similes similem scilicet potestatem habentes, autoritas dispensandi in eo quod communiter est statutum, secundum quod in aliquo particulari casu est necessarium apud homines quidem, si lex sit humana, apud Deum verò, si lex sit diuina, sicut in veteri lege ex dispensatione indultum est plures uxores habere, & concubinas, & vxoris repudium.

**ADVERTENDVM** est, quod nomine concubinæ non intelligitur hic illa quæ non est matrimonio iuncta, ut dicitur 4. Sent. d. 33. q. 1. art. 3. sed quæ aliquid habeat de ratione vxoris, inquantum videlicet erat matrimonio iuncta, & aliquid habeat de ratione concubinæ inquantum sibi non datur familiaris dispensatio, & non erat cum illa cõmunicatio operum vitæ tanquam cum socia, quod ad secundarium finem matrimonij pertinet, in quo per diuinam ordinationem cum aliquibus dispensabatur.

**SED** occurrit dubium, nam his quæ ex diuina dispensatione erant indulta, connumeratur hoc loco vxoris repudiū, cum tamen dictum sit superius quod sanct. Thom. ad hanc opinionem declinat, quod non poterat Iudæi absque peccato vxorē dimittere. Potest ad hoc dupliciter dici. Primo, quod dicitur hic fuisse indultum vxoris repudiū, non quia repudiantes vxorem non peccarent, sed quia legis penam euocabat, ut superius dicebatur, & sic non contrariatur supra dictis. Secundo, quod quum duplex de hoc sit opinio, superius sanct. Thom. locutus est secundum illam opinionem quæ sibi magis placebat, hic autem exemplificat ad mētem etiam alterius opinionis, eo quod etiam ipsa probabilis sit.

*Quod non omnis carnalis commixtio sit peccatum.*

Cap. 126.



D. 858.

**SCIENTIUM** autem contra rationem est, ut aliquis carnali coniunctione utatur contra id quod conuenit proli generandæ & educandæ: ita etiam secundum rationem est quod aliquis carnali coniunctione utatur secundum quod congruit ad generationem & educationem prolis. a lege autē diuina hæc solum prohibita sunt, quæ rationi aduersantur, ut ex supradictis patet, inconueniens est igitur dicere quod omnis carnalis coniunctio sit peccatum.

2. Adhuc, quum membra corporis sint quædam animæ instrumenta, cuiuslibet membri finis est vsus eius, sicut & cuiuslibet alterius instrumenti: quorundam autem membrorum corporis vsus est carnalis commixtio: carnalis igitur commixtio est finis quorundam membrorum corporis. id

autem quod est finis aliquarum naturalium rerum non potest esse secundum se malum: quia ea quæ naturaliter sunt ex diuina prouidentia, ordinantur ad finem, ut ex supradictis patet. impossibile est igitur quod carnalis commixtio sit secundum se mala.

3. Amplius, naturales inclinationes insunt rebus à Deo qui cuncta mouet. impossibile est igitur quod naturalis inclinatio alicuius speciei sit ad id quod est secundum se malum. sed omnibus animalibus perfectis inest naturalis inclinatio ad coniunctionem carnalem. impossibile est igitur quod carnalis commixtio sit secundum se mala.

4. Itē, illud sine quo non potest esse aliquid quod est bonum & optimum, non est secundum se malum, sed perpetuitas speciei non cõseruatur in animalibus nisi per generationem, quæ est ex commixtione carnali. impossibile est igitur quod commixtio carnalis sit secundum se mala. Hinc est quod dicitur 1. Cor. 7. Mulier non peccat si nubat. Per hoc autem excluditur error quorundam dicentium omnem carnalem coniunctionem esse illicitam: unde totaliter matrimonium & nuptias damnant: quorum quidam hoc ideo dicunt, quia credunt temporalia non à bono, sed à malo principio esse.

Super Cap. 126.



**QUARTA** conditio matrimonij est, quod licite actus coniugalis exercetur, nec est diuina lege prohibitus. hoc autē probat S. Tho. ostendendo inconueniens esse dicere quod omnis carnalis coniunctio sit peccatum: & arguit primò sic: Lege diuina solum illa sunt prohibita quæ rationi aduersantur: sed non omnis carnalis coniunctio aduersatur rationi, imò sicut contra rationem est ut ea quis utatur contra bonum prolis: ita secundum rationem est quod aliquis ea utatur secundum quod congruit ad prolis generationem & educationem, ergo, &c. Secundò, quorundam membrorum corporis vsus est carnalis commixtio, ergo est eorum finis, ergo, &c. probatur prima conseq. quia quum membra corporis sint quædam animæ instrumenta, finis cuiuslibet ipsorum est eius vsus, sicut & cuiuslibet alterius instrumenti. Secunda verò probatur: quia illud quod est finis aliquarum naturalium rerum, non potest esse secundum se malum, cum talia ex diuina prouidentia ordinentur ad finem. Tertiò, omnibus animalibus inest naturalis inclinatio ad coniunctionem carnalem, ergo, &c. probatur conseq. quia cum naturales inclinationes insunt rebus à Deo, impossibile est ut inclinatio alicuius speciei sit ad id quod est secundum se malum. Quartò, perpetuitas speciei non cõseruatur in animalibus nisi per generationem quæ est ex commixtione carnali, ergo, &c. probatur conseq. quia illud sine quo non potest esse aliquid quod est bonum & optimum, non est secundum se malum. Confirmatur auth. 1. Cor. 7. Excluditur autem per hoc error matrimonium & nuptias damnantium scilicet Manichæorum: quia credebant corporalia non à bono, sed à malo principio esse.

**CONTRA** hanc conclusionē argui posset: quia nullus de aliquo verecundatur nisi quia malum est. Videtur autē quod homo de carnali commixtione tanquam de aliquo turpitudine habente verecundetur. sed dicitur de mente S. Thom. 4. Sent. 26. q. 1. art. 3. & dist. 31. q. 2. art. 1. quod huiusmodi carnalis commixtio habet quidem in se quædam turpitudinem: sed illa turpitudine est turpitudine pœnæ, inquantum ex primi parentis peccato effectum est ut inferiores vires & membra corporis rationi non obediāt: non autem est turpitudine culpæ, & ideo de tali actu homo erubescit, non sicut de culpa, sed sicut de quolibet alio defectu. quia etiam quædam similitudinem mali & actus inordinati habet propter concupiscentiæ corruptionem: ideo assignantur aliqua bona excusantia illum, facientia scilicet ut malus non sit, quamuis mali quædam similitudinem habeat: hæc autem bona sunt, proles & fides.

*Quod nullus cibi vsus est peccatum secundum se.*

Caput 127.



**SCIENTIUM** autem venereorum vsus absque peccato est, si secundum rationem fiat: ita etiam & vsus ciborum. fit autem vnumquodque secundum rationem, quando ordinatur secundum quod cõgruit debito fini: finis autem debitus sumptionis ciborum est, cõseruatio corporis per nutrimentum. quicumque igitur cibus hoc facere potest, absque peccato potest sumi. nullius igitur cibi sumptio secundum se est peccatum.

2. Adhuc, nullius rei vsus secundum se malus est, nisi res ipsa secundum se mala sit. nullus autē cibus secundum naturam malus est: quia omnis res secundum suam naturā bona est, ut supra ostensum est. potest autē aliquis cibus esse alicui malus inquantum cõtrariatur salubritati ipsius secundum corpus. nullius igitur cibi sumptio secundum quod est talis res, est peccatum secundum se, sed potest esse peccatum si præter



præter rationē aliquis ipso vtatur secundum suam salutem.  
3 Amplius, vti rebus ad hoc ad quod sunt, non est secundum se malum: sunt autem plantæ propter animalia: animalium verò quædam propter alia: & omnia propter hominem: sicut ex superioribus patet: vti igitur vel plantis vel animalium carnibus vel ad esum vel ad quicquid aliud sunt homini vtilia, non est secundum se peccatum.

4 Item, defectus peccati ab anima deriuatur ad corpus, & non econuerso: peccatū enim dicimus secundum quod deordinatur voluntas: cibi autē immediatē ad corpus pertinent, non ad animam: nō igitur ciborum sumptio secundum se potest esse peccatum: nisi quatenus repugnat rectitudini voluntatis: quod quidem contingit vno modo propter repugnantiam ad proprium finem ciborum, sicut cum aliquis propter delectationē quæ est in cibis, vtitur cibis contrariantibus corporis salutem, vel secundum speciem ciborum, vel secundum quantitatem. Alio modo secundum quod repugnat conditioni eius qui vtitur cibis, vel eorum cum quibus conuersatur: puta cum quis accuratius cibis vtitur, quam sua facultas sustineat: & aliter quam eorum mores habeant cum quibus cōuiuit. Tertio modo secundum quod cibi sunt aliqua lege prohibiti propter aliquā causam specialem: puta in veteri lege quidam cibi prohibebantur propter significationem: in Aegypto prohibebatur antiquitus comestio carnis bouinæ, ne agricultura impeditur: vel etiā secundum quod aliqua regulā prohibent aliquibus cibis vti ad concupiscentiam refranandam. Hinc est quod dominus dicit Matth. 15. Quod intrat in os, non co inquinat hominem. Et 1. Cor. 10. dicitur: Omne quod in macello vānit, manducate, nihil interrogantes propter conscientiam, & 1. Tim. 4. dicitur: Omnis creatura Dei bona est, & nihil reiiciendum quod cum gratiarum actione percipitur. Per hoc autē excluditur quorundam error, qui vsum quorundam ciborum secundum se dicunt esse illicitum: de quibus Apost. dicit ibidem, In nouissimis temporibus discedent quidam à fide, prohibentes nubere; abstinere à cibis quos Deus creauit ad percipiendum cum gratiarum actione. Quia verò vsum ciborum & vehereorum non est secundum se illicitus, sed solum secundum quod exit ab ordine rationis, illicitus esse potest: ea verò quæ exterius possidentur, necessaria sunt ad sumptionem ciborum, ad educationem prolis, & sustentationem familiæ, & ad alias corporis necessitates, cōsequēs est quod nec secundum se etiam diuitiarum possessio est illicita, si ordo rationis seruetur: ita scilicet, quod iuste homo possideat quæ habet: & quod eis debito modo vtatur ad suā & aliorum vtilitatem. Hinc est quod Apost. 1. Tim. vlt. diuites nō condemnat, sed eis certam regulam diuitiis vtendi tradit, dicens: Diuitibus huius seculi præcipe, non sublimē sapere, neque sperare in incerto diuitiarum, sed in Deo viuo qui præstat nobis omnia abundē ad fruendum, bene agere, diuites fieri in bonis operibus, facillē tribuere, communicare. & Ecclesiast. 31. Beatus diues qui inuētus est sine macula, & qui post aurum non abiit, nec sperauit in pecuniæ thesauris. Per hoc etiā excluditur quorundam error, qui, vt August. dicit in lib. de Hæresibus, apostolicos se arrogantissimē vocauerunt, eō quod in suam communionem non acciperent vtentes coniugibus, & res proprias possidentes, quales habet catholica ecclesia & monachos & clericos plurimos, sed ideo isti hæretici sunt, quoniam se ab ecclesia separantes, nullam spem putāt eos habere qui vtuntur his rebus quibus ipsi carent.

Super Cap. 127.

**R**OSTQVAM offendit sanct. Tho. quomodo per diuinam legem ordinatur homo circa vsum vehereorum, cōsequenter vult ostendere quomodo circa ciborum vsum ordinatur. Et ponit primò hanc conclusionem: Nullus cibi vsum secundum se est peccatum. Probatur primò sic: Finis debitus sumptionis ciborum est conseruatio corporis per nutrimentum: ergo quicunque cibum hoc facere potest, absque peccato potest sumi. ergo nullius cibi sumptio est secundum se peccatum. probatur prima consequentia: quia si vnumquodque secundum rationē quando ordinatur secundum quod congruit debito fini. quod autem sit secundum rationem, sit absque peccato, consequentia verò secunda relinquitur pro manifesta: quia cum

nomine cibi intelligatur quicquid in corporis nutrimento transire potest, omnis cibum in quantum huiusmodi, potest corpus nutriendo conseruare: & ideo si quicunque cibum hoc facere potest, absque peccato sumi potest, optimè sequitur quod omnis cibum absque peccato potest sumi: & sic sequitur quod nullius cibi sumptio sit secundum se peccatum. Secundò, nullus cibum secundum suam naturam malus est: quia omnis res secundum suam naturam est bona, vt superius est ostensum, licet possit esse aliqui malus, in quantum salutem corporis ipsius contrariatur: ergo nullius cibi sumptio in quantum est talis res, est secundum se peccatum: licet esse possit si aliquis præter rationem ipso contra suam salutem vtatur, probatur consequentia: quia nullius rei vsum secundum se malus est nisi res ipsa secundum se mala sit. Tertio, vti rebus ad hoc ad quod sunt, non est secundum se malum: sed omnia sunt propter hominem: ergo vti rebus vel ad esum, vel ad quicquid aliud homini sunt vtilia, non est secundum se peccatum. Quarto, cibi immediatē ad corpus pertinent, non ad animam. ergo, &c. probatur consequentia, quia defectus peccati ab anima deriuatur ad corpus, non autem econuerso. peccatum enim dicimus secundum quod deordinatur voluntas.

CIRCA probationem consequentiæ occurrit dubium, videtur enim peccatū originale à carne deriuari ad animam: cum ipsa anima ex vnione à carne peccati originalis maculam contrahat. ergo nō videtur vnuerfaliter verū quod ab anima deriuatur defectus peccati ad corpus, non autem econuerso. Respondetur quod dupliciter possumus intelligere peccatum originale deriuari à carne ad animam. vno modo, quia prius inficiat carnem quæ simul cum anima constituit humanam naturam tanquam pars. & hoc modo falsum est: quia vt declarat S. Thom. in pletisque locis, singulariter autē in quæstionibus de Malo, quæst. 4. art. 3. peccatum originale est subiectiue tantum in anima rationali, in quantum est pars naturæ humanæ. nec valet quod dicitur ipsam ex vnione ad carnem peccati originalis maculam contrahere: quia hoc non dicitur quasi ipsa caro prius infecta animam inficiat, sed quia anima non contrahit illam maculam nisi in quantum est actu pars humanæ naturæ: non fit autem actu pars humanæ naturæ, nisi per vnionem ad carnem. Alio modo, quia prius est in carnali semine ex quo homo generatur, tam in anima fit. & sic verum est quod in semine tanquam in causa instrumentali, non autem verum est quod sit in ipso tanquam in causa principali, vel tanquam in subiecto. Probatio autem sanct. Thom. intelligitur quod defectus peccati deriuatur ab anima ad corpus tanquam à causa principali & à subiecto peccati, nō autem econuerso à corpore ad animam: & sic obiectio nulla est.

Secunda conclusio est, ciborum sumptio potest esse peccatum in quantum repugnat rectitudini voluntatis. Declarat autem hoc multipliciter fieri, scilicet, aut propter repugnantiam ad proprium finem ciborum, sicut cum quis propter delectationem vtitur cibis salutem corporis contrariis, aut propter repugnantiam ad conditionē eius qui vtitur cibis, vel eorum cum quibus conuersatur, aut propter repugnantiam ad legem ex aliqua causa speciali aliquos cibos prohibente, vel ad regulam prohibentem aliquibus cibis vti ad concupiscentiam refranandam. intellige vbi hoc esset per regulam ad peccatum obligantem prohibitum.

Confirmatur conclusio autho. domini Matth. 15. & Apostoli 1. Cor. 10. & 1. ad Tim. 4. Per hoc autem excluditur quorundam error qui aliquorum ciborum vsum secundum se dicunt esse illicitum, de quibus apostolus loquitur ibidem. Ex prædictis infert sanct. Tho. quod nec etiam diuitiarum possessio secundum se est illicita, si ordo rationis seruetur. probatur: quia ea quæ exterius possidentur, necessaria sunt ad ciborum sumptionem, ad educationem prolis, ad familiæ sustentationem, & alias corporis necessitates: ista autem nō sunt illicita, nisi secundum quod exeunt ab ordine rationis. Confirmatur, quia Apostolus 1. Tim. vlt. diuites non condemnat, sed eis certam regulam diuitiis vtendi tradit. Excluditur per hoc error quorundam qui vt August. in lib. de hæresibus refert, apostolicos se arrogantissimē vocauerunt, eō quod in suam communionem non acciperent vtentes coniugibus, & res proprias possidentes: qui ideo sunt hæretici, quoniam se ab ecclesia separantes putant nullam spem habere eos qui his rebus vtuntur quibus ipsi carent.

CIRCA rerum possessionem & diuitiarum considerandum ex doctrina sanct. Thom. 2.2. quæst. 66. art. 1. quod in hoc duo possumus considerare scilicet procuracionis & dispensacionis potestatem, & ipsarum possessionum ac diuitiarum vsum. quantum ad primum licitum est homini quod propria possideat, quia hoc modo & sollicitus & ordinatus res procurantur, & status hominum est magis pacificus. quantum verò ad secundum non licet habere diuitias quasi proprias, sed haberi debent tanquam communes, vt scilicet de facili homo eas cōmunicet in necessitates aliorum, vtrumque istorum tangit S. Th. hoc loco. primum, cum ait, quod nec diuitiarum possessio secundum se est illicita, hoc enim pertinet ad procuracionis & dispensacionis potestatem. secundum verò, cum ait, si ordo rationis seruetur, hoc enim non solum ad rerum possessionem quæ iusta esse debet refertur, sed etiam ad vsum pertinet. Vnde in eius explanatione ponit & quod eis debito modo vtatur ad suam & aliorum vtilitatem. Si autem insteter, quia secundum ius naturale omnia sunt cōmunia: & per consequens contra ius naturale est possessio aut diuitiarum proprietates. Respondetur ex doctrina S. Thom. ibidem, & prima secundæ, q. 94. art. 5. ad tertium, quod non dicitur communis omnium possessio esse de iure naturali, quia ad hoc natura inclinet, sed quia natura distinctionē possessionum nō induxit, sicut possumus dicere quod hominem esse nudum est de iure naturali, quia natura non dedit ei vestitum, sed ars adinuenit: & ideo possessio proprietates non est contra ius naturale, sicut nec hominem esse vestitum, sed est aliquid per humanam inuentionem iuri naturali superadditum.

Quomodo secundum legem Dei homo ad proximum ordinatur. Cap. 128.



X his ergo quæ dicta sunt, manifestū est quod secundum legem diuinam homo inducitur vt ordinem rationis seruet in omnibus, quæ in eius vsum venire possunt. inter omnia aut quæ in vsum



in vsum hominis veniunt præcipua sunt etiam alij homines: homo autem naturaliter animal sociale est: indiget enim multis quæ per vnum solum parari non possunt: oportet igitur quod ex lege diuina instituat homo ut secundum ordinem rationis se habeat ad alios homines.

2 Adhuc, finis diuinæ legis est ut homo Deo adhæreat: iuuatur autem vnus homo in hoc & alio tam quantum ad cognitionem, quam etiam quantum ad effectiōem. iuuant enim se homines mutuō in cognitione veritatis, & vnus alium prouocat ad bonum, & retrahit à malo. Vnde Prou. 27. dicitur: Ferrum ferro acuitur, & homo exacuit faciem amici sui. & Eccles. 4. Melius est duos esse quam vnum. habent enim emolumentum societatis suæ: si vnus ceciderit ab altero fulciatur. Vt soli, quia cum ceciderit, non habet subleuantem se. & si dormierint duo, fouebuntur mutuō. vnus quomodo calefiat? & si quispiam præualuerit contra vnum, duo resistunt ei. oportuit igitur lege diuina ordinari societatem hominum adinuicem.

3 Amplius, lex diuina est quædam ratio diuinæ providentiæ ad homines gubernandos. ad diuinam autem providentiam pertinet singula quæ ei subsunt, sub debito ordine continere, ut scilicet suum locum & gradum teneat vnum quodque. lex igitur diuina sic homines adinuicem ordinat, ut vnusquisque suum ordinem teneat, quod est homines pacem habere adinuicem. Pax enim hominum nihil aliud est quam ordinata concordia, ut August. dicit.

Aug. Tom. 5.  
lib. 19. de Ci.  
cap. 13.

4 Item, quantumcunque aliqua ordinantur sub aliquo, oportet illa concorditer esse ordinata adinuicem. alias se inuicem impedirent in consecutione finis communis, sicut patet in exercitu qui concorditer ordinatur ad victoriam, quæ est finis ducis. vnusquisque autem homo per legem diuinam ordinatur ad Deum. oportuit igitur per legem diuinam inter homines, ne se inuicem impedirent, ordinatam concordiam esse, quæ est pax.

5 Hinc est quod in Psalm. dicitur: Qui posuit fines tuos pacem. & Dominus dicit Ioan. 16. Hæc locutus sum vobis, ut in me pacem habeatis. Tunc autem ordinata concordia inter homines seruatur, quando vnique quod suum est redditur: quod est iustitiæ. Et ideo dicitur Isa. 32. Opus iustitiæ pax. Oportuit igitur per legem diuinam iustitiæ præcepta dari, ut vnusquisque alteri redderet quod suum est, & abstinere à nocuentis ei inferendis. Inter homines autem maximè est aliquis parentibus debitor: & ideo inter præcepta quæ nos ad proximum ordinant, Exod. 20. ponitur: Honora patrem tuum & matrem tuam. in quo intelligitur præcipi ut tam parentibus, quam etiam aliis vnusquisque reddat quod debet: secundum illud Roman. 13. Reddite omnibus debita. Deinde ponuntur præcepta quibus præcipitur abstinendum esse à nocuentis proximo inferendis, ut neque factis eum offendamus in persona propria, quia dictum est: Non occides. neque in persona coniuncta, quia scriptum est: Non mœchaberis. neque etiam in exterioribus rebus, quia scriptum est: Non furtum facies. Prohibemur etiam ne contra iustitiam proximum verbo offendamus, quia scriptum est: Non loqueris contra proximum tuum falsum testimonium. Et quia Deus etiā cordium iudex est, prohibemur ne corde proximum offendamus, concupiscendo, scilicet, uxorem aut aliquam rem eius. Ad huiusmodi autem iustitiā obseruandam quæ lege diuina statuitur, dupliciter homo inclinatur. vno modo ab interiori, alio modo ab exteriori. ab interiori quidem, dum homo voluntarius est ad obseruandam ea quæ præcipit lex diuina: quod quidem fit per amorem hominis ad Deum & proximum. qui enim diligit aliquem, sponte & delectabiliter ei reddit quod debet, & etiam liberaliter superaddit: vnde tota legis impletio ex dilectione dependet, secundum illud Apostol. Rom. 13. Plenitudo legis est dilectio. & Dominus dicit Matth. 22. quod in duobus præceptis, scilicet, in dilectione Dei & proximi vniuersa lex pendet. Sed quia aliqui interius non sunt sic dispositi, ut ex seipsis sponte faciant quod lex iubet, ab exteriori trahendi sunt ad iustitiā legis implendam: quod qui-

dem fit dum timore poenarum non liberaliter, sed seruiliter legem implent. Vnde dicitur Isaia 26. Cum feceris iudicia tua in terra, scilicet, puniendo malos: iustitiam discent omnes habitatores orbis. Alij verò sic sunt dispositi ut ex seipsis sponte faciant quod lex iubet. Secundi igitur sibi ipsi sunt lex, habentes charitatem, quæ eos loco legis inclinatur, & liberaliter operari facit. lex igitur exterior non fuit necessarium quod propter eos poneretur: sed propter illos qui ex seipsis non inclinantur ad bonum. vnde dicitur 1. Timoth. 1. Iusto lex non est posita, sed iniustus, quod non est sic intelligendum, quasi iusti non teneantur ad legem implendam, ut quidam male intellexerunt, sed quia isti inclinantur ex seipsis ad iustitiam faciendam etiam sine lege.

Super Cap. 128.



OST QVAM ostendit S. Thom. hominem per diuinam legem circa corporalia ordinari, vult id quod suum erat principale intentum prosequi, scilicet, ostendere quibus præceptis homo ad proximum ordinatur. Circa hoc autem duo facit. Primum ostendit hominem per quædam præcepta ordinari ad proximi. Secundò, ostendit quod ea quæ præcipiuntur, sunt etiam secundum naturam recta, cap. seq. Circa primum tria facit. Primum, ostendit ex præcedentibus hominem ordinari per diuinam legem ad habendum pacem & concordiam cum proximo. Secundò, quibus præceptis ad hoc ordinatur. Tertio, quomodo multipliciter ad præceptorum obseruantiam inclinatur. primum probat primum sic: Secundum prædicta ordinatur homo per diuinam legem ut ordinem rationis seruet in omnibus quæ in eius vsum venire possunt: ergo oportet ut ex diuina lege instituat, ut homo secundum ordinem rationis se habeat ad alios homines. probatur consequentia, quia inter omnia quæ in vsum hominis veniunt, præcipua sunt alij homines, cum homo animal sociale sit. Secundò, finis diuinæ legis est ut homo Deo adhæreat. sed in hoc iuuatur vnus homo ex alio tam quantum ad cognitionem, quam etiam quantum ad effectiōem. ergo, & c. minor probatur, quia iuuant se homines mutuō in cognitione veritatis, & vnus alium prouocat ad bonum, ut ostenditur Prouerb. 27. & Eccl. 4. Tertio, ad diuinam providentiā pertinet singula quæ ei subsunt, sub debito ordine continere, ut scilicet suum ordinem & gradum teneat vnumquodque: ergo & diuina lex sic homines ordinare debet, ut vnusquisque suum ordinem teneat, quod est homines habere pacem inter se secundum August. probatur consequentia, quia lex diuina est quædam ratio diuinæ providentiæ ad homines gubernandos.

Quarto, quodcunque aliqua ordinantur sub aliquo, oportet illa concorditer esse ordinata adinuicem, alias se impedirent in consecutione finis communis, ut patet in exercitu. sed vnusquisque homo per diuinā legem ordinatur ad Deum. ergo, & c. Confirmatur auctoritate Psalm. & Tob. 6.

ADVERTENDVM, quod hominem se habere secundum ordinem rationis ad alios homines, & inter homines esse concordiam ordinatam & pacem: pro eodem accipit sanct. Thom. Nam ratio vnum hominem ad concordiam cum aliis hominibus ordinat, cum omniū sit vnus communis finis. quæ enim ad vnum finem communem ordinatur, ad illius consecutionem concordēs sunt, & ideo prima ratio de ordine rationis vnus hominis ad alios concludit, reliquæ verò de hominum societate & concordia. Secundò ostendit S. Thom. præceptorum conuenientiam quibus homo ad proximum ordinatur, & arguit sic: tunc ordinata concordia inter homines seruatur, quodcunque quod suum est redditur. quod est iustitiæ, ut dicitur Isa. 32. ergo per legem diuinā oportuit iustitiæ præcepta dari ut vnusquisque redderet vnicuique quod suum est, & abstinere à nocuentis ei inferendis. sed præcepta quæ ordinant hominem ad proximum sunt huiusmodi. ergo, & c. probatur minor: nam in præcepto de honore parentum posito Exod. 20. intelligitur præcipi ut tam parentibus quam aliis vnusquisque reddat quod debet, iuxta Apostoli monitionem Rom. 13. in præceptis verò, non occides, non mœchaberis, non furtum facies, præcipitur abstinendum esse à nocuentis factis inferendo proximo aut in persona propria, aut in persona coniuncta, aut in exterioribus rebus. in præcepto autem, non loqueris contra proximum tuum falsum testimonium, prohibetur ne verbo contra iustitiam proximum offendatur. Quia verò Deus etiam cordium iudex est, prohibemur duobus aliis præceptis ne etiam corde proximum offendamus, concupiscendo scilicet eius uxorem, aut aliquam aliam eius rem.

ADVERTENDVM est ex doctrina sancti Thomæ prima secundæ quæstione centesima in multis articulis, quod licet in decalogo non ponantur nisi præcepta superius enumerata, sunt tamen in diuina lege multa alia præcepta moralia, ut patet in Deuter. & Leuit. Sed si rectè consideretur, omnia ad præcepta decalogi ordinem habent: nam præcepta de dilectione Dei & proximi se habent ad illa ut principia communia & ex se manifesta ad conclusiones: & ideo in hoc referuntur præcepta decalogi ut conclusiones in principia: & idem dicendum est de præcepto fidei. hoc enim quod est credere in Deum, est primum & per se motum habenti fidem. Alia verò præcepta moralia quæ in sacra scriptura enumerantur, ad præcepta decalogi reducuntur per modum cuiusdam ad dictionis ad ipsa, ut latè declarat sanct. Thomas loco præallegato, articulo vndecimo, discurrendo per singula. Tertio loco ostendit sanct. Thom. quomodo multipliciter homo ad obseruantiam præceptorum inclinatur, & ait quod aliqui ad hoc ab intrinseco inclinatur, dum scilicet voluntarie obseruant legis præcepta per amorem ad Deum & proximum: vnde ex dilectione tota legis impletio dependet, ut dicitur Romanorum decimo tertio, & Matthæ vigesimo secundo. intellige quia qui diligit Deum & proximum, omnia legis præcepta sponte & delectabiliter implet. Aliqui verò non ab intrinseco & sponte faciunt quod lex iubet, sed timore poenarum



nam: & non liberaliter sed feruenter legem implent: quod ostenditur Iſaie 26. Ex hoc inferit sanctus Thomas cum iſi qui ab interiori inclinatur ad legis obseruantiam, sibi ipsi sunt lex, habentes charitatem quæ eos loco legis inclinatur, & liberaliter operari facit: non fuit necessarium quod propter eos lex poneretur, sed propter illos qui ex seipsis non inclinatur ad bonum. Unde primò ad Timotheum primo dicitur, quod lex iusto non est posita, sed iniustus: non quidem quia iusti non teneantur ad legem implendam, sed quia ex seipsis etiam sine lege ad iusticiam faciendam inclinantur.

Ad huius euidentiam considerandum est ex doctrina sancti Thomæ loco præallegato, quod cum omnia moralia præcepta sint de lege naturæ, præcepta decalogi à primis præceptis quæ sunt de dilectione Dei & proximi, tanquam conclusiones immediate dependent: & ideo talia sunt, quod statim in mente cuiuslibet popularis cadere possunt: alia verò moralia præcepta non sunt à Deo cuiuslibet manifestata, sed per diligentem inquisitionem sapientum inueniuntur rationi consentire: & ista continentur in præceptis decalogi sicut conclusiones in principiis: ex quo patet quod omnia præcepta moralia aliquo modo in præceptis dilectionis continentur: & ideo bene dictum est, quod iusti ex seipsis etiam sine lege cogente ad obseruandam iusticiam inclinantur, ex eo enim quod charitatem habent qua Deum & proximum diligunt, in qua omnia præcepta virtualiter continentur, ex charitate ad omnia implenda præcepta inclinantur, etiam nulla alia existente lege. Cætera quæ ad decalogi præcepta spectant, latè determinat sanctus Thom. loco præallegato, & secunda secundæ, questione centesima vigesima secunda, & tertio Sententiarum, distinctione trigesima septima.

*Quod in actionibus humanis sunt aliqua recta secundum naturam, & non solum quasi lege posita.*

Cap. 129.



**E**X præmissis autè apparet quod ea quæ diuina lege præcipiuntur, rectitudinè habent: non solum quia sunt lege posita, sed etiam secundum naturam, ex præceptis enim legis diuinæ mens hominis ordinatur sub Deo: & omnia alia quæ sunt in homine, sub ratione, hoc autem naturalis ordo requirit, quod inferiora superioribus subdantur. sunt igitur ea quæ lege diuina præcipiuntur, secundum se naturaliter recta.

Præterea, homines ex diuina prouidentia sortiuntur naturale iudiciorum rationis, ut principium propriarum operationum: naturalia autem principia ad ea ordinantur quæ sunt naturaliter. sunt igitur aliquæ operationes naturaliter homini conuenientes, quæ sunt secundum se rectæ, & non solum quasi lege posita.

Præterea, quorumcunque est natura determinata, oportet esse operationes determinatas quæ illi naturæ conueniant. propria enim operatio vniuscuiusque naturam ipsius sequitur. constat autem hominum naturam esse determinatam: oportet igitur operationes esse aliquas secundum se homini conuenientes.

Adhuc, cuiusque est aliquid naturale, oportet etiam esse naturale id sine quo illud haberi non potest. naturale, enim non deficit in necessariis. est autem homini naturale, quod sit animal sociale: quod ex hoc ostenditur, quod vnus homo solus non sufficit ad omnia quæ sunt humanæ vitæ necessaria. ea igitur sine quibus societas humana conservari non potest, sunt homini naturaliter conuenientia. huiusmodi autem sunt vnicuique quod suum est conservare, & ab iniuriis abstinere. sunt igitur aliqua in humanis actibus naturaliter recta.

Amplius, supra ostensum est, quod omnis homo naturaliter hoc habet, quod utatur rebus inferioribus ad suæ vitæ necessitatem. est autem aliqua mensura determinata secundum quam vsus prædictarum rerum humanæ vitæ est conueniens: quæ quidem mensura si prætermittatur, fit homini nocuum, sicut apparet in sumptione inordinata ciborum. sunt igitur aliqui actus homini naturaliter conuenientes.

Item, secundum naturalem ordinem corpus hominis est propter animam: & inferiores virtutes animæ propter rationem: sicut & in aliis rebus materia est propter formam, & instrumenta propter principalem agentem. ex eo autem quod est aliud ordinatum, dicitur ei auxilium prouenire: non autem aliquod impedimentum. est igitur naturaliter rectum, quod sic procuretur ab homine corpus, & inferio-

res vires animæ, ut ex hoc & actus rationis & boni ipsius minimè impediatur, magis autem iuuetur. si autem secus accideret, erit naturaliter peccatum. vinolentia igitur & comestiones, & inordinatus venereorum vsus per quæ actus rationis impeditur, & subdilationibus, quæ liberum iudicium rationis esse non sinunt, sunt naturaliter mala.

Præterea, vnicuique naturaliter conueniunt ea quibus tendit in suum finem naturalem, quæ autem econtrario se habent, sunt ei naturaliter inconuenientia. ostensum est enim supra, quod homo naturaliter ordinatur in Deum sicut in finem. ea igitur quibus homo inducitur in cognitionem & amorem Dei, sunt naturaliter recta: quæcunque verò econtrario se habent, sunt naturaliter homini mala. Patet igitur quod bonum & malum in humanis actibus non solum sunt secundum legis positionem, sed etiam secundum naturalem ordinem, hinc est quod in Psal. 18. dicitur: quod iudicia Domini sunt vera, iustificata in semetipsis. Per hoc autem excluditur positio dicentium quod iusta & recta sunt secundum legem posita.

\* Cap. 112. huius lib.

Super Cap. 129.



**Q**UIA posset aliquis existimare, imò aliqui tenuerunt ea quæ lege diuina præcipiuntur, esse solum ratione recta, quia sunt lege posita, vult sanct. Thom. ostendere quod huiusmodi non solum rectitudinem habent, quia lege sunt posita, quia per legem statuta & ordinata sunt: sed etiam secundum naturam: & arguit primo sic, Ex præceptis legis diuinæ mens hominis ordinatur sub Deo: & omnia alia quæ sunt in homine, sub ratione: ergo ea quæ lege diuina præcipiuntur, sunt secundum se naturaliter recta. probatur consequentia: quia naturalis ordo requiritur ut inferiora superioribus subdantur. Secundo, homines ex diuina prouidentia naturale iudiciorum rationis sortiuntur ut principium propriarum operationum: ergo sunt aliquæ operationes naturaliter homini conuenientes, quæ sunt secundum se rectæ. probatur consequentia: quia naturalia principia ad ea ordinantur quæ sunt naturaliter. Tercio, hominum est natura determinata, ergo oportet esse aliquas operationes secundum se homini conuenientes, probatur consequentia: quia quorumcunque est natura determinata, oportet esse operationes determinatas, quæ illi naturæ conueniant, cum operatio vniuscuiusque, ipsius naturam sequatur.

ADVERTENDVM, quod ratio hæc supponit tanquam manifestum, ea quæ alicui naturæ ex se conueniunt, esse ex seipsis bona & recta: quia natura non inclinatur ad malum, sed potius ad bonum, quod significatur, cum dicitur illud esse naturæ conueniens: & ideo cum per rationem hanc conclusum sit hominem habere aliquas operationes secundum se illi conuenientes, satis manifestum relinquitur aliquas hominis operationes secundum suam naturam bonas esse. Quarto, est homini naturale quod sit animal sociale: ergo & naturale est quod vnicuique conseruet quod suum est, & quod ab iniuriis abstineat. ergo, &c. probatur antecedens, quia vnus homo non sufficit ad omnia quæ sunt humanæ vitæ necessaria. consequentia verò probatur, quia cuiusque aliquid est naturale, etiam id sine quo conservari non potest, est naturale, cum natura non deficiat in necessariis. humana autem societas conservari non potest nisi vnicuique conseruetur quod suum est, & ab iniuriis abstineatur.

Quinto, omnis homo naturaliter habet quod utatur rebus inferioribus ad suæ vitæ necessitatem: sed in vsu rerum est aliqua determinata mensura humanæ vitæ conueniens, quæ si prætermittatur, fit homini nocuum: sicut in inordinata ciborum sumptione apparet: ergo sunt aliqui actus homini naturaliter conuenientes.

ADVERTENDVM quod ista ratio fundatur super hoc manifesto principio: id in homine naturaliter est rectum, quod determinatam mensuram à natura institutam non excedit, quia tale est secundum rationem: omne autem quod est secundum rationem, est rectum. Sexto, secundum naturalem ordinem corpus hominis est propter animam, & inferiores animæ vires propter rationem. declaratur similitudine materiæ & instrumenti. ergo est naturaliter rectum vsus sic procuretur ab homine corpus & inferiores animæ vires, quod ex hoc actus rationis & boni ipsius minimè impediatur. si autem secus accideret, erit naturaliter peccatum. consequentia probatur, quia ex eo quod ad aliud ordinatur, dicitur ut rei auxilium prouenire, non autem impedimentum.

EX hac ratione inferit sanctus Thomas, vinolentias, comestiones, ac inordinatos venereorum vsus, per quæ actus rationis impeditur, & subdilationibus quæ liberum iudicium rationis esse non sinunt, esse naturaliter mala. ista ratio habet profundamento, quod illud est naturaliter rectum, quod secundum naturæ ordinem & institutionem fit: econtrario autem naturaliter malum est id quo naturæ ordo pervertitur aut impeditur. Septimo, homo ordinatur naturaliter in Deum sicut in finem, ergo ea quibus homo inducitur in cognitionem & amorem Dei, sunt naturaliter recta. naturaliter autem mala, quæ econtrario se habent, probatur consequentia: quia vnicuique naturaliter conueniunt ea quibus tendit in suum finem naturalem. quæ autem econtrario se habent, sunt ei naturaliter inconuenientia.

EX prædictis inferit sanctus Thom. quod bonum & malum in humanis actibus non solum sunt secundum legis positionem, sed etiam secundum naturalem ordinem, quod auctor. Psalm. confirmatur. Per hoc autem excluditur error dicentium iusta & recta esse solum secundum legem posita. Advertendum quod S. Thom. in nonnullis prædictarum rationum hoc solum concludit, quod sint in humanis actibus aliqua secundum naturam recta: quia hoc sufficiebat sibi ad excludendum positionem illorum



illorum qui ponebant ea quæ lege diuina præcipiuntur, nõ esse recta, nisi quia sunt lege posita, eo quod dicebant non esse aliquid rectum & iustum, nisi secundum quod est lege positum & institutum. per hoc enim quod ostenditur aliqua esse recta secundum naturam, constat fundamentum positionis eorum destructum esse.

*De consiliis quæ dantur in lege diuina.*

Caput 130.

Idem 1. 2. 9.  
108. artic. 4.



**Q**UIA verò optimum hominis est ut mente Deo adhæreat, & rebus diuinis: impossibile autem est quod homo intente circa diuersa occupetur: ad hoc quod liberius feratur in Deum mens hominis, dantur in diuina lege cõsilia quibus homines ab occupationibus presentis vitæ quantum possibile est retrahantur terrenam vitam agentes. Hoc autem non est ita necessarium homini ad iustitiam, ut sine eo iustitia esse non possit. non enim virtus & iustitia tollitur si homo secundum ordinem rationis corporalibus & terrenis rebus utatur: & ideo huiusmodi diuinæ legis admonitiones dicuntur consilia, & non præcepta: inquitur suadet homini ut propter meliora minus bona prætermittat. occupatur autem humana sollicitudo secundum communem modum humanæ vitæ erga tria. primò quidem circa propriam personam quid agat, aut vbi conuersetur: secundò autem circa personas sibi coniunctas, præcipue vxorem & filios. tertio circa res exteriores procurandas quibus homo indiget ad sustentationem vitæ. Ad amputandam igitur sollicitudinem circa res exteriores datur homini in lege diuina consilium paupertatis: ut scilicet res huius mundi abiciat, quibus animus eius sollicitudine aliqua implicari posset. hinc est quod dominus dicit Matthei decimo nono: Si vis perfectus esse, vade & vende omnia quæ habes, & da pauperibus: & veni, sequere me. Ad amputandam autem sollicitudinem vxoris & filiorum datur homini cõsiliu de virginitate vel continentia. hinc est quod dicitur primæ Corinthiorum septimo: De virginibus autem præceptum Domini non habeo: consilium autem do, & huiusmodi consilij rationem assignans subdit: Qui sine vxore est, sollicitus est quæ domini sunt, quomodo placeat Deo: qui autem cum vxore est, sollicitus est quæ sũt mudi, quomodo placeat vxori: & diuisus est. Ad amputandam autem sollicitudinem hominis etiam circa seipsum datur consilium obedientie per quam homo dispositionem suorum actuum committit superiori. propter quod dicitur Hebræorum vltimo: Obedite præpositis vestris, & subiacete eis: ipsi enim peruigilant quasi rationem pro animabus vestris reddituri. Quia verò summa perfectio humanæ vitæ in hoc consistit, quod mens hominis Deo vacet: ad hanc autem mentis vacationem prædicta tria maxime videntur disponere: conuenienter ad perfectionis statum pertinere videntur, non quasi ipsæ sint perfectiones: sed quia sunt dispositiones quædam ad perfectionem quæ consistit in hoc quod Deo vacetur: & hoc expresse ostendunt verba domini paupertatem suadentis, cum dicit: si vis perfectus esse, vade & vende omnia quæ habes, & da pauperibus: & sequere me, quasi in sua sequela vitam perfectionis constituens. Possunt etiam dici perfectionis effectus & signa. cum enim mens vehementer amore & desiderio alicuius rei afficitur, consequens est quod alia postponat. ex hoc igitur quod mens hominis amore & desiderio feruenter in diuina fertur, in quo perfectionem constare manifestum est: cõsequitur quod omnia quæ ipsum possunt retardare quo minus feratur in Deum, abiciat, si non solum rerum curam, & vxoris & prolis affectum, sed etiam sui ipsius: & hoc signant verba scripturæ, dicitur enim Canticorum octauo: Si dederit homo omnem substantiam domus suæ ad mercandam dilectionem, quasi nihil computabit eam. & Matthæi decimo tertio. Simile est regnum cælorum homini negotiatori quærens bonas margaritas. inuēta autem vna preciosa margarita, abiit & vendidit omnia quæ habuit, & comparauit eam. & ad Philippenses tertio, Quæ mihi aliquando fuerunt lucra, arbitri-

tratus suum ut stercore, ut Christum lucrificarem. Quia igitur prædicta tria dispositiones ad perfectiones sunt, & effectus & signa: conuenienter qui prædicta tria Deo vouent, in statu perfectionis esse dicuntur: perfectio autem ad quam prædicta disponunt in vacatione mentis circa Deum consistit. unde & prædictorum professores religiosi dicuntur: quasi se Deo & sua in modum cuiusdam sacrificij dedicantes, & quantum ad res per paupertatem, & quantum ad corpus per continentiam, & quantum ad voluntatem per obedientiam. Religio igitur in cultu diuino consistit, ut supra dictum est.

Super Cap. 130.



**R**OSTQVAM ostendit sanctus Thomas quid de necessitate præcepti diuina lex intendat, vult de eius intentione quantum ad consilia determinare. Circa hoc autem duo facit. Primò conuenientiam quorundam consiliorum ad quæ omnia alia consilia reduci videntur, ostendit. Secundò contra impugnantes obseruantiam horum consiliorum disputat, capitibus sequentibus. Circa primum tria facit. Primò adducit ipsa legis consilia & eorum conuenientiam. Secundò ostendit quomodo ea quæ consuluntur, ad perfectionem se habeant. Tertio quædam corollaria infert.

**Q**UANTVM ad primum ponitur hæc conclusio, Conuenienter in lege diuina datur consilium de paupertate. Matth. 10. de castitate. 1. Corin. 7. & de obedientia ad Hebræos 7. probatur sic, Conuenienter dantur in diuina lege consilia, quibus homines ab occupationibus presentis vitæ quantum possibile est retrahantur terrenam vitam agentes: ergo conuenienter dantur prædicta consilia. probatur antecedens, cõuenienter dantur homini ea consilia quibus liberius Deo vacent cum optimum eius sit Deo adhære & rebus diuinis, ergo, & ea conuenienter dantur quibus ab occupationibus presentis vitæ retrahantur, cum impossibile sit ut homo circa diuersa intente operetur. consequentia verò probatur, quia occupantur homines secundum communem modum humanæ vitæ circa propriam personam quid agant, aut vbi conuertantur: circa personas sibi coniunctas, præcipue circa vxores & filios: circa exteriores res procurandas, quibus homo indiget ad sustentationem vitæ. huiusmodi autem occupationes per tria prædicta amputantur. primum quidem per obedientiam, per quam homo dispositionem suorum actuum superiori committit. secundum per virginitatem, vel continentiam, per quam homo secundum Apostolum sollicitus est quæ domini sunt. tertium verò per paupertatem, per quam homo res humanas abiciit, quibus animus sollicitudine aliqua implicari solet. Notat autem sanctus Thomas, quod hæc dicuntur consilia & admonitiones, in quantum suadet homini ut propter meliora minus bona prætermittat, non autem dicuntur præcepta, quia non ita necessaria est homini ad iustitiam illorum obseruatio, ut sine hoc iustitia esse non possit. Secundò ostendit quomodo prædicta ad perfectionem se habeant, & ponit duplicem modum. Primus est, quod ad perfectionis statum pertinent non tanquam perfectiones, sed tanquam dispositiones ad perfectionem. probatur, quia summa perfectio humanæ vitæ in hoc consistit, quod mens hominis Deo vacet: ad hoc autem prædicta tria maxime videntur disponere, quod ostenditur dum dominus paupertatem suadens ait, Si vis perfectus esse, &c.

**A**DVERTE quod Dominus in illa authoritate dum ait, Si vis perfectus esse, vade & vende, &c. dat intelligere paupertatem non esse ipsam perfectionem, sed quandam ad ipsam dispositionem: dum verò ait, Veni & sequere me, dat intelligere perfectionem in sequela ipsius, quæ scilicet est per amorem charitatis, consistere. Secundus modus est, quod possunt ad perfectionem pertinere tãquam effectus & signa. declaratur, quia cum mens vehementer amore alicuius afficitur, cõsequens est quod alia postponat, & sic cum mens hominis amore & desiderio feruenter in diuina fertur, in quo perfectio consistit, sequitur ut omnia quæ ipsam retardare possunt quominus feratur in Deum, abiciat. Confirmatur hoc author. Cantic. 3. Matth. 13. & ad Philippen. tertio. Tertio infert sanctus Thomas, duo corollaria. Vnum est, quod qui prædicta tria Deo vouent, conuenienter in statu perfectionis esse dicuntur. probatur, quia illa tria dispositiones ad perfectionem sunt, & effectus & signa. Secundum est, quod prædictorum professores religiosi dicuntur conuenienter, quasi se Deo & sua in modum cuiusdam sacrificij dedicantes. Probatur, perfectio ad quam prædicta disponunt, in vacatione mentis circa Deum consistit, ergo &c. probatur consequentia, religio in diuino consistit cultu.

**C**RCA id quod dicitur ista non esse perfectio quædam, sed dispositiones ad perfectionem, considerandum est ex doctrina sancti Thomæ, secunda secundæ, quæst. 84. quod perfectio rei potest dupliciter accipi. Vno modo simpliciter & primò. Alio modo secundum quid, & secundariò. Perfectio simpliciter, & primò consistit in cõplimento substantiæ & naturæ rei, sicut animal perfectum dicitur cui nihil deficit de iis quæ ad naturam spectant animalis: perfectio autem secundum quid & secundariò, in iis quæ substantiæ adiacent, puta in colore aut aliquo huiusmodi consistit. Quia ergo vita Christiana specialiter in charitate consistit, ideo perfectio Christianæ vitæ simpliciter, & primò secundum quoddam charitatis complementum attenditur: perfectio autem secundum quid & secundariò attenditur etiam secundum alias virtutes, tria igitur prædicta dicuntur non esse perfectiones, non quia non sint aliquod bonum Christianæ vitæ, sed quia non primò & simpliciter in ipsa Christianæ vitæ perfectio, secundum quam simpliciter dicitur homo perfectus in vita Christiana, consistit, sed secundum quid tantum & secundariò, in quantum per ipsa disponitur homo ad eam quæ est simpliciter Christianæ vitæ perfectio, scilicet ad hoc ut mens totaliter feratur in Deum per affectum.

**C**RCA primum corollarium aduertendum est ex doctrina sancti Thomæ, loco præallegato, quod in statu perfectionis proprie dicitur aliquis



aliquis esse, nō ex hoc quod habet actum dilectionis perfectam, sed ex hoc quod obligat se cum quadam solennitate ad ea quæ sunt perfectionis. Quia ergo vouentes præsertim solenni voto obedientiam, continentiam, & paupertatem, se obligant cum quadam solennitate ad ea quæ sunt perfectionis, tanquam videlicet ad perfectionem dispositionis: ideo conuenienter illatum est ex eo quod ista dispositiones sunt ad perfectionem, ea vouentes esse in statu perfectionis.

CIRCA secundum corollarium attendendum ex doctrina S. Thomæ in eodem libro, q. 184. quod religio est, ut superius etiam est dictum, per quæ quis aliquid ad Dei seruicium & cultum exhibet. ideo per quandam excellentiam qui se totaliter mancipant diuino seruicio, quasi holocaustum Deo offerentes, religiosi dicuntur. Propterea rectè infert S. Thom. illos conuenienter religiosos dici, qui prædicta tria proficuntur, ex hoc quod illa ad perfectionem disponunt, quæ in vacatione mentis circa Deum posita est. ex hoc enim quod illa proficuntur, constat quod se totos Deo offerunt, ut totaliter illi adhæreant, in quo religio consistit.

### Rationes impugnantium voluntariam paupertatem.

Cap. 131.

**V**ERVNT autem aliqui paupertatis propositum improbant contra euangelicam doctrinam, quorum primus Vigilantius inuenitur: quem tamen postmodum aliqui sunt secuti dicentes se esse legis doctores, non intelligentes neque quæ loquuntur, neque de quibus affirmant, quia ad hoc his & similibus rationibus sunt inducti. naturalis enim appetitus requirit ut vnumquodque animal sibi prouideat in necessariis suæ vitæ, unde animalia quæ non quolibet tempore anni necessaria suæ vitæ inuenire possunt, quodam naturali instinctu ea quæ sunt suæ vitæ necessaria congregant illo tempore quo inueniri possunt, & ea conseruant: sicut patet de apibus & formicis: homines autem ad suæ vitæ conseruationem multis indigent, quæ non omni tempore inueniri possunt: inest igitur naturaliter homini, quod congreget & conseruet ea quæ sunt sibi necessaria: est igitur contra legem naturalem omnia congregata dispergere per paupertatem.

Adhuc, naturalem affectum habent omnia ad ea quibus esse suum conseruatur, in quantum omnia esse appetunt: sed per substantiam exteriorum bonorum vita hominis conseruatur, sicut igitur ex naturali lege vnusquisque suam vitam conseruare tenetur, ita & exteriorem substantiam: sicut est ergo contra legem naturæ, quod aliquis sibi manum iniiciat: ita quod aliquis necessaria vitæ sibi subtrahat per voluntariam paupertatem.

Amplius, naturaliter homo est animal sociale, ut supra dictum est. societas autem inter homines conseruari non posset, nisi vnus alium iuuaret: est igitur naturale hominibus, quod vnus alium in necessitatibus iuuat. ab hoc autem auxilio ferendo se faciunt impotētes, qui exteriorem substantiam abiiciunt, per quam plurimum aliis auxilium fertur: est igitur contra naturalem instinctum, & contra amicitiam & charitatis bonum, quod homo per voluntariam paupertatem omnem substantiam mundi abiiciat.

Item, si habere substantiam huius mundi, malum est; bonum est autem proximos liberare à malo: malum autem eos in malum ducere: consequens est, quod dare alicui indigenti substantiam huius mundi, sit malum: auferre autem habenti, bonum sit: quod inconueniens est. est igitur bonum habere substantiam huius mundi. eam igitur per voluntariam paupertatem totaliter abiicere, malum est.

Præterea, occasiones malorum vitandæ sunt. est autem paupertas occasio mali: quia propter eam ad furta, adulationes, periuria, & his similia aliqui inducuntur: non est igitur paupertas voluntarie assumenda: sed magis ne adueniat vitanda.

Amplius, cum virtus consistat in medio, vtrique extrema corrumpunt. est autem virtus liberalitas quædam quæ dat danda, & retinet retinenda: vitium autem est in minus, illiberalitas, quæ retinet retinenda, & non retinenda. est autem & vitium in plus, quod omnia dantur: quod faciunt qui voluntarie paupertatem assument: est ergo hoc vitiosum, & prodigalitatis simile. Hæ autem rationes auctoritate sacræ scripturæ confirmari videntur. dicitur

enim Prou. 30. Mendicitatem & diuitias ne dederis mihi: sed tribue tantum victui meo necessaria, ne forte satiatus alliciar ad negandum, & dicam, Quis est Dominus? & egestate compulsus furer: & periurem nomen Dei mei.

Super Cap. 131.



**P**OST QUAM ostendit S. Thom. conuenientiam consiliorum quæ in diuina lege traduntur, vult contra eos, qui horum consiliorum obseruationem impugnāt, disputare. Circa hoc autem tria facit. primò disputat contra impugnantes voluntariam paupertatem. secundò contra impugnantes perpetuam continentiam. cap. 136. tertio contra impugnantes obedientiam votum, cap. 138. Circa primum tria facit. Primò rationes impugnantium voluntariam paupertatem adducit. secundò veritatem determinat, cap. 133. Tertio, obiectionibus respondet, cap. 134. Circa primum duo facit. Primò ponit obiectiones contra voluntariam paupertatem absolutam. Secundò ponit obiectiones contra particulares modos in paupertate viuendi, cap. 134. Quantum ad primum, ait, quod Vigilantius & quidam alij eius sectatores hæretici paupertatis propositum his rationibus improbarunt. Primò, Homines ad suæ vitæ conseruationem multis indigent, quæ non omni tempore inueniri possunt, ergo inest homini ut ea congreget & conseruet: ut patet ex aliis animalibus, ergo est contra legem naturalem congregata dispergere per paupertatem. Secundò per substantiam exteriorum bonorum vita hominis conseruatur: ergo sicut ex naturali lege vnusquisque suam vitam conseruare tenetur, ita & exteriorem substantiam, ergo contra legem naturæ est, quod aliquis sibi necessaria subtrahat. Tertio, est naturale hominibus, ut vnus alium in necessitatibus iuuat. sed ab hoc auxilio ferendo se faciunt impotētes, qui exteriorem substantiam abiiciunt, ergo, &c. Quarto, si habere substantiam huius mundi malum sit, sequitur quod alicui indigenti dare substantiam huius mundi sit malum, & auferre habenti sit bonum. hoc est inconueniens, ergo bonum est habere substantiam huius mundi, ergo, &c. Quintò, paupertas est occasio mali, scilicet furti, adulationis, periurij, & huiusmodi, ergo vitanda. Sextò, cum virtus in medio consistat, vitium in plus circa exteriora est, quod omnia dantur, sicut vitium in minus est, quod retineantur retinenda & non retinenda: sed hoc faciunt qui voluntarie paupertatem assument, ergo, &c. Confirmatur auctoritate Prou. 30.

### Rationes impugnantium particulares modos viuendi in paupertate.

Cap. 132.



**I**DETVR autem hæc questio magis urgere, si quis specialius exequatur modos quibus necesse est viuere eos qui voluntariam paupertatem sectantur. est enim vnus modus viuendi, quod possessiones singulorum vendantur, & de precio omnes communiter viuāt: quod quidem sub Apostolis seruatum videtur in Hierusalem. Dicitur enim Act. 4. Quotquot possessores agrorum aut domorum erant, vendentes afferebant precia eorum quæ vendebant, & ponebant ante pedes apostolorum: & di. sin. prout cuique opus erat. Hic autem modus non videtur efficaciter prouidere humanæ vitæ. Primò quidem, quia non est facile quod plures habētes magnas possessiones hanc vitam assument: & si conferatur inter multos precium quod ex possessionibus paucorum diuitum assumptum est, non sufficiet in multum tempus. deinde quia possibile & facile est huiusmodi precium vel fraude dispensatorum, vel furto aut rapina deperire. remanebunt igitur illi qui talem paupertatem sectantur, absque sustentatione vitæ.

Item, multa accidentia sunt quibus homines coguntur locū mutare. non igitur erit facile prouidere his quos oportet fortè per diuersa loca dispergi, de precio assumpto, de possessionibus in cōmune redactō. Est autem alius modus ut possessiones habeant communes, ex quibus singulis prouideatur prout cuique opus fuerit: sicut in monasteriis plurimis obseruatur: sed nec huiusmodi modus videtur conueniens. possessiones enim terrenæ sollicitudinem afferunt, & propter procuracionem fructuum, & propter defensionem earum contra fraudes & violentias: & tantò maiorem & à pluribus oportet haberi sollicitudinem, quantò maiores possessiones esse oportet quæ sufficiant ad plurium sustentationem. deperit igitur hoc modo finis voluntariæ paupertatis ad minus quantum ad multos, quos oportet esse circa procurandas possessiones sollicitos.

Item, communis possessio solet esse causa discordie.

Contra Gent.

N



dia, non enim videntur litigare qui nihil habent commune, ut Hispani & Persæ: sed qui simul habent aliquid commune: propter quod etiā inter fratres sunt iurgia. discordia autem maximè impedit vacationem mentis circa diuina, ut dictum est. videtur igitur iste modus viuendi impedire finem voluntariæ paupertatis. Adhuc autem est tertius modus viuendi, ut de laboribus manuum suarum viuant qui voluntariam paupertatem sectantur: quem quidem viuendi modum Paulus apostolus sequebatur, & aliis obseruandum suo exemplo & institutione dimisit. dicitur enim 2. Thess. 3. Non gratis panem manducauimus ab aliquo: sed in labore & fatigatione, nocte & die operantes, ne quem vestrum grauaremus: non quasi non habuerimus potestatem: sed ut nosmetipsos formam daremus vobis ad imitandum nos. nam & cum effemus apud vos, hoc denuntiabamus vobis: quoniam si quis non vult laborare, non manducet. Sed nec iste modus viuendi videtur esse conueniens. labor enim manualis necessarius est ad sustentationem vitæ, secundum quod per ipsum aliquid acquiritur: vanum autem videtur quod quis relinquens illud quod necessarium est, iterum acquirere laboret. si igitur post voluntariam paupertatem est necessarium iterum acquirere vnde aliquis sustentetur per laborem manuum: vanum fuit illa dimittere omnia quæ habeat ad sustentationem vitæ.

2 Adhuc, voluntaria paupertas ad hoc consulitur, ut per eam aliquis disponatur ad expeditius sequendū Christum, per hoc quod à sollicitudinibus secularibus liberatur: maiorem autem sollicitudinē requirere videtur quod aliquis proprio labore sibi victum acquirat, quàm quod his quæ habuit vtatur ad sustentationem vitæ, & præcipuè si habuit possessiones moderatas, aut etiam aliqua mobilia ex quibus in promptu erat ut sumeret victus necessaria: non igitur viuere de laboribus manuum videtur esse conueniens propositio assumentium voluntariam paupertatem.

3 Adhuc autem accedit, quod etiam dominus sollicitudinem terrenorum à discipulis remouens, sub similitudine volucrum & liliorum agri, videtur eis laborem interdiciere manuale. Dicit enim: Respice volatilia cæli: quoniam neque serunt, neque congregant in horrea. & iterum: Considerate lilia agri quomodo crescunt: & non laborant, neque nent. Videtur autem hic modus viuendi insufficiens: nam multi sunt perfectionem vitæ desiderantes, quibus non suppetit facultas aut ars ut possint labore manuum vitam transigere: quia non sunt in his nutriti nec instructi. sic enim melioris conditionis essent ad perfectionem vitæ capeffendam rustici & opifices, quàm qui sapientiæ studio vacauerunt, & in diuitiis & in deliciis quas propter Christum deserunt, sunt nutriti. Contingit etiam aliquos voluntariam paupertatem assumentes infirmari: aut aliàs impediri quò minus operari possent: sic ergo remaneret destituti necessariis vitæ.

4 Item, non modici temporis labor sufficit ad necessaria vitæ quærenda: quod patet in multis, qui totum tempus ad hoc expendunt, vix tamen sufficentem sustentationem acquirere possunt. si autem voluntariam paupertatem sectantes oportet labore manuali victum acquirere, sequeretur quod circa huiusmodi laborem maius tempus suæ vitæ consumerent: & per consequens impedirentur ab aliis magis necessariis actionibus, quæ etiam magnum tempus requirunt: sicut sunt studium sapientiæ, & doctrina, & huiusmodi alia spiritualia exercitia: & sic paupertas voluntaria magis impediret perfectionem vitæ, quàm ad ipsam disponderet. Si quis autem dicat, quod labor manualis necessarius est ad tollendum ocium, hoc non sufficit ad propositum, melius enim esset tollere ocium per occupationes in virtutibus moralibus quibus deseruiunt organice diuitiæ, puta in elemosynis faciendis, & aliis huiusmodi, quàm per laborem manuum.

2 Præterea vanum esset dare cōsiliū de paupertate ad hoc solum quod homines pauperes facti abstinerent ab

ocio, vitam suam laboribus manualibus occupantes, nisi ad hoc daretur quod nobilioribus exercitiis vacarent quàm illis quæ sunt secundum vitam communē hominum. Si verò aliquis dicat quod necessarius est labor manualis ad carnis concupiscentias domandas: hoc non est ad propositum. quærimus enim vtrum sit necessarium quod victum per manuum laborem voluntariam paupertatem sectantes acquirant.

3 Præterea, possibile est multis aliis modis domare concupiscentias carnis, scilicet per ieiunia, vigiliæ, & alia huiusmodi: labore etiam manuali ad hunc finem uti possent, etiam diuites qui non habent necesse laborare propter victum quærendum. 1. Inuenitur autem & alius modus viuendi: ut scilicet voluntariam paupertatem sectantes viuant de his quæ ab aliis inferuntur, qui ad hanc perfectionem voluntariæ paupertatis proficere volunt, diuitias retinentes. Et hunc modum videtur dominus cum suis discipulis obseruasse. Legitur enim Lucæ 8. quod mulieres quædam sequebantur Christum: & ministrabant illi de facultatibus suis. Sed iste etiam modus viuendi non videtur conueniens. non enim videtur rationabile quod aliquis dimittat sua, & viuat de alieno.

2 Præterea, inconueniens videtur quod aliquis ab aliquo accipiat, & nihil ei rependat. in dando enim & recipiendo æqualitas iustitiæ seruatur. Potest autem sustineri quod illi de his quæ ab aliis inferuntur, viuant, qui eis seruiunt in aliquo officio: propter quod & ministri altaris & prædicatores qui doctrinam & alia diuina populo dant, non inconuenienter videntur ab eis sustentationem vitæ accipere. dignus est enim operarius cibo suo, ut dominus dicit Matth. 10. propter quod Apostolus dicit 1. Corinth. 9. quod dominus ordinauit, ut hi qui euangelium annunciant, de euangelio viuant. sicut qui altari seruiunt, cum altari participant. Illi ergo qui in nullo officio populo ministrant, inconueniens videtur si à populo necessaria vitæ accipiant.

3 Item, ille modus viuendi videtur esse aliis damnosus. sunt enim quidam quos ex necessitate oportet aliorum beneficiis sustentari: qui propter paupertatem & infirmitatem sibi non possunt sufficere: quorum beneficia oportet quod diminuantur, si illi qui voluntariè paupertatem assument, ex his quæ ab aliis dantur, debeant sustentari: cum homines non sufficiant, nec sint prompti ad subueniendum magnæ multitudini pauperum. vnde & Apost. 1. Timoth. 5. mandat quod si aliquis habet viduam ad se pertinentem, eam sustentet: ut ecclesia sufficiat his quæ verè viduæ sunt. est igitur inconueniens ut homines paupertatem eligentes hunc modum viuendi assument.

4 Adhuc, ad perfectionem virtutis maximè requiritur animi libertas. hac enim sublata de facili homines alienis peccatis communicant, vel expressè cōsentiendo, aut per adulationem leniendo, vel saltem dissimulando. huic autem libertati magnum præiudicium generatur ex predicto modo viuendi. non enim potest esse quin homo videatur offendere eum cuius beneficiis viuit: prædictus igitur modus viuendi impedit perfectionem virtutis, quæ est finis voluntariæ paupertatis. & ita non videtur competere voluntariè pauperibus.

5 Amplius, eius quod ex alterius voluntate dependet, facultatem non habemus: sed ex voluntate dantis dependet quod ex propriis det: non igitur sufficienter provideatur in facultate sustentationis vitæ voluntariis pauperibus per hunc modum viuendi.

6 Præterea, necesse est quod pauperes qui ex his quæ ab aliis dantur, sustentari debent, necessitates suas aliis exponant, & necessaria petant. huiusmodi autem necessitas reddit contemptibiles mendicantes, & etiam graues. homines enim superiores se æstimant illis qui per eos sustentari necesse habent, & cum difficultate dant plurimi. oportet autem eos qui perfectionem vitæ assument, in reuerentia haberi & diligere, ut sic homines eos facilius imitentur, & virtutis statū æmulentur, si autem contrarium



trarium accadat, etiam virtus ipsa contemnitur. est igitur nocivus modus ex mendicitate viuendi in his qui propter perfectionem virtutis voluntarie paupertatem assumunt. 7 Præterea, perfectis viris non solum sunt vitanda mala: sed etiam ea quæ mali speciem habent. Nam Apostolus dicit Rom. 12. Ab omni specie mali abstinete vos. & Philosophus dicit quod virtuosus non solum debet fugere turpia, sed etiam quæ turpia videntur. mendicitas autem habet speciem mali, cum multi propter quæstum mendicent. non est igitur hic modus viuendi perfectis viris assumendus.

8 Item, ad hoc datur consilium de paupertate voluntaria, ut mens hominis à solitudine terrenorum remota liberius Deo vacet. hic autem modus ex mendicitate viuendi, habet plurimum solitudinis. maiores enim solitudinis videtur esse acquirere aliena, quam propriis: non ergo videtur conueniens esse hic modus viuendi paupertatem voluntariam assumentibus. Si quis autem mendicitatem voluntariam velit propter humilitatem, videtur omnino irrationabiliter loqui. laudatur enim humilitas secundum quod contemnitur terrena altitudo quæ consistit in diuitiis, honoribus, fama, & huiusmodi. non autem secundum quod contemnitur altitudo virtutis: respectu cuius oportet nos magnanimos esse. esset igitur vituperanda humilitas, si quis propter humilitatem aliquid faceret quod altitudini virtutis derogaret. Derogat autem ei mendicitas: tum quia virtuosus est dare quam accipere: tum quia habet speciem turpis lucris, ut dictum est: non est igitur propter humilitatem mendicitas laudanda. Fuerunt etiam aliqui qui perfectionem vitæ sectantibus dicebant nullam solitudinem esse habendam neque mendicando, neque laborando, neque sibi aliquid reservando: sed oportere eos à solo Deo sustentationem vitæ expectare, propter quod dicitur Mat. 6. Nolite solliciti esse animæ vestræ quid mādueris aut bibitis: aut corpori vestro quid induamini. & iterum, Nolite in crastinum cogitare. Hoc autem videtur omnino irrationabile. stultum enim est velle finem, & prætermittere ea quæ sunt ordinata ad finem. ad finem autem comestitionis ordinatur sollicitudo humana: per quā sibi victum procurat. qui igitur absque comestitione vivere non possunt, aliquam solitudinem de victu querendo debent habere.

2 Præterea, sollicitudo terrenorum non est vitanda: nisi quia impedit contemplationem æternorum. non potest autem homo mortalem carnem gerens vivere quin multa agat quibus contemplatio interrumpatur, sicut dormiendo, comedendo, & alia huiusmodi faciendo: neque igitur prætermittenda est sollicitudo eorum quæ sunt necessaria ad vitam, propter impedimentum contemplationis. Sequitur etiam mira absurditas. Pari enim ratione potest dicere quod non velit ambulare, aut aperire os ad edendum, aut fugere lapidem cadentem, aut gladium irruentem, sed expectare quod Deus operetur, quod est Deum tentare. non est igitur sollicitudo victus totaliter abiicienda.

Quærat, quænam quod dicitur quæ habet vitæ, præcipue si habeat moderatas diuitias. Tertiò, quia dominus sub similitudine volucrum & liliorum campi videtur apostolis laborem interdiceret manuales. Quartò, quia hic modus videtur insufficiens, tum quia multi sunt qui nulla arte possunt labore manuum vitam transigere: & sic melioris conditionis essent ad perfectionem vitæ capescendam rustici & artifices, quam sapientes & diuites: & etiam contingit aliquos paupertatem voluntariam assumentes infirmari, aut aliàs ab opere manuali impediri: tum quia cum non modici temporis labor sufficiat ad necessaria vitæ querenda, voluntariam paupertatem huiusmodi sectantes circa laborem manuum maius tempus vitæ consumerent, & sic ab aliis spiritualibus exercitiis impedirentur, & per consequens voluntaria paupertas magis impediret perfectionem vitæ quam ad ipsam disponderet. Si diceretur laborem manuum ad tollendum ocium necessarium esse, hoc non sufficit, tum quia melius tolleretur ocium per occupationes in virtutibus moralibus quibus diuitiæ organice deferunt, tum quia vanum esset dare consilium de paupertate propter vitandum ocium, nisi daretur ad hoc ut homines nobilioribus exercitiis vacarent, quam illis qui sunt secundum communem vitam hominum. Si etiam diceretur quod talis labor est necessarius ad concupiscentias domandas, hoc non est ad propositum, quia querimus utrum sit necessarium quod voluntarie pauperes victum laborem manuum querant: & præterea possibile est multis aliis modis carnis concupiscentias domari: & diuites etiam ad hunc finem labore manuum uti possent. Quartus modus est ut viuant de iis quæ ab aliis inferuntur: quem modum videtur dominus cum suis discipulis obseruasse, ut pater Luc. 8. contra hunc arguitur primò, quia non videtur rationabile quod aliquis dimittat sua, & viuat de alieno. Secundò, quia videtur inconueniens quod aliquis ab alio recipiat, & nihil ei rependat. Posset enim sustineri ut illi viuant hoc modo qui aliis seruiunt in aliquo officio, puta ministrando alteri, prædicando, & similia faciendo, ut ostenditur Math. decimo, & primò Corint. nono, sed quod alij qui in nullo officio populo ministrant, ab ipso necessaria vitæ recipient, inconueniens videtur. Tertiò, ille modus viuendi est aliis damnosus, qui propter paupertatem & infirmitatem sibi non possunt sufficere: quia ex his deberent sustentari quæ voluntariam paupertatem eligentibus dantur, ergo, &c. probatur consequentia ex apostolo primò Timoth. quinto. Quartò, ille modus viuendi impedit perfectionem virtutis, quia impedit animi libertatem quæ maxime ad virtutem requiritur, propterea quod hac sublata de facili homines alienis peccatis communicent, aut consentiendo, aut per adulationem leniendo, aut dissimulando, ergo, &c. Quintò, ex voluntate dantis dependet quod ex propriis det. ergo per hunc modum non sufficienter providetur voluntariis pauperibus. Sextò, hic modus reddit voluntarios pauperes contemptibiles, quia necesse est ut necessitates suas aliis exponant, & necessaria petant, homines autem superiores se existimant illis qui per ipsos sustentari necesse habent, & cum difficultate dant plurimi. hoc autem est inconueniens, quia oportet eos qui perfectionem vitæ assumunt, in reuerentia haberi. ergo, &c. Septimò, mendicitas habet speciem mali, cum multi propter quæstum mendicent, ergo est vitanda. patet consequentia ex apostolo Roman. 12. & Aristot. author. Octauò, hic modus habet plurimum solitudinis, quia maioris solitudinis videtur esse acquirere aliena quam propriis vi. ergo, &c.

Si quis autem mendicitatem laudet propter humilitatem, videtur irrationabiliter loqui, quia non laudatur humilitas secundum quod contemnitur altitudo virtutis, respectu cuius oportet nos magnanimos esse, & illi derogatur. per mendicitatem autem derogatur illi, tum quia virtuosus est dare quam accipere, tum quia habet speciem turpis lucris, ergo, &c. Vltimus modus est aliquorum dicentium perfectionem vitæ sectantibus nullam habendam esse solitudinem, sed oportere eos à solo Deo sustentationem vitæ expectare, quod videtur dici Math. sexto. Sed contra hoc arguitur. Primò quia ad finem comestitionis ordinatur sollicitudo humana, stultum est autem velle finem, & prætermittere ea quæ sunt ad finem ordinata. Secundò. Sollicitudo non est vitanda, nisi quia impedit contemplationem æternorum, sed non potest homo vivere mortalem carnem gerens quin multa agat. ergo neque prætermittenda est sollicitudo necessarium ad vitam propter impedimentum contemplationis. Tertiò. Pari ratione posset homo dicere quod non velit ambulare, aut aperire os ad edendum & similia, sed expectare quod Deus operetur, sed hoc est tentare Deum, ergo, &c.

### Quomodo paupertas sit bona.

Cap. 133.

**T** autem præmissorum veritas manifestetur: quid de paupertate sentiendum sit, ex diuitiis consideremus. Exteriores quidem diuitiæ sunt necessariae ad bonum virtutis, cum per eas sustentemus corpus, & aliis subueniamus. oportet autem quod ea quæ sunt ad finem, ex fine bonitatem accipiant. necesse est ergo quod exteriores diuitiæ sint aliquod bonum hominis: non tamen principale, sed quasi secundarium: nam finis principaliter est bonum: alia verò, secundum quod ordinantur in finem. Propter hoc quibusdam visum est quod virtutes sint maxima bona hominis, exteriores autem diuitiæ quædam minima bona. oportet autem quod ea quæ sunt ad finem, modum accipiant secundum exigentiam finis. in tantum igitur diuitiæ bonæ sunt, in quantum proficiunt ad usum virtutis. Contra Gent. N 2

Super Cap. 132.

**S**ECUNDO ponit obiectiones contra particulares modos paupertatis. Unus modus est quod possessiones singulorum vendantur, & de precio omnes communiter viuant, quod ab Apostolis in Hierusalem servatum videtur, ut patet Actuum 4. Contra hunc arguitur, tum quia qui talem paupertatem sectantur, remanebunt absque sustentatione vitæ, tum quia non est facile ut plures habentes etiam magnas possessiones hanc vitam assument, & etiam possessionum precium non sufficeret in multum tempus: tum quia possibile est & facile huiusmodi precium fraude dispensatorum vel furto aut rapina deperire: tum quia cum accadat homines locum mutare, non erit facile providere de huiusmodi precio iis quos oportet forte per diuersa loca dispergi. Secundus modus est, ut possessiones habeant communes quibus singulis provideatur, ut in pluribus monasteriis. Contra hunc instatur: quia videtur impedire finem voluntarie paupertatis, tum quia multos oportet circa procurandas possessiones esse sollicitos, tum quia communis possessio solet esse causa discordiæ: discordia autem maxime impedit vacationem mentis circa divina. Tertius modus est, ut de laboribus manuum suarum viuant, quem modum apostolus sequebatur, & aliis suadebat. secundum Theophil. tertio. Contra hunc arguitur. primò quia vanum videtur esse quod quis relinquit id quod est necessarium ad sustentationem vitæ, iterum acquirere laboret. Secundò quia hoc non videtur conueniens proposito assumentium voluntariam paupertatem. maiorem enim solitudinem requirere videtur, quod aliquis proprio labore sibi vis



tutis. si verò iste modus excedatur, ut impediatur vsus virtutis, nō iā inter bona cōpurāda sunt, sed inter mala. Vnde accidit quibusdam bonū esse habere diuitias, qui eis vtūtur ad virtutes: quibusdam verò malum est eas habere, qui per eas à virtute retrahuntur vel nimia sollicitudine, vel nimia affectione ad ipsas, vel etiam mentis elatione ex eis confurgente. Sed cū sint virtutes actiue vitæ, & cōtemplatiue: aliter vtræque diuitiis exterioribus indigent. nam virtutes contemplatiue indigent ad solam sustentationem naturæ: virtutes autē actiue indigent & ad hoc, & ad subueniendum aliis cum quibus conueniendum est. Vnde & contemplatiua vita etiam in hoc perfectior est, quā paucioribus indiget: ad quam quidem vitam videtur pertinere q̄ totaliter homo diuinis rebus vacet: quam quidē perfectionem doctrina Christi homini suadet. Vnde hāc perfectionem sectantibus minimum de exterioribus diuitiis sufficit: quantum scilicet necesse est ad sustentationem naturæ. Vnde & Apostolus dicit 1. Tim. 6. Habētes solum alimenta, & quibus tegamur, his contenti simus. Paupertas igitur laudabilis est, in quantum hominem liberat ab illis vitiis quibus aliqui per diuitias implicantur. In quantum autem sollicitudinem tollit quæ ex diuitiis confurgit, est vtilis quibusdā, qui scilicet sunt ita dispositi, vt circa meliora occupentur. quibusdam verò nociua, qui ab hac sollicitudine liberati, in peiores occupationes cadunt. Vnde Greg. in 6. Moralium: Sæpe qui occupati bene humanis vitiis viuere, gladio suæ quietis extincti sunt. In quantum verò paupertas bonum quod ex diuitiis prouenit, scilicet subuentionem aliorum, & sustentationem propriam impedit, simpliciter malum est: nisi in quantum subuentio quam in temporalibus proximis subueniunt, per maius bonum potest recompensari, scilicet per hoc q̄ homo diuitiis carēs liberius potest diuinis & spiritualibus vacare. Bonum autem sustentationis propriæ adeo necessarium est, quod nullo alio bono recompensari potest. nullius enim boni obtentu debet homo sibi sustentationem vitæ subtrahere. paupertas igitur talis laudabilis est, cū homo à sollicitudinibus terrenis liberatus liberius diuinis & spiritualibus vacat: ita tamen, quod cum ea remaneat facultas homini per licitum modum sustentandi seipsum: ad quod non multa requiruntur. & quantum modus viuēdi in paupertate minorem sollicitudinem exigit, tanto paupertas est laudabilior: non autem quantum paupertas fuerit maior. non enim paupertas secundū se bona est: sed in quantum liberat ab illis quibus homo impeditur quo minus spiritualibus intēdat. vnde secundū modū quo homo per eā liberatur ab impedimentis prædictis, est mensura bonitatis ipsius. & hoc est cōmune omnibus exterioribus, quæ intantū bona sunt, in quantum proficiūt ad virtutē: non autē secundum seipsam.

Super Cap. 133.



**P**OSITIS obiectionibus eorum qui voluntariam paupertatem impugnant, vult S. Thom. veritatē determinare, & ostendere quomodo paupertas voluntaria bona sit, & quomodo mala. Circa hoc autem duo facit. Primò ostendit quomodo diuitiæ ad bonum & malum se habeant. Secundo quomodo paupertas bona sit, aut mala. Quantum ad primum quatuor conclusiones ponit. Prima est. Diuitiæ sunt aliquod bonum hominis, sed secundarium. probatur, sunt necessaria ad bonum virtutis, cū per eas sustentemus corpus, & aliis subueniamus, ergo, &c. probatur consequentia, quia oportet vt ea quæ sunt ad finem, ex fine bonitatem accipiant.

**A**DVERTENDVM, quod ex ista propositione sufficienter probatur vtræque pars conclusionis. Si enim quæ ordinantur ad finem, accipiūt ex fine bonitatem, oportet id quod ad bonum ordinatur, esse quoddā bonum in quantum huiusmodi: oportet etiam quod sit secundarium bonum, quia vt hic dicitur, finis est principale bonum, alia verò ad ipsum ordinata sunt secundaria bona. Secunda conclusio est, Diuitiæ intantum bonæ sunt, in quantum proficiunt ad vsum virtutis, si autem iste modus excedatur, vt impediatur vsus virtutis, iam non inter bona computanda sunt, sed inter mala. Probatur. Diuitiæ ordinantur ad bonum virtutis tanquam ad finem, & tanquam secundarium bonum ad principale. sed ea quæ sunt ad finem, modum accipiunt secundum exigentiam finis. ergo intantum bonæ sunt, in quantum ordinantur ad vsum virtutis. maior patet ex primo dicto, & etiam ex opinione dicentium quod virtutes sunt maxima bona hominis, diuitiæ verò minima bona. Ex hac conclusione infert S. Thom. quod accidit quibusdam bonum esse habere diuitias, qui scilicet eis vtūtur ad virtutes, quibusdam verò malum esse, scilicet qui per eas à virtute retrahuntur. Tertia conclusio est. Aliter virtutes contemplatiue diui-

tiis indigent, & aliter actiue. Declaratur, quia contemplatiue eis indigent ad solam sustentationem naturæ, actiue autem vltra hoc etiam ad subueniendum aliis, cum quibus conueniendum est. Ex hoc sequitur contemplatiuam vitam etiam in hoc actiua perfectiorem esse, quia paucioribus indiget.

**A**DVERTENDVM, ex Philosopho 10. Ethicorum quod tanto alia quæ vita est secundum se & absolute perfectior, quanto homo in illa magis sibi sufficiens est, vt pote ad sui perfectionem & conseruationē ex seipso sufficientiam habens. tanto autem aliquid sibi ipsi magis sufficiens est, quanto minus aliis ad suum esse & ad sui conseruationem indiget. ideo optimè inducit S. Thomas contemplatiuam vitam esse actiua vita perfectiorem in vso exteriorum rerum, ex eo quod paucioribus indiget.

**A**DVERTENDVM vltius, quod actiua vita consistit in exercitio virtutum moralium. nam ad hanc vitam Philosophus, decimo Ethicorum virtutes morales ordinat, ad has autem diuitiæ organicæ deferuntur, ita quod sine ipsis multæ virtutum moralium exerceri non possunt. Nam constat quod liberalitate quis vti non potest, cui non adsit quod sit dandum: ideo bene dicitur actiuam vitam diuitiis indigere etiam ad subueniendum aliis. Quarta conclusio est. Sectantibus eam perfectionem quam doctrina Christi suadet, scilicet vt homo totaliter diuinis rebus vacet, minimum de exterioribus diuitiis sufficit, scilicet quantum necesse est ad vitæ sustentationem. probatur, quia hæc perfectio ad vitam contemplatiuam pertinere videtur, ad quam minimum de exterioribus rebus sufficit. Confirmatur etiam autoritate Apostoli 1. Timoth. 6. Quantum ad id cū quod ostendit ex præcedentibus, quomodo paupertas sit bona aut mala, & dicit quinque. Primum est, quod est laudabilis, in quantum liberat hominem ab illis vitiis quibus aliqui per diuitias implicantur. Secundum est, quod in quantum sollicitudinem tollit quæ ex diuitiis confurgit, est quibusdam vtilis, iis scilicet qui ita sunt dispositi, vt circa meliora occupentur, scilicet circa diuinorum contemplationem: quibusdam verò est nociua, iis scilicet qui ab hac sollicitudine liberati in peiores occupationes cadunt, patet per Gregorium in sexto Moral. Tertium est, quod in quantum impedit sustentationem aliorum & propriam, simpliciter malum est, nisi talis subuentio per maius bonum recompensari possit: quod quidem fieri potest de subuentione qua proximis in temporalibus subuenitur, potest enim compensari per hoc quod homo diuitiis carens liberius potest diuinis & spiritualibus vacare: si non autem potest fieri de sustentatione propria, quia nullus boni obtentu debet homo sibi sustentationē vitæ subtrahere. Quartū, quod ex præcedentibus infertur, est quod tunc laudabilis est paupertas, quando homo à sollicitudinibus terrenis liberatus diuinis & spiritualibus vacat, remanente licito modo sustentationis vitæ. Quintum est, quod quanto modus viuēdi in paupertate minorem sollicitudinem exigit, tanto paupertas est laudabilior: non autem quantum paupertas fuerit maior. probatur, quia cū paupertas non sit secundum se bona, sicut nec alia exteriora, sed in quantum ad virtutem proficit, secundum modum quo homo per ipsam liberatur ab impedimentibus vacationem circa diuina, est mensura bonitatis ipsius.

**C**IRCA hoc vltimum dictum considerandum est, quod ex ipso habere possumus non esse malum vt religiosi tantas diuitias habeant quantæ ad rerum sustentationem conuenientem requiruntur, quando carentia diuitiarum auget sollicitudinem circa temporalium acquisitionē, & impedit ne diuinis rebus vacare possit. quia vt hic dicitur, paupertas secundum se bona non est: sed tantum quando remouet sollicitudinem impediētem à diuinorum contemplatione: & ideo quando sollicitudinem circa temporalia & impedimenta contemplationis non minuit, imo auget, non solum non est bona, imo est mala. Et quia hac tempestate frigescente in hominibus charitate, & religionibus, quæ paupertatem voluntariam sectantur, multiplicatis, non possunt religiosi ab aliis sustentationem vitæ acquirere, nisi cum maxima sollicitudine & mentis distractione qua à spiritualium contemplatione eos retrahi necesse est, ideo conuenientius fortassis est vt habeant in communi vnde vitæ necessaria habere possint, quam vt mendicitati dent operam.

Solutio rationum supra inductarum contra paupertatem.

Cap. 134.



**I**S autē visis, rationes prædictas quibus paupertas impugnatur, dissoluere non est difficile. Quāuis enim homini naturaliter insit appetitus congregandi ea quæ sunt necessaria ad vitam, vt prima ratio proponebat non rationem hoc modo, quod oporteat quemlibet circa hoc opus occupari. nec enim in apibus omnes eidem vacant officio: sed quædam colligunt mel, quædam ex cera domos construunt: reges etiam circa hæc opera non occupantur. Et similiter necesse est in hominibus esse: quia enim multa necessaria sunt ad hominis vitā, ad quæ vnus homo per se sufficere nō posset: necessariū est per diuersos diuersa fieri: puta vt quidā sint agricultores, quidā animalium custodes, quidā edificatores, & sic de aliis: & quia vita hominū non solum indiget corporalibus, sed magis spiritualibus, necessariū est etiam vt quidā vacēt spiritualibus rebus ad meliorationē aliorū: quos oportet à cura temporalium absolutos esse. hæc autē distributio diuersorum officiorū in diuersas personas fit diuina prouidentia secundū q̄ quidam magis



magis inclinatur ad hoc officium quam ad alia. Sic ergo patet quod qui temporalia relinquunt, non sibi subtrahunt sustentationem vite, ut secunda ratio proponebat: remanet enim eis spes probabilis sue vite sustentandae vel ex labore proprio, vel ex aliorum beneficiis: siue accipiant ea in possessionibus communibus, siue in victu quotidiano. sicut enim quod per amicos possumus, per nos aliquantulum possumus, ut Philosophus dicitur: ita & quod ab amicis habetur, a nobis aliquantulum habetur. Oportet autem inter homines adinuicem esse amicitiam: secundum quod sibi inuicem subferuiunt vel in spiritualibus vel in terrenis officiis. Est autem maius subuenire alteri in spiritualibus quam in temporalibus: quatenus spiritualia sunt temporalibus potiora, & magis necessaria ad finem beatitudinis consequendum. unde qui subtrahit sibi facultatem subueniendi aliis in temporalibus per voluntariam paupertatem, ut acquirat spiritualia per quae utilius potest aliis subuenire, non facit contra bonum societatis humanae, ut tertia ratio concludebat. Patet etiam ex praedictis quod diuitiae quoddam bonum hominis sunt, secundum quod ordinantur ad bonum rationis, non autem secundum se: unde nihil prohibet paupertate melius esse si per eam ad perfectius bonum aliquid ordinatur. & sic soluitur quarta ratio. Et quia neque diuitiae, neque paupertas, neque aliquid exteriorum est secundum se hominis bonum, sed solum secundum quod ordinatur ad bonum rationis, nihil prohibet ex quolibet eorum aliquod vitium oriri quando non veniunt in usum hominis secundum regulam rationis: nec tamen propter hoc sunt simpliciter mala iudicanda, sed malus usus eorum: & sic neque paupertas est abiicienda propter aliqua vitia quae ex ea accidentaliter quandoque procedunt: ut quinta ratio ostendere videbatur. Hinc etiam considerandum est, quod medium virtutis non accipitur secundum quantitatem exteriorum quae in usum veniunt: sed secundum regulam rationis. unde quandoque contingit quod illud quod est extremum secundum quantitatem rei exterioris, secundum regulam rationis est medium. neque enim est aliquis qui ad maiora tendat quam magnanimitas, vel qui in sumptibus magnificum magnitudine sumperet. medium ergo dicitur non quantitate sumptus aut alius cuius huiusmodi, sed in quantum non transcendit regulam rationis: nec ab ea deficit: quae quidem regula non solum metitur quantitatem rei quae in usum venit: sed conditionem personae & intentionem eius, opportunitatem loci & temporis, & alia huiusmodi, quae in actibus virtutum requiruntur. non igitur aliquis per voluntariam paupertatem contrariatur virtuti, quatenus omnia deserat. Nec hoc prodigaliter facit: cum hoc faciat debito fine & aliis conditionibus debitae seruatis. Plus enim est seipsum morti exponere: quam tamen aliquis per virtutem fortitudinis operatur debitas circumstantias seruans quatenus omnia sua relinquere debito fine, & sic soluitur ratio sexta. Quod autem ex verbis Salomonis inducitur, non est contrarium. manifestum est enim quod loquitur de coacta paupertate, quae furandi solet esse occasio.

## Super Cap. 134.

**D**ETERMINATA veritate respondet S. Thom. rationibus superius inductis. Circa hoc autem duo facit. Primum soluit rationes inductas contra paupertatem absolutam. Secundum soluit eas quae modos particulares viuendi in paupertate impugnant, capitulo sequenti. Quantum ad primum. Ad primam rationem quae procedebat ex naturali appetitu in homine congregandi necessaria vita, respondet & dicit primum, quod ex hac naturali inclinatione non oportet quemlibet circa hoc opus occupari: sed quia multa necessaria sunt ad hominem vitam, oportet per diuersos modos fieri, ut scilicet quidam sint agricultores, quidam animalium custodes, & sic de aliis. oportet etiam ut quidam vacent spiritualibus rebus ad aliorum meliorem rationem: quia vita hominum non solum corporalibus indiget, sed magis spiritualibus, declaratur ex apibus in quibus non omnes eidem vacent officio. Dicit secundum, quod haec distributio officiorum in diuersas personas fit a diuina providentia, secundum quod quidam magis inclinatur ad hoc officium quam ad alia.

Ad euentiam huius responsionis considerandum est, quod naturaliter inclinatio ad id quod necessarium est, unicuique est duplex: quaedam ad id quod necessarium est unicuique, ita quod ab alio sibi satisfieri non potest: sicut unicuique animalis est naturalis inclinatio ad comestionem, & talis inclinatio naturae ita est unicuique indita, quod quodlibet inditum naturae naturali necessitate fertur per seipsum in id ad quod natura

inclinatur. quaedam vero est quae inclinatur quidem ad aliquid quod unicuique est necessarium, sed tamen in hoc vni per alterum subueniri potest, sicut homini sitienti est naturalis inclinatio ad quarendum potum, qui tamen per alium sibi quare & ministrari potest: & haec naturalis inclinatio non est ita unicuique naturae inditum, ut naturali necessitate occupet se circa opus ad quod natura inclinatur, sed sufficit quod aut per seipsum in illud feratur, aut sibi per aliud inditum subueniatur. talis est naturalis inclinatio ad congregationem eorum quae sunt necessaria in vita. quando enim alicui per nullum alium hominem possunt congregari necessaria vita, ille in ipsam naturali necessitate fertur: sed quando per alium congregantem potest sibi de necessariis vitae prouideri, in talem congregationem non fertur naturali necessitate, sed manente ipsa naturali inclinatione potest homo in aliis occupari operibus quibusdam aliis diuitiarum congregationi insistentibus, eique prouidentibus de necessariis vitae: propter quod inquit sancti. Thom. 2. 2. quae. 187. artic. 3. ad primum, quod ad illa praeccepta legis naturae quae pertinent ad bonum multorum, non tenentur singuli, sed sufficit quod unus vacet vni officio, & alius alteri: puta quod quidam sint opifices, quidam agricolae. Idem etiam ex iis quae inferius dicit cap. 136. haberi potest. Ex quo patet conuenienter dictum esse a S. Thom. quod non est hoc modo naturalis inclinatio homini ad congregandum necessaria vita, quod oporteat quemlibet circa hoc occupari, & ideo consequentia illa quae inferebatur esse contra legem naturae congregata dispergere, falsa est. Ad secundam respondet admit-tendo quod vltimate inferitur, sed dicit quod qui temporalia relinquunt, non sibi subtrahunt necessaria vitae, quia remanet sibi spes probabilis suae vitae sustentandae, vel ex labore proprio, vel ex aliorum beneficiis. quod enim ab amicis habetur, aliquantulum a nobis habetur.

**ADVERT** TE quod ex hac responsione negatur illa consequentia: Per substantiam exteriorum vita hominis conseruatur: ergo sicut vitam suam, ita & exteriorum substantiam tenetur unusquisque conseruare per seipsum. sufficit enim quod per alios conseruetur, a quibus probabilis est spes habendi quantum necesse fuerit. Ad tertiam dicit, quod qui subtrahit sibi per voluntariam paupertatem facultatem subueniendi aliis in temporalibus, ut acquirat spiritualia per quae potest aliis subuenire, non facit contra bonum societatis humanae, quia maius est subuenire alteri in spiritualibus quam in temporalibus. Ex hoc patet illam propositionem assumptam. Naturale est hominibus quod unus alium in necessitatibus iuuat, intelligendum esse de necessitatibus aut spiritualibus, aut temporalibus, & ideo consequentia nulla est. Ad quartam dicit, quod diuitiae quoddam hominis bonum sunt: secundum quod ad bonum rationis ordinantur, non autem secundum se, & ideo nihil prohibet paupertatem melius quiddam esse, si per eam ad perfectius bonum aliquid ordinatur.

**ADVERTENDVM**, quod per hanc responsionem vult S. Thom. concedere primam conclusionem, quae inferitur, scilicet quod bonum est habere substantiam huius mundi. intelligendum tamen secundum quod ad bonum rationis ordinatur: sed vltimam consequentiam negat, scilicet, ergo abiicere substantiam per voluntariam paupertatem malum est. Non enim malum est abiicere minus bonum propter maius bonum. Ad quintam dicit, quod paupertas non est abiicienda tantum quantum secundum se malum propter aliqua vitia quae ex ea accidentaliter quandoque proueniunt, quia cum neque diuitiae neque paupertas sint secundum se hominis bonum, sed secundum quod ad bonum rationis ordinantur, nihil prohibet ex aliquo eorum aliquod vitium oriri, quando non veniunt in usum hominis secundum regulam rationis. Ex hoc patet antecedens illud falsum esse. Paupertas est occasio mali, scilicet secundum se in quo sensu intelligendum est occasiones malorum vitandas esse, licet quandoque usus ipsius malus sit, quia non secundum regulam rationis est. Ad sextam dicit primum, quod medium virtutis accipitur non secundum quantitatem exteriorum quae in usum hominis veniunt. ut patet in magnanimitate & magnifico, sed secundum regulam rationis, in quantum nec eam transcendit, nec ab ea deficit. Dicit secundum, quod regula rationis non solum metitur quantitatem rei quae in usum venit sed conditionem personae, & intentionem eius, & opportunitatem loci & temporis, & alia huiusmodi. Dicit tertio applicando dicta ad propositum, quod quamuis quis per voluntariam paupertatem omnia deserat, non tamen contrariatur virtuti, nec prodigaliter facit, cum hoc faciat debito fine & aliis conditionibus debitae seruatis. ostenditur hoc per comparisonem ad eum qui se morti ex virtute fortitudinis exponit.

**ADVERTENDVM** ex doctrina S. Tho. 2. 2. quae. 64. quod primum quod hic dicitur, non est sic intelligendum quasi in nulla virtute medium virtutis accipitur secundum quantitatem rei. in iusticia enim medium rationis est medium rei, sed quia non in omnibus virtutibus medium accipitur secundum rei quantitatem, sed secundum adaequationem ad regulam rationis. Ad authoritatem Salomonis dicit, quod loquitur de coacta paupertate, quae furandi solet esse occasio.

## Solutio obiectio-num contra particula-res modos viuendi in paupertate.

## Cap. 135.



**P**OST hoc autem considerandum est de modis quibus oportet viuere eos qui paupertatem voluntariam sectantur. Et primus quidem modus, scilicet quod de precio possessionum venditarum omnes communiter viuant, sufficiens est, non tamen ad longum tempus: & ideo Apostoli hunc modum viuendi fidelibus in Hierusalem instituebant: quia praeuidebatur per spiritum sanctum, quod non diu in Hierusalem simul commorari deberent: tum propter persecutiones & iniurias eis inferendas a Iudaeis: tum etiam propter instantem destructionem ciuitatis



& gētis. vnde non fuit necessarium nisi ad modicum tempus fidelibus prouidere. & propter hoc trāsētes ad gentes in quibus firmanda & perduratura erat Ecclesia, hunc modum viuendi non leguntur instituisse. Non autem est contra hunc modum viuendi fraus quo potest per dispensatores cōmitti. hoc enim est commune in omni modo viuendi, in quibus aliqui a diuicem conuiuūt: in hoc autem tantò minus quantò difficilius contingere videtur quòd perfectionem vitæ sectantes fraudem committant. Adhibetur etiam contra hoc remedium per prouidam fidelium dispensatorum institutionem. vnde sub apostolis electi sunt Stephanus & alij qui ad hoc officium idonei reputabantur. Est autem & secundus modus viuendi conueniens voluntariam paupertatem sectantibus: vt scilicet de possessionibus viuāt. Nec per hunc modum aliquid deperit perfectioni ad quam tendunt paupertatem voluntariam assumentes. Potest enim fieri per vnus vel paucorum sollicitudinem, vt possessiones modo debito procurentur: & sic alij absque temporalium sollicitudine remanentes libere possunt spiritualibus vacare: quod est fructus voluntariæ paupertatis. Nec etiam illis deperit aliquid de perfectione vitæ, qui hanc sollicitudinem pro aliis assument. Quod enim amittere videntur in defectu quietis, recuperant in obsequio charitatis, in quo etiam perfectio vitæ consistit. Nec etiam præter hunc modum viuendi concordia tollitur occasione communium possessionum. Tales enim debent voluntariam paupertatem assumere, qui temporalia contemnant: & tales pro temporalibus communibus discordare non possunt: præsertim cum ex temporalibus nihil præter necessaria vitæ debeant expectare: & cum dispensatores oporteat esse fideles. Nec propter hoc quòd aliqui hoc modo viuendi abutantur, hic modus viuendi potest improbari, cum etiam bonis mali vtantur male: sicut & malis boni bene vtuntur. Tertius etiam modus viuendi paupertatem voluntariam assumentibus conuenit: vt scilicet de labore manuum viuant. Non enim vanum est temporalia dimittere, vt iterum acquirantur per laborem manuum: sicut prima ratio in cōtrarium proponebat: quia diuitiarum possessio & sollicitudinem requirebat in procurando vel saltem in custodiendo: & affectum hominis ad se trahebat, quod non accidit dum obsequiis per laborem manuum quotidianum victum acquirere studet. Patet autem quòd ad acquirendum per laborem manuum victum quantum sufficit ad naturæ sustentationem, modicum tempus sufficit, & modica sollicitudo necessaria est: sed ad diuitias cōgregandas, vel superfluum victum querendum per laborem manuum, sicut seculares artifices intendunt, oportet multum tempus impendere, & magnam sollicitudinem adhibere, in quo patet solutio secundæ rationis. Considerandum est autem quòd Dominus in euangelio non laborem prohibuit, sed sollicitudinem mentis pro necessariis vitæ. non enim dixit, Nolite laborare: sed, Nolite solliciti esse. quod à minori probat. Si enim ex diuina prouidentia sustentantur aues & lilia quæ inferioris conditionis sunt, & non possunt laborare illis operibus quibus homines sibi necessarium victum acquirunt: multò magis prouidebit hominibus qui sunt dignioris conditionis, & quibus dedit facultatem per proprios labores victum querendi: vt sic non oporteat anxiam sollicitudinem de necessariis vitæ affligi. Vnde patet quòd per verba Domini quæ indicebantur, huic modo viuendi non derogatur. Nec etiam iste modus viuendi potest reprobari per hoc quòd non sufficiat: quia hoc vt in paucioribus accidit, quòd aliquis non possit tantum labore manuum acquirere, quod sufficiat ad necessarium victum, vel propter infirmitatem, vel propter aliquid huiusmodi. Non est autem propter defectum qui in paucioribus accidit, aliqua ordinatio repudianda, hoc enim & in naturalibus & etiam in voluntariis ordinationibus accidit: nec est aliquis modus viuendi per quem ita prouideatur homini, quin quandoque possit deficere. Nam & diuitiæ furto aut rapina possunt auferri: sicut & qui de labore manuum viuit, po-

test debilitari: remanet tamen aliquod remedium circa prædictum modum viuendi: vt scilicet ei cuius labor ad proprium victum non sufficit, subueniatur vel per alios eiusdem societatis qui plus laborare possunt quam eis necessarium sit: vel etiam per eos qui diuitias possident secundum legem charitatis & amicitie naturalis, qua vnus homo alteri subuenit indigenti. Vnde & cum Apostolus dixisset 2. Thess. 3. Qui non vult operari, non manducet: propter alios qui sibi non sufficiunt ad victum querendum proprio labore, subdit admonitionem ad alios dicens, Vos autē nolite deficere bene facientes. Cum etiam ad victum necessarium pauca sufficiant, non oportet eos qui modicis sunt contenti, magnum tempus occupare in necessariis querendis labore manuum: & ita non impediuntur multum ab aliis operibus spiritualibus propter quæ paupertatem voluntariam assumpserunt. Et præcipue cum manibus operando possunt de Deo cogitare, & eum laudare, & alia huiusmodi facere quæ singulariter sibi viuētes obseruare oportet: sed ne omnino in spiritualibus operibus impediuntur, possunt etiam aliorum fidelium beneficiis adiuari. Licet autem voluntaria paupertas non assumatur propter ocium tollendum, aut carnem macerandam opere manuali (quia hoc & diuitias possidentes facere possunt) non tamen est dubiū quin labor manualis ad prædicta valeat, etiam sub modica victus necessitate: tamen ocium per alias occupationes vtiliores potest auferri, & carnis concupiscentia validioribus remediis edomari: vnde propter huiusmodi non imminet necessitas laborandi his qui aliās habent vel habere possunt vnde licet viuāt. sola enim necessitas victus cogit manibus operari. Vnde & Apostolus dicit 1. Thess. 3. Qui non vult operari, non manducet. Quartus etiā modus viuendi de his quæ ab aliis inferuntur, est conueniens illis qui voluntariam paupertatem assument. Non enim hoc est inconueniens, vt qui sua dimisit propter aliquid quod in utilitatē aliorū vergit, de his quæ ab aliis dātur, sustentetur. nisi enim hoc esset, societas humana permanere non posset. si enim aliquis circa sua propria tantum sollicitudinē gereret, non esset qui communi utilitati deseruiret. optimū est igitur bonorum societati, q̄ illi qui prætermissa propriorū cura utilitati cōmuni deseruiūt, ab his quorū utilitati deseruiūt sustententur. propter hoc enim & milites de stipendiis aliorū viuūt: & rectoribus reipublicæ de cōmuni prouidetur. Qui autē voluntariā paupertatē assument, vt Christū sequantur, ad hoc vtique omnia dimittunt, vt cōmuni utilitati deseruiant, sapientia & eruditione & exemplo populū illustrantes, vel oratione & intercessionē sustentantes. Ex quo etiā patet q̄ non turpiter viuunt de his quæ ab aliis dantur: ex quo ipsi maiora rependunt, ad sustentationē temporalia accipientes, & in spiritualibus aliis proficientes. Vnde & Apostolus dicit 2. Cor. 8. Vestra abundātia, scilicet in temporalibus, illorū inopiā suppleat. & in eodē: Vt & illorū abundantia, scilicet in spiritualibus, vestre inopiæ sit supplementū. Qui enim alterum iuuat, particeps fit operis eius in bono & in malo. Dū autē exēplis suis alios prouocāt ad virtutes, fit vt hi qui eorum exemplis proficiunt, minus ad diuitias afficiantur, dū vidēt alios propter perfectionē vitæ diuitias omnino deserere. quātò autē aliquis minus diuitias amat, & est virtuti magis intentus: tantò facilius diuitias in aliorū necessitates distribuit. vnde qui paupertatem voluntariam assumentes de his quæ ab aliis dantur, viuunt: magis fiunt aliis pauperibus vtiles, alios ad misericordie opera verbis & exēplis prouocādo, quā fiāt dānosi, ad sustentationē vitæ aliorū beneficia accipientes. Patet etiam q̄ homines in virtute perfecti, quales esse oportet qui paupertatē voluntariā sectentur, diuitias contemnētes, libertatem animi non perdunt propter aliqua modica quæ ad sustentationem vitæ ab aliis accipiunt: cum homo libertatē animi non perdat nisi propter ea quæ in affectu suo dominantur. vnde propter ea quæ homo contemnit, si sibi dentur, libertatē non perdit. Licet autem sustentatio eorum qui viuunt de his quæ ab aliis dantur, ex voluntate dantium dependeat: non tamen



tamen propter hoc insufficiens est ad sustentandam vitam pauperum Christi, non enim dependet ex voluntate vnius, sed ex voluntate multorum. non est autem probabile quod in multitudine fidelis populi non sint multi qui prompto animo subueniant necessitatibus eorum quos in reuerentia habent propter perfectionem virtutis.

Non est autem inconueniens, si etiam necessitates suas exponant, & necessaria petant vel pro aliis, vel pro se. hoc enim & Apostoli fecisse leguntur: non solum ab illis quibus predicabant, necessaria accipientes (quod magis potestatis erat quam mendicitas propter ordinationem Domini, ut qui euangelio deseruiunt, de euangelio viuatur) sed etiam pro pauperibus qui erant in Hierusalem: qui sua dimittentes in paupertate vivebant: nec tamen gentibus predicabant: sed eorum spiritualis conuersatio poterat illis valere à quibus sustentabantur. vnde & Apostolus talibus non ex necessitate, sed ex voluntate dantium persuadet elemosynis subueniendum: quod nihil est aliud quam mendicare. hæc autem mendicitas non reddit homines contemptibiles si moderate fiat ad necessitatem, non ad superfluitatem, & sine importunitate: considerata conditione personarum à quibus petitur, & loci & temporis: quod necesse est obseruari ab his qui perfectionem vitæ sectantur. Ex quo etiam patet quod talis mendicitas non habet aliquam speciem turpitudinis quam haberet si eum importunitate & indiscretè fieret ad superfluitatem vel voluptatem. Manifestum est autem quod mendicitas cum quadam abiectione sit, sicut enim pati ignobilius est quam agere, ita accipere quam dare: & regi obedire quam gubernare & imperare: quantum propter aliquid adiunctum posset recompensatio fieri. Ea verò quæ abiectionis sunt, sponte assumere, ad humilitatem pertinet, non quidè simpliciter, sed secundum quod necessarium est. cum enim humilitas sit virtus, nihil indiscretè operatur. non est igitur humilitatis, sed stultitiæ, si quis quodcunque abiectionem assumpserit: sed si id quod necessarium est fieri propter virtutem, aliquis propter abiectionem non recusat: puta si charitas exigit quod proximis aliquod abiectionis officium impèdatur: hoc propter humilitatem aliquis non recuset. si igitur necessarium est ad perfectionem pauperis vitæ sectandam, quod aliquis mendicet: hanc abiectionem ferre humilitatis est. Quàdoque etiam abiectionem assumere virtutis est. Et si nostrum hoc officium non requirat ut alios nostro exemplo prouocemus, quibus incùbit, ut id facilius ferant. nam & dux interdum militis officio fungitur, ut alios prouocet. quãdoque etiam abiectionis utimur per virtutem, ut medicina quadam: puta si alicuius animus ad immoderatam excellentiam sit pronus, vtiliter debita moderatione seruata abiectionis utitur vel sponte vel ab aliis impositis ad elationem animi comprimendam, dum per hæc quæ gerit, sibi ipsi quodammodo parificat etiam infirmos homines qui circa vilia officia occupantur. Est autem omnino irrationabilis error illorum qui putant omnem sibi sollicitudinem à domino interdictam de victu querendo. Omnis enim actus sollicitudinis requirit, si igitur homo nullam sollicitudinem de rebus temporalibus habere debet: sequitur quod nihil temporale agere debeatur: quod neque possibile neque rationabile est obseruari. Deus enim vniciusque rei ordinavit actiones secundum proprietatem suæ naturæ. homo autem ex spirituali & corporali natura cõditus est: necessarium est igitur secundum diuinam ordinationem ut corporales actiones exerceat, & spiritualibus intendat. & tãto perfectior est, quãto plus spiritualibus intendit. non est igitur modus perfectionis humanæ quod nihil corporale agatur, quia cum corporales actiones ordinentur ad ea quæ sunt necessaria ad conseruationem vitæ: si quis eas prætermittit, vitam suam negligit, quæ quilibet conseruare tenetur. Expectare autem à Deo subsidium in quibus se aliquis potest per propriam actionem iuuare, prætermittit propria actione, est insipientis, & Deum têtatis. hoc enim ad diuinam bonitatem pertinet, ut rebus prouideat, non immediate omnia faciẽdo, sed alia mouẽdo ad proprias actiones, ut supra dictum est. non est igitur expectandum à Deo ut omni actione propria qua sibi aliquis subuenire potest,

prætermittat, Deus ei subueniat. hoc enim diuinæ ordinationi repugnat, & bonitati ipsius. Sed quia licet in nobis sit agere, non tamẽ in nobis est ut actiones nostræ debitum finem consequatur propter impedimẽta quæ possunt cõtingere: hoc dispositioni diuinæ subiaceret, quid cuique ex actione sua proueniat. præcipit ergo Dominus nos non debere esse sollicitos de eo quod ad nos non pertinet, scilicet de euentibus nostrarum actionum: non autem prohibuit nos esse sollicitos de eo quod ad nos pertinet, scilicet, de nostro opere. non igitur cõtrea præceptum Domini agit qui de iis quæ ab ipso agenda sunt, sollicitudinem habet: sed ille qui sollicitus est de his quæ possunt emergere, etiam si ipse proprias actiones exequatur: ita quod debitas actiones prætermittat ad obuiandum huiusmodi euentibus, cõtrea quos debemus in Dei prouidentia separare: per quæ etiã aues & herbe sustentantur. talẽ enim sollicitudinem habere, videtur pertinere ad errorẽ gentiliũ qui diuinam prouidentiam negat: propter quod dominus concludit, quod non simus solliciti in crastinum. per quod non prohibuit quin cõseruemus ea quæ sunt nobis in crastinum necessaria suo tempore: sed ne de futuris euentibus sollicitemur cum quadam desperatione diuini auxilij. Vel ne præoccupet hodie sollicitudinem quæ erit habenda in crastino: quia quælibet dies suam sollicitudinem habet. vnde subditur: Sufficit enim diei malitia sua. Sic igitur patet quod diuersis modis, conuenientibus viuere possunt qui voluntariam paupertatem sectantur: inter quos ille laudabilior est, qui magis à sollicitudine temporalium & occupatione circa ea hominis animum reddit immunem.

Super Cap. 135.



SECUNDO loco respondet S. Thom. obiectionibus factis contra particulares modos viuendi in paupertate. Ad primum eorum quæ obijciuntur contra primum modum qui est ut viuatur de precio possessionum venditarum, respondet quod vtrique ille modus non est sufficiens ad longum tempus. & ideo apostoli in Hierusalem tantum hunc modum viuendi fidelibus instituerunt, quia prouidebant per spiritum sanctum, quod non diu simul in Hierusalem commorari debeant, propter persecutiones & propter ciuitatis destructionem: vnde ad gentes transiunt, in quibus firmata & perduratura erat ecclesia, hunc modum viuendi non leguntur instituisse. Ad secundum dicit, quod non obstat fraus quæ per dispensatores committi potest, quia hoc est commune omni modo viuendi in quo aliqui adiuuati conuiuiunt: sed difficultas contingere videtur ut perfectionem vitæ sectantes fraudem committant. Dicit secundum, quod huiusmodi remedium adhibetur per prouidam fidelium dispensatorum institutionem.

AD VERTE quod S. Thom. intendit negare consequentiam, & etiam antecedens, in hoc quod dicit facile esse ut in hoc modo viuendi fraus committatur per dispensatores. Tertium non soluit, quia ex responsione ad primum patet eius solutio.

Ad id quod obijciunt contra secundum modum, qui est ut viuatur de communibus possessionibus, negat assumptum. Ad cuius primam probationem dicit primum, quod per vnius vel paucorum sollicitudinem possunt debito modo possessiones procurari, aliis libere spiritualibus vacantibus. Dicit secundum, quod nec assumptum hanc sollicitudinem pro aliis deperit aliquid de perfectione vitæ, quia quod videtur amittere, recõpensatur per obsequium charitatis, in quo etiam perfectio vitæ consistit. Ad secundam probationem negat assumptum in proposito, quia temporalia contemnentes pro temporalibus communibus, ex quibus nihil præter necessaria vitæ debent expectare, discordare non possunt, & præsertim cum dispensatores oporteat esse fideles. Dicit secundum negando consequentiam, quod cum etiam bonis mali vtantur male, non potest hic modus improbari ex eo quod aliqui eo abutantur. Ad primum contra tertiam viuendi modum qui est, ut ex labore manuum viuatur, negatur assumptum, quia diuitiarum possessio & sollicitudinem requirebat in procurando, vel etiam custodiendo, & affectum hominis ad se trahebat, hoc autem non accidit dum quis labore manuum sibi quotidianum victum querit.

AD secundum negat assumptum: ad cuius probationem dicit quod ad diuitias quidem congregandas vel superfluum victum ex labore manuum, oportet multum tempus impendere & magnam sollicitudinem adhibere, non autem ad acquirendum quantum sufficit ad vitæ sustentationem. Ad autem Domini in euangelio dicit, quod per illa verba non prohibuit Dominus laborem manuum, sed anxiam & afflictum mentis sollicitudinem pro necessariis vitæ: quod ostenditur, quia non dixit, Nolite laborare, sed, Nolite solliciti esse. Hoc autem à minori dominus probat ex prouidentia diuina qua sustentantur aues & alia quæ non possunt laborare illis operibus quibus homines sibi necessarium victum acquirunt. Ad quartum negat assumptum. Ad cuius primam probationem dicit, quod in paucioribus accidit quod aliquis non possit labore manuum sibi necessarium victum acquirere: non est autem propter defectum qui in paucioribus accidit, aliqua ordinatio repudianda: quia hoc & in naturalibus & etiam in voluntariis ordinationibus accidit. Vnde & diuites furto aut rapina possunt auferri sicut qui de labore manuum viuunt, potest debilitari. Dicit secundum, quod circa hoc remanet aliquod remedium, ut scilicet ei qui laborare non potest, prouideatur vel per alios eiusdem societatis, vel etiam per eos qui diuitias possident secundum legem charitatis & amicitie naturalis, quod



ostenditur ex admonitione Apostoli 2. Thess. 3. Ex his patet quod negatur consequentia. Ad secundam probationem dicitur primo, quod eos qui modicis sunt contenti quia ad victum necessarium sufficiunt, non oportet magnum tempus occupare in necessariis querendis labore manuum. Dicitur secundo, quod non multum impediuntur ab aliis operibus spiritualibus, præcipue cum manibus operando de Deo cogitare possint, & eum laudare, ac alia huiusmodi facere quæ singulariter sibi viuentes obseruare oportet. Dicitur tertio, quod ne nimium in spiritualibus impediatur, possunt etiam aliorum fidelium beneficiis adiuuari. Cum impugnantur responsiones ibi datæ, eius impugnationes admittit S. Thom. addit tamen quod licet voluntaria paupertas propter ocium tollendum, aut concupiscentiam domandam, opere manuali non assumatur: non est tamen dubium quin labor manualis ad prædicta valeat etiam submodica victus necessitate, id est, etiam si non indigeat quis multum laborare propter necessaria vitæ acquirenda: sed tamen cum ocium per alias occupationes vitiosius possit auferri, & carnis concupiscentia validioribus remediis edomari, propter huiusmodi non imminet necessitas laborandi iis, quia alijs habent aut habere possunt unde viuant, sed sola victus necessitas cogit manibus operari, quod ostenditur 2. Thess. 3.

AD hoc intelligentiæ duo sunt aduertenda ex doctrina S. Thom. 2. 2. q. 187. art. 3. Primum est, quod sub opere manuali intelliguntur omnia mundana officia ex quibus homines licite victum lucrantur, siue manibus, siue pedibus, quæ lingua lucruntur, quia enim manus organum organum est, per opus manuum omnis operatio intelligitur qua victum licite aliquis lucrari potest. Secundum est, quod cum operari manibus ordinatur ad victum querendum, & ad ocium tollendum, ac concupiscentiam refrenandam: secundum quod ordinatur ad victum querendum, cadit sub necessitate præcepti, prout est necessarium ad talem finem: quia quod ordinatur ad finem, à fine necessitatem habet, ut scilicet tantum sit necessarium, in quantum finis sine eo esse non potest: & ideo qui non habet aliunde unde viuere possit, tenetur manibus operari, qui autem alijs habet unde licite viuere possit, non tenetur sub præcepto, secundum autem quod ordinatur ad ocium tollendum, vel ad corporis macerationem, non cadit sub necessitate præcepti secundum se consideratum: quia potest multis alijs modis vel caro macerari, vel ocium tolli. Primum horum dicitur intellexit S. Thom. cum dixit quod sola victus necessitas cogit manibus operari: alterum vero cum dixit, quod quia ocium per alias vitiosiores occupationes potest auferri, & carnis concupiscentia validioribus remediis edomari, non imminet necessitas operandi iis qui alijs habet, aut habere possunt unde viuant. Ad primum contra quartum viuendi modum, qui est ut viuatur de iis quæ ab alijs inferuntur, negat assumptum: quia voluntariam paupertatem assumentes ut Christum sequantur, ad hoc omnia dimittunt, ut communi utilitati deseruiant, sapientia, eruditione, & exemplo populum illustrantes, vel oratione & intercessione sustentantes. Non est autem inconueniens ut qui sua dimisit propter aliquid quod in aliorum utilitatem vergit, de iis quæ ab alijs dantur sustentetur, declarat exemplum militum, & rectorum reipublicæ. Ad secundum dicitur primo: quod illi maiora rependunt, scilicet spiritualia pro temporalibus, ut patet ex Apost. 2. Cor. 8. Dicitur secundo, quod voluntariam paupertatem assumentes, suis exemplis alios ad virtutes prouocant, ad contemptum scilicet diuitiarum.

ADVERTENDVM, quod per hoc secundum dictum vult S. Thom. respondere ei quod in obiectione dicebatur, posse scilicet sustineri ut qui populo seruiunt in aliquo officio, ab alijs necessaria vitæ recipiant, non autem de alijs qui in nullo officio ministrant populo. Patet enim quod etiam illi sunt alijs sua voluntaria paupertate utiles, dum suo exemplo eos ad bonum prouocant, eosque suis orationibus iuuant, licet in nullo particulari officio illis ministrent, & ideo possunt ab alijs necessaria vitæ recipere. Ad tertium dicitur quod isti sunt magis utiles alijs pauperibus quam damnosi, quia alios ad misericordiam opera verbis & exemplis prouocant, inducendo ad diuitiarum contemptum, quanto enim aliquis minus diuitias amat, & est intus virtuti, tanto facilius diuitias in aliorum necessitate distribuit. Ad quartum negat assumptum, ad cuius probationem negat quod hic viuendi modus libertatem animi impediatur. Cum enim oporteat voluntarios pauperes in omni virtute perfectos esse, propter modicam quæ ad sustentationem vitæ ab alijs accipiunt, libertatem animi non perdunt, quia homo per ea quæ contemnit, si sibi dentur, animi non perdit libertatem. Ad quintum negat consequentiam, quia sustentatio pauperum non dependet à voluntate viui, sed ex voluntate multorum: non est autem probabile quod in multitudine fidelis populi non sint multi qui propter animo subueniant necessitatibus eorum quos in reuerentia habent propter perfectionem virtutis. Ad sextum dicitur primo, quod non est inconueniens si tales pauperes necessitates suas alijs exponant, & necessaria tam pro se quam pro alijs petant: quia & Apostoli hoc fecisse leguntur, non solum ab iis quibus prædicabant, necessaria accipientes, tamen ex potestate, sed etiam ex mendicitate pro pauperibus qui erant in Hierusalem accipientes. Dicitur secundo, quod hæc mendicitas non reddit homines contemptibiles si moderate fiat, scilicet ad necessitatem, non ad superfluitatem, & sine importunitate, considerata conditione personarum à quibus petitur, & loci & temporis: quod obseruari necesse est ab iis qui perfectionem vitæ sectantur. Ad septimum negat antecedens, mendicitas enim non habet aliquam speciem turpis lucri, nisi cum importunitate & indiscrete fiat ad superfluitatem vel voluptatem. Ad octauum non respondet sanctus Thomas, quia ex solutionibus superius datis patet eius solutio. patet enim falsum esse quod maior sollicitudo requiratur ad acquirendum aliena quantum ad sustentationem vitæ sufficit, quam ad diuitiarum congregationem aut conseruationem, quæ requiritur si quis debeat diuitiis longo tempore viui.

AD impugnationem illius responsionis quæ ponit laudandam esse mendicitatem propter humilitatem, dicitur primo, quod mendicitas cum quadam abiectione fit, quia sicut pati ignobilis est quam agere: ita accipere quam dare: licet propter aliquod adiunctum possit recompensatio fieri. Dicitur secundo, quod ad humilitatem pertinet ea quæ abiectionis sunt sponte assumere, non quidem simpliciter, sed secundum quod necessarium est, quia cum humilitas sit virtus, nihil indiscrete operatur. Dicitur tertio, quod humilitas est, si quis id quod necessarium est fieri propter virtutem, non recusat propter abiectionem, puta si charitas exigat quod

proximis aliquid abiectionem officium impendatur. Ex quo inferitur quod si necessarium est ad perfectionem pauperis vitæ sectandam quod aliquis mendicet, hæc obiectione ferre humilitatis est. Dicitur quarto, quod etiam quandoque abiectione assumere virtutis est, etiam si nostrum officium hoc non requirat, aut ut alios nostro exemplo prouocemus, quibus incumbit ut id facilius ferant, sicut dux quandoque militis officio fungitur: aut propter medicinam, puta si alicuius animus ad immoderatam excellentiam sit pronus, vtiliter debita moderatione seruata vitur abiectionis vel sponte vel ab alijs impositis ad elationem animi comprimendam.

ADVERTENDVM, quod ex dictis vult S. Thom. negare illam propositionem, Per mendicitatem derogatur virtuti. & cum probatur primo, quia virtuosius est dare quam accipere, patet ex dictis quod si sumatur accipere absolute, id verum est: sed si sumatur cum aliquo adiuncto, scilicet quod propter virtutem aliquis illa abiectione vitur quæ coniungitur acceptioni ab alijs, non est verum. Cum etiam probatur, quia habet speciem turpis lucri, patet hoc falsum esse, quando mendicitas quæ cum quadam abiectione fit, propter virtutem assumitur.

Vltimo loco errorem existimantium omnem sollicitudinem à Domino interdiciam de victu querendo, qui etiam superius est improbat, dicit S. Thomas omnino irrationabilem esse. Primo, quia sequeretur hominem nihil temporale debere agere, cum omnis actus sollicitudinem requiratur, scilicet ad hoc ut bene & laudabiliter fiat: hoc autem neque possibile neque rationabile est obseruari, tum quia cum corporales actiones ordinantur ad ea quæ sunt necessaria ad conseruationem vitæ, si quis eas prætermittit, vitam suam negligit, quam quilibet conseruare tenetur: tum quia expectare à Deo subsidium in iis in quibus se aliquis potest per propriam actionem iuuare, prætermittit propriam operationem, indispensabile est, & Deum tentantis, diuinæque ordinationi repugnatur, & bonitati ipsius qui rebus Deus prouidet, non immediate omnia agendo, sed alia ad proprias actiones mouendo. Quomodo autem intelligenda sint Domini verba, exponit inquires, quod cum in nobis sit agere, non autem in nobis sit ut nostræ actiones debitum consequantur effectum propter impedimenta quæ possunt contingere, præcipit Dominus nos non debere esse sollicitos de eo quod ad nos non pertinet, sed ad diuinam ordinationem, scilicet de euentibus nostrarum actionum, non autem prohibuit nos esse sollicitos de eo quod ad nos pertinet, scilicet de nostro opere. Ex quo sequitur eum contra Domini præceptum non agere, qui de agendis ab ipso sollicitudinem habet, sed eum qui sollicitus est de iis quæ possunt emergere, etiam si ipse proprias operationes exequatur: ita quod ad obuiandum huiusmodi euentibus debitas actiones prætermittit. hoc enim ad errorem nostrum pertinere videtur, qui diuinam negabant prouidentiam. Propterea Dominus concludit, quod non sumus solliciti in crastinum, non ita scilicet quod non conseruemus ea quæ sunt nobis in crastinum necessaria, sed ne de futuris euentibus solliciti sumus cum desperatione diuini auxilij, vel ne præoccupet nos sollicitudo quæ erit habenda in crastino: unde subditur, Sufficit enim Diei malicia sua. Ex omnibus prædictis inferit S. Thom., quod patet diuersis modis posse viuere eos qui voluntariam paupertatem sectantur: tantum autem aliquem modum laudabiliorem esse, quanto magis à sollicitudine temporalium & occupatione circa ea animum hominis reddit immunem. De hac materia paupertatis voluntarie sancti Thom. 2. loco præallegato, & in tractatu contra impugnantes religionem diffuse pertractat.

*De errore illorum qui perpetuam continentiam impugnant. Cap. 136.*

**S**ICVT autem contra paupertatis perfectionem, ita & contra continentiam bonum quidam peruersi sensus homines sunt locuti. Quod quidem bonum continentie his & similibus rationibus excludere nituntur. Viri enim & mulieris coniunctio ad bonum speciei ordinatur, diuinus autem est bonus speciei, quam bonum indiuidui. magis ergo peccat qui omnino abstinet ab actu quo conseruatur species, quam peccaret si abstinere ab actu quo conseruatur indiuiduum, sicut sunt comestio, potus, & alia huiusmodi.

2. Adhuc, ex diuina ordinatione dantur homini membra ad generationem apta, & etiam vis concupiscibilis incitans, & alia huiusmodi ad hoc ordinata. videtur igitur contra diuinam ordinationem agere, qui omnino ab actu generationis abstinet.

3. Item, si bonum est quod vnus contineat, melius est quod multi: & optimum quod omnes. sed ex hoc sequitur quod genus humanum deficiat. nõ igitur bonum est quod aliquis homo omnino contineat.

4. Amplius, castitas, sicut & alie virtutes, in medio consistit. sicut igitur contra virtutem agit, qui omnino concupiscentias insequitur, & intemperatus est: ita contra virtutem agit, qui omnino à concupiscentiis abstinet, & insensibilis est.

5. Præterea, non est possibile quin in homine concupiscentie venereorū oriatur, cum naturales sint: resistere autem omnino concupiscentiis, & quasi continuā pugna habere, maiorem inquietudinem animo tribuit, quam si aliquis moderatè concupiscentiis vteretur. cum igitur inquietudo animi



animi maxime perfectioni virtutis repugnet, videtur perfectioni virtutis aduersari quod aliquis perpetuam continentiam seruet. Hæc igitur contra perpetuam continentiam obijci videntur, quibus etiam adiungi potest præceptum Domini quod primis parentibus legitur esse datum Genes. primo & 9. Crescite & multiplicamini, & replete terram, quod non est remotum, sed magis videtur à Domino in Evangelio esse confirmatum Matth. 19. ubi dicitur: Quos Deus coniunxit, homo non separet. de coniunctione matrimonij loquens. contra autem hoc præceptum expressè faciunt qui perpetuam continentiam seruant. Videtur igitur non esse licitum perpetuam continentiam seruare. Hæc autem non difficile est soluere secundum ea quæ præmissa sunt. Considerandum enim est quod alia ratio est habenda in his quæ ad necessitatem vniuscuiusque hominis pertinent: atque alia in his quæ pertinent ad multitudinis necessitatem. In his enim quæ ad vniuscuiusque necessitatem pertinent, oportet quod cuilibet provideatur. huiusmodi autem sunt cibi & potus, & alia quæ ad sustentationem individui pertinent: unde necessarium est quod quilibet cibo & potu vtatur. In his autem quæ necessaria sunt multitudini, non oportet quod cuilibet de multitudine attribuat: neque etiam est possibile. patet enim multa necessaria multitudini hominum: vt sunt cibi, potus, indumentum, domus, & alia huiusmodi, quæ impossibile est quod per vnum procurentur: & ideo diuersorum oportet esse diuersa officia: sicut etiam in corpore diuersa membra ad diuersos actus ordinantur. Quia igitur generatio non est de necessitate individui, sed de necessitate totius speciei: non est necessarium quod omnes homines actibus generationis vacent, sed quidam ab his actibus abstinere aliis officiis mancipientur: puta militie vel cõtemplationi. Ex quo patet solutio ad secundum. ex diuina enim prouidentia dantur homini ea quæ sunt toti speciei necessaria: nec tamen oportet quod quilibet homo quolibet illorum vtatur. data est enim homini industria edificandi, virtus ad pugnandum: nec tamen oportet quod omnes sint edificatores aut milites. Similiter licet sit homini diuinitus prouisa virtus generatiua, & ea quæ ad actum eius ordinantur: non tamen oportet quod quilibet actui generationis intendat. Vnde etiam patet solutio ad tertium. Ab his enim quæ sunt multitudini necessaria, quamuis quantum ad singulos melius sit quod abstinent melioribus deditis: non tamen est bonum quod omnes abstineant: sicut & in ordine vniuersi apparet. quamuis enim substantia spiritualis sit melior quam corporalis, non tamè esset melius vniuersum in quo essent solum substantie spirituales, sed imperfectius: & quamuis sit melius oculis pede in corpore animalis, non tamen esset perfectum animal, nisi haberet oculum & pedem. ita etiam nec multitudo humani generis haberet statum perfectum nisi essent aliqui intendentes generationis actibus, & aliqui ab his abstinere, & cõtemplationi vacantes. Quod autem quartò obijciatur quod necesse est virtutem in medio esse, soluitur per id quod supra iam de paupertate dictum est. medium enim virtutis non accipitur semper secundum quantitatem rei quæ ordinatur ratione, sed secundum regulam rationis quæ debet finem attingit, & circumstantias conuenientes metitur: & sic ab omnibus venereorum delectationibus abstinere præter rationem, vitium insensibilitatis dicitur. si autem secundum rationem fiat, virtus est: quæ etiam cõmunem hominis modum excedit, facit enim hominem esse in diuinæ quadam similitudinis participatione. unde virginitas angelis dicitur esse cognata. Ad quintum dicendum quod sollicitudo & occupatio quam habent hi qui coniugio vtuntur de vxoribus, filiis, & necessariis vitæ acquirendis, est continua: inquietatio autem quam homo patitur ex pugna concupiscentiarum, est ad aliquam horam: quæ etiam minoratur per hoc quod eis aliquis non consentit. nam quantò magis aliquis delectabilibus vtatur, tantò magis crescit in eo delectabilis appetitus. Debilitantur enim concupiscentiæ

per abstinentiam & alia exercitia corporalia, quæ conueniunt his qui continentia propositum habent. Vfus etiam corporaliū delectabiliū magis abducit mentem à sua altitudine, & impedit à cõtemplatione spiritaliū, quàm inquietudo quæ prouenit in resistendo cõcupiscentiis horum delectabiliū: quia per vsum delectabiliū, & maxime venereorū, mens maxime carnalibus inhæret. cum delectatio faciat quiescere appetitū in re delectabili. & ideo his qui ad cõtemplationem diuinorum & cuiusque veritatis intendunt, maxime nociuum est venereis deditos esse, & maxime vtile ab eis abstinere. Nihil autem prohibet, quamuis vniuersaliter dicatur vni homini melius esse cõtinentiam seruare, quàm matrimonium vti, quin alicui illud melius sit. Vnde & dominus facta de continentia mentione dicit, Non omnes capiunt verbum hoc: sed qui potest capere, capiat. Ad id autem quod de præcepto primis parentibus dato vltimò positum est: patet responsio per ea quæ dicta sunt. præceptum enim illud respicit inclinationem naturalem quæ est in hominibus ad cõseruandam speciem per actum generationis: quod tamen non est necessarium per omnes exequi, sed per aliquos, vt dictum est. Sicut autem non expedit cuilibet omni tempore actui generationis vacare, ita nec expedit ab eo omni tempore abstinere, maxime quando necessaria erat multiplicatio generationis, vel propter hominum paucitatem, sicut in principio quando humanum genus cõcepit multiplicari: siue propter paucitatem fidelis populi, quando oportebat ipsum per carnalem generationem multiplicari, vt fuit in veteri testamento. & ideo cõsiliū de continentia perpetua cõseruanda reseruatum est temporibus noui testamenti, quando spiritalis populus per spiritalē generationem multiplicatur.

Super Cap. 136.



OSTQVAM disputauit sanct. Thom. contra impugnantes paupertatem voluntariam, vult consequenter contra eos qui perpetuam continentiam impugnāt disputare. Circa hoc autem duo facit. Primò disputat contra impugnantes perpetuam continentiam. Secundò contra eos qui matrimonium virginitati æquabant, cap. seq. Quantum ad primum adducit rationes impugnantium perpetuam continentiam, & eas soluit. Arguebāt igitur primò sic. Bonum speciei est diuinitus quàm bonum individui. ergo magis peccat qui omnino abstinet ab actu quo cõseruatur species, quàm peccat si abstinere ab actu quo cõseruatur individuum: sed cõmixtio maris & femina ad bonum speciei ordinatur. ergo, &c. Respondet sanctus Thomas, quod in iis quæ ad vniuscuiusque necessitatem pertinent, ad sustentationem scilicet individui, oportet quod cuilibet provideatur: & ideo oportet quod quilibet cibo & potu vtatur. in iis autem quæ necessaria sunt multitudini, non oportet, neque possibile est quod cuilibet de multitudine attribuat, quia multa sunt necessaria homini, vt cibi, potus, & huiusmodi, quæ impossibile est vt per vnum procurentur, & ideo, diuersorum oportet esse diuersa officia, sicut & in corpore diuersa membra ad diuersos actus ordinantur. quia igitur generatio non est de necessitate individui, sed speciei, non est necesse quod omnes homines illi vacent.

ET est aduertendum sensum huius responsionis esse, quod quædam sunt ordinata ad individui cõseruationem, sine quibus individui cõseruari non posset, sicut est vsum cibi & potus, & ista necesse est vt à quolibet individuo habeantur. quædam vero sunt ordinata ad multitudinis bonum, sine quibus scilicet multitudo cõseruari non posset, vt est generationis actus, & ista non est necesse à quolibet individuo fieri, sed sufficit quod aliqui de multitudine illi operi intendant aliis in aliis officiis occupatis. Vnde negatur consequentia, quia non est similis ratio de iis quæ ad necessitatem individui pertinent, & de iis quæ pertinent ad necessitatem speciei. Nisi enim illis intendat hic homo singularis, ipse cõseruari non potest: non autem si istis non vacet, non poterit species cõseruari: sunt enim alij quorum opere cõseruari potest.

SED occurrit dubium. Nam sanct. Thom. in vtroque membro suæ distinctionis vtitur cibo & potu pro exēplis, & sic videtur quod vti cibo & potu sit vnicuique necessarium, & non sit vnicuique necessarium. Respondetur, quod est idem exemplum materialiter, non autem formaliter. Dupliciter enim potest considerari cibis & potus. Vno modo quantum ad vsum, & sic pertinet ad primum membrum. vnde dixit S. Thom. necessarium est quod quilibet homo cibo & potu vtatur. Alio modo quantum ad procuracionem & præparationem: & sic pertinet ad secundum membrum: non enim necesse est petire individuum, si ipsum sibi non procuret & præparet cibum & potum, quia potest illi per alios præparari: sed bene multitudo petire si nullus esset qui cibum procuraret & potum. Vnde dixit S. Thom. quod multa sunt necessaria multitudini hominum, vt cibi, potus, indumentum, domus, & huiusmodi, quæ impossibile est vt per vnum procuretur. Secundò ex diuina ordinatione dantur homini membra ad generationem apta, & vis cõcupiscentibilis incitans, & alia huiusmodi, ergo, &c. Respondetur ex dictis, quod licet homini sint diuinitus prouisa ea



vita ea quæ ad generationis actum ordinantur tanquam toti speciei necessaria, non tamen oportet quod quilibet actui generationis intendat. Nam data est homini industria ædificandi, & virtus ad pugnandum, nec tamen oportet quod omnes sint ædificantes aut milites. Tercio, si bonum est quod unus contineat: ergo melius quod multi, ergo optimum quod omnes, hoc est inconueniens, ergo, &c. Ex prædictis respondet, quod ab his quæ sunt multitudini necessaria, cuiusmodi est generationis actus, quamuis melius sit quantum ad singulos quod abstineat melioribus deditus, non tamen est bonum quod omnes abstineant. declaratur & ex ordine vniuersi, & ex corpore animalis, in quibus non esset melius ut totum esset quale est nobilior pars. Vnde patet consequentiam illam nullam esse. Quarto, Castitas, sicut alie virtutes, in medio consistit, ergo contra virtutem agit qui omnino concupiscentiis abstinet. Respondet ex his quæ dicta sunt superius de paupertate, quod cum medium virtutis non accipiatur secundum quantitatem quæ ratione ordinatur, id est, cui ratio habet modum imponere, sed secundum regulam rationis quæ debitum finem attingit, & circumstantias convenientes metitur, ab omnibus venereorum delectationibus abstinere præter rationem, insensibilitatis vitium dicitur: si autem secundum rationem fiat, virtus est, quæ etiam communem hominis modum excedit, vnde virginitas angelis dicitur esse cognata. Quinto, Resistere omnino concupiscentiis, & quasi continuam pugnam habere maiorem inquietudinem animo tribuit quam si eis aliquis moderatè vteretur, ergo perfectiori virtutis aduersatur, quia inquietudo animi maxime perfectioni virtutis repugnat. Respondet sanctus Thomas & dicit primo, quod sollicitudo & occupatio, quam habent coniugati de vxoribus & aliis, est continua inquietudo autem ex pugna concupiscentiarum, est ad aliquam horam, quæ etiam minoratur ex hoc quod eis aliquis non consentit, & per abstinentiam & alia exercitia corporalia. Dicit secundò, quod usus corporalium delectabilium magis abducit mentem à sua altitudine, & impedit à contemplatione spiritualium, quam inquietudo in resistendo concupiscentiis: quia cum delectatio faciat appetitum quiescere in re delectabili per vsum delectabilium, & maxime venereorum: mens maxime carnalibus inhæret. Dicit tertio, quod nihil prohibet quamuis vniuersaliter dicatur vni homini melius esse continentiam seruare quam matrimonium vti, quin alicui illud melius sit: quod ostenditur ex verbis Domini qui in Mattheo facta de continentia mentione, dicit: Non omnes capiunt verbum hoc: sed qui potest capere, capiat. Circa hoc vltimum dictum: aduertendum quod sicut lex vniuersaliter statuit quid sit agendum, quia illud pro maiori parte bonum est utile, tamen in aliquo casu melius est legem non seruare: sicut lex statuit depositum esse restituendum, & tamen si quis deposuerit gladium, & postea sit effectus furiosus, non est ei restituendus gladius: ita vniuersaliter dicitur melius esse vnicuique singulariter considerato quod contineat, quia pro maiori parte ita est, & tamen alicui melius erit matrimonio vti, quia ex sua naturali complexione minor ei erit inquietudo metis in matrimonio quam in continentia, & magis poterit contemplationi & spiritualibus vacare: & hoc est quod in hoc vltimo dicto intendit S. Tho. Patet autem ex ista responsione S. Thom. velle negare antecedens per primum dictum, per secundum autem etiam negare consequens.

Vltimò adducitur præceptum Domini primis parentibus datum, cum dicitur Genes. 1. & 9. Crescite & multiplicamini. & Matth. 19. sed inquit sanctus Thomas primò ex prædictis parere responsionem, cum enim illud præceptum respiciat naturalem inclinationem in hominibus ad conferuandam speciem per actum generationis, non est necessarium per omnes executioni mandari, sed per aliquos. Dicit secundò, quod non expediebat ab actu generationis omni tempore abstinere, maxime quando necessaria erat multiplicatio generationis vel propter hominum paucitatem, sicut in principio humani generis, vel propter paucitatem fidelis populi, quando oportebat ipsum per carnalem generationem multiplicari, vel fuit in testamento veteri: & ideo consilium de continentia perpetua reservatum fuit temporibus noui testamenti, quando spiritualis populus per spiritualem generationem multiplicatur, scilicet per baptismum.

CIRCA hoc quod dicitur non licuisse omni tempore ab actu generationis abstinere, quia videlicet non licuit in principio generis humani, nec in veteri testamento, dubitatur, quia oppositum huius videtur dici quarto Sententiarum distinctione trigesima tertia, questione tertia, articulo secundo ad secundum vbi ait sanctus Thomas, quod non peccasset virginitatem seruans etiam tempore Moyfi. Respondetur, quod de tempore legis Moyfi dupliciter loqui possumus, aut scilicet quantum ad tempus sequens sufficientem multiplicationem fidelium, aut quantum ad tempus in quo necesse erat multiplicari fideles per carnalem generationem, nondum facta sufficienti multiplicatione colentium Deum. Primo modo intelligitur quod dicitur in quarto Sententiarum. Vnde ait ibidem, quod facta multiplicatione colentium Deum sufficienti non peccasset virginitatem seruans etiam tempore Moyfi. Secundo modo intelligitur quod dicitur hoc loco. Vnde & hic ait, quod non expediebat ab actu generationis abstinere, quando necessaria erat multiplicatio generationis propter paucitatem fidelis populi, ut fuit in veteri testamento, intelligitur quantum ad aliquod tempus veteris testamenti, loco etiam præallegato ad primum ait, quod superfluum esset si quis seruare vellet virginitatem quando non deberet, sicut tempore legis Moyfi, intelligitur similiter quantum ad aliquod tempus illius legis. Simili modo intelligendum est quod dicitur quarto Sententiarum, distinctione quadragesima nona, questione quinta, articulo tertio ad tertium, vbi dicitur quod tempore legis Moyfi quando cultus Dei etiam per carnalem actum propagandus erat, non erat omnino laudabile à commixtione carnis abstinere.

Contra eos qui matrimonium virginitati aquabant.

Cap. 137.



VERVNT autem & alij, qui licet continentiam perpetuam non improbant, tamen ei statum matrimonij æquabant, quæ est hæresis Ioviniani. Sed huius erroris falsitas satis ex prædictis apparet, cum per continentiam ho-

mo reddatur habilior ad mentis eleuationem in spiritualia & diuina, & quodammodo supra statum hominis ponatur in quadam similitudine angelorum. Nec obstat quod aliqui perfectissimæ virtutis viri matrimonio vfi sunt, vt Abraham, Isaac, & Iacob: quia quanto virtus mentis est fortior, tanto minus potest per quæcunque à sua altitudine deijci, nec tamen quia ipsi matrimonio vfi sunt, minus contemplationem veritatis & diuinorum amauerunt: sed secundum quod conditio temporis requirebat, matrimonio utebantur ad multiplicationem populi fidelis, nec tamen perfectio alicuius personæ est sufficiens argumentum ad perfectionem status, cum aliquis perfectiori mente possit vti minori bono, quam alius maiori bono imperfectiori mente, non igitur quia Abraham vel Moyses perfectior fuit multis qui continentiam seruauit, propter hoc status matrimonij est perfectior quam status continentie, vel ei æqualis.

Super. Cap. 137.



ECUNDO loco impugnatur S. Thom. hæresis Ioviniani non improbantis quidem perpetuam continentiam, sed ei statum matrimonij æquantis. Contra enim ipsum arguit ex præcedentibus sic: Per continentiam homo redditur habilior ad mentis eleuationem in spiritualia & diuina, & quodammodo supra statum hominis ponitur in quadam similitudine angelorum: ergo status continentie est perfectior statu matrimonij.

ADVERTE, quod fundamentum huius rationis est, quia bonum animæ præfertur bono corporis, & bonum contemplatiue vite præfertur bono actiue, & similiter bonum diuinum est potius bono humano, & hæc omnia excellentiora bona virginitati conueniunt. Hinc autem inquit S. Thom. non obstat quod aliqui perfectissimæ virtutis viri matrimonio vfi sunt, vt Abraham, Isaac, & Iacob, tum quia quanto virtus mentis est fortior, tanto minus potest per quæcunque à sua altitudine deijci, tum quia non minus contemplationem veritatis & diuinorum amauerunt matrimonio videntes: sed secundum quod conditio temporis requirebat, matrimonio utebantur ad multiplicationem populi fidelis: tum quia perfectio alicuius personæ non est sufficiens argumentum ad perfectionem status, cum aliquis perfectiori mente possit vti minori bono, & alius maiori bono imperfectiori mente.

AD euidentiā primij dicti istius responsionis aduertendum est, quod, vt ex superioribus patet, continentia laudabilis est, inquantum per ipsam homo ad diuinorum contemplationem redditur habilior. potest autem contingere quod aliquis in matrimonio existens propter mentis virtutem & stabilitatem, ex vsum matrimonij non deijciatur à diuinorum contemplatione, sed illi magis vacet, quam aliquis in celibatu viuens, & tunc iste perfectioris virtutis est quam seruans continentiam, non quia matrimonium perfectius sit continentia, sed quia iste qui matrimonio vtitur, & sic dicuntur Abraham, Isaac, & Iacob perfectissimæ virtutis fuisse, licet matrimonio vfi fuerint: quia maxime vacationi diuinorum intendebant, nec propter matrimonij vsum ab ea deijcebantur, eo quod mentem stabilem ac firmam in diuinis rebus haberent, & firmiorem quam multi habeant continentem.

AD euidentiā secundij dicti considerandum est ex doctrina S. Thom. 2. 2. quæst. 152. artic. 4. ad primum & ad secundum, quod licet virginitas sit melior quam castitas coniugalis, potest tamen coniugatus melior esse quam virgo, si ille scilicet habeat animum magis paratum ad castitatem seruandam, si oportere, quam is qui est actu virgo. Prædicti autem habuerunt animum sic dispositum quod parati erant virginitatem seruare si fuisset tempore congruum, ideo non fuerunt continentibus inferiores, sed aliis quibus etiam superiores fuerunt. Vnde Augustinus in libro de bono coniugali dicit Ioannis celibatam, & Abraham coniugium pro temporum distributione Christo militasse, sed continentiam Ioannem in opere, Abraham verò in solo habitu habuisse. Hoc est quod significauit sanctus Thomas, cum ait, quod non minus contemplationem diuinorum amauerunt matrimonio videntes, sed secundum temporis exigentiam matrimonio utebantur.

AD euidentiā tertij dicti aduertendum est, quod statim quod aliquis imperfectiorem statum sequatur quam alius, & tamen illo perfectior sit: quia potest esse quod ille qui est in statu imperfectiori, aliquam aliam excellentiorem virtutem habeat quam ille qui est in statu perfectiori. tunc enim ille perfectior dicitur, non ratione perfectioris status in quo viuatur, sed ratione perfectioris virtutis quam habet, licet in statu sit secundum suam naturam imperfectiori. hoc voluit significare sanctus Thomas cum inquit, quod cum perfectiori mente aliquis possit vti minori bono quam alius maiori, puta ex maiori charitate, perfectio alicuius personæ non est sufficiens argumentum ad perfectionem status.

De errore eorum qui vota impugnant.

Cap. 138.



VIBVS DAM autem visum est stultum esse obligare se voto ad obediendum alicui, aut ad quodcunque seruandum. Vnumquodque enim bonum quantum liberior agitur, tanto virtuosius esse videtur. quantum autem ex maiori



iori necessitate quis ad aliquid obseruandum alstringitur, tantò minus liberè id agere videtur, videtur igitur derogari laudabilitati virtuosorum actuum per hoc quòd ex necessitate obedientiæ vel voti fiunt. Videntur autem huiusmodi homines necessitatis rationem ignorare. Est enim duplex necessitas: quædam coactionis, & hæc laudem virtuosorum actuum dimittit: quia voluntario contrariatur. coactum enim est quòd est voluntati contrarium. est autem quædam necessitas ex interiori inclinatione procedens: & hæc laudem virtuosorum actuum non minuit, sed auget. facit enim voluntatem magis intensè tendere in actum virtutis. patet enim quòd habitus virtutis quāto fuerit perfectior, tantò vehemèntius voluntatem facit tendere in bonum virtutis, & minus ab eo deficere, quòd si ad finem perfectionis deuenerit, quādam necessitatem infert ad bene agendum: sicut est in beatis, qui peccare non possunt, ut infra \* patebit. nec tamen propter hoc aut libertati voluntatis aliquid deperit, aut actus bonitatis. Est autem & alia necessitas ex fine: sicut cum dicitur alicui necesse esse habere nauem, ut transeat mare, patet autem quòd nec huiusmodi necessitatis libertatem voluntatis dimittit, nec actuum bonitatem: quin potius quòd quis agit quasi necessarium ad finem, ex hoc ipso laudabile est: & tantò laudabilius, quāto finis fuerit melior. necessitas autem obseruandi quæ quis voluit, aut obediendi ei cui se supponit, non est necessitas coactionis: sed nec etiam ex interiori inclinatione proveniens, sed ex ordine ad finem. est enim necessarium volenti hoc vel illud agere: si debet votum impleri, aut obedientia seruari. cum igitur hi fines laudabiles sint, utpote quibus homo se Deo subiicit: necessitas prædicta nihil dimittit de laude virtutis. Est autem vltèrius considerandum quòd dum implentur aliqua quæ quis voluit, vel quæ sibi præcipiuntur ab eo cui se subdidit propter Deum, maiori laude & remuneratione sunt digna. Contingit autem vnum actum duorum vitiorum esse: dum actus vnius vitij ad finem alterius vitij ordinatur, ut cum quis furatur ut fornicetur: actus quidem secundum speciem suam est auaritia: secundum intentionem verò luxuria. Eodem autem modo & in virtutibus contingit quòd actus vnius virtutis ad aliam virtutem ordinatur: sicut cum quis dat sua ut cum altero amicitiam habeat charitatis: actus quidem ex sua specie est libertatis, ex fine autem charitatis. huiusmodi autem actus maiorem laudè habet ex amore virtutis, scilicet ex charitate, quàm ex liberalitate. vnde & si remittatur in eo quòd liberalitatis est ex eo quòd ad charitatem ordinatur: laudabilior & maiori mercede dignus erit, quàm si liberalius ageretur non in ordine ad charitatem. Ponamus ergo aliquem opus aliquod virtutis agentem, puta ieiunantem, vel continentem se à venereis: & quidem si absque voto hoc faciat, erit actus vel castitatis vel abstinentiæ. si autem ex voto, refertur vltèrius ad aliam virtutem, cuius est Deo aliquid vouere, scilicet ad religionem, quæ potior est castitate vel abstinentia: utpote faciens non rectè habere ad Deum. erit ergo actus continentie vel abstinentiæ laudabilior in eo quòd ex voto facit, etiam si non ita delectetur in abstinentia vel continentia, ex eo quòd delectatur in potiori virtute quæ est religio.

2 Item, id quòd potissimum est in virtute, est debitus finis. nam ex fine principaliter ratio boni manat. si ergo finis fuerit eminentior, etiam si in actu aliquis se remissius habeat, erit eius actus virtuosior: sicut si aliquis proponat propter bonum virtutis longam viam agere, alius autem breuem: laudabilior erit qui maius aliquid propter virtutem intendit: licet in progressu viæ lentus procedat. Si autem aliquis facit aliquid propter Deum: illum actum Deo offert. sed si ex voto hoc faciat: nò solum actum, sed etiam potentiam offert Deo. & sic patet quòd propositum suum est ad aliquid maius Deo exhibendum. erit ergo actus eius virtuosior ratione maioris boni intenti, etsi in executione alius videatur feruentior.

3 Præterea, voluntas præcedens actum manet virtute

in tota consecutione actus, & ipsum laudabilem reddit, etiam quādo de proposito voluntatis propter quod actum incipit, in executione operis non cogitabat. nò enim oportet quòd qui propter Deum aliquid iter arripuit, in qualibet parte itineris de Deo cogitet actu. patet autem quòd ille qui vouit se aliquid facturum, intentius illud voluit quàm quis simpliciter facere disponit: quia nò solum facere voluit, sed voluit se firmare, ut non deficeret a faciendo. ex hac igitur voluntatis intentione redditur executio voti cum intentione quādam laudabilis: etiam quādo voluntas vel non actu fertur in opus, vel fertur remisse. sic ergo laudabilius fit quòd ex voto fit, quàm quòd fit sine voto: ceteris tamen paribus.

## Super Cap. 138.



OSTQVAM disputauit sanctus Thomas contra Vigilantium voluntariam pauperatatem impugnantem, & contra eos qui perpetuam impugnant continentiam, vult contra eos qui vota impugnant & obedientiam, disputare. Circa hoc autem duo facit. Primum adducit eorum rationem, & soluit. Secundò contra eos arguit. Dicitur ergo primum, quòd quibusdam visum est stultum esse obligare se voto ad obediendum alicui, aut ad quodcunque seruandum, hac scilicet ratione quia videtur derogari laudabilitati virtuosorum actuum per hoc quòd ex necessitate obediendi vel voti fiunt. Vnumquodque enim bonum quāto libèrius agitur, tantò virtuosius esse videtur, quāto autem aliquis ad aliquid obseruandum alstringitur maiori necessitate, tantò minus liberè id agere videtur. Respondet autem sanctus Thomas, quòd isti videntur rationem necessitatis ignorare. Endò dicit. Primum quòd cum sit triplex necessitas, scilicet coactionis, & ex interiori inclinatione procedens, & ex fine, necessitas coactionis laudem virtuosorum actuum dimittit, quia voluntario contrariatur, non autem alia duæ necessitates: imò necessitas ex interiori inclinatione procedens ipsam auget, quia facit voluntatem intensè tendere in actum virtutis: & si habitus virtutis ad finem perfectionis deuenerit quādam necessitatem infert ad bene agendum, ut in beatis, nec tamen propter hoc aliquid libertati voluntatis deperit, nec bonitati actus. Idem est de necessitate finis quòd enim quis agit tanquam necessarium ad finem, ex hoc ipso laudabile est, & tantò laudabilius quāto finis fuerit melior. Dicitur secundò, quòd necessitas obseruandi quæ quis voluit, aut obediendi ei cui se supponit, est tantum necessitas finis. est enim necessarium volenti hoc vel illud agere: si debet votum impleri, aut obedientia seruari, & ideo cum hi fines laudabiles sint, utpote quibus homo se Deo subiicit, necessitas prædicta nihil dimittit de laude virtutis. Ex ista responsione patet quòd admissa minore de necessitate coactionis, alia propositio subintellecta, scilicet quòd talis sit necessitas voti obseruandi & obediendi implenda, falsa est. Si autem intelligatur ipsa minor de altera aliarum duarum necessitatum, falsa est, quia huiusmodi necessitas neque libertatem neque voluntarium tollit.

SED occurrit circa hoc dubium. Ut enim dicitur in quæst. de Malo. quæst. 16. artic. 5. liberum arbitrium dicitur eo quòd in diuersa possit. sed homo non potest in diuersa respectu eius boni ad quod ex interiori inclinatione ex necessitate, ut patet in beatis qui semper actu diligunt Deum, & non possunt nò actu ipsum diligere dilectione charitatis. ergo talis necessitas non tollit cum libertate. ergo male dicitur, quòd necessitas huiusmodi nihil tollit de libertate voluntatis. Respondetur, quòd cum libertas duobus modis sumatur, scilicet ut opponitur necessitati coactionis, & ut opponitur necessitati naturalis inclinationis, non est de ratione ipsius in quædam opponitur necessitati coactionis quòd in diuersa possit, sed quòd voluntatis inclinatione quis operetur, quòd potest conuenire etiam ageati aliquid ex naturali inclinatione. Nam voluntas vult id in quod homo naturali inclinatione voluntatis fertur. cum voluntas actus nihil aliud sit quàm inclinatio volentis in aliquod. per oppositum autem quòd quis necessitate coactionis agit, inuitus agit, & contra voluntatem. De ratione autem libertatis in quædam opponitur necessitati naturalis inclinationis est, quòd in diuersa possit, quia non habet determinationem ad vnum. vnde de Veritate quæst. 22. artic. 6. inquit sanctus Thomas, quòd voluntas dicitur libera in quantum necessitatem non habet. de hac ergo loquitur sanctus Thomas loco allegato: hic verò loquitur de libertate ut opponitur coactioni. Secundò arguit sanctus Thomas contra prædictum errorem, ostendens quòd dum implentur aliqua quæ quis voluit, vel quæ sibi præcipiuntur ab eo cui se subdidit propter Deum, illa maiori laude & remuneratione sunt digna. hoc autè probat triplici ratione. Pro prima ratione duo præmittit. Vnum est, quòd contingit vnum actum duorum esse vitiorum, dum actus vnius vitij ad finem alterius vitij ordinatur, & similiter actum contingit vnius virtutis ad aliam ordinari, sicut cum aliquis dat sua, ut cum alio amicitiam charitatis habeat. Alterum est, quòd huiusmodi actus virtutis maiorem laudem habet ex charitate ad quam ordinatur, quàm ex liberalitate, cuius est actus secundum suam speciem. Vnde si remittatur in eo quòd liberalitatis est, laudabilior est ex eo quòd ad charitatem ordinatur, & maiori mercede dignus, quàm si liberalius ageretur non in ordine ad charitatem. Tunc sic. Si aliquis facit aliquod opus virtutis absque voto, puta ieiunet vel contineat, erit actus vel castitatis vel abstinentie. si autem ex voto faciat, refertur vltèrius ad religionis virtutem, cuius est aliquid Deo vouere, quæ virtus est potior castitate & abstinentia, utpote faciens non rectè habere ad Deum. ergo laudabilior, eo quòd ex voto facit, etiam si non delectetur in abstinentia vel castitate, ex eo quòd delectatur in potiori virtute quæ est religio.

CVM dicitur quòd vouere actus est religionis aduertendum ex doctrina sancti Thomæ 2. 2. quæst. 88. artic. 5. & 6. quòd actus qui ex voto fiunt in quantum



in quantum huiusmodi ad cultum diuinum pertinet quasi quædam sacrificia, quia votum est quædam promissio Deo facta, promissio autem nihil aliud est quam ordinatio eius quod promittitur in eum cui promittitur, & sic votum est ordinatio quædam eorum quæ quis vouet in diuinum cultum seu obsequium, ordinare autem actum cuiusque virtutis in cultum & obsequium Dei, ad religionis virtutem pertinet, ideo conuenienter dicitur quod videretur actus religionis est.

§ SED occurrit dubium circa hoc quod addit sanctus Thomas, etiam si non delectetur in castitate vel abstinence. Videtur enim de ratione habitus esse vti facit delectationem in opere suo, ut patet per Philosophum secundo Ethicorum: ergo non videtur bene dictum quod aliquis operas opus castitatis vel abstinence in ordine ad religionem, in ipso opere non delectatur ut ratio videtur supponere. Ad hoc potest etiam tripliciter responderi. Primo quod non asserit illud sanctus Thomas, sed sub conditione loquitur, inquantum sita esse etiam si non delectetur operas in ipsa castitate vel abstinence. Secundo, quod non loquitur hic de illis actibus secundum quod ab habitu castitatis & abstinence proueniunt, sed secundum quod materialiter sunt opera castitatis & abstinence, sicut & aliquis quandoque operatur iusta, non tamen ex habitu & virtute iustitie. Tercio ex doctrina S. Thom. 2. 2. quæst. 125. artic. 8. ad 2. de mente. Philos. 3. Ethic. responderi potest, quod non in omnibus virtutibus operari delectabiliter existit, nisi in quantum quis attingit finem, possunt enim opera virtutum secundum sui naturam esse tristia, licet propter finem sint delectabilia. Secundo, si aliquis facit aliquid propter Deum, illum actum Deo offert. Si autem ex voto hoc faciat, non solum actum offert Deo, sed etiam potentiam, ergo propositum suum est ad aliquid maius Deo offerendum: ergo ille actus erit virtuosior, etsi in executione alius videatur feruorior, probatur vltima consequentia, quia cum potissimum in virtute sit finis, si finis fuerit eminentior, quamvis in actu aliquis se remissius habeat, erit eius actus virtuosior: sicut si aliquis proponat propter bonum virtutis longam viam agere, alius autem breuiem, laudabilior erit qui maius aliquid propter virtutem intendit, licet in progressu viæ lentus procedat.

Q VVM dicitur vouentem non solum actum, sed etiam potentiam Deo offerre, aduertendum est illud sic intelligendum esse, quod vouens non solum dat Deo actum ad quem se voto obligauit, sed etiam Deo potestatem agendi offert, quia de cætero non potest licite facere contra id quod vouit, & ideo dicitur maius aliquid Deo offerre quam non ex voto agens: sicut plus daret homini qui daret ei arborem cum fructibus, quam qui fructus tantum daret.

CIRCA hanc rationem duplex dubium occurrit. Primum est, quia quum assumatur quod si finis fuerit eminentior, actus erit virtuosior, non subsumitur ut debet subsumi, quod finis ex voto aliquid agentis sit eminentior, sed quod vouens maius aliquid agere propter Deum proponit, hoc autem non pertinet ad finem, sed ad id quod ordinatur ad finem. Vnde & exemplum etiam quod assumitur ad manifestationem illius propositionis, non videtur ad propositum, quod enim vnus proponat longiorem viam agere propter virtutem, quam alius, non ostendit ipsum agere propter eminentiorem finem, cum vtriusque finis sit virtus, sed quod ad eundem finem maius aliquid ordinat.

Secundum est, quia non videtur hæc consequentia valere: faciens aliquid ex voto maius aliquid offert Deo quam faciens non ex voto: ergo actus eius est virtuosior. Nam (ut patet Marci 12. & Lucæ 21.) magis laudatur à Domino vidua pauperula quæ duo æramina in gazophylacium misit, quam diuites qui multum miserunt.

AD primum dicitur, quod de fine dupliciter loqui possumus. Vno modo de ipso absolute quæ est finis, alio modo de eo quod quis intendit circa rem quæ est finis, sicut finis avari est pecuniæ possessio aut vfus. Ad hoc quod vnus operatio sit altera virtuosior aut laudabilior, sufficit quod altero illorum modorum habeat eminentiorem finem, dicitur ergo quod optime subsumitur de fine in hac ratione, sed secundo modo. Res enim quæ in proposito est finis, materialiter est Deus: ipsa autem subiectio ad Deum est finis tanquam id quod circa Deum intenditur, qui potest dici finis tanquam rei quæ est finis affectio: & quia maiorem subiectionem ad Deum intendit qui aliquid agit propter Deum ex voto, quam qui agit non ex voto: ideo eminentior est finis sui operis, quam finis operis non operantis ex voto. Vnde sanctus Thomas secunda secundæ hanc rationem pertractans, ait quod ille qui aliquid vouet & facit, magis se subiecit Deo, quam qui facit solum. Exemplum etiam est ad propositum. Nam licet longitudo viæ absolute sumpta habeat rationem ordinati ad finem, tamen labor intentus per ipsam ad acquirendam virtutem habet rationem finis proximi: & ideo quia proponens longam viam agere propter virtutem, intendit maiorem laborem in acquirenda virtute, quam proponens breuiem viam agere: ideo eminentiorem finem intendit. Ad secundum dicitur quod facere aliquid maius propter Deum, cæteris paribus est virtuosius, quia maiorem Dei dilectionem ostendit: sicut qui magis aliquid & difficilius propter amicum operatur ostendit se illum magis diligere: ideo qui magis se subiecit Deo, virtuosius operatur. Non obstat autem vidua illa, quia licet id quod obtulit, parum fuerit, & minus quam id quod diuites offerebant, considerata rei quantitate absolute, erat tamen magnum per comparationem ad ipsam quæ pauperula erat: vnde considerata eius paupertate maius offerebat quam diuites, hoc autem ostendit Dominus quum ait quod omnes ex eo quod abundabat illis, miserunt: hæc verò de penuria sua omnia quæ habuit misit. Et sic patet quod non erat paritas ex parte offerentium. Tercio, ille qui vouit se aliquid facturum, intentius, id est maiori intentione illud vult quam qui simpliciter facere disponit. Ergo ex hac intentione redditur executio voti cum intentione quadam laudabilis, etiam quando voluntas vel non actu fertur in opus vel remissè, ergo laudabilior sit quod ex voto fit, quam quod fit sine voto: cæteris tamen paribus, antecedit probatur, quia vouens non solum facere vult sed vult se firmare ut non deficeret à faciendo, consequentia verò prima probatur, quia voluntas præcedens actum manet, virtute in tota consequutione actus, & ipsum laudabilem reddit, etiam quando de tali proposito voluntatis in executione operis non cogitur.

AD euidentiam huius rationis considerandum est, quod cum quis aliquid vouet, voluntatis intentio in duo fertur, scilicet in id quod se facturum vouet, & in immobilitate voluntatis ac firmitatem, vult enim volun-

tatem suam esse firmatam ac stabilitam in eo faciendo, ita quod non liceat sibi deinceps ab illo proposito resilire. propter hoc dicitur quod vouens & aliquid facturum, intentius in illud fertur quam non vouens & agens, cuius voluntas non fertur nisi in actum: & quia hæc intentio vouentis laudabilis est, laudabiliorque quam intentio proponentis se aliquid bonum facturum, sed non vouentis, & manet virtute in executione operis, etiam quando de tali proposito voluntatis non cogitur: ideo actus ipse in executione ex illa intentione prima vouentis qua disposuit se firmare & immobiliter operari, aliquam laudabilitatem habet, quam non habet opus factum non ex voto. propterea optime infert sanctus Thomas ex illa prima intentione vouentis, actum factum ex voto laudabiliorem esse, quam si actus qui non est factus ex voto. Notanda sunt autem verba vltima S. Thom. scilicet, cæteris paribus. Ex hoc enim datur intelligi quod de eodem actu, loquendo, puta abstinence, castitatis, & huiusmodi, est laudabilior illud facere ex voto, quam facere sine voto, eisdem & æqualibus circumstantiis concurrentibus: sed ubi cætera non sint paria, puta quod vnus maiori charitate ageret id quod sine voto agit, quam alius agat, id ad quod voto obligatur, & similia, non est necesse laudabilior esse agere ex voto quam agere sine voto. Hanc materiam plenissime pertractat sanctus Thomas secunda secundæ, loco præallegato, & in tractatu de perfectione vite spiritualis, cap. 12.

Quod merita & peccata non sunt paria.

Cap. 139.



X his autem manifestum est quod neque omnia bona opera, neque omnia peccata sunt paria. Consilium enim non datur nisi de meliori bono: dantur autem consilia in lege diuina de paupertate, continentia, & aliis huiusmodi,

ut supra dictum est. Hæc igitur meliora sunt quam matrimonium vti, & temporalia possidere: secundum quæ tamen contingit virtuosè agere ordine rationis seruato, ut supra ostensum est. non igitur omnes actus virtutum sunt pares.

2 Adhuc, actus speciem recipiunt ex obiectis: quanto igitur obiectum est melius, tanto & actus erit virtuosior secundum speciem suam. finis autem melior est his quæ sunt ad finem: quorum tanto aliquid melius est, quanto est fini propinquius. inter actus igitur humanos ille est optimus qui in vltimū finem, scilicet Deum, immediatè fertur: post quem tanto actus melior est secundum suam speciem, quanto obiectum est Deo propinquius.

3 Amplius, bonū in actibus humanis est secundum quod ratione regulantur. contingit autem aliquos aliis ad rationem magis accedere: quādo actus qui sunt ipsius rationis, magis habet de bono rationis quam actus inferiorum virium, quibus ratio imperat. sunt igitur inter actus humanos aliqui aliis meliores.

4 Item, præcepta legis optime ex dilectione implentur, ut supra dictum est. contingit autem aliquem alio ex maiori delectatione quod faciendum est facere, erit igitur virtuosiorum actuum vnus alio melior.

5 Præterea, si ex virtute actus hominis boni redduntur, contingit autem intentionem etiam eandem maiorem esse in vno quam in alio, oportet ergo quod humanorum actuum sit vnus alio melior.

6 Item, si ex virtutibus actus humani boni redduntur: oportet meliorē esse actum qui est melioris virtutis: contingit autem virtutem vnā altera meliorem esse, puta magnificentiam liberalitate, & magnanimitatem moderantia. erit igitur humanorum actuum vnus alio melior. Hinc est quod dicitur 1. Corinth. Qui matrimonio iungit virgines suas, bene facit: qui autem non iungit, melius facit. Et eisdem etiam rationibus apparet quod non omnia peccata sunt paria: cum per vnum peccatum magis discedatur à fine quam per aliud: & magis peruertatur ordo rationis, & maius nocumentum proximo inferatur. Hinc est quod dicitur Ezech. 16. Sceleratiora fecisti illis in omnibus viis tuis. Per hoc autem excluditur quorundam error, dicentium omnia merita & peccata esse paria. Quod tamē omnes virtuosī actus sint æquales, ex hoc videbatur aliquam rationē habere, quia omnis actus virtuosus est ex fine boni. vnde si omnium bonorum actuum est idem finis boni, oportet omnes æqualiter bonos esse. licet autem sit vnus finis vltimus boni, actus tamen qui ex illo bonitatem habent diuersum bonitatis gradum accipiunt. Est enim in his

Idem 1. 2. q. 73. art. 2.

\* Cap. 130.

\* Cap. 110.





**I**X prædictis infert sanct. Thom. vnum corollarium, v. de-  
licet quod neque omnia bona opera, nec ue omnia pecca-  
ta sunt paria. Circa hoc autem tria faci. Primò proba con-  
clusionem, secundò adducit rationes ad oppositum & fol-  
uit, tertio infert quandam distinctionem de peccato. Cir-  
ca primum duo facit. Primò probat quod non omnes actus  
virtutum sunt pares, secundò quod nec omnia peccata paria sunt. Quan-  
tum ad primum arguit primò sic: Dantur consilia de continentia, pauper-  
tate, & huiusmodi, ergo hæc meliora bona sunt quam matrimonio vi, &  
temporalia possidere, secundum quæ contingit virtuosè agere ordine ra-  
tionis seruato, ergo non omnes actus virtutum sunt pares, probatur prima  
consequencia, quia consilium non datur nisi de meliori bono.

AD EVIDENTIAM huius rationis considerandum est ex doctrina sancti  
Thom. 1.2. quæst. 108. art. 4. & Quod. 5. art. 19. quod præcepta differunt à con-  
siliis, quia cum præceptum imponeret rationem debiti, non autem consi-  
lium, præcepta dantur de iis quæ necessaria sunt ad consecutionem finis  
æternæ beatitudinis: consilia autem sunt de illis per quæ melius & expedi-  
dius potest homo consequi finem prædictum, licet absque eis possit quis  
ad finem peruenire. Vnde in obseruatione consiliorum includitur præcep-  
torum obseruatio, non autem econuerso: qui enim omnia dimittit, non  
rapit aliena, nec furatur: non autem è contrario, qui non rapit aliena, om-  
nia dimittit. Quia ergo melius bonum est obseruare præcepta, sine quibus  
ad beatitudinem perueniri non potest, & ultra hoc aliquid aliud per  
quod ad beatitudinem melius & facilius potest perueniri, quam sola ob-  
seruare præcepta: ideo bene dicitur & hic & alibi à S. Thom. quod consi-  
lium est de meliori bono. Ex hoc patet malè dictum esse à Scoto in secun-  
do Sent. distinct. 21. distinguere peccatum veniale à mortali, quia mortale  
est contra præceptum, veniale verò contra consilium. Patet enim quod  
non tenetur quis seruare consilia, cum sine iis finem consequi possit, & per  
consequens quod ea non obseruare nullum est peccatum, alioquin pec-  
caret qui non dat omnia sua pauperibus, & qui castitas em omnimodam  
non seruat, hæc enim nobis consulantur. Secundò, Quod obiectum est  
melius, tantò & actus est virtuosior secundum speciem suam, quia actus  
speciem recipiunt ex obiectis. Finis etiam melior est iis quæ sunt ad finem,  
& horum tantò aliquid est melius tantò propinquius est fini, ergo inter  
actus humanos ille est optimus qui in vltimū finem scilicet Deum imme-  
diatè fertur, post quem tantò actus est melior secundum suam speciem,  
quantò obiectum est Deo propinquius. Tertio, Contingit aliquos actus ma-  
gis illis ad rationem accedere, ergo, & c. probatur antea edens, quia actus  
rationis magis habent de bono rationis quam actus inferiorum virium,  
quibus ratio imperat, consequens verò probatur, quia bonum in actibus  
humanis est secundum quod ratione regulantur.

AD VERTE, quod nomina actus rationis intelliguntur non solum  
a ratione intellectus, vt distinguuntur à voluntate, sed omnes actus practici  
intellectus partis, secundum quod tota mēs humana ratio dicitur. Quar-  
to, Contingit aliquem magis alio ex maiori dilectione quod agendum est  
agere, ergo, & c. probatur consequentia: quia præcepta legis optimè ex di-  
lectione implentur. Quod contingit intentionem etiam eadem maio-  
rem esse in vno, quam in alio, ergo, & c. probatur consequentia, & est ma-  
nifesta si ex voluntate actus humani boni redduntur.

AD VERTE ex doctrina S. Thom. 1.2. quæst. 22. quod nomine inten-  
tionis intelligitur actus voluntatis circa finem, siue vltimum siue proxi-  
mum, secundum quod est terminus alicuius quod in ipsum ordinat, non  
solum enim ex hoc dicitur intendere sanitatem: quia ipsam volumus, sed  
quia volumus ad eam per aliquid aliud peruenire. Cum ergo inquit san-  
ctus Thomas quod contingit eandem intentionem maiorem esse in vno  
quam in alio, non intelligit de eadem numero actu voluntatis tendentis  
in finem, sed de eodem secundum speciem. Eundem enim finem vult per  
aliqua media assequi vnus maiori seruire & intensiori voluntate quam  
alius: & hoc est eandem intentionem esse maiorem in vno quam in alio:  
& quia ceteris paribus maior & feruentior intentio voluntatis circa bo-  
num est melior, ideo actus humani quia voluntate boni redduntur, tantò  
meliores sunt ceteris paribus, quantò maiori intentione voluntatis sunt.  
Sextò, contingit vnam virtutem altera meliorem esse, ergo, & c. patet con-  
sequentia, quia si ex virtutibus actus humani boni redduntur, oportet me-  
liorem esse actum qui est melioris virtutis.

AD VERTE DVM quod in istis duabus rationibus videtur S. Tho.  
conclusionali ad probationem consequentia, vt ex modo loquedi detin-  
telligi rationem esse ex se manifestam. Conueniens enim est in his quæ  
certissime tenemus & ab omnibus conceduntur, hoc modo loquendi vti.  
Dicimus enim quandoque, si est verum quod Deus sit iustus, iste non eua-  
det impunitus: ac si diceremus, quia verissimum est Deum esse iustum, iste  
suorum scelerum poenā dabit. Confirmatur conclusio auctoritate 1. Co-  
rinth. 7. Secundò, ostendit sanctus Thomas quod non omnia etiam pecca-  
ta sunt paria, & ait quod hoc eisdem rationibus apparet. Primò cum per  
vnum peccatum magis discedatur à fine quam per aliud, in quo tangitur  
ratio secundæ rationi superius dictæ correspondens. Sicut enim bonitas  
in actibus humanis attenditur secundum accessum ad finem, ita malitia  
secundum recessum à fine attenditur. Secundò, cum magis perueratur  
ordo rationis, in quo tangitur ratio tertiæ rationi correspondens. Sicut  
enim bonum in actibus humanis est secundum rationem esse, ita malum  
est contra rationem esse. Tertio, cum maius nocuumentum proximo infe-  
ratur: in quo tangitur ratio quartæ rationi correspondens. Sicut enim opti-  
mè præcepta ex dilectione implentur, ita contra ipsa fit quando cōtra di-  
lectionem agitur aut Dei, aut proximi, nocuumentum proximo inferendo.  
Confirmatur auct. Ezech. 6. Per hoc excluditur error dicentium omnia  
merita & peccata paria esse.

AD VERTE DVM est, quod ista opinio (vt recitat S. Thom. prima  
secundæ, quæst. 73. art. 2. & secundo Sent. dist. 42. art. 5. & in quæstionibus  
de Malo, quæst. 2. artic. 9.) fuit primò Stoicorum, quam imitatus est etiam  
Cicero in Paradoxis. Putauerunt enim Stoici virtutem omnino in indi-  
uisibili consistere: & ideo quantumcunque ab hoc indiuisibili discedatur,  
nihil de bonitate remanere: & sic cum per quodlibet peccatum ab hoc in-  
diuisibili discedatur, existimauerunt omnia peccata esse paria.

HOC

his bonis quæ ad vltimum finem ordinantur, differentia  
graduum, secundum quod quædam sunt aliis meliora, &  
fini vltimo propinquiora. vnde in voluntate & actibus eius  
gradus bonitatis erit secundum diuersitatem bonorum ad  
quæ terminatur voluntas & eius actus, licet vltimus finis  
sit idem. Similiter etiam quod omnia peccata sunt paria,  
videtur ex hoc habere rationē, quia peccatum in actibus  
humanis accidit ex hoc solo quod aliquis præterit regu-  
lam rationis. ita autem præterit regulam rationis qui in  
modico à ratione recedit, sicut qui in magno. videtur igitur  
peccatum æquale, siue in modico siue in magno pec-  
cetur. Huic autem rationi videtur suffragari quod in hu-  
manis iudiciis agitur, nam si alicui statuatur limes quem  
nō transgrediatur, nihil refert apud iudicem siue, multum  
siue modicum sit transgressus: sicut non refert ex quo pu-  
gil limite campi exiit, vtrum parum an longius progredi-  
atur, ex quo igitur regulam rationis pertransiit, non re-  
fert vtrum in modico vel in magno ipsam transierit. Sed  
si quis diligenter inspiciat, in omnibus quorum perfe-  
ctio & bonum in quadam commensuratione consistit:  
quantò magis à debita mensuratione receditur, tantò  
maius erit malum: sicut sanitas consistit in debita com-  
mensuratione humorum: & pulchritudo in debita pro-  
portionem membrorum: veritas autem in commensuratio-  
ne intellectus vel sermonis ad rem. patet autē quod quan-  
tò est maior inæqualitas in humoribus, tantò est maior in-  
firmitas: & quantò est maior inordinatio in membris, tan-  
tò est maior turpitudine. & quantò magis à veritate rece-  
ditur, tantò est maior falsitas, non enim est tam magna fal-  
sitas æstimantis tria esse quinque, sicut eius qui æstimat  
tria esse centum. bonum autem virtutis in quadam com-  
mensuratione consistit, est enim medium secundum debi-  
tam limitationem circumstantiarum inter contrariā vitia  
constitutum, quantò igitur magis ab hac harmonia re-  
ceditur, tantò est maior malitia. Non est autem simile  
virtutem transgredi, & terminos à iudice positos tran-  
sire, nam virtus est secundum se bonum, vnde virtutem  
transgredi est secundum se malum: & ideo oportet quod  
magis à virtute recedere sit maius malum, transgredi au-  
tem terminum à iudice positum non est secundum se ma-  
lum, sed per accidens, in quantum scilicet est prohibi-  
tum. In his autem quæ sunt per accidens, non est neces-  
sarium quod si simpliciter sequitur ad simpliciter, & ma-  
gis sequatur ad magis: sed solum in his quæ sunt per se.  
non enim sequitur si album est musicum, quod magis al-  
bum sit magis musicum, sequitur autem si album est dis-  
gregatum visus, quod magis album sit magis disgrega-  
tum visus.

Est autem hoc inter peccatorum differentias attenden-  
dum, quod quoddam est mortale, & quoddam veniale.  
mortale autem est quod animam spiritali vita priuat: cu-  
ius quidem vitæ ratio ex duobus sumi potest secundum si-  
militudinem vitæ naturalis. viuit enim corpus naturali-  
ter per hoc quod animæ vnitur, quæ est ei principium vitæ.  
corpus autem viuificatum per animam ex seipso mo-  
uetur, sed corpus mortuum, vel immobile manet, vel ab  
exteriori tantum mouetur, sic igitur & voluntas homi-  
nis cum per rectam intentionem vltimo fini coniungitur,  
quod est eius obiectum, & quodammodo forma, viua est:  
& cum per dilectionem Deo & proximo inhæret, ex in-  
teriori principio mouetur ad agendum, recta autem in-  
tentione vltimi finis & dilectione remota, fit anima ve-  
lut mortua, & non mouetur ex seipso ad agendum recta:  
sed vel omnino ab eis agendis desinit: vel ad ea agendum  
solum ab exteriori inducitur, scilicet metu poenarū. quæ-  
cunque igitur peccata intentioni vltimi finis & di-  
lectioni opponuntur, mortalia sunt: si verò his  
saluis aliquis in aliquo recto ordine ra-  
tionis deficiat, non erit mor-  
tale peccatum, sed  
veniale.



HOC autem fundamentum enervat sanctus Thomas secundo Sententiarum, tum quia falsum est virtutem omnino in indivisibili consistere, ut patet per Aristotelem secundo Ethicorum: tum quia licet illud verum esset, non tamen ratio bonitatis in indivisibili consistit, quia contingit perfectionem perfectioni superaddi, quarum unaquaque rationem bonitatis causat: & ideo si duæ perfectiones subtrahantur, minor remanet bonitas, quam si subtrahatur una tantum. Hunc errorem quidam hæretici imitati dixerunt nullam inæqualitatem esse, nec inter peccata, nec inter merita, nec inter præmia, nec inter supplicia.

Quantum ad secundum adducit sanctus Thomas rationes quibus prædictus error confirmari possit. Quod enim omnes virtuosus actus sint æquales, hac ratione videbitur posse confirmari, quod omnium bonorum actuum est idem finis boni. Quod verò omnia peccata sint paria, hac ratione, quia peccatum in actibus humanis accidit ex hoc solo quod aliquis præterit regulam rationis: ita autem præterit regulam rationis qui in immo dico à ratione recedit, sicut qui in magno. Confirmatur, quia si alicui statueretur limes quem non transgrediat, nihil refert apud iudicem siue multum, siue modicum sit transgressus.

AD primum inquit S. Thom. negando consequentiam, quod licet sit unus finis ultimus boni, tamen actus qui ex illo bonitatem habent, diversum bonitatis gradum accipiunt, secundum quod quædam sunt aliis æliora, & fini ultimo propinquiora: unde & in actibus voluntatis gradus bonitatis erit secundum diversitatem bonorum ad quæ terminatur voluntas, & eius actus.

ADVERTENDUM quod finem boni vocat sanctus Thom. hoc loco finem bonitatis quæ est in actibus, ex ordine scilicet ad quem actus habet quod sit bonus. Finis autem ultimus à quo omnia habent bonitatem, est unus, scilicet Deus, sed fines proximi sunt multi qui inter se gradum bonitatis habent ex diversa appropinquatione ad ultimum finem: & ideo ex unitate ultimi finis omnium bonorum non potest argui quod omnia bona sint æqualia, nec per consequens quod omnes actus virtuosique circa huiusmodi bona sunt æquales sint in bonitate. Ad secundum dicit, quod in hominibus quorum perfectio & bonum in quadam commensuratione consistit, quanto magis à debita commensuratione receditur, tanto maius erit malum: declaratur in sanitate, pulchritudine & veritate, bonum autem virtutis in quadam commensuratione consistit. Est enim medium secundum debitam limitationem circumstantiarum inter contraria vitia constitutum, ideo quanto magis ab hac harmonia receditur, tanto est maior malitia. Ex hac responsione vult sanctus Thomas negare consequentiam, si minor propositio intelligatur, ut videtur intelligenda, secundum similitudinem tantum, scilicet quod sicut qui in medico à ratione recedit, regulam rationis præterit, ita & qui in magno. Si autem intelligeretur secundum æqualitatem, scilicet quod tantum præterit regulam rationis qui in medico à ratione recedit, quantum præterit qui recedit in magno, falsa esset ipsa minor. Ad confirmationem dicit, quod non est simile virtutem transgredi, & terminos à iudice positos: quia cum virtus sit secundum se bonum, ipsam transgredi est secundum se malum: transgredi vero terminum à iudice positum, non est secundum se malum, sed per accidens, in quantum scilicet est prohibitum. In his autem quæ sunt per se, necesse est ut sicut simpliciter sumitur ad simpliciter, ita magis sequatur ad magis, non autem in his quæ sunt per accidens. Quantum ad tertium ponit sanctus Thomas unam distinctionem de peccatis, scilicet quod quoddam peccatum est mortale, quoddam verò est veniale. Peccatum mortale est quod animam spirituali vitæ privat: & quia spiritualis vitæ animæ consistit in hoc quod voluntas per dilectionem Deo & proximo inhæreat, vel declaratur ex similitudine corporalis vitæ: ideo quæcunque peccata intentioni ultimi finis & dilectioni opponuntur, mortalia sunt. Si verò his falsis aliquis in aliquo recto ordine rationis deficiat, veniale peccatum erit.

AD evidentiam huius distinctionis, advertendum primum ex doctrina sancti Thomæ 1.2. quæst. 72. secundo Sent. dist. 42. & de Malo, quæst. 7. quod ista nomina, mortale & veniale, importat differentias reatus peccati. Dicitur enim peccatum veniale, quod est dignum venia, id est, quod non excludit terminationem pænæ: mortale autem quod est dignum morte, id est, pœnam æternam meretur, & terminationem pænæ excludit. Unde quia reatus non est ipsa essentia peccati, sed ipsam consequitur, mortale & veniale non sunt differentie essentielles peccati, sed accidentales, prout omnis differentia quæ non est de essentia rei, dicitur illi accidentalis. Sed licet istæ differentie sint extra essentiam peccati, inter se tamen essentialiter distinguuntur: sicut albedo & nigredo sunt inter se essentialiter distinctæ, & tamé accidentaliter tantum dividunt animal, cum per album & nigrum dividitur. Considerandum secundum, quod istæ differentie, mortalis & venialis, aliquando consequuntur ipsam specificam differentiam peccatorum secundum se, aliquando autem non consequuntur differentiam specificam, sed in una & eadem specie peccati inveniuntur, quando differentiam peccatorum specificam consequuntur, ipsa peccata dicuntur talia ex genere. Unde dicitur quod aliquod peccatum ex genere est mortale, aliquod verò est ex suo genere veniale, non quidem quod ista sit divisio generis in species, sed analogi in sua significata: & quia genus & species peccati sumitur ex obiecto, illud dicitur ex suo genere mortale, siue dignum morte æterna, quod est circa materiam repugnantem fini humanorum actuum, qui est charitas siue dilectio Dei & proximi, quia tollit principium vitæ spiritualis, scilicet charitatem, quo remoto non potest anima ex principio intrinseco sanari, illud verò dicitur ex genere veniale, quod est circa materiam quæ huic fini non contrariatur, licet habeat aliquam deordinationem, dum caret debito ordine ad finem. tale enim non removet principium vitæ spiritualis, ideo quantum est ex se sanari potest. Quando autem mortale & veniale non consequuntur differentiam specificam peccatorum, sed in una & eadem specie peccati inveniuntur, non dicitur peccatum utrunque horum ex suo genere, sed dicitur esse unum ex suo genere, alterum verò ex parte peccantis, & per accidens. Quum enim contingit aliquem peccare circa materiam charitati repugnantem, non ex deliberatione, sicut contingit in subitis motibus, tunc tale peccatum est veniale ex parte agentis, licet aliud peccatum sibi simile in specie, sit peccatum mortale. Unde tale peccatum quod in particulari consideratur, est veniale per accidens propter actus imperfectionem, dicitur esse de genere peccati mortalis. Similiter cum accidit aliquem peccare circa materiam non

repugnantem charitati, constituendo in ipso finem ultimum, vel ipsum ordinando ad aliquod peccatum mortale ex suo genere, puta quum quis ordinat verbum oeciosum ad adulterium committendum, tunc tale peccatum est quidem de genere peccati venialis, sed propter peruersam intentionem agentis est mortale per accidens.

Considerandum tertium, quod cum multa accidentant peccato substanti huic differentie accidentali quæ est mortale, & multa accidentant peccato substanti huic accidenti quod est veniale, hoc loco investigavit S. Thom. solas essentielles rationes peccatorum, ad quas originaliter mortalis & venialis differentie consequuntur per se, ut possint dici talia ex suo genere & secundum quas habeant distinguere essentialiter non solum ipsæ differentie quæ his nominibus, mortale & veniale, formaliter importantur, sed etiam ipsa peccata quæ huiusmodi substant differentie: & quia istæ rationes sunt esse actum voluntarium circa materiam non repugnantem charitati: ideo hanc solam distinctionem mortalis & venialis peccati assignavit, omnibus aliis prætermis. sic enim constat quod mortale & veniale non solum formaliter, sed etiam materialiter sumpta habent oppositionem ad invicem, nec possunt in unam speciem peccati convenire, quamvis ex parte agentis in eadem specie aliquid sit mortale, & aliquid veniale. Ex quo patet posse dici ad argumenta Aureoli recitata à Capreolo. 43. distinct. 2. Sentent. quibus probat peccatum essentialiter dividi per mortale & veniale: quod utique verum concludunt, licet non bene. Est enim verum quod istæ differentie, mortale & veniale, inter se essentialiter distinguuntur. est etiam verum quod illa peccata quæ per se illis differentie substant, quæ scilicet ex suo genere dicuntur talia, essentialiter sunt distincta. non est autem verum de ipsis, secundum quod ex parte agentis peccatum mortale aut veniale sunt distincta.

### Quod actus hominis puniuntur & præmiantur à Deo.

Cap. 140.



X præmissis autem manifestum est, quod actus hominis puniuntur vel præmiuntur à Deo. Eius enim est punire vel præmiare, cuius est legem imponere. legis enim latores per præmia & pœnas observantiam legis inducunt. sed ad diuinam providentiam pertinet ut legem hominibus ponat, ut ex prædictis patet. ergo ad Deum pertinet homines punire vel præmiare.

2 Præterea, ubicumque est aliquis debitus ordo ad finem, oportet quod ordo ille ad finem ducat: recessus autem ab ordine finem excludat. ea enim quæ sunt ex fine, necessitatem sortiuntur ex fine: ut scilicet ea necesse sit esse si finis debeat sequi: & eis absque impedimento existentibus finis consequatur. Deus autem imposuit actibus hominum ordinem aliquem in respectu ad finem boni, ut ex prædictis patet. oportet igitur quod si ordo ille recte positus est, quod incedentes per illum ordinem finem boni consequantur: quod est præmiari. recedentes autem ab illo ordine per peccatum, à fine boni excluduntur: quod est puniri.

3 Adhuc, sicut res naturales ordini diuinæ providentiæ subduntur, ita & actus humani, ut ex prædictis patet. utrobique autem convenit debitum ordinem servari, vel etiam prætermitti. hoc tamen interest quod observatio vel transgressio debiti ordinis est in potestate humanæ voluntatis constituta, non autem in potestate naturalium rerum est quod à debito ordine deficiant, vel ipsum sequantur. oportet autem effectus causis per convenientiam respondere. sicut igitur res naturales cum in eis debitus ordo naturalium principiorum & actionum servatur, sequitur ex necessitate naturæ conservatio, & bonum in ipsis: corruptio autem & malum cum à debito & naturali ordine receditur: ita etiam in rebus humanis oportet quod cum homo voluntarie servat ordinem legis diuinitus impositæ, consequatur bonum non velut ex necessitate, sed ex dispensatione gubernantis: quod est præmiari: & econverso malum, quum ordo legis fuerit prætermisus: & hoc est puniri.

4 Amplius, ad perfectam Dei bonitatem pertinet quod nihil ordinatum in rebus relinquat: unde in rebus naturalibus videmus contingere quod omne malum sub ordine alicuius boni concluditur: sicut corruptio aeris est ignis generatio: & occisio ovium est pastus lupi. cum igitur actus humani diuinæ providentiæ subdantur, sicut & res naturales: oportet malum quod accidit in humanis actibus, sub ordine alicuius boni concludi: hoc autem convenientissimè fit per hoc quod peccata puniuntur. sic enim sub ordine iustitiæ quæ ad æqualitatem reducit, comprehenduntur

\* Cap. 114.

\* Cap. 90.



duntur ea quæ debitam quantitatem excedunt. excedit autem homo debitum suæ quantitatis gradum, dum voluntatem suam diuinæ voluntati præfert satisfaciendo ei contra ordinem Dei. quæ quidem inæqualitas tollitur, dum contra voluntatem suam homo aliquid pati cogitur secundum ordinationem. oportet igitur quod peccata humana puniantur diuinitus: & eadem ratione bona facta remunerationem accipiant.

Item, diuina prouidentia non solum disponit rerum ordinem, sed etiam mouet omnia ad ordinis ab eo dispositi executionem, vt supra ostensum est. voluntas autem à suo obiecto mouetur, quod est bonum vel malum. ad diuinam igitur prouidentiam pertinet, quod hominibus bona proponat in præmium, vt voluntas ad rectè volendum moueatur: & mala proponat in pœnam, ad hoc quod inordinationem vitet.

Præterea, diuina prouidentia hoc modo res ordinat, quod vna alteri proficit: conuenientissimè autem homo proficit ad finem boni tam ex bono alterius hominis quam ex malo, dum excitatur ad bene agendum per hoc quod videt bene operantes præmiari: & dum reuocatur à malè agendo per hoc quod videt malè agentes puniri. ad diuinam igitur prouidentiam pertinet quod mali puniantur, & boni præmientur. Hinc est quod dicitur Exod. 20. Ego sum Deus tuus, visitans iniquitatem patrum in filios, & faciens misericordiam his qui diligunt me, & custodiunt præcepta mea. & in Psalm. 61. Reddes vnicuique iuxta opera sua. & Rom. 2. Reddet vnicuique secundum opera sua: his quidem qui sunt secundum patientiam boni operis, gloriam & honorem: his autem qui non acquiescunt veritati, credunt autem iniquitati, iram & indignationem. Per hoc autem excluditur error quorundam dicentium quod Deus non punit: dicebant enim Marchion & Valentinus alium esse Deum bonum, & alium esse Deum iustum qui punit.

#### Super Cap. 140.

**OSTENDIT** S. Thom. quod ad diuinam prouidentiam pertinet hominibus leges dare, vult ulterius ostendere quod ad ipsam pertinet homines punire vel præmiare. Circa hoc autem duo facit. Primum ostendit quod actus hominis puniuntur, vel præmiantur à Deo. Secundò de pœna & præmio determinat cap. sequenti. Quantum ad primum arguit primò sic, Ad diuinam prouidentiam pertinet vt legem hominibus ponat. ergo ad Deum pertinet homines punire vel præmiare. probatur consequentia, quia eius est punire vel præmiare cuius est legem imponere, cum legislatores per præmia & pœnas obseruantiam legis inducant. Secundò, Deus imposuit actibus hominum ordinem aliquem in respectu ad finem boni, id est ad finem à quo omnia bonitate habent. ergo si ordo ille est rectè positus, quod incedentes per illum, finem boni consequantur: scilicet ab ipso Deo, quod est præmiari: recedentes vero ab illo per peccatum, à fine boni excludi, quod est puniri. probatur consequentia, quia vbicumque est aliquis ordo debitus ad finem, oportet quod ordo ille ducat ad finem, recessus vero ab ordine finem excludat, cum ea quæ ad finem ducunt, necessitatem consequantur ex fine. Tertiò, Cum in rebus naturalibus debitus ordo naturalium principiorum & actionum seruatur, sequitur ex necessitate naturæ conseruatio & bonum in ipsis, corruptio autem & malum cum à debito & naturali ordine receditur: ergo & in rebus humanis oportet quod homo voluntariè seruat aut prætermittit ordinem diuinæ legis, consequatur bonum aut malum, non ex necessitate sed ex dispensatione gubernantis, quod est præmiari vel puniri. Probatur consequentia, quia obseruatio & transgressio ordinis diuinæ prouidentie, cui & res naturales & actus humani subduntur, est in potestate humanæ voluntatis constituta, non autem in potestate naturalium rerum: oportet autem effectus causis per conuenientiam respondere.

SED videtur quod ista ratio non concludat. sicut enim in naturalibus bonum aut malum quod sequitur, in ipsam naturam tanquam in principium refertur, quia non est in potestate naturalium rerum sequi ordinem suum, aut ab ipso recedere: ita si debent effectus causis correspondere in humanis actibus, sequitur quod bonum & malum debeat referri in ipsam voluntatem, non autem in dispositionem gubernantis, quia obseruatio & transgressio debiti ordinis est in potestate humanæ voluntatis constituta, & sic non sequitur quod Dei sit præmiare aut punire.

AD hoc dicitur, quod hæc ratio supponit bonum & malum quod ex actione provenit, in omnibus esse ex dispositione gubernantis, sed in aliquibus scilicet in naturalibus sic esse ordinatum, vt illis bonum aut malum ex necessitate naturæ proveniat, in aliquibus vero, id est in voluntariè agentibus sic esse dispositum, vt non ex necessitate naturæ proveniant, sed ex voluntate gubernantis sibi dispensationem boni & mali reseruatis. non enim in voluntariè agentibus conueniens est vt idem sit qui meretur, & retribuit, sed retributio ad superiorem pertinet: & ideo cum homo non ex naturali principio sed voluntate in suas operationes feratur, sequitur quod bonum illi proveniat & malum non ex necessitate naturæ, sed ex voluntate gubernantis.

Quartò, actus humani diuinæ prouidentie subduntur: ergo oportet malum quod in eis accidit, sub ordine alicuius boni concludi: sed hoc conuenientissimè fit per hoc quod peccata puniuntur, ei ergo, &c. probatur prima consequentia, quia ad diuinam bonitatem pertinet quod nihil inordinatum in rebus relinquatur. declaratur in naturalibus, minor verò subsumpta probatur, quia sic ea quæ debitam quantitatem excedunt, comprehenduntur sub ordine iustitiæ. declaratur, quia homo debitum suæ quantitatis gradum excedit, voluntatem suam diuinæ præferendo: quæ quidem inæqualitas tollitur, dum contra voluntatem suam aliquid secundum voluntatem diuinam pati cogitur. Quintò, diuina prouidentia mouet omnia ad executionem ordinis ab eo dispositi: sed voluntas à suo obiecto quod est bonum vel malum mouetur: ergo pertinet ad diuinam prouidentiam bona illi proponere in præmium, vt ad rectè procedendum moueatur: & mala in pœnam, ad hoc quod inordinationem vitet.

AD huius rationis euidentiam considerandum est, vt ex superioribus patet, quod voluntas à suo obiecto mouetur, non quidem per modum efficientis, sed per modum finis. finis autem non mouet nisi voluntati sit propositus: ideo cum Deus vnumquodque ad executionem operis moueat secundum quod eius conditio exigit, conueniens est vt moueat voluntatem illi bonum & malum proponendo, quamuis etiam interius ipsam possit effectiue mouere. Sextò, conuenientissimè homo proficit ad finem boni ex bono & malo alterius, dum excitatur ad bene agendum per hoc quod videt bene operantes præmiari, & dum à malo reuocatur per hoc quod videt malè agentes puniri: ergo ad diuinam prouidentiam verumque pertinet. probatur consequentia, quia diuina prouidentia hoc modo res ordinat, quod vna alteri proficit, confirmatur autem. Exod. 20. Psalm. 61. & Rom. 2. Per hoc excluditur error dicentium quod Deus non punit, scilicet Marchionis & Valentini dicentium alium esse Deum bonum, & alium Deum iustum qui punit.

#### De differentia & ordine pœnarum.

##### Cap. 141.



**VI**A verò (sicut ex prædictis patet) præmium est quod voluntati proponitur, quasi finis quo excitatur ab bene agendo: contrario pœna voluntati proponitur vt à malo retrahatur, quasi aliquid fugiendum & malum, sicut de ratione præmij est quod sit bonum, & voluntati consonum: ita de ratione pœnæ est quod sit malum, & contrarium voluntati: malum autem est priuatio boni: vnde oportet quod secundum differentiam & ordinem bonorum sit etiam ordo & differentia pœnarum. Est autem summum bonum hominis foelicitas, quæ est vltimus finis eius. quantò ergo aliquid est huic fini propinquius, tantò præminet magis hominis bonum. huic autem propinquissimum est virtus, & si quid aliud est quod ad bonam operationem hominum proficiat qua peruenitur ad beatitudinem. consequitur autem & debita dispositio rationis & virium ei subiectarum: post hoc autem & corporis incolumitas, quæ necessaria est ad expeditam operationem: demum autem ea quæ exterius sunt, quibus quasi adminiculantibus vtimur ad virtutem. Erit igitur maxima pœna hominem à beatitudine excludi: post hanc autem, virtute priuari, & perfectione quacunque naturalium virtutum animæ ad bene agendum: dehinc naturalium potentiarum animæ deordinatio: post hoc autem corporis nocumentum: demum autem exteriorum bonorum sublatio. Sed quia de ratione pœnæ est non solum quod sit priuatio boni, sed etiam quod sit contraria voluntati: non autem cuiuslibet hominis voluntas existimat bona secundum quod sunt: contingit interdum quod id quod est maioris boni priuatiuum, est minus contrarium voluntati: & propter hoc minus pœnale esse videtur: & inde est quod plures homines qui bona sensibilia & corporalia magis æstiment & cognoscunt quam intelligibilia & spiritualia, plus timent corporales pœnas quam spirituales: secundum quorum æstimationem contrarius ordo videtur pœnarum ordini supradicto. apud hos enim maxima pœna æstimantur læsiones corporis, & damna rerum exteriorum: deordinatio autem animæ, & dampnum virtutis, & amissio fruitionis diuinæ, in qua consistit vltima hominis foelicitas, aut modicum aut nihil reputatur ab eis. Hinc autem procedit quod hominū peccata à Deo puniri non æstiment: quia vident plerunque peccatores incolumitate corporis vigere, & exteriori fortuna potiri: quibus interdum homines virtuosius priuantur, quam rectè considerantibus mirum videri non debet. Cum enim omnia exteriora ad interiora ordinentur, corpus autem ad animam: intantum



intantum exteriora & corporalia bona sunt homini bona, inquantum ad bonum rationis proficiunt. secundum verò quòd bonum rationis impediunt, homini vertuntur in malum: nouit autem rerum dispositor Deus mensuram virtutis humanæ: unde interdum homini virtuoso corporalia & exteriora bona ministrat in adiutorium virtutis: & in hoc ei beneficium præstat: interdum verò ei prædicta subtrahit, eò quòd considerat homini esse illi ad impedimentum virtutis & fructus diuinæ: ex hoc autem exteriora bona vertuntur homini in malum, ut dictum est. unde & eorum amissio eadem ratione homini vertitur in bonum. si igitur omnis poena malum est: non est autem malum hominem exterioribus & corporalibus bonis priuari, secundum quòd expedit ad profectum virtutis: non erit hoc homini virtuoso poena si priuetur exterioribus bonis in adiumentum virtutis. e contrario autem erit talis in poenam, si eis exteriora bona conceduntur quibus prouocantur ad malum. Unde & Sapient. 14. dicitur, quòd creaturæ Dei in odium factæ sunt, & in tentationem animæ hominum, & in musculam pedibus insipientium. Quia verò de ratione poenæ est non solum quòd sit malum, sed etiam quòd sit cōtrarium voluntati: amissio corporaliū & exteriorum bonorum etiam quando est homini in profectum virtutis, & non in malum, dicitur poena, abusuē, ex eo quòd est contra voluntatem: ex inordinatione autem hominis contingit quòd homo non æstimet res secundum quòd sunt, sed corporalia spiritualibus præferat. inordinatio autem talis aut est culpa, aut ex aliqua culpa præcedente procedens. unde consequenter patet quòd poena non sit in homine etiam secundum quòd est contra voluntatem, nisi culpa præcedente. Hoc etiam ex alio patet, quia ea quæ sunt secundum se bona, non verterentur homini in malum per abusum, nisi aliqua inordinatione in homine existente. Item quòd oporteat ea quæ voluntas acceptat, eò quòd sunt naturaliter bona, homini subtrahi ad profectum virtutis, prouenit ex aliqua hominis deordinatione, quæ vel est culpa, vel sequitur culpam. manifestum est enim quòd per peccatum præcedens fit quædam inordinatio in affectu humano, ut facilius postmodum ad peccatum inclinetur. non ergo est absque culpa etiam quòd oportet hominem adiuuari ad bonum virtutis per id quòd est ei quodammodo poenale, id est, inquantum est absolute cōtra voluntatem ipsius, licet quandoque sit volitum secundum quòd ratio respicit finem: sed de hac inordinatione in natura humana existente ex peccato originali, posterius dicetur: nunc autem id tantum manifestum sit, quòd Deus punit homines pro peccatis: & quòd non punit absque culpa.

Super Cap. 141.



**P**OST QVAM ostendit sanctus Thomas quòd Dei est punire & premiare, nunc de ipsa poena & premio determinat. Circa hoc autem duo facit. Primò determinat de ipsis absolute. Secundò in ordine ad peccatum, cap. 143. Circa primum duo facit. Primò ostendit differentiam & ordinem poenarum. Secundò earum inæqualitatem declarat, cap. sequenti.

Quantum ad primum duplicem poenarum ordinem ponit. Primus est ordo secundum se: & est talis, quòd maxima poena est hominem à beatitudine excludi, post hanc, virtute priuari, & perfectione quacunque naturalium virtutum animæ ad bene agendum: deinde naturalium potentiarum animæ deordinatio, post hoc corporis nocumentum, demum exteriorum bonorum sublatio. declaratur, quia cum de ratione poenæ sit quòd sit malum & cōtrarium voluntati: malum verò sit priuatio boni, oportet secundum differentiam & ordinem bonorum esse differentiam & ordinem poenarum: ordo autem bonorum est quòd summum hominis bonum est felicitas, quæ est ultimus eius finis: deinde virtus tanquam huius finis propinquissimum. & si quid aliud est quòd ad bonam operationem hominum proficiat, quæ peruenitur ad beatitudinem. deinde debita dispositio rationis & virtutum ei subiectarum: deinde corporis incolumitas quæ est ad expeditam operationem necessaria: demum exteriora bona quibus administrantibus utimur ad virtutem.

**ADVERTENDVM** quòd hic queritur ordo inter bona & mala non secundum durationem, aut secundum viam generationis, sed secundum naturam & viam perfectionis, ut scilicet dicatur primum bonum id quòd est summum, & primum malum id quòd omnia hominis mala excedit. Iste autem ordo inter bona accipitur secundum ordinem finis, & eorum quæ sunt ad finem: finis enim primum locum tenet. inter ea autem quæ ordinantur ad finem, quanto aliquid propinquius est fini, tanto, ut

hic dicitur, inter homines præminet bonum: & quia finis hominis in operatione consistit quæ Deo coniungitur, & ad illum finem per actionem peruenitur: tanto aliquid est fini propinquius, & idcirco perfectius, quanto fuerit operationi quæ ad beatitudinem peruenitur immediatius: & quia virtus propinquior & immediatior est operationi huiusmodi, quàm debita dispositio rationis & virtutum ei subiectarum, cum requiratur tanquam forma perfectiua rationis & aliarum potentiarum ei subiectarum, ad hoc ut debita & conueniens finis eliciatur operatio: ideo virtus præminet rationis dispositioni. eodem modo, quia bonum rationis & virtutum subiectarum propinquius se habent ad huiusmodi operationem quàm bona corporis, & bona corporis quàm bona exteriora, quum bona corporis ad bonam animæ ordinentur, & bona exteriora ad corporis bona: ideo bonum rationis præminet bono corporis: & bonum corporis bono rerum exteriorum, loquendo semper de perfecte ordine bonorum. Secundus ordo poenarum est secundum aliquorum hominum existimationem, quorum voluntati minus contrarium est quòd est maioris boni priuatio, & per consequens minus poenale videtur, cum de ratione poenæ sit quòd sit cōtraria voluntati. apud hos enim maxima poena existimantur lesiones corporis, & damna rerum exteriorum: inordinatio inordinatio animæ, damnum virtutis, & amissio fructus diuinæ, aut modicum, aut nihil reputantur ab eis: propter quòd cum bona sensibilia & corporalia magis existimant & cognoscant quàm intelligibilia & spiritualia, & magis timeant corporales poenas quàm spirituales: hinc etiam procedit quòd hominum peccata à Deo puniri non existimant, quia videt plerumque peccatoribus bene esse quantum ad huiusmodi virtutis autem malè. Sed inquit S. Thom. quòd non debet rectè considerantibus mirari talis diuina dispositio videri. Et notat tria. primum est quòd cum bona exteriora & corporalia intantum sint homini bona, inquantum ad bonum rationis proficiunt, mala autem inquantum illud impediunt: Deus qui nouit mensuram virtutis humanæ, interdum homini virtuoso huiusmodi bona ministrat in adiutorium virtutis, interdum verò ei prædicta subtrahit, ne sint illi impedimentum virtutis & fructus diuinæ: ex quo sequitur cum poena malum sit, quòd non est homini virtuoso poena huiusmodi bonis in adiumentum virtutis priuari: sed e contrario malis est in poenam si eis talia conceduntur quibus prouocantur ad malum, quòd ostenditur autho. Sapient. 14. Secundum est quòd amissio corporaliū & exteriorū bonorum etiam quando est homini in profectum virtutis, & non in malum, dicitur abusuē poena, ex eo quòd est contra voluntatem. Tertium est, quòd poena non est in homine nisi aliqua culpa præcedente. probatur, quia & secundum quòd est contra voluntatem, & secundum quòd est malum hominis, & secundum quòd est homini ad profectum virtutis, ex aliqua inordinatione hominis contingit: talis autem inordinatio aut est culpa, aut ex aliqua præcedente culpa procedit. Maior declaratur quantum ad omnes partes, quantum ad primam quidem, quia quòd homo non æstimet res secundum quòd sunt, sed corporalia spiritualibus præferat, ex inordinatione hominis contingit: quantum verò ad secundam: quia ea quæ sunt secundum se bona, non verterentur homini in malum per abusum, nisi aliqua inordinatio in homine existente, quantum verò ad tertiam: quia quòd oporteat ea quæ voluntas acceptat tanquam naturaliter bona homini subtrahi ad profectum virtutis, ex aliqua hominis inordinatione prouenit. Minor verò promittitur inferius declaranda, verumtamen quantum ad tertiam partem spectat ostenditur, quia per peccatum præcedens fit quædam inordinatio in affectu humano, ut facilius postmodum ad peccatum inclinetur.

Ad huius tertij disti euidenciam considerandum est quòd ex prius dictis supponit sanctus Thomas tribus modis contingere homini poenam ex rebus corporalibus & exterioribus. Primò ex eorum subtractione cōtra voluntatem. talis enim subtractio poenalis est, inquantum est contra voluntatem, quia de ratione poenæ est quòd contra voluntatem sit. secundò ex eorum concessione: quado hoc homini vertitur in malum, poenalis est, quia de ratione poenæ proprie dicta est quòd sit malum. Tertio ex eorum subtractione ad profectum virtutis. talis enim subtractio inquantum ad virtutem proficit, licet proprie loquendo in beneficium hominis cedat, & non sit proprie poenalis, tamen improprie & abusuē poenalis est: quia est contra hominis voluntatem absolute, licet ut hic dicitur, quandoque sit volita secundum quòd ratio respicit finem. Primū modum tetigit dum probauit poenam secundum quòd est contra voluntatem ex inordinatione procedere, ex qua falsa prouenit existimatio. intedit enim quòd subtractio huiusmodi bonorum iccirco contra voluntatem est, & consequenter poenalis, quia homo falso æstimat corporalia & exteriora bona spiritualibus eminere, & ea pluris facit quàm debeat: & quia talis falsa existimatio ex aliqua inordinatione procedit, idem de ipsa poena dicendum est. Secundum modum tetigit dum dixit, quòd ea quæ sunt secundum se bona, non verterentur homini in malum per abusum, nisi aliqua inordinatio in homine existente. Concessio enim horum bonorum in malum vertitur homini, & idcirco est ei poena, quia rebus concessis abutitur ad malum. Tertium modum tetigit dum dixit quòd ex inordinatione hominis prouenit ut oporteat ea quæ voluntas acceptat, subtrahi ad profectum virtutis.

**CIRCA** id quòd dicitur esse contra voluntatem hominis absolute priuari corporalibus & exterioribus bonis, licet quandoque sit volitum secundum quòd ratio respicit finem, considerandum est quòd nihil prohibet aliquid secundum se esse cōtrarium voluntati, & tamē in ordine ad aliquem finem esse volitum. Cum enim obiectum voluntatis sit bonum & appetibile, quòd secundum se appetibile non est, sed habet aliquod contrarium appetibilitati, repugnat voluntati: sed quia contingit quòd secundum se appetibile non est, habere appetibilitatem ex ordine ad aliquem finem, sicut contingit de medicina amara in ordine ad sanitatem: ideo euenit ut quòd secundum se consideratum est voluntati contrarium tanquam malum aliquod, sit volitum ex ordine ad finem quem aliquis magis amat quàm aliud bonum quo per malum priuatur. Quia ergo subtractio prædictorum bonorum secundum se mala est, ut pote hominem bonis ad ipsum ordinatis priuans, ideo absolute contra hominis voluntatem dicitur: sed tamen quia quadoque ad profectum virtutis ordinatur, quam homo magis ipsiis corporalibus & exterioribus bonis amat, idcirco eam ut ad hunc finem ratio ordinat, voluntas acceptat. Considerandum vltimò quòd



quod per hunc discursum optime satisfacit sancti Thomae motus dubitationi. Cum enim dicebatur hominibus peccata à Deo non puniri, quia peccatores plerumque corporalibus & exterioribus bonis abundant, patet ex praedictis, quod ex hoc non dicuntur non puniri peccata, imò magis puniri: quia concessio huiusmodi bonorum malis & peccatoribus cedit in poenam, dum eis prouocantur ad malum. Cum etiam confirmatur, quia istis bonis virtuosius quandoque priuantur, & sic videntur absque culpa puniri: patet ex praedictis, primo quod illud proprie non est virtuosius hominibus poena, cum hoc cedat eis in bonum, id est in profectum virtutis: patet secundò quod inquantum talium bonorum subtractio est eis aliquo modo poenalis, utpote contra voluntatem, non infertur nisi propter aliquam culpam praecedentem, saltem originalem: & sic Deus non punit ipsos absque culpa.

E hoc patet responsio ad Durandum, quem adducit Capreolus 36. dist. 2. Sent. Arguit enim quod non semper poena infligitur pro culpa: quia quandoque infliguntur iustis poenae ut merita per patientiam augeantur, ut in Iob accidit: quandoque etiam ad gloriam Dei manifestandam, ut in exco nato. in istis enim patet quod poena non infligitur pro culpa, sed ad hoc dicitur ex praecedentibus, quod illa poena, quae tamen improprie poenae dicuntur, pro aliqua culpa inferuntur: quia non oportet augeri merita, aut gloriam Dei manifestari per huiusmodi poenales, nisi aliquam inordinationem naturae praecedente, quae ex peccato originali processit. Vnde in statu innocentiae non oportuisset hominem ad profectum virtutis & huiusmodi per tales poenales iuari, neque per eas Dei gloria esset manifestata, ut habetur ex doctrina sancti Thomae 1.2. quaest. 87. artic. 7. & 2. Sent. dist. 36. quaest. 1. artic. 4.

Non obstat etiam quod obicit, dicens peccato originali non debetur poenam sensus. Dicitur enim quod hoc verum est post hanc vitam, non autem in hac vita, ubi multae poenales consecutivae se habent ad peccatum originale, licet illi directè non debeantur: sed de hoc inferius erit sermo, cum de peccato originali agetur.

*Quod non omnia praemia & poenae sunt aequales.*

Cap. 142.



Cap. 90.

V autem diuina iustitia id exigit, quod ad aequalitatem in rebus seruandam pro culpis poenae reddantur, & pro bonis actibus praemia, oportet, si est gradus in virtuosius actibus & in peccatis, ut ostensum est, quod sit etiam gradus praemiorum & poenarum. aliter enim non seruaretur aequalitas, si non plus peccanti maior poena, aut melius agenti maius praemium redderetur. Eiusdem enim rationis esse videtur, quod differenter retribuatur secundum differentiam boni & mali, & secundum differentiam boni & melioris, vel mali & peioris.

1. Praeterea, talis est aequalitas distributivae iustitiae, ut inaequalia inaequalibus reddantur: non ergo esset iusta recompensatio per poenas & praemia, si omnia praemia & omnes poenae essent aequales.

2. Adhuc, praemia & poenae à legislatore proponuntur, ut homines à malis ad bona trahantur, ut ex supradictis patet. oportet autem homines non solum trahi ad bona, sed etiam retrahi à malis, sed etiam bonos allici ad meliora, & malos retrahi à peioribus: quod non fieret si praemia & poenae essent aequalia. oportet igitur & poenas & praemia inaequalia esse.

3. Amplius, sicut per dispositiones naturales aliquis disponitur ad formam, ita per opera bona & mala aliquis disponitur ad poenas & praemia: sed hoc habet ordo quem diuina providentia statuit in rebus: quod magis disposita perfectiorem formam consequuntur: ergo secundum diversitatem bonorum operum vel malorum oportet quod sit diversitas poenarum & praemiorum.

4. Item, contingit excessum esse in operibus bonis & malis dupliciter. Vno modo secundum numerum: prout vnus alio habet opera plura bona vel mala: alio modo secundum qualitatem operum, prout vnus alio vel melius vel peius opus habet. oportet autem quod excessui qui est secundum numerum operum, respondeat excessus praemiorum vel poenarum: aliter non fieret recompensatio in diuino iudicio pro omnibus quae quis agit, si aliqua mala remanerent impunita, & aliqua bona irremunerata. pari ergo ratione excessui, qui est secundum inaequalitatem operum, inaequalitas praemiorum & poenarum respondet. Hinc est quod dicitur Deuteronomio 25. Pro mensura peccati erit & plagarum modus. & Isa. 27. In mensura contra mensuram cum abiecta fuerit, vindicabo eam. Per hoc autem excluditur error quorundam dicentium in futuro omnia praemia & poenas esse aequales.



ISA differentia poenarum, visoque earum ordine, ostendit sancti Thomae quod non omnia praemia & omnes poenae sunt aequales: & arguit primò sic. Est gradus in virtuosius actibus & in peccatis, ergo & praemiorum & poenarum: probatur consequentia, quia diuina iustitia exigit quo ad aequalitatem in rebus seruandam pro culpis poenae reddantur, & pro bonis actibus praemia. Eiusdem autem rationis esse videtur quod differenter retribuatur secundum differentiam boni & mali, & secundum differentiam boni & melioris, vel mali & peioris. Secundo, & est confirmatio praecedentis, si illud esset non esset iusta recompensatio per poenas & praemia, quia aequalitas distributivae iustitiae exigit ut inaequalia inaequalibus reddantur, ergo, &c. Tertio, oportet homines non solum trahi ad bona, & retrahi à malis, propter quod praemia & poenae à legislatore proponuntur, sed etiam bonos ad meliora allici, & malos retrahi à peioribus: sed hoc non fieret si praemia & poenae essent aequalia, ergo, &c. Quarto, per opera bona & mala aliquis disponitur ad poenas & praemia, sed secundum ordinem diuinae providentiae magis disposita perfectiorem formam consequuntur, ergo, &c. Quinto, excessui qui est secundum numerum operum, oportet respondere excessum praemiorum vel poenarum, aliter non fieret recompensatio in diuino iudicio pro omnibus quae quis agit: ergo & excessui qui est secundum qualitatem operum, prout videlicet vnus alio vel melius, vel peius opus habet, inaequalitas praemiorum vel poenarum respondet. Confirmatur auth. Deut. 25. & 27. Per hoc excluditur error dicentium, in futuro omnia praemia & poenas esse aequalia.

*De poena quae debetur peccato mortali & veniali per respectum ad vltimum finem.*

Cap. 143.



ST autem ex praedictis manifestum quod dupliciter contingit peccare. Vno modo sic, quod totaliter intentio mentis auertatur ab ordine ad Deum, qui est vltimus finis bonorum: & hoc est peccatum mortale. Alio modo sic, quod manente ordine humanae mentis ad vltimum finem, impedimentum aliquod afferatur quo retardatur ne liberè tendat in finem: & hoc dicitur peccatum veniale. Si ergo secundum differentiam peccatorum oportet esse differentiam poenarum, consequens est quod ille qui mortaliter peccat, sit puniendus sic, quod excidat ab hominis fine: qui autem peccat venialiter, non ita quod excidat, sed ita quod retardetur, aut difficultatem patiatur in adipiscendo finem. sic enim iustitiae seruatur aequalitas, ut quomodo homo peccando voluntarie à fine se diuertit, ita poenaliter contra suam voluntatem in finis adeptione impediatur.

1. Adhuc, sicut est voluntas in hominibus, ita est inclinatio naturalis in rebus naturalibus. si autem ab aliqua re naturali tollatur inclinatio eius ad finem, omnino finem illum consequi non potest: sicut corpus graue cum grauitatem amiserit per corruptionem, & factum fuerit leue, non perueniet ad medium: si autem fuerit in suo motu impeditum, inclinatione ad finem manente, remoto prohibente perueniet ad finem: in eo autem qui peccat mortaliter, omnino auertitur intentio voluntatis à fine vltimo: in illo autem qui venialiter peccat, manet intentio conuersa ad finem: sed aliquantulum impeditur ex hoc quod plus debito inhæret his quae sunt ad finem. igitur ei qui peccat mortaliter, hæc poena debetur, ut omnino excludatur à consecutione finis: ei autem qui peccat venialiter, quod difficultatem aliquam patiatur antequam ad finem perueniat.

2. Amplius, quum aliquis consequitur aliquod bonum quod non intendebat, est à fortuna & casu, si igitur ille cuius intentio est auersa à fine vltimo, finem vltimum assequatur, erit hoc à fortuna & casu: hoc autem inconueniens est, quia vltimus finis est bonum intellectus: fortuna autem intellectui repugnat, quia fortuita absque ordinatione intellectus proueniunt. inconueniens autem est quod intellectus suum finem consequatur non per viam intelligibilem: non ergo consequetur finem vltimum qui peccans mortaliter habet intentionem auersam ab vltimo fine.

3. Item, materia non consequitur formam ab agente, nisi fuerit ad formam disposita conuenienter: finis autem & bonum est perfectio voluntatis, sicut forma materiae: voluntas igitur non consequetur vltimum finem nisi fuerit disposita conuenienter: disponitur autem ad finem, voluntas per intentionem & desiderium finis: non igitur

Contra Gent.

O



consequetur finem cuius intentio à fine aueritur.

5 Præterea, in his quæ sunt ordinata ad finem, talis habitudo inuenitur: quod si finis est, vel erit, necesse est ea quæ sunt ad finem, fore: si autem ea quæ sunt ad finem, non sunt, nec finis erit. si enim finis esse potest, etiam non existentibus illis quæ sunt ad finem, frustra per huiusmodi media quæritur finis. ostensum est autem apud omnes quod homo per opera virtutum in quibus præcipuum est intentio finis debiti, consequitur suum vltimum finem, qui est felicitas. si ergo aliquis contra virtutem agat ab intentione vltimi finis auersus, conueniens est quod vltimo fine priuetur. Hinc est quod dicitur Matth. 7. Discedite à me omnes qui operamini iniquitatem.

Super Cap. 143.



OSTOQVAM determinauit sanctus Thomas de pœna & premio secundum se, determinat nunc de ipsis in ordine ad peccatum & bona opera. Circa hoc autem duo facit. Primum, determinat de pœna quæ in finis priuatione consistit, quæ dicitur pœna damni. Secundum, de pœna quæ est experientia alicuius nocui, quæ dicitur pœna sensus, cap. 145. Circa primum duo facit. Primum, ostendit peccato mortali deberi exclusionem omnino ab vltimo fine, veniali verò difficultatem perueniendi ad ipsum. Secundum ostendit pœnam quæ quis vltimo fine priuatur, oportere interminabilem esse, cap. sequenti.

Quantum ad primum arguit primum sic: Secundum differentiam peccatorum oportet esse differentiam pœnarum: sed per peccatum mortale totaliter intentio mentis aueritur ab ordine ad Deum, qui est vltimus finis bonorum: per peccatum verò veniale manente ordine humanæ mentis ad vltimum finem, impedimentum aliquod affertur quo retardatur ne liberè tendat in finem: ergo mortaliter peccans sic puniendus est, quod excidat ab hominis fine: venialiter autem peccans, quod retardetur, aut difficultatem patiat in adipiscendo finem.

AD euidentiam huius rationis considerandum est quod homo mortaliter non peccat, nisi quando creaturam præfert Deo, ipsam plus amando quam Deum: quod quidem apparet quando magis eligit aliquod aliud quam viuere secundum Deum, & illi inhærere. nam si magis amaret Deum, magis eligeret viuere secundum ipsum, ac eius præcepta quam quocunque temporali bono potiri: sicut quia homo magis propriam vitam amat quam voluptatem, à maxima etiam voluptate retrahitur, si eam existimet esse suæ vitæ infallibiliter peremptiuam: venialiter autem homo peccat quando circa ea quæ sunt ad finem, inordinate se habet, in quantum eis plus vel minus debito intendit, saluato tamen ordine & inclinatione ad debitum finem: quia videlicet licet alicui rei nimis afficiatur, non tamen pro ea vellet Deum offendere, contra eius præceptum aliquid agendo: unde assimilatur venialiter peccans ei qui ad aliquem quidem terminum tendit, sed nimis in via moratur, propter hoc bene dicitur hic, quod per peccatum mortale aueritur totaliter intentio mentis ab ordine ad Deum qui est vltimus finis: per veniale autem non, sed affertur impedimentum quo homo retardatur ne liberè tendat in finem. quia videlicet per peccatum mortale constituit homo finem in creaturam, eam plus quam Deum amando, & recedit ab amore tam habitu quam actu, quo tenetur Deum super omnia diligere. per peccatum autem veniale remouetur fortassis aut diminuitur actualis dilectio Dei super omnia, dum nimis alicui creaturæ homo afficitur, nihil actu de Deo cogitando, & sic impeditur ab actuali Dei dilectione, non tamen remouetur habitualis dilectio Dei, cum per ipsum non remouetur charitas qua Deus semper habitualiter ab habente ipsam super omnia diligitur. Secundum arguitur ex eodem fundamento: sicut est voluntas in hominibus, ita est inclinatio naturalis in rebus naturalibus. sed si à naturali tollatur inclinatio eius ad finem omnino, finem illum consequi non potest: si autem fuerit à suo motu impedita manente inclinatione ad finem, remoto prohibente peruenit ad finem, vt declaratur in graui. ergo ita est in hominibus, sed eius qui peccat mortaliter, voluntatis intentio omnino aueritur à fine vltimo: intentio autem peccantis venialiter manet conuersa ad finem, sed aliquantulum impeditur dum plus debito inhærere iis quæ sunt ad finem. ergo peccanti mortaliter debetur vt omnino excludatur à finis consecutione, peccanti autem venialiter vt difficultatem patiatur antequam ad finem perueniat.

ADVERTENDVM quod per peccatum mortale dicitur quis excludi à finis consecutione, per veniale autem impediri & retardari: quia cum per mortale homo patitur defectum principij perducens ad finem, scilicet charitatis, nunquam ad illum finem quantum est ex intrinseco peruenire potest: per veniale autem homo patitur quandā indecētiam actus quo pergendum erat ad finem: & obligatur ad temporalis pœnæ solutionem: & ideo nisi remota indecētia illa & soluta pœna non potest homo ad beatitudinem, quæ est vltimus finis, peruenire, quod est à consecutione finis retardari. Tertiū, si ille cuius intentio auersa est ab vltimo fine, ipsum assequatur finem, erit hoc à casu & à fortuna: quia cum quis consequitur quod non intendebat, est à casu & à fortuna, sed hoc est inconueniens, quia vltimus finis est bonum intellectus: inconueniens est autem quod intellectus suum finem non consequatur per viam intelligibilem, sed à fortuna. ergo, &c.

ADVERTENDVM quod vltimus finis hominis, vt in superioribus est ostensum, nihil aliud est quam Dei, qui est summa veritas. cognitio & visio per essentiam: cognitio autem veritatis est bonum & perfectio intellectus: ideo bene dicitur quod vltimus finis est bonum intellectus.

ADVERTENDVM est etiam quod cum vnaquæque res ad suum finem habeat inclinationem secundum suæ naturæ conditionem, conueniens est vt vnaquæque etiam secundum modum suæ naturæ finem con-

sequatur: nam naturalia finem consequuntur: sensitiua verò in quantum huiusmodi sensibiliter, id est ex sensibili apprehensione. eadem ratione conueniens est vt intelligibilia suum bonum & suum finem intelligibiliter, id est ex apprehensione intelligibili & intentione voluntatis eam consequente assequantur: & quia fortuna repugnat intelligibili cognitioni, & intentioni eius quod quis assequitur: ideo conueniens non est vt intelligibilia in quantum huiusmodi suum finem à fortuna consequantur: quod sanè eueniret si mortaliter peccans, cuius intentio à fine vltimo omnino aueritur, ipsum vltimum finem præter suam intentionem assequeretur. & hoc est huius rationis fundamentum.

SE D occurrit circa hoc dubium: videtur enim quod venialiter peccans quandoque vltimum finem assequatur præter intentionem: nam si aliquis in ipso actu peccati venialis, puta dum verbum ociosum dicit, moriatur, nihil de Deo cogitando, expiata culpa assequatur beatitudinem, & præter intentionem, quia non est mortuus cum hac intentione, ergo à fortuna quis potest beatitudinem consequi. Responderetur quod licet iste non sit mortuus cum intentione actuali perueniendi ad vltimum finem, habebat tamen habitualem intentionem finis ex charitate in ipso existente, & virtualem etiam intentionem eo quod quandoque se & suam ordinauit in Deum, & contraria intentio non interuenit: & sic non à fortuna sed ex intentione finem assequitur. Quare, finis & bonum est perfectio voluntatis, sicut forma materiæ, ergo ipsum non consequitur nisi fuerit conuenienter disposita: ergo non consequitur ipsum si intentio ab ipso aueritur. probatur prima consequentia ex similitudine materiæ & formæ: secunda verò quia voluntas disponitur ad finem per intentionem & desiderium eius.

Quintū, homo per opera virtutum, in quibus præcipuum est intentio finis debiti, consequitur felicitatem. ergo si quis contra virtutem agat ab intentione vltimi finis auersus, conueniens est quod vltimo fine priuetur. Probatur consequentia, quia in ordinatis ad finem, existente aut futuro fine necesse est ea quæ sunt ad finem fore, & ipsis non existentibus finis non erit alioquin frustra per huiusmodi media finis quæritur.

CIRCA hoc vltimum dictum dubium occurrit: nam contingit aliquem finem posse haberi sine aliquo determinato medio, & tamen non frustra per illud medium quæritur: sicut per vnam potionem aliquis quærit sanitatem quam alia via posset acquirere, & tamen frustra non adhibetur, cum per ipsam fiat sanus. & vniuersaliter quando finis per plura media acquiri potest, nullum illorum mediocum adhibetur frustra, quando sequitur effectus. Respondetur quod hic loquitur sanctus Thomas de medijs ad finem necessarijs, sine quibus finis haberi non potest: sicut se habet intentio finis debiti ad felicitatē. De talibus enim verum est quod si finis esse potest illis non existentibus, frustra per illa quæritur finis, scilicet tanquam per ea quæ ad finem necessaria sunt: obiectio autem procedit de medio non necessario ad finem, licet & ipsum ad finem perducere possit. Confirmatur conclusio auctoritate Mat. septimo.

Quod per peccatum mortale vltimo fine aliquis in æternum priuatur.

Cap. 144.



PORTET autem hanc pœnam qua quis priuatur vltimo fine, esse interminabilem. Priuatio enim alicuius non est nisi quando natus est haberi: (non enim catulus mox natus dicitur visu priuatus) vltimum autem finem non est homo aptus natus consequi in hac vita, vt \* probatum est. \* Cap. 45. Priuatio ergo huiusmodi finis oportet quod sit pœna post hanc vitam: sed post hanc vitam non remanet homini facultas adipiscendi vltimū finem. Anima enim indiget corpore ad consecutionem sui finis in quantum per corpus perfectionem acquirit & in scientia, & in virtute: anima autem postquam fuerit à corpore separata, non redit iterum ad hunc statum quod per corpus perfectionem accipiat, sicut dicebant transcorporationem ponentes, contra quos superius disputatum est. necesse est igitur quod ille qui hac pœna punitur, vltimo fine priuetur, & in æternum priuatus remaneat.

2 Adhuc, si quis priuatur eo quod est in natura eius vt habeatur, impossibile est illud reparari, nisi fiat resolutio in præiacentē materiam, vt iterū aliud de nouo generetur: sicut quum animal amittit visum aut alium sensum, impossibile est autem quod id quod iam generatum est, iterū generetur nisi primum corrumpatur: & tunc ex eadem materia poterit aliud iterum generari non idē numero, sed specie. Res autem spiritalis, vt anima vel Angelus, non potest resolui per corruptionem in aliquam præiacentem materiam vt iterum generetur illud idem specie. si igitur priuetur eo quod est in natura ipsius vt habeat, oportet quod in perpetuum maneat talis priuatio. est autem in natura animæ & angeli ordo ad vltimum, qui est Deus. si ergo ab hoc ordine decidat per aliquam pœnā, in perpetuum talis pœna manebit.

3 Itē, naturalis æquitas hoc habere videtur, quod vnusquisque priuetur bono contra quod agit. ex hoc enim red-

dit se



dit se tali bono indignum: & inde est quod secundum civilem iustitiam, qui contra rempublicam peccat, societate reipublice priuatur omnino vel per mortem, vel per exilium perpetuum: nec attenditur quanta fuerit mora temporis in peccando: sed quid sit contra quod peccauit, eadem autem est comparatio totius vite presentis ad rempublicam terrenam, & totius eternitatis ad societatem beatorum, qui (vt supra ostensum est) vltimo fine eternaliter potiuntur: qui ergo contra vltimum finem peccat, & contra charitatem per quam est societas beatorum & tendentium in beatitudinem, in eternam debet puniri, quamuis aliqua breui temporis mora peccauerit.

4 Præterea, apud diuinum iudicium voluntas pro facto committitur: quia sicut homines videt ea quæ exterius aguntur, ita Deus inspicit hominum corda: qui autem propter aliquod temporale bonum auersus est ab vltimo fine, qui in æternum possidetur: præposuit fructum temporalem illius boni temporalis, æternæ fructui vltimi finis. vnde patet quod multo magis voluisset in æternum illo bono temporali frui: ergo secundum diuinum iudicium ita puniri debet, ac si æternaliter peccasset. nulli autem dubium est quin pro æterno peccato æterna poena debeat: debetur igitur ei qui ab vltimo fine auertitur poena æterna.

5 Adhuc, eadē iustitiæ ratione poena peccatis redditur, & bonis actibus præmium: præmium autem virtutis est beatitudo, quæ quidem est æterna, vt supra ostensum est: ergo & poena qua quis à beatitudine excluditur, debet esse æterna. Hinc est quod dicitur Matthæi 25. Ibunt hi in supplicium æternum: iusti autem in vitam æternam. Per hoc autem excluditur error dicentium poenas malorum quandoque esse terminandas. Quæ quidem positio ortum habuisse videtur à positione quorundam Philosophorum, qui dicebant omnes poenas purgatorias esse, & ita quandoque terminandas, videbatur autem hoc persuasibile, tum ex humana consuetudine: poenæ enim humanis legibus inferuntur ad emendationem vitiorum: vnde sicut medicina quædam sunt: tum etiam ratione. Si enim poena non propter aliud inferretur à puniente, sed propter se tantum, sequitur quod in poenis propter se delectetur: quod bonitas diuinæ non congruit: oportet igitur poenas propter aliud inferri: nec videtur aliud conuenientior finis quam emendatio vitiorum, videtur igitur conuenienter dici omnes poenas purgatorias esse: & per consequens quandoque terminandas: quum etiam illud quod est purgabile, accidentale sit ratione creaturæ, & possit remoueri absque consumptione substantiæ. Est autem concedendum quod poenæ inferuntur à Deo non propter se, quasi Deus in ipsis delectetur, sed propter aliud, scilicet propter ordinem imponendum creaturis: in quo bonum vniuersi consistit. Exigit autem hoc ordo rerum, vt proportionaliter omnia diuinitus dispensentur: propter quod dicitur in libro Sapientiæ: quod Deus omnia facit in pondere, numero, & mensura. sicut autem præmia proportionaliter respondent actibus virtuosiss: ita poena peccatis: & quibusdam peccatis proportionaliter poenæ sempiternæ, vt ostensum est, infligitur Deus pro quibusdam peccatis poenas æternas, vt debitus ordo seruetur in rebus, qui eius sapientiam demonstrat. Siquis tamen concedat omnes poenas ad emendationem vitiorum induci, & non propter aliud, non tamen propter hoc cogitur ponere omnes poenas purgatorias & terminabiles esse: nam & secundum leges humanas aliqui morte puniuntur: non quidem ad emendationem sui, sed aliorum. Hinc est quod Prou. 19. dicitur: Pestilente flagellato stultus sapientior erit. Quidam etiam secundum humanas leges à ciuitate perpetuo excluduntur, vt eis subtractis ciuitas purior reddatur. vnde dicitur Prouerborum 22. Eice derisorem, & exibit cum eo iurgium: cessabunt causæ & contumeliæ. Nihil igitur prohibet etiam si poenæ non nisi ad emendationem morum adhibeantur, quin secundum diuinum iudicium aliqui debeant à societate bonorum perpetuo separari, & in æternum puniri, vt ex perpetuæ poenæ timore homines peccare de-

sistant: & bonorum societas purior ex eorum separatione reddatur, sicut dicitur Apost. 20. Non intrabit in eam (id est, in Hierusalem caelestem, per quam designatur societas bonorum) aliquid coinquinatum, & faciens abominationem & mendacium.

Super Cap. 144.

**S**ECUNDO loco ostendit sanctus Thomas eam penam quam quis vltimo fine priuatur, interminabilem esse. Circa hoc autem duo facit. Primo, propositum ostendit. Secundo, quædam obiecta refellit. Arguit igitur primo sic: Priuatio vltimi finis non est poena nisi post hanc vitam, sed post hanc vitam non remanet homini facultas illius adipiscendi, ergo, &c. probatur maior, quia vltimū finē non est homo natus cōsequi in hac vita, vt est superius ostensum: priuatio autem alicuius nō est nisi quādo nātum est haberi: minor vero probatur, quia anima indiget corpore ad consecutionem sui finis, in quantum per ipsum perfectionem in sciētia & virtute acquirit: postquam autem fuerit separata, non redit iterum ad hunc statum, quod per corpus perfectionem acquirat.

AD huius rationis euidētiā considerandum est quod in ipsa attendit sanctus Thomas communem hominis conditionem, quæ est vt per actus virtutum, qualescunque esse possunt in nobis virtutes siue gratia & charitate homo gratia & charitate priuatur, & liberi arbitrij vsum habens, se ad horum susceptionem à Deo præparet, ipso tamen Deo ad hoc animam mouente: & sic per opera charitate informata, ad vltimi finis consecutionem perueniat. Constat autem quod hoc absque corpore fieri non potest, quum anima non acquirat eiusmodi virtutes quarum in seipsa naturalia habet semina, nisi actibus corporeis multiplicatis: & voluntatis sufficiens motus ad susceptionem gratiæ & iustificationis esse non possit, nisi viribus animæ per huiusmodi exercitia debite dispositis & regulatis: & ideo quum post hanc vitam non sit status acquirendi virtutes per corporeos actus, licet quandoque anima sit corpori reuocanda, cum ille nō sit status vitæ & perfectionis acquirēdis, sed terminus, quum constat hominem post hanc vitam gratiam & charitatem adipisci non posse, & per consequens quod in perpetuum vltimo fine priuatus manebit: & hoc est huius rationis fundamentum. Secundo, in natura animæ & angelī est ordo ad vltimum finem qui est Deus: ergo si ab hoc ordine deiciatur per aliquam penam, in perpetuum talis poena manebit. Probatur consequentia, quia si quis priuatur eo quod est in natura animæ, vt habetur, impossibile est illud reparari, nisi prius fiat resolutio in præiacentem materiam, vt iterum de nouo idem specie generetur, patet in animali amittente visum, res autem spiritalis, vt anima, vel Angelus, non potest in materiam præiacentem per aliquam corruptionem resolui.

CIRCA istam rationem dubitatur. Quum enim dicitur in antecedente quod in natura animæ & angelī est ordo ad vltimum finem, qui est Deus, aut intelligitur de ordine qui est ex gratia & charitate secundum quod homo ad beatitudinem ordinatur: aut de ordine solius naturæ, quomodo dicimus naturam spirituales ex se esse beatitudinis capaces: si accipitur primo modo, tunc falsum est antecedens, nam charitas & gratia non sunt perfectiones naturales hominis, vt ordo ad Deum in ipsis fundatus possit dici à natura inesse spirituali substantiæ. Si vero secundo modo accipitur, falsum est quod ratio supponit, scilicet quod anima post hanc vitam illo ordine priuatur, quæ cum mortali decessit, nam cum ille ordo fundetur & radicetur in natura animæ, manente natura, manet & ipse ordo: in damnatis autem constat quod natura animæ manet.

Respondetur, quod intelligitur de ordine solius naturæ, & non de ordine consequente perfectionem superadditam naturæ: quando autem ordo huiusmodi possit dici naturalis, ostensum est in superioribus.

SED attendendum est, quod de tali ordine, qui nihil aliud est quam habitus quædam animæ ad susceptionem gratiæ & diuinæ fructus meditatione gratia, dupliciter loqui possumus. Vno modo quantum ad ipsam habitudinem secundum se, & secundum suam radicem: alio modo quantum ad exitum ipsius ad actum. Primo modo non potest tolli, vt ostendit sanctus Thomas, part. 1. quæst. 48. artic. 4. & prima secundæ, quæst. 8. artic. 1. & 2. de Malo, quæst. 2. artic. 12. & secundo Sententiarum, dist. 34. Secundo autem modo tolli potest.

ATTENDENDVM secundum quod hunc exitum istius ordinis ad actum tollit, dupliciter possumus intelligere. Vno modo propter defectum ipsius ordinis: alio modo propter aliquod extrinsecum impediens: sicut quod aer non possit illuminari, possemus intelligere aut propter defectum potentie siue habitus aeris ad lucem, aut propter aliquod obstatulum impediens, aut propter solis absentiam. Ordo ergo animæ ad vltimum finem qui est Deus, non potest tolli quantum ad exitum ad actum propter defectum ipsius habitus animæ ad gratiam & beatitudinem: quia ista habitus semper manet in anima quantum ad suam radicem: & sic decedens eum peccato mortali non priuatur tali ordine, sed bene potest tolli propter aliquod impedimentum, scilicet propter peccatum mortale, inter hominem & Deum per modum obstaculi interpositum, & propter subtractionem influxus diuini: & quia obstaculum peccati in damnatis est perpetuum, & subtractio etiam diuini influxus est perpetua: ideo ordo animæ ad beatitudinem nunquam in damnatis in actum exibat: & sic priuatio talis ordinis modo prædicto in eis erit perpetua. Quod autem hoc sit de mente sancti Thomæ, patet, quia in questionibus de Malo, loco allegato ad sextum, ait quod impossibilitas ad gratiam quæ est in damnatis, non est ex totali subtractione habitus naturæ ad bonum, sed ex oblatione voluntatis in malo, & ex immobilitate diuinæ sententiae in eis in perpetuum gratia apponatur. Et prima secundæ, loco præallegato ad tertium, ait quod in damnatis manet naturalis inclinatio ad virtutem, quod autem non reducatur in actum, contingit, quia deest gratia secundum diuinam iustitiam: & dat exemplum de cæco, in quo remanet aptitudo ad videndum in ipsa radice naturæ in quantum est animal naturaliter habens visum, sed non reducitur in actum, quia deest causa quæ possit reducere in actum formando organum. sensus ergo ra-



tionis est, quod quia is qui cum mortali decedit, per penam suam per diuinam punitionem priuatur ordine naturali ad beatitudinem quantum ad exitum ad actum, sic exigente diuina iustitia, oportet (id est, decens & iustum est) ut tali ordine in perpetuum priuetur, propter defectum scilicet causae agentis, non quidem quae non possit, absolute loquendo, illum ordinem ad actum reducere, sed quae immobili voluntate statuit non dare beatitudinem decedenti in mortali, sicut non potest habilitas naturae hominis cuncta ad actum reduci propter defectum causae non potentis hoc facere.

ES attendendum quod haec ratio ex quadam similitudine & proportionem ad ea quae omnino naturalia sunt, procedit. Sicut enim quando quis priuatur eo quod sibi naturaliter & per actionem agentis naturalis debet conuenire, non potest per agentem naturalem ad illud reparari, sicut ostenditur de eo qui amittit visum: ita quando anima priuatur per iustam sententiam ordine sibi naturali ex parte subiecti, sed supernaturali ex parte obiecti & agentis, qualis est ordo ad supernaturalem beatitudinem, conueniens est ut talis ordo nunquam reparatur per agentem voluntarium, cuius erat talis ordinem ad actum reducere.

SED tunc refertur dubium: sicut enim in natura animae est ut habeat ordinem ad beatitudinem, ita in eius natura est ut ordine habeat ad gratiam: quia sicut est susceptiva & capax beatitudinis a Deo, ita est & gratiae capax: sed constat quod ordo animae ad gratiam reparatur in hac vita, quod tamen homo iuste propter peccatum mortale priuatur: ergo & ordo ad beatitudinem reparari potest: & sic ratio non concludit.

AD hoc dicitur primo quod peccans mortaliter quantum est ex se, priuatur etiam gratia irreparabiliter: & per consequens ordine ad ipsam quantum ad exitum ad actum, facit enim se mortaliter peccans indignum & diuinam gratiam, & beatitudinem ad quam per ipsam poterat peruenire ponendo peccatum mortale obstatulum inter se & Deum, quod per se remouere non potest. Dicitur secundo, quod licet quantum est ex parte peccantis, priuatio gratiae perpetua esse debeat: quia tamen Deus quando iudicat mortalis vitam durat, vult ex misericordia ut homo sit victor, possitque ad gratiam redire: ideo gratia quae quis per peccatum priuatur, reparabilis est quantum est ex parte Dei volentis eam preparanti se dare, & hominem ad huiusmodi preparationem mouentis: in statu autem animae post hanc vitam, quia est status termini & non viae, non solum ordo ad beatitudinem reparari non potest, sed nec etiam ordo ad gratiam. Quia ergo sanctus Thomas loquitur de priuatione ultimi finis post hanc vitam, quando scilicet est homini in penam, & in illo statu ratione ipsius status non conuenit reparatio ordinis amissi: idcirco conclusit talem ordinem, qui quantum est ex parte peccantis irreparabilis est, absolute reparari non posse.

Tertio, naturalis aequitas habet ut unusquisque priuetur bono contra quod agit, probatur, tum quia reddere se tali bono indignum, tum exemplo agentis contra rem publicam, ergo qui contra ultimum finem peccat, & contra charitatem per quam est societas beatorum & tendentium ad beatitudinem, in aeternum debet puniri, quamuis aliqua breui temporis mora peccauerit.

ATTENDENDUM quod per vltima verba, & per ea quae rationi interposita sunt, vult sanctus Thomas vnam objectionem excludere. Posset enim aliquis arguere, quod licet quis mereatur per peccatum mortale priuari beatitudine contra quam agit, non tamen debet perpetuo ipsa priuari, sed ad tempus: quia poena debet correspondere peccato, peccatum autem non est perpetuum, sed quandoque breui temporis mora perficitur. Respondet sanctus Thomas, quod poenam non oportet respondere peccato quantum ad durationem, quod patet etiam in humanis legibus. Nam qui contra rem publicam peccat, societate reipublicae per ciuilem iustitiam priuatur omnino, vel per mortem, vel per exilium perpetuum, quia non consideratur quanta fuerit mora temporis in peccando, sed quid sit contra quod peccauit. Est autem (ut hic dicitur) eadem comparatio totius vitae praesentis ad rem publicam terrenam, & totius aeternitatis ad societatem beatorum: & ideo sicut per totam vitam praesentem reipublica priuatur qui contra ipsam agit ita societate beatorum priuari aeternaliter debet qui contra ipsam peccat. Quod autem dicitur poenam debere correspondere peccato, intelligitur secundum acerbitatem, ut dicitur 1.2. quae est 87. articulo tertio, ad primum.

Quarto, mortaliter peccans ita puniri debet ac si aeternaliter peccasset, ergo, & c. patet consequentia: quia nulli dubium est, quin pro aeterno peccato poena aeterna debeat. Antecedens vero probatur, quia apud diuinum iudicium voluntas pro facto computatur, qui autem propter temporale bonum auersus est ab vltimo fine qui in aeternum possidet, praeposuit illius fruiioni fruiioni vltimi finis, & sic patet quod multo magis voluisset in aeternum illo bono temporali frui.

CIRCA istam propositionem, apud diuinum iudicium voluntas pro facto computatur, considerandum est ex doctrina sancti Thomae 1.2. quae est 20. articulo 4. quod intelligitur quando voluntas perfecta est & completa, & non cassatur ab actu exteriori nisi propter impossibilitatem faciendi, propter hoc enim quod voluntate existente perfecta homo cessat ab actu exteriori propter impotentiam faciendi, nihil diminuitur de merito aut de culpa: & ideo quia Deus corda hominum intuetur, & non solum actuum exteriorum remunerator est, sed etiam interiorum: ideo quantum ad inflictionem poenae aut dationem praemij, apud ipsum tantum praemiatur voluntas huiusmodi sine opere, quantum praemiatur etiam si opus adesset, ceteris paribus ex parte voluntatis: apud humanum autem iudicium non est sic, quia enim homines ea tantum quae exterius aguntur intuetur, ideo solum de exterioribus actionibus habent iudicare, & per consequens illas tantum praemiare habent vel punire.

Quinto, praemium virtutis, scilicet beatitudo est aeterna, ergo & poena quae quis a beatitudine excluditur, debet esse aeterna, probatur consequentia: quia eadem iustitiae ratione poena peccatis redditur, & bonis actibus praemium.

ADVERTERE quod ad iustitiae distributionem pertinet mala & bona vnicuique aequaliter secundum proportionem dare, id est, ut quantum quis virtuosius operatur, tanto sibi magis de bono tribuatur: & quanto quis magis peccat, tanto magis affligatur poena. propter hoc inquit S. Thomae eadem iustitiae ratione poenam peccatis reddi, & bonis actibus praemium

Confirmatur conclusio auctoritate Matthaei 23. Per hoc excluditur opinio dicentium, poenas malorum esse quandoque terminandas, quae opinio processisse videtur a quibusdam Philosophis dicentibus omnes poenas purgatorias esse, & per consequens terminandas. Quantum ad secundum adducit sanctus Thomas rationes quasdam pro praedicta positione, & eas soluit. Prima est quia poena humanis legibus inferuntur ad emendationem vitiatorum. Secunda est quia oportet poenam propter aliud inferri, alioquin Deus propter se delectaretur in poenis, quod diuine derogat bonitati: non videtur autem aliis conuenientior finis quam emendatio vitiatorum. Ad secundum horum respondet quod vique poenae propter aliud inferuntur, non autem propter emendationem vitiatorum, sed propter ordinem imponendum creaturis, qui exigit ut proportionaliter ipsis omnia dispensentur, ut patet Sapientia 10. ut scilicet sicut poenae proportionaliter bonis adibus respondent, ita poena malis respondeat, & quibusdam malis poena semper aeterna, ut est ostensum.

AD primum vero dicitur quod si quis concedat omnes poenas non ad aliud quam ad emendationem vitiatorum induci, non tamen cogitur ponere omnes poenas purgatorias esse & terminandas, ut ratio inferat quod ostenditur, quia sicut secundum humanas leges aliqui morte puniuntur, non quidem ad emendationem sui, sed aliorum, ut etiam patet Proverbiorum 29. Aliqui etiam a ciuitate perpetuo exilio excluduntur ad maiorem ciuitatis puritatem secundum consilium Proverbiorum 22. ita etiam secundum diuinum iudicium nihil prohibet aliquos a societate bonorum perpetuo separari & in aeternum puniri, ut homines timore eius modi poenae peccata redistant, & societas bonorum purior ex eorum separatione reddatur, ut dicitur Apocalypsis 20.

EX hac responsione vult habere sanctus Thomas id quod prima secundae quae est 27. articulo 2. & 3. & alibi expresse ponit, scilicet quod poena non semper est ad emendationem eius qui puniatur, nec est semper ei medicinalis, sed bene est ad aliorum emendationem ut saltem metu poenae peccata redistant: & ideo non oportet ponere omnes poenas purgatorias esse, tanquam sint medicinae eius qui puniatur ad eius salutem ordinatae, sed sunt quaedam poenae quae punitiones tantum sunt, & solum rationem poenae habent, sicut latro suspenditur non ad eius emendationem, sed ut alij timore poenae desistant a furto.

Quod peccata puniuntur etiam per experientiam alicuius nocui.

Cap. 145.



NON solum autem qui contra Deum peccant, puniendi sunt, per hoc quod a beatitudine perpetuo excludantur, sed etiam per experimentum alicuius nocui. Poena enim debet proportionaliter culpae respondere, ut supra ostensum est, in culpa autem non solum auertitur mens ab vltimo fine, sed etiam indebitè conuertitur in alia quasi in fines, non solum ergo puniendus est qui peccat, per hoc quod excludatur a fine, sed etiam per hoc quod ex aliis rebus sentiat nocumentum.

2. Amplius, poenae inferuntur pro culpis, ut timore poenarum homines a peccatis retrahantur, ut supra dictum est. nullus autem timet amittere id quod non desiderat adipisci: qui ergo habent voluntatem auersam ab vltimo fine, non timent excludi ab illo, non ergo per solam exclusionem ab vltimo fine a peccando reuocarentur: oportet igitur peccantibus aliam poenam adhiberi, quam timeant peccantes.

3. Item, si quis eo quod est ad finem, inordinate vitetur, non solum fine priuatur, sed etiam aliud nocumentum incurrit, ut patet in cibo inordinate assumpto, qui non solum sanitatem non affert, sed etiam aegritudinem inducit: qui autem in rebus creatis finem constituit, eis non vitetur secundum quod debet, referendo scilicet ad vltimum finem: non ergo solum debet puniri per hoc quod beatitudine careat, sed etiam per hoc quod aliquod nocumentum ab ipsis experiatur.

4. Præterea, sicut recte agentibus debentur bona, ita peruerse agentibus debentur mala. sed illi qui recte agunt, in fine ab eis intento percipiunt perfectionem & gaudium: e contrario ergo debetur hæc poena peccantibus, ut ex his in quibus sibi finem constituunt, afflictionem accipiant & nocumentum. Hinc est quod diuina scriptura peccatoribus comminatur non solum exclusionem a gloria, sed etiam afflictionem ex aliis rebus. Dicitur enim Matthaei 23. Discedite a me maledicti in ignem aeternum, qui paratus est diabolo & angelis eius. & in Psalm. 10. Pluet super peccatores laqueos, ignis, & sulphur, & spiritus procellarum pars calicis eorum. Per hoc autem excluditur opinio Algazelis, qui posuit quod peccatoribus hæc sola poena redditur quod affligentur pro amissione vltimi finis.

Super



Super Cap. 145.

**P**OSTQUAM ostendit sanctus Thomas peccato mortali debere poenam quæ est beatitudinis privatio, ostendit consequenter quod contra Deum agentes sunt puniendi etiam per experientiam alicuius nocui. Circa hoc autem duo facit. Primo ostendit propositum. Secundo vnum corollarium inferit, cap. seq. Quantum ad primum arguit sic: In culpa non solum auertitur mens ab ultimo fine, sed etiam indebitè conuertitur in alia quasi in fines: ergo sic peccans non solum est puniendus per hoc quod excludatur à fine, sed etiam per hoc quod ex aliis rebus sentiat nocumentum: patet consequentia, quia poena debet proportionaliter culpæ respondere.

**ADVERTENDUM** quod auersio & conuersio secundum quod inueniuntur in peccato, intelliguntur secundum affectum & voluntatem: auersio quidem secundum quod voluntas quæ Deum deberet tanquam ultimum finem habere, non inclinatur in ipsum tanquam in finem ordinando sua in ipsum ultimè, & ipsum super omnia amando. Conuersio verò secundum quod voluntas amat aliquid creatum tãquam vltimè finem, & super omnia, & ad ipsum omnia sua ordinat. Illi igitur auersioni conuenientissimè pro poena respondet carentia diuinæ fruitionis, vt scilicet sicut Deum quis peccando dereliquit, ita à Deo derelinquatur, non sitque diuinæ fruitionis & beatitudinis particeps. Conuersioni verò conueniens est vt respondeat pro poena nocumentum aliquod ex creaturis, vt sicut in creaturis quis est plus debito voluntariè delectatus, ita ex ipsis creaturis nocumentum accipiat & tristitiam. Secundo, qui habent voluntatem auersam ab vltimo fine, non timent ab illo excludi, ergo per solam exclusionem ab vltimo fine à peccando non reuocantur: ergo oportet peccantibus aliam poenam quam timeant adhibere, probatur antecedentibus quia nullus timet amittere quod non desiderat adipisci. Vltima verò cõsequens probatur, quia poenæ inferuntur pro culpis, vt timore poenarum homines à peccatis reuerantur.

**ADVERTERE** quod hoc non dicitur quasi ad nullum aliud inferantur poenæ, quàm vt homines à peccato retrahantur (nam dictum est in præced. cap. quod inferuntur à Deo propter ordinem seruandum in creaturis) sed intelligitur quod vltra illum ordinem in creaturis seruandum, inferuntur etiam vt homines à peccato retrahantur. Tertiò, qui in creaturis finem constituit, eis non vitur sicut debet, referendo scilicet ad vltimum finem, ergo, &c. probatur consequentia, quia si quis eo quod est ad finem inordinatè vitur, non solum sine priuatur, sed etiam aliud nocumentum incurrit, vt patet in cibo inordinatè assumpto ab infirmo.

**ADVERTENDUM** quod licet mortaliter peccant, in aliquam creaturam tanquam in finem inclinatur: & sic talis creatura apud ipsum non accipitur tanquam aliquid ordinatum ad finem, sed tãquam finis: omnis tamen creatura secundum se considerata, ad Deum tanquã ad vltimè finem ordinatur: idcirco bene dictum est quod constituens finem in creaturis, inordinatè vitur eo quod est ad finem. Quartò, qui rectè agunt, in finem ab eis intento percipiunt perfectionem & gaudium: ergo e contrario debent peccantes ex his in quibus finem constituunt, afflictionem accipere & nocumentum, probatur consequens, quia sicut rectè agentibus debentur bona, ita peruersè agentibus debentur mala. Confirmatur autem Matth. 25. & Psal. 10. Excluditur autem per hoc opinio Algazelis ponentis peccatores sola vltimi finis amissione affligendos esse.

**ADVERTERE** quod hanc opinionem attribuit etiam Auicennæ sanctus Thomas, 4. sent. dist. 43. quantum ad hoc quod peccatores non puniuntur per experientiam alicuius corporalis nocuenti, sed per separationem à fine: addidit tamen Auicenna quod præter poenam separationis à fine, animarum malorum post mortem etiam per corporum similitudines puniuntur, sicut in somnis per huiusmodi similitudines existentes in phantasia, videtur hominibus quod torqueantur, quod esse impossibile ostendit ibidem sanctus Thomas. Quomodo autem anima à corpore separata ex aliquo corporeo nocumentum pati possit, ostenditur inferius libro quarto.

Quod iudicibus licet poenas inferre.

Cap. 146.

**Q**UIA verò poenas à Deo inflictas aliqui parui pendunt, propter hoc quod sensibilibus dediti, solum ea quæ videntur curant: ideo per diuinam prouidentiam ordinatè est, vt in terris sint homines qui per poenas sensibiles & præsentis alios ad obseruantiam iustitiæ cogant, quos manifestum est non peccare dum malos puniunt. Nullus enim peccat ex hoc quod iustitiam facit: iustum autè est malos puniri: quia per poenam culpa ordinatur, vt ex supradictis patet: non igitur iudices peccant malos puniendo.

Adhuc, homines qui in terris super alios constituntur, sunt quasi diuinæ prouidentie executores. Deus enim per suam prouidentiam ordinem per superiora inferiora exequitur, vt ex supradictis patet, nullus autem ex hoc quod exequitur ordinem diuinæ prouidentie peccat: habet autem hoc ordo prouidentie, vt boni præmientur, & mali puniantur, vt ex supradictis patet: non igitur homines qui aliis præsent, peccant ex hoc quod bonos remunerant, & puniunt malos.

Amplius, bonum non indiget malo sed e conuerso: illud igitur quod est necessarium ad conuersationem boni, non potest esse secundum se malum: ad conseruationem autem concordie inter homines necessarium est quod

poenæ malis infligantur, punire igitur malos non est secundum se malum.

Item, bonum commune melius est quàm bonum particulare vnius. Subtrahendum est igitur bonum particulare, vt conseruetur bonum commune: vita autem quorundam pestiferorum impedit commune bonum, quod est concordia societatis humanæ: subtrahendi igitur sunt huiusmodi homines per mortem ab hominum societate.

Præterea, sicut medicus in sua operatione intendit sanitatem, quæ consistit in ordinata cõcordia humorum: ita rector ciuitatis intendit in sua operatione pacem, quæ consistit in ciuium ordinata concordia: medicus autè abscondit membrum putridum bene & vtiliter, si per ipsum immineat corruptio corporis. Iuste igitur & absque peccato rector ciuitatis homines pestiferos occidit, ne pax ciuitatis turbetur. Hinc est quod dicit Apostolus. 1. Corint. 5. Nescitis quia modicum fermentum totam massam corrumpit: & post pauca subdit: Auferte malum ex vobis ipsis. Rom. 13. dicitur de potestate terrena, quod non sine causa gladiū portat: Dei enim minister est, vindex in iram ei qui malè agit. 1. Pet. 2. dicitur: Subiecti estote omni humanæ creaturæ propter Deum: siue regi quasi præcellenti, siue ducibus tanquam ab eo missis ad vindictam malefactorum, laudem verò bonorum. Per hoc autem excluditur error quorundam dicentium vindictas corporales non licere fieri: qui ad sui fulcimentum erroris inducunt quod dicitur Exod. 20. Non occides. Inducunt etiam quod dicitur Matth. 13. quod Dominus ministris volentibus zizaniam colligere de medio tritici, respondit: Sinite vtraque crescere vsque ad messem. Per zizaniam autem filij nequam intelliguntur: per messem autem, seculi finis: vt ibidem dicitur. non igitur mali subtrahendi sunt de medio bonorum per occisionem. Inducunt etiam quod homo quandiu in mundo est, potest in melius transmutari: non ergo est per occisionem subtrahendus à mundo, sed ad poenitentiam referendus. Hæc autem friuola sunt: nam in lege quæ dicit. Non occides: postmodum subdit, Malificos non patieris viuere. Ex quo datur intelligi occisionem hominum iniustam prohibitam esse: quod etiam ex verbis Domini apparet Matthæi 5. nam quum dixisset: Audistis quia dictum est antiquis: Non occides: subiunxit: Ego autem dico vobis: Qui irascitur fratri suo, &c. Ex quo dat intelligere illam occisionem esse prohibitam, quæ procedit ex ira, non autem illam quæ procedit ex zelo iustitiæ. Quod etiam Dominus dicit: Sinite vtraque crescere vsque ad messem: qualiter intelligendum sit, apparet per illud quod sequitur: Ne forte colligentes zizania, eradicetis simul & triticum. Ibi ergo interdicitur malorum occisio, vbi hoc sine periculo bonorum fieri non potest: quod plerumque contingit, quod mali nondum discernuntur à bonis per manifesta peccata: vel quando timetur periculum ne mali multos bonos post se trahant. Quod verò mali quandiu viuunt, emendari possunt, non prohibet quin iuste possint occidi: quia periculum quod de eorum vita imminet, est maius & certius, quàm bonum quod de eorum emendatione expectatur, habent etiam in ipso mortis articulo facultatem vt per potentiam conuertantur ad Deum: quod si adeo sunt obstinati, quod etiam in mortis articulo cor eorum à malitia non recedit, satis probabiliter æstimari potest quod nunquam à malitia resipiscant.

Super Cap. 146.

**E**x prædictis inferit sanctus Thomas hoc corollarium quod iudices puniendo malos non peccant. Circa hoc autem duo facit, primo probat propositum: secundò quasdam obiectiones excludit. Quantum ad primum præmittit quod quia poenas à Deo inflictas parui pendunt aliqui, eo quod dediti sensibilibus ea tantum quæ videntur curant, per diuinam prouidentiam ordinatum est vt sint in terris homines qui per poenas sensibiles & præsentis alios ad obseruantiam iustitiæ cogant. tunc arguit primo sic: Iustum est malos puniri: quia per poenam culpa ordinatur: ergo iudices non peccant dum malos puniunt, probatur consequentia, quia nullus peccat per hoc quod iustitiam facit. Secundo homines qui in terris super alios constituntur, sunt quasi diuinæ prouidentie executores: ergo non peccant bonos remunerando, & malos puniendo, probatur cõsequens: quia nullus

Contra Gent.

O 3

Idem 2. 2. q. 64. artic. 2. &amp; 3.

\* Cap. 79.

Cap. 78. &amp; 79.



peccat ex eo quod exequitur ordinem diuinæ providentiæ: habet autem ille ordo ut boni præmiantur, mali verò puniantur. Tertiò, ad conseruationem concordia inter homines necessarium est quod pœnæ malis infligantur. ergo illud non est secundum se malum, ergo, &c. probatur consequentia, quia quod est necessarium ad conseruationem boni, non potest esse secundum se malum. Quartò, vita quorundam impedit commune bonum, scilicet societatis humanæ concordiam, ergo subtrahendi sunt per mortem ab hominum societate. probatur consequentia: quia subtrahendum est bonum particulare, ut conseruetur bonum commune. Quintò, medicus abscondit membrum putridum bene & vtiliter si per ipsum imminet corruptio corporis, ergo & rector ciuitatis homines pestiferos iuste & absque peccato occidit, ne pax ciuitatis turbetur. probatur consequentia. quia sicut medicus intendit ordinatam humorum concordiam, ita rector ciuitatis intendit ciuium ordinatam concordiam.

ADVERTENDVM quod quilibet persona singularis ad tota communitatē comparatur sicut pars ad totum. omnis autem pars est propter totum, ideo si salutē totius expedit partis abscissio, ipsa laudabiliter abscinditur: & secundum hoc fundamentum ratio hæc procedit. Confirmatur auth. 1. Cor. 5. Rom. 13. & 1. Pet. 2.

ADVERTENDVM ex doctrina sancti Thomæ 2. 2. quæst. 108. artic. 9. in illatione pœnarum considerandus est punientis animus: quia si eius intentio principaliter feratur in malū eius qui punitur, & ibi quiescat, non est omnino licitum: quia ad odium pertinet in malo alterius delectari: si verò intentio feratur ad bonum ad quod per pœnam peccantis peruenitur, potest iusta esse punitio, aliis circumstantiis obseruatis, ut scilicet puniens auctoritate habeat puniendi, & ut discretē fiat punitio, & huiusmodi. idcirco S. Tho. in omnibus rationibus supradictis aliquid tergit quod ad rectam iudicis intentionem pertinet. Quantum ad secundum inquit per hoc excludi errorem quorundam dicentium vindictas corporales nō licere inferri: inducebant autem primò auth. Exo. 20. dicentem: Non occides. Secundò auth. Matth. 13. vbi Dominus dixit de zizania & tritico, Sinite vtraque crescere vsque ad messē. Tertiò, quia quandiu homo in mundo est, potest in melius transmutari.

AD PRIMVM autem dicitur quod per illa verba, iniusta tantum hominis occisio prohibetur, ut patet ex superioribus verbis, & ex verbis Domini Matth. 5.

AD SECUNDVM dicitur, quod ibi interdicitur malorum occisio, vbi hoc sine periculo bonorum fieri non potest, quod plerumque fit, quando mali nondum discernuntur a bonis per manifesta peccata, vel quando timeatur periculum ne mali multos bonos post se trahant. intellige, quia si multos habeant sequaces, possent boni pro ipsorum defensione insurgere, & sic periculo mortis exponi.

AD TERTIVM dicitur primò, quod periculum quod de malorum vita imminet, & maius & certius est quam bonum quod de eorum emendatione expectatur. Dicitur secundo quod habent in ipso mortis articulo facultatem conuertendi se ad Deum per potentiam: quod si non faciant, probabile est quod nunquam à malicia resipiscant.

ADVERTENDVM quod (ut dicebatur superius) tunc hominem occidere licet, quando perniciosus est reipublicæ: tunc autem reipublicæ perniciosus est, quando ipsius vita bonum commune impedit, concordiam scilicet & pacem societatis: & quia bonū commune præponderat bono particulari, ideo & malum quod bonum commune priuat, maius est quam malum quod priuat bonū particulare, & magis habet de ratione mali quam bonum vnius particularis habet de ratione boni. propter hoc inquit S. Thom. quod periculum quod ex vita hominis huiusmodi perniciosi imminet, maius est quam bonum quod de eorum emendatione expectatur.

*Quod homo indiget diuino auxilio ad beatitudinem consequendam.* Cap. 147.

Idem. 1. 2. q. 109. artic. 5.



VIA verò ex superioribus manifestum est quod diuina providentia aliter disponit creaturas rationales quam res alias, secundum quod in conditione naturæ propriæ ab aliis differunt, restat ostendendum quod etiam ex dignitate finis altioris gubernationis modus à diuina providentia eis adhibetur. manifestum est autem quod secundum conuenientiam suæ naturæ ad altiorem participationem finis perueniunt. quia enim intellectualis naturæ sunt, per suam operationem intelligibilem veritatem attingere possunt: quod aliis rebus non competit quæ intellectu carent, & secundum quod ad intelligibilem veritatem naturali operatione perueniunt, manifestum est eis aliter prouideri diuinitus quam aliis rebus: inquantum homini datus est intellectus & ratio per quæ veritatem & discernere & inuestigare possit. Data sunt etiam ei vires sensitiuæ & interiores & exteriores, quibus ad inuestigandam veritatem adiuvetur: datus est etiam ei loquelæ usus, per cuius officium veritatem quam aliquis mente concipit, alteri manifestare possit: ut sic homines seipsos iuuent in cognitione veritatis, sicut & in aliis rebus necessariis vitæ, cum sit homo animal naturaliter sociale. sed vltimus finis hominis in quadam veritatis cognitione constitutus est, quæ naturalem facultatem ipsius excedit, ut scilicet ipsam primam veritatem videat in seipsa, sicut supra ostensum est. hoc autem inferioribus creaturis non competit, ut scilicet ad finem peruenire possint

qui eorum facultatem naturalem excedat. oportet igitur ut etiā ex hoc fine attendatur diuersus gubernationis modus circa homines & alias inferiores creaturas. ea enim quæ sunt ad finem, necesse est fini esse proportionata. si igitur homo ordinatur in finem qui eius facultatem naturalem excedit, necesse est ei aliquod auxilium diuinitus adhiberi supernaturale, per quod tendat in finem.

2. Adhuc, res inferioris naturæ in id quod est proprium superioris naturæ non potest perducī, nisi virtute illius superioris naturæ: sicut luna quæ ex se non lucet, fit lucida virtute & actione solis, & aqua quæ per se non calet, fit calida virtute & actione ignis: videre autem ipsam primam veritatem in seipsa, ita transcendit facultatem humanæ naturæ, quod est propriū solius Dei, ut supra ostensum est. indiget igitur homo auxilio diuino ad hoc quod in dictum finem perueniat.

3. Item, vnaquæque res per operationem suam vltimum finem cōsequitur: operatio autē virtutem sortitur ex principio operante: vnde per actionem feminis generatur aliquid in determinata specie: cuius virtus in semine præexistit. nō potest igitur homo per operationem suam peruenire in vltimum finem suum, qui transcendit facultatem naturalium potentiarum, nisi eius operatio ex diuina virtute efficaciam capiat ad finem prædictum.

4. Amplius, nullum instrumentum secundum virtutem propriæ formæ potest ad vltimā perducere perfectionem, sed solum secundum virtutem principalis agentis: quāvis secundum propriam virtutem aliquam dispositionē facere possit ad vltimā perfectionem. à terra enim secundum rationem propriæ formæ, est sectio ligni: sed forma scami est ab arte quæ vtitur instrumento: similiter resolutio & consumptio in corpore animalis est à calore ignis: sed generatio carnis, & determinatio augmenti, & alia huiusmodi sunt ab anima vegetabili, quæ vtitur calore igneo sicut instrumento: sub Deo autem, qui est primus intellectus & volens, ordinantur omnes intellectus & voluntates sicut instrumenta sub principali agente. oportet igitur quod eorum operationes efficaciam non habeant respectu vltimæ perfectionis, quæ est adeptio finalis beatitudinis, nisi per virtutem diuinam. indiget igitur rationalis natura diuino auxilio ad consequendum vltimum finem.

5. Præterea, homini sunt impedimenta plurima perueniendi ad finem. Impeditur enim debilitate rationis quæ de facili trahitur in errorem, per quem à recta via perueniendi in finem excluditur. Impeditur etiam ex passionibus partis sensitiuæ, & ex affectionibus quibus ad sensibilia & inferiora trahitur: quibus quanto magis inhæret, longius ab vltimo fine distat, hæc enim infra hominem sunt: finis autem superior eo existit. Impeditur etiam plerumque corporis infirmitate ab executione virtuosorum actuum quibus ad beatitudinem tenditur: indiget igitur auxilio diuino homo, ne per huiusmodi impedimenta totaliter ab vltimo fine deficiat. Hinc est quod dicitur Ioan. 6. Nemo potest venire ad me, nisi pater qui misit me traxerit illum. & 15. Sicut palme non potest ferre fructum à semetipso nisi manserit in vite, sic nec vos nisi in me manseritis. Per hoc autem excluditur error Pelagianorum, qui dixerunt quod per solum liberum arbitrium homo poterat Dei gloriam promereri.

*Super Cap. 147.*



OSTENDITUR autem sanctus Thomas quod diuina providentia aliter disponit creaturas rationales quam res alias, secundum quod in conditione naturæ propriæ ab aliis differunt, vult vltimò ostendere quod etiam secundum quod ab aliis dignitate finis distinguuntur, altioris gubernationis modus eis à diuina providentia adhibetur. Et quidem quantum ad finem naturalem manifestum esse dicit, quod ad altiorem finis participationem perueniunt, cum solæ per suam operationem intelligibilem veritatem attingere possint: manifestum etiam esse ait quantum ad hunc naturalem finem, eis aliter diuinitus prouideri quam aliis rebus, inquantum est datus homini intellectus, & vires sensitiuæ quibus ad inuestigandam veritatem adiuvetur, & loquelæ usus quo homines se in cognitione veritatis iuuent: quæ scilicet aliis non sunt data, sed quantum ad vltimū hominis finem qui in quadam veritatis cognitione constitutus est, quæ naturalem eius



elus facultate excedit, in quo homo inferiores creaturas excedit: vult ostendere quod etiam ex hoc attenditur diuersus gubernationis modus circa homines & circa alias creaturas inferiores. Et ostendit quod homo auxilio quodam supernaturali ad hunc finem dirigitur, quod aliis respectu proprii finis non conuenit. Circa hoc autem tria facit. Primum ostendit, quod homo indiget diuino auxilio ad consequendum huiusmodi finem supernaturalem. Secundum, quod eo indiget ad perseverandum in bono, cap. 155. Tertiū, quod eo indiget ad resurgendum à peccato, cap. 156. Circa primum tria facit. Primum ostendit propositum. Secundum ostendit quid tale auxilium sit, cap. 150. Tertiū de ipsius effectibus determinat, cap. 151. Circa primum duo facit. Primum ostendit prædicti auxilij necessitatem. Secundum, ostendit hominem non posse ipsum promereri, cap. 149. Circa primum duo facit. Primum ostendit propositum. Secundum, quandam falsam opinionem excludit, cap. sequenti.

Quantum ad primum ostendit quod homo ad beatitudinem consequendam diuino indiget auxilio, & arguit primum sic: Ea quæ sunt ad finem, necesse est fini esse proportionata, ergo si homo ordinatur ad finem, qui eius facultatem naturalem excedit, necesse est ei aliquod auxilium supernaturale diuinitus exhiberi per quod tendat in finem.

Ad euentiam huius rationis considerandum est quod omni rei ordinata ad alium finem sua operatione consequendum, necesse est ineffe aliquid quo possit ad illum finem operari, alias nunquam operaretur, propter finem, oportet autem id quo res ad finem operatur, esse fini proportionatum. non enim vnumquodque omni fini conueniens est, sicut non omni arti quæcunque instrumenta deseruiunt, sed vnaquæque sua determinata habet instrumenta: & ideo sicut ad consequendum finem sibi connaturalē data sunt homini naturalia principia, quæ sunt intellectus & voluntas, atque vires sensitiuæ, (vt dictum est supra) ita ad consequendum supernaturalem finem, qui scilicet naturæ humanæ facultatem excedit, necesse est vt detur homini aliquod supernaturale principium, cum per naturalia principia ad ipsum peruenire non possit, & hoc vocatur diuinum auxilium, quia est aliquid diuinitus homini concessum quo homo iuuatur ad supernaturalem finem consequendum. Secundum, videre primam veritatem in seipsa, ita transcendit facultatem humanæ naturæ, quod est proprium solius Dei, ergo, &c. probatur consequentia, quia res inferioris naturæ in id quod est proprium superioris naturæ non potest produci nisi virtute illius superioris naturæ, declaratur in luna, quæ non fit lucida nisi virtute solis, & in aqua quæ non calet nisi ignis virtute.

**ADVERTE** quod videre primam veritatem in seipsa, dicitur esse proprium solius Dei, non quia nullo modo alteri possit conuenire, sed quia per naturam conuenit Deo, non autem alicui alij. Tertiū, vnaquæque res cuius scilicet est operari sue agere per suam operationem finem vltimum consequitur, sed operatio virtutem sortitur ex principio operante, vt patet in feminis operatione, ergo in finem supernaturalem non potest homo per suam operationem peruenire, nisi eius operatio ex diuina virtute efficaciam capiat.

**ADVERTENDVM** fundamentum huius rationis esse, quod per propria naturalia principia non potest homo elicere operationem qua perducatur ad finem facultatem naturalium principiorum transcendendam, si enim per naturalia principia talem operationem posset elicere, iam finis facultatem naturalium principiorum non transcenderet: ideo necesse est operatio qua ad finem perducitur, ab aliquo alio principio naturalibus principijs superaddito habeat efficaciam: alioquin cum operatio ex principio operante efficaciam habeat, nunquam per operationem suam homo ad illum finem posset peruenire.

Quartum, sub Deo qui est primus intelligens & volens, ordinatur omnes intellectus & voluntas, sicut instrumenta sub principali agente, ergo eorum operationes efficaciam non habent respectu vltimæ perfectionis, quæ est adeptio finalis beatitudinis, nisi per diuinam virtutem, ergo, &c. probatur prima consequentia, quia nullum instrumentum secundum virtutem propriæ formæ potest ad vltimam perducere perfectionem, sed solum secundum virtutem principalis agentis, quamuis ad eam secundum propriam virtutem aliquam dispositionem facere possit, declaratur in terra & calore animalis. Quintum, homini sunt impedimenta plurima perueniendi ad finem, scilicet debilitas rationis, passionēs, & affectiones partis sensitiuæ, & corporis infirmitas: ergo indiget auxilio diuino, ne per huiusmodi impedimenta totaliter ab vltimo fine deficiat. Confirmatur auct. Ioan. 6. & 15. Excluditur autem per hoc Pelagianorum error, dicentium hominem per solum liberum arbitrium posse Dei gloriam promereri.

**ADVERTENDVM** autem circa istam conclusionem, quod non idcirco ponimus hominem indigere diuino auxilio ad consequendam beatitudinem, quasi Deus non possit de potentia absoluta dare beatitudinem non habentem tale auxilium, quam inferius gratiam nominabit, aut non possit hominem sine tali gratia ordinare & acceptare ad beatitudinem. hoc enim diuine potentie non repugnat, sed quia sine tali auxilio quæ est gratia, homo non potest consequi beatitudinem tanquam formaliter & intrinsecè dignus beatitudine, & tanquā opera sua sine tali auxilio sint formaliter vitæ æternæ meritoria. si enim à Deo huiusmodi opera acceptentur tanquam pro quibus Deus velit beatitudinem dare non existente gratia in homine, erunt digna vitæ æternæ extrinsecè, id est, per diuinā acceptationem tantum, non autem intrinsecè, quasi videlicet in seipsis habeant aliquid quo formaliter digna sint tali præmio: ex quo patet argumenta Scoti in 17. diff. 1. non procedere contra mentem sancti Thomæ, quum procedant contra primum sensum, non autem contra secundum: vide apud Capreolum in eadem distinctione prima.

*Quod per auxilium diuine gratie homo non cogitur ad virtutem.*

Cap. 148.



**P**OSSET videri alicui quod per diuinum auxilium aliqua coactio homini inferatur ad bene agendum, ex hoc quod dictum est: Nemo venit ad me, nisi pater qui misit me traxerit

eum, & ex hoc quod dicitur Rom. 8. Qui spiritu Dei aguntur, hi filij Dei sunt. & 2. Cor. 5. Charitas Christi urget nos. trahi enim, & agi & urgeri, coactionem importare videntur. Hoc autem non esse verum manifestè ostenditur. diuina enim prouidentia rebus omnibus prouidet secundum modum eorum, vt supra ostensum est. est autè proprium homini & omni rationali creaturæ quod voluntariè agat, & suis actibus dominetur: vt ex supradictis patet, huic autem coactio contrariatur. non igitur Deus suo auxilio hominem cogit ad rectè agendum.

**o** Adhuc, diuinum auxilium sic intelligitur ad bene agendum homini adhiberi, quod in nobis nostra opera operatur. sicut causa prima operatur operationes causarum secundarum: & agens principale operatur actione instrumenti, vnde dicitur Isa. 26. Omnia opera nostra operatur es in nobis Domine. causa autè prima causat operationem causarum secundarum secundum modum ipsius: ergo & Deus causat in nobis nostra opera secundum modum nostrum, qui est vt voluntariè & non coactè agamus: non igitur diuino auxilio aliquis cogitur ad rectè agendum.

**3** Amplius, homo per voluntatem ordinatur in finem. obiectum enim voluntatis est bonum & finis, auxilium autem diuinum nobis ad hoc præcipuè impenditur, vt cōsequamur finem. eius ergo auxilium non excludit à nobis actum voluntatis: sed ipsum præcipuè in nobis facit. Vnde & Apost. dicit ad Phil. 2. Deus est qui operatur in nobis velle & perficere pro bona voluntate. coactio autè excludit in nobis actum voluntatis. coactè enim agimus cuius contrarium volumus. non ergo Deus suo auxilio nos cogit ad rectè agendum.

**4** Item, homo peruenit ad vltimum suum finem per actus virtutum. felicitas enim virtutis præmium ponitur: actus autem coacti non sunt actus virtutum: nam in virtutè præcipuum est electio, quæ sine voluntario esse non potest, cui violentum contrarium est: non igitur diuinitus homo cogitur ad rectè agendum.

**5** Præterea, ea quæ sunt ad finem, debet esse fini proportionata: finis autem vltimus, qui est felicitas, non competit nisi voluntariè agentibus, qui sunt domini sui actus: vnde neque inanimata neque bruta animalia felicia dicimus, sicut nec fortunata aut infortunata, nisi secundum metaphoram: auxilium igitur quod homini datur diuinitus ad felicitatem consequendam, non est coactiuum. Hic est quod Deut. 30. dicitur: Considera quod hodie proposuerit Dominus in conspectu tuo vitā & bonum: & econuerso mortem & malum: vt diligas Dominum Deum tuum, & ambules in viis eius: si autem auersum fuerit cor tuū, & audire nolueris, prædico tibi hodie quod pereas, &c. & Ecclesiast. 15. dicitur. Ante hominem est vita & mors, bonum & malum: quod placuerit ei, dabitur illi.

Super. Cap. 148



**V**IA posset alicui videri ex auct. Ioan. 6. & Apost. ad Rom. 8. & 2. Cor. 5. quod per prædictum diuinum auxilium aliqua coactio inferatur homini ad bene agendum, vult sanct. Tho. hac falsam existimationem excludere. Et ponit hanc conclusionem: Per auxilium diuinæ gratiæ homo non cogitur ad virtutem. Et arguit primum sic: Proprium est homini & omni rationali creaturæ, quod voluntariè agat, & suis actibus dominetur, ergo Deus suo auxilio hominem non cogit ad rectè agendum. probatur cōsequentia, quia diuina prouidentia rebus omnibus prouidet secundum modum earum.

Secundum, diuinum auxilium sic intelligitur ad bene agendum homini adhiberi, quod Deus in nobis nostra opera operatur sicut causa prima, vt patet etiam Isa. 26. Sed causa prima causat operationem causarum secundarum secundum modum ipsius, ergo & Deus causat in nobis nostra opera secundum modum nostrum, qui est vt voluntariè & non coactè agamus, ergo, &c. Ista ratio differt à præcedenti: quia illa procedit ex vniuersali modo gubernationis diuinæ prouidentie, ista autem procedit ex modo agendi causæ primæ circa actiones causarum secundarum. Tertiū, auxilium diuinum nobis ad hoc præcipuè impenditur, vt cōsequamur finem, ergo non excludit à nobis actum voluntatis, sed ipsum præcipuè in nobis facit, quod etiam Apostolus ad Philippens. secundo confirmat, dum ait, Deus est qui operatur in nobis velle &c. probatur prima consequentia, quia homo per voluntatem ordinatur in finem. Secunda verò, quia coactio excludit in nobis actum voluntatis, cum coactè agamus id cuius cōtrarium volumus. Quartum, actus coacti non sunt actus virtutum, cum principium in eis sit electio, quæ sine voluntario esse non potest, ergo, &c. Probatur consequentia, quia homo per actus virtutum peruenit ad vltimum finem.

Contra Gent.

o 4



Quinto, finis ultimus qui est felicitas, non competit nisi voluntarie agentibus, qui sunt domini sui actus, unde neque inanimata neque bruta felicitia dicimus, ergo, &c. probatur consequentia, quia quæ sunt ad finem, debent finem esse proportionata. Confirmatur autoritate Deuteronomij 30. & Eccl. 15. Ad auctoritates in principio capituli adductas, quibus videbatur probari quod homo per gratiam ageretur ad bene operandum, non respondet sancti Thomæ, quia ex dictis solutio patet, ex eo enim quod Deus omnibus secundum modum suæ naturæ prouidet, ut dictum est, habetque natura rationalis ut liberè agat: constat quod trahi, ut gere, & similia, non dicunt coactionem, sed tantum inclinari & moueri ad bonum libertate seruata.

Quod prædictum auxilium homo promereri non potest. Cap. 149.

Idem. 1. 2. q. 114. artic. 5.



**E**X prædictis autem manifestè ostenditur quod auxilium diuinum homo promereri non potest. Quælibet enim res ad id quod supra ipsam est, materialiter se habet: materia autem non mouet seipsam ad suam perfectionem: sed oportet quod ab alio moueatur. homo igitur non mouet seipsam ad hoc quod adipiscatur diuinum auxilium quod supra ipsam est: sed potius ad hoc adipiscendum à Deo mouetur. motio autem mouentis præcedit motum mobilis ratione & causa. non igitur propter hoc datur nobis auxilium diuinum, quia nos ad illud per bona opera promouemur: sed potius nos ideo per bona opera proficimus, quia diuino auxilio præuenimur.

2. • Adhuc, agens instrumentale non disponit ad perfectionem inducendam à principali agente, nisi secundum quod agit ex virtute principalis agentis: sicut calor ignis non magis præparat materiam ad formam carnis, quam ad aliam formam, nisi in quantum agit in virtute animæ: sed anima nostra operatur sub Deo sicut agens instrumentale sub principali agente. non igitur potest se anima præparare ad suscipiendum effectum diuini auxilij: nisi secundum quod agit ex virtute diuina. præuenitur igitur diuino auxilio ad bene operandum magis quam diuinum auxilium præueniat, quasi merendo illud, vel se præparando ad illud.

3. Amplius, nullum agens particulare potest vniuersaliter præuenire actionem primi vniuersalis agentis: eo quod omnis actio particularis agentis originem habeat ab vniuersali agente: sicut in istis inferioribus omnis motus præuenitur à motu cælesti: sed anima humana ordinatur sub Deo sicut particulare agens suo vniuersali: impossibile est ergo esse aliquem rectum motum in ipsa quem non præueniat actio diuina. unde & Ioan. 15. dominus dicit: Sine me nihil potestis facere.

4. Item, merces proportionatur merito, cum in retributione mercedis & qualitas iustitiæ obseruetur: effectus autem diuini auxilij qui facultatem naturæ excedit, non est proportionatus actibus quos homo ex naturali facultate producit: nõ igitur per huiusmodi actus potest homo prædictum auxilium mereri.

5. Præterea, cognitio præcedit voluntatis motum: cognitio autem supernaturalis finis est homini à Deo, cum per rationem naturalem in ipsum attingere homo non possit: eo quod facultatem naturalem excedat: oportet ergo quod motus voluntatis nostræ in ultimum finem auxilium diuinum præueniat. Hinc est quod dicitur ad Titum. 3. Non ex operibus iustitiæ quæ fecimus nos, sed secundum suam misericordiam saluos nos fecit. & Rom. 9. Non est volentis, scilicet velle: nec currentis, scilicet currere: sed miserentis Dei: quia scilicet oportet quod ad bene volendum & operandum homo diuino præueniatur auxilio: sicut consuetum est quod effectus aliquis non attribuitur proximo operanti, sed primo mouenti. attribuitur enim victoria duci, quæ labore militum perpetratur, non ergo per huiusmodi verba excluditur liberum voluntatis arbitrium, sicut quidam malè intellexerunt, quasi homo non sit dominus suorum actuum, interiorum & exteriorum: sed ostenditur Deo esse subiectum. Et Thren. 5. dicitur: Conuertere nos Domine ad te, & conuertemur. per quod patet quod conuersio nostra ad Deum præuenitur auxilio Dei non conuertentis. Le-

gitur tamen Zachar. 1. ex persona Dei dictum: Conuertimini ad me, & conuertar ad vos. non quia Dei operatio nostra conuersionem præueniat, ut dictum est, sed quia conuersionem nostram quæ ad ipsum conuertimur, adiuuat subsequenter eam roborando ut ad effectum perueniat: & stabiliendo ut finem debitum consequatur. Per hoc autem excluditur error Pelagianorum, qui dicebant huiusmodi auxilium propter merita nobis dari: & quod iustificationis nostræ initium ex nobis sit: consummatio autem à Deo.

Super Cap. 149.



**P**OST QUAM ostendit sanctus Thomas hominem diuino indigere auxilio ad beatitudinem consequendam: vult nunc ostendere quod tale auxilium homo promereri non potest. Et primo probat propositum. Secundò, remouet quoddam dubium. Arguit itaque primo sic: Homo non mouet seipsam ad hoc ut adipiscatur diuinum auxilium, sed potius ad hoc à Deo mouetur: ergo non propter hoc nobis datur quia nos ad illud per bona opera promouemur, sed nos potius ideo per bona opera proficimus, quia diuino auxilio præuenimur. Probatur antecedens, quia quælibet res ad id quod supra ipsam est, materialiter se habet: materia autem non mouet seipsam ad suam perfectionem, sed oportet quod ab alio moueatur. consequentia verò probatur, quia motio mouentis præcedit motum mobilis ratione & causa.

CIRCA hoc ultimum dictum aduertendum quod motio mouentis dupliciter potest intelligi præcedere motum mobilis ratione. Vno modo sicut id dicitur esse alio prius ratione, quod in eius diffinitionem cadit: & sic iuxta diffinitionem motus positam in tertio Physicorum, constat quod mouere non est prius ratione quam moueri: sed posset hoc modo dici prius ratione, si acciperetur diffinitio motus completæ omnes eius causas, diceretur enim quod motus est actus existentis in potentia, in quantum huiusmodi à mouente causatur in mobili. Alio modo sicut quod prius cadit in intellectu de vno in aliud procedente, dicitur prius ratione: & hoc modo mouentis motio est prius motu mobilis, prius enim intelligimus motum ab agente & mouente procedere quam recipiatur in mobili. dicitur etiam præcedere causa, id est, causalitate, non quia sit vera causa effectiua motus mobilis, quia cum eadem res sit motio mouentis & motus mobilis quantum ad id quod in re dicitur, vnum non potest esse alterius causa effectiua realiter, sed eo modo quo id quod alteri secundum modum considerandi præsupponitur, ut sic dicitur prius causalitate: potest etiam dici quod intelligitur hoc de motione & motu quantum ad habitudines quibus inter se formaliter distinguuntur, nõ quidem sic quod vna sit alterius causa, sed quia vna est conditio agentis, alia verò conditio patientis: causa autem agens est prior causa patiente & materiali.

OCCURRIT autem circa hanc rationem dubium. Per eam enim videtur probari quod nec etiam homo possit beatitudinem promereri: quod tamen falsum esse constat. ita enim supra naturam hominis est habitudo, sicut & gratia: consequenter ita ad ipsam materialiter se habet anima, sicut ad gratiam. Respondetur quod aliter loquendum est de homine secundum principia tantum naturalia considerato: & aliter de ipso ut iam habente supradictum diuinum auxilium. Si primo modo consideretur, sic tam gratia quam beatitudo est supra naturam suam, & ad eam materialiter tantum comparatur, id est, per modum susceptiui, non autem per modum agentis ad acquisitionem eorum sufficienter, quum principia naturalia non sufficiant ad eas perfectiones, quæ supra naturam sunt, acquirendas: & si ad hunc sensum procedat obiectio, cõceditur quod infertur, scilicet quod nec etiam beatitudinem homo potest promereri. Si autem secundo modo consideretur, sic beatitudo non est supra hominis naturam, in quantum scilicet est tali auxilio perfectæ: sicut licet calefacere sit supra naturam aquæ secundum principia tantum naturalia considerata, non est tamen supra naturam aquæ calefactæ in quantum habet calorem: & ideo homo, ut perfectus gratia, nõ tantum materialiter se habet ad beatitudinem, sed etiam actiue, in quantum per tale diuinum auxilium ad beatitudinem acquirendam sufficienter agere potest propter virtutes quæ ex illo oriuntur, de quibus inferius agitur. Quia ergo cum hoc loco ad prædictum auxilium homo comparatur, fit comparatio naturæ hominis præcisè sumptæ ad ipsum, intendit sanctus Thomas quod ipsum ex actibus à facultate naturæ prouenientibus homo promereri non potest: ideo ipsa ratio optime de gratia procedit, procederetque eodem modo de beatitudine si ad principia duntaxat naturalia fieret comparatio. Secundò, anima nostra operatur sub Deo, sicut agens instrumentale sub principali: ergo non potest se præparare ad suscipiendum effectum diuini auxilij, nisi secundum quod agit ex virtute diuina: ergo magis præuenitur diuino auxilio ad bene operandum quam præueniat diuinum auxilium quasi merendo, vel se ad illud præparando. probatur prima consequentia, quia agens instrumentale non disponit ad perfectionem inducendam à principali agente, nisi secundum quod agit in virtute principalis agentis, ut ostenditur de calore ignis.

SE D videtur quod ista ratio non concludat, per effectum enim diuini auxilij intelligitur aut beatitudo ad quam homo secundum prædictum auxilium operando potest peruenire, aut ipsum opus meritum ex gratia proueniens, aut ipsum meritum auxilium diuinum, ut sit constructio intransitiva. sitque idem dicere effectum diuini auxilij, quod effectum quod est diuinum auxilium. Si primum, sic vique conceditur quod anima non potest se præparare per opera meritoria ad susceptionem talis effectus diuini auxilij, nisi secundum quod agit virtute diuina: sed non est hoc ad propositum, quia non intendit hic probare sanctus Thomas quod homo non possit promereri vitam æternam sine auxilio & virtute diuina. hoc enim ostensum est in precedenti capite. Si secundum, sic etiam non est ad propositum: quia non queritur an homo possit mereri



mereri sine diuino auxilio meritum quod ex gratia procedit. Satis enim constat quod non est sine diuino auxilio, si est effectus gratia. Si tertiū, sic concluditur quidem, quod homo non potest se preparare ad gratia susceptionem nisi secundum quod agit virtute diuina, & quod praeuenitur homo diuino quodam auxilio ad huiusmodi preparationem, & ad bene operandum: non autem concludit quod praeueniatur ipso diuino auxilio de quo loquimur, scilicet ipsa gratia: & quod homo non possit gratiam promereri, non enim repugnat operi bono, & alicuius perfectionis meritorio, quod virtute diuina agatur.

AD huius euidētiā considerandum est quod cum rationes huius capitis contra errorem Pelagij inducantur, accipiendae sunt secundum quod per eas error Pelagianorum refelli potest. Posuerunt enim Pelagiani quod initium boni operis est ex nobis, & similiter preparatio ad gratiam, & quod ad hoc homo nullo diuino auxilio indiget: ex quo sequeretur gratiam nobis à Deo dari propter nostra merita omne diuinum auxilium praecedentia. Reprobatur ergo hic error, cum ostenditur quod nullum opus à nobis bonum & alicuius rei meritorium fieri potest nisi diuino auxilio nos praueinente: & quod tale opus virtute tantum naturae à nobis fieri non potest, ut in sequentibus rationibus ostenditur. Et ideo dicitur quod per effectum diuini auxilij (ut patet cap. seq.) hic intelligitur ipse effectus diuinus scilicet gratia, quae ad bona opera iuuatur: & est sensus, quod non praueinimus ac promeremur simpliciter & absolute gratiam ac auxilium diuinum nostris operibus naturalibus: quia cum nullum opus bonum agere possimus nisi in virtute diuina, ut ostenditur etiam 1. 2. quæst. 109, art. 6. & Quod 1. art. 7. necesse est ut diuinum aliquod auxilium omnem naturam nostram, bonam operationem, omnēque nostrum meritum praueinatur. Quod si necesse est ut aliquod diuinum auxilium, ipsa scilicet interior motio à Deo ad bonum, omnem nostram bonam & rectam operationem quae ad supernaturalia ordinatur, praecedat: manifestum est quod ex facultate tantum naturae secundum auxilium, in habitualem videlicet gratiam, promereri non possumus: quod est principale intentum. Cum autem contra hunc sensum arguitur, quia licet aliquod diuinum auxilium praueinatur omne opus bonum in nobis, non tamen ex hoc sequitur quod habitualem gratiam promereri non possumus. Dicitur quod optime sequitur ad mentem sancti Thomae, scilicet quod per solam virtutem naturalem ipsam gratiam promereri non possumus. si enim nullum opus bonum à nobis fieri potest, praeterquam ad supernaturalia disponens, nisi in virtute diuina, sequitur ut virtute tantum propria nihil boni huiusmodi agere possimus, & consequenter nihil quod gratiae meritorium sit: unde licet non repugnet operi bono & meritorio quod virtute diuina agatur, imò hoc necessarium sit, repugnat tamen quod ex virtute naturae tantum fiat. Tertiū, anima humana ordinatur sub Deo sicut particulae agens sub vniuersali: ergo impossibile est esse aliquem rectum motum in ipsa quem non praueinatur diuina actio. probatur consequentia, quia nullum agens particulare potest vniuersaliter praueinere actionem primi vniuersalis agentis, cum eius actio ab vniuersali agente originem habeat, ut patet in motibus. Confirmatur autoritate Ioannis 15. Quarto effectus dicitur auxiliij qui facultatem naturae excedit, non est proportionatus adibus quos homo ex naturali facultate producit, ergo, &c. probatur consequentia, quia merces merito proportionatur, cum in retributione pro meritis aequalitas iustitiae obseruetur.

AD euidētiā huius rationis considerandum est ex doctrina sancti Thomae prima secundae quaestione 114. articulo 2. quod cum recompensare mercedem operis vel laboris sit actus iustitiae, iustitia vero quaedam aequalitas sit, ubi non simpliciter aequalitas ibi non simpliciter est ratio meriti & mercedis, sed potest esse secundum quid ratio meriti, inquantum seruatur aequalitas secundum quid: & quia inter Deum & hominem maxima est inaequalitas, & totū quod est hominis bonū, à Deo est, ideo non potest inter hominem & Deum esse ratio meriti simpliciter, sed tantum secundum quid, inquantum homo facit opus cui debetur à Deo merces & retributio secundum diuinam praordinationem, non autem absolute. Quod ergo dicitur, mercedem merito proportionari oportere, intelligitur aut simpliciter, sicut inter eos inter quos potest esse absoluta aequalitas, aut secundum quid, & secundum praemiantis ordinationem sicut inter hominem & Deum, inter quos non potest esse absoluta aequalitas. similiter cum dicitur quod in retributione mercedis aequalitas iustitiae obseruetur, intelligitur aut simpliciter, aut secundum quid: & quia auxilium diuinum cum naturae facultatem excedat, non est proportionatum etiam secundum ordinationem diuinam operibus ex naturali facultate productis (actus enim naturalis cuiuscunque rei non ordinatur diuinitus ad aliquid excedens proportionem virtutis, quae est principium actus, cum ex institutione diuinæ providentiae nihil agat ultra suam speciem) ideo opera nostra ex naturali tantum facultate producta non possunt habere rationem meriti respectu praedicti diuini auxilij, & secundum hoc ista ratio procedit. Quinto, cognitio supernaturalis finis est homini à Deo, cum facultatem naturae excedat, & consequenter naturalem rationem: ergo motus voluntatis nostrae in vltimum finem à diuino auxilio proueniunt, probatur consequentia, quia cognitio praecedat voluntatis motum.

ADVERTENDVM est ex doctrina sancti Thomae 1. 2. quæst. 113. & de Verit. quæst. 28. quod non potest homo se ad habitualem gratiam preparare nisi per rectum motum voluntatis in vltimum finem, per fidem scilicet & desiderium quo ipsum esse iustificatorem & obiectum beatitudinis credit, & quo ipsum sub illa ratione desiderat, cuiusque appetit gratiam: qui quidem motus si perfectus sit, ipsam gratiam infusionem naturae tantum praecedat secundum ordinem causae materialis: si autem imperfectus, etiam tempore praecedat, propter hoc volens concludere S. Thomae quod homo non potest per principia tantum naturalia mereri gratiam, aut se ad ipsam preparare, concludit quod motus voluntatis in vltimum finem, à Deo praeueniuntur. hoc enim idem est ac si diceretur quod preparationem ad gratiam diuinam praecedat auxilium, & sic non est ex sola naturae virtute. Confirmatur autoritate Apostoli ad Titum 3. Non ex operibus, &c. & ad Rom. 9. Non est volentis, &c. Per quæ Apostoli verba ait sanctus Thomas, liberum non excludit arbitrium, sed ostenditur Deo esse subiectum. Confirmatur etiam autoritate Hieremiae Threnor. 5. Convertere nos, &c. Secundò excludit quandam obiectionem. Videtur enim oppositum huius dici Zachariae 1. ubi ex persona Dei dicitur, Con-

uerimini ad me, & ego conuertar ad vos, ex quo videtur quod nostra conuersio Dei operationem praeueniat. Sed respondet sanctus Thomas, quod illud dicitur, non quia Dei operatio nostram conuersionem praeueniat, sed quia conuersionem nostram qua ad ipsum conuertimur, adiuvat subsequenter eam roborando ut ad effectum perueniat, & stabilendo ut finem debitum consequatur.

ADVERTENDVM, quod per istam responsionem intelligit sanctus Thomas dupliciter Deum se habere ad nostram conuersionem. Vno modo animam hominis interiorius mouendo & instigando ad hoc ut ad Deum conuertatur, & sic conuersio Dei ad hominem praeuenit nostram in ipsum conuersionem. Alio modo roborando ipsam nostram conuersionem ad hoc ut peccati remissionem & gratiam consequatur, qui est eius effectus: & etiam stabilendo & firmado ipsam ad debitum finem, scilicet beatitudinem consequendam. Si enim homo in sua conuersione perseverauerit, finem beatitudinis consequetur: & sic conuersio Dei ad nos non praeuenit nostram conuersionem sed ipsam comitatur, aut etiam aliquo modo sequitur, secundum scilicet quod vnus effectus gratiae alium subsequitur, ut ostenditur 1. 2. quæst. 111. artic. 3. Per hoc Pelagianorum error excluditur dicentium huiusmodi auxilium propter merita nobis dari, atque etiam quod iustificationis nostrae initium ex nobis sit, id est, ex virtute sola naturae, consummatio autem gratiae, scilicet infusio & peccati remissio, est à Deo.

SED remanet dubium ex dictis. Cum enim ostensum sit hominem non posse mereri gratiam virtute naturae, cum ad quolibet bona opera diuino praeueniatur auxilio, remanet dubium utrum homo per opera facta ab ipso diuino auxilio diuinæque motione instigato, ipsam gratiam mereatur, saltem de congruo. Capreolus in 4. dist. 14. quæst. 2. ad argumenta Henrici, tenet finaliter de mente sancti Thomae, quod proprie loquendo nulla dispositio praecedens habitum gratiae potest dici meritum, nec de congruo, nec de condigno. Sed non videtur hoc mihi esse de mente sancti Thomae. Nam licet non sit ibi meritum de condigno propter inaequalitatem operum nostrorum ad gratiam, non video tamen quomodo non sit ibi meritum congrui, cum secundum mentem sancti Thomae, 1. 2. quæst. 114. artic. 3. meritum congrui accipiatur secundum aequalitatem proportionis, ut scilicet homini agenti secundum suam virtutem Deus recompenset secundum excellentiam suae virtutis. Secundum hoc enim congruum videtur ut homini preparanti sed ad gratiam secundum quod à Deo mouetur, Deus gratiam infundat, quæ autem adducit Capreolus ex 1. 2. quaestione, 112. & quæst. 114. & ex secundo Sententiarum distinct. 27. non cogunt. Nam diligenter inspicienti apparet quod in locis illis intendit sanctus Thomas de merito duntaxat condigni, non autem de merito congrui, imò in secundo Sententiarum expresse concedit ibi esse meritum congrui.

*Quod praedictum auxilium gratia nominatur, & quid sit gratia gratum faciens.*

Cap. 150.



VIA verò hoc quod datur alicui absque suis meritis praecedentibus, gratis ei dicitur dari, cum diuinum auxilium homini exhibitum omne meritum humanum praeueniat, ut ostensum est, consequitur quod hoc auxilium homini gratis impendatur: & ex hoc conuenienter gratiae nomen acceperit. vnde & Apostolus dicit Rom. 11. Si gratia est, iam non ex operibus: alioquin gratia iam non est gratia. Est autem & alia ratio propter quam praedictum Dei auxilium gratiae nomen acceperit, dicitur enim alicui esse gratus, quia est ei dilectus: vnde & qui ab aliquo diligitur, dicitur gratia eius habere: est autem de ratione dilectionis, ut diligens, bonum velit ei quem diligit & operetur: & quidem Deus bona vult & operatur circa omnē creaturam. ipsum enim esse creaturam, & omnis eius perfectio, est à Deo volente & operante, ut supra \* ostensum est. vnde dicitur Sapientiae 11. Diligis omnia quæ sunt: & nihil odisti eorum quæ fecisti. Sed specialis ratio diuinæ dilectionis ad illos consideratur, quibus auxiliū præbet ad hoc quod consequantur bonum quod ordinem naturæ eorum excedit, scilicet perfectam fruitionem non alicuius boni creati, sed subipsius. hoc igitur auxilium conuenienter dicitur gratia, non solum quia gratis datur, ut ostensum est: sed etiam quia hoc auxilium homo specialiter quadam prerogatiua redditur Deo gratus. vnde & Apostolus dicit Eph. 1. prædestinauit nos in adoptione filiorum secundum propositum voluntatis suae in laudem gloriæ suae, in qua gratificauit nos in dilecto filio suo. Oportet autem hanc gratiam aliquid in homine gratificatio esse, quasi quadam formam & perfectionem ipsius. Quod enim in aliquem finem dirigitur, oportet quod habeat continuum ordinem in ipsum. nam mouens continuè, mutat quousque mobile per motum finem sortiatur. cum igitur auxilio diuinæ gratiae homo dirigatur in vltimum finem

\* Lib. 1. cap. 29. & 30. & 2. lib. cap. 15.



num finem, ut ostensum est: oportet quod continuè homo isto auxilio poritur quousque ad finem perveniat. hoc autem non esset si prædictum auxilium participaret homo secundum aliquem motum aut passionem, & non secundum aliquam formam manentem & quasi quiescentem in ipso. motus enim & passio talis non esset in homine nisi quando actu conuerteretur in finem: quod non continuè ab homine agitur: ut præcipue patet in dormientibus. est ergo gratia gratum faciens aliqua forma & perfectio in homine manens etiam quando non operatur.

2. Adhuc, dilectio Dei est causativa boni quod in nobis est: sicut dilectio hominis prouocatur & causatur ex aliquo bono quod in dilecto est: sed homo prouocatur ad specialiter aliquem diligendum propter aliquod speciale bonum in dilecto præexistens. ergo ubi ponitur specialis dilectio Dei ad hominem, oportet quod consequenter ponatur aliquod speciale bonum homini à Deo collatum. cum igitur secundum prædicta gratia gratum faciens designet specialem dilectionem Dei ad hominem, oportet quod aliqua specialis bonitas & perfectio per hoc homini inesse designetur.

3. Amplius, vnumquodque ordinatur in finem sibi convenientem secundum rationem suæ formæ. diuersarum enim specierum diuersi sunt fines. sed finis in quem homo dirigitur per auxiliū diuinæ gratiæ est supra naturam humanam: ergo oportet quod homini superaddatur aliqua supernaturalis forma & perfectio per quam convenienter ordinetur in finem prædictum.

4. Item, oportet quod homo ad vltimum finem per proprias operationes perveniat. vnumquodque autem operatur secundum propriam formam. oportet igitur ad hoc quod homo perducat in vltimum finem per proprias operationes, quod superaddatur ei aliqua forma ex qua eius operationes aliquam efficaciam accipiant promerendi vltimum finem.

5. Præterea, diuina providentia omnibus prouidet secundum modum suæ naturæ, ut ex supradictis \* patet. est autē hic modus proprius hominibus, quod ad perfectionem suarum operationum oportet eis inesse supernaturales potentias quasdam perfectiones, & habitus quibus quasi connaturaliter & faciliter & delectabiliter bonū & bene operentur. igitur auxilium gratiæ quod homo à Deo consequitur ad perveniendum in vltimum finem, aliquam formam & perfectionē homini inesse designat. Hinc est quod gratia Dei in scriptura quasi lux quædam designatur. dicit enim Apostolus Ephes. 5. Eratis aliquando tenebræ: nunc autem lux in Domino. Decenter autē perfectio per quam homo promouetur in vltimum finem, quæ in Dei visione consistit, dicitur lux, quæ est principium viuendi. Per hoc autem excluditur opinio quorundā dicentium, quod gratia Dei nihil in homine ponit: sicut nihil in aliquo ponitur ex hoc quod dicitur gratiæ regis habere, sed solum in rege diligente. Patet ergo eos fuisse deceptos ex hoc quod non attenderunt differētiā inter dilectionem diuinam & humanam. diuina enim dilectio est causativa boni quod in aliquo diligit: non semper autem humana.

Super Cap. 150.



OSTQVAM ostēdit sanct. Thom. necessarium esse nobis diuinum quoddam auxilium ad beatitudinem consequendam, quod nostris operibus promereri non possumus, vult declarare quid illud auxilium sit. Circa hoc autem duo facit. Primum ostēdit quo nomine vocetur, secundum quid sit. Quantum ad primum ait, quod dictum auxilium nominatur gratia, propter duo. Primum, quia datur gratis & absque propriis meritis præcedentibus. quæ ratio tangitur Rom. 11. Secundum, quia hoc auxilio speciali quadam prærogatiua homo redditur Deo gratus, in quantum præter dilectionem quo Deus omnem creaturam diligit volendo & operando esse & perfectionem omnis creaturæ, specialis ratio diuinæ dilectionis ad illos consideratur quibus auxilium præbet ad consecutionem supernaturalis boni, scilicet fruitionis sui ipsius, ut ostenditur ad Ephes. 1. dicitur enim quis alicui esse gratus, quia est ei dilectus. unde & qui ab aliquo diligitur, dicitur eius gratiam habere.

Ad huius evidentiam considerandum est ex doctrina sanct. Thom. secundo Sententiarum dist. 26. art. 1. ad secundum, quod quamvis omnes naturales bonitates creaturis collatæ, gratiæ dici possint, quia gratis à Deo

dantur, effectus tamen diuinæ dilectionis quæ hominem ad diuinam fruitionem diligit, antonomatice gratia dicitur: sicut & ipsa dilectio antonomatice dicitur dilectio: quia non solum diligitur homo à Deo sicut ab artifice opus suum diligitur, sed perfecta quadam dilectione, quæ quasi amicitia similis est, in quantum trahit ipsum in societatem suæ fruitionis, ut in eo sit ipsius gloria & beatitudo, quo Deus beatus est. Propter hoc bene hoc dicitur quod quia homo redditur Deo gratus per diuinum illud auxilium speciali quadam prærogatiua, ideo ipsum auxilium gratia nominatur.

Quantum ad secundum ponit hanc conclusionem. Gratia hæc est aliquid in homine gratificato existens tanquam forma quædam, & perfectio eius. probatur multiplici ratione. Prima ratio est, auxilio diuinæ gratiæ homo dirigitur in vltimum finem, ergo oportet quod continuè illo auxilio poritur quousque ad finem perveniat. ergo talis gratia gratum faciens est aliqua forma & perfectio in homine manens, etiam quando non operatur. probatur prima consequentia, quia quod in finem aliquem dirigitur, oportet quod habeat continuum ordinem in ipsum. cum mouēs continuè moueat quousque mobile per motum finem fortitur. secunda verò quia oppositum consequentis infert oppositum antecedentis. si enim participaretur ab homine secundum aliquem motum & passionem, & non secundum aliquam formam manentem & quasi quiescentem in ipso, non esset in homine nisi quandiu actu conuerteretur in finem: & sic cum non cōtinuè hoc ab homine agatur, sequitur quod isto auxilio homo non poritur cōtinuè quousque perveniat in finem: quod est oppositū antecedentis.

Ad evidentiam huius rationis considerandum est quod dupliciter rem aliquam contingit in finem dirigi. Vno modo per aliquem actum, secundum quod actualiter mouetur ad acquisitionem finis, sicut lapis deorsum dirigitur, cum actu mouetur deorsum. Alio modo per actum primum qui habet habitalem inclinationem & ordinem siue convenientiā ad finem, sicut cum lapis non mouetur actu deorsum, propter gravitatem tamen in ipso existentem dicitur dirigi & inclinari ad locum deorsum. Vtroque modo Deus creaturam ad finem mouere potest: sed differētia est, quia motio rei quæ à Deo dirigitur ad finem per actum tendentem ad finem, non est in re nisi quando res actualiter per propriam operationem in ipso à Deo causatam mouetur ad finem, forma autem quæ habitualiter res inclinat ad finem & fit fini conueniens & proportionata, est in creatura etiam quando creatura non actualiter mouetur ad finem, sicut in gravi est gravitas etiam quando non actualiter mouetur deorsum. Quia ergo homo potest ad supernaturalem beatitudinem à Deo dirigi, & per actum motionem quæ appetitum ad finem amorem & desiderium mouet, & per aliquam formam ab eo causatam quæ homo quasi habitualiter ordinatur in beatitudinem. si dirigitur in beatitudinem per solum motionem appetitus à Deo ad actum operationem: cum talis non sit in homine continua, ut patet in homine dormiente, sequitur quod nec directio huiusmodi ad finem sit continua. Propter hoc bene hic inferitur quod si homo diuinum auxilium participat secundum aliquem motum aut passionem, scilicet secundum motum voluntatis in ipsa à Deo causatam, non continuè homo poritur diuino auxilio quousque ad finem perveniat, quia talis motus aut passio non esset in homine nisi quando actu conuerteretur in finem, per actum videlicet appetitum finis: quod constat non agi ab homine continuè.

CIRCA probationem verò primæ consequentiæ advertendum, quod si motus dicitur continuus qui nulla quiete interruptitur, ita continuus, ordo ad finem dicitur ordo non interruptus quousque ad finem perveniat. Si enim sit ordo ad finem in aliquo, & postmodum ille ordo cesset, deinde recuperetur, non dicitur continuus ordo ad finem: sed cum aliquid ordinatur ad finem, non interruptitur quæ ordo, sed pervenit ad finem nulla facta ordinis interruptione, dicitur ille ordo continuus. Ad hunc ergo sensum intelligitur quod ait S. Thom. id quod in aliquem finem dirigitur, oportere habere continuum ordinem ad ipsum: quia videlicet necesse est ut ad finem habeat ordinem nullo modo interruptum quousque ad ipsum perveniat.

SE D tunc duplex resultat dubium. vnum cōtra ipsam propositionem. Videtur enim ex hoc sequi quod semel directus à Deo in beatitudinem per gratiæ infusionem, nunquam ipsam gratiam possit amittere quousque ad beatitudinem pervenerit: cum tamen catholice teneatur per peccatum mortale amitti gratiam, recuperarique per penitentiam posse. Alterum est contra huius propositionis probationem, nam ex hoc quod movens continuè mouet quousque mobile per motum ad finem perveniat, non habetur nisi quod homo directus per diuinam motionem in beatitudinem, mouetur tali motione quousque in ipsam perveniat: & sic habetur quod cōtinuè homo diuino auxilio, quæ est diuina motio, potitur. non autem quod potitur aliqua forma permanente & quiescente, ut intendebatur.

AD primi dubij solutionem considerandum est, quod cum in directione qua aliquid ab alio dirigitur in finem per aliquid in ipso causatum quod sit fini proportionatum, tria concurrant, scilicet actio agentis qua rem dirigit & mouet ad finem, forma moti & directi qua formaliter dirigitur, & habitudo consequens, quæ est habitudo ordinati & directi ad finem: manente ipsa directione activa agentis & dirigentis, necesse est ipsam formam directi & habitudinem consequentem manere, & non interrupti. quia actio mouentis non est sine actu mobilis & sine moti habitudine ad id ad quod mouetur. Sensus ergo propositionis S. Thom. est, quod si aliquid in finem dirigitur non per solum præordinationem dirigentis, sicut prædestinatus dicitur esse in mente diuina ab æterno in vitam æternam directus & ordinatus, sed per actum aliquem receptum à dirigente in eo qui dirigitur, quo fit vita æterna dignus, necesse est ut manente directione activa qua in finem dirigitur, maneat continuè habitudo ad finem & actus in eo qui dirigitur receptus, super quo talis habitudo fundatur. sic enim cum homo Deo gratus, quandiu est gratus, actione diuina dirigitur & ordinatur ad beatitudinem, etiam quando non conuertitur in ipsam beatitudinem per actum liberi arbitrij, optime sequitur quod forma illa qua in talem finem dirigitur, continuè in ipso maneat, etiam quando non actu operatur conuertendo se ad finem, & per consequens quod talis actus non est in homine per modum motus aut passionis, sed magis per modum formæ permanentis. Ad dubium ergo dicitur quod illud non sequitur quod inferitur. non enim intrinsecus

sanctus



Sancti Thomas, quod ordinatum ad finem absolute loquendo habeat continuum ordinem ad finem quousque finem consequatur, sed ut dictum est, quod manente directione agentis est continuus ordo ad finem quousque ipsum consequatur: contingit autem ipsam directionem hominis ad beatitudinem interrumpi per peccatum, in quantum Deus cessat a causatione illius formæ & actus quo homo dirigebatur in finem, & sic etiam contingit ipsum ordinem interrumpi. Posset etiam breuiter dici quod intelligitur quantum est ex ipsa ratione directionis secundum se considerata. Dirigens enim rem aliquam ad finem sua motione, quantum est ex se, non cessat quousque rem ad finem perduxerit, & per consequens talis habitudo & ordo rei directæ secundum se non habet quod interrumpatur: cum hoc tamen sit quod per aliquod impedimentum superueniens possit ipsa directio & ipse ordo impediri, sicut potest superueniente vento impediri sagitta ne ad signum intentum a sagittante perueniat. eodem modo dicitur quod ipsa directio hominis Deo grati ad beatitudinem secundum se continua est, & ordo huiusmodi hominis ad ipsam directam quantum est ex se habet ut continuè duret quousque homo beatitudinem consequatur: potest tamen aliquis ordo talique directio per peccatum impediri & interrumpi. Ad secundum dicitur quod ex illa ratione non concluditur, quod homo sola diuina motione absque formæ permanentis impressione continuè potitur, sed solum quod oportet in homine sic directo esse aliquem actum, & ordinem ipsum actum consequentem continuum esse manente ipsa actiua directione: vel etiam quantum est ex se: ex hoc autem sequitur quod cum homo non semper actu conuertatur in finem per actum secundum exercitium, semper tamen a Deo sit in ipsum directus, etiam quando non actu operatur, quousque per peccatum talis directio cesset, talis actus in homine ad beatitudinem directio non potest esse sola motio diuina quia liberum arbitrium in Deum actualiter mouet: quia illa non continuè manet, sed aliqua forma in homine manens, etiam quando actu operatur. Secunda ratio est, homo prouocatur ad diligendum aliquem specialiter propter speciale bonum in ipso preexistens. ergo ubi ponitur specialis dilectio Dei ad hominem, oportet quod ponatur aliquod bonum speciale homini a Deo collatum. ergo, &c. probatur prima consequentia, quia dilectio Dei est causatiua boni quod in nobis est, sicut dilectio hominis prouocatur & causatur ex aliquo bono quod est in dilecto. Secunda verò, quia gratia gratum faciens designat specialem Dei dilectionem.

SED videtur ista ratio concludere hoc solum, quòd gratia gratum faciens sit aliquid in homine, non autem quòd sit forma permanens: quod est intentum. Respondetur, quòd licet prima fronte videatur illud concludi, si tamen diligenter inspicitur, propostum concluditur, sicut enim homo ad amorem ipsalem alterius hominis prouocatur ex aliqua eius perfectione in ipso permanente, aut vera, aut existimata, nõ autem ex aliquo in ipso existente per modum transiensis, ita Deus specialiter creaturam rationalem diligendo causat in ipsa aliquam formam permanentem, qua possit dici formaliter Deo gratus. Tertia ratio est, finis in quem homo dirigitur per auxilium gratiæ, est supra naturã humanam: ergo oportet vt homini superaddatur supernaturalis forma qua conuenienter in ipsum ordinetur. probatur consequentia, quia vnum quodque ordinatur in finem sibi conuenientem secundum rationem sue forme: cuius signum est, quòd diuersarum specierum diuersi sunt fines. Quarta ratio est, Oportet quòd homo ad vltimum finem per proprias operationes perueniat, ergo oportet quòd ei superaddatur aliqua forma ex qua operationes eius efficaciam habeant promerendi vltimum finem. probatur consequentia, quia vnum quodque operatur secundum propriam formam. Quinta ratio est, Modus proprius hominis est, quòd ad perfectionem suam operationum oportet supra naturales potetias ei esse perfectiones aliquas & habitus quasi connaturaliter, facilius & delectabilius bonum & bene operetur, ergo, &c. probatur consequentia, quia diuina prouidentia omnibus prouidet secundum modum sue nature. Confirmatur, quia ad Ephe. 5. Gratia dicitur lux: quia per ipsam homo promouetur ad Deificationem, lux enim est principium videndi. Per hoc autem excluditur opinio dicentium, gratiam nihil in homine ponere, sicut nec in eo qui dicitur gratiam regis habere: qui decepti sunt non attendentes differentiam inter dilectionem diuinam & humanam. illa enim est causatiua boni quod in aliquo diligit, non autem humana.

ADVERTENDVM, quod licet dilectio humana non sit vniuersa-  
liter causatiua boni quod in aliquo diligit, oportet tamen in dilecto esse  
aliquam perfectionem qua altius ad eum diligendum prouocetur: & sic  
in illo qui dicitur gratiam regis habere, oportet aliquam perfectionem  
ponere ex qua dilectio regis originem habeat, licet non oporteat in ipso  
aliquid ponere per regis dilectionem causatum. Ex his manifeste patet  
opinionem illorum falsam esse qui dixerint gratiam nihil aliud esse quam  
diuinam dilectionem & acceptionem qua Deus hominem ad vitam eter-  
nam acceptat. Vide apud Capreolum in 17. dist. primi. Sent. quæst. artic. 1.  
pro 2. parte secunda conclus.

ADVERTENDUM etiam quod ex supradictis manifeste relinquitur quid sit gratia gratum faciens, id est, quæ hominem Deo gratum reddat beatitudinem consequendam: est enim forma quædam & perfectio existens in creatura rationali per quam homo formaliter reddi Deo gratus & dilectus, & per quam est homo dignus vita æterna, & est ad eam capessendam ordinatus: sicut gratia est gratitate formaliter gratæ, & ad locum deorum per ipsam ordinatur: & cum non sit forma substantialis, quia adivenit non post esse completum rei, manifeste relinquitur quod sit accidens & qualitas quædam & in prima specie qualitas ut dicitur 1.2. quæst. 110. art. 3. & Veri. quæst. 27. art. 2. & 2. Sent. dist. 26. art. 4. non quidem quod propriè possit dici habitus, de quo locutus est Philosophus in prædicamentis, cum non immediate ordinetur ad operationem, nec sit in potentia animæ, sed in eius essentia, sed est veluti dispositio & habitus quædam respectu gloriæ, quæ est gratia consummata. Unde potest dici habitus ad essendum, in quantum hominem constituit in quodam esse supernaturali, facies ipsum formaliter vitæ æternæ dignum. Quomodo autem distinguatur à virtute, vide apud Capreolum in secundo distinctione vigesima sexta, & argumenta Scoti cum eorum solutionibus. Item primo Sententiarum decima septima distinctione prima.

Quod gratia gratum faciens causat in nobis dile-  
ctionem Dei. Cap. Ixi.

A decorative initial letter 'E' in a square frame. The letter is large and stylized, with a figure of a person, possibly a cherub or a child, integrated into the design, appearing to be part of the letter's structure. The background of the square is filled with intricate floral and foliate patterns.

**L**X præmissis autem manifestum fit quòd per  
auxilium gratiæ diuinæ gratū facientis hoc  
homo cōsequitur, quòd Deum diligat. Gra-  
tia enim gratum faciens est in homine di-  
uinæ dilectionis effectus : proprius autem  
diuinæ dilectionis effectus in homine esse videtur, quòd  
Deum diligat. hoc enim est principium in intentione di-  
ligentis, vt à dilecto redametur. ad hoc enim præcipuè  
studium diligentis tendit, vt ad sui amorem dilectum at-  
trahat : & nisi hoc accidat oportet dilectionem dissolui.  
igitur ex gratia gratum faciente hoc in homine cōsequi-  
tur, quòd Deum diligat.

Adhuc, eorum quorum est vnus finis, oportet aliquam vnionem esse in quantum ordinantur ad finem: vnde & in ciuitate homines per quandam concordiam adunantur vt possint consequi reipublicæ bonū: & milites in acie oportet vniri & cōcorditer agere ad hoc quod victoriam, quæ est communis finis, consequantur. finis autem vltimus ad quem homo per auxilium diuinę gratiæ perducitur, est visio Dei per essentiam, quæ propria est ipsius Dei: & sic hoc finale bonū communicatur homini a Deo, non potest igitur homo ad hunc finem perducī nisi vniatur Deo per cōformitatem voluntatis, qui est proprius effectus dilectionis. nam amicorum proprium est idem velle & nolle, & de eisdem gaudere & dolere, per gratiam ergo gratum facientem homo constituitur Dei dilector: cum per eam homo dirigatur in finem et communicatur a Deo.

3 Amplius, cum finis & bonum sit proprium obiectum appetitus siue affectus, oportet quòd per gratiam gratum facientem, quæ hominem dirigit in vltimum finem, affectus hominis principaliter perficiatur. principalis autem perfectio affectus est dilectio: cuius signû est, quòd omnis motus affectus ab amore deriuatur. nullus enim desiderat aut sperat aut gaudet nisi propter bonum amatum: similiter autem neque aliquis refugit aut timet aut tristatur aut irascitur nisi propter id quod contrariatur bono amato. principalis ergo effectus gratiæ gratum facientis est vt homo Deum diligat.

4 Item, forma per quam res ordinatur in aliquem finem, assimilat quodammodo rem illam fini: sicut corpus per formam gravitatis acquirit similitudinem & conformitatem ad locum ad quem naturaliter movetur. ostensum est autem quod gratia gratum faciens est quidam forma in homine per quam ordinatur ad ultimum finem, qui Deus est: per gratiam ergo homo Dei similitudinem consequitur. similitudo autem est dilectionis causa, omne enim simile diligit sibi simile: per gratiam ergo homo efficitur Dei dilector.

5 Præterea, ad perfectionem operationis requiritur, quod aliquis constanter & promptè operetur, hoc autem præcipue facit amor, propter quem etiâ difficilia & gravia lenia videntur, cum igitur ex gratia gratum faciente oporteat hominis operationes perfectas fieri, ut ex dicto patet, necessarium est quod per eandem gratiam Dei dilectio constitutur in nobis. Hinc est quod dicit Apostolus Roman. 5. Charitas Dei diffusa est in cordibus nostris per Spiritum sanctum qui datus est nobis. Dominus autem dilectoribus suis visionem suam re promittit, dicens Ioannis 14. Qui diligit me, diligetur a Patre meo: & ego diligam eum, & manifestabo ei meipsum. unde patet, quod gratia quæ ad finem diuinæ visionis dirigit, dilectionem Dei causat in nobis.

Super Cap. 151.



**P**OST QVAM ostendit sancti Thomae quid sit gratia, consequenter vult ostendere quae effectus eam concomitentur. Circa hoc autem duo facit. Primo determinat de effectibus gratiae gratum facientis. Secundo de effectibus gratiae voluntatis divinae, qui dicuntur gratiae gratis datae. cap. sec.  
**Q**uam ad primum ponit tres conclusiones: primam, in hoc capite secundam



cap. seq. tertiam capit. 153. Prima est, Per auxilium gratiæ gratum facientis hoc homo consequitur, quod Deum diligit, intellige dilectione charitatis qua Deus diligitur ut obiectum supernaturalis beatitudinis. Et arguit primò sic: Proprius diuinæ dilectionis effectus in homine esse videtur, quod Deum diligit ergo ex gratia gratum faciente hoc in homine consequitur quod Deum diligit, probatur antecedens, quia hoc est præcipuum in intentione diligentis, ut à dilecto redametur, cum ad hoc præcipue studium diligentis tendat, ut ad sui amorem dilectum tradat, consequentia verò probatur, quia gratia gratum faciens est in homine diuinæ dilectionis effectus.

ADVERTENDVM, quod cum tam gratia quam Dei dilectio hic dicatur esse diuinæ dilectionis effectus, proprius tamen eius effectus dicitur dilectio, quia est primum & principale quod Deus per suam dilectionem intendit, gratia enim est quasi intrinsecus diuinæ dilectionis effectus, eique immediatus, quia nomine diuinæ dilectionis qua Deus hominem specialiter diligit, importatur tam ipse actus diligendi quam gratia quæ hominem formaliter Deo gratum & dilectum facit. dilectio autem hominis qua Deum amamus, est id propter quod Deus nobis gratiam impertit, quia ad hoc nobis dat gratiam, ut in eius amorem eleuemur, & ideo dilectio est principale quod intenditur in hac vita per gratiæ collocationem. Secundò, Finis vltimus ad quem homo per auxilium diuinæ gratiæ perducitur, est visio Dei per essentiam, quæ est propria ipsius, & communicatur homini à Deo, ergo non potest homo ad hunc finem perducere nisi uniat Deo per conformitatem voluntatis, qui est proprius effectus dilectionis, ergo per gratiam gratum facientem homo constituitur Dei dilector, probatur prima consequentia, quia eorum quorum est vnus finis, oportet aliquam vnionem esse, in quantum ordinantur ad finem, ut patet in ciuibus & in militibus. Secunda verò, quia per gratiam homo dirigitur in finem ei communicatum à Deo.

ATTENDENDVM ex doctrina sancti Thom. 1. 2. questione 28. art. 2. quod in amore amicitiae, amans, bona vel mala amici reputat quasi sua, & voluntatem amici suam, ut quasi in suo amico videatur bona vel mala pati, & propter hoc dicitur nono Ethicorum, & secundo Rhetoricorum, quod amicorum est eadem velle, & in eodem tristiari & gaudere. Idcirco bene hic dicitur quod conformitas voluntatis est proprius effectus dilectionis, scilicet eius quæ ad amicitiam pertinet. Tertio, Principalis perfectio affectus, est dilectio, ergo principalis affectus gratiæ gratum facientis est ut homo Deum diligit, probatur antecedens hoc signo, quod omnis motus affectus ab amore deriuatur, ut patet discurrendo per omnes, consequentia verò probatur, quia cum finis & bonum sit proprium obiectum affectus, oportet quod per gratiam gratum facientem quæ hominem dirigit in vltimum finem affectus hominis principaliter perficiatur.

ADVERTENDVM quod non sic intelligendum est oportere per gratiam perfici affectum quasi ipsa sit forma & perfectio in voluntate existens: sed quia oportet ex ipsa originari dilectionem quæ est prima affectus perfectio, tanquā ex eo per quod homo dirigitur originaliter & fundamentaliter in vltimum finem. Quarto, Gratia gratum faciens est quædam forma in homine per quam ordinatur ad vltimum finem qui est Deus: ergo per eam homo Dei similitudinem consequitur, ergo per eam efficitur Dei dilector, probatur prima consequentia, quia forma per quam res ordinatur in aliquem finem, assimilatur quodammodo rem illam fini, ut patet in gravitate.

ADVERTENDVM quod non dicit sanctus Thomas formam assimilare simpliciter rem fini, sed quodammodo, quia inter illa non est proprie similitudo quæ dicitur conuenientiam in forma: sed est quædam similitudo proportionis, in quantum forma est proportionata ad inducendum finem & sic finis in ea aliquo modo virtualiter continetur. Quintò, Ut ex dictis patet, oportet ex gratia hominis operationes perfectiores fieri, ergo necesse est quod per eam Dei dilectio constituitur in nobis, probatur consequentia, quia ad perfectionem operationis requiritur quod aliquis constanter & promptè operetur, hoc autem præcipue facit amor per quem etiam difficulta & grauius leuia videntur. Confirmatur autoritate Apostoli Rom. 5. Charitas Dei, &c. & Ioannis 14. Qui diligit me, &c.

AD euidentiam supradictæ conclusionis considerandum est, quod cum per gratiam dicitur homo effici Dei dilector, hoc non est sic intelligendum quasi gratia sit forma dilectionis Dei formaliter causatiua, eo modo quo per habitum instituitur elicitur iustitiæ actus, nec etiam quia sit effectiue proprie charitatis productiua qua Deus a nobis diligitur, sed quia naturaliter præcedit habitum charitatis, illique præsupponitur: & quia secundum diuinam ordinationem eam charitas inseparabiliter concomitatur, & ad eam quasi naturalia quadam concomitantia resultat, sicut passio subiectum proprium concomitatur. Vnde potest dici gratiæ esse causam charitatis eo modo quo inter effectus essentialiter ordinatos, quorum scilicet secundum præsupponit primum, effectus primus dicitur causa secundorum per modum cuiusdam naturalis resultantiæ ab ipso procedentium, hoc autem non est proprie esse causam effectiui, sed improprie, aut etiam esse instrumentum principalis agentis omnes illos effectus simul producentis secundum durationem, sed ordine quodam secundum naturam. Propter hoc non proposuit sanctus Thomas gratiam gratum facientem esse causam dilectionis qua Deum diligimus, sed quod per auxilium diuinæ gratiæ hoc homo consequitur quod Deum diligit, quod idem dicitur est ac si diceretur quod ad gratiam concomitantia naturalia & necessaria secundum ordinem diuinæ providentiæ charitas consequitur. Idem dicendum est de fide, & spe, de quibus inferius est sermo.

Quod diuina gratia causat in nobis fidem.

Caput 152.



X hoc autem quod diuina gratia charitatem in nobis causat, necessarium est, quod etiam in nobis fides per gratiam causetur. Motus enim quo per gratiam in vltimum finem dirigimur, est voluntarius, non violentus, ut supra

\* ostensum est. voluntarius autem motus in aliquid esse non potest nisi sit cognitum. oportet igitur quod per gratiā in nobis cognitio vltimi finis præstituatur ad hoc quod voluntariè dirigamur in ipsum. hæc autem cognitio non potest esse secundum apertam visionē in statu isto, ut supra \* probatum est. oportet igitur quod sit cognitio per fidem. \* Cap. 148. huius lib.

2 Amplius, in quolibet cognoscere modus cognitionis consequitur modum propriæ naturæ: unde alius modus cognitionis est angeli, hominis, & bruti animalis, secundum quod eorum naturæ diuersæ sunt, ut ex præmissis patet: sed homini ad consequendum vltimum finem additur aliqua perfectio super propriam naturā, scilicet gratia, ut ostensum est. oportet igitur quod etiam super cognitionem naturalem hominis addatur in eo aliqua cognitio quæ rationem naturalem excedat: & hæc est cognitio fidei, quæ est de his quæ non videntur per rationem naturalem.

3 Item, quandocunque ab aliquo agente mouetur aliquid ad id quod est proprium illi agenti, oportet quod à principio ipsum mobile subdatur impressionibus agentis imperfectis, quasi alienis & non propriis sibi, quousque fiat ei propriæ in termino motus: sicut lignum ab igne primò calefit: & ille calor non est proprius ligno: sed præter naturam ipsius: in fine autem quando iam lignū ignitum est, fit ei calor proprius & connaturalis: & similiter cum aliquis à magistro docetur, oportet quod à principio conceptiones magistri recipiat, non quasi eas per se intelligens: sed per modum credulitatis, quasi supra suā capacitatem existentes: in fine autem quando iam edoctus fuerit, eas poterit intelligere. Sicut autem ex dictis patet, auxilio diuinæ gratiæ dirigimur in vltimum finem: vltimus autem finis est manifesta visio primæ veritatis in seipsa: ut supra \* ostensum est. oportet igitur quod antequam ad istum finem veniatur, intellectus hominis Deo subdatur per modum credulitatis diuina gratia hoc faciente. \* Cap. 147. huius lib.

4 Præterea, in principio huius operis positæ sunt vtilitates propter quas necessarium fuit diuinam veritatē hominibus per modum credulitatis proponi. Ex quibus etiam concludi potest quod necessarium fuit fidem esse diuinæ gratiæ effectum in nobis. Hinc est quod Apostolus dicit Ephes. 2. Gratia saluati estis per fidem, & hoc non ex vobis: Dei enim donum est. Per hoc autem excluditur error Pelagianorum qui dicebant quod initium fidei in nobis non erat à Deo, sed à nobis.

Super Cap. 152.



ECVND A conclusio est. Ex hoc quod diuina gratia charitatem in nobis causat, necessarium est quod etiam in nobis fides per gratiam causetur. Probatur primò sic: Motus quo per gratiam in vltimum finem dirigimur, est voluntarius, non violentus: ergo oportet ut per gratiam in nobis cognitio vltimi finis præstituatur, ergo, &c. probatur prima consequentia, quia voluntarius motus in aliquid esse non potest nisi sit cognitum. Secunda verò quia illa finis cognitio non potest esse secundum apertam visionem in statu isto.

ADVERTE quod hæc ratio ex hoc fundamento procedit, quod causa alicuius effectus ab ea naturaliter resultantis est etiā causa effectus ipsi naturaliter antecedentis. sic enim cum cognitio vltimi finis naturaliter antecedat eius dilectionem quæ gratiam concomitatur, necesse est ut gratia etiam fidei sit causa, sicut est causa charitatis. Secundò, Homini ad consequendum vltimum finem additur aliqua perfectio supra propriam naturam, scilicet gratia, ergo oportet ut etiam ei supra naturalem cognitionem addatur aliqua cognitio quæ naturalem rationem excedat. hæc autem est cognitio fidei, ergo, &c. probatur prima consequentia, quia in quolibet cognoscendo modus cognitionis consequitur modum propriæ naturæ, ut apparet in diuersitate naturalium.

ADVERTE quod ista ratio ostendit concomitantiam necessariam fidei ad gratiam, quia sicut modum naturalem rei habentis cognitionem consequitur naturalis cognitio, eod quod naturæ sit proportionata cognitio, quæ res in suas operationes dirigitur, ita modum naturæ eleuata per gratiam supra naturalem modum debet consequi cognitio quæ supra naturalem cognitionem sit. Tertio, Auxilio diuinæ gratiæ dirigimur in vltimum finem, quæ est manifesta visio primæ veritatis in seipsa, ergo oportet quod antequam ad istum finem veniatur, intellectus hominis Deo subdatur per modum credulitatis diuinæ gratia hoc faciente, probatur consequentia, quia quandocunque ab aliquo agente mouetur aliquid ad id quod est proprium illi agenti, oportet quod à principio mobile subdatur impressionibus agentis imperfectis quasi alienis & non propriis sibi, quousque fiat ei propriæ in termino motus, declaratur in calefactione ligni ab igne, & in eruditione discipuli à magistro.

ADVERTE quod ista ratio ex hoc fundamento procedit, quod



adio agentis perfecti accipitur in imperfecto, primo quidem imperfecte, deinde perfecte quousque res ad perfectionem perveniat: ista enim est naturalis conditio rei tendentis de imperfecto ad perfectum, ut & in omnibus rebus naturalibus apparet, & in traditione doctrinae. Quinto, idem concludi potest ex utilitatibus, propter quas ostensum est in principio huius operis necessarium fuisse ut divina veritas per modum credulitatis hominibus proponeretur. Confirmatur auctoritate Apostoli ad Ephes. 2. Gratia salutis, &c. Per hoc autem Pelagianorum error excluditur dicendum initium fidei a nobis esse, non a Deo.

*Quod divina gratia causat in nobis spem futuram beatitudinis.*

Cap. 153.



**E**x eisdem etiam ostendi potest quod oportet in nobis per gratiam spem futuram beatitudinis causari. Dilectio enim quae est ad alios, provenit in homine ex dilectione hominis ad seipsum, in quantum ad amicum aliquis se habet sicut ad se. Diligit autem aliquis seipsum in quantum vult sibi bonum, sicut alium diligit in quantum vult ei bonum: oportet ergo quod homo per hoc quod circa proprium bonum afficitur, perducatur ad hoc quod afficiatur circa bonum alterius: per hoc igitur quod aliquis ab alio sperat bonum, fit homini via ut illum diligat: a quo bonum sperat secundum seipsum, quando diligens bonum eius vult, etiam si nihil ei inde proveniat. Cum igitur per gratiam gratum facientem causetur in homine quod Deum propter se diligit: consequens fuit ut etiam per gratiam homo spem de Deo adipisceretur. Amicitia vero qua quis alium secundum se diligit, et si non sit propter propriam utilitatem, habet tamen multas utilitates consequentes, secundum quod unus amicorum alteri subuenit, ut sibi ipsi: unde oportet quod cum aliquis alium diligit, & cognoscit se ab eo diligi, quod de eo spem habeat. per gratiam autem ita constituitur homo Dei dilector secundum charitatis effectum, quod etiam instruitur per fidem quod a Deo prae diligitur: secundum illud quod habetur 1. Ioan. 4. In hoc est dilectio, non quasi nos dilexerimus Deum: sed quoniam ipse prior dilexit nos: consequitur igitur ex dono gratiae quod homo de Deo spem habeat. Ex quo etiam patet quod sicut spes est praeparatio hominis ad veram Dei dilectionem: ita & converso ex charitate homo in spe confirmatur.

2. Amplius, in omni diligente causatur desiderium ut vivatur suo dilecto in quantum possibile est: & hinc est quod delectabilissimum est amicis condnuere. si ergo per gratiam homo Dei dilector constituitur, oportet quod in eo causetur desiderium unionis ad Deum secundum quod possibile est: fides autem quae causatur ex gratia, declarat possibilem esse unionem hominis ad Deum secundum perfectam fruitionem in qua beatitudo consistit. huius igitur fruitionis desiderium in homine consequitur ex Dei dilectione: sed desiderium rei aliquis molestat animam desiderantis, nisi ad se spes de consequendo. Conueniens igitur fuit ut in hominibus in quibus Dei dilectio & fides causatur per gratiam, quod etiam causetur spes futurae beatitudinis adipiscendae.

3. Item, in his quae ordinantur ad aliquem finem desideratum, si aliqua difficultas emergerit, solatium affert spes de fide consequenda: sicut amaritudinem medicinae aliquis leniter fert propter spem sanitatis. in processu autem quo in beatitudinem tendimus, quae est finis omnium desideriorum nostrorum, multa difficultas imminet sustinenda: nam virtus per quam ad beatitudinem itur, circa difficultas est. ad hoc igitur ut lenius & promptius homo in beatitudinem tenderet, necessarium fuit ei spem de obtinenda beatitudine adhibere, nullus mouetur ad finem ad quem aestimat esse impossibile perveniri: ad hoc ergo quod aliquis pergrat in finem aliquem, oportet quod afficiatur ad finem illum tanquam possibilem haberi: & hic est affectus spei. cum igitur per gratiam homo dirigatur in ultimum finem beatitudinis, necessarium fuit ut per gratiam imprimetur humano affectui spes de beatitudine consequenda.

Hinc est quod dicitur 1. Petri 1. Regeneravit nos in spem viam in hereditatem immarcescibilem conservatam in caelis. & Roman. 8. dicitur: Spe salvi facti sumus.

Super Cap. 153.



**T**ERTIA conclusio est: Oportet per gratiam in nobis spem futuram beatitudinis causari. probatur sic. Primo ex eo quod per gratiam causatur in nobis charitas & fides, & procedit ex duplici capite, ex eo scilicet quod spes charitatem antecedit, & ex eo quod charitatem sequitur spei confirmatio. Vtroque enim modo sequitur quod gratia, quae est charitatis causa & fidei fit etiam causa spei: quia ut dicebatur superius, quod est causa alicuius, per modum naturalis sequela ab ipso originati, est etiam causa eius quod antecedit ad ipsum: & similiter quod est causa alicuius est etiam causa eius quod ad ipsum naturaliter consequitur. Ex primo itaque capite arguitur: Causatur in homine per gratiam gratum facientem quod Deum propter se diligit, ergo sequitur ut per ipsam homo spem de Deo adipiscatur. probatur consequentia, quia per hoc quod aliquis ab alio sperat bonum, fit homini via ad hoc ut illum diligat secundum seipsum, volendo scilicet ei bonum, etiam si nihil sibi inde proveniat. hoc autem probatur, quia cum dilectio quae est ad alios, proveniat in homine ex dilectione quae est ad seipsum, oportet quod homo per hoc quod circa proprium bonum afficitur, perducatur ad hoc quod afficiatur circa bonum alterius. Ex secundo vero capite arguitur sic: Per gratiam ita constituitur homo Dei dilector, secundum charitatis affectum, quod etiam instruitur per fidem quod a Deo prae diligitur, ut habetur prima Ioannis quarto. ergo sequitur ex dono gratiae quod homo de Deo spem habeat. probatur consequentia, quia cum amicitia multas habeat utilitates consequentes, quantum propter propriam utilitatem non sit, oportet cum aliquis alium diligit, & cognoscit se ab eo diligi, quod de eo spem habeat.

Ad evidentiam huius rationis considerandum est ex doctrina sancti Thomae 2. 2. quae 1. 7. artic. 8. & de Veritate quae 1. 2. de Spe, artic. 3. quod circa duplex sit amor, scilicet imperfectus quo quis amat aliquid non propter ipsum, sed ut illius bonum sibi ipsi proveniat: & perfectus quo, aliquis secundum se amat: spes ad primum amorem spectat, cum ille speret quod aliquid obtinere intendit: ad charitatem vero quae inhaeret Deo secundum seipsum, pertinet primus amor: & quia via generationis imperfectum prae dedit perfectum, via vero perfectionis & formae perfectum naturaliter est prius imperfecto: ideo convenienter dictum est per hoc quod aliquis ab alio sperat bonum, parari viam ad hoc ut illum secundum seipsum diligit, & quod ex charitate homo in spe confirmatur, tanquam videlicet ex priore naturaliter, & secundum perfectionem. Secundo. Ex gratia homo dilector Dei constituitur, ergo causatur in eo desiderium unionis ad Deum secundum quod possibile est: fides quae causatur ex gratia, declarat possibilem esse unionem hominis ad Deum secundum perfectam fruitionem, ergo & desiderium fruitionis divinae a gratia & a dilectione causatur, ergo & spes futurae beatitudinis adipiscendae, probatur prima consequentia, quia in omni diligente causatur desiderium ut vivatur suo dilecto quantum possibile est. ultima vero, quia desiderium rei aliquis molestat animum desiderantis, nisi addit spes de consequendo.

Ad VERTE quod fundamentum huius rationis est, quod a gratia causatur dilectio & fides, ab his autem duobus causatur spes divinae fruitionis obtinendae, a dilectione quidem in quantum ab ipsa causatur desiderium possibilem unionis ad Deum, a fide autem in quantum ostenditur per ipsam talem unionem quae est secundum perfectam fruitionem, possibilem esse. Tercio. In processu quo in beatitudinem desideratam tanquam in ultimum finem tendimus, multa difficultas imminet sustinenda, cum virtus per quam ad eam tendimus, circa difficultas sit. ergo ad hoc ut lenius & promptius homo in beatitudinem tenderet, necessarium fuit ei spem de ea obtinenda adhibere, probatur consequentia, quia in his quae ordinantur ad aliquem finem desideratum si aliqua difficultas emergerit, solatium affert spes de fine consequendo, ut patet in desiderante sanitate. Quarto per gratiam homo dirigatur in ultimum finem, ergo, &c. probatur consequentia, quia cum nullus moveatur ad finem ad quem aestimat esse impossibile perveniri, ad hoc quod aliquis pergrat in finem aliquem, oportet ut afficiatur ad illum tanquam possibilem haberi, & hic est affectus spei.

Ad huius ultimi dicti evidentiam considerandum est ex doctrina sancti Thomae in quaestionibus praedictis quod spes ad appetitum spectat, quia tendit in bonum tanquam in obiectum, bonum autem est voluntatis obiectum, est enim sperare motus quidam appetitus virtutis tendentis in bonum arduum possibile, sed cum difficultate assequendum: propterea bene hic dictum est quod affici ad aliquem finem tanquam possibilem haberi, est effectus spei. Confirmatur conclusio auctoritate prima Petri primo. Regeneravit, &c. & ad Rom. 8. Spe, &c.

CIRCA praedicta dubium occurrit. Videtur enim quod gratia non precedat fidem, charitatem, & spem, tanquam eius aliquo modo causa, ut ostensum est in praecedentibus, sed magis gratia sequatur ad ista. Ut enim ostendit sanctus Thomas in 1. 2. quae 1. 3. & Veritate quae 1. 2. ad iustificationem impii requiritur motus liberi arbitrii in Deum secundum fidem & charitatem, & spem, tanquam dispositio ad susceptionem gratiae, sed dispositio praecedat formam, ergo praedicta gratiam praecedunt.

Ad huius evidentiam considerandum est, quod hoc loco intendit S. Th. ponere ordinem gratiae ad virtutes supra dictas qui convenit eis per se, non autem per ordinem qui convenit eis per accidens ratione conditionis subiecti. quod autem gratia infundatur homini adulti existenti in peccato, & per consequens cui conveniat se per actum liberi arbitrii ad gratiam preparare, per accidens est, cum etiam in non adulto per baptismum gratia infundatur absque liberi arbitrii praeparatione & dispositione: ideo accidit gratia quod ipsam comparentur actus illarum virtutum per modum dispositionis & praeparationis cuiusdam: per se autem convenit gratia ut sit radix & fundamentum illarum virtutum, & earum aliquo modo forma, & per consequens quod illas naturae ordine praecedat, sicut animae essentia suas praecedat potentias



tentias: & ideo hic ponitur gratia tanquam ipsas virtutes naturæ ordine præcedens: & falsum est quod motus liberi arbitrij sit per se dispositio ad gratiam. Sed tamen quia etiam in adulto peccatore dum iustificatur, infunduntur in eodem instanti gratia, atque virtutes supradictæ quæ Theologales dicuntur, oportet etiam inter illas naturæ ordinem inuestigare. Vbi advertendum est ex doctrina sancti Thomæ de Veri. quæst. 29. artic. 8. quod ordo naturæ potest attendi dupliciter inter ista, scilicet secundum rationem causæ materialis, in quo ordine imperfectum est prius perfectio tanquam materię propinquis: & secundum ordinem causæ formalis, in quo ordine prius est quod est formaliter & perfectius. Primo modo motus liberi arbitrij naturaliter præcedit gratiæ infusionem, sicut dispositio materialis formam: Secundo verò modo gratia præcedit motu liberi arbitrij, sicut dispositio quæ est necessitas ad formam ipsam concomitans, in rebus naturalibus aliquo modo præcedit formam substantialem in genere causæ materialis, in quantum se tenet ex parte materię: sed ex parte causæ formalis est econverso, quia forma substantialis perficit & materiam & accidentia materialia.

SE D. resolutio dubium: Nam sancti Thomæ 1.2. quæst. 117. artic. 2. ad 2. loquens de motu liberi arbitrij in quantum est dispositio ad gratiam, ait quod naturæ ordine præcedit consecutionem gratiæ, sequitur autem gratiæ infusionem: hic autem dictum est de mente ipsius quod præcedit gratiæ infusionem. Respondetur quod nulla est repugnancia in dictis sancti Thomæ si diligenter considerentur. De gratiæ enim infusione dupliciter loqui possumus. Vno modo ut se tenet ex parte agentis tantum, distinguiturque à motu patientis, qui dicitur gratiæ susceptio eo modo quo actio distinguitur à passione formaliter. Alio modo ut ex parte patientis se tenet, sicut calefactio potest accipi pro actione calefacientis tantum, & potest accipi pro passione calefacti, siue pro susceptione caloris. Si accipitur secundum modo, sic gratiæ infusio ordine naturæ motu liberi arbitrij sequitur & ad hunc sensum locutus sumus superius. Si autem primo modo accipitur, sic præcedit, & ad hunc sensum loquitur in prima secunde, sub aliis verbis. Potest dici quod dupliciter ista considerari possunt. Vno modo ex parte agentis, & sic gratiæ infusio præcedit, quia prius est actionem ab agente procedere quam aliquam dispositionem, simul præsertim existentem, cum forma in mobili suscipi. Alio modo ex parte mobilis, & sic gratiæ infusio sequitur, quia prius natura est subiectum ad formam disponi, quam suscipere formam. Quod autem hoc sit ad mentem sancti Thomæ patet ex verbis eius, in quibus ait quod dispositio subiecti præcedit susceptionem formæ ordine naturæ, sequitur tamen actionem agentis per quam etiam ipsum subiectum disponitur, & ideo motus liberi arbitrij præcedit consecutionem gratiæ, sequitur autem gratiæ infusionem. Patet enim quod in iis verbis supponit sancti Thomæ una actione infundi gratiam & dispositionem ad ipsam, & quod accipit infusionem gratiæ pro actione tantum qua Deus gratiam infundit, quæ naturaliter & dispositionem subiecti & formæ susceptionem præcedit, sicut actio præcedit naturaliter passionem: & sic considerat ordinem istorum ex parte agentis, cum dicit gratiæ infusionem præcedere dispositionem subiecti & motum liberi arbitrij: eum autem dicit dispositionem subiecti & motu liberi arbitrij præcedere susceptionem gratiæ, constat quod loquitur de infusione gratiæ ex parte susipientis, & quod considerat ordinem dispositionis & formæ ex parte mobilis siue susipientis, in quo naturaliter prius recipitur dispositio ad formam quam ipsa forma. Vnde patet quod intentio sancti Thomæ in prima secunde non discordat ab aliis quæ in quæstionibus de veritate dicit, & quod superius annotauimus, scilicet quod secundum ordinem causæ materialis motus liberi arbitrij præcedit gratiæ infusionem, quam in prima secunde vocat gratiæ susceptionem: secundum verò ordinem causæ formalis gratiæ infusio, quæ scilicet nominat actionem, motum liberi arbitrij præcedit.

De donis gratiæ gratis data, in quo & de diuinis donis demonum.

Cap. 154.

Idem 1. 2. q. 111. artic. 4.



**Q**UIA verò ea quæ homo per se non videt, cognoscere non potest, nisi ea recipiat ab eo qui videt: fides autem est de his quæ non videmus: oportet cognitionem fidei eorum de quibus est fides, ab eo deriuari, qui ea per se videt: hic autem Deus est, qui seipsum perfecte comprehendit, & naturaliter suam essentiam videt. De Deo enim fidem habemus: oportet igitur ea quæ per fidem tenemus, à Deo in nos peruenire: cum autem quæ à Deo sunt, ordine quodam agantur, ut supra \* ostensum est: in manifestatione eorum quæ sunt fidei, ordinem quendam obseruari oportuit, scilicet ut quidam immediate à Deo reciperent, alij verò ab his, & sic per ordinem usque ad ultimos, in quibuscunque autem est aliquis ordo, oportet quod quantum aliquid est propinquius primo principio, tanto virtuosius inueniatur: quod in hoc ordine manifestationis diuinæ apparere inuisibilia enim, quorum visio beatos facit, de quibus fides est primò à Deo reuelantur angelis beatis per apertam visionem, ut ex \* supradictis patet, deinde angelorum interueniente officio manifestat quibusdam hominibus, non quidem per apertam visionem, sed per quādam certitudinem proueniētem ex reuelatione di-

uina: quæ quidem reuelatio fit quodam interiori & intelligibili lumine mentem eleuante ad percipiendū ea ad quæ per lumen naturale intellectus pertingere non potest. sicut enim per lumen naturale intellectus redditur certus de his quæ lumine illo cognoscit, ut de primis principiis: ita de his quæ supernaturali lumine apprehendit, certitudinem habet. hæc autem certitudo necessaria est ad hoc quod aliis proponi possint ea, quæ diuina reuelatione percipiuntur. non enim cum securitate aliis proferimus de quibus certitudinem non habemus: cum prædicto autem lumine mentem interiorius illustrantē adsunt aliquando in diuina reuelatione aliqua exteriora vel interiora cognitionis auxilia: ut pote aliquis sermo exterius sensibilibiter auditus, qui diuina virtute formetur: aut per imaginationem interiori Deo faciente perceptus: siue etiam aliqua corporaliter visa exterius à Deo formata: vel etiam interiori in imaginatione descripta: ex quibus homo per lumen interiori menti impressum cognitionem accipit diuinorum: vnde huiusmodi auxilia sine inferiori lumine ad cognitionem diuinorum non sufficiunt: lumen autem interiori sufficit sine istis. Hæc autem inuisibilia Dei reuelatio ad sapientiam pertinent, quæ propriè est cognitio diuinorum. Et ideo dicitur Sapientia 7. Quod sapientia Dei per nationes in animas sanctas se transfert: neminem enim diligit Deus nisi eum qui cum sapientia inhabitat. & Ecclesiastici 15. dicitur: Impleuit eum Dominus Spiritu sapientiæ & intellectus. Sed quia inuisibilia Dei per ea quæ facta sunt intellecta conspiciuntur: per diuinam gratiam non solum reuelantur hominibus diuina, sed etiam aliqua de rebus creatis: quod ad sciēciam pertinere videtur. Vnde dicitur Sapientia 7. Ipse dedit mihi horum quæ sunt sciēciam veram, ut sciam dispositionem orbis terrarum, & virtutes elementorum. Et 2. Paralip. 1. Dominus dixit ad Salomonē: Scientia & sapientia data sunt tibi. Ea verò quæ homo cognoscit, in notitiā alterius producere conueniēter non potest nisi per sermonem, quia igitur illi qui à Deo reuelationem accipiunt secundum ordinem diuinitus institutum, aliquos instruere debent: necessarium fuit ut etiam his gratia locutionis daretur: secundum quod exigeret veritas eorum qui erant instruendi. Vnde dicitur Isaie 50. Dominus dedit mihi linguam eru. ut sciam sustinere eum qui lapsus est verbo. & dominus discipulis dicit Lucæ 21. Ego dabo vobis os & sapientiam cui non poterit resistere. & contradi. omnes aduersarij vestri. Vnde & propter hoc etiam quando oportuit per paucos virtutē fidei in diuersis gentibus prædicari, instructi sunt quidam diuinitus ut linguis variis loquerentur: sicut dicitur Act. 2. Repleti sunt omnes Spiritu sancto, & coeperunt loqui variis linguis, prout Spiritus sanctus dabat eloqui illis. Sed quia sermo propositus confirmatione indiget ad hoc quod recipiatur, nisi sit per se manifestus: ea autē quæ sunt fidei, sunt humanæ rationi immanifesta: necessarium fuit aliquid adhiberi quo confirmaretur sermo prædicantiū fidem. Nō autē confirmari poterat per aliqua principia rationis per modū demonstrationis: cum ea quæ sunt fidei, ratione excedant: oportuit igitur aliquibus indiciis confirmari prædicantiū sermonē: quibus manifeste ostēderetur huiusmodi sermonē processisse à Deo dum prædicantes talia operarentur sanando infirmos, & alias virtutes operando, quæ non posset facere alijs nisi Deus. Vnde Dominus discipulos ad prædicandum mittens dixit Mat. 10. Infirmos curate, mortuos suscite, leprosos mundate, demones eicite. & Marci ultimo dicitur: Illi autem profecti prædicauerunt, vbique Domino cooperante, & sermonem confirmante, sequentibus signis. Fuit autem & alius confirmationis modus, ut dum prædicatores veritatis vera inuenirentur dicere de occultis quæ postmodum manifestari possunt, eis crederetur vera dictentibus de his quæ homines experiri non possunt. vnde necessarium fuit donum prophetiæ per quod futura & ea quæ communiter homines latent, Deo reuelante possent homines cognoscere, & aliis indicare: ut sic dum in his inueniretur vera dicere, in his quæ sunt fidei, eis crede retur

\* Cap. 77. usque ad 83.

\* Cap. 79. & 80. huius lib.



retur. Vnde Apostolus dicit ad Cor. 14. Si autem omnes prophetent, intret autem quis infidelis vel idiota, conuincitur ab omnibus, diiudicatur ab omnibus, occulta enim cordis eius manifesta sunt: & ita cadens in faciem adorabit Deum, pronuncians quod Deus verè in vobis sit. Non autem per hoc prophetiæ donum sufficiens testimonium fidei adhiberetur, nisi esset de his quæ à solo Deo cognosci possunt: sicut & miracula talia sunt, quod solus Deus ea potest operari. \* Huiusmodi autem præcipue sunt in rebus inferioribus occulta cordium, quæ solus Deus cognoscere potest, vt supra \* ostensum est, & futura contingentia, quæ etiam soli diuinæ cognitioni subsunt: quia ea in seipsis videt, cum sint ei præsentia ratione suæ æternitatis: vt supra \* ostensum est. Possunt tamen aliqua futura contingentia etiam ab hominibus præcognosci, non quidem in quantum futura sunt, sed in quantum in causis suis præexistunt: quibus cognitis vel secundum seipsa, vel per aliquos effectus earum manifestos, quæ signa dicuntur, de aliquibus effectibus futuris potest ab homine præcognitio haberi: sicut medicus præcognoscit mortem vel sanitatem futuram ex statu virtutis naturalis quam cognoscit pulsū, vrina & huiusmodi signis. huiusmodi autem cognitio futurorum partim quidem certa est, partim quidem incerta. Sunt enim quædam causæ præexistentes ex quibus futuri effectus ex necessitate consequuntur: sicut præexistente compositione ex contrariis in animali ex necessitate sequitur mors: quibusdam verò causis præexistentibus sequuntur futuri effectus non ex necessitate, sed vt frequenter: sicut ex semine hominis in matricem proiecto vt in pluribus sequitur homo perfectus. Quandoque tamen monstra generantur propter aliquod impedimentum superueniens operationi supernaturalis virtutis. Primorum igitur effectuum præcognitio infallibiliter certa habetur: horum autè quæ posterius dicta sunt, non est præcognitio infallibiliter certa. Cognitio autè quæ de futuris habetur ex reuelatione diuina secundum gratiam prophetalem, est omnino certa: sicut & diuina præcognitio est certa, non enim Deus præcognoscit futura solum prout sunt in suis causis, sed infallibiliter secundum quod sunt in seipsis: sicut superius \* ostensum est. vnde & cognitio prophetica per eundem modum datur homini de futuris cum certitudine perfecta. Nec tamen hæc certitudo repugnat contingentia futurorum: sicut nec certitudo scientiæ diuinæ, vt supra \* ostensum est. Reuelantur tamen aliquando aliqui futuri effectus prophetis, nõ secundum quod sunt in seipsis, sed secundum quod sunt in causis suis: & tunc nihil prohibet si causæ impediunt ne perueniant ad suos effectus, quod etiam propheta præcognitio immutetur: sicut Isaia prophetauit Ezechia ægrotanti, Dispone domui tuæ, quia morieris, & non vines, qui tamen sanatus est. & Jonas propheta prænuñciauit, quod post 40. dies Ninive subuerteretur, nec tamen est subuersa. prænuñciauit enim Isaia mortem futuram Ezechia secundum ordinem dispositionis corporis & aliarum causarum inferiorum ad istum effectum: & Jonas subuersionem Ninivæ secundum exigentiam meritorum: vtroque tamè aliter euenit secundum operationem Dei liberantis & sanantis. Sicigitur prophetica denunciatio de futuris sufficiens est fidei argumentum: quia licet homines aliqua de futuris præcognoscant, non tamen de futuris contingentibus est præcognitio cum certitudine: sicut est præcognitio prophetiæ. Et si enim aliquando fiat prophetæ reuelatio secundum ordinem causarum ad aliquem effectum, simul tamè vel postea fit eidem reuelatio de euentu futuri effectus qualiter sit immutandus: sicut Isaia reuelata fuit sanatio Ezechia, & Ionæ liberatio Ninivitarum. Maligni autem spiritus veritatem fidei corrumpere molientes, sicut abutuntur operatione miraculorum, vt errorem inducant, & argumentum veræ fidei debilitent, nõ tamè verè miracula faciendo, sed ea quæ hominibus miraculose apparent, vt supra \* ostensum est: ita etiam abutuntur prophetica prænuñtiatione: non quidem verè prophetando, sed prænuñciando aliqua

secundum ordinem causarum homini occultarum, ut videantur futura præcognoscere in seipsis: & licet ex causis naturalibus effectus contingentes proveniāt, prædicti tamen spiritus subtilitate intellectus sui magis possunt cognoscere quàm homines: quia cognoscunt quādo & qualiter effectus naturalium causarū impediri possint, & ideo in prænunciando futura mirabiliores & veraciores apparent quàm homines quantuncunque scientes. Inter causas autem naturales supremæ & à cognitione nostra magis remotæ sunt vires cælestiū corporum, quas prædictis spiritibus cognitās esse secundum proprietatem suæ naturæ ex superioribus patet. Cùm ergo omnia inferiora corpora secundum vires & motum superiorum corporū, disponantur, possunt prædicti spiritus multo magis quàm aliquis astrologus prænunciare ventos & tépestates futuras, corruptiones aëris, & alia huiusmodi, quæ circa mutationes inferiorum corporum accidunt ex motu superiorum corporum causata: & licet cælestia corpora super partem intellectiua animæ directè non possint imprimere, ut supra \* ostensum est, plurimi tamen sequuntur impetus passionum, & inclinationes corporales, in quas efficaciam habere cælestia corpora manifestum est. solum enim sapientum, quorum est parvus numerus, est huiusmodi passionibus obuiare, & inde est quòd etiam de actibus hominum multa prædicere possunt: licet quādoque & ipsi in prænunciando deficient, propter arbitrii libertatem. Ea verò quæ præcognoscunt, prænunciant quidem non mète illustrando, sicut in reuelatione diuina: non enim eorum intentio est ut mens humana perficiatur ad veritatem cognoscendam: sed magis quòd à veritate auertatur: prænunciant autem quādoque quidā secundum imaginationis immutationem vel in dormiendo, sicut cùm per somnia aliquorum futurorum indicia monstrant: siue etiam vigilando, sicut in arreptitiis & phreneticis patet, qui aliqua futura prænūtiāt: aliquādo verò per aliqua exteriora indicia, sicut per motus & garritus auium, & per ea quæ apparent in extis animalium, & in punctorum quorundā descriptione: & in similibus quæ sorte quadam fieri vidētur. aliquando autem visibiliter apparēdo, & sermone sensibili prænunciando futura. Et licet horū vltimū manifestè per malignos spiritus fiat, tamē alia quidā reducere conātur in aliquas causas naturales. Dicunt enim quòd cùm corpus cæleste moueat ad aliquos effectus in istis inferioribus: ex eiusdem corporis impressione in aliquibus rebus illius effectus magna quædam apparent. cælestem enim impressionem diuersæ res diuersimodè recipiunt. secundum hoc ergo dicunt quòd immutatio quæ fit à corpore cælesti in aliqua re, potest accipi ut signum immutationis alterius rei: & ideo dicunt quòd motus qui sunt præter deliberationem rationis, ut visa somniantium, & eorum qui sunt mente capti, & motus & garritus auium, & descriptiones punctorum, cùm quis non deliberat quot puncta debeat scribere, sequuntur impressionem corporis cælestis: & ideo dicunt quòd huiusmodi possunt esse signa effectuum futurorum, qui ex motu cælestis causantur. Sed quia hoc modicam rationem habet, magis æstimandum est quòd prænunciationes quæ ex huiusmodi signis fiunt, ab aliqua intellectuāli substantia originem habeant: cuius virtute disponuntur prædicti motus præter deliberationem existentes, secundum quòd congruit obseruationi futurorum. Et licet quandoque hæc disponantur voluntate diuinæ ministerio bonorum spirituum: quia & à Deo multa per somnia reuelantur, sicut Pharaoni, \* & Nabucho donosor: & fortes quæ mittuntur in sinum: quandoque etiam à Domino temperantur, ut Salomon dicit: \* tamen plerunque ex operatione spirituum malignorum accidunt: ut & sancti doctores dicunt, & etiam ipsi gentiles censuerunt. \* dicit enim Maximus Valerius, quòd obseruatio auguriorū & somniorum, & huiusmodi, ad religionē pertinent qua idola colebantur. Et ideo in veteri lege simul cū idololatria hæc omnia prohibebātur, dicitur enim Deuteronomij 18. Nec imitari velis abominationes illarum gentiū ( quæ scilicet

\* Capit. 84.  
huius lib.

Ge. 41. Da-  
niel. 2. & 4.  
\* In Prouer-  
biis cap. 16.

\* Cap. primo  
primi libri.  
De memorat.  
dictis.



idolis seruiebant (nec inueniatur in te qui lustret filium suum aut filiam, ducens per ignem: aut qui ariolos sciscitetur, aut obseruet somnia atque auguria: nec sit maleficus nec incantator: neque Pythones consulat, nec diuinos, & quærat à mortuis virtutem. Attestatur autem prædicationi fidei prophetia per alium modum: inquantum scilicet aliqua fide tenenda prædicantur quæ temporaliter aguntur: sicut natiuitas Christi, passio, & resurrectio, & huiusmodi: & ne huiusmodi ficta à prædicantibus esse credantur, aut casu aliter euenisse, ostenduntur longè antè per prophetas prædicta. Vnde Apostolus dicit Romanorum primo: Paulus seruus Iesu Christi, vocatus apostolus, segregatus in euangelium Dei, quod antè promiserat per prophetas suos in scripturis sanctis de filio suo, qui factus est ei ex semine Dauid secundum carnem. Post gradum autem illorum qui immediatè reuelationem à Deo recipiunt, est necessarius alius gratiæ gradus. Quia enim homines reuelatione à Deo accipiunt non solum pro præsentis tempore, sed etiam ad instructionem omnium futurorum, necessarium fuit ut non solum ea quæ ipsis reuelantur, sermone narrarentur præsentibus: sed etiam scriberentur ad instructionem futurorum: vnde & oportuit aliquos esse qui huiusmodi scripta interpretarentur: quod diuina gratia esse oportet: sicut & ipsa reuelatio per gratiam Dei fuit. Vnde & Genesis quadagesimo dicitur: Nunquid non Dei est interpretatio? Sequitur autem vltimus gradus, eorum scilicet qui ea quæ aliis sunt reuelata, & per alios interpretata, fideliter credunt: hoc autem Dei donum esse, superius\* ostensum est. Quia verò per malignos spiritus aliqua similia fiunt his quibus fides confirmatur tam in signorum operatione, quam in futurorum reuelatione, ut supra\* dictum est, ne per huiusmodi homines decepti mēda cio credant, necessarium est ut adiutorio diuinæ gratiæ instruantur de huiusmodi spiritibus discernendis, secundum quod dicitur primæ Ioannis quanto: Nolite omni spiritui credere, sed probate spiritus, si ex Deo sunt. Hos autem gratiæ effectus ad instructionem & confirmationem fidei ordinatos Apostolus enumerat primæ ad Corinthios duodecimo dicēs. Alij per spiritum datur sermo sapientiæ: alij autem sermo scientiæ secundum eundem spiritum: alteri fides in eodem spiritu: alij gratia sanctorum in vno spiritu: alij operatio virtutū: alij prophetia: alij discretio spirituum: alij genera linguarum: alij interpretatio sermonum. Per hoc autem excluditur error quorundam\* Manichæorum qui dicunt corporalia miracula non esse à Deo facta. Simul etiam excluditur eorum error quantum ad hoc quod dicunt prophetas non esse spiritu\* Dei locutos.

Cap. 15.

Paulo ante.

\* Exclusio error. Manich. hi sunt qui dicunt duo principia: & corpora non esse à Deo.

\* Apellis dic.

Proph. non esse loquent. spir. Dei. teste Eu. feb. lib. 5. hist. Eccl. cap. 13.

\* De Mont. testatur Epiph. lib. 1. Tom. 3. heres. 48.

Excluditur etiam error Priscille & Montani, qui dicebant prophetas tanquam arreptitios non intellexisse quæ loquebatur: quod diuinæ reuelationi non congruit, secundum quam mēs principalis illuminatur. In præmissis autem gratiæ effectibus consideranda est quædam differentia. Nam etsi omnibus gratiæ nomen competat: quia gratis absque præcedenti merito conferuntur, solus tamen dilectionis effectus vltimus nomen gratiæ meretur ex hoc quod gratum Deo facit. Dicitur enim Prouerbio octauo: Ego diligētes me diligo. vnde fides, & spes & alia quæ ad fidem ordinantur, possunt esse in peccatoribus qui non sunt Deo grati: sola autē dilectio est proprium donum iustorum: quia qui manet in charitate, in Deo manet, & Deus in eo, ut dicitur primæ Ioannis quarto. Est autem & alia differentia in prædictis effectibus gratiæ consideranda. Nam quidam eorum sunt ad totam vitam hominis necessarii: ut potē sine quibus salus esse non potest: sicut credere, sperare, diligere, & præceptis Dei obedire: & ad hos effectus necesse est habituales quasdam perfectiones hominibus inesse, ut secundum eas agere possint cum fuerit tempus. Alij verò effectus sunt necessarii non per totam vitam, sed certis temporibus & locis: sicut facere miracula, prænuntiare futura, & huiusmodi: & ad hos non dantur habituales perfectiones, sed impressiones quæ-

dam fiunt à Deo, quæ cessant actu cessante: & eas oportet iterari, cum actus iterari fuerit opportunum: sicut prophetia in qualibet reuelatione nouo lumine illustrantur: & in qualibet miraculorum operatione oportet adesse nouam efficaciam diuinæ virtutis.

Super Cap. 154.



OSTQVAM determinauit sanctus Thomas de effectibus gratiæ gratum facientis, vltimus de effectibus qui gratiæ gratis datæ nominantur, determinat, & eos enumerando eorum rationem reddit. Circa hoc autem duo facit. Primò eos enumerat, eorumque rationem reddit. Secundò ostendit quidam differentias inter effectus huiusmodi, comprehendendo etiam superius enumeratos.

QVANTVM ad primū, considerandum est ex doctrina sancti Thomæ prima secundæ, quæstione centesima vndecima, articulo primo, & de Veritate quæstione vigesima septima, articulo quinto, quod gratia secundum quod nominat donum aliquod, quod homini à Deo supra conditionem naturæ, & supra meritum gratis conceditur diuiditur: quia quædam est per quam homo illam habens Deo coniungitur, & illi est gratus: & hæc vocatur gratia gratum faciens: quædam verò est per quam vnus homo cooperatur alteri ad hoc ut reducat ad Deum, non autem per ipsam redditur gratus, ad beatitudinem scilicet consequendam: & hæc retinet sibi commune nomen, & vocatur gratia gratis data. Prima gratia non multiplicatur in vno, sed est tantum vna. Secunda verò multiplicatur, & ideo ponuntur multa dona ipsius. Et de iis in præsentī capite determinatur.

PRIMA ergo gratia gratis data est sapiētia, quæ est cognitio diuinorum, ad quam dicit sanctus Thom. pertinere inuisibilem Dei reuelationē, id est eorum ad quæ mens humana per lumen naturale intellectus pertingere non potest, de qua fit mentio Sapientiæ 7. & Eccl. 15.

HVIUS autem gratiæ necessitatem manifestat notando quinque. Primum est, quod ea quæ per fidem de Deo tenemus, oportet in nos à Deo peruenire: quia ea quæ homo per se non videt, qualia sunt ea quæ per fidem tenemus, cognoscere non potest, nisi ea recipiat ab eo qui videt: hic autem est Deus qui seipsum comprehendit, & naturaliter suam essentiam videt. Secundum est, quod cum ea quæ à Deo sunt, ordine quodam agantur, in manifestatione eorum quæ sunt fidei, ordinem quandam obseruari oportuit, ut scilicet quidam immediatè à Deo recipiant, alij verò ab iis, & sic per ordinem vsque ad vltimos. Tertium est, quod in quibuscunque est aliquid ordo, quod aliquid est principio primo propinquius, tanto virtuosius iauenitur: iccirco in diuinæ manifestationis ordine inuisibilia, de quibus est fides primò à Deo angelis beatis reuelantur per apertam visionem: deinde interueniente angelorum officio quibusdā hominibus manifestantur: non per apertam visionem, sed per quandam certitudinem ex diuina reuelatione, interiori quodam & intelligibili lumine mentem eleuantem prouenientem, sicut per lumen naturale intellectus redditur certus de iis quæ illo lumine cognoscit. Quartum est, quod hæc certitudo necessaria est ad hoc quod aliis proponi possint ea quæ diuina reuelatione percipiuntur, alioquin non proponerentur cum securitate. Quintum est, quod cum prædicto lumine adsunt aliquando in diuina reuelatione aliqua exteriora vel interiora cognitionis auxilia, aut audita scilicet aut visa, diuina virtute formata, quæ exteriori sensui vel imaginatione percipiuntur, quæ quidem auxilia sing. interiori lumine ad cognitionem diuinorum non sufficiunt: lumē autem interius sufficit sine illis.

CIRCA hoc quintum dictum aduertendum est, ut ex superioribus patet, quod cum duo concurrant ad cognitionem humanam, scilicet receptio rerum, & iudicium de rebus representatis, representatio fit per specierum receptionem: iudicium verò per lumen intelligibile: & quia iudicium est cognitionis completium, ideo principale in cognitione est intellectuale lumen, sine quo iudicium fieri non potest. Propterea bene dicitur, quod prædicta auxilia non sufficiunt sine interiori lumine ad diuinorum cognitionem, sed bene lumen interius sufficit sine illis. Pharaon enim per visum in somnis non intellexit quid representabatur: quia carebat supernaturali lumine. Ioseph autem lumine supernaturali illustratus, cognouit quid talia somnia præsignarent, cui tamen non fuerant talia immixta somnia.

ADVERTENDVM vltius quod ex hoc discursu vult sanctus Thom. & necessitatem huius doni habere, & modum ipsius: necessitatem quidem quia cum gratia gratis data ordinetur ad hoc ut homo alteri cooperetur ad salutem, exterius docendo vel persuadendo, oportet hominem de rebus diuinis, quas aliis vult tradere, certitudinem per diuinam reuelationem habere, quod sibi per donum sapientiæ conuenit. modum autem, quia à Deo in homine ordinatè per reuelationem descendit. Secunda est scientia ad quam pertinere videtur diuina reuelatio de rebus creatis, de qua fit mentio Sapientiæ 7. & 2. Paralipom. 1. Huius necessitatem ostendit sanctus Thom. quia inuisibilia Dei per ea quæ facta sunt conspiciuntur. Tertia est donum linguarum, de quo fit mentio Isaie quinquagesimo, & Lucæ vigesimo primo. Huius necessitas ostenditur, quia ea quæ homo cognoscit, in notitiam alterius conuenienter producere non potest nisi per sermonem. vnde quando oportuit per paucos virtutem fidei in diuersis genibus prædicari, instructi sunt quidam diuinitus ut variis linguis loquerentur, ut patet Actuum secundo. Quarta est gratia miraculorum, de qua fit mentio Matthei decimo, & Marci vltimo. Necessitas huius ostenditur, quia sermo propositus nisi per se manifestus, confirmatione indiget: ea autem quæ sunt fidei, sunt humanæ rationi immanifesta. vnde cum manifestari non potuerit per principia demonstrationis, oportuit aliquibus indicis, operando scilicet ea quæ nullus alius posset facere nisi Deus, prædicantium sermonem confirmari, ostendique quod à Deo processerit. Quinta est prophetiæ gratia, cuius duplicem necessitatem ponit: quantum ad primam necessitatem dicit primo, quod ad hoc ut prædicatoribus verà dicentibus de iis quæ sunt fidei credere

tur, ne



tur, necessarium fuit donum prophetie per quod futura & ea quæ communiter homines latent, Deo reuelante possent cognoscere, & aliis indicare, quia dum inuenirentur vera dicere de occultis, quæ postmodum manifestari possunt, eis crederetur vera dicentibus de iis quæ homines experiri non possunt. Ad quod facit quod dicitur primæ Corinthiorum decimo quarto: Si autem omnes prophetent, &c. Secundo dicit quod per donum prophetie non adhibetur sufficiens fidei testimonium, nisi effectus de iis quæ à solo Deo cognosci possunt, quæ sunt occulta cordium in inferioribus, & futura contingentia. Sed quia posset aliquis dicere quod prophetica denunciatio de futuris non est sufficiens fidei argumentum, quia etiam homines naturaliter aliqua de futuris præcognoscunt: subiungit sanctus Thomas, quod differentia est inter præcognitionem futurorum ab hominibus naturaliter habitam, & eam quæ est secundum gratiam prophetalem, quia aliqua quidem futura ab hominibus cognosci possunt etiam contingentia, inquantum in suis causis præexistunt, quibus aut secundum seipsas, aut per manifestos effectus cognitis, quæ signa dicuntur, de aliquibus effectibus futuris potest ab homine præcognitio haberi: sicut medicus præcognoscit mortem aut sanitatem futuram: sed tamen huiusmodi futurorum præcognitio infallibiliter certa habetur de effectibus tantum qui ex præexistentibus causis de necessitate consequuntur, non autem de effectibus qui ex suis causis non de necessitate, sed vt frequenter eueniunt. Omnis autem cognitio de futuris quæ habetur ex reuelatione diuina secundum gratiam prophetalem, est omnino certa, sicut & diuina præcognitio quæ futura Deus infallibiliter cognoscit, secundum quod in seipsis sunt: nec ista certitudo contingentie futurorum repugnat, sicut nec certitudo diuinæ scientiæ, nec etiam ipsam tollit, quia prophetæ aliquando prænuntiant quæ non eueniunt, sicut Isaias de morte Ezechie prophetauit, & Ionas de subuersione Ninive, quæ tamen non eueniunt: quia aliquando reuelatur aliqui futuri effectus prophetis non secundum quod sunt in seipsis, sed secundum quod sunt in causis suis & tunc nihil prohibet si causæ impediuntur ne perueniant ad suos effectus, quod etiam prænuntiatio prophetæ immutetur: & ita fuit in prænuntiacione mortis Ezechie, & subuersionis Ninive, quorum vnum erat secundum causarum inferiorum dispositionem, alterum verò secundum meritum exigentiam. Addit autem sanctus Thomas, quod licet aliquando ita fiat, simul tamen vel postea fit prophetæ reuelatio de euentu futuri effectus, qualiter fit immutandus, sicut factum fuit Isaiæ & Ionæ.

POSET etiam aliquis arguere prophetica denunciationem non esse sufficiens fidei argumentum, quia demones aliqua vera prænuntiant: sed responder sanctus Thomas, & dicit primò, quod maligni spiritus sicut operatione miraculorum abutuntur, vt argumenta fidei debilitent, non verò miracula faciunt, sed ea quæ hominibus miraculosa apparent: ita & prophetica abutuntur prænuntiacione, non quidem verè prænuntiando, sed prænuntiando aliqua secundum ordinem causarum homini occultarum, inquantum hæc subtilitate sui intellectus magis possunt quam homines cognoscere, quia cognoscunt quando & qualiter effectus naturalium causarum impediuntur, & inquantum vires celestium corporum à nostra cognitione magis inter causas naturales remotas, secundum quas corpora inferiora disponuntur, cognoscunt. propter quod possunt magis quam aliquis astrologus prænuntiare ventos, & alia huiusmodi quæ circa mutationes corporum inferiorum ex motu superiorum corporum accidunt. Et etiam de actibus hominum multa vera prædicere possunt, inquantum plurimi impetus passionum & inclinationes corporales sequuntur, in quas efficaciam habere celestia corpora manifestum est, licet quandoque in prænuntiando deficient propter humani arbitrij libertatem. Dicit secundò, quod ea quæ præcognoscunt, prænuntiant, non mentem illustrando, sicut in reuelatione diuina, sed quandoque secundum immutationem imaginationis, sicut in dormientibus, in arreptitiis, & in phreneticis accidit: aliquando verò per aliqua exteriora indicia, vt per motus & garritus animi, & per ea quæ in extis animalium apparent, & in quorundam punctorum descriptione. Aliquando verò visibilibus apparendo, & sermone sensibili prænuntiando futura.

Dicit tertio, quod licet hoc vltimum manifestè per malignos spiritus fiat, quando scilicet adueniunt inuocati, alia tamen quidam reducere conantur in corpora celestia, dicentes quod motus qui sunt præter deliberationem, vt prænuntiati, sequuntur impressionem corporis celestis, & ideo possunt esse signa effectuum futurorum qui ex motu celestis causantur, quia ex eiusdem corporis impressione in aliquibus rebus effectus futuri signa quædam apparent. Sed inquit sanctus Thomas quod quia hoc modicam rationem habet, magis existimandum est hæc ab aliqua intellectuali substantia habere originem, cuius virtute disponuntur motus non deliberati secundum quod congruit obseruationi futurorum: & licet quandoque hæc disponantur voluntate diuina ministerio bonorum spirituum, tamen plerumque ex operatione malignorum spirituum accidunt, vt & sancti Doctores dicunt, & Gentiles, vt Valerius Maximus refert, censuerunt. Et ideo hæc omnia Deuteronomij 18. simul cum idolatria prohibebantur. Secunda necessitas prophetie est, quia cum aliqua fide tenenda prædicatur quæ temporaliter aguntur, sicut natiuitas Christi & huiusmodi, ne fidei à prædicantibus aut casu euenisse credantur, ostenduntur longè ante per prophetas prædicta, vt facit Apostolus ad Rom. 8.

CIRCA id quod de occultis cordium siue de cogitationibus inquit sanctus Thomas, quoniam ea solus Deus cognoscere potest, aduertendum vt dicitur prima questione 17. articulo quarto de Verit. questione octaua articulo decimo tertio, & Mal. quæst. decima sexta, quod intelligendum est de cognitione cogitationum intellectus & affectionum voluntatis in seipsis, vt scilicet cogitatio est in intellectu, & affectio in voluntate. solus enim Deus videt esse actuale talium quod in ipsis potentiis habent: non autem de cognitione ipsorum in suo effectu. Nam admittit sanctus Thom. quod per aliquam corporis transmutationem ex cogitatione prouenientem cogitatio cognosci potest non solum ab angelis, sed etiam ab hominibus: sicut cum ex eo quod aliquis pericula sibi imminere cogitat, excitatur passio timoris, & ex illa pallor subitus apparet in facie, & ex hoc subito faciei pallore cognosci potest quod cogitat timor.

rosa. Rationem autem assignat sanctus Thomas, quare à solo Deo inter cognoscencia extrinseca à cogitante, in seipsis cognoscuntur, quia videlicet quod aliquis actu cogitet, ex sola voluntate dependet, vnusquisque enim pro suo arbitrio habitibus & speciebus in se existentibus vitur: ea autem quæ ex sola voluntate dependent, aut in sola voluntate sunt, soli Deo sunt cognita, cum voluntas soli Deo subiaceat, & ipse solus in ea operari possit, eo quod sit eius principale obiectum vt vltimus finis.

CIRCA autem hanc rationem vt bene intelligatur (à Durando enim qui eam impugnatur secundo libro Sentent. male est intellecta) aduertendum quod eius fundamentum est hoc, vt explicat sanctus Thomas de Veritate loco allegato. Species enim intellectus angelici, & multo magis intellectus humani, habent loquendo de iis quæ ad angelum pertinent, solum res in natura existentes, id est naturas creatas representare, & ea quæ ad ipsas dependentiam habent aut connexionem, dicuntur autem ad naturam creatam habere dependentiam & connexionem ea, ad quæ aliqua natura creata determinationem habet. ideo ea quæ extra hunc ordinem sunt, quia videlicet neque inter naturas creatas, neque inter ea ad quæ natura creata determinationem habet connumerantur, non habent per species angelicas representari, & consequenter ab angelo naturaliter cognosci non possunt, cum cognitio naturalis angeli ultra representationem suam specierum non se extendat, vnde & secundo Sententiarum, distinctione tertia, questione tertia, articulo tertio ad quartum, inquit sanctus Thomas quod angeli per species sibi à creatione inditas cognoscunt causas habentes ordinem in natura, & omne illud quod in causis illis determinatur vel simpliciter, vel vt frequenter. Cum igitur ea quæ ex sola voluntate procedunt, cuiusmodi sunt cognitiones, neque sint in seipsis naturæ & quidditates subsistentes, neque ad aliquam naturam tanquam ad causam ad illa determinata dependentiam habeant, alioquin non ex sola voluntate quæ causa libera est ad opposita se habens, dependent, sequitur quod huiusmodi sub naturali cognitione angeli non cadunt. Ratio ergo sancti Thomæ sic est explananda: Ea quæ ex sola voluntate procedunt, id est, ea quæ à voluntate liberè operante proueniunt, & à nulla alia causa quæ ad ipsa sit determinata, dependentiam habent, soli Deo sunt cognita, id est, à nullo alio distincto à volente præterquam à Deo cognoscuntur: sed cogitatio actualis à sola voluntate dependet, quia licet cogitatio proueniat ab intellectu, non tamen intellectus eff ad ipsam cogitationem ex se determinatus, sed ad ipsam ex solo imperio voluntatis determinatur, ergo & cogitatio intellectus soli Deo est nota. Consequenter cum minori nota est, eo quod constet vnusquisque quod speciebus & habitibus in se existentibus vitur cum voluerit. Maior verò quæ duas habet exponentes, hanc scilicet ea quæ ex sola voluntate operantis dependent, Deo sunt cognita: & hanc, talia nulli alij, sunt cognita, per aliam exclusiuam probatur, quantum quidem ad affirmatiuam illius exclusiuam, probatur sic: Deo sunt cognita quæcunque sunt ab eo causata, sed motus voluntatis est à Deo causatus tam effectiue quam finaliter: effectiue quidem, quia voluntas Deo subest quantum ad causalitatem, quod autem est causa effectiua voluntatis, est etiam causa operationis ipsius, sicut & quod est causa naturæ, est etiam causa naturalis ipsius operationis. finaliter verò quia Deus est principale obiectum voluntatis, vt pote vltimus finis existens, voluntas autem ab obiecto per modum finis moueri habet, ergo, &c. Quantum verò ad negatiuam probatur per negatiuam illius exclusiuam sic: Angelus eos tantum effectus causarum creatarum naturaliter cognoscit, qui ad aliquam naturalem causam, id est, ad ipsos determinatam, connexionem habent & dependentiam: sed motus voluntatis ad nullam causam naturalem connexionem habet, neque inquam tanquam causam efficientem, neque tanquam ad causam finalem, ergo, & cetera. probatur minor, quantum quidem ad causam efficientem, quia voluntas à nulla causa naturali producta, imò à nulla causa creata, à quoque autem agente extrinseco producitur motus voluntatis, ab ipso producitur & voluntas, cum in eandem causam referatur motus qui est à principio extrinseco, & ipsam intrinsecum principium, iuxta ea quæ dicuntur prima secundæ questione nona, articulo sexto. Quantum verò ad finalem probatur, quia illud mouet naturaliter voluntatem per modum finis, ad quod voluntas est determinata: ad nullum autem bonum creatum voluntas determinatur, sed tantum ad bonum in communi, & consequenter ad id in quo ratio vniuersalis boni inuenitur, sicut est Deus, si cognoscatur in ipso rationem beatitudinis inueniri, quia solum bonum in communi est primum, & per se obiectum voluntatis, potentia autem ad solum primum & per se obiectum determinationem & inclinationem habet, ergo, &c. Secundum hanc itaque huius rationis interpretationem patet quod obiectiones Durandi vanæ sunt. Cum enim inquit quod sequeretur omnia à Deo immediate creata à solo Deo cognosci, si voluntatis adus à solo Deo cognoscitur, quia soli Deo voluntas subditur, quantum ad causalitatem, patet quod non arguitur ad intentum rationis. Non enim vult sanctus Thomas hanc vniuersalem propositionem assumere: Omne quod à solo Deo producitur, soli Deo est cognitum. sed hanc: Omnis operatio & omnis effectus creaturæ qui à nulla causa naturaliter agente procedit, sed tantum à libera voluntate & à Deo soli Deo, supple & volenti, & ei cui volens manifestare voluerit, est cognitum. Cum etiam inquit quod tunc motus calij ex sola voluntate angeli procedit, soli Deo esset cognitum, si quæ ex sola voluntate dependent, soli Deo sunt cognita, patet quod falsum assumit. non enim ex sola voluntate angeli motus calij dependet, sed etiam ex natura calij quæ ad hunc motum recipiendum naturaliter inclinatur. Si autem instetur quia saltem sequitur quod motus lapidis sursum à solo angelo causatus, soli Deo erit notus. is enim ex voluntate angeli producitur, cum lapis ad ipsum non habeat inclinationem, imò ad motum oppositum inclinatur. Respondetur quod licet motus violentus lapidis non sit secundum lapidis naturam, motus tamen sursum qui est violentus lapidi, est alteri corpori naturalis, scilicet igni. Ad hoc autem vt aliquid ad angelum non spectans naturaliter cognoscatur ab angelo, non oportet vt illud sit naturale ei cui cognoscitur inesse, alioquin nullum prædicatum per accidens angelus de re cognoscere, sed sufficit quod ad aliquam naturam connexionem habeat quæ ad ipsum est determinata, per speciem enim illius naturæ primò cognoscitur ab angelo, vt ad ipsum talis natura est determinata, per speciem verò eius, cui per accidens

Dur. 2. 5. dist.  
8. quæst. 3.



ineff, cognoscitur ut illi per accidens inhærens. Nam species angelica repræsentat singulare cum omnibus conditionibus in ipso existentibus, dummodo sint de iis quæ ad aliquam causam naturalem ordinem habent. Similiter cum infert Durandus quod tunc à solo Deo cognoscerentur opera extrinseca per imperium nostræ voluntatis producta, eodem modo respondetur. Dicitur enim quod illa non procedunt ex sola voluntate, sed à voluntate mediante aliqua causa naturali & determinate proveniunt.

CIRCA autem conclusionem ipsam aduertendum, quod dupliciter potest intelligi cogitationes cordis esse angelo in cognititas, & occultas in seipsis. Primum quod nullo modo sunt illi cognitæ quantum ad an est, siue quantum ad esse actuale ipsarum, puta si ego de lapide cogito, quod non cognoscit me de lapide cogitare. Secundum quod licet cognoscat quid cogito quantum ad id quod primum per speciem repræsentatur, non tamen cognoscit determinatè & in particulari quam conditionem de illo considerem, puta quod cognoscit quidem me considerare de lapide, sed non cognoscit an considerem de ipsius forma, an de eius duritie, & sic de aliis lapidis conditionibus. Aliqui Thomistæ ad primum sensum conclusionem intelligunt, tum quia in quæstionibus de Veri. dicitur absolute quod motus voluntatis alterius non potest esse angelo notus, tum quia in quæstionibus de malo dicitur, quod licet unus angelus cognoscat species intelligibiles quæ sunt in intellectu alterius angeli, non potest tamen vsum specierum cognoscere, tum quia prima parte dicitur quod angeli non cognoscunt cogitationes, quia ex sola voluntate dependet quod aliquis actu aliqua consideret. Alij verò, sicut Hervæus in secundo Sententiarum, conclusionem ad secundum sensum interpretantur. Et potest habere hæc positio fundamentum ex verbis sancti Thomæ in quæstionibus de Veritate. Ibi enim in responsionibus ad argumenta videtur velle, non quod nullo modo cognoscantur ab angelo cogitationes cordis, sed quod non cognoscantur determinatè & assignat rationem, quia ex vna specie intellectus in diuersas cogitationes prodit, & ex vna habituali notitia multæ actuales considerationes progrediuntur. Ex his enim velle videtur, quod licet angelus possit videre quod ego vtor hac specie intellectuali, puta specie leonis, non tamen potest determinatè cognoscere quid ego de leone cogitem, cum per speciem leonis multas de ipso possum cogitationes habere. Sed licet conclusio ad hunc secundum sensum defendi aliquo modo possit, & ego propter verba sancti Thomæ allegata in quæstionibus de Veritate eam aliquando tenuerim, tamen diligentius considerando verba & mentem sancti Thomæ videtur mihi quod primus sensus in doctrina eius sit sequendus. Nam manifestum est quod ita ex sola voluntate dependet quod ego de homine cogitem, sicut quod hoc in particulari de ipso considerem: & ideo si propter hoc quod ex sola voluntate hoc in particulari cogito de homine, cogitatio mea est occulta: eadem ratione & cogitatio qua de homine absolute cogito, occulta erit. Nec obstat quod intellectus informatus specie intelligibili hominis videtur ad naturam hominis cognoscendam esse determinatus. Dicitur enim quod licet per talem speciem intellectus sit ad notitiam habitalem hominis determinatus, non est tamen determinatus ad notitiam actuale, sed ad ipsam esse omnino indifferens, & ex sola voluntate dependet quod per talem speciem ad actuale considerationem exeat. Propter verba autem adducta ex quæstionibus de Veritate considerandum est quid importet ista determinatio in seipsis, & prout cogitationes sunt in intellectu, & affectiones. Cognoscere enim aliquam considerationem in intellectu, & prout est in intellectu, est videre esse quod habet in intellectu: videre autem esse quod habet aliqua particularis consideratio in intellectu, non est videre solum ordinem ipsius ad principale eius obiectum per speciem repræsentatum, sed est videre ordinem ipsius ad omnia quæ actu considerat intellectus per ipsam, alioquin non videretur in seipsa secundum quod est. ideo impugnat quod ego considerem de homine quantum ad eius effigiem & figuram, & quod angelus videat ipsam considerationem in seipsa, & secundum quod est in intellectu, & tamen cognoscat tantum me de homine considerare, non autem de hominis figura, esse enim particulare quod habet in intellectu, non determinatur tantum per hominem, sed etiam per hominis figuram, & per hoc ab omni alia consideratione distinguitur. Similiter si considerem de hominis quidditate per abstractionem ab omnibus conditionibus indiuiduantibus, non videtur talis cogitatio in seipsa & secundum quod est in intellectu, nisi videatur quod ego de quidditate hominis cogito, & cum tali abstractione. Vult ergo sanctus Thomas quod quia species vna intellectualis potest esse plurium cogitationum circa principale repræsentatum elicitiua, ex hoc quod angelus videt speciem in intellectu alterius, non oportet ut videat aliquam cogitationem actu existentem in intellectu, secundum quod est in intellectu, quia ut sic omnis cogitatio est determinata per id autem quod secundum se est ad multa indeterminatum, non potest vnum illorum in seipso cognosci. Potest quidem angelus in communi cognoscere quid sit cogitatio de homine, & similiter in communi potest aliqua signa extrinseca cognoscere quod homo de tali re considerat, sed actuale considerationem, secundum quod est in intellectu siue in seipsa, videre non potest, ut explicauimus, propterea quod omnino voluntaria sit.

CIRCA prophetiam considerandum primum ex doctrina sancti Thomæ. secunda secundæ, quæstione centesima septuagesima prima, articulo sexto, quod cum cognitio addiscentis sit similitudo cognitionis docentis, cognitionis veritas eadem est in discipulo & in docente. vnde cum prophetia sit quædam cognitio ex diuina reuelatione in intellectum prophetæ proveniens per modum doctrinæ, necesse est eandem veritatem esse cognitionis diuinæ, cognitionisque prophetiæ. propter hoc bene dictum est suprâ quod prophetica cognitio de futuris est omnino certa, sicut & diuina præcognitio.

CONSIDERANDVM secundò, quod quauis diuina cognitio futura respiciat, & secundum quod in seipsis sunt ea præsentialiter intuendo, & secundum quod sunt in suis causis, causarum ordinem ad effectus cognoscendo, semperque ista duplex cognitio diuini intellectui coniungatur, non tamen semper coniungitur in reuelatione diuina sed

quædoque prophetica reuelatio est impressa similitudo diuinæ præscientiæ ut respicit futura in seipsis, & tunc res eueniunt sicut prophetantur. quandoque verò est similitudo diuinæ præscientiæ prout ordinem causarum ad effectus nouit: & tunc quandoque aliter euenit quam prophetetur, quia quandoque impeditur causa contingens ne effectum producat, ad cuius productionem erat disposita. & tunc sensus prophetiæ non est quod ita omnino eueniet, sed quod dispositio inferiorum causarum est ad hoc quod eueniat, quod cum verum sit, nihil de certitudine deperit prophetiæ, etiam si effectus non sequatur. Propterea bene dictum est, quod cum reuelantur aliquando prophetis effectus futuri secundum quod sunt in causis suis, nihil prohibet prophetæ prænunciationem immutari.

CONSIDERANDVM tertio, quod sanctus Thomas iccirco ait malignos spiritus futurorum prædicatione non verè prophetare, quia ut dicitur secunda secundæ quæstione centesima sexagesima quarta, & Veri. quæstione duodecima, ad prophetiam propriè pertinet prænunciatio certa de iis quæ à solo Deo cognosci possunt, ut superius est dictum, cuiusmodi sunt occulta cordium, & futura contingentia, quæ secundum se procul sunt à cognitione humana, cum veritatem determinatam non habeant. De iis enim non prænunciant secundum quod in seipsis sunt tantumquam ab iis præsentialiter cognita, sed solum secundum ordinem causarum ad effectus, quomodo (ut superius est ostensum) futura contingentia certitudinem non habent: & ideo licet in horum prænunciatione mirabiliores & veriores apparent quam homines quantumcunque scientes, ut hic dicitur, quia subtilitate ingenij perspicacius & causas, & ea quæ possunt impedire cognoscunt, tamen nec eorum cognitio nec eorum prænunciatio infallibilem continent veritatem.

CIRCA id quod dicitur malignos spiritus prænunciando quæ cognoscunt, humanam mentem non illuminare, aduertendum quod hoc non dicitur quasi naturalis sua virtute mentem illuminare non possint. Nam ut dicitur in quæstionibus de Malo, quæstione decimasexta, articulo duodecimo, cum lumen naturale intellectus humani naturaliter sit infra lumen angelicum, potest per ipsum lumen angelicum confortari lumen intellectus humani ad perfectiorem iudicandum, sicut in rebus corporalibus virtus superior inferiorem adiuuat & confortat. sed quia cum naturali sua virtute demones propter malitiam voluntatis abutantur, non intendunt, ut hic etiam dicitur, hominem ad veritatis cognitionem iuare, sed magis ab ipsa abducere, & ideo non prænunciant illuminando, quia tunc ex tali illuminatione mens confortata ad veritatem cognoscendam perspicacior esset.

ATTENDENDVM vltimo quod sanctus Thomas non adducit rationem contra opinionem dicentium, iccirco motus qui præter deliberationem sunt, futurorum euentuum signa esse, ex eo quod motus corporum cælestium, eorumque impressionem sequuntur, quia hoc in superioribus est improbatum, ubi ostensum est ad quæ virtus cælestis corporis se possit extendere. sed hoc tantum dicit modicam, id est debilem & nullius valoris rationem habere, ostenditque esse falsum auctoritatem Sanctorum & gentilium, & ex eo quod in sacra scriptura simul cum idololatria omnia ista reprobantur, quod non esset si ex corporum cælestium impressione futurorum euentuum signa esse possent.

Sexta est sermonis interpretatio, de quo fit mentio Gen. 40. Huius autem necessitas ostenditur, quia cum homines reuelatione à Deo accipiant non solum pro præsentis tempore, sed etiam ad instructionem futurorum hominum necesse fuit reuelata non solum præsentibus sermone narrari, sed etiam ad instrumentum futurorum scribi: & ideo sicut ipsa reuelatio per gratiam Dei facta fuit, ita oportuit & per diuinam gratiam aliquibus dari ut huiusmodi scripta interpretarentur.

SED occurrit dubium, cum inquit sanctus Thomas post gradum illorum qui immediatè reuelationem à Deo suscipiunt, oportere esse alium gradum: videtur enim velle prophetiæ reuelationem, de qua superius immediatè mentionem fecit, immediatè à Deo recipi. Huius autem oppositum videtur dictum esse in principio capitis huius, ubi ostensum est ministerio angelorum interueniente reuelationem diuinam ad homines peruenire.

RESPONDETVR quod non intendit S. Thom. hoc loco diuinam reuelationem in homines ministerio angelorum non fieri, sed quod aliqui homines à Deo huiusmodi reuelationem recipiunt non mediatis aliis hominibus, præter quem gradum oportet alios esse qui non accipiunt huiusmodi illuminationem immediatè à Deo siue ab angelis, sed mediatis aliis hominibus, quorum reuelationes scriptis mandatis interpretari per diuinam gratiam possunt.

Septima est fidei gratia, cuius necessitas in manifestatione diuinorum ostenditur: quia oportet aliquos esse qui ea quæ sunt aliis reuelata, & per alios interpretata, fideliter credant, quod quidem esse donum Dei superius est ostensum.

SED circa hoc donum duplex occurrit dubium. Primum est, quia hic enumerantur dona tantum gratiæ gratis datæ: superius autem ostensum est fidem esse effectum gratiæ gratum facientis. Secundum est, quia sapientiæ donum est etiam de iis quæ fidei sunt, cum sit de diuinis quæ humanam transcendunt rationem, & per consequens fide tantum retenantur.

AD primum horum dicitur de mente S. Thom. loco præallegato in 1.2. quod dupliciter accipitur fides: Vno modo prout est virtus hominem in seipso iustificans, & sic ad gratiam gratum facientem pertinet. Alio modo ut importat quandam supereminentem certitudinem fidei ex qua homo fit idoneus ad instruendum alios de iis quæ ad fidem pertinent: & sic inter dona gratiæ gratis datæ quæ ad aliorum utilitatem ordinantur, est connumerata. Potest etiam dici, ut dicitur 2.2. q.4. artic. 5. ad 4. quod fides quæ est gratia gratis data, importat quandam fidei excellentiam, sicut constantiam fidei, &c.

Ad secundum dicitur, quod dupliciter possumus loqui de pertinentibus ad fidem. Vno modo ut omnia quæ humanam cognitionem excedunt, dicantur ad fidem pertinere, & sic non est differentia inter donum sapientiæ, & fidem, nisi forte sicut inferius differt à suo superiori, cum vtraque cognitio sit de diuinis quæ humanam excedunt reuelationem: vnde S. Thom. in principio capituli volens determinare de donis quibus diuina per reuelationem cognoscuntur, diuinorum cognitionem vocat fidei cognitionem.

In hoc eod. s.



cognitionem. Alio modo ut ea dicantur ad fidem pertinere quæ sunt tantum credita, & sunt tanquam principia in catholica doctrina: & sic fides ponitur donum distinctum à sapientia dono, quia sapientia versatur non circa ipsa principia, modo, scilicet, scientifico, sed circa conclusiones quæ ex illis principiis deducuntur. Potest etiam dici quod ad donum sapientia pertinet cognitio diuinorum quæ fit per diuinam reuelationem, angelorum tantum ministerio, quæ potest & fidei cognitio dici, in quantum est supra facultatem intellectus nostri: ad donum autem fidei pertinet ea cognitio diuinorum quæ fideliter credimus aliis hominibus reuelata, & per alios interpretata.

**ADVERTENDUM** autem quod vltimum gradum tenere, inquit S. Th. donum fidei, non quia sit vltimū simpliciter inter dona huiusmodi, sed quia est vltimum inter dona pertinentia ad cognitionem diuinorum prophetica reuelatione habitā. Octaua est discretio spirituum. Huius necessitas ostenditur, quia cum per malignos spiritus aliqua similia fiant, quibus fides confirmatur, ne homines per huiusmodi decepti credant mendacio, necessarium est ut de huiusmodi spiritibus discernendis per diuinam gratiam instruantur, iuxta monitionem primæ Ioannis quarto: Confirmatur istorum donorum numerus auct. Apost. 1. Cor. 12.

**ADVERTENDUM**, quod Apostolus distinguit gratiam sanitatum ab operatione virtutum, quorum vnum ad salutem corporum pertinet, alterum verò ad solam diuinæ potestatis manifestationem, sicut quod sol stet, aut tenebrosus fiat, quia specialem rationem inducendi ad fidem habet. Ad hanc enim quilibet magis promptus redditur, dum videt se beneficium sanitatis consequi ex fide. S. Thom. autem utramque gratiam superius simul posuit, cum dixit oportuisse prædicantium sermonem confirmari sanando infirmos, & alias virtutes operando, quia utraque ad miraculorum gratiam pertinet, quæ quis diuinæ virtute operatur quæ solus Deus facere potest, ideo hic ponuntur tantum octo gratiæ gratis datæ: in prima secundæ autem ponuntur novem, quia ibi distinguitur gratia miraculorum à gratia sanitatum.

**ATTENDENDUM** etiam quod sapientia & scientia enumerantur inter gratias gratis datas, secundum quod important quandam scientiæ & sapientiæ abundantiam, quæ homo potest non solum in seipso sapere de diuinis, sed etiam alios instruere, & contradicentes tevincere, non autem prout per ipsa mens est bene mobilis per spiritum sanctum ad ea quæ sunt sapientiæ & scientiæ, quia sic sunt spiritus sancti dona. Excluditur autem per hoc error quorundam Manichæorum dicentium miracula non esse à Deo facta, & prophetas non esse spiritu Dei locutos. Excluditur etiam error Priscillæ & Montani dicentium prophetas tanquam arreptitios non intellexisse quæ loquebantur: quod diuinæ illuminationi repugnat. Quantum ad secundum S. Thom. complectendo omnes gratiæ effectus supra enumeratos ponit inter ipsos duplicem differentiam. Prima est, quod quauis omnibus gratiæ nomen conueniat, quia gratis absque præcedenti merito conferuntur, solus tamen dilectionis effectus etiam præcedenti hoc nomē gratiæ meretur, quod gratum Deo facit: iuxta id quod dicitur Pro. 8. vnde fides & spes etiam in peccatoribus esse possunt, dilectio autem in solis iustis, ut habetur primæ Ioannis quarto.

**AD** huius differentie euidentiā duo sunt consideranda. Vnum est quod fides & spes licet concomitentur gratiam gratum facientem in eo qui gratiam habet, quia infunduntur simul cum ipsa gratia, tamē possunt sine gratia in aliquo inueniri: & tunc dicuntur informes. Caritas autem sic gratiam concomitatur, quod non solum simul infunditur, quum aliqui infunditur gratia, sed etiam gratia esse non potest, gratia autem facit hominem Deo formaliter gratum, ut superius est ostensum ideo bene dicitur solam dilectionem inter dona gratuita mereri nomen gratiæ etiam ob hoc quod gratum Deo facit. Alterum est, quod non ideo hoc dicitur de dilectione & caritate, quasi sit primum per quod homo reddatur Deo gratus. ostensum est enim hoc gratiæ conuenire quæ est aliquo modo caritatis causa: sed quia secundario reddit hominem Deo gratum & dilectum, utpote quæ non possit in anima absque gratia gratum faciente esse.

**SECUNDA** differentia est, quod quia quidam dictorum effectuum sunt ad totam vitam hominis necessarij, utpote sine quibus salus esse non potest, sicut credere, sperare, diligere, & præceptis Dei obedire, ad hos necesse est habituales perfectiones hominibus inesse secundum quas agere possint cum fuerit tempus. Ad alios verò, quia non sunt necessarii, per totam vitam non dantur habituales perfectiones, sed impressiones quædam à Deo quæ cessant actu cessante, & reiterantur cum actus fuerit opportunus.

**QUOMODO** verò lumen propheticum non adit homini per modum habitus permanentis, ostendit S. Thom. secunda secundæ quæst. 164. & veri. quæst. 12. similiter quomodo virtus miracula faciendi non sit forma permanentis in homine, ostensum est in præcedentibus, & ostenditur 2. 2. quæst. 178. & de potentia quæst. 6. Virtus enim ad miracula faciendā & lumen propheticum non adit homini nisi ad præsentiam Dei agentis, sicut nec lumen est in aëre nisi ad præsentiam solis, & non radicatur in homine: sed tunc tantum ipsi adsunt cum opus fuerit. vnde prophetæ non prohibito futura prænuntiant prophetica prænuntiatione, nec sancti viri quocumque voluerint, miracula operantur, sed tunc tantum quando Deo placuerit per hominem reuelare futura & diuina, aut miracula facere.

*Quod homo indiget diuino auxilio ad perseuerandum in bono.*

Cap. 155.



**INDIGET** etiam homo diuinæ gratiæ auxilio ad hoc quod perseueret in bono. Omne enim quod de se est variabile, ad hoc quod figatur in vno, indiget auxilio alicuius mouen-

tis immobilis. homo enim variabilis est, & de malo in bonum, & de bono in malum: ad hoc igitur quod immobiliter perseueret in bono, quod est perseuerare, indiget auxilio diuino.

2. Adhuc, ad illud quod excedit vires liberi arbitrij, indiget homo auxilio diuinæ gratiæ: sed virtus liberi arbitrij non se extendit ad hunc effectum qui est perseuerare finaliter in bono: quod sic patet. potestas enim liberi arbitrij est respectu eorum quæ sub electione cadunt: quod autem eligitur, est aliquod particulare operabile: particulare autem operabile est quod est hic & nunc. quod igitur cadit sub potestate liberi arbitrij, est aliquid ut nunc operandum: perseuerare autem non dicit aliquid ut nunc operabile: sed continuationem operationis per totum tempus. iste igitur effectus qui est perseuerare in bono, est supra potestatem liberi arbitrij. indiget igitur homo ad perseuerandum in bono auxilio diuinæ gratiæ.

3. Amplius, licet homo per voluntatem & liberum arbitrium sit Dominus sui actus: non tamen est Dominus suarum naturalium potentiarum: & ideo licet liber sit ad volendum vel ad non volendum aliquid: non tamen volendo facere potest quod voluntas in eo quod vult, ad id quod vult vel eligit, immobiliter se habeat: hoc autem requiritur ad perseuerantiam, ut scilicet voluntas in bono immobiliter permaneat. perseuerantia igitur non est in potestate liberi arbitrij. oportet igitur adesse homini auxilium diuinæ gratiæ ad hoc ut perseueret.

4. Præterea, si sunt plura agentia successiue, quorum scilicet vnum agat post actionem alterius: continuitas actionis istorum non potest causari ex aliquo vno istorum: quia nullum eorum semper agit, nec ex omnibus: quia non simul agunt: vnde oportet quod causetur ab aliquo superiori quod semper agat: sicut Philosophus probat in octauo Physicorum \*, quod continuitas generationis in animalibus causetur ab aliquo superiori sempiterno: ponamus autem aliquem perseuerantem in bono: in eo igitur sunt multi motus liberi arbitrij in bonam tendentes sibi inuicem succedentes vsque ad finem. huius igitur continuationis boni, quod est perseuerantia, non potest esse causa aliquis istorum motuum: quia nullus eorum semper durat: nec omnes simul: quia cum non simul sint, non possunt simul aliquid causare. relinquitur ergo quod ista continuatio causetur ab aliquo superiori. indiget igitur homo auxilio superioris gratiæ ad perseuerandum in bono.

5. Item, si sunt multa ordinata ad vnum finem, totus ordo eorum quousque peruenerint ad finem, est à primo agente dirigēte in finem: in eo autem qui perseuerat in bono, sunt multi motus & multæ actiones pertinentes ad vnum finem. oportet igitur quod totus ordo istorum motuum & actionum causetur à primo dirigente in finem. ostensum est \* autem quod per auxilium diuinæ gratiæ dirigantur in vltimum finem. igitur per auxilium diuinæ gratiæ est totus ordo & continuatio bonorum operum in eo qui perseuerat in bono.

Hinc est quod dicitur ad Philippenses primo, Qui coepit in vobis opus bonū, perficiet vsque in diem Iesu Christi. & 1. Petri vltimo: Deus omnis gratiæ qui vocauit nos in æternam gloriam suam, modicū passos, ipse perficiet, confirmabit, solidabitque. Inueniuntur etiam in sacra scriptura multæ orationes quibus à Deo petitur perseuerantia: sicut in Psalmista \*: Perfice gressus meos in semitis tuis, & non moueantur vestigia mea. & 2. ad Thess. 2. Deus pater noster exhortetur corda vestra, & confirmet in omni opere & sermone bono. hoc etiam ipsum in oratione dominica petitur, maxime cum dicitur: Adueniat regnum tuum. Non enim nobis adueniet regnum Dei, nisi in bono fuerimus perseuerantes: derisorium autem esset aliquid à Deo petere cuius ipse dator non esset: est igitur perseuerantia hominis à Deo. Per hoc autem excluditur error Pelagianorum \*, qui dixerunt quod ad perseuerandū in bono non sufficit homini liberum arbitrium, nec ad hoc indiget auxilio gratiæ. Sciendum tamen est quod cum ille qui gra-

\* Tex. cō. 49. & infra.

\* Cap. 149.

Psal. 16.

\* Exclus. err. Pel. ut pat. per Aug. ubi supra c. 147.



riam habet, petat à Deo vt perseveret in bono: sicut liberum arbitrium non sufficit ad istum effectum qui est perseverare in bono, sine exteriori Dei auxilio: ita nec ad hoc sufficit aliquis habitus nobis infusus. **Habitus enim qui nobis infunduntur diuinitus secundum statum presentis vitæ nō auferunt à libero arbitrio totaliter mobilitatē ad malum: licet per eos liberum arbitrium aliquantulum stabilizetur in bono: & ideo cum dicimus hominem indigere ad perseverandum finaliter auxilio gratiæ: non intelligimus quod super gratiam habituales prius infusam ad bene operandum alia desuper infundatur ad perseverandum: sed intelligimus quod habitus omnibus habitibus gratuitis, adhuc indiget homo diuinæ providentiæ auxilio exterioris gubernantis.**

## Super Cap. 155.



**P**OSTQUAM ostendit S. Thom. hominem diuino indigere auxilio ad vltimum finem consequendum, ostendit quod ipso etiam ad perseverandum in bono indiget. Circa hoc autem duo facit. Primo ostendit propositum. Secundo remouet quoddam dubium. Quantum ad primum arguit primo sic: Homo est variabilis de bono in malum, & conuerso: ergo, ad hoc quod immobiliter perseueret in bono, indiget auxilio mouentis immobilis. Secundo. Virtus liberi arbitrii non se ostendit ad huiusmodi perseverantiam, ergo, &c. patet consequentia, quia ad illud quod excedit vires liberi arbitrii, indiget homo auxilio diuinæ gratiæ. Antecedens verò probatur. Potestas liberi arbitrii est respectu eorum quæ sub electione cadunt, quod eligitur, est aliquod particulare operabile, hoc autem est quod est hic & nunc, ergo quod sub potestate liberi arbitrii cadit, est aliquid vt nunc operandum. Perseuerantia autem hoc non dicit, sed dicit continuationem operationis per totum tempus: ergo, &c.

CIRCA hanc rationem dubitatur, quia videtur velle S. Thom. quod perseverantia non possit cadere sub electione: cum non sit aliquid particulare vt tunc operandum. Huius autem oppositum tenet prima secundæ quæst. 109. & 2. q. 137.

Respondetur, quod perseverantia secundum quod se tenet ex parte effectus, dupliciter potest accipi. Vno modo vt consideratur per modum cuiusdam vnius, in quantum dicit quandam continuationem. Alio modo per modum plurium, in quantum plura bona continuata includit. Primo modo potest habere rationem eligibilis, quia consideratur tanquam quoddam particulare operabile, vt nunc operandum aliquo modo, in quantum scilicet ad eius inceptum, & sic potest sub liberi arbitrii facultate & sub voluntatis proposito cadere. Secundo modo non potest sub vno proposito cadere, quia ipsa opera cōtinuata vt plura sunt, non simul possunt voluntati offerri, nec habent rationem vnius eligibilis, & vnius particularis operabilis. Et ad hunc sensum procedit hæc ratio. Potest secundò dici quod facultas liberi arbitrii duplex est. Vna ad eligendum, alia ad exequendum, quarum prima quandoque inuenitur sine secunda: quia vt dicitur 2. 2. loco præallegato, plerumque cadit in nostra potestate electio, sed non executio. Cum ergo hic sit fermo de facultate prima, oportet propositiones assumptas ad hunc sensum referre: ideo ista propositio, quod eligitur, est aliquod particulare operabile vt nunc, intelligitur de eo quod eligitur tanquam possibile per liberum arbitrium executioni mandati: & ad hunc sensum verum est quod perseverare non cadit sub electione. Cum hoc tamen stat quod cadere potest sub electione simpliciter, tanquam scilicet operabile diuino auxilio. Aliquando enim eligimus quod ex nobis ipsis tantum exequi non possumus, sed cum amicorum auxilio. Tertiò. Homo volendo non potest facere quod voluntas immobiliter se habeat ad id quod vult: ergo perseverantia non est in facultate liberi arbitrii, ergo, &c. probatur antecedens, quia homo per liberum arbitrium licet sit dominus sui actus, non tamen est dominus suarum naturalium potenciarum, prima verò consequentia probatur, quia ad perseverantiam requiritur quod homo immobiliter in bono permaneat. Quarto. In perseverante in bono sunt multi motus liberi arbitrii in bonum sibi inuicem succedentes vsque ad finem cōtinuationis, quorum non potest esse causa aliquis ipsorum, quia nullus ipsorum semper durat: nec omnes simul, quia non simul sunt, ergo ista cōtinuatio causatur ab aliquo superiori, ergo, &c. patet ista ratio ex processu Arist. 8. Physic. quo probat continuationem generationis in animalibus ab aliquo superiori causari. Quintò, in eo qui perseverat in bono, sunt multi motus & multe actiones pertingentes ad vnum finem, ergo oportet vt totus ordo ipsorum causetur à primo dirigente in finem, ergo per auxilium diuinæ gratiæ est perseverantia in bono. probatur prima consequentia, quia si sint multa ordinata ad vnum finem, totus ordo eorum quousque peruenierint ad finem, est à primo dirigente in finem. Secunda verò ostenditur, quia per auxilium diuinæ gratiæ diriguntur bona opera in finem vltimum. Confirmatur primò autoritate Apostoli ad Philipp. 1. & 1. Petri vltimo. Confirmatur secundò, quia & in sacra scriptura inueniuntur multe orationes ad perseverantiam, vt in Psalm. Persece gressus, &c. & 2. Thess. 2. & in oratione Dominica petitur cum dicitur, Adueniat regnum tuum, quod non adueniet nisi fuerimus perseverantes. Per hoc excluditur Pelagianorum error dicentium ad perseverandum in bono sufficere homini liberum arbitrium.

Quantum ad secundum, quia posset aliquis dicere quod licet liberum arbitrium non sufficiat per se ad perseverandum in bono, sufficit tamen habitualis gratia: hoc excludit S. Thom. duabus rationibus: Prima est, quia etiam ille qui gratiam habet, petat à Deo vt perseueret in bono. Secunda est, quia habitus infusus secundum statum presentis vitæ non auferunt à libero arbitrio totaliter mobilitatem ad malum, licet aliquantulum per eos

stabilizatur in bono. Ex quo inferit S. Thom. quod prædictum auxilium gratiæ ad perseverandum non est habitualis gratia superaddita gratiæ habituali prius infusæ ad bene operandum, sed est auxilium diuinæ providentiæ exterioris operantis, habitus etiam ab homine omnibus habitibus gratuitis.

Ad euentiam eorum quæ in hoc capite dicuntur, advertendum ex doctrina sancti Thomæ prima secundæ quæstione centesima nona, articulo decimo: & secunda secundæ quæstione centesima trigesima septima, quod perseverantia tribus modis accipi potest, scilicet pro habitu mentis quo homo firmiter stat, ne remoueatur ab eo, quod est secundum virtutem propter tristitias intrinsecas: pro habitu secundum quem homo habet propositum perseverandi in bono vsque ad finem: & pro continuatione quadam boni vsque ad finem vitæ, quæ scilicet consistit in actuali executione bonorum operum absque interruptione. Hoc igitur tertio modo accipitur perseverantia hoc loco, non autem duobus primis modis, quia illis modis accepta perseverantia simul cum gratia infunditur, sicut & ceteræ virtutes, non autem isto tertio modo: quia multis datur gratia quibus cōtinuatio bonorum operum vsque ad finem vitæ non datur: & ideo ad hanc homo indiget non quidem habituali gratia alia à prima, sed auxilio diuino siue diuinæ motione ipsum dirigente, & protegente contra tentationum incursum.

SED occurrit dubium, quia sanctus Thomas loco præallegato aduertit inquit, quod nunc per gratiam Christi multi accipiunt & donum gratiæ quo perseverare possunt, & vltius datur eis quod perseuerent. Ex hoc enim arguitur sic: Per donum habitualis gratiæ homo perseverare potest, ergo ad perseverandum non indiget alio auxilio præter gratiam habitualē. Patet consequentia, quia ex opposito consequentis inferitur oppositum antecedentis. Sequitur enim: homo indiget alio auxilio præter gratiam ad perseverandum, ergo non potest per gratiam perseverare. Respondetur, quod aliud est habere potentiam ad perseverandum, aliud habere actum perseverandi, qui est bonorum operum continuationis: sicut aliud est habere potentiam intelligendi, & aliud actu intelligere. Quia aliquando aliquis habet potentiam ad aliquid, & tamen non potest exire in actum, nisi alio mouente ad operationem, quantumcunque enim aliquis habeat potentiam intellectualem perfectam habitu quomodo dicitur posse intelligere, non potest tamen ad actum considerationis exire nisi ad hoc voluntatis intentio. Cum ergo dicitur, quod homo per gratiam habituales perseverare potest in bono, intelligitur quod per ipsam habet potentiam perseverandi in bono, sicut ipsa est omnis boni operis principium, non autem quod per ipsam absque alio auxilio possit homo in actum exire continuationis bonorum operum. Patet hanc esse S. Thomæ mentem ex suo modo loquendi, quo ait multos accipere donum gratiæ quo perseuerare possunt, & vltius eis dari quod perseuerent. Nam primum dictum ostendit potentiam perseverandi conuenire homini ex gratia, secundum verò ostendit executionem operationis conuenire homini non tantum ex gratia, sed etiam quodam alio auxilio concurrente. Ex quo patet consequentiam adductam falsam esse. Ad cuius probationem negatur assumptum. Non enim sequitur: Homo indiget alio auxilio præter gratiam ad perseverandum quantum ad executionem operis, ergo non potest per gratiam perseverare, id est, per gratiam non habet potentiam perseverandi, imò stat simul quod homo indigeat auxilio diuino extrinseco ad executionem perseverantiæ siue continuationis bonorum operum, & quod per gratiam habeat potentiam perseverandi.

*Quod ille qui decidit à gratia per peccatum, potest iterum per gratiam reparari.*

## Cap. 156.



**E**X his autem apparet quod per auxilium gratiæ homo etiam si non perseverauerit, sed in peccatum ceciderit, potest reparari ad bonum. Eiusdem enim virtutis est continuare salutem alicuius, & interruptam reparare. sicut enim per virtutem naturalem continuatur sanitas in corpore: ita per eandem virtutem naturalem sanitas interrupta reparatur. homo autem perseverat in bono, auxilio diuinæ gratiæ, vt ostensum \* est. igitur si per peccatum lapsus fuerit, eiusdem gratiæ auxilio poterit reparari.

2. Adhuc, agens quod requirit dispositionem in subiecto, potest suum effectum imprimere in subiectum qualitercunque dispositum: & propter hoc Deus qui in agendo non requirit subiectum dispositum, potest absque dispositione subiecti formam naturalem inducere: vt pote dum cæcum illuminat, & mortuum viuificat, & sic de similibus: sed sicut non requirit dispositionem naturalem in subiecto corporeo, ita non requirit meritum in voluntate ad gratiam conferendam: quia sine meritis datur (vt ostensum \* est) ergo gratiā gratum facientem per quam peccata tolluntur, Deus alicui conferre potest etiam postquam à gratia cecidit per peccatum.

3. Amplius, ea sola homo recuperare amissa non potest, quæ per generationem ei adueniunt. sicut potentias naturales & membra: eo quod homo non potest iterum generari. auxilium autē gratiæ datur homini non per generationem, sed postquam iam est: potest igitur post amissionem gratiæ

Idem 1. 2. q. 109. art. 7.

\* Cap. præc.

\* Cap. 149.



gratiz per peccatum iterum reparari ad peccata delenda.  
 4 Item, gratia est quædam habitualis dispositio in anima, ut ostensum est. sed habitus acquisiti per actus si amittantur, possunt iterum reacquiri per actus per quos acquisiti sunt: multo igitur magis gratia Deo coniungens, & a peccato liberans, si amittatur, diuina operatione reparari potest.

5 Præterea, in operibus Dei non est aliquid frustra: sicut nec in operibus naturæ. hoc enim & natura habet à Deo. frustra autem aliquid moueretur, nisi posset peruenire ad finem motus: necessarium est ergo quod natum moueri ad aliquem finem, sit possibile venire in illum finem: sed homo postquam in peccatum cecidit, quandiu status huius vitæ durat, remanet in eo aptitudo ut moueatur ad bonum: cuius signa sunt desiderium de bono, & dolor de malo, quæ adhuc in homine remanent post peccatum. est igitur possibile hominem post peccatum iterum redire ad bonum quod gratia in homine operatur.

6 Amplius, nulla potentia passiva inuenitur in rerum natura quæ non possit reduci in actum per aliquam potentiam actiuam naturalem. multo igitur minus est aliqua potentia in anima humana quæ non sit reducibilis in actum per potentiam actiuam diuinam: manet autem in anima humana etiam post peccatum potentia ad bonum: quia per peccatum non tolluntur potentiz naturales quibus anima ordinatur ad suum bonum: potest igitur per diuinam potentiam reparari in bono: & sic auxilio gratiz homo potest consequi remissionem peccatorum. Hinc est quod dicitur Isaia 1. Si fuerint peccata vestra ut coccinum, quasi nix dealbabuntur. Et Prouerb. 10. Vniuersa delicta operis charitas. Hoc etiam quotidie à Domino non frustra petimus, dicentes, Dimitte nobis debita nostra. Per hoc autem excluditur error Nouatianorum\*, qui dixerant quod de peccatis quibus post baptismum peccat homo, veniam consequi non potest.

Super Cap. 156.

**P**

OSTQVAM ostendit S. Thom. hominem diuinam gratiam ad perseverandum in bono indigere, vult vltius ostendere quod ipsa etiam ad resurgendum à peccato indigeat. Circa hoc autem duo facit. Primum ostendit propositum. Secundum quoddam dubium excludit, cap. 159. Circa primum tria facit. Primum ostendit quod homo si in peccatum ceciderit, durante scilicet statu vitæ, potest per auxilium gratiz reparari. Secundum quod hoc sine gratia fieri non potest, capite sequenti. Tertiò qualiter homo à peccato liberetur, cap. 158.

Quantum ad primum arguit primum sic. Homo perseverat in bono auxilio diuinæ gratiz: ergo si per peccatum lapsus fuerit, eiusdem gratiz auxilio reparari potest. probatur consequentia, quia eiusdem virtutis est continuare salutem alicuius, & interruptam reparare, ut patet de virtute naturali respectu sanitatis. Secundò, Deus non requirit meritum in voluntate ad gratiam conferendam, cum sine meritis detur: sicut non requirit dispositionem naturalem in subiecto corporeo, ergo potest gratiam, per quam peccata tolluntur, conferre alicui etiam postquam à gratia cecidit per peccatum. probatur consequentia, quia agens quod non requirit dispositionem in subiecto, potest suum effectum imprimere in subiectum qualitercunque disposuit.

CIRCA istam propositionem, Deus non requirit dispositionem naturalem in subiecto corporeo, aduertendum ex doctrina S. Thom. 1. 2. q. 112. art. 2. quod intelligitur de dispositione præcedente diuinam actionem, & quam ipse non causet, non autem de dispositione concomitante formam, & ab ipso Deo simul cum forma causatam. Cum enim oporteat formam & materiam esse proportionatam, quia non omnis forma omni materiz conuenit, (non enim anima intellectiva est receptibilis in materia lapidis tanquam illius forma) necesse est ad hoc ut materia recipiat formam, quod disponatur dispositionibus quibus illi formæ proportionatur. sed differentia est inter Deum & agens naturale, quia agens naturale antequam inducat formam, præexistit in materia aliquas dispositiones ad formam: Deus autem non præexistit in materia dispositiones, sed simul causare potest formam & dispositiones, sicque simul & materiam informare potest, & ipsam ad formam disponere. Nec obstat quod non infundit animam rationalem nisi materia fuerit per naturale agens disposita, quia hoc non est propter necessitatem (quasi videlicet aliter agere non possit, cum primum hominem absque naturalis agentis dispositione anima intellectiva informauerit, & etiam in resuscitatione hominis materia non prædisponatur ab agente naturali) sed ut aliquam causalitatem homini circa alterius hominis productionem communicet. Tertiò, Auxilium gratiz datur homini non per generationem, sed postquam iam est, ergo, &c. probatur consequentia, quia hæc sola homo amissa recuperare non potest quæ per generationem ei adueniunt, eò quod homo non potest iterum generari. Quarta. Habitus acquisiti per actus si amittantur, possunt per similes actus reacquiri, ergo multo magis gratia potest diuina operatione reparari. probatur consequentia, quia gratia est quædam habitualis dispositio

in anima. Quintò. In homine postquam in peccatum cecidit, quandiu status huius vitæ durat, remanet aptitudo ut moueatur ad bonum: cuius signum est, quod remanet in eo boni desiderium, & dolor de malo, ergo, &c. probatur consequentia, quia quod natum est moueri ad aliquem finem, potest in illum finem peruenire, alioquin frustra moueretur. in operibus autem Dei nihil est frustra, sicut neque in operibus naturæ. Sextò. In anima humana etiam post peccatum manet potentia ad bonum, quia per peccatum non tolluntur potentiz naturales quibus anima ordinatur ad suum bonum, ergo, &c. probatur consequentia, quia cum nulla potentia passiva inueniatur in rerum natura quæ non possit reduci in actum per aliquam potentiam actiuam naturalem, multo minus est aliqua potentia in anima humana quæ non sit reducibilis in actum per potentiam actiuam diuinam.

Ad euidenciam huius rationis considerandum est, quod cum duplex sit potentia animæ ad bonum, scilicet ad bonum naturale, & ad bonum supernaturale: hic loquitur S. Thom. de potentia animæ ad bonum supernaturale, quia loquitur de potentia ad susceptionem gratiz, & ad meritum per diuinam virtutem actiuam reducenda in actum: & quia potentia ad supernaturalia propriè potentia obediens est, non autem naturalis, ideo cum dicitur quod anima est in potentia ad bonum, & est reducibilis ad actum per diuinam potentiam, intelligendum est de potentia obediens. Nec obstat quod probat S. Thom. post peccatum remanere in anima potentiam ad bonum, ex eo quod per peccatum non tolluntur potentiz naturales quibus anima ordinatur ad bonum, quia dupliciter possumus loqui de potentia huiusmodi. Vno modo quantum ad ipsam qualitatem animæ quæ dicitur eius potentia secundum quam est boni supernaturalis capax, verbi gratia de ipso intellectu & voluntate. Alio modo de ordine ipsius qualitatis ad bonum. Si primo modo accipiamus, sic talis potentia est naturalis, quia est qualitas naturam animæ inseparabiliter concomitans: vnde potest dici naturalis in ordine ad animam. si vero secundo modo, sic non est naturalis, sed obediens in ordine ad bonum, quia autem ista habitudo secundum quam dicitur anima intellectiva in potentia obediens ad bonum, fundatur super animæ potentia quæ est eius naturalis qualitas, ideo ostendit S. Thom. huiusmodi potentiam obediens manere post peccatum, quia peccatum non tollit ipsas naturales potentias animæ, qualitates scilicet naturales: non autem quia potentia quantum ad ordinem ad bonum supernaturale sit naturalis. Confirmatur primò auth. Isa. 1. & Prou. 10. Confirmatur secundo, quia hoc continuetur petimus dicentes: Dimitte nobis debita nostra. Per hoc excluditur Nouatianorum error dicentium de peccatis post baptismum commissis hominem veniam consequi non posse.

Quod homo à peccato liberari non potest nisi per gratiam.

Cap. 157.

**E**

X eisdem etiam ostendi potest, quod homo à peccato mortali resurgere non potest nisi per gratiam. Per peccatum enim mortale homo ab ultimo fine auertitur: in vltimum autem finem homo non ordinatur nisi per gratiam. per solam igitur gratiam homo potest à peccato resurgere.

2 Adhuc, offensa non nisi per dilectionem tollitur: sed per peccatum mortale homo offensam Dei incurrit. dicitur enim quod Deus peccatores odit, inquantum vult eos priuare vltimo fine, quem his quos diligit præparat. non ergo homo potest à mortali peccato resurgere nisi per gratiam, per quam fit quædam amicitia inter Deum & hominem.

3 Adhuc, etiam induci possunt omnes rationes\* superius positz de gratiz necessitate. Hinc est quod dicitur Isa. 43. Ego sum ipse qui deleo iniquitates tuas propter me. & in Psal. 84. Remissisti iniquitatem plebis tuæ: operuisti omnia peccata eorum. Per hoc autem excluditur error Pelagianorum, qui dixerunt hominem posse à peccato resurgere per liberum arbitrium.

Super Cap. 157.

**S**

ECVND O ostendit S. Thom. quod homo à peccato mortali resurgere non potest nisi per gratiam: & arguit primum sic: In vltimum finem homo non ordinatur nisi per gratiam, ergo per ipsam solam potest homo à peccato resurgere. patet consequentia, quia per peccatum mortale homo ab vltimo fine auertitur. Secundum. Per peccatum mortale homo offensam Dei incurrit, ergo ad resurgendum indiget gratia per quam fit quædam amicitia inter Deum & hominem. probatur consequentia, quia offensa non nisi per dilectionem tollitur. Ad hoc etiam induci possunt rationes superius inductæ de necessitate gratiz. Confirmatur autoritate Isaia quadragesimo tertio, & Psal. 84. Per hoc autem excluditur error Pelagianorum dicentium hominem posse per liberum arbitrium à peccato resurgere.

Ad euidenciam eorum quæ hic dicuntur, considerandum est ex doctrina S. Thom. 1. 2. q. 105. art. 7. & de Verit. q. 28. art. 2. quod hominem resurgere à peccato non est idem quod ipsum cessare à peccando, sed reparari ad ea quæ per peccatum amissa sunt. Illa autem sunt tria. Primum est auersio ab incommutabili bono quod quis poterat habere. & quantum ad

Contra Gent.

P 3

\* Excl. err. Nouat. Phil. 1. 1. lib. de hæ. Et Epiph. tom. 1. lib. 2. hæresi 59.

Idem 1. 2. q. 113. art. 2. & de virt. q. 18. art. 2.

D. 687.

\* Cap. 147.

\* Excl. err. Pelag. ut in c. 147. notatum est.



hoc procedit prima ratio. Secundū est offensa qua homo peccando Deum offendit, dum creaturam ipsi præponit, eam magis diligendo quam Deum, & qua Deus dicitur peccatori infensus non ordinando illum per suam dilectionem ad bona æterna. Tertiū est reatus siue obligatio ad pœnam, & præcipue ad pœnam damni, quæ est carentia diuinæ visionis siue æternæ gloriæ. Et secundum hæc procedit secunda ratio.

ADVERTENDVM autem, quod licet quantum ad verba videatur Scotus in 4. dist. 1. q. 6. contradicere S. Thom. volens quod absque gratia possit peccatum remitti, absolute loquendo, quantum tamen ad sensum non contradicit: quia ipse loquitur de remissione peccati solum quantum ad reatum, siue obligationem ad pœnam sensibilem: S. Thom. autem loquitur de remissione peccati secundum quod importat reparationem omnium bonorum quæ quis peccando amisit.

*Qualiter homo à peccato liberatur.*

Cap. 158.



**Q**UIA verò homo non potest ad vnum oppositorū redire nisi recedat ab alio: ad hoc quod homo auxilio gratiæ ad statum rectitudinis redeat, necessarium est, quod à peccato per quod à rectitudine declinauerat, recedat: & quia homo in vltimum finem dirigitur, & ab eo auertitur præcipue per voluntatem: non solum necessarium est quod homo exteriori actui à peccato recedat peccare desinens, sed etiam quod recedat voluntate, ad hoc quod per gratiam à peccato resurgat. Voluntate autem homo à peccato recedit, dum & de præterito pœnitet, & futurum vitare proponit. Necessarium est igitur quod homo à peccato resurgens, & de peccato præterito pœniteat, & futura vitare proponat. Si enim homo non proponeret desistere à peccato, non esset peccatum secundum se contrarium voluntati: si verò vellet desistere à peccato, non tamen dolet de peccato præterito, non esset illud idem peccatum quod fecit, contrarium voluntati: est autem contrarius motus quo ab aliquo receditur, motui quo ad illud peruenitur: sicut dealbatio contraria est denigrationi. vnde oportet quod per contraria voluntas recedat à peccato, his per quæ in peccatum inclinata fuit. fuit autem inclinata in peccatum per appetitum & delectationem circa res inferiores. oportet igitur quod à peccato recedat per aliqua pœnalia quibus affligatur propter hoc quod peccauit. sicut enim per delectationem tracta fuit voluntas ad cōsensum peccati, sic per pœnas confirmatur in abominatione peccati.

2. Item, videmus quod etiam bruta animalia à maximis voluptatibus retrahuntur per dolores verberum. oportet autem eum qui de peccato resurgit, non solum detestari peccatum præteritum, sed etiam vitare futurum. est igitur conueniens vt affligatur pro peccato. vt sic magis confirmetur in proposito vitandi peccata.

3. Præterea, ea quæ cum labore & pœna acquirimus magis amamus & diligentius conseruamus. vnde illi qui per proprium laborem acquirunt pecunias, minus eas expendunt, quam qui sine labore accipiunt, vel à parentibus, vel quocunque alio modo: sed homini resurgenti à peccato, hoc maxime necessarium est, vt statū gratiæ & Dei amorem diligenter conseruet, quem negligenter per peccatum amisit: est ergo cōueniens vt laborem & pœnam sustineat pro peccatis commissis.

4. Adhuc, ordo iustitiæ hoc requirit vt peccato pœna reddatur: ex hoc autem quod ordo seruetur in rebus, sapientia Dei gubernantis apparet. pertinet igitur ad manifestationem diuinæ bonitatis, & Dei gloriam, quod pro peccato pœna reddatur: sed peccator peccando, contra ordinem diuinitus institutum facit, leges Dei prætergrediendo: est igitur cōueniens vt hoc recompenset in seipso puniendo quod prius peccauerat. sic enim totaliter extra inordinationem constituetur. Per hoc ergo patet quod postquam homo per gratiam remissionem peccati consecutus est, & ad statum gratiæ reductus, remanet obligatus ex Dei iustitia ad aliquam pœnam pro peccato commissio: quam quidem pœnam si propria voluntate à se exegerit, per hoc Deo satisfacere dicitur: inquantum cum labore & pœna ordinem diuinitus institutum exequitur, pro pec-

cato se puniendo, quem peccando transgressus fuerat, propriam voluntatem sequendo.

Si autem à se hanc pœnam non exigit, cum ea quæ diuinæ prouidentiae subiacent, inordinata remanere non possint, hæc pœna infligitur ei à Deo: nec talis pœna satisfactoria dicitur: cum non fuerit ex electione patientis, sed dicitur purgatoria: quia alio puniente quasi purgabitur, dum quicquid inordinatum fuit in eo, ad debitum ordinem reducitur. Hinc est quod Apostolus dicit 1. Cor. 11. Si nosmetipsos diiudicemus, non utique iudicemur: dum iudicamur autem, à Domino corripimur, vt non cum hoc mundo damnemur. Considerandum tamen, quod cum mens à peccato auertitur, tam vehemens potest esse peccati displicentia, & inhæsiō mentis ad Deum, quod non remanebit obligatio ad aliquam pœnam. Nam (vt ex prædictis colligi potest) pœna quam quis patitur post peccati remissionem, ad hoc necessaria est, vt mens firmiter bono inhæreat, homine per pœnas castigato. pœnæ enim medicinæ quædā sunt. Et vt etiam ordo iustitiæ seruetur dum qui peccauit, sustinet pœnam: dilectio autem ad Deum, sufficit mentem hominis firmare in bono, præcipue si vehemens fuerit: displicentia autem culpæ præteritæ cum fuerit intensa, magnum affert dolorem: vnde per vehementiam dilectionis Dei, & odij peccati præteriti, excluditur necessitas satisfactoriæ vel purgatoriæ pœnæ: & si non sit tanta vehementia, quod totaliter pœnam excludat, tamen quantum vehementius fuerit, tanto minus de pœna sufficiet. Quod verò per amicos facimus, per nosipsos facere videmur: quia amicitia ex duobus facit vnum per affectum, & præcipue dilectio charitatis: & ideo sicut per seipsum, ita & per alium potest aliquis satisfacere Deo: præcipue cum necessitas fuerit. nam & pœnam quam amicus propter ipsum patitur, reputat aliquis ac si ipse pateretur: & sic pœna ei non deest dum patienti amico compatitur: & tanto amplius quantum ipse est ei causa patiendi. Et iterum affectio charitatis in eo qui pro amico patitur, facit magis satisfactionem Deo acceptam, quam si pro se pateretur. hoc enim est promptæ charitatis, illud autem est necessitatis: ex quo accipitur quod vnus pro alio satisfacere potest, commodo vterque in charitate fuerit. Hinc est quod Apostolus dicit ad Galat. 6. Alter alterius onera portate: & sic adimplebitis legem Christi.

Super Cap. 158.



**T**ERTIO ostendit S. Thom. quid requiratur ex parte hominis præter gratiam ad omnimodam liberationem à peccato. Et ponit duas conclusiones, quarum prima est: Conueniens est hominem à peccato recedentem per aliquas pœnas affligi propter peccatum commissum. Sed antequam hanc conclusionem probet, præmittit quod necesse est vt homo à peccato resurgens, & de peccato præterito pœniteat, & futura vitare proponat: quia oportet quod voluntate à peccato recedat cum per voluntatem homo auertatur & dirigitur in vltimum finem. Voluntate autem homo à peccato recedit, dum & de præterito pœnitet, & futurum vitare proponit: alioquin peccatum præteritum & etiam peccatum simpliciter non esset voluntati cōtrarium. Hoc supposito arguit primò sic: Necesse est quod homo per contraria iis per quæ voluntas in peccatum fuit inclinata, recedat à peccato: ergo oportet quod à peccato recedat per aliqua pœnalia quibus affligatur propter hoc quod peccauit, vt per pœnas confirmetur in abominatione peccati. Probatur antecedens, quia motus quo ab aliquo receditur, est contrarius motui quo ad illud peruenitur, sicut dealbatio denigrationi. consequentia verò probatur, quia voluntas fuit inclinata in peccatum per appetitum & delectationem circa res inferiores. Secundò, oportet eum qui à peccato resurgit, non solum detestari præteritum peccatum, sed etiam vitare futurum. ergo conueniens est ad hoc quod magis confirmetur in proposito vitandi peccata, vt affligatur pro peccato. probatur consequentia, quia videmus etiam bruta animalia per dolores verberum à maximis voluptatibus retrahi.

ADVERTENDVM quod cum duo requirantur ad hoc vt homo à peccato recedat, scilicet detestatio præteriti peccati, & propositū vitandi futura: ex primo procedit prima ratio ad ostendendum conueniens esse vt homo pro peccato aliqua pœna affligatur: ex secundo verò procedit secunda. Tertiò, homini resurgenti à peccato hoc maxime necessarium est, vt statū gratiæ & Dei amorem diligenter conseruet, quem negligenter per peccatum amisit: ergo, &c. probatur consequentia, quia quæ cum labore & pœna acquirimus, magis amamus, & cum diligentia conseruamus, vt patet in pecuniis labore proprio acquisitis.

Quartò, peccator peccando contra ordinem diuinitus institutum facit, ergo conueniens est vt hoc recompenset in seipso puniendo quod prius peccauerat. probatur consequentia, tum quia sic totaliter extra inordinationem constituitur, tum quia pertinet ad manifestationem diuinæ bonitatis,



bonitatis, & Dei gloriam, quod peccato poena reddatur, quorum scilicet utrumque deus est & conueniens. Ex hoc infer S. Thom. quod postquam homo consecutus est remissionem peccati, & ad statum gratiae est reductus, remanet obligatus ex iustitia diuina ad aliquam poenam: quam si propria voluntate se exegerit, per hoc Deo satisfacere dicitur, in quantum cum labore & poena ordinem diuinitus institutum exequitur pro peccato se puniendo. si autem non se hanc poenam exiger, infligitur ei a Deo, nec satisfactoria dicitur, cum non fuerit ex electione patientis: sed dicitur purgatoria, quia alio puniente quasi purgabitur per reductionem in ordinem ad debitum ordinem. Confirmatur auth. Apostoli. Corinth. II.

SE D circa dicta dubium occurrat. Nam (vt ponit S. Thom. praesertim prima secundae, quae 37.) de ratione poenae est quod sit contra voluntatem: non ergo verum videtur quod homo satisfaciat Deo ex quod voluntarie se poenam exiger.

Respondetur ex doctrina ipsius in praedicta quaestione, & q. 6. & quarto sententiae. dicitur. q. 6. quod dupliciter dicitur aliquid contra voluntatem esse. Vno modo, quia est contra voluntatem absolute consideratam. Alio modo, quia est contra voluntatem conditionatam. contingit enim aliquid esse contrarium voluntati absolute, & tamen vt nunc & in casu siue ex aliqua conditione adiuncta voluntarie esse, sicut proedio mercurium in mare est contrarium voluntati absolute, considerato tamen periculo est voluntaria. Et quia vnumquodque dicitur simpliciter esse secundum quod est in actu, secundum quid autem secundum quod est in consideratione tantum: ideo quod est voluntarium, secundum quod est nunc, & secundum quod occurrentes circumstantias, dicitur simpliciter voluntarium: licet secundum quod est in consideratione qua per se extra casum & alias occurrentes circumstantias consideratur, sit inuoluntarium. Poena ergo secundum se considerata, contra voluntatem absolutam est: potest tamen esse voluntaria ex suppositione, in quantum homo qui peccando Deum offedit, vult hanc offensam per aliquam poenam recompenare. in tali enim casu poena est simpliciter voluntaria, secundum quid autem contra voluntatem. Vnde cum dicitur quod de ratione poenae est vt sit contra voluntatem, intelligitur de voluntate absoluta, non autem de voluntate conditionata: sic autem non tollitur quin per poenam voluntarie assumptam homo satisfaciat Deo.

ADVERTENDVM tamen ex loco praedictato, quod non solum poena quam quis se spontaneus exigit, satisfactoria est sed etiam poena a Deo illata, quam quis patienter suffert. Vnde quod hic dicitur eam poenam non esse satisfactoriam quae peccatori a Deo infligitur, intelligendum est de ea quam quis patienter non sustinet, quia illa nullo modo est ex electione patientis, sed bene ista quae patienter sustinetur, in quantum quis eligit ipsam patienter ferre ad purgationem peccatorum.

ADVERTENDVM etiam quod poena satisfactoria dimittit aliquid de ratione poenae, quia de ratione poenae in quantum poena est quod contrarietur voluntati: de ratione autem satisfactoriae poenae, est quod sit voluntarie assumpta, non quidem absolute, sed considerata Deo offensa, quam recompenare per poenam oportet, vnde talis poena in quantum est aliquo modo inuoluntaria, habet aliquid de ratione poenae in quantum verum est voluntaria, habet rationem satisfactoriae poenae, propterea utrumque complectens S. Thom. quod inquam poena satisfactoria voluntaria sit, & alio modo poena, inquit hominem voluntarie se exigendo poenam, Deo satisfacere, in quantum cum labore & poena ordinem diuinitus institutum exequitur pro peccato se puniendo, scilicet voluntarie. Quia autem aliquis posset existimare ex dictis, quod homo si post remissionem peccati obligaretur ad satisfactoriam aut purgatoriam poenam, quod nullo modo possit simul & culpa & poena remoueri: hoc vult S. Thom. excludere, atque quod in autione mentis a peccato, tam vehementes potest esse peccati displicentia, & in haec mensis in Deum, quod non remanet aliqua obligatio ad poenam, quia dilectio ad Deum sufficit firmare mentem hominis in bono, praecipue si vehemens fuerit displicentia: displicentia autem culpa praeterit cum fuerit intentio, magnum affert dolorem: propter quod duo ponebatur poena necessaria: & ideo per vehementiam dilectionis Dei, & odij peccati praeteriti, excluditur necessitas satisfactoriae vel purgatoriae poenae. Quod si non sit tanta vehementia quod totaliter poenam excludat, tamen quanto vehementior fuerit, tanto minus de poena sufficit.

AD EVIDENTIAM eius quod hic dicitur de obligatione ad poenam post peccati remissionem, considerandum est ex doctrina S. Thom. 4. sententiae, dist. 14. q. 2. art. 2. quod quia aliquem offendit, rem eius illi subtrahendo, & contra aequalitatem amicitiae facit, & contra aequalitatem iustitiae: & ideo in reconciliatione oportet utriusque recompensatione fieri. Sed sicut quandoque haec duo in offensione diuiduntur, sicut cum quis amicitiam violat, non autem iustitiam, quia nihil amico praeter debitum affectum subtrahit: quandoque vero sunt coniuncta, vt dum violando amicitiam etiam aliquid subtrahit ab amico: ita in recompensatione haec aliquando diuiduntur, sicut quum quis offensum verbis placat nondum restituta re sublata. in hoc enim est amicitiae aequalitas restituta, non autem aequalitas iustitiae: aliquando vero sunt coniuncta, sicut quando & reconciliat quis amicum, & simul rem sublatam restituit. Quia ergo peccator per affectum peccati amicitiam Dei violauit, propter quod gratiam amittit, & Dei incurrit offensam, & per inobedientiam diuinae legis honorem debitum Deo subtrahit, ex quo meretur poenam, quod poenae meritum dicitur reatus: ideo in autione hominis a peccato quandoque fit recompensatio aequalitatis amicitiae tantum, in quantum remittitur sibi a Deo offensa, gratiaque restituitur: sed non remittitur reatus, quia nondum poena est soluta, quandoque vero simul fit recompensatio aequalitatis tam iustitiae quam amicitiae, in quantum & restituitur gratia, remittiturque offensa, & soluitur poena per vehementiam contritionis. Volens itaque S. Thomas utrumque horum ostendere, dixit primo, quod post remissionem peccati, & gratiae consecutionem, homo remanet obligatus ad poenam ex diuina iustitia: & est sensus, quod ex sola peccati remissione quantum ad offensam, & ex gratiae restitutione, non intelligitur esse amota obligatio ad poenam solutionem, sed quandoque vnum est sine alio. Dixit vero secundum quod etiam quandoque non remanet obligatio ad aliquam poenam, quia videlicet cum gratiae susceptione ex vehementia contritionis simul totius poenae debita sit solutio.

ADVERTENDVM secundum ex doctrina S. Thom. 4. dist. 17. q. 2. art. 5. quod intensio contritionis potest attendi & ex parte charitatis quae peccati displicentiam causat, & ex parte doloris sensibilibus, quae vt voluntas in contritione excitat. Quantum ad primum tantum potest intendi charitas in actu, quod contritio inde sequens meretur amotionem culpae, & absolutionem ab omni poena. Quantum etiam ad secundum, tantum potest intendi dolor intendi, quod cum ille poenae quadam sit, sufficit ad deletionem culpae & poenae: utrumque istorum modorum datur intelligere S. Thom. cum ait per vehementiam dilectionis Dei, & odij peccati, excludi necessitatem satisfactoriae vel purgatoriae poenae. Secunda conclusio est: Vnus homo pro alio satisfacere potest, dum utroque in charitate fuerit. Probat. Quod per amicos facimus, per nos ipsos facere videmus, cum amicitia ex duobus faciat vnum, per effectum, praecipue dilectio charitatis ergo sic cut per se ipsum, ita & per alium potest aliquis satisfacere Deo, praecipue cum necessitas fuerit. Confirmatur primo, quia peccatori etiam poena non deest, dum amico patienti propter ipsum compatitur. Confirmatur secundo, quia talis satisfactio pro alio est Deo magis accepta, quam si pro se quis pateretur. hoc enim est prompte charitatis, illud autem necessitatis. Confirmatur tertio auth. Apostoli ad Galat. 6. si quis in peccatis inueniatur.

ADVERTENDVM cum inquit S. Thom. vnum hominem pro alio satisfacere posse, addendo, praecipue si necessitas adsit, quod illud non dicit quod non valeat satisfactio, nisi ille pro quo satisficit sit impotens ad satisfaciendum, & sic sit necessitas, quia vt dicitur quarto sententiarum dist. 20. etiam si aliquis esset potens, ipse a debito immunis esset alio satisfaciente pro ipso. Sed quia magis est satisfactoria existente necessitate, & etiam quia cum poena satisfactoria sit etiam in remedium sequentis peccati, & quantum ad hoc satisfactio vnius alteri non prodest, non est permittendum, vt in loco praedictato dicitur, vt aliquis pro alio poenitentiam faciat, nisi appareat in poenitente corporalis vel spiritualis defectus propter quem sit incomperens ad sustinendum.

ADVERTENDVM etiam quod de ratione satisfactoris proprie dictae est vt sit opus meritorium, vt dicitur 4. dist. 17. quae 2. art. 4. meriti autem non est sine charitate, cum charitas sit principium merendi, ideo bene dictum est quod vnus pro alio satisfacere potest, dum modo vtriusque sit in charitate.

*Quod rationabiliter homini imputatur si ad Deum non conuertatur, quantum hoc sine gratia non possit.*

Cap. 159.



VM autem, sicut ex praemissis habetur, in finem vltimum aliquis dirigere non possit, nisi auxilio diuinae gratiae, sine qua etiam nullus potest habere ea quae sunt necessaria ad reddendum in vltimum finem, sicut est fides, spes, dilectio, & perseverantia: potest alicui videri quod non sit homini imputandum si praedictis careat: praecipue cum auxilium diuinae gratiae mereri non possit, nec ad Deum conuerti, nisi Deus eum conuertat: nulli enim imputatur quod ab alio dependet. Quod si hoc concedatur, plura inconuenientia consequi manifestum est. sequitur enim quod ille qui fidem non habet, nec spem, nec dilectionem Dei, nec perseverantiam in bono, non sit poena dignus: cum expresse dicatur Ioan. 3. Qui incredulus est filio, non videbit vitam, sed ira Dei manet super eum. & cum nullus ad beatitudinis finem sine praemissis perueniat, sequetur vterius quod aliqui homines sint qui nec beatitudinem consequantur, nec poenam patiantur a Deo: cuius contrarium ostenditur ex eo quod dicitur Matth. 25. quod omnibus in diuino iudicio existentibus dicitur: Venite, possidete paratum vobis regnum. vel Discedite in ignem aeternum. Ad huius dubitationis solutionem considerandum est, quod licet aliquis per motum liberi arbitrij diuinam gratiam nec promereri nec acquirere possit: potest tamen seipsum impedire ne eam recipiat, dicitur enim de quibusdam Iob. 21. dixerunt Deo: Recede a nobis, & scientiam varum tuarum nolumus. Iob. 24. Ipsi fuerunt rebelles lumini. & cum hoc sit in potestate liberi arbitrij impedire diuinam gratiae receptionem, vel non impedire, non immerito in culpam imputatur ei qui impedimentum praestat gratiae receptioni. Deus enim quantum in se est, paratus est omnibus gratiam dare. vult enim omnes homines saluos fieri, & ad cognitionem veritatis venire: vt dicitur 1. ad Tim. 2. Sed illi soli gratia priuantur, qui in seipsis gratiae impedimentum praestant: sicut sole mundum illuminante in culpam imputatur ei qui oculos claudit, si ex hoc aliquod malum sequatur: licet videre non possit nisi lumine solis praeueniatur.



## Super Cap. 159.



**Q**UOD VIA ex prædictis posset aliquis errandi occasione sumere, vult S. Thom. dubium quoddam removere. Circa hoc autem duo facit. Primum remouet ipsum dubium. Secundum, quoddam in responsione assumptum exponit, cap. sequenti. Dubium est hoc: Posset enim alicui videri, cum nullus in finem vltimum dirigi possit nisi auxilio diuinæ gratiæ, vt ostensum est, sine qua etiam haberi non possunt necessaria ad tendendum in ipsum, quod non sit homini imputandum, si prædictis careat, quia nulli imputatur quod ab alio dependet: auxilium autem gratiæ homo mereri non potest, nec etiam sine eo potest ad Deum conuerti. hoc autem falsissimum esse constat, quia sequeretur quod carens fide, spe, & huiusmodi, non sit pœna dignus contra id quod dicitur Iob 3. Qui incredulus est, &c. sequetur etiam cum nullus ad beatitudinis finem sine præmissis perueniat, quod aliqui sint homines qui nec beatitudinem consequantur, nec patiantur pœnam à Deo, cuius contrarium ostenditur Matth. 23. ergo, &c. Respondet autem S. Thom. quod licet homo per motum liberi arbitrii nec gratiam promereri possit, nec ad Deum conuerti, potest tamen seipsum impedire ne eam recipiat, vt ostenditur Iob 21. & 24. Ideo non immerito imputatur in culpam ei qui impedimentum præstat gratiæ receptioni, quia Deus quantum est in se, paratus est omnibus gratiam dare, vt patet 1. Tim. 2. illi autem soli priuantur gratia, qui in seipsis gratiæ impedimentum præstant, declarat exemplum claudens oculos sole mundam illuminante.

Ex hac responsione vult habere S. Thom. quod illa propositio: Nulli imputatur quod ab alio dependet, falsa est, quando non est ex parte eius à quo illud dependet, quin illud habeatur, sed ex parte recipientis ponentis impedimentum voluntariæ illius receptioni, sic autem accidit quando quis gratiam non accipit, ideo non est absque eius imputatione.

Ad huius euidentiam considerandum est quod cum duplex sit auxilium quo ad beatitudinis consecutionem indigemus, scilicet habitualis gratia, & diuina morio tam intrinsecè quàm extrinsecè facta qua ad bonum dirigimur, & ad gratiæ præparationem excitamur: primum auxilium Deus non omnibus dat, absolute loquendo, postquam peccauerunt, sed bene omnibus se ad ipsum præparantibus ex diuina morione concedit. secundum autem auxilium omnibus impendit: & nulli quantum ad hoc est absens Deus, cum nullus sit qui ab eo non moueatur ad bonum, & ad gratiæ præparationem, iuxta illud Apoc. 3. Ego sto ad ostium, & pulso, &c. Sed quia diuina prouidentia vnumquodque secundum naturæ suæ conditionem gubernat & mouet, homo autem est lib. arb. potestque diuinam morionem sequi, & non sequi, inde est quod aliqui diuinam hanc morionem sequentes, se ad gratiam præparant: aliqui verò ipsam non sequentes, non se præparant ad gratiam, sed magis illi impedimentum præstant peccando. Dicitur ergo Deus paratus esse quantum in se est omnibus gratiam habitalem dare, quia eam omnibus se ad illam præparantibus vult dare, nullusque deest auxilium suum, ipsum quandoque mouens & instigans ad hoc vt se ad gratiam præparet: & ideo bene hic dicitur, quod merito homini imputatur si gratiam & virtutes eam concomitantes non accipiat. Quod enim non recipiat aliquid ab eo qui paratus est dare, & qui quandoque ad accipiendum instigat, non est absque eius imputatione. Quod si auxilium illud sine quo homo non potest aliquid bonum agere, & sine quo non potest quis se ad gratiam præparare, non esset omnibus commune, sed alicui deesset, fortassis aliquam haberet apparentiam si is qui dicto auxilio caret, gratiam non acquirit: quia nulli videtur imputandum si non habeat quod sine auxilio alterius acquirere non potest, si sibi auxilium illud non adit. Sed nec hoc omnino veritatem habet, quia si quis propria voluntate in malum aliquid cadat à quo per se liberari non potest, si non liberetur, non est absque eius imputatione. debebat enim cauere ne in illud malum incidere à quo sciebat se propria virtute liberari non posse, sicut non est absque imputatione quod aliquis non exeat ex puteo ex quo non potest exire nisi ab alio adiuuetur, quando propria voluntate in illum se deiecit. Homo autem qui peccat, propria voluntate cadit, per quod gratia priuatur quam per se acquirere non potest: ideo merito sibi imputatur si gratiam non habeat, etiam deficiente sibi diuino auxilio ad gratiæ præparationem necessario. Vnde propositio assumpta veritatem habet dumtaxat quando is qui se priuatur, non fuit ob aliquam suam culpam causa talis priuationis, vt patet cap. sequenti. Sed si ipse sua culpa fuit huiusmodi carentiæ & priuationis causa, falsa est.

*Quod homo in peccato existens, sine gratia peccatum vitare non potest.*

## Cap. 160.

Idem 1. 2. q. 109. art. 8. D. 76.



**Q**UOD autem dictum est in potestate liberi arbitrii esse ne impedimentum gratiæ præstet, competit his in quibus naturalis potentia integra fuerit. Si autem per inordinationem præcedentem declinauerit ad malum, non erit omnino in potestate eius nullum impedimentum gratiæ præstare. Esi enim ad aliquod momentum ab aliquo peccati actu particulari possit abstinere propria potestate: si tamē diu sibi relinquitur, in peccatum cadet, per quod gratiæ impedimentum præstat. Quum enim mens hominis à statu rectitudinis declinauerit, manifestum est quod recessit ab ordine debiti finis. illud igitur quod deberet esse in affectu præcipuum tanquam vltimus finis, efficitur minus dilectum illo ad quod mens inordinate conuersa est, sicut in vltimum finem. Quandoque igitur

occurrit aliquid conueniens inordinato fini, repugnans fini debito, eligitur, nisi reducat ad debitum ordinem: vt finem debitum omnibus præferat, quod est gratiæ effectus. dum autem eligitur aliquid quod repugnat vltimo fini, impedimentum præstat gratiæ quæ dirigit in finem. vnde manifestum est quod post peccatum non potest homo abstinere ab omni peccato antequam per gratiam ad debitum ordinem reducat. D. 687.

Præterea, cum mens inclinata fuerit ad aliquid, non se iam habet æqualiter ad vtrumque oppositorum, sed magis ad illud ad quod est inclinata. illud autem ad quod mens magis se habet, eligit, nisi per rationis discussionem ab eo quadam sollicitudine abducatur: vnde & in repentinis signum interioris habitus præcipue accipi potest, non est autem possibile mentem hominis continere in ea vigilantia esse, vt per rationem discutiatur quicquid debet velle vel agere: vnde consequitur quod mens aliquando eligit id ad quod est inclinata, inclinatione manente: & ita si inclinata fuerit in peccatum, non stabit diu quin peccet, impedimentum gratiæ præstans, nisi ad statum rectitudinis reducat.

Adhuc, etiam operantur impetus corporalium passionum, & appetibilia secundum sensum, & plurimarum passionum & occasiones male agendi, quibus de facili homo prouocatur ad peccandum, nisi retrahatur per firmam inhaesionem ad vltimum finem quam gratia facit.

Vnde apparet stulta Palagianorum opinio, qui dicebant hominem in peccato existentem sine gratia posse vitare peccata. Cuius contrarium apparet ex hoc quod Palamita petit: Dum defecerit virtus mea, ne derelinquas me. Et dominus orare nos docet: Et ne nos inducas in tentationem: sed libera nos à malo. Quauis autem illi qui in peccato sunt, vitare non possint per propriam potestatem quin impedimentum gratiæ præstent vel ponant, vt ostensum est, nisi auxilio gratiæ præueniantur: nihilominus tamen hoc eis imputatur ad culpam, quia hic defectus ex culpa præcedente in eis relinquitur: sicut ebrius ab homicidio non excusatur quod per ebrietatem committit, quā sua culpa incurrit. Præterea, licet ille qui est in peccato, non habeat hoc in propria potestate, quod omnino vitet peccatum: habet tamen potestatem nunc vitare hoc vel illud peccatum, vt dictum est: vnde quodcumque committit, voluntariè committit: & ita non immerito ei imputatur ad culpam. \* Excludit err. Pelag. 7. sup. ap. 147. D. 688. Cap. 155.

## Super Cap. 160.



**Q**UOD VIA in responsione ad dubium præcedens dictum est in potestate liberi arbitrii esse præstare impedimentum gratiæ vel non præstare, vult S. Thom. ipsam propositionem declarare. Circa hoc autem duo facit. Primum, declarat propositum. Secundum, ostendit quod non obstante impedimento peccati ad gratiæ susceptionem, aliquos tamen Deus à peccato liberat, aliis in peccato relictis, cap. seq. Quantum ad primum, inquit quod cum dictum est, in libertate arbitrii esse ne impedimentum præstet gratiæ, hoc competit his in quibus naturalis potentia integra fuerit, non autem ei qui per inordinationem præcedentem declinauit ad malum: quia etsi ad aliquod momentum ab aliquo actu particulari peccati possit abstinere propria potestate: si tamen diu sibi relinquitur, in peccatum cadet, per quod gratiæ impedimentum præstat.

Ad euidentiam primæ partis huius dicti, considerandum est quod per naturalem potentiam intelligit S. Thom. liberi arbitrii potentiam, quæ etiam voluntas dicitur, nullo peccato nullâque inordinatione vitiatam, sicut erat in primo parente antequam peccaret, patet hæc interpretatio, quia integritatem hanc conuincit inordinationi peccati.

CIRCA autem hanc integritatem considerandum est primum quod dupliciter eam in libero arbitrio considerare possumus. Vno modo, secundum quod liberum arbitrium est, virtus humanæ animæ absolute, ita quod consideretur ipsius integritas quæ sibi ex natura humana præcisè & nudè considerata conuenit. Alio modo secundum quod per iustitiam originalem erat perfecta, vt erat in primo parente. licet enim nullus vquam hominis status fuerit in quo non fuerit homo aut sub iustitia originali, aut sub peccato, quia primus homo cum iustitia originali fuit creatus, & post eius peccatum tam ipse quàm alij omnes sub peccato fuerunt, nihil tamen prohibet eum talis iustitia originalis fuerit aliquid naturæ humanæ superadditum, considerari posse naturam & absque tali dono, & absque peccato, & quantum ad ea quæ sibi secundum se conueniunt, vt & à tali dono abstrahit & à peccato. Considerandum secundum, quod homo dupliciter considerari potest. Vno modo, in quantum animal est: ita modo, in quantum est homo, id est, vt rationem habet. Integritas naturalis hominis in quantum homo est, habet vt appetitus sensitiuus



sensitivus ratione regulatur, illique subijciatur, propter quod inquit Philosophus tertio de Anima, quod appetitus sensitivus sequitur rationalem, sicut sphaera movetur a sphaera. Et quia iustitia originalis in homine istum ordinem naturalem virium animae manebat: ideo idem est loqui de integritate liberi arbitrii quae sibi convenit ex conditione naturae hominis in quantum huiusmodi, & de integritate quae sibi convenit natura existente sub originali iustitia. Propter hoc statum naturae integræ vocat sanctus Thomas statum naturae existentis sub iustitia originali, in quo statu primi parentes fuerunt, siue fuerint in gratia conditi, siue non. Statum vero naturae corruptae statum peccati vocat. Vult ergo quod in statu naturae integræ, siue in statu quo homo erat sub iustitia originali, in facultate liberi arbitrii erat praestare impedimentum gratiae, & non praestare.

A D euidenciam secundae partis considerandum primo, quod non loquitur sanctus Thomas de potentia liberi arbitrii remota, qua dicitur homo posse non praestare impedimentum gratiae in quantum supposito diuino auxilio potest se ad gratiam preparare: & sic ea habita potest non peccare, sed loquitur de potentia propinqua qua dicitur liberum arbitrium posse aliquid immediate siue ex se, solo, siue etiam ex conditionibus sibi superadditis, sicut dicitur hominem posse iuste operari ex habitu iustitiae quo voluntas ad actus iustitiae habet inclinationem. Sic enim intelligitur dictum sancti Thomae, scilicet quod liberum arbitrium supposita inordinatione peccati praeteriti, & iis quae ad ipsam consequuntur, non habet in potestate sua vitare peccatum, potentia scilicet propinqua: & sic non est in eius facultate non praestare impedimentum gratiae.

CONSIDERANDUM secundum, quod dupliciter possumus intelligere aliquem posse vitare omne peccatum aut non posse. Vno modo diuino, considerando scilicet vnumquodque peccatum secundum se. Alio modo coniunctum, considerando videlicet omnia simul. sensus ergo propositionis sancti Thomae est (vtriam declaratur prima secundum, quæst. 109, art. 8.) quod homo in peccato existens & gratia carens potest quidem vitare omnia peccata diuini: quia ostensum quocunque peccato in particulari secundum se, verum est dicere, hoc peccatum vitare potest: & hoc significauit cum dixit quod ad aliquod momentum, id est, ad breue tempus potest ab aliquo peccato actu particulari abstinere, non potest autem omnia coniunctim vitare, ita videlicet quod nec hoc nec illud committat, singulis enumeratis: sed necesse est vt hoc committat aut illud: & hoc significauit cum dixit si diu sibi relinquitur, in peccatum cadet. Iis suppositis probat sanctus Thomas dictum suum quantum ad secundam partem de qua principaliter intendit loqui. Et arguit primo sic: Mens hominis a statu rectitudinis declinans recedit ab ordine ultimi finis, ergo ille efficitur minus dilectus eo ad quod mens inordinate conuersa est sicut in ultimo finem: ergo quandoque occurrit aliquid conueniens in ordinato fini repugnans fini debito, eligitur, nisi per gratiam ad debitum ordinem reducat. ergo post peccatum non potest homo abstinere ab omni peccato nisi per gratiam reparetur, probatur vltima consequentia, quia dum eligitur aliquid quod repugnat vltimo fini, impedimentum gratiae praestatur, & consequenter peccatur.

CONTRA istam rationem instari potest dupliciter. Primo, quia videtur quod ex falso fundamento procedat, scilicet quod is qui mortaliter peccat, afficiatur illi bono ad quod peccando conuersus est tanquam vltimo fini, etiam cessante peccato, quousque affectus eius per gratiam ordinetur, hoc enim falsum esse videtur: quia potest esse vt aliquis habens habitum acquisitum temperantiae, semel contra habitum inclinationem peccet, deinde amplius tale peccatum non committere deliberet. Constat enim quod iste non habebit post peccatum pro vltimo fine aliquid temperantiae contrarium, imò magis habebit pro fine id ad quod inclinatur temperantia quae remanet isto etiam peccante, cum non corrumpatur habitus ex vnicuique contrario.

Secundo, quia non videtur vera illa propositio, quandoque occurrit aliquid conueniens inordinato fini repugnans fini debito, eligitur. Si enim hoc verum sit, sequitur quod existens in peccato non possit singula peccata vitare, quia videlicet conueniens fini inordinato necessario eligetur semper quando occurrerit, hoc autem repugnat superius dictis & dicendis, ergo, &c.

A D euidenciam primi dubij considerandum est, quod cum loquamur hic de potentia propinqua liberi arbitrii ad vitandum peccatum aut committendum absolute, assignatur ista prima ratio impossibilitatis vitandi omnia peccata, ex remotione illius dispositionis qua ipsum liberum arbitrium erat ad vitandum peccatum in quantum peccatum est proxima dispositione inclinatum, & ex positione contrariae dispositionis qua ad peccandum inclinatur, quia videlicet per peccatum remouetur in haesio voluntatis ad Deum tanquam ad vltimum finem, per quam voluntas inclinabatur ad ea quae illi fini sunt conuenientia, cum a fine omnia opera regulentur, & per consequens ad vitandum peccatum, per quod quis ab illo vltimo fine auertitur. Ponitur vero ad haesio eius ad bonum commutabile, quae ad vltimum finem, qui scilicet amatur plusquam Deus, per quam ad haesio inclinatur in id quod est conueniens illi fini, quod est mortale peccatum. Nam si voluntas siue liberum arbitrium per peccatum caret dispositione qua poterat absolute vitare peccatum, habetque dispositionem inclinantem in peccatum, consequens est vt aliquando peccet: sicut & habens habitum non potest diu stare quin secundum illum habitum operetur: & sic ille qui peccauit, manente illa priuatione & illa dispositione, non potest omne peccatum vitare, licet aliquod particulare peccatum vitare possit. Considerandum secundum ex doctrina sancti Thomae de Verit. quaestione vigesima quarta art. 12. quod ista dispositio quae relinquitur in peccante mortaliter, non semper est habitus vitij quod peccat: quia ex vno actu non generatur habitus, sed est quaedam habitualis adhaesio voluntatis ad finem inordinatum, id est ad commutabile bonum: cuius adhaesio vis & inclinatio in ea manet, quousque bono incommutabili ad vltimum finem adhæreat, quod quidem non fit nisi per gratiam. Ex quo habetur quod licet aliquis cesset a peccato, disponaturque non amplius illud peccatum committere ex aliqua deliberatione, propter hoc tamen non tollitur habitualis illa inclinatio voluntatis ad indebitum finem, scilicet ad bonum commutabile, siue ad bonum delectabile secundum sensum: quia ista non tollitur nisi voluntas quae per peccatum ab incommutabili bono discessit, iterum in debito ordine constituitur, & in adhaesio-

ne ad debitum finem: hoc autem non fit per solum actum liberarbitrii disponentis non peccare amplius illo peccato, sed requiritur diuina gratia, cuius est hominem in statu debite rectitudinis constituere. Ad obiectionem ergo contra rationem sancti Thomae, dicitur, quod non supponitur falsum, non enim supponitur quod peccas mortaliter, post peccatum afficiatur continue illi particulari bono ad quod peccato conuersus est, sed quod manet inclinatio ad bonum commutabile in generali, & auersio ab incommutabili bono, quod in omni mortali peccato includi manifestum est, qui enim fornicatur, non necessario afficitur actu vel habitu post peccatum delectationis venere: quia vt arguebatur, si talis habeat habitum temperantiae, facilliter reducit ad abstinenciam huiusmodi delectationis: necesse est tamen manere auersionem a Deo, & inclinationem ad bonum creatum conueniens appetenti, nisi fiat reparatio debiti ordinis per gratiam. Ex quo enim quis bonum incommutabile pro creato & commutabili repudiatur, & non potest bono illi incommutabili propria virtute iterato tanquam vltimo fini suarum operationum adherere, relinquitur vt bonum commutabile & creatum sibi conueniens pro vltimo fine habitualiter habeat, oportet enim vnum esse vniuersumque hominis vltimum finem, in quem sua omnia dirigit, cum a fine omnia regulentur. Vnde quantumcunque per habitum temperantiae qui committit fornicationem ad proprium temperantiae finem redeat: per hoc tamen non tollitur quin mens priuata maneat ordine ad debitum finem, siue inclinata ad bonum creatum sicut ad vltimum finem. Potest etiam dici, quod licet per habitum temperantiae iste qui fornicatus est redeat ad finem proprium temperantiae tanquam ad proximum finem, in quantum disponitur ab indebita venere deinceps abstinere, cum hoc tamen remanet in voluntate inclinatio ad veneream delectationem tanquam ad vltimum finem, derelicta ex eo quod in delectatione veneream vltimum sibi finem peccando statuit. ista enim inclinatio remanet quousque per alterius vltimi finis siue debiti siue indebiti electionem remoueat. Efficacior est autem ista inclinatio ad inducendum in peccatum, quam habitus temperantiae ad impediendum propter naturae corruptionem, & propter inordinationem voluntatis, quia cum vltimus finis summe & necessario ametur, quandoque occurrit aliquid fini conueniens indebito, voluntas in illud fertur, nisi magna deliberatione retrahatur.

A D secundum dubium responderetur quod illa propositio intelligenda est cum hac conditione, nisi homo seipsum multa deliberatione cohibeat, vt patet de Verit. quaest. praallegata, posuit autem eam sanctus Thomas hic absolute, quia consideratur quid secundum se conueniat existenti in peccato secundum illam inclinationem ad indebitum finem, sibi enim conuenit secundum se vt quandoque sese obtulerit aliquid inordinato fini conueniens, illud eligat. Si autem contingat non eligere, hoc est ex aliquo alio retrahente. Vbi advertendum est, quod licet is qui ex illa habituali inclinatione ad indebitum finem peccat, aliquando deliberatione peccet, in quantum iam est in eius electione determinatus finis, & perpendit id quod eligitur, peccatum mortale esse: ista tamen deliberatio non sufficit ad retrahendum hominem a peccato, quia ille qui bono incommutabili repudiatur, commutabili bono inhæret, iam non existimat malum a bono incommutabili auerti, sed requiritur tanta deliberatio vt perueniat considerando ad aliquid quod non possit non existimare malum: quæ si non adsit, homo in peccatum secundum illam inclinationem fertur, ideo optime dicitur quod quandoque occurrit aliquid conueniens inordinato fini repugnans fini debito, illud eligitur, scilicet considerata per se conditione habentis habitalem inclinationem ad indebitum finem. Non sequitur autem ex hoc quod singula peccata vitare non possit, quia hoc non obstante potest contra vnumquodque peccatum niti, adhibendo tantam deliberationem quanta requiritur. Secundum, cum mens inclinata fuerit ad aliquid, se habet magis ad illud in quod inclinatur: ergo aliquando eligit id ad quod est inclinata manente inclinatione, ergo si inclinata fuerit in peccatum, non statim diu quin peccet, probatur prima consequentia, quia illud ad quod mens est magis inclinata, eligit, nisi per quædam rationis discussionem ab eo quadam sollicitudine abducatur, vt ex repentinis ostenditur, non est autem possibile mentem hominis continue in ea vigilantia esse, vt per rationem discutiatur quicquid debet velle vel agere, ergo, &c.

A D euidenciam huius rationis considerandum est, quod sicut habitus virtutis non imponit necessitatem operandi absolute, hoc vel illo particulari considerato, sed tantum facit inclinationem ad actum habitui conformem: ita & habitualis adhaesio ad indebitum finem non imponit necessitatem absolute ad particulare hoc peccatum, ideo sicut non obstante inclinatione causae naturalis pro maiori parte agentis ad aliquem effectum, potest aliquando deficere ab actione sua ex aliqua impediencia, ita stante ista habituali inclinatione mentis ad peccandum potest hoc particulare peccatum & illud ex hominis vigilantia vitari: propter quod dicitur quod existens in peccato mortali potest singula peccata vitare. Sed tamen quia in multis occupatur mens humana, nec continue, nec diu esse in tali vigilantia potest qualis requiritur ad hoc vt peccatum vitetur: ideo necesse est vt quandoque taliter dispositus peccet, & non maneat diu absque peccato: ex quo sequitur quod existens in peccato mortali, non potest omnia peccata vitare collectivè: & ex hoc ista ratio procedit.

Tertio, multi sunt impetus corporum passionum, & multa appetibilia secundum sensum, plurimae quoque passionis & occasiones male agendi, quibus de facili homo scilicet in natura corrupta, prouocatur ad peccandum, ergo, &c. Ex istis infertur stultum esse Pelagianorum opinionem dicentium hominem in peccato existentem, sine gratia posse vitare peccata: cuius contrarium ostenditur in Psalmo, cum dicitur: Dum defecerit, &c. & dum Dominus nos docet orare: Et ne nos, &c.

Quia autem posset aliquis ex praedictis inferre quod non imputetur homini ad culpam si impedimentum gratiae praestet, hoc excludens S. Thomas, negat illud sequi, imò inquit tale peccatum sequens ei ad culpam imputari propter duo: primo, quia hic defectus ex culpa praecedente in eo relinquitur: vnde & ebrius ex sua culpa non excusatur ab homicidio per ebrietatem commissio. Secundum, quia cum in potestate eius sit nunc vitare hoc vel illud peccatum, si peccat, voluntarie peccat.

EX ista responsione sancti Thomae patet responsio ad obiectionem Scoti, cum arguit secundo Sentent. distincta, 28, quod si existens in peccato non possit



posset omnia peccata vitare obligaretur homo à Deo ad impossibile. Pater enim primo quod non est inconueniens hominem obligari ad aliquid quod est factum sibi impossibile ex sua culpa, sicut accidit in proposito: sed bene esset inconueniens ipsum obligari ad id quod est absolute impossibile. Pater secundò, quod non obligatur homo ad impossibile propter hoc, quia vnumquodque peccatū secundum se acceptum vitare potest, & ideo si illud committit, voluntariè peccat. Quia tria in hoc capite dicuntur, scilicet quod in natura integra homo potest non prestare impedimentum gratiæ peccando, quod in natura corrupta & per peccatum deordinata homo non potest non prestare peccando impedimentum gratiæ, & quod potest existens in peccato singula mortalia peccata vitare: contra vnumquodque istorum potest instari. Contra primum quidem sic: Homo ex facultate propriæ naturæ non potest adimplere præceptum charitatis, ergo non potest vitare omissionem talis præcepti, ergo non potest non peccare, ergo non potest non prestare impedimentum gratiæ.

Contra secundum arguit primo fundamentum Durandi apud Capreolum, in 2. Sentent. distinct. 28. quia homo sine gratia potest in omne opus bonum bonitate morali, quæ est ex obiecto & circumstantiis: & etiam quia gratiæ priuatio non plus tollit quam poneret gratia: ponebat autem tantum efficaciam merendi, ideo hoc tantum tollit gratiæ priuatio, non autem potentiam vitandi omnia peccata. Secundo fundamentum Scoti, quia peccator potest cauere ab hoc mortali, & dum cauere hoc, cauere omnia non possunt enim esse simul in voluntate plures consensus, vnus scilicet quo vult vnum peccatum vitare, & alius quo vult committere aliud, ergo, &c. Contra tertium arguitur. Primò dictum est superius hominem sine gratia non posse omnia peccata mortalia vitare, ex eo quod non habet ad hoc potentiam propinquam, licet habeat potentiam remotam, scilicet libertatem arbitrij, sed sicut non habet potentiam propinquam ad vitandum omnia, ita nec ad vitandum singula, cum supra libertatem arbitrij nihil in eo sit per quod ad vitandum hoc peccatum inclinetur, ergo, &c. Secundò, existens in peccato obligatur ad ea quæ sunt iuris supernaturalis, & illa non potest absque gratia implere, ergo, &c.

Ad primum horum dicitur quod in statu naturæ integræ, supposito, quod in homine nulla sit gratia, sicut non potest homo diligere Deum dilectione charitatis quæ est supernaturalis dilectio, ita sibi non datur præceptum charitatis, vt scilicet actu diligat Deum pro tunc ex charitate, & ideo non diligendo Deum ex charitate, non peccat. Si enim datum esset homini non habenti gratiam, habenti tamen naturam integram, & mentem ordinatam, tale præceptum, fuisset obligatus ad impossibile simpliciter, quod inconueniens est. Dantur autem naturæ sic consideratæ præcepta duntaxat iuris naturalis, non autem supernaturalis iuris. Quod si sibi daretur præceptum de diligendo Deum super omnia dilectione charitatis, simul etiam charitas infunderetur, quæ posset in actu exire.

Ad Durandum contra secundum dictum respondetur, & dicitur primò, quod licet homo existens in peccato possit aliquo modo in omne opus moraliter bonum diuini, non tamen potest in omne coniunctim. Dicitur secundò, quod gratia in natura deordinata & corrupta non tantum ponebat efficaciam merendi: sed etiam naturam sanabat, & faciebat adhesionem ad Deum tanquam ad vltimum finem, ita quod pro nullo bono consequendo aut malo vitando existens in gratia volebat à Deo discedere: & ideo remota gratia remanet naturæ deordinatio & auersio ad vltimo finem: quæ simul cum adhæsiōe ad indebitum finem tollit potentiam propinquam ad vitandum omnia peccata coniunctim.

Ad Secundum negatur assumptum quo ad secundam partem, potest enim quis cauendo vnum peccatum, aliud committere: sicut quis committendo adulterium, vult non committere incestum. Dicitur secundò, quod licet possit sigillatim hoc peccatum nunc vitare, & pro tunc vitare omnia alia peccata, non tamen semper, aut diu hoc potest: & sic non potest omne peccatum vitare coniunctim. Quum autem probatur assumptum, quia voluntas non potest simul habere duos consensus, dicitur primò, quod per vnicum consensum potest voluntas vnum respicere, & aliud acceptare, quando duo simul ipsi proponuntur, sicut cum aliqui offertur duplex remedium ad sanitatem, verbi gratia, portio amara & abscessio alicuius membri, & vult accipere amatam potionem, non autem abscessionem membri, tunc enim in acceptione vnus intelligitur confutatio oppositi alterius. Dicitur tertio, quod etiam absque consensu qui feratur in duo, potest quis vnum præceptum implere, & aliud omittere.

Ad primum contra tertium dictum respondetur quod homo existens in peccato habet potentiam remotam quæ potest vnumquodque peccatum diuini vitare, scilicet libertas voluntatis, quæ potest contra vnumquodque peccatum nunc, licet enim sola libertas arbitrij non sufficiat ad vitandum omnia, quia per ipsam non potest homo esse in continua aut etiam diuturna vigilantia ad resistendum omni peccato, & occasione peccati collectiue, sufficit tamen communi intellecto semper diuino auxilio ad vitandum singula, quia demonstrato quocunque particulari tempore verum est dicere quod in eo potest vti sufficienti vigilantia ad vitandum hoc particulare peccatum.

Si queratur quare sicut diuino auxilio communi potest peccator vitare singula peccata, ita non potest omnia vitare: Respondetur quod ratio huius esse potest, quia diuinum auxilium mouet hominem secundum eius conditionem: conditio autem hominis habet vt in aliquo quidem particulari tempore possit esse in sufficienti vigilantia ad aliquid agendum vel vitandum, non autem per totum tempus aut diu, propter multa quibus humana mens implicatur. Ad secundum dicitur quod intelligit S. Thom. de peccatis quæ sunt contra præcepta iuris naturalis, & contra præcepta Decalogi, non autem de præceptis quæ sunt iuris supernaturalis. In his enim non est verum quod existens in peccato possit singula vitare, cum nullo modo sine gratia vitari possint, eo quod talia præcepta absque gratia obseruari nequeunt, quod præceptis Decalogi non conuenit.

ADVERTENDVM autem quod sanctus Thomas in secundo Sententiarum, dist. 28. impugnat opinionem dicentium existentem in peccato mortali non posse vitare omnia peccata, licet singula vitare possit: sed vt apparet, illam suam opinionem retractauit non solum hoc loco, sed etiam prima secundæ, quæst. 109. & de Veri. quæst. 24. Ideo in doctrina sua quod hic dicitur est tenendum.

Quod Deus aliquos à peccato liberat, & aliquos in peccato relinquit.

Cap. 161.



ICET autem ille qui peccat, impedimentum gratiæ præstet, & in quantum ordo rerum exigit, gratiam non deberet recipere: tamen quia Deus præter ordinem rebus inditum operari potest, sicut quum cæcum illuminat, vel mortuum resuscitat: interdum ex abundantia bonitatis suæ etiam eos qui impedimentum gratiæ præstant auxilio suo præuenit, auertens eos à malo, & conuertens ad bonum: & sicut non omnes cæcos illuminat, nec omnes languidos sanat, vt in illis quos curat, opus virtutis eius appareat, & in aliis ordo naturæ seruetur: ita non omnes qui gratiam impediunt, auxilio suo præuenit vt auertantur à malo, & conuertantur ad bonum: sed aliquos in quibus vult suam misericordiam apparere, ita quod in aliis iustitiæ ordo manifestetur. Hinc est quod Apostolus dicit Roman. 9. Volens Deus ostendere iram, & notam facere potentiam suam, sustinuit in multa patientia vasa iræ apta in interitum, vt ostenderet diuitias gloriæ suæ in vasa misericordiæ quæ præparauit in gloriam.

Quum autem Deus hominum qui in eisdem peccatis detinentur, hos quidem præueniens conuertat, illos autem sustineat siue permittat secundum ordinem rerum procedere: non est ratio inquirenda quare hos conuertat, & non illos: hoc enim ex simplici eius voluntate dependet, sicut ex simplici eius voluntate processit, quod quum omnia fieret ex nihilo, quædam facta sunt aliis digniora: & sicut ex simplici voluntate procedit artificis vt ex eadem materia similiter disposita, quædam vasa format ad nobiles vsus, & quædam ad ignobiles. Hinc est quod Apostolus dicit ad Roman. 9. An non habet potestatem figulus luti ex eadem massa facere aliud quidem vas in honorem, aliud verò in contumeliam? Per hoc autem excluditur error \* Origenis, qui dicebat hos ad Deum conuerti, & non alios, propter aliqua opera quæ animæ eorum fecerant antequam corporibus vnirentur: quæ quidem positio in secundo libro \* improbata est.

\* Origen. de quo lib. 2. & 44.

\* Cap. 83. & 84.

Super Cap. 161.



VI A posset aliquis querere, Si homo in peccato existens non potest non prestare impedimentum gratiæ, & per se habere gratiam non potest, nunquid assignari possit ratio quare Deus aliquos à malo retrahit, & conuertit ad bonum, alios verò in peccato dimittit? Respondet sanctus Thomas & tria facit. Primò, declarat quæsitum. Secundò, remouet quoddam dubium, cap. seq. Tertio, ex dictis infert quid sit prædestinatio, reprobatio, & electio cap. vltimo. Quantum ad primum dicit duo. Primum est, quod cum Deus possit præter ordinem rebus inditum operari: licet ordo rerum exigit vt is qui gratiæ impedimentum præstat, gratiam recipere non debeat: aliquos tamen huiusmodi ex abundantia bonitatis suo auxilio præueniens à malo retrahit, & ad bonum conuertit, vt in ipsis sua misericordia appareat, ita quod in aliis iustitiæ ordo manifestetur: sicut aliquos quidem cæcos illuminat, & aliquos languidos sanat, non autem omnes, vt & in illis quos curat, opus virtutis eius appareat, in aliis verò ordo naturæ seruetur. Confirmatur hoc auctoritate Apostoli ad Rom. 9. Secundum est, quod cum ex his qui eisdem peccatis detinentur, hos quidem præueniens conuertit, illos autem permittit secundum ordinem procedere: non est ratio inquirenda quare hos conuertat, & non illos, sed hoc ex simplici eius voluntate dependet: sicut & quod in creatione quædam facta sunt aliis digniora, & sicut ex simplici voluntate artificis procedit quod ex eadem materia quædam vasa format ad nobiles vsus, quædam verò ad ignobiles. Confirmatur auctoritate Apostoli ad Rom. 9. Per hoc excluditur Origenis error assignantis pro causa huius opera ab animabus facta antequam corporibus vnirentur.

ADVERTENDVM cum inquit sanctus Thomas Deus aliquos suo auxilio præuenire & conuerti ad bonum, quod hoc loquendi modo vitatur, quia nunquam homo conuerteretur ad Deum, nisi diuino præueniretur auxilio, sicut ex superius dictis apparet.

AD horum autem euidentiam considerandum est, quod cum querimus an sit aliqua causa & ratio quare aliquos Deus à peccato liberat, aliquos verò non, dupliciter hoc intelligi potest: vno modo vagè & indeterminatè, alio modo singulariter & determinatè: sicut potest queri quare & dicator aliquos lapides ponit in fundamento, aliquos verò sub testè, non determinando hos aut illos: & potest queri cur ex his lapidibus & qualis dispositionis, hos determinatos ponit in fundamento, illos verò prope testum.



teum. Et ideo sanctus Thomas secundum utrumque sensum respondens, secundum primum inquit, quod respectu eorum qui liberantur, assignatur pro causa abundantia diuinæ bonitatis, quam vult per misericordiam representari. Sicut enim creaturas propter manifestationem & communicationem suæ bonitatis produxit in esse per creationem sub certo ordine, ita etiam ut amplius suam bonitatem & manifestet & communicet, aliquos à peccato liberat, qui secundum ordinem communem rebus inditum liberari non deberent, sed magis puniri, cum & à Deo receperint peccando, & impedimentum gratiæ præstiterint: respectu verò illorum qui non liberantur, assignatur pro causa debitus ordo iustitiæ, scilicet æternaliter puniuntur, exigens ut illi non detur gratia neque gloria qui gratiæ impedimentum præstat. Quantum verò ad secundum sensum ait, quod sola diuina voluntas est causa huius, & non oportet aliam causam quærere. Huius autem ratio est, quia quod iis qui sunt æqualiter dispositi, datur inæqualia, ubi nullum est debitum ex parte dantis, sed ex meritalitate aliquid datur: non oportet assignare aliam causam, quam liberam dantis voluntatem, ut ostenditur prima parte quæst. 23. articulo quinto ad tertium.

SED quoniam idem dicit sanctus Thomas loco præallegato de prædestinatione & reprobatione, quod scilicet ratio quare aliqui prædestinantur, aliqui verò reprobandur, est representatio diuinæ bonitatis per modum misericordie, & eiusdem representatio per modum iustitiæ punitiue: ratio autem quare hunc in particulari prædestinat, non potest alia assignari quam diuina voluntas: idcirco respondendum est obiectio- nibus Autcoli, quibus prædicta nititur impugnare. Tria enim sunt quæ impugnat. Primum est, quod ratio reprobationis aliquorum in communi est relucencia diuinæ iustitiæ punitiue: & arguit primò sic: Nullum accidens intentum habet pro fine aliquid per se intentum: sed iustitia diuina est per se à Deo intentata, sicut & ceteræ diuinæ perfectiones: reprobatio autem est per accidens intentata, cum sit malum quoddam: tam enim culpa quam pena quæ ad reprobationem pertinent, mala sunt: ergo relucencia diuinæ iustitiæ non est finis reprobationis aliquorum. Secundò, non sunt facienda mala ut veniant bona: sed reprobatio malorum si esset absque omni causa ex parte reprobandi, esset mala, ergo, &c.

Tertiò, aut hoc esset inquantum reprobatio respicit malitiam, aut inquantum respicit penam æternam supposita malitia. non primum, quia tunc Deus intenderet per se peccatum, ergo secundum: sed tunc iustitiæ punitiue representatio supponit peccatum, ergo peccatum erit principalis causa reprobationis, non autem iustitiæ representatio. Secundum quod impugnat est, quod sola diuina voluntas est ratio quare huc in particulari reprobat, illum verò prædestinat. Arguit autem sic: Omnis qui pro libito voluntatis aliquem affligit & punit, & in peccatum labi permittit, ad hoc solum ut puniat & affligat, crudelis est, delectatur enim in pœnis: sed si Deus pro libito voluntatis hunc reprobatet, pro suo libito vellet affligere & punire, ergo crudelis esset, hoc autem non est Deo attribuendum, ergo, &c.

Tertium quod impugnat, est exemplum hic adductum de artifice pro libito ex eadem materia faciente quædam vasa ad nobiles vsus, quædam verò ad ignobiles. Non est, inquit, hoc exemplum ad propositum. Nam licet in carentibus sensu & experientia mali possit artifex pro libito disponere, absque nota crudelitatis & iniustitiæ, in habetibus tamen experientiam boni & mali, honoris & contumeliæ, hoc absque iniuria fieri non potest, ergo exemplum hoc non est ad propositum.

PR O solutione horum argumentorum, & pro clara huius materia notitia, considerandum primò, quod cum in reprobo quatuor inueniantur, scilicet permissio casus in peccatum, peccatum ipsum, derelictio à Deo non releuante à peccato, non infundenteque gratiam, & pena siue damnatio: non ad omnia ista eodem modo se habet reprobatio, sed diuersimodè. Nam respectu peccati secundum se nullam dicit reprobatio causalitatem, sed tantum præscientiam, præscit enim Deus eum qui reprobus est, peccaturum, sed eius peccatum non est causa productiua: respectu verò permissionis, derelictionis à Deo in peccato, & damnationis siue pœnæ, non solum dicit præscientiam, sed etiam causalitatem. Nam omnium istorum reprobatio est causa. Prædestinatio verò ad omnia quæ sunt in prædestinato, eodem modo se habet, habet enim Deus omnium horum præscientiam, & omnium est causa. Nam causat non solum gloriæ & beatitudinem in prædestinato, sed etiam opus meritum, gratiam, & præparationem ad gratiam. Considerandum secundò, quod ea quæ in prædestinato inueniuntur, aliter inter se ordinantur quam ea quæ sunt in reprobo. Nam ea quæ in prædestinato sunt, talem inter se ordinem habent, quod primum est causa secundi: secundum est causa tertii: tertium est causa quarti. Similiter quartum est finis tertii, tertium secundi, & secundum primi. Manifestum est enim quod præparatio ad gratiam quæ auxilio diuino fit in prædestinato, est causa meritoria gratiæ saltem de congruo: ut superius est ostensum, gratia est causa formalis meriti, meritum est causa meritoria gloriæ. Similiter gloria est finis meriti, meritum gratiæ, gratia verò præparationis ad ipsam: ex quo sequitur quod primum, quod est in prædestinato, scilicet præparatio ad gratiam, est in suo ordine & genere causa omnium posteriorum, cum id quod est causa cause, sit etiam causa effectus. Similiter vltimum, scilicet gloria, est finis omnium præcedentium, in finibus enim ordinatis vltimus finis est omnium præcedentium finis, sicut in causis agentibus ordinatis prima omnes sequentes mouet. Ea verò quæ sunt in reprobo, hunc ordinem non seruant. Nam licet peccatum sit causa demeritoria derelictionis à Deo, & derelictio à Deo sit dispositio ad æternam penam, permissio tamen, quod est primum in reprobo, non est causa peccati. Non enim ponit aliquid in reprobo per quod in peccatum cadat, cum ex sua libertate peccet, neque aliquid remouet quod à peccato prohiberet. Similiter licet derelictio à Deo possit dici aliquo modo finis peccati, & pœna finis derelictionis, sicut forma aut priuatio potest dici finis dispositionis ad ipsam, peccatum tamè nullo modo est finis permissionis, sed eius particularis finis est ut observetur in gubernatione reprobatum ordo naturæ. Quum enim homo sit liberi arbitrij, potest ex sua natura à rectitudine operationis deficere, habet autem ordo naturæ, ut quæ deficere possunt, aliquando deficiant, ut in causis naturaliter agentibus patet. ideo suavis rerum dispositio habet ut permittatur homo aliquando cadere in peccatum, & ideo si Deus aliquem à peccato omnino præ-

seruet, hoc est præter ordinem naturæ. Relinquitur ergo quod non oportet ut primum, quod est in reprobo, sit omnium posteriorum causa, neque ut vltimum omnium præcedentium sigillatim sit finis, ut à diuina reprobatione respiciuntur: sed bene omnium istorum simul, scilicet permissionis, derelictionis, & pœnæ finis per diuinam reprobationem intentus, est diuinæ iustitiæ relucencia. Considerandum tertio quod aliter relucencia diuinæ misericordie prædestinationis est ratio, & aliter relucencia iustitiæ est ratio reprobationis. Nam relucencia misericordie sic est ratio effectus prædestinationis, quod nihil aliud ex parte nostra est ipsius totalis effectus ratio, neque etiam aliquid ex parte nostra cuius prædestinatio non sit causa, est ratio alicuius particularis effectus: cum quicquid in prædestinato est, quo ad gloriam ordinatur, sit prædestinationis effectus: relucencia autem iustitiæ sic est ratio reprobationis, quod non omnem aliam causam ex parte nostra excludit. licet enim nihil ex parte nostra, nullum scilicet nostrum opus, sit ratio totalis effectus reprobationis (nam omnium istorum simul, scilicet permissionis, derelictionis, & pœnæ, sola diuinæ iustitiæ representatio est ratio, cum nullum nostrum opus sit ratio permissionis) damnationis tamen & pœnæ, operatio nostra mala siue peccatum, cuius Deus non est causa, ratio est. non enim Deus aliquem punire, neque punire proponit, nisi præsupposita culpa: ideo licet non concedatur quod præscientia meritorum sit ratio prædestinationis, etià quo ad gloriæ collationem, quia prius intelligimus Deum determinasse alicui dare gloriam, quam determinauerit dare gratiam, & sic ipsa merita præscita non sunt ratio ex qua habeat collatio gloriæ ut sit volita à Deo, sed magis econuerso: præscientia tamen culpæ est ratio damnationis ac pœnæ: non enim intelligimus quod Deus prius determinauerit hunc damnare, & postmodum eius crimen propter quod damnabitur præsciat, sed intelligimus prius secundum rationem ipsum præscire culpam alicuius, deinde determinare se illum deferere & damnare, ita quod culpa præscita est ratio quare eius damnatio sub actum diuinæ voluntatis cadat: & sic cum hac ratione reprobationis quæ est relucencia diuinæ iustitiæ, concurrat etiam culpa, ut ratio damnationis, quæ est vltimus effectus reprobationis: licet culpa primi effectus reprobationis, scilicet permissionis lapsus in culpam, ratio non sit.

ISTIS suppositis faciliè ad obiecta respondetur. Ad primum enim contra primum dictum respondetur negando minorem. non enim per accidens, sed per se reprobatio est intentata, cum Deus ab æterno disposuerit se aliquos permittente cadere in culpam, & eos punire ob culpam ab ipso præscitam. cum autem probatur, quia reprobatio malum quoddam est, negatur hoc: permissio enim non est malum, sed bonum: cum naturæ humanæ congruat, quæ deficere à rectitudine in suis operibus potest: similiter punitio, supposita culpa, bona est, inquantum in ipsa iustitiæ ordo saluatur. Ad secundum dicitur, quod supponit falsum, scilicet quod nos dicamus sic relucencia iustitiæ esse reprobationis rationem, quod omnem aliam damnationis causam excludamus, hoc autem non dicimus, ut patuit, sed dicimus rationem vltimi effectus reprobationis non solum esse iustitiæ relucentiam, sed etiam culpam præscitam, & ideo non reprobat Deus quantum ad vltimum reprobationis effectum absque demerito, sed præsupposito demerito ab æterno præscito.

Ad tertium dicitur primò, quod relucencia iustitiæ punitiue non est reprobationis ratio, ut reprobatio respicit culpam secundum se, cum non sit volita à Deo ut sic, neque causata, sed tantum præscita. Dicitur secundò, quod est ratio ut reprobatio respicit penam præsupposita culpa. cum autem inseritur, quod culpa tunc erit principalis causa, non autem iustitiæ relucencia, hoc utique conceditur. Nam huius particularis effectus qui est pœna, principalis ratio volendi est culpa præscita. Nisi enim prævideret Deus hunc peccaturum, non proponeret per huius punitionem suam manifestare iustitiam punitiuam. Vnde sicut inquit sanctus Thomas primò, distinctione quadragesima, quæstione quarta, articulo secundo, quod defecus gratiæ in aliquo prima causa est ex parte eius qui gratia caret: Deus autem non est huius defecus causa, nisi ex suppositione illius quod est ex parte huius, quia scilicet ipsam habere non vult, aut se ad eam negligenter præparat: ita dicendum est de pœna quæ malum quoddam creaturæ rationalis est, quod Deus non est huius causa, nisi ex suppositione culpæ eius qui reprobat: & sic prima ratio quare pœna huius est à Deo æternaliter volita, est eius culpa præscita, quamuis totius effectus diuinæ reprobationis in communi ratio sit iustitiæ æternaliter punitiue relucencia.

AD id quod contra secundum dictum obijciunt, patet responsio ex dictis. Negatur enim quod Deus crudelis esset. Ad probationem autem dicitur, quod supponit falsum, scilicet quod dicamus Deum pro libito suæ voluntatis aliquem reprobare quantum ad vltimum reprobationis effectum, scilicet quantum ad punitionem. Constat enim ex dictis hanc non esse mentem sancti Thomæ. Dicimus enim quod non pro libito voluntatis punit & affligit reprobatum, sed propter culpam eius æternaliter præscitam, quam statuit ordinare per penam, ut sua iustitia manifestetur.

Q UOD autem inquit sanctus Thomas, quoniam sola voluntas diuina est ratio quare hunc in particulari reprobat, supposito quod aliquos velit prædestinare, & aliquos reprobare, intelligitur quantum ad primum effectum reprobationis: qui est permissio casus in peccatum, & etiam quantum ad derelictionem à Deo præ aliis qui in peccatum labuntur. Quod enim duobus existentibus in peccato, vnum releuet & perducatur ad gloriam, alterum verò non releuet, sed finat in peccato mori, ex sola eius voluntate dependet, & absque iustitiæ præiudicio: sicut si duo me offenderint æqualiter, & vni remittam offensionem, alteri verò non remittam, ex solo meo dependere potest arbitrio, non sumque iniustus si vni misericorditer iniuriam remittam, in altero verò velim ordinem iustitiæ seruari.

AD id quod tertio loco inducitur contra exemplum, dicitur primò quod supponit falsum, scilicet quod dicamus Deum ex solo liberatis arbitrio, nulla præsupposita culpa, hunc puta Iudam, determinasse punire, & in extrema miseria ponere. Constat enim ex sæpe dictis hoc falsum esse. Dicitur secundò, quod etiam in iis quæ experientiam mali habent, non est iniustitia, si ex iis qui suis malis operibus penam æternam merentur, huic æternam penam remittit, illum verò in æterna miseria ponit. Nam illi suam misericordiam præter iustitiæ ordinem impedit, huic autem tribuit, quod sibi ex iustitia debetur.

Quod



Quod Deus nemini est causa peccandi.

Caput 162.

Idem 1. 2. q.  
79. art. 3.

**Q**VAMVIS autem quosdā peccatores Deus ad se non conuertat, sed in peccatis secundum eorum merita eos relinquit: non tamen eos ad peccatum inducit. homines enim peccant per hoc quod deuiant ab ipso qui est vltimus finis, vt ex superioribus patet.

\* Caput. 143.  
\* 145.

\* Dub. 503.

\* quum autem omne agens agat ad proprium finem, & sibi conuenientem, impossibile est quod Deo agente aliqui auertantur ab vltimo fine, qui Deus est: impossibile igitur est quod Deus aliquos peccare faciat.

2 Item, bonum causa mali esse non potest, sed peccatum est hominis malum: contrariatur enim proprio hominis bono, quod est viuere secundum rationem: impossibile est igitur quod Deus sit alicui causa peccandi.

3 Præterea, omnis sapientia & bonitas hominis deriuatur à sapientia & bonitate diuina, sicut quædam similitudo ipsius: repugnat autem sapientiæ & bonitati humanæ, quod aliquem peccare faciat: igitur multo magis diuinæ.

4 Adhuc, peccatum omne ex aliquo defectu prouenit proximi agentis, non autem ex influencia primi agentis: sicut peccatum claudicationis prouenit ex dispositione tibie, non autem ex virtute motiua: cum tamen ex ea sit quicquid de perfectione motus in claudicatione apparet. proximum autem agens peccati humani, est voluntas: est igitur defectus peccati ex voluntate hominis, non autem ex Deo, qui est primus agens: à quo tamen est quicquid ad perfectionem actionis pertinet in actu peccati. Hinc est quod dicitur Eccles. decimo quinto: Non dicas: ille me implanauit: non enim necessarij sunt ei homines impij. & infra: Nemini mandauit impiè agere: & nemini dedit spacium peccandi. Et Iacobi primo dicitur: Nemo quum tentatur, dicat, quoniam à Deo tentetur: Deus enim intentator malorum est. Inueniuntur tamen quædam in scripturis, ex quibus videtur quod Deus sit aliquibus causa peccandi. dicitur enim Exodi decimo: Ego induraui cor Pharaonis, & seruorum illius. & Isaia sexto: Excæca cor populi huius, & aures eius aggraua: ne videant oculis suis, & conuertantur, & sanem eos. Et Isaia sexagesimo tertio: Errare nos fecisti de viis tuis, indurasti cor nostrum ne timeremus te. & ad Romanos primo dicitur: Tradidit illos Deus in reprobum sensum, vt faciant quæ non conueniunt. quæ omnia secundum hoc intelligenda sunt, quod Deus aliquibus non confert auxilium ad vitandum peccatum, quod aliis quibusdam confert.

Hoc autem auxilium est non solum infusio gratiæ, sed etiam exterior custodia per quam occasiones peccati homini ex diuina prouidentia tolluntur, & prouocantia ad peccatum comprimuntur. Adiuuat etiam Deus hominem contra peccatum per naturale lumen rationis & alia naturalia bona quæ homini confert.

Quum ergo hæc auxilia aliquibus subtrahit pro merito suæ actionis, secundum quod eius iustitia exigit, dicitur eos obdurare vel excæcare, vel aliquid eorum quæ dicta sunt.

Super Cap. 162.



**E**X prædictis posset aliquis in hunc errorem cadere, quod Deus homines ad peccatum inducat: quoniam dictum est, Deum aliquos non conuerrere, sed eos in peccatis secundum eorum merita relinquare: ideo hoc remouens sanctus Thomas ponit hanc conclusionem, quod Deus illos quos in peccatis dimittit, ad peccandum non inducit: & arguit primo sic: Impossibile est quod Deo agente aliqui auertantur ab vltimo fine, qui Deus est, ergo, &c. probatur antecedens, quia omne agens agit ad proprium finem, & sibi conuenientem. cōsequencia verò, quia homines peccant per hoc quod deuiant à Deo, qui est vltimus finis.

ADVERTE quod hæc ratio procedit ex eo quod inuenitur communiter in omnibus agentibus: quum enim vnumquodque querat alia quoddammodo ad se trahere sibi assimilando, vel conuertendo ad suum finem, conueniens est vt Deus sua actione alia ad seipsum conuertat, & consequenter nihil auertat à se. Secundo, peccatum est hominis malum, vtpote contrarium bono eius proprio, quod est viuere secundum rationem: ergo, &c. Probatur consequentia, quia bonum non est causa mali.

ADVERTE quod quum Deus sit prima causa, sitque agens per intellectum, non potest esse causa per accideas alicuius: quia causam per acci-

dens oportet ad causam per se reduci. Propter hoc, isto supposito tanquam manifesto, loquendo sanctus Thomas de causalitate Dei respectu peccati, de causalitate per se loquitur. vnde licet bonum sit causa mali per accideas, vt superius est ostensum, ponit tamen hanc propositionem. Absolutè bonum non est causa mali: quia habet veritatem de causalitate per se.

Tertio, repugnat sapientiæ & bonitati humanæ, quod aliquem peccare faciat. ergo, &c. probatur consequentia, quia bonitas & sapientia hominis deriuatur à bonitate & sapientia diuina.

Quarto, proximum agens peccati humani est voluntas: ergo, &c. Probatur consequentia, quia peccatum omne ex aliquo defectu proximi agentis prouenit, non autem ex influencia primi agentis, vt patet in claudicatione. Confirmatur auth. Eccles. 15. & Iacobi 1. Non obstat autem huic, quod Deus dicitur aliquos obdurare vel excæcare, vt Exo. 10. Esa. 6. & 63. & ad Rom. 1. quia per hæc nihil aliud intelligitur, quam quod Deus aliquibus non confert auxilium ad vitandum peccatum, sic eius exigente iustitia, quod aliis quibusdam confert: quod quidem auxilium non solum est infusio gratiæ, sed etiam exterior custodia ab occasionibus peccati, & naturale lumen rationis, & alia naturalia bona quæ Deus homini confert.

CIRCA hoc vltimum dictum occurrit dubium. Licet enim ex præcedentibus rationibus ostensum sit, quod Deus non est directè causa peccati, ex solutione tamè data ad istas auctoritates videtur sequi, quod sit causa peccati indirectè. Is enim qui potest præbere auxilium ad vitandum peccatum, & non præbet, videtur esse indirectè causa peccati. Responderetur quod dupliciter potest aliquid dici causa peccati indirectè. Vno modo vt dicatur illud causare per modum tantum non agentis ad oppositum, vt nihil aliud sit causare peccatum, quam non prohibere ipsum, aut non præbere auxilium contra peccatum: & sic non est inconueniens dicere Deum esse causam peccati indirectè. Alio modo per modum eius cui imputandū sit peccatum, ex eo quod non agit ad eius vitacionem: & hoc modo Deus non est causa peccati indirectè, quia si non præbet auxilium, hoc facit sic exigente sua iustitia & sapientia, non gubernanti enim naue non imputatur nauis submersio, nisi possit & debeat gubernare. Propter hoc dixit S. Thom. quod Deus dicitur aliquos obdurare, quum aliquibus auxilia subtrahit pro merito suæ actionis, secundum quod eius iustitia exigit, aut scilicet secundum quod meretur actio hominis qua peccauit, aut secundum quod debet actio diuina, quæ iusta est. De hoc vide S. Thom. prima secundæ, q. 79. Quomodo autem Deus non sit causa peccati, habetur à Capreolo secundo Sententiarum, distinct. 37. & etiam superius cap. 71. est ostensum.

De predestinatione, reprobatione, &amp; electione diuina.

Cap. 163.



**Q**UIA verò ostensum est, quod diuina operatione aliqui diriguntur in vltimum finem per gratiam adiuti, aliqui verò eodem auxilio gratiæ deserti, ab vltimo fine decidunt: omnia autem quæ à Deo aguntur, ab æterno per eius sapientiā prouisa & ordinata sunt, vt supra ostensum est, necesse est prædictam hominum distinctionem ab æterno à Deo esse ordinatam. secundum ergo quod quosdam ab æterno præordinauit vt dirigendos in vltimum finem, dicitur eos prædestinasse. Vnde Apostolus dicit ad Ephes. primo: Qui prædestinauit nos in adoptionem filiorum secundum propositum voluntatis suæ. Illos autem quibus ab æterno disposuit se gratiam non daturum, dicitur reprobasse, vel odio habuisse: secundum illud quod habetur Malachiæ primo: Iacob dilexi, Esau autè odio habui. Ratione verò ipsius distinctionis secundum quod quosdam reprobat, & quosdam prædestinauit, attenditur diuina electio: de qua dicitur Ephes. 1. Elegit nos in ipso ante mundi constitutionem. Sic igitur patet quod prædestinatio, & electio, & reprobatio est quædam pars diuinæ prouidentie secundum quod homines ex diuina prouidentia ordinantur in vltimum finem: vnde per eadem manifestum esse potest quod prædestinatio, & electio necessitatem non inducunt: quibus & supra ostensum est, quod diuina prouidentia contingentiam à rebus non aufert. Quod autem prædestinatio & electio causam non habeant ex aliquibus humanis meritis, potest fieri manifestum, non solum ex hoc quod gratia Dei, quæ est prædestinationis effectus, meritis non præuenitur, sed omnia merita præcedit humana, vt ostensum est: sed etiam manifestari potest ex hoc quod diuina voluntas & prouidentia est prima causa eorum quæ fiunt, nil autem potest esse causa voluntatis & prouidentie diuinæ licet effectum prouidentie, & similiter prædestinationis vnus possit alterius esse causa. Quis enim (vt Apostolus \* dicit) prior dedit illi, & retribuetur ei: quoniam \* Rom. 11. & gloria in secula seculorum. Amen.

Finitis libri Tertij.

Super



Super Cap. 163.



**E**x prædictis inferre sanctus Thomas quid sit prædestinatio, reprobatio, & electio diuina. Et dicit duo. Dicit enim primo, quod cum omnia quæ aguntur à Deo, ab æterno per eius sapientiam prouisa & ordinata sint, necesse est prædictam hominum distinctionem, secundum scilicet quod diuina operatione aliqui diriguntur in ultimum finem per gratiam adiuti, aliqui vero auxilio gratie deficiant sine decedant, ab æterno esse à Deo ordinatam. Vnde secundum quod aliquos ab æterno præordinauit ut dirigendos in ultimum finem, dicitur eos prædestinasse iuxta illud Ephes. primo: Qui prædestinauit nos in adoptionem filiorum secundum propositum voluntatis suæ. Illos autem quibus ab æterno disposuit se gratiam, scilicet finalem, non daturum, dicitur reprobasse, vel odio habuisse iuxta id quod dicitur Mal. primo: Jacob dilexi, Esau autem odio habui. ratione vero distinctionis ipsius secundum quod quosdam reprobaui, & quosdam prædestinauit, attenditur diuina electio, de qua ad Ephes. primo dicitur: Elegit nos in ipso, &c. Ex quo patet ista esse partem diuinæ prouidentie secundum quod homines ex diuina prouidentia in ultimum finem ordinantur.

**ADVERTENDVM** primo quod prædestinatio nominat rationem aliquorum in vitam æternam ab æterno in mente diuina præexistentem ordinatorem cum præscientia euentus. propter hoc dicitur hic quod secundum quod Deus aliquos ab æterno præordinauit ut dirigendos in ultimum finem, dicitur eos prædestinasse.

**ADVERTENDVM** secundo, quod electio diuina aliquorum respectu ultimi finis, attenditur secundum quod Deus vult eis bonum vitæ æternæ præ aliis, quibusdam scilicet reprobis non volendo hoc bonum. ideo hic dicitur quod ratione huius distinctionis secundum quod aliquos reprobaui, aliquos vero prædestinauit, attenditur diuina electio.

**ADVERTENDVM** tertio, quod ad diuinam prouidentiam pertinent omnia in suos fines ordinare, & per consequens ordinare homines in vitam æternam: & quia eiusdem est ordinare aliqua in finem aliquem, & alia ab illo fine excludere, ideo ad diuinam prouidentiam pertinet aliquos ad ultimum finem ordinare, alios vero ab illo excludere, permittendo illorum casum, propter hoc dicitur hic quod prædestinatio, reprobatio, & electio est quædam pars diuinæ prouidentie, secundum quod homines ex diuina prouidentia ordinantur in ultimum finem, quia videlicet ista pertinet ad hominis duntaxat ordinationem in ultimum finem, cum ad diuinam prouidentiam ordo vniuersusque rei in quemcumque finem pertinet.

Dicitur secundo, quod ex eo quod dictum est, prædicta esse partem prouidentie, sequuntur duo. Primum est, quod ex eisdem manifestum esse potest prædicta necessitatem non inducere, ex quibus superius est ostensum, diuinam prouidentiam contingentiam à rebus non auferre. Alterum est, quod prædestinationem, & electionem non habere causam ex aliquibus humanis meritis, potest esse manifestum, non solum quia gratia, quæ est prædestinationis effectus, meritis non præuenitur, sed omnia merita præcedit humana, sed etiam ex hoc quod diuinæ voluntatis & prouidentie, quæ est prima causa eorum quæ sunt, nihil causa esse potest, licet effectum prouidentie & prædestinationis vnus possit alterius esse causa. Quod etiam autoritate apostoli confirmatur dicentis. Quis prior dedit ei, &c.

AD huius rei euidentiā considerandum est, quod duo in prædestinatione considerare possumus, scilicet effectum in prædestinato causatum, & ipsam operationem immanentem Dei prædestinantis. Effectus etiam talis dupliciter potest considerari, scilicet totaliter & partialiter. Prima ratio hactenus procedit de totali effectus prædestinationis. Nam sub ipso tali effectus comprehenditur quicquid est in homine ipsum ordinans in lucem: vnde cum gratia hoc efficiat, constat quod est effectus prædestinationis: ideo cum omne meritum præcedat, sequitur ut merita non possint ipsius esse causa & per consequens totalis effectus prædestinationis merita causa esse non possunt.

Secunda vero ratio dupliciter potest intelligi. Vno modo ut procedat de ipso actu Dei prædestinantis, ut videlicet sicut volitionis diuinæ & actus prouidendi nihil est causa, ita etiam neque prædestinationis sit aliqua causa, cum prædestinatio sit pars prouidentie. Alio modo ut etiam de totali effectus prædestinationis intelligatur, ut videlicet sicut primi effectus in rebus habent pro causa tantum diuinam voluntatem, & diuinam prouidentiam, ex quo sequitur quod in rebus creatis nihil est causa omnium volitorum à Deo prouisorum, sed tantum diuina bonitas: ita & totius effectus prædestinationis nihil sit causa, excepta diuina bonitate. Istis autem non obstat, quod vnus effectus partialis præstationis sit alterius effectus causa, sicut gloria est causa finalis gratiæ, & gloriæ gratia est causa meritoria, & aliquo modo materialis dispositio. sicut omne quod disponit subiectum ad receptionem alicuius perfectionis, ad materiam rationem reducit. De his pertractat S. Thom. prima parte, q. 23. & de Verit. q. 6. & primo Sententiarum, distinct. 47.

**ADVERTENDVM** autem quum tria nominauerit S. Thom. scilicet prædestinationem, reprobationem, & electionem, de duobus tantum, scilicet de prædestinatione & electione, inquit quod causam non habent, quoniam videlicet non est eadem ratio de omnibus tribus: reprobationis enim quantum ad eius effectum totalem aliquid est causa, scilicet culpa, quod ut dictum est, & declaratum cap. 161. in prædestinatione non inuenitur.

Si autem instetur contra prædicta ut instat Henticius Quolibeto 4. & 5. tum quia electio præsupponit disparitatem eligendi à reprobando, tum quia iustitia semper est comes misericordie: & sic videtur quod omnes effectus diuini proueniant ex iustitia, & consequenter quod sit aliqua causa ex parte creaturæ omnium effectuum diuinorum. Dicitur ad primum, quod assumptum est falsum: potest enim voluntas diuina ex iis quæ paria esse intelliguntur, quantum in ipsis est, vnum eligere, ex sola arbitrii voluntate ad aliquid, ad quod aliud non eligit, licet forte electioni humanæ præsupponatur inæqualitas eligendi à reprobando, in quantum necesse est voluntatem ab vno magis moueri quam ab alio. Ad secundum dicitur quod in primis effectibus diuinis iustitia non est comes misericordie quasi videlicet in illis producat aliquid quod alicui creaturæ debitum sit, sed potest hoc modo iustitia esse, in quantum Deus facit id quod est suæ sapientie, & præordinationi debitum. Hoc autem non arguit aliquid esse ex parte creaturæ quod sit causa totalis effectus prædestinationis, propter quod videlicet Deus effectum huiusmodi in prædestinatis efficiat. Reliqua quæ ad hanc materiam pertinent, superius, ubi de prouidentia agebatur, sunt pertractata.

Laps. Depo.

## EXPLICIUNT COMMENTARIA

in Tertium librum Diui Thomæ de Aquino,  
Contra Gentiles.

D. THOMAE



# D. THOMÆ AQUINATIS

## DE VERITATE CATHOLICÆ

### FIDEI CONTRA GENTILES,

### LIBER QVARTVS.

## CVM COMMENTARIIS

FRATRIS FRANCISCI DE SYLVESTRIS,

Ferrariensis.

Caput I.

P R O O E M I V M.



**C**CE hæc ex parte dicta sunt viarum eius: & quum vix paruam stillam sermonum eius audierimus, quis poterit tonitruum magnitudinis eius intueri? Iob 26. Intellectus humanus à rebus sensibilibus connaturaliter sibi scientiam capiens, ad intuendam diuinam substantiam in seipsa, quæ super omnia

sensibilia; imò super omnia alia entia improporcionabiliter eleuatur, pertingere per seipsum non valet.

2 Sed quia perfectum hominis bonum est, vt quoquo modo Deum cognoscat: ne tam nobilis creatura omnino in vanum esse videretur, velut ignem proprium attingere non valens, datur homini quædam via, per quam in Dei cognitionem ascendere possit: vtsilicet quia omnes rerum perfectiones quodam ordine à summo rerum vertice Deo descendunt, ipse ab inferioribus incipiens, & gradatim ascendens in Dei cognitionem proficiat. Nam & in corporalibus motibus eadē est via qua descenditur & ascenditur, ratione principij & finis distincta. Prædicti autem descensus perfectionum à Deo, duplex est ratio. Vna quidem ex parte primæ rerum originis, nam diuina sapientia, vt perfectio esset in rebus, res produxit in ordine: vt creaturarum vniuersitas ex summis rerum & infimis completetur. Alia verò ratio ex ipsis rebus procedit. Nam quum causæ sint nobiliores effectibus: primò quidem causata deficiunt à prima causa, quæ Deus est: quæ tamen suis effectibus præminent: & sic deinceps quousque ad vltima rerum perueniatur.

2 Et quia in summo rerum vertice Deo perfectissima vniuersitas inuenitur: & vnumquodque quantum est magis vnum, tantò est magis virtuosum, & dignius: consequens est vt quantum à primo principio receditur, tanto maior diuersitas & variatio inueniatur in rebus. Oportet igitur processum emanationis à Deo vniri quidem in ipso principio: multiplicari autem secundum res infimas ad quas terminatur: & ita secundum diuersitatem rerum apparet viarum diuersitas quasi ab vno principio inchoatarum & terminatarum ad diuersa.

3 Per has igitur vias intellectus noster in Dei cognitionem ascendere potest, sed propter debilitatem intellectus nostri nec ipsas vias perfecte cognoscere possumus. Nam quum sensus vnde nostra cognitio incipit, circa exteriora accidentia versetur, quæ sunt secundum se sensibilia, vt color & odor, & huiusmodi: intellectus vix per huiusmodi exteriora potest ad interiorem notitiā peruenire, etiam illarum rerum quarum accidentia sensu perfecte comprehendit: multò igitur minus pertingere poterit ad comprehendendum naturas illarum rerum quarum pauca accidentia capimus sensu: & adhuc minus illarum quarum accidentia capi non possunt: etsi per quosdam deficientes

effectus participetur. Sed etsi ipsa natura rerum essent nobis cognita, ordo tamen earum secundum quod à diuina prouidentia & adinuicem disponuntur, & diriguntur in finem, tenuiter nobis notus esse potest, quum ad cognoscendam rationem diuinæ prouidentie non pertingamus. Si igitur ipsæ viæ imperfecte cognoscuntur à nobis, quomodo per eas ad perfecte cognoscendum ipsarum viarum principium poterimus peruenire, quod sine proportionem excedit vias prædictas? etiam si vias ipsas cognosceremus perfecte, nondum tamen perfecta principij cognitio nobis adestet.

4 Quia igitur debilis erat Dei cognitio ad quam homo per vias prædictas intellectuā quodam quasi intuitu pertingere poterat, ex superabundanti bonitate, vt firmior esset hominis de Deo cognitio, quædam de seipso hominibus reuelauit quæ intellectum humanum excedunt: in qua quidem reuelatione secundum congruentiā hominis quidam ordo seruatur, vt paulatim de imperfecto veniat ad perfectum: sicut in cæteris rebus mobilibus accidit. Primo igitur sic homini reuelantur, vt tamen non intelligantur: sed solum quasi audita credantur: quia intellectus hominis secundum hunc statum quo sensibilibus est connexus, ad ea intuenda quæ omnes proportionem sensus excedunt, omnino eleuari non potest: sed quum à sensibilibus connexionem fuerit liberatus, tunc eleuabitur ad ea quæ reuelantur intuenda. Est igitur triplex cognitio hominis de diuinis: quarum prima est secundum quod homo naturali lumine rationis per creaturas in Dei cognitionem ascendit, Secunda est prout diuina veritas intellectum humanum excedens, per modum reuelationis in nos descendit: non tamen quasi demonstrata ad videndum, sed quasi sermone prolata ad credendum. Tertia est secundum quod mens humana eleuatur ad ea quæ sunt reuelata perfecte intuenda. Hanc igitur triplicem cognitionem Iob in verbis propositis insinuat. Quod enim dicit: Ecce hæc ex parte dicta sunt viarum eius: ad illam cognitionem pertinet, qua per viam creaturarum in Dei cognitionem noster intellectus ascendit. & quia has vias imperfecte cognoscimus, recte adiunxit, ex parte. Ex parte enim cognoscimus, sicut Apostolus dicit 1. ad Corinth. 13.

Quod verò subdit: Et quum vix paruam stillam sermonum eius audierimus, ad secundam cognitionem pertinet: prout diuina nobis credenda per modum loquutionis reuelantur. Fides enim, vt dicitur Romanorum decimo, est ex auditu: auditus autem per verbum Dei. de quo etiā dicitur Ioannis decimo septimo: Sanctifica eos in veritate. sermo tuus veritas est. Sic igitur quia reuelata veritas de diuinis non videnda, sed credenda proponitur, recte dicit audierimus. Quia verò hæc imperfecta cognitio effluit ab illa perfecta cognitione qua diuina veritas in seipsa videtur, dum à Deo nobis mediantibus angelis reuelatur, qui vident faciem patris: recte nominat stillam. Vnde & Iohelis tertio dicitur: In die illa stillabunt montes dulcedinem. Sed quia non omnia mysteria, quæ in prima veritate visa angeli & alij beati cognoscunt, sed quædam pauca nobis reuelantur, signanter addidit, paruam. Dicitur enim Eccles. 43.



Eccles. 43. Quis magnificabit eum sicut est ab initio? multa abscondita sunt maiora his: pauca enim videmus operum eius. Et Dominus discipulus dicit Ioannis decimosexto: Multa habeo vobis dicere: sed non potestis portare modo. Hæc etiam pauca quæ nobis reuelantur, sub quibusdam similitudinibus & obscuritatibus verborum nobis proponuntur: ut ad ea quoque capienda soli studiosi perueniant: alij verò quasi occulta venerentur, & increduli lacerare non possint. Vnde dicit Apostolus primæ ad Corinthios decimotertio: Videmus nunc per speculum in ænigmate. Signanter igitur addidit, vix, ut difficultas ostenderetur. Quod verò subdidit: Quis poterit tonitruum magnitudinis eius intueri? ad tertiam cognitionem pertinet, qua prima veritas cognoscetur non sicut creditur, sed sicut visa. Videbimus enim eum sicuti est: ut dicitur primæ Ioannis tertio. Vnde dicit, intueri. nec aliquid modicum de diuinis mysteriis percipietur: sed ipsa maiestas diuina videbitur, & omnis bonorum perfectio. Vnde Dominus ad Moysen dixit Exodi trigesimo tertio: Ego ostendam tibi omne bonum. Recte ergo dicit, magnitudinis. Non autem proponitur veritas homini aliquibus velaminibus occultata, sed omnino manifesta. Vnde Dominus discipulis suis dicit Ioannis decimosexto: Venit hora quum iam non in prouerbiis loquar vobis: sed palam de patre meo annuntiabo vobis. Signanter ergo dicit tonitruum, ad manifestationem insinuandam. Competunt autem verba præmissa nostro proposito. nam in præcedentibus de diuinis sermo est habitus, secundum quod ad cognitionem diuinorum naturalis ratio per creaturas peruenire potest: imperfecte tamen, & secundum proprii possibilitatem ingenij, ut sic possimus dicere cum Iob: Ecce hæc ex parte dicta sunt viarum eius. Restat autem sermo habendus de his quæ nobis reuelata sunt diuinitus ut credenda, excedentia intellectum humanum. Circa quæ qualiter procedendum sit, præmissa verba nos docent. Quum enim veritatem vix audierimus in sermonibus sacræ scripturæ, quasi stilla parua ad nos descendente, nec possit aliquis in huius vitæ statu tonitruum magnitudinis intueri, erit hic modus seruandus, ut ea quæ in sermonibus sacræ scripturæ sunt tradita, quasi principia sumantur: & sic ea quæ in sermonibus prædictis occulte nobis traduntur, studeamus utcumque mente capere, à laceratione infidelium defendendo: ut tamen præsumptio perfecte cognitionis non adsit. probanda enim sunt huiusmodi auctoritate sacræ scripturæ, non autem ratione naturali: sed tamen ostendendum est, quod rationi naturali non sunt opposita: ut ab impugnatione infidelium defendantur: qui etiam modus in principio huius operis prædeterminatus est. Quia verò naturalis ratio per creaturas in Dei cognitionem ascendit, fidei verò cognitio à Deo in nos conuerso diuina reuelatione descendit (est autem eadem via ascensus & descensus) oportet eadem via procedere in his, quæ supra ratione creduntur, qua in superioribus processum est circa ea, quæ ratione inuestigantur de Deo: ut primò scilicet & ea tractentur quæ de ipso Deo supra rationem credenda proponuntur: sicut est confessio trinitatis. Secundò autem de his quæ supra rationem à Deo sunt facta, sicut opus incarnationis, & quæ sequuntur ad ipsam. Tertio verò ea quæ supra rationem in ultimo hominum fine expectantur: sicut resurrectio & glorificatio corporum, perpetua beatitudo animarum, & quæ his connectuntur.

## Super Cap. I.



EXPEDITIS tribus primis libris aduersus gentiles, accedendum nobis est ad quarti libri interpretationem. Diuiditur autem in duas partes, scilicet in præmium & tractatum. Circa primum duo facit sanctus Thomas. Primò ostendit circa quæ versari hic liber quartus debeat. Secundò ostendit qualiter in ipso sic procedendum. Circa primum duo facit. Primò ostendit triplicem esse hominis cognitionem de diuinis. Secundò infert propositum. Quantum ad primum ponit quatuor conclusiones, quarum prima est: Intellectus humanus ad intuendam diuinam substantiam in seipso, per-

tingere per seipsum, id est propria virtute, non valet. probatur: Intellectus humanus à rebus sensibilibus connaturaliter sibi scientiam accipit: ergo, &c. Probatur consequentia: quia diuina substantia super omnia sensibilia, imò super omnia alia entia improporcionabiliter eleuatur.

CIRCA ipsam conclusionem aduertendum est, quod supponit S. Thom. ex præcedentibus distinctione illam de cognitione, quod scilicet aliquid dupliciter cognosci potest. vno modo in alio, alio modo in seipso. In alio dicitur aliquid cognosci quando non per propriam & adequatam speciem, sed per speciem eius in quo continetur cognoscitur. sicut Sortes videtur in speculo. In seipso autem dicitur cognosci, quando per propriam & adequatam speciem cognoscitur. sicut Sortes quando præsentialiter per seipsum videtur. Dicitur ergo intellectus humanus non posse virtute propriæ naturæ eleuari ad intuendam diuinam substantiam in seipso, ut excludat illam cognitionem, qua Deus in creaturis cognoscitur per ipsarum creaturarum similitudinem cognoscitur. In hanc enim intellectus propria virtute potest.

CIRCA probationem autem conclusionis, attendendum est, quod quum via sensuum intellectus suam cognitionem capiat, non potest intellectus in aliam cognitionem naturaliter peruenire, quam in eam ad quam ipsa sensibilia & eorum similitudines intellectuales perducere possunt. sensibilia autem, quia sunt effectus inæquati, & improporcionati diuinæ naturæ, vtpote ab eius perfectione in infinitum distantes, inquantum quidem sunt diuini effectus, possunt ducere in cognitionem aliquam Dei: sed quia sunt inæquati effectus & improporcionati, non possunt ducere in talem cognitionem eius, quæ sit perfecta, quæ scilicet videatur diuina substantia in seipso. Nam omnis similitudo in intellectu ex sensibilibus impressa est alicui creaturæ adæquata, & nulla diuinam substantiam, secundum quod in se est, repræsentat.

Secunda conclusio est: Datur homini via quædam per quam in Dei cognitionem ascendere possit. Probatur, quia aliter tam nobilis creatura in vanum esse videretur, si finem proprium attingere non valeret. Nam perfectum hominis bonum est, ut quoquo modo Deum cognoscat.

ADVERTENDUM est, quod perfectum hominis bonum vocat S. Thom. vltimum complementum suæ naturalis perfectionis, quod quidem in finis adeptione consistit. hoc enim est Deum aliquo modo cognoscere. vnde Philosophus decimo Ethicorum, felicitatem ponit in cognitione optimi intelligibilis: propter hoc infert, quod si non esset homini data aliqua via perueniendi in Dei cognitionem, finem suum attingere non posset, & sic in vanum esset.

AD huius autem conclusionis declarationem notat primò, quod ista via est processus rerum à Deo ordine quodam, à cuius processu inferioribus homo incipiens, & gradatim ascendens in Dei cognitionem proficit. identitas autem huius vie ostenditur ex corporalibus motibus, in quibus eadem est via qua ascenditur & descenditur, ratione principij & finis distincta. Notat secundò quod duplex est ratio descensus perfectionum à Deo. Prima ex parte primæ originis rerum, secundum quod diuina sapientia res produxit in ordine, ut creaturarum vniuersitas ex summis rebus & infimis completeretur. Secunda est ex ipsis rebus, inquantum primò causata à prima causa, quæ est Deus, deficiunt, & ipsa suis effectibus præminent: & sic deinceps quousque ad vltima rerum perueniunt. Notat tertio, quod quia in Deo & perfectissima vnitas inuenitur, & vniuersitas quousque magis vnum, tantò est magis virtuosum, & dignius quantum à primo principio recedit, tantò maior diuersitas & variatio inuenitur in rebus: & sic secundum diuersitatem rerum apparet viarum diuersitas, quasi ab vno principio inchoatorum, & terminatorum à diuersa. Notat quarto, quod per has quidem vias intellectus noster in Dei cognitionem ascendere potest, sed propter eius debilitatem nec vias ipsas perfecte cognoscere possumus, cum quia quum vix intellectus per exteriora accidentia possit ad interiorum notitiâ peruenire, etiam illarum rerum quarum accidentia sensu perfecte comprehendit, multò minus comprehendere poterit naturas illarum rerum quarum pauca accidentia capimus sensu, & adhuc minus illarum quarum accidentia capi non possunt: cum quia etiam si rerum naturæ cognoscerentur, ordo tamen earum, secundum quod à diuina prouidentia disponuntur & diriguntur in finem, tenuiter nobis notus esse potest.

AD euidentiam eius quod primò notat sanctus Thomas, considerandum est, quod quum processus perfectionum à Deo duos habeat terminos, scilicet ipsum primum principium, qui est Deus, à quo omnis originatur perfectio, & vltimas rerum perfectiones, non potest intellectus humanus hunc rerum perfectionum ordinatū processum cognoscere, incipiendo à summo vertice Deo, descendendoque ad inferiora, quum Deus omnem sensus cognitionem effugiat, à qua intellectus nostra cognitio originem habet: sed necesse est ut ab inferioribus perfectionibus incipiat, gradatimque ad superiorum cognitionem accedat, quousque ad cognitionem Dei perueniat. Quia verò eadem via est descensus & ascensus secundum rem, sicut est eadem scala per quam quis ascendit & descendit, distincta tantum ratione, inquantum quum motus in ipsa à supremo incipit, & terminatur ad infimum, vocatur via descensus: inquantum verò ab infimo incipit, & terminatur ad supremum, dicitur ascensus: ideo dici potest quod via per quam potest intellectus humanus in Dei cognitionem ascendere, est processus perfectionum à Deo ordine quodam. sicut enim ordinem quodam illæ à summo vertice descendunt, ita per illas ordine quodam incipiendo ab inferioribus, scilicet à corruptibilibus, humanus intellectus ascendit ad Deum.

CIRCA id quod secundò notatur, attendendum est, quod illa duplex ratio descensus perfectionum à Deo, sic intelligitur, quod prima ratio est diuina sapientia, statuens ordinem huiusmodi perfectionum in rebus, ut scilicet quædam sint supremæ, quædam verò infimæ: nam ipsa diuina sapientia dicitur prima rerum origo, inquantum prius in mente diuina rerum omnium ordo est constitutus, quam sint res ordine quodam in esse productæ: & sic dum res producuntur in esse secundum illum ordinem quem diuina sapientia statuit, ipsa diuina sapientia est primum principium vnde rerum ordo originatur: secunda verò est ipsarum rerum productarum natura. Nam cum omnia sunt à Deo causata, constat quod ipsis conuenit ut ab ipso Deo in perfectione deficiant, quum verò inter ipsa causata à Deo vnum sit causa alterius, intellige non tantum sicut vnum in diu-

Secundum incipit cap. 27.  
Tertium incipit cap. 79.



duum est alterius individui causa in eadem specie, sed sicut vnum est causa alterius secundum totam suam speciem: quemadmodum cælum est causa specierum corruptibilium omnino materialium, oportet vnum esse altero præstantius & perfectius. Nam causa alicuius totius speciei est perfectior illa specie: & sic descendendo vsque ad infimas species, ex ipsarum natura, secundum quod quædam res aliarum rerum sunt causa, constat creaturarum perfectiones ordine quodam à Deo descendere: quia videlicet quædam secundum naturam suam sunt Deo secundum perfectionem proximiores, quædam verò sunt ab eo remotiores.

CIRCA id quod tertio notatur, attendendum est quod quum in Deo sit perfectissima vnitas, eò quod simplicissimus sit, nullamque rerum in se multipliciter habeat, vt superius est ostensum, siquæ Deus & virtuosissimus & dignissimus, quum, vt hic dicitur, vnum quodque quantum magis sit vnum secundum scilicet suam naturam, tanto sit magis virtuosius & dignius, vt pote tanto magis de ratione entis participans: necesse est vt quantum aliquid magis ab ipso Deo recedit, non quidem secundum localem distantiam, sed secundum distantiam perfectionalem, tantò sit minus vnum, & minus perfectum, atque minus dignum. propterea optimè infert sanctus Thomas multiplicari processum perfectionum à Deo secundum rerum infinitarum multipliciter. Ista enim maxime à diuina perfectione elongantur, & ideo in eis maxima multiplicitas & varietas atque imperfectio inuenitur.

CIRCA id quod quarto notatur, aduertendum est, quod in processu creaturarum à Deo, duo considerari possunt, scilicet ipsæ res ordine quodam à Deo procedentes: & ordo ipsarum rerum adinuicem, & ad finem ipsas à diuina sapientia præstiturus. Si consideretur iste processus, secundum quem diuinitas viz ascendendi ad Deum constituntur quantum ad ipsas res, sic inquit sanctus Thom. quod imperfectè à nobis cognoscitur, in quantum sunt quædam res quarum pauca accidentia sensu cognoscimus, sicut sunt corpora cælestia, maxime ea quæ magis à mundo inferiori distant: quædam verò sunt sicut substantiæ separate, quarum accidentia sensu capi non possunt, quamuis per quosdam deficientes effectus participentur. effectus enim à substantiis separatim in istis inferioribus causari debent ab ipsarum representatione, in quantum materialia hæc quæ sub sensum cadunt, illis, sunt inadæquata. Si verò consideretur iste processus quantum ad ipsarum rerum ordinem, sic addit S. Thom. quod etiam prædictæ viz imperfectè à nobis cognoscuntur, in quantum etiam si res ipsas cognoscere mus perfectè, quantum ad earum substantiam: non tamen perfectè cognoscimus ordinem eis impositum à diuina sapientia, eò quod ipsam diuinam sapientiam rationem, id est, ipsam diuinam intellectus conceptionem quæ res ordinat & disponit, non cognoscimus. Tertia conclusio est: Per istas vias non possumus peruenire ad perfectè cognoscendū ipsarum viarum principium, scilicet Deum. probatur primò. Ipx viz imperfectè à nobis cognoscuntur, ergo, &c. Secundò. Deus sine proportionē excedit vias prædictas, ergo, &c.

ADVERTE, quod ex hac secunda ratione datur intelligi prædictas vias, prædictosque creaturarum processus, licet in Deo vniatur, non tamen includere ipsum Deum tanquam principium intrinsecum earum, sed tanquam extrinsecum principium, quod est omnium istarum viarum principium productiuum. Nam si intrinsecè pertineret ad istas vias, falsum esset quod hic dicitur, scilicet Deum vias prædictas sine proportionē excedere. Vnde cum dictum est superius, processum emanationis à Deo vari in ipso principio, intelligendum est de extrinsecò principio, non de intrinsecò. Quarta conclusio est. Cōuenienter Deus ex superabundanti bonitate quædam de seipso hominibus reuelauit, probatur, Dei cognitio ad quam per vias prædictas intellectuali quodam quasi intuitu homo pertinere poterat, debilis erat, ergo cōueniens erat vt Deus aliqua de seipso reuelaret, quod talis cognitio firmior esset.

AD horum euidentiam duo sunt attendenda. Primum est, quod intuitus intellectualis propriè ad illam cognitionem, quæ res videtur in seipsa, per speciem propriam pertinet, quia ergo homo non potest Deum per seipsum & per propriam eius speciem in hac vita cognoscere, sed tantum per speciem creaturarum, ideo eius cognitio non propriè dicitur intellectualis intuitus, propter hoc ipsam vocauit sanctus Thomas non simpliciter intellectualem intuitum, sed quasi. Nam propriè quidem per prædictas vias homo in Dei cognitionem ascendens Deum nō intuetur, potest tamen dici quasi intueri, quando ad eam cognitionem peruenit, quæ perfectissima est inter cognitiones habitas de Deo ex creaturis. propter excessum enim eius ad alias imperfectas cognitiones quasi intuitiva cognitio dici potest.

ALTERVM est, quod licet Deus ex sua bonitate communicet creaturæ quicquid illi communicat, aliqua tamen dicitur ex superabundanti bonitate communicare, in quantum illa non exiguntur ad naturæ cui communicantur integritatem, quasi talia sibi debeantur, supposito quod Deus illam creaturam velit producere: sed Deus absque vilo simpliciter debito ex parte creaturæ se tenente, ea creaturæ communicat: & ista sunt quæ naturali perfectioni superadduntur. Quia ergo ad naturalem hominis perfectionem non pertinet quod à Deo aliquam de diuinis cognitionem per reuelationem accipiat, sed tantum quod ex creaturis in Deum ascendat, ideo cōuenienter hic dicitur, quod ex superabundanti bonitate quædam hominibus de seipso Deus reuelauit, vt firmior esset cognitio, dum scilicet homo scit diuinam reuelationem infallibilem esse.

AD huius autem manifestationem conclusionis notat sanctus Thomas, quod huiusmodi secundum hominis congruentiam sic ei primò reuelantur, vt tamen non intelligantur, sed solum quasi audita credantur: quia secundum hunc statum intellectus eleuari non potest ad ea intuentia quæ omnes sensus proportionē excedunt: cum autem à sensibilibus connexionem fuerit liberatus, tunc eleuabitur ad ea quæ reuelantur intuentia.

ADVERTENDVM, quod loquitur sanctus Thomas secundū communem & consuetum modum reuelationis diuinæ, qui est vñ in hac vita diuina nobis reuelata credantur magis quam videantur: sed aliquando præter consuetum modum Deus aliquos etiam ad intuentiam ipsam diuinam essentiam eleuat, vt de Moyse & Paulo creditur quamuis etiam possit dici quod isti erant quodammodo à sensibilibus connexionem liberati, in quantum tunc sensibus non vtebantur.

EX istis infert sanctus Thom. quod triplex est cognitio hominis de diuinis: scilicet naturalis, quæ est per creaturas ea quæ per reuelationem est habitata, non quasi sit diuina veritas demonstrata ad videndum, sed quasi sit sermone prolata ad credendum, & ea secundum quam eleuatur mens humana ad perfectè intuentiam ea quæ sunt reuelata. Confirmatur hæc principalis conclusio auctore Iob. 26. Primam enim cognitionem tangit, inquit, Ecce hæc ex parte dicta sunt viarum eius. secunda verò cum inquit, & cum vix paruam stillam sermonum eius audierimus. Nam fides est ex auditu, vt habetur Rom. 10. auditus autem per verbum Dei: de quo Ioan. 17. Tertiam verò cum inquit: Quis poterit tonitruum magnitudinis eius intueri? Nam quia per ipsam cognoscitur clarè & manifestè diuina maiestas, vt habetur prima Ioan. 3. & Exod. 33. & Ioan. 16. cōuenienter dicitur res per illam cognitionem cognita, tonitruum. Est enim tonitruum res manifestissima: quomodo autem ista autoritas proposito conueniat, clarè ostenditur in litera. Istis præmissis infert sanctus Thomas principale propositum huius partis, inquit, quod cum in præcedentibus habitis sermo sit de diuinis, secundum quod ad ipsa naturalis ratio per creaturas peruenire potest, imperfectè tamen, restat sermo habendus de iis quæ nobis diuinitus reuelata sunt, vt credenda excedentia humanum intellectum. Quantum ad secundum principalem ostendit quater in hoc libro sit procedendum, & duo dicit. Primum est quod iste modus seruandus est, vt ea quæ in sermonibus sacre scripturæ sunt tradita, quasi principia sumantur. & sic ea quæ in sermonibus prædictis nobis occultè traduntur, studeamus vt cuncte mente capere, à lætatione infidelium defendendo: remota tamen præsumptione perfectè cognoscendi, quia huiusmodi probanda sunt auctoritate sacre scripturæ, non autem ratione naturali: ostendendum tamen est, quod rationi naturali non sunt opposita. Secundum est, quod cum naturalis ratio per creaturas in Dei cognitionem ascendat, fidei verò cognitio e conuersa à Deo in nos diuinæ reuelatione descendat, siquæ eadem via ascensus & descensus, oportet eadem via procedere in iis quæ supra rationem creduntur, quia in superioribus processum est circa ea quæ ratione inuestigantur de Deo, vt primò scilicet tradantur quæ in ipso Deo credenda proponuntur, vt est confessio trinitatis: secundò ea quæ supra rationem à Deo sunt facta, vt opus incarnationis: tertio ea quæ supra rationem in vltimo hominum fine expectantur: sicut resurrectio, &c. Huius processui adaptatur etiam auctor prædicta.

AD huius euidentiam attendendum est, quod in processu circa ea quæ naturali ratione de Deo inuestigata sunt talis ordo seruatus est, vt in superioribus patuit: quod primò habita est cōsideratio de iis quæ Deo secundum seipsum conueniunt: secundò de processu creaturarum ab ipso: tertio de ordine creaturarum in ipsum, sicut in finem. quia ergo eadem via procedendum est circa ea quæ per reuelationem diuinam cognoscuntur de Deo, inquit S. Thom. correspondenter ad prædictum ordinem, oportere primò tractari de iis quæ de ipso Deo supra rationem credenda proponuntur: deinde de iis quæ supra rationem à Deo sunt facta: tertio de iis quæ in vltimo fine expectantur.

SED occurrir dubium. Nam licet eadem via sit ascensus & descensus materialiter, distinguuntur tamen formaliter ratione principij & finis, vt superius dicebatur: quia videlicet quod est principium in ascensu, est finis in descensu: & quod in ipso est finis, in alio est principium. ideo si naturalis ratio per creaturas in Dei cognitionem ascendit, diuina verò reuelatio descendit ad nos à Deo: licet per eodem gradus cognitionis debeat procedi in vtroque processu, non tamen eodem ordine procedendum est, sed e contrario. Nam si vltimus gradus cōsiderationis diuini, quæ naturali ratione cognoscuntur ascendendo, fuit cōsideratio ordinis creaturarum in Deum sicut in finem, prima cōsideratio in processu ad ea quæ supra rationem sunt reuelata, debet esse de iis quæ in vltimo fine expectantur, non autem de iis quæ de ipso Deo proponuntur credenda. Et sic ex identitate ascensus & descensus videtur malè concludi oportere eundem esse processum in iis quæ ratione naturali cognoscuntur de Deo, & in iis quæ supra rationem proponuntur credenda. Respondetur, quod optimè procedit ratio, si diligenter eius intentum inspicatur. considerat enim sanctus Thomas ascensum & descensum hoc loco, secundum quod materialiter idem sunt: non autem secundum quod formaliter distinguuntur, in quantum videlicet in cognitione habita de Deo per rationem naturalem, & in cognitione habita per reuelationem, idem gradus proportionaliter inueniuntur. Hoc enim stante habet suum intentum. Cum enim in traditione doctrinæ, de quo processu loquitur sanctus Thomas, de prioribus sit prius determinandum, & in ipsis gradibus eorum quæ de Deo cognoscuntur, siue via ascensus, siue via descensus, id est, siue per rationem naturalem, siue per reuelationem cognoscantur, sit ordo quidam secundum rerum naturam absolute cōsideratam, & iste ordo secundum naturam sit idem in vtroque modo cognoscendi, modus enim cognoscendi rei naturam non variat: necesse est secundum eundem ordinem in vtroque processu doctrinam tradi. Quum enim secundum naturam vel secundum nostrum modum intelligendi prius sint ea quæ Deo conueniunt secundum seipsum, quam ea quæ important processum creaturarum ab ipso: & hæc prius sint quam ordo ipsarum creaturarum ad Deum, tanquam ad finem, continens est vt in vtroque processu prius determinetur de iis quæ Deo secundum seipsum conueniunt, tum de iis quæ ab ipso sunt: deinde de iis quæ ad creaturarum ordinem in finem spectant.

Quod sit generatio, paternitas, & filiatio in diuinis.

#### Caput 2.



RINCIPIVM autem cōsiderationis à se- Idē 1. p. q. 27. artic. 2. & 3. Sent. dist. 4.  
creto diuinæ generationis fumentes, quid de  
ea secundum sacre scripturæ documenta te-  
neri debeat, præmittamus. De hinc verò ea  
quæ cōtra veritatem fidei infidelitas adinue-  
nit argumēta ponamus, quorum solutione subiecta, huius  
cōsiderationis



considerationis propositum consequemur. Tradit igitur nobis sacra scriptura in diuinis paternitatis & filiationis nomina, Iesum Christum filiū Dei contestās: quod in scriptura noui testamenti frequentissimè inuenitur, dicitur enim *Match. 11.* Nemo nouit filium nisi pater: neque patrem quis nouit nisi filius. Adhuc, Marcus suum euāgelium incipit dicens: Initium euāgelij Iesu Christi filij Dei. Ioannes etiam euāgelista hoc frequenter ostendit, dicitur enim *Ioan. 3.* Pater diligit filium: & omnia dedit in manu eius. & *Io. 5.* Sicut pater suscitāt mortuos & uiuificat, sic & filius quos uult uiuificat. Paulus etiam Apostolus hęc uerba frequenter interserit, dicit enim ad Romanos primo: Segregatus in euāgelium Dei quod antè promiserat per prophetas suos in scripturis sanctis de filio suo. & ad Hebręos primo: Multifariam multisque modis olim Deus loquens patribus in prophetis, nouissimè diebus istis loquutus est nobis in filio. Hoc etiam traditur, licet rarius, in scripturis ueteris testamenti, dicitur enim *Prouerbiorum* trigesimo: Quod nomen est eius: & quod nomen filij eius si nosci? In *Psalmo* etiam legitur: Dominus dixit ad me, filius meus es tu. Et iterum: Ipse inuocauit me, pater meus es tu. Et quāuis hęc duo uerba aliqui uellent ad sensum alium retorquere, ut quod dicitur: Dominus dixit ad me, filius meus es tu: ad ipsum Dauid referatur: quod uerò dicitur: Ipse inuocauit me, pater meus es tu: Salomoni attribuitur: tamen ea quę coniunguntur utriusque, hoc omnino non ita esse ostendunt, neque enim Dauidi potest competere quod additur: ego hodie genui te. Et quod subditur: Dabo tibi gentes hęreditatem tuam, & possessionem tuam terminos terrę: quum eius regnū non usque ad terminos terrę fuerit dilatatum, ut historia libri Regum declarat. Neque etiam Salomoni potest omnino competere quod dicitur: Ipse inuocauit me, pater meus es tu: quum subdatur, Ponam in seculum seculi sedem eius, & thronum eius sicut dies cęli. Vnde datur intelligi quod quia quędam pręmissis uerbis annexa Dauidi uel Salomoni possint congruere, quedam uerò nequaquam: quod de Dauid & Salomone hęc uerba dicantur secundum morem scripturę in alterius figuram, in quo uniuersa compleantur. Quia uerò nomina patris, & filij generationem aliquam consequuntur, etiam diuinę generationis nomē scriptura non tacuit, nam & in *Psalmo*, ut dictum est, legitur: Ego hodie genui te. Et *prouerb. 8.* dicitur: Nondum erant abyssi, & ego iam concepta eram: ante omnes colles ego parturiebar: uel secundum aliam literam, Ante omnes colles generauit me Dominus. Dicitur etiam *Isa. ultimo*: Nunquid ego qui alios parere facio, ipse non pariam? dicit Dominus. Si ego qui generationem exteris tribuo, sterilis eropait Dominus Deus. Et licet dici possit hoc esse referendum ad multiplicationem filiorum Israel de captiuitate reuertentium in terram suam, quia pręmittitur, Parturiuit & peperit Sion filios suos: tamen hoc proposito non obstitit, ad quodcunque enim ratio aptetur, ipsa tamen ratio quę ex Dei ore inducitur, firma & stabilis manet: ut si ipse aliis generationem tribuat, sterilis non fit. Nec esset conueniens ut qui alios uerè generare facit, ipse non uerè, sed per similitudinem generet: quum oporteat nobilius esse aliquid in causa, quàm in causatis, ut ostensum \* est. *Ioan. etiam primo* dicitur: Vidimus gloriam eius gloriam quasi unigeniti a patre. iterum: Unigenitus filius, qui est in sinu patris, ipse enarrauit. & Paulus dicit *Hebręorum primo*: Et quum iterum introducit primogenitum in orbem terrę, dicit, Et adorent eum omnes angeli Dei.

dō, ostendit etiam spiritum sanctum in diuinis esse, cap. 15. Circa primum duo facit. Primò ostendit ex autoritate sacre scripturę ista in diuinis esse, secundo ponit rationes contra diuinam generationem, & soluit cap. 10. Circa primum duo facit. Primò ostendit quod dictum est. Secundo, quod filius Dei sit Deus, cap. sequenti probat. Quantum ad primum ponitur hęc conclusio: Sacra scriptura tradit nobis in diuinis paternitatis & filiationis ac generationis nomina, Iesum Christum filium Dei contestans. De paternitate & filiatione probatur primò autoritate noui testamenti, scilicet *Matth. 11.* Nemo nouit filium, &c. Marci primo: Initium euāgelij, &c. *Ioan. 3.* Pater diligit filium, &c. *Ioan. 5.* Sicut pater, &c. Pauli ad Romanos primo: Segregatus &c. Ad Hebręos primo: Multifariam, &c. Secundo probatur autoritate ueteris testamenti, scilicet *Prouerbiorum 30.* Quod nomen est eius, &c. *Psal. 2.* Dominus dixit ad me, &c. & *Psal. 88.* Ipse inuocauit me, &c. Si autem dicatur prima uerba *Psal. 1.* ad Dauid referri, uerba autem ad Salomonem, primum quidem constat esse falsum, quia subditur ibidem: Ego hodie genui te, & dabo tibi gentes hęreditatem tuam, & possessionem tuam terminos terrę: quod Dauidi non conuenire historia libri Regum declarat, ex qua apparet regnum eius non fuisse usque ad terminos terrę dilatatum. Secundo etiam constat esse falsum, quia subditur: Ponam in seculum seculi sedem eius, &c. quod Salomoni conuenire non potest. Ex quo infert sanctus Thomas quod quum quędam prędictis uerbis annexa Dauidi uel Salomoni possint congruere, quędam uerò nequaquam: de ipsis dicitur secundum morem scripturę in alterius figuram in quo uniuersa compleantur. De generationis uerò nomine, quum nomina patris & filij consequuntur, mentionem facit scriptura in *Psalmo*: Ego hodie, &c. *Prouerbiorum 8.* Nondum erant abyssi, &c. *Isa. ultimo*: Nunquid ego qui alios parere facio, ipse &c. Si dicatur hoc dictum referendum esse ad multiplicationem filiorum Israel, ut antecedentia uerba uidentur innuere, hoc propositio non obstitit: quia ipsa ratio ex ore Dei induta, firma & stabilis manet ad quodcunque adaptetur, ut scilicet si ipse aliis generationem tribuit, sterilis non fit: nec esset conueniens ipsum qui alios uerè generare facit, non uerè, sed similitudinarię generare. Probatur etiam autoritate noui testamenti, *Ioan. primo*: Vidimus gloriam eius gloriam quasi unigeniti a patre. Item: Unigenitus filius, qui est in sinu patris, ipse enarrauit. Et Pauli ad Hebręos primo: Et iterum quum introducit primogenitum in orbem &c.

Quod filius Dei sit Deus.

Cap. 3.



ONSIDERANDVM tamen, quod prędictis nominibus diuina scriptura utitur etiā ad creationem rerum ostendendam. Dicitur enim *Iob 38.* Quis est pluuię pater, uel quis genuit stillas roris? de cuius uero egressa est glacies: & gelu de cęlo quis genuit? Ne igitur nihil aliud ex paternitatis, filiationis, & generationis uocabulis intelligeretur, quàm creationis efficientia, addidit scripturę autoritas, ut eum quem filium & genitum nominabat, etiam Deum esse non taceret: ut sic prędicta generatio aliquid amplius quàm creatio intelligeretur, dicitur enim *Ioannis primo*: In principio erat uerbum, & uerbum erat apud Deum, & Deus erat uerbum. Et quod uerbi nomine filius intelligatur, ex consequentibus ostenditur, nam subdit: Verbum caro factum est, & habitauit in nobis: & uidimus gloriam eius, gloriam quasi unigeniti a patre. Et Paulus dicit ad Titum 3. Apparuit benignitas & humanitas saluatoris nostri Dei. Hoc etiam ueteris testamenti scriptura non tacuit, Christum Deum uocinans. Dicitur enim in *Psalmo*: Sedes tua Deus in seculum seculi: uirga directionis uirga regni tui, dilexisti iusticiam, & odisti iniquitatem. Et quod ad Christum dicatur, patet per id quod subditur, Propterea unxit te Deus, Deus tuus, oleo lætitię prę confortibus tuis. & *Isa. nono* dicitur, Paruulus natus est nobis, & filius datus est nobis, & factus est principatus super humerum eius, & vocabitur nomē eius, admirabilis, consiliarius, Deus fortis, pater futuri seculi, princeps pacis. Sic igitur ex sacra scriptura docemur filiū Dei a Deo genitū, Deum esse, filium autē Dei Iesum Christum Petrus confessus est, ei dicens: Tu es Christus filius dei uiui. Ipse igitur & unigenitus est, & deus est.

Psal. 44.

Matth. 16.

Super Cap. 3.



VIA prędictis nominibus sacra scriptura utitur etiam ad creationem rerum ostendendam, ut patet *Iob 38.* Quis est pluuię pater, &c. ne nihil aliud ex prędictis nominibus credatur intelligi, quàm creationis efficientia, ostendit sanctus Thomas ex sacra scripturę locis generationem aliquid amplius, quàm creationem dare intelligere, ex eo uidelicet quod quum filium & genitum nominabat, Deum etiam esse non tacet. Circa hoc autem duo facit. Primò ostendit propositum: secundo opiniones hęreticorum narrat, cap. sequentibus.

Quantum ad primum arguitur autoritate *Ioannis primo*: In principio erat uerbum, &c. Verbi enim nomine, filium intelligi ex sequentibus.

Contra Gent.



POSITO proœmio accedit sanctus Thomas ad determinationem eorum quę de Deo per reuelationem a nobis cognoscuntur secundum ordinem propositum. Nam primò determinat de pertinentibus ad Trinitatem: secundo de pertinentibus ad incarnationem, cap. 27. tertio, de his quę ad futuram resurrectionem spectant, cap. 79. Circa primum duo facit. Primò ostendit esse in diuinis generationem, paternitatem, & filiationem, secun-



ostenditur, quum dicitur: Verbum caro, &c. Item Pauli ad Titum 2. Apparuit benignitas, &c. Item ex veteri testamento ostenditur, in quo Christus Deus nominatur, vt in Psalmo: Sedes tua Deus, &c. quod de Christo dici apparet, ex eo quod subditur: Propterea vocit te Deus, Deus tuus, oleo laticitiae prae confortibus tuis.

ADVERTE quod quia Christus vnctus dicitur, ex eo quod scriptura eum, quem dicit Deum esse, vnctum quoque à Deo subiungit, conuenienter ostenditur de Christo illud esse dictum. Confirmatur etiam autoritate Iſaie nono: Parvulus datus est, &c. Ex istis infert sanctus Thomas, quod qui ex sacra scriptura filium Dei à Deo genitum, Deum esse doceamur: filium autem Dei Iesum Christum Petrus confessus sit dicens: Tu es Christus filius Dei vivis: sequitur Christum & vnigenitum esse, & Deum.

*Quid opinatus sit Photinus de filio Dei, & eius improbatio. Cap. 4.*

Photin. har.  
teste Euseb.  
Ecc. hist. li. 5.  
c. 5. & Aug.  
rom. 6. har.  
lib. 11. 45.



**P**IVS autem doctrinae veritatem quidam perverſi homines suo sensu metiri praesumentes, de praemissis vanas & varias opiniones conceperunt. Quorum quidam consideraverunt hanc esse scripturae consuetudinem, eos qui divina gratia iustificantur, filios Dei dici, secundum illud Ioan. 1. Dedit eis potestatem filios Dei fieri, his qui credunt in nomine eius. & Rom. 8. dicitur: Ipse enim spiritus testimonium reddit spiritui nostro, quod sumus filij Dei. Et 1. Ioan. 3. Videte qualem charitatem dedit nobis pater, vt filij Dei nominemur & simus. Quos etiam à Deo genitos esse scriptura non tacet. dicitur enim Iac. 1. Voluntarie enim genuit nos verbo veritatis. & 1. Io. 3. dicitur: Omnis qui natus est ex Deo, peccatum non facit: quoniam semet ipſus in eo manet. Et quod est mirabilis, eiusdem nominis divinitatis ascribitur. Dominus enim dixit ad Moysen: Ego constitui te Deum Pharaonis. Et in Psalm. Ego dixi, dii estis, & filij excelsi omnes. & sicut Dominus dicit Ioan. 10. illos dixit Deos, ad quos sermo Dei factus est. Per hunc modum opinantes Iesum Christum purum hominem esse, & ex Maria virgine initium sumpsisse, & per beatam vitam meritum divinitatis honorem praeteris fuisse adeptum. existimaverunt eum similiter aliis hominibus per adoptionis spiritum Dei filium, & per gratiam ab eo genitum, & per quandam assimilationem ad Deum in scripturis dici Deum, non per naturam, sed per consortium quoddam divinae bonitatis: sicut & de sanctis dicitur 2. Pet. 1. Vt efficiamini divinae consortes naturae: fugientes eius quae in mundo est concupiscentiae corruptionem. Hanc autem positionem sacrae scripturae autoritate confirmare nitentur. dicit enim Dominus Matth. ultimo, Data est mihi omnis potestas in caelo & in terra. quod si ante tempora Deus esset, potestatem ex tempore non accepisset.

1. Item, Rom. dicitur de filio, quod factus est ei, scilicet Deo, ex semine David secundum carnem: & quod praedestinatus est filius Dei in virtute. quod autem praedestinatur & factum est, videtur non esse aeternum.

2. Item, Apostolus dicit ad Philipp. 2. Factus est obediens usque ad mortem, mortem autem crucis: propter quod & Deus exaltauit illum, & dedit illi nomen quod est super omne nomen. Ex quo videtur ostendi quod propter obedientiae & passionis meritum divino sit honore donatus, & super omnia exaltatus.

3. Petrus etiam dicit Act. 2. Certissime ergo sciat omnis domus Israel, quia Dominum eum & Christum Deus fecit hunc Iesum, quem vos crucifixistis. Videtur igitur ex tempore Deum esse factum, non ante tempora natus. Adducunt etiam in fulcimentum suae opinionis ea quae in scripturis de Christo ad defectum pertinere videtur: sicut quod foemineo portatur utero, & profectum aetatis accipit, esuriem passus est, & lassitudine fatigatus, & morti subiectus: quod semper profecit, iudicii se nescire diem confessus est, & mortis terrore concussus est, & alia huiusmodi quae Deo per naturam existenti convenire non possent. unde concludunt quod per meritum honorem divinum adeptus est per gratiam: non quod esset naturae divinae. Hanc autem positionem primo adinvenierunt quidam antiqui haeretici, Cherintus & Ebion: quam postea paulus Samosatenus instauravit, & postea à Photino est confirmata, vt qui

haec dogmatizant, Photiniani nuncupentur. Diligenter autem verba sacrae scripturae considerantibus apparet non hunc sensum in ea contineri, quem praedicti homines sua opinione conceperunt. Nam cum Salomon dicat: Non dumerant abyssi, & ego iam concepta eram: satis ostendit hanc generationem ante omnia corporalia extitisse: unde relinquitur quod filius à Deo genitus initium essendi à Maria non sumpsit. Et licet haec & alia similia testimonia depravare conati fuerint perverſa expositione, dicentes haec secundum praedestinationem debere intelligi: quia scilicet ante mundi constitutionem dispositum fuit vt ex Maria virgine Dei filius nasceretur: non quod eius filius fuerit ante mundum: per ea tamen quae sequuntur, patet quod non solum in praedestinatione, sed etiam realiter fuerit ante Mariam. Nam post praemissa verba Salomonis subiungitur: Quando appendebat fundamenta terrae, cum eo erā cūcta componens. Si autem in sola praedestinatione fuisset, nihil agere potuisset. Hoc etiam ex verbis Ioan. Evangelistae habetur. nam cum praemississet, In principio erat verbum: quo nomine filius Dei intelligitur, vt ostensum \* est: ne quis hoc secundum praedestinationem accipere posset, subdit: Omnia per ipsum facta sunt, & sine ipso factum est nihil. quod verum esse non posset, nisi realiter ante mundum extitisset.

2. Item, de Dei filio dicitur Ioan. 3. Nemo ascendit in caelum, nisi qui descendit de caelo, filius hominis, qui est in caelo. & iterum Ioan. 6. Descendi de caelo, non vt faciam voluntatem meam, sed voluntatem eius qui misit me. Apparet ergo eum fuisse antequam de caelo descenderet.

3. Praeterea, secundum praedictam positionem homo per vitam meritum profecit in Deum: Apost. autem econverso ostendit, quod cum Deus esset, factus est homo. Dicit enim ad Phil. 2. Cum in forma Dei esset, non rapinam arbitratus est esse se aequalē Deo: sed semetipsum exinaniuit formam servi accipiens, in similitudinem hominum factus, & habitum inuentus vt homo. Repugnat igitur praedicta positio Apostolicae sententiae.

4. Adhuc, inter ceteros qui Dei gratiam habuerunt, Moyses habuit eam copiosē, de quo dicitur Exo. 33. quod loquebatur ei Dominus facie ad faciem, sicut loqui solet homo ad amicum suum. Si igitur Iesus Christus non diceretur Dei filius, nisi propter gratiam adoptionis, sicut alij sancti: eadem ratione Moyses filius Dei diceretur, quia & Christus, licet etiam abundantiori gratia Christus fuerit donatus: nam & inter alios sanctos vnus alio maiori gratia repletur: & tamen omnes eadem ratione filij Dei dicuntur. Moyses autem non eadem ratione dicitur filius, quia & Christus. Distinguit enim Apost. Christum à Moysē, sicut filium à seruo. Dicitur enim ad Heb. 3. Moyses quidem fidelis erat in tota domo eius, tanquam famulus in testimonium eorum quae dicenda erant: Christus autem tanquam filius in domo sua. manifestum est ergo quod Christus non dicitur Dei filius per adoptionis gratiam sicut alij sancti.

5. Similis etiam ratio ex pluribus aliis scripturae locis colligi potest, quae quodam singulari modo Christum praeter aliis Dei filium nominat, quandoque quidem absque aliis singulariter eum filium nominans: sicut cum vox patris intonuit \* in baptismo: Hic est filius meus dilectus, in quo mihi complacui. Quandoque eum vnigenitum nominans sicut Ioan. 1. Vidimus eum quasi vnigenitum à patre. Et iterum, Vnigenitus qui est in sinu patris, ipse enarrauit. si autem communi modo, sicut & alij filius diceretur, vnigenitus dici non posset. Quandoque etiam & primogenitus nominatur, vt quaedam derivatio filiationis ab eo in aliis ostendatur: secundum illud Rom. 8. Quos praesciuit, & praedestinavit fieri conformes imagini filij eius, vt sit ipse primogenitus in multis fratribus & Gal. 4. dicit: Misit Deus filium suum, vt adoptionem filiorum reciperemus. Alia ergo ratione ipse est filius per cuius filiationis similitudinem alij filij dicuntur.

6. Amplius, quaedam opera in scripturis sacris ita Deo proprie attribuuntur, quod alteri convenire non possunt: sicut sanctificatio animarum, & remissio peccatorum. Dicitur

Exod. 7.  
Psalm. 81.

Ioan. 1.  
\* Cap. 5.

\* Matth. 3.







tionis nomen accepit, ex quo de Maria virgine natus est per incarnationis mysterium: & sic omnia quæ Christus secundum carnem sustinuit, Deo patri attribuebant: puta esse filium virginis: conceptum & natum esse ex ipsa: passum, mortuum, & resurrexisse: & alia omnia quæ scripturæ de Christo secundum carnem loquuntur. Hanc autem positionem confirmare nitentur scripturæ authoritatibus. Dicitur enim Exodi 20. Audi Israel, Dominus Deus tuus vnus est. & Deuteronomij 32. Videte quod ego sim solus, & non sit alius Deus præter me. & Ioannis 5. Pater in me manens ipse facit opera. & 14. Qui videt me, videt & patrem: & ego in patre, & pater in me est. ex quibus omnibus concipiebant Deum patrem ipsum filium dici ex virgine incarnatum. Hæc autem fuit opinio Sabellianorum, qui & Patripassiani dicti sunt, eo quod patrem passum esse confitentur, asserentes ipsum patrem esse Christum. Hæc autem positio etsi à prædicta differat quantum ad Christi diuinitatem (nam hæc Christum verum & naturalem Deum esse confitetur: quod prima negabat) tamen quantum ad generationem & filiationem vtraque est conformis opinio. nam sicut prima positio asserit filiationem & generationem, qua Christus filius dicitur, non fuisse ante Mariam: ita & hæc opinio confitetur. neutra igitur positio generationem & filiationem ad diuinam naturam refert, sed solum ad naturam humanam. Habet etiam & hoc proprium ista positio, quod cum dicitur filius Dei, non designatur aliqua subsistens persona, sed quædam proprietas superueniens præexistenti personæ. nam ipse pater secundum quod carnem sumpsit ex virgine, filij nomen accipit: non quasi filius sit aliqua subsistens persona à persona patris distincta. Huius autem positionis falsitas manifestè ostenditur autoritate scripturæ. nam Christus non solum virginis filius dicitur in scripturis, sed etiam filius Dei, vt ex superioribus patet. hoc autem esse non potest, vt idem sit filius sui ipsius. Cum enim filius generetur à patre, generans autem det esse genito: sequeretur quod idem esset dans & accipiens esse: quod omnino esse non potest. non est igitur Deus pater ipse filius: sed alius est filius, & alius pater.

2 Item, Dominus dicit: Descendi de cælo, non vt faciam voluntatem meam: sed voluntatem eius qui misit me. Ioan. 6. & 17. Clarifica me pater apud temetipsum. Ex quibus omnibus & similibus ostenditur filius esse alius à patre. Potest autem dici secundum hanc positionem quod Christus dicitur filius Dei patris solum secundum humanam naturam: quia scilicet ipse Deus pater humanam naturam quam assumpsit, creauit & sanctificauit. sic igitur ipse secundum diuinitatem, sui ipsius secundum humanitatem dicitur pater. & ita etiam nihil prohibet eundem secundum humanitatem distinctum esse à seipso secundum diuinitatem. Sed secundum hoc sequeretur quod Christus dicatur filius Dei, sicut & alij homines, vel ratione creationis, vel ratione sanctificationis. ostensum est \* autem, quod alia ratione Christus dicitur filius Dei quam alij sancti. non igitur modo prædicto potest intelligi, quod ipse pater sit Christus, & filius sui ipsius.

3 Præterea, vbi est vnum suppositum subsistens, pluralis prædicatio non recipitur. Christus autem de se & de patre pluraliter loquitur \* dicens, Ego & pater vnum sumus. non est ergo filius ipse pater.

4 Adhuc, si filius à patre non distinguitur nisi per incarnationis mysterium: ante incarnationem omnino nulla distinctio erat: inuenitur autem ex sacra scriptura etiam ante incarnationem filius à patre fuisse distinctus. dicitur enim Io. 1. In principio erat verbum, & verbum erat apud Deum: & Deus erat verbum. Verbum igitur quod apud Deum erat, aliquam distinctionem ab ipso habebat. habet enim hoc consuetudo loquendi, vt alius apud alium esse dicatur.

5 Similiter, etiam Prouerbiorum octauo, genitus à Deo dicitur, Cum eo eram componens omnia. in quo rursus associatio & quædam distinctio designatur. dicitur etiam Osee primo: Domui Iudæ miserebor, & saluabo eos in do-

mino Deo suo. vbi Deus pater de saluandis in Deo filio populis loquitur, quasi de persona à se distincta, quæ Dei nomine digna habetur. dicitur etiam Genesis primo: Faciamus hominem ad imaginem & similitudinem nostram. In quo expresse pluralitas & distinctio facientium hominem designatur. Homo autem per scripturas à solo Deo conditus esse docetur: & sic Dei patris, & Dei filij pluralitas & distinctio fuit etiam ante Christi incarnationem: non igitur ipse pater filius dicitur propter incarnationis mysterium.

6 Amplius, filiatio ad ipsum suppositum pertinet eius qui dicitur filius. non enim manus vel pes hominis filiationis nomen propriè accipit, sed ipse homo, cuius ista sunt partes. Paternitatis autem & filiationis nomina distinctione requirunt in illis de quibus dicuntur: sicut & generas & genitum. oportet igitur si aliquis verè dicitur filius, quod supposito à patre distinguatur. Christus autem verè est Dei filius. dicitur enim 1. Ioannis ultimo: Vt simus in vero filio eius Iesu Christo. oportet igitur quod Christus sit supposito distinctus à patre. non igitur ipse pater est filius.

7 Adhuc, post incarnationis mysterium pater de filio protestatur: Hic est filius meus dilectus. hæc autem demonstratio ad suppositum refertur. Christus igitur secundum suppositum est alius à patre. Ea verò quibus Sabellius suam positionem nititur confirmare, id quod intendit non ostendunt: vt infra plenius \* ostendetur. Non enim per hoc quod Deus est vnus, vel quod pater est in filio, & filius in patre, habetur quod filius & pater sint vnū supposito. potest enim & duorum supposito distinctorum aliqua vnitas esse.

#### Super Cap. 5.



PROBATA Photini opinio, accedit sanctus Thomas ad probationem opinionis Sabellij. Et primò ponit ipsam opinionem. Secundò eam improbat. Tertiò in communi ad obiecta respondet. Quantum ad primum dicit primò, quod quia omnes de Deo rectè sentientes tenent non posse esse nisi vnum naturaliter Deum, quidam concipiunt ex scripturis Christum esse verè & naturaliter Deum, ac Dei filium, vnum Deum esse, confessi sunt Christum Dei filium & Deum patrem, sed quod Deus non dicatur filius secundum suam naturam, aut ab æterno, sed tantum ex quo de Maria virgine natus est: & sic omnia quæ Christus secundum carnem sustinuit, Deo patri attribuebant. quæ opinio Sabellianorum fuit, qui & Patripassiani dicti sunt, eo quod patrem esse passum dixerunt, asserentes ipsum patrem esse Christum. Confirmant autem suam positionem autoritate Deuteronomij 20. Audi Israel, &c. & 32. Videte, &c. Item Ioannis quinto: Pater in me, &c. & 14. Qui videt me, &c. dicit secundò, quod ista opinio differt à prædicta quantum ad Christi diuinitatem, sed est sibi conformis quantum ad generationem & filiationem, quia vtraque confitetur filiationem & generationem qua Christus filius Dei dicitur non fuisse ante Mariam, referentes hæc ad humanam tantum naturam. Habet etiam hæc positio hoc proprium, quod cum dicitur filius Dei, non designatur aliqua subsistens persona, sed quædam proprietas superueniens personæ, in quantum ipse pater secundum quod carnem sumpsit ex virgine, filij nomen accepit.

ADVERTENDVM est, quod ponens filium non esse personam à patre distinctam, sed ipsum patrem dici filium secundum quod carnem assumpsit, non ponit inter eum qui dicitur pater, & eum qui dicitur filius, aliquam realem distinctionem, sed tantam distinctionem rationis, sicut Sortes stans dicitur distingui à Sorte sedente. vnde sicut cum dicitur Sortes sedens, non designatur alia persona à persona Sortis stantis, sed tantum aliqua extrinseca dispositio illi superueniens: ita cum dicitur secundum hanc positionem Dei filius, non designatur alia persona ab illa quæ dicitur Deus pater, sed aliqua superueniens ei dispositio siue habitudo rationis, quàm habitudinem vocat sanct. Thomas hoc loco proprietatem. Quantum ad secundum arguit sanctus Thomas contra hanc positionem. primò sic: Christus dicitur filius Dei: ergo Deus pater non est ipse filius. probatur consequentia, quia idem non potest esse filius sui ipsius, alioquin cum generans det esse genito, idem esset dans & accipiens esse. Secundò. Dominus dicit Ioan. 6. Descendi de cælo, &c. & 17. Clarifica me pater, &c. ex quibus ostenditur filius esse alius à patre. ergo, &c. Si dicatur quod Deus secundum diuinitatem, dicitur pater sui ipsius secundum humanitatem, in quantum humanam naturam quam assumpsit, creauit & sanctificauit: Contrà arguitur, quia sequeretur Christum dici filium Dei, sicut & alij homines, vel ratione scilicet creationis, vel ratione sanctificationis. constat autem ex præcedentibus quod alia ratione Christus dicitur filius Dei quàm alij sancti. Tertiò, Christus de se & de patre pluraliter loquitur dicens, Ego & pater vnum sumus: quod non fit vbi est vnum suppositum. ergo, &c. Quarto, Inuenitur ex sacra scriptura filius à patre ante incarnationem fuisse distinctus, sicut Ioannis 1. vbi dicitur: In principio, &c. & Prouerb. 8. Cui ego eram, &c. Item Osee 1. Domui Iacob miserebor, &c. Item Genesis 1. Faciamus hominem, &c. ex quibus ostenditur distinctio patris & filij ante incarnationem. ergo falsum est filium distingui à patre solum per incarnationis mysterium.

AD euidentiam huius rationis considerandum est ex doctrina sancti Thomæ

\* Cap. præc.

\* Ioan. 10.

\* Cap. 9.



Thomæ super Ioannem in expositione eius quod dicitur, Et verbum erat apud Deum: quod ista præpositio Apud, secundum quod proprie sumitur, importat substantiam in eo quod dicitur esse apud aliud. non enim dicimus abedinem esse apud corpus, sed bene hominem esse apud hominem, & lapidem apud lapidem. Importat etiam distinctionem, quia non proprie dicitur quis esse apud seipsum. ex quibus patet, quod cum dicitur filius Dei esse apud Deum, significatur filius Dei esse suppositum quoddam distinctum à Deo patre, sed cum ipso aliquam coniunctionem habens. Propterea bene hic dicitur, quoniam verbum quod erat apud Deum, aliquam distinctionem ab eo habebat: quia hoc habet consuetudo loquendi, ut alius apud alium esse dicatur. Sexto. Christus verè est Dei filius, ut patet Ioan. ultimo: Vt simus, &c. ergo oportet ut supposito à patre distinguatur. probatur consequentia, quia cum filio ad ipsum suppositum pertineat, & nomen paternitatis & filiationis distinctionem requirant in iis de quibus verè scilicet & proprie dicuntur, oportet, si aliquis verè dicitur filius, quod supposito à patre distinguatur. Septimo. Post incarnationis etiam mysterium pater de filio protestatur: Hic est filius meus, &c. quæ demonstratio ad suppositum refertur. ergo Christus est secundum suppositum alius à patre. Quantum ad tertium, ad omnia Sabbellianorum fundamenta simul respondens sanctus Thom. (nam inferius particulatim respondebit) inquit quod non ostendunt intentum, per hoc enim quod Deus est vnus, vel quod pater est in filio, & e converso, non habetur quod pater & filius sint vnum supposito, cum duorum supposito distinctorum possit aliqua vnitas esse.

*De opinione Arrij circa filium Dei.*

*Cap. 6.*



**C**um autè doctrinæ sacræ non cōgruat quod filius Dei à Maria initū sumpserit, ut Photinus dicebat: neque ut is qui ab æterno Deus fuit, & pater est, per carnis assumptionem filius esse cōperit, ut Sabellius dixerat, fuerūt alij hanc de diuina generatione quam scriptura tradit, opinionem sumentes, quod filius Dei ante incarnationis mysterium extiterit, & etiam ante mundi conditionem: & quia iste filius à Deo patre est alius, æstimauerūt eum non esse eiusdem naturæ cum Deo patre. non enim intelligere poterant, nec credere volebant, quod aliqui duo secundum personam distincti habeant vnā essentiam & naturam: & quia sola natura Dei patris secundum fidei doctrinā æterna creditur, crediderunt naturam filij non ab æterno extitisse, licet fuerit filius ante alias creaturas: & quia omne quod non est æternum, ex nihilo factum est, & à Deo creatū, filium Dei ex nihilo factum esse, & creaturam prædicabant. Sed quia autoritate scripturæ cōgebantur ut etiam filium Dei nominarent, sicut in superioribus \* est expressum: dicebant eum vnum cum Deo patre, non quidem per naturam, sed per quandam consensus vnionem, & per diuinæ similitudinis participationem super cæteras creaturas, vnde cum supremæ creaturæ quas angelos dicimus, in scripturis & dij & filij Dei nominentur, secundum illud Iob 38. Vbi eras cum me laudarent astra matutina, & iubilarent omnes filij Dei: ut in Psalm. 81. Deus stetit in synagoga deorum. hūc Dei filium & Deum præ aliis dici oportebat, utpote nobiliorem inter cæteras creaturas, intantum quod per eum Deus pater omnem aliam condiderit creaturam. Hanc autem positionem confirmare nitebantur sacræ scripturæ documentis, dicit enim filius, Ioan. 17. ad patrem loquens: Hæc est vita æterna, ut cognoscant te solum Deum verum. solus ergo pater Deus verus est: cum ergo filius non sit pater, filius Deus verus esse non potest. 2 Item, Apostolus dicit primæ ad Tim. ultimo: Serues mandatum sine macula irreprehensibile vsque in aduentum domini nostri Iesu Christi: quem suis temporibus ostendet beatus & solus potens rex regum, & Dominus dominantium: qui solus habet immortalitatem, & lucem habitat inaccessibilem. In quibus verbis ostenditur distinctio Dei patris ostendentis ad Christum ostensum. solus ergo Deus pater ostendens est potens rex regum, & Dominus dominantium, & solus habet immortalitatem, & lucem habitat inaccessibilem. solus ergo pater Deus verus est, non ergo filius. 3 Præterea, Dominus dicit Ioā. 14. Pater maior me est. & Apostolus dicit filium patri esse subiectum. 1. ad Corin. 15. cum omnia subiecta illi fuerint, tunc ipse filius subiectus est illi, scilicet patri, qui sibi subiecit omnia. Si autem esset

vna natura patris & filij, esset etiā vnā magnitudo, & vna maiestas. nō enim filius esset minor patre, nec patri subiectus. relinquitur ergo ex scripturis quod filius non sit eiusdem naturæ cum patre, ut credebant.

4 Adhuc, natura patris non patitur indigentiam. in filio autem indigentia inuenitur. ostenditur enim ex scripturis, quod à patre recipit. recipere autem indigentis est. dicitur enim Matth. 15. Omnia tradita sunt mihi à patre meo, & Ioan. 3. Pater diligit filiū, & omnia dedit in manu eius. videtur igitur filius non esse eiusdem naturæ cum patre.

5 Amplius, doceri & adiuuari, indigentis est. filius autè à patre docetur & iuuatur. dicitur enim Ioan. 5. Non potest filius à se facere quicquam, nisi quod viderit patre facientem. & ita, Pater diligit filium, & omnia demonstrat ei quæ ipse facit. & Ioannis 15. filius dicit discipulis: Omnia quæcunque audiui à patre meo, nota feci vobis. Nō igitur videtur esse eiusdem naturæ filius cum patre.

6 Præterea, præceptū recipere, obedire, orare, & mitti, inferioris esse videtur. hæc autem de filio leguntur. dicit enim filius Ioannis 13. Sicut mādātum dedit mihi pater, sic facio. & Philip. 2. Factus est obediens patri vsque ad mortem. & Ioannis 14. Ego rogabo patrem, & alium paracletum dabit vobis. & Galat. 4. dicit Apostolus: Cum venit plenitudo temporis, misit Deus filium suum. est ergo filius minor patre & ei subiectus.

7 Item, filius clarificatur à patre, sicut ipse dicit Ioannis 12. Pater clarifica nomen tuū. & sequitur: Venit vox de cælo, & clarificauit: & iterū clarificabo. Apostolus etiam dicit ad Rom. 8. quod Deus suscitauit Iesum Christum à mortuis. & Petrus dicit Actuum 2. quod est dextera Dei exaltatus. ex quibus videtur quod sit patre inferior.

8 Præterea, in natura patris nullus defectus esse potest: in filio autè inuenitur defectus potestatis. dicitur enim Mat. 20. Sedere ad dexteram meam vel sinistram non est meum dare vobis: sed quibus paratum est à patre meo. Defectus etiam sciētix. dicit enim ipse Matthæi vigesimo quarto: De die autem illa & hora nemo scit, neque angeli in cælo, neque filius, nisi pater. Inuenitur etiam in eo defectus quietæ affectionis: cum in eo scriptura asserat tristitiam fuisse, & iram, & alias huiusmodi passionem. nō igitur videtur filius esse eiusdem naturæ cum patre.

9 Adhuc, expresse in scripturis inuenitur, quod filius Dei sit creatura. Dicitur enim Ecclesiastici 24. Dixit mihi creator omnium: & qui creauit me, requieuit in tabernaculo meo: & iterum: Ab initio & ante secula creata sum. Est igitur filius creatura.

10 Præterea, filius creaturis connumeratur. dicitur enim Ecclesiastici 24. ex persona Sapientix: Ego ex ore altissimi prodij, primogenita ante omnem creaturam. & Apostolus ad Coloss. 1. dicit de filio quod est primogenitus creaturæ. videtur ergo quod filius ordinem cum creaturis habeat, quasi primum inter eas obtinens gradum.

11 Amplius, filius dicit Ioannis 17. pro discipulis ad patrem orans: Ego claritatem quam dedisti mihi, dedi eis, ut sint vnum: sicut & nos vnum sumus. sicut igitur pater & filius vnum sunt, sic discipulos vnum esse volebat, non autem volebat discipulos esse per essentiam vnum. non ergo pater & filius sunt per essentiam vnum: & sic sequitur quod sit creatura, & patri subiectus. Est autem hæc positio Arrij & Eunomij. Et videtur à Platoniorum dictis exorta, qui ponebant summum Deum patrem & creatorem omnium rerum, à quo primitus effluxisse dicebant quandam mentem in qua essent omnium rerum formæ, superiorem omnibus aliis rebus, quam paternum intellectum nominabant: & post hanc animam mundi: & deinde alias creaturas. Quod ergo in scripturis sacris de Dei filio dicitur, hoc de mente prædicta intelligebant: & præcipue quia sacra scriptura Dei filium, Dei sapientiam nominat, & verbum Dei. Cui etiam opinioni consonat positio Auicennæ qui supra animam primi cæli ponit intelligentiam primam mouentem primum cælum supra quam vterius Deum in summo ponebat. Sic igitur

*Eunomius  
fuit discipulus  
Arrij de quibus  
Epiph. li.  
3. tom. 1. har.  
76.  
Platonici id  
desumunt ex  
1. de leg. epist.  
1. ad Dionys.  
& Philop.*



*Anien. id tur Arriani de Dei filio suspicati sunt, quod esset quædam creatura supereminens omnibus aliis creaturis, quæ mediante Deus omnia creasset: præcipue etiam cum quidam Philosophi posuerunt quodam ordine res à primo principio processisse, ita quod per primum creatum omnia alia sint creata.*

## Super Cap. 6.

**E**ST AT tertio loco vt Arrij peruersum dogma excludatur. Circa hoc autem tria facit sanctus Thomas. Primò eius opinionem narrat. Secundò eam improbat cap. sequenti. Tertio ad eius obiectiones respondet cap. 8. Circa primum duo facit. Primò ponit Arrij opinionem cum suis fundamentis. Secundò ostendit vnde originem habuerit. Quantum ad primum ait quod fuerunt aliqui alij à prædictis deuiantes, qui dixerunt filium Dei exiisse ante incarnationis mysterium, & etiam ante mundi condicionem: sed existimauerunt eum sic esse alium à patre, quod non esset eum eo eiusdem naturæ. Vnde crediderunt naturam filij non ab æterno extitisse, licet fuerit filius ante alias creaturas: & exinde dixerunt filium Dei ex nihilo esse factum, & creaturam esse. Addebant autem ipsum esse vnum cum Deo patre, non per naturam, sed per consensus vnionem, & per diuinæ similitudinis participationem super cæteras creaturas, & quod præ cæteris etiam supremis creaturis quos angelos dicimus, qui dicuntur dii & filij Dei, Iob 38. & in Psalmo, Deus stetit, &c. ipsum dici & Deum & Dei filium oportebat. Item quod per eum Deus pater omnem aliam considerit creaturam.

HANC autem positionem confirmare nitebantur. Primò, quia Ioannis 17. solus pater dicitur Deus. Secundò, quia 1. ad Timoth. ultimo, solus pater dicitur potens rex regum, & solus habere immortalitatem, & lucem inaccessibilem. Tertio, quia Ioan. 14. dicitur pater maior filio. & 1. Corinth. 15. dicitur filius esse subiectus patri, quod non esset si vna esset natura patris & filij. Quarto, quia natura patris non patitur indigentiam, sed bene filij natura qui à patre recipit, vt patet Matth. 15. & Ioannis 3. Quintò, quia à patre docetur & iuuatur, vt patet Ioan. 5. & Ioan. 15. quod est indigentis. Sextò, quia recipere præceptum, obedire, orare, & miti, inferioris esse videtur. hæc autem de filio leguntur, vt patet Ioan. 13. Sicut mandatum, &c. Philip. 2. Factus est obediens, &c. Ioan. 14. Ego rogabo, &c. Galat. 4. Cum venis, &c. Septimò, quia Christus clarificatus est à patre. Ioan. 16. Pater clarifica, &c. & ab eo suscitatus, ad Rom. 8. & exaltatus. Actuum 1. ex quibus videtur quod sit pater inferior. Octauò, quia in patre nullus inuenitur defectus, in filio autem inuenitur defectus, potestatis. Matth. 20. Sedere, &c. & defectus scientiæ. Matth. 24. De die autem, &c. & defectus quietæ affectionis, cum scriptura asserat in eo fuisse tristitiam & iram, & huiusmodi. Nonò, quia inuenitur in scripturis quod filius Dei sit creatura, vt patet Ecclesiastici 24. Dixit mihi creator, &c. & Ab initio, &c. Decimò, quia connumeratur creaturis. Ecclesiastici 24. Ego ex ore, &c. & Coloss. 1. dicitur quod est primogenitus creaturæ. Vnde decimò, quia Christus volebat vt discipuli eius vnum essent, sicut pater & filius vnum sunt. Ioannis 17. non autem volebat discipulos esse vnum per essentiam. Quantum ad secundum inquit sanctus Thomas hanc fuisse Arrij & Eunomij opinionem, eamque ex dictis Platoniorum exortam esse, ponentium summum Deum patrem, & creatorem omnium rerum, à quo effluxisse quandam mentem dicebant, in qua essent omnium rerum forme, superiorem omnibus aliis rebus, quam paternam nominabant intellectum: & post hanc animam mundi: deinde alias creaturas. Huic etiā consonat Auicennæ positio ponentis supra animam cæli intelligentiam motentem primum cælum, supra quam Deum in summo ponebat.

## Improbatio positionis Arrij.

## Cap. 7.

**A**NC autem positionem diuinæ scripturæ repugnare, manifestè potest percipere si quis sacrarum scripturarum dicta diligenter considerat.

**I**tem enim scriptura diuina & Christum Dei filium, & angelos Dei filios nominat: alia tamen & alia ratione. Vnde Apostolus Hebræo. 1. dicit: Cui dixit aliquando angelorum, filius meus es tu: ego hodie genui te? quod ad Christum asserit esse dictum. Secundum autem positionem prædictam eadem ratione angeli filij Dei dicerentur, & Christus, verisique enim vnum nomen filiationis competeret, secundum quandam sublimitatem naturæ, in qua creati sunt à Deo. Nec obstat si Christus sit excellentioris naturæ præ aliis angelis: quia etiam inter angelos ordines diuersi inueniuntur, vt ex superioribus \* patet: & tamen omnibus eadem filiationis ratio competit. non igitur Christus filius Dei dicitur secundum quod asserit prædicta positio.

2. Item, cum ratione creationis nomē filiationis diuinæ multis conueniat, quia omnibus angelis & sanctis: si etiam eadem ratione Christus filius diceretur, non esset vnigenitus: licet per excellentiam suæ naturæ inter cæteros pri-

mogenitus posset dici. asserit autē eum scriptura esse vnigenitum, Ioanis 1. Vidimus eum quasi vnigenitum à patre. Non igitur ratione creationis Dei filius dicitur.

3. Amplius, nomen filiationis propriè & verè generationem viuientium consequitur, in quibus genitum ex substantia generantis procedit: alias enim nomen filiationis non secundum veritatem, sed potius secundum similitudinē accipitur: cum filios dicimus, aut discipulos, aut hos quorū gerimus curam. si igitur Christus non diceretur filius nisi ratione creationis, cum id quod creatur à Deo, non ex substantia Dei deriuetur, Christus verè filius dici nō posset. dicitur autem verus filius 1. Ioan. ultimo: Vt simus, inquit, in vero filio eius Iesu Christo. Nō igitur Dei filius dicitur quasi à Deo creatus in quantacunque naturæ excellentia, sed quasi ex Dei substantia genitus.

4. Præterea, si Christus ratione creationis filius dicitur, nec erit verus Deus. nihil enim creatum Deus potest dici, nisi per quandam similitudinē ad Deum. ipse autem Iesus Christus est verus Deus. cum enim Ioan. dixisset: Vt simus in vero filio eius: subdidit, Hic est verus Deus, & vita æterna. non igitur Christus filius Dei dicitur ratione creationis.

5. Amplius, Apostolus ad Rom. 1. 9. dicit: Ex quibus Christus est secundum carnem qui est super omnia Deus benedictus in secula amē. & ad Titum 2. Expectantes beatam spem & aduentū gloriæ magni Dei & saluatoris nostri Iesu Christi. & Hiere. 23. dicitur: Suscitabo Dauid germen iustum. & postea subditur: Et hoc est nomen quod vocabunt eū: Dominus iustus noster. vbi in Hebræo habetur nomen tetragrammaton, quod de solo Deo certum est dici: ex quibus apparet quod filius Dei est verus Deus.

6. Præterea, si Christus verus est filius, de necessitate sequitur quod sit verus Deus. non enim verè filius potest dici quod ab alio gignitur, etiam si de substantia generantis nascatur, nisi in similem speciē generantis procedat. oportet enim quod filius hominis homo sit. Si igitur Christus est verus filius Dei, oportet quod sit verus Deus. non est igitur aliquod creatum.

7. Item, nulla creatura recipit totam plenitudinem diuinæ bonitatis: quia sicut ex superioribus patet, perfectiones à Deo in creaturas per modū cuiusdam descensus procedunt: Christus autem habet in se totam plenitudinem diuinæ bonitatis. Dicit enim Apostolus ad Coloss. 2. In ipso habitat omnis plenitudo diuinitatis. Christus ergo non est creatura.

8. Adhuc, licet intellectus angeli perfectiorem cognitionem habeat quàm intellectus hominis: tamē multum deficit ab intellectu diuino. intellectus autem Christi non deficit in cognitione ab intellectu diuino. dicit enim Apostolus ad Coloss. 2. quod in Christo sunt omnes thesauri sapientiæ & scientiæ absconditi. non est igitur Christus filius Dei creatura.

9. Amplius, quicquid Deus habet in seipso, est eius essentia, vt in primo ostensum \* est. omnia autē quæ habet pater, sunt filij. dicit enim ipse filius, Ioannis 16. Omnia quæ habet pater, mea sunt. & Ioanis 17. ad patrem loquens ait: Mea omnia tua sunt, & tua mea sunt. Est ergo eadem essentia & natura patris & filij. non est igitur filius creatura. \* Cap. 21. 22.

10. Præterea, Apostolus dicit Philip. 2. quod filius antequā exinaniret semetipsum formam serui accipiens, in forma Dei erat. per formam autem Dei non aliud intelligitur quàm natura diuina: sicut per formam serui non intelligitur aliud quàm humana natura: est ergo filius in natura diuina: non est igitur creatura.

11. Item, nihil creatum potest esse Deo æquale. filius autem est patri æqualis, dicitur enim Ioannis quinto: Quærebant eum Iudæi interficere, quia non solum soluebat Sabbathum, sed & patrem suum dicebat Deum, & qualem se Deo faciens. Hæc est ergo Euangelistæ narratio, cuius testimonium \* verum est, quod Christus filium Dei se dicebat, & Psal. 79. Deo æqualem, & propterea eum Iudæi persequabantur. Ioh. 8. 14. Nec dubium est alicui Christiano, quin illud quod Christus de

\* Lib. præc. 79. & sequē.



flus de se dixit, verum sit: cum & Apostolus dicat Philip. 2. hoc non fuisse rapinā, quod æqualē se esse patri arbitratu est. est ergo filius æqualis patri. non est igitur creatura.

D. 485. 12 Amplius, in Psalm. legitur <sup>d</sup> non esse similitudinē alius cuius ad Deum etiam inter angelos qui filij Dei dicuntur: Quis, inquit, similis erit Deo in filiis Dei? & alibi: Deus quis similis erit tibi? quod de perfecta similitudine accipi oportet: quod patet ex his quæ in primo lib. tractata sunt. Christus autem perfectam sui similitudinem ad patrem ostendit etiam in viuendo. dicitur enim Ioannis quinto: Sicut pater habet vitam in semetipso, sic dedit & filio vitam habere in semetipso. nō est igitur Christus computandus inter filios Dei creatos.

1. Cor. 15. 13 Adhuc, nulla substantia creata repræsentat Deū quantum ad eius substantiam. quicquid enim ex perfectione cuiuscunque creaturæ apparet, minus est quā quod Deus est: unde per nullā creaturā sciri potest de Deo quid est. filius autem repræsentat patrem. dicit enim de eo Apostolus ad Coloss. 1. quod est imago inuisibilis Dei. & ne æstimetur esse imago deficiens, essentia Dei non repræsentās, per quam nō possit cognosci de Deo quid est, sicut vir dicitur imago Dei. 1. Cor. 11. ostenditur perfecta esse imago, ipsam Dei substantiā repræsentans, ad Hebr. 1. dicente Apostolo: Cum sit splendor gloriæ, & figura substantiæ eius. Non est igitur filius Dei creatura.

14 Præterea, nihil quod est in aliquo genere, est vniuersalis causa eorum quæ sunt in genere illo: sicut vniuersalis causa hominum non est aliquis homo. nihil enim sui ipsius est causa: sed sol qui est extra genus humanum, est vniuersalis causa generationis humanæ, & vltimus Deus: filius autem est vniuersalis causa creaturarū. dicitur enim Ioan. primo: omnia per ipsum facta sunt. & Prouerbiorū octauo dicitur sapientia genita: Cū eo erā cōponens omnia. & Apostolus dicit ad Coloss. 1. In ipso cōdita sunt vniuersa in cælo & in terra. ipse igitur non est de genere creaturarum.

15 Item, ex ostensis in secūdo libro manifestum est, quod substantiæ incorporeæ, quas angelos dicimus, non possunt aliter fieri quā per creationem. Et etiam ostēsum est, quod nulla substantia potest creare, sed solus Deus. sed Dei filius Iesus Christus est causa angelorum, eos in esse producens. dicit enim Apostolus: Siue throni, siue dominationes, siue principatus, siue potestates, omnia per ipsum & in ipso creata sunt: ipse igitur filius non est creatura.

16 Præterea, cum propria actio cuiuslibet rei sequatur naturam ipsius, nulli competit propria actio alicuius rei, cui non competit illius rei natura. quod enim non habet humanam speciem, nec actionem humanam habere potest: propriæ autem actiones Dei conueniunt filio, sicut creare, vt iam ostēsum est, continere & conseruare omnia in esse, & peccata purgare: quod est proprium ipsius Dei, vt ex superioribus patet. Dicitur autem de filio ad Coloss. 1. quod omnia in ipso cōstant. & ad Hebr. 1. dicitur quod portat omnia verbo virtutis suæ, purgationem peccatorum faciens. filius igitur Dei est naturæ diuinæ, & non est creatura. Sed quia posset Arrianus dicere, quod hoc filius facit non tanquam principale agens, sed sicut instrumentum principalis agentis, quod per propriam virtutem non agit, sed solum per virtutem principalis agentis: hanc positionem Dominus excludit Ioānis quinto dicēs: Quæcunque enim ille fecerit, hæc & filius similiter facit. sicut igitur pater per se operatur & propria virtute, ita & filius.

Vltius etiā ex hoc verbo concluditur, quod sit eadem virtus & potestas filij & patris. nō solum enim dicit quod filius similiter operatur sicut & pater, sed quod eadem, & similiter, idem autem nō potest esse operatum eodem modo à duobus agentibus nisi dissimiliter: sicut idem fit à principali agente, & instrumēto, vel similiter. & tūc oportet quod conueniant in vna virtute, quæ quidem virtus quandoque congregatur ex diuersis virtutibus in diuersis agētibz inuentis: sicut patet in multis trahētibz nauem. omnes enim similiter trahunt: & quia virtus cuiuslibet imperfecta est, & insufficiens ad istum effectum, ex diuersis

virtutibus congregatur vna virtus omnium, quæ sufficit ad trahendum nauem. hoc autem non potest dici in patre & filio. virtus enim Dei patris non est imperfecta, sed infinita, vt in primo ostēsum \* est. oportet igitur quod eadem numero sit virtus patris & filij. & cum virtus sequatur naturam rei, oportet quod eadē numero sit natura & essentia patris & filij. quod etiam ex præcedentibus concludi potest. nā si in filio est natura diuina, vt multipliciter ostēsum est, cum natura diuina multiplicari non possit, vt in primo libro \* ostēsum est. sequitur de necessitate quod sit eadem numero natura & essentia in patre & filio.

17 Item, vltima nostra beatitudo in solo Deo est, in quo etiam solo spes hominis debet poni, & cui soli est honor patriæ exhibendus, vt in tertio libro \* est ostēsum. beatitudo autem nostra in dei filio est. dicit enim Ioan. 17. Hæc est vita æterna, vt cognoscant te, scilicet patrem, & quem misisti Iesum Christum. & 1. Ioan. vltimo dicitur de filio quod est verus Deus, & vita æterna. Certum est autem nominæ vitæ æternæ in scripturis sacris vltimam beatitudinem significari: dicit enim Isaias de filio, vt Apostolus inducit: Erit radix Iesse: & qui exurget regere gentes: in in eo gentes sperabunt: dicitur enim in Psalm. 71. Et adorabunt eū omnes reges, omnes gentes seruiēt ei. & Ioan. 5. dicitur: Omnes honorificēt filiū sicut honorificāt patrē. & iterum in Psalm. 96. dicitur. Adorate omnes angeli eius, quod de filio Apostolus introducit Hæbreo. primo. Manifestum est igitur filium dei verum Deum esse.

Ad hoc etiam ostendendū valēt ea quæ superius \* contra Photinum inducta sunt ad ostendendum Christū Deū esse: non factum sed verum. Ex præmissis igitur & consimilibus sacra scripturæ documentis Ecclesia catholica edocta Christum verum & naturalem Dei filium confitetur cōternū patri, & æqualē, & verū Deū, eiusdem essentia & naturæ cum patre, genitum, non creatum, nec factum. Vnde patet quod sola ecclesiæ catholice fides verè cōstitueret generationem in Deo: dum ipsam generationem filij ad hoc refert quod filius accipit diuinam naturam à patre. Alij verò hæretici ad aliquam extraneam naturam hanc generationem referunt: Photinus quidem & Sabellius ad humanam, Arrius autem non ad humanam, sed ad quandam naturam creatam, digniorem cæteris creaturis. differt etiam Arrianus à Sabellio & Photino, quod huiusmodi generationem prædictam asserit ante mundum fuisse: illi verò eam fuisse negant ante natiuitatem ex virgine. Sabellius tamen à Photino differt in hoc, quod Sabellius Christum verum Deum confitetur & naturalem: non autem Photinus, sed neque Arrius: sed Photinus purum hominem, Arrius autem quasi commixtum ex quadam excellentissima creatura & humana. Hi aliam esse personam patris & filij confitentur: quod Sabellius negat. Fides ergo catholica media via incedens confitetur cum Arrio & Photino contra Sabellium aliam personam patris & filij, & filium genitum, patrem verò omnino ingentum: cum Sabellio verò contra Photinum & Arrium, Christum verum & naturalem Deum, & eiusdem naturæ cum patre: licet non eiusdem personæ. Ex quo etiam iudicium veritatis catholice sumi potest. nam vero, vt Philosophus dicit, etiam falsa testantur: falsa verò nō solum à veris, sed etiam ab inuicem distant.

#### Super Cap. 7.



CONTRA prædictam Arrij & Eunomij positionem arguit sancta Thom. author. scripturæ, & primo sic. Secundum positionem prædictam, eadem ratione angeli filij Dei dicerentur & Christus, quia vtrisque secundum quādam similitudinem naturæ in qua creati sunt, nomē filiationis competere: hoc autem constat esse falsum. Nam ad Hebr. primo dicitur, Cui dixit aliquando angelorum, Filius meus es tu, ego hodie genui te? Si dicatur illud non de qui, quia Christus est excellentioris naturæ, hoc non obstat, quia etiam inter angelos diuersi ordines inueniuntur, & tamen omnibus eadem ratio filiationis conuenit. Secundò, Christus non esset vnigenitus, cuius oppositum dicitur Ioan. 1. probatur consequētia, quia nomen filiationis ratione diuinæ creationis etiam omnibus angelis & sanctis conuenit. Tertiò, Si non diceretur filius, nisi ratione creationis, Christus verè filius dici non posset, sed huius oppositum dicitur primæ Ioan. vlti-



mo. ergo. &c. probatur sequela, quia nomen filiationis propriè & verè generationem viuientium consequitur, in quibus genitum ex substantia generantis procedit, quod non est in creatione. Quarto. Christus non esset verus Deus: quia nihil creatum potest dici Deus, nisi per quandam similitudinem ad Deum, sed hoc est falsum, ut patet primò Ioan. vltimo: Hic est verus Deus &c.

ADVERTENDVM pro hac ratione & præcedenti, quòd verum potest dupliciter accipi. Vno modo ut distinguitur contra falsum, sicut propositio qua significatur sicut est in re, dicitur vera, falsa autem qua significatur non sicut est in re. Alio modo ut distinguitur contra similitudinem sumptam: quomodo dicimus viu animal esse verè: animal pictum autem non esse verum animal, sed per quandam similitudinem. Cum ergo dicitur Christus esse verus filius Dei, & verus Deus, accipitur verum secundo modo, & est sensus, quòd est filius Dei, & Deus secundum propriam & essentialè horum nominum significationem. Quintò. Ad Rom. 9. dicitur: Qui est super omnia Deus, &c. & ad Titum 2. Expectantes beatam spem, &c. & Hier. 23. Suscitabo David germen iustum, & subditur: Et hoc est nomen quod vocabunt eum, Dominus iustus noster, ubi in Hebræo habetur nomen tetragrammaton, quòd de solo Deo dici certum est, ergo filius Dei est verus Deus. Sextò. Si Christus verus filius est, scilicet Dei, necesse est, quòd sit verus Deus quia non potest verè filius dici quòd ab alio gignitur, etiam si de substantia generantis nascatur, nisi in similem speciem generantis procedat, sed supple, est verus filius Dei, ergo, &c. De materia huius rationis inferius erit sermo. Septimò. Christus habet in se totam plenitudinem diuinæ bonitatis, ut patet ad Coloss. 2. ergo &c. patet consequentia, quia nulla creatura recipit totam plenitudinem diuinæ bonitatis. Octauò. Intellectus Christi non deficit in cognitione ab intellectu diuino, cum dicatur ad Coloss. 2. quòd in ipso sunt omnes thesauri &c. ergo, &c.

ADVERTENDVM, quòd non loquitur hic sanctus Thomas de intellectu animæ Christi, qui est intellectus humanus. Nam de hoc non est verum quòd adæquet diuini intellectus cognitione, ut superius est ostensum: sed loquitur de intellectu ipsius absolute, quia scilicet in Christo est alius intellectus non deficiens in cognitione ab intellectu diuino: quòd cum huiusmodi non possit esse alius intellectus quàm diuinus, sequitur in Christo esse diuinum intellectum, & consequenter quòd Deus. Nonò. Omnia quæ habet pater, sunt filij, ut patet, Ioan. 16. & 17. ergo est eadem essentia & natura patris & filij, ergo, &c. probatur prima consequentia, quia quicquid habet Deus in seipso, est eius essentia. Decimò. Filius antequam exinaniret semetipsum formam serui accipiens, in forma Dei erat, ut dicitur Philip. 2. sed per formam Dei intelligitur natura diuina, sicut per formam serui intelligitur natura humana, ergo, &c. Vndecimò. Filius est patri æqualis, quoniam ut patet ex narratione Ioannis euangelistæ, cap. 5. Iudei Christum persequabantur, quia dicebat se esse æqualem Deo. Non est autem dubium Christiano, verum esse quòd Christus de se dixit, cum & Apostolus dicat Philip. 2. non fuisse rapinam quòd æqualem se esse patri arbitratus est, ergo, &c. probatur consequentia, quia nihil creatum potest esse æquale Deo.

ADVERTENDVM autè, quòd quia disputatio hæc aduersus Christianum est suscipientem euangelium, ideo dixit sanctus Thomas non esse dubium Christiano verum esse quòd Christus de se dixit. Nam infidelis posset dicere Christum se quandoque inaniter iactasse, sed Christiano ne phas est hoc dicere. Duodecimò. Christus perfectam sui similitudinem ad patrem ostendit etiam in viuendo. Ioan. 5. sicut pater &c. ergo, &c. probatur consequentia, quia perfecta similitudine non legitur esse similis aliquis Deo, ut patet in Psalmo cū dicitur, Quis similis Deo, &c. & Deus quis similis erit tibi? Tercio decimò. Filius repræsentat patrem quantum ad eius essentiam: Nam ad Coloss. 1. dicitur quòd est imago inuisibilis Dei: quòd sit perfecta imago essentiam Dei repræsentans, per quam possit cognosci de Deo quid est, ostendit Hebr. 1. cū dicitur: Cū sit splendor, &c. ergo &c. probatur consequentia, quia nulla substantia creata repræsentat Deum quantum ad eius substantiam.

CIRCA hoc vltimum dictum occurrit dubium. Nam omnis creatura repræsentat Deum, cū sit eius similitudo, sed non repræsentat eum quantum aliquod accidens, cū in Deo nullum sit accidens, ergo repræsentat eum quantum ad substantiam, ergo falsum est, quòd nulla creatura repræsentat Deum quantum ad eius substantiam. Respondetur quòd vnum repræsentare aliud quantum ad substantiam, dupliciter potest intelligi. Vno modo, quia repræsentat ipsam substantiam rei adæquatè & perfectè secundum quòd per diffinitionem significatur. Alio modo, quia repræsentat rei substantiam inadæquatè & imperfectè, & non secundum omnem modum perfectionis essentialis. Isto secundo modo omnis creatura repræsentat Deum quantum ad eius substantiam, non autem primo modo, de hoc autem modo loquitur sanct. Thom. quòd constat, quia loquitur de ea repræsentatione substantiæ per quam cognosci potest de re quid est, ista enim est repræsentatio per quandam adæquationem repræsentantis & repræsentati. Quarto decimò. Filius Dei est vniuersalis causa creaturarum, ut patet Ioannis 1. Prouerbior. 8. & Coloss. 1. ergo non est de genere creaturarum, probatur consequentia, quia nihil quòd est in aliquo genere, est causa vniuersalis eorum quæ sunt in genere illo, sicut vniuersalis causa hominum non est aliquis homo, alioquin idem esset causa sui ipsius. Quinto decimò. Dei filius Iesus Christus est causa angelorum, eos in esse producens, ut patet ex Apostolo dicente: Siue throni, siue dominationes, &c. ergo, &c. probatur consequentia, quia angeli non possunt aliter fieri quàm per creationem, & nulla substantia creata potest creare, ut est ostensum in secundo, sed solus Deus. Sexdecimò. Propriæ actiones Dei conueniunt filio, sicut creare, ut ostensum, continere & conseruare omnia in esse, & peccata purgare, quòd est proprium Dei, ut patet ad Coloss. 1. & ad Hebr. 1. ergo, &c. probatur consequentia, quia nulli conuenit propria operatio alicuius rei cui non impetit illius rei natura. Si dicatur quòd hæc filius facit non per propriam virtutem, sed per virtutem principalis agentis, cuius est instrumentum. Contra arguitur, quia Ioannis 5. dicitur, quòd quæcunque ille fecerit, hæc & filius similiter facit. Ex quibus duo habentur vnum est, quòd sicut pater per se operatur, & propria virtute, ita & filius. Alterum est, quòd eadem est virtus & potestas filij & patris, cū enim idem non possit esse à duo-

bus agentibus eodè modo, sed dissimiliter, aut si similiter, oportet ut conueniant in vna virtute: & filius omnia quæcunque facit, pater facit, & similiter facit: necesse est ut in vna virtute conueniant: hoc autem non est quasi ex multis virtutibus imperfectis in ipsis inuentis vna congregetur perfecta virtus, sicut ex virtutibus multorum trahentium nauem vna perfecta virtus sit, cū virtus Dei patris sit infinita, ut ostensum est in primo, ergo oportet ut eadem numero sit virtus patris & filij. Ex quo etiam vltèrius inferitur, quòd oportet esse eandem numero essentiam patris & filij: cū virtus sequatur naturam rei. Id quòd etiam hac ratione patet quia natura diuina multiplicari non potest, ut in primo libro est ostensum.

AD huius rei euidentiā considerandum est, quòd vnus & eiusdem effectus non possunt esse duæ causæ totales eiusdem generis, & eiusdem ordinis, ut in præcedentibus est ostensum, sed bene eiusdem possunt esse plures causæ totales diuersorum generum, puta vna in genere causæ efficientis, altera in genere causæ finalis. Item possunt esse plures eiusdem generis, sed diuersorum ordinum, puta in genere causæ efficientis vna principalis, altera instrumentalis. Possunt etiam eiusdem esse plures causæ eiusdem ordinis, sed particulares & imperfectæ quasi integræ vnā totalem & perfectam causam, sicut est de multis trahentibus nauem. Cū ergo hîc dicitur idem non posse esse operatum à diuersis agentibus eodem modo, sed dissimiliter, &c. sensus est quòd idem non potest esse productum à diuersis agentibus totalibus, nisi in diuerso ordine existant, ita scilicet quòd vnum sit principale, aliud vèd instrumentale: aut si similiter id est, secundum eundem ordinem aliquid procedat à pluribus, oportet illa conuenire in vna virtute, aut congregata ex multis imperfectis virtutibus, eò quòd ipsa sunt plura partialia agentia imperfecta simul constituenta vnum perfectum agens, aut vna numero simpliciter, in illis existens, ut illa dicantur non plura agentia substantiue, sed vnum, licet sint plura supposita illa vna virtute agentia. Nam multum differt aliqua esse plura agentia, & illa esse plura supposita agentia, in prima enim cū h. agentia sumantur substantiue, significatur pluralitas virtutis & formæ actiue: in secunda verò cū sumantur adiectiue, significatur pluralitas tantum suppositorum agèrium. Decimosèptimò. Beatitudo nostra in Dei filio est, scilicet obiectiue, ut patet Ioannis 17. & 1. Ioannis vlt. Est etiam in eo spes nostra, iuxta illud Isaie ab Apostolo introductum, Erit radix Iesse, &c. Est & illi honor latræ exhibendus. Psal. Et adorabunt eum, &c. & Ioannis 5. Omnes honorificet filium &c. & iterum in Psal. Adorate eū omnes angeli eius, quòd ad Hebr. vltimo de Christo introducit, ergo, &c. probatur consequentia, quia illa soli Deo conueniunt, ut in tertio est ostensum. Addit vltimò sanctus Thomas, quòd ad hoc ostendendum valent etiam ea quæ contra Photinum sunt inducta ad ostendendum Christum verum Deum esse, non factum, sed genitum.

EX istis inferit corollarie, quòd sola fides catholice Ecclesie quæ ponit filium coæternum patri, & coætalem verumque Deum eiusdem naturæ & essentia cum patre, genitum, non creatum, nec factum, verè confiteretur generationem in Deo, ipsam ad hoc referendo, quòd filius accepit diuinā naturam à patre, hæreticis ipsam ad extraneam naturam referentibus: Photino quidem & Sabellio ad humanam, Arius autem ad creaturam quandam cæteris creaturis nobiliorem. Quantum ad secundum comparatistas opiniones hæreticorum adiunice, & atquòd quantum ad generationem Arius differt à Sabellio & Photino, quia ille ipsam asserit ante mundum fuisse, illi verò hoc negant. Quantum verò ad ipsum Christum differunt, quia Sabellius Christum verum Deum confiteretur, & naturalem, non autem Photinus, neque Arius. Differt vero Photinus ab Arius, quia Photinus dicit ipsum purum hominem, Arius autem dicit ipsum quasi commixtum ex quadam excellentissima creatura, diuina scilicet aliquo modo & humana. Quantum autem ad personam filij differt Sabellius ab aliis: quia illi ponunt aliam esse personam patris & filij, quòd Sabellius negat. Fides autem catholica media via incedens, cū Arius & Photino concordat, ponens aliam esse personam patris, aliam filij, & filium esse genitum, patrem verò ingentitū. Cū Sabellio verò conuenit, Christum dicens verum & naturalem Deum, eiusdem naturæ cum patre, licet non eiusdem personæ. Ex quo inferit sanct. Thom. quòd ex hoc sumi potest iudicium catholice veritatis, quoniam ut Philosophus ait, vero etiam falsa attestantur, falsa verò etiam ab iniuriam distant.

ADVERTENDVM, quòd falsa attestari dicuntur vero aliquando, non quidem ex ea parte qua falsa sunt, sed inquantum aliquid veritatis continent.

*Solutio ad auctoritates quas Arius pro se inducebat.*

Cap. 8.



VI A verò veritas veritati contraria esse non potest, manifestum est ea quæ ex scripturis veritatis ab Arrianis introducta sunt ad suum errorem confirmandum, eorum sententiæ accommoda non esse. Cū enim ex scripturis diuinis ostensum sit, patris & filij eandem numero essentiam esse, & naturam diuinam secundū quam vterque verus dicitur Deus: oportet patrem & filium non duos Deos, sed vnum Deum esse. Si enim plures dii essent, oporteret per consequens diuinitatis essentiam in vtroque partitā esse: sicut in duobus hominibus est alia & alia humanitas numero: & præcipue cū non sit aliud diuina natura, & aliud ipse Deus, ut supra ostensum est, ex quo de necessitate consequitur, existente vna natura diuina in patre & filio, sint pater & filius vnus Deus. licet ergo, & patrem

\* Fidelia cap. 6.

\* Cap. 2. & 3.

\* Cap. 12. p. mi lib.



& patrem confiteamur Deū, & filium Deū: non tamen recedimus à sententia qua ponitur vnus solus Deus, quam in  
 \* Cap. 43. primo & rationibus & authoritatibus firmauimus\*. vnde et si sit vnus solus verus Deus, tamen hoc & de patre & de filio predicari confiteamur. Cū ergo Dominus ad patrem loquens dicit, Vt cognoscant te solum Deum verum: non sic intelligendum est, quod solus pater sit verus Deus, quasi filius non sit verus Deus: quod tamen manifestè scripturæ testimonio probatur: sed quod illa quæ est vna sola vera deitas, patri conueniat: ita tamen quod non excludatur inde & filius: vnde signanter non dixit dominus, Vt cognoscant te solum verū Deum: quasi solus ipse sit Deus: sed dixit, vt cognoscant te. & addidit, solum Deum verum: vt ostenderet patrem cuius se filium protestabatur, esse Deum, in quo inuenitur illa quæ sola est vera diuinitas. Et quia oportet verum filium eiusdem naturæ esse cum patre: magis sequitur quod illa quæ sola est vera diuinitas, filio conueniat, quam ab ea filius excludatur. Vnde & Ioannes in fine primæ suæ canonicæ quasi hæc verba Domini exponens, vtrumque istorum vero filio attribuit, quæ hic Dominus dicit de patre, scilicet quod sit verus Deus, & quod in eo sit vita æterna, dicens: Vt cognoscamus verum Deum: & simus in vero filio eius: hic est verus Deus, & vita æterna. Si tamen confessus esset filius, quod solus pater esset verus Deus, non propter hoc à vera diuinitate filius excludi intelligendus esset. nam quia pater & filius sunt vnus Deus, vt ostensum \* est: quicquid ratione diuinitatis de patre dicitur, idem est ac si de filio diceretur, & econuerso. non enim propter hoc quod Dominus dicit Matthæi vndecimo: Nemo nouit filium nisi pater: neque patrem quis nouit nisi filius: intelligitur vel pater à sui cognitione excludi, vel filius. Ex quo etiam patet quod vera filij diuinitas non excluditur ex verbis Apostoli quibus dicit, Quem suis temporibus ostendet beatus & solus potens, rex regum, & dominus dominantium: non enim in his verbis pater nominatur, sed id quod est commune patri & filio. Nam quod & filius sit rex regum, & dominus dominantium, manifestè ostenditur Apocalip. 19. vbi dicitur: Vestitus erat veste aspersa sanguine, & vocabatur nomen eius Verbum Dei. Et postea subditur: Et habet in vestimento & in femore suo scriptum, Rex regum, & dominus dominantium. nec ab hoc quod subditur, Qui solus habet immortalitatem, excluditur filius, cū & sibi credentibus immortalitatem conferat vnde dicitur Ioan. 11. Qui credit in me, non morietur in æternum. Sed & hoc quod subditur, quæ nemo hominum vidit, sed nec videre potest: certum est filio conuenire: cū dominus dicat Mat. 11. Nemo nouit Filium nisi pater. Cui non obstat quod visibilis apparuit. hoc enim secundum carnem est factum, est autem inuisibilis secundum deitatem, sicut & Pater. Vnde apostolus in eadem epistola dicit, Manifestè magnum est pietatis sacramentū, quod manifestatum est in carne. nec cogit quod hæc de solo patre dicta intelligamus: quia dicitur quasi oporteat aliū esse ostendentē, & aliū ostensum: nam & filius seipsum ostendit. dicit enim ipse Ioan. 14. Qui diligit me, diligetur à patre meo: & ego diligam eum, & manifestabo ei meipsum. vnde & ei dicimus, ostende faciem tuam & salui erimus. Quod autē Dominus dicit, Pater maior me est: qualiter sit intelligendū, Apostolus docet: cū enim maius referatur ad minus, oportet intelligi hoc dici de filio secundum quod est minoratus. ostendit autē Apostolus eum esse minoratū secundū assumptionem formæ seruilis: ita tamē, quod Deo patri æqualis existat secundū formam diuinam. Dicit enim ad Phil. 2. Cū in forma Dei esset, non rapinam arbitratus est esse se æqualē Deo, sed semetipsum exinaniuit formā seruī accipiēs. Nec est mirū si ex hoc pater eo maior dicatur: cū etiam ab angelis eum minoratum Apostolus dicat Hebr. 1. Eū, inquit, qui modico ab angelis minoratus est, vidimus Iesum propter passionem mortis gloria & honore coronatū. Ex quo etiā patet quod secundum eandē rationem dicitur filius esse patri subiectus, scilicet, secundū humanam naturā: quæ ex ipsa circūstantia li-

teræ apparet. præmiserat enim Apostolus: \* Per hominem mors, & per hominem resurrectio mortuorum. Et postea subiunxerat, quod vnusquisque resurget in suo ordine. primum Christus, deinde ij qui sunt Christi. Et postea addit, deinde filius, cū tradiderit regnū Deo & patri. Et ostenso quale sit hoc hoc regnum: quia scilicet, oportet ei omnia esse subiecta: consequenter subiungit: Cū subiecta illi fuerint omnia: tunc & se filius subiectus erit illi qui sibi subiecit omnia. ipse ergo contextus literæ ostendit hoc de Christo debere intelligi secundum quod est homo. sic enim mortuus est & resurrexit: nam secundum diuinitatem cū omnia faciat quæ facit pater, vt ostensum est, etiam ipse sibi subiecit omnia. Vnde & apostolus dicit ad Philippenf. 3. Saluatorem expectamus dominum Iesum Christum, qui reformabit corpus humilitatis nostræ configuratū corpori claritatis suæ secundū operationem qua possit sibi subicere omnia. Ex eo autem quod pater filio dare dicitur in scripturis, ex quo per scripturam sequitur ipsum recipere, non potest ostendi aliqua indigentia esse in ipso: sed hoc requiritur ad hoc quod filius sit. nō enim filius dici posset, nisi à patre genitus esset: omne autem genitum à generante naturam recipit generātis. per hoc ergo quod pater filio dare dicitur, nihil aliud intelligitur quam filij generatio, secundum quam pater dedit filio suam naturam. Et hoc ipsum ex eo quod datur, intelligi potest. Dicit enim dominus, Ioan. 10. Pater quod dedit mihi, maius omnibus est. Id autem quod maius omnibus est, diuina natura est, in qua filius est patri æqualis: quod ipsa verba Domini ostendunt. præmiserat enim quod oues suas nullus de manu eius rapere posset. ad cuius probationem inducit verbum propositum, scilicet quod id quod est sibi à patre datum, maius omnibus sit: & quia de manu patris (vt subiungit) nemo rapere potest: ex hoc sequitur quod nec de manu filij: non autem sequeretur, nisi per id quod est sibi à patre datum, esset patri æqualis. Vnde ad hoc clarius explicandum subdit: Ego & pater vnū sumus. similiter etiam Apostolus ad Philippenfes secundo dicit: Et dedit illi nomen quod est super omne nomen, vt in nomine Iesu omne genu flectatur, cælestium, terrestrium, & infernorum. Nomen autem omnibus nominibus altius, quod omnis creatura veneratur, non est aliud quam nomen diuinitatis. ex hac ergo generationis datione generatio ipsa intelligitur, secundum quam pater filio veram deitatem dedit. Idem etiam ostenditur ex hoc quod omnia sibi dicuntur esse data à patre, non autem essent sibi data omnia, nisi omnis plenitudo diuinitatis, quæ est in patre, esset in filio. sic igitur ex hoc quod sibi patrem dedisse asserit, se verum filiū cōfiteretur, contra Sabellium. Ex magnitudine verō eius quod datur, patri se confitetur esse æqualem, vt Arrius confundatur. Patet igitur quod talis donatio indigentiam in filio non designat. nō enim antè fuit filius quam sibi daretur, cū generatio eius sit ipsa donatio. Neque plenitudo dati hoc patitur, vt indigere possit ille cui constat esse donatum. Nec obuiat prædictis, quod ex tempore filio pater dedisse legitur in scripturis, sicut Dominus post resurrectionē, dicit discipulis\*, Data est mihi omnis potestas in cælo, & in terra. & Matth. vii. Apostolus ad Philippenfes secundo dicit, quod propter hoc Deus ipsum exaltauit, & dedit illi nomen quod est super omne nomen: quia factus fuit obediens vsque ad mortem, quasi hoc nomen non habuerit ab æterno. est enim conuersus scripturæ modus, vt aliqua dicantur esse vel fieri, quando innotescunt, hoc autem quod filius ab æterno vniuersalem potestatem & nomen diuinum acceperit, post resurrectionem prædicatibus discipulis mundo est manifestatum, & hoc etiam verba Dei ostendunt. Dicit enim Dominus Ioānis decimo septimo: Clarifica me pater apud temetipsum claritate quam habui priusquam mundus fieret. pet. enim vt sua gloria quam ab æterno à patre recepit vt Deus, in eo iam homine factō esse declaratur.

Ex hoc autem manifestum est, quomodo filius doceatur, cū non sit ignorans, ostensum est enim in primo libro, quod intelligere & esse in Deo idē sunt. Vnde communicatio



municatio diuinæ naturæ, est etiam intelligentiæ commu-  
nicatio. communicatio autem intelligentiæ, demonstratio,  
vel locutio, siue doctrina potest dici. Per hoc ergo quod  
filius sua natiuitate à patre naturam diuinam acceperit,  
dicitur vel à patre audiuisse, vel pater ei demonstrasse, vel  
si quid aliud simile legitur in scripturis: non quod prius fi-  
lius ignorans aut nesciens fuerit, & postmodum eum pa-  
ter docuerit. Confitetur enim Apostolus 1. ad Corin. 1.  
Christum Dei virtutem, & Dei sapientiam. Non est autem  
possibile quod sapientia sit ignorans, neque quod virtus  
infirmetur. Ideo etiam quod dicitur, Non potest filius à se  
facere quicquam: nullam infirmitatem agendi demonstrat  
in filio: sed quia cum Deo non sit aliud agere quam esse:  
nec sua actio sit aliud quam sua essentia, vt supra proba-  
tum est, ita dicitur quod filius non possit à se agere, sed  
agat à patre, sicut quod non potest à se esse, sed solum à  
patre, si enim à se esset, iam filius non esset. Sicut ergo fi-  
lius non potest non esse filius, ita à se agere non potest,  
quia verò eandem naturam accipit filius, quam habet pa-  
ter, & ex consequenti eandem virtutem: licet filius à se  
non sit, nec à se operetur, tamen est per se & per se opera-  
tur: quia sicut est per propriam naturam quam accepit à  
patre, ita per propriam naturam à patre acceptam opera-  
tur. vnde postquam Dominus dixerat: Non potest filius à  
se facere quicquam: vt ostenderet quod licet non à se, ta-  
men per se filius operatur, subiungit: Quæcunque ille fe-  
cerit, scilicet pater, hæc & filius similiter facit. Ex præmis-  
sis etiã apparet, qualiter pater præcipiat filio, & filius obe-  
diat patri: aut patrem orer: aut mittatur à patre: hæc enim  
omnia filio conueniunt secundum quod est patri subiectus:  
quod non est nisi secundum humanitatem assumptam, vt  
ostensum est. pater ergo filio præcipit vt subiecto sibi secun-  
dum humanam naturam: & hoc etiam verba Domini ma-  
nifestant. Nam cum Dominus dicat, \* Vt cognoscat mun-  
dus quia diligo patrem: & sicut mandatum dedit mihi pa-  
ter, sic facio: quod sit istud mandatum, ostenditur per id  
quod subditur: \* Surgite, eamus hinc. hoc enim dixit ad  
passionem accedens. mandatum autem patiendi manife-  
stum est filio non competere, nisi secundum humanam natu-  
ram. Similiter vbi ait, \* Si præcepta mea seruaueritis, ma-  
nebitis in dilectione mea: sicut & ego præcepta patris mei  
seruauimus, & maneo in eius dilectione: manifestum est hæc  
præcepta ad filium pertinere prout à patre diligebatur vt  
homo: sicut ipse discipulos vt homines diligebat. Et quod  
præcepta patris ad filium accipienda sint secundum huma-  
nam naturam à filio assumptam, Apostolus ostendit, docens  
filium obedientem patri fuisse in his quæ pertinent ad hu-  
manam naturam. dicit enim ad Philippenses secundo: Fa-  
ctus est obediens patri vsque ad mortem. Ostendit etiam  
Apostolus quod orare filio conueniat secundum humanam  
naturam. dicit enim ad Hebræos quinto, quod in diebus  
carnis suæ preces supplicationesque ad eum qui possit il-  
lum saluum à morte facere, cum clamore valido & lachry-  
mis offerens, exauditus est pro sua reuerentia. Secundum  
quid etiam missus à patre dicatur, Apostolus ostendit ad  
Galatas quarto, dicens: Misit Deus filium suum factum ex  
muliere. Eò ergo dicitur missus, quod est factus ex mulie-  
re: quod quidem secundum carnem assumptam certum est si-  
bi conuenire. Patet igitur quod per hæc omnia non potest  
ostendi filius patri esse subiectus, nisi secundum humanam  
naturam. Sed tamen sciendum est, quod filius mitti à pa-  
tre dicitur etiam inuisibiliter, in quantum Deus, sine præ-  
iudicio æqualitatis quam habet ad patrem, vt infra ostendetur  
cum agitur de emissionem Spiritus sancti. Similiter  
etiam patet quod per hoc quod filius à patre clarificatur,  
vel suscitatur, vel exaltatur, non potest ostendi quod filius  
sit minor patre, nisi secundum humanam naturam. non enim  
filius clarificatione indiget quasi de nouo claritatem acci-  
piens: cum eam proficeretur se ante mundum habuisse:  
sed oportebat quod sua claritas, quæ sub infirmitate carnis  
erat occultata, per carnis glorificationem & miraculorum  
operationem manifestaretur in fide credentium populorum.

Vnde de eius occultatione dicitur Isaia quinquagesimo-  
tertio: Verè absconditus est vultus eius: vnde nec reputa-  
uimus eum. Similiter autem secundum hoc Christus susci-  
tatus est, quod est passus & mortuus, id est secundum car-  
nem, dicitur enim prima Petri quarto: Christo passo in car-  
ne, & vos eadem cogitatione armamini. Exaltari etiã eum  
oportuit secundum hoc quod fuit humiliatus. nū & Aposto-  
lus dicit Philip. 2. humiliavit semetipsum, factus obediens  
vsque ad mortem, propter quod Deus exaltauit illum. Sic er-  
go per hoc quod pater clarificat filium, suscitatur, & exaltatur:  
filius non ostenditur minor patre nisi secundum humanam  
naturam. nam secundum diuinam naturam qua est patri æ-  
qualis, est eadem virtus patris & filij, & eadem operatio:  
vnde & ipse filius propria virtute se exaltat, secundum il-  
lud Psalmistæ: Exaltare Domine in virtute tua. Ipse sei-  
psum suscitatur: quod de se dicit Ioannis decimo: Potestatem  
habeo ponendi animam meam, & iterum sumere eam. Ipse  
etiam non solum seipsum clarificat, sed etiam patrem. dicit  
enim Ioannis decimo septimo: Clarifica filium tuum, vt &  
filius tuus clarificet te. nō quod pater velamine carnis as-  
sumptæ sit occultatus, sed suæ inuisibilitate naturæ: quo  
etiam modo filius est occultus secundum diuinam naturam.  
nam patri & filio commune est quod dicitur Isaia quadra-  
gesimo quinto: Verè tu es Deus absconditus, sanctus Israël  
saluator. Filius autem patrem clarificat, non claritatem et-  
dando, sed eum mundo manifestando. nam & ipse ibidem  
dicit: Manifestaui nomen tuum hominibus. Non est autem  
credendum, quod in Dei filio sit aliquis potestatis defectus,  
cum ipse dicat: Data est mihi omnis potestas in celo & in  
terra. Vnde quod ipse dicit, Sedere ad dextram meam vel  
sinistram, non est meum dare vobis: sed quibus paratum est  
à patre meo: non ostendit quod filius distribuendarum  
cælestium sedium potestatem non habeat: cum per huiusmo-  
di sessionem participatio vitæ æternæ intelligatur: cuius  
collatione ad se pertinere ostendit, cum dicit Ioannis de-  
cimo: Oves meæ vocem meam audiunt, & ego cognosco eas,  
& sequuntur me, & ego vitam æternam do eis. dicitur etiam  
Ioannis quinto: Quod pater omne iudicium dedit filio. Ad  
iudicium autem pertinet vt pro meritis aliqui in cælesti  
gloria collocentur. vnde & Matthæi vigesimo quinto di-  
citur, quod filius hominis statuere oues à dextris, & hoedos  
à sinistris. Pertinet ergo ad potestatem filij statuere ali-  
quem vel à dextris, vel à sinistris, siue vtrumque referatur  
ad differentem gloriæ participationem, siue vnum referatur  
ad gloriam, & alterum referatur ad pœnam. oportet  
igitur vt verbi propositi sensus ex præmissis sumatur. Præ-  
mittitur namque, quod mater filiorum Zebedæi accesser-  
at \* ad Iesum, petens vt vnus filiorum eius federet ad dex-  
teram eius, & alius ad sinistram, & ad hoc petendum mota  
videbatur ex quadam fiducia propinquitatis carnalis quæ  
habebat ad hominem Christum. Dominus ergo sua respon-  
sione, non dixit quod ad eius potestatem non pertineret  
dare quod petebatur, sed quod ad eum non pertinebat  
illis dare pro quibus rogabatur. non enim dixit: Sedere ad  
dexteram meam vel sinistram, non est meum dare alicui:  
quin potius ostendit quod suum erat hoc dare illis quibus  
erat paratum à patre suo. Non enim hoc dare ad eum per-  
tinebat secundum quod erat filius virginis, sed secun-  
dum quod erat filius Dei: ideo non erat suum hoc dare  
aliquibus, propter hoc quod ad eum pertinebat secun-  
dum quod erat filius virginis secundum propinquitatem  
carnalem, sed propter hoc quod pertinebat ad eum se-  
cundum quod erat filius Dei: & quibus scilicet paratum erat  
à patre per prædestinationem æternam. Sed quod etiam  
hæc præparatio ad potestatem filij Dei pertineat, ipse  
Dominus confitetur dicens Ioannis decimo quarto: In  
domo patris mei mansiones multe sunt: si quod minus,  
dixissem vobis, quia vado parare vobis locum. Mansio-  
nes autem multe, sunt diuersi gradus participandæ bea-  
titudinis, qui ab æterno à Deo in prædestinatione præ-  
parati sunt. Cum ergo Dominus dicit, quod si in aliquo  
minus esset, id est, si deficerent præparatæ mansiones  
hominibus

\* lib. 1. cap.  
45.

\* Ioan. 5.

\* Ioan. 14.

2bid.

Ian. 15.

\* In hoc lib.  
cap. 13.

Psalm. 10.

Matth. 20.



hominibus ad beatitudinem introducendis: & subdit: Dixiſſem vobis, quia vado parare vobis locum: ostendit huiusmodi prapARATIONEM ad suam potestatem pertinere. Neque etiam potest intelligi quod filius horam aduentus sui ignoret: cum in eo sint omnes thesauri sapientiae, & scientiae absconditi: vt Apostolus dicit \*: & cum id quod maius est, perfecte cognoscat, scilicet patrem: sed hoc intelligendum est, quia filius inter homines homo constitutus, ad modum ignorantis se habuit, dum discipulis non reuelauit. est enim consuetus modus loquendi in scripturis, vt Deus dicatur aliquid cognoscere, si illud cognoscere facit: sicut habetur Genesis vigesimo secundo: Nunc cognoui quod timeas Dominum, id est, nunc cognoscere feci: & sic per oppositum filius nescire dicitur, quod non facit nos scire. Tristitia verò & timor & alia huiusmodi, manifestum est quod ad Christum pertineat secundum quod homo: vnde & per hoc nulla minoratio potest in diuinitate filij deprehendi. Quod autem dicitur sapientiam esse creatam: primo quidem potest intelligi non de sapientia quae est filius Dei, sed de sapientia quam deus indidit creaturis. dicitur enim Ecclesiastici primo: Ipse creauit eam, scilicet sapientiam, in spiritu sancto, & effudit illam super omnia opera sua. Potest etiam referri ad naturam creatam assumptam à filio, vt sit sensus: Ab initio & ante secula creata sum, id est, praenata sum creaturae vniri. Vel per hoc quod sapientia & creata, & genita nuncupatur, modus diuinæ generationis nobis insinuat. In generatione enim quod generatur, accipit naturam generantis: quod perfectionis est: sed in generationibus quae sunt apud nos, generans ipse mutatur, quod imperfectionis est: in creatio- ne verò creans non mutatur, sed creatum non recipit naturam creantis. Dicitur ergo simul filius creatus & genitus, vt ex creatione accipiatur immutabilitas patris, ex generatione vnitas naturae in patre & filio, & sic huiusmodi descripturae intellectu synodus exposuit, vt per Hilarium patet. Quod verò filius dicitur primogenitus creaturae, non ex hoc est quod filius sit in ordinatione creaturarum, sed quia filius est à patre, & à patre accipit, à quo sunt & accipiunt creaturae, sed filius accipit à patre eandem naturam, non autem creaturae. vnde & filius non solum primogenitus dicitur, sed etiam vnigenitus, propter singularem modum accipiendi. Per hoc autem quod Dominus ad patrem dicit de discipulis \*, vt sint vnum, sicut & nos vnum sumus, ostenditur quid quod pater & filius sunt vnum eo modo quo discipulos vnum esse oportet, scilicet per amorem. Hic tamen vnionis modus non excludit essentiae vnitatem, sed magis eam demonstrat. dicitur enim Ioannis tertio: Pater diligit filium, & omnia dedit in manu eius. per quod plenitudo diuinitatis ostenditur esse in filio, vt dictum est. Sic igitur patet quod testimonia scripturarum quae Arriani pro se assumebant, non repugnant veritati, quam fides catholica constituit.

## Super. Cap. 8.

**E**xclusis falsis haereticorum positionibus circa Christi generationem, accedit sancti Theodori ad solutionem eorum quae ab ipsis pro confirmatione suarum positionum sunt inductae. Et primo soluit rationes Arrii, secundò rationes Sabellij & Photini, cap. sequenti. Quantum ad primum praemittit, quod cum dicimus patrem & filium Deum esse, non dicimus duos esse deos, sed vnum: cum dictum sit eorum esse eadem numero diuinam naturam. Nam si essent plures dii, oporteret diuinitatis naturam in vtroque partem esse, praecipue cum non sit aliud diuina natura & ipse Deus. Ex quo patet quod non recedimus à sententia qua ponitur vnus solus Deus.

**ADVERTENDVM** quod haec conditionalis sancti Theodori. Si essent plures dii, oporteret naturam diuinitatis partem esse in vtroque, fundatur super hoc, quod nomen substantiuum pluraliter non dicitur de aliquibus, nisi propter pluralitatem formarum per ipsum significare in ipsis inuentam, sicut dicuntur plures homines propter plures humanitates in ipsis existentes. Addit autem praecipue, cum non sit aliud natura diuina & ipse Deus, quia omnimoda identitas inter Deum & deitatem, illam conditionalem manifestior facit. Si enim Deus & deitas sunt omnino idem ex parte rei significare, & plures sunt dii, necesse est & plures deitates esse. Isto supposito, ad primam rationem dicitur primo, quod cum loquitur ad patrem Dominus dicens, vt cognoscat te solum &c. non est intelligendum quod solus pater sit verus Deus, & filius non sit verus Deus: sed quod

illa quae est sola vera deitas, patri conueniat. vnde dicit, vt cognoscat te, hic scilicet punctuando, deinde addit, solum verum Deum: in quo quia verum filium oportet esse eiusdem naturae cum patre, magis sequitur quod illa quae est sola vera diuinitas, filio conueniat, quam ab ea filius excludatur. vnde primò Ioan, in fine, vtrumque istorum, scilicet quod sit verus Deus & quod in eo sit vita aeterna, filio attribuitur. Dicitur secundò, quod si etiam confessus esset filius solum patrem esse verum Deum, non propter hoc excludi filius intelligitur: quia cum pater & filius sint vnus Deus, quicquid ratione diuinitatis de patre dicitur, idem est ac si de filio diceretur, & e conuerso: quod confirmatur ex eo quod cum dicitur Matth. vndecimo, Nemo nouit filium nisi pater, neque quis patrem nisi filius: non intelligitur vel pater à sui cognitione excludi, vel filius.

Ad euidentiam huius responsionis considerandum est, quod licet ista dictio solus ex parte praedicati non proprie ponatur, sed tantum ex parte subiecti, vt dicitur q. 31. art. 3. tamen aliquando ex parte praedicati propter aliquam aliam implicationem poni potest. vnde praedicatio ista, vt cognoscat te solum verum Deum, potest resolui sic, vt cognoscat te Deum, qui es solus verus Deus. Et potest etiam sic resolui: vt cognoscat te patrem: qui solus es verus Deus. In prima enim, solus ponitur ex parte praedicati, in secunda verò ex parte subiecti. In prima, sensus est, patrem esse Deum, cuius scilicet Dei sola natura est vera deitas. In secunda verò sensus est: deitatem veram soli patri conuenire. Vtrumque ergo sensum huius propositionis, dupliciter respondet sancti Theodori. Et ad innuendum primum sensum quem in prima responsione accipit, inquit non dixisse euangelistam per quandam continuationem, vt cognoscat te solum verum Deum, sed quadam punctatione interposita, scilicet vt cognoscat te: deinde quasi declarando quid sit pater, addidisse solum verum Deum: vt ostenderet patrem esse Deum, in quo inuenitur illa quae sola est vera diuinitas. Ad innuendum autem secundum sensum, quem in secunda accipit responsione, inquit, si tamen confessus esset filius, quod solus pater esset verus Deus. Vbi aduertendum est ex doctrina ipsius Ioannis pro allegato art. 4. & 1. Sct. d. 1. q. 2. ad 1. quod si solus potest excludere aliud masculinè, & potest excludere aliud neutraliter. Si excludat alium masculinè, sensus est quod nullus alius à patre sit verus Deus. quia filius est alius à patre, per hoc excluditur filius à vera deitate: quod quia falsum esse superius est ostensum, in hoc sensu talis propositio non est admitterenda, nec ad huc sensum eam sumit euangelista. Si autem excludat aliud neutraliter, sensus est, nihil aliud à patre esse verum Deum: & quia filius non est aliud à patre, cum eorum sit vna numero substantia & essentia, ideo per ipsam non excluditur filius. Et ideo in hoc sensu admittens sanctus Thomas inquit, quod propter hoc non excluditur à vera diuinitate filius: quia cum pater & filius sint vnus Deus, quicquid de patre ratione diuinitatis dicitur, idem est ac si de filio diceretur, & e conuerso: sensus est, quod quia pater non est aliud à filio, nec e conuerso, imò sunt substantialiter & in deitate vnum, quod de vno dicitur, intelligitur de alio dici, de iis. quae ad deitatem pertinent, in qua sunt vnum: vel de iis quae de altero illorum dicuntur ratione diuinitatis. quicquid enim dicitur de vno illorum quae sunt vnum in aliquo, ratione illius in quo sunt vnum, intelligitur & de altero dici, cum in illo non habeant distinctionem: sicut quia actio & passio sunt vna in motu, quicquid de actione dicitur ratione motus, dicitur etiam de passione, vt esse actum imperfectum, esse actum existentis in potentia & huiusmodi. Ad secundam rationem responderetur ex dictis, & dicitur primo, quod in illis verbis, quem suis operibus ostendit beatus solus rex regum, &c. non excluditur vera filij diuinitas: quia non nominatur pater, sed id quod est commune patri & filio, scilicet beatus. vnde quod filius sit rex regum, &c. ostenditur Apocal. 19. Vestitus erat veste, &c. Dicitur secundò quod nec ex illis verbis, qui solus habet immortalitatem excluditur filius cum & sibi credentibus immortalitatem conferat, vt dicitur Ioan. 11. similiter & quod subditur, quem nemo hominum vidit, &c. scilicet secundum deitatem, certum est filio conuenire, cum dicatur Matth. 11. Nemo nouit filium, nisi pater. quoniam secundum carnem factus sit visibilis, vt patet ex Apostolo in eadē epistola, cum dicitur: Manifestum, &c. Dicitur tertio quod non cogit praedicatio auctoritatis, quasi oporteat alium esse ostendendum, & alii ostensum. nam & filius seipsum ostendit: vt patet Ioan. decimo quarto: Qui diligit, &c. Et ei dicitur, Ostende faciem tuam, & salui erimus. Ad tertiam quod pater dicitur maior filio secundum quod filius est minoratus, hoc autem est secundum assumptionem formae seruilis: ita tamen quod deo aequalis sit secundum formam diuinam, vt patet ex Apostolo ad Philip. 2. Cum in forma, &c. Dicitur secundum quod mirum non est si pater ex hoc eo maior dicatur, quia etiam ab angelis esse minoratum dicitur ad Hebr. 1. Et qui modico, &c. Dicitur tertio, quod ex hoc etiam patet filium secundum humanitatem esse patri subiectum: quod ex ipsa circumstantia literae Apostoli apparet: quae essent hoc conuenire Christo secundum quod mortuus est, & resurrexit. Ad quartam dicitur primo, quod pater dare filio, ex quo sequitur filium recipere, non ostendit aliquam indigentiam in filio, sed hoc requiritur ad hoc vt filius sit: quia non posset dici filius, nisi à patre genitus: esset vnde per hoc quod pater dare filio dicitur, nihil aliud intelligitur quam filij generatio per quam pater dedit filio suam naturam. Dicitur secundum, quod ex eo quod datur, intelligi potest. Ioannis enim decimo ostenditur id quod datur filio maius omnibus esse. hoc autem est diuina natura, in qua filius est patri aequalis. ad Philip. etiam secundum dicitur, quod dedit illi nomen quod est super omne nomen, &c. tale autem est nomen diuinitatis. Item omnia sibi dicuntur esse data à patre, hoc autem non esset nisi omnis plenitudo diuinitatis quae est in patre, esset in filio. Ex quibus patet hac datione generationem ipsam intelligi secundum quam pater filio veram deitatem dedit. Ex hoc inferitur quod cum Christus sibi patrem dedisse asserit, constituitur se verum filium contra Sabellium, ex magnitudine verò eius quod datur, constituitur se patri aequalem esse. Extra Arrium. Dicitur tertio quod ex dictis patet talem donationem indigentiam in filio non designare, ita quia non ante fuit filius quam sibi daretur: tum quia plenitudo dati hoc non patitur, vt indigere possit ille cui constat esse donatum. Si inissetur: quia ex tempore pater dedisse filio legitur in scripturis, sicut post resurrectionem Dominus discipulis dicit, &c. Data est mihi, &c. ad Philip. 2. dicitur quod propter hoc Deus ipsum, &c. Dicitur quod consuetus scripturae modus est vt aliqua dicantur



dicantur esse vel fieri quando innotescunt, & sic intelligendum est de Christi potestate, quæ post resurrectionem prædicantibus Apostolis est manifestata. hoc etiam ostenditur Ioannis decimo septimo per verba ipsius, Clarifica me pater, &c.

AD HVIVS responsionis evidentiam considerandum est, quod indigere aliqua re præsupponit esse. Nam quod non est, non potest dici aliquo indigere: similiter indigere aliquo includit carentiam alicuius. quod enim nulla re caret, sed quod omnem habet perfectionem, indigere non potest propter primum. ergo dixit sanctus Thomas, quod datio quæ pater dat filio divinam naturam, non ostendit indigentiam: quia ante ipsam dationem filius non erat, ut scilicet posset dici indigere: sed sicut ab æterno fuit, ita ab æterno à patre naturam accepit. Propter secundum dixit, quod plenitudo dari non patitur indigere illum cui datum est, etiam scilicet potest quæ est: quia si sibi data est omnis boni plenitudo, iam nullo potest indigere.

Ad quintam dicitur primò, quod filius per hoc quod à patre naturam divinam accepit, dicitur à patre audisse, & huiusmodi: quia cum intelligere & esse in Deo sit idem, communicatio naturæ divinæ est etiam intelligentiæ communicatio. communicatio autem intelligentiæ, demonstratio, vel locutio, siue doctrina dici potest. Non autem tale quid dicitur quasi prius filius fuerit ignorans, & postea pater eum docuerit, cum 1. Corin. 1. dicatur, Dei virtus & sapientia, non potest enim sapientia ignorans esse, neque virtus esse infirma. Dicitur secundò, quod cum dicitur filius non posse à se facere quicquam, nullam infirmitatem agendi demonstrat in filio, sed quia cum in Deo non sit aliud agere quàm esse, nec sua actio sit aliud quàm sua essentia: ita dicitur filius non posse agere à se, sicut quod non potest esse à se, sed solum à patre. Dicitur tertio quod licet filius à se non sit, nec à se operetur, est tamen per se, & per se operatur, quia sicut est per propriam naturam quam accipit à patre, ita & per propriam naturam à patre acceptam operatur.

AD HVIVS evidentiam considerandum est ex doctrina san. Tho. 1. Sen. dist. 32. q. 2. ar. 2. quod istæ propositiones, a, & per, in hoc differunt, quia a, designat tantum habitudinem principij per modum efficientis: sed per, designat habitudinem principij secundum quodlibet genus causæ. unde illud quod est ab aliquo, est per illud, sed non convertitur. Quia ergo in divinis non potest esse habitudo nisi per modum principij effectivi siue originantis, & per modum principij formalis, ista propositio per, in divinis alteram tantum illarum habitudinum importat. bene itaque hic dicitur quod filius non est à se, nec operatur à se, quia tunc significaretur quod à seipso haberet esse & operari, & non ab alio tanquam à principio originante, quod falsum est: cum habeat à patre esse & agere: sed bene dicitur per se esse & per se operari secundum quod ista præpositio per, construitur in habitudine principij formalis, est enim formaliter per suam, essentiam, & formaliter agit sua virtute. Nā per se, ut dicitur 5. Metaphysicæ, significat quod est per essentiam rei. Ad sextam dicitur primò, quod præcipere patrem filio, & filium patri obedire, conveniunt filio secundum quod est patri subiectus, quod non est nisi secundum humanitatem assumptam: quod ostenditur ex contextu Evangelij ubi allegatur, & etiam ex Apostolo ad Philip. 2. Dicitur secundò, quod etiam orare sibi convenit secundum humanam naturam, ut patet per Apostolum ad Hebr. 5. dicitur tertio quod etiam missus dicitur secundum carnem assumptam, secundum quod factus est ex muliere, ut ostenditur ad Gal. 4. quando etiam mitti dicitur filius inuisibiliter à patre, in quantum Deus, sine præiudicio æqualitatis ad patrem, ut inferius ostenditur.

Ad septimam similiter dicitur primò, quod filius non dicitur clarificari à patre, nisi secundum humanam naturam, in quantum sua claritas quæ occultata erat sub infirmitate carnis, per carnis glorificationem, & miraculorum operationem manifestata est in fide credentium populorum. Dicitur secundò, quod etiam secundum carnem suscitatus est, passus, & mortuus, ut patet 1. Petri 4. dicitur tertio, quod etiam exaltatus fuit secundum quod fuit humilitatus, scilicet secundum carnem: ut patet ad Philip. 2. unde ex prædictis non ostenditur filius esse minor patre nisi secundum humanitatem. Nam secundum divinam naturam filius propria virtute se exaltat. Psal. Exaltate, &c. Seipsum suscitavit. Ioan. 10. Potestatem, &c. Non solum seipsum, sed etiam patrem clarificat. Ioan. 17. Clarifica, &c. non quidem claritatem ei dando, sed eum mundo manifestando, qui suæ inuisibilitatis naturæ est occultus.

Ad octavam dicitur primò, quod cum Christus dicit, Sedere autem, &c. non ostendit filium distribuendum cælestium sedium potestatem non habere, tum quia per huiusmodi sessionem participatio vitæ æternæ intelligitur, cuius collationem ad se pertinere ostendit cum dicit Ioan. 10. Oves meæ, &c. tum quia ut dicitur Ioan. 5. pater omne iudicium dedit filio, ad iudicium autem pertinet ut pro meritis aliqui in cælesti gloria collocentur. Confirmatur etiam autoritate Mat. 25. ubi ostenditur ad potestatem filij pertinere statuere aliquem à dextris vel sinistris, siue referatur utrunque ad differentem gloriæ participationem, siue vnum referatur ad gloriam, & alterum ad poenam. Dicitur secundò quod sensus prædictorum verborum est, quod non erat suum hoc dare in quantum filius erat virginis ratione cuius ad eum pertinebat secundum carnalem propinquitatem, sed in quantum erat filius Dei, & quibus paratū erat à patre per prædestinationem æternam: quam quidem præparationem etiam ad filium pertinere ostenditur Ioan. 14. ubi dicitur. In domo, &c. iste sensus ostenditur ex eo quod cum mater illud peteret quadam fiducia propinquitatis carnalis quæ habebat ad Christum, respondit quod non pertinebat ad eum illis dare, non autem quod non pertineat absolute ad eius potestatem dare quod petebatur. Dicitur tertio quod non potest intelligi filium horam adventus sui ignorare, cum in eo sint omnes thesauri sapientiæ & scientiæ absconditi, & etiam patrem (quod maius est) perfectè cognoscat, sed quod ad modum ignorantis se habuit, dum discipulis non revelavit: consuetus enim modus in scripturis est ut Deus dicatur aliquo cognoscere, si illud cognoscere facit: ut patet Gene. 22. Nunc cognovi, &c. & sic per oppositum dicitur filius nescire, quod non facit nos scire. Dicitur quarto quod tristitia, timor, & huiusmodi ad Christum pertinent secundum quod est homo. Ad nonā dicitur primò, quod authoritas allegata potest intelligi non de ea sapientia quæ est filius Dei, sed de ea quam Deus indidit creaturis, de qua dicitur Ecclesiastici 1. Ipse creavit eam, &c. Di-

citur secundò, quod potest etiam referri ad naturam creatam assumptam: ut sit sensus, Ab initio creata sum, id est, præiusta sum creaturæ vnitæ. Dicitur tertio quod potest etiam de filio intelligi, ut per hoc quod sapientia & creatura, & genita nuncupatur, modus divinæ generationis nobis infinuatur, ut scilicet ex creatione accipiat immutabilitas patris, & ex generatione unitas naturæ in patre & filio. & sic huiusmodi scripturæ intellectum synodus exposuit, ut patet per Hilarium.

ADVERTENDVM est, quod tunc nomen aliquod in suo significato importat aliquid perfectionis & aliquid imperfectionis, non inconuenit illud in divinis assumi ratione perfectionis quam importat, licet ratione importatæ imperfectionis non assumatur, ut est in doctrina san. Tho. vulgatissimum. Quia ergo in creatione creans non mutatur, quod perfectio est, creatum vero non recipit naturam creatis, quod est imperfectionis: sicut per oppositum in generatione quod generatur, accipit naturam generantis, sed generans ipse apud nos mutatur: non est inconueniens creationem de filio Dei dici, in quantum per ipsam significatur immutabilitas patris producetis. Et sic filius potest dici creatus in quantum in sui productione pater nullo modo est mutatus. Ex quo sensu apparet propter hoc non debere filium Dei creaturam simpliciter & proprie dici, sed secundum quid tantum & improprie, in quantum nomen creationis sibi non attribuitur ratione totius suæ significationis, sed tantum ratione patris. Ad decimam dicitur quod ex eo, quod filius dicitur primogenitus creaturæ, non ostenditur quod sit in ordine creaturarum, sed quod est & accipit à patre, à quo sunt & accipiunt creaturæ, licet ipse eandem naturam accipiat, non autem creaturæ, propter quod dicitur etiam unigenitus. Ad undecimam dicitur primò, quod loquitur filius de vniōe per amorem, quo modo pater & filius sunt vnum, & discipulos vnum esse oportet. Dicitur secundò quod hic vniōis modus, scilicet inter patrem & filium, non excludit essentia unitatem, sed magis eam demonstrat, cum dicatur Ioan. 3. Pater diligit filium, &c.

#### Solutio ad authoritates Photini & Sabellij. Cap. 9.



X his autem consideratis apparet, quod nec ea quæ Photinus & Sabellius pro suis opinionibus ex sacris scripturis adducebant, eorum errores confirmare possunt.

1 Nam quod Dominus post resurrectionem dicit Matth. ultimo. Data est mihi omnis potestas in cælo & in terra: non ideo dicitur quasi tunc de nouo hanc potestatem acceperit: sed quia potestas quam filius Dei ab æterno acceperat, in eodem homine factio apparere inceperat per victoriam quæ de morte habuerat resurgendo.

2 Quod verò Apostolus dicit ad Rom. 1. de filio loquens. Qui factus est ei ex semine Dauid: manifestè ostenditur qualiter sit intelligendum ex eo quod additur, secundum carnem. non enim dixit quod filius Dei esset simpliciter factus, sed quod factus esset ex semine Dauid secundum carnem, per assumptionem humanæ naturæ: sicut & Ioan. 1. dicitur. Verbum caro factum est. unde etiam pater quod hoc quod sequitur, Qui prædestinatus est filius Dei in virtute: secundum humanam naturam ad filium pertinet. Quod enim humana natura filio Dei vniretur, ut sic homo posset dici filius Dei, non fuit ex humanis meritis, sed ex gratia Dei prædestinantis.

3 Similiter etiam quod idem Apostolus ad Philip. dicit, quod Deus Christum propter passionis meritum exaltauit: ad humanam naturam referendum est, in quâ fuerat humilitas passionis. unde & quod subditur: Dedit illi nomen, quod est super omne nomen: ad hoc referendum est, quod nomen conueniens filio ex natiuitate æterna, manifestandum esset in fide populorum hoc conuenire filio incarnato.

4 Per quod & manifestum est, quod id quod dicit Petrus, quod Deus Iesum Christum & Dominum fecit: ad filium referendum est secundum humanam naturam, in quâ incepit id habere ex tempore, quod in natura diuinitatis habuit ab æterno. \* Quod etiam Sabellius introducit de vniūte deitatis, Audi Israël, \* Dominus Deus tuus Deus vnus est. &. Videre quod ego sim solus, & non sit alius Deus præter me: sententiæ catholicæ fidei non repugnat, quæ patrem & filium non duos deos, sed vnum Deum esse confitetur, ut dictū est. Similiter etiam quod dicitur, Pater in me manens ipse facit opera: & ego in patre, & pater in me est: non ostendit vniūtem personæ ut volebat Sabellius: sed vniūtem essentiæ, quam Arrius negabat. Si enim esset vna persona patris & filij, non congruè diceretur pater esse in filio, & filius in patre: cum non dicatur proprie idem suppositum in seipso esse, sed solum ratione partium, quia enim partes in toto sunt, & quod conuenit partibus, solet

\* Deut. 6.

\* Deut. 10.

Ioan. 14.



folet attribui toti, quandoque dicitur aliquod totum esse in seipso. hic autem modus loquendi non comperit in diuinis, in quibus partes esse non possunt: ut in primo ostensum \* est. Relinquitur igitur cum pater in filio, & filius in patre esse dicatur: quod pater & filius non sint idem supposito: sed ex hoc ostenditur quod patris & filij sit essentia vna. hoc enim posito, manifeste apparet qualiter pater est in filio, & filius in patre. Nam cum pater sit sua essentia, quia in Deo non est aliud esse, & essentiam habens: ut in primo est \* ostensum: relinquitur quod in quocunque sit essentia patris, sit pater: & eadem ratione in quocunque sit essentia filij, est filius. unde cum essentia patris sit in filio, & essentia filij in patre, eo quod vna est essentia vtriusque, ut fides catholica docet: sequitur manifeste quod pater sit in filio, & filius sit in patre. Et sic eodem verbo & Sabellij & Arrij error confutatur.

## Super Cap. 9.

**Q**UANTUM quod rationes Arrij contra catholicam fidem inualide sunt, vult S. Th. ex praedictis ostendere, quod nec etiam ea quae pro suis opinionibus Photinus & Sabellius ex sacris scripturis adducebant, eorum errores confirmant. Et primo respondet ad Photinum, secundo ad Sabellium. Quantum ad primum dicit ad primam auctoritatem, quod non dicit Christus datam sibi potestatem quasi tunc eam de nouo acceperit, sed quia quam ab aeterno acceperat, ea in ipso facto homine inceperat apparere per viam quam habuerat resurgendo. Ad secundam dicitur quod filius Dei dicitur factus non simpliciter, sed secundum carnem per assumptionem humanae naturae, quo modo dicitur: Verbum caro factum est, ut patet per Apostolum. Similiter dicitur praedestinatus secundum humanam naturam quae ad filium pertinet. eius enim vnio cum filio non fuit ex humanis meritis, sed ex gratia Dei praedestinantis.

Ad tertiam dicitur primum quod ad humanam naturam in qua fuerat humilitas passionis, referentem est quod dicitur Deum per passionis meritis Christum exaltasse. Dicitur secundo, quod sic intelligendum est patrem illi dedisse nomen super omne nomen, quod nomen conueniens filio ex nativitate aeterna, manifestandum erat in fide populorum conuenire filio incarnato. Ad quartam dicitur quod Petrus intellexit Deum Iesum fuisse Christum, & Dominum secundum humanam naturam, in qua incipit id habere ex tempore, quod in natura diuinitatis habuit ab aeterno. Quantum ad secundum responditur primum ad auctoritates a Sabellio inductas de vnitatem deitatis, & dicitur quod non repugnant catholicae fidei ponentis patrem & filium non duos deos sed vnum Deum, ut dictum est superius.

Ad id quod Christus dicit, Pater in me manens, &c. dicitur quod ostendit vnitatem essentiae, non autem vnitatem personae. Si enim esset vna persona patris & filij, non congrue diceretur pater esse in filio, & econuerso, cum non dicitur proprie idem suppositum in seipso esse, sed solum ratione partium, quo modo aliquando totum dicitur esse in seipso, eo quod partes sunt in toto, quod enim conuenit partibus, solet attribui toti, qui motus in diuinis, in quibus partes esse non possunt, non congruit. Dicitur secundo quod ex vnitatem essentiae apparet qualiter pater est in filio, & filius in patre. Nam cum pater sit sua essentia, relinquitur quod in quocunque sit essentia patris, sit pater, unde cum essentia patris sit in filio, sequitur quod pater est in filio, & eadem ratione filius in patre. Et sic eodem verbo & Sabellij & Arrij error confutatur.

Ad euidentiam eius quod hic secundo loco dicitur, considerandum est primum, quod vnum esse in alio includit & distinctionem illorum, eo quod idem in seipso esse non possit: & quandam illorum vnionem, si enim aliqua omnino separata sunt, vnum illorum non dicitur in alio esse. Dicitur ergo filius esse in patre, & econuerso, in quantum cum sint duo supposita realiter distincta, habent vnam numero essentiam, quae est eadem vtrique supposito. non enim sola vnitatem essentiae in vtroque supposito est ratio huius, sed haec vnitatem simul cum omnimoda identitate suppositi ad essentiam: ut patet ex S. Th. super Ioan. ca. 14. & in hoc ca. atque etiam prima parte q. 42. artic. 5. unde talis vnitatem essentiae & identitatis eius cum supposito est ratio quod vnum dicatur esse in alio: distinctio vero inter ipsas personas huic existentiae praesupponitur. Considerandum secundo, quod licet semper quando vnum dicitur in alio esse, inter illa aliquam distinctionem esse oporteat, ubi tamen vnum est realiter in altero, non sufficit quaecunque distinctio, sed necesse est inter illa realem esse distinctionem: & ideo ubi vnum ab altero realiter non distinguitur, non potest proprie dici vnum in alio esse: licet si secundum rationem distinguantur, vnum possit dici esse in altero secundum rationem, aliis conditionibus requisitis existentibus, propter hoc essentia diuina non dicitur realiter esse in filio, si proprie loquamur, sed tantum secundum modum intelligendi & significandi, non enim a filio realiter distinguitur: sed bene pater est in filio, realiter, a quo distinguitur, cum sit idem quod sua essentia, ipsamque non deferat: & sua essentia sit in filio. Ex quo patet solutio ad argumentum Aureoli recitata a Capreolo primo Sen. d. 19. cum arguitur quod eadem ratione posset concludi, quod filius esset in filio, & quod filius esset in essentia. patet enim quod optime quidem arguitur patrem esse in filio: quia sua substantia est in illo, eo quod pater & filius realiter distinguantur: non autem hac ratione de illis quae adducuntur, idem concludi potest, quia filius nec a seipso nec a sua essentia realiter distinguitur. Si autem infertur: quia non videtur ratio adducta a san. Th. concludere quod pater sit in filio realiter, sed tantum secundum rationem: quia non videtur alia ratione pater esse in filio quam quia sua essentia sit in

eo, cum non sit in filio nisi ratione essentiae, essentia autem non est in filio, nisi secundum rationem iuxta praedicta. Respondetur, quod licet essentia patris in quantum est etiam in filio, sit id ratione cuius pater dicitur esse in filio, non tamen oportet quod eodem modo essentia sit in filio & patre: quia non obstante vnitatem numerali essentiae patris & filij, est inter patrem & filium secundum oppositionem relationum realis distinctio. & ideo sicut cum vnitatem numerali essentiae stat distinctio realis personarum, ita cum existentia rationis essentiae in filio & in patre, stat realis existentia patris in eo, propter eorum realem distinctionem. Non putet autem aliquis me dicere essentiam diuinam non esse in filio realiter, quasi ipsa realitas essentiae filio non attribuitur. hoc enim non intelligo: sed quod cum per istam propositionem In, importetur distinctio praesuppositiue saltem realitas essentiae, quae filio realiter identificatur, non habet illam realem distinctionem quae importatur cum dicitur, vnum esse in alio realiter, licet essentiae realitas sit in filio, id est non sit extrinsece a filio.

ADVERTENDUM tertio quod iste modus essendi In, non est proprie aliquis illorum modorum essendi in aliquo, qui a Philosopho quarto Physic. enumerantur, sed tamen per quandam similitudinem remotam potest ad aliquos illorum reduci. Vt enim habetur ex doctrina san. Th. Sen. d. 9. q. 3. ar. 2. ad primum, dupliciter possumus loqui de esse vnius personae in alia: vno modo secundum esse, alio modo secundum intellectum. Primo modo reducitur ad illum modum quo genus est in sua specie, intelligitur sicut dixi, reductione remota: quia cum propter vnitatem essentiae pater dicitur esse in filio, eo quod sua essentia sit in filio, ad illum modum reducitur ad quem reduceretur si essentia diceretur esse in filio, sicut in rebus materialibus essentia est in supposito a quo aliquo modo realiter distinguitur, ut est ostensum superius. iste autem modus reducitur ad illum modum quo genus est in specie. secundo autem modo reducitur ad illum modum quo aliquid est in suo principio efficiente vel originante, & econuerso originans in originato si relatiue sumantur: quia videlicet vnum est de intellectu & ratione alterius, sicut vnum relatiue alterius ratione ingreditur: & ad hunc sensum intelligitur quod ait san. Th. prima parte loco allegato primum. Pater ergo ex istis quod proprie loquendo patrem esse in filio secundum esse & econuerso, nihil aliud est quam patrem distinctum realiter a filio, esse illi consubstantialtem, & eiusdem numero essentiae cum ipso, & econuerso. Apud Scotum vero primo Sen. dist. 16. patrem esse in filio, est ipsum illi esse praesentem praesentia subsistentis ad subsistentem cum vnitatem naturae talem praesentiam exigente, quod in idem redit cum eo quod diximus. Cetera vide apud Capreolum loco allegato.

CIRCA id quod dicitur vno verbo errorem Arrij & Sabellij confutari, aduertendum est quod cum, ut ostensum est, patrem esse in filio ostendat, & distinctionem illorum personalem, & vnitatem essentiae in illis, atque consubstantialitatem: per hoc quod importat personarum distinctionem, excluditur error Sabellij ponentis vnam esse personam patris & filij: per hoc vero quod importat consubstantialitatem & vnitatem essentiae, excluditur error Arrij dicentis filium esse creaturam, & non esse eiusdem essentiae cum patre.

## Rationes contra generationem &amp; processionem diuinam. Cap. 10.



**M**NIBVS igitur diligenter consideratis, manifeste apparet hoc nobis de generatione diuina in sacris scripturis proponi credendum, quod pater & filius etsi personis distinguantur, sunt tamen vnus Deus, & vna habent essentiam

seu naturam. Quia vero a creaturarum natura hoc inuenitur valde remotum, ut aliqua duo supposito distinguantur, & tamen eorum sit vna essentia: humana ratio ex creaturarum proprietatibus procedens, multiplicem in hoc secreto diuinae generationis patitur difficultatem. Nam cum generatio nobis nota, mutatio quaedam sit, cui opponitur corruptio: difficile videtur in Deo generationem ponere, quae est immutabilis, incorruptibilis, & aeterna: ut ex superioribus patet. \* lib. 1. cap. 13. & 15.

2. Amplius si generatio mutatio est: oportet omne quod generatur, mutabile esse: quod autem mutatur, exit de potentia in actum. nam motus est actus existentis in potentia secundum quod huiusmodi. si igitur filius Dei est genitus, videtur quod neque aeternus sit, tanquam de potentia in actum exiens: neque verus Deus, ex quo non est actus purus, sed aliquid potentialitatis habens.

3. Adhuc, genitum naturam accipit a generante. si ergo filius genitus est a Deo patre: oportet quod naturam quam habet, a patre acceperit. non est autem possibile quod acceperit a patre aliam naturam numero quam pater habet, & similem speciei: sicut fit in generationibus vniuersis: ut cum homo generat hominem, & ignis ignem: supra enim ostensum \* est, quod impossibile est esse plures numero deitates. \* Cap. 9. huius & lib. 1. cap. 42.

4. Videtur etiam esse impossibile quod receperit eandem naturam numero, quam pater habet: quia si recepit partem eius, sequitur diuinam naturam esse diuisibilem. si autem tota, videtur sequi quod natura diuina si sit tota transfusa in filium, desinat esse in patre: & sic pater generando corrumpitur. Neque iterum potest dici quod natura diuina per



per quandam exuberantiam effluat à patre in filium: sicut aqua fontis effluit in riuum, & fons non euacuatur: quia natura diuina sicut non potest diuidi, ita nec augeri. videtur ergo reliquum esse, quod filius naturam à patre acceperit, non eandem numero nec specie quam pater habet, sed omnino alterius generis, sicut accidit in generatione æquiuoca: vt cum animalia ex putrefactione nata virtute solis generantur, ad cuius speciem non attingunt: sequitur ergo quod Dei filius neque verus filius sit, cum non habeat speciem patris: neque verus Deus, cum non recipiat diuinam naturam.

4 Item, si filius recipit naturam à Deo patre, oportet quod in eo aliud sit recipiens, & aliud natura recepta. nihil enim recipit seipsum. filius igitur non est sua essentia vel natura: non est igitur verus Deus.

\* Cap. 21. 22. 5 Præterea, si filius Dei nō est aliud quam essentia diuina: cum essentia diuina sit subsistens, vt in primo \* probatum est: constat autem quod etiam pater est ipsa essentia diuina: videtur relinqui quod pater & filius conueniant in eadem re subsistente: res autem subsistens in intellectualibus naturis vocatur persona. sequitur ergo si filius est ipsa diuina essentia, quod pater & filius conueniant in persona. si autē filius nō est ipsa diuina essentia, nō est verus Deus. hoc enim de Deo probatum est in primo \*: videtur igitur quod vel filius non sit verus Deus, vt dicebat Arrius, vel nō sit alius personaliter à patre, vt Sabellius asserbat.

\* Cap. 21.

6 Adhuc, illud quod est principium indiuiduationis in vnoquoque modo, impossibile est inesse alteri quod supposito distinguatur ab eo. Quod enim in multis est, non est indiuiduationis principium. ipsa autem essentia Dei est per quam Deus indiuiduatur. non enim essentia Dei est forma in materia, vt per materiam indiuiduari posset: non est igitur aliud in Deo patre per quod indiuidetur, quam sua essentia. eius igitur essentia in nullo alio supposito esse potest. aut igitur nō est in filio: & sic filius non est verus Deus secundum Arrium: aut filius non est alius supposito à patre: & sic est eadem persona vtriusque, secundū Sabellium.

7 Ampl. si pater & filius sunt duo supposita, siue duæ personæ, & tamē sunt in essentia vnum: oportet in eis esse aliquid præter essentiā, per quod distinguantur: nam essentia communis vtrique; ponitur: quod autem commune est, non potest esse distinctionis principium: oportet igitur id quo distinguuntur pater & filius esse aliud ab essentia diuina. Est ergo persona filij cōposita ex duobus, & similiter persona patris. scilicet ex essentia communi, & ex principio distinguente: vterque igitur est compositus: neuter ergo est verus Deus. Si quis autem dicat, distinguuntur sola relatione, prout vnus est pater, aliud quod est filius: quæ autem relatione prædicantur, non aliud videntur prædicare in eo de quo dicuntur, sed magis ad aliud: & sic per hoc cōpositio non inducitur: videtur quod hæc responsio non sit sufficiens ad prædicta inconuenientia vitanda: nā relatio non potest esse absque aliquo absoluto in quolibet enim relatione oportet intelligi quod ad se dicitur præter id quod ad aliud dicitur: sicut seruus ad aliquid est absolute præter id quod ad dominum dicitur. Relatio igitur illa per quam pater & filius distinguantur, oportet quod habeat aliquod absolutum in quo fundetur. aut igitur illud absolutum est vnum tantum: aut sunt duo absoluta. si est vnum tantum, in eo non potest fundari duplex relatio: nisi forte sit relatio identitatis, quæ distinctionem operari non potest: sicut dicitur idem eidem idem. si ergo sit talis relatio quod distinctionem requirat, oportet quod primò intelligatur absolutorum distinctio: non ergo videtur possibile quod personæ patris & filij solis relationibus distinguantur.

8 Præterea, oportet dicere quod relatio illa quæ filium distinguit à patre, aut sit res aliqua, aut sit in solo intellectu. si autem sit res aliqua: non autem videtur esse illa res quæ est diuina essentia: quia diuina essentia communis est patri & filio: erit ergo in filio aliqua res quæ non est eius essentia: & sic non est verus Deus. ostensum est enim in primo \* quod nihil est in Deo quod non sit sua essentia. si au-

\* Cap. 18. 23.

tem illa relatio sit in intellectu tantum: non potest personaliter distinguere filium à patre. quæ enim personaliter distinguuntur, realiter oportet distingui.

9 Item, omne relatiuum dependet à suo correlatiuo: quod autem dependet ab altero, non est verus Deus: si igitur persona patris & filij relationibus distinguantur, neuter erit verus Deus.

10 Adhuc, si pater est Deus, & filius est Deus, oportet quod hoc nomē Deus de patre & filio substantialiter prædicetur: cum diuinitas accidens esse non possit. prædicatum autem substantiale est quod verè est ipsum de quo prædicatur. nā cū dicitur, homo est animal, quod verè homo est, animal est: & similiter cū dicitur, Sortes est homo: quod verè Sortes est, homo est. Ex quo videtur sequi quod impossibile sit ex parte subiectorum inueniri pluralitatem: cum vnitas sit ex parte substantialis prædicati. Non enim Sortes & Plato sunt vnus homo: licet sint vnum in humanitate, neque homo & asinus sunt vnum animal, licet sint vnum in animali. si ergo pater & filius sunt duæ personæ, impossibile videtur quod sint vnus Deus.

11 Amplius, opposita prædicata pluralitatem ostendunt in eo de quo prædicantur, de Deo autem patre & de Deo filio opposita prædicantur: nam pater est Deus ingenuus, & generans, filius autem est Deus genitus. non igitur videtur esse possibile quod pater & filius sint vnus Deus. Hæc igitur & similia sunt ex quibus aliqui diuinorum mysteria propria ratione metiri volentes, diuinam generationem impugnare nituntur. Sed quia veritas in seipsa fortis est, & nulla impugnatione conuellitur: oportet intendere ad ostendendum quod veritas fidei ratione superari non possit.

#### Super Cap. 10.



OSTQVAM ex sacre scripturæ autoritatibus ostendit sanctus Theologus generationem, filiationem, paternitatemque in diuinis esse, vult nunc dictæ generationis modum inuestigare. Circa hoc autem tria facit. Primò inducit rationes contra ipsam generationem. Secundò veritatem determinat, cap. seq. Tertiò respondet ad obiecta, cap. 14. Quantum ad primum ait, quod cum ex sacris scripturis credendum nobis proponatur patrem & filium, & si personis distinguantur esse, tamē vnum Deum, vnāqueque habere essentiam seu naturam, & hoc à creaturarum natura valde remotum esse videatur, humana ratio ex creaturarum proprietatibus procedens multiplicè in hoc secreto patitur difficultatem. Et primò quia generatio nobis nota, mutatio quedam est, cui opponitur corruptio. Deus autem est immutabilis, incorruptibilis & æternus. Secundo, quia sequitur, si filius Dei est genitus, quod sit æternus, vt potest de potentia in actum exiens, cum omne quod generatur, mutabile sit, quod autem mutatur, exeat de potentia in actum, neque sit Deus verus ex quo aliquid potentialitatis habet. Tertiò, quia filius neque aliam naturam numero, specie verò eadem, à patre accepit, cum non possint esse plures numero deitates. nec eandem numero, qui neque eius partem, cum natura diuina indiuisibilis sit: neque totam, quia sic desineret esse in patre, vt potest transfusa in filium, & sic pater generando corrumperetur: neque potest hoc esse per quādam exuberantiam, sicut aqua fontis effluit in riuum, & fons non euacuatur: quia diuina natura, sicut non potest diuidi, ita nec augeri. Si verò accepit naturam alterius generis à patre, sicut in generationibus æquiuocis accidit, sequitur quod filius verus Deus non sit.

Quartò, quia sequitur, quod filius non sit sua essentia vel natura, quia tunc oporteret vt aliud esset recipiens, & aliud natura recepta. Quintò, quia si filius non est aliud quam sua essentia: quæ essentia diuina sit subsistens, & etiam pater sit sua essentia, relinquitur quod pater & filius conueniant in eadem re subsistente, & per consequens, quod conueniant in persona, cum in intellectualibus naturis res subsistens vocetur persona. Si autem filius non est ipsa diuina essentia, nō erit verus Deus. Sextò, quia cum in patre nō sit aliud indiuiduationis principium, quam sua essentia, eod quod pater sit idem quod Deus: essentia autem Dei sit per quam Deus indiuiduatur, vt potest quæ non sit forma, in materia, eius essentia in nullo alio supposito esse potest: nam quod est indiuiduationis principium in vnoquoque, impossibile est inesse alteri supposito: & sic sequitur aut quod non sit in filio, & sic non erit Deus verus: aut quod filius non sit alius supposito à patre. Septimò, quia si pater & filius sunt duo supposita, & vnum in essentia, oportet in eis esse aliquid præter essentiam quo distinguantur: & sic persona filij cōposita erit, & similiter persona patris, ac sic neuter erit verus Deus. Si dicatur quod sola relatione distinguuntur, in quantum vnus est pater, & alius est filius: quæ autem relatione dicuntur, non aliud prædicant, sed ad aliud: hoc nō videtur sufficiens, tum primò, quia cum relatio non possit esse absque aliquo absoluto, aut illud absolutum in quo fundatur relatio patris & filij, est vnum tantum, aut duo. non primum: quia in eodem non potest fundari duplex relatio, nisi forte relatio identitatis, quæ distinctionem operari nō potest: ergo secundum. ergo oportet vt præ intelligatur absolutorum distinctio, ergo &c. tum secundo, quia relatio quæ distinguit filium à patre, si est res aliqua, cum non videatur esse ipsa diuina essentia, eod quod illa communis, erit in filio aliqua res quæ non est eius essentia, & sic non erit verus Deus. si autem sit in intellectu



Intellectum tantum, non poterit personaliter filium à patre distinguere. tum tertio: quia tunc neuter erit verus Deus. Nam omne relatiuum dependet à suo correlatiuo: quod autem dependet ab altero, non est verus Deus. Quia si pater est deus, & similiter filius, hoc nomen Deus de utroque substantialiter predicabitur. impossibile autem est ex parte subiectorum inueniri pluralitatem, cum vnitas fuerit ex parte substantialis predicati, intellige de vnitate numerali: quia pradicatum substantiale est quod verè est ipsum de quo pradicatur: & sic videtur si pater & filius sint duæ personæ, impossibile esse vt sint vnus deus. Nonò: quia de Deo patre & de Deo filio opposita pradicantur. nã pater est Deus ingenuus, filius autem Deus genitus: opposita autem pradicata pluralitatem ostendunt in eo de quo pradicantur. Vltimò: pro subsequenda solutione addit (san. Tho.) quòd quia veritas in seipsa fortis est, & nulla impugnatione conucllitur, ostendendum est fidei veritatem ratione superari non posse.

*Quomodo accipienda sit generatio in diuinis, & qua de filio Dei dicuntur in scripturis.*

Cap. II.



**P**RINCIPIUM autè huius intentionis hinc fumere oportet, quòd secundum diuersitatem naturarum diuersus emanationis modus inuenitur in rebus: & quantò aliqua natura est altior, tantò id quod ex ea emanat, magis est intimum. In rebus enim omnibus inanimata corpora infimum locum tenent: in quibus emanationes aliter esse non possunt, nisi per actionem vnus eorum in aliquod alterum. sic enim ex igne generatur ignis, dum ab igne corpus extraneum alteratur, & ad qualitatem & speciem ignis perducitur. Post inanimata verò corpora proximum locum tenent plantæ: in quibus iam emanatio ex interiori procedit, in quantum. s. humor plantæ intraneus in semen conuertitur: & illud semen terræ mādaturū crescit in plantam. Iam ergo hic primus gradus vitæ inuenitur. nam viuencia sunt quæ seipsa mouent ad agendum. illa verò quæ non nisi exteriora mouere possunt, omnino sunt vitæ carentia. In plantis verò hoc indicium vitæ est, quòd id quod in ipsis est, mouent ad aliquam formam: est tamen vitæ plantarum imperfecta: quia emanatio in eis licet ab interiori procedat, tamen paulatim ab interioribus exiens quod emanat, finaliter omnino extrinsecum inuenitur. humor enim arboris primò ab arbore egrediens fit flos, & tandem fructus ab arboris cortice discretus, sed ei colligatus: perfectò autè fructu omnino ab arbore separatur: & in terram cadens semina virtute producit aliam plantam. Si quis etiam diligenter consideret, primū huius emanationis principium ab exteriori sumitur. nam humor intrinsecus arboris per radices à terra sumitur, de qua planta suscipit nutrimentum. Ultra plantarum verò vitam altior gradus vitæ inuenitur, quæ est secundum animam sensitiuam: cuius emanatio propria etsi ab exteriori incipiat, in interiori tamè terminatur: & quantò emanatio magis inceserit, tantò magis ad intima deuenitur. sensibile enim exterius formā suā exterioribus sensibilibus ingerit, à quibus procedit in imaginatione: & ulterius in memoriæ thesaurū. in quolibet tamen huius emanationis processu principium & terminus pertinent ad diuersa. non enim aliqua potentia sensitua in seipsam reflectitur. Est ergo hic gradus vitæ tantò altior quam vitæ plantarum, quantò operatio huius vitæ magis in intimis continetur: non tamen est omnino vitæ perfecta: cum emanatio semper fiat ex vno in alterum. est igitur supremus & perfectus gradus vitæ, qui est secundum intellectum: nam intellectus in seipsum reflectitur, & seipsum intelligere potest. Sed & in intellectuali vitæ diuersi gradus inueniuntur: nam intellectus humanus etsi seipsum cognoscere possit, tamen primum suæ cognitionis initium ab extrinsecò sumit: quia non est intelligere sine phatasmate, vt ex superioribus patet. perfectior igitur est intellectualis vitæ in angelis, in quibus intellectus sui cognitionem non procedit ex aliquo exteriori: sed per se cognoscit seipsum: nondum tamen ad vltimam perfectionem vitæ ipsorum pertingit: quia licet intentio intellecta sit eis omnino intrinseca, non tamen ipsa intentio intellecta est eorum substantia: quia non est idem in eis intelligere & esse, vt ex superioribus patet. Vltima igitur perfectio vitæ cōpetit Deo, in quo nō est aliud intelligere, & aliud

esse: vt supra ostensum est. & ita oportet quòd intentio intellecta in Deo sit ipsa diuina essentia. Dico autè intentionem intellectam, id quòd intellectus in seipso concipit de re intellecta. Quæ quidem in nobis neque est ipsa res quæ intelligitur, neque est ipsa substantia intellectus: sed est quædam similitudo concepta intellectu de re intellecta quam voces exteriores significant: vnde & ipsa intentio verbum interius nominatur, quod est exteriori verbo significatum. Et quidem quòd pradicata intentio non sit in nobis res intellecta, inde apparet, quòd aliud est intelligere rem, & aliud est intelligere ipsam intentionem intellectam: quòd intellectus facit dum super suum opus reflectitur: vnde & alia scientiæ sunt de rebus, & alia de intentionibus intellectis. Quòd autem intentio intellecta non sit ipse intellectus in nobis, ex hoc patet, quòd esse intentionis intellectæ etiam in ipso intellectu consistit, non autem esse intellectus nostri: cuius esse non est suum intelligere. Cum ergo in Deo sit idem esse & intelligere, intentio intellecta in ipso est eius intellectus: & quia intellectus in eo est res intellecta: intelligendo enim se intelligit omnia alia vt in primo \* ostensum est: relinquitur quòd in Deo intelligente seipsum, sit idem intellectus & res quæ intelligitur, & intentio intellecta. His igitur consideratis vtunque concipere possumus qualiter sit diuina generatio accipienda. Patet enim quòd non est possibile sic accipi generationem diuinam sicut in rebus inanimatis generatio inuenitur, in quibus generans imprimit suam speciem in exteriorem materiā. Oportet enim secundum positionem fidei, quòd filius à Deo genitus veram habeat deitatem, & sit verus Deus: ipsa autem deitas non est forma materiæ inhærens: neque Deus est ex materia existens, vt in primo \* probatum est. Similiter autem non potest accipi diuina generatio ad modum generationis quæ in plantis inuenitur, & etiam in animalibus, quæ communiceant cum plantis in nutritiua & generatiua virtute. separatur enim aliquid quod erat in planta vel animali ad generationem similis in specie, quod in fine generationis est omnino extra generantem: à Deo autem, cum inuisibilis sit, non potest aliquid separari. ipse etiam filius à Deo genitus non est extra patrem generantem, sed in eo, sicut ex superioribus authoritatibus patet. Neque etiam potest diuina generatio intelligi secundum modum emanationis, quæ inuenitur in anima sensitua. non enim Deus ab aliquo exteriori accipit vt in alterū influere possit. non enim esset primum agens. operationes etiam animæ sensitivæ non complentur sine corporalibus instrumentis. Deū autem manifestum est incorporeum esse. relinquitur igitur quòd generatio diuina secundum intellectualem emanationem sit intelligenda. Hoc autem sic manifestari oportet. \* Manifestum est enim ex his quæ in primo declarata sunt, quòd Deus seipsum intelligit. omne autem intellectum in quantum intellectum oportet esse in intelligente. significat enim ipsum intelligere apprehensionem eius quod intelligitur per intellectum. vnde etiam intellectus noster seipsum intelligens est in seipso, nō solum vt idem sibi per essentiam, sed etiam vt à se apprehensum intelligendo. oportet igitur quòd Deus in seipso sit vt intellectum in intelligente: intellectum autem in intelligente est intentio intellecta & verbum: est igitur in Deo intelligente seipsum, & verbum Dei quasi Deus intellectus: sicut verbum lapidis in intellectu est lapis intellectus. Hinc est quòd Ioannis primo dicitur: Verbum erat apud Deum. Quia verò intellectus diuinus non exit de potetia in actum, sed semper est actu existens, vt in primo \* probatum est, ex necessitate oportet quòd semper seipsum intellexerit. Ex hoc autem quòd seipsum intelligit: oportet quòd verbum ipsius in ipso sit, vt ostensum est. necesse est igitur semper verbum eius in Deo extitisse. Est igitur coeternum Deo verbum ipsius, nec accedit ei ex tempore, sicut intellectui nostro accedit ex tempore verbum interius conceptum, quod est intentio intellecta. Hinc est quòd Ioan. i. dicitur: In principio erat verbum. Cum autem intellectus diuinus non solum sit semper in actu,

\* Cap. 55. & cap. 49.

Cap. 17. & 76.

\* Cap. 47.

\* Cap. 56.

accedit

\* 2. lib. cap. 60. cognitio

et ip. qu. 7. d. 361.



\* Cap. 16.

actu, sed etiam sit ipse actus purus, ut in primo\* probatum est: oportet quod substantia intellectus diuini sit ipsum suum intelligere, quod est actus intellectus esse autem verbi interius concepti, siue intentionis intellectus, est ipsum suum intelligi. idem ergo esse, est verbi diuini & intellectus diuini: & per consequens ipsius Dei, qui est suus intellectus: esse autem Dei est eius essentia vel natura, quæ idem est quod

\* Cap. 22.

ipse Deus, ut in primo\* ostensum est. verbum igitur Dei est ipsum esse diuinum, & essentia eius, & ipse verus Deus. Non autem sic est de verbo intellectus humani. Cum enim intellectus noster seipsum intelligit, aliud est esse intellectus, & aliud ipsum eius intelligere. substantia enim intellectus erat in potentia intelligens antequam intelligeret actu. sequitur ergo quod aliud sit esse intentionis intellectus, & aliud intellectus ipsius: cum intentionis intellectus esse sit ipsum intelligi, unde oportet quod in homine intelligente seipsum,

D. 751. &  
1199.

verbum interius conceptum non sit homo verus, naturale hominis esse habens: sed sit homo intellectus tantum, quasi quædam similitudo hominis veri ab intellectu apprehensa. ipsum verò verbum Dei ex hoc ipso quod est Deus intellectus, est verus Deus, habens naturaliter esse diuinum: eo quod non est aliud naturale esse Dei, & aliud eius intelligere: ut dictum est. Hinc est quod Ioan. 1. dicitur: Deus erat verbum: quod quia absolute dicitur, demonstrat verbum Dei verum Deum debere intelligi. verbum enim hominis non posset dici simpliciter & absolute homo, sed secundum quid, scilicet homo intellectus: unde hæc falsa esset: homo est verbum: sed hæc potest esse vera, homo intellectus est verbum. Cum ergo dicitur, Deus erat verbum: ostenditur verbum diuinum non solum esse intentionem intellectam, sicut verbum nostrum: sed etiam rem in natura existentem & subsistentem: Deus enim verus res subsistens est: cum maxime sit per se ens. Non sic autem natura Dei est in verbo, ut sit una species & numero differens. sic enim verbum habet naturam Dei, sicut intelligere Dei est ipsum esse eius, ut dictum est: intelligere autem, est ipsum esse diuinum. verbum igitur habet ipsam essentiam diuinam non solum specie, sed etiam numero eandem. Item natura quæ est una secundum speciem, non diuiditur in plura secundum numerum, nisi propter materiam: diuina autem natura omnino immaterialis est: impossibile est igitur quod natura diuina sit una species, & numero differens, verbum igitur Dei in eadem natura numero comunicat cum Deo: propter quod verbum Dei, & Deus cuius est verbum, non sunt duo dii, sed vnus Deus. nam quod apud nos duo habentes humanam naturam sint duo homines, ex hoc contingit quod natura humana

\* Cap. 55. &  
31.

numero diuiditur in duobus. ostensum est autem\* in primo libro, quod ea quæ in creaturis diuisa sunt, in Deo simpliciter vnum esse: sicut in creatura aliud est essentia, & esse: & in quibusdam est etiam aliud quod subsistit in sua essentia, & eius essentia siue natura: nam hic homo non est sua humanitas, nec suum esse: sed Deus est sua essentia, & suum esse: & quamuis hæc in Deo vnum sint verissime: tamen in Deo est quicquid pertinet ad rationem vel\* subsistentiam, vel essentiam, vel ipsum esse. Conuenit enim ei non esse in aliis, in quantum est subsistens: esse quid in quantum est essentia: & esse in actu, ratione ipsius esse. Oportet igitur cum in Deo sit idem intelligens, & intelligere, & intentio intellecta, quod est verbum ipsius, quod verissime in Deo sit & quod pertinet ad rationem intelligentis, & quod pertinet ad rationem eius quæ est intelligere, & quod pertinet ad rationem intentionis intellectæ siue verbi. Est autem de ratione interioris verbi, quod est intentio intellecta, quod procedat ab intelligente secundum suum intelligere, cum sit quasi terminus intellectualis operationis. intellectus enim intelligendo concipit & format intentionem siue rationem intellectam, quæ est interius verbum. oportet igitur quod à Deo secundum ipsum suum intelligere procedat verbum ipsius. comparatur igitur verbum Dei ad Deum intelligentem cuius est verbum, sicut ad eum à quo est. hoc enim est de ratione verbi. Cum igitur in Deo intelligens, intelligere, & intentio intellecta, siue verbum sint per essentiam

\* alias subsistentia.

vnus, & per hoc necesse sit quod quodlibet horum sit Deus, remanet sola distinctio relationis, prout verbum refertur ad concipientem ut à quo est. Hinc est quod Ioan. euangelista quia dixerat, \* Deus erat verbum, ne omnino distinctio sublata intelligeretur verbi à Deo dicente siue concipiente verbum. subiunxit, Hoc erat in principio apud Deum: quasi dicat, hoc verbum quod Deus esse dixit, aliquo modo distinctum est à Deo dicente, & sic posset dici apud Deum esse. Verbum autem interius conceptum est quædam ratio & similitudo rei intellectæ. similitudo enim alicuius in altero existens, vel habet rationem exemplaris, si se habeat ut principium, vel habet potius rationem imaginis, si se habeat ad id cuius est, similitudo sicut ad principium, vtriusque autem exemplum in nostro intellectu percipitur. Quia enim similitudo artificiatæ existens in mente artificis, est principium operationis per quam artificiatum est, comparatur ad artificiatum ut exemplar ad exemplatum, sed similitudo rei naturalis in nostro intellectu concepta, comparatur ad rem cuius similitudo existit, ut ad suum principium: quia nostrum intelligere à sensibus principium accipit, qui per res naturales immutantur: cum autem Deus & seipsum intelligat, & alia, ut in primo\* ostensum est, eius intelligere principium est rerum intellectarum ab ipso, cum ab eo causentur per intellectum & voluntatem, sed ad intelligibile quod est ipse, comparatur ut ad principium. est enim hoc intelligibile idem cum intellectu intelligente, cuius quædam emanatio est verbum conceptum: oportet igitur quod verbum Dei comparatur ad res alias intellectas à Deo, sicut exemplar ad ipsum Deum, cuius est verbum, sicut eius imago. Hinc est quod de verbo Dei dicitur Col. primo, quod est imago inuisibilis Dei. Est autem differentia inter intellectum & sensum. nam sensus apprehendit rem quantum ad exteriora eius accidentia, quæ sunt color, sapor, quantitas, & alia huiusmodi, sed intellectus ingreditur ad interiora rei. Equia omnis cognitio perficitur secundum similitudinem quæ est inter cognoscens & cognitum: oportet quod in sensu sit similitudo rei sensibilis quantum ad eius accidentia, in intellectu verò sit similitudo rei intellectæ quantum ad eius essentiam. Verbum igitur in intellectu conceptum, est imago vel exemplar substantiæ rei intellectæ. cum ergo verbum Dei sit imago Dei, ut ostensum est, necesse est quod sit imago Dei quantum ad eius essentiam. Hinc est quod Apostolus dicit ad Hebræ. primo, quod est figura substantiæ Dei. Imago autem alicuius rei est duplex. Est enim aliqua imago quæ non comunicat in natura cum eo cuius est imago, siue sit imago eius quantum ad exteriora accidentia, sicut statua ænea est imago hominis, nec tamen est homo, siue sit imago quantum ad substantiam rei. ratio enim hominis in intellectu non est homo, nam & Philosophus dicit, lapis non est in anima, sed quod species lapidis. imago autem alicuius rei, quæ eadem naturam habet cum re cuius est imago, est sicut filius regis in quo imago patris apparet, & est eiusdem naturæ cum ipso. ostensum est autem quod verbum Dei est imago dicentis quantum ad ipsam eius essentiam & quod in eadem natura cum dicente comunicat. Relinquitur ergo quod verbum Dei non solum sit imago, sed etiam filius. non enim sic esse imaginem alicuius, ut eiusdem naturæ cum illo sit, in aliquo inuenitur qui filius dici non possit, dummodo hoc in viuentibus accipiat. nam quod procedit ex aliquo viuente in similitudinem speciei, dicitur filius eius. Hinc est quod in Psal. 2. dicitur, Dominus dixit ad me, filius meus es tu. Rursus, considerandum est quod cum in qualibet natura processio filij à patre sit naturalis, ex quo verbum Dei filius Dei dicitur, oportet quod naturaliter generetur, & à patre procedat, & hoc quid supra dictis conuenit, ut ex his quæ in intellectu nostro accidunt, perspicitur potest. Intellectus enim noster aliqua naturaliter cognoscit sicut prima intelligibilia principia, quorum intelligibiles conceptiones, quæ verba interiora dicuntur naturaliter in ipso existunt, & ex eo procedunt. Sunt etiam quædam intelligibilia, quæ non naturaliter intellectus noster cognoscit, sed in eorum

Ioan. 1.

\* Cap. 49.

de Anima  
Tex. 38.



in eorum cognitionem ratiocinando pertingit. & horum conceptiones in intellectu nostro naturaliter non existunt, sed cum studio quaeruntur. Manifestum est autem quod Deus seipsum naturaliter intelligit, sicut & naturaliter est. suum enim intelligere est suum esse, ut in primo \* probatum est. Verbum igitur Dei seipsum intelligentis naturaliter ab ipso procedit: & cum verbum Dei sit eiusdem naturae cum Deo dicente, & sit similitudo ipsius, sequitur quod hic naturalis processus sit in similitudine eius a quo est processio cum identitate naturae. Hæc est autem vera generationis ratio in rebus viventibus, quod id quod generatur a generante procedat ut similitudo ipsius, & eiusdem naturae cum ipso: est ergo verbum Dei genitum verè a Deo dicente: & eius processio, generatio vel natiuitas dici potest. Hinc est quod in Psal. dicitur: Ego hodie genui te, id est, in æternitate, quæ semper est præsens, & nulla est in eo ratio præteriti & futuri. Vnde patet falsum esse quod Arriani dixerunt, quod pater genuit filium voluntate, quæ enim voluntarie fiunt, non naturalia sunt. Quia verò non minus est quod Deus de seipso intelligit, quam quod in ipso est (aliàs non intelligeret seipsum perfectè, nec suum esse esset suum intelligere) oportet verbum Dei Deo esse essenziale. hoc autem est filius Dei, est igitur filius Dei patri essentialis. Hoc etiam hinc manifestum est, quod filius Dei quum sit verus filius, habet speciem & naturam patris: cuiuslibet autem naturæ determinata quantitas debetur. unde etiam apud nos filius ad æqualitatem patris perducitur in fine generationis & augmenti, nisi aliter defectus appareat propter materiam indispositam, & propter debilitatem virtutis actiue in generatione. Et quidem quod a principio filius nascatur minor patre, contingit ex hoc quod animalis generatio procedit de potentia ad actum, & paulatim ducitur de imperfectione ad perfectionem. nihil autem horum est possibile in diuina generatione accideret: quia generatio diuina non est ex materia, nec per exitum de potentia in actum: nec virtus Dei generantis potest esse deficiens, cum sit infinita. oportet igitur filium Dei patri esse æqualem. Itè, si filius sit patri æqualis, oportet aliam numero esse magnitudinem patris & filij. nam eadem numero quantitas non potest seipsa esse maior & minor. diuina autem magnitudo non est aliud quam eius essentia, ut ex primo libro \* apparet. erit igitur alia numero essentia patris & filij: cuius contrarium supra ostensum est. oportet igitur dicere filium patri esse æqualem. Hinc est quod Ioan. 5. dicitur, quod Iesus patrem suum dicebat Deum, æqualem se Deo faciens. & Phil. 2. dicitur, quod non rapinam arbitratus est esse se æqualem Deo. Considerandum etiam quod id quod generatur, quando in generante manet, dicitur esse conceptum. verbum autem Dei ita est a Deo genitum, quod tamen ab ipso non recedit, sed in eo manet, ut ex superioribus patet. Rectè ergo verbum Dei potest dici a Deo conceptum. Hinc est quod Prou. 3. Dei sapientia dicit: Non dum erant abyssi, & ego iam concepta eram. Est autem differentia inter conceptionem verbi Dei, & materiale conceptionem quæ apud nos in animalibus inuenitur. nam proles quando concepta est, & in utero clauditur, nondum habet ultimam perfectionem ut per se subsistat a generante secundum locum diuersa. unde oportet quod in corporali generatione animalium aliud sit generis prolis conceptio, atque aliud partus ipsius, secundum quem etiam loco separatur proles genita a generante ab utero generantis egrediens. verbum autem Dei in ipso Deo dicente existens, est perfectum in se subsistens, distinctum a Deo dicente. non enim expectatur ibi localis distinctio, si sola relatione distinguuntur, ut dictum est. idem est ergo in generatione verbi Dei conceptio & partus: & ideo postquam ex ore sapientiae dictum est: Ego iam concepta eram: post pauca subditur: Ante colles ego parturiebar. Sed quia conceptio & partus in rebus corporalibus cum motu sunt, & ideo oportet in eis quandam successionem esse: cum conceptionis terminus sit esse concepti in concipiente: terminus autem partus sit esse eius qui parturit, distinctum a pariente: necesse est igitur in corporalibus, quod id quod concipitur non-

dum sit: & id quod parturit, in parturiendo non sit a parturiente distinctum. Conceptio autem & partus intelligibilis verbi non est cum motu, nec cum successione: unde simul dum concipitur, est: & simul dum parturit, distinctum est: sicut quod illuminatur, simul dum illuminatur illuminatum est: eo quod in illuminatione nulla successio est. & cum hoc inueniatur in intelligibili verbo nostro, multo magis competit verbo Dei: non solum quia intelligibilis conceptio & partus est, sed quia in æternitate existit utrumque, in qua prius & posterius esse non possunt. Hinc est quod postquam ex ore sapientiae dictum est: Ante colles ego parturiebar: ne intelligeretur quod dum parturiretur, non esset: subditur: Quando præparabat caelos a derâ. ut sic cum in generatione carnali animalium prius aliquid concipitur, deinde parturiatur, & deinde conueniat sibi a desse parturienti quasi sibi consociatum, nec ab eo distinctum: hæc omnia in diuina generatione simul esse intelligantur. nam verbum Dei simul concipitur, parturit, & adest. Et quia quod parturit, ex utero procedit: sicut generatio verbi Dei ad insinuandam perfectam distinctionem eius a generante, dicitur partus: simili ratione dicitur generatio ex utero, secundum illud Psal. 109. Ex utero ante luciferum genui te. Quia tamen non est talis distinctio verbi a dicente, quæ impediatur verbum esse in dicente, ut ex dictis patet, sicut ad insinuandam distinctionem verbi dicitur parturiri, vel ex utero genitus esse: ita ad ostendendum quod talis distinctio non excludit verbum esse in dicente, dicitur Ioan. 5. primo quod est in sinu patris. Attendendum autem quod generatio carnalis animalium perficitur per virtutem actiuam & passiuam: & ab actiua quidem virtute dicitur pater, a passiua verò dicitur mater: unde eorum quæ ad generationem prolis requiruntur, quædam conueniunt patri, & quædam conueniunt matri. dare enim naturam & speciem proli, competit patri: concipere autem & parturire, competit matri tanquam patienti & recipienti. Cum autem processio verbi secundum hæc dicta sit esse, quod Deus seipsum intelligit: ipsum autem diuinum intelligere, non est per aliquam virtutem passiuam, sed quasi actiuam: quia intellectus diuinus non est in potentia, sed in actu tantum, ideo in generatione verbi Dei non competit hoc ratione matris, sed solum patris. unde quæ in generatione carnali distinctim patri & matri conueniunt, omnia in generatione verbi patri attribuitur in sacris scripturis. dicitur enim pater & dare filio vitam, & concipere, & parturire.

## Cap. II.



OSTENSIS rationibus quibus diuina potest generatio impugnari, accedit sanctus Thomas ad veritatis determinationem. Circa hoc autem duo facit. Primò declarat modum generationis in diuinis. Secundò ostendit vnicam tantum ibi esse generationem, & vnicum filium, cap. 13. Circa primum duo facit. primò ostendit propositum: secundò manifestat quoddam quod supponerat, cap. 12. Circa primum duo facit. Primò ostendit diuinam generationem secundum intellectualem emanationem intelligendam esse. Secundò, quomodo hoc sit, manifestat ibi, hoc autem sic manifestari potest. Circa primum duo facit. Primò ostendit diuersum esse modum emanationis intelligibilis ab aliis emanationibus. Secundò ostendit etiam in ipsa intelligibili natura diuersos esse emanationis modos, ibi, sed & in intelligibili. Quantum ad primum ait quod principium intentionis, quæ scilicet intendimus ostendere veritatem fidei quantum ad filij generationem ratione superari non posse. hinc sumendum est quod secundum diuersitatem naturarum diuersus emanationis modus inuenitur in rebus: & quanto aliqua natura est altior, tanto id quod ex ea emanat, magis est intimum. declaratur hoc discurrendo per omnes naturæ gradus. nam in inanimatis quæ infimum locum in rebus tenent, emanationes aliter esse non possunt nisi per actionem vnius eorum in aliquid aliud, sicut patet cum ignis ex igne generatur. In plantis in quibus primus gradus est vitæ, cum seipsas moueant ad agendum, iam emanatio ex interiori procedit in quantum humor plantæ intrinsecus in semen conuertitur, quod terræ mandatum crescit in plantam: sed quod emanat, finaliter omnino extrinsecum inuenitur. humor enim ab arbore egrediens fit flos, deinde fit fructus, qui perfectus ab arbore omnino separatur, & in terram cadens semina virtute producit aliam plantam. Huius tamen emanationis principium ab exteriori sumi constat, eo quod humor ipse per radices a terra sumatur. In vltiori verò gradu vitæ qui est secundum animam sensitiuam, propria emanatio ab exteriori quidem incipit, scilicet a sensibili sensibus exterioribus suam formam ingerente, sed in interiori terminatur: & quanto emanatio magis inesserit, tanto magis ad intima deuenit. a sensibus enim exterioribus forma sensibilis procedit in imaginationem, & vltius in memoriæ thesaurum, sed in



quolibet huius emanationis processu principium & terminus pertinent ad diuersa, cum potentia sensitiua in seipsam non reflectatur. in supremo autem & perfecto vitæ gradu, qui est secundum intellectum, intellectus in seipsam reflectitur, & seipsum potest intelligere. Ex his patet alium esse emanationis modum in natura intellectuali à modo emanationis in aliis naturis.

SED circa ea quæ dicta sunt, duplex dubium occurrit. Primum est: quia non videtur ex dictis emanationem sensibilem esse inter emanationes vitales connumerandam. Nam emanatio in viuentibus ex interiori esse dicitur, secundum quod viuens in seipsum siue in aliquid intraneum agit aliquid producendo. Ex hoc enim ostensum est, emanationem in plantis quibus primus gradus vitæ conuenit, ex interiori esse, quia plantæ ipsæ mouent humorem intraneum, conuertendo ipsum in semen, ex quo alia prouenit planta. In emanatione autem sensibili non est processus ex interiori, sed ex exteriori, ut hic dicitur, ergo, &c. Augetur dubitatio: quia si ideo emanatio sensibilis est emanatio vitalis: quia licet ab exteriori incipiat, tamen in interiori terminatur: sequitur quod etiam inanimata emanatio vitalis erit. nam cum ignis emanat ab igne, principium huius emanationis est exterius, scilicet ignis generans, sed terminus est interior, scilicet forma ignis geniti, quæ est in ipsa materia quæ transmutatur, sicut forma à re sensibili causata est in ipso sensu qui immutatur.

Secundum dubium est, quia non videtur conuenienter adduci per rationem quare in processu emanationis sensibilis principium & terminus pertinent ad diuersa: quia videlicet potentia sensitiua in seipsa non reflectitur. nam constat hic sermonem esse de illa emanatione qua forma sensibilis ab ipsa re extrinseca emanat in animam sensitiuam. ad hoc autem nihil refert utrum potentia sensitiua supra seipsam reflectatur, necne, quia si etiam supra se reflecteretur, idem esset. sicut patet quod intellectus supra seipsum reflectitur: & tamen principium illius emanationis qua forma intelligibilis à re extrinseca in intellectum emanat, & terminus, ad diuersa pertinent. Si dicatur quod hic est sermo de emanatione sensibili, non qua recipitur species sensibilis, sed qua producitur actus sentiendi: quia cum actio sensus non terminetur ad ipsum sensum, sed ad sensibile extrinsecum, principium & terminus pertineant ad diuersa: quod non esset si sensus seipsum sentiret, non videtur hoc verum esse: quia per sentiendi, maxime per actum sensus exterioris, nihil producitur in ipso sensu: hic autem loquimur de actu quo vnum ab altero emanat & producitur.

DVOBV5 modis ad hæc responderi potest. Pro primo autem modo considerandum est primum, quod cum dicimus viuentia à seipsis moueri, non intelligimus ita ipsa esse sibi principium motus, quo mouentur, quasi nullo modo à principio aliquo extrinseco eorum motus originem habeat, cum octauo Phys. ostendat Arist. motum in animalibus quo à seipsis mouentur, ab aliquo extrinseco motu habere initium: sed intelligimus ipsa esse sibi immediatum principium elicitiuum talis motus in seipsis existens: licet ad illum motum aliquid extrinsecum tanquam principium remotum concurrat. hoc autem etiam animabus conuenit: nam huius actionis quæ est sentire, secundum quam sensitiua in quantum huiusmodi dicuntur seipsa mouere, immediatum & proximum principium elicitiuum est ipsa potentia sensitiua specie sensibili actiua, sed remotum principium est ipsum sensibile suam formam in sensum imprimens. Vnde negatur quod emanatio sensibilis, scilicet ipsum sentire, non sit ab interiori principio proximo. Non enim hoc dicit S. Thom. sed quod incipit ab exteriori, tanquam videlicet à remoto principio, à quo inquam sensus formam accipit quasi in seipso suam operationem causat: & ad hunc sensum, vt etiam hoc obiter explanemus, intelligendum est quod inquit S. Thom. 1. q. 27. artic. 5. sentire non esse totaliter remotum à genere actionum quæ sunt extrinsecæ, id quod sentire perficiatur per actionem sensibilibis in sensu: quia enim sensibile est secundum suum esse extrinsecum à sensu, & necesse est eius actionem in sensum præcedere naturaliter ipsum sentire, quod est actus sensus: ex quo habet ipsum sensibile vt sit principium remotum actus sentiendi per actionem transeuntem qua agit in sensum: ideo dicitur sentire non esse totaliter extraneum à genere actionum quæ sunt ad extra. Hoc autem non conuenit intellectui: quia licet intelligere aliquid scilicet nostrum, originem habeat aliquo modo ab actione sensibilibis in sensum, hoc tamen non conuenit intellectui secundum totum genus suum, sicut sensationi, nam neque intellectio angelica, neque intellectio diuina causatur à rebus sensibilibus.

POTEST etiam aliter & melius istud intelligi: nam aliud est operationem perfici per actionem sensibilibis in sensum, & aliud dependere & originari ab illa actione. Ad secundum enim sufficit vt actio sensibilibis in sensum præcedat operationem sensus, & illius principium proximum causauerit: ad primum autem requiritur quod simul sit vtrumque, & vnum necessarii alterum concomitetur. Dicitur ergo quod sentire perfici per actionem sensibilibis in sensum, est non solum à tali actione originari, sed etiam sui existentiam & complementum exigere, vt illa actio sit simul cum ipso sentire. non enim est sentire in actu, nisi dum actualiter sensus à sensibili immutatur. intellectui autem conuenit quidem vt ab actione sensibilibis in sensum & intelligibilis in intellectum originetur, non autem quod per talem actionem perficiatur, quum etiam actione illa non existente sit intellectio: postquam enim intellectus est specie informatus per seipsum intelligit, nulla concurrente actione intelligibili in intellectum.

AD confirmationem dicitur, quod procedit ex falso intellectu verborum sancti Thomæ, quasi videlicet emanatio sensibilis sit ipsa productio formæ sensibilis in sensum, & terminus huius emanationis remaneat in sensu. hoc enim non intedit sanctus Thom. sed quod ipsum sentire quod est actualis sensatio, & iudicium de re sensibili, & est terminus sensibilis emanationis, incipit quidem ab exteriori tanquam à principio remoto per actionem transeuntem ipsius in sensum, sed tamen proxime & immediate producitur à potentia sensitiua facta in actu primo, & remanet in ipsa, non autem recipitur in aliquo extra sensum existente, & hoc est emanationem sensibilem in interiori terminari: in inanimatis autem non est sic. Nam inanimata non sunt proximum principium productuum alicuius in ipsis remanentis: sed omnis eorum actio in aliquo recipitur extrinseco.

PRO solutione secundi dubij, considerandum est, quod quum omnis potentia actiua, aut productiua alicuius operationis habeat aliquod obiectum in quod per suam operationem tendit, & ad quod sua operatio terminatur, necesse est omnem operationem medium aliquo modo esse inter potentiam quæ est eius principium productiuum, & obiectum quod est eius terminus: sed aliquando ipse terminus est per talem operationem productus, sicut in actionibus transeuntibus apparet: aliquando verò non est productus simpliciter secundum suum esse reale, licet sit forte productus secundum aliquod esse intentionale. Sentire ergo est operatio & emanatio quædam cuius principium elicitiuum est potentia sensitiua: terminus verò est ipsum sensibile, quod secundum esse quidem naturale aut reale non est productum per actum sentiendi. secundum tamen aliquam rationem potest aliquo modo dici productum, scilicet, in ratione sensati in actu, non enim habet sensibile quod sit actus sensatum, nisi ab actu sentiendi quo actualiter sentitur, vt dicitur ex hoc sensus constituitur suum obiectum in esse sensati. Istis præsuppositis dicitur quod ratio S. Thom. optima est: cum enim potentia sensitiua non reflectatur supra seipsam (nō enim visus videt seipsum, proprie loquendo) sequitur quod ipsa non est terminus & obiectum emanationis sensitiuæ quæ dicitur sensatio: & cum ipse sit principium talis emanationis, sequitur quod principium eius & terminus ad diuersa pertineant, principium scilicet ad sensum, terminus verò ad ipsum sensibile. Quum autem dicitur quod idem esset, etiam si sensus supra seipsum reflecteretur: negatur. Si enim nec reflecteretur supra seipsum se sentiendo, ipse esset & principium sensationis, & obiectum siue terminus, & sic principium & terminus non pertinerent ad diuersa. ideo responso ibi data admittitur, ad cuius improbationem dicitur primo quod hic non loquitur sanctus Thomas de emanatione secundum quod per ipsam aliquid realiter producitur: sed absolute loquitur de ipsa operatione ab aliquo emanante principio, quæ in viuentibus ab interiori procedit, & aliquo modo in ipso interiori manet. Inferius autem declarabit in illa emanatione quæ est ab intellectu, esse aliquid realiter productum.

Dicitur secundum, quod etiam per emanationem sensibilem aliquid producitur secundum esse sensatum, vt dictum est, licet non secundum esse reale: sed hoc non est proprie aliquid produci. Potest secundum responderi & melius ad prædicta dubia. Dicitur enim primum, quod per emanationem quæ est secundum animam sensitiuam, intelligit sanctus Thom. non quidem impressionem speciei sensibilis in sensum à re sensibili: quia illa emanatio est tantum ab extrinseco: nō etiam ipsam operationem quæ est sensatio, cum illa nō habeat aliquem terminum per ipsam realiter productum: sed illam actionem qua anima sensitiua aliquid producit in seipsa: hoc autem est in quantum vna potentia sensitiua agit in aliam, vt sensus exterior in phantasiam, & phantasia in memoriam. ista enim emanatio sit ab intrinseco immediate, in quantum anima sensitiua in seipsa causas formas sensibiles per potentias exteriores, immutando interiores, licet ab extrinseco remotè originetur. Dicitur secundum quod potentiam sensitiuam non reflecti supra seipsam, est non sentire seipsam, neque sui similitudinem in seipsa causare: & sic cum potentia sensitiua non reflectatur supra se causando sui similitudinem in se, per quam seipsam sentiat: sequitur in emanatione sensitiuæ anime qua per ipsam aliquid producitur, principium & terminum ad diuersa pertinere, scilicet ad diuersas potentias, licet sit eadem anima. Et istud magis videtur esse secundum intentionem ligetur, si diligenter consideretur: & secundum hunc sensum patet obiectiones non procedere. Secundo loco ostendit sanctus Thom. quod etiam in emanatione intellectuali plures modi inueniuntur, & quod emanatio diuini intellectus ab aliis differt: & ait quod in intellectuali vita etiam diuersi gradus inueniuntur. Infimus est humani intellectus, qui seipsum quidem cognoscere potest: sed tamen primum suæ cognitionis initium ab extrinseco sumit, scilicet à phantasmate. supra hunc est vita intellectus angelici, qui per seipsum cognoscit, & non ex aliquo exteriori, sed tamen licet intentio intellectus sit angelis omnino intrinseca, non tamen ipsa est eorum substantia, cum in eis non sit idem intelligere & ipse, vltima perfectio vitæ est diuini intellectus, cuius intentio intellectus est ipsa diuina essentia, cum in ipsa non sit aliud intelligere & esse. Ne autem dubium sit quid nomine intentionis intellectus intelligatur, exponit sanctus Thomas ipsam esse, id quod intellectus in seipso concipit de re intellecta, quod est quedam similitudo concepta in intellectu de re intellecta, quam voces exteriores significant. Hanc autem in nobis non esse rem intellectam apparet: quia aliud est intelligere rem, & aliud intelligere ipsam intentionem intellectam: quod sit per reflectionem: vnde & alia scientia sunt de rebus, & alia de intentionibus intellectus: ipsum etiam nō esse intellectum, ipsum in nobis, ex hoc patet, quod esse eius in ipso intelligit consistit, non autem esse intellectus nostri. In Deo autem ipsam esse diuinum intellectum constat: quia in ipso idem est intelligere & esse, & quia intellectus in eo est res intellecta, relinquatur quod in ipso Deo intelligente se, idem sit intellectus, res quæ intelligitur, & intentio intellecta.

AD euidentiam eius quod dicitur, intentionem intellectam angelis esse omnino intrinsecam, considerandum est quod hoc non dicitur quasi in nobis intentio intellecta secundum suam entitatem omnino intrinseca intellectui non sit, sed quia in nobis entitas quidem intentionis intellectæ est intellectui intrinseca, quum sit eius accidens, sed causa est aliquo modo extrinseca, in quantum initium nostræ cognitionis est ab extrinseco, id est, à phantasmate: in angelis autem neque etiā quantum ad causam est ab extrinseco obiecto, cum ab extrinseco eius cognitio originem non habeat, vt potest existentibus illis connaturalibus speciebus intelligibilibus, & sua essentia qua seipsum intelligit, sibi existente intrinseca.

CIRCA id quod dicitur, esse intentionis intellectæ in ipso intelligi consistere, considerandum quod esse intentionis intellectæ dicitur in intellectu consistere: non quia non habeat aliquod esse in se, sed tantum hoc habeat esse quod intelligitur, id est, habeat solam habitudinem rationis ad intelligentem, quemadmodum entia rationis dicuntur habere esse in intellectu. nam cum sit accidens intellectus, necesse est vt aliquod esse reale habeat: sed quia illud esse quod habet reale est ipse actus intelligendi vt passiuè sumitur, & significatur per hoc quod dico intelligi, vel esse aliquod ipsum intelligere consequens, quod non durat nisi quandiu actualis intellectio durat, cessante enim intellectu, esse intentionis intellectæ cessat.



cessat: & est simile sicut si diceremus esse aeris illuminati in quantum huiusmodi in ipso illuminati consistere: quia lumen non habet esse in aere, nisi per illuminationem, & nisi dum aer illuminatur. Deinde cum dicitur: Hoc autem sic manifestari potest: accedit sanctus Thomas ad manifestationem diuinæ generationis, & ponit quatuor conclusiones. Prima est, Non est possibile sic accipi generationem diuinam, sicut in rebus inanimatis generatio inuenitur. Probatur, generans in illis imprimit suam speciem in exterioriorem materiam, non autem in diuinis, ergo, &c. Probatur secunda pars antecedentis: quia secundum fidem filius à Deo genitus veram habet deitatem, & est verus Deus. Deitas autem non est forma materiz inherens, neque Deus est ex materia existens. Secunda conclusio est: Non potest accipi diuina generatio ad modum eius quæ est in plantis & animalibus communicantibus cum plantis in nutritia & generatiua virtute. Probatur. Separatur aliquid ab illis ad generationem similes in specie, quod in fine generationis est omnino extra generantem: hæc autem Deo conuenire non possunt, ut ex supradictis patet, ergo, &c. Tertia conclusio est: Diuina generatio non potest intelligi secundum modum emanationis quæ inuenitur in anima sensitua. Probatur, tum quia cum Deus sit primum agens, ab exteriori non accipit unde in alterum influere possit, ut scilicet sensui conuenit, iuxta prædicta: tum quia operationes animæ sensitivæ non complentur sine corporalibus instrumentis: Deum autem constare incorporeum esse. Quarta conclusio est: Generatio diuina secundum intellectuale emanationem est intelligenda. Relinquit hanc probatam S. Thom. ex sufficienti diuisione supraposita.

Ad eius tamen manifestationem ponit duodecim conclusiones, quarum prima est: In Deo seipsum intelligente est verbum Dei quasi Deus intellectus: probatur. Omne intellectum in quantum intellectum, est in intelligente, ergo Deus seipsum intelligens est in seipso ut intellectum intelligente, ergo, &c. Probatur antecedens, quia intelligere significat apprehensionem eius quod intelligitur per intellectum: unde & intellectus noster seipsum intelligit, est in seipso non solum ut idem sibi per essentiam, sed etiam ut apprehensum intelligendo. Secunda verò probatur: quia intellectum in intelligente est intentio intellecta & verbum. Confirmatur autem Ioan. dicentis: Verbum erat apud Deum.

Ad huius rationis evidentiam considerandum est, quod licet res intellecta in intelligente per speciem intelligibilem sit, ex illo tamen non habet rationem actualiter intellecti. Nam actu intellectum in quantum huiusmodi nominat terminum intentionis per ipsam intellectiōnem apprehensum: species autem intelligibilis nominat intellectiōnis principium. Ideo præter ipsam speciem intelligibilem oportet esse in intellectu actu intelligentem intentionem intellectam: nam quod apprehenditur, est in apprehendente aliquo modo. Secunda conclusio est. Verbum Dei est in intellectu nostro. Probatur: Intellectus diuinus semper seipsum intelligit. ex hoc autem quod seipsum intelligit, oportet quod verbum ipsius in ipso sit. ergo eius verbum in ipso semper existit, ergo, &c. Probatur assumptum: quia intellectus diuinus non exit de potentia in actum, sed semper est in actu existens. Confirmatur ex eo quod dicitur: In principio erat verbum. Tertia conclusio est: Verbum Dei est ipsum esse diuinum, & essentia eius, & ipse verus Deus. Quod ad primam partem probatur: Substantia intellectus diuini est ipsum suum intelligere, cum sit actus purus: esse verbi intellecti est ipsum suum intelligi: ergo idem esse est verbi diuini & intellectus diuini. Quod ad secundam partem probatur: quia esse diuini intellectus est esse Dei, qui est suus intellectus. esse autem Dei est eius essentia qua est Deus. Quod ad tertiam partem probatur: quia non est aliud naturale esse Dei, & aliud eius intelligere. Confirmatur ex eo quod dicitur, Deus erat verbum. Nam cum absolute dicatur, demonstratur verbum Dei verum Deum debere intelligi. Verbum enim hominis non possetur simpliciter & absolute dici homo, sed tantum homo intellectus: unde hæc esset falsa, homo est verbum: sed hæc potest esse vera, homo intellectus est verbum. Ex hoc inferit S. Thom. cum dicitur, Deus erat verbum, ostendi verbum diuinum esse rem in natura existentem & subsistentem: quia Deus verus res subsistens est. Ad horum autem maiorem manifestationem interponit ista verbo intellectus humani seipsum intelligentis non conuenire. Cum enim esse intentionis intellectæ sit ipsum intelligi, & aliud sit esse intellectus & intelligere eius (substantia enim intellectus erat in potentia intelligens antequam intelligeret actu) sequitur quod aliud sit esse intentionis intellectæ, & aliud esse intellectus. Similiter sequitur quod verbum conceptum non sit homo verus, naturale esse hominis habens, sed tantum homo intellectus, inquam eius similitudo ab ipso apprehensa.

CIRCA probationem primæ partis conclusionis aduertendum est, quod sicut eadem res est actio & passio in rebus quæ materialiter mouentur, ita in rebus quæ aliquo modo immaterialiter operantur, eadē est operatio qua & principium operationis denominatur per modum agentis, & terminus actionis denominatur per modum patientis, sicut eadem visio dicitur res videri, & visus videre. Cum ergo intelligere sit operatio quædam immaterialis ab intellectu elicitā, & terminata ad intentionem intellectam, eadem res sunt ipsum intelligere intellectus, & ipsum intelligi intentionis intellectæ: differunt autem secundum diuersas habitudines connotatas. dicitur enim intelligere in quantum significatur cum habitudine intellectus, ut à quo est: dicitur verò intelligi in quantum connotat habitudinem intellecti ut termini. Optime ergo cōcludit S. Thom. quod idem est esse intellectus diuini, & verbi ipsius: quia esse intellectus, est ipsum intelligere, & esse verbi est ipsum intelligi. Si enim intelligi est esse verbi, & intelligi est ipsum intelligere, sequitur quod esse verbi est ipsum intelligere: & ideo si intelligere est esse intellectus, sequitur ut esse verbi, sit ipsum esse intellectus.

CIRCA probationem secundæ partis conclusionis attendendum est, fundamentum huius rationis esse, quod essentia diuina non potest esse actus alicuius quod sibi non identificetur, & ideo si esse verbi est essentia diuina, oportet ut verbum idem sit quod ipsa essentia.

CIRCA probationem tertie partis conclusionis considerandum est, quod naturalis esse rei consequitur rei essentiam, & secundum naturam diuersitatem diuersificatur. Sicut enim alia est natura & essentia lapidis, & alia natura & essentia hominis: ita aliud est esse lapidis, & aliud esse hominis, & ideo essentia & esse naturale ipsius sese concomitantur, ita

quod ubi vnum est primum & per se, & alterum est. Cum ergo verbum diuinum habeat naturale esse Dei, eo quod suum esse sit ipsum intelligere, quod est esse naturale Dei: sequitur quod essentiam diuinam habeat: & quia omne suppositum cuius natura est diuina essentia, est verus Deus, sequitur ipsum verbum diuinum esse Deum verum, & secundum hoc fundamentum procedit hæc ratio.

SE D circa prædicta duplex occurrit dubium. Primum est, quia non videtur sufficienter concludi intentionem intellectam & intellectum idem esse in Deo: quia habet idem esse: nam manus hominis & pes habent idem esse, cum per eandem numero formam sint, & similiter materia & forma, & tamen manus non est pes, sed sunt duæ substantiæ, & similiter materia non est forma. Secundum est, quia si esse intentionis intellectæ est intelligi, & esse intellectus est intelligere, sequitur quod idem esse sit intellectus & intentionis intellectæ, & quod intentio intellectæ sit intellectus, & consequenter Deus: cum non solum Deus intentionem intellectam in ipso existentem intelligat, sed etiam res omnes habentes esse extra ipsum Deum, & ipsarum rerum esse in quantum intelliguntur, sit intelligi: eadem ratione sequitur quod omnis creatura sit diuinus intellectus, & sit Deus.

AD primum dicitur primum quod non procedit ratio S. Thom. ex hoc vniuersaliter, quod omnia quæ habent idem esse, idem sint, quia illud non est verum de partibus constitutentibus totum, & per esse totius existentibus, sed ex hoc quod oportet sic esse in naturis simplicibus: cum enim vnum non possit habere esse talis naturæ tanquam pars eius: si illius esse habeat, necesse est ut sit illius naturæ suppositum: & ideo si esse ipsius intellectus diuini sit esse eius quod in ipso est, necesse est iuxta declarationem superius factam ut eorum sit vna natura, & quod vnum sit aliud: Ad secundum dicitur quod aliter loquendum est de intentione intellectæ existente in intellectu, & aliter de re intellecta habente esse extra intellectum in quantum habet esse extra intellectum. intelligi enim intentionis intellectæ dicitur ipsum eius esse quo in rerum natura existit, non enim existit nisi per ipsum actuale intelligi: unde & hoc cessante, verbum non est: sed intelligi rei ad extra, in quantum ad extra est, non dicit esse ipsius, sed tantum habitudinem quandā ad intellectum: & est denominatio ab extrinseco dum dicitur intelligi, scilicet ab actu intelligendi, existere non quidem in ipso re, sed in intellectu, & ideo licet sequatur ex eo quod esse intellectus est ipsum intelligere, & esse intentionis intellectæ est ipsum intelligi, intentionem intellectam & intellectum esse idem, non tamen sequitur rem intellectam secundum quod est extra, esse diuinum intellectum. Quam autem arguitur, quia esse ipsarum in quantum intelliguntur, est ipsum intelligi, dicitur quod si in in quantum intelliguntur, significet in quantum habent esse in intellectu per suam intentionem intellectam, sic vique verum est quod intelligi est esse ipsarum: sed ex hoc nihil aliud habetur nisi quod intentio intellectæ ipsarum per quam sunt in intellectu diuino, est idem quod intellectus diuinus. Si autem significetur in quantum terminat actum diuini intellectus secundum esse quod habent extra intellectum, sic falsum est quod esse ipsarum sit intelligi, id est, actus intelligendi quo intelliguntur, sed est ipsum esse extra intellectum cum habitudine ad intelligentem in actu.

Quarta conclusio est: Verbum Dei in eadem numero natura communicat cum Deo. Probatur dupliciter. Primum, sic habet naturā Dei, sicut intelligere Dei est ipsum esse eius, sed intelligere Dei est esse diuinum, ergo sic habet naturā Dei sicut esse diuinum est esse suum. sed sic esse diuinum est esse suum, quod idem esse est vtriusque: ergo habet ipsam essentiam diuinam non solum specie, sed numero eandem.

AD VER TEND V M est, quod natura alicuius speciei non potest numero multiplicari, nisi multiplicetur esse talis naturæ: quia habentium diuersas numero naturas completas non potest esse vnum esse: & ideo ubi aliqua numero distincta habent vnum & idem esse, in illis natura non est multiplicata secundum numerum, sed est vna numerus: & ideo optime hic arguitur esse eandem numero naturam Dei intelligentis, & verbi ipsius, quia habent vnum & idem esse diuinitatis. Secundo, natura diuina est omnino immaterialis: ergo non potest esse vna specie & numero differens. probatur consequentia: quia natura quæ est vna secundum speciem, non diuiditur in plura secundum numerum, nisi propter materiam. Ex hoc inferit S. Thomas quod propter hoc Deus & verbum suum non sunt duo dii, sed vnus Deus: nam quod duo habentes humanam naturam sint duo homines, ex hoc contingit, quod natura humana numero diuiditur in duobus.

CIRCA istam propositionem, duo habentes naturam humanam sunt duo homines, quia natura humana numero diuiditur in duobus, dubitatur. Videtur enim velle S. Thom. quod pluralitas naturæ humanæ sit ratio quare aliqui dicuntur plures homines. Huius autem oppositum videtur tenere in 3. q. 3. art. 7. ad secundum, ubi vult quod si vna persona diuina assumeret duas humanitates, non diceretur duo homines, sed vnus homo, propter vnitatem suppositi. Quia difficultas hæc oritur ex hac generali difficultate, an scilicet ad pluralitatem nominis substantiui sufficiat sola pluralitas formæ significatæ per nomen, an etiam requiratur pluralitas suppositorum, ideo ad hoc primum respondendum est ex quo ad motum dubium postea facilius erit solutio. Sciendum est igitur, quod duplex in doctrina S. Thom. responsio dari potest. Primum potest responderi quod ad hoc ut nomen non solum adiectiuum, sed etiam substantiuum pluraliter prædicetur, non sufficit quod forma significata per nomen sit pluralis in eo de quo nomen prædicatur, sed requiritur etiam ut supposita sint plura de quibus nomen dicatur. Patet hoc ex duobus locis S. Thom. in Summa. Primum est in tertia parte loco allegato. Secundus est in quæst. 36. art. 4. ad secundum, ubi ait quod quauis in patre sint plures proprietates, quarum vna refertur ad filium, alia verò ad spiritum sanctum, non dicitur tamen plura principia, quia implicaretur pluralitas suppositorum.

SE D duo sunt quæ huic obstat videntur. Primum est, quia generalem regulam dedit sanctus Thomas 1. quæst. 39. art. 3. & 1. Sent. dist. 9. art. 23. Item tertio Sent. d. 1. q. 2. & de Potentia, q. 9. artic. 6. videlicet quod nomina substantiua accipiunt vnitatem & pluralitatem ab vnitatem & pluralitate formæ significatæ, nulla de pluralitate suppositorum facta mentione. Secundum est, quia sanctus Thomas hanc generalem regulam prædicando in tertio Sent. loco allegato, inquit, quod si vna persona duas humanitates



is affumeret, diceretur duo homines, propter pluralitatem formæ significatæ, quævis vnus esset suppositum.

Ad primum dicitur quod dupliciter possumus loqui de singularitate & pluralitate nominum. Vno modo quantum ad rationem & causam formalem singularitatis & pluralitatis ipsorum præcisè & absolute. Alio modo quantum ad causam simul, & id quod semper causam hanc concomitatur, quod potest dici causa sine qua non. Si primo modo de hac singularitate & pluralitate loquamur, sic sola pluralitas formæ significatæ requiritur ad pluralitatem nominis substantiui, sicut sola pluralitas suppositorum ad pluralitatem nominis adiectiui requiritur. Quia enim, ut inquit sanctus Thomas locis præallegatis, substantium significat per modum substantiæ, & substantia ex se habet unitatem & pluralitatem: ideo ex unitate & pluralitate formæ significatæ, tanquam scilicet ex ratione & causa unitatis & pluralitatis accipitur eius singularitas & pluralitas. e contrario verò quia nomen adiectiuum significat aliquid per modum accidentis, accidentia autem accipiunt unitatem & pluralitatem ex subiecto: ideo & ipsum adiectiuum suam singularitatem & pluralitatem accipit ex unitate suppositorum, tanquam & ratione & causa suæ singularitatis & pluralitatis. Si verò loquamur secundo modo, quantum, scilicet ad causam simul, & id quod causam concomitatur, sic non sola pluralitas formæ significatæ concurrat ad nominis pluralitatem, sed etiam pluralitas suppositorum: quia non inuenitur apud nos forma substantialis multiplicata sine suppositorum multiplicatione. Sanctus Thomas ergo ubi illam regulam generalem ponit, tangit illud tantum quod formalis ratio & causa pluralitatis nominis, ex quo primum & per se nomen substantiuum à nomine adiectiuo quantum ad singularitatem & pluralitatem differt, per hoc autem non excludit pluralitatem suppositorum quæ concomitatur. in aliis autem locis explicat non tantum causam, sed etiam id quod causam concomitatur. Nam tertia parte assignat rationem quare persona assumens duas humanitates non diceretur duo homines: quia inquam nunquam in iis quæ apud nos sunt, nomen ab aliqua forma impositum pluraliter dicitur, nisi propter pluralitatem suppositorum. in quo dat intelligere, quod licet pluralitas suppositorum non sit formalis ratio & causa pluralitatis nominis substantiui, ipsam tamen causam concomitatur: & propter hoc considerat utroque ad pluralitatem huiusmodi concurrente, persona quæ duas humanitates assumet, non esset vnus homo. Idem dat intelligere prima parte in questione 36. dum inquit, quod pater non dicitur plura principia, quia implicaretur pluralitas suppositorum: quasi diceret, licet sola pluralitas formæ significatæ sit causa & fundamentum pluralitatis nominis substantiui, tamen illa non sufficit ad pluralitatem, quia pluralitas nominis etiam pluralitatem suppositorum tanquam causam in omnibus quæ apud nos sunt, concomitantem implicat. Et propter hoc non prædicamus nomen substantiuum etiam in diuinis, nisi cum pluralitate formæ pluralitatis etiam concurrat suppositum. Ad secundum dicitur quod sanctus Thomas in tertio Sententiarum loquutus est quantum exigit causa pluralitatis nominis substantiui. Quia enim in illo casu esset vera & formalis causa pluralitatis nominis, scilicet pluralitas formæ significatæ, ideo dixit quod illa persona esset plures homines. huic tamen non repugnat quod considerata causa, & eo quod causam concomitatur, dicendum esset, quod illa persona non esset duo homines, sed vnus. Posset secundum responderi ad dubium quod regula illa de pluralitate substantiuorum est vniuersaliter vera in nominibus substantiuis, id est, in quantum huiusmodi: & quod sola pluralitas formæ requiritur ad pluralitatem ipsius, nec requiritur pluralitas suppositorum. Ad instantiam autem ex tertia parte posset dici, quod hoc nomen homo habet aliquid de conditione nominis substantiui, & aliquid de conditione nominis adiectiui, ut de Christo dicitur: sicut & humanitas in Christo habet quidem modum formæ accidentalis, in quantum aduenit supposito diuino post eius esse completum, & non identificantur ipsi supposito: habet verò modum naturæ substantialis, in quantum trahitur ad esse diuini suppositi, & diuinum suppositum in ipsa subsistit. In quantum habet modum nominis substantiui, sic dicitur pluraliter ad purificationem formæ significatæ: & secundum hanc considerationem dixit sanctus Thomas tertio Sententiarum, quod persona assumens duas humanitates esset duo homines. In quantum verò habet modum nominis adiectiui, sic pluralitatem accipit à pluralitate suppositorum, & secundum hanc considerationem dixit sanctus Thomas tertio Sententiarum, quod persona assumens duas humanitates esset duo homines. Vnde ibidem dicitur, quod natura humana in Christo, quantum ad aliquid, se habet per modum indumenti, quasi insinuando quod illud nomen homo, ibi accipitur ut modum nominis adiectiui habet. & fortassis hanc responsionem intellexit Capreolus in 1. Sent. distinct. 4. quæst. 1. artic. 1. ubi dixit quod sanctus Thomas in tertia parte, dum dixit quod nomen nunquam pluraliter dicitur nisi propter pluralitatem suppositorum, potius loquitur de adiectiuis quam de substantiuis. Sed quia in tertia parte loquitur sanctus Thomas de hoc nomine homo, tanquam de nomine substantiuo, ut patet in eadem questione, articulo sexto: ubi determinat quod si plures personæ acciperent vnā humanitatem, dicerentur vnus homo propter unitatem formæ significatæ, quod conuenit nomini substantiuo: prima etiam parte loquens de hoc nomine principium, inquit, quod si diceretur pater esse plura principia, implicaretur pluralitas suppositorum: ideo videtur mihi prima responsio melior esse, & magis ad mentem sancti Thomæ, scilicet quod ad pluralitatem nominis substantiui concurrat & pluralitas formæ significatæ, & pluralitas suppositorum: vnus sicut ratio & causa formalis pluralitatis: alterum sicut concomitans causam, & sicut causa sine qua non, in rebus quæ apud nos sunt, & consequenter etiam in diuinis, in quibus, nominibus videtur ad significandum secundum modum in creaturis inuentum. Ex his ad dubium primum motum patet responsio. Dicitur enim quod utique vult sanctus Thomas hoc loco rationem, quare aliqui plures homines dicantur, esse humanitatis pluralitatem in illis: per hoc tamen non excludit suppositorum pluralitatem modo dicto, imò videtur includere: cum etiam de duobus suppositis habentibus humanitatem, mentionem facit huic autem, ut patuit, quod in tertia parte dicitur non contrariatur. Quinta conclusio est: Verbum Dei à Deo secundum ipsum suum intelligere procedit, probatur, supponendo quod quauis ea quæ in creaturis diuersa sunt, quæ scilicet de Deo formaliter dicuntur, in Deo vnus simpliciter sunt, & verissime tamen in Deo est quicquid pertinet ad rationem illo-

rum, declaratur in essentia, subsistentia, & esse, tunc sic. De ratione interioris verbi, quod est intentio intellectus, est quod procedat ab intelligente secundum suum intelligere, ergo, &c. probatur antecedens, quia est quasi terminus intellectualis operationis. consequentia verò probatur: quia cum in Deo sit idem intelligens, intelligere, & intentio intellectus, oportet ut in Deo verissime sit & quod pertinet ad rationem intelligentis, & quod pertinet ad rationem eius quod est intelligere, & quod pertinet ad rationem intentionis intellectus siue verbi.

Hic duo sunt attendenda. Primum est, quod conclusio hæc ponitur non tanquam naturaliter scita, sed tanquam credita. non enim naturaliter probari potest trinitas personarum in diuinis eo modo, quo fides ponit: & ideo oportet fundamentum conclusionis creditum esse, scilicet de ratione verbi est quod procedat ab intelligente secundum suum intelligere. Hoc enim non est vniuersaliter verum, nisi supposito secundum fidem esse in diuinis verbum productum. Nam supponens sanctus Thomas ex sacris scripturis esse filium in diuinis, intendit modum generationis declarare. Vnde Philosophus negans personarum trinitatem in diuinis, negat ibi generationem esse, & quod de ratione verbi sit, quod procedat ab intelligente secundum suum intelligere: imò multi negant etiam in intellectu nostro oportere poni verbum productum. Secundum est quod cum dicitur verbum esse quasi terminum intellectualis operationis, li quasi non accipitur ut similitudinem importat, sed ut est veritatis expressum. Sexta conclusio est: Verbum ab intelligente in Deo sola relatione distinguitur. Probatur: verbum Dei comparatur ad Deum intelligentem, cuius est verbum, sicut ad eum à quo est, cum hoc sit de ratione verbi, & non distinguuntur secundum essentiam, ergo remanet sola distinctio relationis, prout verbum refertur ad concipientem à quo est. Confirmatur per id quod dicitur: Hoc erat in principio apud Deum: ex quo datur intelligi verbum quod Deum esse dixerat, aliquo modo à Deo dicente distinctum esse. Quomodo autem personæ diuinæ constituentur & distinguuntur per relationes, inferius cap. 24. ostenditur. Septima conclusio est: Verbum Dei comparatur ad alias res à Deo intellectas sicut exemplar, ad ipsum verò Deum cuius est verbum, sicut imago. probatur, quia quom verbum interius conceptum sit quadam ratio & similitudo rei intellectæ, si se habeat ad eam sicut principium, habet rationem exemplaris. Si verò se habeat ad ipsam sicut ad principium, habet rationem imaginis, declaratur in nostro intellectu respectu artificialium & respectu naturalium. Intelligere autem Dei intelligentis est principium rerum intellectarum ab ipso: ad intelligibile autem quod est ipse, comparatur sicut ad principium. cum hoc intelligibile sit idem cum intellectu intelligente. Et eadem ratio est de verbo, quum sit quædam emanatio intellectus intelligentis, ergo, &c. Confirmatur auth. Apost. ad Coloss. 1. dicentis de verbo Dei, quod est imago inuisibilis Dei.

Ad vertendum, quod duplicem identitatem intelligibilis cum intelligente possumus intelligere. vnā secundum esse intelligibile prout intelligibile secundum suam speciem intellectualem est in intellectu, & ex illis sit vnus ad intelligendum. aliam verò secundum esse naturale, & secundum propriam naturam: sicut cum intellectus seipsum intelligit, constat quod eadem res est intelligibile, & intellectus intelligens. Hic ergo cum inquit sanctus Thomas intelligibile diuinum idem esse cum intellectu intelligente, & sic comparari ad intelligere & ad verbum sicut principium, intelligendum est non de identitate in esse intelligibili: quia secundum hanc identitatem omne intelligibile est principium verbi, quom verbum procedat ab intellectu specie intelligibilis informato: sed de identitate secundum esse naturale, & secundum naturam proprietatem. Nam cum Deus seipsum intelligit, ipse Deus qui intelligitur, est ipsa sua essentia, & suus intellectus secundum rem: & idem sicut intellectus comparatur ad verbum à se productum sicut principium, ita ad ipsum comparatur ipse Deus cuius est verbum, secundum suam naturam proprietatem. Octaua conclusio est: Verbum Dei est imago ipsius quantum ad eius essentiam. probatur: verbum intellectu conceptum est imago vel exemplar substantiæ rei intellectæ: sed verbum Dei est imago Dei: ergo est eius imago, quantum ad eius essentiam. probatur maior ex differentia quæ est inter intellectum & sensum: quia videlicet sensus apprehendit rem quantum ad exteriora eius accidentia: intellectus autem ingreditur ad interiora rei: & ideo quia omnis cognitio perficitur secundum similitudinem cognoscentis & cogniti, in sensu est similitudo sensibilis, quantum ad eius accidentia: in intellectu verò est similitudo rei intellectæ quantum ad eius essentiam. Confirmatur per Apostolum dicentem ad Hebræos primo, quod est figura substantiæ eius. Nona conclusio est: Verbum Dei est filius. Probatur præmittendo, quod est aliqua imago quæ non communicat in materia cum eo cuius est imago, sicut statua hominis: aliqua verò quæ in natura communicat, ut filius regis. Tunc sic arguitur: Verbum Dei est imago dicentis quantum ad ipsam eius essentiam, & in eadem natura cum dicente communicat, ut ostensum est, ergo, &c. probatur consequentia, quia quod procedit ex aliquo viuente in similitudine speciei, dicitur filius eius. Confirmatur. auth. Psalm. Dominus dixit ad me, filius meus es tu. Decima conclusio est: Verbum Dei seipsum intelligentis naturaliter ab ipso procedit. probatur, tum quia est filius. processio enim filij à patre est naturalis: tum quia Deus seipsum naturaliter intelligit, sicut & naturaliter est. suum enim intelligere est suum esse. declaratur hæc ratio ex intellectu nostro, in quo conceptiones eorum quæ naturaliter intelliguntur, naturaliter sunt in ipso: & ab eo naturaliter procedunt: eorum verò conceptiones quæ non intelliguntur naturaliter, non sunt in ipso naturaliter.

Ad euidentiam huius conclusionis considerandum primum ex prima parte quæst. 41 artic. 1. & hic inferius, quod naturaliter produci hoc loco accipitur non ut distinguitur contra produci supernaturaliter, sed ut distinguitur contra per voluntatem produci. dicitur enim naturaliter produci id ad quod producendum agens est determinatum à natura, & non potest non produci: per voluntatem autem produci dicitur quod ita produci, quod etiam potest non produci. vnde quia verbum diuinum non potest non produci à patre, sed necessariò ab ipso produci, cum etiam Deus nequeat seipsum non intelligere: ideo dicitur à Deo patre seipsum intelligente, naturaliter procedere.

Se circa secundam rationem declaratam ex his quæ accidunt in intellectu



intellectu nostro, dubitatur: nam constat quod conceptiones eorum quæ naturaliter noster intellectus intelligit, non sic ab intellectu nostro naturaliter procedunt, quod non possint non procedere. Cum enim conceptio & verbum non sit in intellectu, nisi dum intellectus actualiter intelligit, & intellectus noster non semper intelligat actu ipsa naturaliter cognita, ut patet, manifestum est quod aliquando non producantur: & sic ex his quæ in intellectu nostro inveniuntur, non potest argui quod verbum diuinum naturaliter à Deo intelligere seipsum procedat, sed magis oppositum.

Ad huius euidenciam considerandum est primò, quod cum in intellectu respectus ad suum actum sit duplex, scilicet ad eius exercitium, quod est intelligere actum: & ad eius specificationem, quod est intelligere tali modo: dupliciter possumus dicere intellectum aliquid naturaliter intelligere, aut inquam quantum ad exercitium actus: quia videlicet non potest non exire in actum intelligendi rem illam: aut quantum ad specificationem actus: quia videlicet si exeat in actum circa tale obiectum, non potest non intelligere tali modo: verbi gratia circa hoc principium, Omne totum est maius sua parte, potest intellectus naturaliter ferri: aut quia non potest non exire in actum considerationis ipsius: aut quia si exeat in actum, non potest elicere alium actum circa ipsum quam actum assensus: & quia conceptionum naturalitas concomitatur naturalitatem intellectus, ut patet ex his quæ hic dicuntur: ideo & aliqua conceptio potest dici esse naturaliter in intellectu, aut quantum ad esse conceptionis absolute, quia videlicet non potest non produci ab intellectu: aut quantum ad speciem suam, in quantum si intellectus conceptionem de re formet, non potest esse nisi talis conceptio assensus. Quia ergo intellectus non intelligit nisi formando conceptionem, intellectio & conceptio sese proportionaliter consequuntur quantum ad naturalitatem, ut videlicet conceptio eius quod naturaliter intelligitur quantum ad specificationem actus, sit naturalis quantum ad sui specificationem. Conceptio verò eius quod naturaliter intelligitur, quod ad exercitium actus, sit naturalis quod ad suum esse, & suum produci absolute.

Secundò, considerandum iuxta prædicta quod circa principia prima naturaliter nota duplicem modum necessitatis & naturalitatis in via S. Thom. possumus imaginari: unus est quod intellectus naturaliter intelligit prima principia non solum quod ad specificationem, sed etiam quod ad exercitium actus, sed si sic ponamus, hoc erit intelligendum non absolute, sed si sic ponamus, ut debito vultu sensitiuum potentiarum, & debita dispositione phantasmatum. Huius modo dicendi videntur fauere verba sancti Thomæ, & hic ubi vult intelligibilem primorum, quæ intellectus naturaliter intelligit, conceptiones naturaliter esse in intellectu, & ab ipso naturaliter procedere: & ex hoc inferitur quod verbum Dei seipsum naturaliter intelligit naturaliter à patre procedit: ubi manifestum est intellectus de intellectu diuina naturalis, quod ad exercitium actus intelligitur. Fauet etiam verba ipsius, prima quæst. 41. articulo secundo ad quartum, ubi respondens ad hanc propositionem, Omne verbum procedit à dicente per voluntatem, ait, quod etiam in conceptionibus intellectus naturaliter fit reductio ad primam quæ naturaliter intelligitur: ubi patet esse intentum de naturali intellectu, quo ad exercitium actus. Fauet etiam quod dicitur in quæst. Potentia, quæstio secunda, articulo tertio ad tertium, ubi ait S. Thom. quod oportet ponere ita in actu intellectus qui intellectus naturaliter consequitur, ita quod à voluntate non impeditur. Constat enim quod imperium voluntatis circa actum alterius potentie intelligitur quod ad eius exercitium. Alius modus est quod intellectus intelligit prima principia naturaliter & necessario, non quod ad exercitium actus, sed tantum quod ad specificationem, in quantum videlicet eis necessario assentit posito, quod circa illa actum eliciat. Huius modo fauent verba sancti Thomæ, prima secundæ, quæst. 10. artic. 2. ubi ostendit voluntatem à nullo obiecto quantum ad exercitium actus de necessitate moueri: quia potest aliquis de quocunque obiecto non cogitare, ex quo videtur velle nullum actum intellectus, quo ad sui exercitium esse naturalem & necessarium. Fauet etiam huius quod ubi sanctus Thom. explicat modum necessitatis intellectus erga prima principia, tantum de specificationis necessitate mentionem facit, ut patet de malo, quæstio tertia, articulo tertio, ubi postquam dixit, quod tam intellectus quam voluntas ex necessitate tendit in illud ad quod naturaliter ordinatur, subiungit de intellectu quod assentit ex necessitate primis principiis naturaliter notis, nec potest eorum contrariis assentire, patet enim quod ista est necessitas tantum, quod ad actus specificationem, simile habetur de Veritate quæstio vigesima quarta, articulo primo, ad vigesimum, & prima quæst. 62. articulo octauo ad secundum. Licet autem utraque via sustentari possit, videtur tamen mihi, saluo semper meliori iudicio, dicendum quod naturalitas & necessitas intellectus ad cognitionem primorum principiorum sit tantum respectu specificationis actus, in quantum videlicet intellectus est ad talem actum circa ipsa determinatus, qui est actus assensus, quia non potest illis non assentire: non autem respectu exercitij, quasi non possit non elicere actum circa illa. Experiencia enim probamus nos cessare ab actuali consideratione principiorum, & voluntarie nos in aliorum cognitionem transferre, ac etiam ab aliorum consideratione cessando voluntarie ipsa principia considerare.

Quod si adducatur dictum S. Thom. 1. p. q. 82. art. 4. ad tertium inquitentis quod omnem quidem motum voluntatis necesse est quod præcedat apprehensio, non tamen omnem apprehensionem præcedit motus voluntatis, ex quo videtur velle quod sit aliquis actus intelligendi, qui quantum ad exercitium actus à voluntate non dependeat, quod quidem videtur esse verum dumtaxat de apprehensione eorum quæ naturaliter ab intellectu cognoscuntur: dicitur quod non loquitur de cognitione primorum principiorum, aut primorum terminorum vniuersalium, sed de cognitione quam quis primò habet dum de aliquo negotio incipit consiliari & considerare. Oportet enim cum non procedatur in infinitum in hoc quod intellectio præcedit volitionem, & volitionem intellectio, esse statum in aliqua cognitione quam voluntas non imperat, sed aliquod principium altius intellectu nostro efficit, ubi idem dicitur. Non obstant etiam dicta sancti Thomæ superius allegata, quia ut patebit, ad propositum suum sufficit intellectum naturaliter & necessario ferri in prima principia, quod ad

specificationem actus. Et cum dicitur quod imperium voluntatis circa actum alterius potentie, intelligitur quod ad exercitium actus, hoc non est vniuersaliter verum: quia etiam imperium voluntatis fertur in specificationem actus, sicut patet in iis quæ sunt fidei, quibus intellectus ex imperio voluntati assentit. His præmissis dupliciter possumus ad dubium respondere secundum duos modos superius tactos. Secundum enim primò modum diceretur quod falsum est, conceptiones intellectus nostri de his quæ naturaliter ab ipso intelliguntur, posse ab ipso non procedere, positis omnibus ex parte potentiarum cognoscitiuarum ad eorum intellectum nem requiritis. Quam autem probatur quia intellectus noster non semper ea intelligit, dicitur quod hoc falsum est de intellectu coniuncto positis omnibus aliis dispositionibus ad intelligendum necessariis, licet verum sit intellectu absolute sumpto. Quia enim non semper adest debita dispositio virium sensitiuarum, neque debita phantasmatum dispositio, ideo non semper prima principia actu intelligit absolute, sed tunc tantum quando alix dispositiones adfuerint. Iuxta secundum verò modum dicitur primò, quod licet conceptiones huiusmodi possint non procedere ab intellectu quantum ad ipsorum esse absolute, non possunt tamen non esse tales conceptiones, quæ sunt conceptiones assensus, supposito quod aliquas conceptiones intellectus de primis naturaliter cognitis formet: & sic non possunt non esse in intellectu quantum ad ipsarum specificationem supposito quod producantur. Cum autem inferitur quod non poterit ex hoc concludi verbum diuinum naturaliter à Deo procedere, negatur opinio enim ex hoc quod in nostro intellectu inuenitur, inferunt sanctus Thomas propositum suum de verbo diuino. Vult enim habere de intellectu nostro quod sicut naturaliter aliqua cognoscit, ita naturaliter sunt in ipso illorum conceptiones, eo scilicet modo naturalitatis, quo & ipsa naturaliter cognoscit, ut ex supradictis apparet. Ex quo inferitur quod similiter in intellectu diuino eodem modo naturalitatis naturaliter est & procedit verbum suipsum à se naturaliter intellectu, quo & ipse seipsum naturaliter intelligit, huius autem si addiderimus quod Deus seipsum naturaliter intelligit, & quod ad specificationem actus, quia non potest se alio modo intelligere quam intelligat: & quod ad exercitium actus, quia non potest se non intelligere, sequitur optimè verbum suum suamque conceptionem qua seipsum intelligit, ab ipso naturaliter procedere, & quantum ad esse suum absolute, quia non potest non produci: & quantum ad sui specificationem, quia non potest esse aliud verbum quam sit.

Vndecima conclusio est: Verbum Dei est verè genitum à Deo dicente, & eius processio, generatio, vel natiuitas dici potest. Probatur: Naturalis processus verbi diuini est in similitudinem eius à quo est processio cum identitate naturæ: ergo, &c. probatur antecederet: quia verbum est eiusdem naturæ cum Deo dicente, & similitudo ipsius, consequentia verò probatur: quia in viuentibus hæc est veræ generationis ratio, quod id quod generatur, à genere procedat ut similitudo ipsius ad eiusdem naturæ cum ipso. Confirmatur autem. Mat. 2. Ego hodie, id est, in æternitate, genui te.

Ex prædicta conclusione simul cum præcedenti inferitur S. Thom. falsum esse, quod pater generet filium voluntate, ut Ariani dixerunt: quia quæ voluntarie sunt, non sunt naturalia.

Ad euidenciam conclusionis considerandum est, quod verbum dicitur verè genitum, id est, propriè, & eius similiter processio dicitur verè, id est, propriè generatio, quæ etiam natiuitas dicitur ad differentiam generationis communiter dictæ in omnibus generabilibus & corruptibilibus, quæ nihil aliud importat quam mutationem de non esse ad esse. In diuinis enim non est generatio, secundum quod dicitur mutationem de non esse ad esse, sed bene quæ est origo viuentis à viuentis coniuncto, &c. quæ propriè etiam natiuitas dicitur, dicitur etiam verè & propriè generatio, hoc est, secundum propriam rationem generationis, non autem metaphoricè.

ADVERTENDVM secundò circa primam rationem, quod ista propositio, Naturalis processio verbi est in similitudinem eius à quo est processio cum identitate naturæ, intelligitur quantum est ex ratione ipsius processionis. Nam licet spiritus sanctus procedat etiam ipse in similitudinem eius à quo est, & sit eiusdem naturæ cum ipso, sua tamen processio non dicitur generatio, quia non conuenit sibi ex ratione suæ processionis, quæ est amoris processio, sed tantum in quantum ipse est amor Dei, in quo quicquid est, ipse est substantia, ut patet 1. 1. q. 27. art. 4. & de Potentia, quæst. 10. art. 2.

SE D tunc dubium occurrit. Sicut enim ad rationem generationis pertinet similitudo geniti ad generantem absolute, ita ad eam pertinet ut talis similitudo secundum eandem naturam specificam sit secundum idem esse naturale specificum, ergo qua ratione ad hoc ut aliqua processio sit generatio, requiritur ut sit secundum rationem similitudinis, hoc est, ut ex propria ratione habeat quod productum sit simile producenti: eadem ratione requiritur ut secundum propriam rationem sibi conueniant omnia alia ad generationem requisita: & qua ratione propter defectum illius conditionis quæ est esse secundum rationem similitudinis, quia, scilicet, hoc non conuenit illi ex propria sua ratione, aliqua processio non est generatio: eadem ratione propter defectum aliorum quæ sunt de ratione generationis, processio aliqua non erit generatio: quia non conuenit aliquid alicui formaliter & essentialiter, nisi illi secundum totam rationem suam conueniat constet autem quod processionem verbi ex ratione sua non conuenit ut verbum sit eiusdem naturæ cum producente verbum, tanquam idem naturale esse habens quod habet in seipso res intellecta, cum videamus verbum humani intellectus intelligentis lapidem, non esse eiusdem esse naturalis cum lapide intellecto: ergo sequetur quod nec etiam processio verbi diuini poterit dici generatio, sicut nec spiritus sancti processio.

Ad huius euidenciam considerandum est primò, quod cum loquimur de processione quæ est secundum rationem intellectus & secundum rationem voluntatis, non loquimur de processione qua ab istis aliquod extrinsecum procedit, sicut domus ab intellectu & voluntate artificis, sed de illa processione loquimur qua aliquid illis intrinsecè procedit, quod est terminus intrinsecus operationis per quam completè est in actu. Secundum hoc ergo differt processio intellectus à processione voluntatis, quia cum intellectus ad hoc ordinatur, ut per ipsum naturam intellectus sit ipsum intelligibile in esse intellectu, quod sit dum ipsum intel-



ligibile recipitur in intellectu, tunc intellectus ultimam suam perfectionem actualem consequitur, quando est actu informatus similitudine intelligibilis secundum actum perfectum: & quia per ipsam processionem intellectus qua producit verbum, & expressa similitudo rei intellectæ constituitur in tali actu perfecto, ideo talis processio ex sua ratione habet ut sit secundum rationem similitudinis, id est ut procedens per talem actum sit similitudo rei intellectæ, per quam intellectus actu intelligens rei intellectæ assimilatur, & est ipsa res intellecta secundum esse intellectuale & immateriale, & per consequens ut etiam sit similitudo intelligentis specie obiecti informati, qua sicut forma conceptum rei intellectæ in seipso producit. Voluntas autem non ad hoc est instituta, ut sit ipsa res volitata, sed ut in rem volitam inclinatur & moueatur, ideo ipsa non constituitur in actu completo per hoc quod similitudinem rei volitæ in seipso habeat, sed per hoc quod in rem volitam actualiter inclinatur: & ideo processio illa quæ in actu completo constituitur, non est ex sua ratione secundum rationem similitudinis, quasi videlicet ex ipsa procedat similitudo voliti per quam voluntas illi assimiletur, sed magis secundum rationem cuiusdam impulsus consideratur, in quantum per ipsam aliquid procedit, quo voluntas impellitur & inclinatur in rem volitam. Ex his sequitur non esse mentem S. Thom. cum inquit in locis præallegatis absolute loquendo de intellectu, processionem quæ est secundum rationem intellectus, esse secundum rationem similitudinis, quod per talem processionem procedat aliquid simile intellectui producenti quantum ad naturam ipsius intellectus, sed aliquid simile rei intellectæ: illud enim non est intentum in illis locis, ut apparet ex verbis ipsius: loquitur enim de similitudine ad rem intellectam quæ est intellectus obiectum, sicut de voluntate inquit, eius processionem, quæ scilicet secundum rationem voluntatis attenditur, considerari secundum rationem impellentis & mouentis, non quidem in ipsam voluntatem, sed in aliquid volitum.

Considerandum secundum, quod dupliciter considerari processio verbi diuini potest. Vno modo absolute, in quantum verbi processio est alio modo in quantum talis species per se processionis verbi, quæ est perfectissima. Si consideretur absolute, in quantum verbi processio: sic non habet ex hoc ut sit generatio, cum non omnis verbi processio sit generatio, ut in nobis apparet. Si autem consideretur ut est talis species processionis verbi, quæ in quantum perfectissima est, utpote perfectissimam cognitionem concomitans, sic habet quod sit generatio. ex communi enim ratione processionis verbi habet quod productum sit simile producenti secundum eandem rationem. lapis enim in anima, & lapis extra animam, eiusdem rationis sunt: imò vnum est alterius ratio, ut in præcedentibus est ostensum. ex eo verò quod est perfectissima processio, habet ut productum habeat idem etiam esse naturale cum producente formaliter, scilicet cum re intellecta. quanto enim cognitio perfectior est, tanto verbum per ipsam productum est intimius & magis vnitum. processio autem amoris diuini, neque ex communi ratione processionis amoris, in quantum huiusmodi, habet quod procedens sit simile producenti secundum eandem rationem speciei, neque ex hoc quod est perfectissima, amoris processio habet ut procedens idem naturale esse habeat cum producente: quia non quanto processio amoris est perfectior, tanto per illam productum est secundum se aut secundum suam similitudinem intimius productum: sed habet quod eiusdem naturæ sit cum producente, & eiusdem esse, quia est res existens in diuina natura, à qua nihil in diuina existens potest esse diuersum, ideo nullo modo sibi ratio generationis potest conuenire. Ad dubium ergo negatur quod eadem ratione sequatur, processionem verbi diuini non esse generationem. Cum probatur, quia sibi ex propria ratione non conuenit quod productum per ipsam sit eiusdem esse naturalis cum producente, dicitur quod licet hoc non conueniat sibi in quantum est absolute processio verbi, conuenit tamen sibi in quantum est processio verbi procedens ab intellectu intelligentis seipsum perfectissimo modo, & sic conuenit sibi ex eo quod est perfectissima species processionis verbi. Si inquit, quia eadem ratione dicitur quod processionis amoris diuini conuenit, ut productum per ipsam sit simile producenti, non quidem in quantum absolute est processio amoris: sed in quantum est processio amoris Dei amantis seipsum, dicitur quod hoc non est verum, quia quod spiritus sanctus sit eiusdem omnino naturæ cum producente, prouenit, quia est amor in Deo existens, in quo nihil est quod non sit natura ipsius, non autem in quantum procedit processionem amoris quocunque modo. neque enim hoc habet, quia procedit processionem amoris in quantum huiusmodi, neque quia perfectissima per se specie talis processionis procedit, ut dictum est. quod autem verbum diuinum sit eiusdem naturæ, & habeat idem esse cum producente, euenit non solum quia est aliquid in diuina natura, sed quia procedit perfectissima specie processionis verbi quæ perfectissimam cognitionem concomitatur. Vnde sanctus Thomas prima quæstione 27. articulo 1. ad secundum arguit, verbum diuinum esse perfectè vnum cum eo à quo procedit: quia quanto aliquid magis intelligitur, tanto conceptio intelligibilis est magis intima intelligenti. diuinum autem intelligere est perfectissimum.

CIRCA corollarium inducendum, considerandum est ex doctr. sancti Thom. prima quæst. 41. articulo secundo, quod non sic negatur patrem filium voluntate genuisse, quasi nullum actum voluntas diuina habuerit circa generationem filij, sed quia habuit quidem voluntatem concomitantem in quantum voluit generationem, sicut voluit nos esse homines, non autem habuit voluntatem tanquam causam, aut principium productionis, eo modo quo dicimus Deum creaturas voluntate produxisse. ratio autem huius est, quia quod voluntate producit tanquam principio, potest esse & non esse, cum voluntas in quantum huiusmodi, ut videlicet à natura distinguitur, non sit ad vnum determinata, sed ad opposita se habeat, filius autem in diuinis non potuit non esse.

Verum autem voluntas concomitans, quæ scilicet fertur in generationem filij tanquam in obiectum, præcedat secundum intellectum generationem filij, an scilicet prius secundum intellectum pater voluit generare filium quam genuerit, dubium est in doctrina S. Thom. quidam enim sequentes doctrinam Scoti in primo Sententiarum dist. 6. tenent quod præcedit: tum quia S. Thom. prima quæst. 33. articulo tertio ad primum, tenet quod absoluta communia toti trinitati sunt priora notionalibus. constat autem quod velle generationem filij, sicut velle essentialiter diu-

nam, est absolutum toti trinitati commune: tum quoniam constat processionem spiritus sancti prius amari quam oriri, eo quod pater amando se & filium & spiritum sanctum, acque spirationem ipsam, spirat spiritum sanctum. Posset etiam hæc opinio confirmari, quia id quod filio per generationem communicatur à patre, secundum rationem præintelligitur in patre ante generationem, velle autem communicatur filio à patre sicut & voluntas, ergo, &c. Capreolus verò in primo Sententiarum dist. 6. tenet, quod licet concomitetur generationem filij, non tamen antecedit secundum intellectum. hoc autem esse de mente S. Thom. ostendit ex dictis eius in q. de Potentia, q. 2. articulo tertio, ubi expresse hoc tenere videtur, inquit, quod respectu generationis filij non est voluntas præcedens, nec tempore, nec intellectu, sed tantum voluntas concomitans. Quauis autem utraque opinio sustentari aliquo modo possit, opinio tamen Capreoli, meo iudicio, magis videtur ad mentem sancti Thomæ esse, propter verba ipsius allegata in quæst. de Potentia Dei: quæ expresse ponunt respectu generationis filij non esse voluntatem præcedentem, neque tempore, neque intellectu. Nec valet dicere, quod per voluntatem præcedentem tempore vel natura intelligitur voluntatem ut principium. Nam sic intelligendo non satisfaceret per illam responsum argumento probanti patrem produxisse filium non tantum voluntate concomitante, sed etiam voluntate ut principio, hac ratione, quia quauis voluntas non præcedat tempore generationem filij, præcedit tamen intellectu, ergo potest poni principium filij. Si enim sensus responsionis esset, quod respectu generationis filij non est voluntas præcedens tempore, nec intellectu, ut principium, responderetur conclusioni, negando scilicet quod possit poni voluntas ut principium generationis: non autem præmissis, quod est hominis inerediti. Vnde magis dicendum est, quod cum argumentum ex hoc probet posse poni voluntatem principium generationis filij, quia voluntas præcedit ipsam intellectu, licet non præcedat tempore: negat sanctus Thomas hoc assumptum, absolute inquit, quod neque tempore, neque intellectu præcedit, & ideo intentum non sequitur, scilicet, quod possit esse principium. Confirmatur propositum, quia etiam secundum intellectum non videtur quomodo actui indiuisibili à natura alicuius suppositi naturali necessitate prouenienti, & nullo modo impediti, possit alius eiusdem suppositi illi præintelligi secundum verum ordinem intellectus. Cum enim nihil præintelligatur naturæ ipsius suppositi, nullus etiam actus potest huiusmodi naturali operationi præintelligi, sed bene possunt intelligi simul esse plures ipsius operationes naturales, & sic vnâ alteri comitem esse. in proposito autem magis debet dici actum generationis filij præcedere voluntatem intellectu quam econuerso, si aliquis ordo inter huiusmodi actus poni debeat: quia intellectus secundum se voluntatem præcedit: & ut superius est ostensum, in ordine intellectus & voluntatis oportet esse statum in aliquo actu intellectus qui sibi naturaliter conueniat, & qui à voluntate non præueniatur, cum voluntas non feratur nisi in cognitum. Non obstat autem quod primo obicitur, communia esse priora notionalibus. hoc enim verum est de communibus ex sua ratione significantibus essentialiter, cuiusmodi est hoc quod dico Deus, non autem de communibus significantibus operationem, cuiusmodi est velle. constat enim quod filio non conuenit prius secundum intellectum velle amare quam esse filium, cum non possit intelligi operari antequam intelligatur esse. Si inquit quod licet operatio communis non sit prior aliquo proprio, quale est proprietates constitutiva personæ: operatio tamen toti trinitati communis est prior in vno supposito operatione propria ipsius: sicut & natura communis est prior secundum intellectum natura propria in eodem supposito: dicitur quod licet fortassis illud esset verum de operatione communi inclusa essentialiter in propria, sicut intelligere includitur in hoc quod est dicere: quod non affirmo: non est tamen verum de operatione communi quæ non includitur essentialiter in propria, cuiusmodi est velle generationem filij respectu ipsius generationis. satis enim est quod propria operationem huiusmodi communis operationi concomitetur: ita quod vna sine altera non sit, & præsertim quando propria operatio est operatio potentie prioris secundum rationem: communis autem operatio est operatio potentie posterioris. Si iterum inquit, quia si concedatur operationem communem inclusam essentialiter in propria, scilicet intelligere, esse priorem generatione secundum intellectum: quia videlicet intelligamus patrem prius intelligere absolute quod generare filium per actum intellectus, eadem ratione videtur sequi quod prius velit generare quam generet, quum voluntas concomitetur intellectu. Dicitur quod licet in actu signato concederetur, quod intelligere absolute sumptum præcedit secundum intellectum ipsum dicere, quod est generare filium, quia ratio illius communis est prior ratione propria: & in illa includitur, sicut ratio animalis est prior ratione hominis: non concederetur tamen in actu exercito de intelligere respectu huius obiecti: videlicet quod intelligamus patrem prius intelligere generationem filij quam dicat filium, quia pater nullo alio modo intelligit quam dicendo & generando filium: & sic quandoque apprehenditur ipsum actum liter aliquod obiectum determinatum intelligere, necesse est ut apprehendatur filium generare, in quo & se & vnumquodque intelligit: ideo non sequitur quod prius secundum intellectum velit generare, quam generet. Non obstat etiam quod secundo loco inducitur. Nam falsum est, patrem prius amare se & filium, atque etiam ipsam spirationem secundum intellectum, quam spirare spiritum sanctum, cum ipsum amare patris sit spirare. Ad confirmationem autem dicitur, quod licet velle quantum ad entitatem quam dicit, vi generationis communicetur filio, & præintelligatur esse in patre, non tamen quantum ad habitudinem ad rem volitam vi generationis communicatur, cum sit habitudo rationis: ideo neque sic præintelligitur in patre, sed sequitur secundum nostrum modum intelligendi ipsum intelligere quod filius generatur, & ipsum concomitari. Duodecima conclusio est: Filius Dei est patri æqualis. probatur primo: verbum Dei est Deo æquale: quia non minus est quod Deus de seipso intelligit, quam quod in ipso est: alius non intelligit et seipsum perfectè, nec suum intelligere esset suum esse: ergo, &c. probatur consequentia, quia ipsum verbum est filius Dei.

Ad euidentiam antecedentis huius rationis considerandum est, quod de ratione verbi intellectus est, quod sit representatiuū rei intellectæ, & quod per ipsum intellectus intelligat: ideo verbum diuinum in quantum verbum,



verbum, esse æquale Deo, nihil aliud est quam repræsentare, quicquid est Dei. Hoc autem optime ostenditur ex hoc quod non minus est, quod Deus de seipso intelligit, quam quod in ipso est. Quum enim tantum extendatur repræsentatio verbi quantum se extendit intellectus, quum intellectus non fiat nisi mediante verbi repræsentatione, optime sequitur si intellectus Dei, adæquat ipsum Deum, quod ipsum etiam repræsentatio verbi adæquat.

**ATTENDENDVM** secundò, quod licet verbum in quantum verbum, esse æquale Deo, nihil aliud sit quam ipsum omnia quæ Dei sunt, intelligibiliter repræsentare: quia tamen verbum diuinum est eiusdem naturæ cum Deo intelligente seipsum, hanc æqualitatem repræsentationis conueniuntur æqualitas perfectionis & esse. quum enim sit æquale in repræsentando, & repræsentet Deum, sicut eiusdem naturæ & essentia cum ipso: necesse est ut sit etiam æquale in essendi perfectione, ideo conueniuntur ex æqualitate verbi inferitur æqualitas filij, ex eo quod ipsum verbum sit filius. Secundò, filius Dei habet veram speciem & naturam patris, eum sit Deus: ergo est illi æqualis. Probatur consequentia, tum quia cuiuslibet naturæ determinata quantitas debetur, tum quia filius apud nos perducitur ad æqualitatem patris in fine generationis & augmenti, nisi sit defectus ex parte materis, aut ex parte virtutis agentis: & quod à principio nascatur minor patre, est quia procedit de potentia ad actum, & de imperfecto ad perfectum. Nullum autem horum est in diuina generatione, quum non sit ex materia, nec per exitum de potentia ad actum, nec sit defectus ex parte potentis.

**CIRCA** istam propositionem, Cuiuslibet naturæ determinata quantitas debetur, aduertendum ex doctrina sancti Thomæ, 4. Sententiarum, dist. 4. quadagesima quarta, quæst. 1. artic. 3. quæstioncula 2. omnia longa dispositione, quæ de maximo & minimo fieri consuevit, quod sensus eius est omnem naturam specificam determinare sibi certam latitudinem quantitatis intra quam continetur, ita quod extra illam latitudinem non inuenitur neque inferius neque superius, & vnumquodque in diuiduum illius naturæ secundum suam indiuidualem naturam determinat sibi certum gradum illius latitudinis, ad quem, nisi sit aliquid impediens, pervenit, puta si dicamus quod natura humana determinat sibi hanc latitudinem quantitatis quæ est ab vno palmo ad decem palmos inclusivè, ita quod non inuenitur homo habens quantitatem minorem palmo, neque homo habens maiorem quantitatem quàm decem palmorum, & quod si ad sit materia sufficiens, nullumque sit impedimentum, vnumquodque homo habet illum gradum quantitatis quæ naturæ suæ indiuiduali conueniens est, & intelligitur etiam quod hoc conuenit cuiuslibet naturæ ab intrinseco, hoc est, quod maior quantitas illa quæ ponitur minima, non potest esse naturam consequi, neque similiter maior illa quæ ponitur maxima. Huius autem rationem assignat sanctus Thom. prima parte, quæstione septima, articulo tertio, & vbi quæritur de hac materia loquitur, quia determinatam formam determinatamque naturam consequuntur determinata accidentia, id est, formam & naturam ad aliquem gradum entium limitatam, ab aliisque naturis distinctam consequuntur accidentia & secundum speciem & secundum gradum certa & limitata. videmus enim niuem sibi determinare inter colores albedinem, & in specie albedinis determinare sibi perfectum gradum, aut gradum gradu albedinis multum rerum intentionem vsque ad aliquem determinatum terminum, siue sit supremus gradus, siue aliquis supremo inferior. constat autem quantitatem esse vnum de accidentibus consequentibus formam & essentiam rei quantæ. Icitro necesse est dicere, vnamque naturam rei quantæ sibi determinatum gradum quantitatis, & quantum ad paritatem & quantum ad magnitudinem determinare. Ex quibus patet quod non solum vnum numero indiuiduum determinat sibi quantitatem, ita quod à forma ipsius proveniat determinatus gradus quantitatis, & non possit ab ipsa maior aut minor gradus provenire: sed etiam quod ipsa natura specifica aliquam latitudinem quantitatis sibi determinat, ita quod si aliquod indiuiduum illius naturæ habeat summum gradum illius latitudinis, non solum ipsum à sua forma non potest in maius augeri, sed nec etiam aliud indiuiduum eiusdem naturæ ipso maius esse potest. & istud videtur esse de mente Aristotelis primo Physicorum textu trigésimo sexto, & secundò de Anima textu quadagesimo primo, & Commentatoris, quod dictum est de quantitate extensiva, de quantitate etiam intensiva, & perfectionali est intelligendum. Ex hac autem declaratione patet vim rationis sancti Thomæ in hoc consistere, quod cum filius Dei habeat speciem & naturam patris, non solum scilicet eandem secundum speciem, sed etiam eandem numero: & cum vnamque naturam consequatur determinatam quantitatem, necesse est ut filius etiam eandem quantitatem cum patre habeat, & consequenter quod sit illi æqualis. Confirmatio verò ex his quæ in rebus materialibus inveniuntur secundum hoc fundamentum procedit, quod sicut apud nos filius pervenit ad æqualitatem patris, nisi adsit impedimentum, in quantum pater, sicut causat in filio suam naturam specificam, & alias suas condiciones indiuiduales, secundum scilicet similitudinem, non autem secundum identitatem numeralem, nisi sit impedimentum: ita etiam causat eam quantitatem quæ sibi ex sua natura indiuiduali conuenit, ita multo magis in diuinis vbi nihil est quod impedimentum afferat: pater producit in filio simul cum sua natura & substantia etiam suam quantitatem virtutis, & sic producit filium sibi æqualem.

**ADVERTENDVM** autem cum dicitur, filium Dei habere speciem & naturam patris, quod species ibi non accipitur proprie, prout dicit aliquod sub assignato genere contentum: quia cum Deus in nullo genere contineatur, non est etiam ad aliquam speciem determinatus, sed accipitur pro essentia qua Deus ab omni alia re distinguitur, sicut vna species in creaturis distinguitur ab omni alia specie. Tertiò arguitur, si filius esset patri in æqualis, alia numero esset magnitudo patris & filij, hoc est falsum, quia cum diuina magnitudo sit Dei essentia, esset alia numero essentia patris & filij: ergo, &c. probatur sequela, quia eadem numero quantitas non potest seipsa maior esse aut minor.

**ADVERTENDVM** est, quod istam consequentiam implicite tangit sanctus Thomas, filius non est in æqualis patri, ergo est illi æqualis, quæ quidem consequentia licet non teneat in his quæ quantitatem non habent, aut quorum vnum non est quantum: in his tamen quorum vnum quodque est quantum, sicut in proposito supponitur de patre & filio

quantum ad quantitatem virtutis & perfectionis, tenet: quum enim æquale aut in æquale sit passio quantitatis, de omnibus duobus quantis est verum dicere, quod aut sunt æqualia, aut sunt in æqualia: & ideo si ponatur illa non esse in æqualia, optime sequitur, ergo sunt æqualia. Confirmatur conclusio auctoritate Ioan. & Apost. ad Philipp. 2.

**AD** evidentiam autem huius conclusionis, considerandum est ex doctrina sancti Thomæ prima parte, quæstione 42. articulo primo ad quartum, & primo sent. dist. 3. quæst. 1. artic. 1. quod æqualitas ista, quæ est inter diuinas personas, non est relatio realis, sicut æqualitas quæ est inter duas quantas, sed est relatio rationis, quia cum in diuina persona non sit nisi essentia, & relatio, ex parte essentia non habet æqualitatem quod sit relatio realis, quæ sit vna numero essentia in omnibus diuinis personis: eiusdem autem ad seipsum non sit relatio realis. non etiam hoc habet ex parte relationis, quia relatio non refertur ad relationem relatione reali, alioquin esset processus in infinitum, in relationibus. Vnde si quæritur an filius sit realiter æqualis patri, dicitur quod filium dici realiter æqualem patri, potest dupliciter intelligi. Vno modo propter realem relationem æqualitatis ad patrem, & sic filius non dicitur realiter æqualis patri, aut propter unitatem essentia quæ relationi æqualitatis præsupponitur, & propter distinctionem realem relationum personalium, & sic dicitur realiter æqualis, quia realiter habet illam eandem numero essentiam & magnitudinem quam habet pater, & à patre reali relatione originis distinguitur.

**CONTRA** hoc autem arguit Scotus primo dist. 31. & Quolib. quæst. 6. quia relatio realis acquiritur ista tria, scilicet quod fundamentum sit reale, quod extrema sint realia & realiter distincta, & quod ipsa relatio ex natura rei sit extremis absque omni operatione intellectus, vel absque operatione potentia extrinsecæ, hæc autem in æqualitate diuina inueniuntur, ut patet. Sed respondetur quod deficit secunda conditio, quia extrema non sunt realiter distincta secundum fundamentum relationis, quod intelligitur in illa conditione, non enim essentia & magnitudo diuina super quam fundatur æqualitas, est alia in vna persona, & alia in alia, sed est vna numero in omnibus.

**S**E D contra istam responsionem instatur: Paternitas & filio sunt relationes reales, & tamen non habent fundamenta distincta, & quum fundentur super essentia diuina, quæ est vna, &c. Respondetur & dicitur primo, quod relationes personales secundum rem, nullum habent fundamentum, quum sint substantiales, nec tamen sequitur quod sint relationes rationis, vtpote non habentes aliquod fundamentum in re. Nam verum quidem est in relationibus quæ sunt in genere, & sunt accidentia, quod requiritur aliquod fundamentum: & non existente fundamento, nulla est relatio realis: sed in relationibus extra genus & per se substantibus non requiritur aliquod fundamentum ad eam realitatem, sed sufficit quod ipsæ ex sui natura sint relationes quæ subsistunt, sicut enim non requiritur aliquod suppositum in quo recipiantur, sed sunt ipsa supposita, ita neque aliquod aliud fundamentum requirunt. Dicitur secundo, quod secundum nostrum modum intelligendi & significandi, istæ relationes intelliguntur habere aliquod fundamentum, illud autem non est essentia, ut putat Scotus, sed productio actiue & passiue significata: paternitas enim super generate, filio vero super generari fundatur. Nam licet generare & generari sint idem quod paternitas & filio in diuinis: quia tamen non significantur per modum relationis, sed per modum actionis & passionis, possunt intelligi ut sic significantur tanquam relationum fundamenta.

**H**ANC difficultatem abundè pertractat Capreolus in 31. distinctione primi: ideo non oportet immorari.

**Decima tertia conclusio** est: Rectè verbum Dei potest dici à Deo conceptum. Probatur, verbum Dei ita est à Deo genitum, quod tamen ab ipso non recedit, sed in eo manet, ergo, &c. Probatur consequentia, quia quod generatur, quando in generante manet, dicitur esse conceptum. Confirmatur auctoritate Prou. 8. quum dicitur: Nondum erant abyssi, & ego concepta eram.

**AD** manifestationem autem huius conclusionis notat primò sanctus Thomas, quod differentia est inter conceptionem verbi Dei, & materiam animalium conceptionem: quia proles quando concepta est, & in utero clauditur, nondum habet ultimam perfectionem, ut per se subsistat à generante secundum locum diuersa: & ideo aliud est conceptio, & aliud partus. Verbum autem Dei in ipso Deo dicente existens, est perfectum in se subsistens, distinctum à Deo dicente, cum sola relatione distinguatur: ideo ibi & conceptio & partus idem est, quod significatur, quum in eadem authoritate subditur: Ante colles ego parturiebar. Notat secundo, quod quia conceptio & partus in corporalibus cum motu & successione sunt: ideo necesse est ut id quod concipitur, nondum sit: & quod parturit, nondum sit à parturiente distinctum: conceptio autem & partus intelligibilis verbi non est cum motu & successione: ideo simul dum concipitur, est: & dum parturit, habet esse distinctum, declaratur in illuminatione. hoc autem verbo diuino conuenit etiam hac particulari ratione, quod eius conceptio & partus in æternitate sunt, in qua prius & posterius esse non possunt.

**Confirmatur** eadem authoritate cum dicitur: Quando præparabat celos, aderam.

**EX** his inferitur, quod cum in generatione carnali animalium prius aliquid concipitur, deinde parturit, deinde adsit parturienti: in diuina generatione simul verbum concipitur, parturit, & adest. Notat tertiò, quod sicut ad inueniendam perfectam distinctionem verbi à generante, generatio verbi dicitur partus, ita & dicitur generatio ex utero, secundum illud Psalmistæ: Ante luciferum genui te. Ad ostendendum verò quod talis distinctio non excludit verbum esse in dicere, dicitur Ioannis primo, quod est in sinu patris. Notat vltimò quod in generatione carnali est virtus actiua, à qua dicitur parere: & virtus passiua, à qua dicitur mater. vnde quedam conueniunt patri, sicut dare naturam & speciem: quedam vero matri, sicut concipere & parturire. in generatione verò verbi non competit ratio matris, sed tantum patris, eum intelligere diuinum non sit per virtutem passiuam, sed quasi actiuam, eod quod intellectus diuinus sit tantum in actu: ideo omnia patri attribuntur in sacris scripturis. Dicitur enim & dare filio vitam, & concipere, & parturire.

**ATTENDENDVM** est, quum inquit sanctus Thomas matrem in



caruali generatione à virtute passiva dici, quòd hoc nò est sic intelligendum, quasi respectu generationis animalis mater habeat tantum potentiam passivam, & nullo modo activam, ut quidam videntur sancti Thomae attribueret: sed quia respectu formationis corporis & organizationis mater se habet duntaxat passivè, in quantum ex suo sanguine formatur atque organizatur corpus: cum hoc autem stat quòd etiam quantum ad aliquid activè se habeat: Nam (ut habetur ex doctr. sancti Thomae 3. q. 32. art. 4. & 3. dist. 3. q. 2. art. 1.) quum tria inveniuntur in hominis generatione, scilicet formatio ac organizatio corporis, quod est principale in generatione: preparatio materiae, ut sic apta formationi & organizationi corporis humani, quod praecedit organizationem & formationem: atque etiam bona prolis dispositio, quod concomitatur vel sequitur dictam formationem: quantum ad primum mater se habet tantum passivè, quia quòd preparavit & ministravit ad formationem & organizationem corporis, ad ipsam formationem materialiter tantum se habet: est enim id ex quo tanquam ex materia formatur corpus. quantum verò ad alia duo activè se habet. Nam in matre est virtus activa qua preparatur sanguis eius & disponitur ut ex ipso humanum corpus formati possit: similiter in eius matrice est virtus quae proli conceptum fomentum praebet & meliorationem, ut est de mente Avicennae in capitulo de diluviis. Ex quo patet rationem Scoti in tertio Sentent. distinct. 4. contra diuum Thomam nullam esse, quum arguit, quum masculus & femina sint eiusdem speciei, oportere ut earum formas similes virtutes consequantur: & sic quum formam maris consequatur vegetativa virtus activa, necesse est ut & virtus vegetativa feminae sit activa. Conceditur utique quòd inferitur, nec hoc est contra doctrinam sancti Thomae: Nam concedit ipse virtutem generativam esse activam tam in femina quam in matre: sed dicit hanc perfectam esse in matre, & se extendere ad formationem generati: in femina autem imperfectam esse, & non se extendere usque ad generati formationem, sed tantum ad preparationem materiae, aut etiam ad aliquam prolis conceptus meliorationem. Unde licet virtus generativa feminae sit activa, dicitur tamen ad generationem passivè concurrere, non autem activè, quia quantum ad aliquam activè se habeat, ad formationem tamen prolis (quod est principale in generatione) passivè tantum se habet, dum videlicet ex materia ab ipsa preparata formatur proles.

ADVERTENDVM etiam cum dicitur, intelligere diuinum non esse per aliquam virtutem passivam, sed quasi activam, quòd differentia est inter intellectum humanum & intellectum diuinum, quia intellectus humanus mouetur à rebus intelligibilibus: & ideo dicitur virtus passiva, utpote quae ad suum obiectum comparatur sicut passivum ad activum: ex quo sequitur quòd intelligere humanum sit per virtutem passivam, intellectus autem diuinus non mouetur à suo obiecto, sed est illi omnino idem. ideo non dicitur virtus passiva: & per consequens intelligere diuinum non est per virtutem passivam. Dicitur autem esse non per virtutem activam simpliciter, sed quasi per activam, quia intellectus diuinus non proprie est causa & virtus activa respectu sui actus, cum ab ipso nec secundum substantiam, neque secundum esse distinguatur: sed dicitur quasi activa, quia si per opus intellectus distinguatur, intelligimus ipsum actum intellectus non causari in ipso ab obiecto, sed tantum intellectum ex se existentem in actu esse principium productivum ipsius.

### Quomodo filius Dei dicatur Dei sapientia.

Cap. 12.



VI A verò ea quae de sapientia diuina dicuntur, ad generationem verbi adduximus: consequens est ostendere, quòd per diuinam sapientiam ex cuius persona praemissa verba proponuntur, verbum Dei intelligi possit. Et ut à rebus humanis ad diuinorum cognitionem perueniamus, considerare oportet quòd sapientia in homine dicitur habitus quidam quo mens nostra perficitur in cognitione altissimorum: & huiusmodi sunt diuina. cum verò secundum sapientiam habitum in intellectu nostro aliqua formatur conceptio de diuinis, ipsa conceptio intellectus, quae est interius verbum, sapientiae nomen accipere solet, secundum illum modum loquendi quo actus & species nominibus habituum à quibus procedunt, nominantur. quod enim iuste fit, interdum iustitia dicitur: & quod fit fortiter, fortitudo: & generaliter quod virtuosè fit, virtus dicitur: & per hunc modum quod sapienter excogitatur, dicitur sapientia alicuius. In Deo autem sapientia quidem oportet dici ex eo quòd seipsum cognoscit. sed quia non cognoscit se per aliquam speciem nisi per essentiam: quoniam & ipsum eius intelligere, est eius essentia: sapientia Dei habitus esse non potest, sed est ipsa Dei essentia. manifestum est autem ex dictis, quòd Dei filius est verbum, & conceptio Dei intelligentis seipsum. sequitur igitur quod ipsum Dei verbum tanquam sapienter mente diuina conceptum, proprie concepta seu genita sapientia dicatur. unde Apostolus. Christum Dei sapientiam nominat 1. ad Corinth. 1. Ipsum autem sapientiae verbum mente conceptum, est quaedam manifestatio sapientiae intelligentis: sicut & in nobis oēs

habitus per actus manifestatur. Quia ergo diuina sapientia lux dicitur, prout in puro actu cognitionis consistit: lucis autem manifestatio, splendor ipsius est ab ea procedens: conuenienter & verbum diuinum sapientiae splendor lucis nominatur: secundum illud Apostolus. de filio dicentis: Cum sit splendor gloriae. unde & filius manifestatione patris sibi ascribit. Ioan. 17. dicens: Pater, manifestaui nomen tuum hominibus, sed tamè licet filius qui est Dei verbum, proprie sapientia concepta dicatur: nomen tamen sapientiae absolute dictum, oportet esse commune patri & filio: cum sapientia quae per verbum resplendet, sit patris essentia, ut dictum est: essentia verò patris sit sibi & filio communis.

Super Cap. 12.



VI A in superioribus ea quae de sapientia diuina in auctoritate allegata superius Proverborum octauo dicuntur, ad verbi generationem adduxit sanctus Thomas, diuina sapientia pro verbo diuino vtens, vult ex rebus humanis ostendere quòd conuenienter per diuinam sapientiam Dei verbum potest intelligi. Circa hoc autem tria facit. Primo ostendit propositum. Secundo, inferit vnum corollarium. Tertio remouet quoddam dubium. Quantum ad primum praemittit primo, quòd sapientia in homine dicitur quidam habitus quo mens nostra perficitur in cognitione diuinorum. sed & conceptio siue verbum interius de diuinis per ipsum habitum formata, etiam sapientiae nomen accipere solet, sicut actus nominibus habituum à quibus procedunt, nominari solent. sicut enim quod iuste fit, interdum iustitia dicitur, & sic de aliis: ita & quod sapienter excogitatur, dicitur sapientia. Praemittit secundo, quòd in Deo sapientia dicitur ex eo quòd seipsum cognoscit. sed tamen haec non est habitus, sed eius essentia, cum non intelligat Deus per speciem, sed per essentiam, imò & ipsum eius intelligere sit eius essentia. Tunc arguit sic. Filius Dei est verbum & conceptio Dei intelligentis seipsum: ergo tanquam sapienter mente diuina conceptum, proprie concepta seu genita sapientia dicitur. patet consequentia ex iis quae praemissa sunt. Confirmatur conclusio, quia Apostolus 1. ad Corinth. 1. Christum Dei sapientiam nominat. Quantum ad secundum inferit sanctus Thomas, quòd conuenienter verbum sapientiae diuinum splendor lucis nominatur ab Apostolo. Probatur: Sapientiae verbum mente conceptum, est quaedam manifestatio eius, sicut & in nobis omnes habitus per actus manifestantur: & sapientia diuina dicitur lux, prout in puro actu cognitionis consistit, ergo, &c. probatur consequentia, quia lucis manifestatio, splendor ipsius est ab ipsa procedens. Confirmatur ratio, quia filius manifestationem patris sibi ascribit Ioannis 17. Quantum ad tertium, quia posset aliquis ex praedictis existimare sapientiam nomen soli filio conuenire, hoc remouet S. Thom. & ait quòd licet verbum Dei proprie sapientia concepta dicatur, nomen tamen sapientiae absolute dictum oportet patri & filio commune esse: cum sapientia quae per verbum resplendet sit patris essentia verò patris sit sibi & filio communis.

AD euidentiam eius quòd dictum est, sapientiam in nobis habitum esse, non autem in Deo, considerandum est ex doctr. S. Thomae 1. 2. q. 49. art. 4. & q. 50. artic. 5. quòd cum de ratione eius quòd disponitur per habitum, sit ut aliquid potentialitatis habeat, sicut se habet intellectus ad potentiam, ita se habet ad hoc ut per habitum intelligat. Triplex autem intellectus se habet ad potentiam, sicut est triplex ordo intellectuum. Nam intellectus humanus cum sit pura potentia in genere intelligibilium, ut superius est ostensum, est omnino in potentia respectu omnium intelligibilium: ideo respectu omnium quae intelligere habet, indiget aliquo habitu superaddito per quem intelligat: intellectus verò angelicus non est pura potentia in genere intelligibilium, sed nec etiam purus actus: ideo non est in potentia respectu omnium intelligibilium, sed partim in potentia, & partim in actu: respectu enim sui ipsius est in actu, respectu verò aliorum est in potentia, quantum scilicet ad actuale eorum considerationem: ideo angelus ad cognoscendum seipsum, habitu non indiget, sed se per suam essentiam cognoscit: ad cognoscendum autem alia à se indiget habitu superaddito, nisi forte sint talia quae cum essentia sua talem habeant connexionem, ut simul cum ipsa per ipsam essentiam cognoscantur. Intellectus autem diuinus nullo modo est potentia, sed est purus & simplicissimus actus: ideo respectu nullus intelligibilis est in potentia, sed respectu omnium semper est in actu, & propterea nihil per habitum superadditum intelligit, sed per suam essentiam. Ex quibus sequitur, cum sapientia nihil aliud sit quam principium quo res altissimae cognoscuntur, ad horum autem cognitionem tam intellectus angelicus quam humanus in potentia se habeat, intellectus autem diuinus in actu puro, quòd sapientia tam in angelis quam hominibus est habitus, in Deo autem non est habitus, sed est eius essentia per quam omnia semper actu intelligit.

CIRCA rationem assignatam in litera quare sapientia in Deo non sit habitus, quia videlicet non intelligit per speciem, aduertendum quòd supponit sanctus Thomas habitum intellectus, aut esse speciem intellectualem, aut speciem intelligibilem includere, sicut superius est ostensum cum declaratum est ad habitum scientiae species intelligibiles antecedenter se habere, & ideo optime sequitur, si Deus per speciem non intelligit, quòd non intelligat per habitum.

PRO declaratione corollarij considerandum est, quòd cum lux sit qualitas per se visibilis, sicut scilicet quo aliquid videtur, proprie dicitur lux secundum quòd est in aliquo corpore lucido in actu, à quo alia illuminantur. splendor verò dicitur lumen in alio causari: ideo & transumptiue lux dicitur in spiritualibus, id est, quo aliquid intelligibiliter manifestatur secundum quòd est in intelligente in actu, à quo aliis fit intellectualis manifestatio. splendor verò dicitur id causatum à luce quo ipsa intellectualis cognitio aliis manifestatur. Propter hoc inquit sanctus Thomas, quòd sapientia diuina dicitur lux, prout in puro actu cognitionis consistit.



constitit, id est, prout consideratur ipsa actualis cognitio per se, ut in ipso Deo intelligere existens: splendor vero est ipsa lucis manifestatio ab ipsa procedens, id est, aliquid ab ipsa actuali cognitione diuina procedens, quo diuina cognitio manifestatur.

CIRCA dubij remotionem considerandum est, quod per nomen sapientiae absolute dictum, intelligit sanctus Thomas nomen ipsum dictum absque alia additione limitante: sicut per oppositum quum dicitur sapientia genita, nomen sapientiae non dicitur absolute, sed cum adiunctione huius nominis genita. Vult ergo quod si nomen sapientiae accipitur sine alterius nominis limitantis adiunctione, commune est patri & filio, sicut enim filius est sapiens & sapientia, ita pater & est sapiens, & est sapientia: quia videlicet sapientia tunc nihil aliud dicitur nisi essentiam diuinam secundum quod per ipsam Deus seipsum cognoscit, essentia autem diuina communis est omnibus personis: sed si accipitur cum adiunctione huius nominis genita, siue concepta, non est commune, sed proprium filio. Solus enim filius dicitur sapientia genita, non autem pater, qui a nullo procedit, neque etiam spiritus sanctus, qui non procedit per actum intellectus, sed voluntatis. Nam sapientia genita non dicitur solam diuinam essentiam, sed ipsam essentiam cum habitudine geniti & concepti: quam habitudinem soli filio conuenire constat.

*Quod non est nisi vnus filius in diuinis.*

*Cap. 13.*

*ad 1. p. q. 41.  
artic. 6.*



**Q**UIA vero Deus intelligendo seipsum, omnia alia intelligit, ut in primo ostensum est: seipsum autem vno & simplici intuitu intelligit, quum suum intelligere sit suum esse: necesse est verbum Dei esse vnicum tantum. Quum autem in diuinis nihil aliud sit filij generatio, quam verbi conceptio: sequitur quod vna sola sit generatio in diuinis, & vnus filius solus a patre genitus. Vnde Ioannis primo dicitur: Vidimus eum quasi vnigenitum a patre. & iterum: Vnigenitus qui est in sinu patris, ipse nobis enarrauit. Videtur tamen ex praemissis sequi, quod & verbi diuini sit aliud verbum, & filij sit alius filius. ostensum est enim, quod verbum Dei sit Deus verus. oportet igitur omnia quae Deo conueniunt, verbo Dei conuenire. Deus autem ex necessitate seipsum intelligit: & verbum igitur Dei seipsum intelligit. si igitur ex hoc quod Deus seipsum intelligit, verbum ab eo genitum in Deo ponitur: consequi videtur quod etiam & verbo, in quantum seipsum intelligit, aliud verbum attribuitur: & sic verbi erit verbum, & filij filius: & illud verbum si Deus est, iterum seipsum intelligit, & habebit aliud verbum: & sic in infinitum generatio diuina procedet. Huius autem solutio ex praemissis haberi potest. cum enim ostensum sit quod verbum Dei sit Deus: ostensum tamen est, quod non est alius Deus a Deo cuius est verbum, sed vnus omnino, hoc solo ab eo distinctum, quod ab eo est ut verbum procedens. sicut autem verbum non est alius Deus, ita nec est alius intellectus, & per consequens nec aliud intelligere: vnde nec aliud verbum, nec tamen sequitur, quod sit verbum sui ipsius, secundum quod verbum seipsum intelligit. nam in hoc solo verbum a dicente distinguitur, ut dictum est, quod est ab ipso. omnia ergo alia communiter attribuenda sunt Deo dicenti, qui est pater, & verbo quod est filius, propter hoc quod etiam verbum est Deus: sed hoc solum ut ab eo sit verbum, ascribendum est proprie patri: & hoc quod est esse a Deo dicente, attribuendum est proprie filio. Ex quo etiam patet quod filius non est impotens, etsi generare filium non possit, quum tamen pater generet filium. nam eadem potentia est patris & filij, sicut & eadem diuinitas. & cum generatio in diuinis sit intelligibilis verbi conceptio, secundum scilicet quod Deus intelligit seipsum: oportet quod potentia ad generandum in Deo sit sicut potentia ad intelligendum seipsum. & quum intelligere seipsum in Deo sit vnum & simplex, oportet & potentiam intelligendi seipsum, quae non est aliud quam suus actus, esse vnam tantum. ex eadem ergo potentia est & quod verbum concipiat, & quod dicens verbum concipiat. vnde ex eadem potentia est quod pater generet, & quod filius generetur. nullam ergo potentiam habet pater, quam non habeat filius: sed pater habet ad generare generatiuam potentiam, filius autem ad generari: quae sola relatione differre ex dictis patet. Sed quia Apostolus filium Dei dicit verbum habere, ex quo sequi videtur quod filij sit filius, & verbi ver-

bum: considerandum est qualiter verba Apostoli hoc dicentis sint intelligenda. Dicit enim Hebr. 1. Diebus istis locutus est nobis in filio. & postea: Qui cum sit splendor gloriae & figura substantiae eius, portans omnia verbo virtutis suae, &c. Huiusmodi autem intellectum sumere oportet ex his quae iam dicta sunt. dictum est enim quod conceptio sapientiae, quae est verbum, sapientiae sibi vendicat nomen. Vltimus autem procedentibus apparet, quod etiam exterior effectus ex conceptione sapientiae procedens, sapientia dici potest, per modum quo effectus nomen causae sibi assumit. dicitur enim sapientia alicuius esse non solum id quod sapienter excogitat, sed etiam id quod facienter facit: ex quo contingit ut etiam explicatio diuinae sapientiae per opus in rebus creatis, Dei sapientia dicatur, secundum illud Ecclesiast. primo: Ipse creauit illam, scilicet sapientiam, spiritu sancto. & postea dicit: Et effudit illam super omnia opera sua. Sic igitur & id quod ex verbo efficitur, verbi nomen accipit: nam & in nobis expressio interioris verbi per vocem, dicitur verbum, quasi sit verbum verbi: quia est interioris verbi ostensum. sic igitur non solum diuini intellectus conceptio dicitur verbum, quod est filius, sed etiam explicatio diuini conceptus per opera exteriora verbum verbi nominatur. Et sic oportet intelligi quod filius portet omnia verbo virtutis suae, sicut & id quod in Psalm. legitur: Ignis, grando, nix, glacies, spiritus procellarum, quae faciunt verbum eius: quia scilicet per virtutes creaturarum explicatur diuinae conceptionis effectus in rebus. Cum vero Deus intelligendo seipsum, omnia alia intelligat, ut dictum est, oportet quod verbum in Deo conceptum ex eo quod seipsum intelligit, sit etiam verbum vnum & idem omnium rerum: non tamen eodem modo est verbum Dei, & aliarum rerum: nam Dei quidem verbum est sicut ab eo procedens: aliarum autem rerum non sicut ex eis procedens. non enim Deus a rebus scientiam sumit, sed magis per suam scientiam res in esse producit, ut supra ostensum est. oportet igitur quod verbum Dei omnium quae facta sunt, ratio perfecta existat. Qualiter autem singulorum propria ratio esse possit, ex his quae in primo lib. \* tractata sunt, manifestum est: vbi ostensum est quod Deus omnium propriam cognitionem habet: quicunque autem facit aliquid per intellectum, operatur per rationem rerum factarum quam apud se habet. diuinus enim quae est in materia, sit ab edificatore per domus rationem quam habet in mente. ostensum est autem supra, quod Deus res in esse producit non naturali necessitate, sed quasi per intellectum & voluntatem agens. fecit igitur Deus omnia per verbum suum, quod est ratio rerum factarum ab ipso. Hinc est quod dicitur a Ioanne: Omnia per ipsum facta sunt. cui consonat quod Moyses mundi originem describens, in singulis operibus tali virtutis modo loquendi: Dixit Deus, fiat lux: & facta est lux: dixit Deus fiat firmamentum: & sic de aliis. quae omnia Psalmista comprehendit dicens: Dixit, & facta sunt. Dicere enim est verbum producere. Sic ergo intelligendum est quod Deus dixit, & facta sunt: quia verbum produxit, per quod res in esse produxit sicut per earum rationem perfectam. Sed quia idem est causa conseruationis rerum, & productionis ipsarum: sicut omnia per verbum facta sunt, ita per Dei verbum conseruantur in esse. vnde Psalmista dicit. Verbo Domini caeli firmati sunt. & Apostolus dicit ad Hebraeos primo, de filio, quod portat omnia verbo virtutis suae, quod quidem qualiter accipi oporteat, iam dictum est. Sciendum tamen quod verbum Dei in hoc differt a ratione quae est in mente artificis: quia verbum Dei Deus subsistens est: ratio autem artificis in mente artificis, non est res subsistens, sed solum intelligibilis forma. forma autem non subsistens non competit proprie ut agat. agere enim rei perfecta & subsistens est. sed est eius ut ea agatur. est enim forma principium actionis quo agens agit. ratio igitur domus in mente artificis, non agit domum, sed artifex per eam domum facit. verbum autem Dei quod est ratio rerum factarum a Deo quum sit subsistens, agit: non solum

\* Cap. 55.



solum per ipsum aliquid agitur. & ideo Dei sapientia loquitur Prouerbiorum octauo: Cum eo eram cuncta componens. & Ioannis quinto Dominus dicit: Pater meus operatur, & ego operor. Considerandum est etiam quod res facta per intellectum, praeexistit in ratione intellectus ante etiam quam sit in seipsa. prius enim domus est in ratione artificis, quam perducatur in actum. verbum autem Dei est ratio omnium eorum quae a Deo sunt facta, ut ostensum est. oportet igitur quod omnia quae sunt facta a Deo, praeexistere in verbo Dei, antequam sint etiam in propria natura. quod autem est in aliquo, est in eo per modum eius in quo est, & non per proprium modum. Dominus enim in mente artificis intelligibiliter & immaterialiter existit. res igitur intelligenda sunt in verbo Dei praeexistisse secundum modum verbi ipsius. est autem modus verbi ipsius, quod sit vnum, simplex, immateriale: & non solum viuens, sed etiam vita: quum sit suum esse. oportet igitur quod res factae a Deo praeexistere in verbo Dei ab aeterno immaterialiter, & absque omni compositione: & quod nihil aliud in eo sint quam ipsum verbum, quod est vita. Propter quod dicitur Ioannis primo. Quod factum est in ipso, vita erat, id est, in verbo. Sicut autem operans per intellectum & per rationem quam apud se habet, res in esse producit: ita etiam qui alium docet, per rationem quam apud se habet, scientiam causat in illo, cum scientia discipuli sit deducta a scientia docentis, sicut imago quaedam ipsius. Deus autem non solum est causa per intellectum suum omnium, quae naturaliter subsistunt, sed etiam omnis intellectualis cognitio ab intellectu diuino derivatur, sicut ex superioribus patet. oportet igitur quod per verbum Dei, quod est ratio intellectus diuini, causetur omnis intellectualis cognitio: propter quod dicitur Ioannis primo: Vita erat lux hominum: quia scilicet ipsum verbum quod vita est, in quo omnia vita sunt: manifestat ut lux quaedam mentibus hominum veritatem. Nec est ex defectu verbi, quod non omnes homines ad veritatis cognitionem perueniunt. sed aliqui tenebrosi existunt: prouenit autem hoc ex defectu hominum, qui ad verbum non conuertuntur; nec eum plenè capere possunt. unde adhuc in hominibus tenebrae remanent vel maiores vel minores, secundum quod magis & minus conuertuntur ad verbum, & capiunt ipsum. unde Ioannes, ut omnem defectum a manifestatiua verbi virtute excludat, quum dixisset quod vita est lux hominum: subiungit quod in tenebris lucet, & tenebrae eam non comprehenderunt. non enim tenebrae sunt ex hoc quod verbum non luceat, sed ex hoc quod aliqui lucem verbi non capiunt: sicut luce corporei solis per orbem diffusa, tenebrae non sunt nisi ei qui oculos clausos vel debiles habet. Hæc igitur sunt quae de generatione diuina, & de virtute vnigeniti filij Dei ex sacris scripturis edocti utcunque concipere possumus.

## Super Cap. .13



**P**OSTQVAM ostendit sanctus Thomas generationem esse in diuinis, & quod intelligibiliter est accipienda, nunc non posse esse plures filios in diuinis, vult ostendere. Circa hoc autem duo facit. Primo ostendit propositum, secundum diuini verbi conditiones declarat. Circa primum duo facit. Primo probat intentum, secundum remouet quaedam dubia. Quantum ad primum ponit hanc conclusionem: Vna sola generatio est in diuinis, & vnicus filius solus a patre genitus. Probatur. Deus seipsum vno & simplici intuitu intelligit: cum suum intelligere sit suum esse. ergo verbum Dei est vnicum tantum, ergo, &c. primam consequentiam relinquit manifestam, hoc supposito, scilicet quod Deus intelligendo seipsum, omnia alia intelligit. secundam vero consequentiam probat, quia in diuinis nihil aliud est filij generatio quam verbi conceptio. Confirmatur conclusio auct. Ioan. primo.

**ADVERTENDVM**, quod conclusio duplicem potest habere sensum. Primus est, quod non potest esse nisi vnicus filius a patre genitus, id est, pater non potest nisi vnicum filium generare. & ratio potest intelligi tanquam hoc duntaxat concludens. quia enim pater & se & omnia alia vno actu intelligit, non autem pluribus intellectionibus, nec potest aliter esse, sequitur quod vnicum tantum verbum producat, nec possit aliud verbum aut alium filium producere. Secundus est, quod non tantum non potest pater habere plures filios, sed nec etiam possunt esse plures filij, ita videlicet quod pater vnum producat, & filius alium: ad hunc sensum potest etiam ratio adaptari ex iis quae dicuntur de Potent. q. 9. artic. 9. ad primum, sic arguendo: Si filius alium filium produceret, sequeretur quod in

diuinis verbum ex verbo procederet, sed hoc est impossibile. ergo, &c. probatur impossibilitas consequentis, quia verbum ex verbo produci, est intellectus inquirentis & discurrentis, non autem vnico intuitu omnia in intellectu: intellectus autem diuinus non est inquisitiuus, sed omnino vnico intellectu intelligit, ergo, &c. Secundus sensus videtur mihi magis esse ad mentem S. Thom. quia non determinat se ad patrem, sed loquitur de Deo absolute.

**CONTRA** autem rationem arguit Scotus. Quolib. q. 2. distinct. 2. in 2. quibus, q. videtur ex hoc fundamento procedere: Vbi non potest esse nisi vnicus actus intelligendi, ibi non potest esse nisi vnicum verbum, siue vnicum dicere. hæc autem propositio habet veritatem gratia materiae in intellectu creato, non autem in intellectu diuino. ergo ratio nulla est. Declaratur minor, quo ad primam quidem partem, quia omne intelligere fit nobis expressum est per actum dicendi, & per omne dicere exprimitur aliquod intelligere, & per aliud dicere aliud intelligere. ideo si vnicum est intelligere, vnicum est dicere, quo ad secundam vero partem: quia non omne intelligere diuinum est per aliquod dicere, imò intelligere paternum non est per aliquod dicere.

Secundo, sub aliis verbis probat illam propositionem non esse necessariam gratia formae, quia licet in vno non sit nisi vna forma absoluta eiusdem rationis, ipsum tamen potest habere plures productiones actiui plurium terminorum: sicut licet sol vna luce sit luminosus, potest tamen habere plures actus illuminandi: intelligere autem est perfectio intelligentis, & inexistens operanti, & forte forma absoluta: dicere autem est actio productiua termini. Ad hoc dupliciter responderi potest. Primo, quod hæc ratio non inducit ad Scotum tanquam demonstratiua, sed tanquam persuasiua, supposita fidei veritate. sicut enim non potest demonstrari ex principijs nobis naturaliter notis, quod sint tres personae in diuinis, ita nec demonstrari potest non esse plures filios in eadem numero essentia communicantes. Sicut enim qui negaret pluralitatem personarum in diuinis, diceret, q. neque per actum diuini intellectus aliquid realiter produceretur, neque per actum voluntatis: ita qui diceret plures esse filios, negaret quod per vnicum actum intelligendi produceretur vnum duntaxat verbum, quando plura supposita illo vno actu intelligunt, sicut est in diuinis. sed licet hæc ratio non sit demonstratiua, supposito tamen secundum fidem quod impossibile sit plures filios esse in diuinis, hoc persuadere potest secundum ea quae in nostro intellectu apparent ex vnitatem actus intelligendi quo filius producit, & ex vnitatem actus volendi quo producit spiritus sanctus. Et ideo dicitur ad Scotum, quod illa propositio assumpta a sancto Thoma, non est vtiq. assumpta ab ipso tanquam necessaria in diuinis, sed tanquam vera supposita fide: unde non oportet eam contra impugnantes hanc conclusionem tanquam necessariam assumere, ut sic conclusio quae fidei est, demonstraretur. Potest secundum responderi sustinendo quod ratio sancti Thomae tanquam necessaria inducatur, quod vtiq. ipsa ratio ex illa propositione procedit, & quod illa propositio est formaliter vera, & habet in omni intellectu veritatem. Quum enim verbum sit formalis & intrinsecus terminus actus intelligendi, ut pote quod res intellecta per actum intelligendi intelligitur, si est vnicus actus intelligendi, necesse est ut ibi vnicum sit verbum: quia vnus rei est actum vnus terminus intrinsecus ex vna parte.

**QVVM** autem inlatur quod in intellectu diuino non habet veritatem, quia non omne intelligere diuinum est per aliquod dicere: Responderetur quod ista propositio potest habere duplicem sensum. Primus est, quod non omnis actus intelligendi quo Deus intelligit, secundum se acceptus & secundum suam entitatem est dicere, siue productio verbi, & tunc falsa est. Nam quum vnicus sit actus quo omnes personae diuinae intelligunt, & verbum diuinum per illam entitatem, quae est actus intelligendi, formaliter sumpta produceretur, necesse est ut omne intelligere diuinum, sit dicere, si secundum se sumatur. Alius sensus esse potest, quod non omne intelligere diuinum, secundum quod ad vnamquamque personam comparatur tanquam actus quo intelligit, est dicere, siue secundum modum loquendi Scoti, non omne est expressum per aliquod dicere: & tunc propositio est vera, & concedit eam sanctus Thomas de Veritate quaestione quarta, articulo secundo ad quintum: & prima quaestione trigesima quarta, articulo primo ad tertium, tenens quod intelligere diuinum secundum quod est in filio, non est dicere. Sic enim solum intelligere paternum est dicere, quia secundum quod est in patre, coniungitur habitudini producendi ad ipsum verbum, non autem secundum quod est in filio, aut spiritu sancto. unde falsum est quod ait Scotus intelligere paternum non esse per aliquod dicere, nisi forte intenderet quod non est dicere alicuius alterius personae. Ratio ergo sancti Thomae fundatur super hac propositionem: Omne intelligere diuinum est dicere, ad primum sensum, non autem ad secundum sensum, in quo propositio Scoti vera est. accipitur enim intelligere pro ipso actu intellectus diuini secundum se & propriam entitatem accepto, non autem secundum quod ad vnamquamque personam comparatur: ideo ratio in suo robore manet.

**SECUNDO** loco remouet sanctus Thomas quaedam dubia. Primum est: Verbum seipsum intelligit: ergo verbo aliud verbum attribuitur, & sic verbi erit verbum, & filij filius. Probatur antecedens, quia quum verbum sit verus Deus, oportet omnia quae Deo conueniunt, verbo conuenire. Deus autem ex necessitate seipsum intelligit. consequentia vero probatur, quia ex eo quod Deus seipsum intelligit, verbum genitum ab eo, ponitur.

Responderet autem & dicit primo ad fundamentum rationis, quod licet verbum sit Deus, non est tamen alius Deus a Deo cuius est verbum, & similiter non est alius intellectus, nec per consequens aliud intelligere, & ita nec aliud verbum.

Dicit secundum, quod consequentia est falsa, nec sequitur quod sit verbum sui ipsius, secundum quod verbum seipsum intelligit: quia in hoc solo verbo a dicente distinguitur, quod est ab ipso: & ideo omnia alia communiter attribuenda sunt Deo dicenti & verbo: hoc autem solum ut ab eo sit verbum, adscribendum est proprie patri: hoc vero quod est esse a Deo dicente, attribuendum est proprie filio.

**AD** euentiam huius responsionis considerandum est, quod responsio fiat in hoc, quod si verbum esset alius Deus a Deo dicente, sequeretur utique quod verbum seipsum intelligens aliud verbum produceret, quia



sicut haberet aliam numero deitatem, ita haberet alium intellectum, & aliud intelligere, & consequenter aliud verbum, quum omne intelligere secundum se sumptum ad aliquod verbum terminetur ab ipso productum. Sed quia verbum, licet sit verus Deus, non est tamen alius Deus à Deo dicente, sed vnam numero cum ipso habet deitatem, hoc solo à dicente distinctum, quod ab eo procedit, intellectus quo verbum intelligit, non est alius ab intellectu quo intelligit Deus dicens, sicut nec est ipse alia deitas, & consequenter intelligere verbi non est aliud quam ipsum intelligere dicentis verbum: & sic etiam non est aliud verbum quam ipsum verbum à Deo dicente productum, quia vnus intelligere est tantum vna conceptio & vnicum verbum: ideo non valet ista consequentia: Ex hoc quod Deus seipsum intelligit, verbum ab eo genitum in Deo ponitur: ergo & verbo inquantum seipsum intelligit, aliud verbum attribuitur: sed bene sequitur: ergo verbo inquantum seipsum intelligit, aut aliud verbum attribuitur, quod utique sibi conueniret si per aliud intelligere intelligeret: aut ipsum est verbum per actum diuini intellectus productum, sicut non sequitur, verbum intelligit seipsum: ergo sibi conuenit aut intelligere ab illo quo productum est, sed bene sequitur, ergo sibi conuenit aut aliud intelligere, aut ipsum meretur intelligere quo est productum.

CONSIDERANDVM etiam quod ex sua responsione dat intelligere sanctus Thomas hanc propositionem assumptam, Omnia quæ conueniunt Deo dicenti, necesse est verbo Dei conuenire, habere veritatem de omnibus, exceptis relationibus quibus adinuicem opponuntur. Secundum argumentum quod posset fieri, est: Si filius non posset generare alium filium, quum pater generet filium, sequeretur quod esset impotens. Respondet S. Thom. quod illud non sequitur, quia eadem est potentia patris & filij, sicut eadem diuinitas. Vnde cum potentia ad generandum in Deo sit sicut potentia ad intelligendum seipsum, hæc autem sit vna tantum in Deo, ex qua est & quod verbum concipitur, & quod dicens verbum concipitur: similiter ex eadem potentia est, & quod pater generet, & quod filius generetur, & sic nullam potentiam habet pater quam non habeat filius: sed pater habet generatiuam potentiam ad generare, filius autem ad generari: quæ sola relatione differre ex dictis patet. Ista responsio in hoc fit, quod non valet ista consequentia, Pater potest generare, nõ autem filius: ergo filius est impotens aut minus potens quam pater: quia cum dicitur impotens aliquis, quia caret potentia: & minus potens, cui minor inest potentia: non potest filius dici impotens, aut minus potens quam pater, cum eandem numero potentiam habeat quam habet pater: sed bene sequitur, ergo filius non habet potentiam cum illa relatione quam habet pater. Nam pater habet potentiam cum relatione producentis, siue eius à quo est: & filius eandem potentiam habet cum relatione producti, & eius qui est ab alio. Si instetur, pater habet potentiam generandi, non autem filius: ergo aliam potentiam habet pater quam non habet filius. Respondet ex doct. sancti Thom. 1. quæst. 42. artic. 6. ad 3. & 1. Sentent. distinct. 20. artic. 1. Item de Potentia, quæst. 2. artic. 5. quod ista consequentia falsa est, quia potentia generandi dicitur absolute cum relatione quæ est in patre: aliquid potentia autem dicitur absolute fine tali relatione, modo non valet, in filio non est potentia cum tali relatione, ergo in ipso non est potentia: sicut non valet, in filio non est deitas cum relatione paternitatis: ergo in ipso non est deitas. Dicitur tamen ad antecedens, quod licet in filio non sit potentia generandi actiue, est tamen in ipso potentia generandi passiue, id est, ut generetur, & similiter impersonaliter, id est, quia ab aliqua persona aliquid generatur. Huius autem ratio est quam hic tangit S. Thomas, quia cum potentia generandi quantum ad absolute quod dicitur, nihil aliud sit quam intellectus diuinus, eo quod generatio in diuinis sit intelligibilis verbi conceptio: intellectus autem diuinus vnus numero sit in patre & filio, sicut & vna deitas, sed in patre cum habitudine per modum agentis, in filio autem cum habitudine per modum producti: potentia generandi actiue, id est, ut generet, est in patre: passiue autem, id est, ut generetur, est in filio: hoc est intellectus cum vna habitudine est in patre, cum opposita verò habitudine est in filio: sicut & generare & generari sola relatione distinguuntur, nam generare importat relationem producentis, generari verò relationem producti.

ADVERTENDVM autem ex doct. sancti Thom. de Potent. quæst. 6. artic. 9. ad 4. quod licet operatio transiens in exteriori materia requiratur aliud principium inagente per quod est agens, & aliud principium in patiente per quod est patiens, in operatione tamen immanente non requiritur nisi vnum operationis principium, quia videlicet idem est principium productiuum & receptiuum. Intellectus enim qui producit intellectiõnem & verbum, etiam hæc in seipso recipit. Vnde cum generatio in creaturis sit actio transiens, in diuinis verò operatio immanens in intellectu, oportet in creaturis aliam esse potentiam actiuam in generate, & aliam passiuam in generato: in diuinis autem non oportet aliam esse potentiam actiuam in patre, & aliam potentiam passiuam in filio, sed ipse intellectus est potentia quasi actiua in patre, & quasi passiuus in filio. Tertium dubium est. De filio inquit Apost. Heb. 1. Portans omnia verbo virtutis sue: ergo verbi est verbum: & filij est filius. Respondet sancti Thom. quod sicut sapientie nomen dicitur etiam de conceptione sapientie, & de exteriori effectu ex conceptione sapientie proveniente, per modum quo effectus nomen sibi causæ assumit: ita & id quod ex verbo efficitur, verbi nomen accipit, sicut & in nobis expressio interioris verbi per vocem, dicitur verbum. Vnde explicatio diuini conceptus per opera exteriora, id est, ipsa opera exteriora explicantia & manifestantia diuinum conceptum, verbum verbi nominatur. Et sic oportet intelligi quod filius portet omnia verbo virtutis sue, sicut & illud Psalm. 148. Ignis, grando, &c. quia sci licet per virtutes creaturarum explicantur diuinæ conceptionis effectus in rebus.

ADVERTENDVM quod ista responsio tendit ad hoc, quod per verbum quo filius dicitur omnia portare, non intelligitur conceptio intellectus à filio in suo intellectu producta, sed intelligitur virtus creaturæ à virtute diuini verbi expressa: ideo non sequitur quod filij sit filius. Super epistolam autem Pauli dat aliam expositionem: sanctus Thomas cõformiter ad Aug. expositionem super illud Ioan. 12. Sermo quem locutus sum, ille indicabit vobis, id est, ego qui sum verbum patris, indicabo eum: & nomine verbi accipit conceptionem intellectus diuini, non quidem à verbo productam, sed quæ est ipsum verbum à patre productum: & est sen-

sus, quod filius sustentat omnia in esse & operari seipso, qui est verbum virtutis. Quantum ad secundum principale ponit conditiones istius vni- ci verbi diuini. Prima conditio est, quod verbum à Deo conceptum, est verbum vnum & idem omnium rerum, non tamen eodem modo Dei & aliarum rerum. Prima pars ostenditur, quia Deus intelligendo seipsum intelligit omnia alia. Quod ad secundam verò partem, quia est Dei verbum sicut ab eo procedens, aliarum autem rerum non sicut ex eis procedens, sed sicut omnium perfecta ratio per quam res in esse produxit, inquantum enim Deus res in esse produxit, non naturali necessitate, sed quasi per intellectum & voluntatem, omnia fecit per verbum suum, quod est ratio rerum factarum per ipsum, iuxta illud Ioannis primo, Omnia per ipsum facta sunt. cui consonat etiam modus loquendi Moysi in rerum creatione, cum ait, Dixit Deus, fiat lux: & facta est lux: & sic de aliis. & cum dicitur in Psalm. Dixit, & facta sunt. sensus enim est, quod Deus verbum producit, per quod res in esse produxit, sicut per earum rationem perfectam.

AD huius euidentiam considerandum est, quod de ratione verbi intellectus est esse representatiuum per modum obiecti intrinseci illius rei quæ intelligitur. Nam non ponimus verbum in intellectu, nisi ut intellectui representet obiectum in esse intelligibili representatione actuali & expressa terminatæ actum intellectus, sicut species ponitur ut representet obiectum habitualiter, & constituat intellectum in actu primo. ideo necesse est quod vnum verbum sit representatiuum omnium quæ vno actu intelligi, quod producit tale verbum, similiter intelliguntur, propterea optime infert S. Thom. ex eo quod Deus intelligendo se intelligit omnia alia, quod sit vnum & idem verbum Dei & omnium rerum.

SED quia scientia practica & speculatiua differunt, eo quod practica non solum sit cognoscitiua, sed etiam factiua rerum, speculatiua verò sit cognoscitiua tantum: ideo verbum inquantum terminat cognitionem speculatiuam, habet tantum habitudinem representatiuam ad rem intellectam: ut autem terminat cognitionem practicam, non solum habet ad rem intellectam habitudinem representatiuam, sed etiam habitudinem factiui per modum rationis faciendi. ideo bene inquit S. Thom. quod verbum diuinum omnium quæ facta sunt est perfecta ratio, per quam Deus res in esse produxit.

R. V. S. V. S. consideranda est alia differentia verbi in scientia & cognitione. Nam quando scientia est à rebus causata, sicut est scientia nostra, ipsum verbum non solum causatur & producit ab intellectu, sed etiam à re quæ intelligitur, inquantum similiter in intellectu existens quæ est à rebus causata, ad productionem verbi per modum forme concurrat. quando autem scientia non est causata à rebus intellectis, sicut est scientia diuina, verbum procedit quidem ab intellectu intelligenti, sed non à re intellecta, sed magis res intellecta ab ipso procedit. Propterea bene inquit S. Tho. quod verbum Dei est ipse quidem Dei tanquam ab eo procedens: intellige, non tantum tanquam ab intelligente, sed etiam tanquam ab obiecto intelligibili, inquantum Deus est res intellecta, & forma qua eius intellectus intelligit: aliarum autem rerum non est verbum tanquam ab ipsis procedens, cum scientia Dei nõ causetur à rebus, sed magis sit rerum causa, licet producatur ab eo quod habet rationem forme intelligibilis omnium rerum.

Considerandum secundò, quod ex diuerso modo se habendi verbi diuini ad Deum dicentem, & ad alias res, habetur quod verbum dicitur personaliter tantum in diuinis, id quod tenuit sanctus Thomas determinatè in prima parte, quæstione trigesima quarta, articulo primo, licet oppositum videatur sequendo aliorum opiniones tenuisse, primo Sententiarum, distinctione vigesima septima. Nam cum verbum ponatur sic verbum Dei, quod ab ipso reali processione, non autem secundum rationem tantum procedit: quod autem significat aliquid ab alio realiter procedens, personaliter tantum dicatur, necesse est verbum personaliter tantum dici. Quamuis etiam posset dici secundum mentem S. Thom. de Verit. quæst. 4. artic. 2. quod cum verbo intellectus nostri duo conueniant, scilicet, quod est intellectus, & est expressum ab intelligente atque ab ipso per actum intelligendi realiter productum, verbum dupliciter sumi potest in diuinis. Vno modo propriè, quantum videlicet omnia quæ de ratione verbi sunt in nobis, & sic personaliter tantum dicitur ratione dicta. Alio modo communiter, quantum videlicet ad rationem intellecti tantum, & sic essentialiter dici potest, quia in hoc quod dico intellectum inquantum huiusmodi non importatur processus realis ab alio. Veruntamen ut ibidem ait sanctus Thomas, & primo Sententiarum vbi supra, quia omnes sancti videntur in diuinis nomine verbi prout personaliter dicitur, magis dicendum est ipsum personaliter dici, quia nominibus vtendum est ut plures videntur.

ADVERTENDVM quoque, quod quum verbum respectum importet ad id cuius est verbum, tanquam eius representatiuum vel etiam factiuum: sit factiuum rei intellectæ, & verbum Dei sit etiam verbum omnium intellectorum à Deo, necesse est dicere quod verbum in diuinis non solum importat habitudinem ad dicentem à quo procedit: sed etiam habitudinem ad creaturam cuius est representatiuum & factiuum: sed respectus eius ad dicentem est realis, ad creaturam verò est rationis: & hoc est de mente sancti Thomæ prima parte, quæstione 34. articulo tertio: & de Veritate, eadem quæstione, articulo quinto, quod quidem nõ est sic intelligendum, quasi verbum ex proprietate personali dicat habitudinem ad creaturam, ut videtur voluisse Aureolus apud Capreolum primo, distinctione 27. hoc enim non est verum. proprietate enim personali dicit tantum habitudinem ad dicentem, à quo personaliter sua proprietate distinguitur: sed quia cum habitudine personali ad dicentem importat etiam habitudinem ad creaturam tanquam ad rem dictam.

CIRCA prædicta autem triplex dubium occurrit. Primum est, an ita verbum Dei sit etiam verbum omnium creaturarum, quod sicut de scientia diuinæ essentia procedit, ita etiam de scientia procedat creaturæ. Secundum est, an nomen verbi, quod dictum est importare habitudinem ad dicentem, & ad rem dictam, significet formaliter relationem, sicut hoc nomen filius, an significet primo absolute, & secundario respectu tanquam connatum. Tertium est, quia S. Thom. primo Sententiarum, distinctione vigesima septima, art. 3. videtur tenere quod verbum non semper dicat respectum ad creaturam.

AD primum videtur velle sancti Thom. quod verbum Dei non solum procedat



procedat à Deo de scientia diuinæ essentiz, sed etiam de scientia creaturarum. Nam hoc loco, & in prima parte loco allegato assignat rationem quare sit vnicum verbum, & quare sit vnum & idem verbum Dei & creaturarum, quia intelligendo seipsum, intelligit omnia alia: quasi oporteat, sicut est vna Dei & omnium aliorum cognitio in Deo, ita verbum sit vnum, vt pote diuinæ cognitioni adæquatam. Expressius autem hoc ostenditur prima parte, eadem quæstione, articulo primo ad tertium: vbi inquit sanctus Thomas quod pater intelligendo se, & filium, & spiritum sanctum, & omnia alia quæ in eius scientia continentur, concipit verbum, vt sic tota trinitas verbo dicatur, & etiam omnis creatura. hoc autem non sic intelligo quasi prius secundum rationem Deus pater intelligat quicquid naturaliter relucet in diuinæ essentia, quam producat verbum, ita quod eius intellectio actualis prius ad rem cognitam terminetur. Nam apud sanctum Thomam verbum ponitur in intellectu ad hoc, vt intellectus in rem intellectam feratur, quum per ipsum verbum sit intellectus in actu completo quantum ad esse intelligibile & obiectiuum: & ideo non est prius ipsum intelligere, vt ad rem intellectam terminatur, quam sit verbi productio: alioquin nulla esset necessitas ponendi verbum propter intellectum, sed e contrario prius oporteret intelligere actum intelligendi producere verbum, quam terminari ad rem intellectam, vt in se est, tanquam vltimate terminans intellectum. Verbum enim est id in quo videtur res intellecta.

**VIDENTVR** autem ad hunc sensum accipiendā esse verba & propositionem sancti Thomæ, scilicet quod Deus eodem actu intelligendi quo & se & omnia alia intelligit, concipit verbum in quo & se & omnia alia intueatur, ita quod prius secundum nostrum modum intelligendi actus diuini intellectus terminatur ad verbum tamen eius productio, quam terminatur ad diuinam essentiam & ad creaturas tanquam ad res intellectas: & ideo quum dicitur verbum diuinum de scientia patris originari, intelligendum est aut accipiendū scientiam patris per modum actus primi, non autem per modum actus secundi: aut etiam accipiendo ipsum actum secundum, qui est cognitio: ad hunc sensum, quod ab illa cognitione procedit quia Deus pater & se & alia cognoscit: quæ quidem prius secundum rationem ad ipsum verbum tanquam ad terminum per ipsum productum terminatur, quum ad se & ad creaturas, tanquam ad res intellectas.

**NON** obstat autem huic determinationi obiectiones Scoti in secundo Sententiarum, distinctione prima, quæst. 1. artic. 2. quibus probat quod verbum non procedit vt verbum diuinæ essentiz, & omnis intelligibilis. Nam quum arguit primò quia pari ratione spiritus sanctus spiraretur, vt amor Dei & omnis amabilis intellecti. Dicitur primò, quod nullū inconueniens est spiritum sanctum spirari vt amorem Dei, & amorem omnis rei amate à Deo ad sensum superius expressum, quia videlicet illo actu quo Deus & se & omne amabile diligit, producit spiritus sanctus, secundum quod omnem creaturam in seipso amat, vt pote tanquam in bonitate diuina contentam: non tamen sicut seipsum necessariò absolute amat, ita & necessariò omnem amat creaturam. sicut & eodem actu quis fertur in finem, & in id quod vult propter finem, non tamen eadem necessitate fertur in vtrunque, quando finis sine illo quod quis vult propter finem, potest haberi.

Dicitur secundum, quod non est eadem ratio de amore, & de verbo: quia intelligere diuinum est ex eo quod res est in diuino intellectu, secundum suam similitudinem, in quantum diuinæ essentia est similitudo naturalis omnium quidditatum. ex hoc enim sequitur quod Deus naturaliter omnem quidditatem creatam intelligat, loquendo de simpliciter intelligentiz noticia, & consequenter quod verbum ab ipso naturaliter procedens sit à noticia non solum Dei, sed etiam creaturarum quantum ad earum quidditates: velle autem est per hoc quod voluntas in volitum inclinatur: & ideo cum voluntas non feratur naturaliter, sed liberè in esse creaturarum secundum quod in seipsis sunt, non habet amor diuinus à Deo naturaliter procedens, in quantum huiusmodi, quod sit amor creaturarum, sed tantum amor Dei, licet secundum rem eodem amore feratur Deus in seipsum & in creaturam.

Quum arguit secundò, quia sequeretur quod verbum procederet de seipso vt noto patri: Dicitur, si sic intelligatur, quod verbum procedit ab ipsa noticia qua pater cognoscit verbum, aut etiam à verbo habitualiter noto, in quantum essentia diuina se habet vt species intelligibilis omnis rei intellectæ, quod hoc non est magis inconueniens quam quod Deus eodem actu intelligat se & verbum suū, cum illo actu verbum concipiat, & vtriusque essentia diuina sit quasi cognitio habitualis: vnde dictum est de memorie sancti Thomæ superius, quod pater intelligendo se & filium & spiritum sanctum, concipit verbum. Si autem intelligatur quod noticia patris prius terminatur ad verbum tanquam ad cognitum: deinde ab ipso verbo vt cognito procedat ipsum verbum. negatur sequela, quia non dicimus ad hunc sensum verbum procedere, vt verbum omnis intelligibilis, vt patuit.

Quum arguit tertio, quia tunc esset relatio realis Dei ad creaturam, quum genitum ad id de quo gignitur, realiter referatur, cōstat sequelam nullam esse, quia non dicimus verbum originari de ipso cognito quasi prius res cognoscatur, quam verbum in quo videtur, originetur: sed quia illo actu quo Deus cognoscit se & verbum & creaturam, ipsum verbum producit, in quo omne ab ipso cognitum relucet obiectiue & terminatiue, sicut in eius essentia relucet omnia tanquam in actu primo, secundum quod per modum speciei intelligibilis consideratur.

**AD** secundum dubium mihi videtur tenendum id quod tenet sanctus Thomas in quæstionibus de Veritate, quæstione allegata, articulo quinto: & primo Sententiarum, vbi supra, scilicet quod verbum, quum sit noticia genita, dicit absolute & relatione, & quod principaliter dicit absolute, secundariò autem relationem ad dicentem, & ad ea quæ exprimentur verbo, ex quibus respectus ad dicentem est realis, respectus autem expressiui ad res dictas est respectus rationis, moueor quia verbum in nobis videtur significare principaliter absolute, sicut & scientia, quum significat conceptionem intellectus, vt in infinitis locis ponit sanctus Thomas. Vnde quum ex his quæ in intellectu nostro inueniuntur, nomine verbi vitamur in diuinis, videtur quod idem in Deo significet, quod in nostro intellectu, seruata differentia quæ inter diuinā & humanā meritò est ponenda. Nec obstat verba sancti Thomæ in prima quæstione allegata, articulo tertio ad quintum: in quibus aliqui oppositam opinionem fundant, quum ait

quod nomen verbi principaliter impositum est ad significandum relationem ad dicentem. Manifestum est enim consideranti responsionem illam, quod non dicit illud sanctus Thomas comparando relationem ad dicentem importatam nomine verbi ad absolute, quod eodē nomine importat, sed ad relationem quam ad creaturas per verbum representatas importat. Vult enim quod quamuis cum absolute quod primò significatur nomine verbi, importetur habitudo ad dicentem, & habitudo ad res verbo dictas: illa tamen habitudo quæ est ad dicentem, prius importatur quam habitudo quæ est ad creaturas dictas & productas verbo diuino: & ideo non dicitur pluraliter in diuinis, vt dicatur plura verba: sicut nomē idem, quod cum absolute quod importat, est principaliter impositum ad significandum respectum ad creaturam, non autem respectum ad Deum producentem: & ideo pluraliter dicitur, quia respectus ad creaturam multiplicatur secundum multiplicationem relationum creaturarū ad Deum.

**NON** obstat etiam quod non erit nomen personale, dicitur enim quod ad rationem nominis personalis sufficit vt importet habitudinem originis vnius personæ ad aliam, siue illam de principali significato importet, siue de secundario: vt patet de nomine missionis apud S. Thom. 1. Sentent. dist. 15. quæst. 1. art. 2.

**SI** autem instetur vltius quia S. Tho. 1. part. q. 29. art. 4. vult quod nomine personæ diuinæ formaliter significetur relatio subsistens: & sic videtur quod nomen personale primò & principaliter significet relationem. Dicitur quod licet hoc nomine persona diuina, importetur relatio subsistens, non oportet tamen vt omne nomen personale principali relationem importet, sed sufficit vt relationem personalem importet, siue primò, siue secundariò: sicut hoc nomen Deus genitus est nomen personale, & tamen non primò dicit relationem, sed essentiam in concreto, & secundariò relationem tanquam proprietatem personalem suppositi. Si etiam instetur quod sequeretur nomine verbi principaliter & prius importari respectum ad creaturam, quia si principaliter importat absolute, sequitur quod principaliter importat respectum illum, qui absolute concomitatur. Talis est autem respectus verbi ad creaturam, quum non cōueniat verbo ratione proprietatis personalis: hoc autem est contra id quod tenet S. Thom. loco allegato. Dicitur primò, quod non omne essentiale in diuinis præcedit notionale aut personale secundum modum intelligendi, sed solum illud essentiale quod absolute dicitur: sapientia enim, bonus, iustus, & huiusmodi, præintelliguntur notionalibus, non autem creare, esse dominum, & huiusmodi, quæ actualem habitudinem ad creaturam importat: & ideo quamuis nomine verbi primò importetur essentia, quæ est aliquid absolute, non sequitur tamen quod prius importetur habitudo ad creaturam quam personalis habitudo. Dicitur secundò, quod dato etiam quod respectus ille essentialis esset prior respectu personali, non oporteret tamen vt prius nomine verbi importaretur. potest enim nomen imponi ad significandum principaliter id quod posterius est, & secundariò id quod est prius: sicut concretum accidens importat principaliter ad significandum accidens, & secundariò substantiam importat, quum tamen accidens sit posterius substantia: & sic nomen verbi potest principaliter significare essentialem cum habitudine personali, & secundariò respectum essentialem significare. Non obstat etiam quod sanctus Thomas in prima parte, quæstione supradicta. 34. articulo secundo, inquit, quod verbum significat quandam emanationem intellectus, emanatio autē illa est personalis proprietatis filij. Dicitur enim quod verbum vocatur emanatio terminatiue, non autem formaliter. & est sensus quod verbum est aliquid emanans per intellectum: sicut cum hoc loco inquit, quod verbum aliquando dicitur explicatio diuini conceptus per opera exteriora, sicut & explicatio diuinæ sapientiz per opus dicitur sapientia. Constat enim quod non intendit ipsam explicationem formaliter sumptam dici verbum, aut sapientiam, sed quod ipsum opus explicans & manifestans verbum, verbi nomen accipit: & opus quo diuina sapientia manifestatur, etiam dicitur sapientia. Nam huc sensum dat intelligere dum ibidem ait, quod exterior effectus ex conceptione sapientiz proueniens, sapientia dici potest, per modum quo effectus nomen cause sibi assumit: & quod id quod verbo efficitur, verbi nomen accipit. Cetera quæ ad hanc materiam spectant, vide apud Capreolum in vigesima septima distinctione, primi Sententiarum.

**AD** tertiam potest primò responderi (vt Capreolus 1. Sent. dist. 17. q. 1. in fine, conclus. 5. & alij Thomistæ dicunt) quod S. Thom. id quod in primo Sententiarum dixit, in prima parte retractauit.

Secundò potest responderi, iuxta ea quæ dicuntur de Veritate, quæstione quarta & quinta, art. 5. quod non intendit in primo Sententiarum, verbum nullo modo dicere respectum ad creaturas, sed quod non dicit illud primò & principaliter, sed tantum secundariò & consequenter: sicut Deus primò & principaliter se intelligit, secundariò autem & consequenter creaturam, secundum scilicet nostrum modum intelligendi: & hoc idem intenditur in prima parte & hoc loco. Tertio potest responderi, quod de nomine verbi diuini dupliciter loqui possumus. Vno modo quantum ad eius totale significatum absolute: alio modo quantum ad partialem acceptionem significati eius ab intellectu nostro. primo modo importat semper respectum ad creaturam, quia Deus suo verbo dicit se & omnem creaturam: & sic loquitur S. Thom. in prima parte. Secundo modo non oportet vt dicat semper respectum ad creaturam: quia possumus considerare diuinum verbum præcisè vt ipso Deus seipsum dicit, & tunc non consideratur cum respectu ad creaturam, & ad hunc sensum loquutus est in primo Sententiarum, vt patet consideranti verba eius ibidem. Et est simile, sicut si quæramus verum nomine scientiæ diuinæ importetur respectus ad creaturam. Dicitur enim quod secundum totale suum significatum accepto nomine scientiæ diuinæ, vtique connotatur respectus ad creaturam, quia Deus sua scientia non tantum cognoscit se, sed etiam creaturam. Si autem consideremus scientiam diuinam partialiter, scilicet quantum ad hoc tantum, quod per ipsam Deus cognoscit se, constat quod vt sic aliquem respectum ad creaturam non connotat. Secunda conditio verbi diuini est, quod per ipsum omnia conseruantur in esse, probatur, quia idem est causa conseruationis & productionis eorum, per verbum vero omnia facta sunt. Confirmatur author. Psalm. 32. Verbo Domini cæli firmati sunt. & ad Hebr. 1. Portans omnia, &c.

**CIRCA** hanc propositionem: Idem est causa conseruationis rerū, & productionis ipsarum, dubitatur, quia dominicator est causa domus, & tamen non





**Q**UAE VERITAS omnem falsitatem excludit, & dubietatem dissolvit, in promptu iam fit ea dissolvere, quæ circa generationem diuinam difficultatem afferre videbantur. Iam enim ex dictis patet, quod in Deo generationem

intelligibilem ponimus, non autem talem qualis est in materialibus rebus, quarum generatio mutatio quædam est corruptioni opposita: quia neque verbum in intellectu nostro cum aliqua mutatione concipitur, nec habet oppositam corruptionem, cui quidem conceptioni similem esse filij Dei generationem iam patet ex dictis. Similiter etiam verbum quod in mente nostra concipitur, non exit de potentia in actum nisi quatenus intellectus noster procedit de potentia in actum: nec tamen verbum oritur ex intellectu nostro, nisi prout existit in actu. simul autem cum in actu existit, est in eo verbum conceptum. intellectus autem diuinus nunquam est in potentia, sed solum in actu, ut supra ostensum est. generatio igitur verbi ipsius non est secundum exitum de potentia in actum, sed sicut oritur ex actu actus, ut splendor ex luce, & ratio intellecta ex intellectu in actu: unde etiam apparet quod generatio non prohibet Dei filium esse verum Deum, aut ipsum esse æternum: quin magis necesse est ipsum esse coæternum Deo cuius est verbum, quia intellectus in actu nunquam est sine verbo. Et quia filij Dei generatio non est materialis, sed intelligibilis: stultè iam dubitatur si pater totam naturam dedit, aut partem. Manifestum est enim quod si Deus se intelligit, oportet quod tota plenitudo ipsius contineatur in verbo: nec tamen substantia filio data definit esse in patre; quia nec etiam apud nos definit esse propria natura in re quæ intelligitur, ex hoc quod verbum nostri intellectus ex ipsa re intellecta habet ut intelligibiliter eandem naturam numero contineat. Ex hoc autem quod diuina generatio non est materialis, manifestum est, quod non oportet in filio Dei esse aliud recipiens, & aliud naturam receptam. Hoc enim in materialibus generationibus accidere necesse est, in quantum materia generati recipit formam generantis: in generatione autem intelligibili non sic est: non enim sic verbum ab intellectu exoritur, quod pars eius præintelligatur ut recipiens, & pars eius ab intellectu affluat: sed totaliter verbum ab intellectu originem habet: sicut & in nobis totaliter vnum verbum ex alio oritur, ut conclusio ex principiis. ubi autem totaliter aliquid ex alio oritur, non est assignare recipiens & receptum, sed totum quod exoritur, ab eo est à quo oritur. Similiter etiam patet, quod non excluditur diuinæ generationis vnitatis ex hoc quod in Deo plurimum subsistentium distinctio esse non possit. essentia enim diuina etsi subsistens sit, non tamè potest separari à relatione quam oportet in Deo intelligi, ex hoc quod verbum conceptum diuinæ mentis est ab ipso Deo dicente. nam & verbum est diuina essentia, ut ostensum est: & Deus dicens à quo est verbum, est etiam diuina essentia, non alia & alia, sed eadem numero. huiusmodi autem relationes non sunt accidentia in Deo, sed res subsistentes. Deo enim nihil accidere potest, ut supra probatum est. sunt igitur plures res subsistentes, si relationes considerentur. est autem vna res subsistens, si consideretur essentia. Et propter hoc dicimus vnum Deum esse, quia est vna essentia subsistens: & plures personas, propter distinctionem subsistentium relationum. personarum enim distinctio etiam in rebus humanis non attenditur secundum essentiam speciei, sed secundum ea quæ sunt naturæ speciei adiuncta. in omnibus enim personis hominum est vna speciei natura: sunt tamen plures personæ, propter hoc quod distinguuntur homines in his quæ sunt adiuncta naturæ. non ergo in diuinis dicenda est vna persona propter veritatem essentiæ subsistentis: sed plures propter

D. 468.

men non est causa cōseruationis ipsius, cum cessante eius operatione ipsa permaneat. Respondetur primò, quod non loquitur sanctus Thomas de causa particulari alicuius rei, sed de vniuersali causa productiua omnium rerum, qualis est Deus, & verbum diuinum. Secundò, quod etiam in causis particularibus habet veritatem, quando aliquid est causa productionis alicuius quantum ad esse, sicut solet causa luminis in aëre, quia esse luminis in aëre non potest sine solis actione continuari: non autem quando est causa quantum ad fieri tantum: domificator autem est causa domus quantum ad fieri tantum, non autem quantum ad esse. Tertia conditio verbi est, quod non solum per ipsum aliquid agitur, sed etiam ipsum agit. Pro hac probanda præmittit sanctus Thomas verbum à ratione artificiatum quæ est in mente artificis, in hoc differre, quod ipsum est subsistens, illa verò non: & ideo illi rationi non cōuenit proprie vt agat, sed vt ea agatur, cum agere sit subsistens, verbo autem cōuenit vt agat, ex quo arguitur sic: Verbum diuinum quod est ratio rerum factarum à Deo, est Deus subsistens: ergo non solum per ipsum aliquid agitur, sed etiam agit. Confirmatur auctoritate Proverb. 8. Cum eo eram cuncta componens, & Ioann. 5. Pater meus operatur, & ego operor. Quarta conditio est, quod res factæ à Deo præexistunt in ipso immaterialiter, & absque cōpositione, & nihil aliud in eo sunt quam ipsum verbum, quod est vita, probatur, præmissa alia conclusione, scilicet quod in verbo omnia quæ facta sunt præexistunt etiam, antequam essent in propria natura: quæ probatur, quia res factæ per intellectum, præexistunt in ratione intellectus, tanquā videlicet in suo exemplari, ante etiam quàm sit in seipsa: verbum autem Dei est ratio omnium eorum quæ à Deo sunt facta. Tunc sic, Modus verbi Dei est, quod sit vnum simplex immateriale, non solum viuens, sed etiam vita, cum sit suum esse, ergo, &c. probatur cōsequentiā, quia quod est in aliquo, est in eo per modum eius in quo est, & non per proprium modum. Confirmatur auctoritate Ioan. 1. Quod factum est in ipso, vita erat.

**ADVERTENDVM** circa assumptum ad probationem consequentiam, quod illud non est sic intelligendum, quasi absolute nihil sit in alio secundum proprium modum. sunt enim multa quæ eundem modum habent in seipsis & in alio: quia videlicet proprius eorum modus est etiam modus eorum in quibus sunt, sicut exemplar materiale & exemplatum, in quibus est forma secundum eundem modum essendi: sed quia necesse est vt quod est in aliquo, aut sicut forma in subiecto, aut sicut effectus in causa, aut sicut cognitum in cognoscite, sit in eo secundum modum ipsius, non autem necesse est vt sit in eo secundum proprium modum, sicut videmus materialia intellectu esse immaterialiter, & calorem esse in sole, non formaliter, sicut in igne, sed secundum quandam eminentiam. Quamuis etiam posset dici, quod nunquam aliquid est in alio modis dictis secundum proprium modum, id est, secundum proprium esse quo in seipso subsistit: quia in alio non habet proprium esse, quod esse sibi secundum naturam cōuenit: sed habet esse conueniens illi in quo est. Hanc materiam, quomodo scilicet omnia sint vita in Deo, pertractat S. Thom. 1. parte, q. 18. art. 4. & de Verit. quæst. 8. artic. 8.

**ADVERTENDVM** vltius, quod cum aliquid sit in altero per modum ipsius, videndum est an recipiens naturam sit illud recipere secundum esse aliquod à proprio esse distinctum, an non: quia si naturam sit illud recipere secundum aliud esse, illud quidem quod in ipso recipitur, habebit modum essendi conformem modo recipientis, non autem erit idem cum ipso: sicut res materialis recipitur quidem in intellectu immaterialiter secundum quod exigit intellectus, non tamen est ipse intellectus. si autem non sit naturam habere in se aliquid secundum aliud esse, non solum quod est in ipso, habet eundem modum essendi quem ipsum habet, sed etiam est ipsum: sicut cum effectus est in causa. nam non distinguitur effectus prout est in causa, ab ipsa causa, sed est ipsa causa, aut virtus eius. quia ergo verbo diuino nihil potest aduenire extraneum, aut distinctum ab ipso secundum esse, ed quod sit Deus, quicquid autem est in Deo, sit ipse Deus: necesse est vt omne quod in verbo est, sit ipsum verbum: & consequenter, si verbum est vita, necesse est vt quod est in ipso, sit vita.

Quinta conditio est, Per verbum Dei omnis intellectus cognitus causatur. Probatur. Omnis intellectus cognitus ab intellectu diuino derivatur, cuius ratio est verbum, ergo, &c. probatur consequentia quia qui alium docet, per rationem quam apud se habet, scientiā causat in illo, cum scientia discipuli sit deducta à scientia docentis, sicut imago quædam ipsius. Confirmatur auctoritate Ioan. dicentis: Vita erat lux hominum: quia videlicet ipsum verbum, quod est vita, manifestat ut lux quædam mentibus hominum veritatem.

**ADVERTENDVM** ex doctrina sancti Thomæ prima parte, q. 117. art. 1. quod licet tam Deus quam homo causet scientiā in alio, hoc tamen differenter fit. Nam homo per suam scientiam directus, tanquam per exemplar, causat scientiam in alio, non quidem ipsam scientiam imprimendo, nec causando in discipulo lumen intelligibile, aut intellectuales species, sed tantum proponendo ei aliquas propositiones minus vniuersales, quas discipulus ex naturaliter præcognitis diiudicare potest, vel proponendo ei aliqua sensibilia exempla, aut ordinem principiorum ad conclusiones ex quibus intellectus addiscit manu ducitur in cognitionem veritatis ignotæ. Unde homo docens non est principale agens, sed sicut coadiuuans agens principale, scilicet intellectum addiscit: sicut & medicus non est principalis causa sanitatis, sed coadiuuans naturam adhibendo cibos & medicinas quibus natura ad finem intentum adiuuatur. Deus autem vltra hæc est etiam causa luminis intellectualis & cognitionis naturalis principiorum, unde est causa principalis scientiæ in nobis, non autem tantum coadiuuans. Quia autem posset aliquis instare quod verbum Dei non est causa cognitionis in hominibus tanquam quædam lux veritatis manifestatiua, quia non omnes homines ad cognitionem veritatis perueniunt, sed aliqui sunt tenebrosi: remouet hoc sanctus Thomas, inquit, non esse hoc ex defectu verbi, sed ex defectu hominum qui ad verbum non cōuertuntur, nec id plenè capere possunt: sicut luce corporei solis per orbem diffusa, tenebræ non sunt nisi ei qui oculos clausos vel debiles habet. unde in hominibus tenebræ maiores aut minores remanent, secundum quod magis aut minus cōuertuntur ad verbum, & capiunt ipsum. Ad hoc autem significandum subiungit Ioan. prædictis verbis quod lux in tenebris lucet, & tenebræ eam non comprehenderunt.



propter relationes. Ex hoc autem patet, quod id quod est quasi indiuiduationis principium, non sequitur esse in alio. nam neque essentia diuina est in alio Deo, neque paternitas est in filio. Quamuis autem duæ personæ, patris scilicet & filij, non distinguantur essentia, sed relatione: non tamen relatio est aliud quam essentia secundum rem, cum relatio in Deo accidens esse non possit. Nec hoc impossibile reputabitur, si quis diuigenter consideret ea quæ in primo determinata sunt, *ubi* \* ostensum est, quod in Deo sunt omnium entium perfectiones, non secundum compositionem aliquam, sed secundum simplicis essentia unitatem. nam diuersæ perfectiones, quas res creata per multas obtinet formas, Deo competunt secundum vnā & simplicem eius essentiam. homo enim quod est animal, per aliam formam uiuit, & per aliam est sapiens, & per aliam est iustus: quæ omnia Deo per essentiam suam conueniunt. sicut igitur sapientia & iustitia in homine quidē sunt accidentia, in Deo autem sunt idem quod diuina essentia: sic aliqua relatio, puta paternitatis & filiationis, etsi in hominibus sit accidens, in Deo est diuina essentia: non autem ideo dicitur quod diuina sapientia sit eius essentia, cum in nobis sapientia super essentiam addat, quasi diuina sapientia à nostra sapientia deficiat: sed quia eius essentia nostram essentiam excedit, ita quod id ad quod essentia nostra non sufficit, scilicet scire & iustum esse, Deus secundum suam essentiam habet perfectē. oportet igitur quod quicquid nobis conuenit secundum essentiam & sapientiam distinctam, simul Deo secundum essentiam suam attribuat. & similis ratio in aliis est obseruanda. Cum igitur diuina essentia sit ipsa paternitatis vel filiationis relatio, oportet quod quicquid est paternitatis proprium, Deo cōueniat. licet paternitas sit ipsa essentia. est autem hoc proprium paternitatis, ut à filiatione distinguatur. dicitur enim pater ad filiū quasi ad alium. & hæc est ratio patris, ut sit filij pater. licet ergo Deus pater sit diuina essentia, & similiter Deus filius: ex hoc tamen quod est pater, distinguitur à filio: licet sit vnum ex hoc quod vterque est diuina essentia. Ex hoc etiam patet, quod relatio in diuinis non est absque absoluto: aliter tamen cōparatur ad absolutum in Deo quam in rebus creatis. Nam in rebus creatis comparatur relatio ad absolutum sicut accidens ad subiectum: non autem in Deo sic, sed per modum identitatis: sicut est & de aliis quæ de Deo dicuntur. idem autem subiectum non potest oppositas relationes in se habere, ut sit idem homo pater & filius secundum idem: sed essentia diuina propter omnimodam eius perfectionem idem est & sapientia & iustitia & aliis huiusmodi quæ apud nos in diuersis generibus continentur. Et sic nihil prohibet vnā essentiam esse idem & paternitatem & filiationem: & patrem & filium vnum Deum esse, licet pater non sit filius. eadem enim essentia est, quæ est res habens esse naturaliter, & verbum intelligibile suiipsius. Ex his etiam quæ dicta sunt, potest esse manifestum, quod relationes in Deo sunt secundum rem, & non solo intellectu. Omnis enim relatio quæ consequitur propriam operationem alicuius rei, aut potentiam, aut quantitatem aut aliquid huiusmodi, realiter in eo existit. aliter enim esset in eo solo intellectu, sicut apparet de scientia & scibili: relatio enim scientia ad scibile consequitur actionem scientis, non autem actionem scibilis. scibile enim eodem modo se habet quantum in se est, & quando intelligitur & quando non intelligitur. & ideo relatio in sciente realiter est: in scibili autem secundum intellectum tantum. dicitur enim quod intelligitur scibile ad scientiam relatiue ex eo quod scientia refertur ad ipsum. Simile quoque apparet in dextro & sinistro. In animalibus enim sunt distinctæ virtutes ex quibus relatio dextri & sinistri consurgit: propter quod talis relatio verè & realiter in animali consistit. vnde qualitercunque vertatur animal, semper relatio eodem modo manet. nunquam enim pars dextera sinistra dicitur. Res verò inanimata quæ prædictis virtutibus carèt, non habent in se huiusmodi relationem realiter existentem, sed nominantur secundum relationem dextri aut sini-

stri, ex eo quod animalia aliquo modo se habent ad ipsum. vnde eadem columna tunc dextra nunc sinistra dicitur, secundum quod animal ex diuerso situ ei comparatur. Relatio autē verbi ad Deum dicentem cuius est verbum, in Deo ponitur ex hoc quod Deus seipsum intelligit: quæ quidē operatio in Deo est, vel magis est ipse Deus, ut supra ostensum est. relinquitur igitur prædictas relationes in Deo esse verè & realiter, & non solum secundum intellectum nostrum. Quamuis autem in Deo ponatur esse relatio, non tamen sequitur quod in Deo sit aliquid habens esse dependens. In nobis enim relationes habent esse dependens: quia earum esse est aliud ab esse substantia: vnde habet proprium modum essendi secundum propriam rationem: sicut & in aliis accidentibus contingit. quia enim omnia accidentia sunt formæ quædam substantia superaddita, & à principiis substantia causata, oportet quod eorum esse sit superadditum supra esse substantia, & ab ipso dependens: & tantò vniuscuiusque eorum esse, est prius vel posterius, quāto forma accidentalis secundum propriam rationem fuerit propinquior substantia, vel magis perfecta. Propter quod & relatio realiter substantia adueniens, & postremum & imperfectissimum esse habet. Postremum quidem, quia non solum præexistit esse substantia: sed etiam esse aliorum accidentium, ex quibus causatur relatio: sicut vnum in quantitate causat æqualitatem, & vnum in qualitate similitudinem. Imperfectissimum autem: quia propria relationis ratio consistit in eo quod est ad alterū: vnde esse eius propriū quod substantia superaddit, non solum dependet ab esse substantia, sed etiam ab esse alicuius exterioris. Hoc autem in diuinis locum non habet: quia non est in Deo aliquod aliud esse quam substantia. quicquid enim in Deo est, substantia est. sicut igitur esse sapientia in Deo non est esse dependens à substantia, quia esse sapientia est esse substantia: ita nec esse relationis est esse dependens, neque à substantia, neque ab aliquo exteriori: quia etiam esse relationis est esse substantia. non igitur per hoc quod relatio in Deo ponitur, sequitur quod sit in eo aliquod esse dependens, sed solum quod in Deo sit respectus aliquis in quo ratio relationis consistit: sicut ex hoc quod sapientia in Deo ponitur, non sequitur quod sit in eo aliquod accidentale, sed solum perfectio quædam, in qua ratio sapientia consistit. Per quod etiam patet quod ex imperfectione quæ in relationibus creatis esse videtur, non sequitur quod personæ diuinæ sint imperfectæ, quæ relationibus distinguuntur: sed sequitur quod diuinarum personarum minima sit distinctio. Patet etiā ex prædictis quod licet Deus de patre & filio substantialiter prædicetur: non tamen sequitur si pater & filius sint plures personæ, quod sint plures dii. sunt enim plures propter distinctionem substantiarum relationum, sed tamē sunt vnus Deus propter unitatem essentia subsistentis: hoc autem in hominibus non contingit, ut plures aliqui sint vnus homo: quia essentia humanitatis non est vna numero in vtroque: neque essentia humanitatis est subsistens, ut humanitas sit homo. Ex hoc autē quod in Deo est essentia unitas, & relationū distinctio, manifestū sit quod nihil prohibet in vno Deo opposita quædam inueniri: illa duntaxat opposita, quæ relationis distinctionem consequuntur: ut generas & genitum, quæ opponuntur relatiue: & genitum & ingenitum, quæ opponuntur ut affirmatio & negatio. vbi quæ enim est aliqua distinctio, oportet inuenire negationis & affirmationis oppositionem. quæ enim secundum nullam affirmationem & negationem differunt, penitus indistincta sunt. oportet enim quod quantum ad omnia vnum esset, quod est alterum: & sic essent penitus idem, & nullo modo distincta. Hæc igitur de generatione diuina dicta sufficiant.

## Super Cap. 14.



OST QVAM determinauit sanctus Thomas quid de diuina generatione sit tenendum, consequenter quia veritas omnem falsitatem excludit, & dubietatem dissoluit, vult rationibus in oppositum factis cap. 10. respondere. Ad primam quidem ait, quod generatio in rebus materialibus est mutatio corruptioni opposita, non autem generatio intelligibilis, etiam in nobis



nobis, qualem dictum est esse filij generationem in diuinis.

CIRCA hanc responſionem dubitatur, quia videtur quod etiam intelligibilis conceptio, in nobis ſaltem, ſit mutatio, quia intellectus concipiens tranſit de potentia ad actum, dum prius poterat verbum concipere, & poſtmodum actu concipit.

AD huius euidentiam conſiderandum eſt, ex doctrina ſancti Thomæ de Potentia, quæſt. 3. artic. 2. quod in qualibet mutatione propriè dicta requiritur vt ſit aliquod ſubiectum commune vtrique termino mutationis, & in generatione & corruptione requiritur vt tale ſubiectum ſit ens in potentia, quod aliter ſe habeat nunc & prius. vnde ad hoc vt productio alius ſit mutatio, requiritur aut quod ipſum ſit aliquod compositum ex forma, quæſt terminus formalis productionis, & materia, quæ eſt potentia ad illam formam, aut quod ſit actus recipientis tanquam exiſtens in potentia, non autem tanquam exiſtens in actu. verbum autem non eſt aliquid compositum ex forma & materia, cum ſit aliquid ſimplex, neque etiam eſt actus intellectus tanquam exiſtens in potentia, ſed tanquã exiſtens in actu, cum non adueniat intellectui niſi in quantum eſt in actu per ſpeciem intelligibilem, & etiam per actum intelligendi, quo ipſum verbum producit. ideo verbi productio neque etiam in intellectu noſtro habet rationem mutationis. Cum autem dicitur, quod intellectus concipiendo verbum tranſit de potentia ad actum, negatur, loquendo de potentia paſſiua, imò ab vno actu tranſit ad alium actum abſque de perditione alterius actus. Cum verò probatur, quia prius poterat verbum concipere, & poſtea actu concipit: dicitur primò, quod illud poſſe non accipitur ſecundum potentiam paſſiuam, ſed ſecundum potentiam quaſi actiuam, ſicut cum dicitur quod ignis poteſt calefacere. Dicitur ſecundò conformiter ad reſponſionem immediatè dandam ad ſecundum, quod verbum non oritur ex intellectu ſecundum quod eſt in potentia ad actum intelligendi, ſed ſecundum quod eſt actualiter intelligens. Si inſtetur, quia licet verbum intellectus noſtri proveniat ab intellectu, in quantum eſt in actu, in ipſo tamen recipitur in quantum eſt in potentia paſſiua, quia recipere potentia paſſiua eſt, & ſic videtur quod intellectus tranſeat de potentia paſſiua ad actum dum concipit verbum, & conſequenter quod mutetur: dicitur quod ad hoc vt aliquis actus habeat rationem mutationis, non ſufficit quod recipiens terminum illius actus ſe habeat aliquo modo ad ipſum ſicut potentia receptiua, ſed requiritur quod ſit potentia receptiua tantum, & nullo modo actiua illius actus dum ipſum recipit: ſicut materia quæ recipit formam per generationem, nullo modo eſt illius forme, aut illius actionis nam per generationem, nullo modo eſt illius forme, aut illius actionis qua forma producit actiua: intellectus autem eſt receptiuus verbi producendo ipſum, quia ſimul ipſum recipit & producit: ideo neque recedendo verbum tranſit de potentia purè paſſiua ad actum, neque mutari propriè dicitur, ſicut neque ſubiectum dicitur propriè mutari dum ſuſcipit paſſionem cuius eſt aliquo modo actiuum. Ad ſecundam dicit primò, quod in nobis verbum non exire de potentia in actu, niſi in quantum intellectus procedit de potentia ad actum, neque oritur tamè ex intellectu, niſi prout exiſtit in actu. Dicit ſecundò, quod quia intellectus diuinus nunquam eſt in potentia, ſed ſolum in actu, generatio verbi ipſius non eſt ſecundum exitum de potentia in actu, ſed ſicut oritur ex actu actus, vt ſplendor ex luce, & ratio intellecta ex intellectu in actu. Dicit tertio, quod non ſequitur Dei filium non eſſe verum Deum, aut non eſſe æternum, imò nec eſſe ipſum eſſe cõternum Deo, cuius eſt verbum, quia intellectus in actu nunquam eſt ſine verbo.

ADVERTENDVM eſt, reſponſionè S. Thom. ad hoc tendere, quod licet aliquo modo & ſecundum quid poſſit concedi verbum humani generantis exire de potentia in actu, in quantum intellectus noſter de potentia in actu procedit, ſive de habitu in actu quo producit verbum: quod tamen non eſt ſimpliciter verum, quia verbum non oritur ex intellectu, dum eſt in potentia, ſed dum eſt in actu intelligendi: nullo tamen modo concedendum eſt verbum diuinum exire de potentia in actu, quia intellectus diuinus nunquam eſt potentia intelligens, ſed ſemper in actu, & per conſequentem non procedit de potentia in actu. Dicitur autem oriri ſicut actus ex actu, quia oritur ex intellectu ſemper exiſtente in actu, & nunquam exiſtente in potentia. Ex hoc autem patet non ſequi, ſi filius intelligibili generatione producit, quod ſit mutabilis, aut quod non ſit æternus.

ADVERTENDVM etiam, quod dicitur propriè aliqua forma procedere de potentia in actu, quando producit in aliquo quod ad ipſam comparatur, ſicut potentia omnino paſſiua ad actum, vt pote quod omnino illi forma ex ſe caret. hoc autem non conuenit verbo in ordine ad intellectum etiam noſtrum ſpecie intelligibili actum, quia intellectus ſic actus & eſt verbi productiuus non ſolum receptiuus, & habet in ſe formam in qua virtualiter verbum cõtinetur: multò quoque minus ſe habet purè paſſiue ad verbum, quãdo eſt ſub actuali intellectu qua ipſum verbum producit, cum tunc ſit in vltima ſui actualitate, quæ eſt quodammodo ipſum verbum. Nam verbum eſt terminus intrinſecus intellectus, quæ eſt vltima actualitas intellectus. Optimè ergo offendit ſancti Thom. quod verbum intellectus noſtri non exire propriè de potentia ad actum quando producit, quia non oritur ex intellectu niſi prout exiſtit in actu, ſcilicet tam ſecundum quàm primo. Nam quod oritur ex aliquo de potentia paſſiua in actu, oritur ex eo ſecundum quod eſt in potentia paſſiua illius, & caret illo: ſicut forma ignis oritur ex ligno; non autem ſecundum quod eſt in actu, & aliquo modo actualiter habet formam. Ad tertiam dicit primò, quod ſtultè dubitatur, ſi pater totam naturam dedit filio, an partem tantum: quia filij generatio eſt intelligibilis. manifeſtum eſt enim quod ſi Deus ſe intelligit, tota plenitudo eius in verbo contineatur. Dicit ſecundò, quod propter hoc non definit ſubſtantia filio data eſſe in patre, quia nec etiam apud nos definit eſſe propria natura in re quæ intelligitur, ex eo quod verbum intellectus noſtri ex ipſa re intellecta habet vt intelligibiliter eandem naturam numero contineat.

CIRCA primum dictum conſiderandum eſt, vt ex ſuperioribus diſtis conſtat, quod verbum eſt expreſſum & repræſentatiuum rei intellectæ & intellectui, & tantum ſe extendit intellectu quãtum verbi repræſentatio ſe extendit: ideo ſi Deus ſeipſum intelligit, perfectè ſcilicet & completè, nec eſſe eſt vt totam naturam patris habeat. & hoc eſt quod inquit S. Thom. quoniam ex eo quod Deus ſeipſum intelligit, ſcilicet perfectè, nec eſſe eſt vt tota plenitudo Dei contineatur in verbo.

CIRCA ſecundum dictum conſiderandum primò, ex iis quæ in ſuperioribus declarata ſunt, quod verbum & conceptio intellectus noſtri, eſt eiſdem rationis cum re à qua huiusmodi conceptio eſt cauſata, differens ab ipſa ſecundum modum eſſendi. Nam eadem eſt ratio conceptionis lapidis in intellectu, & lapidis extra intellectum, ſed in intellectu habet eſſe immateriale, extra intellectum verò habet eſſe materiale: quod autem verbum ſit talis rationis, habet ab ipſa re. Nam quod conceptio lapidis ſic lapidis intellectus provenit ex eo, quod eſt à lapide materiali cauſata, & eſt illius expreſſa & adæquata ſimilitudo. Hoc autem ſit abſque eo quod res intellecta quæ dat verbo vt ſit talis nature intelligibiliter, propriam naturam amittat. Eodem modo quod verbum diuinum intelligibiliter contineat eandem numero naturam quam habet pater, ex quo procedit, eſt abſque hoc quod talis natura deſinat eſſe in patre: & quia intelligere & eſſe in Deo ſunt idem, abſque hoc quod natura deſinat eſſe in patre, poteſt tota eſſe in filio, non ſolum intelligibiliter, ſed etiam ſecundum eſſe naturale, & ſecundum eundem modum eſſendi: & hoc eſt huius reſponſionis fundamentum. Conſiderandum ſecundò, quod natura poteſt dici vna numero, dupliciter. Vno modo materialiter, in quantum videlicet eſt limitata ad vnum indiuiduum per principia aliqua indiuiduantia. Sub ipſa contentum, ſicut humanitas Sortis eſt vna numero, & humanitas Platonis eſt alia numero, & ſic de aliis. Alio modo formaliter, in quantum videlicet in ſeipſa cõſideratur tanquam quoddam vnum & indiuiſum ſecundum differentiam formalem, diuiſum autem à quacunque alia natura. & ſic humanitas ſecundum ſe & abſolute cõſiderata, eſt vna numero, quia per vnam indiuiſibilem differentiam conſtituitur. Cum ergo hic dicitur quod verbum intellectus noſtri intelligibiliter contineat eandem numero naturam quam habet res intellecta, non intelligitur de vnitatem materiali, quaſi verbum & res intellecta ſint vnum indiuiduum & ſingulare ſub eadem ſpecie contentum. Nam conſtat quod res primò intellecta ab intellectu noſtro, non eſt natura ſingularis, ſed natura vniuerſalis. ſimiliter verbum non repræſentat intellectui naturam ſingularem, ſed vniuerſalem: ſed intelligitur de identitate formali. verbum enim aflicuius rei intellectæ non eſt alia natura, in quantum verbum, quam natura rei intellectæ ſecundò quod habet eſſe intelligibile in actu. Nam conceptus quem format intellectus de homine, non eſt aliud quàm ipſe homo, qui extra intellectum exiſtens habet eſſe materiale, in intellectu verò habet eſſe immateriale & intelligibile: & ipſe homo exiſtens extra intellectum cauſat in intellectu ipſum conceptum eandem naturam indiuiſibilem formaliter, quam ipſe habet intelligibiliter, continentem. Ad quartam dicit primò, quod in materialibus quidem generationibus aliud eſt recipiens, & aliud natura recepta, in quantum materia generati recipit formam generantis: in generatione autem intelligibili non eſt ſic, quia verbum ab intellectu totaliter originem habet, ſicut in nobis vnum verbum totaliter oritur ex alio, vt conſuſio ex principiis. vbi autem totaliter aliud ex alio oritur, non eſt assignare recipiens & receptum, ſed totum quod exoritur, ab eo eſt à quo oritur.

ADVERTENDVM circa iſtam propoſitionem, vbi aliquid totaliter ex alio oritur, non eſt assignare recipiens & receptum, quod poteſt intelligi de recipiente præſuppoſito rei, quod eſt pars intrinſeca rei productæ, & eſt aliud à producente: ſicut materia eſt pars compoſiti ex materia & forma, & eſt aliud à generante: non autem de eo recipiente quod ſimul eſt, & producit & recipiens ipſum quod totaliter producit. Intellectus enim noſter recipit ipſum verbum à ſe totaliter productum, cum non ſit ſubſiſtens, ſed intellectui inhæreat. & ſic in productione verbi ab intellectu noſtro eſt aliquid recipiens, ſcilicet intellectus, & aliquid receptum, ſcilicet verbum: ſed tamen illud recipiens non eſt pars verbi producti, propter quam poſſit dici quod aliquo modo præexiſtebat ſecundum ſuam partem potentialem, ſed magis eſt id ſecundum quod poteſt dici quod præexiſtebat in ſua potentia productiua. Secundo poteſt intelligi de productione rei ſubſiſtens, cuiusmodi eſt verbum diuinum. Si enim eſſet in tali productione assignare aliquid recipiens præexiſtens, & aliquid receptum, tunc tale neceſſariò præexiſteret ſecundum aliquid ſui: quia cum res ſubſiſtens non ſit nata in alio recipi ſecundum ſe totam, neceſſe eſſet vt tale recipiens quod præſupponeretur, eſſet pars rei productæ, & ſic præuiſſet ſecundum aliquam ſui partem, & conſequenter non eſſet totaliter ortum ex alio. Si ergo aliquid totaliter ex alio oritur, ibi non eſt ponere aliquid recipiens, & aliquid receptum. Ad quintam dicit primò, quod quamuis diuina eſſentia ſit ſubſiſtens, non poteſt tamen à relatione verbi & dicentis ſeparari, quia tam verbum quàm Deus dicēs eſt diuina eſſentia, & vna numero. Dicit ſecundò, quod huiusmodi relationes non ſunt accidentia in Deo, ſed res ſubſiſtentes: & ideo ſunt plures res ſubſiſtentes, ſi relationes cõſiderentur. eſt autè vna res ſubſiſtens, ſi cõſideretur eſſentia. Propter vnam enim eſſentiam ſubſiſtentem dicimus vnum Deum eſſe, propter diſtinctionem verò relationum ſubſiſtentiũ plures eſſe perſonas: quia etiam in rebus humanis perſonarum diſtinctio non attenditur ſecundum eſſentiam ſpeciei, ſed ſecundum ea quæ ſunt ſpeciei adiuncta.

ADVERTTE reſponſionem ad hoc tendere, quod cum arguitur, pater & filius conueniunt in vna re ſubſiſtente, ergo in perſona: & ſi per rem ſubſiſtentem intelligatur res abſoluta quæ eſt eſſentia, conceditur antecedens, ſed negatur conſequentia: & cum probatur, quia in intellectu alibus naturis res ſubſiſtēs vocatur perſona, dicitur quod illud eſt verum in quantum res ſubſiſtens eſt indiuidua ſubſtantia. Nã vt hic dicitur, perſonarum diſtinctio in hominibus eſt ſecundum ea quæ nature ſpeciei adiunguntur, ſcilicet propter principia indiuiduantia. eſſentia autem diuina ſicet ſit ſubſiſtens, non tamen ſe habet tanquam indiuidua ſubſtantia. Si verò per rem ſubſiſtentem intelligatur relatio ſubſiſtens, ſic negatur antecedens. quamuis enim pater & filius conueniant in vna eſſentia ſubſiſtente, non tamen conueniunt in vna ſubſiſtente relatione, conſtituente perſonam patris, aut filij, ſed paternitas conuenit patri, filiatio verò filio.

ADVERTENDVM vltèrius, quod vt ex ſuperioribus conſtat, verbum importat relationem ad dicentem. eſt enim verbum quod à dicente proferitur, dicens verò ad verbum relationem importat: cum dicere nihil aliud ſit quàm verbum proferre. & ideo cum tam verbum quàm Deus dicens ſit diuina eſſentia, bene hic dicitur, quod eſſentia diuina à relatione verbi & dicentis ſeparari non poteſt, ſicut videlicet non poteſt ſeparari à verbo & à Deo dicente.

ADVER



ADVERTENDVM etiā, cū dicitur in humanis nō attendi personarum distinctionem secundum essentiam speciei, quod hoc non sic intelligendum est, quasi natura speciei nullo modo multiplicetur in diuersis personis, hoc enim falsum est, cū in pluribus hominibus plures sint humanitates numeraliter distinctæ, sed quia secundum rationē speciei absolute consideratam, quantum videlicet ad ea duntaxat, quæ sunt de ratione speciei, non distinguuntur personæ, cū natura sic considerata vna sit in omnibus hominibus, sed distinguuntur per principia incommunicabilia addita naturæ speciei quibus ipsa limitatur & fit hæc, & indiuidua. talia enim principia in diuersis hominibus sunt diuersa. Ad sextam inquit, quod non sequitur id quod est quasi indiuiduationis principium, esse in alio. Nam neque essentia diuina est in alio Deo, neque paternitas est in filio.

AD euentiam huius responsionis considerandum est, quod cū pater & sit Deus, & sit suppositum relatiuum, dupliciter possumus assignare aliquid in ipso tanquam principium indiuiduationis: vno modo inquantum est Deus, vt scilicet dicatur illud eius principium indiuiduationis, per quod est vnus Deus, & indiuisus: & sic essentia diuina potest dici principium indiuiduationis patris, per ipsam enim cū sit forma immaterialis, & non per aliquid aliud habet pater & quod sit Deus, & quod sit vnus Deus. ipsa enim non est nata conuenire alicui qui sit alius Deus à patre. Alio modo inquantum est suppositum relatiuum, vt scilicet dicatur eius principium indiuiduationis, per quod est vnus tale suppositum indiuisum in se, & diuisum à quolibet alio supposito relatiuo: & sic paternitas est eius principium indiuiduationis. Vult ergo respondere sanctus Thomas, quod si loquamur de principio indiuiduationis patris primo modo, conceditur totum, excepta vltima consequentia. cōceditur enim quod essentia diuina non est in alio supposito qui sit alius Deus à patre: negatur autem illa consequentia, ergo non est in filio. filius enim non est alius Deus à patre, sed vnus Deus subsistens propter vnitatem essentiae, vt dictum est in responsione ad quintam rationem. Si verò loquamur de principio indiuiduationis secundo modo, sic manifestum est concedendum esse quod non est in filio. Paternitas enim non est in filio: & sic non sequitur, vt ratio supponit, si ponatur generatio in diuinis, quod principium indiuiduationis patris, eo modo quo sibi attribuitur tale principium, sit in alio, scilicet supposito relatiuo. Ad septimam admittendo responsionem ibi datam, & eam explicando, dicit primò, quod quamuis dux personæ patris & filij non distinguuntur essentia, sed relatione, non tamen relatio est aliud quam essentia secundum rem, cū relatio in Deo accidens esse non possit, vt patet ex iis quæ determinata sunt in primo libro de perfectionibus omnium entium, quemadmodum enim illæ in Deo sunt secundum simplicitatem essentiae vnitatem, & non sunt accidentia in eo, sed ipsa diuina essentia, ita relatio paternitatis & filiationis licet in hominibus sit accidentis, in Deo tamē est diuina essentia. Dicitur secundo, quod cū diuina essentia sit ipsa paternitatis & filiationis relatio, oportet quod quicquid est paternitatis proprium, Deo conueniat: & ideo cū proprium paternitatis sit vt a filiatione distinguatur, cū pater dicatur ad filium tanquam ad alium, licet Deus pater sit diuina essentia, & similiter Deus filius, ex hoc tamen quod est pater, distinguatur à filio. Ex his vult habere sanctus Thomas, quod nō sequitur personam patris esse compositam, licet in ea sit aliquod principium distinguens præter essentiam: quia tale principium est idem realiter quod essentia, licet distinguatur secundum rationem relationis ab ea quæ ratio, vt dicebat responsio, nihil, vt sic, rei superaddit quæ est essentia, sed tantum dicit respectum ad aliud. Ad impugnationem verò responsionis datæ dicit primò, quod vtique relatio in diuinis non est absque absoluto. Dicit secundo, quod talis relatio non cōparatur ad absolute sicut accidens ad subiectum, vt in rebus creatis accidit, sed per modum identitatis. Dicit tertio, quod licet idem subiectum non possit oppositas relationes in se habere, nihil tamen prohibet essentiam diuinam vnā existentem, sicut propter omnimodam eius perfectionem idem est sapientiæ & iustitiæ, & aliis huiusmodi quæ in diuersis generibus continentur, ita esse idem paternitatis & filiationis, & patrem & filium vnū Deum esse.

ADVERTENDVM primò, cū dicitur in creaturis relationem comparari ad absolute sicut accidens ad subiectum, quod per absolute non intelligit S. Thom. fundamentum relationis, sed subiectum, quod scilicet denominatur tale relatiuē, ideo ex istis verbis non potest haberi, quod vniuersaliter apud ipsum relatio distinguatur à fundamento, habetur bene quod nulla relatio quæ immediate fundatur in substantia, est idem suo fundamento, cū relatio sic accidens: substantia autem creata nulli accidenti identificeatur.

ADVERTENDVM secundo, cū dicitur idem subiectum nō posse habere in se oppositas relationes, quod loquitur sanctus Thomas de oppositione relatiua relationum, non autem de oppositione contraria rationum formalium, secundum quod rationes includentes aliquo modo oppositæ, dicuntur oppositæ. Similitudo enim & dissimilitudo, aliquo modo important rationes oppositas, scilicet conuenientiam & disconuenientiam in qualitate, non tamen sunt relationes oppositæ relatiuē, quarum scilicet vna dicatur ad alteram in concreto: ideo possunt simul vni subiecto conuenire respectu diuersorum, aut etiam respectu eiusdem secundum diuersa: paternitas autem & filio relatiuē opponuntur, ideo non potest respectu eiusdem idem esse pater & filius: neque pater & filius, qui relatiuē opponuntur, possunt esse vnus homo, sicut in diuinis pater & filius sunt vnus Deus, eo quod diuina essentia sibi vtramque relationem identificeat, nō autem ad ipsas comparetur, sicut subiectum ad accidentia. Ad octauam rationem dicit primò sanctus Thomas, quod relationes sunt in Deo secundum rem, & non solo intellectu, quia relatio verbi ad dicentem, cuius est verbum, ponitur in Deo ex hoc quod Deus seipsum intelligit: quæ quidem operatio est in Deo, imò est ipse Deus, omnis autem relatio quæ consequitur propriam operationem alicuius rei, aut potentiam, aut quantitatem, aut aliquid huiusmodi, realiter in eo existit, aliter enim esset in eo solo intellectu. declaratur in scientia & scibili, & in dextro ac sinistro. Quomodo scibile dicatur relatiuē ad scientiam, ex eo quod scientia refertur ad ipsum, declaratum est in præcedentibus.

SED duplex dubium occurrit. Primum est, quia posset aliquis dicere, quod licet relatio Dei dicentis ad verbum consequatur actionem Dei in-

telligentis seipsum, & propter hoc talis relatio sit realis, relatio tamē verbi diuini ad Deum dicentem non cōsequitur aliquam actionem verbi terminatam ad patrem: & ideo ex hoc quod actio intelligendi est in ipso Deo, non sequitur quod verbum ad patrem relationem realem habeat, sed bene quod dicens habet realem relationem ad verbum. Secundum dubium est, quia si relatio quæ consequitur propriam rei operationem, est realis, sequitur quod Deus referatur ad creaturam relatione reali creationis. Nam creare est propria Dei operatio, cū nulli alij conueniat. hoc autem constat esse contra sancti Thomæ doctrinam, ergo, &c. Ad primum dubium respondetur, quod licet relatio verbi ad Deum dicentem non consequatur actionem aliquam verbi terminatam ad dicentem tanquam ad productum per ipsam actionem, consequitur tamen actionem Dei intelligentis seipsum, quæ est ipse Deus, sicut & relatio Dei dicentis ad ipsum verbum eandem actionem consequitur. Deus enim intelligendo seipsum producit verbum, & sic intellectio nō huiusmodi consequitur, & relatio dicentis ad verbum productum, & relatio verbi ad dicentem. Sed contra, quia eadem ratione posset dici quod relatio scibilis est realis, quia consequitur actionem scientis terminatam ad ipsum, ex hoc enim quod sciens intelligit aliquid, consequitur relatio scientis ad scitum, & sciti ad scientem. Dicitur quod non est eadem ratio de relatione verbi, & de relatione scibilis, quia scibile inquantum huiusmodi nullum accipit esse reale ex ipso actu intelligendi, propter quod inquit hoc loco sanctus Thomas, quod scibile eodem modo se habet quantum in se est, & quando intelligitur, & quando non intelligitur, hoc est, nullam variationem suscipit ex eo quod intelligitur. verbum autem intellectus per actum intelligendi accipit esse. vnde potest dici esse eandem actionem dicentis & verbi, dicentis quidem vt dantis esse verbo, verbi autem vt per eam accipientis esse: sicut eadem est actio agentis & patientis materialiter sumpta, quam oppositæ relationes consequuntur. Ad secundum dubium respondetur primò, quod non dicit sanctus Thomas omnem relationem quæ consequitur quamcunque operationem, esse aliquid realiter in ea, sed eam relationem quæ propriam operationem rei consequitur. Dicitur autem propria operatio hoc loco, non omnis quæ soli conuenit rei, sed quæ eius naturam consequitur, sicut in rebus materialibus in quibus est generatio vniuersa, generare sibi simile in specie, est propria rei operatio. similiter in cognoscentibus apprehendere rem sicut est, propria est operatio cognoscentis, inquantum est cognoscentis in actu perfectio. Intelligere ergo diuinum quo seipsum Deus intelligit, inquantum huiusmodi, est operatio quæ naturam diuinam naturaliter consequitur, non autem creare, quod est voluntarium. ideo non sequitur, si relatio consequens actum dicendi est realis, quod similiter sit realis relatio illa quæ consequitur creandi actum. Huic interpretationi videtur fauere S. Thom. q. 28. art. 1. vbi probat relationes quæ consequuntur processionem diuinam, esse reales: quia processionem in diuinis sunt in identitate naturæ, cū autem aliquid procedat à principio eiusdem naturæ, necesse est vt procedens, & id à quo procedit, in eodem ordine conueniant, & sic habeant respectus adinuicem. modo constat quod operatio qua aliquid procedit à principio eiusdem naturæ, est operatio quæ naturam consequitur: & sic videtur velle sanctus Thomas. operationem quam hīc vocat propriam rei operationem, esse operationem naturam rei consequentem. Secundo respondetur & dicitur primò, quod per propriam operationem intelligit sanctus Thomas operationem non extraneam, sed quæ à re ipsa elicitur, & intendit quod quando relatio insurgit & aduenit rei ex aliquo ad naturam rei pertinentem, siue ex aliquo reali, quod ad rem pertineat, tunc talis relatio est realis. Dicitur secundo, quod tunc dicitur relatio consequi propriam operationem rei, aut formam aliquam eius, quādo res ex tali operationis natura & entitate per se inclinatur & ordinatur ad aliud quadam necessitate, non autem quando ordinatur ad aliud ex sola rationis apprehensione. Dicitur tertio, quod per nullam operationem terminans ordinatur & inclinatur ad Deum tanquam ad suum perfectiū: sicut scibile nullum ex se ordinem habet ad scientiam, sed relatiuē dicitur, quia scientia ad ipsum ordinatur, & habet habitudinē ad ipsum, vt dicitur hīc, & quinto Metaphysicæ. Ex his patet illationem inductam falsam esse, & fundamentum eius esse nullum, scilicet quod Deus ex actione creandi habeat ordinem & inclinationem ad creaturam tanquam ad id quod dependentiam habeat. Patet hæc responsio ex doctrina sancti Thomæ primo Sententiarum dist. 20. & de Potentia quæst. 7. art. 10. & in aliis locis in quibus de hac materia loquitur. Si instetur quod intellectus Dei speculatiua qua res creatas aut creabiles intelligit, est operatio naturalis Dei, cū Deus non possit illas non intelligere, & sic videtur quod Deus ex talis cognitionis natura habeat ordinem ad illas, & per consequens quod realiter referatur. Respondetur, quod licet Deus naturaliter res alias à se speculatiuē cognoscat, non tamen sequitur quod ad illas naturalem habeat ordinem & inclinationem, quia non cognoscit illas nisi intelligendo essentiam suam, quæ est primum diuinæ cognitionis obiectum, & in qua omnia representantur: scientia autem non habet naturalem ordinem nisi ad primum & per se obiectum, non autem ad illa quæ in tali obiecto cognoscuntur. Nec tamen sequitur quod scientia Dei realem relationem habeat ad ipsam essentiam. Deficit enim vna conditio ad realem relationem requisita, scilicet quod sit inter ea quæ sunt realiter distincta: scientia enim Dei ab essentia diuina non distinguuntur.

Ad nonam dicit primò, quod in nobis relationes habent esse dependentis quæ earum esse est aliud ab esse substantiæ, & habent propriam modum essendi, causatur quæ à substantia, sicut & omnia alia forma accidentalis causatur à principiis substantiæ.

Dicit secundo, quod quia tantò esse vniuersaliusque formæ accidentalis est prius vel posterius, quantò forma accidentalis secundum propriam rationem fuerit propinquior substantiæ vel magis perfectæ relatiuē, quia non solum præexistit esse substantiæ, sed etiam esse aliorum accidentium ex quibus causatur: & suum esse dependet non solum ab esse substantiæ, sed etiam ab esse alicuius exterioris scilicet termini. cum propriæ rationis consistat in hoc, quod est esse ad alterum, postremum & imperfectissimum esse habet. Dicit tertio, quod relatio in Deo non habet esse dependens



pendens neque à substantia, neque ab aliquo exteriori: quia in Deo esse relationis est ipsum esse substantiæ, sicut & esse sapientiæ: sed bene in Deo est respectus aliquis in quo ratio relationis consistit, sicut sapientia in Deo ponitur, non quia in ipso sit aliquid esse accidentale, sed quia in ipso est perfectio quædam in qua sapientiæ consistit ratio. Ex quo inferit corollarie non sequi ex imperfectione relationum creaturarum ipsas diuinas personas quæ relationibus distinguuntur, esse imperfectas, sed tantum quod earum minima sit discretio.

ATTENDENDUM autem, quod licet esse relationis dependeat ab esse substantiæ, & ab esse termini, hoc tamen non est eodem modo quo ad omnia, ab utroque quidem dependet in quantum ad esse relationis requiritur ut sit substantia, & sit terminus: sed à substantia dependet effectiue & subiectiue, in quantum omne accidens à principis alicuius substantiæ causatur, & est in substantia sicut in subiecto: à termino vero formali sicut à causa sine qua non. Quod autem dictum est omnem formam accidentalem causari ex principis substantiæ, intelligendum est de accidentibus quæ per actionem creatam producuntur in esse, non autem de iis quæ per diuinam actionem producuntur. in illis enim non est vniuersaliter verum, quod à principis substantiæ causentur. vnde de Pot. quæst. 3. artic. 3. tertio ad tertium inquit sancti Thomæ. quod relatio creationis est quidam accidens, non tamen est tale accidens, quod ex principis subiecti causetur, similiter dicendum est de gratia, & aliis similibus.

SED circa primum & secundum dictum huius responsionis duplex dubium occurrit. Primum est: quia videtur velle sancti Thomæ. quod nulla relatio immediate fundetur in substantia, cum ait, quod esse relationis præexigit esse aliorum accidentium in substantia, oppositum autem huius videtur esse de relatione creationis in creatura, & de relatione identitatis specificæ substantiarum, hæc enim videtur in substantia immediate fundari, & non præexigere esse aliorum accidentium in ipsa. Secundum dubium est: quia videtur velle sancti Thomæ. hoc loco relationem realiter differe à suo fundamento, cum ait esse relationis præsupponere esse aliorum accidentium ex quibus causatur. oppositum autem huius multi Thomistæ tenere videntur. Quæritur ergo quæ fuerit mens S. Tho. in hac materia. Ad primum dubium respondetur, quod vtiq; tenendum est aliquas relationes quantum ad esse suum immediate fundari in substantia, ut patet de relatione creationis passiuæ, & de relatione identitatis specificæ, propter quod inquit sancti Thomæ. de Pot. quæst. 7. art. 9. ad quartum quod creatura refertur ad Deum secundum suam substantiam, sicut secundum causam relationis, sicut aliquid dicitur simile secundum qualitatem causaliter. Ad id autem quod hic dicitur, dupliciter potest responderi. Primum secundum tenentes relationem immediate fundatam in substantia, non esse in genere, sed esse relationem transcendente: quod dictum sancti Thomæ. intelligitur de relationibus quæ sunt in genere, non autem de relationibus transcendentes. Secundo, tenendo huiusmodi relationes esse de genere relationis, quod intelligitur de quantitate, potetia, & huiusmodi, aut secundum rem, aut secundum modum. relatio enim adeo debile esse habet, quod non aduenit substantiæ nisi præexistat in substantia esse alterius accidentis à quo causetur, aut ipsa substantia induat modum alterius accidentis: & sic dicitur quod relatio immediate fundata in substantia, præexigit in substantia esse alterius accidentis quantum ad modum, non autem quantum ad rem. identitas enim fundatur in substantia, in quantum induit modum vnitatis. Nam vnum in substantia facit idem. similiter relatio creationis fundatur in ipsa in quantum induit modum potetie passiuæ, & sic de aliis, vnde sancti Thomæ. art. præallegato in corpore ait quod per substantiam & qualitatem non ordinatur aliquid ad alterum, nisi secundum quod qualitas vel forma substantialis aut materia habet rationem virtutis actiuam vel passiuam, & secundum quod in eis consideratur aliqua ratio quantitatis.

Ad secundum dubium, omittis rationibus multis, quæ pro utraque parte adduci possunt, & quæ fortassis possent apparenter solui, dicam quid de mente sancti Thomæ. esse videatur, saluo semper meliori iudicio. Vnum mihi videtur in eius doctrina clarum, quantum ex eius verbis haberi potest. Alterum aliquantulum videtur esse dubium. Clarum mihi videtur, quod nulla relatio in creaturis est substantia, & consequenter quod nulla relatio immediate fundata in substantia est idem realiter suo fundamento. Hoc habetur primum ex primo Sent. dist. 4. artic. 1. ad 3. vbi dicitur, quod nulla relatio est substantia in creaturis. Habetur secundo ex q. de Potentia quæst. 8. artic. 2. ad 1. vbi dicitur quod nulla substantia in genere potest esse relatio. Habetur tertio ex quarto Contra cap. 14. & primo Sent. dist. 30. artic. 1. dist. 21. quæst. 1. artic. 2. & 33. art. 1. Item 2. Sent. quæst. 28. artic. 2. vbi tenet expressè sancti Thomæ. quod esse relationis distinguitur ab esse substantiæ, & est illi superadditum. Posset autem ad hæc dicta sancti Thomæ. dupliciter responderi. Primum, quod intendunt relationem non esse idem formaliter cum substantia, & similiter esse relationis cum esse substantiæ: alia enim est ratio substantiæ, & alia ratio relationis: non autem quod non sint vna res. Secundo, quod intelliguntur de relatione quæ immediate fundatur in accidente, ut similitudo, æqualitas, & huiusmodi. certum est enim quod in istis relatio non est idem substantiæ secundum mentem sancti Thomæ. sicut nec æqualitas nec quantitas, nec actio & passio, super quibus fundatur, identificantur substantiæ. Sed quod nulla istarum responsionum sit ad mentem sancti Thomæ facilius ostendi potest. Quod enim potentia non sit secundum eius mentem, ostenditur primum, quia in 1. Sent. dist. 4. loco allegato expressè ait quod nulla relatio in creaturis est substantia secundum rem. Secundo, quia subiungit ibidem quod ideo oportet ut omne generatum sit compositum in creaturis, & dist. 33. inferit quod quia esse relationum distinguitur ab esse substantiæ ideo dicuntur inesse, & secundum quod in sunt, faciunt compositionem. Constat autem quod ex distinctione formalis sola non inferretur talis compositio. Tertio, quia illa dixit ut ostenderet differentiam inter relationes creatas & relationes diuinas: quia scilicet relationes diuine sunt idem quod substantia diuina, non autem relationes creatæ sunt idem quod substantia. Manifestum est autem, quod non esset differentia inter huiusmodi relationes, si intenderetur hoc tantum, quod substantia creata non potest esse relatio formaliter: nam & diuina essentia non est formaliter ipsa diuina relatio, cum diuersas habeant rationes, & diuersos etiam habeant modos prædicandi: ut inquit sancti Thomæ. 1. Sent. quæst. 28. artic. 2. ad 1. Quartum est, quia quarto Metaphysicæ lect. 2. com. Avicenna instat ex hoc quod id quod est ad vnum genus determinatum,

non potest consequi omnia entia tanquam eorum accidens. Ex hoc enim arguitur sic: Quod est in vno determinato genere, non potest esse accidens omnium generum: sed relatio est in vno determinato genere: ergo non est accidens omnium generum: ergo cum omnibus entibus conueniat, non erit ab aliis generibus distincta. Quod etiam secunda responsio non sit ad mentem sancti Thomæ arguitur primum, quia de relatione quæ est creatio loquens sancti Thomæ. de Potentia quæst. 3. artic. 3. ad 2. inquit quod est accidens ad secundum suum esse considerata, & prout inheret subiecto, est posterius quam res creata. Idem habetur Quolib. 7. artic. 10. ad 4. constat autem quod talis relatio non fundatur immediate in accidente, sed in substantia. Secundo, quia loco præallegato de Potentia quæst. 8. assignat rationem quare substantia in genere non est relatio, quoniam inquam est determinata ad vnum genus, & per consequens excluditur ab alio genere, sed non solum relatio immediate fundata in accidente, est in alio genere à genere substantiæ, sed etiam quæ immediate fundatur in substantia. Nam inquit sancti Thomæ. loco præallegato de Potentia, quæst. 3. in corpore, quod creatio est in genere relationis. ergo, &c. Quod autem mihi dubium est in hac materia sequendo doctrinam sancti Thomæ, est, vtrum aliæ relationes quæ immediate fundantur in generibus aliis accidentium, sint à suis fundamentis realiter distinctæ, an scilicet, similitudo à qualitate distinguatur realiter, & æqualitas à quantitate, & sic de aliis. Hoc enim dubium est propter varia dicta sancti Thomæ. in quibus aliquando videtur velle quod sint idem, aliquando autem quod sint distincta. Veruntamen diligenter consideranti verba eius, videtur mihi de mente eius esse, quod omnis relatio etiam in accidente fundata, à suo fundamento realiter distinguatur. Non moueor autem ad hoc propter id quod dicitur 1. part. quæst. 28. artic. 2. ad 2. quod in rebus creatis in eo quod dicitur relatiue, præter respectum est etiam absolutum, quod est alia res ab eo quod continetur sub significatione nominis relatiui. Dicerent enim & verè, qui oppositum esse de mente sancti Thomæ tenent, quod per illud absolutum distinctum à relatione non intelligit sanctus Thomas fundamentum relationis quod est accidens, sed subiectum quod est substantia: nam fundamentum talium relationum si est idem quod relatio, non est aliquid præter significationem nominis relatiui, sed bene subiectum, quod est substantia, est enim aliud & ab ipsa relatione & à fundamento relationis. Non etiam moueor propter rationem assignatam in questione de Potentia, quare substantia quæ est in genere, non potest esse relatio: quia videlicet est determinata ad vnum genus, & per consequens excluditur ab alio genere: nam si intelligatur ad huc sensum, quasi velit sanctus Thomas vniuersaliter nullam rem quæ est in vno genere, posse in alio genere villo modo esse, erit contra id quod inquit vnde decimo Metaphysicæ lect. 9. in fine, vbi expressè tenet eadem rem posse in diuersis prædicamentis esse propter diuersum modum prædicandi: vnde posset responderi, mentem sancti Thomæ, esse, quod quia substantia est distincta ad vnum genus, scilicet substantiæ conditiuum contra omnia genera accidentis realiter, ideo quod est in genere substantiæ, non potest esse in aliquo aliorum generum: quia substantia non potest esse idem realiter accidenti, non autem si vnum accidens sit in vno prædicato, potest argui quod non sit in alio: quia non inconuenit vnum accidens esse in diuersis prædicamentis accidentium: quando tamen in sua ratione includit aliquid reale quod alterum non includit: nam si vnum nihil aliud reale ab alio includeret, non possent ad duo genera pertinere: & ad hunc sensum potest intelligi quod inquit sanctus Thomas primo Sent. dist. 33. artic. 3. ad 4. quod inquam non inuenitur in creaturis aliqua diuersorum generum in identitatem rei conuenire, intellige omnino, nam actio & passio licet conueniant in eadem entitate motus, tamen in suis rationibus relationes realiter distinctas includunt. Sed moueor propter duo dicta sancti Thomæ, quæ mihi maximè huic proposito fauere videntur. Primum dictum est duodecimo Metaphysicæ in expositione text. 19. vbi dicitur quod ea quæ sunt ad aliquid, remotiora videntur esse à substantia quam alia genera, ex eo quod sunt debilioris esse. vnde & substantiæ inheret mediantibus aliis generibus. si enim ad aliquid sunt remotiora à substantia quam alia genera secundum suum esse, & inter substantiā & relationem mediant alia genera, manifestè relinquitur relationē ab aliis generibus, in quibus fundatur, & esse relationis ab esse aliorum generū realiter distinguuntur. Idem enim non est propinquum & remotum, mediatum & immediatum respectu eiusdem. Secundum dictum est 4. Con. capit. 14. in responsione ad nonam rationem. Ibi enim postquam dixit sancti Thomæ. quod esse relationis est superadditum esse substantiæ, subiungit quod relatio adueniens substantiæ postremum esse habet: quia præexigit non solum esse substantiæ, sed etiam esse aliorum accidentium ex quibus causatur. Ex his enim verbis clarissimè patet relationem præsupponere in substantia esse aliorum accidentium tanquam à se distinctorum, ut potest quæ ipsius sunt causæ, & quorum esse est prius & perfectius esse relationis. Ad istas auctoritates si quis vellet non sequi mentem diui Thomæ, sed ipsum in sua sententiam trahere, posset vtiq; dicere quod relatio inest substantiæ mediantibus aliis accidentibus, non reali mediatione, quasi sint quædam res media à substantia & à relatione distincta, sed formali mediatione: quia videlicet ratio absoluta illius rei quæ est relatio, est prior ratione sui relatiua, & ideo dicitur mediare inter substantiam & relationem. Sed quod ista responsio non sit ad mentem sancti Thomæ. patet primum, quia manifestè loquitur non de rationibus relationis & fundamenti, sed de eis ipsis quæ supra esse substantiale addunt. Secundo, quia vult euenire propter debilitatem & imperfectionem esse relationis quo inheret substantiæ, quod inter esse substantiæ & relationis mediet esse aliorum accidentium, tanquam esse eorum quæ sunt causa quod inest substantiæ: hoc autem non poneret, si intelligeret vnum esse immediatius substantiæ secundum suam rationem tantum, non enim omne quod secundum suam rationem aliam rationem præsupponit, est eo imperfectius secundum esse suum. Concludendum ergo videtur, hanc fuisse mentem sancti Thomæ. quod omnis relatio à suo fundamento realiter distinguatur.

SED circa hanc determinationem quædam sunt quæ difficultatem afferunt, quædam scilicet dicta sancti Thomæ, & quædam rationes. Primum dictum sancti Thomæ. est quinto Physicorum lect. 3. in fine text. com. 10. vbi ait quod cum aliquis incipit alteri esse æqualis, per illius mutationem nihil ei aduenit de nouo. Hoc autem non esset verum, si relatio esset entitas realiter à suo fundamento distincta. Secundum est, quia de Potentia quæst. 7. Contra Gent.

prima responsio



art. 8. tenet quod relatio non componit cum eo cuius est. Constat autem quod componeret si esset entitas a fundamento realiter distincta. Tertium est quia de Potentia quæst. 8. artic. 1. vocat scientiam relationem. Prima autem ratio est: quia agens in quantum agens mutaretur. causaret enim in se entitatem relationis sui ad passum causando effectum suum. Secunda est, distantia localis est relatio, & ista non distinguitur a suo fundamento. ergo, &c. probatur antecedens, si est talis entitas distincta, aut acquiritur in tempore, aut in instanti, si in tempore, tunc postquam aliquid perdidit partem continuitatis, erit continguum, vel habebit contiguitatem & non erit continguum, si in instanti, aut mediato, aut immediato. non immediato, quia instans non est immediatum instanti: non etiam mediato, tunc quia cum inter duo instantia mediet tempus, illud esset distans sine distantia, tum quia nulla forma extensa acquiritur in instanti. Tertia est, dupliciter non distinguitur a fundamento. ergo, &c. probatur antecedens. Si distinguitur a quantitate, puta corporis bicubiti, quod est duplum ad corpus vnius cubiti, aut est in qualibet parte illius, aut tota in toto, & pars in parte. Non primum, quia tunc quælibet pars illius esset dupla. Non etiam secundum, quia aut partes dupliciter essent eiusdem rationis cum toto, aut non. Si primum, adhuc sequeretur, quod quælibet pars sit dupla. Si secundum, contra: quod non habet extensionem & diuisibilitatem ex se, sed ex continuo, non est alio modo diuisibile quam continuum, vt patet de albedine & aliis. sed quantitas non est diuisibilis nisi in partes eiusdem rationis. ergo, &c.

PR O responsione ad dicta sancti Thomæ notandum, quod relatio tripliciter potest habere esse. Vno modo fundamentale tantum, sicut cum in re est fundamentum relationis nullo existente termino. tunc enim relatio est virtualiter, & inchoatione in quantum est in re fundamentum, unde nata est sequi relatio naturali sequela posito termino. Alio modo actualiter secundum esse proprium & distinctum in ordine ad suum terminum formalem: quem scilicet primum & per se respicit. Tertio modo actualiter secundum esse proprium in ordine etiam ad hunc determinatum terminum materiale. Nam Sorte vnicum filium habente, relatio paternitatis est in ipso in actu tam secundum esse actuale quam secundum esse fundamentale in ordine ad terminum formalem, scilicet filium absolute & in ordine ad hunc materiale terminum, scilicet filium hunc quem habet in ordine autem ad filium quem nondum habet non est in actu, sed illo postea nato sit in actu etiam in ordine ad hunc ipsum secundum filium, ad quem prius actuale ordinem non habebat. Notandum secundum, quod mutari dicitur aliquid quando accipit formam quam prius non habebat per actionem ad ipsum terminatam: quando autem accipit formam aut entitatem aliquam per naturalem sequelam ad aliquid in ipso præexistens resultantem, tunc non dicitur proprie mutari: quia mutatio est actio & passio materialiter. Si enim siue per impossibile siue per possibile impediretur anima ne ex ipsa eius potentia fluere & originarentur, postmodum deducto impedimento sequeretur ex ea, non proprie diceretur mutari homo per acceptionem illarum potentialium: quia non acciperet eas per aliquam median actionem aut passionem, sed per naturalem resultantem ex animæ essentia: quamvis posset improprie dici mutari: quia haberet aliquam entitatem in actu completo, quam prius habebat tantum incompleta & radicaliter. Sic ergo quia secundum quod omnis receptio alicuius potest largo modo mutatio dici, relatio nata est sequi ex fundamento posito termino naturali sequela & concomitantia, non autem per actionem median: ideo dum aliquis habens prius fundamentum tantum, posterius habet relationem ipsam secundum actum completum, non dicitur per acceptionem eius ipsum quod refertur proprie mutari: quia propterea Philosophus quinto Physicorum ait, quod ad ipsam non est motus primus, & quod aduenit absque mutatione, præexistente scilicet fundamento. Ad primum itaque dictum sancti Thomæ, dupliciter potest responderi. Primum quod mens sancti Thomæ est, nihil tunc aduenire subiecto de nouo per aliquam mutationem in ipso factam. Nam tunc dicitur relatio aduenire de nouo alicui per eius mutationem, quando totaliter aduenit, scilicet & quantum ad suum esse, & quantum ad suum fundamentum. Tunc enim subiectum per actionem agētis, quæ primò terminatur ad fundamentum quæ est forma absoluta. secundario verò ad relationem, transmutari dicitur. non est autem mens eius, quod nullo modo aliqua entitas ei de nouo adueniat. Potest autem hic sensus ex ipsis sancti Thomæ verbis haberi. nam constat quod loquitur quando aliquid ipso non mutato incipit alteri esse æqualis per illius alterius mutationem. Secundum potest responderi, quod loquitur quando aliquis habet relationem æqualitatis in actu respectu aliquorum habentium eandem quantitatem, sed non respectu alicuius eandem quantitatem non habentis. Si enim ille alius postea eandem quantitatem accipiat, tunc incipit illi esse æqualis, non quia adueniat sibi de nouo entitas relationis, aut aliqua alia entitas: sed quia æqualitas quæ prius inerat, determinatur ad illum, ad quem prius non determinabatur. Hic sensus haberi potest ex verbis sancti Thomæ cum ait: Cum ergo aliquis accipit illam quantitatem, ista communis radix, scilicet quantitas in me præexistens, determinatur ad illum. Et sic patet quod dictum hoc non præiudicat determinationi nostræ. Ad secundum dicitur primum, quod loquitur sanctus Thomas de subiecto, non de fundamento, scilicet quod relatio non componit cum eo quod dicitur relatiuè. Dicitur secundum, quod loquitur de relatione secundum propriam rationem quæ est ad aliud esse, non autem quantum ad suum esse. componit enim cum suo subiecto in quantum illi inhæret, sed in quantum ad alterum dicitur, non componit: quia in quantum dicit ordinem ad alterum, non habet vt aliquid reale dicat, vt inferius declarabitur. Ad tertium dicitur quod accipit sancti Thomæ abstractum pro concreto. scientia enim potest accipi absolute, vt scilicet qualitas est præcisè: potest etiam accipi relatiuè, scilicet vt connotat relationem ad scibile, & sic dicitur scientia vt relatio, id est, vt relatiuè. Ad quartum dicitur quod licet ponamus omnem realem relationem esse a suo fundamento realiter distinctam, non tamè dicimus quod sit accidens omnium generum tanquam aliquid quod cum ente cōuertatur, vt de vno dicebat Auicenna. Nam constat quod non est accidens ipsius generis relationis, cum relatio secundum doctrinam sancti Thomæ alia relatione a se distincta non referatur: constat etiam quod non est accidens fundatum super quando & vbi & similibus, vt & Aristoteles, Metaphysicæ patet, & ex sancti Thomæ in cap. ad aliquid. ideo

falsum est quod omnibus entibus conueniat tanquam fundamentis. Dicitur secundum, quod dato quod super omnibus aliis generibus fundatur: adhuc non cōsequeretur omnia entia tanquam proprietates conuertibiles cum ente, vt dicebat Auicenna de vno. Nam ex principiis communibus entis, in quantum est ens, vt dicit sancti Thomæ in loco allegato, non causatur aliquid particulare ens sufficienter. Si autem inferretur quod ex ratione sancti Thomæ haberi potest quod non tantum ens particulare non potest causari ex communibus principiis entis, sed etiam quod non potest ex pluribus principiis diuersorum generum causari, quia illa non causarent nisi per aliquod quod esset omnibus illis generibus commune. & sic cum relatio super plura genera fundetur, sequitur quod ab illis non causatur tanquam eorum accidens. Respondetur quod ex ratione sancti Thomæ habetur, quod ens aliquod vnius determinati generis subalterni, & determinatæ speciei, cuiusmodi est vnitas de genere quantitatis, nō potest esse accedens a pluribus diuersorum generum principiis causatum, tanquam sit alicuius communis ad illa proprium accidens: non autem habetur quod vnum prædicamentum non possit secundum diuersa sua genera diuersas suas species a diuersis prædicamentis originari. Ad primam rationem negatur consequentia. Ad probationem dicitur, quod agens non causat in se relationem per actionem terminatam ad ipsum agens, sed per actionem terminatam ad terminum relationis: quo posito in actu, naturali sequela oritur relatio ex præexistente fundamento: ideo ibi nulla est mutatio agētis.

AD secundam negatur minor: ad probationem dicitur quod talis distantia acquiritur in instanti mediato, & cum arguitur contra: primum, quia in tempore intermedio erit distans sine distantia, &c. negatur consequentia: quia non erit dare primam relationem distantiam, sicut nec primum vbi, sed ante quamlibet distantiam erat alia & ante illam alia, & sic in infinitum. Cum arguitur, secundum: quia nulla forma extensa acquiritur in instanti, negatur. Nam aliquis calor extensus in instanti acquiritur in aqua aut in aliqua parte aquæ.

SED contra istam responsionem, in quantum ponit non dari primam distantiam, sed ante quancunque esse aliam, arguunt quidam: Aut ista distantia fundatur in quantitate corporis quod per suum motum distat ab alio continuè, aut in loco eiusdem mobilis, aut in vbi quod continuè est aliud & aliud, non primum, quia manente eodem fundamento, nō potest multiplicari relatio, secundum doctrinam sancti Thomæ. non secundum, quia relatio est in ipso mobili, locus autem non est in re locata, sed in locante. modo oportet fundamentum & relationem esse in eodē. non etiam tertium, quia vbi est posterius relatione prædicamentali: & forte potius in ea fundatur quam econuerso.

POTEST ad hoc responderi substinendo responsionem datam, quæ est Capitulo 3. dist. prima, quod talis relatio fundatur in vbi, & sic variatur ad variationem ipsorum vbi. & cum instatur: quia vbi est posterius relatione prædicamentali, dicitur quod distantia localis nō est de prædicamento ad aliud, sed de prædicamento vbi: nec est inconueniens vnam relationem huius prædicamenti fundari in alia eiusdem prædicamenti, sicut non est inconueniens vnam qualitatem inesse substantiæ mediante alia, sicut scientia inesse animæ mediante intellectu. Posset secundum dicere, cui non placeret responsio Capitulo 3. dist. prima, quod ista relatio fundatur super quantitate mobilis, sed motus eius est sibi ratio fundandi, & ideo est semper eadem distantia numero, & datur prima distantia: sed quia ista distantia est continuè maior propter augmentum extensuum motus, ideo non datur prima paruitas illius relationis, sed quancunque paruitate distantia, ante illam erat maior paruitas, & sic in infinitum: ideo non sequitur quod in aliquo tempore sit corpus distans sine distantia. Ad tertiam negatur assumptum. Ad probationem dicitur quod est tota in toto, & pars in parte. Cum instatur, quia aut est eiusdem rationis cum toto, aut non dicitur quod non est eiusdem rationis: cum arguitur, quia habet diuisibilitatem sicut quantitas, dicitur quod quantitas bicubita dupliciter consistat potest: vno modo in ratione quantitatis continuæ, puta lineæ, vel superficiæ: alio modo vt induit modum quantitatis discretæ vt scilicet significatur nomine bicubiti quod habet extensionem & diuisibilitatem ex quantitate vt rationem habet continui, diuiditur in partes eiusdem rationis, sicut & ipsa quantitas: nam linea diuiditur in lineas, & superficies in superficies, & similiter albedo quæ hoc modo habet diuisibilitatem a quantitate, diuiditur in albedines. quod autem habet diuisibilitatem a quantitate, vt induit modum discreti, non diuiditur in partes eiusdem rationis: quia nec sic quantitas diuiditur: non enim bicubitus diuiditur in bicubita, quia ergo dupliciter accipit diuisionem a continuo, in quantum induit rationem discreti: ideo non oportet vt diuidatur in partes quarum quælibet sit duplicitas, sed quarum quælibet est pars duplicitatis.

CIRCA tertium dictum considerandum ex doctrina S. Thom. part. 1. quæst. 28. art. 1. & primo Sen. dist. 33. art. 1. & de Potentia quæst. 7. art. 8. quod relatio in hoc differt ab aliis generibus accidentium, quod omnia alia genera secundum proprias rationes dicunt aliquid alicui inhærens. quantitas enim est mensura substantiæ, & qualitas substantiæ dispositio, relatio autem secundum propriam rationem dicit solum respectum ad aliud. Ad aliquid enim dicitur quod esse est ad aliud se habere. propter hoc inquit S. Tho. quod ex hoc quod relatio in Deo ponitur, nō sequitur esse aliquid in Deo dependens, sed solum quod in Deo est respectus aliquis, id est, habitudo, & ordo ad aliquem terminum in quo ratio relationis consistit: quia videlicet ratio relationis, secundum quam ab aliis generibus distinguitur, est ad aliquid respicere & ordinari tanquam ad terminum.

SED tunc occurrit duplex dubium. Primum est ex Aureolo apud Cap. 3. Sentent. dist. 1. arg. 8. Modus proprius prædicamenti accidentis non tollit modum communem accidentis, imò eum includit: ergo modus proprius relationis non tollit ordinem ad subiectum. Secundum est. Videtur enim implicatio contradictionis quod in Deo sit respectus realis, & quod relatio in Deo existens nō habeat esse dependens. Respectus enim realis non potest esse, non existente termino quem respicit, & sic videtur de ratione respectus realis quod a termino dependeat.

AD primi dubij euidentiam considerandum, quod propria ratio relationis quæ est esse ad alterum dupliciter accipi potest. Vno modo in generali & illimitate, in quantum scilicet absolute importat dici ad aliud. Alio modo in speciali & limitate, in quantum scilicet importat dici ad aliud



aliud ex natura rei, siue habens fundamentum in re. Vt utroque modo sumpta est propria ratio prædicamenti ad aliquid, sed tamen alio & alio modo. Sumpta enim absolute & illimitate est eius propria ratio, prout propria ratio alicuius potest dici illa quæ sibi conuenit soli inter aliqua. Ista enim ratio conuenit prædicamento ad aliquid, aliis verò prædicamentis non conuenit: & ideo potest dici sibi propria in ordine ad alia prædicamenta in quantum scilicet ipsum ad aliquid est absolute illa verò non sunt ad aliquid: non autem potest dici propria ratio tanquam dicens vltimum completium prædicamenti ad aliquid, siue relationis prædicamentalis. cum enim communis sit & relationi reali quæ est in prædicamento, & ei quæ non est in prædicamento, ac etiam relationi rationis, non potest esse vltimum completium prædicamenti, quod est accidens reale. Sumpta verò cum hac limitatione habens fundamentum in re, siue ex natura rei proveniens, est propria eius ratio tanquam vltimum completium prædicamenti dicens, nam cum in ratione eius totali includatur quod sit accidens, & quod ad alterum tanquam ad oppositum relatiue dicatur ex natura rei, in quantum includit accidentis rationem, facit relationem à prædicamento substantiæ differre: in quantum autem importat ordinem ad alterum ex natura rei proveniensem, facit vltimate ab aliis differre prædicamentis accidentium. Vnde cum inquit sanctus Thom. relationem secundum propriam rationem sui generis non dicere aliquid in hęcens, non intelligitur de totali eius ratione: quia cum illa includat rationem accidentis, necesse est quod ordinem dicat ad id in quo est. Non etiam intelligitur de ratione quæ vltimate complet rationem prædicamenti: quia cum illa includat habere fundamentum in re, oportet ut aliquid in eo de quo dicitur ponat: sed intelligitur de propria ratione primo modo sumpta, scilicet ut dicit absolute & illimitate ordinem ad alterum. nam cum ista ratio sit relationi reali & relationi rationis communis, constat quod abstrahit ab utraque, & per consequens ex illa ratione absolute & illimitate sumpta nihil reale ponitur in eo quod dicitur relatiue. Ad dubium ergo dicitur. Primo, quod modus proprius relationis qui est ad aliud dici absolute, qui est modus conueniens relationi in quantum absolute relatio est, non excludit modum accidentis, nec tamen illum includit sed abstrahit à modo substantiæ & accidentis, imò ab ente reali & ab ente rationis, sicut animal à rationali & irrationali. Dicitur secundum quod proprius modus vltimate constitutus prædicamenti relationis non excludit modum accidentis, imò eius quandam determinationem dicit, sicut & alia prædicamenta accidentium. dicit enim modum accidentis, qui est inherere substantiæ per modum referentis illam ad alterum in natura rei fundatum. Nec huius oppositum tenet sanctus Thom. ut est ostensum, imò hic dicitur quod habent proprium modum essendi secundum propriam rationem. Arguit autem Aureolus, ac si diceremus quod relatio secundum propriam rationem vltimate prædicamenti completiue nihil poneret in re: quod non dicimus, sed dicimus quod secundum propriam rationem quæ ei conuenit absolute in quantum relatio est, non autem in quantum relatio prædicamentalis est, non habet quod aliquid in re de qua prædicatur ponat.

Ad secundum dubium respondetur quod aliud est dicere esse relationis ab alio non dependere: & aliud ipsam relationem non dependere ab alio sub ratione relationis. Verum est enim, quod paternitas diuina sub ratione paternitatis ab alio dependet: quia in ratione ipsius includitur filius: & sic nec potest vnum esse sine alio, nec intelligi: ipsum tamē esse paternitatis non dependere ab esse alterius, cum sit vnum esse numero vtriusque relatiui, quod est esse diuinæ essentiz. Idem enim esse non dependet realiter à seipso. Cum autem dicitur, quod de ratione respectus est quod à termino dependeat secundum esse, dicitur quod hoc veritatem habet ubi relatiua habent distincta esse, non autem ubi est vnum & idem esse vtriusque relatiui, ut est in diuinis, ubi est quidem quicquid ad rationem relationis pertinet, scilicet ordo & respectus: esse autem relationis est esse diuinæ essentiz, quod est vnum. Considerandum postremo, quod imperfectio relationis creat in hoc consistit, ut ex dictis patet, quod suum esse dependet à subiecto, à fundamento & à termino, quod conuenit sibi in quantum suum esse est accidentale & postremum, & distinctum ab esse substantiæ, & ab esse aliorum accidentium. ideo ubi relatio, ut est in Deo, est idem substantiæ cuius esse à nullo dependet, sequitur quod talis relatio non habet esse imperfectum: & ideo personæ diuinæ quæ talibus relationibus distinguuntur, nullam ex ipsis imperfectionem trahunt. quia verò remanet tantum ordo vnus ad alterum, in quo importatur sola distinctio secundum oppositos respectus, quæ est minima distinctio, ideo bene etiam dicitur sequi ut diuinarum personarum discretio siue distinctio sit minima. Ad decimam respondet & dicit primo, quod quamuis Deus substantialiter de patre & filio prædicetur, non tamen sequitur si sint plures personæ, quod sint plures di. sunt enim plures personæ propter pluralitatem relationum substantium: vnus autem Deus propter vnitatem essentiz substantis, in hominibus autem non contingit ut aliqui sint vnus homo: quia essentia humanitatis non est vna numero in utroque, neque est subsistens ut sit homo.

Ad euidentiam huius responsionis considerandum est quod diuinæ personæ sunt ipsæ relationes subsistentes, quæ quidem plures sunt propter pluralitatem respectuum, non autem propter pluralitatem esse aut essentiz, cum sit vna essentia numero, & habeant vnum esse: ideo sicut cum earum pluralitate quædam ad respectus stat earum vnitatem secundum essentiam & secundum esse, ita cum pluralitate personarum stat quod ipsæ personæ sint vnus Deus, vnde illa propositio, impossibile est euenire pluralitatem ex parte subiectorum, cum vnitatem sit ex parte substantialis prædicati, falsa est si vniuersaliter sumatur.

ADVERTENDUM secundum, quod videtur velle sanctus Thomas duo requiri ad hoc ut aliqua dicantur vnum tale essentialiter, & in concreto scilicet, & quod vna numero essentia sit in illis, & quod illa essentia sit subsistens, ita quod abstractum & concretum sint idem. propter hoc de Deo loquens inquit, quod pater & filius sunt vnus Deus propter vnitatem essentiz substantis. De homine autem loquens ait, quod non contingit ut aliqui sint vnus homo: quia essentia humanitatis neque est vna numero in utroque, neque est subsistens, ut humanitas sit homo. huius autem ratio est: quia cum concretum aliquid includat quod non includit abstractum, sicut homo implicite includit accidentia quæ humanitas non

includit, ad hoc ut aliqua dicantur vnum tale in concreto, non solum requiritur quod essentia sit vna numero in illis, dato quod posset esse vna numero absque accidentibus huiusmodi eam limitantibus, sed requiritur etiam ut eadem accidentia sint in utroque. Ad hoc enim quod aliqui essent vnus homo, non solum requireretur ut eandem numero haberent humanitatem, sed oporteret ut eadem etiam haberent accidentia, quibus hic homo habet ut sit hic homo. Vnde cum habet sanctus Thomas pro regula nomen substantium singulariter aut pluraliter dici ab vnitatem aut pluralitate formæ: per vnitatem formæ intelligit non tantum ipsam formam substantiam quæ est vna, sed etiam accidentia quibus ipsa forma est vna & indiuidua, ubi forma non est ex se indiuidua, sed per materiam signatam indiuiduatur. vnde & cum inquit 3. parte. quæst. 3. artic. 6. quod si plures personæ diuinæ assumerent vnam numero humanitatem, dicerentur vnus homo: vnam humanitatem vocat ipsam humanitatis essentiam cum accidentibus quibus sit hæc & singularis. Aliter enim humanitas non est vna numero.

Ad vltimam respondet sanctus Thomas, quod cum in Deo sit vnitatem essentiz, & relationum distinctio, nihil prohibet in Deo illa opposita inueniri quæ relationis distinctionem consequuntur, ut generans & genitum, quæ relatiue opponuntur: & genitum & ingenuum, quæ opponuntur vni affirmatio & negatio: quæ opposita inueniuntur vbicunque est aliqua distinctio. Ex his vult habere quod vti que opposita prædicata de Deo pluralitatem ostendunt, sed ostendunt pluralitatem relationum tantum, non autem essentiz.

CIRCA hanc responsionem duplex occurrit dubium. Primum est. Si affirmatio & negatio, quæ est oppositio contradictoria, inuenitur vbicunque est aliqua distinctio, & ideo inuenitur in diuinis, sequitur distinctionem inter diuinas personas esse maximam: quia contradictio est maxima oppositio, maximæque distantia, eò quod extrema in nullo conueniant. huius autem oppositum dixit superius sanctus Thomas, inquit distinctionem diuinarum personarum esse minimam. Secundum dubium est: quia videtur velle sanctus Thomas hic affirmationis & negationis oppositionem in oppositione relatiua includi. huius autem oppositum videtur tenere de Potentia, quæstione septima, articulo octauo, ad quartum ubi vult in omnibus aliis oppositionibus includi negationem & affirmationem, non autem in relatiua oppositione. Ad primum dicitur, quod contradictio si formaliter & præcisè sumatur ut ab omni alia oppositione præscindit, est maxima oppositio, & importat maximam distantiam: sed si accipitur ut est contracta & limitata in alia oppositione in qua includitur, sic non est maxima, sed est maior aut minor, secundum conditionem eius oppositionis in qua includitur. omnis enim alia oppositio includit affirmationis & negationis oppositionem, & aliquid super ipsam addit, sed illud additum non auget oppositionem, sed minuit, ut inquit sanctus Thomas in tractatu de quatuor oppositis. Affirmatio ergo & negatio, quæ distinctionem diuinarum personarum concomitatur, non facit illam esse maximam distinctionem, sed minimam, quia non est affirmatio & negatio simpliciter, sed limitata ad relatiua oppositionem, quæ minima est, & minimam exigit distinctionem: dicit enim, verbi gratia, paternitatem & non paternitatem, sed affirmationem in patre, negationem verò in filio.

Ad euidentiam secundi dubij considerandum est ex doctrina sancti Thomæ primo Sententiarum, distinctione vigesima sexta, quæstione secunda, articulo secundo, quod oppositio relatiua ab oppositione contrarietatis, & oppositione priuationis & habitus differt: quia in illis alterum est ut perfectum, & alterum est ut imperfectum, vnumque priuationem alterius includit in relatione autem non est sic, licet enim vna relatio negationem alterius oppositæ relationis includat in eodem supposito: illa tamen negatio non habet rationem priuationis: quia priuatio non est nisi secundum quod aliquid caret eo quod sibi debet inesse: relatio autem non ponit aliquid in eo quod relatiue dicitur, in quantum relatio est, sed dicit ad aliquid siue respectum ad correlatiuum. ideo negatio inclusa in relatione non negat aliquid in subiecto in quantum huiusmodi, sed statum ad aliquid, & propterea non habet rationem priuationis. Dicitur ergo ad dubium, quod oppositio relatiua includit oppositionem affirmationis & negationis, ut dicitur, primo Sententiarum distinctione quinta, articulo primo, & est hoc loco de mente sancti Thomæ. sed non includit illam tantum importanter priuationem & imperfectionem in altero extremo, quem admodum aliæ oppositiones: & hoc intellexit in loco allegato de Potentia, &c.

De spiritu sancto, quod sit in diuinis.

Cap. 15.



IVINAE autem scripturæ autoritas nõ solum nobis in diuinis patrem & filium annunciat, sed his duobus spiritum sanctum connumerat. Dicit enim Dominus Matthei vltimo, Euntes docete omnes gentes, baptizantes eos in nomine patris & filij & spiritus sancti. & 1. Ioan. 5. Tres sunt qui testimonium dant in cælo: pater, verbum, & spiritus sanctus. Huius etiam spiritus sancti processione quendam sacra scriptura commemorat. dicit enim Ioannis 15. Cum venerit paracletus, quem ego mittam vobis à patre, spiritum veritatis, qui à patre procedit, ille testimonium perhibebit de me.

Super Cap. 15.



OSTQVAM determinauit sanctus Thomas de persona patris & filij, vult de spiritus sancti persona determinare. Circa hoc autem duo facit. Primum ostendit ex sacra scriptura spiritum sanctum esse. Secundum ostendit quid sit cap. sequens. Primum ostendit primò autoritate Matth. vlt. Euntes, &c.

Contra Gent.

S 2



Secundò authoritate 1. Ioannis 5. Tres sunt, &c. Tertiò authoritate Ioan. 14. de eius processione mentionem facientis, ubi ait: Cum venerit paracletus, &c.

ADVERTENDVM quòd licet necesse sit trinitatem personarum in diuinis esse, hoc tamen ratione naturali probari non potest: & ideo ad probandum spiritum sanctum esse, non videtur sanct. Thom. aliqua naturali ratione, sed tantum sacra scripturæ authoritatibus.

*Rationes ex quibus aliqui spiritum sanctum existimauerunt esse creaturam.*

Cap. 16.



**P**INATI sunt autem quidam spiritum sanctum creaturam esse, aliis creaturis celsiorem: ad cuius assertionem sacra scripturæ testimoniis utebantur. Dicitur enim Amos 4. secundum litteram septuaginta: Ecce formans montes, & creans spiritum, & annuncians homini verbum eius. & Zachariæ duodecimo dicit Dominus: Extendens cælum, & fundans terram, & creans spiritum hominis in eo. videtur igitur quòd spiritus sanctus sit creatura.

2. Adhuc, dicit Dominus Ioannis decimo septimo de spiritu sancto loquens: Non loquetur à semetipso: sed quæcunque audiet loquetur. ex quo videtur quòd nihil vltro neque potestatis authoritate loquatur, sed iubenti per ministerium famuletur. loqui enim quæ quis audit, famulantis esse videtur. videtur igitur spiritus sanctus esse creatura Deo subiecta.

3. Item, mitti, inferioris esse videtur: cum in mittente importetur authoritas: spiritus autem sanctus à patre & filio mittitur. dicit enim Dominus Ioan. decimo quarto: Paracletus spiritus sanctus, quem mittet pater in nomine meo, ille vos docebit omnia. & Ioan. decimo quinto: Cum venerit paracletus, quem ego mittam vobis à patre. spiritus ergo sanctus & patre & filio minor esse videtur.

4. Adhuc, scriptura diuina filium patri affocians, in his quæ diuinitatis esse videntur, de spiritu sancto mentionem non facit: ut patet Matthæi vndecimo cum Dominus dicit: Nemo nouit filium nisi pater: neque patrem quis nouit nisi filius: de spiritu sancto mentionem non facit. & Ioannis decimo septimo dicitur: Hæc est vita æterna, ut cognoscant te solum Deum verum, & quem misisti Iesum Christum. ubi etiam de spiritu sancto mentio non fit. Apostolus etiam ad Romanos primo dicit: Gratia vobis & pax à Deo Patre nostro, & domino Iesu Christo. & primæ ad Corinthios octauo: Nobis vnus Deus Pater, ex quo omnia: & nos in illo: & vnus Dominus Iesus Christus, per quem omnia, & nos per ipsum. in quibus etiam nihil de spiritu sancto dicitur. videtur igitur spiritus sanctus Deus non esse.

5. Amplius, omne quod mouetur, creatum est. ostensum est enim in primo, deum mobilem esse: spiritui autem sancto scriptura diuina motum attribuit. dicitur enim Genesis primo: Spiritus domini ferebatur super aquas. & Iohelis secundo: Effundam de spiritu meo super omnem carnem. videtur igitur spiritus sanctus creatura esse.

6. Præterea, omne quod potest augeri vel diuidi, mutabile est & creatum: hoc autem spiritui sancto in scripturis sacris attribui videtur. Dicit enim Dominus Numeri vndecimo ad Moysen: Congrega mihi septuaginta viros de senioribus Israel, & auferam de spiritu tuo, tradamque eis. & quarto Regum dicitur, quòd Helisæus ab Helia petiit, Obsecro quòd fiat spiritus tuus duplex in me. & Helias respondit: Si videris quando tollar à te, erit quod petisti. videtur ergo spiritus sanctus esse mutabilis, & non esse Deus.

7. Item, in Deum tristitia cadere non potest, cum tristitia passio quædam sit: Deus autem impassibilis est, cadit autem tristitia in spiritum sanctum, vnde Apostolus dicit ad Ephesios quarto: Nolite contristare spiritum sanctum Dei. & Isa. 63. dicitur: Ipsi ad iracundiam prouocauerunt & affligerunt spiritum sancti eius. videtur igitur spiritus sanctus Deus non esse.

8. Adhuc, Deo non cõuenit orare, sed magis orari, spiritum autem sanctum orare cõuenit. Dicitur enim ad Romanos octauo: Ipse spiritus postulat pro nobis gemitibus inenarrabilibus. Spiritus ergo sanctus non esse Deus videtur.

9. Amplius, nullus congruè donat nisi id cuius habet dominium, sed Deus Pater dat spiritum sanctum, & similiter filius. Dicit enim dominus Lucæ vndecimo: Pater noster de cælo dabit spiritum bonum petentibus se. & Actuum quinto Petrus dicit, quòd Deus spiritum sanctum dedit obedientibus sibi. Ex his igitur videtur, quòd spiritus sanctus Deus non sit.

10. Item, si spiritus sanctus verus Deus est, oportet quòd naturam diuinam habeat, & sic cum spiritus sanctus à patre procedat, ut dicitur Ioannis decimo quinto, necesse est quòd ab eo naturam diuinam accipiat, quòd autem accipit naturam eius à quo producit, ab eo generatur. proprium enim est geniti, ut in similem speciem sui principij producat. Spiritus ergo sanctus genitus erit, & per consequens filius, quod sanè fidei repugnat.

11. Præterea, si spiritus sanctus naturam diuinam à patre accipit, & non quasi genitus, oportet diuinam naturam duobus modis communicari, scilicet per modum generationis, quo procedit filius, & per illum modum quo procedit spiritus sanctus: hoc autem vni naturæ competere non videtur, ut duobus modis communicetur, si quis vniuersas naturas inspiciat. Oportet igitur, ut videtur, cum spiritus sanctus naturam per generationem non accipiat, quòd nullo modo accipiat eam, & videtur non esse verus Deus. Fuit autem hæc positio Arrij, qui filium & spiritum sanctum dixit esse creaturas, filium tamen maiorem spiritu sancto, & spiritum sanctum eius ministrum, sicut & filium minorem patre esse dicebat. Quem etiam, quantum ad spiritum sanctum, secutus est Macedonius, qui de patre & filio rectè sensit, quòd vnius & eiusdem substantiæ sint, sed hoc de spiritu sancto credere noluit, creaturam esse dicens: Vnde quidam Macedonianos Semiarrianos vocant: eò quòd cum Arrianis in parte conueniunt, & in parte differunt ab eisdem.

Super Cap. 16.



**S**TENSO quòd spiritus sanctus sit, ostendendum restat quid sit. Circa hoc autem tria facit sanct. Thom. Primò ipsum esse verum Deum ostendit. Secundò quòd procedat à filio cap. 24. Circa primum tria facit. Primò adducit rationes ex quibus aliqui existimauerunt spiritum sanctum creaturam esse. Secundò determinat veritatem, cap. sequen. Tertiò objectionibus respondet cap. 23.

Quantum ad primum ait, quosdam opinatos fuisse spiritum sanctum esse creaturam aliis excellentiorem, idque voluisse sacra scripturæ testimoniis confirmare. Primò, quia Amos 4. dicitur secundum litteram septuaginta: Ecce formans montes, & creans spiritum, &c. & Zachariæ 12. dicit Dominus: Extendens cælum, &c. Secundò quia Ioan. 17. videtur poni tanquam creatura quæ famuletur Deo, quum dicitur: Non loquetur à semetipso, &c. Tertiò, quia à patre & filio mittitur, ut ostenditur cum dicitur Ioan. 14. Paracletus spiritus sanctus, &c. & 15. Cum venerit, &c. Quarto, quia scriptura filium patri affocians in his quæ diuinitatis esse videtur, de spiritu sancto mentionem non facit, ut Matth. 11. Nemo nouit, &c. & Ioan. 17. Hæc est vita, &c. & ad Rom. primo, Gratia vobis, &c. & primæ Corinth. 8. Nobis vnus Deus, &c. Quintò scriptura motum attribuit spiritui sancto. Gene. primo, Spiritus Domini, &c. & Ios. 2. Effundam, &c. ergo, &c. Sextò, spiritus sanctus potest augeri, minui & mutari, ergo, &c. probatur antecedens, quia dicit Dominus Numeri 11. ad Moysen: Congrega mihi, &c. & 4. Regum Helisæus ab Helia petiit, Obsecro, &c. Septimò, cadit tristitia in spiritum sanctum. ad Eph. quarto: Nolite contristare, & Isa. 63. Ipsi ad iracundiam, &c. ergo, &c. Octauò, spiritui sancto conuenit orare. Rom. 8. Ipse spiritus, &c. ergo, &c. Nonò, Pater & filius donant spiritum sanctum. Luc. 11. Pater noster, &c. & Actuum quinto dicitur, quòd Deus spiritum sanctum dedit, &c. ergo, &c. Decimò, Si est Deus habet diuinam naturam: & cum à patre procedat, necesse est quòd ab eo diuinam naturam accipiat, & sic sequitur quòd sit genitus & per cõsequens filius, quod fidei repugnat. Vndecimò, sequitur. diuinam naturam duobus modis communicari, scilicet modo quo procedit filius, & modo quo procedit spiritus sanctus: sed vni naturæ hoc competere non videtur ut duobus modis communicetur. ergo, &c. Addit postremò sanct. Thom. hanc fuisse Arrij positionem ponentis tam filium quam spiritum sanctum minorem patre, filium tamen maiorem spiritu sancto. hunc etiam Macedonius quòd ad spiritum sanctum esse secutus. vnde & quidam Macedonianos semiarrianos vocant.

Quod



Quod spiritus sanctus sit verus Deus.

Cap. 17.

Idem p. p. q.  
27. cap. 5.

**S**TENDITVR autem euidentibus scripturæ testimoniis, quod spiritus sanctus sit Deus. Nulli enim templum consecratur nisi Deo. Vnde & in Psal. 10. dicitur: Deus in templo sancto suo. deputatur autem templum spiritui sancto. Dicit enim Apostolus 1. ad Corinthios sexto: An nescitis quoniam membra vestra templum sunt spiritus sancti? Spiritus ergo sanctus Deus est: & præcipue cum membra nostra quæ templum spiritus sancti esse dicit, sint membra Christi. nam supra præmiserat: Nescitis quoniam corpora vestra membra sunt Christi? inconueniens autem esset, cum Christus sit verus Deus, vt ex superioribus patet, quod membra Christi templum spiritus sancti essent, nisi spiritus sanctus Deus esset.

2 Item, à sanctis latræ seruitus non nisi vero Deo exhibetur. dicitur enim Deut. 6. Dominum Deum tuum timebis: & illi soli seruias. Seruiunt autem sancti spiritui sancto. dicit enim Apostolus Philip. tertio: Nos sumus circocisio, qui spiritui Deo seruimus. Et licet quidam libri habeant, qui spiritui Domini seruimus: tamen Græci libri & antiquiores Latini habent, Qui spiritui Deo seruimus. & ex ipso Græco apparet, quod hoc de seruitute latræ intelligendum est, quæ soli Deo debetur: est igitur Spiritus sanctus verus Deus cui latræ debetur.

3 Aduc, sanctificare homines, proprium Dei opus est. Dicitur enim Leuitici 22. Ego Dominus qui sanctifico vos. Est autem spiritus sanctus qui sanctificat. Dicit enim Apostolus 1. Corinth. 6. Abluti & sanctificati estis: iustificati estis in nomine Domini nostri Iesu Christi, & in spiritu Dei nostri. & 2. ad Thessal. 2. dicitur: Elegit nos Deus primitias in salutem in sanctificatione spiritus, & fide veritatis. oportet igitur spiritum sanctum Deum esse.

4 Amplius, sicut vita naturæ corporis est per animam: ita vita iustitiæ ipsius animæ est per Deum. Vnde Dominus dicit Ioannis sexto: Sicut misit me viuens pater, & ego viuo propter patrem, & qui manducat me, & ipse viuet propter me. huiusmodi autem vita est per spiritum sanctum. Vnde ibidem subditur: Spiritus est qui viuificat. & ad Romanos octauo dicit Apostolus: Si spiritu facta carnis mortificaueritis, viuetis. spiritus ergo sanctus diuinæ naturæ est.

5 Præterea, Dominus in augmentum suæ diuinitatis contra Iudæos, qui sustinere non poterant vt se æqualem Deo faceret, asserit in se esse resuscitandi virtutem, dicens Ioannis 5. Sicut pater suscitauit mortuos & viuificat: sic & filius quos vult viuificat. virtus autem resuscitatiua ad spiritum sanctum pertinet. Dicit enim Apostolus ad Roman. 8. Si spiritus eius qui suscitauit Iesum Christum à mortuis, habitat in vobis, qui suscitauit Iesum Christum à mortuis viuificabit & mortalia corpora vestra propter inhabitantem spiritum eius in vobis. Spiritus ergo sanctus est diuinæ naturæ.

\* Lib. 1. c. 21. 6 Item, creatio solius Dei opus est, vt supra \* ostensum est. pertinet autem creatio ad spiritum sanctum. dicitur enim in Psalmo 103. Emitte spiritum tuum & creabuntur. & Iob 33. dicitur: Spiritus Dei facit me. & Ecclesiast. 1. dicitur de Deo, Ipse creauit illam (scilicet sapientiam) spiritui sancto. est ergo spiritus sanctus diuinæ naturæ.

7 Adhuc, Apostolus dicit 1. ad Corinth. 2. Spiritus omnia scrutatur etiam profunda Dei: quis enim scit quæ sunt hominis, nisi spiritus hominis, qui in ipso est? ita & quæ Dei sunt, nemo cognouit nisi spiritus Dei. comprehendere autem omnia profunda Dei non est alicuius creaturæ, quod patet ex hoc quod Dominus dicit Matth. 11. Nemo nouit filium nisi pater: neque patrem quis nouit nisi filius. & Isa. 24. ex persona Dei dicitur: Secretum meum mihi. ergo spiritus sanctus non est creatura.

8 Præterea, secundum prædictam Apostoli comparationem spiritus sanctus se habet ad Deum sicut spiritus ho-

minis ad hominem, spiritus autem hominis intrinsecus est homini, & non est extraneæ naturæ ab ipso: sed est aliquid eius. igitur & spiritus sanctus non est naturæ extraneæ à Deo.

9 Amplius, si quis cõferat verba Apostoli præmissa verbis Isaia Prophetæ, manifestè percipiet spiritum sanctum Deum esse. dicitur enim Isaia 64. Oculus non vidit Deus absque te quæ preparasti expectantibus te. quæ quidè verba Apostolus cum introduxisset, subiungit verba præmissa, scilicet, quod spiritus scrutatur profunda Dei. vnde manifestum est quod spiritus sanctus illa profunda Dei cognoscit quæ præparauit expectantibus eum. si ergo hæc nullus vidit præter Deum, vt Isaia dicit: manifestum est spiritum sanctum Deum esse.

10 Item, Isaia sexto dicitur: Audiui vocem Dei dicentis: quem mittam, & quis ibit nobis? & dixi: Ecce ego, mitte me. & dixit, Vade: & dices populo huic: audite audientes: & nolite intelligere. hæc autem verba Paulus spiritui sancto attribuit. vnde dicitur Act. ultimo, quod Paulus dixit Iudeis: Bene spiritus sanctus locutus est per Isaia Prophetam dicēs: Vade ad populum istum, & dic ad eos: Aure audietis, & non intelligetis. manifestum est ergo spiritum sanctum Deum esse.

11 Adhuc, ex sacris scripturis apparet Deum esse qui locutus est per Prophetas. dicitur enim Numeri 12. ex ore Dei: Si quis fuerit inter vos Propheta domini, in visione apparebo ei, vel per somniū, id est, per spiritum meū loquar ad illum. & in Psal. 84. dicitur: Audiā quid loquatur in me dominus Deus. manifestè autem ostēditur spiritum sanctum locutum esse in Prophetis. dicitur enim Actū 1. Oportet enim impleri scripturā quā prædixit spiritus sanctus per os David. & Matth. 22. dominus dicit: Quomodo dicunt scribæ Christū filiū David esse? ipse enim dicebat in spiritu sancto: Dixit Dominus domino meo, sede à dextris meis. Et 2. Pet. 1. dicitur: Nō enim volūtate humana allata est aliquando prophetia, sed spiritu sancto inspirati locuti sunt sancti Dei homines. manifestè ergo in scripturis colligitur spiritum sanctum Deum esse.

12 Item, reuelatio mysteriorum propriū opus Dei ostenditur in scripturis. Dicitur enim Daniel. 2. Est Deus in cælo reuelans mysteria. mysteriorū autē reuelatio opus spiritus sancti ostenditur. Dicitur enim 1. ad Corinth. 2. Nobis reuelauit per spiritum suum. & 14. dicitur: Spiritus loquitur mysteria: Si spiritus ergo sanctus Deus est.

13 Præterea, interius docere, proprium opus dei est. Dicitur enim in Psalm. 93. de Deo: Qui docet hominē scientiam. & Daniel. 2. dat sapientiam sapientibus, & scientiam intelligentibus disciplinam. hoc autem proprium opus spiritus sancti esse manifestum est. dicit enim dominus Ioannis 14. Paracletus spiritus sanctus, quem mittere pater in nomine meo, ille vos docebit omnia. spiritus ergo sanctus est diuinæ naturæ.

14 Adhuc, quorum est eadē operatio, oportet esse eandem naturam. est autem eadem operatio filij & spiritus sancti. Quod enim Christus in sanctis loquatur, Apostolus ostendit 2. ad Corinth. ultimo dicēs: An experimentū queritis eius qui in me loquitur Christus? hoc etiam opus spiritus sancti esse manifestè apparet. dicitur enim Matth. 10. Non vos estis qui loquimini, sed spiritus patris vestri qui loquitur in vobis. est ergo eadē natura filij & spiritus sancti. & per consequens, patris cum ostensum sit Patrem & filium vnā naturam habere.

15 Amplius, inhabitare mentes sanctorum, proprium Dei est. vnde Apostolus dicit 2. ad Corint. 6. Vos estis templum Dei viui, sicut dicit dominus, quoniam inhabitabo in illis. hoc autem idem Apostolus spiritui sancto attribuit. dicit enim 1. ad Corinth. 3. Nescitis quia templū Dei estis, & spiritus sanctus habitat in vobis? est ergo spiritus sanctus Deus.

16 Item, esse vbique, proprium Dei est, qui dicit Hier. 23. Cælum & terram ego impleo. & hoc spiritui sancto cõuenit. dicitur enim Sapientia 1. Spiritus Domini repleuit



orbem terrarum. & in Psalmo 138. Quò ibo à spiritu tuo? & quò à facie tua fugiam? & si ascendero in cælum, tu illic es, &c. Dominus etiã discipulis dicit Act. 1. Accipietis virtutem superuenientis spiritus sancti in vos, & eritis mihi testes in Hierusalẽ & in omni Iudæa & Samaria, & vsque ad vltimum terræ. ex quo patet quòd spiritus sanctus vbi-que est, qui vbiq; & vbicunq; existens in habitat: spiritus ergo sanctus Deus est.

alias, existẽ-  
tes.

17 Præterea, expresse in scriptura spiritus sanctus nominatur. dicit enim Petrus Actum 5. Anania, cur tentauit Satanas cor tuum mentiri te spiritui sancto? & postea subdit: Non es mentitus hominibus, sed Deo. Spiritus ergo sanctus est Deus.

17 Item, 1. ad Corinth. 14. dicitur: Qui loquitur lingua, non hominibus loquitur, sed Deo: nemo enim audit: spiritus autem loquitur mysteria. ex quo dat intelligere quòd spiritus loquebatur in his qui variis linguis loquebantur. Postmodum autem dicit: In lege scriptum est, quoniam in aliis linguis & labiis aliis loquar populo huic: & nec sic exaudiet me, dicit Dominus. Spiritus ergo sanctus qui loquitur mysteria diuersis labiis & linguis Deus est.

19 Adhuc, post pauca subditur: Si omnes prophetent: intret autem quis infidelis vel idiota, conuincitur ab omnibus, diiudicatur ab omnibus: occulta enim cordis eius manifesta fiunt, & ita cadēs in facie adorabit Deum, pronũcians quòd verè Deus in vobis sit. Patet autem per id quod præmisit, quòd spiritus loquitur mysteria: quòd manifestatio occultorum cordis à spiritu sancto fit: quod est proprium diuinitatis signum. dicitur enim Hiere. 17. Præuultum est cor hominis & inscrutabile: quis cognoscer illud? ego dominus scrutans corda, & probans renes. vnde ex hoc iudicio etiam infidelis perpendere dicitur, quòd ille qui hæc occulta cordium loquitur, sit Deus: ergo spiritus sanctus Deus est.

20 Item, parum post dicit: Spiritus prophetarũ prophetis subiecti sunt. non enim est dissentionis Deus, sed pacis. gratiæ autem prophetarũ quas spiritus prophetarũ nominauerat, à spiritu sancto sunt. spiritus ergo sanctus qui huiusmodi gratias sic distribuit, vt ex eis non sit dissensio, sed pax sequatur, Deus esse ostenditur in hoc quod dicit: Non est dissentionis Deus, sed pacis.

21 Amplius, adoptare in filios Dei, non potest esse opus alterius nisi Dei. nulla enim creatura spiritalis dicitur filius Dei per naturam, sed per adoptionis gratiam: vnde & hoc opus filio Dei, qui verus Deus est, Apostolus attribuit, ad Galatas quarto dicens: Misit Deus filium suum, vt adoptionem filiorum reciperemus. spiritus autem sanctus est adoptionis causa. dicit enim Apostolus ad Rom. 8. Accepistis spiritum adoptionis filiorũ, in quo clamamus, abba pater. ergo spiritus sanctus non est creatura, sed Deus.

22 Item, si spiritus sanctus non est Deus, oportet quòd sit aliqua creatura. planum est autem quòd non est creatura corporalis, nec etiã spiritalis. nulla enim creatura spiritali creaturæ infunditur, cum creatura non sit participabilis, sed magis participas: spiritus autẽ sanctus infunditur sanctorum mētibus, quasi ab eis participatus. legitur enim & Christus plenus fuisse, & etiam Apostoli. nõ est ergo spiritus sanctus creatura, sed Deus. Siquis autem dicat prædicta opera quæ sunt Dei, spiritui sancto attribui non per auctoritatem vt Deo, sed per ministerium quasi creaturæ: expresse hoc esse falsum apparet ex his quæ Apostolus dicit 1. Corinth. 12. dicens, diuisiones operationum sunt: idem verò Deus qui operatur omnia in omnibus. & postea connumeratis diuersis donis Dei, subdit: Hæc omnia operatur vnus, atque idem spiritus, diuidens singulis prout vult. vbi manifestè expresse spiritum sanctum Deum esse, tum ex eo quòd spiritum sanctum operari dicit, quæ supra dixerat Deum operari, tum ex hoc quòd eum pro suæ voluntatis arbitrio operari confitetur. manifestum est igitur spiritum sanctum Deum esse.



OSITI S rationibus eorum qui spiritum sanctum creaturam esse existimauerunt, vult sanct. Thom. veritatem determinare. Circa hoc autem tria facit. Primò de substantia spiritus sancti determinat. Secundo quòd sit substantia spiritus sancti determinat. Tercio de effectu spiritus sancti determinat. Circa primum duo facit. Primò ostendit quòd spiritus sanctus sit verus Deus. Secundo quòd sit substantia personæ, cap. sequenti. Quantum ad primum arguit primò sic. Spiritui sancto deputatur templum. dicitur enim primò Corinth. 7. Nescitis, &c. ergo, &c. probatur consequentia: tum quia nulli templum consecratur nisi Deo: tum quia membra nostra quæ templum sunt spiritus sancti, sunt etiam membra Christi. inconueniens autem esset, eum Christum sit verus Deus, quòd membra eius essent templum spiritus sancti, nisi & ipse esset verus Deus. Secundo seruiunt sancti spiritui sancto. dicitur enim Philip. tertio: Nos sumus circuncisio, qui spiritui Deo seruimus, vt & Græci & antiquiores Latini codices habent, & ex ipso Græco apparet, quòd de seruitute latræ intelligendum est: ergo, &c. probatur consequentia: quia latræ seruus à sanctis nõ nisi vero Deo attribuitur, vt patet Deute. 6.

ADVERTENDVM quòd text. Græcus in quibusdam exemplaribus sic habet, *ἡμεῖς γὰρ ἐσμεν ἡ περὶ τοῦ ἁγίου, οἱ πνευματικοὶ δὲ ὡς λατρεύοντες*. Aliqui verò textus, *οἱ πνευματικοὶ ἡμεῖς λατρεύομεν ἁγίῳ*. Sēsus primi textus: nos enim sumus circuncisio, spiritu Deo seruientes, siue Deum colentes. Quia tamen li *πνευματικοὶ* datui casus est, accipit sanct. Thom. tanquam sit sensus, spiritui Deo seruientes, datui Græco datiuum Latinum correspondere faciens, & in hoc sensu ad suum propositum hac vlt. authoritate: alij tamen Græci linguæ periti, morem Græcum attendentes, datiuum illum casum pro ablatiuo in lingua Latina transulerunt. Alterius textus sensus est, qui spiritui Dei, siue vt sanctus Thomas interpretatur, qui spiritui Dei seruimus. In vtroque tamen textu constat (vt inquit sanct. Thom.) quòd de seruitute latræ intelligit Apostolus. Nam *λατρεύω* idẽ est quod colo, siue latræ seruiũ & honoro. Tercio, spiritus sanctus est qui sanctificat. primò Corinthiorum sexto, Abluti, &c. & secundò Thessalonie. secundo, Elegit, &c. ergo, &c. probatur consequentia: quia sanctificare homines, proprium Dei opus est, vt patet Leuit. 22. Quarto, vita iustitiæ animæ est per spiritum sanctum. Ioan. sexto, Spiritus est, &c. & ad Rom. 8. Si spiritu, &c. ergo, &c. probatur consequentia: quia sicut vita naturæ corporis est per animam, ita vita iustitiæ ipsius animæ est per Deum, vnde Dominus Ioan. sexto: Sicut misit, &c. Quinto, virtus resuscitandi ad spiritum sanctum pertinet. Roman. 8. Si spiritus, &c. ergo, &c. probatur consequentia: quia Dominus in argumentum suæ diuinitatis asserit in se esse resuscitandi virtutem, Ioan. 5. Sexto, creatio pertinet ad spiritum sanctum. Psalm. Emitte spiritum, &c. Iob. 33. Spiritus Dei, &c. Eccles. 1. dicitur de Deo ipse creauit illam, &c. ergo, &c. patet consequentia: quia creatio solius Dei est opus. Septimò: spiritus omnia scrutatur, etiam profunda Dei. 1. Cor. 2. ergo, &c. probatur consequentia, quia comprehendere profunda Dei non est alicuius creaturæ, vnde Matth. 11. Nemo nouit filium, &c. Octauò: spiritus Dei se habet ad Deum sicut spiritus hominis ad hominem, secundum Apostoli comparationem ad Roman. 11. ergo, &c. probatur consequentia: quia spiritus hominis est homini intrinsecus, & non est extraneæ naturæ ab ipso, sed est aliquid eius. Nondò, spiritus illa profunda Dei cognoscit quæ præparauit expectantibus eum: vt patet ex Apostolo, loco præallegato, ergo, &c. patet consequentia: quia hæc nullus vidit præter Deum, vt patet Isaia 64. Decimò. Isaia sexto dicitur: Audiui vocem Dei dicentis, &c. Sed illa Paulus spiritui sancto attribuit Actum vltimo. ergo, &c. Vndecimò, spiritus sanctus locutus est in prophetis: vnde dicitur Actum primo: Oportet enim impleri, &c. & Matth. 12. Quomodo dicunt, &c. & secundò Pet. primo, Non enim voluntate, &c. ergo, &c. probatur consequentia: quia ex sacris scripturis apparet Deum esse qui locutus est per prophetas, vt Nume. 12. Si quis fuerit, &c. & in Psal. Audiam, &c. Duodecimò reuelatio mysteriorum est opus spiritus sancti. primò Cor. 2. Nobis reuelauit, &c. ergo, &c. patet consequentia: quia reuelatio mysteriorum proprium opus Dei ostenditur. Dan. 2. Est Deus, &c. Tertiodecimò, docere interius est proprium opus spiritus sancti, Ioannis 14. Paracletus, &c. ergo, &c. patet consequentia: quia interius docere proprium opus Dei est, vnde Psal. Qui docet, &c. & Daniel. 2. Dat sapientiam, &c.

ADVERTENDVM. quòd non inquit sanct. Thom. absolute quòd docere sit proprium opus Dei, sed quòd docere interius. vt enim egregiè declarat 1. quæst. 117. art. 1. & de Verit. quæst. 11. art. 1. Sicut natura in sensatione est interius agens & principale, medicus autem est agens instrumentale coadiuuans naturam, & illi adminicula præbens, ita in acquisitione scientiæ principale agens est lumen naturale intellectus quo principia per se nota cognoscit, per quæ in aliorũ cognitionem deuenit. magister autem dicitur causare sapientiã in discipulo exteriũ agendo, proponendo videlicet aliqua instrumenta & adminicula quibus intellectus discipuli vitatur ad scientiam acquirendã, puta proponendo ei aliquas propositiones minus vniuersales quas discipulus ex præcognitis diiudicare potest: vel proponendo sensibilia exempla vel aliqua huiusmodi quibus intellectus addiscens manu ducitur in cognitionem veritatis ignotæ, & etiam proponendo ordinem principiorum ad occlusiones. Quia ergo interius agens & principale est lumen naturale intellectus, interius autem agens ministeriũ exhibendo est homo docens, & solus Deus est causa interioris luminis naturalis, ideo bene dicitur quòd interius docere est proprium opus Dei. Est etiam opus propriũ Dei per nouã illuminationẽ interioris docere. Quartodecimò, eadẽ est operatio filij & spiritus sancti, loqui scilicet in sanctis. de filio enim apparet 2. Corinth. vlt. An experimentum, &c. de spiritu sancto autem dicitur Matth. 10. Non vos estis, &c. ergo, &c. probatur consequentia: quia quorum est eadem operatio, scilicet eodem modo, oportet esse eandem naturam. Quintodecimò, inhabitare mentes sanctorum Apostolus spiritui sancto attribuit. 1. Cor. 3. Nescitis, &c. ergo, &c. probatur consequentia: quia inhabitare mentes sanctorum est proprium Dei. 2. Corinth. 6. Vos estis, &c. Sextodecimò, spiritus sanctus est vbiq; dicitur enim Sapietiẽ primo. Spiritus, &c. & in Psalmista: Quò ibo, &c. &c.



& c. & Actuum primo. Accipietis, &c. ergo, &c. Patet consequentia: quia esse ubique est proprium Dei. Hieremias vigesimotertio: Caelum, &c. Decimo septimo, Petrus Actuum quinto expresse spiritum sanctum Deum nominat. ubi ait, Anania cur, &c. primæ etiam ad Corinth. 4. datur intelligi quod spiritus sanctus sit Deus, cum dicitur, Qui loquitur lingua, &c. Idem etiam datur intelligi ex eo quod subditur, Si omnes prophetent &c. ubi manifestare occulta cordis Deo attribuitur, quod etiam Hieremias 17. ostenditur. Constat autem ex iis quæ præmissis, scilicet quod spiritus loquitur mysteria, quod manifestatio occultorum cordis à spiritu sancto sit. Item parum post dicit, Spiritus prophetarum, &c. ubi ostenditur cum gratiæ prophetarum à spiritu sancto sint, & sint à Deo pacis secundum ipsum Apostolum, quod spiritus sanctus sit Deus. Decimo octavo, spiritus sanctus est adoptionis causa, ad Roman. 8. Accepistis spiritum, &c. ergo, &c. probatur consequentia: quia adoptare in filios Dei solius Dei est. unde etiam attribuitur filio ad Galatas. 4. Misit Deus, &c. Ultimo, non est creatura corporalis neque spiritualis, ergo est Deus. probatur antecedes: quia spiritus sanctus infunditur sanctorum mentibus quasi ab eis participatus. legitur enim & Christus plenus fuisse, & etiam Apostoli: nulla autem creatura spirituali creaturæ infunditur, cum creatura non sit participabilis, sed magis participans.

CIRCA rationem hanc cum probatur, nullam creaturam spirituales creaturæ spirituali infundi, quia creatura non est participabilis, sed participans, dubium occurrit: quia si loquamur de participatione formæ à materia constat quod spiritus sanctus non est sic participabilis, sed bene creaturæ: verò loquamur de participatione causæ ab effectu, manifestum est à substantiis separatim multos effectus causari, qui virtute ipsarum participat, si autem loquamur de participatione secundum essentiam, ita videlicet quod vnum habeat partem essentiam alterius, constat quod nec etiam spiritus sanctus hoc modo à creatura participabilis est.

AD huius evidentiam considerandum est ex iis quæ habentur in fine sequentis cap. & in 2. Sen. dist. 8. artic. 5. ad tertium. Item de Verit. quæst. 28. art. 2. ad 8. quod propositio sancti Thomæ non aliter intelligenda est quam de participatione secundum substantiam, ita scilicet quod substantia vnius sit in altera tanquam in essentiam eius operans, & participatione suæ substantiæ aliam bonam efficiens. sic enim solus Deus est participabilis à mente humana: quia ipse solus inra eius essentiam operatur, ipsam creans & conservans in esse, & ipse solus est sua bonitas, ut dici possit quod suæ essentia & substantiæ participatione mens humana est bona: nulla autem creatura data aut conservat esse mentis humanæ, licet possit causare aliquod spirituale lumen in ipsa, nec etiam eius bonitas est eius substantia, sed est aliquid essentia superadditum: ideo si qua bonitas ab ipsa causatur in mente humana, ipsa creatura non dicitur participari secundum suam substantiam, sed secundum perfectiones superadditas: neque dicitur esse intra substantiam mentis, sed extrinsecus aliquid operari. Ad dubium ergo dicitur, quod non loquimur hic de participatione formæ à materia, nec de participatione qua participans habet partem essentia rei participatæ: sed de participatione qua effectus participat secundum suam substantiam & secundum suum esse ipsam virtutem & essentiam causæ, & etiam de participatione qua forma exemplaris dicitur participari secundum suam substantiam ab exemplo, in quantum exemplatum est: quædam participata seu imperfecta similitudo substantiæ sui exemplaris: & sic patet quod nulla creatura, sed solus Deus est à mente humana participabilis. Posset autem ad prædictas rationes responderi, quod prædicta opera in rationibus enumerata spiritui sancto attribuantur, non per authoritatem sicut Deo, sed per ministerium. Sed contra arguitur sanctus Thomas authoritate Apostoli dicentis 1. Corinth. 12. postquam diversa dona enumeravit, Hæc omnia operatur, &c. ex quibus verbis dat intelligere spiritum sanctum Deum esse, tum quia ipsum dicit operari ea quæ supra dixerat operari Deum, tum quia eum pro suæ voluntatis arbitrio operari confitetur.

ADVERTENDUM quod differentia est inter eum qui operatur per authoritatem, tanquam videlicet Dominus, & eum qui operatur tanquam minister: quia is qui operatur ut Dominus, operatur ut vult: is autem qui operatur ut minister, operatur non secundum suæ voluntatis arbitrium, sed secundum voluntatem eius cuius est minister: & sic bene infert sanctus Thom. spiritum sanctum Deum esse, ex eo quod ea quæ Deo tanquam eius proprii effectus attribuntur ipse pro suo diuinitatis arbitrio operatur.

*Quod spiritus sanctus sit subsistens persona.*

Cap. 18.



ED quia quidam spiritum sanctum asserunt non esse personam subsistentem, sed vel ipsam diuinitatem patris & filij (ut quidam \* Macedoniani dixisse perhibentur) vel etiam aliquam accidentalem perfectionem mentis à

Deo nobis donatam, puta sapientiam vel charitatem, vel aliquid huiusmodi quæ participatur à nobis sicut quædam accidentia creata. Contra hoc ostendendum est spiritum sanctum non esse aliquid huiusmodi. Non enim formæ accidentales proprie operantur, sed magis habens eas pro suæ arbitrio voluntatis. homo enim sapiens utitur sapientia cum vult: sed spiritus sanctus operatur pro suæ arbitrio voluntatis, ut ostensum \* est, non igitur est æstimandus spiritus sanctus velut aliqua accidentalis perfectio mentis.

Item, spiritus sanctus, ut ex scripturis docemur, causa est omnium perfectionum humanæ mentis. Dicit enim Apostolus ad Rom. 5. Charitas Dei diffusa est in cordibus no-

stris per spiritum sanctum qui datus est nobis. & 1. ad Cor. 12. Alij per spiritum datur sermo sapientiæ, alij sermo scientiæ secundum eundem spiritum, & sic de aliis. non ergo spiritus sanctus est æstimandus quasi aliqua accidentalis perfectio mentis humanæ, cum ipse omnium huiusmodi perfectionum causa existat.

Quod autem in nomine spiritus sancti designetur essentia patris & filij, & sic à neutro personaliter distinguatur: repugnat his quæ diuina scriptura de spiritu sancto tradidit. Dicitur enim Ioannis decimo quinto, quod spiritus sanctus procedit à patre: & Ioannis decimo sexto, quod accipit à filio: quod non potest de diuina essentia intelligi, cum essentia diuina à patre non procedat, nec à filio accipiat: oportet igitur dicere quod spiritus sanctus sit subsistens persona.

Item, sacra scriptura manifestè de spiritu sancto loquitur tanquam de persona diuina subsistente. dicitur enim Actuum 13. Ministrantibus illis Domino & ieiunantibus dicit illis spiritus sanctus: Segregate mihi Barnabam & Saulum in opus ad quod assumpsi eos. & infra: Et ipsi quidem missi à spiritu sancto abierunt. & Actuum quinto decimo dicitur: Dicunt Apostoli, visum est spiritui sancto, & nobis, nihil ultra imponere oneris vobis, &c. quæ de spiritu sancto non dicerentur, nisi esset subsistens persona. est igitur spiritus sanctus subsistens persona.

Amplius, cum pater & filius sint personæ subsistentes, & diuinæ naturæ, spiritus sanctus non cōnumeraretur eisdem nisi ipse esset persona subsistens in diuina natura. cōnumeratur autem eisdem, ut patet Matth. vlt. dicente Domino discipulis: Euntes docete omnes gentes, baptizantes eos in nomine patris & filij & spiritus sancti. & 2. ad Corinth. vlt. Gratia Domini nostri Iesus Christi, & charitas Dei, & cōmunicatio sancti spiritus sit semper cū omnibus vobis. & 1. Ioan. vlt. Tres sunt qui testimoniū dant in cælo, pater, verbum, & spiritus sanctus: & hi tres vnū sunt. Ex quo manifestè ostenditur, quod non solum sit persona subsistens sicut pater & filius: sed etiam cum eis essentia habeat vnitatem. Posset autem aliquis contra prædicta calumniari, dicēs aliud esse spiritum Dei, & aliud spiritum sanctum. nam in quibusdam præmissarum autoritatū nominatur spiritus Dei, in quibusdā verò spiritus sanctus: sed quod idē sit spiritus Dei, & spiritus sanctus manifestè ostenditur ex verbis Apost. dicentis 1. ad Cor. 2. ubi cū præmisisset: Nobis reuelauit Deus per spiritum sanctum: ad huius cōfirmationē inducit: Spiritus enim omnia scrutatur, etiam profunda Dei. & postea cōcludit: Ita & quæ sunt Dei, nemo nouit nisi spiritus Dei. ex quo manifestè apparet quod idem sunt spiritus sanctus & spiritus Dei.

Item, apparet ex hoc quod Matth. 10. dominus dicit: Nō estis vos qui loquimini, sed spiritus patris vestri qui loquitur in vobis. Loco autē istorum verborū Marcus dicit: Nō estis vos loquentes, sed spiritus sanctus. manifestū est igitur idē esse spiritum sanctum & spiritum Dei. Sic ergo cū ex præmissis authoritatibus multipliciter appareat spiritum sanctum non esse creaturam, sed verū Deū: manifestū est quod non cogimur dicere eodē modo esse intelligendum quod spiritus sanctus mentes sanctorum impleat, & eos inhabitet, sicut diabolus aliquos implere vel inhabitare dicitur. Habetur enim Ioan. 13. de Iuda, quod post bucellā introiuit in eum Satan. Et Actuum 5. dicit Petrus, ut quidam libri \* habent, Anania, cur impleuit Satan cor tuum? Cū enim diabolus creatura sit, ut ex superioribus est manifestum: non implet aliquem participatione sui, neque potest mētem inhabitare sua participatione, vel per suā substantiam, sed dicitur aliquos implere per effectum suæ malitiæ. vnde & Paulus dicit ad quendam Actuum decimo tertio, O plene omni dolo, & omni fallacia. Spiritus autē sanctus cū Deus sit, per suam substantiam mentem inhabitat, & sui participatione bonos facit. ipse est enim sua bonitas, cū sit Deus: quod de nulla creatura verum esse potest, nec tamen per hoc remouetur quin per effectum suæ virtutis sanctorum impleat mentes.

Contra Gent.

5 4

\* Macedo. de quibus Aug. tom. 6. lib. de Her. no. 32.

\* Cap. præced.

\* Lib. 3. c. 10.





**P**ROBATO quod spiritus sanctus sit Deus, vult sanctus. Thomas ostendere quod sit etiam subsistens persona contra dicentes ipsum esse diuinitatem patris & filij, & contra dicentes ipsum esse aliquam accidentalem perfectionem mentis, sapientiam videlicet, vel charitatem, vel aliquid huiusmodi. Ostenditur enim quod non est aliquid huiusmodi, & arguitur primo quod accidentalis forma non sit, secundum quod non sit patris & filij diuinitas. Primum ostenditur dupliciter. Primum spiritus sanctus operatur pro sua arbitrio voluntatis, ut patet ex dictis superius, forma autem accidentales non proprie operantur, sed magis habens eas virtutis eis pro suo arbitrio, ergo &c. Secundum, spiritus sanctus est causa omnium perfectionum humanarum mentis, ut patet Roman. 5. Charitas Dei, &c. & 1. ad Corinth. 12. Alij per spiritum. ergo. &c. Secundum vero, scilicet quod nomine spiritus sancti non designatur essentia patris & filij, tanquam a neutro personaliter distinguatur: ostenditur tripliciter. Primum spiritus sanctus procedit a patre, Ioannis decimo quinto: & accipit a filio, Ioannis decimo sexto. Sed neutrum horum conuenit essentiae diuinæ, ergo &c. Altera. Secundum, sacra scriptura manifeste de spiritu sancto loquitur tanquam de persona diuina subsistente, ut patet Actuum decimo tertio, & 15. ergo, &c. Tertiū, spiritus sanctus connumeratur patri & filio, quæ sunt personæ subsistentes & diuinæ naturæ, ergo, &c. probatur antea. ex eo quod dicitur Matth. vlt. Euntes, &c. & 2. Cor. vltimo, Gratia Domini &c. & 1. Ioan. vlt. Tres sunt, &c. Si quis diceret aliud esse spiritum sanctum & aliud spiritum Dei. in quibusdam enim præmissarum autoritatum nominatur spiritus Dei, in quibusdam vero spiritus sanctus, manifeste ostenditur quod idem sit spiritus Dei, & spiritus sanctus, ex processu Apostoli primæ Corinth. 2. & ex eo, quod vbi Matth. 10. dicitur spiritus patris vestri, Marcus dicit, spiritus sanctus, ex istis inferat sanctus Thom. quod non cogimur dicere eodem modo intelligendum esse spiritum sanctum mentes sanctorum implere, & eas inhabitare, sicut diabolus aliquos implere & inhabitare dicitur. Ioan. 17. & Act. 5. quia diabolus cum sit creatura, non implet aliquem neque inhabitat participatione sui, vel per suam substantiam, sed tantum per effectum suæ malitiæ, ut habetur Act. 13. O plene, &c. Spiritus autem sanctus, cum sit Deus per suam substantiam, mentem inhabitat, & sui participatione bonos facit: nec tamen per hoc remouetur, quin per effectum suæ virtutis sanctorum impleat mentes.

**C**IRCA hoc vltimum dictum considerandum est, quod duobus modis potest intelligi substantiam spirituales mentem hominis implere. vno modo per effectum suæ virtutis, quia videlicet aliquis effectus virtutis ipsius ab ipsa causatur in mente: alio modo per propriam substantiam. Primo modo substantia spiritualis creata potest mentem hominis implere & inhabitare: quia aliquem effectum in ipsa causare potest directe vel indirecte agendo: ut in superioribus est ostensum: non autem potest secundo modo inhabitare: sed Deus utroque modo implere mentem hominis potest: & ideo postquam dixit sanctus Thom. quod spiritus sanctus secundum suam substantiam mentes sanctorum inhabitat, dando illis, esse, ut in cap. præcedenti est ostensum, addidit quod non excluditur per hoc quin per effectum suæ virtutis eas inhabitet. nam virtutes à Deo in mente causantur.

**S**ED tunc occurrit dubium: nam substantia spiritualis ibi est secundum suam substantiam vbi operatur. si ergo operatur, aliquid in mentibus sanctorum illuminando videlicet aut aliquid aliud agendo: sequitur quod in mentibus sanctorum sit secundum suam substantiam: ergo non tantum per effectum suæ virtutis.

**P**RO huius solutione aduertendum est ex doctrina sancti Thom. 2. 2. Sen. distin. 8. art. 5. ad tertium, quod cum esse intra aliquid sit esse intra terminos eius secundum quod substantia spiritualis est intra terminos alicuius, ita dicitur esse intra ipsum. Cum autem duplex sit terminus rei, scilicet terminus corporalis quantitatis, ut inuenitur in corporibus: & terminus essentiae, ut inuenitur in omni creatura: intra terminos corporalis quantitatis substantia spiritualis esse potest: quia intra illos potest operari, non autem potest esse intra terminos essentiae, neque sicut pars, neque sicut virtus dans esse: quia esse maxime rerum spiritualium est per creationem, ut ostensum est in præcedentibus: ideo potest esse substantia spiritualis intra corpora, & ipsa corpora implere & inhabitare secundum terminos corporum quantitatis: non autem potest esse intra mentem humanam, quæ nullus habet terminos corporum quantitatis, sed tantum essentiae, intra quam intrat & operatur solum is qui dat esse menti, scilicet ipse Deus, quamuis etiam substantia creata circa ipsam mentem aliquid possit extrinsecus operari, quod est esse in ipsa per suæ virtutis effectum. Cum ergo dicitur, quod substantia spiritualis ibi est secundum substantiam vbi operatur, dicitur quod si proportionaliter sumantur ibi esse & ibi operari, sic propositio est vniuersaliter vera. substantia enim spiritualis si in aliquo operatur tanquam intra ipsius terminos operans, intra illud est, & illud inhabitat, similiter si in aliquo est tanquam extrinsecus operans aliquid in ipso intrinsecus est in eo, quod tamè impropiè est vnam substantiam esse in alia. vnde & si subsumatur minor ad hunc sensum, quod substantia creata aliquid operatur in mentibus sanctorum tanquam intra ipsarum terminos operans, falsa est. Si vero subsumatur ad alium sensum, videlicet quod operatur in mentibus sanctorum tanquam extrinsecus operans, & non intra essentiam, tunc vera est, & vera conclusio, scilicet quod substantia creata sit secundum substantiam in mentibus sanctorum tanquam aliquid extrinsecum, quod tamen (ut dicebatur) est impropiè dictum. Si vero sumatur dicta propositio ad hunc sensum, quod in ea re in qua operatur quomodo cumque substantia spiritualis, siue inquam intra terminos rei agendo, siue extrinsecus aliquid operando, intra ipsam est, & ipsam implet aut inhabitat, falsa est. A doctoribus autem ponitur ibi esse vbi operatur, ad hunc sensum, quod in eo loco est secundum substantiam suam in quo est corpus in quod operatur: & sic habet veritatem.

*Quomodo intelligenda sunt quæ de spiritu sancto dicuntur.*  
Cap. 19.



**S**ANCTARVM igitur scripturarum testimoniis edocti, hoc firmiter de spiritu sancto tenemus, quod verus sit Deus subsistens, & personaliter distinctus à patre & filio. Oportet autem considerare qualiter huiusmodi veritas vtrunque accipi debeat, ut ab impugnationibus infidelium defendatur. Ad cuius euidentiam præmitti oportet, quod in qualibet intellectuali natura oportet inueniri voluntatem. intellectus enim sit in actu per formam intelligibilem, in quantum est intelligens: sicut res naturalis sit in actu in esse naturali per propria formam: res autem naturalis per formam qua perficitur in sua specie, habet inclinationem in proprias operationes, & proprium finem, quæ per operationes consequitur. quale enim est vnunquodque, talia operatur, & in sibi conuenientia tendit: vnde etiam oportet quod ex forma intelligibili consequatur in intelligente inclinatio ad proprias operationes, & proprium finem. hæc autem inclinatio in intellectuali natura voluntas est, quæ est principium operationum, quæ in nobis sunt, quibus intellectus propter finem operatur. finis enim & bonum est voluntatis obiectum. Oportet igitur in quolibet intelligente inueniri etiam & voluntatem. cum autem ad voluntatem plures actus pertinere videantur, ut desiderare, delectari, odire, & huiusmodi: omnium tamen amor & vnum principium & communis radix inuenitur. Quod ex his accipi potest. Voluntas enim (ut dictum est) sic se habet in rebus intellectualibus, sicut naturalis inclinatio in rebus naturalibus, quæ & naturalis appetitus dicitur. ex hoc autem oritur inclinatio naturalis, quod res naturalis habet affinitatē & conuenientiam secundum formam quam diximus esse inclinationis principium, cum eo ad quod mouetur, sicut graue cum loco inferiori: vnde etiam hinc oritur omnis inclinatio voluntatis, eod quod per formam intelligibilem aliquid apprehenditur ut conueniens, vel afficiens. Affici autem ad aliquid in quantum huiusmodi, est amare ipsum. omnis igitur inclinatio voluntatis & etiam appetitus sensibilis ex amore originem habet. Ex hoc enim quod aliquid amamus, desideramus illud si absit, gaudemus autem cum adest, & tristamur cum ab eo impedimur, & odimus quæ nos ab amato impediunt, & irascimur contra ea. Sic igitur quod amatur, non solum est in intellectu amatis sed etiam in voluntate ipsius: aliter tamè & aliter. In intellectu enim est secundum similitudinem suæ speciei, in voluntate autem amantis est sicut terminus motus in principio motui proportionato per conuenientiam & proportionem quæ habet ad ipsum, sicut in igne quodammodo est locus sursum ratione leuitatis secundum quam habet proportionem & conuenientiam ad talem locum, ignis verò generatus est in igne generatē per similitudinem suæ forme. Quia igitur ostensum est, quod in omni natura intellectuali est voluntas: Deus autem intelligens est, ut in primo

\* lib. 3. c. 88.

\* Cap. 48.

\* Cap. 32. l.

lib. cap. 46.

\* Cap. 92. l.

lib. cap. 75.



eius, est eius esse: esse igitur Dei in voluntate sua per modum amoris, non est esse accidentale sicut in nobis, sed essentialiter: unde oportet quod Deus secundum quod consideratur ut in sua voluntate existens, sit verè & substantialiter Deus. Quod autem aliquid sit in voluntate, ut amatum in amante, ordinem quandam habet ad conceptionem qua ab intellectu concipitur, & ad ipsam rem cuius intellectus conceptio dicitur verbum. non enim amaretur aliquid nisi aliquo modo cognosceretur: nec solum amati cognitio amatur, sed secundum quod in se bonum est. necesse est igitur quod amor quo Deus est in voluntate divina, ut amatum in amante, & à verbo Dei & à Deo cuius est verbum procedat. Cum autem ostensum sit, quod amatum in amante non est secundum similitudinem speciei, sicut intellectum in intelligente: omne autem quod procedit ab altero per modum geniti, procedit secundum similitudinem speciei à generante: relinquitur quod processus rei ad hoc quod sit in voluntate sicut amatum in amante, non sit per modum generationis: sicut processus rei ad hoc quod sit in intellectu, habet rationem generationis, ut supra ostensum est. Deus igitur procedens per modum amoris, non procedit ut genitus: neque igitur filius dici potest. Sed quia amatum in voluntate existit ut inclinans & quodammodo impellens intrinsecus amantem in ipsam rem amatam: impulsus autem rei viventis ab interiori, ad spiritum pertinet: convenit Deo per modum amoris procedenti, ut spiritus dicatur, eius spiratione quasi quadam aspiratione existente. Hinc est quod Apostolus spiritui & amori impulsus quandam attribuit. dicitur enim Romanorum octavo: Qui spiritu Dei aguntur hi filii Dei sunt. & secundum ad Corinth. 5. Charitas Christi urget nos. Quia verò omnis intellectualis motus à termino denominatur, amor autem prædictus est quo Deus ipse amatur: convenienter Deus per modum amoris procedens dicitur spiritus sanctus. ea enim quæ Deo dicata sunt, sancta dici consueverunt.

## Super Cap 19.



**P**OSTQVAM ostendit sanctus Thom. quod spiritus sanctus & est Deus, & est persona subsistens à patre & filio realiter distincta, ut ab infidelibus huiusmodi veritas defendatur, quomodo hoc accipi debeat ostendit: & primo præmittit quedam necessaria ad propositum. Secundum declarat intentum. Primum quod præmittit, est quod in omni intelligente oportet voluntatem inveniri. probatur, sicut res naturalis fit actu in esse naturali per propriam formam: ita intellectus fit in actu inquantum est intelligens per formam intellectualem: sed res naturalis per propriam formam habet inclinationem in proprias operationes, & in proprium finem quem per eas consequitur: quia quale vnum quodque est, talia operatur, & in sibi convenientia tendit: ergo & in intelligente ex forma intelligibili sequitur inclinatio ad proprias operationes & proprium finem, hanc autem dicimus voluntatem, in nobis enim voluntas est principium operationis quæ in nobis, id est, nostra potestate sunt, quibus intellectus propter finem operatur, cum finis & bonum sit obiectum voluntatis: ergo, &c.

**ATTENDENDVM** primo quod intellectus & est proprietas nature intelligibilis tanquam accidentalis forma ipsam naturaliter comitans, & est talis proprietas per quam natura intelligibilis intelligit, ideo dupliciter potest dici fieri in actu: Vno modo inquantum est naturalis proprietas, alio modo inquantum ad intelligendum ordinatur. Primo modo fit in actu inquantum inheret nature intelligibili: sicut & quolibet alia forma accidentalis est in actu, per hoc quod suo inheret subiecto. Secundo autem modo fit in actu, per hoc quod informatur specie rei intelligibilis. Ut ergo ostenderet sanctus Thom. de quo modo actualitatis intellectus intelligebat, non dixit absolute, quod fit in actu per formam intelligibilem, sed addidit inquantum est intelligens, dans intelligere, & intendit de actualitate ipsius secundum quod constituitur in actu intelligendi.

**ATTENDENDVM** secundo quod cum ad hoc dantur potentie, ut natura per illas tedar in propria obiecta, & obiectum voluntatis sit finis & bonum, perinet ad voluntatem ut illarum operationum quibus natura intelligibilis tedar ad finem & bonum, sit principium. Quod ergo addit sanctus Thom. finis enim & bonum est obiectum voluntatis, ponitur tanquam ratio eius quod deditur, voluntatem esse principium operationis quibus intellectus, id est, natura intellectualis operatur propter finem. Si enim obiectum voluntatis est finis oportet ut per suam voluntatem natura intelligibilis tedar ad finem, & sic quod sit principium operationum quæ à natura intelligibili ordinantur ad finem.

**SED** circa rationem qua probatur in natura intellectualem esse voluntatem ex eoditione, scilicet formæ naturalis, dubitatur. Ex hac enim non videtur concludi quod voluntas sit in natura intellectualem, tanquam potentia particularis ab intellectualem forma & intellectu distincta, quod videtur intendere sanctus Thom. Nam cum inclinatio consequens formam naturalem non sit aliqua forma à naturali forma distincta, sed sit ipsa forma cum habitudine ad finem, eodem modo dici poterit quod formam qui-

dem intelligibilem sequitur inclinatio in bonum intelligentis, & in eius propriam operationem: sed talis inclinatio non est aliquid distinctum à forma ipsa intelligibili, & sic non sequitur in natura intellectualem esse voluntatem tanquam potentiam per se ab aliis distinctam.

**AD HUIVS** evidentiam considerandum est primo, quod per illam comparisonem non intendit sanctus Thom. omnimodam ponere similitudinem inter inclinationem consequentem formam naturalem & inclinationem consequentem formam intelligibilem, sed intendit secundum quandam proportionalitatem arguere, quod scilicet sicut ad formam naturalem sequitur inclinatio in proprias operationes & proprium finem suo modo: ita secundum modum convenientem nature intellectualem ad formam intelligibilem sequitur inclinatio in proprias operationes & proprium finem intelligentie. Considerandum secundum ex doctrina tradita de Veri. questione vigesima secunda, articulo tertio, quod proprius modus amoris est, ut ad ea opera quæ sunt ipsorum propria, speciales potentie deputentur, in quo ab inanimatis differunt. ideo ubi invenitur aliqua operatio quæ secundum aliquem modum est propria animatorum, licet & inanimatis aliquo modo conveniat, oportet specialem potentiam illi adpare: sicut quia moveri localiter à seipso, est animalium proprium, ad motum localem animalium datur specialis potentia quæ vis motiva dicitur. Appetere autem speciali modo convenit animalibus inquantum inveniuntur in eis appetitus, & mouens appetitum bonum enim apprehensum, & per consequens existens in apparente, mouent appetitum, ideo specialis potentia quæ dicitur appetitus, ad hunc actum ordinatur. In natura verò intellectualem est adhuc altior modus: quia non solum est in ipsa appetitus & mouens appetitum, scilicet bonum apprehensum per intellectum, sed etiam ipse actus appetendi est liber, inquantum in potestate appetentis est appetere bonum apprehensum per intellectum, & non appetere: ideo oportet & appetitum nature intellectualem qui voluntas dicitur, specialem potentiam esse ab aliis distinctam. Ratio ergo sancti Thomæ efficax est: quia sufficit ipsi probare quod in natura intelligibili sit inclinatio in propriam operationem & in bonum eius suo modo: constat enim quod proprius modus ipsius est ut inclinatio sit in natura intellectualem inveniuntur formam consequens intellectum, habeat specialem potentiam ab aliis distinctam, sicut & particulari modo sibi actus convenit appetendi. Secundum quod præmittit sanctus Thom. est, quod omnium actuum voluntatis amor est principium & communis radix. Probatur dupliciter. Primo ratione scilicet: Ex hoc oritur inclinatio naturalis, quod res naturalis habet affinitatem & convenientiam secundum formam, quæ est inclinationis principium, cum eo ad quod mouetur, ut patet in gravi: ergo & omnis inclinatio voluntatis hinc oritur, quod per formam intelligibilem aliquid apprehenditur ut conveniens vel efficiens: affici autem ad aliquid inquantum huiusmodi, est amare ipsum, ergo, &c. Secundo probatur inducive: quia videlicet ex hoc quod aliquid amamus, desideramus illud si absit, gaudemus cum adest, tristamur cum ab eo impedimur & odimus quæ nos ab ipso impediunt, & irascimur contra ea.

**Ad evidentiam** rationis considerandum est ex doctr. S. Thom. 1.2. q. 15. arti. 1. q. 22. arti. 1. & q. 28. arti. 1. quod amor nihil aliud est quam aptitudo sue proportionis & complacentia appetitus ad bonum. dicitur enim quis bonum aliquid amare inquantum illi afficitur, & in eo complacet tanquam in aliquo sibi convenienti & proportionato. ideo volens S. Tho. ostendere amorem esse communem radicem omnium actuum voluntatis, assumit quod omnis inclinatio voluntatis hinc oritur, quod aliquid apprehenditur ut conveniens, & efficiens, id est, ut perfectum appetentis & ipsum ad se trahens. vult enim habere quod ex hac apprehensione prima inclinatio voluntatis est complacentia in tali bono, & affectio ad illud, in quo ratio amoris consistit, & ideo sicut illa apprehensio est origo simpliciter omnium actuum voluntatis, ita amor qui est primus actus voluntatis illam apprehensionem comitans est inter omnes actus voluntatis primus, & omnium aliorum actuum principium & origo. Tertium quod præmittit S. Thom. est, quod id quod amatur, est in intellectu amantis, & in voluntate, sed diversimodè: quia in intellectu est secundum similitudinem sue speciei, sicut ignis genitus in igne generante: in voluntate autem amantis sicut terminus motus in principio motivo per convenientiam & proportionem quæ habet ad ipsum, sicut locus sursum est quodammodo in gravi.

**ADVERTENDVM**, quod sicut res intellecta dicitur esse in intelligente per similitudinem sue forme, non quia ipsa res secundum se esse naturale informat intellectum, sed quia in intellectu est forma quædam intelligibilis, quæ est rei intellectæ similitudo, ita quod rem intellectam esse in intellectu, nihil aliud est quam in intellectu esse ipsius similitudinem: ita rem amatam esse in amante sicut terminus motus est in principio motivo per convenientiam & proportionem, non est rem amatam inherere amanti secundum suam essentiam aut secundum suam similitudinem, sed in amante esse aliquam complacentiam & proportionem atque affectionem per quam in ipsam inclinatur rem amatam. per talem enim connaturalitatem & affectionem siue complacentiam, quæ est amor, amans est quodammodo res amata: sicut vna res quæ est alteri proportionata, & est principium motuum in illam, est quodammodo ipsa. Dicitur autem amatum esse in amantis voluntate, sicut in principio motivo, quia in voluntate existens causaliter desiderium rei amate si est absens, & est causa & principium omnis alterius motus quo in rem amatam amans mouetur. De hoc etiam habes à sancto Thoma 1.2. q. 28. arti. 2. Hinc patet error Aureoli apud Capreolum in primo, distinctio 10. putantis amatum non posse esse in amante nisi sit in ipso per essentiam, aut per similitudinem. dicitur enim quod est alius modus, scilicet per affectionem & complacentiam, aut per quandam habitalem inclinationem ex frequentatione actus amandi in voluntate derelictam. Ex istis S. Thom. ut propositum ostendat inferit primo, quod in Deo est voluntas, quum sit intelligens, non quidem quod sit aliquid superadditum essentia, sed est ipsa Dei substantia, sicut & intellectus: cum etiam intellectus Dei sit eius substantia, sequitur quod vna res sit in Deo intellectus & voluntas.

**ADVERTENDVM** quod in absolutis quidem valet ista consequentia. Hoc est divina substantia, & illud est divina substantia, ergo hoc & illud sunt vna res: quia cum vnum nihil aliud sit quam substantia divina, & similiter aliud, non apparet in illis per quid habeat realiter distinctionem sed in his quæ relativi opponuntur non tenet talis consequentia propter ipsam



ipsam relationem oppositionem, quæ realem distinctionem exigit inter ea quæ relativiè opponuntur. Non enim valet, pater est Dei essentia, & filius est Dei essentia, ergo pater & filius sunt una res: quia licet sint diuina essentia, habent tamen oppositas relationes, quarum una non est alia, licet & ipsæ à diuina essentia non distinguantur: quauis & hæc possint una res dici, si nomen rei pro obfoluto sumatur. sed de his inferius erit latior sermo. Inferit secundo quod in Deo est amor: quia voluntas in Deo est secundum actum, non autem secundum potentiam vel habitum, id est, semper est in actu volendi, cum operatio Dei sit eius essentia, & eius essentia sit, eius voluntas. omnis autem actus voluntatis in amore radicatur.

Inferit tertio, quod necesse est ut Deus sit in sua voluntate, sicut amatum in amante: quia quum proprium obiectum diuinæ voluntatis sit eius bonitas, necesse est quod Deus seipsum & suam bonitatem primò & principaliter amet. ostensum est autem quod amatum necesse est aliquoties esse in voluntate amantis. Inferit quarto, quod Deus secundum quod consideratur ut in sua voluntate existens, est verè & substantialiter Deus. probatur: amatum est in amante secundum quod amatur, amare quoddam velle est, quia videlicet amare est velle boni: velle Dei est eius esse, sicut & eius voluntas: ergo esse Dei in voluntate, non est esse accidentale, ut in nobis, sed essentiale: ergo &c.

ADVERTENDVM quod Deum secundum quod est in sua voluntate, esse verè & substantialiter Deum, nihil aliud est quàm amorem quo Deus seipsum amat, esse substantialiter Deum. Dictum est enim superius, quod amatum esse in voluntate amantis, nihil aliud est quàm in voluntate esse affectionem & complacentiam siue amorem ad ipsum: & ideo si esse amoris Dei, quod est velle diuinum per quod producit, sicut esse verbi est intelligi, & consequenter intelligere, ut superius est dictum, est idem quod diuinum esse: sequitur Deum, secundum quod est in sua voluntate, esse verum & substantialiter Deum. Inferit quinto quod amor quo Deus est in voluntate diuina, ut amatum in amante, & à verbo Dei, & à Deo cuius est verbum, procedit, probatur, quia amatum esse in voluntate amantis, ordinem quandam habet & ad conceptionem quæ ab intellectu concipitur, quia non amaretur nisi aliquo modo cognosceretur: & ad ipsam rem cuius intellectus concipitur dicitur verbum, quia non solum amati cognitio amatur, sed etiam ipsum secundum quod in se bonum est.

ADVERTENDVM, quod sanctus Thomas breuitati studens, ex hoc quod amatum habet quandam ordinem ad conceptionem intellectus, statim concludit ipsum à verbo Dei procedere, cum tamè in illa consequentia multa implicentur. supponit enim in diuinis non esse alium ordinem realem quàm ordinem originis. vnde si amatum habet ordinem ad conceptionem intellectus, oportet illum esse ordinem originis. constat autem illum non esse ordinem quo conceptio procedat ab amore, cum amor conceptionem intellectus præsupponat. ideo si est ordo inter illa, necesse est ut amoris ad verbum & ad conceptionem intellectus sit ordo tanquam ad id à quo originatur & procedit.

ATTENDENDVM quoque, quod ex hac ratione S. Thom. non potest haberi quod bonum intellectum sit in nobis causa formalis effectus volitionis, ut quidam Thomistarum voluerunt, sicut verbum in diuinis, est productum amoris: quia quod hoc sit in diuinis, est, quia non potest ibi esse alius ordo realis, quàm ordo originis per modum efficientis, secundum quod una persona ab alia procedit: & ideo cum amor ad verbum realem ordinem habeat, necesse est ut in diuinis ille ordo sit talis ordo originis. hoc autem non est naturaliter scitum, sed creditum: in nobis autem potest esse ordo causæ finalis & formalis, & ille inuenitur inter verbum intellectus nostri & amorem, ut in superioribus est ostensum, non autem ordo originis effectiui: quia verbum nostri intellectus habet ex imperfecta sui actiuitate, & solum sit causa amoris quæ ad eius specificationem formaliter tantum, non autem quantum ad exercitiū elicitur. Vnde ordo qui in nobis est vnius rationis, in diuinis alteri rationis est.

Inferit sexto, & Deus procedens per modum amoris, non procedit ut genitus, & consequenter filius dici non potest. Probatur, quia amatum non est in amante secundum similitudinem speciei. omne autem quod procedit ab altero per modum geniti, procedit secundum similitudinem speciei à generante.

Ad huius euidentiā considerandum est, quod amorem ad tria possumus comparare, scilicet ad rem amatam, à qua aliquo modo causatur, scilicet per modum finis & formæ specificantis, ut superius est ostensum: ad ipsam voluntatem præcisè sumptam: & ad vtrumque simul, tanquam ad totalem causam in quantum res amata ut cognita est voluntati ratio agendi per modum specificantis actum. ad nullum autem istorum comparatus amor procedit in ratione similitudinis secundum eandem rationem speciei. Si enim cõparemus amorem ad ipsam solā voluntatem, sic constat quod non sunt similia secundum rationem speciei, amor productus & voluntas. Si etiam cõparemus ad rem amatam, sic non procedit secundum rationem similitudinis, quia amor productus non est similitudo rei amate, sed affectio & impulsus in ipsam. Si denique cõparemus ad vtrumque simul tanquam ad completam causam, sic etiam manifestum est, quod non procedit secundum rationem similitudinis, cum non sit similitudo formæ quæ est ratio agendi, ut dictum est. dicitur enim proprie aliquid produci simile agenti, quando assimilatur agenti secundum formam quæ est sibi ratio agendi. Quia autem propria comparatio effectus ad suam causam est comparatio ad ipsam totalem causam, & secundum talem comparationem quod procedit per modum amoris non procedit secundum rationem similitudinis, id est, tanquam simile producenti: ideo absolute inquit sanctus Thomas huiusmodi productionem non esse secundum rationem similitudinis, quia non producit amor similis rei amate, quæ inquam, secundum quod est cognita, est voluntati ratio amandi. Si autem arguatur, quia omne agēs, præsertim naturale, producit sibi simile secundum formam per quam agit: dicitur primò quod duplex est similitudo: una secundum conuenientiam in forma, alia secundum proportionem. Prima similitudo non requiritur inter omne agēs & suum effectum: sed bene requiritur secunda, quæ in hoc consistit, ut agens habeat virtutem proportionatā ad talē effectū producendū, sicut est similitudo inter virtutem motuā & motū siue vbi: & hoc modo conceditur esse similitudinem inter voluntatem & amorem: sed hæc ad rationem generationis non sufficit. Dicitur secundo, quod licet omne agēs aliquo modo age-

ret sibi simile, non tamen oportet ut omne agāt sibi simile secundum eandem rationem speciei, quod ad rationem veræ generationis requiritur, & de qua intendit sanctus Thomas, cum inquit amorem non procedere in ratione similitudinis. Pater enim in productionibus æquiuocis, puta cum aliquid à sole producit in his inferioribus, non esse similitudinem secundum eandem rationem speciei inter producēs & productum. Ex his patet processionem per modum amoris à processionem verbi differre: quia in processionem verbi ipsum verbum non solum est simile rei intellectæ, cum sit eius similitudo expressa, & eiusdem rationis cum ipsa: sed est etiam simile totali agenti, scilicet aggregato ex intellectu & specie intelligibili quæ est sibi ratio agendi tanquam forma intellectus elicitur: & ideo non est mirum quod processio secundum intellectum habeat rationem generationis ad quam pertinet ut producat aliquid simile generanti, non autem processio secundum voluntatem.

ADVERTENDVM autem quod hic loquitur sanctus Thomas absolute de processionem amoris in quantum huiusmodi, non autem de tali processionem in determinata natura: quia in natura diuina quod procedit ut amor, est simile producenti: sed hoc non conuenit sibi in quantum est amoris processio absolute, sed in quantum est processio amoris processio absolute, sed in quantum est processio amoris diuini. oportet enim in diuinis omne procedens esse cõsubstantialē producenti, & eiusdem naturæ cum ipso. Inferit septimò, quod conuenit Deo per modum amoris procedenti, ut spiritus dicatur, eius spiratione quasi quadam aspiratione existente, probatur, quia amatum est in amante ut inclians & quodammodo impellens amantem in rem ipsam amatam: impulsus autē rei viuētis ab interiori ad spiritū pertinet. Cõfirmatur auct. Apost. ad Ro. 8. & 2. Cor. 5. spiritui & amoris impulsus quendā attribuitis.

ADVERTE quod addit sanctus Thomas procedens per modum amoris spiritum dici, eius spiratione quasi quadam aspiratione existente, id est, existente quasi quadam vitali motione & impulsione, siue quadam attractione aut emissionē aëris: quia ut dicitur inferior cap. 23. nomen spiritus à respiratione animalium sumptum est, in qua aër cum quadam motu infertur & emittitur. Inferit vltimò, quod conuenienter Deus per modum amoris procedens dicitur spiritus sanctus, probatur, quia omnis intelligibilis motus à termino denominatur. amor autem prædictus est quo Deus amatur: supple, ergo à Deo denominatur: ergo conuenienter dicitur spiritus sanctus: quia, supple, cum Deus sit sanctus, ea quæ Deo dicata sunt, sancta dici cõsueverunt, id est, hæc denominatio ut sancta dicatur, illis rebus attribuitur quæ in deum ordinantur, & illi sunt dicata.

ADVERTENDVM quod sanct. Thom. ex dictis relinquit tanquam manifestum id quod intendebat declarare, scilicet quod spiritus sanctus sit Deus, & sit personaliter distinctus à patre & filio. Ex hoc enim progressu constat quod idem est spiritus sanctus quod amor diuinus: ostensum est autem quod diuinus amor est verè & substantialiter Deus, & quod procedit à verbo Dei, & Deo cuius est verbum, id est, à patre & filio, & per cõsequens quod ab ipsis personaliter distinguitur: ideo relinquitur spiritum sanctum verè Deū esse, & à patre & filio esse personaliter distinctum.

SED remanet dubium, videtur enim velle S. Thomas ex hoc processu quod spiritus sanctus sit ipse actus amoris, quæ videtur esse opinio Scoti 1. sent. dist. 6. & 10. imò etiā ipsius diui Thomæ primo Sententiæ, dist. 31. q. 1. art. 1. non autem quod sit aliquid per actum voluntatis productum: quia hic videtur semper loqui de amore, prout est actus voluntatis, præsertim cum probat Deum esse verè & substantialiter Deum, secundum quod consideratur ut in sua voluntate existens: quia amare est quoddam velle, & velle Dei est eius esse &c. hoc autē videtur repugnare ei quod dicitur 1. p. q. 37. arti. 1. ubi inquit sanctus Thomas, quod sicut ex hoc quod aliquis rem aliquam intelligit, prouenit quadam intellectus concipio rei intellectæ quæ dicitur verbum: ita ex hoc quod aliquis rem aliquam amat, prouenit quadam impressio rei amate in affectu amantis: & hanc impressionem vocat spiritum sanctum. Respondetur quod spiritus sanctus est profectio aliquid per actum productum, ut manifeste patet loco allegato: & hoc etiam sentit sanctus Thom. hoc loco, cum inquit amorem quo Deus est in voluntate diuina, ut amatum in amante, à verbo, & à Deo cuius est verbum, procedere: & cum inquit hunc amorem esse quo Deus amatur. nomine enim amoris intelligit non ipsum actum amoris, sed id quod per talem actum amoris producit, quia enim ea quæ ad voluntatem pertinent, non ita habent propria nomina, sicut ea quæ pertinent ad intellectum: ideo quandoque vno nomine vtiuntur ad significandū tam id quod per actum amandi producit, quàm ipsum amandi actum, propter quod quodamque dicit sanctus Thomas, quod spiritus sanctus est ipse actus amoris, ut patet primo Sent. intendens quod est aliquid actus amoris productum, sed nomine ipsius actus significatū. Quod autem adducitur particulatim ex verbis sancti Thomæ, non obstat: quia non vult per illa verba, quod Deus ut existens in voluntate, sit formaliter ipsum amare, & ipsum velle diuinum, sed vult arguere, sicut in superioribus de verbo diuino arguebatur, quod erat Deus quia suū esse est ipsum intelligi, quod est idem secundum rem quod intelligere diuinum: intelligere autem Dei est suum esse. Vult ergo sic sanctus Thom. arguere, Amatum est in amante secundum quod amatur, i. per affectionem actum amandi productam, quæ amans in amatum inclinatur, & quodammodo impellitur, sed esse ipsius affectionis est amari, i. actus amoris passiuè productionis modo significatus: & ipsum amari est actus ipse qui dicitur amare ex parte voluntatis, & amari ex parte affectionis produci: ergo esse amari, secundum quod est in amante, est ipsum amare, tunc vlti, ipsum amare est velle, ergo esse illius affectionis secundum quod est in voluntate, est velle: sed velle Dei est eius esse: ergo esse illius affectionis, secundum quod Deus est in voluntate, est esse Dei, quod est esse substantiale, non autem esse accidentale, ut in nobis accidit. ergo ipsa effectio siue amor productus, secundum quem dicitur Deus esse in voluntate, est verè & substantialiter Deus: quia esse diuinum non conuenit nisi ei quod verè est Deus.

SED huic determinationi videntur obstat verba sancti Thomæ de Ver. q. 4. Arti. 1. ad septimum, ponit enim ibi differentiam inter intellectum & voluntatem: quia intellectus habet aliquid in se procedens per modum operationis, & aliquid per modum operati: voluntas autem non habet aliquid in se procedens per modum operati, sed tantum per modum operationis: & sic videtur quod spiritus sanctus qui per voluntatem producit,



producit, non sit aliquid procedens per actum voluntatis, sed ipsa voluntatis operatio.

Ad hoc respondetur primo, quod non vult excludere sanct. Thom. ibidem omne operatum, aut productum ab actu voluntatis, sed tantum productum quod sit similitudo rei volitæ. differunt enim intellectus & voluntas: quia intellectus per suum actum producit in seipso rei intellectus similitudinem. conceptio enim intellectus est similitudo expressa rei intellectus. voluntas autem non producit in se per actum amandi similitudinem rei amate, licet producat quandam formam per quam in rem amatam inclinatur, sicut graue per grauitatem ad locum deorsum inclinatur. & ista responsio haberi potest ex iis quæ hoc loco dicuntur, & ex iis quæ habentur de Veritate quæst. 10. articulo. 9. ad septimum. Secundo responderi potest, quod quia ea quæ ad voluntatem pertinent, non sunt ita nota, nec habent ita propria nomina, sicut ea quæ pertinent ad intellectum, ideo personæ per modum voluntatis productæ non ita assignantur proprium nomen, quod personaliter tantum dicatur: & quod sit proprium nomen rei productæ per actum voluntatis, sicut hoc nomen, verbum, assignatur ei quod per actum intellectus ad intra producit, sed nomine ipsius operationis, scilicet nomine amoris significatur: ex quo sequitur quod terminus per actum voluntatis productus non significatur per modum termini, sed per modum operationis, cum amor per prius significet operationem quam terminum operationis, ex hoc etiam optime sequitur ut nomen amoris & essentialiter accipi possit, si accipitur ut nomen operationis absolute, & personaliter, si accipitur ut nomen personæ. Cum ergo inquit sanct. Thom. voluntatem non habere aliquid in se procedens per modum operati, intelligitur quod ad modum significandi, & quod ad nominis proprietatem. Sentus enim est, quod in voluntate non est aliquid quod habeat proprium & distinctum nomen significans per modum operati: sed id quod verè est operatum, habet nomen significans ipsum per modum operationis, scilicet nomen amoris. Hæc responsio manifestè haberi potest ex iis quæ dicit sanct. Thomas prima quæst. 37. articulo. Prima tamen responsio est melior: quia ratione huius differentie quæ adducitur in autoritate adducta inter intellectum & voluntatem assignat sanctus Thomas, eod quod operatio voluntatis terminatur ad res in quibus est bonum & malum: operatio intellectus terminatur in mente in qua est verum & falsum: nullam autem ibi mentionem facit de proprietate nominationis, sed tamen nec illa sufficere videtur ad intentionem sancti Thom. Nam in illa responsione ponit quod amor non dicitur personaliter, sed bene verbum: quia in voluntate non est processio nisi per modum operationis, non autem per modum operati: in intellectu autem est processio per modum operati. Per hoc autem quod non procedat in voluntate aliquid per modum similis, non tollitur quin amor dici possit personaliter, dummodo aliquid producat in voluntate per modum operati, propter quod potest tertio responderi addendo ad responsionem, quod in voluntate non est aliquid productum per modum operati, quod scilicet sit obiectum voluntatis per modum voliti, sed bene in intellectu aliquid operatum producit quod est intellectus obiectum. per ipsum enim actum intelligendi producit intrinsecè obiectum intellectus in esse actuali intelligibili, non autem per actum voluntatis producit voluntas in esse actuali voliti in ipsa voluntate. Cum hoc autem stat, quod in voluntate producat aliqua impressio & inclinatio voluntatis in rem volitam. Patet autem hanc esse mentem sancti Thomæ ibid. tum ex diuersa comparatione intellectus ad rem intellectam, & voluntatis ad rem volitam quam ibi ponit: tum ex applicatione responsionis ad argumentum. Ex hoc enim quod obiectum intellectus secundum esse quoddam intelligibile manifestè producit in intellectu nostro, ideo proprium nomen producti & operati in intellectu habemus, nomen scilicet verbi, & ex hoc habet nomen verbi quod dicatur personaliter: quia verò voluntas non producit in voluntate per actum voluntatis, ideo nullum nomen obiecti producti in voluntate habemus quod habeat in diuinis quantum est ex se personaliter dici: & quia etiam non ita manifestè apparet aliquid aliud per actum voluntatis in voluntate produci, licet aliquid producat, nullum nomen proprium habemus, ad significandum aliquid tale productum quod personaliter dicatur in diuinis & ideo amoris nomen, quod apud nos secundum communem usum est nomen operationis, non autem operati, non ita habet quod personaliter dicatur sicut nomen verbi, licet secundum quandam accommodationem etiam personaliter dicatur.

De effectibus attributis spiritui sancto in scripturis respectu totius creaturæ.

Cap. 20.

\* Lib. I. cap. 86.



PORTET autem secundum couenientiam prædictorum \* considerare effectus quos spiritui sancto sacra scriptura attribuit. Ostensum est enim in superioribus quod bonitas Dei est ratio volendi quod alia sint: & per suam voluntatem res in esse producit. amor igitur quo suam bonitatem amat, est causa creationis rerum: vnde & quidam antiqui philosophi amorem deorum, causam omnium esse posuerunt, ut patet in primo Metaph. Et Dionysius dicit in 4. cap. de diuinis Nominibus \*, quod diuinus amor non permittit ipsum sine germine esse. Habitum est autem ex præmissis, quod spiritus sanctus procedit per modum amoris quo Deus amat seipsum. igitur spiritus sanctus est principium creationis rerum: & hoc significatur in Psal. 103. Emitte spiritum tuum & creabuntur. Ex hoc etiam

quod spiritus sanctus per modum amoris procedit, amor autem vim quandam impulsivam & motiuam habet: motus qui est à Deo in rebus, spiritui sancto propriè attribuitur. prima mutatio in rebus à Deo existens intelligitur secundum quod ex materia creata informi species diuersas produxit: vnde hoc opus spiritui sancto sacra scriptura attribuit. dicitur enim Gen. 1. Spiritus Domini ferebatur super aquas. vult enim Augustinus. per aquas intelligi materiam primam super quam spiritus Domini ferri dicitur: non quasi ipse moueatur, sed quia est motionis principium.

2 Rursus, rerum gubernatio à Deo secundum quandam motionem esse intelligitur, secundum quod Deus omnia dirigit & mouet in proprios fines. Si igitur impulsio & motio ad spiritum sanctum ratione amoris pertinet, conuenienter rerum gubernatio & propagatio spiritui sancto attribuitur. Vnde Iob 33. dicitur: Spiritus Domini fecit me. Et in Psal. Spiritus tuus bonus deducet me in terram rectam. Et quia gubernare subditos, proprius actus domini est, conuenienter spiritui sancto dominiū attribuitur. Dicit enim Apostolus. 2. ad Cor. 3. Spiritus autem Dominus est. & in symbolo fidei dicitur: Credo in spiritum sanctum Dominum.

3 Item, vita maximè in motu manifestatur. mouentia enim seipsa, viuere dicimus: & vniuersaliter quæcunque à seipsis aguntur ad operandum. si igitur ratione amoris spiritui sancto impulsio & motio competit: conuenienter etiam sibi attribuitur vita. Dicitur enim Ioan. 6. spiritus est qui viuificat. & Ezech. 37. Dabo vobis spiritum, & viuetis. & in symbolo fidei, nos in spiritum sanctum viuificantem credere profiteamur: quod etiam & nomini spiritus consonat. nam etiam corporalis vita animalium est per spiritum vitalem à principio vitæ in cætera mèbra diffusum.

Super Cap. 20.



OSTENDIT QVAM determinauit S. Thomas de substantia spiritus sancti, vult de effectibus qui ei attribuntur in scripturis, determinare. Circa hoc autem duo facit. Primo determinat de effectibus illi attributis respectu totius creaturæ: secundum de iis qui sibi attribuntur respectu creaturæ rationalis cap. sequenti. Quantum ad primum ostendit quod conuenienter spiritui sancto attribuitur effectus diuini toti creaturæ communes. Et primo arguit de creatione sic: Deus per suam voluntatem res in esse producit, & bonitas sua est ei ratio volendi quod alia sint. ergo amor quo suam bonitatem amat, est causa creationis rerum. ergo & spiritus sanctus. Confirmatur autoritate antiquorum philosophorum, amorem deorum causam omnium esse ponentium, ut patet primo Metaphys. & autoritate Dionysij 4. cap. de diuinis Nominibus, dicentis quod diuinus amor non permittit eum sine germine esse. Item auth. Psal. 42. Emitte spiritum, &c.

ADVERTENDVM quod diuina bonitas non est Deo ratio volendi, quod alia sint, nisi in quantum ipsa est volita & amata. ex amore enim suæ bonitatis vult Deuseam diffundere & communicare, ideo bene S. Thom. ex eo quod ipsa diuina bonitas est Deo ratio quod alia vult, inferre amorem bonitatis ipsius esse causam creationis rerum. Secundo probat ipsum esse causam quod Deus ex materia creata informi species diuersas produxit: & arguit sic: Amor vim quandam impulsivam & motiuam habet, ergo motus qui est à Deo in rebus, spiritui sancto per modum amoris procedenti attribuitur. sed prima mutatio in rebus à Deo existens intelligitur secundum quod ex materia creata informi diuersas species produxit, ergo &c. Confirmatur autoritate Genes. primo: Spiritus Domini ferebatur super aquas, id est, super materiam primam, secundum Augustinum, tanquam motionis principium: quia videlicet affectio voluntatis diuinæ erat ad formandum diuersas species ex materia creata.

ADVERTENDVM quod prima rerum productio non dicitur mutatio, sed creatio: quia non fuerunt res productæ secundum suam materiam ex aliquo subiecto, sed bene formatio & distinctio specierum dicitur mutatio: quia ex materia prius creata diuersæ species sunt constitutæ, & hoc secundum Augustini expositionem. Dicitur autem hæc prima mutatio, quia nulla ipsam præcessit. prius enim intelligitur creati informis materia, deinde statim per diuersas formas aduari. Tertiò ostendit rerum gubernationem & propagationem spiritui sancto attribui, & arguit sic: Rerum gubernatio à Deo secundum quandam motionem esse intelligitur, secundum quod Deus omnia dirigit & mouet in proprios fines, ergo &c. probatur consequentia, quia impulsus & motio spiritui sancto ratione amoris, id est, in quantum procedit ut amor, attribuitur. Confirmatur autoritate Iob 33. Spiritus Domini &c. Item. Psal. 142. Spiritus tuus &c. Quarto ostendit conuenienter sibi attribui dominiū 2. Cor. 3. & in symbolo. probatur, quia gubernare subditos proprius actus domini est. Quintò ostendit quod conuenienter sibi attribuitur vita, Ioan. 6. & Ezech. 37. & in symbolo. probatur, quia vita maximè in motu manifestatur. mouentia enim seipsa & se agentia ad operandum, viuere dicimus. impulsio autem & motio spiritui sancto in quantum est amor, conuenit.

Confirmatur, quia hoc etiam nomini spiritus consonat. Corporalis enim



enim vita animalium inest per spiritum vitalem à principio vite in cetera membra diffusum.

ADVERTENDVM quòd effectus hìc enumerati non sic in scripturis intelliguntur attribui spiritui sancto, quasi non sint toti trinitati communes: sed quia ipsi secundum quandam appropriationem conueniunt propter conuenientiam ad modum suæ processionis, in quantum includit essentiale attributū quod est volūtas, vt est de mente sancti Thomæ p. 1. q. 45. ar. 6. ideo rationes Scoti in 2. Sententiarum distinct. 1. contra sanctum Thomam non militat, quibus arguere videtur quòd filius & spiritus sanctus nō sint patri ratio agendi secundū ea quæ ipsis sunt propria, quasi diuersæ causalitates secundum suas proprietates ipsis conueniant, hoc enim non dicit sanctus Thomas.

*De effectibus attributis spiritui sancto respectu rationis creature quantum ad ea quæ Deus nobis elargitur.*

Cap. 21.



ONSIDERANDVM est etiā quantum ad effectus quos propriè in natura rationali facit, quòd ex hoc quod diuinæ perfectioni vtunque assimilamur, huiusmodi perfectio à Deo nobis dari dicitur: sicut sapientia à

Deo nobis donatur, secundum quòd diuinæ sapientiæ vtunque assimilamur. cum igitur spiritus sanctus procedit per modum amoris, quo Deus seipsum amat, vt ostensum est \* : ex hoc quòd huic amoris assimilamur Deum amantes spiritus sanctus à Deo nobis dari dicitur. Vnde Apostolus dicit ad Romanos, Charitas Dei diffusa est in cordibus nostris per spiritum sanctum, qui datus est nobis. Sciendum tamen est quòd ea quæ à Deo in nobis sunt, reducuntur in Deum sicut in causam efficientē & exemplarem. In causam quidem efficientem, in quantum virtute operatiua diuina aliquid in nobis efficitur. In causam verò exemplarem, secundum quòd id quod in nobis à Deo est, aliquo modo Deum imitatur. cum ergo eadem virtus sit patris & filij & spiritus sancti, sicut & eadem essentia: oportet quòd omne id quod Deus in nobis efficit, sit sicut à causa efficiente simul à patre & filio & spiritu sancto: verbum tamen sapientiæ quo Deum cognoscimus, nobis à Deo immissum, est propriè representatiuū filij. Et similiter amor quo Deū diligimus, est propriū representatiuū spiritus sancti: & sic charitas quæ in nobis est, licet sit effectus patris & filij & spiritus sancti, tamē quadā speciali ratione dicitur esse in nobis per spiritum sanctum. Quia verò effectus diuini non solum diuina operatione esse incipiunt, sed etiam per eā tenentur in esse, vt ex superioribus patet: nihil autē operari potest vbi nō est: (oportet enim operā & operatū in actu esse simul sicut mouēs & motū) necesse est vt vbiūque est aliquis effectus Dei, ibi sit & ipse Deus effector. vnde cum charitas qua Deū diligimus, sit in nobis per spiritum sanctum: oportet quod ipse etiam spiritus sanctus in nobis sit quā diu charitas in nobis est. Vnde Apostolus dicit 1. ad Cor. 4. Nescitis quoniā templū Dei estis, & spiritus sanctus habitat in vobis? Quū igitur per spiritum sanctum Dei amatores efficiamur, omne autē amatum in amate est, in quantum huiusmodi: necesse est quod per spiritum sanctum pater etiā & filius in nobis habitet. Vnde Dominus dicit Ioā. 14. Ad eum veniemus, scilicet diligenti Deū, & mansionē apud eum faciemus. & 1. Ioā. 3. dicitur: In hoc scimus quoniam manet in nobis, de spiritu quem dedit nobis. Rursus, manifestū est quod Deus maximè amat illos quos sui amatores per spiritum sanctum constituit. nō enim tantū nisi amādo cōferret. Vnde Prouerb. 8. dicitur ex persona Domini: Ego diligentes me diligo: nō quasi nos prius dilexerimus Deū, sed quoniā ipse prior dilexit nos: vt dicitur 1. Ioan. 4. Omne autem amatum in amate est: necesse est igitur quod per spiritum sanctum non solum Deus sit in nobis, sed etiā nos in Deo. Vnde dicitur 1. Ioannis 4. Qui manet in charitate, in Deo manet, & Deus in eo. & iterū: In hoc intelligimus quoniam in eo manemus, & ipse in nobis: quoniā de spiritu suo dedit nobis. Est autem hoc amicitia proprium, quod amico aliquis sua secreta reuelat. Quū enim amicitia coniūgat affectus, & duorū faciat quasi cor vnum: non videtur extra

cor suū aliquis illud protulisse quod amico reuelat. vnde & Dominus dicit discipulis Ioan. 15. Iā non dicam vos seruos, sed amicos meos, quia omnia quæ audiui à patre meo, nō feci vobis. Quia igitur per spiritum sanctum amici Dei constituimur: cōuenienter per spiritum sanctum hominibus dicuntur reuelari diuina mysteria. Vnde Apostolus dicit 1. ad Corinth. 2. scriptū est, quòd oculus nō vidit, nec auris audiuit, nec in cor hominis ascendit quæ præparauit Deus diligentibus se: nobis autē reuelauit Deus per spiritum sanctum. Et quia ex his quæ homo nouit, formatur eius loquela: cōuenienter etiam per spiritum sanctum homo loquitur diuina mysteria, secundū illud 1. ad Cor. 14. Spiritus est qui loquitur mysteria, & Mat. 10. Nō enim vos estis qui loquimini, sed spiritus patris vestri qui loquitur in vobis. & de prophetis dicitur 2. Periprimo, quod spiritus sancto inspirati locuti sunt sancti Dei homines. Vnde etiā in symbolo fidei dicitur de spiritu sancto: qui locutus est per prophetas. Nō solum autē est proprium amicitia quòd amico aliquis reuelat sua secreta propter vnitatem affectus, sed eadē vnitatem requirit quòd etiā ea quæ habet, amico communice: quia cum homo amicū habeat vt alterum se, necesse est quòd ei subueniat sicut & sibi, sua ei cōmunicans: vnde & propriū amicitia esse ponitur, velle & facere bonum amico: secundū illud 1. Ioan. 3. Qui habuerit substantiā huius mūdi, & viderit fratrem suū necessitatē habētē, & clausit viscera sua ab eo: quomodo charitas Dei manet in eo? hoc autē maximè in Deo habet locum, cuius velle est efficax ad effectū. Et ideo cōuenienter omnia dona Dei per spiritum sanctum nobis donari dicuntur, secundū illud 1. ad Cor. 12. Alij datur per spiritum sermo sapientiæ: alij autē sermo scientiæ secundū eundem spiritum. & postea multis enumeratis ait: Hęc omnia operatur vnus atque idē spiritus, diuidens singulis prout vult. Manifestū est autem, quod sicut ad hoc quod corpus aliquod ad locū ignis perueniat, oportet quòd igni assimiletur, leuitatem acquirēs, ex qua motu ignis proprio moueatur: ita ad hoc quòd homo ad diuinā fruitionis beatitudinem, quæ Deo propria est, secundum suam naturam perueniat, necesse est primo quidem quod per spirituales perfectiones Deo assimiletur, & deinde secundum eas operetur: & sic tandem prædictam beatitudinem consequetur. Dona autem spiritalia nobis per spiritum sanctum dantur, vt ostensum est, & sic per spiritum sanctum Deo configuramur, & per ipsum ad bene operandum habiles reddimur: & per eundem ad beatitudinem nobis via præparatur. Quæ tria Apostolus insinuat nobis 2. Corinth. primo dicens: Vnxit nos Deus, & signauit nos: & dedit pignus spiritus in cordibus nostris. & ad Ephes. primo: Signati estis spiritu promissionis sancto, qui est pignus hereditatis nostræ. Signatio enim ad similitudinem configurationis pertinere videtur: vnctio autē ad habilitationē hominis ad perfectas operationes: pignus autem ad spem qua ordinamur in cælestem hereditatē, quæ est beatitudo perfecta. Et quia ex benevolentia quā quis habet ad aliquē, contingit quod eum sibi adoptat in filium, vt sic ad eum hereditas adoptantis pertineat: conuenienter spiritui sancto adoptio filiorum Dei attribuitur, secundum illud ad Roman. 8. Acceperitis spiritum adoptionis filiorum, in quo clamamus, abba pater. Per hoc autē quòd aliquis alterius amicus constituitur, omnis offensa remouetur: amicitia enim offensa contrariatur. Vnde dicitur Prouerbiorum decimo: Vniuersa delicta operit charitas. Quum igitur per spiritum sanctum Dei amici constituamur: consequēs est, quod per ipsum nobis à Deo remittantur peccata, & ideo Dominus dicit discipulis, Ioan. 20. Accipite spiritum sanctum, quorum remiseritis peccata, remittentur. & ideo Matth. 12. Blasphemantibus spiritum sanctum, peccatorum remissio denegatur, quasi non habentibus illud per quod homo remissionem consequitur peccatorum. Inde etiam est quòd per spiritum sanctum dicimur renouari & purgari sive lauari, secundum illud Psal. 113. Emitte spiritum tuum, & creabuntur, & renouabis faciem terræ. & Eph. 3. renouamini spiritu mentis vestræ. & Efa.

\* Cap. 19.



& Esa. 4. Si abluerit dominus sordes filiorum Sion, & sanguinem filiarum lauerit de medio eius in spiritu iudicii, & spiritu ardoris.

Super. Cap. 21.

**S**ICUT ostendit sanctus Thomas effectus diuinos qui toti creaturæ conueniunt, conuenienter in sacra scriptura spiritui sancto attribuita vult ostendere effectus creaturæ rationali particulariter collatos, sibi etiam attribui conuenienter. Et primò hoc ostendit de illis effectibus, quos Deus rationali creaturæ largitur: secundò de effectibus quibus spiritus sanctus eam mouet in Deum, capitulo sequenti.

Quantum ad primum ostendit primò, quod charitas datur nobis per spiritum sanctum, & quod etiam ipse spiritus sanctus datur. Probat autem sic. Ex hoc quod diuinæ perfectioni assimilamur utique, huiusmodi perfectio à Deo nobis dari dicitur, sicut sapientia nobis à Deo donatur secundum quod sapientiæ diuinæ utique assimilamur. ergo ex hoc quod Deum amantes assimilamur amanti quo Deus seipsum amat, qui est spiritus sanctus, nobis spiritus sanctus dari dicitur. Confirmatur auctoritate Apostoli Rom. 5. Charitas Dei, &c.

ADVERTENDVM quod non vult sanctus Thomas per hoc ostendere ipsam diuinam personam in seipsum nobis dari, hoc enim inferius ostendit: sed vult modum loquendi scripturæ, cum inquit spiritum sanctum nobis dari, manifestare. Intelligitur enim secundum suam similitudinem, sicut enim cum datur nobis aliqua perfectio, quæ est diuinæ sapientiæ similitudo, dicitur dari nobis sapientiæ diuinæ cum datur nobis charitas qua Deum amamus, quæ est quædam similitudo diuini amoris, & spiritus sancti quo Deus seipsum amat, dicitur dari nobis diuinus amor, atque spiritus sanctus. Pro maiori autem declaratione notat sanctus Thomas, quod ea quæ à Deo in nobis sunt, reducuntur in Deum sicut in causam efficientem, & sicut in causam exemplarem. Primum est secundum quod virtute diuina operatiua aliquid in nobis efficitur, secundum verò est inquantum id quod in nobis à Deo est, aliquo modo Deum imitatur: ex quod inferitur quod cum eadem sit virtus omnium diuinarum personarum, oportet id quod Deus in nobis efficit, esse ab omnibus diuinis personis simul effectiue: verbum tamen sapientiæ quo Deum cognoscimus, nobis à Deo immisum, est propriè representatiuū filij: & amor quo Deum diligimus, est representatiuū propriè spiritus sancti, id est, illud refertur in filium tanquam in causam exemplarem: istud verò in spiritum sanctum: & sic charitas in nobis, licet sit effectus totius trinitatis, quodam tamen speciali modo dicitur esse in nobis per spiritum sanctum, id est tanquam per causam exemplarem: quia amor creatus habet similitudinem ad spiritum sanctum ratione suæ processionis, inquantum procedit ut amor. Ostendit secundò sanctus Thom. quod oportet spiritum sanctum in nobis esse quando charitas est in nobis, probatur, Charitas in nobis est per spiritum sanctum, & per eum tenetur in esse, ergo & recipitur antecedens quod ad secundam partem: quia effectus diuini non solum diuina operatione esse incipiunt, sed etiam tenentur in esse: consequentia verò probatur: quia cum operans & operatum in actu oporteat simul esse, nihil operari potest ubi non est: & sic necesse est ut ubicunque est aliquis effectus Dei, ibi sit & ipse Deus effector. Confirmatur auctoritate Apost. 1. ad Cor. 4. Nescitis &c. Ostendit tertio quod per spiritum sanctum etiam pater & filius in nobis habitant, & nos quoque in Deo sumus. Primum ostenditur, quia per spiritum sanctum Dei amatores constituimur: omne autem amatum, inquantum huiusmodi, est in amante, ut superius est ostensum. Confirmatur auctoritate Ioannis 14. Ad eum &c. & 1. Ioan. 3. In hoc scimus quoniam manet in nobis &c. Secundum verò ostenditur, quia Deus maxime amat quos sui amatores per spiritum sanctum constituit. Proverbiorum 8. Ego diligentes &c. & 1. Ioan. 4. Non quasi nos &c. omne autem amatum est in amante. Confirmatur utraque pars simul auctoritate 1. Ioan. 4. Qui manet in charitate, in deo manet, &c.

Ostendit quartò quod conuenienter per spiritum sanctum dicuntur hominibus secreta reuelari: probatur, quia per ipsum amici Dei constituimur, est autem hoc amicitie proprium, quod amico aliquis sua secreta reuelat, cum amicitia coniungat affectus, & faciat quasi cor vnum: vnde & Dominus 1. Ioan. 1. iam non dicam vos amplius seruos &c. Confirmatur auctoritate Apost. 1. ad Cor. 2. Scriptum est &c. Ex his sequitur quod conuenienter etiam homo per spiritum sanctum diuina loquitur mysteria, ut dicitur 1. ad Cor. 14. Matth. 10. & 1. Pet. 1. atque etiam in symbolo, quia ex his quæ homo nouit, formatur eius loquela. Ostendit quinto, quod conuenienter omnia dona Dei per spiritum sanctum nobis donari dicuntur, iuxta illud 1. ad Cor. 12. Alij datur sermo sapientiæ, alij autem sermo scientiæ secundum, &c. probatur, quia vnitas affectus inter amicos requirit quod ea quæ habet, amico comunicet: vnde amicitie proprium ponitur velle & facere bonum amico, propterea 1. Io. 3. dicitur, quod qui habuerit substantiam &c. hoc autem in Deo maxime locum habet, cuius velle est efficax ad agendum. Ostendit sexto, quod per spiritum sanctum Deo configuramur, ad bene operandum habiles reddimur, & ad beatitudinem nobis vias præparatur: quæ tria insinuat nobis Apost. 2. ad Cor. 1. Vixit &c. & ad Eph. 1. Signati &c. probatur, quia ad hoc ut homo ad diuinæ fructus beatitudinem, quæ Deo secundum naturam est propria, perueniat, necesse est ut per spirituales perfectiones Deo assimiletur, & secundum eas operetur, & tandem prædictam beatitudinem consequatur. declaratur exemplo corporis ad locum ignis peruenientis: dona autem spiritualia nobis per spiritum sanctum dantur. Ostendit septimò, quod conuenienter spiritui sancto adoptio filiorum Dei attribuitur, ad Rom. 8. Accepistis &c. probatur, quia ex benevolentia quam quis habet ad aliquem, contingit quod eum sibi adoptat in filium.

Ostendit octauò, quod per spiritum sanctum nobis à Deo remittuntur peccata. 1. Ioan. 2. & Mat. 12. probatur, quia per hoc quod aliquis amicus alterius constituitur, omnis offensa remouetur, quia amicitia contrariatur offensæ. Vnde Prover. 10. Vniuersa delicta &c. per spiritum sanctum autem amici Dei constituimur. Ex hoc sequitur quod per spiritum sanctum renouari dicimur & purgari siue lauari. Psalm. 13. Emitte spiritum &c. & Eph. 4. Renouamini &c. & 1. Ioan. 4. Si abluerit &c.

De effectibus attributis spiritui sancto secundum quod mouet creaturam in Deum.

Cap. 22.



**I**S igitur consideratis quæ per spiritum sanctum in sacris scripturis nobis à Deo fieri dicuntur, oportet considerare quomodo per spiritum sanctum moueamur in Deum. Et primò quidē hoc videtur esse amicitie maxime proprium simul conuersari ad amicum: conuersatio autem hominis ad Deum est per contemplationem ipsius: sicut & Apostolus dicebat Philip. 3. nostra conuersatio in cælis est. Quia igitur spiritus sanctus nos amatores Dei facit, consequens est quod per spiritum sanctum Dei contemplatores constituamur. Vnde Apostolus dicit, 2. Cor. 3. Nos autem omnes reuelata facie gloriam Dei speculantes, in eandem imaginem transformamur à claritate in claritatem, tanquam à Domini spiritu. Est autem & amicitie proprium quod aliquis in præsentia amici delectetur, & in eius verbis & factis gaudeat: & in eo consolationem contra omnes anxietates inueniat: vnde in tristitiis maxime ad amicos consolationis causa confugimus. Quia igitur spiritus sanctus dei nos amicos constituit, & eum in nobis habitare facit, & nos in ipso, ut ostensum est, consequens est ut per spiritum sanctum gaudium de Deo & consolationem habeamus contra omnes mundi aduersitates & impugnationes. Vnde & in Psalm. 50. dicitur: Redde mihi lætitiā salutaris tui, & spiritu principali confirma me. & Roman. 4. Regnum Dei est iustitia & pax, & gaudium in spiritu sancto. Et Actuum. 9. dicitur: Ecclesia habebat pacem, & ædificabatur ambulans in timore Dei, & consolatione spiritus sancti replebatur. Et ideo Dominus spiritum sanctum paracletum, id est consolatorem nominat, Ioan. 14. Paracletus autem spiritus sanctus &c. Similiter autem & amicitie proprium est, consentire amico in his quæ vult: voluntas autem Dei nobis per præcepta ipsius explicatur: pertinet igitur ad amorem quo Deum diligimus, ut eius mandata impleamus, secundum illud Ioan. 14. Si diligitis me, mandata mea seruauit. vnde cum per spiritum sanctum Dei amatores constituamur, per ipsum etiam quodammodo agimur ut præcepta Dei impleamus, secundum illud Apost. Roman. 8. Qui spiritu Dei aguntur, hi filij Dei sunt. Considerandum tamen est quod à spiritu sancto filij Dei aguntur non sicut serui, sed sicut liberi: cum enim liber sit, qui sui causa est: illud liberè agimus, quod ex nobis ipsis agimus: hoc verò est quod ex voluntate agimus: quod autem agimus contra voluntatem, non liberè, sed seruiliter agimus: siue sit violentia absoluta, ut quando totum principium est extra, nihil conferente vim passo, puta cum aliquis vi impellitur ad mortem: siue sit violentia voluntario mixta, ut quum aliquis vult facere vel pati quod minus est contrarium volūtatī, ut euadat quod magis voluntati contrariatur. spiritus autē sanctus sic nos ad agendum inclinat, ut nos voluntariè agere faciat, inquantum nos amatores Dei constituit: filij igitur dei liberè à spiritu sancto aguntur ex amore, non seruiliter ex timore. Vnde Apostolus Ro. 8. dicit: Nō accepistis spiritū seruitutis iterū in timore: sed spiritum adoptionis filiorū. Cum autem voluntas ordinetur in id quod est verè bonū, quādo siue propter passionem, siue propter malum habitū aut dispositionem homo ab eo quod est verè bonū, auertitur, seruiliter agit, inquantum à quodam extraneo inclinatur, si consideretur ipse ordo naturalis voluntatis: sed si consideretur actus volūtatī ut inclinatus in apparens bonū, liberè agit cum sequitur passionē aut habitum corruptum: seruiliter autem agit, si tali voluntate manēte, propter timorē legis in contrarium positæ abstinere ab eo quod vult. Cum igitur spiritus sanctus per amorem volūtatē inclinet in verum bonum in quod naturaliter ordinatur: tollit & seruitutē qua seruus passionis & peccati effectus, contra ordinem voluntatis agit: & seruitutem qua contra motum suæ volunt



voluntatis secundum legem agit, quasi legis seruus, non amicus. Propter quod Apostolus dicit 2. Cor. 3. Vbi spiritus Domini, ibi libertas. & Gal. 5. Si spiritu ducimini, non estis sub lege. Hinc est quod spiritus sanctus facta carnis mortificare dicitur, secundum quod per passionem carnis à vero bono non auerimur, in quod spiritus sanctus per amorem nos ordinat: secundum illud Romanorum octauo: Si spiritu facta carnis mortificaueritis, viuetis.

*Super Cap. 22.*

**R**ESTAT vltimo loco declarandum quod conuenienter effectus per quos mouemur in Deum, spiritui sancto attribuitur. Et primò ostendit sanctus Thomas, quod per spiritum sanctum contemplatores Dei constituimur. Probatur, quia spiritus sanctus nos amatores Dei facit, videtur autem hoc amicitia maxime proprium esse, simul conuersari ad amicum: conuersatio verò hominis ad Deum est per contemplationem ipsius, vt ad Philip. 3. Nostra conuersatio in cælis est. Confirmatur autoritate Apostoli 2. Cor. 13. Nos autem &c. Secundò ostendit quod per spiritum sanctum gaudium de Deo habemus & consolationem contra omnes mundi aduersitates & impugnationes: propter quod Dominus vocat ipsum paraclætum, id est, consolatorem. Ioan. 14. probatur, quia est amicitia proprium quod aliquis in præsentia amici delectetur, & in eius verbis & factis gaudeat, & in eo consolationem contra omnes anxietates inueniat. Vnde ad amicos consolationis gratia in tristitia confugimus. Spiritus sanctus autem nos Dei amicos constituit, & cum in nobis habitare facit, & nos in ipso. Confirmatur autoritate Psalmi 50. Redde mihi, &c. ad Rom. 4. Regnū Dei, &c. Act. 9. Ecclesia habebat pacem, &c. Tertiò ostendit, quod per spiritum sanctum quodammodo agimur, vt præcepta Dei impleamus, iuxta illud Apostoli Rom. 8. Qui spiritu Dei, &c. probatur, quia cum amicitia proprium sit consentire amico in iis quæ vult: voluntas autem Dei per præcepta explicatur, pertinet ad amorem quo Deum diligimus, vt eius mandata impleamus, iuxta illud Ioan. 14. Si diligitis, &c. per spiritum autem Dei amatores constituimur. Quia autem posset aliquis dicere, Si à spiritu sancto agimur ad observationem mandatorum Dei, ergo coadi bene operamur: quia agi est eorum quæ ab alio mouentur. Hoc remouens sanctus Thomas inquit, quod à spiritu sancto filij Dei aguntur, non sicut serui, sed sicut liberi. sic enim nos spiritus sanctus inquantum amatores Dei constituit ad agendum, inclinatur vt nos voluntarie agere faciat, non autem seruilitate ex timore, iuxta illud Rom. 8. Non accepistis, &c. liberè enim agimus quod ex nobis ipsis agimus, id est, non ab alio coadi: hoc autem est quod ex voluntate, agimus: sed seruilitate agimus quod agimus contra voluntatem siue per violentiam absolutam, siue per violentiam voluntario mixtam.

Ad huius euidentiam considerandum est primò quod dicitur aliquid agi ad aliquid, quando ad aliquid agendum ab altero mouetur. Et siquidem actio illi determinatur ab altero omnino, ita quod ipsum non sit indifferens ad agendum, sed agat præcisè secundum inclinationem sibi ab altero ad vnum determinatam, sic dicitur simpliciter agi: sicut bruta dicuntur agi inquantum sunt eis operationes à natura determinatæ ad vnum: si autem actio non determinetur sibi ab altero, sed sic quidem moueatur ab altero siue inclinatur ad agendum, quod tamē in potestate sua sit agere & non agere, siue agere hoc modo aut illo, tale dicitur agi non simpliciter, sed secundum quid, quia non determinatur sibi actio ab extrinseco ad vnum, sed ipsum se determinat, sed tamen aliquantulum inclinatur ad agendum ab extrinseco. Quia ergo si spiritus sanctus nos ad agendum inclinatur, quod liberè tamen operamur, & ex proprio arbitrio, tanquam habentes in nostra potestate sequi aut non sequi spiritus sancti inclinationem & motionem, ideo dicimur ab ipso agi non simpliciter, sed secundum quid: propter hoc dixit sanctus Thomas quod per spiritum sanctum quodammodo agimur vt præcepta Dei impleamus.

Considerandum secundò, quod dicitur agi aliquid contra voluntatem per violentiam absolutam, non quia actui elicitō voluntatis possit absolute violentia & coactio inferri, cum actus voluntatis sit inclinatio quædam procedens ab interiori principio, sed quia huiusmodi violentia actibus exterioribus contra voluntatem inferri potest, vt inquit sanctus Thomas prima secundæ, quæst. sexta, articulo quarto. propter hoc non dedit sanctus Thomas exemplum de actu interiori voluntatis, sed de motu exteriori ad quem quis ab alio per vim impellitur, dum scilicet vnus per violentiam motus alium impellit.

Considerandum tertio, quod cum violentum sit cuius principium est extrinsecum, nihil conferente vim passo, dicitur simpliciter violentia quando totum principium motus omnino est extrinsecum, & passum nihil ex se confert ad motum, id est, neque habet actuum principium neque passum ad talem motum naturaliter inclinatum. Dicitur autem violentia secundum quid, quæ hic vocatur violentia voluntario mixta, quando principium motus non est omnino extrinsecum, sed partim extrinsecum est, & partim intrinsecum: hoc est, talis motus non est omnino secundum inclinationem principij intrinseci, sed est aliquo modo secundum eius inclinationem, & aliquo modo contra, sicut proleccio mercium in mare causa salutis, est quidem contra voluntatis inclinationem, inquantum mercator, absolute loquendo, vellet mercium conseruationem: in casu autem est secundum voluntatem, inquantum per ipsam mercium proiectionem euitatur maius malum, scilicet amissio vitæ, vnde hoc est aliquo modo à principio extrinseco, scilicet à maris tempestate & timore maioris mali aliquo modo cogente & violentante ipsam ad id quod est contra eius inclinationem, si res absolute consideretur: licet omnibus consideratis sit simpliciter & absolute volitum, vt habetur 1. 2. eadem quæst. art. 6. & ideo inquit sanctus Thomas. esse violentiam voluntario mixtam, cum quis vult facere aut pati quod minus est contrarium voluntati, vt euadat quod magis voluntati contrariatur. Quartò ostendit quod conuenienter dicitur ab Apostolo 2. Cor. 3. Vbi spiritus Domini, ibi libertas, & ad Gal. 5. Si spiritu ducimini, non estis sub lege.

Ad huius autem probationem præmittitur, quod cum voluntas ordinetur in id quod est verè bonum, si per passionem aut malum habitum siue dispositionem homo auertatur ab eo quod est verè bonum, seruilitate quidem agit inquantum à quodam extraneo inclinatur, si consideretur ipse ordo naturalis voluntatis, sed si consideretur actus voluntatis vt iam inclinatur in apprensū bonum, agit liberè cum passionem aut habitum sequitur: cum autem tali voluntate manente, propter timorem legis posita in contrarium, abstinere ab eo quod vult, seruilitate agit. hoc supposito probat intentum sic: Spiritus sanctus per amorem voluntatem inclinatur in verum bonum in quod voluntas naturaliter inclinatur, & remouet seruilitatem qua seruus passionis & peccati effectus contra ordinem voluntatis agit, atque etiam seruilitatem qua homo contra motum suæ voluntatis agit secundum legem, quasi legis seruus, non amicus, ergo &c. Sequitur ex eadem ratione, quod conuenienter dicitur spiritus sanctus facta carnis mortificare, Romanorum 8. quia videlicet per carnis passionem à vero bono non auerimur, in quod spiritus sanctus per amorem nos ordinat.

Ad euidentiam eorum quæ dicuntur, aduertendum est, quod duplicem ordinem voluntatis sanctus Thomas intendit secundum duplicem eius considerationem. Potest enim voluntas considerari dupliciter, scilicet secundum naturam suam absolute, & secundum quod est in homine aliquo habitu malo aut mala dispositione inclinatur: Similiter duplex est ordo siue inclinatio ipsius. vnus scilicet naturalis, hoc est voluntati conueniens secundum suam naturam absolute consideratam: alius secundum inclinationem mali habitus aut dispositionis in homine existentis, id est, qui conuenit voluntati secundum quod inclinatur in aliquod ex habitu aut ex passione, & huiusmodi. Vult ergo sanctus Thomas quod secundum vtranque considerationem voluntatis potest homo & liberè & seruilitate operari. Secundum quidem absolutam considerationem homo liberè agit, quando fertur in id quod est verè & simpliciter bonum, quia illud est secundum omnimodam & naturalem voluntatis inclinationem, vt à proprio principio mouetur, scilicet à recto iudicio rationis. Agit autem seruilitate, quando fertur in id quod non est verè bonum, sed tantum bonum apparens, quod scilicet aliquam habet similitudinem boni, & tamen verè non est bonum, quia non fertur in illud secundum naturalem inclinationem voluntatis, sed contra eius inclinationem naturalem, dum contra eius ordinem inclinatur in aliquid, non à recta ratione, quod est eius proprium principium motuum, sed ab aliquo extraneo peruertere iudicium rationis, scilicet à passione aut ab habitu malo vel mala dispositione, quæ sunt extranea à proprio eius motui principio. ideo inquit sanctus Thomas, hominem secundum quod à vero bono per passionem aut malum habitum vel malam dispositionem auertitur, seruilitate agere, inquantum à quodam extraneo inclinatur: si consideretur ipse ordo naturalis voluntatis: secundum quoque alteram considerationem homo liberè quidem agit, quod sequitur passionem, aut habitum corruptum. sicut enim voluntas absolute considerata liberè agit, quando aliquid agit secundum rectam rationem, quæ est eius proprium motuum, ita voluntas vt inclinatur & mota à passione & habitu corrupto liberè agit, quando aliquid agit ex passione & habitu corrupto: quia eius proprium motuum inquantum huiusmodi, est passio aut habitus corruptus, siue iudicium quod ex istis procedit. Seruilitate autem agit quando stante tali voluntate, scilicet inclinatur, vt dictum est, homo abstinere ab eo quod vult propter timorem pænæ à lege impositæ: sicut cum quis habet voluntatem inclinatur ad furtum, sed tamen à furto abstinere, propter timorem mortis quam scit per leges esse furibus decretam. Dicitur autem hoc modo seruilitate agere, quia agit non solum secundum proprium motuum voluntatis sic consideratæ, quod est concupiscentia & amor rei alienæ, sed secundum extraneum principium, scilicet timorem, & contra huiusmodi voluntatis inclinationem. Dicitur itaque spiritus sanctus in nobis causare libertatem, tum quia voluntatem inclinatur per amorem in verum bonum, secundum quod accipitur libertas voluntatis primo modo consideratæ: tum quia remouet & illam seruilitatem qua homo per passionem & peccatum agit contra voluntatem absolute consideratam, & illam qua homo contra motum suæ voluntatis secundum legem agit, dum videlicet homo ex amore boni agit, non autem ex timore pænæ.

EX HIS patet non sic esse verba Apostoli intelligenda, vt quidam male sunt interpretati, quasi iusti qui spiritu Dei ducuntur, non sint diuina legi subiecti. hoc enim esse non potest, vt declarat sanctus Thomas 2. Cor. 3. Cum præcepta Dei sint humanæ voluntatis regula: nulla autem voluntas creata sit, quam non oporteat regulari & dirigi diuina regula: sed intelligitur (vt hic dicitur, & ad Gal. 5.) à sancto Thoma quod iusti, siue qui spiritu sancto ducuntur, non sunt sub diuina lege tanquam coacti, id est, tanquam ex timore aut coactione contra eorum voluntatem operantes ea quæ legis sunt, cum agant ea quæ sunt legis, omnino voluntarie, & ex amore virtutis: sed bene sunt sub lege inquantum ad ea quæ sunt legis obligantur, & sic sunt sub lege obligante, non autem cogente: sic etiam dicuntur iusti esse liberi à lege, vt dicitur 1. 2. q. 93. art. 6. ad primum, inquantum liberè & voluntarie omnino quod est legis obseruant, non autem coacti timore pænæ, & superioris mandato: sicut mali qui quod legis est non obseruant, nisi esset diuinum præceptum, & nisi timerent pro legis transgressione puniri.

SED contra ea quæ dicta sunt, videtur esse quod Apostolus Rom. 8. spiritui sancto tribuit timorem seruilem, sicut & adoptionem, dum inquit, Non enim accepistis spiritum seruilitatis in timore, sed spiritum adoptionis filiorum. Respondetur ex doctrina sancti Thomæ ad Rom. 8. vbi prædicta verba exponit, quod in timore seruilis quo quis bonum facit timore pænæ à Deo infligendæ, duo sunt, scilicet timor Dei tanquam punitoris, inquantum scilicet quis Deum timet: & fuga mali pænæ tantum, non autem mali culpæ, inquantum quis non refugit malum culpæ, sed tantum pænæ, habet enim voluntatem inclinatur ad malum sed timore pænæ abstinere. Quantum ad primum talis timor est à spiritu sancto, quia via vt sic est laudabilis, & ad hunc sensum intelligenda sunt verba Apostoli. Quantum ad secundum non est à spiritu sancto, sed ex culpa hominis: sicut & fides informis, quantum ad id quod est fidei, est à spiritu sancto non autem eius informitas: & quantum ad hoc spiritus sanctus mentem in habitans per charitatē, timorem & seruilitatē excludit, & ad hunc sensum loquitur



loquitur hic san. Thomas: licet enim spiritus sanctus aliquo modo causet timorem seruilem, non tamen inhabitans per charitatem, ipsum causat, imò magis excludit.

\* Cap. 16.

*Solutio rationum supra \* inductarum contra diuinitatem Spiritus sancti.*

Cap. 23.



**R**ESTAT autem soluere suppositas rationes, quibus cōcludi videbatur, quod spiritus sanctus sit creatura, & nō Deus. Circa quod considerandum est primò, quod nomen spiritus à respiratione animalium sumptum videtur, in quo aer cum quodam motu infertur & emittitur: vnde nomen spiritus ad omnem impulsu & motum vel cuiuscunque aërei corporis trahatur: & sic ventus dicitur spiritus, secundum illud Psalm. 148. Ignis, grādo, nix, glacies, & spiritus procellarum, quæ faciunt verbū eius: sic etiam vapor tenuis diffusus per membra ad eorum motus, spiritus vocatur. Rursus, quia aer inuisibilis est, translatus est vltius spiritus nomē ad omnes virtutes & substantias & inuisibiles & motiuas: & propter hoc & anima sensibilis, & anima rationalis, & angeli, & Deus, spiritus dicuntur: & anima rationalis, & angelus, & Deus, spiritus dicuntur: quia amor propriū Deus per modum amoris procedens: quia amor virtutem quandam motiū insinuat. Sic igitur quod Amos dicit, creans spiritum, de vento intelligit, vt nostra translatio expressius habet: quod etiam consonat ei quod præmittitur, formans montes. Quod verò Zachar. de Deo dicit, quod est creans vel fingens spiritum hominis in eo: de anima humana intelligit: vnde concludi non potest, quod spiritus sanctus sit creatura. Similiter autem nec ex hoc quod dominus dicit de spiritu sancto, Non loquetur à se: quod ipso, sed quæcunque audiet loquetur: concludi potest quod sit creatura. Ostensum est enim, quod spiritus sanctus est Deus de Deo procedens: vnde oportet quod essentiam ab alio habeat: sicut & de filio Dei dictum est supra \*. & sic quum in Deo & scientia, & virtus, & operatio Dei sit eius essentia: omnis filij & spiritus sancti scientia & virtus & operatio est ab alio: sed filij à patre tantum: spiritus autē sancti à patre & filio. Quia igitur vna de operationibus spiritus sancti est, quod loquatur in sanctis viris, vt ostensum est: propter hoc dicitur, quod non loquitur à semetipso: quia à se nō operatur. Audire autem ipse est accipere scientiam, sicut & essentiam à patre & filio: eò quod nos per auditum scientiam accipimus. Est enim consuetum in scriptura, vt diuina per modum humanorum tradantur. Nec mouere oportet, quod dicit, audiet quasi de futuro loquens: quum accipere spiritum sanctum sit æternum. nam æterno verba cuiuslibet temporis aptari possunt, eò quod æternitas totum tempus complectitur. Secundum eadem etiam apparet, quod missio qua spiritus sanctus mitti dicitur à patre & filio, non potest concludere eum esse creaturam. dictum est enim supra, quod filius Dei secundum hoc missus fuisse dicitur, quod in carne visibili hominibus apparuit: & sic nouo quodam modo fuit in mundo, quo prius non fuerat, scilicet visibiliter: in quo tamen semper fuerat inuisibiliter vt Deus. quod autem hoc filius ageret, ei à patre fuit: vnde & secundum hoc à patre dicitur missus. Sic autem & spiritus sanctus visibiliter apparuit, & in specie columbæ super Christum in baptismo, & in linguis ignis super apostolos: & licet non fuerit factus columba vel ignis, sicut filius factus est homo, tamen sicut in linguis quibusdam ipse in huiusmodi visibilibus speciebus apparuit, & sic etiam ipse quodam nouo modo, scilicet visibiliter in mūdo fuit: & hoc ei fuit à patre & filio: vnde & ipse à patre & filio dicitur missus: quod non minorationem in ipso, sed processionem ostendit. Est tamen & alius modus quo tam filius, quam spiritus sanctus inuisibiliter mitti dicuntur. patet enim ex dictis, quod filius procedit à patre per modum notitiæ qua Deus cognoscit seipsum: & spiritus sanctus procedit à patre & filio per modū amoris quo Deus amat seipsum. vnde, sicut dictū est, quū aliquis per spiritū sanctum amator Dei efficitur, spiritus sanctus est inhabitator ipsius.

& sic quodam nouo modo in homine est scilicet secundum nouum proprium effectum ipsum inhabitans. Et quod hunc effectum in homine faciat spiritus sanctus, est ei à patre & filio: & propter hoc à patre & filio inuisibiliter dicitur mitti: & pari ratione in mente hominis filius dicitur mitti inuisibiliter, cum aliquis sic in diuina cognitione cōstituitur, quod ex tali cognitione Dei amor procedat in homine. vnde patet quod nec iste etiam modus missionis in filio à spiritu sancto minorationē inducit, sed solum processionem ab alio. Similiter etiam nec spiritum sanctum à diuinitate excludit, quod pater & filius interdum connumerantur, non facta mentione de spiritu sancto: sicut nec filium à diuinitate excludit, quod interdū fit mentio de patre, non facta mentione de filio. per hoc enim tacite scriptura insinuat, quod quicquid ad diuinitatē pertinet de vtroque trium dicitur, de omnibus est intelligendum: eò quod sunt vnus Deus. Nec etiam potest Deus pater sine verbo & amore intelligi, nec e cōuerso: & propter hoc in vno trium omnes tres intelliguntur, vnde & interdum fit metio de solo filio in eo quod cōmune est tribus, sicut est illud Matth. 11. Neque patre quis nouit nisi filius: cum tamē & pater & spiritus sanctus patrem cognoscant. Similiter etiam de spiritu sancto dicitur 1. Cor. 2. Quæ sunt Dei, nemo nouit nisi spiritus Dei. quum tamen certum sit, quod ab hac cognitione diuinorum neque pater, neque filius excludantur. Patet etiam quod nō potest ostēdi spiritus sanctus esse creatura, per hoc quod de ipso in scriptura sacra aliqua ad motū pertinentia dicta inueniuntur. sunt enim accipienda metaphoricè. sic enim & Deo aliquādo scriptura sacra motum attribuit, vt est illud Genes. 3. Cum audissent vocem Domini deambulantis in paradiso. & 18. Descendam, & videbo vtrum clamorem opere compleuerint. Quod ergo dicitur Spiritus Domini ferebatur super aquas, intelligendum est eo modo quo dictum \* est: sicut dicitur quod voluntas fertur in volitum, & amor in amatum: quauis & hoc quidam non de spiritu sancto, sed de aere intelligere velint, qui habet naturalē locum super aquam: vnde ad eius multimodas transmutationes significandas dictum est, quod ferebatur super aquas. Quod etiam dicitur, Effundā de spiritu meo super omnem carnem: ea ratione dictū esse oportet intelligi, quia spiritus sanctus dicitur mitti hominibus à patre vel filio, vt dictū est. verbo autem effusionis abundantia effectus spiritus sancti intelligitur: & quod nō stabit in vno, sed ad plures deueniet: quibus etiā quodammodo in alios deriuetur: sicut patet in his quæ corporaliter effunduntur. Similiter autē quod dicitur, Auferā de spiritu tuo, tradāque eis, nō ad ipsam essentiam seu personam spiritus sancti referendum est, cum indiuisibilis sit: sed ad ipsius effectus, secundū quos in nobis habitat, qui in homine possunt augeri & minui: non tamen ita quod id quod subtrahitur vni, idem numero alteri conferatur, sicut in rebus corporalibus accidit: sed quia aliquid simile potest accrescere vni, in quo alij decreuit: nec tamen requiritur ad hoc vt accrescat vni, quod alteri subtrahatur, quia res spiritualis potest simul absque detrimento cuiuslibet à pluribus possideri: vnde nec intelligendum est quod de donis spiritualibus oportuerit aliquid subtrahi Moysi ad hoc quod aliis conferretur: sed ad actum siue officium referendum est, quia quod spiritus sanctus prius per solum Moysen effecerat, postea per plures impleuit. Sic etiam nec Heliseus petiit vt spiritus sancti essentia seu persona duplicata augeretur, sed vt duos effectus spiritus sancti qui fuerant in Helia, scilicet prophetia, & operatio miraculorum, essent etiam in ipso: quauis etiam non sit inconueniens quod effectibus spiritus sancti vnus alio abundantius participet secundum duplam vel quantancunque aliam proportionem: cum mensurata sit virtus vniuscuiusque atque finita: non tamen hoc præsumpsisset Heliseus petere in effectu spiritali superaret magistrū. Patet etiam ex consuetudine sacre scripturæ: quod per quandam similitudinem humani animi passionis transferitur in Deum, sicut dicitur in Psalm. 105. Iratus est furore Dominus in populū suū.

Cap. 16.

dicatur



dicitur enim Deus iratus, per similitudinem effectus. punit enim, quod & irati faciunt. vnde & ibidem subditur, Et tradidit eos in manus gentium. sic & spiritus sanctus contristari dicitur per similitudinem effectus. deserit enim peccatores, sicut contristati deserunt contristantes. Est etiam consuetus modus loquendi in sacra scriptura, ut illud Deo attribuitur, quod in homine facit, secundum illud Gene. 22. Nunc cognoui quod timeas Dominum, id est, nunc cognoscere feci. & hoc modo dicitur, quod spiritus sanctus postulat, quia postulantes facit: facit enim amorem Dei in cordibus nostris, ex quo desideramus ipso frui, & desiderantes postulamus. Quum autem spiritus sanctus procedat per modum amoris quo seipsum Deus amat, eodem autem amore Deus se & alia propter suam bonitatem amat, manifestum est quod ad spiritum sanctum pertinet amor quo Deus nos amat. Similiter etiam amor quo nos Deum amamus, quum nos Dei faciat amatores, vt ex dictis patet, & quantum ad vtrumque, spiritui sancto competit donari, ratione quidem amoris quod Deus nos amat, eo modo loquendi quo vnusquisque dicitur dare amorem suum alicui, quum eum amare incipit, quauis Deus neminem ex tempore amare incipiat, si respiciatur ad voluntatem diuinam qua nos amat. effectus tamen sui amoris ex tempore causatur in aliquo, quum eum ad se trahit. Ratione autem amoris quo nos Deum amamus, quia hunc amorem spiritus sanctus facit in nobis, vnde secundum hunc amorē in nobis habitat, vt ex dictis patet. & sic eum habemus, vt cuius ope fruimur. Et quia hoc est spiritui sancto à patre & filio, quod per amorem quem in nobis causat, in nobis sit & habeatur à nobis, conuenienter dicitur à patre & filio nobis dari. Nec per hoc patre & filio minor ostēditur, sed ab ipsis habere originem. dicitur etiam & à seipso dari nobis, in quantum amorem secundum quem nos inhabitat, simul cum patre & filio in nobis causat. Quauis autem spiritus sanctus verus sit Deus, & veram naturam diuinam habeat à patre & filio, non tamen oportet quod filius sit. filius enim dicitur aliquis ex eo quod genitus est. vnde si res aliqua naturam alterius ab eo acciperet, non per genituram, sed per alium quencunque modum ratione filiationis careret, vt puta si aliquis homo virtute sibi diuinitus ad hoc concessa hominem faceret ex aliqua sui corporis parte, vel etiam exteriori modo, sicut facit artificia, productus homo producentis filius non diceretur, quia non procederet ab eo vt natus. processio autem spiritus sancti, rationem natiuitatis non habet, vt supra ostensum est. vnde spiritus sanctus licet à patre & filio diuinam naturam habeat, non tamen eorum filius dici potest. Quod autem in sola natura diuina pluribus modis natura communicatur, rationabile est, quia in solo Deo eius operatio est suum esse, vnde quum in eo, sicut & in qualibet intellectuali natura, sit intelligere & velle, id quod procedit in eo per modum intellectus, vt verbum, aut amoris & voluntatis, vt amor, oportet quod habeat esse diuinum, & sit Deus, & sic tam filius quam spiritus sanctus est verus Deus. Hæc igitur de spiritus sancti diuinitate dicta sint, alia verò quæ circa eius processione difficultatem habet, ex his quæ de natiuitate filij dicta sunt, considerare oportet.

Super Cap. 23.

**R**OSTQVAM determinauit sanctus Thomas veritatem circa diuinitatem spiritus sancti, vult ad rationes in contrarium adductas respondere. Pro solutione autem ad primum præmittit, quod nomen spiritus à respiratione animalium sumptum videtur, in qua aer cum quodam motu infertur & emittitur.

Vnde ad omnem impulsu, & motu cuiuscunque aerei corporis trahitur. sic enim & ventus dicitur spiritus in Psal. 148. Ignis, grando, nix, glacies, spiritus procellarum, &c. & vapor tenuis per membra diffusos ad eorum motus. Quia verò aer inuisibilis est, translatus est etiam nomen spiritus ad omnes virtutes & substantias inuisibiles, & motiuas, & sic anima sensibilis, & rationalis, & angeli, & Deus, præcipue procedens per modum amoris, spiritus dicuntur. Tunc ad primam rationem dicit quod propheta Amos per spiritum intelligit ventum: Zacharias verò per spiritum hominis intelligit animam humanam, non autem spiritum sanctum. Ad secundam dicit primo, quod dicitur spiritus sanctus loqui in sanctis viris, non à semetipso: quia à se non operatur. ab alio enim, scilicet

à patre & filio sicut habet essentiam, ita habet & scientiam, & virtutem, & operationem, quæ sunt idem cum essentia. Dicit secundò, quod audire ipsius est accipere scientiam à patre & filio. Dicit tercio, quod non debet nos mouere quod dicitur audire in futuro, cum accipere spiritus sancti sit æternum, quia æterno verba cuiuscunque temporis aptari possunt, cum æternitas totum tempus complectatur.

ADVERTE quod ex hoc quod æternitas omnem differentiam temporis complectitur, verba futuri temporis de Deo dici intelliguntur, non quia Deus aliquid in futurum expectet, sed quia æterniter futuro nobis tempore coexistit. vnde quod dicitur de spiritu sancto quod audire, non sic intelligitur quasi sit accepturus scientiam à patre & filio, & nondum acceperit, sed quod suum accipere scientiam, quod est æternum, futuro tempore coexistit, in quo quæ à patre æterniter accipit, nobis manifestabit. Ad tertiam dicit, quod cum duplex sit missio spiritus sancti sicut & filij, scilicet visibilis, vt quum apparuit in specie columbe super Christum, & in linguis igneis super apostolos: & inuisibilis, vt quum homo sit Dei amator per spiritum sanctum, & ipse spiritus sanctus hominem inhabitat, nulla istarum minorationem inducit, sed solum dicit processionem ab alio. Nihil enim aliud significatur quum dicitur in allegata autoritate spiritus sanctus à Christo missus, quam quod nouo quodam modo in mundo fuit, scilicet visibiliter, & quod hoc ei fuit à patre & filio: & similiter intelligendum est, cum dicitur inuisibiliter missus, quia videlicet per nouum proprium effectum hominem inhabitat, & quod est ei à patre & filio quod hunc effectum faciat in homine. Eodem etiam modo dicitur filius à patre missus, visibiliter quidem: quia in carne visibilis hominibus apparuit: inuisibiliter autem, cum aliquis sic in diuina cognitione constituitur, quod ex ea Dei amor in ipso procedat: & vtrumque istorum conuenit filio à patre.

ADVERTENDVM circa hoc, quod dictum est spi. san. inuisibiliter mitti per nouum proprium effectum, quod non est intelligendum affectiue, vt ex superioribus patet, quasi videlicet sit aliquis effectus spiritus sancti, quem ipse solus efficiat, & non alia diuinæ personæ, sed exemplariter tantum. Amor enim creatus quo Deum amamus, in quantum huiusmodi est ab amore quo Deus seipsum amat exemplariter deductus & formatus.

SED occurrit dubium. Videtur enim velle san. Th. de ratione missionis esse, vt à mittente procedat. hoc autem non videtur verum, quia secundum Aug. 2. de Tri. filius mittitur à se & à spiritu sancto, & spiritus sanctus à filio & à se: constat autem quod neque filius procedit à se aut spiritu sancto, neque spiritus sanctus à se procedit. Respondetur ex doctrina san. Th. prima parte q. 43. art. ultimo, quod nomen missionis duo significat in diuinis. aliquando enim significat processionem personæ missæ à persona mittente, & nouum modum essendi ipsius in creatura, & hoc est principale significatum: & sic sola persona procedens mittitur, & solum ab eo à quo procedit. Aliquando autem significat personæ missæ processionem ab aliquo, licet non à mittente, & nouum modum essendi ipsius in creatura: & hoc est secundariū significatū. & sic ad hoc vt persona aliqua mittatur, requiritur vt sit procedens, & vt nouum modum habeat in creatura: non autem requiritur quod procedat à mittente. loquitur ergo san. Th. hic de principali significato missionis, Aug. autem de secundario significato.

SED adhuc remanet dubium. Secundum hanc enim responsionem mitti etiam in secundario significato includit produci, licet non à mittente. Videtur autem hoc contradictionem implicare. Si enim mitti includit produci, oportet vt mittere includat producere. Et sic oportet vt persona mittens producat personam missam, & consequenter quod mitti sit produci à mittente.

Respondetur, quod mitti includere produci, dupliciter potest intelligi. Vno modo formaliter, & in recto: alio modo materialiter, & in obliquo. Primo modo, mitti quantum ad suum secundariū significatum, non includit produci, sed tantum secundo modo. non enim sic mitti formaliter est produci, sed personā ab alia productā in aliquo nouo modo fieri: ideo non oportet vt mittere includat producere. Per hoc patet rationes Scoti in 14. dist. primi, quas tamen & ipse soluit, non esse contra mentem san. Th. procedunt enim ac si diceremus, quod mitti quantum ad suum secundariū significatum, formaliter includit produci. Vide apud Capreolum in primo, distinctione 15. & 16.

Ad quartam dicit, quod non fieri quādoque mentionem de spiritu sancto dum pater & filius commemorantur, ipsum à diuinitate non excludit: sicut nec filius excludit cum sit mentio de patre non facta de ipso mentione. per hoc enim insinuat tacite scriptura, quod quicquid ad diuinitatem pertinet de vno trium dicitur, de omnibus est intelligendum, eod quod sint vnus Deus: nec etiam posset Deus pater sine verbo & amore intelligi, nec econuerso: & ideo in vno trium omnes tres intelliguntur. Vnde in huiusmodi interdum sit mentio de filio, vt Matth. vndecimo: Neque patrem quis nouit &c. cum tamen & pater & spiritus sanctus patrem cognoscant, interdum etiam de spiritu sancto, vt primæ Corinthiorum secundo. Quæ sunt Dei &c. cum tamen à diuinorum cognitione neque excludatur pater, neque filius.

CIRCA hanc responsionem, quātum ad id quod dicitur patrem non posse intelligi sine verbo & amore, nec econuerso, dubiū primò occurrit, quia ista non sunt correlatiua subistis nominibus, nec vnū est de intrinseca ratione alterius, vt videtur, ideo non apparet quomodo vnum non possit intelligi sine aliis. Dubiū secundò occurrit, quia etiam posito quod vnum sine aliis intelligi non possit, non tamen sequitur quod in vno omnes intelligantur, quantum ad idem prædicatum, vt videtur velle san. Th. quauis enim in humanis pater non possit intelligi sine filio, non tamen cum pater dicitur esse sapiens, intelligitur quod & filius sapiens sit. Ad primū horum dicitur, quod non ad illū sensum dicit. san. Th. patrem non posse intelligi sine verbo & amore, quia sint correlatiua, aut vnū sit de formalī ratione alterius, hoc enim nihil ad propositū faceret, vt patet ex secundo dubio, & ex prima parte q. 31. art. 2. ad 3. & 1. sent. d. 2. q. 1. art. 1. ad secundum, sed quia sunt vnus numero essentia. ex vnitae enim essentia sequitur quod non potest intelligi essentia Dei patris, quin intelligatur essentia verbi & amoris diuini: & ideo in vno trium, omnes tres intelliguntur quantum ad essentiam eorum, & quantum ad ea quæ eorum operationem relationem non concomitantur.

Ad secundum dubiū respondetur, quod ex intellectu omnium in vno,



vno modo exposito, sequitur ut etiam in vno omnes intelligantur quantum ad prædicata essentialia. De his enim loquitur sanctus Thomas. Nam quum huiusmodi concomitentur essentialia diuina, & in intellectu vnius personæ diuinæ omnes intelligantur quantum ad essentialia, sequitur ut cum de vna persona aliquid essentialia prædicatum dicitur, non excludatur aliquid. Nec valet quod adducitur de patre & filio in creaturis, quia illis pater & filius non habent vnam numero essentialiam, sicut est in diuinis. Ad quintam dicit primò, quod motus metaphoricè attribuitur spiritui sancto, sicut & cum de Deo dicitur Gen. 3. Cum audissent &c. & 18. Descendam &c. intelligitur enim cum dicitur spiritus sanctus ferri super aquas, sicut dicitur quod voluntas fertur in volutum, & amor in amatum, quamuis quidam hoc de aere intelligere velint, qui naturalem locum habet super aquas, ad cuius nullum das transmutationes significandas dictum est, quod ferebatur super aquas.

Dicit secundò, quod dictum Ioannis intelligendum est ea ratione qua spiritus sanctus dicitur mitti hominibus à patre vel filio. Verbo autem effusionis abundantia effectus spiritus sancti intelligitur, quod scilicet ad plures deueniat à quibus etiam quodammodo in alios deriuatur, ut patet in his quæ corporaliter effunduntur.

ADVERTE quod sanctus Thomas non dicit absolute à quibus in alios deriuatur, sed addit quodammodo: quia effectus spiritus sancti, qui est charitas, non potest principaliter ab homine causari, sed tantum dispositiue & ministerialiter, ut patet quarto Sententiarum. Ad sextam dicit primò, quod illud dictum Numeri, non est ad ipsam essentialiam spiritus sancti referendum, sed ad ipsius effectus, qui in homine possunt augeri & minui, in quantum aliquid simile potest accrescere vni, in quo alius decreuit. Dicit secundò, quod non oportet ad hoc ut accrescat vni, quod alteri subtrahatur, quia res spiritualis potest simul absque detrimento cuiuslibet à pluribus possideri. Vnde non est intelligendum, quod de bonis spiritualibus oportuerit aliquid subtrahi Moysi ad hoc quod aliis conferretur, sed ad actum vel officium referendum est: quia quod prius spiritus sanctus per solum Moysen effecerat, postea per plures impleuit. Eodem modo dicendum, quod Helias duos effectus spiritus sancti qui erant in Helia, scilicet prophetiam & operationem miraculorum petiit, non autem quod essentialia seu persona spiritus sancti duplicata augetur, aut quod in effectu spirituali superaret magistrum: quamuis non sit inconueniens effectibus spiritus sancti vnum alio abundantius participare secundum duplicem aut quamcunque aliam proportionem, &c.

Ad septimam dicit, quod spiritus sanctus contristari dicitur per similitudinem effectus. Deserit enim peccatores, sicut contristati deserunt contristantes. Ex consuetudine namque scripturæ, per quandam similitudinem, humani animi passionis transferuntur in Deum. Ad octauam dicit, quod spiritus sanctus postulare dicitur, quia nos postulantes facit, causando in nobis amorem Dei, quo desideramus ipso frui, & desiderantes postulamus: sicut etiam dicitur Gen. 22. Nunc cognoui quod timeas Dominum, id est, nunc cognoscere feci. Est enim in sacra scriptura consuetum, ut illud Deo attribuat, quod in homine facit.

Ad nonam dicitur quod quum spiritus sanctus procedat per modum amoris, & nos faciat Dei amatores, competit sibi donari ratione quidem amoris quo Deus nos amat, eo modo loquendi quo dicitur quis dare amorem suum alicui, quum cum amare incipit: quamuis ex tempore Deus neminem amare incipiat, si ipsa voluntas respiciatur, sed effectus sui amoris ex tempore caufer in aliquo. ratione vero amoris quo nos Deum amamus, quia hunc spiritus sanctus facit in nobis, & secundum eum in nobis habitat, eumque habemus, ut cuius ope fruimur, id est, ut cuius auxilio potimur, & quia hoc est spiritui sancto à patre & filio, conuenienter dicitur à patre & filio nobis dari: in hoc autem ostenditur non quod ipsis minor sit, sed quod ab ipsis originem habet. Dicitur & à seipso nobis dari, in quantum dictum amorem simul cum patre & filio in nobis causat.

ADVERTE quod ex ista responsione habetur, assumptum hoc esse falsum: Nullus congrue donat nisi id cuius habet dominium. dicitur enim quod in diuinis etiam quis congrue donat id cuius est principium originis, licet eius propriè dominium non habeat. Ad decimam inquit, quod licet spiritus sanctus verus sit Deus, & veram naturam diuinam habeat à patre & filio, non tamen oportet quod sit filius, quia processio spiritus sancti rationem natiuitatis non habet. dicitur enim aliquis filius ex eo quod genitus est. Nam si res aliqua naturam alterius ab eo accipiet non per generationem, sed per alium quemcunque modum, ratione filiationis caret. Declaratur exemplo, si videlicet homo ex aliqua sui corporis parte reret. Declaratur exemplo, si videlicet homo ex aliqua sui corporis parte reret. Declaratur exemplo, si videlicet homo ex aliqua sui corporis parte reret. Declaratur exemplo, si videlicet homo ex aliqua sui corporis parte reret.

ADVERTE, ut ex superius constat, quod idcirco processio spiritus sancti rationem natiuitatis aut generationis non habet, licet ipse natura diuinam accipiat, quia ex ratione sua qua est processio per modum voluntatis, siue per modum amoris non habet ut productum sit simile producenti, sed magis quod sit impressio & inclinatio quædam in rem amatum. de ratione autem generationis est, quod genitum sit simile generanti. Ad vltimam dicit, quod rationale est in sola diuina natura pluribus modis naturam communicari, quia cum in solo Deo eius operatio sit suum esse, id quod procedit à eo per modum intellectus aut per modum amoris & voluntatis, oportet quod habeat esse diuinum, & sit Deus.

ADVERTENDVM est ex ista responsione, quod illa propositio, Vnus naturæ est tantum vnus communicationis modus: habet veritatem in natura creata tantum, in qua operatio distinguitur ab esse operantis: & ideo non oportet per omnem processionem eius communicationi naturam, sed tantum per vnum modum: non autem in natura diuina in qua operatio est idem quod esse Dei: & ideo per omnem eius processionem ad intra, oportet communicari naturam cuius esse Dei est proprium. Propter hoc inquit S. Thom. quod in sola natura diuina pluribus modis naturam communicari rationabile est, quia in Deo solo eius operatio est suum esse. Sic enim constat quod intelligere & velle diuinum quibus ad intra producit filius & spiritus sanctus, sunt idem quod diuinum esse: & ideo oportet ut producta quorum esse est intelligere & velle, naturam diuinam habeant, utpote diuinum habentia esse.

SED circa hanc responsionem dubitatur. Admittit enim hæc responsio quod in creaturis vna natura vno tantum modo communicatur: con-

tra hoc autem est, quia sunt aliquæ naturæ quæ per putrefactionem & per propagationem producuntur. ostensum enim est in præcedentibus quod producta per putrefactionem & per generationem, sunt eiusdem speciei secundum mentem S. Thom. constat autem, quod per generationem produci, & per putrefactionem, sunt diuersi modi communicationis naturæ. Respondetur dupliciter. Primo quod illa propositio habet veritatem in naturis perfectis, instantia autem datur in naturis imperfectis. Secundo, quod illa propositio est vniuersaliter vera in omni natura intelligendo communicationem vel ab indiuiduo illius naturæ: sentus est enim quod vna natura tantum vno modo communicari potest à supposito & indiuiduo illius naturæ: contra autem hunc sensum patet quod instantia nulla est. Vltimò inquit S. Thom. hæc de spiritus sancti diuinitate dicta esse: difficultates vero circa eius processionem ex his quæ de natiuitate filij dicta sunt, considerari oportere.

### Quod spiritus sanctus procedat à filio.

Cap. 24.



VIDAM verò circa spiritus sancti processionem errare inueniuntur, dicentes spiritum sanctum à filio non procedere: & ideo ostendendum est, spiritum sanctum à filio procedere. Manifestum est enim ex sacra scriptura quod spiritus sanctus est spiritus filij. dicitur enim Rom. 8. Siquis spiritum Christi non habet, hic non est eius. Sed ne aliquis posset dicere, quod alius sit spiritus qui procedit à patre, & alius qui est filij: ostenditur ex verbis eiusdem Apostoli. idem spiritus sanctus sit patris & filij. nam hoc quod inducitur est, Siquis spiritum Christi non habet, hic non est eius: subiunxit postquam dixerat, Si spiritus Dei habitat in nobis, &c. Non autem potest dici spiritus sanctus esse spiritum Christi ex hoc solo quod eum habuit tantum homo, secundum illud Lucæ 4. Iesus plenus spiritu sancto regressus est à Iordane. dicitur enim Gal. 4. Quoniam estis filij Dei, misit Deus spiritum filij sui in corda vestra clamantem abba pater. ex hoc ergo spiritus sanctus nos facit filios Dei, in quantum est spiritus filij Dei. Efficiuntur autem filij Dei adoptiui per assimilationem ad filium Dei naturalem, secundum illud Rom. 8. Quos præsciuit & prædestinauit fieri conformes imaginis filij eius, ut sit ipse primogenitus in multis fratribus. sic igitur est spiritus sanctus spiritus Christi, in quantum est filius Dei naturalis. non potest autem secundum aliam habitudinem spiritus sanctus dici spiritus filij Dei, nisi secundum aliquam originem: quia hæc sola distinctio in diuinis inuenitur. necesse est igitur dicere, quod spiritus sanctus sic sit filij, quod ab eo procedat.

2 Item, spiritus sanctus à filio mittitur, secundum illud Ioan. 15. Cum venerit paracletus quem ego mittam vobis à patre. Mittens autem, autoritatè aliquam habet in missum. oportet igitur dicere, quod filius habeat aliquam autoritatem respectu spiritus sancti: non autè dominij, vel maioritatis: sed secundum solam originem: sic igitur spiritus sanctus est à filio. Siquis autem dicat quod etiam filius mittitur à spir. sancto, quia dicitur Luc. 4. quod Dominus dixit in se impletum illud Isa. Spiritus Domini super me, euangelizare pauperibus misit me. Sed considerandum est, quod filius à spiritu sancto mittitur secundum naturam assumptam: spiritus autem sanctus non assumpsit naturam creatam, ut secundum eam possit dici missus à filio, vel filius habere autoritatem respectu ipsius: relinquatur igitur respectu personæ æternæ filius super spiritum sanctum autoritatem habeat.

3 Amplius, Ioannis 16. dicit filius de spiritu sancto: Ille me clarificabit, quia de meo accipiet, & annuntiabit vobis. non autem potest dici quod accipiat id quod est filij, non tamen accipiat à filio: ut puta si dicatur, quod accipiat essentialiam diuinam quæ est filij à patre: vnde & subditur, Omnia quæcunque habet pater, mea sunt, propterea dixi vobis, quia de meo accipiet. Si enim omnia quæ patris sunt, & filij sunt, oportet quod autoritas patris secundum quam est principium spiritus sancti, sit & filij. Sicut ergo & spiritus sanctus accipit de eo quod est patris à patre, ita accipit de eo quod est filij à filio.

4 Adhuc, etiam induci possunt autoritates doctorum ecclesiæ, etiam Græcorum. Dicit enim Athanasius, Spiritus



sanctus à patre & filio, non factus, nec creatus, nec genitus, sed procedens. Cyrillus etiam in epistola sua quam synodus Chalcedonensis recepit, dicit, Spiritus veritatis nominatur, & est spiritus veritatis, & profuit ab eo: sicut denique & ex Deo patre. Didymus etiam dicit in libro de spiritu sancto, Neque quid est aliud filius, exceptis his quæ ei dantur à patre: neque alia est spiritus sancti substantia præter id quod quidam concedit, videlicet spiritum sanctum esse à filio, & profuit ab ipso. Verbum enim processio- nis inter omnia quæ ad originem pertinent, magis inuenitur esse commune, quicquid enim quocunque modo est ab aliquo, ab ipso procedere dicimus: & quia diuina melius per communia quam per specialia designatur, verbû processio- nis in origine diuinarum personarum maximè est attendendum. vnde si concedatur quòd spiritus sanctus sit à filio, vel profuit ab eo, sequitur quòd ab eo procedat.

De cap. 16.

Item, habetur in determinatione quinti concilij. Sequimur per omnia sanctos patres & doctores ecclesiæ, Athanasium, Hilarium, Basilium, Gregorium theologum, Gregorium Nyssenum, Ambrosium, Augustinum, Theophilum, Ioannem Constantinopolitanum, Cyrillum, Leonem, Probum: & suscipimus omnia quæ de recta fide & damnatione hæreticorum exposuerunt. Manifestum est autem ex multis autoritatibus Augustini, & præcipue in libro de Trinitate, & super Ioannem, quòd spiritus sanctus sit à filio: oportet igitur concedi, quod spiritus sanctus sit à filio. Hoc etiam euentibus rationibus apparet. In rebus enim remota materiali distinctione, quæ in diuinis personis locum habere non potest, non inueniuntur aliqua distinguere nisi per aliquam oppositionem. quæ enim nullam oppositionem habent adinuicem, simul esse possunt in eodem. vnde per ea distinctio causari non potest. album enim & triangulare licet diuersa sint, quia tamen non opponuntur, in eodem esse contingit. oportet autem supponere secundum fidei catholicæ documenta, quod spiritus sanctus à filio distinguatur: aliter enim non esset trinitas, sed dualitas in personis: oportet igitur huiusmodi distinctionem per aliquam oppositionem fieri: non autem oppositione affirmationis & negationis: quia sic distinguuntur entia à non entibus. nec etiam oppositione priuationis & habitus: quia sic distinguuntur perfecta ab imperfectis. neque etiam oppositione contrarietatis: quia sic distinguuntur quæ sunt secundum formam diuersam: nam contrarietas (vt philosophi docent) est differentia secundum formam: quæ quidem differentia diuinis personis non conuenit: cum earum sit vna forma sicut vna essentia: secundum illud Apostoli Phil. 2. de filio dicentis: Quia cum in forma Dei esset, scilicet, patris. Relinquitur igitur vnā personam diuinam ab alia non distinguere, nisi oppositione relationis: sic enim filius à patre distinguitur secundum oppositionem relatiuam patris & filij. Non enim in diuinis personis alia relatiua oppositio esse potest, nisi secundum originem. Nam relatiue opposita vel super quantitatem fundatur, vt duplum & dimidium, vel super actionem & passionem, vt dominus & seruus, mouens & motum, pater & filius. Rursus, relatiuorum quæ super quantitatem fundantur, quædam fundantur super diuersam quantitatem, vt duplum & dimidium, maius & minus: quædam super ipsam vnitatem, vt idem, quod significat vnum in substantia: & æquale, quod significat vnum in quantitate: & simile, quod significat vnum in qualitate. diuinæ igitur personæ distinguuntur non possunt relationibus fundatis super diuersitatem quantitatis: quia sic tolleretur trium personarum æqualitas: neque iterum relationibus, quæ fundantur super vnum: huiusmodi enim relationes distinctionem non causant, imò magis ad conuenientiam pertinere inueniuntur, etsi forte aliqua eorum distinctionem præsupponant. In relationibus verò omnibus super actione vel passione fundatis semper alterum est vt subiectum, & in æquale secundum virtutem: nisi solum in relationibus originis, in quibus nulla minoratio designatur, eò quòd inuenitur aliquid producere sibi simile, & æquale secundum naturam & virtutem. relinquitur igitur quod diuinæ personæ distinguere non possunt,

Lib. 1. c. 86.

nisi oppositione relatiua secundum originem. oportet igitur quod si spiritus sanctus à filio distinguitur, quod sit ab eo. non enim est dicere, quod filius sit à spiritu sancto, cum spiritus sanctus magis filij esse dicatur, & à filio detur. Item à patre est & filius & spiritus sanctus: oportet igitur patrem referri & ad filium, & ad spiritum sanctum, vt principium ad id quod est à principio. refertur autem ad filium ratione paternitatis: non autem ad spiritum sanctum: quia tunc spiritus sanctus esset filius. paternitas enim non dicitur nisi ad filium. oportet igitur in patre esse aliam relationem, quæ referatur ad spiritum sanctum, & vocetur spiratio: similiter cum in filio sit quædam relatio quæ refertur ad patrem, quæ dicitur filiatio: oportet quòd in spiritu sancto sit etiam alia relatio quæ referatur ad patrem, & dicatur processio: & sic secundum originem filij à patre, sunt duæ relationes, vna in originante, alia in originato: scilicet paternitas & filiatio: & alia duæ ex parte originis spiritus sancti, scilicet spiratio & processio. paternitas igitur & spiratio non constituunt duas personas, sed ad vnā personam patris pertinent: quia non habent oppositionem adinuicem. neque igitur filiatio & processio duas personas constituerent, sed ad vnā pertinerent, nisi haberent oppositionem adinuicem. non est autem dare aliam oppositionem nisi secundum originem. oportet igitur quod sit oppositio originis inter filium & spiritum sanctum, ita quod vnus sit ab alio. Adhuc quæcunque conueniunt in aliquo communi, si distinguantur abinuicem, oportet quod distinguantur secundum aliquas differentias per se & non per accidens pertinentes ad illud commune: sicut homo & equus conueniunt in animali, & distinguuntur ab inuicem, non per album & nigrum, quæ se habent per accidens ad animal, sed per rationale & irrationale, quæ per se ad animal pertinent: quia cum animal sit habens animam, oportet quod hoc distinguatur per hoc quod est habere animam talem vel talem: vt puta rationale vel irrationale. manifestum est autem quod filius & spiritus sanctus conueniunt in hoc, quod est esse ab alio, quia vterque est à patre: & secundum hoc pater conuenienter differt ab utroque inquantum est innascibilis. si igitur spir. sanct. distinguatur à filio, oportet quod hoc sit per differentias quæ per se diuidant hoc quod est esse ab alio: quæ quidem non possunt esse nisi differentia eiusdem generis, scilicet, ad originem pertinentes: vt vnus eorum sit ab alio. relinquitur igitur quod ad hoc vt spir. sanct. distinguatur à filio, necesse est quod sit à filio. Amplius, si quis dicat spir. sanct. distinguere à filio, non quia sit à filio, sed propter diuersam originem vtriusque, à patre: in idem hoc realiter redire necesse est. Si enim spir. sanct. est alius à filio, oportet quod alia sit origo vel processio vtriusque. Duæ autem origines non possunt distinguere nisi per terminum, vel principium, vel subiectum: sicut origo equi differt ab origine bouis ex parte termini, secundum quod hæc duæ origines terminantur ad naturas specie diuersas. Ex parte autem principij, vt si supponamus in eadem specie animalis quædam generari ex virtute actiua solis tantum: quædam autem simul cum hac ex virtute actiua feminis. Ex parte verò subiecti differt generatio huius equi & illius: secundum quòd natura speciei in diuersa materia recipitur. Hæc autem distinctio, quæ est ex parte subiecti, in diuinis personis locum habere non potest, cum sint omnino immateriales. Similiter etiam ex parte termini, vt ita liceat loqui, non potest esse processio- nis distinctio: quia vnā & eandem diuinam naturam quam accipit filius nascendo, accipit spiritus sanctus procedendo. relinquitur igitur quòd vtriusque originis distinctio non potest esse nisi ex parte principij. manifestum est autem quòd principium originis filij est pater solus. Si igitur processio- nis spiritus sancti principium sit solus pater, non erit alia processio spiritus sancti à generatione filij, & sic nec spiritus sanctus distinctus à filio. Ad hoc igitur quòd sint aliæ processiones, & alij procedentes, necesse est dicere quòd spiritus sanctus non sit à solo patre, sed à patre & filio. Si quis verò iterum dicat, quòd differunt processiones secundum principium inquantum pater producit filium



filium per modum intellectus ut verbum, spiritum autem sanctum per modum voluntatis quasi amorem: secundum hoc oportebit dici, quod secundum differentiam voluntatis & intellectus in Deo patre distinguantur duæ processiones, & duo procedentes: sed voluntas & intellectus in Deo patre non distinguuntur secundum rem, sed solum secundum rationem, ut in 1. lib. \* ostensum est. sequetur igitur quod duæ processiones, & duo procedentes differant solum ratione. ea verò quæ solum ratione differunt, de se inuicem prædicantur. verum enim est dicere, quod diuina voluntas est intellectus eius, & e converso. verum ergo erit dicere quod spiritus sanctus est filius, & e converso: quod est Sabellianæ impietatis. non igitur sufficit ad distinctionem spir. sancti & filij, dicere, quod filius procedat per modum intellectus, & spir. sanctus per modum voluntatis: nisi cum hoc dicatur etiam quod spir. sanctus sit à filio. Præterea, ex hoc ipso quod dicitur, quod spir. sanctus procedit per modum voluntatis, & filius per modum intellectus, sequitur quod spir. sanct. sit à filio. nam amor procedit à verbo, eod quod nihil amare possumus nisi verbo cordis illud concipiamus.

Item, si quis diuersas species rerum consideret, in eis quidem ordo ostenditur, prout viuētia sunt supra non viuētia, & animalia supra plantas, & homo super alia animalia, cū in singulis horū diuersi gradus inueniuntur secundum diuersas species. vnde & Plato species rerum dixit esse numeros, qui specie variatur per additionem vel subtractionem unitatis. vnde in substantiis immaterialibus non potest esse distinctio, nisi secundum ordinem: in diuinis autem personis, quæ sunt omnino immateriales, non potest esse alius ordo nisi originis. non igitur sunt duæ personæ ab vna procedentes nisi vna earū procedat ab altera: & sic oportet spir. sanctū procedere à filio. Adhuc, pater & filius quantum ad unitatem essentiae non differunt, nisi in hoc quod hic est pater, & hic est filius. quicquid igitur præter hoc est, commune est patri & filio. esse autem principium spir. sancti, est præter rationem paternitatis & filiationis. nam alia relatio est qua pater est pater, & qua pater est principium spiritus sancti, ut supra dictū est esse, igitur principium spiritus sancti, est commune patri & filio. Amplius, quicquid non est contra rationem alicuius, non est impossibile ei conuenire, nisi forte per accidens: esse autem principium spiritus sancti, non est contra rationem filij, neque in quantum est Deus: quia pater, qui est Deus, est principium spiritus sancti: neque in quantum est filius; eod quod alia est processio spiritus sancti, & alia filij. non est autem repugnans id quod est à principio secundum vnā processionem, esse principium processionis alterius. relinquitur igitur, quod non sit impossibile filium esse principium spiritus sancti: quod autem non est impossibile, potest esse: in diuinis autem non differt esse & posse: ergo filius est principium spiritus sancti.

## Super Cap. 24.

**Q**UIA in præcedentibus sæpe suppositum est, spiritum sanctum à filio procedere, & hoc aliquam difficultatem habet: ut huiusmodi tollatur difficultas, vult sanctus Thomas ostendere veritatem. Circa hoc autem duo facit. Primum ostendit propositum: secundum rationes aduersariorum soluit, cap. seq. Quantum ad primum probat dupliciter propositum, authoritatibus, scilicet, & rationibus. Primum ergo probatur ex Auth. Apost. Rom. 8. Ibi enim spiritus sanctus dicitur, spiritus filij: non potest autem secundum aliam habitudinem spiritus sancti dici spiritus filij Dei, nisi secundum aliquam originem, cum hæc sola distinctio inueniatur in diuinis, ergo, &c. Si dicatur quod alius est spiritus qui procedit à patre, & alius qui est filij, ex verbis apostoli præcedentibus quibus dixit, Si spiritus Dei habitat in vobis, hoc conuincitur esse falsum. Si etiam dicatur quod spiritus sanctus est spiritus Christi, in quantum eum habuit ut homo, secundum illud Luc. 4. Iesus plenus, &c. Contra arguitur: Spiritus sanctus nos facit filios Dei, in quantum est spiritus filij Dei: ut pater ad Gal. 4. cum dicitur: Quoniam estis, &c. sed efficiuntur filij Dei adoptiu per assimilationem ad filium Dei naturalem, iuxta illud Romanorum 8. Quos præsciuit, &c. ergo spiritus sanctus est spiritus Christi, in quantum est filius Dei naturalis, supple, ergo non in quantum est homo. Secundo probatur ex eo quod Ioannis 15. dicitur, spiritus sanctus à filio mitti. mittens enim auctoritatem aliquam habet in missum. ergo filius aliquam auctoritatem habet respectu spiritus sancti, non autem dominij vel maiestatis: ergo secundum solam originem, ergo, &c. Si dicatur hanc rationem non valere, quia etiam filius mittitur à spir. sancto, ut ostenditur Luc. 4. hoc non obstat, quia filius à spir. sancto mittitur secundum humanam naturam assumptam: hoc autem non potest dici de spiritu sancto, qui naturam creatam non assumpsit.

ADVERTENDUM ex doctrina S. Thom. prima parte, questione 43. articulo ultimo, quod non solum potest dici quod filius Dei missus est à spiritu sancto secundum humanam naturam ad prædicandum, sed etiam aliquo modo concedi potest quod ipsa persona filij à spiritu sancto mittitur, si inquam intelligatur persona mittens esse principium effectus secundum quem attenditur missio. sic enim tota trinitas mittit personam missam, in quantum tota trinitas est causa illius effectus secundum quem missio attenditur: sed tunc non oportet ut mittens habeat auctoritatem super personam missam, sed sufficit ut habeat auctoritatem super effectum secundum quem dicitur mitti.

ATTENDENDUM secundum, quod si propriè accipiat auctoritas, importatur nomine ipso ratio principij, non de principio. dicitur enim Author, qui alicuius rei est principium, & hoc ab alio non habet. sed tamen extenso vocabulo. omnis relatio principij producentis potest auctoritas nominari. Quum ergo dicitur quod mittens, auctoritatem aliquam habet in missum, accipitur auctoritas secundo modo, non autem primo modo. filius enim licet sit principium spiritus sancti, hoc tamen habet à patre. vnde propriè non potest dici author spiritus sancti, sed bene pater author eius dici potest, quia quod sit eius principium, à seipso habet, non autem ab alio. intelligitur etiam de mittente quantum ad principium eius significatum, non autem quantum ad secundarium, iuxta ea quæ in præcedenti cap. dicta sunt. Tertiò probatur, quia Ioan. 16. dicit filius de spir. sancto. Ille me, &c.

Si dicatur quod spiritus sanctus accipit id quod est filij, puta essentiam, non tamen ab ipso, sed à patre. Contra hoc est quod subditur: Omnia quæ habet pater, mea sunt, &c. Si enim omnia quæ habet pater, sunt filij, ipsius etiam erit auctoritas patris secundum quam est principium spiritus sancti.

SED videtur hæc replica non esse sufficiens. sicut enim non valet, Omnia quæ habet pater, sunt filij, ergo relatio paternitatis quæ est patris, est etiam filij: ita non valet, ergo auctoritas patris est etiam filij. Illa enim propositio intelligitur de absolutis.

Respondetur iuxta dicta in præcedentibus, quod Christi propositio intelligenda est de his quæ patri conueniunt, non in quantum filio opponitur relatiue. Cum enim nulla sit distinctio inter patrem & filium, nisi ea quam facit oppositio relatiua, oportet illis omnia communia esse, & exceptis illis in quibus relatiue opponuntur. Cum autem pater opponatur filio paternitate, non relatione principij ad spir. sanctum, bene sequitur ex eo quod omnia quæ sunt patris, sunt etiam filij, quod filio conueniat auctoritas respectu spir. sancti, non autem paternitatis. Quarto probatur ex auctoritate doctorum ecclesiæ etiam Græcorum nam Athanasius dicit ipsum à patre & filio procedere. Cyrillus dicit eum à veritate profluere, sicut & ex Deo patre. Didymus etiam concedit ipsum esse à filio, & ab ipso profluere. Sed quia posset quis dicere quod Cyrillus & Didymus concedunt ipsum à filio esse & profluere, non autem procedere: addidit S. Thom. quod verbum processionis inter omnia ad originem pertinentia magis inuenitur commune: & ideo in origine diuinarum personarum maxime est attendendum, quia diuina magis per communia quam per specialia designantur. vnde si concedatur spiritus sancti esse vel profluere à filio, sequitur quod ab eo procedat.

ADVERTENDUM quod idcirco S. Thom. doctorum Græcorum auctoritatibus innititur, quia Græci spir. sanctum procedere à filio negabāt. Contra quos in tractatu qui contra errores Græcorum inscribitur, latius disputauit. Quintò probatur, quia in determinatione quinti concilij, scilicet, Constantinopolitani, ut habetur de Potentia Dei, q. 10. art. 4. ad 13. dicitur, Sequimur per omnia sanctos patres & doctores ecclesiæ, Athanasium, &c. Multis autem Augustini auctoritatibus, præcipue in lib. 15. cap. 26. de Trinitate, & super Ioannem tract. 99. manifestum est quod spiritus sanctus à filio procedat. Secundo loco arguitur rationibus quæ quidem non simpliciter demonstrant, sed ostendunt oportere spiritum sanctum à filio procedere, supposita diuinarum personarum trinitate. Prima ratio est: Oportet distinctionem diuinarum personarum per aliquam oppositionem fieri: sed non possunt personæ diuinæ per aliam oppositionem distinguī quam per oppositionem relatiuam originis. ergo si spiritus sanctus à filio distinguitur, oportet quod sit ab eo, cum non possit dici quod filius sit à spiritu sancto, eod quod spiritus sanctus filij esse dicatur & à filio detur. probatur maior, quia remota materiali distinctione quæ in diuinis personis locum habere non potest, non inueniuntur aliqua distinguī nisi per aliquam oppositionem. ea enim quæ nullam oppositionem habent, simul esse possunt, ut patet in albo & triangulari. minor autem probatur sic: distinctio diuinarum personarum non fit per oppositionem affirmationis & negationis, quia sic distinguuntur entia à non entibus: nec per oppositionem priuationis & habitus, quia sic distinguuntur perfecta ab imperfectis: nec per oppositionem contrarietatis: quia illa secundum Philosophum est differentia secundum formam, quæ differentia diuinis personis non conuenit: nec per oppositionem relatiuam quæ super quantitate fundatur, quia non per eam quæ fundatur super diuersitate quantitatis, quia tolleretur personarum æqualitas: non etiam per eam quæ fundatur in unitate, quia huiusmodi relationes distinctionem non causant, etsi forte aliquæ earum distinctionem præsupponant: nec per oppositionem relatiuam, quæ in actione & passione fundatur, alia videlicet ab oppositione originis, quæ in iis semper alterum est ut subiectum & inæquale secundum virtutem, nisi in relationibus originis, in quibus nulla minoratio designatur, cum inueniatur aliquid producere sibi simile & æquale secundum virtutem, ergo, &c.

CIRCA istam propositionem, Non inueniuntur aliqua distinguī nisi per aliquam oppositionem: aduertendum quod intelligitur non de distinctione formarum & naturarum accidentalium, quia sunt aliquæ formæ & naturæ distinctæ quæ nullam habent ad inuicem oppositionem, sicut triangularis & albedo, sed intelligitur de distinctione formali substantiarum substantiarum. tales enim substantiæ non distinguuntur nisi per aliquam oppositionem, id est, principia quibus ab inuicem formaliter distinguuntur, oportet esse opposita, accipiendo oppositionem largo modo, ut scilicet etiam distincta per perfectum & imperfectum dicuntur opposita. sic enim exponit S. Thom. primo Sent. dist. 26. q. 2. art. 2. ut enim hic dicitur, si non opponuntur aliquæ formæ, possunt simul esse in eodem: & si



possunt simul esse in eodem, non possunt esse ratio distinctionis formalis rei subsistentis, non enim necesse est aliqua distinguere per illas formas quæ subiectum distinctum non exigunt, sed in eodem esse possunt.

CIRCA illam propositionem, Per oppositionem negationis & affirmationis distinguuntur entia à non entibus: aduertendum quod non ens dupliciter accipi potest, scilicet simpliciter & in genere, quod scilicet est non ens tale. Si accipitur primo modo, sic intelligenda est propositio de oppositione contradictoria simpliciter & absolute, non autem de ea ad aliquam materiam contracta, non enim cum dicimus, hoc est album, hoc non est album, album & non album necesse est esse distincta, sicut ens & non ens simpliciter, cum non album possit esse ens, puta homo, imò ut dicitur de Potent. q. 10. art. 5. veritas cuiuslibet negatiue fundatur supra veritatem affirmatiue, sicut veritas huius negatiue, Ethiops non est albus, fundatur super veritatem huius, Ethiops est niger. & ideo ut ibidem dicitur, oportet omnem differentiam quæ est per oppositionem affirmationis & negationis, scilicet de aliquo ente, reduci in differentiam alicuius affirmatiue oppositionis. Si autem accipitur non ens secundo modo, sic intelligenda est propositio de oppositione affirmationis & negationis determinata ad aliquod genus, per affirmationem enim hæc & negationem, nix est alba, coruus non est albus, distinguuntur hoc ens quod est nix, ab hoc non ente quod est non nix, scilicet, à coruo, siue album à non albo. Vndeque modo propositio habet veritatem in proposito: quia cum spir. sanct. non sit simpliciter non ens, non potest esse inter filium & spir. sanct. distinctio per oppositionem affirmationis & negationis simpliciter. Item cum non queratur de dist. filij & spir. sancti, quæ est per habere & non habere eandem formam, puta per hoc quod est esse filij & non esse filij, sed de principiis formalibus positiuis quibus abinuicem distinguuntur, non est dicendum quod distinguuntur per oppositionem affirmationis & negationis determinatam ad certum genus, aut ad certam formam, cum sic solum distinguatur ens à non ente, id est, habens aliquam determinatam formam à non habente illam formam, non autem distinguantur aliqua principiis formalibus positiuis.

CIRCA id quod inquit S. Thom. de relationibus quæ super vnitatem fundantur, quod magis ad convenientiam pertinere videtur, etsi forte aliquæ earum distinctionem præsupponant: aduertendum quod aliquæ huiusmodi relationes, scilicet similitudo & æqualitas proprie loquendo præsupponunt distinctionem, quia idem non dicitur sibiipsum simile & æquale: identitatis autem non præsupponit distinctionem, quia idem suppositum sibiipsum est idem, propter hoc addit sanctus Thomas etsi forte aliquæ earum distinctionem præsupponant. loquitur autem dubitatiue, quia sunt aliqui tenentes quod huiusmodi relationes etiam si sint reales, requirunt quidem distinctionem suppositorum, sed non fundamentorum. Tenet autem ipse quod etiam fundamentorum distinctionem requirunt: verum tamen quia de hoc nunc non vult disputare, non assertiue hoc ponit, sed dubitatiue. Secunda ratio est: In patre sunt duæ relationes scilicet, paternitas & spiratio, quarum vna refertur ad filium, alia ad spiritum sanctum, cum à patre sit filius & spiritus sanctus. Similiter duæ sunt relationes ex parte filij & spiritus sancti, scilicet filiatio & processio, quarum vna filius refertur ad patrem, & alia spiritus sanctus, sed duæ primæ non constituunt duas personas, id est, non faciunt dualitatem personarum siue distinctionem, sed ad vnam personam patris pertinent, quia non opponuntur: ergo & alie duæ ad vnam personam pertinerent nisi adinuicem haberent oppositionem. non est autem dare aliam oppositionem quam secundum originem, ergo, &c.

ADVERTE quod S. Thom. de relatione patris ad spiritum sanctum loquens inquit, Vocetur spiratio, de relatione verò spiritus sancti ad ipsum, vocetur processio: quia ut dictum est superius, origini amoris non ita nomina sunt imposita sicut generationi, & similiter relationibus huiusmodi originem consequentibus. Sed sanctus Thom. ut eas aliquibus nominibus explicare possit, illis nomina spirationis & processionis imponit, quantum illa magis sunt nomina originis quam relationis, penuria enim vocabulorum facit ut eodem nomine & ipsa origo & relatio quæ eam consequitur, nominentur.

SED contra fundamentum dictarum rationum arguitur à Scoto & Aureolo. Arguit enim primò Scotus primo Sententiarum dist. 12. quæst. 2. probando quod etiam si spiritus sanctus non procederet à filio, adhuc posset ab ipso personaliter distinguere. Et primò sic: Quocumque formaliter aliquid constituitur in esse, eodem distinguuntur à quacunque distinctione convenienti tali entitati, sed filius constituitur in esse personali filiatione, ergo & ea distinguuntur ab omni alia persona, igitur per impossibile vel possibile circumscripito quocumque alio maxime posteriori filiatione remanebit filius filiatione distinctus personaliter à quacunque persona, ergo, &c. Secundo, si pater per impossibile non spiraret, sed filius, adhuc pater paternitate distinguetur à filio & spiritu sancto, sicut paternitate constituitur in esse personali, ergo, &c. Tertiò, Generatio distinguuntur à spiratione, circumscripito per impossibile omni alio à ratione generationis & spirationis, aut saltem circumscripito hoc, quod spiratio actiua esset à filio: dum tamen staret distinctio principiorum generandi & spirandi, ergo & quolibet tali circumscripito staret distinctio filij & spiritus sancti, probatur consequentia, quia impossibile est vnam personam duabus productionibus totalibus accipere esse. Quarta. Quodlibet habens aliquod esse distinguuntur distinctione convenienti tali esse, à quocunque alio per aliquid quod est de ratione eius in quantum habet tale esse: ergo filius distinguuntur personaliter per aliquid quod est de ratione eius in quantum est persona: spiratio actiua non est huiusmodi, ergo, &c. Vltimò ex responsione quam dat ad authoritatem Boetij dicentis, quod relatio multiplicat trinitatem, argui potest contra fundamentum dictarum rationum, scilicet quod personæ diuinæ non possunt distinguere nisi per oppositionem relatiuam. Rationes disparatæ accipiendi naturam non tantum habent distinctionem, sed etiam impossibilitatem siue impossibilitatem rationem in eodem supposito, quia persona quæ disparatis modis acciperet naturam, non vnicò modo haberet naturam, ergo non per solam relatiuam oppositionem possunt diuinæ personæ distinguere. Aureolus etiam arguit ex hoc fundamentum, quod generari & spirari sunt impossibilia, & talis impossibilitas passiuæ generationis & passiuæ spirationis est primò ex suis formalibus rationibus, non autem ex eo quod generari coniungatur spirare, aut quia spirare in aliquo genere causæ sit huius incom-

possibilitatis causa. Ex istis dicit ad rationes S. Thom. quod falsum est, omnem distinctionem in diuinis esse per relationes oppositas, sed bene verum est, quod est per relationes impossibiles.

PRO declaratione huius materie considerandum primò, quod cum loquimur de distinctione duorum positiuorum, & de eorum positiua distinctione, querendo propter quid non distinguuntur, non sufficit aliquid in vno ponere quod in altero non inueniatur, quia sic etiam potest distinguere ens à non ente, & talis distinctio magis est negatiua siue priuatiua quam positiua distinctio. Quod enim Sortes sit albus & non Plato, non facit ipsorum positiuam distinctionem. Nam sicut Plato non est albus, ita & chimæra non est alba: & sic Sortes per hoc quod est albus, distinguuntur etiam à chimæra quæ est non ens, sicut habens albedinem à non habente albedinem: & etiam distinctio Sortis albi à Platone non albo, est distinctio priuatiua siue negatiua, quia non consideratur in vtroque distinctio aliquid positiuum per quod vnum ab altero distinguatur, sed tantum quod vnum aliquid habeat quod alterum non habet. Oportet ergo in vtroque extremorum, quæ positiue distinguuntur, esse aliquid positiuum per quod ab altero distinguatur, ita videlicet quod sint aliqua positiua in ipsis quæ propter suam impossibilitatem in eodem subiecto causent distinctionem eorum in quibus inueniuntur. In proposito ergo licet filius in diuinis distinguatur à spiritu sancto per filiationem, tanquam habens filiationem à non habente ipsam: cum querimus tamen de eorum distinctione positiua & formali, querendo per quid vnum ab altero tanquam formali principio positiuo distinguatur, non sufficit dicere, quod distinguuntur, quia filius habet filiationem, non autem spiritus sanctus, sed oportet in vnoquoque illorum assignare aliquod positiuum per quod ab altero distinguatur, & quod propter suam impossibilitatem in eadem persona cum principio alterius formaliter personalem distinctionem causet.

Considerandum secundò, quod aliter loquendum est de personis in natura humana, & aliter in diuinis. Nam persona quælibet humana est aliquid absolutum, & per absoluta in suo esse personali constituitur, & per absoluta ab omni alia persona humana distinguitur: vnde duorum hominum distinctio est omni ex parte absoluta, persona autem diuina est aliquid relatiuum, imò est ipsa subsistens relatio, & per relationem constituitur in esse personali, distinguunturque per relationem ab omni alia persona in natura diuina: & sic duarum diuinarum personarum distinctio est omnino relatiua. Cum ergo inuestigantur principia positiua quibus personæ diuinæ distinguuntur personaliter, inuestiganda sunt principia talia quæ sint formalia principia distinctionis relatiue inter ipsas: & quia solæ relationes sunt talia principia, ideo inuestigandæ sunt relationes quæ inter ipsas diuinæ personas relatiuam ponant distinctionem. Considerandum tertiò, quod absolutum in hoc differt à relatiuo, quod ipsum dicitur ad se, relatiuum autem dicitur ad alterum: & sicut absolutum generaliter sumptum dicitur quod in se aliquid est, & non ex ordine ad alterum: absolutum verò hoc & speciale dicitur, quod est in se hoc determinatum, puta album: ita relatiuum generaliter sumptum dicitur ad aliquid, hoc verò relatiuum dicitur quod ad hoc determinatum tanquam ad proprium correlatiuum ordinem dicitur. nam pater dicitur ad filium, & non ad aliquid aliud, & duplum ad dimidium: & sic de aliis. Quia ergo vnumquodque constitutum & distinctum alicuius secundum modum suæ rationis & nature habet ut constituat & distinguat, forma quæ est absoluta, habet absoluta distinctione distinguere. Et quia absoluta distinctio aliquorum quæ sub vno genere continentur, est per formas oppositas ad illud genus pertinentes, cum genus per oppositas differentias diuidatur, per ipsam formam absolutam per quam res constituitur in esse, habet res ut ab omnibus speciebus sui generis positiua distinctione distinguatur, non autem ab omnibus aliis, ut est de mète sancti Thom. Quod. 4. quæst. 4. artic. 2. relatio autem habet relatiua distinctione distinguere: & quia relatio ad alterum dicitur, & determinata relatio dicitur ad determinatum correlatiuum relatione per quam aliquid constituitur in esse ad aliud, habet res ut distinguatur à proprio correlatiuo, non autem ab omni alio. Non enim res sic constituta in quantum huiusmodi, distinguuntur ab alio relatiue, quia sit talis in se absolute, sed quia ad aliud & ad hoc determinatum respectum dicit: & ideo cum ad solum correlatiuum dicatur, ab ipso solo correlatiuo relatiue distinguuntur. Vnde si aliquæ relationes quæ non sint relatiue oppositæ, sint impossibiles in eodem, sicut relatio dupli & quadrupli respectu eiusdem, & relatio similitudinis & dissimilitudinis, eorum impossibilitatem non accipitur distinctio aliquorum, sed aliqua alia distinctio quæ etiam ex formis absolutis provenit, puta disparata aut contraria. Cum igitur distinctio diuinarum personarum sit tantum relatiua distinctio, & relatiua distinctio non sit nisi inter oppositas relationes, optime sequitur diuinæ personas per solam oppositionem relatiuam habere distinguere: quod est fundamentum S. Th. in hac materia: ex quo sequitur, quod cum sola oppositio relationis originis sit in diuinis, & filius non originetur à spiritu sancto, si spiritus sanctus non originaretur à filio, non posset ab ipso personaliter distinguere.

ISTIS suppositis facile est obiectionibus satisfacere. Ad primam enim Scoti dupliciter responderi potest. Primò iuxta ea quæ dicta sunt, quod assumptum est falsum loquendo de distinctione relatiua, & de constitutione in esse relatiuo, quo modo aliquid dicitur constituere & distinguere diuinæ personas. Non enim quocumque aliquid constituitur in esse relatiuo, eo distinguuntur ab omni alio relatiue, sed à correlatiuo tantum, siue ab eo cui opponitur relatiue. Non enim per dupli relationem, quia aliquid constituitur in esse dupli, distinguuntur duplum ab omni alio relatiue, puta à triplo aut quadruplo, sed tantum à subduplo, quia non refertur duplum ad triplum aut quadruplum, sed ad subduplum, est enim duplum subdupli duplum, non autè tripli aut quadrupli, & similiter dicitur, quod filiatione filius distinguuntur tantum à patre, non autè à spir. sancto, quia filiatione refertur ad patrem, non autem ad spir. sanctum. Secundo responderi potest ut Capreolus respondet, & est de mente S. Thom. in Quod. allegato, quod assumptum illud est verum, de distinctione secundum affirmationem & negationem quæ est per habere & non habere eandem formam, non autem de distinctione positiua quæ est secundum oppositionem formæ ad formam, ut est distinctio quam inter diuinæ personas inuestigamus. Si autem instetur, quia vnumquodque per suam formam distinguuntur ab omnibus quæ sunt sui generis positiua distinctione, personæ autem diuinæ sunt tanquam species vnius



vnus generis: & sic videtur quod vniqueque persona per suam proprietatem constituitur ab omnibus aliis personis distinguatur. Dicitur quod maior non est vera de his contentis sub vno genere quia tantum relatiue distinguuntur. Nam cum vnus relatiue ad vnum tantum correlatiue referatur, per suam formam per quam inesse relatiue constituitur, habet distinguere a suo tantum correlatiue, non autem ab aliis.

Ad secundum negatur conditionalis assumpta, loquendo de propria distinctione personarum. Si enim pater nullo modo spiraret aut produceret spiritum sanctum, nulla relatione originis referretur ad spiritum sanctum: & quum nec etiam paternitate ad ipsum relatiue dicitur, nullo modo posset ab ipso relatiue distinguere, quia est propria distinctio diuinarum personarum: sequeretur autem quod ad spiritum sanctum essentialiter distingueretur: & sic spiritus sanctus non esset Deus. Nam cum spiritus sanctus non posset esse idem quod pater, alioquin generaret filium sicut pater, nec ab eo relatiue distingueretur. Sequitur quod essent per absolutam distinctionem ab eo relatiue distinguuntur, loquendo de reali distinctione. In patre enim generare & spirare non distinguuntur nisi ratione, sicut neque paternitas & spiratio, quia oppositionem aliquo modo relatiue non habent: nec sufficit distinctio principiorum, scilicet intellectus & voluntatis, ut inquit sanctus Thomas, quia nec illa distinguuntur nisi ratione. eodem modo generari & spirari sola ratione distinguuntur, si filius non spiraret, & consequenter, filius & spiritus sanctus essent sola ratione distincti.

Ad quartum negatur etiam assumptum de distinctione relatiua. Non enim oportet ut quocumque aliquid habens esse personale distinguatur personaliter relatiue, per aliquid distinguatur quod sit de essentia eius in quantum habet esse personale, sed potest per aliquam aliam relationem adiunctam personae personaliter distinguere.

ADVERTENDUM tamen, quod aliter dicitur filius distinguere personaliter a patre filiatione, & aliter personaliter distinguere spiratione a spiritu sancto, filiatione enim distinguatur a patre, tanquam primo constituto personae, & primo distinctio formaliter a patre: spiratione autem distinguatur personaliter a spiritu sancto non tanquam constituto, sed solum tanquam distinctio personae per filiationem constituta a persona quae per oppositam relationem constituitur. quia enim relatio realis distinguit ab opposito relatiue realiter, si id cui intelligitur aduenire, sit persona, & per oppositam relationem alia persona constituitur, oportet ut faciat personalem distinctionem non quidem tanquam personam constitutens, sed tanquam personam constitutam a persona per suum oppositum in esse personalis constituta relatiue distinguens. Si quis autem propositionem Scoti inducere probet, quia videlicet nihil distinguatur quantitatiue nisi per aliquid quod est de ratione quanti, & nihil qualitatiue distinguatur nisi per aliquid quod est de ratione qualis, nihilque distinguatur personaliter in hominibus nisi per aliquid quod est de ratione personae, & sic de aliis: dicitur quod non est eadem ratio de distinctione horum, & de distinctione diuinarum personarum: quia illa quum absolute distinguantur, per illud principium quo constituuntur in aliquo esse, ab omnibus aliis sui generis distinguuntur: vna autem persona diuina, quia ab alia non distinguatur nisi relatiue per suum principium quo constituitur in esse personali, non distinguatur ab omnibus aliis personis, sed tantum ab illa cui per tale principium opponitur relatiue. ideo si ab alio distinguatur cui non opponitur relatiue, hoc non est propter aliquid quod sit de ratione eius, sed per aliam relationem quae intelligitur supposito constituto aduenire. Ad ultimum dicitur, quod si spiritus non procederet a filio, filius & spiritus sanctus non essent duae personae, nec essent duae processiones realiter distinctae siue disparatae: sed sicut vna persona posset aliqua ratione dici filius, & aliqua ratione spiritus sanctus, ita eadem producat aliqua ratione posset dici generatio, & aliqua ratione spiratio: & sic non sequitur quod vna persona acciperet naturam disparatis modis & impossibilibus realiter distinctis, sed vno tantum modo reali: licet forte pluribus modis secundum rationem.

Singitur, quia Anselmus de processione spiritus sancti cap. vndecimo ait, quod licet adhuc non constet spiritum sanctum a patre procedere, constat tamen quod filius & spiritus sanctus distinguuntur, quia iste est ex Deo nascendo, ille procedendo. Respondetur ex sancto Thoma, de Potentia Dei, questione decima, articulo quinto ad secundum, quod istud non dicit Anselmus afferre tanquam remota oppositione relatiua ex diuerso modo procedendi possent realiter distinguere filius & spiritus sanctus, sed accipit tanquam ab aduersariis concessum, volens ex eo conuincere quod filius producat spiritum sanctum. Si enim distinguuntur, quia iste est ex Deo nascendo, ille vero procedendo, & non possunt habere istos modos diuersos procedendi nisi spiritus sanctus procedat a filio, sequitur quod necesse sit eos concedere quod spiritus sanctus a filio procedat.

PER haec patet etiam responsio ad fundamentum Aureoli. Dicitur enim quod impossibilitas spirationis passivae & generationis non provenit ex eorum rationibus formalibus praese in ordine ad intellectum & voluntatem, sed ex origine vnus personae ab alia. Si enim poneretur, quod spiritus sanctus non procederet a filio, sed ambo procederent a solo patre, illae processiones non essent impossibiles, sed essent (ut dictum est) vna processio realiter. licet filius & spiritus sanctus vna essent realis persona, licet ratione distinguantur.

De hac materia vide Capreolum in primo Sententiarum distincta. vndecima, q. 1. art. 1.

Ex praedictis autem patet, quod illa propositio a sancto Thoma saepe numero assumpta, scilicet quod sola oppositio relatiua facit reale distinctionem inter relationes & inter personas diuinas, non est sic intelligenda, quod oportet omnes relationes diuinas realiter distinctas, ex suis formalibus rationibus relatiue opponi id est ad se mutuo referri. Nam constat quod filiatione & similitur paternitas a processione realiter distinguuntur, & tamen ad illam ex propriis rationibus relatiua oppositionem non habent: sed quod oportet illas vel ex propriis rationibus relatiue opponi, vel vni illarum tanquam supposito subsistenti inesse relationem oppositam. Primo enim modo paternitas a filiatione distinguatur: secundo autem modo distinguuntur paternitas & filiatione a processione. filiationem enim quae relatio subsistens est, & incommunicabilis, inest spiratio quae

ad processionem relatiua habet oppositionem: & nisi illi spiratio conueniret, a processione nullo modo realiter distingueretur. Vnde dici potest filiatione, licet ex se non opponatur processionem relatiue formaliter, opponitur tamen illi relatiue subiectiue, in quantum scilicet spirationi substat, quae processionem opponitur relatiue.

AD eundem sensum intelligitur quod inquit S. Thom. 1. parte, q. 30. art. 2. quum inquam dicitur, oportet duas relationes oppositas ad duas personas pertinere: si quae autem relationes oppositae non sunt, ad eandem personam necesse est eas pertinere: intelligitur enim quod relationes oppositae altero illorum modorum, aut scilicet formaliter & ex suis propriis rationibus, sicut paternitas & filiatione opponuntur, aut subiectiue sicut opponuntur filiatione & processio, ad diuersas personas pertinent: quae vero neutro istorum modorum opponuntur, ut filiatione & spiratio, ad eandem personam necesse est eas pertinere. filiatione enim & spiratio ad personam filij pertinent, spiratio vero & paternitas ad personam patris: & si filiatione & processio nullo dictorum modorum opponerentur, non essent realiter distinctae, sed tantum secundum rationem. Tertia ratio est: filius & spiritus sanctus conueniunt in hoc quod est esse ab alio: quia uterque est a patre, secundum quod pater conuenienter differt ab utroque, in quantum est innascibilis. ergo si spiritus sanctus distinguatur a filio, oportet quod hoc sit per differentias per se diuidentes hoc quod est esse ab alio: sed hoc non possunt esse nisi differentiae eiusdem generis, scilicet ad originem pertinentes, ut vnus eorum sit ab alio, ergo, &c. Probatur prima consequentia, quia quaecumque conueniunt in aliquo communi, si distinguantur ab inuicem, oportet ut distinguantur secundum aliquas differentias per se, declaratur in homine & equo habentibus conuenientiam in animali.

ADVERTENDUM quod innascibilis, secundum quum inquit S. Thom. conuenienter distinguatur patrem a filio & spiritu sancto, secundum doctrinam S. Thom. prima parte, q. 33. articulo quarto: & primo Sententiarum, distinctione 28. questione prima, articulo primo, dicit aut negationem generationis passivae in genere principij personaliter distincti in diuinis, quo modo non conuenit filio, cui conuenit passiva generatio: nec spiritui sancto, cui non conuenit esse principium alterius diuinae personae, aut omnino negationem essendi ab alio: quo etiam modo neque conuenit filio, neque spiritui sancto, quum sint ab alio, sed tantum patri. Hoc ergo videtur sanctus Thomas accipere innascibilitatem in secunda significatione, quia innascibile ponit tanquam oppositum huius communis quod est esse ab alio, & secundum hoc inquit patrem a filio & spiritu sancto conuenienter distinguere.

SED ad hanc rationem posset quis respondere, quod utique filius & spiritus sanctus distinguuntur differentiis per se huius, quod est esse ab alio: non tamen per hoc quod vnus est ab alio, sed per hoc quod vnus est a patre nascendo, alius vero procedendo, ita videlicet quod distinguuntur per diuersam originem a patre.

SED hanc responsionem impugnat S. Thom. sequenti ratione, quae est quarta, sic, Aut istae origines distinguuntur per terminum, aut per principium, aut per subiectum. Non per subiectum, quum diuinae personae sint omnino immateriales. Non per terminum, ut ita liceat loqui, quia vnus & eandem naturam quam accipit filius nascendo, accipit spiritus sanctus procedendo. Non etiam per principium, quia si spiritus sanctus non sit a filio, solus pater erit principium filij, & principium spiritus sancti: ergo, &c. Si dicatur quod differunt secundum principium in quantum pater producit filium per modum intellectus ut verbum: spiritum sanctum autem per modum voluntatis quasi amore. Contra arguit primum, quia oportet dicere, quod secundum differentiam voluntatis & intellectus in Deo patre distinguuntur duae processiones, & duo procedentes, sed istum Deo patre non distinguuntur re, sed tantum ratione: ergo oportet dicere quod duae processiones & duo procedentes differunt sola ratione. hoc autem est falsum, quia tunc verum esset dicere, quod spiritus sanctus est filius, sicut verum est dicere, quod voluntas Dei est eius intellectus, quod est Sabellianae impietatis. ergo non sufficit dicere quod filius procedat per modum intellectus, & spiritus sanctus per modum voluntatis, nisi cum hoc dicatur, quod spiritus sanctus est a filio.

ADVERTENDUM quod volens ostendere S. Thom. non esse distinctionem diuinarum processionum ex parte termini, utitur hoc modo loquendi, similiter etiam ex parte termini, ut ita liceat loqui: quia secundum rei veritatem persona producta non est propter terminum productionis, cum ipsa productio non habeat proprie rationem viae aut fluxus. hoc enim aliquam imperfectionem & potentialitatem dicit: sed videtur istis nominibus in diuinis, ut secundum nostrum modum intelligendi & nominandi diuina explicemus, concipiendo productionem per modum cuiusdam viae & fluxus, ipsam vero personam productam per modum terminum. Ad hanc autem rationem responderi potest ex dictis Aureoli apud Capreolum primo Sent. d. 13. q. 1. illa diuisio est insufficiens. Neque enim istae processiones distinguuntur per terminum, neque per principium, neque per subiectum, sed se ipsis formaliter primum, quia in nobis ita est, tum quia nulla res distinguatur formaliter per aliquid extrinsecum ab eadem: omnis res per suam propriam realitatem ab omni alia re distinguatur. Confirmatur ex dictis Scoti primo Sent. dist. 13. quia generatio formaliter seipsa est generatio, & spiratio seipsa formaliter est spiratio: & non oportet quaerere quibus distinguantur, quia tota ratio formalis vnus est, non eadem toti formali rationi alterius.

PRO huius declaratione considerandum est, quod aliud est esse differentiam essentialem aliquius quae intrinsece differt ab alio, & aliud est esse id a quo sumitur differentia. Primum necesse est esse intrinsecum rei, quia essentia rei non constituitur ex extrinsecis, secundum autem potest esse extrinsecum. Quando enim aliquid ad alterum ex sua ratione formali ordinem habet, non inconuenit ut ex illo specietur & differentia eius sumatur. hoc enim nihil aliud est dictum, quam quod ideo res est talis naturae & speciei, quia ad hoc ordinatur: verbi gratia, visio, iecur est visio, id est actus talis speciei, quia ad colorem terminatur, & auditio talem habet speciem, quia ordinatur ad sonum: & visio differt ab auditione, quia ipsa comprehenditur color, ista vero comprehenditur sonus, non quod color & sonus sint formales & intrinsecae differentiae visionis & auditionis, sed quia ab ipsis intrinsecis eorum differentia tanquam a formis extrinsecis sumuntur. In proposito ergo generatio & spiratio



habent ex se ordinem ad terminos per ipsas productos, & ad principia à quibus intelliguntur elici, cum sint actus producentis: & ad hoc intelligantur à producente elici, vt terminis natura productis communicetur. Itaque specificatio ipsorum & eorum formalis distinctio necesse est vt primò sumatur ex principiis aut terminis, licet proximè ex eorum formalibus differentiis intrinsecis distinguantur, eo inquam modo quo potest differentia constitutiva in diuinis actionibus & species. Ratio ergo S. Thom. procedit de primis distinctiuis generationis & spirationis: & de his verum est dicere qd distinctio eorum sumitur aut ex principiis, aut ex terminis. actiones enim & passionis siue motus ex huiusmodi distinctionem accipiunt, vt patet per Arist. 5. Physic. tex. com. 4. & 48. non quia sint eiusdem rationis formæ fluentes cum formis terminantibus, vt inquit Scotus loco præallegato. constat enim qd quantum ad formale, alia est ratio motus & actionis, & alia ratio termini, licet quantum ad materiale motus & actionis eadem ratio sit ipsorum & termini, scilicet quia ex intrinseco ad terminos & ad principia ordinem habent. Ad primum itaque Aureoli, quo probat generationem & spirationem in diuinis distinctiuis seipsis formaliter, primò dicitur, qd etiam in nobis actio intellectus & voluntatis distinguuntur ex principiis & terminis, non autem ex seipsis primò formaliter. Ad secundum dicitur, quod non inconuenit rem aliquam ex aliquo sibi intrinseco habere ordinem ad aliquod extrinsecum, distinguui primò per extrinsecum, licet proximè per suam propriam realitatem & intrinsecam differentiam siue rationem distinguatur.

Ad confirmationem ex verbis Scoti dicitur eodem modo. generatio enim seipsa proximè est generatio, & similiter spiratio: primò autem ex suo principio & termino hoc habet, quia enim per modum intellectus & nature producit filium, ideo habet eius productio vt sit generatio: & quia spiritus sanctus producit per modum voluntatis, ideo habet eius productio vt sit spiratio, licet proximè habeat productio filij, quod sit generatio, & productio spiritus sancti quod sit spiratio, quia illa est productio similis ex se ipsa verò non, sed inclinationis cuiusdam & impellentis in rem amaram. Cetera quæ ad hanc materiam pertinent vide apud Capreolum loco præallegato.

SED occurrit dubium circa rationem prædictam. Arguit enim sanctus Thom. quod diuinæ processiones non possunt realiter distinguui, eo quod vna sit per modum intellectus, alia verò per modum voluntatis, quia sola ratione distinguuntur, sicut intellectus & voluntas. Videtur enim hæc consequentia non valere. Nam non inconuenit aliqua sola ratione distinguui, & tamen esse causam distinctionis realis. intellectus enim creatus & voluntas distinguuntur realiter ex suorum obiectorum distinctione, scilicet ex distinctione intelligibilis & volibilis, siue ex distinctione entis & boni: & tamen ista sola ratione distinguuntur. ergo quantuis intellectus diuinus & voluntas sola ratione distinguantur, potest ex eorum distinctione sumi realis distinctio processionum.

Respondi ad hoc potest, quod aliter loquendum est de principio distinctionis per modum causæ finalis, & aliter de principio distinctionis per modum principij productiui siue elicitui. Quia enim finis non est causa nisi secundum qd est in intentione, & ad diuersitatem finis inquantum huiusmodi sufficit diuersitas rationum intenciarum ab agente etiam in eadem re, non inconuenit agentem propter finem diuersa realiter ordinare ad fines sola ratione distinctos, & idcirco talem diuersitatem causare, quia diuersos fines intendit. Si enim fuerint diuersæ rationes intencæ ab agente, erunt diuersi fines absoluti. Principium autem productiuum siue elicitiuum operationis præsertim naturaliter agens, est causa secundum quod habet esse, ideo propriè loquendo non dicuntur diuersa principia productiua aut elicitia operationum realiter & specificè distinctarum quantum est ex ipsis principijs, nisi habeant diuersa esse, & consequenter sint realiter distincta. Secundum enim vnum & idem esse non producit primò actiones specificæ & realiter distinctæ, nisi aliud concurrat. Potentia ergo diuersa, sicut intellectus & voluntas, distinguuntur realiter ex distinctione rationis suorum obiectorum, quia ex obiectis tanquam ex causis finalibus, vt inquit S. Thom. de Verit. quæst. 15. artic. 2. non autem productiones diuinæ possunt distinguui realiter ex sola distinctione rationis intellectus & voluntatis: quia ex ipsis dependent tanquam ex principiis ipsarum elicitiuus. Vnde propositio sancti Thomæ quam assumit ad probandum prædictam consequentiam primo Sent. dist. 13. quæst. 1. art. 2. ad 5. scilicet, principium non est debilius principato: propriè intelligenda est de principio productiuo & elicitiuo operationis, non autem de principio finali. Secundo arguitur contra tamam responsionem: Spiritus sanctus procedit per modum voluntatis, & filius per modum intellectus: ergo sequitur quod spiritus sanctus sit à filio. probatur sequela, quia amor procedit à verbo, sicut nihil amare possumus, nisi illud verbo cordis concipiamus.

SED contra istam rationem instari potest primò. Nam non valet, non possumus intelligere sine sensu: ergo intellectio est à sensu, sicut à principio productiuo: ergo etiam non valet. Nihil amare possumus, nisi illud mente concipiamus: ergo amor producit à verbo. Secundo instari potest. In nobis non est verum, quod amor procedat effectiue à conceptione boni: quoniam secundum doctrinam sancti Thom. (vt in præcedentibus est ostensum) bonum non moueat voluntatem effectiue, sed tantum per modum finis: ergo ex hoc quod nihil amare possumus, nisi illud verbo cordis concipiamus, non sequitur quod amor in Deo procedat à verbo tanquam à principio productiuo.

Ad primum horum dupliciter potest responderi. Primò quod supponit S. Thom. bonum esse motiuum voluntatis tanquam ex superioribus manifestum: ideo optime sequitur, si bonum voluntatem ad amorem non potest mouere nisi verbo concipiatur, quod ipsum verbum sit amoris productiuum, ideo instantia nulla est. Secundo responderi potest, quod etiam illa consequentia est bona: Non possumus intelligere sine sensu, tanquam scilicet origine intellectus: ergo intellectio producit à sensu: aut inquantum mediatur, aut immediate. Ad secundum responderetur iuxta ea quæ in præcedentibus determinauimus, quod S. Thom. ex eo quod in nobis inuenitur, secundum modum nostrum arguit proportionaliter, ita esse in Deo secundum modum suum. In nobis autem amor procedit à bono siue à conceptione boni realiter, ideo arguit quod etiam in Deo amor à verbo realiter procedat: supposita tamen ex fide reali distinctione personarum: sed in nobis origo amoris à verbo est in genere causæ for-

malis & finalis tantum, in Deo autem etiam in ratione tantum principij productiui: quia in diuinis non potest esse alia ratio principij realiter distincti ab eo quod est à principio, nisi ratio principij productiui. Quinta ratio est: In substantiis immaterialibus non potest esse distinctio nisi secundum ordinem, inquantum videlicet vna est supra aliam. declaratur, quia videtur in diuersis speciebus esse ordo quidam & gradus etiam secundum Platonem: sed in diuinis personis quæ sunt immateriales, non potest esse alius ordo quam ordo originis. igitur non sunt duæ personæ ab vna procedentes, nisi vna earum procedat ab altera, ergo, &c.

ADVERTENDVM quod in diuinis personis dicitur esse solus ordo originis, quia ibi non est ordo secundum gradus, vt vna persona sit alia perfectior, neque aliquis alius ordo qui aliquam imperfectionem importet: sed tantum ordo qui importatur in hoc quod dicitur à quo est alius, & qui est ab alio, quin à nobis dicitur ordo originis. hic enim ordo nullam imperfectionem importat. Non obstat autem quod Deus potest immediate omnia producere, & sic non videtur ordo requiri inter species productas. Dicitur enim quod si ponatur omnia à Deo mediatur producta, tollitur quidem ordo causalitatis inter illa, non tamen tollitur ordo gradus & perfectionis. Nam si specie distinguantur, necesse est vt vnum alio sit perfectius. Sexta ratio est: Esse principium spiritus sancti est præter rationem paternitatis & filiationis, ergo est commune patri & filio. probatur consequentia: quia cum pater & filius non differant nisi in hoc quod hic est pater, & hic est filius: quicquid est præter hoc est commune patri & filio.

Ad hanc rationem dicit Aureolus apud Capreolum distinctione vndecima, quod negati posset quod pater & filius differant solum in hoc, qd hic est pater, hic verò filius. posset enim dici quod differunt, quia in parte est actiua spiratio, cui opponitur filiatio, hoc modo quod generatio & spiratio sunt simultaneæ productiones, & ideo repugnat spiratio quod generet, & genito quod spiret. Sed hæc responsio friuola est, quauis enim illæ productiones simultaneæ sint secundum durationem, ex hoc tamen non tollitur quin sit commune patri & filio spirare, & quod filio conueniat habitudo producentis ad spiritum sanctum: sicut licet pater & filius sint coeterni, non tollitur tamen quin pater sit principium filij. Vltima ratio est. Esse principium spiritus sancti non est contra rationem filij, neque inquantum est Deus, quia hoc conuenit patri qui est Deus: neque inquantum est filius, quia alia est processio spiritus sancti, & alia filij. non est autem inconueniens id quod est à principio secundum vnam processionem, esse principium processionis alterius. ergo non est impossibile filij esse principium spiritus sancti: ergo potest hoc esse: ergo ita est. probatur prima consequentia: quia quicquid non est contra rationem alius, non est impossibile ei conuenire. Secunda verò, quia quod non est impossibile, potest esse. Tertia autem, quia in diuinis non differt esse & posse.

Ad istam rationem dicit Aureolus, quod per eam pari ratione argui posset quod spiritus sanctus generat filium: quia non repugnat hoc ei inquantum est Deus, nec inquantum est productus, quia in creaturis videmus quod productum generare potest.

Sed & hæc responsio nulla est. Licet enim spiritui sancto non repugnet, inquantum est productus, quod generet filium, repugnat tamen ei inquantum est productus: vt amor per modum voluntatis. amor enim præsupponit verbum, vt superius patuit. repugnat autem cui libet vt sit principium productiuum eius quod præsupponit.

*Rationes ostendere volentium, quod spiritus sanctus non procedat à filio, & solutio ipsarum.*

Cap. 25.



VIDAM verò pertinaciter veritati resistere volentes, quædam in contrarium inducunt, quæ vix responsione sunt digna. Dicunt enim quod Dominus de processione spiritus sancti loquens, eum à patre procedere dixit, nulla mentione facta de filio: vt pater Ioan. 15. vbi dicitur: Cum venerit paracletus, quem ego mittam vobis à patre spiritu veritatis, qui à patre procedit. vnde cum de Deo nihil sit sentiendum nisi quod scriptura tradit, non est dicendum quod spiritus sanctus procedat à filio. Sed hoc omnino friuolum est. nam propter unitatem essentia, quod in scripturis de vna persona dicitur, & de alia oportet intelligi, nisi repugnet proprietati personali ipsius, etiam si dictio excludiua adderetur. licet enim dicatur Matt. 11. qd nemo nouit filium nisi pater: non tamè à cognitione filij, vel ipse filius vel spiritus sanctus excluditur. vnde etiam si diceretur in euangelio, qd spiritus sanctus non procedit nisi à patre, non per hoc remoueretur quin procederet à filio, cum hoc proprietati filij non repugnet, vt ostensum est. nec est mirum si Dominus spiritu sanctum à patre procedere dixit, de se mentione non facta: quia omnia ad patrem referre solet, à quo habet quicquid habet: sicut cum dixit Ioan. 7. Mea doctrina non est mea: sed eius qui misit me patrem. & multa huiusmodi in verbis Domini inueniuntur ad commendandam in patre autoritatem principij. Nec tamen in autoritate præmissa omnino obtineat se esse spiritus sancti



sancti principium, cum dixit eum spiritum veritatis: se autem prius dixerat veritatem. Obiciunt etiam quod in quibusdam conciliis inuenitur sub interminatione anathematis prohibitum, ne aliquid addatur in symbolo in conciliis ordinato: in quo tamen de processione spiritus sancti à filio mentio non habetur: unde arguunt Latinos anathematis reos, qui hoc in symbolo addiderunt. Sed hanc efficaciam non habent: nam in determinatione synodi Chalcedonensis dicitur quod patres apud Constantinopolim congregati doctrinam Nicenae synodi corroborauerunt: non quasi aliquid minus esset inferentes: sed de spiritu sancto intellectum eorum aduersum eos qui Dominum eum respicere tentauerunt, scripturarum testimoniis declarantes. Et similiter dicendum est, quod processio spiritus sancti à filio implicitè continetur in Constantinopolitano symbolo, in hoc quod ibi dicitur quod procedit: quia quod de patre intelligitur, oportet & de filio intelligi: ut dictum est. Et ad hoc addendum sufficit autoritas Romani pontificis, per quam etiam inueniuntur antiqua concilia esse confirmata. Inducunt etiam quod spiritus sanctus cum sit simplex, non potest esse à duobus: & quod spiritus sanctus si perfectè procedat à patre, non procedat à filio: & alia huiusmodi: quæ facile est soluere etiam parum in theologia exercitatis. Nam pater & filius sunt vnum principium & spiritus sancti propter unitatem diuinæ virtutis: & vna productione producunt spiritum sanctum: sicut etiam tres personæ sunt vnum principium creaturæ, & vna actione creaturam producunt.

## Super Cap. 25.

**D**ETERMINATA veritate circa spiritum sancti processionem, vult S. Thom. rationes quorundam in contrarium adductas soluere, quas, ut inquit, vix responsione sunt dignæ. Prima ratio est, quia Dominus de processione spiritus sancti loquens, cum à patre procedere dixit, nulla restrictione facta de filio. ut patet Ioan. 15. ubi dicitur: Cum venerit pater, dicitur. Sed dicit primò S. Thom. quod propter essentiae unitatem, quod in scripturis de vna persona dicitur, & de alia oportet intelligi, nisi repugnet proprietati personali ipsius, etiam si dictio exclusiua adderetur, ut patet cum dicitur Matth. 11. quod nemo nouit filium nisi pater. Contra enim quod non excludit spiritum sanctum à cognitione filij, neque etiam ipsemet filius, ideo si etiam diceretur in euangelio spiritum sanctum non procedere nisi à patre, non propter hoc remoueretur quin à filio procederet, cum hoc proprietati filij non repugnet. Dicit secundò non esse mirum, Dominum sic locutum fuisse, quia omnia ad patrem referre solet, à quo habet quicquid habet, sicut cum dicit Ioan. 7. Mea doctrina, &c. Dicit tertio, quod in autoritate præmissa non omnino Dominus obtulit se esse spiritum sancti principium, cum dixit eum esse spiritum veritatis. se enim esse veritatem prius dixerat.

CIRCA primum dictum huius responsionis dubium occurrit. Non enim videtur quod unitas essentiae in patre & filio sit sufficiens ratio, ut esse principium spiritus sancti conueniat filio sicut & patri. Unitas enim essentiae non facit ut communia sint nisi ea quæ essentiam concomitantur. esse autem principium spiritus sancti non est de concomitantibus diuinam essentiam, alioquin etiam ipsi spiritui sancto conueniret, sed importat relationem originis, ergo, &c. Respondetur & dicitur primò, quod non in solam unitatem essentiae hoc reuoluit S. Thom. sed cum hoc in non repugnantiam ad proprietatem personalem filij. Dicitur secundò, quod duplicia sunt quæ diuinam essentiam concomitantur, quædam enim concomitantur diuinam essentiam simpliciter & absolute, & huiusmodi sunt ea quæ attributa nuncupamus: & hæc sunt omnibus diuinis communia, quædam verò ipsam concomitantur non simpliciter & absolute, sed in illis suppositis in quibus nihil ei repugnans aut oppositum inuenitur: hoc modo virtus spiritalis ut comprehendit habitudinem ipsam principij, concomitatur diuinam essentiam, inuenitur enim ubi non est opposita habitudinis, aut aliquid repugnans: & quia in patre & filio non est aliquid repugnans spiritali virtuti & spirationali, sed bene in spiritu sancto, in quo est habitudo spiritalis: ideo in patre & filio est virtus spiritalis, non autem in spiritu sancto qui est spiritalis, & habet relationem spirationali actui oppositam. Cum ergo dicitur quod esse principium spiritus sancti non concomitatur diuinam essentiam, dicitur quod licet non concomitatur ipsam simpliciter & absolute, ipsam tamen concomitatur in supposito in quo non est aliquid repugnans tali relationi principij: & ideo optime inquit S. Thom. quod propter unitatem essentiae, quod dicitur de vna persona, intelligitur & de alia, nisi repugnet personali proprietati ipsius: quia videlicet omne huiusmodi concomitatur essentiam aut simpliciter, aut in supposito in quo nihil est repugnans. Si dicatur quod paternitas conuenit patri, & tamen non conuenit spiritui sancto, in quo non est aliquid repugnans paternitati: nam processio quæ est proprietas spiritus sancti, non opponitur relativi paternitati. Respondetur quod licet processio non opponatur relativi paternitati, procedens tamen opponitur relativi paternitati tanquam principio productionis sui: & ideo in spiritu sancto est aliquid repugnans paternitati in quantum in ipso est processio repugnans spirationali existentii in patre: propter quod non potest eadem persona diuina procedens esse & pater.

Pater hæc responsio à similibus ex dictis S. Thom. de Potentia q. 10. art. vi.

timo ad 13. vbi ait, quod licet filiatio non opponatur relativi processioni, tamen procedens opponitur relativi filio: & per hoc processio à filiatione distinguitur.

SED videtur quod ista responsio non satisfaciat. Si enim ideo paternitas non est in spiritu sancto, quia licet processio non repugnet paternitati, repugnat tamen spirationali quæ paternitati coniungitur, sequetur quod eadem ratione essentia diuina quæ est in patre, non erit in spiritu sancto, quia processio repugnat spirationali quæ coniungitur essentiae. Respondetur quod non est eadem ratio de essentia & paternitate, quia essentia est communis, paternitas autem est incommunicabilis proprietatis patris, modo quod est commune in diuinis, stat cum relationibus oppositis, non autem quod incommunicabile est, sicut animal stat cum rationali & irrationali, non autem Sortes cum albo & nigro simul. Secunda obiectio est, quia in symbolo in conciliis ordinato, de processione spiritus sancti à filio, mentio non habetur. In quibusdam autem conciliis, scilicet Ephesino & Chalcedonensi, inuenitur sub interminatione anathematis prohibitum ne aliquid addatur symbolo in conciliis ordinato.

Respondet S. Thom. & dicit primò, quod processio spiritus sancti à filio, implicitè continetur in Constantinopolitana synodo, in hoc quod dicitur quod à patre procedit: quia quod de patre intelligitur, oportet & de filio intelligi, ut dictum est, & ideo nihil additur illi. Declaratur per id quod dicitur in Chalcedonensi synodo de synodo Constantinopolitana. Dicit secundò, quod ad hoc addendum, scilicet quod spiritus sanctus à filio procedat, sufficit autoritas Romani Pontificis, per quam etiam antiqua concilia inueniuntur esse confirmata.

CIRCA primum dictum responsionis considerandum est ex doctrina S. Thom. prima questione 36. articulo secundo ad secundum, & de Potentia questione 10. art. 4. ad 13. quod in symbolo Niceno doctrina catholica fidei sufficienter tradita fuit, & ideo sancti patres in sequentibus conciliis non intenderunt aliquid addere, sed propter insurgentes hæreses explicitè posuerunt quod in illa implicitè continebatur. Unde quia infurxerat post Nicenam synodum hæresis dicens spiritum sanctum non esse Deum, in concilio Constantinopolitano fuit hoc expresse positum in symbolo, similiter quia post Constantinopolitanum concilium infurxerat error dicens spiritum sanctum à filio non procedere, in quodam concilio in occidentalibus partibus congregato expresse hoc fuit, & in symbolo explicitè positum, quod tamen implicitè continebatur in eo quod dicebatur à patre procedere. De istis conciliis vide in Decretis distinctione 18.

CIRCA secundum dictum, aduertendum quod S. Thom. tenet Romani pontificis autoritatem esse auctoritatem concilij superiorem, cum ait antiqua concilia fuisse auctoritate ipsius confirmata. Nam confirmatio ad superiorem pertinet. Addit etiam in locis præallegatis, & in tractatu contra impugnantes religionem, quod sola Romani pontificis auctoritate synodus congregari potest, & quod ad ipsum à synodo potest appellari: quæ duo ostendunt ipsum esse synodum superiorem. Hæc autem sumit sanctus Thomas ex Decretis distinct. 17. & extra de elect. ca. significasti. Quod autem ad ipsum pertineat symboli constitutio, ostendit 2. 2. q. 1. artic. 10. quia ad ipsum pertinet ea quæ sunt fidei determinare. Unde dixit Dominus Petrus, Ego rogavi pro te Petre, ut non deficiat fides tua: & tu aliquando conuersus confirma fratres tuos. Sed quia nimis longum esset hic discutere an Papa sit supra concilium, hanc questionem prætermittam, præsertim eum post Ioannem de Turre cremata sit etiam à Romano cardinali Caetano ingeniosissime pertractata. Tertia obiectio est, quia cum spiritus sanctus sit simplex, non potest esse à duobus: & quia si perfectè procedit à patre, non procedit à filio. Respondet sanctus Thomas, quod hæc facile solui possunt, quia pater & filius sunt vnum principium spiritus sancti per unitatem diuinæ virtutis, & vna productione producunt spiritum sanctum.

ADVERTE quod ex ista responsione satisfacit optime S. Thom. duabus partibus obiectionis. Cum enim dicitur quod quia est simplex, non potest esse à duobus, satisfacit, quia simplex potest esse à duobus habentibus vnam numero virtutem, & per consequens habentibus vnum principij rationem. Cum etiam dicitur, quod quia perfectè procedit à patre, non procedit à filio: optime negatur consequentia implicita. Si enim diuersis virtutibus & diuersis productionibus pater & filius producerent, valeret ista consequentia: Pater perfectè producit spiritum sanctum, ergo non filius. sed quia & vna virtute & vna productione producunt, ideo consequentia non tenet, imò sequitur, pater perfectè producit, ergo & filius, quia vna est virtus patris & filij.

SED videtur quod dicta responsio non sufficiat. licet enim vna sit virtus patris & filij, per hoc tamen non tollitur superfluitas, siue accidentalitas filij in productione spiritus sancti, si spiritus sanctus perfectè procedat à patre. Dicitur enim effectus aliquis perfectè ab aliqua causa procedere, quando non indiget ad sui productionem alia causa eiusdem generis & eiusdem ordinis. Si enim navis aliqua posset ab vno sufficienter trahi, non requireret plures ad hoc ut traheretur. Similiter ergo, si spiritus sanctus perfectè & sufficienter à patre producat, sequitur quod non necessario procedat à filio, quantumcunque eandem virtutem habeat quam habet pater, & vna productione cum ipso producat. Respondetur & dicitur primò, quod effectum perfectè ab aliqua causa procedere potest intelligi & ex parte effectus, in quantum scilicet tota perfectio effectus ab ipsa producat: & ex parte causa, quia scilicet in causa est perfecta & completa virtus effectus productiua. Vtroque modo dicitur spiritus sanctus perfectè à patre procedere. Nam & omnis eius perfectio à patre procedit, & in patre est perfecta virtus spiritus sancti productiua. Dicitur secundò, quod ex hoc non sequitur filium esse superfluum, aut non esse necessarium in productione spiritus sancti.

Cum autem hoc probatur, quia dicitur effectus à causa perfectè procedere, quando non indiget alia causa: dicitur quod intelligitur de alia causa, alia virtute & alia numero operatione producente: non autem de alia causa siue de alio principio in quo eadem virtus & eadem operatio numero inuenitur quæ est in illa causa à qua perfectè procedit, imò ut habetur ex prima parte quæst. 36. art. 2. ad 6. & primo Sententiarum distinct. 1. artic. 1. ad vltimum, quando est vna numero virtus & vna operatio plurius, ut est in patre & filio, si ab vno procedit effectus, necessario procedit



ab alio, sicut & creatura licet procedat perfectè à patre, non tamen excluditur quin procedat à filio & spiritu sancto: imò necesse est vt ab illis etiā perfectè procedat, cum eadem sit virtus creatiua in omnibus diuinis personis, eademque numero operatio. Ex his patet rationem Scoti cum arguit in primo Sent. d. 12. quòd quia voluntas est æquè perfectà in vno supposito, sicut in duobus, & vnum suppositum æquè perfectū est perfectione requisita ad suppositum agens, sicut duo, ideo voluntas æquè potest esse principium producendi in vno sicut in duobus, nullam esse. Nam ex eo quòd voluntas est æquè perfectà in vno supposito sicut in duobus, &c. non sequitur quòd possit ita esse principium producendi in vno solo sicut in duobus, imò sequitur oppositum. Ex eo enim quòd est eadem numero voluntas in duobus, & æquè perfectà: sequitur quòd non potest esse principium producendi in vno quin sit principium producendi in duobus, scilicet in patre & filio, in quibus non est relatio spirationi opposita.

*Quòd non sunt nisi tres personæ in diuinis, scilicet pater, filius, & spiritus sanctus.*

Cap. 26.

Idem 1. 2. q.  
30. art. 1.



**E**X his igitur quæ dicta sunt, accipere oportet, quòd in diuina natura tres personæ subsistunt, pater, & filius, & spiritus sanctus: & quòd hi tres sunt vnus Deus, solis relationibus abinuicem distincti. Pater enim à filio distinguitur paternitatis relatione & innascibilitate: filius autem à patre relatione filiationis: pater autem & filius à spiritu sancto spiratione, vt ita dicatur: spiritus autem sanctus à patre & filio processione amoris qua ab vtroque procedit. 2. Præter has tres personas non est quartam in diuina natura ponere. Personæ enim diuinæ cum in essentia conueniant, non possunt distingui nisi per relationem originis, vt ex dictis \* patet, has autem originis relationes accipere oportet non secundum processionem in exteriora tendentem, (sic enim procedens non esset coessentialis suo principio) sed oportet q̃ processio interius consistat. Quòd autem aliquid procedat manens intra suum principium, inuenitur solum in operatione intellectus & voluntatis, vt ex dictis patet. vnde personæ diuinæ multiplicari nō possunt nisi secundum q̃ exigit processio intellectus & voluntatis in Deo. non est autem possibile q̃ in Deo sit nisi vna processio secundum intellectum: eò quòd suum intelligere est vnum & simplex & perfectum: quia intelligendo se, intelligit omnia alia: & sic non potest esse in Deo nisi vna verbi processio. similiter autem oportet & processionem amoris esse vnā tantum: quia etiam diuinum velle est vnum tantum & simplex. amando enim se amat omnia alia. non est igitur possibile quòd sint in Deo nisi duæ personæ procedentes: vna per modum intellectus, vt verbum, scilicet filius: & alia per modum amoris, scilicet vt spiritus sanctus: est etiam & vna persona non procedens, scilicet pater, solum igitur tres personæ in trinitate esse possunt.

3. Item, si secundum processionem oportet personas diuinas distingui, modus autem personæ quantum ad processionem non potest esse nisi triplex, vt scilicet sit aut omnino non procedens, quod patris est: aut à non procedente procedens, quòd filij est: aut à procedente procedens, quòd spiritus sancti est: impossibile est igitur ponere plures quā tres personas. Licet autē in aliis viuentibus possint relationes originis multiplicari, vt scilicet sint in natura humana plures patres, & plures filij: in diuina tamen natura hoc omnino impossibile est esse. nam filiatio cum in vna natura sit vnus speciei, non potest multiplicari nisi secundum materiam aut subiectum: sicut est etiam de aliis formis. vnde cum in Deo non sit materia aut subiectum, & ipsæ relationes sint subsistentes, vt ex supradictis patet: impossibile est quòd in Deo sint plures filiationes: & eadem ratio est de aliis: & sic in Deo sunt solum tres personæ. Si quis autem obiciens dicat quòd in filio, cum sit perfectus Deus, est virtus intellectiua perfecta: & sic potest producere verbum: & similiter cum in spiritu sancto sit bonitas infinita, quæ est communicationis principium, poterit alteri diuinæ personæ naturam diuinam communicare: considerare debet q̃ filius est Deus vt genitus, nō vt generas: vnde virtus intellectiua est in eo vt in producente per modum verbi, non vt in producente verbum: & similiter cum spiritus sanctus sit Deus vt procedens, est in eo bonitas in-

finita vt in persona accipiente, non vt in communicante alteri bonitatem infinitam. non enim distinguuntur abinuicem nisi solis relationibus, vt ex supradictis \* patet. tota igitur plenitudo diuinitatis est in filio, & eadem numero quæ est in patre, sed cum relatione natiuitatis, sicut in patre cum relatione generationis actiue. vnde si relatio patris attribueretur filio, omnis distinctio tolleretur, & eadē ratio est de spiritu sancto. Huiusmodi autem diuinæ trinitatis similitudinem in mēte humana possumus considerare. ipsa enim mēs ex hoc q̃ se actu intelligit, verbum suum concipit in seipsa: quòd nihil aliud est quā ipsa intentio intelligibilis mentis: quæ & intentio intellecta dicitur in mēte existēs: quæ dum vltius seipsam amat, seipsam producit in voluntate vt amatam. Vltius autem non procedit intra se, sed cōcluditur circulo, dum per amorem redit ad ipsam substantiā à qua processio inceperat per intētionē intellectā: sed fit processio ad exteriores effectus, dum ex amore sui procedit ad aliquid faciendum. Et sic tria in mēte inueniuntur. Mens ipsa quæ est processionis principium in sua natura existens: & mens cōcepta in intellectu, & mens amata in voluntate. non tamen hæc tria sunt vna natura, quia intelligere mentis non est eius esse, nec eius velle est eius esse aut intelligere: & propter hoc etiam mens intellecta, & mens amata, non sunt personæ, cum non sint subsistentes: mens etiam ipsa in sua natura existens non est persona, cum non sit totum quòd subsistit, sed pars subsistentis, scilicet hominis. in mēte igitur nostra inuenitur similitudo trinitatis diuinæ quantum ad processionē quæ multiplicat trinitatem, cum ex dictis manifestū sit esse in diuina natura Deum ingentum, qui est totius diuinæ processionis principium, scilicet patrem, & Deum genitum per modum verbi in intellectu concepti, scilicet filium, & Deū per modum amoris procedentem, scilicet spiritū sanctum. vltius autem intra diuinam naturam nulla processio inuenitur, sed solum processio in exteriores effectus.

In hoc autem deficit à repræsentatione diuinæ trinitatis, q̃ pater & filius & spiritus sanctus sunt vnus naturæ, & singulus horum est persona perfecta, eò quòd intelligere & velle sunt ipsum esse diuinū, vt ostensum est \*. & propter hoc sic consideratur diuina similitudo in homine, sicut similitudo Herculis in lapide, quātum ad repræsentationem formæ, non quantum ad conuenientiā naturæ. vnde & in mēte hominis dicitur esse imago Dei, secundum illud Gen. 1. Faciamus hominem ad imaginem & similitudinem nostram. Inuenitur etiam in aliis rebus diuinæ trinitatis similitudo, prout quælibet res in sua substantia vna est, & specie quadam formatur, & ordinē aliquem habet. Sicut autem ex dictis patet, conceptio intellectus in esse intelligibili est sicut informatio speciei in esse naturali. amor autem est sicut inclinatio vel ordo in re naturali. vnde & species naturalium rerum à remotis repræsentat filium, ordo autem spiritum sanctum, & ideo propter remotam repræsentationem & obscuram in irrationabilibus rebus, dicitur in eis esse trinitatis vestigium, non imago, secundum illud Iob 11. Nunquid vestigia Dei cōprehendes? &c. & hæc de diuina trinitate ad præsens dicta sufficiant.

Super Cap. 26.



**E**X omnibus prædictis de diuina trinitate infert S. Thomas vnum corollarium, scilicet quòd in natura diuina tres personæ subsistunt, scilicet pater, filius, & spiritus sanctus: & q̃ hi tres sunt vnus Deus, solis relationibus abinuicem distincti. Nam pater à filio distinguitur paternitate & innascibilitate, ab ipso verò distinguitur filius filiatione, pater & filius à spiritu sancto distinguntur spiratione, vt ita dicatur: spiritus autem sanctus ab ipsis processione amoris, & præter has personas non est quartam in diuina natura ponere.

Huius corollarij vltimam tantum partem probat S. Thom. quoniam reliquæ manifestæ sunt. Circa quod tria facit. Primò ostendit propositum, secundò excludit quorundam obiectionem: tertio ostendit in creaturis esse quandam diuinæ trinitatis similitudinem.

ADVERT E autem, vt dicebatur superius, quòd quia iis quæ ad voluntatis processionem pertinent, non sunt ita nomina imposita sicut iis quæ ad processionem pertinent intellectus, ideo eodem nomine significamus & productionem actiua spiritus sancti, & relationem ipsam consequentem, scilicet nomine spirationis: & ideo dixit S. Thom. quòd pater & filius

\* Cap. 24.

\* 1. lib. 6. 45.  
& 73.



& filius à spiritu sancto distinguuntur spiratione, ut ita dicatur.

OCCURRIT autem dubium. Nam inquit primò sancti Thom. quòd tres personæ solis relationibus sunt distinctæ: postmodum inquit patrem distinguunt à filio innascibilitate, cum tamen innascibilitas non sit relatio, sed magis negatio. Respondetur ex doctrina sancti Thom. prima quæst. 33. art. 4. ad tertium, quòd innascibilitas etiam ad relationem pertinet non quidem directe sed reductivè, in quantum negatio reducit ad genus affirmationis, sicut non album ad genus qualitatis. dicit enim negationem naturæ & filiationis, quæ est relatio. Prima ergo ratio qua ostenditur non esse quartam personam in divinis, est hæc: Personæ divinz non possunt multiplicari, nisi secundum quòd exigit processio intellectus & voluntatis, quia non possunt distinguuntur nisi per relationem originis: hæc autem oportet accipere secundum operationes immanentes intellectus & voluntatis, ut ex dictis patet: sed in Deo non potest esse nisi una processio secundum intellectum, & una secundum voluntatem, quia suum intelligere est unum & simplex & perfectum, & similiter suum velle: ergo non sunt nisi duæ personæ procedentes, & est una etiam non procedens, scilicet pater, ergo, &c.

ADVERTENDUM quòd ratio hæc fundatur super unitate actus numerali & formali, non autem super unitate numerali tantum, quæ est unitas identificata, quia sic intellectus & voluntas sunt unum, & sic si de hac unitate intelligeretur, sequeretur quòd filius & spiritus sanctus essent una persona: sed ratio in hoc fundatur, quòd actus intellectus qui est formaliter unus, est etiam unus numeraliter, & similiter actus voluntatis. Quæ ad hanc rationem pertinent, superius capite tertio decimo sunt explicata: ideo circa ipsam non oportet amplius immerari.

Secunda ratio procedit, si ponatur personæ distinguuntur secundum processionem, & arguitur sic: Nō potest esse nisi triplex modus personarum quantum ad processionem, scilicet ut sit aut omnino non procedens, quod est patris: aut non procedente procedens, quod est filii: aut à procedente procedens, quod est spiritus sancti: ergo non possunt esse nisi tres personæ.

Si dicatur quòd relationes originis multiplicari possunt secundum vnam speciem processionis, sicut in aliis viventibus, puta in natura humana sunt plures patres, & plures filii. Contra arguitur, quia filiatio cum in vna natura sit vnius speciei, nō potest multiplicari nisi secundum materiam aut subiectum, sicut est de aliis formis. In Deo autem non est materia aut subiectum, ipsæ relationes sunt subsistentes.

ADVERTE ex verbis sancti Thom. errorem argumentum contra ipsum tanquam contra dicentem non posse multiplicari individua in vna specie nisi per materiam ex qua componantur, & inducenti articulos Parisienses in quibus de hac materia sit mentio. Nam cum dicat hic filiationem fieri & alias formas nō posse multiplicari nisi per materiam aut subiectum, constat quòd non intendit, per solam materiam ex qua individua vnius speciei multiplicari, sed aut per materiam ex qua, aut per materiam in qua, id est per subiectum. Vnde cum aliquando inquit ipsa multiplicari per materiam, nomine materiarum omne subiectum intelligit, ut patet ex hoc loco.

ADVERTE etiam quòd duas rationes tangit sancti Thom. quare filiatio in divinis non multiplicatur per materiam aut subiectum. vna est, quia in Deo non est materia aut subiectum. altera est, quia ipsæ relationes sunt subsistentes: ex quo patet quòd in subiecto non sunt, sicut nec in alia subsistentia: & consequenter quòd per subiectum multiplicari non possunt.

SED contra prædictum fundamentum, scilicet quòd per subiectum multiplicatio numeralis fiat arguunt multi apud Capreolum in primo distinct. 7. quæst. 2. art. 2. præcipue Scotus in quinto Metaphysicæ, quia videlicet plures formæ solo numero distinctæ in eodem subiecto simul inveniuntur, sicut plura lumina in vna parte diaphani, & plures species in eadem parte oculi, & plures paternitates in eodem patre. Sed ad omnia ista dicitur quòd falsum est plura talia solo numero distincta esse in vno ad quo subiecto. hoc enim est contra mentem Arist. 5. Metaphysicæ text. 12. dicentis vnum numero esse quorum materia est vna.

NEC est verum, quòd plura lumina sint in eadem parte diaphani. Nam si eadem aëri appropinquetur duo luminaria, non causantur duo lumina, sed vnum intensus quàm si ab vno tantum causaretur: nec radius directus & reflexus sunt duo, sed vnus intensus in puncto reflexionis quàm alibi. Non est etiam verum, plures species eiusdem rationis solo numero distinctas esse in eadem parte oculi aut aëris. Nam si ponantur duo visibilia in distinctis locis, constat quòd eorum species in aëre & in oculo non sunt eiusdem rationis, quia vna repræsentat vnum visibile cum suo situ & figura, & alia repræsentat aliud visibile cum alio situ: species autem visibiles quæ diversa secundum speciem repræsentant, non sunt eiusdem rationis. Si autem duo visibilia omnino similia in eodem situ ponerentur, puta duo ova, quòd quidem non nisi per miraculum fieri potest, vnam tantum speciem causarent in oculo, intensiorem tamen quàm si ab vno tantum causaretur, quæ quid esset duorum repræsentativa: & si primum vnum causaret speciem, postea aliud in eodem situ poneretur, secundum non causaret aliam speciem, sed priorem intenderet: puto tamen quòd in tali casu per illam vnicam speciem non possent illa duo visibilia per sensum distinctè cognosci. Non est denique verum in vno patre esse plures paternitates, ut superius est ostensum de mente sancti Thomæ, sed vnica paternitate pater refertur ad plures filios, tum quia est vnica in ipso fundamentum, tum quia nullum filiorum respicit tanquam terminum ad quem, sed absolute filium: & ideo mortuo vno filio alius remanentibus non definit filiationis ad filium mortuum. Sed contra istam responsionem in quantum ponit à pluribus corporibus luminosis vnicum tantum numero lumen in eadem parte aëris causari, potest argui. Primò, quia tunc non posset dari aliqua radiorum intersecatio, quod est contra perspectivæ doctrinam. Secundò: quia si pluribus corporibus luminosis plura corpora opaca opponantur, causabuntur plures vmbre: hoc autem non posset esse nisi ab illis plura causarentur lumina. Tertiò, quia communis propositio est, quòd maius lumen offuscat minus: hoc autem esse non posset nisi maius lumen & minus essent duo lumina simul in eodem subiecto existentia. Respondetur, quòd vique verum est à duobus corporibus luminosis non causari

in eadem aëris parte duo lumina, sed vnicum, intensus tamen quàm si ab vno tantum luminoso corpore causaretur. hoc enim est de mente sancti Thomæ, secundo Sententiarum distinct. 13. art. 3. ad 2. Vnde ad primum in oppositum negatur sequela. Non enim intersecatio radiorum est accipienda ad modum duorum corporum sese in aliquo puncto tangentium, quasi scilicet ipsi radij distincti existentes sese in aliquo puncto contingant, sed quia diversi radij à diversis corporibus illuminosis proveniunt, in aliquo puncto vnu lumen efficiuntur, intensus tamē esse quàm si ab vno tantum corpore lucido causaretur, ex eo quod vtraque virtus illuminativa ad idem punctum concurrat. & hoc videtur intendere sanctus Thomas loco allegato, cum inquit quòd non intelligitur coniunctio & separatio luminum nisi secundum intensionem & remissionem luminis. Ad secundum potest dupliciter responderi negando minorem. Primò, quòd corpus oppositum non privatur lumen ab vno corpore luminoso causatum, sed lumen quod erat intellus, posito tali obstaculo fit ex illa parte remissum ad quam actio illius corporis luminosi non potest liberè pervenire. Secundò, quòd licet vnius luminis sit tantum vna privatio perfecta, totaliter videlicet ipsum auferens, possunt tamen ipsius esse plures imperfectæ privationes quarum scilicet vnaquæque ipsum imperfectè & pro aliqua sui parte remoueat, quantum in subiecto extenso extensionem habet sicut & diuisionem: ideo non sequitur si sunt plures vmbre, quòd sint plura lumina, quando quilibet vmbra lumen imperfectè tantum & partialiter privatur: sicut accidit in proposito quando plura corpora pluribus luminosis opponuntur. Ad tertium dicitur ut haberi potest ex doctrina sancti Thomæ, tertia quæst. 9. art. 4. ad 2. & quæst. 9. art. 1. ad 2. quòd illa propositio, Maius lumen offuscat minus, intelligitur de lumine se tenente ex parte corporis illuminantis, corpus enim luminosius suo lumine impedit ne corporis minus lucidi lumen suum lux distinctè videri possit: sicut lumen solis impedit ne lux stellarum videatur in die: nō autem habet veritatem de lumine ex parte corporis illuminati se tenente, quasi inquam in vno corpore aut in vna aëris parte sint duo lumina distincta, aliquod scilicet maius, & aliquod minus, & minus à maiore occultetur: imò lumen à corpore minus lucido causatum superueniente lucidiori corpore intenditur & perficitur. Ex his solutionibus patet primò, quòd illa propositio perspectiuorum, Radus visibilium impermixtè medium illustrare, non intendit in medio esse plura lumina realiter & secundum esse distincta, sed quòd idem lumen habet distinctas dependentias ad diuersa visibilia, & illa distinctè repræsentat. Patet secundò, aliam propositionem perspectiuorum, scilicet, Lucem fortem orientem super visum & medium quædam visibilia occultare, veritatem habere de visibilibus in se consideratis, non autem in suo effectu. Ex his patet vanam esse rationem arguentem, posse esse plures filios in divinis, quia præcedens distingueretur à subsequente per cooppositam relationem. constat enim quòd hoc non posset esse nisi essent plures filiationes: quæ cum non possint nisi per subiectum multiplicari, necesse esset ponere in Deo subiectum & compositionem, & ipsas non esse subsistentes: quorum vtrumque manifestè falsum est. Quantum ad secundum remouet sanctus Thomas quandam obiectionem. Videtur enim quòd sint plures filii, & plures spiritus sancti. In filio enim cum sit perfectus Deus, est virtus intellectiva perfecta: & in spiritu sancto est bonitas infinita, quæ est communicationis principium, ergo, &c. Respondet sanctus Thomas illam consequentiam non valere, quia cum filius sit Deus vt genitus, virtus intellectiva est in ipso vt in procedente per modum verbi, non vt in producente verbum. est enim in filio tota plenitudo diuinitatis, & eadem numero quæ est in patre sed cum relatione naturæ, in patre verò cum relatione generationis actiue, alioquin nō distinguerentur pater & filius cum solis relationibus distinguantur. Similiter cum spiritus sanctus sit Deus procedens, est in eo bonitas infinita vt in persona accipiente, non vt in communicante alteri, scilicet ad intra. ideo ratio non sequitur. De efficacia huius responsionis vide superius cap. 13.

POSSET autem ulterius argui contra prædictam conclusionem. Primò, quia posse generare est aliqua dignitas patris, imò etiam genuisse filium Deum est dignitas: omnis autem dignitas est filio attribuenda. Secundò, quia ex Philosopho 4. Meteororum text. commun. 19. perfectum est vnum quodque cum potest sibi simile generare. Sed ad primum dicitur primò de mente sancti Thomæ 1. quæst. 42. art. 3. quòd dignitas est absolutum, & ad essentiam pertinet: & ideo sicut eadem essentia est in patre & filio, ita & eadem dignitas: sed in patre est paternitas, in filio est filiatio.

Dicitur secundò, quòd committitur fallacia figuræ dictionis arguendo sic, Omnis dignitas est filio attribuenda, posse generare siue generare est dignitas, ergo est in filio. mutatur enim quid in aliquid. nam dignitas est absolutum, & posse generare siue generare est relatiuum. dicit enim absolutum cum respectu: & ratione quidem absoluti pertinet ad dignitatem, non autem ratione relationis. ideo non sequitur, si omnis dignitas est in filio, quòd in ipso sit posse generare. sed tantum quòd in ipso sit id absolutum quòd includitur in hoc quòd dicitur, posse generare. Ad secundum dicitur primò, quòd tunc aliquid est perfectum, quando habet potentiam generandi sibi simile, id est, quando sibi nō deest illud absolutum quòd nomine potest generare importatur: & sic concessum est in præcedentibus esse potentiam generandi, non autem oportet ut habeat ipsam quantum ad relationem quam dicit, quia relatio nullam perfectionem dicit. Dicitur secundò, quòd propositio Aristotelis habet veritatem in rebus materialibus in quibus possunt esse plura individua eiusdem speciei, non autem in rebus immaterialibus.

Dicitur tertio, quòd non habet veritatem in natura in qua propter eius perfectionem non potest esse nisi vnus filius immaterialis, cuius modi est natura diuina. Quantum ad tertium ostendit sanctus Thomas similitudinem diuinz trinitatis in creaturis aliquo modo inueniri: & primò in mente humana, secundò in aliis rebus. In mente igitur humana est similitudo quantum ad hoc, quòd sicut in diuinis est Deus ingenitus, quæ est totius diuinz processionis principium, scilicet pater, & Deus genitus per modum verbi in intellectu concepti, scilicet filius, & Deus per modum amoris procedens, scilicet spiritus sanctus: nec inuenitur alia processio intra diuinam naturam, sed solum processio in exteriores effectus: ita cum mens seipsam intelligendo verbum suum concipit in seipsa, & seipsam amando seipsam producit in voluntate vt amatam, & ulterius non procedit



cedit intra se, sed tamen ad exteriores effectus ex amore sui aliquid faciendo, in mente tria inueniuntur, scilicet mens ipsa, quæ est processionis principium in sua natura existens: & mens concepta in intellectu, & mens amata in voluntate. Differentia tamen est inter trinitatem mentis, & trinitatem Dei, quia pater & filius & spiritus sanctus sunt vnus naturæ, & singulum horum est persona perfecta: in mente autem illa tria non sunt vnus naturæ, quia nec intelligere motis nec velle est eius esse, mens etiam intellecta & mens amata non sunt personæ, cum non sint substantiæ: sed nec etiam ipsa mens in sua natura existens est persona, cum sit pars substantiæ, non autem totum: & propter hoc in homine consideratur diuina similitudo: sicut similitudo Herculis in lapide, quatum scilicet ad representationem formæ, non autem quantum ad convenientiam naturæ. Vnde & in mente hominis dicitur esse imago Dei, secundum illud Genes. 1. Faciamus, &c. In aliis vero rebus inuenitur similitudo diuinæ trinitatis in quantum quælibet res in sua substantia est vna, per quod videlicet representat patrem qui est principium non de principio, & specie quadam formatur per quod representat filium. conceptio enim intellectus in esse intelligibili est, sicut informatio speciei in esse naturali, & ordinis quendam habet per quod representat spiritum sanctum. Amor enim est sicut inclinatio vel ordo in re naturali. Addit autem S. Tho. quod propter hanc rationem & obscuram representationem in irrationalibus creaturis, dicitur esse vestigium trinitatis, non autem imago, secundum illud Iob 11. Nunquid vestigia Dei comprehendes?

Ad euentiam eorum quæ hic dicuntur de imagine, considerandum primum ex doctrina sancti Thomæ 1. quæst. 93. art. 2. ad 4. & 1. Sent. distinct. 3. quæst. 3. ad 4. quod imago dupliciter accipi potest. Vno modo pro similitudine qua artificiatum speciem artis quæ est in mente artificis imitatur: & sic creatura quælibet est imago illius rationis exemplaris siue Ideæ quam habet in mente diuina. sic autem non loquimur hic de imagine. Alio modo pro similitudine qua alterum quid imitatur secundum speciem & naturam: quomodo dicimus filium regis esse eius imaginem, siue etiam eius statuem. & hoc modo loquimur hic de imagine. Vnde ad rationem imaginis hoc modo acceptæ tria requiruntur, scilicet quod sit similitudo alicuius, quod sit ab eo expressa, saltem tanquam ab exemplari, & quod sit similitudo secundum speciem vel ad minus secundum aliquod accidens speciei, & præcipue secundum figuram quæ est speciei demonstratiua.

CONSIDERANDVM secundò, quod aliquid dicitur similitudo alicuius secundum speciem, quando est eiusdem speciei & eiusdem naturæ secundum: sed quia in Deo proprie non est species neque differentia, cum Deus non sit limitatus naturæ entis, sed sit ipsum esse substantiæ, dicitur homo habere imaginem Dei, & esse illi similis secundum speciem, qua conuenit cum Deo in supremo gradu naturæ in quo creatura possit Deo assimilari, scilicet in gradu intellectuali, qui tenet locum vltimæ differentiæ in Deo secundum nostrum modum intelligendi. vnde quia in eadem ratione, analogatamen, supremi gradus diuini assimilatur homo Deo, ideo dicitur illi similis secundum naturam & secundum speciem. Est enim homo secundum mentem naturæ intellectuales, sicut Deus: & in mente humana inuenitur processio verbi secundum intellectum, & processio amoris secundum voluntatem, sicut in mente diuina: quod in aliis creaturis inferioribus non inuenitur.

CONSIDERANDVM tertio, quod duplex est imago, scilicet perfecta & imperfecta. perfecta est illa quæ attenditur secundum æqualitatem perfectionis naturæ, sicut filius est perfecta imago patris: & hoc modo non ponitur in homine imago Dei: quod quidem significauit sanctus Thomas hic, cum dixit quod non inuenitur in eo Dei similitudo quantum ad convenientiam naturæ, scilicet secundum æqualitatem perfectionis. Imperfecta autem similitudo est quæ attenditur quidem secundum conuenientiam in natura aliquo modo, sed non secundum æqualitatem: sicut imago Herculis in cupro. statua enim cupri non est eiusdem naturæ cum Hercule quantum ad substantiam, conuenit tamen cum ipso in figura, quæ est proprium accidens speciei humanæ: & hoc modo ponitur imago Dei in homine, quia diuina natura excedit quidem in infinitum humanam: sed tamen in homine inuenitur similitudo supremi gradus diuini nobis noti secundum quandam analogiam & proportionem. Hoc significauit sanctus Thomas hic cum dixit, quod sic consideratur diuina similitudo in homine, scilicet similitudo Herculis in lapide quantum ad representationem formæ, id est, figuræ. attenditur enim hæc comparatio quantum ad hoc quod sicut lapis non assimilatur Herculi quantum ad naturam speciei, sed quantum ad aliquid quod speciem consequitur, ita mens humana non representat trinitatem personarum tanquam existens eiusdem naturæ (specifica cum Deo, sed tanquam habens aliquam similitudinem Dei longè à natura diuina deficientem, ac si accidens naturæ diuinæ (vt ille licet loqui) representaretur. hoc etiam significatur per authoritatem adductam ex scriptura Genes. 1. Nam cum dicitur, Faciamus hominem ad imaginem & similitudinem nostram: denotatur in homine esse imperfectam Dei imaginem. Ista enim propositio ad (vt inquit S. Tho. loco præallegato) quandam accessum significat qui competit rei distant.

Ad euentiam quoque eius quod dicitur de vestigio, sciendum quod vestigium differt ab imagine, quia imago representat secundum similitudinem speciei modo exposito: vestigium autem non, sed representat sicut effectus representat suam causam cum qua non est eiusdem rationis aut speciei, sed tam per ipsum deuenit in causæ cognitionem, ex eo quod in ipso appareat casualitas causæ: sicut impressio derelicta ex motu animalis, dicitur eius vestigium. Non enim est eiusdem speciei aut rationis, sed tamen per illam impressionem ostenditur animal per illum locum transisse. eadem ratione cinis dicitur vestigium ignis: & desolatio terræ, vestigium hostilis exercitus. Per hunc modum in creatura irrationali dicitur esse vestigium trinitatis, quia in ipsa non est similitudo supremi gradus naturæ diuinæ, scilicet intellectuales, & per consequens non est in ea processio verbi per intellectum, nec processio amoris per voluntatem, sed tamen ita aliquo modo representat, in quantum ipsa est effectus: & hæc in prima causa producente necesse est esse. Secundum enim quod aliqua creatura est substantia vna creata, representat substantiam patris, qui est principium non de principio, in quo quædam vnitas intelligitur: secundum vero quod habet quandam formam & speciem, representat verbum, secundum quod forma artificiatum ex conceptione artis dependet: & hoc in-

tellexit sanctus Thomas, cum dixit quod conceptio intellectus in esse intelligibili est sicut informatio speciei in esse naturali, id est conceptio intellectus quæ habet esse intelligibile in intellectu, est exemplar secundum quod formatur species & natura extra intellectum quantum ad suum esse naturale. & ideo conuenienter dicitur, quod per creaturam irrationalem in quantum habet speciem, representatur verbum diuinum. ex hoc enim quod à Deo per intellectum producit, deuenimus in hanc cognitionem, quod in Deo est aliquid verbum: secundum verò quod habet ordinem ad aliquid, representat spiritum sanctum, in quantum ex hoc cognoscimus in Deo esse amorem & voluntatem quibus creatura ordinatur ad bonum, & hæc est assignatio vestigij quam ponit Aug. in 6. Trinit. Quia igitur creaturæ irrationales non representant Deum & trinitatem diuinam tanquam similes illi secundum speciem modo præposito, sed tanquam effectus à similitudine causæ deficientes, & magis casualitatem quam speciem causæ representantes, ideo hæc representationem vocat sanctus Thom. representationem à remotis & obscuram, atque representationem per modum vestigij. Vide de hac materia Capreolum in primo Sent. dist. 3. quæst. 3. artic. 2.

Quia in præcedentibus suppositum septennumero est, diuinas personas per relationes originis & constitui & distingui, videndum postremò est quid in hac re difficultatem faciat in doctrina sancti Thom. Nam reliquas difficultates abunde dissoluit Capreolus primo Sententiarum distinct. 27. Primò difficultatem facit, quia tenet S. Thom. relationes huiusmodi esse idem realiter cum diuinis personis, & ab ipsis solo modo significandi per abstractum & concretum distingui. diuinæ enim personæ apud ipsum sunt ipsæ relationes substantiæ, vt dicitur prima quæst. 40. articulo secundo ad primum, & articulo tertio. non apparet autem quomodo idem possit constituere seipsum formaliter. semper enim oportet constitutum esse à constituto distinctum.

Secundò facit difficultatem, quia tenet de Potent. quæstione octaua, articulo tertio, ad septimum, & quæstione decima articulo quinto ad duodecimum, quod relationes constituunt hypostasies in quantum sunt diuina essentia, quæst. verò decima, articulo tertio, dicit quod relatio constituit in quantum est diuina, quia ex hoc habet quod sit idem cum diuina essentia. Ex hoc enim videtur, quod primò ipsa diuina essentia sit constitutiva hypostasios, non autem relatio. Tertio, facit difficultatem, quia apud ipsum relatio non constituit in quantum relatio, sed bene distinguit, vt patet prima 4. 46. artic. 4. & de Potent. q. 10. artic. 3. Et sic non videtur quod magis dicendum sit diuinas personas per relationes originis constitui, quam per origines aut per essentiam, aut per aliquid huiusmodi. Cum enim in Deo sint idem realiter omnia, exceptis ipsis personis, non est aliquid magis attribuendum vni quam alteri, nisi hoc sibi ex sua ratione formali conueniat.

Ad euentiam horum considerandum est primò, quod dupliciter possumus loqui de diuinis personis. Vno modo secundum se, vt scilicet extra nostrum intellectum sunt in suo esse reali, alio modo vt sunt in nostra cognitione, & à nobis determinatis nominibus explicantur. Si primò modo de ipsis loquamur, non oportet aliquid querere per quod constituuntur & distinguuntur. Cum enim simplicissimæ sint, non conuenit accipere in ipsis distinctionem constituentis & constituti, siue distinguens & distincti. pater enim & paternitas sunt omnino idem ex parte rei, & eandem rationem formalem fundant. vnde sic concedendum est, quod seipsis constituentur & distinguuntur, id est, non per aliquid ab ipsis distinctum realiter aut formaliter, sicut & de Deo verè est dicere, quod seipso est Deus, cum ex parte rei Deus & Deitas sint omnino idem: & de Gabriele verum est dicere, quod seipso est Gabriel, si consideretur secundum se ex parte rei. ipsa enim eius natura seipsa est hæc & indiuidua, & non per aliquid aliud. Quod autem hoc sit de mente sancti Thom. patet prima quæst. 40. articulo secundo ad secundum. Respondendo enim ad hoc argumentum: Simplicia seipsis distinguuntur, personæ diuinæ sunt maxime simplices, ergo seipsis distinguuntur: ait, Dicendum quod personæ sunt ipsæ relationes substantiæ, vnde non repugnat simplicitati diuinarum personarum quod relationibus distinguantur. Per hanc enim responsionem non satisficit argumento, nisi concedendo quod seipsis personæ diuinæ distinguantur secundum quod habent esse extra intellectum in suo esse reali, quia videlicet personæ sunt ipsæ relationes substantiæ. Hoc autem expressius ponit primo Sententiarum, dist. 16. q. 2. art. 1. ad 3. vbi ad simile argumentum respondendo ait, quod etiā personæ diuinæ distinguuntur seipsis in quantum personæ secundum rem sunt ipsæ relationes.

Si autem secundo modo considerentur, sic queri potest per quid constituuntur & distinguantur. Cum enim diuina cognoscere non possimus nisi ex perfectionibus in creatura inuentis, & illa secundum modum creaturarum significemus, vt ex superioribus patet, ad significandum substantiam & perfectionem diuinorum vtimur nominibus concretis, quia apud nos ea quæ sunt perfecta & substantia, sunt composita: ad significandum autem earum simplicitatem vtimur nominibus abstractis, quia illis simplices formas significamus: & sic vnam & eandem rem in diuinis significamus nomine abstracto & nomine concreto, diuersis tamen respectibus. naturā enim diuinam nomine Dei & deitatis significamus, & hypostasim patris significamus nomine patris & nomine paternitatis. Quia ergo hoc nomen pater, est nomen concretum, & consequenter significat quantum ad modum significandi ex parte nominis se tenentem, cum quadam compositione, & omne quod significatur per modum compositi, significatur vt tale per aliquid simplex: ideo conueniēter queritur per quid pater habet quod sit pater, siue per quid constituitur, & per quid distinguitur ab aliis suppositis quæ sunt in diuina natura: & dicimus quod paternitas est pater, sicut Deus est Deus deitate, in quo quidem non ostenditur aliqua distinctio inter patrem & paternitatem ex parte rei, sed tātū diuersus modus significandi. vna enim & eadem res est paternitas substantiæ, vt significatur nomine concreto, significatur vt constituta, quia significatur per modum compositi: vt autem significatur nomine abstracto, significatur vt constitutus, quia significatur per modum simplicis, scilicet vt quo aliquid est pater.

CONSIDERANDVM secundò, quod illo modo quo ponitur in persona diuina secundum modum nostrum intelligendi & significandi, constitutus & constitutum, non intelligitur talis constitutio per modum alicuius.



alicuius totius aut integralis aut essentialis, quasi constitutum aut plures partes integrales habeat, aut plures partes essentielles, ex quibus intelligatur constitui, sed per modum constitutionis formalis à forma totius quæ scilicet est ipsum totum, sicut humanitas constituit hominem, gabrielitas Gabrielem, & deitas Deum. sic enim nihil aliud significatur, quam quod humanitas sit quo homo est homo, & gabrielitas quo Gabriel est Gabriel, & deitas quo Deus est Deus. In hoc autem modo constitutionis non oportet esse ex parte rei distinctionem inter constitutus & constitutum, neque realem causalitatem, sed sufficit diuersus modus significandi secundum abstractum & concretum. Sicut enim Deus deitate est Deus, si diuersus modus significandi consideretur: ita si consideretur res ipsa in se, Deus seipso & non aliquo alio est Deus. Cum ergo dicimus personam diuinam constitui & distingui relatione, intelligimus quod quantum ad modum significandi relatio in abstracto significata, est id quo ipsa persona est hæc, puta pater, & quo distinguitur: licet modus significandi est ex parte rei, vna persona seipsa sit talis, puta pater, & seipsa ab altera distinguatur, inquantum est ipsa subsistens relatio. Et hoc consonat iis quæ de hac constitutione à sancto Thoma dicuntur. Ad primum itaque dubium patet ex dictis, quod ex parte rei personæ diuinæ sunt idem quod ipsæ relationes, & non constituuntur per ipsas, sed ex parte modi significandi intelliguntur constitui. Cum autem arguitur, quod idem non constituit seipsum formaliter, dicitur quod verum est, si secundum se & secundum entitatem suam consideretur: falsum est autem si consideretur secundum quod est in nostra cognitione, & secundum quod diuersus modus significandi: eadem enim res significata nomine abstracto intelligitur ut constitutus seipsam secundum quod nomine concreto significatur. Ex quo patet argumenta Gregorij & Aureoli procedentia ex hoc quod pater & paternitas sunt idem secundum rem, aut non esse contra mentem S. Thom. aut nullius efficaciter esse.

**P A T E T** etiam ex hoc, quod cum inquit S. Thom. 1. q. 40. art. 2. relationes distinguere vel constituere personas inquantum sunt ipsæ personæ subsistentes, non significat illi, inquantum rationem formalem qua relatio constituit, sed explicat modum constituendi. Non enim sic constituitur ut sit aliquid ab ipsis personis distinctum, sed sic quod sunt ipsæ personæ constitutæ secundum rem & secundum rationem formalem: sicut & deitas quæ intelligitur constituere Deum, est idem realiter & formaliter cum Deo quantum ad rei significatam rationem.

**A D** euidenciam secundi dubij attendendum primum, quod aliter loquendum est de relationibus creatis, & aliter de relationibus diuinis. relationes enim creaturarum accidentia sunt, & adduntur substantiæ rei quæ ab ipsis denominatur: relationes autem diuinæ quibus dicimus personas constitui, non sunt accidentia, neque adueniunt substantiæ diuinæ, sed sunt ipsa diuina essentia, & sunt ipsæ personæ, ex quo alia differentia sequitur. Nam relationibus creaturarum non conuenit nisi id quod accidentis est, relationibus autem diuinis inquantum diuinæ sunt conuenit etiam id quod est substantiæ, cum sint idem realiter quod diuina essentia, quæ est substantia: & hoc conuenit sibi non tantum materialiter, sed etiam formaliter, quia de ratione relationis diuinæ est quod sit substantia, sicut & de ratione realis relationis creatæ est quod sit accidens.

**A T T E N D E N D U M** secundo ex doctrina sancti Thomæ de Potentia, quæ sit. 8. art. 3. quod si in diuinis non supponeretur trinitas personarum, non oporteret inquirere aliud constitutum & distinctum hypostasim præter diuinam essentiam. ipsa enim deitate Deus est aliquid in se indiuisum, & ab omnibus quæ non sunt Deus distinctum. Sed quia secundum formam ponimus vnam essentiam in tribus personis, & consequenter diuinam essentiam ponimus communem, ipsa non potest poni principium constitutionis & distinctum hypostasis, de cuius ratione est quod sit incommunicabilis & distincta relatiue ab alia hypostasi quæ in eadem natura inuenitur: ideo oportet præter essentiam aliud tale constitutum ponere quod ultra rationem subsistentis habeat etiam rationem incommunicabilis & propriam, faciatque hypostasim ab alia hypostasi relatiue distinguere. Oportet ergo ut relatio quæ ponitur diuinam essentiam constituere, præter rationem substantiæ habeat etiam rationem incommunicabilis formæ, & rationem distinguens relatiue ab hac diuina persona, tanquam à suo correlatiuo, ut possit facere suum constitutum esse subsistens, esse incommunicabile, & esse relatiue ab alia persona diuina distinctum.

**A T T E N D E N D U M** tertio, quod licet relatio ista tria in se habeat, ipsa quæ supposito communicet, quia tamen primum cui conuenit subsistere in diuinis, est diuina essentia, ex qua intelligimus omnia alia in diuinis habere ut subsistent: relationi conuenit constituere rem subsistentem non ex aliqua sua propria ratione qua distinguatur ab essentia, sed ex ratione essentia cui identificatur, & ex qua ipsa etiam habet ut subsistat, constituere verò rem incommunicabilem, & relatiue distinctam, conuenit sibi ex sua propria ratione qua distinguatur ab essentia. ex eo enim quod ipsa est forma incommunicabilis, gerens vicem omnium principiorum indiuiduantium, redit personam incommunicabilem. ex eo verò quod est talis relatio, puta paternitas, distinguit relatiue personam ab alia persona, scilicet à filio. Dicitur ergo, quod cum inquit sanctus Thomas relationem constituere personam inquantum est essentia, intelligitur tantum quantum ad subsistentiam personæ, non autem quantum ad omnia quæ sunt de ratione personæ. Cum instatur contra, quia ex hoc sequitur diuinam essentiam esse primum constitutum hypostasis, non autem relationem: dicitur quod non est inconueniens essentiam esse primum constitutum hypostasis secundum quid, scilicet quantum ad hoc tantum quod est subsistere, quamuis simpliciter, scilicet quantum ad omnia quæ sunt de ratione hypostasis, relatio sit constitutiva ut identificatur essentia, & ut aliquas alias rationes præter rationem essentia includit. Quod autem hoc sit de mente sancti Thomæ patet. Nam in quæstionibus de Potentia loco allegato ait, quod relationes faciunt hypostasim subsistentes inquantum sunt essentia diuina, quia relatio inquantum non habet quod subsistat, vel subsistere faciat. Et ibidem ad nonum ait, quod relatio distinguit inquantum est relatio, constituit verò hypostasim inquantum est diuina essentia & utrumque facit inquantum est diuina essentia & relatio. Non obstat autem huic quod sanctus Thomas prima quæstione 40. articulo secundo constitutionem personæ attribuit relationi ut ab essentia distinguatur: & art. 3. ait quod pater paternitate est pater, & quis, & hypostasis, & similia in pluribus locis dicuntur, potest enim primum dici quod loquitur

sanctus Thomas de constitutione suppositi quantum ad ea quæ sunt propria unicuique, scilicet quantum ad propriam incommunicabilitatem & propriam distinctionem ab aliis personis, non autem quantum ad subsistere, quod est sibi & aliis commune. Secundo potest dici, quod etiam loquitur quantum ad completam constitutionem personæ, completè enim constituere personam conuenit relationi inquantum includit essentiam rationem, & alias rationes illi superaddit, ex quo habet quod ab essentia formaliter distinguatur, sicut homo distinguitur ab animali, licet non conueniat relationi ex illa ratione particulari quam superaddit essentia. Ex his patet quæ vana sunt rationes Scoti apud Capreolū, quibus ostenditur esse in Deo aliquod suppositum absolutum, eo quod diuina essentia ex subsistere conueniat. Constat enim ex dictis, ad rationem hypostasis diuinæ supposita trinitatis fide pertinere non solum quod subsistat, quod utique habet ab essentia diuina & à relatione, inquantum est ipsa essentia, sed etiam ut sit distincta ab alia hypostasi diuina, quod sibi ex relatione inquantum relatio est conuenit.

**A D** euidenciam tertij dubij considerandum primum, quod cum omnes diuinæ personæ sint æternæ, & in æternitate non sit prius & posterius, neque etiam in ipsis diuinis personis aliqua sit prioritas aut posterioritas extra intellectum, nullum est instans in quo vna persona prius sit constituta & indiuisa in se quam ab aliis personis sit distincta, sed omnes simul æternaliter sunt constitutæ & distinctæ: & ideo cum de ratione personæ diuinæ sit ut sit indiuisa in se, & diuisa ab alia diuina persona, & illud propriè constituere dicatur diuinam personam, quod & ipsam indiuisam facit in se, & distinctam ab alia cui relatiue opponitur: relatio diuina quæ utrumque simul facit, simpliciter dicitur personæ constitutiva, licet inquantum relatio non constituat ipsam in esse hypostatico indiuisam in se, sed tantum relatiue constituat, & relatiue distinguat.

**C O N S I D E R A N D U M** secundo, quod apud Thomistas varia est interpretatio huius quod dicitur relationem non esse constitutum inquantum est relatio. Aliqui enim interpretantur quod paternitas dupliciter considerari potest, scilicet ut concepta & ut exercita. ut concepta quidem sub expressa ratione paternitatis constituit hypostasim, non autem ut exercita, unde non constituit inquantum relatio, id est, non constituit exercendo aut relationis ut relatio est, sed exercendo actum hypostaticum formæ. Unde dicunt quod paternitas ut præcedit generationem, constituit & distinguit relatiue personam patris in esse hypostatico relatiue realiter & formaliter, sed non relatiue exercito: & sic vocatur paternitas non ut relatio, sed ut constitutiva. Ut consequitur autem generationem, constituit & distinguit eandem personam non in esse hypostatico, sed in esse relatiue relatiue exercito, & ideo vocatur paternitas ut relatio.

**S E D** hæc interpretatio licet sit subtilis, non tamè videtur esse ad mentem sancti Thomæ, nec esse vera, & etiam videtur in seipsa contradictionem implicare. Primum ostenditur sic: Quod conuenit alicui secundum suam rationem formalem, conuenit illi inquantum huiusmodi: sicut quod conuenit animali secundum suam formalem rationem, conuenit illi inquantum animal est. sed per se constituere hypostasim subsistentem conuenit paternitati secundum expressam rationem paternitatis: ergo hoc conuenit illi inquantum paternitas est. Sed hoc est contra mentem sancti Thomæ dicentis, quod relatio ut est relatio non constituit, ergo, &c. Dicitur forte quod relatio constituit quidem inquantum relatio, id est, inquantum habet rationem relationis, non constituit autem inquantum relatio, id est, inquantum actum relationis exercet. Sed hæc responsio nulla est, tum quia absolute verum est dicere, secundum vsum Philosophorum, & præcipue sancti Thomæ, hoc conuenit huic inquantum tale, quando sibi secundum suam formalem rationem conuenit: tum quia quando aliqua causa causat secundum aliquam rationem, tunc exercetur actus illius rationis. exercere enim actum alicuius rationis est ipsam ad operationem applicare. Si ergo relatio secundum rationem relationis constituit, sequitur quod exercet actum relationis. Secundo etiam ostenditur sic. Nulla res sub vna ratione determinata exercet actum formalem alterius rationis. essentia enim diuina sub ratione sapientia non facit Deum formaliter iustum, sed sapientem. ergo paternitas sub expressa ratione paternitatis non exercet actum hypostaticum formæ, si per formam hypostaticam intelligatur alia ratio à relationis ratione, ut dicitur, sed actum paternitatis ut paternitas est, qui est referre ad alterum.

Tertium ostenditur sic: Nihil aliud est forma propria actum circa aliquid exercere, quam dare illi suum effectum formalem, sicut albedinem exercere proprium actum circa parietem, nihil aliud est quam facere ipsum formaliter album. sed effectus formalis relationis inquantum relatio, est constituere aliquid formaliter in esse relatiuo, & ipsum relatiue distinguere: ergo relatio quæ hoc facit in aliquo, exercet actum suum circa illud. ergo contradictione implicat dicere quod paternitas diuina sub expressa ratione paternitatis ut actum generationis præcedit constituit & distinguit personam relatiue in esse relatiuo formaliter, sed non relatiue exercito, quod isti dicunt: sicut implicat contradictione albedinem hominem constituere formaliter in esse qualitativo, sed non qualitatiue exercito. Alij verò dicunt, ut Capreolus in 26. dist. primi, & magis mea opinione ad mentem S. Thom. quod relatio sub expressa ratione relationis putat paternitatis, non constituit diuinam personam, sed sub ratione formæ incommunicabilis naturæ intellectualis.

**A D** cuius euidenciam considerandum primum, quod cum relatio, puta paternitas, in Deo sit idem realiter quod diuina essentia, & sit substantia per se subsistens, quod absolutum importat, non inconuenit ipsam & conceptu absolute concipi, & conceptu relatiuo. eadem enim res quæ est extra omne genus, & plurium generum in se perfectiones eminenter continet, potest utroque conceptu concipi, propter suam illimitationem: & ideo non conuenit ipsam secundum nostrum modum intelligendi ut vno conceptu concipitur, vnum formaliter efficere, aliud verò ut concipitur alio conceptu. Considerandum secundo, quod licet non sit ordo prioris & posterioris in diuinis, ut scilicet in aliquo priori extra intellectum pater prius sit hypostasis quam generet, & quam à filio relatiue distinguatur, ex parte tamen intellectus nostri inuenitur ordo quidam, quia enim apud nos prius suppositum generans constituitur in esse quam generet: prius etiam intelligimus in diuinis patrem in esse constitutum, deinde filium generare, quia verò relatio qua pater refertur ad filium, inquantum huiusmodi,



huiusmodi, id est, in quantum dicitur respectum ad alterum, sequitur actum generationis: ideo pater in illo priori quo concipitur à nobis ut præcedens generationem, & constitutus in esse hypostatico, non concipitur ut aliquid relatiuum, & ut positum distinctus à filio, cum tunc filius non intelligatur esse in illo priori, sed ut aliquid absolutum. concipitur enim ut substantia per se subsistens in se inuisa incommunicabilis, in quo nullus respectus ad filium importatur. Vnde nullum inconueniens est, si forma quam significamus ut constitutiua patris, intelligatur in illo priori in quo constituitur ipsum antequam generet ipsum constituere sub aliquaratione absoluta, cum non intelligatur constituere in esse relatiuo ad filium, sed in esse subsistenti absoluto. Dicitur ergo quod paternitas cum sit & formæ incommunicabilis, & relatio, dupliciter potest concipi, scilicet sub ratione relationis, & sub ratione formæ incommunicabilis generantis vicem omnium principiorum indiuiduantium in rebus creatis. Si consideretur in quantum relatio est, id est, ad filium ordinem dicit, distinguit patrem à filio relatiue, non autem constituit ipsum in esse hypostatico subsistenti. Si autem consideretur sub ratione formæ incommunicabilis, sic constituit hypostaticè, sed non distinguit à filio relatiue, & hoc est quod inquit sanctus Thomas dum inquit, quod relatio non constituit diuinam personam, sed bene distinguit. Vnde dicendum est, quod persona diuina constituitur quidem per relationem, quia illa sola inter ea quæ significantur ut formæ, non autem ut operationes, est incommunicabilis: sed tamen illa relatio dum concipitur à nobis ut constitutiua personæ ante actum notionalem ac personalem, præscindendo constitutionem in esse incommunicabili, à distinctione ab alia persona concipitur conceptu absolute, & sic non constituit sub expressa ratione relationis. hoc autem non est inconueniens, quia (ut dictum est) tunc concipitur persona, non ut quid relatiuum, sed ut quid absolutum.

CVM autem arguitur, quod tunc non magis debet dici per relationes constitui diuinas personas, quam per origines, aut per essentiam, negatur consequentia, quia principium huiusmodi constitutum oportet & esse incommunicabile, & significari per modum formæ intrinsecæ, quorum primum non conuenit essentia, quæ communis est: secundum verò non conuenit origini, quæ etiam in quantum realis est, significatur ut egrediens à principio, & ut via quædam à re vel ad rem, ut dicitur prima questione quadragesima, articulo secundo. paternitati autem diuine utrumque conuenit. est enim incommunicabilis pluribus, & significatur per modum formæ, non quidem in quantum relatio absolute, sed in quantum realis relatio diuina. Vnde sibi conuenit constituere ex sua ratione formali, non quidem sibi conueniente ut est relatio, sed in quantum est substantia incommunicabilis. Potest etiam dici, quod principium constitutum personæ diuinæ non solum constituit ipsam in esse, sed etiam in esse distincto relatiuo ab alia persona diuina. utrumque autem conuenit relationi, distinguere quidem ex sua propria & formali ratione, in quantum est relatio, ut superius est ostensum: constituere autem in esse subsistenti ex alia ratione, ut est declaratum. distinguere autem non conuenit essentia aut origini formaliter. ideo magis dicendum est personas constitui per relationes originis, quam per essentiam, aut per ipsas origines. Secundum ergo hanc declarationem manifesta est opinio sancti Thomæ, & constat rationes Scoti contra sanctum Thomam in 28. distinct. 1. quæst. 3. & Quolib. quæst. 4. contra ipsum non procedere.

*De incarnatione verbi secundum traditionem  
sacra scriptura.*

Cap. 27.



**Q**VONIAM autem supra, cum de diuina generatione ageretur, dictum est, Dei filio Domino Iesu Christo quædam secundum diuinam naturam, quædam secundum humanam conuenire, quam ex tempore assumendo Dei æternus filius voluit incarnari: de ipso nunc incarnationis mysterio restat dicendum. Quod quidem inter diuina opera maxime rationem excedit. nihil enim mirabilius excogitari potest diuinitus factum, quam quod verus Deus Dei filius fieret homo verus: & quia inter omnia mirabilissimum est, consequitur quod ad huius maxime mirabilis fidei omnia alia mirabilia ordinantur: cum id quod est in vnoquoque genere maximum, causa aliorum esse videatur. Hanc autem Dei incarnationem mirabilem auctoritate diuina tradente confitemur. dicitur enim Ioan. 1. Verbum caro factum est, & habitauit in nobis. & Apostolus Paulus Philipp. 2. dicit de filio Dei loquens: Cum in forma Dei esset, non rapinam arbitratus est esse se æqualem Deo: sed semetipsum exinaniuit formam serui accipiens, in similitudinem hominum factus, & habitu inuentus ut homo. Hoc etiam ipse Dominus Iesu Christi verba manifeste ostendunt cum de se quandoque loquatur humilia & humana: ut est illud, Pater maior me est, & Tristis est anima mea usque ad mortem. quæ ei secundum humanitatem assumptam conueniunt. quandoque verò sublimia & diuina: ut est illud: Ego & pater vnum sumus. & Omnia quæ habet pater, mea sunt. quæ certum est ei secundum naturam diuinam competere. Ostendunt etiam hoc ipse Dominus

facta, quæ de ipso leguntur. quod enim timuit, tristatus est, esuriit, mortuus est, pertinet ad humanam naturam: quod propria potestate infirmos sanauit, quod mortuos suscitauit, & elementis mundi efficaciter imperauit, quod demones expulit, quod peccata dimisit, quod à mortuis cum voluit resurrexit, quod denique cælos ascendit, diuinam in eo virtutem demonstrant.

Super Cap. 27.



**P**OST QVAM determinauit sanctus Thomas de iis quæ ad diuinam pertinent trinitatem, incipit de diuini verbi incarnatione, & de iis quæ ad ipsam sequuntur, determinare. Circa hoc autem duo facit. Primum determinat de verbi incarnatione: secundò de effectibus Christi incarnati in nobis, cap. 56. Circa primum duo facit. Primum ostendit Deum esse incarnatum, secundò conuenientiam incarnationis ostendit, cap. 50. Circa primum duo facit. Primum ostendit Deum esse incarnatum, secundò mouet quædam dubia contra ipsam incarnationem, cap. 49. Circa primum duo facit. Primum ostendit propositum auctoritate sacra scriptura, secundò errores circa hanc incarnationem excludit, cap. sequenti. Quantum ad primum præmittit ad ordinem doctrinæ insinuandum, quod quia Dei filio Domino Iesu Christo dictum est superius, quædam secundum diuinam naturam, quædam secundum humanam conuenire, quam ex parte assumendo voluit incarnari, de ipso incarnationis mysterio dicendum restat. Præmittit secundò, quod incarnatio inter diuina opera maxime rationem excedit: & quia hoc mirabilissimum est inter omnia, sequitur quod ad huius maxime mirabilis fidei omnia alia mirabilia ordinantur, cum id quod est in vnoquoque genere maximum, causa aliorum esse videatur.

ATTENDENDVM primum, quod incarnatio ponitur à sancto Thoma miraculum omnium miraculorum, tertio Sententiarum, distinctione tertia, questione secunda, articulo secundo: quarto Sententiarum, distinctione vndecima, & de Potentia questione sexta, articulo secundo, ad notandum, eo quod & sit de primo ordine miraculorum, de iis scilicet quæ solus Deus facere potest, & in illo ordine supremum gradum teneat, eo quod hoc sit maxime remotum à facultate naturæ, iuxta ea quæ superius determinata sunt in tertio libro, vbi de miraculis agebatur: & ideo hic dicitur quod maxime rationem excedit, & quod est mirabilissimum opus. Quantum enim aliquid magis est supra facultatem naturæ, & ab ea magis recedit, tanto ipsum magis miramur, & minus capere nostra ratione possumus, eo quod nostra ratio à sensibilibus & naturalibus cognitionem accipiat.

ATTENDENDVM secundò ex questionibus de Potentia, vbi supra, quod alia opera miraculosa inducunt ad hoc, ut hoc ipsum incarnationis miraculum credatur, non enim inconueniens est vnum miraculum ad alterius fidem inducere, ideo hic dicitur quod ad fidem huius miraculi omnia alia mirabilia ordinantur. Istis suppositis probat intentum. Primum ex auctoritate Ioannis primo, vbi dicitur, & verbum caro, &c.

Secundò ex auctoritate Apostoli ad Philippenses secundò vbi ait: Cum in forma Dei, &c. Tertio ex verbis ipsius Domini Iesu Christi aliquando humilia de se loquentis, quæ ei secundum humanitatem assumptam conueniunt, aliquando verò sublimia & diuina, quæ certum est ei secundum diuinam naturam conuenire. Quarto, ex ipsis Domini factis, quorum quædam ad humanitatem pertinent, ut quod timuit, &c. quædam verò ad diuinitatem, ut quod propria potestate infirmos sanabat, &c.

ADVERTENDVM, quod posuit S. Thom. miracula Christi ostendere eius diuinitatem, eo quod ipsa propria potestate faciebat, quia operari miracula virtute diuina participata etiam hominibus potest conuenire: sed operari miracula propria potestate, solius Dei est. De ratione enim miraculi est, quod ea solus Deus facere possit, scilicet propria virtute, aut quantum ad substantiam facti, aut quantum ad modum faciendi.

*De errore Photini circa incarnationem.*

Cap. 28.



**Q**UIDAM autem scripturarum sensum deprauantes, circa Domini nostri Iesu Christi diuinitatem & humanitatem peruersum sensum conceperunt. Fuerunt enim quidam, ut Ebion & Cherintus, & postea Paulus Samosatenus, & Photinus, qui in Christo solum naturam humanam confitentur: diuinitatem verò non per naturam, sed per quædam excellentem diuinæ gloriæ participationem, quam per opera meruerat, in eo fuisse confingunt: ut superius dictum est. Sed ut alia prætermittamus quæ contra positionem huiusmodi dicta sunt superius: hæc positio incarnationis mysterium tollit. Non enim secundum positionem huiusmodi Deus carnem assumpsisset ut fieret homo, sed magis homo carnalis Deus factus fuisset: & sic non verum esset quod Ioannes dicit: Verbum caro factum est: sed magis e conuerso caro verbum facta fuisset. Similiter etiam non conuenirent Dei filio exinaniuit aut descensio, sed magis homini glorificatio & ascensio: & sic non verum esset quod Apostolus dicit: Qui cum in forma Dei esset, exinaniuit semetipsum formam serui accipiens: sed sola exaltatio

*De hoc Paulus lo habes li. 7. histo. Eccl. 24. & 27. \* Cap. 4.*



exaltatio hominis in diuinā gloriam: de qua postmodum subditur: Propter quod & Deus exaltauit illum. neque verum esset, quod Dominus dicit: Descendi de cælo: sed solum quod ait: Ascendo ad patrem meum: cum tamen vtrumque scriptura coniungat. dicit enim Dominus Ioannis tertio: Nemo ascendit in cælum nisi qui de cælo descendit, filius hominis qui est in cælo. & ad Ephesios quarto: Qui descendit, ipse est & qui ascendit super omnes cælos. sic etiam non conueniret filio quod missus esset à patre, neque quod à patre exiuerit ut veniret in mundum: sed solum quod ad patrem iret, cum tamen ipse vtrumque coniungat, dicens Ioannis decimo sexto: Vado ad eum qui misit me. & iterum: Exiui à patre, & veni in mundum: & iterum, Relinquo mundum, & vado ad patrem. in quorum utroque & humanitas & diuinitas comprobatur.

*Super Cap. 28.*



**V**ISO quod Dei incarnationem autoritate diuina confitemur, vult S. Thom. errores circa ipsam incarnationem exortos excludere. Circa hoc autem duo facit. Primò excludit errores qui sunt circa ea quæ vniuntur in hac incarnatione: secundò eos qui sunt circa ipsam vniõnem cap. 34. Circa primum tria facit. Primò excludit errores circa diuinitatem Christi: secundò circa corpus, cap. sequenti: tertio circa animam cap. 32. Quantum ad primum ait, quod Ebion, Cherintus, & postea Paulus Samosatenus, & Photinus in Christo solum humanam naturam confitentur, diuinitatem verò non per naturam, sed per quandam excellentem diuinæ gloriæ participationem quam per opera meruerat, fuisse confingunt. Contra hunc autem errorem præter ea quæ contra ipsum superius dicta sunt, dum de diuinitate filij agebatur arguit sanct. Thom. quia hæc positio incarnationis mysterium tollit. sequitur enim primò, non quod Deus carnem assumpsit ut fieret homo, sed magis quod homo carnalis Deus factus fuit, contra illud quod Ioannes dicit, Verbum caro factum est. sic enim magis econuerso caro verbum factum fuisset. Sequitur secundò, quod non conuenirent filio Dei exinanitio aut descensio, sed magis homini glorificatio & ascensio, contra illud Apostoli: Qui cum in forma Dei esset, &c. Sequitur tertio, non esse verum quod Dominus dicit, Descendi de cælo. contra illud quod dicitur Ioannis tertio, Nemo ascendit, &c. & Ephes. 4. Qui descendit, &c.

Sequitur quartò, quod filius non sit missus à patre, neque quod exierit ab ipso, ut veniret in mundum, sed solum quod ad patrem iret, contra illud Ioannis 16. Vado ad eum, &c.

*De errore Manichæorum circa incarnationem.*

*Cap. 29.*



**V**ERVNT autè & alij, qui veritate incarnationis negata, quādam fictitiā incarnationis similitudinem introduxerunt. Dixerunt enim Manichæi, Dei filium non verum corpus sed phantasticum assumpsisse: vnde nec verus homo esse potuit, sed apparens: neque ea quæ secundum hominem gessit, sicut quod natus est, quod comedit, bibit, ambulauit, passus est, & sepultus, in veritate fuisse: sed in quādam assimilatione cōsequitur: & sic pater quod totum incarnationis mysterium ad quādam fictionem deducunt. Hæc autem positio primò quidem scripturæ auctoritatem euacuat. cum enim carnis similitudo caro non sit, neque similitudo ambulationis ambulatio, & in cæteris similiter mentitur scriptura dicens, Verbum caro factum est, si solum phantastica caro fuit, mentitur etiam dicens Iesum Christum ambulasse, comedisse, mortuum fuisse, & sepultum, si hæc in sola phantastica apparitione contigerunt. si autem vel in modico authoritati sacre scripturæ derogetur, iam nihil fixum in fide nostra esse poterit, quæ sacris scripturis innitur: secundum illud Ioann. 20. Hæc scripta sunt, ut credatis. Potest autem aliquis dicere, scripturæ quidem sacre veritatē non deesse, dum id quod apparuit, refert ac si factum fuisset: quia rerum similitudines æquiuocè ac figuratè ipsarum rerum nominibus nuncupantur, sicut homo pictus æquiuocè dicitur homo: & ipsa sacra scriptura consuevit hoc modo loquendi uti: ut est illud 1. Corinthiorum decimo, Petra autem erat Christus. plurima autem corporalia in scripturis de Deo inueniuntur dici, propter similitudinem solam, sicut quod nominatur agnus, vel leo, vel aliquid huiusmodi. Sed licet rerum similitudines æquiuocè rerum sibi nomina interdum

assumant: non tamen competit sacre scripturæ ut narrationem vnius facti totam sub tali æquiuocatione proponat, ita quod ex aliis scripturæ locis manifesta veritas haberi non possit: quia ex hoc non eruditio hominum, sed magis deceptio sequeretur: cum tamen Apostolus dicat Romanorū decimo quinto: quod, quæcunque scripta sunt, ad nostram doctrinam scripta sunt: & secundæ ad Timotheū tertio: Omnis scriptura diuinitus inspirata, utilis est ad docendum & erudiendum. Esset præterea tota euangelica narratio poetica, & fabularis, si rerum similitudines apparentes quasi res ipsas narraret: cum tamen dicatur secundæ Petri primo: Non enim indoctas fabulas secuti, notam fecimus vobis Domini nostri Iesu Christi virtutem. Sicubi verò scriptura narrat quod aliqua apparentiam & non rerum existentiam habuerunt, ex ipso more narrationis hoc intelligere facit. dicitur enim Genesis decimo octauo: Cumque eleuasset oculos (Abraham scilicet) apparuerunt tres viri. ex quo datur intelligi, quod secundum apparentiam viri fuerunt: vnde & in eis Deum adorauit, & deitatem cōfessus est, dicens: Loquar ad Dominum meum, cum sim puluis & cinis. & iterum: Non est tuum hoc, qui iudicas omnem terram. Quod verò Isaïas & Ezechiel & alij prophetæ aliqua alia descripserunt quæ imaginariè visa sunt, errorem non generat: quia huiusmodi ponunt non in narratione historiarum, sed in descriptione prophetiarum: & tamen semper aliquid addunt per quod apparitio designatur: sicut Isaïa sexto: Vidi Dominum sedentem, &c. Ezechielis primo: Facta est super me manus Domini & vidi, &c. Ezechielis octauo. Emissa similitudo manus apprehendit me & adduxit, & veni in Hierusalem in visione Dei.

Quod etiam aliqua in scripturis de rebus diuinis per similitudinem dicuntur, errorem generare non potest, tum quia similitudines sumuntur à rebus tam vilibus, ut notum sit hoc, quod secundum similitudinem, & non secundum rerum existentiam dicuntur: tum quia inueniuntur aliqua propriè dicta in scripturis, per quæ veritas expressè manifestatur, quæ sub similitudinibus in locis aliis occultantur: quod quidem in proposito non accidit. nam nulla scripturæ authoritas veritatem eorum quæ de humanitate Christi leguntur, excludit. Fortè autem quis dicat, quod hoc datur intelligi per hoc quod Apostolus dicit ad Romanos octauo: Misit Deus filium suum in similitudinem carnis peccati, vel per hoc quod dicit ad Philippenes secundo: In similitudinem hominum factus, & habitu inuentus ut homo. Hic autem sensus per ea quæ hic adduntur, excluditur. non enim dicit solum in similitudinem carnis, sed addit, peccati: quia Christus veram quidem carnem habuit, sed non carnem peccati, quia in eo peccatum non fuit: sed similem carni peccati: quia carnē passibilem habuit, qualis est facta caro hominis ex peccato.

2 Similiter, fictionis intellectus excluditur ab hoc quod dicit in similitudinem hominum factus per hoc quod dicitur formam serui accipiens. Manifestum est autem formam pro natura poni, & nō pro similitudine, ex hoc quod dixerat, qui cum in forma Dei esset: ubi pro natura ponitur forma. non enim ponitur quod Christus fuerit similitudinariè Deus.

3 Excluditur etiā fictionis intellectus per hoc quod subdit, factus obediens vsque ad mortem. non igitur similitudo accipitur pro similitudine apparentiæ: sed pro vera similitudine speciei: sicut omnes homines similes specie dicuntur.

4 Magis autem sacra scriptura expressè phantasmatis suspicionem excludit. dicitur enim Matthæi decimo quarto, quod videntes discipuli Iesum ambulātem supra mare, turbati sunt, dicentes, quia phantasma est: & præ timore clamauerunt. quam quidem eorum suspensionem Dominus conuenienter remouit. Vnde subditur, Statimque Iesus locutus est eis dicens: Habete fiduciam: ego sum: nolite timere. quamuis non rationabile videatur, quod aut discipulos lateret quod nō nisi corpus phantasticum assumpsisset,



psisset, cum eos ad hoc elegerit ut de eo testimonium perhiberent veritatis ex his quæ viderant & audierant: aut si eos non latebat, æstimatio phantasmatis non inculsisset tunc eis timorem.

7 Adhuc autem expressius suspicionem phantastici corporis à mentibus discipulorum remouit Dominus post resurrectionem. dicitur enim Lucæ ultimo, quod discipuli conturbati & conterriti existimabant se spiritum videre, dum scilicet viderunt Iesum: & dixit eis: Quid turbati estis, & cogitationes ascendunt in corda vestra? videte manus meas, & pedes meos: quia ego ipse sum: palpare & videre, quia spiritus carnis & ossa non habet, sicut me videtis habere. frustra enim se palpandum præbuisset, si non nisi corpus phantasticum habuisset.

6 Item, Apostoli se ipsos idoneos Christi testes ostendunt. dicit enim Petrus Actuum decimo: Hunc, scilicet Iesum, Deus suscitauit tertia die, & dedit eum manifestum fieri non omni populo, sed testibus præordinatis à Deo, nobis qui manducauimus & bibimus cum illo postquam resurrexerat à mortuis. & Ioannes Apostolus in principio suæ epistolæ dicit: Quod vidimus oculis nostris, quod perspeximus, & manus nostræ contrectauerunt de verbo vitæ, hoc testamur. Non potest autem efficax sumi testimonium veritatis per ea quæ non in rei existentia, sed solum in apparentia sunt gesta. Si igitur corpus Christi fuit phantasticum, & non verè manducauit & bibit, neque verè visus & palpatus est, sed phantasticè tantum, inuenitur non esse idoneum testimonium Apostolorum de Christo, & sic, inanis est eorum prædicatio, inanis est & fides nostra, ut dicit Paulus primæ ad Corinthios decimoquinto.

7 Amplius autem, si Christus verum corpus non habuit, non verè mortuus est: ergo nec verè resurrexit. sunt igitur Apostoli falsi testes Christi prædicantes, mundo ipsum resurrexisse. unde Apostolus ibidem dicit: Inuenimur autem & falsi testes Dei, quoniam testimonium diximus aduersus Deum, quod suscitauerit Iesum, quem non suscitauit.

8 Præterea, falsitas non est idonea via ad veritatem, secundum illud Ecclesiasticum trigésimoquarto: A mendace quid verum dicitur? aduentus autem Christi in mundum ad veritatis manifestationem fuit. dicit enim ipse Ioannis decimo octauo: Ego autem in hoc natus sum, & ad hoc veni in mundum, ut testimonium perhibeam veritati. non igitur in Christo fuit aliqua falsitas, fuisset autem, si ea quæ dicuntur de ipso, in apparentia tantum fuissent. nam falsum est, quod non est ut videtur. omnia igitur quæ de Christo dicuntur secundum rei existentiam fuerunt.

9 Adhuc, Romanorum tertio dicitur, quod iustificati sumus in sanguine Christi. & Apocalypsis quinto dicitur: Redemisti nos Domine in sanguine tuo. Si igitur Christus non habuit verum sanguinem, neque verè pro nobis ipsum fudit, neque igitur verè iustificati, neque verè redempti sumus. ad nihil igitur vtile est esse in Christo.

20 Item, si non nisi phantasia intelligendus est aduentus Christi in mundum, nihil nouum in Christi aduentu accidit. nam & in veteri testamento Deus apparuit Moyse, & prophetis secundum multiplices figuras, ut etiam scriptura noui testamenti testatur, hoc autem totam doctrinam noui testamenti euacuat. non igitur corpus phantasticum sed verum filius Dei assumpsit.

Super Cap. 29.



XLVSO errore circa Christi diuinitatem, vult S. Tho. excludere errores circa corpus ipsius, & triplicem errorem excludit. Vnum in hoc cap. alterum capite sequenti. Tertium cap. 31. Primus ergo error fuit Manichæorum dicentium, Dei filium non verum corpus, sed phantasticum assumpsisse, unde nec verus homo esse potuit, sed apparere: neque ea quæ secundum hominem gessit, in veritate fuisse consequutus, sed in quadam assimilatione.

CONTRA autem hunc errorem arguit S. Thom. primò, quod hæc positio scripturæ autoritatè euacuat. cum enim similitudo carnis caro non sit, & sic de ceteris, mentitur scriptura dicens, quod verbum caro factum est, quod ambulauit, quod comedit, &c. Si autem vel in modico authoritati scripturæ derogetur, iam nihil in fide nostra fixum esse poterit, quæ sacris scripturis innititur. Iuxta illud Ioan. 28. Hæc autem, &c.

Si dicatur quod propter hoc non oportet veritatem sacræ deesse scripturæ, quia rerum similitudines æquiuocè ac figuratè rerum ipsarum nominibus nuncupantur, & ipsa sacra scriptura cōsuevit illo modo loquendi vi, ut est illud primæ Corinth. 10. Petra autem erat Christus, & similia. Contra hoc instatur primò, quia non competit sacræ scripturæ ut narrationem totam vnus facti sub tali æquiuocatione proponat: ita quod ex aliis scripturæ locis manifesta veritas haberi non possit, quia ex hoc non eruditio hominum, sed magis deceptio sequeretur, contra illum Rom. 15. Quæcunque scripta, &c. & 2. ad Timotheum tertio. Omnis doctrina, &c. Secundò, quia esset tota euangelica narratio poetica, & fabularis. contra illud quod dicitur secundæ Petri primo, Non indoctas, &c.

AD rationem autem huius opinionis dicitur, quod sicut scriptura narrat aliqua quæ apparentia & non rerum existentiam habuerunt, ex ipso modo narrationis hoc intelligere facit, ut patet Genes. 28. cum dicitur: Cumque eleuasset, &c. Dicitur secundò, Isaiam & Ezechielem & alios prophetas aliqua alia descripsisse, quæ imaginariè visa sunt, errorem non generat, quia huiusmodi ponunt non in narratione, sed in prophetiæ descriptione, & tamen semper aliquid addunt per quod apparitio designatur, sicut Isaiæ sexto, Vidi Dominum, &c. & Ezechielis octauo, Emissa similitudo, &c. Dicitur tertio, quod aliqua in scripturis de rebus diuinis per similitudinem dici, errorem non potest generare, tum ex utilitate rerum à quibus sumuntur similitudines, tum quia inueniuntur aliqua propriè dicta in scripturis per quæ veritas expressè manifestatur, quæ sub similitudinibus in aliis locis occultatur: quod quidem in proposito non accidit, cum nulla scripturæ autoritas veritatem eorum quæ de humanitate Christi dicuntur, excludat. Si dicatur, quod imò hoc inuenitur, quia ad Romanos octauo dicitur, Misit Deus, &c. & Philippens. secundo: In similitudinem, &c. Responderetur primò, quod Apostolus non dicit solum in similitudinem carnis, sed addit, peccati, quia Christus veram quidè carnem habuit, sed non carnem peccati, sed similè illi, scilicet passibilem, qualis facta est caro hominis ex peccato. Dicitur secundò, quod in illa authoritate ad Philipp. fictionis intellectus excluditur per hoc, quod dicitur formam serui accipiens: ubi manifestum est formam pro natura poni, non pro similitudine, ex eo quod dixerat, qui cum in forma Dei esset: ubi pro natura ponitur forma. Excluditur etiam fictio per hoc quod dicitur, factus obediens usque ad mortem. Similitudo igitur in illa authoritate pro natura & similitudine speciei sumitur, sicut omnes homines similes speciei dicuntur.

Secundò principaliter arguitur, quia discipulis videntibus Christum ambulante super mare, & putantibus ipsum phantasma esse, hanc Dominus ab eis suspicionem remouit, cum inquit, Habete fiduciam, &c. non enim videtur rationabile quod aut discipulos lateret ipsum corpus phantasticum assumpsisse, cum electi essent in testimonium veritatis: aut si eos non latebat existimatio phantasmatis tunc eis timorem non incussit.

Tertio, quia post resurrectionem (ut dicitur Luc. ultimo) existimantibus discipulis se spiritum videre, dixit eis Dominus, Palpare & videre, &c. Frustra enim se palpandum præbuisset, si non nisi phantasticum corpus habuisset. Quarto. Si corpus Christi fuit phantasticum, & non verè manducauit & bibit, neque verè visus est & palpatus, sequitur non esse verum testimonium Apostolorum de Christo. hoc est falsum, ergo, &c. probatur consequentia, quia non potest sumi efficax testimonium veritatis per ea quæ non in rei existentia sed solum in apparentia sunt gesta. Falsitas consequentis probatur, tum quia Apostoli se ipsos idoneos Christi testes ostendunt, ut patet Actum 10. & in principio epistolæ Ioannis, tum quia inanis fuisset eorum prædicatio, & inanis fides nostra, ut dicitur primæ ad Corinthios decimoquinto. Quintò sequitur quod Christus verè non est mortuus, & consequenter quod non verè resurrexit, ergo Apostoli hoc prædicantes sunt falsi testes, ut arguitur ibidem, scilicet primæ ad Corinthios decimoquinto. Sextò. Fuisset in Christo aliqua falsitas, si ea quæ de ipso dicuntur, in apparentia tantum fuissent, quia falsum est quod non est ut videtur. sed in Christo non fuit aliqua falsitas, quia aduentus eius in mundum fuit in manifestationem veritatis, ut dicitur Ioannis decimo octauo. falsitas autem est idonea via ad veritatem, iuxta illud Ecclesiasticum trigésimo quarto: A mendace, &c. ergo, &c.

ADVERTENDVM ex doctrina sancti Thomæ, prima questione decima septima, articulo primò, quod cum veritas & falsitas inueniantur in rebus in ordine ad intellectum: per comparationem ad intellectum nostrum dicitur res falsa, quæ nata est de se facere falsam existimationem: & ideo ea quæ in exterioribus accidentibus habent similitudinem aliarum rerum, dicuntur falsa secundum illam rem, eò quod innatum sit nobis per ea quæ exterius apparent de rebus iudicare. propterea bene hic dicitur, & est de mente Aristotelis quinto Metaphysicæ, text. 34. falsum esse, scilicet ex parte rei, quod non est ut videtur, id est, quod habet alterius rei similitudinem. Septimò. Cum dicatur ad Romanos octauo, in sanguine Christi iustificati, & Apocalypsis quinto, redempti: si Christus non habuerit verum sanguinem, non verè pro nobis ipsum fudit: ergo neque verè iustificati, neque verè redempti sumus: ergo ad nihil vtile est esse in Christo. Octauò. Sequitur quod nihil nouum in Christi aduentu accidit, quia & in veteri testamento Deus apparuit Moyse, & prophetis secundum multiplices figuras, sed hoc totam doctrinam noui testamenti euacuat, ergo, &c.

De errore Valentini circa incarnationem.

Cap. 30.



IS autem & Valentinus propinquè de myste- Test. 6. lib. rio incarnationis sensit. dixit enim quod Christus non terrenum corpus habuit, sed de cælo apportauit, & quod nihil de virgine matre accepit, sed per eam quasi per æquæductum transiuit. Occasionem autem sui erroris ex quibusdā verbis sacræ scripturæ accepisse videtur. dicitur enim Ioan. 3. Nemo



Nemo ascendit in cælum nisi qui de cælo descendit, filius hominis qui est in cælo: qui de cælo venit super omnes est. & Ioannis sexto dicit Dominus, Descendi de cælo non ut faciam voluntatem meam, sed voluntatem eius qui misit me. & primæ ad Corinthios decimo quinto: Primus homo de terra terrenus, secundus homo de cælo cælestis: quæ omnia sic intelligi volunt, ut Christus de cælo etiā secundum corpus descendisse credatur. Procedit autem tam hæc \* Valentini positio quā Manichæorum præmissa, ex vna falsa radice, quia credebant quod hæc omnia terrena à diabolo sint creata. Vnde cum filius Dei in hoc apparuerit, ut dissoluat opera diaboli, sicut dicitur primæ Ioannis tertio, non ei competeat ut de creatura diaboli corpus assumeret: cum etiam Paulus dicat secundæ ad Corinthios sexto: Quæ societas lucis ad tenebras? quæ autem conuentio Christi ad Belial? Et quia quæ ab eadem radice procedunt similes fructus producant: in idem falsitatis inconueniens relabitur hæc positio cum prædicta. Vniuscuiusque enim speciei sunt determinata essentialia principia, materia dico & forma: ex quibus constituitur ratio speciei in his quæ sunt ex materia & forma composita: sed sicut caro humana, & os, & huiusmodi, sunt materia propria hominis: ita ignis, aer, aqua, & terra, & huiusmodi qualia sentimus, sunt materia carnis & ossis, & huiusmodi partium. Si igitur corpus Christi non fuit terrenum, nec in ipso fuit vera caro, & verum os, sed omnia secundum apparentiam tantum, & ita etiam non fuit verus homo, sed apparens: cum tamen, ut dictum \* est, ipse dicat: Spiritus carnem & ossa non habet, sicut me videtis habere.

2 Adduc, corpus cæleste secundum suam naturam est incorruptibile & inalterabile, & extra suum vbi non potest transferri. nō autē decuit, q̄ Dei filius dignitati naturæ assumpere aliquid detraheret, sed magis quod eam exaltaret: non igitur corpus cæleste aut incorruptibile ad inferiora portauit, sed magis assumptum terrenum corpus & passibile, incorruptibile reddidit & cæleste.

3 Item, Apostolus dicit ad Rom. 1. de filio Dei quod factus est ex semine Dauid secundum carnem, sed corpus Dauid terrenum fuit: ergo & corpus Christi.

4 Amplius, idem Apostolus dicit ad Galat. 4. quod Deus misit filium suum natum ex muliere. & Matth. 1. dicitur q̄ Iacob genuit Iosaph virum Mariæ de qua natus est Iesus, qui vocatur Christus. non autem vel ex ea factus, vel ex ea natus diceretur, si solum per eam sicut per fistulam transfusus nihil ex ea assumens. ex ea igitur corpus assumpsit.

5 Præterea, nō posset dici mater Iesu Maria, quod Euangelista testatur, \* nisi ex ea aliquid accepisset.

6 Adhuc, Apostolus dicit ad Hebræ. 2. qui sanctificat (scilicet Christus) & qui sanctificantur (scilicet fideles Christi) ex vno omnes, propter quam causam non confunditur eos vocare fratres, dicens Psalm. 21. Narrabo nomē tuum fratribus meis. & infra: Quia ergo pueri communicauerūt carni & sanguini: & ipse similiter participauit eisdem. Si autem Christus corpus cæleste solum habuit, manifestum est, cum nos corpus terrenum habeamus, quod non sumus ex vno cum ipso: & per consequens neque fratres eius possumus dici: neque etiam ipse participauit carni & sanguini. Nam notum est, quod caro & sanguis ex elementis inferioribus componuntur, & non sunt naturæ cælestis. Patet igitur contra apostolicam sententiam prædictam positionem esse. Ea verò quibus innituntur, manifestum est friuola esse. non enim Christus descendit de cælo secundum corpus aut animam, sed secundum quod Deus: & hoc ex ipsis verbis Domini accipi potest. cum enim diceret Ioannis 3. Nemo ascendit in cælum, nisi qui descendit de cælo, adiunxit: filius hominis qui est in cælo. in quo ostēdit se ita descendisse de cælo, quod tamen in cælo esse non desierit. Hoc autem proprium deitatis est, ut ita in terris sit, quod & cælum impleat, secundum illud Hier. 23. Cælum & terram ego impleo. Non ergo filio Dei in quantum Deus est, descendere de cælo competit secundum motum localem. nam quod localiter mouetur, sic ad vnum locum accedit,

quod ab altero recedit. dicitur igitur filius Dei descendisse secundum hoc, quod terrenam substantiam sibi copulauit: sicut & Apostolus eum exinanitum dicit, in quantum formam serui accepit: ita tamen, quod diuinitatis naturam non perdidit. Id verò quod pro radice huius positionis assumunt, ex superioribus patet esse falsum. ostēsum est enim in secundo libro, \* quod ista corporalia non à diabolo sed à Deo sunt facta.

Cap. 6. & 15.

Super Cap. 30.



ECVNDVS error propinquus præcedenti fuit Valentini dicentis, quod Christus nō terrenum corpus habuit, sed de cælo apportauit, & quod nihil de matre accepit, sed per eam quasi per aquæductum transiuit. Confirmabat autem errorem ex autoritate sacræ scripturæ, Ioannis tertio: Nemo ascendit, &c. & Ioannis 6. Descendi, &c. & 1. Corin. 15. Primus homo, &c. Procedebat autem, sicut & præcedens, ex vna falsa radice, scilicet quia ipsi credebant omnia terrena à diabolo esse creata. Cum enim filius Dei ad hoc apparuerit, ut dissoluat opera diaboli, ut dicitur 1. Ioan. 3. non ei competeat ut de creatura diaboli, corpus acciperet, cum etiam dicatur 2. Corin. 6. Quæ societas, &c.

CONTRA autem hunc errorem arguitur primò, quia sequitur id quod ex errore Manichæi sequebatur, scilicet quod Christus non fuerit verus homo, sed apparens, & corroboratur sequela, supponendo quod vniuscuiusque speciei sunt determinata principia essentialia, scilicet materia & forma, ex quibus materialis speciei ratio constituitur. Si enim corpus Christi non fuit terrenum, non fuit in ipso vera caro, & verum os, quæ sunt propria materia hominis, cum ignis, aer, aqua, terra, & huiusmodi sint horum propria materia, ergo, &c. Secundò. Non decuit quod Dei filius dignitatem naturæ assumptæ ad peius aliquid traheret, sed magis quod ipsam exaltaret. sed corpus cæleste est incorruptibile secundum naturam, & inalterabile, & extra suum vbi transferri non potest. ergo hoc non ad inferiora portauit, sed magis terrenum & passibile, incorruptibile reddidit & cæleste. Tertiò. Corpus Dauid terrenum fuit, ergo & corpus Christi, cum secundum Apostolum, factus sit filius Dei ex semine Dauid, secundum carnem. Quarto: Filius Dei dicitur ex Maria factus & natus, Galat. 4. quarto, & Matth. primo. hoc autem non diceretur si per eam sicut per fistulam transfusus nihil ex ea assumens, ergo, &c. Quintò. Non posset dici mater Iesu Maria, ergo, &c. Sextò. Sequitur quod nos non sumus ex vno cum ipso, & consequenter neque fratres eius possumus dici, neque etiam ipse participauit carni & sanguini, cum hæc ex elementis inferioribus componantur. hoc autē est contra ea quæ dicuntur ad Hebræos secundo, ergo, &c.

AD ea verò quibus innituntur, dicitur primò, quod Christus non descendit de cælo secundum corpus aut animam, sed secundum quod Deus. quod ostenditur, quia cum dixisset, nemo, &c. adiunxit, filius hominis qui est in cælo. in quo ostendit se ita descendisse de cælo, quod tamen in cælo esse non desierit, quod est propinquum deitatis, iuxta illud Hier. 23. Cælum & terram ego impleo. Dicitur secundò, quod iste descensus filij Dei non intelligitur secundum motum localem, sed secundum hoc quod terrenam sibi substantiam copulauit.

ADVERTENDVM, quod cum diuina sub similitudinibus corporalium intelligamus: ad significandum nouum modum essendi Dei in terris vitur scriptura nomine descensus, non quidem hoc nomine intelligendo motum localem, quo corpus accedendo ad vnum, cum recedit ab altero, sed tantum nouum modum essendi in terris per assumptionem, scilicet terrenæ substantiæ. licet enim Deus ante incarnationem esset in cælo & in terra, non erat tamen per hunc modum ut ei esset humana natura in vnitatem personæ copulata: & ideo dicitur de cælo descendisse, quia humanam naturam, quæ non est cælestis sed terrena, sibi copulauit & vniuit. Ad radicem verò positionis dicitur quod est falsa, ut ostensum est superius secundo libro.

De errore Apollinaris circa corpus Christi.

Cap. 31.



IRRATIONABILIVS autē his circa incarnationis mysterium Apollinaris errauit: in hoc tamen cum prædictis concordans, quod corpus Christi nō fuit de virgine assumptum, sed quod est magis impium, aliquid verbi dicit in carnem Christi fuisse conuersum, occasionem erroris sumens ex eo quod dicitur Ioannis primo: Verbum caro factum est. quod sic intelligendum putauit, quasi ipsum verbum sit conuersum in carnem, sicut & intelligitur illud quod legitur Ioannis secundo: Ut gustauit architrictinus aquam vinum factam. quod ea ratione dicitur, quia conuersa est aqua in vinum. Huius autem erroris impossibilitatem ex his quæ supra ostensa \* sunt, facile est deprehendere. Ostensum est enim supra, quod Deus omnino immutabilis est: omne autem quod in aliud conuertitur, manifestum est in illud mutari. cum igitur verbum Dei sit verus Deus, ut ostensum \* est, impossibile est quod verbum Dei fuerit in carnem mutatum.

Test. August. to 6 lib. har. num. 55.

\* Lib. 1. c. 13. & 15.

Cap. 3. 11. & 14.

2. Item,



2 Item, verbum Dei cum sit Deus, simplex est. ostensum est \* Lib. 1. c. 18. enim supra, in Deo compositionem non esse. si igitur aliquid verbi Dei est conuersum in carnem, oportet totum verbum conuersum esse. quod autem in aliud conuertitur, desinit esse id quod prius fuit. aqua enim conuersa in vinum, iam non est aqua, sed vinum. igitur post incarnationem secundum positionem predictam verbum Dei penitus non erit. quod apparet impossibile, tum ex hoc quod verbum Dei est æternum, secundum illud Ioan. 1. In principio erat verbum. tum quia post incarnationem Christus verbum dicitur, secundum illud Apoca. 19. Vestitus erat veste aspersa sanguine, & vocabatur nomen eius verbum Dei.

3 Amplius, eorum quæ non communicant in materia & in genere vno, impossibile esse fieri conuersionem in inuicem. non enim ex linea fit albedo, quia sunt diuersorum generum: neque corpus elementare potest conuerti in aliquod corporum celestium, vel in aliquam incorpoream substantiam, aut e conuerso, cum non conueniant in materia: verbum autem Dei cum sit Deus, non conuenit neque in genere neque in materia cum quocunque alio, eod quod Deus in genere non est, neque materiam habet: impossibile est igitur verbum Dei fuisse in carne conuersum, vel in quodcunque aliud.

4 Præterea, de ratione carnis, ossium, & sanguinis, & huiusmodi partium est, quod sit ex determinata materia. si igitur verbum Dei sit in carnem conuersum secundum positionem predictam, sequetur quod in Christo non fuerit vera caro, nec aliquid aliud huiusmodi: & sic etiam non erit verus homo, sed apparens tantum: & alia huiusmodi quæ supra contra Valentinum \* posuimus.

Patet igitur hoc quod Ioannes dicit, Verbum caro factum est: non sic intelligendum esse, quasi verbum sit conuersum in carnem: sed quia carnem assumpsit, ut cum hominibus conuersaretur, & eis visibilis appareret. vnde & subditur: Et habitauit in nobis, & vidimus gloriam eius, &c.

\* Cap. 3. sicut & in Baruch \* de Deo dicitur, quod in terris visus est, & cum hominibus conuersatus est.

#### Super Cap. 31.

**T**ERTIVS error irrationabilior aliis, fuit Apollinaris dicentis, aliquid verbi Dei in carnem fuisse conuersum, in hoc cum predictis concordans, quod Christi corpus de virgine assumptum non fuit. Occasionem autem huius sumpsit ex eo quod dicitur, Verbum caro factum est: quod interpretabatur, id est verbum in carnem est conuersum, sicut cum dicitur, Ut gustauit arctictilinum aquam vinum factam, intelligitur, id est aquam conuersam in vinum.

Sed contra hunc errorem arguitur, Primo, omne quod in aliud conuertitur, mutatur in illud: Deus est omnino immutabilis. ergo, &c. Secundo, Verbum Dei cum sit Deus, est simplex: ergo si aliquid verbi conuersum est in carnem, oportet totum verbum conuersum esse: ergo post incarnationem verbum Dei penitus non est: quia quod conuertitur in aliud, desinit esse quod prius fuit. hoc autem est impossibile: tum quia verbum Dei est æternum, tum quia Christus dicitur verbum post incarnationem, ut patet Apoc. 19. ergo, &c. Tertio, Verbum Dei cum sit Deus, non conuenit neque in genere, neque in materia cum quocunque alio: cum Deus neque sit in genere, neque materiam habeat, ergo, &c. probatur consequentia. quia eorum quæ non communicant in materia neque in genere vno, impossibile est fieri conuersionem in inuicem, ut patet de linea & albedine, de corpore elementari & celesti, & incorporea substantia. Quarto, Sequitur quod in Christo non fuerit vera caro, nec aliud huiusmodi, & sic non erit verus homo. probatur sequela: quia de ratione carnis, ossium, & huiusmodi, est quod sit ex determinata materia. Ad authoritatem verò adductam dicitur, quod verbum dicitur factum caro, quia carnem assumpsit, ut cum hominibus conuersaretur, & eis visibilis appareret. vnde subditur, & habitauit, &c. & in Baruch dicitur, quod in terris, &c.

ADVERTENDVM ex doctrina sancti Thomæ super Ioannem, quod Euangelista deo dixit, verbum caro factum est, non autem verbum carnem assumpsit, ut ostenderet unionem verbi ad carnem esse talem, quod Deum verè faceret hominem & hominem Deum, siue quod Deus esset homo. Ad hoc enim fit aliquid ut sit, sicut quod factum est album, album est: ita quod factum est homo, homo est.

De errore Arrii & Apollinaris circa animam Christi.

#### Cap. 32.

Test. Aug. 10.  
6. lib. her. nu.  
11.



NON solum autem circa corpus Christi sed etiam circa eius animam aliqui malè sensisse inueniuntur.

Posuit enim Arrius, quod in Christo non fuit anima, sed quod solum carnem assumpsit, cui di-

uinitas loco animæ fuit: & ad hoc ponendum necessitate quadam videretur fuisse inductus. Cum enim veller asserere, quod filius Dei sit creatura, & minor patre: ad hoc probandum illa scripturarum assumpsit testimonia, quæ infirmitatem humanam ostendunt in Christo: & ne aliquis eius probationem refelleret, dicendo assumpta ab eo testimonia, Christo non secundum diuinam naturam sed humanam conuenire: nequiter animam remouit à Christo: ut cum quædam corpori humano conuenire non possint, sicut quod miratus est, quod timuit, quod orauerit, necessarium fiat huiusmodi in filium Dei minorationem inferre. Assumpsit autem in suæ positionis assertionem præmissum verbum Ioannis dicentis: Verbum caro factum est. ex quo accipere volebat, quod solum carnem verbum assumpsit, non autem animam. in hac positione etiam Apollinaris \* eum secutus est. Manifestum est autem ex præmissis hanc positionem impossibilem esse. Ostensum est enim supra, quod Deus forma corporis esse non potest. cum igitur verbum Dei sit Deus, ut ostensum \* est, impossibile est quod verbum Dei sit forma corporis, ut sic carni pro anima esse possit. Vtilis autem est hæc ratio contra Apollinarem, qui verbum Dei verum Deum esse confitebatur: & licet hoc Arrius negaret, tamen etiam contra eum prædicta procedit ratio: quia non solum Deus non potest esse forma corporis, sed nec etiam aliquis super celestium spirituum, inter quos supremum filium Dei Arrius ponebat: nisi forte secundum positionem \* Origenis, qui posuit animas humanas eiusdem speciei & nature cum super celestibus spiritibus esse: cuius opinionis falsitatem supra ostendimus.

2 Item, subtracto eo quod est de ratione hominis, verus homo esse non potest. manifestum est autem animam principaliter de ratione hominis esse, cum sit eius forma. si igitur Christus animam non habuit, verus homo non fuit: cum tamen eum hominem Apostolus asserat, dicens 1. Timoth. 2. Vnus est mediator Dei & hominum homo Christus Iesus.

3 Adhuc, ex anima non solum ratio hominis, sed & singularum partium eius depêdet: vnde remota anima, oculus, caro, & os hominis mortui æquiuocè dicuntur: sicut oculus pictus, aut lapideus. si igitur in Christo non fuit anima, necesse est quod nec vera caro in eo fuerit, nec aliqua alia partium hominis: cum tamen hoc Dominus in se esse perhibeat, dicens Luca 5. Spiritus carnem & ossa non habet, sicut me videtis habere.

4 Amplius, quod generatur ex aliquo viuente, filius eius dici non potest nisi in eadē specie procedat. non enim vermibus dicitur filius animalis ex quo generatur. sed si Christus animam non haberet, non esset eiusdem speciei cum aliis hominibus. quæ enim secundum formam differunt, eiusdem speciei esse non possunt. non igitur dici poterit quod Christus sit filius Mariæ virginis, aut quod illa sit mater eius. quod tamen \* in euangelica scriptura asseritur.

5 Præterea, in Euangelio expressè dicitur, quod Christus animam habuit, sicut est illud Matth. 26. Tristis est anima mea usque ad mortem & Ioan. 12. Nunc anima mea turbata est. Et ne fortè dicant ipsum filium Dei animam dici, eod quod secundum eorum positionem loco animæ & carnis sit: sumendum est quod Dominus dicit Ioan. 10. Potestatem habeo ponendi animam meam, & iterum sumendi eam. ex quo intelligitur aliud quàm animam esse in Christo, quod habuit potestatem ponendi animam suam, & sumendi. non autem fuit in potestate corporis quod vniretur filio Dei, vel separaretur à Deo: cum hoc etiam nature potestatem excedat. oportet igitur intelligi in Christo aliud fuisse animam, & aliud diuinitatem filij Dei, cui meritò talis potestas tribuitur.

6 Item, tristitia, ira, & huiusmodi passionibus sunt animæ sensitiuæ, ut patet per Philosophum in septimo Physicorum. \* Hæc autem in Christo fuisse ex euangelis comprobatur. oportet igitur in Christo fuisse animam sensitiuam. de qua planum est quod differt à natura diuina filij Dei.

7 Sed quia potest dici humana in euangelis metaphoricè dici

\* De Apoll.  
etiam ref.  
Aug. ubi se  
pra num. 55.  
\* Lib. 1. c. 27.  
\* Cap. 3. 11.  
\* Cap. 14.

\* De Orig.  
habes lib. 2.  
cap. 95.

\* Matth. 1.

\* Text. 16. 19.



dici de Christo, sicut de Deo in plerisque locis sacra scriptura loquitur: accipiendum est aliquid quod necesse sit ut proprie dictum intelligatur. sicut enim alia corporalia, quae de Christo Euangelistae narrant, proprie intelliguntur, & non metaphoricè: ita oportet non metaphoricè de ipso intelligi quod manducauerit, & per consequens quod esurierit. esurire autem non est nisi habentis animam sensitivam, cum esuries sit appetitus cibi. oportet igitur quod Christus habuerit animam sensitivam.

## Super Cap. 32.



**P**OSTO VAM excludit sanctus Thomas errores circa corpus Christi, vult errores circa ipsius animam excludere. Et duos excludit, vñ hoc cap. alterum cap. sequenti. Primus ergo error qui hoc loco excluditur, fuit Arrij, dicentis in Christo non fuisse animam, sed solum carnem fuisse assumptam, cui diuinitas loco animae fuit. cum enim si filium Dei vellet asserere esse creaturam, & minorem patre, ex iis quae in scriptura ostendunt in Christo: ne aliquis eius testimonia refelleret, dicendo ea Christo conuenire secundum humanam naturam, nequiter animam remouit à Christo, ut cum quaedam corpori humano conuenire non possint, sicut quod miratus est, & huiusmodi, necesse sit alia in filij Dei minorationem referre. Assumpsit autem pro suo errore hoc quod dicitur. Verbum caro factum est. ubi de carne sola, non autem de anima fit mentio. Arrium in hac positione etiam Apollinaris est secutus.

SED contra hunc errorem arguitur. Primò, Verbum Dei est Deus, ergo non potest esse forma corporis, cum Deus non possit forma corporis esse. ergo, &c. hae ratio non solum utilis est contra Apollinarem, qui verbum Dei verum Deum confitebatur, sed etiam contra Arrium hoc negantem, quia non solum Deus forma corporis esse non potest, sed nec etiam aliquis super caelestium spirituum, inter quos supremum posuit Arrij filium Dei, nisi forte secundum opinionem Origenis ponentis animas humanas eiusdem speciei cum supercaelestibus spiritibus esse: quod superius est confutatum. Secundò, Sequitur Christum hominem non fuisse, contra Apostolum 1. Thimoth. 2. anima enim est principaliter de ratione hominis: subtrahit autem eo quod est de ratione hominis, verus homo esse non potest. ergo, &c.

Tertiò, Sequitur in Christo non esse veram carnem, nec aliquam partem hominis, quia ex anima non solum ratio hominis, sed etiam singularem partem eius depedit: sed hoc est contra id quod Dominus ostendit Lucæ ultimo, Spiritus carnis, &c. ergo, &c.

**ADVERTENDUM**, quod licet caro, & os, & alia, partes hominis ab inuicem specie accidentaliter differant, quia alia sunt accidentia carnis, & alia ossis accidentia, omnes tamen sunt eiusdem speciei substantialis, & omnes ab eadem forma à qua homo constituitur in sua specie, habent suam rationem & speciei complementum. vna enim est forma substantialis totius, & omnium partium eius, cum non existant partes per propria & distincta esse, sed per vnum esse, quod est esse totius primò & per se, secundariò vero est esse partium. propter hoc ait sanctus Thomas, quod ex anima & est hominis forma, ratio singularem partium hominis dependet. Quarto, Non esset Christus eiusdem speciei cum aliis hominibus, quia quae differunt secundum formam, eiusdem speciei esse non possunt. ergo non poterit dici filius Mariae virginis, aut quod illa sit mater eius. probatur consequentia, quia quod generatur ex viuente, filius eius dici non potest nisi in eadem specie procedat. Quintò, Expresse dicitur in Evangelio quod, Christus animam habuit, Matth. scilicet 26. & Ioan. 11. ergo &c. Si dicitur quod ipse filius Dei anima dicitur, contra hoc est quod ipse dicit Ioan. 10. Potestatem habeo, &c. Ex quo intelligitur aliud quàm animam esse in Christo, quod habuit potestatem ponendi animam suam & sumendi eam: sed non fuit in potestate corporis vniri de filio vel separari ab eo, cum hoc etiam naturae potestatem excedat: ergo, oportet in Christo aliud esse animam, & aliud diuinitatem cui talis potestas tribuitur.

Sextò, In Christo fuerunt ira & huiusmodi, quae sunt passiones animae sensitivae secundum Philosophum septimo Physico. ergo in Christo fuit anima sensitiva, ergo, &c. Si dicitur hae in Evangelii metaphoricè dici de Christo, accipiat aliquid quod necesse sit, ut proprie accipiat, scilicet esurire. Sicut enim alia corporalia quae de Christo Euangelistae narrant, proprie intelliguntur, ita oportet proprie intelligi quod manducauerit, & consequenter quod esurierit. Esurire autem non est nisi habentis animam sensitivam, cum esuries sit appetitus cibi. ergo, &c.

*De errore Apollinaris, dicentis animam rationalem non fuisse in Christo: & de errore Origenis dicentis animam Christi ante mundum fuisse creatam.*

## Caput 33.



**I**S autem testimoniis euangelicis Apollinaris conuictus confessus est in Christo animam sensitivam fuisse: tamen sine mente & intellectu, ita quod verbum Dei fuerit illi animae loco intellectus & mentis.

Sed nec hoc sufficit ad inconuenientiam praedicta vitanda. homo enim speciem sortitur humanam ex hoc quod mentem humanam & rationem habet: si igitur Christus hoc non habuit, verus homo non fuit, nec eiusdem speciei nobiscum. anima autem ratione carens ad aliam speciem pertinet

quàm anima rationem habens, etenim secundum Philosophum in 8. Metaphy. dicitur quod in definitionibus & speciebus qualibet differentia essentialis addita vel subtracta variat speciem, sicut in numeris vnitas: rationale autem est differentia specifica. si igitur in Christo fuit anima sensitiva sine ratione, non fuit eiusdem speciei cum anima nostra, quae est rationem habens: nec ipse igitur Christus fuit eiusdem speciei nobiscum.

2. Adhuc, inter ipsas animas sensitivas ratione carentes, diuersitas secundum speciem existit: quod patet ex animalibus irrationalibus quae ab inuicem specie differunt quorum tamen vnumquodque secundum propriam animam speciem habet: sic igitur anima sensitiva ratione carens est quasi vnum genus sub se plures species comprehendens: nihil autem est in genere, quod non sit in aliqua eius specie. si igitur anima Christi fuit in genere animae sensitivae ratione carens, oporteret quod contineretur sub aliqua specierum eius: ut pote quod fuerit in specie animae leonis vel equi, aut alicuius alterius beluae: quod est omnino absurdum.

3. Amplius, Corpus comparatur ad animam sicut materia ad formam, & sicut instrumentum ad principale agens. oportet autem materiam proportionatam esse formae, & instrumentum principali agenti: ergo secundum diuersitatem animarum oportet & corporum diuersitatem esse: quod & secundum sensum apparet. nam in diuersis animalibus inueniuntur diuersae dispositiones membrorum, secundum quod conueniunt diuersis dispositionibus animarum. si ergo in Christo non fuit anima qualis est anima nostra: nec membra habuisset sicut sunt membra humana.

4. Præterea, cum secundum Apollinarem verbum Dei sit verus Deus, ei admiratio competere non potest. nam ea admiramur quorum causam ignoramus. similiter autem nec admiratio animae sensitivae cōpeteret, cum ad animam sensitivam non pertineat sollicitari de cognitione causarum. in Christo admiratio fuit sicut ex Evangelii probatur. dicitur enim Matth. 8. quod audiens Iesus verba Centurionis, miratus est. oportet igitur præter diuinitatem verbi & animam sensitivam in Christo aliquid ponere secundum quod admiratio ei cōpetere possit, scilicet mentem humanam manifestum est igitur ex prædictis, quod in Christo ve-

rum corpus humanum & vera anima humana fuit. Sic igitur quod Ioannes dicit, Verbum caro factum est: non sic intelligitur quasi verbum sit in carnem conuersum, neque sic quod verbum carnem solam assumpserit, aut animam sensitivam sine mente. sed secundum consuetum scripturae modum ponitur pars pro toto, ut sic dictum sit, Verbum caro factum est: ac si diceret, Verbum homo factum est. nam & anima interdum ponitur pro homine in scriptura. dicitur enim Exod. 11. Erant omnes animae, quae egressae sunt de foemore Iacob, septuaginta. similiter etiam & caro pro toto homine ponitur, dicitur enim Isaia 40. Videbit omnis caro pariter quod os Domini locutum est, sic igitur & hæc caro pro toto homine ponitur ad exprimendam humanam naturam infirmitatem, quam verbum assumpsit. Si autem Christus humanam carnem & humanam animam habuit, ut ostensum est: manifestum est animam Christi non fuisse ante corporis eius conceptionem, ostensum est enim quod humana anima propriis corporibus non præexistunt: vnde patet falsum esse Origenis dogma dicentis, animam Christi ab initio ante corporales creaturas cum omnibus aliis spiritualibus creaturis creatam, & à verbo Dei assumptam, & demum circa finem seculorum pro salute hominum carne fuisse indutam.

## Super Cap. 33.



**S**ECUNDVS error circa animam Christi est Apollinaris, qui cum prius secutus fuisset Arrium, conuictus tamen prædictis testimoniis, postea confessus est in Christo animam sensitivam fuisse sine intellectu & mēte, dixitque illi animae verbum Dei fuisse loco intellectus & mentis.

SED quod hoc non sufficit ad prædicta inconuenientia vitanda, arguitur. Primò, si in Christo fuit anima sensitiva sine ratione, non fuit



eiusdem speciei cum anima nostra, quæ est rationem habens, cum secundum Philosophum octauo Metaphysicæ, in diffinitionibus & speciebus quilibet differentia essentialis addita vel subtrahita variet speciem: igitur nec ipse Christus fuit eiusdem speciei nobiscum, probatur consequentia: quia homo ex hoc speciem sortitur humanam, quod mentem & rationem habet. Secundo, sequitur quod anima Christi contineatur sub aliqua specierum animarum sensitiuarum ratione carentis, scilicet sub specie anime leonis, aut equi, aut alicuius alterius beluæ, quia anima sensitiua ratione carere est quasi vnum genus sub se plures species continens, nihil autem est in genere quod non sit in aliqua eius specie: hoc autem est omnino absurdum, ergo, &c. Tertiò, sequeretur quod Christus non habuisset membra, sicut sunt membra humana, probatur consequentia: quia cum corpus comparatur ad animam sicut materia ad formam, & sicut instrumentum ad principale agens: materiam autem oportet esse proportionatam formæ, & instrumentum principali agenti, oportet secundum diuersitatem animarum, & diuersitatem corporum esse.

**ADVERTENDVM**, quod anima & dat esse corpori, & ipso vitur ad extrinsecas operationes, in quantum dat illi esse, comparatur ad ipsum sicut forma ad materiam, formæ enim est dare esse materiæ, in quantum autem ipsum mouet, non quidem vt motum tantum, sed vt motum mouens aliquid aliud extrinsecum, comparatur ad ipsum vt principale mouens ad instrumentum. est enim de ratione instrumenti vt sit moues motum. Vtque autem modo oportet corpus esse proportionatum animæ. Nam determinata forma non recipitur in quacunque materia, sed in determinata & sibi proportionata, neque agens omne principale vitur indifferenter quocunque instrumento, sed determinatum agens vitur certis & determinatis instrumentis. ideo optimè probat sanct. Thom. secundum diuersitatem animarum esse corporum diuersitatem, ex hoc quod corpus ad animam comparatur & sicut materia ad formam, & sicut instrumentum ad principale agens. Quarto, in Christo admiratio fuit, vt patet Matth. 8. ergo, & aliquid præter diuinitatem & animam sensitiuam, scilicet mens humana, probatur consequentia, quia nec verbo Dei cum sit Deus, admiratio competere potest, quæ est ex ignorantia causæ: nec animæ sensitiuæ, cum ad eam non pertineat sollicitari de cognitione causarum.

**EX** prædictis infert sanct. Thom. duo corollaria. Primum est, quod cum dicitur, Verbum caro factum est: non intelligitur sic quasi verbum sit in carnem conuersum, aut solam animam sensitiuam sine mente assumptam, sed accipitur caro pro toto homine ad exprimendum humanæ naturæ infirmitatem quam verbum assumpsit. Nam & anima in scripturis ponitur quandoque pro toto homine, sicut cum dicitur, Esod. primo, Erant omnes animæ &c. Caro etiam quandoque pro toto homine ponitur, vt cum dicitur Isai. 40. Videbit omnis caro, &c. Secundum corollarium est, quod falsum est Origenis dogma dicentis, animam Christi ab initio ante creaturas corporales creatam fuisse, & à verbo assumptam, & demum carne fuisse indutam. Patet enim ex dictis Christum humanam carnem, & humanam animam habuisse: modo superius est ostensum humanas animas propriis corporibus non præexistere.

*De errore Theodori Mosuesteni circa vnionem verbi ad hominem.*

*Caput 34.*

*Idem in q. de vni. ver. ar. 1. De his in præcedent.*



**B**X præmissis igitur apparet, quod Christo nec diuina natura defuit, vt Ebion, Cherintus, & Photinus dixerunt, nec verum corpus humanum, secundum errorem Manichæi atque Valentini: nec etiam humana anima, sicut posuerunt Arrius & Apollinaris. His igitur tribus substantiis in Christo conuenientibus, scilicet diuinitate, anima humana, & vero humano corpore, circa horum vnionem quid sentiendum sit, secundum scripturarum documenta inquirendum restat. Theodorus \* igitur Mosuestenus & Nestorius eius sectator, talem scienciam de prædicta vnione protulerunt. Dixerunt enim quod anima humana & corpus humanum naturali vnione conueniunt in Christo ad constitutionem vnus hominis eiusdem speciei, & naturæ cum aliis hominibus, & quod in hoc homine Deus habitauit sicut in templo suo, scilicet per gratiam: sicut & in aliis hominibus sanctis: vnde dicitur Ioã. 2. quod ipse Iudæus dixit, Soluite templum hoc, & in tribus diebus excitabo illud. & postea euangelista quasi exponens subdit: Ille autem dicebat de templo corporis sui. & Apostolus Col. primo dicit, quod in ipso complacuit omnem plenitudinem habitare. & ex hoc consecuta est vltèrius quædam affectualis vnio inter hominem illum & Deum: dum & homo ille bona sua voluntate Deo inhæsit: & Deus sua voluntate illum accepit, secundum illud Ioan. octauo: Qui misit me, mecum est, & non reliquit me solum: quia quæ placita sunt ei, facio semper. vt sic intelligatur talis esse vnio hominis illius ad Deum, qualis est vnio de qua Apostolus dicit 1. a. Cor. 1. Ioan. 3. 6. Qui adhæret Deo, vnus spiritus est. & sicut ex hac vnione, nomina quæ propriè Deo conueniunt, ad homines transferuntur, vt dicantur dij, & filij Dei, & Domini, & sancti,

& Christi, sicut ex diuersis locis scripturæ patet: ita & nomina diuina homini illi conueniunt, vt propter Dei inhabitationem & vnionem affectus dicatur & Deus: & Dei filius, & Dominus, & sanctus, & Christus: sed tanem quia in illo homine maior plenitudo gratiæ fuit quàm aliis hominibus sanctis, fuit præ cæteris templum Dei, & arctius Deo secundum affectum vnitus, & singulari quodam privilegio diuina nomina participauit, & propter hanc excellentiam gratiæ constitutus est in participatione diuinæ dignitatis & honoris, vt scilicet coadoretur Deo: & sic secundum prædicta oportet quod alia sit persona verbi Dei, & alia persona illius hominis qui verbo Dei coadoratur. Et si dicatur vna persona vtriusque, hoc erit propter vnionem affectualè prædictam: vt sic dicatur homo ille & Dei verbū, vna persona, sicut dicitur de viro & muliere quod iam non sunt duo, sed vna caro: & quia talis vnio non facit vt quod de vno dicitur, de altero dici possit, non enim quicquid conuenit viro, verum est de muliere, aut econuerso. ideo in vnione verbi & illius hominis hoc obseruandum putant, quod ea quæ sunt propria illius hominis ad humanam naturam pertinentia, de verbo Dei aut de Deo conuenienter dici non possunt: sicut homini illi conuenit quod sit natus de virgine, quod passus, mortuus, & sepultus, & huiusmodi, quæ omnia asserunt de Deo, vel de Dei verbo dici non debere. Sed quia sunt quædam nomina quæ etsi Deo principaliter conueniant, communicantur tamen hominibus per aliquem modum, sicut Christus, Dominus, sanctus, & etiam filius Dei: de huiusmodi nominibus secundum eos nihil prohibet prædicta prædicari. conueuiunt enim dicitur secundum eos, quod Christus Dominus gloriæ, vel sanctus sanctorum, vel Dei filius, sit natus de virgine, passus, mortuus, & sepultus: vnde & beatam virginem non matrem Dei vel verbi Dei, sed matrem Christi nominandam esse dicunt. Sed si quis diligenter consideret, prædicta positio, veritatem incarnationis excludit. Non enim secundum prædicta verbum Dei fuit homini illi vnitus nisi secundum inhabitationem per gratiā, ex qua consequitur vnio voluntatum: inhabitatio autè verbi Dei in homine nō est verbum Dei incarnatum: habitauit enim verbum Dei & Deus ipse in omnibus sanctis à constitutione mudi, secundum illud Apost. 2. ad Cor. 6. Vos estis templum Dei viui, sicut dicit Dominus: quoniam inhabitabo in illis. quæ tamen inhabitatio, incarnatio dici non potest: alioquin frequenter ab initio mundi Deus incarnatus fuisset.

Nec etiam ad incarnationis rationem sufficit, si verbum Dei aut Deus pleniori gratia habitauit in illo homine, quia magis & minus speciem non diuersificant vnionis. Cum igitur Christiana religio in fide incarnationis fundetur, euidenter apparet quod prædicta positio fundamentum Christianæ religionis tollit.

**2** Præterea, ex ipso modo loquendi scripturarum falsitas prædictæ positionis apparet. Inhabitationem enim verbi Dei in sanctis hominibus cōsuevit sacra scriptura his modis significare, Locutus est Dominus ad Moysen, vel Dicit Dominus ad moysen, Factum est verbum Domini ad Hieremiam, aut ad aliquem aliorum prophetarum. Factum est verbum Domini in manu Aggæi prophetæ. nunquam autem legitur quod verbum Domini factum sit vel Moyses, vel Hieremias, vel aliquis aliorum. Hoc autem modo singulariter vnionem Dei verbi ad carnem Christi designat Euāgelista dicens: Verbum caro factum est: vt suprā \* expositum est. Manifestum est igitur, quod nō solum per modum inhabitationis verbum Dei in homine Christo fuit secundum traditiones scripturæ.

**3** Item, omne quod factum est aliquid, est illud quod factum est, sicut quod factum est homo, est homo: & quod factum est album, est album: sed verbum Dei factum est homo, vt ex præmissis \* habetur: igitur verbū Dei est homo. impossibile est autem vt duorum differentium persona aut hypostasi, vel supposito vnum de altero prædicetur. Cum enim dicitur, homo est animal, id ipsum quod animal est, homo est: & cum dicitur, homo est albus: ipse homo albus esse

*\* Theod. de quo habet. in sanct. Synodo. 6. 1. act. 4. De Vest. in ead. syn. Etia apud Aug. tom. 6. li. har. nu. 89.*

*Psalm. 81.*

*1. Ioan. 3.*

*Psalm. 104.*

*Psalm. 15.*

*\* Cap. præc.*

*\* 4. cap. præc.*



esse signatur, licet albedo sit extra rationem humanitatis: & ideo nullo modo dici potest quod Sortes sit Plato, vel aliquod aliud singularium eiusdem, vel alterius speciei. Si igitur verbum caro factum est, id est homo, ut Euangelista testatur, impossibile est, quod verbi Dei & illius hominis sint duæ personæ vel duæ hypostasēs, vel duo supposita.

4 Adhuc, Pronomina demonstratiua ad personam referuntur, vel hypostasin vel suppositum: nemo enim diceret, ego curro alio currēte, nisi fortē figuratiuē: ut pote quod alius loco eius curreret: sed ille homo qui dictus est Iesus, dicit de se, Antequam Abraham fieret, ego sum, Ioannis octauo: & Ioannis decimo, ego & pater vnum sumus. & plura alia quæ manifeste ad diuinitatem verbi pertinent. ergo manifestum est quod persona illius hominis loquentis & hypostasis est ipsa persona filij Dei.

\* vt pater  
30.6. & pater.  
5 Amplius, ex superioribus \* patet, quod neque corpus Christi de cælo descendit secundum errorem Valentini, neque anima, secundum errorem Origenis. unde restat quod ad verbum Dei pertineat, quod dicitur descendisse, non motu locali, sed ratione vnionis ad inferiorem naturam, ut supra dictum \* est. sed ille homo ex persona sua loquens, dicit se descendisse de cælo, Ioannis sexto: Ego sum panis viuus, qui de cælo descendi. necesse est igitur personam & hypostasin illius hominis esse personam verbi Dei.

\* Cap. 10.  
6 Item, manifestum est, quod ascendere in cælum Christo homini conuenit, qui videntibus Apostolis eleuatus est, ut dicitur Actuum primo, descendere autem de cælo verbo Dei conuenit. Sed Apostolus dicit ad Ephesios quarto: Qui descendit, ipse est, & qui ascendit. ipsa igitur est persona & hypostasis illius hominis quæ est persona & hypostasis verbi Dei.

7 Adhuc, ei qui originem habet ex mundo, & non fuit antequam esset in mundo, non conuenit venire in mundum, sed homo Christus secundum carnem originem habet ex mundo, quia verum corpus humanum & terrenum habuit, ut ostensum \* est: secundum animam verò non fuit antequam esset in mundo, habuit enim veram animam humanam, de cuius natura est ut non sit antequam corpori vnatur. relinquitur igitur quod homini illi ex sua humanitate non conueniat venire in mundum. ipse autem dicit venisse in mundum. Exiui, inquit, à patre, & veni in mundum. Ioannis decimo sexto. Manifestum est igitur, quod id quod verbo Dei conuenit, de homine illo dicitur verè. nam quod verbo Dei conueniat venire in mundum, manifestè ostendit Ioannes \* Euangelista dicens: In mundo erat, & mundus per ipsum factus est: & mundus eum non cognouit. in propria venit, &c. oportet igitur personam & hypostasin illius hominis loquentis, esse personam & hypostasin verbi Dei.

8 Item, Apostolus dicit ad Hebræos 10. Ingrediens mundum dicit, hostiam & oblationem noluit: corpus autem aptasti mihi. Ingrediens autem mundum verbum Dei est, ut ostensum \* est. ipsi ergo Dei verbo corpus aptatur, ut scilicet sit proprium corpus eius: quod dici non posset nisi esset eadem hypostasis verbi Dei & illius hominis: oportet igitur esse eandem hypostasin Dei verbi & illius hominis.

\* Cap. 30. &  
Paulo ante.  
9 Amplius, omnis mutatio vel passio conueniens corpori alicuius potest attribui ei cuius est corpus. si enim corpus Petri vulneretur, flagelletur, aut moriatur, potest dici quod Petrus vulneratur, flagellatur, aut moritur. sed corpus illius hominis fuit corpus verbi Dei, ut ostensum est. ergo omnis passio quæ in corpore illius hominis facta fuit, potest verbo Dei attribui. rectè igitur potest dici quod verbum Dei & Deus est passus, crucifixus, mortuus, & sepultus: quod ipsi negabant.

10 Item, Apostolus dicit ad Hebræos 2. Decebat eum propter quem omnia, & per quem omnia, qui multos filios in gloriam adduxerat, autorem salutis eorum per passionem consummari. ex quo habetur, quod ille propter quem sunt omnia, & per quem sunt omnia, & qui homines in gloriam adducit, & qui est author salutis humanæ, passus est & mortuus. Sed hæc quatuor singulariter sunt Dei, & nulli

alij attribuantur. dicitur enim Prouerbiorum 16. Vniuersa propter semetipsum operatus est Dominus. & Ioannis 1. de verbo Dei dicitur. Omnia per ipsum facta sunt. & in Psal. 83. Gratiam & gloriam dabit Dominus & alibi 38. Salus autem iustorum à Domino. Manifestum est igitur rectè dici Deum Dei verbum esse passum & mortuum.

11 Præterea, licet aliquis homo participatione diuini dominij Dominus dici possit, nullus homo tamen neque creatura aliqua potest dici Dominus gloriæ. quia gloriam futuræ beatitudinis solus Deus ex natura possidet: alij verò per donum gratiæ. Vnde & in Psal. 23. dicitur. Dominus virtutum ipse est rex gloriæ. sed Apostolus dicit Dominum gloriæ esse crucifixum. 1. Corinth. 2. Si enim cognouissent, nunquam Dominum gloriæ crucifixissent. verè igitur dici potest quod Deus sit crucifixus.

12 Adhuc, Verbum Dei dicitur Dei filius per naturam, ut ex supradictis \* patet: homo autē propter inhabitationem Dei dicitur Dei filius per gratiam adoptionis. sic igitur in Domino Iesu Christo secundum positionem prædictā est accipere vtrunque filiationis modum. Nam verbum inhabitans est Dei filius per naturam: homo inhabitatus est Dei filius per gratiā adoptionis. unde homo ille non potest dici proprius vel vnigenitus Dei filius, sed solū Dei verbum: quod secundum proprietatem naturæ singulariter à patre genitū est: attribuit autem scriptura proprio & vnigenito Dei filio passionem & mortem. Dicit enim Apostolus ad Rom. 8. Proprio filio suo non pepercit, sed pro nobis omnibus tradidit illū. & Ioan. 3. Sic Deus dilexit mundum, ut filium suum vnigenitum daret, ut omnis qui credit in illum non pereat, sed habeat vitam æternam. Et quod loquitur de traditione ad mortē, patet per id quod eadem verba supra præmiserat de filio hominis crucifixo dicens, Sicut Moyses exaltauit serpentē in deserto, ita oportet exaltari filium hominis: ut omnes qui credunt in illum, &c. Et Apostolus mortem Christi indicium diuinæ dilectionis ad mundum esse ostendit, dicens Rom. 5. Commendat suam charitatem Deus in nobis, quoniam quum adhuc inimici essemus, Christus pro nobis mortuus est. Rectè igitur dici potest, quod verbum Dei Deus sit passus & mortuus.

13 Item, ex hoc dicitur aliquis filius alicuius matris, quia corpus eius ex ea sumitur, licet anima non sumatur ex matre, sed ab exteriori sit: corpus autem illius hominis ex virgine matre sumptum est. Ostensum est autem corpus illius hominis esse corpus filij Dei naturalis, id est verbi Dei. Conuenienter igitur dicitur, quod beata virgo sit mater verbi Dei, & etiam Dei, licet diuinitas verbi à matre non sumatur. non enim oportet, quod filius totum quod est de sua substantia à matreumat, sed solum corpus.

14 Amplius, Apostolus dicit ad Gala. 4. Misit Deus filium suum factum ex muliere. ex quibus verbus ostenditur qualiter missio filij Dei sit intelligenda. eo enim dicitur missus, quo factus est ex muliere: quod quidem verum esse non posset, nisi filius Dei antè fuisset quam factus esset ex muliere. Quod enim in aliquid mittitur, prius esse intelligitur, quam sit in eo in quod mittitur: sed homo ille qui est filius adoptiuus secundum Nestorium, non fuit antequam natus esset ex muliere: quod ergo dicit, misit Deus filium suum, non potest intelligi de filio adoptiuo: sed oportet quod intelligatur de filio naturali, id est, de Deo Dei verbo. sed ex hoc quod aliquis factus est ex muliere dicitur filius mulieris. Deus ergo Dei verbum est filius mulieris. Sed fortè diceret aliquis non debere verbum Apostoli sic intelligi, quod Dei filius ad hoc sit missus, ut sit factus ex muliere: sed ita quod Dei filius qui est factus ex muliere, & sub lege, ad hoc sit missus, ut eos qui sub lege erant, redimeret. & secundum hoc quod dicit filium suum, non oportebit intelligi de filio naturali, sed de homine illo qui est filius adoptionis. sed hic sensus excluditur ex ipsis Apost. verbis. Non enim à lege potest absolueri nisi ille qui supra legem existit, qui est author legis. Lex autem à Deo posita est: solius igitur Dei est à seruitute legis eripere. Hoc autem attribuit Apost. filio Dei, de quo loquitur. filius ergo Dei de



quo loquitur, est filius naturalis. verum ergo est dicere, quod naturalis Dei filius, id est, Deus Dei verbum, est factus ex muliere.

15 Præterea, idem patet per hoc quod redemptio humani generis ipsi Deo attribuitur in Psalm. 30. Redemisti me Domine Deus veritatis.

16 Adhuc, adoptio filiorum Dei fit per spiritum sanctum, secundum illud Rom. 8. Accepisti spiritum adoptionis filiorum. Spiritus autem sanctus non est donum hominis, sed adoptio. ergo filiorum adoptio non causatur ab homine, sed à Deo: causatur autem à filio Dei misso à Deo, & factus ex muliere: quod patet per id quod Apostolus subdit, Ut adoptionem filiorum reciperemus. oportet igitur verbum Apostoli intelligi de Filio Dei naturali: Deus igitur Dei verbum factus est ex muliere, id est, ex virgine matre.

17 Itē Ioannes dicit, Verbum caro factum est, nō autē habet carnem nisi ex muliere. verbum igitur factum est ex muliere, id est, ex virgine matre. virgo enim est mater Dei verbi.

18 Amplius, Apostolus dicit Rom. 9. quod Christus est ex patribus secundum carnē, qui est super omnia Deus benedictus in secula. non autē est ex patribus nisi mediante virgine. Deus igitur qui est super omnia, est ex virgine secundum carnem: virgo igitur est mater Dei secundum carnem.

19 Adhuc, Apostolus dicit Philipp. 2. de Christo Iesu: qui cum in forma Dei esset, exinaniuit semetipsum formā serui accipiens, in similitudinem hominum factus: ubi manifestum est, si, secundum Nestorium, Christum diuidamus in duos, scilicet in hominem illum qui est filius adoptiuus, & in filium Dei naturalem, qui est verbum Dei quod non potest intelligi de homine illo: ille enim homo si purus homo sit, non prius fuit in forma Dei, vt postmodum in similitudinem hominum fieret, sed magis e conuerso homo existens diuinitatis particeps factus est: in quo nō fuit exinanitus, sed exaltatus. oportet igitur quod intelligatur de verbo Dei quod prius fuerit ab æterno in forma Dei, id est, in natura Dei: & postmodū exinaniuit semetipsum in similitudinem hominū factus. Non potest autē intelligi ista exinanitio per solam inhabitationē verbi Dei in homine Iesu Christo. nam verbum Dei in omnibus sanctis à principio mundi habitauit per gratiam: nec tamen dicitur exinanitum, quia Deus sic suam bonitatem creaturis communicat, quod nihil ei subtrahitur, sed magis quodammodo exaltatur, secundū quod eius sublimitas ex bonitate creaturarum apparet: & tantō amplius quantō creaturæ fuerint meliores. Vnde si verbum Dei plenius habitauit in homine Christo, quā in aliis sanctis, minus in hoc quā in aliis cōuenit exinanitio verbi. manifestum est igitur quod vnio verbi ad humanam naturam, non est intelligenda secundum solam inhabitationem verbi Dei in homine illo, vt Nestorius dicebat: sed secundum quod verbum Dei verē factum est homo. sic enim solum habebit locū exinanitio, vt scilicet dicatur verbum Dei exinanitū, id est, paruum factū nō amissione propriæ magnitudinis, sed assumptione humanæ paruitatis. sicut si anima præexisteret corpori, & diceretur fieri substantia corporea quæ est homo, nō mutatione propriæ naturæ, sed assumptione naturæ corporeæ.

20 Præterea, manifestum est quod spiritus sanctus in homine Christo habitauit. dicitur enim Lucæ 4. quod Iesus plenus spiritu sancto regressus est à Iordane. Si igitur incarnatio verbi secundum hoc solum intelligenda est, quod verbum Dei in homine illo plenissimè habitauit: necesse erit dicere quod etiam spiritus sanctus erit incarnatus: quod est omnino alienum à doctrina fidei.

21 Adhuc, manifestum est verbum Dei in sanctis Angelis habitare, qui participatione verbi intelligentia replentur. dicit enim Apostolus Hebræorum 2. Nusquam Angelos apprehendit, sed semen Abraham apprehendit. manifestum est igitur quod assumptio humanæ naturæ à verbo non est secundum solam inhabitationem accipienda.

22 Adhuc, si secundum positionem Nestorij Christus separaretur in duos secundum hypostasim differentes, id est in verbum Dei, & hominem illū: impossibile est quod verbum

Dei Christus dicatur. Quod patet tum ex modo loquendi scripturæ, quæ nūquam ante incarnationē Domini Deum aut Dei verbum nominat Christum, tum etiam ex ipsa nominis ratione. dicitur enim Christus quasi vnctus. vnctus autem intelligitur oleo exultationis, id est, spiritu sancto, vt Petrus exponit Act. 3. non autē potest dici, quod verbum Dei sit vnctum spiritu sancto: quia sic spiritus sanctus esset maior filio, vt sanctificans sanctificato. oportebit igitur quod hoc nomē Christus, solum pro homine illo possit intelligi. Quod ergo dicit Apostolus ad Philipp. 2. Hōc sentite in vobis, quod & in Christo Iesu: ad hominē illum referendum est. subdit autem, Qui cum in forma Dei esset, non rapinam arbitratus est esse se æqualem Deo. Verum igitur est dicere, quod homo ille est in forma, id est, in natura Dei, & æqualis Deo. Licet autē homines dicantur dii vel filij Dei propter inhabitantem Deum, nunquam tamen dicitur quod sint æquales Deo. patet igitur quod homo Christus non per solam inhabitationem dicitur Deus.

23 Item, licet nomen Dei ad sanctos homines transferatur propter inhabitationem gratiæ: nūquam tamen omnia quæ sunt solius Dei, sicut creare cælum, & terram, aut aliquid huiusmodi, de aliquo sanctorū propter inhabitationem gratiæ dicitur: Christo autem homini attribuitur omnium creatio. dicitur enim Hebr. 3. Cōsiderate Apostolum & pontificem cōfessionis nostræ Iesum Christum, qui fidelis est ei qui præfecit illū, sicut & Moyses in omni domo illius. quod oportet de homine illo, & non de Dei verbo intelligi: tum quia ostensum est quod secundum positionem Nestorij, verbum Dei Christus dici non potest: tum quia verbum Dei nō est factum, sed genitum. Addit autem Apostolus, Ampliori gloria iste præ Moyse dignus habitus est, quantō ampliorem honorem habet domo qui fabricauit illā. homo igitur Christus fabricauit domū Dei: quod consequenter Apostolus probat subdēns, Omnis nanque domus fabricatur ab aliquo. qui autē omnia creauit, Deus est. Sic igitur Apostolus probat, quod homo Christus fabricauit domum Dei, per hoc quod Deus creauit omnia: quæ probatio nulla esset, nisi Christus esset Deus creans omnia. sic igitur homini illi attribuitur creatio vniuersorum: quod est propriū opus Dei. est igitur homo Christus ipse Deus secundum hypostasim, & non ratione inhabitationis tantum.

24 Amplius, manifestum est quod homo Christus loquens de se, multa diuina dicit & supernaturalia: vt est illud Ioā. 6. Ego resuscitabo illum in nouissimo die. & Ioan. 10. Ego vitam æternā do eis. quod quidem esset summæ superbiæ, si ille homo loquens non esset secundum hypostasim ipse Deus, sed solum haberet Deum inhabitantem. hoc autem homini Christo non competit, qui de se dicit Matth. 11. Discite à me, quia mitis sum, & humilis corde. est igitur eadem persona hominis illius & Dei.

25 Præterea, sicut legitur in scripturis quod homo ille est exaltatus. dicitur enim Actuum secundo, Dextera Dei exaltatus, &c. ita legitur quod Deus sit exinanitus. Philipp. 2. Exinaniuit semetipsum, &c. sicut igitur sublimis possit dici de homine illo ratione vnionis, vt quod sit Deus, quod resuscitet mortuos, & alia huiusmodi: ita de Deo possit dici humilia, vt quod sit nat⁹ de Virgine, passus, mortuus, & sepultus.

26 Adhuc, relatiua tam verba quā pronomina idem suppositum referunt. dicit enim Apostolus Coloss. primo, loquens de filio Dei, In ipso condita sunt vniuersa in cælis & in terra, visibilia & inuisibilia. & postea subdit, Et ipse est caput corporis ecclesiæ, qui est principium, primogenitus ex mortuis. Manifestum est autem quod hoc quod dicitur, In ipso condita sunt vniuersa: ad verbum Dei pertinet. Quod autem dicitur primogenitus ex mortuis, homini Christo competit. Sic igitur Dei verbum & homo Christus sunt vnum suppositum, & per consequens vna persona: & oportet quod quicquid dicitur de homine illo dicatur de verbo Dei, & e conuerso.

27 Item, Apostolus dicit 1. ad Corinthios 8. Vnusest Dominus Iesus Christus, per quem omnia. Manifestum est autem quod



tem quod Iesus Christus, nomen illius hominis per quem omnia, conuenit verbo Dei. sic igitur verbum Dei & homo ille sunt vnus dominus, nec duo domini, nec duo filij, vt Nestorius dicebat. & ex hoc vltius sequitur quod verbi Dei & hominis sit vna persona. Si quis autem diligenter consideret, hæc Nestorij opinio quantum ad incarnationis mysterium parū differt ab opinione Photini: quia vterque hominem illū Deū asserbat solum propter inhabitationem gratiæ: quamuis Photinus dixerit, quod ille homo nomen diuinitatis & gloriam per passionem & bona opera meruit: Nestorius autem confessus est, quod à principio suæ conceptionis huiusmodi nomen & gloriam habuit propter plenissimam habitationē Dei in ipso. Circa generationem autem æternam verbi multum differēbant. nam Nestorius eam confitebatur, Photinus verò negabat omnino.

## Super Cap. 34.

**P**OSTQVAM exclusit sancti Thomæ errores circa animā & corpus Christi, vult vltius errores circa vniōē verbi diuini ad hominem excludere. Circa hoc autē duo facit. Primò excludit ipsos errores. Secundò concludit quid secundum fidei veritatem sit tenendum, cap. 39. Circa primum quinque facit secundum quod quinque errores excludit. Primò enim excludit errorem Theodori Mosuesteni & Nestorij: secundò errorem Eutychemis, cap. sequen. tertio errorem Antiocheni, cap. 36. quarto errorem quorundam in nominatorum, cap. 37. quinto errorem aliorum etiam in nominatorum, cap. 38. Quantum ad primum tria facit. Primò proponit ipsum errorem: secundò improbat: tertio, opinioni Photini comparat. Dicit ergo primò: Cum in Christo sint diuinitas, anima humana, & corpus humanum, verum dixerunt primò Theodorus Mosuestenus & Nestorius eius scētor, quod anima humana & humanum corpus naturali vniōe cōueniunt in Christo ad constitutionem vnius hominis eiusdem speciei & naturæ cum aliis hominibus, & quod in hoc homine habitauit Deus sicut in templo suo, scilicet per gratiam, sicut in aliis sanctis. Vnde ipse dixit Ioan. secundo, Soluite, &c. & euangelista quasi exponens subiungit, Ille autem, &c. & ad Col. primo dicitur quod in ipso complacuit, &c.

Dixerunt secundò quod ex hoc secuta est quædam affectualis vniō inter hominem illum & Deum, dum homo ille bona sua voluntate ad hæsit Deo, & Deus sua voluntate illum acceptauit iuxta illud Ioan. 8. Qui misit me, &c. vnde talis vniō intelligitur, qualis est de qua Apostolus dicit primò Corinth. 6. Qui adhæret, &c. Dixerunt tertio, quod propter inhabitationem Dei, & vniōem affectus, illi homini conueniunt diuina nomina, vt scilicet dicatur Deus, & Dei filius, & Dominus, & sanctus, & Christus. Dixerunt quarto, quod quia in illo homine maior plenitudo gratiæ fuit quam in aliis hominibus sanctis, fuit præ cæteris templum Dei, & artius Deo secundum affectum vniū: & ideo constitutus est in participatione diuinæ dignitatis & honoris, vt scilicet coadoretur Deo.

Ex istis sequitur aliam esse personam verbi, & aliam personam illius hominis: & si dicatur esse vna persona vtriusque, hoc erit propter vniōem affectualem prædictam, sicut de muliere, & viro dicitur, quod iam non sunt duo, sed vna caro.

Dixerunt quinto, quod quia talis vniō non facit vt quicquid de vno dicitur, de altero dici possit: non enim quicquid conuenit viro, verum est de muliere, aut econuerso: hoc obseruandum putant, quod propria illius hominis ad humanam naturam pertinet, de verbo Dei aut de Deo conuenienter dici non possunt, sicut quod sit natus de virgine, quod passus, mortuus, & sepultus, & alia huiusmodi: sed bene de quibusdam nominibus diuinis quæ hominibus per quandam modum communicantur, sicut Christus Dominus, sanctus, filius Dei, prædicta prædicari possunt. dicitur enim conuenienter secundum eos quod Christus Dominus gloriæ, vel sanctus sanctorum, vel Dei filius sit natus de Virgine, passus, & huiusmodi vnde beatam Virginem non matrem Dei vel verbi Dei, sed matrem Christi nominandam esse dicunt.

Secundò loco contra hanc positionem arguit sancti Thomæ. Primò, hæc positio veritatem incarnationis excludit, & per consequens fundamentum Christianæ religionis tollit. ergo, &c. probatur assumptum: quia inhabitatione verbi diuini in homine per gratiam, non est verbum Dei esse incarnationem: alioquin cum à constitutione mundi fuerit talis inhabitatio in hominibus sanctis, iuxta illud Apostoli secundæ Corinthiorum sexto, Vos estis templum, &c. frequenter ab initio mundi Deus esset incarnatus. nec sufficit ad hoc quod abundatior gratia in illo homine inhabitauerit, quia magis & minus speciem non diuersificant vniōis.

Secundò. Inhabitationem verbi Dei in sanctis hominibus consuevit sacra scriptura iis modis significare, Locutus est Dominus ad Moysen: Factum est verbum Domini ad Hieremiam, & huiusmodi: nunquam autem legitur quod verbum Domini factum sit Moyses vel Hieremias, vel aliquis aliorum, sed vniōem verbi Dei ad carnem euangelista designat dicens: Verbum caro factum est. ergo, &c. Tertio. Verbum Dei est homo: quia quod factum est aliquid, est illud: sed duorum differentium in vna persona aut suppositi aut hypostasi, vnum de altero non potest prædicari, sicut non potest dici g. Sortes sit Plato, aut aliquid aliud singularium: ergo impossibile est vt verbi Dei & illius hominis sint duæ personæ vel duo supposita.

ADVERTENDVM ex doctrina sancti Thomæ. prima quæst. 13. artic. 12. quod in omni propositione in qua aliquid affirmatur de altero, oportet identitatem esse inter prædicatum & subiectum, licet quādoque aliud sit formale significatum subiecti, & aliud formale significatum prædicati.

importatur enim formam subiecti & formam prædicati esse in eodem, & sic identitas suppositi importatur. Cum enim dicitur homo est animal, significatur idem suppositum esse cui conuenit natura rationalis à qua dicitur homo, & natura sensibilis à qua dicitur animal. similiter cum dicitur, homo est albus, significatur esse idem suppositum cui & humanitas conuenit & albedo: & ideo conuenienter dictum est ea quæ distinguuntur secundum supposita, non posse de se inuicem prædicari. Quarto, ille homo qui dictus est Iesus, de se dicit Ioan. 8. Antequam Abraham fieret, ego sum. & Ioan. 10. Ego & pater vnum sumus. & plura alia quæ ad diuinitatem verbi pertinent. ergo persona illius hominis loquentis, est ipsa persona filij Dei. Probatur consequentia, quia pronomina demonstratiua ad personam referuntur, hypostasin, vel suppositum.

ADVERTENDVM fundamentum huius rationis esse, quod ille homo qui dictus est Iesus, suo proprio supposito attribuit ea quæ sunt diuinitatis, vt esse ante Abraham, & esse vnum cum patre, hoc autem significatur pronomine ego, quod est signum suppositi demonstratiuum: & ideo necesse est vt suppositum illius hominis sit diuinum suppositum, cui conuenit æternaliter esse, & esse idē cum patre quāto ad essentiam.

Quinto, ille homo ex persona sua loquens, dicit se descendisse de cælo, Ioan. 6. ergo eius persona est persona verbi Dei, probatur consequentia. quia cum neque corpus Christi, neque anima eius de cælo descendere, vt est ostensum, restat vt hoc verbo Dei conueniat, non motu locali, sed vniōe ad inferiorem naturam.

Sextò, accēdere in cælū Christo homini cōuenit, vt dicitur Act. 1. descendere autem, verbo Dei: sed qui descendit, ipse est qui ascendit. Ephes. 4. ergo, &c. Septimò, quod verbo Dei conuenit, de homine illo dicitur verè, ergo, est vtriusque vna persona. probatur assumptum: Venire in mundum conuenit verbo Dei, vt patet Ioan. 1. nō autem homini Christo secundū suam humanitatem, cum secundum carnem originem habeat ex mundo, & secundum animam non fuerit antequam esset in mundo: sed ille homo se dicit venisse in mundum, Ioan. 16. ergo, &c.

ADVERTENDVM, quod aliquem venire in mundum præsupponit ipsum esse, sicut enim omnis motus localis præsupponit esse rei, ita & omne quod significatur per modum localis motus conuenire alicui, illum esse præsupponit. Nam quamuis de aliquo nuper nato dicatur, quod nunc venit in mundum, hoc tamen est improprie dictum & magis datur intelligi quod sit nouiter natus in mundo, nisi intelligatur quod prius existens in ventre materno, postea in lucem prodierit. ideo bene inquit sanctus Thomas quod ei qui originem habet ex mundo, quod nunquam fuit antequam esset in mundo, non conuenit venire in mundum. Octauò, verbum Dei est ingrediens in mundum: ergo ipsi aptatur corpus, scilicet vt sit proprium corpus eius, iuxta illud quod dicitur Hebr. 10. Ingrediens mundum, &c. sed hoc esse non posset, nisi eadem esset hypostasis verbi Dei & illius hominis. ergo, &c. Nonò, corpus illius hominis fuit corpus verbi Dei, vt est ostensum. ergo omnis passio in illo corpore facta potest verbo attribui, vt possit dici Deus passus, crucifixus, &c. quod est contra vltimum dictum illius positionis. probatur consequentia, quia omnis passio cōueniens corpori alicuius, potest attribui ei cuius est corpus. Decimò, ille propter quem sunt omnia, per quem sunt omnia qui homines in gloriam adduxit, & qui est author salutis humanæ, passus est, & mortuus, vt patet Hebr. 2. sed hæc singulariter sunt Dei, & nulli alij attribuantur. dicitur enim Proverb. 16. Vniuersa &c. & Ioan. 1. Omnia per ipsum &c. & in Psalm. 38. Gratiā & gloriam, &c. & iterum 36. Salus autem iustorum &c. ergo, &c. Vndecimò, Apostolus dicit dominum gloriæ crucifixum, 1. Corinth. 2. sed nulla creatura potest dici Dominus gloriæ, cum gloriam futuræ beatitudinis solus Deus ex natura possideat: alij verò per donum gratiæ. ergo, &c. Duodecimò, attribuit scriptura proprio & vni-genito Dei filio passionem & mortē, vt ad Romanos 8. & Ioan. 3. & Rom. 5. &c. sed homo ille in quo est verbum inhabitans secundum positionem prædictam, licet sit filius Dei per gratiam adoptionis, non potest dici proprius vel vni-genitus Dei filius, sed solum verbum Dei, quod secundum proprietatem natiuitatis singulariter à patre est genitum. ergo, &c. Decimotertio, corpus illius hominis ex virgine matre sumptum est, & consequenter iuxta prædicta corpus verbi Dei. ergo conuenienter dicitur, quod beata virgo sit mater Dei. probatur consequentia: quia ex hoc dicitur aliquis filius alicuius matris, quia corpus eius ex ea sumitur, licet anima non sumatur ex matre. sed ab exteriori sit, scilicet ex Deo. Decimoquarto, vt habetur ad Gal. 4. Misit Deus filium suum factum ex muliere: ex quo intelligitur, quod eo dicitur filius Dei missus quod factus est ex muliere. sed hoc non potest intelligi de filio qui, secundum Nestorium, est adoptiuus, quia ipse non fuit antequam natus esset ex muliere. quod autem mittitur, prius intelligitur esse quā sit in eo in quod mittitur. ergo intelligitur de filio naturali. sed ex hoc quod aliquis factus est ex muliere, dicitur filius mulieris. ergo Deus Dei verbum est filius mulieris. Si dicatur, quod non sic intelligitur verbum Apostoli, quasi Dei filius ad hoc missus sit, vt sit factus ex muliere, sed quod Dei filius qui factus est ex muliere, & sub lege, ad hoc missus sit, vt eos qui sub lege erant redimeret: & sic non oportet filiū Dei accipere pro filio naturali, sed pro homine illo qui est filius adoptionis. Contra hoc est, quia filio Dei Apostolus tribuit hoc, quod est à seruitute legis eripere: hoc autem solius Dei est, à quo est lex posita.

Confirmatur primò, quia redemptio humani generis ipsi Deo attribuitur in Psalmo, vbi dicitur: Redemisti nos Domine, &c. Confirmatur secundò, quia adoptio filiorum non causatur ab homine, sed à Deo, cum fiat per spiritum sanctum, iuxta illud Romanorum octauo, Accepistis, &c. Spiritus autem sanctus non sit donum hominis, sed Dei, sed causatur à Dei filio missò à Deo & factò ex muliere, vt patet ex eo quod subditur, vt adoptionem filiorum reciperemus. ergo verbum Apostoli intelligitur de filio Dei naturali. Quintodecimò, Verbum caro factum est, & non habet eam nisi ex muliere. ergo factum est ex muliere. ergo beata virgo est mater verbi Dei. Sextodecimò, Christus qui est super omnia, est ex patribus secundum carnem, vt dicitur Roman. 9. sed non est ex patribus nisi mediante virgine. ergo est ex virgine secundum carnem. ergo, &c. Septimodecimò, Apostolus de Christo Iesu Philipp. secundo ait: Qui cum in forma Dei esset, exinaniuit semetipsum, &c. sed hoc non potest intelligi de homine illo qui, secundum Nestorium, est filius adoptionis, quia si sit purus homo, non prius fuit in forma Dei, vt postmodum in similitudinem homi-



num fieret, ergo intelligitur de filio naturali, quod est verbum Dei, sed ista exinanitio non potest intelligi per solam inhabitationem verbi Dei in homine, quia verbum Dei à principio mundi in omnibus sanctis habitavit per gratiam: nec tamen dicitur exinanitus, cum in communicatione diuinæ bonitatis nihil Deo subtrahatur, sed magis quodam modo exaltetur secundum quod eius sublimitas ex bonitate creaturarum apparet, & tantò amplius quantò fuerint meliores, ergo vnio verbi Dei ad humanam naturam non est intelligenda secundum solam inhabitationem per gratiam, sed secundum quod verbum Dei verè factum est homo, quo modo dicitur exinanitum, id est, paruum factum, non amissione propriæ magnitudinis, sed assumptione humanæ paruitatis, declaratur exemplo animæ, &c. Decimo octauo. Oportebit dicere quod etiam spiritus sanctus sit incarnatus, si incarnatio verbi secundum hoc solum intelligitur, quod verbum Dei in illo homine plenissimè habitauit. Nam & spiritus sanctus in homine Christo habitauit, vt patet Lucæ quarto: hoc autem omnino est alienum à fide, ergo, &c. Decimo nono. Verbum Dei etiam in sanctis Angelis habitauit, qui verbi participatione intelligentia replentur: sed dicit Apostolus Hebræorum secundo, nusquam Angelos apprehendit, sed semen Abraham apprehendit, ergo, &c.

Vigesimo. Si secundum positionem Nestorij Christus separatur in duos secundum hypostasim differentes, id est, in verbum Dei & hominem. Illud, sequitur quod non poterit ipse Iesus dici Christus: & sic non erit verum quod dicit Apostolus ad Philippenses secundo, Hoc sentire in vobis quod & in Christo Iesu, probatur consequentia. neque enim verbum Dei potest dici Christus, tum quia scriptura ante incarnationem nunquam nominat ipsum Christum, tum quia cum Christus dicatur quasi vnus spiritus sanctus, vt patet Actuum tertio, spiritus sanctus esset maior filio, vt sanctificans sanctificato: neque etiam homo ille, cum subdat Apostolus, qui cum in forma Dei, &c. quia tunc verum esset dicere, quod homo ille esset in forma, id est, in natura Dei & æqualis Deo, quod est falsum. ergo, &c. Vigesimo primo. Homini Christo, de quo dicitur Hebræorum tertio, quod est factus, attribuit ibidem Apostolus quod creauit omnia, ergo homo Christus est ipse Deus secundum hypostasim, & non ratione inhabitationis tantum. probatur antecedens, quia homini Christo attribuit Apostolus, quod domus Dei fabricauit hac ratione, quia Deus creauit omnia, quæ vtique probatio nihil valeret, nisi Christus esset Deus creans omnia, consequentia verò probatur: quia licet nomen Dei ad sanctos homines transferatur, nunquam tamè ea quæ sunt solius Dei, vt creare cælum & terram, & huiusmodi de aliquo sanctorum propter inhabitationem gratiæ dicuntur. Vigesimo secundo. Homo Christus de se multa diuina & supernaturalia dicit, vt Ioannis sexto, Ego resuscitabo, &c. Ioannis decimo, Ego vitam æternam, &c. sed hoc non diceret, nisi ipse homo, loquens esset secundum hypostasim Deus, quia illud esset summæ superbix. Christus autem de se dicit Matthei vndecimo, Discite à me, & cetera, ergo & cetera. Vigesimo tertio, sicut dicitur Actuum secundo, quod homo ille esset exaltatus, ita ad Philipp. secundo dicitur, quod Deus sit exinanitus, ergo sicut sublimitas dici possunt de homine illo ratione vniionis, vt quod sit Deus, quod resuscitet mortuos, &c. ita de Deo humilia dici possunt, vt quod sit natus de virgine, passus, &c. quod est scilicet contra quintum dictum Nestorij.

Vigesimo quarto. Postquam dixit Apostolus Coloss. 1. in ipso condita sunt vniuersa, &c. subdit quod & ipse est primogenitus ex mortuis, sed hoc quod dicitur, in ipso condita sunt vniuersa, ad verbum Dei pertinet: esse autem primogenitum ex mortuis, homini Christo competit, ergo verbum Dei & homo Christus sunt vnum suppositum, & per consequens vna persona, ergo &c. probatur consequentia: quia relatiua tam aduerbia quam pronomina idem suppositum referunt.

ADVERTENDVM, quod persona supra rationem suppositi non addit nisi quod sit naturæ rationalis. est enim persona, secundum Boetium, rationalis naturæ indiuidua substantia, propterea bene insertus sanctus Thomas si verbum Dei & homo Christus sunt vnum suppositum, quod sunt vna persona. Vigesimo quinto, vt dicitur 1. Cor. 8. Vnus est Dominus Iesus Christus, per quem sunt omnia, ergo verbum Dei & homo ille sunt vnus dominus, non duo: ergo & vna persona, probatur consequentia, quia Iesus Christus, scilicet nomen illius homini, per quem sunt omnia, conuenit verbo Dei. Tertio loco comparat sanctus Thomas opinionem Nestorij opinioni Photini, & ait quod ab illa parum differt quantum ad incarnationis mysterium, quia vterque illum hominem asserbat deum solum propter gratiæ inhabitationem, quamuis Photinus diceret hoc ipsum per passionem & bona opera meruisse: Nestorius autem quod à principio suæ conceptionis huiusmodi nomen & gloriam habuit. Circa autem generationem æternam verbi differabant. Nestorius enim eam confitebatur, Photinus verò eam negabat omnino.

ADVERTENDVM est secundum sanctum Thomam 3. quæst. 2. artic. 3. quod iste error Nestorij ponentis in Christo duas personas, damnatus est in quinto consilio Constantinopolitano, vbi dicitur: Si quis introducere conetur in mysterio Christi duas substantias seu duas personas, anathema sit.

Contra errorem Euticheti.

Cap. 45.



**Q**UIA ergo sicut multipliciter ostensum est, ita oportet mysterium incarnationis intelligi, quod verbi Dei & hominis sit vna eademque persona, relinquitur tamen quedam circa huius veritatis considerationem difficultas, naturam enim diuinam necesse est vt sua personalitas consequatur. Similiter autem videtur de humana natura, nam omne quod subsistit in intellectu vel rationali natura, habet rationem personæ: vnde non videtur esse possibile quod sit vna persona, & sint duæ naturæ, diuina & humana. Ad huius autem difficultatis solutionem di-

uersi diuersas positiones attulerunt. Eutiches\* enim, vt vnitatem personæ contra Nestorium seruaret in Christo, dicit in Christo esse etiam vnā naturam: ita quod quamuis ante vnionē essent duæ naturæ distinctæ, diuina & humana, in vnione tamen coierunt in vnā naturam: & sic dicebat Christi personam ex duabus naturis esse, non autem in duabus naturis subsistere: propter quod in Chalcedonensi synodo est condemnatus. Huius autem positionis falsitas\* ex multis apparet. ostensum enim est suprā, quod in Christo Iesu & corpus fuit, & anima rationalis, & diuinitas: & manifestum est quod corpus Christi etiam post vnionem non fuit ipsa verbi diuinitas. Nam corpus Christi etiam post vnionem passibile fuit, & corporeis oculis visibile, & lineamentis membrorum distinctum. quæ omnia aliena sunt à diuinitate verbi, vt ex superioribus\* patet. Similiter etiam anima Christi post vnionem aliud fuit à diuinitate verbi: quia anima Christi etiam post vnionem passionibus, tristitiæ, & doloris, & iræ affecta fuit: quæ etiam diuinitati verbi nullo modo conuenire possunt, vt ex præmissis\* patet. anima autem humana & corpus constitunt humanam naturam, sic igitur etiam post vnionem humana natura in Christo fuit aliud à diuinitate verbi, quæ est natura diuina. sunt igitur in Christo etiam post vnionem duæ naturæ.

2 Item, natura est secundum quam res aliqua dicitur res naturalis. dicitur autem res naturalis ex hoc quod habet formam, sicut & res artificialis. Non enim dicitur domus antequam habeat formam artis: & similiter non dicitur equus antequam habeat formam naturæ suæ. forma igitur rei naturalis est eius natura. oportet ergo dicere quod in Christo sint duæ formæ etiā post vnionē. Dicit enim Apost. ad Philipp. 2. de Christo Iesu, quod quā in forma Dei esset, formam serui accepit. non autē potest dici quod sit eadem forma Dei, & forma serui. nihil enim accipit quod iam habet: & sic si eadem est forma Dei, & forma serui: cum iam formam Dei habuisset, nō accepisset formam serui. Neque iterum potest dici, quod forma Dei in Christo per vnionem sit corrupta, quia sic Christus post vnionem non esset Deus. Neque iterū potest dici quod forma serui sit corrupta in vnione: quia sic nō accepisset formam serui. Sed nec dici potest, quod forma serui sit permixta formæ Dei: quia quæ permiscuntur, non manent integra, sed partim vtrunque corrumpitur: vnde non diceret quod accepisset formam serui, sed aliquid eius: & sic oportet dici secundum verba Apostoli, quod in Christo etiam post vnionem fuerunt duæ formæ, ergo duæ naturæ.

3 Amplius, nomen naturæ primò impositum est ad significandum ipsam generationem nascētium: & exinde translatum est ad significandum principium generationis huiusmodi: & inde ad significandum principium motus intrinsecum mobili: & quia huiusmodi principium est materia vel forma, vltèrius natura dicitur forma vel materia rei naturalis habētis in se principium motus: & quia forma & materia constituit essentiam rei naturalis, extensum est nomen naturæ ad significandum essentiam cuiuscunque rei in natura existentis: vt sic natura alicuius rei dicatur essentia quam significat diffinitio. & hoc modo hīc de natura est quæstio. sic enim dicimus humanam naturā esse in Christo & diuinam. Si igitur, vt Eutiches posuit, humana natura & diuina fuerūt duæ ante vnionem, sed ex eis in vnione conflata est vna natura, oportet hoc esse aliquo eorum modorum secundum quos ex multis natum est vnum fieri. sit autem vnū ex multis. Vno quidem modo secundum ordinem tātum: sicut ex multis domibus fit ciuitas, & ex multis militibus fit exercitus. Alio modo ordine & compositione: sicut ex partibus domus coniunctis & per contactum & per colligationem domus fit. sed hi duo modi non competunt ad constitutionem vnius naturæ ex pluribus. ea igitur quorum forma est ordo vel compositio, nō sunt res naturales: vt sic eorum vnitas possit dici vnitas naturæ. Tertio modo ex pluribus fit vnum per commixtionem, sicut ex quatuor elementis fit corpus mixtum: hīc etiam modus nullo modo competit

\*Error Eutich.  
test. Aug. 18.  
6 lib. her. m.  
90. Synodo  
Chalced. 1.

\*Reprob. 1.  
cap. 29. jz. &  
prec.

\*Lib. 1. c. 20.

\*Lib. 1. c. 89.



competit ad propositum. Primò quidem, quia mixtio non est nisi eorum quæ communicant in materia, & quæ agere & pati adinuicem nata sunt, quod quidem hîc esse non potest. ostensum est enim primo lib. \* quòd Deus immaterialis, & omnino impassibilis est. Secùdò, quia ex his quorum vnum multum excedit aliud, mixtio fieri non potest. si quis enim guttam vini mittat in mille amphoras aquæ, non erit mixtio, sed corruptio vini: propter quod etiam necligna in fornacem ignis missa dicimus misceri igni, sed ab igne còsumi propter excellentem ignis virtutem. diuina autem natura in infinitum humanam excedit, cum virtus Dei sit infinita, vt in ipso ostensum est. \* nullo igitur modo posset fieri mixtio vtriusque naturæ. Tertiò, quia dato quòd fieret mixtio, neutra natura remaneret salua. Miscibilia enim in mixto non saluantur, si sit vera mixtio. facta igitur permixtione vtriusque naturæ, diuinæ scilicet & humanæ, neutra natura remaneret, sed aliquid tertium: & sic Christus non esset Deus, neque homo. non igitur sic potest intelligi quod Eutiches dixit, ante vnionem fuisse duas naturas: post vnionem verò vnā in Domino Iesu Christo, quasi ex duabus naturis sit còstituta vna natura. Relinquitur ergo, quòd hoc intelligatur hoc modo, quòd altera tantum earum post vnionem remanserit. Aut igitur fuit in Christo sola natura diuina, & id quod videbatur in eo humanum, fuit phantasticum, vt Manichæus dixit: aut diuina natura conuersa est in humanam naturam, vt Apollinaris dixit, contra quos suprā \* disputauimus. relinquitur igitur hoc esse impossibile, ante vnionem fuisse duas naturas in Christo, post vnionem verò vnā.

D. 914. 4. Amplius, nunquā inuenitur ex duabus<sup>d</sup> naturis manētibz fieri vnā, eò quòd quælibet natura est quoddā totū. ea verò ex quibus aliquid constituitur, cadunt in ratione partis. vnde cum ex anima & corpore fiat vnum, neque corpus neque anima natura dici potest, sicut nunc loquimur de natura: quia neutrum habet<sup>d</sup> speciem completam, sed vtrumque est pars vnus naturæ. Quum igitur natura humana sit quædam natura còpleta, & similiter natura diuina, impossibile est quòd concurrat in vnā naturam, nisi vel vtraque vel alia corrumpatur: quod esse non potest, cum ex suprādictis pateat \* vnū Christum, & verū Deum & verum hominem esse. impossibile est igitur in Christo vnā esse tantum naturam.

5. Item, ex duobus manentibus vna natura constituitur, vel sicut ex partibus corporalibus, sicut ex membris constituitur animal: quod hîc dici non potest, cum diuina natura nō sit aliquid corporeum: vel sicut ex materia & forma constituitur aliquid vnum, sicut ex anima & corpore animal: quod etiam non potest in proposito dici. ostensum est enim in primo lib. \* quòd Deus neque materia est, neque alicuius forma esse potest. si igitur Christus est verus Deus & verus homo, vt ostēsum \* est, impossibile est quòd in eo sit vna natura tantum.

6. Adhuc, subtractio vel additio alicuius essentialis principij variat speciem rei, & per còsequens mutat naturam, quæ nihil est aliud quā essentia quam significat diffinitio, vt dictum \* est, & propter hoc videmus quòd differentia specifica addita vel subtracta diffinitioni facit differre secundum speciem: sicut animal rationale & ratione carens, specie differunt: & sicut in numeris vnitas addita vel subtracta facit aliam & aliam speciem numeri. forma autem est essentialis principij: omnis igitur formæ additio facit aliam speciem & aliam naturam, sicut nunc loquimur de natura. si igitur diuinitas verbi addatur humanæ naturæ sicut forma, faciet aliam naturam: & sic Christus nō erit humanæ naturæ, sed cuiusdam alterius, sicut corpus animalis est alterius naturæ quā id quod est corpus tantum.

7. Adhuc, ea quæ non conueniunt in natura, non sunt similia secundum speciem, vt homo & equus. si autem natura Christi sit còposita ex diuina & humana, manifestū est quod nō erit natura Christi in aliis hominibus. ergo nō erit si milis nobis secundū speciem: quod est cōtra Apostolum dicentem. Hebr. 2. quod debuit per omnia fratribz assimilari.

8. Præterea, ex forma & materia semper constituitur vna species, quæ est prædicabilis de pluribus actu vel potentia, quantum est de ratione speciei. si igitur humanæ naturæ diuina natura quasi forma adueniat, oportebit quòd ex commixtione vtriusque quædam communis species resultet, quæ sit à multis participabilis: quod patet esse falsum: non enim est nisi vnus Iesus Christus Deus & homo. non igitur diuina & humana natura in Christo constituerunt vnā naturam.

9. Amplius, hoc etiā videtur à fide alienū esse quod Eutyches dixit, ante vnionem in Christo fuisse duas naturas, cum enim humana natura ex anima & corpore constituitur, sequitur quòd vel anima, vel corpus aut vtrumque ante Christi incarnationem fuerit: quod per suprādicta patet esse falsum. est igitur fidei contrarium dicere, quòd ante vnionem fuerint duæ naturæ Christi, & post vnionem vna.

## Super Cap. 35.



ECVNDVS error fuit Eutychetis. Quia enim, vt est ostēsum, oportet verbi Dei & hominis vnā eandemque personam esse, & videtur hoc habere difficultatē, cum videatur necesse esse vt & diuinam naturam sua personalitas confequatur, & similiter naturam humanam: ad hanc difficultatem tollendam diuersi diuersas positiones attulerunt. Ex quibus Eutyches vt vnā personam contra Nestorium seruaret in Christo, dixit vnā etiam in Christo naturam esse. quamuis enim ante vnionem essent duæ naturæ distinctæ, diuina & humana, in vnione tamen in vnā naturam (vt inquit) coierunt, & sic dicebat Christi personam ex duabus naturis esse, non autem in duabus naturis subsistere: propter quod in Chalcedonenſi synodo est damnatus.

ADVERTENDVM, quòd aliud est personam esse ex duabus naturis, & aliud personam in duabus naturis subsistere. ad primum enim sufficit personā esse hypostasin naturæ ex duabus naturis constitutæ: & sic non oportet vt in ipso sint duæ naturæ distinctæ. ad secundum autem requiritur duas esse naturas distinctas, & in vtraque harū simul vnā personam esse per se subsistēs habere. Quia ergo Eutyches posuit in Christo vnā tantum naturam ex humana & diuina constitutam, ideo dixit personam Christi ex duabus naturis esse, non autem in duabus naturis subsistere.

SE D contra hanc positionem arguit sanctus Thom. primò, Post vnionem humana natura in Christo fuit aliud à diuinitate verbi, quæ est eius natura. ergo etiam post vnionem in Christo fuerunt duæ naturæ. probatur assumptum. Corpus Christi etiam post vnionem non fuit ipsa diuinitas, cum esset passibile, & corporeis oculis visibile: atque lineamētis membrorum distinctum, quæ omnia sunt à diuinitate aliena. Similiter anima fuit alia à diuinitate, cum esset passionibus tristitia, doloris, & iræ affecta, quæ diuinitati conuenire nō possunt: sed anima humana & corpus humanum naturam constituunt, ergo, &c.

Secundò, In Christo sunt duæ formæ etiam post vnionem. ergo duæ naturæ. probatur consequentia: quia forma rei naturalis est eius natura, cum dicatur res naturalis ex hoc quòd habet formam sicut & res artificialis, antecedens verò probatur author. Apostoli dicentis ad Phil. secundo de Christo, quòd cum in forma Dei esset, formam serui accepit. Nā dici non potest eandem esse formam Dei, & formam serui, quia cum iam formam Dei habuisset, non accepisset formam serui. nihil enim accipit quod iam habet: neque dici potest, formam Dei per vnionem esse corruptam, quia Christus non esset Deus: neque similiter formam serui, quia sic formam serui non accepisset, neque potest dici formam serui esse permixtam formæ Dei: quia cum quæ permiscerentur, non maneat integra, sed partim vtrumque corrumpatur, non diceret Apostolus quòd formam serui accepit, sed aliquid eius. & sic oportet dicere secundum intentionem Apostoli, post vnionem duas formas in Christo fuisse.

ADVERTENDVM circa illam propositionem: Dicitur res naturalis ex hoc quòd habet formam, quòd li res naturalis est eius natura, non accipitur tanquam prædicatum, sed tanquam subiectum. non enim sensus est, quòd aliquæ res dicitur naturalis ex hoc quòd habet formam, sed quòd res naturalis dicitur esse talis naturæ ex eo quòd habet talem formam, & non antequam habeat formam: sicut & res artificialis dicitur esse talis speciei, ex hoc quòd habet talem formam, nihil enim dicitur equus antequam habeat formam naturæ equi, sed quando habet ipsam formam: & nihil dicitur domus antequam habeat formam domus, sed postquam ipsam habet. Et sic patet quòd conuenienter forma rei naturalis dicitur natura, cum ab ipsa res naturalis habeat quòd sit talis naturæ.

ADVERTENDVM etiam circa illam propositionem, Quæ permiscetur, non manent integra, sed partim vtrumque corrumpitur: quòd non sic intelligitur, quasi vna pars integralis rei permixta corrumpatur, & alia pars eiusdem speciei maneat, sed quòd corrumpitur totaliter quantum ad propriam speciem, & remanet in virtute, inquantum in forma quæ resultat ex mixtione, remanet aliquid virtutis eorum quæ miscerentur, aut etiam qualitates eorum eadem specie remanent, sed remissæ secundum aliquorum opinionem. Sic enim dicitur vtrumque mixtorum partim corrumpi, & integrum non manere, quia non omnino definit esse, cum remaneat in sua virtute: nec omnino remanet, quia non remanet in propria forma & propria specie substantiæ.

Terò supponitur, quòd cum naturæ nomen dicatur de generatione nascentium, de principio generationis huiusmodi, & de principio intrinseco motus, & consequenter de forma & materia rei naturalis, atque de essentia cuiusunque rei in natura existentis, quam significat diffinitio, hoc loco natura accipitur vltimo modo, & sic dicimus in Christo esse naturam humanam & diuinam. Tunc sic: Si in Christo est vna tantum natura



post vnionem, aut hoc intelligitur sic, quod ex diuina & humana constituta est vna natura, aut sic quod altera tantum eorum remanserit post vnionem. si primum, aut factum est ex eis vnum secundum ordinem tantum, ut ciuitas ex multis domibus: aut secundum ordinem & compositionem, ut domus ex partibus suis: aut secundum commixtionem, sicut mixtum ex quatuor elementis. Non primum, aut secundum, quia ij modi non competunt ad constitutionem vnius naturæ ex pluribus, cum ea quorum forma est ordo vel compositio, non sint res naturales, ut sic eorum vnitas possit dici vnitas naturæ. non etiam tertium, quia mixtio non est nisi eorum quæ communicantur in materia, & quæ agere & pati adinuicem nata sunt, quod hic esse non potest, tñ quia diuina natura in infinitum humanam excedit: ex his autem quorum vñ multum aliud excedit, mixtio fieri non potest, ut patet de gutta vini in mille amphoras aquæ missa. propter quod etiam nec ligna in fornacem ignis missa misceri dicimus igni, sed ab igne consumi, propter ignis excellentem virtutem: tum quia dato quod fieret mixtio, natura remaneret salua, quia in vera mixtione nō saluantur miscibilia: & sic Christus neque esset Deus neque homo. ergo, &c. Si secundum dicitur, aut in Christo fuit sola diuina natura, & quod in eo videbatur humanum, phantasticum erat, ut Manichæus dixit: aut diuina natura conuersa est in humanam, ut Apollinatis dixit: sed contra hos superius est disputatum. ergo, &c.

CIRCA primum & secundum modum quo vnum sit ex pluribus, scilicet secundum ordinem tantum, aut secundum ordinem & compositionem aduertendum ex doctrina sancti Thomæ. tertia parte, quæst. 1. art. 1. quod in talibus modis vnionis sit compositio ex pluribus integris & perfectis remanentibus, & per consequens nō sit vnum simpliciter, sed secundum quid. ex duobus enim in actu non fit vnum simpliciter, sed ex actu & potentia. Vnde compositio, ordo, & figura non sunt forme substantiales aut naturales, sed accidentales & artificiales. ex forma autem accidentali & artificiali non fit res naturalis & substantialis natura, sed tantum res artificialis & accidentalis. ideo optime inquit sanctus Thom. quod ea quorum forma est ordo vel compositio, nō sunt res naturales, & quod ex istis modis non constituitur vna natura ex pluribus. Domus enim nō dicit vnam naturam ex multis constitutam, sed multas naturas ordine quodam & compositione colligatas.

ADVERTENDVM vterius, quod sanctus Thomas aliter videtur ponere istos modos hoc loco, quam ponat in tertia parte. hic enim ponit primum modum esse, ubi sit aliquid vnum ex multis secundum ordinem tantum: secundum vero ubi aliquid sit ex multis secundum ordinem & compositionem. In tertia vero parte ponitur primus modus quando ex multis sit vnum per solam compositionem adunatis absque ordine, sicut ex multis lapidibus sit acervus, secundum vero quando ex multis secundum aliquem ordinem dispositis sit vnum, ut domus ex lapidibus & lignis. Vbi videtur quædam contradictio. hic enim videtur velle quod ordo possit accipi sine compositione: ibi vero quod non possit accipi cum compositione, sed bene compositio sine ordine. Sed hæc diuersitas provenire puto ex eo quod aliter accipitur hic compositio & aliter in tertia parte. hic enim accipitur compositio ut quandam colligationem & indiuisiōnem importat, & sic compositio ordinem includit, non autem ordo includit compositionem. nam quæ per quandam colligationem sunt indiuisa, necesse est ordinata esse, ut scilicet vnum sit prius, & alterum posterius: sed quæ habent ordinem, non est necesse ut sint indiuisa: possunt enim in vna ciuitate esse multe domus ordinatæ, & tamen separatæ ab inuicem, & non colligatæ: & ideo potest accipi ordo & per se & cū compositione. In tertia vero parte compositio pro quacunque adunatione plurium: & sic ordo plurium compositionem includit: non autem compositio includit ordinem, ut patet: & ideo potest accipi compositio & per se & cum ordine.

CIRCA illam propositionem, Miscibilia in mixto non saluantur si sit vera mixtio: aduertendum quod addidit sanctus Thom. si sit vera mixtio, quia mixtio aliquando accipitur communiter pro omni compositione: & tunc miscibilia saluari possunt in mixto. propriè autem mixtio dicitur quando ex aliquibus à sua natura alteratis sit aliquid tertium, secundum quod Philosophus ipsam diffiniens in primo de Generatione ait, quod mixtio est miscibilium alteratorum vnio, & sic constat quod miscibilia in mixto non manent, nisi virtute. Ut ergo ostenderet sanctus Thomas se de mixtione propriè dicta loqui, non autem de ea communiter accepta: addidit, si sit vera mixtio. Quartò, natura humana est quædam natura completa, & similiter diuina. ergo in vnam naturam concurrere non possunt, nisi vel vtrique vel altera corrumpatur: sed hoc est impossibile. cum Christus sit verus Deus & verus homo. ergo, &c. probatur prima consequentia: quia nunquam inuenitur ex duabus naturis manentibus fieri vnum, cum quælibet natura, ut hic de natura loquimur, sit quoddam totum: ea vero ex quibus aliquid constituitur, cadant in rationem partis. Quinto, ex duobus manentibus vna natura constituitur, vel sicut ex partibus corporis, quod hic dici non potest, cum natura diuina sit incorporea: vel sicut ex materia & forma, quod etiam hic non potest dici, cum Deus neque materia neque forma alicuius corporis esse possit. ergo, &c. Sextò, & est confirmatio præcedentis rationis, si diuinitas addatur humanæ naturæ, sicut forma, faciet aliam naturam: & sic Christus non erit humanæ naturæ, sed alterius, hoc est falsum. ergo, &c. probatur assumptum. Forma est essentialis principium: subtracta autem vel addita alicuius essentialis principij species variat: & per consequens naturam mutat. declarat in differentiis respectu diffinitionis, & vnitatibus respectu numeri. ergo, &c. Septimò, tunc non erit natura Christi in aliis hominibus. ergo non erit similis nobis secundum speciem, quod est contra Apostolum Hebr. 2. probatur consequentia, quia ea quæ non conueniunt in natura, non sunt similia secundum speciem. Octauò, si humanæ naturæ diuina adueniat quasi forma, oportebit quod ex commixtione vtriusque quædam communis species resultet, quæ sit à multis participabilis. hoc est falsum, quia non est nisi vnus Iesus Christus Deus & homo, scilicet vnus numero, & non potest de pluribus verè dici. ergo, &c. probatur consequentia, quia ex forma & materia semper constituitur vna species quæ est prædicabilis de pluribus actu vel potentia, quantum est de ratione speciei.

CIRCA hanc probationem consequentiæ considerandum primò est, quod per rationem speciei duo possumus intelligere, aut scilicet rationem

importatam hoc nomine speciei, aut rationem illius naturæ quæ denominatiue species dicitur, ut est ratio hominis, aut equi, aut alicuius huiusmodi. Primo ergo modo nō accipitur hic ratio speciei, sed secundò modo. Nam nulli dubium est, quod speciei non repugnet secundum rationem huius nominis species de pluribus prædicari, cum ratio huius nominis sit prædicari de pluribus numero distinctis, sed bene dubiū esse potest quomodo illa natura sit species, cuius vnum tantum inuenitur indiuiduum: & ideo inquit sanctus Thomas, quod ex materia & forma constituitur species quæ est de pluribus prædicabilis quantum est de ratione speciei, id est, nullalis species inuenitur, cui ex propria ratione repugnet de pluribus prædicari: sed si in vno tantum inuenitur, hoc aliud est, & non ex ratione sua propria. Considerandum secundò, quod dupliciter possumus verba sancti Thomæ interpretari. Vno modo, ut aliquid commune speciebus materialibus & immaterialibus dicatur. Alio modo ut aliquid dicatur speciebus materialibus proprium, de quibus in ipsa propositione fit mentio. Primo modo sensus est, quod omnis species quantum est ratione speciei est, siue materialis sit, siue immaterialis, est prædicabilis de pluribus actu vel potentia, accipiendo potentiam non quæ dicat aliquid positum in natura speciei, sed tantum non repugnantiam. Et hoc vtrique verum est. neque enim solis naturæ & speciei, in quantum est talis natura, tale ordinem habens in vniuerso, repugnat de pluribus prædicari: sed quod de pluribus actu non prædicatur, est quia tota materia forma solis actualis sub vna forma continetur. Similiter (ut dicitur in quæst. de Spiritu art. 2. ad 4.) natura huius substantiæ separatæ non prohibetur esse in multis, ex eo quod est natura in tali ordine rerum, sicut neque hæc albedo prohibetur habere sub se multa indiuidua, ex hoc quod est albedo, sed prohibetur esse in multis ex hoc quod non est natura recipi in aliquo: sicut econtrario hæc albedo prohibetur habere sub se multa indiuidua, ex eo quod est in hoc subiecto. Secundo modo sensus est, quod omnis species materialis est ex sua ratione prædicabilis de pluribus actu vel potentia, prout potentia dicit aliquid positum scilicet aptitudinem naturæ ad hoc ut sit in pluribus, & de pluribus possit prædicari: & sic verum est & proprium materialibus speciebus. Verum quidem, quia (ut patet ex doctr. S. Thom. in Opus. 30. cap. 1. de ente & essentiali) essentia rerum compositarum ex eo quod recipiuntur in materia signata, diuiduntur ad diuisionem materiæ, & sic fiunt plura numero in eadem specie: vnde ipsi speciei conuenit ut possit esse in pluribus numero secundum materiam distinctis. si autem non inueniatur, hoc est, quia non inuenitur distinctio in materia, sed tota materia vna manens sub vna forma concluditur. Vnde si Deus aliam materiam solis faceret præter eam quam forma solis nunc existens informat, natura & species solis in multis esset, & de multis prædicaretur. Proprium verò hoc est materialibus, quia licet naturæ immateriali ex ratione propriæ speciei nō repugnet in pluribus esse, ipsa tamen non habet aptitudinem ad hoc ut sit in pluribus, quum non sit in alio receptibilis, nec per consequens ad diuisionem materiæ multiplicabilis. Videtur autem hæc secunda interpretatio magis literè conuenire, licet & prima interpretatio sibi possit adaptari. Vltimò, si fuerint duæ naturæ ante vnionem, sequitur quod vel anima, vel corpus Christi, vel vtrunque ante Christi incarnationem fuerint, quum humana natura ex anima & corpore constituitur. hoc autem per supradicta patet esse falsum. ergo, &c.

SED contra prædicta argui potest ex dictis Ioan. de Ripa à Capreolo re. 2. Sen. dist. 5. quæst. 2. probat enim quod diuinitatis essentia est vniuersalis anime Christi & corpori, vtrique parti & toti communicans esse ut forma intrinseca: & arguitur sic: Secundum Apostolum Coloss. 3. in Christo habitat omnis plenitudo diuinitatis corporaliter: sed hoc nō potest intelligi per solam vnionem ad hypostasim, ut distinguitur contra essentiam, quum hypostasis ut sic, non sit formaliter in se ipsa, ut per hoc quod vnitur hypostasi, vnatur diuinitati. ergo communicatur sibi diuina essentia per vnionem secundum omnem perfectionem essentialem.

Confirmatur primò: Per plenitudinem diuinitatis non potest intelligi nisi esse essentialis diuinum, ut patet per Magistrum tertio Sententiarum, dist. 7. tale autem esse necesse est ut sit esse formale. ergo diuina natura in esse naturæ & formæ communicata est carni secundum Apostolum. Confirmatur secundò, Non est caro Christi vnita diuinitati solum in esse personæ, qui ex tali vnione non redditur homo Deus: ergo in esse diuinitatis, ergo in esse formæ.

AD huius difficultatis euidentiam considerandum est, quod sicut ponimus personam verbi vnitam esse humanitati: ita dicimus & ipsi humanitati esse diuinitatem vnitam, sed aliter & aliter. Nam persona vnita est humanitati tãquam subsistens in ipsa, eo modo quo suppositum in sua natura subsistit: diuinitas autem sibi vnita est tanquam in eodem supposito cum ipsa conueniens. eadem enim persona verbi simul in vtrique natura subsistit, & est vtriusque naturæ suppositum: & idcirco dicitur quod per incarnationem filij Dei facta est vnio in persona, non in essentia, quia videlicet factum est quod persona verbi vna existens sit & humanæ & diuinæ naturæ persona, non autem quod vna natura sit alia, aut quod ex vtraque sit aliqua alia natura constituta. sed licet sit facta vnio personæ diuinæ, & diuinæ naturæ cum humanitate, ista tamen vnio non est facta per informationem, quæ scilicet aut persona diuina, aut diuina natura sit forma humanæ naturæ. Nam non est de ratione personæ quod sit forma naturæ, cuius est persona, sed tantum quod in ipsa subsistat, & ab ipsa denominetur formaliter & essentialiter talis. similiter nō est de ratione eorum quæ in vno supposito vniantur, quod vnum sit forma alterius, ut patet de albedine & dulcedine quæ vniantur in lacte. Vnde conceditur quidem quod in Christo diuinitas est vnita humanitati modo dicto: negatur autem quod sit vnita per modum formæ dantis sibi esse.

AD rationem ergo dicitur, quod vtrique in Christo habitat omnis plenitudo diuinitatis secundum omnem suam perfectionem essentialem, non tamen sic quod humanitati sit diuina natura vnita per modum formæ & actus ad potentiam, sed quia in vno supposito conueniunt, quod in vtrique natura subsistit.

AD primam confirmationem dicitur, quod consequentia nulla est. licet enim esse diuinum quod est esse formale, sit vnum humanitati, non tamen sequitur quod sit sibi vnum per modum formæ actus intrinsecæ, sicut licet anima quæ est forma, suis accidentibus vnatur, nō tamen sequitur quod vnatur eis per modum formæ, imò eis vnatur per modum subiecti.



Ad secundam confirmationem dicitur primò, quòd in Deo non est aliud esse personæ, & esse diuinitatis secundum rem, vt possit dici vnionem esse factam in esse personæ, non in esse essentia, si de esse actualis existentia intelligatur. Dicitur secundò, quòd si per esse personæ intelligatur ipsa persona, & per esse essentia ipsa essentia: vnio ita facta est in esse personæ tantum, modo scilicet quo natura vnitur personæ, in quantum per ipsam suppositatur, id est, in quantum persona est ipsius naturæ suppositum, & in ea subsistit: non autem facta est vnio in esse diuinitatis, modo scilicet quo vna natura dicitur alteri vniri, aut videlicet quia vna transit in aliam, aut quia vna per aliam actatur. Et cum arguitur contra, quia ex tali vnione in esse personæ, non redditur homo Deus, negatur. non enim sic dicitur homo Deus, quasi natura humana sit actata diuinitate, & sit facta Deus: sed quia idem suppositum, quod est suppositum humanæ naturæ, & dicitur homo, est etiam suppositum diuinæ naturæ, dicitur Deus. sic enim per vnionem in persona redditur homo Deus, in quantum per ipsam suppositum diuinum sit etiam suppositum humanum: ex quo sequitur dici posse quòd homo sit Deus. Dicitur tertio, quòd aliquo modo posset concedi vnionem esse factam in esse diuinitatis, ad hunc scilicet sensum quòd humanitas & diuinitas in vna persona conueniunt, quæ in vtraque natura subsistit, & formaliter per esse diuinitatis existit. Sed tunc negatur vltima consequentia intentata, hæc scilicet, vnitur in esse diuinitatis & in esse formæ, id est, quòd est esse formæ, ergo diuinitas est forma actus humanitatem. licet enim, vt dictum est, diuinitas sit forma, prout omnis actus quo aliquid denominatur tale, dicitur forma, & esse diuinitatis sit esse formæ: non tamen sequitur, si cum humanitate vnatur in vno supposito, quòd vnatur sibi tanquam forma ipsas formaliter actus.

SED tunc remanet dubium. Nam supposito quòd humanitas non habeat proprium esse, vt videtur esse de mente sancti Thomæ. sed trahatur ad esse diuini suppositi, non videtur posse negari diuinitatem esse formam humanitatis. Quod enim existit per esse alicuius formæ, illa forma informatur: cum esse formæ nulli conueniat nisi per ipsam formam. esse enim albedinis nulli conuenit nisi ei quod per albedinem informatur. Si ergo humanitas Christi existit per esse diuini suppositi, quòd est esse diuinitatis, relinquatur diuinitatem esse humanitatis formam.

Respondetur, quod quum existere propriè conueniat soli rei subsistenti, quæ scilicet alteri non inexistit neque sicut accidens, neque sicut forma materialis, à materia scilicet dependens secundum esse, natura autem non propriè existat, sed sicut in quo suppositum habet esse subsistens: esse actualis essentia non est, propriè loquendo, actus naturæ, tanquam ipsam actus, sed est actus suppositi subsistentis in natura. Vnde cum dicitur, naturam humanam trahi ad esse suppositi, non est sic intelligendum quasi ad esse suppositi actetur formaliter, sed quia suppositum diuinum subsistit in ipsa, ipsam enim trahi ad esse suppositi diuini, nihil aliud est quam ipsam effici naturam diuini suppositi per esse diuinum subsistentis in ea. Patet ergo dubium procedere ex hac falsa suppositione, quòd natura humana in Christo existat per esse suppositi tanquam per actum ipsam actuantem. hoc enim falsum est, sed dicitur existere, vt iam diximus, per esse suppositi, id est, esse naturam, in qua suppositum habet esse subsistens. Vnde inquit sanctus Thomas 3. quæst. 2. art. 6. ad secundum, quòd natura humana non est assumpta ad esse diuinum vt est naturæ, sicut corpus assumitur ad esse animæ, sed prout est hypostasis vel persona.

De errore Macharij Antiocheni ponentis vnam tantum voluntatem in Christo.

Cap. 36.

De isto habetur in Syn. 6. Constanti. act. 8.



ERE autem in idem redire videtur & Macharij\* Antiocheni positio, dicentis in Christo esse vnam tantum operationem & voluntatem. Cuiuslibet enim naturæ est aliqua operatio propria: nā forma est operationis principium, secundum quā vnaquæque natura habet propriam speciem, vnde oportet quòd sicut diuersarum sunt diuersæ formæ, ita sint & diuersæ actiones. si igitur in Christo sit vna tantum actio, sequitur quòd in eo sit vna tantum natura: quod est Eutychianæ hæresis. relinquatur igitur falsum esse quòd in Christo sit vna tantum operatio.

2 Item, in Christo est diuina natura perfecta, per quam substantialis est patri: & humana natura perfecta, secundum quam est vnus speciei nobiscum. sed de perfectione diuinæ naturæ est voluntatem habere, vt in primo lib. ostensum est. similiter etiam de perfectione humanæ naturæ est quòd habeat voluntatem, per quam est homo lib. arb. oportet igitur in Christo esse duas voluntates.

3 Adhuc, voluntas est vna pars potentialis animæ humanæ, sicut & intellectus. si igitur in Christo non fuit alia voluntas præter voluntatem verbi, pari ratione nec fuit in eo intellectus præter intellectum verbi: & sic redibit positio Apollinaris.

4 Amplius, si in Christo fuit tantum vna voluntas, oportet quòd in eo fuerit solum voluntas diuina. non enim verbum voluntatem diuinam quam ab æterno habuit, amittere potuit: ad voluntatem autem diuinam non pertinet mereri: quia meritum est alicuius in perfectionem ten-

dentis: sic igitur Christus neque sibi neque nobis satisfactionem meruisset: cuius contrarium docet Apostolus Philipp. secundo dicens: factus est obediens patri vsque ad mortem: propter quod & Deus exaltauit illum.

5 Præterea, si in Christo voluntas humana non fuit, sequitur quòd neque secundum naturam assumptam liberi arbitrij fuit. nā secundum voluntatē est homo liberi arbitrij. sic igitur non agebat Christus homo ad modum hominis sed ad modum aliorum animalium, quæ libero arbitrio carent. nihil igitur in eius actibus virtuosum & laudabile aut nobis imitandum fuit. frustra igitur dicit Mat. 11. Discite à me, quia mitis sum, & humilis corde. & Ioan. 13. Exemplum dedi vobis, vt quemadmodum ego feci, ita & vos faciatis.

6 Adhuc, in vno homine puro quamuis sit supposito vnus, sunt tamen plures & appetitus & operationes secundum diuersa naturalia principia. nam secundum rationalem partem inest ei voluntas, secundum sensitiuā inest ei irascibilis & concupiscibilis, & rursus naturalis appetitus consequens vires naturales. similiter autem & secundum oculum videt: secundum aurem audit: pede ambulat, lingua loquitur: & mente intelligit: quæ sunt operationes diuersæ. & hoc ideo est, quia operationes non multiplicantur solum secundum diuersa subiecta operatiua, sed etiam secundum diuersa principia, quibus vnum & idem subiectum operatur, à quibus etiam operationes speciem trahunt. diuina verò natura multo plus distat ab humana, quam naturalia principia humanæ naturæ ab inuicē. est igitur alia & alia voluntas & operatio diuinæ & humanæ naturæ in Christo, licet ipse Christus sit in vtraque natura vnus.

7 Item, ex autoritate scripturæ manifestè ostenditur in Christo duas voluntates fuisse. dicit enim ipse Ioan. 6. Descendi de celo non vt faciam voluntatem meam, sed voluntatem eius qui misit me. & Lucæ 22. Non mea voluntas, sed tua fiat. ex quibus patet quòd in Christo fuit quædam voluntas propria eius præter voluntatem patris. manifestum est autem quòd in eo fuit voluntas quædam communis sibi & patri. patris enim & filij sicut est vna natura, ita etiam est vna voluntas. sunt igitur in Christo duæ voluntates. Idem autem & de operationibus patet. fuit enim in Christo vna operatio sibi & patri communis, cum ipse dicat Ioan. 5. Quæcunque pater facit, hæc & similiter filius facit. Est autem in eo & alia operatio quæ non conuenit patri, vt dormire, esurire, comedere, & alia huiusmodi, quæ Christus humanitus fecit vel passus est, vt euangelistæ tradunt. non igitur fuit in Christo vna tantum operatio. Videtur autem hæc positio ortum habuisse ex hoc, quòd eius authores nescierunt distinguere inter id quod est simpliciter vnum, & ordine vnum. Viderunt enim voluntatem humanam in Christo omnino sub voluntate diuina ordinatam fuisse: ita quòd nihil voluntate humana Christus voluit nisi secundum quòd eum velle voluntas diuina disposuit. similiter etiam nihil Christus secundum humanam naturam operatus est vel agendo, vel patiando, nisi quod voluntas diuina disposuit: secundum illud Ioan. 8. Quæ placita sunt ei, facio semper. Humana etiam operatio Christi quandam efficaciam diuinam ex vnione diuinitatis consequebatur: sicut actio secundarij agentis consequitur efficaciam quandam ex principali agente: ex quo contigit quòd qualibet eius actio vel passio fuit salubris. propter quod Dionysius humanam Christi operationem vocat theandricam, id est deiuiilem. & etiam quia est Dei & hominis. Videntes igitur humanam voluntatem & operationem Christi sub diuina ordinari infallibili ordine, iudicauerunt in Christo esse tantum voluntatem & operationem vnam: quamuis non sit idem, vt dictum est, vnum ordine, & vnum simpliciter.

Super cap. 36.



ERTIVS error fuit Macharij Antiocheni, in Christo ponentis vnam tantum operationem & voluntatem. Circa hunc autem duo facit sanctus Thomas. Primò ipsum errorem confutat: secundò ostendit vnde habeat ortum. Quam ad primum arguit primò. Si sic est, sequitur in Christo vnam tantum naturam



naturam esse, quod est Eutychiez hæresis. probatur sequela, quia cum cuiuslibet naturæ sit aliqua operatio propria, eod quod forma secundum quam vnaquæque natura habet propriam speciem, sit operationis principium, necesse est ut sicut diuersarum naturarum sunt diuersæ formæ, ita sint & diuersæ actiones. Secundò. De perfectione diuinæ naturæ est voluntatem habere, & similiter de perfectione humanæ naturæ, cum homo sit liberi arbitrij. ergo &c. patet consequentia, quia in Christo est vtrique natura perfecta. Tertiò. Si in Christo non sit alia voluntas præter voluntatem verbi, sequitur quod non sit in Christo alius intellectus præter intellectum verbi, & sic redibit positio Apollinatis probatur sequela, quia voluntas est vna pars potentialis animæ humanæ, sicut & intellectus.

Quartò. Sequitur quod Christus neque sibi, neque nobis sua passione meruit. quod est contra Apostolum Philip. 2. probatur sequela, quia si in Christo fuit vna tantum voluntas, oportet ut illa fuerit diuina, neque enim verbum suam voluntatem amittere potuit: ad voluntatem autem diuinam non pertinet mereri, quia meritum est alicuius tendentis ad perfectionem.

ADVERTENDVM, quia sancti Thom. habet hic pro inconuenienti, quod Christus neque meruerit sibi, neque, nobis per suam passionem, quod ut habetur tertia quæst. 19. art. 3. & tertio Sentent. dist. 18. quæst. 1. art. 4. & sexto, aliter nobis meruit Christus, & alter sibi. nobis enim meruit deletionem peccati, gratiæ infusionem, & cælestis ianuz apertionem: sibi autem hæc non meruit, quia hoc dignitatem Christi diminueret, sed tantum quæ ad gloriam corporis pertinent, ut est immortalitas & impassibilitas, & ea quæ ad eius excellentiam pertinent exteriorè, ut est ascensio, veneratio, & alia huiusmodi. Quintò. Sequitur quod Christus secundum naturam assumptam liberi arbitrij non fuerit, cum homo liberi sit arbitrij secundum voluntatem, & per consequens quod Christus homo non agebat ad modum hominis, sed ad modum brutorum quæ libero arbitrio carent, & vltius quod nihil in eius operibus laudabile & virtuosum ac nobis imitandum fuit, & sic frustra dicitur Matthæi vnde cimo, Discite a me &c. & Ioan. 13. Exemplum dedi &c. Sexiò. Operationes diuersæ multiplicantur non solum secundum diuersa substantia, sed etiam secundum diuersa principia, quibus vnum & idem subiectum operatur, & ea quibus etiam operationes speciem trahunt, in vno enim homine puro, quantum sit vnus supposito, sunt tamen plures appetitus & operationes secundum diuersa naturalia principia. est enim in eo voluntas irascibilis & concupiscibilis, & naturalis appetitus. Itè secundum oculum videt, secundum aurem audit, &c. sed diuina natura multo plus distat ab humana quam naturalia principia humanæ naturæ ab inuicem, ergo & cætera. Septimò. In Christo fuit voluntas communis sibi & patri, sicut & natura, & fuit in ipso voluntas propria præter voluntatem patris, vnde ipse dicit Ioan. sexto, Descendi &c. & Lucæ vigesimo secundo, Non mea &c. Similiter in ipso fuit vna operatio sibi & patri communis, vnde dicitur Ioan. 5. quæcunque pater &c. Fuit etiam in eo alia operatio quæ non conuenit patri, ut esurire, dormire, & huiusmodi, ergo & cætera.

Quantum ad secundum, inquit sancti Thom. hanc positionem videri habuisset ortum ex eo, quod eius auctores nescierunt distinguere inter simpliciter vnum, & vnum ordine. Videntes enim voluntatem humanam & operationem Christi sub diuina ordinari, in quantum nihil voluntate humana voluit Christus, aut secundum humanam naturam est operatus, nisi secundum quod eum velle voluntas diuina disposuit, iuxta illud Ioan. octauo, Quæ placita sunt &c. & quod humana operatio eius quandam efficaciam diuinam ex vnione diuinitatis consequatur. propter quod eius quælibet actio & passio salubris fuit. vnde & Dionys. eam vocat theandricam, id est deiurilem, & etiam quia est Dei & hominis, iudicauerunt in Christo esse vnam tantum voluntatem & operationem, cum tamen ibi tantum vnitas ordinis inueniatur.

ADVERTE, quod hæc dictio theandrica componitur ex theos, quod est Deus & andricos, quod virilè significat, ideo bene interpretatur sancti Thom. operationem theandricam, operationem deiurilem, aut operationem Dei & hominis.

ADVERTENDVM autem ex doctrina sancti Thomæ tertia parte, quæstione decimanoctaua, articulo primo, ad primum, & tertio Sententiarum distinctione decimaoctaua, quæstione prima articulo primo ad primum, quod Dionys. secundo cap. diuinorum nominum, diuinam operationem vocat theandricam, siue deiurilem, non quia ponat vnam simpliciter operationem humanitatis & deitatis in Christo, sed quia diuina eius virtus humana & humana participat virtutem diuinæ operationis.

ADVERTENDVM etiam, quod isti hæretici ponentes vnam operationem in Christo, ut dicitur tertia parte loco allegato, considerantes quod vbi sunt plura agentia ordinata, inferius mouetur à superiori, & ex parte ipsius operationis primi est vna operatio, ex parte vero ipsorum quæ mouentur, est diuersitas in operatis: quia in Christo humana natura regitur à diuina, dixerunt quod eadem est operatio & indifferens ex parte ipsius diuinitatis, in quantum ipsa diuinitas omnem operationem in Christo agebat, & sic omnis eius operatio erat diuina, sunt tamen diuersa operata in quantum diuinitas aliud agebat per seipsam: sicut quod portabat omnia verbo virtutis suæ: aliud autem per humanam naturam, sicut quod ambulabat. sed in hoc decipiebantur, quia licet operatio quæ est rei solum, secundum quod mouetur ab alio, non sit fortè alia præter operationem mouentis ipsum: sicut facere scamnum non est operatio securis alia ab operatione artis: operatio tamè quæ est rei motæ secundum propriam eius formam non pertinet ad mouentem nisi in quantum virtus huiusmodi re ad suam operationem. vnde alia est operatio mouentis, & alia operatio moti: sicut alia operatio ignis, & alia operatio fabri vtenis igne ad calefaciendum ferrum. quia igitur in Christo humana natura habet propriam formam & propriam virtutem qua operatur, & similiter diuina: ideo alia & alia est operatio vtriusque, licet diuina natura vtatur operatione humanæ naturæ, ex quo vnitatem quandam ordinis habent, non autem vnitatem simpliciter, ut hic dicitur.

SED circa id quod ait S. Thomas, Christum nihil voluntate humana voluisse, nisi secundum quod voluntas diuina disponit eum velle: dubium occurrit, quia ipse videtur oppositum dicere cum ait ad patrem, Non quod volo, sed quod tu. Vnde D. Augustinus contra Maximianum dixit, quod ex his verbis ostendit Christus aliud se voluisse quam pater

Dupliciter autem ad hoc responderi potest ex doctr. sancti Thomæ. 3. q. 18. art. 5. & 3. Sen. dist. 17. art. 2. primò, quod cum in Christo multiplex voluntas fuerit secundum humanam naturam, scilicet voluntas sensualitatis quæ participatiuè voluntas dicitur: & voluntas rationalis considerata ut natura, eademque voluntas rationalis considerata ut ratio: dictum hoc sancti Thomæ intelligitur de voluntate rationali ut ratio est, quia scilicet vult aliquid in ordine ad finem: dictum autem ipsius Christi intelligitur de voluntate sensualitatis & de voluntate rationali ut natura. Secundò, responderi potest, quod dictum sancti Thomæ non intelligitur de conformitate voluntatum in volito, quia aliud volebat voluntas sensualis & voluntas ut natura, quam velle voluntas diuina, quo modo intelligitur dictum Saluatoris. ista enim volebat ipsum pati & mori, illa autè volebat eum non pati & non mori: sed de conformitate quantum ad actum volendi. Volebat enim diuina voluntas ut illum actum volendi haberet voluntas sensualis, & voluntas ut natura: quia ille est eorum proprius actus, ut scilicet voluntas sensualis refugiat malum naturæ, & voluntas ut natura refugiat quod absortutè consideratum est malum. Vnde non dixit sanctus Thomas absolute: Nihil voluit Christus voluntate humana, nisi quod voluntas voluit, sed nisi quod voluntas diuina eam velle disposuit.

*Contra eos qui dixerunt ex anima & corpore non esse aliquid vnum constitutum in Christo.*

Cap. 37.



X præmissis igitur manifestum \* est, quod in Christo est tantum vna persona secundum fidei assertionem, & duæ naturæ, contra id quod Nestorius & Eutyches posuerunt. Sed quia hoc alienum videtur ab his quæ naturalis ratio experitur, fuerunt quidam \* posteriores talem de vnione positionem asserentes. quia enim ex vnione animæ & corporis constituitur homo, sed ex hac anima & ex hoc corpore hic homo: quod præter hypostasim vel personam hypostasim & personam designat: volentes euitare ne cogerentur in Christo ponere aliquam hypostasim vel personam verbi, dixerunt, quod anima & corpus non fuerunt vnita in Christo, nec ex eis aliqua substantia facta est: & per hoc Nestorij hæresin vitare volebant. Rursus, quia hoc impossibile videtur, quod aliquid sit substantiale alicui, & non sit de natura eius quam prius habuit, absque mutatione ipsius, verbū autè omnino immutabile est, ne cogerentur ponere animam & corpus assumpta pertinere ad naturam verbi quam habuit ab æterno, posuerunt quod verbum assumpsit animam humanam & corpus modo accidentali: sicut homo assumit indumentū: per hoc errorè Eutychetis excludere volentes. Sed hæc positio omnino doctrinæ fidei repugnat. anima enim & corpus suæ vnione hominem constituunt. forma enim materiæ adueniens speciem constituit. si igitur anima & corpus non fuerint in Christo vnita, Christus non fuit homo: contra Apost. dicentem 1. Tim. 2. Mediator Dei & hominum homo Christus Iesus.

2 Item, vnusquisque nostrum ea ratione homo dicitur, quia est ex anima rationali constitutus. si igitur Christus non ea ratione dicitur homo, sed solum quia habuit animam & corpus, licet non vnita: æquiuocè dicitur homo, & non erit eiusdem speciei nobiscum: contra Apo. dicentem Heb. 2. quod debuit per omnia fratribus assimilari.

3 Adhuc, non omne corpus pertinet ad humanam naturam, sed solum corpus humanum: non autem est corpus humanum nisi quod est per vnionem animæ rationalis viuificatum. neque enim oculus, aut manus, aut pes vel caro, & os, anima separata dicuntur nisi æquiuocè. non igitur poterit dici quod verbum assumpsit naturam humanam, si corpus animæ non vnitum assumpsit.

4 Amplius, anima humana naturaliter vnibilis est corpori. Anima igitur quæ nunquam corpori vnitur ad aliquid constituendum, non est anima humana: quia quod est præter naturam, non potest esse semper. si igitur anima Christi non est vnita corpori eius ad aliquid constituendum, relinquatur quod non sit anima humana: & sic in Christo non fuit humana natura.

5 Præterea, si verbum vnicum est animæ & corpori accidentaliter sicut indumento: natura humana non fuit natura verbi. verbum igitur post vnionem non fuit subsistens in duab⁹ naturis: sicut neq; homo indutus dicitur in duabus naturis subsistere, quod quia Eutyches dixit, in Chalcedonensi

\* horum Sententie meminit in nomine eius auctor Maximus Seneca, dist. 6.



donens synodo est damnatus.

6 Item, indumenti passio non refertur ad indutum. non enim dicitur homo nasci quando induitur, neque vulnerari si vestimentum laceretur. si igitur verbum assumpsit animam & corpus sicut homo indumentum: non poterit dici quod Deus sit natus aut passus propter corpus assumptum.

7 Adhuc, si verbum assumpsit humanam naturam solum ut indumentum, quo posset hominum oculis apparere: frustra animam assumpsisset, quæ secundum suam naturam inuisibilis est.

8 Amplius, secundum hoc non aliter assumpsisset filius carnem humanam, quam spiritus sanctus columbæ speciem in qua apparuit: quod patet esse falsum. nam spiritus sanctus non dicitur factus columba, neque minor patre secundum naturam assumptam.

9 Item, si quis diligenter consideret ad hanc positionem, diuersarum hæresum inconuenientia sequuntur. Ex eo enim quod dicit filium Dei unitum animæ & carni accidentali modo, sicut hominem vestimento: conuenit opinioni Nestorij, qui secundum inhabitationem verbi Dei, hanc in homine unionem esse factam efferuit. non enim Deum esse indutum potest intelligi per tactum corporeum, sed solum per gratiam inhabitantem. Ex hoc etiam quod dixit accidentalem unionem verbi ad animam & carnem humanam, sequitur quod verbum post unionem non fuit subsistens in duabus naturis: quod Eutyche dixit. nihil enim subsistit in eo quod sibi accidentaliter vnitur. Ex eo verò quod dicit animam & carnem non vniri ad aliquid constituendum, conuenit partim quidem cum Arrio & Apollinari, qui posuerunt corpus Christi non animatum anima rationali: & partim cum Manichæo, qui posuit Christum non verum hominem, sed phantasticum fuisse. Si enim anima non est unita carni ad alicuius constitutionem, phantasticum erat, quod videbatur in Christo, similiter aliis hominibus ex vnione animæ & corporis constitutis. Sumpsit autem hæc positio occasionem ex verbo Apostoli dicentis Philipp. 2. Habitu inuentus ut homo. non enim intellexerunt hoc secundum metaphoram dici. quæ autem metaphoricè dicuntur, non oportet secundum omnia similia esse. habet igitur natura humana assumpta quandam indumenti similitudinem, in quantum verbum per carnem visibilem videbatur, sicut homo videtur per indumentum: non autem quantum ad hoc quod vnio verbi ad humanam naturam in Christo fuerit modo accidentali.

Super. Cap. 37.



**Q**UARTVS error fuit quorundam, qui videntes quod ponere vnā tantum personam in Christo, & duas naturas, ut fides asserit contra Nestorium & Eutychem, videtur alienum ab illis quæ naturalis ratio experitur, talem de vnione positionem asseruerunt. ne enim cogentur in Christo ponere aliquam hypostasim præter personam verbi, ut Nestorius, dixerunt quod anima & corpus non fuerunt unita in Christo, nec ex eis aliqua substantia facta est. ne autem cogentur ponere animam & corpus assumpta pertinere ad æternam naturam verbi, posuerunt verbum illa modo accidentali assumpsisse, sicut homo assumit indumentum, volentes per hoc errorem Eutycheis excludere. Circa autem hunc errorem sic procedit S. Thomas. Primum quidem ipsum reprobatur: secundum, remouet eius fundamentum. Quantum ad primum arguitur primum sic. Ex hac positione sequitur, quod Christus non fuit homo, contra id quod habetur 1. ad Tim. 2. Mediator Dei & c. ergo & c. patet sequela, quia anima & corpus sua vnione constituit hominem. Nam forma adueniens materiam constituit speciem. Secundum, Christus æquiuocè dicitur homo, & non erit eiusdem speciei nobiscum, quia vnusquisque nostrum ea ratione homo dicitur, quia est ex anima rationali & corpore constitutus: hoc autem est contra Apostolum Hebr. 2. ergo. & c. Tertiò, sequitur quod Christus non assumpsit naturam humanam, quia non omne corpus pertinet ad humanam naturam, sed tantum corpus humanum. non est autem corpus humanum, nisi quod est per unionem animæ rationali viuificatum.

**A**DVERTENDVM quod ista positio dicebat Christum humanam naturam assumpsisse, quia eius partes essentielles assumpsit, scilicet animam & corpus, licet separatas: & ideo ostendens sancti Thomæ. quod non assumpsit corpus humanum, quod est pars naturæ humanæ, si assumpsit animam & corpus separata, optime concludit contra ipsos, quod humanam naturam etiam iuxta eorum positionem non assumpsit. Quartò, sequitur quod anima Christi non sit anima humana: & per consequens in Christo non fuit humana natura. probatur consequentia. Anima humana est naturaliter vnibilis corpori. ergo anima quæ nunquam vnitur corpori ad aliquid constituendum, non est anima humana: quia quod est præter naturam, non potest esse semper: sed anima Christi secundum hanc positionem nunquam vnitur corpori: ergo non est anima humana.

**C**IRCA istam propositionem, Quod est præter naturam, non potest

semper esse: aduertendum secundum doct. sancti Thomæ de Verit. q. 24. art. 10. ad primum, quod dupliciter contingit aliquid esse contra naturam. Vno modo, quia est contra inclinationem habentis sufficientem principium naturale ad oppositum, ex quo illud de necessitate consequitur nisi impediat, sicut moueri sursum est contra naturam grauis. Alio modo, quia est contra inclinationem naturalem alicuius, non habentis tamen in se sufficientem principium naturale ad oppositum: sicut mulierē esse absque prole. licet enim sit naturale mulieri concipere filium, hoc tamen non potest nisi suscepto viri semine, id quod est contra naturam primo modo, non potest semper esse, ut est de mente Aristotelis primo Cæli: sed bene quod est contra naturam secundo modo. propositio ergo sancti Thomæ habet veritatem de eo quod est præter naturam primo modo. Conuenit autem hic sensus proposito, quia forma quæ est naturaliter vnibilis corpori, habet in se sufficientem principium formale ad corporis unionem, dum in esse producit ab agente, & non requiritur aliquid aliud ad eius unionem, per quod perficiatur ad hoc ut vniri possit. Quintò, arguitur contra secundum eorum dictum, Verbum est unitum animæ & corpori accidentaliter sicut indumento, ergo natura humana non fuit natura verbi. ergo post unionem verbum non fuit subsistens in duabus naturis. Sextò, non poterit dici quod Deus sit natus, aut passus, propter corpus assumptum. non enim dicitur homo nasci quando induitur, neque vulnerari si vestimentum laceretur. Septimò, Si verbum assumpsit naturam humanam, ut indumentum, quo posset hominum oculis apparere, frustra animam assumpsisset, quæ secundum naturam suam est inuisibilis. Octuò, non aliter assumpsisset filius carnem humanam quam spiritus sanctus columbæ speciem, in qua apparuit, quod est falsum: quia spiritus sanctus non dicitur factus columba, neque minor patre secundum naturam assumptam. Vltimò, ad hanc positionem diuersarum hæresum inconuenientia sequitur. ergo & c. probatur assumptum: quia ex eo quod dicit filium Dei unitum animæ & carni accidentaliter, conuenit cum opinione Nestorij ponentis hanc unionem esse factam secundum inhabitationem verbi Dei. Sequitur etiam quod verbum Dei non fuit subsistens in duabus naturis, quod Eutyche posuit. Ex eo verò quod dicit animam & carnem non vniri ad aliquid constituendum, conuenit partim quidem cum Arrio & Apollinari, ponentibus corpus Christi non esse animatum anima rationali: partim vero cum Manichæo ponente Christum non fuisse verum hominem, sed phantasticum. Quantum ad secundum inquit sanctus Thomas, quod hæc positio occasionem sumpsit ex verbis Apostoli dicentis Philipp. 2. Habitu inuentus ut homo. sed responderet quod hoc secundum metaphoram dictum est quantum ad aliquid. habet enim natura humana assumpta quandam similitudinem indumentum, in quantum per carnem visibilem videbatur verbum, sicut homo per indumentum videtur, non autem quia eius vnio fuerit modo accidentali.

**A**DVERTENDVM ex doctrina sancti Thomæ, tertia parte, quart. 2. art. 6. & tertio Sententiarum, distinct. 6. quart. 3. art. 2. quod secundum Damascenum in tertio libro, & ut etiam hic dicitur, ea quæ secundum metaphoram dicuntur, non oportet quantum ad omnia similia esse. ideo cum metaphoricè dicatur Christus habitu inuentus ut homo, non est necesse quantum ad omnia eius humanitatem assimilari habitui, sed quantum ad aliqua: quantum enim ad tria assimilatur. Primum quidem quia aduenit personæ diuinæ post eius esse completum, sicut indumentum aduenit homini. Secundum, quia est in se substantia, & alteri aduenit, sicut & vestis est substantia in se, & homini aduenit. Tertiò, quia melioratur ex vnione ad verbum, & non mutat verbum, sicut vestis formatur secundum formam induti, & ipsum non mutat. Deest autem, quia indumentum non assumitur ad esse induti, sed bene humanitas assumitur ad esse diuini suppositi: propter quod non dicitur sibi vniri accidentaliter, sed essentialiter, quantum indumentum accidentaliter adueniat induto.

Contra eos qui ponunt duas hypostasies vel duo supposita in vna persona Christi.

Cap. 38.



**I**N Cigitur positionem propter prædicta inconuenientia alij quidam vitætes, posuerunt ex anima & carne in domino Iesu Christo vnā substantiam constitutam esse, scilicet hominem quendam eiusdem speciei aliis hominibus: quem quidem hominem unitum dicunt verbo Dei: non quidem in natura, sed in persona: ut scilicet sit vna persona verbi Dei & illius hominis. Sed quia homo ille quædam indiuidua substantia est, quod est esse hypostasim & suppositum: dicunt quidē in Christo esse hypostasim illius hominis & verbi Dei: sed vnā personam vtriusque: ratione cuius unitatis dicunt verbum Dei de homine illo prædicari, & hominem illum de verbo Dei: ut sit sensus, verbum Dei est homo. i. persona verbi Dei est persona hominis, & econuerso. & hac ratione quicquid de verbo Dei prædicatur, dicunt de homine illo posse prædicari, & econuerso, cum quadam tamen replicatione: ut cum dicitur, Deus est passus: sit sensus, homo qui est Deus, propter unitatem personæ est passus: & homo creauit stellas. i. ille qui est homo. Sed hæc positio de necessitate in errorem Nestorij dilabitur. Si enim differentia personæ & hypostasim attēdatur, inuenitur persona esse non alienum ab hypostasi, sed quædam pars eius. nihil enim aliud est persona quam hypostasis talis naturæ. scilicet rationalis. quod patet ex diffinitione Boëtij \* dicentis, quod persona est rationalis naturæ indiuidua substantia. ex quo patet

*Huius erroris meminit Mag. Sent. in 3. dist. 6. sed innotato amore.*

*In lib. de duabus naturis & vna persona Christi.*



patet quòd licet non omnis hypostasis sit persona, omnis tamen hypostasis humanæ naturæ persona est. Si igitur ex sola vnione animæ & corporis constituta est in Christo quædam substantia particulis, quæ est hypostasis. ille homo: sequitur quòd ex eadem vnione sit constituta persona. Sic igitur in Christo erunt duæ personæ: vna illius hominis de nouo constituta, & alia æterna verbi Dei. quod est Nestorianæ impietatis.

2 Item, etsi hypostasis illius hominis non posset dici persona, tamen idem est hypostasis verbi Dei quod persona. si igitur hypostasis verbi Dei non est illius hominis, neque etiam persona verbi Dei erit persona illius hominis: & sic falsum erit quod dicunt, quòd persona illius hominis est persona verbi Dei.

3 Adhuc, dato quòd persona esset aliud ab hypostasi verbi Dei vel hominis, non posset alia differentia inueniri, nisi quòd persona supra hypostasin addit proprietatem aliquam. nihil enim ad genus substantiæ pertinet addere potest: cum hypostasis sit potissimum in genere substantiæ quod dicitur substantia prima. si igitur vnio facta est secundum personam, & nō secundum hypostasin: sequitur quòd non sit facta vnio nisi secundum aliquam proprietatem accidentalem: quod iterum redit in errorem Nestorij.

4 Amplius, Cyrillus dicit in epistola ad Nestorium, quæ est in Ephesina synodo approbata: Si quis non confiteretur carni secundum substantiam vnium ex Deo patre verbum, vnūque esse Christum cum sua carne: eundem videlicet Deum simul & hominem, anathema sit. & ferè vbique in synodalibus scriptis hoc errori Nestorij deputatur, qui posuit duas in Christo hypostasies.

\* cap. 12. Præterea, Damascenus in tertio lib. \* dicit, Ex duabus naturis perfectis dicimus esse factam vnionem: non secundum \* prosopon. i. personam, vt Dei inimicus dicit Nestorius: sed secundum hypostasin. vnde patet expresse quòd hæc fuit positio Nestorij, cōfiteri vnā personam, & duas hypostasies.

\* Cap. de Subst. 6 Item, hypostasis & suppositum oportet idem esse. nam de prima substantia quæ est hypostasis, omnia alia prædicantur, s. & vniuersalia in genere substantiæ, & accidentia secundum Philos. in prædicamentis. \* si igitur in Christo sint duæ hypostasies, & per consequens & duo supposita.

7 Adhuc, si verbum & homo ille suppositi differunt, oportet quòd supposito homine illo non supponatur verbum Dei, nec econuerso: sed distinctis suppositis necesse est & ea quæ de ipsis dicuntur, distinguere. nam supposito hominis non subueniunt prædicta prædicata diuina nisi propter verbum, neque econuerso. separatim igitur accipienda erunt quæ de Christo in scripturis dicuntur, diuina scilicet & humana: quod est contra sententiam Cyrilli in synodo confirmatā, dicentis: Siquis personis duabus vel subsistentiis, vel eas quæ sunt in euangelicis & apostolicis scripturis impartit voces, aut de Christo à sanctis dictas, aut ab ipso de se, & quædam quidē velut homini præter illud ex Deo verbū specialiter intellecto applicat, quædam verò velut Deo docibiles soli ex Deo patre verbo, anathema sit.

8 Amplius, secundum positionem prædictam, ea quæ verbo Dei cōueniunt per naturam, de illo homine non dicerentur nisi per quādam associationem in vna persona. hoc enim significat replicatio interposita cum sic exponit, homo ille creauit stellas. i. filius Dei qui est homo ille. & sic de aliis huiusmodi: vnde cum dicitur, homo ille est Deus, sic intelligitur: verbum Dei qui est homo ille, Deus existit. Huiusmodi autē locutiones cōdemnat Cyrillus, dicens, Siquis audet dicere assumptum hominem adorari oportere, Dei verbo conglorificari, & coappellari Deum quasi alterum alterius. id enim quod est semper, quotiens additur, hoc intelligi cogit: & non magis vna adoratione honorificat Emanuelē, & vnā ei glorificationem adhibere, secundum quòd factum est caro verbum: anathema sit.

9 Præterea, si homo ille supposito est aliud à Dei verbo, non potest ad personā verbi pertinere nisi per assumptionem qua assumptus est à verbo. sed hoc est alienum à recto

sensu fidei. dicitur enim in Ephesina synodo ex verbis Fælicis Papæ & martyris: Credimus in Deum nostrum Iesum de virgine Maria natum, quia ipse est Dei sempiternus filius & verbum: & non homo à Deo assumptus, vt alter sit præter illum. neque enim hominem assumpsit Dei filius, vt sit alter præter ipsum: sed Deus existens perfectus factus simul & homo perfectus incarnatus est de Virgine.

10 Item, quæ sunt plura supposito, simpliciter plura sunt: nec sunt vnum nisi secundum quid. si igitur in Christo sunt duo supposita, sequitur quòd sit simpliciter duo, & non sit vnum, nisi secundum quid: quod est tollere Iesum: quia vnumquodque intantum est, inquantum vnum est. quod igitur non est simpliciter vnum, non est simpliciter ens.

#### Super Cap. 38.



VINTVS error fuit eorum qui volentes prædictam positionem vitare, dixerunt in Christo ex anima & carne in Domino Iesu Christo vnā substantiam constitutam esse. s. hominem, & hunc vnium esse verbo, nō in natura, sed in persona: sed quia est substantia quædam indiuidua, quod est esse hypostasin vel suppositum, dicunt quidem in Christo aliam esse hypostasin illius hominis, & aliam verbi Dei, sed vnā personam vtriusque, ratione cuius vnitatis verbum Dei de illo homine prædicatur, & ipsum de verbo Dei, vt sit sensus, verbum Dei est homo. i. persona verbi Dei est hominis persona, & econuerso: & hac ratione quicquid de verbo Dei prædicatur, dicunt de homine illo prædicari posse, & econuerso, cum quadā tamem replicatione, vt cum dicitur Deus est passus, sit sensus, homo qui est Deus propter vnitatem personæ, est passus & sic de aliis. Contra hanc positionem arguit S. Thom. ostēdens, hanc positionem de necessitate in errorem Nest. dilabi, & arguit primò sic: Omnis hypostasis humanæ naturæ est persona. ergo si ex sola vnione animæ & corporis constituta est in Christo hypostasis, sequitur quòd ex eadem vnione constituta est persona: & sic in Christo erunt duæ personæ, quod est Nestorianæ impietatis.

CIRCA id quòd inquit S. Thomas, personam esse quandam partem hypostasis, attendendum est quòd intelligitur de parte subiectiua. Hypostasis enim est quid communius quā persona, cum dicatur hypostasis de omni subsistente completo in quacunque natura sit: persona autem dicatur de subsistente in natura rationali tantum. Vnde omnia persona est hypostasis, nō autem omnis hypostasis est persona, sed tantum hypostasis rationalis siue intellectualis naturæ.

Secundò, idē est hypostasis verbi Dei quod persona. ergo si hypostasis verbi Dei non est hypostasis illius hominis, neque eius persona erit illius hominis persona: cuius oppositum dicunt. Tertiò, dato quòd persona esset aliud ab hypostasi, hoc non posset esse nisi quia supra hypostasin addit proprietatem aliquam. nihil enim ad substantiam pertinet addere potest, cum hypostasis sit completissimum in genere substantiæ, quod dicitur substantia prima. ergo vnio non erit facta nisi secundum aliquam proprietatem accidentalem, quod etiam in errorem Nestorij redit. Quarto, in epistola Cyrilli ad Nestorium in Ephesina synodo approbata, & ferè in omnibus synodalibus scriptis hoc errori Nestorij deputatur, qui in Christo duas posuit hypostasies, ergo & c. Quintò, Damascenus in tertio libro hūc errorem attribuit Nestorio cum inquit, ex duabus naturis perfectis dicimus esse factam vnionem, nō prosoponem Dei, id est, personam vt Dei inimicus dicit Nestorius, ergo & c. Sextò, Sequitur in Christo, duo esse supposita, quia hypostasis & suppositum idem sunt, quum de prima substantia quæ est hypostasis, omnia alia prædicentur, scilicet vniuersalia in genere substantiæ, & accidentia, vt dicitur in Prædicamentis.

ATTENDENDVM de mente S. Thom. tertio Sententiarum, dist. 6. q. 1. art. 1. quòd hoc nomen suppositum, significat naturam particularem in ordine ad naturam communem, inquantum subsistit in ea: hoc verò nomen hypostasis, naturam particularem significat, vt naturæ proprietati bus subiacer. propter hoc dixit hypostasin & suppositum idem esse, quia de prima substantia quæ est hypostasis, vniuersalia de genere substantiæ prædicantur & accidentia. ex primo enim habet nomen suppositi, ex secundo verò nomen hypostasis. Septimò, Si verbum & homo illi supposito differunt, separatim accipienda erunt quæ de Christo in diuinis dicuntur, diuina scilicet & humana: quod est contra sententiam Cyrilli in synodo approbatam. probatur sequela, quia tunc supposito illo homine, non supponetur verbum Dei, nec econuerso. distinctis autem suppositis, scilicet verbi & hominis, necesse est & ea quæ de ipsis dicuntur distinguere, cum supposito hominis non conueniant prædicata diuina nisi propter verbum, neque econuerso.

ADVERTENDVM, quòd ratio quare prædicata diuina & humana dicantur de homine, & eadem dicuntur de Deo, est, quia nomine Christi Dei & nomine Christi hominis, idem suppositum supponitur, quod est suppositum humanæ & diuinæ naturæ. Quum enim humana dicitur de Deo Christo, verum dicitur, quia Christus Deus supponit pro supposito humanæ naturæ, quod est etiam diuinæ naturæ suppositum. Quum etiam de Christo homine dicuntur diuina, verum dicitur, quia supponitur suppositum diuinum, quod est etiam humanæ naturæ suppositum: & sic vnitas suppositi facit vt de eodem Christo simul & diuina & humana dicantur. si ergo tollatur ista vnitas suppositi, diuina non poterunt dici de Christo homine, sed tantum de Christo Deo: & humana non poterunt dici de Christo Deo, sed tantum de Christo homine: & hoc est huius rationis fundamentum. Octauò, ea quæ verbo Dei conueniunt per naturam, de illo homine non dicerentur, nisi per quādam associationem in vna persona. hoc enim significat illa replicatio interposita, cum exponitur, homo ille creauit stellas. i. filius Dei qui est homo ille. sic enim exponitur, homo ille est Deus, i. verbum Dei qui est homo ille, est Deus. Sed huiusmodi locutiones cōdemnat Cyrillus, ergo & c. Nonò, sequitur quòd homo ille non potest



potest ad personam verbi Dei pertinere, nisi per assumptionem, qua assumptus est a verbo: sed hoc est alienum a recto sensu fidei, ut patet ex dictis in Ephesina synodo, ergo &c.

**ADVERTENDUM**, quod licet sit verum de humana natura quod non pertinet ad personam verbi nisi per assumptionem a verbo: de homine tamen illo qui est hypostasis & suppositum hominis in Christo, hoc verum non est. Non enim hypostasis hominis pertinet ad verbi personam, quia sit verbo assumpta, sed quia est ipsamet hypostasis & persona verbi, cum secundum rectam fidem eadem sit hypostasis humanæ & naturæ diuinæ in Christo. Decimo, sequitur quod Christus sit simpliciter duo, & vnum tantum secundum quid, quod est solvere & diuidere lesum: & sic non erit simpliciter ens, cum intantum vnunquodque sit ens, inquantum est vnum. probatur sequela, quia quæ sunt plura supposito, sunt simpliciter plura, nec sunt vnum nisi secundum quid. Quomodo Christus sit vnus & vnum simpliciter, non possit dici duo, ostendit abunde S. Thomas, 3. parte q. 17. art. 1. & 3. Sen. dist. 6. q. 2. art. 1.

### Quid catholica fides sentiat de incarnatione Christi.

Cap. 39.

**E**X supradictis igitur manifestum est, quod secundum catholicæ fidei traditionem oportet dicere, quod in Christo sit vna natura diuina perfecta, & humana natura perfecta, ex anima scilicet rationali & humana carne constituta: & hæc duæ naturæ vnitæ sunt in Christo non per solam inhabitationem, neque accidentali modo, d. vt homo vnitur vestimento: neque in sola personali habitudine & proprietate, sed secundum vnā hypostasin, & suppositum vnum. Hoc enim solum modo saluari possunt ea quæ in scripturis circa incarnationem traduntur. cum enim scriptura sacra indistincte quæ sunt Dei, homini illi attribuat: & quæ sunt illius hominis, Deo, vt ex \* præmissis patet, oportet vnum & eundem esse de quo vtræque dicatur. sed quia opposita de eodem secundum idem dici verè non possunt: diuina autem & humana quæ de Christo dicuntur, oppositionem habent, vt pote passum & impassibile, mortuum & immortale, & cætera huiusmodi, necesse est quod secundum aliud & aliud diuina & humana prædicentur de Christo. sic igitur quantum ad id de quo vtræque prædicantur, non est distinctio facienda: sed inuenitur vnitas. quantum autem ad id secundum quod prædicantur, distinctio est facienda: naturales autem proprietates prædicantur de vnoquoque secundum eius naturam: sicut de hoc lapide ferri deorsum secundum naturam grauitatis. cum igitur aliud & aliud sit secundum quod diuina & humana prædicantur de Christo, necesse est dicere in Christo esse duas naturas inconfusas & impermixtas: id autem de quo prædicantur proprietates naturales secundum naturam propriam ad genus substantiæ pertinentem, est hypostasis & suppositum illius naturæ. quia igitur indistinctum est & vnum id de quo humana & diuina prædicantur circa Christum, necesse est dicere Christum esse vnā hypostasin, & vnum suppositum humanæ & diuinæ naturæ. sic enim verè & proprie de homine illo prædicantur diuina, secundum hoc quod homo ille importat suppositum, non solum humanæ naturæ, sed diuinæ: & e conuerso de verbo Dei prædicantur humana, inquantum est suppositum humanæ naturæ. Ex quo etiam patet quod licet filius sit incarnatus, non tamen oportet patrem vel spiritum sanctum esse incarnatum: cum incarnatio non sit facta secundum vnionem in natura in qua tres personæ diuinæ conueniunt, sed secundum hypostasin & suppositum, prout tres personæ distinguuntur & sic sicut in trinitate sunt plures personæ subsistentes in vna natura, ita in mysterio incarnationis est vna persona subsistens in pluribus naturis.

Super Cap. 39.

**E**XCVSIS falsis, circa Christi incarnationem opinionibus, ostendit sanctus Thomas quid secundum catholicam fidem sit tenendum. Circa hoc autem duo facit. Primum ostendit propositum: secundum inferit quoddam corollarium. Quantum ad primum ponit hanc conclusionem, Secundum catholicæ fidei traditionem, in Christo est natura diuina perfecta, & humana natura perfecta: & istæ duæ naturæ vnitæ sunt in Christo, non per solam inhabitationem, neque accidentali modo, neque in sola personali habitudine, vt scilicet dicebat vltima opinio, sed secundum vnā hypostasin & suppositum vnum. Probatur. Hoc solum modo saluari possunt ea quæ in scripturis circa incarnationem dicuntur, ergo &c. proba-

tur assumptum, sacra scriptura indistincte quæ sunt Dei, illi homini attribuit: & quæ sunt illius hominis, Deo, vt ex præmissis patet, ergo oportet vnum & eundem esse de quo vtræque dicatur, & aliud id secundum quod prædicantur de Christo, ergo necesse est in Christo duas naturas esse inconfusas & impermixtas, & Christum esse vnā hypostasin & vnum suppositum humanæ naturæ & diuinæ. Primam partem consequentiæ primam non probat, sed relinquit manifestam. nisi enim homo ille esset idem quod Deus, diuina de illo non prædicarentur: & nisi Deus esset idem quod homo ille, non prædicarentur de illo humana, quia diuina non prædicantur nisi de eo qui est Deus, & humana non prædicantur nisi de eo qui est homo. sed secundam partem probat sic: Diuina & humana quæ de Christo dicuntur, oppositionem habent, vt passum & impassibile, mortuum & immortale: sed opposita de eodem secundum idem dici verè non possunt. ergo necesse est vt secundum aliud & aliud de Christo diuina & humana dicantur. Secundam verò consequentiæ probat quantum quidem ad primam partem sic: Naturales proprietates prædicantur de vnoquoque secundum naturam eius: sicut de hoc lapide ferri deorsum secundum naturam grauitatis. si igitur est aliud & aliud secundum quod diuina & humana prædicantur de Christo, necesse est dicere esse in Christo duas naturas inconfusas & impermixtas. Quantum autem ad secundam partem probat sic: Id de quo prædicantur proprietates naturales secundum naturam propriam ad genus substantiæ pertinentem, est hypostasis & suppositum illius naturæ. ergo si indistinctum & vnum est id de quo humana & diuina prædicantur circa Christum, necesse est dicere Christum esse vnā hypostasin & vnum suppositum. Ex quo concluditur quod sic verè & proprie de illo homine prædicantur diuina secundum quod homo ille importat suppositum non solum humanæ naturæ, sed etiam diuinæ: & e conuerso de verbo Dei prædicantur humana, inquantum est suppositum humanæ naturæ.

**CIRCA** probationem secundæ consequentiæ considerandum, quod nihil dicitur naturalis proprietas alicuius, nisi quia eius naturam consequitur. dicitur enim naturale à naturā, oportet autem per prius naturam prædicari de eo cuius est natura, quam eius naturales proprietates quæ naturam consequuntur. ideo natura est ratio quare naturales proprietates alicui conueniant. Propterea bene assumpsit sanctus Thomas ad probationem primæ partis consequentiæ, Naturales proprietates prædicantur de vnoquoque secundum naturam eius cuius sunt naturales proprietates, supposito tanquam vero, quod diuina aliqua dicta de Christo sint tanquam eius naturales proprietates secundum nostrum modum intelligendi, vt impassibile: & similiter quod aliqua humana de ipso dicta, naturales eius sint proprietates, vt passibile. Considerandum secundum, quod nomen hypostasis & suppositi solum de indiuiduo substantie dicitur, non autem de indiuiduo accidentis, vt inquit sanctus Thomas tertio Sen. dist. 6. q. 1. I. circa in probatione secundæ partis consequentiæ, non dixit absolute id de quo prædicantur proprietates naturales secundum naturam propriam, esse hypostasin & suppositum, quia sic etiam singulare accidentis de quo prædicantur eius naturales proprietates secundum eius naturam esset hypostasis & suppositum: sed addidit ad genus substantiæ pertinentem, vt daret intelligere nomen hypostasis & suppositi solum in substantiis dici. Quantum ad secundum inferit S. Thom. hoc corollarium, quod licet filius sit incarnatus, non tamen oportet patrem vel spiritum sanctum esse incarnatum. probatur, quia incarnatio non est facta secundum vnionem in natura in qua tres personæ conueniunt, sed secundum suppositum & hypostasin, prout tres personæ distinguuntur.

**ADVERTENDUM** ex doct. sancti T. 3. Sententiarum, d. 1. q. 2. art. primo, quod quando aliqua conueniunt in aliquo, & in aliquo distinguuntur, necesse est vt si vnum coniungatur cum aliquo & alterum cum illo coniungatur, quando coniunctio sit secundum id in quo conueniunt, non autem quando sit secundum illud in quo distinguuntur, sicut homo & asinus communicant in animali: ideo cuiusque communicat asinus in genere, communicat etiam homo: sed quia homo & asinus specificis differentiis distinguuntur, non oportet vt quicquid conuenit cum asino in differentia specifica, eodem modo conueniat cum homine. Quia igitur tres personæ diuinæ conueniunt quidem in natura, sed distinguuntur in personalitate, si aliquid vniretur filio in natura, de necessitate vniretur patri & spiritui sancto: sed si aliquid vniretur filio in persona, non oportet vt vniretur aliis personis. Et ideo quia in incarnatione non est facta vnio in natura, vt scilicet ex diuina & humana natura fieret vnum, sed tantum in persona filij, vt sit vna persona filij in humanitate & diuinitate subsistens, non est necesse si filius est incarnatus, quod alix diuinæ personæ sint incarnatæ, & hoc est fundamentum rationis huius corollarij.

Ad euidentiā eius quod sæpissime dictum est. scilicet in Christo non esse plures personas, neque plures hypostasies, aut plura supposita, sed vnā tantum personā, vnā hypostasin & vnum suppositum, considerandum est ex doct. S. Thom. tertia. p. q. 2. art. 2. ad 3. quod persona quæ idem est quod hypostasis & suppositum in natura rationali, non est omnino idem quod substantia indiuidua & singularis, sed supra ipsam addit rationem per se subsistentis. non enim quodlibet indiuiduum de genere substantiæ est persona, sed solum illud quod per se subsistit. vnde manus Sortis quantum sit quoddam indiuiduum substantiæ, non est tamen persona, quia non per se subsistit, sed existit in quodam perfectiori. scilicet in suo toto. Considerandum secundum, quod personalitas cum sit vltima rei singularis per se subsistentis actualitas, & vltimum eius substantiale complementum, repugnat sibi quod in vnitatem alterius personæ assumatur. Nam si assumere ab alio in vnitatem personæ, iam non esset vltimum complementum, quia per assumptionem ab alio completeretur. Cõceditur ergo, quod Christus assumptus substantiam indiuiduam, prout substantia indiuidua sumitur pro substantia quæ est singularis. non enim assumpsit humanitatem vniuersalem ab omnibus singularibus separatam, sed hanc humanitatem, non autem conceditur quod assumpsit personam aut hypostasin humanā, quia illa humanitas Christi non habebat omne quod ad rationem personæ & hypostasis pertinet, sed fuit à diuino supposito preuenta. Vnde Christus assumpsit quidem quicquid est de intrinseca essentia huius humanitatis singularis, scilicet hanc animam, & hoc corpus, & humanitatem ex his compositā: non tamen assumpsit quicquid est de ratione personæ inquantum persona est. Et ideo in ipso non sunt duæ personæ aut duæ hypostasies, licet sint in ipso duæ singulares naturæ.

Ex



EX quo patet argumenta Scoti loco præallegato quibus ostendit personam nihil addere positum supra individuum, non procedere contra mentem sancti Thomæ. Probat enim quod nihil addit persona supra individuum, quod ad personæ essentiam intrinsecè pertineat, ut quod existit, quod quidem concedimus: non autem probant, quod nullo modo aliquid addat quod pertineat ad personam tanquam ultimam eius actualitatem, cui repugnat ut alicui completiori se vnatur. Non enim omne quod quocunque modo ad naturam humanam pertinet, est assumptibile ad unitatem personæ diuinæ, sed tantum illud quod est pars naturæ aut eius proprietates. ipsum autem complementum suppositi, assumptibile non est in talem personæ unitatem, eo quod perfectiori se vniri non possit, sed tantum ei quod comparatur ad ipsum sicut potentia ad actum. Vnde etiam dicimus quod natura humana in Christo non habet esse proprium, haberet autem illud si à verbo dimitteretur, quia non alia ratione caret proprio esse, nisi quia propria personalitate caret, ut potè præuenta à diuino supposito.

*Obiectiones contra fidem incarnationis.*

*Cap. 40.*

**S**ED contra hanc catholicæ fidei sententiam plures difficultates concurrunt, propter quas aduersarij fidei incarnationem impugnant. Ostensum est enim in primo libro \* quod Deus neque corpus est, neque virtus in corpore. Si autem carnem assumpsit, sequitur quod vel sit mutatus in corpus, vel quod sit virtus in corpore post incarnationem. impossibile igitur videtur Deum fuisse incarnatum.

2 Item, omne quod acquirit nouam naturam, est substantiali mutationi subiectum. secundum hoc enim aliquid generatur, quod naturam aliquam acquirit. si igitur hypostasis filij Dei fiat de nouo subsistens in natura humana, videtur quod esset substantialiter mutata.

3 Adhuc, nulla hypostasis alicuius naturæ extenditur extra naturam illam, quin potius natura inuenitur extra hypostasim, ut pote multas hypostasies sub se habens. si igitur hypostasis filij Dei sit per incarnationem facta hypostasis humanæ naturæ, sequitur quod filius Dei non sit vbique post incarnationem, cum humana natura vbique non sit.

4 Amplius, rei vnus & eiusdem non est nisi vnum quod quid est. hoc enim significat substantiā rei quæ vnus vna est. sed natura cuiuslibet rei est quod quid est eius. natura enim rei est quam significat definitio. impossibile est igitur (ut videtur) quod vna hypostasis in duabus naturis subsistat.

5 Præterea, in his quæ sunt sine materia, non potest esse aliud quidditas rei, & aliud res, ut supra \* ostensum est. & hoc præcipue est in Deo, qui non est solum sua quidditas, sed etiam suum esse. sed humana natura non potest esse idem quod diuina hypostasis. ergo impossibile esse videtur quod diuina hypostasis subsistat in humana natura. Item, natura est simplicior & formalior hypostasi quæ in ea subsistit. nam per additionem alicuius materialis naturæ communis indiuiduatur ad hanc hypostasim. si igitur diuina hypostasis subsistat in humana natura, videtur sequi quod humana natura sit simplicior & formalior quàm diuina hypostasis: quod est omnino impossibile.

6 Adhuc, in his solum quæ sunt ex materia & forma composita, differre inuenitur singulare & quidditas eius, ex eo quod singulare est indiuiduatum per materiam designatam, quæ in quidditate & natura speciei non includitur. in signatione enim Socratis includitur hæc materia, non autem in ratione humanæ naturæ. omnis igitur hypostasis in natura humana subsistens est constituta per naturam signatam: quod de diuina hypostasi dici non potest. non est igitur possibile (ut videtur) quod hypostasis verbi Dei subsistat in humana natura.

7 Amplius, anima & corpus in Christo non fuerunt minoris virtutis quàm in aliis hominibus. sed in aliis hominibus ex sua vnione constituunt suppositum hypostasim & personam: igitur & in Christo ex vnione animæ & corporis constituitur suppositum hypostasis & persona: non autem suppositum hypostasis & persona verbi Dei, quæ est æterna, igitur in Christo est aliud suppositum hypostasis & persona, præter suppositum hypostasim & personam verbi Dei, ut videtur.

9 Præterea, sicut ex anima & corpore constituitur huma-

na natura in cōmuni, ita ex hac anima & hoc corpore constituitur hic homo, quod est hypostasis hominis: sed in Christo fuit hæc anima, & hoc corpus: igitur ex eorū vnione constituta est hypostasis, ut videtur: & sic idē quod prius.

10 Item, hic homo, qui est Christus, prout cōsideratur ex anima solum & carne consistens, est quædā substantia, non autem vniuersalis, ergo particularis: ergo est hypostasis.

11 Adhuc, si idem est suppositum humanæ & diuinæ naturæ in Christo, oportet quod de intellectu hominis qui est Christus, sit hypostasis diuina, non autem de intellectu aliorum hominum. homo igitur æquiuocè de Christo dicitur & aliis: & sic non erit eiusdem speciei nobiscum.

12 Amplius, in Christo tria inueniuntur, ut ex dictis \* patet. scilicet corpus, anima, & diuinitas. anima autē cum sit nobilior corpore, non est suppositum corporis, sed magis forma eius. neque igitur id quod est diuinum est suppositum humanæ naturæ, sed magis formaliter se habens ad ipsam.

13 Præterea, omne quod aduenit alicui post esse completum, aduenit ei accidentaliter: sed cum verbum Dei sit ab æterno, manifestum est quod caro assumpta aduenit ei post esse completum. igitur aduenit ei accidentaliter.

*Super. Cap. 40.*

**P**OST QVAM determinauit sanctus Thomas, quid fides catholica de incarnatione teneat, vult obiectiones contra ipsam incarnationem excludere. Circa hoc autem tria facit. Primum ponit ipsas obiectiones: secundò, aliqua pro eorum solutione. cap. sequenti: tertio, ad ipsas responderet.

*cap. 49.*

Quantum ad primum impugnatur incarnatio. Primum quia si Deus carnem assumpsisset, sequeretur quod esset mutatus in corpus, aut esset virtus in corpore. Secundò, quia hypostasis filij Dei esset substantialiter mutata. quod enim acquirit nouam naturam substantialiter mutatur. Tertio, quia filius Dei non esset vbique post incarnationem, quum humana natura non sit vbique. nulla enim hypostasis alicuius naturæ extenditur extra naturam illam.

Quartò, quia quum vnus rei sit tantum vnum quod quid est, impossibile videtur ut vna hypostasis in duabus naturis subsistat. natura enim cuiuslibet rei est eius quod quid est. Quintò, quia non videtur diuinam hypostasim subsistere posse in humana natura, quia in his quæ sunt sine materia, quidditas & suppositum idem sunt: humana autem natura non potest esse idem quod diuina hypostasis. Sextò, quia natura humana esset simplicior & formalior diuina hypostasi: natura enim simplicior & formalior est hypostasi, quæ in ea subsistit. Septimò, quia omnis hypostasis in humana natura subsistens est constituta per materiam signatam, quod de diuina hypostasi dici non potest. Octauò, quoniam in aliis hominibus anima & corpus ex sua vnione constituunt suppositum: ista autem non fuerunt minoris virtutis in Christo quàm in aliis hominibus. Nonò, quia in Christo fuit hæc anima & hoc corpus, ex quibus constituitur hic homo, qui est hypostasis. Decimò, quia hic homo qui est Christus, est quædam substantia, & per consequens hypostasis. Vndecimò, Homo æquiuocè dicitur de Christo & aliis hominibus, quia de intellectu hominis qui est Christus, erit hypostasis diuina, non autem de intellectu aliorum hominum. Duodecimò, quia cum anima non sit suppositum corporis, eo quod sit nobilior, nec quod est diuinus erit suppositum humanæ naturæ.

Decimotertio, probatur quod caro assumpta aduenit verbo Dei accidentaliter, quia aduenit ei post esse completum, quum verbum Dei sit ab æterno.

*Quomodo oporteat incarnationem filij Dei intelligere.*

*Cap. 41.*

**A**D horum igitur solutionem considerandam paulò altius inchoandum est. Cum enim Eutyches vnionem Dei & hominis factam esse posuerit in natura, Nestorius autem nec in natura nec in persona: fides autem catholica hoc teneat, quod sit facta vnio in persona, non in natura: necessarium videtur præcognoscere quid sit vniri in natura, & quid sit vniri in persona. Natura igitur licet multis modis dicatur: nam & generatio vniuentium, & principium generationis & motus, & materia & forma natura dicuntur. Item & aliquando natura dicitur quod quid rei continens ea quæ ad speciem pertinent integritatem, sicut dicimus naturam humanam communem esse omnibus hominibus: similiter in cæteris: illa ergo vniuntur in natura, ex quibus constituitur integritas speciei alicui: sicut anima & corpus humanum vniuntur ad constitutendam speciem animalis: & vniuersaliter quæcunq; sunt partes speciei. est autē impossibile quod alicui speciei



speciei in sua integritate iam constituta aliquid extraneum  
vniatur in unitate naturae, nisi species solvatur. cum enim  
species sint sicut numeri, in quibus qualibet unitas addita  
vel subtracta variat speciem: si quid ad speciem iam perfectam  
addatur, necesse est iam aliam speciem esse: sicut si substantiae  
animatae tantum addatur sensibile, erit iam alia species, nam  
animal & planta diuersae species sunt: contingit tamen id  
quod non est de integritate speciei, in aliquo indiuiduo sub  
illa specie contento reperiri: sicut albus & vestitus in Sor-  
te vel Platone: aut digitus sextus vel aliquid huiusmodi. vn-  
de nihil prohibet aliqua vniri in indiuiduo, quae non vniantur  
in vna integritate speciei: sicut humana natura & albe-  
do, & musica in Sorte & huiusmodi, quae dicuntur esse vnus  
subiecto: & quia indiuiduum in genere substantiae dicitur hy-  
postasis, in substantiis autem rationalibus dicitur etiam per-  
sona, conuenienter omnia huiusmodi dicuntur vniri secundum  
hypostasim vel etiam secundum personam. sic igitur patet quod  
nihil prohibet aliqua non vnita esse secundum naturam, vniri  
autem secundum hypostasim vel personam. Audiētes autem haere-  
tici in Christo vnionem Dei & hominis esse factam, contrariis  
viis incesseunt ad hoc expendendum praetermissis tramite  
veritatis. Aliqui enim hanc vnionem aestimauerunt ad modum  
eorum quae vnuntur in vnam naturam: sicut Arrius & Apol-  
linaris, ponentes quod verbum erat corpori Christi pro ani-  
ma, siue pro mente: & sicut Eutyches, qui posuit ante in-  
carnationem duas naturas, Dei & hominis: post incarnatio-  
nem verò vnā. Sed eorum dictum omnino impossibilitatem  
continet, manifestum est enim naturam verbi ab aeterno in sua  
integritate perfectissimam esse: nec omnino corrumpi aut  
mutari posse. vnde impossibile est aliquid extrinsecum a na-  
tura diuina, vt potest naturam humanam, vel aliquam partem  
eius, in vnitatem naturae ei aduenire. Alij verò huius posi-  
tionis impossibilitatem videntes, in viā contrariam diuerter-  
unt. ea enim quae habenti aliquam naturam adueniunt, nec  
tamen pertinent ad integritatem naturae illius: vel acciden-  
tia esse videntur, vt albedo & musica: vel accidentaliter se  
habere ad ipsum, sicut annulus, vestimentum, domus, & si-  
milia. Considerantes autem quod cum humana natura verbo  
Dei adueniat, nec ad eius naturam integritatem pertineat,  
necesse esse putauerunt quod humana natura accidentaliter  
vnionem haberet ad verbum: & quia manifestum est quod  
non potest inesse verbo & accidens, tum quia Deus non est  
susceptiuus accidentis, vt supra probatum est: tum quia hu-  
mana natura cum sit de genere substantiae, nullius accidens  
esse potest: relinqui videbatur, quod humana natura ad-  
ueniret verbo, non sicut accidens, sed sicut accidentaliter se  
habens ad ipsum. Posuit igitur Nestorius quod humana  
natura Christi se habeat ad verbum sicut templum quoddam,  
ita quod secundum solā in habitationem erat intelligenda  
vnio verbi ad humanam naturam: & quia templum seorsum  
habet suā indiuiduationem ab eo qui inhabitat templum, in-  
diuiduatio autem conueniens humanae naturae est persona-  
litas: reliquum erat quod alia esset personalitas humanae  
naturae & alia verbi, & sic verbum & ille homo erant duae  
personae. Quod quidem inconueniens alij vitare volentes,  
circa humanam naturam talem dispositionem introduxerunt:  
vt ei personalitas proprie conuenire non possit, dicentes  
animam & corpus in quibus integritas humanae naturae con-  
sistit, a verbo sic esse assumpta, vt corpori anima non esset  
vnita ad aliquam substantiam constitutendam: ne cogerentur  
dicere illam substantiam sic constitutam, rationem personae  
habere: vnionem verò verbi ad animam & corpus posuerunt,  
sicut ad ea quae accidentaliter se habent, puta induti ad  
indumentum, in hoc quodammodo Nestorium imitantes.  
His igitur remotis per supradicta, necessarium est ponere  
talem fuisse vnionem verbi & hominis, vt neque ex duabus  
vna natura conflata sit, neque verbi ad humanam naturam  
talis fuerit vnio sicut est alicuius substantiae, puta hominis  
ad exteriora, quae accidentaliter se habent ad ipsum: vt do-  
minus & vestimentum: sed verbum in humana natura sicut  
in sibi propria facta per incarnationem subsistere ponatur:  
vt & corpus illud verè sit corpus verbi Dei: & similiter

anima & verbum Dei verè sit homo. Et quanuis haec vnio  
perfectè ab homine non valeat explicari, tamē secundum  
modum & facultatem nostram conabimur aliquid dicere  
ad aedificationem fidei, vt circa hoc mysterium fides catho-  
lica ab infidelibus defendatur. In omnibus autem rebus  
creatis nihil inuenitur huic vnioni tam simile sicut vnio  
animae ad corpus: & maior esset similitudo (vt etiam Aug-  
dicit contra Felicianum) si esset vnus intellectus in omni-  
bus hominibus, vt \* quidam posuerunt, secundum quos  
oporteret dicere, quod intellectus praexistens hoc modo  
de nouo conceptui hominis vnatur, vt ex vtroque fiat vna  
persona: sicut ponimus verbum praexistens humanae natu-  
rae in personam vnā vniri. vnde propter hanc similitudinē  
vtriusque vnionis Athanasius dicit in symbolo, quod sicut  
anima rationalis & caro vnus est homo, ita Deus & homo  
vnus est Christus: sed cum anima rationalis vnatur corpori  
& sicut materiae, & sicut instrumento: non potest esse simi-  
litudinis quātum ad primum modum vnionis. sic enim ex Deo &  
homine fieret vna natura: cum materia & forma proprie  
naturam constituent speciei. relinquitur ergo, vt attendatur  
similitudo secundum quod anima vnatur corpori vt instru-  
mento: ad quod etiam dicta antiquorum doctorum concor-  
dant, qui humanam naturam in Christo organum quoddam  
diuinitatis posuerunt: sicut & ponitur corpus organum  
animae. aliter enim est animae organum corpus & eius par-  
tes, & aliter exteriora instrumenta. Haec enim dolabra non  
est proprium instrumentum, sicut haec manus. per dola-  
bram enim multi possunt operari: sed haec manus ad pro-  
prium operationem huius animae deputatur: propter quod  
manus est organum vnitum & proprium: dolabra autem  
instrumentum extrinsecum & commune. sic igitur & in vnio-  
ne Dei & hominis considerari potest. omnes enim homi-  
nes comparantur ad Deum vt quaedam instrumenta qui-  
bus operatur. Ipse enim est qui operatur in nobis velle &  
perficere pro bona voluntate: secundum Apostolum Phi-  
lippen. 2. sed alij homines comparantur ad Deum quasi  
instrumenta extrinseca & separata: mouentur enim a Deo  
non ad operationes proprias sibi tantum, sed ad operatio-  
nes communes omni rationali naturae, vt est intelligere  
veritatem, diligere bona, & operari iusta: sed humana na-  
tura in Christo assumpta, est vt instrumentaliter operetur  
ea quae sunt operationes propriae solius Dei: sicut est mun-  
dare peccata, illuminare mentes per gratiam, & introdu-  
cere in perfectionem vitae aeternae. comparatur igitur hu-  
mana natura Christi ad Deum sicut instrumentum pro-  
prium & coniunctum, vt manus ad animam. Nec discre-  
pat a rerum naturalium consuetudine, quod aliquid sit na-  
turaliter proprium instrumentum alicuius, quod tamen non  
sit forma ipsius. nam lingua prout est instrumentum locu-  
tionis, est proprium organum intellectus: qui tamen vt  
Philosophus probat\*, nullius partis corporis actus est. Si-  
militer etiam inuenitur aliquod instrumentum quod ad  
naturam speciei non pertinet: & tamen ex parte materiae  
competit huic indiuiduo, vt sextus digitus, vel aliquid  
huiusmodi. nihil igitur prohibet secundum hunc modum,  
ponere vnionem humanae naturae ad verbum: quod hu-  
mana natura sit quasi verbi instrumentum non separatum,  
sed coniunctum: nec tamen humana natura ad naturam  
verbi pertinet, nec verbum est eius forma, pertinet ta-  
men ad eius personam. Praedicta tamen exempla non sic  
posita sunt, vt omnimoda similitudo sit in his requiren-  
da: intelligendum est enim verbum Dei multo sublimius  
& intimius humanae naturae potuisse vniri, quàm anima  
qualicunque proprio instrumento: praecipue cum to-  
ti humanae naturae mediante intellectu coniunctum di-  
catur: & licet verbum Dei sua virtute penetret omnia, vt  
pote conseruans & portans, creaturis tamē intellectu ali-  
bus, quae proprie verbo perfrui possunt, & eius participes  
esse: & quodam similitudinis affinitate & eminentius &  
ineffabilius potest vniri.

Auer 3. de  
Anima som.

3. de Anima  
per. com. 6.

Super

\* Lib. 1. c. 13.





**P**OSITIS obiectionibus contra incarnationis mysterium, pramittit sanctus Thomas quædam ad eorum solutionem, quod ipsa solutio manifestior fiat. Primum quod pramittit, est quomodo oporteat filij Dei incarnationem intelligere, quantum ad hoc quod sit facta, in persona, contra Nestorium: & non in natura, contra Eutychetem. Et dicit primò, quod cum nomen naturæ præter alia significata, de quo quid est rei, continente ea quæ ad speciei integritatem pertinent, dicatur, illa vniuntur in natura, ex quibus constituitur integritas speciei alicuius, sicut anima & corpus humanum vniuntur ad constituendum speciem animalis, & vniuersaliter quæcunque sunt partes speciei. Dicit secundò, quod impossibile est quidem alicui speciei in sua integritate iam constitutæ quid extraneum vni in unitatem naturæ, nisi species soluat: quia species sunt sicut numeri, in quibus quælibet vnitas addita vel subtrahita variat speciem: vt patet si substantiæ animæ addatur sensibile. contingit tamen id quod non est de integritate speciei, in aliquo indiuiduo sub illa specie contento reperiri, sicut album & vestitum in Sorte, aut digitus sextus, & huiusmodi: vnde nihil prohibet aliqua vni in indiuiduo quæ non vniuntur in vna integritate speciei. & quia indiuiduum in genere substantiæ dicitur hypostasius, in substantiis autem rationalibus dicitur persona, conuenienter omnia huiusmodi dicuntur vni secundum hypostasim vel etiam secundum personam. Ex quo patet, quod nihil prohibet aliqua non vnitas secundum naturam, vni secundum hypostasim vel personam.

**ADVERTENDVM**, quod duplex est integritas speciei. scilicet essentialis, & quantitativa: & ideò dupliciter dicitur aliquid non esse de integritate speciei, aut scilicet quia non est de eius essentia, aut quia non pertinet ad eius perfectionem quantitativam. Vt ergo S. Thom. vtrique integritatem complectatur, dat exemplum de albo & vestito in Sorte, quæ non sunt de integritate essentiali hominis: & de sexto digito in manu, qui ad integritatem quantitativam hominis non pertinet. Dicit tertio, quod hæretici audientes in Christo vnionem Dei & hominis esse factam, contrariis viis inceserunt ad hoc exponendū. Nam Arius & Apollinaris hanc vnionem æstimantes ad modum eorum quæ in vnam naturam vniuntur, dixerunt verbum Dei esse corpori Christi pro anima seu pro mente: Eutyches autem posuit duas quidem naturas Dei & hominis ante incarnationem, post incarnationem verò, vnam. Contra quos est quod cum natura verbi ab æterno in sua integritate perfectissima sit, nec omnino corrumpi aut mutari possit, impossibile est ei aliquid extrinsecum in eius vnitate aduenire. Alij verò huius positionis impossibilitatem videntes, cum humana natura verbo Dei adueniat, nec ad eius integritatem pertineat, putauerunt humanam naturam accidentalem quidem vnionem habere ad verbum, non tamen inesse sibi vt accidens, tum quia Deus non est susceptivus accidentis, tum quia humana natura cum sit de genere substantiæ, nullius accidens esse potest. Propter quod Nestorius posuit naturam humanam se habere ad verbum sicut templum quoddam: & consequenter quia templum seorsum habet suam indiuiduationem ab eo qui inhabitat templum: indiuiduo autem naturæ humanæ conueniens est sua personalitas, intellige de indiuiduatione substantiæ singularis subsistē: israelitis erat aliam esse personalitatem humanæ naturæ, & aliam verbi. Quod quidem inconueniens alij vitare volentes, dixerunt in Christo ex anima & corpore non esse aliquam substantiam constitutam, ne cogerentur dicere illam habere rationem personæ: vnionem verò verbi ad animam & corpus posuerunt, sicut ad ea quæ accidentaliter se habent, puta induti ad indumentum, in hoc quodammodo Nestorium imitantes.

**ADVERTENDVM** quod non dicit S. Th. istos Nestorium simpliciter imitari, sed quodammodo. quantum ad aliquid: quia licet imitarentur Nestorium in hoc quod dicebant verbum Dei vniū animæ & corpori modo accidentali, differant tamen ab ipso in hoc quod ipsi non ponebant ex anima & corpore esse aliquam naturam constitutam: sed Nestorius hoc ponebat. Dicit quartò quod in tali vnione verbi Dei & hominis neque ex duabus naturis vna est conflata, neque verbum humanæ naturæ est vnitum tanquam substantiæ ad ipsum accidentaliter se habent: sed in ipsa subsistere ponitur, vt corpus illud verè sit corpus verbi Dei, & similiter anima & verbum Dei verè sit homo. Dicit quintò, quod quantum hæc vnio ab homine non valeat explicari, tamen vt dicitur secundum modum & facultatem nostram, in omnibus rebus creatis nihil inuenitur huic rei tam simile, sicut vnio animæ ad corpus, & maior esset similitudo (vt Aug. contra Felicianum dicit) si esset vnus intellectus in omnibus hominibus, vt quidam posuerunt, oportet enim intellectum præexistentem hoc modo de nouo conceptui hominis vni, vt ex vtroque fieret vna persona, sicut ponimus verbum præexistens humanæ naturæ in vnam vniū personam. propter hoc dicit Athanasius in symbolo: sicut ex anima &c.

**ADVERTENDVM**, quod idcirco maior esset similitudo vnionis istius si vnus esset intellectus in omnibus hominibus quam sit in vnione animæ ad corpus, quia in ista non vniuntur vt vnum alteri præexistenti, vt accidit in vnione verbi cum humana natura, sed bene, si esset vnus intellectus omnium hominum, vniuntur vnum alteri præexistenti. Attendendum secundò, quod si esset vnus intellectus in omnibus hominibus: idcirco per vnionem intellectus ad conceptum hominis fieret vna persona intellectus & hominis, quia operatio intellectus homini attribueretur. Diceretur enim homo intelligere ex vnione ad talem intellectum, quod vtiq; esse non posset, nisi vna esset persona hominis & intellectus. propria enim operatio vnus personæ, alteri personæ attribui non potest: sicut operatio Sortis attribui non potest Platoni. Dicit sextò, quod cum anima rationalis vnatur corpori & sicut materiæ & sicut instrumento, non potest esse similitudo quantum ad primum modum vnionis: quia sic ex Deo & homine fieret vna natura, sicut ex materia & forma: sed est similitudo quantum ad secundum modum, cui etiam dicta antiquorum doctorum concordant, dicentium humanam naturam in Christo esse organum diuinitatis, sicut & corpus ponitur organum animæ. Dicit septimò, quod sicut aliter est organum animæ corpus, & eius partes, & aliter exteriora instrumenta: per hanc enim dolabram multi possunt operari, sed hæc manus ad propriam operationem huius animæ deputatur: ita licet omnes homines ad Deum comparentur sicut instrumenta quibus operatur, vt patet ex

Apo. Phil. 2. alij tamen homines sunt quasi instrumenta separata, cum moueantur ad Deo, non ad operationes proprias sibi tantum: sed ad operationes omni rationali naturæ communes, vt est intelligere veritatem, diligere bonā, & huiusmodi: humana autem natura in Christo est instrumentum Dei coniunctum, & assumpta est vt operetur instrumentaliter ea quæ sunt operationes propriæ soli Deo: sicut mundare peccata, illuminare mentes per gratiam, & huiusmodi.

**CIRCA** hoc quod dictum est, alios homines moueri ad Deo ad operationes tantum communes omni rationali naturæ, non autem ad eas quæ sunt propriæ Dei, dubium occurrit: quia facere miracula est proprium Dei, & tamen aliis hominibus hoc conuenit instrumentaliter, vt in superioribus est ostensum, ergo &c.

Respondet ad hoc potest quod dictum sancti Thomæ intelligitur quod alij homines non mouentur ad operationes quæ sunt propriæ Dei, per virtutem diuinam eis existentem per modum habitus, sed tantum per modum passionis transeuntis, vt dicebatur vbi agebatur de miraculorum operatione. humana autem natura mouetur ad diuina opera facienda ex virtute diuina sibi quasi modo habituali coniuncta. i. permanentem, & non tantum per modum transeuntis: sicut virtus animæ manui semper est aliquo modo coniuncta.

Dicit octauò, quod non discrepat à rerum naturalium consuetudine, quod aliquid sit naturaliter propriū instrumentum alicuius, quod tamen non sit forma ipsius, vt patet de lingua respectu intellectus, inuenitur etiam aliquod instrumentum quod ad naturam speciei non pertinet, & tamen ex parte materiæ cōuenit huic indiuiduo: vt sextus digitus in manu. sic itaque nihil prohibet humanam naturam esse quasi verbi instrumentum coniunctum, & tamen neque ad naturam verbi pertinere, neque verbum ipsius esse formam, pertinere tamen ad eius personam.

Dicit vltimò in prædictis exemplis, non omnimodam similitudinem requirendam esse: quia intelligendum est verbum Dei multo sublimius & intimius humanæ naturæ potuisse vni, quam anima qualicunque proprio instrumento, præcipue cum toti humanæ naturæ mediante intellectu coniunctum dicatur: & licet sua virtute penetret omnia, creaturis tamen intellectualibus quæ ipso perfrui possunt, & eius participes esse, eminentius & ineffabilius potest vni.

**CIRCA** istam propositionem, verbum Dei toti naturæ humanæ mediante intellectu coniunctum dicitur: aduertendum quod per totam naturam humanam intelligit sanctus Thomas totalitatem tantum humanitatis Christi secundum perfectionem, non autem totalitatem humanitatis secundum vniuersalitatem prædicationis. Dicitur autem verbum ipsi mediante spiritu secundum mentem Augustini in libro de Agone Christiano, & Damasceni in tertio libro, coniunctum esse: ratione quidem dignitatis in quantum inter ceteras partes animæ est superior & dignior, atque Deo similior, propter quod intellectus dicitur esse medium secundum dignitatem inter verbum Dei animam, vt alias inferiores potentias habet, ratione autem congruitatis: quia anima non est assumptibilis secundum congruitatem nisi per hoc quod est capax Dei, ad imaginem eius existens quod sibi cōuenit per intellectum, sic enim dicitur verbum vni sibi mediante intellectu: quia humana natura non habet congruentiam ad hoc vt sit assumptibilis præ ceteris naturis à verbo, nisi quia habet intellectum. De hoc pertractat sanctus Thomas tertia parte, quæst. 2. art. 1. Et tertia, distinctione secunda, quæstione prima, art. 2. Vult enim hic arguere quod verbum Dei posuit multo sublimius vni humanæ naturæ quam anima cuiusque instrumento, hac ratione: quia cum mediante intellectu humanæ naturæ vniatur, & particularius vniatur substantiis intellectualibus quam aliis creaturis, non est etiam inconueniens si excellentiori quodam modo possit humanæ naturæ vni.

**CIRCA** id quod dictum est, verbum humanæ naturæ vni sicut instrumento coniuncto, dubium occurrit. Non enim videtur quomodo coniungatur humanæ naturæ vt possit dici esse instrumentum verbi coniunctum, si neque verbum est forma humanæ naturæ, neque econuerso humana natura verbi: neque etiam ad naturam verbi pertinet, oportet enim instrumentum coniunctum alicuius, in aliquo cum ipso vni, nam lingua quæ est instrumentum proprium intellectus, cum ipso in anima vniuntur, in quantum intellectus radicitur in essentia animæ, & anima est forma linguae, non apparet autem in quo vniatur humana natura cum verbo, si prædicti modi vnionis excludantur.

Respondetur & dicitur primò, quod vtiq; oportet in aliquo isto vni, & esse indiuisa, si vnum debet esse instrumentum coniunctum alterius, verum tamen istam vnionem difficilissimum est à nobis explicari, cum nihil simile omnino in creaturis à quibus cognitione accipimus inueniatur. Dicitur secundò iuxta prædicta, quod natura diuina & humana vniuntur & indiuisa sunt in vna persona, in quantum vna persona simplicissima existens, in vtraque natura subsistit: neque necesse est vt eorum quæ in vna persona vniuntur: vnus sit forma alterius, vt patet de musica & logica quæ vniuntur in Sorte: natura autem humana & persona vniuntur & sunt indiuisa in vno esse, in quantum humana natura trahitur ad esse diuinæ personæ, vt sit idem esse & personæ diuinæ & naturæ humanæ: neque etiam necesse est vt quæ indiuisa sunt in vno esse, sic se habeant, quod vnum sit alterius forma: nam manus & pes Sortis in vno esse conueniunt, & tamen neutrum est alterius forma. similiter cum pes prius separatur trahitur ad esse animalis per coniunctionem, animal non informat pedem, sed bene forma dans esse animali informat suppositum pedis.

**SI** AVTEM arguatur, vt arguit Aureolus apud Capreolum, tertio, distinctione sexta, quia esse est actus essentiae, diuinum autem esse non actuat humanam naturam, & sic non videtur quod natura humana & diuina persona vniantur in vno esse diuini suppositi. Dicitur, vt etiam superius dicebatur, quod esse non est actus essentiae sicut eius quod existit formaliter, sed sicut eius in quo aliquid existit. suppositum autem est actus sicut eius quod formaliter existit: vnde non est necesse quod esse diuinum actuet humanam naturam per se & primò ad hoc vt sit in ipso esse indiuisa cum persona verbi, sed sufficit quod suppositum diuinum sit humanæ naturæ suppositum, quia tunc esse diuinum primò & per se actuat suppositum, secundariò autem & per aliud dicitur actuate humanam, in quantum eius suppositum actuat quod in ipsa humana natura subsistit, nec hoc diuino esse aliqua ex parte derogat.



*Quod assumptio humana natura maximè compete-  
bat verbo Dei.* Cap. 42.

*Idem 3. Sent.  
d. 1. q. 2. art. 2.*



**E**X hoc etiam patet, quod humanæ naturæ assumptio potissimè competit personæ verbi. Nam si assumptio naturæ humanæ ad salutem hominum ordinatur, vltima autem salus hominis est, vt secundum intellectuam partem perficiatur contemplatione veritatis primæ: oportuit per verbum quod secundum emanationem intellectualem à patre procedit, humanam naturam assumi.

2 Rursus, affinitas quædam videtur maximè verbi ad humanam naturam. homo enim propriam speciē sortitur secundum quod rationalis est: verbum autem rationi affine est: vnde apud Græcos logos, verbum & ratio dicitur. conuenientissimè igitur verbum rationali naturæ vnitum est: nam & propter affinitatem prædictam diuina scriptura nomē imaginis & verbo attribuit & homini. dicit enim Apostolus ad Colossenses primo, de verbo, quod est imago inuisibilis Dei. & idem de homine dicit 1. Cor. 11. quod vir est imago Dei. Habet etiam verbum non solum ad rationalem naturam, sed etiam vniuersaliter ad omnē creaturam quandam affinitatis rationem: cum verbum contineat rationes omnium creatorum à Deo: sicut artifex homo conceptione sui intellectus rationes artificiatorum comprehendit. Sic igitur omnes creaturæ nihil aliud sunt quàm realis quædam expressio & representatio eorū quæ in conceptione diuini verbi comprehenduntur: propter quod & omnia per verbum facta esse dicuntur. conuenienter igitur verbum creaturæ, scilicet humanæ naturæ vnitum est.

*Super Cap. 42.*



**S**ECUNDUM quod præmittit S. Thom. est quod humanæ naturæ assumptio potissimè competit verbo Dei: addit potissimè: quia non negatur quidem quin & pater & spiritus sanctus possint naturam assumere: sed tamen conuenientius erat vt filius eam assumeret. Probatur autem hoc primò, quia cum assumptio humanæ naturæ ad salutem hominum ordinetur, salus autem ipsius vltima sit, vt secundum intellectuam partem perficiatur contemplatione primæ veritatis, oportuit per verbum quod secundum emanationem intellectualem procedit, naturam humanam assumi.

ADDE quia sic persona assumens proportionatur fini assumptionis. Secundò, quia quædam affinitas videtur maximè verbi ad naturam humanam: quod patet, quia homo propriam speciē sortitur secundum quod est rationalis, verbum autem rationi affine est: cuius duplex est signum, vnum est quod apud Græcos logos, & verbum & ratio dicitur, alterum est, quia sacra scriptura nomē imaginis & verbo attribuit, vt patet Coloss. 1. & homini, vt patet 1. Corinth. 11.

ADVERTENDUM quod idem nomen non videtur plures naturas aut plura distincta secundum essentiam significare, nisi ratione alicuius affinitatis inter illa. Impositor enim nominis imponit nomen ab aliqua rei proprietate: & ideo diuersis rebus idem nomen non imponeret, nisi aliquas proprietates in illis similes & affines inueniret: vt tale nomē non secundum simplicem æquiuocationem accipiat, sed secundum quandam analogiam. Propterea S. Thom. optime à signo arguit, esse quandam affinitatem inter verbum & rationem, ex hoc quod eodem nomine apud Græcos significantur. Tertiò, quia cum verbum non solum ad rationalem creaturam, sed etiam vniuersaliter ad omnem creaturam quandam affinitatis rationem habeat, eò quod contineat rationes omnium creatorum à Deo, conuenienter vnitum est creaturæ, scilicet naturæ humanæ. Hanc questionem pertractat S. Thom. 3. q. 3. art. 8. & 3. Sent. dist. 1. q. 2. art. 2.

*Quod humana natura assumpta à verbo non præexistit  
assumptioni: sed in ipsa conceptione fuit  
assumpta à verbo Dei.*

*Cap. 43.*

*Cap. 41.*



**V**M autem verbum humanam naturam assumpsit in vnitatem personæ, vt ex dictis iam patet: oportuit humanam naturam non præexistere antequam verbo vniretur. Si enim præexistet, cum natura præexistere non possit nisi indiuiduo, oportuisset esse aliquod indiuiduum illius humanæ naturæ præexistentis ante vnionem: indiuiduum autem humanæ naturæ est hypostasis & persona: erit igitur dicere quod humana natura assumenda à verbo, in aliqua hypostasi vel persona præexistisset. si igitur natura il-

la assumpta fuisset manente priori hypostasi vel persona, remansissent tunc post vnionem duæ hypostases vel personæ, vna verbi, & alia hominis: & sic non esset facta vnio in hypostasi vel persona: quod est contra sententiam fidei. si verò hypostasis vel persona illa non remaneret in ea natura in qua assumenda à verbo præexistisset, hoc sine corruptione accidere non potuisset. nullum enim singulare desinit esse hoc quod est, nisi per corruptionem. sic igitur oportuisset illum hominem corrumpi, qui vnioni præexistisset: & per consequens humanam naturam in eo existentem. impossibile igitur fuit quod verbum assumeret in vnitatem personæ aliquem hominem præexistentem. Simul autem & derogaretur perfectioni incarnationis Dei verbi, si aliquid eorum quæ naturalia sunt homini, ei deesset: est autem naturale homini vt nascatur natiuitate humana. hoc autem verbum Dei non haberet, si hominem præexistetem assumpsisset. nam ille homo in sua natiuitate purus homo extitisset: vnde eius natiuitas verbo non posset attribui: nec beata Virgo mater verbi dici posset: fides autem per omnia sine peccato similem eum nobis in naturalibus constitetur, dicens filium Dei, secundum Apostolum, factum ex muliere & natum, & Virginē matrem Dei. non igitur hoc decuit, vt præexistentem hominem assumeret. Hinc etiam apparet quod ab ipso conceptionis principio naturam humanam sibi vnuit: quia sicut humanatio Dei verbi requirit quod verbum Dei sit natum natiuitate humana ad hoc quod sit verus homo & naturalis, per omnia in naturalibus nobis cōformis, ita requirit quod Dei verbum sit conceptum conceptione humana. non enim secundum naturæ ordinem homo nascitur, nisi prius concipiatur. si autem natura humana assumenda prius in qualicumque statu fuisset quàm verbo vniretur: illa conceptio verbo Dei attribui non posset, vt diceretur conceptum cōceptione humana. oportuit igitur quod ab ipso cōceptionis principio verbum Dei humanæ naturæ vniretur. Rursum in generatione humana virtus actiua agit ad completum humanæ naturæ in aliquo determinato indiuiduo. si autem verbum Dei non à principio conceptionis humanam naturam assumpsisset, virtus actiua in generatione ante vnionē suam actionem ordinasset ad aliud indiuiduum humanæ naturæ, quod est hypostasis vel persona humana: post vnionem autem ordinasset totam generationem ad aliam hypostasin vel personam, scilicet Dei verbum quod nascebatur in humana natura. sic igitur non fuisset vna numero generatio, vt pote ad duas personas ordinata: nec fuisset vniformis secundum totū: quod à naturæ ordine videtur alienum. non igitur fuit conueniens, quod verbum Dei post cōceptionē, humanam naturam assumeret, sed simul in ipsa cōceptione.

3 Item, hoc videtur generationis humanæ ordo requirere, vt qui cōcipitur, ipse idem nascatur, & non alius: cum conceptio ad natiuitatem ordinetur: vnde si filius Dei natus est natiuitate humana, oportet etiam quod filius Dei sit conceptione humana conceptus, & non purus homo.

*Super Cap. 43.*



**T**ERTIUM quod præmittit S. Thom. est, quod oportuit naturam humanam non præexistere antequam verbo vniretur. probatur autem hoc primò. Illa natura assumenda, in aliqua hypostasi vel persona præexistisset, ergo oportet dicere quod aut vtrique hypostasis, scilicet verbi & hominis, remansisset, aut hypostasis vel persona illa non remaneret in illa natura, in qua assumenda à verbo præexistisset. si primum, tunc remansissent duæ hypostases vel personæ post vnionem, & sic non esset facta vnio in persona, quod est contra sententiam fidei: si secundum, hoc sine corruptione accidere non potuisset, cum nullū singulare desinat esse hoc quod est, nisi per corruptionem: & sic oportuisset illum hominem corrumpi, & per consequens humanam naturam in eo existentem, & sic homo præexistens non esset assumptus, probatur assumptum, quia oportuisset esse aliquod indiuiduum illius humanæ naturæ præexistentis ante vnionem, cum natura præexistere non possit nisi in indiuiduis: indiuiduum autem humanæ naturæ est hypostasis & persona.

CIRCA hanc propositionem, indiuiduum humanæ naturæ est hypostasis & persona, dubium occurrit: nam humana natura in Christo est indiuidua. Non enim est humanitas vniuersalis, sed singularis & hæc. Si ergo indiuiduum humanæ naturæ est hypostasis & persona, sequitur in Christo duas esse personas: cuius oppositum hic dicitur, & catholica fides tenet.

Contra Gent.

X



Respondetur ex doct. S. Thom. 3. q. 16. art. 12. quod indiuiduum substantia dupliciter accipi potest. Vno modo pro quacunque singulari substantia, quomodo manus hominis potest dici indiuidua substantia. Alio modo pro substantia completa per se subsistente separatim ab aliis, quomodo accipit Boetius cum diffinit personam quod est rationalis naturæ indiuidua substantia. Dicitur ergo quod S. Thom. accipit indiuiduum secundo modo, non autem primo modo. Vnde non sequitur quod in Christo sint duæ personæ, eod quod humanitas in Christo sit singularis & indiuidua primo modo. licet enim non sit humanitas vniuersalis, sed hæc humanitas, non tamen est secundo modo indiuidua, cum in alio, scilicet in diuino supposito, existat, & vltimum complementum non habeat.

¶ B I aduertendum est, prætermisiss multorum opinionibus, & Capreoli positione, quod persona supra hanc humanitatem singularem aliquid positiui addit de genere substantia quod est vltimus terminus, vltimumque complementum naturæ, quod hoc nomine personalitas significatur, & est intrinsecè constitutum formaliter personæ in esse personali. sicut punctus est vltimus terminus vltimumque complementum lineæ finitæ, ideo licet concedatur quod humanitas in Christo sit singularis, non conceditur tamē quod sit persona: quia non habet illum vltimum terminum, eod quod a verbo diuino illam assumente sit impedita. diligenter enim consideranti didici S. Thom. dicere oportet, quod hypostasis & persona aliquid positiuum supra naturam singularem addat, vt egregiè Cardinalis Galetanus ostendit 3. quæst. 4. artic. 2. citans etiam quod hic dicitur: quod scilicet si illa persona præexistens non remaneret, hoc sine corruptione illius hominis & per consequens naturæ in eo existentis accidere potuisset. Constat enim quod substantia non dicitur corrumpi nisi per amissionem alicuius positiui substantialis. idem quoque habetur ex tertia quæst. 4. artic. secundo in corpore, & ad tertium. Item 3. Sententiarum distinctione 3. quæst. 3. articulo tertio. Secundo, derogaretur perfectioni incarnationis verbi Dei, ergo, &c. probatur assumptum: quia naturale est homini vt nascatur natiuitate humana, hoc autem verbum Dei non haberet: quia homo ille in sua natiuitate purus homo extitisset, & sic eius natiuitas verbo non posset attribui, nec beata Virgo mater Dei dici posset, cum tamen fides per omnia sine peccato similem ipsam nobis in naturalibus constiterat, scilicet factum ex muliere, & natum, & beatā virginem matrē Dei.

AD VERTE fundamentū huius rationis in hoc consistere, quod verbum Dei non posset dici natum natiuitate humana: quia natiuitate humana nascitur id quod est homo: quando autem homo præexistens assumptioni natus esset, verbum non fuisset ille homo: sed homo nascens fuisset purus homo, & sic non potuisset dici quod nascente illo homine assumendo, verbum Dei nasceretur: ex hoc autem vltius sequitur, quod virgo mater Dei dici non posset, cum maternitas consequatur humanam natiuitatem. Ex hoc deducit vltius, quod verbum vniuit sibi humanam naturam ab ipso conceptionis exordio. probatur primò, quia si humana natura assumenda prius in qualicumque statu fuisset quam vniretur verbo, non posset verbum dici conceptum conceptione humana, hoc autem derogat humanationi verbi: quia sicut requiritur verbum Dei esse natum natiuitate humana, ad hoc vt sit verus homo & naturalis, ita requiritur vt sit conceptum conceptione humana, cum secundum naturæ ordinem homo non nascatur nisi prius concipiatur.

AD EVIDENTIAM huius rationis considerandum, Primò, quod ad hoc vt aliquid dicatur concipi conceptione humana, requiritur vt sibi attribuat conceptione tota à principio conceptionis vsque ad finem. in qualicumque autem statu fuisset humana natura antequam fuisset assumpta, siue inquam in statu completo, siue in statu incompleto, tota humana conceptio verbo Dei attribui non potuisset: quia conceptio sibi non attribuitur nisi ratione assumptionis: ab ipso autem conceptionis initio non fuisset assumpta humana natura à verbo: ideo non posset de verbo Dei dici quod esset conceptum conceptione humana, & hoc est huius rationis intentum.

CONSIDERANDVM secundò, quod homo potest dici naturalis multis modis, aut scilicet quantum ad principium agens, & principia naturalia intrinseca, & ordinem procedendi, aut quantum ad principia intrinseca naturalia: hoc vltimo modo Adam productus à Deo immediate, poterat dici homo naturalis: quia constabat ex principiis ex quibus natura hominis constituitur, non autem alijs modis: quia nec productus fuit secundum naturæ ordinem, nec ab agente naturali. Secundo modo Christus fuit homo naturalis: quia & veram humanam naturam habuit, & secundum naturæ ordinem ex parte generis fuit generatus: non autem primo modo: quia non fuit à naturali agente productus, sed alij homines primo modo dicuntur naturales, cum ergo hic dicitur requiri ad hoc quod verbum Dei sit homo verus & naturalis, quod sit natum natiuitate humana, & conceptum conceptione humana, accipitur li verus & naturalis homo, secundo modo, non autem primo & tertio. Secundo, quia non fuisset yna numero humana generatio Christi, nec fuisset vniformis secundum totum, quia cum in generatione humana virtus actiua agat ad complementum naturæ in aliquo determinato indiuiduo: si verbum Dei non à principio conceptionis humanam naturam assumpsisset, virtus actiua in eius generatione ante conceptionem ordinasset suam actionem ad aliquam hypostasin humanæ naturæ: post conceptionem verò totam generationem ad aliam hypostasin ordinasset, scilicet ad Dei verbum, & sic generatio ad duas personas ordinata fuisset.

ADVERTENDVM cum dicitur quod generatio non esset vniformis secundum totum, quod hominis puri generatio dicitur vniformis secundum totum: quia à principio vsque ad finem est generatio hominis: generatio autem Christi posito quod humana natura prius fuisset concepta quam assumpta, non fuisset à principio vsque ad finem generatio hominis, sed primò quidem hominis fuisset generatio secundum quod per ipsam purus homo generatus fuisset pro illo priori in quo homo conceptus esset & non assumptus, postmodum verò fuisset generatio verbi Dei pro illa duratione in qua fuisset humana natura assumpta à verbo Dei, & ideo non esset vniformis secundum totum. Si dicatur quod nec eadem ratione generatio hominis puri potest dici vniformis secundum totum, quia prius generatur viuens quam animal, & prius animal quam homo: Respondetur quod non est eadem ratio: quia viuens & animal in generatione hominis non sunt aliquid completum in specie, sed ordinan-

tur ad hominem tanquam ad id quod est completum in specie, & ab hoc habet generatio vniformis dicatur. Vnde cum generatur & viuens & animal, illa generatione dicitur generari homo: in illa autem generatione Christi essent duo completa in natura, scilicet homo purus prius conceptus quam assumptus, & verbum Dei ipsum hominem assumens: ideo non esset vniformis secundum totum. Tertio, quia videtur generationis humanæ ordo requirere vt qui concipitur, ipse idē nascatur, & non alius, cum conceptio ad natiuitatem ordinetur.

*Quod natura humana assumpta à verbo in ipsa conceptione fuit perfecta quantum ad animam & corpus.*

Cap. 44.



LETIVS autem ex hoc manifestum est quod in ipso conceptionis principio anima rationalis corpori fuit vnita. Verbum enim Dei mediante anima rationali corpus assumpsit. corpus enim hominis non magis assumptibile est à Deo quam alia corpora, nisi propter animam rationalem. non igitur verbum Dei assumpsit corpus absque anima rationali. cum igitur verbum Dei assumpserit corpus ab ipso conceptionis principio, oportuit quod in ipso conceptionis principio anima rationalis corpori vniretur.

2 Item, posito eo quod est posterius in generatione, necesse est & id quod prius est secundum generationis ordinem poni: posterius autem in generatione est id quod est perfectissimum: perfectissimum autem est ipsum indiuiduum generatum: quod in generatione humana est hypostasis vel persona, ad cuius constitutionem ordinantur & anima & corpus. posita igitur personalitate hominis generati, necesse est quidem existere & corpus & animam rationalem: personalitas autem hominis Christi non est alia quam personalitas verbi Dei: verbum autem Dei in ipsa conceptione vniuit sibi corpus humanum: fuit igitur ibi personalitas illius hominis: ergo oportuit quod & anima rationalis adesset.

3 Inconueniens etiam fuisset vt verbum quod est fons & origo omnium perfectionum & formarum, alicui rei informi & nondum perfectionem naturæ habenti vniretur. quicquid autem sit corporeum, ante animationem est informe, & nondum perfectionem naturæ habens. non igitur fuit conueniens vt verbum Dei vniretur corpori nondum animato: & sic à principio conceptionis oportuit animam illam corpori vniri. Ex hoc etiam apparet, quod corpus illud assumptum à principio conceptionis fuit formatum: quia nihil informe Dei verbū assumere debuit. Simul autem anima requirit propriam materiam, sicut & quælibet alia forma naturalis: est autem propria materia animæ, corpus organizatum. Est enim anima endelechia corporis organici physici potentia vitam habentis. Si igitur anima à principio conceptionis corpori sit vnita (vt ostensum \* est) necessarium fuit vt corpus à principio conceptionis organizatum & formatum esset. Et etiam organizationis corporis ordine generationis præcedit animæ rationalis introductionem. Vnde posito posteriori, necesse fuit ponere & prius: crementum autem quantitatis vsque ad debitam mensuram nihil prohibet sequi corporis animationem. sic igitur circa conceptionem hominis assumpti sentiendum est, quod in ipso conceptionis principio fuit corpus organizatum & formatum, sed nondum habens debitam quantitatem.

Super Cap. 44.



VARTVM quod præmittit S. Thom. est quod in ipso conceptionis principio anima rationalis fuit corpori vnita. probatur primò. Verbum Dei assumpsit corpus ab ipso conceptionis principio, ergo tunc fuit anima rationalis corpori vnita. probatur consequentia: quia verbum Dei mediante anima corpus assumpsit, cum non sit magis assumptibile quam alia corpora, nisi per animam rationalem.

ADVERTENDVM ex doctrina sancti Thom. 3. q. 6. art. 1. & 3. Sent. dist. 2. q. 2. artic. 3. quod non dicitur verbum Dei mediante anima rationali corpus assumpsisse quasi prius duratione animam assumpserit quam corpus, sed quia ipsam prius assumpsit ordine naturæ, & secundum dignitatis gradum, in quantum anima dignior est corpore: ex quo potest dici media inter corpus & verbum, & secundum ordinem causalitatis inquam

\* paulo ante.



inquantum corpus humanum non esset magis assumptibile, ut hinc etiam dicitur, quam alia corpora, nisi per ordinem ad animam rationalem secundum quam habet ut sit corpus humanum. Secundò, posita personalitate hominis generati, necesse est ponere corpus & animam rationalem: sed in ipsa conceptione fuit personalitas Christi hominis, ergo oportuit quòd corpus & anima ibi adessent, probatur maior: quia in generatione humana hypostasis vel persona ad cuius constitutionem ordinatur corpus & anima est posterius, utpote existens id quod est perfectissimum in capposito autem eo quod posterius est, necesse est & id quod est prius secundum generationem poni. minor verò probatur: quia personalitas hominis Christi non est alia quam personalitas verbi Dei, fuit autem in conceptione personalitas verbi Dei, scilicet in humana natura, cum verbum in ipsa conceptione sibi corpus humanum vnuerit.

AD VERTE quòd in hac ratione posita sunt aliquæ propositiones explicite quas non ponit S. Thom. formaliter, sed implicite tantum, quod ideo factum est, ut ratio clarius redderetur. Tertiò: non fuit conueniens ut verbum Dei vniretur corpori nondum animato, scilicet animæ rationali, ergo, &c. probatur assumptum: quia quicquid sit corporeū ante animationem, est informe, & nondum perfectionem naturæ habens. inconueniens autem fuit ut verbum Dei quod est fons & origo omnium perfectionum & formarum, alicui rei informi & nondum perfectionem naturæ habenti vniretur.

ADVERTENDVM cum dicitur, omne corporeum ante animationem esse informe, quòd li informe, nō accipitur pro eo quod caret omni forma, sed pro eo quod caret complemento speciei & naturæ. corporeum enim quodcumque in generatione humana præcedens introductionem animæ intellectiue, est incompletum & imperfectum, & in nulla specie collocatur per se, sed reducitur ad hominis speciem, sicut imperfectum ad genus sui perfecti.

Ex præmissis inferit S. Thom. quòd corpus illud assumptum à principio conceptionis fuit formatum, intellige de formatione accidentali, quæ est debita membrorum dispositio siue organizatio. probatur, tum quia nisi informe Dei verbum assumere debuit: tum quia à principio conceptionis anima corpori fuit vnita: similiter autem anima sicut & quælibet alia forma naturalis requirit propriam materiam, quæ est corpus organizatum, cum sit endelechia corporis organici, &c. tum quia organizatio corporis ordine generationis præcedit animæ rationalis introductionem: posito autem posteriori, necesse fuit & prius poni. Si quis autem diceret quòd eadem ratione debuit corpus illud habere complementum quantitatis debita: Respondet S. Thom. inquit, hoc non oportere esse: quia in instanti à virtute infinita, quæ potest in instanti materiā disponere ad debitam formam. In aliorum itaque hominum conceptione à principio quo res incipit concipi, corpus non est organizatum & formatum, neque est in vltimo complemento ad susceptionem animæ rationalis, sed successiue & paulatim disponitur, & ad complementum tendit & animationem: quia facta, dicitur res esse concepta: & ideo etiam ipsa conceptio successione habet. vnde non dicitur purus homo simul concipi & conceptus esse, sed prius concipitur, postea est conceptus. In conceptione autem Christi ab ipso initio quo Christus dicebatur concipi, corpus fuit organizatum & formatum, atque animatum anima rationali: nec fuit ibi aliqua successio in corporis formatione & dispositione ad animam rationalem, sed omnia prædicta simul fuerunt: quia ut dictum est superius, verbum diuinum nihil assumpsit informe: conceptio autem sibi non attribuitur, nisi ratione assumptionis. & ideo ipsa conceptio Christi fuit in instanti, & simul Christus concipiebatur & conceptus erat, licet augmentum corporis eius ad debitam quantitatem non fuerit in instanti. Bene ergo hic dicitur, à principio conceptionis corpus Christi fuisse & formatum & animatum.

Quòd Christum deuit nasci ex virgine.

Cap. 45.



PER hoc autem patet, quòd necesse fuit hominem illum ex Virgine matre nasci absque naturali semine. Semen enim viri requiritur in generatione humana tanquam principium actiuum, propter virtutē actiuam quæ in ipso est, sed virtus actiua in generatione corporis Christi non potuit esse naturalis secundum prædicta: quia virtus naturalis non subito perficit totam corporis formationem: sed ad hoc indiget tempore: corpus autem Christi in ipso principio suæ conceptionis fuit formatum & organizatum, ut ostensum est. relinquitur igitur quòd generatio Christi humana fuit absque naturali semine.

Item, semen maris in generatione animalis cuiuscunque trahit ad se materiam quam mater ministrat: quasi virtus quæ est in semine maris, intendat sui ipsius complementum, ut finem totius generationis. vnde & completa gene-

ratione ipsum semen immutatum & completum est proles quæ nascitur: sed in generatione humana Christi fuit vltimus generationis terminus vnio ad personam diuinā: non autem aliqua persona seu hypostasis humana constitueda: ut ex dictis \* patet. non igitur in hac generatione potuit esse actiuum principium semen viri, sed sola virtus diuina: ut sicut semen viri in generatione communi hominum in suam substantiam trahit materiam à matre ministratam, ita eandem materiam in generatione Christi verbum Dei ad suam vnionem assumpsit. Similiter autem manifestum est, quod conueniens erat ut in ipsa generatione humana verbi Dei aliqua proprietates spiritualis generationis verbi reluceret: verbum autem secundum quod à dicente progreditur, siue interius cōceptum siue exterius prolatum, corruptionem dicenti non affert: sed magis perfectionis plenitudo per verbum attenditur in dicente. conueniens igitur fuit ut sic verbum Dei secundum humanam generationē conciperetur & nasceretur, ut matris integritas non corrumpereetur. Cum hoc etiam manifestum est, quòd verbum Dei, quo omnia constituta sunt, & quo omnia in sua integritate conseruantur, si nō nasci decuit, ut per omnia matris integritatem seruaret. conueniens igitur fuit hanc generationem fuisse ex virgine. Neque tamen hic generationis modus veræ & naturali humanitati Christi derogaret: licet aliter quàm alij homines generatus sit. manifestum est enim, cum virtus diuina infinita sit, ut supra probatum est, & per eam omnes causæ virtutem producendi effectum fortiantur: quicunque effectus per quamcunque causam producit, potest per Deum absque illius causæ adminiculo produci eiusdem speciei & naturæ. Sicut igitur virtus naturalis quæ est in humano semine, producit hominem verum, speciem & humanam naturam habentem: ita virtus diuina quæ talem virtutem semini dedit, absque huiusmodi virtute potest effectus illius virtutis producere, constituendo verum hominem, speciem & naturam humanam habentem. Si verò aliquis dicat, quòd cum homo naturaliter generatus habeat corpus naturaliter constitutum ex semine maris, & eo quod foemina subministrat, quicquid sit illud, corpus Christi non fuit eiusdem naturæ cum nostro, si non est ex maris semine generatum. Ad hoc manifesta responsio est secundum Aristotelis positionem, dicentis quòd semen maris non intrat materialiter in constitutionem concepti, sed est solum actiuum principium: materia verò corporis tota ministratur à matre: & sic quātum ad materiam corpus Christi nō differt à corpore nostro. nam etiam corpora nostra materialiter constituta sunt, ex eo quod est sumptum ex matre. Si verò aliquis prædictæ positioni Aristotelis repugnet, adhuc prædicta obiectione efficaciam non habet. Similitudo enim aliquorum aut dissimilitudo in materia non attenditur secundum statum materiæ in principio generationis, sed secundum conditionem materiæ iam preparatæ prout est in termino generationis. Non enim differt secundum materiam aer ex terra vel ex aqua generatus: quia licet aqua & terra in principio generationis differentia sint tamen per actionem generantis ad vnā dispositionem reducuntur. sic igitur diuina virtute materia, quæ solum ex muliere sumitur, potest reduci in fine generationis ad eandem dispositionem quam habet materia, si sumatur simul ex mare & foemina. vnde non erit aliqua dissimilitudo propter diuersitatem materiæ inter corpus Christi quod diuina virtute formatum est ex materia à sola matre assumpta, & corpora nostra quæ virtute naturæ formantur ex materia, etiam si ab utroque parente assumantur. manifestum est enim quòd plus differt à materia quæ ex viro & muliere simul assumitur, li-mus terræ de quo Deus primum humanum hominem formauit, quem utique constat fuisse verum hominem, & nobis per omnia simile: quàm materia sumpta solū ex foemina, ex qua corpus Christi formatū est: vnde natiuitas Christi ex virgine nihil derogat veritati humanitatis ipsius, nec similitudini eius ad nos. licet enim virtus naturalis requirat determinatā materiam ad determinatum effectum

Cap. 41.

Lib. 1. c. 43.

Resp. Arist.  
lib. 2. de Ge-  
ner. animal.  
cap. 4.

Idem 3. p. 9.  
28. art. 1. c.  
2.

\* Cap. præc.



ex ea producendum: virtus tamē diuina quæ potest ex nihilo cuncta producere, in agendo ad materiam determinatam non coartatur. Similiter etiam nec per hoc aliquid deperit dignitati matris Christi, quod Virgo concepit & peperit, quin vera & naturalis mater d filij Dei dicatur. D. 84.4. virtute enim diuina faciente materiam naturalem ad generationem corporis Christi ministravit: quod solum ex parte matris requiritur: ea verò quæ in aliis matribus ad corruptionem virginitatis faciunt, non ordinantur ad id quod matris est, sed solum ad id quod patris est: vt semen maris ad locum generationis perueniat.

Super Cap. 45.



**V**INTVM quod præmittit S. Thom. est quod necesse fuit hominem Christum ex Virgine matre absque naturali semine nasci. Circa hoc autem tria facit. Primum probat, quod absque semine naturali fuit Christi generatio: scilicet, quod mater Christi fuit Virgo: tertio remouet quædam dubia. Quantum ad primum arguitur primum sic. Semen viri requiritur in generatione humana tanquam principium actuum propter virtutem actuum quæ in ipso est: sed virtus actiua in generatione corporis Christi non potuit esse naturalis: quia virtus naturalis non perficit subito totam corporis formationem, sicut fuit in conceptione huiusmodi, ergo, &c. Secundum, in generatione humana Christi, vltimus terminus generationis fuit vnio ad personam diuinam, non autem aliqua hypostasis humana aut persona constitutenda, ergo, &c. probatur consequentia: quia semen maris in generatione animalis trahit ad se & ad suam substantiam materiam quam mater ministrat, tanquam eius virtus intendat suppletur completum vt finem generationis: vnde & completa generatione ipsum semen immutatum & completum, est proles quæ nascitur.

Ad euidentiā huius rationis considerandum est, quod licet opinio Aristotelis de Gener. animal. lib. 1. cap. 26. & anteced. fuerit semen maris non intrare materialiter ad constitutionem concepti, sed esse tantum principium actuum: fuerit tamen alij, vt recitat S. Thom. 3. d. 3. q. 5. art. 1. dicentes, quod corpus humanum formatur ex commixtione seminum, scilicet matris & patris cum sanguine menstruo, & quod semen maris est materia corporis humani, saltem quantum ad aliquam sui partem, vt in secundo libro est ostensum, quia verò difficilius est in generatione Christi saluare matris virginitatem, si ponatur semen maris materialiter concurrere ad constitutionem concepti, quam si ponatur semen concurrere tantum actiue, ideo hic quod ostendat etiam secundum eam opinionem quæ maiorem difficultatem facit, saluari posse matris Dei virginitatem, eam ipsam opinionem sequitur, licet in aliis locis sequatur opinionem Arist. tanquam fidei conformiorem. Propterea hic dicit, quod semen viri in sui substantiam trahit materiam à matre ministratam, & quod completa generatione ipsum semen immutatum & completum est proles quæ nascitur. Secundo loco probat, quod conueniens fuit hanc generationem fuisse ex virgine. Vbi aduertendum quod rationes præcedentes probant necesse esse vt Christi generatio esset absque humano semine, & fuerint rationes nonnullis suppositis necessariis concludentes, sequentes vero rationes ostendunt huius conuenientiam, & sunt probabiles. Arguit primum sic: Verbum secundum quod à dicente progreditur, siue interior conceptum, siue exterior prolatus corruptionem dicenti non affert, sed magis perfectionis plenitudo per verbum attenditur in dicente, ergo, &c. probatur consequentia: quia conueniens erat vt in ipsa generatione humana verbi Dei aliqua proprietatis spiritualis verbi reluceret. Secundo, verbo Dei omnia constituta sunt, & in sua integritate conferuntur, ergo, &c. Quantum ad tertium remouentur tres obiectiones. Posset enim quis primo instare sic: Christus aliter generatus est quam alij homines, ergo in Christo non fuit vera & naturalis humanitas. Respondet S. Thom. quod sicut virtus quæ est in femine, producit hominem verum, speciem & naturam humanam habentem: ita & virtus diuina quæ talem virtutem semini dedit, absque huiusmodi virtute potest effectum illius virtutis producere: quia cum sit infinita, & per eam omnes causæ virtutem producendi suum effectum sortiantur, quicunque effectus per quancunque causam producit, potest per Deum absque adminiculo illius causæ produci eiusdem speciei & naturæ. Posset secundum aliquis arguere, Homo naturaliter generatus habet corpus naturaliter constitutum ex semine maris, & eo quod femina subministrat: hoc autem non conuenit corpori Christi, si non est ex femine maris generatum, ergo, &c. Respondet S. Thom. & dicit primum, quod secundum Aristotelis positionem assumptum est falsum. Semen enim maris non intrat materialiter in constitutionem concepti, sed est solum actuum principium. Dicit secundum, quod etiam si positioni Arist. repugnetur, consequentia nulla est: quia similitudo aut dissimilitudo aliquorum in materia non attenditur secundum statum materię in principio generationis, sed secundum conditionem ipsius iam in termino generationis præparatæ, vt patet in igne generato ex terra, & ex aqua. vnde quia materia quæ est sola muliere sumitur, diuina virtute potest reduci in fine generationis ad eandem dispositionem quam habet materia si sumatur simul ex mare & femina, ideo non erit aliqua dissimilitudo propter diuersitatem materię inter corpus Christi & corpora nostra: quod etiam ostenditur in primo homine, qui fuit verus homo, & per omnia nobis similis: & tamen limus terræ de quo fuit à Deo formatus, plus distat à materia quæ ex viro & muliere simul assumitur, quam materia sumpta solum ex femina ex qua corpus Christi formatum est. Dicit tertio, quod licet virtus naturalis requiratur determinatam materiam ad determinatū effectum ex ea producendum, virtus tamen diuina ad determinatam materiam non coartatur.

ADVERTE, quod hoc vltimum dictum addidit sanctus Thomas, quia posset aliquis dicere, quod licet dissimilitudo aut similitudo aliquorum in materia attendatur secundum conditionem materię præparatæ

in fine generationis, diuersæ tamen res diuersas materias præparandas requirunt in principio generationis, & res eiusdem speciei eandem materiam requirunt ex qua generentur. Non enim ex sanguine mulieris generatur equus, sed tantum ex sanguine equæ: & ita si materia corporis Christi in principio generationis fuit sanguis tantum beatæ Virginis, aliorum autem hominum est sanguis mulieris simul cum semine viri, videtur quod Christus non sit cum aliis hominibus eiusdem naturæ: sed hoc ex eo quod dicit sanctus Thomas excluditur. Illa enim propositio, res eiusdem naturæ requirunt eandem materiam ex qua generentur, & diuersæ res diuersas materias requirunt, habet veritatem tantum quando ab agente naturali & præsertim vnioco producuntur, non autem quando vnum producit ab agente naturali, alterum verò ab agente supernaturali, vt est in proposito. Tertio posset aliquis obicere, quod saltem videatur derogare dignitati matris Christi, si Virgo concepit & peperit: quia non diceretur vera & naturalis mater filij Dei. Respondet sanctus Thomas, quod hoc nihil obstat quin dicatur vera & naturalis mater filij Dei: quia virtute diuina faciente, id est, habente loco agentis, materiam naturalem ad generationem corporis Christi ministravit, quod solum ex parte matris requiritur: ea verò quæ in aliis matribus ad corruptionem virginitatis faciunt, ordinantur solum ad id quod patris est, vt scilicet semen maris ad locum generationis perueniat.

Ad euidentiā huius vltimi dicti considerandum est, quod ex alio fundamento verificatur beatam virginem esse matrem Christi hominis, ex alio ipsam esse matrem filij Dei, & ex alio ipsam esse matrem Dei, licet quandam inter se hæc ipsæ propositiones habeant connexionem. Fundamentum enim proximum primæ est, quia beata Virgo egit in conceptione corporis Christi quicquid aliarum matres in conceptione aliorum hominum agunt. fundamentum verò secundæ est: quia filius Dei vniuit sibi in vnitatem personæ humanam naturam, propter quod ista est vera, filius Dei est homo. ex hoc enim sequitur cum homo sit conceptus & natus temporaliter ex beata Virgine, quod & filius Dei est temporaliter ex beata virgine conceptus & natus, ex quo sequitur beatam virginem esse matrem filij Dei. fundamentum autem tertie est, quia idem suppositum subsistit in humana natura & diuina, propter quod est verum dicere, quod est homo & Deus. ex quo sequitur istam esse veram, Deus est homo: & vltimius sequitur, quod sicut verum est dicere beatam virginem esse matrem hominis, ita verum est dicere ipsam esse matrem Dei.

CONSIDERANDVM secundum ex doctrina S. Thom. 3. Sent. dist. 3. quæstione secunda, articulo primo, vt etiam superius adduximus, quod cum in conceptione triplex actio concurrat, scilicet præparatio & dispositio sanguinis mulieris ad hoc vt sit aptus generationi, formatio & organizatio corporis, & confortatio quædam prolis conceptæ: ad primam & tertiam mater se habet actiue, ad secundam autem se habet merè passiuè, in quantum videlicet ex sanguine ab ipso præparato formatur & organizatur corpus virtute seminis paterni. Quod ergo inquit S. Thom. ex parte matris solum requiritur vt materiam naturalem ad generationem corporis ministraret, intelligitur quantum ad ipsam formationem & organizationem corporis in qua ratio conceptionis consistit, vt superius de mente S. Thom. dicebatur. nam prima dictarum actionum conceptionem antecedit, tertia verò ipsam sequitur.

SED contra prædicta arguitur, quod inquam ista non sit propria, Beata virgo est mater Dei. ista enim, Deus est homo, non est omnino propria, ne in primo modo dicendi per se, ergo nec ista, Beata virgo est mater Dei. patet consequentia: quia non est verum beatam virginem esse matrem Dei, nisi quia verum est Deum esse hominem, & e converso hominem esse Deum: assumptum verò 3. distinct. 4. quæst. 2. probatur quantum quidem ad primam partem à Durando. Primum, quia ista, Petrus est homo, est magis propria: nam est maior identitas subiecti & prædicati, eo quod sit identitas per se. Item, Petrus manens Petrus non potest non esse homo: quod prædictæ propositioni non conuenit. Item suppositum Petri constituitur per illā naturam, quæ importatur nomine hominis: suppositum autem Dei non constituitur formaliter per naturam nomine hominis importatum. Secundum, quia de quocunque homo prædicatur, omnino proprie prædicatur in quid, de Deo autem in quid non prædicatur, cum non proprie respondeatur ad interrogationem factam per quid, de Deo. Quantum verò ad secundam partem arguit Scotus in tertia distinct. non quarta, tum quia prædicatum est extra rationem subiecti: quia ista non est proprie per se, Christus est homo, cum subiectum non sit per se vnum.

PRO horum solutione considerandum primum, quod proprietates & perfectæ propositionis considerata sunt ab Arist. & aliis logicis secundum exigentiam eorum quæ in creaturis inveniuntur, in quibus non inuenitur vnum suppositum in duabus naturis subsistere, sed diuersæ naturæ in diuersis suppositis inveniuntur, & ideo de ipsis locuti sunt vt conuenienter creaturis. Per incarnationem autem factum est, vt vnum suppositum in duabus naturis subsistat, ideo particulari quodam modo loquendum est de proprietate & perfectione illarum propositionum in quibus nomen importans suppositum vt subsistit in vna natura, prædicatur de seipso vt subsistit in alia natura: vt sicut particulare est in Christo, & supra id quod philosophi cognouerunt, quod vnum suppositum in duabus naturis subsistit, ita particularis quidam modus proprietatis & perfectionis propositionum attendatur supra modos à Philosophis & logicis traditos.

CONSIDERANDVM secundum, quod propositio aliqua dicitur propria quando prædicatum verificatur de subiecto acceptis terminis secundum proprium eorum significatum, per quod nati sunt supponere, & secundum proprium significandi modum: dicitur autem per se in primo modo perfectionis, quando prædicatum dicit naturam & essentiam subiecti: diuersimodè autem hoc inuenitur vbi secundum naturarum diuersitatem est etiam suppositorum diuersitas, vniūque suppositi vnum duntaxat est natura: & vbi vnum suppositum in duabus naturis subsistit, hoc quidem est vniuersaliter verum, quod nomen significans naturam communem in concreto potest supponere pro quolibet coactentorum sub natura communi, & quod de quolibet supposito alicuius naturæ potest verè & proprie prædicari nomen illam naturam in concreto significans: sed vbi vnum suppositum in vna tantum natura subsistit, proprietates propositionis in qua nomen naturæ de nomine importatè suppositū prædicatur, exigit



exigit ut prædicatum de subiecto verificetur, & ratione suppositi pro quo supponit, & ratione naturæ quam formaliter significat: quia non est alia natura significata per subiectum, quam natura significata per prædicatum: licet in rebus materialibus natura in diuidua aliquo modo à natura speciei distinguatur, unde ista, Petrus est homo, est propria: ista verò, album est homo, non est omnino propria, licet homo verificetur de eo quod substat albedini, quod est suppositum hominis: quia non verificatur de ipso ratione formalis significati huius termini album, ubi verò vnum suppositum in duabus naturis subsistit, proprietas locutionis non exigit ut prædicatum verificetur de subiecto ratione formæ significatæ per subiectum, sed sufficit quod ratione suppositi per nomen importati verificetur, cum non oporteat naturam importatam per nomen subiecti esse eandem cum natura importatæ per nomen prædicati, & tamen verè & propriè nomen significans naturam alicuius suppositi verificetur de nomine illud suppositum importante. Similiter est vniuersaliter verum quod in propositione primi modi perfectiatur, prædicatum significat naturam & essentiam subiecti: sed ubi vnius suppositi est vna tantum natura, necesse est ut prædicatum ita significet essentiam subiecti, quod sit de ratione naturæ importatæ per ipsum, cum vna & eadem natura in concreto significetur per subiectum & prædicatum: sicut in ista, Petrus est homo, ubi autem est vnum suppositum duarum naturarum, hoc non exigitur: quia non est necesse eandem naturam significari per subiectum & prædicatum ad hoc quod propositio sit vera, sed sufficit ut suppositum importatum per nomen subiecti subsistat in natura importatæ per prædicatum, & vnum atque idem esse cum ipsa habeat.

Si ergo de proprietate & perfectitate propositionis loquamur secundum exigentiam suppositi creati in vna tantum natura subsistentis, conceditur vtiq; quod ista propositio, Deus est homo, non est omnino propria, nec per se in primo modo perfectiatur, nec est ita propria & per se, sicut ista, Petrus est homo, ut videtur esse de mente S. Thom. 3. q. 16. art. 1. & 3. Sent. dist. 7. quæst. 1. art. 1. Sed si loquamur de proprietate & perfectitate propositionis secundum exigentiam suppositi in duabus naturis subsistentis, sic est omnino propria, & per se in primo modo: unde ignorantia huius distinctionis errare fecit arguentes contra S. Thom. arguunt enim ac si diceremus prædicatam propositionem esse propriam & per se, prout proprietas & perfectitas propositionis accipitur secundum exigentiam suppositi in vna tantum natura subsistentis: à quo sensu longè distamus, cum secundum catholicam fidem ponatur per incarnationem filij Dei vnam personam in duabus naturis subsistere, scilicet in diuina & in humana. Si autem adducatur dictum S. Thom. 3. dist. 11. art. 4. ad 6. dicentis, quod hæc propositio non dicitur per se, Deus est passus: quia ad hoc quod propositio sit per se, requiritur, quod prædicatum conueniat subiecto ratione formæ per subiectum importatæ. Respondetur, ut constare potest ex determinatione in illo articulo facta: quod loquitur sanctus Thomas de propositionibus in quibus prædicatur ea quæ naturam secundum rem consequuntur, de nomine importante suppositum naturæ. In talibus enim oportet ut prædicatum conueniat subiecto ratione formæ importatæ per subiectum, si debeat esse propositio per se: quia cum prædicatum non sit essentia & natura suppositi importati per nomen subiecti, non apparet unde possit dici propositio per se, nisi quia prædicatum conuenit subiecto ratione suæ formæ: nos autem loquuti sumus de propositione in qua ipsa natura in qua subsistit suppositum, per nomen subiecti importatum prædicatur. Ad dubium ergo negatur assumptum: ad primam verò probationem primæ partis. Circa primam, quod ista, Deus est homo, ita est propria secundum exigentiam vnius suppositi in duabus naturis, sicut ista, Petrus est homo, est propria secundum exigentiam vnius suppositi in vna duntaxat natura. Dicitur secundum, quod tanta est identitas subiecti & prædicati in vna, quanta est in alia, in sensu in quo vnaquæque est vera, & secundum materiam exigentiam. Cum enim dicitur, Deus est homo, prædicatum verificatur de subiecto ratione suppositi tantum pro quo supponit, non autem ratione naturæ importatæ per subiectum: ideo prædicatum & subiectum sunt idem ratione suppositi tantum, in quantum pro eodem supposito supponit tam subiectum quam prædicatum. Cum autem dicitur, Petrus est homo, prædicatum verificatur de subiecto, & ratione suppositi & ratione naturæ significatæ: ideo est etiam identitas inter subiectum & prædicatum rationis: ideo est etiam identitas inter subiectum & prædicatum naturæ: utriusque. Dicitur tertio, quod Petrum non posse esse Petrum nisi sit homo, Deum autem posse esse Deum etiam si non sit homo: item suppositum Petri constitui per naturam nomine hominis importatam, non autem suppositum Dei, non arguit maiorem perfectitatem aut proprietatem propositionis, sed arguit alium esse modum proprietatis & perfectitatis in vna, & alium in alia, propter aliam & aliam conditionem materiam propositionis. Quia enim Petrus non potest esse Petrus nisi sit homo, & per humanam naturam constituitur: ideo propositio ipsa est vera & propria, ac etiam per se, non tantum ratione suppositi, sed etiam ratione formæ importatæ per subiectum, quia autem absolute loquendo Deus potest esse Deus, dato quod non sit homo, & suppositum diuinum non constituitur per humanam naturam, sed magis ipsam trahit ad participationem sui esse, ideo propositio dicta est vera & propria, ac per se, ratione eius pro quo supponit subiectum, non autem ratione formæ per subiectum importatæ. Si autem queratur utrum ista propositio, Deus est homo, sit necessaria, an contingens: Dicitur quod absolute loquendo est contingens: quia Deus non vniuit sibi necessariò absolute humanam naturam, sed contingenter: siue ut rectius loquamur, liberè. Stante autem incarnatione est necessaria, nec potest esse falsa, non enim Deus manens Deus potest non esse homo, stante incarnatione, unde S. Thom. in locis præallegatis dicit hanc propositionem esse in materia naturali, non autem in materia remota aut contingenti: quia nec humana natura nec diuina vniuntur supposito in utraque natura subsistenti per accidens, sed per se. non enim humana natura est vnita verbo accidentaliter, sed essentialiter, ut superius est ostensum, in quantum sic eam sibi vniuit, ut in ipsa subsisteret, & ipsa haberet esse diuinæ personæ, licet aliquem modum accidentalitatis habeat. Ad secundam probationem dicitur, quod prædicatum dictæ propositionis prædicatur in quid de Deo, eo modo quo propositio est vera, ratione scilicet suppositi importati per nomen subiecti: nec oportet ut eadem essentia importetur per subiectum & prædicatum, ut superius est ostensum, sed sufficit ut idem importetur suppositum, sicut enim ista est vera, Deus est

homo, in quantum hoc nomen Deus, supponit pro persona filij ita de hoc subiecto prædicatur in quid, hoc nomen homo: quia sicut verè & per se dicitur quod filius Dei est homo, ita si queratur quid est filius Dei, conuenienter respondetur, est homo, & etiam conuenienter est Deus, eo quod in utraque natura subsistat, stante inquam incarnatione. Ad primam probationem secundæ partis quæ est Scoti, patet ex dictis quod ad propositionem per se primo modo in hac materia non requiritur, ut prædicatum sit de ratione subiecti absolute, sed sufficit ut dicat essentiam & naturam suppositi importati per subiectum tanquam habentis esse subsistens in ipsa, & sit de ratione ipsius in quantum est eius suppositum. Ad secundam probationem dicitur primò, quod dato etiam quod subiectum non esset per se vnum, adhuc propositio posset esse per se, sicut & ista, homo albus est animal, ut dicitur tertio distinctione decima, quæstione prima, articulo secundo. Dicitur secundò, quod Christus dicit quid per se vnum, in quantum plures naturæ importatæ hoc nomine Christus, non sunt vnitæ per accidens in vno supposito, sed per se, utpote habentes vnum esse, quod est esse diuinum.

Quod Christus natus est de spiritu sancto.

Cap. 46.



VANVIS autè omnis diuina operatio qua aliquid in creaturis agitur, sit toti trinitati communis, ut ex supra habitis ostensum est: formatio tamen corporis Christi, quæ diuina virtute perfectæ est, conuenienter spiritui sancto attribuitur: licet sit toti trinitati communis. Hoc enim congruere videtur incarnationi verbi. nam sicut verbum nostrum in mente conceptum inuisibile est, exterius autem voce prolatum sensibile fit: ita verbum Dei secundum generationem æternam in corde patris inuisibiliter existit, per incarnationem autem nobis sensibile factum est. unde verbi Dei incarnatio est sicut vocalis verbi nostri expressio: expressio autem vocalis verbi nostri fit per spiritum nostrum per quæ vox verbi nostri formatur: conuenienter igitur & per spiritum filij Dei eius carnis formatio dicitur facta.

2. Conuenit etiam hoc & generationi humanæ. Virtus enim actiua, quæ est in semine humano, ad se trahens materiam quæ fuerit à matre, per spiritum operatur. fundatur enim huiusmodi virtus in spiritu: propter cuius continentiam semè spumofum oportet esse & album. verbum igitur Dei sibi carnem assumens ex virgine conuenienter hoc per spiritum sanctum debet carnem assumendo formare. conuenit etiam hoc ad insinuandam causam ad incarnationem verbi mouentem: quæ quidem nulla alia esse potuit, nisi amor Dei ad hominem: cuius naturam sibi voluit in vnitate personæ copulare: in diuinis autem spiritus sanctus est, qui procedit ut amor, ut supra dictum est: conueniens igitur fuit ut incarnationis opus spiritui sancto attribueretur.

3. Solet etiã in sacra scriptura omnis gratia spiritui sancto attribui: quia quod gratis datur ex amore donantis videtur esse collatum: nulla autem maior est gratia homini collata, quam quod Deo in persona vniretur. conuenienter igitur hoc opus spiritui sancto appropriatur.

Super Cap. 46.



EXTVM quod præmittit S. Thom. est quod formatio corporis Christi licet toti trinitati sit communis, conuenienter tamen spiritui sancto attribuitur. Probat, primò, ex congruentia ad verbi incarnationem. Verbi Dei incarnatio est sicut vocalis verbi nostri expressio: sed hæc fit per spiritum nostrum per quem vox verbi nostri formatur: ergo & per spiritum filij Dei conuenienter eius carnis formatio dicitur facta. probatur maior: quia sicut verbum nostrum in mente conceptum inuisibile est, exterius autem voce prolatum sensibile fit: ita verbum Dei secundum generationem æternam in corde patris inuisibiliter existit, per incarnationem autem nobis sensibile factum est. Secundò probatur ex conuenientia ad generationem humanam: Virtus actiua quæ est in semine humano ad se trahens materiam quæ fuerit à matre, per spiritum operatur, quia in spiritu fundatur, propter cuius continentiam semen spumofum oportet esse & album, ergo, &c. De materia huius rationis satis in præcedentibus est dictum, scilicet in hoc libro capitulo quadagesimo quinto, & libro secundo, capitulo quinquagesimo septimo, & octuagesimo nono. Tertio probatur, ex conuenientia ad causam mouentem ex parte Dei. Causa mouens ad incarnationem verbi nulla alia esse potuit, nisi amor Dei ad hominem, cuius naturam sibi voluit in vnitate personæ copulare, sed in diuinis spiritus sanctus est qui procedit ut amor, ergo, &c. Quarto, probatur ex causa tenente ex parte humanæ naturæ. Solet in sacra scriptura omnis gratia spiritui sancto attribui: quod enim gratis datur, ex amore donantis videtur esse collatum. nulla autem maior est gratia homini collata, quam quod Deo in persona vniretur, ergo, &c.

Contra Gent.



Ad euidenciam huius conclusionis considerandum est ex doctrina S. Thom. 3. d. 4. q. 1. artic. 1. & est de mente Dion. 2. cap. de diu. no. quod omnis operatio Dei in creaturam, cōuenit quidem toti trinitati, sed tamen vnaqueque magis huic personæ quàm illi est appropriabilis secundum quod in ea magis manifestatur attributum quod illi personæ appropriatur. Unde cum bonitas spiritui sancto approprietur, illa opera in quibus præcipue diuina bonitas manifestatur, conuenienter spiritui sancto attribuuntur, de horum autem numero est assumptio humanæ naturæ in unitatem diuinæ personæ, cum hoc sit supra omne debitum & conditionem naturæ humanæ: propterea bene dictum est in conclusione, quod licet formatio corporis Christi toti trinitati sit communis, conuenienter tamen spiritui sancto attribuitur.

ADVERTENDVM quoque, quod iccirco de sola formatione corporis Christi facit S. Thom. mentionem: quia ut dicitur 3. q. 32. artic. 2. opus conceptionis quod est commune tribus personis, efficienter secundum aliquem particularem modum singulis personis attribuitur: nam patri attribuitur quantum ad auctoritatem quam habet respectu filij, qui per huiusmodi conceptionem sibi humanam naturam assumpsit, filio autem attribuitur quantum ad ipsam carnis assumptionem: sed spiritui sancto quantum ad ipsam corporis assumpti formationem.

*Quod Christus non sit filius spiritus sancti secundum carnem. Cap. 47.*

Idem in 3.  
Sent. d. 4. q.



**Q**UANTUM autem Christus de spiritu sancto & virgine conceptus dicatur, non potest tamen dici spiritus sanctus pater Christi secundum generationem humanam: sicut Virgo dicitur mater eius.

1 Spiritus enim sanctus non produxit humanam naturam in Christo ex sua substantia: sed sola sua virtute operatus est ad eius productionem. non igitur potest dici spiritus sanctus pater Christi secundum humanam generationem.

2 Efferet etiam inductiuum in errorem, si Christus spiritus sancti filius diceretur. manifestum est enim, quod verbum Dei secundum hoc habet personam distinctam, quod est filius Dei patris. si igitur secundum humanam naturam spiritus sancti filius diceretur, daretur intelligi quod Christus esset duo filij. nam verbum Dei, spiritus sancti filius esse non potest: & sic cum filiationis nomen ad personam pertineat, non ad naturam, sequeretur quod in Christo essent duæ personæ: quod est à fide catholica alienum. inconueniens enim esset ut autoritas patris & nomen ad personam aliam transferretur: quod contingeret si spiritus sanctus pater Christi diceretur.

*Super Cap. 47.*



**S**PTIMUM quod præmittit sanctus Thom. est, quod quauis Christus de spiritu sancto & virgine conceptus dicatur: non potest tamen spiritus sanctus dici pater Christi secundum generationem humanam, sicut virgo dicitur mater eius. Probatur primo: quia spiritus sanctus non produxit humanam naturam in Christo ex sua substantia, sed sola virtute operatus est ad eius productionem.

ADVERTENDVM, quod hæc ratio procedit ex hoc supposito, quod filius generatur de substantia generantis, id est, ex semine quod habet virtutem ex forma generantis, & est in potentia ad substantiam siue naturam ipsius, ut exponit S. Thom. 1. q. 119. artic. 1. ad primū. quauis etiam hoc possit intelligi: quia semen patris, quod est substantia eius, non quidem sicut actu pars, sed sicut in proxima dispositione ad hoc ut sit pars eius, transit in substantiam filij secundum aliquotum opinionem. Secundū: quia esset hoc inductiuum in errorem hunc, quod Christus esset duo filij, & consequenter quod in Christo essent duæ personæ, cum filiationis nomen ad personam pertineat, non ad naturam. probatur prima sequela: quia verbum Dei secundum hoc habet personam distinctam, quod est filius Dei patris, & ipsum spiritus sancti filius esse non potest. Tertiū: quia autoritas patris in diuinis & nomen ad personam aliam transferretur. scilicet ad spiritum sanctum: quod est inconueniens.

ADVERTENDVM, quod non solum non est absolute verum spiritum sanctum esse patrem Christi propter rationes supradictas, sed nec etiam cum hac additione, in quantum homo, quod significauit S. Thom. cum dixit, ipsum non esse patrem Christi secundum generationem humanam.

SEDRUNCRESULAT dubium præcipue contra secundam rationem. Si enim quia verbum Dei non potest esse filius spiritus sancti, sequitur quod Christus sit duo filij, posito quod dicatur filius spiritus sancti secundum humanam naturam, eadem ratione poterit concludi, quod non sit filius beatæ virginis: quia cum verbum Dei non possit esse filius beatæ virginis, sequitur si Christus sit eius filius secundum humanam naturam, quod Christus sit duo filij. Respondetur, & dicitur primo, quod non est eadem ratio de spiritu sancto, & de Beata virgine: quia vnum filium esse à duobus patribus, est impossibile: & ideo ubi ponatur Christum habere pro patre personam patris in diuinis, & personam spiritus sancti secundum humanam naturam, statim sequitur ipsum esse duos filios: vnum autem filium esse duorum, quorum vnum sit pater, & alterum sit mater, non inconuenit. ideo si ponatur Christum esse filium Dei patris & beatæ virginis, non sequitur quod sit duo filij. Cum autem dicatur, quod nec etiam Beata virginis verbum Dei

filius esse potest, dicitur quod hoc non est verum: quia ad hoc quod aliquis sit filius alicuius tanquam matris, sufficit ut illa materiam in conceptione minuitur, & sit eiusdem speciei secum, hoc autem egit beata virgo in conceptione humana verbi Dei, & est eiusdem speciei cum ipso, in quantum est homo. ideo potest verbum Dei dici eius filius secundum conceptionem humanam. ad hoc autem ut quis dicatur filius alicuius tanquam patris, requiritur ut ab ipso esse accipiat. ut dicitur 3. dist. 4. q. 1. artic. 2. verbum autem Dei etiam secundum generationem humanam non habet esse ab alia persona diuina quàm à patre: quia non habet aliud esse quàm esse diuinum, ideo nullo modo potest dici filius spiritus sancti. Dicitur tamen potest, quod illam rationem non inducit S. Thom. ad ostendendum simpliciter falsum esse quod spiritus sanctus sit pater Christi: sed cum hoc probatum sit per primam rationem, ostendit hoc, etiam si esset verum, non esse dicendum propter periculum & occasionem erroris: quia licet posset aliquis dicere non esse inconueniens ut Christus vnus existens secundum suppositum sit filius Dei patris secundum deitatem, spiritus sancti autem secundum humanitatem: multi tamen considerantes filij nomen ad personam pertinere, & verbum Dei non esse filium spiritus sancti secundum diuinitatem: si Christus ponatur filius spiritus sancti, facillime in hunc errorem labi possent, quod in Christo præter personam verbi esset alia persona humana secundum quam diceretur spiritus sancti filius. Hoc autem non ita facile existimari potest, si ponatur Christus filius Beate virginis: quia, ut dictū est, non apparet inconueniens, ut is qui est filius patris æterni, sit etiam filius beatæ virginis per assumptionem humanitatis ex ea.

ATTENDENDVM autem, quod non solum Christus non potest dici filius naturalis spiritus sancti, sed nec etiam filius eius per gratiam aut per creationem dici potest. Ratio huius est secundum S. Thom. 3. q. 32. artic. 3. sent. d. loco præallegato: quia quando aliquis dicitur de altero secundum perfectam rationem, nullo modo dicitur de ipso secundum rationem imperfectam, aut cum determinatione diminuentem. sicut Sortes quij naturaliter & perfecte dicitur homo secundum propriam hominis rationem, nunquam dicitur homo pius. Unde cum Christus dicatur naturalis filius Dei, & secundum perfectam rationem filiationis: non poterit dici filius Dei per gratiam, aut per creationem.

*Quod non est dicendum, Christus est creatura.*

*Cap. 48.*



**V**TERIVS etiam manifestum est, quod quauis humana natura à verbo assumpta sit aliqua creatura: non tamen potest simpliciter enunciarī Christum esse creaturam. Creari enim est fieri quoddam: cum autem fieri terminetur ad esse simpliciter, eius est fieri, quod habet esse subsistens: & huiusmodi est indiuiduum completum in genere substantiæ: quod quidē in natura intellectuali dicitur persona, aut etiam hypostasis. formæ verò, & accidentia, & etiam partes non dicuntur fieri nisi secundum quid, cum & esse non habeant in se subsistens, sed subsistat in alio. unde cum aliquis sit albus, non dicitur fieri simpliciter, sed secundum quid. in Christo autem non est alia hypostasis vel persona nisi verbi Dei, quæ est increata, ut ex præmissis manifestum est, non igitur simpliciter potest enunciarī quod Christus sit creatura: licet cum additione possit hoc dici: ut dicatur creatura secundum quod homo, vel secundum humanam naturam. Licet autem de subiecto, quod est indiuiduum in genere substantiæ, non simpliciter dicatur fieri, quod est proprium eius propter accidentia vel partes, sed solum secundum quid: tamen simpliciter prædicantur de subiecto, quæcunque consequuntur naturaliter ad accidentia vel ad partes secundum propriam rationem. Dicitur enim simpliciter homo esse videns, quia hoc consequitur ad oculum: & crispus propter capillos, & visibilis propter colorem. sic igitur & ea quæ consequuntur proprie ad humanam naturam, simpliciter possunt enunciarī de Christo: sicut quod est homo, quod est visibilis, quod ambulauit, & omnia huiusmodi. Quod autē est personæ propriū, de Christo non enunciatrur ratione humanæ naturæ, nisi cum aliqua additione expressa vel subintellecta.

*Super Cap. 48.*



**V**TERIVM quod præmittit S. Thom. est, quod quauis humana natura à verbo assumpta, sit aliqua creatura, non tamen potest simpliciter enunciarī Christum creaturam esse: licet possit dici cum hac additione secundum quod homo, vel secundum humanam naturam. Probatur prima pars sic, Creari in natura rationali est hypostasis, vel persona. sed in Christo non est persona vel hypostasis creata, ergo, &c. probatur maior. creari est eius quod habet esse subsistens, cum creari sit fieri: fieri autem terminetur ad esse simpliciter quod est rei subsistentis, non autem formæ vel partis, nisi secundum quid. sed huiusmodi est indiuiduum completum in genere substantiæ: quod in natura rationali est hypostasis vel persona, ergo, &c. minor verò



verò probatur: quia in Christo non est alia hypostasis vel persona quam verbi Dei, quæ est increata. Pro declaratione verò secundæ partis conclusionis notat S. Thom. quod licet propter partes & accidentia, de subiecto quod est indiuiduum de genere substantiæ, non dicatur fieri simpliciter quod est proprium eius, sed solum secundum quid: quæcunque tamen consequuntur naturaliter ad accidentia vel ad partes secundum propriam rationem, simpliciter de subiecto prædicantur, ut videns de homine rationis oculi, & huiusmodi. Et sic ea quæ consequuntur propriè ad humanam naturam, simpliciter possunt enuncitari de Christo, ut quod est homo, quod est visibilis, &c. quod autem est personæ proprium, de Christo non enunciat ratione humanæ naturæ, nisi cum aliqua additione expressa vel subintellecta.

PR O declaratione eius quod dicitur fieri terminari ad esse simpliciter advertendum, quod loquitur S. Thom. de fieri simpliciter & absolute, scilicet absque aliqua additione, ut cum dicitur absolute hoc fit, non autem de fieri hoc, ut cum dicitur homo fit albus. quod est fieri secundum quid.

SED occurrit dubiū. videtur enim esse contradiçtio in verbis S. Thom. Nam inquit quod fieri est proprium indiuidui de genere substantiæ & hypostasis, ex quo vult habere quod creati sit proprium indiuidui & hypostasis: quod humanæ naturæ in Christo non conuenit fieri neque creati, & consequenter quod Christus non potest dici creatura, & tamen ponit humanam naturam assumptam à verbo esse aliquam creaturam, & Christum dici posse creaturam cum hac additione secundum quod homo, siue secundum humanam naturam, & sic videtur dicere contradiçtoria, scilicet quod humana natura in Christo sit creatura, & quod non sit creatura.

Respondetur, quod nulla est contradiçtio: quia cum dicitur fieri & creati esse proprium hypostasis vel personæ, non accipitur proprium pro eo quod alicui soli conuenit, sed pro eo quod conuenit alicui primò & per se. fieri enim & creati primò & per se conuenit indiuiduo completo & subsistenti, sicut & esse, quia ipsum est quod est propriè secundariò tamen conuenit etiam naturæ & parti. vnde humana natura in Christo dicitur quidem creatura secundariò, in quantum habet esse suo modo post non esse: non autem dicitur creatura primò & per se, sicut res per se subsistens, cum non habeat esse nisi in supposito diuino: & quia aliquo modo est creatura: ideo conuenienter potest dici quod Christus secundum quod homo, est creatura, quia cum omnes conditiones humanæ naturæ siue primò siue secundariò sibi conueniant, possunt de Christo prædicari cum hac additione, secundum quod homo.

AD euidentiam declarationis secundæ partis conclusionis considerandum est, ut ostenditur 3. dist. 11. q. 1. art. 3. quod intentio S. Thom. est, quædam partibus sic conuenire, quod non sunt nata conuenire supposito & toti, sicut crispitudo conuenit capillis: & hæc dicit S. Thom. hoc loco naturaliter consequi ad partes secundum propriam rationem. quædam verò sic conueniunt partibus, quod etiam nata sunt conuenire toti & supposito, sicut albedo. A primis dispositionibus natum est denominari totum & suppositum simpliciter. dicimus enim absolute hominem esse crispum, si habeat crispos capillos, à secundis verò non est natum denominari totum simpliciter, sed tantum secundum quid & cum explicatione partis. non enim si aliquis habeat dentes albos, dicitur simpliciter albus, sed bene dicitur albus dentes. quia ergo fieri & creati ita conuenit humanæ naturæ, sicut & accidentibus & partibus, quod etiam conuenit indiuiduo subsistenti, imò est proprium sibi, id est, prius & principalius, conuenit indiuiduo & supposito, propter fieri humanæ naturæ & creati non potest dici simpliciter fieri Christus & creati, sed bene secundum quid, & cum hac additione, secundum quod homo.

EX his patet fundamentum huius conclusionis esse, quia si simpliciter diceretur Christus esse creatura, significaretur suppositum importatum nomine Christi, quod est suppositum æternum & diuinum, esse creaturam: quia creati natum est primò & principaliter conuenire supposito in rebus creatis, & non tantum formæ, cui non est natum conuenire nisi secundariò. Sed si dicitur Christus esse creatura secundum quod homo, non significatur ipsum esse creaturam, sed tantum humanam naturam in ipso existentem esse creaturam, sicut cum dicitur homo esse albus secundum dentes, nihil aliud significatur quam quod eius dentes sunt albi. Vnde rationes Scoti 3. dist. 11. q. 1. adductæ à Capreolo d. 11. 3. Sent. licet eas non inducat Scotus directè contra S. Thom. nihil contra nos concludunt. Cum enim dicitur primò, quod sicut Christus dicitur mortuus, cum tamen mortuum dicat non esse post esse, ita videtur non repugnare sibi ut sit creatura, in quo importatur habere esse post non esse. Respondetur quod mortuum cum dicitur de Christo non importat non esse Christi post esse: quia suppositum diuinum pro quo supponit hoc nomen Christus, non amisit esse simpliciter per mortem, sed esse hominem, id est, desit esse illius suppositi habere respectu vniuersalis personalis ad naturam humanam. Cum dicitur secundum quod mortale & immortale quæ de Christo dicuntur, ita repugnant formaliter, sicut creatum & increatum: Respondetur quod non est simile de mortali & immortali, & de creato ac increato: quia creatum ita natum est conuenire supposito in creaturis, sicut & naturæ: imò magis, ut superius est ostensum: ideo cum suppositum in Christo non sit creatum, non potest dici quod Christus sit creatus, sed immortale est proprietas corporis animari, & humanæ naturæ in Christo quæ est aliquo modo eius pars, in quantum suppositum Christi in duabus naturis subsistit. ideo potest de Christo dici, quod sit mortalis. à proprietate enim partis natum est denominari totum, sicut à crispitudine capillorum homo dicitur crispus. Cum dicitur tertio, quod sicut repugnat diuinæ naturæ esse creaturæ, ita & humanæ esse creatorem, & tamen dicitur absolute, quod Christus est creator: Respondetur, quod non est simile de creatore & creatura: quia esse creaturam repugnat & diuinæ naturæ, & eius supposito, & propterea non potest de nomine supponente pro tali supposito dici absolute: sed esse creatorem, licet repugnet naturæ humanæ, non tamen repugnat supposito diuino in ea subsistenti. ideo de hoc nomine Christus, quod pro supposito huiusmodi supponit, dici absolute potest.

ARGUIT etiam Durandus apud Capreolum 3. Sent. d. 11. q. 1. quia generari est fieri simpliciter, & natum est conuenire tam supposito quam naturæ: & tamen dicitur Christus absolute genitus. sed dicitur primò, quod generari est fieri simpliciter, ubi per generationem aliquod nouum suppositum constituitur in esse non autem ubi æternum suppositum trahit ad esse suum

aliquam naturam, sicut accidit in Christo. Dicitur secundò, quod aliter loquendum est de generari, & aliter de creati: quia licet utrunque natum sit conuenire tam supposito quam naturæ, tamen generari non conuenit supposito, nisi ratione naturæ quæ est formaliter terminus generationis: & ideo ad hoc ut suppositum dicatur simpliciter generari, oportet ut per generationem habeat naturam & formam: & si accipiat naturam hoc sufficit ad hoc ut dicatur simpliciter generari. creati autem conuenit supposito ratione ipsius esse, quod est formalis terminus creationis: & ideo ad hoc ut suppositum dicatur simpliciter creati, necesse est ut accipiat esse per creationem: & si esse accipiat, hoc sufficit ad hoc ut dicatur simpliciter creati. Quia ergo suppositum diuinum accepit humanam naturam ex virgine, ideo dicitur simpliciter Christus esse genitus: quia verò non accepit esse per incarnationem, ideo non dicitur creatus nisi cum hac additione, secundum humanam naturam. Vnde illa propositio, quædò aliquid natum est conuenire parti & toti, non dicitur de toto ex eo quod conueniat parti, habet veritatem de eo quod natum est conuenire utrique illorum tanquam subiecto, sicut creatio: non autem de eo quod natum est conuenire vni tanquam subiecto: alteri verò tanquam termino formali, sicut generatio, quando enim dicitur forma generari, tanquam terminus formalis generationis, suppositum suscipiens talem formam dicitur generari per modum subiecti, & tanquam id quod generatur, ex eo quod talem formam accipit. Repugnat enim quod aliqua forma sit formalis terminus generationis, & quod acquires talem formam non generetur.

### Solutio rationum contra incarnationem superius positarum.

Cap. 49.



IS igitur habitis ea quæ contra incarnationis fidem supra posita sunt, facile soluuntur. Ostensum est enim incarnationem verbi non sic esse intelligendam, quod verbum sit incarnem conuersum: aut sit corpori vnitum ut forma: vnde non est consequens ex hoc quod verbum est incarnatum, quod verè Deus sit corpus, vel virtus in corpore: ut prima ratio procedebat. Similiter etiam non sequitur quod verbum sit substantialiter mutatum, per hoc quod naturam humanam assumpsit. nulla enim mutatio in ipso verbo Dei facta est: sed solum in humana natura, quæ est à verbo assumpta: secundum quam competit verbo & generati esse temporaliter & natum, non autem secundum seipsum. Quod etiam tertio proponitur, necessitatem non habet. Hypostasis enim non extenditur extra terminos illius naturæ ex qua subsistentiam habet: non autem verbum Dei subsistentiam habet ex natura humana: sed magis naturam humanam ad suam subsistentiam vel personalitatem trahit. non enim per illam, sed in illa subsistit: vnde nihil prohibet verbum Dei esse vbique: licet humana natura à verbo Dei assumpta vbique non sit. Ex hoc etiam soluitur quartum. cuiuslibet enim rei subsistentis oportet esse vnā naturam tantum, per quam simpliciter esse habeat: & sic verbum Dei per solam naturam diuinam simpliciter esse habet: non autem per humanam naturam: sed per eam habet quod sit hoc, scilicet quod sit homo. Quintum etiam soluitur per hoc idem. Impossibile est enim quod natura per quam verbum subsistit, sit aliud quam ipsa persona verbi. subsistit autem per naturam diuinam, non autem per naturam humanam, sed eam ad subsistentiam trahit, ut in ea subsistat, ut dictum est, vnde non oportet quod natura humana sit idem quod persona verbi. Hinc etiam excluditur id quod sexto obieciatur. Hypostasis enim est minus simplex vel re vel intellectu quam natura per quā constituitur in esse. Re quidē, cum hypostasis non sit sua natura. Intellectu autē solo in illis in quibus idē est hypostasis à natura. Hypostasis autē verbi non constituitur simpliciter per humanam naturam, ut per eam sit, sed per eam solum habet verbum quod sit homo. non igitur oportet quod natura humana sit simplicior quam verbum, in quantum est verbum, sed solum in quantum verbum est hic homo. Ex quo etiam patet solutio ad id quod septimò obieciatur. Non enim oportet quod hypostasis Dei verbi simpliciter sit constituta per materiam signatam, sed solum in quantum est hic homo. sic enim solum per humanam naturam constituitur, ut dictum est. Quod autē anima humana & corpus in Christo ad personalitatem verbi trahuntur, non constituunt etiam aliquam personam præter personam verbi, non pertinet ad minorationem virtutis, ut octaua ratio procedebat, sed ad dignitatem maiorem. vnumquodque enim melius esse habet, cum suo digni vnitur, quam cum per se existit, sicut anima sensibilis



nobilius esse habet in homine quam in aliis animalibus, in quibus est forma principalis: non tamen in homine. Hinc etiam soluitur quod non obiciebatur. In Christo enim verè fuit hæc anima, & hoc corpus: non tamen ex eis constituta est persona aliqua præter personam verbi Dei, quia sunt ad personam Dei verbi assumpta: sicut & corpus cum est sine anima, propriam speciem habet: sed cum vnitur animæ, ab ea speciem sortitur. Ex hoc etiam soluitur quod decimò proponebatur, manifestum est enim quod hic homo qui est Christus, substantia quædam est, non vniuersalis sed particularis: & hypostasis quædam est, non tamen alia hypostasis quam hypostasis verbi: quia humana natura ab hypostasi verbi assumpta est: ut verbum subsistat tam in humana natura quam in diuina. id autem quod in humana natura subsistit, est hic homo: unde ipsum verbum supponitur cum dicitur hic homo. Sed si quis eadem obiectionem ad humanam naturam transferat, dicens eam esse substantiam quandam non vniuersalem, sed particularem, & per consequens hypostasim, manifestè decipitur. nam humana natura etiã in Sorte vel Platone non est hypostasis: sed id quod in ea subsistit, hypostasis est. Quod autem substantia sit, & particularis, non secundum illam significationem dicitur in qua hypostasis est particularis substantia, substantia enim secundum Philosophum dicitur dupliciter, scilicet de subiecto in genere substantiæ, quod dicitur hypostasis: & de eo quod quid est quod est natura rei: sed neque partes alicuius substantiæ sic dicuntur particulares substantiæ quasi sint per se subsistentes: sed subsistunt in toto: unde nec hypostasies possunt dici: cum nulla earum sit substantia completa: aliàs sequeretur quod in vno homine tot essent hypostasies, quot sunt partes. Quod verò undecimò oppositum fuit, ex eo soluitur, quod æquiuocatio inducitur ex diuersa forma significationis per nomen: non autem ex diuersitate suppositionis. non enim hoc nomen homo, æquiuocè sumitur ex eo quod quandoque supponit pro Platone, quandoque pro Sorte. Hoc igitur nomen homo, de Christo & de aliis hominibus dictum semper eandem formam significat, scilicet naturam humanam: unde vniocè prædicatur de eis: sed suppositio tantum variatur in hoc quod secundum quod pro Christo sumitur, supponit hypostasim increatam: secundum verò quod pro aliis sumitur supponit hypostasim creatam. Neque autem hypostasis verbi dicitur esse suppositum humanam naturam quasi subiiciatur ei formaliter, sicut duodecima ratio proponebat: hoc enim esset necessarium, si hypostasis verbi per naturam humanam simpliciter constitueretur in esse: quod patet esse falsum. dicitur enim hypostasis verbi humanam naturam supponi prout eam ad suam subsistentiam trahit, sicut aliquid trahitur ad alterum nobilius cui vnitur. Non tamen sequitur quod humana natura accidentaliter verbo adueniat ex hoc quod verbum ab æterno præexistit, sicut vltima ratio concludebat. sic enim verbum humanam naturam assumpsit, ut verè sit homo. esse autem hominè, est esse in genere substantiæ. quia igitur ex vnione naturæ humanæ hypostasis verbi habet quod sit homo, non aduenit ei accidentaliter, nam accidentia substantiale non conferunt.

Super Cap. 49.



**P**OSITIS iis quæ erant necessaria ad solutionem eorum quæ contra incarnationem sunt induta, accedit S. Thom. ad eorum breuem solutionem. Ad primū enim patet quod consequentia est falsa: quia non est sic intelligenda incarnatio quasi verbum sit in carnem conuersum, aut sit corpori vnitum ut forma, sed modo supra exposito. Ad secundum etiam negatur consequentia: ad probationem dicitur, quod per huiusmodi assumptionem non est aliqua mutatio facta in verbo Dei, sed solum in humana natura assumpta, secundum quam verbum dicitur naturaliter genitum & natum.

**ADVERTENDVM** ex doctrina S. Thom. 3. q. d. 1. art. 1. quod sicut in illis in quibus non est natura relatio realis, aliquid incipit dici quod prius non dicebatur, nulla mutatione circa ipsum facta, sed tantum circa aliquid, sicut aliquid incipit esse scitum non per sui mutationem sed per mutationem scientis: ita cum Deus non referatur realiter ad creaturam, sed relatiuè ad ipsam dicitur propter relationem realem in ea existentem, dicitur Deus nouiter aut nouo quodammodo vniri humanæ naturæ per incarnationem non per mutationem, sed per mutationem humanæ naturæ

assumptæ. Ad tertium negatur consequentia. ad probationem dicitur quod assumptum illud habet veritatem quando hypostasis ex natura substantiam habet. verbum autem Dei non habet substantiam ex humana natura, sed magis ipsam ad suam substantiam vel personalitatem trahit. Ad quartum dicitur quod vnus rei subsistentis est tantum vnus quod quid est, siue vna natura, per quam simpliciter esse habet: & sic verbum Dei habet esse simpliciter per diuinam tantum naturam, non autem per humanam, sed per ipsam habet esse homo.

**ADVERTENDVM** quod in rebus creatis, vnus rei subsistentis est tantum vnus quod quid est, & vna natura: quia vnus suppositum non subsistit nisi in vna natura, & per illam habet esse simpliciter. In Christo autem sunt plures nature, & plura quod quid est: quia eius suppositum in duabus naturis substantialiter subsistit: sed verum est quod per vnā tantum naturam & per vnus quod quid est, scilicet per diuinam habet esse simpliciter, non autem per humanam: quia hæc non est constitutiva suppositi sicut diuina, sed magis ab ipso supposito trahitur ad esse diuinum personale. Ad quintum dicitur quod vtraque natura per quam verbum subsistit, non potest esse aliud quam ipsa persona verbi, sed dicitur quod subsistit per naturam diuinam, non autem per humanam: ideo ratio non sequitur. Ad sextum patet per idem. dicitur enim quod hypostasis est minus simplex quam natura per quam constituitur in esse: vel re, cum non est sua natura: vel intellectu, cum est sua natura. hypostasis autem verbi Dei non constituitur simpliciter per humanam naturam ut per eam sit, sed tantum ut per eam sit hic homo, ideo non oportet ut sit simplicior verbo in quantum est verbum, sed solum in quantum est hic homo.

**ADVERTENDVM** quod naturam constituere suppositum simpliciter, est esse id quo suppositum habet ut absolute dicatur esse: & quia hoc non fit nisi dando esse formaliter supposito, ideo ad hoc quod natura dicatur suppositum constituere, oportet ut illi det esse formaliter: naturam autem humanam dare supposito ut sit hic homo, est esse id quo suppositum dicitur hic homo: & quia hoc fit dando supposito ut sit indiuiduum humanum, ideo ipsam facere, ut suppositum sit hic homo, est esse id quo suppositum habet ut sit quoddam indiuiduum hominis. Quia ergo humana natura non dat verbo Dei esse per quod simpliciter est, cum ipsa non habeat proprium esse, sed sit per esse diuinæ personæ, dat autem ipsi verbo quod sit quoddam indiuiduum humanum, eo quod ipsa sit indiuiduum & singularis: ideo bene dicitur quod per ipsam non datur verbo quod sit simpliciter, sed tantum quod sit hic homo. Ad septimum per idem etiam patet. Dicitur enim quod non oportet hypostasim verbi Dei esse simpliciter constitutam per materiam signatam, sed solum in quantum est hic homo, cum solum sic per humanam naturam constituatur.

Ad octauum negatur consequentia: quia quod anima & corpus in Christo non constituent aliam personam præter personam verbi, non pertinet ad minorationem virtutis, sed ad maiorem dignitatem, cum vnusquodque melius esse habeat eum suo digniori vnitur, quam cum per se existit. Declaratur exemplo animæ sensibilis habentis nobilius esse in homine quam in aliis animalibus. Ad nonum dicitur quod ex hac anima & ex hoc corpore in Christo non est constituta alia persona, sed sunt ad personalitatem verbi assumpta. Ad decimum dicitur primo, quod hic homo qui est Christus, est hypostasis quædam, non tamen alia quam hypostasis verbi Dei, unde cum dicitur hic homo, ipsum verbum supponitur. Dicitur secundum, si hæc obiectione ad humanam naturam transferatur, quod nec etiam in Sorte vel Platone humana natura est hypostasis, sed id quod in ea subsistit. Dicitur tertio, quod quævis humana natura in Christo sit substantia & particularis, non tamen dicitur secundum illam significationem qua hypostasis est, particularis substantia: quia hypostasis iuxta diuisionem Philosophi dicitur substantia prout suppositum in genere substantiæ dicitur substantia: non autem prout quod quid est & natura substantia dicitur: unde nec etiam partes alicuius substantiæ hoc modo dicuntur substantiæ particulares aut hypostasies. quia nec sunt per se subsistentes, sed subsistunt in toto, nec sunt substantiæ complete.

**ADVERTENDVM** intentionem huius tertij dici esse, quod substantia particularis dupliciter accipi potest: vno modo ut idem est quod substantia prima conditiua à philosopho contra substantiam secundam, & tunc substantia particularis idem est quod suppositum, & per se subsistens atque completum in specie. Alio modo ut distinguitur contra substantiam communem & vniuersalem, siue substantia particularis per se subsistat, siue in alio sit. Primo modo hypostasis dicitur substantia particularis, non autem humana natura in Christo, sed secundo modo & ipsa humana natura dicitur substantia particularis, atque etiam vnaquæque pars eius. Ad undecimum negatur consequentia, quia æquiuocatio non inducitur ex diuersitate suppositionis, sed ex diuersa forma significationis per nomen. unde cum hoc nomen homo, de Christo & aliis hominibus dictum, semper eandem formam significet, scilicet, humanam naturam, licet secundum quod pro Christo sumitur, supponat hypostasim increatam: secundum verò quod sumitur pro aliis, supponat hypostasim creatam: vniocè prædicatur de ipsis. Ad duodecimum dicitur, quod hypostasis verbi non dicitur esse suppositum humanæ naturæ, quasi subiiciatur ei ut formaliori: quod utique oportet dici si per ipsam simpliciter constitueretur in esse: sed prout eam ad sui substantiam trahit, sicut aliquid trahitur ad alterum nobilius cui vnitur. Ad vltimum negatur consequentia: quia sic verbum humanam naturam assumpsit, ut verè sit homo: quod est esse in genere substantiæ, accidentia autem esse substantiale non conferunt.

**ADVERTENDVM** quod cum dupliciter accipitur esse, scilicet pro esse actualis existentie, & pro esse essentie quod est ipsam esse essentia: cum vult S. Thom. humanam naturam confere verbo diuino, esse substantiale, accipitur esse secundo modo: & est sensus quod confert sibi esse hominem, in quantum per ipsam verbum dicitur esse homo: sicut & per humanam naturam Sortes esse homo dicitur.

**ATTENDENDVM** etiam quod ex ista responsione vult habere S. Thom. illam propositionem, quod aduenit alicui post esse completum, aduenit ei accidentaliter: habere veritatem duntaxat quoad tale quod sic aduenit, non confert esse substantiale modo exposito. In tertia verò parte 2. q. art. 6. & 3. Sen. dist. 6. art. vltimo, dicitur quod habet veritatem nisi tale trahatur in communionem illius esse completi. unde in resurrectione corpus adueniens animæ rationali, non aduenit illi accidentaliter: quia assumetur



assumeretur ad idem esse, sed vna istarum interpretationum alteram infert. Si enim aliquid dat alicui vt sit tale substantialiter, puta homo: necesse est vt habeat idem esse cum ipso: & ideo si non habet veritatem dicta propositio quando adueniens post esse completum confert esse substantiale, nec etiam habet veritatem quando ad communionem illius esse completi trahitur.

*Quod peccatum originale traducatur à primo parente in posterum. Caput. 50.*

Idē 1. p. q. 81.  
artic. 1. & 2.  
Sens. dist. 3.  
obsecratio sequentium ad precedentia.



**S**TENSVM est igitur ex præmissis nō esse impossibile quod fides catholica de incarnatione filij Dei prædicat: consequens autem est ostendere q̄ conueniens fuit filium Dei naturā assumere humanam. Huius autem conuenientia rationem Apostolus assignare videtur ex peccato originali, quod in omnes pertransiit. dicit enim Rom. 5. Sicut per inobediētiā vnius hominis peccatores constituti sunt multi: ita & per vnius hominis obediētiā iusti constituentur multi. Sed quia Pelagiani hæretici peccatum originale negauerunt: ostendendū est homines cum peccato originali nasci: & primò quidem assumendum est quod dicitur Genes. 2. Tulit Dominus Deus hominem: & posuit eum in paradiso: præcepitque ei dicens: ex omni ligno paradisi comede: de ligno autem scientiæ boni & mali ne comedas: in quacunque autem die comederis ex eo, morte morieris. Sed quia Adam nec eo die quo comedit, actu mortuus est: oportet sic intelligi quod dicitur, morte morieris, id est, necessitati mortis additus: quod quidem frustra diceretur, si homo ex institutione suæ naturæ necessitatem moriēdi haberet. oportet igitur dicere quod mors & necessitas moriēdi sit poena homini pro peccato infligta. poena autem non infligitur iuste nisi pro culpa. in quibuscunque igitur inuenitur hæc poena: necesse est vt in eis inueniatur aliqua culpa. sed in omni homine inuenitur hæc poena etiam à principio suæ natiuitatis. ex tunc enim nascitur necessitati mortis additus: vnde & aliqui mox post natiuitatē moriuntur de vtero translati ad tumulum: ergo in eis est aliquod peccatum: sed non peccatū actuale: quia non habent pueri vsum liberi arbitrij, sine quo nihil imputatur homini ad peccatum: vt ex his quæ dicta sunt in 3. lib. apparet. necesse est igitur dicere quod in eis sit peccatum per originem traductum. Hoc etiam expresse apparet ex verbis Apostoli Rom. 5. Sicut per vnum hominem in hunc mūdum peccatum intrauit, & per peccatum mors: ita & in omnes homines mors pertransiit, in quo omnes peccauerunt. Nō potest autem dici q̄ per vnum hominem in mūdum peccatum intrauit per modū imitationis, quia sic peccatum non peruenisset nisi ad eos qui peccatū primum hominem imitantur: & cum mors per peccatum in mūdū intrauerit, nō perueniret mors nisi ad eos qui peccant in similitudinem primi hominis peccatis: sed ad hoc excludendum Apost. subdit, quod regnavit mors ab Adam vsque ad Moysen, etiam in eos qui non peccauerunt, in similitudinem præuaricationis Adæ. non ergo intellexit Apost. quod per vnum hominem peccatum in mūdum intrauerit per modum imitationis, sed per modum originis.

2 Præterea, si tantum secundum imitationem Apostolus loqueretur de introitu peccati in mūdum: potius dixisset per diabolū peccatū intrasse in mūdum quam per vnum hominem: sicut expresse dicitur Sapient. 2. Inuidia diaboli mors introiuit in orbem terrarum: imitantur autem illum qui sunt ex parte illius.

3 Adhuc, in Psal. Dauid dicit: Ecce in iniquitatibus conceptus sum, & in peccatis concepit me mater mea. quod nō potest intelligi de peccato actuali: cum Dauid ex legitimo matrimonio conceptus & natus dicatur. oportet igitur vt hoc ad peccatum originale referatur.

4 Amplius, Iob 14. dicitur: Quis potest facere mūdum de immundo conceptum semine: nonne tu qui solus es? ex quo manifeste accipi potest q̄ ex immunditia humani seminis aliqua immunditia ad hominem ex semine conceptū perueniat: quod oportet intelligi de immunditia peccati: pro qua sola homo in iudicium deducitur. præmitti-

tur enim, Et dignum ducis super huiusmodi aperire oculos tuos: & adducere eum tecum in iudicium. sic igitur aliquod peccatum est quod homo contrahit ab ipsa sui origine: quod originale dicitur.

5 Item, baptisimus & alia sacramenta Ecclesiæ sunt quædam remedia contra peccatum, vt infra patebit. exhibetur autem baptisimus secundum communem Ecclesiæ consuetudinem pueris recenter natis, frustra igitur exhiberetur, nisi in eis esset aliquod peccatum. nō est autē in eis peccatum actuale, quia carent vso liberi arbitrij, sine quo nullus actus homini in culpā imputatur. oportet igitur dicere in eis esse peccatum per originem traductū, cum in operibus Dei & Ecclesiæ nihil sit vanum & frustra. Si autem dicatur quod baptisimus infantibus datur: non vt à peccato munderentur, sed vt ad regnum Dei perueniant, quo perueniri non potest sine baptismo, cum Dominus dicat Ioan. 3. Nisi quis renatus fuerit ex aqua & spiritu sancto, non potest introire in regnū Dei. Hoc vanū est. nullus enim à regno Dei excluditur nisi propter aliquā culpā. finis enim omnis rationalis creaturæ est vt ad beatitudinē perueniat, quæ esse non potest nisi in regno Dei: quod quidem nihil est aliud quam ordinata societas eorum qui diuina visione fruuntur: in qua vera beatitudo cōsistit, vt patet ex his quæ in tertio sunt ostensa. nihil autem à fine suo deficit, nisi propter aliquod peccatū. si igitur pueri nō dum baptizati ad regnum Dei peruenire non possunt, oportet dicere esse in eis aliquod peccatum. sic igitur secundum Catholicæ fidei traditionē tenendum est homines nasci cum peccato originali.

*Super Cap. 50.*



**P**OSTQVAM ostendit sanctus Thomas non esse impossibile quod fides catholica de incarnatione fidei prædicat, consequenter vult ostendere quod etiam fuit conueniens filium Dei humanam naturam assumere. Circa hoc autem duo facit, quia enim huius conuenientia rationē Apostolus ad Rom. 5. assignare videtur ex peccato originali quod in omnes pertransiit: primò de peccato originali agit. Secundo de conuenientia incarnationis, cap. 53. Circa primum duo facit. Primò contra Pelagianos hæreticos peccatum originale negantes ostendit homines cum peccato originali nasci. Secundo quasdam remouet obiectiones, cap. sequenti.

**ATTENDVM** autem, vt sciatur quid nominis peccati originalis: nam de quid rei inferius tractabitur, quod nomine peccati originalis intelligimus quendam naturæ defectum habentem rationem culpæ, quem dicimus hominem à sua origine & generatione contrahere: propter quod originale peccatum dicitur, quasi videlicet ab ipso hominis origine contractum. Probat igitur sanctus Thomas omnes homines cum huiusmodi peccato nasci, & arguit primò sic. In quocunque inuenitur necessitas moriēdi, necesse est vt inueniatur aliqua culpa. sed hæc necessitas inuenitur in omni homine à principio suæ natiuitatis, vnde & aliqui mox post natiuitatē moriuntur. ergo in eis est aliquod peccatum: non autem actuale, quia non habent pueri vsum liberi arbitrij: ergo per originem traductum. probatur maior: mors & necessitas moriēdi est homini pro peccato infligta. poena autem non infligitur nisi pro culpa, ergo, &c. probatur maior, quia Genes. secundo dicitur: In quacunque die comederis ex eo, morte morieris. quod intelligitur, id est, necessitati mortis eris additus. frustra autem hoc diceretur, si homo ex institutione suæ naturæ necessitatem moriēdi haberet.

**ADVERTE** cum dicitur in omni homine inueniri necessitatem moriēdi à principio suæ natiuitatis, quod nomine natiuitatis non intelligitur sola natiuitas ex vtero, quæ est quædo homo de ventre matris egreditur, sed intelligitur de natiuitate in vtero, quæ etiam dicitur conceptio, quando scilicet anima intellectiva corpori organico coniungitur.

**ATTENDENDVM** secundo quod per institutionem naturæ humanæ duo possumus intelligere, aut scilicet productionem ipsius quantum ad principia essentialia ipsius naturæ, & sic homini conuenire necessitatem moriēdi ex institutione suæ naturæ: est eam sibi conuenire ex aliquo principiorum essentialium, ex quibus natura humana est instituta & composita: aut productionem ipsius quantum ad illum statū in quo primò Deus ipsam instituit: & sic hominem habere necessitatem moriēdi ex institutione suæ naturæ, est hanc sibi conuenire in illo statu in quo Deus ipsam primò instituit, siue stantibus omnibus eius conditionibus cum quibus eam Deus condidit & creauit. Cum ergo vult S. Thom. hominem non habuisse necessitatē moriēdi ex institutione suæ naturæ, sed ex peccato ipsam incurrisse, accipitur institutio naturæ secundo modo. Vt enim inferius declarat, licet homo ex cōditione sui corporis necessitatem moriēdi habeat ipsam tamē cum dono originalis iustitiæ creauit, per quam ab huiusmodi necessitate moriēdi liberabatur.

**ADVERTENDVM** quoque ex hoc processu S. Thom. quod necessitas moriēdi ponitur poena peccati primi paritatis & originalis peccati in nos transfusi, non autem poena necessitatis habēdi peccatum, & quod ubi inuenitur hæc poena, oportet peccatum inueniri. Ideo non viget bene interpretari S. Thom. positionem, qui dicunt peccatum originale sic proportionari morti, quod tantum necessitas moriēdi correspondet necessitati habēdi peccatum: & quod sicut non spectat ad fidem, an singuli moriantur actualiter, an aliqui diuina dispositione non moriantur: ita non spectat



ſpectat ad fidem an aliquis ex ſpeciali prazrogatiua gratiæ non incurrat actualiter originale peccatum. Quæritur enim ab iſtis quid peccato originali exiſtenti respondeat pro pœna, an ſcilicet actualis mors, an neceſſitas moriendi. ſi dicatur quod actualis mors, ſequitur quod in omnibus qui actualiter moriuntur peccatum originale ſit, & ſic non poterit dici eſſe ſecundum fidem quod aliquis moriatur, & ſit abſque peccato originali, quod tamen neceſſe habent iſti concedere. Et præterea hoc videtur eſſe contra mentem ſancti Thomæ. qui & hic & 1.2. quæſt. 81. artic. 3. ad 1. & de materia. 4. artic. 6. ad 2. videtur tenere quod pœna corporalis peccati originalis ſit primò & per ſe neceſſitas moriendi, ſive obligatio ad mortem, ad quam homo aliquando peruenit niſi ſibi ex diuina miſericordia relaxetur. Si dicatur quod neceſſitas moriendi ſequitur, cum pœna iuſte non infligatur niſi pro culpa, quod in quocunque eſt huiusmodi neceſſitas moriendi, eſt etiam culpa: ſed omnes ſeminaliter ab Adam propagati etiã ſecundum fidem incurrit neceſſitatem moriendi ſecundum fidem, ergo & omnes ſecundum fidem actualiter peccatum originale contrahunt. Præterea, iſta obligatio habendi peccatum non poteſt conuenire homini niſi quando eſt: tum quia quod non eſt, ad niſi obligatur: tum quia à ſua origine & natiuitate dicitur homo contrahere peccatum originale, ſive eſſe peccato obnoxius: conſtat autem quod à ſua natiuitate homo habet eſſe, aut ergo eſt ad habendum in illo inſtanti in quo anima inſunditur corpori, & in quo homo primò eſſe dicitur, aut poſt, ſi ad habendum in illo inſtanti in quo generatur, & primò eſt: ergo ſi quis per gratiã non incurrat in illo inſtanti peccatum, in illo inſtanti non erit obligatus. Si enim tibi teneor ſoluere centum aureos die craſtina, & illos mihi donas, & non viſit die craſtina reſtitutum: nõ eris tibi amplius debitor die craſtina. nõ ergo talis qui ex gratiã non incurrit peccatum, habet ex ſua generatione debitum habendi peccatum, vtiſti dicunt. Si autem iſta obligatio eſt ad habendum peccatum poſt inſtantem conceptionis ſive inſuſionis animæ, ergo in primo inſtanti conceptionis ſuæ homo non contrahit peccatum originale quod inſicitur à ſua generatione: quod eſt contra S. Thom. de materia. 4. quæſt. 4. artic. 7. & alibi, & omnes alios dicentes quod in ipſa animæ inſuſione peccatum originale contrahitur ab his in quibus originale peccatum ponitur. Præterea inquit S. Thom. 4. Sent. diſt. 43. artic. 4. quod non ſequitur ſi poteſt ſine errore poni quod aliqui non moriantur, quod poſſit ſine errore poni quod aliqui ſine originali peccato naſcantur, quamuis mors ſit pœna peccati originalis: quia Deus poteſt ex miſericordia relaxare pœnam ad quam obligatur ex culpa præterita: vbi patet quod loquitur de peccato actualiter exiſtente, cui debetur pœna. ergo non eſt ſecundum eius intentionem quod ita ſecundum fidem poſſit teneri aliquem ſine peccato originali naſciſcit poſſit teneri quod actualiter non ſit mortuus. Confirmatur, quia in q. de materia. 4. artic. 6. tenet S. Thom. quod erroneum eſt dicere quod aliqui ſeminaliter ab Adam deriuentur abſque originali peccato.

AN autem abſolute loquendo poſſit Deus alicui ſeminaliter deſcendenti ab Adam concedere quod ſine peccato originali cõcipiatur, dicendum eſt quod ſic, vt videtur eſſe de mente ſancti Thomæ dicentis tertio Sententiarum diſtinct. 3. quæſt. 1. artic. 1. quod Deus potuit parentes beatæ Virginis ſic in ſtatu viæ curare vt prolem ſuam ſine originali peccato concipere poſſent. Si autem arguatur, Poteſt Deus abſolute concedere alicui vt abſque originali peccato concipiatur, ergo non pertinet ad fidem an quis ſit in peccato conceptus, an abſque peccato: negatur confequentia: quia licet illud Deus poſſit facere, non tamen manifeſtum nobis eſt quod ipſe faciat. Nam ſecundum fidem tenetur Chriſtus per paſſionem ſuam & mortem eſſe omnium ſaluator & redemptorem: vt patet in multis locis ſacrae ſcripturæ, in quantum pro peccatis omnium quatuor in ſe eſt ſatisfecit: quod vique non eſſet verum ſi quis ſine peccato originali conciperetur. Unde ſicut non valet iſta confequentia, Deus abſolute potuit ſaluare genus humanum abſque filij Dei incarnatione, ergo non ſpectat ad fidem quod filius Dei propter ſalutem generis humani incarnatus ſit, nec eſſe nec prædicta confequentia tenet. Vbi enim in ſacra ſcriptura aliquid traditur fieri pro cõmuni regula, ſicut traditur quod omnes peccauerunt in Adam, non poteſt oppoſitum ſine errore teneri, niſi Deum aliter feciſſe in aliquo particulari præter communem regulam cõſideret, aut inquam per ſacra ſcripturam, aut per eccleſiæ determinationem. Per hoc autem non intendo quod hæretici ſint tenentes beatam virginem etiam ſine originali peccato conceptam: nam nondum eſt per eccleſiam determinatum quid in hac re ad fidem pertineat, ſed quod S. Thom. viſum eſt ad fidem pertinere, quod omnes ab Adam ſeminaliter propagati peccatum originale contrahant, & quod neceſſitas moriendi ſit peccati originalis pœna. Secundò arguitur ſic, ſecundum Apoſtolum ad Romanos quinto, per vnum hominem in hunc mundum peccatum intrauit & per peccatum mors, & ita in omnes pertrañſiit, in quo omnes peccauerunt: ſed hoc non intelligitur per modum imitationis: tum quia ſic perueniſſet peccatum & mors ad eos tantum qui peccat in ſimilitudinem primi hominis peccatis, quod excludit Apoſtolum ex verbis quæ ſubdit, ergo intrauit per vnum hominem in modum originis: tum quia potius dixiſſet per diabolum peccatum intraſſe in mundum: ſicut expreſſe dicitur Sapient. 2. Inuidia diaboli, &c.

AD euidentiam primæ rationis contra falſam illam interpretationem, quæ erat Pelagianorum, vt inquit S. Thom. ſuper epistoſas Pauli, conſiderandum eſt, quod illi dicuntur peccare ad imitationem peccati Adæ, qui peccatum actuale cõmittunt ſimile peccato Adæ, quod fuit ſuperbia peccatum. Vnde cum per peccatum quod per Adam intrauit in mundum, intrauerit etiam mors tantum pœna, ſequitur vt optimè deducit S. Thom. quod ad eos tantum perueniat peccatum & mors, qui actuali peccato Adam imitantur. hoc autem conſtat eſſe falſum in infantibus, qui moriuntur, & nullum commiſerunt actuale peccatum. ideo illa interpretatio non eſt ad Apoſtoli mentem, ſed magis quod per originem & generationem hominis ab Adam ſeminaliter propagati peccatum in mundum intrauerit.

PRO declaratione ſecundæ rationis ad idem quam ſanctus Thomas ex Auguſtino contra Pelagianos ſumpſit, attendendum eſt quod debet dici per aliquem peccatum eſſe ingreſſum in mundum in quantum peccantes eum imitantur, debet hoc attribui ei qui primò peccauit, & neminem imitatur, ſed eum imitantur omnes homines: hoc autem nõ poteſt dici de primo homine: quia ipſe non peccauit primus inter creaturas intellectuales, ſed diabolus, & ipſe diabolus imitatus eſt peccando actuali peccato

ſuperbiæ. ideo bene inquit S. Thom. quod ſi de introitu per imitationem intellexit Apoſtolum, potius dixiſſet per diabolum peccatum intraſſe in mundum quam per hominem. Tertio, David inquit: Ecce in iniquitatibus, &c. quod non poteſt intelligi de peccato actuali, ergo, &c. Quarto Iob 14. dicitur, Quis poteſt facere mundum de immundo conceptum ſemine? ex quo datur intelligi aliquam immunditiam ad hominem peruenire ex immunditia humani ſeminis: ſed hoc oportet intelligi de immunditia peccati, pro qua ſola homo in iudicium deducitur, cum præmittatur: Et dignum ducis, &c. ergo, &c.

AD euidentiam huius quod dicitur in ſemine eſſe quandam immunditiam, ex qua immunditia peccatum in hominem peruenit, conſiderandum eſt quod cum peccatum originale ſit quidam naturæ defectus, & ſit quædam immunditia eius in quantum eſt priuatio originalis iuſtitia, eo modo dicitur huiusmodi immunditia eſſe in ſemine paterno quod in ipſo eſt natura humana. in ipſo autem eſt materia humana non in actu, ſed in virtute tanquam in inſtrumento: quia ſemen eſt inſtrumentum hominis generantis: ideo & culpa originalis ſive immunditia talis non eſt actu in ſemine, ſed tantum virtualiter tanquam in inſtrumento.

CONSIDERANDVM ſecundò quod dupliciter poſſumus intelligere peccatum originale eſſe virtualiter in ſemine. Vno modo quia in ſemine ſit quædam particularis virtus directè productiua huiusmodi peccati, per modum intentionis exiſtens in ipſo, non autem habens eſſe firmum & permanens: & hoc modo videtur intelligere Capreolus ſecundo Sententiarum diſtinctione trigefima prima. Alio modo poſſumus intelligere quod in ſemine non ſit particularis aliqua virtus quæ ſit directè productiua peccati, cum peccatum ipſum non ſit niſi priuatio quædam & malum: priuatio autem non habeat cauſam productiuam ſui directè, ſed defectiuam, vt in pluribus locis offendit ſanctus Thomas & ſuperius eſt oſtenſum. Sed virtus quæ eſt directè productiua naturæ humanæ per quandam concomitantiam dicitur productiua peccati concomitantis talem naturam, in quantum illa virtus eſt imperfecta, vt pote non valens naturam cum originali iuſtitia producere. Et hoc modo alij Thomiſtæ intelligunt peccatum originale eſſe virtualiter in ſemine, quod etiam mihi rationabilis videtur & conformius ſancti Tho. doctrinæ. Nam 1.2. q. 81. artic. 1. ad 3. oſtendens quomodo ſemen poſſit cauſare peccatum, ait quod etſi culpa non ſit actu in ſemine, eſt tamen ibi virtute naturæ humanæ quam concomitatur talis culpa.

SE D contra hanc viam videtur eſſe quod ait S. Thom. in q. de materia. 4. artic. 9. ibi enim tenet quod peccatum originale eſt in ſemine ſecundum quandam eius intentionem. Ex quo videtur quod de mente eius in ſemine ſit quædam virtus productiua peccati, habens eſſe intentionale. Sed reſpondetur quod nõ eſt mens ipſius in ſemine eſſe virtutem aliquam productiuam peccati, ſed eſſe in ipſo quandam defectum & quandam priuationem ex qua prouenit vt natura humana quæ virtute ſeminis producit, ſit ſubiecta defectui & culpæ: dicitur autem huiusmodi defectus & priuatio in ſemine, eſſe quædam intentio peccati originalis: quia eſt quædam eius ſimilitudo ſecundum proportionem. Eſt enim priuatio virtus productiua naturæ cum iuſtitia originali: ſicut peccatum originale eſt ipſa priuatio iuſtitia originali in natura. Quod autem iſta ſit mens S. Thom. patet, quia ibidem ait, quod ex peccato primi parentis deſtituta eſt caro eius illa virtute, vt ex ea poſſit decidi ſemen per quod originalis iuſtitia in alios propagetur. Et ſic in ſemine defectus huius virtutis eſt defectus moralis corruptionis, & quædam intentio eius.

CONSIDERANDVM tertio quod ſemen non ſolum eſt cauſatum immunditiæ hominis ſecundum quandam concomitantiam modo expoſitæ: ſed etiam in ſeipſo quandam immunditiam habet, propter quod inquit S. Thom. ex ipſius immunditia aliquam immunditiam ad homines ex ipſo conceptu peruenire. Iſta autem immunditia non habet rationem culpæ, cum ſemen ſubiectum culpæ eſſe non poſſit, ſed cuiusdam defectus naturalis. Sic enim Adam à Deo inſtitutus erat cum iuſtitia originali, vt poſſet eam per ſeminalem propagationem in alios transfundere, & per confequens in ſemine eius virtus debebat eſſe inſtrumentalis iuſtitia originali cauſatiua: per peccatum autem ſicut Adam priuatus eſt virtute ſupernaturali productiua iuſtitia originali, ita & ſemen eius tali virtute eſt priuatum, & remanet cum ſola virtute naturali ſibi ex principiis naturæ cõueniente. Defectus ergo talis virtutis ſupernaturalis debet haberi conſiderata prima hominis inſtitutione à Deo, dicitur ſeminiſ immunditia ex qua prouenit defectiue immunditia in hominem conceptum ex eo, ſicut ex aliquo defectu virtutis in ſemine hominis leproſi contingit defectus lepræ in prole, vt dicitur ſecundo Sentent. diſt. 30. q. 1. artic. 2. ad 4. Vnde cum inquit S. Tho. oportere intelligi de immunditia peccati, cum dicitur quod ex immunditia humani ſeminis aliqua immunditia ad hominem ex ſemine conceptum peruenit, hoc referendum eſt ad immunditiam hominis concepti, non autem ad ſeminis immunditiam. Ex prædictis patet rationes Scoti 32. diſt. ſecundi, quibus probat in ſemine non eſſe qualitatem morbidam productiuam peccati, & etiam non eſſe in ſemine aut in materia de qua formatur corpus prolis huiusmodi virtutem peccati productiuam nõ procedere contra S. Thom. quia neque talem qualitatem ponit in ſemine paterno, neque in ſemine matris, aut quacunque materia ponit virtutem peccati productiuam quocunque modo. Et ſi aliquando inueniatur in eius ſcriptis dictum animam à carne peccati originale contrahere tanquam à cauſa effectiua inſtrumentali, nomine carnis intelligendum eſt carnale ſemen paternum, & eſt intelligendum vt expoſuiſmus. Quintò, Baptiſmus ſecundum communem Eccleſiæ cõſuetudinem exhibetur pueris recentibus natis, ergo in eis eſt aliquod peccatum, non actuale, quia caret uſu liberi arbitrij, ergo per originem traditum. probatur confequentia, quia cum baptiſmus ſit & alia ſacramenta ſint quædam remedia contra peccatum, ſi oppoſitum confequentis ſtaret cum antecedente: fruſtra pueris exhiberetur: quod in operibus Dei & Eccleſiæ nõ eſt dicendum. Si dicatur quod baptiſmus infantibus datur non vt à peccato mundentur, ſed vt ad regnum Dei perueniant, quod quis peruenire non poteſt ſine baptiſmo, iuxta illud Io. Niſi quis, &c. hoc eſt vanum, quia nullus à regno Dei excluditur niſi per aliquam culpam, cum ſinis omnis rationalis creaturæ ſit vt ad beatitudinem perueniat, quæ eſt in ſolo regno Dei, id eſt in ordinata ſocietate eorum qui diuina viſione fruuntur. à ſine autem ſuo niſi deficiat niſi propter aliquod peccatum.



Obiectiones contra peccatum originale.

Cap. 51.



VNT autem quædā adhuc quæ veritati aduersari videtur. Peccatū enim vnus aliis non imputatur ad culpam. Vnde Ezech. 18. dicitur quod filius non portat iniquitatem patris. & huius ratio est, quia non laudamur neque vituperamur nisi ex his quæ in nobis sunt. hæc autē sunt quæ nostra voluntate committimus. non igitur peccatum primi hominis toti humano generi imputatur. Si verò quis dicat quod vno peccante omnes peccauerunt in ipso, vt Apostolus dicere videtur, & sic vni non imputatur peccatum alterius, sed suum peccatum: hoc etiam vt videtur, stare non potest: quia illi qui ex Adam nati sunt, quādo Adam peccauit, in eo nondum erant acti, sed virtute tantum, sicut in prima origine. peccare autem cum sit agere, non competit nisi existenti in actu. non igitur in Adam omnes peccauimus. Si autem ita dicatur nos in Adam peccasse, quasi originaliter ab eo in nos peccatum proueniat simul cum natura: hoc etiam impossibile videtur. accidens enim cum de subiecto ad subiectum non transeat, nō potest traduci nisi subiectum traducatur: subiectum autem peccati, anima rationalis est: quæ non traducitur in nos ex primo parente, sed à Deo sigillatim creatur in vnoquoque, vt in

\* Cap. 86.

secundo \* ostensum est. non igitur per originem peccatum ad nos ab Adam deriuari potest. 2 Adhuc, si peccatum à primo parente in alios deriuatur, quia ab eo originē trahunt: cum Christus à primo parente originem duxit, videtur quod ipse etiam peccato originali subiectus fuerit: quod est alienum à fide. 3 Præterea, quod consequitur aliquid secundum suam originem naturalem, est ei naturale. quod est alicui naturale, non est peccatum in ipso, sicut in talpa non est peccatum quod visu caret: non igitur per originem à primo homine peccatum ad alios potuit deriuari. Si autem dicatur quod peccatum à primo parente in posteros deriuatur per originem, non in quantum est naturalis, sed in quantum est vitiosa: hoc etiam (vt videtur) stare non potest. defectus enim in opere naturæ non accidit nisi per defectum alicuius naturalis principij, sicut per corruptionem aliquā quæ est in semine, causantur monstrosi partus animalium. nō est autem dare alicuius naturalis principij corruptionem in humano semine. Non videtur igitur quod aliquod peccatum ex vitiosa origine deriuatur in posteros à primo parente. 4 Item, peccata quæ proueniunt in operibus naturæ per corruptionem alicuius principij, non fiunt semper vel frequenter, sed vt in paucioribus. si igitur per vitiatam originem peccatum à primo parente in posteros deriuatur, non deriuatur in omnes, sed in aliquos paucos. 5 Præterea si per vitiatam originem aliquis defectus in prole proueniat, eiusdem generis oportet esse illum defectum cum vitio qui est in origine: quia effectus sunt cōformes suis causis. origo autem sue generatio humana cum sit actus potentie generatiue quæ nullo modo participat rationem, nō potest habere in se vitium quod pertineat ad genus culpæ: quia in his solis actibus potest esse virtus vel vitium, qui subduntur aliquantulum rationi. vnde non imputatur homini ad culpam si propter vitiatam originem nascatur leprosus vel cæcus: nullo igitur modo defectus culpabilis prouenire potest à primo parente in posteros per vitiatam originem. 6 Adhuc, naturæ bonum per peccatum non tollitur: vnde etiam in dæmonibus manent naturalia bona, vt Dionysius \* dicit. generatio autem est actus naturæ: non igitur per peccatum primi hominis vitari potuit humanæ generationis origo, vt sic peccatum primi hominis ad posteros deriuaretur. 7 Amplius, homo generat sibi similem secundū speciem: in his ergo quæ non pertinent ad generationē speciei, non oportet filium assimilari parentibus: peccatum autem non potest pertinere ad rationem speciei: quia peccatum nō est

eorum quæ sunt secundum naturam, sed magis corruptio naturalis ordinis. non igitur oportet quod ex primo homine peccante alij peccatores nascantur.

8 Præterea, filij magis assimilantur proximis parentibus quàm remotis. cōtingit autem quod proximi parētes sunt sine peccato: & in actu generationis nullum peccatū committitur. non igitur propter peccatū primi parētis peccatores omnes nascuntur. Deinde si peccatum à primo homine in aliis deriuatum est: maioris autem virtutis in agendo est bonum quàm malum, vt supra ostensum \* est: multo magis satisfactio Adæ & iustitia eius per eum ad alios transiit. 9 Adhuc, si peccatum primi hominis per originem propagatur in posteros, pari etiam ratione peccata aliorum parentum ad posteros deueniunt, & sic semper posteriores essent magis onerati peccatis quàm priores: quod præcipue ex hoc sequi necesse est, si peccatum transiit à parente in prolem, & satisfactio transire non potest.

\* Cap. 11. 3. lib.

Super Cap. 51.



POSITA determinatione veritatis circa peccatum originale, vult cōsequenter S. Thom. quoddam obiectiones excludere. Circa hoc autem duo facit. Primò ponit ipsas obiectiones: secundò illis responderet, cap. sequenti. Prima ergo ratio est, quia peccatum vnus aliis non imputatur ad culpam, vt patet Ezech. 18. Filius, &c. Secunda, quia si dicatur vnicuique in hoc imputari suum peccatum, non autem alterius, ex eo quod omnes in Adam peccasse peccauerūt, vt videtur Apost. dicere: hoc non valet, quia illi qui ex Adam nati sunt in eo nondum erant acti, sed virtute tantum. Tertia est, quia si dicatur nos peccasse in Adā, eò quod originaliter ab eo in nos peccatum proueniat simul cum natura, hoc videtur impossibile, quia accidens non potest traduci nisi subiectum traducatur. Anima autem rationalis quæ est peccati subiectum, non traducitur in nos à primo parente, sed à Deo sigillatim creatur in vnoquoque. Quarta est, quia sequitur quod etiam Christus peccato originali subiectus fuerit, cum etiam ipse à primo parēte originem duxerit. Quinta est, quia quod cōsequitur aliquid secundum suam originem naturalem, est naturale: quod autem est naturale alicui, non est peccatum in ipso. Sexta, quia si dicatur peccatum deriuari per originem non in quantum est naturalis, sed in quantum est vitiosa, hoc stare non potest, quia defectus in opere naturæ non accidit nisi propter defectum alicuius naturalis principij, non est autem attendere alicuius naturalis principij corruptionē in humano semine. Septima est, quia peccata quæ proueniunt in operibus naturæ per corruptionem alicuius principij, non fiunt semper vel frequenter. Octaua est, quia origo humana cum sit actus potentie generatiue quæ nullo modo participat rationem non potest habere in se vitium quod pertineat ad genus culpæ: & consequenter nec defectus per vitiatam originem in prole proueniens, potest habere rationem culpæ, cum effectus suis causis sint conformes. Nona est, quia cum secundum Dionysium naturæ bonum per peccatū non tollatur, & generatio sit actus naturæ, non potuit per peccatum primi hominis vitari humanæ generationis origo. Decima est, quia in his quæ non pertinent ad rationem speciei, non oportet filium parentibus assimilari: peccatum autem non potest pertinere ad rationem speciei, cum sit corruptio naturalis ordinis. Vnde decima est, quia filij magis assimilantur proximis parentibus quàm remotis: cōtingit autem quod proximi parētes sunt sine peccato, & quod in actu generationis nullum peccatum committatur. Duodecima est, quia sequitur quod etiam iustitia & satisfactio Adæ per eum ad alios transiit, cum maioris virtutis sit bonum in agendo quàm malum. Vltima est, quia pari ratione etiam peccata aliorum parētum deueniunt ad posteros, & sic posteriores semper sunt magis onerati peccatis.

Solutio obiectionum positarum.

Cap. 52.



D horum igitur solutionem præmittendum est, quod peccati originalis in humano genere probabiliter quoddam signa apparent. Cum enim Deus humanorū actuum sic curam gerat, vt bonis operibus præmium & malis poenā retribuat, vt in superioribus \* est ostensum: ex ipsa poenā possumus certificari de culpa. Patitur autem communiter humanum genus diuersas poenas & corporales & spirituales. inter corporales potissima est mors: ad quam omnes alia tendunt & ordinantur, scilicet fames, sitis, & alia huiusmodi. inter spirituales autem est potissima debilitas rationis: ex qua cōtingit quod homo difficulter peruenit ad veri cognitionē, & de facili labitur in errorem, & appetitus bestiales omnino superare non potest, sed multo tiens obnubilatur ab eis: Posset tamē aliquis dicere huiusmodi defectus tam corporales quàm spirituales nō esse poenales, sed naturales defectus ex necessitate materię consequentes. Necesse est enim corpus humanū, cum sit ex

\* Lib. 3. cap. 140.

Dionys. cap. 4. de diuinis Nominib.



fit ex contrariis compositum, corruptibile esse, & sensibilem appetitum in ea quæ sunt secundum sensum delectabilia moueri, quæ interdum sunt contraria rationi: & intellectum possibilem, cum sit in potentia ad omnia intelligibilia, nullum eorum habens in actu, sed ex sensibus natum ea acquirere difficulter ad scientiam veritatis pertingere, & de facili propter phantasmata à vero deuiare. Sed tamē si quis rectē consideret, satis probabiliter poterit æstimare, diuina prouidentia supposita, quæ singulis perfectionibus cōgrua perfectibilia coaptauit: quod Deus superiorem naturam inferiori ad hoc coniunxit, ut ei dominaretur: & si quod huius domini impedimentū ex defectu naturæ contingeret, eius speciali & supernaturali beneficio tolleretur: ut scilicet cū anima rationalis sit altioris naturæ quàm corpus, tali cōditione credatur corpori esse coniuncta, quod in corpore aliquid esse non possit contrarium animæ per quam corpus uiuit: & similiter si ratio in homine appetitui sensuali coniungitur, & aliis sensitiuis potentiis, quod ratio à sensitiuis potentiis nō impediatur, sed magis eis domineatur. Sic igitur secundū doctrinam fidei ponimus hominem à principio taliter esse institutū, quod quādiu ratio hominis Deo esset subiecta, & inferiores vires ei sine impedimento deferuērēt, & corpus ab eius subiectione impediri nō posset per aliquod impedimentū corporale, Deo & sua gratia supplēte quod ad hoc perficiendum natura minus habebat. ratione autem auersa à Deo, & inferiores vires à ratione repugnarent, & corpus vitæ quæ est per animam cōtrarias passiones susciperet. sic igitur huiusmodi defectus quāuis naturales homini videantur absolute cōsiderando humanam naturam ex parte eius quod est in ea inferius, tamen cōsiderando diuinā prouidentia & dignitatem superioris partis humanæ naturæ, satis probabiliter probari potest huiusmodi defectus esse poenales, & sic colligi potest humanum genus peccato aliquo originaliter esse infectum.

1 His igitur visis respondendum est ad ea quæ in contrarium sunt obiecta. non enim est inconueniens quod vno peccante peccatum in omnes dicimus per originem esse propagatum, quamuis vnusquisque ex proprio actu laudetur vel vituperetur: ut prima ratio procedebat. aliter enim est in his quæ sunt vnus indiuidui, & aliter in his quæ sunt totius naturæ speciei. nam participatione speciei sunt plures homines velut vnus homo, ut Porphyrius dicit. peccatum igitur quod ad aliquod indiuiduum siue personam hominis pertinet, alteri non imputatur ad culpam nisi peccanti, eod quod personaliter vnus ab alio diuisus est. Si quod autem peccatum est quod ipsam naturam speciei respiciat, nō est inconueniens quod ex vno propagatur in alterum, sicut & natura speciei per vnum aliis cōmunicatur. cū autē peccatum malum quoddā sit rationalis naturæ, malum autem si sit priuatio boni, secundum illum bonum quod priuatur, iudicandum est peccatum aliquod ad naturam communem vel ad aliquam personam propriam pertinere. peccata igitur actualia quæ communiter ab hominibus aguntur, adiungunt aliquod bonum personæ peccatis, puta gratiæ & ordinē debitū partium animæ: vnde personalia sunt nec vno peccante alter imputatur. primum autem peccatum primi hominis nō solum peccantē destituit proprio & personali bono scilicet gratia & debito ordine animæ, sed etiā bono ad naturam cōmunem pertinēte. ut enim suprā dictum est, sic natura humana fuit instituta in sui primordio, quod inferiores vires perfectē rationi subiicerentur: ratio Deo, & animæ corpus: Deo per gratiam supplente id quod ad hoc deerat per naturam. Huiusmodi autem beneficium quod à quibusdā originalis iusticia dicitur, sic primo homini collatum fuit, ut ab eo simul cum natura humana propagaretur in posteros. ratione autem per peccatū primi hominis se subtrahente à subiectione diuina, subsecutum est quod ne inferiores vires perfectē rationi subijciantur, nec animæ corpus: & hoc nō tantum in primo peccante: sed idem defectus communis peruenit ad posteros: ad quos etiam dicta originalis iusticia peruentura erat. sic igitur peccatum primi hominis à quo omnes alij secundum doctrinam

fidei sunt deriuati, & personale fuit, in quantum ipsum primum hominē proprio bono priuauit: & naturale, in quantum abstulit sibi & suis posteris consequenter beneficium collatum toti humanæ naturæ. Sic igitur huiusmodi defectus in aliis consequens ex primo parente, & in aliis rationem culpæ habet: prout omnes homines computatur vnus homo per participationem naturæ communis. sic enim inuenitur à volūtariū huiusmodi peccatum voluntate primi parentis, quemadmodum & actio manus rationem culpæ habet ex voluntate primi mouētis, quod est ratio: ut sic æstimentur in peccato naturæ diuersi homines quasi naturæ communis partes, sicut in peccato personali diuersæ vnus hominis partes.

2 Secundum hoc igitur verum est dicere, quod vno peccante omnes peccauerunt in ipso, ut Apostolus dicit. \* secundum quod secunda ratio proponebat, nō quod essent actu in ipso alij homines, sed virtute, sicut in originali principio. nec dicuntur peccasse in eo quasi aliquem actum exercentes, sed in quantum pertinent ad naturam ipsius quæ per peccatum corrupta est.

3 Nec tamē sequitur, si peccatum à primo parente propagatur in posteros, cū subiectum peccati sit anima rationalis, quod anima rationalis simul cum semine propagetur, secundum processum tertie rationis. hoc enim modo propagatur hoc peccatum naturæ quod originale dicitur, sicut & ipsa natura speciei: quæ quamuis per animam rationalem perficiatur, non tamen propagatur cum semine, sed solum corpus ad susceptionem talis animæ aptum natum, ut in 2. \* ostensum est.

4 Et licet Christus à primo parente secundum carnē descendit, nō tamen iniquationem originalis peccati incurrit, ut quarta ratio concludebat: quia materiam humani corporis solum à primo parente suscepit. virtus autem formatiua corporis eius nō fuit à primo parente deriuata, sed fuit virtus spiritus sancti, ut suprā \* ostensum est. vnde naturam humanam non ab Adam accepit sicut ab agente, licet eam de Adam suscepit sicut de materiali principio.

5 Considerandum est etiam quod prædicti defectus per naturalem originem traducuntur ex eo quod natura destituta est auxilio gratiæ quod ei fuerit in primo parente collatum ad posteros simul cum natura deriuandum. & quia hæc destitutio ex voluntario peccato processit, defectus consequens suscipit culpæ rationem. sic igitur defectus huiusmodi & culpabiles sunt per cōparationem ad primum principium quod est peccatum Adæ: & naturales sunt per cōparationem ad naturā iam destitutam: vnde & Apostolus dicit ad Ephes. 2. Eramus natura filij iræ. Et per hoc soluitur ratio quinta.

6 Pater igitur secundum prædicta, quod vitium originis ex quo peccatum originale causatur provenit ex defectu aliquius principij scilicet gratuiti doni, quod naturæ humane in sui institutione fuit collatum: quod quidē donū quodammodo fuit natura: non quasi ex principiis naturæ causatum, sed quia sic fuit homini datū, ut simul cū natura propagaretur. obiectio autē sexta procedebat secundum quod naturale dicitur quod ex principiis naturæ causatur.

7 Procedit etiam septima ratio per modum eundem de defectu principij naturalis, quod pertinet ad naturā speciei. Quod enim ex defectu huius naturalis principij provenit, accidit ut in paucioribus: sed defectus originalis peccati provenit ex defectu principij superadditi principio speciei, ut dictum est.

8 Sciendum est etiam quod in actu generatiuæ virtutis non potest esse vitium de genere actualis peccati, quod ex voluntate singularis personæ dependet, eod quod actus generatiuæ virtutis non obedit rationi vel voluntati, ut octaua ratio procedebat: sed vitium originalis culpæ quæ ad naturā pertinet, nihil prohibet in actu generatiuæ potentie inueniri: cū & actus generatiuæ potentie naturales dicantur.

9 Quod verò non obijciatur, de facili solui potest secundum præmissa, per peccatum enim tollitur homini bonum naturæ, quod ad speciem naturæ pertinet: sed bonum naturæ

D. 1006.

\* Rom. 5.

\* Cap. 86.

\* Cap. 46.



naturæ quod per gratiā superadditum fuit, potuit per peccatum primi parentis auferri, vt supra dictum est.

10 Patet etiam ex eisdem de facili solutio ad decimā rationem: quia cum priuatio & defectus subinuenit correpondeant, ea ratione in peccato originali filij parentibus simulantur, qua etiam donum à principio naturæ præstitum fuisset à parētibus in posteros propagatum: quia licet ad rationem speciei non pertineret, tamē ex diuina gratia datum fuit primo homini, vt ab eo in totam speciem deriuandum. similiter peccatum per quod illud bonum priuatur, in totam speciem deriuatur.

11 Considerandū est etiam, q̄ licet aliquis per gratiā sacramenta sic ab originali peccato mundaletur, vt ei non imputetur ad culpam: quod est personaliter ipsum à peccato originali liberari: non tamen totaliter sanatur: & ideo secundū actū naturæ peccatū originale transmittitur in posteros. sic igitur in homine generante, inquantū est persona quædā, non est originale peccatū: & contingit etiā in actu generationis nullū esse actuale peccatū, vt vndecima ratio proponebat: sed inquantū homo generans est naturale generationis principij, infectio originalis peccati quod naturam respicit, in eo manet, & in actu generationis ipsius.

12 Sciendum etiam est q̄ peccatū actuale primi hominis in naturā transiuit: quia natura in eo erat beneficio naturæ præstito adhuc perfecta: sed per peccatum ipsius naturæ hoc beneficio destituta, actus eius simpliciter naturalis fuit: vnde nō potuit satisfacere pro tota natura neque bonum naturæ reintegrare per suum actū: sed solum satisfacere aliquatenus potuit pro eo quod ad ipsius personam spectabat. Ex quo patet solutio ad duodecimā rationem.

13 Similiter autem & ad decimam tertiam: quia peccata posteriorum parentum inueniunt naturam destitutam beneficio primitus ipsi naturæ concessio: vnde ex eis non sequitur aliquis defectus qui propagetur in posteros, sed solum qui personā peccantis inficiat. Sic igitur nō est inconueniens, neque contra rationem, peccatū originale in hominibus esse, vt Pelagianorum hæresis confundatur, quæ peccatum originale negauit.

#### Super Cap. 52.



D horum solutionem primò præmittit S. Thom. quoddam necessarium. Secundò respondet vnicuique sigillatim. præmittit ergo quod peccati originalis in humano genere probabiliter quædam signa apparent, scilicet & pœnæ corporales, vt est mors, & alia quæ ordinantur ad ipsa, puta fames, sitis, & huiusmodi: & pœnæ spirituales, vt est debilitas rationis, ex qua contingit vt difficulter perueniat ad veri cognitionem, & facilius labatur in errorem, & appetitus bestiales omnino superare non possit. Si fortassis dicatur huiusmodi defectus nō esse pœnales, sed naturales ex necessitate materię prouenientes, quia corpus humanum est ex cōtariis compositum, & sensibilis appetitus in delectabilia secundum sensum mouetur, quæ quandoque sunt contraria rationi: & intellectus possibilis est in potentia, & natus acquirere intelligibilia ex sensu: si quis recte consideret, satis probabiliter poterit existimare, diuinā prouidentia præsupposita, quæ singulis perfectionibus cōgrua perfectibilia coaptauit, Deum superiorem naturam inferiori ad hoc coniunxisse, vt ei dominaretur, & omne impedimentum ex defectu naturæ contingens eius spirituali & supernaturali beneficio tolleretur, vt scilicet ciedatur animam tali esse conditione corpori coniunctam, quod in corpore aliquid esse nō possit contrarium animæ per quam corpus uiuit, & similiter rationem in homine appetitui sensitiuo & viribus sensitiuis sic cōiungi, quod ab eis nō impediatur, sed magis eis dominetur. Ideo secundum huius doctrinam ponimus hominem à principio taliter esse institutum, vt quandiu ratio esset Deo subiecta, & inferiores vires ei sine impedimento deseruirent, & corpus ab animæ subiectione impediri non posset, Deo & sua gratia defectum naturæ suppleret: ratione autem aucta à Deo, & inferiores vires rationi repugnarēt, & corpus vitæ contrarias passionibus susceperet. ex quo inferretur huiusmodi defectus, quamuis naturales homini esse videantur, considerata inferiori parte naturæ humanæ, considerata tamen diuina prouidentia, & dignitate partis superioris, satis probabiliter probari posse esse pœnales, & sic genus humanum alicui peccato originaliter esse subiectum.

ADVERTENDVM, quod S. Thom. ait satis probabiliter prædicta probari posse, vt ostendat ea quæ secundum fidem de peccato originali & eius pœna tenentur, contra rationem non esse, sed aliqua etiam probabiliter ratione probari posse, supposita diuina prouidentia, quam veri Philosophi non negant.

ADVERTENDVM quoque quod bene dictum est prædictos effectus pœnales esse, considerata diuina prouidentia, & superiori parte, quia per diuinam prouidentiam collata est primo homini supernaturale beneficium à sua institutione: priuari autem eo quod etiam gratis est concessum, pœnale est, vt dicitur secundo Sententiarum dist. 30. quæst. 7. artic. 1. Istis præsuppositis respondet sanctus Thomas ad obiectiones superius factas. Ad primam quidem dicit primò, quod aliter est in iis quæ sunt vnius

indiuidui, & aliter in iis quæ sunt totius naturæ speciei, cū plures homines secundum Porphyrium participatione speciei sint vnus homo. Peccatum enim quod ad aliquod indiuiduum siue personā hominis pertinet alteri non imputatur ad culpam nisi peccanti. si quod autem peccatum ipsam naturam speciei respiciat, non est inconueniens vt ex vno propagetur in alterum, sicut & natura speciei. Dicit secundò, quod cum peccatum malum quoddam sit rationalis naturæ, & malum sit priuatio boni, secundum illud bonum quod priuatur: iudicandum est aliquid peccatum ad naturam communem vel ad aliquam personam propriam pertinere. peccata enim actualia quæ communiter ab omnibus aguntur, adimunt aliquod bonum personæ peccantis, puta gratiam & ordinem debitum partium animæ: ideo personalia dicuntur: nec vno peccante alteri imputantur: peccatum autem primi hominis non solum peccantem destituit illo proprio bono & personali, sed etiam bono ad naturam communem pertinente, scilicet hoc beneficio quod inferiores vires perfectè rationi subijcerentur, ratio Deo, & corpus animæ: quod beneficium à quibusdam originalis iustitia dicitur, qua ratione se per peccatū à subiectione Dei subtrahente, subsecutum est quod nec inferiores vires perfectè rationi subijciuntur, nec animæ corpus, non solum in primo peccatē, sed etiam in posteris, ad quos originalis iustitia simul cum natura peruentura erat. ideo peccatum primi hominis & personale fuit, inquantum ipsum primum hominem proprio bono priuauit: & naturale, inquantum abstulit sibi & suis posteris consequenter beneficium toti humanæ naturæ collatum. Dicit tertio, q̄ huiusmodi defectus etiam in aliis à primo parente rationem culpæ habet, prout omnes homines computantur tanquam vnus homo per participationem naturæ communis, quia sic inuenitur voluntarium huiusmodi peccatum voluntate primi parētis, quemadmodum & actio manus rationem culpæ habet ex voluntate primi mouētis, quod est ratio. existimantur enim in peccato naturæ diuersi homines quasi naturæ communis partes, sicut & in peccato personali diuersæ vnius hominis partes.

CIRCA primum dictum responsionis aduertendum, quod ea quæ sunt propria vnius hominis & vnius indiuidui, cōueniant sibi vt ab aliis indiuiduis & personis distinguitur, quia vt inquit S. Thom. vnus homo ab alio personaliter distinguitur: ea autem quæ naturam communem cōsequuntur, conueniunt vni indiuiduo, non secundū quod ab alio indiuiduo personaliter distinguitur, sed secundum quod cum aliis conuenit in natura, & cum illis habet vnitatem. propterea bene dictum est, quod aliter est in his quæ sunt vnius indiuidui, & aliter in his quæ sunt totius naturæ speciei, propter vnitatem omnium hominum in natura communi.

CIRCA secundum dictum considerandum est, quod duplex est ordo partium animæ, vnus habitualis, secundum videlicet quod inferior pars nata est & disposita sequi omnino motionē & imperium superioris. Alius est actualis: quando scilicet actualiter inferior pars mouetur secundum conuenientiam & motionem superioris partis. Cum ergo dicitur quod peccata actualia & personalia adimunt ordinem partium animæ in peccante, intelligitur non de habituali ordine, quia ille admittit per peccatum originale, cū ad naturā pertineat: sed de actuali ordine qui ad personam pertinet, cuius est operari. homo enim peccans operatur secundum inferioris partis inclinationem non regularē ratione, cū tamen debet ordinem rationis sequi.

CIRCA tertium dictum considerandum est, vt optimè declarat sanctus Thom. de malo, quæstione quarta, art. 2. quod aliquis homo singularis dupliciter considerari potest. Vno modo inquantum est quædam singularis persona: alio modo inquantum est pars multitudinis hominum quæ per naturalem originem deriuatur ab vno. Primo modo conuenit sibi actus quem proprio arbitrio & per seipsum facit: secundo vero modo potest sibi conuenire actus quem nen per seipsum facit, sed qui fit à capite huiusmodi multitudinis inquantum huiusmodi, sicut & actus qui fit à principe collegij, ad vnumquemque de collegio aliquo modo dicitur pertinere. ista enim hominum multitudo sic ab vno per naturalem originem descendendum cōsideratur tanquam vnus homo, cuius omnes particulares homines sunt membra, & cuius ipse Adā est caput & principium mouēs. Quia ergo iustitiæ originalis donum fuerat datū primi homini, non tanquam singulari personæ, sed tanquam principio totius naturæ, vt scilicet ab eo per originē deriuaretur in posteros, hoc donum ipse peccatō amittit, & pro se & pro sua posteritate. Et hic defectus habet rationem culpæ in omnibus qui ab Adam seminaliter descendunt, ratione voluntarij peccati Adam ex quo processit, inquantum vnusquisque consideratur vt membrum totius multitudinis hominum, cuius Adam est caput. Comparatio ergo S. Thom. inter defectum hunc traductum in prolem & actionem manus, tenet quantum ad hoc quod sicut actio manus habet rationē culpæ, inquantum manus est instrumentum hominis motum à primo principio motiuo existente in homine, scilicet à voluntate, quæ tamen non est in ipsa manu: ita & defectus naturæ in hanc prolem per generationem deueniens, habet rationem culpæ, inquantum hic homo genitus est pars naturæ humanæ, in quam huiusmodi peccatum prouenit voluntate primi parentis voluntarij peccantis. & sic constat quod tale peccatum dicitur in hoc homine voluntarij esse, non propria voluntate simpliciter, sed aliena: licet aliquo modo possit dici voluntarium propria voluntate, inquantum, cū sit pars multitudinis humanæ, voluntas primi hominis potest dici vniuersaliue voluntas aliquo modo, quantum ad ea quæ pertinent ad naturam.

SED circa ea quæ hic dicuntur, dubium occurrit. Non enim videtur verum huiusmodi defectum naturæ habere rationem culpæ, inquantum est voluntarius voluntate primi parentis, tum quia magis videtur habere rationem pœnæ quàm culpæ, tum quia nō videtur quomodo sit voluntarius illa voluntate. Primum ostenditur, quia priuatio originalis iustitiæ est defectus sequens ex peccato primi parentis: defectus autem proueniens ex peccato non habet rationem culpæ. vnde S. Thom. 1. 2. q. 7. art. 5. ait quod subtrahio originalis iustitiæ habet rationē pœnæ, sicut est subtrahio gratiæ, & loquitur de subtrahione passiuā. Secundum vero ostenditur, quia quod est præter intentionem, non potest dici voluntarium. constat autem quod Adam peccando non intendebat priuationem iustitiæ originalis. Respondetur & dicitur primo ex doctrina S. Thom. in quæst. de malo, loco præallegato, quod ista priuatio originalis iustitiæ si compararetur ad hunc hominem descendentem per originem naturalem ab Adam, inquantum est particularis persona, sic nō habet rationem culpæ, sed pœnæ, quia nullo modo



lo modo est voluntarius, neque enim directè neque indirectè est volutus propria voluntate eius qui generatur, cum à principio generationis proles nullum habeat actum voluntatis: sed si compararetur ad ipsum in quantum est quoddam membrum & quædam pars humanæ naturæ, sic habet rationem culpæ, quia est voluntarius voluntate principij & capitis totius naturæ. Nam omnis defectus in natura prolis inuentus deriuatus à peccato primi parentis, habet rationem culpæ, si sit in subiecto capaci culpæ, ut dicitur de Ma. vii. suprà, art. 2. Quod ergo inquit S. Tho. subtraditionem originalis iustitiæ habere rationem peccati, intelligitur in quantum comparatur ad hunc hominem ut est persona particularis: hic verò loquimur de ipsa in quantum comparatur ad hunc hominem ut est pars totius naturæ, & ut omnes homines tãquam vnus homo participatione naturæ communis reputantur. Non est autem inconueniens ut defectus naturæ proueniens in alium ex peccato alterius habeat rationem culpæ originalis, in quantum est aliquo modo voluntarius. Dicitur secundò, quòd huiusmodi defectus non est omnino præter intentionem primi peccantis. Nam dupliciter potest dici aliquid voluntarium. Vno modo, quia ipsum secundum se considerandum est volutum, & tale dicitur esse directè intentum. Alio modo, quia coniungitur de necessitate ei quod secundum se est volutum, siue sequitur de necessitate ad voluntarium actum, & tale dicitur esse intentum indirectè & concomitanter. Defectus ergo naturæ per originem proueniens dicitur voluntarius voluntate primi hominis, non quidè primo modo, tanquam scilicet secundum se volutum, sed secundo modo, in quantum de necessitate secundum diuinam ordinationem secutus est voluntarius ipsius peccatum. Ideo licet præter intentionem primam & directam Adam peccantis fuerit, fuit tamen ab ipso indirectè & concomitanter intentus: & ideo etiam in ipso Adam talis defectus naturæ habebat rationem culpæ, non quidem originalis, quia non erat per naturalem originem traductus, sed actualis, in quantum erat aliquid modo volutus per actum voluntatis hominis peccantis: & naturalis, in quantum erat defectus naturæ concomitans ex voluntario peccato ipsius Adam. Vnde S. Tho. 2. Sent. dist. 3. art. 1. ait quòd infectio ex inordinata voluntate primi parentis proueniens in ipso fuit per modum peccati actualis, & per modum peccati naturalis: insequentibus autem non est nisi ut peccatum naturale.

CONSIDERANDVM vltius ex toto processu huius responsionis haberi, quòd ad rationem iustitiæ originalis pertinebat non solum quòd corpus animæ subderetur, & inferiores vires subderentur rationi, sed etiam quòd ratio subderetur Deo: quod patet ex eo, quòd postquam dixit sanctus Thomas humanam naturam institutam cum subiectione virum inferiorum ad rationem, rationis ad Deum, & corporis ad animam, subiungit hoc beneficium vocari à quibusdam iustitiam originalem. Ex quibus patet eum velle quòd subiectio mentis ad Deum, ad iustitiam originalem pertineat: id quod etiam in aliis locis expressus ponit. Ex hoc autem haberi potest quòd iustitia originalis gratiam includebat tãquam videlicet sui radicem, quia sicut subiectio corporis ad animam & inferiorum virum ad rationem erat supernaturalis, per iustitiā scilicet originalem, quæ erat gratia gratis data: & subiectio rationis ad Deum oportebat supernaturalem esse, & consequenter per gratiam gratum facientem, cuius est animam Deo supernaturaliter subicere: propter quod inquit S. Tho. 1. q. 100. art. 1. ad secundum, quòd radix originalis iustitiæ consistit in subiectione supernaturali rationis ad Deum, quæ est per gratiam gratum facientem, & hac ratione concludit & ibi, & q. 95. artic. 1. quòd & Adam creatus est in gratia, & pueri cum iustitia originali nati gratiam habuissent.

SED occurrit dubium. Videtur enim velle sanctus Thomas (ut ex hoc processu manifestè apparet) quòd auctio voluntatis primi hominis à Deo per peccatum actuale, fuit causa amissionis iustitiæ originalis, & subiectio voluntatis ad Deum erat causa conseruationis ipsius: sed idem non est causa sui ipsius, ergo subiectio voluntatis ad Deum, non erat aliquid intrinsecum iustitiæ originali. Dupliciter ad hoc responderi potest. Primo, quòd subiectio voluntatis ad Deum, non ponitur causa conseruationis iustitiæ originalis simpliciter, sed tantum secundum quòd in inferioribus viribus animæ, & in corpore inueniebatur, modo non est inconueniens idem secundum effectum quem ponit in vna parte animæ, esse causam effectus quem ponit in aliis animæ partibus. Secundò, potest responderi, quòd duplex est subiectio voluntatis ad Deum, sicut & duplex auctio scilicet actualis, siue virtualis, & habitualis. Illa subiectio quæ ponitur conseruationi iustitiæ originalis, erat actualis, siue virtualis scilicet in proposito, quandiu enim durasset propositum talis subiectionis, mansisset iustitia originalis. Subiectio autem quæ ad iustitiam originalem pertinebat, tanquam eius primus effectus erat habitualis: sicut & auctio actualis à Deo, fuit causa demeritoria priuationis iustitiæ originalis. habitualis autem auctio in peccato includitur originali, sicut primus effectus priuationis iustitiæ originalis quæ est in animæ essentia, sicut & ipsa originalis iustitia in ea erat.

AD secundam rationem dicit primò S. Tho. quòd licet in Adam non essent alij homines acti, erant tamen in virtute, sicut originali principio. Dicit secundò, quòd nò dicuntur alij peccasse in eo quasi aliquem actum exercentes, sed in quantum pertinent ad naturam ipsius, quæ per peccatum corrupta est.

ADVERTENDVM ex hac responsione, quòd aliquis potest dici peccare dupliciter, aut scilicet quia producit actum peccati, aut quia habet ab alio naturam subiectam peccato. Primo modo non dicuntur alij homines peccare in Adam, sed bene secundo modo. Ad tertiam dicit quòd hoc modo propagatur peccatum naturæ, quò & ipsa natura speciei: quæ quamuis per animam rationalem perficiatur, non tamen anima propagatur cū semine, sed solum corpus ad susceptionem animæ aptum natum.

ATTENDENDVM sensum huius responsionis esse, quòd licet anima rationalis quæ est subiectum peccati originalis non propagetur cum semine, id est, non educatur de potentia in actu virtute seminis, propagatur tamen corpus illi proportionatum, ex quorum vnione resultat natura humana: propter quod dicitur humana natura cum semine propagari. Et sic dicitur propagari anima à semine, non per effectum productionis ipsius, sed per dispositionem materiz sibi conuenientis & proportionati, iuxta illud quod inquit S. Tho. 1. 2. q. 83. art. 1. ad secundum, animam huius hominis non fuisse secundum seminalem rationem in Adam

peccante sicut in principio effectiuo, sed sicut in principio dispositiuo. Vnde illa propositio, Accidens non potest traduci nisi traducatur subiectum: non habet veritatem si intelligatur de traductione effectiua tantum: sed sufficit quòd traducatur subiectum traductione dispositiua: sicut & illa propositio, Natura non traducitur nisi traducatur forma per quam perficitur: non habet veritatem si intelligatur de traductione & productione formæ effectiua tantum, sed sufficit ut dispositiue traducatur. Ad quartam negatur consequentia, quia Christus materiam solum humani corporis à primo parente suscepit: virtus autem formatiua fuit virtus spiritus sancti: vnde & humanam naturam ab Adam accepit, non sicut ab agente, sed eam de ipso sicut de materiali principio suscepit.

ADVERTENDVM ex doctrina S. Thom. 1. 2. q. 81. art. 4. & q. de malo, q. 4. artic. 6. quòd illi soli peccatum originale contrahunt, qui ab Adam descendunt per virtutem actiuā in generatione originaliter ab Adam deriuatam, quia tale peccatum non deriuatur in posteros à primo parente nisi in quantum ab ipso mouentur per originem. Ideo bene dicitur hoc loco Christum peccatum originale non contraxisse, licet materiam sui corporis ex beata virgine ab Adam descendente suscepit, quia corpus eius non fuit formatum virtute actiua seminis ab Adam descendenti, sed spiritus sancti virtute. Ad quintam dicit primò quòd ideo prædicti defectus per naturalem originem traducuntur, quia natura destituta est auxilio gratiæ, quòd simul cum natura erat ad posteros deriuandum. Dicit secundò, quòd hic defectus suscipit rationem culpæ, quia hæc destitutio ex voluntario peccato processit. Ex quo patet quòd huiusmodi defectus & culpabiles sunt per comparisonem ad primum principium, id est, ad peccatum Adæ, & naturales sunt per comparisonem ad naturam iam destitutam, iuxta illud Ephes. 2. Erasmus natura filij iræ.

ADVERTENDVM quòd S. Tho. vult negare illam propositionem, quòd est naturale alicui modo inferius exponendo, non est peccatum in ipso, potest enim quòd est naturale, habere rationem culpæ, in quantum prouenit ex peccato voluntario alicuius, à quo natura destituta supernaturali auxilio in alio originem habet.

ADVERTENDVM quoque ex ista responsione, quòd natura dupliciter considerari potest, scilicet secundum se: & sic defectus qui sunt in natura, nullo modo sunt culpabiles, sed tantummodo naturales: & ut ex voluntario peccato primi parentis consequuntur naturam destitutam prædicto auxilio, quòd huiusmodi defectus prohibebat, & sic culpabiles sunt, licet etiam sint naturales. Ad sextam, admissa responsione data, negatur vitium originis non prouenire ex defectu alicuius principij, scilicet grauitati doni collati naturæ in sui institutione. Dicitur secundò, quòd hoc donum quodammodo fuit naturale, non quasi ex principijs naturæ causatum, sed quia sic homini datum fuerat, ut simul cum natura propagaretur, id est, virtute seminis perueniret ad prolem: & ideo vitii origo est ex defectu principij aliquo modo naturalis, licet nò naturalis, ut ex principijs naturæ causati.

ADVERTENDVM, quòd vult S. Tho. hanc distinctionem intelligi, scilicet quòd naturale dupliciter dicitur. Vno modo quòd est ex principijs naturæ causatum, & sic origo non est vnita vitio originalis peccati ex defectu principij naturalis. Alio modo, quia simul cum natura est propagatum, sic origo dicitur vitiosa propter defectum principij naturalis.

ADVERTENDVM secundò, quòd iustitia originalis erat aliquo modo in femine Adam antequam peccaret, in quantum habebat virtutem à quo modo causatiua ipsius simul cum natura quocumque ab ipso decideret: ideo subtracta dicta iustitia à natura per peccatum Adam, potest dici in femine esse defectum alicuius principij, per quem origo est vitiosa, & natura prouenit peccato obnoxia. Ad septimam per idem patet. Assumptum enim verum est de eo quòd prouenit ex defectu principij naturalis, id est, ad naturam speciei pertinentis, non autem de eo quòd prouenit ex defectu principij naturalis: id est, superaddit principio speciei, hoc est animæ rationali, simul cum specie transfundendi. Ad octauā dicitur, quòd assumptum est verum loquendo de vitio culpæ actualis, quæ ex voluntate singularis personæ (intellige in quantum singularis est) prouenit, cum actus generatiue potentie non obediatur rationi vel voluntati, non est autem verum de vitio originalis culpæ, quæ ad naturam pertinet, cum & actus generatiue potentie naturales dicantur.

ADVERTENDVM quòd culpa originalis dicitur esse in actu generatiue potentie, nò quidem formaliter aut subiectiue, sed virtualiter tantum, quomodo etiam dicitur esse in semine. Ad hoc autem non requiritur quòd actus huiusmodi obediatur rationi, sed sufficit quòd sic actus naturæ & causatiuus ipsius, sicut & ipsa culpa originalis est vitium naturæ. Ad nonam dicit, quòd licet per peccatum huiusmodi non tollatur homini bonum naturæ, quòd ad naturæ speciem pertinet, bonum tamen naturæ per gratiam superadditum auferri potuit, ut dictum est.

Ad decimam dicitur, quòd cum priuatio & forma sibi correspondent, sicut donum naturæ præstitum, licet ad rationem speciei non pertineret, tamen à primo homine ex diuina gratia in totam speciem erat deriuatum: ita peccatum per quod illud bonum priuatur per totā speciem deriuatur. Ex ista responsione vult negare S. Tho. hanc propositionem: In iis quæ non pertinent ad rationem speciei non oportet filium parentibus assimilari. falsa est enim, quando aliquid datur parenti ut deriuandum in filios, aut quando est priuatio eius quod in filios erat deriuandum. Ad vndecimam dicit quòd licet aliquis per sacramenta ab originali peccato mundeatur, in quantum est culpa, quod est personaliter à peccato huiusmodi liberari, & in generante non sit peccatum originale, in quantum est persona quædam, contingatque etiam in actu generationis nullum esse peccatum, non tamen natura totaliter sanatur: & iccirco manet huiusmodi peccatum in generante, in quantum est naturale generationis principium, & in actu generationis, atque per hunc actum qui est actus naturæ, transfunditur in posteros.

AD euidentiam huius responsionis considerandum est ex doctr. S. Tho. 1. 2. q. 81. art. 3. ad secundum, & de Ma. q. 4. art. 6. ad 4. & secundo Sent. dist. 37. q. 1. art. 1. quòd cum originale peccatum iustitiæ originali opponatur, hæc autem faciat subiectionem superioris partis animæ ad Deū, & inferiorum virum ad superiorem, atque corporis ad animā, omnes istæ rectitudines & subiectiones per peccatum originale tolluntur: vnde formale in peccato originali est priuatio rectitudinis superioris partis ad Deum, & ex hoc habet



habet rationem culpæ quæ reſtitutioni voluntatis opponitur; materiale verò, vt inferius declarabitur, eſt concupiſcentia ſeu fomes aut habitus ad malum. Per Baptiſmum ergo remouetur peccatum originale, quātum ad id quod eſt formale in ipſo, ſcilicet quātum ad ipſam inordinationem voluntatis, ſive priuationem reſtitutionis in voluntate, ex qua huiusmodi defectus originalis culpæ habet rationem, & ex qua habet vt perſonam inſiciat macula culpæ, non autem remouetur quantum ad concupiſcentiam ſive fomitem. Ideo bene hic dicitur hominē per ſacramenta ab originali mundari perſonaliter, & vt ei non imputetur ad pœnam: non autem naturam totaliter ſanari, quia videlicet manet infectio in partibus inferioribus animæ, nō autem in ſuperiori parte: & quia homo non generat ſecundum ſuperiorem partem animæ, ſed ſecundum inferiorem: ideo bene dicitur quod ſecundum actum generationis, qui eſt actus naturæ, ab huiusmodi genere, cui remiſſum eſt peccatum originale modo dicto, tranſmittitur dictum peccatum in poſteros.

ADVERTENDVM etiam, quod non dicit ſanct. Thom. naturam per ſacramenta abſolute non ſanari omnino, quia vt patet ex locis prædictis præcipue ſecundo Sententiarum illa diſpoſitio ad malum quæ dicitur concupiſcentia vel fomes, per baptiſmum aliquo quidem modo tollitur, in quantum per gratiam minuitur, ipſa gratia in contrarium inclinante ei ad quod fomes diſponebat, non tamen tollitur totaliter, cum ſequatur conditionem naturæ.

SED occurrit duplex dubium. Primum eſt, quia videtur velle S. Thom. de Ma. q. allegata ad decimum, quod poſt baptiſmum remanet quidē concupiſcentia, non tamen cum carentia originalis iuſtitie, ex quo ſequitur quod nullo modo remaneat peccatū originale poſt baptiſmum. vbi enim eſt iuſtitia originalis, ſibi non eſt originale peccatum. Secundum dubium eſt, quia non videtur quomodo poſſit à genere tranſmitti in prolem vitium naturæ ſub ratione culpæ, ſi in ipſo genere non eſt ſub ratione culpæ, quum non ſit vitium in natura geniti niſi propter vitium naturæ generantis. effectus enim non excedit ſuam cauſam.

AD primum dicitur quod de iuſtitia originali dupliciter loqui poſſumus. Vno modo, vniuerſaliter ſcilicet, & quantum ad effectum quo perficit partem ſuperiorem animæ, & quātum ad effectum quo perficit omnes alias partes. Alio modo tantum vt perficit ſuperiorem animæ partem, quo modo abſolute etiam poſſet dici in homine eſſe iuſtitia originalis, quia ex ordinatione in illa ſuperiori parte ſequitur in aliis inferioribus partibus ordinatio.

DICTVM ergo ſancti Thomæ non eſt intelligendum de carentia iuſtitie originalis primo modo, ſed de carentia ipſius ſecundo modo. Remanet enim concupiſcentia quæ dicit carentiam iuſtitie originalis, vt perficiebat inferiores partes, ſed non remanet cum carentia iuſtitie originalis, vt perficit ſuperiorem partem, cum per baptiſmum reſtituatur gratia, per quam ſuperior pars animæ coniungitur Deo, & ſic reſtituitur iuſtitia originalis quantum ad illum effectum, licet non reſtituatur ſecundum eſſentiam. Vnde in prima ſecundæ inquit ſanctus Thomas quod poſt baptiſmum remanet peccatum originale actū, ſed tranſit reatu, id eſt, remanet quantum ad concupiſcentiam quæ eſt materiale in peccato originali, non remanet autem quantum ad priuationem iuſtitie originalis, vt perficit ſuperiorem partem animæ, quod eſt formale, ex quo habet vt ſibi debeat pena. Ad ſecundum reſpondetur, quod nullū inconueniens eſt in baptizato defectum naturæ non habere rationem culpæ, ſed tantum pœnæ: & tamen hunc defectum tranſfundi in prolem ſub ratione culpæ, quia (vt inquit S. Thom. de Ma. vbi ſuprà ad ſeptimum. & 2. Sent. diſt. 31. q. 1. art. 2. ad quartum) non eſt inconueniens quod pœna ſit cauſa culpæ, non quidem in quantum huiusmodi, ſed in quantum ex culpa cauſatur. virtus enim cauſa manet in effectū. Cum autem dicitur quod effectus non excedit ſuam cauſam, dicitur primo, quod hoc eſt falſum de cauſa inſtrumentali. Dicitur ſecundo quod hic effectus non excedit ſuā cauſam, quia quod habet vitium naturæ in genito formaliter, habet vitium naturæ in genere virtualiter.

AD duodecimam dicit, quod non potuit primus homo ſatisfacere pro tota natura, neque bonum naturæ redintegrare per ſuum actum, quia peccatum actuale ipſius tranſiuit in naturam, in quantum ipſa per peccatum huiusmodi deſtituta eſt beneficio ſibi præſtito, qua deſtituta actus eius ſimpliciter naturalis fuit: ſed ſolum ſatisfacere aliquatenus potuit, pro eo quod ad ipſius perſonam ſpectabat.

ADVERTENDVM primo ex doctrina ſancti Thomæ, 3. diſt. 1. q. 1. art. 2. ad vltimum, quod cum bonum naturæ inſtitutū à Deo redintegrari non poſſit niſi iterum ſub beneficio ſibi à ſua inſtitutione præſtito conſtituatur, & hoc non poſſit fieri niſi per actum habentem aliquid virtutis ſupernaturalis, eod quod tale beneficium ſupernaturale eſſet, vbi actus fuerit merè naturalis, nihil videlicet habens ſupernaturalis virtutis: natura non poterit per huiusmodi actum redintegrari, cum per actum omnino naturalem non poſſit natura eleuari ſupra ſuæ naturæ conditionem, ſed hoc ad cōditorem naturæ pertinet, ad quem etiam pertinet naturarum gradum ordinare. Ideo bene oſtendit S. Thom. primum hominem non potuiſſe bonum naturæ per actum ſuum redintegrare: quia cum natura per peccatum primi hominis deſtituta eſſet ſupernaturali beneficio, actus eius ſimpliciter naturalis fuit.

ADVERTENDVM ſecundo, quod per actum perſonalem non potuit primus homo ſatisfacere pro peccato humanæ naturæ, quia (vt tangitur inferius, & 3. quæſt. 1. art. 2. ac 3. Sent. diſt. 1. quæſt. 1. art. 1. ad ſextum), purus homo eſt aliquid minus tota generis humani vniuerſitate, ſed bene pro peccato ſuo, in quantum ad perſonam pertinebat, ſatisfacere potuit, nec tamen per ſeipſum plenē, ſed tantum cum adiutorio gratiæ. Ideo bene dicitur hic quod aliquatenus pro eo quod ad ipſius perſonam pertinebat, ſatisfacere potuit.

ADVERTENDVM quoque illam probationem conſequentiæ, quia videlicet bonum eſt potentius ad agendum quā malum, non eſſe efficacem, quia non dicimus peccatum Ad quod cauſaſſe peccatum in alios per modum efficientiæ, ſed per modum demeriti: per peccatum enim demeruit Adam iuſtitia originali priuari & pro ſe & pro aliis: & ſic vt actus eius, ſcilicet à natura proueniens, remaneret naturalis omnino. Ad vltimam negat ſequelam, quia cum peccata poſteriorum parentum inueniant naturam deſtitutam beneficio ſibi primitus conſeſſo, ex eis non ſequitur ali-

quis defectus qui propagetur in poſteros, ſed ſolum qui perſonam peccantis inſiciat.

ADVERTENDVM reſponſionem (vt etiam clariuſ oſtenditur 1. 2. q. 81. art. 2. & de Malo, q. 4. art. 8.) ad hoc tendere, quod non eſt eadem ratio de peccato Ad quod de peccatis proximorum parentum, quia per peccatum Ad deſtituta eſt natura eo quod tranſmittendum erat in poſteros: & ideo per actum naturæ tranſmiſſum eſt ad poſteros eius peccatum: per peccata autem actualia proximorum parentum non inſicitur aliquo modo natura, ſed ipſa eſt prius infecta: ideo non ſequitur vt eorum peccata in poſteros tranſmittantur. Ex his concludit S. Thom. contra Pelagianos, neque inconueniens eſſe, neque contra rationem, peccatum originale in hominibus eſſe.

CÆTERVM, quia ſuperius præſuppoſitum eſt peccatum originale conſiſtere in priuatione iuſtitie originalis, & concupiſcentiam includere, ne ex ignorantia quod quid eſt peccati originalis, quæ ſuperius tradita ſunt, minus clara ſint: videndum eſt quid per formale & quid per materiale peccati originalis intelligamus. Conueniunt quidem omnes Thomiſtæ in hoc, quod duo includuntur in peccato originali. Vnum ſcilicet formale, quod eſt priuatio originalis iuſtitie: alterum verò materiale, quod eſt concupiſcentia. hæc enim ad peccatum huiusmodi pertinere expreſſe ponit ſanctus Thomas in prima ſecundæ, in quæſtione de Malo, & 2. Sentent. ſed in horum declaratione diuerſis viis incedunt. quidam enim dicunt quod per priuationem iuſtitie originalis intelligitur & priuatio illius doni ſupernaturalis, quæ iuſtitia originalis proprie dicitur, & priuatio ſubiectionis ad Deum, quæ eſt primus talis doni effectus: ſed illa priuatio pertinet primò ad formale peccati originalis, iſta verò ſecundariò. per concupiſcentiam autem dicunt intelligi omnem aliam inordinationem tam voluntatis quā aliarum virium animæ. Primum accipiunt ex eo quod ſanctus Thomas 1. 2. quæſt. 82. artic. 3. de huiusmodi formalibus quæſtiones dicit priuationem iuſtitie originalis, per quam voluntas ſubdebat Deo, eſſe formale: & ſubdit quod omnis alia inordinatio virium animæ ſe habet ſicut materiale. Ex his enim videtur velle ſanctus Thomas quod & priuatio iuſtitie originalis, & inordinatio voluntatis quæ eſt priuatio ſubiectionis voluntatis ad Deum, ad formale pertineat. Secundum verò accipiunt ex eo quod ibidem ſubditur, non quidem quod omnis inordinatio aliarum virium animæ ſit ſicut materiale, ſed abſolute quod omnis alia inordinatio virium animæ, in hac includens etiam aliquam voluntatis inordinationem, ſcilicet cōuerſionem voluntatis ad malum, quæ quidem abſolute pertinet ad materiale, ſed tamen inter materialia peccata originalis ſe habet vt formale. Adhuc quoque iſti quod peccatum originale non eſt pura priuatio originalis iuſtitie, ſed eſt aliquod poſitiuum, ſcilicet qualitas quædam & habitus, hoc autem accipiunt ex verbis S. Thomæ 1. 2. q. allegata, art. 1. & ad primum, quod eſt habitus, & quod vltra priuationem habet aliquid poſitiuū, ſicut & ægritudo corporalis. Capreolus verò in ſecundo, diſtinct. 30. videtur per priuationem iuſtitie originalis intelligere priuationem illius doni gratuiti, & omne inordinationem in voluntate inde conſequentem, per concupiſcentiam verò inordinationem in omnibus viribus animæ aliis à voluntate. Tenere quoque videtur concupiſcentiam non dicere aliquem habitum, aut aliquam qualitatem inclinantem ad malum, ſed aut priuationem, aut relationem quādam. Videtur autem mihi, quod Capreoli opinio magis ſit ad mentem ſancti Thomæ. Quantum quidem ad formale peccati originalis, quia vbiq; diſtinguit ſanctus Thomas voluntatem ab aliis potentiis animæ, ſicut motum à mobili, & ait ob hæc cauſam quod pertinet ad voluntatem eſſe quali formale. Ex quo concludit, quod cum priuatio iuſtitie originalis pertineat ad voluntatem, intellige non formaliter & primò, ſed in quantum primus effectus iuſtitie originalis erat in voluntate, ipſa eſt ſicut formale in peccato originali. Ex his enim habetur quod per priuationem iuſtitie originalis priuatio illius doni gratuiti exiſtens in eſſentia animæ formaliter, & omnis inordinatio voluntatis inde proueniens intelligitur. Quantum materiale quoque patet quod ſola inordinatio aliarum virium à voluntate ad ipſum pertinet, cum dicat ſanctus Thomas quod cum ex parte virium inferiorum à voluntate motarum ſit pronitas ad inordinate appetendum, quæ concupiſcentia dici poſſet: ipſa concupiſcentia eſt quali materiale. Ex hoc enim patet, cum ſola concupiſcentia ponatur materiale in peccato originali, quod ſola inordinatio virium inferiorum ad huiusmodi materiale pertinet. Quod etiam concupiſcentia ſecundum quod eſt materiale peccati originalis, nō dicat qualitatem, aut aliquod poſitiuum abſolutum, patet, quia de Malo, quæſt. 4. artic. 2. ad quartum, inquit S. Thom. concupiſcentiam hanc eſſe habitalem concupiſcentiam per remotionem freni originalis iuſtitie acceptā. Idemque & in ſecundo Sent. & in 1. 2. tenet. Dicendum ergo quod peccatum originale duo dicit, ſcilicet aliquid formale à quo ſpeciem habet, & aliquid materiale, quod ſcilicet tenet locum materiæ: formale quidem eſt priuatio iuſtitie originalis, in quantum ſuperiorem partem animæ perficiebat, id eſt priuatio illius doni ſupernaturalis exiſtens in eſſentia animæ, & priuatio ſubiectionis voluntatis ad Deum, qui erat primus effectus illius doni: materiale verò eſt ipſa inclinatio naturalis virium inferiorum animæ, proueniens ex priuatione originalis iuſtitie quæ inferiores animæ vires regulabat ne inordinate ferrentur in ſua obiecta, cum habitudine quadam rationis ad peccatum primi parentis. non enim priuatio iuſtitie originalis, aut inordinatio inferiorum virium habet rationem culpæ, niſi in quantum ex peccato actuali primi parentis dependentiam habet, ſimiliter & cum habitudine ad inordinate appetendum, quæ quidem poſſet dici habitus, vt pote exiſtens quædam habitus ad inordinatos actus, ita quod concupiſcentia, vt hic de ipſa loquimur, ſupra naturales inclinationes virium inferiorum animæ nihil addit niſi dictam priuationem iuſtitie originalis tanquam cauſam, & relationem concomitantem. Quod autem adducunt alij pro confirmatione opinionis ſuæ, non iuuat. Nam ex hoc quod inquit ſanctus Thom. formale in peccato originali eſſe priuationem iuſtitie originalis, per quam voluntas ſubdebat Deo, non inferat ſolam inordinationem voluntatis, quæ eſt priuatio debita ſubiectionis ad Deum, eſſe formale, excludendo inordinationem quæ eſt per cōuerſionem voluntatis ad bonum creatum: ſed illa inordinatio iſtam includit, ſicut & perfecta ſubiectionis voluntatis ad Deum per iuſtitiam originalem includit cōuerſionem voluntatis in Deum: & ideo per illum modum dicendi vult habere ſanctus Thom. quod



quod priuatio iustitiæ originalis est formale in peccato originali, non prout iustitia originalis erat in omnibus viribus animæ per suum effectum, sed prout eius effectus erat in superiori parte animæ, ipsam voluntatem perfectè subiciens Deo. Ex eo quoque quod sanctus Thomas subdit omnem aliam inordinationem virium animæ ad materiale pertinere, non habetur quod etiam aliqua inordinatio voluntatis ad materiale originalis peccati pertineat. Nam illud dictum intelligitur de inordinatione aliarum virium animæ, quod patet, quia magis explanans quod dixerat, subdit immediatè, inordinatio autem aliarum virium animæ communi nomine potest concupiscentia appellari, & ideo peccatum originale materialiter quidem est concupiscentia, formaliter verò est defectus originalis iustitiæ. Ex quibus dat intelligere per omnem aliam inordinationem virium animæ se intellexisse inordinationem in aliis viribus animæ existentem, non autem eam quæ est in voluntate, quam dixerat ad formale pertinere. Quod verò vltius adducitur ad ostendendum peccatum originale esse qualiter superadditam viribus animæ, non conuincit, quia sanctus Thomas ibi habitum accipit non pro qualitate superaddita potentie, ut ipsemet ibidem declarat, sed pro inordinata dispositione naturæ, quæ dicitur habilitas quædam ad concupiscendum: ista autem habilitas nihil est aliud quàm ipsamet dispositio naturalis virium inferiorum ad repugnandum rationi non subditarum freno originalis iustitiæ, & per consequens carentium ordine quem debebant habere ex prima institutione naturæ. Vnde fit comparatio peccati originalis ad ægritudinem corporalem quantum ad hoc, quod ita soluta harmonia quæ erat in partibus animæ ex remotione originalis iustitiæ, sequitur languor animæ & inordinatio in viribus eius, sicut soluta harmonia humorum in corpore per remotionem sanitatis illos in ordine cōtinentis, sequitur corporis ægritudo: & sicut ægritudo dicit aliquid posituum, ita & peccatum originale dicit aliquid posituum, scilicet ipsam concupiscentiam, quæ dicit ipsas animæ vires cum priuatione quadam & relatione modo exposito, non autem quātum ad hoc, quod sicut ægritudo dicit aliquam qualitatem posituam superadditam humoribus, ita & peccatū originale dicat aliquam qualitatem posituam viribus animæ superadditam.

*Rationes quibus videtur probari quod non fuit  
conueniens Deum incarnari.*

*Cap. 53.*



**Q**UIA verò incarnationis fides ab infidelibus stultitia reputatur, secundum illud Apосто. 1. Corinth. 1. Placuit Deo per stultitiam prædicationis saluos facere credentes: stultum autè videtur aliquid prædicare, non solum quia est impossibile, sed etiam quia est indecens: insistant infideles ad incarnationis impugnationem, nō solum niten-tes ostendere esse impossibile quod fides catholica prædicat, sed etiam incongruum esse, & diuinam bonitatem non decere. Est enim diuinæ bonitati conueniens, vt omnia suum ordinem teneant: est autem hic ordo rerum, vt Deus sit super omnia exaltatus: homo autem inter infimas creaturas contineatur. non igitur decet diuinam maiestatem humanæ naturæ vniri.

2 Item, si conueniens fuit Deum hominem fieri, oportuit hoc esse propter aliquam vtilitatem inde prouenientē. sed quæcunque vtilitas detur, cū Deus omnipotens sit, hanc vtilitatem producere potuit sola sua voluntate. cū igitur vnumquodque fieri cōueniat quàm breuissimè potest, non oportuit quod Deus propter huiusmodi vtilitatē humanam naturam sibi vniret.

3 Adhuc, quum Deus sit yniuersalis omniū causa, ad vtilitatem totius vniuersitatis rerum eum præcipuè intendere oportet: sed assumptio humanæ naturæ solum ad vtilitatem hominis pertinet: non igitur fuit conueniens quod si alienam naturam Deus assumere debuerit, quod solum naturam humanam assumpserit.

4 Amplius, quātō aliquid est alicui magis simile, tantō ei inconuenientius vnitur: Deo autè similior & propinquior est angelica natura quàm humana. non igitur conueniens fuit assumere naturam humanam, angelica prætermissa.

5 Item, id quod est principium in homine, est intelligentia veritatis, in quo videtur homini impedimentum præstari, si Deus humanam naturam assumpserit. datur enim ei ex hoc erroris occasio, vt consentiat his qui posuerunt Deum non esse super omnia corpora exaltatum. non igitur hoc ad humanæ naturæ vtilitatem cōueniebat, quod Deus humanam naturam assumeret.

6 Item, experimento dicere possumus, quod circa incarnationem Dei plurimi errores sunt exorti. videtur igitur humanæ salutis cōueniens nō fuisse quod Deus incarnaretur.

7 Adhuc, inter omnia quæ Deus fecit, istud videtur esse

maximum, quod ipsemet carnem assumpserit: ex maximo autem opere maxima debet expectari vtilitas. si igitur incarnatio Dei ad salutem hominū ordinatur, videtur fuisse conueniens quod ipse totum humanum genus saluasset: quum etiam omnium hominum salus videatur esse competens vtilitas pro qua tantum opus fieri debuisset.

8 Amplius, si Deus propter salutem hominum humanam naturam assumpserit, videtur fuisse conueniens, vt eius diuinitas hominibus per sufficientia indicia manifestaretur. hoc autem non videtur contigisse. nam per aliquos alios homines solo auxilio diuinæ virtutis absque vniōne Dei ad eorum naturam inueniuntur similia miracula esse facta, vel etiam maiora quàm fecerit Christus: non igitur videtur Dei incarnatio sufficienter procurata fuisse ad humanam salutem.

9 Præterea, si hoc necessarium fuit humanæ saluti, quod Deus carnem assumeret, quum à principio mūdi homines fuerint, videtur quod à principio mundi humanā naturam assumere debuit, & nō quasi in fine temporum: videtur enim omnium præcedentium hominum salus prætermissa fuisse.

10 Item, pari ratione vsque ad finē mundi debuisset cum hominibus conuersari, vt homines sua præsentia erudiret & gubernaret.

11 Adhuc, hoc maximè hominibus vtile est, vt futuræ beatitudinis in eis spes fundetur. hanc autem spem magis ex Deo incarnato concepisset, si carnem immortalem & impassibilem & gloriosam assumpisset, & omnibus ostendisset. non igitur videtur fuisse conueniens quod carnem mortalem & etiam infirmam assumpserit.

12 Amplius, videtur fuisse conueniens ad ostendendum quod omnia quæ in mundo sunt, sint à Deo, quod ipse abundantia rerū mundanarum vsus fuisset, in diuitiis & in maximis honoribus viuens: cuius contraria de ipso leguntur, videlicet quod pauperem & abiectam vitam duxit, & probrosam mortem sustinuit. non igitur videtur esse conueniens quod fides de Deo incarnato prædicat.

13 Præterea, ex hoc quod ipse abiecta passus est, eius diuinitas maximè fuit occultata: quum tamen hoc maximè necessarium fuerit hominibus, vt eius diuinitatem cognosceret, si ipse fuit Deus incarnatus. nō igitur videtur quod fides prædicat, humanæ salutis conuenire. Si quis autem dicat quod propter obedientiam patris filius Dei mortem sustinuit, hoc nō videtur rationabile. obedientia enim impletur per hoc quod obediens se cōformat voluntati præcipietis. voluntas autem Dei patris irrationabilis esse non potest. si igitur non fuit conueniens Deum hominē factum mortem pati, quia mors contraria esse videtur diuinitati, quæ vita est: huius rei ratio ex obedientia ad patrem conuenienter assignari non potest.

14 Præterea, voluntas Dei non est ad mortem hominum etiam peccatorum, sed magis ad vitam: secundum illud Ezech. 18. Nolo mortem peccatoris, sed vt magis conuertatur & viuat. multo igitur minus potuit esse voluntas Dei patris vt homo perfectissimus morti subiceretur.

15 Amplius, impium & crudele videtur innocentem præcepto ad mortē inducere: & præcipuè pro impiis qui morte sunt digni. homo autem Christus Iesus innocēs fuit: impium igitur fuisset si præcepto Dei patris mortē subiisset. Si verò aliquis dicat hoc necessarium fuisse propter humilitatem demonstrandam, sicut Apostolus videtur dicere Philip. 2. quod Christus humiliavit semetipsum factus obediens vsque ad mortem: nec hæc quidem ratio conueniens videtur: primum quidem, quia in eo commendanda est humilitas qui habet superiorē, cui subiici possit: quod de Deo dici non potest. non igitur cōueniens fuit Dei verbum humiliari vsque ad mortem.

16 Item, satis homines ad humilitatem informari poterant verbis diuinis, quibus est fides omnimoda adhibenda, & exemplis humanis. non igitur ad demonstrandū humilitatis exemplum necessarium fuit verbum Dei aut carnem sumere, aut mortem subire. Si quis autem iterū dicat quod propter peccatorum nostrorū purgationem necessarium fuit



fuit Christum mortem subire, & alia quæ videntur esse subiecta, sicut Apostolus dicit quod traditus est propter peccata nostra: & iterum, Mortuus est ad multorum ex-haurienda peccata: nec hoc videtur esse conueniens. Primò quidem, quia per solam Dei gratiam hominum peccata purgantur.

17 Deinde, quia si aliqua satisfactio requirebatur, conueniens fuit ut ille satisfaceret qui peccauit: quia in iusto Dei iudicio vnusquisque onus suum debet portare.

18 Item, si conueniens fuit ut aliquis homine puro maior pro homine satisfaceret, sufficiens videtur fuisse si angelus carne assumpta huiusmodi satisfactionem impleset, cum angelus naturaliter sit superior homine.

19 Præterea, peccatum non expiatur peccato, sed magis augetur, si igitur per mortem Christi satisfacere debuit, talis debuit eius mors esse in qua nullus peccaret: ut scilicet non violenta morte, sed naturaliter moreretur.

20 Ahuc, si pro peccatis hominum Christum mori oportuit: quum frequenter homines peccent, oportuisset eum frequenter mortem subire. Si quis autem dicat quod specialiter propter peccatum originale necessarium fuit Christum nasci & pati, quod quidem totam naturam humanam infecerat homine primo peccante: hoc impossibile videtur. Si enim alij homines ad satisfaciendum pro peccato originali sufficientes non sunt, nec mors Christi pro peccatis humani generis satisfactoria fuisse videtur: quia & ipse secundum humanam naturam mortuus est, non secundum diuinam.

21 Præterea, si Christus pro peccatis humani generis sufficienter satisfecit, iniustum videtur quidem esse quod homines adhuc pœnas patiantur quas pro peccato diuina scriptura inductas esse commemorat.

22 Adhuc, si Christus sufficienter pro peccatis humani generis satisfecit: non essent vltra remedia pro absolutione peccatorum querenda: queruntur autem ab omnibus qui suæ salutis curam habent. non igitur videtur sufficienter Christum peccata hominum abstulisse. Hæc igitur sunt & similia, ex quibus alicui videri potest ea quæ de incarnatione fides Catholica prædicat, diuinæ maiestati & sapientiæ conuenientia non fuisse.

Super cap. 53.

**P**OST QUOD determinauit sanctus Thomas de peccato originali, vnde conuenientia incarnationis sumitur, vult de ipsa incarnationis conuenientia determinare. Circa hoc autem tria facit. Primò ponit obiectiones infidelium reputantium fidem esse stultitiam, ut dicitur 1. Cor. 1. atque idcirco arguentium non solum impossibile esse quod fides prædicat de incarnatione, sed etiam quod est incongruum, & diuinam bonitatem non decet. Secundò, determinat veritatem, cap. seq. Tertio, obiectionibus respondet, cap. ss. Primò ergo obicitur, quia ordo rerum hic est, ut Deus sit super omnia exaltatus: homo autem inter infimas creaturas contineatur. Est autem diuinæ bonitati conueniens, ut omnia suum ordinem teneant. Secundò, quia quæcunque vilitas detur ex incarnatione, Deus ipsam potuit producere sola sua voluntate: conuenit autem ut vnumquodque quam brevissimè fiat. Tertio, quia assumptio humanæ naturæ solum ad utilitatem hominis pertinet: oportet autem Deum ad utilitatem totius vniuersitatis rerum præcipuè intendere. Quartò, quia quantum aliquid est ei magis simile, tanto conuenientius ei vnitur, Deo autem similior & propinquior est natura angelica quam humana. Quintò, quia datur ex hoc homini erroris occasio, ut scilicet consentiat ponentibus Deum non esse super omnia corpora exaltatum. Sextò, quia experimento discere possumus circa Dei incarnationem plurimos errores exortos esse. Septimò, quia si incarnatio Dei ad salutem hominum ordinatur, videtur fuisse conueniens ut totum humanum genus ipse saluaret. Octauò, quia si Deus propter salutem hominum humanam naturam assumpsit, debuit per sufficientia indicia eius diuinitas manifestari: quod non videtur contigisse, quum etiam alij absque vniione Dei ad eorum naturam similia miracula vel etiam maiora fecerint quam Christus. Nondò, quia si sic conueniebat fieri, humanam naturam debuit Deus assumere à principio mundi, & non in fine temporum. Decimò, quia pari ratione debuit Christus vsque in finem mundi cum hominibus conuersari. Vndecimò, quia spem futuræ beatitudinis homo magis ex Deo incarnato concepit, si carnem immortalem & impassibilem & gloriosam assumpsisset, & omnibus ostendisset. Duodecimò, quia tunc fuisset conueniens ad ostendendum quod omnia quæ sunt in mundo, sint à Deo, ut Christus abundantia rerum humanarum vsus fuisset in diuitiis & maximis honoribus viuens: cuius contraria de ipso leguntur. Decimotertiò, quia maxime necessarium fuit hominibus, ut Dei diuinitatem cognoscerent, si ipse Deus fuit incarnatus: fuit autem magis occulta, ex eo quod abiecta passus est. Si dicatur quod propter obedientiam patris filius Dei mortem

sustinuit. Contra arguitur. Quartodecimò, quia si non fuit conueniens Deum hominem factum mortem pati, quia mors contraria esse videtur diuinitati, huius rei ratio ex obedientia ad patrem, cuius voluntas irrationabilis non potest esse, conuenienter assignari non potest. Quintodecimò, quia cum voluntas Dei non sit ad mortem hominum etiam peccatorum, sed magis ad vitam, ut dicitur Ezech. 18. multo minus potuit esse ut homo perfectissimus morti subiceretur. Sextodecimò, quia Christus innocens fuit, impium autem & crudele videtur innocentem præcepto ad mortem conducere, præcipuè pro impiis. Si dicatur hoc fuisse conueniens propter humilitatem demonstrandam, ut videtur velle Apost. Philip. 2. contra arguitur. Decimoseptimò, quia in eo commendanda est humilitas qui habet superiorem, quod de Deo dici non potest. Decimooctauò, quia satis poterant homines ad humilitatem informari verbis diuinis, & exemplis humanis. Si dicatur oportuisse Christum mortem & abiecta subire, ut etiam videtur Apostolus velle, propter peccatorum nostrorum purgationem, contra arguitur. Decimononò, quia per solam Dei gratiam peccata purgantur. Vigesimo, quia conueniens fuit ut ille satisfaceret qui peccauit. Vigesimo primò, quia videtur sufficiens fuisse si angelus carne assumpta huiusmodi satisfactionem impleset. Vigesimo secundò, quia si per mortem Christi homo satisfacere debuit, talis debuit esse eius mors in qua nullus peccaret, naturalis scilicet, non violenta. Vigesimo tertio, quia oportuisset Christum frequenter mortem subire, cum frequenter homines peccent. Si dicatur quod specialiter propter peccatum originale necessarium fuit Christum nasci & pati, contra arguitur, quia si alij homines ad satisfaciendum sufficientes non sunt, nec etiam mors Christi, cum & ipse secundum humanam tantum naturam mortuus sit. Vigesimo quarto, quia tunc iniustum videtur quod homines adhuc patiantur pœnas pro peccato inductas. Vigesimo quinto, quia non essent vltra remedia pro absolutione peccatorum querenda.

Quod conueniens fuit Deum incarnari.

Caput 54.



I quis autem diligenter & piè incarnationis mysteria consideret, inueniet tantam sapientiæ profunditatem, quod omnem humanam cognitionem excedat: secundum illud Apostoli \*, Quod stultum est Dei, sapientius est

hominibus. vnde fit ut piè consideranti semper magis & magis admirabiles rationes huiusmodi mysterij manifestentur. Primum igitur hoc considerandum est, quod incarnatio Dei efficacissimum fuit auxilium homini ad beatitudinem tendenti. Ostensum est enim in tertio,

\* qd perfecta beatitudo hominis in immediata Dei visione consistit. Posset autem alicui videri quod homo ad hunc statum nunquam possit pertingere, quod intellectus humanus immediatè ipsi diuinæ essentiæ vniretur, ut intellectus intelligibili, propter immensam distantiam naturarum: & sic circa inquisitionem beatitudinis homo reperceret, ipsa desperatione detentus. per hoc autem quod Deus humanam naturam sibi vnire voluit in persona, euidentissime hominibus demonstratur, quod homo per intellectum Deo potest vniri per ipsum immediatè vident. fuit igitur conuenientissimum, quod Deus humanam naturam assumeret ad spem hominis in beatitudinem subleuandam. vnde post incarnationem Christi homines coeperunt magis ad coelestem beatitudinem aspirare: secundum quod ipse dicit Ioan. 10. Ego veni ut vitam habeant: & abundantius habeant. Simul etiam per hoc homini auferuntur impedimenta beatitudinem adipiscendi, cum enim perfecta hominis beatitudo in sola Dei fruitione consistit, ut ostensum est: necessarium est quod quicumque his quæ infra Deum sunt inhæret, finaliter à veræ beatitudinis participatione impediatur. Ad hoc autem homo deduci poterat, quod rebus infra Deum existentibus inhæreret ut fini, ignorando suæ naturæ dignitatem, ex hoc enim contingit quod quidam considerantes se secundum naturam corpoream sensitiuam, quam cum alijs animalibus habent communem, in rebus corporalibus & delectationibus \* carnis quandam beatitudinem bestialem requirunt. Quidam verò considerantes quarundam creaturarum excellentiam super homines, quantum ad aliqua eorum cultui se astrinxerunt, colentes mundum & partes eius, propter magnitudinem quantitatis, & temporis diurnitatem: vel spirituales substantias angelos & demones, propter hoc quod hominem excedere inueniuntur tam in immortalitate quam in acumine intellectus, estimantes in his, vtpote supra se existentibus, hominis beatitudinem esse querendam. Quauis autem quantum ad aliquas condiciones homo aliquibus creaturis existat in-

Idem 3. p. 9.  
1. art. 1.3. sen.  
d. 1. g. 1. art. 2.

\* 1. Cor. 1.

\* cap. 40. &  
51.

\* Epicurus  
teste Augu.  
tom. 1. contra  
Aua. lib. 3.  
& tract. contra  
Epicur.  
tom. 6.

De ceteris vi  
de lib. 2. cap.  
3. & aliu.

Contra Gent.

Y



ferior, ac etiam infimis creaturis in quibusdam assimile-  
tur: tamen secundum ordinem finis nihil homine existit  
altius, nisi solus Deus, in quo solo perfecta hominis beati-  
tudo consistit. hanc igitur hominis dignitatem, quod sci-  
licet in immediata Dei visione beatificandus sit, conue-  
nientissime Deus ostendit per hoc quod ipse immediate  
naturam humanam assumpsit. unde ex incarnatione Dei  
hoc consecutum videmus, quod magna pars hominum  
cultu angelorum, dæmonum, & quarumcunque creatura-  
rum prætermisso, spretis etiam voluptatibus carnis, & cor-  
poralibus omnibus, ad solum Deum colendum se dedica-  
uerunt: in quo solo beatitudinis complementum expectat:  
secundum quod Apost. monet ad Col. cap. 3. Quæ sursum  
sunt querite, ubi Christus est in dextera Dei sedens: quæ  
sursum sunt sapite, non quæ super terram.

3. Adhuc, quia beatitudo perfecta hominis in tali cogni-  
tione Dei consistit, quæ facultatem omnis intellectus crea-  
ti excedit, ut in tertio ostensum est: necessarium fuit quan-  
dam huiusmodi cognitionis prælibationem in homine esse,  
quæ dirigeretur in illam plenitudinem cognitionis beatæ:  
quod quidem fit per fidem, ut in tertio \* ostensum est. cog-  
nitionem autem qua homo in ultimum finem dirigitur  
oportet esse certissimam, eò quod est principium omniū  
quæ ordinantur in ultimum finem: sicut & principia natu-  
raliter nota certissima sunt: certissima autem cognitio ali-  
cuius esse non potest, nisi vel illud sit per se notum, sicut  
prima demonstrationis principia: vel in ea quæ per se no-  
ta sunt resoluatur, qualiter nobis certissima est demonstra-  
tionis conclusio. id autem quod de Deo nobis per fidem  
tenendum proponitur, non potest esse homini per se notum:  
cū facultatem humani intellectus excedat. oportuit igitur  
hoc homini manifestari per eum cui sit per se notum.  
& quāvis omnibus diuinam essentiam videntibus sit quo-  
dammodo per se notum, tamen ad certissimam cogniti-  
onem habendam oportuit reductionem fieri in primum huius  
cognitionis principium, scilicet in Deum: cui est natu-  
raliter per se notum, & à quo omnibus innotescit: sicut &  
certitudo scientiæ non habetur nisi per resolutionem in  
prima principia indemonstrabilia. oportuit igitur homi-  
nem ad perfectam certitudinem consequendam de fidei  
veritate, ab ipso Deo instrui homine facto, ut homo secun-  
dum modum humanum diuinam instructionem perciperet.  
Et hoc est quod dicitur Ioannis primo: Deum nemo  
vidit vnquam: vnigenitus qui est in sinu patris, ipse enar-  
rauit. Et ipse Dominus dicit Ioan. 18. Ego ad hoc natus sum  
in mundum, ut testimonium perhibeam veritati. propter quod  
videmus post Christi incarnationem euidentius & certius  
homines in diuina cognitione esse instructos, secundum  
illud Esa. 11. Repleta est terra scientia Domini. 4. Item, quā  
beatitudo hominis perfecta in diuina fruitione consistat:  
oportuit affectum hominis ad desiderium diuinæ fructio-  
nis disponi: sicut videmus homini beatitudinis desiderium  
naturaliter inesse. desiderium autem fruitionis, alicuius rei  
ex amore illius rei causatur. necessarium igitur fuit homi-  
nem ad perfectam beatitudinem tendentem, ad amorem  
diuinum induci, nihil autem sic ad amorem alicuius nos  
inducit, sicut experimentum amoris illius ad nos. amor  
autem Dei ad homines nullo modo efficaci homini potuit  
demonstrari, quā per hoc quod homini vniri voluit in per-  
sona, est enim propriū amoris vnire amantem cum amato,  
inquantum possibile est. necessarium igitur fuit homini ad  
beatitudinem perfectā tendenti, quod Deus fieret homo.  
5. Amplius, cū amicitia in quadam æqualitate consi-  
stat: ea quæ multum inæqualia sunt, in amicitia copulari  
non posse videntur. ad hoc igitur quod familiarior ami-  
citia esset inter hominem & Deum, expediens fuit homini  
quod Deus fieret homo: quia etiam naturaliter homo ho-  
mini amicus est: ut sic dum visibiliter Deum cognoscimus,  
in inuisibilem amorem rapiamur.

6. Similiter etiam manifestum est quod beatitudo virtu-  
tis est præmium. oportet igitur ad beatitudinem tendentes  
secundum virtutem disponi: ad virtutem autem & verbis

& exemplis prouocamur. exempla autem alicuius & ver-  
ba tantò efficacius ad virtutem inducunt, quantum de eo  
firmior bonitatis habetur opinio. de nullo autem homine  
puro infallibilis opinio bonitatis haberi poterat: quia etiā  
sanctissimi viri in aliquibus inueniuntur defecisse: unde  
necessarium fuit homini ad hoc quod in virtute firmaretur,  
quod à Deo humanato doctrinam & exempla virtutis accipe-  
ret: propter quod ipse Dominus dicit Ioan. 13. Exemplum  
dedi vobis, ut quemadmodū ego feci, ita & vos faciatis.  
7. Item, sicut virtutibus homo ad beatitudinem dispo-  
nitur, ita & peccatis impeditur. peccatum autem virtuti  
contrarium impedimentum affert beatitudini, non solum  
in ordinationem quandam animæ inducens, secundum  
quod eam ab ordine debiti finis abducit: sed etiam Deum  
offendens, à quo beatitudinis præmium expectatur, secun-  
dum quod Deus humanorum actuum curam habet: & pec-  
catum contrarium est charitati diuinæ, ut in tertio plenius  
ostensum \* est: & insuper huius offensæ homo conscien-  
tiam habens, per peccatum fiduciam accedendi ad Deum  
amittit, quæ necessaria est ad beatitudinem consequen-  
dam, necessarium est igitur humano generi quod peccatis  
abundat, ut ei remedium aliquod adhibeatur contra pec-  
cata. hoc autem remedium adhiberi non potest nisi per  
Deum: qui & voluntatem hominis mouere potest in bo-  
num, ut eam ad debitum ordinem reducat: & offensam in  
se commissam potest remittere. offensa enim non remitti-  
tur nisi per eum in quem offensa committitur. Ad hoc au-  
tem quod homo à conscientia offensæ præterita liberetur,  
oportet quod sibi de remissione offensæ per Deum con-  
flet, non autem per certitudinem ei constare potest, nisi à  
Deo de hoc certificetur. conueniens igitur fuit, & huma-  
no generi ad beatitudinem consequendam expediens, quod  
Deus fieret homo: ut sic & remissionem peccatorum con-  
sequeretur per Deum, & huius remissionis certitudinem  
haberetur per hominem Deum. Unde & ipse Dominus dicit  
Matth. 9. Ut autem sciatis quod filius hominis potestatem  
habet dimittendi peccata, &c. & Apostolus ad Hebræos 9.  
dicit quod sanguis Christi emundabit conscientias nostras  
ab operibus mortuis ad seruendum Deo viuenti.

8. Adhuc, ex traditione Ecclesiæ docemur totum huma-  
num genus peccato esse infectum. Habet autem hoc ordo  
diuinæ iustitiæ, ut ex superioribus \* patet, quod peccatum  
sine satisfactione non remittatur à Deo: satisfacere autem  
pro peccato totius humani generis nullus homo purus  
poterat: quia quilibet homo purus aliquid minus est totæ  
generis humani vniuersitate. oportuit igitur ad hoc quod  
humanum genus à peccato communi liberaretur, quod  
aliquis satisfaceret qui & homo esset, cui satisfactio com-  
peteret: & aliquid supra hominem, ut eius meritum suffi-  
ciens esset ad satisfaciendum pro peccato totius humani  
generis. maius autem homine quantum ad ordinem beati-  
tudinis nihil est nisi solus Deus, nam angeli licet sint supé-  
riores quantum ad conditionem naturæ, non tamen quan-  
tum ad ordinem finis, quia eodem beatificantur. necessa-  
rium igitur fuit homini ad beatitudinem consequendam,  
quod Deus homo fieret ad peccatum humani generis tol-  
lendū. Et hoc est quod Ioannes Baptista dixit de Chris-  
to: Ecce agnus Dei: ecce qui tollit peccata mundi. Et Apo-  
stolus ad Romanos dicit: Sicut peccatum ex vno in omnes  
in condemnationem: ita gratia ex vno in omnes ad iustifica-  
tionem. Hæc igitur sunt & similia ex quibus aliquis cōcipere  
potest, non fuisse incongruum bonitati diuinæ, Deum ho-  
minem fieri, sed expedientissimum fuisse humanæ salutis.

Super cap. 34.



VANTVM ad secundum ostendit sanctus Thomas con-  
uenientissimum fuisse mysterium incarnationis, inquit  
quod pie consideranti, semper magis ac magis admirabiles  
rationes huius mysterij manifestantur. Addit autem, pie con-  
sideranti, quia ei, qui non cum pietate & reuerentia huius-  
modi mysterium considerauit, sed cum arrogantia reputans impossibile  
omne ad quod necessarias rationes non viderit, difficile est etiam ratio-  
nes probabiles inuenire: sed qui cum reuerentia & humilitate hoc con-  
siderare voluerit, illuminati facile potest: & sibi possunt multe rationes  
probabiles



probabilis congruentia incarnationis ostendi. Probat ergo sanctus Thomas incarnationis convenientiam ex hoc quod efficacissimum homini auxilium fuit ad beatitudinem tendenti. Probat primò sic: Per hoc subleuatur spes hominis in beatitudinem. ergo convenientissimum fuit quod Deus humanam naturam assumeret. declaratur assumptum, quia posset alicui videri quod propter distantiam naturarum nunquam posset intellectus humanus immediatè ipsi diuinæ essentia, ut intellectus intelligibili vniri, in quo perfecta hominis beatitudo consistit: & sic circa inquisitionem beatitudinis homo resecraret ipsa desperatione detentus. huius autem oppositum per hoc quod Deus humanam naturam sibi vnire voluit in persona, euidentissimè demonstratur. Confirmatur à signo, quia post incarnationem Christi homines coeperunt magis ad cœlestem beatitudinem aspirare, iuxta id quod dicitur Ioan. 10. Ego veni, &c. Secundo, per hoc homini auferuntur impedimenta beatitudinem adipiscendi, ergo, &c. assumptum probatur sic: Ex ignorantia propriæ dignitatis poterat homo à participatione veræ beatitudinis impediri, sed hominis dignitatem Deus per incarnationem conuenientissimè ostendit. ergo, &c. maior declaratur, quia cum perfecta hominis beatitudo in sola Dei fruitione consistat, quicquid, iis quæ infra Deum sunt inhæret finaliter, à veræ beatitudinis participatione impeditur: ex ignorantia autem dignitatis suæ natura homo deduci poterat, ut rebus infra Deum existentibus inhæreret ut fini, cuius signum est, quod quidam considerantes se secundum naturam corpoream & sensitiuam, in rebus corporalibus & delectationibus carnis quandam beatitudinem bestialem requirunt: quidam verò considerantes quorundam rerum excellentiam super homines quantum ad aliquid, eorum cultui se astrinxerunt, colentes mundum quidem & parres eius propter magnitudinem quantitatis & temporis diurnitatem: spirituales verò substantias, tanquam hominem excedentes in immortalitate & acumine intellectus: existimantes in iis beatitudinem esse querendam. minor verò declaratur, quia secundum ordinem finis nihil est altius homine, nisi solus Deus, in quo perfecta hominis beatitudo consistit: & hanc dignitatem hominis, scilicet quod in immediata Dei visione sit beatificandus Deus conuenientissimè ostendit per hoc quod ipse immediatè naturam humanam assumpsit. Confirmatur hæc ratio à signo, quia ex incarnatione Dei hoc consecutum videmus, quod magna pars hominum cultu quorumcumque creaturarum prætermisso, spretis quoque corporalibus omnibus, ad solum Deum colendum se dederunt, in quo solo beatitudinis complementum expectant: secundum quod monet Apostolus Coloss. 3. Quæ sursum sunt, &c.

ADVERTENDVM quod sanctus Thomas perfectam hominis beatitudinem aliquando dicit in immediata Dei visione consistere: aliquando verò in sola Dei fruitione, quia in proposito non facit differentiam inter visionem beatificam & fruitionem. non enim accipit visionem ut distinguitur à fruitione, neque fruitionem ut à visione separatur: sed ut nomine visionis diuinæ comprehenditur fruitio, tanquam proprietatem eam naturaliter concomitantem. nomine verò fruitionis comprehenditur visio, tanquam id quod ad ipsam necessariò antecedit.

CIRCA id quod dicitur secundum ordinem finis nihil homine altius esse, nisi solum Deum, considerandum est primò, quod dicitur aliquid altius altero secundum ordinem finis, quando aut ad altiorem finem ordinatur, aut ipsum est eius finis: & ideo quia nulla creatura ad altiorem finem ordinatur quam homo, cuius finis & beatitudo in Deo consistit: neque etiam aliqua creatura est finis & obiectum eius beatificum, à nulla creatura exceditur homo quantum ad ordinem finis. Deus autem dicitur hominem secundum hunc ordinem excedere, non quia ipse ordinetur ad altius obiectum beatificum, quum etiam Deus seipso sit beatus, sed quia ipse & hominis & cuiuscunque intellectualis naturæ est finis & obiectum beatificum. Tertiò, cognitionem qua homo in vltimum finem dirigitur, oportet esse certissimam, cum sit principium omnium quæ ordinantur ad finem, nam & principia naturaliter nota certissima sunt: ergo & fides ad perfectam beatitudinem consequendam de fidei veritate oportet hominem ab ipso Deo homine facto instrui: ergo, &c. Probat consequentia prima, quia quum perfecta hominis beatitudo in ea Dei cognitione consistat, qua omnem intellectum creatum excedit, necesse fuit aliquam illius prælibationem esse in homine qua dirigeretur in finem, quod quidem fit per fidem. minor verò subsumpta probatur. Nam quod oportet hominem de fidei veritate à Deo instrui, probatur: quia cum id quod de Deo per fidem tenetur, non sit per se homini notum, eò quod facultatem humani intellectus excedat, oportuit hoc manifestari per eum cui sit primò per se notum. nam certissima cognitio alicuius esse non potest, nisi vel illud sit per se notum, vel in ea quæ sunt per se nota resoluitur: sed Deus est primum principium cui est hoc naturaliter per se notum, & à quo omnibus innotescit, licet etiam omnibus diuinam essentiam videtur sit quodammodo per se notum: ergo, &c. Quod verò oportet huiusmodi fidei certitudinem à Deo homine facto nobis fieri, probat, quia sic homo secundum modum humanum diuinam instructionem suscepit. Confirmatur eadem minor auth. Ioannis primo: Deum nemo, &c. & Ioan. 18. Ad hoc natus sum, &c. Confirmatur ratio signo, quia videmus post Christi incarnationem euidentius & certius homines in diuina cognitione esse instructos, iuxta illud Esaiæ vndecimo: Repleta, &c.

CIRCA id quod dicitur omnibus videntibus diuinam essentiam esse quodammodo per se notum quod de Deo hic per fidem tenemus, considerandum est, quod dupliciter potest aliquid dici alicui per se notum. Vno modo ex hoc solum quod est illi euident, & non indiget aliqua propositione qua per discursum in illius cognitionem veniat. Alio modo, quia est illi euident etiam naturaliter, id est, ex naturali cognitione: & hoc propriè & perfectè dicitur per se notum, quia non solum est per se notum ex euidentia rei cognita: sed etiam ex naturali dispositione cognoscentis. Beatis ergo dicitur per se notum, id quod nos per fidem tenemus de Deo primo modo tantum, non autem secundo modo. Nam licet illud euidenter cognoscant & clarè, hoc tamen non est ex naturali habitu ipsorum, sed ex diuina essentia, in qua omnia vident, illud clarè representante: & ideo non dicitur illud esse ipsis simpliciter per se notum, sed quodammodo. Deo autem, qui illud naturali sua cognitione perfectissimè cognoscit, dicitur simpliciter & omnino per se notum.

Quartò, necessarium fuit homini ad perfectam beatitudinem tendenti, ad amorem diuinum induci: sed nihil sic ad amorem alicuius nos inducit, sicut experimentum amoris eius ad nos: amor autem Dei ad homines nullo modo potuit hominibus efficacius ostendi, quam per hoc quod vniri voluit homini in persona, cum proprium amoris sit vnire amantem cum amato quantum possibile est, ergo, &c. probatur assumptum, quia oportuit hominis affectum ad desiderium diuinæ fruitionis disponi, cum in hac perfecta hominis beatitudo consistat. Desiderium autem fruitionis alicuius rei ex amore illius causatur. Quintò, expediens fuit ut inter hominem & Deum esset amicitia, sed hæc familiarior fuit Deo homine facto, tum quia etiam homo homini naturaliter est amicus ut sic: tum quia ea quæ multum inæqualia sunt, non videntur in amicitia posse coniungi: tum quia dum visibiliter Deum cognoscimus, in inuisibilium amorem rapimur, ergo, &c.

ADVERTENDVM quod sanctus Thomas quum dixisset hominem esse homini naturaliter amicum, addidit, ut sic, vt daret intelligere quod vnus homo est naturaliter quidem amicus homini, inquantum in humana natura ambo communicant, sed tamen ex aliis causis potest homo homini inimicus esse. Sextò, beatitudo est præmium virtutis, ergo oportet ad beatitudinem tendentes ad virtutem firmiter disponi. ergo oportet esse aliquem de cuius bonitate infallibilis opinio habeatur. ergo oportuit Deum incarnari. consequentia prima nota est, secunda probatur, quia ad virtutem verbis & exemplis prouocamur. exempla autem alicuius & verba tantò efficacius ad virtutem inducunt, quantò de eo firmior bonitatis habetur opinio. tertia verò probatur, quia de nullo homine puro infallibilis opinio bonitatis haberi poterat, sed tantum de Deo. Confirmatur, quia ipse Ioan. 13. dicit exemplum, &c. Septimò, necessarium est humano generi quod peccatis abundat, vt ei remedium adhibeatur contra peccata: sed non potest hoc remedium adhiberi nisi per Deum incarnatum, ergo, &c. Maior patet, quia homo peccatis à beatitudine impeditur. Minor verò probatur sic: Peccatum impedimentum affert beatitudini ex tribus. Primò, quia inordinationem quandam animæ inducit, eam ab ordine debiti finis abducens. Secundò, quia Deum offendit, à quo beatitudinis præmium expectatur, & peccatum est contrariū charitati diuinæ. Tertiò, quia huius offensæ homo conscientiam habens, fiduciam accedendi ad Deum amittit, quæ necessaria est ad beatitudinem consequendam, sed duobus primis remedium adhiberi non potest nisi per Deum, qui & voluntatem hominis potest ad debitum ordinem reducere, & offensam in se commissam potest remittere. Tertiò autem adhiberi non potest remedium nisi ipse Deus fiat homo, quia ad hoc vt homo à conscientia offensæ præteritæ liberetur, oportet quod sibi de remissione offensæ constet: non potest autem per certitudinem ei constare nisi à Deo certificetur, ergo, &c. Confirmatur ista minor auth. Matth. 9. Vt autem sciatis, &c. & Apostoli Hebr. 9. Sanguis Christi, &c.

AD euidentiam eius quod dictum est hominem per peccatum Deum offendere rationibus ibidem assignatis, considerandum est ex doctrina sancti Tho. quarto Sent. dist. 14. q. 2. art. 1. q. 1. & 2. quod offensa inquantum huiusmodi est inæqualitas quædam, qua vnus alij subtrahit quod ei debitum erat, Deo autem debetur à nobis amor præ omnibus, tanquam patri & creatori: debetur etiam honor inquantum ab ipso expectanda est nostra beatitudo, tanquam ab eo qui humanorum aduim curam habet: & vtrunque per peccatum remouetur. Subtrahitur enim Deo debitus honor qui sibi debetur, inquantum ab eo expectatur præmium beatitudinis, dum aliquid contra eius præcepta irreuerenter committitur. Item subtrahitur debitus amor & affectus, inquantum homo mortaliter peccando aliquid magis amat quam Deum. ideo bene assignatur pro ratione quare per peccatum homo Deum offendit, quia videlicet & ab ipso præmium beatitudinis expectatur, & peccatum contrariatur charitati diuinæ, id est amor qui Deum super omnia diligitur.

ADVERTENDVM vltèrius, quod liberari à conscientia offensæ præteritæ dupliciter intelligi potest. Vno modo quia homo amplius non recordatur se Deum offendisse, & de hac liberatione non loquitur hic sanctus Tho. Alio modo quia non amplius habet remorsum conscientia quod Deus sit sibi offensus & inimicus ob offensam præteritam, & de hac liberatione loquitur hoc loco, cum inquit quod ad hoc vt homo à conscientia offensæ præteritæ liberetur, oportet vt sibi de remissione offensæ per Deum constet.

ATTENDENDVM etiam, cum vult sanctus Tho. hanc certificationem offensionis necesse esse fieri à Deo incarnato, quod nomine necessarii intelligit convenientiam quandam, sicut & sæpè numero in præcedentibus & sequentibus videtur. vnde in conclusione non videtur nomine necessarii, sed convenientis & expedientis. Vltimò, ex traditione Ecclesiæ docemur totum humanum genus peccato esse infectum. ergo ad hoc vt à tali peccato liberaretur, oportuit vt aliquis satisfaceret, quia secundum ordinem diuinæ iustitiæ peccatum sine satisfactione non remittitur à Deo: sed nullus homo purus hoc poterat, cum quilibet sit aliquid minus tota generis humani vniuersitate. ergo oportuit esse aliquem qui esset homo cui satisfactio competere, & esset aliquid supra hominem, vt eius meritum sufficiens esset ad satisfaciendum. ergo ad hoc necessarium fuit vt Deus homo fieret, quia nihil est maius homine quantum ad ordinem beatitudinis nisi solus Deus. Nam & angeli ab eodem beatificantur. Confirmatur hæc ratio auth. Ioan. Baptistæ dicentis, Ecce agnus, &c. & Apostoli ad Romanos dicentis, Sicut peccatum, &c.

CIRCA hoc quod dicitur, secundum ordinem diuinæ iustitiæ peccatum sine satisfactione à Deo non remitti, attendendum est, quod iecico apposuit sanctus Thomas secundum ordinem diuinæ iustitiæ, vt daret intelligere quod absolute quidem posset Deus relaxare peccatum absque satisfactione, sed non secundum determinationem suæ iustitiæ, secundum quam attenditur potentia ordinaria Dei. Vnde tertio Sent. dist. 20. q. 1. art. 1. ad vltimum ait, quod quantum est de potentia Dei, posset Deus peccatum absque omni pena dimittere, nec esset iniustus si hoc faceret: sed quantum est ex parte peccantis secundum ordinem quem nunc Deus rebus imposuit, hoc congruè non potest.

CIRCA id quod dictum est purum hominem non potuisse pro peccato satisfacere, quia est aliquid minus tota generis humani vniuersitate: aduertendum ex doctrina sancti Tho. tertio Sent. quæ allegata artic. 2. & dist. 1.



q. 1. artic. 2. ad vltimum, quod natura humana infinitatem quandam habet, in quantum in ea possunt supposita in infinitum multiplicari, & ex hoc peccatum ipsius est aliquo modo infinitum, vtpote remouens bonum naturae quod est infinitum: quilibet autem purus homo singularis habet naturam ipsam cum quadam limitatione, & consequenter operatio ipsius est limitata, non potestque valere tantum quantum est bonum totius naturae, quod per peccatum aufertur, vt digna pro eo possit esse satisfactio. Idcirco conuenienter arguitur non posse purum hominem pro huiusmodi peccato satisfacere, eo quod sit aliquid minus tota generis humani vniuersitate.

S E D tunc occurrit dubium. Secundum enim doctrinam sancti Thome, quamuis peccatum actuale habeat quandam infinitatem, homo tamen informatus gratia per opus suum satisfacere potest, in quantum illud gratia informatur, quia vt sic habet quandam infinitatem, licet non in quantum a libero producit arbitrio. Similiter ergo poterit dici, quod licet per opus suum homo purus non poterit pro peccato satisfacere, in quantum ex libero eius procedit arbitrio, quia vt sic procedit ab ipso vt est aliquid minus tota natura, potuit tamen hoc ex gratia diuina, per quam eius opus quandam habuit infinitatem, & sic non oportebat ad satisfactionem pro hoc peccato, vt Deus fieret homo.

Respondetur ex doctrina sancti Thome, q. 1. artic. 2. & 4. Sentent. dist. 1. q. 1. artic. 3. & secundum determinationem Cap. in 4. distinct. 15. quod dupliciter loqui possumus de satisfactione, scilicet aut de satisfactione perfecta secundum se & æquivalenti secundum rigorem iustitiae, aut de satisfactione imperfecta, sufficienti tamen secundum acceptationem eius qui ipsa contentus est. Ad primam satisfactionem requiritur, quod bonitas actus satisfactorij sit æquivalens in bonitate, malitiae peccati, & quod satisfaciens sit principalis causa & totalis bonitatis talis actus, non autem ille cui sit satisfactio, satisfaciaturque per aliquid quod sit totaliter suum, non autem sit eius cui facienda est satisfactio. Ad secundam autem satisfactionem sufficit quod actus satisfactorius sit sufficiens secundum acceptationem eius cui sit satisfactio, dato etiam quod satisfaciens non sit principalis & totalis causa illius actus, nec talis actus sit totaliter ipsius, sed etiam aliis debeatur illi cui facienda est satisfactio. Dicitur ergo quod homo purus etiam cum gratia Dei non potest satisfacere Deo pro peccato totius naturae satisfactione perfecta & æquivalenti simpliciter & secundum se, quia valor actus satisfactorij aliquo modo infinitus non conuenit actui principaliter & totaliter ex ipso satisfaciens, sed ex Deo mouente voluntatem ad actum, & ex gratia ipsum informante: & vltius quicquid bonitatis inuenitur in actu hominis parit, totum debetur Deo propter beneficium homini a Deo collatum, & sic ille actus in quantum bonus est satisfactorius, non est totaliter hominis satisfaciens, sed etiam est Dei mouentis ad talem actum, & sibi per ipsum satisfaciens. Cum autem contra hoc arguitur, quia homo ex gratia inhabitante potest satisfacere pro actu peccati mortalis: dicitur primo, quod hoc falsum est de satisfactione perfecta, licet de imperfecta satisfactione sit verum. Dicitur secundum, quod licet pro peccato actuali possit purus homo satisfacere ex diuina gratia secundum diuinam ordinationem, non tamen sequitur stante diuina dispositione quæ nobis per sacram scripturam innotescit, vt pro peccato originali possit satisfacere, quia licet gratia de actu puri hominis quondam infinitatem respectu boni personalis, non tamen eleuat ipsum actum, vt æquivalcat bono totius naturae per peccatum deperdito.

E X H I S patet quam vanæ sint rationes Scoti quarto Sentent. distinct. 15. q. 1. arguentis quod de potentia Dei absoluta posset homo Deo pro peccato satisfacere. patet enim quod hoc est falsum de satisfactione perfecta & sufficienti per adæquationem vel excessum emendæ ad offensam, cum homo totum quod habet debeat Deo, & illud sit magis Dei quam ipsius hominis, & insuper non possit esse principalis causa huius satisfactionis quæ sit per gratiam, licet possit satisfacere perfecte, siue secundum acceptationem diuinæ misericordiae relaxantis id quod possit exigere de rigore iustitiae. Si autem arguatur ex hoc etiam sequi non oportuisse Deum fieri hominem ad satisfaciendum pro humanæ naturæ peccato, quia quamuis homo non possit omnino perfecte satisfacere pro peccato, diuina tamen adiutus gratia satisfacere poterat secundum Dei acceptationem, sicut non oportet vt Deus fiat homo ad satisfaciendum pro actuali peccato alicuius hominis peccantis, quia potest ipse homo adiutus diuina gratia satisfacere. Respondetur negando consequentiam, quia etiam si homo potuerit per diuinam gratiam aliquo modo satisfacere: vitilis tamen & conueniens fuit Dei incarnatio ad hoc, vt homo gloriosior esset perfecte pro suo peccato satisfaciens, gloriofior enim est plenarie & per æquivalentem absolute satisfacere, quod factum est ab homine per incarnationem filij Dei, quam imperfecte tantum, & secundum acceptationem eius cui satisficit. Quod autem hoc non fiat pro peccato actuali vnius hominis, in quantum huiusmodi est, quia bonum naturæ præponderat bono vnius indiuidui, & est maius extentiue: & diligentior cura in reparatione totius humani generis, quam in reparatione vnius hominis singularis est adhibenda.

*Solutio rationum supra positarum contra conuenientiam incarnationis. Caput 55.*

Responsio ad primam rationem factam in cap. 53.



A verò quæ contra hoc superius sunt opposita, non difficile est soluere, non enim est contrarium ordini rerum Deum hominem fieri, vt prima ratio procedebat: quia quauis natura diuina in infinitum naturam humanam excedat, tamen homo secundum ordinem suæ naturæ habet ipsum Deum pro fine, & natus est ei per intellectum vniri: cuius vnionis exemplum & documentum quoddam fuit vnio Dei ad hominem in persona: seruata tamen proprietate vtriusque naturæ: vt nec excellentiæ diuinæ naturæ ali-

quid deperiret, nec humana natura per exaltationem aliquam extra terminos suæ speciei traheretur. Considerandum est etiam, quod propter perfectionem & immobilitatem diuinæ bonitatis nihil dignitatis Deo deperit ex hoc quod aliqua creatura quantumcunque ei appropinquat, et si hoc creaturæ accrescat, sic enim ipsis creaturis suā bonitatem communicat, quod ex hoc ipse nullum patitur detrimentum.

2 Similiter etiam licet ad omnia facienda Dei voluntas sufficiat: tamen diuina sapientia exigit vt rebus singulis secundum earum congruentiam prouideatur a Deo, rebus enim singulis proprias causas conuenienter instituit. Vnde licet Deus sola sua voluntate efficere potuerit in humano genere omnes vtilitates quas ex Dei incarnatione dicimus prouenisse, vt secunda ratio proponebat: tamen congruebat humanæ naturæ vt huiusmodi vtilitates inducerentur per Deum hominem factum: sicut ex inductis rationibus aliquatenus apparere \* potest. \* cap. præ

3 Ad tertiam etiam rationem patet responsio, homo enim quum sit constitutus ex spiritali & corporali natura, quasi quoddam confinium tenens vtriusque naturæ, ad totam creaturam pertinere videtur: quod sit pro hominis salutem, nam inferiores creaturæ corporales in vsum hominis cedere d videntur, & ei quodammodo esse subiectæ: superior autem creatura spiritalis, scilicet angelica, commune habet cum homine vltimi finis consecutionem, vt ex superioribus \* patet: & sic conueniens videtur vt vniuersalis omnium causa illam creaturam in vnitatem personæ assumeret, in qua magis communicat cum omnibus creaturis. D. 91.

4 Considerandum est etiam quod solius rationalis naturæ est per se agere: creaturæ enim irrationales magis aguntur naturali impetu quam agant per seipsas: vnde magis sunt in ordine instrumentalium causarum, quam se habeant per modum principalis agentis. Assumptionem autem talis creaturæ a Deo oportuit esse, quæ per se agere posset, tanquam agens principale. nam ea quæ agunt sicut instrumenta, agunt in quantum sunt mota ad agendum: principale verò agens ipsum per se agit. Si quid igitur agendum fuit diuinitus per aliquam irrationalem creaturam, sufficit secundum huiusmodi creaturæ conditionem quod scilicet moueretur a Deo: non autem quod assumeretur in persona vt ipsamet ageret, quia hoc eius naturalis conditio non recipit, sed solum conditio rationalis naturæ. Non igitur fuit conueniens quod Deus aliquam irrationalem creaturam assumeret, sed rationalem, scilicet angelicam vel humanam. Et quamuis angelica natura quantum ad naturales proprietates inueniatur excellentior quam humana natura, vt quarta ratio proponebat: tamen humana congruentius fuit assumpta. Primo quidem, quia in homine peccatum expiabile esse potest, eo quod eius electio non immobiliter fertur in aliquid, sed a bono potest peruertere in malum, & a malo reduci in bonum: sicut etiam in hominis ratione contingit: quæ quia ex sensibilibus, & per signa quædam colligit veritatem, viam habet ad vtriusque oppositorum. Angelus autem sicut habet immobilem apprehensionem, quia per simplicem intellectum immobiliter cognoscitur: ita etiam habet immobilem electionem: vnde vel in malum omnino non fertur: vel si in malum feratur, immobiliter fertur. vnde eius peccatum expiabile esse non potest. Quum igitur præcipua causa videatur diuinæ incarnationis, expiatio peccatorum, vt ex scripturis diuinis \* docemur, congruentius fuit humanam naturam quam angelicam assumi a Deo. Secundum, quia assumptio creaturæ a Deo est in persona, non in natura, vt ex superioribus patet. conuenientius igitur assumpta est hominis natura quam angelica: quia in homine aliud est natura, & aliud persona, cum sit ex materia & forma composita: non autem in angelo, qui immaterialis est. Tertio, quia angelus secundum proprietatem suæ naturæ propinquior erat ad Deum cognoscendum quam homo: cuius cognitio a sensu oritur. sufficiebat igitur quod angelus a Deo intelligibiliter instrueretur de veritate diuinæ: sed conditio hominis requirebat vt Deus sensibiliter hominem de seipso \* lib. 3. cap. 47. & seq.

\* cap. 44.

D. 142.

D. 151.

D. 114.



seipso homine instrueret: quod per incarnationem est factum. Ipsa etiam distantia hominis à Deo magis repugnare videbatur fructuioni diuinæ: & ideo magis indiguit homo quam angelus assumi à Deo ad spem de beatitudine concipiendam. Homo etiā quum sit creaturā terminus, quasi omnes alias creaturas naturali generationis ordine præsupponens, conuenienter primo rerū principio vnitur, etiam vt quadā circulatione perfectio rerum cōcludatur.

\* cap. 41.

\* Varr. test.  
Aug. tom. 5.  
lib. 7. de Civ.  
cap. 6.

5 Ex hoc etiam quod Deus humanam naturam assumpsit, non datur erroris occasio, vt quinta ratio proponebat: quia assumptio humanitatis (vt suprà habitum \* est) facta est in vnitatem personæ, non in vnitatem naturæ: vt sic non oporteat nos consentire his qui posuerunt Deum \* non esse super omnia exaltatum, dicentes Deum esse animam mundi, vel aliquid huiusmodi.

6 Licet autem circa incarnationem Dei sint aliqui errores exorti (vt sextò obiciebatur) tamen manifestum est multò plures errores post incarnationem fuisse sublato. sicut enim ex creatione rerum à diuina bonitate procedente aliqua mala sunt consecuta, quod competeat conditioni creaturarum, quæ deficere possunt: ita etiam non est mirum si manifestata diuina veritate sunt aliqui errores exorti ex defectu mentium humanarum: qui tamē errores exercuerunt fidelium ingenia ad diligentius diuinorum veritatem exquirendam & intelligendam: sicut & mala quæ in creaturis accidunt, ordinat Deus ad aliquod bonum.

7 Quauis autem bonum omne creatum diuinæ bonitati comparatum exiguum inueniatur: tamē quia in rebus creatis nihil potest esse maius quam salus rationalis. creaturæ quæ consistit in fructu ipsius bonitatis diuinæ: quum ex incarnatione diuina consecuta sit salus humana, non parum vtilitatis prædicta incarnatio attulit mundo, vt septima ratio procedebat: nec oportuit propter hoc quod ex incarnatione diuina omnes homines saluarentur, sed tantum illi qui prædictæ incarnationi adhererent per fidem, & fidei sacramenta. Est siquidem incarnationis diuinæ virtus sufficiens ad omnium hominum salutem: sed quod non omnes ex hoc saluantur, ex eorum indispositione contingit, quod incarnationis fructum in se suscipere nolunt, incarnato Deo per fidem & amorem non inhærendo. non enim erat hominibus subtrahenda libertas arbitrij per quam possunt vel inhærere vel nō inhærere Deo incarnato, ne bonum hominis coactum esset, & propter hoc absque merito & illaudabile redderetur.

8 Prædicta etiam Dei incarnatio sufficientibus indiciis hominibus manifestata est. diuinitas enim nullo modo conuenientius manifestari potest, quam per ea quæ sunt propria Dei: est autem Dei proprium quod naturæ leges immutare possit, supra naturam aliquid operando, cuius ipse est author. Conuenientissimè igitur probatur aliquid esse diuinum per opera quæ supra leges naturæ fiunt, sicut quæ cæci illuminentur, leprosi mundentur, mortui suscitentur. huiusmodi quidem opera Christus effecit. Vnde & ipse per hæc opera, quærentibus, Tu es qui venturus es, an alium expectamus? suam diuinitatem demonstrauit, dicens: Cæci vident, claudi ambulant, surdi audiunt, &c. Alium autem mundum creare necesse non erat, nec ratio diuinæ sapientiæ, nec rerum natura hoc habebat. Si autem dicatur (vt octaua ratio proponebat) quod huiusmodi miracula etiam per alios esse facta leguntur: tamen considerandum est quod multò differētius & diuinius Christus ea effecit. nam alij orando hæc fecisse leguntur. Christus autem imperando quasi ex propria potestate: & non solum ipse hæc fecit, sed & aliis eadem & maiora faciendi tribuit potestatem, qui ad solam inuocationem nominis Christi huiusmodi miracula faciebant: & non solum corporalia miracula per Christum facta sunt, sed etiam spiritualia: quæ sunt multò maiora, scilicet quod per Christum, & ad inuocationem nominis eius, spiritus sanctus daretur, quo accenderentur corda charitatis diuinæ affectu, & mentes instruerentur subitò in scientia diuinorum: & linguæ sim-

plicium redderentur disertæ ad diuinam veritatem hominibus proponendā. Huiusmodi autem opera indicia sunt expressa diuinitatis Christi: quæ nullus purus homo facere potuit. Vnde Apostolus ad Hebr. 2. dicit quod salus hominum quum initium accepisset enarrari per Dominum, per eos qui audierunt, in nos confirmata est, attestante Deo signis & virtutibus, & variis spiritus sancti distributionibus.

9 Licet autem saluti totius humani generis Dei incarnatio necessaria foret, non tamen oportuit quod Deus à principio mundi incarnaretur, vt non obiciebatur. Primò quidem, quia per Deum incarnatum oportebat hominibus medicinam afferri contra peccata, vt superius habitum \* est. Contra peccatum autem alicui conuenienter medicina non affertur, nisi prius suum defectum recognoscat: vt sic per humilitatem homo de seipso nō præsumens, iactet spem suam in Deum, à quo solo potest sanari peccatum, vt suprà \* habitum est. Poterat autem homo de seipso præsumere & quantum ad scientiam, & quantum ad virtutem. relinquendus igitur aliquando fuit sibi, vt experiretur quod ipse sibi non sufficeret ad salutem, neque per scientiā naturalem, quia ante tempus legis scriptæ homo legem naturæ transgressus est: neque per virtutem propriā, quia data sibi cognitione peccati per legem, adhuc ex infirmitate peccauit: & sic oportuit vt demum homini neque de scientia neque de virtute præsumenti daretur efficax auxilium contra peccatum per Christi incarnationem, scilicet gratia Christi, per quam & instrueretur in dubiis, ne in cognitione deficeret, & roboraretur contra tentationū insultus, ne per infirmitatem deficeret. Sic igitur factū est quod essent tres status humani generis. Primus ante legem: secundus sub lege: tertius sub gratia. Deinde per Deum incarnatū præcepta & documenta perfecta hominibus danda erant. Requirit autem hoc conditio humanæ naturæ, quæ non statim ad perfectum ducatur, sed manu ducatur per imperfecta, vt ad perfectionem perueniat: quod & in instructione puerorum videmus, qui primò de minimis instruuntur: nam à principio perfecta capere non valent. Similiter etiam si alicui multitudini aliqua inaudita proponerentur & magna, non statim caperet nisi ad ea assuesceret prius per aliqua minora. Sic igitur conueniens fuit à principio, vt humanum genus instrueretur de his quæ pertinent ad suam salutem per aliqua leuia & minora documenta, per Patriarchas, & legem, & Prophetas, & tandem in consummatione temporum perfecta doctrina Christi proponeretur in terris: secundum quod Apostolus dicit ad Galat. 4. At vbi venit plenitudo temporis, misit Deus filiū suum in terris, & ibidem dicitur quod lex pædagogus noster fuit in Christo: sed iam non sumus sub pædago. Simul etiam cōsiderandum est quod sicut aduentum magni regis oportet aliquos nuncios præcedere, vt præparentur subditi ad eum reuerentius suscipiendum: ita oportuit aduentum Dei in terras multa præcedere, quibus homines essent parati ad Deum incarnatum suscipiendum: quod quidem factum est dum per præcedentia promissa & documenta hominum mentes dispositæ sunt, vt facilius ei crederent qui ante prænunciatus erat: & desiderantius susciperetur propter priora promissa.

10 Et licet aduentus Dei incarnati in mundum, esset maximè necessarius humanæ saluti, tamen non fuit necessarium quod vsque ad finem mundi cum hominibus conuersaretur, vt decima ratio proponebat. hoc enim derogasset reuerentiæ quam homines debebant Deo incarnato exhibere: dum vidētes ipsum carne indutum aliis hominibus similem, nihil de eo vltra alios homines æstimassent: sed eo post mira quæ gessit in terris, suam præsentiam hominibus subtrahente, magis ipsum reuereri cœperunt: propter quod etiam suis discipulis plenitudinem spiritus sancti non dedit quandiu cum eis conuersatus esset: quasi per eius absentiam eorum animis ad spiritualia munera magis præparatis: vnde & ipse eis dicebat: Si non abiero, paracletus non veniet ad vos: si autem abiero, mittam eum ad vos. Non oportuit autem

\* cap. 54.

\* cap. 54.



Deum carnem impassibilem & immortalem suscipere, secundum quod vndecima ratio proponebat: sed magis passibilem & mortalem. Primò quidem, quia necessarium erat hominibus, quod beneficium incarnationis cognoscerent, vt ex hoc ad diuinum amorem inflammarentur. oportuit autem ad veritatem incarnationis manifestandam, quod carnem similem aliis hominibus sumeret, scilicet passibilem & mortalem. si enim impassibilem & immortalem carnem suscepisset, visum fuisset hominibus qualem carnem non nouerant, quod aliquod phantasma esset, & non veritas carnis. Secundò: quia necessarium fuit Deum carnem assumere, vt pro peccato humani generis satisfaceret. cōtingit autem vnum pro alio satisfacere, vt

\* cap. 45. &  
158.

\* cap. 50. &  
52.

D. 904.

in tertio \* ostensum est: ita tamen quod poenam pro peccato alteri debitam ipse sibi non debitam voluntariè assumat: poena autem consequens humani generis peccati, est mors, & alia passibilitates vitæ præsentis, sicut supra dictum \* est: vnde & Apostolus dicit ad Roman. 7. Per vnū hominem peccatum in hunc mundum intrauit, & per peccatum mors. oportuit igitur vt carnem passibilem & mortalem Deus d. assumeret absque peccato: vt sic patiēdo & moriendo pro nobis satisfaceret, & peccatum auferret. Et hoc est quod Apostolus dicit ad Rom. 8. quod Deus misit filium suum in similitudinem carnis peccati, id est habentem carnem similem peccatoribus, scilicet ratio passibilem & mortalem. Et subdit, Vt de peccato damnaret peccatum in carne, id est, vt per poenam quam in carne pro peccato nostro sustinuit, peccatum à nobis auferret. Tertio, quia per hoc quod carnem passibilem & mortalem habuit, efficacius dedit nobis exempla virtutis, passionis carnis fortiter superando, & eis virtuosè vtendo. Quarto, quia per hoc magis ad spem immortalitatis erigimur, q̃ ipse de statu carnis passibilis & mortalis mutatus est in impassibilitatem & immortalitatem carnis: quod etiam de nobis sperare possumus qui carnē gerimus passibilem & mortalem. si verò à principio carnē impassibilem & immortalem assumpsisset, nulla daretur occasio immortalitatis sperandi his q̃ in seipsis mortalitatem & corruptibilitatem experiuntur.

11 Hoc etiam mediatoris officium requirebat, vt communem haberet nobiscum passibilem carnem & mortalem, cum Deo verò virtutem & gloriam, vt auferens à nobis quod nobiscum commune habebat, scilicet passionem & mortem, ad id nos duceret quod sibi & Deo erat commune. fuit enim mediator adiungendum nos Deo.

12 Similiter etiam non fuit expediens quod Deus incarnatus vitam in hoc mundo ageret opulentā, & honoribus seu dignitatibus sublimem, vt duodecima ratio concludebat. Primò quidem, quia ad hoc venerat, vt mentes hominum terrenis deditas, à terrenis abstraheret, & ad diuinā eleuaret: vnde oportuit vt suo exemplo homines in contemptum diuitiarum, & aliorum quæ mundani desiderant, traheret: & quod inopem & priuatam vitam agerent in hoc mundo. Secundò: quia si diuitiis abundasset, & in aliqua maxima dignitate constitutus fuisset: id quod diuinē gessit, magis potentia seculari quàm virtuti diuinitatis fuisset attributum: vnde efficacissimum argumentum suæ diuinitatis fuit quod absque adminiculo potentia secularis totum mundum in melius commutauit.

13 Vnde patet etiam solutio ad id quod decimotertio obieciēbatur. Non est autem procul hoc à vero, quod filius Dei incarnatus obediens præcepto patris mortem sustinuit, secundum doctrinam Apostoli. præceptum enim Dei est ad homines de operibus virtutum: & quantò aliquis perfectius actum virtutis exequitur, tantò magis Deo obedit. inter alias autem virtutes præcipua charitas est, ad quam omnes alia referuntur. Christus igitur dū actum charitatis perfectissimè impleuit, Deo maximè obediens fuit, nullus enim est actus charitatis perfectior, quàm q̃ homo pro amore alicuius etiam mortem sustineat: secundum quod ipsemet Dominus dicit: Maiorem charitatem nemo habet, quàm vt animam suam ponat quis pro amicis suis. sic igitur inuenitur Christus mortem sustinens pro sa-

lute hominum, & ad gloriam Dei patris Deo maximè obediens fuisse actum charitatis perfectum exequendo.

14 Nec hoc repugnat diuinitati ipsius, vt decimaquarta ratio pcedebat. Sic enim facta est vnio in persona, vt proprietates vtriusque naturæ maneret, diuinæ scilicet & humanæ, vt supra habitum \* est: & ideo patiente Christo etiam mortē, & alia quæ humanitatis sunt, diuinitas impassibilis mansit: quanuis propter vnitatem personæ dicamus Deum passum & mortuum: cuius exemplum aliquo modo in nobis apparet, quia moriente carne anima remanet immortalis.

\* cap. 41. &  
46.

15 Sciendum est etiam quod licet voluntas Dei non sit ad mortem hominum, vt decimaquinta ratio proponebat: est tamen ad virtutem, per quam homo mortem fortiter sustinet, & ex charitate periculis mortis se obicit: & sic voluntas Dei fuit de morte Christi, in quantum Christus eam ex charitate suscepit, & fortiter sustinuit.

16 Vnde patet quod non fuit impium & crudele, quod Deus pater Christum mori voluit, vt decimasexta ratio concludebat. non enim coëgit inuitum, sed complacuit ei voluntas qua ex charitate Christus mortem suscepit: & hanc etiam charitatem in eius anima operatus est.

17 Similiter etiam non inconuenienter dicitur quod propter humilitatem demonstrandam Christus mortem crucis voluit pati: & re vera quidem humilitas in Deum nō cadit, vt decimasextima ratio proponebat, quia virtus humilitatis in hoc consistit, vt aliquis intra suos terminos se contineat, ad ea quæ supra se sunt non se extendens, sed superiori se subiiciat. vnde patet quod Deo humilitas conuenire non potest, qui superiorem non habet: sed ipse super omnia existit. Si autem aliquis vel æquali vel inferiori se ex humilitate aliquando subiiciat, hoc est quia secundū aliquid eum qui simpliciter æqualis vel inferior est, superiorem se arbitrat. Quanuis igitur Christo secundum diuinam naturam humilitatis virtus non competat, competit tamen sibi secundum humanam naturam: & eius humilitas ex eius diuinitate laudabilior redditur. dignitas enim personæ adiicit ad laudem humilitatis, puta quando pro aliqua necessitate expedit aliquem magnum aliqua infirmā pati. nulla autē tanta dignitas esse potest hominis, quàm quod sit Deus: vnde hominis Dei humilitas maximè laudabilis inuenitur, dum abiecta sustinuit quæ pro salute hominum ipsum pati expediebat. Erāt enim homines propter superbiam, mundanæ gloriæ amatores: vt igitur hominum animos ab amore mundanæ gloriæ in amorem diuinæ gloriæ transmutaret, voluit mortem sustinere, non qualemcunque, sed abiectissimam. sunt enim quidam qui etiam mortem non timeant, abhorrent tamen mortem abiectam: ad quam etiam contemnendam dominus homines animauit suæ mortis exemplo.

18 Et licet homines ad humilitatem informari poterint diuinis sermonibus instructi, vt decima octaua ratio proponebat: tamen ad agendum magis prouocant facta quàm verba: & tantò efficacius facta mouent, quantò certior opinio bonitatis habetur de eo qui huiusmodi operatur. Vnde licet aliorum hominum multa humilitatis exempla inuenirentur, tamen expedientissimum fuit, vt adhuc hominis Dei prouocarentur exemplo, quem constat errare non potuisse: & cuius humilitas tanto est mirabilior, quantò maiestas sublimior.

19 Manifestum est etiam ex prædictis quod oportuit Christum mortem pati, non solum vt exemplum præberet mortem contemnendi propter veritatis amorem, sed vt etiam aliorum peccata purgaret: quod quidem factum est, dum ipse qui absque peccato erat, mortem peccato debitam pati voluit, vt in se poenam aliis debitam pro aliis satisfaciendo susceperet. Et quanuis sola Dei gratia sufficiat ad remittendum peccata, vt decimanona ratio proponebat: tamen in remissione peccati exigitur etiam aliquid ex parte eius cui peccatum remittitur, vt scilicet satisfaciatur ei quem offendit: & quia alij homines pro se ipsis hoc facere non poterant, Christus pro omnibus hoc fecit, mortem voluntariam ex charitate patiēdo.



20 Et quamuis in puniendo peccata oporteat illum puniri qui peccauit, vt vigesima ratio proponebat: tamen in satisfaciendo vnus potest alterius poenam ferre: quia dum poena pro peccato infligitur, pēatur eius qui punitur iniquitas. in satisfactione verò, dum quis ad placandum eum quem offendit, voluntariē poenam assumit, satisfaciētis charitas & beneuolentia estimatur: quæ maximē apparet, quū quis pro alio poenā assumit: & ideo Deus satisfactionē vnus pro alio acceptat, vt etia in tertio lib. \* ostēsum est.

\* Cap. 145. 54. 21 Satisfacere autem pro toto humano genere, vt etiam supra ostēsum \* est, nullus homo purus poterat, nec ad hoc angelus sufficiebat, vt vigesima prima ratio procedebat. Angelus enim licet quātum ad aliquas proprietates naturales sit homine potior, tamen quantum ad beatitudinis participationem, in quam per satisfactionem reducendus erat, est ei æqualis: & iterum non plenē redintegraretur hominis dignitas, si angelo pro homine satisfaciēti obnoxius redderetur.

22 Sciendum autem est, quod mors Christi virtutem satisfaciendi habuit ex charitate ipsius qua voluntariē mortem sustinuit, non ex iniquitate occidentium, qui eum occidendo peccauerunt: quia peccatum non deletur peccato, vt vigesima secunda ratio proponebat.

23 Et quāuis mors Christi pro peccato satisfactoria fuerit, non tamen toties eum mori oportuit, quoties homines peccant, vt vigesima tertia ratio concludebat: quia mors Christi sufficiens fuit ad omnium expianda peccata: tum propter eximiam charitatem qua mortem sustinuit, tum propter dignitatem personæ satisfaciētis, quæ fuit Deus & homo. Manifestum est autem etiam in rebus humanis, quod quāto persona est altior, tātō poena quam sustinet, pro maiori computatur, siue ad humilitatem & charitatem patientis, siue ad culpam inferentis.

24 Ad satisfaciendum autem pro peccato totius humani generis mors Christi sufficiens fuit: quia quamuis secundum humanā naturam solum mortuus fuerit, vt vigesima quarta ratio proponebat: tamen ex dignitate personæ patietis, quæ est persona filij Dei, mors eius redditur preciosa: quia (vt supra dictum \* est) sicut maioris est criminis alicui personæ inferre iniuriā quæ maioris dignitatis extirpata virtuosius est, & ex maiori charitate procedens, quæ maior persona pro aliis se subiiciat voluntariæ passioni.

\* Lib. 3. cap. 144. 25 Quamuis autem Christus pro peccato originali sua morte sufficienter satisfecerit, non est tamen inconueniens quod poenales ex peccato originali consequentes remaneant adhuc in omnibus qui etiam redemptionis Christi participes sunt, vt vigesima quinta ratio procedebat. Hoc enim congruenter & vtiliter factum est, vt poena remaneret etiam culpa sublata. primò quidem, vt esset conformitas fidelium ad Christum, sicut membrorum ad caput. vnde sicut Christus prius multas passiones sustinuit, & sic ad immortalitatis gloriam peruenit, sic decuit vt fideles eius prius subiacerēt passionibus, & sic ad immortalitatem peruenirent, quasi portantes in seipsis insignia passionis Christi, vt similitudinem gloriæ eius cōsequerentur: sicut Apostolus ad Romanos dicit: Hæredes quidem Dei, cohæredes autem Christi: si tamen compatimur, vt & simul glorificemur.

Secundò, quia si homines venientes ad Christum statim immortalitatem impassibilitatemque consequerentur, plures homines ad Christum accederent magis propter hæc corporalia beneficia, quàm propter spiritualia bona: quod est contra intentionem Christi venientis in mūdum, vt homines ab amore corporalium ad spiritualia transferret. Tertiò, quia si accedentes ad Christum statim impassibiles & immortales redderentur, hoc quoddammodo compelleret homines ad fidem Christi suscipiendam: & sic meritum fidei minueretur.

26 Quamuis autem sufficienter pro peccatis humani generis sua morte satisfecerit, vt vigesima sexta ratio proponebat: sunt tamen unicuique remedia propriæ salutis querenda: mors enim Christi est quasi quædam vniuersalis

causa salutis: sicut peccatum primi hominis fuit quasi vniuersalis causa damnationis. oportet autē vniuersalē causam applicari ad vnumquodque specialiter: vt effectū vniuersalis causæ participet. effectus igitur peccati primi parentis peruenit ad vnumquēque per carnis originem: effectus autem mortis Christi pertingit ad vnumquēque per spirituales regenerationem, per quā homo Christo quoddammodo coniungitur & incorporatur. & ideo oportet quod vnusquisque querat regenerari per Christum, & alia suscipere in quibus virtus mortis Christi operatur. Ex quo patet quod effluxus salutis à Christo in homines, non est per naturæ propaginem, sed per studium bonæ voluntatis, qua homo Christo adhæret: & sic quod à Christo vnusquisque cōsequitur, est personale bonum: vnde nō deriuatur ad posteros, sicut peccatum primi parentis, quod cum naturæ propagine producitur: & inde est quod licet parentes sint à peccato originali mundati per Christum, non tamen est inconueniens quod eorum filij cum peccato originali nascantur, & sacramentis salutis indigeant, vt vigesima septima ratio concludebat. Sic igitur ex præmissis aliquatenus patet quod ea quæ circa mysterium incarnationis fides catholica prædicat, neque impossibilia, neque incongrua inueniuntur.

## Super Cap. 55.



ETERMINATA veritate circa incarnationis cōuenientiam, vult vltērius sanctus Thomas ad obiecta respondere. Et ad primum quidem dicit primò, quod non est contra ordinem rerum, Deum hominem fieri, quia homo secundum ordinem suæ naturæ habet ipsum Deum pro fine, & natus est ei per intellectum vniri, in cuius vnionis exemplum & documentum facta fuit vnio Dei ad hominem in persona, vtriusque naturæ proprietate seruata. Dicit secundò, quod propter perfectionem & immobilitatem diuinæ bonitatis nihil dignitatis Deo deperit ex quacunque approximatione creaturæ ad ipsum, etsi ex hoc creaturæ aliquid dignitatis accrescat, quia creaturæ suam bonitatem absque sui detrimento communicat.

Ad secundum dicit, quod licet ad omnia faciēda: diuina voluntas sufficiat: diuina tamen sapientia exigit vt rebus singulis secundum earum congruentiam provideatur à Deo: & sic licet Deus potuerit sola voluntate in humano genere omnes vtilitates efficere quas ex Dei incarnatione dicimus prouenisse, congruebat tamen rationibus suprapositis, vt per Deum hominem factum inducerentur. Ad tertium dicit primò, quod videtur ad totam naturam pertinere quod sit pro hominis salutē, quia homo cōstitutus ex corporali & spiritali substantia, quasi quoddā confinium tenet vtriusque naturæ: & ideo conueniens fuit vt vniuersalis omnium causa illam creaturam, scilicet humanam, in vnitatem personæ assumeret, in qua magis communicat cum omnibus creaturis. Dicit secundò, quod non fuit inconueniens vt Deus aliquam irrationalem creaturam assumeret, quia assumptionem talis creaturæ à Deo oportuit esse, quæ per se agere posset tanquam agens principale, solius autem naturæ rationalis est per se agere. irrationales enim magis aguntur naturali impetu, quàm agant per seipsas. Vnde si quid agendum fuit per aliquam irrationalem creaturam, sufficit secundum huiusmodi creaturæ conditionem quod solum moueretur à Deo, non autē quod assumeretur ad vnitatem personæ.

SED circa hanc responsionem dubium occurrit. Nam etiam humana natura in Christo non videtur per se agere, cum non habeat proprium suppositum cuius est agere per se, & ipsa etiam sit instrumentum diuinæ personæ. ergo ista non est sufficiens ratio quare naturam humanam, non autem irrationalem assumpsit.

Ad huius euidētiā considerandum est primò, quod dupliciter de natura humana loqui possumus. Vno modo vt à supposito præcindit. Alio modo vt ipsum suppositum includit. Cum ergo dicitur quod agere per se est solius rationalis naturæ, intelligitur de natura vt suppositum includit, quia vt dicebatur, agere proprie est suppositi. Et secundum hoc differt natura rationalis ab irrationali, quia non solum ipsa natura irrationalis non per se agit, sed nec etiam eius suppositum. Considerandum secundò quod per assumptionem naturæ creatæ à verbo in vnitatem personæ, ipsum verbum fit suppositū illius naturæ agens per ipsam sicut suppositum agit per naturam. propterea cum supposito diuino non conueniat agi, aut esse instrumentum, sed agere per se tanquam principale agēs, oportuit naturam talem ab ipso assumi in vnitatem suppositi cuius supposito conueniat per se agere. Quia ergo naturæ humanæ supposito conuenit per se agere, ideo conuenienter à verbo diuino assumi potuit, & suppositum diuinum suppositum humanum. Supposito autem irrationalis naturæ non conuenit per se agere, sed magis agi: ideo non cōuenit sibi vt suppositum diuinum fiat eius suppositum per assumptionem eius ad vnitatem personæ, & hoc est huius responsionis intentum. Vnde cum dicitur quod talis naturæ assumptionem à Deo oportuit esse quæ per se agere posset, non intelligitur quod ipsa separata à proprio supposito, per se possit agere, sed quod eius supposito conueniat per se agere. Cum autem instetur, quia humana natura in Christo proprium suppositum non habet, dicitur quod licet non habeat proprium, id est suppositum quod ipsam sibi derelictam naturam est consequi, habet tamen proprium suppositum, id est suppositum quod in ea subsistit, & dicitur humanum suppositum. Cum vltērius dicitur, quod est instrumentum, responderetur quod est tale instrumentum diuinitatis, cui etiam si sibi relinquatur, conuenit per se agere: non autem



est instrumentum tale cui nullo modo per se agere conueniat.

Ad quartum dicit, quod humana natura congruentius fuit assumpta quam angelica. Primum, quia peccatum in homine expiabile esse potest, eo quod eius electio non feratur immobiliter in aliquid, sicut nec eius ratio: quia quia ex sensibilibus & per signa quadam colligit veritatem, viam habet ad virtutemque oppositorum. peccatum autem angeli expiabile esse non potest cum habeat immobilem electionem, sicut & immobiliter apprehensionem, ut pote per simplicem intellectum immobiliter cognoscens. constat autem ex scripturis sacris precipuam causam incarnationis diuinæ expiationem peccatorum fuisse. Secundum, quia in homine aliud est natura, & aliud persona: non autem in angelis: assumptio autem creaturæ à Deo est in persona, non in natura. Tertio, quia cum angelus esset propinquior Deo secundum proprietatem suæ naturæ, sufficiebat ei ut à Deo intelligibiliter de veritate diuinitatis instrueretur: homini autem cuius cognitio à sensibus oritur, contenebat ut Deus cum sensibiliter de seipso instrueretur, quod per incarnationem factum est.

Quarto, quia cum magis videretur fruiioni diuinæ repugnare distantia hominis à Deo, magis indiguit homo quam angelus assumi à Deo ad spem, de beatitudine concipiendam.

Quinto, quia cum homo sit creaturæ terminus, quasi omnes naturaliter ordine generationis præsupponens, per huiusmodi unionem ad primum principium quadam circulatione perfectio rerum concluditur.

CIRCA primam rationem hic assignatam esset videndum quomodo electio in angelis sit immutabilis: sed quia hoc etiam tangit sancti Thomæ inferius, & magis ex proposito, ideo illuc usque differatur.

CIRCA secundam rationem considerandum, quod in angelis non esse distinctionem naturæ à persona, non tollit quin absolute possit Deus assumere naturam angelicam in unitatem personæ, quia ut dicitur tertia quæst. 4. art. 1. ad 3. potest Deus nouā angelicam naturam producendo eam sibi in unitatem personæ copulare, & etiam possit aliquam naturam angelicam nunc existentem propria existentia priuare & propria personalitate, & eamque ad se in unitatem personæ trahere: sed arguit hoc non esse congruum, quia non congruit ut natura angelica præexistens assumpta priuatur perfectione quam prius habebat, nec tali naturæ cōuenit ut præueniatur in sui productione à supposito diuino, cum ipsa non procedat in esse per generationem, ut inueniatur natura prius in potentia passiva quam in actu. Natura autem humana procedit in esse per generationem, & prius est in potentia quam in actu: ideo conuenienter potest præueniri à supposito diuino, ut scilicet in illo instanti in quo debet habere proprium esse & propriam personalitatem à diuino supposito suppositetur.

SE D queret aliquis, quid ad hanc congruentiam assumptionis facit quod natura humana distinguitur à supposito, quum sit assumpta natura singularis quæ in aliis hominibus est suppositum secundum quod per se habet esse? Dicitur quod facit ad hoc, quia in rebus materialibus ubi suppositum aliquod intrinsecè addit supra naturam, principia scilicet indiuiduantia, esse est minus intrinsecum naturæ secundum se consideratæ, utpote non potens illi conuenire, nisi per aliquid omnino aliud ab ipsa indiuiduetur. ubi autem suppositum non constituitur per aliquid omnino extrinsecum à natura, sed natura ipsa secundum se est hæc & indiuidua, esse quod indiuiduum naturæ est conuenire, secundum quod est in sua personalitate constitutum, illi naturæ secundum se est magis intrinsecum & propinquum, ideo congruentius est ut ubi suppositum à natura distinguitur, assumatur natura absque proprio esse & absque supposito, quam ubi suppositum à natura sunt idem. Quod enim natura ut indiuidua per materiam signatam, & in sua personalitate constituta, sit immediatum susceptivum esse, non tollit quin esse sit minus intrinsecum illi naturæ, quam natura per se, tam indiuidua, quia huic conuenit ex aliquo sui generis illi autem ex alio adiuncto.

CIRCA vltimam rationem aduertendū est, quod quum Deus in creatione vniuersæ seruauerit id quod naturæ vniuersaliusque congruebat, & hominem vltimo loco post vniuersas creauerit creaturas: signum est hoc naturaliter homini conuenire, ut naturali generationis ordine omnes alias creaturas præsupponat, tanquam omnium creaturarum terminus: & ideo, ut vltimum cōiungeretur principio, sicque fieret quasi circulus, quæ est perfecta figura, conueniens fuit ut humana natura Deo vniretur: & hic est sensus illius rationis.

Ad quintam dicit, quod per hoc non datur homini erroris occasio, ut consentiat dicentibus Deum non esse super omnia exaltatum, quia assumptio humanæ naturæ non est facta in unitatem naturæ, sed personæ. Ad sextam dicit primum, quod multo plures errores sublati fuerunt post incarnationem quam circa incarnationem fuerint exorti. Dicit secundum, quod sicuti ex creatione rerum aliqua mala sunt consecuta pro cōditione creaturarum, ita est non mirum si manifestata veritate ex humanarum mentium defectu aliqui sunt errores exorti. Dicitur tertio, quod isti errores exercebantur fidelium ingenia ad diligentius diuinorum veritatem exquirendam & intelligendam, sicut & mala creaturarum Deus ordinat ad aliquod bonum.

EX ista responsione vult habere sanctus Thomas, quod quamuis aliqui errores circa incarnationem sint exorti, non tamen fuit inutilis incarnatio, tum quia hoc est ex defectu humanarum mentium, tum quia etiam ex illis erroribus aliquod bonum est exortum præter alias vtilitates superius adductas, quæ nobis ex incarnatione prouenerunt. Vnde ista consequentia non valet: Multi errores exorti sunt circa incarnationem: ergo non fuit conueniens humanæ salutis ut Deus incarnaretur.

Ad septimam dicit primum, quod non parum vtilitatis prædicta incarnatio attulit mundo, quum ex ipsa consequuta sit salus humana, qua nihil potest esse maius in rebus creatis, eo quod in ipsa fruitione bonitatis diuinæ consistat. Dicit secundum, quod non oportuit ex incarnatione diuinam omnes homines saluari, sed tantum illos qui ipsi per fidem & sacramenta fidei adhererent: quia et si incarnationis diuinæ virtus sufficiens sit ad omnium hominum salutem: ex indispositione tamen aliquorum nolentium Deo per fidem & amorem inherere, contingit ut incarnationis fructum non consequantur. Dicit tertio, quod non erat hominibus subtrahenda libertas arbitrij, ne bonum hominis coactum esset, & consequenter absque merito, & illaudabile.

Ad euidentiam eius quod dicitur de sufficientia virtutis incarnationis

aduertendum est ex doctrina sancti Thomæ tertio Sen. distinct. decimanona, quæstione prima, articulo primo, quæstione secunda, quod ad hoc, ut aliquid in alterum effectum inducere possit, requiritur ex parte quidem agentis, ut ad illum inducendum effectum virtutem habeat sufficientem, ex parte verò recipientis ut sit dispositum ad suscipiendam actionem agentis: quia ergo ex parte quidē Christi est virtus sufficiens ad perducendum omnes ad beatitudinem, eo quod actio ipsius, virtutis diuinæ actio sit, ex parte verò hominum contingit quod aliqui non sunt dispositi per fidem & charitatem ad suscipiendam huiusmodi Christi ad beatitudinem perducendam: ideo tales ad beatitudinem non perueniunt. Bene ergo dictum est virtutem incarnationis diuinæ sufficientem esse ad omnium salutem, & tamen aliquos ex sua indispositione ad beatitudinem non peruenire.

SE D tunc resultat dubium Scoti in tertio Sententiarum, distinctione decimanona arguentis sic: Christus non tantum meruit ut habentes gratiam quomodo cunque & vnde cunque hoc esset, haberet gloriam ex merito Christi, sed etiam meruit nobis primam gratiam & gratiam baptismalem in nouo testamento, atque gratiam datam in sacrificiis vel circumsione antiquorum: alioquin vnde veniret nobis illa prima gratia? ergo meruit ut non coniuncti sibi coniungerentur, ergo non solum meruit ut sibi coniuncti vltius operarentur, & sic tandem glorificarentur, sed etiam ut non coniuncti vnirentur sibi etiam qui nunquam se disponent. Respondetur & dicitur primum, quod quantum pertinet ad præsentem locum, non loquitur sanctus Thomas de merito vniuersali Christi incarnati, sed de virtute incarnationis, siue etiam de merito Christi incarnati respectu salutis & beatitudinis: & vult quod per virtutem incarnationis non consequuntur beatitudinem, nisi illi qui per fidem & amorem, atque per fidei sacramenta Deo incarnato adherent. Et hoc quidem conueniens est, quia (ut haberi potest ex eius doctrina 3. quæstione quadagesimanona, articulo primo, & de Veritate, quæstione vigesimanona, articulo septimo, ad octauum) quum incarnatio sit causa vniuersalis humanæ salutis, vniuersalis autem causæ effectus non recipiatur in aliquo, nisi per causas particulares virtutis eius applicetur subiecto & mobili: necesse est ad hoc ut salus humana quæ est effectus incarnationis, ad hunc hominem perueniat, ut illi virtus incarnationis per fidei sacramenta, & per fidem ac charitatem tanquam per causas particulares, quibus peccatorum sit remissio, & consequitur beatitudinis, applicetur. Dicitur secundum, si queratur de vniuersali effectus incarnationis, quod eius virtus extenditur etiam ad primam gratiam habitalem, ita quod non solum est causa beatitudinis eorum qui Deo per fidei sacramenta & fidem atque amorem vniantur, sed etiam causa est primæ gratiæ habitualis, ad quam (ut in tertio libro est ostensum) fides charitatisque consequitur. Hoc enim videtur esse de mente sancti Thomæ in quæstionibus de Veritate, articulo allegato, & prima secundæ, quæstione 114. articulo sexto, & in plerisque aliis locis. Vnde patet quod ratio Scoti non procedit contra mentem sancti Thomæ. licet enim verum sit quod meritum Christi secundum vltimam efficientiam extendatur tantum ad remissionem peccatorum, & beatitudinem illorum hominum qui sibi per fidem & amorem vniantur: non tamen ex hoc sequitur quod primæ gratiæ habitualis non sit causa, imò est causa remissionis peccatorum: quia est causa gratiæ per quam remittuntur peccata.

AN AVTEM requiratur aliqua dispositio ad primam gratiam cuius meritum Christi non sit causa, dicitur quod duplex est dispositio ad gratiam, quædam imperfecta, quæ temporis ipsam gratiæ infusionem præcedit, sicut recogitatio peccatorum, & attritio, & similia, quædam verò est perfecta, quæ dicitur necessitas ad formam, quæ simul infunditur cum gratia, ut est motus voluntatis in Deum ex charitate proueniens. si loquamur de imperfecta dispositione, vique aliquæ requiruntur, & illius meritum Christi non est causa, hoc enim videtur velle sanctus Thomas in quæstionibus de Veritate, articulo allegato. Si autem loquamur de perfecta dispositione, sic illa quidem requiritur, sed illius meritum Christi est causa, sicut est causa gratiæ quæ hæc dispositio concomitatur. Non approbo autem quod ait Cap. in tertio, distinctione 18. scilicet quod motus fidei, spei, & charitatis, ut procedunt ab habitibus Theologicis, sunt dispositio concomitans: & talem dispositionem meruit Christus, ut autem sunt informes, sunt dispositio remota & præuia: & sic non dantur ex merito Christi, sed ex mera liberalitate diuina. Hoc enim non videtur ad mentem sancti Thomæ esse, qui in infinitis prope locis tenet charitatem informem esse non posse, nec posse stare cum mortali peccato, ut patet 2. 2. quæst. 24. art. 2. ad quartum 3. part. quæst. 79. art. 1. 2. Sententiarum, distinctione 26. articulo quarto, ad quintum tertio Sententiarum, distinct. 27. quæst. 2. art. 4. q. 4. & de Veritate, quæst. 27. art. 2. ad sextum. Item superius libro tertio, & inferius in hoc quarto libro. Ad octauum dicit primum, quod Dei incarnatio sufficientibus indicibus manifestata est per opera quæ sup̄ leges naturæ facta sunt à Christo, sicut quod cæcos illuminauit, leprosos mundauit, & huiusmodi. Nam Dei proprium est naturæ leges immutare posse, supra naturam aliquid operando, cuius ipse est author. vnde & querentibus: Tu es qui venturus es &c. per hæc opera suam diuinitatem manifestauit. Dicit secundum quod ipsum alium mundum creare necesse non erat, nec ratio diuinæ sapientiæ nec rerum natura hoc habebat. Dicit tertio quod hæc miracula multo excellentius & diuinius quam alij Christus fecit: quia alij orando hæc fecisse leguntur, Christus autem imperando, quasi ex propria potestate miracula faciens, & aliis eadem & maiora faciendi tribuit potestatem, qui ad solam inuocationem sui nominis huiusmodi miracula faciebant. Dicit quartum, quod non solum corporalia miracula per Christum facta sunt, sed & spiritualia, quæ sunt multo maiora, ut quod per ipsum, & ad inuocationem nominis eius spiritus sanctus daretur, per quem & charitatis affectu accederentur corda, & mentes instruerentur subitò in scientia diuinorum; & linguæ simpliciter redderentur discretæ: quæ nullus purus homo facere potuit. Confirmatur author. Apostoli ad Hebræos dicentis, quod salus hominum &c.

Ad euidentiam eorum quæ dicuntur, suppositis iis quæ in tertio libro dicta sunt ubi de miraculis agebatur: considerandum est quod duplicem tangit rationem sancti Thomæ. quare miracula Christi eius diuinitatem ostendebant. Prima est ex modo faciendi: quia scilicet ea faciebat propria virtute, propriamque authoritatem, quod est proprium Dei: alij verò sancti miracula fecerunt virtute alterius, scilicet Dei, cuius erant instrumenta, huius



sa, huius autem duplex ostendit signum. Vnum est quia alij sancti fecerunt miracula orando, Christus autem imperando. Imperare enim est habentis auctoritatem: alterum est quia aliis dedit potestatem similia miracula & maiora faciendi, qui ad solam inuocationem nominis eius miracula faciebant. Nisi enim ipse haberet virtutem miracula faciendi propria auctoritate, non potuisset aliis hanc virtutem communicare, nec ad solam nominis eius inuocationem miracula fieret. Inuocatur enim ad aliquid faciendum is cuius virtute auctoritate aliquid fit. Secunda ratio est ex magnitudine factorum: quia videlicet spiritualia illa miracula quæ enarrat, facta scilicet post eius ascensionem, maiora sunt quam quæcunque miracula ab aliis facta. Addit autem super Ioan. cap. 15. quod etiam miracula maiora alijs, dum esset in hac mortali vita, fecit, ut quod Lazarum quatuordecim annorum suscitauit, & cæcū natum illuminauit: vnde dicebant. Non est a seculo auditum & c. Addit et aliam rationem ibidem, & 3. quæst. 43. quia videlicet miracula Christi excedebat aliorum miracula in multitudine, dicitur enim Luc. 5. quod virtus de illo exibat & sanabat omnes: & Matth. 14. quod omnes, quotquot malè habebant, curabat. Additur alia ratio in tertia parte, quæ mihi inter alia efficacissima videtur: quia videlicet ipse Christus se Deum esse dicebat: & ad confirmationem suæ doctrinæ miracula faciebat: nisi autem fuisset verum ipsum esse Deum, non fuisset eius doctrina miraculis diuina virtute factis confirmata, cum Deus falsitatis author non sit.

**ADVERTENDVM** circa primam rationem, quod licet alij sancti in operatione miraculorum aliquando fortassis viderentur modo imperatiui, tamen hoc non fecerunt nisi præmissa oratione, aut ad inuocationem nominis diuini tacitam vel expressam. Cum enim dixit Helias, Si homo Dei sum, descendat ignis de celo & c. tacite ostendebat se virtutem diuinam implorare, Christus autem etsi aliquando visus est orare antequam miraculum operaretur, sicut in suscitatione Lazari, ostendebat tamē se orare ad Deum tanquam ad patrem, cui manent in ipso omnia sua opera tribuebat, per hoc etiam ostendens se esse Deum.

**AD** nonum dicit quod non oportuit Deum incarnari à principio mundi. Primò, quia contra peccatum alicui conuenienter medicina non affertur nisi suum defectum recognoscatur. Poterat autē homo de seipso presumere & quantum ad scientiam & quantum ad virtutem: ideo relinquendus aliquandiu fuit sibi, ut experiretur quod ipse sibi non sufficeret ad salutem neque per scientiam naturalem: quia ante tempus legis scriptæ transgressus est naturæ legē: neque per virtutē propriam: quia data sibi cognitione peccati per legem, adhuc per infirmitatem peccauit, & demū dandum sibi efficax auxilium contra virtutis defectum: & sic factum est quod essent tres status humani generis, scilicet ante legem, sub lege, & sub gratia. Secundò, quia humanæ naturæ conditio hoc requirit, quod non statim ad perfectum ducatur, sed per imperfecta manuducatur, ut ad perfectionem perueniat, ut patet in puerorum & in multitudinis instructione. Sed per Deum incarnatum præcepta & documenta perfecta hominibus danda erant, conueniens igitur fuit ut prius humanum genus instrueretur de pertinentibus ad salutem per aliqua leuia & minora documenta, per patriarchas, & legem, ac prophetas, & tandem perfecta doctrina Christi proponeretur in terris, iuxta illud Apostoli ad Galatas quarto, At ubi venit & c. ibidem, Lex pædagogus, & cætera. Tertiò, quia oportuit aduentum Dei in terris tanquam aduentum magni regis multa præcedere, quibus homines essent parati ad Deum incarnatum suscipiendum. De hac conuenientia temporis incarnationis vide etiam sanctum Thomam tertia quæstione prima, articulo vltimo, & tertiò Sententiarum, distinctione prima, quæstione prima, articulo quarto, & prima secundæ quæstione centesimæ sextæ, articulo tertio. Item quarto Sententiarum distinctione secunda, quæstione prima articulo quarto quæst. 2.

**CIRCA** secundam rationem dubium occurrit: quia lex vetus videtur grauior fuisse lege noua: vnde Matthæi vndecimo dicit Dominus, Iugum meum suauē est, & onus meū leue: ergo non bene dictū est oportuisse humanum genus per aliqua leuia & minora documenta instrui ante aduentum perfectæ doctrinæ Christi.

**RESPONDETUR** ex doctrina sancti Thomæ prima secundæ quæst. centesimæ septimæ, articulo quarto, quod dupliciter de lege noua & veteri loqui possumus. Vno modo quantum ad exteriora opera virtutum quæ præcipiuntur à lege. Alio modo quantum ad interiores virtutum actus. Primo modo lex vetus fuit multò grauior quam sit lex noua: quia ad plures actus exteriores obligabat in multiplicibus ceremoniis quam lex noua. Secundò modo lex noua grauior est & difficilior, quia in noua lege prohibentur interiores motus animi mali, qui ex parte in veteri lege non prohibebantur in omnibus, etsi in aliquibus prohiberentur: in quibus tamen prohibendis poena non apponebatur, hoc autem difficilimum est. Sic ergo præcepta veteris legis erant leuiora & minora quantum ad interiores actus virtutum & vitiorum, & sic intelligitur quod hic dicitur, licet essent grauiora quantum ad opera exteriora.

**ADVERTENDVM** est autē cum dicitur præcepta nouæ legis grauiora esse circa actus virtutum & vitiorum interiores, scilicet quod omnes actus interiores vitiorum euitentur, & quod actus virtutum promptè & delectabiliter fiant, quod hoc intelligitur in non habente virtutem. Vnde Augustinus exponens quod dicitur primæ Ioannis quinto, mandata huiusmodi grauiora non esse, ait quod non sunt grauiora amari, sed non amari grauiora sunt. Potest etiam dici quod loquitur sanctus Thomas de pertinentibus ad fidem: quia videlicet ante Christi incarnationem pauciora proponebatur explicitè credenda quam post incarnationem & sic etiam erant leuia, & minora ad credendum. Videtur autem hoc literæ congruere, quæ mentionem facit de documentis pertinentibus ad salutem quibus humanum genus instruebatur. Hæc enim principalia sunt fidei documenta.

**AD** decimum dicitur quod non fuit conueniens ut Christus vsque ad finem mundi cum hominibus conuersaretur, quia videntes cum alijs hominibus similem, nihil de ipso ultra alios homines æstimassent, & sic derogaretur eius reuerentiæ: ipso autem post mira quæ gessit sui præsentis subtrahente, magis ipsum reuereri ceperunt. propter quod & discipulis plenitudinem spiritus sancti non dedit quando cum eis conuersatus fuit: sed post ascensionem in celum quasi per eius absentiam eorum animis ad spiritualia munera magis præparatis: vnde eis dicebat, Si non abiero & c. Ad vndecimum dicit, quod non oportuit Deum carnem impassibilem

& immortalem suscipere. Primò, quia necessarium erat hominibus ut beatificum incarnationis cognoscerent: oportuit autem ad veritatem eius manifestadam quod carnem alijs similem, scilicet passibilem & mortalem sumeret, alioquin visum fuisset hominibus quod phantasma esset, & non veritas carnis. Secundò, quia quum necessarium fuerit Deum carnem assumere, ut pro peccato humani generis satisficeret: oportuit ut poenam illi debitam assumeret. contingit enim vnum pro altero satisfacere, ut in tertio libro est ostensum, dum poenam pro peccato alteri debitam ipse sibi non debitam voluntariè assumit. poena autem consequens humani generis peccatū est mors, & alix passibilitates vitæ præsentis, ut patet per Apostolum ad Romanos. Confirmatur hæc ratio auctoritate Apostoli ad Romanos dicentis, quod Deus misit filium suum, & c. Tertiò, quia per hoc quod carnem passibilem & mortalem habuit efficacius dedit nobis exempla virtutis, passiones carnis fortiter superando & eis virtuosè vrendo.

**Quartò**, quia si carnem immortalem & impassibilem assumpsisset, nullā daretur nobis occasio immortalitatem sperandi: nunc autem datur, dum cognoscimus quod ipse de statu carnis passibilis & mortalis mutatus est in immortalitatem & impassibilitatem carnis. Quintò, quia maioris officium requirebat ut nobiscum commune haberet passibilem carnem & mortalem, cum Deo verò virtutem & gloriam, ut auferens à nobis quod nobiscum commune habebat, ad id nos duceret quod sibi commune erat & Deo. Ad duodecimum dicitur, quod non fuit expediens Deum incarnatum vitam in hoc mundo agere opulentam, & honoribus seu dignitatibus sublimem. Primò, quia quum ad id venerit ut mentes hominum à terrenis abstraheret, & ad diuinā eleuaret, oportuit ut suo exemplo ipsos in contemptum diuitiarum traheret. Secundò, quia aliter id quod diuinè gessit magis potentè seculari quam virtuti diuinitatis fuisset attributum: vnde efficacissimum suæ diuinitatis argumentum fuit, quod absque adminiculo potentæ secularis totum mundum in melius commutauit. Ex quo etiam ad tertium decimum patet responsio. Ad quartum decimum dicit primò, quod non est procul à vero quod Christus obediens præcepto patris mortem sustinuerit secundum doctrinam Apostoli, dum actum charitatis perfectissimè impleuit mortem sustinens pro hominum salute, quia præceptum Dei ad homines est de actibus virtutum: & quod aliquis perfectius actum virtutis exequitur, tanto magis Deo obedit.

**Dicit** secundò quod hoc non repugnat diuinitati Christi, quia si visio facta est in persona, ut proprietates humanæ & diuinæ naturæ remaneret: & ideo patiente Christo diuinitas impassibilis remansit: sicut & in nobis moriente carne anima remanet immortalis. Ad quintum decimum dicit, quod licet voluntas Dei non sit ad mortem hominum, est tamen ad virtutē per quam homo mortem fortiter sustinet, & sic fuit de morte Christi inquantum eam ex charitate suscepit, & fortiter sustinuit.

**ADVERTENDVM** quod non inconuenit aliquid secundum se non esse eligibile, quod tamen ex aliqua conditione appositā sit eligibile, sicut abscissio brachij secundum se considerata eligibilis non est, quum malum quoddam sit inquantum tamen est præseruatiua à morte imminente, sit eligibilis. sic enim quoddam boni induit rationem. ita etiam mors secundum se, cum malum quoddam sit, non habet vnde eligi debeat: & sic mors Christi non est à Deo volita inquantum tamen à virtute sustinentis mortem prouenit, sic bonum quoddam est, & est eligibilis, & hoc modo volita est à Deo. Ad sextum decimum dicit, quod non fuit impium & crudele quod Deus pater Christum mori voluit, quia non coegit inuitum, sed complacuit ei voluntas qua ex charitate mortem suscepit: vnde ipsam etiam charitatem in eius anima operatus est. Ad decimum septimum dicit primò, quod non inconuenienter dicitur propter humilitatem demonstrandam Christum mortem crucis voluisse pati. Dicit secundò, quod re vera humilitas in Deum non cadit, quia ipse superiorem non habet, sed super omnia existit: humilitas autem in hoc consistit, ut quis superiori se subiiciat. nam etsi aliqui vel æquali vel inferiori se ex humilitate subiiciant: hoc est, quia eum secundum aliquid superiorem se arbitrantur.

**Dicit** tertiò, quod tamē Christo secundū humanitatem conuenit humilitas, quæ etiam ex eius diuinitate laudabilior redditur: quia nulla maior dignitas hominis esse potest quam quod sit Deus: dignitas autem personæ adiicit ad laudem humilitatis. Dicit quartò, quod Dei humilitas maxime laudabilis inuenitur dum abiecta sustinuit quæ pro salute hominū ipsum pati expediebat, ut scilicet sua morte abiectissima & animos hominum ab amore mundanæ gloriæ in amorē diuinæ gloriæ transmutaret, & ad mortem etiam abiectam contemnendam, suæ mortis exemplo animaret. Ad decimum octauum dicit quod licet homines ad humilitatē informari potuerint diuinis sermonibus instructi: quia tamen ad agendum magis prouocant facta quam verba, & tanto efficacius, quanto certior habetur opinio bonitatis de eo qui huiusmodi operatur, expedientissimum fuit ut homines Dei prouocarentur exemplo, quem constat errare non potuisse: & cuius humilitas tantò est mirabilior, quanto maiestas sublimior.

**AD** decimum nonum dicit primò quod Christus pati mortem oportuit ut aliorum peccata purgaret, in se poenam alijs debitam suscipiens satisfaciendo. Dicit secundò, quod quamuis sola Dei gratia sufficit ad remittendum peccata, exigitur tamen aliquid ex parte eius cui dimittitur, ut scilicet satisfaciatur ei quem offendit: quod quidem Christus pro omnibus fecit.

**Ad vigesimum dicit**, quod quamuis in puniendo oportet illum puniri qui peccauit, in satisfaciendo tamen potest vnus alterius poenam ferre: quia dum poena pro peccato infligitur, patur eius qui punitur iniquitas. In satisfaciendo verò dum quis voluntariè poenam assumit, satisfaciens charitas & beneuolentia consideratur, quæ maxime apparet quum quis pro alio poenam assumit.

**ADVERTENDVM** est primò ex doctrina sancti Thomæ 4. dist. vigesima, articulo secundo, quæstione tertia, quod poena inquantum pertinet ad debiti solutionem, habet vim satisfaciendi maxime ratione charitatis: & ideo si quis sit in charitate, potest pro alio satisfacere, poenam alij debitam in se voluntariè & ex charitate sustinendo. Non enim minus potest charitas ad Deum quam apud homines. videmus autem quod vnus homo ex amore pro alio debitum soluere potest.

**ADVERTENDVM** secundò, quod differt punicio peccati à satisfaciendo: quia in punitione quis poenam sustinet contra suam voluntatem omnino. In satisfaciendo verò quis sustinet poenā aliquo modo voluntariè: imò omnibus conditionibus pensatis satisfaciens poena est simpliciter voluntaria,



voluntaria, licet secundum quid repugnet voluntati. non autem conueniens est ut ei qui non peccauit, inferatur poena contra eius voluntatem pro alterius peccato, sed bene poenam voluntarie ab aliquo pro alterius peccato suscepit, Deus pro recompensatione offensae sibi ab alio satisfactione charitatis in qua communicant & is qui satisfacit, & is pro quo satisficit, acceptat. Ideo bene hic dicitur, quod illum qui peccauit, puniri oportet: sed vnus pro alio potest satisfacere. Ad vigesimum primum dicit quod satisfacere pro toto humano genere nec purus homo poterat, nec angelus sufficiebat, tum quia licet sit homine potior quantum ad aliquas proprietates naturales, quantum tamen ad beatitudinis participationem ad quam per satisfactionem reducendus erat, est ei æqualis: tum quia non plenè hominis dignitas reintegraretur ipso obnoxio remanente angelo satisfaciendi. Ad vigesimum secundum dicit, quod mors Christi virtutem satisfaciendi habuit ex charitate ipsius qua voluntarie mortem sustinuit, non autem ex iniquitate occidentium eum. Ad vigesimum tertium dicitur, quod non oportuit toties Christo mori, quoties homines peccant, quia mors Christi sufficiens fuit ad omnium expianda peccata, tum propter eximiam charitatem qua mortem sustinuit, tum propter dignitatem personae satisfaciendi, quæ fuit Deus & homo: nam in rebus humanis quanto persona est altior, tanto poena quam sustinet, pro maiori reputatur. Ad vigesimum quartum dicit quod pro peccato totius humani generis mors Christi sufficiens fuit: quia quamuis secundum humanam naturam solum mortuus fuerit, tamen ex dignitate personae patientis quæ est persona filij Dei, mors eius fuit præciosa. Sicut enim maioris est criminis digniori personæ inferre iniuriam, ita virtuosius est, & ex maiori charitate procedens, quod maior persona pro aliis se subiciat voluntarie passioni. Ad vigesimum quintum dicit, quod non est inconueniens, quamuis Christus sufficiens pro peccato originali satisfecerit, poenales ex peccato originali consequentes adhuc in omnibus remanere, etiam qui redemptionis Christi participes sunt: quia congruenter & vtiliter factum est ut poena remaneret etiam subleuata culpa: tum ut esset conformitas fidelium ad Christum, sicut membrorum ad caput, portantium insignia passionis Christi, ut similitudinem gloriæ eius consequerentur, iuxta id quod dicitur ad Romanos: Hæredes quidem Dei, coheredes autem Christi: si tamen &c. tum quia si venientes ad Christum immortalitatem & impassibilitatem consequerentur, plures ad ipsum accederent magis propter hæc corporalia beneficia quam propter spiritalia bona, quod est contra intentionem Christi: tum quia hoc quodammodo compelleret homines ad fidem Christi suscipiendam, & sic meritum fidei minueretur. Ad vigesimum sextum negatur consequentia: quia mors Christi est quasi quædam vniuersalis causa salutis. oportet autem vniuersalem causam applicari ad vnumquodque specialiter ut eius participet effectus: & ideo oportet effectum mortis Christi per spirituales regenerationem & alia sacramenta ad vnumquemque pertinere. Ad vigesimum septimum, quod tamen in libris multis deficit, & videtur esse tale, quia sequeretur quod filij qui ex parentibus regenerati nascuntur, cum originali non nascerentur, & sacramentis salutis non indigerent: negat consequentiam, quia effluxus salutis à Christo in homines non est per naturæ propagationem, sed per studium bonæ voluntatis quo homo Christo adhæret: & sic quod à Christo vnusquisque consequitur, est personale, & propterea non deriuatur ad posteros, sicut peccatum primi parentis.

Ad euentiam eius quod dictum est mortem Christi fuisse sufficientem pro peccato originali ratione personæ patientis, licet Christus non sit mortuus nisi secundum humanam naturam: considerandum est iuxta prædeterminatam in præcedenti capite, quod differentia est inter actionem puri hominis & actionem existentis in gratia, & actionem hominis Dei: quia licet actio puri hominis quandam habeat infinitatem ex gratia ad satisfaciendum pro peccato actuali personali, tamen actio sua non est infinita ratione suppositi operantis, sed tantum ratione spiritus sancti principaliter mouentis: & similiter non est solius hominis, sed etiam Dei cui fit satisfactio, cui omne bonum quod habet homo, debet: & ideo eius actio etiam pro peccato actuali non est perfectè æquiualens satisfactio, sed ex diuina acceptatione sufficientiam habet: actio autem Christi etiam humanam habet quandam infinitatem ratione suppositi operantis: quia suppositum illud est diuina persona, quæ est infinita, cuius virtus in tali actione saluatur. dictum est enim supra, humanam naturam esse veluti instrumentum coniunctum diuinitati. Insuper, tale suppositum id quod habet non tenetur reddere Deo ex aliqua priori obligatione: & ideo velle Christi quo voluit mortem pro satisfactione humani generis subire, & consequenter mors eius, ut à tali voluntate procedens, fuit plenariè sufficiens & æquiualens ad satisfaciendum pro huiusmodi peccato, licet secundum humanam tantum naturam mortem subierit.

ADVERTENDVM est tamen, quod non sic dicimus velle humanum Christi fuisse infinitum, quasi haberet intrinsecè & formaliter in sua essentia infinitatem, ut videtur Scotus tertio Sententiarum, distinctione decimanona, sancto Thomæ imponere: sed quia infinitum extrinsecè fuit, utpote à persona infinita tanquam à supposito immediatè procedens & à Christi gratia & charitate, quæ aliquo modo infinita fuerit: nec valet quod obicit Durandus apud Capreolum in tertio, distinctione 18. inquit quod sicut Christus in quantum homo non potuit reddere æquiualens pro beneficiis à Deo receptis, ita non potuit in quantum homo Deo pro peccato condigna satisfactione satisfacere. Dicitur enim primò, quod assumptum est falsum: quia Christus ratione infinitatis personæ cuius est immediatè operatio humana tanquam suppositi, potest condignè reddere Deo æquiualens beneficiis suæ humanitatis concessis. Dicitur secundò quod etiam similitudo non tenet: quia quantumcumque non posset gratiarum actio beneficiis susceptis æquari, eo quod omne bonum quod inest creaturæ, sit à Deo: si sic in gratiarum actione semper crescat gratiarum actionis materia, posset tamen dignè pro peccato satisfacere per poenam æquiualem culpæ, eo quod in satisfactione satisfactionis materia non crescat, sed minuat.

CIRCA prædicta aliud dubium non dissimulandum, & à Capreolo tertio Sentent. dist. 1. discussum occurrit. Nam dictum est sepe numero, si filium Dei humanam carnem assumpsisse ut pro peccato humani generis satisfaceret. Ex quo videtur incarnationem Christi esse ad redemptionem

humani generis tanquam ad finem ordinatam: & ex hoc ulterius sequitur, cum remota causa remouetur effectus, quod si humanum genus redemptione non indigisset, non fuisset Christus incarnatus: & quia si non peccasset, non indigisset reparatione, sequitur quod si homo non peccasset, filius Dei non fuisset incarnatus, id quod expresse tenet sanctus Thomas 3. quæst. 1. artic. 3. Contra hoc autem arguit Scotus tertio Sentent. dist. 7. quæst. 3. ad primum dubium, primò: Prius natura quam aliquid præuidebatur circa peccatorem, siue de poena, siue de peccato, Deus præelegit ad curiam cælestem omnes quos voluit habere, & homines & angelos in certis & determinatis gradibus: ergo prius prædestinavit animam Christi quam aliquid præuiderit circa peccatum humani generis, ergo si etiam homo non peccasset, filius Dei incarnatus fuisset.

CONFIRMATVR primò: quia nullus est prædestinatus tantum, quia alius præuisus est causatus, ergo hoc multo magis verum est de anima Christi. Confirmatur secundò: quia inter prædestinatos quibus vult Deus gloriam ordinare, prius videtur velle gloriam illi quem vult finem esse proximiorum. constat autem quod vult animam Christi esse finem proximiorum quam animam aliorum hominum. Secundò, redemptio seu gloria animarum redimendarum non est tantum bonum, quantum est gloria animæ Christi: ergo non videtur quod ad illam Christi incarnatio ordinetur. Confirmatur: quia non est verisimile tantum bonum in entibus & tam summum, esse solum occasionatum propter minus bonum.

Ad euentiam huius difficultatis considerandum est primò ex illis quæ dicta sunt superius in primo libro, quod in volitione diuinæ voluntatis nullus ex parte ipsius actus volendi ordo inuenitur, cum & vna actu voluntas diuina in omnia volita feratur, & simul, ita quod non prius in hoc volitum fertur quam in illud: sed omnia quæ Deus vult, ab æterno vult: & ideo non potest dici quantum est ex parte voluntatis diuinæ, quod vnum volitum sit causa volendi aliud. Sed tamè cum hoc quod Deus omnia à se voluit simul & æternaliter voluit, stat quod inter volita sua voluerit aliquem ordinem esse, ita videlicet quod vnum ad aliud ordinetur, & vnum sit propter aliud: sicut voluit in natura ordinari partes vniuersi ad ipsius vniuersi bonum & perfectionem, & inter ipsas partes eas quæ imperfectiores sunt ad perfectiores ordinari: similiter in bonis spiritualibus voluit gratiā ordinari ad gloriam. Considerandum secundò, quod licet non sit aliquis ordo in volitione diuina ex parte ipsius actus volendi, potest tamen intellectus noster volitionem diuinā secundum quod ad diuersa terminatur, cum quodam ordine intelligere, ac si prius vnum esset volitum quam alterum, secundum quod voluntas nostra in plura fertur ordinatè, vnum prius altero volendo: & iste ordo dicitur ordo rationis: quia est ordo secundum nostrum modum considerandi. Vnde nullo modo concedendus est aliquis ordo naturæ in volitione diuina ex parte actus volendi secundum quod ad diuersa ordinatur, ita quod ex parte actus, secundum quod est in se, concedatur vnum esse prius volitum altero, sed bene concedi potest ibi ordo rationis, in quantum intellectus noster voluntatem diuinam considerat primò ut terminatur ad vnum, deinde ut terminatur ad alterum proportionaliter ad ipsas res, secundum videlicet quod vna res est prior, & altera posterior, & secundum quod à diuina voluntate est positus ordo in rebus volitis. Considerandum tertio, ut est de mente sancti Thomæ 3. quæst. 1. artic. 3. & 3. Sen. dist. 1. quod cum ea quæ ex sola Dei voluntate proueniunt supra omne debitum creaturæ, cuiusmodi est filij Dei incarnatio, & ratio ipsius ex parte rei volitæ nobis non innotescat nisi quatenus in sacra scriptura traduntur, non possumus necessarî ratione ostendere filium Dei propter solam humani generis redemptionem esse incarnatū: sed tamen quia in sacra scriptura vbique ratio incarnationis ex peccato primo hominis assignatur, conuenienter dici potest incarnationem huiusmodi à Deo esse in remedium peccati ordinatam, ita quod si homo non peccasset, non fuisset incarnatio, quamuis & aliter fieri potuerit à Deo. Vnde ad rationes Scoti in quantum probant non fuisse conueniens ut filius Dei propter solam reparationem humani generis humanam carnem assumeret, & quod etiam incarnatus fuisset, etiam si homo non peccasset: responderetur. Ad primum negatur assumptum: quia in volitione diuina nulla est prioritas aut posterioritas ex natura rei extra intellectū, nec possunt dari plura instantia naturæ extra intellectum, in quorum vno Deus velit vnum, & in altero velit aliud, vel in quo prius vnum velit quam alterum præuideat, cum omnes diuini actus sint æterni, & sint realiter idem cum diuina essentia: & sic non est verum quod Deus prius natura quam præuideat circa peccatorem siue de peccato, præelegerit ad cælestem curiā quos voluit, imò simul ex parte rei prædestinavit electos, & statuit ut incarnatio filij sui esset causa salutis humanæ, & quod ipse filius propter salutem humani generis humanam carnem susciperet.

Si dicatur quod saltem prius secundum rationem, siue secundum nostrum modum intelligendi prædestinavit electos omnes quam quicquam de peccato aut remedio peccati præuiderit: Responderetur quod hoc etiam falsum est: quia secundum quod nobis innotescit ex sacra scriptura, oportet ut prius intelligamus Deum præuidisse casum humani generis, & voluisse eius remedium, deinde quod voluerit illi per incarnationem filij sui remedium afferre, & consequenter oportet prius intelligere in Deo præscientiam peccati Adæ, quam prædestinationem animæ Christi. Vnde sanctus Thomas 3. quæst. 1. artic. 3. ad 4. inquit quod quia prædestinatio præsupponit præscientiam futurorum, Deus opus incarnationis in remedium humani peccati prædestinavit.

Ad confirmationem primam per idem patet. assumptum enim est falsum. Ad secundam confirmationem dicitur eodem modo quod assumptum est falsum, siue intelligatur de prioritate naturæ, siue de prioritate rationis, ex parte actus volendi. si verò intelligatur de ordine se tenente ex parte rerum volitarum: quia iste ordo nihil aliud importat quam vnā rem volitam esse altera priorē, & vnā ad aliam ordinari, sic gloria animæ Christi potest dici prior gloria & salute humana. Nam in genere causæ formalis est prior: quia quod perfectius est, comparatur ad id quod est imperfectius in eodem ordine, sicut formale, constat autem quod gloria animæ Christi est perfectior gloria aliarum animarum. similiter est prior secundum rationem causæ finalis, in quantum ex gloria hominum & salute quam per incarnationem homines consequuntur, redundat maior gloria animæ Christi. dicitur enim vno modo aliquid finis alterius, cui ex illo aliqua prouenit utilitas, ut patet per sanctum Thomam secundum



secundo Sentent. dist. 1. q. 2. art. 3. Dicitur tertio, quod aliud est loqui de gloria animæ Christi ad quam Deus ipsam præordinauit, & aliud de incarnatione filij Dei. licet enim gloria animæ Christi sit prior gloria & salute aliorum hominum in genere causæ formalis & finalis, ut dictum est, ipsa tamen incarnatio est posterior hominum salute in genere causæ finalis: quia propter hominum salutem facta est. Ad secundum dicitur primo, quod non dicimus gloriam animæ Christi ordinari ad humanam salutem tanquam ad finem: sed dicimus ipsam Christi incarnationem esse ordinatam ad humani generis salutem, humanam autem salutem ut causam per Christum esse ad Christi gloriam & exaltationem ordinatam. Dicitur secundo loquendo de incarnatione in ordine ad salutem humanam, quod licet ipsa incarnatio in quantum terminata est ad vniouem in persona diuina, sit maius bonum quam humani generis salus, ut videtur velle sanctus Thomas 1. q. 2. art. 4. ad primum: & tertio Sentent. dist. 1. q. 2. art. 4. quæst. 4. non inconuenit tamen ipsam ordinari ad humanam salutem tanquam ad finem proximum & partialem. nam maius bonum hoc modo potest ad minus bonum ordinari, præsertim quando ex illo ordina aliqua excellentia resultat maiori bono, sicut Christus per suam incarnationem, & ea quæ passus est, consecutus est ut sit salutis humanæ vniuersalis causa: & maximam ex hoc exaltationem reportauit. Vnde ad argumentum negatur consequentia. Ad confirmationem similiter dicitur, quod non est inconueniens tantum bonum quantum est filij Dei incarnatio, occasionari propter minus bonum tanquam propter finem proximum & secundarium: ordinari autem ad aliquid altius tanquam ad principalem finem, scilicet ad vniuersi complementum & perfectionem, & ad ampliorem diuinæ bonitatis manifestationem.

## De necessitate sacramentorum. Cap. 56.

Idem 3. par.  
9. 61 artic. 1.  
4. Sent.  
d. 1. q. 1. ar. 2.  
\* cap. præc.  
D. 962.



**Q**UASI VERO (sicut iam dictum est) mors Christi est quasi vniuersalis causa humanæ salutis: vniuersalem autem causam oportet applicari ad vnumquemque effectum: necessarium fuit exhiberi hominibus quædam remedia per quæ eis beneficium mortis Christi quodammodo coniungeretur. huiusmodi autem esse dicuntur Ecclesiæ sacramenta. huiusmodi autem remedia oportuit cum aliquibus visibilibus signis tradi. Primo quidem: quia sicut cæteris rebus, ita etiam homini Deus prouidet secundum eius conditionem. est autem talis hominis conditio, quod ad spiritualia & intelligibilia capienda naturaliter per sensibilia deducitur. oportuit igitur spiritualia remedia hominibus sub signis sensibilibus dari. Secundo: quia instrumenta oportet esse primæ causæ proportionata. prima autem & vniuersalis causa humanæ salutis est verbum incarnatum, ut ex præmissis apparet. congruum igitur fuit remedia quibus vniuersalis causæ virtus pertingit ad homines, illius causæ similitudinem haberent: ut scilicet in eis virtus diuina inuisibiliter operaretur sub visibilibus signis. Tercio: quia homo in peccatū lapsus erat, rebus visibilibus indebitè inhærendo. ne igitur crederetur visibilia ex sui natura mala esse, & propter hoc ei inhærentes peccasse: per ipsa visibilia congruū fuit quod hominibus remedia salutis adhiberentur: ut sic appareret ipsa visibilia ex sui natura bona esse, velut à Deo creata: sed hominibus noxia fieri secundum quod eis inordinate inhærent: salutifera verò secundum quod ordinate eis vtuntur. Ex hoc autem excluditur error quorundam hæreticorum, qui omnia huiusmodi visibilia à sacramentis Ecclesiæ volunt esse remouenda. Nec mirum: quia ipsi opinantur omnia visibilia ex sui natura mala esse, & ex malo authore producta: quod in secundo libro reprobauimus. Nec est inconueniens quod per res visibiles & corporales spiritualis salus ministraretur: quia huiusmodi visibilia sunt quasi quædam instrumenta Dei incarnati & passivi. instrumentum autem non operatur ex virtute suæ naturæ: sed ex virtute principalis agentis à quo applicatur ad operandum. sic igitur & huiusmodi res visibiles salutem spiritualem operantur, non ex proprietate suæ naturæ, sed ex institutione ipsius Christi, ex qua virtutem instrumentalem consequuntur.

## Super cap. 56.



**P**OSTQVAM determinauit sanctus Thomas de filij Dei incarnatione pro humano genere redimendo, vltius de effectibus Christi incarnati in nobis determinat. Duo autem sunt huiusmodi effectus, scilicet liberatio à culpa, quæ per sacramenta consequimur: & liberatio à morte, quam per eius resurrectionem in fine seculi consequemur. ideo primo de sacramentis determinat, secundo de corporis nostrorum resurrectione, cap. 79. Circa primum duo facit. Primo determinat de sacramentis in generali.

Secundo in speciali, cap. 59. Circa primum tria facit. Primo necessitatem sacramentorum ostendit. Secundo distinctionem sacramentorum nouæ legis à sacramentis veteris legis manifestat, cap. sequenti. Tercio numerum sacramentorum nouæ legis explicat, cap. 58.

**Q**UANTVM ad primum duas ponit conclusiones. Prima est: necessesse fuit hominibus aliqua sacramenta tradi. Probatur, necessarium fuit hominibus exhiberi quædam remedia per quæ eis beneficium mortis Christi quodammodo coniungeretur: ergo necessaria fuerunt sacramenta. probatur consequentia: quia huiusmodi remedia dicuntur esse Ecclesiæ sacramenta. antecedens verò probatur: quia mors Christi iuxta superius dicta, est quasi vniuersalis causa salutis humanæ, vniuersalem autem causam ad vnumquemque effectum applicari oportet.

**C**IRCA ipsam conclusionem considerandum est ex doctrina sancti Thomæ quarto Sentent. dist. 1. q. 1. art. 2. q. 1. quod sacramenta non dicuntur necessaria necessitate absoluta, sicut Deus eorum sint ex sola diuina bonitate instituta: neque necessitate finis, prout illud dicitur necessariū sine quo finis haberi non potest: quia Deus virtutem suam sacramentis non alligauit, sed necessitate finis quæ dicit congruentiam quandam & vtilitatem. quomodo equus dicitur necessarius ad iter. Sic enim intelligimus sacramenta esse necessaria, quia per ea magis congruè fit hominis reparatio, licet & aliter fieri potuerit.

**C**IRCA probationem autem conclusionis aduertendum quod sacramenta dicuntur quædam remedia, quia effectiue, instrumentaliter tamen sanant hominem à peccato veluti quædam medicinæ: vnde Hugo de sancto Victore ait, quod sunt instituta tanquam medicinæ peccati. Secunda conclusio est: Huiusmodi remedia oportuit cum aliquibus visibilibus signis tradi. Probatur primo. Conditio hominis est, quod ad spiritualia & intelligibilia capienda naturaliter per sensibilia deducitur, ergo oportuit spiritualia remedia hominibus sub signis sensibilibus tradi. probatur consequentia: quia Deus sicut cæteris rebus, ita & homini secundum eius conditionem prouidet. Secundo, prima & vniuersalis causa salutis humanæ est verbum incarnatum: ergo congruum fuit remedia quibus huiusmodi causæ virtus ad homines pertingit, eius similitudinem habere, ut scilicet in eis virtus diuina inuisibiliter operaretur sub visibilibus signis. probatur consequentia: quia instrumenta oportet esse primæ causæ proportionata. Tercio, homo in peccatum lapsus erat, rebus visibilibus indebitè inhærendo, ergo ne crederetur visibilia esse ex sui natura mala, sed apparerent bona ex sui natura, quæque hominibus fieri secundum quod eis inordinate vtuntur, salutifera verò secundum quod eis vtuntur ordinate, congruum fuit ut per visibilia signa hominibus remedia salutis adhiberentur.

**A**D euentiam huius conclusionis considerandum est ex doctrina sancti Thomæ 3. q. 60. artic. 1. & 4. Sentent. dist. 1. quod sacramentum secundum suam propriam acceptionem in qua à Catholicis doctoribus accipitur, ponitur in genere signi. Est enim sacramentum sacre rei signum, non quomodo cunque, sed in quantum illa res sacra, puta gratia, est sanctificans homines: neque etiam omne signum rei sacre habet propriè rationem sacramenti, sed tantum signum sensibile, siue res sensibilibus significans spiritualia bona, siue res sacras quibus sanctificamur: & ideo dicit sanctus Thomas, quod oportuit remedia spiritualia, id est, ipsa sacramenta quibus ad nos virtus mortis Christi peruenit (quæ dicuntur spiritualia, quia & quædam spirituali virtute operantur, & sunt remedia spiritus & animæ, & spirituale salutem operantur) cum aliquibus visibilibus signis tradi, visibilibus nomine omnem rem sensibilem intelligens.

**A**D euentiam primæ rationis considerandum est, quod conditio hominis in quantum est rationalis, est quod sibi suam sanctificationem innotescat: & quia naturaliter habet cognitionem à sensibilibus, ita, ideo sibi conuenit ut sibi suam sanctificationem per sensibilia manifestetur. cum igitur sacramenta sint quædam signa & etiam causæ sanctificationis, conuenienter in sensibilibus rebus sunt huiusmodi sacramenta instituta. & in hoc prima ratio consistit.

**C**IRCA secundam rationem considerandum est, quod verbum incarnatum duo dicit, scilicet ipsam diuinam personam, diuinamque virtutem, quæ inuisibilis est: & humanam carnem, secundum quam diuinum verbum est aliquo modo visibile. ideo remedia & sacramenta quibus tanquam instrumentis huius vniuersalis causæ virtus ad homines pertingit, talia esse conuenit, ut sub visibilibus signis diuina virtus inuisibiliter operetur. sic enim instrumenta principali causæ sunt proportionata: & secundum hoc ista ratio procedit.

**E**X his inquit sanctus Thomas, excluditur error volentium omnia huiusmodi visibilia ab Ecclesiæ sacramentis esse remota, utpote opinantes omnia visibilia ex sui natura mala esse, & ex malo authore producta: quod in secundo libro reprobauimus. Excluditur etiam dubium quod posset oriri: quia videlicet inconueniens videtur ut spiritualis salus per visibiles & corporales res ministraretur. Sed inquit sanctus Thomas, hoc non esse inconueniens, cum huiusmodi visibilia sint quasi quædam instrumenta Dei incarnati & passivi, & ideo non operentur spiritualem salutem ex proprietate suæ naturæ, sed ex institutione ipsius Christi, ex qua virtutem instrumentalem consequuntur. nam instrumentum non ex virtute suæ naturæ, sed ex virtute principalis agentis operatur.

**A**DVERTENDVM circa hoc vltimum dictum, quod intelligitur de instrumento in quantum est instrumentum: nam instrumento conuenit quidem aliqua operatio virtute propriæ naturæ, sicut scindere dura conuenit serræ: sed hæc operatio conuenit sibi non in quantum est instrumentum, sed in quantum est talis naturæ. operatio autem quæ conuenit instrumento in quantum est instrumentum, conuenit sibi in quantum in ipso est virtus principalis agentis per modum intentionis cuiusdam, id est, per modum formæ habentis esse transiens, non autem fixum & stabile. est enim huiusmodi virtus in instrumento solum quandiu mouetur à agente, sicut virtus artis est in serra ad faciendum scammum.

**S**ED CIRCA hoc occurrunt dubia tacta à Scoto 4. d. 1. q. 5. per quæ vult probare nullā virtutem supernaturalem in sacramentis esse. Agit enim primo sic: Aut illa virtus esset in sacramento indiuisibiliter, aut diuisibiliter. Non primum: quia inter formas perfectas materiam corporealem sola anima intellectiua ponitur talis. Non secundum: quia tunc extenderetur per accidens in subiecto, quod est contra rationem virtutis spiritualis. Secundo,



Secundò, cum in sacramentis requiratur multa verba, vel in qualibet syllaba est eadem virtus omnino, & idem accipiens migraret & remaneret postquam subiectum defuit vel alia & alia in diuersis, & sic sacramentum non haberet aliquam virtutem vnam. Si dicatur quod habet virtutem aggregatam ex multis virtutibus partium, hoc non valet, tum quia non esset dare quæ istarum esset principium causandi illum effectum spirituale in anima: tum quia non videtur probabile quod vnum sacramentum habeat tot virtutes supernaturales aggregatas. Tertio, ista virtus causatur in isto sacramento, aut ante applicationem eius ad actum siue vsum, aut in ipsa applicatione. Si primum, ergo eius creatio est purè miraculosa. Si secundum, hoc est inconueniens: quia nullum instrumentum ideo est formaliter aptum ad vsum, quia aliquis vtitur eo sicut instrumento. Quarto, nulla est necessitas ponendi huiusmodi virtutem, ergo &c. Quinto, instrumenta artificialia non sunt formaliter actiua, sed tantum receptiua vnius effectus prioris ordinati ad effectum vltimum, ergo &c.

AD PRIMVM dicitur, quod illa virtus est in sacramento indiuisibiliter, id est, tota in toto, & tota in qualibet parte, ad improbationem dicitur, quod sola anima intellectiua est talis inter formas completas, sed non est sola talis inter formas absolutas: quia etiam aliqua alia forma habentes esse intentionale in subiecto, sunt tales. Ad secundum dicitur primo, quod talis virtus est in vltima syllaba in ordine ad præcedentes, est, ut significationem totius orationis complet. Dicitur secundò, quod etiam si in diuersis syllabis essent diuersæ virtutes partiales, propter hoc non sequitur aliquod inconueniens, omnes enim vnam completam virtutem, successiuam tamen, integrarent: nec est inconueniens vnum sacramentum habere plures virtutes supernaturales incompletas, vnam tamen totalem continentes virtutem. Ad tertium dicitur, quod inchoatiue data est talis virtus sacramentis in ipsorum institutione, completiue autem hanc virtutem accipiunt in ipsa applicatione ad proprios vsum, id est, in ipsa institutione sacramenti, resensibilis, puta aqua, fuit determinata ad hoc ut esset apta ad baptismum, & esset susceptiua virtutis diuinæ ad effectum sacramentalem. In applicatione verò ad proprium vsum sacramenti, accipit formaliter ipsam supernaturalem virtutem. Nec valet quæ in contrarium obijciuntur. conceditur enim quod creatio talis virtutis est omnino miraculosa, sicut & institutio sacramentorum, & quod non est inconueniens instrumentum plus dari ab agente principali, dum eo vtitur actu ad inductionem effectus principaliter intenti, quam ante vsum talis instrumenti. Ad quartum negatur assumptum: licet enim instrumentum non agat ad effectum principaliter intentum, nisi quando ab agente principali mouetur, tamen dum mouetur, accipit virtutem per modum intentionis ab agente principali, quæ ad effectum intentum instrumentaliter operatur. Cetera vide apud Capreolum in 4. d. 1. q. 1.

#### De distinctione sacramentorum veteris & nouæ legis.

Cap. 57.

**I**NDE considerandum est, quod cum huiusmodi visibilia sacramenta ex passione Christi efficaciam habeant, & ipsam quodammodo repræsentent: talia ea esse oportet, ut congruant saluti factæ per Christum. hæc autem salus ante Christi incarnationem, & mortem erat quidem promissa, sed non exhibita: sed verbum incarnatum & passum est salutem huiusmodi operatum. sacramenta igitur quæ incarnationem Christi præcesserunt, talia esse oportet, ut significarent & quodammodo repromitterent salutem: sacramenta autem quæ Christi passionem consequuntur, talia esse oportet ut salutem hominibus exhibeant, & non solum signando demonstrent. Per hoc autem euitatur Iudæorum \* opinio, qui credunt sacramenta legalia propter hoc quod à Deo sunt instituta, in perpetuum esse seruanda, cum Deus non poeniteat neque mutetur. Fit autem absque mutatione disponentis vel poenitentia, quod diuersa disponat secundum congruentiam temporum diuersis: sicut paterfamilias alia præcepta tradit filio paruulo, & alia iam adulto: sic & Deus congruenter alia sacramenta & præcepta ante incarnationem tradit ad significandum futura: alia post incarnationem ad exhibendum præsentia, & rememorandum præterita. Magis autem irrationabilis est Nazæorum \* & Helonitarum error, qui sacramenta legalia simul cum euangelio dicebant esse seruanda: quia huiusmodi error quasi contraria implicat. dum enim seruant euangelica sacramenta, profitentur incarnationem & alia Christi mysteria iam esse perfecta: dum autem tenent etiam sacramenta legalia seruanda, profitentur ea esse futura.

Super Cap. 57.

**E**CUNDO loco agit sanctus Thomas de distinctione sacramentorum veteris & nouæ legis, & ponit hanc conclusionem. Sacramenta quæ incarnationem Christi præcesserunt, significabant & quodammodo repromittebant salutem, sacramenta autem quæ Christi passionem consequuntur, salutem hominibus exhibent, & non solum signando demonstrent, probatur. Sacramenta

talia esse oportet, ut congruant saluti factæ per Christum, cum ex passione Christi efficaciam habeant, & ipsam quodammodo repræsentent, sed hæc salus ante Christi incarnationem & mortem erat quidem promissa, sed non exhibita, verbum autem incarnatum & passum est salutem huiusmodi operatum, ergo &c.

PER hoc excluditur duplex error. Primus est Iudæorum dicentium sacramenta legalia, quia à Deo sunt instituta, esse in perpetuum obseruanda, cum Deus non poeniteat neque mutetur. Ad quos dicitur quod sit absque mutatione disponentis & poenitentia, ut diuersa disponat secundum congruentiam temporum diuersorum, ut patet in patrefamilias: & sic Deus congruenter alia sacramenta & præcepta tradidit ante incarnationem, & alia post incarnationem. Secundus error & irrationabilior fuit Nazæorum & Helonitarum dicentium sacramenta legalia simul cum Euangelio esse seruanda. Implicant enim contraria: quia dum sacramenta euangelica seruant, profitentur incarnationem & alia Christi mysteria esse perfecta, dum autem legalia seruant, profitentur ea esse futura.

CIRCA prædicta dubium duplex occurrit. primum est circa differentiam sacramentorum nouæ legis & veteris. Secundum est circa obseruationem legalium. Circa primum dubitatur: quia vult sanctus Thomas sacramenta nouæ legis à sacramentis veteris legis differre in hoc, quod illa significant tantum & promittunt salutem, ista verò salutem efficiunt. Ex hac enim differentia sequitur, cum salus humana à gratia formaliter dependeat, eò quod per gratiam fiat remissio peccatorum, & fiat homo vitæ æternæ dignus, quod sacramenta veteris legis non conferebant gratiam, sed bene sacramenta nouæ legis. Contra hoc autem arguitur. Primum gratia producit per creationem, ergo sacramenta nouæ legis non sunt causa gratiæ, sicut nec sacramenta veteris legis. probatur consequentia: quia in præcedentibus ostensum est virtutem creandi nulli posse communicari creaturæ, neque in quam sicut principali agent, neque sicut instrumentum. Secundò, & est argumentum Aureoli apud Capreolum in 4. d. 1. q. 2. Si sacramenta prædicta illo solum modo differant, sequitur quod sint æqualis dignitatis. probatur consequentia: supposito quod in circuncisione conferebatur gratia, ut etiam concedit sanctus Thomas. Nobilitas instrumenti, & cuiuslibet ordinati in finem, sumitur ex ratione utilitatis: sed ætate utilitatis erat circuncisio, sicut modo est baptismus, si in viroque confertur gratia, ergo &c.

CIRCA secundum dubitatur, quia videtur velle sanctus Thomas, quod post publicationem euangelij non poterant legalia obseruari. contra hoc autem arguit Scotus in quarto distinctione tertia, questione quarta quia Augustinus 12. legitur de Paulo quod ascendit in Hierusalem, & ibi de consilio Iacobi & aliorum fratrum post quartam synodum habitam Hierosolymis, Purificatus secundum legem, ascendit in templum, & obtulit sacrificium.

AD euentiam primi dubij, considerandum est ex doctrina sancti Thomæ tertio questione sexagesima secunda, & quarto distinctione prima & secunda, quod sacramenta veteris legis, ut sacrificia, oblatione, decimæ, & huiusmodi, nullo modo gratiam conferebant ex aliqua virtute eis inherente, nec etiam in ipsis conferebatur gratia, nisi forte ex deuotione suscipientis, excepta circuncisione, in qua gratia vique conferebatur, sed non ex aliqua virtute ei inherente. ratio huius est, quia sacramenta habent virtutem iustificandi ex passione Christi, in quantum videlicet continent in se virtutem profluentem à Christo in carnato & passio autem, quod nondum est in rerum natura non mouet secundum vsum exteriorum rerum, licet possit mouere secundum quod præcedit in actu animæ, eo modo quo finis dicitur mouere dum est in intentione ideo virtus passionis Christi non poterat antequam ipsa passio esset in actu, iustificare per sacramenta quæ in exteriorum vsum rerum consistunt, licet per eadem resurrectionis Christi iustificarentur antiqui patres, sicut & nos, sacramenta autem nouæ legis iustificare efficiunt, in quantum virtute eis inexistente à passione Christi, ut superius dictum est, causant in nobis gratiam, unde sacramenta antiquæ legis erant signum salutis future per Christum, in quantum ipsam Christi passionem & alia ipsius mysteria præfigurabant: sed non erant causa salutis: sacramenta autem nouæ legis sunt & signa salutis & causa, in quantum & gratiam significant in nobis existentem, & ipsam causant in suscipiente rite sacramentum, propterea bene assignans sanctus Thomas sacramentorum distinctionem inquit, quod illa repræsentabant & promittebant salutem, ista verò exhibent salutem, & non solum significant.

CONSIDERANDVM secundò, quod duplex est instrumentum, quoddam quod sua actione attingit vltimam perfectionem quam principale agens intendit, quoddam verò quod ipsam vltimam perfectionem non attingit, sed aliquam ipsius dispositionem: semper tamen instrumentum in quantum est instrumentum, pertingit ad aliquid vltra id quod cõpetit sibi secundum suam naturam. sacramenta ergo dicuntur causa salutis & gratiæ: non quia sua actione gratiam attingant, cum gratia à solo Deo creetur in anima, sed quia ad ipsam gratiam disponunt, causando aliquid in anima, in quantum sunt instrumenta diuinæ virtutis, puta characterem vel ornatum, quo anima ad suscipiendam gratiam fit disposita. Impugnatur autem à Scoto & ab aliis hic modus ponendi sacramentum esse causam gratiæ dispositiuè per characterem vel ornatum quem in anima causat immediate. Sed horum impugnationes à Capreolo in prima distinctione quarta sufficientissime dissoluntur. Vnam tantum Scoti obiectionem in primo dist. quarti q. 4. similem dubio moto adducam, quæ talis est: Creatura non potest agere instrumentaliter ad terminum creationis, & maxime substantia corporeas sed ista dispositio ad gratiam quæ dicitur character aut ornatu, est terminus creationis: quia est simpliciter forma supernaturalis, & non est educibilis de potentia naturali materia, ergo ad ipsam non potest agere instrumentaliter agens corporeum, cuiusmodi est sacramentum. Respondetur quod aliter est de forma principali quam agens supernaturalis intendit, & aliter de dispositione ad talem formam, non inconuenientem formam principalem esse omnino supernaturalem, non posseque nisi ab agente supernaturali produci, & tamen dispositionem ad talem formam posse instrumentaliter ab agente naturali produci, licet non virtute naturæ, sed virtute supernaturali sibi data: sicut videmus virtute humani seminis causari dispositionem vltimam ad animam intellectiuam: & tamen à solo Deo anima intellectiua creatur. Vnde

Idem 3. par. q. 62. ar. 6.

Excl. err. Iudæorum, persistit in infidelitate usque ad hæc tempora.

Exclusio err. Nazæorum & Helonitarum de quibus Augustinus tom. 6. lib. hære. nu. 9. Et Philo. & Epiph. lib. 1. tom. 1.



Vnde sequitur dicitur, quod minor est falsa: ad probationem dicitur, quod formam esse omnino supernaturalem, dupliciter potest intelligi. Vno modo, quia nullo modo ab agente naturali, neque inquam virtute propria, neque virtute superaddita produci potest, nec educi de potentia materiae. & sic negatur characterem aut ornatum esse formam supernaturalem omnino. Alio modo, quia de potentia materiae educi non potest, nec ab agente naturali virtute propria naturae produci, licet ab ipso instrumentaliter per virtutem supernaturalem sibi datam produci possit: & tunc conceditur quod talis dispositio est forma supernaturalis, sed negatur quod omnis talis forma sit terminus creationis. Ad hoc enim, ut forma solius creationis terminus esse possit, requiritur ut non sit de potentia materiae educibilis, & quod nullo modo ab agente naturali, neque inquam virtute propria, neque alicuius possit produci. Hae dixerim sequendo opinionem Capreoli in quarto Sententiae est etiam expresse sancti Thomae in quarto, distinctione prima, & de potentia quae, tertia articulo tertio ad octavum. Sunt autem qui teneant de mente sancti Thomae esse quod gratia non creatur, sed instrumentaliter attingatur a sacramentis, tum quia in tertia parte, questione 62. articulo primo, dicitur absolute gratiam instrumentaliter a sacramento causari, nulla facta mentione de causatione dispositiva: tum quia cum gratia definit esse, non annihilatur, sed hoc ad mentem sancti Thomae esse non puro. Nam cum creari sit ex nihilo aliquid fieri, & manifeste appareat gratiam ex nihilo fieri: relinquitur quod creatur eo modo quo forma inherenti convenit creari: quia scilicet secundum ipsam aliquid creatur ex eundem quem modum inquit sanctus Thomas 1. 2. q. 102. art. 2. ad 3. gratiam creari: quia secundum ipsam homines dicuntur creari, id est, in nouo esse constitui. Si dicitur quod non creatur, quia sit in aliquo subiecto, constat quod hoc non tollit rationem creationis formae apud sanctum Thomam. Ad hoc enim ut non creatur, requiritur ut de potentia materiae educatur, ut dicitur de potentia Dei 1. 3. art. 8. in responsionibus ad argumenta, gratia autem de potentia materiae non educitur, ut ibidem dicitur, & primo Sententiarum dist. 14. q. 3. Non obstat autem quod primo adducitur: quia verba sancti Thomae in tertia parte exponenda sunt tantum ad sensum alibi expressum. Non approbo autem interpretationem, Capreoli dicentis, quod intelligeret sanctus Thomas, quod sacramenta causant gratiam sacramentaliter effectiue, non autem gratiam gratum facientem. Num cum gratia sacramentalis sit effectus gratiae gratum facientis: si illa a sacramentis non causatur effectiue, nec etiam ista causari potest. Non obstat etiam quod secundo adducitur: nam falsum supponitur, scilicet quod cum gratia definit non annihilatur. Huius enim oppositum tenet sanctus Thomas 2. d. Sen. 26. art. 2. ad 5. ubi ait quod cum gratia corrumpitur, simul etiam in nihilum redit, quod intelligendum est, quia nulla eius pars remanet: neque materia de cuius potentia sit educta, licet remaneat subiectum quod per ipsam informabatur. Sed tunc remanet dubium, cum character non magis educatur de potentia materiae quam gratia: quare magis attribuitur creatio gratiae quam characteri: & quare sacramenta virtute diuina possunt causare characterem, non autem gratiam, dici potest quod ratio diuersitatis est, quia gratia est supra totum naturae ordinem, ut pote hominem Deo formaliter coniungens: ideo a solo agente qui supra omnem naturam est, produci habetur: character autem non est supra totum naturae ordinem: imo est infra alia naturalia sui generis. in genere enim dispositionum ad gratiam, est actus liberi arbitrij, qui nobilior est ipso characteri: & ideo non est inconueniens quod instrumentaliter a creatura producat, quando aliquid sui generis virtute naturae producat. Nec obstat quia videtur produci ex nihilo. Dicitur enim quod non produciatur omnino ex nihilo: quia produciatur in aliquo quod est in potentia naturalis ad aliquid sui generis, & hoc sufficit ad hoc ut dicatur aliquando forma accidentaliter produci per aliquam simplicem mutationem, & non per creationem. Potest ista responsio haberi ex q. de Potentia 1. 3. art. 8. ad 5. ubi tenet sanctus Thomas quod quauis formae artificiales sunt totaliter ab extrinseco, non tamen per creationem inducuntur: quia non excedunt naturae ordinem, sicut gratia, imo sunt infra ordinem naturae: quia omne naturale est nobilius quam artificiale.

E X his patet responsio ad primam obiectionem dubij. negatur enim consequentia de causa dispositiva gratiae: ad probationem dicitur, quod non dicimus sacramenta esse causam gratiae quasi instrumentaliter gratia creetur: quia aliqua dispositio non ad gratiam causant. Ad secundam vero negatur consequentia, ad cuius probationem negatur minor, quauis enim in vtroque illorum sacramentorum conferatur gratia, non sunt tamen aequalis utilitatis: imo circumcisio nullius erat utilitatis: quia nihil agebat ad gratiam. vtile enim dicitur quod aliquid confert ad consecutionem finis. baptisumus autem vtilis est: quia ipse habet virtutem gratiae productionis modo dicto, quod si vtile improprie accipiat, videlicet pro eo ex quo proveniat aliquid boni, sive sicut ex causa sine qua non, sive sicut ex causa effectiua, negatur ista consequentia: ista sunt aequalis utilitatis, ergo sunt aequalis dignitatis: quia dignius est conferre gratiam per virtutem sibi in existentem, quam solum vi causa sine qua non.

ADVERTENDUM autem secundum doctrinam sancti Thomae 3. q. 62. art. 2. & 4. Sen. d. 1. q. 1. art. 4. q. 5. quod non solum sacramenta nouae legis sunt causa gratiae gratum facientis modo dicto, sed etiam sunt causa quorundam effectuum particularium a gratia gratum faciente, secundum quod per sacramenta causatur, proueniunt, quae dicuntur gratiae sacramentales, sicut enim a gratia gratum faciente proueniunt virtutes & dona quibus potentiae perficiuntur in ordine ad suos actus, ita ab ipsa gratia secundum quod per sacramenta causatur, proueniunt dispositiones quaedam quae contra quosdam defectus particulares remedia sunt: puta per baptismum gratiam causatur remedium contra peccatum originale, per penitentiam remedium contra peccatum actuale, per matrimonium remedium contra concupiscentiam, per confirmationem remedium contra verecundiam & timiditatem confitendi nomen Christi, & sic de aliis: quae quidem remedia & dispositiones quae proprium nomen non habent, dicuntur gratiae sacramentales: vide apud Capreolum in 4. dist. 1. q. 1. art. 3. in responsione ad argumentum contra quartam conclusionem factam.

AD EVIDENTIAM secundi dubij considerandum ex doctrina sancti Thomae 1. 2. q. 102. art. 4. & 4. Sen. d. 1. q. 2. art. 5. quod circa obseruationem sacramentorum veteris legis tria distinguenda sunt tempora secundum Augustinum, quem sanctus Thomas contra Hieronymum in hac

parte sequitur. Primum fuit ante passionem Christi: secundum post passionem usque ad diuulgationem euangelij: tertium fuit post euangelij diuulgationem. In primo sacramenta huiusmodi erant viua, & tenebantur iudaei illa obseruare. In secundo erant mortua: quia nullius utilitatis erant, & vim obligatiuam non haberent: non tamen erant mortifera: quia poterant absque peccato obseruari. In tertio non solum sunt mortua, ut pote nullius utilitatis existentia, sed etiam sunt mortifera: quia absque peccato mortali obseruari non possunt. Quod ergo hic dicitur errorem esse quod cum euangelio sint sacramenta legalia obseruanda, si intelligatur quantum ad necessitatem obseruationis, sic referendum est ad omne tempus post passionem Christi: nam error est quod corrente euangelio post Christi passionem teneantur conuersi ad fidem Christi seruare legalia. Si autem intelligatur quantum ad permissionem obseruationis, sic referendum est ad tertium tempus. Error enim est dicere quod post publicationem euangelij possint licite obseruari legalia.

SED aduertendum, quod duplex fuit publicatio euangelij vna imperfecta, quae scilicet per Apostolos & alios fuit praedicata necessitas obseruari sacramenta nouae legis, & praeccepta Christi. Alia fuit perfecta, quae scilicet etiam sufficientia nouae legis absque obseruatione legalium praedicata est, & in utilitas legalium, & nocumentum ipsorum. Cum ergo hic loquimur de publicatione euangelij, loquimur de perfecta publicatione. Et ad Scutum dicitur quod Paulus legalia obseruauit post imperfectam quidem publicationem euangelij, non autem post publicationem perfectam.

SED remanet dubium circa rationem qua impugnatur sancti Thome errorem praedictum: nam sicut publicatio euangelij, per sacramenta nouae legis prohiemur incarnationem & alia Christi mysteria iam esse perfecta, per sacramenta autem legalia protestamur illa esse futura, & ideo vtraque seruantes contraria dicuntur facta, ita & post passionem Christi ante euangelij publicationem, ergo sicut post publicationem euangelij non licet sacramentis legalibus vti, ita nec ante publicationem, cuius contrarium dictum est. Responderetur quod alia ratio est de significatione talium sacramentorum ante publicationem euangelij, & alia post talem publicationem, antequam enim publicatum esset ita esse nocua, & quod obseruanda non erant: quia erant instituta ad significandam incarnationem & passionem Christi futuram, non autem factam iam & perfectam: poterant obseruari non tanquam hoc significantia, sed ob reuerentiam Dei, tanquam aliquid pro aliquo tempore institutum a Deo quod nondum erat omnino abrogatum, & factum nocuum: sed post perfectam publicationem, quando praedicatum est talia sacramenta esse abrogata, & esse non nocua, non licet ipsa obseruare, propter eorum abrogationem, & significationem falsitatis. Cum ergo instatur quod etiam ante publicationem euangelij sacramenta legalia significabant Christi incarnationem & passionem esse futuram, dicitur quod licet ipsa sacramenta sint primo instituta ut sic significant, tamen obseruantes ea pro illo tempore medio, non intendebant illam significationem, sed tantum reuerentiam ad Deum: quod tunc licebat, eo quod non esset ostensum illam non debere obseruari. facta autem perfecta publicatione quod seruari non debeant, non excusatur ea obseruans propter Dei reuerentiam: quia non licet contra Dei legem propter Dei reuerentiam agere: & dum quis ea obseruat contra euangelicam doctrinam pertinaciter agens, profiteretur facte iudaizare, & profiteri Christum esse nasciturum & passurum, non autem Christum esse natum & passum, sicut & illa sacramenta ad hoc fuerunt a Deo instituta. Potest secundo responderi, quod antequam euangelium esset perfectae publicationis, passio Christi nondum erat perfecta in actu quantum ad virtutis ipsius omnimodam publicationem, licet in se esset transacta: & ideo poterat significari aliquo modo ut futura: post perfectam vero publicationem omnino complete fuit in actu, ideo nullo modo potest significari ut futura: propterea ante publicationem poterant seruari sacramenta legalia quae Christi passionem ut futuram significabant, non autem post publicationem.

## De numero sacramentorum nouae legis. Cap. 58.



VI A verò (ut dictum \* est) remedia spiritalis salutis sub signis sensibilibus sunt hominibus tradita: consequens etiam fuit ut distinguarentur remedia quibus prouideretur spiritali vitae, secundum similitudinem vitae corporalis. in vita autem corporali duplicem ordinem inuenimus. sunt enim propagatores & ordinatores corporalis vitae in aliis: & sunt qui propagantur & ordinantur secundum corporalem vitam. vitae autem corporali & naturali tria sunt per se necessaria, & quartum per accidens. Oportet enim primo quod per generationem seu natiuitatem res aliqua vitam accipiat: secundo, quod per augmentum ad debitam quantitatem & robur perueniat: tertio ad conseruationem vitae per generationem adeptae, & ad augmentum perductae, est necessarium nutrimentum: & haec quidem sunt per se necessaria naturali vitae: quia sine his vita corporalis perfici non potest: vnde & animae vegetatiuae quae est viuendi principium, tres vires naturales assignantur, scilicet generatiua, augmentatiua, & nutritiua. Sed quia contingit aliquod impedimentum circa vitam corporalem, ex quo res viuens infirmatur: per accidens necessarium est quartum, quod est sanatio rei viuientis aegrotae. Sicigitur & in vita spiritali

De Aug.  
& Hierony.  
habetur tom.  
2. Operum.  
August. ab  
8. Epist. in or  
dine vsq; ad  
19. inclusiu.

Idem 3. par. q.  
65. art. 1.  
\* Cap. 56.



li primum est spiritualis generatio per baptismum: secundum est spirituale augmentum perducens ad robur perfectum per sacramentum confirmationis: tertium est spirituale nutrimentum per Eucharistiæ sacramentum. restat quartum, quod est spiritualis sanatio, quæ fit vel in anima tantum per penitentiam sacramentum, vel ex anima derivatur ad corpus, quando fuerit opportunum, per extremam unctionem. hæc igitur pertinent ad eos qui in vita spirituali propagantur & conseruantur. Propagatores autem & ordinatores corporalis vitæ secundum duo attenduntur, scilicet secundum originem naturalem, quod ad parentes pertinet: & secundum regimen politicum, per quod vita hominis pacifica conseruatur: & hoc pertinet ad reges & principes. Sic igitur est in spirituali vita. Sunt enim quidam propagatores & conseruatores spiritualis vitæ secundum spirituale ministerium tantum: ad quod pertinet ordinis sacramentum. quidam verò secundum corporalem & spiritualement simul: quod fit per sacramentum matrimonij, quo vir & mulier conueniunt ad prolem generandam & educandam ad cultum diuinum.

Super cap. 38.



**T**ERTIO loco ostendit sanctus Thomas numerum sacramentorum nouæ legis & eius sufficientiam, & dicit primò quod cum remedia spiritualis salutis sub sensibilibus signis hominibus sint tradita, consequens fuit ut remedia quibus prouideretur spirituali vitæ, secundum similitudinem vitæ corporalis distinguerentur. Dicit secundò, quod cum duplex ordo in corporali vita inueniatur, scilicet eorum qui propagatores & ordinatores vitæ sunt in aliis, & eorum qui propagantur & ordinantur: quantum ad secundum ordinem primò necesse est, ut res per generationem & naturam vitam accipiat: secundò quod per augmentum ad debitam quantitatem & robur perueniat: tertio quod ad horum perfectionem accipiat nutrimentum: quartò quod sanetur si contingat ipsam infirmari: sed hoc per accidens se habet ad vitam corporalem, in quantum videlicet contingit rem viuam infirmari. Quantum verò ad primum duo attenduntur, scilicet origo naturalis, quod ad parentes pertinet: & regimen politicum, per quod vita hominis pacifica conseruatur, quod pertinet ad reges & principes. Dicitur tertio, quod quantum ad secundum ordinem est primo in spirituali vita generatio per baptismum. Secundò est spirituale augmentum perducens ad robur perfectum per sacramentum confirmationis. Tertio est spirituale nutrimentum per sacramentum Eucharistiæ. Quartò est spiritualis sanatio, quæ in anima tantum fit per sacramentum penitentiae, in corpore autem per animam, quado fuerit opportunum per extremam unctionem. Quantum verò ad primum ordinem sunt in spirituali vita propagatores, & conseruatores, & secundum spirituale ministerium tantum, ad quod pertinet ordinis sacramentum, & secundum corporale & spirituale simul: quod fit per sacramentum matrimonij.

**ADVERTENDVM** quod præter hanc numeri sacramentorum rationem assignat alias rationes sanctus Thomas 3. q. 65. & 4. Sen. dist. 2. q. 1. art. 2. Scd hoc loco breuitat studens vna tantum ratione contentus fuit.

**ADVERTENDVM** secundò, quod sunt multa alia sensibilia in lege noua quæ quandam rei sacræ significationem habent, ut aqua benedicta, consecratio altaris, & huiusmodi: sed non dicuntur sacramenta, quia non perducunt ad effectum sacramenti, qui est gratiæ consecutio, sed sunt quædam dispositiones ad sacramenta, sicut aqua benedicta ordinatur contra infidias demonum, & contra peccata venialia, & altare siue vasa consecrantur propter Eucharistiæ reuerentiam.

De Baptismo. Cap. 59.



**S**ECVNDVM hoc igitur apparere potest circa sacramenta singula & effectus proprius vniuscuiusque, & materia conueniens. Et primò quidem circa spiritualement generationem quæ per baptismum fit. Considerandum est igitur quod generatio rei viuentis est mutatio quædam de non viuentem ad vitam vitam autem spirituali priuatus est homo in sua origine per peccatum originale, ut supra dictum est, \* & ad hoc quæcunque peccata sunt addita, abducunt à vita: oportuit igitur baptismum qui est spiritualis generatio, talem virtutem habere, quod etiam peccatum originale & omnia actualia peccata commissa tollat: & quia signum sacramenti sensibile congruum debet esse ad representandum spiritualement sacramenti effectum: scdeditatis autem ablutio in rebus corporalibus facilius & conuenientius fit per aquam: ideoque baptismus conuenienter in aqua confertur per verbum Dei sanctificata. Et quia generatio vnius est alterius corruptio: & quod generatur, priorem formam amittit, & proprietates ipsam consequentes: necesse est

quod per baptismum qui est spiritualis generatio, non solum peccata tollantur, quæ sunt spirituali vitæ contraria: sed etiam omnes peccatorum reatus: & propter hoc baptismus non solum à culpa abluit, sed etiam ab omni reatu poenæ absoluit: vnde baptizatis satisfactio non iniungitur pro peccatis.

**Item**, cum per generationem res formam acquirat, simul acquirat & operationem consequentem formam, & locum ei congruentem. ignis enim mox generatus tendit sursum sicut in proprium locum: & ideo cum baptismus sit spiritualis generatio, statim baptizati idonei sunt ad spirituales actiones, sicut ad susceptionem aliorum sacramentorum, & alia huiusmodi: & statim eis debetur locus congruus spirituali vitæ, qui est beatitudo æterna: & propter hoc baptizati si decedant, statim in beatitudinem recipiuntur. Vnde dicitur quod baptismus aperit ianuam cæli. Considerandum est etiam quod vnius rei est tantum vna generatio. vnde cum baptismus sit spiritualis generatio, vnus homo est semel tantum baptizandus. manifestum est etiam quod infectio quæ per Adam in mundum intrauit, semel tantum hominem inquinat: vnde & baptismus qui contra eam principaliter ordinatur, iterari non debet. Hoc etiam commune est, quod ex quo res aliqua semel d. consecrata est, quandiu manet, vltius consecrari non debet: ne consecratio inefficax videatur. vnde cum baptismus sit quædam consecratio hominis baptizati, non est iterandum baptismum. Per quod excluditur error Donatistarum vel Rebaptizantium.

Super cap. 59.



**P**OSTQVAM determinauit sanctus Thomas de sacramentis in generali, incipit de vnoquoque sigillatim determinare, ostendendo vniuscuiusque proprium effectum & materiam conuenientem ex prædictis. Et primò de baptismo, deinde de aliis ordine suo in cap. sequentibus. Quantum ad primum ponit quinque conclusiones. Prima est, baptismum oportet talem virtutem habere, quod & peccatum originale & omnia peccata actualia commissa tollat. probatur, baptismus est spiritualis generatio, ergo &c. probatur consequentia: quia generatio rei viuentis est mutatio de non viuentem ad vitam: vita autem spirituali homo priuatus est in sua origine per peccatum originale, & adhuc quæcunque peccata sunt addita, abducunt à vita.

**ADVERTE** quod in ista propositione, baptismus est spiritualis generatio, potest esse prædicatio per causam, si per generationem spiritualement intelligamus ipsam tantum iustificationem interiore. est enim sensus quod per baptismum causatur spiritualis generatio, quæ est mutatio de non viuentem spirituali ad spirituale viuens: vnde dictum est in præcedenti cap. quod spiritualis generatio est per baptismum. potest etiam esse essentialis prædicatio: quia cum baptismus sit ipsa absolutio corporalis per quam causatur gratia, & remouetur peccatum: potest dici esse mutatio quædam de non viuentem spiritualiter ad viuentem, secundum quod ablutio passiuè sumitur. dicimus enim cum quis baptizatur, quod regeneratur, sicut cum materia disponitur successiuè ad susceptionem formæ hominis, dicimus quod homo generatur, ipsam alterationem præcedentem introductionem animæ, generationem vocantes. hanc conclusionem disputat sanctus Thomas 3. q. 69. & 4. d. 4. q. 2. ar. 1. Secunda conclusio est, baptismus conuenienter in aqua confertur per verbum Dei sanctificata. probatur: quia signum sacramenti sensibile congruum debet esse ad representandum spiritualement sacramenti effectum, scdeditatis autem ablutio in rebus corporalibus facilius & conuenientius fit per aquam.

**AD EVIDENTIAM** huius conclusionis attendendum ex doctrina sancti Thomæ 3. q. 66. ar. 3. & 4. Item 4. Sent. d. 3. q. 1. ar. 3. quod per aquam hic intelligitur naturalis aqua elementaris, & ideo aqua rosacea non est conueniens materia baptismi: quia non est vera aqua: sed liquor rosea resolutus, & similiter aqua alchemica.

**ATTENDENDVM** secundò, quod aquam quæ est materia baptismi, non oportet esse simplicem omnino, sed quantumcunque fuerit transmutata, dummodo non soluarur species aquæ, in ea potest fieri baptismus. vnde potest cum lixiuio baptizari, & cum aquis sulphureorum balnearum: quia tales aquæ non incorporantur aliquibus corporibus mixtis: sed solum alterationem quandam recipiunt ex hoc quod per aliqua corpora transeunt. Item in brodio potest fieri baptismus, nisi forte facta sit tanta resolutio corporum laxatorum aqua, quod liquor plus habeat de aliena substantia quam de aqua, quod ex spissitudine percipi potest. Imò etiam si ex liquore sic inspissato exprimitur aqua subtilis, potest in ea fieri baptismus, sicut & in aqua quæ exprimitur ex iuto.

**ATTENDENDVM** tertio, quod aqua secundum suam speciem fuit à verbo Dei sanctificata, quando aquam Iordanis dum baptizaretur à Ioanne, tetigit. illam enim aquam tægendò, dedit vim regenerationis toti speciei aquæ, eam baptismi sacramentum instituens. propter hoc dicitur hic quod baptismus conuenienter confertur in aqua per verbum Dei sanctificata.

**ADVERTENDVM** quartò, quod licet aliqua alia corpora aliquando assumantur ad abluendum, sicut oleum & vinum, tamè non habentur in communi usu abluionis, nec ita bene abluunt sicut aqua, nec ita communitè inueniuntur in omnibus partibus mundi sicut aqua. propterea inquit sanctus Thomas quod scdeditatis ablutio in rebus corporalibus per quam significatur ablutio à peccatis, quæ fit per baptismum, conue-

Idem 3. q. 66. per totum.

\* Cap. 50.

D. 581. Exclusio erroris Donatistarum. refertur Aug. tom. 6. lib. har. m. 69.



conuenientius & facilius fit per aquam. Tertia conclusio est: per baptismum non solum peccata tolluntur, quæ sunt spirituali vitæ contraria, sed etiam omnes peccatorum reatus, abluendo scilicet à culpa, & ab omni reatu pænæ absoluen-do. probatur: quia quod generatur, priorem formam amittit, & proprietates ipsam consequens. baptismus autem est spiritalis generatio. Confirmatur hoc signo, quod baptizatis satisfactio pro peccatis non iniungitur.

**ADVERTENDVM** ex doctrina sancti Thomæ 3. q. 68. art. 5. ad 3. quod licet baptizatis remittatur culpa & pænæ, atque ob hoc non sit eis imponenda satisfactio pro peccatis, est tamen eis imponendum ut proximis satisfaciunt, si eos in aliquo læserunt: quia debet baptizatus cessare à peccando, proximum autem læsum non placare est peccatum. Addit quoque q. 69. art. 2. ad 3. quod per baptismum non liberatur baptizatus à pænâ sibi debita in iudicio humano: unde non est iniustum suspendere latronem qui iter baptizatum, quamvis pie possent principes huic pænâ indulgere. Quarta conclusio est: baptizati si decedant, statim in beatitudine recipiunt. probatur, baptizati statim sunt idonei ad spirituales actiones, sicut ad susceptionem aliorum sacramentorum & ad alia huiusmodi, & eis statim debetur locus congruus spirituali vitæ, quæ est beatitudo æterna, ergo &c. probatur assumptum, quia baptismus est spiritalis generatio: per generationem autem cum res formam acquirat, simul acquirat & operationem consequentem formam, & locum ei congruentem, ut patet in igne: confirmatur ex communi dicto, quod dicitur quod baptismus aperit ianuam cæli.

**ADVERTENDVM** ex doctrina sancti Thomæ 3. q. 69. art. 7. & 4. Sent. d. 4. q. 2. art. 2. quod cum quis non impediatur regnum cælestis introire nisi ratione culpæ aut reatus, & per baptismum omnis culpa & omnis reatus pænæ tollatur, necesse est dicere baptismum statim consequi cælestem regnum, aut in spe certa, sicut decedentes cum baptismo Christi ante eius passionem, aut in actu sicut baptizati post Christi passionem decedentes. Quinta conclusio est: vnus homo est semel tantum baptizandus. probatur, primo: quia vnus rei est tantum vna generatio, secundum: quia & infectio quæ per Adam in mundum intrauit contra quam principaliter ordinatur baptismus, semel tantum hominem inquinat. tertio: quia hoc commune est quod ex quo res aliqua semel consecrata est: quandoque manet, ulterius consecrari non debet, ne consecratio inefficax videatur: baptismus autem est quædam hominis baptizati consecratio. Per hoc excluditur error Donatistarum vel Rebaptizantium.

**ADVERTENDVM** ex doctrina sancti Thomæ 3. q. 66. art. 9. ad 4. quod licet baptismus non sit reiterandus, ubi tamen dubium est an aliquis si baptizatus, baptizari debet sub iis verbis, ut dicit Decret. Alexandri 3. Si baptizatus es, ego non te baptizo: si nondum baptizatus es, ego te baptizo, &c. non enim videtur iterari quod nescitur esse factum.

**ATTENDENDVM** vltimo, quod hoc sacramentum est simpliciter & absolute necessarium, ita videlicet quod sine ipso aut actu accepto aut in proposito existente quis saluari non potest. Quamvis autem quidam recetiorum dicant paruulos absque baptismo decedentes etiam in vtero materno existentes in fide parentum saluari posse, aliquo sensibili signo facto, puta signo crucis, aut aliquo huiusmodi: non puto tamen illud bene dictum esse, cum propter verbum Domini dicentis: Nisi quis renatus fuerit ex aqua & spiritu sancto, non potest introire in regnum Dei. tum quia hoc videtur esse contra determinationem Innocentij tertij in cap. Non vraduando præceden. cap. Debitum. extra de bapt. Accedit quoque quod est contra doctrinam sancti Thomæ 3. q. 68. art. 3. & 4. Sent. dist. 41. q. 3. Non obstat autem quod in veteri lege tempore circumcisionis si puer ante octauum diem decederet, saluabatur in fide parentum, dato quod circumcisus non esset. Dicitur enim quod saluabatur in fide parentum: quia ut dicitur à sancto Thoma 4. dist. 1. parte 2. art. 3. ad 4. de mente Hugonis de sancto Victore, isti valebat remedium quod ante circumcisionem fuerat: quia adhuc efficaciam habebat, idem videtur velle 3. parte q. 70. art. 3. ad vlt. modo non sic est in noua lege, in qua præcedentia remedia amplius efficaciam non habent. Si autem instetur adhuc, quod tunc aliquod tempus esset in quo nullum remedium esset contra peccatum, quod videtur inconueniens. Dicitur primo, quod nunquam homini nato deest remedium contra peccatum: quia & materia baptismi, scilicet aqua, de facili haberi potest, & vnusquisque in casu necessitatis potest baptizare, etiam femina: & sic antequam infans moriatur, ei potest remedium salutis adhiberi. Dicitur secundum, quod iis qui nondum sunt nati, non est inconueniens, si remedium contra peccatum adhiberi non potest: quia ut dicitur 3. q. 68. art. 11. ad 1. & 4. Sent. d. 6. art. 1. q. 1. ad 1. hoc non est ex defectu diuinæ misericordie, sed quia nondum nati non sunt capaces remedij communiter omnibus exhibiti. non enim possunt subijci operationi ministrorum ecclesiæ per quos tale remedium ministratur, cum vitam per se cum aliis hominibus non ducant, possunt tamen in vtero per diuinam operationem sanctificari. Si iterum instetur: quia pueri possunt in matris vteris fieri martyres, si propter Christum occidantur: & sic videtur quod etiam ipis aliud remedium salutis exhiberi possit. Respondetur quod non est simile: quia actio inferentis mortem huiusmodi infantibus, eos attingit: nulla autem actio ministrorum ecclesiæ ad eos potest attingere.

## De confirmatione.

## Cap. 60.



**PERFECTIO** autem spiritualis roboris in hoc proprie consistit, quod homo fidem Christi confiteri audeat coram quibuscunque: nec inde retrahatur propter confusionem aliquam vel terrorem. Fortitudo enim inordinatum timorem repellit. sacramentum igitur quo spirituale robur regenerato conferatur, eum quodammodo instituit pro fide Christi propugnatorem: & quia pugnautes sub aliquo principe eius insignia deferunt: hi qui confirmatio-

nis sacramentum suscipiunt, signo Christi insigniuntur, videlicet signo crucis, quo pugnavit & vicit. Hoc autem signum in fronte suscipiunt, in signum quod publice fidem Christi confiteri non erubescant. hæc autem insignitio fit ex confectioe olei & balsami, quæ chrisma vocatur, non irrationabiliter. Nam per oleum spiritus sancti virtus designatur, quo Christus vnctus nominatur: ut sic à Christo Christiani dicantur, quasi sub ipso militantes. In balsamo autem propter odorem bona fama ostenditur: quam necesse est habere eos qui inter mundanos conuersantur, ad fidem Christi publice confitendam, quasi in campum certaminis de secretis Ecclesiæ finibus producti. Conuenienter etiam hoc sacramentum à solis pontificibus confertur, qui sunt quodammodo duces exercitus Christiani. nam & apud secularem militiam ad ducem exercitus pertinet ad militiam eligendo quosdam ascribere: ut sic qui hoc sacramentum suscipiunt, ad spirituales militiam quodammodo videantur ascripti. Unde & eis manus imponitur, ad designandam deriuationem virtutis à Christo.

## Super cap. 60.



**OSTQVAM** determinauit sanctus Thomas de sacramentis baptismi, de sacramento confirmationis determinat: & ponit tres conclusiones. prima est: Conuenienter qui sacramentum suscipiunt confirmationis, signum crucis in fronte quo Christus pugnavit & vicit, suscipiunt. Quod conuenienter suscipiant tale signum, probatur: quia sacramentum hoc quo spirituale robur ad confitendum absque timore fidem Christi regenerato conferatur, eum quodammodo instituit pro fide Christi propugnatorem: pugnares autem sub aliquo principe eius insignia deferunt. Quod verò conuenienter in fronte suscipiant, probatur: quia hoc fit in signum quod publice fidem Christi confiteri non erubescant.

**ADVERTENDVM** ex doctrina sancti Thomæ 3. q. 72. art. 9. & 4. Sent. d. 7. q. 3. art. 3. quod homo potest impediri à libera confessione nominis Christi, & propter timorem, & propter verecundiam, vtriusque autem horum in fronte maxime signum apparet, tum propter propinquitatem imaginationis ex qua passionem huiusmodi procedunt, tum quia spiritus diredus à corde ad frontem ascendunt. unde verecundati rubent, timentes autem pallescent. Ideo cum sacramentum confirmationis datur ad liberam confessionem nominis Christi, conuenienter in fronte vnguntur confirmari: & hæc est ratio quæ hæc tangitur. Secunda conclusio est, Rationabiliter fit hæc insignitio ex confectioe olei & balsami, quod chrisma vocatur. probatur: quia per oleum spiritus sancti virtus designatur, quo Christus vnctus nominatur. ut sic à Christo Christiani dicantur, quasi sub ipso militantes. in balsamo verò propter odorem bona fama ostenditur, quam necesse est habere eos qui inter mundanos conuersantur, ad fidem Christi publice confitendam.

**ADVERTENDVM** ex doctrina sancti Thomæ 3. parte q. supradicta, art. 2. & 4. Senten. supradicta dist. q. 1. art. 2. quod licet Christus vnctus chrisma non sit in confirmatione, tamen secundum Dionysium in 4. ca. Eccle. hierarchia, Apostoli aliquando vni sunt chrisma in exhibitione huius sacramenti, quando non aderat visibile signum: descensus spiritus sancti super eos quibus per eos impositio manuum facta fuerat. quando autem aliquod sensibile signum miraculose aderat talis descensus spiritus sancti, puta ignis, aut aliquid huiusmodi, non vtebantur chrisma: quia illa visibilis apparitio supplebat locum elementi visibilis. Tertia conclusio est, Conuenienter hoc sacramentum à solis pontificibus confertur. probatur, quia illi sunt quodammodo duces exercitus Christiani: in seculari autem militia ad ducem exercitus pertinet quosdam eligendo ad militiam ascribere. Confirmatur hoc signo, quia eis manus imponitur ad designandam deriuationem virtutis à Christo.

**ADVERTENDVM** ex doctrina sancti Thomæ tertia, questione septuagesima secunda, articulo vndecimo: & quarto Sententiarum, distinctione septima, questione tertia, articulo primo, quod hoc quod dicitur sacramentum confirmationis à solis pontificibus conferri, quod est etiam explicatum in can. manus. de consec. dist. 5. & in can. quantum, de consec. intelligendum est ex officio: nam per impositionem manus, Apostolis (quorum vicem gerunt episcopi) plenitudo spiritus sancti dabatur: ex commissione verò Papa potest etiam simplex sacerdos hoc sacramentum conferre, eod quod Papa habeat plenitudinem potestatis ministerialis supra corpus Domini mysticum: nec in tali commissione dicitur proprie Papa mutare ministerium huius sacramenti à Christo institutum: quia licet aliqui committat ut confimet ipsius Papæ autoritate, nulli tamen simplici sacerdoti committit ut hoc ex propria autoritate & officio faciat.

**SED** tunc occurrit dubium: Cum enim ad integritatem sacramenti requiratur conuenientia ministri, ut est de mente sancti Thomæ quarto, distinctione septima, questione secunda, articulo primo, questione prima ad primum: quæritur quis sit minister necessarius in sacramento confirmationis. Si episcopus, ergo non poterit Papa alteri quam episcopo confirmationis collationem committere: quia Papa non potest tollere id quod ad sacramenti integritatem pertinet. Si simplex sacerdos, ergo hic male dicitur quod à solis pontificibus confertur. Respondetur quod dupliciter possumus loqui de ministro necessario, scilicet aut cui soli potest conferre absolute ut sacramentum ministret: aut cui soli conuenit ordinari & ex officio. Si primo modo loquamur, sic sacerdos absolute loquendo est necessarius minister confirmationis, ut declarat sanctus Thomas questione 8. art. 1. præallegatis. à solo enim sacerdote conferri potest, siue ex officio, siue ex commissione superioris conferatur. Ratio autem



sancti Thomae in quarto Sententiarum est, quia omnis operatio sacramentalis in corpus Christi mysticum, per quam gratia datur, dependet ab operatione sacramentali super corpus Domini verum, cum gratia sacramentalis descendat in corpus mysticum à capite: & ideo cum inferior sacerdos non habeat perficere corpus Domini verum, ei operatio sacramentalis committi non potest. Et sic patet quod argumentum non procedit: quia dicimus quod neque sacerdos simplex, neque sacerdos episcopus est necessarius minister huius sacramenti, sed sacerdos absolute & indistincte. Si verò loquamur secundo modo, sic solus episcopus est minister necessarius, unde cum infertur, ergo Papa non poterit collationem alteri quam episcopo committere, negatur consequentia. Cum autem probatur: quia Papa non potest tollere id quod ad sacramenti pertinet integritatem: dicitur quod hoc vtrique verum est loquendo de pertinentibus ad integritatem sacramenti ex institutione Christi: sed tunc negatur quod episcopus sit de integritate huius sacramenti, licet enim sit minister necessarius, cui hoc sacramentum conferre convenit ex officio, non est tamen absolute necessarius, ut patuit, cum alteri etiam possit ex commissione convenire, & sic non pertinet ad absolutam integritatem sacramenti, sed tantum ad integritatem sacramenti ordinate collati: unde & Gregorius quandoque permittit ut presbyteri confirmarent, ut patet in can. peruenit, dist. 85. Hoc etiam tenet glossa in can. manus, de consec. dist. 5.

VTRVM autem Papa possit aliquid circa sacramenta statuere tanquam necessarium sacramento, ita quod absque illo non conferatur verum sacramentum, videtur secundum doctrinam sancti Thomae dicendum quod non, loquendo de eo quod est tantum sacramentum. Nam 3. q. 64. art. 2. postquam determinavit omnia sacramenta à solo Deo instituta esse, in responsione ad primum dicit, quod illa quae aguntur in sacramentis instituta per homines, non sunt de necessitate sacramenti, sed ad quendam pertinent solennitatem, nec valet glossa ut glossat Capreolus in 4. di. 7. quod intelligit de institutis per homines inferioribus Papa, non autem de institutis per Papam: quia subiungit in illa responsione quod ea quae sunt de necessitate sacramenti, sunt instituta ab ipso Christo, qui est Deus & homo: & quod illa tradita sunt ecclesiae ex familiari Apostolorum traditione, ex quibus verbis videtur excludere omnes homines ab institutione eorum quae sunt de necessitate sacramentorum. Nec obstat quod ipse tenet in 4. sent. dist. 40. gradus consanguinitatis impedientes matrimonium posse taxari ab Ecclesia usque ad quartum gradum, ita quod de necessitate sacramenti est ut contrahentes in nullo illorum graduum sibi attineant: quia ut ipsemet ibidem dicit questione prima, articulo quarto ad 2. matrimonium non est tantum sacramentum, sed etiam in officium naturae, sicut autem contractus & officia humana determinantur legibus humanis, ita contractus & officia spiritualia lege Ecclesiae. Ex quibus verbis patet quod Papa non determinat gradus consanguinitatis matrimonium impedientes, in quantum matrimonium est sacramentum: sed in quantum est quidem contractus, & est in officium naturae.

EX praedictis patet argumenta Durandi apud Capreolum loco praedicti allegata procedentia ex hoc quod Papa non potest ministrum sacramenti mutare, non procedere contra nos: quia non dicimus dum Papa committit simplici sacerdoti collationem sacramenti confirmationis, quod mutet ministrum necessarium simpliciter & absolute ad hoc sacramentum, cum talis minister sit indistinctus sacerdos, & hic non fiat mutatio de sacerdote in non sacerdotem, sed quod collationem huius sacramenti convenientem vnicuique episcopo ordinari & ex officio alteri imponit, habenti tamen quod est de necessitate sacramenti simpliciter.

ADVERTENDVM quod hoc sacramentum non est simpliciter necessarium, sed ad bene esse, verum tamen contemptus esset periculosus: ut dicit sanctus Thomas in quarto.

### De Eucharistia. Cap. 61.

Idem 3. p. q. 75 & 4. sent. dist. 8 per tot. & infra.

Cap. 560. 3. lib.

**S**ICVT autem corporalis vita materiali alimentum indiget non solum ad quantitatis augmentum, sed etiam ad naturam corporis sustentandam, ne propter resolutiones continuas dissoluatur, & eius virtus depereat: ita necessarium fuit in spirituale alimentum habere quo regenerati & in virtutibus conferuntur, & crescant. Et quia spirituales effectus sub similitudine visibilium fiunt, congruum fuit nobis tradi (ut dictum est) huiusmodi spirituale alimentum sub speciebus illarum rerum quibus homines communius ad corporale alimentum vtuntur. huiusmodi autem sunt panis & vinum: & ideo sub speciebus panis & vini hoc traditur sacramentum. Sed considerandum est, quod aliter generans generato coniungitur, & aliter nutrimentum nutrit in corporalibus rebus. Generans enim non oportet secundum substantiam generato coniungi, sed solum secundum similitudinem & virtutem: sed alimentum oportet nutrito secundum substantiam coniungi: unde ut corporalibus signis spirituales effectus respondeant, mysterium verbi incarnati aliter nobis coniungitur in baptismo, qui est spiritualis regeneratio: atque aliter in hoc Eucharistiae sacramento, quod est spirituale alimentum. In baptismo enim continetur verbum incarnatum solum secundum virtutem: sed in Eucharistiae sacramento confirmetur ipsum secundum substantiam contineri. Et quia complementum nostrae salutis factum est per passionem Christi & mortem,

per quam eius sanguis à carne separatus est: separatim nobis traditur sacramentum corporis eius sub specie panis, & sanguinis sub specie vini: & sic in hoc sacramento, passionis dominicae memoria & representatio habeatur. Et secundum hoc impletur quod Dominus dixit Ioan. 6. Caro mea verè est cibus: & sanguis meus verè est potus.

### Super cap. 61.

**R**OSTQVAM determinavit sanctus Thomas de sacramento confirmationis, incipit de sacramento Eucharistiae determinare. Circa hoc autem duo facit. Primum ostendit quod sit huius sacramenti necessitas & quæ sit eius materia. Secundum qualis ista materia esse debeat, cap. 69. Circa primum duo facit. Primum determinat veritatem circa hoc sacramentum. Secundo respondet obiectionibus quæ in contrarium adducuntur, capite sequenti. Quantum ad primum ponit quatuor conclusiones. Prima est: Necessarium fuit in spirituali vita spirituale alimentum habere, quo regenerati in virtutibus conferuntur, & crescant. probatur, quia & corporalis vita materiali indiget alimento, non solum ad quantitatis augmentum, sed etiam ad naturam corporis sustentandam, ne propter resolutiones continuas dissoluatur, & eius virtus depereat.

Secunda conclusio est: convenienter sacramentum hoc sub speciebus panis & vini traditur. Probatur, quia convenienter huiusmodi spirituale alimentum nobis traditur sub speciebus illarum rerum quibus homines communius ad corporale alimentum vtuntur, cum spirituales effectus sub similitudine visibilium congruenter nobis tradantur, huiusmodi autem sunt panis & vinum. Tertia conclusio est: in Eucharistiae sacramento ipsum verbum incarnatum secundum substantiam continetur: probatur: quia alimentum spirituale oportet nobis secundum substantiam coniungi, sicut in baptismo coniungitur tantum per virtutem, declaratur hoc ex differenti coniunctione generantis ad genitum, & nutrimenti ad nutritum: quia videlicet generans non oportet secundum substantiam, scilicet completum, generato coniungi, sed tantum secundum similitudinem & virtutem: alimentum verò oportet secundum substantiam coniungi.

Quarta conclusio est: convenienter separatim nobis traditur sacramentum corporis Christi sub specie panis, & sanguis sub specie vini. probatur, tum quia habetur memoria & representatio passionis dominicae per quam eius sanguis à carne separatus est, tum quia sic impletur quod Dominus dixit Ioan. 6. Caro mea, &c.

ADVERTENDVM est quod huius sacramenti susceptio non est absolute de necessitate salutis, sed est tantum de Ecclesiae institutione, ut semel in anno sumatur.

### De errore infidelium circa Eucharistiae sacramentum.

#### Caput 62.

**S**ICVT autem Christo proferente hæc verba quidam discipulorum turbati sunt, dicentes, \* Durus est hic sermo: quis potest eum audire? Ioan. 6.

ita & contra doctrinam ecclesiae insurrexerunt \* haeretici veritatem huius negantes. Dicunt enim in hoc sacramento non realiter esse corpus & sanguinem Christi, sed significatiue tantum: ut sic intelligatur quod Christus dixit demonstrato pane: Hoc est corpus meum, ac si diceret, hoc est signum vel figura corporis mei: secundum quem modum & Apostolus dixit 1. Cor. 10. Petra autem erat Christus, id est Christi figura. & ad hunc intellectum referunt quicquid in scripturis inuenitur similiter dici. Huius autem opinionis occasionem assument ex verbis Domini, qui de sui corporis comestione & sanguinis potatione, ut scandalum discipulorum quod ortum fuerat, sopiretur, quasi se ipsum exponens dixit: Verba quæ ego locutus sum vobis, spiritus & vita sunt, quasi ea quæ dixerat, non ad litteram, sed secundum spirituale sensum intelligenda essent. Inducuntur etiam ad dissentendum ex multis difficultatibus quæ ad hanc ecclesiae doctrinam sequi videntur: propter quas hic sermo Christi & Ecclesiae durus eis apparet. Et primum quidem difficile videtur quomodo verum corpus Christi in altari esse incipiat. Aliquid enim incipit esse ubi prius non fuit, dupliciter: vel per motum localem, vel per conuersionem alterius in ipsum: ut patet in igne qui alicubi esse incipit: vel quia ibi de nouo accenditur: vel quia illud de nouo apportatur. manifestum est autem verum corpus Christi non semper in hoc altari fuisse, confiteretur enim ecclesia Christum in suo corpore ascendisse in caelum. videtur autem impossibile dici quod aliquid hic de nouo conuertatur in corpus Christi, nihil enim videtur conuerti in præexistens: cum id in quod aliquid conuertitur, per huius conuersionem esse incipiat: manifestum est autem corpus Christi

8. regarj po-  
silio err-nea  
circa veritate  
sacramenti Eu-  
charistia que  
habetur i.  
Decy. d. 2. de  
Csa. cap. Ego  
Bereng.

Prima diffi-  
cultas qua sol-  
uitur seq. cap.



Christi præexistisse: ut pote in vtero virginali conceptum: non igitur videtur esse possibile quod in altari de nouo esse incipiat per conuersionem alterius in ipsum. Similiter autem nec per mutationem loci: quia omne quod localiter mouetur, sic incipit esse in vno loco, quod desinit esse in alio in quo prius fuit. oportebit igitur dicere quod cum Christus incipit esse in hoc altari in quo hoc sacramentum peragitur, desinat esse in celo quod ascendendo peruenierat. Amplius, nullus motus localis terminatur simul ad duo loca: manifestum est autem hoc sacramentum simul in diuersis altaribus celebrari. non est ergo possibile quod per motum localem corpus Christi ibi esse incipiat. Secunda difficultas ex loco accidit. non enim semotim partes alicuius in diuersis locis continentur ipso integro permanente. Manifestum est autem in hoc sacramento seorsum esse panem & vinum in locis separatis. si igitur caro Christi sit sub specie panis, & sanguis sub specie vini: videtur sequi quod Christus non remaneat integer: sed semper cum hoc sacramentum agitur, eius sanguis à corpore separetur. Adhuc, impossibile videtur quod maius corpus in loco minoris includatur. Manifestum est autem verum corpus Christi esse maioris quantitatis quam panis qui in altari offertur: impossibile igitur videtur quod verum corpus Christi totum & integrum sit ubi videtur esse panis. Si autem ibi est non totum, sed aliqua pars eius: redibit primum inconueniens, quod semper cum hoc sacramentum agitur, corpus Christi per partes disceperatur. Amplius, impossibile est vnum corpus in pluribus locis existere. manifestum est autem sacramentum in pluribus locis celebrari: impossibile igitur videtur quod corpus Christi veraciter in hoc sacramento contineatur. Nisi forte quis dicat quod secundum aliquam particulam est hic, & secundum aliam alibi. Ad quod iterum sequitur quod per celebrationem huiusmodi sacramenti corpus Christi diuidatur in partes: cum tamen nec quantitas corpori Christi sufficere videatur ad tot particulas ex eo diuidendas in quot locis hoc sacramentum peragitur.

Tertia difficultas est ex his quæ in hoc sacramento sensu percipimus. Scimus enim manifeste & post consecrationem in hoc sacramento omnia accidentia panis & vini, scilicet colore, sapore, odore, figuram, quantitatem, & pondus: circa quæ decipi non possumus: quia sensus circa propria sensibilia non decipitur: huiusmodi autem accidentia in corpore Christi esse non possunt sicut in subiecto. Similiter etiam nec in aere adiacenti: quia cum plurima eorum sint accidentia naturalia, requirunt subiectum determinatum nature: non qualis est natura corporis humani vel aeris. Nec etiam possunt per se subsistere: cum accidentis esse sit inesse: accidentia autem cum sint formæ, indiuiduari non possunt nisi per subiectum: unde remoto subiecto essent formæ vniuersales, relinquitur igitur huiusmodi accidentia esse in suis determinatis subiectis, scilicet in substantia panis & vini. est igitur ibi substantia panis & vini, & non substantia corporis Christi. cum impossibile videatur duo corpora esse simul.

Quarta difficultas accidit ex passionibus & actionibus quæ apparent in pane & vino post consecrationem, sicut & ante. Nam vinum si in magna quantitate sumeretur, calefaceret & inebriaret: panis autem & confortaret & nutreret. Videntur etiam si diu & incaute seruaretur, putrefieri, & à muribus comediri: cõburi etiam possunt & in cinerem redigi & vaporem: quæ omnia corpori Christi conuenire non possunt: cum fides ipsum impossibile prædicet. impossibile igitur videtur quod corpus Christi in hoc sacramento substantialiter contineatur.

Quinta difficultas videtur specialiter accidere ex fractione panis, quæ quidem sensibilibiter apparet: nec sine subiecto esse potest. absurdum etiam videtur dicere quod illius fractionis subiectum sit corpus Christi: non igitur videtur ibi esse corpus Christi: sed solum substantia panis & vini. Hæc igitur & huiusmodi sunt propter quæ doctrina Christi & ecclesiæ circa hoc sacramentum durare esse videtur.

Super cap. 62.



POSITA veritate sacramenti Eucharistie, vult S. Thom. obiectiones hæreticorum soluere, & primum ponit ipsas obiectiones: secundo illis respondet, cap. seq. Quantum ad primum dicit primum, quod sicut Christo proferente prædicta verba, quidam

discipulorum turbati sunt, dicentes: Durus est hic sermo, &c. ita & ecclesiæ doctores in surrexerunt hæretici dicentes, in hoc sacramento non esse realiter corpus & sanguinem Christi, sed significatiue tantum. unde cum Christus dixit demonstrato pane, hoc est corpus meum, sensus est, hoc est signum & figura corporis mei: secundum quod modum etiam Apostolus 1. Cor. 10. dixit: Petra autem erat Christus. & sic de aliis auctoribus dicunt. Dicit secundum quod huiusmodi opinionis occasione sumuntur ex verbis Domini, qui de hac re loquens, ut scandalum discipulorum quod ortu fuerat sopiretur, quasi seipsum exponens ait: Verba quæ ego locutus sum vobis, spiritus & vita sunt. Dicit tertio quod inducuntur etiam ad dissentiendum ex multis difficultatibus quæ ad hanc Ecclesiæ doctrinam sequi videtur. Prima est, quomodo corpus Christi in altari esse incipiat, cum manifestum sit ipsum non semper in hoc altari fuisse. Non enim hoc videtur fieri posse per conuersionem alicuius in corpus Christi, cum nihil in præexistens conuertatur, eo quod id in quod aliquid conuertitur, per huiusmodi conuersionem esse incipiat. manifestum est autem corpus Christi præexistisse. similiter nec per mutationem loci: cum quia oporteret dicere quod cum Christus incipit esse in hoc altari, desinit esse in celo: tum quia nullus motus localis terminatur simul ad duo loca. manifestum est autem hoc sacramentum simul in diuersis altaribus celebrari. Secunda est ex loco, tum quia videtur: cum in hoc sacramento seorsum sint panis & vinum in locis separatis, quod Christus non remaneat integer: quia partes alicuius semotim in diuersis locis non continentur ipso integro permanente: tum quia videtur impossibile quod verum corpus Christi totum & integrum sit, ubi videtur esse panis, cum impossibile sit ut maius corpus in loco minoris includatur. tum quia hoc sacramentum in pluribus locis celebrari contingit, impossibile est autem vnum corpus in pluribus locis existere. Tertia difficultas est ex iis quæ in hoc sacramento sensu percipiuntur. omnia enim accidentia panis & vini sentiantur: huiusmodi autem neque in corpore Christi esse possunt, sicut in subiecto, nec in aere: quia cum plurima eorum sint naturalia, requirunt subiectum determinatum nature, neque possunt per se existere, cum accidentis esse sit inesse, & accidentia indiuiduari non possunt nisi per subiectum: ex quo relinquitur quod sint in substantia panis & vini, & consequenter quod ibi non sit substantia corporis Christi, cum impossibile videatur duo corpora esse simul. Quarta est ex passionibus & actionibus quæ apparent in pane & vino post consecrationem: sicut ante: quia si vinum in magna quantitate sumeretur, inebriaret: & panis confortaret & nutreret. videtur etiam putrefieri, &c. quæ corpori Christi conuenire non possunt. Quinta difficultas est ex fractione panis, quæ quidem neque sine subiecto esse potest, neque corpus Christi eius subiectum esse potest.

Solutio præmissarum difficultatum, & primum quo ad conuersionem panis in corpus Christi. Caput 63.



ICET autem diuina virtus sublimius & secretius in hoc sacramento operetur, quam ab homine perquiri possit: ne tamen doctrina Ecclesiæ circa hoc sacramentum infidelibus impossibilis videatur. conandum est ad hoc quod omnis impossibilitas excludatur.

Prima igitur occurrit consideratio, per quem modum verum Christi corpus esse sub hoc sacramento incipiat. impossibile autem est quod hoc fiat per motum localem corporis Christi, tum quia sequeretur quod in celo esse desineret, quandoquaque hoc agitur sacramentum. tum quia non posset finiri hoc sacramentum agi nisi in vno loco: cum vnus motus localis non nisi ad vnum terminum finiatur: tum etiam quia motus localis instantaneus esse non potest, sed tempore indiget. consecratio autem perficitur in ultimo instanti prolationis verborum. relinquitur ergo dicendum quod verum corpus Christi esse incipiat in hoc sacramento per hoc quod substantia panis conuertitur in substantiam corporis Christi: & substantia vini in substantiam sanguinis eius.

Ex hoc autem apparet falsam esse opinionem tam eorum qui dicunt substantiam panis simul cum substantia corporis Christi in hoc sacramento existere, quam etiam eorum qui ponunt substantiam panis in nihilum redigi, vel in primam materiam resolui. Ad vtrumque enim sequitur quod corpus Christi in hoc sacramento esse incipere non possit nisi per motum localem: quod est impossibile, ut ostensum est. Præterea si substantia panis simul est in hoc sacramento cum vero corpore Christi, potius Christo dicendum fuit, hic est corpus meum: quam hoc est corpus meum: cum per hanc, demonstraretur substantia quæ videtur quæ quidem est substantia panis, si in sacramento cum corpore Christi remaneat. Similiter impossibile videtur esse quod substantia panis omnino in nihilum redeat. Multum enim de natura corporea primo creata iam in nihilum rediisset ex frequentatione huiusmodi mysterij. Nec est decens ut in sacramento salutis diuina virtute aliquid in nihilum redigatur. Neque etiam in primam materiam substantiam panis est possibile resolui: cum materia prima sine forma esse non possit, nisi forte per materiam primam prima elementa corporea intelligantur: in quæ quidem si substantia panis resolveretur, necesse esset hoc ipsum percipi sensu: cum elementa corporea sensu

Exclusio erroris quorumdam quos recitat Magister Sent. lib. 4. dist. 11. in nominatis authoribus.

\* Paulo ante.

Contra Gent.

Z

Secunda difficultas & soluitur 64. cap.

Tertia difficultas & soluitur 65.

Quarta difficultas & soluitur 66. cap.

Quinta difficultas & soluitur 67.



bilia sint. effert etiam ibi localis transmutatio & corporalis alteratio cōtrariorū, quæ instantanea esse nō possunt. Sciēdū tamē est quod prædicta cōuersio panis in corpus Christi, alteriusmodi est ab omnibus cōuersionibus naturalibus. Nā in qualibet cōuersione naturali manet subiectum in quo succedunt sibi diuersæ formæ, vel accidentales, sicut cum album in nigrum conuertitur: vel substantiales, sicut cum aer in ignem: vnde cōuersiones formales nominantur: sed in cōuersione prædicta subiectum trāsit in subiectū, & accidentia manent: vnde hæc cōuersio substantialis nominatur. Et quidē qualiter hæc accidentia maneant, & quare, posterius perscrutandū \* est. Nunc autē considerare oportet quomodo subiectum in subiectum vertatur: quod quidem natura facere non potest. Omnis enim natura

*D. 731.* operatio materiā præsupponit, per quā subiecta indiuiduatur: vnde natura facere nō potest quod hæc substantia fiat illa, sicut quod hic digitus fiat ille digitus: sed materia subiecta est virtuti diuinæ, cum per ipsam producat in esse: vnde diuina virtute fieri potest quod hæc indiuidua substantia in illā præexistente cōuertatur. sicut enim virtute naturalis agentis cuius operatio se extendit tātū ad immutationē formæ, & existētia subiecti supposita, hoc totum in illud totū cōuertitur secundum variationē speciei & formæ, ut pote hic aer in hunc ignē generatū: ita virtute diuinā, quæ materiam non præsupponit, sed eam producit, hæc materia cōuertitur in illā, & per consequens hoc indiuiduū in illud. indiuiduationis enim principium materia est, sicut forma est principium speciei. Hinc autem manifestum est quod in cōuersione \* prædicta panis in corpus Christi nō est aliquod subiectū commune permanens post cōuersionem, cum trāsmutatio fiat secundū primum subiectum, quod est indiuiduationis principium, necesse est tamē aliquid remanere ut verū sit quod dicitur, Hoc est corpus meum, quæ quidē verba sunt huius cōuersionis significatiua & factiua, & quia substantia panis non manet, nec aliqua prior materia, ut ostensum \* est: necesse est dicere quod maneat id quod est præter substantiā panis, huiusmodi autem est accidens panis, remanēt igitur accidentia panis etiam post cōuersionem prædictam. Inter accidentia verō quidā ordo considerandus est. nam inter omnia accidentia propinquius inhæret substantiæ quantitas dimensua: deinde qualitates in substantia recipiuntur quantitate mediante, sicut color mediante superficie, vnde & per diuisionem quantitatis per accidēs alia accidentia diuiduntur. Vterius autem qualitates sunt actionū & passionum principia, & relationū quarundam, ut sunt pater & filius, & Dominus, & seruus, & alia huiusmodi. Quædā verō relationes immediatē ad quāritates sequuntur, ut maius & minus, duplum & dimidiū, & similia. Sic igitur accidentia panis post cōuersionem prædictam remanere ponendū est, ut sola quantitas dimensua sine subiecto subsistat, & in ipsa qualitates fundentur sicut in subiecto, & per consequens actiones, passionēs, & relationes. Accidit igitur in hac cōuersione contrarium ei quod in naturalibus mutationibus accidere solet, in quibus substantia manet ut mutationis subiectum, accidentia verō variantur, hic autem ecōuerso accidens manet, & substantia trāsit. huiusmodi enim cōuersio nō potest propriē dici <sup>d</sup> motus, sicut à naturali cōsideratur ut subiectum requirit, sed est quædā substantialis successio, sicut in creatione est successio esse & nō esse, ut

*\* Cap. pra.* in secundo \* dictum est. Hæc igitur est vna ratio quare accidēs panis remanere oportet, ut inueniatur aliquid manens in cōuersione prædicta. Est autem & præter hoc aliud necessarium. Si enim substantia panis in corpus Christi conuerteretur, & panis accidentia trāsirent, ex tali cōuersione non sequeretur quod corpus Christi secundum suā substantiā esset vbi prius fuit panis. nulla enim relinqueretur habitudo corporis Christi ad locum prædictum, sed cum quantitas dimensua panis remanet post cōuersionem per quam panis hūc locū fortiebatur, substantia panis in corpus Christi mutata fit corpus Christi sub quāritate dimensua panis, & per cōsequens locum panis quodāmodo for-

titur, mediantibus tamen dimensionibus panis. Possunt & alix rationes assignari, & quātū ad fidei rationē, quæ de inuisibilibus est, & quātū ad meritū, quod circa hoc sacramentū tātō maius est, quātō inuisibilis agitur, corpore Christi sub panis accidentibus occultato, propter cōmodiorē & honestiorē, vsum sacramenti. esset enim horrore sumētib⁹, & abominationi vidētib⁹, si corpus Christi in sua specie à fidelib⁹ sumeretur. vnde sub specie panis & vini quibus homines cōmunius vtuntur ad esum & potum, corpus Christi proponitur ad manducandum, & sanguis potandus.

## Super Cap. 63.



**N**VMERATIS difficultatibus contra veritatē sacramenti eucharistie, accedit sanct⁹ Thom. ad earum dissolutionem e ordine quo sunt propositæ, præmittēs quod licet diuina virtus sublimis & secretius in hoc sacramēto operetur, quā ab homine perquiri possit, ne tamē circa hoc ecclesiæ doctrina infidelibus impossibilis videatur, cōadūm est ad hoc quod omnis impossibilitas excludatur. Ex quibus verbis dat intelligere sanct⁹ Thom. maximas esse difficultates quæ circa hoc sacramētum emergunt, & quod non oportet laborare ad eius manifestam intelligentiam, sed cōadūm est ad intelligendum quomodo nulla in ipso impossibilitas inueniatur.

Ad primam itaque difficultatem dicit prim⁹, quod vtiq̃ue impossibile est ut corpus Christi incipiat esse sub hoc sacramento per motum localem, tum quia in cælo defineret esse quādoque agitur sacramentum, tum quia non posset hoc sacramētum agi simul in vno loco, tum quia motus localis instantaneus esse non potest, consecratio autem perficitur in vltimo instanti prolationis verborum. Dicit secūdo, quod hoc fit per cōuersionem substantiæ panis in substantiam corporis Christi, & substantiam vini in substantiam sanguinis eius.

Dicit tertio, quod ex hoc apparet falsam esse opinionem tam dicētū substantiam panis simul cum substantia corporis Christi in hoc sacramento existere, quā ponentium illam in nihilum redigi, vel in primam materiam resolui, tum quia ad virtutē sequitur quod corpus Christi in hoc sacramento incipere esse non possit nisi per motum localem, tum quia secundum primam opinionem Christo potius dicendum fuit, hic est corpus meum, quā hoc est corpus meum: quia demonstraretur substantia panis quæ videtur, tum quia secundum opinionem secundum multum de materia prim⁹ creata iam in nihilum rediisset ex frequentatione huius mysterij, quod nō decet fieri in sacramento salutis: tū quia secundum tertiam opinionem oporteret aut materiā primā esse sine forma, si intelligeretur fieri resolutio in ipsam, aut si intelligeretur fieri in prima elementa corporea necesse hanc resolutionem percipi sensu, & etiam ibi esse localem transmutationem & corporalem alterationem contrariorū, quæ instantanea esse non possunt. Dicit quart⁹, quod ista cōuersio est alteriusmodi ab omnibus cōuersionibus naturalibus, quia in qualibet alia manet subiectum in quo succedunt sibi diuersæ formæ vel accidentales vel substantiales, vnde cōuersiones formales non nominantur: in hac autē subiectū trāsit in subiectum, & accidentia manent: vnde substantialis cōuersio nominatur.

Dicit quint⁹, quod natura quidē facere non potest quod hæc substantia fiat illa, ut hic digitus fiat ille digitus: cum operatio naturæ materiā præsupponat per quam substantia indiuiduatur, & dēne hoc diuina virtute fieri potest, cum materia illi subiciatur, eod quod per ipsum producat in esse. Declaratur, quia sicut virtute naturalis agentis cuius operatio se extendit tantum ad immutationem formæ supposita subiecti existētia, hoc totum in illud totum cōuertitur secundū variationem formæ, ut hic aer in hunc ignem generatur: ita virtute diuinā quæ materiam nō præsupponit, sed eam producit, hæc materia cōuertitur in illam, & consequenter hoc indiuiduum in illud, cum principium indiuiduationis sit materia. Dicit sext⁹, quod cum in hac cōuersione non sit aliquod subiectum commune permanēs post cōuersionem, & tamen necesse sit aliquid remanere, ut verum sit quod dicitur, hoc est corpus meum, quæ sunt verba huius cōuersionis significatiua & factiua, necesse est dicere quod accidentia panis remaneant. Dicit septim⁹, quod cum inter omnia accidentia propinquius inhæreat substantiæ quantitas, deinde qualitates sint in substantia mediante quantitate, deinde actiones, passionēs, & relationes quædam sic accidentia panis post cōuersionem remanere ponendum est, ut sola quantitas dimensua sine subiecto subsistat, in ipsa verō qualitates fundentur sicut in subiecto, & per consequens actiones, passionēs & relationes. Dicit octau⁹, quod hæc cōuersio non propriē potest dici motus sicut à naturali cōsideratur, ut subiectum requirit, sed est quædam substantialis successio, sicut in creatione est successio esse & non esse. Dicit non⁹, quod ex prædictis habetur vna ratio quare accidentia panis remanere oportet, scilicet ut inueniatur aliquid manēs in cōuersione prædicta. Dicit decim⁹, quod huius alix etiā rationes sunt. Vna est, quia aliās non sequeretur corpus Christi secundum substantiam esse vbi prius fuit panis, quia nulla relinqueretur habitudo corporis Christi ad locum prædictum: sed manente panis quantitate dimensua, fit corpus Christi sub quantitate dimensua panis, & per consequens locum panis quodāmodo sortitur, mediantibus tamen dimensionibus panis. Alia est, quia meritū fidei quæ de inuisibilibus est, tātō maius est circa hoc sacramētum, quātō inuisibilis agitur corpore Christi sub accidentibus panis occultato. Tertia est, quia sic est cōmodior & honestior vsum sacramenti, dum scilicet sub specie panis & vini, quibus homines cōmunius vtuntur ad esum & potum corpus Christi proponitur manducandum, & sanguis potandus.

Ad euidētiā prim⁹ dicti considerandum est, quod non dicimus corpus Christi sic incipere esse sub sacramento siue sub speciebus panis, quasi incipiat: localiter, propriē & circūscriptiue à dictis accidentibus contineri, sicut locum continetur à loco. non enim ad corpus Christi cōparatur propriē sicut locus ad locū, sed quia incipit esse sub illis, sicut substantia

\* Paulo infirmus in hoc c.

\* Cap. pra.

\* Paulo an-

D. 570.

\* Cap. 19.



stantia sub accidentibus continetur non quidem sibi inherens, separatis, prius autem inherens substantia cui hæc substantia succedit: unde respectu corporis Christi ad huiusmodi accidentia sub quibus continetur, non potest proprie dici respectus de genere ubi, qui est locati ad locum: habet tamen (ut dicitur 4. d. 10. q. 1. art. 1. q. 1. ad primum) aliam eius similitudinem, in quantum esse in loco est esse in aliquo separato extra substantiam suam, quod non est causa eius: habet etiam & similitudinem respectus de genere habitus, in quantum illæ species dicuntur à sanctis quasi cooperimentum corporis Christi.

Ad evidentiam secundum dicti considerandum est primum, quod convenienter ex eo quod corpus Christi non incipit esse sub sacramento per motum localem, inferat sanctus Thome oportere hoc esse per conversionem substantiæ panis in ipsum, quia duobus tantum modis possumus intelligere corpus Christi esse simul cum dimensionibus panis, aut scilicet manente substantia panis illis dimensionibus coniuncta, ita quod corpus Christi simul diceretur esse cum substantia panis, sicut due corpora dicuntur simul esse in eodem loco, quo modo Christo ingrediente ad discipulos ianuus clausus simul erat corpus Christi & ianuus: aut transeunte substantia panis, & sub eius dimensionibus substantia corporis Christi succedente. Primum non potest esse nisi per motum localem corporis Christi accedentis ad locum panis, sicut accessit ad ianuas, quia corpus existens in uno loco non potest occupare locum corporis existentis in alio loco, nisi ad illum locum localiter moueatur, cum idem corpus non possit esse simul in pluribus locis. Secundum autem esse non potest, nisi substantia panis in substantiam corporis Christi converteretur, quia si annihilaretur panis substantia, aut in aliam substantiam converteretur, nulla esset ratio quare corpus Christi manens in cælo deberet sub dimensionibus panis contineri. Si ergo secundum ea quæ fides tenet, non possit dici corpus Christi incipere esse in sacramento per motum localem ipsius corporis Christi, cum proprium locum non derelinquat, relinquitur oportere dici incipiat esse in sacramento per conversionem substantiæ panis in ipsum.

CONSIDERANDUM secundum, quod hoc non sic est intelligendum, ut scotus arbitratur nos intelligere, quasi dicta conversio sit corporis Christi formalis ratio essendi in sacramento, cum transeunte conversione remaneat in sacramento corpus Christi, sed quia effectiue & fundamentaliter dicta conversio huiusmodi existentiam suæ præsentialem causat, sicut generatio ignis ex lignis est causa aliquo modo quod ignis sit ubi prius erant ligna. facit enim dicta conversio primum ipsius terminum succedere substantiæ panis sub ipsius dimensionibus panis remanentibus, & consequenter huiusmodi præsentiam corporis Christi ad tales dimensiones & ad eorum locum causat. Nec est verum quod inquit scotus, posse Deum huiusmodi relationem causare absque conversione, cum conversio sit causa eius tantum in fieri. Nam quando causa in fieri quæ est ipsa productio, est fundamentum vel ratio fundandi relationem, non potest fieri relatio absque tali productione, tanquam scilicet illius denominatione relatiue, sicut paternitas non potest absque generatione alicui aduenire, ut per ipsam sit pater: sic etiam quia conversio est fundamentum præsentia corporis Christi ad species & locum panis, non potest talis relatio illi aduenire absque huiusmodi conversione, eo quod fundamentum sit de ratione relationis, in quantum dat esse relatiuum.

SECD contra prædicta arguitur ex scoto 4. sent. dist. 10. q. 1. art. 2. & 3. probatur, quod non est necesse dicere per solam conversionem huiusmodi posse esse corpus Christi sine sui mutatione locali in altari. Primum, non est maior repugnantia corpus Christi simul esse cum substantia panis quam cum quantitate eius, cum non magis repugnet substantia substantiæ quam substantia quantitati quo ad eam similitudinem: sed corpore Christi existente in cælo, potest Deus facere idem corpus simul cum quantitate panis, ergo & cum substantia eius, & per consequens sine conversione. Secundum, ubicunque Deus potest facere substantiam naturalem non sub suo modo naturali, vel sub modo sibi opposito, potest eam facere sub suo modo naturali: sed Deus potest facere, imò facit corpus Christi sacramentaliter, id est, non sub suo modo naturali simul in diuersis locis, ergo potest idem facere in eisdem sub modo naturali, scilicet localiter & dimensionis, ergo non est necessaria huiusmodi conversio. Tertium, per nullam mutationem per se, habetur illud quod est posterius suo per se termino, sed præsentia corporis Christi in sacramento est quid posterius simpliciter substantia corporis Christi, quæ est terminus per se conversionis, ergo non habetur per se, per illam mutationem quæ est conversio vel transsubstantiatio. Quarto, Deus potest facere corpus Christi præsens panem substantiam panis manente, cum præsentia ista sit posterior substantia panis, ergo sine aliqua mutatione circa substantiam panis potest esse noua præsentia corporis ad panem: ergo oportet dare aliam mutationem ad huiusmodi præsentiam quæ non sit substantialis, ergo per transmutationem substantialem non habetur per se ista præsentia. terminus enim eiusdem rationis cuiusmodi est præsentia, non est proprie & per se terminus duarum mutationum distinctarum secundum genus. Quintum, quod conuertitur in aliquid præexistens, magis acquirit conditiones eius quam conuerso, ut patet in nutrimento: ergo ex sola conversione panis in corpus Christi præexistens, magis acquirit panis conuersus præsentiam in cælo quam corpus Christi præsentiam speciei panis in altari. Sextum, Deus posset conuertere panem in corpus Christi, ut habens esse in cælo, sed tunc non haberetur corpus Christi sub specie panis ex ipsa conversione, ergo nec nunc. Septimum, si panis quantus conuerteretur in corpus Christi quantum, id est, quantitas in quantitate, & substantia in substantiam, corpus Christi quantum non haberet ubi circumscribitur, quod fuit ipsius panis, ergo ex conversione substantiæ in substantiam, corpus Christi non haberet ubi diffinitur quod erat substantia panis, ergo, &c.

PRO SOLUTIONE horum argumentorum præmittendum est, quod corpus Christi existens sacramentaliter in altari, duplicem præsentialem habet, vnam scilicet ad dimensiones panis sub quibus occultatur, aliam verò ad locum panis, per primam præsentiam dicimus corpus Christi sub dimensionibus panis esse, per secundam dicimus ipsum esse in loco panis. Vtrique autem harum præsentiarum conuenit sibi per conversionem substantiæ panis in ipsum, sed prima immediate talem conversionem consequitur, ex eo enim quod substantia panis in corpus Christi conuertitur suis dimensionibus remanentibus, sequitur quod corpus Christi sub-

stantiæ panis sub illis dimensionibus succedit, quod est corpus Christi præsens fieri dimensionibus huiusmodi. Secunda autem præsentia conuenit sibi mediante prima. Nam quia præsens est dimensionibus, ideo præsens est loco huiusmodi dimensiones circumscribenti, qui erat locus panis. Argumenta itaque scoti contra utramque præsentiam adducuntur, sed facile est videre quod contra mentem sancti Thomæ non valent. Unde ad primum dicitur, quod maior est falsa, corpore Christi non deferente cælo, & pane alibi existente, ad probationem negatur assumptum ad eundem sensum, repugnat enim quod substantia manens in cælo incipiat esse simul cum substantia existente in terra, in neutra illarum mutatione facta, quia ut est de mente sancti Thomæ 4. sent. dist. 11. q. 1. art. 1. & 1. q. 75. artic. 2. impossibile est aliquid esse ubi prius non fuit, nisi ipsum mutetur, vel aliquid in ipsum, quod utique intelligitur de loco existente, non autem de loco nouiter producto: non repugnat autem tali substantiæ ut simul sit cum quantitate substantiæ quæ in ipsam est conuersa, quia relatio innasci potest ex mutatione vnius extremi tantum, etiam altero extremo non mutato.

ATTENDENDUM tamen cum dicimus vnam substantiam non mutatam à suo loco non posse simul incipere esse cum substantia in alio loco existente, quod hoc intelligitur supposito quod nulla etiam alia substantia sit in ipsam conuersa: quia si ponamus (ut ponimus) substantiam panis conuertam in substantiam corporis Christi, non inconuenit corpus Christi non mutatam à suo loco in quo nunc est ratione propriarum dimensionum, simul esse per diuinum miraculum cum alia substantia ratione dimensionum panis in ipsum conuersi. Sicut enim miraculose corpus Christi secundum suum esse naturale simul fuit cum alio corpore dum ad discipulos intrauit ianuus clausus, ita diuino miraculo fieri posse puto ut corpus Christi sacramentale simul incipiat esse cum alia substantia ipso non deferente proprium locum quem habet in cælo. Ad secundum dicitur primum quod argumentum peccat in forma. procedit enim ex quatuor terminis. nam in maiori assumitur locus sigillatim pro vno determinato, & est vera propositio. quocunque enim loco sigillatim ostenso, est verum quod si in illo potest Deus facere substantiam naturalem esse sub modo non naturali, potest facere eandem esse in eo modo suo naturali. in minori verò sumitur locus pro pluribus locis coniunctis, in quo sensu etiam minor est vera. Nam de facto Deus facit corpus Christi modo sacramentali, qui non est modus naturalis, simul in pluribus locis esse. Dicitur secundum, quod si argumentum ad debitam formam reducatur, for mando sit minore: In quocunque locis simul Deus potest facere substantiam naturalem non sub suo modo naturali, potest eam facere sub suo modo naturali: ipsa maior est falsa. Primum enim nullam contradictionem implicat, & ideo diuina virtute fieri potest. Secundum verò implicat contradictionem, ostensum est enim in superioribus contra scotum implicare contradictionem quod vnum corpus simul sit in pluribus locis localiter, & ratione propriarum dimensionum: sic cetero nullo miraculo potest fieri. Ad tertium, negatur maior, si intelligatur de primo per se termino. potest enim per mutationem per se haberi aliquid quod est posterius primo per se termino, quando & ipsum est terminus per se, sed secundario. Non enim ut est de mente sancti Thomæ 4. sent. dist. 11. q. 1. artic. 3. inconuenit vnius mutationis esse duos terminos ordinem quandam inter se habentes. nam videmus dealbationem simul terminari ad albedinem & ad similitudinem supposito albo. Si autem intelligatur de per se termino vniuersaliter, siue scilicet primo, siue secundario, minor est falsa. Nam neque præsentia corporis Christi ad species est posterius omni termino per se, cum ipsa sit secundario per se terminus: neque substantia corporis Christi sola est terminus per se talis transsubstantiationis. Ad quartum, conceditur totum excepta vltima consequentia. concedimus enim quod absolute Deus potest facere corpus Christi simul cum pane, substantia panis manente, & quod potest incipere esse corpus Christi præsens panis absque conversione substantiæ panis in ipsum. Sed negatur vltior consequentia, scilicet ergo per transmutationem substantialem non habetur per se ista præsentia. Ad probationem, negatur assumptum absolute loquendo. Nam præsentia quam habet ignis ad locum suæ generationis, & præsentia quam habet ad locum qui terminat motum localem ipsius, est eiusdem rationis, & tamen vna acquiritur per generationem substantialem, alia verò per motum localem. in terminis enim extrinsecis non inconuenit idem diuersas mutationes terminare: non inconuenit etiam idem esse terminum intrinsecum & primum vnius mutationis, alterius verò esse extrinsecum terminum & secundarium. Si autem aderetur antecedenti, nullo illorum modo ad alterum localiter, nullaque alio in substantiam alterius conuerso, negatur assumptum: & ad probationem negatur ista consequentia, ista præsentia est posterior substantia panis, ergo potest esse sine aliqua nouitate substantiæ panis aut corporis Christi. habetudo enim locati ad locum est posterior ipsa re locata, & tamen non potest esse nouitas talis habitudinis, nisi aut ipsa re locata mutata, aut mutato loco circa ipsam. Unde illa propositio, ad nouitatem posterioris non sequitur nouitas prioris, non habet veritatem ubi posterius per naturalem concomitantiam resultat ex priori. tunc enim nouitas in posteriori non est nisi propter nouitatem prioris, sicut non est noua ribisitas nisi propter hominis nouitatem, & non est nouitas in relatione reali nisi propter aliquam nouitatem fundamenti aut termini. Ad quintum, negatur maior de conditione quæ est locus, quando remanet aliquid conuersi occupans priorem locum, & nihil eius additum ad id in quod conuertitur, remanet, sicut est in proposito, ubi remanet quantitas panis locum eius occupans, & nihil substantiæ panis remanet additum corpori Christi, eo quod tota substantia panis, scilicet & materia & forma, in corpus Christi conuertatur. Quod autem adducitur de alimentis, non iuuat, imò est oppositum eius quod assumitur. forma enim aliti dum informat materiā alimenti, aliquid accedit ad locum alimenti, præsertim quando per mutationem augeatur alitum. Ad sextum, negatur maior, si intelligatur quod Deus possit conuertere substantiam panis in corpus Christi, ut habet esse in cælo, id est ut localiter in cælo continetur, nullo modo localiter moto pane, & eius dimensionibus, quæ facta conuersio remanet ad locum corporis Christi. Nam cum oportet in tali conversione corpus Christi succedere substantiæ panis sub dimensionibus ipsius, si corpus Christi sub dimensionibus panis existens non haberet aliud ubi quædam id



quod habet in celo, oportere ut ipsa dimensiones tale vbi corporis Christi haberent, quod esse non posset nisi ad locum corporis Christi motus essent localiter alioquin idem esset simul in pluribus locis circumscriptione. Si autem intelligatur Deum posse illud facere moto pane & dimensionibus eius ad locum corporis Christi, ipsa admissa, negatur minor: imò ex ipsa conuersione corpus Christi esset sub specie panis quæ ad eius locum suo motu peruenisset. Ad septimum negatur consequentia, quia in tali casu (vt dixit sanctus Thomas in dicto decimo) nihil panis remaneret sub quo corpus Christi substantia panis succederet, quod esset sibi ratio essendi in loco panis: nunc autem remaneret panis dimensiones quæ sunt corpori Christi ratio in loco panis existendi. Non enim propter aliud corpus Christi est in loco vbi erat panis, nisi quia facta conuersione manent species panis occupantes locum, sicut prius, quibus mediantibus substantia panis erat in loco illo. Reliqua quæ ad hanc materiam pertinent, vide apud Capreolum, in 4. dist. 10. q. 1. & dist. 11.

CIRCA tertium dictum cum inquit sanctus Thomas si maneret substantia panis, potius dicendum Christo fuisset, hic est corpus meum, quam, hoc est corpus meum, quia per li hic, demonstraretur substantia panis quæ videtur aduertendum quod si maneret substantia panis, ista propositio non esset vera, hoc est corpus meum, vt dicitur tertia parte, & 4. Sentent. loco præalleg. quia vt hic dicitur, fieret demonstratio panis, cuius accidentia subsunt visui, & esset sensus, substantia cuius sunt hæc accidentia quæ videntur, est corpus Christi. Nam cum demonstramus aliquid ad sensum, secundum communem modum loquendi demonstramus substantiam cuius accidentia quæ sensui subsunt & demonstrant, inhaerent, & non indistincte contenti sub accidentibus, vt vult Scotus in 4. dist. 11. q. 3. art. 1. falsum autem esset quod substantia panis esset corpus Christi, sed vera esset ista propositio, hic est corpus meum, accipiendo istum terminum hic, vt est adverbium loci. Nam verum esset dicere quod in hoc loco in quo est panis, est corpus Christi.

CIRCA illud quod dicitur in consecratione huius sacramenti substantiam panis non annihilari, considerandum est primum ex doctrina sancti Thomæ sexto quolibet. quæst. 6. & in tertia parte, & quarto Sentent. cum motus ad terminum ad quem accipiat denominationem, ad videndum an aliquo mutatio sit annihilatio necne, videndum est an eius terminus sit nihil omnino, vel potius aliquid modo aliquo: quia si fuerit omnino nihil, erit annihilatio: si verò fuerit aliquo modo aliquid, non erit annihilatio.

CONSIDERANDVM secundò, quod in denominatione mutationis non oportet respicere ad quemcunque terminum, sed ad terminum principaliter intentum ab agente. Nam mutatio ad esse hominis dicitur hominis generatio, ad quod agens principaliter intendat hominis existentiam, licet sint multi alij termini præcedentes & positiui & priuatiui. sic etiam ad videndum an aliqua mutatio debeat annihilatio nominari, respiciendum est non ad quemcunque terminum illius mutationis, sed ad terminum principaliter intentum ab agente talis mutationis. In mutatione ergo qua substantia panis conuertitur in corpus Christi, duplex inuenitur terminus, scilicet non esse panis, & corpus Christi, sed esse sacramentale corporis Christi, est terminus principaliter intentus a Deo, a quo principaliter hæc conuersio fit: non esse autem panis, ad hunc terminum ordinatur: ideo cum esse sacramentale corporis Christi sit aliquid, non autem nihil, talis mutatio substantia panis, non potest dici annihilatio, imò nec ex ipso non esse panis, ad quod dicta mutatio terminatur tanquam ad dispositionem termini principalis, potest dici annihilatio, quia tale non esse non est omnino nihil. sed est negatio esse panis in corpore Christi sacramentali, in quod conuersus est panis. non enim sufficit ad annihilationem alicuius, quod nihil eius maneat in se vel in alio, sed requiritur quod nihil etiam maneat in quod sit conuersum. Non putat autem ad mentem sancti Thomæ esse id quod Capreolus tenet, quod scilicet remaneat panis in corpore Christi in potentia obedienciali ad hoc vt ex ipso redeat panis substantia, & quod propter hoc non dicatur panis annihilari. Nam hoc nulli ait sanctus Thom. quod ipse viderim, imò in 3. part. q. 77. artic. 5. ait impossibile esse corpus & sanguinem Christi iterum in substantiam panis vel vini conuerti. quod si dicatur hoc intelligendum esse de potentia ordinaria, cum ponamus tandiu corpus & sanguinem Christi manere in sacramento, quandiu remanent species panis, non autem de potentia absoluta: hoc quidem non negauerim, licet fortassis a multis negaretur, sed hoc modo substantiam panis in potentia obedienciali corporis Christi esse non tolleretur quin possit dici panis annihilatus: alioquin nihil posset dici annihilatum a Deo, quia eadem ratione diceretur quod remanet in potentia obedienciali alterius creaturæ, sicut enim de potentia absoluta posset Deus conuvertere corpus Christi in panem, ita posset in rem annihilatam aliquam aliam substantiam conuvertere, ipsam rem iterum in esse reparando. Ex his facile solui possunt omnia argumenta Scoti & Durandi recitata a Capreolo in 4. dist. 11.

CIRCA id quod dicitur substantiam panis non posse in tali conuersione resolui in materiam primam, quia materia prima esset sine forma, aduertendum quod hoc sequitur, quia si substantia panis non conuenteretur in corpus Christi, & remaneret materia prima, non acciperet aliam formam: cum qua esset corpus Christi: quia eadem ratione non posset corpus Christi esse cum forma illa ipso localiter non mutato, qua ratione non poterat cum substantia panis esse. non informaretur etiam substantia corporis Christi, vt manifestè constat, ideo omnino relinqueretur sine forma.

CIRCA quintum dictum dubitatur. Videtur enim sanctus Thomas dicere contradictoria. Nam inquit primum naturam facere non posse vt hæc substantia fiat illa, deinde subiungit, virtute naturalis agentis hoc totum in illud totum conuerti, vt pote hunc aërem in hunc ignem generatum. Constat enim vbi totum conuertitur in totum, hanc substantiam in illam conuerti. Respondetur, quod totum dupliciter accipitur, scilicet vt idem est quod perfectum in specie, & vt idem est quod quælibet pars. Cum ergo dicitur per naturam conuerti totum in totum, accipitur totum pro perfectum in specie, non autem pro qualibet parte. Patet hoc esse de mente sancti Thomæ, quia seipsum exponens inquit, quod supposita existentia subiecti, hoc totum conuertitur in hoc totum per naturam secundum variationem speciei & formæ, ex hoc autem non sequitur hanc

substantiam indiuiduatam in aliam indiuiduatam substantiam existentem conuerti, sed vnam speciem conuerti in aliam secundum successum nem diuersarum formarum in materia: vnde nulla est contradictio.

CIRCA sextum dictum considerandum primum, quod cum pronomen demonstratiuum demonstrans aliquid ad sensum simul & ad intellectum, semper præsupponat aliquid subiectum sensui demonstrabile, non potest dici de aliquo, hoc est illud, nisi per li hoc, demonstretur aut ipsum sensibile per se, aut aliquid sensibili coniunctum. Si autem nihil remaneret facta conuersione in corpus Christi, nihil sensibile esset per quod demonstrari posset corpus Christi. Nam esse sacramentale sensu percipi non potest: ideo bene dicitur quod necesse est aliquid panis remanere ad hoc vt verum sit quod dicitur, hoc est corpus meum.

CONSIDERANDVM secundò ex doctrina sancti Tho. 4. d. 8. q. 2. art. 1. q. 4. ad 1. quod cum ea quæ sunt in voce, proportionentur iis, quæ sunt in intellectu: sicut in intellectu est aliqua conceptio quæ est significatiua tantum rei intellectæ, quæ inquam præsupponit entitatem rei, vt pote ab ipso causata: aliqua verò non tantum est significatiua, sed etiam factiua rei, vt conceptio practica quæ entitatem rei non præsupponit sed causat: ita aliqua locutio est significatiua tantum, aliqua verò est significatiua & factiua rei significatæ, sicut hæc locutio, hoc est corpus meum, quæ ex diuina institutione habet virtutem conuertendi substantiam panis in substantiam corporis Christi. ideo bene hic dicitur hæc verba esse significatiua & factiua prædictæ conuersionis.

CONSIDERANDVM tertio, quod cum significatio totius creationis compleatur in prolatione vltimæ particulæ, ita quod significationes partium præcedentium comparantur ad significationem totius orationis, sicut materia, non autem sicut partes significationem totius orationis integrantes, significatio autem vltimæ particulæ in ordine ad præcedentes habeat rationem formæ, sicut prædicta verba quæ sunt significatiua & factiua conuersionis, ipsam in vltimo tantum instanti prolationis significant: ita & in illo duntaxat eam efficiunt: ideo in principio locutionis li hoc, non potest demonstrare corpus Christi, quia nondum substantia panis est in ipsum conuersa: non potest etiam determinatè substantiam panis demonstrare, quia tunc impediretur significatio totius orationis quæ in vltimo instanti prolationis in quo non est substantia panis, completur: sed necesse est (vt inquit ibidem sanctus Thomas) quod demonstret aliquid indistinctum & indeterminatum, quod sit commune tanquam vtrunque confusè & potentialiter continens. neutrum autem determinatè in actu, scilicet hoc quod dico contentum sub his speciebus: vt sensus sit, contentum sub his speciebus est corpus meum. Et sicut dicimus illud pronomen non demonstrare aliquid significatum distinctum, scilicet panem aut corpus Christi præsens tempore prolationis istius pronominis hoc, sed tantum aliquid vagum & indeterminatum, ita dicendum est de hoc verbo est, quod non determinatè importat tempus præsens mensurans prolationem istius pronominis hoc, sed præsens mensurans vltimam prolationem totius orationis, quia pro illo instanti copulat prædictum subiecto in talibus locutionibus factiuis, sicut in illo instanti res per tales locutiones efficitur.

CONTRA autem hunc sensum argumenta Scoti in 4. dist. 8. non valent, imò ex hoc falso fundamento procedunt, quod secundum sancti Thom. significatio orationis constituitur ex significato partium, cuius tamen oppositum ipse ponit in 4. Sententiar. loco præallegato, & articulo tertio ad septimum.

CIRCA septimum dictum considerandum primum ex doctrina sancti Tho. 3. q. 77. artic. 2. quod cum ponatur quantitas prima inter omnia accidentia materialia, & immediatè inhaerere substantia materiali, & consequenter esse fundamentum omnium aliorum accidentium materialium, quod mediantè in sunt substantia, & alia accidentia retineat esse quod habebant in substantia, cum diuina virtute quæritas sine substantia subsistat, relinquitur quod in ipsa omnia alia fundentur accidentia, & in ipsa sola sint sicut in subiecto, quemadmodum erant in substantia mediantè quantitate. Propterea ex ordine accidentium in comparatione ad substantiam, conuenienter insert sanctus Tho. solam quantitatem dimensionum panis post conuersionem absque subiecto remanere, alia verò accidentia non esse sine subiecto, sed in quantitate fundari.

CONSIDERANDVM secundò, quod non ideo dicuntur in quantitate fundari sicut in subiecto alia accidentia, quasi quantitas virtute suæ naturæ possit illis sustentamentum præbere, (hoc enim soli rei ex natura subsistenti conuenit, vt est de mente sancti Tho. de Verit. q. 1. artic. 3.) sed quia hoc sibi virtute diuina conceditur, sicut sibi datur vt sine subiecto subsistat. vnde cum quantitas inhaeret substantia, non præbet sustentamentum aliis accidentibus, nisi fortè inquantum est sustentata à substantia, dicitur aliis sustentamentum præbere.

CIRCA octauum dictum considerandum est, quod prædicta conuersio dicitur esse quædam substantialis successio, quia est successio vnius substantia post aliam sub eisdem accidentibus, licet alio & alio modo tales substantia ad illa accidentia se habeant. Nam per conuersionem substantia panis in corpus Christi, fit corpus Christi præsens accidentibus panis, sicut illis substantia panis præsens erat: sed verum est quod illa accidentia inhaerebant substantia panis, non autem inhaerent corpori Christi. vnde talis præsentia corporis Christi non habet aliquid omnino simile in rebus naturalibus, licet aliquo modo assimilari possit præsentia locati ad locum, & vestiti ad vestimentum, vt superius dicebatur. Ideo ad Aureolum quærentem in quo succedat sibi ista substantia, dicitur quod succedat sibi inuicem in accidentibus panis, & in loco ipsius: ex quo patet quod conuersio ista non dicitur successio quæcunque substantialis, sed successio substantiarum sub eisdem accidentibus, quarum vna in aliam transit.

CIRCA decimum dictum, cum dicitur in prima ratione corpus Christi locum panis quodammodo fortiri, addit sancti Thom. quodammodo, quia corpus Christi non est in loco panis facta conuersione ratione propriarum dimensionum, nec est subiectum ipsius vbi: sed quia præsens est dimensionibus panis quæ sunt in loco ipsius, & sunt subiectum ipsius vbi, dicitur & ipsum in illo loco esse, & sic non ratione sui, sed ratione alterius est in loco panis: ideo subiungit, mediantibus tantum dimensionibus panis.



Solutio eorum quæ obijciuntur ex parte loci.

Caput 64.



**I**S igitur consideratis circa modum conuersionis, ad alia soluenda nobis aliquatenus via patet. Dictum est enim quod locus in quo hoc agitur sacramentum, attribuitur corpori Christi, ratione dimensionum panis remanentium post conuersionem substantiæ panis in corpus Christi. secundum hoc igitur ea quæ Christi sunt, necesse est esse in loco prædicto. secundum quod exigit ratio conuersionis prædictæ. Considerandum est igitur in hoc sacramento aliquid esse ex vi conuersionis: aliquid autem ex naturali concomitantia. Ex vi quidem conuersionis est in hoc sacramento illud ad quod directe conuersio terminatur: sicut sub speciebus panis corpus Christi in quod substantia panis conuertitur: ut per verba consecrationis patet cum dicitur, hoc est corpus meum. & similiter sub specie vini est sanguis Christi, cum dicitur: Hic est calix sanguinis mei, &c. Sed ex naturali cōcomitantia sunt ibi omnia alia ad quæ conuersio non terminatur, sed tamen ei in quod terminatur, sunt realiter coniuncta. manifestum est enim quod conuersio panis non terminatur in diuinitatem Christi, neque in eius animam: sed tamen sub specie panis est anima Christi & eius diuinitas propter vnionē vtriusque ad corpus Christi. Si verò in triduo mortis Christi hoc sacramentum celebratum fuisset, non fuisset sub specie panis anima Christi: quia realiter nō erat corpori eius vnita. Et similiter nec sub specie panis fuisset sanguis, nec sub specie vini corpus, propter separationem vtriusque in morte. nunc autem quia corpus Christi in sua natura non est sine sanguine, sub vtraque specie continetur corpus & sanguis: sed sub specie panis continetur corpus ex vi conuersionis: sanguis autem ex naturali concomitantia: sub specie autē vini econuerso. Per eadem etiam patet solutio ad id quod obijciatur de inæqualitate corporis Christi ad locum panis. Substantia enim panis directe conuertitur in substantiam corporis Christi: dimensiones autem corporis Christi sunt in sacramento ex naturali concomitantia: non autem ex vi conuersionis: cum dimensiones panis remaneant. Sic igitur corpus Christi non comparatur ad hunc locum mediantibus dimensionibus propriis, ut eis oporteat adæquari locum: sed mediantibus dimensionibus panis remanentibus quibus locus adæquatur. Inde etiam patet solutio ad id quod obijciatur de pluralitate locorum. corpus enim Christi per suas proprias dimensiones in vno tantum loco existit: sed mediantibus dimensionibus panis in ipsum transeuntis in tot locis est in quot huiusmodi conuersio fuerit celebrata: non quidem diuisum per partes, sed integrum in vnoquoque. nam quilibet panis consecratus in integrum corpus Christi conuertitur.

Super Cap. 64.



**I**RCA secundam difficultatem quæ sumitur ex parte loci, dicit primò sanctus Thome. respondendo ad primam obiectionem, quod cum dictum sit locus in quo agitur hoc sacramentum, attribui corpori Christi ratione dimensionum panis remanentium: ea quæ Christi sunt, necesse est esse in loco prædicto secundum quod exigit ratio conuersionis prædictæ. Dicit secundò, quod in hoc sacramento aliquid est ex vi conuersionis, illud scilicet ad quod directe conuersio terminatur, sicut sub speciebus panis est corpus, ut per verba consecrationis patet cum dicitur, hoc est, &c. sub specie autem vini est sanguis Christi, ut patet cum dicitur, hic est calix, &c. aliquid autem ex naturali concomitantia, omnia scilicet alia ad quæ conuersio non terminatur, sed tamen ei in quod terminatur sunt realiter coniuncta, sicut diuinitas, & eius anima. Dicit tertio, quod si in triduo mortis Christi hoc sacramentum celebratum fuisset, non fuisset sub specie panis anima Christi, quia nō erat realiter corpori eius vnita. Similiter nec sub specie panis fuisset sanguis, nec sub specie vini corpus, propter separationem vtriusque in morte. nunc autem quia corpus Christi in sua natura non est sine sanguine, sub vtraque specie continetur corpus & sanguis, sed sub specie panis continetur corpus ex vi conuersionis, sanguis autem ex naturali concomitantia: sub specie autem vini econuerso.

**A**DVERTENDVM primò, quod per hæc dicta vult sanctus Thome. ad primam obiectionem negare istam consequentiam, scilicet panis & vinum in hoc sacramento ex vi conuersionis, ergo si caro Christi est sub specie panis, & sanguis sub specie vini, Christus nō remanet integer: quia

supponit quod caro sit sub specie panis sine sanguine, & sanguis sub specie vini sine carne, cuius oppositum dictum est. Si autem intelligatur antecedens ad hunc sensum, quod nullo modo sunt simul sanguis & corpus in hoc sacramento, constat ex dictis quod est falsum.

**A**DVERTENDVM secundò, quod ex vi conuersionis illud esse in sacramento dicitur, in quod substantia sub illis accidentibus præexistens conuertitur: & hoc dicit sanctus Thome. esse, in quod directe conuersio terminatur. Ad hoc autem cognoscendum respiciendum est ad verba consecrationis. cum enim efficiant quod significant, illud dicendum est esse in sacramento ex vi conuersionis, quod per ipsa verba significatur, & nihil aliud. vnde cum per verba consecrationis panis significetur tantum ibi esse corpus Christi, per verba autem consecrationis vini significetur tantum ibi esse Christi sanguinem, dicendum est sub specie panis esse tantum corpus Christi ex vi conuersionis, sub specie verò vini esse tantum sanguinem. propter hoc volens ostendere sanctus Thome. ita esse, ait, ut per verba consecrationis patet.

**C**ONSIDERANDVM tertio ex doctrina S. Thome. 3. p. q. 76. art. 1. ad 1. quod cum anima virtualiter contineat formam corporeitatis, de anima Christi dupliciter loqui possumus. Vno modo in quantum dat esse corporeum: & sic necesse est dicere in sacramento ipsam esse virtute conuersionis, quia cum corpus Christi non habeat esse corporeum nisi per animam, eò quod in vno composito sit tantum vna forma substantialis, si virtute conuersionis est in sacramento corpus Christi, necesse est etiam ex vi huiusmodi esse ibi animam Christi secundum quod continet formam corporeitatis, & dat esse corporeum. Alio modo in quantum anima est, id est, in quantum dat esse animatum, & sic intelligitur quod dicitur hic, ipsam non esse in sacramento ex vi conuersionis, sed tantum ex naturali concomitantia. corpus enim non includit in sua ratione animam in quantum anima est, sed bene corpori Christi anima eius etiam in quantum dat esse animatum, est realiter coniuncta: ideo etiam in quantum anima est in sacramento per concomitantiam.

**A**DVERTENDVM autem quod per animam ut dat esse corporeum, non intelligimus aliquid ens rationis, ut videtur nobis imponere Scotus 4. dist. 11. quæst. 3. artic. 2. sed ipsam animam substantiam ut virtute continet formam corporeitatis & dantem esse corporeum, quæ a seipsa ut dat esse animam, sola ratione distinguitur.

**S**E D circa prædicta occurrit dubium motum à Scoto. Si hostia consecrata in cena à Christo fuisset in pyxide conseruata, in triduo permanisset ibi eadem res primò contenta, sed tunc non erat corpus constitutum ex materia & anima intellectiua, ergo neque in cena Domini fuit facta conuersio in compositum ex materia & anima intellectiua: ergo ex vi conuersionis nullo modo erat ibi anima, ergo nec nunc.

**A**D hoc dicitur primò, ex eo quod inquit sanctus Thome. quoniam in triduo mortis non fuisset anima Christi sub specie panis per consecrationem, quia non erat realiter corpori Christi vnita, haberi posse quod secundum conditionem corporis Christi extra sacramentum esset etiam conditio ipsius in sacramento, ita videlicet, quod si extra sacramentum includit animam, ipsam etiam in sacramento includit. Si autem animam non includit, neque etiam includit ipsam in sacramento: vnde dicendum est quod in illa hostia consecrata in cena, in triduo mortis nō fuisset corpus Christi constitutum in actu per animam, sicut erat in die cenæ, sed constitutum per aliam formam, puta cadaueris, sicut & extra hostiam erat. Dicitur secundò, quod in triduo permanisset eadem res primò contenta aliquo modo, non autem omnibus modis, sicut & ipsum corpus Christi aliquo modo extra hostiam erat idem quod prius, aliquo verò modo non, secundum mentem sancti Thome. 3. q. 8. artic. 5. & quod 3. q. 1. art. 2. Nam non erat idem quantum ad formam, sed quantum ad materiam, & quantum ad suppositum quod erat diuinum, & quantum ad esse existentiam, iuxta prædicta in superioribus, ubi ostensum est in Christo esse tantum vnum esse actualis existentie, scilicet esse diuinum.

**S**E D tunc resultat aliud dubium. Si materia corporis Christi in triduo non fuisset informata anima, sicut informabatur in cena quando hostia fuit consecrata, sed alia forma, cum non possit esse sine forma, queritur quomodo illa alia forma fuisset in hostia. neque enim ibi fuisset ex vi conuersionis, quia quando consecrata est hostia, per animam aduabatur materia corporis: non autem per illam formam, neque etiam per naturalem concomitantiam, quia tunc non erat realiter vnita corpori Christi, imò nō erat omnino, ergo nullo modo potuisset esse in hostia in triduo. Dicerem ego quod non fuisset ibi ex vi conuersionis, quia ex vi conuersionis non est in sacramento nisi id in quod conuertitur substantia panis in ultimo instanti verborum consecrationis. constat autem quod tunc illa forma non aduabatur materia corporis Christi, cum non esset, sed fuisset ibi per naturalem concomitantiam. Dicitur enim aliquid esse hoc modo in sacramento dupliciter, aut scilicet quia quando proferuntur verba consecrationis, est realiter coniunctum ei in quod fit conuersio, aut quia illi realiter coniungitur etiam post huiusmodi verba. Nam si corpori Christi facta consecratione alicuius hostie aliquid absolutum realiter coniungeretur extra hostiam, etiam illi coniungeretur in hostia: quia sicut non esset sine illo extra hostiam, ita nec in hostia, & hoc modo fuisset illa forma in sacramento in triduo mortis. Nam licet non esset in die cenæ realiter vnita materię corporis Christi, fuisset tamen vnita illi realiter in illo triduo. Ad secundam obiectionem dicit, quod dimensiones corporis Christi sunt in sacramento ex naturali concomitantia, non autem ex vi conuersionis, cum dimensiones panis remaneant, & ideo corpus Christi non comparatur ad hunc locum mediantibus dimensionibus propriis, ut eis oporteat adæquari locum, sed mediantibus dimensionibus panis remanentibus quibus adæquatur.

**A**DVERTENDVM primò, per hoc quod hic dicitur velle sanctus Thome. ad illam propositionem, Impossibile est maius corpus in loco minoris inclusi, respondere. Est enim vera quando corpus maius est in loco ratione propriarum dimensionum, non autem quado est in loco ratione propriarum dimensionum quæ adæquantur loco, ut est in proposito.

**A**DVERTENDVM secundò, quod licet corpus de genere substantiæ videatur includere quantitatem aliquo modo, alia tamen res est ipsa substantia corporis, & alia eius dimensio: & ideo non inueniunt substantiam panis ex vi conuersionis in substantiam corporis Christi conuerti,



ipsa non conuerfa in eius quantitatem, signum autem quod dimensiones corporis Christi non sint ex vi conuerfionis in sacramento, assignat sanctus Thomas, quia dimensiones panis remanent. oportet enim id quod conueritur proportionari ei in quod conueritur, ut si sola substantia panis conuerteretur, remanent verò eius dimensiones: etiam si sola substantia corporis Christi sit, in quam conuerteretur, dimensiones verò eius sint extra terminum; ex se conuerfionis, quia cum corpus Christi succedat dimensionibus panis, sicut ipsa substantia panis substat illis dimensionibus immediate, ita conueniens est ut ipsa substantia corporis Christi immediate & absque alia dimensione ex vi conuerfionis illis dimensionibus substat. Si autem simul conuerterentur & substantia panis & eius dimensiones, oporteret fieri conuerfionem in substantiam & dimensiones corporis Christi, ita videlicet quod substantia in substantiam, & dimensio in dimensionem conuerteretur. Ad tertiam obiectionem dicit, quod corpus Christi per suas proprias dimensiones in vno tantum loco existit, sed mediatis dimensionibus panis in tot locis est, non quidem diuisum per partes, sed integrum, in quot conuerfio fuerit celebrata.

ADVERTENDVM primum, quod vult sanctus Thomas ad illam propositionem, impossibile est vnum corpus esse in pluribus locis, dicere quod vera est ratio propriarum dimensionum; falsa est autem ratio dimensionum alienarum.

ADVERTENDVM secundum ex dictis sequi, quod corpus Christi secundum esse quod habet in sacramento, non solum non est in loco circumscriptiue secundum se, sed nec distinctiue, ut etiam tenet sanctus Thomas. 3. q. 76. artic. 5. & 4. Sentent. dist. 10. q. 1. artic. 3. quia quod est distinctiue alicubi, ita est ibi, quod non alibi. hic autem dictum est quod corpus Christi ratione dimensionum panis in ipsum conuerfit, est simul in tot locis in quot ipsa conuerfio celebrata est.

ADVERTENDVM tertio ex doctrina sancti Thomae, quod duplex est quantitatis effectus: vnus est omnino intrinsecus subiecto quanto, scilicet esse quantum; & diuisibilitas in partes, atque ordo partium in toto. Alius est aliquo modo extrinsecus, in quantum scilicet conuenit subiecto in ordine ad extrinsecum, scilicet conuerti alteri quantitati: & partes eius partibus loci correspondere. Primum conuenit quantitati necessarium & per se, secundum verò sibi non conuenit nisi quando habet primum & per se ordinem ad locum & ad extrinsecas dimensiones. In sacramento ergo altaris quantitas corporis Christi sub dimensionibus panis existens habet primum effectum: quia ipsum corpus Christi est in seipso diuisibile, & habet ordinem partium in toto: non autem secundum esse suum habet, quia partes corporis Christi non correspondent partibus dimensionum panis neque partibus loci, sed totum est sub qualibet parte. Ex quo sequitur, quod potest dici corpus Christi esse sub dimensionibus panis & diuisibiliter & indiuisibiliter. diuisibiliter quidem, quia in seipso diuisibilitatem partium habet; indiuisibiliter autem, quia partes eius non correspondent partibus illarum dimensionum, sed totum euiliber parti, sicut anima est tota in qualibet parte. Et ex hoc soluntur omnia argumenta Scoti 4. d. 10. q. 1. & Aureoli apud Capreolum 4. dist. 10. q. 2.

ADVERTENDVM quarto, quod sic ut substantia quae est in loco ratione propriarum dimensionum, habet modum ipsarum: ita dimensio quae est in loco ratione substantiae, habet ipsius substantiae modum: modus autem dimensionis existens in loco primo & per se est, ut sit in ipso commensuratiue & diuisibiliter, ut scilicet ipsa commensuretur quantitati loci, & ut partes ipsius partibus loci respondeant. modus autem substantiae est, ut indiuisibiliter sit in loco, quia cum substantia secundum se sit indiuisibilis, & diuisio non conueniat sibi nisi ratione quantitatis, ubi substantia non comparatur ad alteram ratione quantitatis, sed per se ipsam, ad ipsum non comparatur diuisibiliter, sed indiuisibiliter. Quia ergo quantitas corporis Christi non est in sacramento ex vi conuerfionis, sed tantum concomitantem, in quantum substantiae inheret, & ideo ipsa substantia corporis Christi non comparatur ad dimensiones panis aut ad locum eius medianibus propriis dimensionibus, sed conuerfo ipsae dimensiones sunt ibi praesentes ratione substantiae, & consequenter indiuisibiliter: ideo corpus Christi est indiuisibiliter, & potest quauis in seipso sit maius dimensionibus panis, sub illis contineri, quia non oportet quod ad aliquam quantitatem indiuisibiliter comparatur, illi commensurari, ut scilicet sit illa maior aut minor, aut sit illi aequalis. potest enim pila magna paruum pilam contingere, eo quod ipsam indiuisibiliter duntaxat tangit. Vnde dum ponitur quantitas esse hic modo indiuisibilis, non ponitur in quantitate aliquid illi impossibile, ut putat Durandus, propterea dixit sanctus Thomas, corpus Christi in pluribus locis esse sacramentaliter non diuisum in partes, sed integrum in vnoquoque, quia non est in illis ratione propriarum dimensionum, sed ratione dimensionum panis.

ADVERTENDVM vltimo, quod licet corpus Christi non dicatur commensurari loco panis per se ratione propriarum dimensionum: potest tamen dici illi commensurari per alud, id est, ratione propriarum dimensionum panis. hoc enim non significat ipsam substantiam corporis Christi immediate commensurari loco, sed dimensionem ipsam sub qua sacramentaliter continetur, sicut anima potest dici circumscribi loco ratione quantitatis corporis cuius est forma, quia quantitas ipsa circumscriptiue est in loco, non quod ipsa secundum se loco circumscribatur immediate: propterea dixit sanctus Thomas, quod medianibus dimensionibus panis quibus locus adaequatur, comparatur ad locum, quasi dicat quod ratione illarum dimensionum adaequatur loco panis, & est illi aequale, non autem est maius ipso.

*Solutio eorum qua obijciebantur ex parte accidentium.*

*Cap. 65.*



**S**ic igitur difficultate soluta quae ex loco accidit, inspiciendum est de ea quae ex accidentibus remanentibus esse videtur. Non enim negari potest accidentia panis & vini remanere: cum sensus hoc infallibiliter demonstret:

neque his corpus Christi aut sanguis afficitur: quia hoc si ne eius alteratione esse non posset: nec talium accidentium capax est: similiter autem & substantia aeris: vnde relinquitur quod sint sine subiecto, tamen per modum praedictum, ut scilicet sola quantitas dimensiu sine subiecto subsistat: & ipsa aliis accidentibus praebeat sustentamentum. Nec est impossibile quod accidens virtute diuina subsistere possit sine subiecto. Idem enim est iudicandum de productione rerum: & de conseruatione earum in esse. diuina autem virtus potest producere effectus quarumcunque causarum secundarum ipsis sine causis secundis: sicut potuit formare hominem sine semine, & sanare febrem sine operatione naturae: quod accidit propter infinitatem virtutis eius, & quia omnibus causis secundis largitur virtutem agendi: vnde & effectus causarum secundarum conseruare potest in esse sine causis secundis: & hoc modo in hoc sacramento accidens conseruat in esse, sublata substantia quae ipsum conseruabat: quod quidem praecipue dici potest de quantitatibus dimensiu: quas etiam Platonici \* posuerunt per se subsistere, propter hoc quod secundum intellectum separantur. manifestum est autem quod plus potest Deus in operando, quam intellectus in apprehendendo. Habet autem & hoc proprium quantitas dimensiu inter accidentia reliqua quod ipsa secundum se indiuiduatur: quod ideo est, quia positio quae est ordo partium in toto, in eius ratione includitur. est enim quantitas positio habens. vbicunque autem intelligitur diuersitas partium eiusdem speciei, necesse est intelligi indiuiduationem. nam quae sunt vnus speciei, non multiplicatur nisi secundum indiuiduum: & inde est quod non possunt apprehendi multae albedines nisi secundum quod sunt in diuersis subiectis: possunt autem apprehendi multae lineae, etiam si secundum se considerentur. diuersus enim situs qui per se lineae inest, ad pluralitatem linearum sufficiens est. Et quia sola quantitas dimensiu de sui ratione habet vnde multiplicatio indiuiduorum in eadem specie possit accidere, prima radix huiusmodi multiplicationis ex dimensione esse videtur: quia & in genere substantiae multiplicatio fit secundum dimensionem materiae: quae nec intelligi posset nisi secundum quod materia sit dimensionibus consideratur: nam remota quantitate, substantia omnis indiuisibilis est, ut patet per Philosophum primo Physicorum. \* manifestum est autem quod in aliis generibus accidentium multiplicatur indiuidua eiusdem speciei ex parte subiecti: & sic relinquitur quod cum in huiusmodi sacramento ponamus dimensiones per se subsistere, & alia accidentia in eis sicut in subiecto fundari: non oportet nos dicere quod accidentia huiusmodi indiuiduata non sint, remanent enim in ipsis dimensionibus indiuiduationis radix.

*Super Cap. 65.*



**D**e ea quae tertio loco difficultatem faciunt, dicit primum sanctus Thomas, quod negari non potest accidentia panis & vini remanere, cum sensus hoc infallibiliter demonstret. dicit secundo, quod his neque corpus Christi aut sanguis afficitur, neque alius substantia, sed sunt sine subiecto, modo tamen praedicto, scilicet ut sola quantitas dimensiu sine subiecto subsistat, & ipsa aliis accidentibus sustentamentum praebeat. Dicit tertio, ad primam rationem in oppositum: quod non est impossibile quod accidens virtute diuina subsistere possit sine subiecto, quia sicut diuina virtus potest producere effectus quarumcunque causarum secundarum sine ipsis causis secundis, tum propter eius infinitatem, tum quia omnibus causis secundis largitur virtutem agendi: ita & effectus earum potest sine eis conseruari in esse. & hoc modo in hoc sacramento conseruat accidens in esse sublata substantia quae ipsum conseruabat. Dicit quarto, quod hoc praecipue dici potest de quantitatibus dimensiu quas etiam Platonici subsistere posuerunt, quia secundum intellectum separantur, plus enim potest Deus in operando quam intellectus in apprehendendo. Dicit quinto ad secundam obiectionem quod quantitas dimensiu inter accidentia reliqua habet hoc proprium, quod ipsa secundum se indiuiduatur, quia positio quae est ordo partium in toto, in eius ratione includitur. vbicunque autem intelligitur diuersitas partium eiusdem speciei, necesse est intelligi indiuiduationem. Vnde non possunt apprehendi multae albedines, nisi secundum quod sunt in diuersis subiectis: possunt autem apprehendi multae lineae, etiam si secundum se considerentur propter situm diuersitatem. Dicit sexto ex praemissis, quod prima radix multiplicationis ex dimensione esse videtur, quia & in genere substantiae multiplicatio fit secundum diuisionem materiae, quae nec intelligi potest nisi secundum quod materia sub dimensionibus consideratur, cum remota quantitate

\* Platonici colligunt id ex Timaeo.

D. 516.

\* Textus 1070.

15.

omni



omnis substantia sit indiuisibilis, ut dicitur primo Physicorum. accidentia vero eiusdem speciei ex parte subiecti multiplicantur. Insuper septimo, ad secundam obiectionem respondendo, quod non oportet nos dicere in huiusmodi sacramento accidentia indiuisa non esse, cum ponamus dimensiones per se subsistere, & alia accidentia in eis sicut in subiecto fundari, quia in ipsis dimensionibus remanet indiuisationis radix.

ADVERTENDUM primum, quod ex ista responsione vult sanctus Thomas ad hanc propositionem, accidentia non possunt indiuisuari nisi per subiectum: dicere quod habet veritatem de aliis accidentibus à quâritate, non autem de ipsa quantitate. Aduertendum secundum, cum dicat virtute diuina accidens posse sine subiecto conservari, & tamen quod non possunt apprehendi multæ albedines, nisi secundum quod sunt in diuersis subiectis, quod mens ipsius est (ut superius ad Scotum dicebatur) posse quidem omne accidens diuina virtute sine subiecto subsistere: non posse tamen sine subiecto subsistere quod indiuisationem retineat, secundum ea scilicet quæ nobis nota sunt. Quomodo autem quantitas aliis præbeat sustentamentum, similiter quomodo sit radix multiplicationis, ostensum est in præcedentibus. Aduertendum tertium circa hanc propositionem, Diuina virtus potest producere effectus quorumcunque causarum secundarum sine ipsis causis secundis, quod habet veritatem de causis efficientibus, non autem de causis materialibus & formalibus. Vnde rationem huius assignat sanctus Thomas, quia omnibus huiusmodi causis largitur virtutem agendi. Non habet etiam veritatem secundum opinionem ponentium quod propria passio quæ est entitas realiter distincta à subiecto, etiam per Dei potentiam separari à suo subiecto non potest, de omni effectu causæ secundæ, sed tantum de effectu producto ab ipsa per actionem mediā. Vnde dicunt quod non potest producere passionem sine subiecto, quia subiecto per naturalem concomitantiam effluit, non autem per actionem mediā.

SED circa prædicta occurrunt quædam dubia.

CIRCA enim tertium dictum dubitatur. Primum, quia videtur repugnare accidenti ut sit sine subiecto, quum accidentis ratio sit quod est ens in subiecto habens esse. Secundum, non videtur maior ratio quod Deus possit facere accidens proprium alicuius sine ipso esse, quam quod possit facere ipsum subiectum sine proprio accidente, sed secundum Deum non potest, ergo nec primum. maior videtur manifesta, quia magis dependet propria passio à suo proprio subiecto, à quo habet esse & sustentamentum, quam subiectum à suo accidente, quod secundum naturam est quolibet suo accidente prius, minor vero probatur multipliciter. Primum conclusio demonstrationis est per se & necessaria & incorruptibilis secundum Aristotelem primo Posteriorum. sed propositio in qua prædicatur est propria passio subiecti, est conclusio demonstrationis, ergo est necessaria & incorruptibilis, ergo prædicatum non potest à subiecto separari, ergo virtute etiam diuina subiectum non potest esse sine propria passione. Secundum, anima per diuinam potentiam non potest esse sine suis potentiis, ergo, &c. probatur antecedens autoritate sancti Thomæ in questionibus de spiritu articulo 12. ad septimum: & in questionibus de anima, articulo 12. ad septimum: ubi tenet quod anima nec esse nec intelligi potest sine suis potentiis, quia hic effectus repugnantia intellectuum, & idem vniuersaliter de omni subiecto, ait respectu propriæ passionis. Tertiū, relatio creationis est propria passio creaturæ, sed sine hac nec etiam virtute diuina potest esse creatura, ut tenet sanctus Thomas quolibet 7. quæst. 4. articulo 3. ad quartum, ergo, &c. Quarto, ut in secundo libro dixit sanctus Thomas, Deus non potest facere triangulum non habere tres angulos æquales duobus rectis: sed constat quod hæc est passio trianguli, quæ in primo Euclidis de ipso demonstratur, ergo, &c. Quinto, si Deus faceret Angelum sine intellectu, aut solem sine luce, quæritur an Angelus esset intellectus, & sol lucidus, necne. Si dicitur primum, sequitur quod erit effectus formalis sine forma: si vero secundum, sequitur quod res erit absque eo quod est de eius essentia. Angelus enim essentialiter est intellectualis, & sol lucidus: sed utrumque horum est secundum se impossibile, ergo, &c.

CONTRA vltimum dictum arguitur ratione adducta à Scoto quarto Sententiarum, dist. 12. quæst. 4. quod etiam alia quædam accidentia in sacramento remanent sine subiecto præter quantitatem, quia cum species Eucharistiæ rare fiant & condensentur, rarefactio & condensatio nullum habent subiectum, probatur, quia tunc quantitas prior & quantitas posterior est alia & alia, & nihil prioris remanet in posteriori, & nihil posterioris præfuit in priori: quod probatur, tum quia terminos motus oportet esse impossibiles, ex quinto Physicorum, tum quia quælibet pars rationis est maior secundum quantitatem quam prius, & per consequens quælibet est quanta noua quantitate.

AD primum horum dicitur ex doctrina sancti Thomæ 4. dist. 12. quæst. 1. articulo 1. & 3. quæst. 1. ad 1. quod ratio & distinctio accidentis non consistit in hoc quod sit ens in alio existens, sed quod sit natura cui debetur esse in alio, & hoc nunquam potest ab accidente separari. esse autem actualiter in alio, ab eo separari potest, quia non inconuenit quod alicui debetur secundum rationem suæ quidditatis, ei diuina virtute agente non conuenire.

SED aduertendum quod aliquid debetur alicui secundum rationem suæ quidditatis, dupliciter intelligi potest. Vno modo, quia est de ratione quidditatis, sicut rationale debetur homini secundum suam quidditatem: & sic constat nulla virtute hoc separari posse ab eo cui sic debetur. Alio modo, quia concomitatur quidditatem & naturam rei suæ naturæ & suæ virtuti derelictam, sicut comburere materiā dispositā approximātā, debetur igni secundum rationem suæ quidditatis: & tale non inconuenit per diuinam virtutem remoueri à re, & sibi non conuenire: sicut ignis virtute diuina agente pueros in fornace Chaldaeorum positos non combussit: & sic intelligimus hic posse diuinam virtutem non conuenire rei quod sibi secundum rationem propriæ quidditatis debetur. Nam inesse subiecto isto secundo modo debetur accidenti ratione suæ quidditatis.

AD difficultatem tamen in secundo argumento, scilicet an subiectum possit à propria passione separari, consideraris diligenter quæ examinauit in quæ in doctrina sancti Thomæ habentur, expresse videtur mihi ad mentem eius dicendum quod sicut Deus potest facere ut accides sit sine substantia, quamuis hoc naturaliter fieri non possit, ita potest facere ut subiectum habeat esse in natura sine propria passione, quamuis hoc natura non possit efficere: & loquor de passione quæ est accidens à subiecto realiter distinctum, non autem de non repugnantia ad aliquid, quam quidam di-

cunt nomine propriæ passionis significari. Moueor primum, quia si repugnaret virtuti diuinæ facere subiectum esse sine propria passione, hoc non posset esse nisi quia implicaretur absolute contradictio. hoc enim solum (ut superius parui) virtuti diuinæ non subditur, sed hoc est falsum, ergo, &c. Probatur minor, si implicat contradictionem subiectum esse sine passione, aut hoc est quia passio sit de essentia subiecti, aut quia subiectum est eius causa materialis, aut quia est eius causa finalis, aut quia est eius causa efficiens per veram productionem mediā, aut quia est eius causa per naturalem resultantiam. Non primum, cum passio essentiam subiecti non ingreditur, sed magis subiectum ingreditur definitionem passionis, ut patet ex primo posteriorum. non etiam secundum, quia non est de ratione causæ materialis absolute inquantum huiusmodi, quod non possit esse sine accidente sibi inherente, cum videamus subiectum aliquid de vno accidente mutari in aliud, sicut & materia de vna forma in aliam mutatur. Non etiam tertium, quia non repugnat finem esse absque eo quod ordinatur ad finem, quando ordinatum ad finem non est causa finis, sed est posterius ipso, tanquam præsupponens ordinem naturæ finem esse. hoc autem modo passio ordinatur ad subiectum tanquam ad finem. Non etiam quartum, quum quia vbique tenet sanctus Thomas quod subiectum non est causa passionis per actionem mediā: tum quia sicut quamlibet agentem Deus applicat ad actionem, ita quod sine diuina motione nulla causa secunda potest agere, ut ex superioribus constat: ita omnem actionem causæ agentis per subtractionem sui influxus suspendere Deus potest. Non denique quintum, quod magis videri posset, quia ignem naturaliter concomitatur actio combustiuæ materiæ dispositiue absque mediâ actione. non enim actio provenit ab agente mediante alia actione, & tamen prohibuit Deus hanc actionem, quando tres illi pueri fuerunt positi in fornace ignis, de quibus apud Danielem fit mentio, cap. 3. ergo, &c. Sed quia fortassis posset dici quod illud fecit Deus causando aliquid accidens indispensens corpora puerorum illorum ad ignis actionem per modum corruptentis suscipiendam, quamuis hoc non habeat ex scripturis fundamentum, aliter probatur propositum. Nullam enim implicat contradictionem, quod est altero naturaliter prius, & ab ipso nullo modo secundum suum esse dependet, absque illo saltem per diuinam potentiam inueniri: imò videtur implicare quod per diuinam potentiam non possit esse sine illo, & tamen secundum suum esse ab ipso non dependeat. sequitur enim quod dependeat & non dependeat ab ipso, sed id ex quo aliquid per naturalem resultantiam proficit, est prius naturaliter eo, sicut causa suo effectu, & ab ipso nullo modo secundum suum esse dependet, cum illud neque pars eius sit, neque necessaria partis dispositio, sed totum in sua perfectione constitutum præsupponat, ergo, &c. Moueor secundum, quia esse proprium actualis existentie non minus sequitur formam positam in natura, quam passio suū subiectū sequatur, per se enim consequitur formam, ut superius est declaratum libro 2. capitulo 5. & conuenit sibi secundum quod ipsum, sicut rotunditas circulo, ut ibidem dicitur à sancto Thomæ. sed in Christo anima non habet propriū esse, ut est de mente S. Thomæ, secundum communem opinionem Thomistarum, ergo, &c. Moueor tertio, quia S. Thomæ, quolibet 9. articulo 3. ad primum, ait quod non obstante quod subiectum in definitione accidentis ponatur propter naturalem dependentiam accidentis à subiecto, Deus potest accidentia sine subiecto conservare, nec tamen sequitur contradictoria esse simul vera, quia subiectum non est de substantia accidentis: sed ista ratio etiā inuenitur in subiecto respectu accidentis proprii, quia scilicet non est de substantia sui subiecti, imò nec etiam de ratione eius, ergo, &c. Confirmatur, quia licet inherencia aptitudinalis sit de essentia accidentis, inherencia tamē actualis est eius propria passio, ut pote ipsum naturaliter & necessariò concomitans si suæ naturæ relinquatur, & tamen per diuinam potentiam sit accidens sine subiecto in sacramento altaris, ergo, &c. Moueor quarto, quia sanctus Thomæ, quarto Sent. dist. 10. articulo 2. quæst. 3. ad tertium, tenet quod Deus posset facere quod substantia corporis Christi sine propriis accidentibus esset, quamuis non posset facere ut esset absque illis sine sui mutatione, ergo, &c. Moueor quinto, quia de potentia quæst. 5. articulo 7. & quarto Sententiarum distinctio 47. quæst. 2. articulo secundo quæst. secunda, non habet sanctus Thomas pro impossibili, quod elementa post mundi inuolutionem remaneant absque propriis qualitatibus, licet hoc non putet probabile: imò ibi videtur admittere, quod possint ad tempus per violentiam remoueri, ergo virtute diuina possunt à suis passionibus separari. Moueor sexto, quia prima parte quæst. 66. & 67. & secundo Sent. dist. 13. articulo 4. ad primum non reputat S. Th. impossibile illorum positionem, qui in vniuersi creatione successione secundum durationem fuisse tenent, imò eam pro viribus nittitur saluare: sed illa positio etiam secundum sanctum Thomæ expositionem tenet, quod corpus prius fuerunt quantum ad formas substantiales producat, deinde proprias virtutes acceperunt, sicut lucem & alias proprietates: ergo diuina virtute fuit factum ut substantia esset sine sua proprietate, puta sol sine luce: nec sufficit dicere quod acceperunt lucem & alias virtutes, non quantum ad earum entitatem, sed quantum ad productionem alicuius effectus, quia ex verbis sancti Thomæ manifestè apparet quod loquitur de virtutibus quantum ad earum entitatem, quarum collationem dicit ad opus distinctionis & ordinatus, non autem ad opus creationis pertinere. Vnde in locis præallegatis tenet, quod per opus distinctionis collata sunt rebus antea creatis virtutes actiue & passiue communes ad omnem speciem mouētes per opus autem ornatus collata sunt virtutes mouētes ad determinatas species.

SED circa hanc rationem dubium occurrit. Nam de mente Augustini, in prima rerum creatione non quæritur miraculum, sed qui natura rerum habeat: sed absque miraculo non potest subiectum esse sine propria passione, cum hoc sola diuina virtute fieri possit, secundum mentem Augustini non debuit in mundi creatione prius produci substantia, & postea dari illi passio: & sic ratio adducta nulla est, quia super falso fundatur. Respondetur, quod hoc non fuit absolute miraculum, licet tantum virtute diuina fieri posset, nam natura rei sic exigebat. Vt enim dicitur secundo Sententiarum distinctio 12. articulo 2. ad quartum, in creatione non tantum debuit ostendi potentia diuinæ virtutis, sed etiam sapientia ordo, ut quæ prius natura sunt, prius etiam instituerentur, quamuis enim natura rei iam perfectæ exigat ut simul sit substantia cum omnibus suis proprietatibus, natura tamen rei ut est in suo fieri: exigit ut vnum prius alio produceretur, sicut in homine perfectio corporis sine aliis partibus animalis esse non

Tex. com. 9.

Tex. com. 10.  
15. vsque ad  
18. 12.

Tex. com. 26.

Ut infra li. 2.  
cap. 2.  
August. tom.  
3. super Gen.  
ad literam li.  
1. cap. 15.



potest, in formatione tamen embryonis cor ante omnia membra formatur. Moueor postremo, quia Capreolus in 4. Sent. dist. 44. quæst. 3. ad argumenta Durandi & Scoti contra tertiam conclusionem respondendo expressè tenet sequendo opinionem Petri de Palude, Deum posse subiectum à propria passione separare, ut patet cum per miraculum duo corpora sunt in eodem loco. Ex his itaque constat secundum mentem sancti Thomæ esse quod non repugnat, Deum posse propriam passionem à suo subiecto separare, quamuis hoc virtute naturæ fieri nullo modo possit. Ad ea autem quæ in oppositum adducuntur, responderetur. Ad primum quidem dicitur primum, quod aliter loquendum est de propositionibus necessariis in primo modo dicendi per se, & aliter de necessariis secundi modi perfectatis. nam illæ nullo modo esse falsæ possunt, & opposita ipsarum per se contradictionem implicat, ideo non potest per diuinam potentiam subiectum à predicato separari. non enim ab homine tolli potest quin sit rationalis. istæ verò licet naturaliter falsæ esse non possint, id est, licet nulla causa naturalis possit eas falsificare separando prædicatum à subiecto, & subiectum suæ naturæ derelictum non possit absque predicato esse, cum prædicatum naturali concomitantia subiectum concomitetur, possunt tamen per diuinam potentiam esse falsæ, quum possit Deus prædicatum à subiecto separare. Dicitur secundo quod licet virtute diuinæ falsificari possint, Aristoteles tamen & alij Philosophi dicunt ipsas esse necessarias, & sempiternæ veritatis, quia considerant quid naturæ rei conueniat secundum se ab intrinseco, non autem quid sibi diuino miraculo possit accidere.

NO N approbo autem illam responsum quæ fortassis dari posset, illas scilicet propositiones esse necessarias, quando prædicatum ipsarum dicit subiecti naturam, non autem, quando dicit accidens superadditum naturæ subiecti, sicut quod ista est necessaria, homo est risibilis, si significet hominem habere naturam quæ est nata ridere, non autem si significet hominem habere accidens aliquod per quod ridere possit. Nam tunc illa propositio, propriè loquendo secundum mentem Philosophorum non esset in secundo, sed in primo modo per se, quia prædicatum esset de essentia subiecti. Ad secundum negatur assumptum. Ad autem sancti Thomæ dicitur primum quod non loquitur de anima & potentiis in ordine ad virtutem diuinam, sed in ordine ad virtutem naturæ. Dicitur secundo, quod esse repugnantia intellectuum, si anima suæ naturæ derelicta esset absque propriis ipsius animæ potentiis, quia sequeretur ipsas animæ potentias esse naturales animæ & non esse naturales: non autem esset repugnantia intellectuum, si virtute diuinæ fieret anima absque suis potentiis, quia non repugnat aliquid necessario aliud suæ naturæ derelictum concomitari, & tamen virtute diuinæ fieri ut non sequatur ex eo, ut patet ex his quæ in hoc capite superius dicta sunt ad primum argumentum istius primi dubij. Ad tertium, secundum eos qui tenent relationem creationis immediate fundari in substantia, & relationem à fundamento non distinguunt, facilius responderetur quod talis relatio non potest separari à creatura, quia est idem realiter quod creatura, nos autem loquimur de passione quæ dicitur entitatem à subiecto realiter distinctam, ideo ista authoritas non est ad propositum. Sequendo autem opinionem hanc quod relatio distinguatur realiter à fundamento, quam opinionem superius ostendimus de mente sancti Thomæ esse dicitur primum, quod relatio creationis & omnia alia relatio consequens dependentiam creaturæ à Deo, non est passio creaturæ, sed est de ratione eius in quantum est ens à Deo dependens, quod ab ipsa nullo modo potest remoueri. non enim à Deo fieri potest ut creatura ab ipso non dependeat, sicut non potest facere quod sine ipsius actione conseruetur in esse. unde licet sit accidens creaturæ talis relatio, est tamen de ratione eius, sicut accidentia sortis quibus indiuiduatur, sunt de eius ratione, & ponentur in definitione eius si distinctur in quantum indiuiduum est quantitatiue & numeraliter ab aliis distinctum. Numquamuis possit huiusmodi relatio dici proprietas & accidens rei, in quantum non constituit rei essentiam, non est tamen propriè passio, quia est de ratione rei creatæ in quantum creatura existens est ens à Deo dependens. Erad hunc sensum intelligitur dictum sancti Thomæ, prima parte, quæstione 44. articulo 1. ad primum, cum ait quod talis habitudo non intrat in definitionem entis quod est causatum, sed sequitur ad ea quæ sunt de ratione eius. sensus est enim quod non ingreditur in definitionem talis entis tanquam pars substantiæ & essentia eius, sed est accidens talem substantiam concomitans, in quantum talis est: est tamen de ratione eius in quantum est ens participans esse ab alio. Nec obstat quod datur exemplum de risibili, quia similitudo inter risibile & hanc relationem intelligitur quantum ad hoc quod est esse extra essentiam & substantiam rei, non autem quantum ad hoc quod est esse passionem. Quod autem non sit passio creaturæ, manifestè habetur de potentia, quæstione 3. articulo 3. ad tertium: ubi inquit sanctus Thomas quod est tale accidens quod non causatur ex principiis subiecti. Per hanc solutionem multæ aliz possunt instantiæ solui quibus adducuntur aliqua pro passionibus rerum, eo quod sint ipsarum accidentia, cum tamen non sint propriè loquendo, passionibus, sed sint de rei definitione, ut substantiæ determinationes, sicut, & accidentia & indiuidua sunt de ratione indiuidui. Dicitur secundo, quod ex illo loco potius habetur quod Deus possit subiectum à passione separare, quam habeatur oppositum. Nam postquam dixit sanctus Thomas quod Deus non potest facere quod creatura sit sine relatione creationis & similibus accidentibus, quæ scilicet dependentiam eius ad Deum consequuntur, subiungit quod tamen posset facere quod absque aliis accidentibus esset: & constat quod loquitur de omnibus aliis accidentibus, quia hoc petebat argumentum ad quod responderetur.

AD quartum posset primum dici, quod passionibus mathematicorum non distinguuntur realiter ab ipsis: ideo quod triangulus non possit esse quin habeat tres angulos æquales duobus rectis, non obstat propositum, quum nos loquamur de passione quæ à subiecto realiter distinguitur: sed quia non magis relatio æqualitatis angulorum trianguli ad angulos rectos videtur esse idem realiter cum suo fundamento quam aliorum æqualitas. potest secundo melius dici, quod triangulum habere tres angulos duobus rectis æquales, potest dupliciter intelligi. Vno modo, quod habeat actualiter relationem æqualitatis ad duos angulos rectos. Alio modo, quod habeat illam æqualitatem fundamentaliter & radicaliter, id est, quod sit talis res ad quam naturalis concomitantia nata est talis relatio sequi. Si primo modo intelligatur, dico quod æqualitas potest separari à triangulo non

solum per diuinam potentiam, sed etiam naturaliter, si poneretur posse naturaliter fieri ut in natura nulli essent anguli recti. nam remoto termino desineret esse relatio. Si autem intelligatur secundo modo, sic æqualitas illa non potest à triangulo separari, sicut à corpore bicubito potest separari, quod non habeat relationem actualem duplici ad corpus vnius cubiti, puta si nullum esset corpus vnius cubiti: non potest tamen ab eo separari quia sit tale quod ad sui naturam nata est sequi talis habitudo.

E T ad hunc sensum intellexit sanctus Thomas à triangulo non posse remoueri quin habeat tres angulos æquales duobus rectis. Sed tunc dicitur quod habere tres angulos æquales duobus rectis, isto modo non est passio trianguli, sed est essentia & natura trianguli: nisi forte diceretur ratio posterior habere modum passionis respectu rationis prioris, quo modo fortassis Euclides istam rationem trianguli per aliam eius rationem probat. Quod autem ista sit mens sancti Thomæ, patet quia ibidem connumerat hoc cum illis propositionibus quarum contraria non possunt fieri à Deo, quia à principijs formalibus rei sumuntur, sine quibus non potest à Deo fieri ut res sit in natura. Vnde dat exemplum de ista propositione, genus est prædicabile de specie, dicens quod contrarium eius Deus facere non potest. constat autem quod esse prædicabile de specie, est ratio essentialis generis in quantum genus est, cum illud sit generis definitio: constat etiam quod habere fundamentaliter relationem hanc quæ est prædicari de specie necessario conuenit & est de natura & essentia illius rei quæ est genus, non autem ipsa actualis relatio, cum illa non conueniat rei nisi secundum quod est in intellectu: ideo non accipit istas propositiones sancti Thomæ, tanquam propositiones per se in secundo modo, sed tanquam propositiones per se in primo modo: aut si accipit tanquam propositiones secundi modi, accipit eas ut prædicatum dici aliquam rationem à ratione subiecti distinctam, & illa posteriore, non autem ut dicitur entitatem à subiecto realiter distinctam. Ad quintum dicitur quod aliquid esse intellectuum dupliciter potest intelligi. Vno modo, quia habet essentiam & naturam cui conuenit ut sit radix & primum principium intelligendi, sive ad quam nata est sequi potentia intellectiua. Alio modo quia habet in se proximum principium intelligendi in illo casu Angelus esset intellectiuius primo modo, non autem secundo modo, & similiter dicitur quod illo modo solus esset lucidus. Non sequitur autem si primo modo sint talia, quod effectus formalis sit absque sua forma, quia esse intellectiuius illo modo non est effectus potentia intellectiua, sed natura & essentia rei, imò potius est essentia & natura rei. Non sequitur etiam si secundo modo Angelus non sit intellectiuius, quod sit absque eo quod est de essentia rei, quia esse illo modo intellectiuius non est de essentia rei, sed naturam & essentiam rei sibi derelictæ & per diuinam potentiam non impeditur concomitari. Istam responsum intellexit sanctus Thomas 1.2. quæstione 110. articulo 4. ad quartum, ubi ait quod si anima esset sine suis potentiis, adhuc tamen diceretur intellectiualis vel rationalis, non quia actu haberet istas potentias, sed propter speciem talis essentia ex qua natæ sunt tales potentia effluere.

Paret itaque ad rationem principaliter adductam, quod minor est falsa, & quod rationes ad eius probationem adductæ non concludunt.

AD dubium contra vltimū dictum dicitur primum quod tunc rarefactio & condensatio habent pro subiecto ipsam quantitatem sacramenti, si sint motus ad qualitatem. si autem sint motus ad quantitatem, sunt ipsa quantitas & sic non sequitur aliud accidens præter quantitatem sine subiecto esse. Dicitur secundo, quod falsum est in rarefactione & condensatione corrumpti totaliter primam quantitatem, & nouam omnino aduenire. potest enim quantitas eadem numero manens, nunc accipere maiorem extensionem, nunc minorem, ut videtur esse de mente sancti Thomæ. 4. Physic. 1.2. quæst. 52. artic. 2. ad primum: & 2.2. quæst. 2.4. artic. 2. ad primum. Ad primum huius improbatione dicitur, quod termini motus formaliter sumpti sunt incommensurabiles, non autem sumpti materialiter, ut patet in intentione & remissione eiusdem formæ. Vnde si motus rarefactionis & condensationis ponatur primum ad quantitatem terminari, eadem quantitas est terminus à quo, & terminus ad quæ, sed sub alio & alio gradu. Nam ut dicitur 12. loco præallegato quantitas in quantum est forma accidentalis, habet augmentum per modum intensiōis & remissionis, sicut & aliz formæ accidentales, licet hoc sibi non conueniat in quantum est quantitas. Si autem talis motus ponatur primum terminari ad qualitatem, ponendo quod raritas & densitas sint qualitates, ut videtur velle sanctus Thomas 3. quæst. 77. artic. 2. ad tertium patet quod terminus à quo, & terminus ad quem, non sunt omnino idem. Per hoc patet responsum ad secundam obiectionem. Nam ista consequentia non valet, quælibet pars rarioris est rarior, ergo est quantitas maior quantitate. De hac materia vide apud Capreolum 2. Sen. dist. 18. & 4. distinctione 12. quæst. 1.

#### Solutio eorum quæ obieiebantur ex parte parte actionis & passionis. Caput 66.



IS autem consideratis, quæ ad quartam difficultatem pertinent consideranda sunt: circa quæ aliquid est quod de facili expectari potest: aliquid autem quod maiorem difficultatem præterdit.

Quod enim in sacramento eadē actiones appareant quæ prius in substantia panis & vini apparebant: puta quod similiter immutetur sensum: similiter etiā alterentur aër circumstante vel quodlibet aliud odore aut colore: satis conueniens videtur ex his quæ posita sunt. Dicitur enim quod in hoc sacramento remanet accidentia panis & vini: inter quæ sunt qualitates sensibiles, quæ sunt huiusmodi actionum principia. Rursus circa passionibus aliquas, puta quæ sunt secundum alterationes huiusmodi accidentium,

Solutio quæ de difficultate facta 62. Cap. 63.



\*Cap. pres. cidentium, non magna, etiā difficultas accidit si præmis-  
 sa supponantur. Quum enim præmissum \* sit quod alia ac-  
 cidentia in dimensionibus fundantur sicut in subiecto: per  
 eundem modum circa huiusmodi subiectum alteratio alio-  
 rum accidentium considerari potest, sicut si esset ibi sub-  
 stantia, ut puta si vinum esset calefactum & infrigidaretur,  
 aut mutaret saporē, aut aliquod huiusmodi. Sed maxima  
 difficultas apparet circa generationē & corruptionē quę  
 in hoc sacramento videtur accidere. nam si quis in magna  
 quantitate hoc sacramentali cibo vteretur, sustentari pos-  
 set, & vino etiam inebriari. secundum illud Apostoli 1. Cor-  
 inth. 11. Alius esurit, alius autem ebrius est, quę quidem  
 accidere non possent, nisi ex hoc sacramento caro & san-  
 guis generaretur: nam nutrimentum conuertitur in sub-  
 stantiam nutriti: quamvis quidam dicāt hominem hoc sa-  
 cramentali cibo non posse nutriri, sed solum confortari &  
 refocillari, sicut cum ad odorem vini confortatur. sed hæc  
 quidem confortatio ad horam accidere potest, non autem  
 sufficit ad sustentandum hominem, si diu sine cibo perma-  
 neat, experimento autem de facili inueniretur hominem  
 diu sacramentali cibo sustentari posse. Mirandum etiam  
 videtur cur negent hominem hoc sacramentali cibo posse  
 nutriri, refugientes hoc sacramentum in carnem & san-  
 guinem posse conuertere, cum ad sensum appareat quod per  
 putrefactionem vel combustionem in aliam substantiam,  
 scilicet cineris & pulueris, conuertatur, quod quidem dif-  
 ficile tamen videtur: eo quod nec videatur possibile quod  
 ex accidentibus fiat substantia, nec credi fas sit quod sub-  
 stantia corporis Christi, quę est impassibilis, in aliam sub-  
 stantiam conuertatur. Si quis autem dicere velit quod sicut  
 miraculose panis in corpus Christi conuertitur, ita mira-  
 culose accidentia in substantiā conuertuntur: primū qui-  
 dē hoc nō videtur miraculo esse conueniens, quod hoc sa-  
 cramentum putrefcat, vel per combustionem dissoluatur:  
 deinde, quia putrefactio & combustio consueto naturę  
 ordine huic sacramento accidere inueniuntur: quod non  
 solet esse in his quę miraculose fiunt. Ad hanc dubitatio-  
 nem tollendam quādam famosa positio est adinuenta, quę  
 a multis tenetur. Dicunt enim quod quum contingit hoc  
 sacramentum in carnem conuertere aut sanguinem per nu-  
 trimentum, vel in cinerem, aut combustionem, aut putre-  
 factionem: non conuertuntur accidentia in substantiam,  
 neque substantia corporis Christi, sed redit diuino mira-  
 culo substantia panis quę prius fuerat, & ex ea generatur  
 illa in quę hoc sacramentum conuertere inuenitur. Sed hoc  
 quidem omnino stare non potest. Ostensum est enim su-  
 pra, quod substantia panis in substantiam corporis Christi  
 conuertitur: quod autem in aliquid conuersum est, re-  
 dire non potest, nisi econuerso illud reconuertatur in  
 ipsum. si igitur substantia panis redit, sequitur quod sub-  
 stantia corporis Christi reconuertitur in panem: quod  
 est absurdum.  
 2. Adhuc, si substantia panis redit, necesse est quod vel re-  
 deat speciebus panis manentibus, vel speciebus panis iam  
 destructis. Speciebus quidem panis durantibus substantia  
 panis redire non potest: quia quādiu species manent, ma-  
 net sub eis substantia corporis Christi, & substantia corporis  
 Christi. Similiter etiam neque corruptis speciebus panis,  
 substantia panis redire potest: tū quia substantia panis non  
 est sine propriis speciebus: tū quia destructis speciebus pa-  
 nis, iam generata est alia substantia, ad cuius generationem  
 ponebatur quod substantia panis rediret. Melius igitur di-  
 cendum videtur quod in ipsa consecratione sicut substan-  
 tia panis in corpus Christi miraculose conuertitur, ita mi-  
 raculose accidentibus confertur quod subsistant, quod est  
 proprium substantię: & per consequens quod omnia pos-  
 sint facere & pati, quę substantia posset facere & pati si  
 substantia adesset: unde sine nouo miraculo & inebriare  
 & nutrire, & incinerari & putrefieri possunt, eodem modo  
 & ordine ac si substantia panis & vini adesset.



VANTVM ad quartam difficultatem dicit primò sanct.  
 Thomas quod in sacramento easdem actiones apparere  
 quę prius in substantia panis & vini apparebant, satis con-  
 ueniens videtur ex his quę posita sunt. Dicitur enim  
 quod remanent accidentia panis & vini: inter quę sunt  
 qualitates sensibiles quę sunt huiusmodi actionum prin-  
 cipia. Similiter circa passionē aliquas, puta quę sunt secundum altera-  
 tionem huiusmodi accidentium, nō magna est difficultas suppositis præ-  
 missis. Quum enim alia accidentia in quantitate fundantur sicut in sub-  
 iecto, per eundem modum circa huiusmodi subiectum alteratio aliorum  
 accidentium considerari potest, sicut si esset ibi substantia, puta si vinum  
 esset calefactum, & infrigidaretur, aut aliquid huiusmodi. Dicit secundò,  
 quod maxima difficultas apparet circa generationem & corruptionē quę  
 in hoc sacramento videtur accidere, quia si quis in magna quantitate hoc  
 sacramentali cibo vteretur, sustentari posset, & vino etiam inebriari, secun-  
 dum illud Apostoli. Corin. 11. Alius esurit, & quod quidem fieri nō posset,  
 nisi ex hoc sacramento caro & sanguis generarentur, nisi dicatur (ut dicit  
 quidam) quod non potest homo hoc sacramentali cibo nutriri, sed tūm  
 confortari & refocillari: quod falsum est: tum quia hæc confortatio ad ho-  
 ram quidem accidere potest, sed non sufficit ad sustentandum hominem,  
 si diu sine cibo permaneat, experimento autem de facili inueniretur ho-  
 minem diu sacramentali cibo sustentari posse, tum quia ad sensum appa-  
 reret per putrefactionem vel combustionem hoc sacramentum in aliam sub-  
 stantiam fecit cineris & pulueris conuertere, hoc autem difficile videtur,  
 cum nec videatur possibile quod ex accidentibus generetur substantia, nec  
 credi fas sit quod substantia corporis Christi quę est impassibilis, in aliam  
 substantiam conuertatur. si dicatur hoc miraculose fieri, non videtur, tum  
 quia non videtur miraculo conueniens ut hoc sacramentum putrefcat &  
 per consequens dissoluatur, tum quia putrefactio & combustio consueto  
 ordine naturę huic sacramento accidere videtur. Dicitur tertio, quod  
 ad hanc difficultatem tollendam a multis dicitur in supradicto casu ne-  
 que accidentia huius sacramenti neque substantiam corporis Christi in  
 substantiam conuertere, sed redire diuino miraculo substantiam panis quę  
 prius fuerat, & ex ea generari illa in quę hoc sacramentum conuertere inueni-  
 tur. Contra hoc autē arguitur, tū quia sequitur ex hoc quod substantia corpo-  
 ris Christi reconuertatur in panem, cum substantia panis in ipsam sui econuer-  
 satum quia redire non potest, neque speciebus panis durantibus, quia cum  
 quādiu manent, maneat sub eis substantia corporis Christi, simul tunc  
 esset utraque substantia, neque ipsis corruptis, tum quia substantia panis non  
 est sine propriis accidentibus, tum quia illis destructis iam alia substantia  
 est generata, propter cuius generationem ponebatur substantia panis re-  
 dire. Dicit quarto, quod melius dicendum videtur, quod sicut in ipsa con-  
 secratione substantia panis in corpus Christi miraculose conuertitur, ita  
 miraculose accidentibus confertur quod subsistant, quod est proprium  
 substantię, & consequenter quod omnia possint facere & pati quę substan-  
 tia posset si adesset, & hoc sine nouo miraculo.

CIRCUM prædicta occurrunt dubia quędam ex Scoto 4. dist. 18. Nam  
 quęst. 3. arguit contra primum dictum responsio, quod inquam accidens  
 separatum non possit agere ad formam substantialem neque virtute pro-  
 pria, neque virtute substantię quam informabat. Primum probat, quia tunc  
 ageret virtute propria ultra suam speciem: secundum verò tum quia nec  
 ageret per aliquid quod sit in substantia panis, quia ipsa substantia panis  
 nihil est: nec per aliquid quod sit in accedente, quia ibi nihil est ipso accedente  
 nobilius: tum quia cum ipsa substantia panis non sit, nō potest habere  
 rationem agentis principalis, ut in virtute ipsius aliquid agat.

CONTRA vltimum verò dictum arguit quęst. 6. quod scilicet cum ex  
 accidentibus separatis generatur vermis, forma substantialis noua nō re-  
 cipiatur subiectiue in dimensionibus interminatis, cuius oppositum vide-  
 tur in hac responsione velle sanct. Thom. tum quia forma substantialis de-  
 terminatur ad materiam substantialem tanquam ad propriū susceptiuium,  
 tum quia de potentia dimensionis non potest educi forma substantialis:  
 cum ex natura rei non sit illa ut in proprio potentiā: tum quia ignis ge-  
 nitus ex illa dimensione & forma substantialis non esset viuens nec uni-  
 formiter ignis cum alio igne genito ex forma substantiali & ex materia  
 ignis, & sic non viuens ageret comburendo hostiam sicut comburendo  
 lignum: tum quia ignis sic genitus esset ignis mathematicus, ex quantita-  
 te scilicet & forma substantiali compositus: & sequi posset talis processus in  
 generationibus & corruptionibus vsque ad finem mundi, si ex illo gene-  
 raretur aqua, & ex aqua aer, & sic in infinitum: tum quia possibile esset po-  
 nere casum quod puer nutritus ex istis speciebus vsque ad finem vite suę,  
 non resurgeret nisi compositus ex dimensionibus & forma substantiali.

Ad euidentiam primi dubij considerandum est primò, quod aliter di-  
 citur instrumentum agentis, aliquid separatum quo agēs virtutis ad suum  
 effectum inducendum, & aliter forma inherens quę substantia operatur.  
 Nam instrumentum separatum se habet sicut agens quod subordinatum  
 tamen principali agentis: forma inherens non se habet ut agens quod, sed  
 sicut agens quo. Vna enim & eadem est actio substantię agentis & ipsius  
 forme: substantię quidem ut agentis quod elicit actionem, forme ve-  
 rò ut quo ipsa actio elicitur, sicut calefactio elicitur a substantia ignis  
 per calorem sibi inherentem. Considerandum secundò, quod aliquid  
 dicitur agere in virtute alterius dupliciter, aut videlicet quia sibi super-  
 additur aliqua virtus per quam operatur, sicut virtus artis superadditur  
 ferrę, aut quia ipsum est virtus ipsius, & in sua natura habet intrinsecam  
 perfectionem ad agendum ex eo quod est forma eius, sicut calor natura-  
 lis animalis agit in virtute substantię cui coniungitur ad conuersionem  
 alimenti in substantiam animalis, non quia calor huiusmodi sit aliquid  
 superadditum tanquam accidens eius, sed quia ipse intrinsecē & essen-  
 tialiter habet ut possit ad illum effectum concurrere tanquam virtus quę  
 animalis substantia operatur ex eo quod est eius forma. Nam ut dicitur de  
 spiritu crea. art. vltimo, ad decimū, forma accidentalis quę est principium  
 actionis, ipsam est virtus substantię agentis. In proposito ergo cum que-  
 ritur an quando per ipsam vini qualitatem gutta aquę apposta conuertitur  
 in vinum, accidentia sacramenti agant ad formam substantialem virtute pro-  
 pria, an virtute alterius: dicitur quod possit dici agere in virtute propria,  
 & potest.

Opinio fimo-  
 s. adinuenta  
 sui temporis  
 cuius ignora-  
 tur auctor.

Reprobatur  
 cap. 63.

D. 116.



& possunt dici agere in virtute alterius. Accidens enim vini, puta calor eius naturalis dupliciter considerari potest. Vno modo absolute, in quantum est accidens talis speciei de tali genere. Alio modo in quantum est accidens talem substantiam determinatam concomitans, scilicet substantiam vini. Si accipiat primo modo, sic potest dici agere virtute aliena, quia non habet tale accidens hanc perfectionem ut possit conuertere aquam in vinum in quantum calor est, sed in quantum est calor substantiam vini concomitans, & ideo ab alio hanc perfectionem fortitur. Si vero accipiat secundo modo, sic potest dici agere virtute propria, quia sibi conuenit hoc agere non per aliquid sibi superadditum, sed per propriam naturam secundum quam est forma accidentalis vini. Et quia accidentia quæ remanent in sacramento retinent idem omnino esse & eandem perfectionem qualem habebant in substantia cõuersa: ideo eodem modo dicendum est de ipsis quod agunt in virtute propria vel aliena.

Hoc addito, quod agunt etiam virtute diuina ipsi superaddita, quæ sicut ea sine substantia conseruat, ita ipsis largitur etiam virtutem ut possint agere sine substantia.

Verum autem ad huiusmodi effectus concurrant qualitates actiue tantum quæ erant in substantia conuersa, an etiam quantitas dimensionum, videtur prima facie dicendum, quod solæ qualitates ad hoc concurrant, tum quia quantitas non est forma actiua, tum quia in substantia conuersa existens non erat eius virtus quæ ageret. Sed hoc non obstante dicerem ego, saluo semper meliori iudicio, quod ipsa etiam quantitas ad hoc actiue concurrat. sicut enim confertur sibi virtute diuina quod alia accidentia sine substantia sustineret, & sic tenet vicem substantiæ, & sic videtur dicendum quod qualitates actiue sint eius virtutes, sicut erant virtutes substantiæ à qua sustentabantur, & consequenter quod per eas agat, sicut & substantia cui inerat agebat. Licet enim quantitas secundum se non sit forma actiua: potest tamen virtute diuina sibi superaddita formæ actiue vicem agere, sicut licet ex se non habeat ut subsistat sine subiecto, nec quod aliis accidentibus sustentamentum præbeat, hoc tamen habet virtute diuina.

Ad primum itaque Scoti patet quid dicendum. Nam eo modo quo conceditur accidens huiusmodi agere virtute propria, non repugnat sibi agere ultra propriam speciem in quantum est virtus substantiæ cui inerat. agere enim hoc modo virtute propria non repugnat ei quod est agere virtute aliena modo dicto. Eo vero modo quod conceditur agere in virtute alterius, patet ex dictis quod non intelligitur hoc, quia agat per aliquid absolute quod esset in substantia quæ præerat, neque per aliquid accidens sibi superadditum, sed quia aliquam perfectionem intrinsecam & essentialem contraxit in quantum erat accidens talis substantiæ, quam perfectionem etiam à substantia separatam retinet. unde illa diuisio sumpta in prima ratione erat insufficiens.

Ad aliam rationem dicitur, quod licet id quod non est, non possit habere rationem agentis principalis tanquam nouam actionem elicientis, & nouum motum causantis in instrumento, potest tamen habere rationem agentis principalis, in quantum virtus agens ab ipso perfectionem habuit quæ potest agere: & sic dicimus huiusmodi accidentia agere virtute substantiæ quæ præfuit, quia ut dictum est, erant dictæ substantiæ virtus agendi, & ab ipsa perfectionem hanc contraxerunt, ut hunc effectum agere possent.

Ad argumenta secundi dubij dicit Capreolus secundo Sent. dist. 1. q. 3. & 4. Sent. dist. 12. quod non procedunt contra mætem sancti Thomæ, quia non est mætes eius, cum ex accidentibus Eucharistiæ generatur aliqua substantia quod forma substantialis rei nouiter generatæ ex illis, recipiatur subiectiue in solis dimensionibus interminatis, & non in aliqua materia, sed quod huiusmodi dimensiones conuertuntur diuina virtute in materiam quantum, & quæ est subiectum talis formæ, & pars compositi nouiter generati, ut patet quarto, dist. 12. quæst. 1. art. 2. quæst. 3. & 3. part. quæst. 77. art. 7. ad tertium. In instanti enim generationis nouæ substantiæ aduenit noua materia non nuda, sed sub noua quantitate, per conuersionem scilicet, dimensionum sacramenti in ipsam substantiam quantum, & consequenter per corruptionem siue defitionem dimensionum vicem materiæ omni ex parte generantem omnibus transmutationibus præiis productioni formæ substantialis. Sed licet hanc viam dicat S. Thom. in locis præallegatis esse probabilem, aliam tamen viam dicit tertia parte probabilior esse, & hanc videtur etiam hoc loco tenere, scilicet quod ipsa dimensio sacramentalis sit subiectum formæ substantialis rei quæ ex ipsa generatur. datur enim (inquit in tertia parte) in ipsa consecratione miraculose quantitati dimensionum panis & vini quod sit primū subiectum subsequentium formarum, quod est propriū materiæ: & ideo ex consequenti datur sibi omne quod ad materiam pertinet. ideo quicquid posset generari ex materia panis, si esset, totū posset generari ex ipsa quantitate dimensionum, non quidem nouo miraculo, sed ex vi miraculi facti. Item respondendo ad primum argumentum quomodo possit aliquid generari ex dimensionibus, cum mihi non sit materia, ait quod quauis non sit ibi materia ex qua aliquid generetur: quantitas tamen supplet vicem materiæ. Respondendo quoque ad secundum quomodo ex speciebus possit substantia generari, cum sint accidentia, ait quod sunt quidem accidentia, sed tamen actum & vim substantiæ habent. Ex quibus aperte constat ipsum velle non quod noua adueniat materia in generatione substantiæ ex speciebus sacramentalibus, in qua forma substantialis rei generatæ recipiatur, sed quod ipsa quantitas sit loco materiæ, & quod forma substantialis huiusmodi recipiatur in ipsa tanquam in primo subiecto, virtute diuina hoc sibi dante in consecratione. Quod autem hanc viam etiam hoc loco sequatur, patet, tum quia dicit quod in ipsa consecratione miraculose accidentibus confertur quod substantiam, quod est proprium substantiæ, & per consequens quod omnia possint facere & pati quæ substantia posset si adesset. Constat autem quod substantia panis si adesset, sic corrumpetur in aliam substantiam quod eius materia esset subiectum formæ substantialis rei generatæ ex ipsa, ergo, & c. similiter dicendum est de quantitate, tum quia vult ex ipsis accidentibus generari substantiam sine nouo miraculo, cum generetur consueto modo & ordine naturæ, quod in operibus miraculosis non accidit. Constat autem quod creatio nouæ materiæ, aut conuersionis dimensionis in materiam non esset sine nouo miraculo. Ad id autem quod adducitur ex quarto sententiarum, potest dici quod ibi illam sequitur opinionem, quæ etiā probabiliter sustineri posset, vel potest dici quod

illud non tenet absolute, sed sub distinctione, ut patet in fine corporis ar. ticuli, ubi ait quod vel ipsa eadem numero quantitate interminata remanente aduenit materia propter naturalem concomitantiam formæ ad materiam, vel ipsi dimensioni dabitur virtute diuina natura materiæ propter propinquitatē ad ipsam. Et tunc ad sensum huius secundæ partis distinctionis possumus interpretari quod dicit in solutionibus argumentorum. Nam quum ait ad tertium, quod dimensiones sunt vnum, scilicet materia dimensionata, non est sensus quod ipsæ desinens esse conuertatur in materiam dimensionatam, sed quia ipsa habens naturā & proprietatem materiæ sit dimensionata dimensionibus terminatis substantiæ quæ generatur, sicut cum aer conuertitur in ignem, materia aeris sit ignis, in quantum ipsa eadem manens suscipit formam ignis. Cum etiam dicit ad quartum, substantiæ redditum, vel creationem materiæ, vel conuersionem dimensionum in materiam esse miraculosam, per conuersionem dimensionum in materiam non intelligit defitionem dimensionum, & successionem materiæ loco ipsarum, sed mutationem ipsius in proprietatem materiæ, in quantum ipsa eadem manens in consecratione vim & proprietatem materiæ miraculose suscipit. Quod autem adducitur ex tertia parte, ubi videtur velle quantitatem dimensionum panis transire in substantiam & dimensionem, non sic est intelligendum quasi ipsa quantitas desinens conuertatur in substantiam, sed quia ipsa manens & vim substantiæ retinens suscipit formam substantialem & dimensionem illam consequentem, secundum quod in materia aut in eo quod locum materiæ tenet recipitur. sic enim dicitur materia transire in aliquā substantiam dimensionatam.

Sequendo igitur hanc viam dicitur ad primum Scoti quod forma substantialis secundum naturæ cursum determinatur ad materiam substantialem, sed miraculose etiam determinatur ad quantitatem tanquam ad proprium susceptiuum: in quantum virtute diuina quantitas habet vim & proprietatem materiæ substantialis. hoc autem non sic intelligi, quasi ipsa receptio formæ substantialis in tali quantitate sit miraculosa, sed quia miraculosum est quod quantitas per se subsistat, & materiæ proprietatem habeat ipsa tamen receptio formæ substantialis in quantitate taliter miraculose effecta, est naturalis illa suppositione facta ut videtur esse de mente S. Thom. in locis præallegatis. Ad secundum dicitur quod de quantitate solū natura suæ dimissa forma substantialis educi non potest, sed bene de quantitate virtute diuina habente vim & proprietatem materiæ educi potest, & est in ipsa potentialiter sicut in tenente vicem proprii potentialis.

Ad tertium negatur sequela: tum quia cum vniuersa sint quorum ratio est vna, & ratio rei sumatur à forma, ubi aliqua eandem formam secundum speciem habent, illa dicuntur vniuersa: tum quia cum quantitas huiusmodi omnem proprietatem substantiæ materialis habeat, eandem possunt dici habere materiam & quæ ex materia naturali constituuntur, & quæ constituuntur ex huiusmodi quantitate dispositionibus tali speciei conuenientibus affecta. Ad quartum dicitur quod talis ignis non esset mathematicus, quia non constitueretur ex quantitate ut quantitas est, sed ut haberet vim & proprietatem substantiæ. nec esset inconueniens quod sic procederetur in aliquibus generationibus & corruptionibus vsque ad finem mundi. Ad quintum dicitur quod ille casus non est possibilis, quia nunquā tota materia nutriti definit esse in ipso, sed semper aliquid ipsius manet. Unde si aliquis vsque ad finem vitæ fuisset nutritus speciebus sacramentalibus, resurgeret ex forma substantiali & materia compositus, habens tamen aliquam partem materiæ quæ non esset vera & naturalis materia, sed quantitas vim & proprietatem materiæ habens. Vel dicendum, quod Deus tunc suppleret in resurrectione quicquid in hoc deficeret de materia, ut in alio proposito inquit sancti Thom. inferius, & quarto Sententiarum, dist. 44. quæst. 1. art. 2. quæst. iunc. 4. ad tertium.

ATTENDENDUM autem (quia facta est superius mætio de dimensionibus interminatis,) quod non admittimus dimensiones interminatas cõternas materiæ, ut visus est velle Commentator: sed quod eadem dimensio potest dici interminata, si consideretur absque determinatione ad hunc vel ad illum terminum, figuram scilicet aut gradum: & potest dici terminata in quantum habet determinatum gradum & determinatam figuram. Quum ergo dictum est in generatione substantiæ ex speciebus sacramentalibus formam substantialem rei generatæ recipi in dimensionibus subsistentibus, intelligitur de ipsis ut interminatæ sunt, quia constat quod in substantia genita, puta verme, non habet quantitas eandem figuram & terminationem quam prius habebat. Si quis autem vellet tenere primam viam esse de mente sancti Thom. etiam in hoc loco & in tertia parte, posset dicere quod in consecratione datur quantitati dimensionum miraculose ut possit quicquid materia posset, in quantum datur sibi ut in materiam possit conuertere, imò, ut in materiam à Deo conuertatur, dum ex ipsa aliquid fuerit generandum: & hoc quidem non fit omnino nouo miraculo, sed vi primi miraculi: & quod sic intelligitur dictum sancti Thomæ.

*Solutio eorum quæ obiciebantur ex parte fractionis.*

Caput 67.



ESTAT autem ea quæ ad quintam difficultatem pertinent speculari. Manifestum est autem secundum prædicta, quod fractionis subiectum ponere possumus dimensionibus per se subsistentibus: nec tamen huiusmodi dimensionibus fractis fragitur substantia corporis Christi: eo quod totum corpus Christi sub qualibet portione remaneat. Quod quidem etsi difficile videatur, tamen secundum ea quæ præmissa sunt exponi habet. dictum est enim supra, quod corpus Christi est in hoc sacramento per substantiā suam ex vi sacramenti: dimensiones autē corporis Christi sunt ibi ex naturali cõcomitantia

*De subst. Or. bis cap. 1.*

*Idem 3. part. q. 77. art. 7. Solutio quintæ difficultatis facta c. 62.*

*\*Cap. 64*



quam ad substantiam habent è contrario ei secundum quod corpus naturaliter est in loco: nam corpus naturaliter est in loco, mediantibus dimensionibus quibus loco commensuratur. Alio autem modo se habet aliquid substantiale ad id in quo est, & alio modo aliquid quantum. nam quantum totum ita est in aliquo toto, quod totum non est in parte, sed pars in parte, sicut totum in toto. unde & corpus naturale sic est in toto loco totum quod non est totum in qualibet parte loci, sed partes corporis partibus loci aptantur, eod quod est in loco mediantibus dimensionibus. Si autem aliquid substantiale sit in aliquo toto toto, etiam totum est in qualibet parte eius, sicut tota natura & species aquæ in qualibet parte aquæ est, & tota anima est in qualibet corporis parte, quia igitur corpus Christi est in sacramento ratione suæ substantiæ in qua conuersa est substantia panis dimensionibus eius manentibus: sicut tota species panis erat sub qualibet parte dimensionum, ita integrum corpus Christi est sub qualibet parte earundem. non igitur fractio illa seu diuisio attingit ad corpus Christi, ut sit in illo sicut in subiecto: sed subiectum eius sunt dimensiones panis vel vini remanentes: sicut & aliorum accidentium ibidem remanentium, diximus eas esse subiectum.

## Super Cap. 67.

**A**D quintam difficultatem dicit primò sanctus Thomas, quod secundum prædicta possumus ponere fractionis subiectum, dimensiones per se subsistentes. Dicit secundò, quod huiusmodi dimensionibus fractis substantia corporis Christi non frangitur, eod quod totum corpus Christi sub qualibet portione remaneat, cum sit in hoc sacramento per substantiam suam ex vi sacramenti, dimensiones autem eius sint ibi ex naturali concomitantia è contrario ei secundum quod corpus naturaliter est in loco: quia corpus naturale est in loco mediantibus dimensionibus quibus loco commensuratur. Dicit tertio, per declarationem prædictorum quod alio modo se habet aliquid substantiale ad id in quo est, & alio modo aliquid. Quantum enim ita est totum in aliquo toto, quod totum non est in parte, sed pars in parte, sicut totum in toto: & simili modo est in loco, eod quod sit in loco mediantibus dimensionibus. Si autem aliquid substantiale totum sit in aliquo toto, etiam totum est in qualibet parte eius, declaratur in specie aquæ & in anima. Quod igitur corpus Christi sit est in sacramento ratione suæ substantiæ in qua conuersa est substantia panis dimensionibus eius manentibus, sicut tota species panis erat sub qualibet parte dimensionum, ita & integrum corpus Christi, & consequenter fractio illa non attingit corpus Christi, sed subiectum eius sunt dimensiones panis & vini, sicut & aliorum accidentium diximus eas esse subiectum.

**CIRCA** primum dictum aduertendum quod in fractione sacramenti videtur duplex esse mutatio, scilicet motus localis partium, & corruptio quantitatis totalis, constat autem quod motus localis est in eo quod localiter mouetur: similiter quod corruptio formæ totius non est aliud quam ipsa forma tendens de esse in non esse. cum ergo dicitur quod talis fractio est subiectiue in ipsis dimensionibus, intelligitur quantum ad ipsum motum localem partium, nam corruptio totalis quantitatis non est proprie loquendo in ipsa quantitate, neque in partibus eius sicut in subiecto, sed est ipsa quantitas: & ideo sicut quantitas ipsa est sine subiecto, ita & talis corruptio.

**CIRCA** secundum dictum aduertendum, quod ideo ex eo quod dimensiones corporis Christi sunt in sacramento per concomitantiam ad substantiam, dicitur corpus ipsum esse è contrario ei secundum quod corpus naturaliter est in loco, eod quod corpus naturale sit in loco mediantibus dimensionibus quibus loco commensuratur. In loco, quia videlicet ipsæ dimensiones sunt sibi ratio existenti in loco: corpus autem Christi non est in sacramento mediantibus suis dimensionibus, cum illæ ibi non sint ex vi sacramenti, sed è contrario ipsæ dimensiones in sacramento sunt ratione substantiæ corporis Christi, ita quod ipsa corporis substantia est illis ratio quod sit in sacramento.

**CIRCA** tertium dictum aduertendum, cum dicitur animam esse totam in qualibet parte, quod hoc non intelligitur de omni totalitate animæ, sed tantum de totalitate essentiae & perfectionis. Nam anima intellectiua secundum totalitatem virtutis non est in qualibet parte corporis, sed secundum diuersas virtutes est in diuersis partibus. Si quæ autem animæ sunt per accidens extensæ ad extensionem corporis, ut de animalibus imperfectorum animalium existimatur, & de animalibus plantarum, illæ neque secundum totalitatem virtutis, neque secundum totalitatem quantitatis dimensionum ipsarum per accidens conuenientem, sunt in qualibet parte totæ, sed diuersæ partes in diuersis partibus.

**SED** circa hoc tertium dictum occurrit dubium. Non enim videtur sufficienter ostendere sanctus Thomas quod corpus Christi non diuidatur ad diuisionem dimensionum subsistentium, quia sit ibi ratione suæ substantiæ, sit autem substantia tota in qualibet parte. Posset enim dici, quod licet substantia corporis Christi sit tota in qualibet parte secundum totalitatem essentiae, non est tamen tota in qualibet parte secundum totalitatem dimensionum quam habet etiam in sacramento existens: sicut albedo extensa est quidem tota secundum essentiam in qualibet parte albi, non autem secundum totalitatem quantitativam: & ideo poterit diuidi corpus Christi ad diuisionem illarum dimensionum, sicut albedo diuiditur ad diuisionem albi. Respondetur quod optime procedit sanctus Thomas. Si bene inspicatur, ut enim dictum est supra, licet quantitas corporis Christi det substantiæ existenti in sacra-

mento esse diuisibile & partibile intrinsece, non tamen dat sibi partibilitatem in ordine ad extrinsecum, eod quod ipsa substantia non habeat quod sit præfens dimensionibus panis ratione propriarum dimensionum, sed è contrario dimensiones sunt ibi ratione substantiæ, & quia substantia in quantum substantia est conuenit ut indiuisibiliter sit in eo in quo est, & sit tota in qualibet parte. ideo & quantitas in sacramento eundem essendi modum habet: unde non potest dici quod substantia corporis Christi sit ibi tota secundum essentiam indiuisibiliter, diuisibiliter autem secundum quantitatem extensiuam, sicut albedo. Nam albedo in ipso subiecto in quo est, diuisibilis est, quia ipsam extensionem & diuisibilitatem habet ex ipsa quantitate subiecti.

## Solutio authoritatis supra inductæ. Cap. 68.



**I**S igitur difficultatibus remotis, manifestum est quod id quod ecclesiastica traditio habet circa sacramentum altaris, nihil continet impossibile Deo qui omnia potest. Nec etià contra Ecclesiæ traditionem est verbum Domini dicentis ad discipulos qui de hac doctrina scandalizari videbantur: Verba quæ ego locutus sum vobis, spiritus & vita sunt. non enim per hoc dedit intelligere quod vera caro sua in hoc sacramento manducanda fidelibus non traderetur, sed quia non traditur manducanda carnaliter: ut scilicet sicut alij cibi carnales, in propria specie dilacerata sumeretur: sed quia quodam spiritali modo sumitur præter consuetudinem aliorum ciborum carnalium.

## Super Cap. 68.



**V**LTIMO loco respondet sanctus Thomas authoritati ex qua impugnandi huius sacramenti veritatem hæretici occasione sumperunt, & ait quod ex prædictis patet id quod ecclesiastica traditio habet circa sacramentum altaris, nihil Deo qui omnia potest, impossibile continere: nec etià contra traditionem ecclesiæ est quod Dominus ait: Verba quæ ego locutus sum, spiritus & vita sunt: quia non est sensus quod vera caro sua in hoc sacramento manducanda fidelibus non traderetur, sed quia quodam spiritali modo præter consuetudinem aliorum ciborum carnalium sumitur, non autem carnaliter, tanquam scilicet in propria specie dilaceranda.

**ADVERTENDUM** quod secundum interpretationem horum verborum hæc posita sensus est, verba quæ locutus sum vobis de carne mea manducanda, spirituale sensum habent, quia scilicet intelliguntur non quod caro mea sit carnaliter modo aliorum ciborum qui dentibus dilaniantur, manducanda, sed quod spiritali modo sit sumenda: & sic intellecta sunt, vita, id est, vitam præstant. Alium quoque sensum addit sanctus Thomas super Ioannem ad mentem Augustini, scilicet verba quæ locutus sum vobis, referenda sunt ad Spiritum coniunctum carni, quia videlicet caro Christi secundum se considerata in quantum caro, non prodest quicquam, non enim aliud habet effectum quam alia caro, sed coniuncta verbo & spiritui sancto multum prodest, & vitam æternam præstat: & sic intellecta vita sunt animæ, id est, id quod dicitur per ipsa, est vita animæ, quia anima spiritali vita per Spiritum sanctum & diuinitatem viuunt.

## Ex quali pane &amp; vino debet confici hoc sacramentum.

## Cap. 68.



**Q**VIA verò (ut dictum ex) ex pane & vino hoc sacramentum conficitur, necesse est eas condiciones seruari in pane & vino ut ex eis hoc sacramentum confici possit, quæ sunt de ratione panis & vini. Vinum autem non dicitur nisi liquor qui ex vuis exprimitur: nec panis dicitur proprie nisi qui ex granis tritici conficitur. Alij verò qui dicuntur panes, pro defectu panis triticeo ad eius supplementum in usum venerunt: & similiter alij liquores in usum vini: unde nec ex alio pane nec ex alio vino hoc sacramentum confici posset: neque etiam si pani & vino tanta alienæ materiæ admixtio fieret, quod species solueretur. Si qua verò huiusmodi pani & vino accidunt quæ non sunt de ratione panis & vini, manifestum est quod his prætermisissis potest verum confici sacramentum. unde cum esse fermentatum vel azyum non sit de ratione panis, sed utrolibet existente species panis saluetur: ex utrolibet pane potest confici sacramentum: & propter hoc diuersæ ecclesiæ diuersum in hoc usum habent: & utrunque congruere potest significationi sacramenti. Nam (ut Gregorius dicit in registro) Romana ecclesia offert azymos panes propterea quod Dominus sine vlla commixtione carnem suscepit: sed ceteræ ecclesiæ offerunt fermentatum, pro eo quod verbum patris



Error quorū-  
dā Græcorū  
hæreticorū  
in Epi-  
stola de fermentato  
& azymo.

patris indutum est carne: & est verus Deus & verus homo: sicut & fermentum commiscetur farinæ. Congruit tamen magis puritati corporis mystici, id est, ecclesiæ quæ in hoc sacramento configuratur, vsus azymi panis, secundum illud Apostoli 1. Corinth. 5. Pascha nostrum immolatus est Christus: itaque epulemur in azymis sinceritatis & veritatis. Per hoc autem excluditur \* error quorundam hæreticorum, qui dicunt in azymo sacramentum hoc celebrari non posse: quod etiam euidenter euangelij autoritate destruitur. dicitur enim Mat. 26. & Mar. 14. & Lucæ 22. quod Dominus prima die azymorum Pascha cum discipulis suis comedit: & tunc hoc sacramentum instituit. Quum autem non esset licitum secundum legem quod prima die azymorum fermentatum in domibus Iudeorum inueniretur, vt patet Exodi 12. Dominus autem quando fuit in mundo, legem seruauerit, manifestum est quod panem azymum in corpus suum conuertit, & discipulis sumendum dedit. Istud est igitur improbare in vsu ecclesiæ Latinorum quod Dominus in ipsa institutione huius sacramenti seruauit. Sciendum tamen quod quidam dicunt ipsum præuenisse diem azymorum propter passionem imminentem: & tunc fermentato pane eum vsu fuisse: quod quidem ostendere nituntur ex duobus. Primò ex hoc quod dicitur Ioannis 13. quod ante diem festum paschæ Dominus cum discipulis cenam celebravit, in qua corpus suum consecrauit, sicut Apostolus tradit 1. Cor. 11. vnde videtur quod Christus cenam celebravit ante diem azymorum: & sic in consecratione sui corporis vsus fuit pane fermentato. Hoc etiam confirmare volunt per hoc quod habetur Ioanis 18. quod sexta feria qua Christus est crucifixus, Iudei non intrauerunt prætorij Pilati, vt non contaminarentur, sed manducarent pascha: pascha autem dicitur azyma: ergo concludunt quod coena fuit celebrata ante azyma. Ad hoc autem respondetur quod sicut Dominus mandat Exodi 12. festum azymorum septem diebus celebratur, inter quos dies prima erat sancta atque solennis præcipue inter alias: quod erat decima quinta die mensis. Sed quia apud Iudeos solennitates à præcedenti vespere incipiebant: ideo decima quarta die ad vespem incipiebant comedere azyma, & comedebant per septem subsequentes dies. & ideo dicitur in eodem capitulo: Primo mense, decima quarta die mensis ad vespem comedetis azyma vsque ad diem vigesimam primam eiusdem mensis ad vespem: septem diebus fermentatum non inuenietur in domibus vestris. Et eadem decima quarta die ad vespem immolabatur agnus paschalis. Prima ergo dies azymorum à tribus euangelistis, Matthæo, Marco, Luca, dicitur decima quarta die mensis: quia ad vespem comedebant azyma, & tunc immolabatur pascha, id est, agnus paschalis: & hoc erat secundum Ioannem ante diem festum paschæ, id est, ante decimam quintam diem mensis, qui erat solennior inter omnes, in quo Iudei volebant comedere pascha, id est panes azymos paschales, non autem agnum paschalem: & sic nulla discordia inter euangelistas existente, planum est quod Christus ex azymo pane corpus suum consecrauit in coena: vnde manifestum fit quod Latinorum ecclesia rationabiliter pane azymo vtitur in hoc sacramento.

Super Cap. 69.



OSTOQVAM ostendit sanctus Thomas quæ sit materia sacramenti Eucharistie, quia videlicet est panis & vinum, vult ostendere qualis huiusmodi materia esse debeat, scilicet qualis panis, & quale vinum: & ponit tres conclusiones. Prima est: Nec ex alio pane quam qui ex granis tritici conficitur, neque ex alio liquore quam qui ex vuis exprimitur, hoc sacramentum confici potest: neque si pani & vino tanta alienæ materiæ admixtio fieret, quod species solueretur. Probatur: Necessè est eas conditiones panis & vini in hoc sacramento seruari, quæ sunt de ratione panis & vini, cum ex pane & vino hoc sacramentum conficiatur. sed vinum non dicitur nisi quod ex vuis exprimitur, nec panis dicitur propriè nisi qui ex granis tritici conficitur: alij verò qui dicuntur panes, pro supplemento panis in vsu venerunt: & similiter alij liquores in vsu vini, ergo, &c.

ADVERTENDVM ex doctrina S. Tho. 3. q. 74. art. 3. ad 2. & 4. Sent. dist. 17. q. 2. art. 2. ad 3. quod cum generans generet sibi simile in specie, si

qua frumenta sint quæ ex semine tritici generari possint, sicut ex grano seminato in malis terris nascitur siligo, panis ex tali frumento confectus potest esse materia huius sacramenti, licet frumentum illud alio nomine propter aliquam diuersitatem accidentium significetur. talis enim verè dicitur panis triticeus, cum granum ex quo conficitur, eiusdem speciei sit cum grano tritici. ex aliis autem frumentis quæ nullo modo possunt ex grani semine generari, vt est ordeum, spelta, far, non potest confici panis qui sit materia conueniens huius sacramenti, quum non sint eiusdem speciei cum tritico.

Advertendum secundò, quod aliquando est tanta corruptio panis & vini, quod soluitur species. id quod ex solutione continuitatis & ex saporis & coloris atque aliorum accidentium mutatione deprehendi potest: & tunc ex tali materia non potest confici, sicut ex aceto confici non potest, neque ex amido, cum fiat ex tritico corrupto, licet quidam contrarium dicant. Aliquando verò est solum dispositio ad corruptionem, quod aliquando immutatio saporis declarat: & tunc ex tali materia potest confici sacramentum, sicut ex vino acido, licet conficiens peccet propter irreuerentiā sacramenti. Secunda conclusio est: Ex pane fermentato & ex pane azymo hoc sacramentum confici potest, probatur: Esse fermentatum vel esse azymum non est de ratione panis, sed vtlibet existente, species panis saluatur, ergo, &c. Probatur consequentia, quia si qua panis triticeo & vino vero accidunt quæ non sunt de ratione panis & vini, iis prætermisissis potest verum confici sacramentum. Confirmatur conclusio, primò, quia diuersæ ecclesiæ in hoc diuersum vsu habent. Confirmatur secundò, quia vtrumque congruere potest significationi sacramenti: azymi scilicet panes secundum Gregorium in registro puritati carnis Christi, fermentatum verò vnioni verbi diuini cum carne. Tertia conclusio est: Conueniens magis puritati corporis mystici, id est, ecclesiæ quæ in hoc sacramento configuratur, vsus azymi panis. declaratur autoritate Apostoli 1. Cor. 5. dicens: Pascha nostrum immolatus est Christus, ergo &c. Per hoc excluditur error dicentium in azymo hoc sacramentum celebrari non posse, qui vtiq; error etiā euidenter euangelij autoritate destruitur, cū & Mat. 26. & Mar. 14. & Luc. 22. dicatur quod Dominus prima die azymorum pascha cū discipulis suis comedit. Constat enim quod non erat licitum secundum legem vt prima die azymorum fermentatum in domibus Iudeorum inueniretur, vt patet Exodi 12. Vnde cum Dominus quando fuit in mundo, legem seruauerit, manifestum est quod panem azymorum in suum corpus conuertit, & discipulis sumendum dedit. Dicunt tamen quidam ipsum imminente passione diem azymorum præuenisse, & tunc fermentato pane eum fuisse vsu: quod nituntur ostendere tum ex eo quod Ioannis 13. dicitur, Ante diem festum paschæ, &c. tum ex eo quod Ioannis 18. dicitur sexta feria qua Christus est crucifixus Iudeos non intrasse prætorium Pilati vt non contaminarentur, sed manducarent pascha. pascha autem dicuntur azyma: & sic concluditur quod coena fuit ante azyma celebrata. Sed ad hoc respondet sanctus Thomas cum festum azymorum in septem diebus celebraretur, inter quas prima erat sancta atque præcipue solennis inter alias, scilicet decima quinta mensis: & apud Iudeos solennitates à præcedenti vespere inciperent, decima quarta die ad vespem incipiebant comedere pascha, vt patet Exodi 12. & eadem die immolabatur Agnus paschalis. Ideo ab aliis euangelistis prima dies azymorum dicitur decima quarta dies mensis, quia ad vespem comedebant azyma: & tunc immolabatur Agnus paschalis. hoc autem secundum Ioannem erat ante diem festum paschæ, id est, ante decimum quintum diem, qui erat solennior, in quo Iudei volebant comedere pascha, id est, azymos panes, non autem Agnum paschalem. Ex istis infert S. Thomas planum esse quod Christus ex azymo pane corpus suum consecrauit: & ideo Latinorum ecclesia rationabiliter pane azymo vtitur in hoc sacramento.

ADVERTENDVM ex doctrina sancti Tho. in locis præallegatis quod etiam consuetudo Græcorum aliquam rationem habet, videlicet & propter significationem quam tangit Gregorius, & in detestationem hæresis Nazæorum siue Ebionitarum quia legalia euangelio miscebant. In primitiua enim ecclesia apostoli in azymis celebrabant: & huic morem Romana ecclesia ab Apostolis accepit, vt Innocentius tradit: sed postea imminente hæresi quod simul cum euangelio essent obseruanda legalia, sancti patres, vt Leo Papa dicit, ne eis viderentur consentire, voluerunt ad tempus hoc sacramentum ex fermentato confici. Cessante deinde hac hæresi ad pristinum morem Romana quidem rediit ecclesia, sed Græci morem illum ad tempus institutum seruare perpetuò voluerunt.

ADVERTENDVM vlt. (vt inquit sanctus Th. in locis præallegatis) quod licet in vtroque pane sacramentum confici possit, peccaret tamen presbyter in ecclesia Latinorum celebrans de pane fermentato. vt enim patet extra de celebratione missæ cap. per litteras, punitur sacerdos qui in pane fermentato celebrare præsumpsit, peccaret etiam presbyter Græcus in ecclesia Græcorum celebrans de azymo pane, vt pote ecclesiæ suæ ritum peruertens.

De sacramento poenitentiae: & primò quod homines post gratiam sacramentalem acceptam peccare possunt. Caput 70.



VANVIS autem per prædicta sacramenta hominibus gratia cōferatur, non tamen per acceptam gratiam <sup>d</sup>impeccabiles fiunt. Gratiæ enim dona recipiuntur in anima sicut habituales dispositiones. non enim homo secundum ea semper agit: nihil autem prohibet eum qui habitum habet, agere secundum habitum, vel contra eum: sicut grammaticus potest secundum grammaticam rectè loqui, vel etiam contra grammaticam loqui incongruè: & ita est etiam de habitibus virtutum moralium. potest enim qui iustitiæ habitum habet, iusta agere, & potest etiam contra iustitiam agere: quod ideo est, quia vsus habituum

D. 819.



habituum in nobis ex voluntate est: voluntas autem ad vtrunq; oppositorum se habet. manifestum est igitur quod suscipiens gratuita dona, peccare potest contra gratiam agendo.

2. Adhuc, impeccabilitas in homine esse non potest sine immutabilitate voluntatis: immutabilitas autem voluntatis non potest homini competere nisi secundum quod attingit vltimum finem. ex hoc enim voluntas immutabilis redditur, quod totaliter impletur, ita quod non habet quod diuertat ab eo in quo est firmata. impletio autem voluntatis non competit homini nisi ut finem vltimum attingenti. quando enim restat aliquid ad desiderandum, voluntas impleta non est. sic igitur homini impeccabilitas non competit antequam ad vltimum finem perueniat: quod quidem non datur homini in gratia quæ in sacramentis confertur: quia sacramenta sunt in adiutorium hominis secundum quod est in via ad finem. non igitur ex gratia in sacramentis percepta aliquis impeccabilis redditur.

3. Amplius, omne peccatum ex quadam ignorantia contingit. Vnde Philosophus dicit \* quod omnis malus est ignorans: & in Proverbiis \* dicitur: Errant qui operantur malum. Tunc igitur solum homo securus potest esse à peccato secundum voluntatem, quando secundum intellectum securus est ab ignorantia & errore. manifestum est autem quod homo non redditur immunis ab omni ignorantia & errore per gratiam in sacramentis perceptam. hoc enim est hominis secundum intellectum illam veritatem inspicientis, quæ est certitudo omnium veritatum: quæ quidem inspectio est vltimus hominis finis, ut in tertio \* ostensum est: non igitur per gratiam sacramentorum homo impeccabilis redditur.

4. Item, ad alterationem hominis quæ est secundum malitiam & virtutem multum operatur alteratio quæ est secundum animæ passiones. nam ex eo quod ratione passiones animæ refrignantur, homo virtuosus efficitur, & in virtute conservatur: ex eo verò quod ratio sequitur passiones, homo redditur vitiosus. quando igitur homo est alterabilis secundum animæ passiones, est etiam alterabilis secundum vitiū & virtutē. alteratio autem quæ est secundum animæ passiones, non tollitur per gratiam in sacramentis collatam: sed manet in homine quādiu anima passibili corpori vnitur. manifestum est igitur quod per sacramentorum gratiam homo impeccabilis non redditur.

5. Præterea, superfluum videtur eos admonere ne peccent, qui peccare non possunt: sed per Evangelicā & Apostolicā doctrinā admonentur fideles iam per sacramenta spiritus sancti gratiam consecuti. dicitur enim Heb. 12. Contemplantur ne quid deest gratiæ Dei: neque radix amaritudinis sursum germinans impediatur. Et Eph. 4. Nolite contristare spiritum sanctum Dei, in quo signati estis. & 1. Cor. 10. Qui se existimat stare, videat ne cadat. ipse etiam Apostolus de se dicit: Castigo corpus meum, & in servitutē redigo, ne fortē cum aliis prædicaverim, ipse reprobus efficiar. Non igitur per gratiam in sacramentis perceptā homines impeccabiles redduntur. Per hoc excluditur quorundā hæreticorum \* error, qui dicunt quod homo postquam gratiā spiritus sancti percepit, peccare non potest: & si peccat, nunquā gratiā spiritus sancti habuit. Assumit autē in fulcimentum sui erroris quod dicitur 1. Cor. 13. Charitas nunquā excidit. & 1. Ioan. 3. dicitur: Omnis qui in eo manet, non peccat: & omnis qui peccat, non vidit nec cognovit eum. & infra expressius: Omnis qui est ex Deo, peccatum non facit, quoniam semen ipsius in eo manet: & non potest peccare, quoniam ex Deo natus est. Sed hæc ad eorum propositum ostendendum efficacia non sunt. Non enim dicitur quod charitas nunquā excidit, propter hoc quod ille qui habet charitatē, eam quandoque non amittat: cum dicatur Apo. 2. Habeo adversus te pauca, quod charitatē tuam primā reliquisti: sed ideo dictum est quod charitas nunquā excidit, quia cum cætera dona spiritus sancti de sui ratione imperfectionem habentia, ut pote spiritus prophetiæ, & huiusmodi, euacuentur cum venerit quod perfectum est: charitas in illo perfectionis statu remanebit. Ea verò quæ ex epistola Ioannis inducta sunt, ideo dicuntur, quia

bona spiritus sancti quibus homo adoptatur in filium, vel renascitur in filium Dei, quantum est de se, tantam habent virtutem, quod hominem sine peccato conservare possunt: nec homo peccare potest secundum ea vivens: potest tamen contra ea agere, & ab eis discedendo peccare. sic enim dictum est: Qui natus est ex Deo, non potest peccare: sicut si diceretur quod calidum non potest infrigidare: id tamen quod est calidum, potest fieri frigidum. & sic infrigidabit: vel sicut si diceretur, iustus iniusta non agit: scilicet in quantum est iustus.

## Super Cap. 70.



OSTQVAM determinavit S. Th. de sacramento Eucharistiæ, de penitentia sacramento incipit determinare. Circa hoc autem duo facit. Primum præmittit quædam necessaria ad propositum. Secundum, huius sacramenti necessitatem ostendit. cap. 72. Circa primum duo facit. Quia enim si homines post acceptam baptismi gratiam peccare non possent, aut post peccatum ad gratiam non possent redire, nulla esset necessitas sacramenti penitentia. Antequam huiusmodi necessitas ostendatur, primum ostendit quod homines post acceptam gratiam impeccabiles non sunt, secundum quod post sacramentorum gratiam homo in peccatum cadere ad gratiam reverti potest, cap. sequenti. Circa primum duo facit. Primum probat intentum. Secundum rationes quasdam hæreticorum remouet.

Quantum ad primum arguit primum sic. Gratuita dona recipiuntur, in anima sicut habituales dispositiones, cum non semper homo agat secundum ea: ergo ea suscipiens peccare potest contra gratiam agendo. probatur consequentia, quia nihil prohibet eum qui habitum habet agere secundum habitum vel contra eum, ut patet in grammatico, & in habente habitum iustitiæ. ratio est, quia usus habituum in nobis ex voluntate est, voluntas autem ad vtrunq; oppositorum se habet.

ADVERTENDVM, quod cum habitus medius sit inter potentiam & actum perfectum, proprie dicitur quis habere aliquid donum per modum habitus, quando secundum ipsum non operatur actualiter, sed est in potentia proxima ad operandum: quando verò actualiter operatur secundum ipsum, non dicitur illud habere per modum habitus. unde habens habitum proprie loquendo de habitu, non semper operatur secundum ipsum, sed aliquando secundum ipsum non operatur: ideo volens probare sancti Th. dona gratuita recipi in anima sicut habituales dispositiones, adducit pro ratione quod homo non semper secundum ea agit. Secundum. Homini impeccabilitas non convenit: antequam ad vltimum finem perueniat, sed hoc non datur homini in gratia quæ in sacramentis confertur, cum sacramenta sint in adiutorium hominis secundum quod est in via ad finem, ergo &c. probatur maior quia impeccabilitas in homine esse non potest sine immutabilitate voluntatis: hæc autem non potest homini competere nisi secundum quod attingit vltimum finem, cum voluntas immutabilis reddatur ex hoc quod totaliter impletur. hoc autem non convenit homini nisi ut finem vltimum attingat, quando enim restat aliquid ad desiderandum, voluntas impleta non est.

ADVERTENDVM, quod cum de ratione peccati sit ut sit voluntarium, necesse est ut hominis in gratia voluntas à bono moveatur in malum: peccat: & quando est huiusmodi mutabilitas voluntatis à bono in malum, tandiu est in homine peccabilitas, ideo si debeat homo impeccabilis reddi, necesse est ut voluntas in statu immutabilitatis constituitur. Non enim stant simul quod homo peccare non possit, & quod voluntas in malum converteri possit, cum ipsa conversio voluntatis ad malum sit peccatum. propterea bene inquit sanctus Thomas quod impeccabilitas in homine esse non potest sine immutabilitate voluntatis. Quomodo autem voluntas impleri non possit antequam ad vltimum finem perueniat, ex his quæ dicta sunt in tertio libro, patere potest. Tertiū. Homo non redditur immunis ab omni ignorantia & errore per gratiam in sacramentis perceptam, cum hoc sit hominis illam veritatem inspicientis quæ est certitudo omnium veritatum, in quo est vltimus hominis finis, ergo &c. probatur consequentia, quia cum omne peccatum ex aliqua ignorantia procedat, ut per philosophum patet, & per sapientem in Proverbiis: tunc solum homo securus potest esse à peccato secundum voluntatem, quando secundum intellectum securus est ab ignorantia & errore. Quartū. Alteratio quæ est secundum animæ passiones, non tollitur per gratiam in sacramentis collatam, sed manet in homine quādiu anima passibili corpori vnitur, ergo &c. probatur consequentia, quia ad alterationem hominis quæ est secundum malitiam & virtutem, multum operatur alteratio quæ est secundum animæ passiones. Nam ex eo quod ratione refrignantur, redditur homo virtuosus, & in virtute conservatur: ex eo verò quod ratio sequitur passiones, homo redditur vitiosus.

CIRCA istam propositionem, Alteratio secundum animæ passiones manet in homine quādiu anima passibili corpori vnitur, advertendum quod non hoc ideo dicitur quasi quando fuerit anima corpori impassibili unita, in homine nullo modo sint animæ passiones (nam etiam in beatis erunt aliqui appetitus sensitivi motus, qui animæ passiones dicuntur) sed quia cum anima corpori passibili vnitur in homine etiam iusto, passiones non solum præviæ sed etiam subitæ, ex quibus iudicium rationis intercepti potest & impedire, sunt: & non solum passiones respectu boni, ut sunt gaudium, amor, & huiusmodi: sed etiam respectu mali & nocivi, ut sunt timor, ira, & similia. Et quia dicitur proprie esse in homine alteratio secundum animæ passiones, secundum quod homo afficitur aliqua subita passione, aut vehementi, aut remissa, & etiā secundum passionem respectu mali & nocivi: ideo dicit sancti Th. in homine esse huiusmodi alterationem quādiu anima corpori passibili vnitur, volens se ab illo statu præservare in quo anima corpori impassibili coniungitur. In beatis enim non erit proprie alteratio secundum tales passiones, quia ut dicitur in q. 126. ar. 8. In illis

\* Exclusio error. Iovin. test. Hieron. lib. 2. c. 8. Ioan. 1. cap. 31.



in illis passionibus appetitus sensitiui non erunt subiecta, quia in eis nullus motus appetitus sensitiui insurget nisi secundum dictamen rationis. Non erunt etiam passionibus respectu mali, sed tantum respectu boni. Quinto. Per euangelicam & Apostolicam doctrinam admonentur fideles iam per sacramenta spiritus sancti gratiam consecuti, ne peccent, ut patet ad Hebr. 12. Contemplantes &c. ad Ephes. quarto, Nolite contristare &c. primæ Corinthiorum decimo, Qui se existimat &c. & Apostolus de se etiam dicit: Castigo &c. ergo &c. probatur consequentia, quia superfluum videtur eos admonere ne peccent, qui peccare non possunt. Quantum ad secundum inquit sanctus Th. quod per hoc excluditur error quorundam hæreticorum dicentium quod homo postquam gratiam spiritus sancti percepit, peccare non potest: & si peccat, nunquam gratiam spiritus sancti habuit: quod quidem probant ex eo quod dicitur 1. Cor. 13. Charitas nunquam excidit. & 1. Ioan. 3. dicitur: Omnis qui in eo &c. & infra: Omnis qui est ex Deo &c. Respondet autem S. Th. ad autoritatem Apo. quod non ideo illud dicitur, quasi ille qui habet charitatem, nunquam eam amittat, cum dicitur Apoc. 2. Habeo aduersum te &c. sed quia cum caritate dona spi. sancti, ut Prophetia & huiusmodi, euacuentur cum venerit quod perfectum est, charitas in illo etiam perfectionis statu remanebit. Ad auth. verò Ioan. dicit quod sensus illorum verborum est, bona spir. sancti quibus homo adoptatur in filium Dei vel renascitur, tantam virtutem habere quantum est de se, quod hominem sine peccato conseruare possunt, ne homo potest peccare secundum ea viuens, quantumvis possit contra ea agere, & ab eis discedendo peccare: & est simile ac si diceretur quod calidum non potest fieri frigidum, aut infrigidare, & quod iustus iniustus non agit, si quantum est iustus.

**ADVERTENDVM**, sensum huius responsionis esse, quod verbum Ioan. intelligitur, omnem naturam ex Deo per dona spiritus non posse ex vi ipsorum donorum peccare, licet. scilicet libertate & mutabilitate voluntatis hoc possit: sicut nec aliquis habens aliquam formam, ex vi illius forme potest operari contra illam formam, licet aliunde habeat ut illam formam possit amittere. cui sensui fauent exempla hæc posita. licet enim caliditatis subiectum possit ratione suæ potentialitatis fieri frigidum, non potest tamen calidum ex vi caliditatis infrigidare. Et similiter licet homo qui habet iustitiæ habitum possit illam amittere, non potest tamen ex vi iustitiæ suæ secundum iustitiam viuens operari iniuste. sic licet habens dona spiritus sancti possit illa amittere, & sic peccare, non tamen potest peccare ex vi ipsorum donorum suæ secundum huiusmodi dona viuens. De hac materia vide S. Th. 2. 2. q. 24. ar. 11. & in q. vir. q. de charitate, ar. 12. ad 1. ubi ad prædictam auth. dat aliam responsionem, dicens illam intelligi secundum potestatem spir. sancti mouentis animam, cuius obseruatione immunes à peccato redduntur quos ipse mouet quantum voluerit, secundum enim hæc interpretationem sensus dictorum verborum est, quod ille qui natus est ex Deo, non potest peccare, quando sic virtute spir. sancti regeneratur in filium Dei, quod spi. sancti illi dare perseverantem diuinæ dilectionis motum.

**SED** circa prædicta dubium occurrit. Videtur enim ex dictis, quod nullus per gratiam viæ possit in bono confirmari, quum confirmatio in bono impeccabilitatem includat, dictum sit autem quod per gratiam in via homo non potest impeccabilis reddi: hoc autem videtur esse contra id quod communiter tenetur de beata Virgine & Apostolis, ergo &c. Respondetur ex doctrina sancti Thomæ in quest. de veritate, quest. 24. ar. 9. quod dupliciter potest intelligi aliquis confirmari in bono. Vno modo totaliter ab intrinseco, quia videlicet sibi detur principium aliquod sufficientis suæ firmitatis per quod peccare non possit. Alio modo partim ab intrinseco, & partim ab extrinseco, quia videlicet & sibi detur aliquod gratiæ donum per quod ita inclinatur ad bonum, quod non de facili possit à bono defleat, licet per ipsum non ita retrahatur à malo, ut omnino peccare non possit. & diuina providentia ipsum, quando cunctique peccati occasio se ingerit, ad resistendum excitante, custodiatur ne peccet. Primo modo nullus confirmari potest in bono rationibus dictis: & de hac confirmatione loquitur sanctus Thomas hoc loco. Sed bene secundo modo potest aliquis in bono confirmari, & sic intelliguntur beata Virgo & Apostoli fuisse confirmati, & aliquo modo impeccabiles facti.

*Quod homo peccans post sacramentorum gratiam, potest ad gratiam conuerti. Cap. 71.*



**I**X præmissis autem apparebit ulterius quod homo post sacramentalem gratiam susceptam in peccatum cadens iterum reparari potest ad gratiam.

**1** Ut enim \* ostensum est, quandiu hæc viuatur, voluntas immutabilis est secundum virtutem & virtutem. sicut igitur post acceptam gratiam potest peccare, ita & à peccato (ut videtur) potest ad virtutem redire.

**2** Item, manifestum est bonum esse potentius malo, nā malum non agit nisi virtute boni, ut supra in 3. lib. \* est ostensum. si igitur voluntas hominis à statu gratiæ per peccatum auertitur, multo magis per gratiam potest à peccato reuocari.

**3** Adhuc, immobilitas voluntatis non competit alicui quādiu est in via: sed quādiu hæc homo viuatur, est in via tendendi in vltimum finem. non igitur habet immobilem voluntatem in malo, ut non possit per diuinam gratiam reuerti ad bonum.

**4** Amplius manifestum est quod à peccatis quæ quis ante gratiam perceptam in sacramentis commisit, per sacramentorum gratiā liberatur. Dicit enim apost. 1. ad Cor. 6.

Neque fornicarij. neque idolis seruientes, neque adulteri, &c. regnum Dei possidebunt: & hoc quidem fuistis aliquando, sed abluti estis, sed sanctificati estis, sed iustificati estis in nomine Domini nostri Iesu Christi, & in spiritu Dei nostri. Manifestum est etiam quod gratia in sacramentis collata naturæ bonum non minuit, sed auget. pertinet autem hoc ad bonum naturæ, quod à peccato reducibilis sit in statum iustitiæ. nam potentia ad bonum, quoddā bonum est. igitur si contingat peccare post gratiam perceptam, adhuc homo reducibilis erit ad statum iustitiæ.

**5** Adhuc, si peccantes post baptismum ad gratiam redire non possunt, tollitur eis spes salutis: desperatio autem est via ad liberè peccandum. Dicitur enim ad Eph. 4. de quibusdam quod desperantes tradiderunt semetipsos impuditiæ in operationem omnis immunditiæ & auaritiæ. Periculosissima est igitur hæc positio quæ in tantā sententiā vitiorum homines inducit. Præterea \* ostensum est supra quod gratia in sacramentis percepta, non constituit hominem impeccabilem. si igitur post gratiam in sacramentis perceptam peccans ad statum iustitiæ redire non posset, periculosum esset sacramenta percipere: quod patet esse inconueniens: non igitur peccantibus post sacramenta percepta reditus ad iustitiam denegatur. Hoc etiam autoritate sacræ script. confirmatur. Dicitur enim Ioan. 2. Filioli mei, hæc scribo vobis, ut non peccetis: sed & si quis peccauerit, aduocatum habemus apud patrem Iesum Christum iustū: & ipse est propitiatio pro peccatis nostris. quæ quidem verba manifestum est quod fidelibus iam renatis proponerentur. Paulus etiam de Cor. fornicario scribit 2. Cor. 2. Sufficit illi qui eiusmodi est, obiurgatio hæc quæ fit à pluribus: ita ut è contrariis magis doleatis, & consolemini. & infra 7. dicit: Gaudeo non quia contristati estis, sed quia contristati estis ad poenitentiam. dicitur etiam Hiere. 3. Tu autem fornicata es cum amatoribus multis: tamen reuertere ad me, dicit Dominus. & Thren. vlt. Cōuerte nos Domine ad te, & conuertemur: innoua dies nostros sicut à principio. Ex quibus omnibus apparet quod si fideles post gratiam lapsi fuerint, iterum patet eis reditus ad salutem. Per hoc autē excluditur error \* Nouatianorum, qui peccantibus post baptismum indulgentiam denegabant. Ponebant autem sui erroris occasionem ex eo quod dicitur Hebr. 6. Impossibile est eos qui semel sunt illuminati, & gustauerunt donum cælestē, & participes sunt facti spiritus sancti, gustauerunt nihilominus bonum verbum Dei, virtutesque seculi venturi, & prolapsi sunt: renouari rursus ad poenitentiam. sed ex quo sensu hoc Apostolus dixerit, apparet ex hoc quod subditur: Rursus crucifigentes sibi metipsos filium Dei, & ostentui habentes. Ea igitur ratione qua prolapsi sunt post gratiam perceptam, renouari rursus ad poenitentiam non possunt: quia filius Dei rursus crucifigendus non est: denegatur igitur illa renouatio in poenitentiam per quam homo simul crucifigit Christo: quod quidem est per baptismum. dicitur enim Ro. 6. Quicumque igitur baptizati sumus in Christo Iesu: in morte ipsius baptizati sumus. Sicut igitur Christus non est iterum crucifigendus: ita qui peccat post baptismum, non est rursus baptizandus: potest tamen rursus conuerti ad gratiam per poenitentiam. unde & Apostolus non dixit quod impossibile sit eos qui semel lapsi sunt, rursus reuocari vel conuerti ad poenitentiam: sed quod impossibile sit renouari: quod baptismo attribui solet: ut patet ad Tit. tertio: Secundum misericordiam suam saluos nos fecit per lauacrum regenerationis & renouationis Spiritus sancti.

*Super Cap. 71.*



**S**ECUNDO loco ostendit san. Thom. ex præmissis, quod homo post sacramentalem gratiam susceptam in peccatum cadens, iterum reparari potest ad gratiam. Circa hoc autē duo facit. Primum probat intentum. Secundo excludit errorem quandam cum suo fundamento. Quantum ad primum arguit primum sic. Quādiu hic viuatur, voluntas mutabilis est secundū virtutem & virtutem, ut est ostensum: ergo sicut post acceptam gratiā potest peccare, ita & à peccato, ut videtur, potest ad virtutem redire.

**ADVERTENDVM** quod addidit san. Th. vi. videtur, ut ostendat ad huiusmodi

\* Exclaso et  
ror. Nouat.  
test. Enseb.  
lib. 6. histor.  
Eccl. cap. 33.

\* Cap. præc.

\* Cap. 13.



Nulliusmodi conclusiones necessarias simpliciter rationes adduci non possunt, sed tantum probabiles aut necessarias secundum quid. Secundum. Voluntas hominis à statu gratiæ per peccatum aueritur, ergo multo magis potest per gratiam à peccato reuocari, patet consequentia, quia bonum est potentius quam malum, cum malum non agat nisi in virtute boni. Tertiò. Quando hic homo uiuit est in via tendendi in ultimum finem, ergo non habet immobilem voluntatem in malum, cum immobilitas voluntatis non competat alicui in vita, ergo, &c. Quartò. A peccatis quæ quis ante gratiæ perceptam in sacramentis commisit, per gratiam sacramentorum liberatur, ut patet 1. Cor. 6. & ipsa gratia in sacramentis collata naturæ bonum non minuit, sed auget, ergo, &c. probatur consequentia, quia pertinet ad bonum naturæ, quod à peccato sit in statum naturæ reducibilis, cum potentia ad bonum, quoddam bonum sit.

**ADVERTENDVM** ex prima propositione haberi quod in homine est potentia ad liberationem à peccato, alioquin per gratiam sacramentorum non liberaretur ab iis quæ ante ipsam commisit: ex secunda uero quod per ipsam gratiam sacramentorum non tollitur talis potentia, cum sit bonum naturæ: unde argumentum sic procedit. In homine est potentia ad resurgendum à peccato antequam habeat gratiam, sed hæc non tollitur per ipsam gratiam in sacramentis collatam: ergo si contingit hominem post gratiam peccare adhuc, reducibilis est ad statum iustitiæ, maior probatur, quia à peccatis ante sacramentorum susceptionem commissis per sacramentorum gratiam liberatur, ut patet per Apostolum, minor uero probatur, quia gratia sacramentorum bonum naturæ non minuit, potentia autem huiusmodi ad bonum naturæ pertinet. Quintò. Sic tolleretur peccantibus spes salutis, consequenter ex desperatione daretur via ad liberè peccandum, iuxta illud quod ad Eph. quarto dicitur de quibusdam quod desperantes &c. ergo periculosa est hæc positio.

Sextò. Tunc periculosum esset sacramenta percipere, eum gratia in sacramentis percepta hominem non constituit impeccabilem.

**ADVERTENDVM**, fundamentum huius rationis esse quia homo in peiorem statum cadere posset post sacramentorum perceptionem, quam ante perceptionem eorum esset, si non posset post sacramentorum gratiam peccata à peccato resurgere, ante eorum enim perceptionem homo redire à peccato ad iustitiā poterat sacramenta percipiendo, post eorum uero perceptionem posset cadere in hunc statum quod à peccato resurgere non posset quia etiam post sacramentorum gratiam peccare posset: & stare illa positio, post tale peccatum redire non posset ad gratiā. Et sic periculosum esset percipere sacramenta. Confirmatur conclusio auctoritate primæ Ioan. secundo: Filioli mei &c. secundo Corinth. 2. Sufficit illi &c. & 7. cap. gaudeo &c. Hier. tertio. Tu autem &c. & Thren. ultimo. Coquerite nos &c. Quantum ad secundum excluditur per hoc (inquit sanct. Thom.) error Nouationorum peccantibus post baptismum indulgentiam denegantium in eo quod dicitur ad Heb. 6. Impossibile est eos &c. Dicitur autem quod per illa uerba Apostoli. (ut patet ex eo quod sequitur, rursus crucifigentes &c.) denegatur prolapsis post gratiam perceptam illa renouatio in penitentiam, per quam homo simul crucifigitur Christo, quod quidem fit per baptismum, iuxta illud Romano. 6. Quicumque igitur baptizati sumus, &c. Si enim Christus non est iterum crucifigendus, ita qui peccauit post baptismum, non est rursus baptizandus, potest tamen rursus conuerti ad gratiam per penitentiam: unde dicit quod impossibile est eos renouari: quod baptismum attribuitur solet: iuxta illud Apostoli ad Titum 3. Secundum misericordiam, &c.

Ad euidenciam huius conclusionis attendendum est distinctio quam ponit sanctus Thomas de ueritate, quæst. 4. artic. 11. Aliquem enim non posse à peccato reuerti dupliciter intelligi potest. Uno modo, ita quod uires suæ non sufficiant ad hoc ut à peccato totaliter liberetur: & sic quilibet in peccato mortali existens potest dici non posse ad iustitiam redire. Alio modo ita, quod nec cooperari possit aliquo modo ad hoc quod à peccato resurgat: & hoc non potest homini conuenire in via, licet aliqui difficultatem habeant propter malum habitum ad cooperandum suæ liberationi à peccato. Hoc itaque modo intelligimus hominem peccantem post sacramentorum gratiam redire posse ad iustitiam, quia potest Deo cooperari ad suam liberationem à peccato, non autem quia propriis uiribus possit à peccato liberari.

*De necessitate penitentiae, & partium eius.*

Cap. 72.



**X** hoc igitur apparet quod si aliquis post baptismum peccet, remedium sui peccati per baptismum habere non potest: & quia abundantia diuinæ misericordiæ & efficacia gratiæ Christi hoc non patitur, ut absque remedio dimittatur: institutum est aliud sacramentale remedium quo peccata purgantur, & hoc est penitentiae sacramentum, quod est quædam uelut spiritalis sanatio. sicut enim qui vitam naturalem per generationem adepti sunt, si aliquem morbum incurrant, qui sit contrarius perfectioni uitæ, à morbo curari possunt, non quidem sic ut iterum nascatur, sed quod alteratio sanatur: ita baptismus qui est spiritalis regeneratio, non reiteratur contra peccata post baptismum commissas: sed penitentia quasi quadam spiritali alteratione sanatur.

Considerandum est autem quod corporalis sanatio quandoque quidem ab intrinseco totaliter est, sicut quando aliquis sola uirtute naturæ curatur, quandoque autem ab intrinseco & extrinseco simul: ut puta quando naturæ ope-

ratio iuuatur exteriori beneficio medicinæ. Quod autem totaliter ab extrinseco curetur, non contingit. habet enim adhuc in seipso principia uitæ, ex quibus sanitas in ipso causatur. In spiritali uero curatione accidere non potest quod totaliter ab intrinseco fiat. Ostensum est enim in tertio lib. quod à culpa homo liberari non potest nisi auxilio gratiæ. Similiter etiam neque potest esse quod spiritalis curatio sit totaliter ab exteriori, non enim restitueretur sanitas mentis, nisi ordinati motus uoluntatis in homine causeretur. oportet igitur in penitentia sacramentum spirituale salutem & ab interiori & ab exteriori procedere. Hoc autem sic contingit. Ad hoc enim quod aliquis à morbo corporali curetur perfectè, necesse est quod ab omnibus incommodis liberetur quæ per morbum incurrit, sic & spiritalis curatio penitentia perfectè non esset, nisi homo ab omnibus detrimentis subleuaretur in quæ inductus est per peccatum. Primum autem detrimentum quod homo ex peccato sustinet, est deordinatio mentis, secundum quod mens aueritur ab incommutabili bono scilicet à Deo, & conuertitur ad peccatum. Secundum autem est quod reatum poenæ incurrit, ut enim in 3. lib. ostensum est, à iustissimo rectore Deo pro qualibet culpa poena debetur. Tertiū est quod debilitatio naturalis boni, secundum quod homo peccando redditur prior ad peccandum, & tardior ad bene agendum. Primum igitur quod in penitentia requiritur, est ordinatio mentis, ut scilicet mens conuertatur ad Deum, & auertatur à peccato, dolens de commissio, & proponens committendum, quod est de ratione contritionis.

Hæc uero mentis reordinatio sine gratia esse non potest. D. 685.

Nam mens nostra debet ad Deum conuerti non potest sine charitate, charitas autem sine gratia haberi non potest, ut patet ex his quæ in tertio lib. dicta sunt. sic igitur per contritionem & offensam Dei tollitur, & à reatu poenæ æternæ liberatur, qui cum gratia & charitate esse non potest. non enim æterna poena est nisi per separationem à Deo cui gratia & charitate homo coniungitur. hæc enim mentis reordinatio quæ in contritione consistit, ex interiori procedit, id est, à libero arbitrio cum adiutorio diuinæ gratiæ. Quia uero

præ ostensum est quod meritum Christi pro humano genere patientis ad expiationem omnium peccatorum operatur: necesse est ad hoc quod homo de peccato liberetur, quod non solum mente Deo adhæreat, sed etiam mediatori Dei & hominum Iesu Christo, in quo datur remissio omnium peccatorum.

Nam in conuersione mentis ad Deum salus spiritalis consistit: quam quidem salutem consequi non possumus nisi per medicum animarum nostrarum Iesum Christum, qui saluat populum suum, à peccatis eorum: cuius quidem meritum sufficiens est ad omnia peccata totaliter tollenda. ipse est enim qui tollit peccata mundi, ut dicitur Ioannis primo: sed tamē non omnes effectum remissionis perfectè consequuntur: sed unusquisque intantum consequitur, inquantum Christo pro peccatis patienti coniungitur. Quia igitur coniunctio nostra ad Christum in baptismo non est secundum operationem nostram quasi ab interiori, quia nulla res seipsam generat ut sit, sed à Christo qui nos regenerat in spem uitæ: remissio peccatorum in baptismo fit secundum potestatem ipsius Christi nos sibi coniungentis perfectè & integrè, ut non solum impuritas peccati tollatur, sed etiam soluitur penitus omnis poenæ reatus: nisi forte per accidens in his qui non consequuntur effectum sacramenti propter hoc quod fide accedunt. In hac uero spiritali sanatione Christo coniungimur secundum operationem nostram diuinam gratiam informatam. unde non semper totaliter, nec omnes æqualiter remissionis effectum per hanc coniunctionem consequuntur. potest enim esse conuersio mentis in Deum & in detestationem peccati tam uehemens, quod perfectè remissionem peccati homo consequitur non solum quantum ad purgationem culpæ, sed etiam quantum ad remissionem totius poenæ: hoc autem non semper contingit. unde quandoque per contritionem amota culpa, & reatu poenæ æternæ soluto, ut dictum est, remanet obligatio ad aliquam poenam temporalem: ut iustitia Dei saluetur, secundum quam culpa ordinatur per

\* Cap. 157.

\* Cap. 140. & seq.

\* Cap. 151.

\* Cap. 55.

\* Cap. 153. lib. 3.



per poenam. Cum autē subire poenam pro culpa, iudicium quoddam requiratur: oportet quod poenitens qui se Christo sanandum commisit, Christi iudicium in taxatione poenae expectet: quod quidem per suos ministros exhibet Christus, sicut & cetera sacramenta. Nullus autem potest iudicare de culpis quas ignorat: necessarium igitur fuit confessione institui quasi secundam partem huiusmodi sacramenti, ut culpam poenitentis innotescat Christi ministro. Oportet igitur ministrum cui sit confessio, iudiciaria potestatem habere vice Christi, qui constitutus est iudex viutorum & mortuorum. Ad iudiciariam autem potestatem duo requiruntur, scilicet autoritas cognoscendi de culpa: & potestas absoluendi vel condemnandi. Et haec duo dicuntur duae clauēs ecclesiae, scilicet scientia discernendi, & potestas ligandi & soluendi, quas Dominus Petro commisit, iuxta illud Math. 16. Tibi dabo clauēs regni caelorum. Non autē sic intelligitur Petro commississe ut ipse solus haberet, sed ut per eum deriuaretur ad alios: alias non esset sufficienter fidelium saluti prouisum. Huiusmodi autē clauēs à passione Christi efficaciam habent per quam scilicet Christus nobis aperuit ianuam regni caelorum: ideo sicut sine baptismo in quo operatur passio Christi, non potest esse salus hominibus, ut realiter suscepto, vel secundum propositum desiderato, quando necessitas, non contemptus, sacramentum excludit: ita peccantibus post baptismum salus esse non potest nisi clauibus ecclesiae se subiiciant, vel actu confitendo, & iudicium ministrorum ecclesiae subeundo, vel saltem huius rei propositum habendo, ut impleatur tempore opportuno: quia (ut dicit Petrus Act. quarto) non est aliud nomen datum hominibus in quo oporteat nos saluos fieri, nisi nomen Domini nostri Iesu Christi. Per hoc autem excluditur quorundam error, qui dixerunt hominem posse peccatorum veniam consequi sine confessione & proposito confitendi, vel quod per praelatos ecclesiae dispensari potest quod ad confessionem aliquis non teneatur. Non enim hoc possunt praelati ecclesiae, ut clauēs frustrentur ecclesiae, in quibus tota eorum potestas consistit: neque ut sine sacramento à passione Christi virtutem habentē aliquis remissionem peccatorum consequatur. hoc enim est solius Christi, qui est sacramentorum institutor & author, sicut igitur dispensari non potest per praelatos ecclesiae ut aliquis sine baptismo saluetur, ita nec quod aliquis remissionem sine confessione & absolutione consequatur. Considerandum tamen est quod sicut baptismus efficaciam aliquam habet ad remissionem peccati etiam antequam actu suscipiatur, dum est in proposito ipsum suscipiendi: licet postmodum pleniorē effectum conferat in adeptione gratiae & in remissione culpae cum actu suscipitur, & quandoque in ipsa susceptione baptismi conferatur gratia, & remittitur culpa ei cui prius remissa non fuit: sic & clauēs ecclesiae efficaciam habent in aliquo antequam eis se actu subiiciat, si tamē habeat propositum ut se eis subiiciat: pleniorē tamen gratiam & remissionem consequitur dum se eis actu subiicit confitendo, & absolutionem percipiendo: & nihil prohibet quin aliquando virtute clauium alicui confessio in ipsa absolutione gratia conferatur per quam ei culpa dimittitur. Quia igitur etiam in ipsa confessione & absolutione plenior effectus gratiae & remissionis confertur ei qui prius propter bonum propositum vtrumque obtinuit, manifestum est quod virtute clauium minister ecclesiae absoluendo aliquid de poena temporali dimittit, cuius debitor remansit poenitens post contritionem: ad residuum verò sua iniunctione obligat poenitentem: cuius quidem obligationis impletio, satisfactio dicitur: quae est tertia poenitentiae pars, per quam homo totaliter à reatu poenae liberatur, dum poenam exsoluit quam debuit: & ulterius debitas naturalis boni curatur, dum homo à malis abstinet, & bonis assuescit, Deo spiritum subiiciendo per orationem: carnem verò domando per ieiunium, ut sit subiecta spiritui, & rebus exterioribus, per eleemosynarum largitionem proximos sibi adiungendo, à quibus fuit sepa-

ratus per culpam. Sic igitur patet quod minister ecclesiae in usu clauium iudicium quoddam exercet: nulli autem iudicium committitur nisi in sibi subiectos: unde manifestum est quod non quilibet sacerdos, quemlibet potest absolvere à peccato, ut quidam mentiuntur, sed eum tantum in quem accipit potestatem.

## Super Cap. 72.



**P**RAEMISSIS iis quae necessaria erant ad ostendendum poenitentiae necessitatem, consequenter vult ostendere sanctus Thomas ipsum sacramentum poenitentiae necessarium esse. Circa hoc autem duo facit. Primum ostendit huius sacramenti convenientiam. Secundum necessitatem partium eius. Quantum ad primum ponitur haec conclusio: Sacramentum poenitentiae convenienter est institutum. probatur: Abundantia diuinæ misericordiae est efficacia gratiae Christi, quae non patitur ut peccans post baptismum, absque remedio dimittatur: sed homo non potest hoc remedium habere per baptismum, ut patuit, ergo convenienter institutum est aliud sacramentale remedium quo peccata purgantur, scilicet poenitentiae sacramentum, quod est quoddam velut spiritalis sanatio. Declaratur ex similitudine corporalis, quia videlicet sicut qui vitam naturalem per generationem adepti sunt, si alique morbum incurrant qui sit contrarius perfectioni vitae, à morbo curari possunt, non quidem ut renascantur, sed ut quadam alteratione sanentur: ita baptismus non reiteratur contra peccata post ipsum commissas, sed poenitentia quasi quadam alteratione sanatur. Quantum ad secundum ostenditur necessitatem partium poenitentiae. Circa hoc autem duo facit. Primum praemittit quaedam necessaria. Secundum ostendit propositum, quantum ad primum praemittit primum, quod corporalis quidem sanatio quandoque quidem ab intrinseco totaliter est, quandoque verò ab intrinseco & extrinseco simul, nunquam tamen est totaliter ab extrinseco: sed spiritalis sanatio non potest totaliter ab intrinseco fieri, cum homo à culpa liberari non possit nisi auxilio gratiae, ut ostensum est in tertio: neque etiam potest esse totaliter ab exteriori, quia non restitueretur sanitas mentis nisi ordinati motus voluntatis in homine causarentur: ex quo requiritur quod oportet ipsam ab interiori & ab exteriori esse.

Praemittit secundum, quod sicut ad hoc ut aliquis à corporali morbo curetur perfecte, necesse est ut ab omnibus incommodis quae per morbum incurrit, liberetur, ita & spiritalis curatio poenitentiae perfecta non esset, nisi homo ab omnibus detrimentis subleuaretur, in quae inducitur est per peccatum, quae sunt inordinatio mentis, secundum quod auertitur ab incommutabili bono scilicet Deo, & conuertitur ad peccatum reatus, secundum quod à iustissimo rectore Deo pro qualibet culpa poena debetur: & debilitatio naturalis boni, secundum quod homo peccato redditur propior ad peccandum, & tardior ad bene agendum.

**I**STIS praemissis ostendit necessitatem partium poenitentiae. Et primum contritionis. Secundum confessionis. Tertio satisfactionis. Quantum ad primum, prima conclusio est: Ad sanationem spirituales necessariae non esset, nisi homo ab omnibus detrimentis subleuaretur, in quae inducitur est per peccatum, quae sunt inordinatio mentis, secundum quod auertitur ab incommutabili bono scilicet Deo, & conuertitur ad peccatum reatus, secundum quod à iustissimo rectore Deo pro qualibet culpa poena debetur: & debilitatio naturalis boni, secundum quod homo peccato redditur propior ad peccandum, & tardior ad bene agendum.

**A**DVERTENDUM est, quum dicitur mentem debite ad Deum conuerti non posse sine charitate, quod ideo additum est debite, ut excludatur imperfecta conuersio. Potest enim aliquis imperfecte conuerti ad Deum sine charitate: sed perfecta conuersio quae sufficiat ad deletionem culpae sine charitate esse non potest, ut patet ex dictis in 3. lib. & in quaestione de Veritate, & prima secundae.

**Q**UIA verò dixit sanctus Thomas superius spirituales sanationem oportere ab interiori & exteriori procedere, inferit quod ita constare in contritione, quia haec mentis reordinatio quae in contritione, consistit, à libero arbitrio cum adiutorio diuinæ gratiae procedit. Secunda conclusio est: Per contritionem non semper homo consequitur perfecte remissionem peccati, quantum scilicet ad purgationem culpae, & quantum ad remissionem totius poenae, sed aliquando sic, aliquando verò remanet obligatio ad aliquam poenam temporalem.

**P**RO hac conclusione praemittit sanctus Thomas primum, quod necesse est hominem ad hoc ut à peccato liberetur, non solum mente Deo adherere, sed etiam mediatori Dei & hominum Iesu Christo, tum quia meritum Christi ad expiationem omnium peccatorum operatur, tum quia in conuersione mentis ad Deum salus spiritalis consistit, quam consequi non possumus, nisi per medicum animarum nostrarum Iesum Christum, qui saluat populum suum à peccatis eorum.

**A**DVERTENDUM est ex doctrina sancti Thomae 3. p. quæst. 49. articulo primo, & tertio Sentent. distin. 19. quaestione prima articulo primo, quod passio Christi est causa liberationis nostrae à peccato & per modum meriti, & per modum causae efficientis. ideo hic tanguntur duae rationes quare oportet mente adherere Christo in liberatione à peccato. Prima est, quia meritum passionis eius operatur ad expiationem peccatorum. secunda, quia est medicus animarum nostrarum, in quo quaedam efficientia respectu sanitatis ostenditur. Praemittit secundum, quod meritum Christi est quidem sufficiens ad omnia peccata totaliter tollenda, cum ipse tollat peccata mundi, ut dicitur Ioan. primo. non tamē omnes perfecte remissionis effectum consequuntur, sed secundum quod unusquisque Christo coniungitur.

Ex hoc sequitur differentia inter baptismum & poenitentiam, quia enim coniunctio nostri ad Christum in baptismo, non est secundum operationem nostram



hostis, sed à Christo, cum nulla res seipsam generet, remissio peccatorum in baptismo sit perfecta & integrè secundum potestatem ipsius Christi, ut non solum impuritas peccati tollatur, sed etiam solvatur penitus omnis peccati reatus, nisi forte per accidens in fide accidentibus, in hac verò spirituali sanatione Christo coniungimur secundum operationem nostram diuina gratia informamur, ideo non semper totaliter omnes æqualiter remissionis effectum per hanc coniunctionem consequimur, sed aliquando hoc consequitur homo propter vehementem conuersionem mentis in Deum & in meritum Christi, atque in detestationem peccati: aliquando autem non, quando scilicet non est ita vehemens conuersio.

Ex istis vult S. Thom. habere hanc rationem pro conclusione: In spirituali sanatione quæ est per contritionem, Christo coniungimur secundum operationem nostram diuina gratia informamur, sed nostra operatio non est semper æqualis & perfecta, ergo non semper æqualiter coniungimur Christo: ergo non semper æqualiter & perfecte consequimur remissionem peccati, quantum scilicet ad culpam & penam. ergo aliquando remanet obligatio ad aliquam penam temporalem. Secunda consequentia probatur, quia unusquisque in tantum consequitur peccati remissionem in quantum Christo coniungitur. vltima verò, quia diuina iustitia exigit ut culpa ordinetur per penam.

Ad horum euidentiam considerandum primò ex doctrina S. Thom. 4. Sent. dist. 17. quæst. 2. art. 3. quæst. iunc. 2. quod vehemètia contritionis potest attendi & ex parte charitatis quæ displicentiam causat, & ex parte doloris sensibilis quem voluntas in contritione excitat: & utroque modo potest sufficere ad deletionem peccati & culpæ, scilicet & ex intentione charitatis in suo actu, & ex intentione doloris sensibilis, quia etiam ille peccata quædam est. Propter primum dixit S. Thom. quod homo aliquando consequitur absolutionem totius reatus propter vehementem conuersionem mentis in Deum: propter secundum addidit, & in detestationem peccati ex vehemètia enim tristitia & displicentia peccati dolor sensibilis excitatur. Considerandum secundò ex doctrina S. Thom. de Verit. quæst. 12. art. 4. & prima secundæ quæst. iunc. 13. art. 4. quod coniunctio nostri ad Christum & ad meritum passionis eius requiritur ad hanc spirituales sanationem quæ est per penitentiam, est coniunctio per fidem, amorem, & spem. oportet enim ad hoc ut homo iustificetur, loquendo de adultis, quod causam iustificationem attingat per actum proprium qui est actus intellectus & voluntatis: sicut & in corporalibus actio non perficitur nisi per mutuum contactum agentis & patientis, quando utrumque natum est tangere & tangi. causa autem iustificans, & remissionem peccatorum causans, non tantum est Deus, vt consideratur secundum solam diuinitatem, sed etiam Christus: ideo oportet etiam ipsi Christo & eius passioni adhærere. Et per fidem quæ credimus ipsum esse saluatorem ac redemptorem, suæque passionis merito nobis remissionem peccatorum meruisse, & per amorem cum spe veniat ab ipso consequendæ. Considerandum tertio ex doctrina sancti Thomæ tertia parte quæstione sexagesimanona articulo secundo, quod remissio peccatorum fit per baptismum, in quantum baptizatus incorporatur Christo tanquam eius membrum, & ideo communicatur sibi passio Christi ad remedium, ac si ipse passus & mortuus esset: unde cum ipsa Christi passio sufficiens sit satisfactio pro peccatis omnium hominum, baptizatus ita liberatur à reatu totius peccati sibi debiti, ac si ipse sufficienter satisfecisset pro omnibus peccatis suis. propterea bene hic ostendit sanctus Thomas in baptismo remitti totaliter peccatum, qui remittitur secundum solam potestatem ipsius Christi, id est, secundum virtutem & sufficientiam passionis eius. In spirituali autem sanatione per contritionem non fit remissio per solam sufficientiam passionis Christi, sed ex applicatione illius ad nos per nostram operationem liberi arbitrii. ideo non oportet ut semper totaliter in ipsa sanatione remittatur peccatum quantum ad penam, sed plus aut minus secundum perfectionem maiorem aut minorem nostræ operationis. virtus enim primæ causæ quandam in secunda causa limitationem recipit, ideo bene ostenditur non semper totaliter remitti nobis peccatum in hac spirituali sanatione ex eo quod in ipsa coniungimur Christo per operationem nostram.

Considerandum quartò, quod ille dicitur ad baptismum fideus accedere, vt habetur ex doctrina S. Thom. 3. part. q. 69. art. 9. & 4. Sent. dist. 4. q. 3. art. 2. quæst. iunc. 2. ad 1. qui ostendit se velle veteri vitæ abrenunciare & nouam inchoare per susceptionem baptismi, & tamen adhuc voluntas eius est in vetustate peccati, aut quia fidem non habet, aut quia sacramentum contemnit, aut quia ipsum rectè non celebrat, aut quia indeuotus accedit. modo constat quod talis qui baptizatur, remissionem peccati non consequitur, non quidem propter sacramenti insufficienciam, sed propter eius indispotionem. ideo bene dictum est, quod per baptismum tollitur reatus omnis peccati, nisi forte per accidens aliter eueniat in his qui effectum baptismi non consequuntur eo quod accedant fidei.

SED duplex hoc loco dubium occurrit. Primum est, quia non videtur bene dictum quod coniunctio nostra ad Christum in baptismo, non est secundum operationem nostram, sicut spiritualis sanatio. oppositum enim huius videtur dici 3. q. 68. art. 6. & quæst. iunc. 86. art. 2. ad 2. vbi dicitur quod interior confessio, qua scilicet homo peccata sua recogitans de eis dolere, requiritur ad baptismum.

Secundum dubium est, quia sicut baptismus est sacramentum, ita & penitentia: sacramenta autem non operantur nisi in quantum sunt instrumenta passionis Christi, ergo effectus penitentia pensandus est ex virtute passionis Christi tantum, & non ex aliquo opere nostro, sicut & effectus baptismi: ergo non minus ex penitentia remittitur totaliter peccatum, quam ex baptismo.

Ad euidentiam primi dubij considerandum est, quod alia est coniunctio hominis ad Christum per baptismum, & alia coniunctio per penitentiam, illa enim est coniunctio per quandam incorporationem, in quantum homo fit membrum Christi: ista verò est per quandam amicitiam & integrationem. Ad primam vnionem cum Christo manifestum est quod homo effectiue non concurret, quia talis incorporatio per generationem spirituales nihil autem, vt inquit S. Thom. seipsam generat. Ad secundam autem vnionem potest effectiue aliquo modo concurrere, in quantum actus humanus est de essentia sacramenti penitentia: per quam talis vnio causatur. Ad dubij ergo dicitur, quod licet aliqui actus humani & ipsa interior penitentia requirantur ad baptismum tanquam dispositio-

nes ad ipsum, vt dicitur 3. q. 83. art. 1. ad 1. non tamen requiruntur tanquam de essentia sacramenti existentes, actus autem humani requiruntur ad spirituales sanationem tanquam existentes de essentia sacramenti huiusmodi vnionem causantis: & secundum hunc sensum intelligenda est differentia hæc posita inter baptismi vnionem & vnionem penitentia.

Ad secundum dubij dicitur, quod licet penitentia sit sacramentum, & operetur in virtute passionis Christi, hoc tamen est aliter & aliter in baptismo & in penitentia. Ad remotionem enim reatus peccati debet pro peccatis per baptismum, sola passio Christi operari, & homo totaliter virtutem dictæ passionis participare, vt dicitur 3. part. quæst. 86. art. 4. ad tertium, & 4. Sententiarum, distinct. 13. q. 1. art. 3. quæst. iunc. 2. Ad remotionem autem reatus per penitentiam non sola passio Christi concurret, sed concurret etiam ipsi actus hominis penitentis, nec penitens necessario participat totam virtutem passionis huiusmodi, sed secundum modum proprium actuum. Ideo quum passio Christi sit sufficiens ad tollendum omnem reatum, non autem omnis actus humanus ad hoc in suo etiam ordine sufficiat, in baptismo omnis reatus tollitur, non autem in omni spirituali sanatione, & in omni interiori aut exteriori actu penitentia.

ADVERTENDVM est vltèrius quod reatus qui dicitur remanere post actum peccati, non est aliquid reale absolutum, neque aliqua relatio realis, vt videtur sancto Thomæ Scotus in 4. Sentent. distinct. 14. quæstio prima imponere, sed est quidam respectus rationis. est enim obligatio ad penam futuram propter voluntariam transgressionem diuinæ legis, cuius proximum fundamentum est defectus ex peccato derelictus, vt dicitur 2. Sentent. dist. 42. quæst. 1. art. 2. aut scilicet macula peccati, aut inæqualitas iustitiæ inter hominem & Deum, dum homo etiam post remissionem culpæ nondum satisfecit pro suo peccato, iste autem respectus habet quidem actuale esse & complementum per actum intellectus intelligentis peccantem in ordine ad penam, sed esse fundamentale habet in ipso homine peccatore, qui ad penæ solutionem obligatur. Unde causa propria istius obligationis est voluntas peccantis, à qua prouenit actus peccati, & defectus qui huiusmodi actum consequitur: causa autem prima & remota est voluntas diuina statuens vt transgrediens legem obligetur ad penam. De hac materia vide Capreolum 4. Sent. dist. 14. q. 1. concl. 3. Secundo loco ostendit sanctus Thomas secundam partem penitentia, quæ est confessio, necessariam esse: & ponit tres conclusiones. Prima est: Necessarium fuit confessionem institui. Probatur sic: Subire penam pro culpa, ad quod videlicet tenetur is qui peccauit iudicium quod dam requiritur: ergo oportet quod penitens qui se Christo sanandum commisit, Christi iudicium in taxatione peccati expectet, ergo necesse fuit confessionem institui. probatur secunda consequentia, quia Christus cum tale iudicium per suos ministros exhibeat, sicut & cetera sacramenta, nullus autem possit iudicare de culpis quas ignorat, necesse est vt culpa penitentis innotescat Christi ministris, quod fit per confessionem.

ADVERTENDVM ex doctr. S. Thom. in 4. Sent. distinct. 3. q. 3. art. 3. quæst. iunc. 1. ad 1. quod præceptum de confessione à Deo habuit institutionem, & fuit à Iacobo promulgatum. Quauis autem non legatur huius expressa institutio à Christo, præfiguratio tamen eius inuenitur & in hoc q. 10 anni confitebantur peccata sua qui baptismo ipsius ad gratiam Christi præparabantur: & in hoc quod Dominus ad sacerdotes, in quibus nouit testamētum sacerdotium significabatur, leprosos transmissit. Secunda conclusio est: Necesse est ministrum cui fit confessio, habere auctoritatem cognoscendi de culpa, & potestatem absolendi vel condemnandi, quæ dicuntur, duæ clauæ ecclesiæ. probatur, tum quia hæc duo ad iudiciariam potestatem requiruntur, oportet autem ministrum cui fit confessio, iudiciariam potestatem habere vice Christi, qui constitutus est iudex viuorum & mortuorum: tum quia has Dominus Petro commisit, iuxta illud Matthæi decemoxto: Tibi dabo clauæ regni cælorum: vt scilicet, quicquid deriuaueris ad alios, alioquin non esset sufficienter fidelium saluti prouisum.

Tertia conclusio est: Peccantibus post baptismum salus esse non potest nisi clauibus ecclesiæ per confessionem se subiciant vel actu, vel proposito. Probatur, sine baptismi vel realiter suscepto, vel secundum propositum desiderato, quando necessitas, non contemptus sacramētum excludit, non potest esse salus hominibus: ergo neque sine clauibus. probatur confuentia, quia clauæ à passione Christi efficaciam habent, per quam scilicet Christus nobis aperuit ianuam regni cælestis, sicut & ipsa passio in baptismo operatur.

CIRCA istam rationem primò aduertendum est quod per hoc quod dicitur clauæ à passione Christi efficaciam habere, non intendit hoc solum S. Thom. quod virtutem saluandi à passione Christi habeant, vt videntur verba supradicta sonare, sed quod sunt à Deo ad salutem post peccatum actualem & institutam & datam: & ideo sicut non consequitur quis salutem causandam virtute passionis Christi absque baptismo ad remotionem peccati originalis instituto, ita neque absque clauibus ecclesiæ quis post actualem peccatum saluari potest. Aduertendum secundò, quod dicitur necessitas sacramētum excludens, non autem contemptus, quando quis propositum sacramenti suscipiendi habet, sed ipsum executionem mandare non potest: & tunc dicitur sacramentum voto & proposito susceptum salutem operari, ac si actu suscipere, quia, vt dicitur 4. Sent. d. 4. q. 3. art. 3. quæst. iunc. 2. voluntas pro facto reputatur ei qui non habet tempus operandi. Confirmatur conclusio auct. Petri Act. 4. Non est aliud nomen, &c.

ADVERTENDVM quod ista auctoritas confirmat propositum, in quantum intendit neminem saluari posse nisi in fide Iesu Christi, & consequenter nisi per sacramēta à Christo ad remotionem peccati instituta. sic enim sequitur, quod sicut nullus saluari potest nisi in fide Iesu Christi, ita nec saluari potest nisi sacramēto penitentia actu vel proposito subiciatur. Per hoc autem, inquit S. Thom. excluditur quorundam error dicentium hominem posse peccatorum veniam consequi sine confessione & proposito confitendi, vel quod per prælatos ecclesiæ dispensari potest quod ad confessionem quis non tenetur. hoc enim parer esse falsum, tum quia non possunt prælati ecclesiæ agere vt clauæ ecclesiæ frustrentur, in quibus tota potestas eorum consistit. supple: frustrarentur autem si sine his posset remissionem peccatorum consequi, potestas enim clauium superflua esset, tum quia non possunt agere vt sine sacramento à passione Christi virtutem habente, aliquis remissionem peccatorum consequatur, sicut neque quod aliquis sine baptismo saluetur, sed hoc est solus



Christi, qui est sacramentorum institutor & author.

PR O huius declaratione aduertenda sunt duo ex doctrina S. Thom. 4. Sent. d. 17. q. 3. art. 1. quæstionum. 5. Primum est, quod institutio Ecclesie præsupponitur ad operationem ministrorum: sicut opus creationis præsupponitur ad opus naturæ, quum ministri ecclesie instituuntur in ecclesia fundata, ecclesia autem fundatur in fide & sacramentis: ideo ad ministros ecclesie nec nouos articulos fidei edere, aut editos remouere, nec noua sacramenta instituere, aut instituta remouere pertinet, sed ad Christum, qui est ecclesie fundamentum: & secundum hoc procedit secunda ratio S. Thom. nam quum dicit ministros non posse dispensare ut quis sine sacramento à passione Christi virtutem habentem remissionem consequatur, dat intelligere quod si sacramentum haberet virtutem & efficaciam ab ipsis ministris utpote ab ipsis instituta, posset in illis dispensare: sed quia non habet ab ipsis virtutem, sed à passione Christi à quo sunt instituta, ideo in illis solus Christus potest dispensare, non autem ecclesie ministri.

Secundum est, quod quum dicitur ministros dispensare non posse ut quis sine confessione remissionem peccatorum consequatur, hoc intelligitur de confessione secundum quod obligat ex vi sacramenti, non autem secundum quod obligat ex præcepto ecclesie. licet enim non possit papa dispensare ut qui peccatum mortale commisit, nunquam illud confiteatur, potest tamen dispensare ut possit diutius confessionem differre quam sit ab ecclesia institutum. Quando autem quis teneatur confiteri ex obligatione iuris diuini, vide sanctum Thomam, articulo allegato, quæstionum. 4.

ADVERTENDVM vltius ex doctrina S. Thom. 4. Sent. dist. 17. in expositione literæ, quod opinio prædicta quæ etiam à Magistro sententiarum recitatur, nunc est hæresis propter determinationem ecclesie sub Innocentio tertio, in cap. Omnis viri que sexus. non enim quia sit explicitè contra aliquem articulum, vel sit præcedens aut sequens ad ipsum, est hæresis, sed quia implicitè continet aliquid contrarium fidei, scilicet quod claus ecclesie non sint necessarie ad salutem, quod vocat hoc loco sanctus Thomas frustrari claus, & per ecclesiam determinatum est quod aliquid contrarium fidei sequatur. Vltius, quia quantum ad necessitatem paria esse posuit S. Thom. baptismum & claus ecclesie quibus se homo per confessionem subicit, notat quod sicut baptismus efficaciam habet ad remissionem peccati, etiam antequam actu suscipiatur, dum est in proposito, in ipsa tamen actuali susceptione pleniorum effectum confert & gratia & remissionis, & quandoque confertur gratia, & remittitur culpa ei cui prius dimissa non fuit: ita & de clauibus per omnia dicendum est.

AD huius euidenciam considerandum est ex doctrina S. Thom. 4. Sent. dist. 18. q. 1. art. 3. quod aliquando præparatio sufficiens ad susceptionem effectus baptismi & penitentia, ipsam sacramenti susceptionem præcedit tempore, & tunc in tali præparatione & dispositione cum proposito suscipiendi sacramentum confertur gratia & remissio culpæ, atque liberatio à reatu pœnæ æternæ, in ipsa autem actuali susceptione sacramenti augetur gratia vi sacramenti, & à reatu pœnæ homo absoluitur, aut totaliter, sicut in baptismo, aut quantum ad aliquam partem, ut in confessione: aliquando verò dispositio sufficiens ad effectum sacramenti, scilicet ad gratiam & remissionem peccatorum non præcedit tempore, licet aliqua insufficientis præparatio præcedat etiam cum proposito suscipiendi sacramentum: & tunc ex sacramento secundum quod est in proposito, non confertur gratia, neque causatur remissio peccatorum, sed in ipsa susceptione sacramenti virtute ipsius gratia confertur, per quam culpa dimittitur, propterea quod sufficiens dispositio in ipsa susceptione sacramenti causatur, puta quando quis de attrito sit contritus: quod quidem in ipsa confessione & absolutione vi clauum fit, nisi quis obicem gratia ponat. Vnde bene dicitur hoc loco, quod per baptismum & confessionem aliquando confertur gratia secundum quod in proposito tantum sunt, aliquando verò secundum quod sunt actu. Quarta conclusio est: Minister ecclesie absoluit virtute clauum aliquid de pœna temporalis dimittit, cuius debitor remansit penitens post contritionem, ad residuum verò sua iniunctione obligat penitentem. Primam partem probat, quia in ipsa confessione & absolutione plenior effectus gratia & remissionis confertur. Secundam verò relinquit manifestam, quia quum remissio pœnæ non fiat nisi vi clauum: si per absolutionem non remittitur tota pœna, manifestum est illud quod remanet soluendum de pœna: oportere ex iudicio habentis claus taxari & imponi.

ADVERTENDVM quum dicitur vi clauum aliquid pœnæ in absolutione dimitti, quod hoc intelligitur supposito quod contritio non fuerit sufficiens ad deletionem omnis pœnæ debite. Si enim fuisset tota pœna in contritione dimissa, non dimitteretur aliquid eius in absolutione.

ADVERTENDVM est etiam, quod quantum maior gratia recipitur, tanto minus de imputabilitate peccati præcedentis manet, & ideo minor pœna purgans debetur, ut dicitur in quarto Sententiarum, articulo præallegato. Idcirco cum plenior gratia in ipsa confessione & absolutione conferatur, bene inferitur quod aliquid de pœna cuius penitens debitor remansit, post contritionem remittatur, autem enim causa necesse est & effectum augeri.

ATTENDENDVM est tamen, quod virtute clauum de pœnis singulorum peccatorum proportionaliter dimittitur, ut inquit S. Thom. articulo præallegato quæstionum. 2. ad 3. non autem æqualiter secundum absolutam æqualitatem, non enim si aliqua quantitas pœnæ magno peccato debetur remittitur vi clauum, tanta quantitas pœnæ debetur minori peccato remittitur, quia posset esse quod minori peccato non deberetur maior quantitas pœnæ quam sit illa quantitas maiori peccato debita quæ remittitur, & sic remaneret minus peccatum omnino sine pœna, quod non conuenit esse ex vi clauum, licet ex vehementia contritionis illud possit accidere, ut dictum est superius: sed cæteris paribus si per vnam absolutionem virtute clauum remittitur decima pars pœnæ debetur maiori peccato per eandem absolutionem remittitur decima pars pœnæ minori peccato debetur: & sic de aliis partibus est dicendum.

CIRCA essentiā clauum ecclesie de quibus sæpenumero facta mentio est, aduertendum quod Scotus 4. Sent. dist. 19. tenet huiusmodi claus secundum essentiam à charactere sacerdotali distingui, quæ est potestas conficiendi corpus Christi, quia illa fuit Apostolis collata in cœna Domini: potestas autem clauum illis post resurrectionem collata fuit. Tenet

etiam quod duæ claus ecclesie, scilicet authoritas cognoscendi de culpa, & authoritas sententiandi siue absoluendi & condennandi, sunt essentialiter distinctæ, quia potest alicui dari vna authoritas absque alia S. Tho. aut 4. Sæ. dist. 18. q. 1. art. 1. quæstionum. 2. ad primum, tenet characterem sacerdotalem & claus esse essentialiter eadem, & quod non differunt nisi ratione in ordine ad diuersos effectus. Ad rationem autem Scoti dicitur ex sententia ipsius S. Thom. 4. Sent. dist. 2. q. 2. art. 3. ad 2. quod potestas sacerdotalis quæ data est in cœna Domini quo ad primum & principalem actum, qui est conficere corpus Christi eadem postmodum data est post resurrectionem quo ad secundarium actum, qui est absolvere & ligare. Quo ad ipsas verò claus tenet etiam S. Tho. expressè 4. Sent. dist. 18. q. 1. art. 1. quæstionum. 3. quod secundum authoritatis essentiam est vna, sed distinguuntur duæ claus ex comparatione ad actus, quorum vnus alium præsupponit. Nec obstat quod dicit Scotus, quia vna authoritas absque alia conferri possit, nam non inconuenit aliqua in aliquibus esse diuersa separata, in aliquo verò vnus esse: sicut substantia intellectiua separata distinguitur à substantia sensitiua in brutis existente, & tamen in homine substantia intellectiua & sensitiua sunt realiter idem. Quantum ad tertium, scilicet de necessitate satisfactionis, ponitur hæc conclusio. Satisfactio est necessaria: hæc autem non potuit S. Thom. explicitè, sed implicitè ex præcedentibus deducitur, & ex probationibus cõiungitur. Probatur autem primò sic. Absolutio obligat penitentem ad residuum pœnæ cuius remanet debitor post contritionem & remissionem vi clauum factā, ergo necessaria est satisfactio: probatur consequentia, quia dicitur obligatio in impletio satisfactio dicitur.

ADVERTENDVM ex doctrina sancti Thomæ, tertia parte quæst. 90. articulo secundo, & quarto Sent. distinct. 16. quæst. 1. articulo primo, quod cum recompensatio offensæ quæ fit per penitentiam, fiat secundum arbitrium Dei in quem peccatur, eo quod in tali recompensatione redintegratio amicitie cum Deo quærat, oportet ut fiat secundum arbitrium ministri Dei. talis autem recompensatio secundum arbitrium Dei siue eius ministri dicitur satisfactio, ideo ex hoc quod sacerdos obligat vi clauum penitentem ad solutionem alicuius pœnæ, optimè concluditur satisfactionem necessariam esse penitenti & volenti offensam Dei recompensare.

Probatur secundò. Ad spirituales sanationes requiritur ut homo liberetur ab illa debilitatione naturalis boni quam per peccatum incurrit, ut superius dicebatur: sed hoc fit per satisfactionem, dum videlicet homo à malis abstinet, & assuescit bonis, Deo spiritum subiiciendo per orationem, carnem verò domando per ieiunium, ut sit subiecta spiritui: & rebus exterioribus per elemosynarum largitionem proximis fidei adiungendo, à quibus fuit separatus, scilicet separatione charitatis per culpam, ergo, &c.

ADVERTENDVM quod S. Thom. in iis verbis enumerat omnia opera satisfactoria posita à Magistro Sententiarum quarto distinct. 15. quæ sunt, elemosyna, ieiunium, & oratio. Nam per elemosynam aliquid nobis ex bonis fortunæ subtrahimus, per ieiunium verò aliquid ex bonis corporalibus, sed per orationem bona animi totaliter Deo submittimus: & sic per huiusmodi opera satisfactoria sanatur debilitas illa naturalis boni quæ per peccatum contrahitur.

EX prædictis infer S. Thom. hoc corollarium. Non quilibet sacerdos quemlibet potest absolvere à peccato, sed eum tantum in quem accipit potestatem. probatur, quia minister ecclesie in vfu clauum iudicium quoddam exercet, nulli autem iudicium committitur nisi in sibi subiectos.

AD huius euidenciam duo sunt attendenda. Primum est ex doctrina S. Thom. quarto Sent. dist. 19. q. 1. art. 1. quæstionum. 1. ad 1. quod duplex est potestas, scilicet potestas ordinis, & potestas iurisdictionis. Potestas ordinis dicitur potestas quæ ordinem concomitatur, puta potestas conficiendi corpus Christi, potestas ligandi atque soluendi in foro animæ, & similia. Potestas autem iurisdictionis est qua aliquis alteri ius dicere potest, & eum ligare atque absolvere in foro contentioso. Potestas ordinis æqualiter est in omnibus sacerdotibus, & quantum est ex se, ad omnes & ad omnia peccata se extendit, quia videlicet in se sufficiens est omnem penitentem ab omni peccato absolvere: sed potestas iurisdictionis non est æqualiter in omnibus sacerdotibus, sed in Petro & successoribus eius est respectu omnium fidelium, in aliis verò est secundum limitationem eius à pontifice mediata vel immediate datam, quia data est Petro omnis iurisdicatio indistincte dum ei dictum est: Tibi dabo claus, &c. & pascis oues meas, aliis autem secundum Petri cõmissionem diuiditur. Licet ergo potestas ordinis quantum est de se, ad omnem absoluit dum se extendat, vsum tamen talis potestatis extendi non potest nisi in eum in quem sacerdos habet potestatem iurisdictionis, per quam in quem vsum clauum exercetur, efficitur subiectus absoluenti, ideo Papa omnem penitentem à peccato potest absolvere, quia in omnem Christianum iurisdictionem habet: alius autem sacerdos illos duntaxat potest absolvere, qui suæ iurisdictioni cõmissionem pontificis sunt subiecti. Et hoc quidem dedit hoc loco intelligere S. Tho. dum dixit quod quia minister ecclesie in vfu clauum iudicium quoddam exercet, ideo non potest sacerdos absolvere nisi eum in quem accipit potestatem. In his enim verbis vult præter potestatem ordinis oportere esse in sacerdote absolvente potestatem etiam iurisdictionis in eum qui absolui debet. Nec obstat quod penitentia est sacramentum iudiciale voluntarium, quia licet sit voluntarium ex parte penitentis, quæcumque ad hoc quod nullus eum inuitum absolvere potest, non tam voluntarium quantum ad hoc quod possit sibi quem voluerit cõfessorem eligere à quo absoluitur. Non obstat etiam quod Papa absolui potest ab eo cuius iurisdictioni non subditur, quia Papa nullius curæ est particulariter commissus, omnes autem alij sunt eius curæ commissi, & eius quibus ipse voluerit: ideo non est simile de Papa & de aliis hominibus. Secundò attendendum est, quod ea quæ hîc dicuntur, sunt intelligenda extra casum necessitatis. Nam in necessitatis articulo, quando scilicet non adest copia proprij sacerdotis, & quis tenetur confiteri, ut in casu mortis, à quolibet sacerdote absolui potest secundum S. Thom. loco præallegato: & hoc dicit S. Thom. in quarto Sent. dist. 20. q. 1. art. 1. quæstionum. 2. ad primum, esse de voluntate ecclesie quæ accipit ut quilibet sacerdos quemlibet in articulo mortis possit absolvere, nec tamen propter hoc mutatur minister penitentia, sed solum ab ecclesia aliquo modo habet ut vsum iurisdictionis in quemlibet in tali casu exercere possit, quem vsum extra hunc casum non habet. Vide de hac materia plenius apud Capreo. 4. distinct. 19.

Vltimo



Vltimo loco, quia in præcedentibus dictum est penitentiam & sacramentum esse, & habere partes enumeratas superius, ut completior habeatur hic huius rei notitia, primò videndum est ex doctrina S. Thom. tam in tertia parte quàm in quarto Sent. quomodo penitentia sit sacramentum secundò quomodo contritio, confessio, & satisfactio eius partes sint.

AD euidentiã primò considerandum primò, quòd penitentia dupliciter sumitur. Vno modo ut est virtus, alio modo, ut est sacramentum. Primo modo est habitus in voluntate exiles, quo quis doli de peccato cum emendationis proposito, cuius actus interior est contritio, exterior verò confessio & satisfactio. Secundo modo est aliquod sensibile signum quod sanctitatem significat & efficit, primò ad remotionem actualis peccati ordinatum.

Considerandum secundò, quòd cum in quolibet sacramento sint tria, scilicet id quod est sacramentum tantum, quod inquam est solum modo signum sanctitatis: id quod est res & sacramentum, id est primus effectus sacramenti, qui est res causata & sensibili signo, & significat vltimū sacramenti effectum: & id quod est res tantum, id est vltimus sacramenti effectus: in penitentia secundum S. Thom. sacramentum tantum est actus exterior tam per peccatorem penitentem exercitus quàm per sacerdotem absoluentem: res autem & sacramentum est penitentia interior peccatoris: res tantum, est remissio peccati.

SE D circa hoc difficile dubium occurrit. Non enim videtur posse penitentia interior esse res & sacramentum siue primus effectus penitentiae, quia contritio quæ est interior penitentia, ponitur pars sacramenti penitentiae: pars autem sacramenti non potest esse primus eius effectus, aliàs idem esset causa & effectus: tum quia penitentia interior præcedit confessionem & absolutionem, effectus autem suam causam non præcedit.

Ad hanc difficultatem tollendam Cap. in 22. dist. 1. art. 2. quarti sequens Petrus de Palude ad hoc declinat, quòd in sacramento penitentiae oportet secundum mentem S. Thom. præter penitentiam interiorem ponere aliquid quod ornatum in anima qui sit primus effectus sacramenti, & dispositio ad gratiam per modum actus primi: & hunc dicit esse id quod S. Thom. gratiam sacramentalem vocat, id est effectum proprium ad quem penitentia sacramentum est institutum præter effectum communem omnibus sacramentis, qui est gratia, dicitque hunc ornatum prius natura effici & causari à sacramento penitentiae, quàm interior penitentia sit effectus sacramenti, imò quòd forte habet aliquam causalitatem super ipsam quo ad eius complementum. Ad id autem quod inquit sanctus Thomas penitentiam interiorem esse rem & sacramentum, dicit quòd non intelligitur hoc quantum ad essentiam & productionem ac inceptionem ipsius, sed quantum ad aliquod sui complementum, puta quantum ad eius intentionem, aut formationem per gratiam & charitatem, aut quàm ad virtutem sanandi peccatum. Vnde pro illa duratione quæ præcedit absolutionem, non est res & sacramentum actus, sed tantum aptitudinem. Sed hæc opinio quantum ad hoc quòd oportet ponere aliquem ornatum præter interiorem penitentiam qui sit pars sacramenti penitentiae, quòdque talis ornatum sit gratia quam sanctus Thomas sacramentalem vocat, non videtur mihi ad mentem sancti Thomae esse, quia quum ubi ex proposito & particulariter de ipsa penitentia loquitur, dicat penitentiam interiorem esse id quod est res & sacramentum, ut patet 3. q. 84. artic. 1. ad tertium & 4. dist. 22. q. 2. art. 1. quæstionum. 2. de nulloque alio tanquam de re & sacramentum huiusmodi mentionem faciat, non videtur mihi ab hac sententia recedendum propter aliqua communiter ab ipso dicta, quæ huius sententia uerfari videntur. Expressè autem eius menti repugnare videtur quòd gratia sacramentalis sit talis ornatum qui est dispositio ad gratiam. Nam apud ipsum (ut patet 4. Sent. dist. 1. q. 1. art. 4. quæstionum. c. 5.) gratia sacramentalis ponitur non dispositio ad gratiam, sed gratia, secundum quòd à sacramento causatur, effectus, sicut & dona & virtutes gratia effectus sunt. Non videtur quoque etiam posito tali ornatu quòd ipse possit habere aliquam causalitatem super penitentiam interiorem, quia sacramentum quantum ad omnia sui partem oportet præcedere primum sacramenti effectum saltem natura: penitentia autem interior aliquo modo est pars sacramenti penitentiae secundum etiam Capreolum. Ideo necesse est ut natura talem ornatum præcedat. Non obstat autem prædictis primò, quòd sanctus Thomas de Veritate, quæst. 27. art. 2. inquit sacramenta peruenire ad proprios effectus qui dicuntur gratia sacramentales, ad quos sequitur infusio gratia gratum facientis, vel eius augmentum. Dicitur enim quòd duplex est proprius effectus sacramenti. Vnus qui est primus & immediatus, qui dicitur res & sacramentum, & dicitur in aliquibus character, alius qui inter vltimos sacramenti effectus computatur, ad quem scilicet sacramentum est primò institutum: & uterque potest dici gratia sacramentalis, quia uterque habet habitudinem ad gratiam per sacramentum causatam: sed differunt primò, quia primus effectus est dispositio ad gratiam, & ipsam saltem ordine naturæ antecedit. Secundus autem est effectus gratia secundum quòd per sacramentum causatur. Est enim effectus quidam consequens gratiam causatam per sacramentum ad reparandum aliquem defectum qui ex peccato incidit, & vocatur quandoque à sancto Thoma diuinum auxilium ad consequendum sacramenti finem: qui scilicet est remotio aliquis defectus ex peccato derelicti. Differunt secundò, quia primus effectus directè attingit sacramentum, secundum autem sacramentum non attingit directè, sicut nec gratiam, sed tantum dispositiue. Omnia enim sacramenta ad gratiam disponunt: sed secundum quòd sunt diuersa sacramenta, diuersimodè ad ipsam disponunt, id est secundum quòd ex gratia alij & alij effectus contra defectus ex peccato incidentes proueniunt. Dicitur ergo S. Thom. intelligitur de gratia sacramentali primo modo, non autem secundo modo, ut videtur Capr. intelligere, sed illa gratia sacramentalis non distinguitur in sacramento penitentiae à penitentia interiori, secundum quòd est effectus sacramenti: sic enim se habet penitentia interior ad sacramentum penitentiae, sicut character in aliis sacramentis habentibus characterem. Non obstat secundò quòd sanctus Thom. inquit 4. Sent. dist. 27. q. 1. art. 3. quæstionum. 2. ad 3. adultos posse per baptismum gratiam suscipere in dormiendo propter habitalem dispositionem ex motu liberi arbitrij præcedente. Dicitur enim primò quòd hoc dictum non est ad propositum, quia non loquimur hic de dispositione antecedente sacramenti, cuius modi est motus liberi arbitrij baptismi susceptionem præcedens, sed de dispositione ad gratiam per sacramentum producta, per cuius productionem

dicitur sacramentum gratiam producere, quæ in sacramento baptismi est character, non autem motus liberi arbitrij. Dicitur secundò, quòd illa habitualis dispositio ex actu liberi arbitrij præcedente, non est aliquid reale ex actu liberi arbitrij derelicti, sed dicitur tantum quandam habitudinem rationis ad ipsum actum præcedentem. Ex hoc enim quod aliquis habuit talem actum in vigilia, est dispositus ad gratiam per baptismum suscipiendam in dormiendo.

Non obstat tertio, quòd penitentia sacramentum in fide accedente, recedente fictione habet effectum secundum S. Thom. hoc autem non videtur posse esse nisi aliquem effectum post se relinquat alium à motu liberi arbitrij. Dicitur enim quòd minor est falsa, licet enim in baptismo & aliis sacramentis in quibus character imprimitur, recedente fictione quis dicatur consequi effectum & fructum sacramenti aliquo modo virtute sacramenti, in quantum ex sacramento relinquatur character, qui remotò impedimento est talis effectus causa dispositiua, in sacramento tamen penitentiae non dicitur quis fructum absolutionis recedente fictione consequi, quia ex ipsa absolutione remaneat in fide aliqua dispositio absoluta in qua virtus penitentiae saluetur, sed quia fictio in sacramento penitentiae existens quæ imperfectum dolorem de peccato siue imperfectam dispositionem importat: tollitur per veram contritionem quæ est dispositio ad remissionem peccatorum, qui est fructus natus ex sacramento penitentiae consequi: & in homine qui fides accessit, remanet habitudo rationis ad sacramentum susceptum. Vnde ex eo quòd quod sacramento confessionis se subiecit, accedente vera contritione consequitur diuina virtute agentis id ad quòd sacramentum confessionis est ordinatum, & non tenetur amplius eadem peccata confiteri, sed tantum suam fictionem, quia prius verum suscepit sacramentum. Potest etiam dici, & forte melius, quòd licet ex sacramento penitentiae remaneret in fide aliqua dispositio per quam recedente fictione, sacramenti effectum consequitur, illa tamen dispositio non est aliquid ab interiori penitentia distinctum, sed est ipsa penitentia facta aliquo modo perfectior per exterioris penitentiae susceptionem, licet tantam perfectionem non sit consecuta ut esset ad effectum vltimum penitentiae sufficiens. Dicitur autem illa dispositio remanere actuali etiam dolore transeunte, eo modo quo in voluntate dicitur manere aliquid propositum habitualiter, postquam actus transiit. Propter hoc insinuat quòd per sacramentum penitentiae non causetur in penitente aliquid quòd sit res & sacramentum ab interiori penitentia distinctum, soluendum est dubium superius motum.

AD cuius dissolutionem præmittendum est primò, quod cum sacramentum rem aliquo sensibile importet, quæ est signum & causa sanctificationis, & materia in sacramento penitentiae non sit aliqua corporalis materia, sed actus penitentis, contritio non habet quòd sit pars materialis & integralis sacramenti penitentiae nisi ut aliquo sensibili signo manifestetur, secundum enim quòd est in mente, solum est pars penitentiae interioris, non autem penitentiae exterioris, quæ est sacramentum.

PRÆMITTENDVM secundò, quòd licet in aliquibus sacramentis sacramentum secundum quòd est in proposito, sit causa tantum eius effectus qui dicitur res siue vltimus effectus sacramenti, non autem causa eius quòd dicitur res & sacramentum, nisi cum actu exhibetur, ut patet in baptismo, per quem non causatur character nisi cum actu exhibetur: in sacramento tamen penitentiae in quo non imprimitur aliqua indelebilis dispositio, & in quo ipsi actus humani sunt dispositio ad eius vltimum effectum, ipsum sacramentum non solum secundum quòd actu exhibetur, sed etiam secundum quòd est in proposito, effectus id quod est res & sacramentum causat. Vnde cum sit causa effectiua gratia instrumentaliter, ex eo quòd causat id quod est res & sacramentum, quòd est dispositio ad gratiam, sequitur quòd etiam secundum quòd est in proposito tantum, est causa totius sui effectus.

PRÆMITTENDVM tertio, quòd differet penitentiae sacramentum ab aliis sacramentis quantum ad materiam, quia ut dicitur quarto Sententiarum dist. 14. q. 1. art. 1. quæstionum. c. 1. ad 1. & 2. id quod est materiale in aliis, habet virtutem aliquam gratia causatiua, & per consequens causatiua dispositionis ad gratiam quæ est res & sacramentum, materiale autem in sacramento penitentiae nullo modo est causatiuum gratia efficienter, & consequenter neque eius quòd est res & sacramentum, sed tantum id quòd est formale in ipso, scilicet absolutio sacerdotis vi clauium facta. Et si aliquando inquit S. Thom. ex vi actuum penitentis causari peccatorum remissionem, ut ait 3. q. 86. art. 6. intelligitur non secundum se, sed ut ex ipsis & eo quòd est formale, sit vnum. ex eo enim quòd actus penitentis ordinem habent ad clauis ecclesiae quæ remissionem peccatorum efficiunt, possunt dici & ipsi eam remissionem aliquo modo causare, in quantum videlicet forma eius cuius sunt materia, virtutem eius causatiua habet. Vnde sanctus Thomas de Veritate, quæst. 28. art. 8. ad 2. inquit quòd contritio sit secundum se consideretur, non se habet ad gratiam nisi per modum dispositionis, sed si consideretur in quantum habet virtutem clauium in voto, sic sacramentaliter operatur in virtute sacramenti penitentiae. Ad id quoque quòd ex hoc non habetur quòd contritio sit causa efficientis remissionis culpæ per se loquendo, sed virtus clauis,

PRÆMITTENDVM quarto, quòd penitentia interior dupliciter considerari potest, ut dicitur in quarto Sententiarum, dist. 14. quæstione secunda artic. 1. Vno modo ut est quidam actus virtutis, proueniens scilicet ab habitu penitentiae, quæ est virtus. Alio modo ut est actus operans ad sanationem peccati, quæ est vltima res sacramenti penitentiae, primo modo non consideratur ut aliquid ad penitentiae sacramentum pertinet: sed bene secundo modo.

ISTIS præmissis dicitur ad dubium primò, quòd contritio & penitentia interior est effectus sacramenti penitentiae exterioris tanquam id quòd est res & sacramentum, secundum quòd habet efficaciam sanandi peccatum, non autem in quantum est actus virtutis, hanc autem efficaciam sanandi intelligi non per modum efficientis, sed per modum dispositionis materialis, quòd patet, quia S. Thom. in loco præallegato in secunda ratione in oppositum vult, quòd idcirco penitentia interior est res penitentiae exterioris, quia immediate causat remissionem peccatorum, qui est penitentiae exterioris vltima res: & dat exemplum de characterē. constat autem quòd character non causat immediate vltimam rem sacramenti, secundum ipsum, per modum efficientis, sed tantum per modum dispositionis, ideo, &c.



Dicitur secundò, quòd hanc efficaciam à pœnitentia exteriori actu exhibita aliquàdo quidem simpliciter, sicut cum aliquis ad confessionem accedit non plenè contritus. tunc enim nisi quis ponat obicem, virtute clauium causatur plena contritio, quæ est sufficiens dispositio ad sanationem peccati, aliquando autem habet nò simpliciter, sed secundum quandam ipsius intentionem, sicut cum quis plenè contritus ad confessionem accedit. tunc enim cum actu pœnitentia exterior siue absolutio exhibetur, intenditur ipsa contritio, & fit perfectior dispositio ad sanationem peccati, propter quod augetur gratia, & fit perfectior sanatio. Cum autem instatur, Primò, quia contritio est pars pœnitentiæ, idem autem non potest esse effectus & causa: dicitur primò, quòd contritio non est effectus sui ipsius, sed eius quod est formale in pœnitentia exteriori, scilicet virtutis clauium, & absolutionis: quia vt dictum est, pars materialis huius sacramenti non est secundum se causa gratiæ. Non est autem inconueniens, id quod est formale in hoc sacramento, esse causam alicuius partis materialis quantum ad aliquam eius perfectionem. Dicitur secundò, quòd etiam si admittatur aliquo modo ex vnione ad clauis, materiam huius sacramenti esse causam gratiæ: non est inconueniens idem esse causam sui ipsius secundum diuersa esse, & secundum diuersas rationes. sic autem contritio causa sui ipsius dicitur esse. Nam ipsa secundum quòd est aliquo sensibili signo manifestata, aut secundum quòd est in proposito talis manifestationis, est causa sui vt habet esse interius, non quidem quantum ad sui essentiam, sed vt est sanatiua peccati per modum dispositionis completæ. Nam voluntas dolens de peccato, habens propositum confitendi & huiusmodi dolorem manifestadi sacerdoti per aliquod sensibile signum, perfectum dolorem habet, & sufficientem ad sanationem peccati, quod non esset nisi tali proposito esset coniuncta. Similiter hunc dolorem augent & perficiunt ipsa actualis confessio, & alia signa sensibilia contritionis significatiua, adiuncta sacerdotis absolutione.

Cum etiam instatur, quia contritio præcedit cōfessionem & absolutionem dicitur, q̄ licet aliquo modo possit procedere confessionem & absolutionem, non tamen vt est sanatiua peccati. hanc enim virtutem non habet, nisi confessio & absolutio saltem in proposito & desiderio habeatur, vnde si accipitur contritio secundum quòd est effectus pœnitentiæ exterioris in proposito existentis, sic non præcedit sacramentum pœnitentiæ, sed est posterior natura, cum virtute sanandi peccatum ab illo proposito habeat. Si etiam accipitur secundum quòd est effectus pœnitentiæ secundum quòd actu exterior exhibetur, sic etiam non præcedit ipsum sacramentum, sed ipsum naturaliter sequitur, cum ab eo illam virtutem habeat aut simpliciter aut quantum ad eius intentionem: vnde pœnitentia interior nullo modo præcedit pœnitentiam exteriori secundum quòd est eius effectus.

Ad euidentiam secundi considerandum primò, quòd pœnitentia est quoddam totum essentiale, & quoddam totum integrale, quemadmodum homo. In quantum enim est totum essentiale, partes eius sunt materia & forma, in quantum verò est totum integrale, partes eius sunt partes materiæ. Pars ergo essentialis ipsius ex parte materiæ se tenens sunt actus pœnitentis, pars verò se tenens ex parte formæ est absolutio sacerdotis potestatem clauium habentis: sed partes integrales ipsius sunt contritio, confessio, & satisfactio. vnde istæ partes simul sumptæ cōparatæ ad totum sacramentum cōpositum ex materia & forma, possunt dici partes essentialis pœnitentiæ comparatæ autem ad ipsam totam materiam possunt dici partes materiales eius, & partes integrales, sicut partes corporis humani comparatæ ad totum cōpositum ex anima & corpore, sunt eius partes essentialis: comparatæ verò ad solum corpus hominis dicuntur partes eius materiales & integrales. Cum ergo contritio, confessio, & satisfactio dicuntur partes pœnitentiæ sacramenti, intelligitur q̄ sunt partes eius materiales & integrales. Vnde isti actus sunt quidæ actus pœnitentiæ virtutis, non autem eius materiæ: pœnitentiæ autem quæ est sacramentum, sunt materia, & partes materiales. Considerandum secundò, quòd quia actus pœnitentis qui sunt materia pœnitentiæ, non sunt omnes, simul, sed sibi inuicem succedunt, pœnitentia in quantum est quoddam totum integrale, non est totum permanens, sed successiuum: ideo non oportet quòd posita vna parte pœnitentiæ eonantur omnes eius partes, licet ad existentiā cuiuslibet partis dicatur aliquo modo ipsa pœnitentia esse. Nam in successiuo dicitur totum esse quando aliqua eius pars est in actu.

ADVERTENDVM, quòd hoc sacramentum non est absolute de necessitate salutis, sed est necessarium supposito peccato, contra quòd est institutum.

#### De sacramento extrema vnctionis.

##### Caput 73.

Idem 4. Sct.  
dist. 23.



**Q**VIA verò corpus est animæ instrumentum, instrumentum autem est ad vsum principalis agentis necesse est quòd talis sit dispositio instrumenti, vt competat principali agenti: vnde & corpus disponitur secundum quòd congruit animæ, ex infirmitate igitur animæ, quæ est peccatum, interdum infirmitas deriuatur ad corpus: hoc diuino iudicio dispensante: quæ quidem corporalis infirmitas interdum utilis est ad animæ sanitatem, prout homo infirmitatem corporalem sustinet humiliter & patienter: & ei quasi in pœnam satisfactoriam computatur. Est etiā quandoque impeditiua spiritualis salutis, prout ex infirmitate corporali impediuntur virtutes. conueniens igitur fuit vt contra peccatum aliqua spiritualis medicina adhiberetur secundum quòd ex peccato deriuatur infirmitas corporalis: per quam quidem spiritualem medicinam sanatur in-

firmitas corporalis aliquando: cum scilicet expedit ad salutem: & ad hoc ordinatum est sacramentum extremæ vnctionis: de quo dicitur Iac. 5. Infirmatur quis in vobis? inducat presbyteros ecclesiæ, & orent super eum, vngentes eum oleo in nō. dom. & oratio fidei sanabit infirmum. Nec præiudicat virtuti sacramenti si aliquando infirmi quibus hoc sacramentū confertur, non ex toto ab infirmitate corporali curantur: quia quādoque sanari corporaliter etiam dignè hoc sacramentū fumentibus nō est vtile ad spiritualem salutem. Nec tamē inutiliter sumunt, quanuis corporalis sanitas non sequatur. Cum enim hoc sacramentum sic ordinetur contra infirmitatē corporis, in quātum consequitur ex peccato: manifestum est q̄ contra alias sequelas peccati hoc sacramentum ordinatur, quæ sunt proniæ ad malum, & difficultas ad bonum: & tantò magis quātò huiusmodi infirmitates animæ sunt propinquiores peccato, quām infirmitas corporalis: & quidem huiusmodi infirmitates spirituales per pœnitentiam sunt curadæ: prout pœnitēs per opera virtutis quibus satisfaciendo vtitur, à malis retrahitur, & ad bonum inclinatur. Sed quia homo vel per negligentiam aut per occupationes varias vitæ, aut etiam propter temporis breuitatē, aut propter alia huiusmodi, prædictos defectus in se perfectè non curat: salubriter ei prouidetur, vt per hoc sacramentum prædicta curatio compleatur, & à reatu pœnæ temporalis liberetur: vt sic nihil in eo remaneat quòd in exitu animæ à corpore eā possit à perceptione gloriæ impedire. Et ideo Iacobus addit. Et alleuiabit eum Dominus. Contingit etiam quòd homo omnium peccatorum quæ commisit, notitiā vel memoriam non habet, vt possit per pœnitentiam singula expurgare: sunt etiā quotidiana peccata sine quibus præsens vita non agitur, à quibus oportet hominē in suo exitu per hoc sacramentum emundari, vt nihil inueniatur in eo quòd perceptioni gloriæ repugnet: & ideo addit Iacobus: quòd si in peccatis sit, dimittentur ei. vnde manifestum est quòd hoc sacramentum est vltimum & quodammodo consummationem totius spiritualis curationis: quo homo quasi ad participandam gloriam præparatur: vnde & extrema vnctio nuncupatur. Ex quo manifestum est quòd hoc sacramentum non quibuscunque infirmantibus est exhibendum, sed illis tantum qui ex infirmitate videntur morti propinquare: qui tamen si conualuerint, iterato potest hoc sacramentum eis conferri, si ad similem statum deuenerint. Non enim huius sacramenti vnctio est ad consecrandum, sicut vnctio confirmationis, ablutio baptismi, & quædam aliæ vnctiones: quæ ideo nunquam iterantur, quia consecratio semper manet dum res consecrata durat propter efficaciam diuinæ virtutis consecrantis. Ordinatur autem huius sacramenti inunctio ad sanandum, medicina autem sanatiua toties iterari debet, quoties infirmitas iteratur.

Et licet aliqui sint in statu propinquo morti etiā absque infirmitate, vt patet in his qui damnantur ad mortem, qui tamen spiritualibus effectibus huius sacramenti indigerēt: non tamen exhibendum est nisi infirmanti: cum sub specie corporalis medicinæ exhibetur, quæ nō cōpetit nisi corporaliter infirmato. oportet enim in sacramentis significationem seruari. Sicut igitur requiritur in baptismo ablutio corpori exhibita, ita in hoc sacramento requiritur medicatio infirmitati corporali apposita. vnde etiā oleū spiritualis est materia huius sacramenti: quia habet efficaciam ad sanandū corporaliter mitigādo dolores: sicut aqua quæ corporaliter abluit, est materia sacramenti in quo fit spiritualis ablutio. Inde etiā manifestū est, sicut medicatio corporalis adhibēda est ad infirmitatis originē: ita hæc vnctio illis partibus corporis adhibetur, ex quibus infirmitas peccati procedit: sicut sunt instrumenta sensuum, & manus, & pedes, quibus opera peccati exercentur: & secundum quorundam consuetudinem etiam renes, in quibus vis libidinis viget. Quia verò per hoc sacramentum peccata dimittuntur: peccatum autem non dimittitur nisi per gratiam: manifestum est quòd in hoc sacramento gratia confertur.



*Dionys. lib. de Eccles. Hier. cap. 6.*  
 Ea verò in quibus gratia illuminans mentem confertur, exhibere solum pertinet ad sacerdotes, quorum ordo est illuminatiuus: ut dicit Dionysius. Nec requiritur ad hoc sacramentum episcopus, cum per hoc sacramentum non conferatur excellentia status, sicut in illis quorum est minister episcopus: quia tamen hoc sacramentum perfectæ curationis effectum habet, & in eo requiritur copia gratiæ, competit huic sacramento quod multi sacerdotes inter sint, & quod oratio totius Ecclesiæ effectum huius sacramenti coadiuvet: unde Iacobus dicit: Inducat presbyteros Ecclesiæ, & oratio fidei sanabit infirmum. si tamen unus solus presbyter ad sit, intelligitur hoc sacramentum perficere in virtute totius Ecclesiæ cuius minister existit, & cuius personam gerit. Impeditur autem huius sacramenti effectus per fictionem suscipiētis, sicut contingit & in aliis sacramentis.

## Super. Cap. 73.

**P**OST QVAM determinavit S. Thom. de sacramento penitentiae, consequenter de sacramento extremæ vñctionis determinat. Et ponit decem conclusiones, quarum prima est. Sacramentum extremæ vñctionis convenienter est institutum. Probatur. Ex infirmitate animæ quæ est peccatum, interdum infirmitas derivatur ad corpus, hoc diuino iudicio dispensante, quæ licet interdum vilis sit ad animæ sanitatem, prout eam quis sustinet patienter, & ei quasi in penam satisfactoriam computatur, est tamen quandoque impeditiua spiritualis salutis, prout ex ea virtutes impediuntur: ergo conueniens fuit ut aliqua spiritualis medicina adhiberetur, secundum quod ex peccato derivatur infirmitas corporalis, per quam sanatur infirmitas corporalis, cum expedit ad salutem. ergo cōuenienter extrema vñctio est instituta. Probatur prima conclusio, quia corpus est animæ instrumentum, instrumentum autem cum sit ad vsum principalis agentis, necesse est talem esse eius dispositionem, ut competat principali agenti, unde & corpus disponitur, in naturali scilicet generatione, secundum quod congruit animæ. Secunda verò probatur, quia ad illam sanationem quod ordinatum est extremæ vñctionis sacramentum, ut patet Iacobi 5. Infirmitatem quis, &c.

**ADVERTENDVM** circa antecedens primò, quod infirmitas corporis non est nata naturaliter ex actuali peccato consequi, sed tamen aliquando diuina dispositione consequitur, dum Deus hominem propter eius peccata in ægritudinem inducit, aut vñt pro peccato satisfaciatur: aut vñt per ægritudinem releuetur à peccato, aut propter aliquid huiusmodi. propter ægritudinem inquit sancti Thom. quod ex infirmitate animæ interdum infirmitas derivatur ad corpus, hoc diuino iudicio dispensante.

**ADVERTENDVM** secundò, cum dicitur in littera infirmitatem hominis quodque ei in penam satisfactoriam computari, quod flagella quibus homo pro peccatis affligitur à Deo, sunt aliquo modo ipsius hominis patientis, in quantum ea ad purgationem peccatorum Deus acceptat: habent autem sic rationem satisfactionis, quia quando recompensatio offensus fit ab ipso qui offendit, per aliquid sui, talis recompensatio rationem satisfactionis habet. De hoc vide 4. Sent. quæst. i. c. 2. dist. 15. q. 1. art. 4.

**S**i dicatur hoc sacramentum esse inefficax & inutile, quia quandoque infirmi quibus confertur, non ex toto liberantur. Respondet sancti Thom. & dicit primò, quod hoc non præiudicat virtuti sacramenti, quia quandoque sanari corporalis, etiam dignè hoc sacramentum summentibus, ad spirituales salutem non est vtile, supple: hoc autem sacramentum ordinatur ad corporalem salutem tunc inducendam, quando hoc ad spirituales salutem confert. Dicit secundò, quod non etiam inutiliter sumitur, quia corporalis sanitas non sequatur, tunc quia cum ordinetur contra corporis infirmitatem in quantum cōsequitur ex peccato, manifestum est quod contra alias sequelas peccati ordinatur, quæ sunt pronitas ad malum, & difficultas ad bonum: & tanto magis, quanto sunt propinquiores peccato quam corporalis infirmitas, quia enim homo propter negligentiam aut alia huiusmodi prædictos defectus in se perfecte per satisfactionem non curat, salubriter ei providetur, ut per hoc sacramentum prædicta curatio compleatur, & à reatu peccati temporalis liberetur, ne per aliquid in exitu animæ à corpore à perceptione gloriæ impediatur. ideo Apostolus Iacobus addit, Et alleuiabit eum Dominus, tunc quia & contingit hominem omnium peccatorum quæ commisit notitiam vel memoriam non habere, ut possit per penitentiam singula expurgare, & sunt quotidiana peccata sine quibus præsens vita non agitur, à quibus oportet hominem in suo exitu per hoc sacramentum emundari. ideo addidit Apostolus, quod si in peccatis fuerit, dimittetur ei. Ex quibus infert S. Thom. manifestum esse quod hoc sacramentum est vltimum & quodammodo consummationem totius spiritualis curationis, tunc ex effectu, quia videlicet per ipsum homo quo ad perceptionem gloriæ præparatur: tunc ex nomine, quia videlicet extrema vñctio nuncupatur.

**CIRCA** id quod dictum est hoc sacramentum ad salutem corporis ordinatum esse, aduerendum ex doctr. S. Thom. 4. Sent. dist. 23. q. 1. art. 2. quæst. i. c. 2. q. hoc intelligitur secundariò, non autem primò. ordinatur enim primò ad animæ sanitatem inducendam, secundariò verò ad sanitatem corporis secundum quod animæ salutis est vtile, non quidem inducendam ex naturali proprietate materis huius sacramenti, sed ex diuina virtute.

**CONSIDERANDVM** secundò, quod siccirco non semper sequitur sanitas corporalis ex hoc sacramento, quia virtus operans nunquam inducit secundarium effectum nisi secundum quod ad principalem effectum expedit, tunc verò semper inducit, quod expedit, non autem expedit semper salus corporis ad animæ salutem. ideo bene S. Tho. hac ratione probat non præiudicare virtuti huius sacramenti, quod aliquando plena salus corporis non sequatur, quia aliquando non est vtile ad spirituales salutem.

**CIRCA** effectus spirituales huius sacramenti quos hic tangit S. Thom. considerandum est primò ex doctrina ipsius articulo præallegato quæst. 1. quod licet sacramentum extremæ vñctionis tollat hæc tria, scilicet reliquias siue sequelas peccati, culpam tam mortali quam veniali, & reatum, non sunt tamen omnia ista æqualiter huius sacramenti effectus, sed principalis effectus eius, ad quæ scilicet primò & principaliter est institutum, est remissio peccatorum quo ad eorum reliquias, quæ sunt debilitas & ineptitudo quædam ad fugam mali, & ad prosecutionem boni: remissio autem peccatorum quo ad culpam & quo ad reatum sunt eius effectus ex consequenti, in quantum enim per hoc sacramentum datur robor quod gratia facit quæ secum peccatum non compatitur, ex consequenti si inuenit peccatum aliquod quo ad culpam, tollit ipsum: unde non semper remouet culpam, sed tantum quando ipsam inuenit, similiter ad remotionem huiusmodi debilitatis siue reliquiarum peccati sequitur liberatio à reatu, ideo & liberatio à reatu est eius secundarius effectus.

**CONSIDERANDVM** secundò, quod ista debilitas animæ & ineptitudo ad adus gratiæ & gloriæ ex peccato derelicta, dicitur per extremam vñctionem remoueri, in quantum per ipsam causatur quædam interior deuotio, scilicet habitualis, quæ est spiritualis vñctio, & est dispositio ad gratiam, & ad effectum ad quem principaliter est institutum. unde talis interior deuotio est res & sacramentum, robor autem contra hanc debilitatem consequens gratiam secundum quod ex huius sacramenti susceptione causatur, est res sacramenti: quod robor nihil aliud est quam quædam dispositio & preparatio animæ ad adus gloriæ ad quos prius quodammodo contrarie ex pronitate ad malum erat inepta, quæ ineptitudo ex peccato causata est, & etiam remoto peccato quo ad culpam remanet, licet aliquantulum debilitata.

**S**i circa prædicta duplex occurrit dubium. Primum est, quia non videtur per extremam vñctionis sacramentum remoueri posse culpam, cum enim culpa actualis non remouetur nisi per penitentiam, si is qui extremam vñctionem recipit, penitentiam suscepit sacramentum, non est amplius in eo culpa, & sic per extremam vñctionem nulla culpa deletur, si autem sacramentum penitentiae non suscepit, ubi non remittitur culpa: & sic etiam sequitur quod culpa per extremam vñctionem non dimittitur, aut oportet dicere quod penitentiae sacramentum non est necessarium peccantibus, sed sufficit extrema vñctio. Secundum est, quia videtur velle S. Thom. hoc loco ab omni reatu peccati temporalis per hoc sacramentum hominem liberari, cum dicat hac ratione ipsum à reatu liberari ut nihil sit in ipso quod eum in exitu animæ à corpore possit à perceptione gloriæ impedire. Ex hoc autem sequitur, quod ille qui suscepit hoc sacramentum de cedit, ad nullam satisfactionem teneatur post mortem, sed statim euolet ad gloriam, & sic non oportebit pro eo fieri suffragia aut orationes, quod non videtur esse secundum Ecclesiæ intentionem.

**AD** primum horum dicitur ex doctrina sancti Thomæ loco allegato, quod sic intelligitur dimitti culpa per extremam vñctionem, quod tamen ad penitentiam in proposito ipsam extremam vñctionem suscipientis, quando ipsam exteriorem penitentiam suscipere non potest, tunc enim ex hoc sacramento simul cum proposito & desiderio confessionis confertur gratia per quam culpa remittitur, & sic non sequitur quod penitentiae sacramentum sit superfluum.

**ATTENDENDVM** autem cum vult sanctus Thomas per hoc sacramentum emundari hominem à peccatis quæ in memoria non habet, quod hoc intelligendum est quando talia peccata prius per penitentiam non sunt dimissa, puta quia homo non est vsus debita diligentia ad recolendum ea, tunc enim homo in extremo positus si adit generalis dolor eorum quorum per incuriam fuit obliuio, per hoc sacramentum ab omnibus emundatur.

**AD** secundum dicitur primò, ut videtur de mente sancti Thomæ articulo præallegato ad secundum, quod non remittitur semper totaliter reatus peccati temporalis, ita quod post mortem homo ad nullam satisfactionem teneatur, sed tunc tantum quando adest interior dispositio ad remotionem reatus simul cum hoc sacramento sufficiens. Est enim hoc sacramentum ad remotionem omnis reatus remanentis post culpam ordinatum, quando in suscipiente est conueniens dispositio. Dicitur secundò, quod semper aliquo modo remittitur reatus in quantum remota debilitate quæ erat ex peccato, sit leuior pena, eandem enim penam leuius inquit sanctus Thomas) portat fortis quam debilis. Secunda conclusio est. Hoc sacramentum non quibuscunque in infirmantibus est exhibendum, sed iis tantum qui ex infirmitate videntur morti appropinquare. Hanc conclusionem non probat S. Thom. sed eam ex præmissis manifestam relinquit. Si enim est vltimum sacramentum quo homo ad percipiendam gloriam præparatur, manifestum est quod dari non debet nisi ex hac vita ad gloriam exiturus.

**ADVERTENDVM** secundum doctrinam S. Thom. quod licet in qualibet ægritudine possit dari hoc sacramentum si genera penitentiae ægritudinem, quia quælibet infirmitas augmentata mortem potest inducere, non tamen debet in quolibet statu ægritudinis dari, sed tantum cum quis ex ægritudine est in mortis periculo. Ideo cum dicitur hic quod non est exhibendum hoc sacramentum quibuscunque infirmantibus, non est hoc referendum ad genera infirmitatum, sed ad eorum modum & statum. Tertia conclusio est. Potest iterari hoc sacramentum, cum homo qui conualuit, ad similem statum propinquitatis ad mortem deuenit. probatur, quia quod aliqua sacramenta non reiterantur, est quia vñctio eorum aut ablutio ad consecrandum ordinatur, consecratio enim semper manet, dum res consecrata durat, propter efficaciam diuinæ virtutis consecrandis: vñctio autem huius sacramenti non ordinatur ad consecrandum, sed est medicina ad sanandum ordinata, quæ toties iterari debet, quoties infirmitas iteratur, ergo, &c.

**ADVERTENDVM** ex doctrina S. Thom. quod sacramentum habens perpetuum effectum iterari non debet, quia sibi feret iniuriam, ex eo quod ostenderetur illud non fuisse efficacem ad effectum inducendum: propterea bene arguitur hic sacramentum quod ad consecrandum ordinatur, non debere iterari, quia consecratio semper manet quando res consecrata durat. Quarta conclusio est. Hoc sacramentum non debet dari propinquis morti absque infirmitate, puta damnatis ad mortem. probatur. Exhibetur hoc sacramentum sub specie corporalis medicinæ.



quod patet, cum quia oportet in sacramentis significationem seruari, cum quia materia eius est oleum, quod habet efficaciam ad sanandum corporaliter, mitigando dolores: sicut aqua quæ corporaliter abluit, est materia sacramenti in quo fit spiritualis ablutio: corporalis autem medicina non competit nisi corporaliter infirmanti, ergo, &c.

**ADVERTENDVM** illam propositionem, oportet in sacramentis significationem seruari, sic debere intelligi, quod oportet sacramentum sic disponi, ut per ipsum significetur id quod efficitur: sicut per ablutionem aquæ significatur animæ ablutio à peccato. unde cum extrema unctio ad sanationem animæ ordinatur, ex hoc optimè sequitur quod ipsa tanquam medicina quædam corporis exhibetur infirmo. sic enim suscipiens sacramentum significatur ut curatione indigens.

**ADVERTENDVM** etiam quod confirmatio adducta ex hoc quod oleum est materia huius sacramenti, non ponitur tanquam necessariò propositum concludens, sed tanquam aliqualis persuasio, cum aliis concurrentibus. Non enim hoc est signum adæquatum quod aliquod sacramentum adhibetur sub specie corporalis medicinæ, quia oleum sit eius materia, cum etiam in confirmatione oleum sit eius materia, & tamè confirmatio non exhibetur sub specie medicinæ corporalis. Quinta conclusio est. Hæc unctio adhibetur conuenienter instrumentis sentium, & manibus ac pedibus quibus opera peccati exercentur, atque etiam secundum aliquorum consuetudinem renibus in quibus vis libidinis viger. probatur. Hæc unctio illis partibus adhibetur cōuenienter, ex quibus infirmitas peccati procedit. Nam & medicatio corporalis adhibenda est ad infirmitatis originem, sed prædicta sunt talia, ergo, &c.

**ADVERTENDVM** ex doctr. S. Thom. in 4. Sent. dist. 13. q. 2. artic. 3. quæstion. 2. q. ista unctio ab omnibus fit in organis quinque sensuum, scilicet in oculis, naribus, ore, auribus, & manibus, quasi ista sint de necessitate sacramenti, quia ista organa sunt principium cognitionis, & per consequens prima origo peccati. à quibusdam autem vnguntur renes propter vim appetitiuam concupiscibilem ibi vigentem, pedes autem propter motuum virtutem, cuius sunt principalis instrumentum. Sed licet istud quandam habeat rationem, non tamen videtur esse de necessitate sacramenti, quia vis appetitiua & motiua non sunt prima principia & prima radix peccati: unde quidam non seruant unctioes renum & pedum, quidam autem unctioem pedum seruant, non autem renum. Cōuenientius tamen pedibus unctio exhibetur, sicut & manibus, quia ipsis opera peccati exercentur. Sexta conclusio est. In hoc sacramento gratia confertur. probatur, per hoc sacramentum peccata dimittuntur, ergo in eo confertur gratia. probatur consequentia, quia peccata non dimittuntur, nisi per gratiam. Septima conclusio est. Confere hoc sacramentum pertinet solum ad sacerdotes. probatur, quia exhibere ea in quibus gratia illuminans mētem confertur, solum ad sacerdotes pertinet, quorum ordo est illuminatiuus secundum Dionysium. Octaua conclusio est. Non requiritur ad hoc sacramentum conferendum episcopus. probatur, quia per ipsum non confertur existentia status, sicut in illis quorum minister est episcopus.

**SED** videtur q. ista ratio non concludat. Nam per confirmationem non ponitur quis in status existentia, cum omnibus exhibetur, & tamen per episcopum confertur, ergo, &c.

Respondetur ex doctr. S. Thom. 4. Sent. dist. 7. q. 2. art. 1. ad 1. quod falsum est per sacramentum confirmationis non poni hominem in quadam existentia status super alios fideles, datur enim ad persistendum fortiter in pugna qua quis nomē Christi impugnat, cui pugna non omnes exponuntur, sed solum confirmati. Cum arguitur contra, quia omnibus confertur, dicitur quod, utique omnibus confertur, quia ponit supra commune statum quantum ad confessionem fidei, quæ existētia omnibus membris Ecclesiæ competit, secundum quod sunt confirmati, sed per hoc non tollitur quin confirmati habeant status existentiam supra non confirmatos.

**SI** instetur quia sanctus Thomas in 4. Sent. arguit, non constitui hominem per extremam unctioem in statu perfectionis supra alios, quia omnibus datur: Respondetur quod illa ratio intelligenda est sic, quia omnibus datur absque alicuius characteris impressione, ut ibidem haberi potest ex responsione ad primum. Non conclusio est. Competit huic sacramento quod multi sacerdotes intersint. Probatur, quia perfectæ curationis habet effectum, & in eo confertur copia gratiæ: ad quem effectum inducendum conuenit ut oratio totius Ecclesiæ coadiuuet. Confirmatur autoritate Iacobi. Inducat presbyteros, &c. Addit autem sanctus Thomas quod tamen si vnus solus presbyter adsit, intelligitur perficere hoc sacramentum in virtute Ecclesiæ cuius minister existit, & cuius personam gerit. Decima conclusio est. Impeditur huius sacramenti effectus per fictionem suscipientis. probatur, quia ita contingit in aliis sacramentis.

**ADVERTENDVM**, quod hoc sacramentum non est absolute necessarium, sed tantum ad bene esse. perficit enim poenitentiam, in quantum per ipsum peccati reliquiæ remouentur.

#### De sacramento ordinis.

#### Caput 74.

Idem 4. S. Thom.  
dist. 24.



**MANIFESTVM** est autem prædictis quod in omnibus sacramētis de quibus iam dictum est, spiritualis confertur gratia sub sacramento visibilium rerum. omnis autem actio debet esse proportionata agēti. oportet igitur quod prædictorum dispensatio sacramētorum fiat per homines visibiles spirituales virtutem habentes. non enim angelis competit sacramentorum dispensatio, sed hominibus visibili carne indutis: unde & Apostolus dicit ad Hæbræos quinto: Omnis pontifex ex hominibus assumptus, pro hominibus constituitur in his quæ sunt ad Deum. Huius au-

tem ratio aliunde sumi potest. sacramentorum enim institutio & virtus à Christo initium habet. de ipso enim dicit Apostolus ad Ephesios quinto, quod Christus dilexit Ecclesiam, & seipsum tradidit pro ea, ut illam sanctificaret, mundans eam lauacro aquæ in verbo vitæ. Manifestum est etiam quod Christus sacramentum sui corporis & sanguinis in coena dedit, & frequentandū instituit: quæ sunt principalia sacramenta. quia igitur Christus corporalem sui præsentiam erat Ecclesiæ subtrahitur, necessarium fuit ut alios institueret sibi ministros qui sacramenta fidelibus dispensarent: secundum illud Apostoli 1. ad Corinth. 4. Sic nos existimet homo, ut ministros Christi, & dispensatores mysteriorum Dei. unde discipulis consecrationem sui corporis & sanguinis commisit dicens: Hoc facite in meam commemorationem. eisdem tribuit potestatem peccata remittendi, secundum illud Ioannis 29. Quorum remisistis peccata, remittuntur eis. Eisdem etiam docendi & baptizandi iniunxit officium, dicens Matthæi ultimo: Euntes docete omnes gentes, baptizantes eos. Minister autem comparatur ad Dominum sicut instrumentum ad principale agens. sicut enim instrumentum mouetur ab agente ad aliquid efficiendum: sic minister mouetur imperio Domini ad aliquid exequendum. oportet autem instrumentum esse proportionatum agenti: unde & ministros Christi oportet esse ei conformes: Christus autem ut Dominus autoritate & virtute propria nostram salutem operatus est, in quantum fuit Deus & homo: ut secundum id quod homo est, ad redemptionem nostram pateretur: secundum autem quod Deus, passio eius nobis fieret salutaris. oportet igitur ministros Christi homines esse, & aliquid diuinitatis eius participare secundum aliquam spiritualem potestatem. nam & instrumentum aliquid participat de virtute principalis agentis. de hac autem potestate dicit Apostolus 2. ad Corinth. ultimo, quod potestatem dedit ei Dominus in ædificationem & non in destructionem. Non est autem dicendum quod potestas huiusmodi sic data sit Christi discipulis, quod per eos ad ædificationem secundum Apostoli dictum. tandiu igitur oportet hanc potestatem perpetuari, quandiu necesse est ædificari Ecclesiam: hoc autem necesse est post mortem discipulorum Christi vsque ad seculi finem. sic igitur data fuit discipulis Christi spiritualis potestas, ut per eos deueniret ad alios: unde & Dominus discipulos in persona aliorum fidelium alloquebatur: ut patet per id quod habetur Marci 13. Quod vobis dico, omnibus dico. & Matthæi ultimo, Dominus discipulis dixit: Ecce ego vobiscum sum vsque ad consummationem seculi. Quia igitur hæc spiritualis potestas à Christo in ministros Ecclesiæ derivatur: spirituales autem effectus in nos à Christo derivati, sub quibusdam sensibilibus signis expleantur, ut ex supra dictis patet: oportuit etiam quod hæc spiritualis potestas sub quibusdam sensibilibus signis hominibus tradere-tur: huius autem sunt certæ formæ verborum, determinati actus, puta impositio manuum, iniunctio, & porrectio libri vel calicis aut alicuius huiusmodi, quod ad executionem spiritualis pertinet potestatis. Quandoque autem aliquid spirituale sub signo corporali traditur, hoc dicitur sacramentum. manifestum est igitur quod in collatione spiritualis potestatis quoddam sacramentum peragitur, quod dicitur ordinis sacramentum. Ad diuinam autem liberalitatem pertinet, ut cui confertur potestas ad aliquid operandum, conferantur etiam ea sine quibus huiusmodi operatio conuenienter exerceri non potest. administratio autem sacramentorum ad quæ ordinatur spiritualis potestas, conuenienter non fit nisi aliquis ad hoc à diuina gratia adiunetur: & ideo in hoc sacramento confertur gratia, sicut & in aliis sacramentis. Quia verò potestas ordinis ad dispensationem sacramentorum ordinatur: inter sacramēta autem nobilissimum & consummatum aliorum est Eucharistiæ sacramentum, ut ex dictis patet: oportet quod potestas ordinis consideretur præcipue secundum

Lib. 22.

Cap. 56.



secundum comparationem ad hoc sacramentum. nam vnum quodque denominatur à fine: eiusdem autem virtutis esse videtur aliquam perfectionem tribuere, & ad susceptionem illius materiam preparare: sicut ignis virtutem habet ut formam suam transfundat in alterum, & ut materiam disponat ad formam susceptionis. cum igitur potestas ordinis ad hoc se extendat, ut sacramentum corporis Christi conficiatur, & fidelibus tradatur: oportet quod eadem potestas ad hoc se extendat, quod fideles aptos reddat & congruos ad huius sacramenti perceptionem. Redditur autem aptus & congruus fidelis ad huius sacramenti perceptionem per hoc quod est à peccato immunis. non enim potest aliter Christo spiritualiter uniri, cui sacramentaliter coniungitur, hoc sacramentum percipiendo. oportet igitur quod potestas ordinis se extendat ad remissionem peccatorum per dispensationem illorum sacramentorum quæ ordinantur ad peccati remissionem: cuiusmodi sunt baptismus & penitentia, ut ex dictis patet. unde ut dictum est, Dominus discipulis quibus commisit sui corporis consecrationem, dedit etiam potestatem remittendi peccata, quæ quidem potestas per claves intelligitur: de quibus Dominus Petro Matthæi 16. dixit: Tibi dabo claves regni cælorum. Cælum enim vnicuique clauditur & aperitur per hoc quod peccato subiaceat, vel à peccato purgatur: unde & usus harum clauium dicitur esse ligare & soluere, scilicet à peccatis: de quibus quidem clauibus supra dictum est.

## Super Cap. 74.

**P**OSTQUAM determinauit S. Thom. de sacramento extremæ unctionis, consequenter de sacramento ordinis determinat. Circa hoc autem tria facit. Primum determinat de ipso ordinis sacramento. Secundum de ordinum distinctione cap. seq. Tercium de ministro sacramentorum cui potestas ordinis confertur cap. 77. Quantum ad primum ponit sex conclusiones, quarum prima est. Necessè est prædictorum sacramentorum dispensationem fieri per homines visibiles spirituales virtutem habentes. Probatur primo sic. In omnibus prædictis sacramentis spiritualis confertur gratia sub sacramentali visibili rerum, ergo, &c. probatur consequentia, quia omnis actio debet esse proportionata agenti. Secundum. Ista sacramentorum dispensatio angelis non competit, sed tantum hominibus visibili carne indutis, ergo, &c. probatur antecedens dupliciter, primo auctoritate Apostoli ad Hebræos quinto dicentis: Omnis pontifex, &c. Tercio sic, Dispensatores sacramentorum oportet esse ministros Christi, ergo oportet illos esse Christo conformes, ergo oportet illos homines esse, & aliquid diuinitatis eius participare secundum aliquam spirituales potestatem, de qua dicit Apostolus 2. ad Corinth. vltimo, quod potestatem dedit, &c. antecedens probatur primo sic. Sacramentorum institutio & virtus à Christo initium habet. Nam secundum Apostolum ad Ephesios quinto, baptismi instituit sacramentum, ipse etiam sacramentum sui corporis & sanguinis in cæna dedit, & frequentandum instituit, quæ principalia sunt sacramenta, ergo necessarium fuit ut alios institueret sibi ministros qui sacramenta fidelibus dispensarent, quia corporalem sui præsentiam erat Ecclesia subtrahitur, ergo tales dispensatores sunt ministri eius. Secundum auctoritate Apostoli dicentis 1. ad Corinth. 4. Sic nos existimet, &c. Tercio, quia discipulis & consecrationem sui corporis & sanguinis commisit cum dixit: Hoc facite, &c. & tribuit potestatem remittendi peccata, iuxta illud Ioan. 20. Quorum remiseritis, &c. & docendi ac baptizandi iniunxit officium Matthæi vltimo, Euntes docete, &c. Prima vero consequentia probatur, quia minister comparatur ad Dominum sicut instrumentum ad principale agens, cum moueatur imperio Domini ad aliquid exequendum: sicut instrumentum mouetur ab agente ad aliquid efficiendum: oportet autem instrumentum esse proportionatum agenti. Secunda quoque consequentia probatur quo ad illationem totius consequentis, quia Christus ut Dominus operatus est auctoritate & virtute propria nostram salutem, in quantum fuit Deus & homo, ut secundum vnum ad nostram redemptionem pateretur, secundum alterum passio eius nobis fieret salutaris. Quo vero ad illationem secundæ partis consequentis probatur, quia instrumentum aliquid participat de virtute principalis agentis.

CIRCA istius rationis antecedens considerandum est ex doctrina S. Thom. 3. q. 64. art. 7. & 4. Sent. dist. 5. quæst. 2. art. 3. quæst. iunc. 2. quod sicut Deus potentiam suam sacramentis non alligauit, ita nec potestatem dispensandi sacramenta alligauit aliquibus ministris. unde sicut hanc potestatem hominibus dedit, ita eam posset & angelis dare: sed licet non sit impossibile angelos esse sacramentorum dispensatores diuinitus sibi potestate concessa, hoc tamen non congruit, sed magis ut per homines hæc dispensatio fiat, ut patet ratione inducta. Unde non dixit sanctus Thomas, quod dispensatio sacramentorum non sit angelis possibilis, sed quod illis non competit, id est, non congruit eorum naturæ, sed bene hominibus congruit. Secunda conclusio est. Sic data fuit discipulis Christi huiusmodi spiritualis potestas, ut per eos deueniret ad alios. probatur. Data est hæc potestas secundum Apostoli dictum ad Ecclesiam 2. adificationem: ergo eam oportet tandiu perpetuari quandiu necesse est edificari Ecclesiam, sed hoc necesse est post mortem discipulorum vsque ad seculi finem, ergo, &c. Confirmatur, quia Dominus discipulis in persona aliorum fidelium loquebatur, ut patet Marc. 13. Quod vobis, &c. & Matth. vltimo, Ecce ego, &c. Tercia con-

clusio est. In collatione huiusmodi spiritualis potestatis quoddam sacramentum peragitur quod dicitur ordinis sacramentum. probatur. Oportuit ut hæc spiritualis potestas sub quibusdam sensibilibus signis hominibus traderetur, quæ sunt cætera forma verborum, determinati actus, ut impositio manuum, inunctio, & portectio libri vel calicis, vel alicuius huiusmodi, quod ad executionem spiritualis pertinet potestatis, ergo, &c. probatur consequentia, quia quando cunque aliquid spirituale sub signo corporali traditur, hoc dicitur sacramentum. antecedens verò probatur, quia hæc spiritualis potestas à Christo in ministros Ecclesiæ derivatur, spirituales autem effectus à Christo in nos derivati sub quibusdam signis sensibilibus explentur, ut ex supradictis patet. Quarta conclusio est. In hoc sacramento confertur gratia sicut in aliis sacramentis. probatur. Administratio sacramentorum ad quæ ordinatur spiritualis potestas, conuenienter non fit nisi aliquis ad hoc à diuina gratia adiunetur, ergo, &c. probatur consequentia, quia ad diuinam liberalitatem pertinet ut cui cõfetur potestas ad aliquid operandum, conferatur etiam ea fine quibus huiusmodi operatio conuenienter exerceri non potest.

**ADVERTENDVM**, ex doctr. S. Thom. in 4. Sent. dist. 24. q. 1. art. 2. quæst. iunc. 1. ad tertium, quod alio modo præsupponitur gratia in eo qui ad ordines accedit, & alio modo per sacramentum ordinis causatur. Præexistit enim gratia sufficiens ad hoc ut quis dignus in plebe Christi connumeretur, confertur autem in susceptione ordinis amplius gratiæ munus per quod ad maiora reddatur idoneus. Quinta conclusio est. Potestas ordinis consideratur præcipue secundum comparationem ad sacramentum Eucharistiæ, id est principaliter attenditur circa corpus Christi conficiendum. probatur. Potestas ordinis ad dispensationem sacramentorum ordinatur, ergo præcipue ordinatur ad id quod est perfectissimum & consummatum omnium aliorum, quia vnumquodque denominatur à fine. sed sacramentum Eucharistiæ est huiusmodi, ergo, &c. Sexta conclusio est. Necessè est ut potestas ordinis se extendat ad remissionem peccatorum per dispensationem illorum sacramentorum quæ ad hoc ordinantur, cuiusmodi sunt baptismus & penitentia. probatur. Eiusdem virtutis esse videtur aliquam perfectionem tribuere, & ad susceptionem illius materiam preparare, ut patet in virtute ignis: sed potestas ordinis ad hoc se extendit ut sacramentum corporis Christi conficiat & fidelibus tradat, ergo oportet ut eadem potestas ad hoc se extendat quod fideles aptos reddat & congruos ad huius sacramenti perceptionem: sed ad hoc fidelis redditur aptus & congruus per hoc quod est à peccato immunis, cum aliter non possit Christo spiritualiter uniri, ergo, &c. Confirmatur, quia Dominus discipulis quibus commisit sui corporis consecrationem, dedit hanc potestatem intellectam per claves promissas Petro. Nam cælum vnicuique aperitur & clauditur per hoc quod peccato subiaceat, vel à peccato purgatur: cuius signum est, quod usus harum clauium dicitur esse ligare & soluere, scilicet à peccatis.

**ATTENDENDVM**, quod ut dictum est supra de mente S. Thom. potestas conficiendi sacramentum corporis Christi, & potestas remittendi peccata, non sunt duæ potestates essentialiter distinctæ, sed tantum ratione in ordine ad diuersos actus. ideo si sacramentum ordinis in tali potestate consistit, non sequitur quod sacerdotium sit duo ordines, ut arguit Scotus in 4. Sent. dist. 24. sed fortassis illud sequeretur, si illæ potestates essent essentialiter distinctæ.

**ADVERTENDVM** autem quod hoc sacramentum non est quidem necessitatis respectu huius aut illius singularis hominis, est tamen Ecclesiæ necessarium ut sit in ea aliquis gubernator.

## De distinctione ordinum.

## Cap. 75.



**CONSIDERANDVM** est autem quod potestas quæ ordinatur ad aliquem principalem effectum nata est habere sub se inferiores potestates sibi deferuientes: quod manifeste in artibus apparet. arti enim quæ formam artificialem inducit, deferuiunt artes quæ disponunt materiam: & illa quæ formam inducit, deferuit arti ad quam pertinet artificii finis: & vltimus quæ ordinatur ad anteriorem finem, deferuit illi ad quam pertinet vltimus finis, sicut ars quæ cædit ligna, deferuit nauifactioni, & hæc gubernatoriæ, quæ iterum deferuit cæconomice vel militari, aut alicuius huiusmodi, secundum quod nauigatio ad diuersos fines ordinari potest. Quia igitur potestas ordinis principaliter ordinatur ad corpus Christi consecrandum, & fidelibus dispensandum, & ad fideles à peccatis purgandum, oportet esse aliquem principalem ordinem cuius potestas ad hoc principaliter se extendat, & hic est ordo sacerdotalis, alios autem qui eidem seruiant aliqua litera materiam disponendo, & hi sunt ordines ministrantium. Quia verò sacerdotalis potestas, ut dictum est, se extendit ad duo scilicet ad corporis Christi consecrationem, & ad reddendum fideles idoneos per absolutionem à peccatis ad Eucharistiæ perceptionem, oportet quod inferiores ordines ei deferuiant vel in vtroque, vel in altero tantum, & manifestum est quod tanto aliquis inter inferiores ordines superior est, quanto sacerdotali ordini deferuit in plaribus, vel in aliquo digniori. Infimi igitur ordines deferuiunt sacerdotali ordini solum in populi preparatione. Ostiarij quidem arcendo infideles à coetu fidelium.



Leſtores autem inſtruendo catechumenos de fidei rudimentis: vnde eis ſcriptura veteris teſtamenti comittitur legenda. Exorcifſtæ autem purgando eos qui iam inſtructi ſunt, ſi aliquo modo à dæmone impediuntur à perceptione ſacramentorum. Superiores verò ordines ſacerdotali deſeruiunt & in præparatione populi, & ad cōſummationem ſacramenti. Nam Acolythi habent miniſterium ſuper vaſa non ſacra in quibus ſacramenti materia præparatur: vnde eis vrceoli in ſua ordinatione traduntur. Subdiaconi autem habent miniſteria ſupra vaſa ſacra, & ſuper diſpoſitionem materiæ nondum conſecratæ. Diaconi autem vltimius habent aliquod miniſterium ſuper materiam iam cōſecratam, prout ſanguinem Chriſti diſpenſant fidelibus: & ideo hi tres ordines, ſcilicet ſacerdotum, diaconorum, & ſubdiaconorum, ſacri dicuntur: quia accipiunt miniſterium ſuper aliqua ſacra. Deſeruiunt etiam ſuperiores ordines in præparatione populi: vnde & diaconibus cōmittitur Euangelica doctrina populo proponenda: ſubdiaconibus Apoſtolica: Acolythiſis vt circa vtrumque exhibeāt quod pertinet ad ſolennitatem doctrinæ, vt ſcilicet luminaria deſerant, & alia huiusmodi adminiſtrent.

Super Cap. 75.



**S**TENSO quoddam conuenienter eſt in Eccleſia ſacramentum ordinis inſtitutum, conſequenter ſanctus Thomas de ordinum diſtinctione determinat. Circa hoc autem duo facit. Primò determinat de ipſis ſacris ordinibus. Secundò de epiſcopali poteſtate per quā ipſi ordines diſpenſantur, cap. ſeq. Quantum ad primum ponit duas cōcluſiones. Prima eſt. Oportet eſſe in Eccleſia ordinem ſacerdotalem, & alios ei miniſtrantium ordines. Prima pars probatur. Poteſtas ordinis principaliter ordinatur ad corpus Chriſti conſecrandum ac fidelibus diſpenſandum, & ad fideles à peccatis purgandum: ergo oportet eſſe aliquem principalem ordinem cuius poteſtas ad hoc principaliter ſe extendat, qui eſt ordo ſacerdotalis. Secunda verò pars probatur, quia poteſtas quæ ad aliquem principalem effectum ordinatur, nata eſt habere ſub ſe inferiores poteſtates, ſibi deſeruientes, declaratur in artibus. Secunda cōcluſio eſt. Conuenienter ordines miniſtrantium tam infimi quàm ſuperiores ſunt inſtituti, declaratur, quia cum ſacerdotalis poteſtas ſe extendat ad conſecrationem corporis Chriſti, & ad reddendum fideles idoneos per abſolutionem à peccatis ad Euchariftiæ perceptionem: oportet quod inferiores ordines ei deſeruiāt vel in vtroque vel in altero tantum: & tantò aliquis inter inferiores ordines ſuperior eſt, quantò ſacerdotali ordini in pluribus deſeruit, vel in aliquo digniori. Infimi igitur ſolum in populi præparatione illi deſeruiunt. Oſtendit videlicet arcendo infideles à cœtu fidelium, leſtores inſtruendo catechumenos, id eſt, eos qui inſtruntur de fidei rudimentis: exorcifſtæ, id eſt, adiutores purgando eos qui iam inſtructi ſunt, ſi aliquo modo à dæmone à perceptione ſacramentorum impediuntur. Superiores autem, illi deſeruiunt & in præparatione populi, ad cōſummationem ſacramenti. Acolythi quidem habent miniſterium ſuper vaſa non ſacra, in quibus ſacramenti materia præparatur: ſubdiaconi ſuper vaſa ſacra, & ſuper diſpoſitionem materiæ nondum conſecratæ. Diaconi verò ſuper materiam iam conſecratam, prout ſanguinem Chriſti diſpenſant fidelibus. Ex quibus inſertur, quoddam ordo ſacerdotum, diaconorum, & ſubdiaconorum ſacri ordines dicuntur, quia videlicet accipiunt miniſterium circa ſacra. Additur quoque quod ſuperiores ordines ſacerdotali deſeruiunt etiam in præparatione populi, cuius ſignum eſt quod diaconibus committitur Euangelica doctrina, ſubdiaconibus apoſtolica, Acolythiſis vt exhibeant circa vtrumque quod ad ſolennitatem pertinet doctrinæ, vt ſcilicet luminaria deſerant, & alia huiusmodi adminiſtrent.

**A**TTENDENDVM primò ſecundum doctrinam S. Tho. in 4. Sent. d. 2. q. 1. art. 1. ad 2. q. iſta diuiſio ordinum nō eſt diuiſio alicuius totius integralis aut vniuerſalis, ſed eſt diuiſio totius poteſtati, cuius natura eſt, quod totum ſecundum completam rationem eſt in vno, in aliis autem eſt aliqua participatio ipſius. Nam & hic tota plenitudo ordinis eſt in ſacerdotio, in aliis autem eſt quædam ordinis participatio. non eſt autem hoc ſic intelligendum, quaſi ratio & nomen ſacramenti ordinis inferioribus ordinibus non conueniat, ſed tantum quædam participatio eius, ſed quia perfecta poteſtas ordinis eſt in ſacerdotio tantum, in quantum continet virtualiter omnem poteſtatem etiam ad inferiores ordines pertinentem, in aliis autem inferioribus ordinibus non eſt tota & perfecta ordinis poteſtas, ſed quædam eius pars.

**A**TTENDENDVM ſecundò, quod ordo poteſt dici ſacer dupliciter. Vno modo ſecundum ſe, & ſic quilibet ordo eſt ſacer, cum ſit ſacramentum. Alio modo ratione materiæ circa quam habet aliquem actum, & ſic dictum eſt eſſe tres tantum ordines ſacros. Cætera quæ ad hanc materiam pertinent, copioſiſſime declarat ſanctus Thomas loco præallegato.

**S**ED circa prædicta, dubia quædam oriuntur à Durando taſta. Primum eſt, quia videtur quod iſta qui dicuntur inferiores ordines, non debeant inter ſacramenta computari. Nam quando plures actiones ordinantur ad vnum ſpiritualem effectum, ita quod vna attingit illum, alie verò ſolum diſponunt illa ſola quæ principaliter attingit, eſt ſacramentum, cætera verò ſunt ſacramentalia tantum, vt patet de catechiſmo & exorcifmo reſpectu abſolutionis baptiſmalis: ſed ita eſt in iſtis actionibus ordinum, ergo, &c. Secundum eſt, quia non videtur quod aliquod illorum poſſit dici ordinis ſacramentum. nam vt ſuperius dicebatur, poteſtas ordinis ſacramentum eſt ad conſciendum vel conferendum ſacramenta. ſed in ordinibus inferioribus non conſertur aliqua huiusmodi poteſtas, vt patet, er-

go, &c. Confirmatur, quia in ipſis non conſertur poteſtas ordinato per quam aliquid poſſit facere quod prius non poterat, vt accidit in collatione ſacerdotij, ſed ſolum per quam licet poteſt quod prius non licebat.

**A**D primum horum dicitur primò, quod vtrique vnumquodque illorum quæ prius enumerata ſunt, eſt ſacramentum, licet ſit imperfectum in comparatione ad ordinem ſacerdotij ad quem ordinatur. Dicitur ſecundò ex 4. Sent. diſt. 24. quod aſſumptum fortassis eſt verum de actionibus ordinatis à Eccleſia ad principalem actionem inſtitutam à Chriſto, præſertim quando illæ ſuper eodem ſuppoſito ſunt, non eſt autem verum de actionibus ordinatis à Chriſto ſuper diuerſis ſuppoſitis & cū diuerſis formis, ſicut de actionibus ordinum inferiorum, quarum quantum omnia ad operato habet proprium effectum, licet illi non ſint per ſe primò intenti, ſed ad Euchariftiam tanquam ad effectum principalem ſint ordinati.

**A**D ſecundum dubium illorum dicitur, quod quilibet illorum ordinum dicitur proprie ordinis ſacramentum. Conuenit enim ſibi diſtinctio ordinis poſita à Magiſtro in 24. diſt. 4. Sent. ubi dicitur, quod ordo eſt ſignaculum quoddam Eccleſiæ per quod ſpiritualis poteſtas traditur ordinato. Patet enim diſcurrendo per ſingulos ordines iuxta ea quæ hoc loco dicit ſanctus Thomas, quod hæc diſtinctio illis omnibus competit.

**C**VM autem inſtituitur primò: quia poteſtas huius ſacramenti eſt ad conſciendum vel miniſtrandum ſacramentum, dicitur quod hoc intelligitur mediātē vel immediātē, ſive quod eſt ad conſciendum ſacramentum, aut ad præparandum vel miniſtrandum aliquid ad hoc ordinatum, & hoc conuenit cuiuslibet ordini.

**C**VM inſtituitur ſecundò, quia per iſtos ordines non conſertur ordinato quod aliquid poſſit facere quod prius non poterat: dicitur quod non requiritur ad rationem ſacramenti ordinis, vt per ipſum conferatur poteſtas ad faciendum aliquid quod prius facere nullo modo poterat, ſed ſufficit vt videtur velle S. Tho. 4. Sent. diſt. 24. q. 1. art. 2. ad 9. quod per poteſtatem collatam poſſit agere licet, aut ex officio, quod prius non poterat licet, aut ex officio facere.

**H**OC autem poſtremo attendendum, quod omnes ſeptem ordines poſſunt dici aliquo modo ſeptē ſacramenta, ſcilicet materialiter, in quantum vnicuique illorum conuenit ratio ſacramenti: & poſſunt dici vnum ſacramentum, formaliter ſcilicet & completiue, in quantum omnia ad vnum finem ordinantur, ſcilicet ad Euchariftiam. Et quia forma eſt quæ rei rationem complet, & ei dat vnitatem, ideo omnes ordines pro vno ſacramento à doctōribus computantur, dum dicunt ſeptem eſſe ſacramenta Eccleſiæ, quorum vnum eſt ordo.

De epiſcopali dignitate, & quod in ea vnus ſit ſummus.

Caput 76.



**Q**VIA verò omnium horum ordinum collatio cum quodam ſacramēto perficitur, vt dictum eſt: ſacramenta verò Eccleſiæ ſunt per aliquos miniſtros Eccleſiæ diſpenſanda: ideo neceſſe eſt aliquam ſuperiorem poteſtatē eſſe in Eccleſia alicuius altioris miniſterij, quæ ordinis ſacramentum diſpenſet: & hæc eſt epiſcopalis poteſtas: quæ eſt quātum quidem ad conſecrationem corporis Chriſti non excedat ſacerdotis poteſtatem, excedit tamen eam in his quæ pertinent ad fideles. nam & ipſa ſacerdotalis poteſtas ex epiſcopali deriuatur: & quicquid arduum circa populum fidelem eſt agendum, epiſcopis referuatur, quorum auctoritate etiā ſacerdotes poſſunt hoc quod eis agendum committitur. vnde & in his quæ ſacerdotes agunt, vtuntur rebus per epiſcopum conſecratis: vt in Euchariftiæ cōſecratione vtuntur conſecratis per epiſcopum calice, altari, & palliis. ſic igitur manifeſtū eſt quod ſumma poteſtas regiminis fidelis populi ad epiſcopalem pertinet dignitatē. manifeſtum eſt autem quod quauis populi diſtinguatur per diuerſas dioceſes & ciuitates, tamē ſicut eſt vna Eccleſia, ita oportet eſſe vnū populum Chriſtianum. ſicut igitur in vno ſpeciali populo vnius Eccleſiæ requiritur vnus epiſcopus qui ſit totius populi caput: ita in toto populo Chriſtiano requiritur quod vnus ſit totius Eccleſiæ caput.

**2** Item, ad vnitatē Eccleſiæ requiritur quod omnes fideles in ſiſte conueniant. circa verò ea quæ fidei ſunt, contingit quaſtiones moueri: per diuerſitatem autem ſententiarū diuideretur Eccleſia, niſi in vnitatem per vnius ſententiā conſeruaretur. exigitur ergo ad vnitatem Eccleſiæ conſeruandam, quod ſit vnus qui toti Eccleſiæ præſit. manifeſtum eſt autem quod Chriſtus Eccleſiæ in neceſſariis non deficit, quam dilexit, & pro ea ſanguinem ſuum fudit: cum & de ſynagoga dicatur per Dominum: Quid vltra debui facere vixæ meæ, & non feci: Iſaia 5. non eſt igitur dubitandum quin ex ordinatione Chriſti vnus toti Eccleſiæ præſit.

**3** Adhuc, nulli dubium eſſe debet quin Eccleſiæ regimen ſit optime ordinatum: vt pote per eum diſpoſitum, per quem reges regnant, & legum conditores iuſta decernūt. optimum autem regimen multitudinis eſt, vt regatur per



per vñ: quod patet ex fine regiminis, qui est pax, pax enim & vnitas subditorum est finis regentis. vnitatis autē congruentior causa est vnus quā multi. manifestum est igitur regimen Ecclesiæ sic esse dispositum, vt vnus toti Ecclesiæ præsit.

4. Amplius, Ecclesia militans ex triumphati Ecclesia per similitudinem deriuatur: vnde & Ioannes in Apoca. vidit Hierusalem descendentem de cælo: & Moyse dictum est qd faceret omnia secundum exemplar ei in monte monstratum. Hinc est quod Osee i. dicitur, Congregabuntur filij Iuda & filij Israel pariter; & ponent sibi caput vnum. & Dominus dicit Ioan. 10. Fiet vnum ouile, & vnus pastor. Si quis autem dicat quod vnum caput & vnus pastor est Christus, qui est vnus vnus Ecclesiæ sponsus: non sufficienter respondet. manifestum est enim quod omnia ecclesiastica sacramenta ipse Christus perficit. ipse enim est qui baptizat: ipse est qui peccata remittit: ipse est verus sacerdos, qui se obtulit in ara crucis, & cuius virtute corpus eius in altari quotidie consecratur: & tamen quia corporaliter non cum omnibus fidelibus præsentialiter erat futurus, eligit ministros, per quos prædicta fidelibus dispensaret, vt supra dictum est: eadem igitur ratione quia præsentia corporalem erat Ecclesiæ subtracturus, oportuit vt alicui committeret qui loco sui vniuersalis Ecclesiæ gereret curam. Hinc est qd Petro dixit ante ascensionem: Pasce oues meas, Ioannis vltimo. & ante passionem: Tu iterū conuersus confirma fratres tuos. Luc. 22. & ei soli promisit: Tibi dabo clauis regni cælorum. vt ostenderetur potestas clauium per eum ad alios deriuanda ad conseruandam Ecclesiæ vnitatem. Non potest autem dici quod etsi Petro hanc dignitatem dederit, per eum tamen ad alios non deriuatur. Manifestum est enim quod Christus Ecclesiā sic instituit, vt esset vsque ad finem seculi duratura: secundum illud Esa. 9. Super solium David & super regnum eius sedebit: vt confirmet illud & corroboret in iudicio & iusticia amodo & vsque in sempiternum. manifestum est igitur quod ita illos qui tunc erant, in ministerio constituit, vt eorum potestas deriuaretur ad poteros pro vtilitate Ecclesiæ vsque ad finem seculi: præsertim cum ipse dicat Mat. vlt. Ecce ego vobiscum sum vsque ad consummationem seculi. Per hoc autem excluditur quorundam præsumptuosus error, qui se subducere nituntur ab obedientia & subiectione Petri, successorem eius Romanum pōtificem vniuersalis Ecclesiæ pastorem non recognoscentes.

#### Super Cap. 76.

**I**N VNERA TIS omnibus ordinibus ad sacramentum Eucharistiæ ordinatis, vult S. Thom. de potestate per quam huiusmodi ordines dispensantur, quæ dicitur potestas episcopalis, determinare. Et ponit duas conclusiones, quarū prima est. Necessè est esse in Ecclesia potestatem episcopalem. probatur. Omnium ordinum dictorum collatio cum quodam sacramento perficitur, vt superius dictum est. ergo necessè est esse aliquam superiorem potestatem in Ecclesia alicuius altioris ministerij quæ ordines dispenset: hæc autem est episcopalis potestas, ergo &c. probatur prima consequentia, quia sacramenta Ecclesiæ sunt per aliquos ministros Ecclesiæ dispensanda. Si dicitur quod potestas episcopalis sacerdotalem potestatem non excedit, respondet S. Thom. quod licet non excedat quā ad consecrationem corporis Christi, excedit tamen in iis quæ ad fideles pertinent, & ad eum summa regiminis fidelis populi pertinet: quod patet, tum quia sacerdotalis potestas ex episcopali deriuatur, & quicquid ordinum circa populum fidelem est agendum, episcopis reseruatur, quorum auctoritate etiam sacerdotes possunt hoc quod eis agendum committitur: tum quia & in iis quæ sacerdotes agunt, vtuntur rebus per episcopū consecratis, vt calice, altari, & palliis, in Eucharistiæ consecratione.

Ad euidentiam rationis inductæ pro conclusione, considerandum est ex doct. S. Thom. P. p. q. 43. art. 5. ad 1. & q. 104. art. 1. & ex dictis superius, qd cōtēnū sub aliqua specie nō potest esse primū & per se causa illius speciei in quātū huiusmodi. Sortes enim qui sub specie humana cōtinentur, nō potest esse primū & per se causa hominis in quātū homo est, quia tunc esset causa sui ipsius. quod enim est causa primū & per se alicuius, in quantum huiusmodi, est causa eius, in quocunque inueniatur secundum eandem rationem. Similiter tale quod est causa per se primū alicuius, non potest esse inferioris ordinis ab illo, cum causa primū & per se agēs non sit ignobilior suo effectu: ideo necessè est vt sit alicuius superioris ordinis. Ex quo

sequitur, quod vbi aliquid inuenitur primo & per se causa omnium vna ratione participantium, oportet vt illud alicuius superioris ordinis sit supra ea quæ illa ratione participant. Secundum ergo hoc fundamentū procedit ratio S. Thom. Quia enim omnes ordines ad eucharistiā cōficiendam ordinati, cum quodam sacramento conferuntur, infert S. Thom. non solum quod necessè est esse aliquam potestatem a qua huiusmodi ordines dispensantur, sed etiam quod oportet illam potestatem quam vocamus episcopalem, potestatem esse alicuius superioris ordinis & ministerij, vt pote existentem per se omnium illorum sacramentorum causam.

Sed resultat ex iis dubium. Videtur enim ex hac ratione S. Thom. sequi, quod potestas episcopalis, per quam ordines dispensantur, sit sacramentum & cum non possit reduci ad aliud sacramentum, quā ad sacramentum ordinis, sequitur quod episcopatus sit ordo, qui est sacramentum, cuius oppositum tenet sanct. Thom. 4. Sent. distinct. 24. quæst. 3. artic. 2. q. 2. ad secundum. Quod autem illud sequatur, patet, quia dictum est in præcedentibus cap. 74. quod potestas dispensandi sacramenta ad sacramentum pertinet, cum hominibus sub quibusdam signis sensibilibus tradatur, eadem ergo ratione cum potestas episcopalis sub quibusdam signis sensibilibus tradatur, vt in episcopi consecratione patet, si ipsa est potestas dispensandi sacramenta a potestate sacerdotali distincta, sequitur quod ipsa ad ordinis sacramentum pertineat, & ita episcopatus erit sacramentum.

Ad huius euidentiam considerandum est ex doctrina S. Thom. loco præallegato, quod aliud est dicere episcopatum, vt a sacerdotio distinguitur, esse ordinem, & aliud ipsum esse ordinis sacramentum. Nam nomen ordinis dicitur & de ordine quod est sacramentum, & de officio quodam respectu quatuorunque sacramentorum. secundo enim modo episcopatus est ordo, quia habet potestatem in dictis actionibus respectu corporis mystici: sed primo modo non est ordo, quia ordo sacramentum ordinatur ad sacramentum Eucharistiæ secundum quod actū perficitur, aut scilicet ad præparandum aliquid ad ipsum pertineans, sicut inferiores ordines: aut ad ipsum cōficiendum, vt ordo sacerdotalis: episcopatus autem licet ordinetur ad collationem ordinum ad eucharistiā ordinatorum, non tamen ad ipsam Eucharistiā vt actū perficitur, ordinatur.

Ad dubium ergo negatur, quod illud ex ratione S. Thom. sequatur. Ad probationem dicitur de mente S. Thom. loco præallegato, quod non querit potestas dispensandi sacramenta sub sensibilibus signis tradita, est ordinis sacramentum, sed illa quæ specialiter & directè ordinatur aut ad sacramentum Eucharistiæ actualiter cōficiendum, aut ad actuale ministerium circa actuale consecrationem Eucharistiæ, & est character Christi configurans in Eucharistia contento: potestas autem spiritalis in sua promotione episcopo data respectu quorundam sacramentorum non est character, nec immediatè & directè ordinatur ad corpus Christi verum, secundum quod actualiter consecratur, sed ad corpus Christi mysticum, scilicet ad fideles confirmandos & ordinandos atque benedicendos, & huiusmodi, ideo ratio non sequitur.

Si autem instetur, quia sacramentum est inuisibilis gratiæ visibilis forma, &c. hoc autem videtur conuenire episcopatu cum in eo per sensibilia signa conferatur gratia, & sic videtur qd sit aliquod sacramentum, dato quod non sit sacramentum ordinis: potest dici, quod licet conferatur gratia in collatione potestatis episcopalis, non tamen tanquam per causam instrumentalem agentem ex virtute ei inexistente, quod est de ratione sacramenti, sed sicut ex dispositione & causa sine qua non.

Circa id quod dictum est, episcopalem potestatem excedere sacerdotalem in iis quæ pertinent ad fideles, non autem quantum ad consecrationem corporis Christi: considerandum est quod duplex actus attribuit potestati sacerdotali, scilicet, cōficere corpus Christi, & præparare populum ad Eucharistiæ susceptionem per absolutionem a peccatis: & sic vnus actus sacerdotis est circa verum corpus Christi, alius vero est circa corpus mysticum, siue super fideles. Intentio ergo S. Thom. est, quod potestas episcopalis non est superior potestate sacerdotali quo ad actū primum, neque excellentior, sed bene quo ad actum secundum. Nam vt dicitur in Quarto, quantum ad actum primum non dependet sacerdotalis potestas ab alia superiori potestate quā diuina: vnde potest fideles quolibet materiam a Christo determinatam consecrare, nec aliud requiritur de necessitate sacramenti. Sed bene quantum ad actum secundum dependet ab alia superiori potestate etiam humana: vnde sacerdos non potest absolueret aliquem a peccatis, nisi ab aliquo superiori in eum iurisdictionem accipiat, vt superius dicebatur.

Sed tunc occurrit dubium. Nam dictum est in hoc capite, quod necessè est esse aliquam superiorem potestatem, a qua ordines dispensantur, quæ est potestas episcopalis, & quod ex hac sacerdotalis dependet potestas. ergo cum sacerdotalis ordo ad consecrationem corporis Christi principaliter ordinetur, episcopalis potestas est superior sacerdotali quo ad actum qui est circa corpus Christi verum.

Dicitur, quod illa consequentia non tenet aliud est enim loqui de executione actus sacerdotalis qui est cōficere corpus Christi, & aliud de receptione sacerdotalis potestatis, qua quis ad illum actum ordinem habet. Nam per receptionem talis potestatis homo ad corpus Christi mysticum ordinem habet, cuius est pars. non enim esset talis potestatis susceptiuus, nisi esset pars populi Christiani. per executionem verò actus sacerdotalis circa eucharistiæ consecrationem, ad corpus Christi verum habet ordinem: vnde ex hoc quod potestas episcopalis est superior ordine sacerdotali, ordinato principaliter ad actum circa corpus Christi verum tanquam talis ordinis dispensatiua, sequitur quod sit illo superior quantum ad actū circa corpus Christi mysticum, in quantum episcopus nō solum potest absolueret, & alios actus circa fideles exercere, in quos & simplex sacerdos potest, sed etiam habet ipsum sacerdotalem conferre ordinem. nō autem quantum ad actum qui immediatè circa corpus Christi verum exercetur, qui est talis actus simplicis sacerdotis quantum ad sui executionem ab episcopali dependet potestate, nec aliquid potest episcopus circa actum cōsecrandi eucharistiā quantum ad ea quæ sunt de necessitate sacramenti, quod simplex sacerdos non possit.

CONSIDERANDUM vltius, vt est de mente S. Thom. 4. Sent. d. 24. quæst. 3. art. 2. quæst. 2. ad secundum, quod potestas episcopalis est potestas non solum iurisdictionis, sed etiam ordinis, non secundum quod ordo est sacramentum, sed secundum quod est officium respectu quatuorundam



dam actionum sacramentum. ideo cum dicitur quod episcopalis potestas est superior sacerdotis potestate in iis quae pertinent ad fideles, ista superioritas est superioritas non solum iurisdictionis, sed etiam ordinis modo exposito. De ista comparatione episcopalis potestatis ad sacerdotalem, vide apud Capreolum in quarto distinctione vigesimaquinta. Secunda conclusio est. Necessario est ut in toto populo Christiano sit vnus qui sit totius ecclesiae caput, probatur primo. In vno speciali populo vnus ecclesiae requiritur vnus episcopus qui sit totius populi caput, ergo ita requiritur & in toto populo Christiano. Probatur consequentia, quia quamuis populi distinguantur per diuersas dioceses & ciuitates, oportet tamen esse vnum populum Christianum, sicut est vna ecclesia.

ADVERTE, quod ratio fundatur in hoc, quod sicut quia Christiani vnus diocesis sunt vnus populus, & ideo illis conuenit vnus episcopus: ita cum omnes Christiani sint vnus populus vnus vniuersalis ecclesia, requiritur ut omnium Christianorum sit vnus episcopus, qui omnium sit caput.

Secundo, ad vnitatem ecclesiae conseruandam requiritur quod sit vnus qui toti ecclesiae praesit, ergo non est dubitandum quin ex ordinatione Christi ita sit in ecclesia, probatur antecedens, quia ad vnitatem ecclesiae requiritur quod omnes fideles in fide conueniant, hoc autem esse non posset, nisi in vnitatem per vnus sententiam conseruaretur, quia cum contingat circa ea quae sunt fidei, quaestiones moueri, diuersae possent esse sententiae de fide, & sic per diuersitatem sententiarum diuideretur ecclesia: consequentia vero probatur, quia Christus ecclesiae quam dilexit, & pro qua suum sanguinem fudit, in necessariis non defecit, cum & de synagoga dicit Dominus: Quid vltra, &c.

ADVERTENDVM ex doctrina S. Thomae 2. 2. quaestione secunda articulo sexto quod determinare finaliter ea quae sunt fidei, ad auctoritatem summum pontificis pertinet, ut ab omnibus inconcussa fide teneantur: & ideo ad eius solam auctoritatem pertinet noua symboli editio, propterea hic ex vnitatem fidei conuenienter arguitur oportere in ecclesia vnum caput esse. Tertiò, Optimum regimen multitudinis est ut regatur per vnum, ergo & regimen ecclesiae sic debet esse dispositum, ut vnus toti ecclesiae praesit, antecedens probatur, quia vnitatis quae est finis regiminis, congruentior causa est vnus quam multi, consequentia vero probatur, quia nulli dubium esse debet quin ecclesiae regimen sit optime ordinatum, ut pote per eum dispositum, per quem reges regnant, & legum conditores iusta decernunt. Quarto, In triumphanti ecclesia vnus praesidet, scilicet Deus, qui etiam toti praesidet vniuerso, ergo & in ecclesia militante vnus est qui praesidet vniuersis, probatur antecedens per illud Apoc. 21. Ipsi populus, &c. consequentia vero probatur, quia ecclesia militans ex triumphanti ecclesia per similitudinem deriuatur, iuxta illud Apoc. Vidi Hierusalem, &c. vnde & Moysi dictum est quod faceret omnia secundum exemplar ei in monte monstratum.

Confirmatur conclusio auctoritate Osee 1. dicentis. Congregabuntur, &c. & Ioan. 10. Fiet vnum ouile, &c. Si quis autem dicat quod vnum caput & vnus pastor est Christus, qui est vnus vnus ecclesiae sponfus, non sufficienter respondet: quia quamuis omnia ecclesiastica sacramenta ipse Christus perficiat, ut patet discurrendo per singula, tamen quia corporaliter non cum omnibus fidelibus praesentialiter erat futurus, elegit ministros per quos praedicta fidelibus ministraret: eadem ratione qui praesentiam corporalem erat ecclesiae subtrahens, oportuit ut alicui committeret, qui loco sui vniuersalis ecclesiae gereret curam: propter quod ante Ascensionem dixit Petro, Ioannis vltimo: Pasce oues meas, & ante Passionem: Tu iterum conuoca, &c. Luc. 22. & ei soli promissit, Tibi dabo, &c. vt often deretur potestas clauum per eum ad alios deriuanda ad vnitatem ecclesiae conseruandam. Nam Christus sic ecclesiam instituit, ut esset vsque ad finem seculi duratura, secundum illud Isa. 9. Super solium, &c. & eodem modo dicitur de aliis qui tunc erant, quia ita illos in ministerium constituit, ut eorum potestas deriuaretur ad posterum pro vtilitate ecclesiae vsque ad finem seculi, cum ipse dicat Mathei vltimo: Ecce ego vobiscum, &c. Per hoc excluditur praesumptuosus error subducentium se ab obedientia & subiectione Petri, eius successorem vniuersalis ecclesiae pastorem non recognoscentes.

Ad euidentiam huius considerandum est ex doctrina sancti Thomae secundo Sententiarum distinctione vltima in expositione litterae, quod summus pontifex habet in ecclesia apicem & excellentiam potestatis, non solum spiritualis, sed etiam secularis: ideo illi praeter omnibus obediendum est & in iis quae ad salutem animae pertinent, & in iis quae ad bonum pertinet ouile. Similiter, ut dicit idem sanctus Thomas in libro de regimine principum libro tertio, capitulo decimo, & decimo nono, potest ratione supereminens huius potestatis vnumquemque ratione delicti punire, & tallias atque collectas pro reipublica Christianae conseruatione imponere, sicut & rex in suo regno potest. Dicit etiam super epistola secunda ad Corinthios capite vndecimo, lectione secunda in fine, quod per necessitate vnus patris potest accipere subsidium ab aliis partibus mundi, quia ecclesia est vnum corpus: videmus autem in corpore naturali, quod quando deficit vnus in vno membro, natura subministrat humores & virtutem ab aliis accipiens membris. Sed tamen quia non est absolutus Papa ab obseruatione diuinae & naturalis legis, intelligitur ista posse facere, & vniquemque Christianum illi teneri obedire, salua iustitiae aequalitate: non autem sibi pro libito res vniuersalesque usurpare, aut alteri dare potest, quoniam licet vniuersalem iurisdictionem habeat in ecclesia, non habet tamen omnium rerum immediatam administrationem, vnde inquit S. Thomas 4. Sententiarum distinctione vigesimaquinta, quaestione tertia, articulo 3. ad secundum, quod quamuis res ecclesiae sint aliquo modo Papae, non sunt tamen eius omnibus modis habendi, sicut illud quod ad manum habet: & ideo si pro aliquo spirituali munus acciperet, simoniam committeret. Dicit etiam super epistola ad Philipenses circa finem, quod Papa potest ab vna ecclesia accipere in subsidium aliarum, non autem sine omni causa.

Ex praedictis constat vanam esse, & a fide Christiana alienam opinionem dicentium concilium & ecclesiam esse supra Papam, & ipsum Papam ab ecclesia auctoritatem habere tanquam ab ipsa institutum. Nam manifestum est ex praedictis, quod Christus ipse regimen ecclesiae suae instituit, non autem ipsa ecclesia, aut populus Christianus, & quod in ecclesia

Petrum suum vicarium & successores eius instituit, sicut & ad sacramenta dispensanda instituit ministros. Vnde cum dixit Petro, Pasce oues meas, praemisit interrogationem: Simon Ioannis diligis me plus his? ut ostenderet se auctoritatem Petro dare ut distincto ab aliis discipulis praesentibus, propter quod exponens Chrysostomus praedicta verba ait, Praeterea alios, Petro loquitur: Praepositus loco mei esto, & caput fratrum tuorum.

### Quod per malos ministros sacramenta dispensari possunt.

Cap. 77.



In his quae praemissa sunt, manifestum est quod ministri ecclesiae potentiam quandam in ordinis susceptione diuinitus suscipiunt ad sacramenta fidelibus dispensanda. Quod autem alicui rei per consecrationem acquiritur, perpetuo in eo manet: vnde nihil consecratum iterato consecratur. potestas igitur ordinis perpetuo in ministris ecclesiae manet. non ergo tollitur per peccatum. possunt ergo etiam a peccatoribus & malis, dummodo ordinem habeant, ecclesiastica sacramenta conferri.

2. Item, nihil potest in id quod eius facultatem excedit, nisi accepta aliunde potestate, quod tam in naturalibus quam in ciuilibus patet. non enim aqua calefacere potest nisi accipiat virtutem calefaciendi ab igne: neque Balieus ciues coercere potest nisi accepta potestate a rege. ea autem quae in sacramentis aguntur, facultatem humanam excedunt, ut ex praemissis patet. ergo nullus potest sacramenta dispensare, quantumcunque sit bonus, nisi potestate accipiat dispensandi. bonitati autem hominis malicia opponitur & peccatum. ergo nec per peccatum ille qui potestatem accepit, impeditur quo minus sacramenta dispensare possit.

3. Adhuc, homo dicitur bonus vel malus secundum virtutem vel vitium: quae sunt habitus quidam: habitus autem a potentia in hoc differt, quod per potentiam sumus potentes aliquid facere: per habitum autem non reddimur potentes ad aliquid faciendum, sed habiles vel inhabiles ad id quod possumus bene vel male agendum. per habitum igitur non datur neque tollitur nobis aliquid posse: sed hoc per habitum acquirimus, ut bene vel male aliquid agamus. non igitur ex hoc quod aliquis est bonus vel malus, est potens vel impotens ad dispensandum sacramenta, sed idoneus vel non idoneus ad bene dispensandum.

4. Amplius, quod agit in virtute alterius, non assimilatur sibi patiens, sed principali agentis. non enim domus assimilatur instrumentis quibus artifex vtitur, sed arti ipsius. ministri autem ecclesiae in sacramentis non agunt in virtute propria, sed in virtute Christi, de quo dicitur Ioannis primo: Hic est qui baptizat. vnde & sicut instrumentum, ministri agere dicuntur. minister enim est sicut instrumentum animatum. non igitur malitia ministrorum impedit quin fideles salutem per sacramenta consequantur a Christo.

5. Praeterea, de bonitate vel malitia alterius hominis homo iudicare non potest. hoc enim solius Dei est, qui occultata cordis rimatur. si igitur malitia ministro impedire posset sacramenti effectum, non posset homo habere fiduciam certam de sua salute: nec conscientia eius remaneret libera a peccato. inconueniens igitur videtur quod spem suae salutis in bonitate puri hominis quis ponat. dicitur enim Hier. 17. Maledictus homo qui confidit in homine. si autem homo salutem consequi per sacramenta non speraret nisi a bono ministro dispensata, videretur spem suae salutis aliquo modo in homine ponere. Ut ergo spem nostrae salutis in Christo ponamus, qui est Deus & homo, confitendum est quod sacramenta sunt salutaria ex virtute Christi, siue per bonos siue per malos ministros dispensentur. Hoc etiam apparet per hoc quod Dominus etiam malis praelatis obedire docet, quorum tamen non sunt opera imitanda. dicit enim Matth. 23. Super cathedram Moysi sederunt Scribae & Pharisei: quaecumque ergo dixerint vobis, seruate & facite: secundum autem opera eorum nolite facere. multo autem magis obediendum est aliquibus propter hoc quod suscipiunt ministerium a Christo, quam propter cathedram Moysi. est ergo etiam malis ministris obediendum: quod non



\* Excluse et  
periculis me  
minis Ber  
nard, in nomi  
nato anth.  
Serm. 66. su  
per Cant. &  
magist. Sent.  
3. d. 19.

non esset nisi in eis ordinis potestas maneret, propter quā eis obeditur. habent ergo potestatem dispensandi sacramenta etiam mali. Per hoc autem excluditur \* quorūdam error dicentium quod omnes boni possunt sacramenta ministrare, & nulli mali.

Super Cap. 77.



**P**OSTQUAM de sacramento ordinis in quo ministris Ecclesie quædam datur potestas ad dispensanda fidelibus sacramenta, determinauit S. Thom. consequenter de ministris sacramentorum, quibus potestas ordinis est collata, in generali determinat, quantum scilicet ad idoneitatem ipsorum. Et ponit hanc conclusionem. A peccatoribus & malis, dummodo ordinem habeant, ecclesiastica possunt sacramenta conferri. Probatur primò sic. Potestas ordinis perpetuò in ministris Ecclesie manet: ergo non tollitur per peccatum. ergo, &c. ambz consequentijs notz. probatur verò antecedens, quia ministri Ecclesie potentiam quandam in ordinis susceptione, per quandā videlicet consecrationem, suscipiunt. quod autem alicui rei per consecrationem acquiritur, perpetuò in eo manet, cuius signum est, quod nihil consecratum iteratò consecratur, scilicet integrum manens. Secundo. Nullus potest sacramenta dispensare, quantumcunque sit bonus, nisi potestatem accipiat dispensandi. ergo nec per peccatum ille qui potestatem accipit, impeditur quo minus sacramenta dispensare possit. consequentia probatur, quia bonitati hominis opponitur malitia & peccatum. antecedens verò probatur, quia ea que in sacramentis aguntur, facultatem humanam excedunt: nihil autem potest in id quod eius facultatem excedit, nisi accepta aliunde potestate. declaratur in aqua respectu calefactionis, & in balneo respectu coëctendi ciues.

**A**DVERTENDVM fundamentum huius rationis esse, quod sicut ex bonitate non habet quis ut possit sacramenta dispensare, ita ex malitia quæ bonitati opponitur, non habet ille qui potestatem accepit, à tali sacramentorum dispensatione impediri. Tertio. Per habitum non datur neque tollitur nobis aliquid posse, sed tantum datur ut bene vel malè aliquid agamus, in quo à potentia differt. ergo ex hoc quod aliquis sit bonus vel malus, non est potens vel impotens ad dispensandum sacramenta, sed idoneus vel non idoneus ad bene dispensandum. probatur consequentia quia hoc dicitur bonus vel malus secundum virtutem vel vitium, qui sunt habitus quidam.

**A**DVERTENDVM ex doctrina san. Thomæ 3. part. questione sexagesima quarta. articulo sexto. & in quarto sent. distinctione 5. quæst. 1. art. 2. quod mali ecclesiastica sacramenta ministrantes peccant, eò quod non conformantur ei cuius sunt instrumenta propterea hinc dicitur quod malus non est idoneus ad bene dispensandum, id est, ad dispensandum secundum convenientiam & congruentiam sacramenti, licet sit idoneus ad dispensandum sacramenta simpliciter idoneitate sufficiente. Sufficit enim ad hoc ut quis sacramentum conferat, quod sit homo potestatem ordinis habens. Quarta. Ministri Ecclesie in sacramentis non agunt in virtute propria, sed in virtute Christi, de quo dicitur Ioannis primo: Hic est qui baptizat. ergo militiam ministrorum non impedit quin fideles saluentur per sacramenta consequantur à Christo. probatur consequentia, quia quod agit in virtute alterius, non assimilatur sibi patiens, sed principali agenti, ut patet in instrumentis domus. antecedens verò probatur, quia ministri sicut instrumentum agere dicuntur.

**S**ED videtur quod hæc ratio non sit efficax. Nam licet instrumentum non assimilet sibi effectum. sed principali agenti, si tamen sit indispotum & ineptum, non potest effectum ad similitudinem principalis agentis producere: sicut propter defectum & malitiam instrumenti non potest quandoque artifex effectum interum inducere: & sic licet malus minister non impediat à dispensatione sacramenti, quia oporteat effectum illi assimilari, ut scilicet ex ipso malus effectus producat, potest tamen impediri propter eius indispositionem & ineptitudinem ad effectum principalis agentis, scilicet Christi.

**R**espondetur, quod duplex potest esse indispositio in instrumento, vna per quam indisponitur ad suscipiendam motionem & virtutem principalis agentis, quæ scilicet est carentia alicuius perfectionis sibi debite, in quantum est instrumentum: alia per quam in seipso est imperfectum, ut pote carens aliqua perfectione sibi debita, in quantum est talis res, non autem in quantum est instrumentum. Per primam imperfectionem potest instrumentum impediri à productione effectus principalis agentis, non autem per secundam, quia ista accidentaliter se habet ad ipsum, in quantum est instrumentum, sicut chirurgici manus si sit arida, ita ut non possit ab ipso moveri, ab ipsa non poterit prouenire curatio quam chirurgicus intendit: sed si sit disposita ad suscipiendum motum à chirurgico, quantumvis aliqua ægitudine laboret, puta lepra, non impeditur à productione effectus principaliter intenti. Homo ergo malus licet sit indispositus in seipso per priuationem virtutis quam habere deberet, non est tamen indispositus in quantum est instrumentum diuinæ virtutis. ad hoc enim ut secundum ordinationem possit moveri à Deo ad causandum instrumentaliter salutem & gratiam per quam quis Christo assimilatur per sacramenti ministracionem, sufficit quod sit homo ordinem habens, & ideo per malitiam non impeditur quin verum sacramentum conferre possit: secus autem esset si effectum oporteret ipsi malo ministro assimilari: quia cum ipse sit malè affectus secundum mentem, & sit gratia diuina pectatus, non posset in altero bonam mentis dispositionem & gratiam effectiue causare, & ad hunc sensum procedit ratio S. Thom. Quintò. Si malitia ministri sacramenti effectum impedire posset, non posset homo habere fiduciam certam de sua salute, nec conscientia eius remaneret libera à peccato. sed hoc est inconueniens, ergo, &c. probatur sequela: quia de malitia vel bonitate alterius hominis homo iudicare non potest, sed hoc est solius Dei qui occulta cordis rimatur. Confirmatur ista ratio, quia si homo salutem consequi per sacramenta non speraret nisi à bono ministro dispensata, videretur spem suæ salutis in homine aqualiter ponere. hoc autem est contra id quod dicitur Hier. 17. Maledictus, &c. confitendum est igitur quod sacramenta sunt salutaria ex virtute Christi, siue per bonos, siue per malos ministros dispense-

sentur. Sextò. Dominus etiam malis prælatis obedire docet, quorum tamen opera non sunt imitanda, ut patet Mat. 23. ergo & malis ministris est obediendum. ergo in eis manet ordinis potestas. ergo habent potestatem dispensandi sacramenta. probatur prima consequentia, quia multo magis obediendum est aliquibus propter hoc quod susceperunt ministerium à Christo, quam propter cathedram Moyse. secunda verò probatur, quia propter ordinis potestatem eis obeditur.

**S**ED videtur quod hæc ratio non sit efficax. Alicui enim obediendum est propter potestatem iurisdictionis in ipso existentem. ergo ex eo quod malis prælatis aut malis ministris est obediendum, non sequitur quod possint sacramenta ministrare, sed tantum quod in subditos possint iurisdictionem exercere.

**D**icitur quod non solum propter potestatem iurisdictionis est alicui obediendum, sed etiam propter ordinis potestatem. Nam confitens tenetur obedire sacramento sibi poenitentia satisfactoriam iniungenti: & de tali potestate ratio procedit. unde ut ostenderet S. Thom. se de hac ordinis potestate loqui, non autem de potestate iurisdictionis, assumpsit quod propter ordinis potestatem malis ministris obeditur.

**P**ER hoc autem, inquit S. Thom. excluditur error dicentium quod omnes boni possunt sacramenta ministrare, & nulli mali.

De sacramento matrimonij.

Cap. 78.



**Q**UANTUM autem homines per sacramenta restarentur ad gratiam, non tamen mox restantur ad immortalitatem. cuius rationem supra \* ostendimus, quæcunque autem corruptibilia sunt, perpetuari non possunt nisi per

generationem. Quia igitur populum fidelium perpetuari oportebat usque ad mundi finem: necessarium fuit hoc per generationem fieri: per quam etiam humana species perpetuatur. Considerandum est autem quod quādo aliquid ad diuersos fines ordinatur, indiget habere diuersa dirigentia in finem: quia finis est proportionatus agēti. generatio autem humana ad multa ordinatur, scilicet, ad perpetuitatem speciei, & ad perpetuitatem alicuius boni politici, puta populi in aliqua ciuitate: ordinatur etiam ad perpetuitatem ecclesie, quæ in fidelium collectione consistit. unde oportet quod huiusmodi generatio à diuersis dirigatur. In quantum igitur ordinatur ad bonum naturæ, quod est perpetuitas speciei: dirigitur in finem à natura inclinate in hunc finem: & sic dicitur esse naturæ officium. In quantum verò ordinatur ad bonum politicum, subiaceret ordinationi ciuilibis legis. In quantum autem ordinatur ad bonum ecclesie, oportet quod subiaceat regimini ecclesiæ. ea

autem quæ populo per ministros ecclesie dispensantur, sacramenta dicuntur. Matrimonium igitur secundum quod consistit in coniunctione maris & foeminae intendentium prolem ad cultum Dei generare & educare, est ecclesie sacramentum: unde & quædam benedictio nubentibus per ministros ecclesie adhibetur: & sicut in aliis sacramentis per ea quæ exterius aguntur, spirituale aliquid figuratur: sic & in hoc sacramento per coniunctionem maris & foeminae coniunctio Christi & ecclesie figuratur: secundum illud Apostoli ad Eph. 5. Sacramentum hoc magnum est: ego autem dico in Christo & ecclesia. Et quia sacramenta efficiunt quod figurant, credendum est quod nubentibus per hoc sacramentum gratia conferatur, per quam ad vniōem Christi & ecclesie pertineant: quod eis maximè necessarium est, ut sic carnalibus & terrenis intendant, quod à Christo & ecclesia non disjungantur. Quia igitur per coniunctionem maris & foeminae, Christi & ecclesie coniunctio designatur: oportet quod figura significato respondeat: coniunctio autem Christi & ecclesie est vnus ad vnā perpetuò habendam. est enim vna ecclesia, secundum illud Cant. 6. Vnā est columba mea, perfecta mea. nec vnquā Christus à sua ecclesia separabitur. dicit enim ipse Matth. vlt. Ecce ego vobiscum sum usque ad consummationem seculi. & vltimus, semper cum Domino erimus, ut dicitur 1. Thess. 4. necesse est igitur quod matrimonium secundum quod est ecclesie sacramentum, sit vnus ad vnā indiuisibiliter habendam: & hoc pertinet ad fidem quæ sibi inuicem vir & vxor obligantur. Sic igitur tria sunt bona matrimonij, secundum quod est ecclesie sacramentum, scilicet proles ad cultum Dei suscipienda & educanda: fides, prout vnus vir vni vxori obligatur: & sacramentum, secundum quod indiuisibilitatem habet

\* Fideliter c.  
2. & 55. huius  
lib.



habet matrimonialis coniunctio: in quantum est coniunctio Christi & ecclesie sacramentum. cetera autem quæ in matrimonio consideranda sunt, supra in tertio libro pertractauimus.

\*Cap. 123. &  
inde.

Super Cap. 78.

**P**OST QVAM determinauit S. Thom. de ordinis sacramentorum, vltimo loco de sacramento matrimonij determinat, & ponit quinque conclusiones: quarum prima est: Oportet in populo fidei generatione esse probatur. Oportet populum fidelium perpetuari vsque ad finem mundi, ergo, &c. probatur consequentia, quia quauis per sacramenta homines ad gratiam restituantur, non tamen mox restituantur ad immortalitatem, quæ cunctis autem corruptibilia sunt, perpetuari non possunt nisi per generationem. Secunda conclusio est. Matrimonium secundum quod consistit in coniunctione maris & femine intendit prolem ad cultum Dei generare & educare, est ecclesie sacramentum.

AD huius euidenciam notat sanctus Thomas quod cum generatio humana ordinetur ad perpetuitatem speciei, ad perpetuitatem alicuius boni politici, puta populi in aliqua ciuitate, atque ad perpetuitatem ecclesie quæ in fidelium collectione consistit: oportet ut huiusmodi generatio ad diuersis dirigatur, quia quando aliquid ad diuersos fines ordinatur, indiget diuersis dirigentibus in finem, cum finis proportionetur agentis. Vnde quantum ad primum oportet ut dirigatur a natura in hunc finem inclinante, & sic dicitur quod nature officium quantum ad secundum, subiacer ordinationi ciuili legis: quantum vero ad tertium, oportet ut regimini subiaceat ecclesiæ. Iste supposito arguitur scilicet. Ea quæ populo per ministros ecclesie dispensantur, sacramenta dicuntur: matrimonium est huiusmodi, quia quædam benedictio nubentibus per ministros ecclesie exhibetur, ergo, &c.

CIRCA hanc rationem aduertendum primum, quod propositio hæc, Ea quæ populo per ministros ecclesie dispensantur, sacramenta dicuntur, indiget limitatione: intelligitur enim de illis quæ in remedium alicuius spiritualis defectus sunt instituta, quæ modum matrimonium ad repræsentandam concupiscentiam est ordinatum. Vnde S. Tho. in 4. Sent. dist. 38. q. 1. art. quinto, ad secundum inquit, quod consecratio virginum, inunctio regnum, & huiusmodi, non sunt sacramenta, licet in ipsis gratia detur, quia non sunt instituta ad curationem morbi peccati, sicut alia sacramenta.

ADVERTENDVM secundum, quod matrimonium dicitur per ministros ecclesie dispensari, non quidem quantum ad aliquid quod sit de essentia sacramenti, sed quantum ad aliquid accidentale quod est completium eius & perfectiuium, ut est nubentium benedictio. nullus enim actus ministris ecclesie est de eius essentia, sed tantum actus contrahentium secundum S. Thom. Nam verba exprimentia consensum sunt matrimonij forma, alij autem actus contrahentium sunt materia. Vnde & S. Thom. adducit pro signo dispensationis huiusmodi, quod quædam benedictio nubentibus per ministros ecclesie exhibetur. Aliquid enim indigere ministro, aut ex necessitate, aut quantum ad solennitatem, est signum, sit ecclesie sacramentum, si ad aliquod remedium spirituale causandum exhibetur. Tertia conclusio est. In hoc sacramento per coniunctionem maris & femine, coniunctio Christi & ecclesie figuratur, sicut & in aliis sacramentis per ea quæ exterius aguntur, spirituale aliquid significatur, probatur per illud Apostoli Ephes. 5. Sacramentum hoc, &c.

ADVERTENDVM quod sicut in aliis sacramentis sunt tria, scilicet sacramentum tantum, res & sacramentum, & res tantum: ita etiam est in matrimonio. Nam secundum S. Thom. 4. Sent. d. 2. q. 1. art. 2. & 26. q. 1. art. 1. ad 3. sacramentum tantum sunt actus exterioris apparentes, qui ut sunt sacramentum, rem interiore per ipsos causant ut sanctificent contrahentes & vniorem Christi & ecclesie ex diuina institutione repræsentant. Res & sacramentum est obligatio quæ innascitur viri ad mulierem ex huiusmodi actibus consensum interiore exprimentibus: siue est quædam spiritualis coniunctio & vniõ contrahentium, ex mutuo consensu & exterioribus actibus consensum exprimentibus causata, quæ quidem videtur esse potestas quædam quam se inuicem coniuges accipiunt cum reali relatione vnius ad alterum sicut & vniõ in aliis dicitur aliquod absolutum, in quo res vniuntur, & relationem super illo absoluto fundatam. Res autem est effectus ad quem hoc sacramentum est institutum, scilicet repressio concupiscentie per gratiam adiutricem, & vniõ Christi & ecclesie.

ADVERTENDVM etiam ex doct. S. Tho. loco præallegato, quod cum duplex sit res in hoc sacramento: vna, scilicet repressio concupiscentie per gratiam, est significata & contenta aliquo modo virtualiter in ipso, tanquam quæ instrumentaliter & dispositiue causatur. Alia vero, scilicet coniunctio Christi & ecclesie, est significata tantum, non autem contenta. Quarta conclusio est: Credendum est quod nubentibus per hoc sacramentum gratia conferatur, per quam contrahentes ad vniorem Christi & ecclesie pertineant, probatur, tum quia sacramenta efficiunt quod figurant, tum quia hoc ipsis maxime necessarium est, ut sic carnalibus & terrenis intendant, quod a Christo & ecclesia non disingantur.

ADVERTENDVM, quod vniõ Christi & ecclesie dupliciter considerari potest. Vno modo absolute & in communi, & sic sacramentum matrimonij ipsam non efficit, sed tantum significat, propterea dicit S. Thom. in quarto, quod est res non contenta, neque causata. Alio modo ut determinatur ad istos pertinentes ad ecclesiam & Christo vnitos, & sic hanc vniorem efficit matrimonium dispositiue & instrumentaliter causando gratiam, per quam quis completè ad ecclesiam pertinet, & Christo per charitatem vniatur. Et ad hunc sensum intelligitur hic, quod hanc vniorem matrimonium efficit.

CIRCA autem hanc conclusionem dubium occurrit ex Durando apud Capreolum 4. d. 26. Videtur enim quod matrimonium gratiam non conferat, tum quia videtur deicere a perfectiori statu, scilicet, a statu continentie, qui est perfectior statu coniugali secundum Apost. 1. Cor. 7. tum quia Canonistæ videntur hoc tenere, hac scilicet ratione, quia in matri-

monio preterita interueniunt, & conditiones peculiariter apponuntur, nec eorum scripta quo ad hoc sunt ab ecclesia reprobata.

AD primum horum dicitur, quod utique matrimonium gratiam confert non habenti, nisi obicem ponat: habenti autem eam auget, sicut & alia sacramenta. Dicitur secundum, quod comparando statum continentie ad statum coniugalem absolute, & actum ad actum secundum genus, melior est status continentie quam status coniugalis, & hoc modo continentiam comparat Apostolus statui coniugali: sed comparando statum continentie ad coniugium secundum quod est sacramentum, sic coniugium est perfectius continentie quantum ad opus operatum. Nam per opus operatum matrimonij, id est, per ipsum sacramentum, siue per ipsos actus exteriores contrahentium, quibus ipsorum consensus exprimitur, confertur gratia: non autem per statum continentie, cuius non est effectiue gratiam causare, sicut causant sacramenta, licet continens ex opere operante, id est, ex actione sua maiorem gratiam mereatur quam status nuptialis. Vnde non est verum quod matrimonium in quantum est sacramentum deiciat a statu perfectiori, licet hoc faciat in quantum est status quidam aut pars imperantia.

AD secundum dicitur primum, quod dictum illorum Canonistarum non est in hac parte tenendum, nec eorum motum valet. Nam secundum sanctum Thom. pactum pecuniarium non interuenit in matrimonio ex ea parte quæ est sacramentum, quo modo habet gratiam conferre: vnde probenedictione nuptiali aliquid accipere est simonia, sed ex ea parte quæ est in officium nature, sicut & in aliis officiis ciuilibus & corporalibus, non inueniuntur conditionem rei temporalis interponere. Dicitur secundum, quod fortassis hanc opinionem Romana ecclesia dissimulat, licet sit contraria dictis sanctorum, sicut & multas alias opiniones. Quinta conclusio est. Necessè est quod matrimonium secundum quod est Ecclesie sacramentum, sit vniõ ad vnam indiuisibiliter habendam, probatur, tum quia Christi & Ecclesie coniunctio est vniõ ad vnam perpetuam habendam, cum Ecclesia sit vna, iuxta illud Cant. 6. Vna est, &c. nec sit vnquam Christus ab ea separandus, iuxta illud Mat. 28. Ecce ego, &c. & 1. Thess. 4. Semper cum Domino erimus. Oportet autem quod figura signaro respondeat, tum quia hoc pertinet ad fidem quæ sibi inuicem vir & vxor obligantur. Ex his inferit S. Thom. corollarie, quod tria sunt bona matrimonij secundum quod est Ecclesie sacramentum, scilicet proles ad cultum Dei suscipienda & educanda: fides, prout vnus vir vni vxori obligatur: & sacramentum, secundum quod indiuisibilitatem habet matrimonialis coniunctio, in quantum est coniunctio Christi & Ecclesie sacramentum.

ADVERTENDVM ex doct. S. Thom. 4. Sent. d. 3. q. 1. art. 2. ad vltimum, quod dupliciter possumus intelligere sacramentum computari inter matrimonij bona. Vno modo accipiendo sacramentum non pro ipso matrimonij sacramento, sed pro inseparabilitate ipsius, quæ idem significat quod matrimonium, scilicet inseparabilem coniunctionem Christi & Ecclesie. sic enim potest dici sacramentum, quia est sacra rei signum. Alio modo accipiendo sacramentum pro ipso matrimonij sacramento, in quantum est sacramentum. sic enim ponitur bonum matrimonij honestas ipsum in quantum est in officium nature: & sic nomine sacramenti non solum intelligitur inseparabilitas, sed etiam omnia quæ ad ipsius significationem pertinent. Videtur autem S. Thom. primo modo hic accipere sacramentum. Cetera inquit S. Thom. quæ circa matrimonium sunt consideranda, superius pertractata sunt in 3. lib. vbi scilicet de matrimonio, non in quantum est sacramentum, sed in quantum est in officium nature, & ad ciuitatem spectat, est determinatum.

ADVERTENDVM quod hoc sacramentum non est necessitatis simpliciter, sed est ad bene esse, in quantum Ecclesie multitudinem per propagationem conseruat. Postremo, circa hanc determinationem de sacramentis considerandum est, quod S. Thom. hoc loco summarie de sacramentis determinat, & pauca de ipsis tangit, quia cum aduersus gentes hæc librè ediderit, non oportebat rationem omnium quæ in sacramentis geruntur, adducere, sed sufficiebat sibi ostendere vsum sacramentorum in Ecclesia: esse rationabiliter institutum, & aliquam rationem vnum quodque habere sacramentum: in 4. autem Sent. & in 3. parte, vbi ea quæ fidei sunt intendit fidelibus explanare, de sacramentis exactiorem determinationem facit.

Quod per Christum resurrectio corporum sit futura.

Cap. 79.



**V**IA verò supra ostensum est quod per Christum liberati sumus ab his quæ per peccatum primi hominis incurrimus: peccante autè primo homine non solum in nos peccatum deriuatum est, sed etiam mors quæ est poena peccati, secundum illud Apost. ad Rom. 5. Per vnum hominem peccatum in hunc mundum intrauit, & per peccatum mors: necessarium est quod per Christum ab utroque liberemur, & a culpa scilicet, & a morte. Vnde & ibidem dicit Apost. Si in vnius delicto mors regnauit per vnum: multo magis accipientes abundantiam donationis & iustitiæ, in vitam regnabunt per vnum Iesum Christum. Vt igitur vtrumque nobis in seipso demonstraret, & mori, & resurgere voluit. Mori quidè voluit, ut nos a peccato purgaret: vnde Apostolus dicit ad Hebræos 9. Quemadmodum statutum est hominibus semel mori, sic & Christus semel oblatu est ad multorum exhauriendâ peccata. Resurgere autem voluit, ut nos a morte liberaret: vnde Apoc. 1. Cor. 15. Christus resurrexit a mortuis primitiæ dormientium: quoniam quidem per hominem mors, & per hominem resurrectio mortuorum.



rum. effectum igitur mortis Christi in sacramentis consequimur quantum ad remissionem culpæ. dictum est enim *supra* \* quod sacramenta in virtute passionis Christi operantur: effectum autem resurrectionis Christi quantum ad liberationem à morte in fine seculi consequemur, quando omnes per Christi virtutem resurgemus. Vnde dicit Apostolus 1. Cor. 15. Si Christus prædicatur quod resurrexit à mortuis, quomodo quidam dicunt in vobis quoniam resurrectio mortuorum non est, neque Christus resurrexit; si autem Christus non resurrexit, inanis est prædicatio nostra: inanis est & fides nostra. est igitur de necessitate fidei credere resurrectionem mortuorum futuram. Quidam verò hoc peruersè intelligentes, resurrectionem corporum futuram non credunt: sed de resurrectione legitur in scripturis, ad spiritualem resurrectionem referre conantur, secundum quod aliqui à morte peccati resurgunt per gratiam. Hic autem error ab ipso Apostolo reprobatur. dicit enim 2. Timoth. 2. Prophana & vaniloquia deuota. multum enim proficiunt ad impietatem: & sermo eorum ut cancer serpit: ex quibus est Hymenæus & Philetus, qui à veritate fidei exciderunt, dicentes resurrectionem iam factam esse. quod non poterat intelligi nisi de resurrectione spirituali. est ergo contra veritatem fidei ponere resurrectionem spiritualem, & negare corporalem.

2 Præterea, manifestum est ex his quæ Apostolus Corinthiis dicit, quod præmissa verba de resurrectione corporali sunt intelligenda. nam post pauca subdit: Seminatur corpus animale, surget corpus spirituale. vbi manifestè corporis resurrectionem tangit: & postmodum subdit: Oportet corruptibile hoc induere incorruptionem: & mortale hoc induere immortalitatem. hoc autem corruptibile & mortale, est corpus: corpus igitur est quod resurget.

3 Adhuc, Dominus Ioannis 5. vtramque resurrectionem promittit. dicit enim, Amen amen dico vobis: quia venit hora, & nunc est, quando mortui audient vocem filij Dei: & qui audierint, viuent: quod ad resurrectionem spiritualem animarum pertinere videtur: quæ tunc iam fieri incipiebat, dum aliqui per fidem Christo adhærebant: sed postmodum corporale resurrectionem exprimit, dicens: Venit hora in qua omnes qui in monumentis sunt, audient vocem filij Dei. Manifestum est enim quod animæ in monumentis non sunt, sed corpora: prædicatur ergo hæc corporum resurrectio. Expressè etiam corporum resurrectio prænnuntiatur à Iob: dicitur enim Iob decimonono: Scio quod redemptor meus viuit: & in nouissimo die de terra surrecturus sum: & rursus circumdabor pelle mea: & in carne mea videbo Deum. Ad ostendendam etiam resurrectionem carnis futuram euidentis ratio suffragatur suppositis his quæ in superioribus sunt ostensa. Ostensum est enim in secundo \*, animas hominum immortales esse: remanet igitur post corpora à corporibus absolutæ. Manifestum est etiam ex his quæ in secundo \* dicta sunt, quod anima corpori naturaliter vnitur. est enim secundum suam essentiam corporis forma: est igitur contra naturam animæ absque corpore esse: nihil autem quod est contra naturam, potest esse perpetuum: nõ igitur perpetuò erit anima absque corpore. cum igitur perpetuò maneat, oportet eam corpori iteratò coniungi: quod est resurgere. immortalitas igitur animarum exigere videtur resurrectionem corporum futuram.

4 Adhuc, ostensum est supra in tertio \* naturale hominis desiderium ad felicitatem tendere: felicitas autem vltima est felicitis perfectio. cuiusque igitur deest aliquid ad perfectionem, nondum habet felicitatem perfectam: quia nondum eius desiderium totaliter quietatur. omne enim imperfectum perfectionem consequi naturaliter cupit: anima autem à corpore separata, est aliquo modo imperfecta: sicut omnis pars extra suum totum existens. anima enim naturaliter est pars humanæ naturæ. nõ igitur homo potest vltimam felicitatem consequi nisi anima iteratò corpori coniungatur: præsertim cum ostensum sit quod homo in hac vita non potest ad felicitatem vltimam peruenire.

5 Item, sicut in tertio libro \* ostensum est, ex diuina pro-

uidentia peccantibus poena debetur, & bene agentibus præmium: in hac autem vita homines ex anima & corpore compositi peccant, vel rectè agunt. debetur igitur hominibus & secundum animam & secundum corpus præmium vel poena. Manifestum est autem quod in hac vita præmiũ vltimæ felicitatis consequi non possunt, ex his quæ in tertio sunt ostensa. multoties etiam peccata in hac vita non puniuntur: quinimò ut dicitur Iob vigesimo primo capite: Hic impij viuunt, confortati sunt, sublimati que diuitiis. necessarium igitur est ponere iteratam animæ ad corpus coniunctionem, ut homo in corpore & anima premiari & puniri possit.

Super Cap. 79.



OSTOYAM determinauit san. Th. de sacramentis per quæ à Christo incarnato liberamur à culpa, consequenter de corporum resurrectione determinat, per quam etiam à Christo liberamur à morte. Circa hoc autem duo facit. Primò de ipsa resurrectione determinat: secundò de finali iudicio resurrectionem concomitante. ca. nonagesimo sexto. Circa primum duo facit. Primò determinat de ipsa corporum resurrectione quantum ad est an. Secundò quantum ad qualitatem resurgendum, cap. 82. Circa primum tria facit. Primò ostendit corporum resurrectionem esse futuram. Secundò mouet quasdam obiectiones cap. sequenti. Tertiò eas soluit. Quantum ad primum duas ponit conclusiones. Prima est, de necessitate fidei est credere resurrectionem mortuorum futuram. Sed antequam conclusionem probet, præmittit primò, quod cum per Christum liberati simus ab illis quæ per peccatum primi hominis incurrimus, & primo homine peccante, non solum peccatum in nos deriuatum sit, sed etiam mors quæ est poena peccati, iuxta illud Roman. 5. Per vnum hominem, &c. necessarium est quod per Christum ab utroque liberemur: vnde subdit Apostolus, Si in vnius, &c. Præmittit secundò, quod Christus ut vtrique nobis in seipso demonstraret, & mori voluit, ut nos à peccato purgaret, iuxta illud Hebræorum: nono, quemadmodum, &c. & resurgere, ut nos liberaret à morte iuxta illud prima Cor. 15. Christus resurrexit, &c.

Præmittit tertiò, quod effectum mortis Christi in sacramentis consequimur quantum ad remissionem culpæ, ut ex superioribus patet: effectum autem resurrectionis eius quantum ad liberationem à morte in fine seculi consequemur, quando omnes per Christi virtutem resurgemus. Istis præmissis arguitur primò ad conclusionem per ea quæ dicit Apostolus prima Cor. 15. Si Christus prædicatur, &c. Si dicatur, ut quidam peruersè intelligunt, hoc, &c. quæ in scripturis de resurrectione leguntur, ad resurrectionem animæ esse referendum, secundum quod aliqui à morte peccati per gratiam resurgunt: Contra arguitur, quia ipse Apostolus 2. Tim. 2. ait, Prophana & vaniloquia, &c. quod non poterat intelligi de resurrectione spirituali, tum quia ad Corint. post verba adducta subiungit, Seminatur corpus, &c. vbi manifestè corporum resurrectionem tangit. vnde etiam subdit: Oportet corruptibile hoc, &c. tum quia Dominus vtramque resurrectionem Io. 5. promittit, spiritualem quidem quum dicit: Amen amen dico vobis, quia venit hora & nunc est, &c. Tunc enim spiritualis resurrectio fieri incipiebat, dum aliqui per fidem Christo adhærebant. corporalem verò, cum ait: Venit hora in qua omnes, &c. Secundò Iob 19. Scio quod redemptor meus, &c. ergo, &c.

CIRCA id quod dictum est nostram liberationem à morte, quando omnes resurgemus, esse effectum resurrectionis Christi, attendendum ex doctrina san. Tho. in quarto, d. 43. ar. 2. quod resurrectio Christi dicitur causa nostra resurrectionis, non quia agat resurrectionem nostram, sed quia principium resurrectionis Christi, scilicet virtus diuinitatis existens in Christo, nostram resurrectionem faciet ad similitudinem resurrectionis illius: sicut si homo albus generet hominem album, dicitur albedo generantis causa albedinis generati, non quia geniti albedinem effectiue producat, sed quia principia eius in generante sunt principia generatiua facientia albedinem in generato.

SED licet Christi resurrectio non sit causa principalis nostræ resurrectionis, potest tamen dici ratione diuinitatis adiunctæ causa instrumentalis, ut etiam dicitur 3. part. q. 56. ar. 1. Nam & operationes diuinæ secundum Damascenum tertio libro agebantur mediante carne Christi quasi quodam organo.

POTEST etiam dici causa exemplaris, in quantum nostra resurrectio ad similitudinem fiet resurrectionis Christi. Secunda conclusio est. Ad ostendendam resurrectionem carnis futuram, euidentis ratio suffragatur. Aduertendum autem quod nõ intendit sanctus Thomas corporum resurrectionem demonstratiua ratione probari posse. hoc enim est nobis impossibile, cum sit de pertinentibus ad fidem simpliciter: sed intendit ostendere quod aliqua probabili ratione suaderi potest, suppositis illis quæ in præcedentibus sunt ostensa, & hoc haberi potest ex 4. sent. dist. 43. ar. 1. q. 3. ad 2. Sic enim ostenditur quod positio fidei irrationabilis non est. Adducit autem tres probabiles rationes. Pro prima ratione supponit duo in præcedentibus demonstrata. Primum est quod animæ hominum sunt immortales, & consequenter remanent post corpora à corporalibus separatæ. Secundum est, quod anima corpori naturaliter vnitur, cū sit secundum essentiam suam corporis forma. hæc enim in 2. lib. sunt ostensa. Tunc arguitur primò sic ex animæ immortalitate. Anima corpori naturaliter vnitur, ergo est contra naturam animæ absque corpore esse, ergo non est perpetuò absque corpore, ergo oportet eam corpori iteratò coniungi, quod est resurgere. consequentia prima nota est. Secunda verò probatur, quia nihil quod est contra naturam, potest esse perpetuum. Vltima autem probatur, quia anima perpetuò manet.

AD hanc rationem respondet Scotus in 4. sent. dist. 43. q. 2. dupliciter. Primò, quod duplex est inclinatio naturalis, vna ad actum primum, & imperfectum ad perfectum: & sic quod est contra naturam, non est perpetuum. Alia

\* Cap. 56.

Positio erronea.

addit quod.

Item, & Philet. testi. Apost. 2. Tim. 2. cap. 1.

\* Cap. 79.

\* Cap. 63. & 64.

\* Cap. 24.

\* Cap. 136.



Alia est ad actum secundum, & sic non inconuenit quod est contra naturam, perpetuum esse. Animæ autem inclinatio ad corpus est naturalis secundo modo, non autem primo modo, ideo non inconuenit ipsam perpetuo remanere à corpore separatam. Secundo respondet secundum mentem Auicennæ quod coniunctio animæ ad corpus est ad hoc, ut anima mediante corpore suam perfectionem acquirat: semel autem coniuncta acquisiuit quantum simpliciter appetit acquirere illo modo.

SED nulla istarum responsionum satisfacit argumento. Non quidem prima, quia manifestè falsum est naturalem inclinationem animæ ad corpus esse tanquam ad actum secundum, non autem tanquam ad actum primum. constat enim quod inclinatur ad corpus ut illi cōiuncta habeat suæ speciei complementum, cum enim essentialiter sit pars speciei, ipsa nō est quid completum in specie, sed naturaliter ad constitutionem speciei humanæ ordinatur: quod quia separata à corpore consequi non potest, ideo naturaliter ad corporis vniōnem inclinatur, ut inde suæ perfectionis complementum consequatur.

NON etiam secunda responsio satisfacit, quia non solum inclinatur anima ad corpus ut suam accidentalem perfectionem mediante corpore acquirat, sed etiam ut habeat complementum suæ naturæ specificæ: & ideo non inest sibi naturalis appetitus ad huiusmodi vniōnem solum in principio sui esse, sed semper, & nunquam huiusmodi appetitus satiatur nisi dum vnita corpori manet.

IDEO posset ad hanc rationem melius secundum mentem san. Th. in 4. Sent. d. 43. q. 1. art. 1. quæstionum 3. & de Veri. q. 24. ar. 10. ad 1. pro Philosophis responderi, quod vtique vniō animæ & corporis est naturalis, & naturaliter anima ad huiusmodi vniōnem inclinatur, sicut graue naturaliter inclinatur deorsum: & consequenter separatio animæ à corpore est contra naturam: sed negatur vltima consequentia. Cum probatur, quia nihil quod est contra naturam, potest esse perpetuum, respondetur, quod verū est vbi in natura remanet aliquod principium naturale, ad inducendū id quod est secundum naturam, falsum est autem vbi nullum tale principium remanet. Sic autem est in proposito: nā separata anima à corpore, nullum remanet actuum principium naturale potēs ipsam corpori reunire, cum dispositio ad animæ intellectum non possit ab agere naturali nisi ex femine per generationem induci: & consequenter non remanet aliquod principium naturale passiuum sufficiens ad hanc vniōnem, cum potentia passiuā naturalis habeat per agens naturale in actū reduci. Vnde inquit S. Tho. quod resurrectio est naturalis quantum ad terminum, non autē quantum ad principium, in quantum videlicet vniō animæ intellectus est absolute cōsiderata naturalis, & potest ab agere naturali dispositiue causari, sed ipsis per corruptionem separatis non potest amplius per agens naturale induci, sicut visus naturaliter vnitur corpori absolute cōsideratus: sed supposito quod aliquis visum amiserit, & sit cæcus effectus, iā per agens naturale non potest visum acquirere. Secundo, Naturale hominis desiderium ad felicitatem tendit, sed hanc non potest consequi nisi anima iteratō corpori coniungatur, ergo, &c. probatur minor, felicitas vltima est felicitas perfectio: ergo cuiuslibet perfectionem deest, nondum habet felicitatem perfectam, quia nondum eius desiderium totaliter quietatur: sed anima à corpore separata est aliquo modo imperfecta, sicut omnis pars ex terra fuit totū, ergo felicitatē consequi non potest nisi sit vnita corpori: sed homo non potest in hac vita ad vltimā felicitatē peruenire, ergo oportet ut postquam fuerit anima à corpore separata, iterum corpori reunatur.

AD HANC rationem respondet Scotus, q. illa propositio, omnis pars extra suum totum est imperfecta, nō est vera nisi de parte quæ recipit aliquā perfectionē in toto: anima autē rationalis non recipit perfectionē, sed cōmunicat. Sed ista responsio nulla est. Superius enim ostēsum est animam esse simpliciter imperfectā separatā à toto imperfectione speciei, & quod perfectionē aliquā accipit in toto, licet sit aliquo modo perfectior quam coniuncta. Vnde melius dici posset quod aliud est desiderium naturale quo anima desiderat vniri corpori suæque speciei, & aliud naturale desiderium quo appetit beatitudinem. Primum enim consequitur ipsam animæ substantiam, secundum verō consequitur voluntatem: vnde quies vnius desiderij non excludit aliud desiderium, cum non opponantur, sed illud secum cōpatitur. Anima ergo separata potest consequi perfectam beatitudinem ad quam secundum voluntatem inclinationem ordinatur, & habere complementum suæ perfectionis accidentalis, quæ imperfecta cognitione consistit: & potest desiderium eius de beatitudine consequenda totaliter quietari, licet desiderium naturale vniōis ad corpus nō quietetur, id est, non reducat in actum propter defectum naturalis principij potētis illud desiderium ad actum reducere. Vnde minor argumētū est falsa. Ad probationem negatur consequentia, si intelligatur consequens de carentia perfectionis substantialis & specificæ, præcipue cum anima separata sit per se subsistens, & ad suū esse nullo indigeat: sed bene sequitur quod si cuiuslibet perfectionem accidentalem deest in qua beatitudo consistit, nondum habet felicitatem cōpletam. Si dicatur anima separata cognoscit se esse partem alicuius perfecti in specie, & suæ perfectionis specificæ complementum esse dum est corpori vnita: ergo etiā desiderio voluntatis appetit vniri corpori: ergo si nunquam vnietur separata, non potest totaliter consequi quod desiderat, & sic desiderium voluntatis eius nunquam totaliter quietari poterit: negatur prima consequentia, quia sicut separata à corpore cognoscit se esse compositi partem, ita cognoscit se vniri corpori non posse, propter defectum principij actiui naturalis: ideo non sequitur ut desiderio cognitionem sequentem illam vniōnem desideret, quia tale desiderium nō est ad impossibile. Ita puto Philosophi responderent. Tertiō. In hac vita homines ex anima & corpore compositi peccant vel recte agunt, igitur eis debetur secundum animā & secundum corpus pœna vel præmium: ergo necesse est ponere iteratam animæ ad corpus coniunctionē, probatur consequentia, quia ex diuina prouidentia peccatibus debetur pœna, & bene agentibus præmium. Secūda verō, quia in hac vita homines præmium vltimæ felicitatis consequi non possunt, multotiens etiam peccata non puniuntur, quinimo ut dicitur Iob. 21. Hic impij viuunt, &c.

AD HANC rationem dicit Scotus primò, quod non apparet per rationem naturalem, quod sit vnus rector hominum secundum leges iustitiæ retributiue & punitiue. Dicit secundò, quod si hoc esset, diceretur vni cuique in suo actu fieri retributionem sufficienter.

SED quod hæc responsio nulla sit, patet ex superioribus, vbi ostēsum

est actus hominum puniri & præmiari à Deo, & quod peccata puniuntur à Deo per experientiam alicuius nociui.

POSSET autem ad hanc rationem melius dici secundum Philosophos animæ immortalitatem tenentes, quod sufficiat animam separatam à corpore puniri aut præmiari, quia ipsa per voluntatem est primum & principale principium bonarum aut malarum operationum, corpus autem ad huiusmodi operationes non concurrat nisi instrumentaliter, & ut ab anima mouetur. Et sic patet huiusmodi rationes corporum resurrectionem probantes ex probabilibus tantum procedere, non autem ex necessariis. Hoc autem dixerim ne quis putet resurrectionem nō pertinere simpliciter ad fidem, sed esse aliquid demonstrabile per principia naturalia.

SED licet non sit naturali ratione resurrectio demonstrabilis, potest tamen ex dictis scripturæ efficaciter ostendi, sicut Dominus subtilissimè ostēdit Matth. 22. ex hoc quod dicitur: Ego sum Deus Abraham, Deus Isaac, & Deus Iacob. cum enim non sit Deus nisi viuens, oportet Abraham, Isaac, & Iacob viuere: qui cum actu non viuunt, oportet quod hoc sit ex ordine animæ & corporis ad resurrectionem, ut deducit sanctus Thomas in 4. dist. 43. art. 1. q. 1. ad 2.

### Obiectiones contra resurrectionem.

#### Caput 80.



VNT autem quædam quæ resurrectionis fidem impugnare videntur. In nullo enim naturalium rerum inuenitur, id quod corruptū est, idem numero redire in esse: sicut nec ab aliqua priuatione ad habitū videtur posse rediri: & ideo quia quæ corrumpuntur, eadem numero iterari non possunt: natura intendit ut id quod corrumpitur, idem specie per generationem conseruetur. Cum igitur homines per mortē corrumpantur, ipsumque corpus hominis vsque ad prima elementa resoluatur: non videtur quod idem numero homo possit reparari ad vitam.

2 Item, impossibile est esse idem numero, cuius aliquod essentialium principiorum idem numero esse non potest: nam essentiali principio variato, semper variatur essentia rei per quam res sicut est, ita & vna est. quod autem omnino redit in nihilum, idem numero resumere non potest. potius enim erit nouæ rei creatio, quàm eiusdem reparatio. Videtur autem plura principiorum essentialium hominis per eius mortem in nihilum redire. Et primò quidem ipsa corporeitas & forma d mixtionis, cum corpus manifestè dissoluatur. Deinde pars animæ sensitiua & nutritiua, quæ sine corporeis organis esse non possunt. Vltèrius autem in nihilum videtur redire ipsa humanitas: quæ dicitur esse forma totius, anima à corpore separata: impossibile igitur videtur quod homo idem numero resurgat.

3 Adhuc, quod non est cōtinuum, idem numero esse non videtur: quod quidē non solum in magnitudinibus & motibus manifestum est, sed etiam in qualitatibus & formis. si enim post sanitatem aliquis infirmatus, iteratō sanetur: nō redibit eadem sanitas numero. manifestum est autē quod per mortē esse hominis aufertur: cū corruptio sit mutatio de esse in non esse. impossibile est igitur quod esse hominis idem numero reiteretur: neque igitur erit idem homo numero: quæ enim sunt eadē numero: secundū esse sunt idem.

4 Amplius, si idem hominis corpus reparatur ad vitam, pariratione oportet quod quicquid in corpore hominis fuit, eidem restitatur: ad hoc autem maxima indecentia sequitur nō solum propter capillos & ungues & pilos, qui manifestè quotidiana præcisione tolluntur: sed etiam propter alias partes corporis quæ occulte per actionem naturalis caloris resoluuntur: quæ omnia si restituantur homini resurgenti, indecens magnitudo consurget: non videtur igitur quod homo sit post mortem resurrecturus.


5 Præterea, contingens est quandoque aliquos homines carnibus humanis vesci, & solū tali nutrimento nutririj, & sic nutritos filios generare: caro igitur eadem in pluribus hominibus inuenitur: non est autem possibile quod in pluribus resurgat: nec aliter videtur esse vniuersalis resurrectio & integra, si vnicuique non restitatur quod hic habuit. videtur igitur impossibile quod sit hominum resurrectio futura.

6 Item, illud quod est commune omnibus existētibus in aliqua specie, videtur esse naturale illi speciei, non est autem hominis resurrectio naturalis, non enim aliqua virtus naturalis agentis sufficit ad hoc agendum, ut communiter omnes



qv Mosyo  
tya an Xristos yveto.







omnes homines resurgant: non igitur communiter omnes homines resurgent.

7 Adhuc, si per Christum liberamur & à culpa, & à morte quæ est peccati effectus: illi soli videntur liberandi esse à morte per resurrectionem, qui fuerunt participes mysteriorum Christi quibus liberarentur à culpa: hoc autem non est omnium hominum: non igitur omnes homines resurgent, ut videtur.

Super Cap. 80.

**C**ONTRA fidem resurrectionis, aliquæ adducuntur obiectiones, quas ut refellat, adducit sanct. Tho. Prima est, quia in nulla naturalium rerum inuenitur id quod corruptum est, idem numero redire in esse: homines autem per mortem corrumpuntur, ipsumque corpus hominis usque ad prima elementa resoluitur. Secunda est, quia plura principiorum essentialium hominis videntur per eius mortem in nihilum redire, scilicet corporeitas & forma mixtionis, pars animæ sensitiva, & nutritiva, & ipsa humanitas, quæ dicitur esse forma totius. impossibile est autem idem esse numero, cuius aliquid essentialium principiorum idem numero esse non potest. Tertia est, quia per mortem esse hominis aufertur: quod autem non est continuū tam in qualitatibus & formis quam in magnitudinibus & motibus, idem numero non videtur esse. Quarta est, quia oportebit ut quicquid in homine fuit, scilicet de pilis, unguitibus, capillis, & partibus corporis quæ occulte per actionem caloris naturalis resoluuntur, hominibus restituatur, & sic homini resurgenti indecens magnitudo consurgeret. Quinta est, quia potest esse ut caro eadem in pluribus hominibus inueniatur, puta si homo humanis caribus vescatur, & hoc solo nutrimento nutriatur, & sic filios generet. non est autem possibile vti illa in pluribus resurgat, quia non videtur vniuersalis & integra resurrectio nisi vnicuique restituatur quod hinc habuit. Sexta, quia si omnes resurgent, videtur quod resurrectio sit naturalis, cum illud quod est commune omnibus existentibus in aliqua specie, naturale esse videatur illi speciei. Septima est, quia illi soli videntur per Christum liberari à morte, quæ est peccati effectus, qui fuerunt participes mysteriorum Christi quibus liberarentur à culpa, hoc autem non est omnium hominum.

Solutio premissarum obiectionum. Cap. 81.

**A**D horum igitur solutionem considerandum est quod Deus (sicut supra dictum est) in institutione humanæ naturæ aliquid corpori humano attribuit supra id quod ei ex naturalibus principiis debebatur, scilicet incorruptibilitatem quandam, per quā conuenienter suæ formæ coaptaretur: ut sicut animæ vita perpetua est, ita corpus per animam posset perpetuo vivere: & talis quidem incorruptibilitas etiam si non esset naturalis quantum ad actuum principium, erat tamen quodammodo naturalis ex ordine ad finem, ut scilicet materia proportionaretur suæ naturæ. si formæ quæ est finis materiæ. animæ igitur præter ordinem suæ naturæ à Deo auersa, subtracta est dispositio quæ eius corpori diuinitus indita erat, ut sibi proportionaliter responderet. & secuta est mors: est igitur mors quasi per accidens superueniens homini per peccatum, considerata institutione humanæ naturæ. Hoc autem accidens sublatum est per Christum, qui merito suæ passionis mortem moriendo destruxit, ex hoc igitur consequitur quod diuina virtute quæ corpori incorruptionem dedit, iteratò corpus de morte ad vitam reparetur.

1 Secundum hoc igitur ad primum dicendum quod virtus naturæ deficiens est à virtute diuina, sicut virtus instrumenti à virtute principalis agentis. quanuis igitur operatione naturæ hoc fieri non possit, ut corpus corruptum reparetur ad vitam: tamen virtute diuina id fieri potest. nam quod natura hoc facere non possit, ideo est, quia natura semper per formam aliquam operatur: quod autem habet formam, iam est: vnde nihil seipsum generare potest: sed generat aliquid aliud sibi secundum speciem simile: cum verò corruptum est, formam amisit quæ poterat esse actionis principium: vnde operatione naturæ, quod corruptum est, idem numero reparari non potest: sed diuina virtus quæ reproduxit in esse, sic per naturam operatur, quod absque ea effectum naturæ producere potest, ut superius ostensum est: vnde cum virtus diuina maneat eadem etiam in rebus corruptis, potest corrupta in integrum reparare.

2 Quod verò secundò obieiebatur, impedire non potest quin homo idem numero resurgere possit. nullum enim principiorum essentialium hominis per mortem omnino

cedit in nihilum. nam anima rationalis, quæ est forma hominis, manet post mortem, ut superius est ostensum. materia etiam manet, quæ tali formæ fuit subiecta, sub dimensionibus eiusdem ex quibus habebat ut esset indiuidualis materiæ. ex coniunctione igitur eiusdem animæ numero ad eandem materiam numero, homo vnus numero reparabitur. Corporeitas autem dupliciter accipi potest. vno modo secundum quod est forma substantialis corporis, prout in genere substantiæ collocatur: & sic corporeitas cuiuscunque corporis nihil est aliud quam forma substantialis eius secundum quam in genere & specie collocatur, ex qua debetur rei corporali quod habeat tres dimensiones. non enim sunt diuersæ formæ substantiales in vno & eodem, per quarum vna collocatur in genere supremo: puta substantiæ, & per aliam in genere proximo: puta in genere corporalis vel animalis: & per aliam in specie, puta hominis aut equi: quia si prima forma faceret esse substantiam, sequentes formæ iam aduenirent ei quod est hoc aliquid in actu, & subsistens in natura: & sic posteriores formæ non facerent hoc aliquid, sed essent in subiecto quod est hoc aliquid, sicut formæ accidentales. oportet igitur quod corporeitas prout est forma substantialis in homine, non sit aliud quam anima rationalis quæ in sua materia hoc requirit quod habeat tres dimensiones: est enim actus corporis alicuius. Alio modo accipitur corporeitas prout est forma accidentalis secundum quam dicitur corpus esse in genere quantitatis: & sic corporeitas nihil aliud est quam tres dimensiones quæ corporis ratione constituunt. Et si igitur hæc corporeitas in nihilum cedit corpore humano corrupto, tamen impedire non potest quin idem numero resurgat: eò quod corporeitas modo primo dicta non in nihilum cedit, sed eadem manet. Similiter etiam forma mixti dupliciter accipi potest. vno modo ut per formam mixti intelligatur forma substantialis corporis mixti: & sic cum in homine non sit alia forma substantialis quam anima rationalis, ut ostensum est: nec poterit dici quod forma mixti prout est forma substantialis, homine moriente cedat in nihilum. Alio modo dicitur forma mixti qualitas quædam composita & temperata ex mixtione simplicium qualitatum, quæ ita se habeat ad formam substantialem corporis mixti, sicut se habet qualitas simplex ad formam substantialem corporis simplicis. vnde si forma mixtionis sic dicta in nihilum cedat, non præiudicat vnitati corporis resurgentis. Sic etiam dicendum est & de parte nutritiua & sensitiva. si enim per partem sensitivam & nutritivam intelligantur ipsæ potentiæ quæ sunt proprietates naturales animæ, vel magis compositi: corrupto corpore corrumpuntur: nec tamen per hoc impeditur vnitatis resurgentis. si verò per partes prædictas intelligatur ipsa substantia animæ sensitivæ & nutritivæ, vtræque earum est eadem cum anima rationali. non enim sunt in homine tres animæ sed vna tantum, ut in secundo libro ostensum est. De humanitate verò non est intelligendum quod sit quædam forma confurgens ex coniunctione formæ ad materiam, quasi realiter sit alia ab utroque: quia cum per formam materia fiat hoc aliquid actu, ut dicitur secundo de Anima: illa tertia forma consequens non esset substantialis, sed accidentalis. Dicunt autem quidam quod forma partis eadē est & forma totius. sed dicitur forma partis secundum quod facit materiam esse in actu: forma verò totius dicitur secundum quod cōplet speciem rationem: & secundum hoc humanitas non est aliud realiter quam anima rationalis. vnde patet quod corrupto corpore non cedit in nihilum. Sed quia humanitas est essentia hominis: essentia autem rei est quam signat diffinitio: diffinitio autem rei naturalis non signat tantum formam, sed formam & materiam: necessarium est quod humanitas aliquid significet compositum ex materia & forma: sicut & homo: differenter tamen. nam humanitas significat principia essentialia speciei tam formalia quam materialia cum præcisione principiorum indiuidualium. dicitur enim humanitas secundum quam aliquis est homo: homo autem non est

\* Cap. 52.  
huius lib.

\* Lib. 2. c. 79

\* Li. 2. c. 58

\* Tex. com. 8

\* Auerr. 7.

Met. com. 21.

\* 4. 43.

\* lib. 3. 99.



est aliquis ex hoc quod habet principia indiuidualia, sed ex hoc solum quod habet principia essentialia speciei. humanitas igitur significat sola principia speciei essentialia. vnde significatur per modum partis. homo autem significat quædam principia essentialia speciei: sed non excludit principia indiuiduantia à sui significatione. nam homo dicitur qui habet humanitatem: ex quo non excluditur quin alia habere possit: & propter hoc homo significat per modum totius: significat enim principia speciei essentialia in actu, indiuiduantia verò in potentia: Socrates verò significat vtraque in actu: sicut & differentiam genus habet potestate, species verò actu: vnde patet quod & homo redit idem numero in resurrectione: & humanitas eadem numero propter animæ rationalis permanentiam, & materiæ vnitatem.

3 Quod verò tertio obiicitur, quod esse non est vnum, quia non est continuum, falso innititur fundamento, manifestum est enim quod materiæ & formæ vnum est esse: non enim materia habet esse in actu nisi per formam. Differt tamen quantum ad hoc anima rationalis ab aliis formis: nam esse aliarum formarum non est nisi in cōcretionem formarum ad materiam: non enim excedunt materiam neque in esse, neque in operari: anima verò rationalis manifestum est quod excedit materiam in operari. habet enim aliquam operationem absque participatione organi corporalis scilicet intelligere. vnde & esse suum non est solum in cōcretionem ad materiam: esse igitur eius quod erat compositum, manet in ipso corpore dissoluto: & reparato corpore in resurrectione in idem esse reducitur, quod remansit in anima.

4 Quod etiam quarto obiicitur, resurgentis vnitatem non tollit, quod enim non impedit vnitatem secundum numerum in homine dum cōtinuè viuit manifestum est quod non potest impedire vnitatem resurgentis. in corpore autem hominis quandiu viuit non semper sunt eadem partes secundum materiam, sed solum secundum speciem: secundum verò materiam partes fluunt & resuunt. Nec propter hoc impeditur quin homo sit vnus numero à principio vitæ vsque in finem: cuius exemplum accipi potest ex igne qui cum continuè ardet, vnus numero dicitur: propter hoc species eius manet, licet ligna consumantur, & de nouo apponantur. sic etiam est in corpore humano. nam forma & species singularium partium eius continuè manet per totam vitam: sed materia partium & resoluitur per actionem caloris naturalis, & de nouo adgeneratur per alimentum. non est autem alius numero homo secundum diuersas partes & ætates: quanuis non quicquid materialiter est in homine secundum vnum statum, sit in eo secundum alium. sic igitur non requiritur ad hoc quod resurgat homo idem numero, quod quicquid fuit materialiter in eo secundum totum tempus vitæ suæ, resumatur, sed tantum ex eo quantum sufficit ad complementum debitæ quantitatis: & præcipue illud resumendum videtur quod perfectius fuit sub forma & specie humanitatis consistens. Si quid verò defuit ad complementum debitæ quantitatis, vel quia aliquis præuenit morte antequam natura ipsum ad perfectam quantitatem deduceret: vel quia forte aliquis mutilatus est membro: aliunde hoc diuina supplebit potentia: nec tamen hoc impediet resurgentis corporis vnitatem: quia etiā opere naturæ super id quod puer habet, aliquid additur aliunde, vt ad perfectam perueniat quantitatem: nec talis additio facit alium numero: idem enim numero est homo, & puer, & adultus.

5 Ex quo etiam patet quod nec resurrectionis fidem impedire potest, etiam si aliqui carnibus humanis vescantur, vt quinto obiiciebatur. nō enim est necessarium (vt ostensum est) quod quicquid fuit in homine materialiter, resurgat in eo: & iterum si aliquid deest, suppleri potest per potentiam Dei. Caro igitur comesta resurget in eo in quo primò fuit anima rationalis perfecta: in secundo verò, si non solis carnibus humanis est pastus, sed & aliis cibis, resurgere poterit tantum de alio quod ei materialiter adue-

nit, quod erit necessarium ad debitam quantitatem corporis restaurandam. Si verò solis humanis carnibus sit pastus, resurget in eo quod à generatibus traxit: & quod defuerit, supplebitur omnipotentia creatoris. quod & si parentes ex solis humanis carnibus pasti fuerint, vt sic & eorum semen quod est superfluum alimenti, ex carnibus alienis generatum sit: resurget quidem semen in eo qui est natus ex femine: loco cuius ei cuius carnes comestæ sunt, supplebitur aliunde. hoc enim in resurrectione seruabitur. quod si aliquid materialiter fuit in pluribus hominibus, resurget in eo ad cuius perfectionem magis pertinebat. vnde si fuit in vno vt radicale semen ex quo est generatus, in alio verò sicut superueniens nutrimentum, resurget in eo qui est generatus ex hoc sicut ex femine. Si verò in vno fuit vt pertinet ad perfectionem indiuidui, in alio autem vt deputatum ad perfectionem speciei: resurget in eo ad quem pertinebat secundum perfectionem indiuidui: vnde semen resurget in genito & non in generante: & costa Adæ resurget in Eua, non in Adam, in quo fuit sicut in naturæ principio. Si autem secundum eundem perfectionis modum fuit in vtroque, resurget in eo in quo primitus fuit.

6 Ad id verò quod sexto obiectum est, ex his quæ dicta sunt iam, patet solutio. Resurrectio enim quantum ad finem naturalis est, in quantum naturale est animæ esse corpori vnitæ: sed principium eius actiuum non est naturale, sed sola virtute diuina causatur. Nec etiam negandum est omnium resurrectionem esse futuram, quanuis nō omnes per fidem Christo adhæreant, nec eius mysteriis sint imbuti. Filius Dei propter hoc naturam humanam assumpsit, vt eam repararet. id igitur quod est defectus nature, in omnibus reparabitur. vnde omnes à morte redibunt ad vitam: sed defectus perfectè non reparabitur nisi in illis qui Christo adhæserunt, vel per proprium actum credendo in ipsum, vel saltem per fidei sacramentum.

#### Super Cap. 81.



RO responsione ad has obiectiones præmittit S. Thomas. Deus in institutione humanæ naturæ corpori humano supra id quod ei ex naturalibus principis debebatur, incorruptibilitatem quandam tribuit, per quam conuenienter suæ formæ cuius est vita perpetua coaptatur.

Præmittit secundò quod talis incorruptibilitas etsi quantum ad actiuum principium non esset naturalis, erat tamen quodammodo naturalis ex ordine ad finem, vt scilicet materia proportionaretur naturali formæ, quæ est finis materiæ.

Præmittit tertio, quod animæ præter ordinem suæ naturæ auersa à Deo, subtrahita est talis dispositio quæ corpori eius diuinitus indita erat, & secuta est mors. Ex quo sequitur quod mors est quasi per accidens superueniens homini per peccatū, considerata institutione humanæ naturæ. Præmittit quarto, quod hoc accidens sublatum est per Christum, qui merito suæ passionis mortem moriendo destruxit, & ex hoc sequitur quod diuina virtute, quæ corpori incorruptionem dedit, iteratò corpus de morte ad vitam reparatur.

CIRCA primum quod præmittitur, dubium occurrit. Nam oppositum eius dici videtur. i. q. 97. artic. 1. Ibi enim vult sanctus Thomas quod primus homo non erat immortalis formaliter per aliquem vigorem in eius corpore existentem, sed esse in quantum in quantum inerat animæ vis quædam supernaturaliter diuinitus data per quam poterat corpus ab omni corruptione præseruare quādiu ipsa Deo subiecta mansisset: hic autem dicitur quod ipsi corpori inerat incorruptibilitas tanquam dispositio per quam animæ coaptabatur. Responderi potest quod aliud est dicere corpus esse immortale & incorruptibile per aliquam qualitatem in eo existentem habentem vigorem ipsum à corruptione præseruantem, & aliud dicere corpus habere in se aliquam dispositionem per quam aptum sit ab anima incorruptionem consequi. Primum enim pertinet ad formalem causam, secundum verò ad causam materiale. Nam dispositio materiæ ad formam, ad genus causæ materialis reducitur. Vult ergo sanctus Thomas hoc loco Deum dedisse Adæ dispositionem quandam ad hoc vt posset ab anima incorruptibilis seruari, quam dispositionem incorruptibilitatem vocat: vnde dicit ipsam datam corpori vt conuenienter suæ formæ coaptaretur, & vt per animam posset perpetuè viuere: in prima parte autem negat corpus fuisse incorruptibile per formam sibi inharrentem dantem sibi formaliter incorruptibilitatem.

ADVERTENDVM tamen quod nec etiam animæ inerat vis, vt omnino posset corpus ab omni extrinseco nociuo præseruare, sed vt posset ab extrinseca corruptione prohibere, per cibi tamen sumptionem. A corruptione autem ab extrinseco proueniente fuisset præseruatum, partim quidem ex ratione præcauente nociuæ, partim verò ex diuina prouidentia: ipsum sic tuente, vt nihil ei ex improposito occurreret à quo læderetur, vt dicitur prima parte, loco præallegato, & de Veri. q. 24. artic. 9.

CIRCA secundum quod præmittitur, attendendum quod naturale ex principio actiuo dicitur, quod ab agente naturali producitur: naturale verò ex ordine ad finem, dicitur quod conuenit rei vt ad finem naturalem ordinatur: quia ergo ista corporis incorruptibilitas sibi non conueniebat



hiebat ex agente naturali, erat autem data ut esset proportionatum animæ ad quam sicut ad suum finem ordinatur, ideo bene dicitur quod non erat naturalis quantum ad principium actuum, sed ex ordine ad finem: additur autem, quodammodo, quia simpliciter dispositio materiæ non dicitur naturalis nisi quæ ab agente naturali introducit in materiam.

CIRCA tertium quod præmittitur, considerandum quod mors dupliciter comparari potest ad humanam naturam. Vno modo, ut secundum sua principia essentialia tantum consideratur, & sic mors non cõuenit homini per accidens, sed per se, saltem quantum ad possibilitatē moriendi: quia enim corpus humanum sic ex cõtrariis compositum, de necessitate est corruptibile. Alio modo secundum quod consideratur quantum ad omnia quæ sibi ex institutione collata fuerunt: & sic accidentaliter aduenit homini, in quantum contingit hominem per peccatum priuari ea virtute quæ ipsum incorruptibilem poterat conseruare. Nam stante natura in ea integritate & perfectione in qua fuerat instituta, non erat homo corruptibilis & mortalis, sed magis incorruptibilis & immortalis. ideo bene hic dicitur quod mors quasi accidentaliter, aduenit homini per peccatum, considerata naturæ humanæ institutione, id est, non simpliciter aduenit accidentaliter, sed secundum quod taliter natura est instituta.

CIRCA quartum quod præmittitur, attendendū, quod cum non subtrahatur mortalitas ab homine nisi per restitutionē immortalitatis, si per Christum virtute diuina mortalitas est ablata, sequitur quod per ipsum sit immortalitas restituta, danda scilicet secundum diuinæ voluntatis dispositionem: & sic sequitur quod diuina virtus quæ corpori in institutione humanæ naturæ incorruptionem dedit, eadem iteratō corpus ad vitam repararet, & immortalitatem. & hoc est quod S. Thom. intendit.

ISTIS præmissis ad primam objectionem dicitur primò, quod quantum operatione naturæ fieri non possit ut corpus corruptum separaretur ad vitam, id tamen virtute diuina fieri potest.

Dicitur secundò quod natura hoc facere nō potest, ut corruptum idem numero repararetur, quia natura semper per aliquam formam operatur, quod autem corruptum est, formam amisit quæ poterat esse actionis principium, sed virtus diuina quæ res produxit in esse, sic per naturam operatur, quod absque ea effectum naturæ producere potest. Vnde quum virtus diuina eadem maneat etiam rebus corruptis, potest corrupta in integrum reparare.

CIRCA rationem qua probatur virtute naturæ non posse corruptum idem numero reparari, aduertendum quod probat non posse per naturam ipsius corrupti rem corruptam reparari, non autem quod per naturam alterius naturaliter agentis reparari non possit. sufficiebat enim hoc obiectioni quæ ex hoc procedere videtur, quod in nullo naturalium rerum videtur id quod corruptum est, idem numero redire in esse, tanquam videlicet sit in virtute ipsius redire ad esse, sicut is qui cecidit de scamno, propria virtute surgit. Vtrum autem aliquod agens naturale possit sua virtute idem numero quod corruptum est ad esse reuocare, tenet S. Thom. quolib. quarto, quæst. 3. art. 2. quod non quia agens naturale non potest huiusmodi corruptibilia sine motu producere in esse: motus autem & actio interrupta non est vna, sed plures, ideo si agens naturale reassumit actionem productam alicuius, non reassumit eandem numero actionem, & consequenter non est idem numero productum, licet idem secundum speciem producere possit, si eadem materia adsit, quo modo intelligitur dictum Philosophi octauo Metaphysicæ. Text. 11. & 12. cum inquit, quod si agens fuerit idem, & materia eadem, effectus erit idem. Non obstat autem rationi inducæ quod inquit Scotus in quarto Sent. dist. 43. q. 1. quod scilicet plures motus locales ad eundem terminum possunt terminari: & in cet plures motus locales ad eundem terminum possunt terminari: & in proposito quod resurrectio & naturalis propagatio ad idem numero terminantur, & tamen sunt actiones etiam specie differentes. Dicitur enim primò, quod cum dicitur plures actiones ad idem numero terminari non posse, intelligimus de actionibus quarum termini per ipsas producuntur in esse, non autem per quas alius terminus præexistens acquiritur, sicut accidit in motu locali. quauis etiam possit dici quod non acquiritur idem numero terminus intrinsecus per diuersos motus locales, quia non acquiritur idem ubi licet idem terminus extrinsecus, scilicet locus, acquiritur. Dicitur secundò, quod illud etiam intelligitur de actionibus creaturarum, non autem de actionibus qua vna est actio creaturæ, alia verò est actio diuina, sicut sunt generatio rei & resurrectio, quia enim diuina actio omni actioni creaturæ æquiualeat, imò omnem excedit, non inconuenit ut per diuinam actionem absque actione creaturæ quæ est cum motu, producat idem numero, quod per actionem creaturæ fuerat productum, postquam per corruptionem esse defecit.

SE D circa prædicta occurrit dubium tactum à Scoto loco præallegato quæst. 3. Cum enim potentia ad formam semel productam remaneret in materia destructa illa forma, cuius signum, quod faceret per se vnum cum ea si à Deo in ipsam induceretur: maneat etiam in materia eadem negatio quæ præerat rei generationi: non videtur quare non possit ab agente naturali idem numero reparari.

AD huius euidentiam considerandum est primò, quod cum potentia materiz ad formam, nihil aliud sit quam ipsa materia cum habitudine ad formam in ipsam inducibilem per aliquod agens secundum quod reducibilis est ad actum formæ ab agentibus diuersarum rationum, ita & ipsa eius potentia diuersificatur. Nam si ab agente naturali nascitur reduci ad actum formæ, dicitur potentia naturalis, si autem ab agente tantum supernaturali, dicitur potentia obediens. Quia ergo materia antequam reciperet formam de ipsa educibilem, poterat per agens naturale reduci in actum, postquam autem amisit formam, non potest amplius per agens naturale in actum reduci, eo quod eandem numero actionem tale agens resumere non possit, sed tantum per agens supernaturale, cuius operatio vna numero semper manet: ideo potentia materiz antequam reciperet formam, erat potentia naturalis: amissa autem forma, est potentia tantum obediens: & sic licet sit eadem potentia materialiter ante & post, quia vtraque est ipsa entitas materiz cum habitudine ad formam materialiter sumptam, non est tamen eadem formaliter propter respectus diuersarum rationum nomine potentiz importatos recipientes formam, ut inducibilem in materia ab aliquo agente. Videtur autem hoc esse de mente sancti Thomæ 4. Sentent. dist. 43. q. 1. artic. 4. quæstione tertia, ubi tenet quod in cineribus à quibus fieri resurrectio, nulla est naturalis inclinatio ad re-

surrectiōem, sed solum ex ordine diuinæ providentiæ statuentis illos cineres iterum animæ coniungi debere. Eodem modo dicitur de negatione formæ, quod est alterius & alterius rationis ante receptionem formæ in materia, & post amissionem formæ. Nam prima est negatio formæ educibilis de potentia materiz per agens naturale: secunda verò est negatio formæ inducibilis in materiam per agens tantum supernaturale. vnde sicut tunc diuersificatur formæ ratio in quantum est inducibilis in materiam, licet si eadem forma materialiter, ita & ratio negationis formaliter diuersificatur. Considerandum secundò, quod materia non respicit primò & per se formam indiuidualem, sed formam specificam: ideo licet post amissionem formæ indiuidualis non remaneat eadem potentiz ratio in ordine ad formam indiuidualem, remanet tamen eadem in ordine ad formam specificam: quia licet non possit iterum accipere ab agente naturali eandem numero formam quam amisit, potest tamen similem secundum speciem recipere, & sic potest dici quod simpliciter remanet eadem potentia materiz.

Dicitur ergo ad Scotum primò, quod non manet eadem potentia formaliter in materia in ordine ad hanc formam numeralem, quod requiritur ad hoc ut iterum possit in materiam ab agente naturali induci, sed bene remanet eadem potentia materialiter, id est, ipsa materiz substantia. Cuius probatur, quia ex materia & forma fieret vnum per se sicut prius, dicitur quod hoc est propter vnitatem materiam accipere ab agente naturali eandem numero formam quam amisit, & propter vnitatem formalem ipsius in ordine ad rationem specificam formæ.

Dicitur secundò, quod si intelligat Scotus remanere eandem materiz potetiam ut respicit formam specificam, illo admissio negatur illa consequentia: ergo eadem numero forma quam materia amisit, potest per agens naturale recuperare: sed bene sequitur de eadem secundum speciem. Dicitur tertio, quod non est eadem negatio formaliter ante & post, sed tantum materialiter propter materiam vnitatem subiecti, & propter materiam vnitatem formæ: nisi forte diceretur, sicut de vnitatem potentiz: quod est eadem etiam formaliter ut respicit formam specificam absolute: sed tunc non sequitur quod materia cui inest talis negatio, eandem numero formam recipere possit, sed tantum quod eandem secundum speciem.

CIRCA id quod dicitur diuinam virtutem posse corrupta in integrum reuocare, attendendum est ex doctina S. Thomæ in eodem quolib. quod hoc intelligitur de rebus permanentibus, non autem de rebus successiuis, cum enim vnitatis rei successiue, puta temporis & motus, in sui ratione habeat durationis continuam, remota tali continuitate non potest esse eadem sine vna numero: ideo impossibile est ut idem numero tempus aut motus qui cessauit, repararetur. sequeretur enim quod esset vnus, & quod non esset vnus. Diceretur enim vnus ex eo quod ponitur idem numero reparari: non esset verò vnus, quia non esset continuus durationis, quæ est de ratione vnitatis numeralis motus & temporis.

SE D tunc occurrit dubium. Videtur enim S. Thom. 4. Sent. dist. 4. q. 1. art. 1. ad tertium, dicere oppositū eius quod hic dicit. Nam ibi videtur vellemus, idem permanens, puta anima sensitiua, si fuerit corrupta, reparari non potest. d. etiam 12. quæst. 2. art. 2. quæst. 4. & 3. q. 77. art. 5. tenet id quod in nihilum redigitur, non posse redire idem numero: hic autem dicit per diuinam virtutem posse corrupta in integrum reparari. Ad id quod primo loco adducitur, respondetur quod considerauit ibi S. Thom. id quod Philosophi dicerent, ponentes eandem numero formam quæ omnino desit esse iterum in esse redire non posse. Secundum enim hanc positionem si ponamus animam sensitiuam in homine esse aliam ab intellectu: & consequenter per hominis corruptionem desinere esse, nō poterit saluari identitas resurrecti, quia nō redibit eadem anima sensitiua secundum numerum, sed tantum secundum speciem. Vnde non ponit S. Thom. illud de mente sua, sed tanquam de mente philosophorum supponit: hic autem loquitur secundum veritatem, & secundum suam positionem.

Ad id vero quod secundo loco adducitur, potest dupliciter responderi. Primò, quod intendit rem annihilatam eandem numero redire non posse per actionem agentis naturalis, non autem nō posse ipsam per diuinam redire actionem. Patet hæc expositio, quia adducit hanc propositionem contra illos qui dicebant in corruptione specierum sacramenti per actionem naturalis agentis facta, substantiam panis aut secundum totum aut secundum partem redire. Secundò potest responderi quod non intendit rem annihilatam non posse eandem numero redire per diuinam potentiam absolute, sed quod non potest redire secundum potentiam diuinam sua sapientia regulatam: & tunc non posse, exponendum est pro non decere. Non enim decet Deum ut rem omnino annihilatam, iterum ad esse reducat. Nam cum annihilatio ad hoc tendat, ut res omnino non sit, superfluum videretur Deus aliquid annihilare, si iterum illud vellet in esse restituere. Vnde quia determinauit hominem corruptum ad vitam reuocare, non omnino ipsum annihilat, licet ipsum permittat corrumpi si eius natura exigat: sed partes essentielles scilicet materiam & formam, etiam cum abinuicem sunt separatæ, in esse conseruat. Vnde non dicit S. Thom. in locis præallegatis, quod annihilatum non possit idem numero per diuinam potentiam reparari: sed in quarto ait, quod redactum in nihilum nō potest iterum idem numero sumi: in tertia verò parte quod redactum in nihilum non redit idem numero: quod sanè intelligi cõuenienter potest ordine diuinæ sapientiæ considerari. Cetera quæ ad hanc materiam pertinent, vide apud Capr. 4. Sent. dist. 43. quæst. 8.

Ad secundam objectionem dicitur primò S. Thom. quod nullum principium essentialium hominis per mortem omnino cedit in nihilum, sed manet anima rationalis & materia sub eisdem dimensionibus ex quibus habebat ut esset indiuidualis materia, ex quorum cõiunctione vnus numero homo reparabitur.

Dicitur secundò, corporeitas dupliciter accipi potest. Vno modo forma substantiali corporis, secundum quam in genere & specie substantia collocatur, ex qua debetur rei corporali quod habeat tres dimensiones: & hæc in homine non est aliud quam anima rationalis, quæ in sua materia requirit quod habeat tres dimensiones, quia non sunt diuersæ formæ substantiales in vno & eodem, per quarum vnā collocetur in genere substantiæ, per aliam in genere corporis vel animalis, & per aliam in specie hominis aut equi: quia si prima faceret substantiā, sequentes formæ iam aduenirent ei quod est hoc aliquid in actu, & consequenter essent formæ accidentales.



Allo modo pro forma accidentali, pro ipsis, scilicet tribus dimensionibus quæ corporis rationem constituunt. Quamuis igitur hæc corporeitas in nihilum cedat corpore humano corrupto, non potest tamen impedire quin idem numero resurgat, eò, quod corporeitas primo modo dicta non cedat in nihilum, sed eadem maneat. Dicitur tertio, quod forma mixti dupliciter accipi potest. Vno modo pro forma substantiali corporis mixti: & sic cum non sit aliud in homine quam anima rationalis, non potest dici quod homine mortuæ cedat in nihilum, alio modo pro qualitate quadam composita & temperata ex mixtione simplicium qualitatum: & sic si cedat in nihilum, non præiudicat unitati corporis resurgentis. Dicitur quarto, quod similiter si per partem sensitivam & nutritivam intelligantur ipsæ potentie quæ sunt proprietates naturales animæ, vel magis compositi, corrupto quidem corpore corrumpuntur: sed per hoc non impeditur unitas resurgentis. Si verò intelligatur ipsa substantia animæ sensitivæ & nutritivæ, vtrique est eadem cum anima rationali. Dicitur quintò quod humanitas non est intelligenda tanquam forma quædam confurgens ex coniunctione formæ ad materiam, quasi realiter sit alia ab utroque, quia tunc esset forma accidentalis: sed dicunt quidam formam partem eandem esse & formam totius quæ forma partis dicitur, in quantum materiam facit esse in actu, forma verò totius in quantum complet speciei rationem & secundum hæc patet quod non cedit in nihilum, quia non est aliud quam anima rationalis. hoc autem esse non potest, quia cum humanitas hominis sit quam significat diffinitio, rei autem materialis diffinitio significat formam & materiam, necesse est ut humanitas significet compositum ex materia & forma, sicut & homo: differenter tamen, quia humanitas significat principia omnia essentialia speciei cum præcisione principiorum indiuiduantium, eò quod sit quælibet quæ sit homo, & ideo per modum partis significatur: homo autem significat quidè principia essentialia speciei, sed non excludit principia indiuiduantia, imò illa potestialiter includit, dicitur enim homo qui habet humanitatem, ex quo non excluditur quin alia habere possit: ideo significatur per modum totius. Sortes verò significat vtrique in actu, scilicet ut essentialia principia, & indiuidua, sicut & genus habet differentiam potestate, species verò actu. Ex hoc patet quod homo redit idem numero in resurrectione, & humanitas eadem numero propter animæ rationalis permanentiam, & materiæ unitatem.

ATTENDENDVM quod in ista responsione vult negare S. Thom. quod aliq[uod] principiorum essentialium hominis per eius mortem in nihilum redeat. manet enim forma substantialis, manet materia, manet & ipsa humanitas quantum ad suas partes, licet in se non maneat, sed corrumpatur.

CIRCA primum dictum responsionis, advertendum primo, q[uod] S. Tho. hoc loco sequitur opinionem Commentatoris de dimensionibus interminatis, q[uod] scilicet sunt coeternæ materiæ, & ab ipsa inseparabiles, præcedatque forma in materia, & stent cum diuersis formis. cuius tamen oppositum tenet 1. q. 76. artic. 6. & lib. de Anima lib. 2. lect. 1. super 4. text. Ratio autem tenendi hic Commentatoris opinio est, quia cum aduersus gentes disputet, melius ea quæ fidei sunt defenduntur, si ex concessis ab ipsis procedatur. Advertendum secundò, quod per illud dictum non intendit sanctus Thomas excludere quin si etiam aliq[uod] principiorum essentialium rei esset annihilatum, posset eadem res numero per diuinam potestatem reparari, sed respondet tantum ad id quod obiectio pro fundamēto assumit scilicet quod multa principiorum essentialium hominis per mortem annihilantur, ostenditque assumptum illud falsum esse etiam secundum ipsorum philosophorum opinionem, supposita animæ immortalitate.

CIRCA secundum dictum considerandum quod cum accidentia indiuiduantia quæ ad unitatem materialem rei materialis pertinent secundum ordinem causæ formalis formam substantialem sequantur ut eius effectus, licet secundum ordinem causæ materialis intelligantur præcedere, si eadem forma remaneat, licet accidentia substantiæ variantur, remanet tamen ipsa accidentium causa, & sic ipsa accidentia in sua causa remanere dicuntur: non obstatque quin eadem numero substantia possit reparari ab agente potente formam quæ remansit iterum materiæ reunire. propterea bene hic dicitur quod quamuis corporeitas quæ est accidens, in nihilum cedat: quia tamen remanet corporeitas quæ est forma substantialis, non impeditur quin idem numero homo resurgat.

SED occurrit dubium. Videtur enim quod in hoc secundo dicto dicitur contradicere ei quod dictum est in primo. Nam ibi dicitur quod materia remanet sub eisdem dimensionibus: hic verò dicitur quod corporeitas accidentalis, id est, ipsæ tres dimensiones, in nihilum per mortem hominis cedit. Respondetur ad hoc dupliciter potest. Primò quod non loquitur S. Thom. in hoc secundo dicto absolute, sed sub conditione scilicet q[uod] si ponatur corporeitas hæc nihilum cedere, non impeditur propter hoc quin idem homo resurgat. Secundò potest responderi, quod cum quantitas quæ est in materia, dupliciter considerari possit, scilicet ut est indifferens secundum naturam suam ad diuersas terminationes, & ut est terminata termino conuenienti huic homini ex sua forma substantiali: in primo dicto intelligit quod manent in materia dimensiones huius hominis, ut considerantur interminatæ huius formæ termino: in secundo autem dicto intendit quod cedunt in nihilum quantum ad terminationem quam ex hac determinata forma habebant.

CIRCA tertium dictum considerandum est, quod formam mixtionis quæ est qualitas, dupliciter possumus intelligere. Vno modo quod sit quædam qualitas simplex media inter qualitates elementorum, in qua virtualiter qualitates elementorum continentur, quæ quidem qualitas differat à qualitatibus elementorum, non sicut remissum ab intenso, sed specificè, sicut tubedo differt ab albedine & nigredine: & sic tenet Herueus in tractatu de pluralitate formarum, elementa in mixto per huiusmodi qualitatem contineri. Alio modo quod hæc qualitas media virtualiter continens elementa sit composita ex partibus diuersarum rationum, habeatque in se formaliter aliq[uod] de calore, & aliq[uod] de frigiditate, & sic de aliis qualitatibus: ita quod quandoque intendatur vna eius pars, & remittatur, & secundum hoc mixtum magis ad hoc elementum appropinquet vel a illud. Et hanc viam sequitur Capreolus in 2. dist. 15. videturque esse de mente S. Thom. in tractatu de natura materiæ. Posset etiam idem haberi ex eo quod dicitur 1. q. 76. art. 4. ad quartum. vbi dicitur quod manent in mixto, qualitates elementorū propriæ, licet remissæ, in quibus est

virtus formarum elementarium, & quod huiusmodi qualitas est dispositio propria ad formam substantialem mixti. Ex eo enim quod prius dicit in plurali manere qualitates elementorum, postmodum verò subiungit in singulari quod huiusmodi qualitas, &c. dat intelligere formam mixtionis vnam esse qualitatem, non unitatem simplicitatis, sed unitatem compositionis ex pluribus qualitatibus. Potest etiam hoc haberi ex eo quod hic dicitur formam mixtionis esse qualitatem compositam & cōtemperatam ex mixtione simplicium qualitatum. Nam compositio non est nisi ex partibus: ideo opinio Capreoli magis videtur ad mentem sancti Thomæ accedere, quamuis & opinio Heruei sustentari possit. De hoc etiam dictum est in secundo lib. cap. 56.

CIRCA quartum dictum, advertendum quod licet potentie sensitivæ & vegetativæ corrupto corpore corrumpantur secundum se, remanent tamen radicaliter anima rationali separata, ut inquit sanctus Thomas 1. part. q. 76. art. 8. quia anima rationalis virtualiter continet & animam sensitivam, & animam vegetativam: ideo redeunte anima rationali ad corpus per resurrectionem redeunt & ipsæ.

CIRCA quintum dictum advertendum quod forma totius & à qualibet parte per se sumpta distinguitur, & ab omnibus partibus simul sumptis, sed aliter & aliter. Nam à qualibet parte per se sumpta distinguitur, quia includit in sua ratione aliam partem: & sic addit aliq[uod] reale supra ipsam, quod est partitotius. Ab omnibus verò partibus simul sumptis distinguitur, non quidem tanquam entitas à partibus ipsis præcisa, & ab ipsis omnino distincta, quemadmodum lapis distinguitur à ligno, sed tanquam ipsas partes includens. partes enim totius essentialis sunt de integritate essentiae, quæ est forma totius. Vnde inquit sanctus Thomas quod humanitas aliq[uod] significat compositum ex materia & forma. Et sic intelligitur cum dicitur hic non esse intelligendum quod humanitas sit quædam forma confurgens ex coniunctione formæ ad materiam quasi realiter alia ab utroque. non enim vult negare humanitatem realiter distingui à suis partibus absolute, cum in tertia parte, & tertio ac quarto Sententiarum expresse teneat ipsam à suis partibus realiter distingui: sed negat quod ab illis distinguatur per omnimodam præcisionem, veluti quædam forma cuius sit actus materia, quemadmodum anima rationalis distinguitur à materia.

SED tunc remanet dubium, quomodo humanitas à materia & forma coniunctis realiter distinguitur, & tamen alia essentialiter includat. Non videtur enim posse realiter ab illis distingui nisi aliq[uod] reale addat: queritur autem de illo reali addito quid sit. Si enim est aliqua entitas partialis à materia & forma distincta, tunc non sola materia & forma erunt partes essentialis eius, sed etiam illa entitas: & sic ex illis tribus componetur humanitas. Si autem est ipsa entitas humanitatis secundum se sumpta, hoc non videtur posse esse, quia aut humanitas quæ seipsa distinguitur à materia & forma, materiam & formam includit, aut non. si primum, hoc non potest esse, tum quia quod includit materiam & formam, non potest esse illud quod tanquam addito ad materiam & formam, aliq[uod] ab illis realiter distinguitur: sicut quia dicimus Sortem distingui realiter ab humanitate per aliq[uod] reale additum humanitati, scilicet per principia indiuiduantia, ideo ipsa principia indiuiduantia non includunt in sua substantia humanitatem, sed ab illa sunt secundum entitatem præcisa. Si secundum, sic oportebit dicere humanitatem ipsam secundum præcisionem à materia & forma distingui, cuius oppositum dictum est.

AD huius rei euidentiam considerandum est, quod difficultatem in hac re facit, quia imaginamur totum à partibus unitis realiter distingui, tanquam dicens ipsas partes, & aliq[uod] aliud superaddens quod sit pars ipsius totius significati, ita quod totum in sua substantia illas partes includat, & illud aliud superadditum, tanquam videlicet plura partialia ipsum totum integrantia, eo modo quo dicimus humanitatem à materia realiter distingui, quia includit illam, & addit animam rationalem, ita quod vtrumque ad essentiam humanitatis velut eius pars pertinet, sed hæc imaginatio longè abest à proposito. Non enim sic distinguitur humanitas à materia & forma tanquam aliq[uod] addens supra materiam & formam quod sit eius pars, simul cum illis humanitatis entitatem constituens, sed tanquam includens materiam & formam veluti partes ipsam constituentes, & seipsam totam, id est perfectam supra materiam & formam addens: vnde humanitas dicit & ipsam naturam tanquam totum, & materiæ & formam tanquam partes naturam constituentes. Ad dubium ergo dicitur, quod humanitas addit aliq[uod] reale supra partes. Cum vterius queritur quid est illud reale additum, dicitur q[uod] est ipsa natura humanitatis quæ dicitur totum, non autem aliqua eius pars. Cum verò queritur, vtrum illas partes includat humanitas, dicitur quod vtrique, cum sint eius partes essentialis, eas includit. Ad improbationem negatur assumptum. stat enim quod aliq[uod] includat materiam & formam tanquam partes, & tamen sit id quod ab illis realiter differt, non quidem tanquam parte, sed tanquam ipsa tota natura.

CIRCA id quod inquit sanctus Thomas humanitatem significare sola principia essentialia advertendum quod intelligitur fieri exclusio ab aliis principijs quæ dicuntur indiuidua principia, non autem ab omni alia entitate, quasi humanitatis nomen nihil aliud significet quam principia essentialia hominis. dictum est enim quod humanitas non est ipsa principia essentialia, sed quod est aliq[uod] ex illis compositum, & ab eis realiter distinctum.

CIRCA id quod dicitur genus habere differentiam potestate, advertendum quod intelligitur de differentia constitutiva speciei. illam enim genus in sua ratione non includit, sed potest per ipsam limitari & determinari ad speciem.

Ad tertiam obiectionem dicitur, quod falso innititur fundamento, scilicet quod esse hominis per mortem auferatur, hoc enim falsum est, quia esse hominis, cum sit esse animæ rationalis, sicut & in aliis id est esse materiæ & formæ, & illud non fit solum in concretionem ad materiam, sicut esse aliarum formarum, cum absque participatione organi corporalis intelligatur, manet ipso corpore dissoluto, & reparato corpore in resurrectione ipsum idem esse reducit quod remansit in anima.

ADVERTENDVM, quod illa propositio assumpta in obiectione, quod non est continuum, idem numero non est, non habet veritatem de continuitate durationis in rebus permanentibus, ut ex superius dictis patet, sed ipsam non negat S. Thom. neque etiam affirmat, quia alia propositio quam



quam negat, manifestius falsa est. Cum enim aduersus gentes disputetur illa duntaxat negat quodum falsitas etiā ex cōcessis ab ipsis manifestius ostendi potest. Ad quartam obiectionem dicitur primò, quòd non requiritur ad hoc vt resurgat idem homo numero, quòd quicquid fuit materialiter in eo secundum tempus vitæ suæ, resumatur, sed tantum ex eo, quantum sufficit ad complementum debitæ quantitatis: quia etiam in corpore hominis quando uiuit, nō semper sunt eadem partes secundum materiam, sed solum secundum speciem: nec propter hoc impeditur quin sit vnus numero à principio vitæ vsque ad finem. Declaratur exemplo ignis, qui cum continuè ardet, vnus numero dicitur, licet ligna consumantur, & continuè apponantur. quod autem non impedit unitatem secundum numerum in homine dum uiuit continuè, non potest unitatem resurgentis impedire. Dicitur secundò, quòd præcipue illud resumendum uidetur, quod perfectius fuit sub forma & specie humanitatis consistens. Dicitur tertio, quòd si quid defuit ad complementum debitæ quantitatis, aliunde hoc diuina supplebit potentia, nec hoc impedit resurgētis corporis unitatem, quia etiam opere naturæ puero additur aliunde, absque præiudicio unitatis eius, vnde ad perfectam perueniat quantitatem.

Ad eundem huius responsionis considerandum primò ex Philosopho primo de generatione, tex. 35. q. dupliciter accipi potest hominis pars puta caro, os, & huiusmodi, scilicet secundum speciem, & secundum materiam: quæ quidem distinctio non est accipienda sic, vt quidam accipiunt, quod per partem secundum speciem intelligatur id quod primò humanam accipit speciem, fūniturque à generante: per partem verò secundum materiam intelligatur id quod ex alimento generatur, sed est accipienda vt exponit S. Thom. & ibidem, & 1. part. q. 119. art. 1. ad 2. ad hunc sensum, quòd eadem pars principalis, puta caro, dupliciter considerari potest, vno modo secundum id quod est formale in ipsa scilicet quantum ad naturam & dispositionem carnis absolute, & secundum id quod est materiale, scilicet secundum particulares carnis partes ex quibus integratur, quarum tamen quælibet est caro. Pars ergo huiusmodi secundum speciem semper manet. Nam semper manet natura & dispositio carnis, & nunquam (manente homine) per quamcunque actionem caloris naturalis efficitur quòd in homine non sit caro, pars verò secundum materiam non semper manet, quia per actionem caloris naturalis continuè consumitur, & restauratur. Nam continuè aliqua pars carnis perditur, & loco eius ex alimento alia restituitur, quod dicitur de carne, dicitur etiam de aliis partibus materialibus hominis. Propterea bene inquit sanctus Thomas quòd in corpore humano forma & species singularium partium manet, sed materia partium & resolutur per actionem caloris naturalis, & de nouo adgeneratur per alimentum. Considerandum secundò ex sancto Thoma loco præallegato, & secundo Sententiarum, dist. 38. q. 2. art. 1. quòd aliter dicendum esset si tota caro simul deperderetur, & ex alimento alia loco illius substitueretur: & aliter si nō tota deperderetur simul, sed paulatim vna pars illius post aliam deperderetur, & loco partis deperditæ alia per nutritionem adiungeretur: quia in primo casu nullo modo remaneret eadem caro numero, in secundo verò remaneret eadem, quia pars addita efficitur vnus cum eo cui additur, & transit in præexistens: & sic non obstante tali inuolutione partium materialium remanet idem numero indiuiduū, quia remanet eadem numero materia, & eadem numero forma. Considerandum tertio, quòd licet dicatur manere idem numero indiuiduum à principio vitæ vsque ad finem: non est tamen intelligendum hoc secundum omnimodam identitatem, quasi nulla sit variatio: implicat enim contradictionem quòd aliquid sit omnibus modis idem, & tamen aliquid eius sit variatum: sed potest dici quòd manet vnus & idem homo simpliciter à principio vsque ad finem vitæ, & propter unitatem numeralem formæ, & propter aliquam identitatem materiæ, quia semper aliquid de prioris materia manet: est autem alius & alius secundum quid, propter continuam variationem partium materialium. Eodem modo dicendum est de homine resurgente, quia si per diuinam potentiam corpori resurgētis suppleatur de aliquo quod sibi ad complementum perfectæ quantitatis deficiebat, est idem numero homo simpliciter & absolute, sed secundum quid est alius, quia aliquam partem materiæ habet quam prius non habebat.

CIRCA id quod dicitur ignem qui continuè ardet, vnus numero dici, licet ligna consumantur, & de nouo apponantur, attendendum ex doctrina S. Th. in 2. de Anima lect. 8. & lect. 9. super tex. 43. quòd hoc intelligendum est secundum exteriorē apparentiā, non autē secundum rei veritatem. Nam propriè loquendo, ignis nō nutritur, cum non sit animatus: & ideo dum igni additur noua materia, illa non aduatur forma ignis præexistentis, sed in ea alia noua forma generatur: & sic non fit vnus numero ignis, sed vnus tantum per coactionem plurium ignium: sed tamen quantum ad exteriorē sensum videtur esse vnus numero simpliciter qui ex oppositione lignorum nutritur, sicut animata ex alimento addito nutriuntur. Ad quintam obiectionem dicitur primò, q. fidei resurrectionem non impedit, etiam si aliqui carnibus humanis vescantur, quia (vt dictum est) non est necessarium vt quicquid in homine materialiter fuit, resurgatur in eo: & si aliquid deest, suppleri potest per diuinam potentiam.

Dicitur secundò, quòd caro comesta resurget in eo in quo primò fuit anima rationali perfecta, in secundo verò si non solis humanis carnibus est pastus, resurgere poterit tantum de alio, quòd ei materialiter aduenit, quantum necessarium ei erit ad debitam corporis quantitatem restaurandam. Si verò solis humanis carnibus sit pastus, resurget in eo id quod à parentibus traxit: & quod defuerit, supplebitur omnipotentia creatoris. Quòd si etiam parentes solis carnibus humanis pasti fuerint, & sic semen eorum sit ex alienis carnibus generatum, resurget semen in eo qui natus est ex femine, & loco eius supplebitur aliunde ei cuius carnes comestæ sunt. Dicitur tertio, quòd si aliquid materialiter in pluribus hominibus fuit, resurget in eo ad cuius perfectionem magis pertinebat. Vnde si in eo fuit sicut radicale semen, id est, sicut semen ex quo genitus est, in alio verò sicut superueniens nutrimentum, resurget in eo qui ex eo sicut ex femine est generatus. Si verò in vno fuit vt pertinet ad perfectionem indiuidui, in alio verò vt ad perfectionem speciei deputatum, resurget in eo ad quem pertinebat secundum perfectionem indiuidui: vnde semen resurget in genito, & costa Adz in Eua. Si autem secundum eundem perfectionis modum fuit in vtroque, resurget in eo in quo primitus fuit. De hac materia vide etiam apud sanctum Thomam in quarto Sent. dist. 44. Ad sextam obie-

ctionem dicitur, quòd resurrectio naturalis est quantum ad finem, in quantum naturale est animæ esse corpori unitam, non autem quantum ad principium aditum.

ADVERTE quòd naturalis dicitur esse resurrectio quantum ad finem; quia terminatur ad vnionem animæ & corporis, quæ quidem vnio est secundum naturalem animæ inclinationem; & absolute loquendo nata est etiam ab agente naturali vniri corpori, vt superius dicebatur, licet facta hac suppositione quòd si per mortem separata à corpore, non possit iterum materiæ virtute naturalis agentis vniri, propter quod dicitur resurrectio supernaturalis esse ex parte agentis. Ad vltimam obiectionem dicitur quòd quia filius propter hoc naturam humanam assumpsit vt eam repararet: ideo quòd est effectus naturæ, in omnibus reparabitur: & sic omnes à morte redibunt ad vitam: sed defectus personæ non reparabitur nisi in his qui Christo adhæserunt, vel credendo in ipsum, vel per fidei sacramentum.

Ex his vult negare S. Thom. illam consequentiam: Per Christum liberamur à culpa & à morte, qui est effectus peccati: ergo illi soli sunt à morte liberandi per resurrectionem, qui fuerunt participes mysteriorum Dei, quibus liberentur à culpa.

SED circa hanc responsionem duplex occurrit dubium. Vnum est, quia consequentia quæ negatur, non videtur bene negari. Nam si mors est effectus peccati, non videtur esse liberandus à morte, nisi qui à culpa liberatur, cum effectus non videatur remouendus nisi remouetur causa ad quam necessariò cōsequitur. Si ergo per Christum homo liberatur à morte, ille solus videtur liberandus, qui etiam liberatur à culpa.

Alterum est, quia nō videtur verum quòd defectus naturæ in omnibus reparabitur, quia multi cum originali peccato decedunt, à quo nunquam liberabuntur, cuius signū est, in perpetuum diuinā visionem priuabuntur.

AD primum dicitur ex doctrina S. Thom. 4. Sent. dist. 43. q. 1. art. 1. quæstione 2. ad quartū, quòd pœna peccati originalis est mori aliquando, non autem morte in perpetuum detineri: ideo qui moriuntur in peccato originali, moriendo exoluerunt pœnam illi peccato debitam: possunt tamen resurgere non obstante culpa originali propter conformitatem ad Christum in naturalibus. Vnde argumentum supponit falsum, scilicet quòd perpetua detentio à morte sit effectus culpæ originalis eam necessariò concomitans. Ad secundum dicitur (vt patet cap. sequenti) quòd propositio S. Thom. intelligitur de defectu naturæ habente rationem pœnæ cōcomitantis peccatum, non autem de effectū habente rationem culpæ, cuiusmodi est originale peccatum, quòd est peccatū & naturæ & personæ, in quantum est pars naturæ: sic enim aliquo modo est volitum à personā & homine singulari, vt superius dicebatur. Vnde ratio nulla est.

### Quòd homines resurgent immortales.

#### Caput 82.



X quo etiā patet quòd in futura resurrectione homines non sic resurgent, vt sint iterum morituri. Necessitas enim moriendi est defectus in naturam humanam ex peccato proueniens: Christus autem merito suæ passionis naturæ defectus reparauit, qui in ipsum ex peccato prouenierunt. Vt enim dicit Apostolus. Romanorum quinto, Non sicut delictum, ita & donum. Si enim vnus delicto multi mortui sunt, multo magis gratia Dei in gratia vnus hominis Iesu Christi in plures abundauit. Ex quo habetur quòd efficacius est meritum Christi ad tollendū mortem, quam peccatum Adæ ad inducendum. Illi igitur qui per meritum Christi resurgent à morte liberati, mortem vltius non patientur.

2 Præterea, illud quod est in perpetuum duraturum, non est destructum. si igitur homines resurgētes adhuc iterum morientur, vt sic mors in perpetuum duret: nullo modo mors per mortem Christi destructa est: est autem destructa nunc quidem in causa, quòd Dominus per Osee prædixerat dicens, Ero mors tua o mors. Osee 13. Vltimò autem destruetur in actu, secundum illud, Nouissimè inimica destruetur mors, 1. Corinth. 15. Est igitur secundum fidem ecclesiæ hoc tenendum, q. resurgentes non iterum moriētur.

3 Adhuc, effectus similatur suæ causæ: resurrectio autem Christi causa est futuræ resurrectionis, vt dictum est. sic autem resurrexit Christus, vt non vltius moreretur: secundum illud Rom. 6. Christus resurgens ex mortuis, iam non moritur. Homines igitur sic resurgent vt vltius non moriantur.

4 Amplius, si homines resurgentes iterum moriantur: aut iterū ab illa morte iteratò resurgent, aut non. si non resurgēt, remanebūt perpetuò animæ separata: quòd est inconueniens, vt supra dictum est: ad quòd euitādum ponuntur post resurgere. vel si post secundam mortem non resurgāt, nulla erit causa quare post primam resurgant: si autem post secundam mortem iteratò resurgent, aut resurgent iterum morituri, aut non. si non iterum morituri, eadem



ratione hoc erit ponendum & in prima resurrectione. si vero iterum morituri, procedet in infinitum alternatio mortis & vitæ in eodem subiecto. quod videtur inconueniens. oportet enim quod intentio Dei suscitantis ad aliquid determinatum feratur: ipsa autem mortis & vitæ alternatio successiua, est quasi quædam transmutatio, quæ finis esse non potest. est enim contra rationem motus quod sit finis, quum omnis motus in aliud tendat.

5 Præterea, intentio inferioris naturæ in agendo ad perpetuitatem fertur. Omnis enim naturæ inferioris actio ad generationem ordinatur: cuius quidem finis est ut conseruetur esse perpetuum speciei: unde natura non intendit hoc indiuiduum sicut vltimum finem, sed speciei conseruationem in ipso: & hoc habet natura in quantum agit in virtute Dei, quæ est prima radix perpetuitatis: unde etiâ finis generationis esse ponitur à Philosopho ut generata participant esse diuinum secundum perpetuitatem. multo igitur magis actio ipsius Dei ad aliquid perpetuum tendit: resurrectione autem non ordinatur ad perpetuitatem speciei: hæc enim per generationem poterat conseruari: oportet igitur quod ordinetur ad perpetuitatem indiuidui, non autem secundum animam tantum: hoc enim iam anima habebat ante resurrectionem: ergo secundum compositum. homo igitur resurgens perpetuo viuet.

6 Adhuc, anima & corpus diuerso ordine comparari videntur secundum primam hominis generationem, & resurrectionem eiusdem. Nam secundum generationem primam creatio animæ sequitur generationem corporis. præparata enim materia corporali per virtutem decissi feminis, Deus animam creando infundit. in resurrectione autem corpus animæ præexistenti coaptabitur. prima autem vita quam homo per generationem adipiscitur, sequitur conditionem corruptibilis corporis, in hoc quod per mortem priuatur vita. vita igitur quam homo resurgendo adipiscitur, erit perpetua secundum conditionem incorruptibilis animæ.

7 Item, si in infinitum succedant sibi in eodem vita & mors, ipsa alternatio vitæ & mortis habebit speciem circulationis cuiusdam: omnis autem circulatio in rebus generabilibus & corruptibilibus à prima circulatione incorruptibilium corporum causatur: nam prima circulatio in motu locali inuenitur: & secundum eius similitudinem ad motus alios deriuatur. causabitur igitur alternatio mortis & vitæ à corpore celesti: quod esse non potest, quia reparatio corporis mortui ad vitam, facultatem actionis naturæ excedit. non igitur est ponenda huiusmodi alternatio mortis & vitæ: nec per consequens quod resurgentia corpora moriantur.

8 Amplius, quæcunque succedunt sibi in eodem subiecto, habent determinatam mensuram suæ durationis secundum tempus. omnia autem huiusmodi, subiecta sunt motui cæli, quem tempus consequitur: anima autem separata non est subiecta motui cæli: quia excedit totam naturam corporalem. alternatio igitur separationis eius, & vnionis ad corpus, non subiaceret motui cæli. non igitur est talis circulatio in alternatione mortis & vitæ, qualis sequitur si resurgentes iterum moriantur. resurgent igitur de cætero non morituri. Hinc est quod dicitur Isaia 25. Præcipitabit Dominus mortem in sempiternum, & Apocalypsis vigesimo primo: Mors ultra non erit. Per hoc autem excluditur error quorundam antiquorum Gentilium, qui credebant eadem temporum temporaliumque rerum volumina repeti: verbi gratia, sicut in isto seculo Plato Philosophus in urbe Atheniensis & in eadem schola quæ Academia dicta

*Exclusio erroris Plat. test.* Aug. Tom. 5. est, discipulos docuit: ita per innumerabilia retro secula multis quidem prolixis intervallis, sed tamē certis & idem *li. 12. de Ciui.* *Dei cap. 13.* Plato, & eadem ciuitas, & eadem schola iidemque discipuli repetiti, & per innumeralia demum secula repetendi sunt, ut Augustinus introducit in duodecimo de ciuitate Dei. Ad quod (ut ipse ibidem dicit) quidam referre volunt illud quod dicitur Ecclesiastes primo: Quid est quod fuit? ipsum quod futurum est. quid est quod factum est? ipsum quod faciendum est. nihil sub sole nouum: nec valet

quisquam dicere, ecce hoc recens est. iam enim præcessit in seculis quæ fuerunt ante nos. Quod quidem non sic intelligendum est, quod eadem numero per generationes varias repetantur, sed similia specie, ut Augustinus ibidem soluit: & Aristoteles in fine de generatione hoc ipsum docuit contra prædictam sectam loquens.

*Arist. in vlt. sex 3. de Gener.*

Super Cap. 82.



OSTQVAM ostendit sanctus Thomas corporum resurrectionem esse futuram, consequenter de qualitate resurgentium determinat. Circa hoc duo facit. Primum ostendit qualitatem hominum resurgentium. Secundum, qualitatem partium ipsorum, cap. 84. Circa primum duo facit. Primum ostendit propositum. Secundum infert quoddam corollarium, cap. sequenti.

Quantum ad primum ponit tres conclusiones. Prima est in hoc capite, & est, quod homines in futura resurrectione non resurgent iterum morituri, sed immortales. Ex qua vnum corollarium in sequenti capite infert.

ARGVITVR autem primum sic ad conclusionem: Necessitas moriendi est defectus in humanam naturam ex peccato proueniens: sed huiusmodi defectus Christus merito suæ passionis reparauit: ergo qui per meritum Christi resurgent à morte liberati, mortem ulterius non patientur. Probat minor autoritate Apostoli Romanorum quinto, volens quod efficacius est meritum Christi ad tollendum mortem, quam peccatum Adæ ad inducendum. Secundum, si homines resurgentes iterum moriuntur, ut sic mors in perpetuum duret: non est mors per mortem Christi destructa, quia quod est in perpetuum duraturum, non est destructum. sed hoc est falsum, quia nunc est destructa in causa: id quod Dominus Osce decimo tertio prædixerat. Vltimò autem destrueretur in actu, secundum illud 1. ad Corinth. decimo quinto: Nouissimè, &c. ergo, &c. Tertio, Christus resurrexit non iterum moriturus, ut dicitur ad Rom. 6. ergo, &c. Probatur consequentia, quia resurrectio Christi est causa nostræ resurrectionis: effectus autem suæ causæ assimilatur.

ADVERTENDVM, quod ista ratio procedere videtur ex causalitate causæ exemplaris, non autem causæ efficientis. Nam, ut dictum est superius, resurrectio Christi est causa instrumentalitatis resurrectionis nostræ in genere causæ efficientis: effectum autem non oportet assimilari instrumento: ideo non videtur sequi ex hac causalitate, quod nostra resurrectio assimiletur resurrectioni Christi, sed quia non solum est causa efficiens, sed etiam exemplaris, & effectum oportet suo exemplari assimilari. ideo bene sequitur, quod nostra resurrectio ex ista causalitate resurrectioni Christi assimiletur. Quarto, si resurgentes iterum moriatur, aut iterum ab illa morte resurgent, aut non: si secundum, remanebunt animæ perpetuo separate, quod est inconueniens, ut supra dictum est. si primum, aut resurgent iterum morituri, aut non: si secundum, eadem ratione hoc ponendum erit & in prima resurrectione: si secundum, procedet in infinitum alternatio mortis & vitæ in eodem subiecto. hoc autem est inconueniens: quia oportet intentionem Dei suscitantis ad aliquid determinatum ferri, hæc autem successiua alternatio mortis & vitæ finis esse non potest, cum sit quædam transmutatio quæ in aliud tendit, ergo, &c.

ADVERTENDVM, quod non est intentio S. Tho. Deum non posse intendere alternationem perpetuam successiuam. sic enim oportere diceret motum cæli non posse esse perpetuum etiam diuina virtute, quod non est secundum mentem S. Thom. sed vult quod non potest intendi huiusmodi perpetua alternatio tanquam finis vltimò intentus: quia cum motus tendat ad inducendum terminum motus, non habet rationem finis, sed magis eius quod ordinatur ad finem: & ideo oportet dicere quod intentio Dei suscitantis homines, aliquid aliud intendat tanquam finem operis sui, non autem ipsam alternationem perpetuam mortis & vitæ, quod cum non appareat quid sit per huiusmodi alternationem acquirendum, & sic videatur inutiliter futura, relinquitur non esse dicendum futuram esse huiusmodi alternationem perpetuam, sed magis hominem resurgendum, ita ut non sit amplius moriturus. Quinto, intentio inferioris naturæ in agendo ad perpetuitatem fertur, ergo multo magis actio ipsius Dei: sed resurrectio ordinatur ad perpetuitatem speciei, cum hanc oporteat per generationem conseruari: ergo ordinatur ad perpetuitatem indiuidui, non autem secundum animam tantum: quia iam animam hanc habebat, ergo secundum compositum, ergo, &c. probatur antecedens: quia omnis naturæ inferioris actio ordinatur ad generationem, cuius finis est ut conseruetur esse perpetuum speciei, prima verò consequentia probatur: quia natura hoc agit in virtute Dei, quæ est prima radix perpetuitatis: propter quod à Philosopho finis generationis esse ponitur, ut generata participant esse diuinum secundum perpetuitatem.

ADVERTENDVM, quod hæc ratio procedit ex cõparatione actionis diuinæ qua aliquid de genere generabilium immediatè à Deo producit in esse, ad actionem naturæ qua indiuiduum eiusdem naturæ per generationem producit.

SE occurrit dubiū. videtur enim quod Adam in sui prima productione debuit immortalis produci etiam secundum sui naturam, & non solum per donum gratuitum: & similiter quod omnia animalia à Deo immediatè producta debuerint esse perpetua secundum indiuiduum, si ratio hinc assignata tenet. Nam ista sunt à Deo immediatè producta, sicut homines à Deo immediatè resuscitantur. si ergo quia actione diuina quæ tendit ad aliquid perpetuum, homines resurgunt, oportet indiuiduum hominis resurgentis esse perpetuum: eadem ratione & eaque dicta sunt oportuit perpetua esse, cuius oppositum constat esse verum.

Respondetur: quod alia ratio est de suscitatione hominis post mortem, & alia de creatione Adam & aliorum animalium. nam suscitatio hominis non ordinatur ad hoc ut fiat hominum multiplicatio per generationem, quæ esse perpetua speciei intenditur: sed ad hoc ut ipse homo qui mortuus fuerat, habeat iterum esse: ideo non intenditur esse perpetuum speciei tantum per huiusmodi actionem, sed etiâ esse perpetuum indiuidui. creatio autem hominis & cæterorum animalium fuit ad hoc ut per generationem multiplicaretur.



multiplicarentur in esse: ideo talis actio ordinabatur ad esse perpetuum, non individui, sed speciei, non quidem simpliciter, sed quouque status generationis permaneret.

Sexto, prima vita quam homo per generationem adipiscitur, sequitur ordinationem corruptibilis corporis in hoc quod per mortem priuatur vita, ergo & secunda vita erit perpetua secundum conditionem incorruptibilis animæ. consequentia declaratur: quia sicut secundum primam generationem creatio animæ sequitur corporis generationem, ita e contrario in resurrectione corpus animæ præexistenti coaptabitur.

Septimo: si in infinitum succedant sibi in eodem vita & mors ipsa alteratio mortis & vitæ habebit speciem circulationis cuiusdam, ergo causabitur à corpore cælesti hoc autem esse non potest, quia reparatio corporis mortui ad vitam, facultatem actionis naturæ excedit, ergo non est ponenda huiusmodi alternatio, ergo, &c. Probatur prima consequentia, quia omnis circulatio in rebus generalibus & corruptibilibus à prima circulatione corporum incorruptibilium causatur.

ADVERTENDUM quod ista ratio procedit secundum considerationem ordinis in rebus creatis inventi, qui habet ut omnis mutatio à motu locali orbium cælestium dependeat: non autem secundum considerationem diuinæ potentie. Nam posset diuina potentia dictam alterationem mortis & vitæ causare nulla interueniente causalitate corporum cælestium. octauo, anima separata non est subiecta motui cæli, cum excedat totam naturam corporalem, ergo alternatio separationis eius & unionis ad corpus non subiaceret motui cæli: ergo non est talis circulatio qualis sequitur si resurgentes iterum moriantur, ergo, &c. Probatur prima consequentia, quia quæcunque succedunt sibi in eodem subiecto, habent determinatam mensuram suæ durationis secundum tempus: omnia autem huiusmodi subiecta sunt motui cæli, quem tempus consequitur.

ADVERTENDUM primo, quod aliter comparatur anima ad motum cæli & ad tempus dum est coniuncta corpori, & aliter dum est separata. nam dum est coniuncta, subditur per accidens motui huiusmodi, & quantum ad esse, & quantum ad operari. Quantum ad esse, quidem, ut est de mente sancti Thomæ de potentia, quæst. 3. artic. 10. ad octauum, non simpliciter, sed ut ipsum corpus communicat, quod est subiectum variationi & tempori: & ideo potest à corpore per huiusmodi motum separari. Quantum vero ad operari, quia indiget in sua operatione viribus sensitiuis quæ organis corporeis sunt affixæ, & idcirco variationi & tempori sunt subiectæ: separata autem à corpore, nullo modo subditur motui cæli: quia nec esse suum tunc alicui rei variabili communicatur, nec in sua operatione vitæ sensuum ministerio: ideo non dicit absolute sanctus Thomas quod anima non subdat motui cæli, sed quod anima separata huic motui non subditur, ut virtute illius iterum possit corpori reuniti. Aduertendum secundum, quod ea quæ sibi in eodem subiecto succedunt, sunt de numero variabilium: variabilia autem habent determinatum periodum suæ durationis, ideo bene hic dicitur quod quæcunque succedunt sibi in eodem subiecto, habent determinatam mensuram suæ durationis secundum tempus. Confirmatur conclusio auctoritate Isaie 25. & Apocal. 21. Per hoc excluditur error quorundam Gentilium, adductus ab August. no 12. de ciuitate Dei, credentium eadem temporum temporalium quæ rerum volumina repeti, &c. Ad quod (teste ipso Augustino) quidam referri volunt illud Ecclesiastæ 1. Quid est quod fuit & c. Sed dicitur quod illud non est sciendum quasi eadem numero per generationes varias repetantur, sed eadem secundum speciem, ut Augustinus ibidem soluit, & docet Aristoteles in fine libri de generatione.

Quod in resurrectione non erit vsus ciborum & venereorum.

Capit. 83.



præmissis autem ostenditur quod apud homines resurgentes non erit venereorum & ciborum vsus. Remota enim vita corruptibili, necesse est remoueri ea quæ corruptibili vitæ deseruiūt. Manifestum est autem quod ciborum vsus corruptibili vitæ deseruiūt: ad hoc enim cibos assumimus, ut corruptio quæ posset accidere ex consumptione naturalis humidi euitetur. Est etiam in præsentibus ciborum vsus necessarius ad augmentum, quod post resurrectionem in hominibus non erit: quia homines in debita quantitate resurgēt, ut ex dictis patet. Similiter commixtio maris & foemina corruptibili vitæ deseruiūt: ordinatur enim ad generationem: per quam quod perpetuo cōseruari non potest secundum individuum, in specie cōseruatur. ostensum est autem quod resurgentium vita incorruptibilis erit: non igitur in resurgentibus erit ciborum neque venereorum vsus.

Cap. præced.

Adhuc, vita resurgentium non minus ordinata erit quam præfens vita, sed magis: quia ad illam homo perueniet solo Deo agente: hanc autem consequitur cooperante natura: sed in hac vita ciborum, vsus ordinatur ad alium finem. ad hoc enim cibos assumitur, ut per digestionem conuertatur in corpus: frigitur tunc erit ciborum vsus, oportebit quod ad hoc sit, quod conuertatur in corpus: cum ergo à corpore nihil resoluitur, eò quod corpus erit incorruptibile, oportebit dicere quod totum quod cōueritur ex alimento, transeat in augmentum: resurget autem

homo in debita quantitate, ut supra dictum est: ergo perueniet ad immoderatam quantitatem. immoderata est enim quantitas, quæ debitam quantitatem excedit.

Cap. 81.

3 Amplius, homo resurgens in perpetuum viuet. aut igitur semper cibo vtetur, aut non semper, sed per aliquod determinatum tempus. si autem semper cibo vtetur, cum cibis in corpus conuersus sit, à quo nihil resoluitur, necesse est quod augmentum faciat secundum aliquam dimensionem. oportebit ergo dicere quod corpus hominis resurgētis in infinitum augeatur, quod esse non potest: quia augmentum est motus naturalis: intentio autem virtutis naturalis motus nunquam est ad infinitum, sed semper est ad aliquid certum: quia (ut dicitur in secundo de anima \*) omnium natura constantium terminus est magnitudinis & augmenti. Si autem non semper cibo vtetur homo resurgēs, semper autem viuet, erit aliquod tempus dare in quo cibo non vtetur: quare hoc à principio faciendum est. non igitur homo resurgens cibo vtetur. Si autem non vtetur cibo, sequitur quod neque venereorum vsus habebit, ad quæ requiritur decisio seminis: à corpore autem resurgētis semen decidi non poterit, neque ex substantia eius: tum quia hoc est contra rationem seminis: esset enim semē in corrupti, & à natura recedēs: & sic non posset esse naturalis actionis principium, ut patet per Philosophum in lib. de generatione animalium, tum etiam quia à substantia illorum corporum incorruptibilium existentium nihil resolui poterit, nec etiā semē esse poterit superfluum alimenti, si resurgentes cibis non vtuntur, ut ostensum est. non igitur in resurgētibus erit venereorum vsus.

\* Tex. com.

41.

De Gener.  
Anim. lib. 1.  
Cap. 18  
Paulo ant.

4 Item, venereorum vsus ad generationem ordinatur. si igitur post resurrectionem erit venereorum vsus, nisi sit frustrā, sequitur quod tunc etiam erit hominum generatio sicut & nunc, multi igitur homines erunt post resurrectionem, qui ante resurrectionem non fuerunt, frustra igitur tantum differtur resurrectio mortuorum, ut omnes simul vitam accipiant, quæ eandem habent naturam.

5 Amplius, si post resurrectionem erit hominum generatio, aut igitur illi qui generabuntur, iterum corrumpentur, aut incorruptibiles erunt, & immortales. si autem erunt incorruptibiles & immortales, multa incōuenientia sequuntur. Primo, quidem, quia oportebit ponere quod illi homines sine peccato nascantur originali, cum necessitas moriendi sit poena consequens peccatum originale, quod est contra Apostolum dicentem Rom. 5. quod per unum hominem peccatum in omnes homines pertransiuit: & per peccatum mors. Deinde sequitur quod non omnes indigeant redemptione, quæ est à Christo, si aliqui sine peccato originali & necessitate moriendi nascantur, & sic Christus non erit omnium hominum caput: quod est contra sententiam Apostoli dicentis 1. Corinth. 15. quod sicut in Adam omnes moriuntur, ita & in Christo omnes viuificabuntur. Sequitur etiam & aliud inconueniens, ut quorum est similis generatio, non sit simul generationis terminus. homines enim per generationem quæ est ex semine, nunc quidem consequuntur corruptibilem vitam, tunc autem immortalem. Si autem homines qui tunc nascuntur, corruptibiles erunt & moriuntur, si iteratō non resurgunt, sequetur quod eorum animæ perpetuo remanebunt à corporibus separata: quod est incōueniens, cum sint eiusdem speciei cum animabus hominum resurgentium. Si autem & ipsi resurgent, debuit & eorum resurrectio ab aliis expectari: ut simul omnibus qui unam naturam participant, beneficium conferatur resurrectionis: quod ad naturæ reparationem pertinet, ut ex dictis patet. Et præterea non videtur esse aliqua ratio quare aliqui expectentur ad simul resurgendum, si non omnes expectantur.

Cap. 81.

6 Adhuc, si homines resurgentes venereis vtentur & generabunt, aut hoc erit semper aut non semper, si semper, sequitur quod multiplicatio hominum erit in infinitum, intentio autem naturæ generantis post resurrectionem non poterit esse ad alium finem quam ad multiplicationem hominum. non enim erit ad cōseruationem speciei per generationem: cum homines incorruptibiliter sint victuri.

Contra Gent.

B b 3



sequitur igitur quod intentio naturæ generantis sit ad infinitum: quod est impossibile. Si verò non semper generabunt, sed ad aliquod determinatū tempus: post illud igitur tempus non generabunt: quare & à principio hoc eis attribuendū est, vt venereis non vtantur, nec generēt. Si quis autem dicat quod in resurgentibus erit vsus ciborū & venereorum nō propter conseruationē vel augmentum corporis, neque conseruationē speciei, vel multiplicationem, hominum, sed propter solam delectationē quæ in his actibus existit, ne aliqua delectatio hominibus in vltima remuneratione desit: Patet quidem multipliciter hoc inconuenienter dici. Primò quidem, quia vita resurgentium ordinatio erit quàm vita nostra, vt suprà dictum est: in hac autem vita inordinatum & vitiosum est si quis cibis & venereis vtatur propter solam delectationē, & non propter necessitatem sustentandi corporis, vel prolis educandæ. Et hoc rationabiliter: nam delectationes quæ sunt in præmissis actionibus, non sunt fines actionum, sed magis conuerso. natura enim ad hoc ordinauit delectationes in istis actibus, ne animalia propter laborē ab istis actibus necessariis naturæ desisterent: quod contingeret, nisi delectatione prouocarentur. Est ergo ordo præposterus & indecens, si operationes propter solas delectationes exercentur. Nullo igitur modo hoc in resurgentibus erit, quorum vita ordinatissima ponitur.

7 Ad huc, vita refurgentium ad cōferuandam perfectam beatitudinem ordinatur: perfecta autem beatitudo & fœlicitas hominis non confistit in delectationibus corporalibus quæ sunt delectationes ciborum & venereorum, vt in tertio libro\* ostensum est: non igitur oportet ponere in vita refurgentium huiusmodi delectationes esse.

\* *Cap. 27. tertio libro* \* ostensum est: non igitur oportet ponere in vi-  
ta resurgentium huiusmodi delectationes esse.

8 Amplius, actus virtutum ordinantur ab beatitudine sicut ad finem. si igitur in statu futuræ beatitudinis essent delectationes ciborum & venereorum quasi ab beatitudine pertinentes, sequeretur quod in intentione eorum qui virtuosæ agunt, essent aliquæ delectationes prædictæ: quod ratione temperantiæ excludit. est enim contra temperantiæ rationem, ut aliquis ad delectationibus nunc abstinere, ut postmodum eis frui magis possit. redderet igitur omnis castitas impudica: & omnis abstinencia gulosa. Si vero prædictæ delectationes erunt, non tamen quasi ad beatitudinem pertinentes, ut oporteat eas esse intentas ab his qui virtuosæ agunt: hoc esse non potest, quia omne quod est, vel est propter alterum, vel propter seipsum. Prædictæ autem delectationes non erunt propter alterum, non enim erunt propter actiones ordinatas ad finem naturæ, ut iam ostendimus.

lum \* est. relinquitur igitur quod erūt propter seipsas. omne autem quod est huiusmodi, vel est aptitudo, vel pars beatitudinis. oportet igitur si delectationes prædictæ in vita resurgentium erunt, quod ad beatitudinem eorū pertineant: quod esse non potest: vt ostensum est. nullo igitur modo huiusmodi delectationes erunt in futura vita.

Græco vocabulo: quod verbum è verbo exprimentes nos possumus millenarios nuncupare, vt Augustinus dicit vigesimo de Ciuitate Dei. \*Sunt autem quædã quæ huic opinioni suffragari videntur. Et primò quidẽ, quia Adam ante peccatum vitam habuit immortalem: & tamen cibus & venereis vti potuit in illo statu, quum ante peccatũ illi sit dictum: Crescite & multiplicamini. & iterum: De omni ligno quod est in paradiso, comedes. Deinde ipse Christus post resurrectionem legitur comedis & bibisse. Dicitur enim Lucæ vltimo, quod cum manducaffet coram discipulis, sumens reliquias dedit eis. Et Actuum decimo dicit Petrus: Hunc, scilicet Iesum, Deus suscitauit tertia die, & dedit eum manifestum fieri, non omni populo, sed testibus præordinatis à Deo, nobis, qui manducauimus & bibimus cum illo postquam resurrexit à mortuis. Sunt etiam quædam authoritates quæ ciborũ vsum in huiusmodi statu hominibus repromittere videntur. Dicitur enim Isaia vigesimo quinto: Faciet Dominus exercituum omnibus populis in monte hoc conuiuium pinguium: medullarum vindemiæ defæcatæ: & quòd intelligatur quantum ad statum resurgentium, patet ex hoc quòd postea subditur: Præcipitabit mortem in sempiternum: & auferet Dominus Deus omnem lachrymam ab omni facie. Dicitur etiam Isaia 65. Ecce serui mei comedent, & vos esurietis: ecce serui mei bibent, & vos sitietis. & quòd hoc referendum sit ad statum futuræ vitæ, patet ex eo quòd postea subditur: Ecce ego creabo cælum nouum, & terram nouam, &c. Dominus etiam dicit Matthæi vigesimo sexto: Non bibam amodo de hoc genimine vitis vsque in diem illum, quum illud bibam vobiscum nouum in regno patris mei. & Lucæ vigesimo secundo dicit: Ego dispono vobis sicut disposuit mihi pater meus regnum, vt edatis & bibatis super mensam meam in regno meo. Et Apocal. etiam 22. dicitur quòd ex vtraque parte fluminis quod erit in ciuitate beatorum, erit lignum vitæ, afferens fructus duodecim. & 20. dicitur, Vidi animas decollatorum propter testamentum Iesu: & vixerunt & regnauerunt cum Christo mille annis. ceteri mortuorum non vixerunt donec consummarentur mille anni. Ex quibus omnibus prædictorum hæreticorum opinio confirmari videtur. Hæc autem non difficile est soluere. Quod enim primò obiicitur de Adam, efficaciam non habet. Adam enim perfectionem quandam habuit personalem, nondum tamen erat natura humana totaliter perfecta, nondum multiplicato humano genere institutus. ergo fuit Adam in tali perfectione quæ competebat principio totius humani generis: & ideo oportuit quòd generaret ad multiplicationem humani generis, & per consequens quòd cibus vteretur. sed perfectio resurgentium erit natura humana totaliter ad suam perfectionem perueniente, numero electorum iam completo: & ideo generatio locum non habebit, nec alimentum vsus: propter quod & alia erit immortalitas & incorruptio resurgentium, & alia quæ fuit in Adam. resurgentes enim sic immortales erunt & incorruptibiles, vt mori non possint, nec ex eorum corporibus aliquid resolui. Adam autem sic fuit immortalis, vt posset non mori si nõ peccaret: & posset mori si peccaret: & eius immortalitas sic conseruari poterat: non quòd nihil resolveretur ab eius corpore: sed vt contra resolutionem humidi naturalis ei subueniri posset per ciborum assumptionem, ne ad corruptionem corpus eius perueniret. De Christo autem dicendum est quòd post resurrectionem comedit, nõ propter necessitatem, sed ad demonstrandam suæ resurrectionis veritatem: vnde cibus ille non fuit conuersus in carnem, sed resolutus in præiacentem materiam. hæc autem causa comedendi non erit in resurrectione communi. Authoritates verò quæ ciborum vsum post resurrectionem repromittere videtur, spiritualiter intelligendæ sunt. Proponit enim nobis diuina scriptura intelligibilia sub similitudine sensibiliũ, vt animus noster ex his quæ nouit discat incognita amare: & secundum hunc modũ delectatio quæ est in contemplatione sapientiæ, & assumptio veritatis intelligibilis in intellectu nostrum, per vsum ciborũ in sacra scriptura

\* Cap. 70.  
Quæ huic opi-  
nioni viden-  
tur suffraga-  
ri Gen. I. &  
2.



scriptura consuevit designari, secundum illud Prouerbio-  
rum nono, quod de sapientia dicitur: Miscuit vinum, &  
proposuit mensam suam. Et in sapientibus loquuta est: Ve-  
nite, comedite panem meum, & bibite vinum quod miscui  
vobis. Et Ecclesiastici decimo quinto dicitur: Cibabit il-  
lum Dominus pane vitæ & intellectus, aqua sapientiæ sa-  
lutaris potabit illum. De ipsa etiam sapientia dicitur Pro-  
uerbiorum tertio: Lignum vitæ est his qui apprehenderint  
eam: & qui tenuerit eam, beatus. Non igitur prædicta au-  
thoritates cogunt dicere quod resurgentes cibis vtantur:  
hoc tamen quod propositum est de verbis Domini quæ ha-  
bentur Matthei 26. potest & aliter intelligi, vt referatur ad  
hoc quod ipse cum discipulis post resurrectionem come-  
dit, & bibit, nouum quidem vinum, id est, nouo modo, scili-  
cet non propter necessitatem, sed propter resurrectionis  
demonstrationem, & dicit, in regno patris mei, quia in re-  
surrectione Christi regnum immortalitatis demonstrari  
incepit. Quod verò in Apocalypsi dicitur de mille annis, &  
prima resurrectione martyrum, intelligendum est quod  
prima resurrectio est animarum, prout à peccatis resur-  
gunt, secundum illud Apostoli Ephesiorum quinto, Exurge  
à mortuis, & illuminabit te Christus. Per mille autem an-  
nos intelligitur totum tempus Ecclesiæ in quo martyres  
regnant cum Christo, & alij sancti tam in præsentī Eccle-  
sia quæ regnum Dei dicitur, quam etiam in cælesti patria  
quantum ad animas. millenarius enim numerus perfectio-  
nem significat, quia est numerus cubicus, id est, figura so-  
lida, & radix eius est denarius, qui solet etiam perfectio-  
nem signare. sic ergo manifestum fit quod resurgentes non  
vacabunt cibis & potibus, neque veneris aëribus. Ex quo  
vltimo haberi potest, quod oēs occupationes actiue vitæ  
cessabunt quæ ordinari videntur ad vsum ciborum & ve-  
nereorum, & ad alia quæ sunt necessaria corruptibili vitæ.  
sola ergo occupatio contemplatiue vitæ in resurgentibus  
remanebit, propter quod Lucæ decimo dicitur de Maria  
contemplante, quod optimam partem elegit, quæ non au-  
feretur ab ea. Inde est etiam quod dicitur Iob cap. septimo  
Qui descenderit ad inferos, non ascendet, nec reuertetur  
vltra in domum suam, neque cognoscat eum amplius. Lo-  
cus eius, in quibus verbis talem resurrectionem Iob negat  
qualem quidam posuerunt, dicentes quod post resurrectio-  
nem homo redibit ad similes occupationes quas nunc  
habet, vt scilicet ædificet domos, & alia huiusmodi exer-  
ceat officia.

Super Cap. 83.



**E**X prædicta conclusione infert sanct. Thom. corollarie quod  
apud homines resurgentes non erit venereorum & ciborum  
vltus. Circa hoc autem tria facit. Primum ostendit propositum.  
Secundo errorem excludit. Tertiū infert quoddam co-  
rollarium.

Quantum ad primum arguitur primum sic. Ciborum vltus corruptibili vitæ  
deseruit, & similiter commixtio maris & feminæ, ille quidem vt cor-  
ruptio quæ potest accidere ex consumptione naturalis humidi, euitetur, &  
vt sit debitor augmentum: iste autem in quantum ordinatur ad genera-  
tionem, per quam quod perpetuo conseruari non potest secundum indi-  
uiduum, in specie conseruatur: ergo non erit in resurgentibus. Probatur  
consequenter: quia remota vita corruptibili necesse est remoueri ea quæ  
corruptibili vitæ deseruiunt, resurgentium autē vita incorruptibilis erit.  
Secundo, si tunc erit ciborum vltus, oportebit quod ad hoc sit vt conuer-  
tatur in corpus ergo perueniet homo ad immoderatam quantitatem: hoc  
est falsum: quia homo resurget in debita quantitate, ergo, &c. probatur  
antecegens: quia vita resurgentium non erit minus ordinata quam præ-  
sens vita, sed magis. in hac autem vita ciborum vltus ordinatur ad hoc vt  
cibus per digestionem conueratur in corpus, consequenter verò proba-  
tur quia tunc à corpore nihil resoluatur, eod quod erit incorruptibile, &  
ideo totum quod conuertitur ex alimento transiret in augmentum.

Tertiū, aut homo resurgens semper vtetur cibo, aut non semper, si pri-  
mum, cum cibus in corpus conuerfus à quo nihil resoluatur, augmentum  
secundum aliquam dimensionem faciat, corpus hominis in infinitum au-  
gebitur: hæc autem non potest esse, quia augmentum est motus naturalis,  
natura autem intentio nunquam est ad infinitum sed semper est ad ali-  
quid certum, vt dicitur secundo de anima. Si secundum, ergo erit aliquod  
tempus in quo homo semper viuens non vtetur cibo: ergo & hoc à Prin-  
cipio faciendum est.

Ex hoc vltius sequitur, quod neque etiam venereorum vltus erit.  
probatur, quia à corpore resurgentis semen decidi non poterit, neque in-  
quam ex substantia eius, tum quia hoc est contra naturam feminis: quia  
esset corruptum, & à natura recedens, & sic non posset esse naturalis  
actionis principium, vt patet per philosophum in libro de generatione

animalium: tum quia à subiecto corporum incorruptibile nihil resolu-  
ui poterit: neque etiam ex superfluo alimentis, si resurgentes cibis non  
vtantur, ergo, &c.

**A D V E R T E N D V M**, vt primo physicorum declarauimus, quod  
ista propositio quam assumpsit sanctus Thomas, scilicet intentio virtutis  
naturalis mouentis semper est ad aliquid certum, habet veritatem tam de  
intentione naturæ specificæ, quam de intentione naturæ indiuiduæ, est  
enim aliquis terminus magnitudinis in specie humana vltra quem spe-  
cies humana saluari non posset, nam posset dari maximus homo ita quod ipso  
non posset in natura humana maior esse: similiter est aliquis terminus mag-  
nitudinis cuiuslibet indiuidui, vltra quæ virtute propriæ formæ non po-  
test extendi, sed licet propositio tam in specie quam in indiuiduo habeat  
veritatem, hic tamen sumitur secundum quod de indiuidua virtute veri-  
ficatur, quia hoc ad propositum ad quod inducitur sufficit.

**A D V E R T E N D V M** vltius ex doctrina sanct. Thom. prima parte,  
quæst. art. vltim. quod nomine feminis non potest accipi id quod iam con-  
uersum est in substantiam membrorum per quandam resolutionem: quia  
si non retineret naturam eius à quo resoluatur, tunc recederet à natura ge-  
nerantis quæ in via corruptionis existens, & tunc non haberet virtutem  
conuertendi aliud in similem naturam. si verò naturam eius à quo resolu-  
uitur retineret, tunc esset contractum ad determinatam partem, & non  
haberet virtutem mouendi ad naturam totius. Vnde cum arguit sanctus  
Thomas semen non posse decidi ex substantia corporis, quia esset corru-  
ptum, & à natura recedens, & sic non posset esse principium actionis na-  
turalis: sic intelligendum est, quod scilicet semen decidit aut esset in via  
corruptionis, vt pote si non plene & completè recessisset à natura eius à  
quo decidit, sed esset in ipso recessu, aut esset corruptum, videlicet si  
plene ab illa natura recessisset & vtroque modo non posset esse naturalis  
actionis principium, illius scilicet actionis quæ aliud conuertitur in naturam  
similem illi à qua semen decidit, quod enim ab aliqua natura per corru-  
ptionem recedit, non habet virtutem similem naturam inducendi, cum  
amittat formam quæ est principium similem naturam inducendi.

Quarto, si erit venereorum vltus, erit etiam hominum generatio, sicut &  
nunc, quia talis vltus ad generationem ordinatur, ergo & erunt multi ho-  
mines post resurrectionem qui autem non fuerant, ergo frustra tantum dif-  
ferret resurrectio mortuorum, vt omnes simul vitam accipiant qui ean-  
dem habent naturam.

**C I R C A** vltimam consequentiam aduertendum est quod supponit sanct.  
Thomas rationem doctorum, quare tantum differret resurrectio, hanc scilicet  
vt omnes homines simul vitam accipiant per resurrectionem. Nunc  
enim patet propter hanc rationem frustra differri resurrectionem, si post  
resurrectionem erit generatio, nam manifestum est si homines alij post  
resurrectionem futuri sunt qui antea non fuerant, quod non simul omnes  
naturam humanam habentes, vitam simul per resurrectionem habebunt.

Quinto, si post resurrectionem erit hominum generatio, aut illi qui ge-  
nerabuntur, iterum corrumpentur, aut non, si secundum, tunc oportebit  
ponere illos homines sine peccato originali nasci, quum necessitas mori-  
endi sit pena peccati originale consequens, scilicet in prima homi-  
nis natiuitate. Hoc autem est contra Apostolum, Romanorum quinto.  
Sequitur vltius quod non omnes indigent redemptione, quæ est à Chris-  
to: & sic Christus non erit omnium caput, contra sententiam Apostoli,  
primo Corinthiorum decimo quinto. Sequitur etiam quod quorum  
est similis generatio, non sit similis generationis terminus: quia nunc ho-  
mines per generationem corruptibilem vitam consequuntur, tunc autem  
immortalem. Hoc autem est inconueniens. si verò primum, si iterum non  
resurgent, tunc eorum animæ remanebunt perpetuo à corpore separa-  
tæ, quod est inconueniens. si autem & ipsi resurgent, debuit & eorum  
resurrectio ab aliis expectari, tum vt simul omnibus vnā naturam par-  
ticipantibus resurrectionis beneficium conferatur: tum quia non videtur  
esse aliqua ratio quare aliqui expectentur ad simul resurgendum, si non  
omnes expectantur. Sexto, si homines resurgentes veneris vtentur &  
generabunt, aut hoc erit semper, aut non semper, sed ad aliquod determi-  
natum tempus. si primum, ergo generatio hominum erit infinitum,  
ergo intentio naturæ generantis erit ad infinitum, quod est impossibile.  
Probatur secunda consequentia quia tunc intentio naturæ generantis  
non poterit esse ad alium finem quam ad hominum multiplicationem,  
non enim erit ad conseruationem speciei per generationem, quum homi-  
nes incorruptibiliter sint futuri, si autem secundum, igitur post illud tem-  
pus non generabunt, ergo & hoc à principio eis tribuendum est, vt vene-  
reis non vtantur nec generent.

**A T T E N D E N D V M** est quod ista ratio procedit ex suppositione  
hac quod post resurrectionem non erit amplius corruptionis status, sed  
in corruptionis: tunc constat ex eo, quod tunc non erit motus corporum  
cælestium à quo omnes alij motus dependent. ideo assumpsit quod post re-  
surrectionem homines incorruptibiliter sunt futuri, illam autem suppo-  
sitionem videntur etiam illi contra quos arguit concedere, ideo ex illa con-  
tra ipsos procedit. Si ad omnes adductas rationes dicatur, quod in resur-  
gentibus erit vltus ciborum & venereorum propter solam delectationem  
quæ in his actibus consistit, ne aliqua delectatio hominibus in vltima re-  
muneratione desit: quod hoc inconuenienter dicatur, ostenditur multi-  
pliciter, primo sic. In hac vita inordinatum & vitiosum est si quis cibis &  
venereis vtatur propter solam delectationem, ergo hoc in resurgentibus  
non erit. Probatur consequenter, quia vita resurgentium ordinatio-  
erit quæ nostra. Antecedens verò probatur, quia quum delectationes  
quæ in præmissis actibus sunt, non sint fines actionum, sed magis econ-  
uerso, vt pote ordinatæ à natura, ne animalia propter laborem ab istis  
actibus naturæ necessariis desisterent, ordo præposterus & indecens est, si  
operationes propter solas delectationes exercentur. Secundo perfectæ  
beatitudo & felicitas hominis non consistit in huiusmodi delectationibus  
corporalibus, ergo, &c. Probatur consequenter, quia vita resurgentium ad  
conseruandam perfectam beatitudinem ordinatur. Tertiū, aut huiusmodi  
delectationes in statu futuræ beatitudinis sunt tanquam ad beatitudinem  
pertinentes, aut non primum, quia tunc essent aequaliter in intentione  
eorum qui virtute agunt, quum actus virtutis ad beatitudinem ordina-  
tur sicut ad finem. Hoc autem rationem temperantiæ excludit, contra  
quam est quod quis à delectationibus nunc abstineat, vt post modum frui



magis possit. sic enim redderetur omnis castitas impudica, & omnis abstinentia gulosa. Non etiam secundum, quia omne quod est, vel est propter alterum, vel propter seipsum, delectationes autem huiusmodi non erunt propter alterum, quia non propter actiones ordinatas ad finem naturæ, ergo erunt propter se: omne autem huiusmodi vel est beatitudo, vel pars beatitudinis. ergo, &c. Quartò ridiculum videtur querere delectationes corporales in quibus nobiscum bruta communicant. Vbi expectatur delectationes altissimæ nobis & angelis communes, nisi fortè quis dicat beatitudinem angelorum esse imperfectam, quia delectationibus brutorum carent, quod est omnino absurdum. ergo, &c.

Confirmatur autoritate Domini dicentis Matthæi 22. quòd in resurrectione neque nubent neque nubentur.

ADVERTENDVM est, quòd dicitur delectationes ciborum & venereorum non esse propter se, sed propter operationes, quod aliud est dicere delectationes esse propter operationes, & aliud ipsas queri propter operationes. Nam ipsas esse propter operationes, dicit ordinem ipsarum secundum vitæ rationemque institutionem ab auctore naturæ, & secundum naturæ intentionem. Deus enim qui naturam instituit, ordinavit prædictas operationes ad conseruationem indiuidui & speciei, istis autem operationibus addidit delectationes, ut ex harum appetitu huiusmodi operationibus animalia intenderent, & sic voluit delectationes propter operationes esse. Delectationes autem queri propter operationes, dicit ordinem ipsarum secundum quòd terminant actum appetitus: & tunc si comparatur ad appetitum intellectuum sequentem rationem, sic etiam queruntur delectationes propter dictas operationes quibus coniunguntur, id est, non queruntur, nisi in quantum istis operationibus coniunguntur, quibus homo vacat propter proprium corporis sustentationem, & propter prolem procreandam. si autem ad appetitum sensitiuum comparentur, sic non queruntur delectationes propter operationes, sed e contrario operationes propter delectationes, ut inquit sanctus Thomas P. secunda, questione quarta, articulo secundo, ad secundum. Huius autem ratio est, quia non attingit apprehensio sensitiua ad communem rationem boni, sed ad aliquod bonum particulare quod est delectabile. illud enim indicat bonum quod est secundum sensum delectabile. Quod ergo hic dicitur de delectationibus & operationibus ciborum & venereorum, intelligendum est secundum comparationem ipsorum ad naturæ institutionem, ad ipsamque naturam, & secundum comparationem ad appetitum intellectuum, non autem secundum comparationem ad appetitum sensitiuum. Quantum ad secundum excludit S. Thom. errorem Iudæorum & Sacerdotum, & primò ipsum errorem exponit cum suis motiuis, secundò ad eorum motiua respondet. Dicit ergo primò quòd ex prædictis excluditur prædictorum error ponentium quòd in resurrectione homines cibis & venereis utentur, sicut & nunc: quos etiam quidam Christiani hæretici sunt sequuti, ponentes regnum Christi futurum in terris terrenum per mille annos, quo spacio dicunt eos qui tunc resurrexerint, immo deratissime carnalibus epulis vacaturos: hos autem viri spirituales Chiliaistas appellant, id est, millenarios, ut inquit Augustinus 20. de ciuitate Dei.

Huic errori videtur primò suffragari quòd Adam ante peccatum habuit vitam immortalē, & tamen cibis & venereis tunc uti potuit, ut patet ex scriptura.

Secundò, quòd ipse Christus legitur comedisse & bibisse post resurrectionem, ut patet Lucæ ultimo & actum decimo.

Tertiò, quia videtur hoc resurgentibus promitti, cum dicitur Isaia vigesimo quinto: Faciet Dominus exercituum omnibus populis in monte hoc conuiuium pinguium: medullarum, &c. & 65. Ecce serui mei comedent, & vos saturietis: ecce serui mei bibent, & vos sitietis. Quartò, quia Dominus hoc videtur dicere Matthæi 26. Lucæ 22. Quintò, quia videtur dici Apocalypsis 21. Ultimo quia videtur dici de mille annis. Apocalypsis 20.

Ad primum autem horum dicit sanctus Thomas. quòd non est eadem ratio de Adam & de hominibus resurgentibus, quia quum tunc natura humana nondum esset totaliter perfecta, nondum multiplicato genere humano institutus fuit Adam in tali perfectione quæ competeat principio totius humani generis: & ideo oportuit ut ad multiplicationem eius generaret, & per consequens vteretur cibis.

Imperfectio autem resurgentium natura humana totaliter ad suam perfectionem perueniet, numero electorum iam completo: ideo generatio locum non habebit, nec alimentorum usus.

Dicit secundò, quòd alia erit immortalitas resurgentium, & alia quæ fuit Adam: quia illi nec mori poterunt, nec ex eorum corporibus poterit aliquid resolui. Adam autem potuit non mori si non peccaret, & potuit mori si peccaret, poteratque immortalis conseruari, non quia nihil resolveretur ex eius corpore, sed ut contra resolutionem humiditatis naturalis ei, per ciborum assumptionem subueniri posset ne ad corruptionem perueniret.

Ad secundum dicit, quòd Christus non propter necessitatem comedit, sed ad demonstrandam suæ resurrectionis veritatem: unde cibus ille non fuit conuersus in carnem, sed in præiacentem materiam resolutus: hæc autem causa non erit in resurrectione communi.

ADVERTENDVM primò ex doctrina sancti Thomæ 4. Sent. distinct. 44. quæst. 1. artic. 3. quæst. 4. ad primum, quòd Christus dispensatione dicitur post resurrectionem manducasse, in quantum propter prædictam causam intermisit id quod est communiter resurgentium, scilicet non uti cibis: non erit autem necessaria in communi resurrectione demonstratio veritatis resurrectionis: quia omnibus nota erit ideo nulla erit causa manducationis. Considerandum secundò ex doctrina eiusdem 3. parte quæst. 55. artic. sexto ad secundum, quòd à Christo postquam resurrexit, inducebantur quædam argumenta ad probandam veritatem humanæ naturæ, quædam verò ad probandam gloriam resurrectionis. Manducatio ergo inducebatur non ad gloriam resurrectionis comprobandam, sed ad ostendendum quòd secundum veram humanam naturam resurrexerat: ideo bene hic dicitur quòd Christus comedit ad suæ resurrectionis veritatem demonstrandam.

Ad auctoritates posterius inductas quæ ciborum usum post resurrectionem repræsentare videntur, dicitur primò communiter quòd spiritualiter sunt intelligendæ, ut scilicet delectatio quæ est in contemplatione sapientie, & assumptio veritatis intelligibilis in intellectum nostrum per usum ciborum designetur, iuxta illud Prouerborum nono de Sapientia

Miscuit vinum & cætera. & Ecclesiastici decimo quinto, Cibabit. illum & Prouerborum tertio, Lignum vitæ &c. Proponit enim nobis diuina scriptura intelligibilia sub similitudinibus corporalium, ut animus non ster ex iis quæ nouit, discat incognita amare.

Dicitur secundò, quòd verba Domini quæ adducuntur Matthæi 26. posunt etiam referri ad hoc quòd ipse post resurrectionem cum discipulis comedit, & bibit nouum vinum, id est nouo modo, scilicet non propter necessitatem, sed propter resurrectionis demonstrationem. dicit autem in regno meo, quia in eius resurrectione immortalitatis regnum demonstrari incipit. Ad vltimum dicitur primò, quòd prima resurrectio est animarum, prout à peccatis resurgunt, iuxta illud ad Ephesios quinto, Exurge &c. Dicitur secundò, quòd per mille annos intelligitur totum tempus ecclesiæ in quo martyres & alij sancti regnant cum Christo quantum ad animas, & in præsentī ecclesiā quæ regnum Dei dicitur, & in cælesti patria. Nam millenarius numerus perfectionem significat, quia est numerus cubicus, id est figura solida, & radix eius est denarius, qui solet etiam perfectionem designare.

ADVERTENDVM primò ex Boëtio in sua Arithmetica, quòd numerus cubicus dicitur qui resultat ex numero ducto in seipsum bis, & radix eius est ille numerus qui ducitur in seipsum. constat autem quòd millenarius resultat ex numero denario in seipsum bis replicato. Nam decies decem decies faciunt mille. ideo bene dicitur quòd est numerus cubicus, & quòd radix eius est decem.

ADVERTENDVM secundò, ut inquit S. Thom. primo Metaphysicæ lect. 7. quòd numerus denarius est perfectus, quia est quasi primus terminus numerorum, & comprehendit in se omnium numerorum naturam, eò quòd omnes alij numeri non sint nisi quædam repetitio denarii: ideo bene hic dicitur quòd solet perfectionem designare.

Quantum ad tertium ponit S. Thom. hoc corollarium, quòd omnes occupationes actiue vitæ in resurrectione cessabunt, & sola occupatio contemplatiue vitæ remanebit. probatur, tum quia illæ ordinari videntur ad usum ciborum & venereorum, & ad alia quæ sunt necessaria corruptibili vitæ: tum quia Lucæ 10. de Maria contemplante dicitur, Optimam partem, &c. tum quia Iob 7. dicitur: Qui descendit ad inferos, &c.

### Quod corpora resurgentia erunt eiusdem naturæ sicut prius. Cap. 84.



CCASIONE autem præmissorum quidam circa condiciones resurgentium errauerunt. Quia enim corpus ex contrariis compositum videtur ex necessitate corrumpi: fuerunt aliqui qui dixerunt homines resurgentes huiusmodi corpora ex contrariis composita non habere: quorum aliqui posuerunt corpora nostra non in natura corporali resurgere, sed transmutari in spiritum, moti ex eo quòd Apostolus dicit 1. Cor. 15. Seminatur corpus animale, surget spirituale. Alij verò ex eodem verbo sunt moti ut dicerent quòd corpora nostra in resurrectione erunt subtilia, & aëri & ventis similia. Nam & spiritus aër dicitur: ut sic spiritualia aërea intelligantur. Alij verò dixerunt quòd in resurrectione animæ resumēt corpora non quidem terrena, sed cælestia: occasione accipientes ex eo quòd Apostolus dicit 1. Corin. 16. de resurrectione loquens: Sunt corpora cælestia, & corpora terrestria. Quibus omnibus suffragari videtur quòd Apostolis ibidem dicit, quòd caro & sanguis regnū Dei non possidebunt. & sic videtur quòd corpora resurgentium non habebunt carnē & sanguinem, & per consequens nec aquos humores.

Sed harum opinionum error manifestè apparet. Nostra enim resurrectio conformis erit resurrectioni Christi, secundum illud Apostoli Philippensium tertio: Reformabit corpus humilitatis nostræ configuratum corpori charitatis suæ. Christus autem post resurrectionem habuit corpus palpabile, ex carnibus & ossibus consistens: quia (ut dicitur Lucæ ultimo) post resurrectionem discipulis dixit: Palpate & videte quia spiritus carnem & ossa non habet, sicut me videtis habere. ergo & alij homines resurgentes corpora palpabilia habebunt ex carnibus & ossibus composita.

2 Adhuc, anima vnita corpori sicut forma materiæ. omnis autem forma habet determinatam materiam. oportet enim esse proportionem actus & potentiæ. cum igitur anima sit eadem secundum speciē, videtur quòd habeat eandem materiam secundum speciem. erit ergo idem corpus secundum speciem post resurrectionem, & ante: & sic oportet quòd sit cōsistens ex carnibus & ossibus, & aliis huiusmodi partibus.

3 Amplius, cum in diffinitione rerum naturalium quæ significat essentiam speciei, ponitur materia: necessariū est quòd

Entices teste. Grego. lib. 4. Mart. in Job. cap. 31. & sequentes inclinant cum isto & sunt eiusdem auct. ut idem testatur Greg. & D. Thom. super pri. Cor. cap. 15. lect. 6.



quod variata materia secundum speciem, varietur species rei naturalis. homo autem res naturalis est. si igitur post resurrectionem non habebit corpus consistens ex carnibus & ossibus, & huiusmodi partibus, sicut nunc habet: non erit qui resurget, eiusdem speciei: sed dicetur homo tantum æquiuocè.

4. Item, magis distat ab anima vnus hominis, corpus alterius speciei, quam corpus humanum alterius hominis: sed anima non potest iterato vniri corpori alterius hominis, vt in secundo ostensum \* est. multo igitur minus poterit in resurrectione vniri corpori alterius speciei.

5. Præterea, ad hoc quod homo idem numero resurgat, necessarium est quod partes eius essentielles sint eadē numero. si igitur corpus hominis resurgens non erit ex his carnibus & his ossibus ex quibus nunc componitur, non erit homo resurgens idē numero. Has autem omnes falsas opiniones manifestissime Iob excludit dicens, Rursum circundabor pelle mea: & in carne mea videbo Deum, quem visurus sum ego ipse, & non alius.

Habent autem & singulæ prædictarum opinionum propria inconuenientia. Ponere enim corpus transire in speciem, est omnino impossibile. nō enim trāseunt in inuicem nisi quæ in materia communicant: spiritualium autem & corporalium non potest esse communicatio in materia, cum substantiæ spirituales sint omnino immateriales, vt in 2. lib. \* ostensum est. impossibile est igitur quod corpus humanum transeat in substantiam spiritualementem.

Item, si transeat in substantiam spiritualementem corpus humanum, aut trāsbibit in ipsam spiritualementem substantiam quæ est anima, aut in aliquam aliam. si in ipsam, tunc post resurrectionem non esset in homine nisi anima, sicut & ante resurrectionem. non igitur immutaretur conditio hominis per resurrectionem.

Si autem transeat in aliam substantiam spiritualementem, sequetur quod ex duabus substantiis spiritualibus efficietur aliquid vnum in natura: quod est omnino impossibile: quia quælibet substantia spiritualis est per se subsistens. Similiter etiam impossibile est quod corpus hominis resurgens sit quasi æreum, & ventis simile. oportet enim corpus hominis & cuiuslibet animalis habere determinatam figuram in toto & in partibus. corpus autem habens determinatam figuram, oportet quod sit in se terminabile: quia figura est quæ termino vel terminis comprehenditur: aer autem non est in se terminabilis, sed solum termino alieno terminatur. Non est ergo possibile quod corpus hominis resurgens sit æreum, vel ventis simile.

Præterea, corpus hominis resurgens oportet esse tactuum, quia sine tactu nullum est animal. oportet autem vt resurgens sit animal, si sit homo: corpus autem æreum nō potest esse tactuum, sicut nec aliquod corpus simplex, quum oporteat corpus per quod sit tactus, esse medium inter qualitates tangibiles, vt sit quodammodo in potentia ad eas, vt Philosophus probat in secundo lib. de anima \*. impossibile est igitur quod corpus hominis resurgens sit æreum, & simile ventis.

Ex quo etiam apparet quod non poterit esse corpus cœleste. oportet enim corpus hominis & cuiuslibet animalis esse susceptuum tangibilium qualitatum, vt iam dictum \* est. hoc autem corpori cœlesti non potest conuenire, quia non est neque calidum, neque frigidum, neque humidum, neque siccum, neque aliquid huiusmodi vel actu vel potentia: vt probatur in primo de cœlo \*. corpus igitur hominis resurgens non erit corpus cœleste.

Adhuc, corpora cœlestia sunt incorruptibilia, & ita trāsmutari non possunt à sua naturali dispositione: naturaliter autem eis debetur figura sphaerica, vt probatur in 2. de cœlo & mundo \*. non est igitur possibile quod accipiant figuram quæ naturaliter humano corpori debetur. impossibile est igitur quod corpora resurgentium sint de natura cœlestium corporum.

## Super Cap. 84.



OSTQVAM ostendit sanctus Thomas quales futuri sint homines resurgentes, consequenter vult ostendere quales sint resurgentium partes. Circa hoc autem duo facit.

Primo ostendit qualia sint resurgentium corpora: secundum quales sint ipsorum animæ ante resurrectionem, capitulum 90. Circa primum duo facit. Primo ostendit qualia sint futura quantum ad naturam: secundum qualia sint futura quantum ad conditiones superadditas naturæ, cap. seq. Quantum ad primum ponit hanc conclusionem: Homines resurgentes corpora habebunt palpabilia, ex carnibus & ossibus composita. Circa hæc autem conclusionem duo facit. Primo quosdam errores adducit: secundum illos reprobatur. Quantum ad primum, inquit quod occasione præmissorum quidam circa conditiones resurgentium errauerunt dicentes ipsos corpora ex contrariis composita non habere, quia corpus ex contrariis compositum videtur ex necessitate corrumpi. Vnde quidam dixerunt illa in spiritum transmutari, moti autoritate Apostoli. 1. Cor. 15. dicentis: Seminatur &c. Alij verò quod erunt subtilia, ætæ & ventis similia. Alij autem quod in resurrectione animæ resument corpora non terrena, sed cœlestia, moti ex eo quod dicitur loco allegato. Sūt corpora cœlestia &c. Et rursus, Caro & sanguis &c. Quantum ad secundum arguit sanctus Thomas contra istos errores: & primo generaliter contra omnes, secundum singulatum contra eorum vnumquemque. Arguit igitur primo sic: Christus post resurrectionem habuit corpus palpabile ex carnibus & ossibus consistens, vt ostenditur Lucæ 1. vt ergo & alij homines resurgentes. Probatur consequentia, quia nostra resurrectio conformis erit resurrectioni Christi, iuxta illud Phil. 3. Reformabit &c. Secundum, anima est eadem secundum speciem, ergo habebit eandem materiam secundum speciem: ergo erit idem corpus secundum speciem post resurrectionem & ante. ergo &c. probatur prima consequentia, quia anima vnitur corpori sicut forma materię, omnis autem forma habet determinatam materiam cum oporteat esse proportionem actus & potentię. Tertiò, si homo post resurrectionem non habebit corpus huiusmodi, sicut nunc habet, non erit qui resurgens eiusdem speciei, sed dicetur homo tantum æquiuocè, quia homo res naturalis est, variata autem materia secundum speciem variatur species rei naturalis, cum in diffinitione rerum naturalium ponatur materia. Quartò, anima non potest iterato vniri corpori alterius hominis, vt in secundo ostensum est, ergo multo minus poterit vniri corpori alterius speciei. probatur consequentia, quia magis distat ab anima vnus hominis corpus alterius speciei, quam corpus humanum alterius hominis. Quintò, si corpus resurgens nō erit ex his carnibus & his ossibus ex quibus nunc componitur, non erit idem numero homo resurgens, quia ad hoc necesse est quod partes eius essentielles sint eadē numero. Confirmatur conclusio autoritate Iob dicentis: Rursum circundabor, &c. Secundum specialiter arguit contra vnumquemque illorum errorem. Contra primum quidem primo sic: Spiritualium & corporalium non potest esse communicatio in materia: ergo impossibile est vt corpus humanum transeat in substantiam spiritualementem. probatur consequentia, quia non transeat in inuicem nisi quæ in materia communicant. Secundum, aut transeat in ipsam animam, aut in aliam substantiam spiritualementem. Si in animam, tunc post resurrectionem non erit in homine nisi anima, sicut & ante, ergo non mutabitur conditio hominis post resurrectionem. Si in aliam, tunc ex duabus substantiis spiritualibus efficietur aliquid vnum in natura, quod est impossibile, cum quælibet substantia spiritualis sit per se subsistens.

ADVERTE quod sicut in resurrectione ponitur quod anima reunitur corpori, ita ponitur quod ex illis vnum efficiatur, sicut & ante resurrectionem. si igitur ponamus corpus in resurrectione in substantiam spiritualementem conuertere, oportebit dicere quod anima illi substantię spirituali, in quam corpus humanum conueritur vnitur, & quod ex illis sit vnum in natura, sicut ex anima & corpore. Ideo bene infert sanctus Thomas quod sequetur ex duabus substantiis spiritualibus effici vnum in natura.

ADVERTENDVM etiā ex Aristotele nono Metaphysicæ & 8. text. 15. q. ad hoc vt ex duobus fiat vnum per se, necesse est vt vnus se habeat sicut actus, aliud verò sicut potentia: ideo ex duobus quorum quilibet est actus, non potest fieri vnum per se. propterea bene arguit sanctus Thomas non posse ex duabus substantiis spiritualibus fieri vnum in natura, id est, vnum ens naturale, quia quælibet est per se subsistens, id est, est actus ex se habens esse, non autem ex alio formaliter, & à nullo subiecto secundum suum esse dependet. Contra secundum errorem arguitur primo sic: Aer non est in se terminabilis, sed solum termino alieno, ergo non est possibile quod corpus hominis resurgens sit æreum vel ventis simile. Probatur consequentia, quia oportet corpus hominis & cuiuslibet habere determinatam figuram in toto & in partibus: tale autem oportet vt sit in se terminabile, quum figura sit quæ termino vel terminis comprehenditur. Secundum, corpus æreum non potest esse tactuum, id est, non potest habere potentiam tactus, sicut nec etiam aliud corpus simplex, cum tale corpus oporteat esse medium inter qualitates tangibiles, vt sit quodammodo in potentia ad eas, vt dicitur secundo de anima, ergo &c. probatur consequentia, quia corpus hominis resurgens oportet esse tactuum, cum homo sit animal. Contra tertium errorem arguitur primo sic: Corpus cœleste non est susceptuum qualitatum tangibilium, cum non sit calidum, neque frigidum, neque aliquid huiusmodi vel actu vel potentia, vt probatur primo de cœlo. ergo corpus hominis resurgens non erit cœleste. patet consequentia ex dictis. Secundum, corporibus cœlestibus naturaliter debetur figura sphaerica, vt probatur secundo cœli: ergo non possunt accipere figuram quæ naturaliter humano corpori debetur, ergo, &c. probatur consequentia, quia illa corpora sunt incorruptibilia, & sic trāsmutari non possunt à sua naturali dispositione.

Quod corpora resurgentium erunt alterius dispositionis quam ante. Cap. 85.



VANVIS autem corpora resurgentium sint futura eiusdem speciei cuius nunc sunt corpora nostra: tamen aliam dispositionem habebunt. Et primo quidem quantum ad hoc, quod omnia resurgen-



furgentium corpora tam bonorum quam malorum, incorruptibilia erunt: cuius quidem ratio triplex est. Vna quidem sumitur ex fine resurrectionis. ad hoc enim resurgent tam boni quam mali, vt etiam in propriis corporibus primum consequantur vel poenam pro his quæ gesserunt dum vixerunt in corpore. primum autem bonorum quod est foelicitas, erit perpetuum: similiter etiam peccato mortali debetur poena perpetua, quorum vtrūque patet ex his quæ in tertio lib. \* determinata sunt. Oportet igitur quod vtrūque corpus incorruptibile recipiatur. Alia ratio potest sumi à causa formali resurgētium, quæ est anima. Dicitur enim supra, quod ne anima in perpetuum remaneat à corpore separata, iteratō per resurrectionem corpus resudet. quia igitur in hoc perfectioni animæ prouidetur quod corpus recipiat: conueniens erit vt corpus secundum quod competit animæ disponatur. est autem anima incorruptibilis, vnde & corpus ei incorruptibile reddetur.

Tertia verò ratio sumi potest ex causa actiua resurrectionis. Deus enim qui corpora iam corrupta reparabit ad vitam, multo fortius hoc corporibus prestare poterit, vt recuperata vita in eis perpetuo conseruetur. In cuius rei exemplum etiam corpora corruptibilia, cum voluit, à corruptione seruauit illæsa: sicut corpora trium puerorum in fornace. Sic igitur intelligenda est incorruptibilitas futuri status, quia hoc corpus quod nunc corruptibile est, incorruptibile diuina virtute reddetur: ita quod anima in ipsum perfecte dominabitur quantum ad hoc quod ipsum viuificet: nec talis communicatio vitæ à quocunque alio poterit impediri. Vnde & Apostolus dicit 1. Cor. 15. Oportet corruptibile hoc induere incorruptionem, & mortale hoc induere immortalitatem. non igitur per hoc homo resurgēs immortalis erit: quod aliud corpus incorruptibile resumat, vt prædictæ opinioniones posuerūt: sed quia hoc ipsum quod nō est corruptibile, incorruptibile fiet. Sic igitur intelligendum est quod Apostolus dicit: Caro & sanguis regnum Dei non possidebunt: quod in statu resurgentium corruptio tollitur carnis & sanguinis: substantia tamen carnis & sanguinis remanent: vnde subiungit, neque corruptio incorruptelam possidebit.

Super Cap. 85.



**P**OSTQVAM ostendit sanctus Thom. corpora resurgētium futura esse eiusdem speciei cuius nunc sunt corpora nostra, conuenienter ostendit quod futura sunt alterius conditionis superaddite naturæ. Circa hoc autem duo facit. Primò ostendit conditionem corporum tam bonorum quam malorum. Secundò particulariter conditionem corporum beatorum, capit. sequenti. Circa primum duo facit. Primò ostendit omnia humana corpora futura incorruptibilia. Secundò ostendit quomodo sit huiusmodi incorruptibilitas intelligenda.

Quantum ad primum ponitur hæc conclusio: Omnia resurgentium corpora tam bonorum quam malorum incorruptibilia erūt. Probatur primò ex fine resurrectionis, primum bonorum & poena malorum erunt perpetua, vt patet ex his quæ in tertio determinata sunt, ergo oportet vt vtrūque in corpus incorruptibile recipiatur. Probatur consequentia, quia ad hoc resurgent tam boni quam mali, vt etiam in propriis corporibus primum consequantur vel poenam pro his quæ gesserunt dum vixerunt in corpore. Secundò probatur ex causa formali resurgētium: Anima iteratō per resurrectionem corpus resudet, ne in perpetuum remaneat à corpore separata, ergo conueniens est vt corpus secundum quod conuenit animæ disponatur, ergo quod sit incorruptibile. probatur prima consequentia, quia in illo perfectioni animæ prouidetur. Secunda verò, quia anima est incorruptibilis.

Sed videtur quod ista ratio non concludat. eadem enim ratione concluderetur quod à principio debebat anima corpori incorruptibili vniri, cum ita tunc esset incorruptibilis, & ita perfectionem suam ex vnione ad corpus requireret, sicut postea cum est separata. Respondetur, quod aliter loquendū est de institutione naturæ à Deo, & aliter de reparatione ad vitam per resurrectionem. In prima enim institutione naturæ conueniens fuit vt Deus vnique daret quod sibi secundum naturam conueniebat: & quia naturæ animæ intellectiue quam oportet cognitionem ex sensibilibus accipere, conueniebat vt haberet corpus ex cōtariis compositum ad quod ex necessitate materię sequitur vt sit corruptibile, conueniens fuit vt sibi daretur corpus per naturam corruptibile: quod etiam est per gratiam factum esset aliquo modo incorruptibile, omnino tamen incorruptibile nō esset, sed posset ad corruptibilitatem ex peccato hominis deuenire, in resurrectione autem per quam prouidetur ne anima sua specifica perfectiōne perpetuo priuatur, conuenit vt sibi incorruptibile corpus aptetur, ne iterum ad illam imperfectionem deueniat, propter quam tollendam corpori reuinitur. Tertiò probatur ex causa actiua resurrectionis. Deus corpora corrupta reparabit ad vitam, ergo multo fortius hoc illis prestare poterit vt recuperata vita in eis perpetuo conseruetur. Confirmatur hoc exemplo, quia etiam corpora corruptibilia, cum voluit, à corruptione seruauit

illæsa, sicut corpora trium puerorum in fornace.

Quantum ad secundum ostendit sanctus Thom. qualis sit ista incorruptibilitas, & ait quod intelligenda est sic, quod hoc corpus quod nunc corruptibile est, incorruptibile diuina virtute reddetur, ita quod anima in ipsum perfecte dominabitur quantum ad hoc quod ipsum viuificet: nec talis communicatio vitæ à quocunque alio poterit impediri. Hoc autem significat Apostolus primæ Cor. 15. dicens, Oportet corruptibile &c.

Ex hoc sequitur quod non resurget homo immortalis, quia aliud corpus incorruptibile reassumat, vt prædicti posuerunt, sed quia hoc ipsum corpus quod nunc est corruptibile, incorruptibile fiet. Vnde & quod dicit Apostolus quod caro & sanguis regnum Dei non possidebunt, intelligitur quod tunc tollitur corruptio carnis & sanguinis, eorum tamē natura remanent: vnde subiungit, neque corruptio incorruptelam possidebit.

CIRCA hoc vltimum dictū, scilicet quod natura sanguinis remanebit, dubium occurrit. Nam vt ex superioribus cap. 83. constare potest, corpora resurgētium alimento non indigebunt, sed sanguis non datur animalibus à natura nisi alimenti gratia. vt enim dicitur secundo de partibus animalium cap. tertio & sequentibus, sanguis est vltimum alimentum in animalibus, ergo videtur quod, in corporibus resurgentium non debeat esse sanguis. Respondetur & dico primò, quod vtiq; oportet dicere secundū catholicam fidem in corporibus resurgentium sanguinem contineri. Nam cum in Christo ponamus esse sanguinem, alioquin non posset nūc vinum per consecrationem in eius sanguinem transmutari, necesse est vt & in aliis resurgentibus esse sanguinem ponamus. nostra enim resurrectio Christi resurrectioni assimilabitur. Dico secundò, & secundum opinionem eorum qui tenent sanguinem esse intellectiua anima informatum, & esse actū partem corporis: sanguis nō solum ponitur in animalibus gratia alimentis, sed etiam in quantum ad integritatem corporis pertinet, vt eius pars in actu: & ideo licet in resurrectione officio alimentis non vtatur, manet tamen in resurgentibus ad hoc vt naturæ habeant integritatem: sicut & alia quædam membra in ipsis erunt, quæ tamen propriis officiis non fungentur. Secundum verò ponentes sanguinem non esse propriè actū partem hominis, sed improprie, in quantum videlicet est portio proxima toti corpus, & ab anima intellectiua effectiue perficitur, licet non formaliter, id quod mihi conformius videtur doctrinæ sancti Thom. & tenetur à Cap. 4. Sent. dist. 10. quæst. 2. ex iis quæ habentur 3. part. quæst. 31. art. 5. ad primum, dicendum est quod licet sanguis sit vltimum alimentum, est tamen de veritate humanæ naturæ, non quidem tãquam pars propriè in actu, sed tanquam proximus parti, & partibus affinis: est etiam fedas anima, in quantum per sanguinem in corde generatur vitalis operatio in omnia membra diffunditur, vt inquit sanctus Thom. in 4. Sent. dist. 11. in ex. lit. Licet ergo in resurgentibus non remaneat sanguis sub ratione alimentis, remanent tamen vt ad humanæ naturæ integritatem pertinens, ad virtutis naturalis ostensionem, quæ mediante sanguine exercebatur, sicut de membris generationis deservientibus erit, habetur hæc responsio 4. Sent. dist. 11. 4. quæst. 1. artic. 2. quæstione 2. ad secundum.

CIRCA incorruptibilitatem corporum resurgentium aduertendum quod S. Thomas tangit hic vnā causam intrinsecam omnibus communem, scilicet perfectum dominium animæ super corpus sibi virtute diuina conueniens. in quarto autem Sententiarum, dist. 44. quæst. 3. art. 1. alia causam assignat in corporibus damnatorum, scilicet cessationem motus cæli, sine quo nulla naturalis mutatio esse potest, quæ est causa extrinseca. Videtur quæ ibidem negare quod in damnatorum corporibus sit incorruptibilitas ex aliquo intrinseco corruptionem impediens.

Sed dupliciter potest ad hoc dici. Primò, quod non negat S. Thomas in 4. Sent. omnino causam intrinsecam incorruptibilitatis in damnatis, sed illam causam quæ est diuina gratia, qualis causa erat in Adam, & est in beatis: vel illam quæ est qualitas ab anima effluens in corpus ipsum, à corruptentibus præseruans. Secundò, quod negat causam intrinsecam prohibentem corruptionem quæ est omnimoda subiectio corporis ad animam. hæc enim in solis beatis erit: non autem negat omnem causam intrinsecam. Aduertendum secundò (vt ex capite sequenti haberi potest) quod dominium perfectū animæ in corpus est duplex. Quum enim dominium hoc intelligatur in quantum corpus animæ absque resistentia obedit, & à nullo hæc obedientia impediri potest, aut hoc intelligitur quantum ad esse & quantum ad omnem actionem & passionem corporis, aut quantum ad esse tantum. Primum dominium erit in beatis tantum: secundum autem erit etiam in damnatis. Vnde vt ostenderet S. Thomas dominium animæ in corpus quod & damnatis & beatis est cōmune, non esse perfectum dominium primo modo, sed tantum secundo modo, quum dixisset quod anima in corpus perfecte dominatur, addidit, quantum ad hoc quod ipsum viuificet.

De qualitate corporum glorificatorum.

Cap. 86.



**Q**VANVIS autē merito Christi defectus naturæ in resurrectione tollatur ab omnibus communiter tam bonis quam malis, remanebit tamen differentia inter bonos & malos quantum ad ea quæ personaliter vtriusque conueniunt. Est autem de ratione naturæ, quod anima humana sit corporis forma, ipsum viuificans, & in esse conseruans: sed ex personalibus actibus meretur anima in gloriam diuinæ visionis eleuari, vel ab ordine huiusmodi gloria propter culpam excludi. disponetur igitur corpus communiter omnium secundum decentiam animæ: vt scilicet forma incorruptibilis esse incorruptibile corpori tribuat, contrariorum cōpositione non obstantē: eò quod materia corporis humani diuina virtute animæ humanæ quantum

Idem 4. Sc.  
dist. 44. q.  
2. per totum.



quātum ad hoc subiicietur omnino. sed ex claritate & virtute animæ ad diuinam visionem eleuatæ corpus sibi unitum aliquid amplius consequetur. Erit enim totaliter subiectum animæ, diuina virtute hoc faciente, non solum quantum ad esse, sed etiam quātum ad actiones, & passionēs, & motus, & corporeas qualitates. Sicut igitur anima diuina visione fruens, quadam spiritali claritate replebitur, ita per quandam redundantiam ex anima in corpus ipsum corpus suo modo claritatis gloria induetur. Vnde dicit Apostolus 1. Corinth. 15. Seminatur corpus in ignobilitate, surget in gloria: quia corpus nostrum nunc est opacum, tūc autem erit clarum. secundum illud Matth. 13. Fulgebunt iusti sicut sol in regno patris mei. Anima etiam quæ diuina visione fruatur, vltimo finī coniuncta, in omnibus experietur suum desiderium adimpletum: & quia ex desiderio animæ mouetur corpus, consequens erit quod corpus omnino spiritui ad motū obediet. vnde corpora resurgentium beatorum futura erūt agilia: & hoc est quod Apostolus dicit ibidem: Seminatur in infirmitate, surget in virtute. Infirmitatem enim experimur in corpore, quia inualitum inuenitur ad satisfaciendum desiderio animæ in motibus & actionibus quas anima imperat: quæ infirmitas totaliter tunc tollitur virtute redundante in corpus ex anima Deo cōiuncta. Propter quod etiam Sapient. 3. dicitur de iustis, quod tanquam scintille in arundinetis discurrent. non quod motus sit in eis propter necessitatē, quum nullo indigeant, qui Deum habent, sed ad virtutis demonstrationem. Sicut autem anima Deo fruens habebit desiderium adimpletum quantum ad omnis boni adeptiōem: ita etiam eius desiderium impletum erit quantum ad remotionem omnis mali, quia cum summo bono locum non habet ali- quod malum: & corpus igitur perfectum per animam proportionaliter animæ immune erit ab omni malo, & quantum ad actum & quātum ad potentiam. Quātum ad actum quidem, quia nulla in eis erit corruptio, nulla deformitas, nullus defectus. Quantum ad potētiam verō, quia non poterunt aliquid pati quod eis sit molestū: & propter hoc impassibilia erunt: quæ tamen impassibilitas non excludit ab eis passionem quæ est de ratione sensus. videntur enim sensibus ad delectationem secundum illa quæ statui in corruptionis non repugnant. Ad hanc igitur eorum impassibilitatem ostendendam Apostolus dicit: Seminatur in corruptione, surget in incorruptione. Rursus anima Deo fruens, ipsi perfectissimè adhærebit, & eius bonitatem participabit in summo secundum modum suum: sic igitur & corpus perfectè subdetur animæ, & eius proprietates participabit quantum possibile est in perspicuitate sensuum, in ordinatione corporei appetitus, & in omnimoda perfectione naturæ. tanto enim aliquid perfectius est in natura, quanto eius natura perfectius subditur formæ: & propter hoc dicit Apostolus: Seminatur corpus animale, surget corpus spirituale. Spirituale quidem corpus resurgentis erit: non quia sit spiritus, ut quidam malè intellexerunt, siue per spiritum intelligatur spiritalis substantia, siue aer aut vêtus: sed quia erit omnino subiectū spiritui: sicut & nūc dicitur corpus animale, non quia sit animal, sed quia animalibus passionibus subiaceret, & alimonia indigeret. Patet igitur ex prædictis quod sicut anima hominis eleuabitur ad gloriā spirituum coelestium, ut Deus per essentiā videat, sicut in tertio lib. \* est ostensum: ita eius corpus sublimabitur ad proprietates coelestium corporum, inquantū erit clarum, impassibile absque difficultate & labore mobile, & perfectissimè sua forma perfectū: & sic propter hoc Apostolus dicit resurgentium corpora esse coelestia, non quātum ad naturam, sed quantum ad gloriā. vnde cum dixisset quod sunt corpora coelestia, & sunt terrestria corpora: subiungit quod alia est coelestium gloria, alia terrestrium. Sicut autē gloria inquam humana anima subleuatur, excedit naturalem virtutem coelestium spirituum, ut in 3. lib. \* ostensum est, ita gloria resurgentium corporum excedit naturalem perfectionem coelestium corporum, ut sit maior claritas, impassibilitas firmior, agilitas & dignitas naturæ perfectior.



OSTQVAM ostendit sanctus Thomas omnium corporum resurgentium communem conditionem, consequenter ostendit singillatim vtrorumque corporū conditionem: & primò corporum glorificatorum, secundo corporū damnatorum. cap. 89. Circa primum tria facit. Primò ostendit corporum glorificatorum conditionem quātum ad corporeas qualitates quæ dicuntur eis dotes. Secundo quantum ad locum, cap. sequenti. Tertio, quantum ad sexum & ætatem, cap. 88.

Quantum ad primum ponit quatuor conclusiones, quarum prima est: Corpora beatorum habebunt claritatem.

SED antequam probetur hæc conclusio, præmittitur primò quod quauis merito Christi defectus naturæ in resurrectione communiter ab omnibus remouebitur, remanebit tamen differentia inter bonos & malos quantum ad ea quæ personaliter vtrisque conueniunt.

Præmittitur secundo quod de ratione naturæ est, vt anima humana sit corporis forma ipsum viuificans, & in esse conseruans: ex actibus autem humanis meretur anima vel in gloria diuinæ visionis eleuari, vel ab ordine huiusmodi gloriæ propter culpam excludi: ideo omnium corpus cōmuniter disponetur secundum condecētiā animæ, vt scilicet esse incorruptibile corpori tribuat, materia virtute diuina animæ omnino subiecta, sed ex claritate & virtute animæ ad diuinam visionem eleuatæ hoc amplius corpus sibi unitum consequetur, vt diuina virtute faciente, non solum quantum ad esse, sed etiam quantum ad actiones, & passionēs, & motus, & corporeas qualitates sit illi subiectum.

ISTIS præmissis probatur conclusio sic: Anima diuina visione fruens, quadam spiritali qualitate replebitur, ergo & corpus suo modo claritatis gloria induetur. probatur consequentia, quia ab anima per quandam redundantiam in corpus deueniet. Confirmatur autoritate Apostoli primo Corinthiorum decimo quinto: Seminatur corpus in ignobilitate, surget &c. Item Matthæi decimo tertio: Fulgebunt iusti sicut sol in regno patris mei.

ADVERTENDVM, quod non sic intelligendum est claritatem animæ videntis Deum, in corpus redundare, quasi claritas animæ & claritas corporis gloriosi sit vna & eadem, aut sit eiusdem rationis, sed quia ex ipsa animæ claritate resultat & effluit in corpus quædam claritas quæ est qualitas corporalis. Vnde hic dicitur quod ipsum corpus suo modo, id est corporaliter, non autem spiritaliter claritatis gloria induetur. Hoc autem videtur sentire sanctus Thomas 4. Sent. distinctione 44. questione secunda, articulo 4. questione secunda, ad primum, ubi dicit quod claritas gloriæ erit alterius generis quàm claritas naturæ quātum ad causam, sed non quantum ad speciem. Si enim ista claritas corporis gloriosi est eiusdem speciei cum claritate naturæ, manifestum est quod non est eiusdem rationis cum animæ claritate, quia alterius rationis & alterius generis est claritas naturæ corporalis, & claritas animæ spiritalis, præteritum claritas gratiæ. Secunda conclusio est, corpora huiusmodi erunt agilia. Probatur: Anima vltimo finī coniuncta in omnibus experietur suum desiderium adimpletum, ergo corpus omnino spiritui ad motum obediet, ergo &c. Probatur prima consequentia, quia ex desiderio animæ mouetur corpus.

CIRCA hanc probationem consequentiæ, aduertendum est quod vult Sanctus Thomas ostendere ex opposito consequens infertur: oppositum antecedenti. Si enim corpus non obediet omnino spiritui ad motum, sequitur quod non erit in omnibus impletum desiderium animæ ex quo corpus mouetur.

Confirmatur autoritate Apostoli dicentis quod surget in virtute. Et Sapientia tertio dicitur quod tanquam scintille in arundinetis discurrent, non quidem quasi sit motus in eis propter necessitatē, sed ad virtutis demonstrationem.

CIRCA ipsam agilitatem corporum glorificatorum duo attendenda sunt ex doctrina sancti Thomæ 4. Sent. dist. 44. quæst. 1. art. 3. questione 1. Primum est, quod ista agilitas tria includit. Primum est perfectio ipsius animæ secundum quam perfectè dominabitur corpori, negatio resistētis voluntati & desiderio animæ, & perfectio quadam effluens ab anima glorificata in corpus per quam habile reddetur & expeditum ad obediendum animæ in quantum est corporis motor. Secundum est quod per huiusmodi agilitatem corpus gloriosum reddetur habile & expeditum ad obediendum animæ, non solum ad motum localem, sed etiam ad omnes animæ operationes quæ per corpus exercentur, ut sunt sensus operationes.

CIRCA id quod dicitur motum non esse in beatis propter necessitatē, aduertendum est ex doctrina sancti Thomæ loco præallegato, quod hoc intelligendum est quantum ad indigentiam simpliciter, quæ est quando quis indiget aliquo sine quo non potest conseruari in esse vel in sua perfectione: sed bene motus erit propter aliquam necessitatē & indigentiam secundum quid, quæ est quando quis indiget eo sine quo non potest finem intentum habere, vel non ita bene vel non tali modo. Non poterunt enim manifestare virtutem motuam in eis existentem per experimentum, nisi moueantur. & hoc significauit sanctus Thomas cum dixit quod erit in eis motus ad virtutis demonstrationem. Tertia conclusio est: corpora beatorum impassibilia erunt. Probatur: Huiusmodi corpus immune erit ab omni malo & quantum ad actum: quia in eis nulla erit corruptio, nulla deformitas, nullus defectus: & quantum ad potentiam: quia non poterunt aliquid pati quod eis sit molestum, ergo &c. Probatur antecedens: Anima Deo fruens habebit desiderium adimpletum quantum ad remotionem omnis mali: quia cum summo bono malum locum non habet, ergo corpus perfectum per animam proportionaliter animæ immune erit ab omni malo & quantum ad actum, quia in ipso nullus erit defectus & quantum ad potentiam, quia nihil molestum pati poterit, ergo &c. Declarat autem sanctus Thomas conclusionem, inquitens quod hæc impassibilitas non excludit ab iis corporibus passionem quæ est de ratione sensus: quia sensibus ad delectationem videntur secundum illa quæ statui in corruptionis non repugnant.

Confirmatur ex eo quod dicitur ab Apostolo, Seminatur in corruptione, surget in incorruptione.

CIRCA primum consequens aduertendum, quod li proportionaliter animæ, dupliciter exponi potest. Vno modo vt determinet li perfectum, & erit sensus quod corpus quod est in resurrectione perfectum secundum

\* Cap. 51.

\* Cap. 53.



cundum convenientiam ad animam, in quantum scilicet habet esse incorruptibile, quemadmodum anima est incorruptibilis, immune erit: ab omni malo. Alio modo ut determinet ly, immune erit: & erit sensus, quod corpus perfectum per animam fruente Deo, immune erit ab omni malo secundum proportionem ad ipsam animam, in quantum videlicet sicut in huiusmodi anima nullum est malum culpæ, neque in actu, quia per gratiam consummatam omne peccatum excluditur: neque in potentia, quia peccare non potest eo quod sit confirmata in bono: ita & in corpore per illam animam perfectum nullum erit malum, neque actu, neque potentia. Vtrique expositio, adaptari convenienter potest literæ: secunda tamen mihi magis placet.

CIRCA declarationem conclusionis attendendum est, quod ideo postquam dicit sanctus Thomas, quod beati videntur sensibus ad delectationem, addidit secundum illa quæ statui in corruptionis non repugnant, ut excluderet vsum sensuum circa summationem cibi corporalis & circa veneræ, de quibus ostensum est quod statui in corruptionis repugnant: utpote ad statum corruptionis duntaxat pertinentia.

ADVERTENDVM ulterius, quod dupliciter differt passio quæ est de ratione sensuum, à passionibus aliis corporalibus quæ dicuntur passionibus naturæ. Primum: quia passio sensuum est per receptionem formæ sensibilis secundum modum spirituales & immateriales: passio autem naturæ est per receptionem formæ secundum suum esse materiale. Secundum: quia passio sensus est perfectiva: sensus enim ex receptione formæ sensibilis fit in actu ad hoc ut propriam operationem possit elicere, passio autem naturæ si proprie accipitur, est corruptiva vel afflictiva vel abiectiona, quia est motus præter naturam: quia ergo à beatis remouetur passio abiectiona & afflictiva, non autem passio perfectiva, ideo non est mirum si in beatis inueniatur passio sensus, non autem passio naturæ.

SECUR occidit dubium circa illud quod ait sanctus Thomas, beatos vsuros sensibus propter delectationem. Hoc enim videtur repugnare superius ab eo dictis, ubi impugnauit opinionem illorum qui dicebant in resurrectione futurum esse vsum ciborum & venerorum propter delectationem tantum, hac ratione, quia delectationes illæ non sunt fines actionum, sed e conuerso.

AD HVIVS euidenciam considerandum est primum ex doctrina sancti Thomæ, 4. Sent. dist. 14. quadragesima nona questione tertia, articulo quinto questione 2. quod aliter loquendum est de delectationibus tactus quæ in vsum ciborum & venerorum consistunt, & aliter de delectationibus aliorum sensuum. delectationes enim tactus maxime materiales sunt & maxime vehementes, eo quod tangibilis delectationem tactus causans, nobis realiter coniungatur: & sunt etiam maxime bestiales. Nam bruta non delectantur aliis sensibus nisi in ordine ad tactum, ut dicitur tertio Ethicorum, & ipsas tactus delectationes maxime persequuntur: delectationes autem aliorum sensuum spirituales sunt: quia ipsi sensus spirituales sua obiecta recipiunt, non enim coniunguntur nobis eorum obiecta secundum esse materiale, sed tantum secundum suas intentiones. videlicet huiusmodi delectationes corporales sunt, in quantum sunt motus appetitus sensitiui consequentis apprehensionem sensus quæ per corpus exercetur, appropinquat tamen ad spirituales delectationes, & quodammodo in eorum genus cadunt, in quantum consequuntur vniorem spirituales obiecti sensibilis cum sentiente, non autem vniorem realem & naturalem. ideo non est inconueniens si delectationes tactus prædictæ in beatis non inueniantur qui spirituales vitam viuunt, inueniantur autem in eis aliorum sensuum delectationes, & etiam delectationes tactus quæ solam coniunctionem spirituales tangibilis consequuntur, ut est delectatio consequens spirituales immutationem tantum à calido aut frigido proportionato. Considerandum secundum ex doctrina sancti Thomæ, loco præallegato, & prima secundæ quæst. 3. articulo quinto & sexto, quod duplex potest esse delectatio sensus, una de ipso sensibili spiritaliter coniuncto, alia de ipsa cognitione sensibili. Prima est secundum quam quis de re cognita & apprehensa per sensum delectatur, pura de colore, aut de concentu & harmonia vocum: alia est quæ quis delectatur de ipsa cognitione coloris, harmoniz, & huiusmodi. Prima est in brutis, non autem secundum delectationem in hominibus inuenitur, & etiam in beatis. Prima quidem consequitur coniunctionem sensibilis cum sensu: secunda vero apprehensionem ipsius cognitionis tanquam perfectionis propriæ, quæ quidem apprehensio est per vires interiores, aut etiam per intellectum.

Considerandum tertio, quod sensus diliguntur propter duo, scilicet propter cognitionem & propter utilitatem, ut dicitur primo Metaphysicæ, & utroque modo est delectatio secundum sensum, sed prima hominibus tantum conuenit: quia ipse solus est apprehendere ipsam cognitionem tanquam proprium bonum: secunda autem communis est hominibus & brutis: ideo prima in beatis inuenitur, quia cognitio ipsa sensus non repugnat statui in corruptionis: secunda autem ipsis non conuenit: quia utilitas sensibilium quæ attenditur in ordine ad conseruationem naturæ animalis, conuenit tantum statui corruptionis in quo natura indiget aliquo extrinseco tam ad conseruationem individui, quam ad conseruationem speciei. Ad obiectionem igitur dicendum, quod non intendit sanctus Thomas, in beatis esse vsum sensuum propter delectationem, quasi beati operationem sensus ad delectationem ordinent tanquam ad finem, ut illi quos improbat sanctus Thomas dicebant de delectationibus tactus, sed quod vtriusque sensibus propter ipsam cognitionem sensus ipsis secundum se delectabilis, non autem propter aliquam utilitatem ad naturæ conseruationem ordinatam, cum eorum natura incorruptibilis sit, non indigeat quæ extrinseco conseruante.

CIRCA ipsam impassibilitatem corporum beatorum aduertendum (ut haberi potest ex doctrina S. Tho. in quarto Sent. dist. 44. quæst. 2. art. 1. quæst. 1. c. 1.) quod hæc impassibilitas provenit ex pleno dominio animæ immobiliter Deo fruente supra corpus, nam quia corpus humanum, & quicquid est in eo, erit perfectum subiectum animæ, sicut ipsa perfectum subiectum erit Deo, ideo nulla in corpore glorioso poterit mutatio esse contra illam dispositionem quæ perficitur ab anima. Vtrum autem præter virtutem & dominium animæ oporteat ponere aliquam qualitatem positivam in ipso corpore glorioso quæ omnem passionem prohibeat, videtur dicere S. Tho. in loco præallegato quod non, sed quod impassibilitas solam priuationem & negationem secundum se importat, habet tamen causam positivam, scilicet ipsum animæ dominium super corpus. Nam ipsa anima quæ

plene corpori dominatur, ligat omnino eius potentiam passivam, ut nullam possit recipere dispositionem contrariam formæ. Sed licet expresse non habeatur à sancto Th. ibidem impassibilitatem dicere formam positivam in corpore existentem, hoc tamen dat intelligere ex eo quod ipsam computat inter dotes corporis 4. Sent. d. 49. q. 4. art. 2. ubi dicit dispositiones quæ sunt in corpore glorioso ex quibus efficitur animæ perfectæ subiectum, corporis dotes dici: sicut & dispositiones quæ sunt in anima ad perfectam operationem qua Deo coniungitur, dicuntur animi dotes. Idem etiam habetur dist. 44. quæstione 2. articulo 3. quæstione 1.

ET secundum hoc dicendum est, quod sicut agilitas dicitur quandam qualitatem effluentem ab anima glorificata in corpus per quam habile redditur ad motum & omnes operationes animæ, ita impassibilitas dicitur qualitatem ab anima in corpus effluentem per quam corpus redditur habile ad subiectionem animæ, ut est eius forma ipsum in esse conseruans, & per quam omni dispositioni quæ est contraria formæ, resistit, ita quod formaliter impassibilitas dicitur negationem: materialiter autem dicitur aliquid positivum.

SED contra prædicta dubia quædam occurrunt. Arguit enim Scotus in quarto, quod huiusmodi impassibilitas ex dominio animæ supra corpus non proveniat ratione qualitatis effluentis in corpus. Primum, quia aut esset qualitas cælestis, aut qualitas elementaris vel mixtionis, non primum: quia corpus humanum non est susceptivum qualitatis cælestis, non etiam secundum: quia tunc esset eiusdem generis cum aliis, & per consequens non prohiberet omnem actionem illarum. Secundum, si repugnaret aliis qualitatibus, non prohiberet omnem actionem: quia esset eiusdem rationis cum eis, si autem non repugnaret, non prohiberet actionem alicuius illarum, cum istæ aliz sint inter se repugnantes.

Aureolus autem arguit huiusmodi impassibilitatem non provenire ex aliqua forma corpori inherente, tum quia impassibilitatem secundum translationem de loco ad locum non videtur habere corpus per aliquam qualitatem, alioquin per ipsam fieret fortius & vniuersaliter in resistendo quam sit quæcunque potentia creata in agendo: tum quia composito ex elementis conuenit per se secundo modo pati & corrumpi, nulla autem virtus creata potest auferre illud quod conuenit alicui in secundo modo dicendi per se. Durandus etiam idem probat hac ratione: quia impassibilitas & incorruptibilitas sibi correspondent incorruptibilitas autem corporum beatorum non erit per aliquam virtutem eis inherentem: quia illa erit communis & bonis & malis, in malis autem non erit per aliquam formam inherentem, ut videtur ab aliis concedi.

PRO HORVM solutione præmittendum est quod huius impassibilitatis corporum beatorum secundum quod negationem importat, duplicem causam iuxta prædicta oportet assignare, vnam scilicet remotam, alteram propinquam. Remota est quædam virtus supernaturaliter indita animæ per quam plenè corpori dominatur quantum ad eius conseruationem: & dictum est hanc impassibilitatem ex pleno dominio animæ provenire. Proxima autem est qualitas quædam ab ipsa anima glorificata in corpus effluens, per quam corpus fit aptum ut perfectè animæ subiiciatur quantum ad sui conseruationem, omnem dispositionem contrariam animæ prohibendo: & quia hæc qualitas effluit ab anima ut beata est, & supernaturali qualitate dotata: ideo & ipsa supernaturalis est qualitas, non autem elementaris aut cælestis, aut ex corporis mixtionem proveniens: & propterea non oportet ipsam eiusdem generis esse cum qualitatibus ex quibus ipsum corpus componitur, quæ sunt naturales, & de potentia subiecti educæ: licet in eodem susceptivo recipiantur, & per hoc patet responsio ad primum Scoti.

Ad secundum eiusdem dicitur quod qualitatem vnâ alteri qualitati aut eius actioni repugnare, dupliciter potest intelligi. Vno modo formaliter repugnantia, quæ est per oppositionem formæ ad formam, quarum vnâ alteram ab eodem subiecto expellit, quo modo caliditas frigiditatem repugnat. Alio modo, repugnantia materiali, quæ scilicet est repugnantia materiæ seu dispositionis materialis ad formam: quando inquam aliqua qualitas reddit subiectum omnino indispotum & inhabile ad suscipiendam aliquam formam aut eius actionem: sicut dicimus qualitates ignis repugnare animæ intellectui, & qualitates corporis cælestis repugnare qualitatibus & formis corruptibilibus: quia per eas redditur materia ad has formas indispotia. Quum enim forma requirit determinatam materiam, & similiter agens creatum, si sit aliqua qualitas quæ reddat materiæ alicui formæ aut agentis improportionatam & indispotam, illa dicitur tali formæ & agentis materialiter repugnare. Quum ergo querit Scotus an hæc qualitas repugnet qualitatibus corporis, necne: dicitur quod repugnat materialiter, non autem formaliter, quia videlicet facit corpus inhabile ad inordinatas actiones illarum suscipiendas, non autem quia illarum actiones sua actione prohibeat. Quum instatur primum, quod si repugnat, tunc non prohibet omnem actionem, quia est eiusdem rationis dicitur quod consequentia non tenet & eius probatio nulla est. Non enim si materialiter repugnat, est eiusdem generis cum illis: sed bene esset eiusdem generis si formaliter repugnaret. formæ enim contrariæ ad idem genus pertinent, non autem formæ disparate. Quum instatur secundum, quod si non repugnat, non prohibet actionem alicuius illarum, dicitur quod hoc vtrique verum esset, si neque formaliter neque materialiter illis repugnaret: modo dicimus quod materialiter repugnat, & ideo omnes immoderatas illarum actiones phibet.

AD PRIMVM Aureoli potest primum responderi, quod impassibilitatem quam dicimus corpori ex aliqua qualitate inherente provenire, intelligitur præseruativa à passione corruptiva, aut abiectiona alicuius intrinsecæ dispositionis, non autem à translatione de loco ad locum: quia fortassis ista est non ex qualitate inherente, sed ex diuina protectione.

Potest secundum responderi conformiter ad prædicta, quod sicut ad hoc ut aliquid sit ab aliquo agente alicuius formæ susceptivum, requiritur ut sit dispositio dispositione determinata ad illam formam, & ad actionem illius agentis suscipiendam, ita ad hoc ut sit mutabile de loco ad locum ab aliquo mouente, requiritur ut sit dispositum ad susceptionem motus à tali agente: & ideo sicut per aliquam qualitatem potest disponi materia, & reddi inhabilis ad suscipiendam actionem alicuius agentis, ita potest fieri inhabilis & indispotus ad suscipiendum motum à mouente: unde negatur quod impassibilitatem secundum translationem de loco ad locum non habeat corpus gloriosum per qualitatem positivam. Quum probatur quia tunc per ipsam fieret fortius & vniuersaliter in resistendo quam quælibet







Econtrario autem arguit Scotus in 4. Sent. distinct. 49. q. 16. quod non per solam Dei potentiam duo corpora simul esse possint, tum quia si manent principia istorum corporum, ut sunt in eodem loco distincta, non solus Deus ea conseruari quia concurrentibus causis secundis hoc facit. si autem talia principia non manent, iam illa non conseruat simul in esse: tum quia si situs est formale & essentialie distinctiū quantitatis, sine ipso Deus non poterit conseruare quantitatem distinctam. si autem est accidentalie aut casualis distinctio, secundum suas causas priores conseruari poterunt distincta, sine illo quod est accidentalie ratio distinctionis: tum quia non est impossibile duos respectus intrinsecos esse in diuersis respectu eiusdem termini: respectus autem ubi est respectus extrinsecus adueniens.

Secundum quod facit difficultatem est, quia signum quod adducitur de Christo ingrediente ianuis clausis, non videtur sufficiens ad ostendendum duo corpora fuisse simul. nam non dicitur in euangelio quod Christus intrauerit per ianuas clausas, sed quod ianuis clausis intrauerit. hoc autem esse potuit ipso per fenestras aut visibilibus aut invisibilibus ingrediente.

Ad euidenciam horum considerandum est primò, quod situs dupliciter accipi potest. Vno modo ut est prædicamentū per se: quod etiam dicitur positio, & dicit ordinem partium in loco, ordinē scilicet diuersarum partium locati ad diuersas partes loci. Alio modo ut est differentia quantitatis, & significat ordinem partium in toto, non quidem quod una sit extra aliam secundum locum, sed quod una sit post aliam, & una sit ab alia secundum quantitatem realiter distincta. situs primo modo sumptus non est de ratione rei quantæ ut sic, sed est extra eius rationem: sed bene situs secundum modo sumptus est de ratione quanti ut est quantum, item primo modo sumptus est secundarius effectus dimensionis in corpore quanto causatus, secundo autem modo sumptus est dimensionis primarius effectus. ex eo enim quod materia est sub determinatis dimensionibus, corpus habet primò ordinem partium in seipso, secundo etiam habet determinatum ordinem partium in loco: & ideo ex diuersitate materiæ sub diuersis dimensionibus non solum sequitur diuersitas ordinis partium in toto, sed etiam sequitur diuersitas corporum secundum locum, cum & ipsæ materiæ dimensionatæ non sint naturaliter distinctæ, nisi sint in diuersis subiectis.

CONSIDERANDVM secundo, quod licet nullus istorum effectuum possit per naturalem causam impediri ne ex dimensionibus distinctis proveniat, quia utriusque situs distinctio naturaliter ex distinctione dimensionum consequitur, & una dimensio naturaliter expellit aliam à loco quem ingreditur, virtute tamen diuina dimensionum secundarius effectus formalis suspendi potest, & potest suspendi actio qua una dimensio aliam ab eodem loco expellit: ideo virtute quidem naturæ fieri non potest ut duo corpora sint in eodem loco, sed bene diuina virtute quæ omnem effectum causæ agentis & effectum secundarium & extrinsecum causæ formalis potest suspendere, fieri potest.

AD PRIMVM itaque Durandi negatur assumptum. Nam sicut duo corpora omnino distincta possunt in eodem loco esse diuina virtute operante, ita & duæ partes eiusdem corporis. Ad primam eius probationem dicitur, quod de ratione quantitatis non est quod habeat partem extra partem secundum locum, quærum vnæqueque habeat locum à loco alterius partis distinctum: nam si esset corpus extra vniuersum, constaret quod partes situ huiusmodi distinctas non haberet, sed quod habeat partes secundum realem distinctionem distinctas, id est, quod habeat plures partes quærum vna non sit alia, & vna sit post aliam in toto. Ad secundam probationem dicitur, quod nullum in conueniens est virtute diuinæ fieri replicationem partium super minimam partem, & maximū corpus reductum per subintrationem partium ad minimam extensionem, à minimo loco contineri, puta quod Camelus per foramen acus transeat.

AD PRIMVM verò Scoti dicitur, quod utique manent principia essentialia distinctionis realis corporum simul in eodem loco virtute diuinæ existentium, quibus remota distinctione locali realiter distinguuntur. remanent enim propriæ formæ, propriæ materiæ, & propriæ dimensiones. Ad huius probationem dicitur, quod non sic dicimus duo corpora sola virtute diuina distincta manere posse in eodem loco, quasi nulla alia ad horum distinctionem concurrant, sed quia illa sola principia essentialia quæ horum distinctionem causabant in diuersis subiectis & locis, non possunt illam distinctionem in eodem situ causare, nisi concurrente particulari causalitate diuina præter communem influxum, & nulla causa naturalis potest impedire distinctionem localem natam consequi ex distinctione quantitatis diuersorum corporum, sed sola diuina virtus. Ad secundum dicitur, quod situs diuersitas secundum se non est causa distinctionis corporum, sed signū talis distinctionis, ut inquit sanctus Thomas super Boetium de Trinitate, quest. 4. art. 4. & est effectus ab eadē causa proveniens à qua ipsa corporum distinctio provenit: à qua quidem causa separati naturaliter non potest. Sicut enim à diuersitate dimensionum, siue materiæ sub diuersis dimensionibus, provenit diuersitas numeralis corporum, ita & diuersitas situum. Ideo ista consequentia non valet, situs non est formale & essentialie principium distinctiū quantitatis: ergo sine diuersitate situs potest per causas alias priores per se conseruari distinctio quantitatum absque diuersitate situum. licet enim non sit formale principium distinctionis quantitatis, est tamen naturalis eius effectus ad diuersitatem quantitatum consequens, sine quo naturaliter esse quantitatum distinctio non potest: sicut non valet, caliditas & frigiditas non sunt principia essentialia distinctionis ignis & terræ, ergo possunt naturaliter esse distincta ignis & terra absque diuersitate caliditatis & frigiditatis. Ad tertium negatur assumptum. Nam duo respectus non possunt naturaliter eundem terminum adæquatum respicere, respectus autem ubi, respicit locum tantum terminum adæquatum, cum oporteat locum adæquari loco, si sit proprius eius locus.

AD SECVNDVM dubium de signo adducto à sancto Thoma dicitur, quod licet ex euangelij textu non habeatur expressè quod Christus per clausas ianuas sit ad discipulos ingressus, & poruerit aliunde clausis ianuis ingredi, habetur tamen illud ex sacrorum doctorum interpretatione maxime Augustini. Vnde etiam tenent sacri doctores in Christi ascensione corpus eius simul cum corpore cælesti absque vlla cælestis corporis fractione fuisse, quanuis Deus sua virtute potuisset cælum scindere, ut Christo cederet ascendenti: sed hoc non minus est apud Philosophos impossibile Deo, quam duo corpora esse simul.

## De sexu &amp; ætate resurgentium.

## Caput. 88.



NON est tamen æstimandum quod in corporibus resurgentium desit sexus foemineus, ut aliqui putauerunt: quia cum per resurrectionē sint reparandi defectus naturæ: nihil eorū quæ ad perfectionem naturæ pertinent, à corporibus resurgētium auferetur. sicut autē alia corporis membra ad integritatem humani corporis pertinent: ita & ea quæ generationi deseruiunt tam in maribus quam in foeminis resurgent. ergo membra huiusmodi in vtrisque. Neque tamē huic obuiat, quod vsus horum membrorum non erit, ut supra ostensum \* est: quia si propter hoc membra in resurgentibus non erunt, pari ratione nec omnia membra quæ nutrimento deseruiunt, in resurgentibus essent: quia nec ciborum vsus post resurrectionem erit: sic igitur magna pars membrorum corpori resurgenti deesset. erunt igitur omnia membra huiusmodi, quanuis eorum vsus non sit ad integritatem naturalis corporis restituendam: vnde frustra non erunt. Similiter etiam nec infirmitas foeminei sexus perfectioni resurgentium obuiat. Non enim est infirmitas per recessum à natura, sed à natura intenta: & ipsa etiam naturæ distinctio in omnibus perfectionem naturæ demonstrabit, & diuinam sapientiam omnino cum quodam ordine disponentem commendabit. Nec etiam cogit ad hoc verbum Apostoli quod dicit ad Ephesios 4. Donec occurramus omnes in vnitatem fidei & agnitionis filij Dei, in virum perfectum, in mensuram ætatis plenitudinis Christi. Non enim hoc ideo dictum est, quod quilibet in illo occurso quo resurgētes exhibunt obuiam Christo in ætate, sit sexum virilem habiturus: sed ad designandam perfectionem Ecclesiæ & virtutem. tota enim Ecclesia erit quasi vir perfectus Christo occurrens: ut ex præcedentibus & sequentibus patet. In ætate autem Christi, quæ est ætas iuuenilis, oportet omnes resurgere propter perfectionem naturæ quæ in hac sola ætate cōsistit. puerilis enim ætas nondum perfectionem naturæ consecuta est per augmentum: senilis verò ætas iam ab eo recessit propter decrementum.

## Super Cap. 88.



OSTQVAM determinauit sanctus Thomas de loco corporum glorificatorum: consequenter de sexu & ætate resurgentium determinat, & ponit duas conclusiones. prima est: In corporibus resurgentium non deerit sexus foemineus, ut quidam putauerunt. Probatur, nihil eorū quæ ad perfectionem naturæ pertinent, à corporibus resurgentium auferetur: quia per resurrectionem reparandi sunt defectus naturæ: sed ea quæ generationi deseruiunt tam in maribus quam in foeminis, ad integritatem humani corporis pertinent, ergo & cætera.

NON obstat autem primò huic, quia vsus horum membrorum non erit: nam neque vsus erit membrorum deseruientium nutritiæ, & tamen illa membra non deerunt, dicitur enim quod erunt huiusmodi membra ad integritatem naturalis corporis restituendam. Non obstat secundo, quia talis sexus est infirmus, tum quia hæc infirmitas non est per recessum à natura, sed à natura, scilicet vniuersali intentata: tum quia ipsa naturæ distinctio in omnibus perfectionem naturæ demonstrabit: tum quia diuinam sapientiam omnia cum quodam ordine disponentem ostendit. Non obstat tertio dictum Apostoli ad Ephes. 4. quod omnes occurrerimus in virum perfectum, quia illud non intelligitur quantum ad sexum virilem, sed quantum ad perfectionem & virtutem Ecclesiæ, quæ tota erit quasi vir perfectus occurrens Christo, intelligitur quantum ad animi perfectionem & virtutem. Secunda conclusio est. Omnes resurgent in ætate Christi quæ est ætas iuuenilis. probatur, in hac sola ætate est perfectio naturæ. puerilis enim ætas hanc nondum est consecuta per augmentum: senilis autem iam ab ea recessit per decrementum, ergo & c.

ATTENDENDVM quod omnes esse resurrecturos in ætate iuuenili, non est intelligendum quantum ad numerum annorum, sed quantum ad statum perfectionis, ut inquit sanctus Thomas in quarto. idē enim status perfectionis erit in omnibus, qui solet hominibus secundum communem cursum in iuuenili ætate conuenire.

## De qualitate corporum resurgentium in damnatis.

## Caput 89.



X his autem rationabiliter cōsiderare possumus qualis futura sit conditio corporum resurgentium in damnandis. Oportet enim illa corpora animabus damnatorum proportionata esse: animæ autem malorum naturam quidem



quidem bonam habent, utpote à Deo creatam: sed voluntatem habebunt inordinatam, & à fine proprio deficientem. corpora igitur eorum quantum ad id quod naturæ est integra reparabuntur: quia videlicet in ætate perfecta resurgent absque omni diminutione membrorum, & absque omni defectu & corruptione quem error naturæ aut infirmitas introduxit. Vnde apostolus dicit 1. ad Corinthios 15. Mortui resurgent incorrupti. quod manifestum est de omnibus debere intelligi tam bonis quam malis, ex his, quæ præcedunt & sequuntur in litera. Quia verò anima eorum erit secundum voluntatem à Deo aversa, & sine proprio destituta: eorum corpora non erunt spiritualia, quasi spiritui omnino subiecta: sed magis eorum anima per affectum erit carnalis. Nec ipsa corpora erunt agilia, quasi sine difficultate animæ obedientia: sed magis erunt ponderosa & graua, & quodammodo animæ importabilia: sicut & ipsæ animæ per inobedientiam à Deo sunt aduersæ. Remanebunt etiam passibilia sicut nunc, vel etiam magis: ita tamen quod patientur quidem à rebus sensibilibus afflictionem, non tamen corruptionem: sicut & ipsorum animæ torquebuntur à naturali desiderio beatitudinis totaliter frustratæ. Erunt etiam eorum corpora opaca & tenebrosa: sicut & eorum animæ à lumine diuinæ cognitionis erunt alienæ: & hoc est quod Apostolus dicit 1. ad Corinth. 15. quod omnes resurgemus, sed non omnes immutabimur. Soli enim boni immutabuntur ad gloriam: malorum verò corpora absque gloria resurgent.

Fortè autem alicui potest impossibile videri, quod malorum corpora sint passibilia, non tamen corruptibilia: cum omnis passio magis facta abiciat à substantia. videmus enim quod si corpus diu in igne permaneat, finaliter consumetur: dolor etiam si sit nimis intensus, anima à corpore separatur.

Sed hoc totum accidit supposita transmutabilitate materiæ de forma in formam: corpus autem humanum post resurrectionem non erit transmutabile de forma in formam, neque in bonis, neque in malis: quia in vtrisque totaliter perficietur ab anima quantum ad esse naturæ: ita ut iam non sit possibile hanc formam à tali corpore remoueri, neque aliam introduci, diuina virtute corpus animæ totaliter subiiciet: vnde & potètia quæ est in prima materia ad omnem formam, in corpore humano remanebit quodammodo ligata per virtutem animæ, ne possit in actum alterius formæ reduci. Sed quia damnatorum corpora quantum ad aliquas conditiones non erunt animæ totaliter subiecta, affligentur secundum sensum à contrarietate sensibilibus: affligentur enim ab igne corporeo in quantum qualitas ignis propter sui excellentiam contrariatur æqualitati complexionis & harmoniæ quæ est sensui connaturalis: licet eam soluere non possit, non tamen talis afflictio animam à corpore poterit separare, cum corpus semper sub eadem forma necesse sit remanere. Sicut autem corpora beatorum propter inuolutionem gloriæ supra coelestia corpora eleuabuntur, ita & locus infimus & tenebrosus & poenalis proportionaliter deputabitur corporibus damnatorum. Vnde & in Psal. 54. dicitur, Veniat mors super eos, & descendant in infernum viuentes. & Apocal. 20. dicitur, quod diabolus qui seducebat eos, missus est in stagnum ignis & sulphuris, vbi & bestia & pseudopropheta cruciabantur die ac nocte in secula seculorum.

Super Cap. 89.

**P**OSTQVAM ostendit sanctus Thomas qualis futura sit in resurrectione conditio corporum beatorum: consequenter qualis futura sit conditio corporum damnatorum declarat, & ponit sex conclusiones. Prima est, corpora damnatorum quantum ad id quod naturæ est, integrè reparabuntur, in perfectione scilicet ætate, absque omni membrorum diminutione, & absque omni defectu & corruptione quem error naturæ aut infirmitas introduxit. Probatur sic. Animæ malorum naturam bonam habent, utpote à Deo creatam, ergo &c. probatur consequentia: quia oportet illa corpora animabus damnatorum esse proportionata.

**ADVERTENDVM** quod dixit sanctus Thomas reparanda corpora damnatorum absque defectu quem error naturæ vel infirmitas introduxit, ut daret intelligere quicquid defectus ex corruptione vel debilitate naturæ aut naturalium principiorum fuerit, totum in resurrectione re-

mouendum esse, ut sunt febris, lippitudo, & similia: non autem eos defectus qui ex naturalibus principiis in humano corpore naturaliter consequuntur, ut ponderositas & huiusmodi. Confirmatur per Apostolum dicentem 1. ad Corinth. 15. quod mortui resurgent incorrupti. Secunda est, talia corpora non erunt spiritualia quasi spiritui omnino subiecta, sed magis eorum anima per affectum erit carnalis, id est, magis spiritus à obedientiam carnis trahetur per affectum, quam corpus spiritui sit subiectum. probatur, quia & eorum anima erit secundum voluntatem à Deo aversa, & sine proprio destituta. Tertia est, huiusmodi corpora non erunt agilia quasi sine difficultate animæ obedientia, sed magis erunt ponderosa & graua, & quodammodo animæ importabilia. probatur, quia & eorum anima per inobedientiam à Deo sunt aduersæ. Quarta est, remanebunt hæc corpora passibilia sicut & nunc vel etiam magis, ita tamen quod patientur quidem à rebus sensibilibus afflictionem, sed non corruptionem. probatur, quia & eorum animæ torquebuntur, à naturali desiderio beatitudinis totaliter frustratæ, intellige de desiderio beatitudinis secundum communem rationem beatitudinis & summi boni: quia istud est naturale, non autem secundum particularem rationem beatitudinis, quæ est diuinæ essentiae visio. hanc enim anima non absolute naturaliter desiderat sub ratione summi boni, & finalis beatitudinis, sed tantum supposita hac cognitione per reuelationem habita, quod ipsa diuinæ essentiae visio sit summum bonum, & totalis beatitudo intellectualis naturæ. Quinta est, ista corpora erunt opaca & tenebrosa. probatur, quia eorum animæ à lumine diuinæ cognitionis erunt alienæ. Confirmantur prædictæ conclusiones per illud Apostoli 1. ad Corinth. 15. Omnes resurgemus, sed non omnes immutabimur.

**51. OBJICIATVR** contra quartam conclusionem quod malorum corpora non poterunt esse impassibilia & incorruptibilia: quia omnis passio magis facta abiciat à substantia, ut per experientiam patet: dicitur primò, quod illud est verum supposita transmutabilitate materiæ de forma in formam, hoc autem non erit post resurrectionem in corporibus, neque bonorum neque malorum: quia in vtrisque totaliter perficietur ab anima quantum ad esse naturæ, virtute diuinæ corpus animæ totaliter subiiciet. Dicitur secundò, quod potètia quæ est in prima materia ad omnem formam, in corpore humano remanebit quodammodo ligata, ne possit in actum alterius formæ reduci.

**ADVERTE** quod dicitur quodammodo: quia est Metaphorica locutio dicere quod materiæ potètia sit ligata. Dicitur tertio, quod quia damnatorum corpora quantum ad aliquas conditiones non erunt animæ totaliter subiecta, scilicet quantum ad actiones & passionem, affligentur secundum sensum à contrarietate sensibilibus, puta ab igne corporeo, in quantum caliditas propter sui excellentiam contrariatur æqualitati complexionis & harmoniæ quæ est sensui connaturalis, licet etiam soluere non possit. Dicitur quarto, quod talis afflictio animam à corpore separare non poterit, cum corpus semper necesse sit sub eadem forma remanere.

**AD HVIVS** euidentiæ considerandum est, quod cum dolor & afflictio sensum læsionis importent ad videndum quod modo dampnati à sensibilibus rebus actionem & dolorem patientur, videndum est quomodo ab eis lædi possint. Cum itaque duplex actio à sensibilibus rebus provenire possit: una scilicet naturalis, quæ ab illis in passum imprimitur forma secundum suum esse materiale, sicut cum ignis sua caliditate lignum facit calidum, alia verò spiritualis, quæ suam intentionem & similitudinem in sensum imprimit, sicut cum calor suam similitudinem imprimit in sensum tactus, non possunt corpora damnatorum à sensibilibus lædi agentibus naturali actione in ipsa: quia ut dicitur: Quolibet 8. quæst. 8. art. 8. ad 1. ignis & aqua & eadem ratione alia sensibilia non agent in corpora damnatorum actione naturæ, ideo relinquitur quod ab ipsis lædantur, in quantum actione spirituali agunt per sensus immutationem.

**CONSIDERANDVM** secundò, quod ista læsio quæ fit per immutationem spirituales, dupliciter potest intelligi, vno modo, quia per talem immutationem abiciatur à corpore aliqua forma sibi secundum naturam conueniens: & sic non potest accipi læsio in damnatis: quia anima, ut hic dicitur, perfectè dominatur materiæ quantum ad esse naturale: vnde etiam dicitur: hic quod licet qualitas ignis contrarietur qualitati complexionis & harmoniæ quæ est sensui connaturalis: ea tamen soluere non potest. Alio modo, quia per ipsam immutationem causatur in organo sensus forma intentionalis illi improporionata & inconueniens: vnde ait sanctus Thomas in 4. Sent. dist. 44. q. 3. art. primò, quæstione 3. ad 2. quod sensibile non solum natum est delectare vel affligere sensum secundum quod agit actione naturæ confortando organum, sed etiam secundum quod agit in sensum actione spirituali, secundum quod est in debita proportionem ad sentientem, vel in superabundantia & defectu: & sic accipienda est læsio in damnatis à rebus sensibilibus.

**SED** tunc duplex oritur dubium. Primum est quomodo afflictio & dolor possint ex intentionali forma causari, cum illi sint effectus reales. Secundum est quare beati ex huiusmodi sensibilibus non poterunt affligi, sicut dampnati, cum ita excellens sensibile sit improporionatum sensui beatorum, sicut damnatorum sensui.

**AD** primum respondetur, quod non dicitur similitudo sensibilibus habere esse intentionale in sensu, ut esse intentionale distinguitur contra esse reale, quomodo entia rationis dicuntur habere esse intentionale. habere enim esse reale, & realiter sensum informat: sed ut distinguitur contra esse naturale & materiale eiusdem formæ. sensibile enim est in sensu sine materia & modo quodammodo materiali: vnde non denominatur calidum aut frigidum: ut patet secundo de anima: tale autem habens esse intentionale & spirituale non est inconueniens quod dolorem aut aliquid aliud reale effectum causet virtute formæ extrinsecæ à qua causatur. Sed contra istam responsionem adhuc occurrit dubium. Nam tenet sanctus Thomas prima part. quæst. 67. artic. 3. & secundo sen. dist. 3. art. tertio, quod intentionem coloris in aëre, & similitur aliarum sensibilibus intentiones transmutationem naturalem non causant, & tamen habent ibi aliquod esse reale: ergo eadè ratione intentiones quæ sunt in sensu, reale effectum inducere non possunt. Responderetur negando consequentiam. Nā licet non possent aliquam transmutationem causare, de quo in superioribus est dictum, non sequitur quod dolorem causare in damnatis non possint, illa enim doloris



doloris causatio non est per aliquam transmutationem naturalem, cum corpora damnatorum non sint naturali mutatione transmutabilia, sicut nec corpora beatorum, sed solum per improportionem obiecti ad organum sensus.

AD secundum dupliciter posset responderi. Primo quod licet aliqua sensibilia sint improportionata sensibus beatorum, si secundum se solum considerentur, non tamen sunt illis improportionata, ut subdatur animarum glorificatio, & dote impassibilitatis habent: ex hoc enim redduntur sensus & eorum organa toti latitudini sensibilibus proprii proportionata proportionem passivi ad agens connaturale. in damnatis autem corpus non substat perfecte animarum, quantum ad omnes actiones & passiones, nec in ipsis est dos impassibilitatis, per quam eleuentur & perficiantur organa sensuum.

POSSET secundum responderi, quod utique etiam aliquarum excellentiarum sensibilibus erunt improportionata sensibus beatorum, sed tamen non poterunt agere in ipsum sensum per modum lætui, quia aut non agent in ipsum dote impassibilitatis prohibente: aut si agent suam similitudinem imprimendo, illa tamen actio non habebit rationem lætui, in quantum nullum sensibilem dolorem, aut tristitiam interiore causabit, anima hoc prohibente ex pleno sui dominio supra corpus & supra omnes actiones & passiones eius, & dote impassibilitatis impediende.

SI AVTEM queratur de corporibus paruulorum cum originali tantum decedentium, in quibus secundum sanctum Thomam nulla erit poena sensus, quomodo erunt impassibilia, cum non sint habitura impassibilitatis dorem: dicitur ex doctrina sancti Thomae secundum Sententiarum distinctionem trigessimam, quaestione secunda articulo primo, ad quintum, quod non patientur passione corruptiua, quia cessante motu celi nullum agens corruptiuum aut alteratiuum erit, non patientur etiam passione afflictiva per spirituale immutationem a sensibilibus, diuina iustitia hanc passionem, ut pote illis nullo modo debitam, prohibente. Cetera quæ ad hanc materiam pertinent, vide apud Capreolum in quarto Sententiarum distinctione quadragesima quarta quaestione quarta. Sexta conclusio est. Locus infimus & tenebrosus ac poenalis deputabitur corporibus damnatorum, probatur, quia per oppositum corpora beatorum propter inuolutionem gloriæ supra celestia corpora eleuabuntur. Confirmatur autoritate Psalmistæ, Veniat mors, &c. & Apocalyp. 20. dicitur quod diabolus qui seducebat, &c.

*Quomodo substantia incorporea patiantur ab igne corporeo.* Caput 90.



ED potest venire in dubium quomodo diabolus qui incorporeus est, & animarum damnatorum ante resurrectionem ab igne corporali possint pati, a quo patientur in inferno corpora damnatorum: sicut & Dominus dicit Matthei vigesimo quinto: Ite maledicti in ignem æternum, qui præparatus est diabolo & angelis eius. Non igitur sic estimandum est quod substantiæ incorporeæ ab igne corporeo

D. 182. pati possint, quod earum natura corrumpatur per ignem, vel alteretur, aut qualitercunque aliter transmutetur, sicut nunc nostra corpora corruptibilia patiuntur ab igne. substantiæ enim incorporeæ non habet naturam corporalem, ut possint a rebus corporeis immutari: neque etiam formarum sensibilibus susceptiua sunt, nisi intelligibilibus. talis autem susceptio non est poenalis, sed magis perfectiua & delectabilius. Neque etiam potest dici quod patiantur ab igne corporeo afflictionem ratione alicuius contrarietatis, sicut corpora post resurrectionem patientur: quia substantiæ incorporeæ organa sensuum non habent, neque potentis sensitiuis vtuntur. Patiuntur igitur ab igne incorporeo substantiæ incorporeæ per modum alligationis cuiusdam. possunt enim alligari spiritibus corporibus vel per modum formæ, sicut anima corpori humano alligatur, ut det ei vitam: vel etiam absque hoc quod sit eius forma, sicut necromantici virtute dæmonum spiritus alligant imaginibus, aut huiusmodi rebus. multo igitur magis virtute diuina spiritus damnandi igni corporeo alligari possunt. & hoc ipsum est eis in afflictionem, quod sciunt se rebus infimis alligatos in poenâ. Est etiam conueniens quod damnati spiritus poenis corporalibus puniantur. omne enim peccatum rationalis creaturæ ex hoc est, quod Deo obediendo non subditur. poenæ autem proportionaliter debet culpæ respondere: ut voluntas per poenam in contrario eius affligatur, quod diligendo peccauit. est igitur conueniens poenam naturæ rationali peccanti: ut rebus se inferioribus, scilicet corporalibus, quodammodo alligata subdatur. Item, peccato quod in Deum committitur, non solum poena damni, sed etiam poena sensus debetur: ut in

\* Cap. 145.

se ad corporalia conuertendo: ergo conueniens poena est ut per corporalia affligatur. 3. Præterea, si poena afflictiva peccato debetur, quam dicimus poenam sensus, ut in tertio ostensum \* est: oportet quod ex illo hæc poena proueniat, quod potest afflictionem inferre. nihil autem afflictionem infert, nisi in quantum est contrarium voluntati. non est autem contrarium naturali voluntati rationalis naturæ, quod spirituali substantiæ coniungatur, quinimo hoc est delectabile ei, & ad eius perfectionem pertinet. est enim coniunctio similis ad simile, & intelligibilis ad intellectum: nam omnis substantia spiritualis secundum se intelligibilis est. est autem contrarium naturali voluntati spiritualis substantiæ, ut corpori subdatur, a quo secundum ordinem suæ naturæ libera esse debet: conueniens igitur est ut substantia spiritualis per corporalia puniatur. Hinc etiam apparet quod licet corporalia quæ de præmiis beatorum in scripturis leguntur, spiritualiter intelliguntur, sicut dictum est de promissione ciborum & potuum: quædam tamen corporalia quæ scriptura peccantibus comminatur in poenam, corporaliter sunt intelligenda, & quasi propriè dicta. Non enim est conueniens quod natura superior per usum inferioris præmiatur, sed magis per hoc quod superiori coniungitur. puniatur autem conuenienter natura superior per hoc quod cum inferioribus deputatur: nihil tamen prohibet quædam etiam quæ de damnatorum poenis in scripturis dicta corporaliter loquuntur, spiritualiter accipi & velut per similitudinem dicta: sicut dicitur Isa. vi. Vermis eorum non morietur. potest enim per vermem intelligi conscientia remorsus, quo etiam impij torquebuntur. non enim est possibile quod corporeus vermis spiritualē corrodat substantiam: neque etiam corpora damnatorum quæ incorruptibilia erunt. Fletus etiam & stridor dentium in spiritualibus substantiis non nisi metaphoricè intelligi possunt, quanuis in corporibus damnatorum post resurrectionem nihil prohibebat corporaliter ea intelligi: ita tamen quod per fletum non intelligatur lacrymarum deductio, quia ab illis corporibus nulla resolutio fieri potest: sed solum dolor cordis, conturbatio oculorum & capitis, prout in fletibus esse solet.

*Super Cap. 90.*



OSTQVAM manifestauit sanctus Thomas qualia sint resurrectionem corpora, consequenter quales sint eorum animarum ante resurrectionem, declarat. Et primo quantum ad poenam & præmium. Secundo quantum ad voluntatem, cap. 92. Circa primum duo facit. Primo ostendit capacitatem animarum ad poenam & præmium. Secundo ostendit statim post reparationem hæc sibi dari, cap. seq. Quantum ad primum supposito ex tertio libro quod animarum sint capaces præmij, scilicet diuine visionis, quia posset aliquis ex eo quod dictum est corpora damnatorum ab igne corporeo pati, occasionem sumere dubitandi quomodo diabolus qui incorporeus est, & animarum damnatorum ante resurrectionem ab igne corporali pati possint, a quo patientur corpora damnatorum, sicut & Dominus dicit Matthei 25. Ite maledicti, &c. vult sanctus Thomas hanc difficultatem declarare. Et primo remouet quosdam falsos modos. Secundo veritatem declarat.

QVANTVM ad primum dicit primo, quod hoc non est intelligendum quasi eorum natura corrumpatur per ignem, vel alteretur, aut qualitercunque aliter transmutetur, sicut nunc corpora nostra corruptibilia patiuntur ab igne, quia nec habent substantiæ incorporeæ naturam corporalem, ut possint a rebus corporeis immutari, neque formarum sensibilibus, nisi intelligibilibus sunt susceptiua, quæ susceptio non est poenalis, scilicet secundum se, sed magis perfectiua & delectabilis. Dicit secundum, quod hoc etiam non est intelligendum quasi ab igne patiantur afflictionem ratione alicuius contrarietatis, sicut corpora post resurrectionem patientur, quia organa sensuum non habent, neque potentis sensitiuis vtuntur.

AD VERTE, quod sanctus Thomas duos modos passionis substantiæ separat ab igne excludit, secundum quos ab ipso nostra corpora patiuntur. Vnus est secundum quod in statu corruptionis existit, per realem immutationem & alterationem patiuntur ab igne, & aliis rebus sensibilibus. Alius est secundum quod in statu incorruptionis existit patiuntur per spirituales immutationem sensus tactus ab igne causante afflictionem ratione contrarietatis ad æqualitatem complexionis & harmoniæ sensus. Quantum ad secundum ponuntur duæ conclusiones. Prima est: Patiuntur substantiæ huiusmodi ab igne corporeo per modum alligationis cuiusdam. Huius autem possibilitas alligationis a Deo, declaratur sic: Possunt alligari spiritibus corporibus, vel per modum formæ, sicut anima corpori humano ut det ei vitam: vel etiam absque hoc quod sit eius forma, sicut necromantici virtute dæmonum spiritus alligant imaginibus, aut huiusmodi rebus, ergo multo magis diuina virtute possunt spiritus damnandi alligari igni corporeo. Quod autem ex hac alligatione patiantur afflictionem, probatur, quia sciunt se rebus infimis alligatos in poenam.

AD horum euidentiam considerandum est primo ex doctrina sancti Thome. 4. Sent.



3. Sent. dist. 4. 4. quæst. 3. artic. 3. quæst. 1. c. 3. de Anima quæst. 1. art. 2. & Quol. 3. artic. 13. quod multipliciter potest substantia spiritualis vni corpori scilicet sicut forma materiz, quomodo anima humana corpori vniatur sicut motor mobili secundum locum, quomodo angelus vniatur orbi quem mouet: & sicut locatur loco secundum modum quo spiritualia sunt in loco, quo modo dicitur substantia spiritualis loco diffiniri. Cum ergo hic dicitur spiritus damnatus diuina virtute alligari igni corporeo, intelligitur non secundum vniionem formæ ad materiam, cum ignem non viuificet, nec secundum vniionem motoris ad mobile, quia non apparet quo locali motu habeat ignem mouere, sed secundum vniionem locati ad locum, vniuntur enim igni tanquam loco illi per diuinam iustitiam deputato.

CONSIDERANDVM secundò, quòd ista alligatio non dicit solam vniionem spiritus ad ignem, sed dicit violentam vniionem & detentionem eius ab igne, quæ scilicet est contra spiritus voluntatem & inclinationem. sicut & carceri dicuntur alligati qui in eo contra eorum voluntatem detinentur.

CONSIDERANDVM tertio, quòd afflictio & dolor per huiusmodi alligationem existens in spiritibus damnatis, duplicem habet causam ex parte ignis, vnam scilicet remotam, aliam propinquam. Remota est violenta ipsa alligatio spiritus ad ignem, ita quòd sic detinetur ab ipso, quòd in alio loco esse non potest. Propinqua verò est cognitio huiusmodi alligationis, nisi enim spiritus se cognosceret, alligatum igni, non affligeretur ex tali alligatione, sicut non affligitur lapis ex eo quòd sursum per violentiam detinetur: sed quia cognoscit se infimo corpori, scilicet elementari, alligatum esse, & ab ipso detineri ne alibi esse possit, cum tamen secundum suam naturam omnibus etiam supremis corporibus nobilior & præstantior sit, ex hoc quæ maxime affligitur & dolet, non quidem dolore sensibili, cum ille in substantiis separatis esse non possit, sed dolore & cruciatu voluntatis. Primam causam doloris tægit sanctus Thomas cum ait spiritus huiusmodi diuina virtute igni corporeo alligari. Secundam verò cum ait illos se infimis rebus alligatos in penam.

Secunda conclusio est. Conueniens est quòd spiritus damnatis pœnis corporalibus puniantur, intelligi non corporalibus ex parte patientis pœnam, quasi ipsi spiritus habeant corpus in quo patiantur, sed ex parte pœnam inferentis. sensus enim est conueniens esse ut aliquod corpus illi pœnam infligat. Probatur primò. Rationalis creatura peccat ex eo quòd Deo obediendo non subditur: ergo eius conueniens pœna est ut rebus inferioribus, id est corporalibus quodammodo alligata subdatur. probatur consequentia, quia pœna debet proportionaliter peccato respondere, ut voluntas per pœnam de contrario eius affligatur quòd diligendo peccauit.

ADVERTENDVM primò, quòd alligari propriè conuenit corporibus, non autem spirituali substantiæ: sed tamen hoc etiam dicitur de ipsa metaphoricè, inquantum contra voluntatem eius à corporeo igne detinetur. propterea dixit sanctus Thomas ipsam esse quodammodo alligatam, non autem alligatam absolute.

ADVERTENDVM secundò, quòd istam proportionem pœnæ ad culpam possumus interpretari, ut dicamus quòd sicut spiritualis substantia peccando subtrahit se à subiectione sui superioris, scilicet Dei: ita conueniens est ut puniatur per subiectionem ad inferiora, sic enim punitur voluntas in contrario eius quòd diligendo peccauit. Nam ex hoc peccauit, quòd voluit & amauit non subiacere superiori, punitur verò ex eo quòd contra suam inclinationem subditur inferiori. Secundò. Pœna sensus correspondet culpæ quantum ad conuersionem inordinatam ad commutabile bonum, sicut pœna damni sibi correspondet quantum ad auersionem ab incommutabili bono. ergo conueniens est ut per corporalia affligatur. probatur consequentia, quia creatura rationalis, præcipuè anima humana, peccat inordinatè se ad corporalia conuertendo.

ADVERTENDVM quòd ista ratio propriè procedit de pœna animæ rationalis, quia (ut innuit sanctus Thomas) substantiæ separatae non peccauerunt per conuersionem effusam ad corporalia, sed ad spiritualia, scilicet aut appetendo proprium bonum naturale tanquam vltimum finem, aut appetendo verè beatitudinē, sed in debito modo, ut superius est ostensum. Tertio. Pœna afflictiva, quam dicimus pœnam sensus ex illo debet provenire, quòd potest afflictio in inferre, ergo conueniens est ut spiritualis substantia per corporalia puniatur. probatur consequentia, quia nihil afflictionem inferit, nisi inquantum contrariatur voluntati, est autem contrarium naturæ voluntati spiritualis substantiæ, ut corpori subdatur, à quo secundum ordinem naturæ suæ libera esse debet, non autem quòd spirituali substantiæ coniungatur, imò hoc est ei delectabile, & ad eius perfectionem pertinens, cum sit coniunctio similis ad simile, & intelligibilis ad intelligibile.

ADVERTENDVM, cum dicitur spirituales naturas secundum naturam ordinem à corpore debere esse liberam, quòd hoc quantum ad substantias spirituales quæ sunt completæ in specie, vniuersaliter est intelligendum: sed quantum ad animam intellectiuam quæ complementum suæ perfectionis accipit in corpore, est intelligendum cum hac exceptione, nisi illi vniatur ut forma.

SED quia posset aliquis dicere, quòd ea quæ de pœna corporali damnatorum dicuntur, sunt spiritualiter intelligenda, sicut & ea quæ de præmiis beatorum leguntur: hoc remouet sanctus Thomas. dicens quòd licet illa spiritualiter intelligantur, quædam tamen corporalia quæ scriptura peccantibus cõminatur in penam, sunt corporaliter intelligenda, & quasi propriè dicta, quia non est conueniens quòd natura superior per vsum inferioris præmieretur, sed magis per hoc quòd superiori coniungitur, punitur tamen conuenienter per hoc quòd cum inferioribus deputatur.

POSSET etiam aliquis obicere, quòd si quædam dictorum sunt corporaliter intelligenda, eadem ratione & omnia. Sed responderi sanctus Thomas hoc non oportere, quia quædam huiusmodi sunt spiritualiter intelligenda, & veluti per similitudinē dicta, sicut illa vltimo dicuntur quæ verius eorum non morietur. constat enim quòd hoc intelligi non potest quasi corporeus vermis spiritualē corrodere substantiā, aut corpora damnatorum, quæ incorruptibilia erunt, sed per vermem, conscientiz remorsus intelligi potest, quò etiam impitiorquebuntur. Constat etiam quòd illud & stridor dentium in spiritualibus substantiis non nisi metaphoricè intelligi possunt, quauis nihil prohibeat in corporibus damnatorum

hæc corporaliter intelligi, ita tamen quòd per sctum intelligatur non lachrymarum deductio, sed solius dolor cordis & conturbatio oculorum & capitis, prout in sctis est solent.

CIRCA vermem qui dicitur in damnatis esse conscientiz remorsus, aduertendum quòd non est sic intelligendum vermem in damnatis esse, quasi damnati poenitent de peccatis quæ commiserunt secundum se, & inquantum mala sunt, sed quia de ipsis continè dolent ratione pœnæ quam pro ipsis continè patiuntur, ut inquit sanctus Thomas in 4. Sent. distinctione quinquagesima quæst. 2. art. 1. quæst. 1. c. 2.

CIRCA sctum autem damnatorum qui dicitur esse quantum ad dolorem cordis, & quantum ad conturbationem capitis & oculorum dubium occurrat. Ista conturbatio capitis & oculorum non videtur posse esse nisi per hoc quòd corpus transmutatur à sua naturali dispositione: post resurrectionem autem hoc in corporibus esse non poterit, ut superius est ostensum. ergo & si forte diceretur, ut videtur haberi à sancto Thoma in quarto Sententiarum distinctione allegata, quòd licet non possint transmutari à sua naturali dispositione ab extrinseco, poterunt tamen transmutari ab intrinseco, secundum quòd corpus ad passionem animæ transmutatur: hoc non videtur esse ad mentem ipsius, quia ipse in 4. Sent. distinctione quadraginta quarta, quæstione tertia, articulo primo, quæstione tertia ad quartum tenet quòd nec etiam ab interiori poterit esse talis transmutatio in corpore. Si etiam diceretur quòd nulla est transmutatio, propter hoc, quia illa conturbatio erit in capite & in oculis ab initio vniionis animæ ad corpus, & perseverabit in æternum hoc non videtur etiam esse ad mentem sancti Thomæ, quia in præcedenti capitulo dixit quòd in corporibus damnatorum nullus erit defectus, nullaque corruptio, quem error naturæ vel infirmitas introduxit. Dicitur primò, quòd utique ista conturbatio non erit per aliquam alterationem corporis à sua naturali & conuenienti qualitate. hoc enim expresse tenet sanctus Thomas in locis præallegatis. Dicitur secundò quòd talis conturbatio erit quædam dispositio corporis, quia corpus anima dolente disponitur, ut dicitur quolibet septimo, quæst. 5. art. 13. Sicut enim dicitur in 4. Sent. dist. 50. quæst. 2. art. 3. quæstione tertia, corpora damnatorum non solum ex exteriori affligentur, sed etiam ex interiori, secundum quòd corpus immutatur ad passionem animæ in bonum vel malum. Dicitur tertio, quòd talis immutatio capitis & oculorum ex dolore proueniens, potest intelligi aut secundum motum localem tantum spirituum, aut aliquem humorum ex quorum motu remanet quædam confusio in capite & in oculis, aut cum hoc etiam secundum immutationem spirituales ad huiusmodi spiritibus & humoribus absque conuenienti ordine motus prouenientem, & hoc videtur mihi magis esse ad mentem sancti Thomæ, qui assignans rationem quomodo ista commotio & perturbatio possit esse in damnatis, hoc esse inquit inquantum ab interiori corpora damnatorum affligentur, sicut & ab exteriori. constat autem ex superioribus, quòd affligitur corpora damnatorum ab exteriori per spirituales immutationem. Addit autem sanctus Thomas in quolibet quòd si quis vellet tenere huiusmodi sctum esse per lachrymarum resolutionem, posset dicere quòd virtute diuina illa lachrymarum deperditio restauraretur.

CIRCA animæ passionem ab igne, inquantum alligatur illi virtute diuina & eadem virtute detinetur ab illo, ne in alio loco esse possit, dubitatur à Durando apud Capreolum in 4. Sent. dist. 44. quæst. 4. Primò, quia si non est alia pœna animæ & demonis ab igne proueniens quam quòd ab ipso detinentur, ne ad alium locum moueantur ad quem vellet, tunc qualis pœna illis esset si eodem modo in pulchra camera detinerentur: hoc autem non reputatur adeo pœnale & graue, sicut prædicamus grauem esse pœnam hominū damnatorum & demonum. ergo &c. Secundò, quia tunc animæ decedentium cum solo originali ita affligentur, sicut & animæ damnatorum, cum & ipsæ detineantur in limbo.

AD huiusmodi euidentiam considerandum est primò, ut ex superioribus constat, quòd licet substantia spiritualis esse possit secundum essentiam suam in loco corporeo, non quidem circumscribitur, quasi ab ipso continetur & circumdetur, sed diffinitur, inquantum ita est in vno loco, quòd non in alio secundum cõtractum suæ virtutis, ut in superioribus est ostensum: ipsa tamen secundum suam naturam libera est & absoluta ab omni obligatione ad locum, quia locus propriè corporibus debetur, ipsa autem totum ordinem corporalium rerum transcendit. Considerandum secundò, ex doctrina sancti Thomæ in q. de anima loco allegato, quòd argumentum alicui non inferitur secundum quòd recipit id quod pericitur, sed secundum quòd à suo contrario impeditur. Cum autem impediatur aliquid à suo contrario, & quantum ad esse per alterationem & corruptionem, sicut lignum comburitur ab igne, & quantum ad suam inclinationem, sicut lapis per violentiam sursum detinetur: constat animam non posse pati nocuum ab igne, quòd ab ipso primo modo impediatur, sed tantum quia secundo modo impeditur, dum scilicet contra eius naturalem inclinationem & contra eius naturam qua omnem corporum ordinem transcendit, & libera est ab omni determinatione ad locum & corpus cuius non est forma, ad ignem virtute diuina alligatur, & per necessitatē ab ipso detinetur. Considerandum tertio, quòd nocuum hoc licet in carentibus cognitione afflictionem non causet, quia non potest esse afflictio ubi non potest esse dolor & tristitia, hæc autem cognitionem nocuum consequuntur, in habentibus tamen cognitionem afflictionem causas secundum quòd apprehenditur ut contrarium voluntati & naturali inclinationi, & quandoque magis affligit quam nocuum sensibile. vellet enim aliquis magis verberari, & secundum sensum affligi, quam vituperari, aut aliquid huiusmodi quòd sit contra eius voluntatem sustinere, præsertim si magni animi fuerit, & superbus. Quia ergo substantia spiritualis quæ de sua nobilitate superbit & tollitur alligatur igni, & ab ipso contra eius naturalem inclinationem detinetur, ne ad alia loca moueri possit, hoc quæ perfectissime cognoscit sibi diuina virtute & iustitia contra suam voluntatem infligi, maxime dolet & tristatur considerans se in infimis rebus alligatam quæ nata fuit ad diuinam fruitionem eleuari, ut enim dicitur 4. Sent. dist. 21. quæst. 1. art. 1. quæst. 1. c. 3. ad 1. licet anima sit minus passiva quam corpus, est tamen magis cognoscitua passionis. ubi autem est maior passionis cognitio, ibi est maior dolor, etiam si minor passio, unde in locis maxime sensibilibus læsiones maximum dolorem causant.



Ad primū itaque Durandi dicitur, quod etiam affligeretur spiritua-  
lis substantia si in pulchra camera detineretur, suaque libertate priuaretur  
tandem autem magis affligitur ex detentione in igne, quam ex detentione  
in pulchra camera, quāto cognoscit hoc sibi ad maiorem ignominiam  
inferri quod foeculento igni alligatur, non autem alicui ornato loco: sicut  
imperator affligeretur quidem si à principe aliquo in pulchro & ornato  
loco detineretur per violentiam, magis autem contristaretur si à rustico  
in loco detineretur immundo & foetido. Ad secundum dicitur, quod  
non est eadem ratio de pueris qui detinentur in limbo, & de damnatis,  
quia ipsi voluntarie illum sustinent carcerem, considerantes illum sibi ex  
iustitia deberi. Nam eorum voluntas iusta est, patet ex doctrina sancti  
Thomae 2. Sent. dist. 33. quæst. 2. art. 1. damnatorum autem voluntas semper  
diuine iustitiae contrariatur, & contra voluntatem ab igne detinentur  
corporeo. De hac passibilitate animæ ab igne vide sanctum Thomam in  
locis præallegatis ubi diffusè hanc materiam pertractat.

*Quod anima statim post separationem à corpore poenam  
vel præmium consequuntur.*

Capitulum 91.



**E**X his autem accipere possumus quod statim  
post mortem animæ hominum recipiunt pro  
meritis vel poenam vel præmium. Sunt enim  
animæ separatæ susceptibiles poenarum non  
solum spiritualium, sed etiam corporalium,  
vt ostensum est. Quod autem sint susceptibiles gloriæ, ma-  
nifestum est ex his quæ in tertio sunt tractata, ex hoc enim  
D. 482. quod anima separatur à corpore, fit capax diuisionis diui-  
næ: ad quam dum esset coniuncta corruptibili corpori,  
peruenire non poterat. In visione autem Dei, vltima ho-  
minis beatitudo consistit, quæ est virtutis præmium, nulla  
autem ratio esset quare differretur poena & præmium, ex  
quo vtriusque anima particeps esse potest. statim igitur  
cum anima separatur à corpore, præmium vel poenam reci-  
pit pro his quæ in corpore gessit.

2. Adhuc, in vita ista est status merendi vel demerendi: vn-  
de cõparatur militiæ & diebus mercenarij: vt patet Iob 7.  
Militia est vita hominis super terram: & sicut mercenarij  
dies eius, sed post statum militiæ & laborem mercenarij,  
statim debetur præmium vel poena bene vel malè certan-  
tibus. Vnde & Leuit. 19. dicitur: Non morabitur opus mer-  
cenarij tui apud te vsque mane. Dominus etiam dicit Ioe-  
lis vltimo. Cito velociter reddam vicissitudinem vobis  
super caput vestrum. Statim igitur post mortem animæ vel  
præmium consequuntur vel poenam.

3. Amplius, secundum ordinem culpæ & meriti conuenien-  
ter est ordo in poena & premio. meritum autem & culpa  
non competit corpori nisi per animam: nihil enim habet  
rationem meriti vel demeriti nisi in quantum est volunta-  
rium: igitur tam præmium quam poena conuenienter ab  
anima deriuatur ad corpus. non autem animæ conuenit  
propter corpus: nulla igitur ratio est quare in punitione  
vel præmiatione animarum expectetur resumptio corpo-  
rum: quin magis conueniens videtur vt animæ in quibus  
per prius fuit culpa & meritum, prius etiam puniantur vel  
præmientur.

4. Item, eadem Dei providentia creaturis rationalibus  
præmia debentur & poena qua rebus naturalibus perfe-  
ctiones eis debite adhibentur. sic est autem in rebus na-  
turalibus, quod vnumquodque statim recipit perfectionem  
cuius est capax, nisi sit impedimentum vel ex parte reci-  
pientis, vel ex parte agentis. Cum igitur animæ statim cum  
fuerint separatæ à corpore, sint capaces & gloriæ & poe-  
næ: statim vtrumque recipiunt: nec differtur vel bonorum  
præmium, vel malorum poena quousque animæ corpora  
reassumant. Considerandum tamen est, quod ex parte bo-  
norum aliquod impedimentum esse potest ne animæ statim  
à corpore absolutæ vltimam mercedem recipiant, quæ in  
Dei visione consistit. ad illam enim visionem creatura ra-  
tionalis eleuari non potest nisi totaliter fuerit deputata:  
cum illa visio totam facultatem naturalem creaturæ excedat.  
Vnde Sapient. 7. dicitur de sapientia quod nihil inquinatum  
in illam incurrit. & Isa. 35. dicitur: Non transibit per  
eam pollutus. pollutur autem anima per peccatum, inquan-  
tum rebus inferioribus inordinate coniungitur: à qua qui-  
dem pollutione purificatur in hac vita per poenitentiam &

alia sacramenta: vt supra dictum est. Quandoque verò con-  
tingit quod purificatio talis non totaliter perficitur in hac vi-  
ta, sed remanet adhuc debitor poenæ, vel propter negligen-  
tiam aliquam, aut occupationem: aut etiam quia debitor  
poenæ morte præuenitur: nec tamen propter hoc meretur  
totaliter excludi à premio. quia hæc absque peccato mor-  
tali contingere possunt, per quod solum tollitur charitas,  
cui præmium vitæ æternæ debetur: vt apparet ex his quæ  
in tertio dicta sunt. oportet igitur quod post hanc vitam  
purgentur antequam finale præmium consequantur. pur-  
gatio autem hæc fit per poenas, sicut etiam in hac vita per  
poenas satisfactorias purgatio completa fuisse: alioquin  
melioris conditionis essent negligentes quam solliciti, si  
poenam quam hic pro peccatis non implent, non sustineant  
in futuro. Retardantur igitur animæ bonorum qui habent  
aliquid purgabile in hoc mundo, à præmij consecutione,  
quousque poenas purgatorias sustineant. & hæc est ratio  
quare purgatorium ponimus.

Huic autem positioni suffragatur dictum Apostoli 1. ad  
Corinth. 3. Si cuius opus arserit, detrimentum patietur: ipse  
autem saluus erit, sicut tamen quasi per ignem. Ad hoc etiam  
est consuetudo Ecclesiæ vniuersalis, quæ pro defunctis  
orat: quæ quidem oratio inutilis esset, si purgatorium post  
mortem non ponatur. non enim orat Ecclesia pro his qui  
iam sunt in termino boni vel mali: sed pro his qui nondum  
ad terminum peruenerunt.

Quod autem statim post mortem animæ consequantur  
poenam vel præmium, si impedimentum non sit: authorita-  
tibus scripturæ confirmatur: dicitur enim Iob 21. de malis.  
Ducunt in bonis dies suos: & in puncto ad inferna descen-  
dunt. & Lucæ 16. Mortuus est diues, & sepultus est in infer-  
no. infernus autem est locus ubi animæ puniuntur. Simili-  
ter etiam & de bonis patet. vt enim habetur Lucæ 23. Do-  
minus in cruce pendens Latroni dixit: Hodie mecum eris  
in paradiso. per paradysum autem intelligitur præmiū quod  
repromittitur bonis, secundum illud Apoc. 2. Vincenti da-  
bo edere de ligno vitæ quod est in paradiso Dei mei. Dic-  
unt autem quidam quod per paradysum non intelligitur  
vltima remuneratio quæ erit in cœlis, secundum illud Mat-  
thæi 5. Gaudete & exultate, quoniam merces vestra copiosa  
est in cœlis: sed aliqualis remuneratio quæ erit in terra.  
nam paradysus locus quidam terrenus esse videtur ex hoc  
quod dicitur Gen. 2. quod plantauerat Dominus Deus pa-  
radysum voluptatis, in quo posuit hominem quem for-  
mauerat. Sed si quis rectè verba sacra scripturæ conside-  
ret, inueniet quod ipsa finalis retributio quæ in cœlis pro-  
mittitur sanctis, statim post hanc vitam datur. Apostolus  
enim 2. Corinth. 4. cum de finali gloria locutus fuisset, di-  
cens quod id quod in præfenti est tribulationis nostræ mo-  
mentaneum & leue, supra modum in sublimitate æternum  
gloriæ pondus operatur in nobis: non contemplantibus  
nobis ea quæ videntur, sed ea quæ non videntur. quæ enim  
videntur, temporalia sunt. quæ autem non videntur, æter-  
na (quæ manifestum est de finali gloria dici, quæ est in  
cœlis) vt ostenderet quādo & qualiter hæc gloria habea-  
tur, subiunxit capitulo sequenti: Scimus enim quoniam si  
terrestris domus nostra huius habitationis dissoluatur, &  
ædificatione ex Deo habemus domum non manufactam, sed  
æternā in cœlis. per quod manifestè dat intelligere quod dis-  
soluto corpore anima ad æternā & cœlestē mansionē per-  
ducit: quæ nihil aliud est quam fructio diuinitatis, sicut  
angeli fruuntur in cœlis. Siquis autem contradicere velit,  
dicens Apostolum non dixisse quod statim dissoluto cor-  
pore domum æternam habeamus in cœlis in re, sed solum  
in spe, tandem habituri in re: manifestè hoc est contra in-  
tentionem Apostoli: quia etiam dum hic viuimus, habitu-  
ri sumus cœlestem mansionem secundum prædestinatio-  
nem diuinam: & iam eam habemus in spe, secundum illud  
Roman. 8. Spe enim salui facti sumus, frustra igitur addi-  
dit, si terrena domus nostra huius habitationis dissoluatur.  
suffecisset enim dicere, scimus quod ædificatione ha-  
beamus ex Deo, &c. Rursus expressius hoc apparet ex eo  
quod



peregrinamur à Domino: per fidem enim ambulamus, & non per speciem. Audemus autem, & bonam voluntatem habemus magis peregrinari à corpore, & presentes esse ad Dominum. Frustra autem vellemus peregrinari à corpore, scilicet separari, nisi statim essemus presentes ad Dominum: non autem sumus presentes nisi quando videmus per speciem. quandiu enim ambulamus per fidem & non per speciem, peregrinamur à Domino, vt ibidem dicitur. Statim igitur cū anima sancta à corpore separatur, Deum per speciem videt: quod est vltima beatitudo: vt in tertio ostensum est. Hoc autem idem ostendunt & verba eiusdem Apostoli Philip. primo dicentis: Desiderium habens dissolui, & cum Christo esse. Christus autem in celis est: sperabat igitur Apostolus statim post corporis dissolutionem se perueniunt ad cælum. Per hoc autem \*excluditur error quorundam Græcorum qui purgatorium negant, & dicunt animas ante corporum resurrectionem neque ad cælum ascendere, neque in inferum demergi.

## Super Cap. 91.

**P**OSTQUAM ostendit S. Thom. quod animæ damnatorum patiuntur ab igne corporeo, consequenter ostendit omnes animas statim post mortem penam vel præmium pro meritis recipere. Circa hoc autem tria facit. Primum ratione propositum probat. Secundò quādam tacitā remouet obiectionem. Tertio authoritatibus sacre scripturæ principale propositum confirmat. ARGVIT ergo primò sic. Animæ separatæ sunt susceptibiles penarum corporalium, id est quæ inferuntur à corporibus, & spiritualium, vt est ostensum sunt etiam susceptibiles gloriæ, vt ex tertio libro patet, quia anima ex hoc quod separatur à corpore, est capax visionis diuinæ, in qua hominis beatitudo consistit, quæ est virtutis præmium: ergo anima cum separatur à corpore, statim præmium vel penam accipit pro iis quæ in corpore gessit. probatur cōsequentiā, quia nulla esset ratio dilationis penæ & præmij, ex quo anima vtriusque est capax.

ADVERTENDVM quod duplex est capacitas animæ respectu beatitudinis, vna scilicet remota, quæ est conditio naturæ. quia enim est naturæ intellectualis, diuinæ visionis est capax, & hæc capacitas cōuenit sibi etiam dum est corpori coniuncta. Alia vero propinqua, quæ est conditio status nihil aliud exigentis ad hoc vt anima possit diuinam visionem participare, & hæc non conuenit animæ dum est in statu coniunctionis ad corpus, sed tantum dum est à corpore separata. Et de hac intelligit S. Thom. cum ait quod ex eo quod anima à corpore separatur, fit capax visionis diuinæ, cuius antea capax non erat. Secundò. In vita ista est status merendi vel demerendi, vnde militæ & diebus mercenarij comparatur Iob. Ergo, &c. probatur consequentiā, quia post statum militæ & laborem mercenarij, statim debetur præmium vel penā, iuxta illud Leuit. 19. Non morabitur, &c. & Iohelis vltimo, Citò velociter, &c.

Tertio, Meritum & culpa non competit corpori nisi per animam, cum nihil habeat rationem meriti vel demeriti nisi inquantū est voluntarium. ergo conuenienter tam præmium quam penā deriuatur ab anima ad corpus, non autem e conuerso: ergo nulla est ratio quare in præmiatione vel punitione animarū expectetur resumptio corporum, ergo. &c. probatur prima consequentiā, quia secundum ordinem culpæ & meriti est ordo in penā & præmio. Quarto. In rebus naturalibus vnumquodque statim recipit perfectionem cuius est capax, nisi sit impedimentum vel ex parte recipientis, vel ex parte agentis. ergo, &c. probatur consequentiā, quia eadem Dei providentia debentur creaturis rationalibus præmia & penæ, quæ rebus naturalibus perfectiones eis debentur adhibentur. Secundo loco remouet sanctus Thomas quandam tacitam obiectionem. Posset enim aliquis dicere, Si animæ post mortem statim consequuntur penam vel præmium, cum infernus sit locus penæ damnatorum, paradysus vero locus præmij bonorum, sequitur quod anima statim aut in cælo recipitur, aut ad infernum descendit: ergo non datur purgatorium.

AD hanc ergo obiectionem remouendam, dicit primò, quod ex parte bonorum potest esse aliquod impedimentum ne animæ statim à corpore absolutæ vltimam mercedem recipiant, quia ad visionem diuinam rationalis creatura eleuari non potest nisi fuerit totaliter deputata, iuxta illud Sapientie septimo: Nihil inquinatum, &c. & Isaia trigesimo quinto: Non transibit per eam pollutus, scilicet peccato, quo anima rebus inferioribus inordinatè coniungitur. Dicit secundò, quod ab hac pollutione purificatur quidem anima in hac vita per penitentiam & alia fidei sacramenta, contingit tamen quandoque talem purgationem non totaliter in hac vita perfici, sed remanet adhuc debitum penæ vel propter negligentiam, vel ob aliam causam: & ideo cum non mereantur ob hoc animæ à præmio totaliter excludi, quia hæc absque peccato mortali cōtingere possunt, oportet vt post hanc vitam purgentur antequam finale præmium consequantur. Dicit tertio, quod hæc purgatio post hanc vitam fit per penas, sicut & in hac vita per penas satisfactorias purgatio completa fuisset: alioquin melioris conditionis essent negligentes quā solliciti. ideo retardantur animæ bonorum habentium aliquid purgabile, à præmij consecutione quousque penas purgatorias sustineant: & hæc est ratio quare purgatorium ponimus.

CONFIRMATVR hæc primò per Apostolum dicentem primo ad Corinthios tertio, Si cuius opus, &c. Secundò ex consuetudine vniuersalis Ecclesiæ quæ pro defunctis orat. hoc enim esset inutile si non poneretur purgatorium post mortem, cum non oret Ecclesia pro iis qui sunt in termino boni vel mali, sed pro his qui nondum ad terminum perueniunt. Ex his vult habere S. Thom. quod cum dicitur animas post mortem

statim consequi penam vel præmium, intelligendum est nisi sit aliquod impedimentum ex parte bonorum.

CIRCA id quod dicitur animas retardari à præmij consecutione quousque penas purgatorias sustineant, aduertendum quod iccirco addidit S. Tho. purgatorias, vt illas animarum penas à penis damnatorum distingueret. Vt enim dicitur in quæstio. de Anima, articulo vigesimo primo ad vigesimum, penæ eorum qui affecti sunt beatitudinem, purgatorie dicuntur, quia ad emendationem & purgationem infliguntur: damnatorum autem penæ non sunt purgatorie, sed ad vltimam damnationem infliguntur.

ATTENDENDVM etiam quod purgatorium esse sanctus Thomas probat ex illa authoritate Apostoli primæ ad Corinthios tertio: Si cuius opus arserit, &c. tanquam ex authoritate manifesta in nouo testamento, quam etiam Augustinus vigesimo primo de Ciuitate Dei, capitulo vigesimo sexto approbat. Scotus in quarto Sententiarum distinctione vigesimo prima questione prima, dicit totā sententiam de purgatorio fundari in hoc verbo Apostoli. Vnde & authoritatem Augustini in loco allegato ad confirmationem assumit, & authoritatem etiam eius de vera & falsa penitentia quæ ponitur de penitentia distinctione septima. Magister autem Sententiarum in quarto distinctione vigesimo prima arguit post hanc vitam aliqua peccata in purgatorio dimitti, ex authoritate Domini dicentis Matthæi duodecimo, quod qui peccauerit in spiritu sanctum, non remittetur ei neque in hoc seculo, neque in futuro: ex quo elicit Magister, de mente Augustini vigesimo primo de Ciuitate Dei, capitulo vigesimo quarto, quod si sint aliqua peccata quæ in futuro seculo dimituntur quandoque in purgatorio. Confirmat S. Thom. etiam propositum, scilicet quod sit purgatorium, in quarto Sententiarum distinctione vigesimo prima, quæst. i. artic. i. quæstionum. i. per authoritatem secundum Machabeorum duodecimo: Sancta ergo & salubris est cogitatio pro defunctis exorare, vt à peccatis soluantur, quæ etiam vtitur Petrus de Palude eadem distinctione conclusionem prima.

QVANTVM ad tertium confirmat S. Thom. principale propositum, sacre scripturæ authoritatibus. Quod enim mali statim post mortem consequantur penam, habetur Iob 21. vbi dicitur: Ducunt in bonis dies suos & in puncto ad inferna descendunt, &c. & Luc. 16. vbi dicitur: Mortuus est diues, &c. Quod autem boni statim consequantur præmium, habetur ex eo quod Dominus in cruce latroni dixit: Hodie mecum eris in paradiso. Luc. 23. per paradysum enim intelligitur bonorum præmium, iuxta illud Apocalypsis secundo: Vincetis, &c. Si dicatur per paradysum non intelligi vltimam remunerationem quæ erit in celis, de qua dicitur Matthæi quinto: Gaudeat, &c. sed aliqualem remunerationem in terra, quia paradysus locus terrenus esse videtur, de quo fit metio Genesis secundo, hoc nihil est quia si quis rectè verba sacre scripturæ consideret, inueniet ipsam finalem retributionem quæ in celis promittitur sanctis, post hanc vitam statim dari. Nam cum Apostolus secundum Corinthiorum de finali gloria quæ datur in celis, dixisset, quod id quod in præsentia est, &c. vt ostenderet quando & qualiter hæc gloria habeatur, subiungit: Scimus enim, &c. dans intelligere quod soluto corpore anima ad æternam & cælestem mansionem, id est, ad fruitionem diuinitatis perducitur. Si dicatur Apostolum non dixisse quod statim dissoluto corpore domum æternam habeamus in celis in res, sed tantum in spe, postmodum eam habituri in re: patet hoc contra eius intentionem esse, tum quia cum & hic eam habituri simus secundum diuinam prædestinationem, & iam habeamus in spe, iuxta illud Romanorum octauo: Spe enim salui, &c. non dixisset, si terrena domus nostra huius habitationis dissoluatur, sed suffecisset dicere, scimus quod ædificationem habemus ex Deo, &c. Frustra enim vellemus peregrinari, scilicet separari à corpore, nisi statim essemus presentes ad Dominum, quod fit quando ipsum per speciem videmus: tum quia ad Philippenfes primo inquit: Desiderium habeo dissolui, & esse cum Christo. Nam cum Christus in celis sit, sperabat Apostolus statim se post corporis dissolutionem perueniunt ad cælum.

EX hoc excluditur inquit sanctus Thomas quorundam Græcorum error negantium purgatorium, & dicentium animas ante corporum resurrectionem neque ad cælum descendere, neque in infernum demergi. De loco purgatorij videtur sanctus Thomas in quarto Sententiarum distinctione 21. quæstionum. i. articulo. i. quæstionum. i.

Quod animæ sanctorum post mortem habent voluntatem immutabilem in bono.

## Caput 92.



X his autem apparet quod animæ statim cum à corpore fuerint separatæ, immobiles secundum voluntatem redduntur: vt scilicet vltimus voluntas hominis mutari non possit neque de bono in malum, neque de malo in bonum.

1. Quandiu enim anima de bono in malum, vel de malo in bonum mutari potest, est in statu pugnæ & militiæ. oportet enim vt sollicitè resistat malo, ne ab ipso vincatur: vel conetur vt ab eo liberetur: sed statim cum anima à corpore separatur, non erit in statu militiæ vel pugnæ: sed recipiendi præmium vel penam pro eo quod legitime vel illegitimè certauit. ostensum est enim quod statim vel præmium vel penam consequitur. non igitur vltimus anima secundum voluntatem vel de bono in malum vel de malo in bonum mutari potest.

2. Item, ostensum est in tertio \* quod beatitudo quæ in Dei visione consistit, perpetua est. & similiter in eodem ostensum est quod pro peccato mortali debetur penā



æterna: sed anima beata esse non potest, si voluntas eius recta non fuerit. desinit enim esse recta per hoc quod à fine aueritur: & recta est per hoc quod fine fruatur. non potest autem simul esse quod à fine auertatur & fine fruatur. oportet igitur rectitudinem voluntatis in anima beata esse perpetuam, ut non possit transmutari de bono in malum.

3 Amplius, naturaliter creatura rationalis appetit esse beata: unde non potest velle non esse beata: potest tamen per voluntatem deflecti ab eo in quo vera beatitudo consistit: quod est voluntatem esse peruersam: & hoc quidem contingit, quia id in quo vera beatitudo est, non apprehenditur sub ratione beatitudinis: sed aliquid aliud in quo voluntas inordinata deflectitur sicut in finem: puta qui ponit finem suum in voluptatibus corporalibus, æstimat eas ut optimū: quod est ratio beatitudinis: sed illi qui iam beati sunt, apprehendunt id in quo verè beatitudo est, sub ratione beatitudinis & ultimi finis: aliās in hoc non quiesceret appetitus: & per consequens non essent beati. quicunque igitur beati sunt, voluntatem deflectere non possunt ab eo in quo est vera beatitudo. non possunt igitur peruersam voluntatem habere.

4 Itē, cuiusque sufficit id quod habet, non querit aliud extra ipsum: sed quicunque est beatus sufficit ei id in quo est vera beatitudo: aliās non impleteretur eius desiderium. ergo quicunque est beatus, nihil aliud querit quod non pertineat ad id in quo vera beatitudo consistit. nullus autem habet peruersam voluntatem nisi per hoc quod vult aliquid quod repugnat ei in quo vera beatitudo consistit. nullius igitur beati voluntas potest mutari in malum.

5 Præterea peccatum in voluntate non accidit sine aliquā ignorantia intellectus. nihil enim volumus nisi bonum verum vel apparens. Propter quod dicitur Proverbiorum decimo quarto: Errant qui operantur malū. & Philosophus tertio Ethicorum dicit, quod omnis malus est ignorans: sed anima quæ est verè beata, nullo modo potest esse ignorans: cum in Deo omnia videat quæ pertinent ad suam perfectionem. nullo igitur modo potest malam voluntatem habere, præcipue cum illa Dei visio semper sit in actu, ut in tertio est ostensum.

Cap. 61.

6 Adhuc, intellectus noster circa conclusionem aliquas errare potest antequam in prima principia resolutio fiat: in qua resolutione iam facta, scientia de conclusionibus habetur, quæ falsa esse non potest. Sicut autem habet se principium demonstrationis in speculatiuis, ita se habet finis in appetitiuis. quando igitur finem ultimū non consequitur voluntas nostra, potest perueri: non autem postquam ad fruitionem ultimi finis peruenerit, quod est propter se ipsum desiderabile: sicut prima principia demonstrationum sunt per se nota.

7 Amplius, bonum in quantum huiusmodi diligibile est. quod igitur apprehenditur ut optimum, est maximè diligibile. sed substantia rationalis beata videns Deum apprehendit ipsum ut optimum. ergo maximè ipsum diligit. hoc autem habet ratio amoris, quod voluntates se amantium sint conformes. voluntates igitur beatorum sunt maximè conformes Deo, qui facit rectitudinem voluntatis: cum diuina voluntas sit prima regula omnium voluntatum: voluntates igitur Deum videntium non possunt fieri peruersæ.

8 Item, quando aliquid est natum moueri ad alterum: nondum habet ultimum finem. si igitur anima beata posset adhuc transmutari de bono in malum, nondum esset in ultimo fine: quod est contra beatitudinis rationem. manifestum est igitur quod animæ quæ statim post mortem fiunt beate, redduntur immutabiles secundum voluntatem.

Super Cap. 92.



OSTQVAM sanctus Thomas de statu animarum post mortem quantum ad earum penam vel præmium determinauit, consequenter de statu earum quantum ad immutabilitatem voluntatis determinat. Circa hoc autem duo facit. Primò determinat de earum immutabilitate secundum voluntatem. Secundò de causa huius immutabilitatis, capitulo nonagesimo quinto. Circa primum tria facit. Primò agit

de immutabilitate sanctorum. Secundò de immutabilitate damnatorum, capitulo sequenti. Tertiò de immutabilitate eorum qui sunt in purgatorio, cap. 94.

Quantum ad primum ponitur hæc conclusio: Nullius beati voluntas potest mutari in malum. Probatur primo ratione cōmuni bonis & malis, scilicet: cum anima à corpore separatur, statim est extra statum militiæ vel pugni, & in statu recipiendi penam vel præmium pro eo quod legitime vel illegitime certauit, ut patet ex superius dictis: ergo non vterius secundum voluntatem vel de bono in malum, vel de malo in bonum mutari potest. probatur consequentia, quia quando anima mutari potest, est in statu pugni & militiæ, cum oporteat eam sollicitè malo resistere, ne ab eo vincatur, vel conari ut ab eo liberetur.

Secundò. Beatitudo quæ in visione Dei consistit, perpetua est, ut in tertio libro est ostensum: ergo & rectitudo in anima beata perpetua est, ergo, &c. probatur prima consequentia, quia anima beata esse non potest, si voluntas eius recta non fuerit, cum desinat anima esse recta per auersionem à fine, recta verò per fruitionem finis: non possit autem esse simul quod à fine auertatur, & fine fruatur.

Tertiò. Beati apprehendunt id in quo vera beatitudo consistit, sub ratione beatitudinis & ultimi finis, aliās non quiesceret eorum appetitus, & consequenter non essent beati. ergo non possunt voluntatem deflectere ab eo in quo est vera beatitudo. ergo, &c. probatur prima consequentia, quia naturaliter creatura rationalis appetit esse beata, non potestque velle non esse beata, licet per voluntatem possit deflecti ab eo in quo vera beatitudo consistit, quia hoc non apprehenditur sub ratione beatitudinis, sed aliquid aliud in quo voluntas sicut in finem deflectitur.

ADVERTENDVM, fundamentum huius rationis esse, quod cum voluntas naturaliter & necessario feratur in beatitudinem sub ratione vniuersali beatitudinis & ultimi finis, quantum ad specificationem actus, in quantum videlicet non potest velle miseriam, aut beatitudinis oppositum, si aliquid sub ratione summi boni & veræ beatitudinis apprehendatur, ita se habet voluntas ad illud sicut ad rationem summi boni: & ideo sicut voluntas non potest auerti à summo bono, ut eius oppositum velit, quemadmodum in tertio libro est ostensum: ita non potest ab eo auerti quod esse summum bonum apprehendit, & veram beatitudinem. cum igitur beati apprehendant Deum tanquam id in quo vera est ratio beatitudinis & summi boni, ab eo per voluntatem auerti non possunt, & per consequens peruersam voluntatem non possunt habere.

Quartò. Omni beato sufficit id in quo est vera beatitudo: aliās eius desiderium non impleteretur: ergo nihil aliud querit quod non pertineat ad id in quo vera beatitudo consistit. ergo, &c. probatur prima consequentia, quia cuiusque sufficit id quod habet, non querit aliud extra ipsum. Secunda verò, quia nullus habet peruersam voluntatem, nisi quia vult aliquid repugnans ei in quo vera beatitudo consistit.

CIRCA istam propositionem, cuiusque sufficit id quod habet, non querit aliud extra ipsum, aduertendū quod intelligitur de plena & omnimoda sufficientia: non autem tantum quantum ad aliquid. nam nullus querit quod non habet nisi propter aliquam indigentiam: ideo si nullo modo aliquo indigeat, nullo modo illud querit: & si habet aliquid quod omnino suæ indigentia & appetitui satisfacit, nihil extra illud querit. Item intelligitur non quod nihil aliud præter illud velit, sed quod quicquid vult, vult in ordine ad illud sufficiens bonum.

Quintò. Anima quæ est verè beata, nullo modo potest esse ignorans, cum in Deo omnia quæ ad suam perfectionem pertinent, videntur: ergo nullo modo potest malam voluntatem habere præcipue cum illa Dei visio semper sit in actu. Probatur cōsequentia, quia peccatum in voluntate non accidit sine aliqua ignorantia, unde dicitur Proverbiorum 14. Errant, &c. & tertio Ethicorum, omnis malus ignorans.

ADVERTENDVM quod error in intellectu non accidit nisi in quantum est in potentia, sicut & in naturalibus non accidit defectus nisi ratione potentialitatis: propterea si aliquis intellectus semper posuit in actu, in illo non potest error accidere. Addidit ergo sanctus Thomas in consequente, præcipue cum illa Dei visio semper sit in actu, ut excluderet responsum quod aliquis posset dare, dicendo quod licet anima beata omnia in Deo videat, & pro tunc non sit ignorans, quandoque tamen ab illa visione cessat, & tunc ignorans potest esse. Hæc enim responsio excluditur per hoc quod dicitur visionem beatorum semper esse in actu.

Sextò. Intellectus noster circa conclusiones aliquas errare potest antequam in prima principia resolutio fiat: sed facta resolutione in ipsa, iam habetur scientia de conclusionibus quæ falsa esse non potest. ergo & quando finem ultimum voluntas nostra non consequitur, potest perueri, non autem postquam ad fruitionem ultimi finis per se desiderabilis peruenerit. probatur consequentia, quia sicut se habet principium demonstrationis in speculatiuis, ita se habet finis in appetitiuis.

ADVERTENDVM primò, quod ex ista comparatione primi principij & ultimi finis habetur non solum quod ipsum ultimum finem necessario voluntas appetit, sicut intellectus primis principiis necessario adhæret, sed etiam quod circa ea quæ sunt ad finem, habetia necessariam & manifestam dependentiam ad finem, non potest esse peruersitas in appetitu, stante rectitudine eius circa ultimum finem, sicut neque potest error esse circa conclusiones si appareat illas à primis principiis necessario depēdere. unde inquit S. Thom. 1. part. q. 82. art. 2. quod sunt quædam bona necessaria ad beatitudinem, ea scilicet quibus voluntas Deo adhæret: sed antequam per certitudinem diuinæ visionis necessitas huius connexionis demonstretur, neque Deo, neque iis quæ Dei sunt voluntas necessario inhæret, voluntas autem videntis Deum iis inhæret de necessitate.

ADVERTENDVM secundo, quod illa comparatio inter finem & principium quæ est Philosophi secundo Physic. & sexto ac septimo Ethicorum, licet multipliciter accipi possit, in proposito tamē accipitur quantum ad hoc quod est necessario mouere, sed de hoc satis dictum est in præcedentibus. Septimò. Substantia rationalis beata videns Deum, apprehendit ipsum ut optimum. ergo maximè ipsum diligit. ergo voluntates beatorum sunt maximè conformes Deo. ergo non possunt fieri peruersæ. probatur prima consequentia, quia cum bonum in quantum huiusmodi sit diligibile, quod apprehenditur ut optimum, est maximè diligibile.

Secunda



Secunda verò, quia hoc habet ratio amoris, quod voluntates se amantium sunt conformes. Tertia autem, quia cum voluntas diuina sit prima regula voluntatum, Deus est qui facit rectitudinem voluntatis.

**ADVERTENDVM**, quod Deus dicitur facere rectitudinem voluntatis non solum effectiue, sed etiam formaliter & obiectiue, quia videlicet voluntas intantum est recta, in quantum adhæret Deo vt obiecto, & in quantum diuinæ voluntati conformatur vt suæ regulæ.

**O**stendit. Si anima beata posset transmutari de bono in malum, nondum esset in ultimo fine, sed hoc est contra rationem beatitudinis, ergo, &c. probatur consequentia, quia quandiu aliquid natum est moueri ad alterum, nondum habet vltimum finem.

**ADVERTENDVM** circa hanc conclusionem ex doctrina S. Thom. quæst. de Verit. quæst. vigesima quarta, articulo septimo, & octauo, quod licet liberum arbitrium creaturæ non possit naturaliter esse confirmatum in bono, vt scilicet nunquam possit deflecti in malum: potest tamen per diuinam gratiā in bono confirmari, ideo cum dicimus animam beatam non posse de bono mutari in malum, non est intelligendum, quasi hoc sibi naturaliter conueniat, sed quia hoc habet ex diuina gratia per quam ad Dei visionem eleuatur: quanquam habeant angeli etiam ex propria natura, vt post primam electionem bonam mutari non possint in malum, vt inferius cap. 95. declarabitur.

**CONSIDERANDVM** tamen, quod licet illud non sit naturale animæ absolute in quantum anima rationalis est, est tamen aliquo modo sibi naturale in quantum est beata, & aliquo modo in quantum est anima rationalis. Nam in quantum beata est, sibi conuenit ex natura beatitudinis vt Deum summe diligit, & vt eius desiderium sit omni ex parte repletum. Est enim beatus qui habet quicquid vult, & nihil mali vult, vt August. ait: ex quo sequitur necessario, vt nullo modo possit eius voluntas deflecti in malum. in quantum verò anima rationalis est, sibi conuenit vt naturaliter feratur in beatitudinem sub vniuersali ratione beatitudinis & consequenter vt feratur naturaliter in illud quod sub ratione summi boni & veræ beatitudinis apprehendit, ex quo sequitur vt ab eo deflecti non possit per voluntatem. Ista ergo immutabilitas beatorum à bono malum originaliter & primordialiter aliquo modo ex natura animæ dependet, sed formaliter & completiue ex ipsa Dei visione provenit, & ex diuina gratia. Cetera quæ circa hanc conclusionem difficultatem inducere possunt, superius in tertio libro sunt ostensa.

*Quod anime malorum post mortem habent voluntatem immutabilem in malo.*

Caput 93.



**S**IMILITER etiam & animæ quæ statim post mortem efficiuntur in pœnis miseræ, redduntur immutabiles secundum voluntatem.

**O**stensum est enim in tertio, quod peccato mortali debetur poena perpetuo animarum: non autem esset perpetua poena animarum quæ damnantur, si possent voluntatem mutare in melius: quia iniquum esset quod ex quo bonam voluntatem haberent, perpetuo punirentur. voluntas igitur animæ damnatæ non potest mutari in bonum.

**P**raterea, ipsa inordinatio voluntatis quædā poena est, & maxime afflictiua: quia in quantum habet inordinatam voluntatem aliqui displicent ei quæ recte sunt. & damnatis displicebit quod voluntas Dei impletur in omnibus, cui peccando resisterunt: igitur inordinata voluntas nunquam ab eis tollitur.

**A**dhuc, voluntas à peccato mutari in bonum non contingit nisi per gratiā Dei: vt patet ex his quæ in tertio dicta sunt. sicut autem bonorum animæ admittuntur ad perfectam participationem diuinæ bonitatis: ita damnatorum animæ à gratia totaliter excluduntur: non igitur poterunt animæ damnatæ in melius mutare voluntatem.

**P**raterea, sicut boni in carne viuētes, omnium suorum operum & desideriorum finem constituunt in Deo: ita mali in aliquo indebito fine auertente eos à Deo. sed animæ separatæ bonorum immobiliter inhærebunt fini quem in hac vita sibi præstituerunt, scilicet Deo: ergo & animæ malorum immobiliter inhærebunt fini quem sibi elegerunt. sicut igitur bonorum voluntas non poterit fieri mala, ita nec malorum poterit fieri bona.

Super Cap. 93.



**P**OSTQVAM ostendit S. Tho. animas bonorum post mortem habere voluntatem immutabilem in bono, consequenter ostendit malorum animas habere in malo immutabilem voluntatem, & arguit primò sic: Peccato mortali debetur poena perpetua animarum: ergo voluntas animæ damnatæ non potest mutari in bonum. probatur consequentia, quia tunc non esset perpetua poena. iniquum enim esset ex quo bonam haberent voluntatem, quod perpetuo punirentur. Secundo. Inordinatio ipsa voluntatis quædam poena est, & maxime afflictiua, ergo nunquam tollitur à damnatis. probatur

anteceus, quia in quantum quis habet ordinatam voluntatem, displicent ei illa quæ recte sunt, contraria videlicet inordinationi suæ, & ipsi damnatis displicebit quod voluntas Dei in omnibus impleatur, cui peccando resisterunt.

**ADVERTE** quod consequentiam relinquit S. Thom. manifestam ex eo quod dictum est in præcedenti ratione poenam damnatorum esse perpetuam. Tertio. Damnatorum animæ à gratia totaliter excluduntur. ergo, &c. probatur antecedens ex comparatione ad animas beatorum, quæ ad perfectam participationem diuinæ bonitatis admittuntur. consequentia verò probatur, quia voluntas à peccato in bonum mutari non potest nisi per gratiam Dei. Quarto. Animæ separatæ bonorum immobiliter adhærebunt fini quem in hac vita sibi præstituerunt, scilicet Deo. ergo & animæ malorum immobiliter adhærebunt fini indebito quem sibi elegerunt. ergo sicut bonorum voluntas non poterit fieri mala, ita nec malorum voluntas poterit fieri bona. probatur prima consequentia, quia sicut boni in carne viuētes finem constituunt in Deo, ita & mali in aliquo fine indebito eos auertente à Deo.

**ADVERTENDVM** ex doctrina sancti Thomæ, 4. Sent. distinctione quinquagesima, quæst. 2. art. 1. quæstionc. 1. quod cum duplex voluntas in damnatis considerari possit, scilicet naturalis & deliberatiua: voluntas naturalis in eis bona esse potest aliquo modo, scilicet secundum speciem ipsius actus, sed voluntas deliberatiua in eis bona esse non potest, vnde cum dicimus voluntatem damnatorum esse immutabilem in malo, intelligimus de voluntate deliberatiua, non autem de voluntate naturali, quæ semper bona est. Propter quod rationes Scoti in 2. Sent. di. 7. quibus probatur in demonibus & etiam damnatis posse esse bonum actum volendi, ex eo quod ex puris naturalibus possunt bonum velle, propositum non infringunt: quanuis etiam addi possit, quod licet aliquem bonum actum volendi à voluntate naturali elicere habere possint, ille tamen actus non est perfectè bonus bonitate circumstantiarum, saltem circumstantia finis, quia illud ad malum finem ordinant vel actu vel virtute. volunt enim damnati esse & vivere sub peccato. vnde loco præallegato ad primum inquit S. Tho. quod naturalis inclinatio per eorum malitiam corrumpitur, in quantum bonum quod naturaliter desiderant, sub quibusdam malis circumstantiis appetunt: prima quæstione sexagesima quarta, articulo secundo, ad quintum ait, quod bono actu abutuntur ad malum. Ex quo patet, quod nihil etiam voluntate naturali volunt quod sit perfectè bonum.

*De immobilitate voluntatis in animabus in purgatorio detentis.* Cap. 94.



**S**ED quia quædam animæ sunt quæ statim post separationem ad beatitudinem non perueniunt, nec tamen sunt damnatæ: sicut illæ quæ secum aliquid purgabile deferunt, vt dictum est, ostendendum est quod nec etiam huiusmodi animæ postquam fuerint à corpore separatæ, possunt secundum voluntatem mutari. beatorum enim & damnatorum animæ habent immobilem voluntatem ex fine cui adhæserunt, vt ex dictis patet. sed animæ quæ secum aliquid purgabile deferunt, in fine non discrepant ab animabus beatis: decedunt enim cum charitate per quam inhæremus Deo vt fini. ergo etiam ipsæmet immobilem voluntatem habebunt.

Super Cap. 94.



**P**OSTQVAM ostendit S. Thom. voluntatem beatorum & damnatorum immutabilem esse, consequenter ostendit etiam animarum quæ sunt in purgatorio voluntatem esse immutabilem: & arguit sic: Animæ quæ secum aliquid purgabile deferunt, non discrepant in fine ab animabus beatis: ergo etiam ipsæ immobilem voluntatem habebunt, cum scilicet sint & ipsæ extra statum vitæ. probatur antecedens, quia cum charitate decedunt, per quam inhæremus Deo vt fini. consequentia verò probatur, quia beatorum animæ & damnatorum immobilem habent voluntatem ex fine cui adhæserunt, vt dictum est superius.

*De causa immutabilitatis communiter in omnibus animabus post separationem à corpore.*

Cap. 95.



**Q**UOD autem ex fine in omnibus animabus separatis sequatur immobilitas voluntatis, sic manifestum esse potest. Finis enim, vt dictum est, se habet in appetitiuis sicut prima principia demonstrationis in speculatiuis: huiusmodi autem principia naturaliter cognoscuntur: & error qui circa huiusmodi principia accideret, ex corruptione naturæ proveniret: vnde non posset homo mutari de vera acceptance principiorum in falsam, aut e converso, nisi per mutationem naturæ. non tamen qui errant circa principia, reuocari possunt per aliqua certiora: sicut reuocatur homo ab errore qui est circa conclusiones. Et similiter nec

Contra Gent.

Cc 3



Ethic. cap. 8.

posset aliquis à vera acceptione principiorum per aliqua magis apparentia seduci. sic igitur & se habet circa finem: quia vnusquisque naturaliter habet desiderium vltimi finis, & hoc sequitur in vniuersali naturam rationalem vt beatitudinem appetat: sed quod hoc vel illud sub ratione beatitudinis & vltimi finis desideret, ex aliqua speciali dispositione naturæ contingit. Vnde Philosophus dicit, quod qualis vnusquisque est, talis & finis videtur ei. si igitur dispositio ista per quam aliquid desideratur ab aliquo vt vltimus finis, ab eo remoueri non possit: non poterit immutari voluntas eius quantum ad desiderium finis illius. huiusmodi autem dispositiones remoueri possunt à nobis quandiu est anima corpori coniuncta. quod enim aliquid appetatur à nobis vt vltimus finis, contingit quandoque ex eo quod sic disponimur aliqua passione quæ citò transiit: vnde & desiderium finis de facili remouetur, vt in contingentibus apparet. quandoque autem disponimur ad desiderium finis alicuius boni vel mali per aliquem habitum: & ista dispositio non de facili tollitur: vnde & tale desiderium finis fortius manet: vt in temperatis apparet: & tamen dispositio habitus in hac vita auferri potest. Sic igitur manifestum est, quod dispositione manente qua aliquid desideratur vt vltimus finis, non potest illius finis desiderium moueri: quia vltimus finis maxime desideratur. vnde non potest aliquis à desiderio vltimi finis reuocari per aliquid desiderabile magis. Anima autem est in statu mutabili quoad corpus vnitur: non autem postquam fuerit à corpore separata. dispositio enim animæ mouetur per accidens secundum aliquem motum corporis: cum enim corpus deseruiat animæ ad proprias operationes, ad hoc ei naturaliter datum est, vt in ipso existens perficiatur quasi ad perfectionem mota. quando igitur erit à corpore separata, non erit in statu vt moueatur ad finem, sed vt in fine adepto semper quiescat. immobilis igitur erit voluntas eius quantum ad desiderium vltimi finis. ex vltimo autem fine dependet tota bonitas vel malitia voluntatis: quia bona quæcunque aliquis vult, in ordine ad bonum finem bene vult. male autem quæcunque in ordine ad malum finem. non est igitur voluntas animæ separata mutabilis de bono in malum: licet sit mutabilis de vno volito in aliud volitum: seruato tamen ordine ad eundem vltimum finem. Ex quo apparet quod talis immobilitas voluntatis libero arbitrio non repugnat: cuius actus est eligere. electio enim est eorum quæ sunt ad finem: non autem vltimi finis. Sicut igitur non repugnat libero arbitrio quod immobili voluntate desideramus beatitudinem, & miseriam fugimus in communi: ita non erit contrarium libero arbitrio quod voluntas immobiliter fertur in aliquid determinatum sicut in vltimum finem: quia sicut nunc immobiliter nobis inhæret natura communis per quam beatitudinem appetimus in communi: ita etiam immobiliter manebit illa specialis dispositio per quam hoc vel illud desideratur vt vltimus finis. Substantiæ autem separata, scilicet angeli, propinquiiores sunt secundum naturam in qua creantur, vltimæ perfectioni, quam animæ: quia non indigent acquirere scientiam ex sensibus: neque peruenire rationando de principiis ad conclusionem sicut animæ: sed per species inditas statim possunt in contemplationem veritatis peruenire: & ideo statim quod debito fini vel indebito adhererunt, immobiliter in eo permanerunt. Non est tamen æstimandum quod animæ postquam resument corpora in resurrectione, immobilitatem voluntatis amittant, sed in ea perseuerent: quia (vt supra dictum est) corpora in resurrectione disponuntur secundum exigentiam animæ, non autem animæ immutabuntur per corpora, sed immobiliter perseuerabunt.

Cap. 186.

Super Cap. 95.



OSTQVAM ostendit sanctus Thomas omnium animarum postquam sunt à corpore separata immobilem voluntatem esse, quia hoc dictum est ex immobili adhesionem ad finem prouenire, consequenter vult ostendere quomodo ex fine immobilitas voluntatis consequatur. Circa hoc autem tria facit. Primum ostendit propositum.

Secundo differentiam in hoc inter homines & angelos manifestat. Tercio remouet quoddam dubium.

QVANTVM ad primum ponit tres conclusiones. Prima est. Animæ separata voluntas immobilis est quantum ad desiderium vltimi finis. Ad huius autem declarationem præmittit primum, quod cum ita se habeat finis in appetitiuis, sicut prima principia in speculatiuis: sicut illa naturaliter cognoscuntur, & error qui circa ea accideret, ex corruptione naturæ proueniret, non possetque fieri mutatio de vera acceptione eorum in falsam, aut econuerso, nisi per mutationem naturæ, eò quod non sint ipsi aliqua certiora aut manifestiora per quæ aut reuocari homo possit ab errore, aut seduci: ita & vnusquisque naturaliter habet desiderium vltimi finis. Nam naturam rationalem in vniuersali sequitur vt beatitudinem appetat: quod autem hoc vel illud in particulari sub ratione beatitudinis & vltimi finis desideret, ex aliqua speciali dispositione naturæ contingit. vnde & Philosophus dicit quod qualis vnusquisque est, talis & finis videtur ei: quæ dispositio si ab aliquo remoueri non possit, non poterit eius voluntas quantum ad desiderium illius finis immutari. Præmittit secundum, quod huiusmodi dispositiones remoueri possunt à nobis quandiu est anima corpori coniuncta. Nam quandoque illa dispositio est aliqua passio, quæ citò transiit, desiderium finis de facili transiit, vt in contingentibus apparet. quandoque verò est habitus, qui quia non de facili tollitur, desiderium finis fortius quidem manet, vt in temperatis apparet, sed tamen in hac vita auferri potest, sicut & habitus.

ISTIS suppositis arguit sic: Anima non est in statu mutabili à dispositione habitus, postquam fuerit à corpore separata: ergo quado erit à corpore separata, non erit in statu vt moueatur ad finem, sed vt in fine adepto semper quiescat. ergo erit immobilis quantum ad desiderium vltimi finis. probatur prima consequentia, quia manente dispositione qua aliquid desideratur vt vltimus finis, non potest desiderium illius finis remoueri, cum ab eo per aliquid magis desiderabile reuocari non possit. antecedens verò probatur, quia dispositio animæ mouetur per accidens secundum aliquem motum corporis sibi naturaliter dati, vt in ipso existens perficiatur quasi ad perfectionem mota. Secunda conclusio est. Voluntas animæ separata non est mutabilis de bono in malum: probatur, quia ex vltimo fine tota bonitas vel malitia voluntatis dependet. Nam quæcunque bona aliquis vult in ordine ad bonum finem, bene vult, male autem quæcunque vult in ordine ad malum finem.

Tertia conclusio est: Talis immobilitas voluntatis libero arbitrio non repugnat. Probatur primum. Actus liberi arbitrii est eligere, sed hic manet stante tali immutabilitate, ergo, & c. probatur minor: Electio est eorum quæ sunt ad finem. sed cum illa immutabilitate circa finem stat mutabilitas voluntatis de vno in aliud volitum, in ordine tamē ad eundem finem. ergo, & c. Secundum. Non repugnat libero arbitrio quod immobili voluntate desideramus beatitudinem, & miseriam fugimus in communi: ergo neque quod voluntas feratur in aliquid determinatum sicut in vltimum finem. probatur consequentia, quia sicut nunc nobis inhæret natura communis per quam beatitudinem appetimus in communi, ita etiam tunc immobiliter manebit illa specialis dispositio per quam hoc vel illud desideratur vt vltimus finis.

AD euidentiam primæ conclusionis considerandum est, quod per dispositionem qua aliquid desideratur vt vltimus finis, tria possumus intelligere. Primum ipsam actuale apprehensionem, ipsumque iudicium intellectus quo apprehendit aliquid tanquam summum bonum & vltimum finem, ad quod iudicium sequitur actuale desiderium voluntatis in illud. Secundum ipsum actuale desiderium actualeque affectionem ad aliud tanquam ad vltimum finem, ex quo ligatur voluntas vt in aliud tanquam in finem vltimum inclinari non possit. Tercium aliquam dispositionem per modum actus primi, tam in intellectu quam in voluntate causatam ex actu peccati, & ex causa inducitur ad peccandum, per quam & intellectus fit dispositus ad iudicandum aliquid tanquam summum bonum & vltimum finem, & voluntas sit inclinata ad illud tanquam vltimum amandum & desiderandum. Non videtur autem primo aut secundo modo posse accipi talis dispositio, quia actualis operatio intellectus & actualis motus voluntatis non necessarîo continuatur vt post mortem maneat, imò videtur necesse esse vt interruptatur, saltem cum quis morti appropinquat propter alterationem corporis, ex qua usus sensuum impeditur, & consequenter actus intellectus perit. Videtur ergo accipiendi tertio modo. Nam ex inducente intellectu ad falsum iudicium de fine, & appetitum ad malam inclinationem, ex actu etiam tam intellectus quam voluntatis relinquuntur in vtroque aliqua dispositio ad similes actus inducens, quæ quidem etiam fuisset, si dum anima erat coniuncta corpori, non fuisset in habitum conuersa, ipsa tamen à corpore separata conuertitur in habitum & quasi in naturam, eo quod anima tunc ad statum immutabilitatis sit reducta, & ideo remanet, & simile iudicium intellectus de fine, & affectio similis erga ipsum sicut ante separationem fuit.

CONSIDERANDVM secundum, vt dat intelligere sanctus Thomas in his quæ præmisit, quod intellectus dupliciter potest reuocari & remoueri ab opinione quam habet, aut scilicet ex remotione dispositionis qua ad illam opinionem inclinabatur, aut ex aliquo certiori vel manifestiori ex quo apparet intellectui quod prius existimabat verum, non esse verum, eo quod illi aut certiori aut manifestiori non concordet: sed reuocatio intellectus circa principiorum existimationem non potest esse per aliquam certiora aut euidentiora, quia nihil est aut certius, aut euidentius vel manifestius veritatis primorum principiorum. ideo necesse est ipsam fieri per mutationem illius dispositionis per quam intellectus talem existimationem de principiis habebat. Vnde cum natura sit quæ ad veram existimationem principiorum inducit, non potest quis ab ipsa in falsam existimationem, nisi per aliquam naturæ corruptionem cadere: à falsa verò existimatione ad veram reduci non potest nisi per sanationem naturæ. Circa conclusiones autem potest immutari intellectus ex propositionibus aut certioribus aut manifestioribus. Nam si verum fuerit iudicium, potest mutari in falsum, quia occurrit sibi aliqua propositio, quæ quidē licet sit falsa, apud ipsum tamen est manifestius vera. si verò fuerit falsum, mutari potest in verum ex cognitione alicuius principij habentis certam veritatem cui ipsam conclusionem videt repugnare. Quod dicimus de intellectu, idem de appetitu suo modo est dicendum. Nam cum in aliquo tanquam in finem



in finem vltimum inclinatur, non potest ab illa inclinatione remoueri per aliquid magis desiderabile, cum sit de ratione vltimi finis vt summè diligatur. ideo si debet talis inclinatio & desiderium remoueri, oportet hoc esse per mutationem illius dispositionis qua intellectus iudicat illud esse vltimum finem & summum bonum, & per mutationem illius dispositionis qua ipsa voluntas in illud tanquam in vltimum finem inducebatur. vnde de manente eadem dispositione circa finem non potest inclinatio & appetitus finis remoueri, sed appetitus eorum quæ sunt ad finem, remoueri potest ex eo quòd aliquid ipso est magis desiderabile, scilicet finis. Nam cum iudicatur aliquid aut contrariū aut inconueniens finis desiderato, cessat illius desiderium. Propter eam probauit sanctus Thomas quòd manente dispositione qua aliquid desideratur vt vltimus finis, non potest illius finis desiderium remoueri, quia vltimo fine nihil est magis desiderabile.

CIRCA illam propositionem, Dispositio animæ mouetur per accedens secundum aliquid motum corporis, considerandum est, quòd intel ligitur ad hunc sensum, quòd, si aliqua dispositio animæ quæ in aliquo tanquam in bonum ferrit, remouetur, hoc non potest esse nisi per aliquā transmutationem factam in corpore, in quantum videlicet ab aliqua dispositione corporis dependet. Cum enim anima sit in corpore ad suam perfectionem acquirendam, & consequenter in ipso moueatur ad finem, oportet eam diuersimode secundum corporis dispositionem disponi, & ad finem moueri. Videmus enim quòd stante aliqua concupiscentia passione, anima aliquid indicat bonum & illud appetit: qua cessante non amplius iudicat bonum, nec illud amplius desiderat, ideo cum anima est à corpore separata, non amplius ad aliquam dispositionem, aut ad aliquem finem acquirendum mouetur, sed in dispositione habita & in fine adepto quiescit.

CIRCA probationem secundæ conclusionis aduertendum primò, vt est de mente sancti Thomæ prima secundæ quæstione 19. articulo secundò, ad primum, quòd cum finis ad voluntatem comparatur sicut obiectū, non autem ad alias vires, non differt in ipsa voluntate bonitas quæ est ex obiecto, & bonitas quæ est ex fine, nisi forte per accidens: scilicet finis dependet ex fine, & voluntas ex voluntate: & ideo cum bonitas actus dependeat ex obiecto, constat quòd bonitas actus interioris voluntatis ex fine dependet, & similiter est de malitia. Et quia, vt dicitur prima secundæ, quæstio 18. art. 6. id quod est ex parte voluntatis, se habet vt formale ad id quod est ex parte exterioris actus, ideo actus humani species consideratur formaliter quidem, id est completiue secundum finem, materialiter autem fecundum obiectum, propterea bene hic dicitur, quòd ex vltimo fine dependet tota bonitas vel malitia voluntatis, id est & actus interioris eliciti, & actus ab ea imperati.

CONSIDERANDVM secundò, quòd non dixit sanctus Thomas absolute quæcunque aliquis vult in ordine ad bonum finem, bene velle, sed dixit quæcunque bona: quia non sufficit ad bonitatem actus ordo ad bonum finem. Nam qui vult furari vt det elemosinam, non dicitur habere simpliciter bonam voluntatem, sed requiritur etiam bonitas ex obiecto & aliis circumstantiis.

CIRCA tertiam conclusionem aduertendum ex doctrina sancti Thomæ in q. de Ma. loco allegato, quòd mutari de bono in malum, aut econuerso, non est de ratione liberi arbitrii, sed sibi tantum conuenit, in quantum est in natura potenti deficere. vnde hoc in Deo non inuenitur, in quo tamen liberum ponimus arbitrium, sed bene per se conuenit liberi arbitrio vt diuersa possit eligere in ordine ad finem, & sic etiam in Deo ponitur, qui potest eligere diuersa, in quibus suam bonitatem manifestet. propterea bene probat sanctus Thomas cum immutabilitate voluntatis circa vltimum finem liberum arbitrium stare, quia cum ipsa stat electio & mutatio de vno voluitate ad aliud voluitum.

SED contra prædicta dubia quædam occurrunt: arguit enim Scotus in secundo distinctione septima quòd voluntas habituata non necessariò habet actum malum. Primò, quia nullus habitus est potentie ratio agendi modo opposito modo proprio illius potentie, cum causa secunda in quantum causa secunda non determinet modum agendi causæ primæ, voluntas autem non habituata ex sua libertate potest non velle, ergo &c. Secundò, quia omne inclinatum voluntatis ad peccatum, vel ad actum peccati, inclinatur ad aliquem actum vnum in specie, non inconuenit autem quòd voluntas possit habere alium actum in specie ab illo, & tunc non habere illum, cum non possit simul habere plures actus, & consequenter non inconuenit quòd habeat actum bonum: & sic non sequitur quòd ex dispositione acquisita in vita & remanente in anima separata, voluntas habeat voluntatem immutabilem in malo. Arguit etiam quòd ex apprehensione immobili non redditur anima se obstinatam, quia hoc non est dum est in corpore, cum tunc habeat mobilem apprehensionem, nec dum est extra corpus, quia in instanti separationis obstinatur & damnatur, & tamen tunc non habet immobilem apprehensionem, cum in illo nihil intelligat, ergo &c.

POTEST etiam argui contra secundam conclusionem & eius probationem ex dictis Durandi, quia non est necesse quòd voluntas damnati adherens malo fini, omnia quæ agit, ex illo fine deducat, cum non omnia videat damnatus in malo fine, sicut beati omnia in suo fine vident, à voluntate autem adherente peruerso fini potest bonum opus procedere, si non deducatur ex illo fine, ergo &c.

AD primum Scoti dicitur primò, quòd licet voluntas respectu eorum quæ sunt ad finem, libera sit, & necessariò in illa non feratur, respectu tamen finis vltimi & summi boni necessitatem habet: & ideo si qua dispositio vel habitus inclinet ipsam in aliquid sub ratione finis vltimi & summi boni, in illud necessariò fertur: & tunc habitus ille non est voluntatis ratio agendi contra proprium modum ipsius, sed secundum propriam eius inclinationem ad finem. Dicitur secundò, quòd non solus habitus aut dispositio voluntatis vel intellectus constituit voluntatem immobilem, sed & status animæ, quia videlicet est extra viam & statum mutationis, in quo ab ipsa poterat habitus omnis moralis & omnis dispositio ad malum inclinans remoueri. Concurrit etiam ad hoc diuina iustitia, per quam iuste anima destituitur omnino diuina gratia, quæ necessaria est ad hoc vt homo à malo redeat ad bonum, vt ex superioribus constat. Ad secundum dicitur, quòd licet habitus aut dispositio manens in anima inclinet ipsam ad vnum actum in specie, quia inclinatur ipsam ad desiderium peruersi alicuius finis, non tamen oportet, vt alium actum habeat prætermisso omnino illo ad

quem ex habitu inclinatur, sed semper est in appetitu illius peruersi finis, & omnem alium actum quem elicit, ad illum ordinat, non est autem inconueniens plures actus simul esse in voluntate, quorum vnus ad alium ordinem habet & dependentiam, & si dicatur quòd non est semper in actuali consideratione illius finis peruersi, oportet tamen dicere, quòd saltem virtualiter manet in quocunque alio actu illius peruersi finis appetitus. Sicut enim in hac vita vnumquodque desideratur, in quantum in ipso est aliqua participatio beatitudinis quam vnusquisque naturaliter desiderat, ita in damnatorum statu vnumquodque desideratur in quantum est in eo aliquo modo participatio eius quod vt finis vltimus desideratur.

AD tertium dicitur primo, quòd vtique ex immutabili apprehensione qua apprehenditur ab anima aliquid sub ratione vltimi finis, sequitur obstinatio qua voluntas illi fini immobiliter adheret, & ab illo fine discedere non potest.

Dicitur secundò, quòd talis obstinatio causatur inchoatiue non ab immobili apprehensione, sed absolute ab apprehensione talis finis in via: quia ex hoc quòd in via fuit tale iudicium quo intellectus iudicauit esse summum bonum & vltimum finem quod verè summum bonum non est, & fuit etiam inclinatio voluntatis in illud tanquam in vltimum finem: sequitur in anima separata obstinatio in malum: completiue autem & perfectiue est ab immobili apprehensione existente in anima dum est separata, quia enim cum tali apprehensione & dispositione, modo superius explicato, cum anima separatur à corpore, ad eum statum deuenit, in quo à dispositione quam secum detulit, mutari non potest, illius apprehensio facta est immutabilis: & ex illa facta est obstinatio completa. Cum autem contra hoc instatur, quia in instanti quo anima separatur à corpore, non est talis apprehensio eò quòd tunc anima nihil intelligit: dicitur primò quòd falsum est animam tunc nihil intelligere: cum enim in eodem instanti separatur & sit separata, in illo instanti conueniens est vt aliquam habeat apprehensionem circa illud cui existens in corpore afficiebatur, & pro quo tunc primò incipit puniri.

Dicitur secundò quòd cum obstinationis voluntatis nominet ipsius immobilem adhesionem ad malum: ad hæc autem voluntatis ad aliquid non fit ab hæc illius apprehensione, non potest in aliquo instanti voluntas primò se obstinata, in quo non sit immobilis apprehensio per intellectum: & ideo in quocunque instanti, siue sit primum instans separationis à corpore, siue aliud instans, ponatur voluntas obstinata: oportet in eo immobilem ponere intellectus apprehensionem.

ATTENDVM tamen quòd licet anima in instanti separationis habeat immobilem apprehensionem, & tunc primò incipiat esse obstinata: non tamen in illo habet demeritum, vt quidam dicunt, quia meritum & demeritum non est animæ solius, sed compositi, scilicet hominis, in illo autem instanti homo non est: sed est primum instans sui non esse, & primum instans in quo anima primo puniatur & est obstinata. Remanet enim in illo instanti anima: propter quod non repugnat sibi aliquam habere operationem: sed homo non remanet vt mereri possit.

EX his etiam patet quòd Durandi obiectio non procedit. Dicitur enim primò quòd oportet damnati voluntatem omnia quæ vult velle in ordine ad peruersum finem cui adheret: quia semper est aut in actuali aut in virtuali desiderio illius finis, vt pote sibi facto conaturali. & ideo nihil potest bene velle: cū actus ad indebitum finem ordinatus non possit esse bonus. Dicitur secundò quòd etsi damnati non omnia simul videant in peruerso fine cui adherent: vnumquodque tamen quod particulariter eligunt, ad peruersum finem ordinant.

Quantum ad secundum ostendit sanctus Thomas differentiam inter homines & angelos quantum ad immobilitatem voluntatis ex fine, & ponit hanc conclusionem: Angeli statim quòd debito fini vel indebito adhererunt, immobiliter permanserunt in eo probatur, quia propinquiore sunt secundum naturam in qua creantur, vltimæ perfectioni, quam animæ: quia videlicet non indigent acquirere scientiam ex sensibus, neque peruenire ratiocinando de principiis ad conclusionem, sicut animæ: sed per species inditas statim possunt in contemplationem veritatis deuenire.

ADVERTENDVM primò circa hanc conclusionem, quòd per eam vult sanctus Thomas ponere differentiam inter immobilitatem hominum & angelorum, quia immobilitas non conuenit homini statim post electionem debiti vel indebiti finis: sed quandiu homo in hac vita permanet, potest mutari voluntas eius, & remoueri ab eo cui adheret vt finis: immobilitas autem sibi conuenit tantum post separationem animæ à corpore: sed angelus post primam electionem siue adhesionem ad finem, statim habet immobilem voluntatem: ita quòd ab illo fine discedere amplius non potest.

ADVERTENDVM secundò, quòd differentie causa hæc assignata inter homines & angelos, sic est intelligenda, quòd cum vltima perfectio intellectualis naturæ sit actualis contemplatio veritatis: angelus huic propinquissimus est: quia omnium quæ naturaliter natus est intelligere, habet à principio sui esse habitualem cognitionem, habet enim rerum species sibi congenitas: & simplici intuitu natus est conclusiones in principiis contemplari: non autem indiget accipere species intellectuales à sensibus: aut ratiocinando ad cognitionem veritatis peruenire: ideo statim cum voluerit, contemplari veritatem potest. anima autem rationalis ab hac perfectione remotior est, quia creatur absque formis intelligibilibus: & eas à sensibus accipiat oportet: item non statim in principiis conclusiones intuetur: sed necesse est vt ratiocinando in eorum cognitione deueniat: ideo non potest statim veritatem contemplari: sed opus est vt habituale prius cognitionem accipiat eorum quæ nata est naturaliter cognoscere.

ADVERTENDVM tertio ex doctrina sancti Thomæ in q. de Ma. q. 16. art. 3. quòd cum mutatio non conueniat nisi existenti in potentia, non potest intellectus mutari de illa cognitione in oppositum, nisi ad eamque in potentia. videmus enim quòd intellectus noster non potest mutari à vera cognitione primorum principiorum in falsam, stante perfectione naturæ: quia non est in potentia ad eam, sed habet sibi à natura habitualiter inditam. cum ergo angelus non sit in potentia ad cognitionem eorum quæ natus est naturaliter cognoscere, sed omnium habitualem cognitionem actu habeat, non indigeatque ex naturaliter notis in aliqua sibi ignota deuenire: anima autem rationalis sit in potentia respectu conclusionis, in actu vero respectu primorum principiorum, & propterea indigeat à principiis



naturaliter notis ad ignotas conclusiones deuenire ratiocinando: Angelus apprehensionem circa naturaliter cognita immobilem habet, sicut nos primorum principiorum habemus notitiam: anima autem circa conclusiones mobilem habet apprehensionem: & quia (vt deducit ibidem sanctus Thomas) quod aduenit alicui, aduenit ei secundum modum suæ naturæ, etiam respectu supernaturalis boni Angelus immobilem apprehensionem habet, anima autem mobilem. ex hoc ulterius sequitur, quod cum voluntas intellectui proportionetur, Angelus immobilem etiam electionem habet: anima verò mobilem: quia videlicet ille immobiliter in eo quod semel elegit perseverat: anima verò potest ab illo quod elegit auerti.

ADVERTENDVM tamen quod cum dicimus primam electionem Angeli & primam eius apprehensionem immobilem esse, quod loquimur de perfecta & completa electione, similiter de perfecta & completa apprehensione, quæ videlicet dicit completum iudicium intellectus, non autem de imperfecta electione & imperfecta apprehensione: quod dico, quia videtur demon aliquando mutasse iudicium & electionem, sicut cum primo induxit ludæos ad occidendum Christum, postea voluit ipsam Christi passionem per uxorem Pilati impedire: sed hoc fuit, quia non habuit perfectum iudicium circa ea quæ Christi erant, sed dubium & incertum: & ideo nunc vnum bonum iudicabat, nunc alterum.

SED contra prædicta dubitatur. Arguit enim Scotus primò contra hoc quod dictum est obstinationem Angeli ex immobilitate apprehensionis eius provenire: quia cum intellectus Angelicus fuerit rectus in apprehendendo ante peccatum: sequitur quod nunquam potuisset peccare. Arguit secundò, quod per primam electionem non est factus impeccabilis: quia cum voluntas vt est prior naturaliter sua volitione, non aliter se habeat per hoc quod est sub actu volendi, quam prius: sequitur quod per illum actum volendi non se habet aliter in causando: & consequenter si primus actum volendi liberè elicit, etiam secundum elicit liberè. Arguit tertio, quod carere discursu non fit ratio immutabilitatis in Angelo: quia intellectus hominis ita immobiliter adhæret ei ad quod discursit, sicut Angelus illud sine discursu apprehendens, ita enim conclusionem certitudinaliter & absque dubio tenet, sicut Angelus ipsam tenet videndo eam in principiis sine discursu. Confirmatur per Aureolum, quia in principio falso potest quis apprehendere conclusionem falsam: nec tamè immobilizatur in ea.

AD primum horum dicitur, quod dupliciter possumus loqui de apprehensione & electione libera, scilicet aut de ea quæ est imperfecta & incompletè libera, aut de ea quæ est libera completè & perfectè. Cum ergo dicimus apprehensionem & electionem Angeli immobilem esse, intelligimus de completè & perfectè libera: quia ista est proprietas eius: non autem de libera incompletè. modò dicimus quod prima electio primæque apprehensio Angeli licet fuerit libera & meritoria, non fuit tamen completè libera: vnde non sequitur quod fuerit immobilis: & consequenter non sequitur quod si prima apprehensio Angeli fuerit recta, quod in sequenti instanti non poterit peccare.

VBI aduertendum est, quod sicut voluntas nostra necessariò inclinatur ad felicitatem in communi, ita quod non potest velle miseriam: ita voluntas Angeli in primo instanti suæ creationis erat determinata ad bonum: ita quod non poterat malè velle: in secundo verò instanti poterat & in bonum & in malum inclinari: vnde etiam in primo instanti Angelus posset habere actum liberum quantum ad exercitium actus, eò quod posset elicere vel nò elicere actum, non erat tamen ille actus perfectè liber, quia quantum ad specificationem erat determinatus ad vnum, cum non posset terminari nisi ad bonum: in secundo autem instanti poterat habere actum perfectè liberum, quia videlicet in potestate sua erat elicere vel nò elicere actum, & bene & malè elicere. Vnde post electionem in secundo instanti habitam voluntas Angeli immobilizata est.

EX hoc remouetur obiectio quæ fit contra sancti Thome primam partem, q. 63. articulo quinto ad 2. tenet Angelos omnes in primo instanti habuisse actum liberum & meritorium: articulo autem sexto ad tertium, inquit quod Angelus habet liberum arbitrium inflexibile post electionem. Videtur enim ex his sequi quod nullus Angelus peccauerit. Sed dicitur quod hoc non sequitur, quia cum dicitur Angelum habere liberum arbitrium inflexibile post electionem, intelligitur (vt diximus) de electione completè libera, quæ scilicet poterat elici & bene & malè: hoc autem modo in primo instanti non habuerunt omnes Angeli in primo instanti actum liberum, sed liberum tantum quo ad exercitium actus, & quo ad hoc bonum vel illud eligendum, determinatum autem ad bonum. Vnde non sequitur quod post illud meritum quod habuerunt in primo instanti, non poterint peccare in secundo instanti in quo omnimodam libertatem habuerunt etiam ad bonum & malum, sed quod post electionem habitam in secundo instanti, nec mali possunt bene velle, nec boni malè. Responsio autem quam dat Capreolus in secundo, distinctione quarta, conclusionem quinta, scilicet quod dictum sancti Thomæ, scilicet quod angelus habet liberum arbitrium inflexibile post electionem, intelligitur de electione ex puris naturalibus & secundum inclinationem solius naturæ elicitæ, non autem de electione elicitæ Deo per gratiam mouente angeli voluntatem ad supernaturalia, qualis fuit electio in primo instanti habitæ, non videtur mihi esse ad mentem sancti Thomæ. Nam in questionibus de malo, questione decima sexta, articulo quinto, ex eo quod voluntas angelorum naturaliter est immutabilis circa ea quæ ad ordinem naturæ pertinent, & omne quod aduenit alicui aduenit ei secundum modum suæ naturæ, concludit quod immobiliter perseverant in euerfione vel in conuerfione respectu supernaturalis boni. Ex his enim patet quod non solum electio secundum naturalem inclinationem elicitæ in ipsis est immobilis, sed etiam ea quæ Deo per gratiam mouente eius voluntatē ad supernaturalia producit.

NEC OBSTAT quod inquit in prima parte, quæst. 64. articulo primo: & secundo Sententiarum, distinctione vigesima tertia, questione prima, articulo primo, nullam creaturam posse fieri quæ sit impeccabilis per naturam: Et q. de veritate, questione vigesima quarta, articulo septimo, nullam posse esse creaturam cuius liberum arbitrium sit naturaliter confirmatum in bono. Illud enim intelligitur quod nulli creaturæ potest conuenire vt nunquam possit peccare, sed cuiuslibet conuenit ex sua natura vt aliquando peccare possit, non autem quin alicui creaturæ possit conuenire ex sui naturæ, vt post liberam electionem bonam non possit amplius in malum flecti. Ideo melius dicendū puto iuxta prædicta, quod illud dictum

intelligendum est de electione tam ex gratia, quam ex viribus naturalibus elicitæ, quæ est merè libera, quæ scilicet elicitur ab angelo pro illa misura in qua non est determinatus ad bonum, sed habet libertatem ad bene aut malè volendum: quod sanè conuenit angelo in secundo instanti sui esse, non autem in primo. Sicut autem dicimus de electione, ita de apprehensione angeli dicendum est.

Ad secundum negatur quod voluntas vt prior aliqua sua volitione elicienda non aliter se habeat prout est sub aliquo actu volendi quam prius: imò aliter se habet, quia antequam esset sub actu volendi perfectè libero, erat ad alios actus indeterminata, & in se ad nullum obiectum determinata erat in secundo instanti sui esse: ipsa autem posita sub primo actu perfectè libero necessitatur ad obiectum illius actus, & ad modum eius, ita quod non potest in oppositum: determinatur etiam & necessitatur ad hoc, vt omnes alij actus quos elicit, conformiter isti primæ electioni eliciantur: vnde voluntas ipsa sub illo primò actu existens & aliter se habet in se, & aliter in causando.

Ad tertium dicitur primò, quod carere discursu actuali in aliquo particulari, non est ratio immobilitatis angelorum, sed vniuersali. Carere discursu tam in actu quam in potestæ, ita quod quia angelus talis naturæ est, quod simul & principium & conclusionem apprehendit, nihilque cum discursu potest accipere, non habet viam reuocationis ab eo quod semel bonum esse iudicauit & elegit, vt superius diximus.

Dicitur secundò, quod intellectus humanus, licet aliquam conclusionem practicam certitudinaliter teneat veram vt nunc, non tamen ipsam absolute immobiliter veram tenet, quia potest aut ex passione aut ex alia occurrente ratione sibi manifestiore & probabiliore, vel alio modo in oppositum iudicium deduci, quod in angelo esse non potest, in quo passio locum non habet, & cui ratio ad oppositum deducens non potest occurrere, quum ad considerationem veritatis per ratiocinationem non deueniat.

AD confirmationem dicitur quod homo in principio falso videns falsam conclusionem, & vtrumque existimans esse verum, non immobilizatur in ea, quia potest per rationem & discursum deduci ad oppositum conclusionis viz in principio falso, & etiam in oppositum principij: angelus autem (vt dictum est) discurrere non potest, ideo non est similis ratio.

Quantum ad tertium remouet sanctus Thomas quandam tacitam obiectionem. Quia enim dictum est animam a corpore separatam immutabilem esse, quia immobiliter adhæret fini cui existens in corpore adhæserat, posset aliquis arguere quod si ista immutabilitas sibi conuenit dum est separata, sibi dum reunitur corpori non conuenit. Hoc autem remouet sanctus Thomas dicens quod animæ etiam in resurrectione postquam reassument corpora, immobilitatem voluntatis non amittent, quia tunc corpora secundum animæ exigentiam disponuntur, non autem econuerso.

ADVERTENDVM primò, quod hoc intelligendum est de animabus quæ dum separantur a corpore, ponuntur totaliter extra statum viæ, & quæ in vniuersali resurrectione assumunt corpora: non autem de iis quæ separantur ad modicum tempus iterum per diuinam dispositionem ad corpus reductæ, vt de anima Lazari fuit. tales enim animæ non ponuntur omnino extra statum viæ, & ideo dum reuniuntur ad corpus, mutabilem iterum accipiunt voluntatem.

ADVERTENDVM secundò, quod licet materia sit propter formam, & ideo oporteat ipsam secundum exigentiam formæ disponi: alia tamen est exigentia animæ in principio sue esse, & alia exigentia in resurrectione. in principio enim sui esse est exigentia tantum secundum naturæ conditionem, vnde vt per ipsum possit via sensuum cognitionem accipere, requirit naturaliter corpus ex contrariis compositum, quod secundum suam naturam est corruptibile: in resurrectione autem erit exigentia non tantum secundum naturæ conditionem, sed etiam secundum conditionem sibi diuinitus datam, quæ plenè corpori quantum ad esse dominari possit, vnde secundum quod ipsa immortalis & incorruptibilis erit, ita & corpus incorruptibile reassumet. Quod ergo hic dicitur quod corpora in resurrectione secundum exigentiam animæ disponuntur, intelligitur de exigentia animæ diuina virtute & dispositione perfectæ, non autem de exigentia secundum naturalem eius duntaxat conditionem. Cætera quæ ad hanc materiam spectant, vide apud Capreolum secundo Senten. dist. 7.

#### De finali iudicio. Cap. 96.

**E**X præmissis igitur apparet quod duplex est retributio pro iis quæ homo in vita gessit: vna secundum animam quam aliquis percipit statim cum anima fuerit a corpore separata: alia verò retributio erit in resumptione corporum secundum quod quidam impassibilia & gloriosa corpora, quidam verò passibilia resumēt & ignobilia. Et prima quidem retributio sigillatim fit singulis, secundum quod diuisim singuli moriuntur. Secunda autem retributio simul omnibus fiet, secundum quod omnes simul resurgent. Omnis autem retributio qua diuersa redduntur secundum diuersitatem meritorum, iudicium requirit. necesse est ergo duplex esse iudicium vnum quo diuisim singulis quantum ad animam redditur poena, vel præmium: aliud autem est commune, secundum quod quantum ad animam & corpus reddetur omnibus simul quod meruerunt. & quia Christus suæ humanitate secundum quam passus est & resurrexit, nobis & resurrectionem & vitam æternam promeruit: sibi competit illud commune iudicium quo resurgentes vel præmiantur vel puniuntur. propterea de eo dicitur Ioan. 5. Potestatem dedit ei iudicium facere, quia filius hominis est.

Oportet

Idem d. Sen.  
d. 57. q. 1. ar.  
t. 1.



Oportet autem iudicium proportionale esse his de quibus iudicatur; & quia finale iudicium erit de premio vel poena visibilium corporum, conueniens est ut illud iudicium visibiliter agatur. Vnde etiam Christus in forma humanitatis iudicabit, quam omnes possunt videre tam boni quam mali. visio autem diuinitatis eius beatos facit, ut in tertio ostensum est. vnde à solis bonis videri poterit iudicium autem animarum quia de inuisibilibus est, inuisibiliter agitur. Licet autem Christus in illo finali iudicio auctoritatem habeat iudicandi, iudicabunt tamē simul cum illo velut iudicis assessores, qui ei prae ceteris adhaerunt, scilicet Apostoli, quibus dictum est Matth. 19. Vos qui secuti estis me sedebitis super sedes iudicantes duodecim tribus Israel. quae promissio etiam ad illos extenditur qui Apostolorum vestigia imitantur.

\* Cap. 51.

## Super Cap. 96.

**P**OST QUAM determinauit sanctus Thomas de vniuersali resurrectione, consequenter de finali iudicio resurrectione, concomitante determinat. Circa hoc autem duo facit. Primum agit de ipso finali iudicio. Secundum de iis quae finale iudicium consequuntur. Quantum ad primum ponit quatuor conclusiones. Prima est: Necessae est esse duplex iudicium, vnum scilicet quo diuisim singulis quantum ad animam redditur poena vel premium. Aliud vero commune, quo quantum ad animam & corpus redditur omnibus simul quod meruerunt. Probatur. Duplex est retributio pro iis quae homo in vita gessit. Vna scilicet secundum animam, quam aliquis percipit statim quum anima fuerit à corpore separata, quae sigillatim fiet. Alia vero erit in reasumptione corporum, secundum quod quidam impassibilia & gloriosa corpora, quidam vero passibilia resument & ignobilia, quae simul omnibus fiet, ergo, &c. Probatur consequentia, quia omnis retributio quae diuersa redduntur secundum diuersitatem meritorum, iudicium requirit.

ADVERTENDVM primum, quod conclusio haec intelligitur non de necessitate absoluta, sed de necessitate congruentiae. Aduertendum secundum ex doctrina sancti Thomae, Quarto, dist. 47. quæst. 1. art. 1. quæstione. 2. quod sicut particulare iudicium fit singulariter de vnoquoque, in quantum est singularis persona, ita commune iudicium de vnoquoque fiet secundum quod est pars totius humani generis, sicut etiam secundum humanam iustitiam dicitur quod iudicari, quando iudicium datur de communitate cuius ipse est pars, vnde & propria sententia illius generalis iudicii erit vniuersalis separatio bonorum à malis. Propterea bene dicitur hic quod per commune iudicium redditur omnibus simul quantum ad corpus & animam quod meruerunt.

Secunda conclusio est: Illud commune iudicium quo resurgentes vel premiantur vel puniuntur, competit Christo, & intelligitur secundum humanam naturam. Probatur, quia Christus sua humanitate secundum quam passus est & resurrexit, iudis & resurrectionem & vitam æternam promeruit.

Confirmatur per illud Ioannis 5. Potestatem dedit ei iudicium facere, &c.

ADVERTENDVM primum ex doctrina sancti Thomae, 3. parte, q. 99. art. 2. & in 4. Sent. dist. 48. quæst. 1. art. 1. quod dupliciter iudicium alicui conuenit. Vno modo tanquam habenti primariam auctoritatem iudicandi: alio modo tanquam cui committitur iudicare ab habente primariam auctoritatem. Primum ergo modo conuenit Christo iudicare, in quantum est Deus iudicare vero secundo modo sibi conuenit in quantum est homo, qui est totius ecclesiae caput. Vnde rationes Scoti in quarto, dist. 48. q. 1. quibus probatur non conuenire Christo secundum humanam naturam iudicare primariam & supremam auctoritatem, contra mentem sancti Thomae non procedit. Aduertendum secundum, quum arguitur Christo conuenire iudicariam potestatem, quia nobis & resurrectionem & vitam æternam promeruit, quod non intelligitur de merito cum exclusione causae efficientis, sed cum eius inclusione. Quia enim Christus nobis ista meruit & efficienter causauit secundum humanitatem, in quantum erat diuinitatis instrumentum: ideo meruit ut sibi potestas iudicandi inter bonos & malos traderetur. Propterea rationes Scoti quibus probatur male probatur Christo conuenire iudicariam potestatem eo quod nobis salutem meruerit, non procedunt contra nos, quia procedunt ac si diceremus Christum fuisse solam causam meritoriam salutis, & nullo modo causam efficientem. Tertia conclusio est: Conueniens est ut illud iudicium visibiliter agatur, id est, quod fit visibilis omnium congregatio, & visibilis separatio bonorum à malis. Probatur. Finale iudicium erit de premio vel poena visibilium corporum, ergo, &c. probatur consequentia, quia oportet iudicium proportionale esse iis de quibus iudicatur.

Confirmatur primum, quia etiam Christus in forma humanitatis iudicabit, quam omnes possunt videre tam boni quam mali, licet eius diuinitas cuius visio beatos facit, à solis bonis possit videri. Confirmatur secundum, quia iudicium animarum, quia de inuisibilibus est, inuisibiliter agitur.

ADVERTENDVM circa antecedens rationis, quod in hoc finali iudicio non sentiantur de poena vel premio animae proprie & per se, quia hoc statim cum à corpore separatur, efficitur, sed de poena vel premio corporis, quod ab anima reassumitur non amplius deponendum, & cui conuenit cum anima puniri aut premiari, sicut & eius instrumentum fuit dum peccaret, & bonum ageret: ideo bene dicitur quod finale iudicium erit de poena vel premio visibilium corporum.

Vtrum autem mali sint visuri Christi diuinitatem, vide doctorem S. in quarto, dist. 48. quæst. 1. art. 3. ad primum. Quarta conclusio, simul cum Christo iudicabunt velut iudicis assessores, Apostoli, & qui eorum vestigia imitantur. probatur, quia Christo prae ceteris adhaerunt. Confirmatur per illud Matth. 19. Vos qui secuti estis, &c.

AD huius conclusionis euidentiam considerandum primum, quod per

eos qui apostolorum vestigia imitantur, intelligendi sunt, non quidem omnes Christiani etiam boni sed perfecti viri, qui scilicet alios sanctitatem peccellunt, ut dat intelligere sanctus Thomas in 4. Sent. dist. 47. quæst. 1. art. 2. quæstione. 1. Considerandum secundum ex doctrina sancti Thomae ibidem, quod cum dicitur Apostolos & sanctos iudicatos cum Christo, non intelligitur quasi ipsi habeant in alios sententiam ferre propria auctoritate, (hoc enim solius Christi est) sed quia sententia à Christo auctoritate propria lata, in aliorum notitia ducent, quod est pronunciare sententiam, ducent enim alios in diuina iusticie cognitionem, ut sciant quid eis iuste debeatur. vnde ad hoc influendum dicit sanctus Thomas hoc loco, q. Christus habet auctoritatem iudicandi, apostoli vero simul iudicabunt assessores.

ATTENDENDVM tamen quod in illo iudicio duplex erit sententia. Vna videlicet generalis, qua mali igni æterno adiudicabuntur, boni vero celestibus sedibus: quam quidem probabile est faciendam esse vocaliter: & quia hæc voce Christi fiet omnibus manifesta, non pronuntiabitur per assessores. Alia vero erit particularis, qua vnusquisque tali poenae aut tali premio iudicabitur, quæ quidem mentaliter fiet, & de hac intelligitur quod per assessores manifestabitur vnique, scilicet per modum intelligibilis reuelationis, eo modo quo vnus Angelus alteri aliquid intelligibiliter manifestat.

## De statu mundi post iudicium.

## Caput. 97.



**P**RACTO igitur finali iudicio natura humana totaliter in suo termino constituetur. Quia verò omnia corporalia facta sunt quodammodo propter hominem, ut in tertio libro \* est ostensum: tunc etiam totius creaturæ \* Cap. 81.

corporeæ conueniens est ut status immutetur: ut congruat statui hominum qui tunc erunt: & quia tunc homines incorruptibiles erunt, à tota creatura corporali tolletur generationis & corruptionis status. Et hoc est quod dicit Apostolus Rom. 8. quod ipsa creatura liberabitur à seruitute corruptionis in libertatem gloriæ filiorum Dei. Generatio autem & corruptio quæ est in inferioribus corporibus, ex motu cæli causatur. Ad hoc igitur quod in inferioribus cesset generatio & corruptio, oportet quod etiam motus cæli cesset: & propter hoc dicitur Apoc. 10. quod tempus amplius non erit. non debet autem impossibile videri quod motus cæli cesset. non enim motus cæli sic est naturalis, sicut motus grauium & leuium: ut ab aliquo interiori actui principio inclinetur ad motum: sed dicitur naturalis in quantum habet in sua natura apertudinem ad talem motum. principium autem illius motus est aliquis intellectus, ut in tertio ostensum est. mouetur igitur cælum sicut ea quæ à voluntate mouentur: voluntas autem mouet propter finem: finis autem motus cæli non potest esse ipsum moueri: motus enim quum semper in aliud tendat, non habet rationem ultimi finis. Nec potest dici quod finis celestis motus sit ut corpus celeste reducatur secundum vbi de potentia in actum: quia hæc potentia nunquam potest tota in actum reduci: quia dum corpus celeste est actu in vno vbi, est in potentia ad aliud: sicut est de potentia materiæ primæ respectu formarum. Sicut igitur finis naturæ in generatione non est reducere materiam de potentia in actum, sed aliquid quod ad hoc consequitur, scilicet perpetuitas rerum, per quam ad diuinam similitudinem accedunt: ita finis motus celestis non est reduci de potentia in actum, sed aliquid consequens ad hanc reductionem, scilicet assimilari Deo in causando, omnia autem generabilia & corruptibilia quæ causantur per motum cæli, ad hominem ordinantur quodammodo sicut in finem, ut in tertio ostensum est. \* motus igitur cæli præcipue est \* Cap. 81.

propter generationem hominum. in hoc enim maximam diuinam similitudinem consequitur in causando, quia forma hominis, scilicet anima rationalis, immediate creatur à Deo, ut in secundo ostensum est. \* non autem potest esse finis multiplicatio animarum in infinitum: quia infinitum contrariatur rationi finis. nihil igitur inconueniens sequitur si certo numero hominum completo, ponamus motum cæli cessare.

Cessante tamē motu cæli, & generatione & corruptione ab elementis, eorum substantia remanebit ex immobilitate diuinæ bonitatis. creauit enim res ut essent: vnde esset rerum quæ aptitudinem habent ad perpetuitatem, in perpetuum remanebit. Habent autem naturam ut sint perpetua secundum

D. 690.

\* Cap. 22.

\* Cap. 81.

\* Cap. 87.



secundum totum & partem corpora coelestia, elementa vero secundum totum, licet non secundum partem, quia secundum partem corruptibilia sunt: homines vero secundum partem, licet non secundum totum. nam anima rationalis incorruptibilis est: compositum autem corruptibile. Hæc igitur secundum substantiam remanebunt in ultimo illo statu mundi, quæ quoquo modo ad perpetuitatem aptitudinem habent, Deo supplente sua virtute quod eis ex propria infirmitate deest. alia vero animalia & plantæ, & corpora mixta quæ totaliter sunt corruptibilia, & secundum totum & partem, nullo modo in ipso incorruptionis statu remanebunt. Sic igitur intelligendum est quod Apostolus dicit 1. Corinth. 7. Præterit figura huius mundi, quia hæc species mundi quæ nunc est, cessabit, substantia vero remanebit. Sic etiam intelligitur quod dicitur Iob 14. Homo quum dormierit, non resurget, donec atteratur coelum, id est, donec ista dispositio cœli cesset qua mouetur, & in aliis motum causat.

Quia verò inter alia elementa maxime actiuum est ignis, & corruptibilium consumptiuum: consumptio eorum quæ in futuro statu remanere non debent, conuenientissime fiet per ignem. Et ideo secundum fidem ponitur quod finaliter mundus per ignem purgabitur non solum à corruptibilibus corporibus: sed etiam ab infectione quam locus iste incurrit ex habitatione peccatorum: & hoc est quod dicitur 2. Petri 3. Cœli qui nunc sunt & terra, eodem verbo repositi, sunt igni reseruati in diem iudicii: vnde per cœlos non ipsum firmamentum intelligamus, in quo sunt sydera siue fixa, siue errantia, sed istos cœlos aëreos terræ vicinos.

Quia igitur creatura corporalis finaliter disponetur per congruentiam ad hominis statum, homines autem non solum à corruptione liberabuntur, sed etiā gloria induentur, vt ex dictis patet: oportebit quod etiam creatura corporalis quandam claritatis gloriam suo modo consequatur. Et hinc est quod dicitur Apocalypsis 21. Vidi cœlum nouum, & terram nouam, & Isa. 55. Ego creabo cœlos nouos, & terram nouam, & non erunt in memoria priora, & non ascendet super cor: sed gaudebitis & exultabitis vsque in sempiternum. Amen.

Super Cap. 97.



**P**OTQVAM de finali iudicio determinauit sanctus Thomas, consequenter de statu mundi post iudicium determinat, & ponit sex conclusiones. Prima est, Peracto finali iudicio, à tota creatura corporali tollitur generatio & corruptionis status, id est, nulla deinceps generatio erit, aut corruptio. Probatur sic: Conueniens erit vt totius creaturæ corporeæ status immutetur, vt congruat hominum statui, ergo &c. probatur antecedens, quia omnia corporalia facta sunt quodammodo propter hominem: tunc autem natura humana totaliter in suo termino constituitur, consequentia verò probatur, quia tunc homines incorruptibiles erunt.

**ADVERTENDVM** primò, quod cum omnia corporalia aliquo modo ad hominem ordinentur, & ideo oporteat omnia statui hominis adaptari, sicut homo in finali iudicio mutabit statum, quia non remanebit amplius in via, sed in suo ultimo termino constituetur, ita oportet vt omnia corporalia à suo statu mutentur, adaptenturque illi hominum statui, & hic est sensus probationis antecedentis. Attendendum secundò, quod non dixit sanctus Th. absolute omnia corporalia esse propter hominem, sed addidit quodammodo, vt daret intelligere hominem non esse finem principalem earum rerum, sed secundariū, modo quo in præcedentibus est ostensum. Attendendum tertio, quod idem status est generationis & corruptionis rerum: nam natura non operatur ad generationem, nisi propter conseruationem speciei quorum indiuidua per successiuam corruptionem deficiunt: vnde videmus in rebus incorruptibilibus, cuiusmodi sunt corpora coelestia, generationem non esse: propterea volens sanctus Thomas ex similitudine ad statum hominum post iudicium inferre non esse amplius generationis & corruptionis statum, probat, quia tunc homines erunt incorruptibiles, per hoc intelligens quod etiam tunc hominum generatio non erit. Confirmatur per illud quod dicitur Ro. 8. quod, scilicet ipsa creatura liberabitur, &c. Secunda conclusio est: Cessabit etiam tunc motus cœli. Probatur, quia generatio & corruptio quæ est in inferioribus corporibus, ex motu cœli causatur, supple, & ad ipsam generationem & corruptionem cœli motus ordinatur. Ostensum est autem quod illa cessabunt. Confirmatur, quia dicitur Apoc. 10. quod tempus amplius non erit.

**CONTRA** hanc conclusionem posset aliquis instare dicens impossibile esse vt motus cœli cesset, cum sit naturalis. sed ad hoc respondet sanctus Th. & dicit primò, quod motus cœli non est naturalis ex aliquo interiori principio actiuo, sicut motus grauium & leuium, sed quia cœlum ad talem motum in sua natura aptitudinem habet: mouetur autem ab intellectu & voluntate. Dicit secundò, quod cum voluntas moueat propter finem, motus cœli finis neque potest esse ipsum moueri, quia cum motus semper in

aliud tendat, non habet rationem vlt. finis, neque reductio corporis coelestis secundum vbi de potentia in actum: quia cum hæc potentia nunquā possit tota in actum reduci, eod quod cœlum dum est actu in vno vbi, sit in potentia ad aliud, quemadmodum est de potentia materiæ: respectu formarum, sicut finis naturæ in generatione non est reducere materiam de potentia in actum, sed aliquid ad hoc consequens, scilicet perpetuitas rerum per quam ad diuinam similitudinem accedunt, ita finis coelestis motus non est cœlum reduci de potentia in actum, sed aliquid ad hoc consequens, scilicet assimilari Deo in causando. Dicit tertio, quod cum omnia generabilia & corruptibilia quæ causantur per motum cœli, ad hominem quodammodo ordinentur sicut ad finem, motus cœli præcipue est propter hominum generationem, in quo maxime diuinam similitudinem consequitur in causando, cum anima rationalis immediate creetur à Deo. Dicit quartò, quod cum hic finis non sit multiplicatio animarum in infinitum, eod quod infinitum rationi finis contrarietur, nihil inconueniens sequitur si certo numero hominum completo ponamus motum cœli desinere.

**ADVERTENDVM** primò, quod ex primo dicto vult habere sanctus Thomas rationem permanentis motus cœli non posse sumi ex aliqua natura coelestis corporis, cum in eo sit principium tantum passiuum motus, non autem actiuum, sed ex principio actiuo separato, quod cum agat propter finem, oportet rationem huiusmodi permanentiæ ex fine accipere. Si enim congruat eius fini quod aliquando terminetur, cœlum quadoque quiescet: si autem non conueniat quies, motus erit sempiternus.

**ADVERTENDVM** secundò, quod finis motus cœli non ponitur à nobis similitudo ad Deum in causando per motum absolute, sicut quidam philosophi posuerunt: sic enim oportet dicere motum cœli esse perpetuum, quia hunc finem non consequeretur cœlum, nisi dum actualiter moueretur. Nam cessante motu cœlum non haberet suum finem, sed magis cessaret eius finis, quia non assimilaretur Deo in causando, eod quod tunc nihil causeret: sed ponitur similitudo ad Deum in causando hominum multiplicationem vsque ad determinatum numerum electorum: ideo ponimus quod habito hoc fine, scilicet completo numero electorum per generationem virtute motus cœli prouenientem, motus cœli cessabit, ideo postquam dixit sanctus Thomas finem motus cœli esse assimilari Deo in causando, ne quis putaret hoc esse absolute intelligendum, addidit præcipue ordinari hunc motum ad hominum generationem, & multiplicationem animarum, non quidem in infinitum, sed vsque ad determinatum numerum. Aduertendum tertio, quod cum in generatione hominis duo sint, scilicet dispositio corporis pro anima intellectiva suscipienda, & introductio intellectus in materiam dispositam, ipsa animæ productio est à Deo animam creatante: ipsa verò corporis dispositio est à generante & motu cœli: vnde homo productus, est effectus hominis generantis atque motus cœli, & effectus Dei per se & immediate vnus eius partem producentis: & ideo dum cœlum per suum motum ad hominis generationem operatur, maxime assimilatur Deo in causando, quia ad eundem effectum cum Deo aliquo modo concurrat, scilicet ad animam à Deo immediate creatam vnionem cum materia, propterea bene arguit sanctus Thomas esse maximam assimilationem cœli ad Deum, quum ad hominis generationem operatur, quia anima rationalis immediate creatur à Deo.

**SED** circa id quod dictum est graui & leuiab, aliquo interiori principio actiuo inclinari ad motum, dubium occurrit. Oppositum enim huius videtur dicere sanctus Tho. primo Cœli. lec. Tertia super tex. 5. secundo Cœli. lec. 2. super tex. 9. & tertio Cœli. lec. sexta. super text. 21. Item tertia parte. quæst. 32. art. 4.

Ad huius euidentiam considerandum est, quod cum ad motum graue concurrat generans graue tanquam mouens, graue tanquam quod mouetur, & forma grauitatis tanquam id quo fit motus: dupliciter potest grauitas considerari. Vno modo vt se tenet ex parte generantis, tanquam scilicet id quo mediante generans causat motum: alio modo vt se tenet ex parte ipsius grauis, vt scilicet est id ex quo in graui naturaliter motus resultat. si primo modo consideretur, sic habet rationem principij actiui quo est enim id quo generans mouet grauiam, sicut qualitas impressa ferro à magne, est id quo magnes ad se trahit ferrum. Si autem secundo modo consideretur, sic habet rationem principij passiui, non enim est principij quo graue moueat, sed quo à generante mouetur. Ad primum ergo sensum loquitur hoc loco sanctus Th. Vnde & de potentia quæst. 5. articulo quinto dicit, quod formam corporis elementaris sequitur motus, sicut & alie proprietates ex essentialibus principiis consequuntur, & in eis generans dicitur esse mouens, in quantum dat formam quam consequitur motus. In aliis verò locis loquitur ad secundum sensum. Tertia conclusio est. Cessante motu cœli & generatione & corruptione ab elementis, eorum substantia remanebit. Probatur. In ultimo illo statu mundi remanebunt secundum substantiam, quæ quoquo modo ad perpetuitatem aptitudinem habent, Deo supplente quod eis ex propria infirmitate deest. sed elementa verò secundum totum, non autem secundum partem, cum secundum partem corruptibilia sint, homo verò secundum partem, scilicet secundum animam intellectuam, non autem secundum totum.

**CIRCA** probationem maioris, aduertendum sensum eius esse, quod cum diuina bonitas creauerit res vt essent, secundum quod voluit illas esse, ita eis ad esse naturam & aptitudinem dedit. ideo si aliquibus dedit aptitudinem secundum naturam ad esse perpetuum, signum est quod illas voluit habere esse perpetuum, si autem aliquibus non dedit ad esse perpetuum aptitudinem, signum est quod illa non produxit ad perpetua essent. cum ergo diuina voluntas immobilis sit, oportet dicere quod illa perpetuò secundum substantiam maneat, quæ ad perpetuitatem secundum naturam aptitudinem habent.

**ADVERTENDVM** secundò, quod iccirco addit sanctus Thomas Deo supplente, &c. quia cum (vt dictum est superius) post finale iudicium nulla sit generatio & corruptio, illud quod aliquo modo est incorruptibile & perpetuum, & aliquo modo corruptibile, necesse est vt diuina virtute omnino incorruptibile fiat, cum hoc sibi ex propria virtute conuenire non possit. vnde elementa quæ secundum partem sunt corruptibilia, sicut diuina virtute etiam secundum partem incorruptibilia: & homo



homo qui secundum totum, id est, in compositum est corruptibilis, sed virtute secundum totum incorruptibilis: & sic in omnibus quorum substantia post finale iudicium remanebit, supplebitur diuina virtute quod eis ad omnimodam incorruptibilitatem deest.

Quarta conclusio est. Alia animalia ab homine, plantæ & corpora mixta, nullo modo in illo incorruptionis statu remanebunt, probatur, quia sunt corruptibilia & secundum totum, & secundum partem. Ex prædictis infert sancti Thomæ intellectum illius quod dicitur primæ ad Corinth. 3. scilicet. Præterit figura huius mundi, intelligitur enim quod species mundi, id est status huius corruptionis qui nunc est, cessabit, remanebit vero substantia. Similiter quod Iob 14. dicitur: Donec ardeatur cælum, intelligitur donec ista cæli dispositio cesset, qua mouetur, & in aliis motu causat.

Sed occurrit dubium contra prædictam conclusionem. Si enim corpora mixta post finale iudicium non remanebunt, videtur quod eorum naturalis appetitus qui est ad perpetuitatem secundum speciem, & propter quem est generatio, erit frustra.

Respondet sancti Thomæ in 4. Sent. dist. 48. quæst. 2. art. 5. ad 5. quod iste appetitus naturalis mixtorum non est ad perpetuitatem simpliciter, sed in ordine ad motum cæli, ut scilicet tantum in esse permaneant quantum motus cæli durabit: ideo non est frustra, si illa, cessante motu cæli, non permaneant. De hac conclusione & præcedenti egregie determinat sancti Thomæ in 4. Et in quæst. de Potent. quæst. 5. loco præallegato.

QUINTA conclusio est: Consumptio eorum quæ in futuro statu remanere non debent, conuenientissime fiet per ignem. Probatur, quia ignis inter omnia elementa est maxime actiuus, & corruptibilium consumptiuus. Ex hoc autem infertur quod idcirco secundum fidem ponitur conuenienter, quod finaliter mundus per ignem purgabitur non solum à corruptibilibus corporibus, sed etiam ab infectione quam locus iste ex inhabitatione peccatorum incurrit: iuxta illud 2. Pet. 3. Cæli qui nunc sunt, & terra, &c. nomine cæli intelligendo istos cælos aëreos terræ vicinos.

AD euidentiam huius conclusionis, considerandum primò ex doctrina

sancti Thomæ in 4. dist. 47. quæst. 2. art. 1. quæst. iunc. 3. ad 2. quod iste ignis qui vniuersum purgabit, erit eiusdem speciei cum igne elementari, in hoc tantum differens ab illo quod sibi de materia aliena admiscebitur, & generabitur, secundum mentem Augustini 20. de ciuitate Dei, ex congregatione virtute diuina facta omnium causarum superiorum & inferiorum habentium igniendi naturam: unde & virtus illa purgandi faciem mundi non erit illi igni naturalis: sed conueniet sibi virtute diuina, cuius erit instrumentum. Considerandum secundò, quod quauis res corporalis subiectum infectionis culpæ esse non possit in ipsa tamen culpa quædam incongruitas relinquitur ad hoc ut rebus spiritualibus dedicetur: unde & loca in quibus aliqua crimina sunt commissa non reputantur idonea ad aliqua sacra in eis exequenda. Cum ergo hic dicitur ignem esse purgaturum hunc locum ab infectione ex inhabitatione peccatorum contracta: per infectionem non est intelligenda aliqua culpa ipsi inherens loco, sed ineptitudo quædam ad gloriæ corporum susceptionem, quæ purgatione ignis eliminabitur.

ATTENDENDVM verò ex doctrina sancti Thomæ loco præallegato, quod illa ignis conflagratio quantum ad sui initium iudicium præcedet, sed quantum ad hoc quod corpora inuoluet impiorum, iudicium sequetur. Sexta conclusio est. Creatura corporalis quandam claritatis gloriæ suo modo consequetur. probatur: quia creatura corporalis finaliter disponitur per congruentiam ad hominis statum, homines autem non solum à corruptione liberabuntur, sed etiam gloriæ induentur, ut ex dictis patet. Confirmatur per illud Apoc. 21. Vidi cælum nouum, & terram nouam: & per illud Isa. 65. Ego creabo, &c.

ADVERTENDVM quod addidit S. Th. in cōclusionē, suo modo, ut daret intelligere non omnia corpora æqualiter esse luce perficienda, sed vnumquodque suo modo, id est, secundum conuenientiam suæ naturæ. Nam, ut dicitur, terra erit in superficie exteriori peruiā ut vitrum, aqua sicut crystallus, aër ut cælum, ignis verò ut luminaria cæli, ad quæ nos Deus suā clementia, & meritis diuī Thomæ Aquinatis dignetur perducere. Amen.

*Quarti & vltimi libri, Summæ D. Thomæ Aquinatis, de Veritate Catholica fidei aduersus  
Gentiles, cum Commentarijs fratris Francisci Ferrariensis ordinis  
predicatorum Generalis Magistri, Finis.*



THE HISTORY OF THE  
CITY OF LONDON  
FROM THE FOUNDATION  
TO THE PRESENT  
TIME  
BY  
JOHN STOW  
1618

THE HISTORY OF THE  
CITY OF LONDON  
FROM THE FOUNDATION  
TO THE PRESENT  
TIME  
BY  
JOHN STOW  
1618

THE HISTORY OF THE  
CITY OF LONDON  
FROM THE FOUNDATION  
TO THE PRESENT  
TIME  
BY  
JOHN STOW  
1618



